

NF. 718. a. 19.

National Library of Scotland



B000501643





LEABHRAICHEAN

AN

T-SEANN TIOMNAIDH,

AIR AN TARRUING

ON CHEUD CHANAIN

CHUM GAELIG ALBANNAICH;

AGUS

AIR AN CUR A MACH LE H-UGHDARRAS ARD-SHEANAIDH EAGLAIS
NA H-ALBA

THE NATIONAL BIBLE SOCIETY OF SCOTLAND:

HEAD OFFICES: 5 ST. ANDREW SQUARE, EDINBURGH;
AND 224 WEST GEORGE STREET, GLASGOW.

1891

Gaelic Bourgeois 8vo Bible.

NATIONAL LIBRARY OF SCOTLAND
4
1970

ABBREVIATIONS AND MARKS.

A' for "an" the article, as "a' bhean" *the woman*, for "an bhean."

A' for "ag," sign of the pres. part. of verbs beginning with a consonant, as "a' bualadh" *striking*, but "ag òl" *drinking*.

A' for "ann" *in*, as "a'd' cheann" *in thy head*, for "ann d'ò cheann."

A for "as" *out of*, marked with an acute accent, as "à teine" *out of fire*.

'Ar for "thar" *over, above*, as, "deich 'ar fhichead" *thirty*.

B' for "bu" *was*, as "b'e" *he was*.

C' for "cia" *who, what*, as "c'àit" *where or in what place?* "c'uin" *when or at what time?*

D' for "do" *thy, thine*, as "d'athair" *thy father*; for "do" preposition *to* for "de" the preposition *of*.

D' dh' for "do" sign of the preterite tense of verbs, as "an d'aidich e" *has he confessed?* "dh'aidich mi" *I have confessed*.

'G for "ag" sign of the pres. part. of verbs, as "'g a dheanamh" *doing it*.

'G' for "gu" *to*, as "g'a cheann" *to the end thereof*.

M' for "mo" *my*, as "m'anam" *my soul*.

M' for "mu" *about*, as, "m'a cheann" *about his head*.

'N a for "ann a" *in his*, as "'n a chridhe" *in his heart*.

'N an for "ann an" *in their*, as "'n an tighibh" *in their houses*.

'N ar for "ann ar" *in our*, as "'n ar dùthaich" *in our country*.

'N 'ur for "ann bhur" *in your*, as "'n 'ur fear-ann" *in your land*.

'N uair for "an uair" *in the time, when*.

'R for "ar" *our*, as "o'r sinnsiribh" *from our ancestors*.

'R for "bhur" *your*, as "le'r sinnsiribh" *with your ancestors*.

R' for "ri" *to*, as "r'ar guth" *to our voice*.

'S an, s a' for anns an" *in the*, as "'s an àm" *in the time*, "'s a' bhaile" *in the city*.

'S na for "anns na" *in the*, as "'s na coilltibh" *in the woods*.

(') Grave accent. Vowels marked with this accent are always sounded long; and such as are not are generally sounded short.

(') Acute accent. When the vowel *e* is sounded like *ai* in pain, or the Latin *æ* in Phœbus, as the Scotch pronounce it, it is commonly marked with this accent.

(') Apostrophe. When there is an elision of one or more letters, it is usually marked with an apostrophe. Thus when the preceding word ends or the following word begins with a vowel, there is an elision of the possessive pronoun "a," as "le 'shùil" *with his eye* for "le a shùil;" "call 'anama" *the loss of his soul* for "call a anama." A few Gaelic words admit of a final vowel, or not, as the euphony requires it, as "àit" or "àite" *a place*, "naomh" or "naomha" *holy*, "fad" or "fada" *long*, "camp" or "campa" *a camp*; but as these final vowels are not essential to the words, their absence is not always marked with an apostrophe.

LEABHRAICHEAN

AN

T-SEANN TIOMNAIDH

	Caib.		Caib.
GENESIS ; <i>anns am bheil</i> ,	50	Ecclesiastes,	12
Ecsodus,	40	Dàn Sholaimh,	8
Lebhiticus,	27	Isaiah,	66
Aireamh,	36	Ieremiah,	52
Deuteronomi,	34	Tuircadh,	5
Iosua,	24	Eseciel,	48
Breitheamhna,	21	Daniel,	12
Rut,	4	Hosea,	14
1 Samuel,	31	Ioel,	3
2 Samuel,	24	Amos,	9
1 Rìgh,	22	Obadiah,	1
2 Rìgh,	25	Ionah,	4
1 Eachdraidh,	29	Micah,	7
2 Eachdraidh,	36	Nahum,	3
Esra,	10	Habacuc,	3
Nehemiah,	13	Sephaniah,	3
Ester,	10	Hagai,	2
Iob,	42	Sechariah,	14
Sailm,	150	Malachi,	4
Gnàth-fhocal,	31		

LEABHRAICHEAN

AN

TIOMNAIDH NUAIDH.

	Caib.		Caib.
AN SOISGEUL A REIR MHATA, <i>anns am bheil</i> , 28		1 Thimoteuis,	6
An Soisgeul a réir Mharcuis,	16	2 Thimoteuis,	4
An Soisgeul a réir Lucais,	24	Thituis,	3
An Soisgeul a réir Eoin,	21	Philemoin,	1
Gnìomharan nan Abstol,	28	Nan Eabhruidheach,	13
Litr an Abstoil Phoil chum nan Romanach, 16		Litr an Abstoil Sheumais,	5
1 Corintianach,	16	1 Litr an Abstoil Pheadair,	5
2 Corintianach,	13	2 Litr an Abstoil Pheadair,	3
Galatianach,	6	1 Litr an Abstoil Eoin,	5
Ephesianach,	6	2 Litr an Abstoil Eoin,	1
Philipianach,	4	3 Litr an Abstoil Eoin,	1
Colosianach,	4	Litr an Abstoil Iudais,	1
1 Tesalonianach,	5	Taisbeanadh an Abstoil Eoin,	22
2 Tesalonianach,	3		

CEUD LEABHAR MHAOIS,

D'AN AINM

GENESIS

CAIB. I.

1 *Cruthachadh nan nèamh agus na talmhainn,*
3 *An t-soluis,* 14 *Na gréine, na gealaich, agus*
nan reult, 20 *Eisg agus eunlaith,* 24 *Spréidh*
agus bheathaichean eile na talmhainn, 29 *agus*
cruthachadh an duine ann an coslas Dhé.

AN toiseach chruthaich Dia na nèamhan agus an talamh.

2 Agus bha 'n talamh gun dealbh agus falamh; agus bha dorchadas air aghaidh na doimhne: agus bha Spiorad Dhé a' gluasad air aghaidh nan uisgeachan.

3 Agus thubhairt Dia, Bitheadh solus ann: agus bha solus ann.

4 Agus chunnaic Dia an solus, gu 'n robh e maith: agus chuir Dia dealachadh eadar an solus, agus an dorchadas.

5 Agus thug Dia mar ainm air an t-solus, Là, agus air an dorchadas thug e mar ainm, Oidheche: agus b'iad am feasgar agus a' mhaduinn an ceud là.

6 Agus thubhairt Dia, Bitheadh athar 'am meadhon nan uisgeachan, agus cuireadh e dealachadh eadar uisgeachan agus uisgeachan.

7 Agus rinn Dia an t-athar, agus chuir e dealachadh eadar na h-uisgeachan a bha fo 'n athar, agus na h-uisgeachan a bha os ceann an athair: agus bha e mar sin.

8 Agus thug Dia mar ainm air an athar, Neamh: agus b'iad am feasgar agus a' mhaduinn an dara là.

9 Agus thubhairt Dia, Bitheadh na h-uisgeachan a tha fo nèamh air an cruinneachadh dlà'ion àite, agus leigear ris an tìr thioram: agus bha e mar sin.

10 Agus thug Dia mar ainm air an tìr thioram, Talamh, agus air cruinneachadh nan uisgeachan thug e mar ainm, Fairgeachan: agus chunnaic Dia gu 'n robh e maith.

11 Agus thubhairt Dia, Thugadh an talamh a mach fear, huibh a ghincas sìol, craobhmheas a bheir a mach meas a réir a gnè, aig am bheil a sìol innte féin air an talamh: agus bha e mar sin.

12 Agus thug an talamh a mach fear, huibh a ghincas sìol a réir a gnè, agus craobh a bheir a mach meas, aig am bheil a sìol innte féin a réir a gnè: agus chunnaic Dia gu'n robh e maith.

13 Agus b'iad am feasgar agus a' mhaduinn an treas là.

14 Agus thubhairt Dia, Bitheadh soluis ann an speuraibh nèimh a chur dealachaidh eadar an là agus an oidheche, agus bitheadh iad air son chomharan, agus air son aimsircan, agus air son lathèan, agus bhliadh-nachan.

15 Agus bitheadh iad mar sholusaibh ann an speuraibh nèimh, a thoirt soluis air an talamh: agus bha e mar sin.

16 Agus rinn Dia dà sholus mhòr, an solus a's mò a riaghladh an là, agus an solus a's lugha a riaghladh na h-oidheche; agus na reultan.

17 Agus shuidhich Dia iad ann an speuraibh nèimh, a thoirt soluis air an talamh,

18 Agus a riaghladh 's an là, agus 's an oidheche, agus a chur dealachaidh eadar an solus agus an dorchadas: agus chunnaic Dia gu'n robh e maith.

19 Agus b' iad am feasgar agus a' mhaduinn an ceathramh là.

20 Agus thubhairt Dia, Thugadh na h-uisgeachan a mach gu pailt an creutair gluasach anns am bheil beathia, agus bitheadh eunlaith ag itealach os ceann na talmhainn air aghaidh speuran nèimh.

21 Agus chruthaich Dia mucan-mara mòra, agus gach uile chreutair beò a ghluaiscas, a thug na h-uisgeachan a mach gu pailt a réir an gnè, agus gach eun iteagach a réir a ghnè: agus chunnaic Dia gu'n robh e maith.

22 Agus bheannaich Dia iad, ag ràdh, Sìolaichibh, agus fasaibh Ìomhhor, agus Ìonaibh na h-uisgeachan anns na fairgibh, agus fàsadh an eunlaith Ìomhhor air an talamh.

23 Agus b'iad am feasgar agus a' mhaduinn an cùigeamh là.

24 Agus thubhairt Dia, Thugadh an talamh a mach an creutair beò a réir a ghnè, spréidh, agus gach ni a shnàigcas, agus beathaichean na talmhainn a réir an gnè: agus bha e mar sin.

25 Agus rinn Dia beathaichean na talmhainn a réir an gnè, agus an spréidh a réir an gnè, agus gach ni a shnàigcas air an talamh a réir a ghnè: agus chunnaic Dia gu'n robh e maith.

26 Agus thubhairt Dia, Deanamaid an

duine 'n ar dealbh féin, a réir ar coslais féin, agus bitheadh uachdaranachd aca os ceann éisg na mara, agus os ceann eunlaith nan speur, agus os ceann na spréidhe, agus os ceann na talmhainn uile, agus os ceann gach ní a shnáigear a tha 'snáigeadh air an talamh.

27 Agus chruthaich Dia an duine 'n a dhealbh féin; ann an dealbh Dhé chruthaich se e: fìrionnach agus boirionnach chruthaich e iad.

28 Agus bheannaich Dia iad, agus thubhairt Dia riu, Sìolaichibh, agus fásaibh Ìonmhor, agus lìonaibh an talamh, agus ceannsaichibh e; agus bitheadh uachdaranachd agaibh os ceann éisg na mara, agus os ceann eunlaith nan speur, agus os ceann gach ní beò a ghluaisear air an talamh.

29 Agus thubhairt Dia, Feuch, thug mi dhuibh gach luibh a ghineas sìol, a tha air aghaidh na talmhainn uile, agus gach craobh anns am bheil meas craoibhe a ghineas sìol; dhuibhshe bithidh e mar bhìadh.

30 Agus do uile bheathaichibh na talmhainn, agus do uile eunlaith nan speur, agus do gach ní a shnáigear air an talamh, anns am bheil beatha, thug mi gach luibh ghorm mar bhìadh: agus bhia e mar sin.

31 Agus chunnaic Dia gach ní a rinn e, agus, feuch, bha e ro mhaith. Agus b' iad ann fcasgar agus a' mhaduinn an seathamh là.

CAIB. II.

1 An seachdamh là air a naomhachadh. 8 Garadh Edein. 17 Craobh còlais a' mhaith agus an uile. 21 Cruthachadh na mnàth agus òrdhachadh a phòsaidh.

A GUS chrìochnaich eadh na nèamhan agus an talamh, agus an sluagh uile.

2 Agus chrìochnaich Dia air an t-seachdamh là 'òbair a rinn e; agus ghabh e fois air an t-seachdamh là o 'òbair uile a rinn e.

3 Agus bheannaich Dia an seachdamh là, agus naomhaich se e: do bhrìgh gur ann air a ghabh e fois o 'òbair uile, a chruthaich Dia agus a rinn e.

4 Is iad so ginealaich nan nèamh agus na talmhainn, 'n uair a chruthaich eadh iad, 's an là anns an d'rinn an Tighearn Dia an talamh agus na nèamhan.

5 Agus cha robh aon de phreasaibh na macharach fathast anns an talamh, agus cha d'fhàs fathast aon de lusaibh na macharach; do bhrìgh nach d'thug an Tighearn Dia air uisge frasadh air an talamh, agus cha robh duine ann a shaoithreachadh na talmhainn.

6 Ach chaidh ceò suas o'n talamh, agus dh'uisgich e aghaidh na talmhainn uile.

7 Agus dhealbh an Tighearn Dia an duine de dhuslach na talmhainn: agus shéid e ann an cuimcinnibh a shòine anail na beatha; agus dh' fhàs an duine 'n a anam beò.

8 Agus shuidhich an Tighearn Dia garadh ann an Eden 's an àird an ear, agus chuir e an sin an duine a dhealbh e.

9 Agus thug an Tighearn Dia air gach uile chraoibh fas as an talamh a tha taitneach do'n t-sealladh, agus maith a chum bith: craobh na beatha mar an ceudna ann am meadhon a' ghàraidh, agus craobh còlais a' mhaith agus an uile.

10 Agus chaidh amhainn a mach á h-Eden a dh'uisgeachadh a' ghàraidh; agus as a sin roinneadh i, agus dh'fhàs i 'n a ceithir meuraibh.

11 Is e ainm na ceud aimhne Pison; so i a tha 'cuartachadh tìre Chabbilah uile, far am bheil òr.

12 Agus tha òr na tìre sin maith: an sin tha bdellium, agus a' chlach onics.

13 Agus is e ainm na dara aimhne Gihon: is i sin a tha 'cuartachadh tìre Chuis uile.

14 Agus is e ainm na treas aimhne Hidecel: is i sin a tha 'dol do'n taobh an ear de Asiria. Agus is i a' cheathramh amhainn Euphrates.

15 Agus ghabh an Tighearn Dia an duine, agus chuir se e ann an garadh Edein, g'a shaoithreachadh, agus g'a ghleidheadh.

16 Agus dh'aithn an Tighearn Dia do'n duine, ag ràdh, De gach uile chraoibh 's a' ghàraidh feudaith tu itheadh gu saor: bhe,

17 Ach de chraoibh còlais a' mhaith agus an uile, cha-n ith thu dh'i sin; oir anns an là a dh'itheas tu dhith, gu cinnteach basaidh tu.

18 Agus thubhairt an Tighearn Dia, Chan-eil e maith gu'm biodh an duine 'n a aonar: Nì mi dhia còmhladh d'a réir féin.

19 Agus dhealbh an Tighearn Dia as an talamh uile bheathaichean na macharach, agus uile eunlaith nan speur, agus thug e iad a chum Adhamh, a dh'fhaicinn cionnas a bheireadh e ainm orra: agus ge b'e ainm a thug Adhamh air gach creutair beò, b'e sin a' b'ainm dha.

20 Agus thug Adhamh ainmean air an spréidh uile, agus air eunlaith nan speur, agus air uile bhicathaichibh na macharach: ach do Adhamh cha d'fhuaradh còmhladh d'a réir féin.

21 Agus thug an Tighearn Dia air codal trom tuiteam air Adhamh, agus chaidil e: agus ghabh e h-aon d'a aisnibh, agus dhùin e an fheoil suas 'n a h-àite.

22 Agus thog an Tighearn Dia an aisinn a thug e o'n duine suas 'n a mnaoi, agus thug e i chum an duine.

23 Agus thubhairt Adhamh, So a nis cnàmh de m' chnàmaibh, agus fcoil de m' fheoil-sa: goirear bean dith, do bhrìgh gur ann as an duine a thugadh i.

24 Air an aobhar sin fàgaidh fear 'athair, agus a mhàthair, agus dlùth-leanaidh se r'a mhnai; agus bithidh iad 'n an aon fheoil.

25 Agus bha iad le chèile Ìomnochd, an

duine agus a bhean; agus cha robh nàire orra.

CAIB. III.

1 *Cealg na nathrach.* 6 *Peacal an duine, 15 agus gealladh saorsa o Dhia tríd sù na mnd.*

ANIS bha an nathair ni bu sheolta na h-aon de bheathaichibh na macharach a rinn an Tighearn Dia; agus thubhairt i ris a' mhnaoi, Seadh, an dubhairt Dia, Cha-n ith sibh de gach craoibh 's a' ghàradh?

2 Agus thubhairt a' bhean ris an nathair, De mheas craobhan a' ghàraidh feudaidd sinn itheadh:

3 Ach de mheas na craoibhe a tha ann am meadhon a' ghàraidh, thubhairt Dia, Cha-n ith sibh dheth, agus cha bhean sibh eha, a chum nach faigh sibh bàs.

4 Agus thubhairt an nathair ris a' mhnaoi, Gu cinnteach cha-n fhaigh sibh bàs:

5 Oir a ta fios aig Dia, 's an là anns an ith sibh dheth, gu'm fosgailear bhur sùilean, agus gu'm bi sibh mar dhée, fiosrach air maith agus air ole.

6 Agus chunnaic a' bhean gu'n robh a' chraobh maith a chum bìdh, agus gu'n robh i taitneach do 'n t-sùil, agus 'n a craoibh r'a mianachadh a dheanamh neach glie; agus ghabh i d'a meas agus dh'ith i, agus thug i mar an ceudna d'a fear maille rithe, agus dh'ith e.

7 Agus dh'fhosgladh an sùilean le 'chéile, agus dh'aitmich iad gu'n robh iad lomnochd; agus dh' fhuair iad duilleach croinn-fhige ra chéile, agus rinn iad dhoibh féin aprain.

8 Agus chual iad guth an Tighearna Dé ag imeachd 's a' ghàradh 'am fionnfhuaireachd an là; agus dh'fholaich Adhamh agus a bhean iad féin o ghnùis an Tighearna Dé am measg chraobhan a' ghàraidh.

9 Agus dh'éigh an Tighearn Dia air Adhamh, agus thubhairt e ris, C'ait am bheil thu?

10 Agus thubhairt e, Chuala mi do ghuth 's a' ghàradh, agus bha eagal orm a chionn gu'n robh mi lomnochd, agus dh'fholaich mi mi féin.

11 Agus thubhairt e, Cò 'dh'innis dhuit gu'n robh thu lomnochd? An d'ith thu de'n chraoibh, a dh'aithn mise dhuit gun itheadh dhith?

12 Agus thubhairt an duine, A' bhean a thug thu gu bhi maille rium, thug ise dhomh de'n chraoibh, agus dh'ith mi.

13 Agus thubhairt an Tighearn Dia ris a' mhnaoi, Ciod e so a rinn thu? agus thubhairt a' bhean, Mheall an nathair mi, agus dh'ith mi.

14 Agus thubhairt an Tighearn Dia ris an nathair, A chionn gu'n d' rinn thu so, tha thu mallaichte thar gach aiumhidh, agus thar uile bheathaichean na macharach: air do bhroinn imichidh tu, agus duslach ithidh tu uile làithean do bheatha.

15 Agus cuiridh mi naimhdeas eadar thusa agus a' bhean, agus eadar do shìol-sa agus

a sìol-sa: bruthaidh esan do cheann, agus bruthaidh tusa a shàil-san.

16 Ris a' mhnaoi thubhairt e, Meudaichidh mi gu mòr do dhoilgheas agus do thoirricheas; an pèin beiridh tu clann, agus ri d' fhear bithidh do thogradh, agus bithidh uachdaranachd aige ort.

17 Agus ri h-Adhamh thubhairt e, Do bhrìgh gu'n d'éisd thu ri guth do mhnà, agus gu'n d'ith thu de'n chraoibh a dh' àithn mise dhuit, agradh, Cha-n ith thu dhith, tha'n talamh mallaichte air do shon; ann an doilgheas ithidh tu dheth uile làithean do bheatha.

18 Agus droighionn agus cluairin bheir e mach dhuit, agus ithidh tu luibh na macharach.

19 'Am fallus do ghnùise ithidh tu aran, agus am pill thu dh' ionnsuidh na talmhainn; oir aiseid thugadh thu; oir is duslach thu, agus gu duslach pillidh tu.

20 Agus thug Adhamh Eubha mar ainm air a' mhnaoi, do bhrìgh gu'm b'i màthair nan uile bhèd.

21 Agus rinn an Tighearn Dia do Adhamh agus d'a mhnaoi, còtaichean croicinn, agus chòmhaich e iad.

22 Agus thubhairt an Tighearn Dia, Feuch, tha'n duine air fàs mar aon dhinn fèin, fiosrach air maith agus ole. Agus a nis air eagal gu'n sineadh e mach a làmh, agus gu'n gabhadh e mar an ceudna de chraoibh na beatha, agus gu'n itheadh e, agus gu'm biodh e beò gu sìorruidh:

23 Air an aobhar sin chuir an Tighearn Dia a mach e á gàradh Edein, a shaoithreachadh na talmhainn, as an d'thugadh e.

24 Agus dh'fhògar e mach an duine; agus shuidhich e 's an taobh an ear de ghàradh Edein Cheruban, agus claidheamh lasarach, a bha 'tionndadh air gach làimh, a ghleidheadh slighe craoibhe na beatha.

CAIB. IV.

1 Breith Chain agus Abeil. 8 Mortadh Abeil.

11 Mallaichadh Chain. 19 Lamech agus a dhà mhnaoi.

AGUS dh'aitmich Adhamh a bhean Eubha, agus dh'fhàs i torrach, agus rug i Cain, agus thubhairt i, Fhuair mi duine o'n Tighearn.

2 Agus a ris rug i a bhràthair Abel: agus bha Abel 'n a bhuachaille chaorach, ach bha Cain 'n a threabhaiche fearainn.

3 Agus tharladh an ceann làithean àraidh, gu'n d' thug Cain de thoradh an fhearainn tabhartas do'n Tighearn.

4 Agus thug Abel mar an ceudna de chreudghinibh a thrèid, agus d'an saill: agus bha meas aig an Tighearn air Abel, agus air a tabhartas:

5 Ach air Cain, agus air a tabhartas, cha robh meas aige. Agus bha Cain fo throm fheirg, agus thuit a ghnùis.

6 Agus thubhairt an Tighearn ri Cain,

C'ar son a tha fearg ort? agus c'ar son a thuit do ghnuis!

7 Ma ni thu gu maith, nach gabhar riut? agus mur dean thu gu maith, aig an doras *tha* peacadh 'n a luidhe. Agus riutsa *bithidh* a thogradh, agus bithidh uachdar-anachd agad air.

8 Agus labhair Cain ri h-Abel a bhràthair: agus 'n uair a bha iad 's a' mhachair, dh'érich Cain suas an aghaidh Abeil a bhràthar, agus mharbh se e.

9 Agus thubhairt an Tighearn ri Cain, C'ait am bheil Abel do bhràthair? Agus thubhairt esan, Cha-n 'eil fhios agam. Am mise fear-gleidhidh mo bhràthar?

10 Agus thubhairt esan, Ciod a rinn thu? *Tha* guth fola do bhràthar ag éigheach riumsa o'n talamh.

11 Agus a nis *tha* thu mallaichte o'n talamh, a dh'fhosgail a bheul a ghabhail fola do bhràthar o d'làimh.

12 'N uair a shaoithricheas tu an talamh, cha toir e d'uit á so suas a' neart. A' d'fhogarach agus a' d'fhear-fuadain bithidh tu air an talamh.

13 Agus thubhairt Cain ris an Tighearn, Is mò mo pheanas na gur urrainn mi 'ghlùlan.

14 Feuch, dh' fhògair thu mi mach an diugh bhàrr aghaidh na talmhainn: agus o d' ghnuis-sa folaichear mi, agus bithidh mi a'm'fhogarach agus a'm' fhear-fuadain air an talamh; agus tarlaidh, gach neach a gheibh mi, gu marbh e mi.

15 Agus thubhairt an Tighearn ris, Uime sin ge b'e air bith a mharbhas Cain, nithear a sheachd uiread de dhìoghaltas air. Agus chuir an Tighearn comharadh air Cain, a chum ge b'e neach a gheibheadh e nach marbhadh se e.

16 Agus chaidh Cain a mach á làthair an Tighearn, agus ghabh e còmhnuidh ann an tìr Nod an taobh an ear a dh' Eden.

17 Agus dh'aithnich Cain a bhean, agus dh'fhàs i torrach, agus rug i Enoch; agus thog e baile, agus ghoir e ainm a' bhaile a réir ainm a mhic, Enoch.

18 Agus rugadh do Enoch Irad; agus ghin Irad Mehuiael; agus ghin Mehuiael Metusael; agus ghin Metusael Lamech.

19 Agus ghabh Lamech dha féin dà mhnaoi: *b'e* ainm a h-aon diùch Adah, agus ainm na mnà cile Sillah.

20 Agus ghin Adah Iabal: b'esan athair na muinntir a tha' gabhail còmhnuidh 'am bùthaibh, agus na muinntir aig am bheil spréidh.

21 Agus *b'e* ainm a bhràthar Iubal: b'esan athair nan uile a lainsicheas clarsach agus organ.

22 Agus Sillah, rug ise mar an ceudna Tubalcain, fear-teagaisg gach uile fhir-ceird ann an umha agus an iarunn: agus *b'i* piuthar Thubalcain Naamah.

23 Agus thubhairt Lamech r'a mhnaibh, Adah agus Sillah, Chuinnibh mo ghuth, a mhnathan Lameich, éisdibh ri m' chainnt: oir mharbh mi duine a chum mo lotaidh, agus òganach a chum mo chiurraidh.

24 Ma dh'iclar Cain a sheachd uiread, gu deimhin *diolar* Lamech a sheachd-deug agus a thri fichead uiread.

25 Agus dh'aithnich Adhamh a ris a bhean, agus rug i mac, agus thug i Set mar ainm air; oir dh'òrduich Dia, *thubhairt i*, dhomhsa sliochd cile 'an àit Abeil, a mharbhadh le Cain.

26 Agus do Shet féin mar an ceudna rugadh mac, agus thug e Enos mar ainm air: an sin thòisich daoine ri gairm air ainm an Tighearna.

CAIB. V.

1 *Ginealach, beatha, agus bàs nam prìomh aithrichean, o Adhamh gu Noah. 24 Diadh-aithreachd Enoch, agus a ghabhail suas do fhlahteanas.*

IS e so leabhar ghinealach Adhaimh: 's 'an là 'an do chruthaich Dia an duine, ann an coslas Dhé rinn se e.

2 Firionnach agus boirionnach chruthaich e iad; agus bheannaich e iad, agus thug e Adhamh mar ainm orra, 's an là 'an do chruthaich ead iad.

3 Agus bha Adhamh beò ceud agus deich bliadhna fichead, agus ghin e *mac* 'n a choslas féin, a réir òmhaigh féin: agus thug e Set mar ainm air.

4 Agus b'iad làithean Adhaimh an déigh dha Set a ghintinn, ochd ceud bliadhna: agus ghin e mic agus nigheanan.

5 Agus b'iad uile làithean Adhaimh a bha e beò, naoi ceud agus deich bliadhna fichead; agus fhuair e bàs.

6 Agus bha Set beò ceud agus cùig bliadhna, agus ghin e Enos.

7 Agus bha Set beò, an déigh dha Enos a ghintinn, ochd ceud agus seachd bliadhna, agus ghin e mic agus nigheanan.

8 Agus b'iad uile làithean Shet naoi ceud agus dà bhliadhna dheug; agus fhuair e bàs.

9 Agus bha Enos beò ecithir fichead bliadhna agus a deich, agus ghin e Cainan.

10 Agus bha Enos beò, an déigh dha Cainan a ghintinn, ochd ceud agus cùig bliadhna deug, agus ghin e mic, agus nigheanan.

11 Agus b'iad uile làithean Enois naoi ceud agus cùig bliadhna; agus fhuair e bàs.

12 Agus bha Cainan beò deich bliadhna agus trì fichead, agus ghin e Mahalaleel.

13 Agus bha Cainan beò, an déigh dha Mahalaleel a ghintinn, ochd ceud agus dà fhichead bliadhna, agus ghin e mic agus nigheanan.

14 Agus b'iad uile làithean Chainan naoi

ceud agus deich bliadhna; agus fhuair e bàs.

15 Agus bha Mahalaleel beò cùig bliadhna agus tri fichead, agus ghin e Iared.

16 Agus bha Mahalaleel beò, an déigh dha Iared a ghintinn, ochd ceud agus deich bliadhna fichead, agus ghin e mic agus nigheanan.

17 Agus b' iad uile làithean Mhahalaleil ochd ceud, ceithir fichead, agus cuig bliadhna deug; agus fhuair e bàs.

18 Agus bha Iared beò ceud, tri fichead agus dà bhliadhna, agus ghin e Enoch.

19 Agus bha Iared beò, an déigh dha Enoch a ghintinn, ochd ceud bliadhna, agus ghin e mic agus nigheanan.

20 Agus b' iad uile làithean Iareid naoi ceud, tri fichead, agus dà bhliadhna; agus fhuair e bàs.

21 Agus bha Enoch beò tri fichead agus cùig bliadhna, agus ghin e Metuselah.

22 Agus ghluais Enoch maille ri Dia, an déigh dha Metuselah a ghintinn, tri cheud bliadhna, agus ghin e mic agus nigheanan.

23 Agus b' iad uile làithean Enoch tri cheud, agus tri fichead, agus cùig bliadhna.

24 Agus ghluais Enoch maille ri Dia, agus cha robh e ann, oir thug Dia leis e.

25 Agus bha Metuselah beò ceud, agus ceithir fichead, agus seachd bliadhna, agus ghin e Lamech.

26 Agus bha Metuselah beò, an déigh dha Lamech a ghintinn, seachd ceud, ceithir fichead, agus dà bhliadhna, agus ghin e mic agus nigheanan.

27 Agus b' iad uile làithean Mhetuselah naoi ceud tri fichead agus naoi bliadhna; agus fhuair e bàs.

28 Agus bha Lamech beò ceud, ceithir fichead agus dà bhliadhna, agus ghin e mac.

29 Agus thug e Noah mar ainm air, ag ràdh, Bheir an tì so fèin solas dhuinne thaobh ar n-oibre agus saothreach ar làmh, a thaobh na talmhainn a mhallach an Tigh-carn.

30 Agus bha Lamech beò, an déigh dha Noah a ghintinn, cùig ceud, ceithir fichead, agus cùig bliadhna deug; agus ghin e mic agus nigheanan.

31 Agus b' iad uile làithean Lamech, seachd ceud tri fichead agus seachd bliadhna deug; agus fhuair e bàs.

32 Agus bha Noah cùig ceud bliadhna dh'aois: agus ghin Noah Sem, Ham, agus Iaphet.

CAIB. VI.

1 Truailleadhachd a' chinne-daoine. a bhrosnaich Dia gu an sgrìos le tuit, saor o Noah agus a theaghlach. 14 An àire air a h-òrduchadh.

A GUS 'n uair a thòisich daoine ri fàs lìonmhor air aghaidh na talmhainn, agus a rugadh nigheanan dhoibh,

2 Agus a chumaidh mic Dhé nigheanan

dhaoine, gu'n robh iad sgriabhach, ghabh iad dhoibh féin mnathan de gach uile a ròghnaich iad.

3 Agus thubhairt an Tighearn, Cha bhì mo Spiorad a' strì ris an duine a ghnàth, do bhrìgh gur feoil a mhàin e: gidheadh bithidh a là 'n a cheud agus fichead bliadhna.

4 Bha fàmhlairean air an talamh 's na làithibh sin; ags mar an ceudna 'n a dhéigh sin, 'n uair a thàinig mic Dhé a steach a chum nigheanan dhaoine, agus a rug iad clann dhoibh, dh'fhàs iad sin 'n an daoinibh trèana, a bha o shean 'n an daoinibh ainneil.

5 Agus chumaidh an Tighearn gu'm bu mhor aingidheadh an duine air an talamh, agus gu'n robh uile bhìreithneachadh smuaintean a chridhe a mhàin olc gach aon là.

6 Agus b'aithreach leis an Tighearn gu'n d' rinn e an duine air an talamh, agus thog e doilgheas da 'n a chridhe.

7 Agus thubhairt an Tighearn, Sgrìosaiddh mi an duine, a chruthaich mi, bhàrr aghaidh na talmhainn, araon duine agus ainmhidh, agus an creutair a shàigeas, agus cumlaith nan speur; oir is aithreach leam gu'n d' rinn mi iad.

8 Ach fhuair Noah deadh-ghean ann an stùilbh an Tighearna.

9 Is iad so ginealaich Noah: Bha Noah 'n a dhuine cothromach, agus iomlan 'n a linn; agus ghluais Noah maille ri Dia.

10 Agus ghin Noah triuir mhac, Sem, Ham, agus Iaphet.

11 Agus bha 'n talamh truailidh 'am fianuis Dhé, agus lìonadh an talamh le fòirneart.

12 Agus dh'amhairc Dia air an talamh, agus, feuch, bha e truailidh; oir thruaill gach uile fheoil a slighe air an talamh.

13 Agus thubhairt Dia ri Noah, Thàinig crìoch gach uile fhòla a'm' fñianuis; oir tha'n talamh air a lìonadh le fòirneart d'an trid-san: agus, feuch, sgrìosaiddh mise iad maille ris an talamh.

14 Dean dhuìt féin àire de fhiodh gopher; seòmraichean ni thu 's an àire, agus còmhdaichidh tu i a stigh agus a muigh le pìc.

15 Agus so a' chumachd air an dean thu i: Tri cheud làmh-choille fad na h-àirce, leth-cheud làmh-choille a leud, agus deich 'ar fhichead làmh-choille a h-àirde.

16 Uinneag ni thu do'n àire, agus an làmh-choille crìochnaichidh tu i 'n a mullach; agus dorus na h-àirce cuiridh tu 'n a taobh: le lobhtaibh iochdarach, meadhonach, agus uachdarach ni thu i.

17 Agus, feuch, bheir mise, eadhon mise, dìle uisgeachan air an talamh, a sgrìos gach uile fhòla, ams am theil anail na beatha fo nèamh: agus gheibh gach ni a tha air an talamh bàs.

18 Ach daingnichidh mi mo choimhchean-

gal riutsa: agus theid thu a steach do'n àire, thu *fèin*, agus do mhic, agus do bhean, agus mnathan do mhac maille riut.

19 Agus de gach uile *ni* beò de'n uile fheoil, dithis de gach *seòrsa* bheir thu steach do'n àire, gu'n gleidheadh beò maille riut: fìrionn agus boirionn bithidh iad.

20 De'n eunlaith a réir an gnè, agus de'n spréidh a réir an gnè, agus de gach *ni* a shnàigeas air an talamh a réir a ghnè: theid dithis de gach *seòrsa* steach a d' ionnsuidh, gu'n gleidheadh beò.

21 Agus gabh thusa dhuit de gach uile bhiadh a dh'ithear, agus cruinnichidh tu a d' ionnsuidh *e*; agus bithidh e dhuitse agus dhoibhsan air son beathachaidh.

22 Mar so rinn Noah; a réir gach *ni* a dh'àithn Dia dha, mar sin rinn e.

CAIB. VII.

1 Chaidh Noah, agus gach creutair a bha maille ris a steach do'n àire. 10 'Oiseach agus éiridh na dìle. 24 Mhair i ceud agus leth-cheud là.

AGUS thubhairt an Tighearn ri Noah, Rach thusa, agus do thigh uile, a steach do'n àire; air thusa chunnaic mi cothromach a'm fhiannuis 's a' ghinealach so.

2 De gach uile ainmhidh glan gabhaidh tu dhuit 'n an seachdaibh, am fìrionn agus am boirionn; agus de ainmhidhibh nach 'eil glan 'n an càraidibh, am fìrionn agus am boirionn:

3 Mar an ceudna de eunlaith nan speur 'n an seachdaibh, fìrionn agus boirionn, a ghleidheadh sil beò air aghaidh na talmhainn uile:

4 Oir fathast seachd làithean, agus bheir mise air uisge teachd air an talamh dà fhichead là agus dà fhichead oidhche; agus sgriosaidh mi gach dùil bheò a rinn mi, bhàrr aghaidh na talmhainn.

5 Agus rinn Noah a réir gach *ni* a dh'àithn an Tighearn dha.

6 Agus *bha* Noah sè ceud bliadhna dh'aois, 'n uair a bha an dìle uisgeachan air an talamh.

7 Agus chaidh Noah steach, agus a mhic, agus a bhean, agus mnathan a mhac maille ris, do'n àire, air son uisgeachan na dìle.

8 De ainmhidhibh glan, agus de ainmhidhibh nach 'eil glan, agus de eunlaith, agus de gach *ni* a shnàigeas air an talamh,

9 Chaidh dithis agus dithis a steach a dh'ionnsuidh Noah do'n àire, fìrionn agus boirionn, a réir mar a dh'àithn Dia do Noah.

10 Agus an déigh sheachd làithean bha uisgeachan na dìle air an talamh.

11 Ams an t-seathamh ceud bliadhna dh'aois Noah, 's an dara mìos, 's an t-seachdamh là deug de'n mhìos, 's an là sin féin bhriseadh suas uile thobraichean na

doimhne mòire, agus bha tuil-dhorsan nan nèamh air an fosgladh.

12 Agus bha'n t-uisge air an talamh dà fhichead là agus dà fhichead oidhche.

13 'S a' cheart là sin féin chaidh Noah, agus Sem, agus Ham, agus Iaphet, mic Noah, agus bean Noah, agus triuir bhan a mhac maille riu, steach do'n àire;

14 Iad féin, agus gach uile bheathach a réir a ghnè, agus an spréidh uile a réir an gnè, agus gach creutair a shnàigeas a tha snàigeadh air an talamh a réir a ghnè, agus an eunlaith uile a réir an gnè, gach eun de gach seòrsa.

15 Agus chaidh iad a steach a chum Noah do'n àire, a lion dithis agus dithis, de gach uile fheoil, ams ann *bheil* anail na beatha.

16 Agus iadsan a chaidh a steach, fìrionn agus boirionn chaidh iad a steach de gach uile fheoil, mar a dh'àithn Dia dha: agus dhruid an Tighearn stigh e.

17 Agus bha 'n dìle dà fhichead là air an talamh, agus mheudaicheadh na h-uisgeachan, agus ghiùlain iad an àire, agus thogadh suas i os ceann na talmhainn.

18 Agus bhuadhaich na h-uisgeachan, agus mheudaicheadh iad gu h-anabarrach air an talamh; agus shubhair an àire air aghaidh nan uisgeachan.

19 Agus bhuadhaich na h-uisgeachan gu ro anabarrach air an talamh; agus chòmhdaicheadh na beamntan àrda uile, a bha fo na nèamhaibh gu léir.

20 Cùig làmh-choille dheug air àirde bhuadhaich na h-uisgeachan; agus chòmhdaicheadh na beamntan.

21 Agus dh'èug gach uile fheoil a bha gluasad air an talamh, araon de eunlaith; agus de spréidh, agus de bheathaichibh, agus de gach *ni* a shnàigeas a tha snàigeadh air an talamh, agus gach uile dhuine.

22 Gach *ni* aig an robh anail na beatha ann an cuimeinibh a shròine, de na h-uile a bha air an talamh thioram, dh'èug iad.

23 Agus sgriosadh gach uile dhùil a bha air aghaidh na talmhainn, araon duine agus ainmhidh, agus an creutair a shnàigeas, agus eunlaith nan speur; agus sgriosadh iad bhàrr na talmhainn, agus dh'fhàgadh a mhaìn Noah, agus na bha maille ris 's an àire.

24 Agus bhuadhaich na h-uisgeachan os ceann na talmhainn ceud agus leth-cheud là.

CAIB. VIII.

1 Throagh na h-uisgeachan. 4 Stad an àire an beanntaibh Ararait. 15 A réir àithne Dhé chaidh Noah mach as an àire; 20 thog e altair, agus dh'robair e robairtean-loisgte.

AGUS chuimhnich Dia air Noah, agus air gach *ni* beò, agus air gach uile spréidh a bha maille ris 's an àire, agus thug Dia air gaoith dol thairis air an talamh, agus throagh na h-uisgeachan.

GENESIS, IX.

2 Agus dhruideadh suas tobraichean na doimhne, agus tuil-dhorsan nan n-èmh; agus choisgeadh an t-uisge o na n-èmh.

3 Agus phill na h-uisgeachan a ghnàth bhàrr na talmhainn: agus thraogh na h-uisgeachan an dèigh cend agns leth-cheud là.

4 Agus stad an àire anns an t-seachdamh mìos, air an t-seachdamh là deng de'n mhìos, air beanntaibh Ararat.

5 Agus thraogh na h-uisgeachan a ghnàth gus an deicheamh mìos: Anns an deicheamh mìos, air a' cheud là de'n mhìos, chunnacas mullaichean nam beann.

6 Agus an ceann dà fhichead là, dh'fhosgail Noah uinneag na h-àirce a rinn e.

7 Agus chuir e mach fithic, a chaidh a mach a' dol air 'ais agus air 'aghaidh, gus an do thiormaicheadh na h-uisgeachan bhàrr na talmhainn.

8 Mar an ceudna chuir e mach columan uaithe, a dh'fhaicinn an do thraogh na h-uisgeachan bhàrr aghaidh na talmhainn.

9 Ach cha d'fhuair an columan fois do bhonn a choisge, agns phill e d'a ionnsuidh do'n àire, do bhrìgh gu'n robh na h-uisgeachan air aghaidh na talmhainn uile. An sin chuir e mach a làmh, agus rìng e air, agus thug e stigh e d'a ionnsuidh do'n àire.

10 Agus dh'fhan e fathast seachd làithean eile, agus a ris chuir e mach an columan o'n àire.

11 Agns thàinig an columan d'a ionnsuidh 's an fheasgar, agns, feuch, duilleag craoibh-ola, a spionadh leis, aige 'n a ghoib: agus dh'aithnich Noah gu'n do thraogh na h-uisgeachan bhàrr na talmhainn.

12 Agus dh'fhan e fathast seachd làithean eile, agus chuir e mach an columan; agns cha do phill e ris d'a ionnsuidh nìs mò.

13 Agus anns an t-seachdamh ceud bliadhna agus a h-aon, anns a' cheud mhìos, anns a' cheud là de'n mhìos, thiormaicheadh na h-uisgeachan suas bhàrr na talmhainn: agus bhuin Noah air falbh còmh-dachadh na h-àirce, agus dh'amhairc e, agus, feuch, bha aghaidh na talmhainn tioram.

14 Agus 's an dara mìos, 's an t-seachdamh là thar fhichead de'n mhìos, bha an talamh air tiormachadh.

15 Agus labhair Dia ri Noah, ag ràdh,

16 Rach a mach as an àire, 'thu fèin, agus do bhean, agus do mhic, agus mnathan do mhac maille riut.

17 Thoir a mach leat gach nì beò a tha maille riut, de gach uile fhèoil, de eunlaith, agus de spréidh, agus de gach uile nì a shnàigeas a tha'snàigeadh air an talamh, chum as gu'n sìolaich iad air an talamh, agus gu'm bi iad torrach, agus gu'm fas iad lionn-mhor air an talamh.

18 Agus chaidh Noah a mach, agus a mhic, agus a bhean, agus mnathan a mhac maille ris:

19 Chaidh gach uile bheathach, gach nì a

shnàigeas, agus gach enn, gach nì a ghluais-eas air an talamh, a réir an cineil, a mach as an àire.

20 Agus thog Noah altair do'n Tighearn, agus ghabh e de gach ainmhidh glan, agus de gach eun glan, agus thug e suas tabhar-tais-loisgte air an altair.

21 Agus dh'fhaic an Tighearn fàile eùbhradh; agus thubhairt an Tighearn 'n a chridhe, Cha mhallach mi ris an talamh nìs mò air son an duine; oir tha smnaint-ean cridhe an duine olc o' d'ige; nì mò a sgrìo-sa mi tuille gach nì beò, mar a rinn mi.

22 Am feadh a mhaireas an talamh, cha sguir am an t-sil-chur, agus foghar, agus fnachd agus teas, agus samhradh, agus geamhradh, agus là, agus oidheche.

CAIB. IX.

1 Bheannaich Dia Noah. 8 Dhaingnich e a choimh-cheangal ris-san agus r'a shìochd, le comharadh a' bhogha-fhroise. 20 Thòisich Noah air a bhi 'n a threabhach, agus shuidh-e fion-tios. 22 Cionta a mhic Haim 29 Aois agus bàs Noah.

A GUS bheannaich Dia Noah agus a mhic, agus thubhairt e riu, Sìolaichibh, agus fasaibh lionn-mhor, agus lionaibh an talamh.

2 Agus bithidh bhnr n-eagal agus blur fiamhsa air uile bheathaichibh na talmhainn, agus air uile eunlaith nan spèur, air gach nì a ghluais-eas air an talamh, agus air uile iasgaibh na mara; d'ur làimh-sa tha iad air an tabhairt.

3 Bithidh gach nì gluasadach a tha beò, dhuibh mar bhiadh; amhuil mar an luibh ghorm thug mi dhuibh na h-uile nithean.

4 Ach fèil maille r'a beatha, eadhon a fnil, cha-n ith sibh.

5 Agus gn deimhin fuil blur beatha-sa iarraidh mise; air làimh gach beathaich iarraidh mi i, agus air làimh an duine; air làimh bràthar gach duine iarraidh mi beatha an duine.

6 Ge b'e 'dhoirteas fuil duine, le dnine doirtear 'fhnil-san; oir ann an dealbh Dhé rinn e an duine.

7 Agus bithibh-sa sìolmhor, agus fasaibh lionn-mhor, ginibh air an talamh, agus fasaibh lionn-mhor ann.

8 Agus labhair Dia ri Noah, agus r'a mhic maille ris, ag ràdh,

9 Agus mise, feuch, daingnichidh mi mo choimh-cheangal ri bheas, agus r'i' shìochd 'n 'ur dèigh.

10 Agus ris gach uile chreutair beò a tha maille ri bheas, de eunlaith, de spréidh, agus de uile bheathaichibh na talmhainn maille ri bheas, o gach uile 'tha 'dol a mach as an àire, gu uile bheathaichibh na talmhainn.

11 Agus daingnichidh mi mo choimh-cheangal ri bheas, agus cha sgrìosar gach uile fhèoil tuille le h-uisgibh na talmhainn: agus cha bhi dìle ann nìs mò a sgrìos na talmhainn.

12 Agus thubhairt Dia, So comharadh a' choimhcheangail a *tha* mi 'toirt eadar mise agus sibhse, agus gach creutair beò a *tha* maille ribh, air feadh ghinealach sìorruidh:

13 Mo bhogha cuiridh mi anns an neul, agus bithidh e 'n a chomharadh choimhcheangail eadar mise, agus an talamh.

14 Agus tarlaidh, 'n uair a bheir mi neul os ceann na talmhainn, gu'm faicear am bogha anns an neul.

15 Agus cuimhnichidh mi mo choimhcheangail, a *tha* eadar mise agus sibhse, agus gach creutair beò de'n uile fheòil; agus cha-n fhàs ni's mò na h-uisgeachan 'n an òile a sgrios gach uile fheòla.

16 Agus bithidh am bogha anns an neul, agus amhaircidh mi air, chum as gu'n cuimhnich mi 'n coimhcheangail sìorruidh eadar Dia agus gach creutair beò de'n uile fheòil, a *tha* air an talamh.

17 Agus thubhairt Dia ri Noah, So comharadh a' choimhcheangail, a dhainnich mi eadar mi féin agus gach uile fheòil a *tha* air an talamh.

18 Agus b'iad mic Noah a chaidh a mach as an àir, Sem, agus Ham, agus Iaphet: agus b'e Ham athair Chanaain.

19 *Is iad* sin triuir mhac Noah: agus leo sin lionadh an talamh uile.

20 Agus thòisich Noah air a *bhi* 'n a fhearsaithreach na talmhainn, agus shuidhich e fion-ghàradh.

21 Agus dh'òl e de'n fhìon, agus bha e air mhisg, agus bha e lomnochd a stigh 'n a bhùth.

22 Agus chunnaic Ham, athair Chanaain, nochd 'athar, agus dh'innis e d'a dhà bhràthair a muigh.

23 Agus ghabh Sem agus Iaphet brat, agus chuir iad le 'chéile air an guailnibh e, agus chaidh iad 'an comhair an cuil, agus chòmhdaich iad nochd an athar; agus *bha* 'n aghaidhean air an ais, agus cha-n fhac' iad nochd an athar.

24 Agus dhùisg Noah o 'fhìon, agus thuig e ciod a rinn a mhac a b'òige air.

25 Agus thubhairt e, Mallaichte *gu'n robh* Canaan; 'n a sheirbhiseach nan seirbhiseach bithidh e d'a bhràithribh.

26 Agus thubhairt e, Beannaichte *gu'n robh* Tighearn Dia Sheim; agus bithidh Canaan 'n a sheirbhiseach dha.

27 Ni Dia Iaphet farsaing, agus còmhnuichidh e ann am bùthaibh Sheim; agus bithidh Canaan 'n a sheirbhiseach dha.

28 Agus bha Noah beò an dèigh na dìle tri cheud, agus leth-cheud bliadhna.

29 Agus b'iad uile laithean Noah naoi ceud, agus leth-cheud bliadhna: agus fhuair e bàs.

CAIB. X.

1 *Ginealach Noah.* 2 *Mic Iapheit.* 6 *Mic Haim.* 15 *Sliochd Chanaain.* 21 *Mic Sheim.*

A NIS *is iad* sin ginealaich mhac Noah; Sem, Ham, agus Iaphet: agus rugadh dhoibh mic an dèigh na dìle.

2 Mic Iapheit; Gomer, agus Magog, agus Madai, agus Iabhan, agus Tubal, agus Me-sech, agus Tiras.

3 Agus mic Ghomeir; Ascenas, agus Riphath, agus Togamah.

4 Agus mic Iabhain; Elisa, agus Tarsis, Citim, agus Dodanim.

5 Leo sin roinneadh eileanan nan cinneach 'n an tìribh féin, gach aon a reir a theanga, a réir an teaghlachain, 'n an cinneachaibh.

6 Agus mic Haim; Cus, agus Misraim, agus Phut, agus Canaan.

7 Agus mic Chuis; Seba, agus Habhilah, agus Sabtah, agus Raamah, agus Sabtecha: agus mic Raamah; Seba, agus Dedan.

8 Agus ghin Cus Nimrod: thòisich esan air a bhi cumhachdach 's an talamh.

9 Bha e 'n a shealgair cumhachdach an lathair an Tighearna: Uimè 'sin theirear, Amhùil mar Nimrod an sealgair cumhachdach an lathair an Tighearna.

10 Agus b'e toiseach a rioghachd Bàbel, agus Èrech, agus Acad, agus Calneh, ann an tìr Shinair.

11 As an tìr sin chaidh a mach Asur, agus thog e Ninebheh, agus baile Rehobot, agus Calah,

12 Agus Resen eadar Ninebheh agus Calah: *is* baile mòr sin.

13 Agus ghin Misraim Ludim, agus Anamim, agus Lehabim, agus Naphtuhim,

14 Agus Patrusim, agus Casluhim, (o 'n d'fhàinig a mach Philistim) agus Caphtorim.

15 Agus ghin Canaan Sidon a cheud-ghin, agus Het,

16 Agus an Iebusach, agus an t-Amorach, agus an Girsasach,

17 Agus an t-Ibheach, agus an t-Harcach, agus an Sineach,

18 Agus an t-Arbhadach, agus an Semarach, agus an t-Hamatach: agus 'n a dhéigh sin sgaoileadh a mach teaghlachain nan Canaanach.

19 Agus bha crìoch nan Canaanach o Shidon, mar a thig thu gu Gerar gu ruig Gadsa, mar a thèid thu gu Sodom agus Gomorrah, agus Admah, agus Seboim, gu ruig Lasa.

20 *Is iad* sin mic Haim, a réir an teaghlachain, a réir an teangan, 'n an tìribh, agus 'n an cinneachaibh.

21 Agus do Shem féin mar an ceudna, athair chloinn Ebeir uile, bràthair Iapheit a bu shìne, rugadh clann.

22 Clann Sheim; Elam, agus Asur, agus Arphacsad, agus Lud, agus Aram.

23 Agus clann Aram; Uds, agus Hul, agus Geter, agus Mas.

24 Agus ghin Arphacsad Salah, agus ghin Salah Eber.

25 Agus do h-Eber rugadh dithis mhac: b'e ainm aoin diubh Peleg, (oir 'n a lùth-

GENESIS, XI.

ibh-san roinneadh an talamh); agus ainm a bhràthar, Ioctan.

26 Agus ghin Ioctan Almodad, agus Seleph, agus Hadsarmabhet, agus Ierah, 27 Agus Hadoram, agus Udsal, agus Dielah, 28 Agus Obal, agus Abimael, agus Seba, 29 Agus Ophir, agus Habbilah, agus Iobab: b'iad sin uile mic Ioctain.

30 Agus bha'n àite-còmhnuidh o Mhesa, mar a théid thu gu Sephar, beinn 's an àird an ear.

31 *Is iad* sin mic Sheim, a réir an teaghlach, a réir an teangan, 'n an tír, a réir an cinneacha.

32 *Is iad* sin teaghlachan mhac Noah, a réir an ginealach, 'n an cinneachaibh: agus leo sin roinneadh na cinnich anns an talamh an déigh na dile.

CAIB. XI.

1 *Aon chlainnt air an talamh.* 3 *Tùr Bhabail.* 10 *Ginealaich Sheim.* 27 *Ginealaich Therah, athar Abram.* 31 *Turus Therah o Ur gu Haran, agus a bhàs.*

A GUS bha'n talamh uile dh'aon tean- gaidh, agus na h-aon fhocail aig gach neach.

2 Agus 'n uair a bha iad, air an turas o'n àird an ear, fhuair iad còmhnaidh ann an talamh Shinair, agus ghabh iad còmhnuidh an sin.

3 Agus thubhairt iad gach aon ri 'chéile, Thigibh, deanamaid clachan creadha, agus lán loisgeamaid iad: Agus bha 'chlach chreadha aca air son cloiche, agus bha lathach aca air son aoil.

4 Agus thubhairt iad, Thigibh, togamaid dhuinn féin baile, agus túr, aig am bi a mhullach a' ruigheachd gu nèamh, agus deanamaid dhuinn féin ainm, air eagal gu'n sgaolear o'chéile sinn air aghaidh na talmh- ainm uile.

5 Agus thàinig an Tighearn nuas a dh' fhaicinn a' bhaile, agus an túr, a thog clann nan daoine.

6 Agus thubhairt an Tighearn, Feuch, is aon sluagh a th'ann, agus aon teanga ac' nile; agus thòisich iad air so a dheanamh: agus a nis cha bhàcar dhiubh ni air bith, a smaoinich iad a dheanamh.

7 Thigibh, rachamaid a sìos, agus cuireamaid an caimnt an sin thar a chéile, chum as nach tuig iad caimnt a chéile.

8 Mar sin sgaol an Tighearn iad uaithe sin air aghaidh na talmhainn uile: agus sguir iad de thogail a' bhaile.

9 Uime sin thugadh Babel mar ainm air, a chionn ann an sin gu'n do chuir an Tighearn thar a' chéile caimnt na talmhainn uile: agus uaithe sin sgaol an Tighearn iad air aghaidh na talmhainn uile.

10 *Is iad* sin ginealaich Sheim: Bha Sem ceud bliadhna dh'aois, agus ghin e Arphac- sad dà bhliadhna an déigh na dile.

11 Agus bha Sem beò, an déigh dha Ar-

phacsad a ghintinn, cùig ceud bliadhna agus ghin e mic agus nigheanan.

12 Agus bha Arphacsad beò cùig bliadhna deug 'ar fhichead, agus ghin e Salah.

13 Agus bha Arphacsad beò, an déigh dha Salah a ghintinn, ceithir cheud, agus trì bliadhna; agus ghin e mic agus nigheanan.

14 Agus bha Salah beò deich bliadhna fi- chead, agus ghin e Eber.

15 Agus bha Salah beò, an déigh dha Eber a ghintinn, ceithir cheud, agus trì bliadhna; agus ghin e mic agus nigheanan.

16 Agus bha Eber beò ceithir bliadhna deug 'ar fhichead, agus ghin e Peleg.

17 Agus bha Eber beò, an déigh dha Peleg a ghintinn, ceithir cheud, agus deich bliadh- na fichead; agus ghin e mic agus nigh- eanan.

18 Agus bha Peleg beò deich bliadhna fi- chead; agus ghin e Reu.

19 Agus bha Peleg beò, an déigh dha Reu a ghintinn, dà cheud, agus naoi bliadhna; agus ghin e mic agus nigheanan.

20 Agus bha Reu beò dà bhliadhna dheug 'ar fhichead; agus ghin e Serug.

21 Agus bha Reu beò, an déigh dha Serug a ghintinn, dà cheud, agus seachd bliadhna, agus ghin e mic agus nigheanan.

22 Agus bha Serug beò deich bliadhna fi- chead; agus ghin e Nahor.

23 Agus bha Serug beò, an déigh dha Nahor a ghintinn, dà cheud bliadhna; agus ghin e mic agus nigheanan.

24 Agus bha Nahor beò naoi bliadhna fi- chead; agus ghin e Terah.

25 Agus bha Nahor beò, an déigh dha Terah a ghintinn, ceud, agus naoi bliadhna déug, agus ghin e mic agus nigheanan.

26 Agus bha Terah beò deich ustri fichead bliadhna; agus ghin e Abram, Nahor, agus Haran.

27 A nis *is iad* sin ginealaich Therah: ghin Terah Abram, Nahor, agus Haran; agus ghin Haran Lot.

28 Agus fhuair Haran bàs roimh Therah 'athair, 's an tìr anns an d' rugadh e, ann an Ur nan Caldéach.

29 Agus ghabh Abram agus Nahor mna- than dhoibh féin: B'e ainm mnà Abram, Sarai; agus ainm mnà Nahoir, Milcah, nigh- ean Harain, athar Mhileah, agus athar Iscah.

30 Ach bha Sarai neo-thorrach; cha robh duine cloinne aice.

31 Agus ghabh Terah Abram a mhac, agus Lot mac Harain mac a mhic, agus Sarai a bhana-chliamhuinn, bean Abram a mhic; agus chaidh iad a mach maille ri u á h-Ur nan Caldéach, gu dol do thìr Chanaain: agus thàinig iad gu Haran, agus ghabh iad còmhnuidh an sin.

32 Agus b'iad làithean Therah dà cheud, agus cùig bliadhna: agus fhuair Terah bàs ann an Haran.

CAIB. XII.

- 1 *Gealladh Dhé do Abram a thaobh Chrìosd.*
 4 *Dh'ìmhich Abram maille r'a mhnaoi agus ri Lot do Chanaan; ach a chionn gu'n robh gorta mhòr 's an tìr sin, chaidh e sìos do'n Eiphit.*
 14 *Thug Pharaoh rìgh na h-Eiphit Sarai uaidh; ach an uair a thuig e gu'm bi a bhean i, leig e air falbh iad le 'chèile.*

AGUS thubhairt an Tighearn ri h-Abram, Rach a mach & d' dhùthaich, agus o d' dhùlsibh, agus á tigh d'athar, do'n tìr a nochdas mise dhuit.

2 Agus ni mi thu a' d' chinneach mòr, agus beannaichidh mi thu, agus ni mi d'ainm mòr: agus bithidh tu a' d' bheannachadh.

3 Agus beannaichidh mi iadsan a bheannaicheas thu, agus mallaichidh mi iadsan a mhallaicheas thu, agus annadsa beannaichear uile theaghlachaichean na talmhainn.

4 Agus dh'ìmhich Abram, mar a labhair an Tighearn ris, agus chaidh Lot maille ris: agus bha Abram cùig bliadhna déug is trì fichead a dh'aois 'n uair a chaidh e mach & Haran.

5 Agus ghabh Abram Sarai a bhean, agus Lot mac a bhràthar, agus am maoin uile a chruinnich iad, agus na h-anaman a fluair iad ann an Haran, agus chaidh iad a mach gu dol do thìr Chanaan; agus thàinig iad do thìr Chanaan.

6 Agus chaidh Abram air 'aghaidh 's an fhearann gu àite Shicheim, gu còmhlairead Mhoreh. Agus bha 'n Canaanach an sin 's an tìr.

7 Agus dh'fhoillsich an Tighearn e féin do Abram, agus thubhairt e, Do d' shliochd-sa bheir mise am fearann so: agus thog e'n sin altair do'n Tighearn, a dh'fhoillsicheadh dha.

8 Agus chaidh e as a sin gu sliabh air an taobh an ear de Bhetel, agus shuidhich e a bhùth, agus Betel aige air an taobh an iar, agus Hai air an taobh an ear: agus thog e 'n sin altair do'n Tighearn, agus ghairm e air ainm an Tighearna.

9 Agus dh'ìmhich Abram, a' sìor-dhol air 'aghaidh mu dheas.

10 Agus bha gorta 's an tìr: agus chaidh Abram sìos do'n Eiphit, gu bhì air chuairt an sin, a chionn gu'n robh a' ghorta mòr 's an tìr.

11 Agus 'n uair a bha e dlùth do dhòl a stigh do'n Eiphit, thubhairt e ri Sarai a bhean, Feuch a nis, tha fios agam gur bean mhaiseach thusa ri amharc ort:

12 Uime sin, 'n uair a chi na h-Eiphitich thu, their iad, So a bhean; agus marbhaidh iad mise, ach gleidhidh iad thusa beò.

13 Abair, guidheam ort, gur tu mo phluthar, chum gu'n èirich gu maith dhomh air do sgàthsa; agus bithidh m' anam beò air do shonsa.

14 Agus 'n uair a thàinig Abram do'n Eiphit, chunnaic na h-Eiphitich a' bhean, gu'n robh i ro mhaiseach.

15 Chunnaic mar an ceudna cèannardan Pharaoh i, agus mhol iad i do Pharaoh: agus thugadh a steach a' bhean do thigh Pharaoh.

16 Agus bhuin e gu maith ri h-Abram air a sgàth-sa: agus bha aige caoraich, agus daimh, agus asaillean firionn, agus òglach, agus banoglaich, agus asaillean boirionn, agus càmhailean.

17 Agus bhuail an Tighearn Pharaoh agus a thigh le plaighibh mòra, air son Sharai mnà Abram.

18 Agus ghairm Pharaoh air Abram, agus thubhairt e, Ciod so a rinn thu orm? e'ar son nach d'innis thu dhomh gu'm bi so do bhean?

19 C'ar son a thubhairt thu, 'Si mo phluthar? Mar sin dh'fheudainn a gabhail do m' ionnsuidh mar mhnaoi: a nis ma ta, feuch, do bhean; gabh i, agus bi 'g imchead.

20 Agus thug Pharaoh àithne d' a dhaoineibh m'a thimchioll; agus chuir iad air falbh e féin, agus a bhean, agus gach ni a bh' aige.

CAIB. XIII.

- 1 *Phill Abram as an Eiphit.* 7 *Dhealaich e ri Lot.* 14 *Dh'ath-madhaich Dia a ghealladh do Abram, agus d'a shliochd.*

AGUS chaidh Abram suas as an Eiphit, e féin, agus a bhean, agus gach ni a bh' aige, agus Lot maille ris, do'n taobh mu dheas.

2 Agus bha Abram ro shaoibhir ann an spréidh, ann an airgid, agus ann an òr.

3 Agus dh'ìmhich e 'n a thurasan o'n taobh mu dheas eadhon gu Betel, gu ruig an t-àit anns an robh a bhàth 'an toiseach, eadar Betel agus Hai;

4 Gu àite na h-altarach a rinn e'n sin air tùs: agus ghairm Abram an sin air ainm an Tighearna.

5 Agus bha mar an ceudna aig Lot, a dh'ìmhich maille ri h-Abram, caoraich, agus crodh, agus bùithcan.

6 Agus cha robh am fearann comasach air an giùlan gu còmhlairead a ghabhail cuideachd; oir bha am maoin mòr, agus cha b'urrainn iad còmhlairead a ghabhail cuideachd.

7 Agus bha comhstri eadar buachaillean spréidhe Abram, agus buachaillean spréidhe Lot: agus bha 'n Canaanach, agus am Peridseach 's an àm sin a chòmhluaidh 's an tìr.

8 Agus thubhairt Abram ri Lot, Na bith-eadh, guidheam ort, comhstri eadar mise agus thusa, agus eadar mo bhuachaillean agus do bhuachaillean-sa; oir is bràithrean sinn.

9 Nach 'eil an tìr uile romhad? Dealaich, guidheam ort, riumsa: ma ghabhas thusa dh'ionnsuidh na làimhe clìthe, an sin théid mise dh'ionnsuidh na làimhe deise; agus ma théid thusa dh'ionnsuidh na làimhe deise, an sin gabhaidh mise dh'ionnsuidh na làimhe clìthe.

GENESIS, XIV.

10 Agus thog Lot suas a shùilean, agus chunnaic e còmharn Iordain uile, gu'n robh e gu léir air 'uisgeachadh gu maith, mun do sgrios an Tighearn Sodom agus Gomorrah, eadhon mar ghàradh an Tigh-earna, cosmhuil ri talamh na h-Eiphit, mar a thig thu gu Soar.

11 Agus thagh Lot dha féin còmharn Iordain uile; agus ghabh Lot a thurus o'n àird an ear, agus dhealaich na càirdean ri 'chéile.

12 Ghabh Abram còmhnuidh ann an tìr Chanaain, agus ghabh Lot còmhnuidh 'am bailtibh a' chòmhnaidh, agus shuidhich e a bhùth aig Sodom.

13 Ach bha daoine Shodoim aingidh, agus 'n am peacaich 'am fianuis an Tighearna gu ro mhòr.

14 Agus thubhairt an Tighearn ri h-Abram, an dèigh do Lot dealachadh ris, Tog a nis a suas do shùilean, agus amhairc o'n àit 'anns am bheil thu, gu tuath, agus gu deas, agus gus an àird an ear, agus an iar:

15 Oir am fearann uile a tha thu a' faicinn, dhuitse bheir mi e, agus do d' shliochd gu bràth.

16 Agus nì mi do shliochd mar dhuslach na talmhainn; ionnas na bhios e'n comas do dhuine dusbach na talmhainn àireamh, an sin gu'n àirmhear do shliochd-sa mar an ceudna.

17 Eirich, imich air feadh an fhearainn, 'n a fhad, agus 'n a leud, oir dhuitse bheir mi e.

18 Agus dh'atharraich Abram a bhùth, agus thàinig e, agus ghabh e còmhnuidh ann an còmhuard Mhamre, a tha ann an Hebron; agus thog e'n sin altair do'n Tigh-earn.

CAIB. XIV.

1 Cath nan ceithir rìghrean ri cùig. 12 Rinn eadh Lot 'n a phrìosanach; 14 ach shaoradh e le Abram. 18 Bheannaich Melchisedec Abram.

AGUS tharladh ann an làithibh Amra-pheil rìgh Shinair, Arioich rìgh Elasa-ir, Chedorlaomeir rìgh Elaim, agus Thidail rìgh nan cinneach; agus thàinig e, agus ghabh e còmhnuidh ann an còmhuard Mhamre, a tha ann an Hebron; agus thog e'n sin altair do'n Tigh-earn.

2 Gu'n d' rinn iad sin cogadh ri Bera rìgh Shodoim, agus ri Birsar rìgh Ghomorrah, Sinab rìgh Admah, agus Semeber rìgh She-boim, agus rìgh Bhela, eadhon Shoair.

3 Chaidh iad sin uile ann an comh-bhoimn ri 'chéile ann an gleann Shidim, a tha nis 'n a fhaireg shalainn.

4 Dà bhliadhna dhéug rinn iad seirbhis do Chedorlaomer, agus anns an treas bliadhna deug rinn iad ceannaire.

5 Agus anns a' cheathramh bliadhna deug thàinig Cedorlaomer, agus na rìghrean a bha maille ris, agus bhuail iad na Rephaimich ann an Asterot Carnaim, agus na Susimich ann an Hau, agus na h-Emimich ann an Sabbeh Ciriataim.

6 Agus na Horich 'n an sliabh Seir, gu ruig El-paran, a tha làimh ris an fhàsach.

7 Agus phill iad, agus thàinig iad gu Hen-mispat, eadhon Cades, agus bhuail iad dùth-aich nan Amaleeach uile, agus mar an ceudna na h-Amoraich, a bha 'chòmhnuidh ann an Haseson Tamar.

8 Agus chaidh rìgh Shodoim a mach, agus rìgh Ghomorrah, agus rìgh Admah, agus rìgh Sheboim, agus rìgh Bhela (eadhon Shoair) agus chuir iad cath riu ann an gleann Shidim;

9 Ri Cedorlaomer rìgh Elaim, agus ri Tidal, rìgh nan cinneach, agus ri h-Amraphel rìgh Shinair, agus ri h-Arioich rìgh Elasa; ceithir rìghrean ri cùig.

10 Agus bha gleann Shidim làn de shluichd làthaich; agus theich rìgh Shodoim, agus rìgh Ghomorrah, agus thug iad an sin; agus iadsan a mhair, theich iad do'n t-sliabh.

11 Agus thug iad leo uile mhaoin Shodoim agus Ghomorrah, agus am biadh uile, agus dh'imich iad.

12 Agus thug iad leo Lot, mac bràthar A-braim (a bha 'chòmhnuidh ann an Sodom) agus a mhaoin, agus dh'imich iad.

13 Agus thàinig a h-aon a chaidh as, agus dh'innis e do Abram an t-Eabhruidheach, a bha 'chòmhnuidh ann an còmharn Mhamre an Amoraich, bràthar Escoil, agus bràthar Aneir; agus bha iad sin ann an comh-bhoimn ri h-Abram.

14 Agus 'n uair a chuala Abram gu'n do ghlacadh a bhràthair 'n a phrìosanach, dh'armaich e a sheirbhisich iunnsaichte, a rugadh 'n a thigh féin, tri cheud, agus ochd-deug; agus lean e iad gu Dan.

15 Agus roinn se c féin 'n an aghaidh 's an oidheche, e féin agus a sheirbhisich, agus bhuail e iad, agus lean e iad gu Hoba, a tha air an làimh chli de Dhamascus.

16 Agus thug e air ais a' mhaoin uile, agus mar an ceudna thug e air ais a bhràthair Lot, agus a mhaoin; agus mar an ceudna na mnathan, agus an sluagh.

17 Agus chaidh rìgh Shodoim a mach 'n a choinneamh, an dèigh dha pilltinn o mhar-bhadh Chedorlaomeir, agus nan rìghrean a bha maille ris, aig gleann Shabbeh, eadhon gleann an rìgh.

18 Agus thug Melchisedec rìgh Shàleim a mach aran agus fìon: agus b'esan sagart an Dé a's ro àirde.

19 Agus bheannaich se e, agus thubhairt e, Beannaichte gu'n robh Abram o'n Dia a's ro àirde, sealbhadair nèimh, agus na talmhainn.

20 Agus beannaichte gu'n robh an Dia a's ro àirde, a thug thairis do naimhdean do d'làimh. Agus thug e dha deachamh de gach ni.

21 Agus thubhairt rìgh Shodoim ri h-Abram, Thoir dhomhsa na daoine, agus gabh a' mhaoin dhuit féin.

22 Agus thubhairt Abram ri rìgh Shodoim, Thog mi mo làmh a suas ris an Tighearn

an Dia a's ro àirde, Sealbhadair nèimh agus na talmhainn.

23 Nach gabh mi o shnàthainn, eadhon gu h-àill bròige, agus nach gabh mi 'bheag a dh'aon ni a's leatsa, chum as nach abair thu, Rinn mi Abram beartach?

24 Saor a mhàin o na dh'ith na h-òganaich, agus o chuibhriom nan daoine a chaidh maille rium, Aner, Escol, agus Mamre; gabhadh iadsan an cuibhriom.

CAIB. XV.

1 *Tha Dia a' toirt misnich agus sòlais a dh' Abram. 4 Tha e a' gealltainn dha oighre, agus sìochd ro lionmhòr. 6 Tha Abram air fhàicheadh tre chreidimh, &c.*

'A N déigh nan nithean sin thàinig focal an Tighearna gu h-Abram ann an taisbeanadh, ag ràdh, Na bitheadh eagal ort, Abram: *Is mise do sgiath, agus do dhuais ro mhòr.*

2 Agus thubhairt Abram, A Tighearna Dhé, ciod a bheir thu dhomh, is mi 'g im-cachd gun chloinn, agus *gur e* Eliéser so o Dhamascus fear-riaghlaidh mo thighe?

3 Agus thubhairt Abram, Feuch, dhomhsa cha d'thug thu sìochd *air bith*: agus, feuch, is e neach a rugadh a'm' thigh a's oighre orm.

4 Agus, feuch, thàinig focal an Tighearna d'a ionnsuidh, ag ràdh, Cha bhi e so 'n a oighre ort; ach esan a thig u mach á d'innibh féin, bithidh e 'n a oighre ort.

5 Agus thug e leis a mach e, agus thubhairt e, Amhaire a nis a suas gu nàmh, agus àir na reultan, ma's urrainn thu'n àireamh: Agus thubhairt e ris, Mar so bithidh do shìochd.

6 Agus chreid e anns an Tighearn; agus mheas e sin dha mar ionracas.

7 Agus thubhairt e ris, *Is mise an Tighearn* a thug a mach thusa á h-Ur nan Caldéach, a thoirt dhuit an fhearainn so, chum a shealbhachadh mar oighre.

8 Agus thubhairt esan, A Tighearna Dhé, cia leis a bhios fios agam gu'n sealbhaich mi e?

9 Agus thubhairt e ris, Gabh dhomhsa agh 'thri bliadhna dh'aois, agus gabhar 'thri bliadhna dh'aois, agus reithe 'thri bliadhna dh'aois, agus turtur, agus columan dg.

10 Agus ghabh e dha féin iad sin uile, agus roinn e iad 's a' mheadhon, agus chuir e gach aon de na miribh fa chomhair a leth-bhreac; ach cha do roinn e na h-eòin.

11 Agus 'n uair a thàinig an eunlaith a nuas air na cairbhean, dh'fhuadaich Abram air falbh iad.

12 Agus 'n uair a bha 'ghrian a' dol fodha, thuit codal trom air Abram; agus, feuch, thuit uamhann dorchadais mhòir air.

13 Agus thubhairt e ri h-Abram, Bitheadh fios gu cinnteach agad, gu'm bi do shìochd 'n an coigrich ann an dùthaich nach leo féin;

agus ni iad seirbhis dhoibh, agus buinidh iad gu cruaidh riu ceithir cheud bliadhna.

14 Agus mar an ceudna air a' chinneach sin d'an dean iad seirbhis, bheir mise breth: agus 'n a dhéigh sin thig iad a mach le maoin mhòir.

15 Agus théid thusa dh'ionnsuidh d'aithrichean 'an sìth; adhlacair thu 'an deadh shean aois.

16 Ach anns a' cheathramh linn thig iad an so air an ais, oir cha-n 'eil aingidheachd nan Amorach fathast làn.

17 Agus 'n uair a bha 'ghrian air dol fodha, bha dorchadas ann; agus, feuch, àmhuinn dheataich agus leus teine, a chaidh eadar na miribh sin.

18 Air an là sin féin rinn an Tighearn coinneachd ri h-Abram, ag ràdh, Do d' shìochda thu mi am fearann so, o amhaireann na h-Eiphit, gu ruig an amhainn mhòr, amhainn Euphrates:

19 Na Cenich, agus na Cenidsich, agus na Cadmonaich,

20 Agus na Hitich, agus na Peridsich, agus na Rephaimich,

21 Agus na h-Amoraich, agus na Canaan-aich, agus na Girsasach, agus na Iebusaich.

CAIB. XVI.

1 *Tha Sarai a' toirt Hagair a banoglaich a dh' Abram mar mhnaoi. 4 'N uair a rinn i tàir air a banamhaighstir, bhuin ise gu cruaidh rithe, agus theich i air falbh. 9 Thug aingeal an Tighearn air a h-ais i, &c.*

A NIS cha d'rug Sarai, bean Abraim clann dha; agus bha banoglach Eiphiteach aice, d'am b'ainm Hagar.

2 Agus thubhairt Sarai ri h-Abram, Feuch a nis, chum an Tighearn mi o chloinn a bhreith: rach a steach, guidheam ort, a dh'ionnsuidh mo bhanoglaich; theagamh gu'm faigh mi clann leathasa. Agus dh'éisd Abram ri guth Sharai.

3 Agus ghabh Sarai, bean Abraim, Hagar a' bhan-Eiphiteach, a banoglach féin, an déigh do Abram còmhluaidh 'ghabhail deich bliadhna ann an tìr Chanaan, agus thug si i d'a fear Abram, gu bhi aige mar mhnaoi.

4 Agus chaidh esan a steach gu Hagar, agus dh'fhàs i torrach: agus 'n uair a chunnaic i gu'n d'fhàs i torrach, bha a banamhaighstir tàireil 'n a sùilb.

5 Agus thubhairt Sarai ri h-Abram, *Bith-eadh* m'eucoir ortsa: thug mi mo bhanoglach do d' ùchd; agus 'n uair a chunnaic i gu'n d'fhàs i torrach, bha mise tàireil 'n a sùilb: Gu'n d' thugadh an Tighearn breth eadar mise agus thusa.

6 Ach thubhairt Abram ri Sarai, Feuch, tha do bhanoglach a' d' làimh féin, dean rithe mar is àill leat. Agus an uair a bhuin Sarai gu cruaidh rithe, theich i o 'gnùis.

7 Agus fhuair aingeal an Tighearn i làimh ri tobar uisge an fhàsach, làimh ris an tobar 's an t-slighe gu Sur.

8 Agus thubhairt e, A Hagair, a bhano-glach Sharai, cia as a thàinig thu, agus càite 'bheil thu 'dol? Agus thubhairt ise, Tha mi a' teicheadh o ghnùis Sharai mo bhanamhaighstir.

9 Agus thubhairt aingeal an Tighearna rithe, Pill a dh'ionusuidh do bhanamhaighstir, agus ùmlaich thu féin f'a làimh.

10 Agus thubhairt aingeal an Tighearna rithe, Meudaichidh mise gu mòr do shliochd, agus cha-n àirmhear e thaobh lìonmhoir-eachd.

11 Agus thubhairt aingeal an Tighearna rithe, Feuch, *tha* thu torrach, agus beiridh tu mac, agus bheir thu Ismael mar ainm air, a chionn gu'n d' éisd an Tighearn ri d' anshocair.

12 Agus bithidh e 'u a dhuine fiadhaich; *bithidh* a làimh an aghaidh gach *duine*, agus làmh gach *duine* 'n a aghaidh-sau: agus am fianuis a bhràithrean uile gabhaidh e còmh-nuidh.

13 Agus ghoir i ainm an Tighearn 'a labhair rithe, Thusa Dhé a *tha* 'g am fhaicinn; oir thubhairt i, An e gu'n robh agams' ann an so mar an ceudna suil ris au Ti sin a *tha* 'g am fhaicinn?

14 Uime sin ghoir i de'n tobar, Beer-la-hai-roi; feuch, *tha* e cadar Cades agus Bered.

15 Agus rug Hagar mac do Abram: agus thug Abram Ismael mar ainm air a mhac, a rug Hagar.

16 Agus bha Abram ceithir fichead agus sè bliadhna dh'aois, 'n uair a rug Hagar Ismael do Abram.

CAIB. XVII.

1 Coimhcheangal Dhé ri h-Abram air 'aith-nuadhachadh, agus ainm air 'atharrachadh 'gu Abraham. 9 An timchioll-ghearradh air 'orduchadh. 16 Isaac air a ghealltainn.

AGUS 'n uair a bha Abram ceithir fichead agus uaoi bliadhna déug a dh'aois, dh'fhoillsich an Tighearn e féin dha, agus thubhairt e ris, *Is* mise 'u Dia uile-chùmh-achdach; gluais thusa a'm' fianuis, agus bi foirfe.

2 Agus uì mi mo choimhcheangal eadar mise agus thusa, agus meudaichidh mi thu gu h-anabarrach.

3 Agus thuit Abram air 'eudan, agus labhair an Tighearn ris, ag ràdh,

4 Do m' thaobhsa, feuch, *tha* mo choimhcheangal riutsa, agus bithidh tu a' d' athair mhòran chinneach:

5 Agus uì'n toirear á so a mach Abram mar ainm ort, ach bithidh Abraham agad mar aium; oir rinn mi thu a' d' athair mhòran chinneach.

6 Agus nì mi thu ro shìolmhor, agus nì mi dhìot cinnich, agus thig rìghrean a mach asad.

7 Agus daingnichidh mi mo choimhcheangal eadar mise agus thusa, agus do shliochd a' d' dhéigh, 'n an ginealachabh, mar choimh-

cheangal sìorruidh, gu bhì m' Dhia dhuitse agus do d' shliochd a' d' dhéigh.

8 Agus bheir mi dhuitse, agus dod' shliochd a' d' dhéigh, am fearanu aims am bheil thu a' d' choigreach, tìr Chanaain uile, mar sheilbh sìorruidh; agus bithidh mise a'm' Dhia dhoibh.

9 Agus thubhairt Dia ri h-Abraham, Coimhididh tu uime sin mo choimhcheangal, thu féin, agus do shliochd a' d' dhéigh, 'n an ginealachabh.

10 So mo choimhcheangal, a choimhideas sibh, eadar mise agus sibhse, agus do shliochd a' d' dhéigh; Gu'n timchioll-ghearrar gach leanabh mic 'n 'ur measg.

11 Agus timchioll-ghearraidh sibh feidil bhuir roimh-chroicinn, agus bithidh e 'n a chomhar air a' choimhcheangal eadar mise agus sibhse.

12 Agus am mac 'n 'ur measg a bhios ochd làitheau a dh'aois, timchioll-ghearrar e, gach leanabh mic 'u 'ur ginealachabh, esan a bheirear 's an tigh, no 'cheannaichear le h-airgid o choigreach air bith, nach 'eil de d'shliochd-sa.

13 Timchioll-ghearrar gu cinnteach esan a bheirear a' d' thigh, agus esan a cheannaichear le d'airgid: agus bithidh mo choimhcheangal 'n 'ur feoil-sa mar choimhcheangal sìorruidh.

14 Agus an leauabh mic neo-timchioll-ghearrta, aig nach timchioll-ghearrar feoil a roimh-chroicinn, gearrar au t-uam sin a mach o 'shluagh: bhris e mo choimhcheangal.

15 Agus thubhairt Dia ri h-Abraham, A thaobh Sharai do mhna, cha toir thu Sarai mar ainm oirre, oir *is e* Sarah a h-ainm.

16 Agus beannaichidh mis' i, agus bheir mi dhuit mar an ceudna mac uaipe: seadh, beannaichidh mi i, agus bithidh i 'n a màthair chinneach; thig rìghrean phoib-leach uaipe.

17 An sin thuit Abraham air 'aghaidh, agus riun e gaire; agus thubhairt e 'n a chridhe, Am beirear mac dhasan a tha ceud bliadhna dh'aois? Agus am beir Sarah, a tha deich agus ceithir fichead bliadhna dh'aois, mac?

18 Agus thubhairt Abraham ri Dia, O gu maireadh Ismael beò a' d' fianuis!

19 Agus thubhairt Dia, Gu cinnteach beiridh do bhean Sarah mac dhuit; agus bheir thu Isaac mar ainm air: agus daingnichidh mise mo choimhcheangal ris mar choimhcheangal sìorruidh, agus r'a shliochd 'n a dhéigh.

20 Agus a thaobh Ismael, chuala mi thu: Feuch, bheannaich mi e, agus nì mi sìolmhor e, agus cuiridh mi 'u lìonmhoir-eachd e gu h-anabarrach. Dà cheanuad deug ginidh e, agus nì mi e 'n a chinneach mòr.

21 Ach mo choimhcheangal daingnichidh mi ri h-Isaac, a bheireas Sarah dhuit 's an am so anns an ath bhliadhna.

22 Agus sguir e 'bhi 'labhairt ris ; agus chaidh Dia suas o Abraham.

23 Agus ghabh Abraham Ismael a mhac, agus iadsan uile a rugadh 'n a thigh, agus iadsan uile a dheannaicheadh le 'airgid-san, gach firionnaeh am measg dhaoine tighe Abraham ; agus thinnchioll-ghearr e feoil an roimh-chroieim anns a' cheart là sin féin, mar a thubhairt Dia ris.

24 Agus bha Abraham ceithir fichead agus naoi bliadhna deug a dh' aois, 'n uair a thinnchioll-ghearradh dha feoil a roimh-chroieim.

25 Agus bha Ismael a mhac tri bliadhna deug a dh'aois, 'n uair a thinnchioll-ghearradh dha feoil a roimh-chroieim.

26 Anns a' cheart là sin féin thinnchioll-ghearradh Abraham, agus Ismael a mhae.

27 Agus thinnchioll-ghearradh maille ris uile dhaoine a thighe, a rugadh 'n a thigh, agus iadsan a dheannaicheadh le 'airgid o mhac coigrich.

CAIB. XVIII.

1 Tha Abraham a' toirt aoidheachd do thrìuir ainglean. 17 Tha sgrìos Shodoim air 'fhoill-seachadh dha. 23 Tha e a' deanamh eadar-ghuidhe air a shon.

AGUS dh'fhoillsich an Tighearn e féin da ann an còmhnaid Mhamre, agus e 'n a shuidhe 'an dorus a' bhùtha ann an teas an là.

2 Agus thog e suas a shùilean, agus dh'amhaire e, agus, feuch, bha trìuir dhaoine a' seasamh làimh ris ; agus 'n uair a ehunnaie e iad, ruith e 'n an coinneamh o dhorus a' bhùtha, agus ehrom se e féin gu làr,

3 Agus thubhairt e, Mo thighearna, ma fhuair mi nis deadh-ghean a'd' shùilibh, guidheam ort, na rach seachad air do sheirbhisich.

4 Thugar an so, guidheam oirbh, beagan uisge, agus ionnlaidibh bhur cosan, agus leigibh bhur n-anail fo 'n chraoibh ;

5 Agus bheir mise an so greim arain, agus neartaieibh bhur eridhe : an déigh sin imiehidh sibh roimhibh, oir is ann uime sin a thàinig sibh a dh'ionnsuidh bhur seirbhisich. Agus thubhairt iadsan, Dean eadhon mar a thubhairt thu.

6 Agus ghreas Abraham do'n bhùth a dh'ionnsuidh Sarah, agus thubhairt e, Dean cabhag, 'taoisinn trì miosaiean de mhin phlùir agus dean breacagan air lie an teintein.

7 Agus ruith Abraham a dh'ionnsuidh a' chruidh, agus ghabh e dh'oganaeh e, agus rinn e deifir ga dheasachadh.

8 Agus ghabh e im agus bainne, agus an laogh a dheasaich e, agus ehuir e air am beulaobh iad ; agus sheas e làimh riu fo 'n chraoibh, agus dh' ith iad.

9 Agus thubhairt iad ris, C'ait am bheil Sarah do bhean? Agus thubhairt esan, Feuch, anns a' bhùth.

10 Agus thubhairt e, Gu cinnteach pillidh

mi a'd'ionnsuidh a réir àm na beatha ; agus, feuch, bithidh mac aig Sarah do bhean. Agus ehuala Sarah sin ann an dorus a' bhùtha, a bha air a ehul.

11 A nis bha Abraham agus Sarah scan, agus air dol air an aghaidh gu maith ann an aois : agus sguir Sarah a bhi réir dòigh nam ban.

12 Uime sinn rinn Sarah gàire innte féin, ag ràdh, An déigh dhomhsa fas aosda, am bi subhaehas agam, agus gu bheil mo thigh-earn aosda mar an ceudna?

13 Agus thubhairt an Tighearn ri b-Abraham, C'ar son a rinn Sarah gàire, ag ràdh, 'N e gu'm beir mise gu cinnteach leanabh, agus mi aosmhor?

14 Am bheil ni air bith do-dheanta do 'n Tighearn? 'S an àm shuidhichte pillidh mi a'd' ionnsuidh, a réir àm na-beatha, agus bithidh mac aig Sarah.

15 An sin dh'aicheadh Sarah, ag ràdh, Cha d' rinn mi gàire : oir bha eagal orre. Agus thubhairt esan, Ni h-eadh, oir rinn thu gàire.

16 Agus dh'éirieh na daoine as a sin, agus dh'amhaireiad ratlad Shodoim : agus ehaidh Abraham maille riu g'an eur air an t-slighe.

17 Agus thubhairt an Tighearn, An ceil mi air Abraham an ni sin a tha mi gus a dheanamh ;

18 Agus gu'm fas Abraham gu cinnteach 'n a ehinneach mòr agus eumhaehdaeh, agus gu'm beannaiehear annsan uile ehinnich na talmhainn?

19 Oir is aithne dhomh e, gu'n toir e àithne d'a ehloinn, agus d'a theaghlach 'n a dhéigh, agus gleidhidh iadsan slighe an Tighearna, a' deanamh ceartais agus breitheanais ; chum as gu'n toir an Tighearn air Abraham an ni sin a labhair e m'a thinnchioll.

20 Agus thubhairt an Tighearn, Do bhrìgh gu bheil glaoth Shodoim agus Ghomorrah mòr, agus do bhrìgh gu bheil am peacadh air 'antromaehadh gu h-anabarrach ;

21 Thèid mi sìos a nis, agus chi mi ma rinn iad gu léir a réir a' ghlaoidh, a thàinig a' m' ionnsuidh ; agus mar do rinn, bithidh fios agam.

22 Agus thionndaidh na daoine an aghaidh as a sin, agus ghabh iad an t-slighe gu Sodom : aeh sheas Abraham fathast an làthair an Tighearna.

23 Agus thàinig Abraham am fagus, agus thubhairt e, An sgrìos thusa mar an ceudna an t-ionraean maille ris an aingidh?

24 Ma's e's gu bheil leth-cheud ionraean an taobh a stigh de'n bhaile, an sgrìos thu mar an ceudna, agus nach eaomhain thu 'n t-àitairson an leth-cheud ionraean a tha ann

25 Gu ma fada uaitse a dheanamh air an dòigh so, an t-ionraean a mharbhadh maille ris an aingidh, ionnas gu'm bi an t-ionraean mar an t-aingidh : gu ma fada sin uaitse. Nach dean Breitheamh na talmhainn uile ceartas?

26 Agus thubhairt an Tighearn, Magheibh mi ann an Sodom leth-cheud ionracan an taobh a stigh de'n bhaile, an sin/eaomhnaidh mi an t-àit uile air an sgàthsan.

27 Agus fhreagair Abraham, agus thubhairt e, Feuch a uis, ghabh mi orm féin labhairt ri m' Thighearn, agus gun annam ach duslach agus luathre.

28 Ma's e's gu'm bi cùigear a dh'uireas-bhuidh air an leth-cheud ionracan, an sgrìos thu'm baile uile air son *eachdhuidh* chùigir? Agus thubhairt e, Cha sgrìos mi e, ma gheibh mi u sin cùig agus dà fhichead.

29 Agus labhair e ris a ris, agus thubhairt e, Ma's e's gu'm faighear an sin dà fhichead? Agus thubhairt e, Cha dean mi e air sgàth dhà fhichead.

30 Agus thubhairt e ris, Och! na bitheadh fearg air mo Thighearn, agus labhaird mi: Ma's e's gu'm faighear an sin deich 'ar fhichead? Agus thubhairt e, Cha dean mi e, ma gheibh mi an sin deich 'ar fhichead.

31 Agus thubhairt e, Feuch a nis, ghabh mi orm féin labhairt ri m' Thighearn: Ma's e's gu'm faighear fichead an sin? Agus thubhairt e, Cha sgrìos mi e air son fhichead.

32 Agus thubhairt e, Och! na bitheadh fearg air mo Thighearn, agus labhaird mi mhàin an aon uair so: Ma's e's gu'm faighear deichnean an sin? Agus thubhairt e, Cha sgrìos mi e air sgàth dheichnean.

33 Agus dh'imich an Tighearn roimhe, 'n uair a sguir e de labhairt ri h-Abraham: agus phill Abraham g'a àite féin.

CAIB. XIX.

1 Tha Lot a' toirt aoidheachd do dhà aingeal.
24 Sodom agus Gomorrah air an sgrìos. 26 Peanas mnà Lot. 31 Cionta a dh'ithis nighean.

A GUS thàinig dà aingeal do Shodom 's an fhcasgar, agus bha Lot 'n a shuidhe ann an geata Shodoim: agus 'n uair a chunnaic Lot iad, dh'éirich e suas 'n an coinneamh, agus chrom se e féin air 'aghaidh gu làr.

2 Agus thubhairt e, Feuch a nis, mo thighearnan, tionndaidhibh a steach, guidheam oirbh, do thigh bhuir seirbhisich, agus fanaibh rè na h-oidheche, agus ionnaidhibh bhuir cosan, agus éiridh sibh gu moch, agus théid sibh air bhuir turas. Agus thubhairt iad, Nì h-eadh, ach fanaidh sinn air an t-sràid rè na h-oidheche.

3 Agus choimh'eignich e iad, agus thionndaidh iad d'a ionnsuidh, agus chaidh iad a steach d'a thigh: agus rinn e cuirinn dhoibh, agus dheasaich e arau neo-ghoirtichte, agus dh'ith iad.

4 Ach mu'n deachaidh iad a luidhe, chuairtich daoine a' bhaile an tigh, *eachdon* daoine Shodoim, araoan sean agus òg, an sluagh uile o gach cearna.

5 Agus ghairm iad air Lot, agus thubhairt iad ris, C'ait am bheil na daoine a thàinig

ad' ionnsuidh an nochd? Thoir a mach iad d'ar n-ionnsuidh, chum as gu'n aithnich siun iad.

6 Agus chaidh Lot a mach d'an ionnsuidh air an dorus, agus dhruid e 'n dorus 'n a dhéigh,

7 Agus thubhairt e, Na deanaibh, guidheam oirbh, mo bhràithre, gnìomh cho ole.

8 Feuch a nis, tha agam dithis nighean do nach b'aithne fear; leigibh leam, guidheam oirbh, an toirt a mach d'ur n-ionnsuidh, agus deanaibh riu mar is àill leibh: a mhàin air na daoineibh so na deanaibh a' bheag, oir is ann a chum na eriche so a thàinig iad fo sgàile mo thighe-sa.

9 Agus thubhairt iadsan, Seas air d'ais. Agus thubhairt iad a ris, Thàinig am fear so 'n a aonar air chuairt, agus is àill leis a bhi 'n a bhrèitheamh: a nis buinidh sinne riutsa nì's miosa na rìusan. Agus rinn iad éigin mhòr air an duine, *eachdon* air Lot, agus thàinig iad am fagus a bhriscadh an doruis.

10 Ach ehuir na daoine mach an làmh, agus thug iad Lot a steach d'an ionnsuidh do'n tigh, agus dhùin iad an dorus.

11 Agus bhuail iad na daoine, a bha aig dorus an tigh, le doille, eadar bheag agus mhòr; ionnas gu 'n do sgithich iad iad féin ag iarraidh an doruis.

12 Agus thubhairt na daoine ri Lot, O'd tuilleadh a th'agad an so? Do chliamhuin, agus do mhic, agus do nigheanan, agus ge b'e nì a tha agad 's a' bhaile, thoir a mach iad as an àite so:

13 Oir tha sinne gus an t-àite so a sgrìos, do bhrìgh gu bheil an glaoth air fàs mòr an làthair an Tighearna; agus chuir an Tighearn sinne g'a sgrìos.

14 Agus chaidh Lot a mach, agus labhair e r'a chleamhnaibh, a phòs a nigheanan, agus thubhairt e, Eiribh, rachaibh a mach as an àite so, oir tha'n Tighearn gus am baile so a sgrìos: Ach bha e mar neach a bha ri fanoid ann an sùilbha a chleamhnan.

15 Agus 'n uair a dh'éirich a' mhaduim, an sin ghreas na h-aingil Lot, ag ràdh, Eirich, gabh do bhean, agus do dhithis nighean a tha'n so, air eagal gu'n sgrìosar thu ann an aingidheachd a' bhaile.

16 Agus 'n uair a bha e a' deanamh mòile, an sin rug na daoine air làmh air, agus air làmh air a' mhnaoi, agus air làmh air a dhithis nighean; air do'n Tighearn a bhi trècaireach dha: agus thug iad a mach e, agus chuir iad e'n taobh a muigh de'n bhaile.

17 Agus 'n uair a thug iad a mach iad, thubhairt e, Teich air son d'anama; na seall a d' dhéigh, agus na stad 's a' chòmhnard uile: teich do'n t-slabh, air eagal gu mille r thu.

18 Agus thubhairt Lot riu, Och! nì h-ann mar sin, mo thighearna.

19 Feuch a nis, thuair do sheirbhiseach

deadh-ghean a'd' shùilibh, agus mheudaich thu do thròcair, a nochd thu dhomhsa le m'anam a' theasraiginn: agus cha-n urrainn mise dol as do'n t-sliabh, air eagal gu'n tig olc éigin orm, agus gu'm faigh mi bàs.

20 Feuch a nis, *tha* 'm baile ud am fagus gu teicheadh d'a ionnsuidh, agus e beag; leigear dhomh a nis teicheadh an sud, (nach beag e?) agus bithidh m'anam beò.

21 Agus thubhairt e ris, Feuch, ghabh mi ri d'athcheuinge 's an ni so mar an ceudna, nach sgrios mi'm baile so, mu'n do labhair thu.

22 Greas ort, teich an sud, oir cha-n urrainn mi ni air bith a dheanamh gus an téid thu'n sud: uime sin thugadh Soar mar ainm air a' bhaile.

23 Bha 'ghrian air éirigh air an talamh, 'n uair a chaidh Lot a steach do Shoar.

24 An sin thug an Tighearn air pronnase agus teine frasadh air Sodom agus air Gomorrah, a nuas o'n Tighearn as na néamhan.

25 Agus sgrios e na bailtean sin, agus an còmhnaid uile, agus uile luchd-àiteachaidh nam bailtean, agus na dh'fhàs air an talamh.

26 Ach sheall a bhean 'n a déigh o 'chù-laobh, agus dh'fhàs 'n a carraghe salaimn.

27 Agus chaidh Abraham suas moch 's a' mhaduinn do'n àit anns an do sheas e air làthair an Tighearna.

28 Agus sheall e air Sodom agus Gomorrah, agus air fearann a' chòmhnaid uile, agus chunnaic e, agus, feuch, chaidh deatach na tìre suas mar dheatach àmhainn.

29 Agus an uair a sgrios Dia bailtean a' chòmhnaid, an sin chuir Dia air Abraham, agus chuir e mach Lot a meadhon an léir-sgrios, 'n uair a sgrios e na bailtean anns an robh Lot 'n a chòmhnaidh.

30 Agus chaidh Lot suas a Soar, agus ghabh e còmhnaidh 's an t-sliabh, agus a dhithis nighean maille ris; oir bhaagal air còmhnaidh 'ghabhail ann an Soar: agus ghabh e còmhnaidh ann an uaimh, e féin agus a dhithis nighean.

31 Agus thubhairt an té 'bu shine ris an té a b'òige, *Tha* ar n-athair sean, agus cha-n 'eil fear air an talamh gu teachd a steach d' ar n-ionnsuidh a rèir gnàtha na tamhainn uile.

32 Thig, thugamaid air ar n-athair fion òl, agus luidheamaid maille ris, chum as gu'n gléidh sinn slìochd o ar n-athair.

33 Agus thug iad air an athair fion òl air an oidhe sin: agus chaidh an té 'bu shine steach, agus luidh i maille r'a h-athair; agus cha do mhothaich e 'n uair a luidh i sios, no 'n uair a dh'éirich i.

34 Agus air an là-màireach thubhairt an té 'bu shine ris an té a b'òige, Feuch, luidh mise an raoir maille ri m' athair; thugamaid air fion òl an nochd mar an ceudna, agus theirig a steach, agus luidh maille ris,

chum as gu'n gléidh sinn slìochd o ar n-athair.

35 Agus thug iad air an athair fion òl air an oidhe sin mar an ceudna: agus dh'éirich an té a b'òige, agus luidh i maille ris, agus cha do mhothaich e 'n uair a luidh i sios, no 'n uair a dh'éirich i.

36 Mar so bha dithis nighean Lot torrach aig an athair.

37 Agus rug an té 'bu shine mac, agus thug i Moab mar ainm air: is esan athair nam Moabach gus an là'n diugh.

38 Agus an té a b'òige, rug ise mar an ceudna mac, agus thug i Ben-ammi mar ainm air: is esan athair chloinn Ammoin gus an là'n diugh.

CAIB. XX.

1 *Tha Abraham ag àicheadh a mhnà Sarah, agus Abimelech 'g a gabhail d'a ionnsuidh fèin. 6 Ach air faotaim rabhaidh o Dhia ann an aising, tha e'g a toirt air a h-ais da.*

A GUS dh'imich Abraham as a sin do'n tìr mu dheas, agus ghabh e còmhnaidh cadar Cades agus Sur; agus bha e air chuairt ann an Gerar.

2 Agus thubhairt Abraham mu Shàrah a bhean, 'S i mo phiuthar i: Agus chuir Abimelech rìgh Gherair teachdaire uair, agus ghabh e Sarah.

3 Agus thàinig Dia gu Abimelech ann an aising 's an oidhe, agus thubhairt e ris, Feuch, is duine marbh thu air son na mnà a ghabh thu; oir is bean duin' eile i.

4 Ach cha d' thàinig Abimelech am fagus d'i, agus thubhairt e, A Thighearna, am marbh thu mar an ceudna cinneach ionraic?

5 Nach d' thubhairt esan riumsa, 'S i mo phiuthar i? agus thubhairt ise, eadhon ise féin, 'Se mo bhràthair e: ann an treibhdhircas mo chridhe, agus ann an neo-chionta mo làmh rinn mi so.

6 Agus thubhairt Dia ris ann an aising, Seadh, tha fios agam gur ann 'an treibhdhircas do chridhe a rinn thu so, agus chum mise mar an ceudna thu o pheacachadh a'm' aghaidh: uime sin cha do leig mi leat beantainn rithè.

7 A nis m'at, thoir air a h-ais do'n duine a bhean; oir is faidh e, agus ni e urnuigh air do shon, agus bithidh tu beò: ach mur toir thu air a h-ais i, biodh fios agad gu'm faigh thu bàs gu cinnteach, thu féin agus gach uile a's leat.

8 Uime sin dh'éirich Abimelech moch s a' mhaduinn, agus ghairm e a sheirbhisich uile, agus dh'aithris e na nithean sin uile 'n an éisdeachd; agus bha eagal mòr air na daoine.

9 An sin ghairm Abimelech air Abraham, agus thubhairt e ris, Ciod so a rinn thu oirm? agus ciod an eucòir a rinn mise ort, gu'n d'thug thu ormsa, agus air mo rìoghachd peacadh mòr? rinn thu gnòmharan ormsa, nach bu chòir a dheanamh.

10 Agus thubhairt Abimelech ri h-Abra-

ham, Ciod a chunnaic thu 'gu'n d'rinn thu an ni so?

11 Agus thubhairt Abraham, A chionn gu'n d'thubhairt mi *annam féin*, Gu cinnteach cha-n 'eil eagal an Tighearna 's an ionad so; agus marbhaidh iad mi air son mo mhna.

12 Agus gidheadh *is* i gu deimhin mo phiuthar, nighean m'athar i, ach cha-n i nighean mo mhàthar: agus bha i agam mar mhnaoi.

13 Agus 'n uair a thug Dia orm dol air m'aineol o thigh u'athar, an siu thubhairt mi ri, 'S e so d'è *chaoimhneas* a' nochdas tu dhomhsa; Ams gach àite d'an tig sinn, abair nu m' thimchioll, 'S e mo bhràthair e.

14 Agus ghabh Abimelech caoraich, agus buar, agus òglach, agus banoglaich, agus thug e *iad* a dh' Abraham, agus thug e air a h-ais dha Sarah a bhean.

15 Agus thubhairt Abimelech, Feuch, tha m'fhearann fa d' chomhair; gabh còmhnuidh far an taitneach leat.

16 Agus ri Sarah thubhairt e, Feuch, thug mi mìle *bonn* airgid do d' bhràthair: feuch, *tha* e dhuitse 'n a còmhndachadh sùl do gach uile a *tha* maille riut, agus maille ris gach uile: mar so fhuair i achmhasan.

17 Agus rinn Abraham urnuigh ri Dia; agus leighis Dia Abimelech, agus a bhean, agus a bhauoglaich, agus rug iad clann.

18 Oir d'hruid an Tighearn suas gach bòlg ann an teaghlach Abimeleach, air son Shàrah mnà Abraham.

CAIB. XXI.

1 *Rugadh agus thimchioll-ghearradh Isaac.* 9 *Hàgar agus a mac Ismael air an cur air falbh.* 22 *Còmhcheangal eadar Abimelech agus Abraham.*

AGUS dh'auhairc an Tighearn air Sarah mar a thubhairt e; agus rinn an Tighearn do Shàrah mar a labhair e:

2 Oir dh'fhàs Sarah torrach, agus rug i mac do Abraham 'n a shean aois, 's an àm shuidhichte mu'n do labhair Dia ris.

3 Agus thug Abraham Isaac mar ainm air a mhac a rugadh dha, a rug Sarah dha.

4 Agus thimchioll-ghearr Abraham Isaac amhac, 'n uair a bha e ochd làithean a dh'aois, mar a dh'athn Dia dha.

5 Agus bha Abraham ceud bliadhna dh'aois, 'n uair a rugadh a mhac Isaac dha.

6 Agus thubhairt Sarah, thug Dia orm gàire dheanamh: agus gach neach a chluinuas, ni e gàire maille riun.

7 Agus thubhairt i, Cò a theircadh ri h-Abraham, gu'n d'thugadh Sarah cìoch do chloinn? oir rug mi mac *dha* 'n a shean aois.

8 Agus dh'fhàs an leanabh, agus chuireadh bhàrr na cìche e: Agus rinn Abraham cuirm mhòr 's an là 'an do chuireadh Isaac bhàrr na cìche.

9 Agus chunnaic Sarah mac Hagair na ban-Eiphitich a rug i dh'Abraham, ri fanoid.

10 Uime sin thubhairt i ri h-Abraham, Tilg a mach a' bhau-tràill so, agus a mac; oir cha bhi mac na ban-tràille so 'n a oighre maille ri m' mhac-sa, *eadhon* ri h-Isaac.

11 Agus bha an ni ro dhoilgheasach ann an sùilbh Abraham, air sou a mhic.

12 Agus thubhairt Dia ri h-Abraham, Na biodh e doilgheasach a'd' shùilbh air son an òganaich, agus air son do bhan-tràille: a thaobh gach ni a thubhairt Sarah riut, èisd r'a guth; oir is am an Isaac a dh'ainmichear dhuitse sliochd.

13 Agus mar an ceudna de mhac na ban-tràille ni mise cinucach, do bhrìgh gur e do shliochd sa e.

14 Agus dh'éirich Abraham suas gu moch 's a' mhaduinn, agus ghabh e aran, agus searrag uisge, agus thug e *sin* do Hagar, agus chuir e air a gualainn e, agus an leauabh; agus chuir e air falbh i: agus dh'imich i, agus chaidh i air seacharan 'au fasach Bheer-seba.

15 Agus chaitheadh an t-uisge o'u t-searraig; agus thilg i an leanaibh fo aou de u a preasaibh.

16 Agus dh'fhalbh i, agus shuidh i sìos fa chomhair, tamull maith uaith, mu thimchioll urchuir saighde: oir thubhairt i, Na faiceam bàs an leinibh. Agus shuidh i f' a chomhair, agus thog i suas a guth, agus ghluil i.

17 Agus chuala Dia guth an òganaich: agus ghairm aingeal Dhé air Hagar o nèamh agus thubhairt e ri, Ciod a *tha* teachd, riut, a Hagair? Na biodh eagal ort; oir chuala Dia guth an òganaich far *am theil* e.

18 Eirich, tog suas an t-òganach, agus gabh greim a'd' làimh dheth, oir ni mise 'n a chinneach mòr e.

19 Agus dh'fhosgail Dia a sùilean, agus chunnaic i tobar uisge; agus chaidh i, agus lion i an t-searrag le h-uisge, agus thug i deoch do'n òganach.

20 Agus bha Dia leis an òganach, agus dh'fhàs e suas: agus ghabh e còmhnuidh 's an fhàsach, agus bha e 'u a fhear-bogha.

21 Agus ghabh e còmhnuidh 'am fàsach Pharam: agus ghabh a mhàthair bean da á tìr na h-Eiphit.

22 Agus 's an àm sin féin labhair Abimelech, agus Pichol ard cheannard a shluaigh, ri h-Abraham, ag ràdh, *Tha* Dia leat anns gach ni a *tha* thu a' deanaibh.

23 A nis uime sin mionnach, dhomhsa air Dia, uach buin thu gu fealltach riunsa, uo ri m' mhac, no ri mac mo mhic; ach a réir a' chaoimhneis a rinn mi riut, ni thusa riunsa, agus ris an tìr anns an robh thu air chuairt.

24 Agus thubhairt Abraham, bheir mi mo mhionnan.

25 Agus thug Abraham achmhasan do Abimelech air son tobair uisge, a thug seirbhisich Abimeleach a mach le h-ainneart.

GENESIS, XXII.

26 Agus thubhairt Abimelech, Cha b'fhiosrach mise cò rinn an gnòmh so: cha d'inns thu féin domh, agus cha mhò a chuala mi 'bheag m'a thimchioll ach an diugh.

27 Agus ghabh Abraham caoraich agus erodh, agus thug e iad do Abimelech: agus rinn iad le 'chéile coimhcheangal.

28 Agus chuir Abraham seachd uain bhoirionn de'n treud air leth leo féin.

29 Agus thubhairt Abimelech ri h-Abraham, Ciod iad na seachd uain bhoirionn sin, a chuir thu air leth leo féin?

30 Agus thubhairt e, Oir gabhaidh tu na seachd uain bhoirionn sin o m' àimh; chum gu'm bi iad 'n am fianuis dhomhsa gu'n do chladhaich mi an tobar so.

31 Uime sin thug e Beer-seba mar ainm air an àite sin, do bhrìgh an sin gu'n d'thug iad am miomnan le 'chéile.

32 Mar so rinn iad coimhcheangal aig Beer-seba: an sin dh'éirich Abimelech suas, agus Phichol ard cheannard a shluaigh, agus phill iad do thìr nam Philisteach.

33 Agus shuidhich Abraham doire chraobh aig Beer-seba, agus ghairm e 'n sin air ainm an Tighearna, an Dé shìorruidh.

34 Agus bha Abraham air chuairt ann an tìr nam Philisteach mòran de làitheibh.

CAIB. XXII.

1 *Aithne air a tabhairt a dh' Abraham gu'n òbradh e a mhac Isaac. 3 Tha e a' tòirt dearbhaidh air a chreidimh agus air 'àmh-lachd. 13 Reithe air 'òbradh' an àit Isaac.*

AGUS an dèigh nan nithean sin dh'earbh Dia Abraham, agus thubhairt e ris, Abrahamaim. Agus thubhairt e, Feuch, *tha mi 'n so.*

2 Agus thubhairt esan, Gabh a nis do mhac, d'aon mhac Isaac, a's ionmhuim leat, agus rach do thìr Mhòriah, agus thoir suas an sin e mar thabhartas-loisgte air aon de na beannaibh a dh'innsas mise dhuit.

3 Agus dh'éirich Abraham gu moch 's a' mhaduinn, agus dh'aighnigh e 'asal, agus ghabh e dìthis d'a òganaich maille ris, agus a mhac Isaac; agus sgoilt e fiodh air son an tabhartais-loisgte, agus dh'éirich e suas, agus chaidh e do 'n àit a dh'inns Dia dha.

4 A nis air an treas là thog Abraham suas a shùilean, agus chunnaic e an t-àite fada uath.

5 Agus thubhairt Abraham r'a òganaich, Fanaibhe an so maille ris an asal, agus théid mise agus an gille gu ruige sud, agus ni sinn aoradh, agus thig sinn a ris d'ur n-ionnsuidh.

6 Agus ghabh Abraham fiodh an tabhartais-loisgte, agus chuir se e air muin a mhic Isaac; agus ghabh e 'n a làmh an teine, agus an sgian: agus dh'imich iad le 'chéile cuideachd.

7 Agus labhair Isaac r'a athair Abraham, agus thubhairt e, Athair: agus thubhairt esan Feuch, *tha mi 'n so*, a mhic. Agus

thubhairt e, Feuch an teine agus am fiodh; ach c'ait am bheil an t-uan air son tabhartais-loisgte?

8 Agus thubhairt Abraham, Gheibh Dia, a mhic, uan dha féin air son tabhartais-loisgte: Mar sin dh'imich iad cuideachd le 'chéile.

9 Agus thàinig iad do'n àit a dh'inns Dia dha, agus thog Abraham altair an sin, agus chuir e 'm fiodh 'an òrdugh; agus cheangail e a mhac Isaac, agus chuir e air an altair e air uachdar an fhiodha.

10 Agus shìn Abraham a mach a làmh, agus ghabh e an sgian a mharbhadh a mhic.

11 Agus ghlaodh aingeal an Tighearna ris o nèamh, agus thubhairt e, Abraham, Abraham. Agus thubhairt esan Feuch, *tha mi 'n so.*

12 Agus thubhairt e, Na leag do làmh air a' ghille, agus na dean ni sam bith air: oir a nis tha mi fiosrach gu bheil eagal Dhé ort, do bhrìgh nach do chum thu do mhac, *eadhon* d'aon mhac uamsa.

13 Agus thog Abraham suas a shùilean, agus dh'amhair e, agus, feuch, reithe air a chùlaobh 'an sàs ann am preas air 'adhaircean: agus chaidh Abraham, agus ghabh e an reithe, agus thug e suas e mar thabhartas-loisgte 'an àit a mhic.

14 Agus thug Abraham Ichobhab-Iireh mar ainm air an àite sin: mar a theirear *gus* an là'n diugh, Ann an sliabh an Tighearna chithhear e.

15 Agus ghlaodh aingeal an Tighearna ri h-Abraham an dara uair o nèamh.

16 Agus thubhairt e, Orm féin mhionnaich mi, a's' an Tighearna, a chionn gu'n d'rinn thu an ni so, agus nach do chum thu *uam* do mhac, *eadhon* d'aon mhac;

17 Gu'm beannaich mi thu gu mòr, agus gu'n dean mi do shliochd ro lionmhor *eadhon* mar reultan nèimh, agus mar an gaineamh, a *tha* air tràigh na fairge; agus scalbhaichidh do shliochd geatadh an naimhdean;

18 Agus beannaichear ann ad shliochdsa uile chinnich na talmhainn, a chionn gu'n d' eisd thu ri m' ghuth.

19 Mar sin phill Abraham a dh'ionnsuidh 'òganacha; agus dh'éirich iad suas, agus chaidh iad cuideachd gu Beer-seba: agus ghabh Abraham còmhuidh aig Beer-seba.

20 Agus an dèigh nan nithean sin dh'innsadh do Abraham, ag ràdh, Feuch, rug Milcah mar an ceudna mic do d' bhràthair Nabor;

21 Hus a cheud-ghin, agus Buds a bhràthair, agus Cemucl athair Aram,

22 Agus Chesed, agus Hadso, agus Pildas, agus Idalph, agus Betuel.

23 Agus ghin Betuel Beceah: an ochednar sin rug Milcah do Nabor, bràthair Abraham.

24 Agus a choi-leabach, d'am 'uaim Reumah, rug ise mar an ceudna Tebah, agus Gaham, agus Tahas, agus Maachah.

CAIB. XXIII.

1 *Aois agus bàs Shàrah.* 3 *Achadh agus uaimh Mhachpelah air an ceannach, 19 far an d'adhlaidh a Shàrah.*

AGUS bha Sarah beò ceud agus seachd bliadhna fichead; *b'iad so* bliadhnachan beatha Shàrah.

2 Agus flhuair Sarah bàs ann an Ciriatarba; *'s e sin* Hebron ann an tìr Chanaan: Agus thàinig Abraham a dheanamh tuiridh air son Shàrah, agus a chaidh air a son.

3 Agus dh'èirich Abraham suas o lathair a mhairbh, agus labhair e ri mic Het, ag ràdh.

4 *Is coigreach agus fear-cuairt mise maille ribh:* thugaibh dhomh sàlbh àit-adhlaidh maille ribh, agus gu'n adhlaidh mi mo mharbh as mo shealladh.

5 Agus fhreagair mic Het Abraham, ag ràdh ris,

6 Eisd ruinne, mo thighearna: *is uachdaran cumbhachdach* thusa 'n ar measg -ne; ann an roghaim ar n-àiteachan-adhlaidh, adhlaidh do mharbh: cha chum duine 'n ar measg -ne 'àit-adhlaidh uait, gu d' mharbh adhlaidh *ann.*

7 Agus dh'èirich Abraham suas, agus chrom se e fèin do mhuinntir na tìre, *eadhon* do mhic Het.

8 Agus labhair e riu, ag ràdh, Ma's àill leibh gu'n adhlaidh mi mo mharbh as mo shealladh, éisdibh rium, agus labhraibh air mo shon ri h-Ephron nac Shohair;

9 Chum asgu'n toir e dhomh uaimh Mhachpelah a tha aige, a tha ann an crìch 'achaidh; air son uiread airgid 's is fìu i, thugadh e dhomh i mar sheilbh àit-adhlaidh 'n ur measgsa.

10 Agus bha Ephron 'n a chòmhnuidh 'am measg chloinne Het. Agus fhreagair Ephron an t-Hiteach Abraham ann an éisd-cachd cloinne Het, *eadhon* gach neach a chaidh steach air geatadh a bhaile-san, ag ràdh,

11 Na bitheadh e mar sin, mo thighearna, éisd rium: an t-achadh bheir mi dhuit, agus an uaimh a tha ann, bheir mi dhuit i; ann an lathair mhac mo dhaoine bheir mi dhuit i: adhlaidh do mharbh.

12 Agus chrom Abraham e fèin sìos an lathair muinntir na tìre.

13 Agus labhair e ri h-Ephron, ann an éisdeachd muinntir na tìre, ag ràdh, Ach ma bheir thu seachd i, guidheam ort, éisd rium: bheir mi dhuit airgid air son an achaidh, gabh uam e, agus adhlaidh mi mo mharbh an sin.

14 Agus fhreagair Ephron Abraham, ag ràdh ris,

15 Mo thighearna, éisd rium: *is fìu* an t-achadh ceithir cheud secel airgid; cìod sin eadar mise agus thusa? uime sin adhlaidh do mharbh.

16 Agus dh'éisid Abraham ri h-Ephron, agus thombais Abraham do Ephron an t-

airgid, a dh'ainmich e ann an éisdeachd mhac Het, ceithir cheud secel airgid, a ghabhas an ceannaiche.

17 Agus rinneadh achadh Ephron a bha ann am Machpelah, a bha fa chomhair Mhamre, an t-achadh, agus an uaimh a bh' ann, agus gach craobh a bha 's an achadh, a bha 'n a chrìch uile mu'n cuairt, *eadhon* cu.

18 Daingean do Abraham mar sheilbh, ann an lathair cloinne Het, 'am fianuis gach neach a chaidh steach air geatadh a bhaile-san.

19 Agus an dèigh sin dh'adhlaidh Abraham Sarah a bhean, ann an uaimh achaidh Mhachpelah, fa chomhair Mhamre: *is e sin* Hebron ann an tìr Chanaan.

20 Agus rinneadh an t-achadh, agus an uaimh a tha ann daingean do Abraham, mar sheilbh àit-adhlaidh, le mic Het. *eadhon*

CAIB. XXIV.

1 *Chuir Abraham uait a sheirbhiseach a dh'fhoatainn mnà d' a mhac Isaac.* 50 *Flhuair e Rebeach.* 63 *Choinnich Isaac i.*

AGUS bha Abraham sean, agus air teachd gu h-aois mhòir, agus bheannaich an Tighearn Abraham anns na h-uile nitheibh.

2 Agus thubhairt Abraham r'a sheirbhiseach 'bu shine 'n a thigh, aig an robh riaghladh gach ni a bh'aige, Cuir, guidheam ort, do lann fo m' shliasaid;

3 Agus bheir mi ort miònachadh air an Tighearn, Dia nèimh, agus Dia na talmhainn, nach gabh thu bean do m' mhac de nigheanaibh nan Canaanach, 'am measg am bheil mis' a'm chòmhnuidh;

4 Ach thèid thu do m' dhùthaich fèin, agus a chum mo luchd-dànnaibh, agus gabhaidh tu bean do m' mhac Isaac.

5 Agus thubhairt an seirbhiseach ris, Ma's e 's nach bi a' bhean toilcach air mis' a leantuin do'n tìr so, an éigin dhomh do mhac a thoirt air 'ais a ris do'n tìr as an d'thàinig thu?

6 Agus thubhairt Abraham ris, Thoir an ro-aire nach toir thu mo mhac an sin a ris.

7 An Tighearn, Dia nèimh, a thug mise o thigh m'athar, agus o thìr mo dhùilean, agus a labhair rium, agus a mhiònnaich dhomh ag ràdh, Do d' shìochd bheir mi am fearann so; cuiridh esan 'aingeal fèin romhad, agus gabhaidh tu bean do m' mhac as a sin.

8 Agus mur bi a' bhean toilcach air thusa a leantuin, an sin bitidh tu saor o m' mhiònnaibh so: a mha'n na toir mo mhac an sin a ris.

9 Agus chuir an seirbhiseach a lann fo shliasaid Abraham a mhaighstir, agus mhiònnaich e dha thaobh an ni sin.

10 Agus ghabh an seirbhiseach deich càmhail de chàmhalaibh a mhaighstir, agus dh'fhalbh e; oir bha maoin a mhaighstir uile aige f'a lann: Agus dh'èirich e, agus chaidh e gu Mesopotamia, gu baile Nahoir.

John Mayberry
11 Agus thug e air na càmhalaibh an glùn a lùbadh an taobh a muigh de'n bhaile, làimh ri tobar uisge, mu thràth feasgair, *eadhon* mu'n àm 'an tèid mnathan a mach a tharruing uisge.

12 Agus thubhairt e, O Thighearna, Dhé mo mhaighstir Abraham, deònaich gu'n soirbhich leams' an diugh, agus nochd caoinhneas do m'mhaighstir Abraham.

13 Feuch *tha* mi 'm' sheasamh an so làimh ris an tobar uisge, agus thig nigheanan muinntir a' bhaile mach a tharruing uisge.

14 Agus tachairleadh e, a' mhaighdean ris an abair mise, Leig sìos, guidheam ort, do shoitheach, chum's gu'n òl mi; agus their ise, Ol, agus bheir mise deoch do d' chàmh-alaibh mar an ceudna: *gu na h-i sin féin* a dh'òrduich thu do d' seirbhiseach Isaac; agus le sin bithidh fios agam gu'n do nochd thu caoinhneas do m' mhaighstir.

15 Agus mun do sguir e de labhairt, feuch, thàinig Rebecah a mach, a rugadh do Bhetuel, mac Mhileah, mnà Nahor, bràthar Abraham; agus a soitheach air a gualainn.

16 Agus bha a' chàilinn ro mhaiseach ri amhare oirre, òigh; agus cha b' aithne do fhear rianh i: agus chaidh i sìos do'n tobar, agus lion i a soitheach, agus thàinig i nìos.

17 Agus ruith an seirbhiseach 'n a coinneamh, agus thubhairt e, Leig dhomh, guidheam ort, beagan uisg' òl as do shoitheach.

18 Agus thubhairt i, Ol, mo thighearna: agus ghreas i oirre, agus leig i sìos a soitheach air a làimh, agus thug i dha deoch.

19 Agus an dèigh dh'i deoch a thabhairt dha, thubhairt i, Tairngidh mi uisge air son do chamhal mar an ceudna, gus an sguir iad a dh'òl.

20 Agus ghreas i oirre, agus dh'fhalmhuich i a soitheach 's an amar, agus ruith i ris do'n tobar a tharruing uisge; agus tharruing i air son a chàmhail uile.

21 Agus bha'n duine ag amhare le h-iongantais oirre, agus a' fantuinn 'n a thosd, a dh'fheuchaim an d'thug, no nach d'thug, an Tighearn air a thurus soirbheachadh leis.

22 Agus 'n uair a sguir na càmhail a dh'òl, an sin ghabh an duine cluas-fhàinne òir, 's an robh leth seceil a chudthrom, agus dà làmh-fhail air son a làmh, 's an robh deich seceil òir a chudthrom.

23 Agus thubhairt e, Cò d'an nighean thu? innis dhomh, guidheam ort: am bheil ann an tigh d'athar àite dhuinn gu tàmh a ghabhail ann?

24 Agus thubhairt i ris, Is mise nighean Bhetueil, mhic Mhileah, a rug i do Nahor.

25 Thubhairt i ris mar an ceudna, *Tha* agaim e-aaron connlach, agus innlìnn gu leòr, agus àite gu tàmh a ghabhail ann.

26 Agus chrom an duine e féin sìos, agus rinn e aoradh do'n Tighearna.

27 Agus thubhairt e, Beannaichte gu robh an Tighearn, Dia mo mhaighstir Abraham, nach do bhuin a thròcair agus 'fhìrinn o m' mhaighstir: air dhomhsa bhi 's an t-slighe, stiur an Tighearn mi, gu tigh blàithrean mo mhaighstir.

28 Agus ruith a' mhaighdean, agus dh'innis i na nithean so do mhuinntir tighe a màthar.

29 Agus bha bràthair aig Rebecah, d'am b'ainm Laban: agus ruith Laban a dh'ionnsuidh an duine a mach chum an tobair.

30 Agus 'n uair a chunnaic e a' chluas-fhàinne, agus na làmh-fhàilean air làmh na pheathar, agus 'n uair a chual' e briathran Rebecah a pheathar, ag ràdh, Mar so labhair an duine rium; an sin thàinig e dh'ionnsuidh an duine, agus, feuch, sheas e làimh ris na càmhalaibh aig an tobar.

31 Agus thubhairt e, Thig a steach, thusa 'tha beannaichte o'n Tighearn; c'uinne sheasas tu a muigh? oir dh'ulluich mise an tigh, agus àite do na càmhalaibh.

32 Agus thàinig an duine do'n tigh, agus dh'fhuasgail e na càmhail, agus thug e seachad connlach agus innlìnn air son nan càmhail, agus uisge a dh'ionnlad a chosan, agus cosan nan daoine a bha maille ris.

33 Agus chuirleadh biadh air a bheulaobh gu itheadh: ach thubhairt e, Cha-n ith mi, gus an innis mi mo ghnothuch. Agus thubhairt esan, Labhair romhad.

34 Agus thubhairt e, Is mise seirbhiseach Abraham;

35 Agus bheamaich an Tighearn mo mhaighstir gu mòr, agus tha e air fàs cumhachdach: agus thug e dha caoraich, agus crodh, agus airgid, agus òr, agus òglaich agus banoglaich, agus càmhail agus asail.

36 Agus rug Sarah, bean mo mhaighstir, mac do m' mhaighstir 'n a sean aois; agus thug e dhàsan gach ni a bh' aige;

37 Agus thug mo mhaighstir ormsa mo mhionnan a thabhairt, ag ràdh, Cha ghabh thu bean do m' mhac de nigheanaibh nan Canaanach, muinntir a tha mise a' chòmh-nuidh 'n am fearann:

38 Ach thèid thu dh'ionnsuidh tighe m'athar, agus a dh'ionnsuidh mo dhilsean, agus gabhaidh tu bean do m' mhac.

39 Agus thubhairt mi ri m' mhaighstir, Theagamh nach lean a' bhean mi:

40 Agus thubhairt esan rium, Cuiridh an Tighearn, 'an lathair an do ghluais mise, 'aingear féin leat, agus soirbhichidh e do thurus; agus gabhaidh tu bean do m' mhac o m' dhilsibh, agus o tigh m'athar.

41 An sin bithidh tu saor o m' mhionnaibhsa, 'n uair a thig thu chum mo dhilsean; agus mur tabhair iad dhuit bean, an sin bithidh tu saor o m' mhionnaibh.

42 Agus thàinig mi'n diugh chum an tobair, agus thubhairt mi, O Thighearna, Dhé

GENESIS, XXV.

mo mhaighstir Abraham, ma shoirbhicheas tu nis mo thurus air am bheil mi 'g imeachd;

43 Feuch, tha mi 'm'sheasamh laimh ris an tobar uisge; agus 'n uair a thig a' mhaighdean a mach a tharruing uisge, agus a their mi rithe, Thoir dhomh, guidheam ort, beagan uisge ri òl as do shoitheach;

44 Agus a their ise riom, Ol thu féin, agus tairngidh mise mar an ceudna do d'chàmhalaidh: *gu ma h-i* sin féin a' bhean a dh'òrduich an Tighearn do mhac mo mhaighstir.

45 Agus mun do sguir mi de labhairt a'm' chridhe, feuch, thàinig Rebecah a mach, agus a soitheach air a gualainn; agus chaidh i sìos do'n tobar, agus tharruing i uisge: Agus thubhairt mi ri, Thoir dhomh deoch, guidheam ort;

46 Agus ghréas i oirre, agus leig i sìos a soitheach o' *gualainn*, agus thubhairt i, Ol, agus bheir mi deoch do d' chàmhalaidh mar an ceudna: agus dh' òl mi, agus thug i air na càmhalaidh òl mar an ceudna.

47 Agus dh'fhiosraich mi dh'i, agus thubhairt mi, Cò d'an nighean thusa? Agus thubhairt ise, *Is* mi nighean Bhetuel, mhic Nahoir, a rug Milcah dha: Agus chuir mi a' chluas-fhàinne air a h-aghaidh, agus na làmh-fhailean air a làmh.

48 Agus chrom mi sìos mo cheann, agus rinn mi aoradh do'n Tighearn, agus bheannaich mi an Tighearn, Dia mo mhaighstir Abraham, a threòraich mi 's an t-slighe cheart, a ghabhail nighinn bràthar mo mhaighstir d'a mhac.

49 Agus a nis, ma bhuineas sibh gu caomh-neil agus gu fìrinneach ri m' mhaighstir, innsibh dhomh; agus mur *buin*, innsibh dhomh; chum as gu'n tionndaidh mi dh'ionnsuidh na làimhe deise, no na làimhe clithe.

50 An sin fhreagair Laban agus Betuel, agus thubhairt iad, *'S ann* o 'n Tighearn thàinig an nì so: cha-nurraim sinne olc no maith a ràdh riut.

51 Feuch, *tha* Rebecah a'd' làthair, gabh i, agus imich; agus biodh i 'n a mnaoi aig mac do mhaighstir, mar a labhair an Tighearn.

52 Agus 'n uair a chuala seirbhiseach Abraham am briathran, chrom se e féin gu làr do'n Tighearn.

53 Agus thug an seirbhiseach a làthair seudan airgid agus seudan òir, agus eudach, agus thug e *iad* do Rebecah: thug e mar an ceudna nithean luachmhor d'a bràthair agus d'a màthair.

54 Agus dh'ith iad, agus dh'òl iad, e féin agus na daoine a *bha* maille ris, agus dh'fhan iad rè na h-oidhche: agus dh'éirich iad 's a' mhaduinn; agus thubhairt esan, Cuiribh air falbh mi dh'ionnsuidh mo mhaighstir.

55 Agus thubhairt a bràthair agus a màthair, Fanadh a' mhaighdean maille

rinne air a' chuid a's lugha deich làithean, 'n a dhéigh sin falbhaidh i.

56 Agus thubhairt e ri, Na cuiribh moile orn, oir shoirbhich an Tighearn mo thurus: cuiribh air falbh mi, chum gu'n téid mi dh'ionnsuidh mo mhaighstir.

57 Agus thubhairt iad, Gairmidh sinn air a' mhaighdinn, agus fiosraichidh sinn d'a beul féin.

58 Agus ghairm iad air Rebecah, agus thubhairt iad ri, An téid thu leis an duine so? Agus thubhairt i, Théid.

59 Agus chuir iad air falbh Rebecah am piuthar, agus a banaltum, agus seirbhiseach Abraham, agus a dhaoine.

60 Agus bheannaich iad Rebecah, agus thubhairt iad ri, 'S tu ar piuthar, bi-sa a'd' *mhàthair*, mhàltean de mhuillionaibh; agus sealbhlàicheadh do shliochd geata na muinntir sin le 'm fuathach iad.

61 Agus dh'éirich Rebecah agus a maighdeanan, agus mharcaich iad air na càmhalaidh agus lean iad an duine: agus ghabh an seirbhiseach Rebecah, agus dh'fhalbh e roimhe.

62 Agus bha Isaac a' teachd o shlighe an tobar Lahai-roi; oir bha e 'chòmhnuidh 's an tìr mu dheas.

63 Agus chaidh Isaac a mach a bheachd-smuaineachadh 's an fhaiche air feasgar: agus thog e suas a shùilean, agus chunnaic e, agus, feuch, *bha* na càmhalan a' tighinn.

64 Agus thog Rebecah suas a shùilean, agus 'n uair a chunnaic i Isaac, theiring i bhàrr a' càmhalai,

65 Agus thubhairt i ris an t-seirbhiseach, Cò e 'n duine so a *tha* 'sràid-imeachd 's an fhaiche g'ar coinneachadh? Agus thubhairt an seirbhiseach, 'S e mo mhaighstir a th'ann: an sin ghabh i gnùis-bhrat, agus chòmhdaich si i féin.

66 Agus dh'innis an seirbhiseach do Isaac na h-uile nithean a rinn e.

67 Agus thug Isaac iad do bhùth Shàrah a mhàthar, agus ghabh e Rebecah, agus bha i aige 'n a mnaoi; agus ghràdhaich e i: agus fhuair Isaac sòlas an déigh *bàis* a mhàthar.

CAIB. XXV.

1 Mic Abraham ri Ceturah: 7 Aois Abraham agus a bhàs. 12 Ginealach Ismaeil. 24 Rugadh do Isaac Esau agus Jacob. 29 Reic Esau a chòir-bhreith.

AN sin ghabh Abraham bean a ris, d'ann *b'* ainm Ceturah.

2 Agus rug i dha Simran, agus Iocsan, agus Medan, agus Midian, agus Isbac, agus Suah.

3 Agus ghin Iocsan Seba, agus Dedan. Agus b' iad mic Dhedain Asurim, agus Letusim, agus Leumim.

4 Agus mic Mhidiain: Ephah, agus Ephher, agus Hanoah, agus Abidah, agus Eldaah: *b'* iad sin uile mic Cheturah.

5 Agus thug Abraham gach *ni* a bh' aige do Isaac.

6 Ach domhianan coi-leabach a bh' aig Abraham, thug Abraham tiodhlacan; agus chuir e air falbh iad o mhaic Isaac, 'n uair a bha e féin fathast beò, do'n taobh an ear, do thir na h-àirde 'n ear.

7 Agus *is iad* so làithean bhliadhnachan beatha Abraham a bha e beò; ceud, agus trì fichead, agus eùig bliadhna deug.

8 An sin thug Abraham suas an deò, agus fluair e bàs ann an deàdh shean aois 'n a sheann duine, agus làn de bhliadhnaibh; agus chruinnicheadh e chum a mhuinntir.

9 Agus dh'adhlac a mhic Isaac agus Ismael e ann an uaimh Mhachpelah, ann an achadh Ephroin, mhic Shoa'ir an Hitich, a tha fa chomhair Mhamre;

10 An t-achadh a cheannaich Abraham o mhic Het: ann an sin dh'adhlacadh Abraham, agus Sarah a bhean.

11 Agus an déigh bàis Abraham, bheannaich Dia Isaac a mhaic: agus ghabh Isaac còmhnuidh làimh ri tobar Lahai-roi.

12 A nis *is iad* sin ginealaich Ismaeil, mhic Abraham, a rug Hagar a' bhan-Eiphiteach, banoglach Shàrah do Abraham.

13 Agus *is iad* sin ainmean mhaic Ismaeil, 'n an ainmibh, a réir an ginealach: ceudghin Ismaeil, Nebaiot; agus Cedar, agus Adbeel, agus Mibsam,

14 Agus Misna, agus Dumah, agus Masa,

15 Hadar, agus Tema, Ietur, Naphis, agus Cedemah.

16 *Is iad* sin mic Ismaeil, agus *is iad* sin an ainmean 'n am bailtibh, agus 'n an daingneachaibh; dà cheannard deug a réir an fineachan.

17 Agus *is iad* sin bliadhnachan beatha Ismaeil, ceud, agus seachd bliadhna deug 'ar fhichead: agus thug e suas an deò, agus dh'cug e, agus chruinnicheadh e chum a mhuinntir.

18 Agus ghabh iad còmhnuidh o Habhilah gu ruig Sur, a tha fa chomhair na h-Eiphit, mar a théid thu gu h-Asiria. An làthair a bhràithrean uile fluair e bàs.

19 Agus *is iad* sin ginealaich Isaac mhic Abraham: Ghin Abraham Isaac.

20 Agus bha Isaac dà fhichead bliadhna dh'aois 'n uair a ghabh e Rebecah, nighean Bhetueil, an t-Sirianaich o Phadan-aram, piuthar Labain an t-Sirianaich dha féin 'n a mnaoi.

21 Agus ghuidh Isaac an Tighearn air son a mhnà, a chionn gu'n robh i neo-thorrach: agus dh'éisd an Tighearn ris, agus dh'fhàs Rebecah a bhean torrach.

22 Agus bha a' chlam a' coimhghleacadh an taobh a stigh dh'i: agus thubhairt ise, Ma tha *chàis* mar sin, car son a tha mi mar so? Agus chaidh i a dh'fhiosrachadh de'n Tighearn.

23 Agus thubhairt an Tighearn r'i, Tha

dà chinneach a'd' bholg, agus bithidh da shluagh air an sgaradh o d'innibh: agus bithidh aon sluagh dhiubh so nì's treise na 'n sluagh eile; agus nì esan a's sine seirbhais dhasan a's òige.

24 Agus 'n uair a cheimhlionadh a làithean gu bhì air a h-aisead, feuch, bha leth-aona 'n a bolg.

25 Agusthàinig an ceud-ghin a mach dearg, is e uile mar fhalluinm mhòlach: agus thug iad Esau mar ainm air.

26 Agus 'n a dhéigh sin thàinig a bhràthair a mach agus greim aig a làimh de shàil Esau; agus thugadh Iacob mar ainm air: agus bha Isaac trì fichead bliadhna dh'aois, 'n uair a rugadh iad.

27 Agus dh'fhàs na gillean; agus bha Esau 'n a shealgair seòlta, 'n a fhear macharach; agus bha Iacob 'n a dhuine coimhlionta, a' gabhail còmhnuidh 'am bùthaibh.

28 Agus ghràdhach Isaac Esau, a chionn gu'n d'ith e d'a shithinn; ach ghràdhach Rebecah Iacob.

29 Agus bhruidh Iacob brochan: agus thàinig Esau o'n machair, agus e fann.

30 Agus thubhairt Esau ri Iacob, Leig dhomh itheadh, guidheam ort, de'n bhròchan dhearg sin féin; oir tha mi fann: uime sin thugadh Edom mar ainm air.

31 Agus thubhairt Iacob, Reic rium an diugh do chòir-bhreithe.

32 Agus thubhairt Esau, Feuch, tha mi dlùth do 'n bhàs; agus ciod an tairbhe a tha s' a' chòir-bhreithe so dhomhsa?

33 Agustubhairt Iacob, Mionnach dhomhsa an diugh; agus mionnach e dha: agus reic e a chòir-bhreithe ri Iacob.

34 An sin thug Iacob do Esau aran, agus brochan de ghall-pheasair; agus dh'ith e agus dh'òl e, agus dh'éirich e, agus dh'fhalbh e roimhe: mar so rium Esau dimeas air a chòir-bhreithe.

CAIB. XXVI.

1 Chaidh Isaac do Gherar, agus bheannaich Dia e. 26 Rinn Abimelech coimhcheangal ris aig Beer-seba.

A GUS bha gorta s' an tìr a bhàrtaich air a' cheud ghorta a bha ann an làithibh Abraham: agus chaidh Isaac gu Abimelech rìgh nam Philisteach, do Gherar.

2 Agus dh'fhoillsich an Tighearn e féin dha, agus thubhairt e, Na rach sìos do'n Eiphit: gabh còmhnuidh anns an tìr a dh'innseas mise dhuit.

3 Bi air chuairt s' an tìr so, agus bithidh mise maille riut, agus beannaichidh mi thu: oir dhuitse, agus do d' shliochd, bheir mise na dùthchannan sin uile, agus coimhlionaidh mi na mionnan a mionnach mi do d'athair Abraham:

4 Agus bheir mi air do shliochd fas lionmhor mar reultan nèimh, agus bheir mi do d' shliochd na dùthchannan sin uile: agus

GENESIS, XXVI.

beannaichear a'd' shliochd-sa uile chin-
nich na talmhainn; *rupe chas*

5 Do bhrìgh gu'n d'éisd Abraham ri n'
ghuth, agus gu'n do ghléidh e ìrriartus, m'
gheantann, m'orduighlean, agus mo lagh-
annan. *duine*

6 Agus ghabh Isaac còmhnuidh ann an
Gherar.

7 Agus dh'fhiosraich daoine an àite *dhe*
m'a mhnaoi; agus thubhairt e, 'S i mo phiu-
thar i: oir bha eagal air a ràdh, 'S i mo
bhean i; air eagal, *ars' esan*, gu'm mar-
bhadh daoine an àite mi air son Rebecah, a
chionn gu'n robh i maiseach ri amharc oirre.

8 Agus 'n uair a bha e aimsir fhad' an sin,
sheall Abimelech rìgh nam Philisteach a
mach air uinneig, agus chunnaic e, agus,
feuch, *bha* Isaac a' sùgradh r'a mhnaoi Re-
becah.

9 Agus ghairm Abimelech air Isaac, agus
thubhairt e, Feuch, gu cinnteach 's i do
bhean i: agus cionnus a thubhairt thu, 'S i
mo phiuthar i? agus thubhairt Isaac ris, A
chionn gu'n d'thubhairt mi, Air eagal gu'm
bàsaich mi air a son.

10 Agus thubhairt Abimelech, Ciod e so
a rinn thu oirnn? dh'fheudadh a h-aon de'n
t-sluagh luidhe le d' mhnaoi, agus bheireadh
tu cionta oirme.

11 Agus thug Abimelech àithne d'a
shluagh uile, ag ràdh, Esan a bheanas ris
ann duine so, no r'a mhnaoi, gu cinnteach
cuirear gu bàs e.

12 An sin shìol-chuir Isaac 's an tìr sin,
agus fhuair e's a' bhliadhna sin féin a' cheud
uired 's a chuir e, agus bheannaich an
Tighearn' e.

13 Agus dh'fhàs an duine mòr, agus chaidh
e air aghaidh, agus dh'fhàs e, agus an robh e
ro mhòr:

14 Oir bha aige seabh chaorach, agus
seabh cruidh, agus mòran sheirbhisich,
Agus ghabh na Philistich farmad ris. *duine*

15 Agus dhùin na Philistich suas na to-
braichean uile a chladhaich seirbhisich 'athar,
ann an làithibh Abraham 'athar, agus lìon
iad le h-ùir iad.

16 Agus thubhairt Abimelech ri h-Isaac,
Imich uainne; oir is cumhachdaiche thu gu
mòr na sinne.

17 Agus dh'imich Isaac as a sin, agus
shuidhich e a bhùth ann an gleann Gherair,
agus ghabh e còmhnuidh an sin.

18 Agus chladhaich Isaac a ris na tobraich-
ean uisge, a chladhaicheadh ann an làith-
ibh Abraham 'athar; oir dhùin na Philistich
suas iad an déigh bàis Abraham: agus thug
e ainmean orra a réir nan ainm a thug 'athair
orra.

19 Agus chladhaich seirbhisich Isaac 's a'
ghleann, agus fhuair iad an sin tobar fìor-
uisge.

20 Agus rinn buachaillean Gherair conn-
sachadh ri buachaillean Isaac, ag ràdh, Is

leinne an t-uisge: agus thug e Esec mar
ainm air an tobar, a chionn gu'n d'rinn iad
connsachadh ris.

21 Agus chladhaich iad tobar eile, agus
rinn iad connsachadh uime sin cuideachd:
agus thug e Sitnah mar ainm air.

22 Agus chaidh e air innich as a sin,
agus chladhaich e tobar eile; agus cha
d'rinn iad connsachadh uime sin: agus
thug e Rehobot mar ainm air; agus thubh-
airt e, Oir thug an Tighearn a nis farsain-
geachd dhuin; agus fàsaich sinna lìonmhòr
's an tìr.

23 Agus chaidh e suas as a sin gu Beer-
seba.

24 Agus dh'fhoillsich an Tighearn e féin
dha 's an oidhe sin féin, agus thubhairt e,
Is mise Dia Abraham d'athar; na biodh
eagal ort, oir tha mise maille riut, agus
beannaichidh mi thu, agus ni mi do shliochd
lìonmhòr air sgàth mo sheirbhisich Abra-
haim.

25 Agus thog e altair an sin, agus ghairm
e air ainm an Tighearn', agus shuidhich e
an sin a bhùth: agus chladhaich seirbhisich
Isaac tobar an sin.

26 An sin chaidh Abimelech d'a ionnsuidh
o Gherar, agus a charaid Ahudsat, agus Phi-
chol àrd cheannard a shluaigh.

27 Agus thubhairt Isaac rin, C'ar son a
thàinig sibh a m'ionnsuidh, agus gu bheil
fnath agaibh dhomh, agus gu'n do chuir
sibh uaibh mi?

28 Agus thubhairt iadsan, Chunnaic sinn
gu cinnteach gu'n robh an Tighearn
leat; agus thubhairt sinn, Bitheadh a nis
mionnann cadaruinn, *eadhon* cadar sinne
agus thusa, agus deanamaid còmhcheangal
riut;

29 Nà dean thu oirne cròn sam bith,
mar nach do bhean sinne riutsa, agus mar
nach do rinn sinn nì sam bith ort ach maith,
agus a chuir sinn uainn thu 'an sìth: Tha
thusa nis air do bheannachadh leis an
Tighearn.

30 Agus rinn e dhoibh cuirm, agus dh'ith
agus dh'òl iad.

31 Agus dh'éirich iad gu moch 's a' mha-
duinn, agus mhinnaich iad d'a chèile: agus
chuir Isaac air falbh iad, agus dh'imich iad
uaith 'an sìth.

32 Agus air an là sin féin thàinig seir-
bhisich Isaac, agus dh'innis iad dha mu
thimchioll an tobar a chladhaich iad, agus
thubhairt iad ris, Fhuair sinn uisge.

33 Agus thug e Seba mar ainm air: uime
sin is e Beer-seba ainm a' bhaile sin agus an
là'n diugh.

34 Agus bha Esau dà fhichead bliadhna
dh'aois; agus ghabh e mar mhnaoi Iudit,
nigean Bheeri an Hitich, agus Basemat
nigean Eloan an Hitich:

35 Agus bha iad sin 'n am brisicadh-crìche
do Isaac agus do Rebecah.

CAIB. XXVII.

1 *Chuir Isaac Esau a shealg sithinn.* 18 *Le seòladh Rebekah thàinig Jacob a dh'ionnsuidh 'athar le biadh blasda 'an riochd Esau, agus fhuair e a bheannachadh.* 41 *Thug Esau fuath do Jacob, agus bhagair e a mharbhadh.*

A GUS 'n uair a bha Isaac air fàs sean, agus a bha a shùilean dall, air chor as nach faicadh e, ghairm e air Esau a mhac a bu shine, agus thubhairt e ris, A mhic: agus thubhairt esan ris, Feuch, *tha mi 'n so.*

2 Agus thubhairt esan, Feuch a nis, tha mise sean; clia-n'eil fios agam air là mo bhàis.

3 Agus a nis, guidheam ort, gabh d' airm, do bholg-saighead agus do bhogha, agus falbh a mach do'n mhachair, agus sealg dhomh sithinn;

4 Agus dean dhomh biadh blasda, mar is ionnmuinn leam, agus thoir a m' ionnsuidh e, agus gu'n ith mi; chum as gu'm beannaich m'anam thu mun faigh mi bàs.

5 Agus chuala Rebekah an uair a labhair Isaac r'a mhac Esau: agus chaidh Esau do'n mhachair a shealg sithinn, gu 'tabhairt d' a ionnsuidh.

6 Agus labhair Rebekah r'a mac Jacob, ag ràdh, Feuch, chuala mi d'athair a' labhairt ri h-Esau do bhràthair, ag ràdh,

7 Thoir a m' ionnsuidh sithinn, agus dean biadh blasda dhomh, agus gu'n ith mi, agus gu'm beannaich mi thu an lathair an Tighearna, roimh mo bhàs.

8 A nis uime sin, a mhic, éisd ri m' ghuth, a réir an ni a *tha mi ag àithneadh dhuit.*

9 Falbh a nis a dh'ionnsuidh an tréuda, agus thoir a m'ionnsuidh o sin dà dheadh mheann de ua gabhraibh; agus ni mise iad 'n am biadh blasda air son d'athar, mar is ionnmuinn leis:

10 Agus bheir thu dh'ionnsuidh d'athar e, agus gu'n ith e, chum as gu'm beannaich e thu roimh a bhàs.

11 Agus thubhairt Jacob ri Rebekah a mhàthair, Feuch, *tha Esau mo bhràthair 'n a dhuine molach, agus mise a'm' dhuine lom.*

12 Ma 's c's gu'n laimhsich m'athair mi, an sin measar mi leis mar neach leis am bàill a mhealladh; agus bheir mi mallachadh orm féin, agus cha bheannachadh.

13 Agus thubhairt a mhàthair ris, Ormsa *bithheadh do mhallachadh, a mhic; a mhàin éisd ri m' ghuth, agus falbh, thoir a m' ionnsuidh iad.*

14 Agus dh'fhalbh e, agus ghlac e *iad*, agus thug e *iad* a dh'ionnsuidh a mhàthar: agus rinn a mhàthair biadh blasda, mar a b'ionnmuinn le 'athair.

15 Agus ghabh Rebekah eudach taitneach Esau a mic a bu shine, a bh'aice's an tigh; agus chuir i e air Jacob a mac a b'òige.

16 Agus chuir i croiene mheann nan gabhar air a làmh, agus air luime a mhuineil.

17 Agus thug i am biadh blasda, agus an t-aran a dheasaich i, do làimh a mic Iacoib.

18 Agus thàinig e dh'ionnsuidh 'athar, agus thubhairt e, Athair: agus thubhairt esan, Feuch, *tha mi 'n so*; cò thusa, a mhic!

19 Agus thubhairt Iacob r'a athair, *Is mise Esau do cheud-ghin*; rinn mi mar a dh'iarr thu orm: éirich, guidheam ort, suidh agus ith de m' sithinn, chum as gu'm beannaich d'anam mi.

20 Agus thubhairt Isaac r'a mhac, Cionnus a fhuair thu i cho luath, a mhic? agus thubhairt esan, A cionn gu'n do chuir an Tighearna do Dhia a'm' rathad i.

21 Agus thubhairt Isaac ri Iacob, Thig am fagus a nis, agus gu'n laimhsich mi thu, a mhic, an tusa féin mo mhac Esau, no nach tu.

22 Agus chaidh Iacob am fagus d'a athair Isaac, agus laimhsich se e; agus thubhairt e, 'Se 'n guth guth Iacoib, ach *is iad* ua làmh an làmh an Esau.

23 Agus cha d'aithnich se e, a cionn gu'n robh a làmh molach, mar làmh an Esau a bhràthar: mar sin bheannaich se e.

24 Agus thubhairt e, An tusa féin mo mhac Esau? agus thubhairt esan, *Is mi.*

25 Agus thubhairt e, Thoir am fagus domh e, agus ithidh mi de sithinn mo mhic, chum as gu'm beannaich m'anam thu. Agus thug e 'm fagus dha e, agus dh'ith e; agus thug e d' a ionnsuidh fion, agus dh'òl e.

26 Agus thubhairt 'athair Isaac ris, Thig am fagus a nis, agus pòg mi, a mhic.

27 Agus thàinig e'm fagus, agus phòg se e: agus dh'fhaireadh e faileadh eudaich; agus bheannaich se e, agus thubhairt e, Feuch, *tha faile mo mhic mar fhàile fear-ainn a bheannaich an Tighearna.*

28 Uime sin gu'n tugadh Dia dhuit do dh'ruichd nèimh, agus de reamhrachd na talmhain, agus pailteas arbhar agus fion.

29 Deauadh slòigh seirbhis dhuit, agus strìochdadh cinnich dhuit; bi d' uachdaran air do bhràithribh, agus cromadh mic do mhàthar sìos dhuit: mallaichte *gu'n robh* gach neach a mhallachas thu, agus beannaichte *gu'n robh* gach neach a bheannaichas thu.

30 Agus cho luath agus a sguir Isaac de bheannachadh Iacoib, 'n uair bu ghann a bha Iacob air dol a mach fathast a lathair Isaac 'athar, thàinig a bhràthair Esau o 'sheilg.

31 Agus rinn esan mar an ceudna biadh blasda, agus thug e dh'ionnsuidh 'athar e; agus thubhairt e r'a athair, Eiradh m'athair, agus itheadh e de sithinn a mhic, chum gu'm beannaich d'anam mi.

32 Agus thubhairt Isaac 'athair ris, Cò thusa? agus thubhairt esan, *Is mi do mhac, do cheud-ghin, Esau.*

33 Agus chrìochnaich Isaac le ball-chrith anabarraich, agus thubhairt e, Cò, c'aithe

'm bheil esan a ghlac sìthionn, agus a thug i'm ionnsuidh, agus dh'ith mi de'n iomlan mun d'fhàinig thusa? agus bheannaich mi e, seadh agus beannaichte bithidh e.

34 'N uair a chual' Esau briathran 'athair, ghlaoth e le glaoth mòr, agus ro shearbh, agus thubhairt e r'a athair, Beannaich mise, eadhon mise mar an ceudna, O athair.

35 Agus thubhairt e, Thàinig do bhràthair le ceilg, agus thug e leis do bheannachadh.

36 Agus thubhairt esan, Nach ceart a thugadh Iacob mar ainm air? oir thàinig e fodhad an dà uair so: thug e leis mo chòir-bhreith'; agus, feuch, a nis thug e leis mo bheannachadh. Agus thubhairt e, Nach do ghlèidh thu dhomhsa beannachadh?

37 Agus fhreagair Isaac, agus thubhairt e ri h-Esau, Feuch, rinn mi e 'n a uachdaran ort, agus a bhràithrean uile thug mi dha mar sheirbhisich; agus le h-arbhar agus le fion chum mi suas e: agus dhuitse ciod a nis a mi mi, a mhic?

38 Agus thubhairt Esau r' a athair, Nach 'eil agad ach aon bheannachadh, athair? beannaich mise, eadhon mise mar an ceudna, O athair. Agus thog Esau suas a ghuth, agus ghluil e.

39 Agus fhreagair Isaac 'athair, agus thubhairt e ris, Feuch, ann an reamhrachd na talmhainn bithidh do chòimluidh, agus ann an drùchd nèimh o'n àirde.

40 Agus le d' chlaidheamh thig thu beò, agus do d' bhràthair ni thu seirbhis: agus 'n uair a bhios an uachdaranachd agad, an sin brisidh tu a chuing o d' mhuineal.

41 Agus dh'fhuathaich Esau Iacob air son a' bheannachaidh leis an do bheannaich 'athair e: agus thubhairt Esau 'n a chridhe, Tha làithean a' bhòin air son m'athair am fagus, agus an sin marbhaidh mi mo bhràthair Iacob.

42 Agus dh'innseadh do Rebekah briathran Esau a mic a bu shine, agus chuir i teachdaire uaipe, agus ghairm i air Iacob a mac a b' òige, agus thubhairt i ris, Feuch, tha do bhràthair Esau 'toirt comhluartachd dha féin a d' thaobhsa, a' cur roimhe do mharbhadh.

43 A nis uime sin, a mhic, éisd ri m' ghuth; agus éirich, teich a dh'ionnsuidh mo bhràthar Labain do Haran.

44 Agus fanaidh tu maille ris beagan làithean, gus an tionndaidh fraoch feirge do bhràthar;

45 Gus an tionndaidh corruich do bhràthar uait, agus gu'n dichuinnlich e na rinn thu air: an sin cuiridh mise fios, agus bheir mi as a sin thu. C'ar son a chaillinn le 'chéile sibh ann an aon là?

46 Agus thubhairt Rebekah ri h-Isaac, Tha mi sgith de m' bheatha air son nigheanan Het: ma ghabhas Iacob bean de nigheanaibh Het, mar iadsan a tha de nigheanaibh na dùthcha, ciod am maith a ni mo bheatha dhomhsa?

1 Bheannaich Isaac Iacob, agus chuir se e do Phadan-aram. 11 Aisling Iacob. 18 Clack Bheith. 20 Bòid Iacob.

2 Agus ghairm Isaac air Iacob, agus bheannaich se e, agus dh'aithe dha, agus thubhairt e ris, Cha ghabh thu bean de nigheanaibh Chanaain.

2 Eirich, innich do Phadan-aram, do th'igh Bhetueil athar do mhàthar, agus gabh dhuit féin as a sin bean de nigheanaibh Labain, bràthar do mhàthar.

3 Agus gu'm beannaicheadh Dia uile-chumhachdach thu, agus gu'n deanadh e sìolmhor thu, agus gu'n tugadh e ort fas lionmhor, air chor as gu'm bi thu a'd' chomh-chruinneachadh chinneach:

4 Agus gu'n tugadh e dhuit beamachadh Abraham, dhuitse, agus do d' shliochd maille riut; chum gu'n sealbhaich thu am fearann anns am bheil thu a'd' choigreach, a thug Dia do Abraham.

5 Agus chuir Isaac air falbh Iacob, agus chaidh e do Phadan-aram, gu Laban, mac Bhetueil an t-Sirianaich, bràthair Rebekah, màthar Iacob agus Esau.

6 'N uair a chumaic Esau gu'n do bheannaich Isaac Iacob, agus gu'n do chuir e air falbh e do Phadan-aram, a ghabhail mnà dha féin as a sin; agus 'n uair a bheannaich se e, gu'n d' thug e aithne dha, ag ràdh, Cha ghabh thu bean de nigheanaibh Chanaain;

7 Agus gu'n d'éisd Iacob r'a athair, agus r'a mhàthair, agus gu'n deachaidh e do Phadan-aram;

8 Agus an uair a chumaic Esau nach do thaitinn nigheanan Chanaain r'a athair Isaac,

9 An sin chaidh Esau dh'ionnsuidh Ismaeil, agus ghabh e Malahal nighean Ismaeil mhic Abraham, piuthar Nebaioit, dha féin mar mhnai a thuilleadh air na mnathan a bh' àige.

10 Agus chaidh Iacob a mach o Bheer-seba, agus chaidh e gu Haran.

11 Agus thachair e air àite àraidh, agus dh'fhan e 'n sin an oidhe sin, a chionn gu'n robh a' ghrian air luidhe: agus ghabh e h-aon de chlachaibh an àite sin, agus chuir e fo a cheann i, agus luidh e sìos 's an àite sin a chodal.

12 Agus bhruadair e; agus, feuch, fàradh air a chur suas air an talamh, agus a bhàrr a' ruigheadh gu nàmlh: agus, feuch, aingil Dhé a' dol suas agus a' teachd a suas air.

13 Agus, feuch, sheas an Tighearn os a cheann, agus thubhairt e, Is mise an Tighearn Dia Abraham d'athair, agus Dia Isaac: am fearann air am bheil thu a' d' luidhe, bheir mise dhuit e, agus do d' shliochd.

14 Agus bithidh do shliochd mar dhuslach na talmhainn; agus sgaoilidh tu mach

dh'ionnsuidh na h-àird' an iar, agus na h-àird' an ear, agus a dh'ionnsuidh na h-àirde tuath agus na h-àirde deas: agus beannaich-e ar annadsa uile theaghaichean na tal-mhainn, agus ann ad shliochd.

15 Agus, feuch, *tha* mise maille riut, agus gleidhidh mi thu anns gach àite d' an téid thu, agus bheir mi ris thu dh'ionnsuidh na tìre so; oir cha tréig mi thu, gus an dean mi an *ni sin* a labhair mi riut.

16 Agus dhùisg Jacob as a chodal, agus thubhairt e, Gu cinnteach *tha* 'n Tighearn 's an àite so, agus cha robh fios agam *air*.

17 Agus bha eagal air, agus thubhairt e, Cia h-uamhasach an t-ionad so! cha *n àit* air bith so ach tigh Dhé, agus *is* e so geata nèimh.

18 Agus dh'éirich Jacob gu moch 's a' mha-duinn, agus ghabh e a' chlach a chuir e fo a cheann, agus chuir e suas 'n a carragh i, agus dhòirt e oladh air a mullach.

19 Agus thug e Bet-el mar ainm air an àite sin: ach *b' e* Luds ainm a' bhaile sin air tùs.

20 Agus bhòidich Jacob bòid, ag ràdh, Ma bhios Dia leam, agus *ma* ghleidheas e mi air an t-slighe sin air am bheil mi 'g imeachd, agus *ma* bheir e dhomh aran r'a itheadh, agus eudach r'a chur umam;

21 Agus gu'n tig mi ris 'an sìth a dh'ionnsuidh tighe m'athar; an sin bithidh an Tighearn agam 'n a Dhia:

22 Agus bithidh a' chlach so, a chuir mi suas 'n a carragh, 'n a tigh aig Dia: agus de gach *ni* a bheir thu dhomh, bheir mi gu cinnteach an deachamh dhuit.

CAIB. XXIX.

1 *Thàinig Jacob gu tobar Harain, 13 agus thug Laban aoidheachd dha. 18 Gheall Jacob seirbhis sheachd bliadhna do Laban air son a nighinn Rachel; 23 fhuair e Leah 'n a h-àite; ach a' rìs phòs e Rachel mar an ceudna.*

A N sin dh'imich Jacob air a thuras, agus chaidh e do dhùthaich dhaoine na h-àirde 'n car.

2 Agus dh'amaire e, agus, feuch, tobar 's a' mhachair, agus, feuch, *bha* 'n sin trì tréudan chaorach 'n an luidhe làimh ris; oir as an tobar sin thug iad uisge do na tréudaibh: agus *bha* clach mhòr air beul an tobar.

3 Agus chruinnicheadh a dh'ionnsuidh sin na tréudan uile; agus charuich iad a' chlach bhàrr beòil an tobar, agus thug iad uisge do na caoraich, agus chuir iad a' chlach a ris air beul an tobar 'n a h-àite féin.

4 Agus thubhairt Jacob riu, Mo bhràithrean, cia as a *thàinig* sibh? Agus thubhairt iadsan, O Haran *thàinig* sinn.

5 Agus thubhairt e riu, An aithne dhuibh Laban mac Naheir? Agus thubhairt iadsan, *Is* aithne dhuinn.

6 Agus thubhairt e riu, Am *bheil* e gu maith? Agus thubhairt iadsan, *Tha* e gu

maith: agus, feuch, *tha* Rachel a nighean a' tighinn leis na caoraich.

7 Agus thubhairt e, Feuch, 's e fathast àird' an là a *th' ann*, agus cha d *thàinig* idir am crùinneachaidh na spréidhe: thug-aibhs' uisge do na caoraich, agus rachaibh agus ionaltraibh iad.

8 Agus thubhairt iad, Cha-n urrainn sinn, gus an crùinnichear na tréudan uile 'n ceann a chéile, agus *gus* an caruichear a' chlach bhàrr beòil an tobar; an sin bheir sinn uisge do na caoraich.

9 Agus am feadh a bha e fathast a' labhairt riu, thàinig Rachel le caoraich a h-athar; oir b'i a *bha 'g an* gleidheadh.

10 Agus an uair a chunnaic Jacob Rachel nighean Labain bràthar a mhàthar, agus caoraich Labain bràthar a mhàthar, an sin chaidh Jacob am fagus, agus charuich e a' chlach bhàrr beòil an tobar, agus thug e uisge do chaoraich Labain bràthar a mhàthar.

11 Agus phòg Jacob Rachel, agus thog e suas a ghuth, agus ghul e.

12 Agus dh'innis Jacob do Rachel gu'm *b'e* bràthair a h-athar e, agus gu'm *b'e* mac Rebecah e: agus ruith i, agus dh'innis i d'a h-athair.

13 Agus 'n uair a chuala Laban sgeul Iacob mhic a pheathar, an sin ruith e 'n a choinneamh, agus ghabh e 'n a ghlaicibh e, agus phòg se e, agus thug e d'a thigh e: agus dh'innis e do Laban na nithean sin uile.

14 Agus thubhairt Laban ris, Gu cinnteach *is* tu mo chnàimh agus m' fheoil: agus dh'fhan e maille ris rè mìos.

15 Agus thubhairt Laban ri Jacob, A chionn gur tu mo bhràthair, am buin e dhuit seirbhis a dheanamh dhomh a nas-gaidh? innis dhomh ciod e do thuarasdal.

16 Agus *bha* aig Laban dithis nigheanan: *b'e* ainm na té 'bu shine Leah, agus ainm na té a b'òige Rachel.

17 Agus *bha* sùilean Leah annhunn, ach bha Rachel maiseach 'n a dealbh agus sgiamhach 'n a gnùis.

18 Agus bha gràdh aig Jacob air Rachel, agus thubhairt e, Ni mi seirbhis dhuit seachd bliadhna air son Rachel do nighinn a's òige.

19 Agus thubhairt Laban, *Is* fearr dhomh a toirt duitse na gu'n tugainn i do dhuine sam bith eile: fan maille rium.

20 Agus rinn Jacob seirbhis air son Rachel seachd bliadhna; agus bha iad 'n a shùilbha mar bheagan de làithibh, a thaobh a' ghràidh a bh'aige oirre.

21 Agus thubhairt Jacob ri Laban, Thoir *dhomh* mo bhean (oir choimhlionadh mo làithean) a chum gu'n téid mi seach d'a h-ionnsuidh.

22 Agus chruinnich Laban cuideachd daoine an àit' uile, agus rinn e cuirm.

23 Agus 's an fheasgar ghabh e Leah a nighean, agus thug e d'a ionnsuidh i; agus chaidh e steach d'a h-ionnsuidh.

24 Agus thug Laban d'a nighinn Leah Silpah a bhanoglach féin, mar bhanoglaich.

25 Agus 's a' mhaduinn, feuch, *b' i Leah bh' ann*: agus thubhairt e ri Laban, Ciod e so a rinn thu orm? Nach ann air son Racheil a rinn mi seirbhis dhuit? agus c'ar son a mheall thu mi?

26 Agus thubhairt Laban, Cha-n fhend e bhi mar sin 'n ar dùthaich-ne, an té a's òige 'thoirt seachad roimh an té a's sine.

27 Coimhlión a seachduin-sa, agus bheir sinn dhuit ise mar an ceudna, air son na seirbhis a ni thu maille rium fathast rè sheachd bliadh'n eile.

28 Agus rinn Iacob mar sin, agus choimhlión e a seachduin; agus thug e dha Rachel a nighean mar an ceudna 'n a mnaoi.

29 Agus thug Laban do Rachel a nighean Bilhah a bhanoglach féin, mar bhanoglaich.

30 Agus chaidh e steach cuideachd a dh'ionnsuidh Racheil, agus ghràdhaich e mar an ceudna Rachel nì's mò na Leah, agus rinn e seirbhis maille ris fathast seachd bliadh'n eile.

31 Agus 'n uair a chunnaic an Tighearn gu'n d' thugadh fuath do Leah, dh'fhosgail e a bolg: ach *bha* Rachel gum chlànn.

32 Agus dh'fhàs Leah torrach, agus rug i mac, agus thug i Reuben mar ainm air: oir thubhairt i, Gu deimhin dh'amhaire an Tighearn air m' àmhghar, a nis uime sin gràdh-aichidh m'fhear mi.

33 Agus dh'fhàs i torrach a ris, agus rug i mac, agus thubhairt i, A chionn gu'n euala a Tighearn *gu'n robh* mi air m'fhuathachadh, uime sin tìug e dhomh *am mac* so. cuideachd: agus thug i Simeon mar ainm air.

34 Agus dh'fhàs i torrach a ris agus rug i mac; agus thubhairt i, A nis anns an nair so dlùthleanaidh m'fhear rium, do bhrìgh gu'n d'rug mi dha triuir mhac: uime sin thug i Lebi mar ainm air.

35 Agus dh'fhàs i torrach a ris, agus rug i mac; agus thubhairt i, A nis molaidh mi 'n Tighearn: uime sin thug i Iudah mar ainm air. Agus sguir i de bhrèith *cloinne*.

CAIB. XXX.

1 Thug Rachel a banoglach Bilhah do Iacob mar mnaoi. agus rug i Dan agus Naphtali. 9 Thug Leah dha a banoglach Silpah mar mnaoi, agus rug i Gad agus Aser. 22 Rug Rachel Ioseph. 25 Rinn Laban coimhcheangal nuadh ri Iacob.

AGUS an uair a chunnaic Rachel nach a' d'rug i clann do Iacob, bha farmad aig Rachel r'a piuthair, agus thubhairt i ri Iacob, Thoir dhomh clann, no gheibh mi bàs.

2 Agus las corruich Iacob ri Rachel, agus thubhairt e, Am bheil mis' 'an àite Dhé, a chum uait toradh na bronn?

3 Agus thubhairt i, Feuch, mo bhanoglach Bilhah, theirig a steach d'a h-ionnsuidh, agus beiridh i air mo ghlùinibh, agus bithidh agam-sa mar an ceudna clann d'a trid-sa.

4 Agus thug i dha Bilhah a banoglach mar mnaoi; agus chaidh Iacob a steach d'a h-ionnsuidh.

5 Agus dh'fhàs Bilhah torrach, agus rug i mac do Iacob.

6 Agus thubhairt Rachel, Thug Dia brèth orm, agus dh'éisd e mar an ceudna ri m' ghuth, agus thug e dhomh mac: uime sin thug i Dan mar ainm air.

7 Agus dh'fhàs Bilhah banoglach Racheil torrach aris, agus rug i do Iacob an dara mac.

8 Agus thubhairt Rachel, le mòr ghleac ghleac mi ri m'phiuthair, agus thug mi buaidh: agus thug i Naphtali mar ainm air.

9 'N uair a chunnaic Leah gu'n do sguir i de bhrèith *cloinne*, ghabh i Silpah a banoglach, agus thug i do Iacob mar mnaoi i.

10 Agus rug Silpah, banoglach Leah, mac do Iacob.

11 Agus thubhairt Leah, Tha sonas air teachd: agus thug i Gad mar ainm air.

12 Agus rug Silpah, banoglach Leah, an dara mac do Iacob.

13 Agus thubhairt Leah, is sona mi, oir goiridh na nigheanan mise beannaichte: agus thug i Aser mar ainm air.

14 Agus chaidh Reuben a mach ann an làithibh fogharaidh a' chruithneachd, agus fhuair e mandragan 's a' mhachair, agus thug e iad a chum a mhàthar Leah. An sin thubhairt Rachel ri Leah, Thoir dhomh, guidheam ort, *cuid* de mhandragaibh do mhic.

15 Agus thubhairt i rithe, Am beag a' chhis gu'n d' thug thu m'fhear uam, agus am b'àill leat mandragan mo mhic a thoirt leat mar an ceudna? Agus thubhairt Rachel, Uime sin huidhidh e leats' an nochd air son mandragan do mhic.

16 Agus thàinig Iacob o'n mhachair 's an fheasgar, agus chaidh Leah mach 'n a choinneamh, agus thubhairt i, Thig thu steach a m' ionnsuidhs', oir gu deimhin cheannaich mi thu le mandragaibh mo mhic: Agus luidh e leatha air an oidhe sin.

17 Agus dh'éisd Dia ri Leah, agus dh'fhàs i torrach, agus rug i do Iacob an cùigeamh mac.

18 Agus thubhairt Leah, Thug Dia dhomh mo dhuais, a chionn gu'n d' thug mi mo bhanoglach do m'fhear: agus thug i Isachar mar ainm air.

19 Agus dh'fhàs Leah torrach a ris, agus rug i do Iacob an seathamh mac.

20 Agus thubhairt Leah, Dh'èonaich Dia dhomh deadh chuibhrionn: a nis gabhaidh m'fhear còmhnuidh maille rium, a chionn gu'n d'rug mi dha seathmar mhac; agus thug i Sebulun mar ainm air.

21 Agus 'n a dhéigh sin rug i nighean, agus thug i Dinah mar ainm oirre.

22 Agus chuimhnich Dia air Rachel, agus dh'éisd Dia rí, agus dh'fhosgail e a bolg.

23 Agus dh'fhàs i torrach, agus rug i mac; agus thubhairt i, Thug Dia air falbh mo mhí-chliu.

24 Agus thug i Ioseph mar ainm air, ag ràdh, Bheir an Tighearn dhomh fathast mac eile.

25 Agus 'n uair a rug Rachel Ioseph, an siu thubhairt Iacob ri Laban, Leig air falbh mi, chum gu 'n téid mi do màite, agus do m'dhùthaich féin.

26 Their *dhomh* mo mhnathan, agus mo chlann, air son an d'rinn mi seirbhís duit, agus gu'm falbh mi; oir is aithne dhuit mo sheirbhís a rinn mi dhuit.

27 Agus thubhairt Laban ris, Guidheam ort, ma fhuair mi deadh-ghean a'd shùilibh, *fuirich*: oir dh'fhòghluim mi o m' fhiosrachadh féin gu'n do bheannaich an Tighearn mi air do sgàth-sa.

28 Agus thubhairt e, Ainmich do thuarasdal dhomh, agus bheir mi dhuit e.

29 Agus thubhairt e ris, Tha fios agad cionnus a rinn mi seirbhís dhuit, agus cionnus a bha do spréidh agam:

30 Oir is beag a bh'agad mun d' thàinig mi, agus a nis tha e air fas 'n a mhòran; agus bheannaich Dia thu'an lorg mo *theachd-sa*: agus a nis, c'uin a ni mi mar an ceudna air son mo thighe féin?

31 Agus thubhairt e, Ciod a bheir mi dhuit? Agus thubhairt Iacob, Cha toir thu ni sam bith dhomh: ma ni thu an ni so rium, ionaltraidh mi ris, agus gleidhidh mi do threud.

32 Théid mise troimh do threud uile au diugh, ag atharrachadh as a singach spréidhe a tha breac agus ballach, agus gach spréidhe a tha dubh-dhonn am measg nan caorach, agus ballach, agus breac am measg nan gabhar: agus is e so mo thuarasdal.

33 Agus freagraidh air mo shousa m'ion-racas 's an àm ri teachd, 'u uair a thig e mar mo thuarasdal a'd làthair-sa: gach aon nach bi breac agus ballach am measg nan gabhar, agus dubh-dhonn am measg nau caorach, *measar* e mar ni brádach agam-sa.

34 Agus thubhairt Laban, Feuch, b'fhearr leam gu'm bitheadh e réir d'fhocail.

35 Agus dh'atharraich e air an là sin féin na gabhair fhirionn a bha stiallach agus ballach, agus na gabhair bhoirionn uile a bha breac agus ballach, agus gach aon air an robh gile, agus gach aon a bha dubh-dhonn am measg nan caorach, agus thug e iad do làmh an a mhac.

36 Agus chuir e astar thri làithean eadar e féin agus Iacob: agus bheathaich Iacob a' chuid eile de threudaibh Labain.

37 Agus ghabh Iacob dha féin slatan glasa de'n chritheann, agus de'n chaldainn, agus de chraoibh nan geannm-chnò; agus rùisg e

annta stiallan geala, agus leig e ris an geal a bha 's na slataibh.

38 Agus chuir e na slatan a rùisg e anns na claisibh, anns na h-amair uisge, far an d'thàinig na treudan a dh'òl, fa chomhair nan treud, chum as gu'm fàsadh iad torrach an uair a thigeadh iad a dh'òl.

39 Agus dh'fhàs na treudan torrach fa chomhair nan slat, agus rug iad spréidh stiallach, bhreac agus bhallach.

40 Agus thearbaidh Iacob na h-uain, agus chuir e aghaidh nan treud rìusan a bha stiallach, agus gach *beathach* a bha dubh-dhonn ann an treudaibh Labain; agus chuir e a threudan féin air leth, agus cha do chuir e iad làmh ri treudaibh Labain.

41 Agus ge b'e uair a dh'fhàs an spréidh 'bu treise torrach, chuir Iacob na slatan fa chomhair sùl na spréidhe anns na claisibh, chum gu'm fàsadh iad torrach a réir nan slat.

42 Ach 'n uair a bha'n spréidh anmhuinn, cha do chuir e ann iad: mar siu bu le Laban iadsan a b'annhuinne, agus le Iacob iadsan 'bu treise.

43 Agus dh'fhàs an duine ro shaoibhir; agus bha mòran spréidhe aige, agus banoglaich, agus òglaich, agus càmhail, agus asail.

CAIB. XXXI.

1 *Their Iacob air falbh gu h-uaigneach o Laban, gu dol do thír Chanaain.* 22 *Lean Laban e.* 44 *Rinn iad coimhleangal ri' chèile aig Galeed.*

A GUS chual' e briathran mhac Labain, ag ràdh, Thug Iacob leis gach ni a bh' aig ar n-athair, agus o'n ni sin 'bu le ar n-athair-ne fhuair e dha féin a' mhòrachd so uile.

2 Agus chunnaic Iacob gnùis Labain, agus, feuch, cha robh i leis mar a bha i roimhe sin.

3 Agus thubhairt an Tighearn ri Iacob, Pìll gu dùthaich d'athirichean, agus a dh'ionnsuidh do dhilsean; agus bitheadh mise maille riut.

4 Agus chuir Iacob *teachdairean* uath, agus ghairm e Rachel agus Leah do'n mhachair a dh'ionnsuidh a threudan.

5 Agus thubhairt e riu, Tha mi 'faicium gnùise bhur n-athair, uach 'eil i leam mar a bha i roimhe: ach bha Dia m'athar maille riumsa.

6 Agus tha fios gaibh féin, le m'uile dhìchmoll gu'n d'rinn mi seirbhís do'r n-athair.

7 Gidheadh mheall bhur n-athair mi, agus mhùth e mo thuarasdal deich uairean: ach cha do leig Dia leis cron a dheauamh orm.

8 Ma thubhairt e mar so, Bithidh an spréidh bhreac 'n an tuarasdal agad, an sin rug an spréidh uile *al* breac: agus ma thubhairt e mar so, Bithidh an spréidh stiallach 'n an tuarasdal agad, an sin rug an spréidh uile *al* stiallach.

9 Mar so thug Dia air falbh spréidh bhur n-athar, agus thug e dhomhsa iad.

10 Agus 'n uair a dh'fhàs an spréidh torrach, thog mi suas mo shùilean, agus chunnaic mi ann an aisling, agus, feuch, *bha* na reitheachan, a bha reitheadh na spréidhe, stiallach, breac agus gris-fhionn.

11 Agus thubhairt aingeal an Tighearna rium ann an aisling, A Iacoib: agus thubhairt mise, *Tha mi 'n so*.

12 Agus thubhairt esan, Tog suas a nis do shùilean, agus faic na reitheachan uile, a tha 'reitheadh na spréidhe, *gu bheil iad* stiallach, breac agus gris-fhionn: oir chunnaic mise gach ni a rinn Laban ort.

13 *Is* mise Dia Bheteil, far an d'ung thu 'n carragh, far an do bhòidich thu dhomhsa bòid: a nis éirich, imich a mach as an tìr so, agus pill gu tìr do dhùilean.

14 Agus fhreagair Rachel agus Leah, agus thubhairt iad ris, Am *bheil* fathast cuibhrionn no oighreachd air bith againne ann an tigh ar n-athar?

15 Nach 'eil sinn air ar meas leis mar choigrich? oir reic e sinn, agus struidh e mar an ceudna gu tur ar n-airgid:

16 Oir an sgoibhreas *sìn* uile a thug Dia o'r n-athair, is leinn féin, agus le'r cloinn e: a nis uime sin, gach ni a thubhairt Dia riutsa, dean e.

17 An sin dh'éirich Iacob suas, agus chuir e a mhic agus a mhnathan air càmhalaibh;

18 Agus thug e leis a spréidh uile, agus a mhaoin uile a fhuair e, spréidh a chosnaidh, a fhuair e 'am Padan-araim, gu dol a dh'ionnsuidh Isaac 'athar gu tìr Chanaain.

19 Agus chaidh Laban a lomaireachdach; agus ghoid Rachel na dealbhan 'bu le a h-athair.

20 Agus theich Iacob gun fhios do Laban an Sirianach, a chionn nach d'innis e dha *gu'n robh e gu teicheadh*.

21 Agus theich e leis gach ni a bh' aige; agus dh'éirich e suas, agus chaidh e thar an amhainn, agus chuir e 'aghaidh *ri* sliabh Ghilead.

22 Agus dh'innseadh do Laban, air an treas là, gu'n do theich Iacob.

23 Agus thug e a bhràithrean leis, agus lean se e astar sheachd làithean, agus rug e air ann an sliabh Ghilead.

24 Agus thàinig Dia gu Laban an Sirianach ann an aisling 's an oidheche, agus thubhairt e ris, Thoir an aire nach labhair thu ri Iacob aon chuid maith no ole.

25 An sin rug Laban air Iacob. A nis shuidhich Iacob a bhùth 's an t-sliabh, agus shuidhich Laban maille r'a bhràithribh ann an sliabh Ghilead.

26 Agus thubhairt Laban ri Iacob, Ciod e *so* a rinn thu, gu'n do theich thu gun fhios domh, agus gu'n d'thug thu leat mo nigh-eanan, mar bhràighdean a thugadh a mach leis a chlaideamh?

27 C'ar son a theich thu gu h-uaigneach, agus a dh'fhalbh thu uam, agus nach

d'innis thu dhomh, agus gu'n cuirinn air falbh thu le subhachas, agus le h-òran-aibh, le tiompan, agus le clàrsach?

28 Agus nach do leig thu leam mo mhic agus mo nigheanan a phògadh? a nis is amaideach a fhuairadh tu le *so* a dheanamh.

29 Tha e'n comas mo làimhe-sa cron a dheanamh ort: ach labhair Dia d'athar rium an raoir, ag ràdh, Thoir an aire, nach labhair thu ri Iacob aon chuid maith no ole.

30 Agus a nis, ged a b'éigin duit falbh, a chionn gu'n robh thu gu ro mhòr 'an geall air tigh d'athar, *gidheadh* c'ar son a ghoid thu mo dhée?

31 Agus fireagair Iacob, agus thubhairt e ri Laban, A chionn gu'n robh eagal orm: oir th' bha mi, Theagamh gu'n tugadh tu uam do nigheanan le h-ainneart.

32 Ge b'e neach aig am faigh thu do dhée, na maireadh e beò: an lathair ar bràithrean faic ciod a th' agam a *bhuineas* duit, agus gabh thugad e: oir cha robh fhios aig Iacob gu'n do ghoid Rachel iad.

33 Agus chaidh Laban a steach do bhùth Iacob, agus do bhùth Leah, agus do bhùth an dà bhanoglaich; ach cha d'fhuair e *iad*. An sin chaidh e mach a bhùth Leah, agus chaidh e steach do bhùth Rachel.

34 A nis ghoid Rachel na dealbhan, agus chuir i iad ann an acfhuinn a' chàmhail, agus shuidh i orra: agus rannsaich Laban am bùth uile, ach cha d'fhuair e *iad*.

35 Agus thubhairt i r'a h-athair, Na cuireadh e corruich air mo thighearn nach urraim mi éirigh suas a' d' fhuinnis, oir tha orm a réir gnatha nam ban: agus rannsaich e, ach cha d'fhuair e na dealbhan.

36 Agus bha fearg air Iacob, agus throd e ri Laban: agus fircagair Iacob, agus thubhairt e ri Laban, Ciod i mo choire, agus ciod e mo pheacadh, gu'n robh thu cho dian air mo thòir?

37 An déigh dhuit m'airneis uile a rann-sachadh, ciod a fhuair thu dhiùile airneis do thighe? cuir an so e an lathair mo bhràithreansa agus do bhràithrean féin, agus gu'n tabhair iad brethe eadarunn 'n ar dithis.

38 A nis fichead bliadhna *bha* mi maille riut; cha do thilg do chaoraich an uain, no do ghabhair am mimm, agus reitheachan do threud cha d'ith mi.

39 An ni sin a reubadh le *fiadh-bheathaich-ibh* cha d'thug mi a' d' ionnsuidh; ghiùlain mi féin a chall: o m' àimh-sa dh'iarr thu e, *co ac* a ghoidheadh e 's an là, no 'ghoidheadh e 's an oidheche.

40 *Mar so* bha mi; 's an là chlaoidh an teas mi, agus an reothadh 's an oidheche; agus dh'ealaidh mo chodhal ri m' shùilibh.

41 *Mar so* bha mi fichead bliadhna a'd' thigh: ceithir bliadhna deug rinn mi seirbhis duit air son do dhithis nigheanan, agus sè

bladhna air son do spréidhe; agus mbúth thu mo thurasdal de'ich uairean.

42 Mur bhitheadh gu'n robh Dia m'athar, Dia Abraham, agus Bagal Isaac maille rium, gu cinnteach chuireadh tu nis air falbh mi falamh: chunnaic Dia m'ámhghar agus saothair mo lámh, agus ehronaich e thu 'n raoir.

43 Agus fhreagair Laban, agus thubhairt e ri Jacob, Na nigheanan so is iad mo nigheanan-sa iad, agus a' chlann so is iad mo chlann-sa, agus an spréidh so is iad mo spréidh-sa; agus gach ni a tha thu a' faicinn, is leamsa e: agus ciod a dh'fheudas mi, dheanaimh an diugh ri m' nigheanaibh so, no r'an cloinn a rug iad?

44 A nis uime sin thig-sa, deanamaid coimhcheangal, mise agus thusa; agus bith-eadh e mar fhianuis eadar mise agus thusa.

45 Agus ghabh Jacob elach, agus chuir e suas i mar charragh.

46 Agus thubhairt Jacob r' a bhràithribh, Cruinnichibh elachan: agus ghabh iad elachan, agus rinn iad carn, agus dh'ith iad an sin air a' charn.

47 Agus thug Laban mar ainm air Iegarsahaduta: ach thug Jacob mar ainm air Galeed.

48 Agus thubhairt Laban, Tha 'n carn so 'n a fhianuis eadar mise agus thusa an diugh. Uime sin thugadh Galeed mar ainm air;

49 Agus Midspah; oir thubhairt e, Deanadh an Tighearn faire eadar mise agus thusa, 'n uair a bhitheas sinn á làthair a chéile.

50 Ma bhuineas tu gu cruaidh ri m' nigh-eanaibh, no ma ghabhas tu mnathan eile thuilleadh air mo nigheanaibh-sa, cha-n 'eil duine sam bith maille ruinn; feuch, tha Dia 'n a fhianuis eadar mis' agus thusa.

51 Agus thubhairt Laban ri Jacob, Faic an carn so, agus faic an carragh so, a shuidh-ich mi eadar mis' agus thusa.

52 Bitheadh an carn so 'n a fhianuis, agus bitheadh an carragh so 'n a fhianuis, nach téid mise a d'ionnsuidh-sa thar a' charn so, agus nach tig thus' a m' ionnsuidh-sa thar a' charn so, agus a' charragh so, gu cron.

53 Gu'n tugadh Dia Abraham, agus Dia Nahoir, Dia an athar, breth eadarunn. Agus mhnionnaich Jacob air Bagal 'athar Isaac.

54 An sin thug Jacob suas iobairtean 's an t-sliabh, agus ghairm e air a bhràithribh a dh'itheadh arain: agus dh'ith iad aran, agus dh'fhan iad rè na h-oidheche 's an t-sliabh.

55 Agus dh'éirich Laban suas moch 's a' mhaduinn, agus phòg e a mhic agus a nigh-eauan, agus bheannaich e iad, agus dh'fhalbh e: agus phill Laban g'a àite féin.

1 Chunnaic Jacob ainglean aig Mahanaim. 3 Chuir e teachdairean gu Esau. 7 Bha eagal air gu'n tigeadh e 'n a aghaidh, agus rinn e urnuigh ris an Tighearn gu'n saoradh e uaith e. 13 Chuir e tiodhlac d'a ionnsuidh. 24 Ghlac e ri aingeal aig Peniel, agus thugadh Israel mar ainm air.

A GUS dh'imich Jacob air a shlighe, agus choinnich ainglean Dhé e.

2 Agus thubhairt Jacob, 'n uair a chunn-aic e iad, Is e so feachd Dhé: agus thug e Mahanaim mar ainm air an àite sin.

3 Agus chuir Jacob teachdairean roimhe gu h-Esau a bhràthair, gu fearann Sheir, guthaich Edoim.

4 Agus dh'aithe dhoibh, ag ràdh, Mar so their sibh ri m' thighearn Esau, Mar so thubhairt do sheirbhiseach Jacob, Bha mi air chuairt maille ri Laban, agus dh'fhan mi maille ris gus a nis.

5 Agus tha agam buar, agus asail, treud-an, agus òglaich, agus banoglaich; agus chuir mi dh'innseadh do m' thighearn, ehum gu'm faighinn deadh-ghean a' d' shùil-ibh.

6 Agus phill na teachdairean gu Jacob, ag ràdh, Thàinig sinn a dh'ionnsuidh do bhràthar Esau, agus mar an ceudna tha e 'teachd a'd' chùdhail, agus ceithir cheud fear maille ris.

7 Agus bha Jacob fo eagal mòr, agus ann an airc; agus roinn e'n sluagh a bha maille ris, agus na treudan, agus an crodh, agus na càmhail 'n an dà bhuidhin; bha.

8 Agus thubhairt e, Ma thig Esau gu h-aon de na buidhneibh, agus gu'm buail e i, an sin théid a' bhuidheann a dh'fhanas as uaith.

9 Agus thubhairt Jacob, O Dhé m'athar Abraham, agus a Dhé m'athar Isaac, a Tighearn, a thubhairt rium, Pill gu d' dhùthaich, agus gu d' dhìlsean, agus ni mi maith dhuit:

10 Cha-n a'iridh mi air a' chuid a's lugha de na trècairibh sin uile, no de'n fhìrinn sin uile, a nochd thu do d'sheirbhiseach: oir le m' luirg thàinig mi thar an Iordan so, agus tha mi nis a'm dhà bhuidhin.

11 Saor mi, guidheam ort, o làmh mo bhràthar, o làmh Esau: oir tha eagal orm roimhe, gu'n tig e, agus gu'm buail e mi, agus a' m'athair maille ris a' chloinn.

12 Agus thubhairt thu, Gu cinnteach ni mi maith dhuit, agus ni mi do shliochd mar ghaineamh na fairge, nach feudar àir-camh a thaobh bonnhoireachd.

13 Agus dh'fhan e an sin 's an oidheche sin féin, agus ghabh e de na thàinig g'a làmh tiodhlac air son Esau a bhràthar;

14 Dà cheud gabhar agus fichead boc, dà cheud caora agus fichead reithe,

15 Deich càmhail fhichead bliainne le 'n searraich, dà fhichead bò agus deich tairbh,

fichead asal bhoirionn agus deich searr-
aich.

16 Agus thug e ^{more} iad do làimh a sheir-
bhiseach, gach iomáin leatha féin; agus thu-
bhairt e r'a sheirbhisich, Imichibh romham,
agus cuiribh dealachadh eadar iomain agus
iomain.

17 Agus dh'áithn e dhàsan a bh'air thois-
each, ag ràdh, 'N uair a choinnich eas mo
bhràthair Esau thu, agus a dh'fheadraicheas
e dhìot, ag ràdh, Co leis thu, agus c'àit a
bheil thu dol? agus co leis iad sin a tha
romhad?

18 An sin their thusa, *Buinidh iad* do
d'sheirbhiseach Jacob; is tiodhlac a th'ann,
a chuireadh a dh'ionnsuidh mo thighearn
Esau: agus, feuch, mar an ceudna tha e
féin 'n ar déigh.

19 Agus dh'áithn e mar sin do'n dara
seirbhiseach, agus do'n treas, agus dhoibh-
san uile a bha 'leantuin nan iomain, ag
ràdh, Air an dòigh so labhraidh sibh ri
h-Esau, 'n uair a gheibh sibh e.

20 Agus their sibh cuideachd, Feuch, Tha
do sheirbhiseach Jacob 'n ar déigh-ne: oir
thubhairt e, Ni mi réidh e leis an tiodhlac
a théid romham, agus an déigh sin chi mi a
glmùis; theagamh gu'n gabh e rium.

21 Mar sin chaidh an tiodhlac thairis
roimhe: agus dh'fhan e féin an oidheche sin
's a' chuideachd.

22 Agus dh'éirich e suas 's an oidheche sin,
agus ghabh e a dhà mhnaoi, agus a dhà
bhanoglach, agus 'aon mhac deug, agus
chaidh e thairis air àth Iaboc.

23 Agus ghabh e iad, agus chuir e thairis
air an t-sruth iad, agus chuir e thairis na
bh'aige.

24 Agus dh'fhan Jacob 'n a aonar; agus
ghleac duine ris, gu ruig briseadh na faire.

25 Agus 'n uair a chunnaic e nach do
bhuadhaich e air, an sin bhean e ri lag a
shléisde; agus chaidh lag sléisde Jacob as
an alt 'n uair a bha e a' gleac ris.

26 Agus thubhairt e, Leig air falbh mi, oir
tha'n fhàir a' briseadh: agus thubhairt
esau, Cha leig mi air falbh thu, mur beann-
aich thu mi.

27 Agus thubhairt e ris, Ciod e is ainm
dhuit? agus thubhairt e, Jacob.

28 Agus thubhairt esau, Cha ghoirear
Jacob ni's mò dhìot mar ainm, ach Israel:
oir bha 'cumhachd agad mar uachdaran
ri Dia, agus ri daoibh, agus thug thu
buaidh.

29 Agus dh'fhiosraich Jacob d'heòth, agus
thubhairt e, Innis dhomh, guidheam ort,
d'ainm: agus thubhairt esau, O' ar son a
tha thu a' farraid m'ainme. Agus bheann-
aich e an sin e.

30 Agus thug Jacob Peniel mar ainm air
an àite: oir chunnaic mi Dia aghaidh ri
h-aghaidh, agus thearnadh m'anam.

31 Agus dh'éirich a' ghrian air, 'n uair a

chaidh e seach Penuel, agus bha e bacach
air a shliasaid.

32 Uime sin cha-n ith clann Israeil de'n
fheith a' chrùp, a' tha air lag na sléisde, gus
an là'n diugh; a chionn gu'n do bhean e
ri lag sléisde Iacob 's an fheith a chrup.

CAIB. XXXIII.

1 Coimhneas Jacob agus Esau d'a chéile 'n
uair a choinnich iad. 18 Aig Salem cleann-
aich Jacob achadh, agus thog e altair.

A GUS thog Jacob suas a shùilean, agus
dh'amhairc e, agus, feuch, bha Esau
a' teachd, agus maille ris ceithir cheud
fear. Agus roimh e a' chlànn do Leah,
agus do Rachel, agus do'n dà bhanoglach.

2 Agus chuir e na banoglaich agus an
clann air thioseach, agus Leah agus a clann
'n an déigh, agus Rachel agus Joseph air
dheireadh.

3 Agus chaidh e féin air 'aghaidh rompa,
agus chrom se e féin gu làr seachd uairean,
gus an d'thàinig e dlùth d'a bhràthair.

4 Agus ruith Esau 'n a choinneamh, agus
ghabh e 'n a ghleacaibh e, agus thuit e air a
mhùineal, agus phòg se e: agus ghluil iad.

5 Agus thog e suas a shùilean, agus chunn-
aic e na mnathan agus a' chlànn; agus
thubhairt e, Od iad sin a tha maille riut?
agus thubhairt esau, A' chlànn a thug Dia
gu gràsmhor do d'sheirbhiseach.

6 An sin thàinig na banoglaich am fagus,
iad féin agus an clann, agus chrom siad iad
féin.

7 Agus thàinig Leah cuideachd an fagus
maille r'a cloinn, agus chrom siad iad féin;
agus an déigh sin thàinig Joseph am fagus
agus Rachel, agus chrom siad iad féin.

8 Agus thubhairt e, Ciod is ciall duit leis
an iomain so uile, a choinnich mi? Agus
thubhairt esau, Gu deadh-ghean fhaghail
ann an sùilbh mo thighearna.

9 Agus thubhairt Esau, Tha agamsa pail-
teas, a bhràthair; gléidh dhuith féin na bheil
agad.

10 Agus thubhairt Jacob, Ni h-cadh, guidh-
eam ort, ma fluair mi nis deadh-ghean a'd'
shùilbh, an sin gabh mo thiodhlac o m'
làimh: oir uime sin chunnaic mi do ghmùis,
mar gu'm faicinn gnùis Dhé, agus thaitinn
mi riut.

11 Gabh, guidheam ort, mo bheannachadh
a thugadh a'd' ionnsuidh, do bhrìgh gu'n do
bhuin Dia gu toirbheartach rium, agus gu
bheil agam mòr phailteas: agus rinn e ro-
carail air, agus ghabh se e.

12 Agus thubhairt e, Gabhamaid ar turus,
agus bitheamaid ag imeachd, agus théid
mise maille riut.

13 Agus thubhairt e ris, Tha fios aig mo
thighearn gu bheil a' chlànn maoth, agus na
treudan agus an fheadail a tha maille rium,
trom le h-àl; agus na dh'iomainear iad gu
dian aon là, gheibh an treud uile bàs.

14 Rachadh, guidheam ort, mo thighearn seachad roimh a sheirbhiseach: agus gabhaidh mise an t-slighe gu socrach, a réir mar a bhitheas an spréidh a *tha* romham, agus a' chlann, comasach air fhulang, gus an tig mi dh'ionnsuidh mo thighearna gu Seir.

15 Agus thubhairt Esau, Leig leam a nis cuid de'n mhuinntir a *tha* maille rium fhàgail marriut: Agus thubhairt esan, C'ar son sin? faigheam-sa deadh-ghean 'an sùilibh mo thighearna.

16 Mar sin phill Esau 's an là sin féin air a shlighe gu Seir.

17 Agus dh'imich Iacob gu Sucot, agus thog e dha féin tigh, agus rinn e bothain d'a spréidh: air an aobhar sin thugadh Sucot mar ainm air an áite.

18 Agus thàinig Iacob do Shalem, baile Shechem a *tha* ann an tìr Chanaain, 'n uair a thàinig e o Phadan-aram; agus shuidhich e a bhùth fa chomhair a' bhaile.

19 Agus cheannach e mìr fearainn, far an do shuidhich e a bhùth, o làimh chloinne Hamoir athar Shechem, air cheud bonn airgid.

20 Agus chuir e suas altair an sin, agus thug e El-Elohe-Israel mar ainm oirre.

CAIB. XXXIV.

1 Thruailladh Dinah nighean Leah. 20 Thimchioll-ghearradh muinntir Shechem; 25 Mharbhadh iad le mic Iacob, 27 Agus chreachadh am baile.

A GUS chaidh Dinah nighean Leah, a rug i do Iacob, a mach a dh'fhaicinn nigheanan na tìre.

2 Agus 'n uair a chunnaic Sechem mac Hamoir an Ibhich, uachdaran na tìre i, ghabh e i, agus luidh e leatha, agus thruaill e i.

3 Agus dhlùth-lean 'anam ri Dinah nighean Iacob, agus ghràdhaich e a' ghruagach, agus labhair e gu caomh ris a' ghruagaich.

4 Agus labhair Sechem ri Hamoir athair, ag ràdh, Faigh dhomhsa a' ghruagach so mar mhnai.

5 Agus chuala Iacob gu'n do thruaill e Dinah a nighean. (Nis bha a mhic maille r'a spréidh 's a' mhachair) agus bha Iacob 'n a thosd gus an d'thàinig iad.

6 Agus chaidh Hamoir athair Shechem a mach a dh'ionnsuidh Iacob, a labhairt ris.

7 Agus thàinig mic Iacob o'n mhachair 'n uair a chual' iad e, agus bha na daoine doilich, agus bha fearg mhòr orra, a chionn gu'n d'rim e amaideachd ann an Israel, ann an luidhe le nighinn Iacob, ni nach bu eòir a dheanamh.

8 Agus labhair Hamoir riu, ag ràdh, Tha anam mo mhie Shechem 'an ro-gheall air bhur nighinn: thugaibh dha i, guidheam oirbh, mar mhnai.

9 Agus deanaibh ecanglaichean-pòsaidh ruinne; bhur nigheanan-sa thugaibh

dhuinne, agus ar nigheanan-ne gabhaidh sibh dhuibhse.

10 Agus maille ruinne gabhaidh sibh còmh-nuidh: agus bithidh an tìr roimhibh; gabhaibh còmh-nuidh, agus deanaibh reie agus ceannachd innte, agus faighibh sealbh innte.

11 Agus thubhairt Sechem r'a h-athair, agus r'a bràithribh, Faigheam deadh-ghean 'n ur sùilibh; agus ge b'e ni a their sibh rium, bheir mi dhuibh.

12 Air a mhead 's gu'n dean sibh an dubh-raidh orm, agus an tiòdlach, bheir mi dhuibh eadhon mar a their sibh rium: a mhàin thugaibh dhomh a' ghruagach mar mhnai.

13 Agus fhreagair mic Iacob Sechem agus Hamoir athair le còig, agus labhair iad, (a chionn gu'n do thruaill e Dinah an piuthar.)

14 Agus thubhairt iad riu, Cha -n fhead sinne an ni so dheanamh, an piuthar a thoirt do dhuinne neo-thimchioll-ghearrta: oir bhiodh sin 'n a mhasladh dhuinne.

15 Ach an so aontaichidh sinn leibh; ma bhios sibhse mar a *tha* sinne, gu'n timchioll-ghearrar gach firionnach 'n ur measg;

16 An sin bheir sinne ar nigheanan dhuibhse, agus bhur nigheanan-sa gabhaidh sinn dhuinne, agus gabhaidh sinn còmh-nuidh maille ribh, agus bithidh sinn 'n ar n-aon sluagh.

17 Ach mur éisd sibh ruinne, sibh a bhi air bhur timchioll-ghearradh, an sin gabhaidh sinne ar nighean, agus falbhaidh sinn.

18 Agus thàinn an briathran ri Hamoir, agus ri Sechem mac Hamoir.

19 Agus cha do chuir an t-dèanach dàil anns an ni a dheanamh, a chionn gu'n robh tlachd aige ann an nighinn Iacob: agus bha e ni b'urranaiche na tigh 'athar uile.

20 Agus thàinig Hamoir, agus Sechem a mhac gu geatadh am baile, agus labhair iad ri daoineibh am baile, ag ràdh,

21 *Tha* na daoine so sìochail maille ruinn, air an aobhar sin gabhadh iad còmh-nuidh 's an tìr, agus deanadh iad reie agus ecannachd innte; thaobh an fhearainn, feuch, *tha e* farsaing ni 's leòir dhoibh: an nigheanan-sa gabhaidh sinne dhuinne mar mhnàibh, agus ar nigheanan-ne bheir sinne dhoibhsan.

22 A mhàin anns an ni so aontaichidh na daoine leinn, gu còmh-nuidh a ghabhail maille ruinn, gu bhi 'n ar n-aon sluagh, ma thimchioll-ghearrar gach firionnach againne, mar a *tha* iadsan air an timchioll-ghearradh.

23 Nach leinne an spréidh, agus am mòi, agus an ainmhidhean uile? a mhàin aontaicheamaid leo, agus gabhaidh iad còmh-nuidh maille ruinn.

24 Agus dh'éisd gach neach a chaidh mach

air geatadh a bhaile ri Hamor, agus ri Sechem a mhac: agus thimchioll-ghearradh gach frionnach, iadsan uile a chaidh mach air geatadh a bhaile.

25 Agus air an treas là, 'n uair a bha iad air an cràdh, an sin ghabh dithis de mhic Iacoib, Simeon agus Lebhi, bràithrean Dhinah, gach fear aca a chlaidheamh, agus thàinig iad air a' bhaile gu dàna; agus mharbh iad gach frionnach.

26 Agus mharbh iad Hamor agus Sechem a mhac le faobhar a' chlaidheimh, agus thug iad Dinah à tigh Shechem, agus chaidh iad a mach.

27 Thàinig mic Iacoib air na mairbh, agus chreach iad am baile, a chionn gu'n do thruaill iad am piuthar.

28 An caoraich, agus am buar, agus an asail, agus na bha 's a' bhaile, agus na bha 's an fhearann, thog iad: *Walter*

29 Agus am maoin uile, agus an clann bheag uile, agus am mnathan thug iad leo 'an daorsadh, agus thog iad 's a' chreich eadhon gach ni a bha stigh.

30 Agus thubhairt Iacob ri Simeon agus ri Lebhi, Chuir sibh trioblaid orm le m' dheanamh ìgraineil am measg luchd-àiteachaidh na tìre, am measg nan Canaanach, agus nam Peridseach: agus air dhomhsa 'bhi gann 'an àireamh, cruinnichidh siad iad féin cuideachd a' m' aghaidh, agus marbaidh iad mi; agus cuirear as domh, agus do m' thigh.

31 Agus thubhairt iad, Am bu chòir dha buntainn ri r' piuthair-nemar ristriopaich?

CAIB. XXXV.

1 Thàinig Iacob gu Betel, far an do thog e altair do Dhia. 9 Tha e air a bheannachadh. 16 Bàs Racheil. 23 Mic Iacoib. 28 Aois Isaac, a bhàs, agus 'adhlac.

A GUS thubhairt Dia ri Iacob, Eirich, imich suas gu Betel, agus gabh còmh-nuidh an sin; agus dean an sin altair do Dhia, a dh'fhoillsich e féin duit an uair a theich thu o ghnùis Esau do bhràthar.

2 Agus thubhairt Iacob r' a theaghlach, agus riu-san uile a bha maille ris Cuiribh uaibh na diathan coimheach a tha 'n 'ur measg, agus bithibh glan, agus mùthaibh bhur n-eudach:

3 Agus éireamaid, agus rachamaid suas gu Betel; agus nì mise an sin altair do Dhia, a dh'èisd rium ann an là mo chruaidh-chais, agus a bha maille rium 's an t-slighe air an deachaidh ni.

4 Agus thug iad do Iacob na diathan coimheach uile a bha 'n an làimh, agus an cluas-fhàinnean a bha 'n an clusaibh; agus dh'fholaidh Iacob iad fo'n daraig a bha làimh ri Sechem.

5 Agus dh'imich iad: agus bha eagal Dhé air na bailtibh a bha mu'n cuairt orra, agus cha d'rim iad tòireachd air mic Iacoib.

6 Mar sin thàinig Iacob gu Luds, a tha 'an

tìr Chanaain, eadhon Betel, e féin agus an sluagh uile a bha maille ris.

7 Agus thog e 'n sin altair, agus thug e El-betel mar ainm air an àite; do bhrìgh ann an sin gu'n d'fhoillsich Dia e féin dha, 'n uair a theich e o ghnùis a bhràthar.

8 Ach fhuair Deborah ban - altrum Rebecah bàs, agus dh'adhlacaidh i fo Bhetel, fo dharaig: agus thugadh Alon-bacut mar ainm air.

9 Agus dh'fhoillsich Dia e féin do Iacob a ris, an uair a thàinig e à Padan-aram; agus bheannaich se e.

10 Agus thubhairt Dia ris, 'S e Iacob a's ainm dhuit; cha-n ainmichear thu Iacob nì's mò, ach 's e Israel a bhios 'n a ainm ort: agus thug e Israel mar ainm air.

11 Agus thubhairt Dia ris, Is mise Dia uile-chumhachdach; bi sìolmhor agus fàs lìonmhor: thig cinneach agus coimhthional chinneach uirt, agus thig rìghrean a mach à d'leasruidh.

12 Agus am fearann a thug mi dh' Abraham agus a dh' Isaac, dhuit - se bheir mi e; agus do d' shìochd a'd dhéigh bheir mi am fearann.

13 Agus chaidh Dia suas uaith 's an àit 'an do labhair e ris.

14 Agus chuir Iacob suas carragh 's an àit 'an do labhair e ris, carragh cloiche, agus dhòirt e tabhartas-dìbhe air, agus dhòirt e cladh air.

15 Agus thug Iacob Betel, mar ainm air an àite far an do labhair Dia ris.

16 Agus dh'imich iad o Bhetel, agus cha robh ach astar beag aca ri teachd gu h-Ephrat: agus thàinig tinneas cloinne air Rachel, agus bha saothair chruaidh oirre.

17 Agus 'n uair a bha i 'an cruaidh shaothair, an sin thubhairt a' bhean-glùine rithe, Na bitheadh eagal ort, oir bithidh am mac so agad cuideachd.

18 Agus 'n uair a bha 'h-anam a' dealachadh rithe, (oir fhuair i bàs), thug i Benoni mar ainm air: ach dh'ainmich 'athair e Beniamin.

19 Agus fhuair Rachel bàs, agus dh'adhlacaidh i 's an t-slighe gu h-Ephrat, eadhon Betlehem.

20 Agus chuir Iacob suas carragh air a h-uaigh: is e so carragh uaigne Racheil gus an lè'n diugh.

21 Agus ghabh Israel a thurus, agus shuidh-ich e a bhùth an taobh thall de thùr Edeir.

22 Agus 'n uair a bha Israel a chòmhnuidh 's an tìr sin, chaidh Reuben, agus luidh e le Billah leannan 'athar: agus chual' Israel sin. A nis bha dà mhac dhéug aig Iacob.

23 Mic Leah, Reuben ceud-ghnì Iacoib, agus Simeon, agus Lebhi, agus Iudah, agus Issachar, agus Sebulun.

24 Mic Racheil; Ioseph, agus Benjamin.

25 Agus mic Bhilhah, bònoglaich Racheil; Dan, agus Naphtali.

26 Agus mic Shilpah, banoglaich Leah; Gad agus Aser. *Is* iad sin mic Iacoib, a rugadh dha 'am Padan-aram.

27 Agus thàinig Iacob chum Isaac 'athar do Mhamre, gu baile Arbah, eadhon Hebron, far an robh Abraham agus Isaac air chùairt.

28 Agus b'iad làithean Isaac ceud bliadhna, 's ceithir fichead.

29 Agus tìug Isaac suas an deò, agus dh'èug e, agus chruinnicheadh e chum a mhuinntir fein, agus e 'n a sheann duine, agus làn de làithibh. Agus dh'adhlac a mhic Esau agus Iacob e.

CAIB. XXXVI.

1 *Trìuir bhan Esau.* 9 *A ghinealaich ann an sliabh Sheir.* 15 *Na cinn-fheadhna a thàinig o 'mhic.*

AGUS *is* iad sin ginealaich Esau, eadhon Edom.

2 Ghabh Esau a mhuathan de nigheanaibh Chanaain; Adah nighean Eloin au Hitich, agus Aholibamah nighean Anah, nighinn Shibeoin an Hibhich;

3 Agus Basemat nighean Ismaeil, piuthar Nebaiot.

4 Agus rug Adah do Esau Eliphais; agus rug Basemat Reuel.

5 Agus rug Aholibamah Ieus, agus Ialam, agus Corah: *Is* iad sin mic Esau, a rugadh dha ann an tìr Chanaain.

6 Agus ghabh Esau a mhuathan, agus a mhic, agus a nigheanan, agus uile mhuinntir a thighe, agus a spréidh, agus ainmhidhean uile, agus a mhaoin uile, a fhuair e ann an tìr Chanaain; agus chaidh e do thìr *eile* o ghnòis a bhràthar Iacoib.

7 Oir bha 'n saobhbheas nì bu mhòd na gu'm feudadh iad còmhnuidh a ghabhail cuid-eachd; agus cha b'urraim an tìr anns an robh iad 'n an coigrich, an giùlan air son an spréidhe.

8 Mar so ghabh Esau còmhnuidh ann an sliabh Sheir: *is* e Esau Edom.

9 Agus *is* iad sin ginealaich Esau, athar nan Edomach, ann an sliabh Sheir:

10 *Is* iad sin ainmeanan mhac Esau; Eliphais mac Adah mnà Esau, Reuel mac Bhasemait mnà Esau.

11 Agus b'iad mic Eliphais Teman, Omar, Sepho, agus Gatam, agus Cenas.

12 Agus bha Timna 'n a leannan aig Eliphais, mac Esau; agus rug i do Eliphais Amalec: b'iad sin mic Adah, mnà Esau.

13 Agus *is* iad sin mic Reueil; Nahat, agus Serah, Samah, agus Midsah: b'iad sin mic Bhasemait, mnà Esau.

14 Agus b' iad sin mic Aholibamah, nighinn Anah, nighinn Shibeoin, mnà Esau: agus rug i do Esau Ieus, agus Ialam, agus Corah.

15 B'iad sin na cinn-fheadhna de mhic Esau: mic Eliphais, ceud-ghin Esau; Teman ceann-fheadhna, Omar ceann-fheadhna, Sepho ceann-fheadhna, Cenas ceann-fheadhna,

16 Corah ceann-fheadhna, Gatam ceann-fheadhna, agus Amalec ceann-fheadhna: *is* iad sin na cinn-fheadhna a thàinig o Eliphais, ann an tìr Edoim: b'iad sin mic Adah.

17 Agus *is* iad sin mic Reueil, mhic Esau; Nahat ceann-fheadhna, Serah ceann-fheadhna, Samah ceann-fheadhna, Midsah ceann-fheadhna. *Is* iad sin na cinn-fheadhna a thàinig o Reuel, ann an tìr Edoim: *is* iad sin mic Bhasemait, mnà Esau.

18 Agus *is* iad sin mic Aholibamah, mnà Esau; Ieus ceann-fheadhna, Ialam ceann-fheadhna, Corah ceann-fheadhna: b' iad sin na cinn-fheadhna a thàinig o Aholibamah nighinn Anah, mnà Esau.

19 *Is* iad sin mic Esau, eadhon Edoim; agus *is* iad sin an cinn-fheadhna.

20 *Is* iad sin mic Sheir an Horich, luchd-àiteachaidh na tìre; Lotan, agus Sobal, agus Sibeon, agus Anah.

21 Agus Dison, agus Edser, agus Disan: *is* iad sin cinn-fheadhna nan Horach, cloinn Sheir, ann an tìr Edoim.

22 Agus b' iad clann Lotain Hori, agus Heman: agus b'i Timna piuthar Lotain.

23 Agus b' iad sin clann Shobail; Albhan, agus Manahat, agus Ebal, Sepho, agus Ouam.

24 Agus b' iad sin clann Shibeoin; arach Aiah, agus Anah: b' e so an t-Anah, a fhuair a mach na muileidean 's an fhàsach an uair a bha e 'g ionaltradh asalan Shibeoin 'athar.

25 Agus b' iad sin clann Anah; Dison, agus Aholibamah nighean Anah.

26 Agus b' iad sin clann Dhisoin; Hemdan, agus Esban, agus Itran, agus Cheran.

27 B' iad sin clann Escir; Bilhan, agus Saabhan, agus Achan.

28 B' iad sin clann Dhisain; Uds, agus Aran.

29 B' iad sin cinn-fheadhna nan Horach; Lotan ceann-fheadhna, Sobal ceann-fheadhna, Sibeon ceann-fheadhna, Anah ceann-fheadhna,

30 Dison ceann-fheadhna, Eser ceann-fheadhna, Disan ceann-fheadhna: *is* iad sin na cinn-fheadhna a thàinig o Hori, ann measg an ceann-fheadhna-san ann an tìr Sheir.

31 Agus *is* iad sin na rìghrean a rìghich ann an tìr Edoim, mun do rìghich rìgh sam bith air cloinn Israeil.

32 Agus rìghich ann an Edom Belah mac Bhcoir; agus b'e ainm a bhaile Dinhabah.

33 Agus dh'èug Belah, agus rìghich Iobab mac Sherah o Bhosrah 'n a àite.

34 Agus dh'èug Iobab, agus rìghich Husam o thìr Themani 'n a àite.

35 Agus dh'èug Husam, agus rìghich Hadad mac Bhoaid, a bhuail Midian 'am fearann Mhoab, 'n a àite: agus b'e ainm a bhaile Abhit.

36 Agus dh'èug Hadad, agus rìghich Samlah o Mhasrecch 'n a àite.

37 Agus dh'èug Samlah, agus rìghich Saul o Rehobot, *l'ainm ris* an ainmhn, 'n a àite.

38 Agus dh'èug Saul, agus rìghich Baalhanan mac Achboir 'n a àite.

39 Agus dh'èug Baalhanan mac Achboir, agus rìghich Hadar 'n a àite: agus *b'e ainm* a bhaile Pau; agus ainm a mhna Mehetabel, nighean Mhatreid, nighinn Mhedsaib.

40 Agus 's iad sin ainmeannan nan ceann-feadhna *a thàinig* o Esau, a réir an teaghlach, a réir an àiteachan, 'n an ainmibh; Timnah ceann-feadhna, Albhah ceann-feadhna, Ietet ceann-feadhna,

41 Aholibamah ceann-feadhna, Elah ceann-feadhna, Pinon ceann-feadhna,

42 Cenas ceann-feadhna, Teman ceann-feadhna, Mibsar ceann-feadhna,

43 Magdiel ceann-feadhna, Iram ceann-feadhna: *is iad sin cinn-fheadhna* Edoim, a réir an àiteacha-còmhnuidh, ann an tìr an seilbh; *is esan* Esau, athair nan Edomach.

potius CAIB. XXXVII.

1 *Dh' fhuathaich eadh* Ioseph le a bhràithribh. 5 *A dhà aising.* 18 *Chuir a bhràithrean an comhairle ri 'chéile gus a mharbhadh; ach shaor Reuben e.* 36 *Reicadh e ri Potiphar 's an Eipht.*

AGUS ghabh Iacob còmhnuidh 's an tìr ann an robh 'athair 'n a choigreach, ann an tìr Chanaain.

2 *Is iad so ginealaich* Iacob: 'N uair a bha Ioseph seachd bliadhna déug a dh'aois, bha e a' buachailleachd an treud' maille r'a bhràithribh, agus *bha* 'n t-òganach maille ri mic Bhillah, agus maille ri mic Shilpah, mnathan 'athar; agus thug Ioseph an droch thuaresgeul-san a dh'ionnsuidh 'athar.

3 Agus bu dòcha le h-Israel Ioseph na 'mhic uile, a chionn gu'm *b'e* mac a shean aois e: agus rinn e dha còta dh' *iomadh* dath.

4 Agus 'n uair a chunnaic a bhràithrean gu'm bu dòcha le 'athair e na 'bhràithrean uile, dh'fhuathaich iad e, agus cha b'urrainn iad labhairt ris gu sìochail.

5 Agus chunnaic Ioseph aising, agus dh'innis e d'a bhràithribh *i*, agus dh'fhuathaich iad e fathast nì's mò.

6 Agus thubhairt e riu, Eisdibh, guidheam oirbh, ris an aising so a chunnaic mi:

7 Oir, feuch, *bha* sinn a' ceangal sguab 's an achiadh, agus, feuch, dh'èirich mo sguab-sa suas, agus sheas i gu dìreach; agus, feuch, sheas bhuir sguaban-sa mu'n cuairt oirre, agus rinn iad ùmhlaichd do m' sguab-sa.

8 Agus thubhairt a bhràithrean ris, Am bi thusa gun àmharus a'd' rìgh oirne? Am bi agad d'a rìreadh tìghearnas oirne? Agus dh'fhuathaich iad e fathast nì's mò airson 'aislingean, agus air son a bhriathran.

9 Agus chunnaic e fathast aising eile, agus dh'innis e d'a bhràithribh *i*, agus thubhairt e, Feuch, chunnaic mi aising eile; agus,

feuch, rinn a' ghrian agus a ghealach, agus an aon reul deug, ùmhlaichd dhomh.

10 Agus dh'innis e d'a athair *i*, agus d'a bhràithribh: agus thug 'athair achmhasan da, agus thubhairt e ris, Ciod i an aising so a chunnaic thu? An e gu'n tig d'a rìreadh mise, agus do mhàthair, agus do bhràithrean; chum sinn féin a chomadh sìos dhuit-sa gu làr?

11 Agus bha farmad aig a bhràithribh ris; ach thug 'athair faicear a' chaimt.

12 Agus chaidh a bhràithrean a dh'ional-tradh treud an athar do Shechem.

13 Agus thubhairt Israel ri Ioseph, Nach 'eil do bhràithrean ag ionaltradh an treud ann an Sechem? Thig, agus cuiridh mi thu d'an ionnsuidh. Agus thubhairt e ris, *Tha* mise an so.

14 Agus thubhairt e ris, Imich, guidheam ort, faic am bheil do bhràithrean gu maith, agus am bheil an treud gu maith; agus thoir fios do m' ionnsuidh a ris. Mar sin chuir e mach e á gleann Hebroin, agus thàinig e gu Sechem.

15 Agus fhuair duine *draidh* e, agus, feuch, *bha* e air seacharan 's a' mhachair; agus dh'fheòraich an duine dh' e ag ràdh, Ciod a tha thu 'g iarraidh?

16 Agus thubhairt e, Tha mi 'g iarraidh mo bhràithrean: innis dhomh, guidheam ort, c'ait am bheil iad ag ionaltradh an treud.

17 Agus thubhairt an duine, Dh'fhalbh iad à so: oir chuala mi iad ag ràdh, Rachamaid gu Dotan. Agus chaidh Ioseph an dèigh a bhràithrean, agus fhuair e iad ann an Dotan.

18 Agus 'n uair a chunnaic iad e fada uatha, eadhon mun d'thàinig e am fagus doibh, chuir iad an comhairle ri 'chéile 'n a aghaidh, gus a mharbhadh.

19 Agus thubhairt iad r'a chéile, Feuch, tha an t-aislingiche so a' teachd.

20 Thigibh a nis ma ta, agus marbhamaid e, agus tilgeamaid e ann an slochd éigin; agus their sinn, Chuir droch bhéist éigin as da: agus chi sinn ciod gus an tig 'aislingean.

21 Agus chuala Reuben so, agus shaor e as an làimh e, agus thubhairt e, Na cuireamaid gu bàs e.

22 Agus thubhairt Reuben riu, Na dòirtibh fuil; tilgibh e 's an t-slochd so, a *tha* 's an fhàsach, agus làmh na cuiribh air; a chum as gu'n saoradh e as an làimh e, agus gu'n aisigeadh e a ris d'a athair e.

23 Agus 'n uair a thàinig Ioseph a dh'ionnsuidh a bhràithrean, an sin bhuin iad do Ioseph a chòta, còta nan *iomadh* dath, a *bha* air.

24 Agus ghabh iad e, agus thilg iad e ann an slochd; agus *bha* 'n slochd falamh, gun uisge ann.

25 Agus shuidh iad sìos a dh'itheadh arain; agus thog iad suas an shùilean agus dh'amlhair iad, agus, feuch, *bha* cuideachd de

chloinn Ismaeil a' teachd o Ghilead, le'n càmhalan a' giùlan spìosraidh, agus ioc-shlaìnt, agus mirr, a' dol gus an tabhairt sìos don Eiphit.

26 Agus thubhairt Iudah r'a bhràithribh, Cìod an tàirbhe a bhios ann dhuinne, ma mharbas sinn ar bràthair, agus ma cheileas sinn 'fhuil?

27 Thigibh, agus reiceamaid e ris na h-Ismaelich, agus na cuireamaid lamh air; oir is e ar dearbh-bhràthair e, agus ar feòil: agus dh'éisd a bhràithrean ris.

28 An sin chaidh Midianaich seachad, ceannaichean; agus tharruing iad agus thog iad suas Ioseph as an t-slochd, agus reic iad Ioseph ris na h-Ismaelich air fichead *bonn* airgid. Agus thug iadsan Ioseph don Eiphit.

29 Agus phill Reuben a dh'ionnsuidh an t-sluicid; agus, feuch, cha robh Ioseph 's an t-slochd: agus reub e 'eudach.

30 Agus phill e dh'ionnsuidh a bhràithrean, agus thubhairt e, Cha-n'èil an leanabh ann; agus mise, c'ait an téid mi?

31 Agus ghabh iad còta Ioseph, agus mharbh iad meann de na gabhraibh, agus thum iad an còta 's an fhuil.

32 Agus chuir iad uatha còta nan *iomadh* clath, agus thug iad e dh'ionnsuidh an athar; agus thubhairt iad, Fhuair sinn e so: aithnich a nis an e so còta do mhic, no nach e.

33 Agus dh'aithnich se e, agus thubhairt e, Còta mo mhic; chuir droch bhéisd as da: tha Ioseph gum teagamh air a réubadh as a chéile.

34 Agus reub Iacob, 'eudach, agus chuir e eudach-saic air a leasruidh, agus rinn e bròn air son a mhic rè mòrain laithean.

35 Agus dh'éirich a mhic uile, agus a nigheanan uile suas, a thabhairt sòlais da; ach dhiùlt esan sòlas a ghabhail; agus thubhairt e, Oir théid mi sìos do 'n uaigh a chum mo mhic ri bròn. Mar so rinn 'athair caoidh air a shon.

36 Agus reic na Midianaich e 's an Eiphit ri Potiphar, oifigeach le Pharaoh, ceannard an fhreiceadain.

CAIB. XXXVIII.

1 *Ghàin Iudah Er, Onan, agus Selah.* 6 *Phòs Er Tamar.* 8 *Cionta agus bàs Onain.* 11 *Dh'fhan Tamar ri Selah.*

AGUS 's an àm sin féin chaidh Iudah sìos o' bhràithribh, agus thionndaidh e steach a dh'ionnsuidh Adulamaich àraidh, d'am b'ainm Hirah.

2 Agus chumaidh Iudah an sin nighean Canaanaich àraidh, d'am b'ainm Suah: agus ghabh e i, agus chaidh e steach d'a h-ionnsuidh.

3 Agus dh'fhàs i torrach, agus rug i mac; agus thug e Er mar ainm air.

4 Agus dh'fhàs i torrach a ris, agus rug i mac; agus thug i Onan mar ainm air.

5 Agus dh'fhàs i torrach fathast, agus rug i mac; agus thug i Selah mar ainm air: agus bha esan ann an Chedsib, an uair a rug i e.

6 Agus ghabh Iudah bean do Er a cheud-ghin, d' am b'ainm Tamar.

7 Agus bha Er, ceud-ghin Iudah, amgidh ann an sealladh an Tighearna; agus mharbh an Tighearn e.

8 Agus thubhairt Iudah ri h-Onan, Falbh a steach a dh'ionnsuidh mnà do bhràthar, agus pòs i, agus tog suas sliochd do d' bhràthair.

9 Agus bha fios aig Onan nach b'ann leis féin a bhiodh an sliochd; agus 'n uair a chaidh e steach a dh'ionnsuidh mnà a bhràthar, dhòirt e air a' bhàr e, chum nach tugadh e sliochd d'a bhràthair.

10 Agus bha an ni a rinn e olc ann an sealladh an Tighearna: uime sin mharbh e esan mar an ceudna.

11 An sin thubhairt Iudah ri Tamar mnaoi a mhic, Fan a'd' bhantraich ann an tigh d'athar, gus am fàs mo mhac Selah suas; oir thubhairt e, Air eagal gu'm faigheadh esan bàs mar an ceudna, mar a fhuair a bhràithrean. Agus dh'fhalbh Tamar, agus dh'fhan i 'n tigh a h-athar.

12 Agus ùine fhada 'n deigh sin fhuair nighean Shuah, bean Iudah, bàs: agus thog Iudah a mhisiùeach, agus chaidh e suas a dh'ionnsuidh luchd-lomairt a chaorach, e féin agus a charaid Hirah an t-Adulamaich, gu Timnat.

13 Agus dh'innscadh do Thamar, ag ràdh, Feuch, tha d'athair-céile a' dol suas gu Timnat a lomairt a chaorach.

14 Agus chuir i a culaidh-bantraich dhith, agus chòmhdaich si i féin le gnàis-bhrat, agus phaisg si i féin, agus shuidh i ann an ionad follaiseach, a tha laimh ris an t-slighe gu Timnat: oir chumaidh i gu'n d'fhàs Selah suas, agus nach d'fhugadh i dha mar mnaoi.

15 'N uair a chumaidh Iudah i, shaoil e gu'm bu striopach i, a chionn gu'n do chòmhdaich i a h-eudan.

16 Agus thionndaidh e d'a h-ionnsuidh air an t-slighe, agus thubhairt e, Leig leam, guidheam ort, teachd a steach ad' ionnsuidh; oir cha robh fhios aige gu'm b'i bean a mhic i: agus thubhairt i, Cìod a bheir thu dhomh, a chum as gu'n tig thu steach do m' ionnsuidh?

17 Agus thubhairt esan, Cuiridh mi meann a'd' ionnsuidh o'n treud: agus thubhairt ise, An toir thu geall domh gus an cuir thu do m' ionnsuidh e?

18 Agus thubhairt e, Cìod an geall a bheir mi dhuit? Agus thubhairt ise, Do sheula, agus do lamh-fhailan, agus do lorg a tha 'a d' laimh: agus thug e dh'i iad, agus chaidh e steach d'a h-ionnsuidh, agus rinneadh i torrach leis.

19 Agus dh'éirich i, agus dh'fhalbh i

roimpe, agus chuir i seachad a grùis-bhrat uaipe, agus chuir i a culaidh-bantraich oirre.

20 Agus chuir Iudah am meann le làimh a charaid an Adulamaich, chum as gu'm faigheadh e 'n geall o làimh na mnà: ach cha d'fhuair e i.

21 An sin dh'fheodraich e de dhaoimibh an àite sin, ag ràdh, C'ait am bheil an striopach a bha gu follaiseach ri taobh na slighe? Agus thubhairt iadsan, Cha robh striopach sam bith an so.

22 Agus phill e dh'ionnsuidh Iudah, agus thubhairt e, Cha d'fhuair mi i: agus mar an ceudna thubhairt daoine an àite, Cha robh striopach sam bith an so.

23 Agus thubhairt Iudah, Gabhadh i dh'i féin e, air eagal gu maslaichear sinn: feuch, chuir mi am meann so d' a h-ionnsuidh, agus cha d'fhuair thu i.

24 Agus beul ri trì mìosan an déigh sin, dh'innseadh do Iudah, ag ràdh, Rinn Tamar bean do mhic striopachas; agus, feuch, cuideachd, tha i torrach le striopachas. Agus thubhairt Iudah, Thugaibh a mach i, agus loisgear i.

25 'N uair a thugadh a mach i, chuir i fios a dh'ionnsuidh a h-athar-céile, ag ràdh, Aig an fhear d'am buin iad sin tha mise lethtromach: agus thubhairt i, Faic, guidheam ort, cia leis an seula, agus na làmh-flailean, agus an lorg so.

26 Agus ghabh Iudah riu, agus thubhairt e, Bha i ni bu cheirte na mise, a chionn nach d'thug mi i do Shelah mo mhac: agus cha robh aithne aige oirre ni's mò.

27 Agus an uair a bha i ri saothair chloinne, feuch, bha leth-aona 'n a bolg.

28 Agus an uair a bha i ri saothair, chuir a h-aon diubh mach a làmh: agus rug a' bheanghlùine air a làimh, agus cheangail i snàthainn scàrlaid oirre, ag ràdh, Thàinig e so a mach an toiseach.

29 Agus 'n uair a tharruing e a làmh air ais, feuch, thàinig a bhràthair a mach; agus thubhairt ise, Cionnus a bhris thusa mach? bitheadh am briseadh so ortsa: Uime sin thugadh Phares mar ainm air.

30 Agus an déigh sin thàinig a bhràthair a mach, aig an robh an snàthainn scàrlaid air a làimh; agus thugadh Sarah mar ainm air.

CAIB. XXXIX.

1 Rinn Potiphar Ioseph 'n a fhear-riaghlaidh air a thigh. 8 A gheamnuidheachd. 19 Chuireadh am prìosan e; 21 ach bha an Tighearn maille ris, agus nochd fear-glèidhidh a' phrìosain a dheadh rùn da.

A GUS thugadh Ioseph sìos do'n Eiphit; agus cheannaich Potiphar, oifigeach le Pharaoh, ceannard an fhreiccadain, Eiphiteach, e o làimh nan Ismaelach, a thug sìos an sin e.

2 Agus bha 'n Tighearn maille ri Ioseph,

agus bha e 'n a dhuine leis an do shoirbhich gach ni; agus bha e'n tigh a mhaighstir an Eiphitich.

3 Agus chunnaic a mhaighstir gu 'n robh an Tighearn maille ris, agus gu'n d'thug an Tighearn air gach ni a rinn e soirbheachadh 'n a làimh.

4 Agus fhuair Ioseph deadh-ghean 'n a shealladh, agus rinn e seirbhis dha: agus rinn se e 'n a fhear-riaghlaidh air a thigh, agus gach ni a bh'aige chuir e fo làimh.

5 Agus o'n àm sin féin 's an d' rinn se e 'n a fhear-riaghlaidh air a thigh, agus air gach ni a bh'aige, bheannaich an Tighearn tigh an Eiphitich air sgàth Ioseph: agus bha beannachadh an Tighearn' air gach ni a bh'aige, anns an tigh, agus anns a' mhachair.

6 Agus dh'fhàg e gach ni a bh'aige 'an làimh Ioseph, agus cha b'fhios da aon ni a bh'aige, saor o'n aran a bha e 'g itheadh: agus bha Ioseph 'n a dhuine maiseach, agus sgiamhach 's an aghaidh.

7 Agus an déigh nan nithean sin leag bean a mhaighstir a suilean air Ioseph, agus thubhairt i, Luidh leamsa.

8 Agus dhiùlt esan, agus thubhairt e ri mnaoi a mhaighstir, Feuch, cha n-eil fios aig mo mhaighstir ciod a tha maille rium 's an tigh, agus gach ni a th'aige chuir e fo m' làimh-sa.

9 Cha n-eil neach 's an tigh so a's mò na mise; agus cha do chum e uam ni sam bith ach thusa, a chionn gur tu a bhean: cionnus uime sin a ni mise an t-ole mòr so, agus a pheacaicheas mi an aghaidh Dhé?

10 Agus thachair e, 'n uair a labhair i ri Ioseph o là gu là, nach éisdeadh esan rithe, gu luidhe leatha, no bhi maille rithe.

11 Agus thachair e air là àraidh, gu'n deachaidh esan a steach do 'n tigh a dhean-amh 'oibre féin, agus cha robh a h-aon do dhaoimibh an tìghe an sin a stigh.

12 Agus rug i air air 'eudach-uachdair, ag ràdh, Luidh leamsa: agus dh'fhàg e 'eudach-uachdair 'n a làimh, agus theich e, agus thàr e mach.

13 Agus an uair a chunnaic ise gu 'n d'fhàg e 'eudach-uachdair 'n a làimh, agus gu 'n do theich e mach,

14 An sin ghairm i air daoimibh a tìghe, agus labhair i riu, ag ràdh, Faicibh, thug e steach d'ar n-ionnsuidh Eabhruidheach gar maslachadh: thàinig e steach a m' ionnsuidhs a luidhe leam, agus ghlaodh mise le guth àrd:

15 Agus 'n uair a chual' e gu'n do thog mi suas mo ghuth, agus gu'n do ghlaodh mi, an sin dh'fhàg e 'eudach-uachdair maille rium, agus theich e, agus chaidh e mach.

16 Agus thaisg i 'eudach-uachdair làimh rithe, gus an d'thàinig a mhaighstir dhachaidh.

17 Agus labhair i ris a réir nam briathran

so, ag ràdh, Thàinig an scribedhreach Eabh-
ruidheach, a thug thu d'ar n-ionnsuidh, a
steach do m' ionnsuidh-sa gu m' mhaslach-
adh:

18 Agus an nair a thog mise suas mo
ghuth, agus a ghlaodh mi, an sin dh'fhàg e
eudach-nachdair maille rium, agus theich
e mach.

19 Agus 'n uair a chual' a mhaighstir
briathran a mhnà, a labhair i ris, ag ràdh,
Air an dòigh so rinn do sheirbhiseach orm;
an sin las 'fhearg suas.

20 Agus ghabh maighstir Ioseph e, agus
chuir e 's a' phrìosan e, far an robh prìos-
anaich an rìgh ceangailte: agus bha e an
sin 's a' phrìosan.

21 Ach bha 'n Tighearn maille ri Ioseph,
agus nochd e tràcair dha, agus thug e dha
deadh-ghean ann an sùilbh fhir-gleidhidh
a' phrìosain.

22 Agus chuir fear-gleidhidh a' phrìosain
fo làimh Ioseph na prìosanaich uile a *bha*
's a' phrìosan; agus gach nì a rinn iad an
sin, b'esan a rinn e.

23 Cha d'amhaire fear-gleidhidh a' phrìos-
ain air nì sam bith a *bha* fo 'làimh, a chionn
gu'n robh an Tighearn maille ris agus an
nì sin a rinn e, thug an Tighearn air soir-
bheachadh leis.

CAIB. XL.

1 *Thigheadh 'am prìosan àrd bhuidealair, agus
àrd fhuineadair rìgh na h-Eiphit.* 4 *Chuir
ceannard an fhreiccadain an cùram air
Ioseph.* 5 *Dh'eadar-mhìnich e an aisingean
dhoibh.*

A GUS an dèigh nan nithean sin chuir
buidealair rìgh na h-Eiphit, agus
'fhuineadair, fearg air am maighstir, rìgh
na h-Eiphit.

2 Agus bha corrùich mhòr air Pharaoh ri
dithis d'a sheirbhisich, ris an àrd bhuide-
calair, agus ris an àrd fhuineadair.

3 Agus chuir e 'n làimh iad ann an tigh
ceannard an fhreiccadain 's a' phrìosan,
far an robh Ioseph ceangailte.

4 Agus chuir ceannard an fhreiccadain an
cùram air Ioseph, agus fhrithheil e dhoibh;
agus dh'fhan iad tamull ann an làimh.

5 Agus chunnaic iad aisling le 'chéile,
gach fear *aca* 'aisling féin 's an aon oidheche,
gach fear a réir eadar-mhìneachaidh 'ais-
linge; am buidealair agus fhuineadair rìgh
na h-Eiphit, a *bha* ceangailte 's a' phrìos-
san.

6 Agus thàinig Ioseph a steach d'an ionn-
suidh 's a' mhaduinn, agus dh'amhaire e
orra, agus, feuch, *bha* iad dubhach.

7 Agus dh'fheòraich e de sheirbhisich
Pharaoh, a *bha* 'n làimh maille ris ann an
tigh a mhaighstir, ag ràdh, C'ar son a tha
blur gnùis co muladach an diugh?

8 Agus thubhairt iad ris, Chunnaic sinn
aisling, agus cha n-'eil neach againn a
dh'eadar-mhìnichas i. Agus thubhairt

Ioseph riu, Nach ann o Dhia *tha* gach
eadar-mhìneachadh? innsibh dhomhs' iad,
guidheam oirbh.

9 Agus dh'innis an t-àrd bhuidealair 'ais-
ling do Ioseph, agus thubhairt e ris, A'm'
aisling-sa, feuch, *bha* fionain fa m' chomh-
air.

10 Agus air an fhionain *bha* tri mean-
glain; agus *bha* i mar gu'm biodh i a' bris-
eachd a mach, agus thàinig i fo a làn bhlàth,
agus thug a bagaidcan dearcann abùich
uatha.

11 Agus *bha* cupan Pharaoh a'm' làimh:
agus ghabh mi na fion-dhearcann, agus
dh'fhàisg mi iad 'an cupan Pharaoh, agus
thug mi 'n cupan 'an làimh Pharaoh.

12 Agus thubhairt Ioseph ris, 'S e so a
h-eadar-mhìneachadh: Na tri meanglain,
is tri làithean iad.

13 Eadhon 'an ceann thri làithean togaidh
Pharaoh suas do cheann, agus bheir e ris
gu d'àite féin thu; agus bheir thu cupan
Pharaoh 'u a làimh, mar a b'abluist duit
roimhe, 'n uair a bha thu a'd' bhuidealair
aige.

14 Ach cuimhnich thusa ormsa 'n uair a
dh'éireas gu maith dhuit, agus dean, guidh-
eam ort, caoimhneas domh; agus dean iom-
radh orm ri Pharaoh, agus thoir a mach mi
as an tigh so:

15 Oir gu deimhin ghoideadh air falbh mi
á tir nan Eabhruidheach, agus mar an
ceudna 'an so cha d'rinn mi nì sam bith gu
'n cuirteadh 's an t-slochd mi.

16 'N uair a chunnaic an t-àrd fhuinead-
air gu'n d'eadar-mhìnich e gu maith, thubh-
airt e ri Ioseph, *Bha* mise mar an ceudna
a'm' aisling, agus, feuch, *bha* tri bascaidean
geala air mo cheann:

17 Agus anns a' bhascaid a b'àirde *bha* de
gach seòrsa bidh air son Pharaoh de dheas-
achadh an fhuineadair; agus dh'ith an eun-
laith iad a mach as a' bhascaid air mo
cheann.

18 Agus fhreagair Ioseph, agus thubhairt
e, *Is* e so a h-eadar-mhìneachadh: Na tri
bascaidean, *is* tri làithean iad.

19 'An ceann thri làithean togaidh Pha-
raoh suas do cheann dhìot, agus crochaidh
e thu air crann, agus ithidh an eunlaith
d'fheadh dhìot.

20 Agus air an treas là, comh-ainm là
breithe Pharaoh, rinn e cuirm d'a sheir-
bhisich uile: agus thog e suas ceann an àrd
bhuidealair, agus ceann an àrd fhuineadair
am measg a sheirbhiseach.

21 Agus thug e an t-àrd bhuidealair a
chum a bhuidealaircachd a ris; agus thug
e 'n cupan 'an làimh Pharaoh:

22 Ach chroch e 'n t-àrd fhuineadair, mar
a dh'eadar-mhìnich Ioseph dhoibh.

23 Gidheadh cha do cuimhnich an t-àrd
bhuidealair air Ioseph, ach dhì-chuimhnich
se e.

CAIB. XLI.

1 Dà aising Pharaoh. 25 Dh'eadar-mhìnich Joseph iad. 33 Thug e comhairle do Pharaoh. 38 Rinneadh e 'n a uachdaran air tìr na h-Eiphit. 56 Bha gorta air aghaidh na talmhainn uile.

A GUS 'an ceann dà bhliadhna iomlan chunnaic Pharaoh aising; agus, feuch, sheas e làimh ris an amhainn:

2 Agus, feuch, thàinig a mìos as an amhainn seachd bà, sgiamhach r'am faicinn, agus reamhar 'am feoil; agus bha iad ag ionatrath ann am mìn-fheur.

3 Agus, feuch, thàinig seachd bà eile mìos 'n an déigh as an amhainn, grànnda r'am faicinn, agus caol 'n am feoil; agus sheas iad làimh ris ua bà eile, air bruaich ua h-aimhne.

4 Agus dh'ith na bà a bha granuda r'am faicinn agus caol 'n am feoil suas na seachd bà sgiamhach agus reamhar. Mar siu dhùisg Pharaoh.

5 Agus choidil, agus chunnaic e aising an dara uair: Agus, feuch, dh'éirich suas seachd diàsar arbhair air aon choimleinn, reachdmhor agus maith.

6 Agus, feuch, dh'fhàs suas 'n an déigh seachd diasan caola, agus air an seargadh leis a' ghaoith an ear.

7 Agus shluig na seachd diasan caola suas na seachd diasan reachdmhor agus làn: agus dhùisg Pharaoh, agus, feuch, b' aising a bh' ann.

8 Agus 's a' mhaduinn bha a spiorad air a bhuaireadh; agus chuir e fios uaith, agus ghairm e uile dhruidhean na h-Eiphit, agus a daoine glie' uile: agus dh'innis Pharaoh 'aising dhoibh; ach cha robh neach ann a mhìnich iad do Pharaoh.

9 An siu labhair an t-àrd bhuidealair ri Pharaoh, ag ràdh, An diugh tha mis' a' cuimhneachadh mo lochdan.

10 Bha fearg air Pharaoh r'a sheirbhisich, agus chuire mise 'an làimh ann an tigh ceannaird an fhreiceadain, araon mise, agus an t-àrd fhuineadair.

11 Agus chunnaic sinn aising 's an aon oidhele, mis' agus esan: chunnaic gach fear againn aising a réir mìnichaidh 'aisinge.

12 Agus bha 'n sin maille ruinn òganach Eabhruideach, seirbhiseach do cheannard an fhreiceadain; agus dh'innis sinn dà, agus mhìnich e dhuinn ar n-aisingean: do gach fear againn a réir 'aisinge mhìnich e.

13 Agus mar a mhuic e dhuinn, mar sin bha e: mise chuir e ris ann am àite, agus esan chroch e.

14 Agus chuir Pharaoh teachdaire uaith, agus ghairm e Joseph, agus thug iad le cabhaig a mach as an t-slochd e: agus bhearr se e fèin, agus mhuic e 'eudach, agus thàinig e steach a dh'ionnsuidh Pharaoh.

15 Agus thubhairt Pharaoh ri Joseph, Chunnaic mi aising, agus cha n-eil neach

ann a mhìnichas i: agus chuala mi air a ràdh mu d' thimchioll-sa, 'n uair a chluinneas tu aising, gur aithne dhuit a mìnich-adh.

16 Agus fhreagair Joseph Pharaoh, ag ràdh, Cha n-eile annamsa: bheir Dia freagradh sìthe do Pharaoh.

17 Agus thubhairt Pharaoh ri Joseph, 'Am' aising, feuch, sheas mi air bruaich na h-aimhne:

18 Agus, feuch, thàinig a mìos as an amhainn seachd bà, reamhar 'am feoil, agus sgiamhach ann an cruth; agus bha iad ag ionatrath ann am mìn-fheur;

19 Agus, feuch, thàinig seachd bà eile mìos 'n an déigh, bochd agus ro ghrànnda, agus caol 'am feoil: cha-n fhaca mi 'u samhail riamh ann an uile thìr na h-Eiphit air oleas.

20 Agus dh'ith na bà caola agus grannda suas na ceud seachd bà reamhra.

21 Agus 'n uair a dh'ith iad suas iad, cha-n aithnichteadh orra gu'n d'ith siad iad; ach bha iad grànnda r'am faicinn, mar an toiseach. An sin dhùisg mi.

22 Agus chunnaic mi a'm aising; agus, feuch, thàinig a mìos seachd diasan air aon choimleinn, làn agus maith:

23 Agus, feuch, dh'fhàs suas 'n an déigh seachd diasan, air an crìonadh, caol', agus seargta leis a' ghaoith an ear;

24 Agus shluig na diasan caola suas na seachd diasan maithe: agus dh'innis mi so do na druidhibh; ach cha robh neach ann a b'urrainn a' chàis fhoillseachadh dho mh.

25 Agus thubhairt Joseph ri Pharaoh, Aising Pharaoh, is aon i: an ni sin a tha Dia gus a dheanamh, dh'fhoillsich e do Pharaoh.

26 Na seachd bà maithe, is seachd bliadhna iad; agus na seachd diasan maithe, is seachd bliadhna iad: is aon an aising.

27 Agus na seachd bà caola agus grannda a thàinig a mìos 'n an déigh, is seachd bliadhna iad; agus na seachd diasan fas', seargta leis a' ghaoith an ear, bithidh iad 'n an seachd bliadhna gorta.

28 So an ni a thubhairt mi ri Pharaoh. Au ni a tha Dia gus a dheanamh, nochd e do Pharaoh.

29 Feuch, tha seachd bliadhna mòr phailteis a' teachd air feadh thìre na h-Eiphit uile:

30 Agus éiridh seachd bliadhna gorta suas 'n an déigh, agus dì-chuimhuichear am pailteas uile 'an tìr na h-Eiphit; agus claidhidh a' ghorta an tìr.

31 Agus cha-n aithnìchear am pailteas anns an tìr, air son na gorta a leanas: oir bithidh i ro throm.

32 Agus a thaobh 'gu'n do dhùblaicheadh an aising do Pharaoh, tha sin a chionn gu bheil an ni air a shuidheachadh le Dia; agus bheir Dia ann an aithghearradh gu crìch e.

33 A nis uime siu amhairceadh Pharaoh a

mach air son duine a tha tuigseach agus glic, agus cuireadh e os ceann tìre na h-Eiphit e.

34 Deanadh Pharaoh so, agus orduicheadh e luchd-riaghlaidh os ceann na tìre, agus togadh iad an cuigeamh cuid *de thoradh* tìre na h-Eiphit auns na seachd bliadhnaibh pailteis.

35 Agus cruinnicheadh iad uile bhiadh nam bliadhna maithes sin ri teachd, agus taisgcadh iad suas arbhar fo làimh Pharaoh, agus gleidheadh iad biadh anns na bailtibh.

36 Agus bithidh am biadh *sin* 'n a thaisg-each do'n tìr, fa chomhair nan seachd bliadhna gorta a bhitheas ann an tìr na h-Eiphit: chum as nach tèid as do'n tìr leis a' ghorta.

37 Agus bha a' chomhairle maith ann an sùilibh Pharaoh, agus ann an sùilibh a sheirbhiseach uile.

38 Agus thubhairt Pharaoh r'a sheirbhisich, Am bheil e 'n comas duinn a leithid so de dhùine fhaotainn, anns *am bheil* spiorad Dhé?

39 Agus thubhairt Pharaoh ri Ioseph, A thaobh gu'n d'fhoillsich Dia so uile dhuit, cha *n-eil* neach ann cho tuigseach agus cho glic riut féin.

40 Bithidh tu os ceann mo thighe-sa, agus a réir d'fhocail bithidh mo shluagh uile air an riaghladh: a mhàin 's au rìgh-chaithir bithidh mise ni's mò na thusa.

41 Agus thubhairt Pharaoh ri Ioseph, Faic, chuir mi thu os ceann uile thìre na h-Eiphit.

42 Agus thug Pharaoh 'fhàinne bhàrr a làimhe, agus chuir e air làimh Ioseph e; agus sgeadaich se e ann an trusgan de lion-eudach grinn, agus chuir e slabhruidh òir m'a mhuineal.

43 Agus thug e air marcachd 's an dara carbad a bhàige féin; agus ghlaodh iad roimhe, Lùbaibh au glùn; agus rinn se e 'n a uachdaran air tìr na h-Eiphit uile.

44 Agus thubhairt Pharaoh ri Ioseph, Is mise Pharaoh, agus as d'eugmhais-sa cha tog duine suas a làmh no a chos ann an tìr na h-Eiphit uile.

45 Agus thug Pharaoh Sapinat-paaneah mar ainm air Ioseph; agus thug e dha Asenat nighean Photipherah sagairt Oin mar mhnai: agus chaidh Ioseph a mach air feadh uile thìre na h-Eiphit.

46 Agus bha Ioseph deich bliadhna fichead a dh'aois an uair a sheas e'm fianuis Pharaoh rìgh na h-Eiphit: agus chaidh Ioseph a mach o làthair Pharaoh, agus chaidh e troimh thìr na h-Eiphit uile.

47 Agus thug an talamh a mach anns na seachd bliadhnaibh pailteis 'n a ghlacaidibh.

48 Agus chruinnich e r'a chéile uile bhiadh nan seachd bliadhna, a bha 'an tìr na h-Eiphit; agus thaisg e suas biadh 's na

bailtibh: biadh fearainn gach baile, a bha mu'n cuairt air, thaisg e suas ann.

49 Agus chuir Ioseph r'a chéile siol mar ghaineamh na fàirge, ro mhòran, gus an do sguir e d'a àireamh; oir bha e gun àireamh.

50 Agus do Ioseph rugadh dìthiis mhac mun d'thàinig bliadhnaehan na gorta, a rug Asenat dha, nighean Photipherah, sagairt Oin.

51 Agus thug Ioseph Manaseh mar ainm air a' cheud-ghlin; oir thug Dia orm *ars'esan*, mo shaothair uile 'dhi-chuimhneachadh, agus tigh m'athar uile.

52 Agus air an dara mac thug e Ephraim mar ainm; oir thug Dia orm, *ars'esan*, a bhi sìolmhor ann an tìr m'amhghair.

53 Agus chrìochnuicheadh seachd bliadhna a' phailteis a bha ann an tìr na h-Eiphit.

54 Agus thòisich seachd bliadhna na gorta ri teachd, mar a thubhairt Ioseph; agus bha a' ghorta anns na dùthchannaibh uile: ach ann an uile thìr na h-Eiphit bha aran.

55 Agus an uair a bha tìr na h-Eiphit uile ann an uircasbhuidh, an sin ghlaodh an sluagh ri Pharaoh air son arain: agus thubhairt Pharaoh ris na h-Eiphitich uile, Ruigibh Ioseph; an *ni sin* a their cruibh, deanaibh.

56 Agus bha a' ghorta air aghaidh na talmhainn uile: agus dh'fhosgail Ioseph na tigheantaig uile, agus reic e ris na h-Eiphitich: agus bhuaadhaich a' ghorta ann an tìr na h-Eiphit.

57 Agus thàinig gach dùthaich do'n Eiphit a dh'ionnsuidh Ioseph a cheannach *bìdh*; oir bhuaadhaich a' ghorta anns gach dùthaich.

CAIB. XLII.

1 *Chuir Iacob a dheichnear mhac do'n Eiphit a cheannach sìl.* 17 Chuir Ioseph 'am prìosan iad mar luchd-bratha; ach air a' chumha gu'm fàgadh iad Simeon, agus gu'm pilleadh iad a ris le'm bràthair a b' òige, leigeadh as iad.

ANIS an uair a chunnaic Iacob gu'n robh siol 's an Eiphit, thubhairt e r'a mhic, C'ar son a tha sibh ag amhare air a chéile?

2 Agus thubhairt e, Feuch, chuala mi gu bheil siol 's an Eiphit; rachaibh sìos an sin, agus ceannaichibh dhunn as a siu, chum as gu'm bi sinn beò, agus nach faigh sinn bàs.

3 Agus chaidh deichnear bhàithrean Ioseph sìos a cheannach sìl 's an Eiphit.

4 Aeh cha do chuir Iacob Benjamin bràthair Ioseph maille r'a bhàithribh: oir thubhairt e, Air eagal gu'n éirich olc dha.

5 Agus thàinig mic Israeil a thàinig a cheannach sìl an measg na muinntir a thàinig: oir bha a' ghorta ann an tìr Chanaain.

6 Agus bha Ioseph 'n a uachdaran air an tìr: B' esan a bha a' reiceadh ri sluagh na tìre uile. Agus thàinig bràithrean Ioseph,

agus chomh siad iad féin sìos da, *le 'n* aghaidh gu làr.

7 Agus chunnaic Ioseph a bhràithrean, agus dh'aithnich e iad, ach rinn se e féin 'n a choigreach dhoibh, agus labhair e gu coimheach riu; agus thubhairt e riu, Cia as a thàinig sibhse? Agus thubhairt iadsan ris, A tìr Chanaain a cheannach bidh.

8 Agus dh'aithnich Ioseph a bhràithrean, ach cha d'aithnich iadsan esan.

9 Agus chuimhnich Ioseph air na h-aislingibh a chunnaic e mu'n tìmechioll, agus thubhairt e riu, *Is* luchd-bràtha sibh; a dh'fhaicinn lomnochdaidh na tìre thàinig sibh.

10 Agus thubhairt iad ris, Cha *-n eadh* mo thighearn', ach is ann a thàinig do sheirbhisich a cheannach bidh:

11 *Is* mic aon duine sinne uile, *is* daoine fìrinneach sinn; cha luchd-bràtha do sheirbhisich.

12 Agus thubhairt esan riu, Ni h-eadh, ach is ann a dh'fhaicinn lomnochdaidh na tìre thàinig sibh.

13 Agus thubhairt iad, *Is* dà bhràthair dheug do sheirbhisich, mic aon duine ann an tìr Chanaain; agus, feuch, *tha'm fear* a's òig' an diugh maille r'ar n-athair, agus *tha* h-aon nach maireann.

14 Agus thubhairt Ioseph riu, So an ni a thubhairt mi ribh, ag ràdh, *Is* luchd-bràtha sibh.

15 Mar so dearbhar sibh; mar is beò Pharaoh, cha téid sibh a mach á so, mur òig' bhur bràthair a's òige an so.

16 Cuiribh uaibh fear agaibh, agus thugadh a' leis bhur bràthair, agus gleidhear sibhse 'am prìosan, chum as gu'n dearbhar bhur briathran, am *bheil no nach 'eil* fìrinn annaibh: no mar is beò Pharaoh, gu cinnteach *is* luchd-bràtha sibh.

17 Agus chuir e 'm prìosan iad uile rè thri làithean.

18 Agus thubhairt Ioseph riu air an treas là, Deanaibh so, agus bithibh beò: *oir* tha eagal Dhé ormsa.

19 Ma 's daoine fìrinneach sibh, fàgar aon d'ur bràithribh ceangailte 'an tigh bhur prìosain: agus imichibh-sa, thugaibh leibh sìol air son gorta bhur teaghlaichean.

20 Ach thugaibh bhur bràthair a's òige a m' ionnsuidh; mar sin dearbhar bhur briathran, agus cha-n' fhaigh sibh bàs. Agus rinn iad mar sin.

21 Agus thubhairt iad r'a chéile. *Tha* sinn gu deimhin ciontach a thaobh ar bràthar, do bhrìgh gu'm faca sinn cràdh anama, 'n uair a ghuidh e oirnn, agus nach d'èisd sinn ris: uime sin thàinig an aire so oirnn.

22 Agus fhreagair Reuben iad, ag ràdh, Nach do labhair mise ribh, ag ràdh, Na peacaichibh an aghaidh an leinibh? agus cha d'èisd sibh: Uime sin, feuch,

mar an ceudna tha 'fhuil air a n-iarraidh oirnn.

23 Agus cha robh fhios aca-san gu'n robh Ioseph 'g an tuigsinn; oir *bha* eadar-theangair eatorra.

24 Agus thionndaidh se e féin uatha, agus ghluil e; agus phill e ris d'an ionnsuidh, agus labhair e riu, agus thug e Simeon uatha, agus cheangail se e fa chomhàir an sùl.

25 An sin dh'àitlm Ioseph an saic a lionadh le sìol, agus airgid gach duine a chur air ais 'n a shac, agus biadh a thoirt doibh air son na slighe: agus is ann mar so a rinn e riu.

26 Agus thog iad an sìol air an asalaibh, agus dh'innich iad á sin.

27 Agus an uair a dh'fhosgail fear dhiubh a shac, a thoirt bidh d'a asal 's an tigh-òsda, chunnaic e 'airgid; oir, feuch, *bha* e 'm beul a shaic.

28 Agus thubhairt e r'a bhràithribh, Thugadh air ais m'airgid-sa; agus, feuch, *tha* e eadhon a'm shac. Agus dh'fhàinich an cridhe, agus bha eagal orra, ag ràdh gach fear r'a chéile, Ciod e so a rinn Dia oirnn?

29 Agus thàinig iad a chum Iacoib an athar, do thìr Chanaain, agus dh'innis iad dha gach ni a thachair dhoibh, ag ràdh,

30 Labhair an duine a tha 'n a uachdaran air an tìr ruim gu coimheach, agus gabh e sinn mar luchd-bràtha air an dùthaich.

31 Agus thubhairt sinn ris, *Is* daoine fìrinneach sinne; cha luchd-bràtha *idir* sinn:

32 *Is* dà bhràthair dheug sinn, mic ar n-athar; *tha* aon mhac nach maireann, agus tha 'm mac a's òige 'n diugh maille r'ar n-athair ann an tìr Chanaain.

33 Agus thubhairt an duine, uachdaran na tìre ruim, Mar so aithnichidh mi gur daoine fìrinneach sibh; fàgaibh aon d'ur bràithribh maille riumsa, agus gabhaibh biadh air son gorta bhur teaghlaichean, agus bithibh ag imcachd:

34 Agus thugaibh bhur bràthair a's òige a m'ionnsuidh; an sin bithidh fios agam nach luchd-bràtha sibh, *ach* gur daoine fìrinneach sibh: *mar sin* bheir mise bhur bràthair dhuibh, agus ni sibh ceannachd 's an tìr.

35 Agus an uair a thaom iad an saic, feuch, *bha* ceanglachan airgid gach duine 'n a shac féin, agus an uair a chunnaic iad féin agus an athair na ceanglachan airgid, bha eagal orra.

36 Agus thubhairt Iacob an athair riu, Thug sibh uamsa *mo chlam*: Ioseph cha mhaireann, agus Simeon cha mhaireann, agus Benjamin bheir sibh air falbh: 'm'aghaidh-sa tha na nithean sin uile.

37 Agus labhair Reuben r'a athair, ag ràdh, Cuir gu bàs mo dhithis mhac, mur toir mi a d'ionnsuidh e: thoir thairis do m'

laimhs' e, agus bheir mise a d'ionnsuidh a ris e.

38 Agus thubhairt e, Cha téid mo mhac sìos maille ribh; oir tha a bhràthair marbh, agus dh'fhàgadh esan 'n a aonar: ma thachras olc dha 's an t-slighe air an téid sibh, an sin bheir sibh sìos m'fhalt liath le bròn do'n uaigh.

CAIB. XLIII.

1 *Le comhairle Iudah leig Jacob le Benjamin dol do'n Eiphit.* 15 *Thugadh bràthrean Ioseph a dh'ionnsuidh a thighe.* 26 *Ghabh e gu h-oidheil riu, agus dh'ith agus dh'òl iad maille ris.*

A GUS bha a' ghortaro mhòr 's an tìr. 2 Agus an uair a dh'ith iad an sìol a thug iad as an Eiphit, thubhairt an athair riu, Rachaibh a ris, ceannaichibh dhuinn beagan bidh.

3 Agus labhair Iudah ris, ag ràdh, Thug an duine dearbh-chinnt dhuinn, ag ràdh, Cha-n fhaic sibh mo ghnùis-sa, mur bi bhur bràthair maille ribh.

4 Ma chuireas tu ar bràthair maille ruinn, théid sinn sìos, agus ceannaichidh sinn biadh dhuit;

5 Ach mur cuir thu leinn e, cha téid sinn sìos: oir thubhairt an duine ruinn, Cha-n fhaic sibh mo ghnùis, mur bi bhur bràthair maille ribh.

6 Agus thubhairt Israel, O'ar son a bhuin sibh cho olc rium, agus gu'n d'innis sibh do'n duine gu'n robh bràthair tuilleadh agaibh?

7 Agus thubhairt iad, Dh'fhiosraich an duine dhinn gu teanu m'ar timchioll féin, agus mu thimchioll ar càirdean, ag ràdh, Am bheil bhur n-athair fathast beò? am bheil bràthair eile agaibh? Agus dh'innis sinne dha a réir brìgh nam briathar siu: Am b'urrainn sinne fios a bhì againn gu cinnteach gu'n abradh e, Thugaibh bhur bràthair a nuas?

8 Agus thubhairt Iudah ri h-Israel 'athair, Cuir an t-òganach maille riumsa, agus éiridh sinn, agus imichidh sinn, a chum as gu'n bi sinn beò agus nach faigh sinn bàs, araon sinne, agus thu féin, agus mar an ceudna ar clann bheag.

9 Bithidh mise a'm urras air a shon; o m' làimh-sa iarraidh tu c: mur toir mise a d'ionnsuidh, agus mur cuir mi a'd làthair e, an sin biodh a' chòire gu bràth orm.

10 Oirmur bitheamaid air deanamh moille, gu cinnteach bha sinn a nis air pilltinu air ar n-ais an dara uair so.

11 Agus thubhairt Israel an athair riu, Ma dh'heumas a' chàis a bhì mar sin a nis, deanaibh so; gabhaibh de'n t-òradh a's fearr 's an tìr 'n ur soithichibh, agus thugaibh sìos tiodhlac do'n duine; beagan ioc-shlainnt, agus beagan meala, spiosraidh, agus mirr, cuothan, agus almoineau:

12 Agus thugaibh leibh airgid dubailte

'n ur làimh, agus an t-airgid a thugadh air ais 'am beul bhur sac, thugaibh air ais e 'n ur làimh; theagamh gur mearachd a bh'ann.

13 Gabhaibh mar an ceudna bhur bràthair; agus éiribh, rachaibh a ris a dh'ionnsuidh an duine.

14 Agus gu'n tugadh Dia uile-chumhachdach trèacar dhuibh an làthair an duine, chum as gu'n leig e air falbh leibh bhur bràthair eile, agus Benjamin: ach ma chaill mise mo chlann, chaill mi iad.

15 Agus ghabh na daoine an tiodhlac sin, agus thug iad leo airgid dubailte 'n an làimh, agus Benjamin; agus dh'éirich iad, agus chaidh iad sìos do'n Eiphit, agus sheas iad an làthair Ioseph.

16 Agus an uair a chunnaic Ioseph Benjamin maille riu, thubhairt e ri fear-riaghlaidh a thighe, Thoir na daoine sin dachaidh, agus marbh, agus deasaich; oir maille riumsa ithidh na daoine sin air mheadhon-là.

17 Agus rinn an duine mar a dh'iarr Ioseph; agus thug e na daoine do thigh Ioseph.

18 Agus bha eagal air na daoine, 'chionn gu'n d'fhugadh iad do thigh Ioseph, agus thubhairt iad, 'S ann air son an airgid, a chuireadh air ais 'n ar sacaibh a' cheud uair, a thugadh a stigh sinn; chum gu faigh e cion-fath 'n ar n-aghaidh, agus gu'n tuit e oirnn, agus gu'n gabh e sinn mar thràillean, agus ar n-asail.

19 Agus thàinig iad am fagus do fhear-riaghlaidh tighe Ioseph, agus labhair iad ris aig dorus an tighe,

20 Agus thubhairt iad, O mo thighearna, thàinig sinn da rìreadh a nuas an toiseach a cheannach bidh.

21 Agus an uair a thàinig sinn do'n tigh-òsda, agus a dh'fhosgail sinn ar saic, feuch, bha airgid gach fir 'am beul a shaic, ar n-airgid 'n a làn eothrom: agus thug sinn air ais leinn e 'n ar làimh.

22 Agus airgid eile thug sinn a nuas leinn 'n ar làimh a cheannach bidh: cha-n-eil fhios againn cò 'chuir ar n-airgid 'n ar sacaibh.

23 Agus thubhairt e, Sìth gu robh dhuibh, na biodh eagal oirbh: thug bhur Dia féin, agus Dia bhur n-athar ionmhas duibh 'n ur sacaibh: fhuair mise bhur n-airgid. Agus thug e Simeon a mach d'an ionnsuidh.

24 Agus thug an duine na daoine steach do thigh Ioseph, agus thug e uisge dhuibh, agus uigh iad an cosan, agus thug e biadh d'an asalaibh.

25 Agus dh'ulluich iad an tiodhlac 'an coimneamh do Ioseph teachd aig meadhon-là; oir chual' iad gu'n robh iad gu aran itheadh an sin.

26 Agus an uair a thàinig Ioseph dhachaidh, thug iad d'a ionnsuidh an tiodhlac, a

bha 'n an làimh, do'n tigh: agus chrom siad iad féin dha gu lár.

27 Agus dh'fheoraich e 'n robh iad gu maith, agus thubhairt e, Am bheil blur n-athair, an seann duine mu'n do labhair sibh, gu maith? Am bheil e fathast beò?

28 Agus thubhairt iadsan, *Tha* do sheirbhiseach ar n-athair-ne gu maith; *tha* e fathast beò: agus chrom siad iad féin síos, agus rinn iad ùmhlaichd.

29 Agus thog e suas a shùilean, agus chunnaic e Benjamin a bhràthair, mac amhàthar, agus thubhairt e, An e so bhuir bràthair a's òige, mu'n do labhair sibh rium? Agus thubhairt e, Gu'n robh Dia gràsmhor dhuit, a mhic.

30 Agus rinn Ioseph cabhag, oir bha a chridhe a' tionmachadh r'a bhràthair; agus dh'iarr e ùit anns an guileadh e; agus chaidh e steach d'a sheòmar, agus ghuil e 'n sin.

31 Agus nìgh e 'eudan, agus chaidh e mach, agus chum e air féin, agus thubhairt e, Cuiribh síos aran.

32 Agus chuir iad síos dhasan leis féin, agus dhoibhsan leo féin, agus do na h-Eiphitich, a dh'ith maille ris, leo féin; a chionn nach feudadh na h-Eiphitich aran itheadh maille ris na h-Eabhruidhich; oir is gràineileachd sin do na h-Eiphitich.

33 Agus shuidh iad síos 'n a làthair, an ceudghin a réir a chòir-bhreithe, agus am fear a b'òige a réir 'òige: agus ghabh na daoine iongantais *gach* fear r'a chéile.

34 Agus ghabh esan, *agus chuir* e cuibhrionn an làthair féin d'an ionnsuidh: ach rinn e cuibhrionn Bheniamin cùig uairean nì bu mhòd na cuid a h-aoin aca-san. Agus dh'òl iad, agus bha iad subiach maille ris.

CAIB. XLIV.

1 *Innleachd Ioseph a chumail Bheniamin.* 12 *Fhuaradh cupan airgid Ioseph 'am beul saic Bheniamin.* 18 *Athchuinge iriosal Iudah.*

A GUS dh'àithn e do fhear-riaghlaidh a thighe, ag ràdh, Lion saic nan daoine le sìol, a' mheud 's urrainn iad a ghiùlan, agus cuir airgid *gach* duine 'am beul a shaic.

2 Agus cuir mo chupans', an cupan airgid, 'am beul saic an fhir a's òige, agus airgid a shìl: agus rinn e a réir an fhocail a labhair Ioseph.

3 Co luath 's a bha 'mhaduinn soilleir, chuireadh na daoine air falbh, iad féin agus an asail.

4 Agus an uair a chaidh iad a mach as a' bhaile, agus gun iad *fathast* fad o làimh, thubhairt Ioseph rifeair-riaghlaidh a thighe, Eirich, lean na daoine; agus an uair a bheireas tu orra, abair riu, 'Car son a dhìol sibh olc 'an éiric maith?

5 Nach e so an cupan as am bheil mo thighearn ag òl? agus leis am bheil e da

rìreadh a' deanamh fiosachd? is olc a fhuaradh sibh so a dheanamh.

6 Agus rug e orra, agus labhair e riu na briathran ceudna.

7 Agus thubhairt iad ris, 'Car son a labhras mo thighearn na briathran so? nar leigeadh Dia gu'n deanadh do sheirbhisich a réir an nì so.

8 Feuch, an t-airgid a fhuair sinn 'am beul ar sac, thug sinn a ris a d'ionnsuidh á tìr Chanaain; cionnus uime sin a ghoid-eamaid airgid no òr á tigh do thighearna?

9 Cia b'e air bith de d'sheirbhisich aig am faighear e, cuirear gu bàs esan, agus bithidh sinne mar an ceudna 'n ar tràillean aig mo thighearn.

10 Agus thubhairt e, A nis ma ta *bith-eadh* e réir blur briathar: bithidh esan aig am faighear e 'n a sheirbhiseach agamsa; agus bithidh sibhse nedchoireach.

11 An sin thug iad a nuas gu grad *gach* duine a shac féin gu lár, agus dh'fhosgail *gach* duine a shac.

12 Agus rannsaich esan, agus thòisich e aig an fhear' bu shine, agus sguir e aig an fhear a b'òige: agus fhuaradh an cupan ann an sac Bheniamin.

13 An sin reub iad an eudach, agus chuir *gach* duine a shac air 'asail, agus phill iad do'n bhaile.

14 Agus thàinig Iudah, agus a bhràithrean do thigh Ioseph (oir bha e fathast an sin) agus thuit iad síos 'n a fhianuis air an lár.

15 Agus thubhairt Ioseph riu, Ciod e an giùimh so a rinn sibh? nach robh fhios agaibh gur aithne do m' leithidse de dhuine da rìreadh fiosachd a dheanamh?

16 Agus thubhairt Iudah, Ciod a their sinn ri m' thighearn? cionnus a labhras sinn? no cionnus a ghlanas sinn sinn féin? fhuair Dia a mach aingidheachd do sheirbhisich; feuch, *tha* sinne 'n ar seirbhisich do m' thighearn, araon sinne, agus esan mar an ceudna aig an d'fhuaradh an cupan.

17 Agus thubhairt e, Nar leigeadh Dia gu'n deanainnse so: ach an duine aig an d'fhuaradh an cupan, bithidh esan 'n a sheirbhiseach agamsa; agus d'ur taobhsa, rachaibh suas 'an sìth a dh'ionnsuidh blur n-athar.

18 An sin thàinig Iudah am fagus da, agus thubhairt e, Och mo thighearna, leig le d' sheirbhisich, guidheam ort, focal a labhair ann an cluasaibh mo thighearn, agus na lasadh d'fhearg an aghaidh do sheirbhisich: oir is amhluid thusa agus Pharaoh.

19 Dh'fheoraich mo thighearn d'a sheirbhisich, ag ràdh, Am bheil athair agaibh, no bràthair?

20 Agus thubhairt sinn ri m' thighearn, Tha athair againn, seann duine, agus leanabhl a shean aois, maothran: agus tha bhràthair marbh, agus dh'fhagadh esan 'n a aonar da

chloinn a mhàthar, agus tha gràdh aig 'athair air.

21 Agus thubhairt thu ri d' sheirbhisich, Thugaibh a nuas e do m' ionnsuidhs' a chum as gu'n socruich mi mo shùilean air.

22 Agus thubhairt sìune ri m' thighearn, Cha-n fheud an leanabh 'athair fhàgail: oir nam fàgadh e 'athair, gheibheadh 'athair bàs.

23 Agus thubhairt thusa ri d' sheirbhisich, Mur tig blur bràthair a's òige nuas maille ribh, cha-n fhaic sibh m'aghaidh-sa ni's mò.

24 Agus an uair a chaidh sinne suas a dh'ionnsuidh do sheirbhisich m'athar, dh'innis sinn da focail mo thighearna.

25 Agus thubhairt ar n-athair, Rachaibh a ris, ceannaichibh dhuinn beagan bidh.

26 Agus thubhairt sinne, Cha-n fheud sinn dol sìos: ma bhios ar bràthair a's òige maille ruinn, an sin théid sinn sìos; oir cha-n fheud sinn aghaidh an duine fhaicinn, mur bi ar bràthair a's òige maille ruinn.

27 Agus thubhairt do sheirbhiseach m'athair ruinn, Tha fhios agaibh gu'n do rug mo bhean dithis *mhac* dhomh.

28 Agus chaidh aon *diubh* a mach uam, agus thubhairt mi, Gu cinnteach reubadh 'n a bhloighdibh e; agus cha-n fhaca mi o sin e.

29 Agus ma bheir sibh *am mac* so uam mar an ceudna, agus gu'n tig tubaist air, bheir sibh sìos m'fhalt liath le bròn do'n uaignh.

30 A nis uime sin, an uair a thig mise a dh'ionnsuidh do sheirbhisich m'athar, gun an leanabh maille ruinn; (do bhrìgh gu bheil 'anamsa ceangailte ann an anam an leinibh;)

31 Tarlaidh, 'n uair a chi e nach 'eil an leanabh maille ruinn, gu'm faigh e bàs: agus bheir do sheirbhiseach sìos falt liath do sheirbhisich ar n-athar le bròn do'n uaignh.

32 Oir chaidh do sheirbhiseach 'an urras air son an leinibh do m'athair, ag ràdh, Mur toir mi a d' ionnsuidh e, an sin bithidh mi fo choire aig m'athair gu bràth.

33 A nis uime sin, guidheam ort, leig le d' sheirbhiseach fantuinn 'an àit an leinibh, a'm' thràill do m' thighearn; agus leig leis an leanabh dol suas maille r'a bhràithribh.

34 Oir cionnus a théid mise suas a dh'ionnsuidh m'athar, agus gun an leanabh maille rium? air eagal gu faic mi 'n t-olc a thig air m'athair.

CAIB. XLV.

1 Rinn Ioseph e féin aithnichte d'a bhràithribh; thug e comhfhurtachd doibh, agus chuir e fios leo air 'athair. 21 Thug e dhoibh carbadan agus lòn air son na slighe. 27 'N uair a phill iad, agus a dh'innis iad so do Iacob, dh'ath-bheothaich a spiorad.

A GUS cha b'urrainn Ioseph cumail air féin 'n an làthair-san uile a sheas

làimh ris; agus ghlaodh e, Cuiribh gach duine mach uam: agus cha do sheas duine sam bith maille ris, an uair a rinn Ioseph e féin aithnichte d'a bhràithribh.

2 Agus ghluil e gu h-àrd: agus chuala na h-Eiphitich, agus tigh Pharaoh e.

3 Agus thubhairt Ioseph r'a bhràithribh, Is mise Ioseph; an bheil m'athair fathast beò? agus cha b'urrainn a bhràithrean a fhreagair; oir bha eagal orra roimh a làthair-san.

4 Agus thubhairt Ioseph r'a bhràithribh, Thighibh am fagus domh, guidheam oirbh; agus thàinig iad am fagus: Agus thubhairt esan, Is mise Ioseph blur bràthair, a reic sibhse do'n Eiphit.

5 Agus a nis na biodh doilgheas oirbh, no corruich agaibh ribh féin, a chionn gu'n do reic sibh mise an so; oir chuir Dia roimh sibh mi, gu sibhse a ghleidheadh beò:

6 Oir rè an dà bhliadhna-sa *bha* a' ghorta 's an tìr, agus *tha* fathast cùig bliadhna *ri teachd*, anns nach *bi* aon chuid treabhadh no foghar.

7 Agus chuir Dia mise roimhibh, a ghleidheadh dhuibhse iarmaid air thalamh, agus a thearnadh bhur beatha le fuasgladh mòr.

8 A nis uime sin, cha sibhse a chuir mise an so, ach Dia; agus rinn e mi a'm' athair do Pharaoh, agus a'm' thighearn os ceann a thighe uile, agus a'm' uachdaran ann an tìr na h-Eiphit uile.

9 Deanaibh cabhag, agus rachaibh suas a chum m'athar, agus abraibh ris, Mar so thubhairt do m'haic Ioseph, Rinn Dia mise a'm' uachdaran air an Eiphit uile; thig a nuas am' ionnsuidh, na dean moille:

10 Agus gabhaidh tu còmhnuidh 'am fear-ann Ghosein, agus bithidh tu'm fagus dhomhsa, thu *fein*, agus do chlamh, agus clann do chloinne, agus do theudan, agus do bhuar, agus gach ni a *tha* agad.

11 Agus beathaichibh mise thu 'n sin, (oir fathast *bithidh* cùig bliadhna gorta ann,) air eagal gu'n tig thu féin, agus do theaghlach, agus gach ni a *tha* agad, gu bochdaim.

12 Agus, feuch, tha bhuir suilean a' faicinn, agus suilean mo bhràthar Bheniamin, gur e mo bheul féin a *tha* labhairt ribh.

13 Agus innsidh sibh do m'athair mo ghàidh-sa uile 's an Eiphit, agus gach ni a chunnaic sibh; agus ni sibh cabhag, agus bheir sibh a nuas m'athair an so.

14 Agus thuit e air muineal a bhràthar Benjamin, agus ghluil e; agus ghluil Benjamin air a muineal-san.

15 Phòg e mar an ceudna a bhràithrean uile, agus ghluil e os an ceann: agus 'n a dhéigh sin rinn a bhràithrean cainnt ris.

16 Agus chualas ionradh so ann an tigh Pharaoh, ag ràdh, Tha bràithrean Ioseph air teachd: agus thaitim e gu maith ri Pharaoh, agus r'a sheirbhisich.

17 Agus thubhairt Pharaoh ri Ioseph,

GENESIS, XLVI.

Abair ri d'bhraithribh, Deanaibh so; sac-chibh bhur n-aimhidhean, agus imichibh, rachaibh do thir Chanaain.

18 Agus thugaibh leibh bhur n-athair, agus bhur teaghlachean, agus thigibh a m'ionnsuidhse, agus bheir mise dhuibh maith tìre na h-Eiphit; ithidh sibh reamhrachd na tìre.

19 A nis thugadh àithne dhuit; deanaibhse mar so: thugaibh leibh á tìr na h-Eiphit carbadan air son bhur cloinne bige, agus bhur ban, agus thugaibh bhur n-athair leibh, agus thigibh.

20 Agus na bitheadh suim agaibh d'ur n-airneis-thighe; oir is leibhse maith tìre na h-Eiphit uile.

21 Agus rinn clann Israeil mar sin: agus thug Ioseph dhoibh carbadan a réir ordugh Pharaoh; agus thug e dhoibh lòn air son na slighe.

22 Thug e dhoibh uile, do gach aon diubh fa leth, culaidhean eudaich; ach do Bheniamin thug e trì cheud *bonn* airgid, agus cuig culaidhean eudaich.

23 Agus chuir e dh'ionnsuidh 'athar mar so: deich asail a' giùlan de nithibh maith na h-Eiphit, agus deich asail bhoirionn a' giùlan sil, agus arain, agus lòn d'an athair air son na slighe.

24 Mar sin chuir e a bhràithrean air falbh, agus dh'imich iad: agus thubhairt e riu, Feuchaibh nach cuir sibh a mach air a chéile air an t-slighe.

25 Agus chaidh iad suas as an Eiphit, agus thàinig iad gu tìr Chanaain a dh'ionnsuidh Iacoib an athar.

26 Agus dh'innis iad da, ag ràdh, *Tha* Ioseph fathast beò, agus *thae* 'n a uachdaran air tìr na h-Eiphit uile. Agus dh'fhannaich cridhe Iacoib, oir cha do chreid e iad.

27 Agus dh'innis iad da uile bhriathran Ioseph, a labhair e riu: Agus an uair a chunnaic e na carbadan a chuir Ioseph g'a ghiùlan, dh'ath-bheothaich spiorad Iacoib an athar.

28 Agus thubhairt Israel, *Is* leòr e; *tha* Ioseph mo mhac fathast beò: thèid mi agus chi mi e mun faigh mi bàs.

CAIB. XLVI.

1 *Thug Dia msneach agus sòlas do Iacob aig Beer-seba.* 5 O sin chaidh e féin agus a theaghlach do'n Eiphit. 29 Choinnich Ioseph e. 31 Sheòl e d'a bhràithribh ciod a theireadh iad ri Pharaoh.

AGUS dh'imich Israel maille ris gach ni a bh'aige, agus thàinig e gu Beer-seba, agus thug e suas lobairtean do Dhia 'athar Isaac.

2 Agus labhair Dia ri h-Israel ann an taisbeanaihb na h-oidhche, agus thubhairt e, A Iacoib, a Iacoib: Agus thubhairt esan, *Tha* mi 'n so.

3 Agus thubhairt e, *Is* mise Dia, Dia d'athar: na biodh eagal ort dol sìos do'n

Eiphit; oir ni mise a'd' chinneach mòr thu an sin.

4 Thèid mise maille riut sìos do'n Eiphit, agus bheir mi mar an ceudna gu cinnteach a nìos thu *rìs*; agus cuiridh Ioseph a làmh air do shùilibh.

5 Agus dh'èirich Iacob suas o Bheer-seba: agus thug mic Israeil leo Iacob an athair, agus an clann bheag, agus am mnathan, anns na carbadan a chuir Pharaoh g'a ghiùlan.

6 Agus ghabh iad an spréidh, agus am maoin, a fhuair iad ann an tìr Chanaain, agus thàinig iad do'n Eiphit, Iacob, agus a shliochd uile maille ris;

7 A mhic, agus mic a mhac maille ris, a nigheanan, agus nigheanan a mhac, agus a shliochd uile thug e maille ris do'n Eiphit.

8 Agus *is* iad so ainmean chloinn Israeil, a thàinig do'n Eiphit, Iacob agus a mhic: Reuben, ceud-ghin Iacoib.

9 Agus mic Reuben; Hanoch, agus Phalhu, agus Hesron, agus Carmi.

10 Agus mic Shimeon; Iemuel, agus Iamin, agus Ohad, agus Iachin, agus Sohar, agus Saul mac Ban-chanaanaich.

11 Agus mic Lebhi; Gerson, Cohat, agus Merari.

12 Agus mic Iudah; Er, agus Onan, agus Selah, agus Phares, agus Serah: ach fhuair Er agus Onan bàs ann an tìr Chanaain. Agus b'iad mic Phareis, Hesron, agus Hamul.

13 Agus mic Isachair; Tola, agus Phubhah, agus Iob, agus Simron.

14 Agus mic Shebuluin; Sered, agus E'lon, agus Iahleel.

15 *Is* iad sin mic Leah, a rug i do Iacob 'am Padan-aram, maille r'a nighinn Dinah: *b'iad* uile anaman a mhac agus a nigheanan tri-deug 'ar fhichead.

16 Agus mic Ghaid; Siphion, agus Hagai, Suni, agus Esbon, Heri, agus Arodi, agus Arehi.

17 Agus mic Aseir; Imnah, agus Isuah, agus Isui, agus Beriah, agus Serah am piuthar. Agus mic Bheriah; Heber, agus Malchiel.

18 *Is* iad sin mic Shilpah, a thug Laban d'a nighinn Leah; agus rug i iad sin do Iacob, *eadhon* sè anaman deug.

19 Mic Racheil mnà Iacoib; Ioseph, agus Benjamin.

20 Agus rugadh do Ioseph ann an tìr na h-Eiphit, Manaseh agus Ephraim, a rug Asenat nighean Photipherah sagairt Oin dha.

21 Agus *b'iad* mic Bheniamin; Belah agus Becher, agus Asbel, Gera, agus Naaman, Ehi, agus Ros, Mupim, agus Hupim, agus Ard.

22 *Is* iad sin mic Racheil, a rugadh do Iacob: na h-anaman uile, ceithir-deug.

23 Agus mic Dhain; Hunsim.

24 Agus mic Naphtali; Iafiseel, agus Guni, agus Ieser, agus Sillem.

25 *Is* iad sin mic Bhilhah, a thug Laban d'a nighinn Rachel, a rug i do Iacob: na h-anaman uile, seachdnar.

26 Na h-anaman uile a thàinig le Iacob do'n Eiphit, a thàinig a mach as a leasraidh, a thuilleadh air mnaibh mhae Iacoib; *Viad* na h-anamanna *so* uile trì fichead 's a sè.

27 Agus mic Ioseph a rugadh dha 's an Eiphit, *bu* dhà anam *iad*: uile anaman thighe Iacoib, a thàinig do'n Eiphit, *bu* trì fichead 's a deich *iad*.

28 Agus chuir e Iudah roimhe gu Ioseph, chum as gu'n tugadh e fios dha *teachd* 'n a làthair ann an Gosen; agus thàinig iad gu fearann Ghosein.

29 Agus bheartaich Ioseph a charbad, agus chaidh e suas 'an coimeamh Israeil athar gu Gosen; agus nochd se e fèin da, agus thuit e air a mhuineal, agus ghuil e air a mhuineal rè tamuill.

30 Agus thubhairt Israeil ri Ioseph, Faigheams 'a nis bàs, o chunnaic mi do ghnùis, do bhrìgh gu *bheil* thu fathast beò.

31 Agus thubhairt Ioseph r'a bhràithribh, agus ri teaghlach athar, Thèid mise suas, agus cuiridh mi 'n cèill do Pharaoh, agus their mi ris, Tha mo bhràithrean, agus teaghlach m'athar, a *bha* ann an tìr Chanaain, air teachd a m' ionnsuidh:

32 Agus *is* buachaillean na daoine, oir bu luchd-sprèidhe iad; agus thug iad leo an treudan, agus am feudail, agus gach ni a *bh' aca*.

33 Agus tarlaidh 'n uair a ghairmeas Pharaoh oirbh, agus a their e, Ciod *is* ceird dhihb?

34 Gun-abair sibhse, Bu luchd-sprèidhe do sheirbhisich o'r n-òige eadhon gus a nis, sinn fèin *agus* mar an ceudna n-aithrichean; chum as gu'n gabh sibh còmhuidh ann am fearann Ghosein, oir *is* gràine-teachd do na h-Eiphitich gach buachaille sprèidhe.

CAIB. XLVII.

1 Thug Ioseph cùignear d'a bhràithribh agus 'athair an làthair Pharaoh. 11 Shuidhich e iad ann an tìr Rameseis agus bheathaich e iad. 28 Aois Iacoib: 29 mhionnaich Ioseph dha gu'n adhlacaidh se e maille r'a aithricheibh.

AN sin thàinig Ioseph agus dh'inis e do Pharaoh, agus thubhairt e, Thàinig m'athair agus mo bhràithrean, agus an treudan, agus am feudail, agus gach ni a *bh' aca*, a mach à tìr Chanaain; agus, *feuch*, *tha* iad ann am fearann Ghosein.

2 Agus ghabh e cùignear d'a bhràithribh, agus chuir e 'n làthair Pharaoh iad.

3 Agus thubhairt Pharaoh r'a bhràithribh, Ciod *is* ceird duihb? Agus thubhairt iadsan ri Pharaoh, *Is* buachaillean do sheirbhisich, sinn fèin agus ar n-aithrichean.

4 Thubhairt iad maran ceudna ri Pharaoh, 'S ann gu bhì air chuairt anns an tìr a

thàinig sinn, oir cha n'eil fear aig do sheirbhisich d'an sprèidh, do bhrìgh gu bheil a' ghorta mòr ann an tìr Chanaain: a nis uime sin, guidheamaid ort, leig le d' sheirbhisich còmhuidh a ghabhail 'am fearann Ghosein.

5 Agus labhair Pharaoh ri Ioseph, ag ràdh, Thàinig d'athair agus do bhràithrean ad ionnsuidh:

6 Tha tìr na h-Eiphit romhad; anns a' chuid a's fearr de'n fhearann thoir air d'athair agus do bhràithribh còmhuidh a ghabhail; gabhadh iad còmhuidh 'am fearann Ghosein; agus ma's aithne dhuit gu bheil 'n am measg daoine comasach, ni thu iad 'n an àrd bhuachaillibh air mo sprèidh-sa.

7 Agus thug Ioseph Iacob 'athair a stigh, agus chuir e'n làthair Pharaoh e: agus bheannaich Iacob Pharaoh.

8 Agus thubhairt Pharaoh ri Iacob, Ciod a's aois dhuit?

9 Agus thubhairt Iacob ri Pharaoh, 'S iad làithean bhliadhnachan mo chuairte ceud agus deich bliadhna fichead: bu tearc agus òle làithean bhliadhnachan mo bheatha, agus cha d'ràinig iad làithean bhliadhnachan beatha m' aithrichean ann an làithibh an cuairte-san.

10 Agus bheannaich Iacob Pharaoh, agus chaidh e mach à làthair Pharaoh.

11 Agus shuidhich Ioseph 'athair agus a bhràithrean, agus thug e dhoibh seàlbh ann an tìr na h-Eiphit, anns a' chuid a's fearr de'n fhearann, ann am fearann Rameseis, mar a dh'àithn Pharaoh.

12 Agus bheathaich Ioseph 'athair, agus a bhràithrean, agus uile teaghlach 'athar le h-aran, a rèir an cloime.

13 Agus cha robh aran anns an tìr uile; oir *bha* a' ghorta ro mhòr, air chor as gu'n robh tìr na h-Eiphit, agus tìr Chanaain uile fann leis a' ghorta.

14 Agus chruinnich Ioseph an t-airgid uile a fhuaradh ann an tìr na h-Eiphit, agus ann an tìr Chanaain, air son a' bhliadh a cheannaich iad: agus thug Ioseph an t-airgid do thigh Pharaoh.

15 Agus an uair a theirg airgid ann an tìr na h-Eiphit, agus ann an tìr Chanaain, thàinig na h-Eiphitich uile gu Ioseph, ag ràdh, Thoir dhuinn aran: c'ar son a gheibheamaid bàs a'd làthair? oir theirg ar n-airgid.

16 Agus thubhairt Ioseph, Thugaibh seachad bhur sprèidh, agus bheir mise dhuibh air son bhur sprèidhe, ma theirg airgid dhuibh.

17 Agus thug iad an sprèidh gu Ioseph: agus thug Ioseph dhoibh aran air son each, agus air son nan caorach, agus air son a' chruidh, agus air son nan asal; agus bheathaich e iad le h-aran, air son an sprèidhe uile, air a' bhliadhna sin.

18 'N uair a chrìochnaich eadh a' bhliadhna

sin, thàinig iad d'a ionnsuidh air an dara bliadhna, agus thubhairt iad ris, Cha cheil sinne air mo thighearn gu'n do chaitheadh ar n-airgid; tha mar an ceudna ar treudan spriédh aig mo thighearn; cha d'fhàgadh ann an sealladh mo thighearna ach ar cuirp, agus ar fearann.

19 C'ar son a gheibh sinn bàs fa chomhair do shùl, araon sinne agus ar fearann? Ceannaich sinne agus ar fearann air son arain, agus bithidh sinne agus ar fearann 'n ar seirbhisich do Pharaoh: agus thoir dhuinn sìol, chum as gu'm bi sinn beò, agus nach faigh sinn bàs, agus nach bi am fearann 'n a fhàsach.

20 Agus cheannaich Ioseph fearann na h-Eiphit uile do Pharaoh; oir reic na h-Eiphitich gach duine 'fhearann féin, a chionn gu'n do bhuadhaich a' ghort'orra: nuar sin bu le Pharaoh an talamh.

21 Agus a thaobh an t-sluaigh, chuir e air imrich iad do bhailtibh o aon cheann chrìochan na h-Eiphit, eadhon gu ruig an ceann eile dhith:

22 A mhàin fearann nan sagart cha do cheannaich e; oir dh'orduicheadh cuibh-rionn do na sagartaibh le Pharaoh, agus dh'ith iad an cuibh-rionn a thug Pharaoh dhoibh: uime sin cha do reic iad am fearann.

23 Agus thubhairt Ioseph ris an t-sluagh, Feuch, cheannaich mi sibh an diugh, agus bhur fearann do Pharaoh; feuch, so sìol duibh, agus cuiribh am fearann.

24 Agus tarlaidh, de ua chinneas gu'n toir sibh an cuigeamh cuid do Pharaoh, agus bithidh agaibh féin ceithir earrannan, air son sìl an fhearainn, agus air son bhur bidh, agus air son muinntir bhur teaghlachan, agus air son bidh d'ur cloinn bhig.

25 Agus thubhairt iadsan, Ghléidh thu beò sinn: faigheamaid deadh-ghean ann an sealladh mo thighearna, agus bithidh sinn 'n ar seirbhisich do Pharaoh.

26 Agus rinn Ioseph sin 'n a lagh gus an là 'n diugh air feadh fearainn na h-Eiphit, gu'm bitheadh aig Pharaoh an cuigeamh cuid; saor a mhàin o fhearann nan sagart, nach bu le Pharaoh.

27 Agus ghabh Israel còmhnuidh ann an tìr na h-Eiphit, ann an talamh Ghòsein; agus bha seallbh aca ann, agus shìolaich iad, agus dh'fhàs iad ro lìonmhor.

28 Agus bha Iacob beò ann an tìr na h-Eiphit seachd bliadhna deug; agus b'iad bliadhnachan beatha Iacobi uile ceud, agus dà fhichead agus seachd bliadhna.

29 Agus dhlùthaich an t-àmansam b'éigin do Israel bàs fhaotainn: agus ghairm e air a mhac Ioseph, agus thubhairt e ris, Mafhuair mi nis deadh-ghean a'd'shealladh, cuir, guidheam ort, do làmh fo m'leis, agus buin gu caoimhneil agus gu fìrinneach

rium; na h-adhlaic mi, guidheam ort, 's an Eiphit.

30 Ach luidhidh mi maille rim 'aithrichibh, agus giùlainidh tu mi mach as an Eiphit, agus adhlaicidh tu mi 'n an àit' adhlaic-san. Agus thubhairt esan, Ni mi mar a thubhairt thu.

31 Agus thubhairt e, Mionnaich dhomh: agus mionnaich e dha. Agus chrom Israel e féin air ceann-adhairt na leapach.

CAIB. XLVIII.

1 Chaidh Ioseph a dh'fhaicinn 'athar, agus e tinn. 15 Bheannaich Iacob e féin agus a dhithis mhac, Ephraim agus Manaseh. 21 Roimh-innis e gu'm pilleadh iad a ris gu Canaan.

A GUS an déigh nan nithean sin, dh'innis neach do Ioseph, Feuch, tha d'athair tinn: agus thug e leis a dhà mhac, Manaseli agus Ephraim.

2 Agus dh'innis neach do Iacob, agus thubhairt e, Feuch, tha do mhac Ioseph a' teachd a'd' ionnsuidh: agus neartaich Israel e féin, agus shuidh e air an leabaidh.

3 Agus thubhairt Iacob ri Ioseph, Dh'fhoillsich Dia uile-chumhachdach e féin dhomhsa aig Luds ann an tìr Chanaain, agus bheannaich e mi.

4 Agus thubhairt e rium, Feuch, ni mise sìolmhor agus lìonmhor thu, agus ni mi thu a'd' choimhthional chinneach, agus bheir mi am fearann so do d'shliochd a'd' dhéigh mar sheilbh shiorruidh.

5 Agus a nis do dhithis mhac, Ephraim agus Manaseh, a rugadh dhuist ann an tìr na h-Eiphit mun d' thàinig mis' a'd' ionnsuidh do'n Eiphit, is leamsa iad; mar Reuben agus Shimeon, bithidh iad leamsa.

6 Agus bithidh do shliochd, a ghineas tu 'n an déigh, leat féin; a réir ainme am bràithrean goirear iad 'n an seilbh féin.

7 Agus air mo shonsa dheth, 'n uair a thàinig mi o Phadan, fhuair Rachael bàs agam ann an tìr Chanaain, air an t-slighe, 'n uair nach robh fathast ach astar goirid ri teachd gu h-Ephrat: agus dh'adhlaic mi 'n sin i air an t-slighe gu h-Ephrat; 's e sin Betlehem.

8 Agus chunnaic Israel mic Ioseph, agus thubhairt e, Cò iad sin?

9 Agus thubhairt Ioseph r'a athair, 'S iad mo mhic-sa iad, a thug Dia dhomh an so: agus thubhairt e, Thoir a m' ionnsuidh iad, guidheam ort, agus beannaichidh mi iad.

10 Agus bha suilean Israeil trom le h-aois, air chor nach bu léir dha gu maith: agus thug e 'm fagus da iad, agus phòg e iad, agus ghabh e 'n a ghlaicibh iad.

11 Agus thubhairt Israel ri Ioseph, Cha do shaoil mi gu'm faicinn do ghuthis, agus, feuch, nochd Dia dhomh mar an ceudna do shliochd.

12 Agus thug Ioseph a mach iad o cadar

a ghlùinean, agus chrom se e fèin le 'aghaidh gu lár.

13 Agus ghabh Ioseph iad le 'chéile, Ephraim 'n a làimh dheis air làimh chli Israeil, agus Manasèh 'n a làimh chli air làimh dheis Israeil; agus thug e 'm fagus da iad.

14 Agus shìn Israel a mach a làmh dheas, agus chuir e i air ceann Ephraim, am mac a b'òige, agus a làmh chli air ceann Mhanasèh: stiur e a làmh an gu seòlta; oir b'e Manasèh an ceud-ghin.

15 Agus bheannaich e Ioseph, agus thubhairt e, Gu'n deanadh Dia, 'an làthair an do ghluais m'athrichean Abraham agus Isaac, an Dia a bheathaich mi rè mo bheatha uile gus an là'n diugh,

16 An t-aingeal a shaor mi o gach olc; na leinibh a bheannachadh, agus ainmichear m'ainm-sa orra, agus ainm m'athrichean Abraham agus Isaac: agus mar iasg na mara fasadh iad lionnhor 'am meadhon na talmhainn.

17 Agus an uair a chunnaic Ioseph gu'n do chuir 'athair a làmh dheas air ceann Ephraim, cha d'ò thaitinn e ris: agus chum e suas làmh 'athar, a chum a h-atharrachadh o cheann Ephraim gu ceann Mhanasèh.

18 Agus thubhairt Ioseph r'a athair, Ni h-ann mar sin, 'athair: oir is e so an ceud-ghin; cuir do làmh dheas air a cheann.

19 Agus dhiùlt 'athair, agus thubhairt e, Tha fhios agam, a mhic, tha fhios agam; bithidh esan cuideachd 'n a shluagh, agus fasaidh e mar an ceudna mòr: ach gu deimhin bithidh a bhràthair a's òige nì's mò na e, agus bithidh a shliochd 'n am mòran chinneach.

20 Agus bheannaich e iad air an là sin, ag ràdh, Annadsa beannaichidh Israel, ag ràdh, Gu'n deanadh Dia thu mar Ephraim, agus mar Mhanasèh: agus chuir e Ephraim roimh Mhanasèh.

21 Agus thubhairt Israel ri Ioseph, Feuch, tha mis' a' faotaim a' bhàis; ach bithidh Dia maille ribhse, agus bheir e ris sibh gu dùthaich bhuir n-aithrichean.

22 Agus thug mise dhuit aon chuid-roinne thar do bhràithrean, a bhuiin mi dha làimh an Amoraich le m' chlaidheamh agus le m' bhogha.

CAIB. XLIX.

1 Ghairm Iacob a mhic cuideachd, agus bheannaich e iad. 29 Dh'athen e dhoibh gu'n adhlacadh iad e ann an tìr Chananaan. 33 A bhàs.

AGUS ghairm Iacob air a mhic, agus thubhairt e, Cruinnichibh sibh fèin an ceann a chéile, chum as gu'n innis mi dhuibh ciod a tharlas dhuibh 's na làithibh deireanach.

2 Cruinnichibh sibh fèin an ceann a chéile, agus chuinnibh, a mhaca Iacob, agus éisdibh ri Israel bhuir n-athair.

3 A Reuben, is tu mo cheud-ghin, mo threise, agus toiseach mo nèirt, òirdheirceas ar d-inbhe, agus òirdheirceas cumhachd.

4 Neo-sheasmhach mar uisge, cha toir thu barrachd, do bhrìgh gu'n deachaidh tu suas do leabaidh d'athair: an sin thruaill thu i; chaidh e suas do m' uirigh.

5 Is bràithrean Simeon, agus Lebbi: tha innil aingidheachd 'n an àitibh-còmhuidh.

6 'N an diomhaireachd na tigeadh m'anam-sa; r'an còimhlthional na bitheadh m' onoir-sa air a h-aonadh: oir 'u an corruich mharbh iad duine, agus 'n am fèin-thoil leag iad sìos balla.

7 Mallaichte gu'n robh an corruich, oir bha i garg; agus an fearg, oir bha i an-ìochd mhor: roinnidh mi iad ann an Iacob, agus sgaoilidh mi iad ann an Israel.

8 A Iudah, molaich do bhràithrean thusa; bithidh do làmh 'u muineal do naimhdean: cromaidh clann d'athar iad fèin sìos a'd làthair.

9 Is cuilean leòmhain Iudah; o'n dhoibhar-taich, a mhic, chaidh thu suas: chrom se e fèin sìos, chrùb e mar leòmhain, agus mar sheann leòmhain; co 'dhùisgeas suas e?

10 Cha dealaich an t-slat-rioghail ri Iudah, no lagh-thabhartair o eadar a chosan, gus an tig Siloh agus dhasan gèillidh na slòigh:

11 A' ceangal a shearraich ris an fhìonain, agus loth 'asail ris an fhìonain thaghta; nìgh e 'eudach 'am fìon, agus a thrusgan 'am fuil nam fìon-dhearc.

12 Bithidh a shùilean nì's deirge na fìon, agus 'fhiacalan nì's gile na bainne.

13 Gabhaidh Sebulun còmhuidh aig caladh a chuain, agus bithidh e air son calaidh long; agus bithidh e air gu rùig Sidon.

14 Is asal làidir Isachar, a' crùbadh sìos eadar dhà eallaich.

15 Agus chunnaic e gu'm bu mhaith an nì fois, agus gu'n robh an fearann taitneach; agus chrom e a ghuala gu ionchar, agus ruineadh e 'n a sheirbhiseach do chis.

16 Bhéir Dan breth air a shluagh, mar aon de threubhan Israeil.

17 Bithidh Dan 'n a nathair air an ròd, 'n a nathair-nimhe air an t-slighe, a theumas sàiltean an eich, air chor as gu'n tuit a mharcadh 'an coimneamh a chùil.

18 Ri d' shlàinte dh'fheith mise, O Thigh-earna.

19 Gad, bheir buidheann buaidh air: ach bheir esan buaidh na dheireadh.

20 A mach a' h-Aser bithidh 'aran-san reamhar, agus bheir e uaith sògh rioghail.

21 Is eilid air a leigeadh fuasgailte Naph-tali; bheir e focail thaitneach uaith.

22 Is geug thorrach Ioseph, geug thorrach làimh ri tobar, aig am bheil a meanglain a sgaoileadh thar a' bhalla.

23 Chràidh na fir-bhogha gu geur e, agus thilg iad air, agus dh'fhuathaich iad e.

24 Ach dh'fhan a bhogha 'n a neart, agus

rinneadh gairdeanan a làmh làidir le làmh-
an *Dhè* chumhlachdaich Iacob; (uaith sin
tha 'm buachaille, clach Israeil.)

25 *Eadhon* lo Dia d'athar, a ni còmhlaidh
leat, agus leis an Uile-chumhlachdach, a
bheannaicheas thu le beannachdaibh nèimh
o 'n àirde, beannachdaibh na doimhne shìos,
beannachdaibh nan tìoch, agus na bròm.

26 Thug beannachdan d'athar barrachd
air beannachdaibh mo shinnseara, gu ruig
foiriomall nan sliabh sìorruidh; bithidh iad
air ceann Ioseph, agus air mullach a ehinn-
san a sgaradh o 'bhràithribh.

27 Ni Benjamin fiadhach mar mhadadh-
alluidh: 's a' mhaduinn ithidh e a' chobhart-
ach, agus 's an fheasgar roinnidh e a'
chreach.

28 *Is* iad sin uile dà threubh dheug Israeil;
agus *is e* so an ni a labhair an athair riu,
agus bheannaich e iad; gach aon ac' a réir
a bheannachaidh, bheannaich e iad.

29 Agus dh'aitm e dhoibh, agus thubhairt
e riu, Cruinnichear mise chum mo dhaoine.
adhlaidh e mi maille ri m'athrichibh 's an
uaimh a *tha* ann an achadh Ephroin an
Hìthich;

30 'S an uaimh a *tha* ann an achadh
Mhachpelah, a *tha* fa chomhair Mhamre,
ann an tìr Chanaain, a cheannaich Abraham
maille ris an achadh o Ephron an Hiteach,
mar sheilbh àit-adhlaidh.

31 (An sin dh'adhlaidh iad Abraham agus
Sarah a bhean; an sin dh'adhlaidh iad Isaac
agus Rebekah a bhean; agus an sin dh'adhlaidh
mise Leah.)

32 Cheannaicheadh an t-achadh, agus an
uaimh a *tha* ann, o chloinn Het.

33 Agus an uair a chrìochnaich Iacob
aithicant an thoirt d'a mhic, chruinnich e
a chosan suas do'n leabaidh, agus chaòchail
e, agus chruinnicheadh e chum a dhaoine.

CAIB. L.

1 Bròn air son bàis Iacob. 7 'A dh'ac. 24 Roimh-
innis Ioseph d'a bhràithribh, gun tugadh
Dia a mach iad as an Eiphit gu tìr an aith-
richean. 26 A bhàs.

A GUS thuit Ioseph air aghaidh 'athar,
agus ghuil e air, agus phòg se e.

2 Agus dh'aitm Ioseph d'a sheirbhisich
na léigean, spìosraidh a chur air corp 'athar;
agus chuir na léigean spìosraidh air
Israel.

3 Agus choimhlionadh air a shon dà fhic-
ead là (oir mar so coimhlionar làithean na
muinntir sin air an cuinear spìosraidh); agus
rinn na h-Eiphitich bròn air a shon deich
'us trì fichead là.

4 Agus an uair a chaidh làithean a bhròin
thairis, labhair Ioseph ri teaghlach Pharaoh,
ag ràdh, A nis ma fhuair mi deadh-ghean
'n 'ur suilb, labhraibh, guidheam oirbh,
ann an clasaibh Pharaoh, ag ràdh,

5 Ghabh m'athair mionnan diom, ag ràdh,

Feuch, *tha* mise a' faghail a' bhàis. Eiphit-
uigh a chladhaich mi dhomh féin ann e.
tìr Chanaain, an sin adhlaidh tu mi. 'S
nis uime sin leig dhomh dol suas, guidheam
ort, agus m'athair adhlaidh, agus thig mi
ris.

6 Agus thubhairt Pharaoh, Falbh suas,
agus adhlaidh d'athair, a réir mar a ghabh e
mionnan diot.

7 Agus chaidh Ioseph suas a dh'adhlaidh
'athar: agus maille ris chaidh seirbhisich
Pharaoh suas uile, seanairean a thighe, agus
uile sheanairean thìre na h-Eiphit,

8 Agus teaghlach Ioseph uile, agus a
bhràithrean, agus teaghlach 'athar: a mhàin
dh'fhàg iad an clann bheag, agus an caoraich,
agus ann buar, ann an tìr Ghòsein.

9 Agus chaidh suas maille ris, aron car-
badan agus marc-shluagh: agus bha a'
chuideachd ro mhòr.

10 Agus thàinig iad gu h-urrlar-bualaidh
Ataid, a *tha* 'n taobh thall de Iordan; agus
rinn iad bròn an sin le caoidh mhòir agus
ro chràitich: agus rinn e bròn air son 'athar
seachd làithean.

11 Agus an uair a chunnaic luchd-àiteach-
aidh na tìre, na Canaanaich, an bròn ann
an urrlar Ataid, thubhairt iad, *Is* doilgheas-
ach an bròn so do na h-Eiphitich; uime sin
thugadh Abel-misràim mar ainm air, a *tha*
'n taobh thall de Iordan.

12 Agus rinn a mhic dha mar a dh'aitm
e dhoibh:

13 Oir ghiùlain a mhic e do tìr Chanaain,
agus dh'adhlaidh iad e ann an uaimh achaidh
Mhachpelah, a cheannaich Abraham maille
ris an achadh mar sheilbh àit-adhlaidh, o
Ephron an Hiteach, fa chomhair Mhamre.

14 Agus phill Ioseph do 'n Eiphit, e féin
agus a bhràithrean, agus iadsan uile a
chaidh suas maille ris a dh'adhlaidh 'athar, an
deigh dha 'athair adhlaidh.

15 Agus an uair a chunnaic bràithrean Io-
seph gu'n d'fhuair an athair bàs, thubhairt
iad, Theagamh gu'n toir Ioseph fuath
dhuinn, agus gu'n diol e gu cinnteach oirm
an t-ole sin uile a rinn sinn air.

16 Agus chuir iad teachdairean gu Ioseph,
ag ràdh, Dh'aitm d'athair mun d'fhuair e
bàs, ag ràdh,

17 Mar so their sibh ri Ioseph, Maith,
guidheam ort a nis, eucoir do bhràithrean,
agus am peacadh, do bhrìgh gu'n d' rinn
iad ole ort; agus a nis, guidheam ort, maith
eucoir sheirbhisich Dhè d'athar. Agus
ghuil Ioseph an uair a labhair iad ris.

18 Agus chaidh a bhràithrean mar an
ceudna, agus thuit iad sìos 'n a làthair, agus
thubhairt iad, Feuch, *is* seirbhisich dhuit
sinne.

19 Agus thubhairt Ioseph riu, Na bitheadh
eagal oirbh; oir ann bheil mise 'an àito
Dhè?

20 Agus d' ur taobhsa, shònraich sibh ole

a ghluais aaidh; ach shònraich Dia sin a chum gu'n ch, a chum, mar air an là 'n dingh, gu'n carnadh e mòr shluagh beò.

21 A nis uime sin na bitheadh eagall oirbh: altrùnaidh mise sibh, agus bhuir clann bheag. Agus thug e comhfhurtachd dhoibh, agus labhair e gu caoimhneil riuth.

22 Agus ghabh Ioseph còmhnuidh 's an Eiphit, e fèin agus teaghlach 'athar: agus bha Ioseph beò ceud agus deich bliadhna.

23 Agus chunnaic Ioseph clann Ephraim, de'n treas ginealach: thogadh suas mar an ceudna clann Mhachir, mhic Mhanaseh, air ghlinibh Ioseph.

24 Agus thubhairt Ioseph r'a bhràithribh tha mise a' faghail a' bhàis, ach amhaireidh Dia gu cinnteach oirbhse, agus bheir e mach sibh as an fìcarann so, do'n fhearrann a mhionnaich e do Abraham, do Isaac, agus do Iacob.

25 Agus ghabh Ioseph mionnan de chloinn Israeil, ag ràdh, Amhaireidh Dia gu cinnteach oirbhse, agus giùlainidh sibh mo chumhan-sa suas as a so.

26 Agus fhuair Ioseph bàs, agus e ceud agus deich bliadhna dh'aois: agus chuir iad spìosraidh air, agus chuireadh ann an ciste-mhairbh e 's an Eiphit.

DARA LEABHAR MHAOIS,

D'AN AINM

ECSODUS.

CAIB. I.

1 Clann Israeil a' fàs lìonmhor. 8 Tha iad air an sàruchadh le rìgh ùr air an Eiphit. 15 Diadhaidheachd nam ban-glàine.

A NIS is iad so ainmeanan chloinn' Israeil, a thàinig do'n Eiphit; thàinig gach duine agus a theaghlach maille ri Iacob:

2 Reuben, Simeon, Lebhi, agus Iudah,

3 Isachar, Sebulun, agus Benjamin,

4 Dan, agus Naphtali, Gad, agus Aser.

5 Agus na h-anaman uile a thàinig a mach a leasaidh Iacobi, bu deich agus trì fichead anam iad; oir bha Ioseph 's an Eiphit cheana.

6 Agus fhuair Ioseph bàs, agus a bhràithrean uile, agus an ginealach sin uile.

7 Agus bha clann Israeil siolmhor, agus dh'fhàs iad gu mòr, agus rinneadh lìonmhor iad, agus chinn iad ro chumhachdach: agus lìonadh an tìr leo.

8 A nis dh'èirich rìgh ùr air an Eiphit, do nach b'athne Ioseph.

9 Agus thubhairt e r'a shluagh, Feuch, tha shluagh chloinn Israeil ni's lìonmhoire agus ni's cumhachdaiche na sinne.

10 Thigibh, buineamaid gu seòlta: air eagall gu'm fàs iad lìonmhor, agus gu'n tachair e, 'n uair a dh'èireas cogadh, gu'n gabh iadsan mar an ceudna le'r naimhdebhe, agus gu'n cog iad 'n ar n-aghaidh, agus gu'n tèid iad a mach as an tìr.

11 Uime sin chuir iad maighstirean-oibre orra, chum an sàruchadh le'n eallachaibh. Agus thog iad bailtean-ionmhais do Pharaoh, Pitom agus Rameses.

12 Ach mar is mò a shàruich siad iad, 's ann is mò a rinneadh iadsan lìonmhor agus

a dh'fhàs iad. Agus bha iad fo dhoilgheas air son chloinn Israeil.

13 Agus thug na h-Eiphitich air cloinn Israeil seirbhis a dhcanamh le cruadhas.

14 Agus rinn iad am beatha searbh dhoibh le daorsa chruaidh, ann an crìadh, agus ann an clachaibh-creadha, agus anns gach gné oibre 's a' mhachair: bha an obair uile, anns an d' thug iad orra obair a dhcanamh, le cruadhas.

15 Agus labhair rìgh na h-Eiphit ri mnathan-glùine nan Eabhruidheach (b'e ainm aoin diubh Siphrah, agus ainm na té eile Puah:)

16 Agus thubhairt e, 'N uair a ni sibh gnòmh mna-glùine do na mnathan Eabhruidheach, agus a chi sibh iad air na stòlaibh, ma's mac a bhios ann, an sin marbhadh sibh e, ach ma's nighean a bhios ann, bithidh i beò.

17 Ach bha eagall Dhé air na mnathan-glùine, agus cha d'rinn iad mar a dh'èithn rìgh na h-Eiphit dhoibh, ach ghléidh iad a' chlann-mhac beò.

18 Agus ghairm rìgh na h-Eiphit air na mnathan-glùine, agus thubhairt e riuth, C'ar son a rinn sibh an ni so, agus a ghléidh sibh a' chlann-mhac beò?

19 Agus thubhairt na mnathan-glùine ri Pharaoh, A chionn nach 'eil na mnathan Eabhruidheach mar na mnathan Eiphiteach: oir tha iad fèin beothail, agus air an aisead nu'n tig na mnathan-glùine a steach d'an ionnsuidh.

20 Uime sin bhuin Dia gu maith ris na mnathan-glùine: agus rinneadh an shluagh lìonmhor, agus dh'fhàs iad ro chumhachdach.

21 Agus a chionn gu'n robh eagal Dhé air na mnathan-glúine, rinn e tighean dhoibh.

22 Agus thug Pharaoh àithne d'a shluagh uile, ag ràdh, Gach mae a bheirar, tilgidh sibh 's an amhainn; agus gach nighean gleidhidh sibh beò.

CAIB. II.

1 *Maois air a bhreith, agus air a chur ann an còbhan am measg na cuile, aig bruaich na h-aimhne. 5 Fhuaradh e, agus dh'atrumadh e le nighinn Pharaoh.*

A GUS chaidh duine de thigh Lebhi, agus ghabh e nighean do Lebhi 'n a mnaoi.

2 Agus dh'fhàs a' bhean torrach, agus rug i mac: agus an uair a chunnaic i gu'n robh e 'n a leanabh tlachdmhor; dh'fhòlaich i e rè thri mìosan.

3 Agus an uair nach b'urrainn i fhòlach ni b'fhaide, ghabh i dha còbhan cuile, agus chuir i thairis e le làthaich agus le pic, agus chuir i an leanabh ann; agus chuir i e 's a' chuide aig bruaich na h-aimhne.

4 Agus sheas a phiuthar am fas *uaith*, a dh'fhaicinn ciod a dheantadh ris.

5 Agus thàinig nighean Pharaoh a nuas g'a nigheadh fèin 's an amhainn, agus bha a maighdean ag imeachd ri taobh na h-aimhne; agus an uair a chunnaic i 'n còbhan am measg na cuile, chuir i a banoglach g'a thabhairt d'a h-ionnsuidh.

6 Agus an uair a dh'fhosgail i e, chunnaic i 'n leanabh: agus, feuch, ghul an naoidhean. Agus ghabh i trìas ris, agus thubhairt i, *Is aon* so de chloinn nan Eabhruidh-each.

7 An sin thubhairt a phiuthar ri nighean Pharaoh, An téid mise, agus an gairm mi dhuit banaltrum de na mnathan Eabhruidh-each, a chum as gu'n altrum i 'n leanabh dhuit?

8 Agus thubhairt nighean Pharaoh rithe, Falbh. Agus chaidh a' mhaighdean, agus ghairm i mathair an leinibh.

9 Agus thubhairt nighean Pharaoh rithe, Thoir an leanabh so leat, agus altrum dhomhsa e, agus bheir mi dhuit do thuarasdal. Agus ghabh a' bhean an leanabh, agus dh'altrum i e.

10 Agus dh'fhàs an leanabh, agus thug i e dh'ionnsuidh nighinn Pharaoh, agus bha e 'n a mhac dh'i. Agus thug i Maois mar ainm air: agus thubhairt i, A chionn as an nise gu'n do tharruing mi mach e.

11 Agus tharladh anns na làithibh sin, an uair a dh'fhàs Maois suas, gu'n deachaidh e mach a dh'ionnsuidh a bhràithrean, agus gu'n d'amhairc e air an callachaibh: agus chunnaic e Eiphiteach a' bualadh Eabhruidhich, aoin d'a bhràithribh.

12 Agus dh'amhairc e an taobh so agus an taobh ud, agus an uair a chunnaic e nach

robh aon duine ann, mharbh e an t-Eiphiteach, agus dh'fhòlaich e 's a' ghaineamh e.

13 Agus an uair a chaidh e mach an dara là, feuch, bha dithis de na h-Eabhruidhich a' strì r'a chèile; agus thubhairt e ris-san a rinn an eucòir, C'ar son a bhuailcas tu do choimhearsnach?

14 Agus thubhairt e, Cò 'rinn thusa a'd' uachdaran agus a'd' bhreithemh oirne? am miann leat mise a mharbhadh, mar a mharbh thu 'n t-Eiphiteach? agus ghabh Maois eagal, agus thubhairt e, Gu cinnteach tha an ni so aithnichte.

15 A nis an uair a chuala Pharaoh an ni so, dh'iarr e Maois a mharbhadh, ach theich Maois o aghaidh Pharaoh, agus ghabh e còmhuidh ann an tìr Mhidiaìn; agus shuidh e sìos làimh ri tobar.

16 A nis bha aig sagart Mhidiaìn seachd-nar nighean: agus thàinig iad agus tharruing iad *uisge*, agus lion iad na h-amair a thoirt uisge do thréud an athar.

17 Agus thàinig na buachaillean agus dh'fhuadaich iad air falbh iad: ach sheas Maois suas agus chuidich e leo, agus thug e uisge d'an tréud.

18 Agus an uair a thàinig iad gu Renel an athair, thubhairt e, Cionnus a thàinig sibh co luath an diugh?

19 Agus thubhairt iad, Shaor Eiphiteach sinn á làimh nam buachaillean, agus mar an ceudna tharruing e uisge gu leòr dhuinn, agus thug e uisge do'n tréud.

20 Agus thubhairt esan r'a nigheanaibh, Agus c'ait am bheil e? C'ar son a dh'fhàg sibh an duine? Gairmibh air, a chum's gu'n ith e aran.

21 Agus bha Maois toileach còmhuidh a ghabhail maille ris an duine; agus thug e Siporah a nighean do Mhaois 'n a mnaoi.

22 Agus rug i mac dha, agus thug e Gerson mar ainm air: oir thubhairt e, Bha mi m' choigreach ann an tìr aineoil.

23 Agus tharladh an ceann mòrain làithean, gu'n dh'fuair rìgh na h-Eiphit bàs, agus bha clann Israeil ag osnaich air son na daorsa, agus ghlaodh iad; agus chaidh an glaoth suas gu Dia, air son na daorsa.

24 Agus chuala Dia an osnaich, agus chmimlmhich Dia a choimhecheangal ri h-Abraham, ri h-Isaac, agus ri Iacob.

25 Agus dh'amhairc Dia air cloinn Israeil, agus dh'fhiosraich e iad.

CAIB. III.

1 *Bha Maois a' gleidheadh tréud Ietro 'athar-céile. 2 Dh'fhoillsicheadh aingeal an Tigh-earna dha ann an lusan theine á meadhan prìs. 7 Chuir eadha e leis an Tigh-earna a thubhairt cloinn Israeil a mach as an Eiphit. 14 A theachdaireachd dhoibh.*

A NIS bha Maois a' gleidheadh tréud Ietro 'athar-céile, sagairt Mhidiaìn: agus thug e'n tréud gu taobh cuil an

fhàsaich, agus thàinig e gu sliabh Dhé, gu Horeb.

2 Agus dh'fhoillsicheadh aingeal an Tighearna dha ann an lasair theine á meadhon prìs: agus dh'amhair e, agus, feuch, bha m' preas a' lasadh le teine, ach cha robh am preas air a losgadh.

3 Agus thubhairt Maois, Tionndaidh mi nis a leth-taobh, agus chì mi an sealladh muòr so, c'ar son nach 'eil am preas air a losgadh.

4 Agus an uair a chunnaic an Tighearn gu'n do thionndaidh e a leth-taobh a dh'fhaicinn sin, ghairm Dia air á meadhon a' phris, agus thubhairt e A Mhaois, a Mhaois. Agus thubhairt esan, Tha mi 'n so.

5 Agus thubhairt e, Na tig am fagus an so; cuir dlùt do bhrogan bhàrr do chos' oir an t-àit' air am bheil thu a' d' sheasamh, is talamh naomh e.

6 Thubhairt e mar an ceudna, Is mise Dia d'athar, Dia Abraham, Dia Isaac, agus Dia Iacob. Agus dh'fholaidh Maois 'aghaidh: oir bha eagal air amhar air Dia.

7 Agus thubhairt an Tighearn, Chunnaic mi gu cinnteach àmhghar mo shluaigh a tha 's an Eiphit, agus chuala mi 'n glaoth air son am maighstirean-oibre: oir is aithne dhomh an doilgheas.

8 Agus thàinig mi nuas gan saoradh á làimh nan Eiphteach, agus g'an toirt suas a mach as an fhearann sin, gu fearann maith agus farsuing, gu fearann a tha 'srutladh le bainne agus le mil; gu àite nan Canaanach, agus nan Hiteach, agus nan Amorach, agus nam Peridseach, agus nan Hibheach, agus nan Iebusach.

9 A nis uime sin, feuch, tha glaoth chloinn Israeil air teachd a m' ionnsuidh-sa: agus mar an ceudna chunnaic mi am fòirneart leis an bheil na h-Eiphitich 'g am foireigneadh.

10 Agus a nis thig, agus cuiridh mi thu dh'ionnsuidh Pharaoh, a chum as gu'n tabhair thu mach mo shluaigh clann Israeil as an Eiphit.

11 Agus thubhairt Maois ri Dia, Cò mise, gu'n rachainn a dh'ionnsuidh Pharaoh, agus gu'n tugainn a mach clann Israeil as an Eiphit?

12 Agus thubhairt e, Bithidh mise gu cinnteach leat; agus bithidh so 'n a chomharadh dhuit, gu'n do chuir mise uam thu: 'n uair a bheir thu mach an sluagh as an Eiphit, ni sibh aoradh do Dhia air an t-sliabh so.

13 Agus thubhairt Maois ri Dia, Feuch, an uair a thig mi dh'ionnsuidh cloinn Israeil, agus a their mi riu, Chuir Dia bhur n-aithrichean mise d'ur n-ionnsuidh; agus a their iad rium, Ciod a's ainm dha? Ciod a their mi riu?

14 Agus thubhairt Dia ri Maois, IS MI AN TI A'S MI: Agus thubhairt e, Mar

so their thu ri cloinn Israeil, Chuir IS MI mise d'ur n-ionnsuidh.

15 Agus thubhairt Dia thuilleadh air so ri Maois, Mar so their thu ri cloinn Israeil, Chuir an Tighearn Dia bhur n-aithrichean, Dia Abraham, Dia Isaac, agus Dia Iacob, mise d'ur n-ionnsuidh: 's e so m' ainm a chaidh; agus is e so mo chumhachd do gach uile ghinealach.

16 Imich agus cruinnich r'a chéile sean-airean Israeil, agus abair riu, Dh'fhoillsich an Tighearn Dia bhur n-aithrichean e féin dhomhsa, Dia Abraham, Isaac, agus Iacob, ag ràdh, Gu cinnteach dh'amhare mi oirbh, agus chunnaic mi an ni a rinneadh oirbh 's an Eiphit.

17 Agus thubhairt mi, Bheir mi suas sibh á h-àmhghar na h-Eiphit, gu fearann nan Canaanach, agus nan Hiteach, agus nan Amorach, agus nam Peridseach, agus nan Hibheach, agus nan Iebusach, gu fearann a tha 'srutladh le bainne agus le mil.

18 Agus éisdidh iadsan ri d' ghuth: agus théid thu féin, agus sean-airean Israeil, gu rìgh na h-Eiphit, agus their sibh ris, Choimnich an Tighearn, Dia nan Eabh-ruidheach sinne: agus a nis leig dhuinn, guidheamaid ort, dol astar thri làithean do'n fhàsach, chum as gu'n iobair sinn do'n Tighearn ar Dia.

19 Agus is deimhin leam nach leig rìgh na h-Eiphit leibh imeachd, cha leig eadhon le làimh làidir.

20 Agus sìnidh mis' a mach mo làmh, agus buailidh mi 'n Eiphit le m' iongantasan uile, a ni mi 'n a meadhon: agus an déigh sin leigidh e dhuibh imeachd.

21 Agus bheir mise do'n t-sluaigh so deadh-ghèan ann an sealladh nan Eiphteach: agus tarlaidh, 'n uair a dh'fhalbhas sibh, nach falbh sibh falamh;

22 Ach iarraidh gach bean o 'ban-choimhearsnach, agus o'n mhnaoi a bhios air aoidheachd 'n a tigh, seudan airgid, agus seudan òir, agus eudach: agus cuiridh sibh iad air bhur mic, agus air bhur nigheanaibh; agus creachaidh sibh na h-Eiphitich.

CAIB. IV.

1 Slat Mhaois air a tionndadh 'n a nathair. 6 A làmh lobhrach. 21 Teachdaireachd an Tighearna chum Pharaoh.

A GUS fhreagair Maois, agus thubhairt e, Ach, feuch, cha chreid iad mi, ni mò dh'éisdeas iad ri m' ghuth: oir their iad, Cha do thaisbein an Tighearn e féin dhuit.

2 Agus thubhairt an Tighearn ris, Ciod sin 'n ad 'n? Agus thubhairt esan, Slat.

3 Agus thubhairt e, Tilg air an làr i; agus thilg e air an làr i, agus rinneadh i 'n a nathair: agus theich Maois roimpe.

4 Agus thubhairt an Tighearn ri Maois,

Cuir a mach do làmh, agus glac air a h-earr i. Agus chuir e mach a làmh, agus rug e oirre, agus rinneadh slat dh'i 'n a làmh.

5 Chum as gu'n creid iad gu'n d'fhoillsich an Tighearn Dia an aithrichean, Dia Abraham, Dia Isaac, agus Dia Iacob, e féin dhuit.

6 Agus thubhairt an Tighearn a thuilleadh air so ris, Cuir a nis do làmh a'd' bhroilleach; agus chuir e a làmh 'n a bhroilleach: agus an uair a thug e mach i, feuch, bha a làmh lobhrach mar sheachda.

7 Agus thubhairt e, Cuir do làmh a ris a'd' bhroilleach; agus chuir e a làmh a ris 'n a bhroilleach, agus thug e mach á 'bhroilleach i, agus, feuch, dh'i iompaicheadh i mar a' chuid cile d' a fheòil.

8 Agus tarlaidh, mur creid iad thu, agus mur h-éisd iad ri gutha' cheud chomharaidh, gun creid iad guth a' chomharaidh dheir-cannaich.

9 Agus tarlaidh, mur creid iad mar an ceudna an dà chomharadh sin, agus mur h-éisd iad ri d' ghuth, gu'n gabh thu cuid a dh' uisge na h-aimhne, agus gu'n dòirt thu air an *talamh* thioram e: agus fàsaidh an t-uisge a bheir thu as an amhaim, 'n a fhuil air an *talamh* thioram.

10 Agus thubhairt Maois ris an Tighearn, O mo Thighearna, cha duine deas-chaim-teach mi aon chuid roimhe so, no o'n àm 's an do labhair thusa ri d' sheirbhiseach: do bhrìgh gu'm bheil mi mall ann an cainnt, agus mall ann an teagaidh.

11 Agus thubhairt an Tighearn ris, Cò a rinn beul an duine? no cò a rinn am balbh, no'm bodhar, no'n ti a chi, no'n dall? Nach moise an Tighearn?

12 A nis uime sin imich, agus bithidh mise le d' bheul, agus teagaisgidh mi dhuit ciod a their thu.

13 Agus thubhairt e, O mo Thighearna, cuir, guidheam ort, le làmh an ti a chuir eas tu.

14 Agus las corruich an Tighearn 'an aghaidh Mhaois, agus thubhairt e, Nach e Aaron an Lebhithreach do bhràthair? tha fios agam gu'n labhair esan gu maith. Agus mar an ceudna, feuch, tha e 'teachd a mach a'd' choinneamh: agus an uair a chi e thu, bithidh e subhach 'n a chridhe.

15 Agus labhraidh tusa ris, agus cuiridh tu focal 'n a bheul: agus bithidh mise le do bheul-sa agus le 'bheul-san, agus teagaisgidh mi dhuibh ciod a ni sibh.

16 Agus labhraidh esan air do shonsa ris an t-sluagh: agus bithidh esan, bithidh *eadhon* esan dhuit 'an àite beoil, agus bithidh tusa dhasan 'an àite Dhé.

17 Agus gabhaidh tu an t-slat so ann do làmh, leis an dean thu comharan.

18 Agus dh'imich Maois agus phill e gu Ietro 'athair-céile, agus thubhairt e ris, Théid mi nis, agus pillidh mi chum mo

bhràithrean a tha 's an Eiphit, agus chi mi am bheil iad fathast beò. Agus thubhairt Ietro ri Maois, Imich 'an sìth.

19 Agus thubhairt an Tighearn ri Maois ann am Midian, Imich, pill do'n Eiphit: oir tha na daoine sin uile marbh a bha 'g iarraidh d'anama.

20 Agus ghabh Maois a bhean, agus a mhic, agus chuir e iad air asail, agus phill e do thìr na h-Eiphit. Agus ghabh Maois slat Dhé 'n a làmh.

21 Agus thubhairt an Tighearn ri Maois, An nair a dh'imicheas tu chum pillinn do'n Eiphit, thoir an aire gu'n dean thu na h-ion-gantais sin uile, a chuir mise ann ad làmh, 'am fianuis Pharaoh: ach cruaidhichidh mise a chridhe, agus cha leig e leis an t-sluagh imeachd.

22 Agus their thu ri Pharaoh, Mar so tha'n Tighearn ag ràdh, 'S e Israel mo mhac, mo cheud-ghin.

23 Agus tha mi ag ràdh riut, Leig le m' mhac imeachd, a chum as gu'n dean e seirbhis dhomh; agus ma dhiùltas tu leigeadh leis imeachd: feuch, marbhaidh mise do mhac-sa, *eadhon* do cheud-ghin.

24 Agus tharladh air an t-slighe 's an tigh-òsda, gu'n do choimnich an Tighearn e, agus gu'n d'iarr e a mharbhadh.

25 An sin ghabh Siphair clach *gheur*, agus thimchioll-ghearr i roimh-chroicinn a mic, agus thilg i aig a chosaibh e, agus thubhairt i, Gu cinnteach is fear-pòsda fuileachdach dhomh-sa thu.

26 Agus leig e uaithe e: an sin thubhairt i, Is fear-pòsda fuileachdach thu air son an timchioll-ghearraidh.

27 Agus thubhairt an Tighearn ri h-Aaron, Imich 'an coinneamh Mhaois do'n fhàsach. Agus dh'imich e, agus choimnich se e ann an slabh Dhé, agus phòg se e.

28 Agus dh'innis Maois a dh' Aaron uile bhriathran an Tighearn, a chuir uaithe e, agus na comharan uile a dh'àithn e dha.

29 Agus chaidh Maois agus Aaron, agus chruinnich iad seanairean chloinn Israel uile.

30 Agus labhair Aaron na briathran uile a labhair an Tighearn ri Maois, agus rinn e na comharan ann an sealladh an t-sluaigh.

31 Agus chreid an sluagh: agus an uair a chual iad gu'n d'amhaire an Tighearn air cloinn Israel, agus gu'm fac e an àmhghar, an sin chomh iad an cinn, agus rinn iad aoradh.

CAIB. V.

1 Tha Pharaoh a' diàltadh cead do chloinn Israel dol gu féill a chumail do'n Tighearn anns an fhàsach. 6 Dh'àithn e obair ni bu truite a chear orra.

A GUS 'n a dhéigh sin chaidh Maois agus Aaron a steach, agus thubhairt iad ri Pharaoh, Mar so tha'n Tighearn Dia Israel ag ràdh, Leig le m' shluagh imeachd a chum

as gu'n gléidh iad féill dhomhsa 's an fhásach.

2 Agus thubhairt Pharaoh, Cò e an Tighearn, gu'n éisdinn-sa r'a gluith a leigeadh le h-Israel imeachd? Cha-n aithne dhomhsa an Tighearn, agus mar an ceudna cha leig mi le h-Israel imeachd.

3 Agus thubhairt iad, Dh'fhoillsich Dia nan Eabhlairidheach e féin dhuinne: leig leinn, guidheamaid ort, dol astar thri làithean do'n fhásach, a chum as gu'n iòbar sinn do'n Tighearn ar Dia, air eagal gu'm buail e sinn le plaigh, no leis a' chlaidheamh.

4 Agus thubhairt rìgh na h-Eiphit riu, C'ar son a tha sibhse, a Mhaois agus Aaron, a' toirt air an t-sluagh sgar o'n oibrigh? Rachaibh a chum bhuir-eallachan.

5 Agus thubhairt Pharaoh, Feuch, tha sluagh na tìre a nis lìonmhor, agus tha sibhse a' toirt orra bhi 'n an tàmh o'n eallachaibh.

6 Agus dh'èithn Pharaoh air an là sin féin do mhaighstiribh-oibre an t-sluaigh, agus d'an luchd-riaghlaidh, ag ràdh,

7 Cha toir sibh comhlach tuilleadh do'n t-sluagh a dheanamh chlacha-creadha mar roimhe so: rachadh iad agus cruinnicheadh iad comhlach dhoibh féin.

8 Agus cuiridh sibh orra àireamh nan clacha-creadha a rinn iad roimhe: cha leig sibh sìos a bheag dheth, oir tha iad dìomhanach; uime sin tha iad ag éigheach, ag ràdh, Rachamaid agus iobramaid d'ar Dia.

9 Cuirear an obairnì's truime air na daoine, chum as gu'n saoraich iad innte: agus na h-carbadh iad à briathraibh dìomhan.

10 Agus chaidh maighstirean-oibre an t-sluaigh a mach, agus an luchd-riaghlaidh, agus labhair iad ris an t-sluagh, ag ràdh, Mar so tha Pharaoh ag ràdh, Cha toir mi dhuibh comhlach.

11 Rachaibh, gabhaibh dhuibh féin comhlach far am feud sibh a faotainn: gidheadh cha leigear sìos a bheag de'r n-obair.

12 Uime sin sgaoileadh an sluagh air feadh tìre na h-Eiphit uile, a chruinneachadh asbhuain 'an àite comlaich.

13 Agus chuir na maighstirean-oibre thuige iad, ag ràdh, Coimhlionaibh bhuir n-oibre cumta lathail, mar an uair a thugadh comhlach dhuibh.

14 Agus bhuaileadh luchd-riaghlaidh chloinn Israeil a chuir maighstirean-oibre Pharaoh os an ceann, agus dh'fhiosraicheadh dhiubh, C'ar son nach do choimhlion sibh bhuir n-obair chumta ann an deanamh chlacha-creadha, araon an dé agus an diugh, mar a rinn sibh roimhe?

15 An sin thàinig luchd-riaghlaidh chloinn Israeil, agus ghlaodh iad ri Pharaoh, ag ràdh, C'ar son a bhuicse tu air an dòigh so ri d' sheirbhisich?

16 Cha n-eil comhlach air a tabhairt do d' sheirbhisich, agus 'se' their iad ruinn, Dean-

aibh clacha-creadha: agus, feuch, tha do sheirbhisich air am bualadh; ach is ann aig do shluagh féin a tha 'choire.

17 Ach thubhairt esan, Tha sibh dìomhanach, tha sibh dìomhanach: uime sin their sibh, Rachamaid agus iobramaid do'n Tighearn.

18 Uime sin imichibh a nis, deanaibh obair; oir cha toirear comhlach dhuibh, agus bheir sibh uaibh làn àireamh nan clacha-creadha.

19 Agus chunnaic luchd-riaghlaidh chloinn Israeil gu'm bu chruaidh an càs anns an robh iad, agus e air a ràdh riu, Cha lughdaich sibh dad d'ur clachaibh-creadha, de'n obair dhligheach lathail.

20 Agus choinnich iad Maois agus Aaron, a sheas air an t-slighe, 'n uair a thàinig iad a mach o Pharaoh.

21 Agus thubhairt iad riu, Gu'n amhaireadh Dia oirbh, agus gu'n tugadh e brèth, do bhrìgh gu'n d' rinn sibh ar faile gràineil an làthair Pharaoh, agus an làthair a sheirbhisich, a' cur claidheimh 'n an làimh a chum sinne a mharbhadh.

22 Agus phill Maois a dh'ionnsuidh an Tighearna, agus thubhairt e, A Thighearna, c'ar son a bhùn thu cho ole ris an t-sluagh so? c'ar son a chuir thu uait mi?

23 Oir o'n àm a thàinig mi gu Pharaoh a labhairt ann ad ainm, rinn e ole do'n t-sluagh so; agus cha do shaor thu idir do shluagh.

CAIB. VI.

1 Tha Dia ag àrachadh a gheallaidh do Mhaois le 'ainm Iehobah. 14 Ginealach Reuben, 15 Shimeon, 16 agus Lebbi, o'n d' thàinig Maois agus Aaron.

AN sin thubhairt an Tighearn ri Maois, A nis chi thu ciod a ni mi ri Pharaoh: oir le làimh làidir leigidh e leo imeachd, agus le làimh làidir fuadaichidh e mach as a dhùthaich iad.

2 Agus labhair Dia ri Maois, agus thubhairt e ris, Is mise an Tighearn.

3 Agus dh'fhoillsich mi mi féin do Abraham, do Isaac, agus do Jacob, le ainm an Dé uile-chumhachdaich, ach le m'ainm Iehobah cha robh mi aithnichte dhoibh.

4 Agus mar an ceudna dh'ingnich mi mo choimheangal riu, gu'n tugaibh dhoibh tìr Chanaain, tìr an cuairte, anns an robh iad 'n an coigrich.

5 Agus mar an ceudna chuala mi osnaich chloinn Israeil, a tha na h-Eiphitich a' cumail ann an daorsa: agus chuimhnich mi mo choimheangal.

6 Uime sin abair ri cloinn Israeil, Is mise an Tighearn, agus bheir mi sibh a mach o bhi fo eallachaibh nan Eiphiteach, agus saoraidh mi sibh o'n daorsa: agus fàsgaidh mi sibh le gairdean sint' a mach, agus le breitheanasaibh mòra.

7 Agus gabhaidh mi sibh dhomh féin mar shluagh, agus bithidh mi dhuibh a'm' Dhia: agus bithidh fios agaibh gur mise an Tighearn blhur Dia, a tha 'g'ur tabhairt-sa mach o *bhi* fo eallachaibh nan Eiphteach.

8 Agus bheir mi steach sibh a dh'ionnsuidh an fhearainn a mhionnaich mi gu'n tugainn e do Abraham, do Isaac, agus do Iacob; agus bheir mi e dhuibhse mar oighreachd: *Is* mise an Tighearn.

9 Agus labhair Maois mar sin ri cloinn Israeil: ach cha d'éisd iad ri Maois, trid chraidhspioraid, agus trid chruaidh dhaorsa.

10 Agus labhair an Tighearn ri Maois, ag ràdh,

11 Imich a steach, labhair ri Pharaoh rìgh na h-Eiphit, e a leigeadh do chloinn Israeil dol a mach as a dhùthaich.

12 Agus labhair Maois an làthair an Tighearn, ag ràdh, Feuch, cha d' éisd clann Israeil rium; cionnus ma tha dh'éisdeas Pharaoh riumsa, aig *am bheil* mo bhilean neo-thimchioll-ghearrta?

13 Agus labhair an Tighearn ri Maois, agus ri h-Aaron, agus thug e dhoibh àithne a chum cloinn Israeil, agus a chum Pharaoh rìgh na h-Eiphit, clann Israeil a thoirt a mach á tìr na h-Eiphit.

14 *Is* iad sin ceannardan thighean an aithrichean: mic Reuben ceud-ghin Israeil; Hanoch, agus Pallu, Hesron, agus Carmi: *is* iad sin teaghlaichean Reuben.

15 Agus mic Shimeoin; Gemuel, agus Lamin, agus Ohad, agus Iachin, agus Sohar, agus Saul mac Ban-chanaanaich: *is* iad sin teaghlaichean Shimeoin.

16 Agus *is* iad sin ainmean mhac Lebhi, a réir an ginealach; Gerson, agus Cohat, agus Merari: agus *Viad* bliadhnachan beatha Lebhi ceud agus seachd bliadhna deug 'ar fhichead.

17 Mic Ghersein; Libni, agus Simi, a réir an teaghlaichean.

18 Agus mic Chohait; Amram, agus Idshar, agus Hebron, agus Udsiel: agus *Viad* bliadhnachan beatha Chohait ceud agus trì bliadhna deug 'ar fhichead.

19 Agus mic Mherari; Mahali agus Musi: *is* iad sin teaghlaichean Lebhi, a réir an ginealach.

20 Agus ghabh Amram Iochebed piuthar-athar dha féin 'n a mnaoi; agus rug i dha Aaron agus Maois: agus *Viad* bliadhnachan beatha Amram ceud agus seachd bliadhna deug 'ar fhichead.

21 Agus mic Idshair; Corah, agus Nepheg, agus Sichri.

22 Agus mic Udsieil; Misael, agus Elaphan, agus Sitri.

23 Agus ghabh Aaron Eliseba nighean Aminadaib, piuthar Naasoin, dha féin 'n a mnaoi; agus rug i dha Nadab agus Abihu, Eleasar agus Itamar.

24 Agus mic Chorah; Asir, agus Elcanah,

agus Abiasaph: *is* iad sin teaghlaichean nan Corhach.

25 Agus ghabh Eleasar mac Aaroin *aon* de nigheanaibh Phutiel dha féin 'n a mnaoi; agus rug i dha Phinehas: *is* iad sin ceannardan aithrichean nan Lebhitheach, a réir an teaghlaichean.

26 *Is* iad so an t-Aaron agus am Maois ud, ris an d'thubhairt an Tighearn, Thugaibh a mach clann Israeil á tìr na h-Eiphit, a réir an slògh.

27 *Is* iad so iadsan a labhair ri Pharaoh, rìgh na h-Eiphit, a chum clann Israeil a thoirt a mach as an Eiphit: *is* iad so am Maois agus an t-Aaron ud.

28 Agus tharladh 's an là air an do labhair an Tighearn ri Maois ann an tìr na h-Eiphit,

29 Gu'n do labhair an Tighearn ri Maois, ag ràdh, *Is* mise an Tighearn: labhair thusa ri Pharaoh rìgh na h-Eiphit gach *ni* a their mi riut.

30 Agus thubhairt Maois an làthair an Tighearna, Feuch, *tha* mise neo-thimchioll-ghearrta a'n' bhilibh, agus cionnus a dh'éisdeas Pharaoh rium?

CAIB. VII.

1 *Chuireadh Maois a dh'ionnsuidh Pharaoh. 10 Rinneadh slat Aaroin 'n a nathair. 13 Chruaidhicheadh cridhe Pharaoh. 20 Uisge na h-aimhne air a thionndadh gu fuil.*

AGUS thubhairt an Tighearn ri Maois, Feuch, rinn mi thu a'd dhia do Pharaoh: agus bithidh do bhràthair Aaron 'n a fhàidh agad.

2 Labhraidh tusa gach *ni* a dh'àithneas mise dhuit: agus labhraidh Aaron do bhràthair ri Pharaoh, esan a chur cloinn Israeil a mach as a thìr.

3 Agus cruaidhichidh mise cridhe Pharaoh, agus ni mi mo chomharan agus m'iongantasan lionmhor ann an tìr na h-Eiphit.

4 Ach cha-n'éisd Pharaoh ribh, agus leagaidh mise mo làmh air an Eiphit, agus bheir mi mach m'armailtean, agus mo shluagh clann Israeil, á tìr na h-Eiphit, le breitheanasaibh fìora.

5 Agus bithidh mòs aig na h-Eiphitich gur mise an Tighearn, 'n uair a shineas mi mach mo làmh air an Eiphit, agus a bheir mi mach clann Israeil o *bhi* 'n am measg.

6 Agus rinn Maois agus Aaron mar a dh'àitlm an Tighearn dhoibh, mar sin rinn iad.

7 Agus *bha* Maois ceithir fichead bliadhna dh'aois, agus Aaron ceithir fichead agus trì bliadhna dh'aois, an uair a labhair iad ri Pharaoh.

8 Agus labhair an Tighearn ri Maois, agus ri h-Aaron, ag ràdh,

9 'N uair a labhras Pharaoh ribh, ag ràdh, Nochdaibh iongantas air blhur son féin; an sin their thu ri h-Aaron, Gabh do shlat,

agus tilg sìos i an làthair Pharaoh, agus fàsaidh i 'n a nathair.

10 Agus chaidh Maois agus Aaron a steach a dh'ionnsuidh Pharaoh, agus rinn iad mar sin, mar a dh'aithean an Tighearn: agus thilg Aaron sìos a shlat an làthair Pharaoh, agus an làthair a sheirbhiseach, agus rinneadh i 'n a nathair.

11 An sin ghairm Pharaoh mar an ceudna air na daoine glìce, agus air an luchd-fiosachd: agus rinn mar an ceudna druidhean na h-Eiphit mar sin le'n druidheachdaibh:

12 Oir thilg iad sìos gach duine a shlat, agus rinneadh iad 'n an nathraichibh: ach shluig slat Aaron suas an slatansa.

13 Agus chruidhicheadh cridhe Pharaoh, air chor as nach d'éisd e riu; mar a thubhairt an Tighearn.

14 Agus thubhairt an Tighearn ri Maois, Chruidhicheadh cridhe Pharaoh, tha e' diùltadh leigeadh leis an t-sluagh falbh.

15 Imich-sa dh'ionnsuidh Pharaoh 's a' mhaduinn, feuch, tha e' dol a mach a dh'ionnsuidh an uisge, agus seasaidh tu 'm a choinneamh air bruaich na h-aimhne; agus an t-slat a thionndaidheadh gu bhi 'n a nathair, gabhaidh tu a' d' Eimh.

16 Agus their thu ris, Chuir an Tighearn Dia nan Eabhruidheach mise a' d'ionnsuidh, ag ràdh, Leig le m'shlugh imeachd, a chum as gu'n dean iad seirbhis dhomhsa 's an fhàsach: agus, feuch, gus a so cha b' àill leat éisdeachd.

17 Mar so tha'n Tighearn ag ràdh, Ann an so aithnichidh tu gur mise an Tighearn: feuch, buailidh mi leis an t-slat a tha 'n' làimh, na h-uisgeachan a tha 's an amhainn, agus tionndaidhear iad gu fuil.

18 Agus gheibh an t-iasg a tha 's an amhainn bàs, agus lobhaidh an amhainn; agus bithidh gràm air na h-Eiphitich uisge òl as an amhainn.

19 Agus labhair an Tighearn ri Maois, Abair ri h-Aaron, Gabh do shlat agus sin a mach do làmh air uisgeachaibh na h-Eiphit, air an aimhnicibh, air an sruthaibh, agus air an lochaibh, agus air uile chomh-chruinneachadh an uisgeachan, chum as gu'm fàs iad 'n am fuil: agus bithidh fuil air feadh tìre na h-Eiphit uile, araon ann an soithichibh fiodha, agus ann an soithichibh cloiche.

20 Agus rinn Maois agus Aaron mar sin, a réir mar a dh'aithean an Tighearn, agus thog e suas an t-slat, agus bhuail e na h-uisgeachan a bha 's an amhainn, ann an sealladh Pharaoh, agus ann an sealladh a sheirbhiseach: agus thionndaidheadh na h-uisgeachan uile a bha 's an amhainn, gu fuil.

21 Agus fhuair an t-iasg a bha 's an amhainn bàs: agus lobb an amhainn, agus cha b' urrainn na h-Eiphitich uisge òl as an

amhainn: agus bha'n fhuil ann an tìr na h-Eiphit uile.

22 Agus rinn druidhean na h-Eiphit mar sin le'n druidheachdaibh: agus chruidhicheadh cridhe Pharaoh, agus cha d'éisd e riu, mar a thubhairt an Tighearn.

23 Agus phill Pharaoh, agus chaidh e d'a thigh; agus cha do, shocraich e a chridhe air so cuideachd.

24 Agus chladhaich na h-Eiphitich uile timchioll na h-aimhne air son uisge r'a òl: oir cha b' urrainn iad òl a dh'uisge na h-aimhne.

25 Agus chomhlionadh seachd làithean an déigh do'n Tighearn an amhainn a bhualadh.

CAIB. VIII.

2 Losgaim air an cur do'n Eiphit. 16 An duslach a' fàs 'n a aimhlaibh. 20 Sgaoth chuireag air feadh na tìre. 32 Chruidhich Pharaoh a chridhe.

AGUS thubhairt an Tighearn ri Maois, Falbh a dh'ionnsuidh Pharaoh, agus abair ris, Mar so tha 'n Tighearn ag ràdh, Leig le m' shluagh imeachd, a chum as gu'n dean iad seirbhis dhomh.

2 Agus ma dhiùltas tu 'n leigeadh air falbh, feuch, buailidh mi do chrìochan uile le losgannaibh:

3 Agus brùchdaidh an amhainn a mach losgann, agus théid iad suas, agus thig iad a steach do d' thigh, agus do d' sheòmar-leapach, agus air uachdar do leapach, agus do thigh do sheirbhiseach, agus air do shluagh, agus do d' àmhuinnibh, agus do d' amaraibh-fuinidh.

4 Agus théid na losgann suas ort féin, agus air do shluagh, agus air do sheirbhisich uile.

5 Agus thubhairt an Tighearn ri Maois, Abair ri h-Aaron, Sin a mach do làmh le d' shlait os ceann nan aimhnichean, os ceann nan allt, agus os ceann nan lochan; agus thoir air na losgannaibh dol suas air talamh na h-Eiphit.

6 Agus shìn Aaron a mach a làmh os ceann uisgeachan na h-Eiphit; agus chaidh na losgann suas, agus chomhdaich iad talamh na h-Eiphit.

7 Agus rinn na druidhean mar sin le 'n druidheachdaibh, agus thug iad suas losgann air talamh na h-Eiphit.

8 An sin ghairm Pharaoh air Maois agus air Aaron, agus thubhairt e, Guidhibh air an Tighearn gu'n toir e air falbh na losgann uam féin, agus o m' shluagh; agus leigidh mise leis an t-sluagh imeachd, a chum as gu'n iobair iad do'n Tighearn.

9 Agus thubhairt Maois ri Pharaoh, Dean uail tharum: c'uin a ghuidheas mi air do shon, agus air son do sheirbhiseach, agus air son do shluagh, gu'n cuirear as do na losgannaibh uait féin, agus o d' thigh: bh-

air chor agus gu'm fan iad a mhaoin 's an amhainn?

10 Agus thubhairt esan, Am màireach. Agus thubhairt e, *Bitheadhea* réir d'fhocail; a chum as gu'm bi fios agad nach *'eil* neach ann cosmhail ris an Tighearn ar Dia.

11 Agus falbhaidh na losgainn uait féin, agus o d' thighibh, agus o d' sheirbhisich, agus o d' shluagh; a mhaoin 's an amhainn nairidh iad.

12 Agus chaidh Maois agus Aaron a mach o Pharaoh; agus dh'éigh Maois ris an Tighearn a thaobh nan losgann, a thug e 'n aghaidh Pharaoh.

13 Agus rinn an Tighearn a réir focail Mhaois: agus bhásaich na losgainn as na thighibh, as na bailtibh, agus as na mach-raichibh.

14 Agus chruinnich iad r'a chéile 'n an diunaibh iad; agus lobh an t-ir.

15 Ach an uair a chumnaic Pharaoh gu'n robh fois ann, chruaidhich e a chridhe, agus cha d'éisid e riu, mar a thubhairt an Tighearn.

16 Agus thubhairt an Tighearn ri Maois, Abair ri h-Aaron, Sìn a mach do shlat, agus buail duslach na talmhainn, a chum gu'm fàs e 'n a mhialaibh air feadh tíre na h-Eiphit uile.

17 Agus rinn iad mar sin; oir shìn Aaron a mach a lámh le 'shlait, agus bhuail e duslach na talmhainn, agus rinneadh e 'n a mhialaibh air duine agus air ainmhidh: rinneadh uile dhuslach na talmhainn 'n a mhialaibh air feadh tíre na h-Eiphit uile.

18 Agus rinn na druidhean mar sin le'n druidheachdaibh a thoirt a mach mhial, ach cha b'urrainn iad: agus bha mialan air duine agus air ainmhidh.

19 An sin thubhairt na druidhean ri Pharaoh, 'Se meur Dhé a th'ann: agus chruaidhich eadh cridhe Pharaoh, agus cha d'éisid e riu; mar a thubhairt an Tighearn.

20 Agus thubhairt an Tighearn ri Maois, Eirich suas gu moch 's a' mhaduinn, agus seas an làthair Pharaoh, (feuch, tha e teachd a mach a dh'ionnsuidh an uisge) agus abair ris, Mar so tha'n Tighearn ag ràdh, Leig le m' shluagh imeachd, a chum as gu'n dean iad seirbhis dhomh.

21 Ach mur leig thu le m' shluagh imeachd, feuch, cuiridh mi sgaoth chuireag ort féin, agus air do sheirbhisich, agus air do shluagh, agus ann ad thighibh: agus lìonar tighean nan Eiphiteach leis an sgaoth chuireag, agus mar an ceudna an talamh air *am bheil* iad.

22 Agus cuiridh mi air leth air an là sin féin fearann Ghoscin, anns am bheil mo shluagh a chòmhnuidh, air chor as nach bi cuileagan sam bith an sin; a chum as gu'm bi fios agad gur mise an Tighearn 'am meadhon na talmhainn.

23 Agus cuiridh mi dealachadh eadar mo

shluaghsa agus do shluaghsa: air an là màireach bithidh an comharadh so.

24 Agus rinn an Tighearn mar sin: agus thàinig sgaoth anabarrach chuireag do thigh Pharaoh, agus do thighibh a sheirbhisich, agus do thir na h-Eiphit uile: thruaillleadh an talamh a thaobh nan cuileag.

25 Agus ghairm Pharaoh air Maois agus air Aaron, agus thubhairt e, Rachaibh, iobraibh d'ur Dia 's an t-ir.

26 Agus thubhairt Maois, Cha n'éil e ionchuidh *sinn* a dheanamh mar sin; oir iobraidh sinn gràineileachd nan Eiphiteach do'n Tighearn ar Dia. Feuch, an iobair sinne gràineileachd nan Eiphiteach a chomhair an sùl, agus nach clach iad sinn?

27 Théid sinn astar thri làithean do'n fhàsach, agus iobraidh sinn do'n Tighearn ar Dia, mar a dh'àithneas e dhuinn.

28 Agus thubhairt Pharaoh, Leigidh mi dhuibh imeachd, a chum as gu'n iobair sibh do'n Tighearn bhur Dia 's an fhàsach; ach na rachaibh ro fhad air astar: guidhibh air mo shonsa.

29 Agus thubhairt Maois, Feuch, théid mise mach uait, agus guidhidh mi air an Tighearn gu'm falbh na cuileagan o Pharaoh, o 'sheirbhisich, agus o 'shluagh, am màireach: ach na buineadh Pharaoh gu cealgach tuilleadh, ann an diùltadh leigeadh do'n t-shluagh dol a dh'obraidh do'n Tighearn.

30 Agus chaidh Maois a mach o Pharaoh, agus ghuidh e air an Tighearn.

31 Agus rinn an Tighearn a réir focail Mhaois; agus chuir e air falbh na cuileagan o Pharaoh, o 'sheirbhisich, agus o 'shluagh: cha d'fhan a h-aon.

32 Agus chruaidhich Pharaoh a chridhe air an àm so mar an ceudna, agus cha do leig e leis an t-shluagh imeachd.

CAIB. IX.

1 *Plàigh mhòr air an spréidh.* 8 *Neasgaidh ghràineil air duine agus air ainmhidh.* 22 *Clach-mheallain mhillteach 's an t-ir.*

AGUS thubhairt an Tighearn ri Maois, Falbh a steach a dh'ionnsuidh Pharaoh, agus innis da, Mar so tha'n Tighearn Dia nan Eabhruidheach ag ràdh, Leig le m' shluagh imeachd, a chum as gu'n dean iad seirbhis dhomh:

2 Oir na dhùltas tu leigeadh leo imeachd, agus gu'n cum thu iad fathast,

3 Feuch, bithidh Einn an Tighearn' air do spréidh a tha 's a' mhachair, air na h-eich, air na h-asail, air na càmhail, air a' chrodh, agus air na caoraich: *bithidh* plàigh ro mhòr ann.

4 Agus cuiridh an Tighearn dealachadh eadar spréidh Israeil, agus spréidh na h-Eiphit: agus cha-n fhaigh a bheag bàs a dh'aon *ni a's* le cloinn Israeil.

5 Agus shuidhich an Tighearn àm, ag

ràdh, Am màireach ni an Tighearn an ni so 's an tìr.

6 Agus rinn an Tighearn an ni sin air an là màireach, agus fhuair spréidh na h-Eiphit uile bàs: ach de spréidh chloinn Israeil cha d'fhuair a h-aon bàs.

7 Agus chuir Pharaoh *teachdaire* uaithe, agus, feuch, cha robh eadhon a h-aon de spréidh nan Israeleach marbh. Agus chruaidhicheadh cridhe Pharaoh, agus cha do leig e an sluagh air falbh.

8 Agus thubhairt an Tighearn ri Maois, agus ri h-Aaron, Gabhaibh dhuibh féin làn bhur glac de luaithe an teallaich, agus crathadh Maois i ri néamh ann an sealladh Pharaoh.

9 Agus bithidh i 'n a duslach mìn air feadh tíre na h-Eiphit uile, agus bithidh i 'n a neasgaid a' briseadh a mach 'n a bolgaibh air duine, agus air ainmhidh, air feadh tíre na h-Eiphit uile.

10 Agus ghabh iad luath an teallaich, agus sheas iad an làthair Pharaoh, agus chrath Maois i ri néamh: agus rinneadh i 'n a neasgaid a' briseadh a mach 'n a bolgaibh air duine, agus air ainmhidh.

11 Agus cha b'urrainn na druidhean seasamh an làthair Mhaois air son nan neasgaid; oir bha an neasgaid air na druidhibh, agus air na h-Eiphitich uile.

12 Agus chruaidhich an Tighearn cridhe Pharaoh, agus cha d'éisid e riu; mar a labhair an Tighearn ri Maois.

13 Agus thubhairt an Tighearn ri Maois, Eirich suas gu moch 's a' mhaduinn, agus seas an làthair Pharaoh, agus abair ris, Mar so tha'n Tighearn Dia nan Eabhruidheach ag ràdh, Leig le m' shluagh imeachd, a chum as gu 'n dean iad seirbhis dhomh.

14 Oir air an àm so cuiridh mise mo phlàighean uile air do chridhe-sa, agus air do sheirbhisich, agus air do shluagh; a chum as gu'm bi fios agad nach 'eil neach ann cosmhùil riumsa 's an talamh uile.

15 Oir a nis sinidh mi mach mo làmh, agus buailidh mi thu féin agus thu do shluagh le plàigh; aguis gearrar as thu o 'n talamh.

16 Agus gu deimhin air son so thog mi suas thu, a chum as gu'n nochdainn annad mo chumhachd, agus gu'm biodh m'ainm iomraideach 's an domhan uile.

17 Am bheil thu fathast 'g ad àrdachadh féin an aghaidh mo shluaigh, air chor as nach leig thu leo imeachd?

18 Feuch, mu'n àm so màireach, bheir mise air cloich-mheallain ro mhòir frasadh a nuas, nach robh a samhail 's an Eiphit, o'n là 's an do leagadh a bunachur eadhon gus a nis.

19 Uime sin a nis cuir fios uait, agus cruinnich do spréidh, agus gach ni a tha agad 's a' mhachair; oir air gach duine agus ainmhidh a gheibhear 's a' mhachair, agus nach cruinnichear dhachaidh, thig a'

chlach-mheallain a nuas, agus gheibh iad bàs.

20 An ti a ghabh eagal roimh fhocal an Tighearna 'measg sheirbhisich Pharaoh, thug e air a sheirbhisich agus air a spréidh teicheadh do na tighibh.

21 Agus esan nach do ghabh suim de fhocal an Tighearna, dh'fhàg e a sheirbhisich agus a spréidh 's a' mhachair.

22 Agus thubhairt an Tighearn ri Maois, Sin a mach do làmh gu nèamh, chum as gu'm bi clach-mheallain ann an tìr na h-Eiphit uile, air duine, agus air ainmhidh, agus air uile luibh na macharach ann an tìr na h-Eiphit.

23 Agus shìn Maois a mach a shlat gu nèamh; agus rinn an Tighearn tairneanach agus clach-mheallain, agus ruith tein-athair air uachdar na talmhainn; agus fhras an Tighearn clach-mheallain air tìr na h-Eiphit.

24 Mar so bha clach-mheallain ann, agus teine measgta leis a' chloich-mheallain, ro mhòr, aig nach robh a samhail ann an tìr na h-Eiphit uile, o rinneadh dùthaich dhith.

25 Agus bhuaill a' chlach-mheallain air feadh tíre na h-Eiphit uile gach ni a bha 's a' mhachair, araon duine agus ainmhidh: agus bhuaill a' chlach-mheallain uile luibhean na macharach, agus bhris i uile chraobhan na macharach.

26 A mhàin ann an tìr Ghosein, far an robh clann Israeil, cha robh clach-mheallain.

27 Agus chuir Pharaoh *teachdaire* uaithe, agus ghairm e air Maois agus air Aaron, agus thubhairt e riu Pheacaich mi an uair so: tha 'n Tighearn ceart, agus mise agus mo shluagh aingidh.

28 Guidhibh's air an Tighearn (oir is leòr e) nach bi tairneanach anabarrach agus clach-mheallain ann *ni's mò*; agus leigidh mise leibh falbh, agus cha-n fhan sibh ni's faide.

29 Agus thubhairt Maois ris, Co luath 's a théid mise mach as a' bhaile, sinidh mi mo lamhan a mach a chum an Tighearna: agus sguiridh an tairneanach, agus cha bhi a' chlach-mheallain ann ni's mò; chum as gu'm bi fios agad gur leis an Tighearn an talamh.

30 Ach air do shonsa, agus air son do sheirbhisich, tha fhios agam nach bi eagal oirbh fathast roimh an Tighearn Dia.

31 Agus bhuaileadh an lion agus an t-eòrna; oir bha 'n t-eòrna fo dhéis, agus an lion fo ros.

32 Ach cha do bhuaileadh an cruithneachd agus an seagal; oir cha robh iad air fàs suas.

33 Agus chaidh Maois a mach o Pharaoh as a' bhaile, agus shìn e mach a lamhan chum an Tighearna; agus sguir an tairneanach agus a' chlach-mheallain, agus cha do dhòirteadh an t-uisge air an talamh.

34 Agus an uair a clunnaic Pharaoh gu'n do sguir an t-uisge, agus a' chlach-mheallain, agus an tairneanach, pheacaich e fathast mar an ceudna, agus chruaidhich e a chridhe, e fèin agus a sheirbhisich.

35 Agus chruaidhich eadh cridhe Pharaoh, agus cha do leig e clann Israeil air falbh, mar a labhair an Tighearn le Maois.

CAIB. X.

12 Plàigh nan locust, 21 agus an tìugh dhorchadais. 27 Chruaidhich eadh cridhe Pharaoh.

AGUS thubhairt an Tighearn ri Maois, Imich a steach gu Pharaoh; oir chruaidhich mi a chridhe, agus cridhe a sheirbhisich, a chum gu nochdainn iad sin mo chomharan 'n a làthair:

2 Agus gu'n innseadh tu ann an cluasaibh do mhic, agus mhac do mhic, na nithean a dh'oibrich mi 's an Eiphit, agus mo chomharan a riun mi 'n am measg; agus gu'm bi fios agaibh gur mise an Tighearn.

3 Agus chaidh Maois agus Aaron a steach gu Pharaoh, agus thubhairt iad ris, Mar so tha'n Tighearn Dia nan Eabhruideach ag ràdh, Cia fhada dhiùltas tu thu fèin a' steachadh a'm làthair-sa? Leig le m' shluagh imeachd, agus gu'n dean iad seirbhis dhomh:

4 Ach na dhiùltas tu leigeadh le m' shluagh imeachd, feuch, bheir mise ann màireach na locuist a steach do d' chrìoch-aibh.

5 Agus còmhdaichidh iad aghaidh na talmhainn, air chor as nach urrainn neach an talamh fhaicinn: agus ithidh iad fuigheal an ni sin a theid as, a dh'fhanas agaibh o'n chloich-mheallain, agus ithidh iad gach craobh a tha 'fàs dhuibh as a' mhachair.

6 Agus lìonaidh iad do thlighean, agus tlighean do sheirbhisich uile, agus tlighean nan Eiphiteach uile; ni nach faca aon cluid d'aithrichean no aithrichean d'aithrichean, o'n là a bha iad air an talamh gus an l'àn diugh. Agus phill se e fèin, agus chaidhe mach o Pharaoh.

7 Agus thubhairt seirbhisich Pharaoh ris, Cia fhada bhios an duine so 'n a rìbe dhuinne? Leig leis na daoine falbh, chum gu'n dean iad seirbhis do'n Tighearn an Dia: nach 'eil fhios agad fathast gu bheil an Eiphit air a milleadh?

8 Agus thugadh Maois agus Aaron a ris gu Pharaoh: agus thubhairt e ri Rachaibh, deanaibh seirbhis do'n Tighearn bhur Dia: ach cò iad a theid?

9 Agus thubhairt Maois, Le'r n-òigridh agus le'r daoinibh aosmhor theid sinne: le'r mic agus le'r nigean-aibh, le'r treudaibh agus le'r buar theid sinn; oir is èigin duinn feill a chumail do'n Tighearn.

10 Agus thubhairt e ri, Gu robh an Tighearn mar sin maille ribh, mar a leigeas

mise leibh fèin agus le'r cloinn bh'gimeachd: amhaircibh, oir tha ole roimhibh.

11 Ni h-ann mar sin: imichibh a nis, sibhse a tha 'n 'ur daoinibh, agus deanaibh seirbhis do'n Tighearn, oir is e so an ni a dh'iarr sibh: Agus dh'fhuadaicheadh a mach iad a làthair Pharaoh.

12 Agus thubhairt an Tighearn ri Maois, Sin a mach do làmh thar tìr na h-Eiphit air son nan locust, a chum as gu'n tig iad suas air tìr na h-Eiphit, agus gu'n ith iad uile luibh na talmhainn, eadhon gach ni a dh'fhàg a' chlach-mheallain.

13 Agus shìn Maois a mach a shlat thar tìr na h-Eiphit, agus thug an Tighearn gaith an ear air an tìr rè an là sin uile, agus rè na h-oidhe uile: agus 's a' mhaduinn thug a' ghaoth an ear a steach na locuist.

14 Agus chaidh na locuist suas thar tìr na h-Eiphit uile, agus dh'fhan iad ann an crìochaibh na h-Eiphit uile, gu ro dhiubhalach; rompa cha robh riamh an leithid de locuist, agus 'n an dèigh cha bhi an leithid:

15 Oir còmhdaich iad aghaidh na talmhainn uile, air chor as gu'n do dhorchaidh eadh an talamh; agus dh'ith iad uile luibhean na talmhainn, agus uile mheas nan craobh, a dh'fhàg a' chlach-mheallain: agus cha d'fhàgadh ni sam bith glas 's na craobhan, no ann an luibhean na macharach ann an tìr na h-Eiphit uile.

16 An sin ghairm Pharaoh air Maois agus air Aaron le cabhaig, agus thubhairt e, Pheacaich mi an aghaidh an Tighearna bhur Dé, agus 'n ur n-aghaidh-sa.

17 A nis uime sin maith, guidheam ort, mo pheacadh a mha'n an uair so, agus guidhibh air an Tighearn bhur Dia gu'n toir e air falbh uam a mha'n am bàs so.

18 Agus chaidh e mach o Pharaoh, agus ghuidh e air an Tighearn.

19 Agus thionndaidh an Tighearn gaith an iar ro làidir, a thug air falbh na locuist, agus a thig iad 's a' mhuir ruaidh: cha d'fhan aon locust ann an crìochaibh na h-Eiphit uile.

20 Ach chruaidhich an Tighearn cridhe Pharaoh, agus cha do leig e air falbh clann Israeil.

21 Agus thubhairt an Tighearn ri Maois, Sin a mach do làmh gu nèamh, agus bithidh dorchadas air feadh tìre na h-Eiphit, eadhon dorchadas a dh'fheudar a laimhseachadh.

22 Agus shìn Maois a mach a làmh gu nèamh: agus bha tìugh dhorchadas ann an tìr na h-Eiphit uile rè thri làithean.

23 Cha'n fhaca h-aon diubh a chéile, ni mò a dh'éirich neach o 'àite rè thri làithean: ach bha aig cloim Israeil uile solus 'n an àitibh-còmhnuidh.

24 Agus ghairm Pharaoh air Maois, agus thubhairt e, Rachaibhse, deanaibh seirbhis

do'n Tighearna; a mhàin fanadh bhur treudan agus bhur buar: rachadh bhur clann bheag mar an ceudna maille ribh.

25 Agus thubhairt Maois, Feumaidh tu mar an ceudna iobairtean a thoirt duinn, agus tabhartais-loisgte, chum as gu'n iobair sinn do'n Tighearna ar Dia.

26 Agus mar an ceudna théid ar spréidh maille ruinn; cha-n fhàgar iōnga 'n ar déigh, oir is éigin duinn gabhail diubh gu seirbhis a dheanamh do 'n Tighearna ar Dia; agus cha-n 'eil fhios againn cia leis a ni sinn seirbhis do'n Tighearna, gus an tig sinn an sin.

27 Ach chruaidhich an Tighearna cridhe Pharaoh, agus cha leigeadh e leo imeachd.

28 Agus thubhairt Pharaoh ris, Imich a mach uam; thoir an aire dhuit féin, na faic m'aghaidh nì's mò; oir 's an là sin anns am faic thu m'aghaidh, gheibh thu bàs.

29 Agus thubhairt Maois, Labhair thu gu maith; cha-n fhaic mi d'aghaidh nì's mò.

CAIB. XI.

1 *Iarrtus Dhé dona h-Israelich gu'n gabhadh iad séudan òir agus airgid o'n coimhearsnaich.*
4 *Tha Maois a' toirt fios do Pharaoh gu'm faigheadh gach ceud-ghin 's an Eiphit bàs.*

A GUS thubhairt an Tighearna ri Maois, Bheir mi aon phlàigh fathast air Pharaoh, agus air an Eiphit; an déigh sin leigeadh e leibh imeachd, as a so: an uair a leigeadh e leibh imeachd, gu cinnteach fua-daichibh e mach as a so sibh gu h-Iomlan.

2 Labhair a nis ann an cluasaibh an t-sluaigh, agus iarradh gach duine o' choimhearsnach, agus gach bean o' ban-choimhearsnaich, seudan airgid, agus seudan òir.

3 Agus thug an Tighearna deadh-ghean do'n t-sluaigh ann an sùilbhan nan Eiphiteach: Mar an ceudna, *bha* 'n duine Maois ro mhòr ann an tìr na h-Eiphit, ann an sùilbhan sheirbhiseach Pharaoh, agus ann an sùilbhan an t-sluaigh.

4 Agus thubhairt Maois, Mar so tha'n Tighearna ag ràdh, Mu mheadhon-oidheche théid mi mach do mheadhon na h-Eiphit.

5 Agus gheibh gach ceud-ghin ann an tìr na h-Eiphit bàs, o cheud-ghin Pharaoh, a tha 'n a shuidhe air a rìgh-chaitir, eadhon gu ceud-ghin na ban-tràille a *tha* air cùl a' mhuilinn, agus uile cheud-ghin nan ainmhidhean.

6 Agus bithidh éigheach mhòr ann an tìr na h-Eiphit uile, nach robh riamh a leithid ann, ni mò bhitheas a leithid ann tuilleadh.

7 Ach an aghaidh aoin de chloinn Israeil cha charuich madadh a theanga, aon chuid an aghaidh duine no ainmhidh; chum as gu'm bi fios agaibh cionnus a chuireas an Tighearna dealachadh eadar na h-Eiphitich agus Israel.

8 Agus thig iad sin do sheirbhiseach uile *fios* a m' ionnsuidh-sa, agus cromaidh siad iad féin domh, ag ràdh, Imich a mach, agus

an sluagh uile a tha 'g ad leantuinn; agus an déigh sin théid mi mach: agus chaidh o mach o Pharaoh ann an corruich mhòir.

9 Agus thubhairt an Tighearna ri Maois, Cha-n éisd Pharaoh ribh, a chum as gu meudaichear m'iongantais ann an tìr na h-Eiphit.

10 Agus rinn Maois agus Aaron na h-iongantais sin uile 'am fianuis Pharaoh: agus chruaidhich an Tighearna cridhe Pharaoh, agus cha do leig e le cloinn Israeil imeachd as a dhùthaich.

CAIB. XII.

3 *A' chàisg air a h-àithneadh.* 29 *Gach ceud-ghin ann an tìr na h-Eiphit air a mharbhadh.*

31 *Na h-Israelich air am fògradh as an tìr.*
43 *Orduigh na càisge.*

A GUS labhair an Tighearna ri Maois agus ri h-Aaron ann an tìr na h-Eiphit, ag ràdh,

2 *Bithidh* mios so dhuibh 'n a thoiseach nam mìos: *bithidh* e dhuibh 'n a cheud mhios na bliadhna.

3 Labhairibh-sa ri coimhthional Israeil uile, ag ràdh, Air an deicheadh là de'n mhios so gabhadh iad dhoibh féin gach duine uan, a réir tìghe an aithrichean, uan air son tìghe.

4 Agus ma bhios an teaghlach ro bheag air son uain, an sin gabhadh esan agus a choimhearsnach a's faigse d'a thigh e, a réir àireimh nan anaman; gach duine, a réir 'itheannaich, àirmhear leibh air son an uain.

5 *Bithidh* bhur n-uain gun ghaoid, fìrionn, bliadhna dh'aois: as na caoraich no as na gabhairibh gabhadh sibh e.

6 Agus gleidhidh sibh a stigh e gu ruig an ceathramh là deug de'n mhios so: agus marbhadh comh-chruinneachadh iomlan chloinn Israeil e 's an fheasgar.

7 Agus gabhadh iad de'n fhuil, agus cuiridh iad i air an dà ursainn, agus air àrd-dorus nan tìghean, anns an ith iad e.

8 Agus ithidh iad an fheoil 's an oidheche sin féin ròiste le teine, agus aran neo-ghoirtichte; maille ri *uibhribh* searbha ithibh iad e.

9 Na h-ithibh a bheag dheth amh, no idir air a bhruicheadh ann an uisge, ach ròiste le teine: a cheann maille r'a chosaibh, agus maille r'a ghrealaich.

10 Agus cha-n fhàg sibh a bheag dh' e gu maduinn: agus na dh'fhàgar dh' e gu maduinn, loisgidh sibh le teine.

11 Agus mar so ithidh sibh e; le'r leasruidh crioslaichte, bhur brògan air bhur cosaibh, agus bhur lorg 'n 'ur haimh: agus ithidh sibh e le cabhaig; *is i càisg an Tigh-eam* a th'ann.

12 Oir théid mise troimh thìr na h-Eiphit air an oidheche so, agus buailidh mi gach ceud-ghin ann an tìr na h-Eiphit, aon duine agus ainmhidh: agus an aghaidh dhéanar

Eiphiteach uile cuiridh mi breitheanas 'an gnomh; is mise an Tighearn.

13 Agus bithidh an fhuil dhuibh mar chomhlathadh air na tighibh anns am bheil sibh; agus an uair a chi mise an fhuil, théid mi thairis oirbh, agus cha bhi a' phlaigh oirbh a chum *bhur* milleadh 'n uair a bhuaileas mi tìr na h-Eiphit.

14 Agus bithidh an là so dhuibh mar chumhlathachan; agus gleidhidh sibh e 'n a là-fèille do'n Tighearn air feadh bhur ginealach; le h-ordugh sìorruidh gleidhidh sibh e.

15 Seachd làithean ithidh sibh aran neo-ghoirtichte; air a' cheud là féin cuiridh sibh taois ghoirt a mach as bhur tighibh; oir gach neach a dh'itheas aran goirtichte, o'n cheud là gus an t-seachdamh là, gearrar an t-anam sin as o Israel.

16 Agus air a' cheud là bithidh agaibh comh-ghairm naomh, agus air an t-seachdamh là bithidh agaibh comh-ghairm naomh: obair sam bith cha deanar orra, saor o na dh'ithear leis gach neach; sin a mhàin nithear leibh.

17 Agus cumaidh sibh fèill an arain neo-ghoirtichte; oir air an là sin féin thug mise mach bhur slòigh á tìr na h-Eiphit; uime sin coimhididh sibh an là so 'n ur ginealach-àibh, le h-ordugh sìorruidh.

18 'Sa' cheud mhìos, air a' cheathramh là deug de'n mhìos 's an fheasgar, ithidh sibh aran neo-ghoirtichte, gu ruig an ceud là 'ar fhichead de'n mhìos 's an fheasgar.

19 Rè sheachd làithean cha-n fhaighear taois ghoirt 'n ur tighibh; oir ge b'e neach a dh'itheas aran goirtichte, gearrar an t-anam sin féin as o choimhthional Israeil, co dhuibh is coigreach e, no neach a rugadh 's an tìr.

20 Nì air bith goirtichte cha-n ith sibh: 'n ur n-àitibh-còmhnuidh uile ithidh sibh aran neo-ghoirtichte.

21 An sin ghairm Maois air seanairean Israeil uile, agus thubhairt e riu, Tairngibh a mach, agus gabhaibh dhuibh féin uan, a réir bhur teaghlachan, agus marbhaibh a' chàisg.

22 Agus gabhaidh sibh bad hìosoip, agus tumaidh sibh e 's an fhuil a tha 's an t-soitheach, agus beanaidh sibh do'n àrd-dorus, agus do'n dà ursainn, leis an fhuil a tha 's an t-soitheach: agus cha téid a h-aon agaibh a mach air dorusa thighe gu ruig a' mhaduinn.

23 Agus théid an Tighearn thairis a bhualadh nan Eiphiteach; agus an uair a chi e 'n fhuil air an àrd-dorus, agus air an dà ursainn, théid an Tighearn thairis air an dorus, agus cha leig e leis a' mhillteir teachd a steach d'ur tighibh gu'r bualadh.

24 Agus gleidhidh sibh an nì so mar ordugh dhuibh féin, agus d'ur mic, gu sìorruidh.

25 Agus tarlaidh, 'n uair a théid sibh a

steach do'n fhearann a bheir an Tighearn dhuibh, a réir mar a gheall e, gu'n gleidh sibh an t-seirbhis so.

26 Agus tarlaidh, 'n uair a their bhur clann ribh, Ciod a's ciall dhuibh leis an t-seirbhis so?

27 Gu'n abair sibh, So iobairt càisge an Tighearn', a chaidh thairis air tighibh chloinn Israeil 's an Eiphit, 'n uair a bhuail e na h-Eiphitich, agus a shaor e ar tighanean. Agus chrom an sluagh iad fèin, agus rinn iad aoradh.

28 Agus dh'fhalbh clann Israeil, agus rinn iad mar so; mar a dh'athn an Tighearn do Mhaois agus do Aaron, mar sin rinn iad.

29 Agus air meadhan na h-oidhche sin féin bhuail an Tighearn gach ceud-ghin ann an tìr na h-Eiphit o cheud-ghin Pharaoh a shuidh air a rìgh-chaitheir, gu ceud-ghin a' chiomaich a bha ann an slochd a' phrìosain; agus gach ceud-ghin ainmhidh.

30 Agus dh'éirich Pharaoh 's an oidhche, e féin agus a sheirbhisich uile, agus na h-Eiphitich uile; agus bha éigheach mhòr 's an Eiphit; oir cha robh tigh anns nach robh neach marbh.

31 Agus ghairm e air Maois agus air Aaron 's an oidhche, agus thubhairt e, Eiribh, rachaibh a mach á meadhan mo shluaigh, araon sibhse agus clann Israeil: agus rachaibh, deanaibh seirbhis do'n Tighearn, mar a thubhairt sibh.

32 Thugaibh leibh mar an ceudna bhur treudan, agus bhur buar, mar a thubhairt sibh, agus imichibh: agus beannaichibh mise mar an ceudna.

33 Agus thug na h-Eiphitich dian-sparradh do'n t-sluagh, a chum gu'n cuireadh iad le cabhaig a mach as an tìr iad; oir thubhairt iad, Is daoine marbh sinn gu léir.

34 Agus ghabh an sluagh an taois mun do ghoirticheadh i, an amaran-fuinidh ceangailte 'n an eudach air an gnaillibh.

35 Agus rinn clann Israeil a réir focail Mhaois: agus dh'iarr iad o na h-Eiphitich seudan airgid, agus seudan òir agus eudach.

36 Agus thug an Tighearn deadh-ghean do'n t-sluagh ann an sùilbh nan Eiphitich, agus thug iad 'an coingheall dhoibh: agus chreach iad na h-Eiphitich.

37 Agus dh'imich clann Israeil o Rameses gu Sucot, mu thimechioll sè ceud mìle fear d'an cois, a thuilleadh air cloinn.

38 Agus mar an ceudna chaidh iomadaidh de shluagh eile suas maille riu, agus treudan, agus buar, ro mhòran spréidhe.

39 Agus dh'fhuin iad de'n taois a thugadh a mach as an Eiphit breacagan neo-ghoirtichte, oir cha do ghoirticheadh i; do bhrìgh gu'n d'fhuadaicheadh iad a mach as an Eiphit, agus nach b'urrainn iad fuir-each, agus mar an ceudna nach do dheasaich iad biadh dhoibh féin.

40 A nis b'i aimsir cuairte chloinn Israeil,

a bha iad a chòmhnuidh 's an Eiphit, ceithir cheud agus deich bliadhna fichead.

41 Agus aig ceann nan ceithir cheud agus nan deich bliadhna thar fhichead, air an là sin féin chaidh slòigh an Tighearn' uile mach á tìr na h-Eiphit.

42 Is oidliche so gu bhi air a coimhead gu h-àraidh do'n Tighearn, air son an toirt-sau a mach á tìr na h-Eiphit: so an oidliche sin gu bhi air a coimhead do'n Tighearn le cloinn Israeil uile 'n an ginealachaihbh.

43 Agus thubhairt an Tighearn ri Maois agus ri h-Aaron, So ordugh na càisege: cha-n ith coigreach sam bith dh'i.

44 Agus gach seirbhiseach duine, a chean-naicheadh le h-airgid, an uair a thimchioll-ghearras tu e, an sin ithidh e dh'i.

45 Cha-n ith coigreach, no seirbhiseach tuarasdail dh'i.

46 Ann an aon tigh ithear i: cha ghiùlain thu' bheag de'n fheoil a mach as an tigh; ni mò a bhriseas sibh càimh dh'i.

47 Ni coimhlthional Israeil uile sin.

48 Agus an uair a bhios coigreach air chuairt maille riut, agus a chumas e a' chàiseg do'n Tighearn, timchioll-ghearrar gach fìrionnach aige, agus an sin thigeadh e am fagus g'a cumail, agus bithidh e mar neach a rugadh 's an tìr: ach cha-n ith neachsam bith neo-thimchioll-ghearrta dh'i.

49 Bithidh an t-aon lagh aige-san a rugadh 's an tìr, agus aig a' choigreach a tha air chuairt 'n 'ur measg.

50 Mar so rinn clann Israeil uile; mar a dh'àithn an Tighearn do Mhaois agus do Aaron, mar sin rinn iad.

51 Agus air an là sin féin thug an Tighearn a mach clann Israeil á tìr na h-Eiphit, a réir an slògh.

CAIB. XIII.

1 Gach ceud-ghin air a naomhachadh do'n Tighearn. 3 Dh'ordruicheadh cuimhne na càisege. 21 Clann Israeil air an treòrachadh le Dia air an slighe le meall neoil 's an là, agus le meall teine 's an oidliche.

AGUS labhair an Tighearn ri Maois, ag ràdh,

2 Naomhaich dhomhsa gach ceud-ghin, ge b'e air bith a dh'fhosgla a' bhrù am measg chloinn Israeil, cadar dhuine agus ainmhidh: is leamsa e.

3 Agus thubhairt Maois ris an t-sluagh, Cuimhichibh an là so, air an d'fhàinig sibh a mach as an Eiphit, á tigh na daorsa; oir le làimh thréin thug an Tighearn a mach sibh as a sin: agus cha-n ithear aran goirtichte.

4 Air an là 'n diugh thàinig sibh a mach, 'am mìos Abib.

5 Agus an uair a bheir an Tighearn steach thu do thìr nan Canaanach, agus nan Hiteach, agus nan Amorach, agus nan Hiteach, agus nan Iebusach, a mhionnaich e do d' aithrichibh gu'n tugadh e dhuit, fearann a' sruthadh le bainne agus le mil,

an sin coimhididh tu an t-seirbhis so anns a' mhìos so.

6 Seachd làithean ithidh tu aran neo-ghoirtichte, agus air an t-seachdamh là bithidh féil do 'n Tighearn.

7 Ithear aran neo-ghoirtichte seachd làithean; agus cha-n fhaicear aran goirtichte agad, agus ni mò a chithear taois ghoirt agad ann ad chrìochaibh uile.

8 Agus imsidh tu do d' mhac 's an là sin, ag ràdh, *Nùhear so* air sgàth an ni sin a rinn an Tighearn dhomhsa, 'n uair a thàinig mi mach as an Eiphit.

9 Agus bithidh e dhuit mar chomharadh air do làimh, agus mar chuimhneachan eadar do shùilibh, a chum gu'm bi lagh an Tighearna ann ad bheul; oir le làimh thréin thug an Tighearn mach thu as an Eiphit.

10 Air an aobhar sin coimhididh tu an t-ordugh so 'n a thràth féin o bhliadhna gu bhliadhna.

11 Agus an uair a bheir an Tighearn steach thu do thìr nan Canaanach, mar a mhionnaich e dhuitse, agus do d' aithrichibh, agus a bheir e dhuit e,

12 An sin cuiridh tu air leth do'n Tighearn gach ni a dh'fhosgla a' bhrù, agus gach ceud-ghin a thig o ainmhidh a's leatsa; *buinidh iadsan a tha fìrionn 'n an measg* do'n Tighearn.

13 Agus gach ceud-ghin asail fuasgailidh tu le h-uann; agus mur fuasgail thu e, an sin brisidh tu 'anmach: agus gach ceud-ghin duine am measg do chloinne fuasgailidh tu.

14 Agus an uair a dh'fheòraicheas do mhac dhìot 's an aimsir ri teachd, ag ràdh, Cìod e so? an sin their thu ris, Le làimh thréin thug an Tighearn amach sinn as an Eiphit, á tigh na daorsa:

15 Agus an uair a chruaidhich Pharaoh e féin, agus nach bàill leis ar leigeadh air falbh, an sin mharbhadh an Tighearn gach ceud-ghin ann an tìr na h-Eiphit, araon ceud-ghin duine, agus ceud-ghin ainmhidh; air an aobhar sin iobraidh mi do'n Tighearn gach ni a dh'fhosgla a' bhrù, *ma's* fìrionn iad, ach uile cheud-ghin mo chloinne fuasgailidh mi.

16 Agus bithidh e mar chomharadh air do làimh, agus mar eudanan eadar do shùilibh; oir le làimh thréin thug an Tighearn a mach sinn as an Eiphit.

17 Agus eadhon an uair a leig Pharaoh do'n t-sluagh imeachd, cha do threòrach Dia iad air slighe tìre nam Philisteach, ged *a bha* sin aithghearr; oir thubhairt Dia, Air cagal gu'm bi aithreachas air an t-sluagh an uair a chi iad cogadh, agus gu'm pill iad do'n Eiphit.

18 Ach threòrach Dia an sluagh mu'n cuairt, air slighe fasaich na mara ruaidhe: agus chaidh clann Israeil suas 'an ordugh catha á tìr na h-Eiphit.

19 Agus thug Maois cnàmhan Ioseiph leis; oir ghabh e mionnan teann de chloinn Israeil, ag ràdh, Gu cinnteach amhaireidh Dia oirbhe, agus bheir sibh suas mo chnàmhan leibh as a so.

20 Agus dh'imich iad o Shucot, agus campaich iad ann an Etam, ann an iomall an fhàsaich.

21 Agus chaidh an Tighearn rompa 's an là ann am meall neoil, a chum an treòrach-adh air an t-slighe, agus 's an oidhche ann am meall teine, a thoirt soluis doibh; gu imeachd a là agus a dh'oidhche.

22 Cha d' thug e air falbh am meall neoil 's an là, no 'n meall teine 's an oidhche, á lathair an t-sluaigh.

CAIB. XIV.

1 Chaidh Pharaoh 'an tòir air cloinn Israeil.

10 Rinn iadsan gearan an aghaidh Mhaois.

13 Thug esan comhfhurtachd dhoibh. 21 Chaidh iad troimh 'n mhuir ruaidh. Bhàthadh na h-Eiphitich.

AGUS labhair an Tighearn ri Maois, ag ràdh,

2 Labhair ri cloinn Israeil, gu 'm pill iad, agus gu'n campaich iad fa chomhair Phihahiroit, eadar Migdol agus an fhairege, fa chomhair Bhaal-sephoin; fa choinneamh-san campachidh sibh làmh ris an fhairege.

3 Oir their Pharaoh mu chloinn Israeil, Tha iad air seachran 's an tìr, dh'iadh am fàsach mu'n timchioll.

4 Agus cruaidhichidh mise cridhe Pharaoh, agus theid e air an tòir, agus gheibh mise glòir a thaobh Pharaoh, agus a shlòigh uile; agus bithidh fios aig na h-Eiphitich gur mise an Tighearn. Agus rinn iad mar sin.

5 Agus dh'innseadh do rìgh na h-Eiphit gu'n do theich an sluagh: agus thionndaidh cridhe Pharaoh, agus a sheirbhiseach an aghaidh an t-sluaigh, agus thubhairt iad, Cìod e so a rinn sinn, gu'n do leig sinn le h-Israel imeachd as ar seirbhis?

6 Agus bheartaich e a charbad, agus thug e a shluagh maille ris;

7 Agus thug e leis se ceud carbad taghta, agus uile charbadan na h-Eiphit, agus ceannardan orra uile.

8 Agus chruaidhich an Tighearn cridhe Pharaoh rìgh na h-Eiphit, agus lean e air tòir chloinn Israeil: agus chaidh clann Israeil a mach le làmh air.

9 Ach chaidh na h-Eiphitich air an tòir (eich agus carbadan Pharaoh, agus a mharc-shluagh, agus armailt uile) agus rug iad orra, agus iad a' campachadh làmh ris an fhairege, làmh ri Pihahiroit, fa chomhair Bhaal-sephoin.

10 Agus an uair a thàinig Pharaoh am fagus, thog clann Israeil suas an sùilean, agus feuch, bha na h-Eiphitich air an tòir, agus bha eagal mòr orra: agus dh'èigh clann Israeil ris an Tighearn.

11 Agus thubhairt iad ri Maois, An ann a chionn nach robh uaighean 's an Eiphit, a thug thu leat sinn gu bàs fhaghail 's an fhàsach? Car son a rinn thu so oirnn, ar tabhairt a mach as an Eiphit?

12 Nach e so am focal a labhair sinn riut 's an Eiphit, ag ràdh, Leig leinn seirbhis a dheanamh do na h-Eiphitich? Oir bh'fhearr dhuinn seirbhis a dheanamh do na h-Eiphitich na bàs fhaghail 's an fhàsach.

13 Agus thubhairt Maois ris an t-sluagh, Na bitheadh eagal oirbh, seasaibh, agus faicibh slàinte an Tighearna, a dh'oibriceas e dhuibh an diugh; oir na h-Eiphitich a chunnaic sibh an diugh, cha-n fhaic sibh iad a chaidh tuilleadh.

14 Cogaidh an Tighearn air blur son, agus fanaidh sibhse 'n ur tosd.

15 Agus thubhairt an Tighearn ri Maois, Car son a tha thu 'g èigheach riumsa? Abair ri cloinn Israeil dol air an aghaidh.

16 Ach togsa suas do shlat, agus sin a mach do làmh os ceann na fairge, agus sgoilt i; agus theid clann Israeil a steach 'am meadhan na fairge air *talamh* tioram.

17 Agus cruaidhichidh mise, eadhon mise, cridhe nan Eiphiteach, agus theid iad a steach 'n an deigh; agus gheibh mise glòir a thaobh Pharaoh, agus a thaobh a shlòigh uile, a thaobh a charbadan, agus a thaobh a mharc-shluaigh.

18 Agus bithidh fios aig na h-Eiphitich gur mise an Tighearn, 'n uair a gheibh mi glòir a thaobh Pharaoh, a thaobh a charbadan, agus a thaobh a mharc-shluaigh.

19 Agus dh'fhalbh aingeal an Tighearn a chaidh roimh camp Israeil, agus dh'imich e 'n an deigh; agus dh'fhalbh am meall neoil o 'm beulaobh, agus sheas e air an chlaobh.

20 Agus thàinig e eadar camp nan Eiphiteach agus camp Israeil, agus bha e 'n a neul, agus 'n a dhorchadas *dhoibh sud*, ach shoillsich e 'n oidhche *dhoibh so*, air chor as nach d'thàinig a h-aon diubh am fagus d'a chéile rè na h-oidhche.

21 Agus shìn Maois a mach a làmh os ceann na fairge, agus thug an Tighearn air an fhairege dol air a h-ais le gaoith làidir o 'n ear rè na h-oidhche sin, agus rinn e 'n fhairege 'n a *talamh* tioram, agus roinneadh na h-uisgeachan.

22 Agus chaidh clann Israeil a steach 'am meadhan na fairge air *talamh* tioram, agus bha na h-uisgeachan 'n am balla dhoibh air an làmh dheis, agus air an làmh chlì.

23 Agus lean na h-Eiphitich, agus chaidh iad a steach 'n an deigh gu meadhan na fairge, eadhon eich Pharaoh uile, a charbadan, agus a mharc-shluaigh.

24 Agus ann am fàire na maidne dh'amhaire an Tighearn air sluagh nan Eiphiteach, troimh 'n mheall theine agus neoil; agus chlaoidh e armailt nan Eiphiteach.

25 Agus thug e air falbh rothan an carbad, air chor as gu'n do tharruingeadh iad gu trom. Agus thubhairt na h-Eiphitich, Teicheamaid á làthair Israeil, oir tha 'n Tighearn a' cogadh leosan an aghaidh nan Eiphiteach.

26 Agus thubhairt an Tighearn ri Maois, Sin a mach do làmh os ceann na fairge, chum gu'n tig na h-uisgeachan air an ais air na h-Eiphitich, air an carbadaibh, agus air am marc-shluagh.

27 Agus shìn Maois a mach a làmh os ceann na fairge, agus phill an fhairege g'a neart an uair a shoillsich a' mhàduinn; agus theich na h-Eiphitich 'n a h-aghaidh; agus chuir an Tighearn na h-Eiphitich fodha 'am meadhon na fairge.

28 Agus phill na h-uisgeachan, agus dh'fholaich iad na carbaid, agus am marc-shluagh, agus armailt Pharaoh uile, a thàinig 's an fhairege 'n an deigh: cha d'fhàgadh uiread 's a n-aon diubh.

29 Ach dh'imich clann Israeil air *talamh* tioram 'am meadhon na fairge, agus bha na h-uisgeachan 'n am balla dhoibh air an làmh dheis, agus air an làmh chli.

30 Mar so shaor an Tighearn Israel air an là sin á làmh nan Eiphiteach: agus chunnaic Israel na h-Eiphitich marbh air traigh na fairge.

31 Agus chunnaic Israel an obair mhòr sin a rinn an Tighearn air na h-Eiphitich, agus bha eagal an Tighearn' air an t-sluagh, agus chreid iad an Tighearn, agus Maois a sheirbhiseach.

CAIB. XV.

1 *Laoidh Mhaois.* 22 *Tha'n sluagh a dh'èirich uisge.* 23 *Rinneadh uisgeachan searbh Mharah miltis dhoibh.* 27 *Thàinig iad gu h-Èlìm.*

AN sin chan Maois agus clann Israeil an laoidh so do'n Tighearn, agus labhair iad, ag ràdh, Canaidh mise do 'n Tighearn, oir thug e buaidh gu glòrmhor; an t-each agus a mharcach thilg e 's an fhairege.

2 'Se 'n Tighearn mo neart, agus mo dhàn, agus tha e 'n a shlàinte dhomh: is esan mo Dhia-sa, agus ni mi àite còmhnuidh dha; Dia m'athar agus àrdaichidh mi e.

3 Is fear-cogaidh an Tighearn; 'se 'n Tighearn a's ainm dha.

4 Carbadan Pharaoh, agus 'armailt thilg e 's an fhairege; agus tha rogha a cheannardhan air am bàthadh 's an fhairege ruaidh.

5 Dh'fholaich na doimhneachdan iad; chaidh iad sìos do'n aigean mar choich.

6 Rinneadh do dheas làmh, O Thighearna, glòrmhor ann am cumbhachd; bhris do dheas làmh, O Thighearn', an nàmhaid 'n a bhloigdiubh.

7 Agus ann am meud d'òirdheirceis chlaoidh thu iadsan a dh'èirich suas a'd aghaidh; chuir thu d'fhearg a mach, loisg i suas iad mar asbluain.

8 Agus le anail do shròine chruinnicheadh

na h-uisgeachan; sheas na tuitlean suas mar thòrr, chruaidlich na doimhneachdan 'am meadhon na fairge.

9 Thubhairt an nàmhaid, Leanaidh mi, beiridh mi orra, roinnidh mi a' chreach: sàsuichear mo mhian orra; rùisgidh mi mo chlaidheamh, sgriosaidh mo làmh iad.

10 Shéid thu le d' ghaoith, chòmhdaich an fhairege iad, chaidh iad fodha mar luaidh anns na h-uisgeachaibh làidir.

11 Cò 's cosmhuil riuts' am measg nan dée, a Thighearna? Cò 'tha cosmhuil riut, glòrmhor anu an naomhachd, uamhasach ann am moladh, a' deanamh *nìthean* iongantach?

12 Shìn thu mach do dheas làmh; shluig an talamh suas iad.

13 Threòraich thu ann ad thròcair an sluagh so, a' shaor thu; thug thu iad ann ad neart a chum àite-còmhnuidh do naomhachd.

14 'N uair a chluinneas na cinnich, bithidh eagal orra; thig doilgheas air luchd-àiteachaidh Phalestina.

15 An sin bithidh uamhann air cinn-fheadhna Edoim, thig geit-chrith air daoine treuna Mhoab; leagaidh air falbh luchd-àiteachaidh Chanaaim uile.

16 Tuitidh uamhann agus eagal orra, le meud do ghairdein bithidh iad tòsdach mar choich, gus an téid do shluagh, thairis, a Thighearna, gus an téid an sluagh so thairis, a cheannaich thu.

17 Bheir thu steach iad, agus suidhichidh tu iad ann an sliabh d' oighreachds, anns an àit a rinn thu dhuit féin, a Thighearna, chum còmhnuidh a ghabhail ann, 's an ionad nàomh, a Thighearn', a dhaingnich do làmh-sa.

18 Rìghichidh an Tighearn gu saoghal nan saoghal.

19 Oir chaidh eich Pharaoh a steach le 'charbadaibh, agus le 'mharc-shluagh, 's an fhairege, agus an Tighearn uisgeachan na fairge air an ais orra; ach dh'imich clann Israeil air *talamh* tioram 'am meadhon na fairge.

20 Agus ghlac Miriam a' bhan-fhàidh, piuthar Aaroin, tìompan 'n a làmh; agus chaidh na mnathan uile mach 'n a deigh le tìompanaibh agus le dannsa.

21 Agus fhreagair Miriam iad, Canaibh do'n Tighearn, oir thug e buaidh gu glòrmhor; an t-each agus a mharcach thilg e 's an fhairege.

22 Mar sin thug Maois Israel o'n mhuir ruaidh, agus chaidh iad a mach gu fàsach Shuir, agus dh'imich iad trì làithean 's an fhàsach, agus cha d'fhuair iad uisge.

23 Agus an uair a thàinig iad gu Marah, cha b' urrainn iad uisgeachan Mharah òl, oir bha iad searbh; uime sin thugadh Marah mar ainm air.

24 Agus rinn an sluagh gearan an aghaidh Mhaois, ag ràdh, Ciod a dh'òlas sinn?

25 Agus dh'éigh esan ris an Tighearn, agus nochd an Tighearn fiodh dha, agus thilg e 's na h-uisgeachaibh e, agus rinneadh na h-uisgeachan mìhs: ann an sin rinn e lagh agus ordugh dhoibh, agus ann an sin dhearbhl'e iad;

26 Agus thubhairt e, Ma dl'éisdeas tu gu dùrachdach ri guth an Tighearna do Dhé, agus ma ni thu an ni sin a tha ceart 'n a shealladh, agus ma bheir thu 'n a dh'èidheantaidh, agus ma ghleidheas tu a reachdan uile, aon de na h-uisgeachan a chuir mi air na h-Eiphitich, cha chuir mi ortsa; oir is mise an Tighearn a shlànuicheas thu.

27 Agus thàinig iad gu h-Elìm far dà thobar dheug uisge, agus deich agus trì fichead crann pailme; agus champaich iad an sin làimh ris na h-uisgeachaibh.

CAIB. XVI.

1 Rinn clann Israeil gearan an aghaidh Mhaois agus Aaroin, a chionn gu'n robh iad gun bhiaidh. 12 Chuireadh gearra-goirt d'an ionnsuidh, 14 agus Mana. 16 Riaghailtean m'a thimchioll.

A GUS dh'fhalbh iad o Elìm, agus thàinig coimhthional chloinn Israeil uile gu fàsach Shin, a tha eadar Elìm agus Sinai, air a' chùigeamh là deug de'n dara mìos an déigh dhoibh teachd a mach á tir na h-Eiphit.

2 Agus rinn coimhthional chloinn Israeil uile gearan an aghaidh Mhaois agus Aaroin 's an fhàsach.

3 Agus thubhairt clann Israeil riu, B'fhearr gu'n faigheamaid bàs le làimh an Tighearn' ann an tir na h-Eiphit, an uair a bha sinn 'n ar suidhe làimh ris na poitibh feòla, agus an uair a dl'ith sinn aran gu'r sàth; oir thug sibh a mach sinn do'n fhàsach so, a mharbhadh a' choimhthionail so uile le h-ocras.

4 An sin thubhairt an Tighearn ri Maois, Feuch, frasaidd mise dhuibh aran o neamh, agus théid an sluagh a mach, agus cruinnichidh iad cuibhrioin gach là air an là sin féin, a chum as gu'n deantar mi iad, co dhiubh a ghluaiseas iad ann am lagh, no nach gluais.

5 Agus air an t-seathamh là ulluichidh iad an ni sin a bheir iad a steach, agus bithidh e dhà uibhir agus a chruinnicheas iad gach là eile.

6 Agus thubhairt Maois agus Aaron ri cloinn Israeil uile, Mu Theasgar, an sin bithidh fios agaibh gu'n d' thug an Tighearn a mach sibh á tir na h-Eiphit:

7 Agus 's a' mhaduinn, an sin chi sibh glòir an Tighearna; do bhrìgh gu bheil e a' cluinntinn bhur gearain an aghaidh an Tighearn': Agus ciod sinne, gu bheil sibh a' deanamh gearain 'n ar n-aghaidh?

8 Agus thubhairt Maois, Bithidh a' chàis mar so 'n uair a bheir an Tighearn dhuibh

's an fheasgar feoil r'a h-itheadh, agus aran 's a' mhaduinn gu'r sàth; do bhrìgh gu bheil an Tighearn a' cluinntinn bhur gearain a tha sibh a' deanamh 'n a aghaidh: agus ciod sinne? cha-n ann 'n ar n-aghaidhne tha bhur gearan, ach an aghaidh an Tighearna.

9 Agus thubhairt Maois ri h-Aaron, Abair ri coimhthional chloinn Israeil uile, Thigibh am fagus an làthair an Tighearn', oir chual' e bhur gearan.

10 Agus an uair a labhair Aaron ri coimhthional chloinn Israeil uile, dl'amhaire iad a dh'ionnsuidh an fhàsaich, agus, feuch, dh'fhoillsicheadh glòir an Tighearn' ann an neul.

11 Agus labhair an Tighearn ri Maois, ag ràdh,

12 Chuala mi gearan chloinn Israeil; labhair riu, ag ràdh, Mu fheasgar ithidh sibh feoil, agus 's a' mhaduinn sàsuichear sibh le h-aran: agus bithidh fios agaibh gur mise an Tighearn bhur Dia.

13 Agus an uair a bha 'n fheasgar ann, an sin thàinig na gearra-goirt a mìos, agus chòmhdaich iad an camp; agus anns a' mhaduinn bha 'n drùchd 'n a luidhe mu thimchioll a' chaimp.

14 Agus an uair a dh'éirich an drùchd a bha 'n a luidhe, suas, feuch, bha air aghaidh an fhàsaich ni beag cruinn, beag mar an liath-roodh air an talamh.

15 Agus an uair a chunnaic clann Israeil e, thubhairt iad gach aon r'a chéile, Mana: oir cha robh fhios aca ciod e. Agus thubhairt Maois riu, So an t-aran a thug an Tighearn dhuibh r'a itheadh.

16 So an ni a dh'àithn an Tighearn, Cruinnichibh dheth gach duine a réir 'itheannaich, omer do gach neach a réir àireimh bhur n-anamanna, gabhadh gach duine agaibh air an son-san a tha 'n a bhùth.

17 Agus rinn clann Israeil mar sin, agus chruinnich iad, cuid ni bu mhò, agus cuid ni bu lugha.

18 Agus an uair a thomhais iad ele h-omer, cha robha' bheag thairis aige-san a chruinnich ni bu mhò, agus air-san a chruinnich ni bu lugha, cha robh uireasbhuidh: chruinnich gach duine a réir 'itheannaich.

19 Agus thubhairt Maois riu, Na fàgadh duine sam bith dheth gu maduinn.

20 Gidheadh cha d'éisd iad ri Maois, ach dh'fhàg cuid diubh dheth gu maduinn, agus ghin e cnuimhean, agus lobb e: Agus bha corruich air Maois riu.

21 Agus chruinnich iad e air gach maduinn, gach duine a réir 'itheannaich: agus an uair a dh'fhàs a' ghrian teth, leaghadh e.

22 Agus air an t-seathamh là chruinnich iad a dhà uiread arain, dà omer air son gach aoin: agus thàinig uachdarain a' choimhthionail uile, agus dh'innis iad sin do Mhaois.

23 Agus thubhairt e riu, So an ni a labh-

air an Tighearn, *Bithidh* fois na sàbaid' naomh do'n Tighearn am màireach: a' mhead's a tha sibh gu fhuineadh, fuinibh an diugh, agus a' mhead's a tha sibh gu bhrùicheadh, brùichibh; agus gach ni a bhios thairis, taigsibh suas dhuibh féin gu maduinn.

24 Agus thaisg iad suas e gu maduinn, mar a dh'àithn Maois; agus cha do lobb e, ni mò a bha enuinnh sam bith ann.

25 Agus thubhairt Maois, Ithibh sin an diugh, oir tha sàbaid ann an diugh do'n Tighearn; an diugh cha-n fhaigh sibh e 's a' mhachair.

26 Sè làithean cruinnichidh sibh c, ach air an t-seachdamh là *bithidh* an t-sàbaid; cha bhi e ann air an là sin.

27 Agus tharladh air an t-seachdamh là gu'n deachaidh cuid de'n t-sluagh a mach g'a chruinncachadh, agus cha d'fhuair iad a bheag.

28 Agus thubhairt an Tighearn ri Maois, Cia fhad a dhùltas sibh màitheantan-sa a choinhead, agus mo reachdan.

29 Faicibh, do bhrìgh gu'n d'thug an Tighearn dhuibh an t-sàbaid, air an aobhar sin tha e a' tabhairt dhuibh air an t-seachdamh là aran dhà là: fanaibh, gach duine 'n a àite féin; na rachadh duine sam bith a mach as 'ait air an t-seachdamh là.

30 Mar sin ghabh an sluagh fois air an t-seachdamh là.

31 Agus thug tigh Israeil Mana mar ainm air: agus bha e mar fhrois coriandeir, gcal, agus a bhlas mar abhlain air an deanamh le mil.

32 Agus thubhairt Maois, So an ni a dh'àithn an Tighearn, Lion omer dheth gu bhi air a ghleidheadh air son bhur ginealach, chum gu faic iad an t-aran leis an do bheathaich mi sibh 's an fhàsach, an uair a thug mi mach sibh á tìr na h-Eiphit.

33 Agus thubhairt Maois ri h-Aaron, Gabh soitheach, agus cuir ann làn omeir de Mhana, agus taisg e an làthair an Tighearna gu bhi air a ghleidheadh air son bhur ginealach.

34 Mar a dh'àithn an Tighearn do Mhaois, mar sin taisg Aaron e an làthair na Fianuis, gu bhi air a ghleidheadh.

35 Agus dh'ith clann Israeil am Mana dà fhichead bliadhna, gus an d'fhàinig iad gu tìr àitichte: dh'ith iad am Mana, gus an d'fhàinig iad gu crìch tìre Chanain.

36 A nis is e omer an deicheamh cuid de ephah.

CAIB. XVII.

1 An sluagh ri gearan air son dìth uisge aig Rephidim. 5 Chuirheadh Maois do'n charraig ann an Horeb, as an d'fhàinig uisge mach. 8 Thugadh buaidh air Amalec.

A GUS dh'imich coimhthional chloinn Israeil uile o fhàsach Shìn, a réir an turusan, mar a dh'àithn an Tighearn, agus

champaich iad ann an Rephidim; agus cha robh uisge ann do'n t-sluagh ri òl.

2 Uime sin rinn an sluagh comsachadh ri Maois, agus thubhairt iad, Thoir dhuinn uisge chum as gu'n òl sinn. Agus thubhairt Maois ri, C'ar son a tha sibh a' comsachadh riumsa? C'ar son a bhrosnaicheas sibh an Tighearn?

3 Agus mhiannaich an sluagh uisge ann an sin; agus rinn an sluagh gearan an aghaidh Mhaois, agus thubhairt iad, C'ar son so a thug thu mos sinn as an Eiphit, a chum sinn féin a mharbhadh, agus ar clann, agus ar spréidh le tart?

4 Agus dh'éigh Maois ris an Tighearn, ag ràdh, Ciod a ni mi ris an t-sluagh so? is beag nach 'eil iad 'g am chlachadh.

5 Agus thubhairt an Tighearn ri Maois, Imich roimh 'n t-sluagh, agus thoir leat cuid de sheanairibh Israeil; agus do shlat leis an do bhuail thu an amhainn, gabh a'd làimh, agus bi 'g imeachd:

6 Feuch, seasaidh mise romhad an sin air a' charraig ann an Horeb, agus buailidh tusa a' charraig, agus thig uisge mach aisde, a chum gu'n òl an sluagh. Agus rinn Maois mar sin ann an sealladh sheanairéan Israeil.

7 Agus thug e mar ainm air an àite Masah agus Meribah, air son comsachaidh chloinn Israeil, agus do bhrìgh gu'n do bhrosnuich iad an Tighearn, ag ràdh, Am bheil an Tighearn 'n ar measg, no nach 'eil?

8 An sin thàinig Amalec, agus chog e ri h-Israel ann an Rephidim.

9 Agus thubhairt Maois ri Iosua, Tagh a mach dhuinn daoine, agus falbh a mach, cog ri h-Amalec: am màireach seasaidh mise air mullach an t-sléibh, agus slat Dhé a'm' làimh.

10 Agus rinn Iosua mar a thubhairt Maois ris, agus chog e ri h-Amalec. Agus chaidh Maois, Aaron, agus Hur, suas gu mullach an t-sléibh.

11 Agus an uair a thog Maois suas a làmh, an sin bhuadhaich Israel, agus an uair a leag e sìos a làmh bhuadhaich Amalec.

12 Ach bha làmhnan Mhaois trom, agus ghabh iad clach, agus chuir iad foidhe i, agus shuidh e oirre: agus chum Aaron agus Hur suas a làmhnan, fear dhiubh air aon taobh, agus fear air an taobh cile; agus bha a làmhnan seasmhach gu huidho na gréine.

13 Agus chlaoidh Iosua Amalec agus a dhaoine le faobhar a' chlaidheimh.

14 Agus thubhairt an Tighearn ri Maois, Sgrìobh so mar chumhneachan ann an leabhar, agus aithris e ann an clusaibh Iosua; oir dubhaidh mise as gu tur cuimhne Amaleic o bhi fo nèamh.

15 Agus thog Maois altair, agus thug e Ichobbah-Nisi mar ainm oirre:

16 Oir thubhairt e, do bhrìgh gu'n do mhionnaich an Tighearn, *gu'm bi cogadh aig an Tighearn ri h-Amalec o linn gu linn.*

CAIB. XVIII.

1 *Thug Ietro a bhean agus a dhìthis mhac a dh'ionnsuidh Mhaois. 7 Thug Maois aoidh-eachd dha. 13 agus ghabh e a chomhairle.*

'N UAIR a chuala Ietro, sagart Mhidiaín, athair-céile Mhaois, gach ni a rinn Dia air son Mhaois, agus air son Israeil a shluaigh, gu'n d'thug an Tighearn a mach Israel as an Eiphit;

2 An sin thug Ietro, athair-céile Mhaois, leis Siporah beau Mhaois, an déigh dha a cur air a h-ais,

3 Agus a dithis mhac, d'am b' ainm do h-aon diubh Gersom, (oir thubhairt e, 'A'u' choigreach bha mi ann an tìr choimhich:)

4 Agus b'e ainm an fhir eile Elieser, (oir rinn Dia m'athar, *thubhairt e*, còmhadh rium, agus shaor e mi o chladheamh Pharaoh.)

5 Agus thàinig Ietro, athair-céile Mhaois, agus a mhic, agus a bhean, a dh'ionnsuidh Mhaois do'n fhàsach, far an do champaich e aig sliabh Dhé.

6 Agus thubhairt e ri Maois, *Tha mise d'athair-céile Ietro, air teachd a' d'ionnsuidh*, agus do bhean, agus a dithis mhac maille rithe.

7 Agus chaidh Maois a mach an coineamh 'athair-céile, agus rinn e ùmhlachd dha, agus phòg se e, agus dh'altaich iad beatha a chèile: agus thàinig iad a steach do'n bhùth.

8 Agus dh'innis Maois d'a athair-céile gach ni a rinn an Tighearn air Pharaoh, agus air na h-Eiphitich air sgàth Israeil, gach saothair a thàinig orra air an t-slighe, agus cionnus a shaor an Tighearn iad.

9 Agus rinn Ietro gairdeachas a leth a' mhaith sin uile a rinn an Tighearn do Israel, a shaor e á làimh nan Eiphiteach.

10 Agus thubhairt Ietro, Beannaichte gu robh an Tighearn, a shaor sibh á làimh nan Eiphiteach, agus á làimh Pharaoh, a shaor an sluagh o bhi fo làimh nan Eiphiteach.

11 A nis tha fios agam gur mò an Tighearn na na h-uile dhée; oir anns an ni sin anns an do rinn iad gu h-naibhreach, *tha ean* os an ceann.

12 Agus ghabh Ietro, athair-céile Mhaois, tabhartas-loisgte agus iobairtean do Dhia: Agus thàinig Aaron, agus uile sheanairean Israeil, a dh'itheadh arai maille ri athair-céile Mhaois an lathair Dhé.

13 A nis air an là màireach shuidh Maois gu breth a thoirt air an t-sluagh; agus sheas an sluagh làimh ri Maois o mhaduinn gu feasgar?

14 Agus an uair a chunnaic athair-céile Mhaois gach ni a rinn e ris an t-sluagh, thubhairt e, Ciod e an ni so a tha thu 'deanamh ris an t-sluagh? Car son a tha thusa a'd' shuidhe a'd' aonar, agus a tha 'n sluagh uile a' seasamh làimh riut o mhaduinn gu feasgar?

15 Agus thubhairt Maois r'a athair-céile, Do bhrìgh gu'n tig au sluagh a m' ionnsuidh a dh'fhiosrachadh o Dhia.

16 'N uair a bhios cùis aca, thig iad a m' ionnsuidh, agus bheir mi breth eadar duine agus duine, agus nochdaidh mi dhoibh orduighean Dhé, agus a laghan.

17 Agus thubhairt athair-céile Mhaois ris, Cha mhaith an ni a tha thu 'deanamh.

18 Caithidh tu as gu tur, araon thu fèin, agus an sluagh so a tha maille riut, oir tha an ni so ro throm air do shon; cha-n 'eil e 'n comas duit a dheanamh a'd' aonar.

19 A nis ma ta éisd ri m' ghuth, bheir mi comhairl' ort, agus bithidh Dia maille riut: bi-sa air son an t-sluaigh an lathair Dhé, agus bheir thu na cùisean a dh'ionnsuidh Dhé:

20 Agus tugaigidh tu dhoibh na h-orduighean agus na laghan, agus nochdaidh tu dhoibh an t-slighe air an còir dhoibh imeachd, agus an obair a's còir dhoibh a dheanamh.

21 Agus taghaidh tu mach as an t-sluagh uile, daoine foghainteach, air am bi eagal Dhé, daoine fìrinneach, a dh'fhuathaicheas samt; agus cuiridh tu iad os an ceann 'n an uachdaranaibh mhlèan, 'n an uachdaranaibh cheudan, 'n an uachdaranaibh leth-cheudan, agus 'nan uachdaranaibh dheichnear.

22 Agus bheir iad breth air an t-sluagh anns gach àm; ach gach cùis mhòr bheir iad a d' ionnsuidh-sa, agus air gach cùis bhig bheir iad fèin breth: mar sin bithidh e n's eutruime dhuitse, agus iomcharaidh iadsan an callach maille riut.

23 Ma ni thu an ni so, agus gu'n àithn Dia sin dhuit, au sin is urrainn thu seasamh ris, agus mar an ceudna theid an sluagh so uile d'an àite fèin 'n sìth.

24 A nis dh'éisd Maois ri guth 'athair-céile, agus rinn e gach ni a thubhairt e.

25 Agus thagh Maois daoine foghainteach a mach á h-Israel uile, agus rinn e iad 'n an ceannardanaibh air an t-sluagh; 'n an uachdaranaibh mhlèan, 'n an uachdaranaibh leth-cheudan, agus 'n an uachdaranaibh dheich near.

26 Agus thug iad breth air an t-sluagh anns gach àm: na cùisean cruaidhe thug iad a dh'ionnsuidh Mhaois, ach air gach cùis bhig thug iad fèin breth.

27 Agus leig Maois le 'athair-céile imeachd; agus dh'fhalbh e roimhe d'a thìr fèin.

CAIB. XIX.

1 *Thàinig an sluagh gu fàsach Shinai.* 3 *Teachd-air eachd Dhé do'n t-sluagh a shlabh Shinai.* 8 *Am freagradh.* 12 *Cha-n fheudadh neach air bith beanntuinn ris an t-sliabh.*

A NNS an treas mìos an dèigh do chloinn Israoil teachd a mach à tìr na h-Eiphit, 's an là sin féin thàinig iad gu fàsach Shinai.

2 Oir dh' imich iad o Replhidim, agus thàinig iad gu fàsach Shinai, agus champaich iad 's an fhàsach; agus champaich Israel ann an sin fa chomhair an t-sléibh.

3 Agus chaidh Maois suas a dh'ionnsuidh Dhé, agus ghairm an Tighearn air as an t-sliabh, ag ràdh, Mar so their thu ri tigh Iacoib, agus innsidh tu do chloinn Israeil:

4 Chunnaic sibh na rinn mi ris na h-Eiphitich, agus cionnus a ghiùlain mi sibhse mar air sgiathaibh iolaircan, agus a thug mi a m' ionnsuidh féin sibh.

5 A nis ma ta, ma dh'éisdeas sibh da rìreadh ri m' ghuth, agus ma ghleidheas sibh mo choimhcheangal, an sin bithidh sibh dhomhsa 'n ur n-ionnhas sònraichte os ceann nan uile shluagh: oir is leamsa an talamh uile.

6 Agus bithidh sibh dhomhsa 'n ur rìoghachd shagart, agus 'n ur cinneach naomh. Is iad sin na briathran a labhras tu ri cloinn Israeil.

7 Agus thàinig Maois, agus ghairm e air seana-riubh an t-sluaigh, agus chuir e rompa na briathran sin uile a dh'èithn an Tighearn dha.

8 Agus fhreagair an sluaigh uile le h-aon ghuth, agus thubhairt iad, Gach ni a labhair an Tighearn, mi sinne. Agus thug Maois air ais briathran an t-sluaigh a dh'ionnsuidh an Tighearna.

9 Agus thubhairt an Tighearn ri Maois, Feuch, thig mise a'd' ionnsuidh ann an neul tiugh, a chum gu'n cluinn an sluaigh an uair a labhras mi riut, agus mar an ceudna gu'n creid iad thu gu sìorruidh. Agus dh'innis Maois briathran an t-sluaigh do'n Tighearn.

10 Agus thubhairt an Tighearn ri Maois, Imich a dh'ionnsuidh an t-sluaigh, agus naomhaich iad an diugh, agus am màireach, agus nigheadh iad an eudach,

11 Agus bitheadh iad deas air cheann an treas là; oir air an treas là thig an Tighearn a nuas ann an sealladh an t-sluaigh uile air sliabh Shinai.

12 Agus suidhichidh tu crìochan do'n t-sluagh mu'n cuairt, ag ràdh, Thugaibh an aire dhuibh féin, nach téid sibh suas do'n t-sliabh, agus nach bean sibh ra' fonnad: gach neach a bheanas ris an t-sliabh, gu cinnteach cuirear gu bàs e.

13 Cha bhean lannh ris; oir gu deimhin clachar e, no sàthar sleagh troimhe; ma's a'nmhidh no duine e, cha mhair e beò.

'N uair a shéideas an trompaid rè àin' fhada thig iad-san a mìos do'n t-sliabh.

14 Agus chaidh Maois sìos o'n t-sliabh a dh'ionnsuidh an t-sluaigh, agus naomhaich e 'n sluaigh, agus nigh iad an eudach.

15 Agus thubhairt e ris an t-sluaigh, Bithibh deas air cheann an treas là: na tigibh am fagus d'ur mnàibh.

16 Agus an uair a thàinig an treas là, anns a' mhaduim bha tairneanaich agus dealanaich ann, agus neul tiugh air an t-sliabh, agus fuaim na trompaid ro àrd: agus chrìothnaich an sluaigh uile a bha 's a' champ.

17 Agus thug Maois an sluaigh a mach as a' champ an coinneamh Dhé, agus shìcas iad aig ìochdar an t-sléibh.

18 Agus bha sliabh Shinai uile fo dheataich, do bhrìgh gu'n d'thàinig an Tighearn a nuas air ann an teine; agus dh'éirich a dheatach suas mar dheataich àmhuinn, agus chrìothnaich an sliabh uile gu mòr.

19 Agus an uair a bha fuaim na trompaid' a' dol a mach, agus a' fàs ro làidir, an sin labhair Maois, agus fhreagair Dia e le guth.

20 Agus thàinig an Tighearn a nuas air sliabh Shinai, air mullach an t-sléibh: agus ghairm an Tighearn Maois suas gu mullach an t-sléibh, agus chaidh Maois suas.

21 Agus thubhairt an Tighearn ri Maois, Imich sìos, thor àithne do'n t-sluagh, air eagal gu'm bris iad a steach a dh'ionnsuidh an Tighearn' a dh'amharc, agus gu'n tuit mòran diubh.

22 Agus mar an ceudna na sagartan a thig an fagus do'n Tighearn, naomhaicheadh iad iad féin, air eagal gu'm bris an Tighearn a mach orra.

23 Agus thubhairt Maois ris an Tighearn, Cha-n 'eil e 'n comas do'n t-sluagh teachd a mìos do shliabh Shinai; oir thug thu àithne dhuinn, ag ràdh, Cuir crìochan mu'n t-sliabh, agus naomhaich e.

24 Agus thubhairt an Tighearn ris, Imich romhad, falbh sìos, agus thig a mìos thu féin, agus Aaron maille riut; ach na briseadh na sagartan agus an sluaigh a steach, gu teachd a mìos a dh'ionnsuidh an Tighearna, air eagal gu'm bris e mach orra.

25 Agus chaidh Maois sìos a dh'ionnsuidh an t-sluaigh, agus labhair e riu.

CAIB. XX.

1 *Nadeich àitheantan.* 20 *Eagal air an t-sluagh.* 22 *Ìodhol-aoradh air a thoirmeasg.*

A GUS labhair Dia na briathran so uile, ag ràdh,

2 Is mise an Tighearn do Dhia, a thug a mach thu a tìr na h-Eiphit, a tigh na daorsa.

3 Na biodh dée sam bith eile agad a'm' lathair-sa.

4 Na dean dhuìt féin dealbh snaidhte, no coslas sam bith a dh'aon ni, a tha 's na

nèamhaibh shuas, no air an talamh a bhos, no 's na h-uisgeachaibh fo 'n talamh.

5 Na crom thu féin sìos doibh, agus na dean seirbhis doibh: oir mise an Tighearna do Dhia, is Dia eudmhor mi, a' leantuinn aingidheachd nan aithrichean air a' chloinn, air an treas, agus air a' cheathramh *ginealach* dhiubhsana dh'fhuathaisichas mi;

6 Agus a' nochdadh trócair do mhiltibh dhiubhsan a ghràdhaisichas mi, agus a choimhideas m'aitheantan.

7 Na tabhair ainm an Tighearna do Dhé an diomhanas; oir cha mhac an Tighearna neòchiontach *esan* a bheir 'ainm 'an diomhanas.

8 Cuimhnich là na sàbaid a naomhachadh.

9 Sè làithean saothraichidh tu, agus ni thu d'obair uile.

10 Ach air an t-seachdamh là *tha* sàbaid an Tighearna do Dhé: *air an là sin* na dean obair sam bith, thu féin, no do mhac, no do nighean, d'òglach, no do bhanoglach, no d'ainmhidh, no do choigreach a *tha* 'n taobh a stigh de d'gheataibh.

11 Oir ann an sè làithibh rinn an Tighearna na nèamhan agus an talamh, an fhainge, agus gach ni a *tha* ann; agus ghabh e fois air an t-seachdamh là: air an aobhar sin bheannaich an Tighearna là na sàbaid, agus naomhaich se e.

12 Tabhair onoir do d'athair, agus do d' mhàthair; a chum gu'm bi do làithean buan air an fhearann a *tha* 'n Tighearna do Dhia a' toirt dhuit.

13 Na dean mortadh.

14 Na dean adhaltrannas.

15 Na dean goide.

16 Na tabhair fianuis bhréige an aghaidh do choimhearsnaich.

17 Na samtaich tigh do choimhearsnaich; na samtaich bean do choimhearsnaich, no 'òglach, no 'bhanoglach, no 'dhamh, no 'asal, no aon ni a's le do choimhearsnach.

18 Agus mhothaich an sluagh uile na tairneanaich, agus na dealanaich, agus fuaim na trompaid', agus an sliabh fo dheataich: agus an uair a chunnaic an sluagh *sin*, ghluais iad, agus sheas iad fad o làimh.

19 Agus thubhairt iad ri Maois, Labhair thusa ruinn, agus éisdidh sinn: ach na labhradh Dia ruinn, air eagal gu'm faigh sinn bàs.

20 Agus thubhairt Maois ris an t-sluagh, Na bitheadh eagal oirbh, oir is ann a chum bhur dearbhadh a thàinig Dia, agus a chum gu'm bi 'eagal-san oirbh, air chor as nach peacaich sibh.

21 Agus sheas an sluagh fad o làimh, agus thàinig Maois am fagus do'n dorchadas, far an robh Dia.

22 Agus thubhairt an Tighearna ri Maois, Mar so their thu ri cloinn Israeil, Chunnaic sibh gu'n do labhair mi ribh o nèamh.

23 Cha dean sibh maille riumsa diathan airgid, agus diathan òir cha dean sibh dhuibh féin.

24 Altair do thalamh ni thu dhomhsa, agus lobraidh tu oirre do thabhartais-loisgte, agus do thabhartais-sìtl, do chaor-aich, agus do dhaimh: anns gach àite 's an toir mise fainear gu'n cuimhnichear m'ainm, thig mi a d' iomsuidh, agus beannaichidh mi thu.

25 Agus ma ni thu altair chloiche dhomh, cha tog thu i le cloich shnaidhte; oir ma thogas tu d'inneal-snaidhidh suas oirre, truaillidh tu i.

26 Ni mò théid thu suas air ceumaibh a dh'ionnsuidh m'altarach, a chum nach leigear ris do lannochduidh oirre.

CAIB. XXI.

1 *Laghan a thaobh òglach agus bhanoglach, 14 a thaobh an tì a mharbhas duine le ceig, 17 a mhallaisichas 'athair no 'mhàthair, &c.*

A N IS is iad so na breitheanaich a chuireas tu rompa.

2 Ma cheannaisichas tu òglach Eabhruidh-cach, sé bliadhna ni e seirbhis; agus 's an t-seachdamh théid e mach saor a nasguidh.

3 Ma's ann a *mhàin* leis féin a thàinig e steach, leis féin théid e mach; ma bha bean aige, théid mar an ceudna a bhean a mach maille ris.

4 Ma thug a mhaighstir bean dha, agus gu'n d'rug i dha mic no nigheanan; bithidh a' bhean agus a clann aig a mhaighstir, agus théid *esan* a mach leis féin.

5 Ach ma their an t-òglach gu cinnteach, Is toigh leam mo mhaighstir, mo bhean, agus mo chlann, cha téid mi mach saor:

6 An sin bheir a mhaighstir e chum nam breitheamh; bheir e mar an ceudna chum an doruis e, no chum ursaim an doruis, agus tollaidh a mhaighstir a chluas le minidh, agus ni e seirbhis dha gu bràth.

7 Agus ma reiceas duine a nighean gu bhli 'n a banoglach, cha téid i mach mar a théid na h-òglach.

8 Mur taitinn i r'a mhaighstir, a rinn ceangal-pòsaidh rithe, an sin bheir e fainear gu'm fuasgailcar i: ri cinnteach coimheach cha bhi comas aige a reiceadh, do bhrìgh gun do bhuin e gu cealgach rithe.

9 Agus na cheangail e r'a mhac i, a réir modh nan nighean ni e rithe.

10 Ma ghabhas e *bean* eile dha féin, a biadh, a h-eudach, agus a dlighe-pòsaidh, cha lughdaich e.

11 Agus mur dean e na tri *nithean* sin rithe, an sin théid i mach saor gun aingiod.

12 *Esan* a bhuailcas duine, air chor as gu'm bàsaich e, gu cinnteach cuircar gu bàs e.

13 Agus mur do luidh duine 'am plaid, ach gu'n d'thug Dia thairis g'a làimh e, an sin sòruichidh mis' àite dhuit d'an teich e.

14 Ach ma thig duine gu dàna air a choimhearsnach, gu mharbhadh le cèll, o m' altair bheir thu e, a chum gu'm bàsaich e.

15 Agus esan a bhuailas 'athair, no a mhàthair, gu cinnteach cuirear gu bàs e.

16 Agus esan a ghoideas duine, agus a reiceas e, no ma gheibhear 'n a làimh e, gu cinnteach cuirear gu bàs e.

17 Agus esan a mhallaicheas 'athair no a mhàthair, gu cinnteach cuirear gu bàs e.

18 Agus ma ni daoine comhlistri, agus gu'm buail duine a choimhearsnach le cloich, no le 'dhorn, agus nach faigh e bàs, ach gu'n gabh e a leabadh:

19 Ma dh'èireas e, agus gu'n siubhail e mach air a luirg, an sin saorar esan a bhuail e; a mhàin dìolaidh e air son call 'ùine, agus bheir efainear a leigheas gu h-ionlan.

20 Agus ma bhuailas duine 'òglach, no 'bhanoglach le slait, agus gu'm bàsaich e fo 'làimh, dìolar air gu deimhin:

21 Ach ma mhaireas e beò là no dà là, cha dìolar air; oir is e 'airgiod e.

22 Agus ma ni daoine comhlistri, agus gu'm buail iad bean thorrach, agus gu'n dealaich i r'a cloin, ach nach faigh i bàs; cuirear gu cinnteach ùbhla air, a réir mar a chuireas fear na mnà air, agus bheir e seachad mar a dh'òrduicheas na breitheamhan.

23 Ach ma gheibh i bàs an sin bheir thu anam air son anama,

24 Sùil air son shùla, fiacail air son fiacail, làmh air son làimhe, cos air son coise,

25 Losgadh air son losgaidh, lot air son lot, buille air son buille.

26 Agus ma bhuailas duine sùil 'òglach, no sùil a bhanoglaich, agus gu mill e i, leigidh e as saor e air son a shùla.

27 Agus ma chuireas e fiacail a 'òglach, no fiacail as a bhanoglaich, leigidh e as saor e air son 'fhiacail.

28 Agus ma reubas damh duine no bean le 'adhaire, agus gu'm faigh e bàs, gu cinnteach clachar an damh, agus cha-n ithear 'fheoil; ach bithidh sealbhadair an daimh neo-chiontach.

29 Ach ma ghnàthaich an damh sàthadh le 'adhaireibh 's an aimsir roimhe sin, agus gu'n do dh'arbhaidh sin d'a shealbhadair, agus nach do ghléidh e stigh e, agus gu'n do mharbh e duine no bean, clachar an damh, agus cuirear mar an ceudna a shealbhadair gu bàs.

30 Ma chuirear airgid-reitich air, an sin bheir e mar éiric 'anama ge b'e ni a chuirear air.

31 Ma's mac a reub e le 'adhaire, no ma's nighean a reub e, a réir a' bhreitheanais so nithear ris.

32 Ma reubas an damh 'òglach no banoglach, bheir e deich secl 'ar fhichead airgid d'am maighstir, agus clachar an damh.

33 Agus ma dh'fhosgla duine slochd, no

ma chladhaicheas duine slochd, agus nach còmhdaich se e, agus gu'n tuit damh no asal ann;

34 Ni esan d' am buin an slochd suas an call, bheir e airgid d'an sealbhadair, agus is leis féin am beathach marbh.

35 Agus ma reubas damh neach air bith damh neach eile, agus gu'm faigh e bàs, an sin reicidh iad an damh beò, agus roimidh iad an t-airgid a fhuaradh air a shon, agus roimidh iad mar an ceudna an damh marbh.

36 No ma bha fhios gu'n do ghnàthaich an damh sàthadh le 'adhaireibh 's an aimsir roimhe sin, agus nach do ghléidh a shealbhadair a stigh e, gu cinnteach iocaidh e damh air son daimh, agus is leis féin am marbh.

CAIB. XXII.

1 Laghan a thaobh goide, 5 a thaobh coimhleas-achaidh air son gach gné choir, 16 a thaobh diolanais, &c.

MA ghoideas duine damh no caora, agus gu marbh se e, no gu'n reic se e, dìoladh e cuig daimh air son an daimh, agus ceithir caoraich air son na caorach.

2 Ma gheibhear gaduiche a' briseadh a stigh, agus gu'm buailear e, agus gu'm faigh e bàs, cha dòirtear fuil air a shon:

3 Ma bhios a' ghrian air éirigh air, dòirt-ear fuil air a shon. Ni esan a ghoideas dioladh ionlan: mur bi ni sam bith aige, au siu reicear e air son a ghoide.

4 Ma gheibhear gu cinnteach a' mheirle 'n a làimh beò, ma's damh e, no asal, no caora; dìolaidh e dùbailt e.

5 Ma bheir duine fainear gu'n ithear suas fearann uo fion-lios, agus gu'n cuir e ainmhidh ann, agus gu'm biadhar e ann am fearann duine eile; de'n chuid a's fearr d'a fhearann féin, agus de'n chuid a's fearr d'a fhion-lios féin, ni e dìoladh.

6 Ma bhriseas teine a mach, agus gu'n tachair e air droighinn, agus gu'n loisgear na cruachan arbhair, no 'n t-arbhar 'n a sheasamh, no'n t-achadh; ni esan a rinn an losgadh gu cinnteach dìoladh.

7 Ma bheir duine d'a choimhearsnach airgid, no airneis, g'a ghléidhadh, agus gu'n goidear a tigh an duine e; ma gheibhear an gaduiche, dìolaidh e dùbailt' e.

8 Mur faighear an gaduiche, an sin théid maighstir an tìghe a dh'ionnsuidh nam breitheamh, a dh'fheuchainn co dhiubh a shiu e mach a làmh gu cuid a choimhears-naich.

9 Air son gach gné choir, air son daimh, air son asal, air son caorach, air son eudaich, air son gach ni a chaidh a chall, a their neach eile gur leis féin; an làthair nam breitheamh thig cùis gach aoin diubh: esan a dh'iteas na breitheamhan, dìolaidh e dùbailt d'a choimhearsnach.

10 Ma bheir duine d'a choimhearsnach

asal, no damh, no caora, no ainmhidh sam bith g'a ghlaidheadh, agus gu'm faigh e bàs, no gu'n ciurrar e, no gu'n iomamear air falbh e, gun neach air bith g'a fhaicinn:

11 An sin bithidh mionnan an Tighearna eatorra le 'chéile, nach do shìn e a làmh gu cuid a choimhearsnaich: agus gabhaidh a shealbhadair sin uaith, agus cha dean esan dìoladh.

12 Agus ma ghoideadh uaith e, dìolaidh e d'a shealbhadair.

13 Ma reubadh as a chéile e, thugadh e leis mar fhianuis e; air son an nì sin a chaidh reubadh, cha dìol e.

14 Agus ma dh'iarras duine nì 'an coingheall o' choimhearsnach, agus gu'n ciurrar e, no gu'm faigh e bàs, gun a shealbhadair a bhì maille ris; gu cinnteach dìolaidh e.

15 Ach ma bhitheas a shealbhadair maille ris, cha dìol e: ma's nì air son tuarasdail e, thàinig e air son a thuarasdail.

16 Agus ma mheallas duine maighdean, nach 'eil fo cheangal-pòsaidh, agus gu'n luidh e leatha, gu cinnteach gabhaidh e i dha féin 'n a mnàoi.

17 Ma dhiùltas a h-athair gu tur a tabhairt da, dìolaidh e airgid a réir tochruidh nam maighdean.

18 Cha leig thu le ban-fhiosaiche bhì beò.

19 Ge b'e neach a luidheas le h-ainmhidh, gu cinnteach cuirèar gu bàs e.

20 Esan a dh'ìobras do dhiathan sam bith, ach do'n Tighearna a mhàin, gearrarr as e.

21 Air coigreach cha chuir thu doilgheas, nì mò a nì thu fòirneart air; oir bha sibh féin 'n 'ur coigrich ann an tìr na h-Eiphit.

22 Ri bantraich sam bith, no dìlleachdan, cha bhuin sibh gu cruaidh.

23 Ma bhuineas tu air chor sam bith gu cruaidh riu, agus gu'n glaoth iad idir riumsa, éisidh mise gu cinnteach r'an glaoth.

24 Agus lasaidh mo chorruich suas, agus marbhadh mi sibh leis a' chlàidheamh; agus bithidh bhur mnathan 'n am bantraichibh, agus bhur clann 'n an dìlleachdain.

25 Ma bheir thu airgid 'an coingheall do neach air bith de m' shluagh-sa a tha bochd làimh riut, cha bhì thu dha mar neach a chuireas airgid air riadh; cha chuir thu riadh air.

26 Ma ghabhas tu idir eudach do choimhearsnaich ann an gèall, mu dhol fodha na gréine bheir thu air ais dha e:

27 Oir is e sin a chòmhachd a mhàin, is e 'eudach d' chroicinn e: ciod anns an coidil e? agus an uair a dh'éigheas e rium, éisidh mise; oir tha mi tròcaireach.

28 Air breitheamhnaibh cha labhair thu olc, agus uachdaran do shluagh cha chàin thu.

29 Ceud thoradh d'fhearainn, agus d'fhion-lìos, gun dàil bheir thu seachd: ceud-ghin do mhac bheir thu dhomhsa.

30 Mar sin nì thu ri d' chrodh, agus ri d' chaoarach: seachd làithean bithidh e maille r'a mhàthair, air an ochdamh là bheir thu dhomhsa e.

31 Agus bithidh sibh 'n 'ur daoine naomha dhomhsa, agus feoil sam bith a reubadh le fiadh-bheathaichibh' sa' mhachair, cha-n ith sibh: chum nan con tilgidh sibh i.

CAIB. XXIII.

1 Laghan a thaobh tuairesgeil no fianuis-bhréige, 12 a thaobh là na sàbaid, &c. 22 Beannachadh air a ghealltuinn dhoibhsan a chòimhideas reachd Dhé.

CHA tog thu tuairesgeul bréige: na cuir do làmh maille ris an aingidh gu bhì 'n a d'fhianuis air an eucoir.

2 Cha lean thu a' mhòr chuideachd a dh'ionnsuidh an uile, agus cha labhair thu ann an cùis, gu claoanadh an déigh a' mhòrain, chum breth fhiaradh.

3 Agus ri duine bochd cha bhì thu bàigheil 'n a chùis.

4 Ma thachaireas tu air damh do nàmhaid, no 'asal a' dol air seacharan, bheir thu gu cinnteach air ais e d'a ionnsuidh.

5 Ma chì thu asal duine aig am bheil fuath dhuit a' luidhe fo 'h-eallaich, agus gu'n smuainich thu air fantuinn o chòmhnadh a dheanamh rithe, nì thu gu cinnteach còmhnadh rithe.

6 Cha chlaon thu breth do bhochd 'n a chùis.

7 O chùis bhréige cum thu féin am fad: agus an neò-chiontach agus an t-ionraic na marbh: oir cha-n fhìreanaich mise an t-aingidh.

8 Agus tiodhlac cha ghabh thu; oir dallaidh tiodhlac na daoine glìce, agus claoanadh e briathran nan daoine ionraic.

9 Agus air coigreach na dean fòirneart: oir is aithne dhuibh iuntinn coigrich, do bhrìgh gu'n robh sibh féin 'n 'ur coigrich ann an tìr na h-Eiphit.

10 Agus sè bliadhna cuiridh tu d'fhearann, agus cruinnichidh tu stigh a thoradh.

11 Ach air an t-seachdamh fàgaidh tu mach e, agus leigidh tu leis luidhe 'n a thàmh, a chum gu'n ith bochdan do shluagh, agus na dh'fhàgas iadsan, gu'n ith beathaichean na macharach e. Air a' mhòd cheudna nì thu ri d'fhion-lìos, agus ri d' lìos-olaidh.

12 Sè làithean nì thu d'obair, agus air an t-seachdamh là gabhaidh tu fois; a chum gu faigh do dhàmh agus d'asal fois, agus gu faigh mac do bhanaglaich agus an coigreach an anail.

13 Agus a thaobh nan uile nithean a labhair mi ribh, bithibh faicilleach; agus air ainm dhiathan eile na luaidhibh: na cluinnear as bhur beul e.

14 Tri uairean cumaidh tu féill dhomhsa 's a' bhliadhna.

15 Féill an arain neo-ghoirtichte cumaidh

tu: seachd làithean ithidh tu *aran* neo-ghoirtichte, mar a dh'àithn mi dhuit, 's an am *shuidhichte* de'n mhìos Abib; oir anns a' mhìos sin thàinig thu mach as an Eiphit: agus cha tig neach air bith a'm' làthair-sa falamh:

16 Agus féill an fhogharaidh, ceud-thoraidh do shaoithreach, a chuir thu 's an fhearann: agus féill a' chruinneachaidh aig deireadh na bliadhna, 'n uair a chruinnicheas tu stigh *toradh* do shaoithreach as an fhearann.

17 Tri uairean 'sa' bhliadhna nochdar gach firionn agad an làthair an Tighearna Dé.

18 Cha toir thu seachd fuil m' iobairt-sa le *h-aran* goirtichte, ni mò dh'fhanas saill m' iobairt gu maduinn.

19 Toiseach ceud-thoraidh d'fhearainn bheir thu do thigh an Tighearna do Dhé. Cha bhruidh thu meann ann am bainne a mliathar.

20 Feuch, cuiridh mise aingeal romhad, gu d' choimhead 's an t-slighe, agus gu d' thabhairt a steach do'n àit a dh'ulluich mi.

21 Bi faicilleach 'n a làthair, agus éisd r'a ghuth; na cuir 'n a aghaidh: oir cha lugh e bhruidh cionta; oir *tha* m'ainm annsan.

22 Ach ma dh'éisdeas tu da rìreadh r'a ghuth, agus ma ni thu gach ni a labhras mise, an sin bithidh mi a'm' nàmhaid do d' nàmhaid-sa, agus claoidhidh mi iadsan a chlaoidheas thu:

23 Oir théid m' aingeal romhad, agus bheir e steach thu chum nan Amorach, agus nan Hiteach, agus nam Peridseach, agus nan Canaanach, nan Hibheach agus nan Iebusach; agus gearraidh mi as iad.

24 Cha chom thu thu féin sìos d'an diathan, agus cha dean thu seirbhis doibh, ni mò a ni thu a réir an oibre: ach sgrìosaidh tu gu tur iad, agus brisidh tu an dealbhan 'n am bloighdibh.

25 Agus ni sibh seirbhis do'n Tighearn bhruidh Dia, agus beannaichidh esan d'aran, agus d'uisge, agus cuiridh mi euslaint air falbh o'r measg.

26 Cha tilg ni sam bith 'al, ni mò a blitheas e seag a'd' thir: àireamh do làithean coimhlionaidh mise.

27 Cuiridh mi m' eagal romhad, agus sgrìosaidh mi an sluagh uile dh'ionnsuidh an téid thu, agus bheir mi air do naimhdibh gu léir an cùl a thionndadh riut.

28 Agus cuiridh mise cearnabhain romhad, agus ògraidh iad a mach an t-Hibheach, an Canaanach, agus an t-Hiteach, as do làthair.

29 Cha tilg mi mach iad as do làthair ann an aon bhliadhna, air eagal gu'm bi 'm fearann air 'fhàsachadh, agus gu'm fàs fiadh-bheathach ean na macharach ònmhor a'd' aghaidh.

30 A lion beag 'usbeag tilgidh mi mach iad as do làthair, gus an sìolaich thu, agus gu'n scalbhaich thu am fearann.

31 Agus suidhichidh mi do chrìochan o'n mhuir ruaidh eadhon gu ruig faire nam Philisteach, agus o'n fhàsach gu ruig an amhainn: oir bheir mi thairis 'n 'ur làimh luchd-àiteachaidh na tìre; agus tilgidh tu mach iad as do làthair.

32 Cha dean thu riu-san, no r'an diathan coimheangal sam bith.

33 Cha ghabh iad còmhnuidh a'd' thir, air eagal gu'n toir iad ort peacachadh a'm' aghaidh-sa le seirbhis a dheanamh d'an diathan; agus gu'm bi sin 'n a ribe dhuit.

CAIB. XXIV.

1 Chaidh Maois suas do'n t-sliabh. 3 Gheall an sluagh gu'n d'fhogadh iad gèill do fheall an Tighearna. 16 Glòir Dhé air a foill-seachadh.

A GUS thubhairt e ri Maois, Thig a nìos a dh'ionnsuidh an Tighearna, thu féin agus Aaron, Nadab agus Abihu, agus tri fichead 's a deich de sheanairibh Israeil: agus ni sibh aoradh fad o làimh.

2 Agus thig Maois 'n a aonar am fagus do'n Tighearn; ach cha tig iadsan ann fagus, ni mò théid an sluagh suas maille ris.

3 Agus thàinig Maois agus dh'innis e do'n t-sluagh briathran an Tighearna uile, agus na breitheanas uile: agus fhreagair an sluagh gu léir le h-aon ghuth, agus thubhairt iad, Gach ni a labhair an Tighearn, ni sinne.

4 Agus sgrìobh Maois briathran an Tighearn uile, agus dh'éirich e gu moch 's a mhaduinn, agus thog e altair fo 'n t-sliabh agus dà charragh dheug a réir dà thréibh dheug Israeil.

5 Agus chuir e uaith òganaich de chloinn Israeil, agus thug iad suas tabhartais-loisgte, agus dh'ìobair iad iobairtean-sith de dhaimh do'n Tighearn.

6 Agus ghabh Maois leth na fola, agus chuir e ann an cuachaibh i; agus leth na fola chrath e air an altair.

7 Agus ghabh e leabhar a' choimheangail, agus leugh e ann an éisdachd an t-sluaigh; agus thubhairt iadsan, Gach ni a labhair an Tighearn, ni sinne, agus bheir sinn gèill.

8 Agus ghabh Maois an fhuil, agus chrath e i air an t-sluagh, agus thubhairt e, Feuch, fuil a' choimheangail a rinn an Tighearn ribh a thaobh nam briathran sin uile.

9 Agus chaidh Maois suas agus Aaron, Nadab agus Abihu, agus tri fichead 's a deich de sheanairibh Israeil.

10 Agus chunnaic iad Dia Israeil: agus fo a chosaibh *tha* mar gu'm bitheadh obair de chloich shaphir, agus mar na nèamhan féin ann an soillese.

11 Agus air maithibh chloinn Israeil cha do chuir e a làmh: agus chunnaic iad Dia, agus dh'ith iad agus dh'ol iad.

12 Agus thubhairt an Tighearn ri Maois, Thig a nìos a m' ionnsuidh-sa do'n t-sliabh,

agus bi 'n sin: agus bheir mise dhuit clàir chloiche, agus lagh, agus na h-àitheantan a sgriobh mi, chum iadsan a theagasg.

13 Agus dh'éirich Maois suas, agus Iosua 'dglach: agus chaidh Maois suas do shliabh Dhé.

14 Agus thubhairt e ris na seanairibh, Fanaibh-sa ruinn an so, gus am pill sinn d'ur n-ionnsuidh: Agus, feuch, *tha* Aaron agus Hur maille ribh: esan aig am bi cùis sam bith, thigeadh e d'an ionnsuidh-san.

15 Agus chaidh Maois suas do'n t-sliabh, agus chòmhdaich neul an sliabh.

16 Agus chòmhnuich glòir an Tighearna air sliabh Shinai, agus chòmhdaich an neul e sè làithean: Agus dh'éigh e ri Maois air an t-seachdamh là á meadhan an neoil.

17 Agus *bha* foillseachadh glòire an Tighearna mar theine dian-loisgeach air mullach an t-sleibh ann an sùilbhi chloinn Israeil.

18 Agus chaidh Maois a steach am meadhan an neoil, agus chaidh e suas do'n t-sliabh: agus *bha* Maois 's an t-sliabh dà fhichead là agus dà fhichead oidhche.

CAIB. XXV.

1 *Tabhartais air son a' phàilluin.* 10 *Cumadh na h-àirce.* 17 *A' caithir-thròcair.*

AGUS labhair an Tighearna ri Maois ag ràdh,

2 Labhair ri cloinn Israeil, gu'n toir iad a m' ionnsuidh tabhartas: o gach duine a bheir seachad gu toileach e le 'chridhe, gabhaidh sibh mo thabhartas.

3 Agus *is* e so an tabhartas a ghabhas sibh uatha; òr, agus airgiod, agus umha,

4 Agus gorm, agus corcur, agus scarlaid, agus anart grunn, agus *fonnadh* ghabhar,

5 Agus croicinnean reitheachan air an dath dearg, agus croicinnean bhroc, agus fiodh sitim,

6 Oladh chum soluis, spìosraidh chum oladh-ungaidh, agus a chum tùise deadhbholaidh,

7 Clachan onics, agus clachan ri 'n cur anns an ephoid, agus 's an uchd-éididh.

8 Agus ni iad dhomh *ionad* naomh, agus gabhaidh mise còmhnuidh 'n am measg.

9 A réir gach ni a leigas mise dhuit fhaicinn, a *réir* samhlaidh a' phàilluin, agus samhlaidh 'airneis uile, eadhon mar sin ni sibh.

10 Agus ni iad àirc de fhiodh sitim: dà làmh-choille gu leth a fad, agus làmh-choille gu leth a leud, agus làmh-choille gu leth a h-àirde.

11 Agus còmhdaichidh tu thairis i le h-òr fìor-ghlan, a stigh agus a muigh còmhdaichidh tu thairis i; agus ni thu oirre coron òir mu'n cuairt.

12 Agus ni thu air a son ceithir failbh-eagan òir, agus cuiridh tu *iad* air a ceithir oisinnibh; agus *bithidh* dà fhailbheig air

aon taobh dh'i, agus dà fhailbheig air an taobh eile dh'i.

13 Agus ni thu bataichean de fhiodh sitim, agus còmhdaichidh tu thairis iad le h-òr.

14 Agus cuiridh tu na bataichean anns na failbheagaibh air taobhan na h-àirce, chum an àirc a ghiùlan leo.

15 Ann am failbheagaibh na h-àirce bithidh na bataichean: cha ghluaisear uaipe iad.

16 Agus cuiridh tu 's an àirc an Fhianu's a bheir mise dhuit.

17 Agus ni thu caithir-thròcair a dh'òr fìor-ghlan; dà làmh-choille gu leth a fad, agus làmh-choille gu leth a leud.

18 Agus ni thu dà cherub òir; a dh'obair bhualte ni thu iad, aig dà cheann na caithir-thròcair.

19 Agus ni thu aon cherub aig aon cheann, agus cherub eile aig a' cheann eile de'n chaithir-thròcair: ni sibh na cheruban aig a dá cheann.

20 Agus bithidh na cheruban a' sìneadh a mach an sgiathan gu h-àrd, a' còmhdachadh na caithir-thròcair le'n sgiathaibh, agus an aghaidhean r'a chèile: ris a' chaithir-thròcair bithidh aghaidhean nan cherub.

21 Agus cuiridh tu a' chaithir-thròcair suas air an àirc, agus anns an àirc cuiridh tu an Fhianuis a bheir mise dhuit.

22 Agus coinnichidh mise thu an sin, agus labhraidh mi riut o uachdar na caithir-thròcair, o eadar an dà cherub a *tha* air àirc na Fianuis a thaobh gach ni a dh'àithneas mi dhuit do chloinn Israeil.

23 Agus ni thu bòrd de fhiodh sitim; dà làmh-choille f'had, agus làmh-choille a leud, agus làmh-choille gu leth 'àirde.

24 Agus còmhdaichidh tu thairis e le h-òr fìor-ghlan, agus ni thu dha coron òir mu'n cuairt.

25 Agus ni thu dha iomall de leud boise mu'n cuairt, agus ni thu coron òir d'a iomall mu'n cuairt.

26 Agus ni thu dha ceithir failbheagan òir, agus cuiridh tu na failbheagan air na ceithir oisinnibh a *tha* aig a' cheithir chosaibh.

27 Fa chon hair an iomail bithidh na failbheagan, chum àitear do na bataichibh. gus am bòrd a ghiùlan.

28 Agus ni thu na bataichean de fhiodh sitim, agus còmhdaichidh tu thairis iad le h-òr, agus giùlainear am bòrd leo.

29 Agus ni thu a mhiasan, agus a thùiscir-eagan, agus a chuachan, agus a chopain, leis an toirear seachad iobairt-dìbhe; a dh'òr fìor-ghlan ni thu iad.

30 Agus cuiridh tu air a' bhòrd aran tais-beanaidh romhams' an còmhnuidh.

31 Agus ni thu coimleir a dh'òr fìor-ghlan; a dh'obair bhualte nithear an coimleir. Bithidh a chos, agus a mheoir, a chopain, a chnapan, agus a bhàthan, de'n obair cheudna.

32 Agus thig sè meoir a mach as a thaobhau; tri meoir a' choinnleir á h-aon taobh dh'è, agus tri meoir a' choinnleir as an taobh eile dh'è.

33 Tri copain air an deanamh cosmhuil ri almonaibh ann an aon mheur, *maille ri* cnap agus blàth; agus tri copain air an deanamh cosmhuil ri almonaibh anns a' mheur eile, *maille ri* cnap agus blàth; mar sin anns na sè meoir a thig a mach as a' choinnleir.

34 Agus anns a' choinnleir *bithidh* ceithir chopain air an deanamh cosmhuil ri almonaibh, *maille ri* 'n cnapaibh agus am blàthaibh.

35 Agus *bithidh* cnap fo dhà mheur dheth, agus cnap fo dhà mheur dheth, agus cnap fo dhà mheur dheth; *mar sin* do na sè meoir a thig a mach as a' choinnleir.

36 Bithidh an cnap agus an meoir de'n obair cheudna: *bithidh* e uile 'n a aon obair bhualte de òr fìor-ghlan.

37 Agus ni thu dha seachd bòchrain: agus cuirear suas a bòchrain, a chum gu'n toir iad solus thall fa chomhair.

38 Agus *bithidh* a chlobhachan, agus a shoithichean smàlaidh a dh'òr fìor-ghlan.

39 De thàlann a dh'òr fìor-ghlan nìthear e, *maille ris* na soithichibh sin uile.

40 Agus feuch gu'n dean thu *iad* a réir an t-samhlaidh, a chaidh leigeadh fhaicinn dhuit 's an t-slabh.

CAIB. XXVI.

1 Deich cùirteinean a' phàilliuin. 31 Am brat air son na h-àirce.

AGUS ni thu am pàilliuin le deich cùirteinibh a *dhi'* anart grinn tointe, agus de ghorm, agus de choreur, agus de scarlaid: *maille ri* cherubaibh a *dhi'* obair ealanta ni thu iad.

2 Fad aoin chùirtein ochd làmhhan-coille thar fhichead, agus leud aoin chùirtein, ceithir làmhhan-coille: an t-aon tomhas do na cùirteinibh uile.

3 Bithidh cùig cùirteinean air an ceangal gach aon r'a chèile; agus na cùig cùirteinean eile air an ceangal gach aon r'a chèile.

4 Agus ni thu lùban de ghorm air oir aoin chùirtein, o'n iomall anns a' cho-aonadh: agus air a' mhodh cheudna ni thu 'a' u oir a' chùirtein a's fhaide mach, ann an co-aonadh an dara aoin.

5 Leth-cheud lùb ni thu ann an aon chùirtein, agus leth-cheud lùb ni thu 'a' u oir a' chùirtein a tha ann an co-aonadh an dara aoin; a ehum's gu'n gabh na lùban greim d'a chèile.

6 Agus ni thu leth-cheud cromag òir, agus ceanglaidh tu na cùirteinean r'a chèile leis na cromagaibh: agus bithidh e 'n a aon phàilliuin.

7 Agus ni thu cùirteinean de fhionnachd ghabhar gu bli 'n an còmhdach air a'

phàilliuin: aon chùirtein deug ni thu dhiubh.

8 Fad aoin chùirtein deich làmhhan-coille thar fhichead, agus leud aoin chùirtein ceithir làmhhan-coille: *bithidh* an t-aon chùirtein deug uile dh'aon tomhas.

9 Agus cuiridh tu ri' chèile cùig cùirteinean leo féin, agus sè cùirteinean leo féin, agus dùblaichidh tu an seathamh cùirtein air taobh beoil a' bhùtha.

10 Agus ni thu leth-cheud lùb air oir an aoin chùirtein a's fhaide mach 's a' cho-aonadh, agus leth-cheud lùb air oir a' chùirtein a tha 'co-aonadh an dara aoin.

11 Agus ni thu leth-cheud cromag a dh'umha, agus cuiridh tu na cromagan anns na lùbaibh, agus cuiridh tu am bùth r'a chèile, air chor as gu'm bi e 'n a aon.

12 Agus am fuigheall a dh'fhàgar de chùirteinibh a' bhùtha, leth a' chùirtein a dh'fhàgar, crochar e thar taobh-cùil a' phàilliuin.

13 Agus làmh-choille air an taobh so, agus làmh-choille air an taobh eile de na dh'fhàg-adh air am fad de chùirteinibh a' bhùtha, crochar e thar taobhan a' phàilliuin, air an taobh so, agus air an taobh eile, g'a chòmhdachadh.

14 Agus ni thu còmhdach air son a' bhùtha de chroicinnibh reitheachan air an dath dearg, agus còmhdach de chroicinnibh bhroc os a cheann.

15 Agus ni thu buird air son a' phàilliuin dh'fhiodh sitim, 'n an seasamh:

16 Deich làmhhan-coille fad buird, agus làmh-choille gu leth leud aoin bhuird.

17 *Bithidh* dà làimh aig aon bhòrd, air an cur 'an ordugh fa chomhair a chèile; mar so ni thu do uile bhòrdaibh a' phàilliuin.

18 Agus ni thuna buird air son a' phàilliuin, fichead bòrd air an taobh deas, ris an àirde deas.

19 Agus ni thu dà fhichead cos airgid, fo 'n fhichead bòrd: dà chois fo aon bhòrd a réir a dhà làimh, agus dà chois fo bhòrd eile a réir a dhà làimh.

20 Agus air son an dara taoibh de'n phàilliuin air an taobh tuath, fichead bòrd;

21 Agus air an dà fhichead cos a *dhi'* airgid, dà chois fo aon bhòrd, agus dà chois fo bhòrd eile.

22 Agus air son taobhan a' phàilliuin air an làimh an iar, ni thu sè buird.

23 Agus ni thu dà bhòrd air son oisinnan a' phàilliuin 's an dà thaobh.

24 Agus bithidh iad air an ceangal foidhe, agus mar an ceudna bithidh iad air an ceangal os a cheann ri aon fhaillbheig; mar so nìthear riu le 'chèile; bithidh iad air son an dà oisinn.

25 Agus bithidh ochd buird ann, agus an cosan a *dhi'* airgid, sè cosan deng; dà chois fo aon bhòrd, agus dà chois fo bhòrd eile.

26 Agus ni thu croinn de fhiodh sitim;

cùig air son nam bòrd air aon taobh de'n phàilliuin.

27 Agus cùig croinn air son nam bòrd air an taobh eile de'n phàilliuin, agus cùig croinn air son bhòrd taoibh a' phàilliuin air son an dà thaobh an iar.

28 Agus ruigidh an crann meadhonach ann am meadhon nam bòrd o cheann gu ceann.

29 Agus còmhdaichidh tu thairis na buird le h-òr, agus ni thu am failbheagan a dh'òr mar àiteachan do na crannaibh: agus còmhdaichidh tu thairis na croinn le h-òr.

30 Agus togaidh tu suas am pàilliuin a réir a shamhlaidh, a nochdadh dhuit 's an t-sliabh.

31 Agus ni thu brat de ghorin, agus de choreur, agus de scarlaid, agus a dh'anart grinn toimte: a dh'obair calanta nithear e, le cherubaibh.

32 Agus crochaidh tu e air ceithir puist de fhiodh sitim, air an còmhdachadh thairis le h-òr: agus bithidh an cromagan a dh'òr, air na ceithir bonnaibh airgid.

33 Agus crochaidh tu suas am brat fo na cromagaibh, agus bheir thu steach ann an sin àire na Fianuis, an taobh a stigh de'n bhrat: agus roinnidh am brat dhuibhse eadar an t-ionad naomh agus an t-ionad ro naomh.

34 Agus cuiridh tu a' chaithir thròcair air àire na Fianuis, 's an ionad ro naomh.

35 Agus cuiridh tu am bòrd an leth muigh de'n bhrat, agus an coimleir fa chomhair a' bhuird air taobh deas a' phàilliuin: agus cuiridh tu am bòrd air an taobh tuath.

36 Agus ni thu còmhdach air son doruis a' bhùtha, de ghorin, agus de choreur, agus de scarlaid, agus de anart grinn toimte, oibrichte le h-obair ghrèise.

37 Agus ni thu air son a' chòmhdaich cùig puist de fhiodh sitim, agus còmhdaichidh tu thairis iad le h-òr, agus bithidh an cromagan a dh'òr, agus tilgidh tu air an son cùig buinn umha.

CAIB. XXVII.

1 Altair na h-òbairt-loisgte, agus a soillùichean. 9 Cùirt a' phàilliuin. 20 Oladh fhìor-ghlan a' chroinn-olaidh air a toirt air son soluis.

AGUS ni thu altair de fhiodh sitim; cùig làmh-an-coille air fad, agus cùig làmh-an-coille air leud: bithidh an altair ceithir-chearnach, agus a h-àirde trì làmh-an-coille.

2 Agus ni thu a h-adhaircean air a ceithir oisinnibh: bithidh a h-adhaircean de'n ni cheudna: agus còmhdaichidh tu thairis i le h-umha.

3 Agus ni thu a h-aighmean a ghabhail a luatha, agus a sluasaidan, agus a cuachan, agus a greimichean, agus a h-aighmean-teine: a soithichean uile ni thu a dh'umha.

4 Agus ni thu dh'i cliath de lìon-obair umha: agus ni thu air an lìon ceithir failbheagan umha air a cheithir oisinnibh.

5 Agus cuiridh tu e fo chuairt na h-altarach gu h-ìosal, agus bithidh an lìon gu ruig meadhon na h-altarach.

6 Agus ni thu bataichean do'n altair, bataichean de fhiodh sitim, agus còmhdaichidh tu thairis iad le h-umha.

7 Agus cuirear na bataichean anns na failbheagaibh, agus bithidh na bataichean air dà thaobh na h-altarach g'a giùlan.

8 Fàs le bòrdaibh ni thu; mar a nochdadh dhuit 's an t-sliabh, mar sin nithear i.

9 Agus ni thu cùirt a' phàilliuin air an taobh deas, ri deas: bithidh cùirteinean air son na cùirte dh' anart grinn toimte; ceud làmh-choille 'am fad air aon taobh.

10 Agus bithidh a fhead post, agus am fhead bonn a dh'umha: bithidh cromagan nam post, agus an cuairteagan, a dh'-airgiod.

11 Agus mar an ceudna air an taobh tuath air fad, bithidh cùirteinean ceud làmh-choille air fad, agus a fhead post, agus am fhead bonn a dh'umha: cromagan nam post, agus an cuairteagan, a dh'-airgiod.

12 Agus air leud na cùirte air an taobh an iar, bithidh cùirteinean de leth-cheud làmh-choille: am puist deich, agus am buinn deich.

13 Agus bithidh leud na cùirte air an taobh an ear, ris an àird an ear, leth-cheud làmh-choille.

14 Agus bithidh na cùirteinean air aon taobh cùig làmh-an-coille deug: am puist trì, agus am buinn trì.

15 Agus air an taobh eile bithidh a cùirteinean cùig làmh-an-coille deug: am puist trì, agus am buinn trì.

16 Agus air son geata na cùirte bithidh brat a dh'fhichead làmh-choille, de ghorin, agus de choreur, agus de scarlaid, agus a dh'anart grinn toimte, oibrichte le h-obair shùthaide: am puist ceithir, agus am buinn ceithir.

17 Bithidh na puist uile timchioll na cùirte air an ceangal mu'n cuairt le h-airgiod: bithidh an cromagan a dh'airgiod, agus am buinn a dh'umha.

18 Fad na cùirte ceud làmh-choille, agus a leud leth-cheud làmh-choille 's gach àite, agus a h-àirde cùig làmh-an-coille, a dh'anart grinn toimte; agus am buinn a dh'umha.

19 Bithidh uile shoithichean a' phàilliuin, 'n a sheirbhis uile, agus a phinneachan uile, agus pinneachan na cùirte uile de umha.

20 Agus àithnidh tu do chloinn Israeil, gu'n toir iad a d'ionnsuidh oladh fhìor-ghlan a' chroinn-olaidh, brùite air son an t-soluis, a thoirt air an lòchran lasadh an còmh-nuidh.

21 Ann am bùth a' choimhthionail an taobh a muigh de'n bhrat, a tha fa chomhair na Fianuis, orduichidh Aaron e, agus a mhic, o fheasgar gu maduinn an làthair an Tigh-

earna: *bithidh* e 'n a reachd sìorruidh d'an ginealachaidh, á leth chloinn Israeil.

CAIB. XXVIII.

1 *Chuireadh Aaron agus a mhic air leth air son dreuchd an t-sagairt. 6 An ephod. 30 An Urim agus an Tumim, &c.*

AGUS gabh a d'ionnsuidh Aaron do bhràthair, agus a mhic maille ris, o mheasg chloinn Israeil, a chum gu fritheil e dhomhsa ann an dreuchd an t-sagairt *eadhon* Aaron, Nadab agus Abihu, Eleasar agus Itamar, mic Aaroin.

2 Agus ni thu éididh naomha do d' bhràthair Aaron, air son glòire, agus air son maise.

3 Agus labhraidh tu riu-san uile a *tha* glie 'an cridhe, a lion mise le spiorad a' ghliocais; agus ni iad éididh Aaroin, g'a choisreagadh, a chum gu fritheil e dhomhsa ann an dreuchd an t-sagairt.

4 Agus so na h-éididha ni iad; uchd-éididh, agus ephod, agus falluinn, agus còta iomadh-dathach, crùn-sagairt, agus crios: agus ni iad éididh naomha air son Aaroin do bhràthair, agus air son a mhae, a chum gu fritheil e dhomhsa ann an dreuchd an t-sagairt.

5 Agus gabhaidh iad òr, agus gorm, agus corcur, agus scarlaid, agus anart grinn.

6 Agus ni iad an ephod *de òr, de ghorm*, agus *de choreur*, agus *de scarlaid*, agus *de anart grinn toinnte*, le h-obair ealanta.

7 Bithidh an dà mhir-gualine aice ecan-gailte r'a chéile aig a dà oir; agus *mar sin* cuirear ri 'chéile i.

8 Agus bithidh crios rìomhach na h-ephoid a *tha* air a h-uachdar, a réir a h-oibre féin, *de'n ni cheudna, eadhon de òr, de ghorm*, agus *de choreur*, agus *de scarlaid*, agus *de anart grinn toinnte*.

9 Agus gabhaidh tu dà chloich onics, agus gearraidh tu orra ainmean chloinn Israeil.

10 Sè d'an ainmibh air aon chloich, agus sè ainmean chàich air a' chloich eile, a réir an aoise.

11 Le h-obair gearradair 'an cloich, le gearradh seulaidh, gearraidh tu an dà chloich, le ainmibh chloinn Israeil: bheir thu faincar an ceangal ann am failbheagaibh òir.

12 Agus cuiridh tu an dà chloich air gualinibh na h-ephoid, *mar* chlachan cuimhneachain do chloinn Israeil. Agus giùlainidh Aaron an ainmean ann an làthair an Tighearn' air a dhà ghualainn, mar chuimhneachan.

13 Agus ni thu failbheagan òir;

14 Agus dà shlabhruidh *dh' òr* fìor-ghlan aig na cinn: ni thu iad a *dh'*obair fhighte, agus ceanglaidh tu na slabhruidhean fìgte ris na failbheagan:

15 Agus ni thu uchd-éididh a' bhreitheanais le h-obair ealanta; a réir oibre na h-ephoid

ni thu i: *de òr, de ghorm*, agus *de choreur* agus *de scarlaid*, agus *de anart grinn toinnte* ni thu i.

16 Ceithir-chearnach bithidh i, agus dà-fhillte; réis a fad, agus réis a leud.

17 Agus cuiridh tu innte suidheachadh chlach, *eadhon* ceithir sreathan chlach; a' *cheud* sreath, sardius, topas, agus carbuncle: so a' *cheud* sreath.

18 Agus an dara sreath; emerald, saphir, agus daoimein.

19 Agus an treas sreath; ligur, agat, agus ametist.

20 Agus an ceathramh sreath; beril, agus onics, agus iasper; ceanglar iad le h-òr 'n an suidheachadh.

21 Agus bithidh na clachan le ainmibh chloinn Israeil, a dhà-dheug, a réir an ainmean; le gearradh seulaidh, bithidh gach aon aca le 'h-ainm féin a réir an dà thréibb dheug.

22 Agus ni thu air an uchd-éididh slabhruidhean aig na cinn a *dh'*obair fhighte, *dh'òr* fìor-ghlan.

23 Agus ni thu air an uchd-éididh dà fhàinne òir, agus cuiridh tu 'n dà fhàinne air dà cheann na h-uchd-éididh.

24 Agus cuiridh tu 'n dà shlabhruidh fhighte òir 's an dà fhàinne, a *tha* air cinn na h-uchd-éididh.

25 Agus dà cheann eile na dà shlabhruidh fhighte daing nichidh tu anns an dà fhail, agus cuiridh tu *ad* air miribh-gualine na h-ephoid air a beulaobh.

26 Agus ni thu dà fhàinne òir, agus cuiridh tuiad air dà cheann na h-uchd-éididh, 's an oir sin dìth, a *tha* aig taobh na h-ephoid a stigh.

27 Agus ni thu dà fhàinne eile *de òr*, agus cuiridh tu iad air dà thaobh na h-ephoid foidhpe, làimh r'a cuid-thoisich, fa chomhair a co-aonaidh *eile*, os ceann crios rìomhaich na h-ephoid.

28 Agus ceanglaidh iad an uchd-éididh le a fàinnibh, ri fàinnibh na h-ephoid le h-éill ghuirm, chum as gu'm bi i os ceann crios rìomhaich na h-ephoid, agus nach fuasglar an uchd-éididh o'n ephoid.

29 Agus giùlainidh Aaron ainmean chloinn Israeil ann an uchd-éididh a' bhreitheanais, air a cridhe, 'n uair a théid e steach do'n *ionad* naomh, mar chuimhneachan ann an làthair an Tighearna a ghnàth.

30 Agus cuiridh tu ann an uchd-éididh a' bhreitheanais, an Urim agus an Tumim; agus bithidh iad air cridhe Aaroin, an uair a théid e steach an làthair an Tighearna; agus giùlainidh Aaron breitheanas chloinn Israeil air a chridhe, ann a làthair an Tighearn' an còmhnuidh.

31 Agus ni thu falluinn na h-ephoid uile *de ghorm*.

32 Agus bithidh toll 'n a mullach, 'n a meadhon: bithidh oir aice timchioll a tuill

a dh'obair fhaighte, mar tholl lùirich-mhàill-
ieh, a chum as nach reubar i.

33 Agus gu h-ìosal, air a h-ìomall, nì thu pomgranata de ghorm, agus de chorcur, agus de scarlaid, air a h-ìomall mu'n cuairt; agus cluig òir catorra mu'n cuairt.

34 Clag òir agus pomgranat, clag òir agus pomgranat, air ìomall na falluinn' mu'n cuairt.

35 Agus bithidh i air Aaron gu frithealadh: agus cluinnear a faum, an uair a thèid e steach do'n ìonad naomh an làthair an Tighearna, agus an uair a thig e mach, a chum nach bàsaich e.

36 Agus nì thu leac a dh'òr fìor-ghlan, agus gearraidh tu oirre, *cosmhuil ri gearradh* seulaidh, NAOMHACHD DO'N TIGHEARN.

37 Agus cuiridh tu i air èill ghluirm, agus bithidh i air a' chrùn-shagairt: air taobh beoil a' chrùn-shagairt bithidh i.

38 Agus bithidh i air clàr eudain Aaron, agus giùlainidh Aaron cionta nan nithean naomha, a choisrigeas clann Israeil 'n an tìodhlacaibh naomha uile: agus bithidh i air clàr eudain an còmhuidh, a chum as gu'n bì iad taitneach an làthair an Tighearna.

39 Agus nì thu 'n còta le h-obair ghrèise dh'anart grinn, agus nì thu'n crùn sagairt a dh'anart grinn, agus nì thu 'n crios a dh'obair shnàthaide.

40 Agus do mhic Aaron nì thu còtaichean, agus nì thu dhoibh criosan, agus boineidean nì thu dhoibh, air son glòire agus air son maise.

41 Agus cuiridh tu iad air Aaron do bhràthair, agus air a mhic maille ris; agus ungaidh tu iad, agus coisrigidh tu iad, agus naomhaichidh tu iad; agus fritheilidh iad dhomha ann an dreuchd an t-sagairt.

42 Agus nì thu dhoibh briogaibh anairt a dh'fholach an lomochoididh: o'n leasruidh ear' hon gus an sléisdean ruigidh iad.

43 Agus bithidh iad air Aaron, agus air a mhic, an uair a thig iad a stigh do phàillium a' choimhthionail, no 'n uair a thig iad am fagus do'n altair, a fhrithcaladh 's an ìonad naomh; eum as nach giùlain iad aingidheachd, agus nach faigh iad bàs: *bithidh e 'n a reachd siorruidh dha féin*, agus d'a shliochd 'n a dhéigh.

CAIB. XXIX.

1 An ùbairt, &c. aig coisreagadh nan sagart
38 An ùbairt-loisgte bith-bhuan.

A GUS so an nì a nì thu riu chum an coisreagadh, gu frithealadh d' omhsa ann an dreuchd an t-sagairt: Gabh aon tarbh òg, agus dà reithe gun ghaoid

2 Agus aran neo-ghoirtichte, agus breac-aon neo-ghoirtichte coimhmeasgta le h-òad, agus gearragan neo-ghoirtichte, ungta le h-òladh: de phlùr a' chruithneachd nì thu iad.

3 Agus cuiridh tu iad ann an aon bhascaid, agus bheir thu iad leat 's a bhascaid, maille ris an tarbh òg agus an dà reithe.

4 Agus bheir thu Aaron agus a mhic gu dorus pàillium a' choimhthionail, agus ionn-laididh tu iad le h-uisge.

5 Agus gabhaidh tu an éididh, agus cuiridh tu an còta air Aaron, agus falluinn na h-ephoid, agus an ephod, agus an uchd-éididh, agus crioslaichidh tu e le crios rìomhach na h-ephoid.

6 Agus cuiridh tu an crùn-sagairt air a cheann, agus an crùn naomh air a' chrùn-shagairt.

7 Agus gabhaidh tu 'n oladh-ungaidh, agus dòirtidh tu air a cheann i, agus ungaidh tu e.

8 Agus bheir thu leat a mhic, agus cuiridh tu còtaichean orra.

9 Agus crioslaichidh tu iad le criosaibh (Aaron agus a mhic) agus cuiridh tu na boineidean orra: agus is leo-san dreuchd an t-sagairt le reachd bith-bhuan: agus coisrigidh tu Aaron agus a mhic.

10 Agus bheir thu faineas an tarbh a thoirt gu beulaobh pàillium a' choimhthionail: agus cuiridh Aaron agus a mhic an làmh an air ceann an tairbh.

11 Agus marbhaidh tu an tarbh an làthair an Tighearna, làmh ri dorus pàillium a' choimhthionail.

12 Agus gabhaidh tu de fhuil an tairbh, agus cuiridh tu i air adhaircibh na h-altarach le d'mhenr, agus dòirtidh tu 'n fhuil uile aig bun na h-altarach.

13 Agus gabhaidh tu 'n t-saill uile a tha 'còmhachadh a' mhionach, agus an scairt a tha os ceann nan bùitean, agus an dà àra, agus an t-saill a tha orra, agus loisgidh tu iad air an altair.

14 Ach feoil an tairbh agus a sheiche, agus 'aolach loisgidh tu le teine an taobh a muigh de'n champ: *is tabhartas*-peacaidh e.

15 Gabhaidh tu mar an ceadna aon reithe, agus cuiridh Aaron agus a mhic an làmh an air ceann an reithe.

16 Agus marbhaidh tu an reithe, agus gabhaidh tu fhuil, agus crathaidh tu i mu'n cuairt air an altair.

17 Agus gearraidh tu an reithe 'n a mhiribh, agus nighidh tu a mhionach, agus a chosan, agus cuiridh tu iad air a mhiribh, agus air a cheann.

18 Agus loisgidh tu an reithe uile air an altair: *is tabhartas-loisgte* e do'n Tighearna; fàile cùbhraidh, tabhartas air a thoirt suas le teine do'n Tighearna.

19 Agus gabhaidh tu an reithe eile, agus cuiridh Aaron agus a mhic an làmh an air ceann an reithe.

20 An sin marbhaidh tu an reithe, agus gabhaidh tu d'a fhuil, agus cuiridh tu i air bàrr cluaise *deis'* Aroiu, agus air bàrr cluaise *deis'* a mhac, agus air ordaig an làimhe deise, agus air ordaig an coiso deise;

agus crathaidh tu an fhuil air an altair mu'n cuairt.

21 Agus gabhaidh tu de'n fhuil a *tha* air an altair, agus de'n oladh-ungaidh, agus crathaidh tu *iad* air Aaron, agus air 'èididh, agus air a mhic, agus air 'èididh a mhac maille ris: agus coisrigear e féin, agus 'èididh, agus a mhic, agus 'èididh a mhac maille ris.

22 Mar an ceudna gabhaidh tu de'n reithe an t-saill, agus bun an earbaill, agus an t-saill a *tha* 'còmh-dachadh a' m'ònaich, agus scairt nan àinean, agus an dà àra, agus an t-saill a *tha* orra, agus an slinnean deas; oir *is* reithe coisreagaidh e.

23 Agus aon bhuilinn arain, agus aon bhreacag arain le h-oladh, agus aon ghearrag a' bascaid an arain neo-ghoirtichte a *tha* 'n làthair an Tighearna'.

24 Agus cuiridh tu *iad* uile ann an làmhan Aaron, agus ann an làmhan a mhic; agus luaisgidh tu *iad* mar thabhartas-luaisgte an làthair an Tighearna.

25 Agus gabhaidh tu *iad* bhàrr an làmh, agus loisgidh tu *iad* air an altair mar thabhartas-loisgte, chum faile cùbhraidh an làthair an Tighearna: *is* tabhartas e air a thoirt suas le teine do'n Tighearn.

26 Agus gabhaidh tu an t-uchd o reithe coisreagaidh Aaron, agus luaisgidh tu *mar* thabhartas-luaisgte an làthair an Tighearna: agus bithidh sin agad sa mar chuibhrionn.

27 Agus naomhaichidh tu uchd an tabhartais-luaisgte, agus slinnean an tabhartais-thogta, a chaidh 'luasgadh, agus a thogail suas do reithe a' choisreagaidh, *cadhonn de'n ni sin* a's le h-Aaron, agus de'n ni sin a *bhuineas* d'a mhic.

28 Agus bithidh e le h-Aaron agus le 'mhic le reachd bith-bhuan o chloinn Israeil; oir *is* tabhartas-togta e: agus bithidh e 'n a thabhartas-togta o chloinn Israeil de iobairtibh an tabhartas-an-sith, *cadhonn* an tabhartas-togta do'n Tighearn.

29 Agus *is* le mic Aaron 'èididh naomhsan 'n a dhéigh, gu'bhi air an ungadh innte, agus gu'bhi air an coisreagadh innte.

30 Seachd làithean cuiridh esan d'a mhic air i, a bhitheas 'n a shagart 'n a àit, a théid a stigh do phàilliuin a' choimhthionail, a fhrithéaladh 's an *ionad* naomh.

31 Agus gabhaidh tu reithe a' choisreagaidh, agus bruichidh tu 'fheoil 's an *ionad* naomh.

32 Agus ithidh Aaron agus a mhic feoil an reithe, agus an t-aran a *tha* 's a' blascaid, aig dorus pàilliuin a' choimhthionail.

33 Agus ithidh iad na nithean sin leis an d'rinneadh an réite, chum an coisreagadh agus an naomhachadh: ach cha-n ith coigreach *dhiubh*, do bhrìgh gu *bheil* iad naomh.

34 Agus ma dh'fhàgar a' bheag a dh'fheoil a choisreagaidh, no 'bheag de'n aran, gus a' mhaduinn, an sin loisgidh tu am fuigheall

le teine: cha-n ithear e, do bhrìgh gu *bheil* e naomh.

35 Agus ni thu mar so ri h-Aaron, agus r'a mhic, a réir nan uile *nithean* a dh'fàithin mise dhuìt: seachd làithean coisrigidh tu *iad*.

36 Agus bheir thu seachad gach là tarbh òg *mar* thabhartas-peacaidh, chum réite: agus glanaidh tu an altair, an uair a ni thu réite air a son, agus ungaidh tu i chum a naomhachadh.

37 Seachd làithean ni thu réite air son na h-altarach, agus naomhaichidh tu i; agus bithidh i 'n a h-altair ro naomh: gach ni a bheanas ris an altair, naomhaichear e.

38 Agus so an ni a bheir thu seachad air an altair; dà uan a dh'aois bliadhna, o là gu là an còmhnuidh.

39 Aon uan bheir thu seachad 's a' mhaduinn, agus an t-uan cile bheir thu seachad mu fheasgar.

40 Agus maille ris an aon uan an deich-eamh cuid de phlùr min measgta leis a' cheathramh cuid de hin a dh'òlaich bhrùite; agus an ceathramh cuid de hin a dh'fhion, *mar* thabhartais-dìbhe.

41 Agus an t-uan cile bheir thu seachad mu fheasgar, agus ni thu ris a réir tabhartais-bidh na maidne, agus a réir a tabhartais-dìbhe, mar fhàile cùbhraidh, tabhartas air a thoirt suas le teine do'n Tighearn.

42 *Bithidh so* 'n a thabhartas-loisgte bith-bhuan air feadh bhuir ginealach, aig dorus pàilliuin a' choimhthionail an làthair an Tighearna, far an coinnich mise sibh, a labhairt riutsa an sin.

43 Agus an sin coinnichidh mise clann Israeil, agus naomhaichear *am pàilliuin* le m' ghlòir.

44 Agus naomhaichidh mi pàilliuin a' choimhthionail, agus an altair: naomhaichidh mi mar an ceudna Aaron agus a mhic, gu frithealadh dhomh ann an dreuchd an t-sagairt.

45 Agus gabhaidh mi còmhnuidh an measg chloinn Israeil, agus bithidh mi a'm' Dhia aca.

46 Agus bithidh fios aca gur mise an Tighearn an Dia, a thug a mach iad á tìr na h-Eiphit, a chum 's gu'n gabh mi còmhnuidh 'n am measg: *Is* mise an Tighearn an Dia.

CAIB. XXX.

1 *Altair na tàise.* 11 *Eiric gach duine air son 'anam.* 22 *An oladh-ungaidh naomh.* 34 *An boltrachan cùbhraidh.*

AGUS ni thu altair a losgadh tùise a' oirre; de fhiodh sìtim ni thu i:

2 Làmh-choille a fad, agus làmh-choille a leud (ceithir-chearnach bithidh i) agus dà làmh-choille a h-àirde; *bithidh* a h-adhaircean de'n *ni* chendna.

3 Agus còmhdaichidh tu thairis i le h-òr fìor-ghlan, a mullach, agus a taobhan mu'n

cuairt, agus a h-adhaircean: agus ni thu dh'i coron òir mu'n cuairt.

4 Agus dà fhailbheig óir ni thu dh'i fo a coron; aig a dà oisinn ni thu *iad*, air a dà thaobh: agus bithidh iad air son àiteachan do na bataichibh chum a giùlan leo.

5 Agus ni thu na bataichean *de* fhiodh sitim, agus còmhdaichidh tu thairis iad le h-òr.

6 Agus cuiridh tu i fa chomhair ar roinn-bhrat, a tha làmh ri àire na Fianuis; air beulaobh na caithir-thròcair, a tha os ceann na Fianuis, far an coinnich mise thu.

7 Agus loisgidh Aaron tùis chùbhraidh oirre gach maduinn: an uair a dhèasaicheas e na lòchrain, loisgidh e tùis oirre.

8 Agus an uair a lasas Aaron na lòchrain mu fheasgar, loisgidh e tùis oirre; tùis bhith-bhuan an làthair an Tighearna, air feadh bhuir ginealach.

9 Cha loisg sibh tùis choimheach sam bith oirre, no iobairt-loisgte, no tabhartas-bidh; ni mò dhòirteas sibh tabhartas-dìbhe oirre.

10 Agus ni Aaron réite air a h-adhaircibh aon uair 's a' bhliadhna, le fuil iobairt-phacaidh na réite: aon uair 's a' bhliadhna ni e réite oirre, air feadh bhuir ginealachan: tha i ro naomh do'n Tighearna.

11 Agus labhair an Tighearna ri Maois, ag ràdh,

12 'N uair a ghabhas tu cumtas chloinn Israeil a réir an àireimh, an sin bheir gach duine dhiubh éiric air son 'anamais do'n Tighearna, 'n uair a dh'àirmheas tu iad; a chum nach bi plàigh 'n am measg, an uair a dh'àirmheas tu iad.

13 So bheir iad uatha, gach aon a théid seachad 'n am measgan a dh'àirmhear; leth seceil, a réir seceil an *ionaid* naomh (*s* e seceil fichead gerah) leth seceil mar tabhartas do'n Tighearna.

14 Bheir gach aon a théid seachad 'n am measgan a dh'àirmhear, o fhichead bliadhna dh'aois agus os a cheann, tabhartas do'n Tighearna.

15 Cha toir an saoi bhir tuilleadh, agus cha toir am bochd nì's lugha na leth seceil, an uair a bheir *iad* tabhartas do'n Tighearna, a dheanamh réite air son bhuir n-anaman.

16 Agus gabhaidh tu airgid na réite o chloinn Israeil, agus cuiridh tu air leth e fa chomhair seirbhìs pàilluin a' choimhthionail; agus bithidh e 'n a chumhneachan do chloinn Israeil an làthair an Tighearna, a dheanamh réite air son bhuir n-anaman.

17 Agus labhair an Tighearna ri Maois, ag ràdh,

18 Ni thu mar an ceudna soitheach-ionnlaid a *dh'*umha, agus a chos a *dh'*umha, chum ionnlaid: agus cuiridh tu e cadar pàilluin a' choimhthionail agus an altair, agus cuiridh tu uisge ann.

19 Agus ionnlaididh Aaron agus a mhic an làmh, agus an cosan as.

20 'N uair a théid iad a steach do phàill-lìun a' choimhthionail, ionnlaididh siad iad féin le h-uisge, chum as nach faigh iad bàs; no 'n uair a thig iad am fagus do'n altair a fhrithéaladh, a losgadh tabhartais a bheir car suas le teine do'n Tighearna.

21 Agus ionnlaididh iad an làmh agus an cosan, a chum as nach faigh iad bàs: agus bithidh e 'n a ordugh bith-bhuan dhoibh, *eadhon* dha féin agus d'a shliochd air feadh an ginealach.

22 Agus labhair an Tighearna ri Maois, ag ràdh,

23 Gabh-sa dhuit féin mar an ceudna spìosraidh thaghta de mhìrr fìor-ghlan, cùig ceud *secel*, agus de chanal cùbhraidh a leth uiread, *eadhon* dà cheud agus leth-cheud *secel*, agus de chalamus cùbhraidh dà cheud agus leth-cheud *secel*.

24 Agus de chasias cùig ceud *secel*, a réir seceil an *ionaid* naomh, agus hin de oladh a' chroinn-olaidh.

25 Agus ni thu dheth oladh-ungaidh naomh, oladh-ungaidh coimhmeasgta réir ealadhain an léigh; bithidh i 'n a h-oladh-ungaidh naomh.

26 Agus ungaidh tu pàillìun a' choimhthionail leatha, agus àire na Fianuis,

27 Agus am bòrd agus a shoithichean uile, agus an coinnleir agus a shoithichean, agus altair na tùise,

28 Agus altair na h-iobairt-loisgte agus a soitheachan uile, agus an soitheach-ionnlaid agus a chos.

29 Agus naomhaichidh tu iad, a chum as gu'm bi iad ro naomh: ge b'e nì a bheanas riu, bithidh e naomh.

30 Agus ungaidh tu Aaron agus a mhic, agus coisrigidh tu iad, gu frithealadh dhomhsa ann an dreuchd an t-sagairt.

31 Agus labhraidh tu ri cloinn Israeil, ag ràdh, Bithidh i so 'n a h-oladh-ungaidh naomh dhomhsa, air feadh bhuir ginealach.

32 Air feoil duine cha dòirtear i, ni mò a nì sibh a leithid, a réir a measgaidh: *tha* i naomh, agus naomh bithidh i dhuibh.

33 Ge b'e neach a mheasgas nì cosmhùil rithe, agus ge b'e neach a chuireas a' bheag dhith air coigreach, gu deimhin gearrar as o 'shluagh e.

34 Agus thubhairt an Tighearna ri Maois, Gabh dhuit spìosraidh chùbhraidh, stacte, agus onicha, agus galbanum; spìosraidh chùbhraidh maile ri tùis fhìor-ghloin: de gach aon diubh bithidh an t-aon tomhas.

35 Agus ni thu boltrachan deth, air a dheanamh suas a réir ealadhain an léigh, coimhmeasgta, fìor-ghlan, naomh.

36 Agus bruthaidh tu *cuid* deth ro mhìn, agus cuiridh tu *cuid* deth fa chomhair na Fianuis ann am pàillìun a' choimhthionail, far an coinnich mise thu: ro naomh bithidh e dhuibh.

37 Agus am boltrachan a nì thu, cha deam

sibh a' leithid duibh féin, a réir a mheas-
gaidh: bithidh e dhuitse naomh do'n Tighearn.

38 Ge b'e neach a ni a choslas, a ghabhail
fàile uaith, gearrar as o 'shluagh e.

CAIB. XXXI.

1 *Besaleel agus Aholiab air an gairm dh'ionn-
suidh oibre a' phàilliuin.* 12 *An t-sàbaid gu
bhli air a coimhead naomh.* 18 *Dà chàir na
Fianuis air an tabhairt do Mhaois.*

A GUS labhair an Tighearn ri Maois, ag
ràdh,

2 Feuch, ghairm mi air ainm Besaleel mac
Uri, mhic Hur, de thréibh Iudah;

3 Agus fion mi e le spiorad Dhé, ann an
gliocas, agus ann an tuigse, agus ann an
eòlas, agus anns gach uile ghné oibre,

4 A dhealbhadh oibre ealanta, a dh'oib-
reachadh ann an òr, agus ann an airgid,
agus ann an umha,

5 Agus ann an gearradh chlach a clum an
ceangal, agus ann an gearradh fiodha, a
dh'oibreachadh anns gach uile ghné oibre.

6 Agus mise, feuch, thug mi seachad maille
ris Aholiab mac Ahisamaich, de thréibh
Dhain; agus ann an cridhe gach neach a
tha glic-chridheach chuir mi gliocas, agus
ni iad gach ni a dh'aitn mi dhuit;

7 Pàilliuin a' choimhthionail, agus àire na
Fianuis, agus a' chaithir-thrócair a tha
oirre, agus uile uidheam a' phàilliuin,

8 Agus am bòrd agus 'uidheam, agus an
coinnleir fìor-ghlan le 'uidheam uile, agus
altair na tùise,

9 Agus altair na h-ìobairt-loisgte le h-uidhe-
am uile, agus an soitheach-ionnlaid agus a
chos,

10 Agus éididh na seirbhis, agus éididh
naomh air son Aaron an t-sagairt, agus
éididh a chuid mac, gu frithealachd ann an
drenchd an t-sagairt,

11 Agus an oladh-ungaidh, agus tùis
chùbhraidh air son an ìonaid naomh; a
réir nan uile nithean a dh'aitn mi dhuit, ni
iad.

12 Agus labhair an Tighearn ri Maois, ag
ràdh,

13 Labhair thusa mar an ceudna ri cloinn
Israeil, ag ràdh, Gu deimhin coimhididh
sibh mo shàbaidean: or *is* comharadh sin
eadar mise agus sibhse, air feadh bhur
ginealach; chum as gu'm bi fios agaibh gur
mise an Tighearn, a naomhaicheas sibh.

14 Coimhididh sibh uime sin an t-sàbaid;
oir a tha i naomh dhuibh. E san a thruail-
leas i, cuirear gu cinnteach gu bàs e; oir
gach neach a ni obair oirre, gearrar an
t-anam sin as o mheasg a shluagh.

15 Sè làithean feudar obair a dheanamh,
ach 's an t-seachdamh tha sàbaid fhois,
naomh do'n Tighearn: gach neach a ni
obair air là na sàbaid, cuirear gu cinnteach
gu bàs e.

16 Uime sin coimhididh clann Israeil an
t-sàbaid, a ghleidheadh na sàbaid air feadh
an ginealach, mar choimheangal sìor-
ruidh.

17 Eadar mise agus clann Israeil *is* com-
haradh i a chaoidh; oir ann an sè làithibh
rinn an Tighearn na nèamhan agus an
talamh, agus air an t-seachdamh là sguir e,
agus ghabh e fois.

18 Agus thug e do Mhaois, an uair a sguir
e de labhairt ris air slabh Shinaì, dà chàir
na Fianuis, clàir chloiche, sgrìobhta le meur
Dhé.

CAIB. XXXII.

1 *Thug an sluagh air Aaron laogh leaghta a
dheanamh.* 19 *Las corruich Mhaois, agus
bhris e clàir an lagha.* 30 Rinn e urnuigh ri
Dia air son an t-sluagh.

A GUS an uair a chunnaic an sluagh
gu'n d'rinn Maois moille ann an teachd
a nuas as an t-slabh, chruinnich iad iad féin
gu h-Aaron, agus thubhairt iad ris, Eirich
suas, dean dhuinn dée a théid romhainn;
oir a thaobh a' Mhaois so, an duine a thug
a mios sinn á tìr na h-Eiphit, cha-n'eil fhios
againn ciod a thàinig air.

2 Agus thubhairt Aaron riu, Brisibh
dhibh na chuas-fhailean òir a tha ann an
cluasaibh bhur ban, bhur mac, agus bhur
nigheanan, agus thugaibh a m' ionnsuidhs'
iad.

3 Agus bhris an sluagh uile dhiubh na
cluas-fhailean òir a tha 'n an cluasaibh,
agus thug iad gu h-Aaron iad.

4 Agus ghabh e iad as an àimh; agus
chum se e le inneal-gearraidh, an déigh dha
laogh leaghta dheanamh dheth, agus thu-
bhairt iad, Sin do dhée, O'Israeil, a thug
a mios thu á tìr na h-Eiphit.

5 Agus an uair a chunnaic Aaron e, thog e
altair fa'chomhair, agus thug Aaron gairm,
agus thubhairt e, *Is* là fàille am màireach
do'n Tighearn.

6 Agus dh'éirich iad suas gu moch air an
là màireach, agus thug iad suas tabhartais-
loisgte, agus thug iad leo tabhartais-sith:
agus shuidh an sluagh sìos a dh'itheadh agus
a dh'òl, agus dh'éirich iad suas gu sùgradh.

7 Agus thubhairt an Tighearn ri Maois,
Imich, falbh sìos; oir thruaill do shluagh,
a thug thu mach á tìr na h-Eiphit, iad féin.

8 Chlaon iad gu grad o'n t-slighe a dh'aitn
mise dhoibh: rinn iad dhoibh féin laogh
leaghta; agus rinn iad aoradh dha, agus
thug iad suas ìobairtean dha, agus thubh-
airt iad, Sin do dhée, O'Israeil, a thug
a mios thu á tìr na h-Eiphit.

9 Agus thubhairt an Tighearn ri Maois,
Chunnaic mise an sluagh so, agus, feuch, *is*
sluagh rag-mhuinealach iad.

10 A nis uime sin leig leam, agus lasaidh
mo chorruch 'n an aghaidh, agus claidhidh
mi iad: agus ni mi dhìotsa cinneach mòr.

11 Agus ghuidh Maois air an Tighearn a Dhia, agus thubhairt e, 'Car son, a Thighearn', a tha do chorruich a' lasadh an aghaidh do shluaigh, a thug thu mach á tìr na h-Eiphit le cumhachd mòr, agus le làimh thrèin?

12 'Car son a labhradh na h-Eiphitich, ag ràdh, Le droch rùn thug e mach iad, a chum am marbhadh 's na beanntaibh, agus an claidh bhàrr aghaidh na talmhainn? Pìll o d'chorruich ghaire, agus gabh aithreachas de'n olc so an aghaidh do shluaigh.

13 Cuimhnich air Abraham, Isaac, agus Israel, do sheirbhisich, d'an d'thug thu mionnan ort féin, agus r'an d'thubhairt thu, Nì mi bhrù sliochd liomhòr mar reultan nèimh, agus am fearann so uile mu'n do labhair mi, bheir mi d'ur sliochd-sa, agus sealbhaichidh iad e gu sìorruidh.

14 Agus ghabh an Tighearn aithreachas de'n olc a thubhairt e gu'n deanadh e air a shluaigh.

15 Agus thionndaidh Maois, agus chaidh e sìos as an t-sliabh, agus dà chlàr na Fianuis 'n a làimh: *bha* na clàir sgrìobhta air an dà thaobh; air an taobh so, agus air an taobh ud eile *bha* iad sgrìobhta.

16 Agus b'iad na clàir obair Dhé, agus b'e 'n sgrìobhadh sgrìobhadh Dhé, gearrta air na clàraibh.

17 Agus chuala Iosua toirm an t-sluaigh an uair a rinn iad gàir, agus thubhairt e ri Maois, *Tha* toirm chogaidh 's a' champ.

18 Agus thubhairt e, Cha-n e guth *dhaoiné* a' deanamh gàir air son na buadha, cha mhò *is e guth dhaoiné* ag éigheach a chionn gu'n d'thugadh buaidh orra, *ach* toirm luchd gabhail ciuil a tha mi a' cluinntinn.

19 Agus co luath 's a thàinig e 'm fagus do'n champ, chunnaic e 'n laogh, agus an dannsa: agus las corruich Mhaois, agus thilg e na clàir as a làimh, agus bhris e iad aig bun an t-sléibh.

20 Agus ghabh e 'n laogh a rinn iad, agus loisg e 's an teine e, agus mheil e gu smùr e, agus chrath e air an uisge e, agus thug e air cloimn Israeil òr *dheth*.

21 Agus thubhairt Maois ri h-Aaron, Ciod a rinn an sluagh so ort, gu'n d'thug thu peacadh co mòr orra?

22 Agus thubhairt Aaron, Na lasadh fearg mo thighearna: is aithne dhuit an sluagh, gu'm bheil iad *so-aomaidh* dh'iomsuidh an uile.

23 Oir thubhairt iad rium, Dean dhuinn dée, a théid romhainn; oir a thaobh a' Mhaois so, an duine a thug a mach sinn á tìr na h-Eiphit, cha-n fhios duinn ciod a thàinig air.

24 Agus thubhairt mi riut, Gach neach aig am bheil a bheag a dh'òr, briseadh e dheth e: agus thug iad dhomh e, agus thilg mi 's an teine e, agus thàinig a mach an laogh so.

25 Agus an uair a chunnaic Maois gu'n robh an sluagh ruisgte, (oir rùsg Aaron iad a chum an nàire am measg an naimhdean.)

26 An sin sheas Maois ann an geata a' chaimp, agus thubhairt e, Cò 'tha leis an Tighearn? *thigeadh* e amionnsuidh-sa. Agus chruinnich mic Lebhi uile d'a ionnsuidh.

27 Agus thubhairt e riu, Mar so tha 'n Tighearn Dia Israeil ag ràdh, Cuireadh gach duine agaibh a chlaidheamh air a leis, agus rachaibh a steach agus a mach o' gheata gu geata air feadh a' chaimp, agus marbhadh gach duine agaibh a bhràthair, agus gach duine a chompanach, agus gach duine a choimhearsnach.

28 Agus rinn clann Lebhi a réir focail Mhaois: agus thuit de'n t-sluaigh 's an là sin mu thimcheall thri mìle fear.

29 Oir thubhairt Maois, Coisrigibh sibh féin an duigh do'n Tighearn, eadhon gach duine air a mhae, agus air a bhràthair; a chum as gu'm builich e oirbh beannachadh air an là 'n diugh.

30 Agus air an là màireach thubhairt Maois ris an t-sluaigh, Pheacaich sibh peacadh mòr: agus a nis théid mise suas a dh'iomsuidh an Tighearna, a dh'fheuchainn an dean mi réite air son blur peacaidh.

31 Agus phill Maois a dh'iomsuidh an Tighearna, agus thubhairt e, Och! pheacaich an sluagh so peacadh mòr, agus rinn iad dhoibh féin diathan òir:

32 Gidheadh a nis, ma's toil leat, maith dhoibh am peacadh; ach mur *maith*, dubh mise, guidheam ort, a mach as do leabhar a sgrìobh thu.

33 Agus thubhairt an Tighearn ri Maois, Ge b'e a pheacaich a'm' aghaidh, esan dubhaidh mi mach as mo leabhar.

34 Uime sin a nis imich, treòraich an sluagh a chum an *ionaid* mu'n do labhair mi riut; feuch, théid m'aingear romhad: gidheadh, 's an là am fiosraich mi, leanaidh mi am peacadh orra.

35 Agus chlaoidh an Tighearn an sluagh, a chionn gu'n d'rinn iad an laogh, a rinn Aaron.

CAIB. XXXIII.

1 *Dh'èid an Tighearn dol leis an t-sluaigh. 9 Labhair e ri Maois. 18 Ghuidh ean air Dia gu'm foillsicheadh e a ghloir dha.*

AGUS thubhairt an Tighearn ri Maois, Imich, falbh suas a so, thu féin agus an sluagh a thug thu mach á tìr na h-Eiphit, a dh'iomsuidh na tìre a mhionnaich mi do Abraham, do Isaac, agus do Iacob, ag ràdh, Do d' shliochd-sa bheir mi i:

2 Agus cuiridh mi aingear romhad: agus fuadaichidh mi mach an Canaanach, an t-Amorach, agus an t-Hiteach, agus an Peridseach, agus an t-Hibheach, agus an Iebusach;

3 A dh'iomsuidh fearainn a tha 'sruthadh

le bainne agus mil: oir cha téid mi suas a'd' mheasg, oir *is* sluagh rag-mhuinealach thu; air eagal gu'n claidh mi thu 's an t-slighe.

4 Agus an uair a chual' an sluagh an droch sgeul so, rinn iad bròn; agus cha do chuir duine sam bith air a bhrèaghadh.

5 Oir thubhairt an Tighearn ri Maois; Abair ri cloinn Israeil, *Is* sluagh rag-mhuinealach sibh: ann am platha théid mi suas 'n'ur measg, agus claidhidh mi sibh: a nis uime sin cuiribh dhibh bhuir brèaghadh, a chum as gu'm bi fios agam ciod a ni mi ribh.

6 Agus rùisg clann Israeil am brèaghadh dhiubh làmh ri sliabh Horeb.

7 Agus ghabh Maois am pàillium, agus shuidhich e 'n taobh a mach de'n champ e, fad o'n champ, agus thug e pàillium a' choimhthionail mar ainm air. Agus 'n a lorg sin, chaidh gach neach a bha 'g iarraidh an Tighearna a mach do phàillium a' choimhthionail, a bha 'n taobh a muigh de'n champ.

8 Agus an uair a chaidh Maois a mach do'n phàillium, dh'éirich an sluagh gu léir suas, agus sheas gach duine aig dorus a bhùtha, agus dh'amhaire iad an déigh Mhaois, gus an deachaidh e stigh do'n phàillium.

9 Agus an uair a chaidh Maois a stigh d'on phàillium, thàinig am meall neoila nuas, agus sheas e aig dorus a' phàillium, agus labhair an Tighearn ri Maois.

10 Agus chunnaic an sluagh uile am meall neoil 'n a sheasamh aig dorus a' phàillium: agus dh'éirich an sluagh uile suas, agus rinn iad aoradh, gach duine ann an dorus a bhùtha.

11 Agus labhair an Tighearn ri Maois aghaidh ri h-aghaidh, mar a labhras duine r'a charaid. Agus phill e ris do'n champ; ach cha deachaidh a sheirbhiseach Iosua, mac Nuin, duine òg, a mach as a' phàillium.

12 Agus thubhairt Maois ris an Tighearn, Feuch, *tha* thu 'g ràdh rium, Thoir suas an sluagh so; agus cha d'thug thu fios domh cò 'chuireas tu maille rium. Gidheadh thubhairt thu, Is aithne dhomh thu air d'ainm, agus mar an ceudna fhuair thu deadh-ghean a'm' shùilibh.

13 A nis uime sin, guidheam ort, ma fhuair mi deadh-ghean a'd' shùilibh, nochd dhomh do shlighe, a chum as gu'm biaithne agam ort, agus gu'm faigh mi deadh-ghean a'd' shùilibh, agus meas gur e 'n cinneach so do shluagh-sa.

14 Agus thubhairt e, Théid mo làthair-eachd *leat*, agus bheir mi fois dhuit.

15 Agus thubhairt e ris, Mur téid do làthaireachd *maille ruinn*, na toir suas sinn á so:

16 Oir ciod e leis an aithnichear ann an so, gu'n d'fhuair mise agus do shluagh deadh-ghean a'd' shùilibh? Nach ann le d'

dhòl maille ruinn? Mar so dealaichear sinn, mise agus do shluagh, o gach uile shluagh a *tha* air aghaidh na talmhainn.

17 Agus thubhairt an Tighearn ri Maois, An ni so mar an ceudna a thubhairt thu, ni mise; oir fhuair thu deadh-ghean a'm' shùilibh, agus is aithne dhomh thu air d'ainm.

18 Agus thubhairt esan, Foillsich dhomh guidheam ort, do ghloir.

19 Agus thubhairt e, Bheir mi air mo mhaithneas uile dol seachad ann ad làthair, agus gairmidh miainman TIGHEARN' a'd' fhianais; agus bithidh mi gràsmhor dhasan d'am bi mi gràsmhor, agus nochdaidh mi trècair dhasan d'an nochd mi trècair.

20 Agus thubhairt e, Cha-n fhead thu m'aghaidhs' fhaiceinn; oir cha-n fhaic duine air bith mise, agus e beò.

21 Agus thubhairt an Tighearn, Feuch, *tha* àite làmh rium, agus seasaidh tusa air carraig:

22 Agus an uair a bhios mo ghloir a' dol seachad, an sin cuiridh mi thu ann an sgoltadh de'n charraig, agus còmhdaichidh mi le m' làmh thu gus an téid mi seachad.

23 Agus bheir mi air falbh mo làmh, agus chì thu mo chùlaobh; ach cha-n fhaicear m'aghaidh.

CAIB. XXXIV.

1 *Dh'ath-nuadhaicheadh clàir an lagha.* 5 *Ghairmeadh air ainm an Tighearna.* 10 *Rinn Dia còmhcheangal r'a shluagh.*

AGUS thubhairt an Tighearn ri Maois, A Snaidh dhuit féin dà chlàir chloiche cosmhuil ris na ceud *chlàir*; agus sgrìobhaidh mis' air na clàir *sin* na focail a bha air na ceud chlàir, a bhris thu.

2 Agus bi deas 's a' mhaduinn, agus thig a nìos 's a' mhaduinn do shliabh Shinai, agus nochd thu féin an sin dhomhs' air mullach an t-sléibh.

3 Agus na tigeadh duine sam bith a nìos maille riut, agus na faicear duine 's an t-sliabh uile, agus na h-ionaltradh na treudan no'm buar fa chomhair an t-sléibh sin.

4 Agus shnaidh e dà chlàir chloiche, cosmhuil ris na ceud *chlàir*; agus dh'éirich Maois suas gu moch 's a' mhaduinn, agus chaidh e suas do shliabh Shinai, mar a dh'èithn an Tighearn dha, agus thug e leis 'n a làmh an dà chlàir chloiche.

5 Agus thàinig an Tighearn nuas ann an neul, agus sheas e maille ris an sin; agus ghairm e air ainm an Tighearna.

6 Agus chaidh an Tighearn seachad fa 'chomhair, agus ghairm e, an TIGHEARN, AN TIGHEARN DIA, iochdmhor agus gràsmhor, fad-fhulangach, agus pailt ann an caomhneas agus ann am fìrinn,

7 A' gleidheadh trècair do mhiltibh, a maitheadh aingidheadh agus eusaontais,

agus peacadh, agus nach saor air aon dòigh *an ciontach*; a' leantuinn aingidheachd nan aithrichean air a' chloinn, agus air cloinn na cloinne, air an treas agus air a' cheathramh *ginealach*.

8 Agus rinn Maois deifir, agus chrom e a cheann ri làr, agus rinn e aoradh.

9 Agus thubhairt e, Ma fhuair mi nis deadhighean a'd' shùilibh, O 'Thighearna, rachadh mo Thighearna, guidheam ort, 'n ar measg, (oir is sluagh rag-mhuinealach iad,) agus maith dhuinn ar n-aingidheachd agus ar peacadh, agus gabh sinn mar d'òigh-reachd féin.

10 Agus thubhairt e, Feuch, ni mise coimhcheangal; ann an làthair do shluaigh uile ni mi nithean iongantach, nithean nach d'rinneadh an leithid air an talamh uile, no ann an aon chinneach: agus chi an sluagh uile, am measg *am bheil* thu, obair an Tighearna: oir is ni uamhasach a ni mise riut.

11 Coimhid thusa an ni a *tha* mi'g àithneadh dhuit an diugh: Feuch, fuadaichidh mi mach romhad an t-Amorach, agus an Canaanach, agus an t-Hiteach, agus an Peridseach, agus an t-Hibheach, agus an Iebusach.

12 Thoir an aire dhuit féin, air eagal gu'n dean thu coimhcheangal ri luchd-àiteachaidh na tìre d'am bheil thu 'dol, air eagal gu'm bi e 'n a ribeadh a'd' mheadhon:

13 Ach sgriosaidh sibh an altairean, agus brisidh sibh an dealbhan, agus gearraidh sibh sìos an doireachan.

14 Oir cha dean thu aoradh do dhia sam bith eile; oir an Tighearna, d'an ainm Eudmhor, is Dia eudmhor e:

15 Air eagal gu'n dean thu coimhcheangal ri luchd-àiteachaidh na tìre, agus gu'n téid iad le strìopachas an dèigh an diathan, agus gu'n toir iad ìobairt d'an diathan, agus gu'n toir *neach* cuireadh dhuit, agus gu'n ith thu *da* ìobairt;

16 Agus gu'n gabh thu d'an nigheanaibh do d' mhic, agus gu'n téid an nigheanan le strìopachas an dèigh an diathan, agus gu'n toir iad air do mhic dol le strìopachas an dèigh an diathan.

17 Cha dean thu dhuit féin diathan leaghta.

18 Féill an arain neo-ghoirtichte cumaidh tu: seachd làithean ithidh tu aran neo-ghoirtichte, mar a dh'àithn mi dhuit, ann an àm a' mhìos Abib; oir anns a' mhìos Abib thàinig thu mach as an Eiphit.

19 Gach *ni* a dh'fhosglaas a' bhrù *is* leams' e; agus gach ceud-ghin am measg do spréidhe, *ma's ann* de'n bhuar no de na caoraich e, a *bhitheas* firionn.

20 Ach ceud-ghin asail fuasglaidh tu le h-uain; agus mur fuasgail thu e, an sin brisidh tu 'amhach. Uile cheud-ghin do mhac fuasglaidh tu; agus cha nochdar a h-aon a'm' làthair-sa falamh.

21 Sè làithean ni thu obair, ach air an t-seachdamh là gabhaidh tu fois: ann an àm an treabhaidh agus anns an fhoghar gabhaidh tu fois.

22 Agus cumaidh tu féill nan seachduin, a' cheud toraidh de fhoghar a' chruithneachd, agus féill a' chròdhaidh ann an deireadh na bliadhna.

23 Tri uairean 's a' bhliadhna nochdar do mhic uile 'an làthair an Tighearna Iehoblah, Dé Israel:

24 Oir tilgidh mi mach na cinnich romhad, agus ni mi do chriochean ni's farsuinge; agus cha mhianmaich duine sam bith d'fhearann, an uair a théid thu suas g'ad nochdadh féin 'am fianuis an Tighearna do Dhé, tri uairean 's a' bhliadhna.

25 Cha-n ìobair thu fuil ni'òbairt-sa le taois ghoirt, cha mhò a dh'fhàgar gu ma-duinn ìobairt féill na caisge.

26 Toiseach ceud thoraidh d'fhearainn a bheir thu do thigh an Tighearna do Dhé. Cha bhruidh thu meann 'am bainne a mliathar.

27 Agus thubhairt an Tighearna ri Maois, Sgrìobh thusa na focail so: oir a réir brìgh nam focal so rinn mise coimhcheangal riut féin, agus ri h-Israel.

28 Agus bha e 'n sin maille ris an Tighearna dà fhlichead là agus dà fhlichead oidheche; cha d'ith e aran, ni mò dh'òl e uisge: agus sgrìobh e air na clàir focail a' choimhcheangail, na deich àitheantan.

29 Agus an uair a thàinig Maois a nuas o shliabh Shinaì, (le dà chlàr na Fianuis ann an làimh Mhaois, an uair a thàinig e nuas o'n t-sliabh) cha robh fios aig Maois gu'n do dhealraich croicionn 'aghaidh, am feadh 's a bha e 'còmhraidh ris.

30 Agus d'fhamhaire Aaron agus clann Israel uile air Maois; agus, feuch, dhealraich croicionn 'aghaidh, agus bha eagal orra teachd an fagus da.

31 Agus ghairm Maois orra; agus phill Aaron agus nachdarain a' choimhthionail uile d'a ionnsuidh: agus rinn Maois còmhraidh ri u.

32 Agus 'n a dhéigh sin thàinig clann Israel uile an iagus da; agus dh'àithn e dhoibh na h-uile *nithean* a labhair an Tighearna ris ann an sliabh Shinaì.

33 Agus sguir Maois a labhairt riu; agus chuir e gnùis-bhrat air 'aghaidh.

34 Ach an uair a chaidh Maois a steach an làthair an Tighearna a labhairt ris, thug e 'n gnùis-bhrat deth, gus an d'thàinig e mach. Agus thàinig e mach, agus labhair e ri cloinn Israel *an ni sin* a dh'àithneadh dha.

35 Agus chunnaic clann Israel aghaidh Mhaois, gu'n do dhealraich croicionn aghaidh Mhaois: agus chuir Maois an gnùis-bhrat air 'aghaidh a ris, gus an deachaidh e stigh a labhairt ris.

CAIB. XXXV.

- 1 *Tha'n t-sàbaid gu' bli air a coimhead naomh.*
 4 *Saor thabhartais air son a' phàilliuin.* 20
Thug an sluagh gu toileach seachad iad.

AGUS chruinnich Maois coimhthional chloinn Israeil uile r'a chéile, agus thubhairt e riu, Sin na nithean a dh'aithn an Tighearn, gu'n deanadh sibh iad.

2 Sè làithean nithear obair, ach bithidh an seachdamh là dhuibh 'n a là naomh, 'n a shàbaid thàimh do'n Tighearn: ge b'e neach a ni obair air, cuirear gu bàs e.

3 Cha-n fhadaidh sibh teine sam bith air feadh bhur n-àitcachan-còmhnuidh air là na sàbaid.

4 Agus labhair Maois ri coimhthional chloinn Israeil uile, ag ràdh, So an ni a dh'aithn an Tighearn, ag ràdh,

5 Togaibh 'n 'ur measg tabhartas do'n Tighearn: gach neach aig am bheil cridhe toileach, thugadh e leis e, tabhartas do'n Tighearn; òr, agus airgiod, agus umha,

6 Agus gorm, agus corcur, agus scarlaid, agus anart grinn, agus fionnadh ghabhar,

7 Agus croicinnean reitheachan air an dath dearg, agus croicinnean bhroc, agus fiodh sitim,

8 Agus oladh air son soluis, agus spìosraidh air son oladh-ungaidh, agus air son tùise cùbhraidh,

9 Agus clachan onics, agus clachan a chum an ceangal, air son na h-ephoid, agus air son na h-uchd-éididh.

10 Agus thigeadh gach duine glic-chridheach 'n 'ur measg, agus deanadh e gach ni a dh'aithn an Tighearn;

11 Am pàilliuin, a bhùth, agus a chòmhdach, a chromagan, agus a bhuird, a chroinn, a phuist, agus a bhuinn;

12 An àir agus a bataichean, a' chaithir-thròcair agus roinn-bhrat a' chòmhdach;

13 Am bòrd agus a bhataichean, agus a shoithichean uile, agus an t-aran-tais-beanaidh;

14 Agus an coinnleir a chum an t-soluis, agus uidheam, agus a lòchrain, maille ri oladh chum an t-soluis;

15 Agus altair na tùise, agus a bataichean, agus an oladh-ungaidh, agus an tùis chùbhraidh, agus an cùrtein air son doruis a' phàilliuin;

16 Altair na h-iobairt-loisgte agus a cliath umha, a bataichean, agus a soithichean uile, an soitheach-ionnlaid agus a chos;

17 Cùrteinean na cùrte, a puist agus a buinn, agus cùrtein air son doruis na cùrte;

18 Pinneachan a' phàilliuin, agus pinn-eachan na cùrte, agus ar cùird;

19 Eìdidh an fhrithealaidh, a fhrithealadh 's an *ionad* naomh, an éididh naomha air son Aaroin an t-sagairt, agus éididh air son a chuid mac, a fhrithealadh ann an dreuchd an t-sagairt.

20 Agus dh'fhalbh coimhthional chloinn Israeil uile á làthair Mhaois.

21 Agus thàinig iad, gach duine a dhùisg a chridhe suas, agus gach duine a rinn a chridhe toileach, agus thug iad leo tabhartas an Tighearna air son oibre pàilliuin a' choimhthional, agus air son a sheirbhis uile, agus air son na h-éididh naomh.

22 Agus thàinig iad, araon fir agus mnathan, a' mheud's aig an robh cridhe toileach, agus thug iad leo bràistean agus cluas-fhaillean, agus fàinneachan, agus crìosa-muineil, gach uidheam òir: agus gach fear a thug seachad, *thug e seachad* tabhartas òir do'n Tighearn.

23 Agus gach fear aig an d'fhuaradh gorm, agus corcur, agus scarlaid, agus anart grinn, agus fionnadh ghabhar, agus croicinnean dearg reitheachan, agus croicinnean bhroc, thug iad leo iad.

24 Gach duine a thug seachad tabhartas airgid agus umha, thug e leis tabhartas an Tighearna: agus gach duine aig an d'fhuaradh fiodh sitim chum oibre sam bith do'n t-seirbhis, thug e leis e.

25 Agus shnìomh na mnathan uile a bha glic-chridheach le'n lùmhan, agus thug iad leo an ni a shnìomh iad, an gorm, agus an corcur, an scarlaid, agus an t-anart grinn.

26 Agus na mnathan uile a dhùisg an cridhe suas ann an gliocas, shnìomh iad fionnadh ghabhar.

27 Agus thug na h-uachdarain leo clachan onics, agus clachan chum an ceangal, air son na h-ephoid, agus air son na h-uchd-éididh;

28 Agus spìosraidh, agus oladh air son an t-soluis, agus air son na h-oladh-ungaidh, agus air son na tùise cùbhraidh.

29 Thug clann Israeil tabhartas toileach a dh'ionnsuidh an Tighearna, gach fear agus bean a rinn an cridhe toileach a thoirt a chum gach gnè oibre, a dh'aithn an Tighearn a dèanamh le lùimh Mhaois.

30 Agus thubhairt Maois ri cloinn Israeil, Faicibh, ghairm an Tighearn air ainm Besalel mac Uri, mbic Hur, de thréibh Iudah:

31 Agus lion se e le spiorad Dhé, ann an gliocas, ann an tuigse, agus ann an còlas, agus anns gach gnè oibre;

32 Agus a dhealbhadh oibre ealanta, a dh'oibreachadh ann an òr, agus ann an airgiod, agus ann an umha,

33 Agus ann an gearradh chlach chum an ceangal, agus ann an snaidheadh fiodha, a dheanadh gnè sam bith a dh'obair ealanta.

34 Agus chuir e 'n a chridhe gu'n teagaisgeadh e, e féin agus Aholiab mac Ahasamaich, de thréibh Dhain.

35 Lìon e iadsan le gliocas cridhe, a dh'oibreachadh gach gnè oibre, oibre a' ghearradair, agus an oibrichean ealanta, agus an

oibrichean le snàthaid ann an gorm, agus ann an corcur, ann an scarlaid, agus ann an anart grinn, agus an fhligheadair, a ni obair sam bith, agus a dhealbhas obair ealanta.

CAIB. XXXVI.

1 *Thugadh na tabhartais do'n luchd-oibre. 6 Thoirmisgeadh do'n t-sluagh tuilleadh a thoirt leo. 8 Rinneadh cùirteinean agus buird air son a' phàilliuin.*

A GUS dh'oibrich Besaleel agus Aholiab, agus gach duine glic-chridheach d'an d'thug an Tighearn gliocas agus tùr, a thugisinn cionnus a dheanadh iad gach gné oibre air son seirbhis an *ionaid* naoimh, a réir gach ni a dh'àithn an Tighearn.

2 Agus ghairm Maois air Besaleel, agus air Aholiab, agus air gach duine glic-chridheach, d'an d'thug an Tighearn gliocas 'n a chridhe, *eadhon* gach aon a dhuìsg a chridhe suas, gu teachd a chum na h-oibre g'a deanamh.

3 Agus ghabh iad o Mhaois na tabhartasan nìle a thug clann Israeil leo chum oibre seirbhis an *ionaid* naoimh, g'a deanamh. Agus thug iad fathast d'a ionnsuidh saor thabhartasan gach aon mhadninn.

4 Agus thàinig na daoine glic uile, a rinn uil' obair an *ionaid* naoimh, gach duine ac' o 'obair féin a bha iad a' deanamh;

5 Agus labhair iad ri Maois, ag ràdh, Tha 'n sluagh a' toirt leo tuilleadh gu mòr na nì's leòr, a chum seirbhis na h-oibre a dh'àithn an Tighearn a d'heanamh.

6 Agus dh'àithn Maois, agus thugadh gairm air feadh a' chaimp, ag ràdh, Na deanadh fear no bean sam bith tuilleadh oibre air son tabhartais an *ionaid* naoimh. Mar sin thoirmisgeadh do'n t-sluagh *nì sam bith* a thabhairt leo.

7 Oir bu leòr an t-uidheam a bh'aca air son na h-oibre uile, g'a deanamh, agus bu tuilleadh 's ni bu leòr e.

8 Agus rinn gach duine glic-chridheach 'n am measg-san a dh'oibrich obair a' phàilliuin, deich cùirteinean *de* anart grinn toimnte, agus *de* ghorm, agus *de* chorcur, agus *de* scarlaid; *le* cherubaibh a dh'obair ealanta rinn e iad:

9 Fad aon chùirtein ochd làmhlan-coille thar fhichead, agus lènd aon chùirtein ceithir làmhlan-coille: na cùirteinean uile dh'aon tomhas.

10 Agus cheangail e cùig cùirteinean gach aon r'a chèile: agus na cùig cùirteinean *eile* cheangail e gach aon r'a chèile.

11 Agus rinn e lùban de ghorm air oir aoin chùirtein, e 'n iomall 's a' cho-aonadh: air a' mhodh cheudna rinn e ann an oir a' chùirtein *eile* 's faide mach, ann an co-aonadh an dara *aoin*.

12 Leth-cheud lùb rinn e ann an aon chùirtein, agus leth-cheud lùb rinn e ann an

iomall a' chùirtein a bha ann an co-aonadh an dara *aoin*: cheangail na lùban aon chùirtein ri cùirtein eile.

13 Agus rinn e leth-cheud cromag òir, agus choimhcheangail e na cùirteinean aon ri h-aon leis na cromagaibh. Mar sin rinneadh e 'n a aon phàillinn.

14 Agus rinn e cùirteinean de *f'hionnadh* ghabhar, air son a' bhùtha os ceann a' phàilliuin: aon chùirtein deng rinn e dhiubh:

15 *B'e* fad aon chùirtein deich làmhlan-coille thar fhichead, agus ceithir làmhlan-coille leud aon chùirtein: *bha'n* t-aon chùirtein deug a dh'aon tomhas.

16 Agus choimhcheangail e cùig cùirteinean leo féin, agus se chùirteinean leo féin.

17 Agus rinn e leth-cheud lùb air an foir a b'fhaide mach de'n chùirtein 's a' choimhcheangail, agus leth-cheud lùb rinn e air oir a' chùirtein a tha coimhcheangalan dara *aoin*.

18 Agus rinn e leth-cheud cromag a dh'umha, a cheangal a' bhùtha r'a chèile, chum as gu'm biodh e 'n a aon.

19 Agus rinn e còmhach do'n bhùth, *de* chroicinnibh reitheachan air an dath dearg, agus còmhach *de* chroicinnibh bhroc os a cheann.

20 Agus rinn e bùird do'n phàilliuin *de* fhiodh sitim, 'n an seasamh:

21 Deich làmhla-coille fad bùird, agus làmh-choille gu leth leud aon bhùird.

22 *Bha* dà làimh aig aon bhòrd, air an cur 'an ordugh aon fa chionhair aoin: mar so rinn e ri bùird a' phàilliuin uile.

23 Agus rinn e bùird do'n phàillinn: fichead bòrd air son an taoibh dh'ois, ris an àirde deas.

24 Agus dà fhichead cos airgid rinn e fo 'n fhichead bòrd: dà chois fo aon bhòrd a réir a dhà làimh, agus dà chois fo bhòrd eile a réir a dhà làimh.

25 Agus air son taoibh eile a' phàilliuin *a tha* ris an àirde t'nath, rinn e fichead bòrd.

26 Agus an dà fhichead cos a dh'airgid: dà chois fo aon bhòrd, agus dà chois fo bhòrd eile.

27 Agus air son taobhan a' phàillinin ris an àird an iar, rinn e se bhùird.

28 Agus rinn e dà bhòrd air son oisinnean a' phàilliuin 's an dà thaobh.

29 Agus bha iad air an ceangal ri 'chéile foidhe, agus mar an ceudna bha iad air an coimhcheangal aig a cheann ri h-aon fhailbheig: mar so rinn e rin le 'chéile 's an dà oisinn.

30 Agus bha ochd bhùird ann, agus an cosan a dh'airgid, *eadhon* se cosa deng; dà chois fo gach bòrd.

31 Agus rinn e croinn de fhiodh sitim, chig air son bhòrd aon taoibh de'n phàillinn.

32 Agus cùig croinn air son bhòrd an taoibh eile de'n phàillinn, agus cùig croinn air son

bhòrd a' phàilliuin a chum nan taobh a tha ris an àird an iar.

33 Agus thug e air a' chrann mheadhionach dol troimh na buird o cheann gu ceann.

34 Agus chòmhdaich e thairis na buird le h-òr, agus rinn e'm failbheagan a dh'òr gu bhà 'n an àitibh do na croimn, agus chòmhdaich e thairis na croimn le h-òr.

35 Agus rinn e roinn-bhrat de ghorm, agus de chorcur, agus de scarlaid, agus de anart grinn toinnte: dh'obair ealanta rinn se e, le cherubaibh.

36 Agus rinn e dha ceithir puist de fhiodh sitim, agus chòmhdaich e thairis iad le h-òr: bha 'n cromagan a dh'òr, agus thilg e dhoibh ceithir buinn airgid.

37 Agus rinn e air son doruis a' bhùtha brat de ghorm, agus de chorcur, agus de scarlaid, agus de anart grinn toinnte, dh'obair shnàthaide:

38 Agus a chùig puist le 'n cromagaibh: agus chòmhdaich e thairis an cinn, agus an cuairteagan le h-òr: ach bha 'n cùig buinn a dh'umha.

CAIB. XXXVII.

1 An àire. 6 Caithir-thròcair le cherubaibh. 10 Am bòrd le shoithicheibh. 17 An coinnleir òir. 25 Altair na tùise. 29 An oladh-ungaidh.

AGUS rinn Besaleel an àire de fhiodh sitim; dà làmh-choille gu leth a fad, agus làmh-choille gu leth a h-àirde:

2 Agus chòmhdaich e thairis i le h-òr fìor-ghlan a stigh agus a muigh; agus rinn e coron òir dh'i mu'n cuairt.

3 Agus thilg e dh'i ceithir failbheagan òir, gu bhà air a ceithir oisinnibh; eadhon dà fhailbheig air aon taobh dh'i, agus dà fhailbheig air an taobh eile dh'i.

4 Agus rinn e bataichean de fhiodh sitim, agus chòmhdaich e thairis iad le h-òr.

5 Agus chuir e na bataichean anns na failbheagaibh air taobhan na h-àirce, chum an àire a ghiùlan.

6 Agus rinn e caithir-thròcair a dh'òr fìor-ghlan: dà làmh-choille gu leth a fad, agus làmh-choille gu leth a leud.

7 Agus rinn e dà cherub a dh'òr, buailte mach á h-aon mhìr rinn e iad, aig dà cheann na caithir-thròcair;

8 Aon cherub aig a' cheann air an taobh so, agus cherub eile aig a' cheann air an taobh ud: a mach as a' chaithir-thròcair rinn e na cheruban aig a dà cheann.

9 Agus bha na cheruban a' sgaoileadh an sgiathan gu h-àrd, a' còmhachadh le 'n sgiathaibh os ceann na caithir-thròcair, agus an aghaidhean r'a chéile; ris a' chaithir-thròcair bha aghaidhean nan cherub.

10 Agus rinn e'm bòrd de fhiodh sitim: dà làmh-choille 'fhad, agus làmh-choille a leud, agus làmh-choille gu leth 'àirde.

11 Agus chòmhdaich e thairis e le h-òr fìor-ghlan, agus rinn e dha coron òir mu'n cuairt.

12 Mar an ceudna rinn e dha iomall de leud boise mu'n cuairt; agus rinn e coron òir d'a iomall mu'n cuairt.

13 Agus thilg e dha ceithir failbheagan òir, agus chuir e na failbheagan air na ceithir oisinnibh a bha aig a cheithir chos-aibh.

14 Thall fa chomhair an iomaill bha na failbheagan, na h-àiteachan do na bataichibh gus am bòrd a ghiùlan.

15 Agus rinn e na bataichean de fhiodh sitim, agus chòmhdaich e thairis iad le h-òr, gus am bòrd a ghiùlan.

16 Agus rinn e na soithichean a bha air a' bhòrd, a mhiasan, agus a thùiseirean, agus a chopain, agus a chuachan leis an toircar seachad tabhartas-dibhe, a dh'òr fìor-ghlan.

17 Agus rinn e 'n coinnleir a dh'òr fìor-ghlan; a dh'obair bhualte rinn e 'n coinnleir: bha a chos, agus a mheur, a chopain, a chnapan, agus a bhàthan, de'n nì cheudna.

18 Agus se meoir a' dol a mach as a thaobhan: trì meoir a' choinnleir á h-aon taobh dheth, agus trì meoir a' choinnleir an taobh eile dheth.

19 Tri copain air an deanamh cosmhuil ri almonaibh ann an aon mheur, maille ri cnap agus blàth; agus tri copain air an deanamh cosmhuil ri almonaibh ann am meur eile, maille ri cnap agus blàth: mar sin anns na se meoir a' dol a mach as a' choinnleir.

20 Agus anns a' choinnleir bha ceithir copain air an deanamh cosmhuil ri almonaibh, maille r'a chnap agus a bhàthan.

21 Agus cnap fo dhà mheur dheth, agus cnap fo dhà mheur dheth, a réir nan se meur a' dol a mach as.

22 Bha 'n cnap agus am meoir de'n nì cheudna: b'aon obair bhualte a dh'òr fìor-ghlan an t-iomlan deth.

23 Agus rinn e a sheachd lòchrain, agus a smàladairean, agus a shoithichean-smàlaidh, dh'òr fìor-ghlan.

24 De thàlam òir fhìor-ghloin rinn se e, agus a shoithichean uile.

25 Agus rinn e altair na tùise de fhiodh sitim: làmh-choille a fad, agus làmh-choille a leud, (bha i ceithir-chearnach,) agus dà làmh-choille a h-àirde; bha a h-adhairean de'n nì cheudna.

26 Agus chòmhdaich e thairis i le h-òr fìor-ghlan, a mullach, agus a taobhan mu'n cuairt, agus a h-adhairean; agus rinn e coron òir dh'i mu'n cuairt.

27 Agus rinn e dà fhailbheig òir dh'i fo a coron, aig a dà oisinn, air a dà thaobh, gu bhà 'n an àitibh do na bataichibh chum a ghiùlan leo.

28 Agus rinn e na bataichean de fhiodh sitim, agus chòmhdaich e thairis iad le h-òr.

29 Agus rinn e an oladh-ungaidh naomh, agus an tùis fhìor-ghlan de spìosraidh chùbhraidh, a réir oibre an léigh.

CAIB. XXXVIII.

1 *Altair na h-ìobairt-loisgte.* 8 *An soitheach-ionnlaid umha.* 9 *A' chùirt.* 24 *Tomhas an òir a chuireadh 'am feum 's an obair.*

AGUS rinn e altair na h-ìobairt-loisgte *de fhiodh sitim: cùig lāmhan-coille a fad, agus cùig lāmhan-coille a leud, (bha i ceithir-chearnach,) agus tri lāmhan-coille a h-àirde.*

2 Agus rinn e a h-adhaircean air a ceithir oisinnibh: bha a h-adhaircean de'n *nì* cheudna; agus chòmhdach e thairis i le h-umha.

3 Agus rinn e uile shoithichean na h-altarach, na h-àighnean, agus na sluasaidean, agus na cuachan, agus na greimichean, agus na h-àighnean teine: a soitheachan uile rinn e *dh'umha.*

4 Agus rinn e do'n altair cliath de lìon-obair umha, fa cuairt gu h-ìosal, gu ruig a meadhon.

5 Agus thilg e ceithir failbheagan do cheithir oisinnibh na cléith umha, *gu' bhi 'n an àitibh do na bataichibh.*

6 Agus rinn e na bataichean *de fhiodh sitim*, agus chòmhdach e thairis iad le h-umha.

7 Agus chuir e na bataichean anns na failbheagaibh air taobhan na h-altarach, chum a giùlan leo: fàs le bòrdaibh rinn e i.

8 Agus rinn e an soitheach-ionnlaid a *dh'umha*, agus a chos a *dh'umha*, de sgàth-anaibh *nam ban*, a chruinnich 'n am buidhnibh aig doras pàilliuin a' choimhlthionail.

9 Agus rinn e a' chùirt air an taobh mu dheas, ris an àirde deas: *bha* cùirteinean na cùirte *de anart grinn toinnte*, ceud lāmh-choille *air fad*;

10 Am puist fichead, agus am buinn umha fichead; *bha* cromagan nam post agus an cuairteagan a *dh'airgiod.*

11 Agus air an taobh mu thuath, *bha* na cùirteinean ceud lāmh-choille; am puist fichead, agus am buinn umha fichead: cromagan nam post, agus an cuairteagan a *dh'airgiod.*

12 Agus air an taobh an iar *bha* cùirteinean de leth-cheud lāmh-choille; am puist deich, agus am buinn deich: cromagan nam post agus an cuairteagan a *dh'airgiod.*

13 Agus air an taobh an ear ris an àird an ear, leth-cheud lāmh-choille.

14 *Bha* cùirteinean aon taoibh *de'n gheata* cùig lāmhan-coille deug; am puist tri, agus am buinn tri.

15 Agus air son an taoibh eile de gheata na cùirte, air an lāmh so agus air an lāmh ud, *bha* cùirteinean cùig lāmhan-coille deug; am puist tri, agus am buinn tri.

16 *Bha* cùirteinean na cùirte uile mu'n cuairt a *dh'anart grinn toinnte.*

17 Agus *bha* buinn nam post a *dh'umha*; cromagan nam post, agus an cuairteagan a *dh'airgiod*, agus còmhdach an ceann a *dh'airgiod*; agus *bha* uile phuist na cùirte air an ceangal mu'n cuairt le h-*airgiod.*

18 Agus *bha* 'm brat air son geata na cùirte 'n a obair shnàthaid de ghorm, agus de chorcur, agus de scarlaid, agus de auart grinn toinnte: agus *b'e* fichead lāmh-choille 'thad, agus *b'e* àirde 's an leud cùig lāmhan-coille, a' coimhfhreagairt do chùirteinibh na cùirte:

19 Agus am puist ceithir, agus am buinn umha ceithir; an cromagan a *dh'airgiod*, agus còmhdach an ceann, agus an cuairteagan a *dh'airgiod.*

20 Agus *bha* uile phinneachan a' phàilliuin, agus na cùirte mu'n cuairt, a *dh'umha.*

21 *Is* e sin àireamh *nithean* a' phàilliuin, pàilliuin na Fianuis, mar a *dh'airmheadh* iad, a réir àithne Mhaois, *air son* seirbhais nan Lebhitheach, le lāmh Itamair, mhic Aaroin an t-sagairt.

22 Agus rinn Besaleel mac Uri, mhic Shur, de thréibh Iudah, gach *nì* a *dh'aitlín* an Tighearn do Mhaois:

23 Agus maille ris Aholiab, mac Abisamaich, de thréibh Dhain, gearradair, agus oibriche ealanta, agus fear oibre gréise ann an gorm, agus ann an coreur, agus ann an scarlaid, agus ann an anart grinn.

24 *B'e* 'n t-òr uile a chuireadh a 'm feum 's an obair, ann an uil' obair an *ionaid* naoimh, eadhon òr an tabhartais, naoi tálannan fichead, agus seachd ceud agus deich secel a' fhichead, a réir seceil an *ionaid* naoimh.

25 Agus *b'e* airgiod na muinntir a chaidh àireamh de'n choimhlthional, ceud tálann, agus mìle agus seachd ceud agus cùig secel deug agus tri fichead, a réir seceil an *ionaid* naoimh.

26 Becah air son gach fir, 's e sin leth seceil, a réir seceil an *ionaid* naoimh, air son gach aoin a chaidh gu bhi air an àireamh, o fhichead bliadhn' a *dh'aois* agus os a cheann, air son shè ceud mìle agus thri mìle agus chùig ceud agus leth-cheud *fear*.

27 Agus de'n cheud tálann airgid thilgeadh buinn an *ionaid* naoimh, agus buinn an roinn-blrata; ceud bonn de'n cheud tálann, tálann do gach bonn.

28 Agus de'n mhìle agus sheachd ceud agus a' chùig secel deug agus tri fichead, rinn e cromagan do na puist, agus chòmhdach e 'n cinn, agus chuir e cuairteagan mu'n timchioll.

29 Agus *b'e* umha an tabhartais deich agus tri fichead tálann, agus dà mhìle agus ceithir cheud secel.

30 Agus rinn e le sin na buinn do dhorus pàilliuin a' choimhlthionail, agus an altair

umha, agus a' chliath umha aice, agus soithichean na h-altarach uile,

31 Agus buinn na cùirte mu'n cuairt, agus buinn geata na cùirte, agus uile phinneachan a' phàilluin, agus uile phinneachan na cùirte mu'n cuairt.

CAIB. XXXIX.

1 *Eudach na seirblis, agus an t-eudach naomh.*
2 *An ephod.* 8 *An uchd-éididh.* 22 *Falluin na h-ephoid.* 27 *Na còtaichean, an crùn-sagairt, agus an crios a dh'anart grinn.* 30 *Leac a' chrùin naoinh.* 43 *Dh'annàire Maois air an obair uile, agus thàitinn i ris.*

AGUS de'n ghorm, agus de'n choreur, agus de'n scarlaid, rinn iad éididh frithealaidh, gu frithealadh 's an ionad naomh, agus rinn iad éididh naomh do Aaron; mar a dh'àithn an Tighearn do Mhaois.

2 Agus rinn e 'n ephod de òr, de ghorm, agus de choreur, agus de scarlaid, agus de anart grinn toimnte.

3 Agus bhuail iad a mach an t-òr 'n a leac-aibh tana, agus ghearr iade 'na shnàithnibh, a chum oibreachadh ann measg a' ghuirm, agus am measg a' choreuir, agus am measg na scarlaid, agus am measg an anart ghruin le h-obair ealanta.

4 Rinn iad mirean-guaine dh'i, ceangailte ri 'chéile air a dà oir: *mar sin* chuireadh ri 'chéile i.

5 Agus *bha* crios rìomhach na h-ephoid a *bha* air a h-uachdar, de'n nì eileudna, a réir a h-oibre féin; *eadhon de òr, de ghorm,* agus de choreur, agus de scarlaid, agus de anart grinn toimnte; mar a dh'àithn an Tighearn do Mhaois.

6 Agus dh'oibrich iad clachan onics ceangailte ann am failbhagaibh òir, air an gearradh le gearradh seulaidh, le ainmibh chloinn Israeil *orra*.

7 Agus chuir e iad air guailnibh na h-ephoid, *gubhi 'n* an clachan cuimhneachain do chloinn Israeil; mar a dh'àithn an Tighearn do Mhaois.

8 Agus rinn e 'n uchd-éididh le h-obair ealanta, a réir oibre na h-ephoid, *de òr, de ghorm,* agus de choreur, agus de scarlaid, agus de anart grinn toimnte.

9 Bha i ceithir-chearnach; rinn iad an uchd-éididh dà-fhillte: réis a fad, agus réis a leud; *bha i* dà-fhillte.

10 Agus chuir iad innte ceithir sreathan chlach: *a' cheud* sreath, sardius, topas, agus carbuncle: *so a' cheud* sreath.

11 Agus an dara sreath, emerald, saphir, agus daoimcin.

12 Agus an treas sreath, ligur, agat, agus ametist.

13 Agus an ceathramh sreath, beril, onics, agus iasper: *bha iad* air an ceangal ann am failbhagaibh òir 'n an suidheachadh.

14 Agus *bha* na clachan a réir ainmean chloinn Israeil, a dhà-dheug a réir an ainm-

can le gearradh seulaidh, gach aon aca le h-ainm féin, a réir an dà thréibh dheug.

15 Agus rinn iad air an uchd-éididh slabhruidhcan aig na cinn, *a dh'obair* shnìomhta *dh'òr* fìor-ghlan.

16 Agus rinn iad dà fhailbheig òir, agus dà fhàinne òir: agus chuir iad an dà fhàinne air dà cheann na h-uchd-éididh.

17 Agus chuir iad an dà slabhruidh shnìomhta 's an dà fhàinne air cinn na h-uchd-éididh.

18 Agus dhaingnich iad dà cheann na dà slabhruidh shnìomhta 's an dà fhailbheig, agus chuir siad iad air mìribh-guailne na h-ephoid, air a beulaobh.

19 Agus rinn iad dà fhàinne òir, agus chuir siad iad air dà cheann na h-uchd-éididh, air an iomall dìth, a *bha* air taobh na h-ephoid a stigh.

20 Agus rinn iad dà fhàinne òir *eile*, agus chuir siad iad air dà thaobh na h-ephoid gu h-ìosal, leth ris a' chuid bheoil dìth, fa chomhair a' cho-aonaidh *eile*, os ceann crios rìomhach na h-ephoid.

21 Agus cheangail iad an uchd-éididh le a fàinnibh ri fàinnibh na h-ephoid le h-éill ghuirm, a chum gu'm bitheadh i os ceann crios rìomhach na h-ephoid, agus nach biodh an uchd-éididh air a fuasgladh o'n ephoid; mar a dh'àithn an Tighearn do Mhaois.

22 Agus rinn e falluin na h-ephoid *a dh'obair* fhligte, uile de ghorm.

23 Agus *bha* toll 'am meadhon na falluinn, mar tholl làirich-mhàillich, agus oir tim-chioll a tuill, a chum nach reubtadh i.

24 Agus rinn iad air iomallaibh na falluinn pomgranatan de ghorm, agus de choreur, agus de scarlaid, agus de anart toimnte.

25 Agus rinn iad cluig a *dh'òr* fìor-ghlan, agus chuir iad na cluig eadar na pomgranatan, air iomall na falluinn mu'n cuairt eadar na pomgranatan:

26 Clag agus pomgranat, clag agus pomgranat, air iomall na falluinn mu'n cuairt, a fhrithealadh *innte*; mar a dh'àithn an Tighearn do Mhaois.

27 Agus rinn iad còtaichean a *dh'anart* grinn, a *dh'obair* fhligte, air son Aaron agus a chuid mac,

28 Agus crùn-sagairt a *dh'anart* grinn, agus boineidean sgiamhae a *dh'anart* grinn, agus briogais anart a *dh'anart* grinn toimnte,

29 Agus crios de anart grinn toimnte, agus de ghorm, agus de choreur, agus de scarlaid, a *dh'obair* shnàthaide; mar a dh'àithn an Tighearn do Mhaois.

30 Agus rinn iad leac a' chrùin naoinh a *dh'òr* fìor-ghlan, agus sgrìobh iad oirre sgrìobhadh, *cosmhuil ri* gearradh seulaidh, NAOMHACHD DO'N TIGHEARN.

31 Agus cheangail iad ri iall de ghorm, g'a daingeachadh air a' chrùn gu h-ard; mar a dh'àithn an Tighearn do Mhaois.

32 Mar so chrìochnaich eadhail uil' obair

pàilluin bùtha a' choimhthionail: agus rinn clann Israeil a réir gach ní a dh'àithn an Tighearn do Mhaois; mar sin rinu iad.

33 Agus thug iad am pàilliuin gu Maois, am bùth, agus 'airneis uile, a chromagan, a bhuird, a chroinn, agus a phuist, agus a bhuinn;

34 Agus an còmh-dach de chroicinnibh reitheachan air an dath dearg, agus an còmh-dach de chroicinnibh bhroc, agus brat a' chòmh-daich;

35 Aire na Fianuis, agus a bataichean, agus a' chaithir-thròcair;

36 Am bòrd agus a shoithichean uile, agus an t-aran taisbeanaidh;

37 An coinnleir fìor-ghlan agus a lòchrain, eadhon a lòchrain gu 'bhi air an cur ann an ordugh, agus a shoithichean uile, agus an oladh a chum soluis;

38 Agus an altair òir, agus an oladh-ungaidh, agus an tùis chùbhraidh, agus am brat air son doruis a' phàilliuin;

39 An altair umha, agus a cliath umha, a bataichean, agus a soithichean uile, an soitheach-ionnlaid agus a chos;

40 Cuirtean na cùirte, a puist, agus a buinn, agus am brat air son geata na cùirte, a cùird, agus a pinneachan, agus uile shoithichean seirbhis a' phàilliuin, air son bùtha a' choimhthionail;

41 Eudach an fhrithealaidh gu frithealadh 's an ionad naomh, an t-eudach naomh air son Aaroin an t-sagairt, agus eudach a chuid mae, a fhrithealadh ann an dreuchd an t-sagairt.

42 A réir gach ní a dh'àithn an Tighearn do Mhaois, mar sin rinn clann Israeil an obair uile.

43 Agus dh'amhaire Maois air an obair uile, agus, feuch, rinn iad i mar a dh'àithn an Tighearn, eadhon mar sin rinn iad i: agus bheannaich Maois iad.

CAIB. XL.

1 Thugadh àithne do Mhaois gu'n cuireadh e suas pàilliuin bùtha a' choimhthionail, agus gu'n naomhaicheadh se e. 16 Rinn Maois gach ní a dh'àithn an Tighearn dha. 34 Chòmh-daich neul bùth a' choimhthionail.

A GUS labhair an Tighearn ri Maois, ag ràdh,

2 Air a' cheud là de'n cheud mhìos cuiridh tu suas pàilliuin bùtha a' choimhthionail.

3 Agus cuiridh tu ann àire na Fianuis', agus folaichidh tu 'n àire leis an roinn-bhrat.

4 Agus bheir thu stigh am bòrd, agus cuiridh tu 'n ordugh na nithean a tha gu 'bhi air an cur 'an ordughair; agus bheir thu stigh an coinnleir, agus lasaidh tu a lòchrain.

5 Agus suidhichidh tu 'n altair òir a tha chum na tùise fa chomhair àirce na Fianuis', agus cuiridh tu brat an doruis ris a' phàilliuin.

6 Agus suidhichidh tu altair na h-iobairt-loisgte fa chomhair doruis pàilliuin bùtha a' choimhthionail.

7 Agus suidhichidh tu 'n soitheach-ionnlaid eadar bùth a' choimhthionail agus an altair, agus cuiridh tu uisge ann.

8 Agus cuiridh tu suas a' chàirt mu'n cuairt, agus crochaidh tu suas am brat aig geata na cùirte.

9 Agus gabhaidh tu an oladh-ungaidh, agus ungaidh tu am pàilliuin, agus gach ní a tha ann, agus naomhaichidh tu e, agus a shoithichean uile: agus bithidh e naomh.

10 Agus ungaidh tu altair na h-iobairt-loisgte, agus a soitheachan uile, agus naomhaichidh tu an altair: agus bithidh an altair ro naomh.

11 Agus ungaidh tu an soitheach-ionnlaid agus a chos, agus naomhaichidh tu e.

12 Agus their thu Aaron agus a mhic gu doruis bùtha a' choimhthionail, agus ionnlaididh tu iad le h-uisge.

13 Agus cuiridh tu air Aaron an t-eudach naomh, agus ungaidh tu e, agus naomhaichidh tu e; agus fritheilidh e dhomhsa ann an dreuchd an t-sagairt.

14 Agus bheir thu leat a mhic, agus cuiridh tu còtaichean orra,

15 Agus ungaidh tu iad, mar a dh'ung thu 'n athair, agus fritheilidh iad dhomhsa ann an dreuchd an t-sagairt; oir bithidh gu deimhin an ungadh-san dhoibh a chum sagartachd shìorruidh air feadh an ginealach.

16 Agus rinn Maois a réir gach ní a dh'àithn an Tighearn dha: mar sin rinn e.

17 Agus b'annas a' cheud mhìos, 's an dara bliadhna, air a' cheud là de'n mhìos, a chuir-eadh suas am pàilliuin.

18 Agus chuir Maois suas am pàilliuin agus dhaingnich e a bhuinn, agus chuir e suas a bhuird, agus chuir e stigh a chroinn, agus thog e suas a phuist.

19 Agus sgaol e mach am bùth os ceann a' phàilliuin, agus chuir e còmh-dach a' bhùtha air os a cheann; mar a dh'àithn an Tighearn do Mhaois.

20 Agus ghabh e agus chuir e an Fhianuis anns an àire, agus chuir e na bataichean air an àire, agus chuir e a' chaithir-thròcair air an àire os a ceann.

21 Agus thug e 'n àire a stigh do'n phàilliuin, agus chuir e suas brat a' chòmh-daich, agus chòmh-daich e àire na Fianuis; mar a dh'àithn an Tighearn do Mhaois.

22 Agus chuir e 'm bòrd ann am bùth a' choimhthionail, air taobh a' phàilliuin mu thuath, an taobh a muigh de'n roinn-bhrat.

23 Agus chuir e 'n t-aran ann an ordugh air, ann an lathair an Tighearna; mar a dh'àithn an Tighearn do Mhaois.

24 Agus chuir e 'n coinnleir ann am bùth a' choimhthionail, thall fa chomhair a' bhuird, air taobh a' phàilliuin ris an àirde deas.

25 Agus las e na lòchrain ann an lathair an Tighearna; mar a dh'àithn an Tighearn do Mhaois.

LEBHITICUS, I.

26 Agus chuir e 'n altair òir ann am bùth a' choimhthionail, air beulaobh an roinn-bhrait.

27 Agus loisg e tùis chùbhraidh oirre; mar a dh'àithn an Tighearn do Mhaois.

28 Agus chuir e suas am brat aig dorus a' phàilliuin.

29 Agus chuir e altair na h-ìobairt-loisgte làmh ri dorus pàilliuin bùtha a' choimhthionail, agus thug e suas oirre an ìobairt-loisgte, agus an tabhartas-bìdh; mar a dh'àithn an Tighearn do Mhaois.

30 Agus chuir e 'n soitheach-ionnlaid eadar bùth a' choimhthionail agus an altair, agus chuir e uisge anu, a dh'ionnlaid leis.

31 Agus dh'ionnlaid Maois, agus Aaron, agus a mhic, an làmh an agus an cosan aige.

32 An uair a bha iad gu dol a stigh do bhùth a' choimhthionail, agus gu teachd am fagus do'n altair, dh'ionnlaid siad iad féin, mar a dh'àithn an Tighearn do Mhaois.

33 Agus chuir e suas a' chùirt timchioll a' phàilliuin agus na h-altarach, agus chuir e suas brat geata na cùirte: mar sin chrìochnaich Maois an obair.

34 An sin chòmhdaich neul bùth a' choimhthionail, agus lìon glòir an Tighearn' am pàilliuin.

35 Agus cha b'urrainn Maois dol a stigh do bhùth a' choimhthionail, a chionn gu'n do ghabh an neul còmhnuidh air, agus gu'n do lìon glòir an Tighearn' am pàilliuin.

36 Agus an uair a dh'éirich an neul suas o mhullach a' phàilliuin, chaidh clann Israeil air an aghaidh 'n an uile thurusaibh:

37 Ach mur d'éirich an neul suas, an sin cha do thriall iad gus an là 's an d'éirich e suas:

38 Oir bha neulan Tighearn' air a' phàilliuin 's an là, agus bha teine air 's an oidheche, anu an sealladh thighe Israeil uile, air feadh an uile thurusan.

LEBHITICUS.

CAIB. I.

3 *Iobairtean-loisgte de'n bhuar, 10 de na treudaibh, 14 agus a dh' eoin.*

AGUS ghairm an Tighearn air Maois, agus labhair e ris á pàilliuin a' choimhthionail, ag ràdh,

2 Labhair ri cloinn Israeil, agus abair rin, Ma bheir duine *sambith* agaibh tabhartas a dh'ionnsuidh an Tighearna, bheir sibh bhuar tabhartas de'n spréidh, *cadhon* de'n bhuar agus de'n treud.

3 Ma *bhios* a thabhartas de'n bhuar 'n a ìobairt-loisgte, thugadh e seachad *beathach* firionn gun ghaoid: aig dorus pàilliuin a' choimhthionail bheir e seachad e d'a shaor thoil féin, an làthair an Tighearn'.

4 Agus cuiridh e a làmh air ceann na h-ìobairt-loisgte: agus gabhar air a shou i, a dheanamh réite air a shon.

5 Agus marbhaidh e 'n tarbh òg an làthair an Tighearn': agus bheir na sagartan, mic Aaroin, leo an fhuil, agus crathaidh iad an fhuil mu'n cuairt air an altair, a *tha* aig dorus pàilliuin a' choimhthionail.

6 Agus fionnaidh e an ìobairt-loisgte, agus gearraidh e i 'n a mìribh.

7 Agus cuiridh mic Aaroin an t-sagairt teine air an altair, agus leagaidh iad fiodh ann an ordugh air an teine.

8 Agus leagaidh na sagartan, mic Aaroin, na mìrean, an ceann, agus an t-saill, ann an ordugh air an fhiodh a *tha* air an teine, a *tha* air an altair.

9 Ach a mhionach agus a chosan nighidh e ann an uisge: agus loisgidh an sagart an

t-ìomlan air an altair, mar ìobairt-loisgte, tabhartas a bheir nas suas le teine, a dh'fhàile cùbhraidh do'n Tighearn.

10 Agus ma's ann de na treudaibh a *bhios* a thabhartas, *cadhon* de na caoraich, no de na gabhraibh, chum ìobairt-loisgte; 'n a *bheathach* firionn gun ghaoid bheir e leis e.

11 Agus marbhaidh se e aig taobh na h-altarach mu thuath ann an làthair an Tighearn': agus crathaidh na sagartan, mic Aaroin, 'fhuil air an altair mu'n cuairt.

12 Agus gearraidh e am mìribh e, maille r'a cheann agus r'a shail; agus cuiridh an sagart iad ann an ordugh air an fhiodh a *tha* air an teine, a *tha* air an altair.

13 Ach nighidh e am mionach agus na cosan le h-uisge; agus bheir an sagart leis an t-ìomlan, agus loisgidh e air an altair e, mar ìobairt-loisgte, tabhartas a bheir nas suas le teine, a dh'fhàile cùbhraidh do'n Tighearn.

14 Agus ma's ann a dh' eoin a *bhios* a thabhartas do'u Tighearn *chum* ìobairt-loisgte, an sin bheir e a thabhartas de thurturaibh, no de cholumain òga.

15 Agus bheir an sagart e chum na h-altarach, agus snìomhaidh e a cheann deth, agus loisgidh e air an altair e; agus fàisgear a mach 'fhuil air taobh na h-altarach.

16 Agus spionaidh e a gheuban as maille r'a iteagan, agus tilgidh e làmh ris an altair e, air an taobh an ear, a dh'àite na luatha.

17 Agus sgoiltidh e maille r'a sgiathaibh e, *ach* cha roinn e o 'chéile e; agus loisgidh an sagart e air an altair, air an fhiodh a

LEBHITICUS, II, III.

tha air an teine, mar iobairt-loisgte, tabhartas a bheircar suas le teine, a dh'fhàile cùbhraidh do'n Tighearn.

CAIB. II.

1 *An tabhartas-bidh de phlùr mìn maille ri h-oladh agus ri tùis.* 12 *Tabhartas ceud-thoraidh gach bliadhna.* 13 *Bheircar seachad gach tabhartas-bidh le salann.*

AGUS an uair a bheir neach air bith tabhartas-bidh do'n Tighearn, bithidh a tabhartas de phlùr mìn: agus dòirtidh e oladh air, agus cuiridh e tùis air:

2 Agus bheir se e gu mic Aaron, na sagartan, agus gabhaidh e as làu a dhuirn d'a phlùr, agus d'a olaidh, maille r'a thùis uile; agus loisgidh an sagart a chuimhneachan air an altair, *gu bhli* 'n a tabhartas air a thoirt suas le teine, a dh'fhàile cùbhraidh do'n Tighearn.

3 Agus fuigheall an tabhartais-bhidh, *is* le Aaron agus le 'mhic *e*: *is* ni ro naomh e de tabhartasaibh an Tighearna air an toirt suas le teine.

4 Agus ma bheir thu seachad tabhartas-bidh air a dheasachadh 's an ànuinn, *is* breacagan ueo-ghoirtichte de phlùr nìr measgta le h-olaidh a *bhios ann*, no dearagan neo-ghoirtichte ungta le h-olaidh.

5 Agus ma's tabhartas-bidh air a dheasachadh ann an àghann a *bhios a'd* thabhartas, bithidh e de phlùr mìn neo-ghoirtichte, measgta le h-olaidh.

6 Roimnidh tu e 'n a mhìribh, agus dòirtidh tu oladh air: *is* tabhartas-bidh a t'ann.

7 Agus ma *bhios* do thabhartas 'n a tabhartas-bidh o'n àghann-ròstaidh, nithear e de phlùr mìn le h-olaidh.

8 Agus bheir thu 'n tabhartas-bidh, a nithear de na uithean so, chum an Tighearn: agus an uair a thaisbeanar do'n t-sagart e, bheir se e chum na h-altarach.

9 Agus gabhaidh an sagart as an tabhartas-bidh cuimhneachan dheth, agus loisgidh se e air an altair: *is* tabhartas a *th'ann* air a thoirt suas le teine, a dh'fhàile cùbhraidh do'u Tighearn.

10 Agus an nì a dh'fhàg de'n tabhartas-bhidh, *is* le Aaron agus le 'mhic *e*: *tha e* 'n a nì ro naomh de thabhartais an Tighearna air an toirt suas le teine.

11 Cha deanar tabhartas-bidh sam bith, a bheir sibh a dh'ionisuidh an Tighearna, le taois ghoirt; oir cha loisg sibh a' bheag de taois ghoirt, no de mhill, ann an tabhartais an Tighearn a bheircar suas le teine.

12 A thaobh tabhartais a' cheud toraidh, bheir sibh seachad e do'n Tighearn: ach cha loisgear air an altair e chum faile cùbhraidh.

13 Agus gach tabhartas-bidh a bheir thu leat, nì thu blasda le salann: cha mhò a leigeas tu le salann coimhceangail do Dhé 'bhì dh'easbhuidh air do thabhartas-bidh:

le d' thabhartais uile bheir thu seachad salann.

14 Agus ma bheir thu seachad tabhartas-bidh de d' cheud thoradh do'n Tighearn, bheir thu seachad mar an tabhartas-bidh de d' cheud thoradh, diasan glasa de arbh air cruaidhichte leis an teine, *eadhon* sìol buailte as na diasuibh ùra.

15 Agus cuiridh tu oladh air, agus leagaidh tu tùis air: *is* tabhartas-bidh e.

16 Agus loisgidh an sagart a chuimhneachan, cuid d'a arbhar buailte, agus cuid d'olaidh, maille r'a thùis uile: *is* tabhartas e a bheircar suas le teine do'u Tighearn.

CAIB. III.

1 *An tabhartas-sith de'n bhuur, 6 de'n treud, 7 uan, 12 no gabhar, gun ghaoid.*

AGUS ma *bhios* a thabhartas a chum iobairt tabhartasan-sith, ma's ann de'n bhuar a bheir e seachad e, ma's firionn no boirionn e, bheir e seachad e gun ghaoid an làthair au Tighearn.

2 Agus cuiridh e a làmh air ceann a thabhartais, agus marbhaidh se e aig doras pàilliuin a' choimhthionail: agus crathaidh mic Aaron, na sagartan, an fhuil air an altair mu'n cuairt.

3 Agus bheir e seachad de iobairt nan tabhartas-sith, tabhartas a bheircar suas le teine do'n Tighearn; an t-saill a *tha* 'còmh-dachadh a' mhìonaich, agus an t-saill uile a *th'air* a' mhìonach,

4 Agus an dà àra, agus an t-saill a *tha* orra, a *tha* air an loch-lèin, agus an sgairt a *tha* os ceann nan àinean; maille ris na h-àirmibh, bheir e air falbh i.

5 Agus loisgidh mic Aaron e air an altair, air an iobairt-loisgte, a *tha* air an fhiodh a *th'air* an teine: *is* tabhartas e a bheircar suas le teine, a dh'fhàile cùbhraidh do'n Tighearn.

6 Agus ma's ann de'n treud a blitheas a thabhartas chum iobairt tabhartasan-sith do'n Tighearn, firionn no boirionn; bheir e seachad e gun ghaoid.

7 Ma bheir e seachad uan mar a thabhartas, bheir e seachad e an làthair au Tighearn.

8 Agus cuiridh e a làmh air ceann a thabhartais, agus marbhaidh se e fa chomhair pàilliuin a' choimhthionail: agus crathaidh mic Aaron 'fhuil air an altair mu'n cuairt.

9 Agus bheir e seachad cuid de iobairt nan tabhartas-sith, mar thabhartas a bheircar suas le teine do'n Tighearn; a shaill agus an t-earball uile, teann air a' chnàimh-dhroma bheir e air falbh e; agus an t-saill a *tha* 'còmh-dachadh a' mhìonaich, agus an t-saill uile a *tha* air a' mhìonach,

10 Agus an dà àra, agus an t-saill a *tha* orra, a *tha* làmh ris an loch-lèin, agus an sgairt os ceann nan àinean; maille ris na h-àirmibh, bheir e air falbh i.

LEBHITICUS, IV.

11 Agus loisgidh an sagart e air an altair, *is e* biadh an tabhartais a bheirear suas le teine do'n Tighearn.

12 Agus ma's gabhar a *bhitheas* 'n a thabhartas, bheir e seachad i an làthair an Tighearn'.

13 Agus cuiridh e a làmh air a ceann, agus marbhaidh se i fa chomhair pàillium a' choimhthionail: agus crathaidh mic Aaroin a fuil air an altair mu'n cuairt.

14 Agus bheir e seachad dh'i a thabhartas, *eadhon* tabhartas a bheirear suas le teine do'n Tighearn; an t-saill a tha 'còmh-dachadh a' mhìonaich, agus an t-saill uile a tha air a' mhìonach,

15 Agus an dà àra, agus an t-saill a tha orra, a tha làmh ris an loch-léin, agus an sgairt os ceann nan àinean; maille ris na h-airnibh, bheir e air falbh i.

16 Agus loisgidh an sagart iad air an altair: *is iad* biadh an tabhartais a bheirear suas le teine, chum faile cùbhraidh. An t-saill uile *is* leis an Tighearn,

17 *Bithidh e* 'n a reachd bith-bhuan do'r ginealachaihbh air feadh bhur n-àiteachan-còmhnuidh uile, nach ith sibh saill no fuil sam bith.

CAIB. IV.

1 *Iobairt-pheacaidh an aineolais*, 3 *air son an t-sagairt*, 13 *air son a' choimhthionail*, 22 *air son nachdaran*, 27 *agus air son an t-sluaigh*.

AGUS labhair an Tighearn ri Maois, ag ràdh,

2 Labhair ri cloinn Israeil, ag ràdh, Ma pheacaicheas anam trid aineolais an aghaidh aoin sam bith a dh' àitheantaibh an Tighearn' (*a thaobh* nithean nach bu chòir a dheanamh) agus gu'n dean e *ni* an aghaidh aoin diubh;

3 Ma pheacaicheas an sagart a chaidh ungadh, a réir peacaidh an t-sluaigh; an sin thugadh e air son a pheacaidh a pheacaich e, tarbh òg gun ghaoid a dh'ionnsuidh an Tighearna chum iobairt-pheacaidh.

4 Agus bheir e an tarbh gu dorus pàillium a' choimhthionail an làthair an Tighearn'; agus cuiridh e a làmh air ceann an tairbh, agus marbhaidh e 'n tarbh an làthair an Tighearn'.

5 Agus gabhaidh an sagart a chaidh ungadh, *cuid* de fhuil an tairbh, agus bheir e i gu pàillium a' choimhthionail.

6 Agus tumaidh an sagart a mheur 's an fhuil, agus crathaidh e *cuid* de'n fhuil seachd uairean an làthair an Tighearna, fa chomhair roinn-bhrat' an *ionaid* naoimh.

7 Agus cuiridh an sagart *cuid* de'n fhuil air adhaireibh altarach na tùise cùbhraidh 'am fianuis an Tighearn', a tha ann am pàillium a' choimhthionail; agus doirtidh e fuil an tairbh uile aig bun altarach na h-iobairt-loisgte, a tha aig dorus pàillium a' choimhthionail.

8 Agus uile shailh tairbh na h-iobairt-peacaidh bheir e air falbh uaith; an t-saill

a tha 'còmh-dachadh a' mhìonaich, agus an t-saill uile a tha air a' mhìonach,

9 Agus an dà àra, agus an t-saill a tha orra, a tha làmh ris an loch-léin, agus an sgairt os ceann nan àinean; maille ris na h-airnibh bheir e air falbh i,

10 Mar a thugadh air falbh i o tharbh iobairt nan tabhartas-sith; agus loisgidh an sagart iad air altair na h-iobairt-loisgte.

11 Agus seiche an tairbh, agus 'fheoil uile, maille r'a cheann, agus maille r'a chosan, agus a mhìonach, agus a ghaorr,

12 Eadhon an tarbh gu h-ionlan giùlainidh e mach an taobh a muigh de'n champ gu h-ionad glan, far an dòrtear a mach an luath, agus loisgidh e air an fhiodh e le teine: far an dòrtear a mach an luath, loisgear e.

13 Agus ma pheacaicheas coimhthional Israeil uile trid aineolais, agus gu bheil an ni foilaichte o shùilibh a' chomhchruinneachaidh, agus gu'n d'rinn iad *ni-eigin an aghaidh* aoin sam bith dh'àitheantaibh an Tighearna, a thaobh nithean nach bu chòir a dheanamh, agus gu bheil iad ciontach;

14 An uair a bhios am peacadh, a pheacaidh iad 'n a aghaidh, aithnichte, an sin bheir an comhchruinneachadh seachd tarbh òg air son a' pheacaidh, agus bheir iad e fa chomhair pàillium a' choimhthionail.

15 Agus cuiridh seanairean a' choimhthionail an làmh air ceann an tairbh an làthair an Tighearna; agus marbhar an tarbh an làthair an Tighearna.

16 Agus bheir an sagart a chaidh ungadh *cuid* de fhuil an tairbh gu pàillium a' choimhthionail.

17 Agus tumaidh an sagart a mheur ann an *cuid* de'n fhuil, agus crathaidh e i seachd uairean an làthair an Tighearna, fa chomhair an roinn-bhrat.

18 Agus cuiridh e *cuid* de'n fhuil air adhaireibh na h-altarach a tha 'am fianuis an Tighearna, a tha ann am pàillium a' choimhthionail, agus doirtidh e mach an fhuil uile aig bun altarach na h-iobairt-loisgte, a tha aig dorus pàillium a' choimhthionail.

19 Agus bheir e air falbh a shailh uile uaith, agus loisgidh e i air an altair.

20 Agus ni e ris an tarbh mar a rinn e ri tarbh na h-iobairt-peacaidh, mar sin ni e ris: agus ni an sagart réite air an son, agus bheirear maithneas dhoibh.

21 Agus bheir e mach an tarbh an taobh a muigh de'n champ, agus loisgidh se e mar a loisg e 'n ceud tarbh: *is* iobairt-pheacaidh e air son a' chomhchruinneachaidh.

22 'N uair a pheacaicheas nachdaran, agus a ni e *ni-eigin* trid aineolais an aghaidh aoin sam bith dh'àitheantaibh an Tighearna a Dhé, a thaobh nithean nach bu chòir a dheanamh, agus gu bheil e ciontach:

23 Ma thig a pheacadh, a pheacaich e, g'a fhios; bheir e leis *mar* a thabhartas meann de na gabhraibh, *beathach* firionn gun ghaoid.

24 Agus cuiridh e a làmh air ceann a' mhinn, agus marbhaidh se e 's an ionad anns am marbh iad an ìobairt-loisgte ann an làthair an Tighearna: *is* ìobairt-pheacadh e.

25 Agus gabhaidh an sagart *cuid* de fhuil na h-ìobairt-pheacadh le 'mheur, agus cuiridh e *i* air adhaircibh altarach na h-ìobairt-loisgte, agus dòirtidh e mach a fuil aig bun altarach na h-ìobairt-loisgte.

26 Agus loisgidh e a saill uile air an altair, *mar a loisgear* saill ìobairt nan tabhartas-sith: agus ni an sagart réite air a shon a thaobh a pheacadh, agus maithear dha e.

27 Agus ma pheacaicheas aon neach de shluagh na dùthcha trid aincolais, an uair a tha e 'deanamh *ni-eigin an aghaidh* aoin sam bith a dh'àitheantaibh an Tighearna, *a thaobh nìthean* nach bu chòir a dheanamh, agus gu bheil e ciontach:

28 Ma thig a pheacadh, a pheacaich e, g'a fhios; an sin bheir e leis *mar* a thabhartas meann de na gabhraibh, *beathach* boirionn gun ghaoid, air son a pheacadh a pheacadh e.

29 Agus cuiridh e a làmh air ceann na h-ìobairt-pheacadh, agus marbhaidh e an ìobairt-pheacadh ann an ionad na h-ìobairt-loisgte.

30 Agus gabhaidh an sagart *cuid* d'a fuil le 'mheur, agus cuiridh e *i* air adhaircibh altarach na h-ìobairt-loisgte, agus dòirtidh e mach a fuil uile aig bun na h-altarach.

31 Agus bheir e aisd e saill uile, *mar a bheirear* an t-saill á h-ìobairt nan tabhartas sith; agus loisgidh an sagart *i* air an altair, a chum faile cùbhraidh do'n Tighearna: agus ni an sagart réite air a shon, agus bheirear maitheanas dha.

32 Agus ma bheir e leis uan *mar a thabhartas* air son peacadh, bheir e leis *uan* boirionn gun ghaoid.

33 Agus cuiridh e a làmh air ceann an tabhartas-pheacadh, agus marbhaidh se e *mar* ìobairt-pheacadh 's an ionad anns am marbh iad an ìobairt-loisgte.

34 Agus gabhaidh an sagart *cuid* de fhuil na h-ìobairt-pheacadh le 'mheur, agus cuiridh e *i* air adhaircibh altarach na h-ìobairt-loisgte, agus dòirtidh e mach a fuil uile aig bun na h-altarach.

35 Agus bheir e aisd e saill uile, *mar a bheirear* air falbh saill an uain o ìobairt nan tabhartas-sith; agus loisgidh an sagart iad air an altair, a réir nan tabhartas a bheirear suas le teime do'n Tighearna: agus ui an sagart réite air a shon a thaobh a pheacadh a rinn e, agus maithear dha e.

1 *A thaobh an ti a cheileas eòlas*, 2 *mu neach a bheanas ri ni sam bith neòghlan*, 4 *no a bheir mionnan*. 14 *An ìobairt-eusaontais air son peacachaidh ann an nìhibh naomha an Tighearna*, 17 *agus air son pheacaidhean ainecolais*.

AGUS ma pheacaicheas anam, agus gu'n chluinn e guth mionnachaidh, agus *gur* fianuis e, a chunnaic no is fiosrach air a' *chuis*, mur cuir e 'n eéil *i*, an sin giùlainidh e a chionta:

2 No ma bheanas anam ri ni sam bith neòghlan, ma's cairbh fiadh-bheathaich neòghloin e, no cairbh spréidhe neòghloin, no cairbh ni neòghloin a shnáigeas, agus e an-fhiosrach air; bithidh esan mar an ceudna neòghlan, agus ciontach:

3 No ma bheanas e ri neòghloine duine, ge b'e air bith an neòghloime leis an sa-laichear duine, agus gu bheil e an-fhiosrach air; an uair is fios da e, an sin bithidh e ciontach:

4 No ma mhionnaicheas anam, ag ràdh le 'bhillibh gu'n dean e ole, no gu'n dean e maith, ge b'e air bith e a labhras duine le mionnaibh, agus gu bheil e an-fhiosrach air; an uair is fios da e, an sin bithidh e ciontach ann an aon diubh sin.

5 Agus tachraidh, 'n uair a bhios e ciontach a dh' aon de na *nìhibh*, sin, gu'n aidich e gu'n do pheacaidh e 's an *ni* sin.

6 Agus bheir e leis ìobairt-eusaontais a dh'ionnsuidh an Tighearna air son a pheacadh a pheacaich e, *beathach* boirionn o'n treud, uan, no meann o na gabhraibh, *mar* ìobairt-pheacadh: agus ni an sagart réite air a shon a thaobh a pheacadh.

7 Agus mur urrainn e uan a thoirt leis, an sin bheir e leis air son a choire a rinn e, dà thurur, no dà choluman òg, a dh'ionnsuidh an Tighearna; fear a chum ìobairt-pheacadh, agus am fear eile chum ìobairt-loisgte.

8 Agus bheir e iad a dh'ionnsuidh an t-sagairt, agus bheir esan seachad *am fear a tha* chum na h-ìobairt-pheacadh air tùs, agus snìomhaidh e a cheann o 'amhaich, achi cha sgar e o 'chéile *iad*.

9 Agus crathaidh e *cuid* de fhuil na h-ìobairt-pheacadh air thaobh na h-altarach, agus faisgear a' chuid eile de'n fhuil a mach aig bun na h-altarach: *is* ìobairt-pheacadh *i*.

10 Agus bheir e seachad an dara *ean* mar ìobairt-loisgte, a réir a' ghnàtha: agus ni an sagart réite air a shon a thaobh a pheacadh a pheacaidh e, agus maithear dha e.

11 Ach mur urrainn e dà thurur, no dà choluman òg a thoirt leis; an sin bheir esan a pheacaich leis mar a thabhartas an deich-eamh cuid a dh' ephah de phlùr mìn, *mar* thabhartas-peacadh: cha chuir e oladh air, ni mò a chuireas e tùis air, oir *is* tabhartas-peacadh e.

12 An sin bheir e chum an t-sagairt e, agus gabhaidh an sagart làn a dluirn deth,

eadhon cuimhneachan deth, agus loisgidh e air an altair e, a réir nan tabhartas a bheir-ear suas le teine do'n Tighearn: *is* tabhartas-peacaidh e.

13 Agus ní an sagart réite air a shon a thaobh a pheacaidh a pheacaich e ann an aon diubh sin, agus maithear dha e: agus bithidh *am fuigheall* leis an t-sagart, mar thabhartas-bidh.

14 Agus labhair an Tighearn ri Maois, ag ràdh,

15 Ma ní anam coire, agus gu'm peacaich e tríd aineolais ann an nithibh naomha an Tighearna; an sin bheir e air son a choire dh'ionnsuidh an Tighearna, reithe gun ghaoid o na treudaibh, a réir do mheas-sa le secelibh airgid, a réir seceil an *ionaid* naomh, chum iobairt-eusaontais.

16 Agus air son an lochd a rinn e 's an ní naomha ní e coimhleasachadh, agus cuiridh e ris an cuigeanh cuid, agus bheir e do 'n t-sagart e: agus ní an sagart réite air a shon le reithe na h-iobairt-eusaontais, agus maithear dha e.

17 Agus ma pheacaicheas anam, agus gu'n dean e aon de na nithibh sin a thoirmisgeadh le àitheantaibh an Tighearna 'bhi air an deanamh; ged nach b'fhios da e, gidheadh tha e ciontach, agus giùlainidh e a'ingidh-eachd.

18 Agus bheir e leis reithe gun ghaoid o'n treud, a réir do mheas-sa, chum iobairt-eusaontais, a dh'ionnsuidh an t-sagairt: agus ní an sagart réite air a shon a thaobh 'aineolais, leis an deachaidh e air seacharan agus gun fhios aig *air*; agus maithear dha e.

19 *Is* iobairt-eusaontais a th'ann: chiontaich e gu deimhin an aghaidh an Tighearna.

CAIB. VI.

1 *Na h-iobairtean-eusaontais air son pheacaidhean a rinneadh le daoineibh le'm fios.* 19 *An tabhartas a bheir ear seachad 'n uair a dh'ungar sagart.*

AGUS labhair an Tighearn ri Maois, ag ràdh,

2 Ma pheacaicheas anam, agus gu'n dean e eusaontas an aghaidh an Tighearna, agus gu'n dean e breug d'a choimhearsnach a thaobh an ní a thugadh dha r'a ghleidheadh, no ann an companas, no thaobh an ní a thugadh air falbh le h-ainneart, no ma mheall e a choimhearsnach;

3 No ma fhuair e an ní sin a chailleadh, agus gu'n d'rim e breug uime, agus gu'n d'thug e mionnan eithich; ann an aon ní dhiubh sin uile a ní duine, a' peacachadh anna:

4 An sin tachraidh, a chionn gu'n do pheacaich e, agus gu bheil e ciontach, gu'n toir e air ais an ní sin a thug e air falbh le h-ainneart, no an ní sin a fhuair e gu mealltach, no an ní sin a thugadh dha r'a ghleidheadh, no a chailleadh agus a fhuair e,

5 No ní sam bith m'an d'thug e mionnan

eithich; bheir e air ais e 's an iomlan, agus cuiridh e 'n cuigeanh cuid a thuilleadh ris, agus bheir e dha-san e d'am buin e, ann an là iobairt-eusaontais.

6 Agus bheir e leis iobairt-eusaontais chum an Tighearna, reithe gun ghaoid o'n treud, a réir do mheas-sa, mar iobairt-eusaontais, a dh'ionnsuidh an t-sagairt.

7 Agus ní an sagart réite air a shon an làthair an Tighearna: agus gheibh e maith-eanas a thaobh gach ní dhiubh sin uile a rinn e, a' ciontachadh anna.

8 Agus labhair an Tighearn ri Maois, ag ràdh,

9 Thoir àithne do Aaron agus d'a mhic, ag ràdh, *Is* e so lagh na h-iobairt-loisgte: (*Is* i 'n iobairt-loisgte i, air son an loisgidh air an altair air feadh na h-oidhche uile gu maduinn, agus bithidh teine na h-altarach a' losgadh iunte)

10 Agus cuiridh an sagart trusgan anairt uime, agus cuiridh e briogais anairt air 'fheoil, agus togaidh e suas an luath a loisg an teine leis an iobairt-loisgte air an altair, agus cuiridh e i làmh ris an altair.

11 Agus cuiridh e a thrusgan dheth, agus cuiridh e trusgan eile uime, agus giùlainidh e 'n luath a mach an taobh a muigh de'n champ, gu h-ionad glan.

12 Agus bithidh an teine air an altair a' losgadh iunte; cha chuirear as e: agus loisgidh an sagart fiodh oirre gach maduinn, agus cuiridh e an iobairt-loisgte ann an ordugh oirre, agus loisgidh e oirre saill nan iobairtean-sith.

13 Bithidh an teine a' lasadh air an altair an còmhnuidh: cha téid e idir as.

14 Agus *is* e so lagh an tabhartais-bhidh: Bheir mic Aaron e an làthair an Tighearna, fa chomhair na h-altarach.

15 Agus gabhaidh e làn a dhuirn dheth, de phlùr an tabhartais-bhidh, agus d'a olaidh, agus an tùis uile a tha air an tabhartas-bhidh, agus loisgidh e air an altair e, *chum* faile cùbhraidh, *eadhon* cuimhneachan dheth do'n Tighearn.

16 Agus ithidh Aaron agus a mhic an fuigheall: maille ri aran neo-ghoirtichte ithear e 's an ionad naomh; ann an cùirt pàilluin a' choimhthionail ithidh iad e.

17 Cha-n fhuinear e le taois ghoirt: thug mi *dhoibh* e *mar* an cuibhrionn de n' tabhartasaibh air an toirt suas le teine: *tha* e ro naomh, mar an iobairt-peacaidh, agus mar an iobairt-eusaontais.

18 Ithidh gach firionnach am measg chloinn Aaron dheth: *bithidh* e 'n a reachd sìorruidh air feadh bhur ginealachan thaobh tabhartasan an Tighearna air an toirt suas le teine: bithidh gach neach a bheanas riu naomh.

19 Agus labhair an Tighearn ri Maois, ag ràdh,

20 *Is* e so tabhartas Aaron, agus a chuid

mac, a bheir iad seachad do'n Tighearn, 's an là a dh'ungar e; an deicheamh cuid de ephal de phlùr min mar thabhartas-bìdh an còmhnuidh, a leth 's a' mhaduinn, agus a leth 's an fheasgar.

21 Ann an àghann nithear e le h-olaidh, agus an uair a bhitheas e fuinte, bheir thu stigh e; agus na mirean fuinte de'n tabhartas-bìdh bheir thu seachad a chum faile chùbhraidh do'n Tighearn.

22 Agus bheir an sagart d'a mhic, a dh'ungadh 'n a àite, seachad e: is reachd sìorruidh e do'n Tighearn; loisgear gu h-iomlan e.

23 Oir loisgear gach tabhartas bìdh air son an t-sagart gu h-iomlan: cha-n i thear e.

24 Agus labhair an Tighearn ri Maois, ag ràdh,

25 Labhair ri h-Aaron agus r'a mhic, ag ràdh, Is e so lagh na h-iobairt-pheacaidh: 's an ionad anns am marbhar an iobairt-loisgte, bithidh an iobairt-pheacaidh air a marbhadh 'am fianuis an Tighearna: tha i ro naomh.

26 Ithidh an sagart i, a bheir seachad i air son peacaidh: anns an ionad naomh ithear i, ann an cùirt pàilliuin a' choinhthionail.

27 Ge b'e ni a bheanas r'a fcoil, bithidh e naomh; agus an uair a chrathar a' bheag d'a fuil air eudach sam bith, nighidh tu an ni air an do chrathadh i anns an ionad naomh.

28 Agus bithidh an soitheach creadha anns an do bhrùicheadh i air a bhriscadh; ach ma bhrùicheadh i ann an coireadh umha, glanar agus nighear e ann an uisge.

29 Ithidh na firionnaich uile am measg nan sagart dhith: tha i ro naomh.

30 Ach cha-n ithear iobairt-pheacaidh sam bith, d'an d'thugadh a' bheag de'n fluil a steach do phàilliuin a' choinhthionail, a dheanadh rèite 's an ionad naomh: loisgear 's an teine i.

CAIB. VII.

1 Lagh na h-iobairt-eusaontais. 11 agus lagh iobairt' nan tabhartas-sith. 22 An t-saill, 26 agus an fluil air an toirmeasg.

AGUS is e so lagh na h-iobairt-eusaontais: tha i ro naomh.

2 Anns an ionad 's am marbh iad an iobairt-loisgte, marbhaidh iad an iobairt-eusaontais: agus crathaidh e a fuil air an altair mu'n cuairt.

3 Agus bheir e seachad dhith a saill uile; an t-carbòil, agus an t-saill a tha 'còmh-dachadh a' mhionaidh,

4 Agus an dà àra, agus an t-saill a tha orra, a tha làimh ris an loch-léin, agus an seairt a tha os ceann nan àinean; maille ris na h-àimibh, bheir e air falbh i.

5 Agus loisgidh an sagart iad air an altair, mar thabhartas a bheirear suas le teine do'n Tighearn: is iobairt-eusaontais i.

6 Ithidh gach firionnach am measg nan sagart dhith: 's an ionad naomh ithear i; tha i ro naomh.

7 Mar an iobairt-pheacaidh, is amhuil sin an iobairt-eusaontais: is aon lagh dhoibh: leis an t-sagart a ni rèite leatha, bithidh i.

8 Agus an sagart a bheir seachad iobairt-loisgte duine sam bith, is leis an t-sagart so croicinn na h-iobairt-loisgte a thug e seachad.

9 Agus buinidh an tabhartas-bìdh uile a dh'fhuinear ann an àmhuinn, agus gach ni a dheasaichear ann an àghann-ròstaidh, agus ann am mèis, do'n t-sagart a bheir seachad e.

10 Agus bithidh gach tabhartas-bìdh measgta le h-olaidh agus tioram, le mic Aaron uile, leis gach aon uiread r'a chéile.

11 Agus is e so lagh iobairt' nan tabhartas-sith, a bheir e seachad do'n Tighearn:

12 Ma's ann mar bhrèith-buidheachais a bheir e seachad i, an sin bheir e seachad maille ris an iobairt-bhuidheachais breacagan neo-ghoirtichte measgta le h-olaidh, agus dearnagan neo-ghoirtichte ungta le h-olaidh, agus breacagan measgta le h-olaidh, de phlùr min, air a ròstaidh.

13 A thuilleadh air na breacagaibh, bheir e seachad mar a thabhartas, aran goirtichte, maille ri iobairt-buidheachais a thabhartas-sith.

14 Agus dh'i sin bheir e seachad aon as an tabhartas iomlan, mar thabhartas-togta do'n Tighearn, agus bithidh e leis an t-sagart a chrathas fuil nan tabhartas-sith.

15 Agus ithear feoil iobairt a thabhartas-sith air son breith-buidheachais, 's an là sin féin anns an toirair seachad i; cha-n fhàg e 'bheag dhith gu maduinn.

16 Ach ma's bòid no tabhartas deònach iobairt a thabhartais, 's an là sin féin anns an toir e seachad iobairt, ithear i; agus air an là maireach mar an ceudna ithear a fuigheall.

17 Ach loisgear le teine fuigheall feòla na h-iobairt' air an treas là.

18 Agus ma dh'ithear idir a bheag de fheoil iobairt a thabhartas-sith air an treas là, cha ghabhar i, ni mò a mheasar i dha-san a bheir seachad i: bithidh i 'n a gràineileachd, agus an t-anam a dh'itheas dhith giùlainidh e 'aingidheachd.

19 Agus an fheoil a bheanas ri ni sam bith neòghlan, cha-n ithear i; loisgear i le teine: agus a thaobh na feòla, gach neach a bhitheas glan, ithidh e dhith.

20 Ach an t-anam a dh'itheas de fheoil iobairt' nan tabhartas-sith, a bhuineas do'n Tighearn, agus a neòghloine air, gearrar eadhon an t-anam sin as o'shluaigh.

21 Agus an t-anam a bheanas ri ni sam bith neòghlan, ri neòghloine duine, no ri ainmhidh neòghlan, no ri gràineileachd neòghloin sam bith, agus a dh'itheas de

fheoil iobairt nan tabhartas sith a *bhuineas* do'n Tighearn, gearrar eadhon an t-anam sin as o 'shluagh.

22 Agus labhair an Tighearn ri Maois, ag ràdh,

23 Labhair ri cloinn Israeil, ag ràdh, Saill air bith daimh, no caorach, no gaibhre, cha-n ith sibh.

24 Agus feudar saill ainmhidh a gheibh bàs leis féin, agus saill an ainmhidh sin a reubar le fiadh-bheathaichibh, a ghnàthachadh gu feum sam bith eile; ach cha-n ith sibh idir dhith:

25 Oir ge b'e dh'itheas saill o'n ainmhidh sin d'an toir daoine seachad iobairt a loisgear le teine do'n Tighearn, gearrar eadhon an t-anam sin a dh'itheas *dhith* as o 'shluagh.

26 Agus cha-n ith sibh gnè sam bith fola, ma's ann a dh'eoine no dh' ainmhidh, ann an aon air bith d'ur n-àiteachaibh-còmh-nuidh.

27 Gach anam a dh'itheas gnè sam bith fola, gearrar eadhon an t-anam sin as o 'shluagh.

28 Agus labhair an Tighearn ri Maois, ag ràdh,

29 Labhair ri cloinn Israeil, ag ràdh, Esan a bheir seachad iobairt a thabhartasan-sith do'n Tighearn, bheir e leis a thabhartas a dh'ionnsuidh an Tighearna, de iobairt a thabhartasan-sith.

30 Bheir a Ìmhan féin leo tabhartasan an Tighearna a bheirear suas le teine; an t-saill maille ris an uchd, so bheir e leis, a chum gu'n luaisgear an t-uchd *mar* thabhartas-luaisgte an làthair an Tighearna.

31 Agus loisgidh an sagart an t-saill air an altair: ach bithidh an t-uchd le Aaron agus le 'mhic.

32 Agus an slinnean deas bheir sibh do'n t-sagart *mar* thabhartas-togta, de iobairtibh bhuir tabhartasan-sith.

33 Aige-san de mhic Aaron a bheir suas fuil nan tabhartas-sith, agus an t-saill, bithidh an slinnean deas *mar* a chuibrionn.

34 Oir ghabh mi an t-uchd luaisgte agus an slinnean togta o chloinn Israeil, de iobairtibh an tabhartasan-sith, agus thug mi iad do Aaron an sagart, agus d'a mhic, le reachd sìorruidh o mheasg chloinn' Israeil.

35 *Is* e so *cuibhrionn* ungaidh Aaron, agus ungaidh a chuid mac, de thabhartasaibh an Tighearna a bheirear suas le teine, 's an là anns an d'thug e a làthair iad a fhrithealadh do'n Tighearn ann an dreuchd an t-sagairt;

36 A dh'àithn an Tighearn a thoirt dhoibh o ehloinn Israeil, 's an là anns an d'ung e iad, le reachd sìorruidh air feadh an gin-ealachan.

37 *Is* e so lagh na h-iobairt-loisgte, an tabhartais-bhìdh, agus na h-iobairt-pheacaidh, agus na h-iobairt-eusaontais, agus nan

coisreagadh, agus iobairt nan tabhartas-sith,

38 A dh'àithn an Tighearn do Mhaois ann an sliabh Shinai, 's an là anns an d'àithn e do chloinn Israeil an tabhartasan a thoirt seachad do'n Tighearn, ann am fasach Shinai.

CAIB. VIII.

1 *Choisrig Maois Aaron agus a mhic.* 14 *An iobairt-pheacaidh.* 18 *An iobairt-loisgte.* 22 *Reithe a' choisreagaidh.* 31 *Aite agus àm an coisreagaidh.*

AGUS labhair an Tighearn ri Maois, ag ràdh,

2 Thoir leat Aaron agus a mhic maille ris, agus an trusan *naomh*, agus an oladh-ungaidh, agus tarbh mar an iobairt-pheacaidh, agus dà reithe, agus bascaid de aran neo-ghoirtichte.

3 Agus cruinnich an coimhthional uile 'an ceann a chèile gu dorus pàilliuin a' choimhthionail.

4 Agus rinn Maois mar a dh'àithn an Tighearn dha; agus chruinnicheadh an coimhthional r'a chèile gu dorus pàilliuin a' choimhthionail.

5 Agus thubhairt Maois ris a' choimhthional, *Is* e so an ni a dh'àithn an Tighearn a dheanamh.

6 Agus thug Maois Aaron agus a mhic leis, agus dh'ionnlaid e iad le h-uisge.

7 Agus chuir e air an còta, agus chrìoslaich se c leis a' chrìos, agus dh'eudaich se e leis an fhalluinn, agus chuir e 'n ephod air, agus chrìoslaich se e le crìos rìomhach na h-ephoid, agus cheangail e ris i leis.

8 Agus chuir e 'n uchd-éididh air; agus chuir e anns an uchd-éididh an Urim agus an Tumim.

9 Agus chuir e 'n crùn-sagairt air a cheann; mar an ceudna air a' chrùn-sagairt, *eadhon* air a' chuid-beoil deth chuir e 'n leac òir, an erùn naomh, mar a dh'àithn an Tighearn do Mhaois.

10 Agus ghabh Maois an oladh-ungaidh, agus dh'ung e 'm pàilliuin, agus gach *ni* a *bha* ann, agus naomhaich e iad.

11 Agus chrath e *cuid* dhith air an altair seachd uairean, agus dh'ung e 'n altair, agus a soithichean uile, araon an soitheach-ionnlaid agus a chos, a chum an naomhachadh.

12 Agus dhòirt e de'n oladh-ungaidh air ceann Aaron, agus dh'ung se e, ehum a naomhachadh.

13 Agus thug Maois mic Aaron leis, agus chuir e còtaichean orra, agus chrìoslaich e iad le crìosaibh, agus chuir e boineidean orra, mar a dh'àithn an Tighearn do Mhaois.

14 Agus thug e leis an tarbh air son na h-iobairt-pheacaidh, agus chuir Aaron agus a mhic an Ìmhan air ceann an tairbh air son na h-iobairt-pheacaidh.

15 Agus mharbh se *e*; agus ghabh Maois an fhuil, agus chuir e *i* air adhaircibh na h-altarach mu'n cuairt le 'mheur, agus ghlan e 'n altair; agus dhòirt e 'n fhuil aig bun na h-altarach, agus naomhaich e *i*, a dheanamh réite oirre.

16 Agus ghabh e 'n igh uile a *bha* air a' mhionach, agus an scart *os ceann* nan àinean, agus an dà àra, agus an igh; agus loisg Maois *iad* air an altair.

17 Ach an tarbh agus a sheiche, agus 'fheoil, agus 'aolach, loisg e le teine an taobh a muigh de'n champ, mar a dh'àithn an Tighearn do Mhaois.

18 Agus thug e leis an reithe *air son* na h-ìobairt-loisgte: agus chuir Aaron agus a mhic an làmh air ceann an reithe.

19 Agus mharbh se *e*; agus chrath Maois an fhuil air an altair mu'n cuairt.

20 Agus ghearr e 'n reithe 'u a mhìribh; agus loisg Maois au ceann, agus na mìrean, agus an t-saill.

21 Agus nigh e am mionach agus na cosan ann an uisge; agus loisg Maois an reithe uile air an altair: *bh'ìobairt-loisgte e*, chum fàile chùbhraidh: tabhartas air a thoirt suas le teine do'n Tighearn, mar a dh'àithn an Tighearn do Mhaois.

22 Agus thug e leis an reithe eile, reithe a' choisreagaidh: agus chuir Aaron agus a mhic an làmh air ceann au reithe.

23 Agus mharbh se *e*; agus ghabh Maois *cuid* d'a fhuil, agus chuir e *i* air bàrr chuaise deise Aaroin, agus air ordaig a làimhe deise, agus air ordaig a choisre deise.

24 Agus thug e leis mic Aaroin, agus chuir Maois *cuid* de'n fhuil air bàrr an chuaise deise, agus air ordaig an làimhe deise, agus air ordaig an coise deise: agus chrath Maois an fhuil air an altair mu'n cuairt.

25 Agus ghabh e 'n t-saill, agus an t-earball, agus an igh uile a *bha* air a' mhionach, agus an scart *os ceann* nan àinean, agus an dà àra agus an igh, agus an slinnean deas.

26 Agus á bascaid an arain neo-ghhoirtichte, a *bha* an làthair an Tighearna, ghabh e aon bhreacag neo-ghoirtichte, agus aon bhreacag de aran le h-olaidh, agus aon dearnagan, agus chuir e *iad* air an t-saill, agus air an t-slinnean deas:

27 Agus chuir e 'n t-ìomlan air làmh an Aaroin, agus air làmh a chuid mac, agus luaisg e *iad* mar thabhartas-luaisgte an làthair an Tighearna.

28 Agus ghabh Maois *iad* bhàrr an làmh, agus loisg e *iad* air an altair os ceann na h-ìobairt-loisgte; *bu* tabhartas-coisreagaidh *iad* a chum fàile chùbhraidh; tabhartas air a thoirt suas le teine do 'n Tighearn.

29 Agus ghabh Maois an t-uchd, agus luaisg se e mar thabhartas-luaisgte an làthair an Tighearna: *b'e* cuibhrioun Mhaois

e de reithe a' choisreagaidh; mar a dh'àithn an Tighearn do Mhaois.

30 Agus ghabh Maois *cuid* de'n oladh-ungaidh, agus de'n fhuil a *bha* air an altair, agus chrath e air Aaron *i*; air 'cudach, agus air a mhic, agus air eudach a mhac maille ris: agus naomhaich e Aaron, agus 'eudach, agus a mhic, agus eudach a mhac maille ris.

31 Agus thubhairt Maois ri h-Aaron, agus ra mhic, Bruichibh an fheoil aig dorus pàilliuin a' choimhthionail, agus ann an sin ithibh *i* leis an aran a *tha* ann am bascaid a' choisreagaidh, mar a dh'àithn mise, ag ràdh, Ithidh Aaron agus a mhic *i*.

32 Agus an *ni* sin a dh'fhàgar de'n fheoil agus de'n aran, loisgidh sibh le teine.

33 Agus air dorus pàilliuin a' choimhthionail cha téid sibh a mach *rè* sheachd làithean, gus am bi làithean bhur coisreagaidh air an crìochnachadh: oir *rè* sheachd làithean coisrigidh e sibh.

34 Mar a rinn e 'n diugh, mar sin dh'àithn an Tighearn a bh'ideanta, a dheanamh réite air bhur son.

35 Uime sin aig dorus pàilliuin a' choimhthionail fanaidh sibh a là agus a dh'oidhche, *rè* sheachd làithean, agus coimhididh sibh ordugh an Tighearna, chum nach faigh sibh bàs: oir is ann mar sin a thugadh àitline dhomhsa.

36 Agus rinn Aaron agus a mhic na h-uile nithean a dh'àithn an Tighearn le làmh Mhaois.

CAIB. IX.

1, 8 *Iobairt-pheacaidh agus ìobairt-loisgte Aaroin air a shon féin, agus air son an t-sluaigh.* 23 *An sluagh air am beannachadh.* 24 *Thàinig teine mach o'n Tighearn air an altair.*

A GUS air an ochdamh là ghairm Maois air Aaron agus air a mhic, agus air seanairibh Israeil;

2 Agus thubhairt e ri h-Aaron, Gabh dhuit féin laogh òg chum ìobairt-pheacaidh, agus reithe chum ìobairt-loisgte, gun ghaoid, agus thoir seachad *iad* an làthair an Tighearna.

3 Agus labhraidh tu ri eloinn Israeil ag ràdh, Gabhaibhse meann de na gabhraidh chum ìobairt-pheacaidh; agus laogh, agus uan, le 'chèile de'n cheud bhliadhna, gun ghaoid, a chum ìobairt-loisgte;

4 Mar an ceudna tarbh agus reithe, mar thabhartasan-sith, a chum an ìobradh an làthair an Tighearna; agus tabhartas-bidh measgta le h-olaidh: oir an diugh foillsichidh an Tighearn e féin dhuibh.

5 Agus thug *iad an ni sin* a dh'àithn Maois gu beulaobh pàilliuin a' choimhthionail: agus thàinig an coimhthional uile am fagus, agus sheas *iad* an làthair an Tighearna.

6 Agus thubhairt Maois, *Is* e so an *ni* a

dh'àithn an Tighearn gu'n deanadh sibh; agus foillsichear glòir an Tighearna dhuibh.

7 Agus thubhairt Maois ri h-Aaron, imich a dh'ionnsuidh na h-altarach, agus iobair d'ìobairt-phcacadh, agus d'ìobairt-loisgte, agus dean réite air do shon féin, agus air son an t-sluaigh: agus thoir suas tabhartas an t-sluaigh, agus dean réite air an son, mar a dh'àithn an Tighearn.

8 Chaidh Aaron uime sin a dh'ionnsuidh na h-altarach, agus mharbh e laogh na h-ìobairt-phcacadh, a *bha* air a shon féin.

9 Agus thug mic Aaron an fhuil d'a ionnsuidh; agus thum e a mhèur 's an fhuil, agus chuir e air adhaircibh na h-altarach *i*, agus dhòirt e mach an fhuil aig bun na h-altarach.

10 Ach an t-saill agus na h-àirnean, agus an scairt os ceann àinean na h-ìobairt-phcacadh, loisg e air an altair, mar a dh'àithn an Tighearn do Mhaois.

11 Agus an fhcoil agus an t-seiche loisg e le teine, an taobh a muigh de'n champ.

12 Agus mharbh e 'n iobairt-loisgte; agus thug mic Aaron an fhuil d'a ionnsuidh, agus chrath e i air an altair mu'n cuairt.

13 Agus thug iad an iobairt-loisgte d'a ionnsuidh, maille r'a mìribh, agus an ceann; agus loisg e *iad* air an altair.

14 Agus nigh e am mionach agus na cosan, agus loisg e *iad* air an iobairt-loisgte air an altair.

15 Agus thug e leis tabhartas an t-sluaigh, agus ghabh e ceann na h-ìobairt-phcacadh a *bha* air son an t-sluaigh, agus mharbh se e, agus thug e suas e air son peacadh, mar a' cheud iobairt.

16 Agus thug e leis an iobairt-loisgte, agus dh'ìobairt e i do réir a' ghnàtha.

17 Agus thug e leis an tabhartas-bidh, agus lion e a dhòrn as, agus loisg e air an altair, a thuilleadh air iobairt-loisgte na maidne.

18 Mharbh e mar an ceudna an tarbh, agus an reithe, mar iobairt nan tabhartasan-sith, a *bha* air son an t-sluaigh; agus thug mic Aaron d'a ionnsuidh an fhuil, agus chrath e i air an altair mu'n cuairt.

19 Agus saill an tairbh, agus earball an reithe, agus an *ni* sin a tha 'comhdachadh a' *mhìonaich*, agus na h-àirnean, agus an scairt os ceann nan àinean.

20 Agus chuir iad an t-saill air na h-uchd-aibh, agus loisg e 'n t-saill air an altair.

21 Agus na h-uchdan agus an slinnean deas haisg Aaron mar thabhartas-luaisgte an làthair an Tighearna, mar a dh'àithn Maois.

22 Agus thog Aaron suas a làmhnan chum an t-sluaigh, agus bheannaich e iad; agus thàinig e nuas o iobradh na h-ìobairt-phcacadh, agus na h-ìobairt-loisgte, agus nan iobairtean-sith.

23 Agus chaidh Maois agus Aaron a steach

do phàillium a' choimhthionail, agus thàinig iad a mach, agus bheannaich iad an sluagh: agus dh'fhoillsicheadh glòir an Tighearna do'n t-sluagh uile.

24 Agus thàinig teine a mach o làthair an Tighearna, agus loisg e air an altair an iobairt-loisgte, agus an t-saill: agus chumnaic an sluagh uile *e*, agus rinn iad iolach, agus thuit iad air an aghaidh.

CAIB. X.

1 Nadab agus Abihu air an losgadh. 8 Fion air a thoirneasg do na sagartan an uair a rachadh iad a steach do bhàth a' choimhthionail, &c.

A GUS ghabh Nadab agus Abihu, mic Aaron, gach fear diubh a thùiseir, agus chuir iad teine ann, agus chuir iad tùis air, agus thug iad suas am fianuis an Tighearna teine coimheach, nach d'àithn e dhoibh.

2 Agus chaidh teine mach o làthair an Tighearna, agus loisg e suas iad, agus fhuair iad bàs an làthair an Tighearna.

3 An sin thubhairt Maois ri h-Aaron, *Is e so an nì* a labhair an Tighearn, ag ràdh, Annta-san a thig am fagus dhomh naomhaichear mise, agus an làthair an t-sluaigh uile glòraichear mi. Agus dh'fhan Aaron 'n a thosd.

4 Agus ghairm Maois air Misael agus air Elsaphan, mic Udsicil, bràthar athar Aaron, agus thubhairt e riu, Thigibh am fagus, giùlainibh bhur bràithrean o fhianuis an *ionaid* naomh a mach as a' champ.

5 Agus chaidh iad am fagus, agus ghiùlain iad 'n an còtaibh iad a mach as a' champ, mar a thubhairt Maois.

6 Agus thubhairt Maois ri h-Aaron, agus ri h-Eleasar, agus ri h-Itamar, a mhic, Na rùisgibh bhur cinn, agus na reubaibh bhur n-eudach, air cagal gu'm faigh sibh bàs, agus air cagal gu'm tig fearg air an t-sluagh uile; ach deanadh bhur bràithrean, tigh Israeil uile, tuireadh air son an losgaidh a las an Tighearn.

7 Agus cha téid sibh a mach air doras paillium a' choimhthionail, air cagal gu'm faigh sibh bàs: oir *tha* oladh-ungaidh an Tighearna oirbh. Agus rinn iad a réir fòcail Mhaois.

8 Agus labhair an Tighearn ri h-Aaron, ag ràdh,

9 Na h-òl fion no deoch làidir, thu féin, no do mhic maille riut, an uair a théid sibh a steach do phàillium a' choimhthionail, air cagal gu'm faigh sibh bàs: *bithidh e* 'n a reachd bith-bhuan air feadh bhur ginealach;

10 Agus a chum gu'n cuir sibh eadar-dhealachadh eadar naomh agus mì-naomh, agus eadar neòghlan agus glan;

11 Agus a chum gu'n teagaisg sibh do chloinn Israeil na h-orduighean uile a labhair an Tighearn rin le làmh Mhaois.

12 Agus labhair Maois ri h-Aaron, agus ri h-Eleasar, agus ri h-Itamar, a mhic a

LEBHITICUS, XI

dh'fhan *beò*, Gabhaibh an tabhartas-bidh a dh'fhàgadh de thabhartasaibh an Tighearna air an toirt suas le teine, agus ithibh e gun ghoirteachadh làmh ris an altair; oir *tha* e ro naomha.

13 Agus ithidh sibh e 's an ionad naomh, a chionn *gur* e do dhlighe e, agus dlighe do mhac, de thabhartasaibh an Tighearna air an toirt suas le teine: oir is ann mar sin a dh'àithneadh dhomhsa.

14 Agus an t-uchd luaisgte agus an slinnean togta ithidh sibh ann an ionad glan; tlm féin, agus do mhic, agus do nigheanan, maille rint: oir *is iad* do dhlighe iad, agus dlighe do mhac, a thugadh dhoibh á iobairtibh tabhartasan-sith chloinn' Israeil.

15 An slinnean togta, agus an t-uchd luaisgte, maille ris na tabhartasaibh air an toirt suas le teine de'n t-saill, bheir iad leo agus a hasgadh *mar* thabhartas-luaisgte an làthair an Tighearna; agus is leats' e, agus le d' mhic maille riut, le reachd bith-bhman, mar a dh'àithn an Tighearna.

16 Agus dh'iarr Maois gu dìchiollach meann na h-iobairt-pheacaidh, agus, fench, loisgeadh e: agus bha fearg aige ri h-Eleasar agus ri h-Itamar, mic Aaroin, a dh'fhàgadh *beò*, ag ràdh,

17 C'ar son nach d'ith sibh an iobairt-pheacaidh 's an ionad naomh, do bhrìgh gn *bheil* i ro naomh, agus thug *Dia* dhuibh i a ghiùlan aingidheachd a' choimhthionail, a dheanamh rèite air an son 'am fianuis an Tighearna?

18 Fench, cha d'thugadh a fuil a steach an taobh a stigh de'n *ionad* naomh: bu chòir dhuibh gu deimhin a h-itheadh 's an *ionad* naomh, mar a dh'àithn mise.

19 Agus thubhairt Aaron ri Maois, Feuch, an d'ingh thug iad suas an iobairt-pheacaidh, agus an iobairt-loisgte, an làthair an Tighearna; agus thachair an leithidean sin de nithibh dhomhsa; agus nam bithinn air itheadh na h-iobairt-pheacaidh an diugh, an gabhtadh rithe an làthair an Tighearna?

20 Agus an nair a chuala Maois sin, bha e toilichte.

CAIB. XI.

1, 4 *Mu bheathaichibh glana. 13 agus mu bheathaichibh neòghlan.*

A GUS labhair an Tighearna ri Maois, agus ri h-Aaron, ag ràdh riu,

2 Labhraidh ri cloinn Israeil, ag ràdh, *Is iad* so na beathaichean a dh'itheas sibh de na h-uile ainmhidhean a *tha* air an talamh.

3 Gach aon a roinneas an ionga, agus, a sgoilteas an ladhar, agus a' chnàmhas a' chùr, am measg nan ainmhidhean, sin ithidh sibh.

4 Ach iad so cha-n ith sibh, dhinbhsan a chnàmhas a' chùr, no dhinbhsan a roinneas an ionga: *mar* an càmhal, a chionn ged a chnàmh e a' chùr, nach roinn e an ionga; neòghlan *tha* e dhuibh.

5 Agus an coinean, a chionn ged a chnàmh e a' chùr, nach roinn e an ionga; neòghlan *tha* e dhuibh.

6 Agus a' mhaigheach, a chionn ged a chnàmh i a' chùr, nach roinn i an ionga; neòghlan *tha* i dhuibh.

7 Agus a' mhinc, a chionn ged a roinn i an ionga, agus ged a sgoilt i an ladhar, gidheadh nach cnàmh i a' chùr; neòghlan *tha* i dhuibh.

8 D'am feoil cha-n ith sibh, agus r'an cairbh cha bhean sibh; neòghlan *tha* iad dhuibh.

9 Iad so ithidh sibh, dhinbhsan uile a *tha* 's na h-nisgeachaibh: gach *ni* air am bheil itean agus lannan anns na h-uisgeachaibh, anns na cuantaibh, agus anns na h-aimhne-chibh, iad sin ithidh sibh.

10 Agus gach *ni* air nach 'eil itean no lannan anns na cuantaibh, agus anns na h-aimhne-chibh, de gach *ni* a ghluaiseas 's na h-uisgeachaibh, agus de gach *ni* beò, a *tha* 's na h-uisgeachaibh; 'n an gràineileachd *bithidh* iad dhuibh:

11 Eadhon 'n an gràineileachd bithidh iad dhuibh: d'am feoil cha-n ith sibh, agus d'an cairbh gabhaidh sibh gràin.

12 Gach *ni* air nach 'eil itean no lannan anns na h-uisgeachaibh, 'n a ghràineileachd *bithidh* sin dhuibh.

13 Agus dhinb so gabhaidh sibh gràin am measg nan eun; cha-n ithear iad, 'n an gràineileachd *tha* iad: an iolair, agus an cnàmh-bhristeach, agus an iolar-uisge,

14 Agus an fang, agus an clamhan a réir a ghnè;

15 Gach fitheach a réir a ghnè; 16 Agus a' chailleach-oidhche, agus an t-seabhag-oidhche, agus a chnàch, agus an t-seabhag a réir a ghnè,

17 Agus a' chailleach-oidhche bheag, agus an scarbh, agus a' chailleach-oidhche mhòr,

18 Agus an eala, agus an pelican, agus an iolair fhionn,

19 Agus a' chorra-bhàn, agus a' chorra-ghlas a réir a ghnè, agus an t-adharcan-machrach, agus an ialtag.

20 *Bithidh* gach *ni* snàigeach a dh'iteal-aicheas, agus a dh'innicheas air cheithir chosan, 'n a ghràineileachd dhuibh.

21 Ach iad so feudaidd sibh itheadh, de gach *ni* snàigeach a dh'iteal-aicheas, agus a dh'innicheas air cheithir chosan, aig am bheil huirghean os ceann a throidhean, gu lemm leo air an talamh.

22 Eadhon iad so dhinb feudaidd sibh itheadh: an locust a réir a ghnè, agus an locust maol a réir a ghnè, agus an daol a a réir a ghnè, agus an leumnach-uaine a réir a ghnè.

23 Ach *bithidh* gach *ni* eile snàigeach a dh'iteal-aicheas, aig am bheil ceithir chosan, 'n a ghràineileachd dhuibh.

24 Agus air an son sin bithidh sibh neò-

ghlan: gach neach a bheanas r'an cairbh, bithidh e neòghlan gu feasgar.

25 Agus ge b'e air bith a ghiùlaineas a' bheag d'an cairbh, nighidh e 'eudach, agus bithidh e neòghlan gu feasgar.

26 Bithidh cairbh gach ainmhidh a roinneas an ionga, agus nach sgoilt an iadhar, agus nach eàmh a' chùir, neòghlan dhuibh: gach neach a bheanas riu, bithidh e neòghlan.

27 Agus ge b'e air bith a dh'imicheas air a mhaigibh, am measg nan uile bheathaichean a dh'imicheas air cheithir *chosan*, bithidh e neòghlan dhuibh; gach neach a bheanas r'an cairbh, bithidh e neòghlan gu feasgar.

28 Agus easan a ghiùlaineas an cairbh, nighidh e 'eudach, agus bithidh e neòghlan gu feasgar; neòghlan *tha* iad dhuibh.

29 Agus bithidh iad so neòghlan dhuibh am measg nan nithean snàigeach a shnàigeas air an talamh: an neas, agus an luch, agus an crocodeil a réir a ghnè,

30 Agus am firead, agus an camoleon, agus an dearc-luachrach, agus an t-seilcheag, agus am fann.

31 *Tha* iad sin neòghlan dhuibh 'n am measg nan uile a shnàigeas: gach neach a bheanas riu, 'n uair a bhios iad marbh, bithidh e neòghlan gu feasgar.

32 Agus gach ni air an tuit a *h-aon* diubh, 'n uair a bhios e marbh, bithidh e neòghlan; co dhiubh is soitheach fiodha sam bith e, no eudach, no eroicinn, no sac: feumaidh gach soitheach ann an deantar obair sam bith, a bhi air a chur ann an uisge, agus bithidh e neòghlan gu feasgar; an sin bithidh e glan.

33 Agus a *thaobh* gach soithich creadh, anns an tuit a *h-aon* diubh, bithidh gach ni a *tha* ann neòghlan; agus brisidh sibh e.

34 De gach uile bliadh a dh'ithear, bithidh am biadh sin air an tig uisge, neòghlan; agus bithidh gach deoch a dh'òlar ann an soitheach sam bith, neòghlan.

35 Agus bithidh gach ni air an tuit a' bheag d'an cairbh, neòghlan; ma's àmhuinn e, no coireachan, brisear sìos iad: neòghlan *tha* iad, agus neòghlan bithidh iad dhuibh.

36 Gidheadh bithidh fuaran no tobar anns am bi pailteas uisge, glan: ach bithidh an ni sin a bheanas r'an cairbh, neòghlan.

37 Agus ma thuiteas a' bheag d'an cairbh air sìol-cùir sam bith, a bhios r'a chur, bithidh e glan.

38 Ach ma chuirear uisge sam bith air an t-sìol, agus gu'n tuit a' bheag d'an cairbh air, neòghlan bithidh e dhuibh.

39 Agus ma bhàsaicheas ainmhidh sam bith d'am feud sibh itheadh, bithidh easan a bheanas r'a chairbh neòghlan gu feasgar.

40 Agus easan a dh'itheas d'a chairbh, nighidh e 'eudach, agus bithidh e neòghlan gu feasgar: easan mar an ceudna a ghiùl-

laineas a chairbh, nighidh e 'eudach, agus bithidh e neòghlan gu feasgar.

41 Agus bithidh gach ni snàigeach a shnàigeas air an talamh, 'n a ghràineileachd: cha-n ithear e.

42 Gach ni a dh'imicheas air a' bhroinn, agus gach ni a dh'imicheas air cheithir *chosan*, no ge b'e air bith aig am bheil tuilleadh *chosan* am measg nan uile nithean snàigeach a shnàigeas air an talamh; cha-n ith sibh iad, oir is gràineileachd iad.

43 Cha dean sibh sibh féin gràineil le ni snàigeach sam bith a shnàigeas, cha mhò 'ni sibh sibh féin neòghlan leo, air chor is gu'n truaillear sibh leo.

44 Oir is mise an Tighearn bhur Dia: naomhaichidh sibh air an aobhar sin sibh féin, agus bithidh sibh naomha; oir *tha* mise naomh: agus cha truaill sibh sibh féin le ni snàigeach sam bith a shnàigeas air an talamh.

45 Oir is mise an Tighearn a thug sibhse a mach á tìr na h-Eipht, gu bhi 'a m' Dhia agaibh: bithidh sibhse uime sin naomha, oir *tha* mise naomh.

46 Is e so lagh nan ainmhidh, agus nan eunlaith, agus gach dùile bheò a ghluaiseas anns na h-uisgeachan, agus gach dùil a shnàigeas air an talamh:

47 A chur dealachaidh eadar an neòghlan agus an glan, agus eadar am beathach a dh'fheadar itheadh, agus am beathach nach fheadar itheadh.

CAIB. XII.

1 Mu neòghloine bhan an dèigh breith cloinne, 6 agus an iobairtean.

AGUS labhair an Tighearn ri Maois, ag ràdh,

2 Labhair ri cloinn Israeil, ag ràdh, Ma dh'fhàsas bean torrach, agus gu'm beir i mac, an sin bithidh i neòghlan seachd làithean; a réir làithean a dealachaidh air son a h-annhuinneachd bithidh i neòghlan.

3 Agus air an ochdamh là timchioll-ghearrar feoil a roimh-chroicinn.

4 Agus fanaidh i an sin trì làithean deug 'ar fhichead ann am fuil a glanaidh: cha bhean i ri ni naomh sam bith, agus cha tig i steach do'n ionad naomh, gus an coimhionar làithean a glanaidh.

5 Ach ma bheireas i leanabh nighinn, an sin bithidh i neòghlan dà sheachdain, mar 'n a dealachadh: agus fanaidh i am am fuil a glanaidh trì fichead agus sè làithean.

6 Agus an uair a choimhionar làithean a glanaidh air son mic, no air son nighinn, bheir i uan de'n cheud bhliadhna chum iobairt-loisgte, agus column òg, no eun turtur chum iobairt-pheacaidh, gu dorus pàilluin a' choimhthionail, a dh'ionnsuidh an t-sagairt:

7 Agus bheir e seachad e an làthair an Tighearna, agus ni e rèite air a son, agus

glanar i o ruith a fola. *Is e* so an lagh air a sonsa a bheireas mac no nighean.

8 Agus mur urrainn i uan a thoirt leatha, an sin bheir i leatha dà thurtur, no dà choluman òg; fear dhiubh chum ìobairt-loisgte, agus an fear eile chum ìobairt-pheacaidh; agus ni an sagart réite air a son, agus bithidh i glan.

CAIB. XIII.

1 *Na riaghailtean agus na comharan leis an aithnich an sagart plàigh na luibhre.*

AGUS labhair an Tighearn ri Maois agus ri h-Aaron, ag ràdh,

2 'N uair a bhios aig duine ann an croicinn 'fheòla atadh, no guirein, no ball soilleir, agus gu'm bi e ann an croicinn 'fheòla *cosmhail* ri plàigh luibhre; an sin bheirear e gu h-Aaron an sagart, no gu h-aon d'a mhic, na sagartan.

3 Agus amhaircidh an sagart air a' phlàigh ann an croicinn 'fheòla; agus an uair a bhios am fionnadh 's a' phlàigh air tionndadh gu bàn, agus a' bhios a' phlàigh r'a faicinn nì's doimhne na croicinn 'fheòla; *is* plàigh luibhre a th'ann: agus amhaircidh an sagart air, agus gairmidh e neòghlan e.

4 Ach ma tha am ball soilleir ann an croicinn 'fheòla bàn, agus gun e bhi r'a fhaicinn nì's doimhne na 'n croicinn, agus gun 'fhiionnadh 'bhi air tionndadh gu bàn; an sin druididh an sagart a stigh *esan air am bheil* a' phlàigh seachd làithean.

5 Agus amhaircidh an sagart air, air an t-seachdamh là: agus, feuch, *ma tha* 'phlàigh 'n a shealladh air stad, agus gun a' phlàigh 'bhi 'sgaoileadh 's a' chroicinn; an sin druididh an sagart a stigh e seachd làithean eile.

6 Agus amhaircidh an sagart air a ris air an t-seachdamh là, agus, feuch, *ma bhios* a' phlàigh càil-eigin dorch, agus nach 'eil a' phlàigh air sgaoileadh 's a' chroicinn, gairmidh an sagart glan e; *cha-n'eil* ann ach guirein; agus nighidh e 'cudach, agus bithidh e glan.

7 Ach ma sgaoil an guirein gu mòr a mach 's a' chroicinn, an deigh dha bhi air 'fhaicinn leis an t-sagart a chum a ghlanaidh; chithear e ris leis an t-sagart.

8 Agus amhaircidh an sagart air, agus, feuch, *ma tha* 'n guirein air sgaoileadh 's a' chroicinn, an sin gairmidh an sagart e neòghlan: *is* luibhre a th'ann.

9 An uair a bhios plàigh luibhre air duine, an sin bheirear e chum an t-sagairt:

10 Agus amhaircidh an sagart air: agus, feuch, *ma tha* atadh bàn 's a' chroicinn, agus gu'n do thionndaidh e am fionnadh gu bàn, agus *gu'm bheil* feoil bheò dhearg 's an atadh,

11 *Is* seann luibhre a th'ann, ann an croicinn 'fheòla; agus gairmidh an sagart e neòghlan, agus cha druid e stigh e, oir *tha* e neòghlan.

12 Agus ma bhriseas luibhre gu mòr a mach 's a' chroicinn, agus gu'n comhdaich an luibhre croicinn *an neach air am bheil* a' phlàigh uile o 'cheann gu 'throidh, ge b'e ball air an anhaire an sagart;

13 An sin bheir an sagart faineir: agus, feuch, *ma* chomhdaich an luibhre 'fheoil uile, gairmidh e *esan glan air am bheil* a' phlàigh: thionndaidheadh e uile gu bàn; *tha* e glan.

14 Ach an uair a bhios feoil dhearg r'a faicinn air, bithidh e neòghlan.

15 Agus amhaircidh an sagart air an fheoil dhearg, agus gairmidh e neòghlan e; oir *tha* 'n fheoil dhearg neòghlan: *is* luibhre a th'ann.

16 Ach ma thig an fheoil dhearg air a h-ais a ris, agus gu'n tionndaidhear gu bàn i, thig e chum an t-sagairt,

17 Agus amhaircidh an sagart air: agus, feuch, *ma tha* 'phlàigh air tionndadh gu bàn, an sin gairmidh an sagart *esan glan air am bheil* a' phlàigh: *tha* e glan.

18 An fheoil mar an ceudna anns an robh, *eadhon* 'n a croicinn, neascaid, agus a leighiseadh,

19 Agus aig am bheil ann an àite na neascaid atadh bàn, no ball soilleir bàn, càil-eigin dearg, nochdar do'n t-sagart e;

20 Agus ma 'se 'n uair a chi an sagart e, feuch, gu bheil e r'a fhaicinn nì's doimhne na 'n croicinn, agus 'fhiionnadh air a thionndadh gu bàn; gairmidh an sagart neòghlan e: *is* plàigh luibhre a th'ann air briseadh a mach anns an neascaid.

21 Ach ma dh'amhairceas an sagart air, agus, feuch, *nach* 'eil fionnadh bàn air bith ann, agus gun e nì's doimhne na 'n croicinn, ach càil-eigin dorch; an sin druididh an sagart a stigh e seachd làithean.

22 Agus ma tha e air sgaoileadh a mach gu mòr 's a' chroicinn, an sin gairmidh an sagart e neòghlan; *is* plàigh a th'ann.

23 Ach ma tha 'm ball soilleir air stad 'n a àite, gun e air sgaoileadh, *is* neascaid loisgeach a th'ann; agus gairmidh an sagart glan e.

24 No *ma bhios* feoil air bith ann, aig am bheil 'n a croicinn losgadh teth, agus gu'm bi ann an *fheoil* bheò a tha' losgadh ball bàn soilleir, càil-eigin dearg, no bàn;

25 An sin amhaircidh an sagart air; agus, feuch, *ma tha* 'm fionnadh anns a' bhall shoilleir air tionndadh gu bàn, agus e r'a fhaicinn nì's doimhne na 'n croicinn; *is* luibhre a th'ann air briseadh a mach anns an losgadh: uime sin gairmidh an sagart neòghlan e; *is* plàigh luibhre a th'ann.

26 Ach ma dh'amhairceas an sagart air, agus, feuch, *nach* 'eil fionnadh bàn air bith air a' bhall shoilleir, agus nach 'eil e nì's doimhne na 'n croicinn *eile*, ach *gu bheil* e càil-eigin dorch; an sin druididh an sagart a stigh e seachd làithean.

27 Agus amhaircidh an sagart air, air an t-seachdamh là, agus ma tha e air sgaoileadh a mach gu mòr 's a' chroicinn, an sin gairmidh an sagart neòghlan e; is plàigh luibhre a th'ann.

28 Agus ma tha 'm ball soilleir air stad 'n a àite, gun e air sgaoileadh 's a' chroicinn, ach e cail-eigin dorcha; is atadh o'n losgadh a th'ann, agus gairmidh an sagart glan e; oir is leannachadh a th'ann o'n losgadh.

29 Ma tha aig duine no mnaoi plàigh air a' cheann, no air an fheusaig;

30 An sin amhaircidh an sagart air a' phlàigh: agus, feuch, ma tha i r'a faicinn nì's doimhne na 'n croicinn, agus fionnadh tana buidhe innte; an sin gairmidh an sagart neòghlan e: is càrr tioram a th'ann, eadhon luibhre air a' cheann, no air an fheusaig.

31 Agus ma dh'amhairceas an sagart air plàigh a' charra, agus, feuch, nach 'eil i r'a faicinn nì's doimhne na 'n croicinn, agus nach 'eil fionnadh dubh sam bith innte; an sin druididh an sagart a stigh esan air am bheil plàigh a' charra, seachd làithean.

32 Agus amhaircidh an sagart air a' phlàigh air an t-seachdamh là, agus, feuch, mur 'eil an càrr air sgaoileadh, agus nach 'eil fionnadh buidhe sam bith ann, agus nach 'eil an càrr r'a faicinn nì's doimhne na 'n croicinn;

33 An sin bearrar e, ach an càrr cha bhearr e; agus druididh an sagart a stigh esan air am bheil an càrr, seachd làithean eile.

34 Agus air an t-seachdamh là amhaircidh an sagart air a' chàrr: agus, feuch, mur 'eil an càrr air sgaoileadh 's a' chroicinn, no r'a faicinn nì's doimhne na 'n croicinn; an sin gairmidh an sagart glan e: agus nigheadh e 'eudach, agus bithidh e glan.

35 Ach ma tha an càrr air sgaoileadh gu mòr 's a' chroicinn an dèigh a' ghlanaidh;

36 An sin amhaircidh an sagart air, agus, feuch, ma tha an càrr air sgaoileadh 's a' chroicinn, cha-n iarr an sagart fionnadh buidhe: tha e neòghlan.

37 Ach ma tha an càrr 'n a shealladh air stad, agus ma tha fionnadh dubh air fàs suas ann, leighiseadh an càrr, tha e glan: agus gairmidh an sagart glan e.

38 Ma bhios mar an ceudna aig duine no aig mnaoi ann an croicinn am feòla buill shoilleir, eadhon buill bhàna shoilleir;

39 An sin amhaircidh an sagart: agus, feuch, ma tha na buill shoilleir ann an croicinn am feòla odhar-bhàn, is leus teas e air fàs 's a' chroicinn: tha e glan.

40 Agus an duine aig am bheil a cheann air failcadh, tha e maol: gidheadh tha e glan.

41 Agus esan aig am bheil 'fholt air failcadh de'n chuid sin d'a cheann a' tha leth r'a eudan, tha e maol-bhathaiscach; gidheadh tha e glan.

42 Agus ma tha 'n a cheann maol, no 'n a bhathais mhaol creuchd bhàn cail-eigin dearg; is luibhre a th'ann air fàs suas 'n a cheann maol, no 'n a bhathais mhaol.

43 An sin amhaircidh an sagart air; agus, feuch, ma tha atadh no creuchdan bàndhearg 'n a mhaol cheann, no 'n a mhaol bhathais, mar a nochdar an luibhre ann an croicinn na feòla;

44 Is duine lobhrach e, tha e neòghlan: gairmidh an sagart e neòghlan gu h-ìomlan; tha a' phlàigh 'n a cheann.

45 Agus an lobhar air am bheil a' phlàigh, reubar 'eudach, agus bithidh a cheann lom-nochd, agus cuiridh e folach air a' bheil uachdaraich, agus glaothaidh e, Neòghlan, neòghlan.

46 Rè ran uile làithean a bhios a' phlàigh air, bithidh e salach; tha e neòghlan: gabhaidh e còmhnuidh 'n a aonar; an taobh a muigh de'n champ bithidh 'ionad tàimh.

47 An t-eudach mar an ceudna anns am bheil plàigh na luibhre, ma's eudach olla e, no ma's eudach lìn e,

48 Ma's ann a tha i 's an dlùth, no 's an inneach, de lion no dh'olainn, ma's ann an croicinn, no ann an nì sam bith deanta de chroicinn:

49 Agus ma tha 'phlàigh uaine no dearg 's an eudach, no 's a' chroicinn, aon chuid 's an dlùth no 's an inneach, no ann an nì sam bith deanta de chroicinn; is plàigh luibhre a th'ann, agus feuchar i de'n t-sagart.

50 Agus amhaircidh an sagart air a' phlàigh, agus druididh e stigh an nì anns am bheil a' phlàigh seachd làithean.

51 Agus amhaircidh e air a' phlàigh air an t-seachdamh là: ma tha 'phlàigh air sgaoileadh 's an eudach, aon chuid 's an dlùth no 's an inneach, no ann an croicinn, no ann an obair sam bith deanta de chroicinn; is luibhre chnàmhanach a' phlàigh: tha e neòghlan.

52 Loisgidh e uime sin an t-eudach, ma's dlùth no inneach, ann an olainn no ann an lion, no nì air bith deanta de chroicinn, anns a' bheil a' phlàigh: oir is luibhre chnàmhanach a th'ann; loisgear e 's an teine.

53 Agus ma dh'amhairceas an sagart, agus, feuch, nach 'eil a' phlàigh air sgaoileadh 's an eudach, aon chuid 's an dlùth, no 's an inneach, no ann an nì sam bith deanta de chroicinn;

54 An sin àithnidh an sagart dhoibh an nì anns a' bheil a' phlàigh a nigheadh, agus druididh e stigh e seachd làithean eile.

55 Agus amhaircidh an sagart air a' phlàigh an dèigh a nigheadh: agus, feuch, mur do mhàth a' phlàigh a dath, agus mur do sgaoil a' phlàigh, tha e neòghlan; loisgidh tu 's an teine e: is cnàmhan 'an leth stigh e, ma's lom a stigh no muigh e.

56 Agus ma dh'amhairceas an sagart, agus, feuch, *gu bheil* a' phlàigh càil-eigin dorch a an dèigh a nigheadh; an sin reubaidh e as an eudach i, no as a' chroicinn, no as an dlùth, no as an inneach.

57 Agus ma tha i r'a faicinn fathast 's an eudach, aon chuid 's an dlùth, no 's an inneach, no ann an ni air bith *deanta* de chroicinn: *is plàigh* sgàoilteach a th'ann: loisgidh tu le teine an ni anns a' bheil a' phlàigh.

58 Agus an t-eudach, ma's dlùth, no inneach e, no ni air bith *deanta* de chroicinn, a nigheas tu, ma chaidh a' phlàigh asda, an sin nighear e an dara uair, agus bithidh e glan.

59 *Is* e so lagh plàigh na luibhre ann an eudach olla no lìn, anns an dlùth, no anns an inneach, no ann an ni sam bith *deanta* de chroicinn, chum a ghairm glan, no 'ghairm neòghlan.

CAIB. XIV.

1 *An lagh agus na h-ìobairtean leis an glanar an lobhar.* 33 *Comharan luibhre ann an tigh: 48 mar a ghlanar an tigh sin.*

A GUS labhair an Tighearn ri Maois, ag ràdh,

2 Bithidh so 'n a lagh do'n lobhar, ann an là a ghlanaidh: Bheirear e chum an t-sagairt;

3 Agus thèid an sagart a mach as a' champ; agus amhaircidh an sagart, agus, feuch, *ma* leighiseadh plàigh na luibhre anns an lobhar;

4 An sin àithnidh an sagart gu'n gabhar air a shousan a tha gu 'bhi air a ghlanadh, dà eun bhedh glan, agus fiodh seudair, agus searlad, agus hiosop.

5 Agus àithnidh an sagart gu marbhar aon de na h-eòin ann an soitheach creadha, os ceann uisge ruith.

6 A thaobh an eoin bhedh, gabhaidh se e, agus am fiodh seudair, agus an searlad, agus an hiosop, agus tumaidh e iad agus an t-eun beò, ann am fuil an eoin a mharbhadh os ceann an uisge ruith.

7 Agus crathaidh e air-san a tha gu bhi air a ghlanadh o'n luibhre, seachd uairean, agus gairmidh e glan e, agus leigidh e as an t-eun beò air aghaidh na macharach.

8 Agus nighidh esan a tha gu 'bhi air a ghlanadh 'eudach, agus bearraidh e dh' e 'fhionnadh uile, agus nighidh se e fèin ann an uisge, chum gu'm bi e glan: agus 'n a dhéigh sin thlig e steach do'n champ, agus fanaidh e mach as a' bhùth seachd làithean. 9 Ach air an t-seachdamh là, bearraidh e uile fholt a chinn, agus 'fheusag, agus mailghean a shùil, eadhon 'fhionnadh uile bearraidh e dheth: agus nighidh e 'eudach, nighidh e mar an ceudna 'fheoil ann an uisge, agus bithidh e glan.

10 Agus air an ochdamh là gabhaidh e dà uan fhìrionn gun ghaoid, agus aon uan boirionn de'n cheud bhliadhna gun ghaoid,

agus trì deich earrannan de phlùr mìn mar thabhartas-bidh, measgta le h-olaidh, agus aon log olaidh.

11 Agus nochdaidh an sagart a ni glan e, an duine a tha r'a ghlanadh, agus na nithean sin an làthair an Tighearn, *aig* dorus pàill-iuin a' choimhthionail:

12 Agus gabhaidh an sagart aon uan fìrionn, agus bheir e seachd e mar ìobairt-eusaontais, agus an log olaidh, agus luaisgidh e iad mar thabhartas-luaisgte 'am fianuis an Tighearn'.

13 Agus marbhaidh e 'n t-uan anns an àite 's am marbh e 'n ìobairt-pheacaidh agus an ìobairt-loisgte, anns an ionad naomh; oir mar *is* leis an t-sagart an ìobairt-pheacaidh, *is amhuil* sin an ìobairt-eusaontais: *tha i* ro naomh.

14 Agus gabhaidh an sagart *cuid* de fhuil na h-ìobairt-eusaontais, agus cuiridh an sagart *i* air bàrr cluaise deise an neach a tha r'a ghlanadh, agus air ordaig a làimhe deise, agus air ordaig a choise deise.

15 Agus gabhaidh an sagart *cuid* de'n log olaidh, agus dòirtidh e *i* ann an glaic a làimhe clithe fèin.

16 Agus tumaidh an sagart a mheur deas 's an olaidh a *tha* 'n a làimh chli, agus crathaidh e *cuid* de'n olaidh le 'mheur, seachd uairean an làthair an Tighearn'.

17 Agus de'n chuid eile de'n olaidh a *tha* 'n a làimh, cuiridh an sagart air bàrr cluaise deise an neach a tha r'a ghlanadh, agus air ordaig a làimhe deise, agus air ordaig a choise deise, air fuil na h-ìobairt-eusaontais.

18 Agus fuigheall na h-olaidh, a *tha* 'n làimh an t-sagairt, dòirtidh e air ceann an neach a tha r'a ghlanadh: agus ni an sagart réite air a shon 'am fianuis an Tighearna.

19 Agus ìobraidh an sagart an ìobairt-pheacaidh, agus ni e réite air a shousan a tha r'a ghlanadh o 'neòghloine, agus 'n a dhéigh sin marbhaidh e 'n ìobairt-loisgte.

20 Agus bheir an sagart seachd an ìobairt-loisgte, agus an tabhartas-bidh air an altair: agus ni an sagart réite air a shon, agus bithidh e glan.

21 Agus ma *tha* e bochd, agus nach urrainn e an urrad sin fhaghal; an sin gabhaidh e aon uan *chum* ìobairt-eusaontais gu 'bhi air a luasgadh, a dheanamh réite air a shon, agus aon deicheamh carrann de phlùr mìn measgta le h-olaidh, mar thabhartas-bidh, agus log olaidh;

22 Agus dà thurtur, no dà choluman òg, mar is urrainn e fhaghal; agus bithidh fear dhiubh 'n a ìobairt-pheacaidh, agus am fear eile 'n a ìobairt-loisgte.

23 Agus bheir e iad air an ochdamh là, air son a ghlanaidh, chum an t-sagairt, gu dorus pàilluin a' choimhthionail, an làthair an Tighearna.

24 Agus gabhaidh an sagart uan na h-ìobairt-eusaontais, agus an log olaidh, agus

luaisgidh an sagart iad *mar* tabhartas-luaisgte an làthair an Tighearna.

25 Agus marbhaidh e uan na h-ìobairt-eusaontais, agus gabhaidh an sagart *cuid* de fhuil na h-ìobairt-eusaontais, agus cuiridh e *i* air bàrr cluaise deise an fhir a tha r'a ghlanadh, agus air ordaig a làimhe deise, agus air ordaig a choise deise.

26 Agus dèiridh an sagart *cuid* de'n olaidh ann'an glaic a làimhe clìthe féin.

27 Agus crathaidh an sagart le 'mhèur deas *cuid* de'n olaidh a *tha* 'n a làimh chlì seachd uairean 'am fianuis an Tighearna.

28 Agus cuiridh an sagart *cuid* de'n olaidh a *tha* 'n a làimh, air bàrr cluaise deise an fhir a tha r'a ghlanadh, agus air ordaig a làimhe deise, agus air ordaig a choise deise, air ionad fola na h-ìobairt-eusaontais.

29 Agus a' chuid eile de'n olaidh a *tha* 'an làimh an t-sagairt, cuiridh e air ceann an fhir a tha r'a ghlanadh, a dheanamh réite air a shon 'am fianuis an Tighearna.

30 Agus ìobraidh e fear de na turtuir, no de na columain òga, mar is urrainn e fhaghail;

31 *Eadhon* an ni is urrainn e fhaghail, fear mar ìobairt-pheacaidh, agus am fear eile mar ìobairt-loisgte, maille ris an tabhartas-bhìdh. Agus ni an sagart réite air a shonsan a tha r'a ghlanadh, 'am fianuis an Tighearna.

32 So lagh an *fuir* anns a' *bheil* plàigh na luibhre, neach nach ruig a làmh air an *ni sin* a *bhuineas* d'a ghlanadh.

33 Agus labhair an Tighearna ri Maois, agus ri h-Aaron, ag ràdh,

34 An uair a thig sibh do thùr Chanaain, a bheir mise dhuibh mar sheilbh, agus a chuireas mi plàigh luibhre ann an tigh fearainn bhur seilbhe;

35 Agus gu'n tig esan d'am buin an tigh agus gu'n innis e do'n t-sagart, ag ràdh, A réir mo bharail-sa tha mar gu'n bu phlàigh *luibhre* 's an tigh;

36 An sin àithnidh an sagart dhoibh an tigh fhalmhachadh mun téid an sagart a *stigh* ann a dh'fhaicinn na plàigh; chum nach deanar gach ni a *tha*'s an tigh neòghlan; agus 'n a dhéigh sin théid an sagart a steach a dh'fhaicinn an tigh.

37 Agus amhaircidh e air a' phlàigh, agus, feuch, *ma bhitheas* a' phlàigh ann am ballaibh an tigh, le stiallaibh domhain, càileigin uaine no dearga, a *tha* r'am faicinn ni's isle na 'm balla;

38 An sin théid an sagart a mach as an tigh gu doras an tigh, agus bheir e faineair an tigh a dhùnadh suas seachd làithean.

39 Agus thig an sagart a ris air an t-seachdamh là, agus amhaircidh e: agus, feuch, *ma bhitheas* a' phlàigh air sgaoileadh ann am ballaibh an tigh;

40 An sin àithnidh an sagart iad a thoirt air falbh nan clach, anns a' *bheil* a' phlàigh,

agus tilgidh iad ann an àite neòghlan iad an taobh a mach de'n bhaile.

41 Agus bheir e faineair an tigh a sgrìobadh air an taobh a stigh mu'n cuairt, agus tilgidh iad a mach an dslach a sgrìobas iad deth, an taobh a muigh de'n bhaile gu àite neòghlan.

42 Agus gabhaidh iad clachan eile, agus cuiridh iad ann an àite nan clach ud *iad*; agus gabhaidh e criadh eile, agus còmhdaichidh e thairis an tigh *leatha*.

43 Agus ma thig a' phlàigh a ris, agus *ma* bhriseas i mach 's an tigh, an déigh dha na clachan a thoirt air falbh, agus an déigh dha an tigh a sgrìobadh, agus an déigh *dha* a còmhdaichidh thairis *le crèidh*;

44 An sin thig an sagart agus amhaircidh e, agus, feuch, ma tha 'phlàigh air sgaoileadh 's an tigh, *is* luibhre chnàmhain i's an tigh; *tha* e neòghlan.

45 Agus brisidh e sìos an tigh, a chlachan, agus 'fhiodh, agus criadh an tigh e uile: agus bheir e faineair an giùlan a mach as a' bhaile gu h-ionad neòghlan.

46 Agus bithidh esan a théid a stigh do'n tigh rè na h-ùine a dhruidear suas e, neòghlan gu feasgar.

47 Agus nighidh esan a luidheas anns an tigh 'eudach: agus nighidh esan a dh'itheas anns an tigh 'eudach.

48 Agus ma théid an sagart a stigh, agus gu'n amhaire e *air*, agus, feuch, nach do sgaoil a' phlàigh 's an tigh, an déigh an tigh a còmhdaichidh thairis; an sin gairmidh an sagart an tigh glan, a chionn gu'n do leighiseadh a' phlàigh.

49 Agus gabhaidh e chum an tigh a ghlanadh dà eun, agus fiodh seudair, agus scarlaid, agus hiosop.

50 Agus marbhaidh e aon de na h-eoin ann an soitheach creadha, os ceann uisge ruith.

51 Agus gabhaidh e am fiodh seudair, agus an hiosop, agus an scarlaid, agus an t-eun beò, agus tumaidh e iad ann am fuil an eoin a chaidh a mharbhadh, agus anns an uisge ruith; agus crathaidh e i air an tigh seachd uairean.

52 Agus glanaidh e an tigh le fuil an eoin, agus leis an uisge ruith, agus leis an eun beò, agus leis an fhiodh sheudair, agus leis an hiosop, agus leis an scarlaid.

53 Ach leigidh e as an t-eun beò an taobh a mach de'n bhaile, air aghaidh na mach-arach, agus ni e réite air son an tigh: agus bithidh e glan.

54 So an lagh air son gach gnè de phlàigh luibhre, agus de chàrr,

55 Agus air son luibhre eudaich, agus air son tigh,

56 Agus airson ataidh, agus airson guirein, agus air son buill shoilleir;

57 A theagasg c'uin a *bhitheas* e neòghlan, agus c'uin a *bhitheas* e glan: *is* e so lagh na luibhre.

CAIB. XV.

1, 19 *Nèoghloine le sìtichibh: 13, 28 Mar a ghlanar iad.*

AGUS labhair an Tighearn ri Maois, agus ri h-Aaron, ag ràdh,
2 Labhraibh ri cloinn Israeil, agus abraibh riu, 'N uair a bhios aig duine sam bith silteach o 'fheoil, air son a shiltich *bithidh* e neòghlan.

3 Agus is e so a neòghloine 'n a shilteach: ma shileas 'fheoil a mach a sìleadh, no ma dhùinear 'fheoil suas o shilteach, *is* e so a neòghloine.

4 Gach leabadh air an luidh esan air am bheil silteach, bithidh *i* neòghlan: agus gach ni air an suidh e, bithidh e neòghlan.

5 Agus gach neach a bheanas r'a leabaidh, nighidh e 'eudach, agus ionnlaididh se *e fèin* ann an uisge, agus bithidh e neòghlan gu feasgar.

6 Agus esan a shuidheas air ni *sam bith* air an do shuidh neach air am bheil silteach, nighidh e 'eudach, agus ionnlaididh se *e fèin* ann an uisge, agus bithidh e neòghlan gu feasgar.

7 Agus esan a bheanas ri feoil neach air am bheil silteach, nighidh e 'eudach, agus ionnlaididh se *e fèin* ann an uisge, agus bithidh e neòghlan gu feasgar.

8 Agus ma thilgeas esan air am bheil silteach smugaid aisans a tha glan, an sin nighidh e 'eudach, agus ionnlaididh se *e fèin* ann an uisge, agus bithidh e neòghlan gu feasgar.

9 Agus gach dìollaid air am marcaich esan air am bheil silteach, bithidh *i* neòghlan.

10 Agus gach neach a bheanas ri ni sam bith a bha foidhe, bithidh e neòghlan gu feasgar: agus esan a ghlailneas a *h-aon air bith de* na nithibh sin, nighidh e 'eudach, agus ionnlaididh se *e fèin* ann an uisge, agus bithidh e neòghlan gu feasgar.

11 Agus gach neach ris am bean esan air am bheil silteach, agus nach d'ionnlaid a lamhan ann an uisge, nighidh e 'eudach, agus ionnlaididh se *e fèin* ann an uisge, agus bithidh e neòghlan gu feasgar.

12 Agus an soitheach creadh ris am bean esan air am bheil silteach, brisear *e*: agus gach soitheach fiodha, nighear ann an uisge e.

13 Agus an nair a ghlanar esan air am bheil silteach o 'shilteach, an sin àirmhidh e dha fèin seachd làithean air son a ghlanaidh, agus nighidh e 'eudach, agus ionnlaididh e 'fheoil ann an uisge ruith, agus bithidh e glan.

14 Agus air an ochdamh là gabhaidh e dha fèin dà thurtur, no dà choluman òg, agus thig e an làthair an Tighearna, gu dorus pàilluin a' choimhthionail, agus bheir e iad do'n t-sagart.

15 Agus iobraidh an sagart iad, aon diubh

mar iobairt-pheacaidh, agus an t-aon eile mar iobairt-loisgte; agus ni an sagart réite air a shon an làthair an Tighearn' a thaobh a shiltich.

16 Agus ma dh'fhalbhas a shìol-gin o dhuine sam bith, an sin nighidh e 'fheoil uile ann an uisge, agus bithidh e neòghlan gu feasgar.

17 Agus gach endach, agus gach croicinn air am bi an sìol-gin, nighear e ann an uisge, agus bithidh e neòghlan gu feasgar.

18 Mar an ceudna a' bhean leis an luidh fear le sìol-gin, nighidh iad *araon iad fèin* ann an uisge, agus bithidh iad neòghlan gu feasgar.

19 Agus an uair a bhios silteach air mnaoi, agus gur fuil a bhios 'n a silteach 'n a feoil, seachd làithean cuirear air leth i; agus gach neach a bheanas rithe, bithidh e neòghlan gu feasgar.

20 Agus gach ni air an luidh i 'n nair a chuirear air leth i, bithidh e neòghlan: gach ni mar an ceudna air an suidh i, bithidh e neòghlan.

21 Agus gach neach a bheanas r'a leabaidh, nighidh e 'eudach, agus ionnlaididh se *e fèin* ann an uisge, agus bithidh e neòghlan gu feasgar.

22 Agus gach neach a bheanas ri ni sam bith air an do shuidh i, nighidh e 'eudach, agus ionnlaididh se *e fèin* ann an uisge, agus bithidh e neòghlan gu feasgar.

23 Agus ma bhios e air a leabaidh, no air ni sam bith air an suidh i, 'n uair a bheanas e ris, bithidh e neòghlan gu feasgar.

24 Agus ma luidheas fear sam bith maille rithe, agus gu'n bi a fuil-mios air, bithidh e neòghlan seachd làithean, agus bithidh gach leabadh air an luidh e neòghlan.

25 Agus an uair a bhios a silteach fola air mnaoi mòran de làithibh, cha-n ann 'an àm a dealachaidh, no ma shileas e an déigh *am* a dealachaidh, bithidh uile làithean sìlidh a neòghloine mar làithean a dealachaidh: bithidh *i* neòghlan.

26 Gach leabadh air an luidh i ré uile làithean a sìltich, bithidh i dh'i mar leabaidh a dealachaidh: agus gach ni air an suidh i, bithidh e neòghlan, a réir neòghloine a dealachaidh.

27 Agus gach neach a bheanas ris na nithibh sin, bithidh e neòghlan; agus nighidh e 'eudach, agus ionnlaididh se *e fèin* ann an uisge, agus bithidh e neòghlan gu feasgar.

28 Ach ma ghlanar i o 'silteach, an sin àirmhidh i dh'i fèin seachd làithean, agus an déigh sin bithidh i glan:

29 Agus air an ochdamh là gabhaidh i dh'i fèin dà thurtur, no dà choluman òg, agus bheir i iad a dh'ionnsuidh an t-sagairt. gu dorus pàilluin a' choimhthionail:

30 Agus iobraidh an sagart aon *diubh* mar iobairt-pheacaidh, agus an t-aon *eile* mar iobairt-loisgte; agus ni an sagart réite

air a son an làthair an Tighearna, air son sìltich a neòghloine.

31 Mar so dealaichidh sibh clann Israeil o'n neòghloine, chum as nach bàsaich iad 'n an neòghloine, 'n uair a thruaillias iad mo phàilliuin-sa a *tha* 'n am measg.

32 Is e so lagh an *fhìr* air am bheil sìlteach, agus an *fhìr* sin aig an téid a shìol uaith, agus a shalaichear leis;

33 Agus na *mnà* a bhios gu tinn ann an òm a dealachaidh, agus an neach sin air am bi sìlteach, an *fhìr*, agus na *mnà*, agus an duine *sin* a luidheas leatha-sa a *tha* neòghlan.

CAIB. XVI.

11 *Iobairt-pheacaidh an àrd-shagairt.* 20 *Am boc-gaibhre a leigeadh as beò.* 29 *Féill a' ghlanaidh.*

AGUS labhair an Tighearn ri Maois an déigh bàis dhithis mhac Aaron, an uair a thug iad seachad tabhartas an làthair an Tighearna, agus a bhàsaich iad:

2 Agus thubhairt an Tighearn ri Maois, Labhair ri h-Aaron do bhràthair, a chum nach téid e anns gach am a steach do'n *ionad* naomh an taobh a stigh de'n roinn-bhrat, an làthair na caithir-thròcair, a *tha* air an àire; a chum nach bàsaich e: oir foillsichidh mise mi féin ann an neul air a' chaithir-thròcair.

3 Mar so théid Aaron a steach do'n *ionad* naomh: le tarbh òg chum iobairt-pheacaidh, agus reithe chum iobairt-loisgte.

4 An còta anairt naomh cuiridh e air, agus bitlidh na brigisean anairt aige air 'fheoil, agus leis a' chriosean anairt crioslaichidh se e féin, agus cuiridh e an crùn-anairt air: is éididh naomha iad sin; air an aobhar sin ionnlaidh e 'fheoil ann an uisge, agus cuiridh e air iad.

5 Agus o choimhthionail chloinn Israeil gabhaidh e dà bhoc o na gabhraibh chum iobairt-pheacaidh, agus aon reithe chum iobairt-loisgte.

6 Agus bheir Aaron seachad tarbh na h-iobairt-pheacaidh a *bhios* air a shon féin: agus ni e réite air a shon féin, agus air son a thighe.

7 Agus gabhaidh e an dà bhoc-gaibhre, agus nochdaidh e iad an làthair an Tighearna, aig doras pàilliuin a' choimhthionail.

8 Agus tilgidh Aaron cròinn air an dà bhoc; aon chrann air son an Tighearna, agus crann eile air son a' bhuic a théid as.

9 Agus bheir Aaron leis am boc air an do thuit an crann air son an Tighearna, agus iobaird se e mar iobairt-pheacaidh.

10 Ach am boc air an do thuit an crann gu'n leigeadh as e, nochdar beò an làthair an Tighearna, gu réite a dheanamh leis, chum a leigeadh as saor do'n fhàsach.

11 Agus bheir Aaron leis tarbh na h-iobairt-pheacaidh, a *bhios* air a shon féin, agus ni e réite air a shon féin, agus air son

a thighe; agus marbhaidh e tarbh na h-iobairt-pheacaidh, a *bhios* air a shon féin.

12 Agus gabhaidh e tùiseir làn a dh'éibhlibh teime o'n altair an làthair an Tighearna, agus làn a ghlac de thùis dheadh-bholaidh pronnata gu min, agus bheir e 'n taobh a stigh de'n roinn-bhrat e.

13 Agus cuiridh e an tùis air an teine an làthair an Tighearna, chum gu'n còmhdaich neul na tùise a' chaithir-thròcair a *tha* air an Fhianuis, agus nach faigh e bàs.

14 Agus gabhaidh e de fhuil an tairbh, agus crathaidh e i le 'mhèur air a' chaithir-thròcair chum na h-àird an ear: agus fa chomhair na caithir-thròcair crathaidh e de'n fhuil seachd uairean le 'mhèur.

15 An sin marbhaidh e boc-gaibhre na h-iobairt-pheacaidh a *bhithas* air son an t-sluaigh, agus bheir e fhuil an taobh a stigh de'n roinn-bhrat, agus ni e r'a fhuil-san mar a rinn e ri fuil an tairbh, agus crathaidh e i air a' chaithir-thròcair, agus fa chomhair na caithir-thròcair.

16 Agus ni e réite air son an *ionaid* naoimh a thaobh neòghloine chloinn Israeil, agus a thaobh an scachran 'nam peacaidhibh gu léir: agus mar so ni e air son pàilliuin a' choimhthionail a *tha* 'chòimhnuidh maille riu, ann am meadhan an neòghloine.

17 Agus duine sam bith cha bhli ann am pàilliuin a' choimhthionail, an uair a théid e 'dheanamh réite 's an *ionad* naomh, gus an tig e mach, agus gu bheil e air deanamh réite air a shon féin, agus air son a thighe, agus air son uile choimhthionail Israeil.

18 Agus théid e mach a dh'ionnsuidh na h-altarach a *tha* 'm fianuis an Tighearna, agus ni e réite air a son; agus gabhaidh e de fhuil an tairbh, agus de fhuil a' bhuic, agus cuiridh e i air adhaircibh na h-altarach mu'n cuairt.

19 Agus crathaidh e oirre de'n fhuil le 'mhèur seachd uairean, agus glanaidh e i, agus naomhaichidh e i o neòghloine chloinn Israeil.

20 Agus an uair a bhios e air deanamh réite air son an *ionaid* naoimh, agus air son pàilliuin a' choimhthionail, agus air son na h-altarach, bheir e leis am boc-gaibhre beò:

21 Agus cuiridh Aaron a dhà làimh air ceann a' bhuic bheò, agus aidichidh e os a cheann nìle lochdan chloinn' Israeil, agus an uile sheachrain 'n am peacaidhean gu léir, agus cuiridh e iad air ceann a' bhuic, agus cuiridh e air falbh e le làimh duine iom-chuidh do'n fhàsach.

22 Agus giùlainidh am boc-gaibhre air féin an lochdan gu léir gu fearann air leth: agus leigidh e air falbh am boc 's an fhàsach.

23 Agus théid Aaron a steach do phàilliuin a' choimhthionail, agus cuiridh e dheth an éididh anairt, a chuir e air an uair a chaidh e seach do'n *ionad* naomh, agus fàgaidh e 'n sin i.

LEBHITICUS, XVII.

24 Agus ionnlaididh e 'fheoil ann an uisge 's an ionad naomh, agus cuiridh e air 'èididh, agus thigh e mach, agus ìobraidh e 'ìobairt-loisgte fèin, agus ìobairt-loisgte an t-sluaigh; agus ni e réite air a shon fèin, agus air son an t-sluaigh.

25 Agus saill na h-ìobairt-pheacaidh loisgidh e air an altair.

26 Agus esan a leig as am boc-gaibhre mar bhoc saor, nighidh e 'eudach, agus ionnlaididh e 'fheoil ann an uisge; agus 'n a dhéigh sin théid e do'n champ.

27 Agus an tarbh air son na h-ìobairt-pheacaidh, agus am boc-gaibhre air son na h-ìobairt-pheacaidh, d'an d'thugadh am fuil a steach a chum réite a dheanamh 's an ionad naomh, bheirear a mach iad an taobh a muigh de'n champ; agus loisgidh iad 's an teine an croicinnean, agus am feoil, agus an aolach.

28 Agus esan a loisgeas iad, nighidh e 'eudach, agus ionnlaididh e 'fheoil ann an uisge, agus 'n a dhéigh sin théid e do'n champ.

29 Agus bithidh so dhuibh 'n a ordugh gu sìorruidh: Anns an t-seachdamh mìos, air an deicheamh là de'n mhìos, irioslaichidh sibh bhuir n-anaman, agus obair sam bith cha dean sibh, *aon chuid* esan a tha de mhuinntir bhuir dùthcha fèin, no 'n coigreach a tha air chuairt 'n 'ur measg;

30 Oir air an là sin ni an *sagart* réite air bhuir son, chum bhuir glanaidh: o bhuir peacaidhean gu léiran làthair an Tighearna glanar sibh.

31 *Bithidh* e 'n a shàbaid tàimh dhuibh, agus irioslaichidh sibh bhuir n-anaman, le ordugh sìorruidh.

32 Agus ni an sagart a dh'ungas e, agus a choisrigeas e gu frithéaladh ann an àit 'athar, an réite: agus cuiridh e air an éididh anairt, *cadhan* an trusgan naomh.

33 Agus ni e réite air son an ionaid ro naoimh, agus air son pàilliuin a' choimhthionail, agus air son na h-altarach ni e réite; mar an ceudna air son nan sagart, agus air son uile shluaigh a' choimhthionail ni e réite.

34 Agus bithidh so dhuibh 'n a ordugh sìorruidh, chum réite a dheanamh air son chloinn Israeil, as leth an peacaidhean gu léir aon uair 's a' bhliadhna. Agus rinn e mar a dh'àitlin an Tighearn do Mhaois.

CAIB. XVII.

1 *Mu'n ionad anns an còir ìobairtean òbraidh.*
10 *Cha-n fheudar fuil itheadh, 15 no feoil a reubadh le fiadh-bheathaichibh.*

AGUS labhair an Tighearn ri Maois, ag ràdh.

2 Labhair ri h-Aaron, agus r'a mhic, agus ri cloinn Israeil uile, agus abair riu, So an ni a dh'àitlin an Tighearn, ag ràdh,

3 Ge b'e duine air bith de thigh Israeil, a

mharbhas tarbh, no uan, no gabhar anns a' champ, no 'mharbhas e mach as a' champ,
4 Agus nach toir e gu dorus pàilliuin a' choimhthionail, gu tabhartas a thoirt seachad do'n Tighearn air beulaobh pàilliuin an Tighearna, cuirear fuil as leth an duine sin, dhoirt e fuil; agus gearrar as an duine sin o mheasg a shluaigh:

5 Chum as gu'n toir clann Israeil an ìobairtean, a dh'ìobras iad a muigh 's a' mhach-air, eadhon gu'n toir iad a chum an Tighearn iad, gu dorus pàilliuin a' choimhthionail a dh'ionnsuidh an t-sagart, agus gu'n ìobair iad mar ìobairtean-sìth iad do'n Tighearn.

6 Agus crathaidh an sagart an fhuil air altair an Tighearna, aig dorus pàilliuin a' choimhthionail, agus loisgidh e 'n t-saill a chum faile chùbhraidh do'n Tighearn.

7 Agus cha 'n ìobair iad ni's mò an ìobairtean do dhiabhlaibh, 'an déigh an deachaidh iad le striopachas: Bithidh so 'n a reachd dhoibh gu sìorruidh air feadh an gincalach.
8 Agus their thu riu, Ge b'e duine air bith de thigh Israeil, no de na coigrich a bhios air chuairt 'n 'ur measg, a bheir seachad tabhartas-loisgte no ìobairt,

9 Agus nach toir e gu dorus pàilliuin a' choimhthionail, a chum ìobradh do'n Tighearn; gearrar eadhon an duine sin as o mheasg a shluaigh.

10 Agus ge b'e duine de thigh Israeil, no de na coigrich a tha air chuairt 'n 'ur measg, a dh'itheas gnè sam bith fola; cuiridh mise mo ghnùis an aghaidh an anama sin a dh'itheas fuil, agus gearraidh mi as e o mheasg a shluaigh.

11 Oir tha beatha na fèda 's an fhuil, agus thug mi dhuibh i air an altair, a dheanamh réite air son bhuir n-anaman: oir *is i* 'n fhuil a ni réite air son an anama.

12 Uime sin thubhairt mi ri cloinn Israeil, Cha-n ith anam sam bith agaibh fuil, ni mò a dh'itheas an coigreach fuil, a bhios air chuairt 'n 'ur measg.

13 Agus ge b'e duine air bith de chloinn Israeil, no de na coigrich a bhios air chuairt 'n 'ur measg, a ni sealg agus a ghlaças beathach no eun a dh'fheudar itheadh; dòirtidh e mach 'fhuil, agus còmhdaichidh e le duslach i.

14 Oir *is i* beatha gach uile fheòla a fuil; *tha i* air son beatha dh'i: uime sin thubhairt mi ri cloinn Israeil, Cha-n ith sibh fuil fèda sam bith; oir *is i* beatha gach fèda a fuil: gach neach a dh'itheas i, gearrar as e.

15 Agus gach anam a dh'itheas an ni a bhàsaicheas *dheth fèin*, no a reubadh le fiadh-bheathaichibh, (ma's neach e a rugadh 'n 'ur tìr fèin, no coigreach) nighidh e 'eudach agus ionnlaididh se e *fèin* ann an uisge, agus bithidh e neòghlan gu feasgar; an sin bithidh e glan.

16 Ach mur nigh se e, agus mur ionnlaid e 'fheoil; an sin giùlainidh e 'aingidheachd.

CAIB XVIII.

6 *Mu phòsadh mi-laghair.* 19 *Mu anamian- aibh gràineil.*

AGUS labhair an Tighearn ri Maois, ag ràdh,

2 Labhair ri cloinn Israeil, agus abair riu, *Is mise an Tighearn bhur Dia.*

3 A réir ghnìomharan tire na h-Eiphit anns an robh sibh a chòmhnuidh, cha dean sibh; agus a réir ghnìomharan tire Chan- aain gus am bheil mise 'g'ur tabhairt, cha dean sibh; ni mò a ghluaiseas sibh 'n an orduighibh.

4 Ni sibh mo bhreitheanais, agus gleidhidh sibh m'orduighean, gu glusad annta: *Is mise an Tighearn bhur Dia.*

5 Uime sin gleidhidh sibh mo reachdan agus mo bhreitheanais; nithean ma ni duine, bithidh e beò annta: *Is mise an Tighearn.*

6 Cha tig a h-aon agaibh am fagus a dh'aon neach a tha dlùth dha ann an dàimh, a chum a nàire a leigeadh ris: *Is mise an Tighearn.*

7 Nochd d'athar, no nochd do mhàthar, cha leig thu ris; *is i* do mhàthair i, cha leig thu ris a nochd.

8 Nochd mnà d'athar cha leig thu ris: *is e* nochd d'athar e.

9 Nochd do pheathar, nighinn d'athar, no nighinn do mhàthar, co dhiubh a rugadh i aig an tigh, no 'rugadh a mach i, *eadhon* an nochd-san cha leig thu ris.

10 Nochd nighinn do mhic, no nighinn do nighinn, *eadhon* an nochd-san cha leig thu ris: *oir is e an nochd-san* do nochd féin.

11 Nochd nighinn mnà d'athar, a ghineadh le d'athair, (*is i* do phiuthar i) cha leig thu ris a nochd-sa.

12 Cha leig thu ris nochd peathar d'athar: *is i* banacharaid ro dhìleas d'athar i.

13 Cha leig thu ris nochd peathar do mhàthar: *oir is i* banacharaid ro dhìleas do mhàthar i.

14 Cha leig thu ris nochd bràthar d'athar, cha tig thu 'm fagus d'a mhnaoi: *is i* bean bhràthar d'athar i.

15 Cha leig thu ris nochd do bhana- chleamhna; *is i* bean do mhic i, cha leig thu ris a nochd.

16 Cha leig thu ris nochd mnà do bhràthar: *is e* nochd do bhràthar e.

17 Cha leig thu ris nochd mnà agus a h-ighinn, ni mò a ghabhas tu nighean a mic, no nighean a h-ighinn, a chum a nochd a leigeadh ris; *oir is iad* a banachairdean dìleas iad: *is aingidheachd e.*

18 Ni mò a ghabhas tu bean maille r'a piuthair, a chum a buaireadh, a leigeadh ris a nochd, a thuilleadh air an té eile, am feadh is beò i.

19 Mar an ceudna cha tig thu 'm fagus do

mhnaoi a leigeadh ris a nochd, an uair a chuirear air leth i air son a neòghloine.

20 Agus cha luidh thu gu collaidh le mnaoi do choimhearsnaich, a chum thu féin a thruailladh leatha.

21 Agus cha leig thu le neach air bith de d' shliochd dol troimh 'n teine do Mholech ni mò a mhi-naomhaicheas tu ainm do Dhé: *Is mise an Tighearn.*

22 Cha luidh thu le firionnach mar le boirionnach: *is gràineileachd e.*

23 Ni mò a luidheas tu le h-ainmhidh sam bith gu d' thruailladh féin leis; ni mò a sheasas bean sam bith roimh ainmhidh gu luidhe sìos da: *is amhladh e.*

24 Na truaillibh sibh féin ann an aon sam bith de na nithibh sin: oir anns na nithibh sin uile thruaill na cinnich sin iad féin, a thilgeas mise mach roimhibh.

25 Agus shalaicheadh am fearann: uime sin leanaidh mi 'aingidheachd air, agus sgeithidh am fearann féin a mach a luchd-àiteachaidh.

26 Uime sin gleidhidh sibh mo reachdan agus mo bhreitheanais, agus cha dean sibh *aon air bith* de na gràineileachdaibh sin; *aon chuid* neach air bith d'ur cinneach féin, no coigreach a bhios air chuairt 'n 'ur measg: 27 (Oir na gràineileachdan sin uile rinn daoine na dùthcha, a bha roimhibh, agus tha 'm fearann air a thruailladh.)

28 Chum nach sgeith am fearann sibhse mach mar an ceudna, 'n uair a thruaillas sibh e, marasgeith e mach na cinnich a bharoimhibh.

29 Oir ge b'e neach a ni h-aon air bith de na gràineileachdaibh ud, eadhon na h-anaman a ni iad, gearrar as iad o mheasg an sluagh.

30 Uime sin gleidhidh sibh m'orduighean, a chum nach dean sibh *aon air bith* de na gnàthannaibh gràineil ud, a rinneadh roimhibh, agus nach truaill sibh sibh féin annta: *Is mise an Tighearn bhur Dia.*

CAIB. XIX.

Laghan àraidh air am m'neachadh.

AGUS labhair an Tighearn ri Maois, ag ràdh,

2 Labhair ri coimhthional chloinn' Israeil uile, agus abair riu, Bithibh naomha: oir *tha* mise an Tighearn bhur Dia naomh.

3 Bitheadh eagal bhur màthar agus bhur n-athar air gach duine agaibh, agus gleidhibh mo shàbaidean: *Is mise an Tighearn bhur Dia.*

4 Na rachaibh a thaobh gu h-ìodholaibh, agus na deanaibh diathan leaghta dhuibh féin: *Is mise an Tighearn bhur Dia.*

5 Agus ma dh'ìobras sibh iobairt thabhartasan-sith do'n Tighearn, iobraidh sibh i d'ur toil féin.

6 'S an là sin féin anns an iobair sibh i ithear i, agus air an là màireach: agus ma

LEBHITICUS, XX.

mhaireas a bheag dh'i gus an treas là, loisgear 's an teine e.

7 Agus ma dh'ithear e idir air an treas là, is graineil e; cha ghabhar e.

8 Uime sin gach neach a dh'itheas e, giùl-ainidh e 'aingidheachd, a chionn gu'n do mhi-naomhaich e ni coisrigte an Tighearna: agus gearr an t-anam sin as o 'shluagh.

9 Agus an uair a bhuaineas sibh foghar bhur fearainn, cha bhuain thu gu buileach oisinnan d'achaidh, ni mò a chruinnicheas tu dioghluim d'fhogharaidh.

10 Agus chatur-lom thu d'fhion-lios, ni mò a chruinnicheas tu uile fhion-dhearc an d'fhion-lios; do'n bhoichd agus do'n choigreach fagaidh tu iad: Is mise an Tighearn bhur Dia.

11 Cha ghoid sibh, ni mò a ni sibh breug, no 'mheallas aon agaibh a chéile.

12 Agus cha mhionnaich sibh air m'ainm-sa gu breugach, ni mò a mhi-naomhaicheas tu ainm do Dhé: Is mise an Tighearn.

13 Cha dean thu foirneart air do choimhearsnach, ni mò a ni thu reubainn air: cha-n fhan duais an fhir-thuarasdail maille riut rè na h-oidheche gu maduinn.

14 Cha mballaich thu'm bodhar, agus roimh 'n dall cha chuir thu ceap-tuislidh, ach bithidh eagal do Dhé ort: Is mise an Tighearn.

15 Cha dean sibh eucoirsam bithannam breitheanas; cha bhi suim agad do ghntuisan duine bhoichd, ni mò a bheir thu urram do ghntuisan duine chumhachdaich; ann an ceartas bheir thu breth air do choimhearsnach.

16 Cha téid thu mu'n cuairt mar fhear tuailleas measg dshluagh; ni mò a sheasas tu an aghaidh fola do choimhearsnaich: Is mise an Tighearn.

17 Cha bhi fuath agad do d' bhràthair ann ad chridhe: air gach aon chor cronaichidh tu do choimhearsnach, agus cha-n fhuiling thu peacadh air.

18 Cha dean thu dioghaltas, ni mò bhios falachd agad ri cloinn do shluagh, ach gràdhaichidh tu do choimhearsnach mar thu féin: Is mise an Tighearn.

19 Gleidhidh sibh mo reachdan: Cha leig thu le d' spréidh siolachadh le gnè eile; Cha chuir thu d'fhearn le siol measgta; ni mò a chuirear unad eudach measgta de olainn agus de lion.

20 Agus ge b'e neach a luidheas gu collaidh de mnaoi a tha 'n a ban-tràill fo cheangal-pòsaidh aig fear, agus nach d'fhuasgladh idir, ni mò a thugadh saorsa dh'i, sgiùrsar i: cha chuirear gu bàs iad, a chionn nach robh i saor.

21 Agus bheir e 'lobairt-eusaontais do'n Tighearn, gu dorus pàilliuin a' choimhthionail, eadhon reithe mar lobairt-eusaontais.

22 Agus ni an sagart réite air a shon le reithe na h-lobairt-eusaontais an làthair an Tighearna, air son a pheacaidh a rinn e: agus maithear dha a pheacadh a rinn e.

23 Agus an uair a thig sibh do'n fhearrann agus a shuidhicheas sibh gach gnè chraobh air son bidh, an sin measaidh sibh an toradh mar ni neo-thimchioll-ghearta: tri bliadhna bithidh e dhuibh mar ni neo-thimchioll-ghearta: cha-n ithear dheth.

24 Ach air a' cheathramh bliadhna bithidh a thoradh uile naomh, chum cliu do'n Tighearn.

25 Agus air a' chùigeamh bliadhna ithidh sibh d'a thoradh, chum as gu'n toir e a chinneas duibh: Is mise an Tighearn bhur Dia.

26 Cha-n ith sibh ni sam bith leis an fhuil: ni mò a ghnàthaicheas sibh druith-eachd, no 'sheallas sibh air amannaibh.

27 Cha bhearr sibh mu'n cuairt oisinnan bhur ceann, ni mò a mhillas tu oisinnan d'fheusaig.

28 Cha dean sibh gearradh sam bith 'n 'ur feoil air son nam marbh, ni mò a chuireas sibh comharadh sam bith oirbh: Is mise an Tighearn.

29 Na truaill do nighean, a thoirt oirre bhi 'n a striopaich; a chum as nach toirear am fearann gu strìopachas, agus nach lionar an dùthaich le h-aingidheachd.

30 Gleidhidh sibh mo shàbaidean, agus bheir sibh urram do m'ionad naomh: Is mise an Tighearn.

31 Na biodh suim agaibh dhuibh-san aig am bheil leannain-shith, agus na h-iarraibh a dh'ionnsuidh luchd-fiosachd, gu 'bhi air-bhur truaillleadh leo: Is mise an Tighearn bhur Dia.

32 An làthair a' chinn léith éiridh tu suas, agus bheir thu urram do ghntuis an duine aosda, agus bithidh eagal do Dhé ort: Is mise an Tighearn.

33 Agus ma bhios coigreach air chuairt maille riut 'n 'ur tìr, cha bhuin sibh gu cruaidh ris.

34 Mar neach a rugadh 'n 'ur measg bithidh dhuibhse an coigreach a tha air chuairt maille ribh, agus gràdhaichidh tu e mar thu féin; oir bha sibh féin 'n 'ur coigrich ann an tìr na h-Eiphit: Is mise an Tighearn bhur Dia.

35 Cha dean sibh eucoir sam bith ann am breitheanas, ann an slait-thomhais, ann an cudthrom, no ann an tomhas.

36 Meidhean cearta, clachan-tomhais cearta, ephah cheart, agus hin cheart bithidh agaibh: Is mise an Tighearn bhur Dia, a thug sibhse mach a tìr na h-Eiphit.

37 Uime sin gleidhidh sibh mo reachdan uile, agus mo bhreitheanas uile, agus ni sibh iad: Is mise an Tighearn.

CAIB. XX.

1 Mu shliochd a thabhairt do Mholech. 6 Mu mhuinntir aig am bheil leannain-shith. 9 Mu neach a mhallaricheas athair no 'mhàthair, &c.

A GUS labhair an Tighearn ri Maois, ag ràdh,

2 A ris, their thu ri cloinn Israeil, Ge b'e air bith e de chloinn Israeil, no de na coig-rich a tha air chuairt ann an Israeil a bheir a bheag d'a shliochd do Mholech, cuirear gu cinnteach gu bàs e, clachaidh sluagh na dùthcha e le clachaibh.

3 Agus cuiridh mise mo ghnùis an aghaidh an duine sin, agus gearraidh mi as e o mheasg a shluaigh; a chionn gu'n d'thug e d'a shliochd do Mholech, a shalachadh m'ionaid naomh-sa, agus a thruailladh m'ainne naomh.

4 Agus ma dh'fholaicheas sluagh na dùthcha air chor sam bith an suilean o'n duine sin, an uair a bheir e d'a shliochd do Mholech, agus nach marbh iad e;

5 An sin cuiridh mise mo ghnùis an aghaidh an duine sin, agus an aghaidh a theaghlach, agus gearraidh mi as e, agus iadsan uile a thèid le strìopachas 'n a dhéigh, a dheanamh strìopachais le Molech, o mheasg an sluaigh.

6 Agus an t-anam a thèid a thaobh a dh'ionnsuidh muinntir aig am bheil leann-ain-shith, agus a dh'ionnsuidh luchd fìosachd, gu dol le strìopachas 'n an déigh, cuiridh mise mo ghnùis an aghaidh an anama sin, agus gearraidh mi as e o mheasg a shluaigh.

7 Naomhaichibh sibh féin uime sin, agus bithibh naomha: oir *is* mise an Tighearn bhur Dia.

8 Agus gleidhidh sibh mo reachdan, agus ni sibh iad: *Is* mise an Tighearn a naomhaicheas sibh.

9 Oir gach neach a mhallaicheas 'athair no 'mhàthair, cuirear gu cinnteach gu bàs e; mhallaich e 'athair no 'mhàthair; *bithidh* 'fhuil air féin.

10 Agus an duine a ni adhaltrannas ri mnaoi fir *eile*, *eadhon esan* a ni adhaltrannas ri mnaoi a choinhearsnaich, cuirear an t-adhaltranach agus a' bhan-adhaltranach gu cinnteach gu bàs.

11 Agus an duine a luidheas le mnaoi 'athar, leig e ris nochd 'athar: cuirear gu cinnteach le 'chéile gu bàs iad; *bithidh* am fuil orra féin.

12 Agus ma luidheas duine le mnaoi a mhic, cuirear gu deimhin le 'chéile gu bàs iad: dh'oibrich iad amhladh: *bithidh* am fuil orra féin.

13 Mar an ceudna ma luidheas duine le fear, mar a luidheas e le mnaoi, rinn iad le 'chéile gràineileachd: cuirear gu cinnteach gu bàs iad; *bithidh* am fuil orra féin.

14 Agus ma ghabhas duine d'a ionnsuidh bean agus a màthair, *is* aingidheachd e: loisgar le teine iad, eadhon esan agus iadsan; a chum nach bi aingidheachd 'n 'ur measg.

15 Agus ma luidheas duine le h-ainmhidh, cuirear gu cinnteach gu bàs e: agus marbhaidh sibh an t-ainmhidh.

16 Agus ma thig bean am fagus a dh'ain-

mhidh sam bith, agus gu'n luidh i sìos da, marbhaidh tu a' bhean agus an t-ainmhidh: cuirear gu cinnteach gu bàs iad; *bithidh* am fuil orra féin.

17 Agus ma ghabhas duine a phiuthar, nighean 'athar, no nighean a màthar, agus gu'm faic e a nochd, agus gu'm faic ise a nochd-san; *is* ni maslach e; agus gearrar as iad ann an sealladh an sluaigh: leig e ris nochd a pheathar, giùlainidh e 'aingidheachd.

18 Agus ma luidheas duine le mnaoi agus a tinneas oirre, agus gu'n leig e ris a nochd, leig e ris a tobar, agus leig ise ris tobar a fola; agus gearrar as le 'chéile iad o mheasg an sluaigh.

19 Agus cha leig thu ris nochd peathar do màthar, no peathar d'athar; oir tha e a' rùsgadh 'fheada féin: giùlainidh iad an aingidheachd.

20 Agus ma luidheas duine le mnaoi bhràthar 'athar, leig e ris nochd bhràthar 'athar: giùlainidh iad am peacadh; gheibh iad bàs gun chloinn.

21 Agus ma gnabhas duine bean a bhràthar, *is* ni neòghlan e: leig e ris nochd a bhràthar; *bithidh* iad gun chloinn.

22 Uime sin gleidhidh sibh mo reachdan uile, agus mo bhreitheanais uile, agus ni sibh iad; a chum nach dean am fearann, g'am bheil mi 'g'ur tabhairt gu còmhuidh a ghabhail ann, bhur seigh a mach.

23 Agus cha ghluais sibh ann an gnàthann-aibh nan cinneach a *tha* mise a' tilgeadh a mach roimh sibh: oir rinn iadsan na nithean sin uile, agus uime sin ghabh mi gràin diubh.

24 Ach thubhairt mi ribhse, Scalbhaichidh sibh am fearann, agus bheir mi dhuibh e chum a shealbhadh, fearann a tha 'sruthadh le bainne agus le mil: *Is* mise an Tighearn bhur Dia, a dhealaich sibhse o gach sluagh *eile*.

25 Cuiridh sibh uime sin dealachadh eadar bheathaichibh glana agus neòghlan, agus eadar cùlaith neòghlan agus ghlan'; agus cha dean sibh bhur n-anam gràineil le beathach, no le h-eum, no le gnè air bith *de ni beò* a shnàigeas air an talamh, a sgar mise uaimh mar neòghlan.

26 Agus bithidh sibh naomha dhomhsa: oir *tha* mise an Tighearn naomh, agus dhealaich mi sibhse o gach sluagh *eile*, chum as gu'm bu leam *féin* sibh.

27 Bean no duine mar an ceudna aig am bheil leannan-sith, no 'bhitheas ri fìosachd, cuirear gu deimhin gu bàs iad: clachaidh iad le clachaibh iad; *bithidh* am fuil orra féin.

CAIB. XXI.

Mu ghiulan nan sagart a thaobh nam marbh, agus mu'm pòsadh.

AGUS thubhairt an Tighearn ri Maois, Labhair ris na sagartaibh, mic Aaroin,

agus abair riu, Air son nam marbh cha salaichear neach sam bith *dhìòh* am measg a shluaigh.

2 Ach air son a dhìlsean, a tha 'm fagus da, *eadhon* air son a mhlàthar, agus air son 'athar, agus air son a mhic, agus air son a nighinn, agus air son a bhràthar,

3 Agus air son a pheathar a tha 'n a h-òigh, a tha 'm fagus da, aig nach robh fear-pòsda; air a sonsa feudaidd e 'bhi air a shalachadh.

4 *Ach* cha salaich se e féin, *air bhi dha* 'n a dhuine urramach am measg a shluaigh, gu 'thruaillleadh féin.

5 Cha dean iad maile air an ceann, agus cha bhearr iad oisinn am feusaig, ni mò a ni iad gearradh 'n am feoil;

6 Bithidh iad naomha d'an Dia, agus cha truail iad ainm an Dè: oir tha iad a' toirt seachad tabhartais an Tighearna a bheirear suas le teine, agus arain an Dè; uime sin bithidh iad naomha.

7 Cha ghabh iad bean a tha 'n a strìopaich, no mi-naomh; ni mò a ghabhas iad bean a chuireadh air falbh o 'fear: oir *tha e* naomh d'a Dhia.

8 Uime sin naomhaichidh tu e, oir tha e a' toirt seachad arain do Dhé; bithidh e naomh dhuìt; oir *tha mise* an Tighearn naomh, a *tha 'g ur* naomhachadh.

9 Agus ma thruaillias nighean sagairt air bith i féin le strìopachas a dheanamh, tha i a' thruaillleadh a h-athar: loisgear le teine i.

10 Agus esan a tha 'n a àrd-shagart o mheasg a bhràithrean, neach a dhòirt-eadh an oladh naomh air a cheann, agus a choisrigeadh a chur na h-èididh uime, cha rùsg e a cheann, ni mò a reubas e 'eudach.

11 Ni mò a théid e steach a dh'ionnsuidh euirp nìhairbh sam bith: air son 'athar no air son a mhlàthar cha salaich se e féin.

12 Agus as an ionad naomh cha téid e mach, ni mò a thruaillias e ionad naomh a Dhé; oir *tha crùn* oladh-ungaidh a Dhé air: *Is mise* an Tighearn.

13 Agus gabhaidh e bean 'n a maighd-canas.

14 Bantrach no bean a chuireadh air falbh o 'fear, no bean mhi-naomh, no strìopach; iad sin cha ghabh e: ach òigh d'a shluaigh féin gabhaidh e 'n a mnaoi.

15 Agus cha truaille a shliochd am measg a shluaigh: oir *tha mise* an Tighearn 'g a naomhachadh.

16 Agus labhair an Tighearn ri Maois, ag ràdh,

17 Labhair ri h-Aaron, ag ràdh, Ge b'e air bith e de d' shliochd 'n an ginealachaibh, anns am bi gaoid *sam bith*, na tigeadh e 'm fagus a thoirt seachad arain a Dhé:

18 Oir ge b'e air bith duine anns *am bi* gaoid, cha tig e 'm fagus: duine dall, no

bachach, no aig am bheil sròn leachdach, no ni sam bith thruilleadh air a' chòir.

19 No duine aig am bi cos bhriste no làmh bhriste,

20 No crotach, no 'n a throich, no aig am bheil leis air a shùil, no air am bheil càrr, no cloimh, no aig am bheil a chlochan brùite:

21 Cha tig duine sam bith de shliochd Aaron an t-sagairt, anns am bheil gaoid, am fagus a thoirt seachad tabhartasan an Tighearna a bheircar suas le teine: *tha* gaoid ann, cha tig e 'm fagus a thoirt seachad arain a Dhé.

22 Ithidh e aran a Dhé, *araon* de'n *aran* ro naomh, agus naomh.

23 Ach an taobh a steach de'n roinn-bhrat cha téid e, ni mò thig e 'm fagus do'n àltair, a chionn gu *bheil* gaoid ann; a chum nach truail e m' ionad naomh: oir *tha mise* an Tighearn 'g an naomhachadh.

24 Agus dh'innis Maois so do Aaron, agus d'a mhic, agus do chloinn Israeil uile.

CAIB. XXII.

Feumaidh an sagart air am bi neòghloine sam bith, fantuinn o nithibh naomha, &c.

AGUS labhair an Tighearn ri Maois, ag ràdh,

2 Labhair ri h-Aaron, agus r'a mhic, iad 'g an sgaradh féin o nithibh naomha chloinn Israeil, agus gun iad a thoirt easonoir do m'ainm naomh-sa, anns *na nithibh sin* a naomhaicheas iad dhomh: *Is mise* an Tighearn.

3 Abair riu, Ge b'e air bith e d'ur shliochd uile am measg blur ginealach, a théid a dh'ionnsuidh nan nithian naomha, a naomhaicheas clann Israeil do'n Tighearn, agus a neòghloine air, gearrar as an t-anam sin as mo làthair: *Is mise* an Tighearn.

4 Ge b'e air bith an duine de shliochd Aaron a *tha 'n a* lobhar, no air am bheil silteach, cha-n ith e de na nithibh naomha, gus am bi e glan. Agus ge b'e 'bheanas ri ni air bith a *tha* neòghlan leis a' mharbh, no duine aig am bheil a shùil a' dol uaith;

5 No ge b'e 'bheanas ri ni air bith a shnàig-eas, leis an deantar neòghlan e, no ri duine o'm faigh o neòghloine, ge b'e air bith neòghloine a blitheas air;

6 An t-anam a bheanas ri h-aon air bith d'an leithidibh sin, bithidh e neòghlan gu feasgar, agus cha-n ith e de na nithibh naomha, mur nigh e 'fheoil le h-uisge.

7 Agus an uair a théid a' ghrian sìos, bithidh e glan, agus an déigh sin ithidh e de na nithibh naomha, a chionn gur e a bhiadh e.

8 An ni sin a bhàsaicheas leis féin, no a reubar le *fiadh-bheathaichibh*, cha-n ith e 'g a shalachadh féin leis: *Is mise* an Tighearn.

9 Gleidhidh iad uime sin m'ordugh, air eagal gu'n giùlain iad peacadh air a shon, agus uime sin gu'm faigh iad bàs, ma

thruailleas iad e: Tha mise an Tighearn 'g an naomhachadh.

10 Cha-n ith coigreach sam bith *dè'n* ni naomh: cha-n ith fear-cuairt an t-sagairt, no seirbhiseach tuarasdail *dè'n* ni naomh.

11 Ach ma cheannnaicheas an sagart duine le 'airgiod, ithidh e dheth, agus esan a rugadh 'n a thigh; ithidh iad d'a bhiadh.

12 Agus ma bhitheas nighean an t-sagairt *pòda* ri coigreach, cha-n fheadh i itheadh de thabhartas nan nithean naomha.

13 Ach ma bhitheas nighean an t-sagairt 'n a bantraich, no dealaichte *r'a fear*, agus gun sliochd aice, agus i air pilltinn gu tigh a h-athar, mar 'n a h-òige, ithidh i de bhiadh a h-athar; ach cha-n ith coigreach sam bith dheth.

14 Agus ma dh'itheas duine *dè'n* ni naomh gun fhios da, an sin cuiridh e an cùigeamh *cuid* deth ris, agus bheir e do'n t-sagart e, *maille ris* an ni naomh.

15 Agus cha truail iad nithean naomha chloinn Israeil, a bheir iad suas do'n Tighearn:

16 Ni mò a leigeas iad leo cionta an eus-aontais a ghiùlan an uair a dh'itheas iad an nithean naomha: oir tha mise an Tighearn 'g an naomhachadh.

17 Agus labhair an Tighearn ri Maois, ag ràdh,

18 Labhair ri h-Aaron agus r'a mhic, agus ri cloinn Israeil uile, agus abair riu, Ge b'e air bith e de thigh Israeil, no de na coig-rich ann an Israel, a bheir seachad a thabhartas air son a bhòidean uile, no air son a shaor thabhartasan uile, a bheir iad seachad do'n Tighearn chum iobairt-loisgte;

19 *Bheir sibh seachad* d'ur toil féin *beathach* fèrrionn gun ghaoid *dè'n* bhuar, de na caoraich, no de na gabhraibh.

20 Ach ge b'e air bith ni anns am bi gaoid, *sin* cha toir sibh seachad: oir cha ghabhar air bhur son e.

21 Agus ge b'e air bith e a bheir seachad iobairt thabhartasan-sith do'n Tighearn, a choimhlionadh a bhòide, mar thabhartas saor-thoile, *dè'n* bhuar, no de na caoraich, bithidh e iomlan, a chum as gu'n gabhar ris: cha bhi gaoid sam bith ann.

22 Dall, no briste, no ciurramach, no air am bi foinne, no càrr, no cloimh, cha toir sibh seachad iad sin do'n Tighearn, ni mò a bheir sibh tabhartas dhiubh a bheir ear suas le teine air an altair do'n Tighearn.

23 Aon chuid tarbh no uan aig am bi ni sam bith thar a' chòir, no dh'uireasbhuidh 'n a bhallaibh, sin feudaidh tu thoirt seachad mar shaor thabhartas; ach air son bòide cha ghabhar ris.

24 Ni sam bith a tha brùite, no pronnta, no reubta, no gearrta, cha toir sibh seachad do'n Tighearn; agus cha -n iobair sibh e 'n 'ur tìr.

25 Agus o làmh coigrich cha toir sibh

seachad aran bhur Dé de h-aon diubh sin; a chionn *gu'm bheil* an truailidheachd anna, *agus gu'm bheil* gaoidean anna: cha ghabhar riu air bhur son.

26 Agus labhair an Tighearn ri Maois, ag ràdh,

27 'N uair a bheir ear tarbh, no caora, no gabhar, an sin bithidh e seachd làithean fo m'làthair; agus o'n ochdamh là agus á sin suas, gabhar ris mar thabhartas a bheir ear suas le teine do'n Tighearn.

28 Agus *mà's* bò no caora a bhitheas ann, chamharbhsibh i féin agus a h-àl 's an aon là.

29 Agus an uair a dh'ìobras sibh iobairt-buidheachais do'n Tighearn, iobraidh sibh i d'ur toil féin.

30 Air an là sin féin ithear suas i, cha-n flàg sibh a bheag dh'i gu maduinn: *Is* mise an Tighearn.

31 Air an aobhar sin gleidhidh sibh m'aitheantan, agus ni sibh iad: *Is* mise an Tighearn.

32 Agus cha truail sibh m'ainm naomh-sa, agus bithidh mi air mo naomhachadh am measg chloinn Israeil: *Is* mise an Tighearn a tha 'g 'ur naomhachadh,

33 A thug a mach sibh á tìr na h-Eiphit gu bhì a'm Dhia agaibh: *Is* mise an Tighearn.

CAIB. XXIII.

1 *Mu làithibh-féille an Tighearna.* 22 *Fàgar dìoghlaim 's an fhearann air son nam bochd.*

26 *Mu la na réite.*

A GUS labhair an Tighearn ri Maois, ag ràdh,

2 Labhair ri cloinn Israeil, agus abair riu, *A thaobh* féille an Tighearna, a ghairmeas sibh *gu bhì* 'n an comhghairmibh naomha, *is iad eadhon* sin m'fhéileansa.

3 Sè làithean nithear obair, ach air an t-seachdamh là *bithidh* sàbaid fhoise, comhghairm naomh: obair sam bith cha dean sibh *air: is* e sàbaid an Tighearn' e 'n ur n-àiteachaibh-còmhnuidh uile.

4 *Is iad* sin féille an Tighearn', *eadhon* comhghairmean naomha, a ghairmeas sibh 'n an amannaibh féin:

5 Anns a' cheud mhìos, air a' cheathramh là deug *dè'n* mhìos air feasgar, *bithidh* càisg an Tighearna.

6 Agus air a' chùigeamh là deug *dè'n* mhìos sin féin *bithidh* féill an arain neo-ghoirtichte do'n Tighearn: seachd làithean ithidh sibh aran neo-ghoirtichte.

7 Air a' cheud là bithidh comhghairm naomh agaibh: obair thràilleil sam bith cha dean sibh *air*.

8 Ach bheir sibh seachad tabhartas a bheir ear suas le teine do'n Tighearn seachd làithean: air an t-seachdamh là *bithidh* comhghairm naomh: obair thràilleil sam bith cha dean sibh *air*.

9 Agus labhair an Tighearn ri Maois, ag ràdh,

10 Labhair ri cloimn Israeil, agus abair riu, 'N uair a thig sibh a dh'ionnsuidh an fhearainn a bheir mise dhuibh, agus a bhuaincas sibh 'fhoghar, an sin bheir sibh sguab de cheud thoradh blur fogharaidh dh'ionnsuidh an t-sagairt:

11 Agus luaisgidh e 'n sguab an làthair an Tighearna, chum gu'n gabhar r'i air bhur son: air an là màireach an déigh na sàbaid' luaisgidh an sagart i.

12 Agus iobraidh sibh air an là sin, an uair a luaisgeas sibh an sguab, nan fionn gun ghaoid, de'n cheud bhliadhna, mar iobairt-loisgte do'n Tighearn.

13 Agus is e a thabhartas-bidh dà dheicheadh earrann de phlùr min measgta le h-olaidh, tabhartas a bheirear suas le teine do'n Tighearn, *chum* faile cùbhraidh: agus *bithidh* a thabhartas-dibhe de fhìon, an ceathramh cuid de hin.

14 Agus cha-n ith sibh aran, no gràn cruaidhichte, no dhasan glasa, gus an là sin féin anns an toir sibh tabhartas a chum bhur Dé: *bithidh e* 'n a reachd bith-bhuan air feadh blur ginealachan, 'n ur n-àiteach-aibh-còmhnuidh uile.

15 Agus àirmhidh sibh dhuibh féin o'n là màireach an déigh na sàbaid', o'n là 's an d'thug sibh leibh sguab an tabhartais-luaisgte: bithidh seachad sàbaidean iomlan ann:

16 Eadhon gus an là màireach an déigh na seachdamh sàbaid', àirmhidh sibh leth-cheud là, agus bheir sibh seachad nuadh thabhartas-bidh do'n Tighearn.

17 Bheir sibh leibh as blur n-àiteach-aibh-còmhnuidh dà bhuihionn luaisgte, de dhà dheicheadh earrann: bithidh iad de phlùr min; fuinear iad le taois ghoirt; *bithidh iad* 'n an ceud thoradh do'n Tighearn.

18 Agus bheir sibh seachad maille ris an aran seachd uain gum ghaoid, de'n cheud bhliadhna, agus aon tarbh òg, agus dà reithe: bithidh iad 'n an iobairt-loisgte do'n Tighearn, maille r'an tabhartas-bidh, agus an tabhartas-dibhe, *eadhon* tabhartas a bheirear suas le teine, a dh'fhàile cùbhraidh do'n Tighearn.

19 An sin iobraidh sibh aon mheann de na gabhraibh mar iobairt-phacaidh, agus dà uan de'n cheud bhliadhna mar iobairt thabhartasan-sìth.

20 Agus luaisgidh an sagart iad maille ri aran a' cheud toraidh, *mar* thabhartas-luaisgte an làthair an Tighearna, maille ris an dà uan: bithidh iad naomha do'n Tighearn chum an t-sagairt.

21 Agus gairmhidh sibh air an là sin féin, *a chum gum* bi e 'n a chomhghairm naomh dhuibh: obair thràilleil sam bith cha dean sibh *air*: *Bithidh e* 'n a reachd sìorruidh 'n ur n-àiteach-aibh-còmhnuidh uile air feadh blur ginealachan.

22 Agus an uair a bhuaincas sibh foghar bhur fearainn, cha ghearr thu gu buileach oisimean d'achaidh 'n uair a bhuaincas tu, ni mò a thionailcas tu dìoghlum d'fhogharaidh: fàgaidh tu iad do'n bhochd agus do'n choigreach: *Is* mise an Tighearn bhur Dia.

23 Agus labhair an Tighearn ri Maois, ag ràdh,

24 Labhair ri cloimn Israeil, ag ràdh, 'S an t-seachdamh mìos, air a' cheud là de'n mhìos, bithidh sàbaid agaibh, cumhneachan shéideadh thrompaidean, comhghairm naomh.

25 Obair thràilleil sam bith cha dean sibh *air*; ach bheir sibh seachad tabhartas a bheirear suas le teine do'n Tighearn.

26 Agus labhair an Tighearn ri Maois, ag ràdh,

27 Mar an ceudna air an deicheadh là de'n t-seachdamh mìos so *bithidh* là réite; bithidh e 'n a chomhghairm naomh dhuibh, agus cràdhaidh sibh blur n-anaman, agus bheir sibh seachad tabhartas a bheirear suas le teine do'n Tighearn.

28 Agus obair sam bith cha dean sibh air an là cheudna; oir *is* là réite e, a dhcanamh réite air bhur son an làthair an Tighearn' bhur Dé.

29 Oirge b'e anam nach bi fo chràdh 's an là sin féin, gearrar as e o mheasg a shluaigh.

30 Agus gach anam a ni obair sam bith air an là cheudna, an t-anam sin féin sgriosaidh mise o mheasg a shluaigh.

31 Obair sam bith cha dean sibh: *bithidh e* 'n a reachd sìorruidh air feadh blur ginealachan, 'n ur n-àiteach-aibh-còmhnuidh uile.

32 *Bithidh e* dhuibh 'n a shàbaid fhoise, agus cràdhaidh sibh blur n-anaman air an naothamh là de'n mhìos air feasgar: o fheasgar gu feasgar cumaidh sibh blur sàbaid.

33 Agus labhair an Tighearn ri Maois, ag ràdh,

34 Labhair ri cloimn Israeil, ag ràdh, Air a' chùigeamh là deug de'n t-seachdamh mìos so *bithidh* féil nam pàillion *rè* sheachd làithean do'n Tighearn.

35 Air a' cheud là *bithidh* comhghairm naomh: obair thràilleil sam bith cha dean sibh *air*.

36 Seachd làithean bheir sibh seachad tabhartas a bheirear suas le teine do'n Tighearn: air an ochdamh là bithidh comhghairm naomh agaibh, agus bheir sibh seachad tabhartas a bheirear suas le teine do'n Tighearn; is àrd choimhlthional e; obair thràilleil sam bith cha dean sibh *air*.

37 *Is* iad sin féilean an Tighearn', a ghairmeas sibh *gu bhi* 'n an comhghairm-ibh naomha, a thoirt seachad tabhartais a bheirear suas le teine do'n Tighearn, tabl-

artas-loisgte, agus tabhartas-bìdh, iobairt agus tabhartasan-dìbhe, gach nì air a là féin;

38 A thuilleadh air sàbaidibh an Tighearna, agus a thuilleadh air bhuir tiodhlacaibh, agus a thuilleadh air bhuir bòidibh uile, agus a thuilleadh air bhuir saor-thabhartais uile, a bheir sibh do'n Tighearna.

39 Mar an ceudna air a' chùigeamh là deug de'n t-seachdamh mìos, an uair a chrùinnicheas sibh a stigh toradh an fhear-ainn, cumaidh sibh féill do'n Tighearna, seachd làithean: air a' cheud là *bithidh* sàbaid, agus air an ochdamh là *bithidh* sàbaid.

40 Agus gabhaidh sibh dhuibh féin air a' cheud là meas chraobh àluinn, geugan chrannpailme, agus geugan chraobh tiugha, agus seileach an t-srutha; agus nì sibh gairdeachas an làthair an Tighearna bhuir Dé seachd làithean.

41 Agus cumaidh sibh e 'n a fhéill do'n Tighearna seachd làithean 's a' bhliadhna: *bithidh* e 'n a reachd sìorruidh air feadh bhuir ginealach; cumaidh sibh e 's an t-seachdamh mìos.

42 Ann am pàilliunaibh gabhaidh sibh còmhnuidh seachd làithean; gabhaidh gach aon a rugadh 'n a Israelach còmhnuidh ann am pàilliunaibh;

43 Chum gu'm bi fios aig bhuir ginealach gu'n d'thug mise air cloinn Israeil còmhnuidh 'ghabhail ann am pàilliunaibh, 'n uair a thug mi mach iad á tìr na h-Eiphit: *is* mise an Tighearna bhuir Dia.

44 Agus chuir Maois 'an céill do chloinn Israeil féillean an Tighearna.

CAIB. XXIV.

1 *Mu'n olaidh air son nan lòchran.* 13 *Mu pheanas gach neach a mhallaicheas Dia,* 17 *no 'bhios ciontach de mhòrdadh.* 18 *Mu choimhleasachadh.*

A GUS labhair an Tighearna ri Maois, ag ràdh,

2 Aithn do chloinn Israeil iad a thoirt a d'ionnsuidh oladh fhìor-ghlan a' chroinn-olaidh, brùite air son an t-soluis, a thoirt air na lòchran lasadh an còmhnuidh.

3 An taobh a muigh de bhrat na Fianuis, ann am pàillium a' choimhthionail, orduichidh Aaron e o fheasgar gu maduinn, an làthair an Tighearna an còmhnuidh: *bithidh* e 'n a reachd sìorruidh air feadh bhuir ginealach.

4 Orduichidh e na lòchrain air a' choimhleir fhìor-ghlan an làthair an Tighearna an còmhnuidh.

5 Agus gabhaidh tu plùr mìn, agus fuinidh tu dà bhreacaig dheug dheth: dà dheicheamh earrann bithidh ann an aon bhreacaig.

6 Agus suidhichidh tu iad ann an dà shreath, sè ann an sreath, air a' bhòrd fhìor-ghlan an làthair an Tighearna.

7 Agus cuiridh tu tùis fhìor-ghlan air *gach* sreath, chum gu'm bi i air an aran mar chuimhneachan, *eadhon* tabhartas a bheir car suas le teine do'n Tighearna.

8 Gach aon la sàbaid cuiridh e'n ordugh e an làthair an Tighearna an còmhnuidh, *air a ghabhail* o chloinn Israeil le coimhcheangal sìorruidh.

9 Agus is le Aaron agus a mhic e, agus ithidh iad e 's an ionad naomh; oir *tha* e ro naomh dha, de thabhartasaibh an Tighearna a bheir car suas le teine, le reachd bith-bhuan.

10 Agus chaidh mac Ban-Israelich, aig an robh Eiphteach 'n a athair, a mach am measg chloinn Israeil: agus bha mac na Ban-Israelich agus duine de Israel a' comhstri 's a' champ.

11 Agus mhaslaich mac na Ban-Israelich ainm an *Tighearna*, agus mhallaich e: agus thug iad gu Maois e (agus *b'e* ainm a mhàthar Selomit, nighean Dhibri, de thréibh Dhan);

12 Agus chuir iad 'an làimh e, chum, gu'n nochdtadh dhoibh inntinn an Tighearna.

13 Agus labhair an Tighearna ri Maois, ag ràdh,

14 Thoir a mach esan a mhallaich an taobh a muigh de'n champ, agus cuireadh iadsan uile a chual' e an làmh air a cheann, agus clachadh an comhchruinneachadh uile e.

15 Agus labhraidh tu ri cloinn Israeil, ag ràdh, Ge b'e neach a mhallaicheas a Dhia, giùlainidh e a pheacadh.

16 Agus esan a mhaslaicheas ainm an Tighearna, cuir car gu cinnteach gu bàs e; clachaidh gu deimhin an comhchruinneachadh uile e: an coigreach co mhaith agus esan a rugadh 's an dùthaich, 'n uair a mhaslaicheas e ainm an *Tighearna*, cuir car gu bàs e.

17 Agus esan a mharbhas duine sam bith, cuirear gun teagamh gu bàs e.

18 Agus esan a mharbhas ainmhidh, nì e dioladh air a shon; ainmhidh air son ainmhidh.

19 Agus ma bheir duine ciurram air a choimhearsnach, mar a rium e, mar sin nith-e ar:

20 Briseadh air son brisidh, sùil air son sùla, fiacail air son fiacila; mar a thug e ciurram air duine, mar sin nith-e ar.

21 Agus esan a mharbhas ainmhidh, diolaidh se e: agus an neach a mharbhas duine, cuirear gu bàs e.

22 Bithidh an t-aon ghnè lagha agaibh co mhaith air son a' choigrich, agus air son neach de mhuinntir bhuir dùthcha féin: oir *is* mise an Tighearna bhuir Dia.

23 Agus labhair Maois ri cloinn Israeil, iad a thoirt leo esan a mhallaich, an taobh a muigh de'n champ, agus a clachadh le clachaibh: agus rium clann Israeil mar a dh'àitlin an Tighearna do Mhaois.

CAIB. XXV.

8 *Mu bhliadhna na Iubile, no an Fhuasglaidh.*

14 *Mu fhoirneart, 35 agus mu thruacantas a thaobh nam bochd.*

AGUS labhair an Tighearn ri Maois anu an sliaibh Shinaì, ag ràdh,

2 Labhair ri cloinn Israeil, agus abair riu, 'N uair a thig sibh chum na tìre a bheir mise dhuibh, an siu gleidhidh an tìr sàbaid do'u Tighearn.

3 Sè bliadhna cuiridh tu d'fhearann, agus sè bliadhna bearraidh tu d'fhìon-lios, agus cruinnichidh tu stigh a thoradh.

4 Ach ams an t-seachdamh bliadhna bithidh sàbaid fhoise do'u tìr, sàbaid do'u Tighearn: d'fhearann cha chuir thu, agus d'fhìon-lios cha bhearr thu.

5 An ni sin a dh'fhàsas dheth fèin de d'fhoghar, cha bhuai thu, agus fion-dhearcan d'fhionain neò-dheasaichte cha chruinnich thu: 'n a bliadhna fhoise bithidh i do'n tìr.

6 Agus bithidh sàbaid na tìre 'n a biadh dhuibh: dhuit féiu, agus do d' òglach, agus do d' bhanoglaich, agus do d' fhear-tuarasdail, agus do d' choigreach a tha air chuairt maille riut;

7 Agus do d' spréidh, agus do'n fhiadh-bheathach a tha ann ad fhearann; bithidh a cinneas uile chum bidh.

8 Agus àirnidh tu dhuit fèin seachd sàbaidean de bhliadhnaibh, seachd uairean seachd bliadhna; agus bithidh àine nan seachd sàbaidean de bhliadhnaibh dhuit 'n a naoi bliadhna 's dà fhichead.

9 An sin bheir thu fainear trompaid na Iubile a shéideadh 's an t-seachdamh mìos, air an deicheamh là de'n mìos: ann an là na réite bheir sibh fainear an trompaid a shéideadh air feadh blur tìre uile.

10 Agus naomhaichidh sibh an deicheamh bliadhna 's dà fhichead, agus gairmidh sibh saorsa air feadh na dh'itheach, d'a luchd-àiteachaidh uile: bithidh i 'n a Iubile dhuibh, agus pillidh sibh gach duine chum a sheilbhe fèin, agus pillidh gach duine agaibh g'a theaghlach fèin.

11 Bithidh an deicheamh bliadhna sin agus dà fhichead 'n a Iubile dhuibh; cha chuir sibh sìol, ni mò a bhuaineas sibh an ni a dh'fhàsas dheth féiu innte, ni mò a thionnaileas sibh *dearcan-fìona* innte de d' fhionain neo-dheasaichte:

12 Oir is Iubile i, bithidh i naomh dhuibh; ithidh sibh a cinneas as an fhearann.

13 Ann am bliadhna na Iubile so pillidh gach duine agaibh a dh'ionnsuidh a sheilbhe fèin.

14 Agus ma reiceas tu 'bheag ri d' choimhearsnach, uo ma cheanaicheas tu 'bheag o làimh do choimhearsnach; cha dean sibh eucoir air a chéile.

15 A réir àireimh nam bliadhna an déigh na Iubile ceannaichidh tu o d' choimh-

earsnach, agus a réir àireimh bhliadhna uam bàrr reicidh e riut.

16 A réir lionmhoireachd nam bliadhna mundaichidh tu a luach, agus a réir teirid nam bliadhna lughdaichidh tu a luach: oir a réir àireimh bhliadhna nam bàrr tha e a' reiceadh riut.

17 Agus cha dean sibh eucoir air a chéile: ach bithidh eagal do Dhé ort; oir is mise an Tighearn bhur Dia.

18 Uime sin ni sibh mo reachdan, agus gleidhidh sibh mò bhreitheanais, agus ni sibh iad; agus gabhaidh sibh còmhuidh 's au tìr ann an tèaruinteachd.

19 Agus bheir am fearann a mach a thoradh, agus ithidh sibh bhur sàth, agus gabhaidh sibh còmhuidh ann gu tèaruinte.

20 Agus ma their sibh, Ciod a dh'itheas sinn air an t-seachdamh bliadhna? feuch, cha chuir sinn sìol, ni mò a chruinnicheas sinn ar toradh:

21 An sin àithnidh mise mo bheannachadh oirbh 's an t-seathamh bliadhna, agus bheir i ruach toradh air son thri bliadhna.

22 Agus cuiridh sibh air an ochedamh bliadhna, agus ithidh sibh *fathast* de'n t-seann toradh gus an naothamh bliadhna; gus an tig a toradh a stigh, ithidh sibh de'n t-seann toradh.

23 Cha reicear am fearann gu bràth; oir is leanas an fearann: oir is coigrich agus luchd-cuairt sibhse maille rium.

24 Agus ann am fearann bhur seilbhe uile, bheir sibh saorsa do'n fhearann.

25 Ma dh'fhàs do bhrathair bochd, agus gu'n do reic e *cuid* d'a sheilbh, agus ma thig a h-aon air bith d'a dhìlsibh g'a fhuasgladh, an sin fuasglaidh e an ni a reic a bhrathair.

26 Agus mur 'eil aig an duine neach g'a fhuasgladh, agus gur urrainn e fèin 'fhuasgladh;

27 An sin àirnidheadh e bliadhnachan a reicidh, agus thugadh e air ais an ni a tha thairis do'u duine ris an do reic se e, a chum's gu'm pill e dh'ionnsuidh a sheilbhe féiu.

28 Agus mur urrainn e sin a thoirt air ais da, an sin fanaidh an ni sin a reiceadh ann an làimh an neach a cheannaich e, gu bliadhna na Iubile: agus anns an Iubile théid e mach, agus pillidh e chum a sheilbhe.

29 Agus ma reiceas duine tigh-còmhuidh ann am baile cuairtiche le balla, an sin feudaidh e 'fhuasgladh an taobh a stigh de bhliadhn' iomlan au déigh a reiceadh: an taobh a stigh de bhliadhn' iomlan feudaidh e 'fhuasgladh.

30 Agus mur fuasglar e gus an coimhlionar bliadhn' iomlan, an sin daingnichear an tigh, a tha 'n taobh a stigh de'n bhaile cuairtiche le balla, gu bràth dhasan a cheanaich e, air feadh a ghinealach: cha téid e mach 's an Iubile.

31 Ach measar tighean nam bailtean nach eil cuairtiche le balla, mar fhearann na tìre: feudar am fuasgladh, agus théid iad a mach 's an Iubile.

32 Gidheadh, bailtean nan Lebhitheach, agus tighean bhailtean an seilbhe, feudaidd na Lebhithich am fuasgladh uair sam bith.

33 Agus ma cheannaichas duine o na Lebhithich, an sin théid an tigh a reiceadh, agus baile a sheilbhc, mach 's an Iubile: oir *is iad* tighean bhailtean nan Lebhitheach an sealbh am measg chloinn Israeil.

34 Ach cha-n fheudar am fearann a tha'n taobh a muigh da'm bailtibh a reiceadh, oir *is e sin* an sealbh mhaireannach.

35 Agus ma dh'fhàsas do bhràthair bochd, agus gu'n téid e dhéigh-làimh agad, an sin fuasglaidh tu air: *seadh, ged is coigreach* no fear-cuairt' e; agus bithidh e beò maille riut.

36 Na gabh riadh uath, no tuille 's a thug thu dha: ach bithheadh eagal do Dhé ort, a chum's gu'm feud do bhràthair a bhi beò maille riut.

37 D'aigiod cha toir thu dha air riadh, agus air son buamachd cha toir thu dha do bhliadh.

38 *Is* mise an Tighearn bhur Dia, a thug a mach sibh á tìr na h-Eiphit, a thoirt dhuibh tìre Chanaain, agus a bhi a'm' Dhia agaibh.

39 Agus ma dh'fhàsas do bhràthair a tha làimh riut bochd, agus gu'n do reiceadh riut e; cha toir thu air seirbhis a dheanamh dhuit mar thràill:

40 Mar sheirbhisich tuarsdail, agus mar fhear-cuairte, bithidh e maille riut; gu bhliadhna na Iubile ni e seirbhis dhuit.

41 Agus an sin imichidh e uait, e féin agus a chlann maille ris, agus pillidh e chum a theaghlach féin, agus a chum seilbhc 'àith-richean pillidh e:

42 Oir *is* iadsan mo sheirbhisich, a thug mi mach á tìr na h-Eiphit: cha reicear iad mar thràillibh.

43 Cha ghnàthaich thu nachdaranachd os a cheann le h-an-ìochd, ach bithidh eagal do Dhé ort.

44 Agus bithidh do thràillean, agus do bhantràillean, a bhios agad, de na cinnich a tha m'ur tinchioll; uatha-san ceannaichidh sibh tràillean agus ban-tràillean.

45 Agus a thuilleadh air so, o chloinn nan coigreach a tha air chuairt 'n ur measg, uathasan ceannaichidh sibh, agus o'n teaghlachibh a tha maille ribh, a ghin iad 'n ur fearann: agus bithidh iad 'n an seilbh dhuibh.

46 Agus gabhaidh sibh iad mar oighreachd d'ur cloinn 'n ur déigh, a chum an sealbhadh mar oighreachd; bithidh iad dhuibh 'n an tràillibh a chaoidh: ach os ceann bhur bràithrean, cloinn Israeil, cadhon os ceann a chéile cha ghnàthaich sibh nachdaranachd le h-an-ìochd.

47 Agus ma dh'fhàsas fear-cuairte reach saobhir làimh riut, agus ma dh'fhàsas do bhràthair làimh ris bochd, agus gu'n reic se e féin ris a' choigreach, ris an fhear-chuairte a thaille riut, no ri gineal teaghlach a' choigrich:

48 An déigh a reiceadh, feudar 'fhuasgladh a ris; feudaidd aon d'a bhràithribh 'fhuasgladh;

49 Feudaidd aon chuid bràthair 'athar, no mac bhràthar 'athar 'fhuasgladh, no feudaidd aon neach a tha dlùth 'an dàimh dha d'a theaghlach féin 'fhuasgladh; no ma's urrainn e, feudaidd se e féin fhuasgladh.

50 Agus ni e cuntas ris-san a cheannaich e o'n bhliadhna anns an do reiceadh ris e, gu bhliadhna na Iubile: agus bithidh luach a reicidh a réir àireimh nam bliadhna; a réir aimsir seirbhisich tuarsdail bithidh e dha.

51 Ma bhios fathast mòran bhliadhnachan ri teachd, d'an réir sin bheir e a ris luach 'fhuasglaidh, as an airgiod air son an do cheannaicheadh e.

52 Agus mur 'eil ri teachd ach beagan bhliadhnachan gu bhliadhna na Iubile, an sin ni e cuntas ris, agus a réir a bhliadhnachan bheir e dha a ris luach 'fhuasglaidh.

53 Mar sheirbhisich a tha air thuarasdal o bhliadhna gu bhliadhna bithidh e maille ris: cha ghnàthaichear nachdaranachd os a cheann le h-an-ìochd ann ad shealladh-sa.

54 Agus mur fuasglar e anns na bhliadhnadh sin, an sin théid e mach ann am bhliadhna na Iubile, e féin agus a chlann maille ris.

55 Oir dhonhsa tha clann Israeil 'n an seirbhisich; *is* iadsan mo sheirbhisich, a thug mi mach á tìr na h-Eiphit: *Is* mise an Tighearn bhur Dia.

CAIB. XXVI.

1 Mu òdhol-òradh. 3 Beannachadh air a ghealltainn. 14 Mallachadh air a bhagairt

CHA dean sibh dhuibh féin òdholan no *C*coslas snaidhte, agus cha chuir sibh suas ìomhaigh dhuibh féin, ni mò shuidhicheas sibh dealbh-cloiche 'n ur fearann, gu cromadh sìos dha; oir *is* mise an Tighearn bhur Dia.

2 Gleidhidh sibh mo shàbaidean, agus bheir sibh urram do m'ionad naomh: *Is* mise an Tighearn.

3 Ma ghluaiseas sibh a'm' reachdaibh, agus ma ghleidheas sibh m'aitheantan; agus ma ni sibh iad;

4 An sin bheir mise dhuibh uisge 'n a àm féin, agus bheir am fearann a mach a thoradh, agus bheir craobhan na macharach am meas uatha.

5 Agus ruigidh bhur bualadh am fion-fhoghar, agus ruigidh bhur fion-fhoghar àm an t-silchur, agus ithidh sibh bhur n-aran gu'r sàth, agus gabhaidh sibh còmluidh gu téaruinte 'n ur tìr.

6 Agus bheir mise sìth 's an tìr, agus luidhidh sibh sìos, agus cha chuir neach sam bith eagal oirbh: agus sgriosaidh mi droch bheathaichean as an dùthaich, agus cha téid an claidheamh tríd bhur fearainn.

7 Agus ruaigidh sibh bhur naimhdean, agus tuitidh iad roimhibh leis a' chlaidheamh.

8 Agus cuiridh cùigear dhibh an ruaig air ceud, agus cuiridh ceud dhibh an ruaig air deich mìle: agus tuitidh bhur naimhdean roimhibh leis a' chlaidheamh.

9 Oir amhaircidh mise oirbh, agus ni mi sìolmhor sibh, agus bheir mi oirbh fàs lìonmhor, agus daingnichidh mi mo choimhcheangal ribh.

10 Agus ithidh sibh an seann lòn, agus bheir sibh a mach an seann lòn air son an lòn nomha.

11 Agus suidhicidh mi mo phàillion 'n ur measg: agus cha bhi gràin aig m'anam dhibh.

12 Agus imichidh mi 'n ur measg, agus bithidh mi a'm' Dhia dhuibh, agus bithidh sibhse 'n ur sluagh dhomhsa.

13 Is mise an Tighearn bhur Dia, a thug sibhse a mach & tìr na h-Eìphit, a chum nach bitheadh sibh 'n ur tràilhibh aca; agus bliris mi cuibhreach bhur cuinge, agus thug mi oirbh imeachd dìreach.

14 Ach mur éisd sibh rium, agus mur dean sibh na h-àiteantan sin uile;

15 Agus ma ni sibh tàir air mo reachdaibh, no ma ghabhas bhur n-anam gràin de m'bhreitheanais, air chor as nach dean sibh m'aitheantan uile, ach gu'm bris sibh mo choimhcheangal;

16 Ni mise mar an ceudna so ribhse; orduichidh mi oirbh uamhas, caitheamh, agus fiabhras loisgeach, a chaitheas na sìllean, agus a bheir cràdh do'n chridhe: agus cuiridh sibh bhur sìol ann an dìomhanas, oir ithidh bhur naimhdean e.

17 Agus cuiridh mise mo ghnùis 'n ur n-aghaidh, agus marbhar sibh an fathair bhur naimhdean: agus rìogaichidh a' mhuinntir air am beag sibh oirbh, agus teichidh sibh an uair nach bi neach 'an tòir oirbh.

18 Agus mur éisd sibh rium fathast air a shon so uile, an sin ni mi peanas oirbh seachd uairean nì's mò air son bhur peacaidhean.

19 Agus brisidh mi uabhar bhur cumhachd; agus ni mi bhur speuran mar iarunn, agus bhur talamh mar umha:

20 Agus caithear bhur spionnadh ann an dìomhanas; oir cha toir bhur fearann 'fhàs uaith, ni mò a bheir craobhan na tìre am meas uatha.

21 Agus ma théid sibh a'm' aghaidh, agus nach éisd sibh rium; bheir mi seachd naircean tuille phlàighean oirbh, a réir bhur peacaidhean.

22 Cuiridh mi mar an ceudna fiadh-bheathaichean na macharach 'n ur measg, a bheir uaibh bhur clann, agus a chuireas as d'ur spréidh, agus a ni sibh tearc ann an àireamh, agus bithidh bhur rathaidean mòra fàs.

23 Agus mur leasaichear leamsa sibh leis na nìthibh sin, ach gu'n téid sibh a'm' aghaidh;

24 An sin théid mise mar an ceudna 'n ur n-aghaidh-sa, agus ni mi peanas oirbh seachd uairean fathast air son bhur peacaidhean.

25 Agus bheir mi claidheamh oirbh, a dhiolas cuis-ghearain mo choimhcheangail; agus an uair a chruinnichear sibh an ceann a chéile an taobh a stigh d'ur bailtibh, cuiridh mi a' phlàigh 'n ur measg; agus bheir fear thairis sibh do làimh naimhdean.

26 An uair a blriseas mise lorg bhur n-arain, fuinidh deich mnathan bhur n-aran ann an aon àmhuinn, agus bheir iad air ais dhuibh bhur n-aran air a thomhas, agus ithidh sibh agus cha bhi sibh sàthach.

27 Agus mur éisd sibh air son so uile rium, ach gu'n téid sibh a'm' aghaidh;

28 An sin théid mise 'n ur n-aghaidh-sa mar an ceudna ann am fraoch feirge; agus smachdaichidh mise, eadhon mise, seachd uairean sibh air son bhur peacaidhean.

29 Agus ithidh sibh feoil bhur mac, agus feoil bhur nigheanan ithidh sibh.

30 Agus cuiridh mise as d'ur n-ionadaibh àrda, agus gearraidh mi sìos bhur dealbhan, agus tilgidh mi bhur colannan air colannaibh bhur n-iodholan, agus gabhaidh m'anam gràin dhibh.

31 Agus cuiridh mi bhur bailtean fàs, agus bheir mi lom-sgrìob air bhur n-ionadan naomha, agus cha ghabh mi fàile bhur boltraich chùbhraidh.

32 Agus bheir mi lom-sgrìob air an fhearann; agus bithidh ioghmadh air bhurnaimhidh a ghabhas còmhnuidh ann, mu'n nì sin.

33 Agus sgapaidh mi sibh ann measg nan cinneach, agus tairngidh mi claidheamh 'n ur deigh; agus bithidh bhur fearann creachta, agus bhur bailtean fàs.

34 An sin mealaiddh am fearann a shàbaidcan, am fad 's a luidheas e fàs, agus a bhios sibhse ann am fearann bhur naimhdean; eadhon an sin gabhaidh am fearann fois, agus mealaiddh e a shàbaidcan.

35 Am fad 's a luidheas am fearann fàs, bithidh fois aige; do bhrìgh nach robh fois aige 'n ur sàbaidibh-sa, 'n uair a ghabh sibh còmhnuidh ann.

36 Agus orrasan a dlìfhàgar beò dhibh, cuiridh mise laigse 'n an cridheachaibh ann an dùthchaibh an naimhdean; agus cuiridh fuaim duilleig air chrith iad air theicheadh; agus teichidh iad, mar gu'm biodh iad a' teicheadh o'n chlaidheamh; agus tuitidh iad an uair nach bi neach 'an tòir orra.

37 Agus tuitidh iad air muin a chéile, mar gu'm b'ann roimh 'n chlaidheamh, 'n uair nach bi neach 'an tòir orra; agus cha bhi neart agaibh gu seasamh roimh bhur naimh-dibh.

38 Agus théid as duibh am measg nan cinneach, agus ithidh talamh bhur naimh-dean suas sibh.

39 Agus iadsan a dh'fhàgar dhibh, seargaidh iad as 'n an aingidheachd ann an dùthchaibh bhur naimh-dean; agus mar an ceudna ann an cuceartaibh an aithrichean seargaidh iad as maille riu.

40 Ma dh'aideicheas iad an aingidheachd féin, agus aingidheachd an aithrichean, a réir an eusaontais a rinn iad a'm' aghaidh, agus mar an ceudna gu'n do ghluais iad a'm' aghaidh;

41 Agus gu'n do ghluais mise mar an ceudna 'n an aghaidh-san, agus gu'n d'thug mi iad do dhùthaich an naimh-dean; ma bhios an sin an cridhe neo-thimchioll-ghearta air 'irioslachadh, *air chor as gu'n gabh iad ri peanas an aingidheachd*;

42 An sin cuimhnichidh mise mo choimhcheangal ri Iacob, agus mar an ceudna mo choimhcheangal ri h-Isaac, agus mar an ceudna mo choimhcheangal ri h-Abraham cuimhnichidh mi; agus cuimhnichidh mi am fearann.

43 Tréigear mar an ceudna am fearann leo, agus mealaidd e a shàbaidean, am feadh 's a tha e 'n a luidhe fàs as an eugmhais; agus gabhaidh iad ri peanas an aingidheachd; a chionn, eadhon a chionn gu'n d'rinn iad tàir air mo bhreitheanais, agus a chionn gu'n do ghabh an anam gràin de m' reachdaibh.

44 Agus gidheadh air a shon so uile, 'n uair a bhios iad ann an tìr an naimh-dean, cha tilg mi uam iad, ni mò a ghabhas mi gràin diubh, g'an sgrios gu tur, agus a bhriscadh mo choimhcheangail riu: oir is mise an Tighearn an Dia.

45 Ach air an sgàthsan cuimhnichidh mi coimhcheangal an sinnsirean, a thug mi mach á tìr na h-Eiphit, ann an sealladh nan cinneach, a chum gu'm bithinn a'm' Dhia aca: *Is* mise an Tighearn.

46 *Is iad* sin na h-orduighean, agus na breitheanais, agus na reachdan, a rinn an Tighearn eadar e féin agus clann Israeil ann an sliabh Sinai, le làimh Mhaois.

CAIB. XXVII.

1 *Mu bhòidibh.* 28 *Cha'n fhuasglar ni sam bith coisrigte.* 30 *Buinidh uile dheachamh an fhearainn do'n Tighearn.*

AGUS labhair an Tighearn ri Maois, ag ràdh,

2 Labhair ri cloinn Israeil, agus abair riu, 'N uair a bheir duine bòid àraidh, *buinidh* na h-anaman do'n Tighearn, a réir do mheas:

3 Agus bithidh do mheas, air an fhirionnach o fhichead bliadhna dh'aois, eadhon gu tri fichead bliadhna dh'aois; bithidh eadhon

do mheas leth-cheud secel airgid, a réir secel an ionaid naomh.

4 Agus ma's boirionnach a bhios ann, an sin bithidh do mheas deich secel 'ar fhichead.

5 Agus ma's gille o chùig bliadhna dh'aois, eadhon gu fichead bliadhna dh'aois, a bhios ann, an sin bithidh do mheas air son an fhirionnach fichead secel, agus air son a' bhoirionnach deich secel.

6 Agus ma's ann o mhios a dh'aois, eadhon gu cùig bliadhna dh'aois, an sin bithidh do mheas air son an fhirionnach cùig secel airgid, agus air son a' bhoirionnach *bithidh* do mheas tri secel airgid.

7 Agus ma's ann a bhios e o thri fichead bliadhna dh'aois agus os a cheann, ma's firionnach e, an sin bithidh do mheas cùig secel deug, agus air son boirionnach deich secel.

8 Ach ma bhios e ni's bochda na do mheas, an sin nochdaidh se e féin an làthair an t-sagairt, agus measaidh an sagart e: a réir a chomais-san a thug a' bhòid, measaidh an sagart e.

9 Agus ma's ainmhidh e, d'an toir daoine tabhartas a dh'ionnsuidh an Tighearn, bithidh gach ni a bheir *duine* d'an leithidibh sin do'n Tighearn, naomh.

10 Cha dean e mùthadh, ni mò ni e mal-airt, maith air son uile, no ole air son maith: ach ma ni e malairt, air chor sam bith, ainmhidh air son ainmhidh, an sin bithidh e féin, agus an ni a fhuaradh 'n a mhalairt, naomh.

11 Agus ma's ainmhidh neòghlan sam bith e, de nach toir iad seachad tabhartas do'n Tighearn, an sin nochdaidh e 'n t-ainmhidh an làthair an t-sagairt:

12 Agus measaidh an sagart e, ma's maith no ole e; mar a mheasas tusa a bhios a'd shagart e, mar sin bithidh e.

13 Ach ma dh'fhuasglas e air chor sam bith e, an sin cuiridh e an cùigeamh cuid deth ri d' mheas-sa.

14 Agus an uair a choisrigeas duine a thigh, *gu bhi* naomh do'n Tighearn, an sin measaidh an sagart e, ma's maith no ole e: mar a mheasas an sagart e, mar sin seasaidh e.

15 Agus ma dh'fhuasglas esan a choisrig e, a thigh, an sin cuiridh e an cùigeamh cuid a dh'airgid do mheas-sa ris, agus buinidh e dha.

16 Agus ma choisrigeas duine do'n Tighearn *cuid* de fhearann a sheilbh, an sin bithidh do mheas a réir a shìl: measar homer de shìl eorna aig leth-cheud secel airgid.

17 Ma choisrigeas e fhearann o bhliadhna na Iubile, a réir do mheas seasaidh e.

18 Ach ma choisrigeas e fhearann an déigh na Iubile, an sin ainmhidh an sagart an t-airgid da a réir nam bliadhna a tha ri

AIREAMH, I.

teachd, eadhon gu bliadhna na Iubile, agus leigear sin sìos de d' mheas-sa.

19 Agus ma dh'fhuasglas am fear a choisrig am fearann e air ehor sam bith, an sin cuiridh e an cùigeanh *cuid* a dh'airgiod do mheas-sa ris, agus daingnichear dha e.

20 Agus mur fuasgail e 'm fearann, no ma reic e 'm fearann ri duine eile, cha-n fhuasglar ni's mò e.

21 Ach bithidh am fearann, an uair a théid e mach 's an Iubile, naomh do'n Tighearn, mar fhearann coisrigte: buinidh a shealbh do'n t-sagart.

22 Ach ma choisrigeas *duine* do'n Tighearn fearann a cheannaich e, nach ann de fhearann a sheilbh;

23 An sin àirmhidh an sagart dha luach do mheas, *eadhon* gu bliadhna na Iubile, agus bheir e seachad do mheas *féin* 's an là sin, *mar* ni naomh do'n Tighearn.

24 Ann am bliadhna na Iubile pillidh am fearann d'a ionnsuidh-san o'n do cheannaich e, *eadhon* d'a ionnsuidh-san d'am *buineadh* sealbh an fhearainn.

25 Agus bithidh do mheas-sa uile a réir seceil an ionaid naomh; bithidh fichead gerah 's an t-secel.

26 Ach ceud-ghin nan ainmhidh, 'bu chòir a bli 'n a cheud-ghin do'n Tighearn, cha choisrig duine air bith sin, co dhiubh *is* tarbh, no caora e: *is* leis an Tighearn e.

27 Ach ma's ann de bheathach neòghlan

e, an sin fuasglaidh se e a réir do mheas-sa, agus cuiridh e an cùigeanh *cuid* deth ris; no mur fuasglar e, an sin reicear e a réir do mheas.

28 Gidheadh, cha reicear agus cha-n fhuasglar ni sam bith coisrigte a choisrigeas duine do'n Tighearn, de gach ni a tha aige, araon de dhuine agus de ainmhidh, agus de fhearann a sheilbh: tha gach ni coisrigte ro naomh do'n Tighearn.

29 Cha-n fhuasglar ni sam bith coisrigte, a choisrigear le daoineibh: *ach* cuircar gu cinnteach gu bàs e.

30 Agus uile dheachamh an fhearainn, *ma's ann* de shìol an fhearainn, *no* de mheas na craobhe, *is* leis an Tighearn e; *tha e* naomh do'n Tighearn.

31 Agus ma dh'fhuasglas duine idir a bheag d'a dheachamh, cuiridh e an cùigeanh *cuid* deth ris.

32 Agus a thaobh uile dheachaimh a' chruidh, no an treuda, *eadhon* gach ni air bith a dh'imicheas fo'n t-slaic; bithidh an deachamh deth naomh do'n Tighearn.

33 Cha rannsaich e ann bi e maith no olc, ni mò a ni e malairt leis: agus ma ni e malairt idir leis, an sin bithidh an dà chuid e féin agus a mhalaire naomh; cha-n fhuasglar e.

34 *Is* iad sin na h-àitheantan a dh'àithn an Tighearn do Mhaois, air son chloinn Isracil, ann an sliabh Shinaì.

A I R E A M H.

CAIB. I.

1, 17 *Na fir uile ann an Israel a' urrainn dol a mach gu cogadh air an àireamh, 47 saor o na Lebhithich.*

A GUS labhair an Tighearn ri Maois ann am fasach Shinaì, ann am pàillium a' eòimhthionail, air a' cheud là d'en dara mìos, 's an dara bliadhna an déigh dhoibh teachd a mach à tìr na h-Eiphit, ag ràdh,

2 Gabhaibh *àireamh* cheann comh-chruinneachaidh chloinn Isracil uile, a réir an teaghlaichean, a réir tighe an aithrichean, maille ri àireamh an ainmean, gach frionnach a réir an ceann:

3 O fhichead bliadhna dh'aois, agus os a cheann, gach aon a's urrainn dol a mach gu cogadh ann an Israel; àirmhidh tusa agus Aaron iad a réir an buidhmean.

4 Agus maille ribhse bithidh duine de gach uile thréibh: gach aon diubh 'n a cheann tighe aithrichean.

5 Agus *is* iad so ainmean nan daoine a sheasas maille ribh: De *thréibh* Reubéin; Elisur mac Shedeur.

6 De Shimeon; Selumiel mac Shurisadai.

7 De Iudah; Nahson mac Aminadaib.

8 De Isachar; Natancel mac Shuair.

9 De Shebulun; Eliab mac Heloin.

10 De chloinn Ioseiph; de Ephraim, Elisama mac Amihuid; de Mhanaseh, Gamaliel mac Phedahsuir.

11 De Bheniamin; Abidan mac Ghideoni

12 De Dhan; Ahieser mac Amisadai.

13 De Aser; Pagiel mac Ocrain.

14 De Ghad; Eliasaph mac Dheucil.

15 De Naphtali; Ahira mac Enain.

16 *B'* iad sin *daoine* ainmeil a' chomh-chruinneachaidh, cinn-fheadhna threubhan an aithrichean, ceannardan mhiltean ann an Israel.

17 Agus ghabh Maois agus Aaron na daoine sin a ghairmeadh air an ainmibh.

18 Agus thionail iad an comhchruinneachadh uile an ceann a chéile air a' cheud là de'n dara mìos, agus chuir iad 'an céill an ginealachan a réir an teaghlaichean, a réir tighe an aithrichean, a réir àireimh nan ainmean, o fhichead bliadhna dh'aois agus thairis, a réir an ceann.

19 Mar a dh'àithn an Tighearn do Mhaois,

mar sin rinn e an àireamh ann am fàsach Shinaì.

20 Agus bha clann Reubein, a' mhic 'bu shine a bh'aig Israel, a *rèir* an ginealach, a *rèir* an teaghlaichean, a *rèir* tighe an aithrichean, a *rèir* àireimh nan ainmean, a *rèir* an ceann, gach firionnach o fhichead bliadhna dh'aois agus os a cheann, gach aon a b'urraim dol a mach gu cogadh;

21 Bha iadsan a chaidh àireamh dhiubh eadhon de thréibh Reubein, 'n an dà fhichead agus sè mìle agus cùig ceud.

22 De chloinn Shimeoin, a *rèir* an ginealach, a *rèir* an teaghlaichean, a *rèir* tighe an aithrichean, iadsan a chaidh àireamh dhiubh, a *rèir* àireimh nan ainmean, a *rèir* an ceann, gach firionnach o fhichead bliadhna dh'aois agus os a cheann, gach aon a b'urraim dol a mach gu cogadh;

23 B'iadsan a chaidh àireamh dhiubh, eadhon de thréibh Shimeoin, leth-cheud agus naoi mìle agus trì cheud.

24 De chloinn Ghad, a *rèir* an ginealach, a *rèir* an teaghlaichean, a *rèir* tighe an aithrichean, a *rèir* àireimh nan ainmean, o fhichead bliadhna dh'aois agus os a cheann, gach aon a b'urraim dol a mach gu cogadh;

25 B'iadsan a chaidh àireamh dhiubh, eadhon de thréibh Ghad, dà fhichead agus cùig mìle agus sè ceud agus leth-cheud.

26 De chloinn Iudah, a *rèir* an ginealach, a *rèir* an teaghlaichean, a *rèir* tighe an aithrichean, a *rèir* àireimh nan ainmean, o fhichead bliadhna dh'aois agus os a cheann, gach aon a b'urraim dol a mach gu cogadh;

27 B'iadsan a chaidh àireamh dhiubh, eadhon de thréibh Iudah, trì fichead agus ceithir mìle deug agus sè ceud.

28 De chloinn Isachair, a *rèir* an ginealach, a *rèir* an teaghlaichean, a *rèir* tighe an aithrichean, a *rèir* àireimh nan ainmean, o fhichead bliadhna dh'aois agus os a cheann, gach aon a b'urraim dol a mach gu cogadh;

29 B'iadsan a chaidh àireamh dhiubh, eadhon de thréibh Isachair, leth-cheud agus ceithir mìle agus ceithir cheud.

30 De chloinn Shebuluin, a *rèir* an ginealach, a *rèir* an teaghlaichean, a *rèir* tighe an aithrichean, a *rèir* àireimh nan ainmean, o fhichead bliadhna dh'aois agus os a cheann, gach aon a b'urraim dol a mach gu cogadh;

31 B'iadsan a chaidh àireamh dhiubh, eadhon de thréibh Shebuluin, leth-cheud agus seachd mìle agus ceithir cheud.

32 De chloinn Ioseiph, eadhon de chloinn Ephraim, a *rèir* an ginealach, a *rèir* an teaghlaichean, a *rèir* tighe an aithrichean, a *rèir* àireimh nan ainmean, o fhichead bliadhna dh'aois agus os a cheann, gach aon a b'urraim dol a mach gu cogadh;

33 B'iadsan a chaidh àireamh dhiubh, eadhon de thréibh Ephraim, dà fhichead mìle agus cùig ceud.

34 De chloinn Mhanaseh, a *rèir* an gineal-

ach, a *rèir* an teaghlaichean, a *rèir* tighe an aithrichean, a *rèir* àireimh nan ainmean, o fhichead bliadhna dh'aois agus os a cheann, gach aon a b'urraim dol a mach gu cogadh;

35 B'iadsan a chaidh àireamh dhiubh, eadhon de thréibh Mhanaseh, dà mhìle dheug 'ar fhichead agus dà cheud.

36 De chloinn Bheniamin, a *rèir* an ginealach, a *rèir* an teaghlaichean, a *rèir* tighe an aithrichean, a *rèir* àireimh nan ainmean, o fhichead bliadhna dh'aois agus os a cheann, gach aon a b'urraim dol a mach gu cogadh;

37 B'iadsan a chaidh àireamh dhiubh, eadhon de thréibh Bheniamin, cùig mìle deug 'ar fhichead agus ceithir cheud.

38 De chloinn Dhan, a *rèir* an ginealach, a *rèir* an teaghlaichean, a *rèir* tighe an aithrichean, a *rèir* àireimh nan ainmean, o fhichead bliadhna dh'aois agus os a cheann, gach aon a b'urraim dol a mach gu cogadh;

39 B'iadsan a chaidh àireamh dhiubh, eadhon de thréibh Dhan, trì fichead agus dà mhìle agus seachd ceud.

40 De chloinn Aseir, a *rèir* an ginealach, a *rèir* an teaghlaichean, a *rèir* tighe an aithrichean, a *rèir* àireimh nan ainmean, o fhichead bliadhna dh'aois agus os a cheann, gach aon a b'urraim dol a mach gu cogadh;

41 B'iadsan a chaidh àireamh dhiubh, eadhon de thréibh Aseir, aon mhìle agus dà fhichead agus cùig ceud.

42 De chloinn Naphtali, a *rèir* an ginealach, a *rèir* an teaghlaichean, a *rèir* tighe an aithrichean, a *rèir* àireimh nan ainmean, o fhichead bliadhna dh'aois agus os a cheann, gach aon a b'urraim dol a mach gu cogadh;

43 B'iadsan a chaidh àireamh dhiubh, eadhon de thréibh Naphtali, trì mìle deug agus dà fhichead agus ceithir cheud.

44 Sin iadsan a chaidh àireamh, a rinn Maois agus Aaron, agus ceannardan Israeil, eadhon dà fhear dheug àireamh: bha gach fear dhiubh air son tighe 'aithrichean.

45 Mar sin bha iadsan uile a chaidh àireamh de chloinn Israeil, a *rèir* tighe an aithrichean, o fhichead bliadhna dh'aois agus os a cheann, gach aon a b'urraim dol a mach gu cogadh ann an Israel;

46 Eadhon iadsan uile a chaidh àireamh, b'iad sè ceud agus trì mìle agus cùig ceud agus leth-cheud.

47 Ach cha deachaidh na Lebhithich, a *rèir* thréibh an aithrichean, àireamh 'n am measg:

48 Oir labhair an Tighearn ri Maois, ag ràdh,

49 A mhàin cha dean thu treubh Lebhi àireamh, nì mò a ghabhas tu an *cunnas* cheann am measg chloinn Israeil:

50 Ach ordùichidh tu na Lebhithich os ceann pàilliuin na Fianuis', agus os ceann a shoithichean uile, agus os ceann nan uile nìthean a *bhuineas* da: giùlainidh iad am pàilliuin, agus a shoithichean uile; agus

frithelidh iad da, agusampaichidh iad mu'n cuairt air a' phàillium.

51 Agus an uair a bhios am pàillium gu dol air 'aghaidh, leagaidh na Lebhithich a sìos e: agus an uair a bhitheas am pàillium r'a shuidheachadh, togaidh na Lebhithich suas e: agus cuirear an coigreach a thig am fagus gu bàs.

52 Agus suidhichidh clann Israeil am bùthan, gach duine làimh r'a chuideachd féin, agus gach duine làimh r'a bhrataich féin, air feadh an armailtean.

53 Ach suidhichidh na Lebhithich am bùthan mu'n cuairt air pàillium na Fianuis'; a chluin's nach bi corruich air comhchruiuncachadh chloinn Israeil, agus gleidhidh na Lebhithich cùram pàillium na Fianuis'.

54 Agus rinn clann Israeil a réir nan uile nithean a dh'aithn an Tighearn do Mhaois; mar sin rinn iad.

CAIB. II.

Suidheachadh nan treubh 'n am bàthaibh.

A GUS labhair au Tighearn ri Maois, a agus ri h-Aaron, ag ràdh,

2 Suidhichidh gach duine de chloinn Israeil làimh r'a bhrataich féin, maille ri suaichiontas tighe an aithrichean: fad as mu'n cuairt air pàillium a' choimhthionail suidhichidh iad.

3 Agus air taobh na h-àirde 'n ear, leth ri éirigh na gréine, suidhichidh luchd brataich chainp Iudah, a réir an armailtean: agus *bithidh* Nahson mac Aminadaib 'n a cheannard air cloinn Iudah.

4 Agus *B'iad* 'armailt-san, eadhon iadsan a chaidh àireamh dhiubh, trì fichead agus ceithir mìle deug agus sè ceud.

5 Agus am fagus da suidhichidh treubh Isachair: agus *bithidh* Natancel mac Shuair 'n a cheannard air cloinn Isachair.

6 Agus *B'iad* 'armailt-san, agus iadsan a chaidh àireamh dh'i, leth-cheud agus ceithir mìle agus ceithir cheud.

7 An sin treubh Shebuluin: agus *bithidh* Eliab mac Heloin 'n a cheannard air cloinn Shebuluin.

8 Agus *B'iad* 'armailt-san, agus iadsan a chaidh àireamh dh'i, leth-cheud agus seachd mìle agus ceithir cheud.

9 Na h-uile a chaidh àireamh ann an camp Iudah, *B'iad* ceud, agus ceithir fichead, agus sè mìle agus ceithir cheud, a réir an armailtean: théid iad so a mach air thùs.

10 Air taobh na h-àirde deas *bithidh* bratach chainp Reubein, a réir an armailtean: agus 'n a cheannard air cloinn Reubein *bithidh* Elisur mac Sheduir.

11 Agus *B'iad* 'armailt-san, agus iadsan a chaidh àireamh dh'i, dà fhichead agus sè mìle agus cùig cheud.

12 Agus làimh ris suidhichidh treubh Shimeoin; agus *bithidh* Selumiel mac Shurisadai 'n a cheannard air cloinn Shimeoin.

13 Agus *B'iad* 'armailt-san, agus iadsan a chaidh àireamh dh'i, leth-cheud agus naoi mìle agus trì cheud.

14 An sin treubh Ghad: agus 'n a cheannard air mic Ghad, *bithidh* Eliasaph mac Reueil.

15 Agus *B'iad* 'armailt-san, agus iadsan a chaidh àireamh dhiubh, dà fhichead agus cùig mìle agus sè ceud agus leth-cheud.

16 Na h-uile a chaidh àireamh ann an camp Reubein, *B'iad* ceud agus leth-cheud agus aon mhìle, agus ceithir cheud agus leth-cheud, a réir an armailtean: agus théid iadsan a mach 's an dara ordugh.

17 An sin théid pàillium a' choimhthionail air 'aghaidh, maille ri camp nan Lebhithich 'am meadhon a' chainp: mar a champ-aicheas iad, mar sin théid iad air an aghaidh, gach duine 'n a àite féin, làimh r'am brataichibh.

18 Air taobh na h-àirde 'n iar *bithidh* bratach chainp Ephraim, a réir an armailtean; agus *bithidh* Elisama mac Amihuid 'n a cheannard air mic Ephraim.

19 Agus *B'iad* 'armailt-san, agus iadsan a chaidh àireamh dhiubh, dà fhichead mìle agus cùig ceud.

20 Agus làimh ris-san *bithidh* treubh Mhanasch: agus *bithidh* Gamaliel mac Phedahsuir 'n a cheannard air cloinn Mhanasch.

21 Agus *B'iad* 'armailt-san, agus iadsan a chaidh àireamh dhiubh, dà mhìle dheug 'ar fhichead agus dà cheud.

22 An sin treubh Bhieniamin: agus *bithidh* Abidan mac Ghideoni 'n a cheannard air mic Bhieniamin.

23 Agus *B'iad* 'armailt-san, agus iadsan a chaidh àireamh dhiubh, cùig mìle deug 'ar fhichead agus ceithir cheud.

24 *B'iamsan* uile a chaidh àireamh de champ Ephraim, ceud agus ochd mìle, agus ceud, a réir an armailtean: agus théid iadsan air an aghaidh 's an treas ordugh.

25 *Bithidh* bratach chainp Dhan air taobh na h-àirde tuath a réir an armailtean: agus *bithidh* Ahieser mac Amisadai 'n a cheannard air cloinn Dhan.

26 Agus *B'iad* 'armailt-san, agus iadsan a chaidh àireamh dhiubh, trì fichead agus dà mhìle agus seachd ceud.

27 Agus làimh risampaichidh treubh Ascir: agus *bithidh* Pagiel mac Ocrain 'n a cheannard air cloinn Ascir.

28 Agus *B'iad* 'armailt-san, agus iadsan a chaidh àireamh dhiubh, dà fhichead agus aon mhìle agus cùig ceud.

29 An sin treubh Naphtali: agus *bithidh* Ahira mac Enain 'n a cheannard air cloinn Naphtali.

30 Agus *B'iad* 'armailt-san, agus iadsan a chaidh àireamh dhiubh, leth-cheud agus trì mìle agus ceithir cheud.

31 *B'iamsan* uile a chaidh àireamh ann an

camp Dhan, ceud agus leth-chend agus seachd mìle agus sè ceud: Imichidh iadsan fa dheireadh le 'm brataichibh.

32 *Is* iad sin iadsan a chaidh àirmheadh de chloinn Israeil, a réir tighe an aithrichean: b'iadsan uile a chaidh àireamh de na caimp, a réir an armaichte, sè ceud agus trì mìle agus cùig ceud agus leth-cheud.

33 Ach cha deachaidh na Lebhithich àireamh 'am measg chloinn Israeil, mar a dh'èithn an Tighearn do Mhaois.

34 Agus rinn clann Israeil a réir gach nì a dh'èithn an Tighearn do Mhaois: mar sin champaich iad làmh r'am brataichibh, agus mar sin chaidh iad air an aghaidh, gach aon a réir an teaghlaichean, a réir tighe an aithrichean.

CAIB. III.

1 *Ginealaich Aaroin agus Mhaois.* 3 *Frithealach agus àireamh nan Lebhithich.*

IS iad so mar an ceudna ginealaich Aaroin agus Mhaois, 's an là anns an do labhair an Tighearn ri Maois ann an slabh Shinai.

2 Agus *is* iad so ainmean mhac Aaroin; Nadab an ceud-ghin, agus Abihn, Eleasar, agus Itamar.

3 *Is* iad sin ainmean mhac Aaroin, na sagartan a dh'ungadh, a choisrig e gu frith-ealachd ann an dreuchd an t-sagairt.

4 Agus fhuair Nadab agus Abihn bàs an làthair an Tighearna, 'n uair a thug iad suas teine coimheach an làthair an Tighearna, ann am fàsach Shinai, agus cha robh clann aca: agus fhritheil Eleasar agus Itamar ann an dreuchd an t-sagairt, ann an sealladh Aaroin an athar.

5 Agus labhair an Tighearn ri Maois, ag ràdh,

6 Thoir treubh Lebhi am fagus, agus tais-bein iad an làthair Aaroin an t-sagairt, a chum gu'm frithheil iad dha.

7 Agus gleidhidh iad a chùram-san, agus cùram a' choimhthionail uile, air beulaobh pàilliuin a' choimhthionail, a dheanamh seirbhis a' phàilliuin.

8 Agus gleidhidh iad uile shoithichean pàilliuin a' choimhthionail, agus cùram chloinn Israeil, a dheanamh seirbhis a' phàilliuin.

9 Agus bheir thu na Lebhithich do Aaron, agus d'a mhic: *tha* iad air an tabhairt da gu b-ionnlan a mach á cloinn Israeil.

10 Agus orduichidh tu Aaron agus a mhic, agus feithidh iadsan air dreuchd an t-sagairt: agus cuirear an coigreach a thig am fagus gu bàs.

11 Agus labhair an Tighearn ri Maois, ag ràdh,

12 Agus mise, feuch, ghabh mi na Lebhithich o mheasg chloinn Israeil, 'an àit a' cheud-ghin uile a dh'fhosglaas a' bhrù an measg chloinn Israeil: agus is leamsa na Lebhithich;

13 A chionn gur leamsa gach nìle cheud-

ghin; *oir* air an là anns an do bhuail mi gach ceud-ghin ann an tìr na h-Eiphit, naomhaich mi dhomh féin gach ceud-ghin ann an Israel, eadar dhuine agus ainmhidh: is leamsa iad: *Is* mise an Tighearn.

14 Agus labhair an Tighearn ri Maois ann am fàsach Shinai, ag ràdh,

15 Àireamh clann Lebhi a réir tighe an aithrichean, a réir an teaghlaichean: gach frionnach o mhìos a dh'aois agus os a cheann àirmhidh tu iad.

16 Agus rinn Maois an àireamh a réir focail an Tighearna, mar a thugadh àithne dha.

17 Agus b'iad so mic Lebhi a réir an ainmean; Gerson, agus Cohat, agus Merari.

18 Agus *is* iad so ainmean mhac Ghersein a réir an teaghlaichean; Libni agus Simci.

19 Agus mic Chohait a réir an teaghlaichean; Amram, agus Idsar, Hebron, agus Udsiel.

20 Agus mic Mherari a réir an teaghlaichean; Mahli, agus Musi: *is* iad sin teaghlaichean nan Lebhithich, a réir tighe an aithrichean.

21 O Ghersein *bha* teaghlach Libni, agus teaghlach Shimei: *is* iad sin teaghlaichean nan Gersonach.

22 Iadsan a chaidh àireamh dhiubh, a réir àireimh nam frionnach uile o mhìos a dh'aois agus os a cheann, *eadhon* iadsan a chaidh àireamh dhiubh, b'iad seachd mìle agus cùig ceud.

23 Suidhichidh teaghlaichean nan Gersonach air cùlaobh a' phàilliuin air taobh na h-àirde 'n iar.

24 Agus *bithidh* Eliasaph mac Laeìl, 'n a cheann tighe athar nan Gersonach.

25 Agus air cùram mhac Ghersein, ann am pàilliuin a' choimhthionail, *bithidh* am pàilliuin, agus am bùth, a chòmhach, agus am brat air son doruis pàilliuin a' choimhthionail,

26 Agus cùirteincan na cùirte, agus am brat air son doruis na cùirte, a tha làmh ris a' phàilliuin, agus làmh ris an altair mu'n cuairt, agus a cuird, air son a seirthis uile.

27 Agus o Chohat *bha* teaghlach nan Amramach, agus teaghlach nan Idscharach, agus teaghlach nan Hebronach, agus teaghlach nan Udsielach: *is* iad sin teaghlaichean nan Cohatach.

28 Ann an àireamh nam frionnach uile o mhìos a dh'aois agus os a cheann, *bha* ochd mìle agus sè ceud, a bha 'gleidheadh cùram an ionaid naomh.

29 Suidhichidh teaghlaichean mhac Chohait air taobh mu dheas a' phàilliuin

30 Agus *bithidh* Elisaphan mac Udsiel 'n a cheann tighe athar theaghlaichean nan Cohatach.

31 Agus air an cùram-san *bithidh* an àire, agus am bòrd, agus an coimleir, agus na h-altairean, agus soithichean an ionaid

naoinh, leis am fritheil iad, agus am brat, agus a sheirbhis uile.

32 Agus *bithidh* Eleasar, mac Aaroin an t-sagairt, 'n a cheamrad air ceamardaibh nan Lebhithich, agus *bithidh* sùil aig orra-san a bhios a' gleidheadh cùrain an ionaid naoinh.

33 O Mherari bha teaghlach nam Mhach, agus teaghlach nam Musitheach: *is* iad sin teaghlaichean Mherari.

34 Agus iadsan a chaidh àireamh dhiubh, a réir àireimh nam firionnach uile o mhìos a dh'aois agus os a cheann, *Uiad* sè mìle agus dà cheud.

35 Agus *Ue* Suriel mac Abihail ceann tighe athar theaghlaichean Mherari: suidhichidh iadsan air taobh mu thuath a' phàilliuin.

36 Agus *fo* choimhead agus cùram mhac Mherari *bithidh* buird a' phàilliuin, agus a chroinn, agus a phuist, agus a bhuinn, agus a shoithichean uile, agus gach nì a fhrithheileas da,

37 Agus puist na cùirte mu'n cuairt, agus am buinn, agus am piuneachan, agus an cuird.

38 Ach iadsan a champaicheas air beulaobh a' phàilliuin air taobh na h-àirde 'n ear, *eadhon* air beulaobh pàilliuin a' choimhthionail leth ri éirigh na gréine, *is iad* Maois, agus Aaron, agus a mhic, a' gleidheadh cùrain an ionaid naoinh, air son cùrain chloinn Israeil; agus cuirear an coigreach a thig am fagus gu bàs.

39 Iadsan uile a chaidh àireamh de na Lebhithich, a rinn Maois [agus Aaron] àireamh a réir àithne an Tighearna, a réir an teaghlaichean, na firionnach uile o mhìos a dh'aois agus os a cheann, *Uiad* dà mhìle thar fhichead.

40 Agus thubhairt an Tighearna ri Maois, Àireamh gach ceud-ghin a tha 'n a fhirionnach de chloinn Israeil o mhìos a dh'aois agus os a cheann, agus gabh àireamh an ainmean.

41 Agus gabhaidh tu na Lebhithich dhomhsa (*Is* mise an Tighearna) 'an àite nan ceud-ghin uile am measg chloinn Israeil; agus spréidh nan Lebhithich 'an àite nan ceud-ghin uile am measg spréidhe chloinn Israeil.

42 Agus rinn Maois, mar a dh'àithn an Tighearna dha, gach ceud-ghin am measg chloinn Israeil àireamh.

43 Agus gach ceud-ghin a bha 'n a fhirionnach, a réir àireimh nan ainmean o mhìos a dh'aois agus os a cheann, dhiubhsan a chaidh àireamh dhiubh, b' iad dà mhìle thar fhichead, dà cheud agus trì fichead agus trì-deug.

44 Agus labhair an Tighearna ri Maois, ag ràdh,

45 Gabh na Lebhithich 'an àite nan ceud-ghin uile am measg chloinn Israeil, agus spréidh nan Lebhithich 'an àit an spréidhe-

san, agus bithidh na Lebhithich agamsa: *Is* mise an Tighearna.

46 Agus air an son-san a tha gu bhi air am fuasgladh de'n dà cheud agus an trì fichead agus an trì-deug, de cheud-ghin chloinn Israeil, a tha nì's fionnhoire na na Lebhithich;

47 Gabhaidh tu eadhon cùig seceil am fear air an ceann; a réir seceil an ionaid naoinh gabhaidh tu *iad*: *is e* 'n seceil fichead gerah.

48 Agus bheir thu 'n t-airgiod, leis am fuasglar an àireamh chòrr dhiubh, do Aaron agus d'a mhic.

49 Agus ghabh Maois an t-airgiod fuasglaidh uatha-san a bha thuilleadh orra-san a dh'fhuasgladh leis na Lebhithich.

50 O cheud-ghin chloinn Israeil ghabh e an t-airgiod: mìle, trì cheud agus trì fichead agus cùig seceil, a réir seceil an ionaid naoinh.

51 Agus thug Maois airgiod na muinntir' sin a dh'fhuasgladh do Aaron, agus d'a mhic, a réir focail an Tighearna, mar a dh'àithn an Tighearna do Mhaois.

CAIB. IV.

1 *Aois agus àm frithealaidh nan Lebhithich.*
17 *Dreuchd nan sagart.*

A GUS labhair an Tighearna ri Maois, agus ri h-Aaron, ag ràdh,

2 Gabh àireamh mhac Chohait o mheasg mhac Lebhì, a réir an teaghlaichean, a réir tighe an aithrichean;

3 O dbeich bliadlana fichead a dh'aois agus os a cheann, eadhon gu leth-cheud bliadhna dh'aois, gach neach a thèid a steach do'n armait, a dheanamh na h-oibre ann am pàilliuin a' choimhthionail.

4 So an t-seirbhis a bhios aig mic Chohait, ann am pàilliuin a' choimhthionail, *mu thimcheall* nan nithean ro naomh.

5 Agus an uair a bhitheas an camp gu dol air 'aghaidh, thig Aaron agus a mhic, agus bheir iad a nuas brat a' chòmhdaichidh, agus còmhdaichidh iad àire na Fianuis leis;

6 Agus cuiridh iad orre an còmhdaichidh de chroicimibh bhroc, agus sgaoilidh iad os a cheann eudach uile de ghorm, agus cuiridh iad a bataichean imte.

7 Agus air bòrd arain na Fianuis' sgaoilidh iad eudach de ghorm, agus cuiridh iad air na miasan, agus na tuisèirean, agus na copain, agus na cuachan leis an toirèar seachad tabhartas-dìbhe: agus bithidh an t-aran an còmhnuidh air.

8 Agus sgaoilidh iad orra eudach scarlaid, agus còmhdaichidh iad sin le còmhdaichidh de chroicimibh bhroc, agus cuiridh iad a bhataichean ann.

9 Agus gabhaidh iad eudach de ghorm, agus còmhdaichidh iad coinnleir an t-soluis, agus a lòchrain, agus a chlobhachan, agus a shoithichean-smàlaidh, agus a shoithichean-olaidh uile, leis am fritheil iad da.

10 Agus cuiridh iad e *fèin*, agus a shoithichean uile, ann an còmh-dachadh de chroicinnibh bhroc, agus cuiridh iad air lunn e.

11 Agus air an altair òir sgaoilidh iad eudach de ghorm, agus còmh-daichidh iad i le còmh-dachadh de chroicinnibh bhroc, agus cuiridh iad *r'i* a bataichean.

12 Agus gabhaidh iad na h-innill flurithealaidh uile, leis am fritheil iad 's an ionad naomh, agus cuiridh iad ann an eudach de ghorm *iad*, agus còmh-daichidh iad le còmh-dachadh de chroicinnibh bhroc iad, agus cuiridh iad air lunn *iad*.

13 Agus bheir iad air falbh an luath o'n altair, agus sgaoilidh iad eudach corcuir oirre;

14 Agus cuiridh iad oirre a soithichean uile, leis am fritheil iad m'a timchioll, *eadhon* na tùiseirean, na greimichean-feòla, agus na sluasaidean, agus na cuachan, soithichean na h-altarach uile; agus sgaoilidh iad oirre còmh-dachadh de chroicinnibh bhroc, agus cuiridh iad *r'i* a bataichean.

15 Agus crìochnaichidh Aaron agus a mhic còmh-dachadh an ionaid naomh, agus uile shoithichean an ionaid naomh, 'n uair a bhios an camp gu dol air 'aghaidh; agus an deigh sin thig mic Chohait *g'an* giùlan: ach cha bhean iad ri ni naomh *sam bith*, air eagal gu'm bàsaich iad. *Is iad na nithean* sin eallach mhac Chohait ann am pàillium a' choimhthionail.

16 Agus do dhrenchd Eleasair, mhic Aaron an t-sagairt, *buinidh* an oladh chum an t-soluis, agus an tùis chùbhraidh, agus an tabhartas-bidh lathail, agus an oladh-ungaidh, agus cùram a' phàillium uile, agus nan uile nithean a *tha* ann, 's an ionad naomh, agus 'n a shoithichibh.

17 Agus labhair an Tighearn ri Maois, agus ri h-Aaron, ag ràdh,

18 Na gearraibh as treubh theaghlachian nan Cohatach o mheasg nan Lebhitheach.

19 Ach so ni sibh riu, chum gu'm bi iad beò agus nach bàsaich iad, an uair a thig iad am fagus do na nithibh ro naomh; théid Aaron agus a mhic a steach, agus orduichidh siad iad gach aon d'a sheirbhis *fèin*, agus d'a eallach.

20 Ach cha téid iad a steach a dh'fhaicinn an uair a chòmh-daichear na nithean naomh', air eagal gu'm faigh iad bàs.

21 Agus labhair an Tighearn ri Maois, ag ràdh,

22 Gabh mar an ceudna àireamh mhac Ghersein, a réir tighe an aithrichean, a réir an teaghlachian:

23 O dheich bliadhna fichead a dh'aois agus os a cheann, gu leth-cheud bliadhna dh'aois àirmhidh tu iad; gach neach a théid a steach a dheanamh na seirbhis, a dheanamh na h-oibre ann am pàillium a' choimhthionail.

24 *Is i* so seirbhis theaghlachian nan Ger-

sonach, seirbhis a dheanamh, agus eallach a ghiùlan.

25 Agus giùlainidh iad cùirteinean a' phàillium, agus pàillium a' choimhthionail, a chòmh-dach, agus an còmh-dachadh de chroicinnibh bhroc, a tha shuas thairis air, agus brat doruis pàillium a' choimhthionail,

26 Agus cùirteinean na cùirte, agus brat doruis geata na cùirte, a *tha* làimh ris a' phàillium, agus ris an altair mu'n cuairt, agus an cuird, agus innil am frithealaidh uile, agus gach ni a rinneadh air an son: mar so ni iad seirbhis.

27 A réir focail Aaron agus a mhac bithidh uile sheirbhis mhac nan Gersonach, 'n an eallachaibh uile, agus 'n an seirbhis uile: agus orduichidh sibh dhoibh mar an cùram an eallachan uile.

28 *Is i* so seirbhis theaghlachian mhac Ghersein, ann am pàillium a' choimhthionail; agus *bithidh* an cùram fo làimh Itamair mhic Aaron an t-sagairt.

29 A thaobh mhac Mherari, àirmhidh tu iad a réir an teaghlachian, a réir tighe an aithrichean:

30 O dheich bliadhna fichead a dh'aois agus os a cheann, eadhon gu leth-cheud bliadhna dh'aois, àirmhidh tu iad, gach aon a théid a steach do'n t-seirbhis, a dheanamh oibre pàillium a' choimhthionail.

31 Agus *is e* so cùram an eallach, a réir an seirbhis uile ann am pàillium a' choimhthionail; buird a' phàillium, agus a chroim, agus a phuist, agus a bhuiinn,

32 Agus puist na cùirte mu'n cuairt, agus am buinn, agus am pinneachan, agus an cuird, maille r'an innealaibh uile, agus maille r'an seirbhis uile: agus air an àirmhidh sibh innil cùram an eallach.

33 *Is i* so seirbhis theaghlachian mhac Mherari, a réir an seirbhis uile ann am pàillium a' choimhthionail, fo làimh Itamair mhic Aaron an t-sagairt.

34 Agus rinn Maois agus Aaron agus ceannardan a' chomhehrinneachaidh mic nan Cohatach àireamh, a réir an teaghlachian, agus a réir tighe an aithrichean:

35 O dheich bliadhna fichead a dh'aois agus os a cheann, eadhon gu leth-cheud bliadhna dh'aois, gach aon a théid a steach do'n t-seirbhis, chum oibre ann am pàillium a' choimhthionail.

36 Agus iadsan a chaidh àireamh dhiubh, a réir an teaghlachian, b'iad dà mhile, seachd ceud agus leth-cheud.

37 B'iad so iadsan a chaidh àireamh de theaghlachibh nan Cohatach, gach neach a dh'fheudadh seirbhis a dheanamh ann am pàillium a' choimhthionail, a rinn Maois agus Aaron àireamh, a réir àithne an Tighearna le làimh Mhaois.

38 Agus iadsan a chaidh àireamh de mhic Ghersein, a réir an teaghlachian, agus a réir tighe an aithrichean:

39 O dheich bliadhna fichead a dh'aois agus os a cheann, eadhon gu leth-cheud bliadhna dh'aois, gach aon a théid a steach do'n t-seirbhis, a chum oibre ann am pàillium a' choimhthionail;

40 Eadhon iadsan a chaidh àireamh dhiubh, a réir an teaghlaichean, a réir tighe an aithrichean, b'iad dà mhìle agus sè ceud agus deich 'ar fhichead.

41 So iadsan a chaidh àireamh de theaghlachibh mhac Ghersoin, de gach neach a dh'fheudadh seirbhis a dheanamh ann am pàillium a' choimhthionail, a rinn Maois agus Aaron àireamh a réir àithne an Tighearna.

42 Agus iadsan a chaidh àireamh de theaghlachibh mhac Mherari, a réir an teaghlaichean, a réir tighe an aithrichean:

43 O dheich bliadhna fichead a dh'aois agus os a cheann, eadhon gu leth-cheud bliadhna dh'aois, gach aon a théid a stigh do'n t-seirbhis, chum oibre ann am pàillium a' choimhthionail;

44 Eadhon iadsan a chaidh àireamh dhiubh, a réir an teaghlaichean, b'iad trì mìle agus dà cheud.

45 So iadsan a chaidh àireamh de theaghlachibh mhac Mherari, a rinn Maois agus Aaron, àireamh a réir focail an Tighearna le làimh Mhaois.

46 Iadsan uile a chaidh àireamh de na Lebhitich, a rinn Maois agus Aaron, agus ceannardan Israeil aircamh a réiran teaghlaichean, agus a réir tighe an aithrichean;

47 O dheich bliadhna fichead a dh'aois agus os a cheann, eadhon gu leth-cheud bliadhna dh'aois, gach aon a thàinig a dheanamh seirbhis an fhrithealaidh, agus seirbhis na h-eallaich ann am pàillium a' choimhthionail;

48 Eadhon iadsan a chaidh àireamh dhiubh, b'iad ochd mìle agus cùig ceud agus ceithir fichead.

49 A réir àithne an Tighearna chaidh an àirmheadh le làimh Mhaois, gach aon a réir a sheirbhis, agus a réir 'eallaich: mar so chaidh an àirmheadh leis, mar a dh'àithn an Tighearna do Mhaois.

CAIB. V.

1 An coimhleasachadh air son eucorach. 11
Deuchainn eudaich.

A GUS labhair an Tighearna ri Maois, ag ràdh,

2 Aithn do chloinn Israeil, iad a chur a mach as a' champ gach lobhar, agus gach neach air am bheil silteach, agus gach neach a tha air a shalachadh leis a' mharbh:

3 Aaron firionnach agus boirionnach cuiridh sibh a mach, an taobh a muigh de'n champ cuiridh sibh iad; a chum as nach truaill iad an campan, anns am bheil mise 'gabhail còmhnuidh.

4 Agus rinn clann Israeil mar so, agus

chuir iad a mach iad an taobh a muigh de'n champ: mar a labhair an Tighearna ri Maois, mar sin rinn clann Israeil.

5 Agus labhair an Tighearna ri Maois, ag ràdh,

6 Abair ri cloinn Israeil, An uair a ni fear no bean peacadh air bith a ni daoine, a dheanamh eusantais an aghaidh an Tighearna, agus gu'm bheil an t-anam sin ciontach;

7 An sin aidichidh iad am peacadh a rinn iad: agus ni e coimhleasachadh air son 'eucorach 's an iomlan, agus cuiridh e an cùigeamh cuid deth ris, agus bheir e sin dh'as air an d'rinn e 'n eucor.

8 Ach mur bi aig an duine caraid sam bith gu coimhleasachadh a thoirt da 's an eucor, thugar an coimhleasachadh a nithear do'n Tighearna air son na h-eucorach, do'n t-sagart; a thuilleadh air reithe na reite, leis an deanar reite air a shon.

9 Agus gach tabhartas de nithibh naomha chloinn Israeil uile, a bheir iad chum an t-sagairt, is leis-san iad.

10 Agus nithean coisrigte gach duine, is leis-san iad: ge b'e ni a bheir duine sam bith do'n t-sagart, is leis e.

11 Agus labhair an Tighearna ri Maois, ag ràdh,

12 Labhair ri cloinn Israeil, agus abair rin, Ma théid bean fir sam bith a thaobh, agus gu'n ciontaich i 'n a aghaidh,

13 Agus gu'n luidh fear gu collaidh leatha, agus gu'm bi sin folaichte o shùilibh a fir-phòda, agus gu'm bi e ceilte, agus gu'm bi i air a truailleadh, agus nach bi fianuis sam bith 'n a h-aghaidh, agus gun i air a glacadh 's a' chùis,

14 Agus gu'n tig spiorad eudaich air, agus gu'm bheil e 'g eudach air a mhnaoi, agus gu'n do thruailleadh i; no ma thàinig spiorad eudaich air, agus gu'm bheil e èud-mhor m'a mhnaoi, agus nach do thruaill-eadh i:

15 An sin bheir an duine a bhean a dh'ionnsuidh an t-sagairt, agus bheir e leis a tabhartas air a son, an deicheamh cuid a dh'ephah de mhin còrna; cha dòirt e oladh air, ni mò a chuireas e tùis air, oir is tabhartas eudaich a th'ann, tabhartas cuimhneachain, a' toirt aingidheachd ann an cuimhne.

16 Agus bheir an sagairt am fagus i, agus cuiridh e i an làthair an Tighearna.

17 Agus gabhaidh an sagart uisge naomh ann an soitheach creadha, agus gabhaidh an sagart cuid de'n duslach a bhios air urlar a' phàillium, agus cuiridh e 's an uisge e.

18 Agus cuiridh an sagart a' bhean ann an làthair an Tighearna, agus ruisgidh e ceann na mnà, agus cuiridh e 'n tabhartas cuimhneachain 'n a làmban, eadhon an tabhartas eudaich; agus bithidh a'g an

t-sagart 'n a làimh an t-uisge searbh a mhallaicheas.

19 Agus gabhaidh an sagart mionnan dh'i, agus their e ris a' mhnaoi, Mur do luidh fear sam bith leat, agus mur deachaidh tu thaobh gu neòghloine *maille ri neach eile* 'an àite d'fhir-phòsda, bi-sa saor o 'n uisge shearbh so a mhallaicheas:

20 Ach ma chaidh thu thaobh *gu neach eile* 'an àite d'fhir-phòsda, agus gu'n do thruaillleadh thu, agus gu'n do luidh fear eile leat a thuilleadh air d'fhear-phòsda;

21 An sin gabhaidh an sagart mionnan mallachaidh de'n mhnaoi, agus their an sagart ris a' mhnaoi, Gu'n deanadh an Tighearn a'd' mallachadh agus a'd' mhiannan thu am measg do shluaigh, 'n uair a bheir an Tighearn air do shliasaid lobhadh, agus air do bhroinn atadh;

22 Agus theid an t-uisge so a mhallaicheas a stigh a'd' innibh, a thoirt air do bhroinn atadh, agus air do shliasaid lobhadh: Agus their a' bhean, Amen, amen.

23 Agus sgrìobhaidh an sagart na mallachdan sin ann an leabhar, agus dubhaidh e mach *iad* leis an uisge shearbh;

24 Agus bheir e air a' mhnaoi an t-uisge searbh a bheir am mallachadh, òl: agus theid an t-uisge a mhallaicheas a steach innte, *agus fòsaidh e* searbh.

25 An sin gabhaidh an sagart an tabhartas eudaich a làimh na mnà, agus luaisgidh e 'n tabhartas an làthair an Tighearn, agus bheir e seachad e air an altair.

26 Agus gabhaidh an sagart làn glaise de'n tabhartas, *eadhon* a chuimhneachan, agus loisgidh e air an altair e, agus an déigh sin bheir e air a' mhnaoi an t-uisge òl.

27 Agus an uair a bheir e oirre an t-uisge òl, an sin tarlaidh ma thruaillleadh i, agus ma rinn i coire an aghaidh a fir-phòsda, gu'n téid an t-uisge a mhallaicheas a steach innte, *agus fòsaidh e* searbh, agus ataidh a brù, agus lobhaidh a shliasaid: agus bithidh a' bhean 'n a mallachadh am measg a shluaigh.

28 Agus mur do thruaillleadh a' bhean, ach gu'm bheil i glan: an sin bithidh i saor, agus fàsaidh i torrach.

29 *Is* e so lagh nan eud, an uair a theid bean a thaobh *gu fear eile* 'an àit a fir-phòsda, agus a thruaillleadh i;

30 No 'n uair a thig spiorad eudaich air fear, agus a tha c'g eudach air, agus a chuireas e a' bhean an làthair an Tighearn, agus a chuireas an sagart 'an gnìomh oirre an lagh so uile;

31 An sin bithidh an duine saor o'n chionta, agus giùlainidh a' bhean so a cionta.

CAIB. VI.

1 *Lagh nan Nasarach.* 22 *Modh beannachaidh chloinn Isracil.*

A GUS labhair an Tighearn ri Maois, ag ràdh,

2 Labhair ri cloinn Isracil, agus abair riu, 'N uair a dhealaicheas aon chuid bean no fear *iad féin* a bhòideachadh bòide Nasarach, a chum *iad féin* a dhealachadh do'n Tighearn;

3 O fhìon, agus o dhìbh làidir sgaraidh se e féin: fion-geur fiona, no fion-geur dìbhe làidir cha-n òl e, ni mò a dh'òlas e bheag de shùgh nam fion-dhearcan, ni mò a dìritheas e fion-dhearcan ùra no tioram.

4 Uile làithean a dhealachaidh cha-n ìth e bheag a' pìthean de'n chraoibh-fhìona, o na h-eiteanaidh gus am plaosg.

5 Uile làithean bòide a dhealachaidh, cha tig caltainn air a cheann: gus an coimhlonar na làithean anns an dealaich se e *féin* do'n Tighearn, bithidh e naomh; agus leigidh e le ciabhan gruaige a chinn fas.

6 'S na làithibh sin uile anns an dealaich se e *féin* do'n Tighearn, cha tig e 'm fagus do chorp marbh sam bith.

7 Cha dean se e féin neòghlan air son 'athar, no air son a mhàthar, air son a bhràthar, no air son a pheathar, an uair a gheibh iad bàs; do bhrìgh gu bheil coisreagadh a Dhé air a cheann.

8 Uile làithean a dhealachaidh *tha* e naomh do'n Tighearn.

9 Agus ma gheibh duine gu h-obann bàs làimh ris, agus gu'n do shalaich e ceann a choisreagaidh: an sin bearraidh e a cheann ann an là a ghlanaidh, air an t-seachdamh là bearraidh se e.

10 Agus air an ochdamh là bheir e dà thurtur, no dà choluman òg, a dh'ionnsuidh an t-sagairt, gu dorus pàillium a' choimh-thionail.

11 Agus ìobraidh an sagart fear diubh mar ìobairt-pheacaidh, agus am fear eile mar ìobairt-loisgte, agus ni e réite air a shon, a chionn gu'n do pheacaich e thaobh a' mhairebh, agus naomhaichidh e a cheann 's an là sin féin.

12 Agus coisrigidh e do'n Tighearn làithean a dhealachaidh, agus bheir e leis uan de'n cheud bhliadhna chum ìobairt-eusaontais: ach bithidh na làithean a chaidh seachad caillte, do bhrìgh gu'n do shalaicheadh a dhealachadh.

13 Agus *is* e so lagh an Nasarach: 'N uair a choimhlonar làithean a dhealachaidh, bheir e c gu dorus pàillium a' choimh-thionail:

14 Agus bheir e seachad a thabhartas do'n Tighearn, aon uan fìrionn de'n cheud bhliadhna gun ghaoid a chum ìobairt-loisgte, agus aon uan boirionn de'n cheud bhliadhna gun ghaoid a chum ìobairt-pheacaidh, agus aon reithe gun ghaoid a chum ìobairt-shìth;

15 Agus basaid de aran neo-ghoirtichte, breacagan de phlùr mìn measgta le h-olaidh, agus dearnaganan de aran neo-ghoirtichte

ungta le h-olaidh, agus an tabhartas-bìdh, agus an tabhartasan-dìbhe.

16 Agus bheir an sagart *iad* an làthair au Tighearn', agus ìobraidh e 'ìobairt-pheacaidh, agus 'ìobairt-loisgte.

17 Agus ìobraidh e 'n reithe mar ìobairt thabhartasan-sith do'n Tighearn, maille ris a' bhascaid de aran neo-ghoirtichte: bheir an sagart seachad mar an ceudna a thabhartas-bìdh, agus a thabhartas-dìbhe.

18 Agus bearraidh an Nasarach ceann a dhealachaidh, aig dorus pàillium a' choimh-thionail; agus gabhaidh e gruag cinn a dhealachaidh, agus cuiridh e i' s an teine a *tha* fo ìobairt nan tabhartasan-sith.

19 Agus gabhaidh an sagart slinnean bruich an reithe, agus aon bhreacag neo-ghoirtichte as a' bhascaid, agus aon dear-nagan neo-ghoirtichte; agus cuiridh e *iad* air làmh an Nasaraich, an dèigh do *ghruaig* a dhealachaidh bhì air a bearradh.

20 Agus luaisgidh an sagart *iad* mar thabhartas-luaisgte an làthair an Tighearna; *tha* so naomh do'n t-sagart maille ris an uchd luaisgte, agus *maille ris* an t-slinnean thogta: agus an dèigh sin feudaidh an Nasarach fion òl.

21 *Is* e so lagh an Nasaraich, a thug bòid, agus lagh a thabhartais do'n Tighearn air son a dhealachaidh, a thuilleadh air na gheibh a làmh: a réir a bhòide a bhòidich e, mar sin is éigin da dheanamh, a réir lagha a dhealachaidh.

22 Agus labhair an Tighearn ri Maois, ag ràdh,

23 Labhair ri h-Aaron agus r'a mhic, ag ràdh, Air a' mhodh so beannaichidh sibh clann Israeil, ag ràdh riu,

24 Gu'm beannaicheadh an Tighearn thu, agus gu'n gleidheadh e thu:

25 Gu'n tugadh an Tighearn air 'aghaidh dealrachadh ort, agus bitheadh e gràsmlhor riut:

26 Gu'n togadh an Tighearn suas a ghnùis ort, agus gu'n tugadh e sìth dhuit.

27 Agus cuiridh iad m'ainm air cloinn Isracil, agus beannaichidh mise iad.

CAIB. VII.

2, 10 *Tabhartais ceannardan Israeil. 89 Labhair Dia ri Maois.*

AGUS tharladh air an là anns an do chuir Maois suas an pàillium gu h-ìomlan, agus 's an d'ung se e, agus 's au do naomhaich se e, agus 'uidheam uile, araon an altair agus a soithichean uile, agus 's an d'ung e iad, agus 's an do naomhaich e iad;

2 Gu'n d'thug ceannardan Israeil, cinn tighe an aithrichean, (eadhon ceannardan nan treubh, a bha os ceann na muinntir' a chaidh àireamh) seachad tabhartas:

3 Agus thug iad an tabhartas an làthair an Tighearna, sè feunan còmhdaichte, agus

dà dhamh dheug: feun air son dithis de na ceannardaibh, agus damh air son gach fir dhiubh, agus thug iad air beulaobh a' phàillium iad.

4 Agus labhair an Tighearn ri Maois, ag ràdh,

5 Gabh uatha *iad*, a chum gu'm bi iad a dheanamh seirbhis pàillium a' choimh-thionail; agus bheir thu iad do na Lebbithich, do gach fear a réir a seirbhis.

6 Agus ghabh Maois na feunan agus na daimh, agus thug e do na Lebbithich iad.

7 Dà fheun agus ceithir daimh thug e do mhie Ghersein, a réir an seirbhis.

8 Agus ceithir feunan agus ochd daimh thug e do mhie Mherari, a réir an seirbhis, fo làmh Itamar mhic Aaroin au t-sagairt.

9 Ach do mhie Chohait cha d' thug e h-aon air bith; a chionn gu'm b'i seirbhis an ionaid naomh a bhuineadh dhoibhsan, gu'n giùlaineadh iad air an gvaillibh.

10 Agus thug ua ceannardan seachad tabhartas a chum coisreagaidh na h-altarach, air an là anns an d'ungadh i; thug eadhon na ceannardan seachad an tabhartas air beulaobh na h-altarach.

11 Agus thubhairt an Tighearn ri Maois, Bheir gach ceannard seachad a thabhartas air a là féin, chum coisreagaidh na h-altarach.

12 Agus esan a thug seachad a thabhartas air a' cheud là, b'e Nahson mac Aminadaib, de thréibh Iudah.

13 Agus b'e a thabhartas aon mhias airgid, d'am bu chudthrom ceud agus deich *seceil* 'ar fhichead, aon chuach airgid de dheich agus trì fichead secel, a réir seceil an ionaid naomh, iad le 'chéile làn de phlùr mìn measgta le h-olaidh, chum tabhartais-bìdh:

14 Aon spàin de dheich *seceil* òir, làn de thùis:

15 Aon tarbh òg, aon reithe, aon uan de'n cheud bhliadhna, chum ìobairt-loisgte:

16 Aon mheann de na gabhraibh chum ìobairt-pheacaidh:

17 Agus a chum ìobairt nan tabhartas-sith, dà tharbh, cùig reitheachan, cùig buicghaibhre, cùig uain de'n cheud bhliadhna. *B'e* so tabhartas Nahsoin mhic Aminadaib.

18 Air an dara là thug Nataneel mac Shuair, ceannard Isachair, seachad tabhartas.

19 Thug e seachad mar a thabhartas aon mhias airgid, d'am bu chudthrom ceud agus deich *seceil* 'ar fhichead, aon chuach airgid de dheich agus trì fichead secel, a réir seceil au ionaid naomh, iad le 'chéile làn de phlùr mìn measgta le h-olaidh, chum tabhartais-bìdh:

20 Aon spàin òir, de dheich *seceil*, làn de thùis:

21 Aon tarbh òg, aon reithe, aon uan de'n cheud bhliadhna, chum ìobairt-loisgte:

22 Aon mheann de na gabhraibh chum ìobairt-pheacaidh:

23 Agus a chum ìobairt nan tabhartas-sith, dà tharbh, cùig reitheachan, cùig buic-ghaibhre, cùig uain de'n cheud bhliadhna. *B'e* so tabhartas Nataneil mhic Shuair.

24 Air an treas là *thug* Eliab mac Heloiu, ceannard chloinn Shebuhin, *seachad tabhartas*.

25 *B'e* a thabhartas-san aon mhias airgid, d'am bu chudthrom ceud agus deich *seceil* 'ar fhichead, aon chuach airgid de dheich agus tri fichead secel, a réir seceil an ionaid naoimh, iad le 'chéile làn de phlùr mìn measgta le h-olaidh, chum tabhartais-bìdh: 26 Aon spàin òir de dheich *seceil*, làn de thùis:

27 Aon tarbh òg, aon reithe, aon uan de'n cheud bhliadhna, chum ìobairt-loisgte:

28 Aon mheann de na gabhraibh chum ìobairt-pheacaidh:

29 Agus a chum ìobairt nan tabhartas-sith, dà tharbh, cùig reitheachan, cùig buic-ghaibhre, cùig uain de'n cheud bhliadhna. *B'e* so tabhartas Eliab mhic Heloin.

30 Air a' cheathramh là *thug* Elisur mac Shedeuir, ceannard chloinn Reubein, *seachad tabhartas*.

31 *B'e* a thabhartas-aon mhias airgid de cheud agus deich seceil 'ar fhichead, aon chuach airgid de dheich agus tri fichead secel, a réir seceil an ionaid naoimh, iad le 'chéile làn de phlùr mìn measgta le h-olaidh, chum tabhartais-bìdh:

32 Aon spàin òir de dheich *seceil*, làn de thùis:

33 Aon tarbh òg, aon reithe, aon uan de'n cheud bhliadhna, chum ìobairt-loisgte:

34 Aon mheann de na gabhraibh chum ìobairt-pheacaidh:

35 Agus a chum ìobairt nan tabhartas-sith, dà tharbh, cùig reitheachan, cùig buic-ghaibhre, cùig uain de'n cheud bhliadhna. *B'e* so tabhartas Elisuir mhic Shedeuir.

36 Air a' chùigeamh là *thug* Selumiel mac Shurisadai, ceannard chloinn Shimeoin, *seachad tabhartas*.

37 *B'e* a thabhartas-san aon mhias airgid, d'am bu chudthrom ceud agus deich *seceil* 'ar fhichead, aon chuach airgid de dheich agus tri fichead secel, a réir seceil an ionaid naoimh, iad le 'chéile làn de phlùr mìn measgta le h-olaidh, chum tabhartais-bìdh:

38 Aon spàin òir de dheich *seceil*, làn de thùis:

39 Aon tarbh òg, aon reithe, aon uan de'n cheud bhliadhna, chum ìobairt-loisgte:

40 Aon mheann de na gabhraibh chum ìobairt-pheacaidh.

41 Agus a chum ìobairt nan tabhartas-sith, dà tharbh, cùig reitheachan, cùig buic-ghaibhre, cùig uain de'n cheud bhliadhna. *B'e* so tabhartas Shelumieil mhic Shurisadai.

42 Air an t-seathamh là *thug* Eliasaph

mac Dheuil, ceannard chloinn Ghad, *seachad tabhartas*.

43 *B'e* a thabhartas-san aon mhias airgid, d'am bu chudthrom ceud agus deich *seceil* 'ar fhichead, aon chuach airgid de dheich agus tri fichead secel, a réir seceil an ionaid naoimh, iad le 'chéile làn de phlùr mìn measgta le h-olaidh, chum tabhartais-bìdh: 44 Aon spàin òir de dheich *seceil*, làn de thùis:

45 Aon tarbh òg, aon reithe, aon uan de'n cheud bhliadhna, chum ìobairt-loisgte:

46 Aon mheann de na gabhraibh chum ìobairt-pheacaidh:

47 Agus a chum ìobairt nan tabhartas-sith, dà tharbh, cùig reitheachan, cùig buic-ghaibhre, cùig uain de'n cheud bhliadhna. *B'e* so tabhartas Eliaiph mhic Dheuil.

48 Air an t-seachdamh là *thug* Elisama mac Amihuid, ceannard chloinn Ephraim, *seachad tabhartas*.

49 *B'e* a thabhartas-san aon mhias airgid, d'am bu chudthrom ceud agus deich *seceil* 'ar fhichead, aon chuach airgid de dheich agus tri fichead secel, a réir seceil an ionaid naoimh, iad le 'chéile làn de phlùr mìn measgta le h-olaidh, chum tabhartais-bìdh: 50 Aon spàin òir de dheich *seceil*, làn de thùis:

51 Aon tarbh òg, aon reithe, aon uan de'n cheud bhliadhna, chum ìobairt-loisgte:

52 Aon mheann de na gabhraibh chum ìobairt-pheacaidh:

53 Agus a chum ìobairt nan tabhartas-sith, dà tharbh, cùig reitheachan, cùig buic-ghaibhre, cùig uain de'n cheud bhliadhna. *B'e* so tabhartas Elisama mhic Amihuid.

54 Air an ochdamh là *thug* Gamaliel mac Phedahsuir, ceannard chloinn Mhanaseh, *seachad tabhartas*.

55 *B'e* a thabhartas-san aon mhias airgid de cheud agus deich *seceil* 'ar fhichead, aon chuach airgid de dheich agus tri fichead secel, a réir seceil an ionaid naoimh, iad le 'chéile làn de phlùr mìn measgta le h-olaidh, chum tabhartais-bìdh:

56 Aon spàin òir de dheich *seceil*, làn de thùis:

57 Aon tarbh òg, aon reithe, aon uan de'n cheud bhliadhna, chum ìobairt-loisgte:

58 Aon mheann de na gabhraibh chum ìobairt-pheacaidh:

59 Agus a chum ìobairt nan tabhartas-sith, dà tharbh, cùig reitheachan, cùig buic-ghaibhre, cùig uain de'n cheud bhliadhna. *B'e* so tabhartas Gamaileil mhic Phedahsuir.

60 Air an naothamh là *thug* Abidan mac Ghideoni, ceannard chloinn Bheniamiu, *seachad tabhartas*.

61 *B'e* a thabhartas-san aon mhias airgid, d'am bu chudthrom ceud agus deich *seceil* 'ar fhichead, aon chuach airgid de dheich agus tri fichead secel, a réir seceil an ionaid

naoimh, iad le 'chéile làn de phlùr mìn measgta le h-olaidh, chum tabhartais-bidh:

62 Aon spàin òir de dheich *seceil*, làn de thùis:

63 Aon tarbh òg, aon reithe, aon uan de'n cheud bhliadhna, chum ìobairt-loisgte:

64 Aon mheann de na gabhraibh chum ìobairt-pheacaidh:

65 Agus a chum ìobairt nan tabhartas-sìth, dà tharbh, cùig reitheachan, cùig buic-ghaibhre, cùig uain de'n cheud bhliadhna. *Be* so tabhartas Abidain mhic Ghiheoni.

66 Air an deicheamh là *thug* Ahieser mac Amisadai, ceannard chloinn Dhan, *seachad* tabhartas.

67 *Be* a thabhartas-san aon mhias airgid, d'am bu chudthrom ceud agus deich *seceil* 'ar fhichead, aon chuach airgid de dheich agus tri fichead secel, a réir seceil an ionaid naoimh, iad le 'chéile làn de phlùr mìn measgta le h-olaidh, chum tabhartais-bidh:

68 Aon spàin òir de dheich *seceil*, làn de thùis:

69 Aon tarbh òg, aon reithe, aon uan de'n cheud bhliadhna, chum ìobairt-loisgte:

70 Aon mheann de na gabhraibh chum ìobairt-pheacaidh:

71 Agus a chum ìobairt nan tabhartas-sìth, dà tharbh, cùig reitheachan, cùig buic-ghaibhre, cùig uain de'n cheud bhliadhna. *Be* so tabhartas Ahieser mhic Amisadai.

72 Air an aon là deug *thug* Pagiel mac Ocrain, ceannard chloinn Aseir, *seachad* tabhartas.

73 *Be* a thabhartas-san aon mhias airgid, d'am bu chudthrom ceud agus deich *seceil* 'ar fhichead, aon chuach airgid de dheich agus tri fichead secel, a réir seceil an ionaid naoimh, iad le 'chéile làn de phlùr mìn measgta le h-olaidh, chum tabhartais-bidh:

74 Aon spàin òir de dheich *seceil*, làn de thùis:

75 Aon tarbh òg, aon reithe, aon uan de'n cheud bhliadhna, chum ìobairt-loisgte:

76 Aon mheann de na gabhraibh chum ìobairt-pheacaidh:

77 Agus a chum ìobairt nan tabhartas-sìth, dà tharbh, cùig reitheachan, cùig buic-ghaibhre, cùig uain de'n cheud bhliadhna. *Be* so tabhartas Phagieil mhic Ocrain.

78 Air an dara là dheug *thug* Ahira mac Enain, ceannard chloinn Naphitali, *seachad* tabhartas.

79 *Be* a thabhartas-san aon mhias airgid, d'am bu chudthrom ceud agus deich *seceil* 'ar fhichead, aon chuach airgid de dheich agus tri fichead secel, a réir seceil an ionaid naoimh, iad le 'chéile làn de phlùr mìn measgta le h-olaidh, chum tabhartais-bidh:

80 Aon spàin òir de dheich *seceil*, làn de thùis:

81 Aon tarbh òg, aon reithe, aon uan de'n cheud bhliadhna, chum ìobairt-loisgte:

82 Aon mheann de na gabhraibh chum ìobairt-pheacaidh:

83 Agus a chum ìobairt nan tabhartas-sìth, dà tharbh, cùig reitheachan, cùig buic-ghaibhre, cùig uain de'n cheud bhliadhna. *Be* so tabhartas Ahira mhic Enain.

84 *Be* so coisreagadh na h-altarach ('s an là anns an d'ungadh i) le ceannardaibh Israeil: dà mhias dheug airgid, dà chuach dheug airgid, dà spàin dheug òir:

85 *Be cudthrom* gach mèise airgid ceud agus deich *seceil* 'ar fhichead, agus gach cuachie deich agus tri fichead: *Be cudthrom* nan soitheichean airgid uile, dà mhile agus ceithir cheud *seceil*, a réir seceil an ionaid naoimh.

86 *Bha* dà spàin dheug òir *ann*, làn de thùis, cudthrom gach aon fa leth deich seceil, a réir seceil an ionaid naoimh: *Ùe* òr nan spàinean uile ceud agus fichead *secel*.

87 *Biad* na tairbh uile chum ìobairt-loisgte dà tharbh dheug, na reitheachan a dhà-dheug, na h-uain de'n cheud bhliadhna dhà-dheug, maille r'an tabhartas-bidh: agus na mìn de na gabhraibh chum ìobairt-pheacaidh a dhà-dheug.

88 Agus *biad* na tairbh uile, chum ìobairt nan tabhartas-sìth, ceithir tairbh 'ar fhichead, na reitheachan tri fichead, na buic-ghaibhre tri fichead, na h-uain de'n cheud bhliadhna tri fichead. *Be* so coisreagadh na h-altarach, an déigh dh'i bhì air a h-ungadh.

89 Agus an uair a chaidh Maois a steach do phaillion a' choimhlthionail, a labhair ris: an sin chual' e guth *aoin* a' labhairt ris o uachdar na caithir-thròcair' a *bha* os ceann airce na Fianuis, o cadar an dà cherub; agus labhair e ris.

CAIB. VIII.

1 *Mar a lasadh na lòchrain.* 5 Coisreagadh nan Lebhitheach; 23 an aois agus àm am frithealaidh.

A GUS labhair an Tighearn ri Maois, ag ràdh,

2 Labhair ri h-Aaron, agus abair ris, 'N uair a lasas tu na lòchrain, bheir na seachd lòchrain solus uatha thall fa chomhair a' choinnleir.

3 Agus rinn Aaron mar sin; las e a lòchrain thall fa chomhair a' choinnleir; mar a dh'àithn an Tighearn do Mhaois.

4 Agus *b'e* so obair a' choinnleir: *bha* e dh'òr buailte gu ruig a chos, gu ruig a bhlàthan *bha* e dh'obair bhualte: a réir an t-samhlaidh a nochd an Tighearn do Mhaois, mar sin rinn e 'n coinnleir.

5 Agus labhair an Tighearn ri Maois, ag ràdh,

6 Gabh na Lebhitheach o mheasg chloinn Israeil, agus glan iad.

7 Agus mar so ni thu riu, chum an glanadh: crath uisge glanaidh orra, agus thugadh iad caltainn thar am foil uile, agus

nigheadh iad an eudach, agus *mar sin* deanadh iad glan iad féin.

8 An sin gabhadh iad tarbh òg maille r'a thabhartas-bidh, *eadhon* plùr mìn measgta le h-òlaidh, agus gabhadh tu tarbh òg eile chum ìobairt-phacaidh.

9 Agus bheir thu na Lebhithich air beul-aobh-pàilluina' choimhthionail: agus cruinnichidh tu coimhthional chloinn Israeil uile 'an ceann a chéile:

10 Agus bheir thu na Lebhithich an làth-air an Tighearn', agus cuiridh clann Israeil an làmh air na Lebhithich:

11 Agus luaisgidh Aaron na Lebhithich ann an làthair an Tighearn', *mar* thabhartas-luaisgte o chloinn Israeil; a chum gu'n dean iad seirbhis an Tighearn'.

12 Agus cuiridh na Lebhithich an làmh-air air cinn nan tarbh; agus ìobraidh tu h-aon *dùbh* mar ìobairt-phacaidh, agus am fear eile *mar* ìobairt-loisgte do'n Tighearn, a dheanamh réite air son nan Lebhithich.

13 Agus cuiridh tu na Lebhithich an làth-air Aaron, agus an làthair a mhac, agus luaisgidh tu iad *mar* thabhartas-luaisgte do'n Tighearn.

14 Mar so sgaraidh tu na Lebhithich o mheasg chloinn Israeil; agus bithidh na Lebhithich leamsa.

15 Agus 'n a dhéigh sin théid na Lebhithich a steach a dheanamh seirbhis pàilluin a' choimhthionail; agus glanaidh tu iad, agus luaisgidh tu iad *mar* thabhartas-luaisgte:

16 Oir thugadh dhomhsa gu h-ìomlan iad o mheasg chloinn Israeil; 'an àite gach aoin a dh'fhosglaas a' bhrù, *eadhon* 'an àite ceud-ghin chloinn Israeil uile, ghabh mi dhomh féin iad.

17 Oir is leamsa uile cheud-ghin chloinn Israeil, *araon* duine agus ainmhidh: 's an là air an do bhuail mi gach ceud-ghin ann an tìr na h-Eiphit, naomhaich mi iad dhomh féin.

18 Agus ghabh mi na Lebhithich 'an àit uile cheud-ghin chloinn Israeil.

19 Agus thug mi na Lebhithich mar thiodhlac do Aaron, agus d'a mhac, o mheasg chloinn Israeil, a dheanamh seirbhis chloinn Israeil ann am pàilluin a' choimhthionail, agus a dheanamh réite air son chloinn Israeil; a chum as nach bi plaigh sam bith am measg chloinn Israeil, an uair a thig clann Israeil am fagus do'n ionad naomh.

20 Agus rinn Maois agus Aaron, agus comhleirinneachadh chloinn Israeil uile, ris na Lebhithich a réir gach ní a dh'aitn an Tighearn do Mhaois a thaobh nan Lebhithich, mar sin rinn clann Israeil riu.

21 Agus ghlanadh na Lebhithich, agus nigh iad an eudach; agus thug Aaron suas iad *mar* thabhartas an làthair an Tighearn';

agus rinn Aaron réite air an son a chum an glanadh.

22 Agus an déigh sin chaidh na Lebhithich a steach, a dheanamh an seirbhis ann am pàilluin a' choimhthionail, an làthair Aaron agus an làthair a mhac: mar a dh'aitn an Tighearn do Mhaois a thaobh nan Lebhithich, mar sin rinn iad riu.

23 Agus labhair an Tighearn ri Maois, ag ràdh,

24 *Is e so an ní a bhuineas* do na Lebhithich: o chùig bliadhna fichead a dh'aois, agus os a cheann, théid iad a steach a dh'fheithreamh air seirbhis pàilluin a' choimhthionail:

25 Agus o aois leth-cheud bliadhna sguiridh iad a dh'fheithreamh air a sheirbhis, agus cha dean iad seirbhis nì 's mò:

26 Ach fritheilidh iad maille r'am bràithribh ann am pàilluin a' choimhthionail a ghleidheadh a' chùrain, agus cha dean iad seirbhis sam bith eile. Mar so ní thu ris na Lebhithich a thaobh an cùrain.

CAIB. IX.

1 *A' chàisg air a h-orduchadh.* 15 *Thredraich neul a bha air a' phàilluin clann Israeil air an turas.*

AGUS labhair an Tighearn ri Maois ann am fàsach Shinai, 's a' cheud mhìos de'n dara bliadhna an déigh dhoibh teachd a mach á tìr na h-Eiphit, ag ràdh,

2 Cumadh mar an ceudna clann Israeil a' chàisg 'n a h-àm suidhichte féin.

3 'S a' cheathramh là deug de'n mhìos so, air feasgar, cumaidh sibh i 'n a h-àm suidhichte féin, a réir a h-orduighean uile, agus a réir a deas-ghnàthan uile, cumaidh sibh i.

4 Agus labhair Maois ri cloinn Israeil, iad a chumail na cásge.

5 Agus chum iad a' chàisg air a' cheathramh là deug de'n cheud mhìos air feasgar, ann am fàsach Shinai: a réir gach ní a dh'aitn an Tighearn do Mhaois, mar sin rinn clann Israeil.

6 Agus bha daoine àraidh a shalaicheadh le corp duine mhairbh, air chor as nach b'urrainn iad a' chàisg a chumail air an là sin; agus thàinig iad an làthair Mhaois, agus an làthair Aaron air an là sin.

7 Agus thubhairt na daoine sin ris, *Tha sinne air ar salachadh le corp duine mhairbh: c'ar son a chumar air ar n-ais sinn, a chum as nach feud sinn tabhartas an Tighearn a thoirt seachad 'n a àm suidhichte féin am measg chloinn Israeil?*

8 Agus thubhairt Maois riu, Seasaidh an sin, agus chuimhidh mise ciod a dh'aitheas an Tighearn d'ur taobh.

9 Agus labhair an Tighearn ri Maois, ag ràdh,

10 Labhair ri cloinn Israeil, ag ràdh, Ma bhios duine sam bith dhiubh, no d'ur sliochd, air a shalachadh le corp marbh, no *ma bhios*

e air thurus fad air astar, gidheadh cumaidh e a' chàisg do'n Tighearn.

11 'S a' cheathranh là deug de'n dara mìos air feasgar cumaidh iad i: le h-aran neo-ghoirichte, agus le *lusaibh* searbh aithidh iad i.

12 Cha -n fhàg iad a bheag dhith gu ma-duinn, ni mò a bhriseas iad chàimh dhith: a réir uile orduighean na càisge cumaidh iad i.

13 Ach an duine a *tha* glan, agus nach 'eil air thurus, agus a dhearmadas a' chàisg a chumail; gearrar cadhon an t-anam sin féin as o' shluagh, a chionn nach d'thug e seachlad tabhartas an Tighearna 'n a àm suidhichte: giùlainidh an duine sin a pheacadh.

14 Agus ma bhios coigreach air chuairt 'n ur measg, agus gu'n cum e a' chàisg do'n Tighearn, a réir orduigh na càisge, agus a réir a gnàtha, mar sin ni e: bithidh aon ordugh aigaibh araon air son a' choigrich, agus air a shonsan a rugadh 's an tìr.

15 Agus air an là anns an do thogadh suas am pàillium, chòmhdaich an neul am pàillium, *cadhon* bùth na Fianuis'; agus air feasgar bha air a' phàillium mar gu'm bu choslas teine gus a' mhaduinn.

16 Mar sin bha e ghnàth: chòmhdaich an neul e 's an là, agus coslas teine 's an oidheche.

17 Agus an uair a thogadh an neul suas o'n phàillium, an sin gun dàil ghabh clann Israeil an turus: agus 's an ionad anns an do stad an neul, ann an sin champaich clann Israeil.

18 Air àithne an Tighearna ghabh clann Israeil an turus, agus air àithne an Tighearna champaich iad: am feadh 's a dh'fhan an neul air a' phàillium, dh'fhan iad 'n am bùthaibh.

19 Agus an uair a dh'fhan an neul air a' phàillium mòran de làithibh, an sin ghléidh clann Israeil freasdal an Tighearna, agus cha d'imich iad.

20 Agus an uair a bha an neul beagan de làithibh air a' phàillium, a réir àithne an Tighearna dh'fhan iad 'n am bùthaibh, agus a réir àithne an Tighearna ghabh iad an turus.

21 Agus an uair a dh'fhan an neul o fheasgar gu maduinn, agus a thogadh an neul suas 's a' mhaduinn, an sin ghabh iad an turus: ma b'ann 's an là no 's an oidhech' a thogadh an neul suas, ghabh iad an turus.

22 No co *dhiubh* a b'ann dà là, no mìos, no bliadhna, dh'fhan an neul air a' phàillium, a' fuireach air, dh'fhan clann Israeil 'n am bùthaibh, agus cha d'imich iad: ach an uair a thogadh suas e, ghabh iad an turus.

23 A réir àithne an Tighearna dh'fhan iad 'n am bùthaibh, agus a réir àithne an Tighearna ghabh iad an turus: ghléidh iad

freasdal an Tighearna a réir àithne an Tighearna le làimh Mhaois.

CAIB. X.

1 *Mar a ghnàthaicheadh na trompaidan.* 33 Beannachadh Mhaois an uair a bha 'n àire gu dol air a h-aghaidh, agus an uair a stad i.

A GUS labhair an Tighearn ri Maois, a' ràdh,

2 Dean dhuit féin dà thrompaid airgid; a dh'aon mhir ni thu iad; agus gnàthaichidh tu iad a ghairm a' choimhthionail, agus a chum turuis nan camp.

3 Agus an uair a shéideas iad leo, cruinnichidh an coimhthional uile iad féin a' d'ionnsuidh aig doras pàillium a' choimhthionail.

4 Agus mur séid iad *ach* le h-aon trompaid, an sin cruinnichidh na ceannardan a *tha* 'n an cinn-fheadhna air mhiltibh Israeil, iad féin a' d'ionnsuidh.

5 'N uair a shéideas sibh caismeachd, an sin théid na campan a *tha* 'n an luidhe air taobh na h-àirde 'n ear air an aghaidh.

6 'N uair a shéideas sibh caismeachd an dara uair, an sin théid na campan a *tha* 'n an luidhe air taobh na h-àirde deas air an aghaidh: séididh iad caismeachd a chum an turusan.

7 Ach an uair a *tha* 'n coimhthional gu bli air a chruinneachadh' an ceann a chéile, séididh sibh, ach cha séid sibh caismeachd.

8 Agus séididh mic Aaroin, na sagartan, leis na trompaidibh; agus bithidh iad dhuibh mar reachd sìorruidh air feadh bhur ginealach.

9 Agus ma théid sibh gu cogadh 'n ur dùthaich an aghaidh an nàmhaid a *tha* 'deanamh foirneirt oirbh, an sin séididh sibh caismeachd leis na trompaidibh; agus cruinnichear sibh an làthair an Tighearn' bhur Dé, agus saorar sibh o bhur naimhidh.

10 Mar an ceudna ann an là bhur subhachais, agus 'n ur n-àrd làithibh féile, agus ann an toiseach bhur mìosan, séididh sibh leis na trompaidibh os ceann bhur n-iobairtean-loisgte, agus os ceann iobairtean bhur tabhartasan-sìth; agus bithidh iad dhuibh mar chuimhneachan an làthair bhur Dé: *Is mise* an Tighearn bhur Dia.

11 Agus tharladh, air an fhicheadamh là de'n dara mìos, 's an dara bliadhna, gu'n do thogadh suas an neul o uachdar pàillium na Fianuis'.

12 Agus ghabh clann Israeil an turusan á fàsach Shìnai; agus stad an neul ann am fàsach Pharaìn.

13 Agus ghabh iad air tùs an turus, a réir àithne an Tighearna le làimh Mhaois.

14 'S a' cheud *àite* dh'imich bratach camp chloinn Iudah, a réir an armaitean; agus air ceann a shìobh *bha* Nahson mac Aminadaibh.

15 Agus air ceann slòigh thréibh chloinn Isachair *bha* Nataneel mac Shuair.

16 Agus air ceann slòigh thréibh chloinn Shebuluin *bha* Eliab mac Heloin.

17 Agus thugadh a nuas am pàilliu; agus chaidh mic Ghersein, agus mic Mherari air an aghaidh, a' giùlan a' phàilliuin.

18 Agus ghluais bratach chaimp Reubein air a h-aghaidh, a réir an armailtean; agus air ceann a shlòigh *bha* Elisur mac She-deuir.

19 Agus air ceann slòigh thréibh chloinn Shimeoin *bha* Selumiel mac Shurisadai.

20 Agus air ceann slòigh thréibh chloinn Ghad *bha* Eliasaph mac Dheueil.

21 Agus chaidh na Cobataich air an aghaidh, a' giùlan an ionaid naoimh, agus chuireadh suas am pàilliu air cheann doibh teachd.

22 Agus ghluais bratach eaimp chloinn Ephraim air a h-aghaidh, a réir an armailtean: agus air ceann a shlòigh *bha* Elisama mac Amihuid.

23 Agus air ceann slòigh thréibh chloinn Mhanaseh *bha* Gamaliel mac Phedahsuir.

24 Agus air ceann slòigh thréibh chloinn Bheniamin *bha* Abidan mac Ghideoni.

25 Agus chaidh bratach tréibh chloinn Dhan air a h-aghaidh, a *bha* air deireadh nan camp uile air feadh an slòigh: agus air ceann a shlòigh *bha* Ahieser mac Amisadai.

26 Agus air ceann slòigh tréibh chloinn Aseir *bha* Pagiel mac Ocrain.

27 Agus air ceann slòigh tréibh chloinn Naphtali *bha* Ahira mac Enain.

28 *B'* iad sin turusan chloinn Israeil, a réir an armailtean, 'n uair a ghluais iad air an aghaidh.

29 Agus thubhairt Maois ri Hobab, mac Ragueil a' Mhidianaich, athair-céile Mhaois. Tha sinn air a turus a chum an àite mu'c dubhairt Dia, Bheir mi dhuibh e: thig thusa maille rinn, agus ni sinn maith dhuit; oir labhair an Tighearn maith a thaobh Israeil.

30 Agus thubhairt e ris, Cha téid mi maille ribh: ach imichidh mi chum mo dhùthcha féin, agus a chum mo dhilsean féin.

31 Agus thubhairt e, Na fàg sinn, guidheam ort; oir tha fhios agad cionnais a champaicheas sinn amms an fhàsach, agus bitheadh tu dhuinn 'an àite shùil.

32 Agus tarlaidh, ma théid thu maille rinn, seadh, tarlaidh, ge b'e maith a ni Dia dhuinne, gu'n dean sinne am maith ceudna dhuitse.

33 Agus dh'imich iad o shliabh an Tighearn' astar thri làithean: agus ehaidh àire coimhcheangail an Tighearna rompa astar thri làithean, a rannasachadh a mach àite-tàimh dhoibh.

34 Agus *bha* neul an Tighearn' orra 's an là, 'n uair a chaidh iad a mach as a' champ.

35 Agus tharladh, 'n uair a bha 'n àire gu dol air a h-aghaidh, gu'n dubhairt Maois, Eirich suas, a Thighearn', agus biodh do naimhdean air an sgapadh, agus teicheadh a' mhuinntir leis am fuathach thu romhad.

36 Agus an uair a stad i, thubhairt e, Pill, a Thighearna, chum nam mìltean de mhiltibh Israeil.

CAIB. XI.

4 *Tha'n sluagh a' talach nach robh oca ach am mana mar bhìadh.* 16 *Tha trì fichead 's a deich seanair air an orduchadh gu bhì 'n an luchd-riaghlaidh os an ceann.* 31 *Gearragoirt air an tabhairt dhoibh 'am feirg.*

A GUS an uair a rinn an sluagh gearan, mhi-thaitinn e ris an Tighearn: agus chual' an Tighearn e; agus las fhearg; agus loisg teine an Tighearna 'n am measg, agus chuir e as doibhsan a bha 'n iomall a' chaimp.

2 Agus ghlaodh an sluagh ri Maois; agus an uair a rinn Maois urnuigh ris an Tighearn, choisgeadh an teine.

3 Agus thug e Taberah mar ainm air an àite sin; a chionn gu'n do loisg teine an Tighearna 'n am measg.

4 Agus ghlac ciocras an cunasg sluagh a *bha* 'n am measg: agus ghul mar an ceudna clann Israeil a ris, agus thubhairt iad, Cò 'bheir dhuinn feoil r'a h-itheadh?

5 Is cuimhne leinn an t-iasg a dh'ith sinn 's an Eiphit gu saor; na cularain, agus na meal-bhucain, agus na léicis, agus na h-uimheanan, agus an creamh:

6 Ach a nis *tha* ar n-anam air tiormachadh; cha-n'eil ni air bith againn, ach am mana so, 'n ar sealladh.

7 Agus *bha* am mana cosnail ri fros coriandeir, agus a dhath mar dhath bdellium.

8 Chaidh an sluagh mu'n cuairt, agus thionail iad e, agus mheil iad e ann am muillnibh, no phronn iad e ann am mortair, agus bhrùich iad e ann am àighnibh, agus rinn iad breacagan deth: agus bha bhlas mar bhlas olaidh ùir.

9 Agus an uair a thuit an drùchd air a' champ 's an oidheche, thuit am mana air.

10 An sin chuala Maois an sluagh a' gul air feadh an teaghlach, gach duine ann an dorus a bhùtha: agus las fearg an Tighearna gu mòr, 'bha Maois mar an ceudna diombach.

11 Agus thubhairt Maois ris an Tighearn, C'ar son a bhuin thu gu h-olc ri d' sheirbhiseach? agus c'ar son nach d'fhuair mi deadh-ghean a'd' shealladh, gu'n do leag thu callach an t-sluaigh so uile orm?

12 Am mise a ghin an sluagh so uile? an am domh a rugadh iad, gu'n abradh tu rium, Giùlain a'd' uchd iad (mar a ghiùlaineas oid'altruim leanabh na cìche) chum an fhearainn a mhiannaich thu d'an aithrichibh?

13 Cia as a gheibhinn-sa feoil gu 'tabhairt do'n t-sluagh so uile? oir tha iad a' gul riunn, ag ràdh, Thoir dhuinn feoil, a chum as gu'n ith sinn?

14 Cha-n urrainn mise *cudthrom* an t-sluaigh so uile a ghiùlan a'm aonar, a chionn gu *bheil e* ro throm air mo shon.

15 Agus ma bhuineas tu rium mar so, marbh mi, guidheam ort, as an làimh, ma fhuair mi deadh-ghcan a'd' shealladh; agus na faiccam mo thruaighe.

16 Agus thubhairt an Tighearn ri Maois, Cruinnich dhomhsa deich agus tri fichead fear de sheanairibh Israeil, muinntir a's aithne dhuit a bhi 'n an seanairibh an t-sluaigh, agus 'n an luchd-riaghlaidh os an ceann; agus thoir iad gu pàilliuin a' choimh-thionail, chum gu'n seas iad an sin maille riut.

17 Agus thig mise nuas agus labhraidh mi riut an sin: agus gabhaidh mi de'n spiorad a tha ortsa, agus cuiridh mi orrasan e; agus giùlainidh iad eallach an t-sluaigh maille riut, a chum as nach giùlain thu féin e a'd' aonar.

18 Agus abair ris an t-sluagh, Naomhaichibh sibh féin air cheann an là maireach, agus ithidh sibh feoil (oir ghuil sibh ann an éisdeachd an Tighearna, ag ràdh, Cò 'bheir dhuinn feoil r'a h-ithheadh? oir *bu mhaith* ar cor's an Eiphit) uime sin bheir an Tighearn feoil dhuibh, agus ithidh sibh.

19 Cha-n ith sibh aon là, no dà là, no cùig làithean, no deich làithean, no fichead là.

20 Ach eadhon mìos iomlan, gus an tig i mach à cuinneinibh bhur sròn, agus gu'm bi i gràineil duibh; a chionn gu'n d'rinn sibh tair air an Tighearn a *tha* 'n ur measg, agus gu'n do ghuil sibh 'n a làthair, ag ràdh, C'ar son a thàinig sinn a mach as an Eiphit?

21 Agus thubhairt Maois, Tha'n sluagh am measg am bheil mise, 'n an sè ceud mìle coisiche; agus thubhairt thu, Bheir mi dhoibh feoil, chum gu'n ith iad rè mìosa iomlain:

22 Am marbhar na caoraich agus am buar dhoibh, chum an sàsachadh? no an cruinnichear iasg na mara uile r'a chéile dhoibh, chum an sàsachadh.

23 Agus thubhairt an Tighearn ri Maois, Am bheil làmh an Tighearna air fas goirid? chì thusa nis an tig no nach tig m'fhocal gu erich dhuit.

24 Agus chaidh Maois a mach, agus dh'innis e do'n t-sluagh focail an Tighearna, agus chruinnich e an deich agus an tri fichead de sheanairibh an t-sluaigh, agus thug e orra seasamh mu thimcheall a' pàilliuin.

25 Agus thàinig an Tighearn a nuas ann an neul, agus labhair e ris, agus ghabh e de'n spiorad a *bha* air, agus thug se e do'n deich agus an tri fichead seanair: agus tharladh, an uair a ghabh an spiorad còmh-

nuidh orra, gu'n d'rinn iad fàidheadaireachd, agus nach do sguir iad.

26 Ach dh'fhan dithis *de na* daoineibh 's a' champ; *b'e* ainm aoim diubh Eldad, agus ainm an fhir eile Medad: agus ghabh an spiorad còmhnuidh orra, (agus *bha* iad dhiubhsan a chaidh a sgrìobhadh, ach cha deachaidh iad a mach do'n pàilliuin) agus rinn iad fàidheadaireachd 's a' champ.

27 Agus ruith òganach, agus dh'innis e de Mhaois, agus thubhairt e, *Tha* Eldad agus Medad ri fàidheadaireachd 's a' champ.

28 Agus fhreagair Iosua mac Nuin, seirbhiseach Mhaois, *aon* d'a òganaich, agus thubhairt e, Mo thighearna, a Mhaois, bac iad.

29 Agus thubhairt Maois ris, Am bheil farnad ort air mo shon-sa? Is e mo ghuidhe ri Dia gu'm biodh sluagh an Tighearna uile 'n am fàidhean, agus gu'n cuireadh an Tighearn a spiorad orra!

30 Agus chaidh Maois do'n champ, e féin agus seanaircan Israeil.

31 Agus chaidh gaoth a mach o'n Tighearn, agus thug i gearra-goirt o'n fhaighe, agus leig i leo tuiteam làmh ris a' champ, mar astar là air an taobh so, agus mar astar là air an taobh eile, mu'n cuairt air a' champ, agus mar dhà làimh-choille *air àirde*, air aghaidh na talmhainn.

32 Agus sheas an sluagh suas air an là sin uile, agus air an oidheche *sin* uile, agus air an là a b'fhaighe uile, agus thionail iad na gearra-goirt: esan a bu lugha a thionail, thionail e deich homeir, agus sgaoil iad gu farsuing doibh féin *iad* mu thimcheall a' chaimp.

33 'N uair a *bha* 'n fheoil fathast eadar am fiacian, mun do chagnadh i, las feargan an Tighearna an aghaidh an t-sluaigh, agus bhuail an Tighearn an sluagh le plàigh ro mhòir.

34 Agus thug e Cibrot-hataabhah mar ainm air an àite sin; a chionn ann an sin gu'n d'adhlaic iad an sluagh a mhiannaich.

35 Agus dh'imich an sluagh o Chibrot-hataabhah gu Haserot: agus dh'fhan iad ann an Haserot.

CAIB. XII.

1 Ceannaire Mhìriaim agus Aaron an aghaidh Mhaois air a cronachadh. 10 Luibhre Mhìriaim.

A GUS labhair Miriam agus Aaron an aghaidh Mhaois air son na mnà o Etiopia, a phòs e: oir bha e air pòsadh mnà o Etiopia.

2 Agus thubhairt iad, An do labhair an Tighearn da rìreadh le Maois a mhàin? nach do labhair e mar an ceudna leinne? agus chual' an Tighearn e.

3 (A nis *bha* 'n duine Maois ro chiùin. thar nan uile dhaoine a *bha* air aghaidh na talmhainn.

4 Agus labhair an Tighearn gu grad ri

Maois, agus ri h-Aaron, agus ri Miriam, Thigibh a mach sibhse 'n 'ur triuir gu pàill-iun a' choimhthionail. Agus thàinig iad 'n an triuir a mach.

5 Agus thàinig an Tighearn nuas ann am meal neoil, agus sheas e ann an doras a' phàilliuin, agus ghairm e air Aaron agus Miriam: agus thàinig iad le 'chéile mach.

6 Agus thubhairt e, Eisdibh a nis ri m' bhrìathraibh-sa: Ma tha fàidh 'n 'ur mcasg, nì mise an Tighearn mi féin aithnichte dha ann an taisbeanadh, agus labhraidh mi ris ann am brúdar.

7 Cha-n 'eil mo sheirbhiseach Maois mar sin, a tha fìrinneach ann am thigh uile.

8 Beul ri beul labhraidh mi ris-san, eadhon gu soilleir, agus cha-n ann 'am briathraibh dorch, agus chi e coslas an Tighearna: e'ar son ma tha nach robh eagail oirbh labhairt an aghaidh mo sheirbhisich Mhaois?

9 Agus las fearg an Tighearna 'n an aghaidh, agus dh'fhalbh e.

10 Agus dh'fhalbh an neul bhàrr a' phàill-iuin agus, feuch, *rinneadh* Miriam 'n a lobhar, *geal* mar shneachd: agus dh'amhairc Aaron air Miriam, agus, feuch, *bha* 'n a lobhar.

11 Agus thubhairt Aaron ri Maois, Och! mo thighearna, guidheam ort, na cuir am peacadh as ar leth, leis an d'rinn sinn gu h-amaideach, agus leis an do pheacaidh sinn.

12 Na biodh i mar aon marbh, d'am bheil an fhoil air a leth-chaitheamh, 'n uair a thig e mach á broinn a mhàthar.

13 Agus ghlaodh Maois ris an Tighearn, ag ràdh, Leighis i nis, O Dhé, guidheam ort.

14 Agus thubhairt an Tighearn ri Maois, Na 'n tilgeadh a h-athair ach smuaid 'n a h-eudan, nach bu chòir dh'i bhi fo nàire seachd làithean? druidear a mach o'n champ i rè sheachd làithean, agus 'n a dhéigh sin gabhar a steach i *ris*.

15 Agus dhruideadh Miriam a mach o'n champ seachd làithean: agus cha do ghabh an sluagh an turus, gu an d'thugadh Miriam a steach a *ris*.

16 Agus 'n a dhéigh sin dh'imich an sluagh o Hascrot, agus champaich iad ann am fàsach Pharaìn.

CAIB. XIII.

1 *Luchd-rannsachaidh tìre Chanaain.* 17 *Seòlaidhean air an tabhairt dhoibh.* 21 *Na rinn iad: 26 an aithris.*

AGUS labhair an Tighearn ri Maois, ag ràdh,

2 Cuir daoine uait, a chum gu'n rannsaich iad tìr Chanaain, a bheir mise do chloinn Israeil; as gach uile thréibh d'an aithrichibh cuiridh sibh duine, gach aon *duibh* 'n a cheannard 'n am measg.

3 Agus chuir Maois iad o fhàsach Pharaìn,

a réir àithne an Tighearna: *bu* cheannardan na daoine sin uile air cloinn Israeil.

4 Agus *is* iad so an ainmean: De thréibh Reubcin, Samua mac Shacuir.

5 De thréibh Shimeoin, Saphat mac Hori.

6 De thréibh Iudah, Caleb mac Iephuneh.

7 De thréibh Isachair, Igal mac Ioseiph.

8 De thréibh Ephraim, Hosea mac Nuin.

9 De thréibh Bheniamin, Palti mac Raphu.

10 De thréibh Shebuluin, Gadiel mac Shodi.

11 De thréibh Ioseiph, eadhon, de thréibh Mhanaseh, Gadi mac Shusi.

12 De thréibh Dhan, Amiel mac Ghemali.

13 De thréibh Aseir, Setur mac Mhichaeil.

14 De thréibh Naphtali, Nalibi mac Uopsi.

15 De thréibh Ghad, Geuel mac Mhachi.

16 *Is* iad sin ainmean nan daoine a chuir Maois a ghabhail beachd air an fhearann: Agus thug Maois Iehosua mar ainm air Hosca, mac Nuin.

17 Agus chuir Maois iad a ghabhail beachd air talamh Chanaain, agus thubhairt e riu, Rachaibh suas 's an *t-slighe* so mu dheas, agus gabhailh suas a chum na beinne;

18 Agus faicibh am fearann, ciod e, agus an sluagh a tha 'n an còmhluidh ann, am *bheil* iad làidir no anmhunn, tearc no lionmhor;

19 Agus ciod e am fearann anns am bheil iad a còmhluidh, am *bheil* e maith no ole; agus ciod iad na bailtean anns am *bheil* iad 'n an còmhluidh, an ann 'am bùthaibh, no ann an daingneachaibh làidir;

20 Agus ciod e an talamh, am *bheil* e reamhar no bochd, am bheil coille ann no nach 'eil. Agus biodh agaibh deadh mhisneach, agus thugaibh leibh de thoradh an fhearainn. (A nis *be* 'n t-àm àm nan ceud dhearcan-fìona abuich.)

21 Mar sin chaidh iad suas, agus rannsaich iad am fearann o fhàsach Shìn gu Rechob, mar a théid daoine gu Hamat.

22 Agus chaidh iad suas mu dheas, agus thàinig iad gu Hebron, far an robh Ahiman, Sesai, agus Talmi, mic Anaic. (A nis thogadh Hebron seachd bliadhna roimh Shoa'n 's an Eipht.)

23 Agus thàinig iad gu sruth Escoil, agus ghearr iad sìos as a sin geug le aon bhagaide fhion-dhearc, agus ghiùlain iad i eadar dhithis air luirg: agus *thug iad leo* de na pomgranataibh, agus de na figibh.

24 Thugadh sruth Escoil mar ainm air an àite sin, air son a' bhagaide fhion-dhearc a ghearr clann Israeil sìos as a sin.

25 Agus phill iad o rannsachadh an fhearainn an dèigh dhà fhichead là.

26 Agus dh'imich iad, agus thàinig iad gu Maois, agus gu h-Aaron, agus gu comh-chruinneachadh chloinn Israeil uile, gu fàsach Pharaìn, gu Cades; agus thug iad lèo fios d'an ionnsuidh, agus a dh'ionn-

suidh a' chomhehrinneachaidh uile, agus dh'fheuch iad dhoibh toradh na tire.

27 Agus dh'innis iad dha, agus thubhairt iad, Thàinig sinne a dh'ionnsuidh an fhearainn gus an do chuir thu sinn, agus gu deimhin tha e a' sruthadh le bainne agus le mil; agus *is* e so a theradh.

28 Gidheadh, *tha* 'n sluagh làidir a tha 'n an còmhnuidh 's an fhearann, agus *tha* na bailtean air an cuairteachadh le ballachaibh, agus ro mhòr: agus os bàrr, chunnaic sinn clann Anaic an sin.

29 Tha na h-Amalecich 'n an còmhnuidh 'am fearann na h-àirde deas; agus *tha* na Hitich, agus na Iebusaich, agus na h-Amoraich, 'n an còmhnuidh 's na beanntaibh; agus *tha* na Cananaich 'n an còmhnuidh làmh ris an fhaire, agus ri taobh Iordain.

30 Agus chibhinnich Caleb an sluagh an làthair Mhaois, agus thubhairt e, Rachamaid suas a dh'aon fheadh, agus sealbhaicheadh e; oir is urrainn sinn gu cinnteach a cheannsachadh.

31 Ach thubhairt na daoine a chaidh suas maille ris, Cha-n urrainn sinn dol suas an aghaidh an t-sluaigh; oir *is* treise iad na sinne.

32 Agus thug iad droch sgeul gu cloinn Israeil, air an fhearann a rannsaich iad ag ràdh, Am fearann troimh 'n deachaidh sinne g'a rannsachadh, *is* fearann e a tha 'g itheadh suas a luchd-àiteachaidh, agus an sluagh uile a chunnaic sinn ann, *is* daoine iad de mheadachd mhòir.

33 Agus chunnaic sinn na famhairean an sin, mic Anaic, a *thàinig* o na famhairean: agus bha sinne 'n ar sealladh féin mar fhionnain fheoir, agus bha sinn mar sin 'n an sealladh-san.

CAIB. XIV.

1 *Tha 'n sluagh ri gearan 'n uair a chual iad aithris an luchd-rannsachaidh.* 20 *Chronaich an Tighearn iad.*

AGUS thog an comhehrinneachadh uile suas an guth, agus ghlaodh iad; agus ghluil an sluagh air an oidhche sin.

2 Agus rinn clann Israeil uile gearan an aghaidh Mhaois, agus an aghaidh Aaron; agus thubhairt an comhehrinneachadh uile riu, Och nach d'fhuair sinn bàs ann an tìr na h-Eiphit, no nach d'fhuair sinn bàs anns an fhàsach so!

3 Agus c'ar son a thug an Tighearn sinn do'n fhearann so, a thuiteam leis a' chlaidheamh, a chum gu'm bitheadh ar mnathan agus ar clann bheag 'n an cobhartaich? nach d'fhearr dhuinn pilltinn do'n Eiphit?

4 Agus thubhairt iad gach fear r'a chèile, Deanamaid dhuinn féin ceannard, agus pilleamaid do'n Eiphit.

5 An sin thuit Mhaois agus Aaron air an aghaidh an làthair còimhthionail comhehrinneachaidh chloinn Israeil uile.

6 Agus reub Iosua mac Nuin, agus Caleb

mac Iephuneh, a *bha* dhiubhsan a rannsaich am fearann, an eudach.

7 Agus labhair iad ri cuideachd chloinn Israeil uile, ag ràdh, Am fearann a chaidh sinne troimhe g'a rannsachadh, *is* fearann ro mhaith e.

8 Ma tha tlachd aig an Tighearn annainn, sin bheir e sinn a dh'ionnsuidh an fhearainn so, agus bheir e dhuinn e; fearann a tha 'sruthadh le mil agus le bainne.

9 A mhàin na deanaibh ceannaire an aghaidh an Tighearna, agus na bitheadh eagal sluaigh an fhearainn oirbh; oir *is* aran duinn iad: dh'fhalbh an dìon uatha, agus *tha* 'n Tighearn maille ruinne; na biodh eagal oirbh rompa.

10 Ach dh'iarr an comhehrinneachadh uile an clachadh le clachaibh. Agus dh'fhoillsicheadh glòir an Tighearna ann am pàillion a' choimhthionail, an làthair chloinn Israeil uile.

11 Agus thubhairt an Tighearn ri Maois, Cia fhad a bhrosnaicheas an sluagh so mi? agus cia fhad a bhitheas e mun creid iad mi, air son nan comharan uile a nochd mi 'n am measg?

12 Buailidh mi iad leis a' phlàigh, agus fògraidh mi iad, agus ni mi thusa a'd' chinneach ni's mò, agus ni's cumhachdaiche na iadsan.

13 Agus thubhairt Maois ris an Tighearn, An sin cluinidh na h-Eiphitich e, (oir thug thusa nìos an sluagh so le d'chumhachd o bhi 'n am measg.)

14 Agus innsidh iad e do luchd-àiteachaidh an fhearainn so: *oir* chual iad gu *bheil* thusa, a Thighearn, am measg an t-sluaigh so; gu *bheil* thusa, a Thighearn, air d'fhaicinn aghaidh ri h-aghaidh; agus gu *bheil* do neul a' seasamh os an ceann; agus gu *bheil* thu ag imeachd rompa, ann am meall neoil 's an là, agus ann am meall teine 's an oidhche.

15 A nis, ma mharbhas tu an sluagh so uile mar aon duine, an sin labhraidh na cinnich a chual iomradh ort, ag ràdh,

16 A chionn nach b'urrainn an Tighearn an sluagh so thoirt do'n fhearann a mhionnaich e dhoibh, uime sin mharbh e iad 's an fhàsach.

17 Agus a nis, guidheam ort, bitheadh cumhachd mo Thighearna mòr, a réir mar a labhair thu, ag ràdh,

18 *Tha* 'n Tighearn fad-fhulangach, agus mòr-thràcaireach, a' toirt maithanasais ann an aingidheachd, agus ann an eusaontas, agus air clor sam bith nach saor an *ciontach*; a' leantuin aingidheachd nan aithrichean air a' chloinn, air an treas, agus air a' cheathramh *ginealach*.

19 Maith, guidheam ort, aingidheachd an t-sluaigh so, a réir meud do thròcair, agus a réir mar a thug thu maithneas do'n t-sluaigh so o'n Eiphit gus a nis.

20 Agus thubhairt an Tighearn, Mhaith mi, a rèir dh'fhocail:

21 Ach co fhìor 's is beò mi, lìonar an talamh uile le glòir an Tighearna.

22 Oir na daoine sin uile a chunnaic mo ghloir, agus mo chomharan a rinn mi 's an Eiphit, agus anns an fhàsach, agus a bhuair mi nis na deich uairean so, agus nach d'éisid ri m' ghuth;

23 Gu cinnteach cha-n fhaic iadsan am fearann a mhionnaich mi d'an aithrichibh, ni mò a chi neach air bith dhiubhsan a bhrosnaich mi e:

24 Ach mo sheirbhiseach Caleb, a chionn gu'n robh aige-san spiorad eile maille ris, agus gu'n do lean e mi gu h-iomlan, esan bheir mi do'n fhearann d'an deachaidh e; agus sealbhaichidh a shliochd e.

25 (A nis bha na h-Amalecich, agus na Canaanaich 'n an còmhnuidh 's a' ghlicann.) Am màireach pillibh, agus rachaibh do'n fhàsach, air slighe na mara ruaidhe.

26 Agus labhair an Tighearn ri Maois, agus ri h-Aaron, ag ràdh,

27 Cia fhad a ghiùlainneas mi leis an droch chomhchruinneachadh so, a tha ri gearan a'm' aghaidh? chuala mi gearain chloinn Israeil, leis am bheil iad ri gearan a'm' aghaidh.

28 Abair riu, Co fhìor 's a tha mi beò, ars' an Tighearn, mar a labhair sibh a'm' éisd-eachd, mar sin ni mi ribh.

29 'S an fhàsach so tuitidh bhur colannan: agus a' mheadh a chaidh àireamh dhihb, a rèir bhur n-àireimh iomlain, o fhichead bliadhna dh'aois agus os a cheann, a rinn gearan a'm' aghaidh,

30 Gun amharus sam bith cha tig sibh a steach do'n fhearann a mhionnaich mise gu'n tugainn oirbh còmhnuidh a ghabhail ann, saor o Chaleb mac Iephuneh, agus Iosua mac Nuin.

31 Ach bhur clann bheag, a thubhairt sibh a bhitheadh 'n an cobhartaich, iadsan bheir mi steach, agus gabhaidh iad eòlas air an fhearann air an d'rinn sibhse tàir.

32 Agus air bhur son-sa dh'e, tuitidh bhur colannan anns an fhàsach so.

33 Agus bithidh bhur clann air seacharan 's an fhàsach dà fhichead bliadhna, agus giùlainidh iad bhur striopachais, gus an caithear bhur colannan 'n an fhàsach.

34 A rèir àireimh nan làithean anns an do rannsaich sibh am fearann, eadhon dà fhichead là, (gach là air son bliadhna) giùlainidh sibh bhur n-euceartan, eadhon dà fhichead bliadhna, agus bithidh fios agaibh air mo bhriseadh-geallaidh-sa.

35 Thubhairt mise an Tighearn e, agus gu cinnteach ni mi e do'n chomhchruinneachadh olc so uile, a chruinnich a'm' aghaidh: anns an fhàsach so claidhear iad, agus an sin gheibh iad bàs.

36 Agus na daoine a chuir Maois a rann-

sachadh an fhearainn, a phill, agus a thug air a' chomhchruinneachadh uile gearan a dheanamh 'n a aghaidh, le droch sgeul a thoirt seachad air an fhearann,

37 Fhuair eadhon na daoine sin, a thug seachad droch sgeul air an fhearann, bàs leis a' phlàigh an làthair an Tighearna.

38 Ach de na daoineibh sin a chaidh a rannsaichadh an fhearainn, mhair Iosua mac Nuin, agus Caleb mac Iephuneh beò.

39 Agus dh'innis Maois na briathran sin do chloinn Israeil uile: agus rinn an shuagh caoidh mhòr.

40 Agus dh'éirich iad gu moch 's a' mhaduinn, agus chaidh iad suas gu mullach an t-sléibh, ag ràdh, Feuch, tha sinne an so, agus theid sinn suas do'n àit a gheall an Tighearn: oir pheacaich sinn.

41 Agus thubhairt Maois, Car son a nis a tha sibh a' briseadh àithne an Tighearna? ach cha soirbhich an ni so leibh.

42 Na rachaibh suas, oir cha -n 'eil an Tighearn 'n ur measg; a chum as nach buaillear sibh an làthair bhur naimhdean.

43 Oir tha na h-Amalecich agus na Canaanaich an sin roimhibh, agus tuitidh sibh leis a' chlaoidhean: a chionn gu'n do chlaon sibh o'n Tighearn, uime sin cha bhi 'n Tighearn maille ribh.

44 Ach ghabh iad de dhànadas orra dol suas gu mullach an t-sléibh: gidheadh cha deachaidh àire coimhcheangail an Tighearna, no Maois, a mach as a' champ.

45 An sin thàinig na h-Amalecich a nuas, agus na Canaanaich, a bha 'n an còmhnuidh 's an t-slabh sin, agus bhuail siad iad, agus chuir iad an ruaig orra, eadhon gu Hormah.

CAIB. XV.

1 *Lagh thabhartas an àraidh.* 32 *Chlachadh gu bàs fear-brìgidh na sàbaid.*

AGUS labhair an Tighearn ri Maois, ag ràdh,

2 Labhair ri cloinn Israeil, agus abair riu, 'N uair a thig sibh a chum fearainn bhur n-àiteachan-còmhnuidh, a tha mise a' tabhairt dhuibh.

3 Agus a bheir sibh suas tabhartas le teine do'n Tighearn, tabhartas-loisgte no iobairt, gu bòid a choimhlionadh, no mar thabhartas saorthoil, no 'n 'ur n-àrd fhéillibh, a dheanamh fàile cùbhraidh do'n Tighearn, de'n sprèidh no de'n treud.

4 An sin bheir esan a bheir seachad a thabhartas do'n Tighearn, seachad tabhartas-bidh de'n deicheamh cuid de phlùr, measgta maille ris a' cheathramh cuid de hin olaidh.

5 Agus bheir thu seachad an ceathramh cuid de hin fiona mar thabhartas-dibhe, maille ris an tabhartas-loisgte no'n iobairt, air son aon uain.

6 No air son reithe, bheir thu seachad mar thabhartas-bidh, dà dheicheamh cuid de phlùr, measgta leis an treas cuid de hin olaidh.

AIREAMH, XV.

7 Agus a chum tabhartais-dibhe, bheir thu seachad an treas *cuid* de hin fiona, *chum* faile cùbhraidh do'n Tighearn.

8 Agus an uair a bheir thu seachad tarbh òg *mar* ìobairt-loisgte, no *mar* ìobairt gu bòid a choimhionadh, no *mar* ìobairt-shìth do'n Tighearn,

9 An sin bheirear maille ris an tarbh òg, tabhartas-bidh de thri deich codaichibh de phlùr, measgta le leth hin olaidh.

10 Agus bheir thu seachad a chum tabhartais-dibhe leth hin fiona, *chum* tabhartais a bheirear suas le teine, dh'fhàile cùbhraidh do'n Tighearn.

11 Mar so nìthear air son aon tairbh, no air son aon reithe, no air son uain, no minn.

12 A réir an àireimh a bheir sibh seachad, mar sin nì sibh do gach aon, a réir an àireimh.

13 Gach neach a rugadh 's an dùthaich, nì e na nìthean sin air a' mhodh so, ann an tabhartas a thoirt seachad a bheirear suas le teine, dh'fhàile cùbhraidh do'n Tighearn.

14 Agus ma bhitheas coigreach air chuairt maille ribh, no cò air bith e *'bhitheas* 'n ur measg 'n ur ginealachaidh, agus gu'n toir e seachad tabhartas a bheirear suas le teine, dh'fhàile cùbhraidh do'n Tighearn; mar a nì sibhse, mar sin nì esan.

15 *Bithidh* aon reachd dhuibhse a tha de'n chomhchruinneachadh, agus mar an ceudna do'n choigreach a tha air chuairt maille ribh, reachd sìorruidh 'n ur ginealachaidh: mar a tha sibhse, mar sin bithidh an coigreach an làthair an Tighearn'.

16 Aon lagh, agus aon mhodh, bithidh agaidhse, agus aig a' choigreach a tha air chuairt maille ribh.

17 Agus labhair an Tighearn ri Maois, ag ràdh,

18 Labhair ri cloinn Israeil, agus abair riu, 'N uair a theid sibh a seach do'n fhearann d'am bheil mise 'g' ur tabhairt,

19 An sin tarlaidh, 'n uair a dh'itheas sibh a dh'aran an fhearainn, gu'n toir sibh suas tabhartas-togta do'n Tighearn.

20 Bheir sibh suas breacag de'n cheud chuid d'ur taois, *mar* thabhartas-togta; mar a *thogas sibh* tabhartas-togta an ur-lair-bhualaidh, mar sin toigaidh sibh i.

21 De'n cheud chuid d'ur taois bheir sibh do'n Tighearn tabhartas-togta, 'n ur ginealachaidh.

22 Agus ma rinn sibh mearachd, agus nach do ghléidh sibh na h-àitheantan sin uile a labhair an Tighearn ri Maois,

23 *Eadhon* gach nì a dh'àithn an Tighearn dhuibh le làimh Mhaois, o'n là sin anns an d'thug an Tighearn àithne do Mhaois, agus o sin suas air feadh bhur ginealach;

24 An sin tarlaidh, ma rinneadh *nì sam bith* ann an aineolas, gun fhios do'n chomh-

chruinneachadh, gu'n toir an comhchruinneachadh uile seachad aon tarbh òg a chum ìobairt-loisgte, chum faile cùbhraidh do'n Tighearn, maille ra thabhartas-bidh, agus a thabhartas-dibhe, a réir a' ghnàtha, agus aon mheam de na gabhraibh chum ìobairt-pheacaidh.

25 Agus nì an sagart réite air son comhchruinneachaidh chloinn Israeil uile, agus maithear dhoibh e, oir *is* aineolas a t'ann: agus bheir iad leo an tabhartas, ìobairt a bheirear suas le teine do'n Tighearn, agus an ìobairt-pheacaidh an làthair an Tighearna, air son an aineolais.

26 Agus maithear e do chomhchruinneachadh chloinn Israeil uile, agus do'n choigreach a tha air chuairt 'n am measg; do bhrìgh gu'n *robh* an sluagh uile ann an aineolas.

27 Agus ma pheacaicheas anam sam bith trid aineolais, an sin bheir e leis gabhar de'n cheud bhliadhna chum ìobairt-pheacaidh.

28 Agus nì an sagart réite air son an anama a pheacaicheas gu h-aineolach, an uair a pheacaicheas e le h-aineolas an làthair an Tighearna, a dheanamh réite air a shon; agus maithear dha e.

29 Bithidh aon lagh agaidh air a shonsan a pheacaicheas trid aineolais, *araon* air a shonsan a rugadh ann measg chloinn Israeil, agus air son a' choigreach a tha air chuairt 'n am measg.

30 Ach an t-anam a nì 'bheag gu h-ann-dana, (*cò dhiubh* a rugadh e 's an tìr, no 's coigreach e) tha esan a' toirt easurraim do'n Tighearn; agus gearrar an t-anam sin as o mheasg a shluagh.

31 Do bhrìgh gu'n d'rinn e tàir air focal an Tighearna, agus gu'n do bhris e 'àithne, gearrar an t-anam sin as gu tur: *bithidh* àingidheachd air féin.

32 Agus an uair a bha clann Israeil 's an fhàsach, fhuair iad duine a' tional mhaidean air là na sàbaid'.

33 Agus thug iadsan a fhuair e a' tional mhaidean a dh'ionnsuidh Mhaois e, agus a dh'ionnsuidh Aaroin, agus a dh'ionnsuidh a' chomhchruinneachaidh uile.

34 Agus chuir iad 'an làimh e, a chionn nach d'imseadh ciod a bu chòir a dheanamh ris.

35 Agus thubhairt an Tighearn ri Maois, Cuir caran duine gu cinnteach gu bàs; clachaidh an comhchruinneachadh uile e le clachaidh an taobh a muigh de'n champ.

36 Agus thug an comhchruinneachadh uile mach as a' champ e, agus clach iad e le clachaidh, agus fhuair e bàs; mar a dh'àithn an Tighearn do Mhaois.

37 Agus labhair an Tighearn ri Maois, ag ràdh,

38 Labhair ri cloinn Israeil, agus abair riu, iad a dheanamh fàbhra dhoibh féin air

iomallaibh an eudaich air feadh an ginealach, agus iad a chur air fàbhra nan iomall iail de ghorm.

39 Agus bithidh e dhuibh mar fhàbhra, agus amhaircidh sibh aia, a chum gu'n cuimhnich sibh uile àitheantan an Tighearna, agus gu'n dean sibh iad; agus nach iarr sibh an déigh bhuir cridhe agus bhuir shùl féin, nithean a's àbhaist duibh dol 'n an déigh le h-anamian:

40 A chum gu'n cuimhnich, agus gu'n dean sibh m'aitheantan uile, agus gu'm bi sibh naomha d'ur Dia.

41 Is mise an Tighearn bhuir Dia, a thug a mach sibh á tir na h-Eiphit, gu bhi a'm Dhia dhuibh: Is mise an Tighearn bhuir Dia.

CAIB. XVI.

1 Ceannaire Choram, Dhatain, agus Abiraim.
31 Shluig an talamh suas iad.

AGUS ghabh Corah mac Idsair, mhic A' Chohait, mhic Lebhi, agus Datan agus Abiram mic Eliaib, agus On mac Pholeit, mic Reubein, daoine:

2 Agus dh'éirich iad suas an làthair Mhaois, maille ri daoin' àraidh de chloinn Israeil, dà cheud agus leth-cheud ceannard de'n choimhthionail, inbheach 's a' chomhchruinneachadh, daoine ionraideach.

3 Agus chruinnich siad iad féin 'an ceann a chéile an aghaidh Mhaois agus an aghaidh Aaroin, agus thubhairt iad ri, *Tha sibh a' gabhail* tuille 's a' chòir oirbh féin, do bhrìgh gu bheil an comhchruinneachadh uile naomh gach aon duibh, agus *tha* 'n Tighearn 'n am measg: e'ar son uinne sin a tha sibh 'g'ur togail féin suas os ceann comhchruinneachaidh an Tighearna?

4 Agus an uair a chuala Maois e, thuit e air 'aghaidh:

5 Agus labhair e ri Corah, agus r'a chuideachd uile, ag ràdh, Eadhon an màireach nochdaidh an Tighearn cò iad a's leis, agus cò a tha naomh, agus bheir e air teachd am fagus da: bheir e eadhon air-san a ròghnaich e, teachd am fagus da.

6 Deanaibhse so; gabhaibh dhuibh féin tùiseiran, Corah, agus a chuideachd uile;

7 Agus cuiribh teine annta, agus cuiribh tùis orra an làthair an Tighearna air an là màireach; agus an duine sin a ròghnaicheas an Tighearn, *bithidh* esan naomh. *Tha sibh a' gabhail* tuille 's a' chòir oirbh féin, sibhse a mhaca Lebhi.

8 Agus thubhairt Maois ri Corah, Eisdibh, guidheam oirbh, sibhse a mhaca Lebhi:

9 An ni beag e 'n 'ur *barail-sa*, gu'n do sgar Dia Israeil sibh o chomhchruinneachadh Israeil, gu'r toirt am fagus da féin, a dhcanamh seirblhis pàilliuin an Tighearna, agus a sheasamh an fianuis a' chomhchruinneachaidh, a fhrithleadh dhoibh?

10 Agus thug e thus' am fagus da féin, agus do bhràithrean nìle mic Lebhi maille

riut; agus am bheil sibh ag iarraidh na sagartachd mar an ceudna?

11 Air an aobhar sin *tha* thusa, agus do chuideachd uile, air bhuir cruinneachadh an ceann a chéile an aghaidh an Tighearna: agus a *thaobh* Aaroin, ciod e, gu bheil sibh ri gearan 'n a aghaidh-san?

12 Agus chuir Maois *teachdairean uaithe* a ghairm Dhatain agus Abiraim mhac Eliaib, a thubhairt, Cha téid sinn suas.

13 An ni beag e gu'n d'thug thu m'os sinn á talamh a tha 'sruthadh le bainne agus le mil, gu'r marbhadh 's an fhàsach, mur dean thu thu féin gu h-ìomlan a'd' uachdaran os ar ceann?

14 A thuilleadh air so, cha d'thug thu sinn gu fearann a tha 'sruthadh le mil agus le bainne, ni mò thug thu dhuinn oighreachd mhacharach agus fhion-lios: an cuir thu mach sùilean nan daoine sin? cha téid sinne suas.

15 Agus bha Maois ro dhiombach, agus thubhairt e ris an Tighearn, Na bitheadh meas agad d'an tabhartas; cha do ghabh mise an asal uatha, ni mò a rinn mi cron air a h-aon duibh.

16 Agus thubhairt Maois ri Corah, Bi thusa agus do chuideachd uile an làthair an Tighearna, thusa, agus iadsan, agus Aaron am màireach;

17 Agus gabhaibh gach duine, a thùiseir, agus cuiribh tùis annta, agus thugaibh an làthair an Tighearna gach duine a thùiseir, dà cheud agus leth-cheud tùiseir; thusa mar an ceudna, agus Aaron, gach aon *dhibh* a thùiseir,

18 Agus ghabh gach duine *dhiubh* a thùiseir, agus chuir iad teine annta, agus chuir iad tùis orra, agus sheas iad ann an doras pàilliuin a' choimhthionail maille ri Maois agus ri h-Aaron.

19 Agus chruinnich Corah an comhchruinneachadh uile 'n an aghaidh gu doras pàilliuin a' choimhthionail: agus thaisbeineadh glòir an Tighearna do'n comhchruinneachadh uile.

20 Agus labhair an Tighearn ri Maois, agus ri h-Aaron, ag ràdh,

21 Sgaraidh sibh féin o mheasg a' chomhchruinneachaidh so, agus sgriosaidh mi iad mar ann am prìobhadh na sùla.

22 Agus thuit iad air an aghaidh, agus thubhairt iad, O Dhé, a Dhé spiorad gach uile fheada, am peacaich aon duine, agus am bi fearg agad ris a' chomhchruinneachadh uile?

23 Agus labhair an Tighearn ri Maois, ag ràdh,

24 Labhair ris a' chomhchruinneachadh, ag ràdh, Rachaidh suas o thimchioll pàilliuin Choram, Dhatain, agus Abiraim.

25 Agus dh'éirich Maois suas, agus chaidh e dh'ionnsuidh Dhatain agus Abiraim; agus lean seanairean Israeil e.

26 Agus labhair e ris a' chomhchruinneachadh, ag ràdh, Sgaraidh sibh féin, guidheam oirbh, o bhùthaibh nan daoine aingidh ud, agus na beanaibh ri ni sam bith a 's leo, air eagal gu'n sgrìosar sibh 'n am peacaidhibh uile.

27 Mar sin chaidh iad suas o phàillium Chorah, Dhatain, agus Abiraim, air gach taobh: agus thàinig Datan agus Abiram a mach, agus sheas iad am an dorus am bùthan, agus am mnathan, agus am mic, agus an clann bheag.

28 Agus thubhairt Maois, Le so bithidh fios agaibh gu'n do chuir an Tighearn mise a dheanamh nan oibre sin uile; oir cha d'rim mi iad as mo cheann féin.

29 Ma gheibh na daoine sin bàs mar na h-uile dhaoine eile, no ma dh'fhiosraichear iad a réir fiosrachaidh nan uile dhaoine, an sin cha do chuir an Tighearn mise uath:

30 Ach ma ni an Tighearn gnìomh nuadh, agus gu'm fosgail an talamh a bheul, agus gu'n sluig e suas iad maille ris gach ni a's leo, agus gu'n téid iad sìos beò do'n t-slochd; an sin tuigidh sibh gu'n do bhrosnaich na daoine sin an Tighearn.

31 Agus tharladh, an uair a sguir e de labhairt nam briathran sin uile, gu'n do sgoilt an talamh a bha fodhpa o 'chéile:

32 Agus dh'fhosgail an talamh a bheul, agus shluig e suas iad, agus an tighean, agus na daoine uile a bhuin do Chorah, agus am maoin uile.

33 Chaidh iad féin, agus gach ni a bhuin doibh, beò sìos do'n t-slochd, agus dhruid an talamh orra: agus chaidh as doibh o mheasg a' chomhchruinneachaidh.

34 Agus theich Israel uile a bha mu'n timchioll, ro'n glaoth; oir thubhairt iad, Air eagal gu'n shuig an talamh sinne suas mar an ceudna.

35 Agus thàinig teine a mach o'n Tighearn, agus loisg e 'n dà cheud agus an leth-cheud fear a thug seachad tùis.

36 Agus labhair an Tighearn ri Maois, ag ràdh,

37 Labhair ri h-Eleasar mac Aaroin an sagart, e 'thogail suas nan tùiseirean á meadhon an losgaidh, agus sgar thusa an teine an sud; oir tha iad coisrigte.

38 Tùiseirean nam peacadh ud an aghaidh an anama féin, agus deanadh iad dhiubh leacan leathan mar chòmhdach do'n altair: oir thug iad seachad iad an làthair an Tighearna, air an aobhar sin tha iad coisrigte; agus bithidh iad 'n an comharadh do chloinn Israeil.

39 Agus ghabh Eleasar an sagart na tùiseirean umha, leis an d'thug iadsan a chaidh a losgadh seachad tabhartas; agus rinneadh iad 'n an leacaibh leathan mar chòmhdach do'n altair,

40 Gu bhi 'n an cuimhneachan do chloinn Israeil, air chor as nach tig coigreach, nach

'eil de shliochd Aaroin, an fagus a losgadh tùise an làthair an Tighearna; chum as nach bi e mar Chorah, agus mar a chuid-eachd: mar a thubhairt an Tighearn ris le làmh Mhaois.

41 Ach air an là màireach, rinn comh-chruinneachadh chloinn Israeil uile gearan, an aghaidh Mhaois agus an aghaidh Aaroin, ag ràdh, Mharbh sibh sluagh an Tighearna.

42 Agus tharladh, an uair a chruinnich-eadh an comhthional an aghaidh Mhaois agus an aghaidh Aaroin, gu'n do sheall iad air pàillium a' choimhthionail: agus, feuch, chòmhdach an neul e, agus dh'fhoillsich-eadh glòir an Tighearna.

43 Agus thàinig Maois agus Aaron gu beulaobh pàillium a' choimhthionail.

44 Agus labhair an Tighearn ri Maois, ag ràdh,

45 Rachaibh suas o mheasg a' chomh-chruinneachaidh so, agus sgrìosaidh mi iad mar ann am prìobadh na sùla: agus thuit iad air an eudannaibh.

46 Agus thubhairt Maois ri h-Aaron, Glac tùiseir, agus cuir teine ann bhàrr na h-altarach, agus cuir tùis air, agus imich gu grad a dh'ionnsuidh a' chomhchruinneachaidh, agus dean réite air an son; oir chaidh fearg a mach o'n Tighearn: thòisich a' phlàigh.

47 Agus ghlac Aaron e, mar a dh'àithn Maois, agus ruith e gu meadhon a' chomh-chruinneachaidh; agus, feuch, bha 'phlàigh air tòiseachadh ann measg an t-sluaigh: agus chuir e tùis air, agus rinn e réite air son an t-sluaigh.

48 Agus sheas e eadar na mairbh agus na beotha, agus choisgeadh a' phlàigh.

49 Agus bhàsaich 's a' phlàigh ceithir mìle deug agus seachd ceud, a thuilladh orrasan a bhàsaich 'an aobhar Chorah.

50 Agus phill Aaron a dh'ionnsuidh Mhaois, gu dorus pàillium a' choimhthionail: agus choisgeadh a' phlàigh.

CAIB. XVII.

1 Slat Aaroin fo bhlàth: 10 tha i air a gleidh-eadh mar chomharadh an aghaidh nan ceann-airceach.

A GUS labhair an Tighearn ri Maois, ag ràdh,

2 Labhair ri cloinn Israeil, agus gabh slat o gach aon aca, a réir tighe an aithrichean, o'n ceannardaibh uile, a réir tighe an aithrichean, dà shlait deug: sgrìobh ainm gach duine air a shlait féin.

3 Agus sgrìobhaidh tu ainm Aaroin air slait Lebhì: oir bithidh aon slat air son cinn tighe an aithrichean.

4 Agus cuiridh tu suas iad ann am pàillium a' choimhthionail, an làthair na Fianuis', far an coinnich mise thu.

5 Agus tarlaidh, gu'n tig slat an duine a thaghas mise fo bhlàth; agus bheir mi air

gearain chloinn Israeil sgar uam, leis am bheil iad ri gearan 'n ur n-aghaidh-sa.

6 Agus labhair Maois ri cloinn Israeil, agus thug gach aon d'an ceannardaibh dha slat am fear, aon air son gach ceannaird, a réir tìge an aithrichean, *eudhò* dà shlàit deug: agus *bha* slat Aaron am measg an slat.

7 Agus chuir Maois suas na slatan an làthair an Tighearn, ann am pàillium na Fianuis'.

8 Agus air an là màireach chaidh Maois a steach do phàillium na Fianuis'; agus, feuch, bha slat Aaron, air son tìge Lebhi, air briseadh a mach, agus air cur maoth dhuilleach aisde, agus air teachd fo bhlàth, agus air giùlan almona.

9 Agus thug Maois a mach na slatan uile o làthair an Tighearn gu cloinn Israeil uile; agus dh'annhaire iad orra, agus ghabh gach duine a shlat féin.

10 Agus thubhairt an Tighearn ri Maois, Thoir slat Aaron a ris an làthair na Fianuis', gu bhli air a gleidheadh mar chomharadh an aghaidh na ceannaireach; agus bheir thu air falbh gu tur an gearain uamsa, chum nach bàsaich iad.

11 Agus rinn Maois *mar sin*: mar a dh'aitn an Tighearn dha, mar sin rinn e.

12 Agus labhair clann Israeil ri Maois, ag ràdh, Feuch, tha sinn a' bàsachadh, théid as duinn, théid as duinn uile.

13 Ge b'e air bith a thig am fagus do phàillium an Tighearna, gheibh e bàs; an claidheach sinn le bàsachadh?

CAIB. XVIII.

1 Cùram nan sagart. 6 Frith-ealadh nan Lebhithheach. 8 Cùbhrionn nan sagart, 21 agus nan Lebhithheach. 25 Mu'n tabhartas-thogta.

AGUS thubhairt an Tighearn ri h-Aaron, Giùlainidh tusa agus do mhic, agus tigh d'athar maille riut, euceart an ionaid naoimh; agus giùlainidh tusa agus do mhic maille riut euceart bhuir sagartachd.

2 Agus do bhràithrean mar an ceudna de thréibh Lebhi, tréibh d'athar, bheir thu leat maille riut, chum gu'n ceanglar riut iad, agus gu'm frithheil iad dhuit: ach *frith-eilidh* tusa agus do mhic maille riut air beulaobh pàillium na Fianuis'.

3 Agus gleidhidh iad do chùram-sa, agus cùram a' phàillium uile: a mhàin cha tig iad am fagus do shoithichibh an ionaid naoimh agus do'n altair, a chum nach faigh aon chuid iadsan no sibhsce bàs.

4 Agus ceanglar riut iad, agus gleidhidh iad cùram pàillium a' choimhlthionail, air son uile sheirbhis a' phàillium: agus cha tig coigreach am fagus duibh.

5 Agus gleidhidh sibh cùram an ionaid naoimh, agus cùram na h-altarach; a chum nach bi fearg nìs mò air cloinn Israeil.

6 Agus mise, feuch, thug mi bhuir bràithrean na Lebhithich o mheasg chloinn Israeil: dhuibhsce thugadh iad *mar* tabhartas

do'n Tighearn, a dheanamh seirbhis pàillium a' choimhlthionail.

7 Uime sin gleidhidh tusa, agus do mhic maille riut, bhuir sagartachd ams gach nì a *bhuineas* do'n altair, agus an taobh a stigh de'n roinn-bhrat, agus nì sibh seirbhis: thug mi *dhuibh* bhuir sagartachd, *mar* sheirbhis tabhartais; agus cuirear an coigreach a thig am fagus gu bàs.

8 Agus labhair an Tighearn ri h-Aaron, Feuch, thug mi dhuit mar an ceudna cùram mo tabhartasan-togta, de uile nithibh coisrigte chloinn Israeil; dhuitse thug mi iad, air son an ungaidh, agus do d' mhic le reachd sìorruidh.

9 Bithidh so leatsa de na nithibh ro naomha, a *ghleidheadh* o'n teine: gach tabhartas leo-san, gach tabhartas-bidh leo, agus gach iobairt-pheacaidh leo, agus gach iobairt-eusaontais leo, a bheir iad dhomhsa, bithidh e ro naomh dhuitse, agus do d' mhic.

10 'S an ionad ro naomh ithidh tu e, ithidh gach firionnach e: bithidh e naomh dhuitse.

11 Agus *is* leat so; tabhartas-togta an tabhartais, maille ri uile tabhartasan-luaisgte chloinn Israeil: thug mi dhuitse iad, agus do d' mhic, agus do d' nigheanaibh maille riut, le reachd sìorruidh: gach neach a tha glan a'd' thigh, ithidh e dheth.

12 A' chuid a's fearr uile de'n olaidh, agus a' chuid a's fearr uile de'n fhion, agus de'n chruihneachd, an ceud thoradh leo-san a bheir iad seachad do'n Tighearn, iad sin thug mi dhuit.

13 Gach nì a's luaithe 'bhitheas abuich 'n am fearann, a bheir iad chum an Tighearna, bithidh e leatsa; gach aon a tha glan a'd' thigh, ithidh e dheth.

14 Gach nì a choisrigear ann an Israel, bithidh e leatsa.

15 Gach nì a dh'fhosglaas a' bhuir de gach feoil, a bheir iad a dh'ionnsuidh an Tighearna, *ma's ann* de dhuine, no dh'ainmhidh, bithidh e leatsa: gidheadh gu cinnteach fuasglaidh tu ceud-ghin duine, agus ceud-ghin an ainmhidh neòghloin fuasglaidh tu.

16 Agus iadsan a dh'fhuasglar, o mhios a dh'aois fuasglaidh tu iad a réir do mheas, air son airgid chùig seceilean, a réir seceil an ionaid naoimh: *is e 'n secel* fichead geralh.

17 Ach ceud-ghin boin, no ceud-ghin caorach, no ceud-ghin gaibhre, cha-n fhuasgail thu; *tha* iad naomha: crathaidh tu am fuil air an altair, agus loisgidh tu 'n sail *mar* tabhartas a bheirear suas le teine, chum fàile cùbraidh do'n Tighearn.

18 Agus bithidh am feoil leatsa, mar a bhitheas an t-uchd luaisgte agus an slinnean deas leat.

19 Uile tabhartasan-togta nan nithean naomha, a bheir clann Israeil seachad do'n

Tighearn, thug mi dhuitse, agus do d' mhic, agus do d' nigheanaibh maille riut, le reachd sìorruidh: *is* coimhcheaugal salaim e gu bràth an làthair an Tighearna, dhuitse agus do d' shìochd maille riut.

20 Agus labhair an Tighearn ri h-Aaron, 'N am fearann cha bhì oighreachd agad, nì mo bhios roim agad 'n am measg: *is* mise do roinu-sa agus d'oighreachd am measg chloinn Israeil.

21 Agus, feuch, do chloinu Lebhi thug mi an deachamh uile ann an Israel mar oighreachd, air son an seirbhis a nì iad, *cadhòn* seirbhis pàilluin a' choimhthionail.

22 Agus cha-n fheud clann Israeil o so suas teachd am fagus do phàillium a' choimhthionail, air eagal gu'n giùlain iad peacadh, agus gu'm faigh iad bàs.

23 Ach nì na Lebhithich seirbhis pàilluin a' choimhthionail, agus giùlaidh iad an cionta: *bithidh e* 'n a reachd sìorruidh air feadh bhur gincalach, nach bì oighreachd sam bith aca am measg chloinn Israeil.

24 Ach deachamh chloinn Israeil a bheir iad seachad mar thabhartas-togta do'n Tighearn, thug mi do na Lebhithich mar oighreachd: nìme siu thubhairt mi riù, Am measg chloinn Israeil cha bhì oighreachd aca.

25 Agus labhair an Tighearn ri Maois, ag ràdh,

26 Mar so labhair ris na Lebhithich, agus abair riù, 'N nair a thogas sibh o chloim: Israeil an deachamh a thug mise dhuibh uatha mar bhur n-oighreachd, an sin bheir sibh suas tabhartas-togta dheth do'n Tighearn, *cadhòn* an deicheamh *cuid* de'n deachamh.

27 Agus measar an tabhartas-togta so dhuibh, mar *gu'm b'e* arbhar an urlair-bhualaidh, agus mar làn amar-bruthaidh an fhìona.

28 Mar so maran ceudna bheir sibh seachad tabhartas-togta do'n Tighearn, d'ur n-uile dheachamh a thogas sibh o chloinn Israeil; agus bheir sibh dheth tabhartas-togta an Tighearna do Aaron an sagart.

29 As bhur n-uile thiodhlacaibh, bheir sibh seachad uile thabhartas-togta an Tighearna de'n chuid a's fearr dheth uile, *cadhòn* a' chuid sin deth a tha coisrigte.

30 Uime sin their thu riù, 'N nair a thogas sibh suas uaith a' chuid a's fearr dheth, an sin measar e do na Lebhithich mar thoradh an urlair-bhualaidh, agus mar thoradh amar-bruthaidh an fhìona.

31 Agus ithidh sibh e anns gach àite, sibh féiu agus bhur teaghlach: oir *is* e bhur duais air sou bhur seirbhis ann am pàillium a' choimhthionail.

32 Agus cha giùlain sibh peacadh sam bith air a shon, an nair a thogas sibh suas as a' chuid a's fearr dheth; nì mò a thruailleas sibh nithean naomha chloinn Israeil, air eagal gu'm faigh sibh bàs.

CAIB. XIX.

1 *An t-uisge dealachaidh: 11 mar a ghnàthaich-eadh e chum iadsan a' bha neòghlan a ghlanadh.*

A GUS labhair an Tighearn ri Maois, agus ri h-Aaron, ag ràdh,

2 *Is* e so ordugh an lagha a dh'àithn an Tighearn, ag ràdh, Labhair ri cloim Israeil, iad a thoirt a d' iomsuidh agh ruadh gun ghaoid, air nach 'eil smal, agus nach robh riamh fo chuing.

3 Agus bheir sibh i dh'ionnsuidh Eleasair an t-sagairt; agus bheirear i an taobh a muigh de'n champ, agus marbhar i 'n a fhianuis.

4 Agus gabhaidh Eleasair an sagart *cuid* d'a fuil le mheur, agus crathaidh e cuid d'a fuil dìreach fa chomhair pàilluin a' choimhthionail seachd uairean.

5 Agus loisgidh *neach* an t-agh 'n a shealladh; a seiche, agus a feoil, agus a fuil, maille r'a a-olach, loisgidh e.

6 Agus gabhaidh an sagart fiodh seudair, agus hiosop, agus scaraidh, agus tilgidh e sin am meadhan losgaidh an aighe.

7 An sin nighidh an sagart 'eudach, agus ionnlaididh e 'fheoil ann an uisge, agus an déigh sin thig e steach do'n champ, agus bithidh an sagart neòghlan gu feasgar.

8 Agus nighidh esan a loisg i 'eudach ann an uisge, agus ionnlaididh e 'fheoil ann an uisge, agus bithidh e neòghlan gu feasgar.

9 Agus cruinnichidh duine a tha glan luath an aighe, agus taisgidh e i 'n taobh a muigh de'n champ ann an àite glan; agus gleidhear i air son comhehrumeachaidh chloim Israeil, mar uisge dealachaidh: *is glanadh* air son peacaidh i.

10 Agus nighidh esan a thìouaileas luath an aighe 'eudach, agus bithidh e neòghlan gu feasgar: agus bithidh e do chloim Israeil, agus do'n choigreach a th'air chuairt 'n am measg, 'n a reachd sìorruidh.

11 Esan a bheanas ri corp duine ulairbh sam bith, bithidh e neòghlan seachd làithean.

12 Glanaidh se e féin leis air an treas là, agus air an t-seachdamh là bithidh e glan: ach mur glan se e féin air an treas là, an siu air au t-seachdamh là cha bhì e glan.

13 Ge b'e neach a bheanas ri corp duine sam bith a tha marbh, agus nach glan e féin, tha e a' thruailleadh pàilluin an Tighearn; agus gearrar an t-anam sin as o Israel: a chionn nach do chrathadh an t-uisge dealachaidh air, bithidh e neòghlan; *tha* a neòghloine fathast air.

14 *Is* e so an lagh, an nair a bhàsaicheas duine ann am buth: Gach neach a thig a stigh do'n bhùth, agus gach neach a tha 's a' bhùth, bithidh iad neòghlan seachd làithean.

15 Agus gach soitheach fosgailte aig nach 'eil còmhach ceangailte air, *tha* e neòghlan.

16 Agus ge b e 'bheanas ri neach a mharbhadh le claidheamh 's a' mhachair, no ri corp marbh, no ri cnàimh duine, no ri h-uagh, bithidh e neòghlan seachd làithean.

17 Agus air son an *duine* neòghloin gabhaidh iad de luaith an aighe, a loisgeadh air son glanaidh peacaidh, agus cuiridh iad sruth uisge oirre ann an soithcean.

18 Agus gabhaidh duine glan hiosop, agus tunaidh e 's an uisge e, agus crathaidh e air a bhùth e, agus air na soithichibh uile, agus air a' mhuinntir a bha 'n sin, agus a'rsan a bhean ri cnàimh, no ri neach a mharbhadh, no ri aon marbh, no ri h-uagh:

19 Agus crathaidh an *duine* glan air an neòghlan air an treas là, agus air an t-seachdamh là; agus glanaidh se e féin air an t-seachdamh là, agus nighidh e 'eudach, agus ionnlaidh se e féin ann an uisge, agus bithidh e glan air feasgar.

20 Ach an duine a bhios neòghlan, agus nach glan e féin, gearrar an t-anam sin as o nheasg a' chomhchruinneachaidh, a chionn gu'n do thruaill e ionad naomh an Tighearna: cha do chrathadh uisge dealachaidh air; *tha* e neòghlan.

21 Agus bithidh e 'n a reachd sìorruidh dhoibh, gu'n nigh esan a chrathas an t-uisge dealachaidh 'eudach, agus bithidh esan a bheanas ris an uisge dhealachaidh, neòghlan gu feasgar.

22 Agus ge b'e ni ris am bean an *duine* neòghlan, bithidhe neòghlan: agus ant-anam a bheanas ris, bithidh e neòghlan gu feasgar.

CAIB. XX.

1 Bàs Mhàiriain. 7 Thug Maois uisge do'n t-sluagh as a' charraig. 22 Bàs Aaron.

AN sin thàinig clann Israeil, *cadh*on an comhchruinneachadh uile, gu fàsach Shin, anns a' cheud mhìos: agus d'fhan an sluagh ann an Cades; agus fhuair Miriam bàs an sin, agus dh'adhlacaidh an sin i.

2 Agus cha robh uisge ann do'n choimhthional: agus chruinnich siad iad féin an aghaidh Mhaois agus an aghaidh Aaron.

3 Agus throd an sluagh ri Maois, agus labhair iad, ag ràdh, B'fhearr gu'm bith-eamaid air faghail bàis an uair a bhàsaich ar bràithrean an làthair an Tighearna!

4 Agus c'ar son a thug sibh a nios comhchruinneachadh an Tighearna do'n fhàsach so, gu bàs fhaghail an sin, sinn féin agus ar sprèidh?

5 Agus c'ar son a thug sibh oirnne teachd a nios as an Eiphit, g'ar toirt a steach do'n droch àite so? cha-n àite sil e, no fhigis, no chrannfona, no phomgranata; ni mò *tha* uisge ann r'a òl.

6 Agus chaidh Maois agus Aaron o làthair a' chomhchruinneachaidh gu doras pàilliuin a' choimhthionail, agus thuit iad air an aghaidh; agus dh'fhoillsicheadh glòir an Tighearna dhoibh.

7 Agus labhair an Tighearna ri Maois, ag ràdh,

8 Gabh an t-slat, agus cruinnich thus' an coimhthional 'an ceann a chèile, thu féin agus Aaron do bhràthair, agus labhraibh ris a' charraig fa chomhair an sùl, agus bheir i seachad a h-uisge; agus bheir thusa maen uisge dhoibh as a' charraig, agus bheir thu deoch do'n choimhthional, agus d'an sprèidh.

9 Agus ghabh Maois an t-slat o làthair an Tighearna, mar a dh'àithn e dha.

10 Agus chruinnich Maois agus Aaron an comhchruinneachadh 'an ceann a chèile fa chomhair na carraig, agus thubhairt e rin, Eisdibh a nis, a luchd-ceannaire; as a' charraig so am feum sinne uisge thoirt duibh?

11 Agus thog Maois suas a làmh, agus bhuail e a' charraig le 'shlaid dà uair; agus thàinig an t-uisge mach gu pailt: agus dh'òl an comhchruinneachadh, agus an sprèidh.

12 Agus labhair an Tighearna ri Maois agus ri h-Aaron, A chionn nach do chreid sibh mi, chum mo naomhachadh ann an sùilibh chloinn Israeil, uime sin cha toir sibh a steach an comhchruinneachadh so do'n fhearran a thug mise dhoibh.

13 *Is* e so uisge Mheribah, a chionn gu'n d'rinn clann Israeil strì ris an Tighearna, agus naomhaicheadh e anna.

14 Agus chuir Maois teachdairean o Chades gu rìgh Edom, Mar so tha do bhràthair Israeil ag ràdh, Tha fios agad air an t-saothair sin uile a thàinig oirne;

15 Mar a chaidh ar n-aithrichean sìos do'n Eiphit, agus a ghabh sinn còmhuidh 's an Eiphit aimsir fhada; agus bhuin na h-Eiphitich gu h-òle ruinne, agus r'ar n-aithrichibh.

16 Agus an uair a ghlaodh sinn ris an Tighearna, chual' e ar guth, agus chuir e aingeal uaith, agus thug e mach sinn as an Eiphit; agus, feuch, *tha* sinn ann an Cades, baile 's a' chuid a's iomallaiche de d' chrìch.

17 Leig leinn, guidheam ort, dol troimh do dhùthaich: cha téid sinn troimh achadh sam bith, no troimh fhion-lìos, ni mò dh'òlas sinn uisge nan tobar; imichidh sinn air rathad mòr an rìgh, cha tionndaidh sinn a dh'ionnsuidh na làimhe deise, no na làimhe clìthe, gus an téid sinn seach do chrìochan.

18 Agus thubhairt Edom ris, Cha téid thu seachad orm, air eagal leis a' chlaidheamh gu'n tig mi mach a' d' aghaidh.

19 Agus thubhairt clann Israeil ris, Imichidh sinn air an rathad mhòr; agus ma dh'òlas mi féin agus mo sprèidh de d' uisge, bheir mi luach air a shon: a mhàin gun tuille 'dheanamh, théid mi troimhe de m' chois.

20 Agus thubhairt e, Cha téid thu troimhe. Agus thàinig Edom a mach 'n a aghaidh le mòr-shluagh, agus le làmh thàrin.

21 Mar so dhiùlt Edom do Israel comas dol troimh a chrìch: uime sin thionndaidh Israel naith.

22 Agus ghabh clann Israeil, *eadhon* an comhchruinnachadh uile, an turas o Chades, agus thàinig iad gu sliabh Hor.

23 Agus labhair an Tighearn ri Maois agus ri h-Aaron ann an sliabh Hor, làimh ri crìch fearainn Edoim, ag ràdh,

24 Cruinnichear Aaron a chum a shluaigh; oir cha téid e steach do'n fhearann a thug mise do chloinn Israeil, a chionn gn'n *robh* sibh ceannairceach an aghaidh m'fhocail-sa aig nisge Mheribah.

25 Gabh Aaron agus Eleasar a mhiac, agus thoir suas iad gu sliabh Hor:

26 Agus buin eudach de Aaron, agus enir air a mhiac Eleasar e: agus cruinnichear Aaron a *chum a mhuinntir*, agns gheibh e bàs an sin.

27 Agus rinn Maois mar a dh'àithn an Tighearn: agus chaidh iad snas gu sliabh Hor, ann an sealladh a' chomhchruinneachaidh uile.

28 Agus bhuin Maois 'eudach de Aaron, agus chuir e air Eleasar a mhiac e; agus fhuair Aaron bàs an sin air mullach an t-sléibh: agus thàinig Maois agus Eleasar a mnas o'n t-sliabh.

29 Agus an uair a chunnaic an comhchruinneachadh uile gu'n d'fhuair Aaron bàs, rinn iad bròn air son Aaron deich làithean 'ar fhichead, eadhon tigh Israeil uile.

CAIB. XXI.

1 *Sgrìos clann Israeil na Canaanach.* 4 *Lotadh iad le nathraichibh loisgeach.* 7 *Dh'aidh iad ann peacadh, agus leighiseadh iad le amhare air nathair umha.* 21 *Thug iad buaidh air Sihon agus air Og.*

AGUS an uair a chuala rìgh Arad an Canaanach, a bha 'chòmhnuidh 's an àirde deas, gu'n d'fhàinig Israel air slighe an luchd-brathaidh, an sin chog e'n aghaidh Israeil, agns rinn e *euid* diubh 'n an ciomach.

2 Agus bhòidich Israel bòid do'n Tighearn, agus thubhairt iad, Ma bheir thu da rìreadh an sluagh so thairis d'ar làimh, an sin sgrìosaidh sinn gu tur an bailtean.

3 Agus dh'éisd an Tighearn ri guth Israeil, agus thng e na Canaanach suas *doibh*: agus sgrìos iad gu tur iad féin agus ann bailtean: agus thug iad Horma mar ainm air an àite.

4 Agus ghabh iad an turas o shliabh Hor, air slighe na mara ruaidhe, a dhol mu'n cuairt air tìr Edoim; agus bha anam an t-sluaigh fo mhi-mhisnich 's an t-slighe.

5 Agus labhair an slagh an aghaidh Dhé, agus an aghaidh Mhaois, C'ar son a thng sibh a nìs sinn as an Eiphit, gu bàs fhaghail 's an fhàsach? oir cha-n' *eil* aran,

no uisge *ann*, agus tha ar n-anam a' gabhail gràin de'n aran entrom so.

6 Agus chnir an Tighearn nathraichean loisgeach ann measg an t-sluaigh; agus lot iad an sluagh, agus fhuair mòr-shluagh de Israel bàs.

7 Uime sin thàinig an slagh a dh'ionnsuidh Mhaois, agus thubhairt iad, Pheacaich sinn, oir labhair sinn an aghaidh an Tighearn, agus a'd' aghaidh-sa; guidh air an Tighearn gu'n toir e air falbh uainn na nathraichean. Agus ghuidh Maois air son an t-sluaigh.

8 Agus thubhairt an Tighearn ri Maois, Dean dhuit féin nathair loisgeach, agus enir i air crann; agns tarlaidh, gach neach a lotar, an uair a dh'amhairceas e oirre, gu mair e beò.

9 Agus rinn Maois nathair umha, agus chuir e air crann i: agns tharladh, ma lot nathair d'ne sam bith, agus gu'n d'amhairc e air an nathair umha, gu'n d'fhan e beò.

10 Agus chaidh clann Israeil air an aghaidh, agus champaich iad ann an Obot.

11 Agus ghabh iad an turas o Obot, agus champaich iad aig Iie-abarim 's an fhàsach a tha fa chomhair Mhoib, leth ri éirigh na gréine.

12 Uaith sin dh'imich iad, agus champaich iad ann an gleann Shareid.

13 O sin dh'imich iad, agus champaich iad air an taobh eile de Arnon, a tha 's an fhàsach a tha 'teachd a mach á crìochaibh nan Amorach: oir *is* e Arnon crìoch Mhoib, cadar Moab agns na h-Amorach.

14 Uime sin innsear ann an Icabhar choganan an Tighearna, Ciod a rinn e s a'mhuir ruaidh, agus ann an sruthaibh Arnon.

15 Agus aig ruith nan sruth a tha 'dol sìos gu àite-còmhnuidh Ar, agus a' luidhe air crìch Mhoib.

16 Agus o sin *chaidh iad* gu Beer: *is* e sin an tobar mu'n do labhair an Tighearn ri Maois, Cruinnich an sluagh r'a chèile, agus bheir mise uisge dhoibh.

17 An sin chan Israel an laoidh so, Sruth a nìs, O thobair; canaibhse dha:

18 Chladhaich na h-nachdarain an tobar, chladhaich naisleanan t-sluaigh e, le *seòladh* fliur thubhairt an lagha, le'n lorgaibh. Agus o'n fhàsach *chaidh iad* gu Matana;

19 Agus o Mhatana gu Nahaliel; agus o Nahaliel gu Bamot;

20 Agus o Bhamot 's a' ghleann a tha ann an dùthaich Mhoib, gn mullach Phisgal, a tha 'g amhare ri Iesimon.

21 Agus chuir Israel teachdairean gu Sihon rìgh nan Amorach, ag ràdh,

22 Leig dhomh dol troimh dh'fhearann; cha tionndaidh sinn a dh'ionnsuidh raoin no dh'ionnsuidh fion-lìos sam bith; cha-n' *èl* sinn uisgeachan an tobar: rathad an rìgh

gabhadh sinn, gus an téid sinn seachad air do chrìch.

23 Agus cha leigeadh Sihon le Israel dol troimh a chrìch: agus chruinnich Sihon a shlugh uile r'a chéile, agus chaidh e mach an aghaidh Israeil don fhàsach: agus thàinig e gu Iahas, agus chog e 'n aghaidh Israeil.

24 Agus bhuail Israel e le faobhar a' chlaidheimh, agus ghabh e sealbh air 'fhearann o Arnon gu Iaboc, eadhon gu cloinn Amoin: oir bha crìoch chloinn Amoin làidir.

25 Agus ghlac Israel na bailtean mòra sin uile: agus ghabh Israel còmhnuidh ann am bailtibh mòra nan Amorach uile, ann an Hesbon, agus 'n a bhailtibh beaga uile:

26 Oir *be* Hesbon baile mòr Shihoin rìgh nan Amorach, a chog an aghaidh rìgh Mhoab a bh'ann roimhe sin, agus a bhuin 'fhearann uile as a làimh, eadhon gu h-Arnon.

27 Uime sin their iadsan, a labhras ann an gnàth-fhocailbh, Thigibh do Hesbon; biodh baile mòr Shihoin air a thogail agus air a dheasachadh:

28 Oir chaidh teime mach á Hesbon, lasair o bhaile mòr Shihoin; loisg e Ar Mhoab, agus tighearnan ionadan àrda Arnoin.

29 Mo thruaighe thu, a Mhoab! thàinig sgrìos ort, O shluaigh Chemois! thug e 'mhic a chaidh as, agus a nigheanan, 'an braighdeanas do Shihon rìgh nan Amorach.

30 Thig sinn saighdean orra; chaidh as do Hesbon eadhon gu Dibon, agus dh'fhàs-aich sinn iad eadhon gu Nopha, a tha 'ruigheachd gu Medeba.

31 Mar so ghabh Israel còmhnuidh ann am fearann nan Amorach.

32 Agus chuir Maois daoine uaith a ghabhail beachd air Iaser, agus ghlac iad a bhailtean, agus dh'fhògair iad a mach na h-Amoraich a bha 'n sin.

33 Agus phill iad agus chaidh iad suas air slighe Bhasain: agus chaidh Og rìgh Bhasain a mach 'n an aghaidh, e féin, agus a shlugh uile, gu cath aig Edrei.

34 Agus thubhairt an Tighearn ri Maois, Na gabh eagail roimhe; oir do d' làimh-sa thug mi thairis e féin, agus a shlugh uile, agus 'fhearann; agus ni thu air mar a rinn thu air Sihon rìgh nan Amorach, a bha còmhnuidh aig Hesbon.

35 Mar sin bhuail iad e féin agus a mhic, agus a shlugh uile, gus nach dh'fhàgadh aon beò aige: agus ghabh iad sealbh air 'fhearann.

nardaibh Mhoab, air an taobh so de Iordan làimh ri Iericho.

2 Agus chunnaic Balac mac Shipoir gach ni a rinn Israel air na h-Amoraich.

3 Agus bha eagail ro mhòr air Moab roimh 'n t-sluagh, a chionn gu'n robh iad lìonmhor; agus bha Moab ann an teinn a thaobh chloinn Israeil.

4 Agus thubhairt Moab ri seanairibh Mhidiaim, A nis imlichidh a' chuideachd so suas gach ni a tha mu'r timchioll, mar a dh'imlicheas an damh suas feur na mach-arach. Agus bha Balac mac Shipoir 'n a rìgh air na Moabaich 's an àm sin.

5 Chuir e teachdairean uime sin gu Balaam mac Bheoir, gu Pëtor, a tha làimh ri anhlainn dùthcha cloinne a shluaigh, g'a ghairm, ag ràdh, Feuch, tha sluagh air teachd a mach as an Eiphit: feuch, tha iad a' còmh-dachadh aghaidh na talmhainn, agus tha iad 'n an còmhnuidh thall fa m' chomhair.

6 Thig a nis uime sin, guidheam ort, mall-aich dhomhsa an sluagh so, oir tha iad tuill-eadh 's cumbhachdach air mo shon: theagamh gur urrainn mi am bualadh, agus gu'm fuadaich mi iad a mach as an dùthaich; oir tha fios agam gu'm bheil esan a bheannaicheas tusa, beannaichte, agus esan a mhall-aicheas tu, mallaichte.

7 Agus dh'imich seanairean Mhoab agus seanairean Mhidiaim, le *duais* na druidd-eachd 'n an làimh; agus thàinig iad gu Balaam, agus dh'imnis iad dha briathran Bhalaic.

8 Agus thubhairt e riu, Fanaibh an so an nochd, agus bheir mise fios duibh a ris, a réir mar a labhras an Tighearn rium. Agus dh'fhan ceannardan Mhoab maille ri Balaam.

9 Agus thàinig an Tighearn gu Balaam, agus thubhairt e, Cò iad na daoine so maille riut?

10 Agus thubhairt Balaam ri Dia, Chuir Balac mac Shipoir, rìgh Mhoab, teachdaire a m' ionnsuidh, ag ràdh,

11 Feuch, tha sluagh air teachd a mach as an Eiphit, a tha 'còmh-dachadh aghaidh na talmhainn: thig a nis, mallaich dhomh iad; theagamh gur urrainn mi buaidh' thoirt orra, agus gu'm fuadaich mi mach iad.

12 Agus thubhairt Dia ri Balaam, Cha téid thu maille riu; cha mhallaich thu 'n sluagh; oir tha iad beannaichte.

13 Agus dh'éirich Balaam 's a' mhaduinn, agus thubhairt e ri ceannardaibh Bhalaic, Imichibh d'ur dùthaich féin; oir tha 'n Tighearn a' diùltadh cead a thoirt dhomhsa dol maille ribh.

14 Agus dh'éirich ceannardan Mhoab suas, agus chaidh iad a dh'ionnsuidh Bhalaic, agus thubhairt iad, Tha Balaam a' diùltadh teachd maille ruinn.

15 Agus chuir Balac uaith a ris ceannardan a bu lìonmhoire, agus a b'urramaiche na iadsan.

CAIB. XXII.

1 *Dh'ùill Balaam air cead iarrtus Bhalaic teachd d'a ionnsuidh; ach an uair a chuir e ath-theachdairean d'a ionnsuidh, dh'imich e air a thurus: 28 labhair asal ris air a shlighe.*

A GUS chaidh clann Israeil air an aghaidh, agus champaich iad ann an còmh-

16 Agus thàinig iad gu Balaam, agus thubhairt iad ris, Mar so tha Balac, mac Shipoir, ag ràdh, Na bacadh ni sam bith thu, guidheam ort, o theachd a m' ionnsuidh;

17 Oir àrdaichidh mi thu gu h-inbhe ro mhòir, agus ge b'e ni a their thu rium, ni mi e: thig uime sin, guidheam ort, mallaich dhomh an sluagh so.

18 Agus fhreagair Balaam, agus thubhairt e ri scrìbhisich Bhalaic, Ged a bheireadh Balac dhomsha làn a thighe a dh'airgiod agus a dh'òr, cha-n fheudainn dol thar focal an Tighearna mo Dhé, a dheanamh bheag no mhòr.

19 A nis uime sin, guidheam oirbh, fan-aibhe mar an ceudna an so an nochd, a chum gu'm bi fios agam ciod tuilleadh a their an Tighearn rium.

20 Agus thàinig Dia dh'ionnsuidh Bhalaam 's an oidhche, agus thubhairt e ris, Ma thig na daoine gu d'ghairm, éirich suas, agus imich maille riù; gidheadh am focal a their mise riut, sin ni thu.

21 Agus dh'éirich Balaam suas 's a' mha-duinn, agus chuir e diollaid air 'asal, agus chaidh e maille ri ceannardaibh Mhoab.

22 Agus las corruich Dhé a chionn gu'n d'imich e; agus sheas aingeal an Tighearna 's an t-slighe mar eascairidh 'n a aghaidh. A nis bba e 'marcachd air 'asal fein, agus a dhà òglach maille ris.

23 Agus chunnaic an asal aingeal an Tighearna 'n a sheasamh 's an t-slighe, agus a chlaidheamh tairngte 'n a làimh: agus thionndaidh an asal a leth taobh as an t-slighe, agus chaidh i air feadh an fhearainn; agus bhuail Balaam an asal, g'a tionndadh dh'ionnsuidh na slighe.

24 Agus sheas aingeal an Tighearn, ann an cos-cheum nam fion-lios: bha balla air an taobh so, agus balla air an taobh ud.

25 Agus an uair a chunnaic an asal aingeal an Tighearn, theannaich si i féin ris a' bhalla, agus bhrùth i cos Bhalaam ris a' bhalla; agus bhuail e ris i.

26 Agus a ris chaidh aingeal an Tighearna seachad, agus sheas e ann an àite cumhann, far nach robh slighe gu tionndadh aon chuid a chum na làimhe deise no clithe.

27 Agus an uair a chunnaic an asal aingeal an Tighearna, luidh i sìos fo Bhalaam: agus las corruich Bhalaam, agus bhuail e 'n asal le bata.

28 Agus dh'fhosgail an Tighearn beul na h-asail, agus thubhairt i ri Balaam, Ciod a rinn mise ort, gu'n do bhuail thu mi na tri uairean so?

29 Agus thubhairt Balaam ris an asal, A chionn gu'n d'rinn thu fanaid orm: b'fhearr leam gu'm biodh claidheamh a'm' làimh, oir a nis mharbhaibh thu.

30 Agus thubhairt an asal ri Balaam, Nach mise d'asal fein, air an do mharcaich thu riamh o bu leat mi, gus an là 'n diugh? am

b'abhaist domh riamh a dheanamh mar so riut? Agus thubhairt e, Cha 'b'abhaist.

31 An sin dh'fhosgail an Tighearn stùilean Bhalaam, agus chunnaic e aingeal an Tighearna 'n a sheasamh 's an t-slighe, agus a chlaidheamh tairngte 'n a làimh; agus chrom e sìos a cheann, agus thuit e sìos air 'aghaidh.

32 Agus thubhairt aingeal an Tighearna ris, C'ar son a bhuail thu d'asal na tri uairean so? Feuch, chaidh mi mach gu bhi a'm' eascairidh duit, a chionn gu'm bheil do shlighe fìar a'm' fhianuis.

33 Agus chunnaic an asal mi, agus thionndaidh i uam na tri uairean so: mur bitheadh i air tionndadh uam, gu cinnteach bha mi nis eadhon air do mharbhadh-sa, agus air a gleidheadh-sa beò.

34 Agus thubhairt Balaam ri aingeal an Tighearna, Pheacaich mi; oir cha robh fios agam gu'n do sheas thu 's an t-slighe a'm' aghaidh: a nis uime sin, ma's mi-thaitneach leat e, pillidh mi air m'ais a ris.

35 Agus thubhairt aingeal an Tighearna ri Balaam, Imich leis na daoimibh; ach a mhàin am focal a labhras mise riut, sin labhraidh tusa. Mar sin chaidh Balaam le ceannardaibh Bhalaic.

36 Agus an uair a chuala Balac gu'n d'thàinig Balaam, chaidh e mach 'n a choinneamh gu baile de Mhoab, a tha làimh ri comh-chrìch Arnoin, a tha 'sa a' chrìch a's fàidemach.

37 Agus thubhairt Balac ri Balaam, Nach do chuir mise gu cinnteach fios a d'ionnsuidh g'ad ghairm? C'ar son nach d'thàinig thu a m' ionnsuidh? Nach 'eil mise gu deimhin comasach air d'ardaichadh gu h-inbhe.

38 Agus thubhairt Balaam ri Balac, Feuch, tha mi air teachd a d'ionnsuidh: am bheil agam a nis cumhachd idir ni sam bith a ràdh? Am focal a chuireas Dia a'm' bheul sin labhraidh mi.

39 Agus chaidh Balaam maille ri Balac, agus thàinig iad gu Cariat-husot.

40 Agus dh'òbair Balac daimh agus caor-aich, agus chuir e fios a dh'ionnsuidh Bhalaam, agus a dh'ionnsuidh nan ceannard a bha maille ris.

41 Agus air an là màireach, ghabh Balac Balaam, agus thug e suas e gu àitibh àrda Blaail, a chum gu'm faiceadh e o sin a' chaid a b'iomallaiche de'n t-sluagh.

CAIB. XXIII.

1, 14, 28 *Iobairtean Bhalaic*. 7, 18 *Cosamhlachdan Bhalaam*.

AGUS thubhairt Balaam ri Balac, Tog dhomh an so seachd altairean, agus ulluich dhomh an so seachd tairbh òga, agus seachd reitheachan.

2 Agus rinn Balac mar a thubhairt Balaam: agus dh'òbair Balac agus Balaam air gach altair tarbh òg agus reithe.

3 Agus thubhairt Balaam ri Balac, Seas làimh ri d'òbair-loisgte, agus imichidh

mise; theagamh gu'n tìg an Tighearn a'm choinneamh: agus ge b'e ni a nochdas e dhomh, innsidh mi dhuit. Agus chaidh e gu h-ionad àrd.

4 Agus choinnich Dia Balaam, agus thubhairt *Balaam* ris, Dheasaich mi seachd altair, agus dh'ìobair mi air *gach* altair tarbh òg agus reithe.

5 Agus chuir an Tighearn focal ann am beul Bhalaam, agus thubhairt e, Pill a dh'ionnsuidh Bhalaic, agus mar so labhairaidh tu.

6 Agus phill e d'a ionnsuidh, agus, feuch, sheas e làimh r'a iobairt-loisgte, e fèin, agus ceannardan Mhoab uile.

7 Agus thog e suas a chosamhlachd, agus thubhairt e, Thug Balac rìgh Mhoab mise a h-Aram, o bheanntaibh na h-àird' an ear, *ag ràdh*, Thig, mallaich dhomhsa Iacob; agus thig, thoir dùbhlán do Israel.

8 Cionnus a mhallachas mi esan nach do mhallach Dia? agus cionnus a bheir mi dùbhlán *dha-san* do nach d'thug an Tighearn dùbhlán?

9 Oir o mhullach nan creag tha mi 'g a fhaicinn, agus o na sléibhtibh tha mi 'g amharc air: feuch, gabhaidh an sluagh comhnuidh air leth, agus cha mheasar iad am measg nan cinneach.

10 Cò dh'àirmheas duslach Iacoib, no àir-eamh na ceathramh *cuid* de Israel? Faigh-eam-sa bàs an ionracain, agus bitheadh mo chrìoch dheireannach cosmhuil r'a *chrìch-san*!

11 Agus thubhairt Balac ri Balaam, Ciod e so a rinn thu orm? a mhallachadh mo naimhdean thug mi thu, agus, feuch, da rìreadh bheannaich thu iad.

12 Agus fhreagair agus thubhairt e, An ni sin a chuir an Tighearn a'm' bheul, nach feum mis' an aire thoirt a labhairt?

13 Agus thubhairt Balac ris, Thig, guidheam ort, maille rium gu h-àit eile, o'm faic thu iad: cha-n fhaic thu ach a' chuid a's iomallaiche dhiubh, agus cha-n fhaic thu iad uile; agus mallaich dhomh as a sin iad.

14 Agus thug e gu fearann Shophim e, gu mullach Phisgah, agus thog e seachd altair-ean, agus dh'ìobair e tarbh òg agus reithe air *gach* altair.

15 Agus thubhairt e ri Balac, Seas an so làimh ri d'ìobairt-loisgte, gus an coinnich mis' an *Tighearn* an sud.

16 Agus choinnich an Tighearn Balaam, agus chuir e focal 'n a bheul, agus thubhairt e, Inich a ris a dh'ionnsuidh Bhalaic, agus abair mar so.

17 Agus an uair a thàinig e d'a ionnsuidh, feuch, sheas e làimh r'a iobairt-loisgte, agus ceannardan Mhoab maille ris. Agus thubhairt Balac ris, Ciod e a labhair an Tighearn?

18 Agus thog e suas a chosamhlachd, agus thubhairt e, Eirich suas, a Bhalaic,

agus cluinn; éisd riumsa, thus' a mhic Shipoir:

19 Cha duine Dia, gu'n deanadh e breug; no mac duine, gu'n gabhadh e aithreachas: an dubhairt e, agus nach dean e? agus an do labhair e, agus nach coimhlion se e?

20 Feuch, fhuair mi *àithne* beannachadh; agus bheannaich esan, agus cha-n urrainn mise 'atharrachadh.

21 Cha d'thug e faineir euceart ann am Iacob, agus cha-n fhac' e cealg ann an Israel: *tha 'n* Tighearn a Dhia leis, agus caithream rìgh 'n am measg.

22 Thug Dia mach iad as an Eiphit; tha aige amhuil neart an aon-adharcaich.

23 Gu cinnteach cha-n *eil* druidheachd an aghaidh Iacoib, ni mò *tha* fiosachd an aghaidh Israeil: a réir na h-aimsir so theirear mu Iacob, agus mu Israel, Ciod e a dh'oirbich Dia!

24 Feuch, éiridh an sluagh suas mar leòmhán mòr, agus mar leòmhán òg togaidh e suas e fèin: cha luidh e sìos gus an ith e a' chreach, agus gus an òl e fuil nam marbhadh.

25 Agus thubhairt Balac ri Balaam, Na dean aon chuid am mallachadh idir, no'm beannachadh idir.

26 Ach fhreagair Balaam agus thubhairt e ri Balac, Nach d'iunnis mi dhuit, ag ràdh, Gach ni a labhras an Tighearn, sin is éigin domhs' a dheanamh?

27 Agus thubhairt Balac ri Balaam, Thig, guidheam ort, bheir mi thu gu h-ionad eile; theagamh gur toil le Dia thu 'g am mallachadh dhomh as a sin.

28 Agus thug Balac Balaam gu mullach Pheoir, a tha 'g amharc ri Iesimon.

29 Agus thubhairt Balaam ri Balac, Tog dhomh an so seachd altair-ean, agus ulluich dhomh an so seachd tairbh òga, agus seachd reitheachan.

30 Agus rinn Balac mar a thubhairt Balaam, agus dh'ìobair e tarbh agus reithe air *gach* altair.

CAIB. XXIV.

1 *Fàisneachd Bhalaam a thaobh soirbheachaidh Israeil. 15 Mu reul Iacoib, &c. 20 Mu sgrios nan Amaleach.*

AGUS an uair a chunnaic Balaam gu'm bu toil leis an Tighearn Israel a bheannachadh, cha deachaidh e, mar air uairibh eile, a dh'ìarraidh manaidhean, ach chuir e 'aghaidh ris an fhàsach.

2 Agus thog Balaam suas a shùilean, agus chunnaic e Israel a' fantuinn 'n am *bùth-aibh* a réir an treubhan, agus thàinig spiorad Dhé air.

3 Agus thog e suas a chosamhlachd, agus thubhairt e, Thubhairt Balaam mac Bheoir, agus thubhairt an duine aig an robh a shùilean dùinte;

4 Thubhairt esan, a chuala briathran Dhé, a chunnaic taisbeanadh an Uile-chumhach-

daich, a' tuiteam agus a shùilean air am fosgladh:

5 Cìà àluinn do bhùthan, O Iacob! do phàilliuuan, O Israeil!

6 Mar ua ghluin tha iad sìute mach, mar liosan ri taobh aihne, mar chraobhan fiodh-alois a shuidhich an Tighearn, mar chraobhan seudair làimh ris na h-uisgeach-aihbh.

7 Sruthaidh an t-uisge mach as a shoith-ichibh, agus *bithidh* a shliochd ann am mòran uisgeachan, agus bithidh a rìgh nì's àirde na Agag, agus àrdaichear a rìoghachd.

8 Thug Dia mach as an Eiphit e; tha aige amhuil ueart an aou-adharcaich: ithidh e suas na cinnich a naimhdean, agus brisidh e 'n cnàmhan, agus le 'shaighdibh troimh-lotaidh e iad.

9 Chrùb e, luidh e sìos mar leòmhán, agus mar leòmhán mòr: cò 'dhùisgeas suas e? *Is* beannaichte gach ueach a bheannaicheas thusa, agus *is* mallaichte gach ueach a mhallaicheas thu.

10 Agus las corruich Balaic an aghaidh Balaaim, agus bhuail e 'bhasau air a chéile: agus thubhairt Balac ri Balaam, A mhall-achadh mo uaimhdean ghairm mi thu, agus, feuch, da rìreadh bheannaich thu *iad* ua tri uaireau so.

11 Uinne sin teich a uis do d' àite féin: shaoil mi d'àrdachadh gu h-iubhe mhòir, ach, feuch, chum an Tighearn air d'ais thu o iubhe.

12 Agus thubhairt Balaam ri Balac, Nach do labhair mi eadhon ri d' theachdairibh, a chuir thu a m' ionnsuidh, ag ràdh,

13 Ged a bheireadh Balac dhomhsa làn a thighe dh'airgid agus a dh'òr, cha b'urrainn mi dol thar àithne an Tighearn, a dhean-aimh maith uo uile o m'inntinn féin; *ach* ge b'e nì a their an Tighearn, sin labhairidh mise?

14 Agus a uis, feuch, tha mi 'dol a dh'ionnsuidh uo dhaoine féin: thig *uime sin*, bheir mi rabhadh dhuit, ciod a ui 'n sluagh so air do shluaghsa anns ua làithibh deir-eanuach.

15 Agus thog e suas a chosamhlachd, agus thubhairt e, Thubhairt Balaam mac Bheoir, agus thubhairt an duine aig an robh a shùil-ean dùite;

16 Thubhairt esan a chuala briathran Dhé, agus d'an aithne eòlas an Tì's ro-àirde, a chunnaic taisbeanadh an Uile-chumhach-daich, a' tuiteam agus a shùilean air am fosgladh:

17 Chi mi e, ach nì h-ann a uis; amhaireidh mi air, ach nì h-ann am fagus: thig reul a mach á Iacob, agus éiridh slat rìoghail, á h-Israel, agus buailidh i oisiumean Mhoib, agus cuiridh i as do chloinn Shet uile.

18 Agus bithidh Edom 'n a sheilbh, bithidh Seir mar an ceudna 'n a sheilbh aig a naimhaidibh, agus nì Israel gaisge,

19 A mach á Iacob thig esan a bhitheas 'n a uachdaran, agus sgriosaidh e 'n ti a mhair-eas de'n bhaile mhòr.

20 Agus an uair a dh'amhaire e air Amalec, thog e suas a chosamhlachd, agus thubhairt e, Tùs nan cinneach Amalec, ach *is* e 'dheireadh *bhi* air a sgrios gu sìorruidh.

21 Agus dh'amhaire e air na Cenich; agus thog e suas a chosamhlachd, agus thubhairt e, Is làidir d'àite-còmhnuidh, agus tha thu 'cur do nìd ann an carraig:

22 Gidheadh, fàsaichear na Cenich, gus an toir Asur leis thu ann am braighdeanas.

23 Agus thog e suas a chosamhlachd, agus thubhairt e, Mo thruaigh! cò 'bhitheas beò 'n uair a nì Dia so?

24 Agus *thig* longan o iomall Chitim, agus nì iad olc air Asur, agus nì iad olc air Eber, agus sgriosar esan mar an ceudna gu bràth.

25 Agus dh'éirich Balaam suas, agus dh'fhalbh e, agus phill e d'a àite féin: agus dh'fhalbh Balac mar an ceudna air a shlighe féin.

CAIB. XXV.

1 *Strìopachas agus òdhol-àoradh chloinn Israeil.*
6 *Sinri agus Cosbi air an marbhadh.*

A GUS dh'fhau Israel ann a Sitim, agus thòisich an sluagh air strìopachas a dheauamh le nigheanaibh Mhoib.

2 Agus ghairm iad an sluagh gu ìobairtibh an diathan; agus dh'ith an sluagh, agus chrom iad sìos d'an diathaibh.

3 Agus cheangail Israel e féin ri Baal-peor: agus las corruich an Tighearn an aghaidh Israeil.

4 Agus thubhairt an Tighearn ri Maois, Glac cinn-fheadhna an t-shaigh uile, agus croch suas iad an làthair an Tighearn fa chomhair na gréine, chum gu'm pill corruich gharg au Tighearn 'o Israel.

5 Agus thubhairt Maois ri breitheamh-naibh Israeil, Marbhaibh gach aon agaibh a dhaoine, a cheangail iad féin ri Baal-peor.

6 Agus, feuch, thàinig fear de chloinn Israeil, agus thug e chum a bhràithrean Ban-mhidianach, ann an sealladh Mhoais, agus ann an sealladh comhchruimeachaidh chloinn Israeil uile, agus iad a' gul aig dorus pàilliuin a' choimhluinail.

7 Agus an uair a chunnaic Phinehas mac Eleasair, mhic Aaron an t-sagairt e, dh'éirich e suas o uheasg a' chomhchruinneachaidh, agus ghabh e sleagh 'n a làmh;

8 Agus chaidh e 'n déigh an duine de Israel a steach do'n bhùth, agus throimh-lot e iad le 'chéile, an duine de Israel, agus a' bhean troimh a broinn: mar sin choisgeadh a' phlàigh o chloinn Israeil.

9 Agus bhàsaich 's a' phlàigh ceithir mìle thar fhichead.

10 Agus labhair an Tighearn ri Maois, ag ràdh,

11 Phill Phinehas mac Eleasair, mhic

Aaroin an t-sagairt, mo chorruich air falbh o chloinn Israeil, an uair a bha e èudmhor as mo leth 'n am measg, air chor as nach do chuir mi as do chloinn Israeil a'm' èud.

12 Air an aobhar sin abair, Feuch, bheir mise dha mo choimhcheangal sìthe:

13 Agus bithidh e aige, agus aig a shliochd 'n a dhèigh, eadhon coimhcheangal sagart-achd shiorruidh; a chloinn gu'n robh e èudmhor as leth a Dhé, agus gu'n d'rinn e réite air son chloinn Israeil.

14 A nis 'b'e ainm an Israelich a mharbhadh, eadhon a mharbhadh maille ris a' Bhan-mhidianaich, Simri mac Shalu, ceannard prìomh thighe am measg nan Simeonach.

15 Agus 'b'e ainm na Ban-mhidianaich a mharbhadh, Cosbi nighean Shur; bu cheann cinnidh e, agus do phrìomh thigh ann am Midian.

16 Agus labhair an Tighearn ri Maois, ag ràdh,

17 Buin gu naimhdeil ris na Midianaich, agus buailibh iad:

18 Oir tha iadsan a' buntuinn gu naimhdeil ribhse le'n as-innleachdaibh, leis an do mheall iad sibh ann an aobhar Pheoir, agus ann an aobhar Chosbi, nighinn ceannaird do Mhidian, am peathar, a mharbhadh ann an là na plàighe ann an aobhar Pheoir.

CAIB. XXVI.

1 Clann Israeil air an àireamh an dara uair. 52 Am fearann gu bhì air a roinn doibh le crannchur. 64 Caleb agus Iosua mhàin beò de na chaidh àireamh air tùs.

AGUS tharladh an dèigh na plàighe, gu'n do labhair an Tighearn ri Maois, agus ri Eleasar mac Aaroin an t-sagairt, ag ràdh,

2 Gabhaibh àireamh comhchruimeachaidh chloinn Israeil uile, o fhichead bliadhna dh'aois agus os a cheann, trid thighe an aithrichean, iadsan uile a's urrainn dol a mach gu cogadh ann an Israel.

3 Agus labhair Maois agus Eleasar an sagart riù ann an còmhordaibh Mhoaih, ànna ri Iordan am fagus do Iericho, ag ràdh,

4 Gabhaibh àireamh an t-sluaigh, o fhichead bliadhna dh'aois agus os a cheann; mar a dh'athn an Tighearn do Mhaois agus do chloinn Israeil, a chaidh a mach à tìr na h-Eiplit.

5 Reuben, am mac 'bu shine aig Israel: clann Reubein; Hanoeh, o'm bheil teaghlach nan Hanoehach: o Phalu, teaghlach nam Paluthach:

6 O Hesron, teaghlach nan Hesronach: o Charmi, teaghlach nan Carmach.

7 Is iad sin teaghlaichean nan Reubeneach: agus b'iadsan a chaidh àireamh dhiubh, dà fhichead agus trì mìle agus seachd ceud agus deich 'ar fhichead.

8 Agus mic Phalu; Eliab.

9 Agus mic Eliab; Nemuel, agus Datan, agus Abiram. Is iad so an Datan agus an t-Abiram a bha ainmeil 's a' chomhchruinn-eachadh, a rinn strì an aghaidh Mhaois agus an aghaidh Aaroin ann an cuideachd Chorah, 'n uair a rinn iad strì an aghaidh an Tighearna;

10 Agus dh'fhosgail an talamh a bheul, agus shluig e suas iad maille ri Corah, 'n uair a bhàsaich a' chuideachd sin, an uair a loisg an teine suas dà cheud agus leth-cheud fear: agus rinneadh iad 'n an comharadh.

11 Gidheadb, cha do bhàsaich clann Chorah.

12 Mic Shimeoin, a réir an teaghlaichean: o Nemuel, teaghlach nan Nemueleach: o Iamin, teaghlach nan Iamineach: o Iachin, teaghlach nan Iachineach:

13 O Sherah, teaghlach nan Sarhach: o Shaul, teaghlach nan Saulach.

14 Is iad sin teaghlaichean nan Simeonach, fichead agus dà mhìle agus dà cheud.

15 Clann Ghad, a réir an teaghlaichean: o Shephon, teaghlach nan Sephonach: o Hagì, teaghlach nan Hagitheach: o Shuni, teaghlach nan Sunitheach:

16 O Osmi, teaghlach nan Osnitheach: o Eri, teaghlach nan Eritheach:

17 O Arod, teaghlach nan Arodach: o Areli, teaghlach nan Arclitheach.

18 Is iad sin teaghlaichean chloinn Ghad, a réir na chaidh àireamh dhiubh, dà fhichead mìle agus cùig ceud.

19 B'iad mic Iudah, Er agus Onan: agus fhuair Er agus Onan bàsannan tìr Chanaain.

20 Agus b'iad mic Iudah, a réir an teaghlaichean: o Shelah, teaghlach nan Selanach: o Pharets, teaghlach nam Pharetsach: o Sherah, teaghlach nan Sarhach:

21 Agus b'iad mic Pharets: o Hesron, teaghlach nan Hesronach: o Hamul, teaghlach nan Hamulach.

22 Is iad sin teaghlaichean Iudah, a réir na chaidh àireamh dhiubh, trì fhichead agus sè mìle deug, agus cùig ceud.

23 De mhic Isachair, a réir an teaghlaichean: o Tholah, teaghlach nan Tolahach: o Phua, teaghlach nam Punach:

24 O Iasub, teaghlach nan Iasubach: o Shimron, teaghlach nan Simronach.

25 Is iad sin teaghlaichean Isachair, a réir na chaidh àireamh dhiubh, trì fhichead agus ceithir mìle agus trì cheud.

26 Do mhic Shebuluin, a réir an teaghlaichean: o Shered, teaghlach nan Sardach: o Elon, teaghlach nan Elonach: o Iahleel, teaghlach nan Iahlecleach.

27 Is iad sin teaghlaichean nan Sebulunach, a réir na chaidh àireamh dhiubh, trì fhichead mìle agus cùig ceud.

28 B'iad mic Ioseph, a réir an teaghlaichean, Manaseh agus Ephraim.

29 De mhic Mhanaseh: o Mhachir, teaghlach nam Machireach; agus ghlin Machir Gilead: o Ghilead *thàinig* teaghlach nan Gileadach.

30 *Is* iad so mic Ghilead: o Ieser, teaghlach nan Iesereach: o Helec, teaghlach nan Heleceach:

31 Agus o Asriel, teaghlach nan Asrieleach: agus o Shechem, teaghlach nan Sechem-each:

32 Agus o Shemida, teaghlach nan Semideach: agus o Hephher, teaghlach nan Hephher-each.

33 Agus cha robh aig Selophehad mac Shepheir mic sam bith, ach nigheanan: agus *b'iad* ainmean nigheanan Shelophehaid, Mahlah, agus Noah, Hoglah, Milcah, agus Tirsah.

34 *Is* iad sin teaghlaichean Mhanaseh, agus iadsan a chaidh àireamh dhiubh, leth-cheud agus dà mhìle, agus seachd ceud.

35 *Is* iad so mic Ephraim, a réir an teaghlaichean: o Shutelah, teaghlach nan Sutleach: o Bhecher, teaghlach nan Bechereach: o Thahan, teaghlach nan Tahanach.

36 Agus *is* iad so mic Shutelah: o Eran, teaghlach nan Eranach.

37 *Is* iad sin teaghlaichean mhac Ephraim, a réir na chaidh àireamh dhiubh, dà mhìle dheug 'ar fhichead agus cùig ceud. *Is* iad sin mic Ioseph a réir an teaghlaichean.

38 Mic Bheniamin, a réir an teaghlaichean: o Bhelah, teaghlach nam Belahach: o Asbel, teaghlach nan Asbeleach: o Ahiram, teaghlach nan Ahiramach:

39 O Shupham, teaghlach nan Suphamach: o Hupham, teaghlach nan Huphamach.

40 Agus *b'iad* mic Bhelah Ard agus Naaman: o *Ard*, teaghlach nan Ardach: agus o Naaman, teaghlach nan Naamanach.

41 *Is* iad sin mic Bheniamin, a réir an teaghlaichean: agus *b'iansan* a chaidh àireamh dhiubh, dà fhichead agus cùig mìle agus sè ceud.

42 *Is* iad so mic Dhan, a réir an teaghlaichean: o Shuham, teaghlach nan Suhamach. *Is* iad so teaghlaichean Dhan, a réir an teaghlaichean.

43 *B'iad* teaghlaichean nan Suhamach uile, a réir na chaidh àireamh dhiubh, trì fichead agus ceithir mìle agus ceithir cheud.

44 De chloinn Aseir, a réir an teaghlaichean: o Iimna, teaghlach nan Iinnathach: o Iesui, teaghlach nan Iesuiteach: o Bheriah, teaghlach nam Beritheach.

45 De mhic Bheriah: o Heber, teaghlach nan Hebereach: o Mhalchiel, teaghlach nam Malchieleach.

46 Agus *b'e* ainm nighinn Aseir, Sarah.

47 *Is* iad sin teaghlaichean mhac Aseir, a réir na chaidh àireamh dhiubh, leth-cheud agus trì mìle agus ceithir cheud

48 De mhic Naphtali, a réir an teaghlaichean: o Iahseel, teaghlach nan Iahseleach: o Ghuni, teaghlach nan Gunitheach:

49 O Ieser, teaghlach nan Iesereach: o Shillem, teaghlach nan Sillemcach.

50 *Is* iad sin teaghlaichean Naphtali, a réir an teaghlaichean: agus *b'iansan* a chaidh àireamh dhiubh, dà fhichead agus cùig mìle, agus ceithir cheud.

51 *B'iad* sin iadsan a chaidh àireamh de chloinn Israeil, sè ceud mìle agus aon mhìle, seachd ceud agus deich 'ar fhichead.

52 Agus labhair an Tighearn ri Maois, ag ràdh,

53 Dhoibh sin roinnear am fearann mar oighreachd, a réir àireimh nan ainm.

54 Do mhòran bheir thu nìs mò d'òighreachd, agus do bheagan bheir thu nìs lugha d'òighreachd: bheirar oighreachd fèin do gach aon, a réir an àireimh.

55 Gidheadh, roinnearam fearann le crann-chur: a réir ainmean threubhan an aithrich-each gheibh iad an oighreachd.

56 A réir 'ar chrannchuir roinnear a shealbhadar mhòran agus bheagan.

57 Agus *is* iad so iadsan a chaidh àireamh de na Lebhitheach, a réir an teaghlaichean: o Gherson, teaghlach nan Gersonach: o Chohat, teaghlach nan Cohatach: o Mherari, teaghlach nam Meraritheach.

58 *Is* iad so teaghlaichean nan Lebhitheach: teaghlach nan Libnitheach, teaghlach nan Hebronach, teaghlach nan Mahlahach, teaghlach nam Muisitheach, teaghlach nam Corahach: agus ghlin Cohat Amram.

59 Agus *b'e* ainm mnà Amrain Iochebed, nighean Lebhi, a rug a *màthair* do Lebhi 's an Eipht: agus rug i do Amram, Aaron, agus Maois, agus Miriam am piuthar.

60 Agus do Aaron rugadh Nadab agus Abihu, Eleasar agus Itamar.

61 Agus fhuair Nadab agus Abihu bàs, an uair a thug iad suas teime coimheach an làthair an Tighearna.

62 Agus *b'iansan* a chaidh àireamh dhiubh, fichead agus trì mìle, fionnaich uile o mhìos a dh'aois agus os a cheann; oir cha deachaidh an àireamh ann measg chloinn Israeil, a chionn nach d'fhugadh oighreachd dhoibh ann measg chloinn Israeil.

63 *Is* iad sin iadsan a chaidh àireamh le Maois agus Eleasar an sagart, a rinn clann Israeil àireamh ann am còmhnaidh Mhoab, làimh ri Iordan *am fagus* do Iericho.

64 Ach 'n am measg sin cha robh aon duine dhiubhsan a rinn Maois agus Aaron an sagart àireamh, an uair a rinn iad àireamh air clann Israeil ann am fasach Shinai:

65 Oir thubhairt an Tighearn upasan, Gheibh iad gu deimhin bàs anns an fhàsach. Agus cha d'fhàgadh duine dhiubh, saor o Chaleb mac Iephunch, agus Iosua mac Nuin.

CAIB. XXVII.

1 An lagh a thaobh oighreachdan chloinn Israeil.
 12 Fhuair Maois fios a bhàis, 15 agus ghuidh e air an Tighearn gu'n cuireadh e duine iomchuidh os ceann a' chomhchruinneachaidh 'n a àite: 18 dh'orduich esan dha Iosua mac Nuin a ghabhail, agus a chur air leth chum na crìche sin.

AN sin thàinig nigheanan Shelopheaid, mhic Hephair, mhic Ghilead, mhic Mhachir, mhic Mhanaseh, de theaghlachibh Mhanaseh mhic Ioseph; agus is iad so ainmcan a nigheanan, Mahlah, Noah, agus Hoglah, agus Milcah, agus Tirsah.

2 Agus sheas iad an làthair Mhaois, agus an làthair Eleasair an t-sagairt, agus an làthair nan ceannard, agus a' chomhchruinneachaidh uile, Ràimh ri dorus pàilluin a' choinhlthionail, ag ràdh,

3 Dh'eug ar n-athair anns an fhàsach, agus cha robh e ann an cuideachd na muinntir a chruinnich iad fèin r'a chèile an aghaidh an Tighearna ann an cuideachd Chorah, ach dh'eug e 'n a pheacadh fèin; agus cha robh mic sam bith aige.

4 Car son a chaillear ainm ar n-athar o mheasg a theaghlach, a chionn nach 'eil mac aige? Thugaibh dhuinn *uime sin* seallbh an measg bhràithrean ar n-athar.

5 Agus thug Maois an cùis an làthair an Tighearna.

6 Agus labhair an Tighearn ri Maois, ag ràdh,

7 Labhair nigheanan Shelopheaid gu ceart: bheir thu dhoibh gu cinnteach seallbh oighreachd an measg bhràithrean an athar; agus bheir thu fàinear gu'n tig oighreachd an athar d'an ionnsuidh.

8 Agus labbraidh tu ri cloinn Israeil, ag ràdh, Ma gheibh duine bàs, agus gun mhac aige, an sin bheir sibh fàinear gu'n tig 'oighreachd-san chum a nighinn.

9 Agus mur bi nighean aige, an sin bheir sibh 'oighreachd d'a bhràithribh.

10 Agus mur bi bràithrean aige, an sin bheir sibh 'oighreachd do bhràithribh athar.

11 Agus mur bi bràithrean aig athair, an sin bheir sibh 'oighreachd d'a fhear-dàimh a's faigse dha d'a theaghlach, agus seallbhaichidh e i: agus bithidh e do chloinn Israeil 'n a reachd breitheanaïs, mar a dh'àithn an Tighearn do Mhaois.

12 Agus thubhairt an Tighearn ri Maois, Imich suas do'n t-slabh so Abarim, agus gabh sealladh d'e'n fhearann a thug mise do chloinn Israeil.

13 Agus an uair a chi thu e, cruinnichear thusa mar an ceudna chum do dhaoine, mar a chruinnicheadh Aaron do bhràthair,

14 A chionn gu'n d'rinn sibh ceannaire an aghaidh m'aithe-sa ann am fàsach Shin, ann an comhstri a' chomhchruinneachaidh, agus nach do naomhaich sibh mi aig an uisge

ann an sealladh an sùl: is e sin uisge Mheribah ann an Cades, ann am fàsach Shin.

15 Agus labhair Maois ris an Tighearn, ag ràdh,

16 Cuireadh an Tighearn, Dia spiorad na h-uile fheadh, duine os ceann a' chomhchruinneachaidh,

17 A thèid a mach rompa, agus a thig a steach rompa, agus a threòraicheas a muigh iad, agus a bheir a stigh iad; a chum nach bi comhchruinneachadh an Tighearna mar chaoraich aig nach 'eil buachaille.

18 Agus thubhairt an Tighearn ri Maois, Gabh a d'ionnsuidh Iosua mac Nuin, duine anns am bheil an spiorad, agus cuir do lámh air.

19 Agus cuir e an làthair Eleasair an t-sagairt, agus an làthair a' chomhchruinneachaidh uile; agus thoir àithne dha 'n ann fannais.

20 Agus cuiridh tu *cuid* de d'urram air, a chum gu'm bi comhchruinneachadh chloinn Israeil uile ùmhal dha.

21 Agus seasaidh e 'n làthair Eleasair an t-sagairt, a dh'iarras *comhairl'* air a shon, a réir breitheanaïs na h-Ùrìm an làthair an Tighearna: air 'fhocal-san thèid iad a mach, agus air 'fhocal thig iad a steach, e fèin agus clann Israeil uile maille ris, eadhon an comhchruinneachadh uile.

22 Agus rinn Maois mar a dh'àithn an Tighearn dha; agus ghabh e Iosua, agus chuir e 'n làthair Eleasair an t-sagairt e, agus an làthair a' chomhchruinneachaidh uile.

23 Agus chuir e a làmhnan air, agus thug e àithne dha, mar a labhair an Tighearn le Ràimh Mhaois.

CAIB. XXVIII.

Mu thabhartas an agus ìobairtean òraidh, gu dhi air an toirt seachad 'n an àm suidhichte.

AGUS labhair an Tighearn ri Maois, ag ràdh,

2 Aithn do chloinn Israeil, agus abair riu, Mo thabhartas, agus m'aran air son m'ìobairtean a bhcihear suas le teine *chum* faile chùbhraidh dhomh, bheir sibh an aire gu'n toir sibh seachad dhomhsa 'n an àm iomchuidh fèin.

3 Agus thoir thu riu, *Is* e so an tabhartas a bheirar suas le teine, a bheir sibh seachad do'n Tighearn; dà uan de'n cheud bhliadhna gun ghaoid gach là, *chum* ìobairt-loisgte gnàthaichte.

4 Aon uan bheir thu seachad 's a' mhad-uinn, agus an t-uan eile bheir thu seachad air feasgar;

5 Agus an deicheadh *earrann* de ephah phlùir mar thabhartas-bidh, measgta leis a' cheathramh *earrann* de hin a dh'olaidh bhrùite.

6 *Is* ìobairt-loisgte ghnàthaichte a th'ann, a dh'orduicheadh ann an sliabh Shinai chum

faile chùbhraidh, iobairt a bheirear suas le teine do'n Tighearn.

7 Agus is i a tabhartas-dibhe an ceathramh earrann de hin air son aon uain: anns an ionad naomh bheir thu fainear fion làidir a dhòrtadh do'n Tighearn mar thabhartas-dibhe.

8 Agus an t-uain eile bheir thu seachad air feasgar: mar thabhartas-bidh na maidne, agus mar a tabhartas-dibhe, bheir thu seachad e, iobairt a bheir car suas le teine, a dh'fhaile cùbhraidh do'n Tighearn.

9 Agus air là na sàbaid, dà uan de'n cheud bhliadhna gun ghaoid, agus dà dheicheamh earrann phlùir measgta le h-olaidh mar thabhartas-bidh, agus a tabhartas-dibhe.

10 Is e so iobairt-loisgte gach sàbaid, a thuilleadh air an iobairt-loisgte ghnàthaichte, agus a tabhartas-dibhe.

11 Agus ann 'an toiseach bhur mìos bheir sibh seachad *chum* iobairt-loisgte do'n Tighearn, dà tharbh òg, agus aon reithe, seachd uain de'n cheud bhliadhna gun ghaoid,

12 Agus tri deicheamh earrannan phlùir measgta le h-olaidh mar thabhartas-bidh air son gach tairbh, agus dà dheicheamh earrann phlùir measgta le h-olaidh mar thabhartas-bidh air son gach reithe;

13 Agus aon deicheamh earrann phlùir air leth measgta le h-olaidh mar thabhartas-bidh air son gach uain, *chum* iobairt-loisgte deadh fhàile, iobairt a bheirear suas le teine do'n Tighearn.

14 Agus mar an tabhartas-dibhe bithidh leth hin de fhion air son tairbh, agus an treas earrann de hin air son reithe, agus an ceathramh earrann de hin air son uain: is i so iobairt-loisgte gach mìos a air feadh mhìosan na bliadhna.

15 Agus iobair aon mheann de na gabhraibh mar iobairt-pheacaidh do'n Tighearn, a thuilleadh air an iobairt-loisgte ghnàthaichte, agus a tabhartas-dibhe.

16 Agus air a' cheathramh là deug de'n cheud mhìos *tha* càisg an Tighearna.

17 Agus air a' chùigeamh là deug de'n mhìos so *tha* 'n fhéill: seachd làithean ithear aran neo-ghoirtichte.

18 Air a' cheud là bithidh comhghairm naomh; obair thràilleil sam bith cha dean sibh air:

19 Ach bheir sibh seachad a *chum* iobairt a bheirear suas le teine, mar iobairt-loisgte do'n Tighearn, dà tharbh òg, agus aon reithe, agus seachd uain de'n cheud bhliadhna: gun ghaoid bithidh iad duibh.

20 Agus bithidh an tabhartas-bidh de phlùir measgta le h-olaidh: tri deicheamh earrannan bheir sibh seachad air son tairbh, agus dà dheicheamh earrann air son reithe.

21 Deicheamh earrann air leth bheir thu

seachad air son gach uain, air feadh nan seachd uan:

22 Agus aon bhoc-gaibhre *chum* iobairt-pheacaidh, a dheanamh réite air bhur son.

23 Iobraidh sibh iad sin a thuilleadh air an iobairt-loisgte 's a' mhaduinn, a *tha* mar iobairt-loisgte ghnàthaichte.

24 Mar so bheir sibh seachad gach là air feadh nan seachd làithean, biadh na h-iobairt a bheirear suas le teine, *chum* faile chùbhraidh do'n Tighearn: bheirear seachad e thuilleadh air an iobairt-loisgte ghnàthaichte, agus a tabhartas-dibhe.

25 Agus air an t-seachdamh là bithidh comhghairm naomh agaibh; obair thràilleil sam bith cha dean sibh air.

26 Mar an ceudna air là na ceud thoradh, 'n uair a bheir sibh seachad tabhartas-bidh nuadh do'n Tighearn, aig ceann bhur seachduinean, bithidh comhghairm naomh agaibh; obair thràilleil sam bith cha dean sibh:

27 Ach bheir sibh seachad mar iobairt-loisgte, *chum* faile chùbhraidh do'n Tighearn, dà tharbh òg, aon reithe, seachd uain de'n cheud bhliadhna;

28 Agus an tabhartas-bidh de phlùir measgta le h-olaidh, tri deicheamh earrannan air son gach tairbh, dà dheicheamh earrann air son gach reithe,

29 Deicheamh earrann air leth air son gach uain, air feadh nan seachd uan;

30 Agus aon mheann de na gabhraibh, a dheanamh réite air bhur son.

31 Iobraidh sibh iad a thuilleadh air an iobairt-loisgte ghnàthaichte, agus a tabhartas-bidh, (gun ghaoid bithidh iad duibh,) agus an tabhartas-dibhe.

CAIB. XXIX.

1 An iobairt-loisgte gubh air a toirt seachad air latha séididh nan trompaid, 7 air latha cràdhaidh an anamanna, 12 agus air ochd làitheibh féille nam pàillùn.

A GUS anns an t-seachdamh mìos, air a' cheud là de'n mhìos, bithidh comhghairm naomh agaibh; obair thràilleil sam bith cha dean sibh: is là séididh nan trompaid dhuibh e.

2 Agus bheir sibh seachad mar iobairt-loisgte, *chum* faile cùbhraidh do'n Tighearn, aon tarbh òg, aon reithe, agus seachd uain de'n cheud bhliadhna gun ghaoid:

3 Agus bithidh an tabhartas-bidh de phlùir measgta le h-olaidh, tri deicheamh earrannan air son tairbh, agus dà dheicheamh earrann air son reithe,

4 Agus aon deicheamh earrann air son gach uain, air feadh nan seachd uan;

5 Agus aon mheann de na gabhraibh *chum* iobairt-pheacaidh, a dheanamh réite air bhur son:

6 A thuilleadh air iobairt-loisgte a' mhìosa, agus a tabhartas-bidh, agus an iobairt-loisgte ghnàthaichte, agus a tabhartas-bidh, agus an tabhartas-dibhe, a réir an gnàtha,

chum fàile cùbhraidh, iobairt a bheirear suas le teine do'n Tighearn.

7 Agus bithidh agaibh air an deicheamh là de'n t-seachdamh mìos so comhghairm naomh: agus cràdhaidh sibh bhurn-anaman: obair sam bith cha dean sibh air.

8 Aeh bheir sibh seachad *chum* iobairt-loisgte do'n Tighearn a dh'fhàile cùbhraidh, aon tarbh òg, aon reithe, agus seachd uain de'n cheud bhliadhna; gun ghaoid bithidh iad duibh.

9 Agus *bithidh* an tabhartas-bidh de phlùr measgta le h-olaidh, tri deicheamh earrannan air son gach tairbh, agus dà dheicheamh earrann air son gach reithe,

10 Deicheamh earrann air leth air son gach uain, air fadhl nan seachd uain;

11 Aon mheann de na gabhraidh *chum* iobairt-pheacaidh, a thuilleadh air iobairt-pheacaidh na réite, agus an iobairt-loisgte ghnàthaichte, agus a tabhartas-bidh, agus an tabhartasan-dibhe.

12 Agus air a' chùigeamh là deug de'n t-seachdamh mìos, bithidh comhghairm naomh agaibh; obair thràilleil sam bith cha dean sibh; agus gleidhidh sibh fèill do'n Tighearn seachd làithean.

13 Agus bheir sibh seachad *chum* iobairt-loisgte, iobairt a bheirear suas le teine, a dh'fhàile cùbhraidh do'n Tighearn, tri tairbh dheug òga, dà reithe, agus ceithir uain deug de'n cheud bhliadhna; gun ghaoid bithidh iad.

14 Agus *bithidh* an tabhartas-bidh de phlùr measgta le h-olaidh, tri deicheamh earrannan air son gach tairbh de na tri tairbh dheug, dà dheicheamh earrann air son gach reithe de'n dà reithe,

15 Agus deicheamh earrann air leth air son gach uain de na ceithir uain deug;

16 Agus aon mheann de na gabhraidh *chum* iobairt-pheacaidh, a thuilleadh air an iobairt-loisgte ghnàthaichte, a tabhartas-bidh, agus a tabhartasan-dibhe.

17 Agus air an dara là *bheir sibh seachad* dà tharbh dheug òg, dà reithe, ceithir uain deug de'n cheud bhliadhna gun ghaoid:

18 Agus *bithidh* an tabhartas-bidh, agus an tabhartasan-dibhe air son nan tarbh, air son nan reitheachan, agus air son nan uain, a réir an àireimh, a réir a' ghnàtha;

19 Agus aon mheann de na gabhraidh *chum* iobairt-pheacaidh, a thuilleadh air an iobairt-loisgte ghnàthaichte, agus a tabhartas-bidh, agus an tabhartasan-dibhe.

20 Agus air an treas là aon tarbh deug, dà reithe, ceithir uain deug de'n cheud bhliadhna gun ghaoid:

21 Agus *bithidh* an tabhartas-bidh, agus an tabhartasan-dibhe, air son nan tarbh, air son nan reitheachan, agus air son nan uain, a réir an àireimh, a réir a' ghnàtha;

22 Agus aon bhoc-gaibhre *chum* iobairt-pheacaidh, a thuilleadh air an iobairt-loisgte

ghnàthaichte, agus a tabhartas-bidh, agus a tabhartasan-dibhe.

23 Agus air a' cheathramh là deich tairbh, dà reithe, agus ceithir uain deug de'n cheud bhliadhna gun ghaoid:

24 *Bithidh* an tabhartas-bidh, agus an tabhartasan-dibhe, air son nan tarbh, air son nan reitheachan, agus air son nan uain, a réir an àireimh, a réir a' ghnàtha;

25 Agus aon mheann de na gabhraidh *chum* iobairt-pheacaidh, a thuilleadh air an iobairt-loisgte ghnàthaichte, a tabhartas-bidh, agus a tabhartasan-dibhe.

26 Agus air a' chùigeamh là naoi tairbh, dà reithe, agus ceithir uain deug de'n cheud bhliadhna gun ghaoid:

27 Agus *bithidh* an tabhartas-bidh, agus an tabhartasan-dibhe, air son nan tarbh, air son nan reitheachan, agus air son nan uain, a réir an àireimh, a réir a' ghnàtha.

28 Agus aon bhoc-gaibhre *chum* iobairt-pheacaidh, a thuilleadh air an iobairt-loisgte ghnàthaichte, agus a tabhartas-bidh, agus a tabhartasan-dibhe.

29 Agus air an t-seathamh là ochd tairbh, dà reithe, agus ceithir uain deug de'n cheud bhliadhna gun ghaoid:

30 Agus *bithidh* an tabhartas-bidh, agus an tabhartasan-dibhe, air son nan tarbh, air son nan reitheachan, agus air son nan uain, a réir an àireimh, a réir a' ghnàtha;

31 Agus aon bhoc-gaibhre *chum* iobairt-pheacaidh, a thuilleadh air an iobairt-loisgte ghnàthaichte, a tabhartas-bidh, agus a tabhartasan-dibhe.

32 Agus air an t-seachdamh là seachd tairbh, dà reithe, agus ceithir uain deug de'n cheud bhliadhna gun ghaoid:

33 Agus *bithidh* an tabhartas-bidh, agus an tabhartasan-dibhe, air son nan tarbh, air son nan reitheachan, agus air son nan uain, a réir an àireimh, a réir a' ghnàtha;

34 Agus aon bhoc-gaibhre *chum* iobairt-pheacaidh, a thuilleadh air an iobairt-loisgte ghnàthaichte, a tabhartas-bidh, agus a tabhartasan-dibhe.

35 Agus air an ochdamh là bithidh àrd choimhthional agaibh: obair thràilleil sam bith cha dean sibh air:

36 Ach bheir sibh seachad *chum* iobairt-loisgte, iobairt a bheirear suas le teine, a dh'fhàile cùbhraidh do'n Tighearn, aon tarbh, aon reithe, seachd uain de'n cheud bhliadhna gun ghaoid:

37 *Bithidh* an tabhartas-bidh, agus an tabhartasan-dibhe, air son an tairbh, air son an reithe, agus air son nan uain, a réir an àireimh, a réir a' ghnàtha;

38 Agus aon bhoc-gaibhre *chum* iobairt-pheacaidh, a thuilleadh air an iobairt-loisgte ghnàthaichte, agus a tabhartas-bidh, agus a tabhartasan-dibhe.

39 Na nithean sin ni sibh do'n Tighearn 'n ur fèillbh suidhichte, thuilleadh air bhur

bòidibh, agus bhuir tabhartasan saor-thoile, air son bhuir n-ìobairtean-loisgte, agus air son bhuir tabhartasan-bidh, agus air son bhuir tabhartasan-dibhe, agus air son bhuir tabhartasan-sith.

40 Agus dh'innis Maois do chloinn Israeil a réir gach nì a dh'àithn an Tighearn do Mhaois.

CAIB. XXX.

1 *Cha-n fheud bòidean a bhi air am briseadh.*
 9 *Mu bhòid banntraich, agus mnà a dhal-aicheadh r'a fearpòsda.*

A GUS labhair Maois ri ceannardan nan treubh a thaobh chloinn Israeil, ag ràdh, *Is e so an nì a dh'àithn an Tighearn.*

2 Ma bhòidicheas duine bòid do'n Tighearn, no ma mhionnaicheas e mionnan a cheangal 'anama le ceangal, cha bhris e 'fho-cal; a réir gach nì a thig a mach as a bhenl, nì e.

3 Mar an cendna ma bhòidicheas bean bòid do'n Tighearn, agus gu'n ceangail si *i fèin* le ceangal, agus *i* ann an tigh a h-athair 'n a h-òige;

4 Agus gu'n cluinn a h-athair a bòid, agus a ceangal leis an do cheangail i a h-anam, agus gu'n fan a h-athair 'n a thosd r'i, an sin seasaidh a bòidean uile, agus seasaidh gach ceangal leis an do cheangail i a h-anam.

5 Ach ma chuireas a h-athair 'n a h-aghaidh 's an là anns an cluinn e, cha seas aon d'a bòidibh, no d'a ceanglaichibh, leis an do cheangail i a h-anam; agus maithidh an Tighearn dh'i, a chionn gu'n do chuir a h-athair 'n a h-aghaidh.

6 Agus ma bha idir fear-pòsda aice 'n uair a bha bòidean oirre, no 'n nair a labhair i nì as a beul, leis an do cheangail i a h-anam,

7 Agus gu'n cual' a fear *e*, agus gu'n d'fhan e 'n a thosd rithe 's an là anns an cual' e *i*; an sin seasaidh a bòidean, agus seasaidh a ceanglaichean leis an do cheangail i a h-anam.

8 Ach ma chuireas a fear-pòsda 'n a h-aghaidh 's an là anns an cluinn e *i*, an sin bheir e gu neò-bhrìgh a bòid a bhòidich *i*, agus an nì a labhair i le 'bilibh, leis an do cheangail i a h-anam; agus bheir an Tighearn maithneas dh'i.

9 Ach gach bòid bantraich, agus mnatha dealaichte, leis an do cheangail i a h-anam, seasaidh i 'n a h-aghaidh.

10 Agus ma bhòidich i ann an tigh a fir, no ma cheangail i a h-anam le ceangal maille ri mionnaibh,

11 Agus gu'n cual' a fear *e*, agus gu'n d'fhan e 'n a thosd rithe, agus nach do chuir e 'n a h-aghaidh; an sin seasaidh a bòidean uile, agus seasaidh gach ceangal leis an do cheangail i a h-anam.

12 Ach ma chuir a fear gu tnr air chùl iad 's an là anns an cual' e *iad*, an sin ge

b'e nì a thàinig a mach as a benl a thaobh a bòidean, no thaobh ceangail a h-anama, cha seas e: chuir a fear air chùl iad, agus bheir an Tighearn maithneas dh'i.

13 Na bòidean, agus na mionnan sin nìle a cheanglas a chum an t-anam a chràdh, fendaich a fear an daingneachadh, no fendaich a fear an cur air chùl.

14 Ach ma dh'fhanas a fear gu tnr 'n a thosd rithe, o là gu là; an sin tha e a' daingneachadh a bòidean uile, no a ceanglaichean uile, a tha oirre: tha e g'an deanamh seasmhach, a chionn gu'n d'fhan e 'n a thosd rithe 's an là anns an cual' e *iad*.

15 Ach ma chuireas e air chor sam bith air chùl iad, an deigh dha 'n cluinntinn; an sin giùlainidh e a h-aingidheachd-sa.

16 *Is iad sin na reachdan a dh'àithn an Tighearn do Mhaois, eadar duine agus a bhean, eadar athair agus a nighean, agus i fathast* 'n a h-òige ann an tigh a h-athair.

CAIB. XXXI.

1 *Chreachadh nu Midianaich, agus mharbhadh Balaam.* 14 *Bha corruich air Maois ris na ceannardaibh, a chionn gu'n do ghlèidh iad na mnathan beò.*

A GUS labhair an Tighearn ri Maois, ag ràdh,

2 Diol clann Israeil air na Midianaich; 'n a dhèigh sin cruinnichear chnm do dhaoine tln.

3 Agus labhair Maois ris an t-sluagh, ag ràdh, Rachadh cuid dibh fo'n armaibh chum a' chogaidh, agus imicheadh iad a *chogadh* an aghaidh nam Midianaich, agus dioladh iad an Tighearn air Midian.

4 Cuiridh sibh mìle de gach trèibh, air feadh mìle threubhan Israeil, chnm a' chogaidh.

5 Mar sin thngadh a mach á mìltibh Israeil, mìle de *gach* trèibh, dà mhìle dheng armaichte chum cogaidh.

6 Agus chuir Maois iad a chnm a' chogaidh, mìle de *gach* trèibh, iadsan agus Phinehas mac Eleasair an t-sagairt, a chum a' chogaidh, leis na h-innealaibh naomha 'n a làimh, agus na trompaidean gu séideadh.

7 Agus chog iad an aghaidh nam Midianaich, mar a dh'àithn an Tighearn do Mhaois; agus mharbh iad na firionnaich uile.

8 Agus mharbh iad rìghrean Mhidiain, a thnilleadh air a' chuid eile dhiubh a mharbhadh; *eadhon* Ebhi, agus Recem, agus Snr, agus Hnr, agus Reba, cùig rìghrean Mhidiain: Balaam mac Bheoir mar an cendna mharbh iad leis a' chlaidheamh.

9 Agus thng clann Israeil leo mnathan Mhidiain 'n am braidhibh, agus an clann bheag, agus thug iad leo ereach an sprèidh uile, agus an treudan uile, agus am maoin nìle.

10 Agus loisg iad am bailtean uile anns an robh iad a chòmhnuidh, agus an dùin uile le teime.

11 Agus thug iad leo a' chreach uile, agus an cobhartach uile, eadar dhaoine agus ainmhidhean.

12 Agus thug iad na braighdean, agus a' chreach, agus an cobhartach, gu Maois agus Eleasar an sagart, agus gu comhchruinneachadh chloinn Israeil, a chum a' chaimp aig còmhnradaibh Mhois, a tha làmh ri Iordan *am fagus* do Iericho.

13 Agus chaidh Maois agus Eleasar an sagart, agus ceannardan a' chomhchruinneachaidh uile mach 'n an coinneamh an taobh a muigh de'n champ.

14 Agus bha corruich air Maois ri luchd-riaghlaidh an t-sluaigh, ris na ceannardaibh air mhiltibh, agus na ceannardaibh air cheudaibh, a thàinig o'n chogadh.

15 Agus thubhairt Maois ri, An do ghléidh sibh na mnathan uile beò?

16 Feuch, thug iad sin air cloinn Israeil, le comhairle Bhalaaim, peacachadh an aghaidh an Tighearn' ann an aobhar Pheoir; agus bha plaigh air feadh comhchruinneachaidh an Tighearna.

17 A nis uime sin marbhaibh gach frionnach ann measg na cloinne bige, agus marbhaibh gach bean d'am b'aithne fear le luidhe leis.

18 Ach a' chlamh bhan uile do nach b'aithne fear le luidhe leis, gleidhibh beò dhuibh féin.

19 Agus fanaibhse an taobh a muigh de'n champ seachd làithean: ge b'e mharbhlach air bith, agus ge b'e bhean ri neach a mharbhadh, glanaibh sibh féin, agus bhuir braighdean air an treas là, agus air an t-seachdamh là;

20 Agus glanaibh *bhuir* n-eudach uile, agus gach ni a rinneadh de chroicnibh, agus gach obair de *fhionnadh* ghabhar, agus gach ni a rinneadh de fhiodh.

21 Agus thubhairt Eleasar an sagart ris na fir-chogaidh a chaidh a mach a dh'ionnsuidh a' chatha, *Is e* so ordugh an lagha a dh'àithn an Tighearn do Mhaois:

22 A mhàin an t-òr, agus an t-airgiod, an t-umha, an t-iarunn, an staoin, agus an luaidh,

23 Gach ni a dh'fhuilgeas an teine, bheir sibh fainear e dhol troimh 'n teine, agus glanar e; gidhcadh le uisge an sgaraidh glanar e: agus gach ni nach fulaing an teine, bheir sibh fainear e dhol troimh 'n uisge.

24 Agus nighidh sibh bhuir n-eudach air an t-seachdamh là, agus bithidh sibh glan, agus 'n a dhéigh sin thig sibh a stigh do'n champ.

25 Agus labhair an Tighearn ri Maois, ag ràdh,

26 Gabh àireamh na creich' a thogadh, cadar dhuine agus ainmhidh, thu féin, agus Eleasar an sagart, agus prìomh aithrichean a' chomhchruinneachaidh;

27 Agus roinn a' chreach 'n a dà earrainn: eadar a' mhuinntir a ghabh an cogadh orra féin, a chaidh mach do'n chath, agus eadar an comhchruinneachadh uile:

28 Agus tog cis do'n Tighearn o na fir-chogaidh, a chaidh mach do'n chath; aon anam á cùig ceud, *araon* de na daoineibh, agus de'n bhuir, agus de na h-asailean, agus de na caoraich.

29 Gabh *e* as an leth-san, agus thoir *e* do Eleasar an sagart, *mar* thabhartas-togta do'n Tighearn.

30 Agus á leth chloinn Israeil, gabhaidh tu aon chuibhrionn á leth-cheud, de na daoineibh, de'n bhuir, de na h-asailean, agus de na treudaibh, de gach ainmhidh, agus bheir thu iad do na Lebhithich, a tha 'gleidheadh' cùraim pàilluin an Tighearn'.

31 Agus rinn Maois agus Eleasar an sagart mar a dh'àithn an Tighearn do Mhaois.

32 Agus b'e an cobhartach, *eadhon* a' chuid eile de'n chreich a ghlac na fir-chogaidh, sè ceud mìle, agus deich is trì fichead mìle, agus cùig mìle caora,

33 Agus trì fichead agus dà mhìle dheug bò,

34 Agus trì fichead agus aon mhìle asal,

35 Agus dà mhìle dheug 'ar fhichead anam 's an iomlan, de mhnathan do nach b'aithne fear le luidhe leis.

36 Agus bha 'n leth a bu chuibhrionn doibhsan a chaidh mach a chum a' chogaidh, ann an àireamh trì cheud mìle, agus seachd mìle deug 'ar fhichead agus cùig ceud caora;

37 Agus b'i cis an Tighearna de na caoraich sè ceud agus trì fichead agus cùig deug.

38 Agus *b'iad* am buar sè mìle deug 'ar fhichead: dhiubh so *b'i* cis an Tighearna trì fichead 's a dhà-dheug.

39 Agus bha deich mìle thar fhichead agus cùig ceud asail ann: dhiubh so *b'i* cis an Tighearna trì fichead agus a h-aon.

40 Agus *b'iad* anaman nan daoine sè mìle deug: dhiubh so *b'i* cis an Tighearna dà anam dheug 'ar fhichead.

41 Agus thug Maois a' chis, *eadhon* tabhartas-togta an Tighearn', do Eleasar an sagart, mar a dh'àithn an Tighearn do Mhaois.

42 Agus de leth chloinn Israeil, a roinn Maois o'n luchd cogaidh,

43 (A nis *b'i* 'n leth a *bhuineadh* do'n chomhchruinneachadh, trì cheud mìle, agus seachd mìle deug 'ar fhichead agus cùig ceud caora,

44 Agus sè mìle deug 'ar fhichead bò,

45 Agus deich mìle thar fhichead asal agus cùig ceud,

46 Agus sè mìle deug anam,)

47 Eadhon de'n leth a *bhuineadh* do chloinn Israeil, ghabh Maois aon chuibh-

rionn & leth-cheud eadar dhuine agus ainmhidh, agus thug e iad do na Lebhitheach, a bha 'gleidheadh curaim pàillium an Tighearna, mar a dh'aithean an Tighearna do Mhaois.

48 Agus thàinig an luchd-riaghlaidh a bha os ceann mhiltèan an t-sluaigh, na ceannardan air mhiltibh, agus na ceannardan air cheudaibh, am fagus do Mhaois:

49 Agus thubhairt iad ri Maois, Ghabh do sheirbhisich àireamh nam fear-cogaidh a tha fo'r làimh, agus cha-n'eil duine dhinn air chall.

50 Uime sin thug sinn tabhartas a chum an Tighearna, gach fear na fhuair e de sheudaibh òir, *cadhon* slabhraidhean, agus usgraichean, fàinnean, cluas-flailean, agus criosan, a dheanamh rèite air son ar n-anaman an làthair an Tighearna.

51 Agus ghabh Maois agus Eleasar an sagart an t-òr uatha, uile 'n a sheudaibh oibrichte.

52 Agus b'e òr an tabhartais uile a thug iad seachad do'n Tighearn, o na ceannardaibh air mhiltibh, agus o na ceannardaibh air cheudaibh, sè mìle deug, seachd ceud agus leth-cheud secel.

53 (Oir ghabh na fir-chogaidh eobhartach, gach duine dha féin.)

54 Agus ghabh Maois agus Eleasar an sagart an t-òr o na ceannardaibh air mhiltibh, agus air cheudaibh, agus thug iad e gu pàillium a' choimhlhionail, mar chuimhneachan do chloinn Israeil an làthair an Tighearna.

CAIB. XXXII.

Dh'iarr clann Reubein agus clann Ghad seallbha 's an fhearann air an taobh an ear de Iordan.

ANIS bha aig cloinn Reubein agus cloinn Ghad ro mhòran spréidhe: agus an uair a chunnaic iad fearann Iaseir, agus fearann Ghileaid, feuch, bha 'n t-àit 'n a àit spréidhe:

2 Agus thàinig clann Ghad, agus clann Reubein, agus labhair iad ri Maois, agus ri Eleasar an sagart, agus ri uachdaranaibh a' chomhechruinneachaidh ag ràdh,

3 Atarot, agus Dibon, agus Iaser, agus Nimrah, agus Hesbon, agus Elealeh, agus Sebam, agus Nebo, agus Beon;

4 *Eadhon* an dùthaich a bhuail an Tighearn roimh chomhechruinneachadh Israeil, 's fearann e air son spréidhe, agus tla spréidh aig do sheirbhisich.

5 Uime sin, ars' iadsan, ma fhuair sinn deadh-ghean a'd' shealladh, thugar am fearann so do d' sheirbhisich mar sheilbh, agus na toir sinn a null thar Iordan.

6 Agus thubhairt Maois ri cloinn Ghad, agus ri cloinn Reubein, An tèid bhur bràithrean gu cogadh, agus an suidh sibhse an so?

7 Agus c'ar son a bheir sibh mimhisneach

do chridhe chloinn Israeil, a dhol a null do'n fhearann a thug an Tighearn dhoibh?

8 Mar so rinn bhur n-aithrichean, 'n uair a chuir mi iad o Chades-barnea a dh'amharc na tìre:

9 'N uair a chaidh iad suas gu gleann Escoil, agus a chunnaic iad am fearann, thug iad mimhisneach do chridhe chloinn Israeil, a chum nach rachadh iad a steach do'n fhearann a thug an Tighearn dhoibh.

10 Agus las corruich an Tighearna 's an àm sin féin, agus mhionnaich e, ag ràdh,

11 Gu cinnteach cha-n fhaic a h-aon de na daoineibh a thàinig a nìos as an Eiphit, o fhichead bliadhna dh'aois agus os a cheann, am fearann a mhionnaich mi do Abraham, do Isaac, agus do Jacob, a chionn nael do lean iad mi gu h-iomlan;

12 Saor o Chaleb mac Iephuneh an Cenis-each, agus Iosua mac Nuin: oir lean iadsan an Tighearn gu h-iomlan.

13 Agus las corruich an Tighearn' an aghaidh Israeil, agus chuir e air seacharan iad 's an fhàsach dà fhichead bliadhna, gus an deachaidh as do'n ghinealach sin uile a rinn olc 'an sealladh an Tighearn'.

14 Agus, feuch, tha sibhse air éirigh suas 'an àite bhur n-aithrichean, gineal dlùrach dhaoine, a mheudachadh fathast mòr chorr- uich an Tighearna ri h-Israel.

15 Oir ma thionndaidheas sibh air falbh o 'leantuinn-san, fàgaidh e fathast uair eile 's an fhàsach iad, agus sgriosaidh sibh an sluagh so uile.

16 Agus thàinig iad am fagus da, agus thubhairt iad, Togaidh sinn cròidhean chaorach an so d'ar spréidh, agus bailtean d'ar cloinn bhig:

17 Ach théid sinn féin deas-armaichte roimh chloinn Israeil, gus an toir sinn iad d'an àite: agus ni ar clann bheag còmh-nuidh 's na bailtibh daingnichte air sgàth luchd-àiteachaidh na tìre.

18 Cha phill sinn d'ar tighibh, gus an sealbhaich clann Israeil gach duine dhiubh 'oighreachd féin:

19 Oir cha sealbhaich sinne maille ri u-san an taobh cile de Iordan, no thall o sin; a chionn gu'n do thuit ar n-oighreachd dhuinne air an taobh so de Iordan a làimh na h-àird' an ear.

20 Agus thubhairt Maois ri u, Ma ni sibh an ni so, ma théid sibh fo'r n-armaibh roimh an Tighearn gu cogadh,

21 Agus gu'n téid sibh uile armaichte thar Iordan roimh an Tighearn, gus am fuadaich e mach a naimhdean as a làthair,

22 Agus gu'n ceannsaichear am fearann 'am fianuis an Tighearna; 'n a dhéigh sin pillidh sibh, agus bithidh sibh neò-choir-each an làthair an Tighearn', agus an làthair Israeil, agus bithidh am fearann so 'n a sheilbh aguibh 'am fianuis an Tighearn'.

23 Aeh mur dean sibh mar so, feuch

pheacaich sibh an aghaidh an Tighearn'; agus bithibh cinnteach gu'm faigh bhur peacadh a mach sibh.

24 Togaibh bailtean d'ur cloinn bhig, agus cròidhean d'ur caoraich; agus deanaibh an nì a chaidh mach as bhur beul.

25 Agus labhair clann Ghad agus clann Reubein ri Maois, ag ràdh, Nì do sheirbhiseach mar a tha mo thighearn ag àithneadh.

26 Bithidh ar clann bheag, ar innathan, ar treudan agus ar spréidh uile, an sin ann am bailtibh Ghileaid;

27 Ach théid do sheirbhiseach thairis, gach fear dhiubh armaichte chum cogaidh, roimh an Tighearn gu cath, mar a tha mo thighearn ag ràdh.

28 Agus thug Maois àithne d'an taobh do Eleasar an sagart, agus do Iosua mac Nuin, agus do phrìomh aithrichibh threnbhan chloinn Israeil:

29 Agus thubhairt Maois riu, Ma théid clann Ghad, agus clann Reubein a null maille ribh thar Iordan, gach fear *dhiubh* armaichte gu cath an làthair an Tighearn', agus gu'n ceansaichear an tìr roimhibh, an sin bheir sibh dhoibh fearann Ghilead mar sheilbh:

30 Ach mur téid iad thairis maille ribh armaichte, bithidh seilbh aca 'n ur measg *vein* ann an tìr Chanaain.

31 Agus fhreagair clann Ghad, agus clann Reubein, ag ràdh, Mar a thubhairt an Tighearn ri d' sheirbhiseach, mar sin nì sinne.

32 Thèid sinn a null armaichte roimh an Tighearn do thìr Chanaain, a chum gu'm bi seilbh ar n-oighreachd againn air an taobh so de Iordan.

33 Agus thug Maois dhoibh, *eadhon* do chloinn Ghad, agus do chloinn Reubein, agus do leth thréibh Mhanaseh, mhic Ioseph, rioghachd Shiloin rìgh nan Amorach, agus rioghachd Og rìgh Bhàsain, an tìr maille r'a bailtibh anns na crìochaibh, *eadhon* bailtean na dùthcha mu'n cuairt.

34 Agus thog clann Ghad Dibon, agus Atarot, agus Aroer,

35 Agus Atrot, Sophan, agus Iaser, agus Iogbhabh,

36 Agus Bet-nimrah, agus Bet-haran, bailtean daingnichte; agus cròidhean air son chaorach.

37 Agus thog clann Reubein Hesbon, agus Elealeh, agus Ciriataim,

38 Agus Nebo, agus Baal-meon, (air d'an ainmean a bhi air an atharrachadh,) agus Sibmah: agus thug iad ainmean eile do na bailtibh a thog iad.

39 Agus chaidh clann Mhachir, mhic Mhanaseh, do Ghilead, agus ghlac iad e, agus chuir iad á seilbh an t-Amorach a bha ann.

40 Agus thug Maois Gilead do Mhachir mac Mhanaseh; agus ghabh e còmhnuidh ann.

41 Agus chaidh Iaser mac Mhanaseh agus ghlac e a bhailean beaga, agus thug e Habbhotair mar ainm orra.

42 Agus chaidh Nobah agus ghlac e Cenat, agus a bhailean beaga, agus thug e Nobah mar ainm air, a réir ainme féin.

CAIB. XXXIII.

1 *Turusan chloinn Israeil anns an fhàsach.*
50 *Na Cananaich agus an dealbhan agus an coslais laghta uile air an sgrìos.*

*I*S iad so turusan chloinn Israeil, a chaidh mach á tìr na h-Eiphit, a réir an armailt-ean, fo làimh Mhaois agus Aaroin.

2 Agus sgrìobh Maois an dol a mach a réir an turusan, air àithne an Tighearn': agus is iad so an turusan, a réir an dol a mach.

3 Agus dh'imich iad o Rameses anns a' cheud mhìos, air a' chùigeamh là deug de'n cheud mhìos: air an là màireach an déigh na càisge chaidh clann Israeil a mach le làimh àird ann an sealladh nan Eiphit-each uile.

4 (Oir dh'adhlac na h-Eiphitich an ceud-ghlìn uile, a bhuail an Tighearn 'n ann measg: air an diathan mar an ceudna chuir an Tighearn breitheanas 'an giùonh.)

5 Agus dh'imich clann Israeil o Rameses, agus champaich iad ann an Sucot.

6 Agus dh'imich iad o Shucot, agus champaich iad ann an Etam, a tha ann an iomall an fhàsach.

7 Agus dh'imich iad o Etam, agus phill iad a ris gu Pihahiroth, a tha fa chomhair Bhaal-sephoin: agus champaich iad fa chomhair Mhigdol.

8 Agus dh'imich iad o chomhair Phihahiroth, agus chaidh iad troimh mheadhon na fairge do'n fhàsach, agus dh'imich iad astar thri làithean an n fàsach Etain, agus champaich iad ann an Marah.

9 Agus dh'imich iad o Mhàrah, agus thàinig iad gu h-Elim: agus ann an Elim bha dà thobar dheug uisge, agus deich agus tri fichead craobh phailme; agus champaich iad an sin.

10 Agus dh'imich iad o Elim, agus champaich iad làmh ris a' mhuir ruaidh.

11 Agus dh'imich iad o'n mhuir ruaidh, agus champaich iad ann an fàsach Shin.

12 Agus dh'imich iad á fàsach Shin, agus champaich iad ann an Dopheah.

13 Agus dh'imich iad o Dhopheah, agus champaich iad ann an Alus.

14 Agus dh'imich iad o Alus, agus champaich iad ann an Rephidim, far nach robh uisge aig an t-sluagh r'a òl.

15 Agus dh'imich iad o Rephidim, agus champaich iad ann an fàsach Shinai.

16 Agus dh'imich iad o fhàsach Shinai, agus champaich iad ann an Cibrot-hataabhah.

17 Agus dh'imich iad o Chibrot-hataabhah, agus champaich iad ann an Haserot.

18 Agus dh'imich iad o Haserot, agus champaich iad ann an Ritmah.

19 Agus dh'imich iad o Ritnah, agus champaich iad ann an Rimón-pares.

20 Agus dh'imich iad o Rimón-pares, agus champaich iad ann an Libnah.

21 Agus dh'imich iad o Libnah, agus champaich iad ann an Risah.

22 Agus dh'imich iad o Risah, agus champaich iad ann an Cehelatah.

23 Agus dh'imich iad o Cehelatah, agus champaich iad ann an shliabh Shapher.

24 Agus dh'imich iad o shliabh Shapher, agus champaich iad ann an Haradah.

25 Agus dh'imich iad o Haradah, agus champaich iad ann am Machelot.

26 Agus dh'imich iad o Machelot, agus champaich iad ann an Tahat.

27 Agus dh'imich iad o Thahat, agus champaich iad ann an Tarah.

28 Agus dh'imich iad o Tharah, agus champaich iad ann am Mitcah.

29 Agus dh'imich iad o Mhiteah, agus champaich iad ann an Hasmonah.

30 Agus dh'imich iad o Hasmonah, agus champaich iad ann am Moserot.

31 Agus dh'imich iad o Mhoserot, agus champaich iad ann am Bene-iaacan.

32 Agus dh'imich iad o Bhene-iaacan, agus champaich iad ann an Hor-hagidgad.

33 Agus dh'imich iad o Hor-hagidgad, agus champaich iad ann an Iot-batah.

34 Agus dh'imich iad o Iot-batah, agus champaich iad ann an Ebronah.

35 Agus dh'imich iad o Ebronah, agus champaich iad ann an Esion-gaber.

36 Agus dh'imich iad o Esion-gaber, agus champaich iad ann am fásach Shiu: *is e so Cades.*

37 Agus dh'imich iad o Chades, agus champaich iad ann an shliabh Hor, ann an iomall fearainn Edoim.

38 Agus chaidh Aaron an sagart suas gu shliabh Hor, air àithne an Tighearn', agus fhuair e bàs an sin, anns an dà fhicheadamh bliadhna an déigh do chloinn Israeil teachd a mach & tìr na h-Eiphit, air a' cheud là de'n chùigeamh mìos.

39 Agus bhla Aaron cend agus fìhead agus trì bliadhna dh'aois, an uair a dh'èug e ann an shliabh Hor.

40 Agus chuala rìgh Arad an Canaanach (a bha 'chòmhnuidh' 's an àirde deas ann an tìr Chanaain) nu theachd chloinn Israeil.

41 Agus dh'imich iad o shliabh Hor, agus champaich iad ann an Salmonah.

42 Agus dh'imich iad o Shalmonah, agus champaich iad ann am Punon.

43 Agus dh'imich iad o Phunon, agus champaich iad ann an Obot.

44 Agus dh'imich iad o Obot, agus champaich iad ann an Iie-abarim, ann an crìch Mhoib.

45 Agus dh'imich iad o Iim, agus champaich iad ann an Dibon-gad.

46 Agus dh'imich iad o Dhibon-gad, agus champaich iad ann an Almon-diblataim.

47 Agus dh'imich iad o Almon-diblataim, agus champaich iad ann an sléibhtibh Abarim, fa chomhair Nebo.

48 Agus dh'imich iad o shléibhtibh Abarim, agus champaich iad ann an còmhnrdaibh Mhoib, làmh ri Iordan *am fagus do Iericho.*

49 Agus champaich iad làmh ri Iordan, o Bhet-iesimot *eadhon* gn Abel-sitim, ann an còmhnrdaibh Mhoib.

50 Agus labhair an Tighearn ri Maois ann an còmhnrdaibh Mhoib, làmh ri Iordan *am fagus do Iericho*, ag ràdh,

51 Labhair ri cloinn Israeil, agus abair riu, 'N uair a théid sibh a null thar Iordan, do thìr Chanaain;

52 An sin fògraidh sibh a mach uile luchd-àiteachaidh na tìre as bhur fianuis, agus cuiridh sibh as d'an dealbhan uile, agus sgriosaidh sibh an coslais leaghta uile, agus fasaichidh sibh an ionadan àrda uile.

53 Agus cuiridh sibh à seilbh *luchd-àiteachaidh* an fhearainn, agus nì sibh còmhnuidh ann: oir thug mise dhuibh an fearann r'a shealbhachadh.

54 Agus roinnidh sibh am fearann le crannchur mar oighreachd an measg bhur teaghlaichean: dhoibhsan a's lìonmhoire bheir sibh an oighreachd a's mò, agus dhoibhsan a's teirce bheir sibh an oighreachd a's lugha: bithidh *oighreachd* gaeh duine 's an àit amas an tuit a crannchur; a réir treubhan bhur n-aithrichean sealbh-aichidh sibh.

55 Ach mur fògair sibh a mach luchd-àiteachaidh an fhearainn as bhur fianuis, an sin bithidh iadsan diubh d'an leig sibh fuir each, 'n an scolbaibh 'n ur sùilean, agus 'n am bioraibh 'n ur taobhan, agus cuiridh iad campar oirbh 's an fhearainn anns am b' sibh a chòmhnuidh.

56 Os bàrr tarlaidh, mar a smuainich mi a dheanamh riu-san, *gu'n dean mi ribhse.*

CAIB. XXXIV.

1 Crìochan fearainn Chanaain. 16 Ainmean nan daoine a bha guas a roinn mar oighreachd.

AGUS labhair an Tighearn ri Maois, ag ràdh,

2 Aithn do chloinn Israeil, agus abair riu, 'N uair a thig sibh do thalamh Chanaain, (*is e so am fearann a thuiteas oirbh mar oighreachd, eadhon fearann Chanaain maille r'a chrìochaibh*)

3 An sin bithidh bhur cearna dheas o fhàsach Shiu, leth ri crìch Edoim, agus is i bhur crìoch mu dheas fìor iomall na fairge salaim & làmh na h-àird' an ear.

4 Agus pillidh bhur crìoch o'n taobh mu dheas gu dìreachd Acabim, agus théid i air a h-aghaidh gu Sin; agus bithidh a dol a mach o'n taobh mu dheas gu Cades-barnea,

agus gabhaidh i roimpe gu Hasar-adar, agus théid i air a h-aghaidh gu h-Asmon:

5 Agus bheir a' chrìoch cuairt o Asmon gu amhainn na h-Eiphit, agus bithidh a dol a mach aig an fhairege.

6 Agus a *thaobh* na crìch' an iar, bithidh agaibh eadhon an fhairege mhòr *mar* chrìch: bithidh a' *chrìoch* so 'n a crìch dhuibh air an làimh an iar.

7 Agus is i so bhur crìoch air an làimh mu thuath: o'n fhairege mhòir comharaichidh sibh dhuibh féin gu sliabh Hor.

8 O shliabh Hor comharaichidh sibh *bhur crìoch* gu dol a stigh Hamait; agus bithidh dol a mach na crìche gu Sedad.

9 Agus gabhaidh *bhur crìoch* roimpe gu Siphron, agus bithidh a dol a mach aig Hasar-enan; is i so bhur crìoch mu thuath.

10 Agus comharaichidh sibh *bhur crìoch* air an taobh an ear o Hasar-enan gu Sefham.

11 Agus théid a' chrìoch sìos o Shepham gu Riblah, air an taobh an ear de Ain; agus théid a' chrìoch sìos, agus ruigidh i gu taobh fairge Chineret a làimh na h-àird' an ear.

12 Agus théid a' chrìoch sìos gu Jordan, agus bithidh a dol a mach aig a' mhuir shalainn: is e so bhur fearann le 'chrìochaibh mu'n cuairt.

13 Agus dh'àithn Maois do chloinn Israeil, ag ràdh, *Is* e so am fearann a shealbhaicheas sibh le crannchur, a dh'àithn an Tighearn a thabhairt do na naoi treubhan, agus do'n leth thréibh.

14 Oir fhuair treubh chloinn Reubein an oighreachd, a réir tighe an aithrichean, agus treubh chloinn Ghad a réir tighe an aithrichean; agus fhuair leth thréibh Mhanasch an oighreachd.

15 Fhuair an dà thrèubh agus an leth thréibh an oighreachd air an taobh so de Jordan *am fagus do* Iericho, a làimh na h-àird' an ear, leth ri éirigh na gréine.

16 Agus labhair an Tighearn ri Maois, ag ràdh,

17 *Is* iad so ainmean nan daoine a roinneas am fearann duibh: Eleasar an sagart, agus Iosua mac Nuin.

18 Agus gabhaidh sibh aon ceannard de gach thréibh, a roinn an fhearainn mar oighreachd.

19 Agus *is* iad so ainmean nan daoine. De thréibh Iudah, Caleb mac Iephuneh.

20 Agus de thréibh chloinn Shimeoin, Semmel, mac Amihuid.

21 De thréibh Bheniamin, Elidad mac Chisloin.

22 Agus ceannard tréibhe chloinn Dhan, Buci mac Iogli.

23 Ceannard chloinn Ioseiph, air son tréibhe chloinn Mhanasch, Haniel mac Ephoid.

24 Agus ceannard tréibhe chloinn Ephraim, Cemuel mac Shipltain.

25 Agus ceannard tréibhe chloinn Shebulin, Elisaphan mac Pharnaich.

26 Agus ceannard tréibhe chloinn Isachair, Paltiel mac Asain.

27 Agus ceannard tréibhe chloinn Aseir, Ahihud mac Shelomi.

28 Agus ceannard tréibhe chloinn Naph-tali, Pedahel mac Amihuid.

29 *Is* iad sin iadsan d'an d'àithn an Tighearn an oighreachd a roinn do chloinn Israeil ann an tìr Chanaain.

CAIB. XXXV.

1 *Ochd agus dà fhichead baile air an toirt do na Lebhitheach: 6 Sè baile dhuibh chum dèidin. 9 Na laghannan a thaobh mortaidh.*

A GUS labhair an Tighearn ri Maois ann an còmhnradaibh Mhoibh, Raimh ri Jordan *am fagus do* Iericho, ag ràdh,

2 Aithn do chloinn Israeil, iad a thabhairt do na Lebhitheach, de oighreachd an seilbh, bailtean gu còmhnuidh a ghabhail anna: agus bheir sibh mar an ceudna do na Lebhitheach fearann comh-roinn d'am bailtibh mu'n cuairt orra.

3 Agus bithidh na bailtean aca gu còmhnuidh a ghabhail anna, agus bithidh an fearann comh-roinn air son an spréidhe, agus air son am maoin, agus air son an ainmhidhean uile.

4 Agus *ruigidh* fearann comh-roinn nam bailtean, a bheir sibh do na Lebhitheach, a mach o bhalla a' bhaile, mìle làmh-choille mu'n cuairt.

5 Agus tomhaisidh sibh o'n leth a muigh de'n bhaile air an taobh an ear dà mhìle làmh-choille, agus air an taobh mu dheas dà mhìle làmh-choille, agus air an taobh an iar dà mhìle làmh-choille, agus air an taobh mu thuath dà mhìle làmh-choille; agus *bithidh* am baile 's a' mheadhon: bithidh so dhoibh 'n a fhearann comh-roinn d'am bailtibh.

6 Agus am measg nam bailtean a bheir sibh do na Lebhitheach, bithidh sè bailtean chum dèidin, a dh'orduicheas sibh air a shon-san a mharbhas duine, chum gu'n teich e an sin: agus riu-san cuiridh sibh dà bhaile 's dà fhichead.

7 Mar so *is* iad na bailtean sin uile a bheir sibh do na Lebhitheach, ochd agus dà fhichead baile: iad sin *their sibh seachad* agus am fearann comh-roinn.

8 Agus *bithidh* na bailtean a bheir sibh seachad de sheilbh chloinn Israeil: uatha-san aig *am bheil* mòran, bheir sibh mòran; ach uatha-san aig *am bheil* beagan, bheir sibh beagan: bheir gach aon d'a bhailtibh do na Lebhitheach, a réir 'oighreachd a tha e a' sealbhachadh.

9 Agus labhair an Tighearn ri Maois, ag ràdh,

10 Labhair ri cloinn Israeil, agus abair

riu, 'N nair a bhitheas sibh air teachd thar Iordan do thìr Chanaain,

11 An sin orduichidh sibh dhuibh féin bailtean, gu bhi 'n am bailtibh dèidein dhuibh, a chum gu'n teich am marbhaiche an sin, a mharbhas neach 'an ain-fhios.

12 Agus bithidh iad duibh 'n am bailtibh a' chum dèidein o'n dioghaltair; a chum nach bàsaich esan a mharbhas duine, gus an seas e an làthair a' chomhechruinneachaidh ann am breitheanas.

13 Agus de na bailtibh sin a bheir sibh seachad, bithidh sè bailtean agaibh a chum dèidein.

14 Bheir sibh seachad tri bailtean air an taobh so de Iordan, agus tri bailtean bheir sibh seachad ann an tìr Chanaain, a bhios 'n am bailtibh dèidein.

15 Bithidh na sè bailtean sin 'n an dèidein, *araon* do chloinn Israeil, agus do'n choigreach, agus dhasan a bhios air chuairt 'n am measg; a chum gu'n teich gach neach an sin, a mharbhas duine gun fhios.

16 Agus ma bhuailcas se e le h-inneal iaruin, (air chor as gu'm bàsaich e,) *is* mortair e: cuir ear gu cinnteach am mortair gu bàs.

17 Agus ma bhuailcas se e le clach a thilg-cadh (a dh'fheudas a bhàs a thoirt,) agus gu'm bàsaich e, *is* mortair e: cuir ear gu cinnteach am mortair gu bàs.

18 No ma bhuailcas se e le làmh-bhall fiodha (a dh'fheudas a bhàs a thoirt,) agus gu'm faigh e bàs, *is* mortair e: cuir ear gu cinnteach am mortair gu bàs.

19 Marbhaidh dioghaltair na fola e féin ann am mortair: an uair a choinnicheas se e, marbhaidh se e.

20 Ach ma bheir e urchuir dha tre fhuath, no ma thilgeas e *ni sam bith* air 'am feall-fholach, air chor as gu'm faigh e bàs;

21 No ma bhuailcas se e le a làmh ann an naimhdeas, air chor as gu'm faigh e bàs; cuir ear esan a bhuail e gun teagamh gu bàs; *oir is* mortair e: marbhaidh dioghaltair na fola am mortair, an uair a choinnicheas se e.

22 Ach ma thug e urchuir dha gu h-obann gun naimhdeas, no ma thilg e *ni sam bith* air gun fheall-fholach;

23 No le cloich sam bith, a dh'fheudas bàs duine a thabhairt, gun e 'g a fhaicinn, agus gu'n do thilg e air *i*, air chor as gu'm faigh e bàs, agus nach bu nàmhaid da e, agus nach d'iarr e a chron;

24 An sin bheir an comhechruinneachadh breth eadar am marbhaiche agus dioghaltair na fola, a réir nam breitheanas sin:

25 Agus saoraidh an comhechruinneachadh am marbhaiche á làmh dioghaltair na fola, agus cuiridh an comhechruinneachadh air ais e do bhaile a dhèidein, gus an do theich e: agus fanaidh e ann gu bàs an àrd-shagairt, a dh'ungadh leis an olaidh naoimh.

26 Ach ma thig am marbhaiche uair air bith an taobh a mach de chrìch baile a dhèidein, gus an do theich e;

27 Agus gu'm faigh dioghaltair na fola e an taobh a mach de chrìochaibh baile a dhèidein, agus gu'm marbh dioghaltair na fola am marbhaiche; cha bhi e ciontach de fhuil:

28 A chionn gu'm bu chòir dha fuireach ann am baile a dhèidein gu bàs an àrd-shagairt: ach an dèigh bàis an àrd-shagairt, pillidh am marbhaiche gu fearann a sheilbhe féin.

29 Agus bithidh na *nithean* sin 'n an reachd breitheanaidh dhuibh, air feadh bhur ginealach, 'n ur n-àitibh-còmhnuidh uile.

30 Ge b'e 'mharbhas neach sam bith, cuir ear an mortair gu bàs le beul fhianuisean: ach cha toir aon fhianuis teistean an aghaidh neach sam bith a *chum a chur* gu bàs.

31 Agus cha ghabh sibh éiric sam bith air son anama mortair, a tha ciontach de bhàs; ach cuir ear gu cinnteach gu bàs e.

32 Agus cha ghabh sibh éiric sam bith air a shon-san a theich do bhaile a dhèidein, a chum gu'n tigeadh e ris a ghabhail còmhnuidh 's an fhearann, gu bàs an t-sagairt.

33 Mar sin cha truaill sibh am fearann anns am *bheil* sibh; oir truaillidh fuil am fearann, agus cha-n'eil e 'n comas am fearann a ghlanadh de'n fhuil a dhoirteadh ann, ach le fuil an ti a dhòirt i.

34 Na salaichibh uime sin am fearann anns am bi sibh a chòmhnuidh, anns am bheil mise a'm' chòmhnuidh: a chionn gu bheil mise an Tighearn a'm' chòmhnuidh 'am meadhon chloinn Israeil.

CAIB. XXXVI

Nigheanan chloinn Israeil aig an robh oighreachd, gu pòsadh 'n an tréibh féin.

AGUS thàinig prìomh aithrichean a theaghlachan chloinn Ghileaid, mhic Mhachir, mhic Mhanaseli, de theaghlachibh mhac Ioseiph, am fagus, agus labhair iad an làthair Mhaois, agus an làthair nan ceannard, *eadhon* prìomh aithrichean chloinn Israeil;

2 Agus thubhairt iad, Dh'àithn an Tighearn do m' thighearn ann fearann a thoirt mar oighreachd le crannchur do chloinn Israeil, agus dh'àithneadh do m' thighearn leis an Tighearn, oighreachd ar bràthar Shelopheaid a thoirt d'a nigheanaibh.

3 Agus ma phòsar iad ri h-aon de mhic nan treubh *eile* de chloinn Israeil, an sin bheirear an oighreachd-san o oighreachd ar n-aithrichean, agus cuir ear i ri oighreachd na tréibhe d'an gabhar iad: mar sin bheir ear i o chranncur ar n-oighreachd-ne.

4 Agus an uair a bhitheas an iubile ann do chloinn Israeil, an sin cuir ear oighreachd ri oighreachd na tréibhe gus an do ghabhadh iad: mar sin bheir ear an oighreachd-

DEUTERONOMI, I.

san air falbh o oighreachd thréibhe ar n-aithrichean.

5 Agus dh'àithn Maois do chloinn Israeil, a réir focail an Tighearna, ag ràdh, Is ceart a labhair treubh mhac Ioseiph.

6 *Is* e so an nì a dh'àithn an Tighearn thaobh nigheanan Shelophchaid, ag ràdh, Pòsadh iad an neach a's àill leo; a nàhàn ri teaghlach thréibhe an aithrichean pòsaidh iad.

7 Mar sin cha-n atharraich oighreachd chloinn Israeil o thréibh gu thréibh; oir dlùth-leanaidh gach duine de chloinn Israeil ri oighreachd thréibhe aithrichean.

8 Agus bithidh gach nighean, a shealbhaicheas oighreachd ann an thréibh sam bith de chloinn Israeil, 'n a mnaoi aig aon de theaghlach thréibhe a h-athar, a chum gu meal clann Israeil gach duine dhiubh oighreachd aithrichean.

9 Ni mò dh'atharraicheas an oighreachd o aon thréibh gu thréibh eile; ach dlùth-leanaidh gach duine de treubhan chloinn Israeil r'a oighreachd féin.

10 Eadhon mar a dh'àithn an Tighearn do Mhaois, mar sin rinn nigheanan Shelophchaid:

11 Oir phòsadh Mahlah, Tirsah, agus Hoglah, agus Milcah, agus Noah, nigheanan Shelophchaid, ri màic bhràthar an athar.

12 Phòsadh iad *ri fir* de theaghlachibh mhac Mhanasch mhic Ioseiph, agus dh'fhan an oighreachd ann an thréibh teaghlach an athar.

13 *Is* iad sin na h-àitheantan, agus na breitheanais, a dh'àithn an Tighearn le làimh Mhaois, do chloinn Israeil ann an còmhnrdaibh Mhaoib, làimh ri Jordan *am fagus* do Iericho.

DEUTERONOMI.

CAIB. I.

1 *Ath-aithris le Maois air na thachair do chloinn Israeil anns an fhàsach.* 34 *Geur smachdachadh an Tighearna dhoibh air son am m-chreidimh.*

I*S* iad so na briathran a labhair Maois ri h-Israeliule, air na taobh so de Iordan 's an fhàsach, anns a' chòmhnard fa chomhair na mara *ruaidhe*, eadar Paran, agus Tophel, agus Laban, agus Haserot, agus Disahab.

2 (*Tha astar* aon là deug o Horeb, rathad sléibh Sheir, gu Cades-barnea.)

3 Agus anns an dà fhicheadamh bliadna, anns an aon mhios deug, air a' cheud là de'n mhios, labhair Maois ri cloinn Israeil, a réir nan uile *nithean* a dh'àithn an Tighearn dha d'an taobh;

4 An déigh dha Sihon rìgh nan Amorach a mharbhadh, a bha 'chòmhnuidh ann an Hesbon, agus Og rìgh Bhàsain, a bha 'chòmhnuidh aig Astarot ann an Edrei,

5 Air an taobh so de Iordan, ann an tìr Mhaoib, thòisich Maois air an lagh so chur 'an cèill, ag ràdh,

6 Labhair an Tighearn ar Dia ruinn ann an Horeb, ag ràdh, Ghabh sibh còmhnuidh fada gu leòr 's an t-sliabh so:

7 Pillibh agus gabhaibh bhur turus, agus rachaibh a chum sléibh nan Amorach, agus a chum nan *ionadan* uile am fagus da anns a' chòmhnard, anns a' mhonadh, agus anns an t-srath, agus mu dheas, agus ri taobh na fairge, gu fearann nan Canaanach, agus gu Lebanon, dh'ionnsuidh na h-aimhne mòire, *aimhne* Euphrates.

8 Feuch, chuir mi 'n tìr roimhibh; rachaibh

a steach, agus sealbhaichibh am fearann a mhionnach an Tighearn d'ur n-aithrichibh, Abraham, Isaac, agus Iacob, gr'n tugadh e dhoibh e agus d'an sliochd 'n an déigh.

9 Agus labhair mi ribh 's an àm sin, ag ràdh, Cha-n urrainn mise bhur giùlan a'm aonar:

10 Rinn an Tighearn bhur Dia lìonmhor sibh, agus, feuch, *tha* sibh an diugh mar reultan nèimh a thaobh lìonmhoireachd.

11 (Gu 'n deanadh an Tighearn, Dia bhur n-aithrichean, sibh màic uair nì's lìonmhoire na *tha* sibh, agus gu'm beannaicheadh e sibh, mar a gheall e dhuibh.)

12 Cionnus is urrainn mise leam féin bhur dragh a ghiùlan, agus bhur n-eallach, agus bhur comhstri?

13 Gabhaibhse dhuibh féin daoine glie' agus tuigseach, agus aithnichte 'n 'ur treubhan agus nì mise iad 'n an ceannardaibh oirbh.

14 Agus fhreagair sibh mi, agus thubhairt sibh, *Tha* an nì a labhair thu maith *dhuinne* r'a dheanamh.

15 Agus ghabh mi cinn bhur treubhan, daoine glie', agus aithnichte, agus rinn mi iad 'n an ceannardaibh oirbh, 'n an uachdaranaibh mhiltean, agus 'n an uachdaranaibh cheudan, agus 'n an uachdaranaibh lethcheudan, agus 'n an luchd-riaghlaidh am measg bhur treubhan.

16 Agus dh'àithn mi d'ur breitheamhnaibh 's an àm sin, ag ràdh, Eisidibh ris na *cùisean a bhitheas* eadar bhur bràithrean, agus thugaibh breth cheart eadar *gach* duine agus a bhràthair, agus an coigreach *a tha* maille ris.

17 Cha bhi suim agaibh do neach seach a chéile ann am breitheanas; ris a' bheag éisdidh sibh co mhaith is ris a' mhòr; cha bhi athadh oirbh roimh ghnuis duine, oir is le Dia a' bhreth: agus a' chùis a bhitheas ro chruaidh oirbh, bheir sibh a m' ionnsuidhs', agus éisdidh mise r'i.

18 Agus dh'àithn mi dhuibh 's an àm sin na h-uile nithean 'bu chòir dhuibh a dheanamh.

19 Agus an uair a dh'fhalbh sinn o Horeb, chaidh sinn troimh an fhàsach mhòr agus uamhasach sin uile, a chunnaic sibh air slighe sléibh nan Amorach, a réir mar a dh'àithn an Tighearn ar Dia dhuinn; agus thàinig sinn gu Cades-barnea.

20 Agus thubhairt mi ribh, Tha sibh air teachd gu slabh nan Amorach, a *tha* 'n Tighearn ar Dia a' tabhairt dhuinn.

21 Feuch, chuir an Tighearn do Dhia am fearann romhad, imich suas, sealbhaich e, a réir mar a thubhairt an Tighearn Dia d'aithrichean riut; na bitheadh eagall ort, agus na bitheadh faiteachas ort.

22 Agus thàinig sibh am fagus domhsa gach aon agaibh, agus thubhairt sibh, Cuireamaid daoine romhainn, agus rannsaicheadh iad a mach dhuinn am fearann, agus thugadh iad fios d'ar n-ionnsuidh a ris ciod an t-slighe air an téid sinn suas, agus ciod na bailtean gus an tig sinn.

23 Agus thaitinn a' chaimt rium gu maith; agus ghabh mi dà fhear dheug dhiubh, aon fhear as *gach* tréibh.

24 Agus thionndaidh iad, agus chaidh iad suas do'n t-slabh, agus thàinig iad gu gleann Escoil, agus rannsaich iad a mach e.

25 Agus ghabh iad 'n an làimh de thoradh an fhearainn, agus thug iad a nuas e d'ar n-ionnsuidhne, agus thug iad fios duinn a ris, agus thubhairt iad, *Is* maith am fearann a tha 'n Tighearn ar Dia a' tabhairt dhuinn.

26 Gidheadh, cha b'àill leibh dol suas, ach chuir sibh an aghaidh àithne an Tighearna bhuir Dé.

27 Agus rinn sibh gearan 'n 'ur bùthaibh, agus thubhairt sibh, A chionn gu'm b'fhuathach leis an Tighearn sinn, thuge e mach sinn à tìr na h-Eiphit, gu'r toirt thairis do làimh nan Amorach, a chur as duinn.

28 C'àit an téid sinn suas? Chuir ar bràithrean ar cridhe fò mhi-nhaisnich, ag ràdh, *Tha* 'n sluagh nì's mò agus nì's àirde na sinne; *tha* na bailtean mòra, agus daingichte suas gu nèamh, agus os barr, chunnaic sinn mic nan Anacach an sin.

29 An sin thubhairt mi ribh, Na bitheadh geilt oirbh, no eagall rompa.

30 An Tighearn bhuir Dia, a tha 'dol roimh-bh, cogaidh esan air bhuir son, a réir nan uile nithean a rinn e air bhuir son 's an Eiphit fa chomhair bhuir sùl.

31 Agus anns an fhàsach, far am faca tu cionnus a ghiùlan an Tighearn do Dhia thu,

mar a ghiùlaincas duine a mhac, 's an t-slighe *sìn* uile air an deachaidh sibh, gus an d'thàinig sibh do'n àite so.

32 Gidheadh 's an nì so cha do chreid sibh an Tighearn bhuir Dia,

33 A dh'imich roimh-bh 's an t-slighe, a rannsaich a mach àite dhuibh gus 'ur bùthan a shuidheachadh *ann*, ann an teine 's an oidehe, a nochdadh dhuibh ciod an t-slighe air an imicheadh sibh, agus ann an neul 's an là.

34 Agus chual' an Tighearn fuaim bhuir briathran, agus bha corruich air, agus mhionnaich e, ag ràdh,

35 Gu cinnteach cha-n fhaic a h-aon de dhaoimibh a' ghinealaich uile so am fearann maith sin, a mhionnaich mise gu'n tugaim d'ur n-aithricheibh,

36 Saor o Chaleb mac Iephunch; chi esan e, agus dhasan bheir mi am fearann air an do shaltair e, agus d'a chloinn, a chionn gu'n do lean e 'n Tighearn gu h-ionnan.

37 Mar an ceudna bha fearg aig an Tighearn riussa air bhuir sgàth, ag ràdh, Cha téid thusa féin a steach an sin.

38 *Ach* Iosua mac Nuin, a tha 'n a sheasamh a'd làthair, théid esan a steach an sin. Thoir misneach dha; oir bheir e air Israel a shealbhadh.

39 Agus bhuir clann bheag a thubhairt sibh a bhitheadh 'n an creich, agus bhuir clann, aig nach robh 's an là ud còlas air maith seach olc, théid iadsan a steach an sin, agus dhoibh-san bheir mi e, agus sealbhaichidh iad e.

40 Ach air bhuir sonsa, pillibh, agus gabhaibh bhuir turas do'n fhàsach, air slighe na mara ruaidhe.

41 An sin fheagair sibh agus thubhairt sibh rium, Fheacaich sinn an aghaidh an Tighearna, théid sinn suas agus cogaidh sinn, a réir nan uile *nithean* a dh'àithn an Tighearn ar Dia dhuinn. Agus chrioslaich sibh oirbh gach fear agaibh 'airm-chogaidh, agus bha sibh ullamh gu dol suas do'n t-slabh.

42 Agus thubhairt an Tighearn rium, Abair riu, Na rachaibh suas, agus na cogaidh, oir cha-n'eil mise 'n 'ur measg; air eagall gu'm buailcar sibh an làthair bhuir namhdcan.

43 Mar so labhair mi ribh, agus cha-n éisdheadh sibh, ach rinn sibh ceannaire an aghaidh àithne an Tighearna, agus chaidh sibh gu h-anndana suas do'n t-slabh.

44 Agus thàinig na h-Amorach, a bha 'chòmhnuidh 's an t-slabh sin, a mach 'n 'ur n-aghaidh, agus ruaig iad sibh mar a nì beachan, agus chuir iad as duihbh ann an Seir, *eadhon* gu Hormah.

45 Agus phill sibh, agus ghuil sibh an làthair an Tighearn; ach cha-n éisdheadh an Tighearn rì'r guth, agus cha tugadh e cluas duihbh.

DEUTERONOMI, II.

46 Mar sin dh'fhan sibh ann an Cades mòran làithean, aréir nan làithean a dh'fhan sibh an sin.

CAIB. II.

1 *Mu chloinn Esau, 9 mu na Moabaich, 16 agus mu na h-Amonaich. 24 Sìhon an t-Amorach agus a sluagh uile air an sgrios.*

AN sin phill sinn, agus ghabh sinn ar turas do'n fhàsach, air slighe na mara ruaidhe, mar a labhair an Tighearn riumsa; agus chuairtich sinn sliabh Sheir mòran làithean.

2 Agus labhair an Tighearn rium, ag ràdh,

3 Chuairtich sibh an sliabh so fada gu leòr: pillibh ri tuath.

4 Agus àithn thusa do'n t-sluagh, ag ràdh, *Tha* sibh gu dol troimh chrìch bheur bràithrean cloinn Esau, a tha 'chòmhnuidh ann an Seir, agus bithidh eagall orra roimhlibh: ach thugaibh aire mhaith dhuibh féin.

5 Na beannaibh riu; oir cha toir mi 'bheag d'am fearann duibh, *cha toir* uiread as leud troidhe; a chionn gu'n d'thug mi sliabh Sheir a dh'Esau mar sheilbh.

6 Ceannaichidh sibh biadh uatha le h-airgid, a chum gu'n ith sibh; agus mar an ceudna ceannaichidh sibh uisge uatha le h-airgid, a chum gu'n òl sibh.

7 Oir bheannaich an Tighearn do Dhia thu ann an uile oibribh do làimhe: is aithne dha do thrìall troimh 'n fhàsach mhòr so: rè an dà fhichead bliadhna *na bha* 'n Tighearn do Dhia maille riut, cha robh uireasbhuidh ni sam bith ort.

8 Agus an uair a chaidh sinn seachad o'r bràithribh cloinn Esau, a bha 'còmhnuidh ann an Seir, trid shlighe a' chòmhnuaid o Elat, agus o Esion-gaber, phill sinn, agus chaidh sinn seachad air slighe fàsach Mhoab.

9 Agus thubhairt an Tighearn rium, Na buin gu naimhdeil ris na Moabaich, agus na dean strì riu ann an cath: oir cha toir mi dhuist a' bheag d'am fearann mar sheilbh, a chionn gu'n d'thug mi Ar do chloinn Lot mar sheilbh.

10 Bha na h-Emich roimhe a chòmhnuidh ann, sluagh mòr, agus lìonmhor, agus àrd mar na h-Anaicaich;

11 A mheasadh mar an ceudna 'n am fannairean mar na h-Anaicaich, ach thug na Moabaich Emich mar ainm orra.

12 Bha mar an ceudna na Horaich a chòmhnuidh roimhe sin ann an Seir; ach thàinig clann Esau 'n an déigh, agus chuir iad as doibh as an sealladh, agus ghabh iad còmhnuidh 'n an àite, mar a rinn Israel ri fearann a sheilbh-san, a thug an Tighearn dhoibh.

13 A nis éiribh suas, *thubhairt mise*, agus rachaibh thar sruth Shereid; agus chaidh sinn thar sruth Shereid.

14 Agus b'i 'n àin' anns an d'thàinig sinn

o Chades-barnea, gus an deachaidh sinn thar sruth Shereid, o chd bliadhna deug thar fhichead; gus an robh ginealach an t-sluaigh-chogaidh uile air an caitheamh as o mheasg an t-sluaigh, mar a mhionnaich an Tighearn dhoibh.

15 Oir da rìreadh bha làmh an Tighearna 'n an aghaidh, gu'n sgrios o mheasg an t-sluaigh, gus an do chlaoidheadh iad.

16 Agus tharladh, 'n uair a bha na fir-chogaidh uile air an claidh, agus air bàsachadh o mheasg an t-sluaigh,

17 Gu'n do labhair an Tighearn rium, ag ràdh,

18 Tha thu gu dol thairis an diugh troimh Ar, crìoch Mhoab.

19 Agus *an uair* a thig thu 'm fagus thall fa chomhair chloinn Amoin, na buin gu naimhdeil riu, ni mò a bheanas tu riu: oir cha toir mi dhuist seallb sam bith dh' fhearann chloinn Amoin, a chionn gu'n d'thug mi e do chloinn Lot mar sheilbh.

20 (Mheasadh sin mar an ceudna 'n a fhearann fannairean: ghabh fannairean còmhnuidh ann 'san t-sean aimsir, agus thug na h-Amonaich Samsumaich mar ainm orra,

21 Sluagh mòr agus lìonmhor, agus àrd mar na h-Anaicaich; ach sgrios an Tighearn iad rompa, agus thàinig iad 'n an déigh, agus ghabh iad còmhnuidh 'n an àite:

22 Mar a rinn e ri cloinn Esau a bha 'chòmhnuidh ann an Seir, an uair a sgrios e na Horaich rompa; agus thàinig iad 'n an déigh, agus ghabh iad còmhnuidh 'n an àite, eadhon gus an là 'n diugh:

23 Agus na Habaich a bha 'còmhnuidh ann an Haserim, *eadhon* gu Hadsah, sgrios na Caphtoraich a thàinig a mach á Caphtor iad, agus ghabh iad còmhnuidh 'n an àite.)

24 Éiribh suas, gabhaibh bheur turas, agus rachaibh thar sruth Arnoin: feuch, thug mi do d' làimh Sìhon an t-Amorach, rìgh Hesboin, agus 'fhearann; tòisich air a shealbhachadh, agus dean strì ris ann an eath.

25 Air an là 'n diugh tòisichidh mi air d'uamhann-sa, agus d'eagal, a ehuir air na cinnich *a tha* fo nàmh uile, a chluimeas iomradh ort; agus crìothnaichidh iad, agus bithidh cràdh orra a'd làthair.

26 Agus chuir mi teachdairean á fàsach Chedemoit gu Sìhon rìgh Hesboin, le briathraibh sìth, ag ràdh,

27 Leig dhomh gabhail troimh d'fhearann: imichidh mi romham air an rathad mhòr, cha tionndaidh mi aon chuid a chum na làimhe deise, no chum na làimhe clithe.

28 Biadh air son airgid reicidh tu rium, a chum gu'n ith mi, agus uisge air son airgid bheir thu dhomh, a chum gu'n òl mi; a mhàin imichidh mi romham do m' chois,

29 (Mar a rinn clann Esau rium, a tha 'chòmhnuidh ann an Seir, agus na Moabaich a tha 'chòmhnuidh ann an Ar) gus an téid mi

thar Iordan, do'n fhearann a *tha* 'n Tigh-earn air Dia a' toirt duinn.

30 Ach cha leigeadh Sihon rìgh Hesboin leinn dol troimh *fhearann*: oir chruaidhich an Tighearn do Dhia a spiorad, agus rinn e a chridhe rag, a chum gu'n tugadh e thairis e do d' làimh, mar a *chithear* air an là 'n dingle.

31 Agus thubhairt an Tighearn rium, Feuch, thòisich ui air Sihon agus fhearann a thoirt thairis a'd' fhianuis: gabh sealbh, a chum gu'm bi fhearann agad mar oighreachid.

32 An sin thàinig Sihon a uach 'n ar n-aghaidh, e féin, agus a shluagh uile, a chogadh aig Iahas.

33 Agus thug an Tighearn ar Dia thairis e romhainn, agus bhual sinn e féin, agus a uile, agus a shluagh uile.

34 Agus ghlac sinn a bhailean uile 's an àm sin, agus sgrìos sinn gu tur fir, agus umathan, agus clann bheag gach baile; cha d'fhàs sinn a h-aon a làthair:

35 A mhàin ghabh sinn duinn féin an spréidh mar chobhartach, agus creach nam bailtean a ghlac sinn.

36 O Aroer, a *tha* air bruaich shruth Arnoin, agus o'n bhaile a *tha* làimh ris an t-sruth, eadhon gu Gilead, cha robh aon bhaile tuille 's làidir air ar son: thug an Tighearn ar Dia *iad* uile thairis duinn.

37 A mhàin gu fearann chloinn Amoin cha d'fhàinig thn, no gu àite sam bith *am fagus* do shruth Iaboc, no gus na bailtibh *am measg* nam beann, no gu *àite* sam bith a thoirmisg an Tighearn ar Dia duinn.

CAIB. III.

1 *Bhuadhaich clann Israeil air Og rìgh Bhàsain.*

12 *Cranachur shliochd Reuben agus Gad.*

23 *Ghuidh Moats dol a steach do fhearann Chanaain; 27 ach fhuair e a mhàin sealladh dh'e o mhuilach Phisgah.*

AN sin phill sinn, agus chaidh sinn suas air an t-slighe gu Bàsan: agus thàinig Og rìgh Bhàsain a mach 'n ar n-aghaidh, e féin agus a shluagh uile, gu cath aig Edrei.

2 Agus thubhairt an Tighearn riumsa, Na bitheadh eagal ort roimhe: oir do d' làimh-sa bheir mise thairis e féin, agus a shluagh uile, agus fhearann; agus ni thn ris mar a rinn thu ri Sihon rìgh nan Amorach, a bha 'chòmhnuidh aig Hesbon.

3 Mar sin thug an Tighearn ar Dia thairis d'ar làimh-ne mar an ceudna Og rìgh Bhàsain, agus a shluagh uile: agus bhual sinn e, gus nach d'fhàgadh a h-aon beò aige.

4 Agus ghlac sinn a bhailean uile 's an àm sin; cha robh baile nach d'fhàs sinn uatha, tri fichead baile, dùthaich Argoib uile, rioghachd Og ann am Bàsan.

5 *Bha* na bailtean sin uile air an daingneachadh le balla àrd, le geataibh agus le crannaibh, a thuilleadh air bailtibh gum bhalla, ro mhòran.

6 Agus sgrìos sinn gu tur iad, mar a rinn sinn air Sihon rìgh Hesboin, a' léir-sgrìos fhear, bhan, agus chloinne gach baile.

7 Ach ghabh sinn an spréidh nìle, agus creach nam bailtean mar chobhartach duinn féin.

8 Agus thng sinn 's an àm sin á làimh dà rìgh nan Amorach, am fearann a *tha* air an taobh so de Iordan, o shruth Arnoin gu shìabh Hermoin:

9 (Thug na Sidonaich Sirion mar ainm air Hermoin: agus thng na h-Amoraich Senir mar ainm air)

10 Bailtean a' chòmhnuaid uile, agus Gilead uile, agus Bàsan nìle, gu Salcha agus Edrei, bailtibh rìoghachd Og ann am Bàsan:

11 Oir bha Og rìgh Bhàsain a mhàin a làthair de fhuigheall nam fannhairean; feuch, a leabadh *bu* leabadh iarninn i: nach 'eil i ann an Rabat chloinn Amoin? *B'iad* naoi làmhnan-coille a fad, agus ceithir làmhnan-coille a leud, a réir làimh-choille duine.

12 Agus am fearann so, a shealbhaich sinn 's an àm sin, o Aroer a *tha* làimh ri sruth Arnoin, agus leth sléibh Ghilead, agus a bhailean, thng mi do na Reubenich, agus do na Gadaich.

13 Agus a' chuid eile de Ghilead, agus Bàsan nìle, eadhon rìoghachd Og, thug mi do leth thréibh Mhanaseh: dùthaich Argoib uile, maille ri Bàsan uile, d'an ainm fearann nam fannhairean.

14 Ghabh Iair, mac Mhanaseh, dùthaich Argoib uile, gu crìochaibh Ghesuri, agus Mhaachati; agus thng e Bàsan-Habhot-Iair mar ainm oirre a réir ainme féin, gus an là 'n diugh.

15 Agus thug ui Gilead do Mhachir.

16 Agus do na Renbenich, agus do na Gadaich, thug mi o Ghilead eadhon gn sruth Arnoin, leth a' ghlinne, agus an t-ìomall, eadhon gus an sruth Iaboc, crìoch chloinn Amoin:

17 An còmhnaid mar an ceudna, agus Iordan, agus a chrìochan, o Chimeret, eadhon gu muir a' chòmhnuaid, a' mhuir shalainn, fo Asdot-pisgah a làimh na h-àird' an car.

18 Agus dh'àithn mi dhuibh 's an àm sin, ag ràdh, Thng an Tighearn bhnr Dia dhuibh an fearann so r'a shealbhadh: thèid sibh a null fo'n armaibh roimh bhnr bràithribh clann Israeil, gach neach a *tha* foghainteach a clann cogaidh.

19 Ach fanaidh bhnr mathan, agus bhnr clann bheag, agus bhnr spréidh, (oir is aithne dhomh gu'm bheil mòran spréidhe agaibh,) 'n 'ur bailtibh a thug mi dhuibh,

20 Gus an toir an Tighearn fois d'ur bràithribh, co mhaith agus dhuibhs, agus gus an sealbhaich iadsan mar an ceudna an fearann a thug an Tighearn bhnr Dia dhuibh an taobh thall de Iordan: agus an sin

pillidh gach duine agaibh g'a sheilbh, a thng mi dhuibh.

21 Agus dh'àithn mi do Iosua 's an àm sin, ag ràdh, Chumnaic do shùilean na h-uile nithean a rinn an Tighearn bhur Dia ris an dà rìgh sin: mar sin ni an Tighearn ris na rìoghachdaibh uile gus *am bheil* thu dol.

22 Cha bhi eagal oirbh rompa: oir cogaidh an Tighearn bhur Dia e fèin air bhur son.

23 Agus ghuidh mi air an Tighearn 's an àm sin, ag ràdh,

24 O Thighearna Dhé, thòisich thu air do mhòrachd, agus do làmh chumhachdach a nochdadh do d' òglach: oir cò an dia air nèamh no air talamh, a's urrainn a dheanamh a réir d'òibre-sa, agus a réir do chumhachd-sa?

25 Guidheam ort, leig dhomh dol thairis, agus am fearann maith sin fhaicinn a *tha'n* taobh thall de Iordan, an sliabh maith sin, agus Lebanon.

26 Ach bha fearg air an Tighearn rium air bhur son-sa, agus cha d'éisd e rium: agus thubhairt an Tighearn rium, Gu ma leòr leat e; na labhair ni's mò rium mu'n chùis so.

27 Falbh suas gu mullach Phisgah, agus tog suas do shùilean ris an àird' an iar, agus ris an àirde tuath, agus ris an àirde deas, agus ris an àird' an ear, agus amhaire le d' shùilibh; oir cha téid thu thar Iordan so.

28 Ach thoir àithne do Iosua, agus thoir misneach dha, agus neartaich e: oir théid ean thairis roimh an t-sluagh so, agus bheir e orra an fearann sin a chi thusa, a shealbhadh mar oighreachd.

29 Mar sin ghabh sinn còmhuidh 's a' ghleann thall fa chomhair Bhetpeoir.

CAIB. IV.

1 *Earail chum àmhclach do lagh Dhé. 41*
Chuir Moais air leth trì bailtean dìdein air an taobh an ear de Iordan.

ANIS uime sin éisd, O Isracil, ris na reachdaibh, agus ris na breitheanais, a *tha* mise a' teagasg dhuibh a dheanamh, a chum gu'm bi sibh beò, agus gu'n téid sibh a steach agus gu'n sealbhaich sibh am fearann a bheir an Tighearn Dia bhur n-aithrichean dhuibh.

2 Cha chuir sibh a' bheag ris an fhocal a *tha* mise ag àithneadh dhuibh, ni mò a bheir sibh ni sam bith uaith, a chum gu'n gléidh sibh àitheantan an Tighearna bhur Dé, a *tha* mise ag àithneadh dhuibh.

3 Chumnaic bhur sùilean ciod a rinn an Tighearn thaobh Bhaal-peoir: oir na daoine sin uile a lean Baal-peor, sgrios an Tighearn bhur Dia iad as bhur meag.

4 Ach *tha* sibhse a lean ris an Tighearn bhur Dia, beò gach aon agaibh air an là'n diugh.

5 Feuch, theagaisg mi dhuibh reachdan agus breitheanais, eadhon mar a dh'àithn

an Tighearn mo Dhia dhomh, a chum gu'n deanadh sibhse mar sin anns an fhearann gus am bheil sibh a' dol g'a shealbhadh.

6 Uime sin gleidhibh agus deanaibh *iad*; oir *is* e so bhur gliocas agus bhur tuigse ann an sealladh nan cinneach, a chluinneas na reachdan sin uile, agus a their, Gu cinnteach *is* sluagh glie agus tuigseach an cinneach mòr so.

7 Oir co e an cinneach *co* mhòr, aig *am bheil* Dia am fagus doibh, mar a *tha'n* Tighearn ar Dia-ne 's na h-uile *nithibh* air son am bheil sinne a' gairm air?

8 Agus co an cinneach *co* mhòr, aig am bheil reachdan agus breitheanais *co* cheart ris an lagh so uile, a *tha* mise a' cur roimh-ibh air an là'n diugh?

9 A mhàin thoir an aire dhuit fèin, agus gléidh d'anam gu dìchiollach, air eagal gu'n dì-chuimhnich thu na nithean sin a chumnaic do shùilean, agus air eagal gu'n dealaich iad ri d' chridhe uile làithean do bheatha; ach teagaisg iad do d' mhic, agus do mhic do mhac:

10 *Gu h-àraidh* an là a sheas thu an làth-air an Tighearna do Dhé am an Horeb, an uair a thubhairt an Tighearn riumsa, Tionail thugam an sluagh r'a chéile, agus bheir mi orra mo bhriathran a chluinntinn, a chum gu'm fòglhum iad eagal a ghabhail romham rè nan uile làithean a *bhios* iad beò air an talamh, agus gu'n teagaisg iad an clann.

11 Agus thàinig sibh am fagus, agus sheas sibh fò'n t-sliabh; agus bha 'n sliabh a' losgadh le teine gu meadhon nèimh, maille ri duibhre, neoil, agus dubh dhorechadas.

12 Agus labhair an Tighearn ribh á meadhon an teine: chuala sibh guth nam briathran, ach coslas nam bith cha-n fhaca sibh; a mhàin *chuala* sibh guth.

13 Agus chuir e 'n céill duibh a choimhcheangal, a dh'àithn e dhuibh a choimhlionadh, eadhon deich àitheantan; agus sgrìobh e iad air dà chlàr chloiche.

14 Agus dh'àithn an Tighearn dhomhsa 's an àm sin, reachdan agus breitheanais a theagasg dhuibh, a chum gu 'n deanadh sibh iad anns an fhearann a théid sibh a null g'a shealbhadh.

15 Thugaibh uime sin an aire mhaith dhuibh fèin, (oir cha-n fhaca sibh gné coslais sam bith anns an là *air* an do labhair an Tighearn ribh am an Horeb, á meadhon an teine.)

16 Air eagal gu'n truaill sibh sibh fèin, agus gu'n dean sibh dhuibh fèin dealbh snaidhte, coslas riochd air bith, coslas fir no mnà,

17 Coslas ainmhidh sam bith a *tha* air an talamh, coslas eoin sgiathaich air bith a dh'itealaicheas 's an athar,

18 Coslas ni sam bith a shuàigeas air an

DEUTERONOMI, IV.

Iar, coslas éisg air bith a *tha* 's na h-uisgibh fo'n talamh;

19 Agus air eagal gu'n tog thu suas do shùilean ri nèamh, agus an uair a chi thu a' ghrian, agus a' ghealach, agus na reultan, *eadhon* slòigh nèimh uile gu'n tairngear thu gu cromadh sìos dhoibh, agus gu aoradh a dheanamh dhoibh, a roinn an Tighearn do Dhia ris gach cinneach a tha fo nèamh uile.

20 Ach ghabh an Tighearn sibhse, agus thug e mach sibh as an àmhuinn iarum, as an Eiphit, gu bhli 'n ur sluagh air son oighreachd dha féin, mar air an là 'n diugh.

21 Agus bha fearg aig an Tighearn riumsa air bhur sonsa, agus mhionnaich e nach rachainn thar Iordan, agus nach rachainn a steach do'n fhearann mhaith sin a *tha* 'n Tighearn do Dhia a' tabhairt duit mar oighreachd.

22 Ach is éigin domh bàs fhaotainn 's an fhearann so, cha téid mi thar Iordan; ach théid sibhse null, agus seallbhaidhidh sibh am fearann maith sin.

23 Thugaibh an aire dhuibh féin, air eagal gu'n di-chuimhnich sibh coimhcheangal an Tighearna bhrù Dé, a rinn e ribh, agus gu'n dean sibh dhuibh féin dealbh snaidhte, coslas *ni* air bith a thoirmisg an Tighearn do Dhia dhuit:

24 Oir *is* teine dian-loisgeach an Tighearn do Dhia; *is* Dia èudmhor e.

25 'N uair a ghineas tu clann, agus clann cloinne, agus a dh'fhanas sibh fada 's an fhearann, agus a thruailleas sibh *sibh féin*, agus a ni sibh dealbh snaidhte, coslas *ni* sam bith, agus a ni sibh ole ann an sealladh an Tighearna do Dhé, agus a bhrosnaicheas sibh e gu feirg;

26 Gairmeam nèamh agus talamh mar fhianuis 'n ur n-aghaidh air an là 'n diugh, gu'n tig léir-grios oirbh gu h-aithghearr as an fhearann a chum an bheil sibh dol thar Iordan g'a sheallbhachadh: cha bhunaich sibh bhrù làithean ann, ach sgriosar sibh gu tur.

27 Agus sgapaidh an Tighearn sibh am measg nan cinneach, agus fàgar sibh tearc 'an àireamh am measg nan cinneach, far an toir an Tighearn sibh.

28 Agus an sin ni sibh seirbhis do dhìathairbh, obair lànhan dhaoine, fiodh agus clach, nach faic, agus nach cluinn, agus nach ith, agus nach gabh faile.

29 Ach ma dh'iarras tu 'n Tighearn do Dhia as a sin amaisidh tu air, ma dh'iarras tu e le d' uile chridhe, agus le d'uile anam.

30 'N uair a bhithas tu ann an àmhghar, agus a thig na nithean sin uile ort 's na làithibh deireannach, ma philleas tu chum an Tighearna do Dhé, agus ma bhithcas tu ùmhal d'a ghuth:

31 (Oir *is* Dia tròcaireach an Tighearn do Dhia-sa,) cha tréig e thu, ni mò a sgriosas

e thu, no dhì-chuimhnicheas e coimhcheangal d'aithrichean, a mhionnaich e dhoibh.

32 Oir fiosraich a nis de na làithibh a chaidh seachad, a bha romhad, o'n là air an do chruthaich Dia an duine air an talamh, agus *fiosraich* o aon iomall de nèamh gus ant-iomall eile, an robh riamh *ni sam bith* ann mar an ni mòr so, no'n eualas *ni* cosmhail ris?

33 An euala sluagh *sam bith* guth Dhé a' labhairt á meadhon an teine, mar a chuala tusa, agus an do mhair iad beò?

34 No 'n d'fheuch Dia ri dol gu cinneach a ghabhail da féin o mheasg cinnich *eile*, le dèuchainnibh, le comharaibh, agus le lìongantasaibh, agus le cogadh, agus le làimh chumhachdaich, agus le gairdean sìnte mach, agus le h-uamhasaibh mòra, a réir nan uile nithean a rinn an Tighearn bhrù Dia air bhrù son 's an Eiphit fa chomhair bhrù sùl?

35 Dhuitse nochdadh e, chum gu'm bith-eadh fios agad gur e 'n Tighearn *a's* Dia ann; cha-*n* 'eil ann ach e.

36 A nèamh thug e ort a ghuth a chluinntinn, a chum gu'n teagaisgeadh e thu; agus air talamh nochd e dhuit a theine mòr, agus chuala tu a bhriathran á meadhon an teine.

37 Agus a chionn gu'n do ghràdhaich e d'aithrichean, uime sin thagh e an sìochd 'an deigh, agus thug e thusa mach 'n a shealladh, le 'chumhachd mòr, as an Eiphit;

38 A dh'fhuadachadh a mach cinneach romhad, a's mò agus a's cumhachdaiche na thusa, g'ad thoirt-sa stigh a thabhairt dhuit am fearainn 'n a oighreachd, mar air an là 'n diugh.

39 Bitheadh agad fios uime sin an diugh, agus thoir fainear ann ad chridhe, gur e 'n Tighearn *a's* Dia ann air nèamh shuas, agus air an talamh a bhos: cha-*n* 'eil ann ach e.

40 Gleidhidh tu uime sin a reachdan, agus àitheantan, a tha mise ag àithneadh dhuit an diugh, a chum gu'n éirich gu maith dhuit, agus do d' chloinn a'd' dhéigh, agus a chum gu'm bunaich thu do làithean air an fhearann, a bheir an Tighearn do Dhia dhuit gu bràth.

41 An sin chuir Maois air leth trì bailtean air an taobh so de Iordan, leth ri éirigh na gréine:

42 A chum gu'n teicheadh am marbhaiche an sin, a mharbh a chòimhearsnach gun fhios da, agus gun fhuath aige dha 's an aimsir a chaidh seachad; agus gu'n teicheadh e gu' h-aon de na bailtibh sin, agus gu maireadh e beò:

43 *Eadhon* Bese's an fhàsach, ann an dùth-aich a' chòmhnaird, de na Reubenich; agus Ramot ann an Gilead, de na Gadaich; agus Golan ann am Basan, de na Manasaich.

44 Agus *is* e so an lagh a chuir Maois roimh chloinn Israeil.

45 *Is* iad so na teisteis, agus na reachdan, agus na breitheanais, a labhair Maois ri cloinn Israeil, an uair a thàinig iad a mach as an Eiphit,

46 Air an taobh so de Iordan 's a' ghleann thall fa chomhair Bhet-peoir, ann am fear-*ann* Shihoin rìgh nan Amorach, a *bha* 'chòmlnuidh ann an Hesbon, a bhuail Maois agus clann Israeil, an déigh dhoibh teachd a mach as an Eiphit:

47 Agus shealbhaidh iad 'fhearann, agus fearann Og rìgh Bhasàin, dà rìgh nau Amorach, a *bha* air an taobh so de Iordan, leth ri éiridh na grèine;

48 O Aroer, a *tha* làimh ri bruaich sruth Arnoiu, eadhon gu sliabh Shioin, a's e Hermon,

49 Agus an còmlmard uile air an taobh so de Iordan a làimh na h-àird' an ear, eadhon gu muir a' chòmhnaid, fo thobraichibh Phisgah.

CAIB. V.

1 *Aithris a' choimhcheangail a rinn Dia ri cloinn Israeil ann an Horeb.* 6 *Na deich àitheantan.* 23 *Air iarrtas an t-sluaigh fhuair Maois an lagh o Dhia.*

AGUS ghairm Maois air Israel uile, agus thubhairt e riu, Eisd, O Israeil, ris na reachdaibh agus na breitheanais a labhras mi 'n ur cluasaibh air an là'n diugh, a chum gu'm fòghlum sibh iad, agus gu'n gleidh agus gu'n dean sibh iad.

2 Rinn an Tighearn ar Dia coimhcheangail ruin ann an Horeb.

3 Cha d' rinn an Tighearn an coimhcheangail so 'ar n-àithrichean, ach riuine, eadhon ruinne a *tha* uile beò an so air an là'n diugh.

4 Aghaidh ri h-aghaidh labhair an Tighearn ribh 's an t-sliabh, á meadhon an teine,

5 (Sheas mise eadar au Tighearn agus sibhse 's an àm sin, a nochdadh dhuibh focail an Tighearna: oir bha eagal oirbh roimh an teine, agus cha deachaidh sibh suas do'n t-sliabh,) ag ràdh,

6 *Is* mise an Tighearn do Dhia, a thug a mach thusa á tìr na h-Eiphit, á tigh na daorsa.

7 Na bitheadh dée sam bith eile agad a'm' fhianuis.

8 Na dean dhuit féiu dealbh snaidhte, no coslas air bith *dhiaon ni a tha* shuas air nêamh, no a *tha* shìos air an talamh, uo a *tha* 's na h-uisgeachaibh fo 'n talamh.

9 Na crom thu féiu sìos doibh, agus na dean seirbhis doibh: oir mise an Tighearn do Dhia, *is* Dia èudmhor mi, a' leantuinn aingidheachd nan aithrichean air a' chloinn, agus air an treas agus air a' cheathramh *ginealach* dhiubhsan a dh'fhuathaicheas mi,

10 Agus a' deanamh tròcair air mìlteibh

dhiubhsan a ghràdhacheas mi, agus a ghlèidheas m'aitheantan.

11 Na tabhair ainm an Tighearna do Dhé 'an dìomhanas: oir cha mhèas an Tighearn neòchiontach *esan* a bheir 'ainn 'an dìomhanas.

12 Thoir an aire là na sàbaid a naomhachadh, mar a dh'àithn an Tighearn do Dhia dhuit.

13 Sè làithean saothraichidh tu, agus ni thu d'obair uile;

14 Ach *air au t-seachdamh là tha* sàbaid an Tighearna do Dhé: *air an là so* cha dean thu obair sam bith, thu féin, no do mhac, no do nighean, no d'òglach, no do bhanoglach, no do dhamh, no d'asal, no aou air bith de d' spréidh, no do choigreach a *tha* 'n taobh a stigh de d' gheataibh; a chum gu'n gabh d'òglach agus do bhanoglach fois co mhaith riut féin.

15 Agus cuimhnich gu'n robh thu *féin* a'd' sheirbhisich ann an tìr na h-Eiphit, agus gu'n d'thug an Tighearn do Dhia mach as a sin thu, le làimh chumhachdaich agus le gairdean sìnte mach: uime sin dh'àithn an Tighearn do Dhia dhuit an t-sàbaid a choimhead.

16 Tabhair urram do d'athair agus do d' mhàthair, mar a dh'àithn an Tighearn do Dhia dhuit; a chum gu'm buanaichear do làithean, agus gu'n éirich gu maith dhuit, 's an fhearann a bheir an Tighearn do Dhia dhuit.

17 Na dean mortadh.

18 Ni mò a ni thu adhaltranas.

19 Ni mò a ghoidas tu.

20 Ni mò a bheir thu fianuis bhréige an aghaidh do choimhearsnaich.

21 Ni mò a mhiannaicheas tu bean do choimhearsnaich, ni mò a shaumtaicheas tu tigh do choimhearsnaich, 'fhearann, no 'òglach, no 'bhauoglach, no 'dhamh, no 'asal, no *ni* air bith a's le do choimhearsnaich.

22 Na briathran sin labhair an Tighearn r'ur coimhlhional uile 's an t-sliabh, á meadhon an teine, an neoil agus an dubh dhorchadais, *le* guth mòr; agus cha do chuir e tuilleadh ris: agus sgrìobh e iad air dà chlàr chloiche, agus thug e dhomhsa iad.

23 Agus an uair a chuala sibh an guth á meadhon an dorchadais, agus an t-sléibh a' losgadh le teine, an sin thàinig sibh am fagus dhomhsa, eadhon uile cheannardan lhur treubhan, agus bhuir scanairean,

24 Agus thubhairt sibh, Feuch, dh' fhoillsich an Tighearn ar Dia dhuinn a ghloir, agus a mhòrachd, agus chuala sinu a ghuth á meadhon an teine: chunnaic sinu an diugh gu'n labhair Dia ri duine, agus gu mair e beò.

25 A nis uime sin e'ar son a gheibheamaid bàs? oir loisgidh an teine mòr so sinn. Ma chluinnas sinn guth an Tighearna ar Dé tuilleadh, an sin bàsaichidh sinn.

26 Oir cò *dè'n* uile fheoil a chuala guth an Dé bhed a' labhairt á meadhon an teine, mar a rinn sinne, agus a mhair beò?

27 Theirig-sa am fagus, agus éisd ris na h-uile nithibh a their an Tighearn ar Dia; agus labhair thusa ruinne gach *nì* a their an Tighearn ar Dia riut, agus éisdidh sinne *ris*, agus ni sinn *e*.

28 Agus chual' an Tighearn guth bhur briathran, 'n uair a labhair sibh rium: agus thubhairt an Tighearn rium, Chuala mi guth bhriathran an t-sluaigh so, a labhair iad riut: *is* maith a thubhairt iad gach *nì* a labhair iad.

29 O gu'm bitheadh an gnè cridhe so anna, gu'm bitheadh m'eagals' orra, agus gu'n gleidheadh iad m'aitheantan uile a ghnàth, a chum gu'n éireadh gu maith dhoibh, agus d'an cloinn gu bràth!

30 Imich, abair riu, Rachaidh d'ur bùthaidh a ris.

31 Ach do d' thaobhsa, seas an so làmh riumsa, agus labhairaidh mi riut na h-aitheantan uile, agus na reachdan, agus na breitheanais, a theagaisgeas tu dhoibh, a chum as gu'n dean siad *iad* anns an fhearann a *tha* mise a' tabhairt dhoibh r'a shealbhachadh.

32 Bheir sibh an aire uime sin gu'n dean sibh mar a dh'aithn an Tighearn bhur Dia dhuibh: cha chlaon sibh a thaobh a chum na làimhe deise no clithe.

33 Anns gach slighe a dh'aithn an Tighearn bhur Dia dhuibh ghuaisidh sibh, a chum gu'm bi sibh beò, agus gu'n éirich gu maith dhuibh, agus gu'm buanaich sibh bhur làithean anns an fhearann a shealbhacheas sibh.

CAIB. VI.

1 *Is i ùmhleadh do thoil Dhé crìoch an lagha.*

3 *Earrail do'n t-sluaigh chum na crìche so.*

A NIS *is* iad so na h-aitheantan, na reachdan, agus na breitheanais, a dh'aithn an Tighearn bhur Dia a theagasg dhuibh, a chum gu'n deanadh sibh *iad* 's an fhearann d'am bheil sibh a' dol g'a shealbhachadh:

2 A chum gu'm bitheadh eagal an Tighearna do Dhé ort, gu'n gleidheadh tu a reachdan uile, agus 'aitheantan, a *tha* mise ag àithneadh dhuit, thu féin, agus do mhac, agus mac do mhic, uile làithean do bheatha, agus a chum gu'm buanaichear do làithean.

3 Eisd uime sin, O Israeil, agus thoir an aire gu'n dean thu *so*, a chum gu'n éirich gu maith dhuit, agus gu'm fàs sibh ro ìonmhor, mar a gheall an Tighearn Dia d'aitheirichean dhuit, ann am fearann a tha' sruthadh le bainne agus mil.

4 Eisd, O Israeil: An Tighearn ar Dia-ne, *is* aon Tighearn *e*.

5 Agus gràdhaichidh tu an Tighearn do Dhia le d' uile chridhe, agus le d' uile anam, agus le d' uile neart.

6 Agus bithidh na briathran so, a *tha* mi ag àithreadh dhuit an diugh, ann ad chridhe;

7 Agus teagaisgidh tu iad do d' chloinn, agus labhairaidh tu orra 'n uair a shuidheas tu a'd' thigh, agus an uair a dh'ìnicheas tu air an t-slighe, agus an uair a luidheas tu sìos, agus an uair a dh'éireas tu suas.

8 Agus ceanglaidh tu iad mar chomharadh air do làimh, agus bithidh iad mar eudanain eadar do shùilibh.

9 Agus sgrìobhaidh tu iad air ursainnibh do thighe, agus air do gheataibh.

10 Agus an uair a bheir an Tighearn do Dhia thu do'n fhearann a mhionnaich e do d' aithirichean, do Abraham, do Isaac, agus do Iacob, gu'n tugadh e dhuit bailtean mòra agus maithe, nach do thog thu féin.

11 Agus tighean làn de gach *nì* maith nach do lìon thu, agus tobraichean cladh-aichte nach do chladhaich thu, fìon-liosan agus lìosan-olaidh nach do shuidhich thu, 'n uair a dh'ìtheas tu agus a bhitheas tu air do shàsachadh;

12 An *sin* thoir an aire air eagal gu'n dì-chuimhnich thu an Tighearn, a thug a mach thu à tìr na h-Eiphit, à tigh na daorsa.

13 Bithidh eagal an Tighearna do Dhé ort, agus ni thu seirbhis dha, agus mionnaichidh tu air 'ainm.

14 Cha téid sibh an déigh dhiathan eile, de dhiathaibh an t-sluaigh a *tha* mu'n cuairt oirbh;

15 (Oir *tha* 'n Tighearn do Dhia 'n a Dhia eudmhor 'n 'ur measg) air eagal gu'n las fearg an Tighearna do Dhé a'd' aghaidh, agus gu'n sgrios e thu o aghaidh na talmhainn.

16 Cha bhrosnaich sibh an Tighearn bhur Dia, mar a bhrosnaich sibh *e* ann am Masah.

17 Gleidhidh sibh gu dìchiollach àitheantan an Tighearna bhur Dé, agus a theisteis, agus a reachdan, a dh'aithean e dhuit.

18 Agus ni thu an *nì sin* a *tha* ceart agus maith ann an sealladh an Tighearna; a chum gu'n éirich gu maith dhuit, agus gu'n téid thu steach, agus gu'n sealbhaich thu an fearann maith a mhionnaich an Tighearn do d'aitheirichean;

19 A thilgeadh a mach do naimhdean uile romhad, mar a labhair an Tighearn.

20 'N uair a dh'fhiosraicheas do mhac dhiot 's an aimsir ri teachd, ag ràdh, Ciod *a's ciall* do na teistesaibh, agus do na reachdaibh, agus do na breitheanasaibh a dh'aithn an Tighearn ar Dia dhuibh?

21 An sin thoir thu ri d' mhac, Bha sinn 'n ar tràillibh aig Pharaoh 's an Eiphit, agus thug an Tighearn a mach sinn as an Eiphit le làmh chumhachdaich.

22 Agus nochd an Tighearn comharan agus iongantasan mòra agus doilgheasach 's an Eiphit, air Pharaoh, agus air a theaghlach uile fa chomhair ar sùl;

23 Agus thug e mach sinn as a sin, a chum gu'n tugadh e sinn a stigh, a thoirt dhuinn an fhearainn a mhionnaich e d'ar n-aithrichibh.

24 Agus dh'àithn an Tighearn dhuinn na reachdan sin uile a dheanamh, eagal an Tighearna ar Dé bhi oirnn a chum ar maith a ghnàth, a chum gu'n gleidheadh e beò sinn, mar air an là'n diugh.

25 Agus bithidh e 'n a fhìreantachd dhuinn, ma bheir sinn fainear na h-àitheantan so uile a dheanamh, an làthair an Tighearna ar Dé, mar a dh'àithn e dhuinn.

CAIB. VII.

1 *Uile chomh-chomunn ris na Cinnich air a thoirmes, 4 air eagal gu'n tairngeadh siad iad gu h-iodhol-aoradh.*

'N UAIR a bheir an Tighearn do Dhia thu stigh do'n fhearainn a chum am bheil thu 'dol g'a shealbhadh, agus a thilgeas e mach romhad mòran chinneach, na Hìtich, agus na Gírgasaich, agus na h-Amoraich, agus na Cananaich, agus na Peridsich, agus na Hibhich, agus na Iebusaich, seachd cinnich a's mò agus a's cumhachdaiche na thusa;

2 Agus an uair a bheir an Tighearn do Dhia iad thairis a'd' làthair, buailidh tu iad, agus cuiridh tu gu tur as doibh; cha dean thu coimhcheangal sam bith riu, nì mò a nochdas tu tròcair dhoibh:

3 Nì mò a nì thu cleamhnas riu; do nighean cha toir thu d'a mhacas, nì mò a ghabhas tu a nighean-san do d' mhacas.

4 Oir tionndaidh iad do mhac o mise a lean-tuin, a chum gu'n dean iad seirbhis do dhiathan eile: mar sin lasaidh fearg an Tighearna 'n ur n-aghaidh, agus sgriosaidh e thu gu h-obann.

5 Ach mar so buinidh sibh riu: sgriosaidh sibh an altairean, agus brisidh sibh an dealbhan, agus gearraidh sibh sìos an doireachan, agus loisgidh sibh an coslais shnaidhte le teime.

6 Oir 's sluagh naomh do'n Tighearn do Dhia thusa: thagh an Tighearn do Dhia thu gu bhi 'd' shluagh àraidh dha fèin, os ceann gach sluagh a tha air aghaidh na talmhainn.

7 Cha do ghràdhaich an Tighearn sibh, nì mò a thagh e sibh, a chionn gu'n robh sibh nì bu lionmhoire na sluagh sam bith eile; (oir 's sibh 'bu teirce de gach uile shluagh;)

8 Ach a chionn gu'n do ghràdhaich an Tighearn sibh, agus a chum gu'n gleidheadh e na mionnan a mhionnaich e d'ur n-aithrichibh, thug an Tighearn mach sibh le làimh chumhachdaich, agus shaor e thu à tigh nan tràilleann, á làimh Pharaoh rìgh na h-Eiphit.

9 Bitheadh fios agad uime sin, an Tighearn do Dhia gur h-esan Dia, an Dia firinneach, a chumas coimhcheangal agus tròcair riu-san

a ghràdhaicheas e, agus a ghleidheas 'àitheantan, gu mìle ginealach;

10 Agus a dhìolas orrasan a dh'fhuathaicheas e, r'an eudainn, a chum an sgrios: cha dean e moille d'a thaobh-san aig am bheil fuath dha; dìolaidh e air r'a eudann.

11 Gleidhidh tu uime sin na h-àitheantan, agus na reachdan, agus na breitheanais, a tha mi 'g àithneadh dhuit an diugh a dheanamh.

12 Uime sin, ma dh'èisdeas sibh ris na breitheanais sin, agus ma choinhideas agus ma nì sibh iad, cumaidh an Tighearn do Dhia riutsa an coimhcheangal agus an tròcair a mhionnaich e do d' aithrichibh.

13 Agus gràdhaichidh e thu, agus beannaichidh e thu, agus nì e lionmhor thu: mar an ceudna beannaichidh e toradh do bhronn, agus toradh d'fhearainn, d'arbhar, agus d'fhion, agus d'oladh, fàs do chruidh, agus treudan do chaorach, 's an fhearainn a mhionnaich e do d' aithrichibh a thabhairt duit.

14 Bithidh tu beannaichte os ceann gach sluagh; cha bhi fìrionnach no boirionnach neothorrach 'n ur measg, no measg bhur sprèidhe.

15 Agus bheir an Tighearn uait gach eucail, agus cha chuir e ort a h-aon air bith de dhroch ghalaribh na h-Eiphit, a's aithne dhuit, ach cuiridh e iad orra-san uile le 'n fuathach thu.

16 Agus sgriosaidh tu an sluagh sin uile a bheir an Tighearn do Dhia thairis dhuit; cha ghabh do shùil truas riu: nì mò a nì thu seirbhis d'an diathan, oir bithidh sin 'n a ribe dhuit.

17 Ma their thu ann ad chridhe, 's mò na cinnich sin na mise, cionnus is urrainn mise an cur á seilbh?

18 Cha bhi eagal ort rompa; ach cuiridh tu gu maith ciod a rinn an Tighearn do Dhia ri Pharaoh, agus ris na h-Eiphitich uile;

19 Na deuchainnean mòra a chunnaic do shùilean, agus na comharan, agus na h-iongantais, agus an làmh chumhachdach, agus an gairdean sìnte mach, leis an d'thug an Tighearn do Dhia mach thu: mar sin nì an Tighearn do Dhia ris an t-sluagh uile roimh am bheil eagal ort.

20 Os bàrr, cuiridh an Tighearn do Dhia an connseach 'n am measg, gus am bi iad-san a dh'fhàgar, agus a dh'fholaicheas iad fèin o d' ghnùis air an sgrios.

21 Cha bhi uamhann ort rompa; oir tha 'n Tighearn do Dhia 'n ur measg, Dia mòr, agus uamhasach.

22 Agus cuiridh an Tighearn do Dhia a mach na cinnich sin romhad a lìon beagain is beagain: cha-n fheud thu an sgrios a dh'aon bheum, air eagal gu'm fàs fiadhbheathaichean na macharach lionmhor ort.

23 Ach bheir an Tighearn do Dhia iad

thairis duit, agus sgrìosaidh e iad le sgrìos mòr, gus an cuirear as doibh.

24 Agus bheir e an rìghrean thairis do d' àimh, agus sgrìosaidh tu an ainm o bhi fo nèamh: cha seas duine sam bith a'd aghaidh, gus an cuir thu as doibh.

25 Dealbhan snaidhte an diathan loisgidh sibh le teine: cha mhiannaich thu 'n t-airgid no 'n t-òr a tha orra, ni mò ghabhas tu e dhuit féin, air eagal gu'n ribear thu leis: oir is gràineileachd e do'n Tighearn do Dhia.

26 Ni mò bheir thu gràineileachd do d' thigh, air eagal gu'm bi thu a'd ni mall- aichte cosmhuil ris: ach bheir thu fuath iomlan da, agus gabhaidh tu gràin d'e gu tur, oir is ni mallachte e.

CAIB. VIII.

1 *Earail do chloinn Israeil gu'n tugadh iad gèill a dh'àitheantan bhé, agus nach d'ch- uimhnich iad a mhaithleas agus a fhreas- dal a' n taobh.*

NA h-àitheantan uile a tha mi ag àith- neadh dhuit an diugh, bheir sibh an aire gu'n dean sibh iad, a chum gu'm bi sibh beò, agus gu'm fàs sibh lionmhor, agus gu'n téid sibh a stigh, agus gu'n sealbhaich sibh ann fearann, a mhionnaich an Tighearn d'ur n-aithrichibh.

2 Agus cinimhnichidh tu an t-slighe sin uile air an do thredraich an Tighearn do Dhia thu rè an dà fhichead bliadhna so anns an fhàsach, gu d' irosalachadh, gu d' dhearbhadh, a chum gu'm biodh fios ciod a bh'ann ad chridhe, an gleidheadh tu àith- eantan, no nach gleidheadh.

3 Agus dh'irioslaich e thu, agus thug e ort ocras fhulang, agus bheathaich e thu le mana, (ni nach b'aithne dhuit féin, ni mò a b'aithne do d'aithrichibh e), a chum gu'n tugadh e ort fios a bhi agad nach ann le h-aran a mha'n a bheathaichear dhine, ach leis gach focal a thig a mach á beul an Tighearna bitheadh duine beò.

4 Cha do chaitheadh d'eudach dhìot le h-aois, ni mò a dh'at do chos rè an dà fhichead bliadhna-sa.

5 Bheir thu mar an ceudna faineas ann ad chridhe, mar a smachdaicheas duine a mhac, gur ann *mar sin* a tha 'n Tighearn do Dhia 'g ad smachdachadh-sa.

6 Uime sin gleidhidh tu àitheantan an Tighearna do Dhé, a chum gu'n gluais thu 'n a shligibh, agus gu'm bi eagal-san ort.

7 Oir tha 'n Tighearn do Dhia 'g ad tha- bhairt gu fearann maith, fearann shruthan uisgeachan, thobraichean, agus dhoimh- neachdan a tha 'g éirigh snas air feadh ghleann agus air feadh bheann;

8 Fearann cruithneachd, agus eòrna, agus fhìonainean, agus chraobhan figis, agus phomgranat, fearann olaidh na craoibh- olaidh, agus meala;

9 Fearann anns an ith thu aran gun

ghoinne, cha bhi uireasbhuidh ni sam bith ort ann; fearann aig *am bheil* a chlachan 'n an iarunn, agus as a bheanntaibh cladaich- ear umbha.

10 'N uair a dh'itheas tu agus a shàsuich- ear thu, an sin beannaichidh tu an Tighearn do Dhia air son an fhearainn mhaith a thug e dhuit.

11 Thoir an aire nach di-chuimhnich thu an Tighearn do Dhia, air chor as nach gléidh thu àitheantan, agus a bhreithean- ais, agus a reachdan, a tha mise ag àith- neadh dhuit an diugh:

12 Air eagal, *an uair* a dh'itheas tu, agus a shàsuichear thu, agus a thogas tu tighean maith, agus a chòmhnucneas tu *anna*;

13 Agus a dh'fhàsas do bhuar agus do chaoraich, agus a mheudaichear d'airgid agus d'òr, agus a mheudaichear gach ni a tha agad;

14 Gu'm bi an sin do chridhe ann a thogail suas, agus gu'n di-chuimhnich thu 'n Tighearn do Dhia, a thug a mach thu á tìr na h-Eiphit, agus á tigh na daorsa;

15 A thredraich thu troimh 'n fhàsach mhòr agus uamhasach sin, *far an robh* nathraich- ean loisgeach, agus scorpionan, agus ionadan tartmhor, far nach robh uisge; a thug a mach dhuit uisge as a' charraig aibhinn;

16 A bheathaich thu 's an fhàsach le mana, nach b'aithne do d' aithrichibh, a chum gu'n iroslaicheadh e thu, agus gu'n dearbhadh e thu, a dheanamh maith dhuit ann ad laithibh deireannach;

17 Agus gu'n abair thu ann ad chridhe, Fhuair mò chumhachd, agus neart mò àimhe, an saoihbreas so dhomh.

18 Ach cinimhnichidh tu 'n Tighearn do Dhia: oir is esan a bheicomas dhuit beartas fhaghail, a chum gu'n daingnich e a choimh- cheangal a mhionnaich e do d' aithrichibh, mar *air* an là'n diugh.

19 Agus tarlaidh, na dhi-chuimhnicheas tu air chor sam bith an Tighearn do Dhia, agus gu'n gluais thu an déigh dhiathan eile, agus gu'n dean thu seirbhìs doibh, agus gu'n dean thu aoradh dhoibh, tha mi a' toirt fianuis 'n ur n-aghaidh an diugh, gu'n sgrìosar gu tur sibh.

20 Mar na cinnich a tha 'n Tighearn a' sgrìos roimh bhuir gnùis, is amhuil sin a théid as duibhse; a chionn nach b'aill leibh a bhi ùmhla do ghuth an Tighearna bhuir Dé.

CAIB. IX.

Tha Maois a' deanamh a dhìchill gu barail an t-sluaigh isleachadh a thaobh an fireantachd agus an ionracais féin, le'n ceannaire, an gearan, agus an easùmhachd a chur an cuimhne dhoibh.

EISD, O Israeil: tha thu gu gabhail thar Iordan an diugh, gu dol a steach a shealbhadh chinncach a's mò agus a's

treise na thu féin, bailtean mòra agus daingnichte suas gu nèamh;

2 Sluagh mòr agus àrd, clann nan Anacach, a's aithne dhuit, agus *mu'n* cual' thu *air a' ràdh*, Cò a's urrainn seasamh roimh chloinn Anaic?

3 Uime sin tuig thusa an diugh, gur e 'n Tighearn do Dhia an ti a théid thairis roimhad 'n a theine caithteach: cuiridh esan as doibh, agus cuiridh e sìos iad a' d' fhiannais: mar sin fògraidh tu mach iad, agus sgriosaidh tu iad gu grad, mar a thu-bhairt an Tighearn riut.

4 Na labhair ann ad chridhe, an déigh do'n Tighearn do Dhia an tilgeadh a mach roimhad, ag ràdh, Air son n'fhìreantachd féin thug an Tighearn steach mi a shealbhachadh an fhearainn so; ach air son aingidheachd nan cinneach sin tha 'n Tighearn 'g an fògradh a mach o d' làthair.

5 Cha-n ann air son d'fhìreantachd, no air son ionracais do chridhe, tha thu 'dol a shealbhachadh am fearainn; ach air son aingidheachd nan cinneach sin tha 'n Tighearn do Dhia 'g an fògradh a mach o d' làthair-sa, agus a chum gu'n coimhlean e 'm focal a mhlionnaich an Tighearn do d'aithrichibh, Abraham, Isaac, agus Jacob.

6 Tuig uime sin nach ann air son d'fhìreantachd-sa a *tha'n* Tighearn do Dhia a' toirt duit an fhearainn mhaith so r'a shealbhachadh; oir *is* sluagh rag-mhuinealach thu.

7 Cuimhnich, na dì-chuimhnich cionnus a bhrosuaich thu 'n Tighearn do Dhia gu feirg's an fhàsach: o'n là 's an deachaidh tu mach à tìr na h-Eiphit, gus an d'fhàinig sibh do'n àite so, bha sibh ceannairceach an aghaidh an Tighearna.

8 Mar an ceudna ann an Horeb bhrosnaich sibh an Tighearn gu feirg, air chor as gu'n robh corruich air an Tighearn ribh, a chum bhuir sgrios.

9 'N uair a chaidh mise suas do'n t-sliabh a ghabhail nan clàr choiche, *eadhon* clàir a' choimhcheangail a rinn an Tighearn ribh, an sin dh'fhan mi 's an t-sliabh dà fhichead là agus dà fhichead oidheche; cha d'ith mi aran, ni mò dh'òl mi uisge:

10 Agus thug an Tighearn dhomh dà chlàr choiche, sgrìobhta le meur Dhé; agus orra *bha sgrìobhta* réir nan uile bhriathran a labhair an Tighearn ribh 's an t-sliabh, á meadhan an teine, ann an là a' chomh-chruinneachaidh.

11 Agus tharladh, an ceann dhà fhichead là agus dhà fhichead oidheche, *gu'n* d'thug an Tighearn dhomhs' an dà chlàr choiche, *eadhon* clàir a' choimhcheangail.

12 Agus thubhairt an Tighearn rium, Eirich, imich sìos gu luath as a so; oir thruaill do shluagh a thug thu mach as an Eiphit *iad féin*; chlaon iad gu grad o'n t-slighe a dh'àithn mise dhoibh; rinn iad dhoibh féin dealbh leaghta.

13 A bhàrr air so, labhair an Tighearn rium, ag ràdh, Chunnaic mi an sluagh so, agus, feuch, *is* sluagh rag-mhuinealach iad.

14 Leig dhomh, a chum gu'n sgrios mi iad, agus gu'n dubh mi mach an ainm o bhi fo nèamh; agus ni mi dhìotsa cinneach a's cumhachdaiche agus a's mò na iadsan.

15 Mar sin phill mi, agus thàinig mi nuas o'n t-sliabh, agus bha 'n sliabh a' losgadh le teine; agus bha dà chlàr a' choimhcheangail a'm dhà làimh.

16 Agus dl'amhairc mi, agus, feuch, bha sibh air peacadhadh an aghaidh an Tighearna bhuir Dé, rinn sibh laogh leaghta dhuibh féin: bha sibh air tionndadh a thaobh gu grad as an t-slighe a dh'àithn an Tighearn dhuibh.

17 Agus ghlac mi an dà chlàr, agus thilg mi as mo dhà làimh iad, agus bhris mi iad fa chomhair bhuir sìl.

18 Agus thuit mi sìos 'am fianuis an Tighearna, mar air tùs, dà fhichead là agus dà fhichead oidheche; cha d'ith mi aran, ni mò dh'òl mi uisge, air son bhuir peacannan uile a pheacaich sibh, le ole a dheanamh ann an sealladh an Tighearna, 'g a bhrisnachadh gu feirg.

19 (Oir bha eagal na feirge orm, agus na ro-chorruich leis an robh an Tighearn feargach 'n ur n-aghaidh-sa chum bhuir sgrios.) Ach dh'èisd an Tighearn rium 's an àm sin mar an ceudna.

20 Agus bha ro-fhearg air an Tighearn ri h-Aaron a chum a sgrios: agus rinn mi urnuigh mar an ceudna air son Aaron's an àm sin féin.

21 Agus ghabh mi bhuir peacadh, an laogh a rinn sibh, agus loisg mi e le teine, agus phronn mic, *agus* mheil mi gu mìn e, *eadhon* gus an d'rinnadh mìn e mar dhuslach' agus thilg mi a dhuslach 's an t-sruth a thàinig a nuas o'n t-sliabh.

22 Agus aig Taberah, agus aig Masah, agus aig Cibrot-Hataabha, bhrosnaich sibh an Tighearn gu feirg.

23 Mar an ceudna, 'n uair a chuir an Tighearn sibh o Chades-barnea, ag ràdh, Rachaibh suas, agus scalbhaichibh am fearann a thug mise dhuibh; an sin rinn sibh ceannairc an aghaidh àithne an Tighearna bhuir Dé, agus cha do ehreid sibh e, ni mò dh'èisd sibh r'a ghuth.

24 Bha sibh ceannairceach an aghaidh an Tighearna o'n là a b'àithne dhomhsa sibh.

25 Mar so thuit mi sìos 'am fianuis an Tighearna dà fhichead là agus dà fhichead oidheche, mar a thuit mi sìos *air tùs*; a chionn gu'n dubhairt an Tighearn gu'n sgriosadh e sibh.

26 Uime sin rinn mi urnuigh ris an Tighearn, agus thubhairt mi, O Thighearna Dhé, na sgrios do shluagh féin, agus d'oighreachd, a shaor thu trid do mhòrachd, a

thug thu mach as an Eiphit le làimh chumhachdaich.

27 Cuimhnich do sheirbhisich, Abraham, Isaac, agus Jacob; na h-amhaire air reasgachd an t-sluaigh so, no air an aingidheachd, no air am peacadh;

28 Air cagal gu'n abair am fearann as an d'thug thu mach sinn, A chionn nach b'urrainn an Tighearn an toirt a steach do'n fhearann a gheall e dhoibh, agus a chionn gu'n robh fuath aige dhoibh, thug e mach iad g'am marbhadh 's an fhàsach.

29 Gidheadh *is* iad do shluagh iad, agus d'oghreachd, a thug thu mach le d' threùn neart, agus le d' ghairdean sinthe mach.

CAIB. X.

1 *Maitheas agus trócar Dhé air an nochdadh le dà chlàr an Lagha ath-nuadhachadh. 8 Treubh Lebhi air a cur air leth, &c.*

S AN àm sin thubhairt an Tighearn rium, Snaidh dhuit féin dà chlàr choiche cosmhuil ris na ceud chlàir, agus thig a nìos a'm ionnsuidh-sa do'n t-sliabh, agus deau dhuit àire fhiodha.

2 Agus sgrìobhaidh mise air na clàir na focail a bh'air na ceud chlàir a bhris thu, agus cuiridh tu iad 's au àire.

3 Agus rinn mi àire de fhiodh sitim, agus shnaidh mi dà chlàr choiche cosmhuil ris na ceud chlàir, agus chaidh mi suas do'n t-sliabh, agus an dà chlàr a'm' làimh.

4 Agus sgrìobh e air na clàir a réir a' cheud sgrìobhaidh, na deich àitheantan, a labhair an Tighearn ribh 's an t-sliabh, á meadhon an teine, ann an là a' chomh-chruinneachaidh: agus thug an Tighearn iad dhomhsa.

5 Agus phill mise, agus thàinig mi nuas o'n t-sliabh, agus chuir mi na clàir 's an àire a rinn mi, agus an sin tha iad, mar a dh'àithn an Tighearn dhomh.

6 Agus dh'imich clann Israeil o Bherot chloim Iaacain gu Mosera: an sin fhuair Aaron bàs, agus dh'adhlaiceadh e an sin; agus fhrithheil Eleasar a mhac ann an dreuchd an t-sagairt 'n a àite.

7 As a sin dh'imich iad gu Gudgodah, agus o Ghudgodah gu Iotbat, fearann shruthau uisge.

8 S an àm sin chuir an Tighearn air leth treubh Lebhi, a ghlèidh àire coimhcheangail an Tighearna, a sheasamh an làthair an Tighearna gu frithleadh dha, agus a bheannachadh 'n a ainm, gus an là'n diugh.

9 Uime sin cha-n'eil aig Lebhi roinn no oighreachd maille r'a bhràithribh; *is e 'n* Tighearn a's oighreachd dha, a réir mar a gheall an Tighearn do Dhia dha.

10 Agus dh'fhan mi 's an t-sliabh, a réir na ceud ùine, dà fhichead là agus dà fhichead oidhche, agus dh'éisd an Tighearn rium mar an ceudna 's an àm sin, agus cha bu toil leis an Tighearn thusa a sgrios.

11 Agus thubhairt an Tighearn rium, Eir-

ich, imich roimh 'n t-sluagh, a chum gu'n téid iad a steach, agus gu'n seallbaich iad am fearann, a mhionnaich mi d'an aithrichibh gu'n tugainn doibh.

12 Agus a nis, Israeil, ciod a tha 'n Tighearn do Dhia ag iarraidh ort, ach eagal an Tighearna do Dhé a bli ort, ghlasad 'n a uile shlighibh, agus a ghràdhachadh, agus seirbhis a dhcanamh do'n Tighearn do Dhia le d' uile chridhe, agus le d' uile anam;

13 Aitheantan an Tighearna a ghleidheadh, agus a reachdan, a tha mise ag aithneadh dhuit an diugh air son do leas?

14 Feuch, *is* leis an Tighearn do Dhia nèamh, agus nèamh nan nèamhan, an talamh mar an ceudna, agus gach *ni* a tha ann.

15 A mhàin bha tlachd aig an Tighearn a'd' aithrichibh g'an gràdhachadh, agus thagh e 'n sliochd 'n an déigh, *eadhon* sibhse os ceann gach sluaigh, mar air an là'n diugh.

16 Timchioll-ghearraibh uime sin roimh-chroicinn bhur cridhe, agus na bithidh rag-mhuinealach nì's mò.

17 Oir an Tighearn bhur Dia, *is* esan Dia nan Dia, agus Tighearn nan Tighearn, Dia mòr, cumhachdach, agus uamhasach, aig nach 'eil bàigh ri neach *seach a chéile*, agus nach gabh duais.

18 Tha e a' cur 'an gnìomh breitheanais an dilleadhain agus na bantraich, agus *is* toigh leis an coigreach, a' toirt dha bìdh agus endaich.

19 Uime sin gràdhaichidh sibh an coigreach; oir bha sibh féin 'n ur coigrich ann an tìrna h-Eiphit.

20 Bithidh eagal an Tighearna do Dhé ort; dhàsan ni thu seirbhis, agus ris-san dlùth-leanaidh tu, agus air 'aun mionnaichidh tu.

21 *Is* esan do chliu, agus *is* esan do Dhia, a rinn air do shon na nithean mòr' agus uamhasach ud, a chunuaic do shùilean.

22 Le trì fichead agus deich anamanna chaidh d'aithrichean sìos do'n Eiphit; agus a nis rinn an Tighearn do Dhia thu mar reulta nèimh a thaobh lìonmhoireachd.

CAIB. XI.

1 *Eairil do'n t-sluagh gu géilleachdainn do lagh Dhé. 8 Dhoibh-san a bhios àimhal dha tha sochaircan mòra air an gealltainn. 26 Tha beannachadh agus mallachadh air an cur fa'n comhair.*

A IR an aobhar sin gràdhaichidh tu 'n Tighearn do Dhia, agus gleidhidh tu a chùram, agus a reachdan, agus a bhreithcanais, agus aitheantan a ghnàth.

2 Agus bitheadh fios agaibhse an diugh: oir ni 'n labhran r'ur cloim do nach b'aithe, agus nach faca smachdachadh an Tighearn' bhur Dé, a mhòrachd, a làmh chumhachdach, agus a ghairdean sinthe mach,

3 Agus a chomharan, agus a ghlionmharan, a rinn e ann am meadhon na h-Eiphit, ri

'tharaoh rìgh na h-Eiphit, agus r' a fhearann uile;

4 Agus cìod a rinn e ri armailt nan Eiphit-each, r'an eich, agus r'an carbadaibh; cionnus a thug e air uisge na mara ruaidhe dol tharta 'n uair a bha iad 'an tòir oirbh, agus cionnus a sgrios an Tighearn iad gus an là'n diugh;

5 Agus cìod a rinn e dhuibhse 's an fhàsach, gus an d'fhàinig sibh do'n àite so;

6 Agus cìod a rinn e ri Datan agus Abiram mic Eliaib, mhic Reubein; cionnus a dh'fhosgail an talamh a bheil, agus a shluig e sìos iad, agus an teaghlaichean, agus am bùthan, agus a' mhaoin uile a *tha* 'n an seilbh, 'am meadhon Israeil uile.

7 Ach chunnaic bhur shùilean-sa gnìomh-aran mòra an 'Tighearn' uile, a rinn e.

8 Uime sin gleidhidh sibh na h-àitheantan sin uile a *tha* mi ag àithneadh dhuibh air an là'n diugh, a chum gu'm bi sibh làidir, agus gu'n téid sibh a stigh agus gu'n sealbhaich sibh am fearann, gus am bheil sibh a' dol g'a shealbhachadh;

9 Agus gu'm buanaich sibh *bhur* làithean anns an fhearann a mhionnaich an Tighearn d'ur u-aithrichibh gu'n tugadh e dhoibh e, agus d'an sliochd, fearann a *tha* 's'ruthadh le bainne agus mil.

10 Oir cha-n'eil am fearann d'am bheil thu 'dol a stigh g'a shealbhachadh, mar fhearann na h-Eiphit, o'n d'fhàinig sibh a mach far an robh thu 'cur do shìl, agus g' a uisgeachadh le d' chois, mar lios lus an:

11 Ach am fearann gus am bheil sibh a' dol g'a shealbhachadh, is fearann bheann agus ghleann e: de fhrasachd nèimh òlaidh e uisge;

12 Fearann d'am bheil an Tighearn do Dhia a' gabhail cùraim: *tha* shùilean an 'Tighearna do Dhé air a ghnàth, o thoiseach na bliadhna eadhon gu deire na bliadhna.

13 Agus tarlaidh, ma dh'éisdeas sibh gu dùrachdach ri m' àitheantaibh, a *tha* mi ag àithneadh dhuibh air an là'n diugh, an 'Tighearn bhur Dia a ghràdhachadh, agus seirbhis a dheanamh dha le'r n-uile chridhe, agus le'r n-uile anam;

14 Gu'n toir mise *dhuibh* uisge bhur fearainn 'n a àm féin, an ceud uisge, agus an t-uisge deireannach, agus cruinnichidh tu stigh d'arbhar, agus d'fhion, agus d'òladh.

15 Agus cuiridh mi feur a'd' mhachair do d' spréidh, agus ithidh tu, agus sàsaichear thu.

16 Thugaibh an aire dhuibh féin, air eagal gu meallar bhur cridhe, agus gu'n claon sibh a leth-taobh, agus gu'n dean sibh seirbhis do dhiathan eile, agus gu'n dean sibh aoradh dhoibh;

17 Agus gu'n las fearg an Tighearna 'n ur n-aghaidh, agus gu'n druid e suas nèamh, air chor as nach bi uisge sam bith ann, agus nach toir am fearann a thoradh uaidh,

agus gu'n sgriosar gu grad sibh as an fhearann mhaith a *tha* 'n 'Tighearn a' tabhairt duibh.

18 Uime sin taisgidh sibh suas iad so mo bhriathra 'n ur cridhe, agus 'n ur n-anam, agus ceanglaidh sibh iad mar chomharadh air bhur làimh; agus bithidh iad mar eud-anain cadar bhur shùilean.

19 Agus teagaisgidh sibh iad d'ur cloinn, a' labhairt orra 'n uair a shuidheas tu a'd' thigh, agus an uair a dh'imicheas, tu air an t-slighe, agus an uair a luidheas tu sìos, agus an uair a dh'éireas tu suas.

20 Agus sgrìobhaidh tu iad air ursainnean doruis do thighe, agus air do gheataibh:

21 A chum gu'm bi bhur làithean lìonmhor, agus làithean bhur cloinne, 's an fhearann a mhionnaich an Tighearn d'ur n-aithrichibh a thoirt doibh, mar làithean nèimh air an talamh.

22 Oir ma ghleidheas sibh gu dùrachadh na h-àitheantan so uile a *tha* mise ag àithneadh dhuibh a dheanamh, an 'Tighearn bhur Dia a ghràdhachadh, gluasad 'n a uile shlighibh, agus dlùth-leantuin ris;

23 An sin-tilgidh an Tighearn a mach na cinnich sin uile roimhibh, agus sealbhaichidh sibh cinnich a's mò agus a's cumhachdaiche na sibh féin.

24 Gach àit air an saltair buinn bhar cos, is leibhse: o'n fhàsach agus Lebanon, o'n amhainn, an amhainn Euphrates, eadhon gus an fhairge a's faide mach, bithidh bhur crìoch.

25 Cha seas duine 'n ur n-aghaidh: air gach fearann air an saltair sibh, cuiridh an Tighearn bhur Diaagal agus geilt-chrith roimhibh, a réir mar a thubhairt e ribh.

26 Feuch, tha mise a' cur fa'r comhair air an là'n diugh beannachadh agus mallachadh;

27 Beannachadh, ma bheir sibh géill a dh'àitheantaibh an Tighearna bhur Dé, a *tha* mi ag àithneadh dhuibh air an là'n diugh;

28 Agus mallachadh, mur toir sibh géill a dh'àitheantaibh an Tighearna bhur D, aeh gu'n claon sibh o'n t-slighe a *tha* mi ag àithneadh dhuibh an diugh, a dhol an déigh dhiathan eile, nach b'aithne dhuibh.

29 Agus tarlaidh, 'n uair a bheir an Tighearn do Dhia thu stigh do'n fhearann d'am bheil thu' dol g'a shealbhachadh. gu'n cuir thu am beannachadh air sliabh Gheridsim, agus am mallachadh air sliabh Ebal.

30 Nach *eil* iad air an taobh eile de Iordan, leth ri slioghe dh'fodha na gréine, ann an tìr nan Canaanach, a *tha* 'g àiteachadh a' chòmhnaird fa chomhair Ghilgail, làimh ri còmhnardaibh Mhoreh?

31 Oir théid sibh thar Iordan, a dhol a stigh a shealbhachadh an fhearainn a *tha* 'n 'Tighearn bhur Dia a' tabhairt duibh, agus sealbhaichidh sibh e, agus gabhaidh sibh còmhnuidh ann.

32 Agus bheir sibh an aire gu'n dean sibh na reachdan uile agus na breitheanaibh, a tha mi 'cur roimh sibh air an là 'n diugh.

CAIB. XII.

1 *Aitean-aoraidh agus altairean nan ìodhol gu bhàir an sgrìos. 5 Ant-ionad anns an deantar seirbhis do Dhia gu bhàir a choinhead naomh. 16, 23 Fuir air a toirmeasg.*

IS iad so na reachdan agus na breitheanaibh a bheir sibhse fainear gu'n dean sibh 's an fhearann a tha 'n Tighearn, Dia d'aithrichean, a' toirt duit g'a shealbhachadh, uile làithean bhur beatha air an talamh.

2 Léir-sgrìosaidh sibh na h-àiteachan uile anns an d'rim na cinnich a shealbhacheas sibh seirbhis d'an diathaibh, air na beannaibh àrda, agus air na cnocaibh, agus fo gach craoibh ghàis.

3 Agus leagaidh sibh sìos an altairean, agus brisidh sibh an carraighean, agus loisgidh sibh an doireachan le teine, agus gearraidh sibh sìos dealbhan snaidhte an diathan, agus sgrìosaidh sibh an ainm a mach as an àite sin.

4 Cha dean sibh mar sin ris an Tighearn bhur Dia.

5 Ach a dh'ionnsuidh an àite a ròghnaicheas an Tighearn bhur Dia as bhur treubhan uile, chum 'ainm a chur an sin, *eadhon* a dh'ionnsuidh 'àite-còmhnuidh-sa' iarraidh sibh, agus gu sin thig thu.

6 Agus bheir sibh gu sin bhur tabhartais-loisgte, agus bhur n-iobairtean, agus bhur deachamh, agus tabhartais-thogta bhur làimhe, agus bhur bòidean, agus bhur sòr-thabhartais, agus ceud-ghin bhur cruith agus bhur caorach.

7 Agus ithidh sibh an sin an làthair an Tighearna bhur Dé, agus ni sibh gairdeachas anns gach ni ris an cuir sibh bhur làmh, sibh féin agus bhur teaghlachean, anns an do bheannaich an Tighearn do Dhia thu.

8 Cha dean sibh a réir nan uile *nithean* a tha sinn a' deanamh an so an diugh, gach duine an ni a *tha* ceart 'n a shùilibh féin.

9 Oir cha d'fhàinig sibh fathast a dh'ionnsuidh na foise, agus a dh'ionnsuidh na h-oighreachd a *tha* 'n Tighearn bhur Dia, a' tabhairt dhuibh.

10 Ach an uair a théid sibh thar Iordan, agus a ghabhas sibh còmhnuidh 's an fhearann a bheir an Tighearn bhur Dia dhuibh r'a shealbhachadh, agus an uair a bheir e fois dhuibh o'r naimhidh uile mu'n cuairt, agus a ghabhas sibh còmhnuidh gu tèarainte.

11 An sin bithidh àit ann a thaghas an Tighearn bhur Dia, a thoirt air 'ainm còmhnuidh a ghabhail ann: gu sin bheir sibh na h-uile nithean a *tha* mise ag àithneadh dhuibh; bhur tabhartais-loisgte, agus bhur n-iobairtean, bhur deachamh, agus tabhartais-thogta bhur làimhe, agus taghadh bhur

bòidean uile a bhòidicheas sibh do'n Tighearn.

12 Agus ni sibh gairdeachas an làthair an Tighearna bhur Dé, sibh féin, agus bhur mic, agus bhur nigheanan, agus bhur n-òglach, agus bhur banoglaich, agus an Lebhithreach a *tha* 'n taobh a stigh d'ur geataibh; do bhrìgh nach 'eil roinn no oighreachd aige maille ribh.

13 Thoir an aire dhuith féin, nach iobair thu d'iobairtean-loisgte anns gach àit a chi thu.

14 Ach anns an àit a thaghas an Tighearn as aon de d' treubhan, an sin iobairidh tu d'iobairtean-loisgte, agus an sin ni thu na h-uile ni a *tha* mise ag àithneadh dhuith.

15 Gidheadh, feudaidh tu feoil a mharbhadh agus itheadh a'd' gheataibh uile, ge b'e ni air am bheil miann aig d'anam, a réir beannachaidh an Tighearna do Dhé a thug e dhuith: feudaidh an neòghlan agus an glan itheadh dh'e; mar d'e'n bhoc-carba, agus d'e'n fhiadh.

16 A mhàin cha-n ith sibh an fhuil; air an talamh dòrtidh sibh i mar uisge.

17 Cha-n fheud thu deachamh d'arbhair itheadh an taobh a stigh de d' gheataibh, no d'fhiona, no d'olaidh, no ceud-ghin do chruidh no do chaorach, no h-aon air bith de d' bhòidibh a bhòidicheas tu, no de shaor-thabhartais, no tabhartais-thogta do làimhe:

18 Ach an làthair an Tighearna do Dhé ithidh tu iad anns an àit a thaghas an Tighearn do Dhia, thu féin, agus do mhaic, agus do nighean, agus d'òglach, agus do bhanoglach, agus an Lebhithreach a *tha* 'u taobh a stigh de d' gheataibh: agus ni thu gairdeachas an làthair an Tighearna do Dhé anns gach ni ris an cuir thu do làmh.

19 Thoir an aire dhuith féin nach tréig thu an Lebhithreach am feadh is beò thu air d'fhearram.

20 'N uair a lendaicheas an Tighearn do Dhia do chrìoch, mar a gheall e dhuith, agus a their thu, Ithidh mi feoil, (a chionn gu bheil d'anam a' miannachadh feoil itheadh,) a réir uile mhiann d'anama feudaidh tu feoil itheadh.

21 Ma bhitheas an t-àit a thagh an Tighearn do Dhia a chur 'ainm an sin, ro fhada uait; an sin marbhaidh tu de d'bhuar, agus de d' theud, a thug an Tighearn dhuith, mar a dh'àithn mise dhuith, agus ithidh tu an taobh a stigh de d' gheataibh gach ni is miannach le d'anam.

22 Eadhon mar a dh'ithic an ruadh-bhoc, agus am fiadh, mar sin ithidh tu e: ithidh an neòghlan agus an glan d'e air an aon dòigh:

23 A mhàin thoir an ro-aire nach ith thu 'n fhuil: oir is 'n fhuil a' bheatha; agus cha-n fheud thu a' bheatha itheadh maille ris an fheoil.

24 Cha-n ith thu i; air an talamh dòirtidh tu i mar uisge.

25 Cha-n ith thu i, chum gu'n éirich gu maith dhuit, agus do d' chloinn a'd dhéigh, 'n uair a ni thu *an ni a tha* ceart ann an sùilbha an Tighearna.

26 A mhàin gabhaidh tu do nithean naomha a tha agad, agus do bhòidean, agus thèid thu do'n àit a thaghas an Tighearn.

27 Agus ìobraidh tu d'ìobairtean-loisgte, an fheoil agus an fhuil, air altair an Tighearna do Dhé; agus dòirtcar a mach fuil d'ìobairtean air altair an Tighearna do Dhé, agus ithidh tu 'n fheoil.

28 Thoir an aire, agus éisd ris na briathraibh sin uile a *tha* mi ag àithneadh dhuit, a chum gu'n éirich gu maith dhuit féin, agus do d' chloinn a'd dhéigh gu bràth, an uair a ni thu *an ni a tha* maith agus ceart ann an sùilbha an Tighearna do Dhé.

29 'N uair a ghearras an Tighearn do Dhia as na cinnich romhad, a tha thu' dol a steach an sud a chum an sealbhadh, agus a thig thu 'n an àite, agus a ghabhas tu còmhuidh 'n am fearann;

30 Thoir an aire dhuit féin nach ribear thu le'n leantuinn, an déigh dhoibh bhi air an sgrios as do làthair, agus nach fiosraich thu mu thùchd an diathan, ag ràdh, Cionnus a rinn na cinnich sin seirbhis d'an diathaibh? ni mise mar sin mar an ceudna.

31 Cha dean thusa mar sin ris an Tighearn do Dhia: oir gach gràineileachd do'n Tighearn a's fuathach leis, 'rinn iadsan d'an diathaibh; oir eadhon am mic agus an nigh-eannan loisg iad 's an teine d'an diathaibh.

32 Gach ni a *tha* mise ag àithneadh dhuibh, thugaibh an aire gu'n dean sibh e: cha chuir thu ris, ni mò bheir thu ni sam bith naith.

CAIB. XIII.

1 *Clachar gu bàs iadsan a mheallas daoine gu dol an dèigh dhiathan eile, 6 ged a robh iad fagus 'an dàimh dhuit. 12 Cha chaomhnar na bailtean anns am bi iodhol-aozadh.*

MA dh'éireas suas 'n ur measg fàidh, no fear a chi aisling, agus gu'n toir e dhuit comharadh no iongantas,

2 Agus gu'n tig an comharadh no'n t-iongantas gu crìch, air an do labhair e riut, ag ràdh, Rachamaid an déigh dhiathan eile, nach b'aithne dhuit, agus deanamaid seirbhis doibh:

3 Cha-n éisd thu ri briathraibh an fhàidh sin, no ris an fhear sin a chi aisling: oir tha 'n Tighearn bhuir Dia 'g 'ur dearbhadh, a dh'fheuchainn am bheil sibh a' gràdhachadh an Tighearn bhuir Dé le'r n-uile chridhe, agus le'r n-uile anam.

4 An déigh an Tighearna bhuir Dé gluaisidh sibh, agus bithidh 'cagal-san oirbh, agus gleidhidh sibh 'aithcantan, agus éisidh sibh r'a ghuth, agus ni sibh seirbhis da, agus dlùth-leanaidh sibh ris.

5 Agus cuirear am fàidh sin, no am fear

sin a chi aisling, gu bàs; a chionn gu'n do labhair e chum *sibhse* chur air seacharan o'n Tighearn bhuir Dia, a thug a mach sibh á tir na h-Eiphit, agus a dh'fhuasgail sibh á tigh na daorsa, chum d'iomain a mach as an t-slighe anns an d'àit an Tighearn do Dhia dhuit imeachd; mar sin cuiridh tu air falbh an t-òle as do mheadhon.

6 Ma chuircas do bhràthair, mac do mhàthar, no do mhac féin, no do nighean, no bean-phòsda d'uchd, no do charaid, a *tha dhuit* mar d'anam, impidh ort ann an uaigneas, ag ràdh, Rachamaid agus deanamaid seirbhis do dhiathan eile, nach b'aithne dhuit féin, no do d'aithrichibh;

7 *Eadhon* do dhiathan nan cinneach a *tha* mu'n cuairt oirbh, am fagus duit, no fada uait, o'n *dara* ceann de'n talamh eadhon gus an ceann *eile* de'n talamh;

8 Cha-n aontaich thu leis, ni mò a dh'èisd-cas tu ris; ni mò a ghabhas do shùil truas ris, ni mò a chaomhnas no 'cheileas tu e:

9 Ach cuiridh tu gu cinnteach gu bàs e; bithidh do làmh féin an tùs air g'a mharbhadh, agus an déigh sin làmh an t-sluaigh uile.

10 Agus clachaidh tu e le clachaidh, a chum gu'm bàsaich e; a chionn gu'n d'iarr e do tharruing o'n Tighearn do Dhia, a thug a mach thu á tir na h-Eiphit, á tigh na daorsa.

11 Agus cluinidh Israel uile, agus bithidh eagal orra, agus cha dean iad ni's mò a leithid so de ghliomh aingidh 'n ur measg.

12 Ma chluinnas tu ann an aon de d' bhaitibh a thug an Tighearn do Dhia dhuit gu còmhuidh a ghabhail ann, *neach air bith* ag ràdh,

13 Chaidh daoine *àraidh*, clann Bheilail, a mach as bhuir measg, agus bhuair iad luchd-àiteachaidh am baile, ag ràdh, Rachamaid agus deanamaid seirbhis do dhiathaibh eile, nach b'aithne dhuibh;

14 An sin fiosraichidh tu agus ramnaichidh tu, agus feòraichidh tu gu dùrachdach; agus, feuch, *ma's* fìrinn e, agus gu'm bheil a' chùis dearbhtha, *gu'n* do rinneadh a' ghràineileachd sin 'n ur measg;

15 Gu cinnteach buailidh tu luchd-àiteachaidh a' bhaile sin le faobhar a' chlaidheimh, 'g a sgrios gu tur, agus gach ni a *tha* ann, agus a sprèidh, le faobhar a' chlaidheimh.

16 Agus cruinnichidh tu a chreach uile gu meadhon a shràide, agus loisgidh tu le teine am baile, agus a chreach uile gu h-ionlan, air son an Tighearna do Dhé: agus bithidh e 'n a thòrr a chaoidh; cha togar suas e ni's mò.

17 Agus cha lean ri d' làimh-sa a' bheag de'n ni mhallaichte; a chum gu'm pill an Tighearn o lasair 'fheirge, agus gu nochd e trócair dhuit, agus gu'n dean e iochd riut, agus gu'n toir e ort fàs ònmhor, mar a nìonnaich e do d'aithrichibh;

18 'N uair a dh'éisdeas tu ri guth an Tigh-earna do Dhé, a ghleidheadh àitheantan uile a *tha* mi ag àithneadh dhuit an diugh, a dheanamh an *nì a tha* ceart ann an sùilibh an Tighearna do Dhé.

CAIB. XIV.

1 *Cha ghearr agus cha lom clann Dhé iad féin, an uair a n'iad bròn air son mairbh.* 3 *Nà beathaichean a dh'fheudar àitheadh, agus nach feudar.*

IS sibhse clann an Tighearna bhur Dé: cha ghearr sibh sibh féin, ni mò a ni sibh lomadh *air bith* eadar bhur sùilcan air son mairbh:

2 Oir *is* sluagh naomh thu do'n Tighearn do Dhia, agus thagh an Tighearn thu gu olai a'd' shluaghl sònraichte dha féin, thar gach uile chinneach a *tha* air aghaidh na talmhainn.

3 Cha-n ith thu ni gràineil sam bith.

4 Is iad so na beathaichean a dh'itheas sibh: an damh, a' chaora, agus a' ghabhar,

5 Am fiadh, agus an ruadh-bhoc, agus an dathais, agus a' ghabhar fhiadhaich, agus an t-earr-ghéal, agus an damh fiadhaich, agus an somer.

6 Agus gach beathach a roinneas an ionga, agus a sgoilteas sgoltadh an dà ionga, agus a chuamhas a' chùir, an meas nan ainmhidhean, sin ithidh sibh.

7 Gidheadh iad so cha-n ith sibh dhiubhsan a chnàmhas a' chùir, no dhiubhsan a roinneas an ionga sgoilte, mar an càmhail, agus a' mhaigheach, agus an coinean; oir cnàmhaidh iad a' chùir, ach cha roinn iad an ionga: neòghlan *tha* iad dhuibh.

8 Agus a' mhuca, a chionn ged a roinneas i 'n ionga, nach cnàmh i a' chùir, *tha* i neòghlan dhuibh: d'am feoil cha-n ith sibh. agus r'an cairbh cha bhean sibh.

9 Iad so ithidh sibh dhiubhsan uile a *tha* 's na h-uisgeachaibh: gach ni air am bheil itean agus lannan, ithidh sibh;

10 Agus gach ni air nach 'eil itean agus lannan, cha-n ith sibh: *tha* e neòghlan dhuibh.

11 Gach eun glan ithidh sibh.

12 Ach *is* iad so *iadsan* de nach ith sibh: an iolair, agus an cnàmh-bhristeach, agus an iolar-uisge,

13 Agus an croman-gobhlach, agus an clamhan, agus am fang a réir a ghnè,

14 Agus gach fiteach a réir a ghnè,

15 Agus a' chailleach-oidhche, agus an t-seabhag-oidhche, agus a' eluach, agus an t-seabhag a réir a gnè,

16 Agus a' chailleach-oidhche bheag, agus a' chailleach-oidhche mhòr, agus an eala,

17 Agus am pelican, agus an iolair fhionn, agus an sgarbh,

18 Agus a' chorra-bhàn, agus a' chorra-ghlas a réir a gnè, agus an t-adharcan-luachrach, agus an ialtag.

19 Agus *tha* gach ni snàigeach a dh'iteal-

aicheas, neòghlan dhuibh: cha-n ithear iad.

20 Gach eun glan ithidh sibh.

21 Cha-n ith sibh ni sam bith a bhàsaicheas dheth féin: bheir thu e do'n choigreach a *tha* 'n taobh a stigh de d' gheataibh, chum gu'n ith se e, no reic e ris an eilthireach: oir *is* sluagh naomh thu do'n Tighearn do Dhia. Cha bhruch thu meann ann am bainne a mhàthar.

22 Bheir thu seachad gu ceart deachamh uile chinneis do shìl, a bheir am fearann uaithe o bhliadhna gu bliadhna.

23 Agus ithidh tu 'm fianuis an Tighearna do Dhé, 's au àit a thaghas e chum 'ainm a chur an sin, deachamh d'arbhair, d'fhiona, agus d'olaidh, agus ceud-ghin do chruidh, agus do chaorach; a chum gu fòghlum thu eagal an Tighearna do Dhé a bhi ort a ghnàth.

24 Agus ma bhios an t-slighe ro fhada dhuit, air chor as nach urrainn thu a ghiùlan, a chionn an t-àite bhi fada uait, a thaghas an Tighearn do Dhia a chur 'ainme an sin, an uair a bheannaicheas an Tighearn do Dhia thu;

25 An sin ni thu airgid *d'e*, agus ceanglaidh tu suas an t-airgid a'd' làimh, agus théid thu chum an àit a thaghas an Tighearn do Dhia:

26 Agus bheir thu an t-airgid sin air son gach ni a mhiannaicheas d'anam, air son buair, no air son chaorach, no air son fiona, no air son dibhe làidir, no air son gach ni a mhiannaicheas d'anam: agus ithidh tu an sin an làthair an Tighearna do Dhé, agus ni thu gairdeachas, thu féin, agus do theaghlach.

27 Agus an Lebhitheach a *tha* 'n taobh a stigh de d' gheataibh, cha tréig thu e: oir cha-n'eil roinn no oighreachd aige maille riut.

28 Aig crìoch thri bliadhna bheir thu mach nìle dheachamh do chinneis air a' bhliadhna sin féin, agus taisgidh tu suas e an taobh a stigh de d' gheataibh:

28 Agus thig an Lebhitheach, (a chionn nach 'eil roinn no oighreachd aige maille riut), agus an coigreach, agus an dillcachdan, agus a' bhantrach, a *tha* 'n taobh a stigh de d' gheataibh, agus ithidh iad, agus sàsuichear iad; a chum gu'm beannaich an Tighearn do Dhia thu ann an uile oibribh do làimhe a ni thu.

CAIB. XV.

1 *An seachdamh bliadhna 'n a bliadhna fuasglaidh do'n bhòchd.* 7 *Bheirear dha air iasachd, agus builichear air an nì a tha dh'easbuidh air.*

AN ceann *gach* seachd bliadhna ni thu fuasgladh.

2 Agus *is* e so modh an fuasglaidh: Gach fear fiacha a bheir *ni sam bith* air iasachd d'a choimhearsnach, fuasglaidh se e; cha n

iarr e air ais e o 'choimhearsnach no o 'bhràthair, a chionn gu'n goirear fuasgladh an Tighearna dh'è.

3 O eilthreach fendaidd tu 'iarraidh air ais; ach an ni a's leat féin a tha aig do bhràthair, fuasglaidh do làmh e:

4 Ach a mhaìn an uair nach bi uireasbhidheach sam bith 'n 'ur measg: oir beannaichidh an Tighearn gu mòr thu 's an fhearran a tha 'n Tighearn do Dhia a' toirt dhuit mar oighreachd, r'a shealbhachadh:

5 A mhaìn ma dh'éisdeas tu gu dùrachdach ri guth an Tighearna do Dhé, a thoirt an aire gu'n dean thu na h-àithcantan so uile a tha mi 'g àithneadh dhuit air an là'n diugh.

6 Oir beannaichidh an Tighearn do Dhia thu, mar a gheall e dhuit: agus bheir thu air iasachd do mhòran chinneach, ach cha ghabh thu air iasachd; agus bithidh uachdaranachd agad air mòran chinneach, ach cha bhi uachdaranachd aca-san ort-sa.

7 Ma bhios 'n 'ur measg duine bochd, aon de d' bhràithribh, an taobh a stigh de aon de d' gheataibh, ann ad fhearran a tha 'n Tighearn do Dhia a' tabhairt duit, cha chruaidhich thu do chridhe, ni mò a dhruideas tu do làmh o d' bhràthair bochd;

8 Ach fosglaidh tu do làmh gu farsaing dha, agus gu ciumteach bheir thu air iasachd dha ni's leòr air son 'fheuma, *dén ni* a tha dh'casbluidh air.

9 Thoir an aire nach bi smuain a'd' chridhe aingidh, ag ràdh, Tha 'n t-seachdamh bliadhna, bliadhna an fluasglaidh, am fagus: agus gu'm bi do shùil ole an aghaidh do bhràthar bochd, agus nach toir thu 'bheag dha, agus gu'n glaoth e ris an Tighearn a'd' aghaidh, agus gu'm bi e 'n a pheacadh dhuit.

10 Bheir thu dha gu deimhin, agus cha bhi doilghcas air do chridhe 'n uair a bheir thu dha; a chionn air son an ni so gu'm beannaich an Tighearn do Dhia thu a'd' oibrìbh uile, agus anns gach ni ris an cuir thu do làmh.

11 Oir cha bhi 'n tìr a chaoidh gun bhochd: uime sin tha mi 'g àithneadh dhuit, ag ràdh, Fosglaidh tu do làmh gu farsaing do d' bhràthair, do d' bochd, agus do d' uireasbhuidheach, a'd' dhùthaich.

12 Ma reicear riut do bhràthair Eabh-ruidheach, no Ban-Eabhruideach, agus gu'n dean e seirbhis duit sé bliadhna; an sin anns an t-seachdamh bliadhna leigidh tu leis dol saor uait.

13 Agus an uair a chuireas tu e mach saor uait, cha chuir thu air falbh e falamh:

14 Bheir thu dha gu pailt as do threud, agus á d' urlar, agus á d' fhion-amar; *as na nithibh sin* leis an do bheannaich an Tighearn do Dhia thu, bheir thu dha.

15 Agus cuimhnichidh tu gu'n robh thu féin a'd' thràill ann an tìr na h-Eiphit; agus

shaor an Tighearn do Dhia thu: uime sin tha mi ag àithneadh so dhuit an diugh.

16 Ach ma their e riut, Chan 'n fhalbh mi uait; (a chionn gur toigh leis thu agus do thigh, do bhrìgh gu bheil e gu maith agad;)

17 An sin gabhaidh tu minidh, agus cuiridh tu troimh a chluais e anns an dorus, agus bithidh e 'n a sheirbhiseach dhuit gu bràth: agus mar an ceudna ri d' bhanoglaich ni thu mar sin.

18 Na measar e cruaidh leat, an uair a chuireas tu uait saor e; oir bha e dà uair co mhaith *dhuitse* ri seirbhiseach tuarasdail, le seirbhis a dheanamh dhuit sé bliadhna: agus beannaichidh an Tighearn do Dhia thu anns gach ni a ni thu.

19 Cha ceud-ghin f'ionn a bheirear am measg do chruidh, agus am measg do threud, naomhaichidh tu do'n Tighearn do Dhia: cha dean thu obair sam bith le ceud-ghin do mhairt, ni mò a lomas tu ceud-ghin do chaorach.

20 An fannais an Tighearna do Dhé ithidh tu e o bhliadhna gu bhliadhna, 's an ionad a thaghas an Tighearn, thu féin agus do theaghlach.

21 Agus ma bhios gaoid sam bith ann, crùbaiche, no doille, no droch ghaoid sam bith, cha-n iobair thu e do'n Tighearn do Dhia.

22 An taobh a stigh de d' gheataibh ithidh tu e; *ithidh* an glan agus an neòghlan comb-ionnan *d'e*, mar *dén* ruadh-bhoc, agus mar *dén* fhiaidh.

23 A mhaìn 'fhuil cha-n ith thu: air an talamh dòirtidh tu i mar uisge.

CAIB. XVI.

1 Féill na cásge, 9 nan seachduin, 13 nam pàillirun. 16 Na tobhartaísa bheirear seachad.

18 Mu bhreitheamhnaibh agus mu cheartas.

21 Doireachan agus ionhaighean air an toirmesg.

COIMHID mìos Abib, agus cumaidh tu a' chàisg do'n Tighearn do Dhia: oir 's a' mhìos Abib thug an Tighearn do Dhia thu mach as an Eiphit 's an oidheche.

2 Uime sin iobraidh tu a' chàisg do'n Tighearn do Dhia, *dén* treud agus *dén* bhuar, 's an ionad a thaghas an Tighearn chum ainm a chur an sin.

3 Cha-n ith thu aran goirtichte sam bith leatha: seachd làithean ithidh tu aran neòghoirtichte leatha *eadhon* aran àmghair; (oir le cabhaig thàinig thu mach á tìr na h-Eiphit;) a chum gu'n cuimhnich thu 'n là air an d'thàinig thu mach á tìr na h-Eiphit, nìle làithean do bheatha.

4 Agus cha-n fhaicear agad *aran* goirtichte a'd' chrìochaibh nìle rè sheachd làithean: ni mò a mhaireas a *bheag* *dén* fheoil a dh'ìobras tu air feasgar 's a' cheud là, rè na h-oidheche gu maduinn.

5 Cha-n fheud thu a' chàisg iobradh an

taobh a stigh de aon air bith de d' gheataibh, a bheir an Tighearn do Dhia dhuit:

6 Ach aig an àit a thaghas an Tighearn do Dhia a chur 'ainne ann, an sin iobraidh tu a' chàisg air feasgar, aig dol foidhe na gréine, 's an àm anns an d'fhàinig thu mach as an Eiphit.

7 Agus ròistidh agus ithidh tu i 's an àit a thaghas an Tighearn do Dhia: agus pillidh tu 's a' mhaduim, agus théid thu do d' bhàthaibh.

8 Sè làithean ithidh tu *aran* gun ghoirt-cachadh; agus air an t-seachdamh là *bithidh* àrd chomhchrinneachadh do'n Tighearn do Dhia: cha dean thu obair sam bith air.

9 Seachd seachduinean àirmhidh tu dhuit féin: o'n àm 's an tòisich thu air a' ehorran a chur 's an arbhar, tòisichidh tu air na seachd seachduinean àireamh.

10 Agus cumaidh tu féill nan seachduin do'n Tighearn do Dhia, le tiodhlac saor-thoil thabhartaids do làimhe, a bheir thu seachad a réir mar a bheannaich an Tighearn do Dhia thu.

11 Agus ni thu gairdeachas 'an làthair an Tighearna do Dhé, thu féin, agus do mhac, agus do nighean, agus d'òglach, agus do bhanoglach, agus an Lebhith each a *tha* 'n taobh a stigh de d' gheataibh, agus an coigreach, agus an dilleachdan, agus a' bhantrach, a *tha* 'n 'ur measg, 's an ionad a thag an Tighearn do Dhia a chur 'ainne ann.

12 Agus cuimhnichidh tu gu'n robh thu féin a'd' thràill 's an Eiphit: agus coimhidh tu, agus ni thu na reachdan so.

13 Cumaidh tu féill nam pàillium seachd làithean an déigh dhuit d'arbhar a chruinneachadh a stigh, agus d'fhion.

14 Agus ni thu gairdeachas a'd' fhéill, thu féin, agus do mhac, agus do nighean, agus d'òglach, agus do bhanoglach, agus an Lebhith each, agus an coigreach, agus an dilleachdan, agus a' bhantrach, a *tha* 'n taobh a stigh de d' gheataibh.

15 Seachd làithean cumaidh tu féill àraidh do'n Tighearn do Dhia, 's an ionad a thaghas an Tighearn: a chionn gu'm beannaich an Tighearn do Dhia thu a'd' chinneas uile, agus ann an oibrigh do làmh uile; uime sin ni thu gu deimhin gairdeachas.

16 Tri uairean 's a' bhliadhna taisbeinear d'fhirionnach uile 'an làthair an Tighearna do Dhé, 's an ionad a thaghas e; ann am féill an arain neo-ghoirtichte, agus ann am féill nan seachduin, agus ann am féill nam pàillium: agus cha taisbeinear iad an làthair an Tighearna falamh.

17 Bheir gach duine seachad mar is urrainn e, a réir beannachaidh an Tighearna do Dhé, a thug e dhuit.

18 Breitheamhan, agus uachdarain ni thu

dhuit féin an taobh a stigh de d' gheataibh uile, a bheir an Tighearn do Dhia dhuit, air feadh do thruabh: agus bheir iad breth air an t-sluagh le ceart bhreith-eanas.

19 Cha dean thu breitheanas fhiaradh; cha bhi bàigh agad ri neach seach a chéile, ni mò a ghabhas tu tiodhlac: oir dallaidh an tiodhlac suile nan daoine glic, agus fìaraidh e briathran nan ionracan.

20 An ni sin a tha uile-cheart leanaidh tu, a chum gu'm bi thu beò, agus gu'n seallbhaich thu 'm fearann a *tha* an Tighearn do Dhia a' tabhairt dhuit.

21 Cha suidhich thu dhuit féin doire chraobhan sam bith làimh ri altair an Tighearna do Dhé, a ni thu dhuit féin.

22 Ni mò a chuireas tu suas dhuit féin dealbh sam bith, ni a's fuathach leis an Tighearn do Dhia.

CAIB. XVII.

1 *Fèumaidh gach ni a dh'obrar a bhi fallain.*
2 *Cuirear luchd òrdhol-aoraidh gu bàs.* 14 *Taghadh agus dleasdanas rìgh.*

CHA'N iobair thu do'n Tighearn do Dhia tarbh, no caora, anns am bheil gaoid, no mi-mhaise sam bith: oir is gràineileachd sin do'n Tighearn do Dhia.

2 Ma gheibhear 'n 'ur measg, an taobh a stigh de aon de d' gheataibh a bheir an Tighearn do Dhia dhuit, fear no bean a rinn aingidheachd ann an suilibh an Tighearna do Dhé, le 'ehoinhcheangal a bhris-cadh,

3 Agus gu'n deachaidh e agus gu'n d'rinn e seirbhais do dliathaibh eile, agus gu'n d'rinn e aoradh dhoibh, aon chuid do'n ghrein, no do'n ghealach, no do uile armailt nèimh, nach d'aitn mise;

4 Agus gu'n d'innseadh dhuit e, agus gu'n cuala tu e, agus gu'n do rannsaich thu gu maith, agus, feuch, *gur fìor e, agus gu bheil a' chiùis deirbhthe, gu'n do rinneadh a' ghràineileachd sin ann an Israel;*

5 An sin bheir thu mach am fear sin no a' bhean sin, a rinn an ni aingidh sin, chum do gheatachan, *eadhon* am fear sin no a' bhean sin, agus clachaidh tu iad le clachaibh gus am bàsaich iad.

6 Aig beul dà fhianuis, no thrì fhianuis-ean, cuirear gu bàs esan a tha toilleannach air bàs: cha chuircar gu bàs e aig beul aon fhianuis.

7 Bithidh làmhan nam fianuisean air an toiseach, g'a chur gu bàs; agus 'n a dhéigh sin làmhan an t-sluaigh uile: mar sin euiridh tu 'n t-olc air falbh o bhrur measg.

8 Ma dh'éireas cùis a bhios ro chruaidh ort ann am breitheanas, eadar fuil agus fuil, eadar breth agus breth, agus eadar buille agus buille, *eadhon* cùiscan conspoid an taobh a stigh de d' gheataibh; an sin

éiridh tu, agus théid thu suas do'n ionad a thaghas an Tighearn do Dhia:

9 Agus thig thu chum nan sagart, nan Lebhitheach, agus a chum a' bhreitheimh a bhios anns na láithibh sin, agus fiosraichidh tu; agus nochdaidh iad dhuit focal a' bhreithcanais:

10 Agus ni thu a réir na breithe a nochdas muinntir an àite sin (a thaghas an Tighearn) dhuit, agus bheir thu 'n aire gu'n dean thu a réir gach nì a theagaisgeas iad duit:

11 A réir breith an lagha a theagaisgeas iad duit, agus a réir a' bhreithcanais a dh'imnecas iad duit, ni thu: cha chlaon thu o'n breith a nochdas iad duit, a chur na làimhe deise no na làimhe eìthe.

12 Agus an duine a ni gu h-ann dàna, agus nach éisd ris an t-sagart, a sheacas gu frithcalaidh an sin an làthair an Tighearna do Dhé, no ris a' bhreitheamh, bàsaichidh eadhon an duine sin, agus cuiridh tu 'n t-ole air falbh o Israel.

13 Agus chuinnidh an sluagh uile, agus bithidh cagal orra, agus cha dean iad gu h-ann dàna nì's mò.

14 'N uair a thig thu chum an fhearainn a bheir an Tighearn do Dhia dhuit, agus a shealbhaicheas tu e, agus a ghabhas tu coimhuidh ann, agus a their thu, Cuiridh mi rìgh os mo cheann, mar na cinnich uile a tha mu'n cuairt orm:

15 Cuiridh tu air gach aon chor esan 'n a rìgh os do cheann a thaghas an Tighearn do Dhia; aon o mheasg do bhràithrean cuiridh tu 'n a rìgh os do cheann: cha-n fheud thu coigreach a chur os do cheann, nach 'eil 'n a bhràthair dhuit.

16 Ach cha chuir e eich 'an lìonmhoireachd dha féin, ni mò a bheir e air an t-sluagh pilltinn do'n Eiphit, a chum gu'n cuir e eich 'an lìonmhoireachd; do bhrìgh gu'n dubhairt an Tighearn ribh, Cha phill sibh á so a mach nì's mò air an t-slighe sin.

17 Ni mò a chuireas e mnathan 'an lìonmhoireachd dha féin, a chum nach claon a ehridhe air falbh; ni mò a mheudaicheas e gu mòr dha féin airgid agus òr.

18 Agus an uair a shuidheas e air rìgh-chaitir a rìoghachd, an sin ath-sgrìobhaidh e dha féin an lagh so ann an leabhar, as an leabhar sin a tha 'n làthair nan sagart, nan Lebhitheach.

19 Agus bithidh e aige, agus leughaidh e ann uile làithean a bheatha; chum gu fòghlum e eagal an Tighearn' a Dhé a bhì air, uile bhriathran an lagha so a ghlèidheadh, agus na reachdan so, chum an deanannh:

20 A chum nach bi 'ehridhe air a thogail suas os ceann a bhràithrean, agus nach claon e o'n àithne chum na làimhe deise no na làimhe eìthe; air chor as gu'm buanaich o a làithean 'n a rìoghachd, e féin agus a chlam 'am meadhon Isracil.

1 *Is e'n Tighearn oighreachd nan sagart agus nan Lebhitheach. 15 Eiseadar ris an Fhàidh cosmhul ri Maois, a bha Dia gus a thogail suas 'n am measg.*

CHA bhì aig na sagartaibh, na Lebhithich, eadhon uile thréibh Lebhi, roinn sam bith no oighreachd maille ri h-Israel: ithidh iad tabhartais an Tighearna a bheir ear suas le teine, agus 'oighreachd-san.

2 Uime sin cha bhì oighreachd sam bith aca ann measg an bràithrean: *is e 'n Tighearn féin an oighreachd, mar a thubhairt e riu.*

3 Agus is e so dlighe nan sagart o'n t-sluagh, uatha-san a dh'ìobras iobairt, ma's tarbh no caora e; agus bheir iad do'n t-sagart an slinnean, agus na gialan, agus a' mhaodail.

4 *Mar an ceudna* ceud thoradh d'arbhair, d'fhiona, agus d'olaidh, agus ceud lomradh do chaorach bheir thu dha:

5 Oir thagh an Tighearn do Dhia e mach as do threubhan uile, gu seasamh chum frithealaidh ann an ainm an Tighearna, e féin agus a mhic gu bràth.

6 Agus ma thig Lebhitheach o h-aon de d' gheataibh a mach á h-Israel uile, far am bheil e air chuairt, agus ma thig e le uile thogradh 'muintir do'n ionad a thaghas an Tighearn;

7 An sin fritheilidh e ann an ainm an Tighearna a Dhé, mar a bhràithrean uile na Lebhithich, a tha 'n an seasamh an sin an làthair an Tighearna.

8 Bithidh ac' uiread ri 'chéile r'a itheadh, a bhàrr air na thig air o reiceadh a chuid duine-cloinne.

9 'N uair a thig thu do'n fhearann a tha 'n Tighearn do Dhia a' tabhairt duit, cha-n fhòghlum thu 'dheanamh a réir gràineil-eachd nan cinneach sin.

10 Cha-n fhaighear 'n ur measg *neach air bith* a bheir air a mhac, no air a nighinn dol troimh 'n teine, no a ghnàthaicheas fiosachd, no speuradair, no fear-fàisteachd, no a ghnàthaicheas droch imleachdan,

11 *No seunadair, no neach a dh'fhiosraicheas de leannan-sìth, no druidh, no neach a dh'iarras eòlas o na maibh.*

12 Oir *is* gràineil-eachd do'n Tighearn iad-san uile a ni na nithean sin; agus air son nan gràineil-eachd sin, tha'n Tighearn do Dhia 'g am fuadachadh a mach romhad.

13 Bithidh tusa coimhionta maille ris an Tighearn do Dhia.

14 Oir dh'éisd na cinnich sin a shealbhaicheas tusa ri speuradairibh, agus ri fios-aichibh: ach air do shonsa, cha do leig an Tighearn do Dhia leat mar sin a *dheanamh.*

15 Togaidh an Tighearn do Dhia suas fàidh dhuit o d' mheadhon féin, o d' bhràithre-bh, cosmhul riumsa; ris-san éisdidh sibh;

16 A réir nau uile nithean a dh'iarr thu

o'n Tighearn do Dhia ann an Horeb, ann an là a' chomhchruinneachaidh, ag ràdh, Na chuinnceamsa ris guth an Tighearna mo Dhé, agus na faiceam an teine mòr so nì's mòd, a chum nach bàsaich mi.

17 Agus thubhairt an Tighearn riumsa, Is maith a labhair iad an nì a labhair iad.

18 Togaidh mise suas fàidh dhoibh o mheasg am bràithrean, cosmhuil riutsa, agus cuiridh mi mo bhriathran 'n a bheul, agus labhairaidh e riu gach nì a dh'àit meas mi dha.

19 Agus tarlaidh, an duine nach éisd ri m' bhriathraibhse a labhras e a'm' ainm, iarraidh mi uaith e:

20 Ach am fàidh aig am bi 'dhànadas focal a labhairt a'm' ainm, nach d'àithn mise dha a labhairt, no a labhras annan ainm dhiathan eile, gu cinn-teach bàsaichidh am fàidh sin.

21 Agus ma their thu ann ad chridhe, Cionnus a dh'àithnichteas sinn am focal nach do labhair an Tighearn?

22 'N uair a labhras fàidh ann an ainm an Tighearna, mur tachair an nì, agus mur tig e gu crìch, is e sin an nì nach do labhair an Tighearn; gu h-ann-dàna labhair am fàidh e: cha bhi eagal ort roimhe.

CAIB. XIX.

1 *Na bailtean dìleil. 16 Pearsan fianuis bhrèige.*

'N UAIR a ghearras an Tighearn do Dhia as na cinnich, aig an robh am fearann a tha 'n Tighearn do Dhia a' tabhairt duit, agus a thig thu 'n an àit, agus a ghabhas tu còmhuidh 'n am bailtibh, agus 'n an tighibh;

2 Cuiridh tu air leth dhuit féin trì bailtean am meadhon d'fhearainn, a bheir an Tighearn do Dhia dhuit r'a shealbhachadh.

3 Deasaichidh tu dhuit féin slighe, agus roinnidh tu crìoch d'fhearainn a bheir an Tighearn do Dhia dhuit r'a shealbhachadh, 'n an trì earramaibh, a chum gu feud gach marbhaiche teicheadh an sin.

4 Agus is e so còir a' mharbhaiche, a theicheas an sin, a chum gu'm bi e beò: Ge b'e a mharbhas a choimhearsnach gun fhios da, do nach robh fuath aige roimhe:

5 Mar a tha 'n uair a theid duine maille r'a choimhearsnach do'n choille a ghearradh fiodha, agus a bheir a làmh buille leis an tuaidh a ghearradh sìos na craoibhe, agus a leumas an ceann bhàrr na coise, agus a thuiteas e air a choimhearsnach, air chor as gu'm bàsaich e; teichidh e chum aoim de na bailtibh sin, agus bithidh e beò:

6 Air eagal gu'n lean dìoghaltair na fola air marbhaiche, am feadh 's a tha 'chridhe teth, agus gu'm beir e air, a chionn gu bheil an t-slighe fada, agus gu marbh se e, ged nach robh e toillteanach air bàs, do bhrìgh nach robh fuath aige dha 's an àm a chaidh seachad.

7 Uime sin tha mi ag àithneadh dhuit, ag

ràdh, Cuiridh tu air leth dhuit féin trì bailtean.

8 Agus ma leudaicheas an Tighearn do Dhia do chrìoch, mar a mhionnaich e do d'aithrichibh, agus ma bheir o dhuit am fearann uile a gheall e thoirt do d'aithrichibh;

9 Ma bheir thu an aire na h-àitheantan sin uile a dheanamh, a tha mise ag àithneadh dhuit an diugh, an Tighearn do Dhia a ghràdhachadh, agus gluasad a ghnàth 'n a shligheibh; an sin cuiridh tu air leth dhuit féin trì bailtean eile thuilleadh air an trì sin;

10 A chum nach dòrtear fuil neòchiontach a'd' fhearann, a bheir an Tighearn do Dhia dhuit mar oighreachd, agus nach bi *mar sin* fuil ort.

11 Ach ma tha aig duine sam bith fuath d'a choimhearsnach, agus gu'n luidh e 'm folach air a shon, agus gu'n éirich e suas 'n a aghaidh, agus gu'm buail e gu marbhtach e, air chor as gu'm faigh e bàs, agus gu'n teich e gu h-aon de na bailtibh sin;

12 An sin cuiridh seanairean a' bhaile féin *fos* uatha, agus bheir iad as a sin e, agus bheir iad thairis e do làimh dìoghaltair na fola, a chum gu'm bàsaich e.

13 Cha ghabh do shùil truas ris: ach cuiridh tu air falbh *cionta* fola neòchiontach o Israeil, a chum gu'n éirich gu maith dhuit.

14 Cha-n atharraich thu crìoch *fearainn* do choimhearsnaich, a shuidhich na sinnsir a'd' oighreachd a shealbhaicheas tu, anns an fhearann a bheir an Tighearn do Dhia dhuit r'a shealbhadh.

15 Cha-n éirich aon fhianuis a *mhàin* suas an aghaidh duine air son euceirt sam bith, no air son peacaidh sam bith, ann am peacadh sam bith a pheacaicheas e: aig beul dà fhianuis, no aig beul trì fhianuis-eann daingnichear a' chùis.

16 Ma dh'éireas fianuis bhrèige suas an aghaidh duine sam bith, a thoirt fianuis 'n a aghaidh air an euceirt;

17 An sin seasaidh an dithis dhaoine aig am *bheil*, an consachadh, 'am fianuis an Tighearn, an lathair nan sagart, agus nan breitheamhan a bhitheas ann na làithibh sin:

18 Agus nì na breitheamhan ramrachadh geur; agus, feuch, *ma's* fianuis bhrèige an fhianuis, agus gu'n d'thug e fianuis bhrèige an aghaidh a bhràthar,

19 An sin nì sibh ris, mar a shaoil esan a dheanamh r'a bhràthair: mar sin cuiridh tu air falbh an t-ole as bhuir measg.

20 Agus chuinnidh iadsan a mhaireas, agus bithidh eagal orra, agus cha dean iad o sin a mach a' shamhuil so de ole 'n ur measg.

21 Agus cha ghabh do shùil truas; ach *theid* anam air son anama, sùil air son sùla,

fiacail air son fiacra, làmh air son làinnhe, eos air son coise.

CAIB. XX.

1 *Brosnachadh catha an t-sagairt do'n t-sluagh.*
12 *Mar a bhuinear ris na bailtibh a ghabhas no dhìollas tairgsean sìthe.* 16 *Na bailtean a bha gu bhith air an sgrios.*

'N UAIR a thèid thu mach gu cath an aghaidh do naimhdean, agus a chi thu eich agus earbaid, agus sluagh a's lion-mhoire na thu fèin, na bitheadh eagal ort rompa: oir *tha* 'n Tighearn do Dhia maille riut, a thug a mach thu á tìr na h-Eiphit.

2 Agus an uair a dhlùthaicheas sibh ris a' chath, an sin thig an sagart am fagus, agus labhraidh e ris an t-sluagh,

3 Agus their e riu, Eisd, O Isracil, tha sibh an diugh a' dol gu cath an aghaidh bhur naimhdean: na bitheadh bhur cridhe fann, na bitheadh eagal oirbh, agus na criothnaieibh, agus na biodh uamhann oirbh air an sou;

4 Oir *tha* 'n Tighearn bhur Dia a' dol maille ribh, a ehogadh air bhur son an aghaidh bhur naimhdean, a chum bhur tearnadh.

5 Agus labhraidh an luchd-riaghlaidh ris an t-sluagh, ag ràdh, Cia am fear a thog tigh noma, agus nach do choisrig e? rachadh e agus pilleadh e chum a thighe, air eagal gu'm bàsaich e 's a' chath, agus gu'n coisrig fear eile e.

6 Agus cia an duine a shuidhich fion-lios, agus nach d'ith *fathast* dheth? rachadh esan *mar an ceudna*, agus pilleadh e d'a thigh, air eagal gu'm bàsaich e 's a' chath, agus gu'n ith neach eile dheth.

7 Agus cia an duine a rinn ceangal-pòsaidh ri mnaoi, agus nach do ghabh *d'a ionnsuidh* i? rachadh e agus pilleadh e d'a thigh, air eagal gu'm bàsaich e 's a' chath, agus gu'n gabh neach eile *d'a ionnsuidh*.

8 Agus labhraidh an luchd-riaghlaidh a bhàrr air sin ris an t-sluagh, agus their iad, Cia an duine a tha gealtach, agus lag-chridheach? rachadh e agus pilleadh e d'a thigh, a chum nach dean e eridhe a bhràithrean lag mar a chridhe fèin.

9 Agus tarlaidh, 'n uair a chuireas an luchd-riaghlaidh erioch air labhairt ris an t-sluagh, gu'n cuir iad ceannardan air na h-armailtibh gus an sluagh a thoirt air an aghaidh.

10 'N uair a thig thu 'm fagus do bhaile gu cogadh 'n a aghaidh, an sin gairmidh tu sìth dha.

11 Agus tarlaidh, ma bheir e freagradh na sìthe dhuit, agus ma dh'fhosglas e dhuit, an sin tarlaidh, gu'm bi 'n sluagh uile a gheibhear ann fo chìs dhuit, agus gu'n dean iad seirbhis dhuit.

12 Agus mur dean e sìth riut, ach gu'n cog e riut, an sin cuiridh tu gu *cruidh* 'n a aghaidh.

13 Agus an uair a bheir an Tighearn do Dhia thairis do d' làmh e, buailidh tu gach firionnach ann le faobhar a' chladheimh:

14 Ach na mnathan, agus a' chlann bheag, agus an spréidh, agus na h-uile nithean a tha 's a' bhaile, *eadhon* a' chreach uile, gabhaidh tu dhuit fèin; agus ithidh tu creach do naimhdean, a thug an Tighearn do Dhia dhuit.

15 Mar so ni thu ris na bailtibh *sin* uile a *tha* ro fhada uait, nach *'eil* de bhailtibh nan einneach sin.

16 Ach de bhailtibh an t-sluaigh sin, a tha 'n Tighearn do Dhia a' toirt duit mar oighreachid, cha ghléidh thu ni sam bith beò anns am bheil anail:

17 Ach sgriosaidh tu gu tur iad, *eadhon* na Hitieh, agus na h-Amoraich, na Canaan-ach, agus na Peridsich, na Hibhich, agus na Iebusaich, a réir mar a dh'aitlm an Tighearn do Dhia dhuit:

18 A chum nach teagaisg iad duit a dheanamh a réir an uile ghràineileachd, a rinn iad d'an diathan; mar sin pheacaicheadh sibh an aghaidh an Tighearna bhur Dé.

19 'N uair a chuireas tu gu eruaidh an aghaidh baile rè ùine fhada, a' deanamh cogaidh 'n a aghaidh chum a ghlacadh, cha chuir thu as d'a chraobhan le tuadh a bhualadh orra: oir feudaidh tu itheadh dhiubh, agus cha ghearr thu sìos iad, (oir *is* i eraobh na macharach *beatha* duine) chum an gnàthachadh ann an eur an aghaidh a' bhaile.

20 A mhàin na eraobhan a's aithne dhuit fèin nach eraobhan bidh iad, sgriosaidh agus gearraidh tu sìos iad; agus togaidh tu daingneichean an aghaidh a' bhaile a ehogas riut, gus an ceannsaich thu e.

CAIB. XXI.

1 *Mu mhortadh duine 's a' mhachair, gun fhios cò 'mharbh e.* 10 *O mheas nam braighean dh'fheudadh fear bean a ghabhail dha fèin.*

15 *Còir a' cheud-glùn mhic.* 18 *Am mac reasgach gu bhith air a chlachadh gu bàs.*

MA gheibhear neach air a mharbhadh 's an fhearann a bheir an Tighearn do Dhia dhuit r'a shealbhadh, 'n a luidhe 's a' mhachair, agus gun fhios cò 'mharbh e;

2 An sin thig do sheanairean agus do bhrèitheamhan a mach, agus tomhaisidh iad a chum nam bailtean a *tha* mu'n cuairt aisans a mharbhadh:

3 Agus tarlaidh gu'n gabh am baile a's faigse do'n duine a mharbhadh, eadhon seanairean a' bhaile sin agh leis nach d'rinneadh obair, nach do tharruing *riamh* ann an euing;

4 Agus bheir seanairean a' bhaile sin an t-agh sìos do ghleann garbh, nach do threabhadh agus nach do shìol-chuireadh, agus gearraidh iad an sin amhaeh an aighe dhith 's a' ghleann;

5 Agus thig na sagartan mie Lebhi am fagus;

(oir iadsan thagh an Tighearn do Dhia gu frithealadh dha féin, agus gu beannachadh ann an ainnm an Tighearna;) agus a réir am focail-san crìochnaichear gach uile chonn-sachadh, agus gach uile bhuille.

6 Agus nighidh uile sheanairan a' bhaile sin *a's* faigse do'n *duine* a mharbhadh, an lannhan os ceann an aighe d'an do ghearradh an amhach 's a' ghleann:

7 Agus freagraidh iad agus their iad, Cha do dhòirt ar lannhan an fhuil so, ni mò a chunnaic ar sùilean i.

8 Bi tròcaireach, O Thighearna, do d' shluagh Israel, a shaor thu, agus na cuir fuil neo-chiontach á leth do shluagh Israeil. Agus maithear an fhuil dhoibh.

9 Mar sin cuiridh tu air falbh *cionta* na fola ned-chiontaich o bhur measg, a chionn gu'n dean thu *an nì a tha* ceart ann an sùilibh an Tighearna.

10 'N uair a thèid thu mach gu cogadh an aghaidh do naimhdean, agus gu'n toir an Tighearn do Dhia thairis iad do d' làimh, agus gu'n dean thu braighdean dhiubh,

11 Agus gu'm faic thu am measg nam braighdean bean sgiamhach, agus gu bheil déigh agad oirre, agus gu'm bu mhaith leat agad i 'n a mnaoi;

12 An sin bheir thu dhachaidh i do d' thigh, agus bearraidh i a ceann, agus bheir i dhith a h-inean;

13 Agus cuiridh i dhith a h-eudach braighdeana, agus fanaidh i a d' thigh, agus ni i caoidh air son a h-athar agus a màthar mios iomlan: agus an déigh sin thèid thu steach d'a h-ionusuidh, agus bithidh tu a d' fhear-pòda aice, agus bithidh ise 'n a mnaoi agad.

14 Ach mur bi tlachd agad innte, an sin leigidh tu leatha dol far an àill leatha, ach cha reic thu idir air airgid i, ni mò a ni thu aintighearnas oirre, a chionn gu'n d'islich thu i.

15 Ma bhios aig duine dà mhnaoi, aon diubh gràdhaichte agus an aon eile fuath-aichte, agus ma rug iad clann da, *araon a' bhean* ghràdhaichte agus a' *bhean* fhuath-aichte; agus ma's leis a' mhnaoi fhuath-aichte an ceud-ghin mic,

16 An sin tarlaidh, 'n uair a bheir e sealbh d'a mhic air *an nì a tha* aige, nach fheud e ceud-ghin a dheanamh de mhac na *mnà* gràdhaichte roimh mhac na *mnà* fuath-aichte, *a's e da rìreadh* an ceud-ghin:

17 Ach gabhaidh e ri mac na *mnà* fuath-aichte mar an ceud-ghin, le roinn dhùbailte a thoirt da de gach ni a tha aige: oir *is* esan toiseach a neirt, *is* leis còir a' cheud-ghin.

18 Ma bhios aig duine mac reasgach agus ceannairceach, nach géill do ghuth 'athar, no do ghuth a mhàthar, agus an uair a smachdaicheas iad e, nach èisd riu:

19 An sin beiridh 'athair agus a mhàthair

air, agus bheir iad a mach e gu seanairan a bhaile, agus gu geata 'àite féin;

20 Agus their iad ri seanairibh a bhaile, *Tha* ar mac so reasgach agus ceannairceach, cha toir e géill d'ar guth; *tha e 'n a gheòc-air* agus 'n a mhisgeir.

21 Agus clachaidh uile dhaoine a bhaile c le clachaidh, a chum gu'm bàsaich e: mar sin cuiridh tu olc air falbh as bhur measg, agus cluinnidh Israel uile, agus bithidh cagal orra.

22 Agus ma rinn duine peacadh a tha toillteanach air bàs, agus gu'm bi e ra chur gu bàs, agus gu'n croch thu ri craolbh e:

23 Cha-n fhan a chorp rè na h-oidheche air a' chraoibh, ach air gach aon chor adhlaididh tu e air an là sin féin; (oir mallaichte le Dia *tha* esan a chrochadh;) agus cha salaich thu d'fhearann, a *tha 'n* Tighearn do Dhia a' toirt duit mar oighreachd.

CAIB. XXII.

Mu shacimkneas a nochdadh do bhràithribh, agus mu riaghailtibh àraich eile.

NUAIR a chi thu damh do bhràthar, no a chaora 'dol air seacharan, cha-n fholaich thu thu féin uatha; bheir thu air gach aon chor air an ais iad a ris a dh'ionnsuidh do bhràthar.

2 Agus mur bi do bhràthair làmh riut, no mur h-aithne dhuit e, an sin bheir thu e dh'ionnsuidh do thighe féin, agus bithidh e maille riut gus an iarr do bhràthair e, agus bheir thu air ais dha e.

3 Air a' mhodh cheudna ni thu r'a asal, agus mar so ni thu r'a eudach, agus mar so ni thu ris na h-uile nithibh caillte le d' bhràthair, a chaill e, agus a fhuair thusa: cha-n fheud thu thu féin fholaich.

4 'N uair a chi thu asal do bhràthar, no a dhamh a' tuiteam sìos air an t-slighe, cha-n fholaich thu thu féin uatha; gu cinn-teach togaidh tu suas *iad* maille ris a ris.

5 Cha chaith bean an ni sin a's le fear, ni mò a chuireas fear uime eudach mnà: oir *is* gràineileachd do'n Tighearn do Dhia iad-san uile a ni so.

6 Ma tharlas do nead eoin a bhi romhad 's an t-slighe ann an craoibh sam bith, no air làr, *ma's* eoin òga *iad*, no uibhean, agus a' mhàthair 'n a suidhe air an àlach, no air na h-uibhean, cha ghlac thu a' mhàthair maille ris an àlach:

7 Air gach aon chor leigidh tu leis a' mhàthair dol as, agus an t-àlach gabhaidh tu dhuit féin; a chum gu'n éirich gu maith dhuit, agus gu'm buanaich thu do làithean.

8 'N uair a thogas tu tigh nònha, an sin togaidh tu barr-bhalla d'a mhullach, a chum nach toir thu fuil air do thigh, ma thuiteas duine sam bith o sin.

9 Cha chuir thu d'fhòn-lios le h-iomadh

gnè *sìl*, air eagal gu'n truaillear toradh do shìl a chuir thu, agus meas d'fhòn-lios.

10 Cha dean thu ar le damh agus le h-asal maille ri 'chéile.

11 Cha chuir thu unad eudach measgta, *mar* de olaime agus de lìon le 'chéile.

12 Ni thu dhuit féin fàbhran air ceithir cheithreanaibh d'eudaich leis an còmhdaich thu *thu féin*.

13 Ma ghabhas duine bean, agus gu'n téid e steach d'a h-ionnsuidh, agus gu'm fuathaidh e i,

14 Agus gu'n toir e aobhar cainnte 'n a h-aghaidh, agus gu'n tog e suas droch ainm oirre, agus gu'n abair e, Ghabh mi a' bhean so, agus an uair a thàinig mi d'a h-ionnsuidh, cha d'fhuair mi 'n a maighdinn i;

15 An sin gabhaidh athair na h-ighinn, agus a màthair, agus bheir iad a mach *comharan* maighdeanaid na h-ighinn gu seanairibh a' bhaile anns a' gheata:

16 Agus their athair na h-ighinn ris na seanairibh, Thug mi mo nighean do'n duine so 'n a mnaoi, agus tha fuath aige dh'i;

17 Agus, feuch, thug e aobhar cainnte 'n a h-aghaidh, ag ràdh, Cha d'fhuair mi do nighean 'n a maighdinn; agus gidheadh *is iad sin comharan* maighdeanaid mo nighinn: agus sgaoilidh iad an t-eudach an làthair sheanaircan a' bhaile.

18 Agus gabhaidh seanaircan a' bhaile sin an duine, agus smachdaichidh iad e;

19 Agus cuiridh iad ùmhla cheud *secel* airgid air, agus bheir iad do athair na h-ighinn iad, a chionn gu'n do thog e droch ainm air òigh de *chloinn* Israeil; agus bithidh i 'n a mnaoi aige: cha-n fheud e a cur uath r'a bheò.

20 Ach ma tha an ni so fìor, agus nach 'eil *comharan* maighdeanaid r'am faghail do'n nighinn;

21 An sin bheir iad a mach an nighean gu dorus tighe a h-athar, agus clachaidh daoine a baile i le clachaibh gus am bàsaich i; a chionn gu'n d'oibrich i amaideachd ann an Israel, le strìopachas a dheanamh ann an tigh a h-athar: mar sin cuiridh tu air falbh ole as bhur measg.

22 Ma gheibhear duine a' Inidhe le mnaoi a tha pòsda ri fear, an sin cuirear gu bàs iad le 'chéile, an duine a luidh leis a' mnaoi, agus a' bhean: mar sin cuiridh tu ole air falbh o Israel.

23 Ma tha nighean, agus i 'n a h-òigh, fo cheangal-pòsaidh aig fear, agus gu'm faigh duine i 's a' bhaile, agus gu'n luidh e leatha;

24 An sin bheir sibh a mach iad le 'chéile gu geata a' bhaile sin, agus clachaidh sibh iad le clachaibh gus am bàsaich iad; an nighean, a chionn nach do ghlaodh i, agus i bhi 's a' bhaile; agus am fear, a chionn gu'n d'islich e bean a choimhearsnaich: mar sin cuiridh tu air falbh ole as bhur measg.

25 Ach ma gheibh fear 's a' mhachair

nighean a tha fo cheangal-pòsaidh, agus gu'n éignich an duine i, agus gu'n luidh e leatha, an sin cuirear a mhaoin an duine a luidh leatha gu bàs.

26 Ach air an nighinn cha dean thu 'bheag sam bith; cha 'nèil 's a' nighinn coire bàis: oir mar an uair a dléireas duine suas an aghaidh a choimhearsnaich, agus an mharbhas se e, mar sin tha a' chrùis so:

27 Oir fhuair e 's a' mhachair i, agus dh'éigh an nighean a bha fo cheangal-pòsaidh, agus cha robh neach ann g'a teas-airginn.

28 Ma gheibh duine nighean a tha 'n a h-òigh, nach 'eil fo cheangal-pòsaidh, agus gu'n dean e greim oirre, agus gu'n luidh e leatha, agus gu'm faighear iad;

29 An sin bheir am fear a luidh leatha do athair na h-ighinn leth-cheud *secel* airgid, agus bithidh i 'n a mnaoi aige; a chionn gu'n d'islich e i, cha-n fheud e a cur uath r'a bheò.

30 Cha ghabh duine d'a ionnsuidh bean 'athar, ni mò a lèigeas e ris còmhdaichadh 'athar.

CAIB. XXIII.

1 Co 'dh'fheudadh agus nach feudadh dol a steach do choimhneachadh an Tighearna. 9 Neòghloine 's a' champ gu bhi air a seachnadh.

CHA téid esan aig am bheil a chlochan air am bruthadh, no 'bhall dìomhair air a ghearradh dlèth, a steach do chomhchruinneachadh an Tighearna.

2 Cha téid fear dìolain a steach do chomhchruinneachadh an Tighearna; eadhon gu ruig an deicheamh ginealach cha téid e steach do chomhchruinneachadh an Tighearna.

3 Cha téid Amonach no Moabach a steach do chomhchruinneachadh an Tighearna; eadhon gus an deicheamh ginealach cha téid iad a steach do chomhchruinneachadh an Tighearna a chaoidh:

4 A chionn nach do choimnich iad sibh le h-aran agus le h-uisge air an t-slighe, 'n uair a thàinig sibh a mach as an Eiphit, agus a chionn gu'n do thuarasdalaich iad a'd' aghaidh Balaam mac Bheoir, o Phetor na Mesopotamia, chum do mhallachadh.

5 Gidheadh, cha-n éisdadh an Tighearna do Dhia ri Balaam; ach thionndaidh an Tighearna do Dhia dhuit am mallachadh gu beannachadh, a chionn gu'm bu toigh leis an Tighearna do Dhia thu.

6 Cha-n iarr thu an sìth, no an sonas rè d'uile làithean gu bràth.

7 Cha ghabh thu gràin de Edomach, oir *is e do bhràthair e*: cha ghabh thu gràin de Ephiteach, a chionn gu'n robh thu a'd' choigreach 'n a fhearann.

8 Théid a' chlann a ghinear leo-san, a steach do chomhchruinneachadh an Tighearna, 'n an treas ginealach.

9 'N uair a théid d'fheachd a mach an aghaidh do naimhdean, an sin gléidh thu féin o gach droch ní.

10 Ma bhios 'n ur measg duine sam bith nach 'eil glan, a thaobh neòghloine a tharlas da's an oidheche, an sin théid e mach as a' champ; cha tig e steach do mheadhon a' chainp:

11 Ach an uair a bhios e dlùth do'n fheasgar, an sin nighidh se *e fèin* le h-uisge, agus an uair théid a' ghrian fodha, thig e steach do mheadhon a' chainp.

12 Bithidh agad aite mar an ceudna na taobh a muigh de'n champ, far an téid thu mach.

13 Agus bithidh pleadhag agad air do chrìos, agus an uair a shuidheas tu a muigh, cladhaidh tu leatha, agus tionndaidh tu air d'ais, agus folaidh tu an ní a thig uait.

14 Oir tha 'n Tighearn do Dhia ag imeachd 'am meadhon do chainp, chum do shaoradh, agus a chum do naimhdean a thoirt thairis romhad: uime sin bithidh do champ naomh, chum nach faic e ní sam bith neòghlan annad, agus nach pill e air falbh uait.

15 Cha toir thu suas d'a mhaighsidir an seirbhiseach a chaidh as a d' ionnsuidh o mhaighsidir.

16 Maille riut gabhaidh e còmhnuidh 'n ur measg, anns an ait a thaghas e, an taobh a stigh aoin de d' gheataibh far an taitniche leis: cha dean thu foirneart air.

17 Cha bhi striopach air bith de nigheanaibh Israel, ní mò bhitheas Sodomach de mhacaibh Israel.

18 Cha toir thu tuarasdal striopaich, no luach coin, do thigh an Tighearn do Dhé air son bòid sam bith; oir tha iad sin eadhon le 'chéile 'n an gràineileachd do'n Tighearn do Dhia.

19 Cha toir thu *ni sam bith* 'an coingheall do d' bhràthair air riadh; riadh airgid, riadh bìdh, riadh ní sam bith a bheirear 'an coingheall air riadh.

20 Do choigreach feudaidd tu *ni* a thoirt 'an coingheall air riadh, ach do d' bhràthair cha toir thu ní sam bith 'an coingheall air riadh; a chum gu'm beannaich an Tighearn do Dhia thu anns gach ní ris an cuir thu do làmh, 's an fhearann d'am bheil thu 'dol g'a shealbhadh.

21 'N uair a bheir thu bòid do'n Tighearn do Dhia, cha dean thu moille 'n a h-icadh: oir gu cinnteach iarraidh an Tighearn do Dhia uait i; agus bhiodh e 'n a pheacadh dhuit.

22 Ach ma dh'fhanas tu gun bhòid a thabhairt, cha bhi e 'n a pheacadh dhuit.

23 An ní sin a chaidh mach as do bhlìbh, coimhidh agus coimhlionaidh tu; a réir mar a bhòidich thu do'n Tighearn do Dhia, eadhon tabhartas saor-thoile, a gheall thu le d' bheul.

24 'N uair a théid thu steach do fhìon-lìos do choimhearsnaich, an sin feudaidd tu fion-dhearcan itheadh mar is miann leat, eadhon do shàth; ach cha chuir thu bheag a'd' shoitheach.

25 'N uair a théid thu steach a dh'arbhar do choimhearsnaich, an sin feudaidd tu na dìasan a spionadh le d' làimh; ach corran cha chuir thu ann an arbhar do choimhearsnaich.

CAIB. XXIV.

1 *Mu litir-dhealachaidh do mhnai-phòsda. 6, 10 Mu gheall. 7 Mu ghaduiche dhaoine. 8 Mu plàigh na luibhre. 14 Tuarasdal seirbhìsch gu bhì air icadh's an là air am bi e dlìgheach. 17 Mu cheartas.*

NUAIR a ghabhas fear bean, agus a phòsas e i, agus gu'n tachair nach faigh i deadhghèan 'n a shùilibh, a chiomn gu'n d'fhuair e neòghloine éigin imte; an sin sgrìobhadh e litir-dhealachaidh dh'i, agus thugadh e 'n a làimh i, agus cuireadh e mach as a thigh i.

2 Agus an uair a dh'fhalbhas i mach as a thigh, feudaidd i dol agus a bhì 'n a mnaoi aig fear eile.

3 Agus ma dh'fhuathaicheas am fear-pòsda mu dheireadh so i, agus gu'n sgrìobh o litir-dhealachaidh dh'i, agus gu'n toir e 'n a làimh i, agus gu'n cuir e mach as a thigh i; no ma gheibh am fear mu dheireadh bàs, a ghabh i 'n a mnaoi dha féin;

4 Cha-n fheadh a ceud fhear-pòsda a chuir naith i, a gabhail a ris gu bhì 'n a mnaoi dha, an deigh dh'i bhì air a truailleadh; oir is gràineileachd sin an làthair an Tighearn: agus cha toir thu air an fhearann peacadhadh, a tha 'n Tighearn do Dhia a' toirt duit mar oighreachd.

5 'N uair a ghabhas duine bean nuadh, cha téid e mach gu cogadh, ní mò a chuirear cùram gnòthuich sam bith air: fanaidh e saor aig a thigh féin aon bhliadhna, agus bheir e subhachas d'a mnaoi a ghabh e.

6 Cha ghabh duine sam bith a' chlach-mhuilinn iochdarach no uachdarach mar gheall: oir tha e 'gabhail anama duine mar gheall.

7 Ma gheibhear duine a' goid aoin neach d'a bhràithribh de chloinn Israel, agus ma ní e ain-tighearnas air, no ma reiceas se e; an sin cuirar gu bàs an gaduiche sin; agus cuiridh tu ole air falbh as bhuir measg.

8 Thoir an aire, ann am plàigh na luibhre, gu'n toir thu faineag gu dùrachdach, agus gu'n dean thu a réir nan uic nithean a theagaisgeas na sagartan na Lebhithich dhuibh: a réir mar a dh'àithn mi dhoibh, bheir sibh faineag gu'n dean sibh.

9 Cuimhnich ciod a rinn an Tighearn do Dhia ri Miriam air an t-slighe, an deigh dhuibh teachd a mach as a Eiphit.

10 'N uair a bheir thu do d' choimhears-

nach nì sam bith 'an coingheall, cha téid thu steach d'a thigh a ghabhail a ghill.

11 A mach seasaidh tu, agus bheir an duine d'am bheil thu 'toirt 'an coingheall, an geall a mach dhuit.

12 Agus ma *bhios* an duine bochd, cha choidil thu le 'gheall.

13 Air gach aon chor bheir thu air ais dha 'n geall a ris, 'nuair a théid a' ghrian fodha, chum gu'n coidil e 'n a eudach féin, agus gu'm beannaich e thu: agus bithidh so 'n a ionracas dhuit an lathair an Tighearna do Dhé.

14 Cha dean thu fìrneart air seirbhiseach tuarasdail a tha bochd agus uireasbhuidh-each, *co dhiubh a tha e de d' bhràithribh*, no de d' choigrich, a *tha* ann a d' fhearann an taobh a stigh de d' gheataibh.

15 Air a là bheir thu *dha* a thuarasdal, agus cha téid a' ghrian sìos air; oir *tha e* bochd, agus a' suidheachadh a chridhe air; air eagal gu'n glaoth e a'd' aghaidh ris an Tighearn, agus gu'm bi e 'n a pheacaidh dhuit.

16 Cha chuirear na h-aithrichean gu bàs air son na cloinne, nì mò a chuirear a' chlann gu bàs air son nan aithrichean; cuirear gach duine gu bàs air son a pheacaidh féin.

17 Cha chlaon thu breitheanas a' choigrich, no an dilleachdain, nì mò a ghabhas tu eudach bantraich mar gheall.

18 Ach cuimhnichidh tu gu'n robh thu *féin* a'd' thràill 's an Eiphit, agus *gu'n do* shaor an Tighearn do Dhia thu as a sin; uime sin *tha* mi ag àithneadh dhuit an nì so a dheanamh.

19 'N uair a bhuaineas tu d'fhoghar a'd' achadh, agus a dhì-chuimhnicheas tu aguab s an achadh, cha phill thu g'a togail: air son a' choigrich, air son an dilleachdain, agus air son na bantraich bithidh i; a chum gu'm beannaich an Tighearn do Dhia thu ann an uile oibribh do làmh.

20 'N uair a chrathas tu do chraun-oladl, cha téid thu thairis air na geugaibh a ris: air son a' choigrich, air son an dilleachdain, agus air son na bantraich bithidh e,

21 'N uair a chruinnicheas tu fion-dhearcan d'fhion-lios, cha ghlan thu gu buileach a'd' dhéigh e: air son a' choigrich, air son an dilleachdain, agus air son na bantraich bithidh e.

22 Agus cuimhnichidh tu gu'n robh thu a'd' thràill ann an tìr na h-Eiphit: uime sin *tha* mi ag àithneadh dhuit an nì so a dheanamh.

CAIB. XXV.

1 *Mu smachdachadh a' chiontach. 4 Cha chuirear ceangal air beul an daimh an uair a tha e 'sallairt an arbhair. 5 Mu shìol a thogail suas do bhràthair. 11 Mu'n mhaoi gun nàire. 13 Mu chothromaibh ceart. 17 Mu léir-sgrìos Amaleic.*

Ma bhios connsachadh eadar daoine, agus gu'n tig iad gu breitheanas, a

chum as gu'n toir na breitheamhna breth orra; an sin saoraidh iad an t-ionracan, agus dèidh iad an ciontach.

2 Agus tarlaidh, ma 's airidh an duine aingidh bhì air a bhualadh, gu'n toir an breitheamh air luidhe sìos, agus a bhì air a bhualadh 'n a lathair, a réir a choire, ann an àireamh àraidh *de bhuillibh*.

3 Dà fhichead buille bheir e dha: cha téid e thairis, air eagal nan rachadh e thairis, agus gu'm buaileadh se e os an ceann sin le mòran bhuillibh, an sin gu'm biodh do bhràthair tàireil a'd' shùilibh.

4 Cha chuir thu ceangal air beul an daimh an uair a tha e 'sallairt an arbhair.

5 'N uair a ghabhas bràithrean còmhuidh maille ri 'chéile, agus gu'm faigh aon diubh bàs, agus gun duine cloinne aige, cha phòs bean a' mhairbh a mach ri coigreach: théid a bràthair-céile steach d'a h-ionnsuidh, agus gabhaidh e dha féin i 'n a mnaoi, agus nì e dlìghe bràthair-céile rithe.

6 Agus éiridh an ceud-ghin mic a bheireas i, suas ann an ainm a bhràthar a *tha* marbh, a chum nach dubhar a mach 'ainm á h-Israel.

7 Agus mur toil leis an duine bean a bhràthar a ghabhail, an sin théid bean a bhràthar suas do'n gheata chum nan seanairean, agus their i, Tha mo bhràthair-céile a' diùltadh ainm a thogail suas d'a bhràthair ann an Israel, cha-n àill leis dlìghe bràthair-céile a dheanamh rium.

8 An sin gairmidh seanairean a bhaile air, agus labhairidh iad ris: agus *ma* sheasas e mach, agus gu'n abair e, Cha-n àill leam a gabhail;

9 An sin thig bean a bhràthar d'a ionnsuidh an lathair nan seanairean, agus fuasglaidh i a bhròg bhàrr a chois, agus tilgidh i smugaid 'n a eudann, agus freagraidh agus their i, Mar so nìthear ris an duine nach tog suas tigh a bhràthar.

10 Agus goirear 'ainm ann an Israel, Tigh an fhir aig am bheil a bhròg fuasgailte.

11 'N uair a bhios daoine ri comhstri cuid-eachd, neach ri neach eile, agus gu'n tig bean aoin diubh ann agus a dh'fhuasglaidh a fir-pòsda à làmh an fhir a tha 'g a bhualadh, agus gu'n sìn i mach a làmh, agus gu'n gabh i greim air a bhuill dhìomhair;

12 An sin gearraidh tu dlith a làmh; cha ghabh do shùil truas rithe.

13 Cha bhi agad ann ad *mhàla aon* chothrom agus cothrom *eile*; cothrom mòr agus beag.

14 Cha bhi agad ann ad thigh *aon* soith each, agus soitheach *eile* tomhais; soitheach mòr agus beag.

15 Cothrom iomlan agus ceart bithidh agad, soitheach-tomhais iomlan agus ceart bithidh agad; a chum gu'm buanaichear do làithean anns an fhearann a *tha* 'n Tighearn do Dhia a' tabhairt duit.

16 Oir *tha* iadsan uile a ni na nithean sin, iadsan uile a ni gu h-eucorach, 'n an gràin-eileachd do'n Tighearn do Dhia.

17 Cuimhnich ciod a rinin Amalec ort 's an t-slighe, 'n uair a thàinig sibh a mach as an Eiphit,

18 Cionnus a choimnich e thu 's an t-slighe, agus a bhuail e 'chuid 'bu deireannaiche dhìot, *eadhon* iadsan uile a *bha* lag a'd dhèigh, an uair a *bha* thu fann agus sgìth, agus nach robh eagal Dhé air.

19 Uime sin an uair a bheir an Tighearn do Dhia fòis duit o d' naimhaidh uile mu'n cuairt, anns an fhearann a bheir an Tighearn do Dhia dhuit mar oighreachd r'a sheallbachadh, dubhaidh tu *as* cuimhne Amaleic o *bhi* fo nèamh; cha dì-chuimhnich thu e.

CAIB. XXVI.

1 *Aideachadh an ti a thug seachad do'n t-sagart bascad le ceud thoradh an fhearainn.* 12 *Mu dheachamh na treas bliadhna.* 16 *An coimh-cheangal eadar Dia agus a shluagh.*

AGUS an uair a théid thu stigh do'n fhearann a *tha* 'n Tighearn do Dhia a' thoirt dhuit mar oighreachd, agus a sheallbhaicheadh tu e, agus a ghabhas tu còmhnuidh ann.

2 An sin gabhaidh tu d'e cheud chuid de uile thoradh na talmhainn, a bheir thu 'eat do d'fhearann a *tha* 'n Tighearn do Dhia a' tabhairt duit, agus cuiridh tu ann ann bascaid e, agus théid thu chum an àite a thaghas an Tighearn do Dhia, a chur 'ainne an sin.

3 Agus théid thu dh'ionnsuidh an t-sagairt a bhios ann na lùthibh sin, agus their thu ris, Tha mi ag aideachadh air an là 'n diugh do'n Tighearn do Dhia, gu'n d'fhàinig mi do'n dùthaich a mhionnaich an Tighearn d'ar n-aithrichibh gu'n tugadh e dhuinn.

4 Agus gabhaidh an sagart a' bhascaid as do làmh, agus cuiridh e sìos i air beulaobh altarach an Tighearna do Dhé.

5 Agus freagraidh tu agus their thu an làthair an Tighearna do Dhé, Bu Shìrianaeh air sheòl a bhi caillte m'athair, agus chaidh e sìos do'n Eiphit, agus bha e air chuairt an sin le beagan euideachd, agus dh'fhàs e 'n sin 'n a chinneach mòr, cumhachdach, agus lionmhor.

6 Agus bhuin na h-Eiphitich gu h-ole ruinn, agus shàraich iad sinn, agus chuir iad daorsa chruaidh oirnn.

7 Agus ghlaodh sinn ris an Tighearn, Dia ar n-aithrichean, agus dh'éisid an Tighearn r'ar guth, agus dh'annhaire e air ar n-àmhghar, agus ar saothair, agus ar foirneart:

8 Agus thug an Tighearn mach sinn as an Eiphit le làmh chumhachdaich, agus le gairdean sìnte mach, agus le h-uamhann mòr, agus le comharaibh, agus le h-iongantasaibh:

9 Agus thug e sinn do'n àite so, agus thug e dhuinn am fearann so, fearann a *tha* 'sruthadh le bainne agus mil.

10 Agus a nis, feuch, thug mi leam ceud thoradh an fhearainn a thug thusa, a Thighearna, dhomh. Agus cuiridh tu e 'am fianuis an Tighearna do Dhé, agus ni thu aoradh 'am fianuis an Tighearna do Dhé.

11 Agus ni thu gairdeachas anns gach *ni* maith a thug an Tighearn do Dhia dhuit, agus do d' thigh, thu féin, agus an Lebhitheach, agus an coigreach a *bhios* 'n ur measg.

12 'N uair a chuireas tu crìoch air deachamh a thoirt seachad, *eadhon* uile dheachamh do chinneis air an treas bliadhna, bliadhna an deachaimh, agus a bheir thu e do'n Lebhitheach, do'n choigreach, do'n dilleachdan, agus do'n bhantraich, a chum gu'n ith iad an taobh a stigh de d' ghcataibh, agus gu'n sàsuichear iad;

13 An sin their thu 'am fianuis an Tighearna do Dhé, Thug mi leam na nithean naomba as *mo* thigh, agus mar an ceudna thug mi iad do'n Lebhitheach, agus do'n choigreach, do'n dilleachdan, agus do'n bhantraich, a réir d'aitheantan uile a dh' àithn thu dhomh: cha do bhris mi h-aon de d'aitheantaibh, ni mò a dhi-chuimhnich mi iad.

14 Cha d'ith mi *'bheag* dhiubh a'm' bhròn, ni mò a ghabh mi *'bheag* dhiubh gu *feum* neòghlan *sam bith*, ni mò a thug mi *'bheag* dhiubh air son a' mhairbh: dh'éisid mi ri guth an Tighearna mo Dhé; rinn mi a réir nan uile nithean a dh' àithn thu dhomh.

15 Annhaire a nuas o ionad-còmhnuidh do naombachd, o nèamh, agus beannaich do shluagh Israeil, agus an fearann a thug thu dhuinn, mar a mhionnaich thu d'ar n-aithrichibh, fearann a *tha* 'sruthadh le bainne agus mil.

16 Air an là 'n diugh dh' àithn an Tighearn do Dhia dhuit na reachdan agus na breitheanais sin a dheanamh: uime sin coimhididh agus ni thu iad le d' uile chridhe agus le d' uile anam.

17 Rinn thu roghainn an diugh de'n Tighearn gu bhi 'n a Dhia dhuit, agus gu giasad 'n a shlighibh, agus gu reachdan a ghleidheadh, agus 'aitheantan, agus a bhreitheanais, agus gu éisdachd r'a ghuth.

18 Agus thagh an Tighearn thusa an diugh gu bhi a'd shluagh sònraichte dha féin, mar a gheall e dhuit, agus a chum gu'n gleidheadh tu 'aitheantan uile;

19 Agus a chum gu'n deanadh e àrd thu os eam nan uile chinneach a rinn e, ann an cliu, agus ann an ainm, agus ann an urram; agus a chum gu'n bitheadh tu a'd shluagh naomh do'n Tighearn do Dhia, mar a labhair e.

CAIB. XXVII.

- 1 *Dh'àithn Maois do'n t-sluagh an lagh a sgrìobhadh air clachaibh mòra; agus altair a thogail suas de chlachaidh slàna. 11 Mu bhean-nachdaibh agus mu mhallachdaibh.*

AGUS dh'àithn Maois agus scanairean Israeil do'n t-sluagh, ag ràdh, Gleidhibh na h-àitheantan uile a *tha* mi ag àithneadh dhuibh an diugh.

2 Agus tarlaidh, air an là anns an téid sibh thar Iordan do'n fhearann a bheir an Tighearn do Dhia dhuit, gu'n cuir thu suas dhuit féin clachan mòra, agus còmhdaichidh tu thairis le h-aol iad.

3 Agus sgrìobhaidh tu orra uile bhriathran an lagha so, 'n uair a théid thu thairis, a ehum gu'n téid thu steach do'n fhearann a bheir an Tighearn do Dhia dhuit, fearann a *tha* 'sruthadh le baimne agus le mìl; mar a gheall an Tighearn Dia d'aithriche dhuit.

4 Uime sin an uair a théid sibh thar Iordan, cuiridh sibh suas na clachan sin, a *tha* mi ag àithneadh dhuibh air an là'n diugh, ann an sliabh Ebail, agus còmhdaichidh tu thairis le h-aol iad.

5 Agus an sin togaidh tu suas altair do'n Tighearn do Dhia, altair de chlachaidh: cha tog thu suas *inneal* iaruin *sam bith* orra.

6 De chlachaidh slàna togaidh tu altair an Tighearna do Dhé, agus bheir thu suas oirre ìobairte-loisgte do'n Tighearn do Dhia.

7 Agus ìobraidh tu ìobairte-sith, agus ithidh tu 'n sin, agus ni thu gairdeachas an làthair an Tighearna do Dhé.

8 Agus sgrìobhaidh tu air na clachaibh uile bhriathran an lagha so gu ro shoilleir.

9 Agus labhair Maois, agus na sagartan na Lebhithich, ri h-Israel uile, ag ràdh, Thoir an aire, agus éisd, O Israeil; air an là'n diugh rinneadh thu a'd' shluagh do'n Tighearn do Dhia.

10 Uime sin éisdidh tu ri guth an Tighearna do Dhé, agus ni thu 'àitheantan, agus a reachdan, a *tha* mi ag àithneadh dhuit air an là'n diugh.

11 Agus dh'àithn Maois do'n t-sluagh air an là sin féin, ag ràdh,

12 Seasaidh iad so air sliabh Gheridsim a bheannachadh an t-sluaigh, 'n uair a théid sibh thar Iordan; Simeon, agus Lebhi, agus Iudah, agus Isachar, agus Ioseph, agus Benjamin.

13 Agus seasaidh iad so air sliabh Ebail a mhallachadh; Reuben, Gad, agus Aser, agus Sebulun, Dan, agus Naphtali.

14 Agus labhraidh na Lebhithich, agus their iad ri daoimibh Israeil uile le guth àrd,

15 Mallaichte *gu robh* an duine a ni dealbh snaidhte no leaghta, gràineilcachd do'n Tighearn, obair làmh an fhir-cheird, agus

a chuireas e ann an *ionad* dìomhair: agus freagraidh an sluagh uile, agus their iad, Amen.

16 Mallaichte *gu robh* esan a ni tàir air 'athair no air a mhàthair. agus their an sluagh uile, Amen.

17 Mallaichte *gu robh* esan a dh'atharraicheas crìoch *fearainn* a chomhearsnaich: agus their an sluagh uile, Amen.

18 Mallaichte *gu robh* esan a chuireas an dall air seacharan 's an t-slighe: agus their an sluagh uile, Amen.

19 Mallaichte *gu robh* esan a chlaonas breitheanas a' choigrich, an dilleachdain, agus na bantraich: agus their an sluagh uile, Amen.

20 Mallaichte *gu robh* esan a luidheas le mnaoi 'athar, a chionn gu bheil e a' leigeadh ris còmhdaich 'athar: agus their an sluagh uile, Amen.

21 Mallaichte *gu robh* esan a luidheas le h-aimmhidh sam bith: agus their an sluagh uile, Amen.

22 Mallaichte *gu robh* esan a luidheas le 'phliuthair, nighean 'athar, no nighean a mhàthar: agus their an sluagh uile, Amen.

23 Mallaichte *gu robh* esan a luidheas le 'mhàthair-chéile: agus their an sluagh uile, Amen.

24 Mallaichte *gu robh* esan a bluaileas a choimhearsnach gu h-uaigneach: agus their an sluagh uile, Amen.

25 Mallaichte *gu robh* esan a ghabhas duais air son duine neò-chiontach a nharbhladh: agus their an sluagh uile, Amen.

26 Mallaichte *gu robh* esan nach daingnich uile bhriathran an lagha so chum an deanamh: agus their an sluagh uile, Amen.

CAIB. XXVIII.

- 1 *Beannachdan air an gealltainn dhoibhsan a bhios àmhàl do lagh Dhé. 15 Mallachdan orrasan a bhios easmhal.*

AGUS tarlaidh, ma dh'éisdeas tu gu dùrachdach ri guth an Tighearna do Dhé, a choimhead agus a dheanamh 'àitheantan uile, a *tha* mi ag àithneadh dhuit air an là'n diugh, gu'n cuir an Tighearn do Dhia suas thu os ceann uile chinneacha na talmhainn.

2 Agus thig na beannachdan so uile ort, agus beiridh iad ort, ma dh'éisdeas tu ri guth an Tighearna do Dhé.

3 Beannaichte *bithidh* tu 's a' bhaile, agus beannaichte *bithidh* tu 's a' mhachair.

4 Beannaichte *bithidh* toradh do chuirp, agus toradh d'fhearainn, agus toradh do spréidhe, fàs do chruidh, agus treudan do chaoarach.

5 Beannaichte *bithidh* do bhascaid agus do chuibhrionn.

6 Beannaichte *bithidh* tu 'n uair a thig thu stigh, agus beannaichte *bithidh* tu 'n uair a théid thu mach.

7 Bheir an Tighearn fainear gu'm bi do

naimhdean, a dh'éireas suas a'd' aghaidh, air am bualadh roimh do ghnùis: thig iad a mae a'd' aghaidh air aon slighe, agus teicidh iad romhad air seachd slighean.

8 Aithnidh an Tighearn am beannachadh ort a'd' thighibh-tasgaidh, agus anns gach nì ris an cuir thu do làmh; agus beannaichidh e thu 's an fhearann a bheir an Tighearn do Dhia dhuit.

9 Daingnichidh an Tighearn thu a'd' shluagh naomh dha féin, mar a mhionnaich e dhuit, ma ghleidheas tu àitheantan an Tighearna do Dhé, agus ma ghluaiseas tu 'n a shligheibh.

10 Agus chi uile chinnich na talmhainn gu'n goircear ainm an Tighearna ort, agus bithidh eagal orra romhad.

11 Agus nì an Tighearn saobhair thu ann am maoin, ann an toradh do chuirp, agus ann an toradh do spréidhe, agus ann an toradh d' fhearainn, anns an talamh a mhionnaich an Tighearn do d'aithrichean a thabhairt duit.

12 Fosglaidh an Tighearn dhuit a dheadh ionnhas, na nèamhan a thoirt uisge do d'fhearann 'n a àm, agus a bheannachadh nìle oibre do làimhe; agus bheir thu 'n iasachd do mhòran chinneach, agus cha gabh thu 'n iasachd.

13 Agus nì an Tighearn an ceann dhìot, agus nì h-e an t-earball; agus bithidh tu an uachdar a mhàin, agus cha bhi thu 'n ìochdar; ma dh'éisdeas tu ri àitheantaibh an Tighearna do Dhé, a *tha* mi ag àithneadh dhuit air an là'n diugh, gu'n coimhead agus gu'n dean thu iad.

14 Agus cha tèid thu thaobh o aon air bith de na briathraibh a *tha* mi ag àithneadh dhuit an dingh, a chum na làimhe deise no chum na làimhe clìthe, a dhol an dèigh dhiathan eile a dheanamh seirbhis doibh.

15 Ach tarlaidh, mur éisd thu ri guth an Tighearna do Dhé, a thoirt fairear gu'n dean thu àitheantan agus a reachdan uile, a *tha* mi ag àithneadh dhuit an dingh, gu'n tig na mallachdan so uile ort, agus gu'm beir iad ort.

16 Mallaichte *bithidh* tu 's a' bhaile, agus mallaichte *bithidh* tu s a' mhachair.

17 Mallaichte *bithidh* do bhascaid agus do chubhrionn.

18 Mallaichte *bithidh* toradh do chuirp, agus toradh d'fhearainn, fàs do ehruidh, agus treudan do chaorach.

19 Mallaichte *bithidh* tu 'n uair a thig thu stigh, agus mallaichte *bithidh* tu 'n uair a thèid thu mach.

20 Cuiridh an Tighearn ort mallachadh, mì-shuaimhnecas, agus achmhasan, anns gach nì ris an cuir thu do làmh gu 'dheanamh, gus an sgriosar thu, agus gus an téid as duit gu h-obann, air son aingidhachd do ghnìomh-aran leis an do thréig thu mise

21 Bheir an Tighearn air a' phlàigh lean-tuinn riut, gus an claoidh e thu bhàrr an fhearainn, d'am bheil thu 'dol a steach g'a shealbhadh.

22 Buailidh an Tighearn thu le caithcamh agus le fiabhirus, agus le h-ain-teas, agus le h-àrd-losgadh, agus leis a' chlaidheamh, agus le scargadh, agus le fuar-dhealt; agus leanaidh iad thu gus an téid as duit.

23 Agus bithidh do speuran a *tha* os do cheann 'n an umha, agus an talamh a *tha* fodhad 'n a iarunn.

24 Nì an Tighearn uisge d'fhearainn 'n a luathre agus 'n a dhùslach: o nèamh thig e nuas ort, gus an sgriosar thu.

25 Bheir an Tighearn fairear gu'm buail-ear thu air beulaobh do naimhdean: thèid thu mach air aon slighe 'n an aghaidh, agus teicidh tu rompa air seachd slighean; agus atharraichear thu chum uile rìoghachdan na talmhainn.

26 Agus bithidh do chlosach 'n a biadh aig uile eunlaith an athair, agus aig beathaichibh na talmhainn, agus cha-n fhuadaich duine sam bith air falbh iad.

27 Buailidh an Tighearn thu le neasgaid na h-Eiphit, agus le ruith fola, agus le càrr, agus le cloimh, de nach bi e'n comas do leigheas.

28 Buailidh an Tighearn thu le euthach, agus le doille, agus le h-uamhann cridhe.

29 Agus smeuraichidh tu mu mhacadhonn-là, mar a smeuraicheas an dall 's an dorcha-adas, agus cha soirbhich leat a'd' shlighean: agus bithidh tu fo fhoirneart a mhàin, agus air do chreachadh a ghnàth, agus cha teasaig duine sam bith thu.

30 Nì thu ceangal-pòsaidh ri mnai, agus luidhidh fear cile leatha: togaidh tu tigh, agus cha ghabh thu còmhnuidh ann: suidhichidh tu fion-lios, agus cha tionail thu 'fhion-dhearcan.

31 Marbhar do dhamh fa chomhair do shùl, agus cha-n ith thu dh'e: bheircear air falbh d'asal a dh'aindeoin as do làthair, agus cha toirear air a h-ais dhuit i: bheircear do chaoraich do d' naimhdeibh, agus cha bhi neach agad a bheir uatha iad.

32 Bheircear do mhic agus do nigheanan do shluagh eile, agus chi do shùilean, agus fàilnichidh iad le *fadal* air an son rè an là: agus cha bhi neart sam bith a'd' làimh.

33 Toradh d'fhearainn, agus do shaothair uile, ithidh cinncach suas, nach b'aithe dhuit; agus bithidh tu fo fhoirneart a mhàin agus air do bhruthadh an còmhnuidh:

34 Air chor as gu'm bi thu air mhi-chéill, air son seallaidh do shùl a chi thu.

35 Buailidh an Tighearn thu 's na glùinibh, agus anns na cosaibh, le neasgaid chràitich nach gabh leigheas, o bhonn do ehoise gu mullach do chinn.

36 Bheir an Tighearn thu *féin*, agus do

rioh a chuireas tu os do cheann, gu cinn-each nach b'aithne aon chuid duit féin no do d'aithrichibh; agus an sin ni thu seirbhis do dhiathaibh eile, *de fhiodh agus de chloich*.

37 Agus bithidh tu a'd' uamhas, a'd' shamhladh, agus a'd' leth-fhocal, am measg nan uile chinneach gus an treoraich an Tighearn thu.

38 Bheir thu mòran sil a mach do'n fhearann, ach is beag a chruinnicheas tu stigh: oir ithidh an locust suas e.

39 Suidhichidh tu fion-fiosan agus deas-aichidh tu *iad*, ach cha-n òl thu de'n fhion, ni mò a chruinnicheas tu *na dearcan*: oir ithidh a' chnuimh iad.

40 Bithidh croinn-oladh agad air feadh do chriocean uile, ach cha-n ung thu thu féin leis an oladh: oir tilgidh do chrann-oladh a *thoradh*.

41 Ginidh tu mic agus nigheanan, ach cha mheal thu iad; oir théid iad 'am braighdeanas.

42 Do chraobhan uile, agus toradh d'fhearainn, millidh an locust.

43 Eiridh an coigreach a tha 'n 'ur measg suas gu ro àrd os do cheann; agus thig thusa nuas gu ro ìosal.

44 Bheir e 'n iasachd dhuit, agus cha toir thusa 'an iasachd dha: bithidh esan 'n a cheann, agus bithidh tusa a'd' carball.

45 Agus thig na mallachdan sin uile ort, agus leanaidh iad thu, agus beiridh iad ort, gus an sgriosar thu; a chionn nach d'éisidh tu ri guth an Tighearna do Dhé, a ghleidheadh 'aitheantan agus a reachdan a dh'aithean e dhuit.

46 Agus bithidh iad ort mar chomharadh agus mar iongantas, agus air do shliochd a chaidh.

47 A chionn nach d'rinn thu seirbhis do'n Tighearn do Dhia le gairdeachas, agus le snbhachas cridhe, air son pailteis nan uile *niithean*;

48 Uime sin ni thu seirbhis do d' naimh-dibh, a chuireas an Tighearn a'd' aghaidh, ann an ocras, agus ann an tart, agus ann an lomnochdaidh, agus ann an uireasbhuidh nan uile *niithean*: agus cuiridh e cuing iaruinn air do mhuineal, gus an cuir e as deit.

49 Bheir an Tighearn cinneach a'd' aghaidh o *ionad fad o làimh*, o iomall na talmhainn, mar an iolair air iteig; cinneach nach tuig thu 'n cainnt;

50 Cinneach aig am bheil aghaidh bhorb, nach toir urram do ghnùis an aosmhoir, agus nach dean iochd ris an òg.

51 Agus ithidh e toradh do spréidhe, agus toradh d'fhearainn, gus an sgriosar thu: neach nach fag agad arbhar, fion, no oladh, fàs do chruidh, no treudan do chaorach, gus an cuir e as duit.

52 Agus teannaichidh e thu ann ad gheat-

aibh uile, gus am breisear sìos do bhallachan àrda agus daingnichte, anns an robh do dhòigh, air feadh d'fhearainn uile; agus teannaichidh e thu ann ad gheataibh, air feadh d'fhearainn uile a thug an Tighearn do Dhia dhuit.

53 Agus ithidh tu toradh do chuirp féin, feoil do mhac agus do nigheanan, a thug an Tighearn do Dhia dhuit, anns a' chogadh, agus anns an teinn, leis an teannaich do naimhdean thu:

54 *Air chor as an duine a tha maoth 'n 'ur measg*, agus ro shòghar, gu'm bi a shùil olc a thaobh a bhràthar, agus a thaobh màna 'uchd féin, agus a thaobh iarmaid a chloinne a dh'fhàgas e:

55 Air chor as nach toir e do h-aon diubh a bheag de fheoil a chloinne a dh'itheas e; a chionn nach fàgar a' bheag aige 's a' chogadh, agus anns an teinn, leis an teannaich do naimhdean thu a'd' gheataibh uile.

56 A' bhean mhaoth agus shòghar 'n 'ur measg, nach dùraichdeadh bonn a coise a chur air an talamh a thaobh mhàin agus maothalachd, bithidh a shùil olc a thaobh fir-pòda a h-uchd, agus a thaobh a mic, agus a thaobh a h-ighinn,

57 Agus a thaobh a maothrain a thig a mach o cadar a cosaibh, agus a thaobh a cloinne a bheireas i: oir ithidh i iad a dh'uireasbhuidh nan uile *ni*, 'an diomhair-eachd anns a' chogadh, agus anns an teinn, leis an teannaich do naimhdean thu a'd' gheataibh.

58 Mur toir thu an aire uile bhriathran an lagha so a dheanamh, a tha sgrìobhta 's an leabhar so, a chum gu'm bi eagal an ainm ghlòrmhoir agus uamhasaich so ort, AN TIGHEARN DO DHIA;

59 An sin ni an Tighearn do phlàighean iongantach, agus plàighean do shliochd, *eadhon* plàighean mòra agus maircannach, agus eucailean craiteach agus fadalach.

60 A bhàrr air so, bheir e ort uile ghal-aran na h-Eiphit, roimh an robh eagal ort; agus leanaidh iad riut.

61 Mar an ceudna gach tinneas, agus gach plàigh, nach 'eil sgrìobhta ann an leabhar an lagha so, iad sin bheir an Tighearn ort, gus an sgriosar thu.

62 Agus fàgar sibh tearc ann an àireamh, 'an àite dhuibh 'bhi mar reultan nèimh 'an Ìomhoireachd; a chionn nach d' éisidh tu ri guth an Tighearna do Dhé.

63 Agus tarlaidh, mar a rinn an Tighearn gairdeachas os bhur ceann a dheanamh maith dhuibh, agus gu'r deanamh Ìom-mhor, mar sin gu'n dean an Tighearn gairdeachas os bhur ceann gu'r sgrios, agus gu'r toirt gu neo-ni; agus spìonar sibh as an fhearann d'am bheil thu a' dol g'a shealbhadh.

64 Agus sgapaidh an Tighearn thu am measg nan uile chinneach, o'n dara ceann

de'n talamh eadhon gus an ceann eile de'n talamh; agus an sin ni thu seirbhis do dhiathaibh eile, nach b'aithne *aon chuid* duit féin no do d'aithrichibh, eadhon de fhíodh agus de chloich.

65 Agus am measg nan cinneach sin cha-n fhaigh thu suaimeas sam bith, ni mò bhitheas fois aig bonn do choise: ach bheir an Tighearn dhuit an sin cridhe gealtach, agus fáilneachadh shùl, agus doilgheas inn-tinn.

66 Agus bithidh do bheatha 'an crochadh ann an amharus fa d' chomhair; agus bithidh eagail ort a là agus a dh'oidhche, agus cha bhí cinnte air bith agad de d' bheatha.

67 'S a' mhaduinn their thu, Och! nach b'e 'm feasgar e; agus 's an fheasgar their thu, Och! nach b'i a' mhaduinn e; air son eagail do chridhe leis am bi eagail ort, agus air son seallaidh do shùl a chi thu.

68 Agus bheir an Tighearn ris thu do'n Eiphit ann an longaibh, air an t-slighe mu'n dubhairt mi riut, Cha-n fhaic thu ris i tuilleadh: agus an sin reicear sibh r'ir naimhaidibh mar thràillean agus mar bhan-tràillean, agus cha bhí neach ann gu'r ceannach.

CAIB. XXIX.

2 *Eirail do chloinn Israeil an coimhcheangail ri Dia a choimhead. 29 Buinidh nithean dromhair do'n Tighearn.*

IS iad sin briathran a' choimhcheangail a dh'aithn an Tighearn do Mhaois a dheanamh ri cloinn Israeil, ann an tìr Mhoais, a thuilleadh air a' choimhcheangail a rinn e riu ann an Horeb.

2 Agus thug Maois gairm do Israel uile, agus thubhairt e riu, Chunnaic sibh gach ni a rinn an Tighearn fa chomhair bhuir sùl ann an tìr na h-Eiphit, ri Pharaoh, agus r'a sheirbhisich uile, agus r'a fhearann uile;

3 Na deuchainnean mòra a chunnaic do shùilean, na comharan agus na h-iongantasan mòra sin;

4 Gidheadh cha d'thug an Tighearn dhuibh cridhe a thuigsinn, agus sùilean a dh'fhaicinn, agus cluasan a chluinntinn, gus an là'n diugh.

5 Agus thredraich mise sibh dà fhichead bliadhna 's an fhàsach: cha do chaitheadh bhuir n-eudach dhiubh le h-aois, agus cha do chaitheadh do bhròg le h-aois bhàrr do choise.

6 Cha d'ith sibh aran, ni mò dh'òl sibh fion, no deoch làidir; a chum gu'm bitheadh fios agaibh gur mise an Tighearn bhuir Dia.

7 Agus an uair a thàinig sibh do'n àite so, thàinig Sihon rìgh Hesboin, agus Og rìgh Bhàsan, a mach 'n ar n-aghaidh chum catha, agus bhuail sinn iad;

8 Agus ghlac sinn am fearann, agus thug sinn e mar oighreachd do na Reubenich, agus do na Gadaich, agus do leth thréibh Mhan-aseh.

9 Gleidhibh uime sin briathran a' choimhcheangail so, agus deanaibh iad, a chum gu'n soirbhich leibh anns gach ni a ni sibh.

10 Tha sibh uile 'n 'ur seasamh an diugh an làthair an Tighearna bhuir Dé; ceannardan bhuir treubhan, bhuir seanairean, agus bhuir luchd-riaghlaidh, fir Israeil uile,

11 Bhuir clann bheag, bhuir mnathan, agus do choigreach a tha ann ad champ, o fhear-gearraidh d'fhiodha gu fear-tarruing d'uisge;

12 A chum gu'n rachadh tu ann an coimhcheangail ris an Tighearn do Dhia, agus 'n a mhiomaibh-san, a tha'n Tighearn do Dhia a' deanamh riut air an là'n diugh:

13 A chum gu'n daingnich e thu an diugh mar shluagh dha féin, agus gu'm bi esan dhuitse 'n a Dhia, mar a thubhairt e riut, agus mar a mhiomnaich e do d'aithrichibh, do Abraham, do Isaac, agus do Iacob.

14 Agus cha-n ann ribhse mhàin a tha mise a' deanamh a' choimhcheangail so, agus nam mionnan so;

15 Ach ris-san a tha 'n so maille ruinn 'n a sheasamh an diugh an làthair an Tighearna ar Dé, agus mar an ceudna ris-san nach 'eil an so maille ruinn an diugh:

16 (Oir is aithne dhuibh cionnus a bha sinn a chòmhnuidh ann an tìr na h-Eiphit, agus cionnus a thàinig sinn troimh mheadhon nan cinneach air an deachaidh sibh seachad;

17 Agus chunnaic sibh an gràineileachdan, agus an ìodholan, fiodh agus clach, airgid agus òr, a bha 'n am measg;)

18 Air eagail gu'm bitheadh 'n 'ur measg fear, no bean, no teaghlach, no treubh, a chlaonas a chridhe air falbh an diugh o'n Tighearn ar Dia, a dhol a dheanamh seirbhis do dhiathaibh nan cinneach sin; air eagail gu'm bitheadh 'n 'ur measg freumh a bheir uaith mar thoradh nimh agus searbhas,

19 Agus an uair a chluinneas e briathran a' mhallachaidh so, an sin gu'm beannaich se e féin 'n a chridhe, ag ràdh, Bithidh sìth agam, ged a ghluais mi ann an anamiamm mo chridhe féin, a chur misge ri pathadh:

20 Cha chaomhain an Tighearn e, ach an sin cuiridh fearg an Tighearna, agus 'eud, smùid-diubh an aghaidh an duine sin, agus luidhidh gach mallachadh air a tha sgrìobhta 's an leabhar so, agus dubhaidh an Tighearn mach 'ainm o bhli fo nèamh.

21 Agus sgaraidh an Tighearn e chum uile, a mach a treubhan Israeil uile, a réir uile mhallachdan a' choimhcheangail, a tha sgrìobhta ann an leabhar an lagha so:

22 Air chor as gu'n abair an ginealach ri teachd, bhuir clann a dh'éireas suas 'n 'ur déigh, agus an coigreach a thig o thìr fad o làimh, 'n uair a chi iad plàighean an fhearainn sin, agus 'eucaillean a leag an Tighearn air;

23 Agus gu bheil a thalamh uile 'n a phronnasg, agus 'n a shalam, agus 'u a losgadh, nach 'eil e air a chur, no 'toirt toraidh uaith, agus nach 'eil feur sam bith a' fàs ann, cosmhuil ri sgrìos Shodoim agus Ghomorrah, Admah agus Sheboim, a sgrìos an Tighearn 'n a fheirg, agus 'n a chorruih;

24 Their eadhon na h-uile chinnich, 'Car son a bhuin an Tighearn mar so ris an fhearann so? Ciod is *ciall* do theas na corruiche moire so?

25 An sin their daoine, A chionn gu'n do thréig iad coimheangal an Tighearna Dé an aithrichean a rinn e ri, 'n uair a thug e mach iad á tìr na h-Eiphit.

26 Oir chaidh iad agus rinn iad seirbhis do dhìathaidh eile, agus rinu iad aoradh dhoibh, dée uach b'aithne dhoibh, agus nach d'thug esan doibh.

27 Agus las corruich an Tighearna an aghaidh an fhearainn so, a thoirt nam mallachd sin uile air a tha sgrìobhta 's an leabhar so.

28 Agus spion an Tighearn a mach iad as am fearann ann am feirg, agus ann an corruich, agus ann an lasan ro mhòr, agus thilg e iad do dhùthaich eile, mar air an là'n diugh.

29 Buinidh na nithean diomhair do'n Tighearn ar Dia, ach na nithean a tha foillsichte dhuinne, agus d'ar cloim a chaoidh, a chum gu'n dean sinn uile bhriathran an lagha so.

CAIB. XXX.

1 Maitheas agus trùcair air an gcalltainn dhoibhsan a bheir géill a dh'aitheantaibh an Tighearna. 15 Beatha agus bàs air an cur fa'n comhair.

AGUS an uair a thig na nithean so uile ort, am beannachadh agus am mallachadh, a chuir mise romhad, agus a chmhuinicheas tu orra 'am measg nan cinneach uile chum an d'fhogair an Tighearn do Dhia thu,

2 Agus a philleas tu dh'ionnsuidh an Tighearna do Dhé, agus a bheir thu géill d'a ghuth, a réir nan uile nithean a tha mise ag àithneadh dhuit air an là'n diugh, thu féin agus do chlaun, le d'uile chridhe, agus le d'uile anam;

3 An siu bheir an Tighearn do Dhia air ais do bhraghdeanas, agus ni e iochd riut, agus pillidh e agus cruinnichidh e thu as na h-uile chinnich a chum an do sgap an Tighearn do Dhia thu.

4 Ma dh'fhògradh neach agad gus a' chuid a's iomallaiche de nàmh, as a sin cruinnichidh an Tighearn do Dhia thu, agus as a sin bheir e thu:

5 Agus bheir an Tighearn do Dhia thu do'n fhearann a shealbhaich d'aithrichean, agus sealbhaichidh tu e; agus ni e maith dhuit, agus bheir e ort fàs lionmhòr os ceann d'aithrichean.

6 Agus timchìoll-ghcarraidh an Tighearn do Dhia do chridhe, agus cridhe doshlìochd, a ghràdhachadh an Tighearn do Dhé le d'uile chridhe, agus le d'uile anam, a chum gu'm bi thu beò.

7 Agus cuiridh an Tighearn do Dhia na mallachdan sin uile air do naimhaidh, agus orra-san aig am bheil fuath dhuit, a rinn gcur-leanmhuinn ort.

8 Agus pillidh tu agus bheir thu géill do ghuth an Tighearna, agus ni thu 'aithcantan uile a tha mise ag àithneadh dhuit an diugh.

9 Agus ni an Tighearn do Dhia pailt thu ann an uile obair do làimhe, ann an toradh do chuirp, agus ann an toradh do spréidhe, agus ann an toradh d'fhearainn, a chum maith: oir ni an Tighearn aris gairdeachas os do cheann chum maith, mar a rinn e gairdeachas os ceann d'aithriche;

10 Ma dh'éisdeas tu ri guth an Tighearna do Dhé, a ghleidheadh 'aithcantan, agus a reachdan, a tha sgrìobhta ann an leabhar an lagha so, agus na philleas tu chum an Tighearna do Dhé le d'uile chridhe, agus le d'uile anam.

11 Oir an àithue so a tha mise ag àithneadh dhuit an diugh, cha-n'èil i 'm folach ort, ni mò a tha i fada uait.

12 Cha-n'èil i 's na nàmhann air chor as gu'n abradh tu, Cò 'théid suas air ar son do na nàmhann, agus a bheir i d'ar n-ionnsuidh, a chum gu'n cluin sinn i, agus gu'n dean sinn i?

13 Ni mò a tha i 'n taobh thall de'n fhairge, air chor as gu'n abradh tu, Cò 'théid a null air ar son thar au fhairge, agus a bheir i d'ar u-ionnsuidh a chum gu'n cluin sinn i, agus gu'n dean sinn i?

14 Ach tha 'm focal ro flagus duit, ann do bheul, agus ann do chridhe, chum gu'n dean thu e.

15 Feuch, elmir mi romhad an diugh beatla agus maith, agus bàs agus olc;

16 A mhead gu bheil mi ag àithneadh dhuit an diugh an Tighearn do Dhia a ghràdhachadh, ghuasad 'n a shlighean, agus 'aithcantan a ghleidheadh, agus a reachdan, agus a bhreitheanais, a chum gu'm bi thu beò, agus gu'm fàs thu lionmhòr, agus gu'm beannaich an Tighearn do Dhia thu 's an fhearann d'am bheil thu dol g'a shealbhaichadh.

17 Ach ma thionndaidheas do chridhe air falbh, agus nach éisd thu, ach gu'n tairngear air falbh thu, agus gu'n dean thu aoradh do dhìathaidh eile, agus gu'n dean thu seirbhis dhoibh;

18 Tha mi ag innseadh dhuibh air an là'n diugh, gu'n sgrìosar gu cinnteach sibh, agus nach sin sibh blur làithean air an fhearann, d'am bheil thu 'dol thar Iordan, gu gabhail a steach g'a shealbhaichadh.

19 Tha mi a' gairm nan nàmh agus na tal-

mhainn mar fhianuiscan 'n 'ur n-aghaidh air an là'n diugh, gu'n do chuir mi beatha agus bàs f'ar comhair, beannaichadh agus mallachadh: uime sin ròghmich beatha, chum gu'm bi thu féin agus do shliocht beò:

20 A chum gu'n gràdhaich thu 'n Tighearn do Dhia, agus gu'n toir thu géill d' a ghuth, agus gu'n lean thu ris; (oir is esan do bheatha, agus fad do làithean); a chum gu'n gabh thu còmhaidh 's an fhearann a mhionnaich an Tighearn do d'aithrichean, do Abraham, do Isaac, agus do Iacob, gu'n tngadh e dhoibh.

CAIB. XXXI.

1 *Thug Maois misneach do Iosua agus do'n t-sluagh.* 9 *Thug e 'n lagh do na sagartaibh, agus dh'àitinn e dhoibh aig ceann gach seachd bliadhna a leughadh 'an éisdeachd an t-sluaigh.* 19 *Thug Dia laoidh do Mhaois mar fhianuis 'n an aghaidh.*

AGUS chaidh Maois agus labhair e na briathran so ri h-Israel uile.

2 Agus thubhairt e riu, *Tha mise ceud agus fichead bliadhna dh'aois air an là'n diugh; cha-n urraim mi tuilleadh dol a mach agus teachid a stach: agus thubhairt an Tighearn rium, Cha téid thu thar an Iordan so.*

3 Théid an Tighearn do Dhia e féin a null romhad; sgriosaidh esan na cinnich sin o d' àthair, agus seallbhaidh tu iad: agus théid Iosua null romhad, mar a thubhairt an Tighearn.

4 Agus ni an Tighearn riu mar a rinn e ri Sihon, agus ri h-Og, rìghrean nan Amorach, agus ri fearann na muinntir sin a sgrios e.

5 Agus bheir an Tighearn thairis iad roimh bhur gnùis, a chum gu'n dean sibh riu a réir gach àithne a dh'àithn mise dhuibh.

6 Bithibh làidir, agns bitheadh deadh mhiseach agaibh, na bitheadh eagail oirbh, agus na gabhaibh geill rompa: oir is e 'n Tighearn do Dhia e féin a théid leat; cha dibir e thu, ni mò a thréigas e thu.

7 Agus ghairm Maois air Iosua, agus thubhairt e ris ann an sealladh Israel uile, Bi làidir, agus bitheadh deadh mhiseach agad: oir is tusa a théid a stigh leis an t-sluagh so do'n fhearann a mhionnaich an Tighearn d'an aithrichibh gu'n tugadh e dhoibh; agus bheir thu orra a sheallbhachadh mar oighreachd.

8 Agus théid an Tighearn e féin romhad; bithidh esan maille riut, cha dibir e thu, ni mò a thréigas e thu: na gabh eagail, agus na bitheadh geill ort.

9 Agus sgriobh Maois an lagh so, agus thug se e do na sagartaibh, mic Lebhi, a tha 'gùlan àire coimheangail an Tighearn, agus do sheanairibh Israel uile.

10 Agus dh'àithn Maois dhoibh, ag ràdh, Aig ceann gach seachd bliadhna, ann am

àm òrduichte bliadhna an fhuasglaidh, aig féill nam pàillium.

11 'N uair a thig Israel uile g'an taisbeanadh féin an làthair an Tighearna do Dhé, 's an ionad a thaghas e; leughaidh tu 'n lagh so 'an làthair Israel uile 'n an éisdeachd.

12 Cruinnich an sluagh r'a eheile, fir agus mnathan, agus elann, agus do choigreach a tha 'n taobh a stigh de d' gheataibh, a chum gu'n eluinn iad, agus gu'n foghlum iad, agus gu'm bi eagail an Tighearna bhur Dé orra, agus gu'n toir iad fainear uile bhriathran an lagha so a dheanadh;

13 Agus gu'n eluinn an elann do nach b'aithne 'bheag, agus gu'm foghlum iad eagail an Tighearna bhur Dé a bhi orra, am fad's is beò dhuibh 's an fhearann d'am bheil sibh 'dol thar Iordan g'a sheallbhachadh.

14 Agus thubhairt an Tighearn ri Maois, Feuch, tha do làithean a' dlùthachadh anns am feum thu bàs f'hagail: gairm air Iosua, agus nochdaibh sibh féin ann am pàillium a' choimhthionail, a chum gu'n toir mise àithne dha. Agus chaidh Maois agus Iosua, agus nochd siad iad féin ann am pàillium a' choimhthionail.

15 Agus dh'fhoillsich an Tighearn e féin 's a' phàillium ann am meall neoil: agus sheas ann meall neoil os ceann doruis a' phàillium.

16 Agus thubhairt an Tighearn ri Maois, Feuch, coidlidh tusa maille ri d'aithrichean; agus éiridh an sluagh so suas, agus théid iad le strìopachas an déigh dhiathan na tìre coimhich sin d'am bheil iad a' dol a stach gu *jantuin* 'n a meadhon, agus tréigidh iad mise, agus brisidh iad mo choimhcheangal a rinn mi riu.

17 Agus lasaidh mo chorruih 'n an aghaidh 's an là sin, agus tréigidh mi iad, agus folaichidh mi mo ghnùis uatha, agus ithear suas iad, agus thig mòran olc agus àmhgharan orra, air ehor as gu'n abair iad 's an là sin, Nach ann a chionn nach 'eil ar Dia 'n ar measg a thàinig na h-uile so oirnn?

18 Agus gu cinnteach folaichidh mise mo ghnùis 's an là sin, air son gach uile a dh'òibrich iad, a chionn gu'n do thionndaidh iad an déigh dhiathan eile.

19 A nis uime sin sgriobhaibhs dhuibh féin an laoidh so, agus teagaisgib i do ehloinn Israel: cuir i 'n am beul, a chum gu'm bi 'n laoidh so mar fhianuis dhomhsa an aghaidh ehloinn Israel.

20 Oir an uair a bheir mi stigh iad do'n fhearann a mhionnaich mi d'an aithrichean, a tha 'sruthadh le bainne agus le mil, agus a dh'itheas iad agus a shàsuichear iad, agus a dh'fhàsas iad reamhar, an sin tionndaidh iad gu diathan eile, agus ni iad seirbhìs doibh, agus brosnuidh iad mi, agus brisidh iad mo choimheangal.

21 Agus tarlaidh, an uair a thig mòran

olc agus àmhgharan orra, gu'n labhair an laoidh so mar fhianuis 'n an aghaidh; oir cha dì-chuimhnichear i á beul an sliochd: oir is aithne dhomh an smuaintean a tha iad a' dealbh an diugh *féin*, mun d'thug mi steach iad do'n fhearran a mhionnaich mi.

22 Sgrìobh uime sin Maois an laoidh so airan là sin féin, agus theagaisg e do chloinn Israeil.

23 Agus dh'àitlm e do Iosua mar Nuin, agus thubhairt e, Bi làidir, agus bitheadh deadh mhiseach agad: oir bheir thu clann Israeil do'n fhearran a mhionnaich mi dhoibh; agus bithidh mise maille riut.

24 Agus an uair a chuir Maois crìoch air sgrìobhadh bhriathran an lagha so ann an leabhar, gus an do chrìochnaicheadh iad,

25 An sin dh'àitlm Maois do na Lebhithich, a tha 'gìulan àirce coimhcheangail an Tighearna, ag ràdh,

26 Gabhaibh leabhar an lagha so, agus cuiribh e aig taobh àirce coimhcheangail an Tighearna bhur Dé, chum gu'm bi e 'n sin mar fhianuis a'd' aghaidh.

27 Oir is aithne dhomh do cheannairc, agus do mhuineal rag: feuch, am feadh 's a tha mi fathast beò maille ribh an diugh, bha sibh ceannairceach an aghaidh an Tighearna; agus cia's mò na sin a bhitheas sibh an deigh mo bhàis?

28 Cruinnichibh a m' ionnsuidh seanairean bhur treubhan uile, agus bhur luchd-riaghlaidh, a chum gu'n labhair mi 'n an cluas-aibh na briathran so, agus gu'n gairm mi na nèamhan agus an talamh mar fhianuis ean 'n an aghaidh.

29 Oir tha fhios agam, an deigh mo bhàis gu'n truail sibh sibh *féin* gu tur, agus gu'n téid sibh a thaobh o'n t'slighe a dh'àitlm mi dhuibh; agus thig olc oirbh anns na làithibh deireannach, a chionn gu'n dean sibh olc ann an sealladh an Tighearna, 'g a bhrosnachadh gu feirg le h-obair bhur làmh.

30 Agus labhair Maois ann an clusaibh uile chomhechruinneachaidh Israeil briathra na laoidhe so, gus an do chrìochnaicheadh iad.

CAIB. XXXII.

1 Laoidh Mhaois. 46 Tha e a' toirt earail do'n t-sluagh, gu'n socraicheadh iad an cridhe air na nùibh a bha air an cur 'an cèill dhoibh innte.

CLUINNIBH, O a nèamhan, agus labhairaidh mi; agus éisdeadh an talamh ri briathraibh mo bheoil.

2 Silidh mo theagasg mar an t-uisge, tuitidh mo chainnt mar an drùchd; mar mhìn-uisge air an lus mhaoth, agus mar fhrasan air an fheur;

3 A chionn gu'm foillsich mi ainm an Tighearna: thugaibhse mòrachd d'ar Dia-ne.

4 Is esan a' charraig, tha 'obair iomlan;

oir is breitheanas a shlighean uile: Dia na firinn, agus gun eucoir, cothromach agus ceart *tha* esan.

5 Thruaill siad iad féin, cha-n e an smal *smal* a chloinne-san: is ginealach coirbte agus fiar iad.

6 An ann mar so a dh'ìocas sibh do'n Tighearna, O a shluagh amaideach agus gun chèill? nach esan d'athair a cheannaich thu? nach d'rinn e thu, agus nach do dhaingnich e thu?

7 Cuimhnich na làithean o chian, thoir fàinear bliadhnaich nan iomadh ginealach: fiosraich de d' athair, agus nochdaidh e dhuit; de d' sheanairibh, agus innsidh iad dhuit.

8 'N uair a roinn an Ti a's ro-àirde do na cinnich an oighreachd, an uair a sgar e mic Adhaimh o' *chèile*, shuidhich e crìochan nan sluagh a réir àireimh chloinn Israeil:

9 Oir is e 'shluagh cuibhrionn an Tighearna; is e Jacob crannchur 'oighreachd-san.

10 Fhuair e ann am fearann *fàs* e, eadhon ann am fàsach falamh làn ulfhartaich: threòraich e mu'n cuairt e, thcagaigse se e, ghléidh e mar ubhal a shùla e.

11 Mar a charaicheas iolar suas a nead, a dh'itealaicheas i os ceann a h-àlaich, a sgaoileas i mach a sgiathan, a ghabhas i iad, a ghiùlaineas i iad air a sgiathaibh;

12 Mar sin threòraich an Tighearna 'n a nòr esan, agus cha robh Dia coimheach maille ris.

13 Thug e air marcachd air àitibh àrda na talmhainn, a chum gu'n itheadh e toradh an fhearrainn, agus thug e air mìl a dheothal as a' charraig, agus oladh as a' charraig aibhinn;

14 Im cruidh, agus bainne chaorach, maille ri saill uan agus reitheachan de shìol Bhàsain, agus ghabhar, maille ri reamhrachd airnean a' chruithneachd; agus dh'òl thu fuil fhìor-ghlan nam fion-dhearc.

15 Ach dh'fhàs Iesurun reamhar, agus bhreab e: tha thu air cinntinn reamhar, tha thu air fàs tiugh, tha thu còmhdaichte le saill: an sin thréig e an Dia a rinn e, agus rinn e dìmeas air carraig a shlàinte.

16 Bhrosnaich iad e gu h-eud le *diathan* eile, le gràineileachdaibh chuir iad corruich air.

17 Dh'ìobair iad do dheamhnaibh, cha-n ann do Dhia; do dhiathan nach b'aithne dhoibh, do *dhiathan* nuadh a dh'ùr-éirich suas, roimh nach robh eagal air bhur n-aithrichean.

18 Air a' charraig a ghin thu tha thu mì-chuimhneachail, agus tha thu dearmadach air an Dia a dhealbha thu.

19 Agus an uair a chunnaic an Tighearna e, ghabh e gràin *diubh*, air son brosnachaidh a mhaic agus a nigheanan.

20 Agus thubhairt e, Folaichidh mi mo

ghnùis uatha, chi mi ciod *a's* crìoch dhoibh: oir *is* ginealach ro choirbte iad, clann anns nach *'eil* creidimh.

21 Rinn iad eudmhor mise leis *an ni* nach *'eil* 'n a Dhia, bhrosnaich iad mi gu feirg le 'n dìomhanais: agus ni mise eudmhor iadsan leo-san nach *'eil* 'n an sluagh, brosnachidh mi iad gu feirg le einneach amaideach.

22 Oir tha teine air fhadadh a'm fheirg, agus loisgidh e gu h-ìfrinn iochdraich, agus cuiridh e as do 'n talamh le 'thoradh, agus cuiridh e ri theinc bunaitean nam beann.

23 Carnaidh mi suas uile orra, mo shaighdean caithidh mi orra.

24 Claoidhear iad le h-oceras, agus euirear as doibh le teas loisgeach, agus le sgrios searbh: fiacalan fhiadhbheathaichean mar an ceudna cuiridh mi orra, maille ri nimh nathraichean an duslaich.

25 O'n leth a muigh sgriosaidh an claidheamh, agus o'n leth a stigh uamhann, araon an t-òig-fhear agus an òigh, an cìochran agus fear na gruaige léithe.

26 Thubhairt mi, Sgapaidh mi iad gu chultibh, bheir mi air an cuimhne sgur o mheasg dhaoine:

27 Mur bhitheadh gu'n robh eagal orm roimh chorrùich an nàmhaid, air eagal gu'n giùlaineadh an eascairdean iad fèin gu mì-chubhaidh, air eagal gu'n abradh iad, *Is* i ar làmh àrd-ne, agus cha-n e an Tighearn a rinn so uile.

28 Or *is* cinneach gun chomhairle iad, ni mò a tha tuigse anna.

29 O gu'm bitheadh iad glie, *gu'n* tuigeadh iad so, *gu'n* tuigadh iad fainear an crìoch dheireannach!

30 Cionnus a chuireadh a h-aon ruaig air mìle, agus a chuireadh dìthis deich mìle air theicheadh, mur bitheadh an carraig air an reiceadh, agus mur bitheadh an Tighearn air an druideadh suas?

31 Oir mar ar carraig-ne cha-n *'eil* an carraig-san, air bhi d'ar naimhdeibh fèin 'n am breitheamhnaibh.

32 Oir de fhìonain Shodoim tha 'm fìonain-san, agus de mhachairibh Ghomorrah: *is* fìon-dhearcan marbhtach an fìon-dhearcan, tha 'm bagaidean searbh:

33 *Is* e nimh nan dràgon am fìon, agus puinn an-ìochdmhor nan nathraichean nimhe.

34 Nach *'eil* so air a thasgadh suas agam, air a sheulachadh a'm ionmhasaibh?

35 Dhomhsa *buinidh* dìoghaltas, agus *luigheachd*; ri h-ùine sleamhnaichidh an eos: oir *tha* là an sgrios am fagus, agus tha na nithean a thig orra a' deanamh deifir.

36 Oir bheir an Tighearn breth air a shluagh, agus gabhaidh e aithreachas a thaobh a sheirbhisich, 'n uair a chi e gu'n d'fhalbh an neart, agus nach *'eil* neach dhiubh air a dhruideadh suas, no air fhàgail.

37 Agus their e, C'ait *am bheil* an diathan, a' charraig as an d'earb iad,

38 A dh'ith saill an iobairtean, a dh'òl fìon an tabhartais-dìbhe? éireadh iad suas, agus cuidicheadh iad leibh; bitheadh iad dhuibh 'n an didean.

39 Faicibh a nis gur misc, *eadhon* mise e, agus nach *'eil* Dia sam bith maille rium: marbhaidh mi, agus beothaichidh mi; lotaidh mi, agus leighisidh mi: agus cha-n *'eil* neach ann a shaoras as mo làimh.

40 Oir togaidh mi suas mo làmh gu nèamh, agus their mi, *Is* beò mise gu sìorruidh.

41 Ma gheuraicheas mi mo chlaidheamh lasarach, agus ma ni mo làmh greim air breitheanas, iocaidh mi dìoghaltas do m' naimhdeibh, agus bheir mi luigheachd dhoibhsan aig am bheil fuath orm.

42 Cuiridh mi air mhisg mo shaighdean le fuil, agus ithidh mo chlaidheamh suas feoil; *eadhon* le fuil nam marbh, agus nam braighdean, o thoiseach nan dìoghaltas air an nàmhaid.

43 Deanaibh gairdeachas, O chinneacha, maille r'a shluagh-san: oir diolaidh e fuil a sheirbhisich, agus ni e dìoghaltas air 'eascairdibh, agus bithidh e tràcaireach d'a thìr, agus d'a shluagh fèin.

44 Agus thàinig Maois, agus labhair e uile bhriathran na laoidh' so ann an eisdeachd an t-sluaigh, e fèin agus Hosea mac Nuin.

45 Agus chuir Maois crìoch air na briathran sin uile a labhairt ri h-Israel uile.

46 Agus thubhairt e riu, Socraichibh bhur cridhe air na focal uile air am bheil mise a' toirt fianuis 'n ur measg air an là'n diugh, a dh'aitheas sibh d'ur cloinn a choimhead, a chum gu'n dean iad uile bhriathran an lagha so.

47 Oir cha ni dìomhain e dhuibh, a chionn gur e bhur beatha e; agus leis an ni so buanaichidh sibh *bhur* làithean 's an fhearann a tha sibh a' dol a null thar Iordan g'a shealbhachadh.

48 Agus labhair an Tighearn ri Maois 's an là sin fèin, ag ràdh,

49 Imich suas do'n bheinn so Abarim, do shliabh Nebo, a tha ann an tìr Mhoab, a tha fa chomhair Iericho, agus gabh sealladh de thìr Chanaain, a tha mi a' toirt do chloinn Israel mar sheilbh;

50 Agus gheibh thu bás 's an t-sliabh d'an tèid thu suas, agus cruinnichear thu chum do dhaoine; mar a fhuair Aaron do bhràthair bàs ann an sliabh Hor, agus a chruinnicheadh e chum a dhaoine:

51 A chionn gu'n do chiontaich sibh a'm aghaidh-sa am measg chloinn Israel, aig uisgeachaibh Mheribah-Cades, ann am fasach Shin; a chionn nach do naomhaich sibh mi 'an meadhan chloinn Israel.

52 Gidheadh chì thu am fearann fa d' chomhair; ach cha tèid thu steach do'n fhearann a tha mi 'tabhairt do chloinn Israel.

CAIB. XXXIII.

1 *Mòrachd Dhé.* 6 *Beannachadh an dà threubh dheug.*

AGUS *is e* so am beannachadh leis an do bheannaich Maois, òglach Dhé, clann Israeil roimh a bhàs.

2 Agus thubhairt e, Thàinig an Tighearn o Shinaì, agus dh'éirich e suas dhoibh o Sheir; dhealraich e mach o shliabh Pharain, agus thàinig e le deich mìle de naoimh: o 'dheas làimh chaidh laghteine mach dhoibh.

3 Seadh, ghràdhach e 'n sluagh; *tha* a naoimh uile a'd' làimh: agus shuidh iad sìos aig do chosaibh; gheibh *gach neach* de d' bhràithribh.

4 Dh'àithn Maois lagh dhuinn, *mar* oighreachd do chomhehrinneachadh Iacòib.

5 Agus bha e 'na rìgh ann an Iesurun, an uair a chruinnich ceannardan an t-sluaigh agus treubhan Israeil an ceann a chéile.

6 Bitheadh Reuben beò, agus na faigh-cadh e bàs; agus bitheadh a dhaoine *tion-mhor* 'an àireamh.

7 Agus *is e* so beannachadh Iudah: agus thubhairt e, Eisd, a Thighearna, ri guth Iudah, agus thoir e chum a shluaigh: bitheadh a làmhnan foghainteach dha, agus bi-sa a'd' chòmh-nadh aige o 'naimh-dibh.

8 Agus mu Lebhi thubhairt e, *Bitheadh* do Thumain agus d'Urim aig d'aon naomh, a dhearbhu thu aig Masah, ris an d' rinn thu strì aig uisgeachaibh Mheribah;

9 A thubhairt r'a athair agus r'a mhàthair, Cha-n fhaca mi e; agus cha do ghabh e r'a bhràithribh, agus cha d'aithnich e a chlann féin: oir choimhid iad d'fhocail, agus ghléidh iad do choimhcheangal.

10 Teagaisgidh iad do bhreithcanais do Iacob, agus do lagh do Israel: cuiridh iad tuis fa d' chomhair, agus làn iobairt-loisgte air d'altair.

11 Beannaich, O Thighearna, a mhaoin, agus gabh ri obair a làmh: buail troimh leasraidh na muinntir a dh'éireas 'n a aghaidh, agus na muinntir le 'm fuathach e, chum nach éirich iad a ris.

12 Mu Bheniamin thubhairt e, Gabhaidh aon gràdhach an Tighearna còmhnuidh ann an tèaruinteachd làimh ris; agus còmhdaichidh an *Tighearn* e rè an là uile, agus gabhaidh e còmhnuidh eadar a ghuaillibh.

13 Agus mu Ioseph thubhairt e, Beannaichte o'n Tighearn *gu robh* 'fhearann, a thaobh nithean luachmhor nèimh, a thaobh an drùchd, agus a thaobh na doimhne 'tha 'n a luidhe shìos,

14 Agus a thaobh nan toradh luachmhor a *bheirear* a mach leis a' ghréin, agus a thaobh nan nithean luachmhor a chuirear a mach leis gach mìos,

15 Agus a thaobh prìomh nithean nam beam aosda, agus a thaobh nithean luachmhor nan shlabh sìorruidh,

16 Agus a thaobh nithean luachmhor na talmhainn, agus a làin, agus deadh-ghean au Ti siu a bha 'chòmhnuidh 's a' phrìnceps: thigeadh am beannachd air ceann Ioseph, agus air mullach a chinn-san a sgaradh o 'bhràithribh.

17 Mar cheud-ghnì a thairbh *tha* a sgéimh, agus *mar* adhaircean nan aon-adharcach *tha* 'adhaircean-sa: leo so purraidh e 'n sluagh le 'chéile, gu h-iomallach na talmhainn: agus *is* iad so deich mìltean Ephraim, agus *is* iad so mìltean Mhan-asch.

18 Agus mu Shebulun thubhairt e, Déan gairdeachas, a Shebulun, a'd' dhol a mach; agus Isachair, a'd' bhùthaibh.

19 Gafrimhid iad an sluagh a chum na beinne; an sin iobraidh iad iobairtean ionracais: oir pailteas nan cuan sùghaidh iad suas, agus ionmhais fholaichte na gain-eimh.

20 Agus mu Ghad thubhairt e, Beannaichte *gu robh* esan a chuireas Gad 'am farsuingeachd: mar leòmhain *tha* e 'gabhair còmhnuidh, agus reubaidh e 'n gairdean maille ri mullach a' chinn.

21 Agus dheasaich e a' cheud chuid dha féin, a chionn an sin, *ann* an cuibhrionn an lagh-thabhartair, gu'n do shuidhicheadh e; agus thàinig e *maille ri* ceannardaibh an t-sluaigh; ceartas an Tighearna chuir e 'n gnìomh, agus a bhreithcanais ri h-Israel.

22 Agus mu Dhan thubhairt e, *Is* cuilean leòmhain Dan: leumaidh e o Bhàsan.

23 Agus mu Naphtali thubhairt e, O Naphtali, sàsaichte le deadh-ghean, agus làn de bheannachadh an Tighearna, sealbh-aich thusa an àird' an iar agus an àirde deas.

24 Agus mu Aser thubhairt e, *Bitheadh* Aser beannaichte le cloinn; bitheadh e tait-neach d'a bhràithribh, agus tumadh e a chos ann an oladh.

25 *Bithidh* do bhrògan 'n an iarunn agus 'n an umha; agus mar do làithean *is amh-luidh bithicas* do neart.

26 Cha-'n eil neach cosmhuil ri Dia Iesurun, a *tha* 'marcachd air nèamh a'd' chòmh-nadh, agus 'n a mhòrachd air na speur-aibh.

27 *Is e* 'n Dia bith-bhuan do thearmunn, agus fodha *tha* na gairdeanan sìorruidh: agus fuadaichidh e mach an nàmbaid remhad, agus thoir e, Cuir as da.

28 An sin gabhaidh Israel còmhnuidh gu tèaruinte 'n a aonar: *bithidh* tobar Iacòib air fearann arbhair agus fionna; mar an ceudna silidh a nèamha nuas drùchd.

29 *Is* sona thu, O Israeil: cò 'tha cosmhuil riut, O shluagh a shaoradh leis an Tighearn, sgriath do chòmhnuidh, agus uach 'is e claidheann do mhòrachd? agus gheibhear do naimhdean 'n am breugairibh dhuit, agus saltraidh tu air an àitibh àrda.

CAIB. XXXIV.

1 O shliabh Nebo fhuair Maois sealladh de thìr Chanaain. 5 A bhàs agus 'adhlac. 7 'Aois. 8 An tuireadh air a shon. 10 A chlu.

A GUS chaidh Maois suas o chòmharnard-aibh Mhoib gu sliabh Nebo, gu mullach Phisgah, a tha thall fa chomhair Iericho: agus nochd an Tighearn dha fearann Gluilead uile gu Dan,

2 Agus Naphtali uile, agus tìr Ephraim, agus Mhanaseli, agus tìr Iudah uile, gu ruig an fhaighe a's faide mach,

3 Agus an taobh deas, agus còmharnard glinne Iericho, baile nan craobh pailm, gu ruig Soar.

4 Agus thubhairt an Tighearn ris, *Is e so am fearann a mhionnaich mi do Abraham, do Isaac, agus do Iacob, ag ràdh, Do d' shliochd-sa bheir mi e: thug mi orts a' fhaicinn le d' shùilibh, ach d'a ionnsuidh cha téid thu thairis.*

5 Agus fhuair Maois, òglach an Tighearna, bas an sin, ann am fearann Mhoib, a réir focail an Tighearna.

6 Agus dh'adhlac e ann an gleann e, ann am fearann Mhoib, thall fa chomhair Bhet-

peoir: ach cha-n aithne do dhuine sam bith uagh gus an là'n diugh.

7 Agus bha Maois ceud agus fichead bliadhna dh'aois an uair a fhuair e bas: cha d'fhàillich a shùil, ni mò a thréig a neart e.

8 Agus ghuil clann Israeil air son Mhaois ann an còmharnardaibh Mhoib deich làithean 'ar fhichead: mar so chrìochmaicheadh làithean a' ghuil agus a' bhròin air son Mhaois.

9 Agus bha Iosua mac Nuin là'n de spiorad a' ghliocais: oir chuir Maois a làmh an air: agus dh'èisd clann Israeil ris, agus rinn iad mar a dh'àithn an Tighearn do Mhaois.

10 Agus cha d'èirich fàidh o sin ann an Israel cosmhuil ri Maois, neach a b'athne do'n Tighearn aghaidh ri h-aghaidh;

11 Anns na h-uile chomharaibh, agus iongantasaibh a chuir an Tighearn e a dheanadh ann an tìr na h-Eiphit, air Pharaoh agus air a sheirbhisich uile, agus air 'fhearann uile,

12 Agus anns an làmh chumhachdaich sin uile, agus anns an uamhas mhòr uile, a dh'oibrich Maois ann an sealladh Israeil uile.

I O S U A .

CAIB. I.

1 Dh'orduidh an Tighearn Iosua 'an àite Mhaois. 5, 7 Gheall e bhì maille ris: 8 thug e riaghailtean dha a thaobh a ghlèilain.

A NIS, an dèigh bàis Mhaois, òglach an Tighearna, labhair an Tighearn ri Iosua, mac Nuin, fear-frithealaidh Mhaois, ag ràdh,

2 Tha m'òglach Maois marbh: a nis uime sin éirich, gabh thairis air Iordan so thu féin, agus an sluagh so uile, dh'ionnsuidh na tìre a tha mise a' tabhairt dhoibh, eadhon do chloinn Israeil.

3 Gach ionad air an saltair bonn bhuir coise, sin thug mi dhuibh, mar a thubhairt mi ri Maois.

4 O'n fhàsach, agus Lebanon so, eadhon gus an amhainn mhòir, amhainn Euphrates, tìr nan Hiteach uile, agus gus an fhaighe mhòir, leth ri dol fodha na gréine, bitheadh 'n a chrìch dhuibh.

5 Cha-n urrainn duine sam bith seasamh a'd' aghaidh uile làithean do bheatha. Mar a bha mi le Maois, mar sin bitheadh mi leatsa: cha d'èir mi thu, agus cha thréig mi thu.

6 Bi làidir, agus ro mhisneachail; oir do'n t-sluagh so roinnidh tu mar oighreachd an tìr a mhionnaich mi d'an aithrichibh a thubhairt dhoibh.

7 A mhàin bi-sa làidir agus ro mhisneach-

ail, a chum gu'n toir thu 'n aire gu'n dean thu a réir an lagha uile a dh'àithn m'òglach Maois dhuit: na tionndaidh uaith dh'ionnsuidh na làimhe deise no dh'ionnsuidh na làimhe clìthe, a chum gu'n soirbhich leat anns gach àite d'an téid thu.

8 Cha tèid leabhar an lagha so as do bheul; ach beachd-smuainichidh tu air a là agus a dh'oidliche, chum gu'n toir thu 'n aire gu'n dean thu a réir gach *ni a tha* sgrìobhta ann: oir an sin bheir thu air do shlighe soirbheachadh leat, agus an sin ni thu gu glic.

9 Nach d'àithn mise dhuit? Bi làidir agus ro mhisneachail; na bi fo cagal, agus na biodh faicheas ort: oir *tha* 'n Tighearn do Dhia leat anns gach ionad d'an téid thu.

10 An sin dh'àithn Iosua do luchd-riaghlaidh an t-sluaigh, ag ràdh,

11 Rachaibh troimh'n champ, agus àithnibh do'n t-sluagh, ag ràdh, Deasaichibh dhuibh féin lòn; oir an ceann thri làithean théid sibh thar Iordan so, a dhol a stigh a shealbhadh na tìre a *tha* 'n Tighearn bhuir Dia a' toirt duibh r'a sealbhadh.

12 Agus ris na Reubenich, agus ris na Gadaich, agus ri leth thréibh Mhanaseli, labhair Iosua, ag ràdh,

13 Cumhnichibh am focal a dh'àithn Maois òglach an Tighearna dhuibh, ag

IOSUA, II.

ràdh, Thug an Tighearn bhur Dia fois dhuibh, agus thug e dhuibh an tìr so.

14 Fanaidh bhur mnathan, bhur clann bheag, agus bhur spréidh, 's an tìr a thug Maois dhuibh air an taobh so de Iordan; ach théid sibh féin thairis fo'r n-armaibh roimh bhur bràithrean, sibhse uile a tha treun ann an neart, agus cuidichidh sibh leo;

15 Gus an toir an Tighearn fois d'ur bràithribh, mar a thug e dhuibhse, agus gu'n sealbhaich iadsan mar an ceudna an tìr a tha 'n Tighearn bhur Dia a' tabhairt doibh: an sin pillidh sibh gu tìr bhur seilbhe, agus sealbhaichidh sibh i, *eadhon an tìr* a thug Maois òglach an Tighearna dhuibh air an taobh so de Iordan, leth ri éirigh na gréine.

16 Agus fhreagair iad Iosua, ag ràdh, Na h-uile *nithean* a dh'àithn thu dhuinne, ni sinn; agus ge b'e taobh a chuireas tu sinn, théid sinn.

17 A réir mar a dh'éisd sinn ri Maois anns na h-uile *nithibh*, mar sin éisdidh sinn riutsa: a mhàin bithcadh an Tighearn do Dhia maille riut, mar a bha e maille ri Maois.

18 Gach duine a chuireas an aghaidh d'àithne, agus nach éisd ri d' bhrìathraibh, anns na h-uile *nithibh* a dh'àithneas tu dha, cuirear gu bàs e: a mhàin bi làidir, agus ro mhisneachail.

CAIB. II.

1 *Thug Rahab aoidheachd do'n dithis dhaoine a thàinig à Sùim a rannsachadh na tìre. S'An coimheangal eadar ise agus iadsan.*

AGUS chuir Iosua mac Nuin a mach á Sitim dithis dhaoine a rannsachadh a mach gu h-uaigneach, ag ràdh, Imichibh, rannsachibh a mach an tìr, agus Iericho: agus dh'imich iad, agus chaidh iad a steach do thigh strìopaich, d'am b'ainm Rahab, agus luidh iad an sin.

2 Agus dh'innseadh do rìgh Iericho, ag ràdh, Feuch, thàinig daoine an so an nochd, de chloinn Israeil, a rannsachadh a mach na tìre.

3 Agus chuir rìgh Iericho *teachdair* gu Rahab, ag ràdh, Thoir a mach na daoine a thàinig a d'ionnsuidh, a chaidh steach do d' thigh: oir is ann a rannsachadh a mach na tìre uile a thàinig iad.

4 Agus ghabh a' bhean an dithis dhaoine, agus dh'fhòlaich i iad, agus thubhairt i mar so, Thàinig gun amharus daoine a m'ionnsuidh, ach cha robh fhios agam cia as a thàinig iad:

5 Agus thachair *mu àm* druididh a' gheata 'n uair a bha e dorcha, gu'n deachaidh na daoine mach: c'àit a ghabh na daoine cha-n fhios domh: leanabih gu luath air an tòir, oir beiridh sibh orra.

6 Ach bha i air an toirt suas gu mullach an tighe, agus air am folach le cuiseagaibh

an lìn, a leag i 'an ordugh air mullach an tighe.

7 Agus lean na daoine air an tòir 's an t-slighe gu Iordan, gu ruig na h-àthan: agus co luath as a chaidh a' mhuinntir a bh'air an tòir a mach, dhruid iad an geata.

8 Agus mun robh iad air luidhe sìos, chaidh i suas d'an ionnsuidh air mullach an tighe;

9 Agus thubhairt i ris na daoineibh, Tha fios agam gu bheil an Tighearn air toirt dhuibh na tìre, agus gu bheil blur n-uamhas air tuiteam oirne, agus gu bheil luchd-àiteachadh na tìre uile air leaghadh as le h-cagal roimhibh:

10 Oir chuala sinne cionnus a thiormaich an Tighearn suas uisge na mara ruaidhe roimhibh, 'n uair a thàinig sibh a mach as an Eiphit; agus ciod a rinn sibh air da rìgh nan Amorach, a bh'air an taobh eile de Iordan, Sihon agus Og, a sgrios sibh gu tur.

11 Agus co luath as a chuala sinne na *nithean sin*, leagh ar cridheachan, agus cha d'fhan tuilleadh a bheag de mhisnich ann an duine sam bith air bhur sonsa: oir an Tighearn bhur Dia, is ean Dia anns na n-èamhan shuas, agus air an talamh bhos.

12 A nis uime sin guidheam oirbh, mionnaichibh domh air an Tighearn, a chionn gu'n do nochd mi caoimhneas dhuibh, gu'n nochd sibhse mar an ceudna caoimhneas do thigh m'athar-sa, agus gu'n toir sibh domh comhara cinnteach;

13 Agus gu'n gléidh sibh beò m'athair, agus mo mhàthair, agus mo bhràithrean, agus mo pheathraichean, agus na h-uile a tha aca, agus gu'n saor sibh ar n-anamanna o'n bhàs.

14 Agus fhreagair na daoine i, Ar n-anamne air bhur sonsa gu bàs, mur foillsich sibh an guothuch so againn. Agus tarlaidh, 'n uair a bheir an Tighearn dhuinn an tìr, gu'm buin sinn gu caoimhneil agus gu firinneach riutsa.

15 An sin leig i sìos iad air cord troimh 'n uinneig: oir *bha* a tigh air balla a' bhaile, agus bha i 'chòmhnuidh air a' bhall.

16 Agus thubhairt i riut, Thugaibh am monadh oirbh, air eagal gu'n coinnich an luchd tòrachd sibh; agus folaichibh sibh féin an sin trì làithean, gus am bi'n luchd tòrachd air pillinn, agus an déigh sin feudaidh sibh imeachd air bhur slighe.

17 Agus thubhairt na daoine rithe, *Bithidh* sinn neò-chiontach a thaobh iad so do mhionnan a thug thu oirm a mhionnachadh.

18 Feuch, 'n uair a thig sinn do'n tìr, ceanglaidh tu an stiom so de shnàth scar-lait anns an uinneig troimh an do leig thu sìos sinn: agus bheir thu d'athair, agus do mhàthair, agus do bhràithrean, agus teaghlach d'athar uile, dhachaidh a d' ionnsuidh.

19 Agus tarlaidh, ge b'e neach a théid a mach air dorsaibh do thighe do'n t-sràid, *gu'm bi 'fhuil air a cheann fèin*, agus *bithidh* simne neò-chiontach: agus ge b'e neach a bhios maille riut anns an tigh, *bithidh 'fhuil air ar ceann-ne*, ma bheanas làmh ris.

20 Agus ma dh'fhoillsicheas tu an gnothuch so againn, an sin bithidh simne saor o d' mhiomnaibh a thug thu oirnn a mhiomnachadh.

21 Agus thubhairt ise, A réir bhur briathra, mar sin *bithiadh e*. Agus chuir i air falbh iad, agus dh'imich iad: agus cheangail i an stiom scarlaist anns an uinneig.

22 Agus dh'fhalbh iad, agus thàinig iad do'n mhonadh, agus dh'fhan iad an sin trì làithean, gus an do phill an luchd tòrachd. Agus dh'iarr an luchd tòrachd iad air feadh na slighe uile, ach cha d'fhuair siad iad.

23 Mar sin phill an dithis dhaoine, agus chaidh iad sìos o'n mhonadh, agus chaidh iad thairis, agus thàinig iad gu Iosua mac Nuin, agus dh'innis iad da gach *ni* a thach-air dhoibh:

24 Agus thubhairt iad ri Iosua, Gu fìrinneach thug an Tighearn thairis d'ar làimh an fearann uile: oir tha eadhon luchd-àiteachaidh na tìre uile air leaghadh as fa'r comhair.

CAIB. III.

1 *Thàinig Iosua gu Iordan. 7 Thug Dia misneach dha, 9 agus thug esan misneach do'n t-sluagh.*

AGHADUINN; agus dh'imich iad o Shitim, agus thàinig iad gu Iordan, e fèin agus clann Israeil uile, agus ghabh iad làmh an sin mun deachaidh iad thairis.

2 Agus an ceann thri làithean, chaidh an luchd-riaghlaidh troimh 'n champ;

3 Agus dh'àithn iad do'n t-sluagh, ag ràdh, 'N uair a chi sibh àire coimhcheangail an Tighearna bhur Dé, agus na sagartan na Lebhithich 'g a giùlan, an sin gluaisidh sibh o'r n-àit, agus théid sibh 'n a déigh.

4 Gidheadh bithidh astar eadar sibh agus i, mu thimchioll dà mhìle làmh-choille de thomhas: na tigibh am fagus di, a chum gu'm bi fios na slighe agaibh air am feum sibh imeachd; oir cha do ghabh sibh riamh roimhe an rathad so.

5 Agus thubhairt Iosua ris an t-sluagh, Naomhaichibh sibh fèin; oir am màireach ni 'n Tighearn *nithean* iongantach 'n 'ur measg.

6 Agus labhair Iosua ris na sagartaibh, ag ràdh, Togaibh suas àire a' choimhcheangail, agus rachaibh thairis roimh 'n t-sluagh. Agus thog iad suas àire a' choimhcheangail, agus chaidh iad roimh 'n t-sluagh.

7 Agus thubhairt an Tighearn ri Iosua, An diugh tòisichidh mi air thusa dheanamh mòr ann an sealladh Israeil uile a chum

gu'm bi fios aca, mar a bha mi le Mao's, gu'm bi mi leatsa.

8 Agus bheir thu àithne do na sagartaibh a tha 'giùlan àire a' choimhcheangail, ag ràdh, 'N uair a bhios sibh air teachd gu oir uisge Iordain, ann an Iordan seasaidh sibh.

9 Agus thubhairt Iosua ri cloim Israeil, Thigibh an so, agus éisdibh ri briathraibh an Tighearna bhur Dé.

10 Agus thubhairt Iosua, Le so bithidh fios agaibh gu *bheil* an Dia beò 'n 'ur measg, agus *gu'm* fuadaich e gun teagamh a mach roimhibh na Canaanaich, agus na Hitich, agus na Hìbhich, agus na Peridsich, agus na Girsasach, agus na h-Amoraich, agus na Iebusach.

11 Feuch, tha àire coimhcheangail Tigh-earna na talmhainn uile a' dol thairis roimhibh do Iordan.

12 A nis uime sin gabhaibh dà fhear dheug á treubhan Israeil, fear as gach tréibh.

13 Agus co luath 's a shocraicheas na sagartan a tha 'giùlan àire an Tighearna, Tigh-earna na talmhainn uile, buinn an cos ann an uisgeachaibh Iordain, bithidh uisgeachan Iordain air an sgaradh o na h-uisgeachaibh a thig a nuas o'n àirde; agus seasaidh iad 'n an torr.

14 Agus an uair a dh'fhalbh an sluagh o'm bùthaibh, gu dol thar Iordan, agus na sagartan a' giùlan àire a' choimhcheangail roimh 'n t-sluagh;

15 Agus an uair a bha iadsan a ghiùlain an àire air teachd gu Iordan, agus a bha cosan nan sagart a ghiùlain an àire air an tumadh ann an oir an uisge, (oir tha Iordan a' sruthadh thar a bruachan uile rè an fhogharaidh uile,)

16 An sin sheas na h-uisgeachan a thàinig a nuas o'n àirde, agus dh'éirich iad suas 'n an torr ro fhad o'n bhaile Adam, a tha làmh ri Saretan: agus theirig iadsan a chaidh sìos rathad mara a' chòmhnaird, eadhon na mara salainn, agus ghearradh as iad; agus chaidh an sluagh thairis dìreach fa chomhair Iericho.

17 Agus sheas na sagartan, a ghiùlain àire coimhcheangail an Tighearna gu daingean air talamh tioram 'am meadhon Iordain, agus chaidh na h-Israeilich uile thairis air talamh tioram, gus an robh an sluagh uile air dol thar Iordan.

CAIB. IV.

1 *Dà chloich dheug air an toirt mar chuimhneachan à meadhon àimhne Iordain: 9 dà chloich dheug eile air an cur suas 'n a meadhon. 19 Chaidh an sluagh thairis.*

AGUS an uair a bha 'n sluagh uile air dol thar Iordan, an sin labhair an Tighearn ri Iosua, ag ràdh,

2 Gabhaibh dhuibh fèin dà fhear dheug as an t-sluagh, duine as gach tréibh;

3 Agus àithnibh dhoibh, ag ràdh, Thug-aibh leibh o so à meadhan Iordain, as an àit anns an do sheas cosan nan sagart gu daingean, dà chloich dheug; agus bheir sibh iad thairis leibh, agus cuiridh sibh iad anns an àite-tàimh anns an gabh sibh fois an nochd.

4 An sin ghairm Iosua air an dà fhear dheug, a dheasaich e á cloinn Israeil, fear as gach tréibh.

5 Agus thubhairt Iosua riu, Rachaibh thairis roimh àire an Tighearna bhur Dé gu meadhan Iordain, agus togadh gach fear dhibh clach air a ghualainn, a réir àireimh threubhan chloinn Israeil.

6 A chum gu'm bi so 'n a chomharadh 'n ur measg, *a chum* 'n uair a dh'fhiosraicheas bhur clann 's an àm ri teachd, ag ràdh, Ciod *a's ciall* duibh leis na clachaibh so?

7 An sin gu'm freagair sibh iad, Gu'n robh uisgeachan Iordain air an sgaradh o 'chéile roimh àire coimheangail an Tighearna; 'n uair a chaidh i thar Iordan, *gu'n* robh uisgeachan Iordain air an sgaradh o 'chéile: agus bithidh na clachan so 'n an cuimhneachan do chloinn Israeil gu bràth.

8 Agus rinn clann Israeil anluail mar a dh'àitln Iosua, agus thog iad suas dà chloich dheug á meadhan Iordain, mar a labhair an Tighearn ri Iosua, a réir àireimh threubhan chloinn Israeil, agus ghiùlain iad leo thairis iad do'n àit anns an do ghabh iad tàmh, agus chuir iad sìos an sin iad.

9 Agus chuir Iosua suas dà chloich dheug 'am meadhan Iordain, 's an ionad anns an do sheas cosan nan sagart a ghiùlain àire a' choinnheangail: agus tha iad an sin gus an là'n diugh.

10 Oir sheas na sagartan a ghiùlain an àire 'am meadhan Iordain, gus an do chrìochnaichadh gach nì a dh'àitln an Tighearn do Iosua a labhairt ris an t-sluagh, a réir nan uile nithean a dh'àitln Maois do Iosua: agus rinn an sluagh cabhag, agus chaidh iad thairis.

11 Agus an uair a bha 'n sluagh uile air dol thairis, an sin chaidh àire an Tighearna thairis, agus na sagartan, an làthair an t-sluagh.

12 Agus chaidh clann Reubain, agus clann Ghad, agus leth thréibh Mhanaseh, thairis fo'n armaibh roimh chloinn Israeil, mar a labhair Maois riu:

13 Chaidh thairis mu thimchioll dà fhichead mìle, deas air son cogaidh, an làthair an Tighearna gu cath, do chomhnardaibh Iericho.

14 Air an là sin dh'àrdaich an Tighearn Iosua ann an sealladh Israeil uile, agus bha eagal orra roimhe, mar a bha eagal orra roimh Mhaois, uile làithean a bheatha.

15 Agus labhair an Tighearn ri Iosua, ag ràdh,

16 Aitlm do na sagartaibh a tha 'giùlan

àirce na Fianuis, iad a theachd a nìos á Iordan.

17 Agus dh'àitln Iosua do na sagartaibh, ag ràdh, Thigibh a nìos á Iordan.

18 Agus an uair a bha na sagartan a ghiùlain àire coimheangail an Tighearna air teachd a nìos á meadhan Iordain, *agus* a bha buinn chos nan sagart air an togail suas air an talamh thioram, an sin phill uisgeachan Iordain d'an àite féin, agus chaidh iad thar a bruachan uile, mar *a rinn* iad roimhe.

19 Agus thàinig an sluagh a nìos á Iordan air an deicheamh là de'n cheud mhios, agus champaich iad ann an Gilgal, 's an ionall a làimh na h-àirde 'n ear de Iericho.

20 Agus an dà chloich dheug sin, a thug iad a mach á Iordan, chuir Iosua suas ann an Gilgal.

21 Agus labhair e ri cloinn Israeil, ag ràdh, 'N uair a dh'fhiosraicheas bhur clann d'an aithrichibh 's an àm ri teachd, ag ràdh, Ciod *a's ciall* do na clachaibh so?

22 An sin bheir sibh fios d'ur cloinn, ag ràdh, Thàinig Israel thar Iordan so air talamh tioram.

23 Oir thiormaich an Tighearn bhur Dia suas uisgeachan Iordain roimhibhse, gus an deachaidh sibh thairis, mar a rinn an Tighearn bhur Dia air a' mhuir ruaidh, a thiormaich e suas romhainn, gus an robh sinn air dol thairis;

24 A chum gu'n aithnich sluagh na talmhainn uile làmh an Tighearna, gu *bheil* i cumhachdach: a chum gu'm bi eagal an Tighearna bhur Dé oirbh am feasd.

CAIB. V.

1 *Ghaòh na Canaanich eagal.* 2 *An timchioll-ghearradh air 'ath-orduchadh.* 10 *Chumadh a' chàisg aig Gilgal.* 13 *Làimh ri Iericho chumnaic Iosua aingal.*

AGUS an uair a chual' uile rìghrean nan Amorach, a *bh'*air an taobh thall de Iordan a làimh na h-àirde 'n iar, agus uile rìghrean nan Canaanach, a *bha* làimh ris an fhaìrge, gu'n do thiormaich an Tighearn suas uisgeachan Iordain roimh chloinn Israeil, gus an deachaidh sinn thairis, leagh an crìdhe, agus cha robh spiorad tuilleadh amta, air son chloinn Israeil.

2 Anns an àm sin thubhairt an Tighearn ri Iosua, Dean duit féin sgeanan geura, agus timchioll-ghearr clann Israeil a ris an dara uair.

3 Agus rinn Iosua dha féin sgeanan geura, agus timchioll-ghearr e clann Israeil aig cnoc nan roimh-choiccionn.

4 Agus *is* e so an t-aobhar mu'n do thimchioll-ghearr Iosua: Fhuair an sluagh uile a thàinig a mach as an Eiphit, *a bha* 'n am firionnaich, *eadhon* na fir-chogaidh uile, bàs anns an fhasach air an t-slighe, an déigh dhoibh teachd a mach as an Eiphit.

5 A nis bha 'n sluagh uile a thàinig a mach, air an timchioll-ghearradh; ach an sluagh uile a rugadh 's an fhàsach air an t-slighe, 'n uair a thàinig iad a mach as an Eiphit, *iadsan* cha do thimchioll-ghearr iad.

6 Oir dh'imich clann Israeil anns an fhàsach dà fhichead bliadhna, gus an deachaidh as do'n luchd-cogaidh uile a thàinig a mach as an Eiphit, a chionn nach d'fhug iad géill do ghuth an Tighearna: d'an do mhionnaich an Tighearna nach nochdadh e dhoibh am fearann, a mhionnaich an Tighearna d'an aithricibh gu'n tugadh e dhuinn, fearann a tha 'sruthadh le bainne agus le mil.

7 Agus an clann-san, a thog e suas 'n an àit, iadsan thimchioll-ghearr Iosua: oir bha iad neo-thimchioll-ghearta, a chionn nach do thimchioll-ghearradh iad air an t-slighe.

8 Agus an uair a bha 'n sluagh uile air an timchioll-ghearradh, dh'fhan iad 'n an àit-ibh anns a' champ, gus an robh iad slàn.

9 Agus thubhairt an Tighearna ri Iosua, Air an là 'n diugh bhuin mi air falbh uaibh masladh na h-Eiphit: uime sin thugadh Gilgal mar ainm air an àite sin gus an là 'n diugh.

10 Agus champaich clann Israeil ann an Gilgal, agus chum iad a' chàisg, air a' cheathramh là deug de'n mhios anns an fheasgar, ann an còmhnradaibh Iericho.

11 Agus dh'ith iad de sheann bhàrr an fhearainn air an là màireach an déigh na càisge, breacann neo-ghoirtichte, agus sìol cruaidhichte air an là sin féin.

12 Agus sguir am mana air an là màireach an déigh dhoibh itheadh de sheann bhàrr an fhearainn; nì mò a bha mana tuilleadh aig cloinn Israeil, ach dh'ith iad de thoradh fearainn Chanaain air a' bhliadhna sin.

13 Agus an uair a bha Iosua làmh ri Iericho, thog e suas a shùilean agus dh'amhaire e, agus, feuch, sheas duine thall fa' chomh-air, agus a chlaidheamh rùisgte 'n a làmh: agus chaidh Iosua d'a ionnsuidh, agus thubhairt e ris, An ann leinne a tha thu, no le'r n-eascaidibh?

14 Agus thubhairt e, Cha-n ann: ach mar cheannard slòigh an Tighearna tha mi a nis air teachd. Agus thuit Iosua air 'aghaidh air an talamh, agus rinn e aoradh, agus thubhairt e ris, Cìod a tha mo thighearna ag ràdh r'a sheirbhiseach?

15 Agus thubhairt ceannard slòigh an Tighearna ri Iosua, Fuasgail do bhròg bhàrr do choisge, oir *tha* 'n t-ionad air an bheil thu a'd' sheasamh, naomh. Agus rinn Iosua mar sin.

CAIB. VI.

1 Dhruideadh Iericho suas. 20 Thuit a bhalla.
22 Shaoiradh Rahab agus a dùisean.

A NIS bha Iericho air a dhruideadh suas gu teann, roimh chloinn Israeil; cha

deachaidh neach air bith a mach, agus cha d'fhàinig neach air bith a stigh.

2 Agus thubhairt an Tighearna ri Iosua, Feuch, thug mi do d' làmh Iericho, agus a rìgh, *agus* na daoine treun' ann an neart.

3 Agus cuairtichidh sibh am baile, *sibhse* fhèara-cogaidh uile, agus thèid sibh mu thimchioll a' bhaile aon uair: mar so nì thu air sè làithibh.

4 Agus giùlainidh seachd sagartan roimh an àire seachd trompaidan a dh'adhaircibh reitheachan: agus air an t-seachdamh là thèid sibh mu thimchioll a' bhaile seachd uairean, agus séididh na sagartan leis na trompaidibh.

5 Agus an uair a nì iad *fuaim* fhada le adhaircibh nan reitheachan, *agus* an uair a chluinneas sibh fuaim na trompaid, an sin éighidh an sluagh uile le h-iolaich mhòir, agus tuitidh balla a' bhaile sìos o' bhunadh, agus thèid an sluagh suas gach duine dùreach roimhe.

6 Agus ghairm Iosua mac Nuin air na sagartaibh, agus thubhairt e riu, Togaibh suas àire a' choimhcheangail, agus giùlain-eachd seachd sagartan seachd trompaidan a dh'adhaircibh reitheachan roimh àire an Tighearna.

7 Agus thubhairt e ris an t-sluagh, Gabh-aibh air bhuir n-aghaidh, agus cuairtichibh am baile, agus gabhadh esan a tha fo arnaibh air aghaidh roimh àire an Tighearna.

8 Agus an uair a labhair Iosua ris an t-sluagh, ghabh na seachd sagartan, a' giùlan sheachd trompaidan a dh'adhaircibh reitheachan, air an aghaidh roimh 'n Tighearna, agus shéid iad leis na trompaidibh; agus lean àire coimhcheangail an Tighearna iad.

9 Agus chaidh na daoine armaichte roimh na sagartaibh a shéid leis na trompaidibh, agus thàinig a' chuid eile de'n t-sluagh an déigh na h-àirce, na sagartan a' gabhail air an aghaidh, agus a' séideadh leis na trompaidibh.

10 Agus dh'èithn Iosua do'n t-sluagh, ag ràdh, Cha dean sibh iolach, agus cha dean sibh fuaim sam bith le'r guth, nì mò thèid focal sam bith a mach as bluir beul, gus an là anns an abair mise ribh, Deanaibh iolach; an sin nì sibh iolach.

11 Mar sin chuairtich àire an Tighearna am baile, a' dol m' a thimchioll aon uair: agus thàinig iad do'n champ, agus ghabh iad tamh anns a' champ.

12 Agus dh'èirich Iosua gu moch 's a' mhaduinn, agus thog na sagartan suas àire an Tighearna.

13 Agus dh'imich air an aghaidh a ghnàth seachd sagartan, a' giùlan sheachd trompaidan a dh'adhaircibh reitheachan roimh àire an Tighearna, agus shéid iad leis na trompaidibh: agus dh'imich an sluagh armaichte rompa, ach thàinig a' chuid eile

de'n t-sluagh an déigh àirce an Tighearna, na *sagartan* a' gabhail air an aghaidh, agus a' séideadh leis na trompaidibh.

14 Agus air an dara là chuairtich iad am baile aon uair, agus phill iad do'n champ: mar so rinn iad *air* sè làithibh.

15 Agus air an t-seachdamh là dh'éirich iad gu moch mu bhriseadh na faire, agus chuairtich iad am baile air an dòigh cheudna, seàchd-uairean: a mhàin air an là sin chuairtich iad am baile seachd uairean.

16 Agus air an t-seachdamh uair shéid na sagartan leis na trompaidibh, agus thubhairt Iosua ris an t-sluagh, Deanaibh iolach; oir thug an Tighearna dhuibh am baile.

17 Agus bithidh am baile mallachte, e féin agus gach *ni* a *th'*ann, do'u Tighearna: a mhàin bithidh Rahab an striopach beò, i féin agus iadsan uile a *tha* maille rithe 's an tigh, a chionn gu'n d'fholaich i na teachdairean a chuir siun uainn.

18 Agus sibhse, air gach aon chor gleidhibh *sibh féin* o'n ni mhallaichte, air eagal gu'n dean sibh *sibh féin* mallachte, 'n uair a ghabhas sibh de'n ni mhallaichte, agus gu'n dean sibh camp Israeil 'n a mhallachadh, agus gu'n cuir sibh e fo bhuaircas.

19 Ach *tha* 'n t-airgid uile, agus an t-òr, agus na soithichean nua agus iaruin, coisrigte do'n Tighearna: thig iad a steach do ionnhas an Tighearna.

20 Agus rinu an sluagh iolach an uair a shéid na *sagartan* leis na trompaidibh: agus an uair a chual' an sluagh fuaim na trompaid, agus a dh'éigh an sluagh le h-iolaich mhòir, au sin thuit am balla sìos gu làr; agus chaidh an sluagh suas do'n bhaile, gach duine dìreach roimhe, agus ghlac iad am baile.

21 Agus léir-sgrics iad gach *ni* a *bha* 's a' bhaile, cadar fear agus bean, òg agus shean, agus gach damh, agus caora, agus asal, le faobhar a' chlaidheimh.

22 Ach ris an dithis fhear a ramnaich a mach an tìr thubhairt Iosua, Rachaibh a steach do thigh na striopach, agus thugaibh a mach as a sin a' blican, agus gach *ni* a *th'*aice, mar a mhionnaich sibh dhi.

23 Agus chaidh na h-òganaich a bha 'n au luchd-rannsachaidh a stigh, agus thug iad a mach Rahab, agus a h-athair, agus a màthair, agus a bràithrean, agus gach *ni* a *bh'*aice; agus thug iad a mach a dìlsean nìle, agus chuir iad an taobh a muigh de champ Israeil iad.

24 Agus loisg iad am baile le teine, agus gach *ni* a *bh'*ann: an t-airgid, agus an t-òr a mhàin, agus na soithichean uunha agus iaruin, chuir iad ann an ionnhas tighe au Tighearna.

25 Agus ghléidh Iosua Rahab an striopach beò, agus teaghlach a h-athar, agus gach *ni* a *bh'*aice; agus *tha* i 'n a còmhuidh ann an Israel gus an là 'n diugh, a chionn gu'n

d'fholaich i na teachdairean a chuir Iosua a ramnsachadh a mach Iericho.

26 Agus chuir Iosua fo mhionnaibh *iad* 's an àm sin, ag ràdh, Mallaichte *gu robh* an duine an lathair an Tighearna, a dh'éircas agus a thogas am baile so Iericho: 'n a cheud-ghlin leagaidh e a bhunachair, agus 'n a *mhac* a's òige cuiridh e suas a gheatachan.

27 Mar so bha'n Tighearna maille ri Iosua, agus sgaoileadh 'iomradh-san air feadh na tìre uile.

CAIB. VII.

1 *Chuireadh an ruaig air cloinn Israeil aig Ai.* 6 Gearan Iosua. 10 Nochd an Tighearna dha ciod a bhuineadh dha a dheanamh. 19 Aid-mheil Achaim.

A CH rinu clann Israeil cionta 's an ni a mhallaichte: oir ghabh Acham mac Charai, mhic Shabdi, mhic Sherah, de thréibh Iudah, *cuid* de'n ni mhallaichte: agus las fearg an Tighearna an aghaidh chloinn Israeil.

2 Agus chuir Iosua daoine o Iericho gu h-Ai, a *tha* làimh ri Bet-abhen, air an taobh an ear de Bhet-el, agus labhair e ri, ag ràdh, Rachaibh suas, agus ramnaichibh a mach an tìr. Agus chaidh na daoine suas, agus ramnaich iad a mach Ai.

3 Agus phill iad gu Iosua, agus thubhairt iad ris, Na rachadh an sluagh nìle suas; ach rachadh mu thimchioll dà mhìle no trì mìle fear suas, agus buaileadh iad Ai: na tòir air an t-sluagh uile saothreachadh an sin; oir *cha-n'èil ann* diubh *ach* beagan.

4 Agus chaidh suas an sin de'n t-sluagh mu thimchioll trì mìle fear; agus theich iad roimh fheara Ai.

5 Agus bhuail fir Ai dhiubh mu thimchioll sè fir dheug thar fhichead: oir chuir iad au ruaig orra o chomhair a' gheata *eadhon* gu Sebarim, agus bhuail iad 's an dol sìos iad; uinne sin leagh cridhe an t-sluaigh, agus dh'fhàs e mar uisge.

6 Agus reub Iosua 'eudach, agus thuit e gu làr air 'aghaidh roimh àire an Tighearna, gu tràth feasgair, e féin agus seanairean Israeil, agus chuir iad duslach air an cinn.

7 Agus thubhairt Iosua, Ocl! a Thighearna Dhé, c'ar son a thug thu idir an sluagh so thar Iordan, g'ar toirt thairis do làimh nan Amorach, a chum ar sgrìos? O b'fhearr gu'm bitheamaid toilichte, agus gu'm bitheamaid air gabhail còmhnuidh air an taobh eile de Iordan!

8 O Thighearna, ciod a their mi 'n uair a thionndaidheas Israel an cùl r'an uainh-dibh?

9 Oir cluinidh na Canaanach, agus uile luchd-àiteachaidh na tìre, agus iadhaidh iad mu'n cuairt oirun, agus gearraidh iad as ar n-aium o'n talamh: agus ciod a ni thu ri d'aium mòr?

10 Agus thubhairt an Tighearna ri Iosua

Eirich suas: c'ar son a luidheas tu mar so air d'aghaidh?

11 Pheacaich Israel, agus bhris iad mar an ceudna mo choimhcheangal a dh'àithn mi dhoibh: oir ghabh iad eadhon dè'n ni mhallaichte, agus mar an ceudna ghoid iad, agus mar an ceudna cheil iad, agus chuir iad eadhon am measg an airneis fèin e.

12 Uime sin cha b'urrainn clann Israeil seasamh roimh an naimhdean, ach thionndaidh iad an cùl r'an naimhdeibh, a chionn gu'n robh iad mallaichte. Cha b'hi mise maille ribh tuilleadh, mur sgrìos sibh an ni mallaichte as bhur measg.

13 Eirich suas, naomhaich an sluagh, agus abair, Naomhaichibh sibh fèin air son an là màrreach; oir mar so tha an Tighearn Dia Israeil ag ràdh, *Tha* ni mallaichte a'd' mheadhon, O Israeil: cha-n urrainn thu seasamh roimh do naimhdeibh, gus an cuir sibh air falbh an ni mallaichte as bhur measg.

14 Anns a' mhaduinn uime sin bheirear cuideachd sibh a réir bhur treubhan: agus an treubh a ghabhas an Tighearn, thig i a réir a teaghlachean; agus thig an teaghlach a ghabhas an Tighearn, a réir a thighean; agus thig an tigh a ghabhas an Tighearn, a lion fear is fear.

15 Agus esan a ghlacar leis an ni mhallachte, loisgear le teime e fèin agus gach *ni* a *th'aige*; a chionn gu'n do bhris e coimhcheangal an Tighearna, agus gu'n d'rinn e amaidheachd ann an Israel.

16 Uime sin dh'éirich Iosua gu moch 's a' mhaduinn, agus thug e leis Israel a réir an treubhan; agus ghabhadh treubh Iudah.

17 Agus thug e leis teaghlach Iudah; agus ghabh e teaghlach nan Sarhitheach: agus thug e leis teaghlach nan Sarhitheach a lion fear is fear; agus ghabhadh Sabdi.

18 Agus thug e leis a thigh, a lion fear agus fear; agus ghabhadh Achan mac Charmi, mhic Shabdi, mhic Sherah, de thréibh Iudah.

19 Agus thubhairt Iosua ri Achan, A mhic, thoir, guidheam ort, glòir do'n Tighearn Dia Israeil, agus dean aidmheil da; agus innis domh a nis ciod a rinn thu, na folaich uam e.

20 Agus fhreagair Achan Iosua, agus thubhairt e, Gu deimhin, pheacaich mi an aghaidh an Tighearna Dé Israeil, agus mar so agus mar so rinn mi.

21 'N uair a chunnaic mi am measg na creiche earradh blrègha Bhabilonach, agus dà cheud scel airgid, agus geinn òir anns an robh leth-cheud scel de chudthrom, an sin shanntaich mi iad, agus ghabh mi iad; agus, feuch, *tha* iad folaichte 's an talamh 'am meadhon mo bhùtha, agus an t-airgid foidhe.

22 Mar sin chuir Iosua teachdairean uaith, agus ruith iad do'n bhùth, agus, feuch,

bha e folaichte 'n a bhùth, agus an t-airgid foidhe.

23 Agus thug iad *leo* iad á meadhon a' bhùtha, agus thug iad gu Iosua iad, agus gu clann Israeil uile, agus sgaoil iad a mach iad 'am fianuis an Tighearna.

24 Agus ghabh Iosua agus Israel uile maille ris, Achan mac Sherah, agus an t-airgid, agus an earradh, agus an geinn òir, agus a mhic, agus a nigheanan, agus a dhaimh, agus 'asail, agus a chaoraich, agus a bhùth, agus gach *ni* a *bh'aige*; agus thug iad do ghleam Achoir iad.

25 Agus thubhairt Iosua, C'ar son a chuir thu dragh oirn? cuiridh an Tighearn dragh ortsa an diugh. Agus chlach clann Israeil uile e le clachan, agus loisg iad le teine iad, an déigh dhoibh an clachadh le clachan.

26 Agus thog iad suas càrn mòr chlach air a mhuin gus an là'n diugh: Agus phill an Tighearn o ghairge a chorruich: uime sin thugadh gleam Achoir mar ainm air an àite sin, gus an là'n diugh.

CAIB. VIII.

1 *Thug an Tighearn misneach do Iosua. 3 An dòigh air an do ghlacadh baile Ai. 29 Chrochadh a rìgh. 30 Thog Iosua altair do Dhia. 32 Sgrìobh e an lagh air clachaibh, agus leugh e a bhriathran uile.*

AGUS thubhairt an Tighearn ri Iosua, Na gabh eagal, agus na bi fo gheilt; gabh an sluagh-cogaidh uile maille riut, agus éirich, imich suas gu h-Ai: feuch, thug mi thairis do d' làimh rìgh Ai, agus a shlugh, agus a bhaile, agus 'fhearnan.

2 Agus ni thu ri h-Ai agus r'a rìgh, mar a rinn thu ri Iericho, agus r'a rìgh: a mhàin a chreach, agus a spréidh, gabhaidh sibh mar chobhartach dhuibh fèin. Cuir *dawine* ann am feall-fholach an aghaidh a' bhaile air a chùlaobh.

3 Agus dh'éirich Iosua agus an sluagh-cogaidh uile, a dhol suas an aghaidh Ai: agus thagh Iosua mach deich mìle fichead fear treun ann an neart, agus chuir e air falbh iad 's an oidhche.

4 Agus dh'àithn e dhoibh, ag ràdh, Feuch, ni sibh feall-fholach an aghaidh a' bhaile, eadhon air cùl a bhaile: na rachaibh ro fhad o'n bhaile, ach bitibh uile deas:

5 Agus thèid mise, agus an sluagh uile a *tha* maille rium, dlùth do'n bhaile: agus an uair a thig iad a mach 'n ar coinneamh, mar air tùs teichidh sinne rompa.

6 (Oir thig iad a mach 'n ar déigh) gus an tarruing sinn iad o'n bhaile: oir their iad, *Tha* iad a' teicheadh romhainn, mar air tùs: uime sin teichidh sinne rompa.

7 An sin éiridh sibhse o'n fheall-fholach, agus glacadh sibh am baile: oir bheir an Tighearn bhur Dia 'n ur làimh e.

8 Agus an uair a ghlacas sibh am baile, cuiridh sibh am baile ri theine: a réir àithne

an Tighearna ni sibh. Feuch, dh'àithn mise dhuibh.

9 Uime sin chuir Iosua mach iad; agus dh'fhalbh iad a dheanamh feall-fholach, agus dh'fhan iad eadar Bet-el agus Ai, air an taobh an iar a dh' Ai: ael dh'fhan Iosua an oidhche sin am measg an t-sluaigh.

10 Agus dh'éirich Iosua gu moch 's a' mhaduinn, agus rinn e'n sluagh àircamh, agus chaidh e suas, e féin agus seanairean Israeil, roimh 'n t-sluagh gu h-Ai.

11 Agus chaidh an sluagh-cogaidh uile suas, a bha maille ris, agus chaidh iad am fagus, agus thàinig iad fa chomhair a' bhaile, agus champaich iad air an taobh mu thuath de Ai: a nis bha gleann eadar iad agus Ai.

12 Agus ghabh e mu thimchioll chùig mìle fear, agus chuir e iad a dheanamh feall-fholach eadar Bet-el agus Ai, air an taobh an iar de'n bhaile.

13 Agus an uair a shuidhich iad an sluagh, eadhon am feachd uile a bh'air an taobh mu thuath de'n bhaile, agus an luchd feall-fholach air an taobh an iar de'n bhaile, chaidh Iosua's an oidhche sin do mheadhon a' ghlinne.

14 Agus an uair a chunnaic rìgh Ai sin, rinn iad cablag agus dh'éirich iad gu moch; agus chaidh fir a' bhaile a mach gu cath an aghaidh Israeil, e féin agus a shluagh uile, 'an àm suidhichte, fa chomhair a' chòmhnaidh: ach cha robh fhios aige gu'n robh luchd feall-fholach 'n a aghaidh air eul a' bhaile.

15 Agus rinn Iosua agus Israel uile mar gu'n buailteadh iad rompa, agus theich iad rathad an fhàsach.

16 Agus ghairmeadh an sluagh uile a bha ann an Ai an ceann a chèile gu dol air an tòir, agus chaidh iad air tòir Iosua, agus thairngadh e'n bhaile iad.

17 Agus cha dh'fhàgadh duine ann an Ai, no ann am Bet-el, nach deachaidh a mach an déigh Israeil: agus dh'fhàg iad am baile fosgailte, agus chaidh iad air tòir Israeil.

18 Agus thubhairt an Tighearna ri Iosua, Sin a mach an t-sleagh a tha 'n ad làmh rathad Ai; oir bheir mise a'd làmh e. Agus shìn Iosua mach an t-sleagh a bh'aige 'n a làmh, a dh'ionnsuidh a' bhaile.

19 Agus dh'éirich na daoine a bha ris an fheall-fholach gu grad as an àit, agus ruith iad co luath 's a shin e mach a làmh: agus chaidh iad a stigh do'n bhaile, agus ghlac iad e, agus rinn iad cablag, agus chuir iad am baile ri theine,

20 Agus an uair a sheall fir Ai 'n an déigh, chunnaic iad, agus, feuch, chaidh deatach a' bhaile suas gu nèamh, agus cha robh comas aca teicheadh an taobh so no'n taobh ud: agus thionndaidh an sluagh a theich do'n fhàsach, air an ais air an luchd-tòrachd.

21 Agus an uair a chunnaic Iosua agus Israel uile gu'n do ghlac luchd na feall-fholach am baile, agus gu'n deachaidh deatach a' bhaile suas, an sin phill iad, agus bhuail iad fir Ai.

22 Agus chaidh iadsan a mach as a' bhaile 'n an aghaidh; mar sin bha iad 'am meadhon Israeil, cuid air an taobh so, agus cuid air an taobh ud: agus bhuail siad iad, gus nach dh'fhàgadh aon diubh beò, no aon gu dol as.

23 Agus ghlac iad rìgh Ai beò, agus thug iad e gu Iosua.

24 Agus an uair a chuir Israel crìoch air uile luchd-àiteachaidh Ai a mharbhadh, anns a' mhachair, anns an fhàsach d'an do chuir iad an ruaig orra, agus an uair a thuit iad uile le faobhar a' chlaidheinnh, gus an do cinireadh as doibh, an sin phill na h-Israelich uile gu h-Ai, agus bhuail iad e le faobhar a' chlaidheinnh.

25 Agus bha ann dhiubhsan uile a thuit air an là sin, eadar fheara agus mhnathan, dà mhìle dheug, eadhon muinntir Ai uile:

26 Oir cha do tharruing Iosua a làmh air a h-ais, a shin e mach leis an t-sleagh, gus an do léir-sgrìos e luchd-àiteachaidh Ai uile.

27 A mhàin spréidh agus creach a' bhaile sin ghabh Israel mar chobhartach dhoibh féin, a réir focail an Tighearna a dh'àithn e do Iosua.

28 Agus loisg Iosua Ai, agus rinn e 'n a chàrn e gu bràth, 'n a fhàsach gus an là 'n diugh.

29 Agus rìgh Ai chroch e air crann gu àm an fheasgair: agus mu dhol fodha na gréine dh'àithn Iosua, agus thug iad a nuas a chorp o'n charrn, agus thig iad e aig dol a stigh geata a' bhaile, agus thog iad air càrn mòr chlach, a tha 'athair gus an là 'n diugh.

30 An sin thog Iosua altair do'n Tighearna Dia Israeil air sliabh Ebail,

31 Mar a dh'àithn Maois, òglach an Tighearna, do chloinn Israeil, a réir mar a tha e sgrìobhta ann an leabhar lagha Mhaois, altair de chlachai bh slàna, air nach do thog duine sam bith suas iarum; agus thug iad suas oirre ìobairtean-loisgte do'n Tighearna, agus dh'ìobair iad tabhartais-shith.

32 Agus sgrìobh e 'n sin air na clachai bh dublachadh lagha Mhaois, a sgrìobh e an làthair chloinn Israeil.

33 Agus sheas Israel uile, agus an scanair-eann, agus an luchd-riaghlaidh, agus am breitheamhan, air an taobh so de'n àire, agus air an taobh ud, an làthair nan sagart nan Lebhithicach, a ghiùlan àire coimh-cheangail an Tighearna, an coigreach co mhaith ris-san a rugadh 'n am measg; leth dhiubh thall fa chomhair sléibh Gheridsim, agus leth dhiubh thall fa chomhair sléibh Ebail: mar a dh'àithn Maois, òglach an

Tighearna, chum sluagh Israeil a bheannachadh air tùs.

34 Agus an déigh sin leugh e uile bhriathraun an lagha, ua beanuachdan agus na mallachdan, a réir nan uile *nithean a tha* sgrìobhta ann an leabhar an lagha.

35 Cha robh focal de ua h-uile *nithibh* a dh'athn Maois, uach do leugh Iosua an Iathair comhchruinneachaidh Israeil uile, agus nam ban, agus na cloinne bige, agus nan coigreach a bha 'fantuinn 'n am measg.

CAIB. IX.

1 Rinn na rìghrean coimhcheangal an aghaidh Israeil. 3 Ceal nan Gibeonach. 26 Rinn-eadh tràillean dhiubh.

AGUS an uair a chuala na rìghrean uile a bh'air an taobh so de Iordan, anns na beanutaibh, agus anns a' chòmhnaidh, agus ann an uile oirthir na fairge mòire thall fa chomhair Lebanoin, au Hiteach, agus an t-Amorach, an Canaanach, an Peridseach, an Hibheach, agus an Iebusach so;

2 Chruinnich iad 'an ceann a chéile a chogadh ri Iosua, agus ri h-Israel, le aon rùn.

3 Agus an uair a chuala luchd-àiteachaidh Ghibeoin ciod a rinn Iosua ri Iericho, agus ri h-Ai;

4 Rinu iadsan mar an ceudna gu scòlta, agus chaidh iad agus leig iad orra gu'm bu teachdairean iad, agus ghabh iad scanu saic air au asalaibh, agus fion-shearragan a bha seau agus reubta, agus ceangailte suas,

5 Agus brògan a bha scan agus càirichte air au cosaibh, agus seau eudach orra; agus bha an aran uile tioram agus liath.

6 Agus chaidh iad a dh'ionnsuidh Iosua do'u champ gu Gilgal, agus thubhairt iad ris, agus ri fir Israeil, Thàinig sinne o dhùthaich fad as; a nis uime sin deanaibh coimhcheangal ruinn.

7 Agus thubhairt fir Israeil ris na Hibhich, Theagamh gu bheil sibh a' còmhnuidh 'n ar measg, agus cionnus a dh'fheadas sinne coimhcheangal a dheanamh ribh?

8 Agus thubhairt iad ri Iosua, *Is sinne do sheirbhisich*. Agus thubhairt Iosua riu, Cò sibh? agus cia as a thàinig sibh?

9 Agus thubhairt iad ris, O dhùthaich ro fhad air astar thàinig do sheirbhisich, air sgàth ainme an Tighearna do Dhé: oir chuala sinn 'ionradh-san, agus gach *ni* a rinn e 's an Eiphit,

10 Agus gach *ni* a rinn e ri dà rìgh nan Amorach, a bha 'n taobh thall de Iordan, ri Sihon rìgh Hesboin, agus ri h-Og rìgh Bhàsain, a bha aig Astarot;

11 Uime sin labhair ar seanairean agus uile luchd-àiteachaidh ar dùthcha ruinn, ag ràdh, Gabhaibh lòn 'n 'ur làimh air son an turuis, agus rachaibh 'n an coimheamh, agus abraibh riu, *Is sinne bhuir seirbhisich*; agus a nis deanaibh coimhcheangal ruinn.

12 An t-aran so againn ghabh sinn teth air son ar lòn a mach as ar tighibh, 's an

là anns an d'thàinig sinn a mach gu dol d'ur n-ionnsuidh-sa; ach a nis, feuch, tha e tioram, agus liath:

13 Agus na searragan fiona so a lìon sinn, bha iad nuadh, agus, feuch, tha iad reubta: agus tha ar n-eudach so agus ar brògan air fàs sean, le ro-fhad na slighe.

14 Agus ghabh na daoine d'am biadh, agus cha d'iarr iad *comhairle* o bheil an Tighearna.

15 Agus rinn Iosua sìth riu, agus rinu e coimhcheangal riu, a leigeil leo bhi beò: agus mhionnaich uachdarain a' chomhchruinneachaidh dhoibh.

16 Agus thachair an ceann thri làithean, an déigh dhoibh coimhcheangal a dheanamh riu, gu'n cual' iad gu'm biad an coimhearsnaich iad, agus gu'n robh iad a' còmhnuidh 'n am measg.

17 Agus chaidh clann Israeil air an aghaidh, agus thàinig iad a dh'ionnsuidh am bailtean air an treas là: a nis *biad* am bailtean Gibeon, agus Chephirah, agus Becrot, agus Ciriath-earim.

18 Agus cha do bhuail clann Israeil iad, a chionn gu'n do mhionnaich uachdarain a' chomhchruinneachaidh dhoibh air an Tighearna Dia Israeil. Agus rinn an comhchruinneachadh uile gearan an aghaidh nan uachdaran.

19 Ach thubhairt na h-uachdarain uile ris a' chomhchruinneachadh uile, Mhionnaich sinn dhoibh air an Tighearna Dia Israeil; agus uime sin cha-n fhead sinn beantuinn riu.

20 So ni sinu riu; leigidh sinu eadhon leo a bhi beò, a chum nach bi fearg *Dhé* 'n ar n-aghaidh, air son nan mionnan a mhionnaich sinn dhoibh.

21 Agus thubhairt na h-uachdarain riu, Leigibh leo bhi beò; ach biodh iad 'n an luchd-gearraidh fiodha, agus 'n an luchd-tarruing uisge do'n chomhchruinneachadh uile, mar a gheall na h-uachdarain dhoibh.

22 Agus ghairm Iosua orra, agus labhair e riu, ag ràdh, C'ar son a mheall sibh sinn, ag ràdh, *Tha* sinn ro fhada uaibh, au uair a tha sibh a' còmhnuidh 'n ar measg?

23 A nis uime sin *tha* sibh mallaichte, agus cha saorar neach air bith dhiubh o bhi 'n 'ur tràillibh, agus 'n 'ur luchd-gearraidh fiodha, agus 'n 'ur luchd-tarruing uisge air son tighe mo Dhé.

24 Agus fhreagair iad Iosua, agus thubhairt iad, Do bhrìgh gu'n d'innisadh gu cinnteach do d' sheirbhisich cionnus a dh'athn an Tighearna do Dhia d'a òglach Maois an fearann uile a thoirt duibh, agus luchd-àiteachaidh na tìre uile a sgrios roimhibh, uime sin bha eagal mòr ar n-anama oirun roimhibh, agus rinn sinn au ni so.

25 Agus a nis, feuch, *tha* sinn a'd' làimh: mar a mheasar maith agus ceart leatsa a dheanamh ruinn, dean.

26 Agus mar so rinn e riu, agus shaor e iad à làimh chloinn Israeil; agus cha do mharbh siad iad.

27 Agus rinn Iosua iad 's an là sin féin 'n an luchd-gearraidh fiodha, agus 'n an luchd-tarruing uisge do'n chomhehruinneachadh, agus do altair an Tighearna, eadhon gus an là 'n diugh, anns an ionad a ròghnaich-cadh e.

CAIB. X.

1 *Chog cùig rìghrean nan Amorach an aghaidh baile Ghibeoin. 6 Shaor Iosua e. 12 Air focal Iosua sheas a' ghrian agus a' ghealach 's na speuraibh.*

AGUS an uair a chual' Adonisedec rìgh Ierusalem gu'n do ghlac Iosua Ai, agus gu'n do leir-sgrìos se c; mar a rinn e ri Iericho agus r'a rìgh, mar sin gu'n d'rinn e ri h-Ai agus r'a rìgh; agus gu'n d'rinn luchd-àiteachaidh Ghibeoin sìth ri h-Israel, agus gu'n robh iad 'n am measg;

2 Ghabh iad eagal mòr, do bhrìgh gu'm bu bhaile mòr Gibeon, mar aon de na bailtibh rìoghail, agus do bhrìgh gu'm bu mhò e na Ai, agus gu'n robh a dhaoine uile treun.

3 Uime sin chuir Adonisedec, rìgh Ierusalem, fios gu Hoham rìgh Hebroin, agus gu Pìram rìgh Iarmuit, agus gu Iaphia rìgh Lachis, agus gu Debir rìgh Egloin, ag ràdh,

4 Thigibh a nìs a m'ionnsuidh-sa, agus cuideichibh leam, a chum gu'm buail sinn Gibeon: oir rinn e sìth ri Iosua, agus ri cloinn Israeil.

5 Uime sin chruinnich cùig rìghrean nan Amorach, rìgh Ierusalem, rìgh Hebroin, rìgh Iarmuit, rìgh Lachis, rìgh Egloin, iad féin an ceann a chéile, agus chaidh iad suas, iad féin agus an slòigh uile, agus champanich iad fa chomhair Ghibeoin, agus chog iad 'n a aghaidh.

6 Agus chuir fir Ghibeoin fios gu Iosua do'n champ gu Gilgal, ag ràdh, Na deanadh do làmh moille o d' sheirbhisich: thig a nìs d'ar n-ionnsuidh gu grad, agus saor sinn, agus cuideich leinn: oir tha rìghrean nan Amorach uile a tha 'n an còmhnuidh 's na beanntaibh, air cruinneachadh ri 'chéile 'n ar n-aghaidh.

7 Agus chaidh Iosua suas o Ghilgal, e féin agus an sluagh-cogaidh uile maille ris, agus na fir theurena uile.

8 Agus thubhairt an Tighearn ri Iosua, Na gabh eagal rompa; oir thug mise thairis do d' làimh iad: cha seas duine dhiubh romhad.

9 Uime sin thàinig Iosua orra gu h-obann: rè na h-oidheche chaidh e suas o Ghilgal.

10 Agus chlaoidh an Tighearn iad roimh Israel, agus mharbh e iad le h-àr mòr aig Gibeon, agus chuir e'n ruaig orra rathad uchdaich Bhet-horoin, agus bhuail e iad gu Hasecah, agus gu Macedah.

11 Agus an uair a bha iad a' teicheadh

roimh Israel, agus iad air leathad Bhet-horoin, thilg an Tighearn clachan mòra orra nuas o nèamh gu Hasecah, agus fhua' r iad bàs: bu lionmho'ire iadsan a bhàsaich leis na clachan-meallain, na iadsan a mharbh clann Israeil leis a' chlaideamh.

12 An sin labhair Iosua ris an Tighearn, 's an là anns an d'thug an Tighearn suas na h-Amoraich roimh chloinn Israeil, agus thubhairt e 'm fianuis Israeil, A ghrian, stad air Gibeon, agus thusa, a ghealach, air gleann Aialoin.

13 Agus stad a' ghrian, agus sheas a' ghealach, gus an do dhìol an sluagh iad féin air an naimhdeibh. Nach 'eil so sgrìobhta ann an leabhar laseir? Agus stad a' ghrian 'am meadhon nèimh, agus cha d'rinn i cabhag gu dol fo nu thimchioll là iomlain.

14 Agus cha robh là sam bith cosmhuil ris an là sin, roimhe no 'n a dhéigh, anns an d'èid an Tighearn ri guth duine; oir chog an Tighearn air son Israeil.

[15 Agus phill Iosua, agus Israel uile maille ris, do'n champ gu Gilgal.]

16 Ach theich na cùig rìghrean ud, agus dh'fholaich siad iad féin ann an uaimh ann am Macedah.

17 Agus dh'innseadh do Iosua, ag ràdh, Fhuaradh na cùig rìghrean folaichte ann an uaimh ann am Macedah.

18 Agus thubhairt Iosua, Caruichibh clachan mòra air beul na h-uamha, agus cuiribh daoine làimh r'i g'an gleidheadh.

19 Agus na stadaibhse, ach rachaibh air tòir blur naimhdean, agus bualibh iadsan a's deireannaiche dhiubh, na leigibh leo dol a stigh d'am bailtibh; oir thug an Tighearn bhur Dia iad thairis d'ur làimh.

20 Agus an uair a chuir Iosua agus clann Israeil crìoch air an marbhadh le h-àr ro mhòr, gus an do chuireadh as doibh, chaidh a' chuid a mhair dhiubh a steach do na bailtibh daingnichte.

21 Agus phill an sluagh uile do'n champ gu Iosua aig Macedah ann an sìth: cha do ghluais neach a theanga an aghaidh duine sam bith de chloinn Israeil.

22 An sin thubhairt Iosua, Fosglaihb beul na h-uamha, agus thugaibh a mach a m' ionnsuidh na cùig rìghrean ud as an uaimh.

23 Agus rinn iad mar sin, agus thug iad a mach na cùig rìghrean ud d'a ionnsuidh as an uaimh, rìgh Ierusalem, rìgh Hebroin, rìgh Iarmuit, rìgh Lachis, agus rìgh Egloin.

24 Agus an uair a thug iad a mach na rìghrean sin gu Iosua, ghairm Iosua air fearaibh Israeil uile, agus thubhairt e ri ceannardaibh nam fear-cogaidh a chaidh maille ris, Thigibh am fagus, cuiribh bhur cosan air muinealaibh nan rìgh sin. Agus thàinig iad am fagus, agus chuir iad an cosan air am muinealaibh.

25 Agus thubhairt Iosua riu, Na bitheadh eagal oirbh agus na bitibh fo gheilt, bit-

ibh làidir agus bitheadh deadh mhisueach agaibh; oir mar so ni 'n Tighearn r'ur naimhaidibh uile ris am bheil sibh a' cogadh.

26 Agus an dèigh sin bhuail Iosua iad, agus mharbh e iad, agus chroch e iad air cùig crannaibh: agus bha iad an crochadh air na crannaibh gu feasgar.

27 Agus 'an àm dol fodha na grèine dh'àithn Iosua, agus thug iad a nuas iad o na crannaibh, agus thilg siad iad 's an uaimh anns an d'fholaich siad iad féin, agus chuir iad clachan mòra 'am beul na h-uamha, a tha làthair gus a' cheart là so.

28 Agus air an là sin féin ghlac Iosua Macedah, agus bhuail se e le faobhar a' chlaidheimh, agus a rìgh sgrìos e gu tur, iadsan agus gach anam a bha ann; cha d'fhàg e neach air bith beò: agus rinn e ri rìgh Mhacedah, war a rinne ri rìgh Iericho.

29 An siu chaidh Iosua, agus Israel uile maille ris, thairis o Mhacedah gu Libnah, agus chog e 'n aghaidh Libnah.

30 Agus thug an Tighearn thairis e mar an ceudna, agus a rìgh, do làimh Israeil, agus bhuail se e le faobhar a' chlaidheimh, agus na h-anaman uile a bha ann: cha d'fhàg e neach air bith beò ann, ach rinn e ra rìgh, mar a rinn e ri rìgh Iericho.

31 Agus chaidh Iosua, agus Israel uile maille ris, thairis o Libnah gu Lachis, agus champaich e 'n a aghaidh, agus chog e 'n a aghaidh.

32 Agus thug an Tighearn thairis Lachis do làimh Israeil, agus ghlac se e air au dara là, agus bhuail se e le faobhar a' chlaidheimh, agus gach anam a bha ann, a réir nan uile *nithean* a rinn e air Libnah.

33 An sin thàinig Horam rìgh Gheseir a nìos a chuideachadh Lachis; agus bhuail Iosua e agus a shluagh, gus nach d'fhàg e h-aon air bith beò aige.

34 Agus chaidh Iosua agus Israel uile maille ris, o Lachis gu h-Eglon, agus champaich iad 'n a aghaidh, agus chog iad 'n a aghaidh:

35 Agus ghlac iad e air an là siu féin, agus bhuail iad e le faobhar a' chlaidheimh, agus gach anam a bha ann sgrìos e gu tur 's an là sin, a réir nau uile *nithean* a rinn e ri Lachis.

36 Agus chaidh Iosua, agus Israel uile maille ris, suas o Eglon gu Hebron, agus chog iad 'n a aghaidh:

37 Agus ghlac iad e, agus bhuail iad e le faobhar a' chlaidheimh, agus a rìgh, agus a bhailtean uile, agus gach anam a bha ann: cha d'fhàg e h-aon air bith beò, a réir nan uile *nithean* a rinn e ri h-Eglon, ach sgrìos e gu tur e, agus gach anam a bha ann.

38 Agus phill Iosua, agus Israel uile maille ris, gu Debir, agus chog e 'n a aghaidh:

39 Agus ghlac se e, agus a rìgh, agus a

bhailtean uile, agus bhuail siad iad le faobhar a' chlaidheimh, agus léir-sgrìos iad gach anam a bha ann; cha d'fhàg e h-aon air bith beò: war a rinu e ri Hebron, mar sin rinn e ri Debir, agus ra rìgh; agus mar a rinn e ri Libnah, agus ra rìgh.

40 Agus bhuail Iosua tìr nam beann uile, agus na h-àirde deas, agus a' chòmhnaird, agus nan tobar, agus an rìghrean uile: cha d'fhàg e h-aon air bith beò, ach léir-sgrìos e gach neach anns an robh anail, mar a dh'àithn an Tighearn Dia Israeil.

41 Agus bhuail Iosua iad o Chiades-barnea gu ruig Gasa, agus tìr Ghosein uile gu ruig Gibeon.

42 Agus na rìghrean sin uile, agus am fearann, ghlac Iosua dh'aon tarruing, do bhrìgh gu'u do chog an Tighearn Dia Israeil air son Israeil.

43 Agus phill Iosua, agus Israel uile maille ris, do'u champ gu Gilgal.

CAIB. XI.

1 Aig uisgeachaibh Mheroim thugadh buaidh air rìghribh a dh'èirich suas an aghaidh Israeil. 10 Ghlacadh agus loisgeadh Hasor. 21 Ghearradh as na h-Anacaich.

A GUS an uair a chuala Iabin rìgh Hasoir na *nithean* sin, chuir e fìos gu Iobab rìgh Mhadoin, agus gu rìgh Shimroiu, agus gu rìgh Achsaiph,

2 Agus a dh'ionnsuidh nan rìgh a bha mu thuath anns na beanntaibh, agus anns a' chòmhnard mu dheas de Chinerot, agus anns a' ghleann, agus ann an crìochaibh Dhoir, air an làimh au iar;

3 Agus a dh'ionnsuidh a' Chanaanaich air an làimh an ear agus an làimh an iar, agus a dh'ionnsuidh au Amoraich, agus an Hìtich, agus a' Pheridsich, agus an Iebusaich anns na beanntaibh, agus a dh'ionnsuidh an Hibhich fo Hermón, ann an tìr Mhispeh.

4 Agus chaidh iad a mach, iad féin agus am feachd uile maille riu, sluagh lionmhòr, eadhon mar a' ghaineamh a tha air tràigh na fairge thaobh Ìomhoireachd, le h-eachaibh agus carbadaibh ro lionmhòr.

5 Agus an uair a bha na rìghrean sin uile air còinneachadh a chèile, thàinig iad agus champaich iad cuideachd aig uisgeachaibh Mheroim, a chogadh au aghaidh Israeil.

6 Agus thubhairt an Tighearn ri Iosua, Na bitheadh eagal ort rompa; oir am màireach, mu'u àm so, bheir mise suas iad uile marbh 'am fianuis Israeil: gearraidh tu iosgaidean an each, agus loisgidh tu an carbadan le teiue.

7 Agus thàinig Iosua orra, agus an sluagh cogaidh uile maille ris, aig uisgeachaibh Mheroim gu h-obann, agus bhuail iad orra.

8 Agus thug au Tighearn thairis iad do làimh Israeil, a bhuail iad, agus a chuir an ruaig orra gu Sidon mòr, agus gu Misrephot-maim, agus gu còmhnard Mhispeh air ar

làimh an ear, agus bhuail siad iad, gus nach d'fhàg iad aon diubh beò.

9 Agus rinn Iosua riu mar a dh'iarr an Tighearn air: ghearr e iosgaidean an each, agus loisg e 'n carbadan le teine.

10 Agus phill Iosua 's an àm sin air ais, agus ghlac e Hasor, agus bhuail e a rìgh leis a' chlàidheamh: oir b'è Hasor roimhe sin ceann nan rìoghachdan sin uile.

11 Agus bhuail iad na h-anaman uile a bha ann le faobhar a' chlàidheimh 'g an léir-sgrìos: cha d'fhàgadh aon anns an robh anail; agus loisg e Hasor le teine.

12 Agus uile bhailtean nan rìgh sin, agus an rìghrean uile ghlac Iosua, agus bhuail e iad le faobhar a' chlàidheimh, agus sgrìos e gu tur iad, mar a dh'àithn Maois, òglach an Tighearna.

13 Ach a thaobh nam bailtean sin uile a sheas a ghnàth 'n an neart, cha do loisg Israel aon diubh sin, saor o Hasor a mhàin; sin loisg Iosua.

14 Agus uile chreach nam bailtean sin, agus an spréidh, ghabh clann Israeil mar chobhartach dhoibh féin; ach bhuail iad gach duine le faobhar a' chlàidheimh, gus an do chuir iad as doibh; cha d'fhàg iad neach air bith anns an robh anail.

15 Mar a dh'àithn an Tighearn d'a òglach Maois, mar sin dh'àithn Maois do Iosua, agus mar sin rinn Iosua: cha d'fhàg e ni gun deanamh do na h-uile a dh'àithn an Tighearn do Mhaois.

16 Mar sin ghlac Iosua an fearann sin uile, na sléibhteann. agus an tìr mu dheas uile, agus fearann Ghoisein uile, agus an gleann, agus an còmhnaid, agus sliabh Israeil, agus a ghleann;

17 O sliabh Halaic, a tha 'dol suas gu Seir, cadhon gu Baal-gad ann an gleann Lebanoin, fo sliabh Hermoin: agus an rìghrean uile ghlac e, agus bhuail e iad, agus mharb e iad.

18 Rè ùine fhada rinn Iosua cogadh ris na rìghribh sin uile.

19 Cha robh baile mòr air bith a rinn sìth ri cloinn Israeil, saor o na Hibhich, luchd-àiteachaidh Ghìbeoin; càch uile ghlac iad ann an cath.

20 Oir b'ann o'n Tighearn a bha e an cridheachan a chruadhachadh, chum gu'n tigeadh iad an aghaidh Israeil ann an cath, a chum gu'n sgrìosadh e iad gu tur, agus nach bith-cadh iochd sam bith air a nochdadh dhoibh, ach gu'n cuireadh e as doibh, mar a dh'àithn an Tighearn do Mhaois.

21 Agus anns an àm sin thàinig Iosua, agus ghearr e as na h-Anacaich o na sléibhtibh, o Hebron, o Dhebir, o Anab, agus o bheanntaibh Iudah uile, agus o bheanntaibh Israeil uile: sgrìos Iosua gu tur iad le'm bailtibh.

22 Cha d'fhàgadh aon de na h-Anacaich ann an fearann chloinn Israeil; a mhàin

ann an Gasah, ann an Gat, agus ann an Asdod, dh'fhàgadh iad.

23 Mar sin ghlac Iosua an tìr uile, a réir nan uile a thubhairt an Tighearn ri Maois, agus thug Iosua i mar oighreachd do chloinn Israeil, ann an carrannaibh a réir an treubhan. Agus fhuair an tìr fois o chogadh.

CAIB. XII.

1 An dà rìgh a bhuail Maois 'an taobh an ear de Iordan. 7 Aon rìgh deug thar fhichead air an bualadh le Iosua air an taobh an iar de Iordan.

ANIS is iad so rìghrean an fhearainn a bhuail clann Israeil; agus shealbhaich iad ann fearann air taobh eile Iordain leth ri éirigh na gréine, o shruth Arnoin gu sliabh Hermoin, agus an còmhnaid uile air an làimh an ear.

2 Sihon rìgh nan Amorach, a bha a chòmh-nuidh ann an Hesbon, agus a riaghaich o Aroer, a tha air bruaich sruth Arnoin, agus o mheadhon an t-srutha, agus leth Ghilead eadhon gus an sruth Iaboc, crìoch chloinn Amoin:

3 Agus an còmhnaid gu muir Chinerait a làimh na h-àirde 'n ear, agus gu muir a' chòmhnaid, eadhon a' mhuir shalainn a làimh na h-àirde 'n ear, an t-slighe gu Bet-iesimot; agus o'n àirde deas, fo Asdot-pis-gah.

4 Agus crìoch Og rìgh Bhàsain, a bha dh'iarnad nam fahairean a bha a chòmh-nuidh ann an Astarot, agus ann an Edrei.

5 Agus a rìoghaich ann an sliabh Hermoin, agus ann an Salcah, agus ann an Basan uile, gu crìch nan Gesurach agus nam Maachatach. agus leth Ghilead, crìoch Shihoin rìgh Hesboin.

6 Iadsan bhuail Maois, òglach an Tighearna, agus clann Israeil; agus thug Maois, òglach an Tighearna, e mar sheilbh do na Reubenich, agus do na Gadaich, agus do leth-thrìobh Mhanaseh.

7 Agus is iad so rìghrean na tìre a bhuail Iosua agus clann Israeil air an taobh so de Iordan air an làimh an iar, o Bhaal-gad ann an gleann Lebanoin, eadhon gu sliabh Halaic, a tha 'dol suas gu Seir; a thug Iosua do theubhan Israeil mar sheilbh, a réir an roinnean:

8 Anns na beanntaibh, agus anns na gleanntaibh, agus anns na còmhnaidibh, agus anns na tobraichibh, agus anns an fhàsach, agus anns an tìr mu dheas: na Hitich, na h-Amoraich, agus na Canaanaich, na Peridsich, na Hibhich, agus na Iebusaich.

9 Rìgh Iericho, aon; rìgh Ai, a tha làimh ri Bet-el, aon;

10 Rìgh Ierusalem, aon; rìgh Hebroin, aon;

11 Rìgh Iarmuit, aon; rìgh Lachis, aon;

12 Rìgh Egloin, aon; rìgh Gheser, aon;

13 Rìgh Dhebir, aon; rìgh Ghedcir, aon;

14 Rìgh Hormah, aon ; rìgh Araid, aon ;
 15 Rìgh Libnah, aon ; rìgh Adulaim, aon ;
 16 Rìgh Mhacedah, aon ; rìgh Bhet-eil,
 aon ;
 17 Rìgh Thapuah, aon ; rìgh Hephcir, aon ;
 18 Rìgh Apheic, aon ; rìgh Lasaroin, aon ;
 19 Rìgh Mhadoin, aon ; rìgh Hasoir, aon ;
 20 Rìgh Shimron-meroin, aon ; rìgh Ach-
 saiph, aon ;
 21 Rìgh Thaanaich, aon ; rìgh Mhagido,
 aon ;
 22 Rìgh Chedeis, aon ; rìgh Ioceaim o
 Charmel, aon ;
 23 Rìgh Dhoir, ann an crìch Dhoir, aon ;
 rìgh chinnreach Ghilgail, aon ;
 24 Rìgh Thirshah, aon ; na rìghrean uile,
 deich thar fhichead agus aon.

CAIB. XIII.

1 Crìochan an fhearainn air nach d' thugadh
 fathast buaidh 14, 33 Is iad ìobairtean an
 Tighearn' oighreachd nan Lebhithreach. 22
 Mharbhadh Balaam.

ANIS bha Iosua sean agus air teachd
 air aghaidh ann am bliadhnaibh ;
 agus thubhairt an Tighearn ris, Tha thusa
 sean agus air teachd air d'aghaidh 'am
 bliadhnaibh, agus tha fathast ro mhòran
 fearainn r'a shealbhachadh.

2 Is e so am fearann a tha fathast a lath-
 air ; uile crìochan nam Philisteach, agus
 Gesuri uile,

3 O Shihor, a tha fa chomhair na h-Eiphit,
 eadhon gu crìch Eeroìn mu thuath a
 mheasar do'n Chanaanach: cùig tighearnan
 nam Philisteach; na Gasataich, agus na
 h-Asdodaich, na h-Escalonaich, na Gitich,
 agus na h-Eronaich, agus na Iabhaich:

4 O'n taobh mu dheas uile fhearainn nan
 Canaanach, agus Mearah a tha làmh ris
 na Sidonaich, gu Aphec, gu crìch nan
 Amorach;

5 Agus fearann nan Gibleach, agus Lebanon
 uile leth ri éirigh na gréine, o Bhaal-gad fo
 shliabh Hermoin, gu ruig an dol a stigh do
 Hamat;

6 Uile luchd-àiteachaidh nam beann o
 Lebanon gu Misrephot-maim agus na Si-
 donaich uile, iadsan fògraigh mi mach roimh
 chloinn Israeil; a mhàin roinn e le cran-
 chur do na h-Israelich mar oighreachd, mar
 a dh'àithn mise dhuìt.

7 A nis uime sin, roinn am fearann so mar
 oighreachd do na naoi treubhan, agus do
 leth-thréibh Mhanaseh;

8 Maille ris an leth-thréibh eile fhuair na
 Reubenich agus na Gadaich an oighreachd-
 san a thug Maois doibh, an taobh thall de
 Iordan a làmh na h-àirde 'n ear, eadhon
 mar a thug Maois, dglach an Tighearna,
 dhoibh:

9 O Aroer, a tha air bruaich sruth Arnoin,
 agus am baile a tha ann am meadhon an
 t-srutha, agus còmhnaid Mhedebah uile gu
 Dibon ;

10 Agus uile bhailtean Shihoin, rìgh nan
 Amorach a rioghaich ann an Hesbon, gu
 crìch chloinn Amoin ;

11 Agus Gilead, agus crìoch nan Gesur-
 ach, agus nam Maachatach, agus shliabh
 Hermoin uile, agus Basan uile gu Salcah ;

12 Uile rioghachd Og ann am Basan, a
 rioghaich ann an Astarot agus ann an
 Edrei, a mhair de iarmad nam fannhairean :
 oir iad sin bhuail Maois, agus dh'fhogair e
 mach iad.

13 Gidheadh, cha d'fhogair clann Israeil a
 mach na Gesuraich, no na Maachataich; ach
 tha na Gesuraich agus na Maachataich 'n an
 còmhnuidh am measg nan Israeleach gu
 an lán diugh.

14 A mhàin do thréibh Lebhi cha d'fhug
 e oighreachd sam bith; is iad ìobairtean an
 Tighearna Dé Israeil a bheirear suas le
 teine, an oighreachd-san, mar a thubhairt e
 riu.

15 Agus thug Maois do thréibh chloinn
 Reubein oighreachd a réiran teaghlaichean:

16 Agus bha 'n crìoch o Aroer a tha air
 bruaich sruth Arnoin, agus am baile a tha
 ann am meadhon an t-srutha, agus an
 còmhnaid uile gu Medebah:

17 Hesbon, agus a bhailtean uile a tha
 's a' chòmhnaid; Dibon, agus Bamot-baal,
 agus Bet-baal-meon,

18 Agus Iahaea, agus Cedemot, agus Me-
 phaat,

19 Agus Ciriataim, agus Sibmah, agus
 Saretsahar ann an shliabh a' ghlinne,

20 Agus Bet-peor, agus Asdod-pisgah,
 agus Bet-iesimot,

21 Agus uile bhailtean a' chòmhnaid,
 agus uile rioghachd Shihoin rìgh nan Amor-
 ach, a rioghaich ann an Hesbon, a bhuail
 Maois maille ri ceannardaibh Mhidiain,
 Ebhi, agus Recem, agus Sur, agus Hur,
 agus Rebah, cinn-fheadhna Shihoin, a bha
 'chòmhnuidh 's an tìr.

22 Balaam mar an ceudna, mac Bheoir,
 am fiosaiche, mharbh clann Israeil leis a'
 chladheamh 'n an measg-san a mharbhadh
 leo.

23 Agus b'i crìoch chloinn Reubein, Ior-
 dan agus a crìoch-san. B'i sin oighreachd
 chloinn Reubein a réir an teaghlaichean,
 na bailte mòra agus am bailte beaga.

24 Agus thug Maois oighreachd do thréibh
 Ghad, eadhon do chloinn Ghad a réir an
 teaghlaichean.

25 Agus b'i an crìoch Iaser, agus uile
 bhailtean Ghilead, agus leth fearainn
 chloinn Amoin, gu Aroer a tha fa chomhair
 Rabah :

26 Agus o Hesbon gu Ramat-mihspah,
 agus Betonim; agus o Mhahanaim gu crìch
 Dhebir ;

27 Agus anns a' ghileann, Betaram, agus
 Bet-nimrah, agus Sucot, agus Saphon a'
 chuid eile de rioghachd Shihoin rìgh Hes-

boin, Iordan agus a crìoch, *eadhon* gu oir fairge Chineret, air taobh eile Iordain a làimh na h-àirde 'n ear.

28 *B'i* sin oighreachd chloinn Ghad, a réir an teaghlachcan, na bailte mòra agus am bailte beaga.

29 Agus thug Maois *oighreachd* do leth-thréibh Mhanasch: agus *b'i so seabh* leth-thréibh chloinn Mhanasch, a réir an teaghlachcan:

30 Agus bha 'n crìoch o Mhahanaim, Bàsan uile, uile rioghachd Ogrigh Bhasain, agus uile bhailtean Iair, a tha ann am Bàsan, trì fichead baile mòr:

31 Agus leth Ghilead, agus Astarot, agus Edeir, bailtean rioghachd Og ann am Bàsan, *bhuin iad* do chloinn Mhachir mhic Mhanasch, *eadhon* do leth chloinn Mhachir, a réir an teaghlachcan.

32 *Is iad* sin na *dùchannan* a roinn Maois mar oighreachd ann am còmhnaidhean Mhoais, air an taobh eile de Iordan làimh ri Iericho, air an taobh an ear.

33 Ach do thréibh Lebhì cha d'thug Maois oighreachd: *Ùe 'n* Tighearn Dia Israeil e féin an oighreachd-san, mar a thubhairt e riu.

CAIB. XIV.

1 *Thugadh an oighreachd le crannchur do na naoi treubhan agus an leth-thréibh.* 6 *Fhuair Caleb Hebron.*

AGUS *is iad* so na *dùchan* a fhuair clann Israeil mar oighreachd ann an tìr Chanaain, a roinn Eleasar an sagart, agus Iosua mac Nuin, agus cinneadhna aithriche threubhan chloinn Israeil mar oighreachd dhoibh.

2 Le crannchur *bha* an oighreachd, mar a dh'èithn an Tighearn le làimh Mhaois, do na naoi treubhan agus an leth-thréibh.

3 Oir bha Maois air tabhairt oighreachd do dhà thréibh, agus do leth-thréibh, air an taobh eile de Iordan: ach do na Lebhithich cha d'thug e oighreachd sam bith 'n am measg.

4 Oir bha clann Ioseph 'n an dà thréibh, Manasch agus Ephraim: uime sin cha d'thug iad roinn sam bith do na Lebhithich 's an fhcarann, saor o bhailtibh gu còmhnuidh ghabhail *annta*, maille r'am fearann còmhroinn d'an spréidh, agus d'am maoin.

5 Mar a dh'èithn an Tighearn do Mhaois, mar sin rinn clann Israeil, agus roinn iad an fearann.

6 An sin thàinig clann Iudah gu Iosua ann an Gilgal; agus thubhairt Caleb mac Iephune an Ceniseach ris, Tha fios agad air an nì a thubhairt an Tighearn ri Maois, òglach Dhé, 'an thaobhs' agus 'ad thaobh féin, ann an Cades-barnea.

7 Dà fhichead bliadhna dh'aois *bha* mise n uair a chuir Maois, òglach Dhé, mi o Chades-barnea, a rannsachadh a mach an

fhearainn; agus thug mi air ais fios d'a ionnsuidh, mar a *bha* e ann am chridhe.

8 Gidheadh, thug mo bhràithrean a chaidh suas maille rium, air cridhe an t-sluagh leaghadh: ach lean mise gu h-ionmhan an Tighearn mo Dhia.

9 Agus mhionnaich Maois air an là sin, ag ràdh, Gu cinnteach bithidh am fearann air an do shaltair do chos, agad féin mar oighreachd, agus aig do chloinn gu bràth; a chionn gu'n do lean thu gu h-ionmhan an Tighearn mo Dhia.

10 Agus a nis, feuch, ghléidh an Tighearn mi beò, mar a thubhairt e, na cùig agus an dà fhichead bliadhna so, *eadhon* o labhair an Tighearn am focal so ri Maois, am feadh a dh'imich clann Israeil anns an fhàsach; agus a nis, feuch, *tha* mi 'n diugh ceithir fichead agus cùig bliadhna dh'aois.

11 Fathast *tha* mi co làidir an diugh as a *bha* mi 's an là anns an do chuir Maois uaidh mi: mar a *bha* mo neart an sin, mar sin *tha* mo neart a nis, chum cogaidh, agus a dhol a mach, agus a theachd a steach.

12 A nis uime sin thoir dhomh a' bheinn so, mu'n do labhair an Tighearn 's an là ud; (oir chuala tu 's an là ud cionnus a *bha* na h-Anacaich an sin, agus *gu'n robh* na bailte mòr' agus daingnichte;) ma tharlas *gu'n bi* 'n Tighearn leam, an sin fograidh mi mach iad, mar a thubhairt an Tighearn.

13 Agus bheannaich Iosua e, agus thug e do Chaleb, mac Iephune, Hebron mar oighreachd.

14 Rinneadh uime sin Hebron 'n a oighreachd do Chaleb, mac Iephune, an Ceniseach, gus an là 'n diugh; a chionn gu'n do lean e gu h-ionmhan an Tighearn Dia Israeil.

15 Agus *Ùe* ainm Hebroin roimhe Ciriatarba: *bha'n t-Arba* so 'n a dhuine mòr am measg nan Anacach. Agus bha fois aig an tìr o chogadh.

CAIB. XV.

1 Crìocha crannchuir chloinn Iudah. 13 Roinn Chaleb. 16 Treubhantas agus duais Otniel. 18 Athchuinge Achsa.

B'E so uime sin crannchur tréibhe chloinn Iudah a réir an teaghlachcan, *eadhon* gu crìch Edoim, gu fàsach Shin ri deas o'n chuid a's fhaide mach de'n iomall dheas.

2 Agus bha 'n crìoch mu dheas o thràigh na mara salainn, o 'n luib a tha 'g amhare ri deas.

3 Agus chaidh i mach a dh'ionnsuidh an taoibh mu dheas gu h-uchdaich Acabim, agus ghabh i air a h-aghaidh gu Sin, agus chaidh i suas air an taobh mu dheas gu Cades-barnea, agus chaidh i air a h-aghaidh gu Hesron, agus chaidh i suas gu h-Adar, agus ghabh i mu'n cuairt gu Carcaa.

4 *Uaidh* sin ghabh i dh'ionnsuidh Asmoim, agus chaidh i mach gu amhainn na h-Eiphit, agus bha dol a mach na crìche sin aig a'

mhuir, bithidh so agaibh 'n a crìch mu dheas.

5 Agus *b'i* a' chrìoch an car a' mhuir shalaim *eadhon* gu ceann Iordain: agus *bha a'* chrìoch air an taobh mu thuath o luib na mara, aig a' chuid a' b'fhaide mach de Iordan.

6 Agus chaidh a' chrìoch suas gu Beth-hoglah, agus ghabh i air a h-aghaidh air an taobh mu thuath de Bhet-arabah; agus chaidh a' chrìoch suas gu cloich Bhohain mhic Reubein.

7 Agus chaidh a' chrìoch suas gu Debir o ghleann Achoir, agus ri tuath ag amharc ri Gilgal, a *tha* fa chomhair uchdaich Adummim, a *tha* air taobh deas na h-aimhne: agus chaidh a' chrìoch thairis gu uisgeach-aibh En-semeis, agus bha a dol a mach aig En-rogel.

8 Agus chaidh a' chrìoch suas gu gleann mhic Hinoim, gu taobh deas an Iebusaich; (*is e sin* Ierusalem:) agus chaidh a' chrìoch suas gu mullach na beinne, a *tha* roimh ghleann Hinoim, air an làimh an iar, a *tha* aig ceann glinne nam fàmhàirean ri tuath.

9 Agus thairngeadh a' chrìoch o mhuillach an t-sleibh gu tobar uisge Nephtoah, agus chaidh i mach gu bailtibh slèibh Ephroin, agus thairngeadh a' chrìoch gu Baalah; (*is e sin* Ciriath-earim.)

10 Agus chaidh a' chrìoch mu 'n cuairt o Bhaalah air an làimh an iar gu sliabh Sheir, agus ghabh i thairis gu taobh slèibh Iearim, (*is e sin* Chesalon,) air an taobh mu thuath, agus chaidh i sìos gu Bet-semes, agus ghabh i air a h-aghaidh gu Timuah:

11 Agus chaidh a' chrìoch a mach gu taobh Ecroin ri tuath; agus thairngeadh a' chrìoch gu Sicon, agus ghabh i thairis air sliabh Bhaalah, agus chaidh i mach gu Iabneel; agus bha dol a mach na crìche aig a' mhuir.

12 Agus *bha a'* chrìoch an iar gus an fhaireg mhòir, agus a *h-oirthir*: *b'i sin* crìoch chloinn Iudah mu'n cuairt, a réir an teaghlachan.

13 Agus do Chaleb, mac Iephunch, thug e roinn an measg chloinn Iudah, a réir àithne an Tighearna do Iosua, *eadhon* baile Arbah, athar Anaic: (*is e sin* Hebron.)

14 Agus dh'fhogair Caleb a mach as a sin triùir mhac Anaic, Sesai, agus Ahiman, agus Talmi, clann Anaic.

15 Agus chaidh e suas o sin gu luchd-àit-eachaidh Dhebir: agus *b'e* ainm Dhebir roimhe Ciriath-sepher.

16 Agus thubhairt Caleb, Eisan a bhuaileas Ciriath-sepher, agus a ghlasas e, dhasan bheir mi Achisah mo nighcan 'n a mnaoi.

17 Agus ghlac Otniel, mac Chenais, bràthar Chaleb e; agus thug e dha Achisah a nighcan 'n a mnaoi.

18 Agus tharladh, 'n uair a thàinig i d' a ionnsuidh, gu'n do bhròsuich i e gu achiadh

iarraidh air a h-athair: agus theirinn i bhàrr a h-asail; agus thubhairt Caleb rithe, Ciod a *b'ail* leat?

19 Agus fhreagair ise, Thoir dhomh beann-achadh; oir thug thu dhomh fearann mu dheas, thoir dhomh mar an ceudna tobair uisge; agus thug e dhi na tobair uachdarach, agus na tobair iochdarach.

20 *B'i sin* oighreachd trèibhe chloinn Iudah, a réir an teaghlachan.

21 Agus b'iad na bailtean a' b'fhaide mach, le trèibh chloinn Iudah, leth ri crìch Edoim mu dheas, Cabseel, agus Eder, agus Iagur, 22 Agus Cinalh, agus Dimonah, agus Adadah,

23 Agus Cedese, agus Hasor, agus Itnan,

24 Siph, agus Telm, agus Bealot,

25 Agus Hasor, Hadatah, agus Ceriot, agus Hcsron, (*is e sin* Hasor.)

26 Amam, agus Sema, agus Moladah,

27 Agus Hasar-gadah, agus Hcsmon, agus Bet-palet,

28 Agus Hasar-sual, agus Beer-seba, agus Bis-jotiah,

29 Baalah, agus Iim, agus Asem,

30 Agus Eltolad, agus Chesil, agus Hlormah,

31 Agus Siclag, agus Madmanah, agus Sansanah,

32 Agus Lebaot, agus Silhim, agus Ain, agus Rimon: b'iad na mòr-bhailtean uile naoi thar fhichead, maille r'am bailtibh beaga.

33 Agus anns a' chòmhnard, Estaol, agus Soreah, agus Asnah,

34 Agus Sanoah, agus Enganim, Tapuah, agus Enam,

35 Iarmut, agus Adulam, Sochoh, agus Asecah,

36 Agus Saraim, agus Aditain, agus Gederah, agus Gederotaim; ceithir mòr-bhailte deug le'm bailtibh beaga.

37 Senan, agus Hadasah, agus Migdal-gad,

38 Agus Dilean, agus Mispah, agus Focteel,

39 Lachis, agus Boscat, agus Eglon,

40 Agus Cabon, agus Lahmas, agus Citlis,

41 Agus Gederot, Bet-dagon, agus Naamah, agus Macedah; sè mòr-bhailte deug le'm bailtibh beaga.

42 Libnah, agus Eter, agus Asan,

43 Agus Iiphtah, agus Asnah, agus Nesib,

44 Agus Ceilah, agus Achsib, agus Marcasah; naoi bailte mòra le'm bailtibh beaga.

45 Ecron le 'bhailtibh a's mò, agus a bhailtibh beaga.

46 O Ecron, eadhon gus an fhaireg, iadsan uile a *bha* làimh ri Asdod, le'm bailtibh beaga.

47 Asdod le 'bhailtibh a's mò agus a bhailtibh beaga, Gasah le 'bhailtibh a's mò agus a bhailtibh beaga, gu amhainn na h-Eiphit, agus an fhaireg mhòir, eadhon a crìch.

48 Agus anns na beanntaibh, Samir, agus Iatir, agus Socoh,

49 Agus Danah, agus Ciriāt-sanah, eadhon Debir,

50 Agus Anah, agus Estemoh, agus Anim,

51 Agus Gosen, agus Holon, agus Giloh; aon mhiòr-bhaile deug le'm bailtibh beaga.

52 Arab, agus Dumah, agus Esean,

53 Agus Ianum, agus Bet-tapuah, agus Aphecah,

54 Agus Humentah, agus Ciriāt-arbah, (*is e sin Hebron*), agus Sior; naoi bailtean mòra le'm bailtibh beaga.

55 Maon, Carmel, agus Siph, agus Iutah,

56 Agus Iesreel, agus Iocdeam, agus Sa-naoh,

57 Cain, Gibeah, agus Timnah; deich bailtean mòra le'm bailtibh beaga.

58 Halhul, Bet-sur, agus Gedor,

59 Agus Maarat, agus Betanot, agus Eltecon; sè bailtean mòra le'm bailtibh beaga.

60 Ciriāt-baal, (*is e sin Ciriāt-iearim*), agus Rabah; dà bhaile mòr le'm bailtibh beaga.

61 'S an fhàsach, Bet-arabah, Midin, agus Secacah,

62 Agus Nibsan, agus baile an t-salainn, agus En-gedi; sè bailtean mòra le'm bailtibh beaga.

63 A thaobh nan Ieubasach luchd-àiteachaidh Ierusalem, cha b'urrainn clann Iudah am fògradh a mach: ach tha na Ieubasaich 'n an còmhnuidh maille ri cloinn Iudah ann an Ierusalem gus an là 'n diugh.

CAIB. XVI.

1 *Crannchur chloinn Ioseiph. 5 Crìoch oighreachd Ephraim.*

AGUS chaidh crannchur chloinn Ioseiph a mach o lordan làimh ri Iericho gu uisgeachaibh Iericho air an làimh an ear, dh'ionnsuidh an fhàsach a' dol suas o Iericho gu sliabh Bhet-eil.

2 Agus tha e 'dol a mach o Bhet-el gu Luds, agus a' gabhail seachad gu crìochaibh Archi gu Atarot,

3 Agus a' gabhail sìos a làimh na h-àirde 'n iar gu crìch Iaphleti, gu crìch Bhet-horoin iochdaraich, agus gu Geser: agus tha a dhol a mach aig an fhairge.

4 Mar sin ghabh clann Ioseiph, Manaseh, agus Ephraim, an oighreachd.

5 Agus bha crìoch chloinn Ephraim, a réir an teaghlachain, *mar so*: b'i eadhon crìoch an oighreachd air an làimh an ear Atarot-adar, gu Bet-horon uachdarach:

6 Agus chaidh a' chrìoch a mach a dh'ionnsuidh na fairge, gu Michmetah air an taobh mu thuath; agus chaidh a' chrìoch mu 'n cuairt a làimh na h-àirde 'n ear gu Taanot-sileh, agus ghabh i seachad air an taobh an ear gu Ianohah:

7 Agus chaidh i sìos o Ianohah gu Atarot, agus gu Naarat, agus thàinig i gu Iericho, agus chaidh i mach aig Iordan.

8 Chaidh a' chrìoch a mach o Thapuah a làimh na h-àirde 'n iar gu sruth Chanah:

agus bha a dol a mach aig an fhairge. *B'i sin oighreachd tréibhe chloinn Ephraim, a réir an teaghlachain.*

9 Agus *bha* na bailtean mòra a chuireadh air leth do chloinn Ephraim, am measg oighreachd chloinn Mhanaseh, na bailtean mòra uile le'm bailtibh beaga.

10 Agus cha d'fhogair iad a mach na Canaanaich a bha 'chòmhnuidh ann an Geser: ach tha na Canaanaich 'n an còmhnuidh am measg nan Ephraimeach gus an là 'n diugh; agus tha iad a' deanamh seirbhis *dhoibh* fo chis.

CAIB. XVII.

1 *Crannchur tréibhe Mhanaseh: 7 a chrìoch. 12 Cha d'fhògradh na Canaanaich a mach. 14 Fhuair clann Ioseiph crannchur eile.*

BHA mar an ceudna crannchur aig tréibh Mhanaseh, (oir *b'esan* ceud-ghin Ioseiph), eadhon aig Machir ceud-ghin Mhanaseh, athair Ghilead; a chionn gu'm b'fhear-cogaidh e: uime sin bha Ghilead agus Basan aige.

2 Bha mar an ceudna *crannchur* aig a' chuid eile de chloinn Mhanaseh a réir an teaghlachain; aig cloinn Abiescir, agus aig cloinn Heleic, agus aig cloinn Asrieil, agus aig cloinn Shecheim, agus aig cloinn Heph-eir, agus aig cloinn Shemida: *b'iad* sin clann-mhac Mhanaseh, mhic Ioseiph, a réir an teaghlachain.

3 Ach aig Selophehad mac Heph-eir, mhic Ghilead, mhic Mhachir, mhic Mhanaseh, cha robh mic, ach nigheanan: agus *is iad* so ainmean a nigheanan, Mahlah, agus Noah, Hoglah, Milcah, agus Tirsah.

4 Agus thàinig iad am fagus an làthair Eleasair an t-sagairt, agus an làthair Iosua mhic Nuin, agus an làthair nan uachdaran, ag ràdh, Dh'athn an Tighearn do Mhaois oighreachd a thoirt duinne am measg ar bràithrean: uime sin a réir àithne an Tigh-earna, thug e dhoibh oighreachd am measg bràithrean an athar.

5 Agus thuit air Manaseh deich cuibh-rionnan, thuilleadh air fearann Ghilead, agus Bhàsain, a *bh'air* an taobh eile de Iordan;

6 A chionn gu'n robh aig nigheanan Mhanaseh oighreachd am measg a chuid mac; agus bha fearann Ghilead aig a' chuid eile de mhic Mhanaseh.

7 Agus bha crìoch Mhanaseh o Aser gu Michmetah, a *tha* fa chomhair Shecheim, agus chaidh a' chrìoch air a h-aghaidh air an làimh dheis gu luchd-àiteachaidh En-tapuah.

8 *A nis* bha aig Manaseh fearann Thapuah: ach Tapuah air crìch Mhanaseh *bu le* chloinn Ephraim.

9 Agus chaidh a' chrìoch sìos gu sruth Chanah mu dheas de'n t-sruth: *bha* bailtean sin Ephraim am measg bhailtean Mhanaseh;

bha mar an ceudna crìoch Mhanaseh air an taobh mu thuath de'n t-sruth, agus bha a dol a mach aig an fhairege.

10 An taobh mu dheas *bu* le Ephraim, agus an taobh mu thuath *bu* le Mauaseh, agus b'i an fhairege a chrìoch, agus choimnich iad a chèile ann an Aser air an taobh mu thuath, agus ann an Isachar air an taobh an car.

11 Agus bha aig Manaseh ann an Isachar agus ann an Aser, Bet-sean agus a bhailtean, agus Ibleam agus a bhailtean, agus luchd-àiteachaidh Dhoir agus a bhailtean, agus luchd-àiteachaidh En-doir agus a bhailtean, agus luchd-àiteachaidh Thaanaich agus a bhailtean, agus luchd-àiteachaidh Mhegido agus a bhailtean; *eadhon* trì dùchanna.

12 Gidheadh cha b'urrainn clann Mhanaseh *luchd-àiteachaidh* nam bailtean sin fhògradh a mach; ach b'àill leis na Canaan-aich còmhnuidh 'ghabhail 's an tìr sin.

13 Gidheadh tharladh, 'n uair a dh'fhàs clann Israeil làidir, gu'n do chuir iad na Canaan-aich fo chis; ach cha d'fhògair iad gu tur a mach iad.

14 Agus labhair clann Ioseiph ri Iosua, ag ràdh, C'ar son nach d'thug thu dhomhsa ach aon chrannchur agus aon chuibhrionu r'an scalbhachadh, agus gur sluagh mòr mi, agus gu'n do bheannaich an Tighearn mi gus a so?

15 Agus fhreagair Iosua iad, Ma's sluagh mòr thu, imich suas do'n choilltich, agus gearr sìos dhuit féin *ait* an sin ann am fearanu nam Peridsach, agus nam famlh-airean, na tha sliabh Ephraim ro chumhann duit.

16 Agus thubhairt clann Ioseiph, Cha leòr an sliabh dhuinne; agus tha aig na Canaan-aich uile a tha 'chòmhnuidh ann am fearann a' ghlinne, carbadan iaruin, *an dà chuid* aca-san a tha ann am Bet-sean agus 'n a bhailtibh, agus aca-san a tha ann au gleann Iesreil.

17 Agus labhair Iosua ri tigh Ioseiph, ri h-Ephraim, agus ri Mauaseh, ag ràdh, *Is* sluagh mòr thu, agus tha cumhachd mòr agad; cha bhi agad aon chrannchur a *mhàin*.

18 Ach bithidh an sliabh agadsa, oir is coille e; agus gearraidh tu sìos i: agus bithidh a dhol a uach agad; oir fògairidh tu mach na Canaan-aich, ged *tha* carbadan iaruin aca, agus ged *tha* iad làidir.

CAIB. XVIII.

1 Chuireadh suas bith a' choimhthionail aig Siloh, 2 Roinneadh a' chuid eile de'n fhearann 'n a sheachd earrannaibh.

A GUS chruinnich coimhthional chloinn Israeil uile an ceann a chèile aig Siloh, agus chuir iad suas pàillion a' choimhthionail an sin, agus cheannsaicheadh an tìr rompa.

2 Agus bha fathast am measg chloinn Israeil seachd treubhan, nach d'fhuair an oighreachd.

3 Agus thubhairt Iosua ri cloinn Israeil, Cia fhad a tha sibh mall a dhol a shealbhachadh an fhearainn, a thug an Tighearn Dia bhuir a-aithrichean dhuibh?

4 Thugaibh a mach *dhomhsa* as blur measg trìuir dhaoine as *gach* tréibh; agus cuiridh mi uam iad, agus éiridh iad, agus théid iad troimh 'n fhearann, agus tairngidh iad e a réir an oighreachd-san, agus thig iad a n' ionnsuidhs a rìs.

5 Agus roinnidh iad e 'n a sheachd earrannaibh: fauaidh Iudah 'n a chrìch féin air an taobh mu dheas, agus fanaidh tigh Ioseiph 'n a chrìch féin air an taobh mu thuath.

6 Uime sin tairngidh sibh am fearann 'n a sheachd earrannaibh, agus bheir sibh *an tarruing* an so am' ionnsuidhs, chum gu'n tilg mi croinn air bhuir son an so an làthair an Tighearna ar Dé.

7 Ach cha-n'eil aig na Lebhitich roinn sam bith 'n ur measg, oir *is* i sagartachd an Tighearn 'n oighreachd-san: agus fhuair Gad, agus Reuben, agus leth-thréibh Mhanaseh, an oighreachd-san an taobh thall de Iordan air an làimh an ear, a thug Maois, òglach an Tighearna, dhoibh.

8 Agus dh'éirich na daoine agus dh'fhalbh iad: agus dh'àithu Iosua dhoibhsan a chaidh a tharruing an fhearainn, ag ràdh, Imichibh agus rachaibh troimh 'n fhearann, agus tairngibh e, agus thigibh a iris au' ionnsuidhs, chum gu'n tilg mi an so croinn air bhuir son an làthair an Tighearna ann an Siloh.

9 Agus dh'imich ua daoine, agus chaidh iad troimh 'n fhearann, agus tharruing iad e a réir a bhailtean 'n a sheachd earrannaibh, ann an leabhar, agus thàinig iad gu Iosua do'n champ aig Siloh.

10 Agus thilg Iosua croinn air an son ann au Siloh, an làthair au Tighearna: agus an sin roinn Iosua am fearanu do chloinn Israeil, a réir an roinnean.

11 Agus thàinig crannchur tréibhe chloinn Bheniamin a mach a réir an teaghlaichean: agus chaidh crìoch an crannchuir a mach eadar clanu Iudah agus clann Ioseiph.

12 Agus bha 'n crìoch air an taobh mu thuath o Iordan; agus chaidh a' chrìoch suas gu taobh Iericho air an taobh mu thuath, agus chaidh i suas troimh 'u mhonadh a làimh na h-àirde 'u iar, agus bha a dol a mach aig fasach Bhet-abhen.

13 Agus chaidh a' chrìoch thairis o sin gu Luds gu taobh Luds, (*is e* sin Bct-el.) ri deas, agus chaidh a' chrìoch sìos gu A tarot-adar, am fagus do'n t-sliabh a *tha* air an taobh dheas de Bhet-horon iochdarach.

14 Agus thairngeadh a' chrìoch o sin, agus chuairtich i oisinn na mara ri deas, o'n

t-sliabh a *tha* fa chomhair Bhet-horoin ri deas: agus bha a dol a mach aig Cariat-baal, (*is e* sin Cariat-iearim,) baile le cloinn Iudah. *B'i* sin a' chearna an iar.

15 Agus *bha* a' chearna mu dheas o cheann Chiriat-iearim, agus chaidh a' chrìoch a mach air an làimh an iar, agus ghabh i mach gu tobar uisgeachan Nephtoa.

16 Agus chaidh a' chrìoch sìos gu ceann na beinne, a *tha* fa chomhair glinne mhic Hinoim, a *tha* ann an gleann nam fannhairean air an taobh mu thuath, agus chaidh i sìos gu gleann Hinoim, gu taobh Iebusi air an làimh dheis, agus ghabh i sìos gu En-rogel.

17 Agus thairngeadh i o'n taobh mu thuath, agus ghabh i air a h-aghaidh gu En-semes, agus chaidh i mach a dh'ionnsuidh Ghehilot, a *tha* thall fa chomhair uchdaich Adumim, agus ghabh i sìos gu cloich Bhohain mhic Reubein,

18 Agus ghabh i air a h-aghaidh chum an taoibh thall fa chomhair Arabah mu thuath, agus chaidh i sìos gu Arabah;

19 Agus ghabh a' chrìoch thairis gu taobh Bhet-hoglah mu thuath; agus bha dol a mach na crìche aig an luib mu thuath de'n mhuir shalainn, aig ceann Iordain mu dheas. *B'i* sin a' chrìoch mu dheas.

20 Agus b'i Iordan a chrìoch air an làimh an ear. *B'i* sin oighreachd chloinn Bheniamin, le a crìochaibh mu'n cuairt, a réir an teaghlaichean.

21 A nis b'iad bailtean mòra tréibhe chloinn Bheniamin, a réir an teaghlaichean, Iericho, agus Bet-hoglah, agus gleann Chesis,

22 Agus Bet-arabah, agus Semaraim, agus Bet-el,

23 Agus Abhim, agus Parah, agus Ophrah,

24 Agus Chephar-haamonai, agus Ophni, agus Gabah; dà mhòr-bhaile dheug le'm bailtibh beaga.

25 Gibeon, agus Ramah, agus Becrot,

26 Agus Mispeli, agus Chephirah, agus Mosah,

27 Agus Rechem, agus Irpeel, agus Taralah,

28 Agus Selah, Eleph, agus Iebusi, (*is e* sin Ierusalem,) Gibeat, agus Cariat; ceithir mòr-bhailtean deug le'm bailtibh beaga. *B'i* sin oighreachd chloinn Bheniamin, a réir an teaghlaichean.

CAIB. XIX.

1 Crannchur Shimeon, 10 Shebuluin, 17 Isachair, 24 Aseir. 32 Naphtali, 40 Dhain. 49 Thug clann Israèil oighreachd do Iosua 'n am measg.

A GUS thàinig an dara crannchur a mach do Shimeon, eadhon do thréibh chloinn Shimeoin, a réir an teaghlaichean: agus bha 'n oighreachd-san 'am meadhon oighreachd chloinn Iudah.

2 Agus bha aca 'n an oighreachd, Beersebah, agus Sebah, agus Moladah, 3 Agus Hasar-sual, agus Balah, agus Ascm,

4 Agus Eltolad, agus Betul, agus Hormah, 5 Agus Siclag, agus Bet-marcabot, agus Hasar-sual,

6 Agus Bet-labaot, agus Saruhen; trì mòr-bhailtean deug agus am bailtean beaga.

7 Ain, Remon, agus Eter, agus Asan; ceithir bailtean mòra le'm bailtibh beaga.

8 Agus na bailtean beaga uile a *bha* mu thimchioll nam bailtean mòra sin, gu Balat-beer-ramat, mu dheas. *B'i* sin oighreachd tréibhe chloinn Shimeoin, a réir an teaghlaichean.

9 A mach á crannchur chloinn Iudah *bha* oighreachd chloinn Shimeoin: oir bha cuibh-rionn chloinn Iudah ro mhòr dhoibh; uime sin bha aig chloinn Shimeoin an oighreachd ann am meadhon an oighreachd-san.

10 Agus thàinig an treas crannchur a mach air son chloinn Shebuluin, a réir an teaghlaichean: agus bha crìoch an oighreachd-san gu Sarid.

11 Agus chaidh an crìoch suas a dh'ionnsuidh na fàirge, agus Maralah, agus ràinig i gu Dabaset, agus ràinig i gu ruig an sruth a tha fa chomhair Iocneaim,

12 Agus phill i o Shared a làimh na h-àirde 'n ear, leth ri éirigh na gréine, gu crìch Chislot-taboir: agus an sin tha i 'dol a mach gu Dabarat, agus a' dol suas gu Iaphia,

13 Agus o sin a' gabhail thairis air an làimh an ear gu Gitah-hepher, gu Itah-casin, agus a' dol a mach gu Remon-metoar gu Neah;

14 Agus tha a' chrìoch a' dol mu'n cuairt mu thuath gu Hanaton: agus tha a dol a mach ann an gleann Iiphtah-el;

15 Agus Catat, agus Nahalal, agus Simron, agus Idalah, agus Bet-lehem; dà mhòr-bhaile dheug le'm bailtibh beaga.

16 *B'i* sin oighreachd chloinn Shebuluin, a réir an teaghlaichean, na bailtean mòra sin le'm bailtibh beaga.

17 Thàinig an ceathramh crannchur a mach do Isachar, air son chloinn Isachair, a réir an teaghlaichean.

18 Agus b'i an crìoch Iesreel, agus Chesulot, agus Sunem,

19 Agus Hapharim, agus Sihon, agus Anaharat,

20 Agus Rabit, agus Cision, agus Abes, 21 Agus Remet, agus Enganim, agus Enhadan, agus Bet-pases;

22 Agus tha a' chrìoch a' ruigheachd gu Tabor, agus Sahasimah, agus Bet-semes, agus bha dol a mach an crìche aig Iordan; se mòr-bhailtean deug le'm bailtibh beaga.

23 *B'i* sin oighreachd tréibhe chloinn Isachair, a réir an teaghlaichean, na bailtean mòra agus am bailtean beaga.

24 Agus thàinig an cùigeamh crannchur

a mach do thréibh chloinn Aseir, a réir an teaghlaichean.

25 Agus b'i an críoch Helcat, agus Hali, agus Beten, agus Achsaph,

26 Agus Alamclech, agus Amad, agus Miseal; agus tha i a' ruigheachd gu Carmel air an làimh an iar, agus gu Sihor-libnat,

27 Agus a' pilltinn leth ri éirigh na gréine gu Bet-dagon, agus a' ruigheachd gu Sebulun, agus gu gleann Iiphtah-el, leth ris an taobh mu thuath de Bhet-emec, agus Neiel, agus a' dol a mach gu Cabul air an làimh chli,

28 Agus Hebron, agus Rehob, agus Hamon, agus Canah, *eadhon* gu Sidon mòr;

29 Agus *an sin* tha a' chríoch a' pilltinn gu Ramah, agus gus am mòr-bhaile daingnichte Tirus, agus tha a' chríoch a' pilltinn gu Hosah; agus tha a dol a mach aig an fhainge o'n oirthir gu Achsib;

30 Umah mar an ceudna, agus Aphec, agus Rehob; dà mhòr-bhaile thar fhichead le 'm bailtibh beaga.

31 *Is i* sin oighreachd tréibhe chloinn Aseir, a réir an teaghlaichean, na bailtean mòra sin le'm bailtibh beaga.

32 Thàinig an seathamh crannchur a mach do chloinn Naphtali, *eadhon* do chloinn Naphtali, a réir an teaghlaichean.

33 Agus bha 'n críoch o Heleph, o Alon gu Sahananim, agus Adami, Neceb, agus Iabneel, gu Lacum; agus bha a dol a mach gu Iordan.

34 Agus *an sin* tha a' chríoch a' pilltinn an iar gu Asnot-tabor, agus a dol a mach o sin gu Hucoc, agus *tha i* a' ruigheachd gu Sebulun air an taobh mu dheas, agus a' ruigheachd gu Aseir air an taobh an iar, agus gu bruachaibh Iordain leth ri éirigh na gréine

35 Agus *is iad* na mòr-bhailtean daingnichte Sidim, Ser, agus Hamat, Racat, agus Cineret,

36 Agus Adamah, agus Ramah, agus Hasor,

37 Agus Cedes, agus Edrei, agus Enhasor,

38 Agus Iron, agus Migdalel, Horem, agus Bet-hanat, agus Bet-semes; naoi mòr-bhailtean deug le'm bailtibh beaga.

39 *Is i* sin oighreachd tréibhe chloinn Naphtali, a réir an teaghlaichean, na bailtean mòra agus am bailtean beaga.

40 Agus thàinig an seachdamh crannchur a mach do thréibh chloinn Dhain, a réir an teaghlaichean.

41 Agus b'i críoch an oighreachd Sora, agus Estaol, agus Ir-semes,

42 Agus Saalabin, agus Aialon, agus Ictlah,

43 Agus Elon, agus Timnatah, agus Ecron,

44 Agus Elteceh, agus Gibeton, agus Baalat,

45 Agus Iehud, agus Bene-berac, agus Gat-rimon,

46 Agus Me-iarcon, agus Racon, maille ris a' chrìch fa chomhair Iapho.

47 Agus chaidh críoch chloinn Dhain a mach *ro ghann* doibh: uime sin chaidh clann Dhain suas agus chog iad an aghaidh Leseim, agus ghlac iad e, agus bhuail iad e le faobhar a' chlàidheimh, agus shealbhaich iad e, agus ghabh iad còmhnuidh ann, agus thug iad Dan a dh'aoinn air Leseim, a réir ainme an athar Dan.

48 *Is i* sin oighreachd tréibhe chloinn Dhain, a réir an teaghlaichean, na bailtean mòra sin le'm bailtibh beaga.

49 'N uair a chuir iad críoch air an fhear-ann a roinn mar oighreachd a réir an críochan, thug clann Israeil oighreachd do Iosua mac Nuin, 'n am measg:

50 A réir focail an Tighearna, thug iad da am baile a dh'iarr e, *eadhon* Timnat-serah ann an slabh Ephraim, agus thog e am baile, agus ghabh e còmhnuidh ann.

51 *Is iad* sin na h-oighreachdan a roinn Eleasar an sagart, agus Iosua mac Nuin, agus cinn aithriche threubhan chloinn Israeil, mar oighreachd le crannchur, ann an Siloh an làthair an Tighearna, aig dorus pàilluin a' choimhthionail. Mar sin chuir iad críoch air a mach fhearann a roinn.

CAIB. XX.

1 *A réir d'ìthne Dìe do Iosua*, 7 *chuir clann Israeil air leth sè bailtean didein*.

AGUS labhair an Tighearn ri Iosua, ag ràdh,

2 Labhair ri cloinn Israeil, ag ràdh, Sònraichibh dhuibh féin bailtean didein, mu'n do labhair mi ribh le làimh Mhaois;

3 A chum gu'n teich am marbhaiche a mharbhas neach ann an aineolas agus gun fhios da, an sin: agus bithidh iad 'n an didein duibh o dlioghaltair na fola.

4 Agus an uair a sheasas esan a theicheas a dh'ionnsuidh aoin de na bailtibh sin, aig dol a stigh geata a' bhaile, agus a chuireas e a chùis 'an céill ann an chuasaibh shean-airean a' bhaile sin, gabhaidh iad a steach e do'n bhaile d'an ionnsuidh, agus bheir iad àite dha chum gu'n gabh e còmhnuidh 'n am measg.

5 Agus an uair a théid dlioghaltair na fola 'an tòir air, an sin cha toir iad suas am marbhaiche d'a làimh; a chionn gu'n do bhuail e 'choimhearsnach gun fhios da, agus gun fhuath aige dha 's an aimsir roimhe sin.

6 Agus gabhaidh e còmhnuidh 's a' bhaile sin, gus an seas e an làthair a' chomhearuinn-eachaidh chum breitheanas, agus gu bàs an àrd-shagairt a bhitheas anns na làithibh sin: an sin pillidh am marbhaiche, agus thig e d'a bhaile féin, agus d'a thigh féin, do'n bhaile o'n do theich e.

7 Agus chuir iad air leth Cedes ann an Galilee ann an slabh Naphtali, agus Sechem ann an slabh Ephraim, agus Gariat-arba (*eadhon* Hebron) ann an slabh Iudah.

8 Agus air taobh eile Iordain, làimh ri Iericho air an làimh an ear, shònruich iad Beseir anns an fhàsach air a' chòmhnard á tréibh Reubein, agus Ramot ann an Gilead á tréibh Ghad, agus Golan ann am Bāsan á tréibh Mhanaseh.

9 B'iad sin na bailtean a shònraicheadh air son chloinn Israeil uile, agus air son a' choig-riach a tha air chuairt 'n am measg, a chum ge b'e 'mharbhadh neach ann an aineolas, gu'n teicheadh e an sin, agus nach bàsaibh-eadh e le làimh dìoghaltair na fola, gus an seasadh e an làthair a' chomhchruinneachaidh.

CAIB. XXI.

1 *Thugadh ocd bailtean agus dà fhlichead le crannchur as na treubhan eile do na Lebhithich.*
43 *Thug an Tighearn fois do chloinn Israeil.*

AN SIN thàinig cinn aithrichean nan Lebhithich am fagus do Eleasar an sagart, agus do Iosua mac Nuin, agus do cheannaibh aithrichean treubhan chloinn Israeil;

2 Agus labhair iad ri u aig Siloh ann an tìr Chanaain, ag ràdh, Dh'àithn an Tighearn le làimh Mhaois, bailtean a thoirt duinn gu còmhnuidh 'ghabhail annta, le'm fearann comh-roinn d'ar spréidh.

3 Agus thug clann Israeil do na Lebhithich, as an oighreachd, air àithne an Tighearna, na bailtean so agus am fearann comh-roinn.

4 Agus thàinig an crannchur a mach air son theaghlaichean nan Cohatach, agus bha aig cloinn Aaroin an t-sagairt, a bha de na Lebhithich, le crannchur á tréibh Iudah, agus á tréibh Shimeoin, agus á tréibh Bheniamin, trì bailtean deug.

5 Agus bha aig a' chuid eile de chloinn Chohait le crannchur, á teaghlaichibh thréibh Ephraim, agus á tréibh Dhain, agus á leth-thréibh Mhanaseh, deich bailtean.

6 Agus bha aig cloinn Ghersein le crannchur, á teaghlaichibh thréibh Isachair, agus á tréibh Aseir, agus á tréibh Naphtali, agus á leth-thréibh Mhanaseh ann am Bāsan, trì bailtean deug.

7 Bha aig cloinn Mherari, a réir an teaghlaichean, á tréibh Reubein, agus á tréibh Ghad, agus á tréibh Shebuluin, dà bhaile dheug.

8 Agus thug clann Israeil le crannchur do na Lebhithich na bailtean sin le'm fearann comh-roinn, mar a dh'àithn an Tighearn le làimh Mhaois.

9 Agus thug iad a mach á tréibh chloinn Iudah, agus á tréibh chloinn Shimeoin, na bailtean so a tha air an ainmeachadh,

10 A bha aig cloinn Aaroin, de theaghlaichibh nan Cohatach, *muinntir a bha de chloinn Lebhi*: (oir bu leo-san an ceud chrannchur.)

11 Agus thug iad dhoibh mòr-bhaile Arba, athar Anaic, (eadhon Hebron) ann an sliabh

Iudah, maille r'a fhearann comh-roinn mu'n cuairt air.

12 Ach fearann a' mhòr-bhaile, agus a bhailtean beaga, thug iad do Chaleb mac Iephuneh mar a sheilbh.

13 Mar so thug iad do chloinn Aaroin an t-sagairt, Hebron maille r'a fhearann comh-roinn, *gu bhì* 'n a bhaile didein do'n mharbhaiche, agus Libnah le 'fhearann comh-roinn,

14 Agus Iatir le 'fhearann comh-roinn, agus Estemoah le 'fhearann comh-roinn,

15 Agus Holon le 'fhearann comh-roinn, agus Debir le 'fhearann comh-roinn,

16 Agus Ain le 'fhearann comh-roinn, agus Iutah le 'fhearann comh-roinn, agus Betsemes le 'fhearann comh-roinn: naoi bailtean as an dà thréibh sin.

17 Agus á tréibh Bheniamin, Gibeon le 'fhearann comh-roinn, Gebah le 'fhearann comh-roinn,

18 Anatot le 'fhearann comh-roinn, agus Almon le 'fhearann comh-roinn; ceithir bailtean.

19 *B'iad* uile bhailtean chloinn Aaroin nan sagart, trì bailtean deug le'm fearann comh-roinn.

20 Agus bha aig teaghlaichibh chloinn Chohait, na Lebhithich, a mhair de chloinn Chohait, cadhon aca-san, bailtean an crannchuir á tréibh Ephraim.

21 Oir thug iad dhoibh Sechem le 'fhearann comh-roinn ann an sliabh Ephraim, *gu bhì* 'n a bhaile didein do'n mharbhaiche; agus Geser le 'fhearann comh-roinn,

22 Agus Gibeon le 'fhearann comh-roinn, agus Bet-horon le 'fhearann comh-roinn; ceithir bailtean.

23 Agus á tréibh Dhain Elteceh le 'fhearann comh-roinn, Gibeton le 'fhearann comh-roinn,

24 Aialon le 'fhearann comh-roinn, Gatrimon le 'fhearann comh-roinn; ceithir bailtean.

25 Agus á leth-thréibh Mhanaseh, Taanach le 'fhearann comh-roinn, agus Gatrimon le 'fhearann comh-roinn; dà bhaile.

26 *B'iad* na bailtean uile le'm fearann comh-roinn deich, air son theaghlaichean chloinn Chohait a mhair *gun an oighreachd fhaghail*.

27 Agus do chloinn Ghersein, de theaghlaichibh nan Lebhithich, á leth eile thréibh Mhanaseh, *thug iad* Golan ann am Bāsan le 'fhearann comh-roinn, *gu bhì* 'n a bhaile didein do'n mharbhaiche, agus Bees-terah le 'fhearann comh-roinn: dà bhaile.

28 Agus á tréibh Isachair, Cison le 'fhearann comh-roinn, Dabareh le 'fhearann comh-roinn,

29 Iarmut le 'fhearann comh-roinn, Enganim le 'fhearann comh-roinn: ceithir bailtean.

30 Agus á tréibh Aseir, Misal le 'fhear-

ann comh-roinn, Abdon le 'fhearann comh-roinn.

31 Helcat le 'fhearann comh-roinn, agus Rehob le 'fhearann comh-roinn; ceithir bailtean.

32 Agus á tréibh Naphtali, Cedes ann an Galilee le 'fhearann comh-roinn, *gu bhi* 'n a bhaile dídeiu do'n mharbhaiche: agus Hauot-dor le 'fhearann comh-roinn, agus Cartan le 'fhearann comh-roinn; tri bailtean.

33 *B'iad* uile bhailtean nan Gersonach, a réir an teaghlaichean, tri bailtean deug le'm fearann comh-roinn.

34 Agus do theaghlachibh chloinn Mherari, a' chuid eile de na Lebhithich, á tréibh Shebuluin, Iocneam le 'fhearann comh-roinn, agus Cartah le 'fhearann comh-roinn.

35 Dinna le 'fhearann comh-roinn, Nahalal le 'fhearann comh-roinn; ceithir bailtean.

36 Agus á tréibh Reubein, Beser le 'fhearann comh-roinn, agus Iahaseh le 'fhearann comh-roinn.

37 Cedemot le 'fhearann comh-roinn, agus Mephaat le 'fhearann comh-roinn; ceithir bailtean.

38 Agus á tréibh Ghad, Ramot ann an Gilead le 'fhearann comh-roinn, *gu bhi* 'n a bhaile dídeiu do'n mharbhaiche; agus Mahanaim le 'fhearann comh-roinn.

39 Hesbon le 'fhearann comh-roinn, Iaser le 'fhearann comh-roinn: ceithir bailtean 's an iomlan.

40 Mar sin b'iad na bailtean uile air son chloinn Mherari, a réir an teaghlaichean, a mhair de theaghlachibh nan Lebhithich, a réir an crannchuir, dà bhaile dheug.

41 *B'iad* uile bhailtean nan Lebhithich, an taobh a stigh de sheilbh chloinn Israeil, ochd bailtean agus dà fhichead le'm fearann comh-roinn.

42 Bha na bailtean sin gach aon le'm fearann comh-roinn mu'n timchioll: mar so *bha* na bailtean sin uile.

43 Agus thug au Tighearn do Israel am fearann uile a mhionnaich e 'thoirt d'au aithrichibh; agus shealbhaich iad e, agus ghabh iad còmhuidh ann.

44 Agus thug an Tighearn dhoibh fois mu'n cuairt, a réir nan uile *nithean* a mhionnaich e d'au aithrichibh: agus cha do sheas duine d'an naimhidibh uile rompa; thug an Tighearn thairis an naimhdean uile d'an Ìomh.

45 Cha d'fhàilnich a bheag de gach ni maith a labhair an Tighearn ri tigh Israeil: thàinig an t-iomlan gu crìch.

CAIB. XXII.

1 *An dà thréibh agus an leth-thréibh air an cur d'am bàilteibh: 10 thog iad altair na fianuis 'n an turas, &c.*

AN SIN ghairm Iosua na Reubenich, agus na Gadaich, agus leth-thréibh Mhanaseh,

2 Agus chubhairt e ri, Ghléidh sibh na h-uile *nithean* a dh'àithn Maois òglach an Tighearna dhuibh, agus thug sibh géill do'm' ghuthsa anns na h-uile *nithibh* a dh'àithn mi dhuibh.

3 Cha d'fhàg sibh bhur bràithrean rè mhòran de làithibh gus an l'àn diugh, ach ghléidh sibh curam àithne an Tighearna bhur Dé.

4 Agus a nis thug au Tighearn bhur Dia fois d'ur bràithribh, mar a gheall e dhoibh: a nis uime sin pillibh, agus rachaibh d'ur pàillunaibh, *agus* gu fearanu bhur seilbhe, a thug Maois, òglach an Tighearna, dhuibh air an taobh thall de Iordan.

5 Ach thugaibh ro-aire gu'n coimhlion sibh an àithne agus an lagh, a dh'àithn Maois, òglach an Tighearna, dhuibh, gràdh a thoirt do'n Tighearn bhur Dia, agus gluasad 'n a uile shligibh, agus àitheantan a ghleidheadh, agus dlàth-leantunn, ris agus seirbhis a dheanamh dha le'r n-uile chridhe, agus le'r n-uile anam.

6 Mar sin bheannaich Iosua *iad*, agus chuir e air falbh iad: agus chaidh iad d'am pàillunaibh.

7 A nis do *aon* leth-thréibh Mhanaseh thug Maois *sealbh* ann am Bàsan: ach d'on leth-thréibh eile dhuibh thug Iosua *sealbh* am measg am bràithrean air an taobh so de Iordau air an Ìomh an iar. Agus cuid-eachd, au uair a chuir Iosua air falbh iad d'am pàillunaibh, an sin bheannaich e iad.

8 Agus labhair e ri, ag ràdh, Le mòr shaoibhreas pillibh d'ur pàillunaibh, agus le ro-mhòran spréidhe, le h-airgiod, agus le h-òr, agus le h-umha, agus le h-iarunn, agus le ro-mhòran eudaich: roinnibh creach bhur naimhdean r'ur bràithribh.

9 Agus phill clann Reubein, agus clann Ghad, agus leth-thréibh Mhanaseh, agus dl'fhalbh iad o chloinn Israeil á Siloh, a *tha* ann an tìr Chanaain, gu dol do thìr Ghilead, gu fearann an seilbhe, a shealbhaich iad, a réir focail an Tighearna le Ìomh Mhaois.

10 Agus au uair a thàinig iad gu crìochaibh Iordain, a *tha* ann an tìr Chanaain, thog clann Reubein, agus clann Ghad, agus leth-thréibh Mhanaseh altair an sin Ìomh ri Iordan, altair mhòr ri amharc oirre.

11 Agus chuala clann Israeil air a ràdh, Feuch, thog clann Reubein, agus clann Ghad, agus leth-thréibh Mhanaseh, altair thall fa chomhair tìre Chanaain, ann an crìochaibh Iordain, far an d'thàinig clann Israeil thairis.

12 Agus an uair a chuala clann Israeil so, chruinnich coimhlional chloinn Israeil uile iad féin 'an ceann a chéile aig Siloh, gu dol suas a chogadh 'n an aghaidh.

13 Agus chuir clann Israeil dh'ionsuidh cloinn Reubein, agus dh'ionsuidh cloinn Ghad, agus gu leth-thréibh Mhanaseh, do

thir Ghilead, Phinehas mac Eleasair an t-sagairt;

14 Agus deich ceannardan maille ris, ceannard de gach prìomh thigh, air feadh uile threubhan Isracil, agus b'e gach fear dhiubh ceann tighe an aithrichean, air feadh mhiltèan Isracil.

15 Agus thàinig iad gu cloinn Reubein, agus gu cloinn Ghad, agus gu leth-thréibh Mhanaseh, gu tìr Ghilead, agus labhair iad riu, ag ràdh,

16 Mar so tha comhchruinneachadh an Tighearna uile ag ràdh, Ciod e an cionta so a rinn sibh an aghaidh Dhé Isracil, 'pilltinn air falbh an diugh o leantuinn an Tighearna, le altair a thogail dhuibh féin, chum ceannaire a dheanamh an diugh an aghaidh an Tighearna?

17 An ro-bheag dhuinn cionta Pheoir, o nach 'eil sinn air ar glanadh gus an là'n diugh, (agus *air son* an robh plàigh ann an comhchruinneachadh an Tighearna.)

18 Ach gu'm pilleadh sibh air falbh an diugh o'n Tighearn a leantuinn? agus tar-laidh, *do bhrìgh* gu bheil sibh a' deanamh ceannaire an diugh an aghaidh an Tighearna, an màireach gu'n las 'fhearg an aghaidh uile chomhchruinneachaidh Isracil.

19 Gidheadh, ma tha fearann bhur seilbhe neòghlan, rachaibh thairis a dh'fhearann seilbhe an Tighearna, far am bheil pàilluinn an Tighearna a chòmhnuidh, agus gabhaibh sealbh 'n ar measg-ne: ach na deanaibh ceannaire an aghaidh an Tighearna, no ceannaire 'n ar n-aghaidh-ne, le altair a thogail dhuibh féin, a thuilleadh air altair an Tighearna ar Dé.

20 Nach d'rinn Achan mac Sherah cionta 's an ni mhallaichte, agus thuit fearg air uile chomhchruinneachadh Isracil? agus cha b'e 'n duine sin 'n a aonar a bhàsaich 'n a chionta.

21 An sin fhreagair clann Reubein, agus clann Ghad, agus leth-thréibh Mhanasch, agus thubhairt iad ri ceannardaibh mhiltèan Isracil,

22 Aig an Tighearn Dia nan dia, aig an Tighearn Dia nan dia e féin tha fios, agus aig Israel bithidh fios, ma's ann an ceannaire, no ann an eusaontas an aghaidh an Tighearna, (*ma's ann*, na saor sinn an diugh.)

23 A thog sinne dhuinn féin altair, gu pilltinn air falbh o'n Tighearn a leantuinn, no ma's ann a thoirt suas oirre iobairt-loisgte, no tabhartais-bidh, no ma's ann a thoirt suas oirre iobairtean tabhartas-sithe, an sin agradh an Tighearn féin e;

24 Agus mur ann air eagal an ni so a rinn sinn e, ag ràdh, Anns an àm ri teachd dh'fheadhadh bhur clann-sa labhairt ri 'r cloinne, ag ràdh, Ciod bhur gnothuch-sa ris an Tighearn Dia Isracil?

25 Oir rinn an Tighearn Iordan 'n a crìch

eadar sinne agus sibhse, a ehlanan Reubein, agus a chlanan Ghad; cha-n'eil agaibhse cuibhrionn air bith 's an Tighearn: mar so bheir bhur clann-sa air ar cloinn-ne sgur de eagal an Tighearna a bli orra.

26 Uinne sin thubhairt sinn, Gabhamaid a nis mu altair a thogail dhuinn féin, cha-n ann air son tabhartais-loisgte, no air son iobairt;

27 Ach *a chum gu'm bi i 'n* a fianuis eadar sinne agus sibhse, agus ar sliochd 'n ar déigh, a chum gu'n dcan sinn seirbhis an Tighearna 'n a lathair le'r tabhartais-loisgte, agus le'r n-iobairtibh, agus le'r tabhartais-sith, a chum nach abair bhur clann-sa 'r ar cloinn-ne 's an àm ri teachd, Cha-n'eil cuibhrionn agaibh 's an Tighearn.

28 Uinne sin thubhairt sinn, gu'n tachair e, 'n uair a their iad so ruinne, no r'ar sliochd 's an àm ri teachd, gu'm bi againn ri ràdh *a ris*, Faicibh samhladh altair an Tighearna, a rinn ar n-aithrichean, cha-n ann air son tabhartasan-loisgte, no air son iobairtean; ach *is* fianuis i eadar sinne agus sibhse.

29 Gu ma fada e uainne ceannaire a dheanamh an aghaidh an Tighearna, agus pilltinn an diugh o leantuinn an Tighearna, le altair a thogail air son tabhartasan-loisgte, air son tabhartasan-bidh, no air son iobairtean, seach altair an Tighearna ar Dé, *a tha* air beulaobh a' phàilluinn.

30 Agus an uair a chuala Phinehas an sagart, agus ceannardan a' chomhchruinneachaidh, agus cinn mhiltèan Isracil a *bha* maille ris, na briathran a labhair clann Reubein, agus clann Ghad, agus clann Mhanasch, thaitinn e riu.

31 Agus thubhairt Phinehas mac Eleasair an t-sagairt ri cloinn Reubein, agus ri cloinn Ghad, agus ri cloinn Mhanasch, An diugh tha fhios againn gu'm *bheil* an Tighearn 'n ar measg, a chionn nach d'rinn sibh an cionta so an aghaidh an Tighearna: a nis shaor sibh clann Isracil á làimh an Tighearna.

32 Agus phill Phinehas mac Eleasair an t-sagairt, agus na ceannardan, o chloinn Reubein, agus o chloinn Ghad, á tìr Ghilead gu tìr Chanaain, gu cloinn Isracil, agus thug iad fios d'an ionsuidh a ris.

33 Agus thaitinn a' chùis ri cloinn Isracil, agus bheannaich clann Isracil Dia, agus cha robh rùn aca dol suas 'n an aghaidh gu cath, a sgrios na tìre anns an robh clann Reubein agus Ghad 'n an còmhnuidh.

34 Agus thug clann Reubein, agus clann Ghad Ed mar ainm air an altair: oir *bithidh* i 'n a fianuis eadarunn, gur e'n Tighearn *a's* Dia ann.

CAIR. XXIII.

Thug Iosua, rionn a bhàs, earail do chloinn Isracil lagh Dhé a choimhead gu cùramach.

A GUS an ceann ùine fhada, an déigh do'n Tighearn fois a thoirt do Israel

o'n naimhdibh uile mu'n cuairt, dh'fhàs Iosua sean, agus thàinig e air 'aghaidh ann am bliadhnaibh.

2 Agus ghairm Iosua *d'a ionnsuidh* Israel uile, an seanaircan, agus an ceannardan, agus am breitheamhnan, agus an luchd-riaghlaidh, agus thubhairt e riu, Tha mise sean, agus air teachd air m'aghaidh ann am bliadhnaibh:

3 Agus chunnaic sibh gach *ni* a rinn an Tighearn bhur Dia ris na cinnich sin uile air bhur sonsa; oir *is e* 'n Tighearn bhur Dia e féin a chog air bhur son.

4 Faicibh, roinn mi dhuibh le crannchur na cinnich sin a mhaireas, *gu bhi* 'n an oighreachd d'ur treubhan, o Iordan, maille ris na cinnich uile a ghearr mi as, eadhon gus an fhaighe mhòir air an taobh an iar.

5 Agus an Tighearn bhur Dia, fuadaichidh esan iad as bhur fianuis, agus iomainidh e iad a mach as bhur sealladh; agus sealbh-aichidh sibh am fearann, mar a gheall an Tighearn bhur Dia dhuibh.

6 Bithibhse uime sin ro mhisneachail a ghlaidheadh agus a dheanamh nan uile nithean a tha sgrìobhta ann an leabhar lagha Mhaois, a chum nach pill sibh a leth-taobh uath, a dh'ionnsuidh na làimhe deise no dh'ionnsuidh na làimhe clìthe;

7 A chum nach tig sibh air feadh nan cinneach sin, nan *cinneach* sin a mhaireas 'n ur measg, agus nach luaidh sibh ainm au diathan, agus nach mionnaich sibh *orra*, agus nach dean sibh seirbhis dhoibh, agus nach erom sibh sibh féin doibh:

8 Ach dlùth-leanaibh ris an Tighearn bhur Dia, mar a rinn sibh gus an là'n diugh.

9 Oir dh'fhuadaich an Tighearn a mach as bhur fianuis cinnich mhòr agus threun: ach d'ur taobh-sa, cha b'urraim duine sam bith seasamh roimhibh gus an là 'n diugh.

10 Cuiridh aon fhear dhibh an teicheadh air mìle: oir *is e* 'n Tighearn bhur Dia e féin a chogas air bhur son, mar a gheall e dhuibh.

11 Thugaibh uime sin aire mhaith dhuibh féin, gu'n gràdhach sibh an Tighearn bhur Dia.

12 No ma théid sibh air chor sam bith air bhur n-ais, agus ma leanas sibh ri fuigheall nan cinneach sin, *eadhon nan cinneach* sin a mhaireas 'n ur measg, agus ma ni sibh cleamhnas riu, agus ma théid sibh a steach d'an ionnsuidh, agus iadsan d'ur n-ionnsuidh-sa:

13 Bitheadh fios cinnteach agaibh, nach fuadaich an Tighearn bhur Dia tuilleadh *aon air bith de* na cinnich sin a mach roimhibh; ach bithidh iad dhuibh 'n an ribe, agus 'n an ceaptuislidh, agus 'n an sgiursadh 'n ur taobhan, agus 'n am bioraibh 'n ur sùil-ibh, gus an téid as duibh bhàrr an fhear-ainm mhaith so a thug an Tighearn bhur Dia dhuibh.

14 Agus feuch, *tha* mise an diugh a' dol air slighe na talmhainn uile, agus tha fhios agaibh féin 'n ur n-uile chridhe, agus 'n ur n-uile anam, nach d'fhàilnich aon ni de na nithibh maithe sin uile a labhair an Tighearn bhur Dia d'ur taobh; thàinig iad gu léir gu crìch dhuibhse, cha d'fhàilnich aon ni dhuibh.

15 Uime sin tarlaidh, mar a thàinig na h-uile nithean maithe oirbh, a gheall an Tighearn bhur Dia dhuibh, mar sin gu'n toir an Tighearn oirbh ua h-uile ni olc, gus an sgiros e sibh bhàrr an fhearainn mhaith so a thug an Tighearn bhur Dia dhuibh.

16 'N uair a bhriseas sibh coimhcheangal an Tighearna bhur Dé, a dh'àithn e dhuibh, agus a théid sibh, agus a ni sibh seirbhis do dhiathaibh eile, agus a chromas sibh sibh féin doibh; an sin lasaidh fearg an Tighearna 'n ur n-aghaidh, agus théid as duibh gu grad bhàrr an fhearainn mhaith a thug e dhuibh.

CAIB. XXIV.

1 *Chruinnich Iosua treubhan Israeil gu Sechem.*
2 *Dh'aithris e tiòdhlaean Dhé; 14 dh'aith-nuadhaich e coimhcheangal eadar Dia agus iad.*

AGUS chruinnich Iosua treubhan Israeil uile gu Sechem, agus ghairm e air seanairibh Israeil, agus air an ceannard-aibh, agus air am breitheamhnaibh, agus air an luchd-riaghlaidh; agus nochd siad iad féin 'n fianuis Dhé.

2 Agus thubhairt Iosua ris an t-sluagh uile, Mar so tha 'n Tighearn Dia Israeil ag ràdh, Air taobh thall na h-aimhne, anns an t-sean aimsir, chòmhnuich bhur n-aith-richean, eadhon Terah, athair Abraham, agus athair Nachoir: agus rinn iad seirbhis do dhiathaibh eile.

3 Agus thug mi bhur n-athair Abraham o thaobh thall na h-aimhne, agus threòraich mi e troimh thìr Chanaain uile, agus rinn mi a shliochd lionmhor, agus thug mi dha Isaac.

4 Agus thug mi do Isaac, Iacob agus Esau: agus thug mi do Esau sliabh Sheir r'a shealbhachadh; ach chaidh Iacob agus a chlann sìos do'n Eiphit.

5 Chuir mi Maois mar an ceudna agus Aaron a mach, agus bhuail mi an Eiphit, a réir an ni sin a rinn mi 'n a meadhon: agus an déigh sin thug mi sibhse mach.

6 Agus thug mi bhur n-aithrichean, as an Eiphit: agus thàinig sibh a dh'ionnsuidh na fairge; agus lean na h-Eiphitich bhur n-aith-richean le carbadaibh agus marc-shluagh gus a' mhuir ruaidh.

7 Agus an uair a ghlaodh iad ris an Tighearn, chuir e dorchadas eadar sibhse agus na h-Eiphitich, agus thug e a' mhuir orra-san, agus dh'fhòlaich e iad; agus chunnaic bhur sùilean ciod a rinn mi 's an Eiphit:

agus ghabh sibh còmhnuidh 's an fhàsach uine fhada.

8 Agus thug mi sibh do fhearann nan Amorach, a bha 'chòmhnuidh air an taobh thall de Iordan; agus chog iad ribh: agus thug mi thairis iad d'ur làimh, agus shealbhaich sibh am fearann: oir sgrìos mise iad as bhur fianuis.

9 An sin dh'éirich Balac mac Shipoir, rìgh Mhoab, agus chog e 'n aghaidh Israeil, agus chuir e *fios*, agus ghairm e Balaam mac Bheoir, chum sibhse a mhallachadh:

10 Ach cha-n éisdinn-sa ri Balaam; uime sin da rìreadh bheannaich e sibh: mar sin shaoir mi sibh as a làimh.

11 Agus chaidh sibh thar Iordan, agus thàinig sibh gu Iericho: agus chog fir Iericho 'n 'ur n-aghaidh, na h-Amoraich, agus na Peridsich, agus na Cananaich, agus na Ilitich, agus na Girsasach, na Hibhich agus na Iebusaich; agus thug mi thairis iad d'ur làimh.

12 Agus chuir mi a' choinnsbeach roimhibh, a dh'fhuadaich iad a mach as bhur fianuis, *eachon* dà rìgh nan Amorach; *ach* cha-n ann le d' chlaidheamh, no le d' bhogha.

13 Agus thug mi dhuibh fearann anns nach do shaothraich sibh, agus bailtean nach do thog sibh, agus ghabh sibh còmhnuidh anna; de fhion-liosaibh agus de liosaibh-olaidh nach do shuidhich sibh, tha sibh ag itheadh.

14 A nis uime sin bitheadh eagal an Tighearna oirbh, agus deanaibh seirbhis dha ann an treibhdhìreas agus 'am firinn, agus cuiribh uaibh na diathan d'an d'rinn bhur n-aithrichean seirbhis air taobh thall na h-aimhne, agus anns an Eiphit, agus deanaibh seirbhis do'n Tighearn.

15 Agus ma mheasar e olc leibh seirbhis a dheanamh do'n Tighearn, roghnaichibh an diugh cò d'an dean sibh seirbhis; an ann do na diathaibh d'an d'rinn bhur n-aithrichean seirbhis, a *bh'air* taobh thall na h-aimhne, no do dhiathaibh nan Amorach, muinntir a tha sibh a' còmhnuidh 'n an tìr: ach air mo shon-sa, agus air son mo thighe, ni sinne seirbhis do'n Tighearn.

16 Agus fhreagair an sluagh, agus thubhairt iad, Gu na fada robh e uainne an Tighearn a thréigsinn, gu seirbhis a dheanamh do dhiathaibh eile;

17 Oir an Tighearn ar Dia, *is* esan a thug a nìos sinne, agus ar n-aithrichean á tìr na h-Eiphit, á tigh na daorsa, agus a rinn na comharan mòra sin 'n ar sealladh, agus a ghléidh sinn anns an uile shlighe air an d'imich sinn, agus am measg nan uile shlògh trid an deachaidh sinn:

18 Agus dh'fhògair an Tighearn a mach romhainn na slògh uile *eachon* na h-Amoraich a bha 'chòmhnuidh 's an tìr; *uime sin* ni sinne mar an ceudna seirbhis do'n Tighearn, oir *is* esan ar Dia.

19 Agus thubhairt Iosua ris an t-sluagh, Cha-n-urrainn sibh seirbhis a dheanamh do'n Tighearn; oir *is* Dia ro naomh e; *is* Dia eudmhor e; cha lagh e bhur n-eusaontais, no bhur peacaidhean.

20 Ma thréigas sibh an Tighearn, agus ma ni sibh seirbhis do dhiathaibh coimheach, an sin pillidh e agus ni e olc oirbh, agus claidhidh e sibh, an dèigh dha maith a dheanamh dhuibh.

21 Agus thubhairt an sluagh ri Iosua, Nì h-eadh, ach ni sinne seirbhis do'n Tighearn.

22 Agus thubhairt Iosua ris an t-sluagh, *Is* fianuisean sibh 'n 'ur n-aghaidh féin, gu'n do thagh sibh dhuibh féin an Tighearn, gu seirbhis a dheanamh dha. Agus thubhairt iad, *Is* fianuisean sinn.

23 A nis uime sin cuiribh air falbh (*ars' esan*) na diathan coimheach a tha 'n 'ur measg, agus aomaibh bhur cridhe ris an Tighearn Dia Israeil.

24 Agus thubhairt an sluagh ri Iosua, Do'n Tighearn ar Dia ni sinn seirbhis, agus r'a ghuthsan éisdidh sinn.

25 Mar sin rinn Iosua coimheangal ris an t-sluagh air an là sin; agus shuidhich e dhoibh reachd, agus riaghailt ann an Sechem.

26 Agus sgrìobh Iosua na briathran so ann an leabhar lagha Dhé, agus ghabh e clach mhòr, agus chuir e suas i an sin fo dharaig, a *bha* làimh ri ionad naomh an Tighearna.

27 Agus thubhairt Iosua ris an t-sluagh uile, Feuch, bithidh a' chlach so 'n a fianuis duinn; oir chual' i uile bhriathran an Tighearna a labhair e ruinn: bithidh i uime sin 'n a fianuis 'n 'ur n-aghaidh-sa, air eagal gu'n àicheadh sibh bhur Dia.

28 Agus leig Iosua leis an t-sluagh im-eachd, gach duine d'a oighreachd féin.

29 Agus an dèigh nan nithean sin, fhuair Iosua mac Nuin, òglach an Tighearna, bàs, agus e ceud agus deich bliadhna dh'aois.

30 Agus dh'adhlaic iad e ann an crìch 'oighreachd féin ann an Timmat-serah, a *tha* ann an sliabh Ephraim, air an taobh mu thuath de sliabh Ghaais.

31 Agus rinn Israeil seirbhis do'n Tighearn uile làithean Iosua, agus uile làithean nan seanair a mhair beò an dèigh Iosua, agus d'am b'athine uile oibre an Tighearna, a rinn e air son Israeil.

32 Agus dh'adhlaic iad enàman Ioseiph, a thug clann Israeil a nìos as an Eiphit, ann an Sechem, ann am mìr fearainn a cheannaich Iacob o mhacaibh Hamoir, athar Shechem, air son ceud bonn airgid; agus bha e 'n a oighreachd aig cloim Ioseiph.

33 Agus fhuair Eleasar mac Aaroin bàs, agus dh'adhlaic iad e ann an sliabh le Phinehas a mhac, a thugadh dha ann an sliabh Ephraim.

BREITHEAMHNAN.

CAIB. I.

1 *Chaidh Iudah agus Simeon suas a chogadh an aghaidh nan Canaanach. 6 Lean iad, agus ghlac iad Adonibese. 8 Ghlacadh Ierusalem, 10 agus Hebron.*

ANIS an déigh bàis Iosua, dh'fhiosraich clanu Israeil de'n Tighearn, ag ràdh, Cò a théid suas air ar son an aghaidh nan Canaanach air tús, a chogadh 'n an aghaidh ?

2 Agus thubhairt an Tighearn, Théid Iudah suas: feuch, thug mi 'n tìr thairis d'a làmh.

3 Agus thubhairt Iudah ri Simeon a bhràthair, Thig a uios maille riumsa do m' chrann-chur, a chum gu'n cog sinn an aghaidh nan Canaanach, agus théid mise mar an ceudna maille riutsa do d' chrann-chur-sa. Agus chaidh Simeon maille ris.

4 Agus chaidh Iudah suas; agus thug an Tighearn na Canaanach, agus na Peridsich, thairis d'an làmh: agus mharbh iad diubh ann am Besec deich mìle fear.

5 Agus fhuair iad Adonibese ann am Besec; agus chog iad 'n a aghaidh, agus bhuail iad na Canaanach agus na Peridsich.

6 Ach theich Adonibese, agus lean iad e, agus ghlac iad e, agus ghearr iad dheth ordagan a làmh agus a chos.

7 Agus thubhairt Adonibese, Thionail tri fichead agus deich rìghrean, aig an robh ordagan an làmh agus an cos air an gearradh dhiubh, *am biadh* fo m' bhord-sa: mar a rinn mi, mar sin dhiol Dia orm. Agus thug iad e gu h-Ierusalem, agus fhuair e bàs an sin.

8 A nis chog clann Iudah an aghaidh Ierusalem, agus ghlac iad e, agus bhuail iad e le faobhar a' chlaidheimh, agus chuir iad am baile ri theine.

9 Agus an déigh sin chaidh clann Iudah sìos a chogadh an aghaidh nan Canaanach, a bha 'chòmhnuidh 's a' mhòadh, agus anns an àirde deas, agus anns a' chòmhnard.

10 Agus chaidh Iudah an aghaidh nan Canaanach a bha 'chòmhnuidh ann an Hebron, (a nis *b'e* ainm Hebron roimhe Ciriatarba); agus mharbh iad Sesai, agus Ahiman, agus Talmai.

11 Agus a sin chaidh e an aghaidh luchd-àiteachaidh Dhebir: (agus *b'e* ainm Dhebir roimhe Ciriat-sepher:

12 Agus thubhairt Caleb, Esan a bhuailcas Ciriat-sepher, agus a ghlacas e, dha-san bheir mi Achsah nu nighean 'n a mnaoi.

13 Agus ghlac Otniel mac Chenais am bràthair a b'òige bh'aig Caleb e: agus thug e dha Achsah a nighean 'n a mnaoi.

14 Agus an uair a thàinig i d'a *ionnsuidh*, bhrosnaich i e gu achadh iarraidh 'h-athair: agus theirinn i bhàrr a h-asail; agus thubhairt Caleb ri, Ciod is àill leat?

15 Agus thubhairt i ris, Thoir dhomh beannachadh: oir thug thu dhomh fearann ri deas; thoir dhomh mar an ceudna tobair uisge. Agus thug Caleb dh'i na tobraichean uachdarach, agus na tobraichean ìochdarach.

16 Agus chaidh clann a' Chenich, athar-céile Mhaois, suas á baile nan craobh-pailme, maille ri cloinn Iudah, do fhàsach Iudah, a tha air an taobh mu dheas de Arad; agus chaidh iad agus ghabh iad còmhnuidh ann measg an t-sluaigh.

17 Agus chaidh Iudah maille ri Simeon a bhràthair, agus bhuail iad na Canaanach a bha 'n an còmhnuidh ann an Sephat, agus sgrios iad gu tur e: (agus thugadh Hormah mar ainm air a' bhaile:)

18 Agus ghlac Iudah Gasa agus a chrìochan, agus Ascelon agus a chrìochan, agus Eeron agus a chrìochan.

19 Agus bha'n Tighearn maille ri Iudah; agus ghabh e seallbh air a' mhòadh, ach cha b'urrainn e luchd-àiteachaidh an t-sratha fhògradh a mach, a chionn gu'n robh carbadan iarunn aca.

20 Agus thug iad Hebron do Chaleb, mar a thubhairt Maois: agus dh'fhuadaich e as a sin triuir mhac Anaich.

21 Agus cha do chuir clann Bheniamin a mach na Iebusaich a bha 'n an còmhnuidh ann an Ierusalem; ach tha na Iebusaich 'n au còmhnuidh maille ri cloinn Bheniamin ann an Ierusalem gus an làn diugh.

22 Agus chaidh tigh Ioseph mar an ceudna suas an aghaidh Bhet-eil: agus bha'n Tighearn maille ri.

23 Agus chuir tigh Ioseph daoine a rann-sachadh a mach Bhet-eil: (a nis b'e ainm a' bhaile roimhe Luds.)

24 Agus chuanaic an luchd-bratha duine a' teachd a mach as a' bhaile, agus thubhairt iad ris, Feuch dhuinn, guidheamaid ort, an rathad a stigh do'n bhaile, agus nochdaidh sinn trècar dhuit.

25 Agus an uair a dh'fheuch e dhoibh an rathad a stigh do'n bhaile, bhuail iad am baile le faobhar a' chlaidheimh: ach leig iad air falbh an duine agus a theaghlach uile.

26 Agus chaidh an duine do fhearann nan Hiteach, agus thog e baile, agus thug e Luds mar ainm air: *is e* so 'ainm gus an làn diugh.

27 Cha mhò a dh'fhògair Manaseh a mach luchd-àiteachaidh Bhet-seain agus a bhailtean, no Thaanach agus a bhailtean, no luchd-àiteachaidh Dhoir agus a bhailtean, no luchd-àiteachaidh Ibleaim agus a bhailtean, no luchd-àiteachaidh Mhegido agus a bhailtean: ach b'ail leis na Canaanach còmhnuidh a ghabhail 's an fhearann sin.

28 Agus tharladh, an uair a dh'fhàs Izrael

làidir, gu'n do chuir iad na Canaanaich fo chis; ach cha d'fhuadaich iad gu buileach a mach iad.

29 Cha mhò a dh'fhuadaich Ephraim a mach na Canaanaich a bha 'chòmhnuidh ann an Geser: ach ghabh na Canaanaich còmhnuidh 'n am measg ann an Geser.

30 Cha mhò a dh'fhuadaich Sebulun a mach luchd-àiteachaidh Chitroin, no luchd-àiteachaidh Nahaloil: ach ghabh na Canaanaich còmhnuidh 'n am measg, agus bha iad fo chis doibh.

31 Cha mhò a dh'fhuadaich Aser a mach luchd-àiteachaidh Acho, no luchd-àiteachaidh Shidoìn, no Achlaib, no Achsib, no Helbah, no Aphic, no Rehob: no Rehob:

32 Ach ghabh na h-Aserich còmhnuidh am measg nan Canaanach, luchd-àiteachaidh na tire; oir cha d'fhuadaich iad a mach iad.

33 Cha mhò a dh'fhuadaich Naphtali a mach luchd-àiteachaidh Bhet-semeis, no luchd-àiteachaidh Bhet-anait; ach ghabh e còmhnuidh am measg nan Canaanach, luchd-àiteachaidh na tire: gidheadh bha luchd-àiteachaidh Bhet-semeis agus Bhet-anait fo chis doibh.

34 Agus dh'éignich na h-Amoraich clann Dhain do'n t-sliabh: oir cha leigeadh iad leo teachd a nuas do'n ghleann.

35 Ach b'ail leis na h-Amoraich còmhnuidh a ghabhail ann an sliabh Hereis ann an Aialon, agus ann an Saalbim: gidheadh bhuaidhaich làmh tighe Ioseiph, agus bha iad fo chis doibh.

36 Agus bha crìoch nan Amoraich o uchdaich Aerabim, o'n charraig, agus suas o sin.

CAIB. II.

1 *Chronaich aingeal an sluagh aig Bochim. 10 Aingidheachd a' ghinealaich an dèigh Iosua.*

AGUS thàinig aingeal an Tighearna nìos e, Thug mi nìos sibh as an Eiphit, agus thug mi steach sibh do'n fhearann a mhionnaich mi d'ur n-aithrichean; agus thubhairt mi, Cha bhris mi mo choimhcheangal ribh gu bràth.

2 Agus cha dean sibh coimhcheangal sam bith ri luchd-àiteachaidh na tire so; tilgidh sibh sìos an altairean: ach cha d'fhug sibh géill do m' ghuth: c'ar son a rinn sibh so?

3 Uime sin mar an ceudna thubhairt mi, Cha'n fhuadaich mi mach iad roimh; ach bithidh iad mar *bhioran* 'n 'ur taobhan, agus bithidh an dèe 'n an ribe dhuibh.

4 Agus an uair a labhair aingeal an Tighearna na briathran sin ri cloinn Israeil uile, thog an sluagh suas an guth, agus ghuil iad.

5 Agus ghairm iad ainm an àite sin Bochim: agus dh'ìobair iad an sin do'n Tighearna.

6 Agus an uair a leig Iosua leis an t-sluagh imeachd, chaidh clann Israeil gach duine d'a oighreachd a ghabhail seilbhe air an fhearann.

7 Agus rinn an sluagh seirbhis do'n Tighearna rè uile làithean Iosua, agus uile làithean nan seanair a mhair beò an dèigh Iosua, a chunnaic uile oibre mòra an Tighearna, a rinn e air son Israeil.

8 Agus fhuair Iosua mac Nuin, òglach an Tighearna, bàs, agus e ceud agus deich bliadhna dh'aois.

9 Agus dh'adhlac iad e ann an crìch 'oighreachd féin, ann an Timnat-heres, ann an sliabh Ephraim, air an taobh mu thuath de sliabh Ghaais.

10 Agus chruinnicheadh mar an ceudna an ginealach sin uile chum an aithrichean: agus dh'éirich ginealach eile suas 'n an dèigh, do nach b'aithean an Tighearna, no na h-oibre a rinn e air son Israeil.

11 Agus rinn clann Israeil ole ann an sealladh an Tighearna, agus rinn iad seirbhis do Bhaalim.

12 Agus thréig iad an Tighearna Dia an aithrichean, a thug a mach iad á tìr na h-Eiphit, agus lean iad diathan eile, de dhiathaibh an t-sluaigh a bha mu'n cuairt orra, agus chrom siad iad féin sìos doibh, agus bhrosnaich iad an Tighearna gu corr-uich.

13 Agus thréig iad an Tighearna, agus rinn iad seirbhis do Bhaal agus do Astarot.

14 Agus las corr-uich an Tighearna an aghaidh Israeil, agus thug e thairis iad do làimh chreachadairean a chreach iad, agus reic e iad do làimh an naimhdean mu'n cuairt, air chor as nach b'urrann iad ni b'fhaide seasamh an làthair an naimhdean.

15 Ge b'e taobh a chaidh iad a mach, bha làmh an Tighearna 'n an aghaidh chum uile, mar a thubhairt an Tighearna, agus mar a mhionnaich an Tighearna dhoibh: agus bha iad ann an teinn ro mhòir.

16 Gidheadh thog an Tighearna suas breitheamhnan, a shaor iad á làimh na muinntir sin a chreach iad.

17 Gidheadh cha'n éisdeadh iad r'am breitheamhaibh, ach chaidh iad le striopachas an dèigh dhiathan eile, agus chrom siad iad féin doibh: phill iad gu grad as an t-slighe anns an d'ìnich an aithrichean, a' toirt géill a dh'aitheantaibh an Tighearna: cha d'rinn iadsan mar sin.

18 Agus an uair a thog an Tighearna suas doibh breitheamhnan, an sin bha 'n Tighearna leis a' bhreitheamh, agus shaor e iad á làimh an naimhdean, rè uile làithean a' bhreitheimh: oir ghabh an Tighearna truas diubh air son an osnaich o làthair na muinntir sin a rinn ainneart orra, agus a shàruich iad.

19 Agus an uair a bha 'm breitheamh marbh, phill iad, agus thruaill siad iad féin

ni's mò na'n aithrichean, ann an leantuinn dhiathan eile, gu seirbhis a dheanamh dhoibh, agus gu cromadh sìos doibh; cha do sguir iad o'n gnìomharaibh féin, no o'n slighe eas-ùmhail.

20 Agus las fearg an Tighearna an aghaidh Israeil; agus thubhairt e, A chionn gu'n do bhris an sluagh so mo choimh-cheangal a dh'àithn mi d'an aithrichibh, agus nach d'éisd iad ri m'ghuth,

21 Cha chuir mise mar an ceudna á so suas duine sam bith a mach rompa, de na cinnich a dh'fhàg Iosua 'n uair a fhuair e bàs;

22 Chum leo-san gu'n dearbh mi Israeil, an gléidh iad slighe an Tighearna, a dh'imcachd innte, mar a ghléidh an aithrichean i, no nach gléidh.

23 Uime sin dh'fhàg an Tighearna na cinnich sin, gun am fuadachadh a mach gu grad; agus cha d'thug e thairis iad do làimh Iosua.

CAIB. III.

1 *Na cinnich a dh'fhàgadh chum clann Israeil a dhearbhadh. 5 Le còmhnuidh a ghabhail nam measg, thairngeadh iad gu h-olc a dheanamh ann an sealladh an Tighearn'.*

ANIS is iad so na cinnich a dh'fhàg an Tighearna a dhearbhadh Israeil leo; (*eadhon a mhead de Israeil do nach b'aithne cogaidhnean Chanaain uile;*

2 A mhàin a chum gu'm b'aithne do ghinealaich chloinn Israeil cogadh iunnsachadh dhoibh, air bheag sam bith dhoibhsan do nach b'aithne a bheag dheth reimhe;)

3 *Eadhon* cùig tighearnan nam Philisteach, agus na Canaanach uile, agus na Sidonach, agus na Hìbhich a bha 'chòmhnuidh ann an sliabh Lebanon, o shliabh Bhaal-hermoìn gu dol a stigh Hamait.

4 Agus bha iad gu Israel a dhearbhadh leo, a dh'aithneachadh an éisdeadh iad ri àitheantaibh an Tighearn', a dh'àithn e 'an aithrichibh le làimh Mhaois.

5 Agus ghabh clann Israeil còmhnuidh am measg nan Canaanach, nan Hiteach, agus nan Amorach, agus nam Peridseach, agus nan Hìbheach, agus nam Iebusach:

6 Agus ghabh iad an nigheanan gu bhi 'n am mnàibh aca, agus thug iad an nigh-eanan féin d'am macaibh-san; agus rinn iad seirbhis d'an diathaibh.

7 Agus rinn clann Israeil olc ann an sùil-ibh an Tighearn', agus dhì-chuimhnich iad an Tighearn an Dia, agus rinn iad seirbhis do Bhaalim, agus do Astarot.

8 Uime sin las fearg an Tighearna an aghaidh Israeil, agus reic e iad do làimh Chusan-risataim rìgh Mhesopotamia: agus rinn clann Israeil seirbhis do Chusan-risataim oched bliadhna.

9 Agus an uair a ghlaodh clann Israeil ris an Tighearn, thog an Tighearn suas fear-saoraidh do chloinn Israeil, a shaor iad,

eadhon Otniel mac Chenais, am bràthair a b'òige bh'aig Caleb.

10 Agus bha spiorad an Tighearna air, agus thug e breth air Israel, agus chaidh e mach a chogadh: agus thug an Tighearn thairis d'a làimh Cusan-risataim rìgh Mhesopotamia; agus bhuadhaich a làmh an aghaidh Chusan-risataim.

11 Agus bha fois aig an tìr rè dhà fhìch-ead bliadhna: agus fhuair Otniel mac Chenais bàs.

12 Agus rinn clann Israeil olc a ris ann an sùilibh an Tighearna: agus neartaich an Tighearn Eglon rìgh Mhoab an aghaidh Israeil, a chionn gu'n d'rinn iad olc ann an sùilibh an Tighearna.

13 Agus chrùinnich e d'a ionnsuidh clann Amoin, agus Amalec, agus chaidh e agus bhuail e Israel, agus shealbhaich iad baile nan craobh-pailme.

14 Agus rinn clann Israeil seirbhis do Eglon rìgh Mhoab oched bliadhna deug.

15 Ach an uair a ghlaodh clann Israeil ris an Tighearn, thog an Tighearn suas doibh fear-saoraidh, Ehud mac Ghera, Beniamineach, duine ciotach: agus leis-san chuir clann Israeil tiodhlac gu h-Eglon rìgh Mhoab.

16 Ach rinn Ehud dha féin claidheamh, aig an robh dà fhaobhar, làmh-choille air fad; agus cheangail se e fo 'eudach, air a shliasaid dheis.

17 Agus thug e 'n tiodhlac gu h-Eglon rìgh Mhoab: agus bha Eglon 'n a dhuime ro reamhar.

18 Agus an uair a chuir e crìoch air an tiodhlac a thoirt seachad, chuir e air falbh an sluagh a ghiulain an tiodhlac.

19 Ach phill e féin a ris o na clach-shloc-aibh a bha làimh ri Gilgal, agus thubhairt e, Tha gnothuch uaigneach agam riut, O a rìgh. Agus thubhairt esan, Bi 'd thosd. Agus chaidh iadsan uile a sheas làimh ris a mach uait.

20 Agus chaidh Ehud a steach d'a ionnsuidh; agus bha e 'n a shuidhe ann an seòmar-sàmhraidh, a bh'aige dha féin a mhàin: agus thubhairt Ehud, Tha teachd-àireachd agam o Dhia a d'ionnsuidh. Agus dh'éirich e suas as a chaithir.

21 Agus chuir Ehud a mach a làmh chli, agus thug e 'n claidheamh o shliasaid dheis, agus shìth e 'n a bhroinn e.

22 Agus chaidh an dorn-chur a stigh mar an ceudna an déigh na lainne, agus dhùin an t-saill air an lainn; oir cha do tharruing e 'n claidheamh as a bhroinn: agus thàinig an salchar a mach.

23 An sin chaidh Ehud a mach troimh 'n fhor-dhorus, agus dhùin e dorsan an t-seòmair air, agus ghlais e iad.

24 'N uair a chaidh e mach, thàinig a sheirbhisich; agus an uair a chunnaic iad, feuch, gu'n robh dorsan an t-seòmair

glaiste, thubhairt iad, Gu cinnteach *tha* e còmhachadh a chos 'n a sheòmar-samhraidh.

25 Agus dh'fheith iad gus an robh nàire orra: agus, feuch, cha d'fhosgail e dorsan an t-seòmair; uime sin ghabh iad iuchair, agus dh'fhosgail siad *iad*: agus, feuch, *bha* 'n tighearn air tuiteam sìos marbh air an talamh.

26 Agus chaidh Ehud as an uair a bha iadsan foamhladh; agus chaidh e seachad air na clach-shlocaibh, agus chaidh e as gu Seirat.

27 Agus an uair a bha e air teachd, shéid e trompaid ann an sliabh Ephraim, agus chaidh clann Israeil sìos maille ris o'n t-sliabh, agus esan rompa.

28 Agus thubhairt e riu, Leanaibh mise; oir thug an Tighearn bheur naimhdean na Moabaich thairis d'ur làimh. Agus chaidh iad sìos 'n a dhéigh, agus ghlac iad àthan Iordain leth ri Moab, agus cha do leig iad duine thairis.

29 Agus mharbh iad de Mhoab 's an àm sin mu thimchioll deich mìle fear, sultnhor uile, agus 'n an daoinibh gaisgeil uile: agus cha deachaidh duine air bith as.

30 Mar sin cheannsaichadh Moab air an là sin fo làimh Israeil. Agus bha fois aig an tìr ceithir fichead bliadhna.

31 Agus 'n a dhéigh-san bha Samgar mac Anait, a mharbh de na Philistich sè ceud fear le luirg-iomain dhamh: agus shaor esan Israel mar an ceudna.

CAIB. IV.

1 *Shaor Deborah agus Barac clann Israeil o Iabin agus o Shisera. 18 Mharbh Iael Sisera.*

AGUS rinn clann Israeil ole a ris ann an sùilbh an Tighearna, 'n uair a bha Ehud marbh.

2 Agus reic an Tighearn iad do làimh Iabin rìgh Chanaain, a rìghich ann an Hasor; agus b'e ceannard a shluaigh Sisera, a bha 'chòmhnuidh ann an Haroset nan cinneach.

3 Agus ghlaodh clann Israeil ris an Tighearn: oir bha naoi ceud carbad iarunn aige; agus rinn e ainneart air cloinn Israeil gu ro mhòr rè fhichead bliadhna.

4 Agus thug Deborah ban-fhàidh, bean Lapidot, breth air Israel 's an àm sin.

5 Agus *bha* i 'chòmhnuidh fo chraoibh-phailme Dheborah, eadar Ramah agus Bet-el, ann an sliabh Ephraim: agus chaidh clann Israeil suas d'a h-ionnsuidh air son breitheanaidh.

6 Agus chuir i *fos*, agus ghairm i Barac, mac Abinoaim, a mach à Cedès-naphtali, agus thubhairt i ris, Nach d'àithn an Tighearn Dia Israeil, *ag ràdh*, Imich, agus tarruing gu sliabh Thabor, agus thoir leat deich mìle fear de chloinn Naphtali, agus de chloinn Sebulun?

7 Agus tairngidh mis' a d'ionnsuidh gu

sruth Chisoin, Sisera ceannard armailte Iabin, le 'charbadaibh, agus a mhòr shluaigh; agus bheir mi thairis e do d' làimh.

8 Agus thubhairt Barac rithe, Ma théid thusa leam, an sin théid mi; ach mur téid thu leam, cha téid.

9 Agus thubhairt i, Gu cinnteach théid mi leat: gidheadh cha bhì 'n turas a ghabhas tu chum do chliù; oir do làimh mnà reicidh an Tighearn Sisera. Agus dh'éirich Deborah, agus chaidh i maille ri Barac gu Cedès.

10 Agus ghairm Barac Sebulun agus Naphtali gu Cedès; agus chaidh e suas d'a chois *le* deich mìle fear: agus chaidh Deborah suas maille ris.

11 A nis sgar Heber an Ceneach, a *bha* de chloinn Hobai, athar-céile Mhaois, e féin o na Cenich, agus shuidhich e a bhùth gu ruig còmharn Shanaim, a *tha* làimh ri Cedès.

12 Agus dh'innis iad do Shisera gu'n deachaidh Barac mac Abinoaim suas gu sliabh Thabor.

13 Agus chruinnich Sisera r'a chéile a charbadaan uile, *cadhion* naoi ceud carbad iarunn, agus an sluaigh uile a *bha* maille ris, o Haroset nan cinneach, gu sruth Chisoin.

14 Agus thubhairt Deborah ri Barac, Eirich; oir *is* e so an là 's an d'thug an Tighearn Sisera thairis do d' làimh: nach 'eil an Tighearn air dol a mach romhad? Agus chaidh Barac sìos o sliabh Thabor, agus deich mìle fear 'n a dhéigh.

15 Agus sgrios an Tighearn Sisera, agus a charbadaan uile, agus a shluaigh uile, le faobhar a' chlaidheimh roinn Bharac: agus theirinn Sisera sìos o 'charbad, agus theich e as d'a chois.

16 Ach lean Barac an déigh nan carbad, agus an déigh an t-sluaigh, gu Haroset nan cinneach: agus thuit sluaigh Shisera uile le faobhar a' chlaidheimh: cha d'fhàgadh uircad as a h-aon *diubh*.

17 Gidheadh theich Sisera d'a chois gu bùth Iael, mnà Hebeir a' Chenich; oir *bha* sìth eadar Iabin rìgh Hasor agus tigh Hebeir a' Chenich.

18 Agus chaidh Iael a mach an coinneamh Shisera, agus thubhairt i ris, Tionndaidh a steach, mo thighearna, tionndaidh a steach a m' ionnsuidhse; na bitheadh cagal ort. Agus an uair a thionndaidh e steach d'a h-ionnsuidh do'n bhùth, chòmhdaich i e le brat.

19 Agus thubhairt e rithe, Thoir dhomh, guidheam ort, beagan nìsge r'a òl, oir tha tart orm: agus dh'fhosgail i searrag bhainne, agus thug i deoch dha, agus chòmhdaich i e.

20 A ris thubhairt e rithe, Seas ann an dorus a' bhùth, agus ma thig duine agus gu'm fedraich e dhìot, agus gu'n abair e,

Am bheil duine sam bith an so? an sin their thusa, Cha-n' eil.

21 An sin ghabh Iael, bean Hebeir, tarrann de'n phàillium, agus ghlac i ord 'n a làimh, agus chaidh i gu samhach a steach d'a ionnsuidh, agus bhuail i 'n tarrann 'n a leth-cheann, agus shàth i 's an talamh i; (oir bha e trom 'n a chodal agus sgith:) agus fhuair e bàs.

22 Agus, feuch, an uair a bha Barae 'an tòir air Sisera, thàinig Iael a mach 'n a choinneamh, agus thubhairt i ris, Thig, agus feuchaidh mise dhuit am fear a tha thu 'g iarraidh. Agus an uair a chaidh e steach d'a bùth, feuch, bha Sisera 'n a huidhe marbh, agus an tarrann 'n a leth-cheann.

23 Mar sin cheannsaich Dia air an là sin Iabin rìgh Chanaain 'am fianuis ehlòinn Isracil.

24 Agus shoirbhich le làimh ehlòinn Isracil, agus bha i trom air Iabin rìgh Chanaain, agus an do chuir iad as do Iabin rìgh Chanaain.

CAIB. V.

Oran Deborah agus Bharae.

AGUS chan Deborah, agus Barac mac Abinoaim, air an là sin, ag ràdh,

2 A chionn gu'n do ghabh Israel diogh-aitas, a chionn gu'n do thairg an sluagh iad féin gu toileach, molaibhse an Tighearn.

3 Eisidibh, a rìghre; thugaibh aire, a cheannarda; canaidh mise, mise féin, do'n Tighearn; canaidh mi do'n Tighearn Dia Isracil.

4 A Tighearna, 'n uair a chaidh thu mach á Scir, 'n uair a shiubhail thu mach á tìr Edoim, chrìochnaich an talamh, agus shìl na néamhan; shìl na neoil mar an ceudna uisge.

5 Leagh na sléibhte an o làthair an Tighearna, Sinai sin féin o làthair an Tighearna Dé Isracil.

6 Am an làithibh Shamgair mhic Anait, am an làithibh Iael, bha na rathaidean mòra gun tathuich, agus dh'ìnich an luchd turuis air rathaiddibh seachranach.

7 Sguir *luchd-àiteachaidh* nam bailtean ann an Israel, sguir iad gus an d'éirich mise Deborah, gus an d'éirich mise a'm mlàthair ann an Isracil.

8 Thagh iad diathan nuadha; an sin bha cogadh anns na geataibh: an robh sgiath no sleagh ri'm faicinn am measg dhà fhichead mhile ann an Israel?

9 Tha mo eiridhe le uachdaranaibh Isracil, a thairg iad féin gu toileach am measg an t-sluaigh. Beannaichibh an Tighearn.

10 Sibhse a tha 'marcachd air asalaibh geala, sibhse a tha 'n ur suidhe 'am breitheanas, agus a' siubhal an ròid, labhraibh.

11 Iadsan a tha air 'an saoradh o fhuaim

nam fear-bogha ann an ionadaibh tarruing an uisge, an sin airisidh iad gnìomharan cothromach an Tighearn, *eadhon* na gnìomharan cothromach a thaobh *luchd-àiteachaidh* a bhailean ann an Israel: an sin thèid sluagh an Tighearna sìos a dh'ionnsuidh nan geatachan.

12 Dùisg, dùisg, a Dheborah; dùisg, dùisg; can òran: éirich, a Bharae, agus thoir do bhruid 'am braighdeanas, thusa a mhic Abinoaim.

13 An sin thug e air-san a mhaireas tigh-earnas a bhi aige air na h-uaislibh am measg an t-sluaigh: thug an Tighearn ormsa tighearnas a bhi agan os eann nan cumhachdach.

14 A h-Ephraim bha freumh dhiubh an aghaidh Amaleic; a'd dhéigh-sa a Bheniamin, am measg do shluaigh: á Machir thàinig a nuas lagh-thabhartairean, agus á Sebulun iadsan a laimhsicheas peann an sgrìobhadair.

15 Agus bha ceannardan Isachair le Deborah, cadhòn Isachair, agus mar an ceudna Barac: do'n ghleann chuireadh esan sìos d'a chois. Air son roinnean Reubein bha smuaintean mòra cridhe.

16 C'ar son a dh'fhuirich thu am measg chrò nan caorach, a chluimtim mèilich nan treud? Air son roinnean Reubein bha smuaintean mòra cridhe.

17 Dh'fhan Gilcad an taobh thall de Iordan: agus c'ar son a dh'fhuirich Dan ann an longaibh? dh'fhan Aser air traigh na fairge, agus 'n a bharnaibh ghabh e còmh-nuidh.

18 Bu shluagh Sebulun agus Naphtali, a chuir an anaman ann an cunnart gu bàs ann an àitibh àrda an fhearainn.

19 Thàinig na rìghrean agus chog iad; an sin chog rìghrean Chanaain ann an Taanach làimh ri uisgibh Mhegido; cha do ghabh iad buannachd air bith airgid.

20 O nèamh chog na reultan; o'n slighibh àrda chog iad an aghaidh Shisera.

21 Sguab sruth Chisoin air falbh iad, an seann sruth sin, sruth Chisoin. O m'anam! shaltair thu sìos neart.

22 An sin bhruthadh ladhran nan each le leumnaich, leumnaich an aona cumhachdach.

23 Mallaichibhse Mcros, (thubhairt aingeal an Tighearna;) mallaichibh gu mòr a luchd-àiteachaidh; a chionn nach d'thàinig iad gu còmh-nadh an Tighearna, gu còmh-nadh an Tighearn' an aghaidh nan cumhachdach.

24 Beannaichte os ceann bhan bithidh Iael bean Hebeir a' Chenich; beannaichte bithidh i os ceann bhan anns a' bhùth.

25 Dh'farr e uisge, thug i dha bainne; ann an soitheach uasal thug i làthair im.

26 Chuir i a làmh ris an tarrainn, a làmh dheas ri ord nan oibrichean: agus leis an

ord bhuail i Sisera; bhuail i a cheann, agus lot i, agus shàth i troimh a leth-cheann.

27 Aig a cosaibh chrom e, thuit e, luidh e sìos: aig a cosaibh chrom e, thuit e; far an do chrom e, an sin thuit e sìos marbh.

28 A mach air uinneig dh'amhaire màthair Shisera, agus ghlaodh i troimh'n chléith, 'Car son a tha 'charbad co fhad a' teachd? 'Car son a tha rothan a charbaid a' deanamh moille?

29 Fhreagair a bain-tighearnan glic i, seadh, thug i freagradh dhi féin.

30 Nach d'fhuair iad, *nach* 'eil iad a' roinn na creiche? maighdean no dhà do gach fear? creach iomadh-dathach do Shisera, creach iomadh-dathach a dh'obair-snàthaide, iomadh-dathach a dh'obair-snàthaide air gach taobh, air son mhuinealan *na muinntir sin* a ghlacas a' chreach?

31 Mar sin rachadh as do d' naimhdibh uile, a Tighearn: ach *bithiadh* iadsan leis an ionmhuinn e mar a'ghrian an uair a théid i mach 'n a neart. Agus bha fois aig an tìr rè dhà fhichead bliadhna.

CAIB. VI.

1 *Air sgàth am peacaidh shàruicheadh clann Israeil le Midian.* 8 *Chuireadh fàidh d'an ionnsuidh a thug achmhasan dhoibh.* 11 *Chuir aingeal an Tighearna Gideon g'an saoradh.*

AGUS rinn clann Israeil ole ann an Tighearn thairis iad do làimh Mhidiain rè sheachd bliadhna.

2 Agus bhuadhaich làimh Mhidiain an aghaidh Israeil: agus air sgàth nam Midianach rinn clann Israeil dhoibh féin na sluic a *tha* 's na beanntaibh, agus na h-uamhan, agus na daingnichean làidir.

3 Agus thachair, an uair a chuir clann Israeil *siol*, gu'n d'fhàinig na Midianaich a nìos, agus na h-Amaleich, agus clann na b' àird' an ear, thàinig eadhon iadsan a nìos 'n an aghaidh;

4 Agus champaich iad 'n an aghaidh, agus mhill iad toradh na talmhainn, gus an tig thu gu Gasa; agus cha d'fhàg iad teachd-an-tìr sam bith do Israeil, aon chuid caora, no bò, no asal.

5 Oir thàinig iad a nìos le'n spréidh, agus an bùthaibh, agus thàinig iad mar na locuist air lìonmhoireachd; *oir* bha 'n dà chuid iad féin agus an càmhalan gun àireamh: agus chaidh iad a steach do'n tìr a chum a mill-eadh.

6 Agus thugadh Israeil gu bochdainn ro mhòir leis na Midianaich; agus ghlaodh clann Israeil ris an Tighearn.

7 Agus an uair a ghlaodh clann Israeil ris an Tighearn air son nam Midianach,

8 Chuir an Tighearn fàidh dh'ionnsuidh chloinn Israeil, agus thubhairt e riu, Mar so tha'n Tighearn Dia Israeil ag ràdh, Thug mi nìos sibh o'n Eiphit, agus thug mi mach sibh a tigh na daorsa;

9 Agus shaor mi sibh à làimh nan Eiphit-each, agus à làimh nan uile a rinn fòirneart oirbh, agus dh'fhuadaich mi mach iad roimh-ibh, agus thug mi dhuibh am fearann:

10 Agus thubhairt mi ribh, *Is* mise an Tighearn bhuir Dia; na bitheadh eagal dhiathan nan Amorach oirbh, muinntir *a tha* sibh a chòmhnuidh 'n am fearann: ach cba d'éisd sibh ri m' ghuth.

11 Agus thàinig aingeal an Tighearn, agus shuidh e fo dharaig a *bha* ann an Ophrah, a *bhuin* do Ioas an t-Abi-esrach: agus *bha* a mhac Gideon a' bualadh arbhair ann an amar-bruthaidh an fhìona, gu 'fhòlach o na Midianaich.

12 Agus dh'fhoillsich aingeal an Tighearna e féin dha, agus thubhairt e ris, *Tha'n* Tighearn maille riut, a dhuine thréin ann an neart.

13 Agus thubhairt Gideon ris, Och mo thighearna, ma tha 'n Tighearn maille ruin, 'car son a thàinig so uile oirn? agus c'ait am bheil a mhòrbhuilean uile a dh'innis ar n-aithrichean dhuinn, ag ràdh, Nach d'thug an Tighearn sinn a nìos o'n Eiphit? ach a nìs thréig an Tighearn sinn, agus thug o thairis sinn do làimh nam Midianach.

14 Agus dh'amhaire an Tighearn air, agus thubhairt e, Imich a'd' neart so, agus saoraidh tu Israel o làimh nam Midianach: nach do chuir mise *uam* thu?

15 Agus thubhairt e ris, Och mo Thighearna, cia leis a shaoras mise Israel? feuch, *tha* mo theaghlach bochd ann am Manasseh, agus *is* mise a's lugha ann an tigh m'athar.

16 Agus thubhairt an Tighearn ris, Gu cinnteach bithidh mise maille riut, agus buaidh tu na Midianaich mar aon duine.

17 Agus thubhairt e ris, Ma fhuair mi nìs deadh-ghèan a'd' shùilb, an sin nochd comharadh dhomh gur tusa *a tha* 'labhairt rium.

18 Na falbh à so, guidheam ort, gus an tig mi a d' ionnsuidh, agus gun toir mi mach mo thiodhlac, agus gu'n cuir mi a'd' làthair e. Agus thubhairt e, Fanaidh mi gus an tig thu a ris.

19 Agus chaidh Gideon a stigh, agus dheasaich e meann de na gabhraibh, agus cphah phlùir 'n a bhreacagaibh neo-ghoirtichte; an fheoil chuir e ann am bascaid, agus an sùgh chuir e ann am poit, agus thug e mach *iad* d'a ionnsuidh fo 'n daraig, agus chuir e 'n a làthair *iad*.

20 Agus thubhairt aingeal Dhé ris, Gabh an fheoil, agus na breacagan neo-ghoirtichte, agus cuir *iad* air a' charraig so, agus taom a mach an sùgh. Agus rinn e mar sin.

21 An sin chuir aingeal an Tighearna mach bàrr a' bhata a *bha* 'n a làimh, agus bhean e ris an fheoil, agus ris na breacagaibh neo-ghoirtichte; agus dh'éirich teine suas as a' charraig, agus loisg e 'n fheoil, agus na

brecagan neo-ghoirtiche. An sin ehaidh aingeal an Tighearn' as a shealladh.

22 Agus an uair a thuing Gideon gu'm *b'e* aingeal an Tighearn' a bh'ann, thubhairt Gideon, Och, a Thighearna Dhé! a chionn gu'm fàg mi aingeal an Tighearn' aghaidh ri h-aghaidh.

23 Agus thubhairt an Tighearn ris, Sith dhuit; na bitheadh eagal ort: cha-n fhaigh thu bàs.

24 Agus thog Gideon altair an sin do'n Tighearn, agus thug e Iehobhah-salom mar ainm oirre: gus an là'n diugh *tha* i fathast ann an Ophrah nan Abi-esrach.

25 Agus air an oidhche sin féin thubhairt an Tighearn ris, Gabh an tarbh òg aig d'athair, agus an dara tarbh a *tha* seachd bliadhna dh'aois, agus tilg sìos altair Bhaail a *th'aig* d'athair, agus gearr sìos an doire a *tha* làmh rithe;

26 Agus tog altair do'n Tighearn do Dhia air mullach na carraige so, ann an ordugh, agus gabh an dara tarbh, agus thoir suas ìobairt-loisgte le fiodh an doire a ghearras tu sìos.

27 An sin ghabh Gideon deichnear dhaoine d'a sheirbhisich, agus rinn e mara thubhairt an Tighearn ris: agus tharladh, a chionn gu'n robh eagal teaghlaich 'athar air, agus dhaoine a' bhaile, air chor as nach b'urraim e 'dheanamh 's an là, gu'n d'rinn e 's an oidhche e.

28 Agus an uair a dh'éirich daoine a' bhaile gu moch anns a' mhaduinn, feuch, bha altair Bhaail air a tilgeadh sìos, agus bha'n doire a *bha* làmh rithe air a ghearradh sìos, agus bha'n dara tarbh air ìobradh air an altair a thogadh.

29 Agus thubhairt iad gach aon r'a chéile, Co a rinn an ni so? agus an uair a dh'fhiosraich agus a rannsaich iad, thubhairt iad, Is e Gideon mac Ioais a rinn an ni so.

30 An sin thubhairt daoine a' bhaile ri Ioas, Thoir a mach do mhac a chum gu'm bàsaich e; a chionn gu'n do thilg e sìos altair Bhaail, agus gu'n do ghearr e sìos an doire a *bha* làmh rithe.

31 Agus thubhairt Ioas rìusan uile a sheas 'n a aghaidh, An tagair sibh air son Bhaail? an saor sibh e? esan a thagras air a shon, cuirear gu bàs e, am feadh is i' mhaduinn *a tha fathast ann*: ma's dia e, tagradh e air a shon féin, a chionn gu'n do thilgeadh sìos 'altair.

32 Uime sin air an là sin féin thug e Ierubaal mar ainm air, ag ràdh, Tagradh Baal 'n a aghaidh, a chionn gu'n do thilg e sìos 'altair.

33 An sin bha na Midianaich uile, agus na h-Amaleich, agus clann na h-àirde 'n ear air cruinnicheadh r'a chéile, agus chaidh iad a null, agus champaich iad ann an gleann Iesrecil.

34 Ach tàinig spiorad an Tighearn' air

Gideon, agus shéid e trompaid, agus ghairm e Abieser 'n a dhéigh.

35 Agus chuir e teachdairean air feadh Mhanaseh uile, a chruinnicheadh mar an ceudna 'n a dhéigh: agus chuir e teachdair-ean gu h-Aser, agus gu Sebulun, agus gu Naphtali; agus thàinig iad a nìos 'n an coim-eamh.

36 Agus thubhairt Gideon ri Dia, Ma shaoras tu Israel le m' làmh-sa, mar a thubhairt thu,

37 Feuch, cuiridh mi lomradh olla air an urlar-bhualaidh; agus ma bhitheas an drùchd air an lomradh a mhàin, agus tiormachd air an talamh uile, an sin bitheadh fios agam gu'n saor thu Israel le m' làmh, mar a thubhairt thu.

38 Agus bha e mar sin: oir dh'éirich e gu moch air an là màireach, agus theann e 'n lomradh cuideachd, agus dh'fhaig e 'n drùchd as an lomradh, làn cuaiche dh'uisge.

39 Agus thubhairt Gideon ri Dia, Na bitheadh do chorruich teth a'm' aghaidh, agus labhraidh mi a mhàin an aon uair so: leig dhomh dearbhadh, guidheam ort, an uair so a mhàin leis an lomradh; bitheadh a nis tiormachd air an lomradh a mhàin, agus air an talamh uile bitheadh drùchd.

40 Agus rinn Dia mar sin air an oidhche sin: agus bha tiormachd air an lomradh a mhàin, agus air an talamh uile bha drùchd.

CAIB. VII.

1 *Armail Ghideoin: 9 Thugadh misneach dha le h-aisling, agus a h-cadar-midneachadh. 16 Ghlacadh Oreb agus Seeb.*

AN SIN dh'éirich Ierubaal, (eadhon Gideon) agus an sluagh uile a *bha* maille ris, suas gu moch, agus champaich iad làmh ri tobar Haroid: agus bha feachd nam Midianach air an taobh mu thuath dhiubh, làmh ri sliabh Mhoreh, anns a' ghleann.

2 Agus thubhairt an Tighearn ri Gideon, *Tha'n* sluagh a *tha* maille riut tuille 's lionmhor gu mise a thoir nam Midianach 'n an làmh, air eagal gu'n deanadh Israel uail a'm' aghaidh, ag ràdh, Shaor mo làmh féin mi.

3 Agus a nis uime sin gairm ann an eluas-aibh an t-sluaigh, ag ràdh, Ge b'e neach air am bheil eagal agus geilt, pilleadh e, agus imichadh e gu moch o sliabh Ghilead. Agus phill de'n t-sluagh dà mhìle thar fhichead, agus dh'fhan deich mìle.

4 Agus thubhairt an Tighearn ri Gideon, *Tha'n* sluagh fathast *tuilleadh* 's lionmhor; thoir sìos iad a dh'ionnsuidh an uisge, agus dearbhaidh mise dhuit iad an sin: agus tarlaidh, ge b'e *fear* mu'n abair mise riut, Thèid am *fear* so maille riut, gu'n téid esan maille riut; agus ge b'e *fear* mu'n abair mi riut, Cha téid am *fear* so maille riut, nach téid esan ann.

5 Mar sin thug e sìos an sluagh a dh'ionn-

suidh an uisge: agus thubhairt an Tighearn ri Gideon, Gach aon a dh'imlicheas an t-uisge le 'theangaidh, mar a dh'imlicheas cù, cuiridh tu esan air leth; mar an ceudna gach aon a chromas sìos air a ghlùinibh a' dh'òl.

6 Agus b'è àireamh na muinntir a dh'imlich, *a' cur* an làimhe r'am beul, tri cheud fear: ach chrom a' chuid eile uile d'è t-sluagh sìos air an glùinibh a dh'òl uisge.

7 Agus thubhairt an Tighearn ri Gideon, Leis an tri cheud fear so a dh'imlich, saoraidh mise sibh, agus bheir mi na Midianaich thairis do d' làimh: agus rachadh am mòr shluagh uile, gach duine d'a àite féin.

8 Agus ghabh an sluagh lòn 'n an làimh, agus an trompaidéan: agus gach fear *eile* de Israel chuir e air falbh, gach aon d'a bhàth, agus ghléidh e an tri cheud fear so. Agus bha sluagh Mhidiain foidhe anns a' ghleamh.

9 Agus air an oidheche sin féin thubhairt an Tighearn ris, Eirich, falbh sìos a dh'ionnsuidh an fheachd, oir thug mise thairis e do d' làimh.

10 Ach ma thaagal ort dol sìos, falbh-sa agus Phurah d'òglach sìos a dh'ionnsuidh an fheachd:

11 Agus chuinnidh tu ciod a their iad; agus 'n a dhéigh sin nertaichear do làmh-an, agus théid thu sìos a dh'ionnsuidh an fheachd. An sin chaidh e sìos maille ri Phurah 'òglach, gu taobh a muigh nan daoine armaichte a *bha* 's an fheachd.

12 Agus bha na Midianaich, agus na h-Amaleich, agus clann na h-àird' an ear uile 'n an luidhe 's a' ghleamh mar na locuist air lionmhoireachd; agus *tha* an camhail gun àireamh, mar a' ghaineamh a *tha* air tràigh na fairge air lionmhoireachd.

13 Agus an uair a thàinig Gideon, feuch, *bha* duine ag innseadh aisinge d'a chompanach, agus thubhairt e, Feuch, chunnaic mi aising, agus, feuch, thàinig breacag a dh'aran eorna car air char a stigh do champ Mhidiain, agus thàinig i gu bùth, agus bluail i e, agus thuit e, agus thilg i bun os ceann e, agus thuit am bùth sìos.

14 Agus fhreagair a chompanach, agus thubhairt e, Cha ni sam bith so ach claidheamh Ghideoin mhic Ioais, duine de Israel: thug Dia thairis d'a làimh-shan Midian, agus an sluagh uile.

15 Agus an uair a chuala Gideon aithris na h-aisinge, agus a h-eadar-mhineachadh, rinn e aoradh; agus phill e gu feachd Israel, agus thubhairt e, Eiribh, oir thug an Tighearn thairis d'ur làimh feachd Mhidiain.

16 Agus roinn e 'n tri cheud fear 'n an tri chuideachdaibh, agus chuir e trompaid ann an làimh gach aoin diubh, maille ri soithicheibh falamh, agus lòchranaibh anns na soithicheibh.

17 Agus thubhairt e riu, Amhaircibh orm-sa, agus deanaibhse mar an ceudna: agus, feuch, an uair a thig mi gu taobh a mach a' chaimp, tarlaidh, mar a ni mise, mar sin gu'n dean sibhse.

18 'N uair a shéideas mise le trompaid, mi féin agus iadsan uile a *tha* maille rium, an sin séidibhse na trompaidéan mar an ceudna mu thimchioll a' chaimp uile, agus abraibh, *Claidheamh* an Tighearna, agus Ghideoin.

19 Mar sin thàinig Gideon agus an ceud fear a *bha* maille ris, gu taobh a mach a' chaimp, ann an toiseach na faire meadhon-aich; agus cha robh iad ach air ùr-shuidh-eachadh na faire: agus shéid iad na trompaidéan, agus bhris iad na soithichean a *bha* 'nan làimh.

20 Agus shéid na tri chuideachdan na trompaidéan, agus bhris iad na soithichean, agus chum iad na lòchrain 'n an làimh ehl, agus na trompaidéan 'n an làimh dheis gu séideadh *leo*: agus ghlaodh iad, Claidheamh an Tighearna, agus Ghideoin.

21 Agus sheas iad gach duine 'n a àite féin mu thimchioll a' chaimp: agus bhriseadh am feachd uile, agus ghlaodh iad, agus theich iad.

22 Agus shéid an tri cheud na trompaidéan, agus chuir an Tighearn claidheamh gach duine an aghaidh a chompanaich, eadhon air feadh an fheachd uile; agus theich an sluagh gu Bet-sitah ann an Sererat, agus gu crìch Abcil-mheholah, làimh ri Tabat.

23 Agus chruinnicheadh fir Israeil r'a chéile a Naphtali, agus á h-Aser, agus á Manaseh uile, agus chaidh iad air tòir nam Midianach.

24 Agus chuir Gideon teachdaircan air feadh sléibh Ephraim uile, ag ràdh, Thigibh a nuas an aghaidh nam Midianach, agus glacaibh rompa na h-uisgeachan gu Bet-barah agus Iordan. An sin chruinnicheadh fir Ephraim uile ri 'chéile, agus ghlac iad na h-uisgeachan gu Bet-barah agus Iordan.

25 Agus ghlac iad dà cheannard nam Midianach, Oreb agus Seeb; agus mharbh iad Oreb air carraig Oreib, agus Seeb, mharbh iad aig amar-bruthaidh fiona Sheeib, agus chaidh iad air tòir Mhidiain, agus thug iad cinn Oreib agus Sheeib gu Gideon air an taobh eile de Iordan.

CAIB. VIII.

1 *Shìothaicheadh fir Ephraim.* 10 *Ghlacadh Sebà agus Salmuna.* 33 *Iodhol-aoradh chloinn Israeil.*

A GUS thubhairt fir Ephraim ris, Ciod é an ni so a rinn thu oirn, naeh do ghairm thu oirn an uair a chaidh thu a chogadh an aghaidh nam Midianach? agus throid iad ris gu geur.

2 Agus thubhairt e riu, Ciod a nis a rinn

mise mar a rinn sibhse? Nach fearr dìogh-
luim fhion-dhearcan Ephraim na fion-
fhoghar Abieseir?

3 Thug Dia thairis d'ur làimh ceannardan
Mhidiain, Oreb agus Seeb: agus ciod a
b'urraim mis' a dheanamh mar a rinn
sibhse? An sin thraoigh an fearg ris, an
uair a thubhairt e sin.

4 Agus thàinig Gideon gu Iordan, agus
chaidh e thairis, e féin, agus an tri cheud
fear a bha maille ris, sgith, gidheadh air an
tòir.

5 Agus thubhairt e ri fir Shucoit, Thug-
aibh, guidheam oirbh, builinnean arain do'n
t-sluagh a tha 'g am leantuinn; oir tha iad
sgith, agus tha mi air tòir Sheba agus
Shalmuna, righrean Mhidiain.

6 Agus thubhairt ceannardan Shucoit,
Am bheil làmhnan Sheba agus Shalmuna nis
ann ad làimh, gu'n tugamaid aran do d'
armailt?

7 Agus thubhairt Gideon, Uime sin an
uair a bheir an Tighearn Seba agus Sal-
muna thairis do m' làimh, an sin reubaidh
mi bhur feoil le sgiathach an fhàsaich, agus
le drisibh.

8 Agus chaidh e suas á sin gu Penueil,
agus labhair e ruisan air a' mhodh cheud-
na: agus fhreagair daoine Phenueil e, mar
a fhreagair daoine Shucoit.

9 Agus labhair e cuideachd ri daoineibh
Phenueil, ag ràdh, 'N uair a thig mi a ris
ann an sìth, brisidh mi sìos an tùr so.

10 A nis bha Seba agus Salmuna ann an
Carcor, agus an slòigh maille riu, mu thim-
chioll cuig mìle deug fear, an t-iomlan a
dh'fhàgadh de shlòigh cloinne na h-àird' an
ear uile: oir thuit ceud agus fichead mìle
fear a tharruing claidheamh.

11 Agus chaidh Gideon suas air slighe na
muinntir a tha 'n an còmhnuidh ann am
bùthaibh, air an làimh an ear de Nobah,
agus de Iogbehah, agus bhual e 'n sluagh:
oir bha 'n sluagh gun umhail.

12 Agus an uair a theich Seba agus Sal-
muna, chaidh e air an tòir, agus ghlac e dà
rìgh Mhidiain, Seba agus Salmuna, agus
chuir e geilt air an t-sluagh uile.

13 Agus phill Gideon mac Ioais o'n chath
roimh éirigh na gréine,

14 Agus ghlac e òig-fhear de dhaoineibh
Shucoit, agus dh'fhiosraich e dheth: agus
sgriobh e dha ainmean cheannardan Shu-
coit, agus a sheanairean, tri fichead agus
seachd fir dheug.

15 Agus thàinig e gu fir Shucoit, agus thu-
bhairt e, Feuchaibh, Seba agus Salmuna a
thilg sibh suas orm, ag ràdh, Am bheil
làmhnan Sheba agus Shalmuna nis a'd'
làimh, gu'n tugamaid aran do d' dhaoineibh a
tha sgith?

16 Agus ghlac e seanairean a' bhaile, agus
ghabh e sgiathach an fhàsaich, agus drisean,
agus leo so reub e fir Shucoit.

17 Agus leag e sìos tùr Phenueil, agus
mharbh e fir a' bhaile.

18 An sin thubhairt e ri Seba agus ri Sal-
muna, Ciod a' ghnè dhaoine a mharbh sibh
ann an Tabor? Agus fhreagair iad, Mar a
tha thusa, is amhuil a bha iadsan; gach aon
cosmhuiil ri cloinn rìgh.

19 Agus thubhairt e, B'iad sin mo
bhràithrean-sa, mic mo mhàthar: mar is
bed an Tighearn, nan gleidheadh sibh bed
iadsan, cha mharbhainn sibhse.

20 Agus thubhairt e ri Ieter a cheud-
ghin, Éirich, marbhl iad: ach cha do tharruing
an t-òganach a chladheamh; oir bha eagal
air, a chionn gu'n robh e fathast 'n a ògan-
ach.

21 An sin thubhairt Seba agus Salmuna,
Éirich féin, agus buail oirm: oir mar an
duine, tha a neart. Agus dh'éirich Gideon,
agus mharbh e Seba agus Salmuna, agus
thug e leis na h-usgràichean a bh'air amh-
aichean an càmhalan.

22 An sin thubhairt fir Israeil ri Gideon,
Bi-sa a'd' uachdaran oirm, thu féin, agus
do mhac, agus mac do mhic mar an ceudna;
oir shaor thu sinn á làimh Mhidiain.

23 Agus thubhairt Gideon riu, Cha bhi
mis' a'm' uachdaran oirbh, ni mò a bhitheas
mo mhac 'n a uachdaran oirbh: bitheadh an
Tighearn 'n a uachdaran oirbh.

24 Agus thubhairt Gideon riu, Dh'iarraim
aon atheluinge oirbh, gu'n tugadh gach
duine dhìbh cluas-fhàinnean a chreiche
dhomh: (oir bha cluas-fhàinnean òir aca, a
chionn gu'm b' Ismaelich iad.)

25 Agus fhreagair iad, Bheir sinne gu
toileach dhuit iad. Agus sgaoil iad eudach,
agus thilg iad an sin, gach duine cluas-
fhàinnean a chreiche.

26 Agus b'e cothrom nan cluas-fhàinnean
òir a dh'iarr e mìle agus seachd ceud secl
òir, a thuilleadh air usgràichibh, agus clui-
geinibh, agus eudach corcuir a bh'air rìgh-
ribh Mhidiain, agus a thuilleadh air na
slabhraidhibh a bh'air amhaichean an càmh-
alan.

27 Agus rinn Gideon ephod dheth, agus
chuir e i 'n a bhaile féin, eadhon ann an
Ophrah; agus chaidh Israeil uile an sin le
striopachas 'n a déigh; agus rinneadh sin
'n a ribe do Ghideon agus d'a thigh.

28 Mar so chloisnaicheadh Midian roimh
chloinn Israeil, agus cha do thog iad an
ceann tuilleadh: agus bha fois aig an tìr rè
dhà fhichead bliadhna ann an làithibh Ghi-
deoin.

29 Agus chaidh Ierubaal mac Ioais, agus
ghabh e còmhnuidh 'n a thigh féin.

30 Agus bha aig Gideon deichnear agus
tri fichead mac a thàinig o 'leasraidh féin;
oir bha mòran bhan aige.

31 Agus a choimhleabach a bha ann an
Sechem, rug ise mar an ceudna mac dha,
air an d'thug e Abimelech mar ainm.

32 Agus fhuaire Gideon mac Ioais bàs ann an deadh shean aois, agus dh'adhlacadh e ann an uaigh Ioais 'athar, ann an Ophrah nan Abiesrach.

33 Agus co luath 's a fhuaire Gideon bàs, phill clann Israeil a ris, agus chaidh iad le striopachas an déigh Bhaalim, agus rinn iad Baal-berit 'n a dhia dhoibh féin.

34 Agus cha do chuimhnich clann Israeil an Tighearn an Dia, a shaor iad à làimh an naimhdean uile air gach taobh:

35 Nì mò a nochd iad caoinhneas do thigh Ierubaail, *eadhon* Ghideoin, a réir a' mhaith-eis sin uile a nochd e do Israel.

CAIB. IX.

1 *Rinneadh Abimelech 'n a rìgh. 7 Thug Iotam, le cosmahlachd, acmhasan do mhaithhean Shecheim, agus roinnh-innis e an sgrìos.*

AGUS chaidh Abimelech mac Ierubaail do Shechem, gu bràithribh a mhàthar, agus labhair e riu, agus ri teaghlach tighe 'athar a mhàthar uile, ag ràdh,

2 Labhraibh, guidheam oirbh, ann an cluasaibh mhaithhean Shecheim uile, Co dhiubh is fear dhuibh trì fichead agus deichnear fhear (*eadhon* mic Ierubaail uile) a bhi 'n an uachdaran oirbh, no aon fhear a bhi 'n a uachdaran oirbh? cuimhnichibh mar an ceudna gur mise bhur cnàmh agus bhur feoil.

3 Agus labhair bràithrean a mhàthar uime ann an cluasaibh mhaithhean Shecheim uile na briathran sin uile: agus dh'aom an cridheachan an déigh Abimelech; oir thubhairt iad, *Is e ar bràthar e.*

4 Agus thug iad dha trì fichead agus deich *buinn* airgid à tigh Bhaail-bherit; leis an do thuarasdalaich Abimelech daoine faoin agus eutrom, a lean e.

5 Agus chaidh e gu tigh 'athar ann an Ophrah, agus mharb e a bhràithrean, mic Ierubaail, *eadhon* deichnear agus trì fichead fear, air aon chloich: gidheadh, dh'fhàg-adh Iotam am mac a b'òige aig Ierubaal; oir dh'fhòlaich se e féin.

6 Agus chruinnich maithean Shecheim uile r'a chéile, agus tigh Mhilo uile, agus chaidh iad agus rinn iad Abimelech 'n a rìgh, làimh ri còmhuard a' charraigh a bha ann an Sechem.

7 Agus an uair a dh'innis iad *so* do Iotam, chaidh e agus sheas e air mullach sléibh Gheridsim, agus thog e suas a ghuth, agus ghlaodh e, agus thubhairt e riu, Eisdibh riumsa, sibhse a mhaithhean Shecheim, a chum gu'n éisd Dia ribhse.

8 Chaidh na craobhan a mach *air òm òraidh* a dh'ungadh rìgh os an ceann féin, agus thubhairt iad ris a' chrann-olaidh, Bìsa a'd' rìgh oirn.

9 Ach thubhairt an crann-olaidh riu, Am fàgaimse mo reamhrachd, leis am bheil iad leam-sa 'toirt urrainn do Dhia agus do dhuine, agus an rachainn gu bhi air m'ardachadh os ceann nan craobh?

10 Agus thubhairt na craobhan ris a' chrann-flùge, Thig-sa, *agus* bi d' rìgh oirn.

11 Ach thubhairt an crann-flùge riu, Am fàgaimse mo mhilleseachd, agus mo dheadh mheas, agus an rachainn gu bhi air m'ardachadh os ceann nan craobh?

12 Agus thubhairt na craobhan ris an fhionain, Thig-sa, *agus* bi d' rìgh oirn.

13 Agus thubhairt an fhionain riu, Am fàgaimse m'fhion, a tha 'toirt subhachais do Dhia agus do dhuine, agus an rachainn gu bhi air m'ardachadh os ceann nan craobh?

14 An sin thubhairt na craobhan uile ris an dris, Thig-sa, *agus* bi d' rìgh oirn.

15 Agus thubhairt an dris ris na craobhan, Ma's e is da rìreadh gu'n ung sibh mise a'm' rìgh oirbh, thigibh, cuiribh bhur dòchas a'm' sgaile-sa: agus mur *dean sibh so*, thig-eadh teine mach as an dris, agus loisgeadh e seudair Lebanon.

16 A nis uime sin, ma rinn sibh gu firinneach agus gu tréibhdhireach an uair a rinn sibh Abimelech 'n a rìgh, agus ma bhuin sibh gu maith ri Ierubaal agus r'a thigh, agus ma rinn sibh ris a réir toillteanais a làmh;

17 (Oir chog m'athair-sa air bhur son, agus chuir e 'anain ann an cumart mòr, agus shaor e sibh à làimh Mhidai;)

18 Agus tha sibh air éirigh suas an aghaidh tighe m'athar-sa an diugh, agus mharbh sibh a mhic, trì fichead agus deichnear fhear, air aon chloich, agus rinn sibh Abimelech, mac a bhanoglaich, 'n a rìgh os ceann mhaithhean Shecheim, a chionn gur e bhur bràthar e:)

19 Uime sin ma bhuin sibh gu firinneach agus gu tréibhdhireach ri Ierubaal agus r'a thigh an diugh, deanaibh gairdeachas ann an Abimelech, agus deanadh esan mar an ceudna gairdeachas annaibhse:

20 Ach mur *do rinn sibh mar sin*, thig-eadh teine a mach o Abimelech, agus loisgeadh e maithean Shecheim, agus tigh Mhilo; agus thigeadh teine a mach o mhaithibh Shecheim, agus o thigh Mhilo, agus loisgeadh e Abimelech.

21 Agus ruith Iotam air faibh, agus theich e, agus chaidh e gu Beer, agus ghabh e còmhnuidh an sin, air eagal Abimelech a bhràthar.

22 Agus rìghich Abimelech trì bliadhna air Israel,

23 Agus chuir Dia droch sporad eadar Abimelech agus maithean Shecheim; agus bhuin maithean Shecheim gu fealltach ri Abimelech:

24 A chum gu'n tigeadh an t-ainneart a rinneadh air deichnear agus trì fichead mae Ierubaail, agus gu'n luidheadh am fuil air Abimelech am bràthar, a mharbh iad; agus air maithibh Shecheim, a neartaich a làmh ann am marbhadh a bhràithrean.

25 Agus chuir maithean Shecheim luchd

feall-fholach air a shon air mullaieibh nam beann, agus rinn iad reubainn air gach neach a chaidh seachad orra 's an t-slighe sin; agus dh'innseadh sin do Abimelech.

26 Agus thàinig Gaal mac Ebeid agus a bhràithrean, agus chaidh iad thairis gu Sechem: agus chuir maithlean Shecheim an dòchas ann.

27 Agus chaidh iad a mach do'n fhearann, agus chluinnidh iad toradh an fion-lìosan, agus bhrùth iad na fion-dhearcan, agus rinn iad gairdeachas, agus chaidh iad a steach do thigh an dé, agus dh'ith agus dh'òl iad, agus mhallach iad Abimelech.

28 Agus thubhairt Gaal mac Ebeid, Cò e Abimelech, agus cò e Sechem, gu'n deana- maidne seirbhis da? nach e mac Ierubaail e, agus Sebul ceannard a shlòigh? deanaibh seirbhis do dhaoineibh Hamoir athar Shecheim; oir c'ar son a dheanamaid seirbhis dhasan?

29 Agus b'e mo ghuidhe gu'n tugtadh an sluagh so do m'lainn-sa! an sin dh'athar- aichinn Abimelech. Agus thubhairt e ri Abimelech, Meudaich d'armailt, agus thig a mach.

30 Agus an uair a chuala Sebul, uachdaran a' bhaile, briathran Ghaail mhic Ebeid, las a chorruich.

31 Agus chuir e teachdairean gu Abimelech os ìosal, ag ràdh, Feuch, thàinig Gaal mac Ebeid, agus a bhràithrean, do Shechem; agus, feuch, *tha* iad a' teannachadh a' bhaile a'd' aghaidh.

32 A nis uime sin éirich suas 's an oidhche, thu féin agus an sluagh a *tha* maille riut, agus dean feall-fholach anns an fhear- ann:

33 Agus anns a' mhaduinn mu éirigh na gréine, éiridh tu gu moch, agus bheir thu ionnsuidh air a' bhaile: agus, feuch, 'n uair a thig e féin agus an sluagh a *tha* maille ris a mach a'd' aghaidh, an sin ni thu orra mar a bhitheas a'd' chomas.

34 Agus dh'éirich Abimelech suas, agus an sluagh uile a *bha* maille ris, 's an oidhche, agus rinn iad feall-fholach an aghaidh Shecheim, 'n an ceithir chuideachdaibh.

35 Agus chaidh Gaal mac Ebeid a mach, agus sheas e ann an dol a stigh geata a' bhaile. Agus dh'éirich Abimelech, agus an sluagh a *bha* maille ris, o'n fheall-fholach.

36 Agus an uair a chunnaic Gaal an sluagh, thubhairt e ri Sebul, Feuch, *tha* sluagh a' teachd a nuas o'mhullach nam beann. Agus thubhairt Sebul ris, *Tha* thu 'faicinn sgàile nam beann mar dhaoine.

37 Agus labhair Gaal a ris, agus thubhairt e, Feuch, *tha* sluagh a' teachd a nuas o'mheadhon na tìre, agus *tha* euideachd eile a' teachd air an aghaidh rathad còmhnaid Mhehonenim.

38 An sir thubhairt Sebul ris, C'ait a nis

am bheil do bheul, leis an dubhairt thu, Cò e Abimelech, gu'n deanamaid seirbhis da? nach e so an sluagh air an d'rinn thu tàir? falbh a mach, guidheam ort a nis, agus eog riu.

39 Agus chaidh Gaal a mach roimh mhaithlean Shecheim, agus chog e ri Abimelech.

40 Agus chuir Abimelech an ruaig air, agus theich e roimhe; agus thuit mòran a chaidh 'leònadh, *eadhon* gu ruig dol a stigh a' gheata.

41 Agus ghabh Abimelech còmhnuidh ann an Arumah: agus dh'fhuadaich Sebul a mach Gaal agus a bhràithrean, a chum nach gabhadh iad còmhnuidh ann an Sechem.

42 Agus air an là màireach chaidh an sluagh a mach do'n mhachair; agus dh'innis iad sin do Abimelech.

43 Agus ghabh e'n sluagh, agus roinn e iad 'n an trì chuideachdaibh, agus rinn e feall-fholach 's a' mhachair, agus dh'amhairc e, agus, feuch, *bha* 'n sluagh air dol a mach as a' bhaile; agus dh'éirich e 'n an aghaidh, agus bhuail e iad.

44 Agus thug Abimelech agus a' chuideachd a *bha* maille ris ionnsuidh, agus sheas iad ann an dol a stigh geata a' bhaile; agus thug an dà chuideachd *eile* ionnsuidh orrasan uile a *bha* 's a' mhachair, agus bhuail siad iad.

45 Agus chog Abimelech an aghaidh a' bhaile rè an là sin; agus ghlaic e 'm baile, agus mharbh e'n sluagh a *bha* ann, agus leag e sìos am baile, agus chuir e lc salann e.

46 Agus an uair a chual' uile mhuinntir tùir Shecheim sin, chaidh iad a steach do dhaingneach tìghe an dé Bherit.

47 Agus dh'innseadh do Abimelech, gu'n robh uile mhuinntir tùir Shecheim air cruinneachadh r'a chèile.

48 Agus chaidh Abimelech suas gu sliabh Shalmoim, e féin agus an sluagh uile a *bha* maille ris; agus ghlaic Abimelech tuagh 'n a làimh, agus ghearr e sìos geug o na eraobhan, agus ghabh e i, agus chuir e air a ghualainn i, agus thubhairt e ris an t-sluagh a *bha* maille ris, An ni a chunnaic sibh mise a' deanamh, greasaibh, deanaibh mar a rinn mise.

49 Agus ghearr mar an ceudna an sluagh uile sìos gach duine a gheug, agus lean iad Abimelech, agus chuir iad ris an daingneach iad, agus chuir iad an daingneach ri theine orra: mar sin fhuair daoine tùir Shecheim bàs uile mar an ceudna, mu thimchioll mìle fear agus bean.

50 An sin chaidh Abimelech gu Tobes agus champaich e 'n aghaidh Thebeis, agus ghlaic se e.

51 Ach bha tìr làidir ann am meadhon a' bhaile, agus gu sin theich na fir agus na mnathan uile, agus muinntir a' bhaile uile,

agus dhùin iad orra féin e, agus chaidh iad suas air mullach an tùir.

52 Agus thàinig Abimelech gu ruig an tùr, agus chog e 'n a aghaidh, agus dh'fùth- aich e ri dorus an tùir a chum a losgadh le teine.

53 Agus thilg bean àraidh mìr de chloich- mhullinn air ceann Abimeleich, agus bhris i a chlaiginn.

54 An sin ghairm e gu luath air an ògan- ach a bha 'g iomchar 'arm, agus thubhairt e ris, Tarruing do chlaidheamh, agus marbh mi, air eagal gu'n abair iad umam, Mharbh bean e. Agus shàth an t-òganach aige troimhe e, agus fhuair e bàs.

55 Agus an uair a chunnaic fir Israeil gu'n d'fhuair Abimelech bàs, dh'imich iad gach fear d'a àite féin.

56 Agus dhiol Dia olc Abimeleich, a rinn e air 'athair, le 'thri fichead agus a dheichnear bhraithrean a mharbhadh.

57 Agus uile olc dhaoine Shechein dhiol Dia air an ceann féin: agus thàinig orra mallachadh Iotaim mhic Ierubaail.

CAIB. X.

1 *Thug Tola breth air Israel. 7 Rinn na Philistich agus na h-Amoraich fòirneart air Israel. 10 Dh'aicidh iad am peacadh; 15 ghabh iad aithreachas, agus shaor Dia iad.*

A GUS dh'éirich an dèigh Abimeleich, a shaoradh Israeil, Tola mac Phuah, mhic Dhodo, duine de Isachar; agus bha e 'chòmhnuidh ann an Samir, ann an sliabh Ephraim.

2 Agus thug e breth air Israel trì bliadhna fichead: agus fhuair e bàs, agus dh'adh- laicheadh e ann an Samir.

3 Agus 'n a dhéigh-san dh'éirich Iair, Gileadach, agus thug e breth air Israel dà bhliadhna thar fhichead.

4 Agus bha deich thar fhichead mac aige, a mharcaich air deich thar fhichead asal òg; agus bha deich thar fhichead baile aca, air an d'thugadh Habbot-iair mar ainm gu ruig an là'n diugh, a tha ann an tìr Gk'lead.

5 Agus fhuair Iair bàs, agus dh'adhlaic- eadh e ann an Camon.

6 Agus rinn clann Israeil a rìs olc aun an sùilbh an Tighearn, agus rinn iad seirbhis do Bhaalim, agus do Astarot, agus do dhiathaibh Shiria, agus do dhiathaibh Shidoin, agus do dhiathaibh Mhoais, agus do dhiathabh chloinn Amoin, agus do dhiath- aibh nam Philisteach; agus thréig iad an Tighearn, agus cha d'rinn iad seirbhis dha.

7 Agus las fearg an Tighearna an aghaidh Israeil, agus thug e thairis iad do làimh nam Philisteach, agus do làimh chloinn Amoin.

8 Agus chlaoidh agus rinn iad fòirneart air cloinn Israeil anns an àm sin rè ochd bliadhna deug, air cloinn Israeil uile a bh'air an taobh eile de Iordan, ann an tìr nan Amorach, a tha ann an Gilead.

9 Agus chaidh clann Amoin thar Iordan a chogadh mar an ceudna an aghaidh Iudah, agus an aghaidh Bheniamin, agus an aghaidh tighe Ephraim; agus bha Israel ann an teanntachd ro mhòir.

10 Agus ghlaodh clann Israeil ris an Tigh- earn, ag ràdh, Pheacaich sinn a'd' aghaidh, an dà chuid a chionn gu'n do thréig sinn ar Dia, agus gu'n d'rinn sinn seirbhis do Bhaalim.

11 Agus thubhairt an Tighearn ri cloinn Israeil, Nach do shaor mise sibh o na h-Eiphitich, agus o na h-Amoraich, o chloinn Amoin, agus o na Philistich?

12 Rinn mar an ceudna na Sidonaich, agus na h-Amaleich, agus na Maonaich fòirneart oirbh, agus ghlaodh sibh riumsa, agus shaor mi sibh as an làimh.

13 Gidheadh thréig sibh mi, agus rinn sibh seirbhis do dhiathaibh eile: uime sin cha saor mi sibh ni's mò.

14 Rachaibh agus gairmibh air na diath- aibh a ròghnuicidh sibh: saoradh iad sibh ann an àm bhuir teanntachd.

15 Agus thubhairt clann Israeil ris an Tighearn, Pheacaich sinn; dean-sa ruinn a réir gach ni a tha maith a'd' shùilbh; a mha'n saor sinn, guidheamaid ort, air an là'n diugh.

16 Agus chuir iad air falbh na diathach coimheach as am measg, agus rinn iad seir- bhis do'n Tighearn: agus bha doilgheas air 'anam air son truaighe Israeil.

17 An sin ghairmeadh clann Amoin cuid- eachd, agus champaich iad ann an Gilead: agus chruinnich clann Israeil iad féin an ceann a chéile, agus champaich iad ann am Mispel.

18 Agus thubhairt an comhchruinneach- adh, uachdaran Ghilead, gach aon ri 'chéile, Co am fear sin a thòisicheas ri cogadh an aghaidh chloinn Amoin? bithidh esan 'n a cheann air uile luchd-àiteachaidh Ghilead.

CAIB. XI.

1 *Coimhcheangal Iephtah ri seanairibh Ghilead: 29 a bhòid; 34 choimhlion e a bhòid air a nighinn.*

A NIS bha Iephtah an Gileadach treun ann an neart, agus bu mhac striopaich e: agus ghin Gilead Iephtah.

2 Agus rug bean Ghilead mic dha; agus dh'fhas mic a mhna suas, agus thilg iad a mach Iephtah, agus thubhairt iad ris, Cha'n fhaigh thu oighreachd ann an tigh ar n-athar-ne, oir is mac mnà coimhich thu.

3 An sin theich Iephtah o 'bhraithribh, agus ghabh e còmhnuidh ann an tìr Thoibh: agus chruinnicheadh daoine faoin gu Iephtah, agus chaidh iad a mach maille ris.

4 Agus an ceann làithean àraidh, chog clanu Amoin ri h-Israel.

5 Agus an uair a chog clann Amoin ri h-Israel, chaidh seanairean Ghilead a thoirt Iephtah á tìr Thoibh:

6 Agus thubhairt iad ri Iephtah, Thig agus bi' a'd' cheamard oirnn, agus cogaidh sinn an aghaidh chloinn Amoin.

7 Agus thubhairt Iephtah ri seanairibh Ghilead, Nach d'fhuathaich sibh mi, agus nach do thilg sibh a mach mi á tigh m'athar? agus c'ar son a thàinig sibh a m'ionnsuidh a nis, an uair a tha sibh ann an teanntachd?

8 Agus thubhairt seanaircan Ghilead ri Iephtah, Uime sin phill sinn a nis a d'ionnsuidh, a chum gu'n tèid thu maille ruinn, agus gu'n cog thu 'n aghaidh chloinn Amoin, agus gu'm bi thu a'd' cheann oirnn, *eadhon* air uile luchd-àiteachaidh Ghilead.

9 Agus thubhairt Iephtah ri seanairibh Ghilead, Ma bheir sibh air m'ais mi a chogadh an aghaidh chloinn Amoin, agus gu'n toir an Tighearn thairis iad a'm fhianuis, am bi mise a'm' cheann oirbh?

10 Agus thubhairt seanaircan Ghilead ri Iephtah, Bitheadh an Tighearn 'n a fhianuis eadar ruinn, gu'n dean sinne mar sin, a réir d'fhocail.

11 Agus chaidh Iephtah maille ri seanairibh Ghilead, agus rinn an sluagh e 'n a cheann orra, agus 'n a cheamard. Agus labhair Iephtah a bhriathran uile an làthair an Tighearna ann am Misphe.

12 Agus chuir Iephtah teachdairean a dh'ionnsuidh rìgh chloinn Amoin, ag ràdh, Cìod e do ghnothuch-sa rium-sa, gu'n d'thàinig thu a'm' aghaidh a chogadh ann am thùr?

13 Agus thubhairt rìgh chloinn Amoin ri teachdairibh Iephtah, A chionn g'un do ghìlac Israel m'fhearann an nair a thàinig iad a nìos as an Eiphit, o Arnon gu ruig Iaboc, agus gu ruig Iordan: a nis uime sin thoir thusa air ais e ann an sìth.

14 Agus chuir Iephtah a ris teachdairean a dh'ionnsuidh rìgh chloinn Amoin,

15 Agus thubhairt e ris, Mar so tha Iephtah ag ràdh, Cha do ghìlac Israel fearann Mhoab, no fearann chloinn Amoin:

16 Ach an uair a thàinig Israel a nìos as an Eiphit, agus a ghlnais iad troimh 'n fhàsach gu ruig a' mhuir ruadh, agus a thàinig iad gu Cades;

7 An sin chuir Israel teachdairean gu rìgh Edoim, ag ràdh, Leig dhuinn, guidheamaid ort, dol troimh d'fhearann: ach cha-n éisdeadh rìgh Edoim. Agus mar an ceudna chuir iad teachdairean gu rìgh Mhoab: ach cha d'aontaich e: agus dh'fhan Israel ann an Cades.

18 An sin ghluais iad troimh 'n fhàsach, agus chuairtich iad tir Edoim, agus tìr Mhoab, agus thàinig iad o thaobh na h-àirde 'n ear de thìr Mhoab, agus champaich iad air an taobh cile de Arnon, ach cha d'thàinig iad an taobh a stigh de chrìch Mhoab; oir b'e Arnon crìoch Mhoab.

19 Agus chuir Israel teachdairean gu Sihon rìgh nan Amorach, rìgh Hesboim;

agus thubhairt Israel ris, Leig dhuinn, guidheamaid ort, gabhail troimh d'fhearann do'r n-àite féin.

20 Ach cha d'earb Sihon ri h-Israel gabhail troimh a chrìch: ach chruinnich Sihon a shluagh uile cuideachd, agus champaich iad ann an Iahas; agus chog e ri h-Israel.

21 Agus thug an Tighearn Dia Israel Sihon agus a shluagh uile thairis do làimh Israel, agus bh'nail siad iad: agus shealbhaich Israel uile fhearann nan Amorach, luchd-àiteachaidh na tìre sin.

22 Agus shealbhaich iad uile chrìochan nan Amorach, o Arnon gu ruig Iaboc, agus o'n fhàsach gu ruig Iordan.

23 Agus a nis thilg an Tighearn Dia Israel a mach na h-Amoraich á fianuis a shìl naigh Israel, agus am bu chòir dhuitse dol 'n an seilbh-san?

24 An ni sin a bheir do dhia Chemos dhuit r'a shealbhadh, nach sealbhaich thusa e? agus ge b'e neach a thilg an Tighearn ar Dia-ne mach romhainn, 'n a sheilbh-san thèid sinne.

25 Agus a nis an bheil thusa nìs fearr na Balac, mac Shipoir, rìgh Mhoab? an d' rinn esan riamh strì ri h-Israel, agus an do chog e riamh 'n an aghaidh,

26 'N uair a ghabh Israel còmhinnidh ann an Hesbon agus 'n a bhailtibh, agus ann an Aroer agus 'n a bhailtibh, agus anns na bailtibh uile a tha làimh ri Arnon, rè thri ceud bliadhna? agus c'ar son nach do bhinn sibh air an ais iad anns an àm sin?

27 Uime sin cha do pheacaich mise a'd' aghaidh, ach tha thusa a' deanamh encoir ormsa le cogadh a'm' aghaidh: tugadh an Tighearn ann Breitheamh breth an dingh eadar clann Israel agus clann Amoin.

28 Gidheadh cha d'èisd rìgh chloinn Amoin ri briathraibh Iephtah, a chuir e d'a ionnsuidh.

29 Agus thàinig spiorad an Tighearna air Iephtah; agus chaidh e thairis gu Gilead agus Manaseh, agus o sin chaidh e thairis gu Misphe Ghilead, agus o Mhispeh Ghilead chaidh e thairis gu cloinn Amoin.

30 Agus bhòidich Iephtah bòid do'n Tighearn, agus thubhairt e, Ma bheir thu gu cinnteach clann Amoin thairis do m' làimh,

31 An sin tarlaidh, ge b'e nì a thig a mach á dorsaibh mo thighe a'm' choimeamh, 'n uair a philleas mi ann an sìth o chloinn Amoin, gu cinnteach gur leis an Tighearn e, agus iobraidh mi e dha 'n a iobairt-loisgte.

32 Agus chaidh Iephtah thairis gu cloinn Amoin a chogadh 'n an aghaidh; agus thug an Tighearn thairis iad d'a làimh.

33 Agus bhual e iad o Aroer, eadhon gns an tig thu gu Minit, sìhead bailc, agus gu còmharrd nam fion-lìos, le àr ro mhòr. Mar so dh'ìrìoslaichadh clann Amoin 'an fianuis chloinn Israel.

34 Agus thàinig Iephtah gu Misphe d'a

thigh, agus, feuch, thàinig a nighean a mach 'n a choinneamh le tiompanaibh agus le dannsaibh, agus *b'i* 'aon leanabh cloinne i: cha robh aige mac no nighean ach i.

35 Agus an uair a chunnaic e i, reub e 'eudach, agus thubhairt e, Och, mo nighean! is ro ìosal a leag thu mi, agus is aon thu dhiubh-san a ta 'g am chlaoidh: oir dh'fhosgail mi mo bheul do'n Tighearn, agus cha-n fheud mi dol air m'ais.

36 Agus thubhairt ise ris, Athair, *ma* dh'fhosgail thu do bheul do'n Tighearn, dean riumsa a réir an nì a thàinig a mach as do bheul, o rinn an Tighearn dìoghaltas air do shonsa air do naimhdbh, *eadhon* air cloinn Amoin.

37 Agus thubhairt i r'a h-athair, Deanar an nì so air mo shonsa: Leigear leam dà mhìos, a chum gu'n imich mi suas agus sìos air na beanntaibh, agus gu'n dean mi caoidh air son m'òigheachd, mi féin agus mo bhan-chompanaich.

38 Agus thubhairt e, Imich. Agus leig e air falbh i *rè* dà mhìos: agus chaidh i maille r'a ban-chompanachaibh, agus rinn i caoidh air son a h-òigheachd air na beanntaibh.

39 Agus an ceann dà mhìos, phill i dh'ionnsuidh a h-athar, agus rinn e rì a *rèir* a bhòide a bhòidich e: agus cha robh aithne aice air fear. Agus bha e 'n a ghnàth ann an Israel,

40 *Gu'n* rachadh nigheanan Isracil o bhliadhna gu bliadhna a dheanadh caoidh air son nighinn Iephtah, a' Ghileadaich, ceithir làithean 's a' bhliadhna.

CAIB. XII.

1 *Rinn na Ephraimich comhstri ri Iephtah agus ris na Gileadaich. 4 Chog iadsan 'n an aghaidh, agus mharbh iad mòran diubh. 7 Fhuair Iephtah bàs.*

A GUS chruinnicheadh fir Ephraim an ceann a chèile, agus chaidh iad thairis mu thuath, agus thubhairt iad ri Iephtah, C'ar son a chaidh thu thairis a chogadh an aghaidh chloinn Amoin, agus nach do ghairm thu oirmne gu dol maille riut? loisgidh sinn do thigh ort le teine.

2 Agus thubhairt Iephtah riu, Bha agamsa agus aig mo shluagh comhstri mhòr ri cloinn Amoin; agus an uair a ghairm mi oirbh, cha do shaor sibh mi as an làimh.

3 Agus an uair a chunnaic mi nach do shaor sibh *mi*, chuir mi m'anam a'm' làimh, agus chaidh mi a null an aghaidh chloinn Amoin, agus thug an Tighearn thairis iad do m' làimh: c'ar son ma tha a tha sibh air teachd a nìos a m' ionnsuidhs' an diugh, a chogadh a'm' aghaidh?

4 An sin chruinnich Iephtah cuidcachd fir Ghilead uile, agus chog e ri h-Ephraim: agus bhuail fir Ghilead Ephraim, a chionn gu'n dubhairt iad, *Is* luchd-fuadain de Ephraim, sibhse a Ghileadacha, am measg Ephraim, agus am measg Mhanaseh

5 Agus ghlac na Gileadaich àthannan Iordain air na h-Ephraimich: agus an uair a thubhairt na h-Ephraimich sin a chaidh as, Leig dhomh dol thairis, thubhairt fir Ghilead ris, An Ephraimeach thu? Ma thubhairt esan, Cha-n eadh;

6 An sin thubhairt iadsan ris, Abair a nis Schiboleth; agus thubhairt esan Siboleth: oir cha b'urrainn e a ràdh mar sin. An sin ghabh iad e, agus mharbh iad e aig àthann-aibh Iordain: agus thuit anns an àm sin de na h-Ephraimich a dhà agus dà fhichead mìle.

7 Agus thug Iephtah breth air Israel sè bliadhna: an sin fhuair Iephtah an Gileadach bàs, agus dh'adhaiceadh e ann an *aon* de bhailtibh Ghilead.

8 Agus 'n a dhéigh-san thug Ibsan o Bhet-lehem breth air Israel.

9 Agus bha deich thar fhichead mac aige, agus deich thar fhichead nighean, a chuir e mach uaith, agus ghabh e deich thar fhichead nighean a stigh d'a ionnsuidh air son a mhac. Agus thug e breth air Israel seachd bliadhna.

10 Agus fhuair Ibsan bàs, agus dh'adhaiceadh e ann am Bet-lehem.

11 Agus 'n a dhéigh-san thug Elon, an Sebulonach, breth air Israel: agus thug e breth air Israel deich bliadhna.

12 Agus fhuair Elon an Sebulonach bàs, agus dh'adhaiceadh e ann an Aialon, ann an tìr Shebuloin.

13 Agus 'n a dhéigh-san thug Abdon mac Hileil, Piratonach, breth air Israel.

14 Agus bha dà fhichead mac aige, agus deich thar fhichead mac a mhac, a mharcaich air deich agus trì fichead asal òg: agus thug e breth air Israel ochd bliadhna.

15 Agus fhuair Abdon mac Hileil am Piratonach bàs, agus dh'adhaiceadh e ann am Piraton, ann an tìr Ephraim, ann an sliabh nan Amaleceach.

CAIB. XIII.

1 *Thugadh clann Israeil thairis do làimh nam Philisteach. 2, 3 Dh'fhoillsich aingeal an Tighearna e jèin do mhnaoi Mhanoah, agus d'a fear. 19 Iobairt-loisgte Mhanoah. 24 Rugadh Samson.*

A GUS rinn clann Israeil olc a ris ann an suilibh an Tighearna; agus thug an Tighearn thairis iad do làimh nam Philisteach dà fhichead bliadhna.

2 Agus bha duine àraidh de Shorah, de theaghlach nan Danach, d'am b'ainm Manoah; agus bha a bhean neo-thorrach, agus cha drug i clann.

3 Agus dh'fhoillsich aingeal an Tighearna e féin do'n mhnaoi, agus thubhairt e rì, Feuch a nis, tha thu neo-thorrach, agus cha drug thu *fathast* clann; ach ginidh tu, agus beiridh tu mac.

4 A nis ma tha thoir an aire, guidheam

ort, agus na h-òl fion no deoch làidir, agus na h-ith *ni* air bith neòghlan:

5 Oir, feuch, ginidh tu, agus beiridh tu mac; agus cha tig ealtainn sam bith air a cheann: oir bithidh an leanabh 'n a Nasarach do Dhia o'n bhroinn; agus tòisichidh e air Israel a shaoradh à lìmh nam Philisteach.

6 Agus thàinig a' bhean agus dh'innis i d'a fear, ag ràdh, Thàinig òglach Dhé a m'ionnsuidh, agus a ghnùis mar ghnùis aingil Dhé, ro uamhasach: ach cha d'fheòraich mi dh'e cia as a *bha* e, agus cha d'innis e dhomh 'ainm.

7 Ach thubhairt e rium, Feuch, ginidh tu, agus beiridh tu mac; agus a nis na h-òl fion no deoch làidir, agus na h-ith *ni* air bith neòghlan: oir bithidh an leanabh 'n a Nasarach do Dhia o'n bhroinn gu là a bhàis.

8 An sin ghuidh Manoah air an Tighearn, agus thubhairt e, O mo Thighearna, thig-eadh, guidheam ort, òglach Dhé a chuir thu uait a ris d'ar n-ionnsuidh, agus teagaisgeadh e dhuinn ciod a ni sinn ris an leanabh a bheirear.

9 Agus dh'éisd Dia ri guth Mhanoah; agus thàinig aingeal Dhé a ris a dh'ionnsuidh na mnà, agus i 'n a suidhe anns an achadh: ach cha robh Manoah a fear maille ri.

10 Agus rinn a' bhean cabhag, agus ruith i, agus dh'innis i d'a fear, agus thubhairt i ris, Feuch, chunnaic mi an duine a thàinig a m'ionnsuidh air an là *roimhe*.

11 Agus dh'éirich Manoah, agus chaidh e 'n deigh a mhà, agus thàinig e dh'ionnsuidh an duine, agus thubhairt e ris, An tusa an duine a labhair ris a' mhnaoi? Agus thubhairt esan, *Is mi*.

12 Agus thubhairt Manoah, A nis thig-eadh do bhriathran gu crìch: cionnus a dh'orduicheas sinn mu'n leanabh, agus ciod a ni sinn ris?

13 Agus thubhairt aingeal an Tighearna ri Manoah, O gach *ni* a thubhairt mise ris a' mhnaoi coimhleadh si i féin.

14 De *ni* sam bith a thig o'n chrann-fhiona na h-ithheadh i, agus fion no deoch làidir na h-òladh i, agus *ni* sam bith neòghlan na h-ithheadh i: gach *ni* a dh'aitn mise dh'i, coimhleadh i.

15 Agus thubhairt Manoah ri aingeal an Tighearna, Leig dhuinn, guidheamaid ort, do ghleidheadh, agus deasaichidh sinn fa d' chomhair meam de na gabhraibh.

16 Agus thubhairt aingeal an Tighearna ri Manoah, Ged ghléidh thu mi, cha-n ith mi de d'aran; agus ma bheir thu suas ìobairt-loisgte, do'n Tighearn bheir thu suas i: oir cha robh fios aig Manoah gu'm *b'e* aingeal an Tighearna e.

17 Agus thubhairt Manoah ri aingeal an Tighearna, Ciod a's ainm dhuit; a chum 'n uair a thig do bhriathran gu crìch, gu'n toir sinn urram dhuit?

18 Agus thubhairt aingeal an Tighearna ris, C'ar son a tha thu mar so a' fiosrachadh a thaobh m'ainme-sa, agus gu *bheil* e dìomhair?

19 Agus ghabh Manoah meann de na gabhraibh, maille ri tabhartas-bidh, agus dh'ìobairt se e air carraig do'n Tighearn: agus b'iongantach an ni a rinn an *t-aingeal*, agus Manoah agus a bhean ag amharc air:

20 Oir an uair a dh'éirich an lasair bhàrr na h-altarach suas gu nèamh, chaidh aingeal an Tighearna suas ann an lasair na h-altarach; agus an uair a chunnaic Manoah agus a bhean *sin*, thuit iad air an aghaidh a dh'ionnsuidh na talmhainn.

21 (Ach cha d'fhoillsich aingeal an Tighearna e féin tuilleadh do Mhanoah agus d'a mhnaoi.) An sin bha fios aig Manoah gu'm *b'e* aingeal an Tighearna e.

22 Agus thubhairt Manoah r'a mhnaoi, Gu cinnteach gheibh sinn bàs, oir chunnaic sinn Dia.

23 Ach thubhairt a bhean ris, Nam bu toil leis an Tighearn ar marbhadh, cha ghabhadh e o'r lìmh ìobairt-loisgte agus tabhartas-bidh, agus cha nochdadh e dhuinn na *nìthean* so uile, agus mar air an àm so, cha chuireadh e 'n céill duinn a leithid so de *nìthibh*.

24 Agus rug a' bhean leanabh, agus thug i Samson mar ainm air: agus dh'fhàs an leanabh, agus bheannaich an Tighearn e.

25 Agus thòisich spiorad an Tighearna r'a bhrosnachadh air uairibh ann an camp Dhain, eadar Sorah agus Estaoil.

CAIB. XIV.

1 *D'iarr Samson bean de na Philistich.* 10 *A chairm-bainne agus a thoimhseachan.* 19 *Mharbh e deich 'ar fhichead Philisteach, agus bhàin e duibh an eudach.* 20 *Thugadh a bhean do fhear eile.*

AGUS chaidh Samson sìos gu Timnat; agus chunnaic e bean ann an Timnat de nigheanaibh nam Philisteach.

2 Agus thàinig e nìos, agus dh'innis e d'a athair agus d'a mhàthair, agus thubhairt e, Chunnaic mi bean ann an Timnat de nigheanaibh nam Philisteach; agus a nis faighibh i dhomhsa 'n a mnaoi.

3 An sin thubhairt 'athair agus a mhàthair ris, Nach 'eil bean air bith am measg nigheanan do bhràithrean, no am measg mo shluaigh uile, gu'n rachadh tu a ghabhail mnà de na Philistich neo-thimchioll-ghearrta? Agus thubhairt Samson r'a athair, Faigh dhomh i; oir tha i taitneach a'm shùilibh.

4 Ach cha robh fhios aig 'athair agus a mhàthair gu'm b'ann o'n Tighearn *bha* e, gu'n d'iarr e fàth an aghaidh nam Philisteach: oir anns an àm sin bha uachdran-achd aig na Philistich os ceann Israeil.

5 Uime sin chaidh Samson sìos, agus 'athair agus a mhàthair, gu Timnat, agus

thàinig iad gu fion-lìosaibh Thimnait; agus, feuch, *bha* leòmhain òg a' beuchdaich 'n a aghaidh.

6 Agus thàinig spiorad an Tighearna air gu treun, agus reub se e mar a reubadh e meann, agus cha *robh* ni air bith 'n a làimh: ach cha d'innis e d'a athair no d'a mhàthair còl a rinn e.

7 Agus chaidh e sìos, agus labhair e ris a' mhnaoi; agus bha i taitneach ann an sùil-bh Shamsoin.

8 Agus an déigh làithean àraidh, phill e chum a gabhail, agus chaidh e a leth-taobh a dh'fhaicinn cìosaich an leòmhain: agus, feuch, *bha* sgaoth bìleach ann an cìosaich an leòmhain, agus mil.

9 Agus ghabh e dh'i 'n a làmh, agus chaidh e air 'aghaidh ag itheadh, agus thàinig e dh'ionnsuidh athar agus a mhàthar, agus thug e dhoibh, agus dh'ith iad: ach cha d'innis e dhoibh gu'm b'ann á cìosaich an leòmhain a thug e a' mhil.

10 Agus chaidh athair sìos a dh'ionnsuidh na mùa: agus rinn Samson an sin cuirm; oir mar sin bu ghnàth leis na daoineibh òga a dhanamh.

11 Agus an uair a chunnaic iad e, thug iad deich thar fhichead companach gu bhi maille ris.

12 Agus thubhairt Samson riu, Cuiridh mi nis toimhseachan a mach dhuibh: na chuireas sibh gu cìunteach 'an céill domh e an taobh a stigh de sheachd làitheibh na cuirme, agus gu'm faigh sibh a mach e, an sin bheir mise dhuibh deich thar fhichead brat-lìn, agus deich thar fhichead culaidh eudaich:

13 Ach mur urrainn sibh a chur 'an céill domh, an sin bheir sibhse dhomh-sa deich thar fhichead brat-lìn, agus deich thar fhichead culaidh eudaich. Agus thubhairt iad ris, Cuir a mach do thoimhseachan, agus gu'n cluinn sinn e.

14 Agus thubhairt esan riu, As an *fhear* a dh'itheas thàinig a mach biadh, agus as an *fhear* gharg thàinig a mach millsead. Agus cha b'urrainn iad an toimhseachan fluasgladh ann an trì làitheibh.

15 Agus air an t-seachdamh là thubhairt iad ri mnaoi Shamsoin, Meall d'fhear, a chum gu'n innis e dhuinn an toimhseachan, air eagal gu'n loisg sinn thu féin agus tigh d'athar le teine: an ann gu sealbh a ghabhail anns na bheil againn a ghairm thu oirn? nach ann?

16 Agus ghul bean Shamsoin 'n a fhianuis, agus thubhairt i, Tha mhàin fuath agad orm, agus cha-n'eil gràdh agad domh: chuir thu mach toimhseachan do chloinn mo shluaigh, agus cha d'innis thu dhomhsa e. Agus thubhairt esan rithe, Feuch, cha d'innis mi e do m'athair no do m' mhàthair, agus an innis mi dhuitse e?

17 Agus ghul i 'n a làthair rè nan seachd

làithean a bha 'chuir aca: agus air an t-seachdamh là, roimh luidhe na gréine, do chuir i gu teann ris: agus dh'innis ise an toimhseachan do chloinn a sluaigh.

18 Agus thubhairt daoine a' bhaile ris air an t-seachdamh là, roimh luidhe na gréine, Ciod a's milse na mil, agus ciod a's gairge na leòmhain? Agus thubhairt esan riu, Mur bitheadh sibh air treabhadh le m'agh-sa, cha-n' fhaighcadh sibh a mach mo thoimhseachan.

19 Agus thàinig spiorad an Tighearna air gu treun, agus chaidh e sìos gu Ascelon, agus mharbh e dhiubh deich thar fhichead fear, agus ghabh e an creach, agus thug e culaidhean eudaich dhoibhsan a dh'fhuasgail an toimhseachan: agus las 'fhearg, agus chaidh e suas gu tigh athar.

20 Ach thugadh bean Shamsoin d'a chompanach, a bha mar charaid aige.

CAIB. XV.

1 *Dhiultadh a bhean do Shamson.* 3 *Loisg e arbhair nam Philisteach.* 9 *Cheangladh e le fir Iudah, agus thugadh thairis e do na Philistich.* 14 *Mharbh e mìle fear le cnàimh-peircill.*

A GUS an déigh làithean àraidh, ann an àm fogharaidh a' chruthneachd, chaidh Samson a dh'fhaicinn a mhàin le meann de na gabhraibh; agus thubhairt e, Thèid mi stigh a dh'ionnsuidh mo mhàin do'n t-seòmar. Ach cha leigeadh a h-athair leis dol a stigh.

2 Agus thubhairt a h-athair, Gu deimhin shaoil mi gu'n d'fhuathaich thu gu tur i, agus thug mi i do d' chompanach: nach 'eil a piuthar a's òige nìs maisiche na i? bitheadh i nis agad 'n a h-àite.

3 Agus thubhairt Samson mu'n timcheall, A nis bithidh mi nìs neò-chiontaiche na na Philistich, ged ni mi òle orra.

4 Agus chaidh Samson, agus ghlac e trì cheud sionnach, agus ghabh e leusan-teine, agus thionndaidh e earball ri h-earball, agus chuir e leus-teine anns a' mheadhon eadar dà earball.

5 Agus an uair a chuir e na lensan ri theine, leig e air falbh iad am measg arbhair nam Philisteach, agus loisg e 'n dà chuid na h-adagan agus mar an ceudna an t-arbhar a bha 'n a sheasamh, maille rìs na fion-lìosaibh agus rìs na lìosaibh-olaidh.

6 An sin thubhairt na Philistich, Co a rinn so? Agus dh'innseadh dhoibh, Samson clianhuin an Timnataich, a chionn gu'n do ghabh esan a bhìcan, agus gu'n d'fhug e i d'a chompanach. Agus chaidh na Philistich suas, agus loisg iad i féin agus a h-athair le teine.

7 Agus thubhairt Samson riu, Ge do rinn sibh mar so, gidheadh diolaidh mise mi féin oirbh, agus 'n a dhéigh sin sguiridh mi.

8 Agus bhuail e iad cos gu leis le h-àr mòr: agus chaidh e sìos agus ghabh e còimluidh ann an uaimh carraige Ètaim.

9 Agus ehadh na Philistich suas, agus champaich iad ann an Iudah, agus sgaoil siad iad féin ann an Lehi.

10 Agus thubhairt fir Iudah, C'ar son a thàinig sibh a nìos 'n ar n-aghaidh-ne? Agus thubhairt iadsan, A cheangal Shamsoin thàinig sinn a uios, a dheanaibh air mar a rinn esan oirme.

11 Uime sin chaidh trì mìle fear de Iudah sìos gu uaimh carraige Etain, agus thubhairt iad ri Samson, Nach 'eil fhios agad gu *bheil* na Philistich 'n an uachdarain oirme? agus ciod é so a rinn thu oirm? agus thubhairt esan riu, Mar a rinn iadsan ormsa, mar siu rinn nise orrasan.

12 Agus thubhairt iad ris, A chum thusa a cheangal tha sinn air teachd a nuas, a chum gu'n toir sinn thairis thu do làimh nam Philisteach. Agus thubhairt Samson riu, Thugaibh blur mionuan dhomh, nach buail sibh féin orm.

13 Agus fhreagair iad e, ag ràdh, Cha *bhuail*: ach ceanglaiddh sinn thu gu teann, agus bheir sinn thairis thu d'an làimh, ach gu ciunteach cha mharbh sinn thu. Agus cheangail iad e le dà chord ùr, agus thug iad a nìos e o'n charraig.

14 Agus an uair a thàinig e gu Lehi, rinn na Philistich iolach a' *dol* 'n a choimeach: agus thàinig spiorad an Tighearn air gu treun, agus dh'fhàs na cuird a *bha* air a ghairdeanaibh mar lìon a loisgeadh le teine, agus dh'fhuasgladh a cheanglaichean bhàrr a làmhau.

15 Agus fhuair e cnàimh-peircill ùr asail, agus chuir e mach a làmh, agus ghlac se e, agus bhuail e leis mìle fear.

16 Agus thubhairt Samson, Le cnàimh-peircill asail, dùn air dhùn, le cnàimh-peircill asail mharbh mi mìle fear.

17 Agus an uair a sguir e de labhairt, thilg e 'n cnàimh-peircill as a làimh, agus dh'ainnich e 'n t-àite sin Ramat-lehi.

18 Agus bha tart mòr air, agus ghairm e air an Tighearn, agus thubhairt e, Thug thu an t-saorsa nìohr so do làimh do sheirbhisich: agus a nis am faigh mi bàs le tart, agus an tuit mi ann an làimh nan neo-thimcheall-ghearra?

19 Agus sgoilt Dia lag a *bha* ann an Lehi, agus thàinig uisge as; agus dh'òl e, agus thàinig a spiorad a ris, agus dh'ath-bheothaich e: uime sin thug e En-hacore mar ainm air, a *tha* ann an Lehi gu ruig an là 'n diugh.

20 Agus thug e breth air Israel ann an làithibh nam Philisteach ficead bliadhna.

CAIB. XVI.

1 *Thug Samson leis comhlaichean geata Ghasa.*
4 *Mheall Delilah e, 15 agus thugadh buaidh air.* 21 *Chuir na Philistich a mach a shùilean.*

AGUS chaidh Samson gu Gasa, agus chunnaic e an sin striopach, agus ehadh e stigh d'a h-ionnsuidh.

2 *Agus dh' innseadh do na Gasaich, ag ràdh, Thàinig Samson an so.* Agus chuairtich iad e, agus riun iad feall-fholach air a shon rè na h-oidheche ann an geata a' bhaile, agus bha iad tosdach rè na h-oidheche, ag ràdh, 'N uair a thig solus ua maidne, marbhaidh sinn e.

3 Agus luidh Samson gu meadhon-oidheche, agus dh'èirich e mu mheadhon-oidheche, agus ghabh e comhlaichean geata a' bhaile, agus an dà phost, agus thug e leis iad maillo ris na crannaibh, agus chuir e air a ghuaillibh *iad*, agus thug e suas iad gu uallach sléibhe a *tha* fa chomhair Hebroin.

4 Agus 'n a dhéigh sin ghrùdhaich e bean ann au gleann Shoreic, d'am b'ainm Delilah.

5 Agus ehadh tighearnan nam Philisteach suas d'a h-ionnsuidh, agus thubhairt iad rithe, Meall e, agus faic c'ait *am bheil* a neart mòr a' *luidhe*, agus cionnus a bhuadlaicheas sinn air, air chor as gu'n ceanga l sinn e chum a cheannsachadh; agus bheir sinn dhuìt, gach aon againn, mìle agus ceud *bonn* airgid.

6 Agus thubhairt Delilah ri Samson, Innis dhomh, guidheam ort, c'ait *am bheil* do neart mòr a' *luidhe*, agus cionnus a dh'fheudas tu bli air do cheangal chum do cheannsachadh.

7 Agus thubhairt Samson rithe, Ma cheanglas iad mi le seachd goid ùra nach do thiormaicheadh, an sin bithidh mi annhunn, agus bithidh mi mar dhuine eile.

8 An sin thug tighearnan nam Philisteach suas d'a h-ionnsuidh seachd goid ùra nach do thiormaicheadh, agus cheangail i e leo.

9 (A nis *bha* daoine ri feall-fholach, a' fantuinn maille rithe anns an t-seòmar.) Agus thubhairt i ris, Na Philistich ort, a Shamsoin. Agus bhris e na goid, mar a bhriscar snàthainn ascaird an uair a bicanas e ri teine: agus cha d'fhuaras fios a neirt.

10 Agus thubhairt Delilah ri Samson, Feuch, mheall thu mi, agus dh'innis thu dhomh breugan: a nis innis dhomh, guidheam ort, cionnus a dh'fheudas tu bli air do cheangal.

11 Agus thubhairt esan rithe, Ma cheanglas iad mi gu teann le cordaibh ùra nach do ghmàthaichheadh rianh, an sin bithidh mi annhunn, agus bithidh mi mar dhuine eile.

12 Agus ghabh Delilah cuird ùra, agus cheangail i e leo, agus thubhairt i ris, Na Philistich ort, a Shamsoin. (Agus *bha* luchd feall-fholach a' fantuinn anns an t-seòmar.) Agus bhris e iad bhàrr a ghairdeanan mar slànathainn.

13 Agus thubhairt Delilah ri Samson, Gu ruige so mheall thu mi, agus dh'innis thu dhomh breugan: innis dhomh cionnus a dh'fheudas tu bli air do cheangal. Agus

thubhairt esan rithe, Ma dh'fhigheas tu seachd duail mo chinn maille ris an eige.

14 Agus dhaingnich i *iad* leis a' phinne, agus thubhairt i ris, Na Philistich ort, a Shamsoin. Agus mhosgail e as a chodal, agus thug e air falbh leis pinne na garmainn agus an eige.

15 Agus thubhairt ise ris, Cionnus is urrainn thu a ràdh, Tha gràdh agam dhuit, an uair nach 'eil do chridhe leam? na tri uair-ean so mheall thu mi, agus cha d'innis thu dhomh c'àit *am bheil* do neart mòr a' *luidhe*.

16 Agus an uair a chuir i gu teann ris gach aon là le a briathraibh, agus a choimh-éignich i e, bha 'anam air a chràdh gu bàs.

17 An sin dh'innis e dh'i a chridhe uile, agus thubhairt e rithe, Ealtainn cha d'thàinig riamh air mo cheann; oir *bu* Nasarach do Dhia mi o bhroinn mo mblàthar: ma bhearrar mi, an sin falbhaidh mo neart uam, agus fàsaidh mi annhum, agus bithidh mi mar gach duine *eile*.

18 Agus an nair a chunnaic Delilah gu'n d'innis e dh'i a chridhe uile, chuir i fios, agus ghairm i air tighearnaibh nam Philisteach, ag ràdh, Thigibh a nios an aon uair so, oir dh'innis e dhomh a chridhe uile. An sin thàinig tighearnan nam Philisteach a nios d'a h-ionnsuidh, agus thug iad airgid a nios 'n an làimh.

19 Agus thug i air codal air a glùinibh; agus ghairm i air fear, agus thug i air seachd duail a chinn a bhearradh dheth; agus thòisich i air a cheannsachadh, agus dh'fhalbh a neart uait.

20 Agus thubhairt i, Na Philistich ort, a Shamsoin. Agus mhosgail e as a chodal, agus thubhairt e, Théid mi mach, mar air uairibh eile, agus crathaidh mi mi féin: oir cha robh fhios aige gu'n d'imich an Tighearn uait.

21 Ach ghlac na Philistich e, agus chuir iad a mach a shùilean; agus thug iad sìos e gu Gasa, agus cheangail iad e le geimhlibh umha, agus bha e a' bleth ann an tigh a' phriosain.

22 Gidheadh thòisich folt a chinn air fàs a ris, an déigh dha bhi air a bhearradh.

23 Agus chruinnich tighearnan nam Philisteach iad féin an ceann a chéile a dh'òbradh iobairte mòire d'an dia Dagon, agus a dheanamh gairdeachais: oir thubhairt iad, Thug ar dia thairis Samson ar nàmhaid a' d' àir làimh.

24 Agus an uair a chunnaic an sluagh e, mhol iad an dia: oir thubhairt iad, Thug ar dia thairis d'ar làimh ar nàmhaid, agus fear-millidh ar dùthcha, a mharbh mòran dhinn.

25 Agus an uair a bha'n eridheachan subhach, thubhairt iad, Gairmibh air Samson, a chum gu'n dean e fearas-chnuideachd dhuinn. Agus ghairm iad air Samson á tighl' a'

phriosain; agus rinn e fearas-chnuideachd 'n an làthair: agus chuir iad e eadar na puist.

26 Agus thubhairt Samson ris an òganach a ghabh greim d' a làimh, Leig dhomh na puist a làimhseachadh air am bheil an tigh 'n a sheasamh, a chum gu'n leig mi mo thaic riu.

27 A nis bha'n tigh làn dhaoine agus bhan; agus *bha* uile thighearnan nam Philisteach an sin: agus *bha* air mullach an tìghe mu thinchioll trì mìle fear agus bean, a bha 'g amharc an uair a rinn Samson fearas-chnuideachd.

28 Agus ghairm Samson air an Tighearn, agus thubhairt e, O Thighearna Dhé, cuimhnich orm, guidheam ort, agus neartaich m' guidheam ort, a mhàin an aon uair so, O Dhé, a chum gu'm bi mi dìolta dh'aon tarr-aing air na Philistich air son mo dhà shùl.

29 Agus ghabh Samson greim de'n dà phost mheadhonach air an robh an tigh 'n a sheasamh, agus ris an robh e 'n taic, *de* h-aon *diubh* le a làimh dheis, agus *de 'n* aon eile le a làimh chlì.

30 Agus thubhairt Samson, Faigheam bàs maille ris na Philistich. Agus chrom se e féin le 'uile neart; agus thuit an tigh air na tighearnaibh, agus air an t-sluagh uile a *bha* ann: agus bha na mairbh a mharbh e aig a bhàs ni bu lionnhoire na *iadsan* a mharbh e 'n a bheatha.

31 Agus chaidh a bhràithrean agus tigh 'athar uile sìos, agus ghabh iad e, agus thug iad suas e, agus dh'adhlac iad e eadar Sorah agus Estaol, ann an àit-adhlac Mhanoah 'athar: agus thug e breth air Israel fichead bliadhna.

CAIB. XVII.

1 *Thug Micah air ais d'a mhàthair an t-airgid a ghoideadh, agus rinn i dealbh snaidhte agus dealbh leaghta dheth. 7 Thuarasdalaich Micah Lebhithreach gu bhì 'n a shagart aige.*

A GUS bha duine de shliabh Ephraim, d'am b'ainm Mical.

2 Agus thubhairt e r'a mhàthair, Am mìle agus an ceud *secel* airgid, a thugadh air falbh uait, mu'n do mhallaich thu, agus mu'n do labhair thu cuideachd ann am chluasailh-sa, feuch, *tha* 'n t-airgid agamsa; ghabh mise e. Agus thubhairt a mhàthair, Gu ma beannaichte thusa o'n Tighearn, a mhic.

3 Agus an uair a thug e air ais am mìle agus an ceud *secel* airgid d'a mhàthair, thubhairt a mhàthair, Naomhaich mi gu h-ìomlan an t-airgid do'n Tighearn o m' làimh air son mo mhic, a dheanamh deilbh snaidhte, agus deilbh leaghta: a nis ma ta bheir mi air ais dhuit e.

4 Agus thug e air ais an t-airgid d'a mhàthair; agus ghabh a mhàthair dà cheud *secel* airgid, agus thug i iad do'n òr-cheard, agus rinn esan dhiubh dealbh snaidhte agus

dealbh leaghta: agus bha iad ann an tigh Mhicah

5 Agus *bha* aig an duine Micah tigh dhiahtan, agus rinn e ephod, agus teraphim, agus choisrig e aon d'a mhic, agus bha e aige 'n a shagart.

6 Anns na làithibh sin cha robh rìgh air bith ann an Israel: rinn *gach* fear an *ni sin a bha* ceart 'u a shùilibh féin.

7 Agus bha òganach o Bhet-lehem Iudah, de theaghlach Iudah, a *bha* 'n a Lebhith-each, agus bha e air chuairt an sin.

8 Agus dh'imich an duine as a' bhaile o Bhet-lehem Iudah, a dhol air chuairt far am faigheadh e *àit*: agus thàinig e gu sliabh Ephraim, gu tigh Mhicah, a' dol air aghaidh air a thurus.

9 Agus thubhairt Micah ris, Cia as a tha thu air teachd? Agus thubhairt esan ris, *Is* Lebhith-each mise o Bhet-lehem Iudah, agus *tha mi a' triall* air chuairt far am faigh mi *àite*.

10 Agus thubhairt Micah ris, Fan maille riumsa, agus bi dhomhsa a'd' athair agus a'd' shagart, agus bheir mi dhuit deich *seceil* airgid 's a' bhliadhna, agus culaidh eudaich, agus do bhiaidh. Agus chaidh an Lebhith-each a stigh.

11 Agus bha'n Lebhith-each toilichte còmh-nuidh 'ghabhail maille ris an duine, agus bha'n t-òganach dha mar aon d'a mhic.

12 Agus choisrig Micah an Lebhith-each; agus bha 'n t-òganach aige 'n a shagart, agus bha e ann an tigh Mhicah.

13 Agus thubhairt Micah, A nis tha fios agam gu'n dean an Tighearn maith dhomh, a chionn gu bheil Lebhith-each agam 'u a shagart.

CAIB. XVIII.

1 Chuir na Danaich cùigear fhear a dh' iarr-aidh oighreachd dhoibh féin. 26 Ghlac iad Lais.

ANNS na làithibh sin cha robh rìgh air bith ann an Israel: agus anns na làithibh sin dh'iarr treubh nan Danach dhoibh féin oighreachd anns an gabhadh iad còmh-nuidh; oir gu ruig an là sin cha do thuit an oighreachd uile orra am measg threubhan Israel.

2 Agus chuir clann Dhain cùigear d' an teaghlach o'n crìochaibh, daoine trenu', o Shorah agus o Estaol, a ghabhail beachd air an tìr, agus g'a rannsachadh a mach; agus thubhairt iad riu, Imichibh, ransaichibh a mach an tìr. Agus thàinig iad gu sliabh Ephraim, gu tigh Mhicah, agus dh'fhan iad an sin rè na h-oidhche.

3 An uair a *bha* iad aig tigh Mhicah, dh'aithnich iad guth an òganaich, an Lebhith-each; agus thionndaidh iad a stigh an sin, agus thubhairt iad ris, Cò 'thug an so thu? agus ciod a *tha* thu 'deanamh an so? agus ciod a *th'* agad an so?

4 Agus thubhairt esan riu, Mar so agus

mar so rinn Micah rium, agus thuarasdaich e mi, agus tha mi aige a'm' shagart.

5 Agus thubhairt iad ris, Iarr comharie, guidheamaid ort, air Dia, chum gu'm bi fios againn an soirbhich leinn 'u ar slighe air am bheil sinn ag imeachd.

6 Agus thubhairt an sagart riu, Imichibh 'an sith: an làthair an Tighearna tha bhur slighe, air am bheil sibh ag imeachd.

7 Agus dh'imich an cùigear fhear, agus thàinig iad gu Lais, agus chunnaic iad an sluagh a *bha* ann, a' gabhail còmh-nuidh gun umhail, a réir gnàtha nan Sidonach, samhach agus neo-umhailcach; agus cha robh uach-daran air bith anns an tìr, a chuireadh gu nàire iad ann an ni *air bith*: agus *bha* iad fada o na Sidonaich, agus cha robh gnothuch aca ri duine *air bith*.

8 Agus thàinig iad a dh'ionnsuidh am bràithrean gu Sorah agus Estaol; agus thubhairt am bràithrean riu, Ciod a *tha* sibh ag ràdh?

9 Agus thubhairt iad, Eiribh agus rachamaid suas 'n an aghaidh: oir chunnaic sinn an tìr, agus, feuch, *tha* i ro mhaith: agus am bheil sibhshe 'u ur tàmh? na bithibh leasg gu imeachd, agus gu dol a steach a shealbh-achadh na tìre.

10 'N uair a théid sibh, thig sibh a steach a dh'ionnsuidh sluaigh neo-umhailich, agus do thìr ro fharsaing; oir thug Dia thairis d'ur làimh i; àit anns nach *eil* uireasbhuidh ui air bith a *th'* air an talamh.

11 Agus chaidh á sin de theaghlach nan Danach, á Sorah agus á Estaol, sè ceud fear, crìoslaichte le innealaibh cogaidh.

12 Agus chaidh iad suas, agus champaich iad ann an Ciriath-eearim, ann an Iudah: uime sin thugadh Mahaneh-dan mar ainm air an àite sin gu ruig an là'n diugh; feuch, *tha e* air culaobh Ciriath-eearim.

13 Agus chaidh iad seachad o sin gu sliabh Ephraim, agus thàinig iad gu tigh Mhicah.

14 An sin fhrcagair an cùigear fhear a chaidh a ghabhail beachd air tìr Lais, agus thubhairt iad r'am bràithribh, Am bheil fhios againh gu bheil ann na tighibh sin ephod, agus teraphim, agus dealbh snaidhte, agus dealbh leaghta? a nis ma ta smuainichibh ciod a ni sibh.

15 Agus thionndaidh iad gu sin, agus thàinig iad gu tigh an òganaich, an Lebhith-each, *eadhon* gu tigh Mhicah, agus chuir iad failete air.

16 Agus sheas an sè ceud fear a *bha* de chloinn Dhain, crìoslaichte le innealaibh-cogaidh, aig dol a steach a' gheata.

17 Agus chaidh an cùigear fhear suas a chaidh a ghabhail beachd air an tìr, agus thàinig iad a stigh an sin, agus ghabh iad an dealbh snaidhte, agus an ephod, agus an teraphim, agus an dealbh leaghta: agus sheas an sagart aig dol a stigh a' gheata

agus an sè ceud fear a *bha* crioslaichte le innealaibh cogaidh.

18 Agus an uair a chaidh iad sin a steach do thigh Mhìcach, agus a ghabh iad an dealbh snaidhte, an ephod, agus an teraphim, agus an dealbh leaghta, an sin thubhairt an sagart riu, Cìod a *tha* sibh a' deanamh?

19 Agus thubhairt iadsan ris, Bi 'd thosd, cuir do làmh air do bheul, agus falbh maille rùinne, agus bi dhuinn a'd' athair agus a'd' shagart: am fearr dhuit a bhi a'd' shagart do thigh aoin duine, na thu bhi a d' shagart do thrèibh agus do theaghlach ann an Israel?

20 Agus bha cridhe an t-sagairt subhach; agus ghabh e'n ephod, agus an teraphim, agus an dealbh snaidhte, agus chaidh e ann am meadhon an t-sluaigh.

21 Agus thionndaidh iad, agus dh'imich iad, agus chuir iad a' chlànn bheag, agus an sprèidh, agus gach ni trom rompa.

22 Agus an uair a bha iad astar fada o thigh Mhìcach, chruinnich na fir a *bh'*auns na tighibh a *bha* làmh ri tigh Mhìcach iad fèin an ceann a chèile, agus chaidh iad air tòir chloinn Dhain.

23 Agus ghlaodh iad ri cloinn Dhain; agus thionndaidh iadsan an aghaidh, agus thubhairt iad ri Micah, Cìod a *tha* teachd riut, gu bheil thu 'teachd le leithid so de chuid-eachd?

24 Agus thubhairt esan, Mo dhiathan a rinn mi thug sibh leibh, agus an sagart, agus dh'fhalbh sibh roimhibh; agus ciod a th'agamsa tuilleadh? agus ciod e so a tha sibh ag ràdh rium, Cìod a *tha* 'teachd riut?

25 Agus thubhairt clann Dhain ris, Na cluinnear do ghuth 'n ar measg, air eagal gu'm buail daoine feargach 'n an spiorad ort, agus gu'n caill thu d'anam fèin, agus anaman do theaghlach.

26 Agus dh'imich clann Dhain air an slighe; agus an uair a chunnaic Micah gu'n *robh* iad tuilleadh 's làidir air a shon, thionndaidh e agus phill e d'a thigh.

27 Agus ghabh iad na *nithean* a rinn Micah, agus an sagart a bh'aige, agus thàinig iad gu Lais, a dh'ionnsuidh sluaigh a *bha* samhach agus neo-unhaileach: agus bhual siad iad le faobhar a' chlàidheimh, agus loisg iad am baile le teine.

28 Agus cha *robh* fear-saoraidh ann, a chionn gu'n *robh* e fada o Shidon, agus nach *robh* gnothuch aca ri duine sam bith; agus *bha* e anns a' ghleann a *tha* làmh ri Bet-rehob: agus thog iad baile, agus ghabh iad còmhnuidh ann;

29 Agus thug iad Ìdan mar ainm air a' bhaile, a réir ainme Dhain an athar, a rugadh do Israel: gidheadh *ùe* Lais ainm a' bhaile an toiseach.

30 Agus chuir elann Dhain suas dhoibh fèin an dealbh snaidhte: agus bha Ionatan mac Ghersoim, mhic Mhanaseh, e fèin agus

a mhic, 'n an sagartaibh do thrèibh Dhain, gu ruig là braighdeanais na tìre.

31 Agus chuir iad suas dhoibh fèin dealbh snaidhte Mhìcach, a rinn e, rè na h-ùine a bha tigh Dhé ann an Siloh.

CAIB. XIX.

1 Chaidh Lebhithèach gu Bet-lehem a thoirt dhachaidh a mhnà. 16 Thug seann duine aoidheachd dha aig Gibeath. 22 Mhì-ghnàth-aich daoine Ghìbeah a choimhleabach.

A GUS anns na làithibh sin, an uair nach *robh* rìgh air bith ann an Israel, bha Lebhithèach àraidh air chuairt air taobh sléibh Ephraim, a ghabh d'a ionnsuidh coimhleabach o Bheth-lehem Iudah.

2 Agus rinn a choimhleabach siurtachd 'n a aghaidh, agus dh'fhalbh i uaith gu tigh a h-athar gu Bet-lehem Iudah, agus bha i 'n sin ceithir mìosan iomlan.

3 Agus dh'éirich a fear, agus chaidh e 'n a déigh, a chum gu'n labhradh e r'a cridhe, agus gu'n tugadh e air a h-ais i, agus 'òganach maille ris, agus dà asal: agus thug i steach e do thigh a h-athar; agus an uair a chunnaic athair na h-ighinn e, chaidh e le gairdeachas 'n a choimeamh.

4 Agus ghléidh 'athair-céile, athair na h-ighinn e, agus dh'fhan e maille ris tri làithean: agus dh'ith agus dh'òl iad, agus dh'fhan iad rè na h-oidheche an sin.

5 Agus air a' cheathramh là, 'n uair a dh'éirich iad gu moch anns a' mhaduinn, dh'éirich esan suas gu imeachd: agus thubhairt athair na h-ighinn r'a chliamhuin, Neartaich do chridhe le greim arain, agus 'n a dhéigh sin imichidh sibh.

6 Agus shuidh iad sìos le 'chéile, agus dh'ith iad cuideachd, agus dh'òl iad: oir thubhairt athair na h-ighinn ris an duine, Bi toilichte, guidheam ort, agus fan rè na h-oidheche, agus bitheadh do chridhe subhach.

7 Agus an uair a dh'éirich an duine suas gu imeachd, rinn 'athair-céile dian-earail air; uime sin dh'fhan e 'n sin an oidheche sin a ris.

8 Agus dh'éirich e gu moch anns a' mhaduinn air a' chùigeamh là gu imeachd: agus thubhairt athair na h-ighinn, Neartaich do chridhe, guidheam ort. Agus dh'fhan iad gu déigh mheadhoin-là, agus dh'ith iad le 'chéile.

9 Agus an uair a dh'éirich an duine suas gu imeachd, e fèin, agus a choimhleabach, agus 'òganach, thubhairt 'athair-céile, athair na h-ighinn ris, Feuch, a nis tha'n là a' tarruing gu feasgar, fanaibh, guidheam ort, rè na h-oidheche: feuch, tha'n là a' dùthachadh r'a chrìch, fan an so rè na h-oidheche, agus bitheadh do chridhe subhach; agus an màireach éiridh sibh gu moch a chum blur turuis, agus thèid thu dhachaidh.

10 Ach cha b'àill leis an duine fantuinn an oidheche sin, ach dh'éirich e suas agus

dh'imich e, agus unàinig e air aghaidh fa chomhair Iebuis, (*is e sin Ierusalem*;) agus *bha* maille ris dà asal le'n diollaibh; *bha* mar an ceudna a choimhleabach maille ris.

11 Agus an uair a *bha* iad làimh ri Iebus, chaitheadh an là gu mòr; agus thubhairt an t-òganach r'a mhaighstir, Thig, guidheam ort, agus tionndaidhmid a stigh do bhaile so nan Iebusach, agus fanamaid rè na h-oidhche ann.

12 Agus thubhairt a mhaighstir ris, Cha tionndaidh sinn a stigh an so gu baile coig- rich, nach 'eil de chloimn Israeil, ach gabhaidh sinn thairis gu Gibeah.

13 Agus thubhairt e r'a òganach, Thig, agus tairngeamaid ann agus do aon de na h-aitibh sin gu fantuinn rè na h-oidhche, ann an Gibeah, no ann an Ramah.

14 Agus ghabh iad thairis, agus dh'imich iad; agus chaidh a' ghrian sìos orra làimh ri Gibeah, a *bhuineas* do Bheniamin.

15 Agus thionndaidh iad a leth-taobh an sin, gu dol a stigh a dh'fantuinn rè na h-oidhche ann an Gibeah: agus an uair a chaidh e stigh, shuidh e sìos ann an sràid a' bhaile; oir cha robh duine sam bith a ghabh iad d'a thigh gu fantuinn rè na h-oidhche.

16 Agus, feuch, thàinig seann duine o 'obair a mach as an fhearann mu fheasgar, a *bha* mar an ceudna o shliabh Ephraim, agus *bha* e air chuairt ann an Gibeah; ach *bu* Bheniaminich daoine an àite.

17 Agus an uair a thog e suas a shùilean, chunnaic e duine a *bha* air thurus ann an sràid a' bhaile: agus thubhairt an seann duine, C'ait a' bheil thu dol? agus cia as a tha thu air teachd?

18 Agus thubhairt e ris, *Tha* sinn a' gabhail thairis o Bhet-lehem Iudah dh'ionnsuidh taoibh sléibh Ephraim, as *am bheil* mise: agus chaidh mi do Bhet-lehem Iudah, ach *tha mi nis a'* dol gu tigh an Tighearn; agus cha-n'eil duine air bith ann a ghabhas mi d'a thigh.

19 Gidheadh, tha 'n dà chuid fodar agus innlinn ann air son ar n-asal, agus tha mar an ceudna aran agus fion ann air mo shon-sa, agus air son do bhanoglaich, agus air son an òganaich a *tha* maille ri d' sheirbhisich: cha-n'eil easbhuidh ni air bith oirm.

20 Agus thubhairt an seann duine, Sìth gu robh maille riut: gidheadh, *bitheadh* d'easbhuidh gu léir ormsa; a mhàin na fan anns an t-sràid rè na h-oidhche.

21 Agus thug e steach e d'a thigh, agus thug e innlinn do na h-asalaibh: agus nigh iad an cosan, agus dh'ith agus dh'òl iad.

22 Ach an uair a *bha* iad a' deanamh an cridhe subhach, feuch, chuairtich daoine a' bhaile, daoine a bu mhic do Bhehial, an tigh mu'n cuairt, agus bluaill iad aig an dorus, agus labhair iad ri maighstir an tighe, an

seann duine, ag ràdh, Thoir a mach an duine a thàinig a dh'ionnsuidh do thighe, a chum gu'n aithnich sinn e.

23 Agus chaidh an duine, maighstir an tighe, mach d'an ionnsuidh, agus thubhairt e riu, Na *deanaibh*, mo bhraithrean, na deanaibh, guidheam oirbh, *cho* ole; an dèigh do'n duine so teachd a dh'ionnsuidh mo thighe-sa, na deanaibh an ni gràineil so.

24 Feuch, mo nighean, maighdean, agus a choimhleabach, iadsan bheir mi mach a nis, agus islichibhse iad, agus deanaibh riu an *ni sin a tha* maith 'n ur suilbh: ach air an duine so na deanaibh ni cho gràineil.

25 Ach cha-n'éisdeadh na daoine ris: agus rug an duine air a choimhleabach, agus thug e mach i d'an ionnsuidh; agus dh'aithnich iad i, agus mhi-ghnàthaich iad i rè na h-oidhche gu maduinn: agus aig briseadh na fàire leig iad air falbh i.

26 Agus thàinig a' bhean ann an scarthan-aich an là, agus thuit i sìos aig dorus tighe an duine, far an robh a tighcarn, gus an robh solus ann.

27 Agus dh'éirich a tighcarn anns a' mha-duinn, agus dh'fhosgail e dorus an tighe, agus chaidh e mach gu imeachd air a shlighe: agus, feuch, *bha* a' bhean a choimhleabach air tuiteam sìos aig dorus an tighe, agus a làmh air an stairsnich.

28 Agus thubhairt e rithe, Eirich, agus imicheamaid; ach cha d'thug i freagradh air bith. Agus ghabh e i air asail, agus dh'éirich an duine suas, agus chaidh e d'a àite féin.

29 Agus an uair a thàinig e d'a thigh, ghabh e sgian, agus rug e air a choimhleabach, agus roinn e i, maille r'a cuàmhian, 'n a dà mhir dheug, agus chuir e i gu uile chrìochaibh Israeil.

30 Agus thubhairt gach neach a chunnaic e, Cha d'rinneadh agus cha-n fhacas *ni air bith* cosnail ri so, o'n là anns an d'thàinig clann Israeil a mios à tìr na h-Eiphit gus an là'n diugh: beachdaichibh air, gabhaibh comhairle, agus labhraibh.

CAIB. XX.

1 *An n'ann coimhthional an t-sluaigh chuir an Le-bhithreach 'an cèill an cuoir a rinneadh air.* 8. *Shonruich clann Israeil air dol suas gu cath an aghaidh Ghibeah.* 29 *Sgrìosadh na Bheniaminich.*

AN SIN chaidh clann Israeil uile mach, agus chrùinnicheadh an coimhthional ri 'chéile mar aon duine, o Dhan gu Beer-seba, agus o thìr Ghilead, a dh'ionnsuidh an Tighearna gu Mispel.

2 Agus nochd prìomh-dhaoine an t-sluaigh uile, *eadhon* threubhan Israeil uile, iad féin ann an coimhthional sluaigh Dhé, ceithir cheud mìle coisiche a tharruing claidheamh.

3 (A nis chuala clann Bheniamin gu'n deachaidh clann Israeil suas gu Mispel.)

Agus thubhairt clann Israeil, Innsibh cionnus a bha'n t-olc so?

4 Agus fhreagair an Lebhitheach, fear na mnà a mharbhadh, agus thubhairt e, Gu Gibeah a *bhuineas* do Bheniamin thàinig mise agus mo choimhleabach, gu fantuinn ann rè na h-oidhche:

5 Agus dh'éirich fir Ghibeah a'm' aghaidh, agus chuairtich iad an tigh mu'n cuairt orm anns an oidhche: mi féin b'aill leo a mharbhadh, agus air mo choimhleabach rinn iad éigin, agus tha i marbh.

6 Agus rug mi air mo choimhleabach, agus ghearr mi i 'n a mìribh, agus chuir mi i air feadh uile fhearainn oighreachd Israeil: oir rinn iad cionta agus gràineileachd ann an Israel.

7 Feuch, *is* clann Israeil sibh uile; thug-aibh seachad an so bhur focal agus bhur comhairle.

8 Agus dh'éirich an sluagh uile mar aon duine, ag ràdh, Cha téid neach air bith dhinn d'a bhùth, agus cha tionndaidh neach air bith dhinn a steach d'a thigh:

9 Ach a nis so an ni a ni sinn ri Gibeah; *théid sinn suas* le crannchur 'n a aghaidh.

10 Agus gabhaidh sinn deich fir as a' cheud air feadh uile threubhan Israeil, agus ceud as a' mhìle, agus mìle as na deich mìle, a thoirt lèin a dh'ionnsuidh an t-sluaigh, a chum gu'n dean *iad*, an uair a thig iad gu Gibeah Bheniamin, a réir na gràineileachd uile a rinn iadsan ann an Israel.

11 Mar sin chruinnicheadh fir Israeil uile an aghaidh a' bhaile, ceangailte ri 'chéile mar aon duine.

12 Agus chuir treubhan Israeil daoine air feadh uile thréibhe Bheniamin, ag ràdh, Ciod é an t-olc so a riuneadh 'n 'ur measg?

13 A nis ma ta thugaibh thairis *dhuinn* na daoine, clann Bhclail, a *tha* ann an Gibeah, a chum gu'n cuir sinn gu bàs iad, agus gu'n cuir sinn air falbh olc o Israeil. Ach cha-n éisdeadh clann Bheniamin ri guth an bràithrean cloinn Israeil:

14 Ach chruinnich clann Bheniamin iad féin 'an ceann a chéile as na bailtibh gu Gibeah, chum dol a mach gu cath an aghaidh chloinn Israeil.

15 Agus dh'àirmheadh clann Bheniamin anns an àm sin as na bailtibh, sè mìle thar fhichead fear a tharruing claidheamh, a bhàrr air luchd-àiteachaidh Ghibeah.

16 Dh'àirmheadh seachd ceud fear taghta am measg an t-sluaigh so uile, scachd ceud fear taghta ch-lamhach: thilgeadh gach aon diubh so clach a crann-tàbhuilt air *leud* ròinneige, agus cha mhearachdaicheadh e.

17 Agus dh'àirmheadh clann Israeil air leth o Bheniamin, ceithir cheud mìle fear a tharruing claidheamh: b'fhir chogaidh iad so nìle.

18 Agus dh'éirich clann Israeil, agus chaidh iad suas gu tigh Dhé, agus dh'fhiosraich

iad de Dhia, agus thubhairt iad, Cò dhinn a théid suas air tùs gu cath an aghaidh chloinn Bheniamin? agus thubhairt an Tighearn, *Théid Iudah suas* air tùs.

19 Agus dh'éirich clann Israeil anns a' mhaduinn, agus champaich iad an aghaidh Ghibeah.

20 Agus chaidh fir Israeil a mach gu cath an aghaidh Bheniamin; agus chuir fir Israeil iad féin ann an ordugh catha 'n an aghaidh aig Gibeah.

21 Agus thàinig clann Bheniamin a mach á Gibeah, agus sgrios iad sìos gu làr de chloinn Israeil air an là sin, dà mhìle thar fhichead fear.

22 Agus ghabh an sluagh, fir Israeil, misneach dhoibh féin, agus chuir iad a ris an cath ann an ordugh, far an do chuir siad iad féin 'an ordugh air a' cheud là.

23 (Agus chaidh clann Israeil suas, agus ghuil iad 'am fianuis an Tighearna gu feasgar, agus dh'fhiosraich iad de'n Tighearn, ag ràdh, An téid mi suas a ris gu cath an aghaidh chloinn Bheniamin mo bhràthar? Agus thubhairt an Tighearn, Rachaibh suas 'n a aghaidh.)

24 Agus thàinig clann Israeil am fagus an aghaidh chloinn Bheniamin an dara là.

25 Agus chaidh Beniamin a mach 'n an aghaidh á Gibeah an dara là, agus sgrios iad de chloinn Israeil a ris ochd mìle deug fear sìos gu làr; tharruing iad so uile claidheamh.

26 Agus chaidh clann Israeil uile agus an sluagh uile suas, agus thàinig iad gu tigh Dhé, agus ghuil iad, agus shuidh iad an sin 'am fianuis an Tighearna, agus thraigs iad air an là sin gu feasgar, agus dh'ìobair iad ìobairtean-loisgte agus ìobairtean-sith 'am fianuis an Tighearna.

27 Agus dh'fhiosraich clann Israeil de'n Tighearn, (oir *bha* àire coimhcheangail Dhé an sin anns na làithibh sin;

28 Agus sheas Phinehas, mac Eleasair, mhic Aaroin, 'n a làthair anns na làithibh sin,) ag ràdh, An téid mi fathast a ris a mach gu cath an aghaidh chloinn Bheniamin mo bhràthar, no an sguir mi? Agus thubhairt an Tighearn, Rachaibh suas; oir an màireach bheir mise thairis iad do d' làimh.

29 Agus chuir Israel luchd feall-fholach mu'n cuairt air Gibeah.

30 Agus chaidh clann Israeil suas an aghaidh chloinn Bheniamin air an treas là, agus chuir siad iad féin ann an ordugh catha an aghaidh Ghibeah, mar air uairibh eile.

31 Agus chaidh clann Bheniamin a mach an aghaidh an t-sluaigh, agus thairngadh air falbh iad o'n bhaile; agus thòisich iad air *cuid* de'n t-sluagh a bhualadh agus a mharbhadh, mar air uairibh eile, anns na rathaidibh mòra, d'am bheil aon a' dol suas gu tigh Dhé, agus aon gu Gibeah anns an

fhearann, mu thimchioll deich fir fhichead de Israel.

32 Agus thubhairt clann Bheniamin, *Tha* iad air am bualadh sìos romhainn, mar air tùs. Ach thubhairt clann Israeil, Teiccamaid, agus tairngeamaid iad o'n bhaile gu ruig na rathaidibh mòra.

33 Agus dh'éirich clann Israeil uile suas as an àit, agus chuir siad iad féin ann an ordugh cathla ann am Baal-tamar: agus thàinig luchd feall-fholach Israeil a mach as an àitibh, *cadhon* o uchdaich Ghibeah.

34 Agus thàinig an aghaidh Ghibeah deich mìle fear taghta mach à h-Israel uile, agus bha'n cath cruaidh: ach cha robh fhios aca gu'n robh ole am fagus doibh.

35 Agus bhuail an Tighearn Beniamin 'am fianuis Israeil: agus sgrios clann Israeil de Bheniamin air an là sin, cùig mìle fichead agus ceud fear; tharruing iad so uile claidheamh.

36 Agus chunnaic clann Bheniamin gu'n do bhuailcadh iad: oir thug fir Israeil àite do na Beniaminich, a chionn gu'n d' earb iad ris an luchd feall-fholach a shuidhich iad làmh ri Gibeah.

37 Agus rinn an luchd feall-fholach cabhag, agus ruith iad a stigh air Gibeah; agus tharruing an luchd feall-fholach air an aghaidh, agus bhuail iad am baile uile le faobhar a' chlaidheimh.

38 A nis bha comharadh suidhichte cadar fir Israeil agus an luchd feall-fholach, gu'n tugadh iad air lasair mhòir le deataich éirigh suas as a' bhaile.

39 Agus an uair a chaidh fir Israeil air an ais anns a' chath, thòisich Beniamin air fir Israeil a bhuail, agus mharbh iad diubh mu thimchioll deich thar fhichead fear; oir thubhairt iad, Gu cinnteach tha iad air am bualadh sìos romhainn, mar *anns* a' cheud chath.

40 Agus an uair a thòisich an lasair air éirigh suas as a' bhaile, maille ri meall deataich, dh'amhairc na Beniaminich air an cùlaobh, agus, feuch, dh'éirich deatach a' bhaile suas gu nèamh.

41 Agus an uair a phill fir Israeil a ris, bha uamhas air fir Bheniamin; oir chunnaic iad gu'n robh ole air teachd orra.

42 Ùime sin thionndaidh iad an aghaidh 'am fianuis chloinn Israeil ri slighe an fhàsaich; ach rug an cath orra: Agus iadsan a *thàinig* a mach as na bailtibh sgrios iad 'n am meadhon.

43 Chuairtich iad na Beniaminich air gach taobh, ruaig siad iad, shaltair iad orra gun sbàirn thall fa chomhair Ghibeah, leth ri éirigh na gréine.

44 Agus thuit de Bheniamin ochd mìle deug fear; iad uile 'n an daoineibh treuna.

45 Agus phill iad, agus theich iad a dh'ionnsuidh an fhàsaich gu carraig Rimoin; agus dh'ìoghlaim iad diubh air na

rathaidibh mòra cùig mìle fear; agus lean iad gu cruaidh iad gu ruig Gidom, agus mharbh iad dhiubh da mhìle fear.

46 Agus b'iadsan uile a thuit de Bheniamin air an là sin, cùig mìle thar fhichead fear a tharruing claidheamh; iad uile 'n an daoineibh treuna.

47 Ach phill sè ceud fear, agus theich iad do'n fhàsach gu carraig Rimoin, agus dh'fhan iad ann an carraig Rimoin ceithir mìosan.

48 Agus phill clann Israeil air an ais air cloinn Bheniamin, agus bhuail siad iad le faobhar a' chlaidheimh, aràon daoine gach baile, agus an spréidh, agus gach nì air bith a fhuaradh *ann*: mar an ceudna chuir iad ri theine na bàiltean uile d'an d'thàinig iad.

CAIB. XXI.

1 *Rinn an sluagh caoidh air son s'prios nam Beniamineach. 16 Thug iad comhairle dhoibhsan diubh a mhair beò, mnathan a ghlacadh dhoibh féin de nigheanaibh Shìloh, 'n uair a thigeadh iad a mach a dhannsadh.*

ANIS mhionnaich fir Israeil aum am Misphe, ag ràdh, Cha toir fear air bith againn a nighean do Bheniamin 'n a mnaoi.

2 Agus thàinig an sluagh gu tigh Dhé, agus dh'fhan iad an sin gu feasgar 'am fianuis Dhé, agus thog iad suas an guth, agus ghuil iad gu goirt;

3 Agus thubhairt iad, C'ar son, O Thigh-carna Dhé Israeil, a thàinig an nì so gu crìch ann an Israel, gu'm bitheadh an diugh aon treubh a dh'easbhuidh air Israel?

4 Agus air an là màireach dh'éirich an sluagh gu moch, agus thog iad an sin altair, agus dh'ìobair iad ìobairtean-loisgte agus ìobairtean-sith.

5 Agus thubhairt clann Israeil, Cò am measg uile threubhan Israeil, nach d'thàinig a nìos maille ris a' choimhthional a dh'ionnsuidh an Tighearna? oir thug iad mionnan mòra mu thimchioll-san nach tigeadh a nìos a dh'ionnsuidh an Tighearna gu Misphe, ag ràdh, Cuirear gu cinnteach gu bàs e.

6 Agus ghabh clann Israeil aithreachas a thaobh Bheniamin an bràthar, agus thubhairt iad, Ghearradh air falbh an diugh aon treubh o Israel.

7 Cionnusa a nì sinn air son bhan dhoibhsan a mhair, agus gu'n do mhionnaich sinn air an Tighearn, nach toir sinn dhoibh d'ar nigheanaibh mar mhnàibh?

8 Agus thubhairt iad, Cia an aon de threubhan Israeil, nach d'thàinig a nìos a dh'ionnsuidh an Tighearna gu Misphe? agus, feuch, cha d'thàinig duine do'n champ o Iabes-gilead dh'ionnsuidh a' choimhthionail.

9 Oir dh'àirmheadh an sluagh, agus, feuch, cha robh neach air bith an sin de luchd-àiteachaidh Iabes-gilead.

10 Agus chuir an coimhthional an sin dà mhìle dheug fear dhiubhsan a bu tréine, agus dh'àithn iad dhoibh, ag ràdh, Falbhaibh agus buailibh luchd-àiteachaidh labeis-ghilead le faobhar a' chlàidheimh, maille ris na mnàibh agus ris a' chloinn.

11 Agus so an ni a ni sibh, Sgriosaidh sibh gu tur gach firionnach, agus gach bean a luidh le firionnach.

12 Agus fhuair iad am measg luchd-àiteachaidh labeis-ghilead ceithir cheud maighdean òg, aig nach robh aithne air fear le luidhe le firionnach sam bith: agus thug iad do'n champ iad gu Siloh, a *tha* ann an tìr Chanaain.

13 Agus chuir an coimhthional uile daoine uatha, agus labhair iad ri cloinn Bheniamin a *bha* ann an carraig Rimoin, agus ghairm iad orra ann an sìth.

14 Agus thàinig Beniamin a rìs anns an àm sin; agus thug iad dhoibh mnathan a ghléidh iad beò de mhnàibh labeis-ghilead: gideheadh cha d'fhuair iad *nabuleòr* mar sin.

15 Agus ghabh an sluagh aithreachas a thaobh Bheniamin, a chionn gu'n d'rin ann Tighearn briseadh ann an treubhan Israeil.

16 Agus thubhairt seanairean a' choimhthionail, Cionnus a ni sinn air son bhan dhoibh-san a mhair, oir sgriosadh na mnathan amach à Beniamin?

17 Agus thubhairt iad, *Tha* oighreachd ann air an son-san a chaidh as de Bheniamin: agus cha sgriosar treubh á h-Israel.

18 Gideheadh, cha-n fheud sinn mnathan a thoirt doibh d'ar nigheanaibh féin; oir mhionnaich clann Israeil, ag ràdh, Mall-aichte *gu robh* esan a bheir bean do Bheniamin.

19 An sin thubhairt iad, Feuch, *tha* féill an Tighearna ann an Siloh gach bliadhna, *anns an àit* a tha air an taobh mu thuath de Bhet-el, air an taobh an ear de'n rathad mhòr a tha 'dol suas o Bhet-el gu Sechem, agus air an taobh mu dheas de Lebonah.

20 Uime sin dh'àithn iad do chloinn Bheniamin, ag ràdh, Falbhaibh, agus deanaibh feall-fholach anns na fion-liosaibh;

21 Agus seallaibh, agus feuch, ma thig nigheanan Shiloh a mach a dhamsadh ann an dannaibh, an sin thigibh-sa mach as na fion-liosaibh, agus glacaibh, gach fear dhibh, a bhean de nigheanaibh Shiloh, agus rach-aibh gu tìr Bheniamin.

22 Agus tarlaidh, 'n uair a thig an aithrichean no am bràithrean d'ar n-ionnsuidhne a dheanamh gearain, gu'n abair sinne riu, Bithibh bàigheil riu air ar son-ne, a chionn nach do ghléidh sinn *de* gach fear a bhean anns a' chogadh; oir cha d'fhug sibhse dhoibh anns an àm so, air chor as gu'm bitheadh sibh ciontach.

23 Agus rinn clann Bheniamin mar sin, agus ghabh iad mnathan dhoibh féin a réir an àireimh, dhiubhsan a bha 'damsadh, a ghlac iad; agus chaidh iad agus phill iad a dh'ionnsuidh an oighreachd, agus thog iad suas na bailtean, agus ghabh iad còmhuidh anna.

24 Agus dh'imich clann Israeil as a sin 's an àm sin, gach duine dh'ionnsuidh a thréibhe, agus a dh'ionnsuidh a theaghlach, agus chaidh iad a mach as a sin gach duine dh'ionnsuidh 'oighreachd féin.

25 Anns na làitheibh sin cha *robh* rìgh air bith ann an Israel: rinn gach duine an *ni* sin a *bha* ceart 'n a shùilbh féin.

R U T.

CAIB. I.

1 Chaidh Elimelech agus a theaghlach gu bhith air chuairt ann am Moab, air son na gorta a bha ann an tìr Iudah. 6 An dèigh a bhàis, phill a bhean Naomi dhachaidh, maille r'a banchliamhuin Rut.

ANIS ri linn nam breitheamh, bha gorta 's an tìr: agus chaidh duine àraidh de Bhet-lehem Iudah gu bhith air chuairt ann am fearann Mhoab, e féin agus a bhean, agus a dhithis mhac.

2 Agus b'e ainm an duine Elimelech, agus ainm a mhna Naomi, agus ainm a dhithis mhac Mahlon agus Chilion, Ephrataich de Bhet-lehem Iudah: agus thàinig iad gu fearann Mhoab, agus dh'fhan iad an sin.

3 Agus fhuair Elimelech fear Naomi bàs; agus dh'fhàgadh ise, agus a dhithis mhac.

4 Agus ghabh iad dhoibh féin mnathan de

na Ban-mhoabaich: b'e ainm aoin diubh Orpah, agus ainm na mnà eile Rut: agus ghabh iad còmhuidh an sin mu thùchail deich bliadhna.

5 Agus fhuair mar an ceudna Mahlon agus Chilion le 'chéile bàs; agus dh'fhàgadh a' bhean as eugmhais a dhithis mhac, agus as eugmhais a fir.

6 Agus dh'éirich i suas maille r'a banchliamhuinibh, a chum gu'm pillcadh i o fhearann Mhoab: oir chual' i ann am fearann Mhoab, gu'n d'amhaire an Tighearn air a shluagh le aran a thabhairt doibh.

7 Uime sin chaidh i mach as an àite 's an robh i, agus a dà bhan-chliamhuin maille r'i; agus dh'imich iad air an t-slighe gu dol air an ais do thìr Iudah.

8 Agus thubhairt Naomi r'a dà bhan-

chliamhuin, Falbhaibh, pilleadh gach aon agaibh do thigh a màthar: gu'm buineadh an Tighearn gu caoimhneil ribh, mar a bhuin sibhse riuthasan nach maireann, agus riumsa.

9 Gu'n tugadh an Tighearn dhuibh gu'm faigh sibh fois, gach aon dhibh ann an tigh a fir. An sin phòg i iad: agus thog iad suas an guth, agus ghuil iad.

10 Agus thubhairt iad rithe, Gu cinnteach maille riutsa pillidh sinne dh'ionnsuidh do shluaigh.

11 Agus thubhairt Naomi, Pillibh, mo nigheanan; c'ar son a théid sibh maille riumsa? am bheil fathast mic agamsa a'm' innibh, gu bhi agaibh 'n am fir?

12 Pillibh, mo nigheanan; imichibh; oir tha mise tuilleadh's scan gu fear a bhi agam: nan abrainn, Tha dòchas agam, *nam* bitheadh fear agam eadhon an nochd, agus mar an ceudna gu'm beirinn mic,

13 Am feitheadh sibh riu gus an cinneadh iad? am fanadh sibh air an son gun fhir a bhi agaibh? na *deanaibh sin*, mo nigheanan; oir tha mi ro dhoilich air bhur sonsa, gu'n deachaidh làmh an Tighearna mach a'm' agaidh-sa.

14 Agus thog iad suas an guth, agus ghuil iad a ris: agus phòg Orpah a màthair-chéile, ach dhlùth-lean Rut rithe.

15 Agus thubhairt i, Feuch, tha do phiuthar-chéile air pilltinn a dh'ionnsuidh a sluaigh, agus a dh'ionnsuidh a diathan; pill thusa 'n déigh do pheathar-chéile.

16 Agus thubhairt Rut, Na h-iarr orm d'fhàgail, no pilltinn o bhi 'g ad leantuinn: oir ge b'e taobh a théid thusa, théid mise; agus far an gabh thusa tàmh, gabhaidh mise tàmh: *is e do shluagh-sa mo shluagh-sa*, agus do Dhia-sa mo Dhia-sa.

17 Far am faigh thusa bàs, gheibh mise bàs, agus an sin adhlaicear mi. Gu'n deanadh an Tighearn mar sin ormsa, agus tuilleadh mar an ceudna, *ma* chuireas ach am bàs dealachadh eadar mise agus thusa.

18 'N uair a chunnaic i gu'n robh i suidhichte air dol maille rithe, an sin sguir i do labhairt rithe.

19 Agus dh'imich iad le 'chéile gus an d'fhàinig iad gu Bet-lehem. Agus an uair a bha iad air teachd gu Bet-lehem, ghluais-eadh am baile uile mu'n timcheall, agus thubhairt iad, An i so Naomi?

20 Agus thubhairt ise riu, Na h-abraibh Naomi rium: abraibh Mara rium; oir bhuin an t-Uile-chumhachdach gu ro gheur rium.

21 Chaidh mi mach làn, agus thug an Tighearn air m'ais mi falamh. C'ar son ma ta their sibh Naomi rium, agus gu'n d'thug an Tighearn fianuis a'm' aghaidh, agus gu'n do chuir an t-Uile-chumhachdach fo àmhghar mi?

22 Mar sin phill Naomi, agus Rut a' Bhan-mhoabach, bean a nìc, maille rithe, a phill

á fearann Mhoab: agus thàinig iad gu Bet-lehem ann an toiseach na buain-eorna.

CAIB. II.

1 Chaidh Rut a dh'òghlum ann an achadh Bhoais. 4 Chuir esan eolas oirre, 8 agus nochd e caoimhneas dhi.

AGUS bha aig Naomi caraid a thaobh a fir, duine cumhachdach aig an robh mòr bheartas, de theaghlach Elimleich, agus b'e 'ainm Boas.

2 Agus thubhairt Rut a' Bhan-mhoabach ri Naomi, Leig dhomh a nis dol do'n achadh, agus diasan arbhair a dh'òghlum an déigh an ti sin, aig am faigh mi deadh-ghcan 'n a shùilb. Agus thubhairt i rithe, Falbh, mo nighean.

3 Agus dh'fhalbh i, agus thàinig i, agus dh'òghluim i's an achadh an déigh nan buanaichean; agus thachair dhi dol air earrann de'n achadh 'bu le Boas, a bha de theaghlach Elimleich.

4 Agus, feuch, thàinig Boas o Bhet-lehem, agus thubhairt e ris na buanaichibh, Gu robh an Tighearn maille ribh: agus thubhairt iadsan ris, Gu'm beannaicheadh an Tighearn thusa.

5 An sin thubhairt Boas r'a òglach a chuireadh os ceann nam buanaichean, Cò leis an òg-bhean so?

6 Agus fhreagair an t-òglach a chuireadh os ceann nam buanaichean, agus thubhairt e, *Is i so* an òg-bhean Mhoabach, a thàinig air a h-ais maille ri Naomi á fearann Mhoab:

7 Agus thubhairt ise, Guidheam ort, leig dhomh dìoghlum, agus tional am measg nan sguab an déigh nam buanaichean: agus thàinig i, agus dh'fhuirich i eadhon o'n mhaduinn gus a nis, gu'n d'fhan i tamull beag a stigh.

8 An sin thubhairt Boas ri Rut, Nach chuinn thu, mo nighean? Na gabh a dh'òghlum ann an achadh eile, agus na falbh á so, ach fan an so làmh ri m' ghruagaichibh-sa.

9 Bitheadh do shùilean air an achadh a bhuaineas iad, agus falbh thusa 'n an déigh. Nach d'aithn mise do na h-òganaich gun bheantuinn riut? agus an uair a bhitheas iotadh ort, falbh a dh'ionnsuidh nan soithichean, agus òl de'n uisge a tharruing na h-òganaich.

10 An sin thuit i air a h-aghaidh, agus chom si i féin gu làr, agus thubhairt i ris, C'ar son a fhuair mi deadh-ghcan a'd' shùilb, gu'n cuireadh tu còlas orm, agus mi a'm' choigreach?

11 Agus fhreagair Boas, agus thubhairt e rithe, Dh'innseadh gu h-ionmhan dhomhsa gach nì a rinn thu do d' mhàthair-chéile an déigh bàis d'fhir, agus mar a dh'fhàg thu d'athair agus do mhàthair, agus an tìr anns an d'rugadh tu, agus a tha thu air teachd a dh'ionnsuidh sluaigh nach b'aithne dhuit roimhe so.

12 Gu'n dioladh an Tighearn do shaothair, agus gu robh do dhuais iomlan o'n Tighearn Dia Israeil, fo a sgiathaibh an d'fhàinig thu a chur do dhòchais.

13 Agus thubhairt ise, Faigheam deadh-gheanaid' d' shùilibh, mo Thighearna, do bhrìgh gu'n d'fhug thu sòlas dhomh, agus gu'n do fàbhair thu gu caoinhneil ri d' bhanoglaich, ged nach 'eil mi cosmhuil ri h-aon de d' ghruagaichibh-sa.

14 Agus thubhairt Boas rithe, Aig àm bidh thig thusa an so, agus ith de'n aran, agus tum do ghreim anns an fhìon-ghcur. Agus shuidh i ri taobh nam buanaichean: agus shìn e dhi *siol* cruaidhichte, agus dh'ith i, agus shàsuicheadh i, agus dh'fhàg i fuighcall.

15 Agus an uair a dh'éirich i suas gu dìoghlum, dh'àithn Boas d'a òganaich, ag ràdh, Eadhon am measg nan sguab dìoghlumeadh i, agus na cuiribh nàire oirre.

16 Agus cuideachd leigibh d'ur deoin le *cuid* de na dlòghaibh tuiteam air a son, agus fagaibh *iad* a chum gu'n dìoghlum i *iad*, agus na tugaibh achmhasan dhi.

17 Mar sin dhìoghlum i 's an achadh gu feasgar, agus bhuail i as na dhìoghlum i; agus bha *ann* mu thimchioll ephah eorna.

18 Agus thog i suas e, agus chaidh i do'n bhaile, agus chunnaic a màthair-chéile na dhìoghlum i: agus chuir i a làthair, agus thug i dhi na dh'fhàg i, an déigh dhi bhì sàsuichte.

19 Agus thubhairt a màthair-chéile rithe, C'àit an do dhìoghlum thu'n diugh? agus c'àit an do shaothraich thu? beannaichte gu robh an tì a chuir eòlas ort. Agus dh'innis i d'a màthair-chéile co aig a shaothraich i, agus thubhairt i, *Is* e ainm an duine aig an do shaothraich mi 'n diugh, Boas.

20 Agus thubhairt Naomi r'a ban-chliamhuin, Beannaichte gu robh esan o'n Tighearn, nach do leig dheth a chaoimhneas do na beothaibh, agus do na marbhaibh. Agus thubhairt Naomi rithe, *Tha* 'n duine dlùth 'an dàimh dhuinn; is aon e d'ar dilsibh a's faigse.

21 Agus thubhairt Rut a' Bhan-mhoabach, Mar an ceudna thubhairt e riumsa, Làimh ri m'òganaich-sa fanaidh tu, gus an crìochnaich iad m'fhoghar uile.

22 Agus thubhairt Naomi ri Rut a ban-chliamhuin, *Is* fearr dhuit, mo nighean, dol a mach maille r'a ghruagaichibh, a chum nach coinnich iad thu ann an achadh sam bith eile.

23 Dh'fhan i uime sin làimh ri ghruagaichibh Bhoais a dhìoghlum, gus an do chrìochnaich eadh foghar an eorna, agus foghar a' chrìuthnachaidh; agus ghabh i còmhluaidh maille r'a màthair-chéile.

1 *Air comhairle Naomi, 5 chaidh Rut agus iuidh i aig cosaibh Bhoais. 13 Gheall Boas gu'n deanadh e rithe dlighe fir-dàimh.*

AN SIN thubhairt Naomi a màthair-chéile rithe, Mo nighean, nach iarr mise suaimhneas dhuitse, chum gu'n éirich gu maith dhuit?

2 Agus a nis nach 'eil Boas d'ar dilsibh, maille r'a ghruagaichibh an robh thu? Feuch, *bithidh* e a' fasgnadh eorna an nochd air an urlar-bhualaidh.

3 Uime sin nìgh thu féin, agus ung thu féin, agus cuir do thrusgan ort, agus gabh sìos do'n urlar-bhualaidh: *ach* na dean thu féin aithneichte do'n duine, gus an sguir e dh'itheadh agus a dh'òl.

4 Agus an uair a luidheas e sìos, bheir thu fainear an t-àit anns an luidh e, agus thèid thu agus rùisgidh tu a chosan, agus luidhidh tu sìos; agus innsidh e dhuit ciod a ni thu.

5 Agus thubhairt i rithe, Gach *ni* a tha thu ag ràdh rium, ni mise.

6 Agus chaidh i sìos do'n urlar-bhualaidh, agus rinn i a réir gach *ni* a dh'àithn a màthair-chéile dhi.

7 Agus an uair a dh'ith agus a dh'òl Boas, agus a bha a chridhe subhach, chaidh e a luidhe sìos aig ceann an dùin arbhair: agus thàinig i gu sàmhach, agus rùisg i a chosan, agus luidh i sìos.

8 Agus an uair a bha e mu mhcadhon-oidheche, bha eagal air an duine, agus thionndaidh se e féin; agus, feuch, bean 'n a luidhe aig a chosaibh.

9 Agus thubhairt e, Cò thusa? Agus fhreagair i, *Is* mise Rut do bhanoglach: sgaoil uime sin iomall d'eudaich air do bhanoglaich, oir *is* fear-dàimh thu.

10 Agus thubhairt e, Beannaichte gu robh thusa o'n Tighearn, mo nighean; nochd thu tuilleadh caoinhneis mu dheireadh na an toiseach, do bhrìgh nach deachaidh tu 'n déigh òigfhearann, bochd no beartach.

11 Agus a nis, mo nighean, na bitheadh eagal ort; gach *ni* a tha thu ag iarraidh, ni mi dhuit; oir tha fios aig uile bhaile mo shluaigh gur bean bheusach thu.

12 Agus a nis tha e fìor gur fear-dàimh *dhuit* mise; gidheadh tha fear-dàimh a's faigse *dhuit* na mi.

13 Fan an nochd, agus anns a' mhaduinn ma ni e riut dlighe fir-dàimh, *tha sin* gu maith, deanadh e dlighe fir-dàimh; ach mur bi e toileach dlighe fir-dàimh a dheanamh riut, an sin ni mise dlighe fir-dàimh riut, *mar* is beò an Tighearn: luidh sìos gu maduinn.

14 Agus luidh i sìos aig a chosaibh gu maduinn: agus dh'éirich i mu'n robh e 'n comas do dhuine duin' eile aithneachadh. Agus thubhairt e, Na bitheadh fios aig

RUT, IV.

neach air bith gu'n d'fhàinig bean a steach do'n urlar-bhualaidh.

15 Mar an ceudna thubhairt e, *Thoir an so am brat a tha agad* umad, agus cum e. Agus chum i e, agus thomhais e sè *toimhsean* corna, agus chuir e oirre *iad*; agus chaidh i a steach do'n bhaile.

16 Agus an uair a thàinig i dh'ionnsuidh a màthar-chéile, thubhairt i, Cò thusa, mo nighcan? agus dh'innis i dhi gach *ni* a rinn an duine dhi.

17 Agus thubhairt i, Na sè *toimhsean* corna so thug e dhomh; oir thubhairt e rium, Na imich falamh a dh'ionnsuidh do mhàthar-chéile.

18 Agus thubhairt ise, Fuirich, mo nighcan, gus am bi fios agad cionnus a dh'èir-eas do'n chùis: oir cha bhi an duine aig fois gus an crìochnaich e 'n gnothuch an diugh.

CAIB. IV.

1 *Ghairm Boas air an fhear-dàimh a b'fhaigse, chum gu'n fuasgladh e fearann Elimelech.*
6 *Dh'uit esan 'fhuasgladh.* 13 *Phòs Boas Rut.* 17 *Rug ise Obed, sean-athair Dhaibhidh.*

AN SIN chaidh Boas suas a dh'ionnsuidh a' gheata, agus shuidh e sìos an sin: agus, feuch, bha 'm fear-dàimh mu'n do labhair Boas a' dol seachad, agus thubhairt e ris, Ho, a leithid so a dh'fhear! thig a leth-taobh, suidh sìos an so. Agus thàinig e a leth-taobh, agus shuidh e sìos.

2 Agus ghabh e deichnear dhaoine de sheanairibh a' bhaile, agus thubhairt e, Suidhibh sìos an so. Agus shuidh iad sìos.

3 Agus thubhairt e ris an fhear-dàimh, Tha Naomi, a thàinig air a h-ais á fearann Mhoab, gu carrann de'n achadh a bu le ar bràthair Elimelech, a reic.

4 Agus smuainich mi air fios a thoirt duit, ag ràdh, Ceannaich e 'am fianus an luchd-àiteachaidh, agus 'am fianus shean-airean mo shluaigh: na dh'fhuasgailas tu e, fuasgail e; ach mur fuasgail thu e, innis dhomh, a chum gu'm bi fios agam: oir cha-n'èil neach air bith ann gu 'fhuasgladh ach thusa, agus mise a'd' dhéigh-sa. Agus thubhairt esan, Fuasgailidh mise e.

5 An sin thubhairt Boas, 'S an fa anns an ceannaich thu 'n t-achadh o làimh Naomi, feumaidh tu cuideachd a cheannach o Rut a' Bhan-mhoabach, bean a' mhairbh, a thogail suas ainne a' mhairbh air 'oigh-reachd-san.

6 Agus thubhairt am fear-dàimh, Cha-n fheud mi 'fhuasgladh dhomh féin, air eagail gu mill mi m' oighreachd féin: fuasgail thusa mo chòir dhuit féin, oir cha-n fheud mise a fuasgladh.

7 A nis *b'e* so o shean *an gnàth* ann an Israel a thaobh fuasglaidh, agus a thaobh

iomlaid, a dhaingneachadh gach *ni*: chuireadh duine dheth a bhròg, agus bheireadh e d'a choimhearsnach *i*: agus bha so mar fhianuis ann an Israel.

8 Uime sin thubhairt am fear-dàimh ri Boas, Ceannaich air do shon féin e: agus chuir e dheth a bhròg.

9 Agus thubhairt Boas ris na seanairibh, agus *ris* an t-sluagh uile, *Is* fianuisean sibhse an diugh, gu'n do cheannaich mise gach *ni 'bu* le Elimelech, agus gach *ni 'bu* le Chilion, agus le Mahlon, o làimh Naomi.

10 Agus mar an ceudna Rut a' Bhan-mhoabach, bean Mhahloin, cheannaich mi dhomh féin gu bhi 'n a mnaoi agam, a thogail suas ainne a' mhairbh air 'oigh-reachd, a chum nach gearrar as ainm a' mhairbh á meadhan a bhràithrean, agus o gheata 'àite féin: *is* fianuisean sibhse an diugh.

11 Agus thubhairt an sluagh uile a *bha* 's a' gheata, agus na seanairean, *Is* fianuisean sinn: gu'n deanadh an Tighearn a' bhean a tha 'teachd a dh'ionnsuidh do thighe, mar Rachel agus mar Leah, a thog suas le 'chéile tigh Israeil: agus dean thusa gu *cubhaidh* ann an Ephratah, agus bi cluicteach am an Bet-lehem;

12 Agus bitheadh do thigh mar thigh Phareis, (a rug Tamar do Iudah,) de'n t-sliochd a bheir an Tighearn dhuit o'n mnaoi oig so.

13 Agus ghabh Boas Rut, agus bha i aige 'n a mnaoi: agus chaidh e stigh d'a h-ionnsuidh, agus thug an Tighearn toirrechas dhi, agus rug i mac.

14 Agus thubhairt na mnathan ri Naomi, Beannaichte gu robh an Tighearn nach d'fhàg thusa an diugh gun fhear-dàimh, a chum gu'm bi 'ainm cluicteach ann an Israel.

15 Agus bithidh e dhuit 'n a fhear ath-nuadhachaidh do bheatha, agus 'n a fhear-altruim do shean aois: oir is i do bhan-chliamhuin, aig am bheil gràdh dhuit, a's fearr dhuit na seachd mic, a rug e.

16 Agus ghabh Naomi an leanabh, agus chuir i 'n a h-uchd e, agus bha i 'n a ban-altrum aige.

17 Agus thug na ban-choimhearsnaich ainm air, ag ràdh, Rugadh mac do Naomi; agus thug iad Obed mar ainm air: *Is* esan athair Iese, athar Dhaibhidh.

18 A nis *is iad* so ginealaich Phareis: Ghin Phares Hesron,

19 Agus ghin Hesron Ram, agus ghin Ram Aminadab,

20 Agus ghin Aminadab Nahson, agus ghin Nahson Salmon,

21 Agus ghin Salmon Boas, agus ghin Boas Obed,

22 Agus ghin Obed Iese, agus ghin Iese Daibhidh.

CEUD LEABHAR SHAMUEIL,

D'AN AINM, AIR MHODH EILE,

CEUD LEABHAR NAN RIGH.

CAIB. I.

1 *Eleanah, agus a dhà mhnaoi. 9 Urnuigh Hanah. 20 Rugadh Samuel.*

A NIS bha duine àraidh o Ramataim-sophim, o shliabh Ephraim, agus b'e 'ainm Eleanah, mac Ierohaim, mhie Elihu, mhie Thohu, mhie Shuph, Ephrathach.

2 Agus bha dithis bhan aige: ainm mnà dhiubh Hanah, agus ainm na mnà eile Peninah. Agus aig Peninah bha clann, ach aig Hanah cha robh clann.

3 Agus thàinig an duine so mios as a bhaile gach bliadhna, a dheanamh aoraidh agus a dh'ìobradh do Thighearn nan sluagh ann an Siloh: agus bha dà mhae Eli, Hophni agus Phinehas, sagartan an Tighearna an sin.

4 Agus an uair a thàinig an t-àm anns an d'ìobair Eleanah, thug e d' amhnaoi Peninah, agus d'a mic uile agus d'a nigheanaibh, cuibhriannan.

5 Ach do Hanah thug e cuibhrionn dhù-bailte; oir ghràdhach e Hanah: ach dhruid an Tighearn a brù.

6 Agus bhrosnaich a h-easgaraid i mar an ceudna gu feirg, a thoirt oirre gearan a dheanamh, a chionn gu'n do dhruid an Tighearn a brù.

7 Agus mar sin rinn e gach bliadhna, 'n uair a thàinig i mios do thigh an Tighearna, mar sin bhrosnaich si i. Uime sin ghul i, agus cha-n itheadh i.

8 An sin thubhairt Eleanah a fear rithe, A Hanah, c'ar son a tha thu a' gul? agus c'ar son nach 'eil thu ag itheadh? agus c'ar son a tha do chridhe air a chràdh? nach fèarr mise dhuit na deich mie?

9 Agus dh'èirich Hanah suas an dèigh dhoibh itheadh ann an Siloh, agus an dèigh dhoibh òl: (a nis bha Eli an sagart 'n a shuidhe air caithir làimh ri ursainn ann an teampull an Tighearna:)

10 Agus bha i air a' eradh 'n a h-anam, agus rinn i urnuigh ris an Tighearn, agus ghul i gu goirt.

11 Agus bhòidich i bòid, agus thubhairt i, O Thighearna nan sluagh, ma dh'amhairceas tu da rìreadh air àmhghar do bhanogkaidh, agus gu'n eumhnhich thu orm, agus nach dì-chuimhnich thu do bhanoglach, ach gu'n toir thu do d' bhanoglaich leanabh gille, an sin bheir mi e do'n Tighearn rè uile làithean a bheatha, agus cha téid ealtainn air a cheann.

12 Agus an uair a bhunaich i ri h-urnuigh

an làthair an Tighearna, thug Eli faineir a beul.

13 A nis bha Hanah a' labhairt 'n a cridhe; bha a bilean a mhàin a' gluasad, ach cha chualas a guth: uime sin shaoil Eli gu'n robh i air mhisg.

14 Agus thubhairt Eli rithe, Cia fad a bhios tu air mhisg? cuir air falbh d'fhion uait.

15 Agus fhreagair Hanah agus thubhairt i, Ni h-eadh, mò thighearna; is bean mise a tha tuirseach a'm spiorad: aon ehuid fion no deoch làidir cha d'òl mi, ach dhòirt mi mach m'anam an làthair an Tighearna.

16 Na meas do bhanoglach mar nighean do Bheial: oir is ann á ro-mheud mo ghearrain agus mo dhoilgheis a labhair mi gus a nis.

17 An sin fhreagair Eli agus thubhairt e, Imich ann an sìth: agus gu'n tugadh Dia Israeil dhuit d'iarrtas a dh'iarr thu air.

18 Agus thubhairt ise, Faigheadh do bhanoglach deadh-ghean a'd' shùilb. Agus dh'imich a' bhean roimpe, agus dh'ith i, agus cha robh a gubhs ni b'fhaide dubhach.

19 Agus dh'èirich iad gu moch anns a' mhaduinn, agus rinn iad aoradh an làthair an Tighearna, agus phill iad, agus thàinig iad a dh'ionnsuidh an tighe gu Ramah: agus dh'aithnich Eleanah a bhean Hanah, agus ehumhnhich an Tighearn oirre.

20 Uime sin tharladh, an uair a thàinig an t-àm mu'n euairt, an dèigh do Hanah fàs torrach, gu'n d'rug i mac; agus thug i Samuel mar ainm air, *ag rìdh*, Do bhrìgh gu'n d'iarr mi e air an Tighearn.

21 Agus chaidh an duine Eleanah, agus a thigh uile, suas a dh'ìobradh do'n Tighearn na h-ìobairt bhliadhnail, agus a *choimh-ionadh* a bhòide.

22 Agus cha deachaidh Hanah suas; oir thubhairt i r'a fear, *Cha téid mise suas* gus an euirear an leanabh bhàrr na eiche, agus an sin bheir mi leam e, chum gu'n taisbeanar e 'am fianuis an Tighearna, agus gu'm fan e 'n sin gu bràth.

23 Agus thubhairt Eleanah a fear rithe, Dean mar is maith leat; fan gus an cuir thu bhàrr na eiche e; a mhàin daingnieheadh an Tighearn 'fhocal. Agus dh'fhana' bhean, agus thug i eioch d'a leanabh, gus an do chuir i bhàrr na eiche e.

24 Agus an uair a chuir i bhàrr na eiche e, thug i suas leatha e, maille ri trì-bliadhnach tairbh, agus aon ephah de mhin mhìn,

agus searrag fhìona, agus thug i e do thigh an Tighearn' ann an Siloh: agus bhia 'n leanabh òg.

25 Agus mharbhadh iad an tarbhl, agus thug iad an leanabh a dh'ionnsuidh Eli.

26 Agus thubhairt i, Mo thighearna, *mar* is beò d'anam, mo thighearn', *is* mis' a' bhean a sheas làimh riut an so, a' deanamh urnuigh ris an Tighearn.

27 Air son an leinibh so rinn mi urnuigh; agus thug an Tighearn dhomh m'iarrtas a dh'iar mi air:

28 Agus uime sin thug mi seachad gu saor e do'n Tighearn: rè uile làithean a bheatha thugadh seachad e do'n Tighearn. Agus rinn e aoradh do'n Tighearn an sin.

CAIB. II.

1 *Laoidh Hanah.* 12 *Aingidheachd mhac Eli.*

18 *Fhrithheil Samuel an làthair an Tighearna.*

27 *Fàistneachd an aghaidh tìghe Eli.*

AGUS rinn Hanah urnuigh, agus thubhairt i, Tha mo chridhe a' deanamh gairdeachais anns an Tighearn; dh'ardaicheadh m'adharc anns an Tighearn; rinneadh mo bheul farsaing os ceann mo naimhdean, do bhrìgh gu bheil mi aoibhneach ann do shlàinte-sa.

2 Cha-n'eil neach air bith naomh mar an Tighearn; oir cha-n'eil neach ann ach thu, agus cha-n'eil carraig ann mar ar Dia-ne.

3 Na labhraibh nì's mò cho ro uaibhreach; na tìgeadh àrdan a maeh as bhrur beul; oir is Dia còlais an Tighearn, agus leis-san tha gnìomhachan air an cothromachadh.

4 Tha boghannan nan daoine treuna air am briseadh, agus tha iadsan a thuishich air an crìoslaeadh le neart.

5 *Iadsan a bha làn*, air son arain thuas-dalaich siad iad fèin; agus *iadsan a bha ocrach*, sguir iad de *bhi mar sin*: isc a bha roimhe neothorrach, rug i seachdnar; agus isc aig an robh mòran cloinne, dh'fhàs i fann.

6 'S e 'n Tighearn a mharbhas agus a bheothaicheas: bheir e sìos a dh'ionnsuidh na h-uaghe, agus bheir e nìos.

7 'S e 'n Tighearn a nì bochd, agus a nì beartach: leagaidh e sìos, agus togaidh e suas.

8 Togaidh e 'm bochd o'n duslach; o'n òrach togaidh e suas an feumach, g'an cur 'n an suidhe maille ri uachdaranabhl, agus a thoirt orra caithir glòire a shealbhaeadh: oir *is* leis an Tighearn bunaitean na talmhainn, agus shuidhich e an domhan orra.

9 Cosan a naomh gleidhidh e, agus bithidh na h-aingidh tosdach ann an dòrehad; oir le neart cha bhuadhaich duine sam bith.

10 Brisear 'n am bloighdibh cascairdean an Tighearna: as na nàmhlan nì e tairneanach orra: bheir an Tighearn breth air

crìochaibh na talmhainn; agus bheir e neart d'a rìgh, agus àrdaichidh e adharc 'Aoin ungta fèin.

11 Agus dh'imich Eleanah gu Ramah d'a thigh; agus fhrithheil an leanabh do'n Tighearn 'am fianuis Eli an t-sagairt.

12 A nis *bu* mhic do Bhelial mic Eli; cha b'aithe dhoibh an Tighearn.

13 Agus *b'e* gnàth nan sagart leis an t-sluagh, an uair a dh'ìobradh duine sam bith ìobairt, gu'n tìgeadh òglach an t-sagairt, an uair a bha 'n fheoil 'g a bruicheadh, agus greimiche-feòla thrì meur 'n a làimh;

14 Agus bluailleadh e s' an aghaunn e, no 's a' chòire bheag, no 's a' chòire mhòr, no 's a' phoit; gach nì a bheireadh an greimiche-feòla suas, ghabhadh an sagart air a shon fèin: mar sin rinn iad ann an Siloh, ris na h-Israelich uile a thàinig an sin.

15 Mar an eudna mun loisgeadh iad an t-saill, thigeadh òglach an t-sagairt, agus theireadh e ris an duine a dh'ìobairt, Thoir feoil g'a ròstadh do'n t-sagart; oir cha ghabh e uait feoil bhrùie, ach *amh*.

16 Agus *nan* abradh duine sam bith ris, Na dearmadadh iad an t-saill a losgadh air ball, agus *an sin* gabh dhuit fèin mar is miann le d'anam; an sin fhreagradh e, *Nì h-eadh*, ach bheir thu *dhomh* a nis; agus mur tabhair, gabhaidh mi a dh'aindeoin.

17 Uime sin bha peacadh nan òganach ro mhòr 'am fianuis an Tighearna; oir rinn daoine tarcuais air ìobairt an Tighearna.

18 Ach fhrithheil Samuel an làthair an Tighearna, agus e 'n a leanabh, air a chrìoslachadh le ephod de lìon-eudach.

19 Agus rinn a mhàthair dha còta beag, agus thug i d'a ionnsuidh e o bhliadhna gu bliadhna, 'n uair a chaidh i suas maille r'a fear a dh'ìobradh na h-ìobairt bhliadhnail.

20 Agus bheannaich Eli Eleanah, agus a bhean, agus thubhairt e, Gu'n tugadh an Tighearn dhuit slìoehd o'n mhnai so, air son an tìodhlach a thug i seachad do'n Tighearn. Agus chaidh iad d'an àite fèin.

21 Agus dh'anihairc an Tighearn air Hanah, agus dh'fhàs i torrach, agus rug i trì mic, agus dà niginn. Agus dh'fhàs an leanabh Samuel suas 'am fianuis an Tighearna.

22 A nis bha Eli ro shean, agus ehuail e gach *nì* a rinn a mhic ri h-Israel uile, agus cionnus a luidh iad leis na mnàibh a chruinnich aig dorus pàilliun a' choimh-thionail.

23 Agus thubhairt e rin, C'ar son a tha sibh a' deanamh a lethidh so de nithibh? oir tha mi a' cluinntinn a thaobh bhrur droch gnìomhachan o'n t-sluagh so uile.

24 Na *deanaibh mar so*, mo mhic: oir cha sgeul maith a tha mi a' cluinntinn, gu bheil sibh a' toirt air sluagh an Tighearna dol air seacharan.

25 Ma pheacaicheas duine an aghaidh

duin' eile, bheir am breitheamh breth air: ach ma pheacaicheas duine an aghaidh an Tighearna, cò a ghuidheas air a shon? gi-dheadh cha d'èisd iadsan ri guth an athar, do bhrìgh gu'm bu toil leis an Tighearn am marbhadh.

26 Agus dh'fhàs an leanabh Samuel suas, agus bha e taitneach araon do'n Tighearn, agus do dhaoibh.)

27 Agus thàinig duine le Dia dh'ionnsuidh Eli, agus thubhairt e ris, Mar so tha 'n Tighearn ag ràdh, An d'fhoillsich mise gu soilleir mi féin do thigh d'athar, an uair a bha iad 's an Eiphit, ann an tigh Pharaoh?

28 Agus an do thagh mi e á treubhan Israeil uile *gu bhi* 'n a shagart agam, a dh'ìobradh air m'altair, a losgadh tùis, a dh'iom-char ephoid a'm' fhianuis? agus an d'thug mi do thigh d'athar na tabhartasan uile a bheirear suas le teine le cloinn Israeil?

29 C'ar son a tha sibh a' deanamh tàir air m'ìobairt, agus air mo thabhartas a dh'aithn mi *ann am* àite-còmhnuidh, agus a tha thu a' toirt urrainn do d' mhic os mo cheann-sa, gu sibh féin a dhcanamh reamhar le roghadh uile thabhartas mo shluaigh Israeil?

30 Uime sin tha 'n Tighearn Dia Israeil ag ràdh, Thubhairt mi gu deimhin, *gu'n* gtuaiseadh do thigh-sa agus tigh d'athar a'm' fhianuis gu bràth: ach a nis tha 'n Tighearn ag ràdh, Gu ma fada sin uamsa; oir dhoib' san a bheir urram dhomhsa bheir mise urram, agus iadsan a ni tàir ormsa, is beag am meas a bhitheas dhiubh.

31 Feuch, *tha* na làithean a' teachd anns an gearr mi dhìot do ghàirdean, agus gàirdean tighe d'athar, air chor as nach bi seann duine a'd' thigh.

32 Agus chi thu nàmhaid *ann am* àite-còmhnuidh-sa anns an uile shaoibheas a bheir *Dia* do Israel: agus cha bhi seann duine a'd' thighsa, gu bràth.

33 Agus an duine sin agad nach gearr mi as o m'altair, *bithidh e* a chlaoidh do shùl, agus a chràdh do chridhe: agus bàsaichidh uile ghineal do thighe ann an tréin' an neirt.

34 Agus *bithidh* so 'n a chomharadh dhuit, a thig air do dhithis mhac, air Hophni agus Phinehas, ann an aon là bàsaichidh iad le chéile.

35 Agus togaidh mi snas dhomh féin sagart dileas, a ni mar a *tha e* ann am chridhe, agus ann am inntinn; agus togaidh mi dha tigh seasmhach, agus imichidh e 'am fianuis m'. Aoin ungta gu bràth.

36 Agus tarlaidh gu'n tig gach neach a dh'fhàgar a'd' thigh a chromadh sìos da air son mìr airgid, agus greim arain; agus their e, Cuir mi, guidheam ort, ann an aon de dhreuchdaibh nan sagart, a chum gu'n ith mi greim arain.

CAIB. III.

1 Dh' fhoillsicheadh focal an Tighearna do Shamuel. 11 Chuir Dia 'an cèill do Shamuel an sgrìos a bha gu teachd air tigh Eli.

A GUS fhritheil an leanabh Samuel do'n Tighearn 'an fianuis Eli: agus bha focal an Tighearna luachmhor anns na làithibh sin; cha robh taisbeanadh follais-each am.

2 Agus tharladh anns an àm sin, an uair a bha Eli 'n a luidhe 'n a àite; (agus thòisich a shùilean air failneachadh: cha b'urrainn e faicinn *gu maith*;) 3 Agus mun deachaidh òclhran Dhé as, an uair a bha Samuel 'n a luidhe ann an team-pull an Tighearna, far an robh àire Dhé;

4 Gu'n do ghairm an Tighearn air Samuel; agus fhreagair esan, *Tha* mi 'n so. 5 Agus rith e dh'ionnsuidh Eli, agus thubhairt e, *Tha* mi 'n so, oir ghairm thu orm. Agus thubhairt esan, Cha do ghairm mise ort; pill, luidh sìos. Agus dh'fhalbh e agus luidh e sìos.

6 Agus ghairm an Tighearn a ris air Samuel. Agus dh'éirich Samuel, agus chaidh e dh'ionnsuidh Eli, agus thubhairt e, *Tha* mi 'n so, oir ghairm thu orm. Agus fhreagair esan, Cha do ghairm mise ort, a mhic; pill, luidh sìos.

7 A nis cha b'aithne do Shamuel fathast an Tighearn, agus cha d'fhoillsicheadh focal an Tighearna fathast da.

8 Agus ghairm an Tighearn fathast air Samuel an treas uair. Agus dh'éirich e, agus chaidh e dh'ionnsuidh Eli, agus thubhairt e, *Tha* mi 'n so, oir ghairm thu orm. Agus thuig Eli gu'm b'e 'n Tighearn a ghairm air an leanabh.

9 Uime sin thubhairt Eli ri Samuel, Falbh, luidh sìos; agus ma ghairmeas e ort, an sin their thu, Labhair, a Tighearna, oir tha do sheirbhiseacha' cluinntinn. Agus dh'fhalbh Samuel, agus luidh e sìos 'n a àite féin.

10 Agus thàinig an Tighearn, agus sheas e, agus ghairm e mar air na h-uairibh eile, A Shamuel, a Shamuel. An sin fhreagair Samuel, Labhair, oir *tha* do sheirbhiseach a' cluinntinn.

11 Agus thubhairt an Tighearn ri Samuel, Feuch, ni mi ni ann an Israel, a ni gaof ann an dà chluais gach neach a chluinneas e.

12 Anns an là sin, còmhlaicheadh mi an aghaidh Eli na *nithean sin* uile a labhair mi mu thimchioll a thighe: tòisichidh mi agus crìochnaichidh mi.

13 Oir dh'inns mi dha gu'n toir mi breth air a thigh gu bràth, air son na h-aingidheachd air an bheil e fiosrach; a chionn gu'n d'thug a mhic masladh dhomhsa, agus nach do chaisg esan iad.

14 Agus uime sin mhionnaich mi do thigh Eli, nach glanar as aingidheachd tighe Eli le h-ìobairt, no le tabhartas gu bràth.

15 Agus luidh Samuel gu maduinn, agus

dh'fhosgail e dorsan tighe an Tighearna: agus bha eagal air Samuel an taisbeanadh iniseadh do Eli.

16 An sin ghairm Eli air Samuel, agus thubhairt e, A Shamueil a mhic. Agus thubhairt esan, *Tha mi 'u so.*

17 Agus thubhairt e, Ciod an ni a chaidh a ràdh riut? na ceil ormsa e, guidheam ort: gu'n deanadh Dia mar sin riut, agus tuilleadh mar au ceudna, ma cheileas tu ui air bith orm, de gach ni a chaidh a ràdh riut.

18 Agus dh'innis Samuel dha na h-uile nithean, agus cha do cheil e *ni sam bith* air. Agus thubhairt esan, *Is e 'n Tighearn a th'ann; an ni sin a tha maith 'u a shùilibh ni e.*

19 Agus dh'fhàs Samuel suas, agus bha 'n Tighearn maille ris, agus cha do leig e do h-aon air bith d'a fhoclaibh tuiteam a dh'ionnsuidh an làir.

20 Agus bha fios aig Israel uile, o Dhan gu ruig Beer-seba, gu'n d'orduicheadh Samuel 'n a fhàidh do'n Tighearn.

21 Agus thaisbeineadh an Tighearn a ris ann an Siloh; oir dh'fhoillsich an Tighearn e féin do Samuel ann an Siloh, le focal an Tighearna.

CAIB. IV.

1 Bhuaileadh clann Israel roimh na Philistich. 11 Ghlacadh àire Dhé, agus mharbhadh Hophni agus Phinehas. 18 Bàs Eli.

A GUS thàinig focal Shamueil a dh'ionnsuidh Israel uile. A nis chaidh Israel a uach an aghaidh nam Philisteach gu cath, agus champaich iad làimh ri Ebeneser: agus champaich na Philistich ann an Aphec.

2 Agus tharruing na Philistich iad féin suas 'an ordugh blàir an aghaidh Israel: agus chuireadh an cath, agus bhuaileadh Israel roimh na Philistich: agus mharbh iad anns a' chath 's a' mhachair mu thimchioll ceithir mìle fear.

3 Agus an uair a thàinig an sluagh do'n champ, thubhairt seanaircan Israel, C'ar son a bhuail an Tighearn sinn au diugh an làthair nam Philisteach? Thugamaid d'ar n-ionnsuidh á Siloh àire coimhcheangail an Tighearna, chum 'n uair a thig i 'n ar neas gu'n saor i sinn á làimh ar naimh-dean.

4 Agus chuir an sluagh daoine gu Siloh, a chum gu'n tugadh iad á sin àire coimhcheangail Thighearna nan sluagh, a tha 'chòmhnuidh eadar na Cheruban: agus bha dithis mhac Eli, Hophni agus Phinehas, an sin maille ri àire coimhcheangail Dhé.

5 Agus an uair a thàinig àire coimhcheangail an Tighearna do'n champ, dh'èigh Israel uile le h-iolaich mhòir, agus fhreagair an talamh do'n fhuaim.

6 Agus chuala na Philistich fuaim na h-iolaich, agus thubhairt iad, Ciod a's ciall

do fhuaim na h-iolaiche mòire so ann an camp nan Eabhruidheach? Agus thuig iad gu'n robh àire au Tighearn' air teachd do'n champ.

7 Agus bha cagal air na Philistich, oir thubhairt iad, Tha diathan air teachd do'n champ: agus thubhairt iad, Mo thruaighe sinne! oir cha robh a leithid so de ni riamh roimhe ann:

8 Mo thruaighe sinne! cò a shaoras sinn á làimh uan diathan cumhachdach sin? 's iad sin na diathan a bhuail ua h-Eiphitich leis gach plaigh, agus a rinn nithean iongantach anns an fhàsach.

9 Bithibh làidir, agus bithibh fearail, O sibhse Philisteacha, a chum nach bi sibh 'n ur tràillibh aig na h-Eabhruidhich, mar a bha iadsan 'n an tràillecan agaibhse: bithibh ma ta fearail, agus cogaibh.

10 Agus chog na Philistich; agus bhuail-cadh Israel, agus theich gach duine dhiubh a dh'ionnsuidh a bhùtha: agus bha àr ro mhòr ann; oir thuit de Israel deich mìle fichead coisiche.

11 Agus ghlacadh àire Dhé; agus fhuair dithis mhac Eli, Hophni agus Phinehas, bàs.

12 Agus ruith duine de Bheniamin a mach as an armailt, agus thàinig e gu Siloh air an là sin féin, agus 'eudach air a reubadh, agus duslach air a cheann.

13 Agus an uair a thàinig e, feuch, bha Eli 'n a shuidhe air caithir làimh ris an t-slighe, a' coimhead: oir bha a chridhe air chrith air son àire Dhé. Agus an uair a thàinig an duine do'n bhaile, agus a dh'innis se e, dh'èigh an baile uile.

14 Agus an uair a chual' Eli fuaim na h-éighich, thubhairt e, Ciod a's ciall do fhuaim na conglair so? agus rinn an duine cabhag, agus thàinig e, agus dh'innis e do Eli.

15 A nis bha Eli oclh bliadhna deug agus ceithir fichead a dh'aois; agus bha a shùilean mall, air chor as uach faiceadh e gu maith.

16 Agus thubhairt an duine ri Eli, *Is mise* esan a thàinig a mach as an armailt, agus theich mise 'n diugh as an armailt. Agus thubhairt esan, Ciod a thachair, a mhic?

17 Agus fhreagair an teachdair agus thubhairt e, Theich Israel roimh na Philistich, agus mar an ceudna bha àr mòr am measg an t-sluaigh, agus mar an ceudna tha do dhithis mhac Hophni agus Phinehas marbh, agus ghlacadh àire Dhé.

18 Agus an uair a dh'ainmich e àire Dhé, thuit e bhàrr na cathrach 'an comhair a chùil làimh ris a' gheata, agus bhriseadh 'amhach, agus fhuair e bàs; oir bha e 'n a sheann duine, agus trom. Agus thug e breth air Israel dà fhichead bliadhna.

19 Agus bha bean a mhic, bean Phinehais, torrach, dlùth do bhi air a h-aiscad: agus an uair a chual' i 'n sgeul gu'n do ghlacadh

àirè Dhé, agus gu'n robh a h-athair-céile marbh, agus a fear, chrom si i féin, agus rug i *mac*; oir thàinig a saothair-chloinne oirre.

20 Agus mu àm a bàis, thubhairt na *mnathan* a bha 'seasamh làimh rithe, Na bithheadh eagal ort, oir rug thu *mac*. Ach cha do fhreagair ise, ni mò a thug i fainear e.

21 Agus thug i Ichabod mar ainm air an leanabh, ag ràdh, Dh'fhalbh a' ghlòir o Israel: (do bhrìgh gu'n do ghlacadh àire Dhé, agus air son a h-athair-céile agus a fir.)

22 Agus thubhairt i, Dh'fhalbh a' ghlòir o Israel; oir ghlacadh àire Dhé.

CAIB. V.

1 *Chuir na Philistich àire Dhé ann an thigh Dhagoin ann an Asdod. 6 Bhuail an Tighearn muinntir Asdoid le neasgaidean fola. 8 Thug na Philistich àire Dhé gu Gat, agus á sin gu Hecon.*

AGUS ghabh na Philistich àire Dhé, agus thug iad leo i o Ebeneser gu Asdod.

2 An sin ghabh na Philistich àire Dhé, agus thug iad i do thigh Dhagoin, agus shuidhich iad i làmh ri Dagon.

3 Agus an uair a dh'éirich muinntir Asdoid gu moch air an là màireach, feuch, *bha* Dagon air tuiteam air 'aghaidh dh'ionnsuidh an àir fa chomhair àire an Tighearna: agus ghabh iad Dagon, agus chuir iad a ris e 'n a àite féin.

4 Agus an uair a dh'éirich iad gu moch 's a' mhàduinn air an là màireach, feuch, *bha* Dagon air tuiteam air 'aghaidh dh'ionnsuidh an àir fa chomhair àire an Tighearna: agus *bha* ceann Dhagoin, agus dà bhois a làmh air an gearradh dheth aig an stairsnich: dh'fhàgadh a mhàin *corp* Dhagoin aige.

5 Uime sin cha saltair sagartan Dhagoin, no neach air bith a théid a steach do thigh Dhagoin, agus stairsnich Dhagoin ann an Asdod, gus an là 'n diugh.

6 Ach bha làmh an Tighearna trom air muinntir Asdoid, agus sgríos e iad, agus bhuail e iad le neasgaidean fola, eadhon Asdod agus a chrìochan.

7 Agus an uair a chunnaic daoine Asdoid *gu'n robh e* mar sin, thubhairt iad, Cha'n fhan àire Dhé Israeil maille ruinne; oir *tha* a làmh trom oirnn, agus air Dagon ar Dia.

8 Uime sin chuir iad *fios* uatha, agus chruinnich iad uile thighearnan nam Philisteach d'an ionnsuidh, agus thubhairt iad, Ciod a ni sinn ri àire Dhé Israeil? Agus fhreagair iadsan, Thugar àire Dhé Israeil mu'n cuairt gu Gat. Agus thug iad mu'n cuairt àire Dhé Israeil *gu Gat*.

9 Agus an uair a thug iad mu'n cuairt i, bha làmh an Tighearn' an aghaidh a' bhaile le sgrìos ro mhòr, agus bhuail e daoine a' bhaile eadar bheag agus mhòr; agus bha

neasgaidean fola orra 'n an àitibh dìomh-air.

10 Uime sin chuir iad air falbh àire Dhé gu Hecon; agus an uair a bha àire Dhé air teachd gu Hecon, dh'éigh na Heconach, ag ràdh, Thug iad mu'n cuairt d'ar n-ionnsuidh-ne àire Dhé Israeil, gu sinn féin a mharbhadh, agus ar sluagh.

11 Uime sin chuir iad *fios* uatha, agus chruinnich iad uile thighearnan nam Philisteach, agus thubhairt iad, Cuiribh air falbh àire Dhé Israeil, agus rachadh i air a h-àis d'a h-àite féin, a chum nach marbh i sinn féin agus ar sluagh: oir bha sgrìos bàis anns a' bhaile uile; bha làmh Dhé ro throm an sin.

12 Agus na daoine nach do bhàsaich, bhuailcadh iad le neasgaidean fola; agus chaidh éigheach a' bhaile suas gu nèamh.

CAIB. VI.

1 *Chuir na Philistich àire Dhé air feun ùr, agus ghluain iad i gu Bet-emes. 17 An tabhartas a thug iad seachad. 19 Bhuail Dia daoine Bhet-semeis a chionn gu'n do sheall iad air an àire.*

AGUS bha àire an Tighearna ann am fearann nam Philisteach seachd mìosan.

2 Agus ghairm na Philistich air na sagart-aibh, agus air na fiosaichibh, ag ràdh, Ciod a ni sinn ri àire an Tighearna? thugaibh fios duinn cionnus a chuireas sinn air falbh i d'a h-àite féin.

3 Agus thubhairt iadsan, Ma chuireas sibh air falbh àire Dhé Israeil, na cuiribh uaibh falamh i; ach air gach uile chor ìocaibh dha tabhartas-eusaontais: an sin slànùichear sibh, agus bithidh fios agaibh c'ar son nach do phill a làmh uaibh.

4 An sin thubhairt iad, Ciod an tabhartas-eusaontais a dh'ìocas sinn da? Agus fhreagair iadsan, Cùig neasgaidean òir, agus cùig luchaidh òir, a *rèir* àireimh thighearnan nam Philisteach; oir *bha* aon phlàigh oirbh uile, agus air bhur tighearnaibh.

5 Uime sin ni sibh dealbhan bhur neasgaidean, agus dealbhan bhur luchaidh, a tha 'milleadh na tìre; agus bheir sibh glòir do Dhia Israeil: theagamh gu'n eutromaich e a làmh dhibh, agus de bhur tìr.

6 C'ar son uime sin a chruaidhicheas sibh bhur cridhe, mar a chruaidhich na h-Eiphitich agus Pharaoh an cridhe? an uair a rinn e gu h-ìongantach 'n am measg, nach do leig iad an sluagh air falbh, agus dh'ìmich iad?

7 A nis uime sin deanaibh feun ùr, agus gabhaibh dà mhart-bainne, air nach deachaidh cuing; agus ceanglaidh sibh na mairt ris an fheun, agus bheir sibh an laogh dhachaidh uatha.

8 Agus gabhaidh sibh àire an Tighearna, agus cuiridh sibh i air an fheun; agus

cuiridh sibh na seudan òir, a dh'ìocas sibh dha *mar* thabhartas-eusaontais, anu an cobhan r'a taobh; agus cuiridh sibh air falbh i, ehum gu'n imich i.

9 Agus ehi sibh, ma théid i suas rathad a crìche féin gu Bet-emes, *an sin* rinn e an t-òle mòr so oirnu: ach mur *téid*, an sin bithidh fios againn nach i a làmh-san a bhuail siun; is tuiteamas a thàinig oirnn.

10 Agus rium ua daoine mar sin; agus ghabh iad dà mhart-bainne, agus cheangail iad ris an fheum iad, agus dhruid iad an laogh a stigh.

11 Agus chuir iad àire an Tighearnu' air an fheum, agus an cobhau leis ua luchaidh òir, agus dealbhan an neasgaidean fola.

12 Agus ghabh ua mairt au rathad dìreach gu slighe Bhet-semeis; air au rathad mhòr dh'imich iad, a' geunnaich mar a dh'imich iad, agus cha do thionndaidh iad a leth-taobh a dh'ionusuidh na làimhe deise uo na làimhe clìthe; agus chaidh tighearnau nan Philisteach 'n an deigh gu crìch Bhet-semeis.

13 Agus *bha muinntir* Bhet-semeis a' buain an eruithneachd anns a' ghleann; agus thog iad suas an sùileau, agus chunnaic iad an àire, agus rinn iad gairdeachas 'u uair a chunnaic iad i.

14 Agus thàinig an feu gu aeadh Iosua a' Bhet-semesich, agus sheas e 'u sin, far an robh elach mhòr: agus sgoilt iad fiodh an fheuma, agus thug iad suas na mairt 'n an ìobairt-loisgte do'n Tighearn.

15 Agus thug na Leblithich sìos àire an Tighearna, agus an cobhau a *bha* maille rithe, anns an robh na seudan òir, agus chuir iad air a' chloich mhòir iad: agus thug daoine Bhet-semeis suas tabhartais-loisgte, agus dh'ìobair iad ìobairtean 's au là sin féin do'n Tighearn.

16 Agus an uair a chunnaic eùig tigh-earnan nam Philisteach e, phill iad gu Heeron 's an là sin féin.

17 Agus *is* iad so na neasgaidean òir, a dh'ìoe na Philistich *mar* thabhartas-eusaontais do'n Tighearn; air son Asdoid aon, air son Ghasa aon, air son Asceloiu aon, air son Ghat aon, air son Heeroiu aon.

18 Agus na luchaidh òir, a *rér* àireimh uile bhailtean nam Philisteach, a *bhuineadh* do na eùig tighearnaibh, araon bhailtean daingnichte agus bhailtean gun bhalla, eadhon gu ruig a' ehlach mhòr, air an do chuir iad sìos àire an Tighearna, *clach a tha làthair* gus an là 'u dùgh ann an aeadh Iosua a' Bhet-semesich.

19 Ach bhuail e daoine Bhet-semeis, a chionn gu'n do sheall iad a stigh do àire an Tighearna; bhuail e eadhon de'u t-sluagh leth-cheud mìle, agus trì fichead agus deichnear fhear: agus rinn an sluagh caoidh, do bhrìgh gu'u do bhuail an Tighearn *cuid* de'n t-sluagh le plàigh mhòir.

20 Agus thubhairt daoine Bhet-semeis, Cò'a's urrainn seasamh au làthair an Tigh-earna Dé naomh so? agus co dh'ionnsuidh a théid i suas uainne?

21 Agus chuir iad teachdairean a dh'ionnsuidh luchd-àiteachaidh Chriat-iearim, ag ràdh, Thug na Philistich air a h-ais àire an Tighearna; thigibh a nuas, thugaibh suas i d'ur u-ionnsuidh.

CAIB. VII.

1 *Thug daoine Chriat-iearim an àire gu Gibeah, agus naomhaich iad Eliasar mac Abinadab g'a gleidheadh.* 10 *Bhuail eadhon na Philistich roimh chloinn Israeil.*

AGUS thàinig daoine Chriat-iearim, agus thug iad suas àire an Tighearna, agus thug iad a steach i do thigh Abinadab ann an Gibeah, agus naomhaich iad a mhaic Eliasar, a ghleidheadh àire an Tighearna.

2 Agus tharladh, o'n là a dh'fhan an àire ann an Chriat-iearim, gu'n robh an àinisir fada; (oir bha fichead bliadhna ann;) agus rinn tigh Israeil uile caoidh an deigh an Tighearna.

3 Agus labhair Samuel ri uile thigh Israeil, ag ràdh, Ma philleas sibh a dh'ionnsuidh an Tighearna le'r n-uile chridhe, *an sin* cuiribh air falbh na diathan coimheach as bhuir measg, *Baalim* agus Astarot; agus ulluchibh bhuir cridhe a chum an Tigh-earn', agus deanaibh seirbhis dhasan a mhàin, agus saoraidh e sibh à làimh nam Philisteach.

4 An sin chuir clann Israeil air falbh Baalim agus Astarot, agus rium iad seirbhis do'n Tighearn a mhàin.

5 Agus thubhairt Samuel, Cruinnichibh Israel uile gu Mispheh, agus n' mise urnuigh air bhuir son ris an Tighearn.

6 Agus chruinnich iad an ceann 'a chéile gu Mispheh, agus tharruing iad uisge, agus dhòirt iad a mach e an làthair an Tighearna, agus thraisg iad air an là sin, agus thubhairt iad au sin, Pheacaich sinn an aghaidh an Tighearna. Agus thug Samuel breth air cloinn Israeil ann am Mispheh.

7 Agus chuala na Philistich gu'n robh clann Israeil air cruinneachadh an ceann 'a chéile gu Mispheh, agus chaidh tighearnan nam Philisteach suas an aghaidh Israeil: agus an uair a chuala clann Israeil e, bha eagal orra roimh na Philistich.

8 Agus thubhairt clann Israeil ri Samuel, Na sguir de ghlaodhaich ris an Tighearn ar Dia air ar son, a chum gu'n saor e sinn à làimh nam Philisteach.

9 Agus ghabh Samuel uan deothail, agus thug e suas e uile mar ìobairt-loisgte do'n Tighearn; agus ghlaodh Samuel ris an Tighearn air son Israeil, agus chual' an Tighearn e.

10 Agus an uair a bha Samuel a' toirt suas na h-ìobairt-loisgte, tharruing na Philistich ann fagus gu eath au aghaidh Israeil:

ach rinn an Tighearn tairneanach le fuaim mhòir 's an là sin air na Philistich, agus chlaoidh e iad; agus bhuailleadh iad roimh Israel.

11 Agus chaidh fir Israeil a mach á Misphe, agus ruaig iad na Philistich, agus bhuail siad iad, agus an *d'fhàinig iad* fo Bhet-car.

12 An sin ghabh Samuel clach, agus shuidhich e i eadar Misphe agus Sen; agus thug e Ebeneser mar ainm oirre, agus thubhairt e, Gu ruige so chuidich an Tighearn leinn.

13 Agus dh'ìros-laicheadh na Philistich, agus cha d'fhàinig iad tuilleadh gu crìch Israeil: agus bha làmh an Tighearn' an aghaidh nam Philisteach uile làithean Shamueil.

14 Agus thugadh na bailtean a ghilac na Philistich o Israel, air an ais do Israel, o Heeron eadhon gu Gat; agus shaor Israel an crìochan á làmh nam Philisteach; agus bha sìth eadar Israel agus na h-Amoraich.

15 Agus thug Samuel breth air Israel rè uile làithean a bheatha.

16 Agus chaidh e o bhliadhna gu bliadhna mu'n cuairt gu Bet-el, agus Gilgal, agus Misphe, agus thug e breth air Israel anns na h-àitibh sin uile.

17 Agus bha 'theachd air ais gu Ramah; oir an sin bha a thigh; agus an sin thug e breth air Israel, agus an sin thog e altair do'n Tighearn.

CAIB. VIII.

1 *Dh'iarr seanairean Israeil rìgh gu breth a thoirt orra. 6 Mhì-thaitinn an ni so ri Samuel; 9 ach dh'orduich Dia dha eisdeachd r'an guth, agus fìos a thoirt doibh air seòl an rìgh a rioghaicheas os an ceann.*

A NIS an uair a bha Samuel aosda, chuir e a mhic 'n am breitheamhnaibh os ceann Israeil.

2 Agus b'e ainm a cheud-ghin mic Ioel, agus ainm a dhara mic Abiah: bha iad 'n am breitheamhnaibh ann am Beer-seba.

3 Agus cha do ghluais a mhic 'n a shligheibh-san, ach chlaon iad an déigh tairbhe, agus ghabh iad duais, agus dh'fhiar iad breitheanas.

4 An sin chruinnich uile sheanairean Israeil iad féin an ceann a chéile, agus thàinig iad a dh'ionnsuidh Shamueil gu Ramah.

5 Agus thubhairt iad ris, Feuch, tha thusa air fas aosda, agus cha-n'eil do mhic a' gluasad ann ad shligheibh: a nis ma ta dean dhuinne rìgh gu breth a thoirt oirnn, mar na cinnich uile.

6 Ach mhi-thaitinn an ni ri Samuel, an uair a thubhairt iad, Thoir dhuinn rìgh gu breth a thoirt oirnn: agus rinn Samuel urnuigh ris an Tighearn.

7 Agus thubhairt an Tighearn ri Samuel, Eisd ri guth an t-sluaigh anns gach *ni* a their iad riut: oir riutsa cha do chuir iad cùl, ach riumsa chuir iad cùl, a chum nach rioghaichinn os an ceann.

8 A réir nan uile oibre a rinn iad o'n là anns an d'thug mi nìos iad as an Eiphit, gu ruig an là'n dugh, leis an do thréig iad mi, agus an d'rinn iad seirbhìs do dhiathaibh eile, mar so *tha* iad a' deanamh mar an ceudna riutsa.

9 A nis uime sin éisd r'an guth: gidheadh bheir thu gu cìmtach fianuis 'n an aghaidh, agus cuiridh tu 'n céill dhoibh lagh an rìgh a rioghaicheas os an ceann.

10 Agus dh'innis Samuel uile bhriathran an Tighearna do'n t-sluaigh, a bha 'g iarr-aith rìgh air.

11 Agus thubhairt e, So mar a bhitheas lagh an rìgh a rioghaicheas os bhur ceann. Gabhaidh e bhur mic, agus orduichidh e dha féin iad a chum a charbadan, agus *gu bhì* 'n am maraich aige, agus *gu* ruith roimh a charbadaibh;

12 Agus gu'n cur 'n an ceannardaibh dha féin air mhìltibh, agus 'n an ceannardaibh airleth-cheudaibh, agus a threabhadh 'fhear-ainn, agus a bhuain 'fhogharaidh, agus a dheanamh innil-cogaidh air a shon, agus innil air son a charbadan.

13 Agus gabhaidh e bhur nigheanan a dheanamh olaidh-ungaidh chùbhraidh, agus *gu bhì* 'n am ban-chòcairibh, agus 'n am ban-fhuineadairibh.

14 Agus gabhaidh e bhur n-achaidhean, agus bhur fìon-lìosan, agus bhur lìosan-olaidh, eadhon a' chuid a's fearr dhiubh, agus bheir e iad d'a òglachaibh.

15 Agus gabhaidh e an deachamh d'ur sìol, agus d'ur fìon-lìosaibh, agus bheir e d'a luchd-dreuchd e, agus d'a òglachaibh.

16 Agus gabhaidh e bhur n-òglach-sa, agus bhur banoglaich, agus na h-òganaich a's fearr agaibh, agus bhur n-asail, agus cuiridh e chum 'òibre féin iad.

17 Gabhaidh e an deachamh d'ur caor-ach: agus bithidh sibh 'n ur seirbhìsich aige.

18 Agus 'glaodhaidh sibh a mach 's an là sin o làthair bhur rìgh a thagh sibh dhiubh féin: agus cha-n' éisd an Tighearn ribh 's an là sin.

19 Gidheadh, dhiult an sluaigh éisdeachd ri guth Shamueil, agus thubhairt iad, Nì h-cadh; ach bithidh rìgh againne os ar ceann:

20 Agus bithidh sinne mar an ceudna mar na cinnich uile, agus bheir ar rìgh breth oirnn, agus théid e mach romhainn, agus cuiridh e ar cathan.

21 Agus chuala Samuel uile bhriathran an t-sluaigh, agus dh'aithris e iad ann an chusaibh an Tighearna.

22 Agus thubhairt an Tighearn ri Samuel, Eisd r'an guth, agus dean rìgh dhoibh. Agus thubhairt Samuel ri fir Israeil, Rachaibh gach duine dhiubh d'a bhaile féin.

CAIB. IX.

1 *Chailleadh asail Chis, agus chaidh Saul a mhac g'an iarraidh.* 6 *Air comhairle 'òganach thàinig e dh'ionnsuidh Shamueil a dh'fhiosrachadh a shlighe.* 22 *Thug Samuel cuirteadh dha chum na cuirme anns an ionad àrd.*

AGUS bha duine de Bheniamin, d'am b'ainm Cis, mac Abieil, mhic Sheroir, mhic Bhechorait, mhic Aphiah, Beniaminich, duine treun ann an neart.

2 Agus bha mac aige, d'am b'ainm Saul, roghadh òig-fhìr, agus e tlachdmhor; agus cha robh am measg chloinn Israeil fear a bu tlachdmhoire na e: o' ghuaillibh agus o sin suas b'àirde e na 'n sluagh uile.

3 Agus chailleadh asail Chis, athar Shaul; agus thubhairt Cis r'a mhac Saul, Thoir leat a nis aon de na h-òganach, agus éirich, falbh, iarr na h-asail.

4 Agus chaidh e troimh mhonadh Ephraim, agus chaidh e troimh thìr Shalisa, ach cha d'fhuair siad iad: an sin chaidh e troimh thìr Shalim, agus cha robh iad an sin: agus chaidh e troimh thìr nam Beniamin-each, ach cha d'fhuair siad iad.

5 Agus an uair a thàinig iad gu tìr Shuph, thubhairt Saul r'a òganach a bha maille ris, Thig agus pilleamaid, air eagal gu'n leig m'athair dheth a chùram mu na h-asail, agus gu'm bi smuaisean air m'ar timchioll-ne.

6 Agus thubhairt esan ris, Feuch, a nis, tha duine le Dia anns a' bhaile so, agus is duine urramach e; thig gach nì a their e gu cinnteach gu érich: a nis ma ta rachamaid an sin; theagamh gu'n innis e dhuinn ar slighe, air an còir dhuinn gluasad.

7 An sin thubhairt Saul r'a òganach, Ach, feuch, ma théid sinn cìod a bheir sinn a dh'ionnsuidh òglaich Dhé? oir chaithheadh an t-aran 'n ar soithichibh, agus cha-n'èil tìodhlac ann r' thoir a dh'ionnsuidh òglaich Dhé: cìod ma ta a nì sinn?

8 Agus fhreagair an t-òganach Saul a ris, agus thubhairt e, Feuch, tha agam an so a'm làimh an ceathranh cuid de shecel airgid: sin bheir mi do òglach Dhé, agus imsidh e dhuinn ar slighe.

9 (O shean ann an Israel, an uair a rachadh duine a dh'fhiosrachadh de Dhia, mar so labhradh e, Thigibh, agus rachamaid a dh'ionnsuidh an fhir-sheallaidh: oir esan ris an abrar a nis faidh, o shean theirteadh fear-seallaidh ris.)

10 An sin thubhairt Saul r'a òganach, Is naith a labhair thu; thig, imicheamaid: agus dh'imich iad do'n bhaile, far an robh òglach Dhé.

11 Agus an uair a chaidh iad suas uchd-ach a' bhaile, fhuair iad gruagaichean a' dol a mach a tharruing uisge, agus thubhairt iad ri, Am bheil am fear-seallaidh an so?

12 Agus fhreagair iadsan iad, agus thu-

bhairt iad, Tha; feuch, *tha e roimhblì.* deanaibh cabhag a nis, oir an diugh tha e air teachd do'n bhaile; oir *tha* iobairt aig an t-sluagh an diugh anns an ionad àrd.

13 An uair a théid sibh a steach do'n bhaile, air ball gheibh sibh e, mun téid e suas do'n ionad àrd a dh'itheadh: oir cha-n ith an sluagh gus an tig e, a chionn gu'm beannaich e a iobairt, agus an dèigh sin ithidh iadsan a chuireadh. A nis uime sin rachaibh suas, oir mu'n àm so gheibh sibh e.

14 Agus chaidh iad suas do'n bhaile: agus an uair a bha iad a' dol a steach gu meadhon a' bhaile, feuch, thàinig Samuel a mach 'n an coinneamh, gu dol suas do'n ionad àrd.

15 A nis dh'innis an Tighearn ann an cluais Shamueil, là mun d'thàinig Saul, ag ràdh,

16 Mu'n àm so am màireach cuiridh mi a d' ionnsuidh duine á tìr Bheniamin, agus ungaidh tu e 'n a cheannard air mo shluagh Israel, agus saoraidh e mo shluagh á làimh nam Philisteach; oir dh'amhaire mi air mo shluagh, a chionn gu'n d'thàinig an glaoth a m' ionnsuidh.

17 Agus an uair a chunnaic Samuel Saul, thubhairt an Tighearn ris, Feuch an duine mu'n do labhair mi riut: riochaichidh esan os ceann mo shluaigh.

18 An sin thàinig Saul am fagus do Shamuel anns a' gheata, agus thubhairt e, Innis dhomh, guidheam ort, c'àit am bheil tigh an fhir-sheallaidh?

19 Agus fhreagair Samuel Saul, agus thubhairt e, Is mise am fear-seallaidh: gabh suas romham do'n ionad àrd, agus ithidh sibh maille riumsa an diugh; agus leigidh mi leat falbh 's a' mhaduinn, agus gach nì a tha ann ad chridhe innisidh mi dhuit.

20 Agus a thaobh nan asal agad a chaill-eadh o cheann trì làithean, na suidhich d'inntinn orra, oir fhuaradh iad: agus cò air am bheil uile dhéigh Israeil? nach ann ort-sa, agus air uile thigh d'athar?

21 Agus fhreagair Saul agus thubhairt e, Nach Beniamineach mise de'n treubh a's lugha ann an Israel? agus nach e mo theaghlach a's lugha de uile theaghlachibh tréibhe Bheniamin? e'ar son uime sin a tha thu 'labhairt riumsa air an dèigh so?

22 Agus ghabh Samuel Saul agus òganach, agus thug e steach iad do'n t-seòmar-chuirm, agus thug e àite-suidhe dhoibh aig ceann-toisich nan daoine a chaidh a chuireadh, agus iad mu thimchioll deich fir fhichead.

23 Agus thubhairt Samuel ris a' chòcaire, Thoir dhomh a' chuibbrionn a thug mi dhuit, mu'n dubhairt mi riut, Cuir làimh riut i.

24 Agus thog an còcaire an slinean, agus an nì a bha air, agus chuir e fa chomhair Shaul e, agus thubhairt Samuel, Feuch

cur an ni sin a dh'fhàgadh air do bheulaobh, agus i th; oira dh'ionnsuidh an àm' soghleidh-eadh dhuit e, o thubhairt mi, Thug mi cuireadh do'n t-slugh. Agus dh'ith Saul maille ri Samuel air an là sin.

25 Agus an uair a thàinig iad a mhas o'n ionad àrd do'n bhaile, labhair Samuel ri Saul air mullach an tighe.

26 Agus dh'èirich iad gu moch: agus mn bhriseadh na fàire, ghairm Samuel air Saul gu mullach an tighe, ag ràdh, Èirich, a chum gu'n leig mi air falbh thu. Agus dh'èirich Saul, agus chaidh iad a mach le 'chéile, e féin agus Samuel.

27 Agus an uair a bha iad a' dol sìos gu iomall a' bhaile, thubhairt Samuel ri Saul, Abair ris an òganach dol air aghaidh romhainn, (agus chaidh e air aghaidh,) ach seas thusa tamull, agus eniridh mi 'n céill dhuit focal Dhé.

CAIB. X.

1 *Dh'ung Samuel Saul, agus neartaich se e le tri comharaibh.* 10 *Thuirling spiorad Dhé air Saul agus rinn e fàidheadaireachd.* 17 *Shonraicheadh e gu bhí 'n a rìgh os ceann Israeil.*

AN SIN ghabh Samuel corn olaidh, agus dhòirt e air a cheann e, agus phòg se e, agus thubhairt e, Nach ann a chionn gu'n d'ung an Tighearn thu *gubhì* 'd' cheannard air 'oighreachd féin?

2 'N uair a dh'innichas tu 'n dingh uamsa, an sin gheibh thu dithis dhaoine làimh ri uaigh Racheil, ann an crìch Bheniamin ann an Selsah: agus their iad riut, Fluvaradh na h-asail a chaidh thu a dh'arraidh; agus, feuch, leig d'athair d'hech cùram nan asal, agus tha smuaircan air m'èr tìncchioll-sa, ag ràdh, Ciod a ni mi air son mo mhie?

3 An sin thèid thu air d'aghaidh as a sin, agus thig thu dh'ionnsuidh còmhnaidh Thaboir, agus coinnichidh tu 'n sin triuir dhaoine a' dol snas a dh'ionnsuidh Dhé gu Bet-el, aon diubh a' giùlan thri meann, agus aon eile a' giùlan thri buillean arain, agus aon eile a' giùlan searraig fhiona.

4 Agus eniridh iad fàilte ort, agus bheir iad dhuit dà *bhuilion* arain, agus gabhaidh tu as an làmh iad.

5 'N a dhéigh sin thig thu gu cnoc Dhé, far am bheil freiceadan nam Philisteach: agus tarlaidh, 'u uair a thig thu an sin do'n bhaile, gu'n coinnich thu enideachd fhàidhean a' teachd a mhas o'n ionad àrd, le saltair, agus tionpan, agus piob, agus clarsach rompa, agus iad ri fàidheadaireachd.

6 Agus tuirlingidh spiorad an Tighearna ort, agus ni thu fàidheadaireachd maille ri u-san, agus tionndaidhear thu a'd dhnine eile.

7 Agus an uair a thig na comharan sin ort, ni thu mar a fhreagras a' chùis duit, oir *bithidh* Dia maille riut.

8 Agus thèid thu sìos romhan-sa gu Gil-

gal; agus, feuch, thèid mise sìos a d' ionnsuidh, a thoirt suas thabhartas-loisgte, agus a dh'ìobradh ìobairtean thabhartas-sith; seachd làithean fanaidh tu, agus an tig mise a d' ionnsuidh, agus gu'n toir mi fios dhuit ciod a ni thu.

9 Agus an uair a thionndaidh e a chùl gu faibh o Shannel, thug Dia dha crìche eile: agus thàinig na comharan sin nile gu crìch air an là sin féin.

10 Agus thàinig e o sin do'n chnoc; agus, fench, choinnich cuideachd fhàidhean e; agus thuirling spiorad Dhé air, agus rinn e fàidheadaireachd 'n am measg.

11 A nis an uair a chunnaic iadsan uile a ghabh eòlas air roimhe, feuch, gu'n d'rinn e fàidheadaireachd maille ris na fàidhibh, an sin thubhairt an sluagh gach aon ri 'chéile, Ciod e so a thàinig air mac Chis? Am bheil Saul cuideachd am measg nam fàidhean?

12 Agus fhreagair dhnine as an àite sin, agus thubhairt e, Ach cò e an athair? uime sin bha e 'n a ghnàth-fhocal, Am bheil Saul cuideachd am measg nam fàidhean?

13 Agus au uair a chuir e crìoch air fàidheadaireachd a dheanamh, thàinig e do'n ionad àrd.

14 Agus thubhairt bràthair-athar Shaul ris, agus r'a òganach, C'àite an deachaidh sibh? agus thubhairt esan, A dh'iarraidh nan asal: agus an uair a chunnaic sinn nach robh iad *r'am faghail*, thàinig sinn gu Sammel.

15 Agus thubhairt bràthair-athar Shaul. Innis dhomh, guidheam ort, ciod a thubhairt Samuel ribh.

16 Agus thubhairt Saul ri bràthair-athar, Dh'innis e dhinninn gu cinnteach gu'n d'fhuaradh ua h-asail; ach a thaobh na rìoghachd, cha d'innis e dha ciod a thubhairt Samuel.

17 Agus ghairm Samuel an sluagh an ceann a chéile a dh'ionnsuidh an Tighearna gu Mispeh:

18 Agus thubhairt e ri cloinn Israeil, Mar so tha'n Tighearn Dia Israeil ag ràdh, Thug mi nìos Israeil as an Eiphit, agus shaor mi sibh à làmh nan Eiphiteach, agus à làmh nan rìoghachdan uile, a bha 'dean-amh ainneirt oirbh.

19 Gidheadh chuir sibhse an dingh cùl ri'r Dia, esan a shaor sibh o bhuir n-nile agus bhuir teanntachdaibh gu léir: agus thubhairt sibh, Ni h-eadh, ach cuiridh tu rìgh os ar ceann. A nis uime sin nochdaibh sibh féin 'am fiannis au Tighearna, a réir bhuir treubhan, agus a réir bhuir mìltean.

20 Agus an uair a thug Samuel air uile threubhan Israeil teachd am fagus, ghabhadh treubh Bheniamin.

21 Agus an uair a thug e air tréibh Bheniamin teachd am fagus a réir an teaghlach-ean, ghabhadh teaghlach Mhatri: agus an uair a thug e air teaghlach Mhatri teachd am fagus a fion fear agus fear, ghabhadh

Saul mac Chis: agus an uair a dh'iarr iad e, cha d'fhuaradh e.

22 Uime sin dh'fhiosraich iad fathast de'n Tighearn', an tigeadh an duine fathast an sin; agus fhreagair an Tighearn, Feuch, dh'fholaich se e féin am measg na h-aineis.

23 Agus ruith iad, agus thug iad a sin e: agus an uair a sheas e 'am meadhan an t-sluaigh, bha e mi b'airde na 'n sluagh uile, o 'ghuailibh agus o sin suas.

24 Agus thubhairt Samuel ris an t-sluaigh uile, Am faic sibh esan a thagh an Tighearn, nach 'eil neach cosmhuil ris am measg an t-sluaigh uile? agus rinn an sluagh uile iolach, agus thubhairt, iad, Gu ma fada beò an rìgh.

25 An sin dh'innis Samuel do'n t-sluaigh lagh na rioghachd, agus sgrìobh e ann an leabhar e, agus thaisg e suas 'am fianuis an Tighearna e: agus leig Samuel an sluagh uile air falbh, gach duine d'a thigh.

26 Agus chaidh Saul mar an ceudna dhachaidh ga Gibeah, agus chaidh maille ris daoine treun, aig an do bhean Dia r'an cridhe.

27 Ach thubhairt mic Bheithail, Cionnus a shaoras am fear so sinn? agus rinn iad dimeas air, agus cha d'thug iad tiodhlac sam bith d'a ionnsuidh: ach dh'fhan esan 'n a thosd.

CAIB. XI.

1 *Champaich Nahas an t-Amonach an aghaidh Iabeis-ghilead. 4 Chuir luchd-muinntir an àite sin teachdairean a dh'ionnsuidh Shaul a dh'iarraidh còmhnaidh. 7 Chruinnich esan sluagh Israeil ri 'chèile, agus bhuail e na h-Amonaich. 14 Dh'athnuadhacheadh a rioghachd ann an Gilgal.*

AN SIN chaidh Nahas an t-Amonach suas, agus champaich e an aghaidh Iabeis-ghilead: agus thubhairt uile dhaoine Iabeis ri Nahas, Dean coimheangal ruinn, agus nì sinne seirbhis dhuit.

2 Agus fhreagair Nahas an t-Amonach iad, Air a' chumhant so nì mi coimheangal ribh, gu'n spìon mi mach gach sùil dheas agaibh, agus gu'n cuir mi am masladh so air Israeil uile.

3 Agus thubhairt seanairean Iabeis ris, Thoir dhainn dàil sheachd laithean, a chum gu'n cuir sinn teachdairean gu uile chrìochaibh Israeil; agus mur bi neach sam bith gu'r saoradh, an sin thèid sinn a mach a d'ionnsuidh.

4 An sin thàinig na teachdairean gu Gibeah Shaul, agus dh'innis iad an sgeul ann an cluasibh an t-sluaigh: agus thog an sluagh uile suas an guth, agus ghuil iad.

5 Agus, feuch, thàinig Saul an dèigh a' bhuair as a' mhachair; agus thubhairt Saul, Ciod a thàinig air an t-sluaigh, gu bheil iad a' gul? agus dh'innis iad da sgeul dhaoine Iabeis.

6 Agus thuirling spiorad Dhé air Saul an

uair a chual' e an sgeul sin, agus lasadh 'fhearg gu mòr.

7 Agus ghabh e cuing dhamh, agus ghearr e sìos 'n am mìribh iad, agus chuir e iad air feadh uile chrìochan Israeil le lairbh theachdairean, ag ràdh, Ge b'e nach tig a mach an dèigh Shaul, agus an dèigh Shamueil, mar so nithear r'a dhaimh: agus thuit eagal an Tighearna air an t-sluaigh, agus thàinig iad a mach mar aon duine.

8 Agus an uair a rinn e an àireamh ann am Besech, bha ann de chloinn Israeil trì cheud mìle, agus de fhir Iudah deich mìle fichead.

9 Agus thubhairt iad ris na teachdairibh a thàinig, Mar so their sibh ri fir Iabeis-ghilead, Am màireach, an uair a dh'fhàsas a' ghrian teth, bithidh cabhair agaibh. Agus thàinig na teachdairean, agus dh'innis iad sin do fhir Iabeis; agus bha aoibhneas orra.

10 Uime sin thubhairt fir Iabeis, Am màireach thèid sinn a mach d'ur n-ionnsuidh, agus nì sibh ruinn a réir gach nì a's àill leibh.

11 Agus air an là màireach chuir Saul an sluagh 'n an trì buidhnibh; agus thàinig iad gu meadhon an fheachd ann am faire na maidne, agus bhuail iad na h-Amonaich gus an d'fhàs an latha teth: agus sgapadh iad-san a mhair, air chor as nach d'fhàgadh dìthis diubh cuideachd.

12 Agus thubhairt an sluagh ri Samuel, Cò e thubhairt, Cha rìghich Saul os ar ceann? thugaibh an so na daoine a chum gu'n cuir sinn gu bàs iad.

13 Agus thubhairt Saul, Cha chuirear duine gu bàs air an là so; oir an diugh dh'òibrich an Tighearn saorsa ann an Israel.

14 An sin thubhairt Samuel ris an t-sluaigh, Thigibh, agus rachamaid do Gilgal, agus athnuadhachamaid an sin an rioghachd.

15 Agus chaidh an sluagh uile gu Gilgal, agus rinn iad Saul an sin 'n a rìgh 'am fianuis an Tighearna ann an Gilgal; agus dh'ìobair iad an sin ìobairtean thabhartas-sith 'am fianuis an Tighearn': agus rinn Saul an sin agus fir Israeil uile gairdeachas mòr.

CAIB. XII.

1 *Dh'aidich an sluagh neo-chiontas Shamueil. 6 Chuir esan 'an cèll doibh na nithean iongantach a rinn Dia air an son, agus an eas-àmhhlachd dhasan le rìgh iarraidh dhoibh féin.*

AGUS thubhairt Samuel ri h-Israel uile, Feuch, dh'éisd mi r'ur guth anns gach nì a thubhairt sibh rium, agus rinn mi rìgh os bhur ceann.

2 Agus a nis, feuch, tha'n rìgh ag imcacadh roimhibh: agus tha mise aosmhor agus ceannliath, agus, feuch, tha mo mhic maille ribh: agus ghluais mise 'n ur fianuis o m'òige gus an là 'n diugh.

3 Feuch, *tha* rì 'n so; thugaibh fianuis a'm aghaidh an làthair an Tighearna, agus an làthair 'Aoin ungtà: cò esan o'n d'thug mi a dhann? agus cò esan o'n d'thug mi asal? agus cò esan air an d'rinn mi feall? cò esan air an d'rinn mi ainneart? agus cò esan o làmh an do ghabh mi duais a chum mo shùilcan a dhalladh leatha? agus aisgidh mi d'tuibh.

4 Agus thubhairt iadsan, Cha d'rinn thu feall oirne, ni mò a rinn thu ainneart oirn, ni mò a ghabh thu ni air bith o làmh aoìn duine.

5 Agus thabhairt e riu, Tha 'n Tighearn 'n a fhianuis 'n ur n-aghaidh, agus tha 'Aon ungtà 'n a fhianuis an diugh, nach d'fhuair sibh a'm làmh-sa ni sam bith. Agus fhreagair iadsan, *Tha e 'n a fhianuis*.

6 Agus thubhairt Samuel ris an t-sluagh, *Is e 'n Tighearn a thog suas Maois agus Aaron*, agus a thug bheur n-aithrichean uios á tìr na h-Eiphit.

7 A nis uime sin seasaibh, a chum gu'n toir mi breth oirbh an làthair an Tighearna, a thaobh uile ghluimharan ceart an Tighearna, a rinn e dhuibhse agus do bheur n-aithricibh.

8 An uair a thàinig Iacob a steach do'n Eiphit, agus a ghlaodh bheur n-aithrichean ris an Tighearn, an sin chuir an Tighearn *d'an ionnsuidh* Maois agus Aaron, a thug bheur n-aithrichean a mach as an Eiphit, agus a thug orra còmhnuidh 'ghabhail anns an àite so.

9 Agus an uair a dhì-chuimhnich iad an Tighearn an Dia, thug e thairis iad do làmh Shisera, ceannaird armaithe Hasoir, agus do làmh nam Philisteach, agus do làmh rìgh Mhoab; agus chog iad 'n an aghaidh.

10 Agus ghlaodh iad ris an Tighearn, agus thubhairt iad, Pheacaich sinn, do bhrìgh gu'n do thréig sinn an Tighearn, agus gu'n d'rinn sinn seirbhis do Bhaalim agus Astarot; ach a nis saor sinn á làmh ar naimhdean, agus ni sinn seirbhis dhuit.

11 Agus chuir an Tighearn uaith Ierubaal, agus Barac, agus Iephtah, agus Samuel, agus shaor e sibh á làmh bheur naimhdean air gach taobh, agus ghabh sibh còmhnuidh gu tèamint.

12 Agus an uair a chunnaic sibh gu'n d'thàinig Nahas rìgh chloinn Amoin 'n ur n-aghaidh, thubhairt sibh riumsa, Ni h-eadh, ach rìghaichidh rìgh os ar ceann: an uair a 'b'e an Tighearn bheur Dia bheur rìgh.

13 A nis uime sin feuch an rìgh a thagh sibh, agus a dh'iarr sibh: agus, feuch, chuir an Tighearn rìgh os bheur ceann.

14 Ma bhitheas eagal an Tighearna oirbh, agus ma ni sibh seirbhis dha, agus ma dh'èisdeas sibh r'a ghuth, agus nach dean sibh ceannaire an aghaidh àithne an Tigh-

earna, an sin bithidh sibh féin tèarainte, agus mar an ceudna an rìgh a rìghaicheas os bheur ceann an déigh an Tighearna bheur Dé.

15 Ach mur éisd sibh ri guth an Tighearna, agus gu'n dean sibh ceannaire an aghaidh àithne an Tighearna, an sin bithidh làmh an Tighearna 'n ur n-aghaidh-sa, mar a *bha i 'n aghaidh* bheur n-aithrichean.

16 A nis uime sin seasaibh agus faicibh an ni mòr so, a ni an Tighearn fa chomhair bheur sùl.

17 Nach 'eil foghar a' chruthneachd aru an diugh? gairmidh mise air an Tighearn, agus cuiridh e *nuas* tairneanach agus uisge; a chum gu'n tuig agus gu'm faic sibh gu *bheil* bheur n-ole mòr, a rinn sibh ann an sealladh an Tighearna, le rìgh iarraidh dhuibh féin.

18 Agus ghairm Samuel air an Tighearn; agus chuir an Tighearn a nuas tairneanach agus uisge air an là sin: agus ghabh an sluagh uile eagal mòr roimh an Tighearn, agus roimh Shamuel.

19 Agus thubhairt an sluagh uile ri Samuel, Dean urnuigh air son do sheirbhiseach ris an Tighearn do Dhia, a chum nach bàsaich sinn: oir chuir sinn r'ar peacaichean uile an t-ole so, rìgh iarraidh dhuinn féin.

20 Agus thubhairt Samuel ris an t-sluagh, Na bitheadh eagal oirbh: (rinn sibh an t-ole so uile: gidheadh na tionndaidhibh a thaobh o'n Tighearn a leantuinn, ach deanaibh seirbhis do'n Tighearn le'r n-uile chridhe;

21 Agus na tionndaidhibh a thaobh an déigh *nithean* faoin, nach bi chum tairbhe *dhuibh*, agus nach saor sibh; oir *is* faoinis iad.)

22 Oir cha tréig an Tighearn a shluagh, air sgàth a mhòir-ainme féin; do bhrìgh gu'm bu toil leis an Tighearn bheur deanamh 'n ur sluagh dha féin.

23 Ach air mo shon-sa, nar leigeadh Dia gu'm peacaichim an aghaidh an Tighearna, le sgrù de urnuigh a dheanamh air bheur son: ach teagaisgidh mi dhuibh an t-slighe mhaith agus cheart.

24 A mhàin bitheadh eagal an Tighearna oirbh, agus deanaibh seirbhis dha ann am fìrinn le bheur n-uile chridhe: oir faicibh cia mòr na nithean a rinn e air bheur son.

25 Ach ma bhuanacheas sibh ann an droch dheanadas, sgriosar araon sibh féin agus bheur rìgh.

CAIB. XIII.

1 Bhual Ionatan freiceadan nam Philisteach ann an Geba. 5 Chruthneachadh iadsan an ceann a chèile ann am Michmas gu cogadh ri Israel. 6 Teanntachd nan Israeleach. 9 Thug Saul suas òbairt-loisgte. 11 Chronaich Samuel e. 17 Chuir na Philistich a mach trì cuideachdan de luchd-creiche.

BHA Saul deich bliadhna fichead a dh'aois an uair a thòisich e air rìgh-

achadh; agus rìghich e dà bhliadhna os ceann Israeil.

2 An sin thag Saul dha féin trì mìle *fear* de Israel; *d'an* robh dà mhìle maille ri Saul ann am Michmas, agus ann an slabh Bhet-eil, agus bha mìle maille ri Ionatan ann an Gibeah Bheniamin: agus a' chnìd eile de'n t-sluagh chnir e gach duine *dhiubh* dh'ionnsuidh a bhùtha.

3 Agus bhuail Ionatan freiceadan nam Philisteach a *bha* ann an Geba; agus chuala na Philistich *sin*: agus shéid Saul an trompaid air feadh na tìre uile, ag ràdh, Cluinneadh na h-Eabhruidhich.

4 Agus chual' Israel nìle iomradh *gu'n* do bhuail Saul freiceadan nam Philisteach, agus mar an ceudna *gu'n* robh Israel air am meas gràineil leis na Philistich: agus ghairmeadh an sluagh an ceann a chèile an déigh Shaul gu Gilgal.

5 Agus chruinnicheadh na Philistich an ceann a chèile gu cogadh ri h-Israel, deich mìle fichead carbad, agus sè mìle marcach, agus sluagh mar a' ghaineamh a *tha* air tràigh na fairge thaobh lìonmhoireachd: agus thàinig iad a nìos, agus champaich iad ann am Michmas, a lùmh na h-àirde 'n ear o Bhet-abhen.

6 An uair a chunnaic fir Israeil *gu'n* robh iad ann an teamtadh, a chionn *gu'n* do dhlùthaich an armailtean rin, an sin dh'fholaich an sluagh iad féin ann an uamhan, agus ann an droighnich, agus ann an creagaibh, agus ann an daingneachaibh, agus ann an slochdaibh.

7 Agus chaidh *cuid de* na h-Eabhruidhich thar Jordan gu tìr Ghad, agus Ghilead: ach *bha* Saul fathast ann an Gilgal, agus bha'n shlagh 'n a dhéigh uile air chrìth.

8 Agus dh'fheith e seachd làithean, gu ruig an t-àm àraidh a shuidhich Samuel: ach cha d'fhàinig Samuel gu Gilgal; agus sgapadh an shlagh naith.

9 Agus thubhairt Saul, Thngaibh am' ionnsuidh an so iobairt-loisgte, agus tabhartas-an-sith. Agus thug e snas an iobairt-loisgte.

10 Agus cò luath a chnir e crìoch air an iobairt-loisgte a thoirt suas, fench, thàinig Sammel; agus chaidh Saul a mach 'n a choinneamh a chum *gu'm* beannaicheadh e dha.

11 Agus thubhairt Sammel, Ciod a rinn thu? Agus fhreagair Saul, A chionn *gu'm* faca mi *gu'n* robh an shlagh air an sgapadh nam, agus nach d'fhàinig thu an taobh a stigh de'n àm shuidhichte, agus *gu'n* do chrìnnich na Philistich iad féin an ceann a chèile gu Michmas;

12 Uime sin thubhairt mi, A nis thig na Philistich a mas orm gu Gilgal, agus cha do chuir mi athchuinge dh'ionnsuidh an Tighearna: rinn mi éigin nime sin orm féin, agus thug mi snas an iobairt-loisgte.

13 Agns thubhairt Sammel ri Saul, Rinn thu *gn* h-amaideach; cha do ghléidh thu àithne an Tighearna do Dhé, a dh'àithn e dhuit; oir a nis dhaingnicheadh an Tighearna do rìoghachd air Israel gu bràth.

14 Ach a nìs cha seas do rìoghachd: dh'iarr an Tighearna dha féin duine a réir a chridhe féin, agus dh'àithn an Tighearna dha *bhi* 'n a cheannard air a shìl'nagh, a chionn nach do ghléidh thnsa *an nì* a dh'àithn an Tighearna dhuit.

15 Agus dh'éirich Sammel, agus chaidh e snas o Ghilgal gu Gibeah Bheniamin: agus rinn Saul an sluagh àireamh a bha làthair maille ris, mn thimchioll sè cend fear.

16 Agus dh'fhan Saul, agus a mhac Ionatan, agus an shlagh a bha làthair maille ri, ann an Gibeah Bheniamin: ach champaich na Philistich ann am Michmas.

17 Agns thàinig an luchd-millidh a mach á camp nam Philisteach 'n an trì chuideachd-aibh: thionndaidh aon chuideachd *dhiubh* do 'n t-slighe dh'ionnsuidh Ophrah, *gn* tìr Shanil:

18 Agus thionndaidh cnideachd eile do'n t-slighe dh'ionnsuidh Bhet-horoin: agus thionndaidh cuideachd eile do shlighe na crìche, a tha 'g amharc ri gleann Sheboim, a dh'ionnsuidh an fhàsaich.

19 A nis cha d'fhnaradh gobha ann an tìr Israeil uile: (oir thubhairt na Philistich, Air eagal *gu'n* dean na h-Eabhruidhich *dhoibh* féin claidhean no sleaghan.)

20 Uime sin chaidh na h-Israelich uile sìos dh'ionnsuidh nam Philisteach, gach duine a ghenrachadh a shuic, agus a chaibe, agus a thuaighe, agus a phìocaic.

21 Gidheadh bha eigean aca air son nam pìocaidean, agus air son nan soc, agus air son nan trì-mheurach, agus air son nan tnanhan, agus a gheurachadh nam bior.

22 Mar sin thachair e ann an là a' chatha, nach d'fhnaradh aon chuid claidheamh no sleagh ann an lùmh neach sam bith de'n t-slagh, a *bha* maille ri Saul agus Ionatan: ach fhuaradh aig Saul agus aig a mhac Ionatan.

23 Agns chaidh freiceadan nam Philisteach a mach *gn* bealach Mhichmais.

CAIB. XIV.

1 Bhuail Ionatan agus fear òmchair 'arm freiceadan nam Philisteach. 17 Thàinig Saul agus fheachd dh'ionnsuidh a' chatha. 21 Chuir e an sluagh fo mhionnaibh nach vheadh iad biadh gu feasgar, a chum *gu'n* diùltadh e air a naimhdeibh. 27 Shuoradh Ionatan leis an t-sluagh.

A NIS air là àraidh thubhairt Ionatan a mac Shanil ris an òganach a dh'iomchair 'arm, Thig, agus rachamaid thairis gu freiceadan nam Philisteach, a tha air an taobh thall: ach cha d'innis e d' a athair.

2 Agus dh'fhan Saul anns a' chnìd a b'fhaide mach de Ghibeah, fo chraoibh

pomgranait, a *tha* ann am Migron: agus *bha'n* sluagh a *bha* maille ris mu thimchioll se ceud fear.

3 Agus *bha* Ahiah mac Abituib, bhràthar Ichaboid, mhic Phinehais, mhic Eli sagairt an Tighearn' ann an Siloh, ag iomchar ephoid. Ach cha robh fios aig an t-sluagh gu'n d'fhalbh Ionatan.

4 Agus cadar na bealaichean, air an d'iarr Ionatan do thairis a dh'ionnsuidh freiceadain nam Philisteach, *bha* creag gheur air aon taobh, agus creag gheur air an taobh eile: agus *be* ainm creige dhiubh Boses, agus ainm na creige eile Sench.

5 Bha suidheachadh creige dhiubh o thuath fa chomhair Mhichmais, agus suidheachadh na creige eile o dheas fa chomhair Ghibeah.

6 Agus thubhairt Ionatan ris an òganach a dh'iomchair 'arm, Thig, agus rachamaid thairis a dh'ionnsuidh freiceadain nan *dawine* neothimchioll-ghearta ud: theagamh gu'n oibrich an Tighearn air ar son; oir cha *neil* bacadh air an Tighearn saoradh le mòran no le beagan.

7 Agus thubhairt fear iomchair 'arm ris, Dean gach *ni* a th'am ad chridhe: tionndaidh thu féin; feuch, *tha* mise maille riut a réir do chridhe.

8 An sin thubhairt Ionatan, Feuch, théid sinn thairis a dh'ionnsuidh nan dawine *ud*, agus nochdaidh sinn sinn féin doibh.

9 Ma their iad mar so ruinn, Fanaibh gus an tig sinn d'ur n-ionnsuidh; an sin seasaidh sinne 'n ar n-àite, agus cha téid sinn suas d'an ionnsuidh.

10 Agus ma their iad mar so, Thigibh a nìos d'ar n-ionnsuidh-ne; an sin théid sinn suas, oir thug an Tighearn thairis iad d'ar làimh: agus *bithidh* so 'n a chomharadh dhuinn.

11 Agus nochd iad le 'chéile iad féin do fhreiceadan nam Philisteach: agus thubhairt na Philistich, Feuch, *tha* na h-Eabhruidhich a' teachd a mach as na tollaibh, anns an d'fholaich siad iad féin.

12 Agus fhreagair fir an fhreiceadain Ionatan agus fear iomchair 'arm, agus thubhairt iad, Thigibh a nìos d'ar n-ionnsuidh-ne, agus nochdaidh sinne dhuibh *ni*. Agus thubhairt Ionatan ri fear iomchair 'arm, Thig a nìos a'm dhéigh; oir thug an Tighearn thairis iad do làimh Israeil.

13 Agus chaidh Ionatan suas air a làmhan agus air a chosan, agus fear iomchair 'arm 'n a dhéigh: agus thuit iad roimh Ionatan; agus mharbh fear iomchair 'arm 'n a dhéigh.

14 Agus bha an ceud àr sin a rinn Ionatan agus fear iomchair 'arm, mu thimchioll fichad fear, an taobh a stigh mar gu'n b'ann de leth-acair fhearainn, a *dh'fheadadh* cuing *dhamh* a threabhachd ann an *là*.

15 Agus bha ball-chrith anns an fheachd, 's a' mhachair, agus an measg an t-sluagh uile: bha crith mar an ceudna air an fhreic-

eadan agus air an luchd-millidh féin, agus chrithuach an talamh; agus bha i 'n a crith ro mhòir.

16 Agus dh'amhaire luchd-faire Shaul ann an Gibeah Bheniamin; agus, feuch, leagh am mòr-sluagh as, agus dh'fhalbh iad a' bualadh sìos a *chéile*.

17 An sin thubhairt Saul ris an t-sluagh a *bha* maille ris, Gabhaibh àireamh a nis, agus faicibh cò a dh'fhalbh uainn. Agus an uair a dh'àireamh iad, feuch, cha robh Ionatan agus fear iomchair 'arm an sin.

18 Agus thubhairt Saul ri Ahiah, Thoir an so àire Dhé; oir bha àire Dhé's an àm sin maille ri cloinn Israeil.

19 Agus an uair a bha Saul a' labhairt ris an t-sagart, chaidh a' chonghair a bha ann am feachd nam Philisteach air a h-aghaidh, agus mheudaich i: agus thubhairt Saul ris an t-sagart, Tarruing air a h-ais do lamh.

20 Agus chruinnich Saul agus an sluagh uile a *bha* maille ris iad féin an ceann a chéile, agus thàinig iad a dh'ionnsuidh a' chatha; agus, feuch, bha claidheamh gach fir an aghaidh a choinhearsnaich, agus *bha* amhluaht ro mhòr ann.

21 Agus na h-Eabhruidhich a bha maille ris na Philistich roimhe sin, a chaidh suas maille riut do'n champ *o'n tìr* mu'n cuairt, *thionndaidh* iadsan mar an ceudna gu bhileis na h-Israelich, a *bha* maille ri Saul agus Ionatan.

22 Agus an uair a chuala na fir sin uile de Israel, a dh'fholaich iad féin ann an sliabh Ephraim, gu'n do theich na Philistich, dhlùth-lean iadsan mar an ceudna 'n an déigh anns a' chath.

23 Mar sin shaor an Tighearn Israel air an là sin: agus chaidh an cath thairis gu Bet-ahen.

24 Agus thàinig fir Israeil an fagus air an là sin, agus chuir Saul an sluagh fo mhionnaibh, ag ràdh, Mallaichte gu robh am fear a dh'itheas biadh gu feasgar, a chum gu'n dholar mi air mo naimhdeibh: agus cha do bhlaiss neach air bith de'n t-sluagh biadh.

25 Agus thàinig an sluagh uile gu coille, agus bha mil air aghaidh na macharach.

26 Agus an uair a thàinig an sluagh do'n choille, feuch, shìl a' mhil sìos; ach cha do chuir duine sam bith a lamh a dh'ionnsuidh a bheoil; oir bha eagal nam mionnan air an t-sluagh.

27 Ach cha chuala Ionatan an uair a chuir 'athair an sluagh fo na mionnaibh: uime sin shìl e mach bàrr na slait a *bha* 'n a làimh, agus thum e i ann an cìr mhèala, agus chuir e a lamh gu 'bheul, agus shòillsich eadh a shùilean.

28 An sin fhreagair fear de'n t-sluagh, agus thubhairt e, Chuir d'athair an sluagh fo mhionnaibh teann, ag ràdh, Mallaichte gu robh an duine a dh'itheas biadh an dèigh. Agus bha'n sluagh air fannachadh

29 Ansinthubhairt Ionatan, Chuir m'athair an t-irfo bhuaireas: faicibh, guidheam oirbh, cionnus a tha mo shùilean air an soillseachadh, do bhrìgh gu'n do bhlais mi beagan de 'n mhìl so.

30 Cia mò gu mòr, nam bitheadh an sluagh air itheadh gu saor an diugh de chreich an uaimhdean, a fhuair iad? oir nach bitheadh a nis ar ni bu mhò am measg nam Philisteach?

31 Agus bhuaill iad air an là sin na Philistich o Mhichmas gu Aialon: agus bha 'n sluagh air fannachadh gu mòr.

32 Agus leum an sluagh air a' ehreich, agus ghabh iad caoraiche, agus buar, agus laoigh, agus ruharbh iad air an talamh iad: agus dh'ith an sluagh iad leis an fhuil.

33 Agus dh'innis iad do Shaul, ag ràdh, Feuch, tha'n sluagh a' peacadhadh an aghaidh an Tighearna, le itheadh maille ris an fhuil. Agus thubhairt esan, Pheacaich sibh: caruichibh a m' ionusuidh an diugh clach mhòr.

34 Agus thubhairt Saul, Sgaoilibh sibh féin am measg an t-sluaigh, agus abraibh riu, Thugaibh a m' ionnsuidh an so gach duine a mhart, agus gach duine a chaora, agus marbhaibh iad an so agus ithibh; agus na peacaichibh an aghaidh an Tighearna le itheadh maille ris an fhuil. Agus thug an sluagh uile gach duine a mhart leis air an oidhche sin, agus mharbh iad an siu iad.

35 Agus thog Saul altair do'n Tighearna; B'i sin a' cheud altair a thog e do'n Tighearna.

36 Agus thubhairt Saul, Rachamaid sìos an déigh nam Philisteach 's an oidhche, agus creachamaid iad gu solus na maidne, agus na fàgamaid fear dhiubh. Agus thubhairt iadsan, Dean gach ni a's maith leat. An siu thubhairt an sagart, Thigeamaid am fagus an so dh'ionnsuidh Dhé.

37 Agus dh'iarr Saul comhairle air Dia, An téid mi sìos an déigh nam Philisteach? an toir thu thairis iad do làimh Israeil? ach cha do fhreagair se e air an là sin.

38 Agus thubhairt Saul, Thigibh am fagus an so, sibhse uile mhaithlean an t-sluaigh, agus bitheadh fios agaibh, agus faicibh, càit an robh am peacadh so an diugh.

39 Oir mar is beò an Tighearna, a shaor Israel, ged robh e ann am mhac Ionatan, gu cinnteach gheibh e bas. Ach cha do fhreagair duine e de'n t-sluaigh uile.

40 An sin thubhairt e ri h-Israel uile, Bithibhse air aon taobh, agus bithidh mise agus mo mhac Ionatan air an taobh eile. Agus thubhairt an sluagh ri Saul, Dean an ni a's maith leat.

41 Uime sin thubhairt Saul ris an Tighearna Dia Israeil, Thoir seachad crannchur cothromach. Agus ghabhadh Saul agus Ionatan; ach ehaidh an sluagh as.

42 Agusthubhairt Saul, Tilgibh crannchur

eadar mise agus mo mhac Ionatan. Agus ghabhadh Ionatan.

43 An sin thubhairt Saul ri Ionatan, Innis dhomh cìod a riun thu. Agus dh'innis Ionatan da, agus thubhairt e, Gu deimhin le bàrr na slait a bha a'm làimh, bhlais mi beagan meala; agus, feuch, am faigh mi bàs?

44 Agus thubhairt Saul, Gu'n deanadh Dia mar sin, agus tuilleadh mar an ceudna: oir gu cinnteach gheibh thu bàs, a Ionatain.

45 Agus thubhairt an sluagh ri Saul, Am faigh Ionatan bàs, a dh'oibrich an t-saorsa mhòr so ann an Israel? Nar leigeadh Dia: mar is beò an Tighearna, cha tuit aon ròinneag de fhloht a chinn gu làr; oir maille ri Dia dh'oibrich e an diugh. Uime sin shaor an sluagh Ionatan, agus cha d'fhuair e bàs.

46 An sin chaidh Saul suas o leantuinn nam Philisteach: agus dh'fhalbh na Philistich d'an àite féin.

47 Agus ghabh Saul an rìoghachd os ceann Israeil, agus chog e air gach làimh an aghaidh a naimhdean gu léir, an aghaidh Mhoib, agus an aghaidh chloimn Amoin, agus an aghaidh Edoim, agus an aghaidh rìghrean Shobah, agus an aghaidh nam Philisteach: agus ge b'e taobh a thionndaidh e, chlaoidh e iad.

48 Agus thog e sluagh, agus bhuaill e na h-Amalecich, agus shaor e Israel á làimh na muinntir a bha 'g am milleadh.

49 A nis b'iad mic Shaul Ionatan, agus Isui, agus Melchisua: agus b'iad so annmean a dhithis nighean; ainm na ceud-ghin Merab, agus ainm na h-ighinn a b'òige Michal.

50 Agus 'e ainm muà Shaul Ahinoam, nighean Ahimahi: agus 'e ainm ceannaird a shluaigh Abner mac Neir, bràthair-athar Shaul.

51 Agus 'e Cis athair Shaul: agus 'e Ner athair Abneir, mac Abieil.

52 Agus bha cogadh dian an aghaidh nam Philisteach ré uile làithean Shaul: agus an uair a chitheadh Saul fear làidir sam bith, no fear treun sam bith, ghabhadh e d'a ionnsuidh e.

CAIB. XV.

1 Chuireadh Saul a sgrios Amaleic. 6 Nodul e caomhneas do na Cenic. 7 Bhuaill e na h-Amaleic, ach chaomhain e na caoraich agus am buar. 10 Air son 'cas-àimhlachd bha corruich air Dia 'n a aghaidh, agus chuir e càil ris o bhi 'n a rìgh. 32 Mharbh Samuel Agay.

A GUS thubhairt Samuel ri Saul, Chuir an Tighearna mi gu thusa ungadh a'd' rìgh os ceann a shluaigh, os ceann Israeil: a nis uime sin cìsd ri briathraibh an Tighearna.

2 Mar so tha Tighearna nan sluagh ag ràdh, Is cuimhne leam eiod a riun na

h-Amalecich air na h-Israelich, cionnus a chuir iad 'n an aghaidh 's an t-slighe, 'n uair a thàinig iad a mios as an Eiphit.

3 A nis falbh, agus buail na h-Amalecich, agus sgrios gu tur gach *ni* a *th'aca*, agus na caomhain iad; ach marbh araon fear agus bean, leanabh agus cìochran, damh agus caora, càmhal agus asal.

4 Agus chrùinnich Saul an sluagh an ceann a chèile, agus rinn e an àireamh ann an Telaim, dà cheud mìle coisiche, agus deich mìle fear de Iudah.

5 Agus thàinig Saul gu baile le Amalec, agus rinn e feall-fholach anns a' ghleann.

6 Agus thubhairt Saul ris na Cenich, Falbhaibh, imichibh á so, rachaidh sìos o mheasg nan Amaleceach, air cagal gu'n sgrios mi sibh maille riu; oir nochd sibhse caomhnas do chloinn Israeil uile 'n uair a thàinig iad a mios as an Eiphit. Uime sin dh'imich na Cenich o mheasg nan Amaleceach.

7 Agus bhuail Saul na h-Amalecich o Habbilah *gus* an tig thu gu Sur, a *tha* fa chomhair na h-Eiphit.

8 Agus ghlac e Agag rìgh nan Amaleceach beò, agus sgrios e 'n sluagh uile le faobhar a' chlàidheimh.

9 Agus chaomhain Saul agus an sluagh Agag, agus a' chuid a bh'fhearr de na caoraich, agus de'n bhuar, agus de na *beathaichibh* reamlra, agus de na h-uain, agus de gach *ni a bha* maith, agus cha b'aill leo an sgrios gu tur; ach gach *ni a bha* taireil agus suarrach, sin sgrios iad gu tur.

10 An sin thàinig focal an Tighearna dh'ionnsuidh Shamueil, ag ràdh,

11 Is aithreach leam gu'n d'rinn mi Saul 'n a rìgh; oir thionndaidh e air ais o m' leantuinn, agus cha do choimhlion e m' àith-eantan. Agus chuir sin doilgheas air Samuel, agus ghlaoth e ris an Tighearn ré na h-oidhche.

12 Agus an uair a dh'éirich Samuel gu moch a choimeachadh Shaul's a' mhaduinn, dh'imnseadh do Shamuel, ag ràdh, Thàinig Saul gu Carmel, agus, feuch, chuir e suas dha fèin clach-chuimhneachain, agus dh'imich e mu'n cuairt, agus ghabh e air aghaidh, agus chaidh e sìos gu Gilgal.

13 Agus thàinig Samuel gu Saul; agus thubhairt Saul ris, Beannaichte *gu'n robh* thusa o'n Tighearn; choimhlion mis' àithne an Tighearna.

14 Agus thubhairt Samuel, Ciod 's *ciall* ma tha do mhèilich nan caorach so ann am chluasaibh, agus do gheumnaich a' chruidh a tha mi a' chluinntinn?

15 Agus thubhairt Saul, o na h-Amalecich thug siad iad; oir chaomhain an sluagh a' chuid a bh'fhearr de na caoraich, agus de'n bhuar, a chum an ìobradh do'n Tighearn do Dhia; agus a' chuid eile sgrios sinn gu tur.

16 An sin thubhairt Samuel ri Saul, Fuirich, agus innsidh mi dhuit ciod a thubhairt an Tighearn riums' an nochd. Agus thubhairt e ris, Abair romhad.

17 Agus thubhairt Samuel, An uair a *bha* thu beag a'd' shùilibh fèin nach d'rinnadh thu a'd' cheann air treubhan Israeil? agus dh'ung an Tighearn thu a'd' rìgh os ceann Israeil.

18 Agus chuir an Tighearn thu air thurus, agus thubhairt e, Falbh, agus sgrios gu tur na peacaich, na h-Amalecich, agus cog 'n an aghaidh gus an cuir thu as doibh.

19 C'ar son ma ta nach d'éisd thu ri guth an Tighearna, ach a leum thu air a' chreich, agus a rinn thu ole ann an sùilibh an Tighearna?

20 Agus thubhairt Saul ri Samuel, Seadh, dh'éisd mi ri guth an Tighearna, agus dh'imich mi air an t-slighe air an do chuir an Tighearn mi, agus thug mi leam Agag rìgh Amaleic, agus sgrios mi gu tur na h-Amalecich:

21 Ach ghabh an sluagh de'n chreich, caoraich agus buar, toiseach nan nithean 'bu chòir a bhi air an sgrios gu tur, a chum an ìobradh do'n Tighearn do Dhia ann an Gilgal.

22 Agus thubhairt Samuel, Am bheil tlachd aig an Tighearn ann an tabhartas-aibh-loisgte agus 'an ìobairtibh, mar ann an ùmhhlachd do ghuth an Tighearna? Feuch, is fear ùmhhlachd na ìobairt, agus aire a thabhairt na saill reitheachan.

23 Oir *mar* pheacadh na druidheachd *tha* ceannairc, agus *mar* aingidheachd ìodhol-aoraidh *tha* rag-mhuineilachd; a chionn gu'n do chuir thusa cùl ri focal an Tighearna, chuir esan mar an ceudna cùl riutsa o *bhi* 'd' rìgh.

24 Agus thubhairt Saul ri Samuel, Pheacaich mi, oir bhris mi àithne an Tighearna, agus do bhriathran-sa; a chionn gu'n robh eagal orm roimh 'n t-sluagh, agus gu'n d'éisd mi r'an guth.

25 A nis uime sin, guidheam ort, lugh mo pheacadh, agus pill maille rium, a chum gu'n dean mi aoradh do'n Tighearn.

26 Agus thubhairt Samuel ri Saul, Cha phill mi maille riut; oir chuir thu cùl ri focal an Tighearna, agus chuir an Tighearn cùl riutsa o *bhi* 'd' rìgh air Israeil.

27 Agus an uair a thionndaidh Samuel mu'n cuairt gu falbh, rug e air oir 'fhall-uinne, agus reubadh i.

28 Agus thubhairt Samuel ris, Reub an Tighearn rioghachd Israeil dhìotsa an diugh, agus thug e i do d' choimhearsnach, *a's* fearr na thusa.

29 Agus mar an ceudna cha dean Neart Israeil breug; agus cha ghabh e aithreachas; oir cha duine e gu'n gabhadh e aithreachas.

30 An sin thubhairt e Pheacaich mi; *gidh-*

eadh a nis thoir urram dhomh, guidheam ort, 'am fianuis sheanairean mo shluaigh, agus 'am fianuis Israeil, agus pill maille rium, a chunn gu'n dean mi aoradh do'n Tighearn do Dhia.

31 Agus phill Samuel an déigh Shaul; agus rinn Saul aoradh do'n Tighearn.

32 An sin thubhairt Samuel, Thugaibh an so a m' ionnsuidh-sa Agag rìgh nan Amaleach: agus thàinig Agag d'a ionnsuidh gu suilbhir. Agus thubhairt Agag, Gu cinnteach chaidh searbhadas a' bhàis seachad.

33 Agus thubhairt Samuel, Mar a rinn do chlaidheamh-sa mnathan gun chlam, mar sin bithidh do mhàthair gun chlam am measg bhan. Agus thug Samuel fainear Agag a ghearradh sìos 'n a mhìrribh 'am fianuis an Tighearna ann an Gilgal.

34 An sin dh'imich Samuel gu Ramah; agus chaidh Saul suas d'a thigh gu Gibeath Shaul.

35 Agus cha d'fhàinig Samuel tuilleadh a dh'fhaicinn Shaul gu latha a bhàis; gidheadh, rinn Samuel bròn air son Shaul: agus b'aitheach leis an Tighearn gu'n d'rinn e Saul 'n a rìgh air Israel.

CAIB. XVI.

1 Chaidh Samuel gu Bet-lehem, agus dh'ung e Daibhidh mac Iese. 14 Chuir droch spiorad o'n Tighearn dragh air Saul. 19 Thugadh Daibhidh 'n a làthair.

AGUS thubhairt an Tighearn ri Samuel, Cia fhad a ni thu bròn air son Shaul, agus gu'n do chuir mise cùl ris o rìoghachadh os ceann Israeil? Ion do chorn le h-oladh, agus falbh, cuiridh mise thu gu Iese am Bet-lehemeach; oir fhuair mi mach am measg a chuid mach rìgh dhomh fèin.

2 Agus thubhairt Samuel, Cionnus a dh'fhalbhas mi? oir cluinidh Saul, agus marbhaidh e mi. Agus thubhairt an Tighearn, Thoir agh leat, agus abair, A dh'ìobradh do'n Tighearn thàinig mi.

3 Agus gairm air Iese dh'ionnsuidh na h-ìobairte, agus bheir mise fios dhuit ciod a ni thu: agus ungaidh tu dhomhsa *esan* a dh'ainmicheas mi dhuit.

4 Agus rinn Samuel an ni sin a labhair an Tighearn, agus thàinig e gu Bet-lehem: agus chrìochnaich seanairean a' bhaile r'a theachd, agus thubhairt iad, An ann 'an sìth a tha thu 'teachd?

5 Agus thubhairt *esan*, Ann an sìth: a dh'ìobradh do'n Tighearn thàinig mi: naomhaichibh sibh fèin, agus thigibh maille rium a dh'ionnsuidh na h-ìobairte. Agus naomhaich e Iese agus a mhic, agus ghairm e iad a dh'ionnsuidh na h-ìobairte.

6 Agus an uair a thàinig iad, dh'amhaire e air Eliab, agus thubhairt e, Gu cinnteach 'am fianuis an Tighearna *tha* 'aon ungta-san.

7 Ach thubhairt an Tighearn ri Samuel, Na h-amhaire air a ghnùis, no air àirde a

phearsa, a chionn gu'n do chuir mise cùl ris; oir cha-n *fhaic* an Tighearn mar a chi duine: oir amhaireidh an duine air coslas an taobh a muigh, ach amhaireidh an Tighearn steach air a' chridhe.

8 An sin ghairm Iese air Abinadab, agus thug e air gabhail seachad fa chomhair Shamueil: agus thubhairt e, Ni mò a thagh an Tighearn e so.

9 An sin thug Iese air Samah dol seachad: agus thubhairt e, Ni mò a thagh an Tighearn e so.

10 An sin thug Iese air seachdnar d'a mhic dol seachad fa chomhair Shamueil: agus thubhairt Samuel ri Iese, Cha do thagh an Tighearn *iad* so.

11 Agus thubhairt Samuel ri Iese, Am bheil do mhic uile an so? Agus thubhairt *esan*, Dh'fhàgadh fathast *am mac* a's òige, agus feuch, tha e ag ionaltradh nan caorach. Agus thubhairt Samuel ri Iese, Cuir *fios air*, agus thoir an so e; oir cha suidh sinn sìos gus an tig e 'n so.

12 Agus chuir e *fios air*, agus thug e steach e: a nis *bha* e ruiteach, agus sgiamhach 'n a ghnùis, agus maiseach ri amharc air. Agus thubhairt an Tighearn, Eirich, ung e; oir *is* e so *esan*.

13 Agus ghabh Samuel an còrn-olaidh, agus dh'ung se e am measg a bhràithrean: agus thuirling spiorad an Tighearna air Daibhidh, o'n là sin a mach. Agus dh'éirich Samuel, agus chaidh e gu Ramah.

14 Ach dh'fhalbh spiorad an Tighearna o Shaul, agus chuir droch spiorad o'n Tighearn buaireas air.

15 Agus thubhairt seirbhisich Shaul ris, Feuch a nis, *tha* droch spiorad o Dhia a' cur buaireis ort.

16 Thugadh a nis ar tighearn àithne do d' sheirbhisich a *tha* ann ad fhianuis, gu'n iarr iad a mach duine a chluicheas gu h-calanta air clarsaich: agus an uair a bhitheas an droch spiorad o Dhia ort, an sin cluichidh *esan* le a làimh, agus bithidh tusa gu maith.

17 Agus thubhairt Saul r'a sheirbhisich, Faighibh a nis dhomh duine a chluicheas gu maith, agus thugaibh a m' ionnsuidh e.

18 An sin fhreagair aon de na h-òglaich, agus thubhairt e, Feuch, chunnaic mi mae le Iese am Bet-lehemeach, a chluicheas gu h-calanta, agus a *tha* treun ann an neart, agus 'n a fhear-cogaidh, agus glic ann an gnothuichibh, agus 'n a dhunnc maiseach; agus *tha* 'n Tighearn maille ris.

19 Uime sin chuir Saul teachdairean a dh'ionnsuidh Iese, agus thubhairt e, Cuir a m' ionnsuidh Daibhidh do mhae, a *tha* maille ris na caorach.

20 Agus ghabh Iese asal *luchdaichte* le h-aran, agus searrag fhìona, agus meann de na gabhraibh, agus chuir e *iad* le làimh Dbaibhidh, a mhic, a dh'ionnsuidh Shaul.

21 Agus thàinig Daibhidh a dh'ionnsuidh Shaul, agus sheas e 'n a fhianuis; agus ghràdhach e gu mòr e, agus bha e aige 'n a fhear-iomehair 'arm.

22 Agus chuir Saul *teachdaire* dh'ionnsuidh Iese, ag ràdh, Seasadh, guidheam ort, Daibhidh a'm' fhianuis; oir fhuair e deadh-ghean a'm' shùilb.

23 Agus an uair a bha'n droch spiorad o Dhia air Saul, an sin ghabh Daibhidh clàrsach, agus chluich e le a làimh; agus bha fois aig Saul, agus bha e gu maith; oir dh'fhalbh an droch spiorad uath.

CAIB. XVII.

1 *Chruinnicheadh slòigh nam Philisteach an ceann a chèile gu cath an aghaidh Israeil. 4 Thug Goliath dùblan do chloinn Israeil. 38 Mharbh Daibhidh e.*

ANIS chruinnich na Philistich an slòigh an ceann a chèile gu cath, agus chruinnicheadh iad aig Sochoh, a *bhuineas* do Iudah; agus champaich iad eadar Sochoh agus Asceah, ann an Ephesdamim.

2 Agus chruinnicheadh Saul agus fir Israeil an ceann a chèile, agus champaich iad ann an gleann Elah, agus chuir iad an eath 'an òrdugh, an aghaidh nam Philisteach.

3 Agus sheas na Philistich air shlabh air aon taobh, agus sheas Israel air shlabh air an taobh eile: agus *bha* gleann eatorra.

4 Agus thàinig euraidh a mach á camp nam Philisteach, d'am b'ainm Goliath o Ghat, *anns an robh* sè lànhan-coille agus réis air àirde.

5 Agus *bha* clogaid umha air a eheann, agus *bha* e air 'éideadh le lùirich-mhàilich: agus *b'e* eudthrom na lùiriche cùig mìle secl umha.

6 Agus *bha* coisbheirt umha air a ehosaibh, agus targaid umha eadar a ghuaillibh.

7 Agus *bha* crann a shleagha mar gharmain figheadair; agus *bha ann* an ceann a shleagha sè eud secl iarunn: agus *bha fear* a' giùlan sgéithe ag imeachd roimhe.

8 Agus sheas e, agus ghlaodh e ri slòigh Israeil, agus thubhairt e riu, C'ar son a tha sibh a' teachd a mach gu'r eath a chur 'an òrdugh? Nach Philisteach mise, agus *nach* seirbhiseibhse do Shaul? taghaibh dhuibh féin fear, agus thigeadh e suas a m' ionnsuidh-sa.

9 Ma's urrainn e còmhrag riumsa, agus *ma* mharbhas e mi, an sin bithidh sinne 'n ar seirbhiseibh agaibhse; ach na bheir mise buaidh air-san, agus gu marbh mi e, an sin bithidh sibhse 'n ur seirbhiseibh againne, agus ni sibh seirbhise dhuinn.

10 Agus thubhairt am Philisteach, Tha mi a' toirt dùblan do shlòigh Israeil an ùngh; faighibh dhomhsa fear, a chum gu'n dean sinn còmhrag ri 'chéile.

11 An uair a chuala Saul agus Israel uile briathran sin an Philistich, bha iad fo uamhas, agus fo eagal mòr.

12 A nis *b'e* Daibhidh mae an Ephrataieh sin o Bhet-lehem Iudah, d'am b'ainm Iese; agus *bha* ochduar mhac aige; agus bha an duine ann an làithibh Shaul 'n a sheann duine, air teachd air aghaidh ann an aois.

13 Agus dh'imieh an triuir mhac a bu shine aig Iese, agus ehaidh iad an déigh Shaul a ehum a' chogaidh; agus *b'iad* ainmean a thriuir mhac a chaidh dh'ionnsuidh a' chogaidh, Eliab an ceud-ghin, agus 'n a dhéigh-san Abinadab, agus an treas *mac* Samah.

14 Agus *b'e* Daibhidh am *mac* a b'òige; agus chaidh an triuir a bu shine an déigh Shaul.

15 Ach dh'fhalbh Daibhidh agus phill e o Shaul, a dh'ionaltradh chaorach athar ann am Bet-lehem.

16 Agus tharruing am Philisteach ann fagus 's a' mhaduinn agus mu fheasgar, agus nochd se e féin dà fhichead là.

17 Agus thubhairt Iese ri Daibhidh a mhac, Gabh a nis air son do bhràithrean ephah de'n *t-sìol* chruaidlichte so, agus na deich builnnean so, agus ruith do'n champ a dh'ionnsuidh do bhràithrean;

18 Agus giùlan na deich mulchagan càise so dh'ionnsuidh ceannaird am mìle-san, agus seall eionnus a tha do bhràithrean, agus gabh an geall.

19 A nis *bha* Saul, agus iadsan, agus fir Israeil uile ann an gleann Elah, a' cogadh ris na Philistich.

20 Agus dh'éirich Daibhidh gu moch 's a' mhaduinn, agus dh'fhàg e na caoraich aig fear-gleidhidh, agus thug e leis, agus dh'imieh e, mar a dh'àithn Iese dha; agus thàinig e do'n ehlaish-bhàir an uair a bha 'n armailt a' dol a mach a dh'ionnsuidh a chatha, agus a rinn iad iolach chum a' ehatha:

21 Oir chuir Israel agus na Philistich iad féin 'an òrdugh catha, armailt an aghaidh armailt.

22 Agus dh'fhàg Daibhidh an t-uidheam *a chuir* e dheth ann an làimh fir-gleidhidh an uidheim, agus ruith e dh'ionnsuidh na h-armailt, agus thàinig e, agus chuir e failt air a bhràithribh.

23 Agus an uair a bha e a' labhairt riu, feuch, thàinig an euraidh d'am b'ainm Goliath, am Philisteach o Ghat, a nìos á armailt nam briathran eendna: agus chuala Daibhidh *iad*.

24 Agus an uair a ehunnaie fir Israeil uile an duine, theich iad roimhe, agus bha eagal mòr orra.

25 Agus thubhairt fir Israeil, Am faca sibh ann fear so a tha air teachd a nìos? gu cinnteach *is ann* a thoirt dùblan do Israel *a tha* e air teachd a nìos: agus ge b'e fear a mharbhas e, ni an rìgh saobhir e le mòr shaoibhreas, agus bheir e dha a

nighean, agus ni e tigh 'athar saor ann an Israel.

26 Agus thubhairt Daibhidh ris na daoibh a sheas làimh ris, ag ràdh, Ciod a nithear ris an duine a mharbhas am Philisteach so, agus a bheir air falbh am masladh o Israel? oir cò e am Philisteach neo-thimchioll-ghearrta so, gu'n tugadh e dùbhlán do armailtibh an Dé bheò?

27 Agus fhreagair au sluagh e air an dòigh so, ag ràdh, Mar so nithear ris an duine a mharbhas e.

28 Agus chuala Eliab, a bhràthair a bu shine, 'n uair a labhair e ris na daoibh: agus las fearg Eliab an aghaidh Dhaibhidh, agus thubhairt e, 'Car son a thàinig thu uas au so? agus cò aig a dh'fhàg thu am beagan chaorach sin anns an fhàsach? tha mi fiosrach air d'uabhar agus olcas do chridhe; oir is ann a dh'fhaicinn a' chatha a thàinig thu uas.

29 Agus thubhairt Daibhidh, Ciod a rinn mi a nis? nach briathran iad?

30 Agus thionndaidh e uaitheasan a dh'ionnsuidh *fir* eile, agus labhair e air an dòigh cheudna: agus fhreagair an sluagh e a ris a réir na ceud dòigh.

31 Agus an uair a chualas na briathran a labhair Daibhidh, dh'aithris iad 'am fianuis Shaul *iad*: agus chuir e fios air.

32 Agus thubhairt Daibhidh ri Saul, Na fannaicheadh cridhe duine sam bith air a shon-san: théid do sheirbhiseach agus cogaidh e ris an Philisteach so.

33 Agus thubhairt Saul ri Daibhidh, Cha-n urrainn thusa dol an aghaidh an Philistich so a chogadh ris: oir *cha-n'eil* annadsa *ach* òganach, agus *tha* esau 'u a fhear-cogaidh o' òige.

34 Agus thubhairt Daibhidh ri Saul, Bha do sheirbhiseach ag ionaltradh chaorach 'athar, agus thàinig leòmhán, agus math-ghamhuin, agus thug e uan as an treud:

35 Agus chaidh mi nach 'n a dhéigh, agus bhuail mi e, agus shaor mi as a bheul e. Agus an uair a dh'éirich e a'm' aghaidh, rug mi air fheusaig *air*, agus bhuail mi e, agus mharbh mi e.

36 Araon an leòmhau agus am math-ghamhuin mharbh do sheirbhiseach: agus bithidh am Philisteach uco-thimchioll-ghearrta so mar aon dùbhsan, do bhrìgh gu'n d'thug e dùbhlán do armailtibh an Dé bheò.

37 Mar an ceudna thubhairt Daibhidh, An Tighearn a shaor mise á màg an leòmhain, agus á màg a' mhath-ghamhuin, saoraidh esan mi á làimh an Philistich so. Agus thubhairt Saul ri Daibhidh, Falbh, agus gu robh an Tighearn maille riut.

38 Agus chuir Saul 'éididh féin air Daibhidh, agus chuir e eogaid umha air a cheann; mar an ceudna chuir e lùreach air.

39 Agus chrìoslaich Daibhidh a chlaidheamh air uachdar 'éididh, agus b'aill leis imeachd, oir cha do chleachd e *iad*: agus thubhairt Daibhidh ri Saul, Cha-n urrainn mi imeachd leo so, oir cha do chleachd mi *iad*. Agus chuir Daibhidh dheth iad.

40 Agus ghabh e a bhata 'n a làimh, agus thagh e dha féin chùg clachan mìne o'n t-sruth, agus chuir e iad anu am màla buachaille a *bha* aige, eadhon ann an sporau, agus *bha* a chramm-tàbhuill 'n a làimh: agus tharruing e 'm fagus do'n Philisteach.

41 Agus thàinig am Philisteach air aghaidh, agus tharruing e 'm fagus do Dhaibhidh; agus fear-ionchair a sgéithe roimhe.

42 Agus an uair a dh'amhairc am Philisteach agus a chunnaic e Daibhidh, rinn e dimeas air, a chionn gu'n robh e 'n a òganach, agus ruiteach, agus sgiamhach 'n a ghnùis.

43 Agus thubhairt am Philisteach ri Daibhidh, An cù mise, gu'n tigeadh tu a m' ionnsuidh le bataibh? agus mhallaidh am Philisteach Daibhidh ann an *ainm* a dhiathan.

44 Agus thubhairt am Philisteach ri Daibhidh, Thig a m' ionnsuidh-sa, agus bheir mi d'fheoil do eunlaith an athair, agus do bheathaichibh na macharach.

45 An sin thubhairt Daibhidh ris an Philisteach, *Tha* thusa a' teachd a m' ionnsuidh-sa le claidheamh, agus le sleagh, agus le sgéith; ach *tha* mise a' teachd a d' ionnsuidh-sa ann an ainm Thighearna nan sluagh, Dhé armailtean Israeil, d'an d'thug thusa dùbhlán.

46 Air an là 'u diugh bheir an Tighearn thairis thu do m' làimh-sa, agus buailidh mi thu, agus buinidh mi dhìot do cheann, agus bheir mi closaichean fheadh nam Philisteach air an là 'u diugh do eunlaith an athair, agus do fhiadh-bheathaichibh na talmhainn; a chum gu'm bi fios aig an talamh uile gu bheil Dia ann an Israel.

47 Agus bithidh fios aig a' choimhlithional so uile, nach ann le claidheamh no le sleagh a shaoras an Tighearn: oir *is* leis an Tighearn an cath, agus bheir e sibhse d'ar làimh-ne.

48 Agus an uair a dh'éirich am Philisteach, agus a thàinig e agus a tharruing e 'm fagus 'an coimeamh Dhaibhidh, an sin rinn Daibhidh cabhag, agus ruith e dh'ionnsuidh na h-armailt 'an coimeamh an Philistich.

49 Agus chuir Daibhidh a làmh 'n a mhàla, agus ghabh e as a sin clach, agus thilg e as a chramm-tàbhuill, agus bhuail e 'n Philisteach ann an clàr 'eudainn: agus chaidh a' chlach a stigh ann an clàr 'eudainn, agus thuit e air 'aghaidh dh'ionnsuidh an làir.

50 Mar sin thug Daibhidh buaidh air an Philisteach le crann-tàbhuilt agus le cloich; agus bhuail e 'm Philisteach, agus mharbh se e: ach cha robh claidheamh ann an làimh Dhaibhidh.

51 Uime sin ruith Daibhidh agus sheas e air an Philisteach, agus ghlac e a chlaidheamh, agus tharruing e as a thruaill e, agus mharbh se e, agus ghearr e dheth a cheann leis. Agus an nair a chunnaic na Philistich gu'n robh an gaisgeach marbh, theich iad.

52 Agus dh'éirich fir Israeil agus Iudah, agus rinn iad iolach, agus chaidh iad air tòir nam Philisteach, gus an tig thu gu gleann, agus gu geataichibh Eceoin: agus thuit iadsan a bha leònta de na Philistich air an t-slighe gu Sarain, eadhon gu ruig Gat, agus gu ruig Eceon.

53 Agus phill clann Israeil o ruagadh nam Philisteach, agus chreach iad an camp.

54 Agus ghabh Daibhidh ceann an Philistich, agus thug e leis e gu h-Ierusalem: ach chuir e 'armachd 'n a bhùth.

55 Agus an uair a chunnaic Saul Daibhidh a' dol a mach an aghaidh an Philistich, thubhairt e ri Abner ceannard an t-sluaigh, Abneir, cò d'am mac an t-òganach so? Agus thubhairt Abner, Mar is beò d'anam, O a rìgh, cha-nèil fhios agam.

56 Agus thubhairt an rìgh, Fedraich thusa cò d'am mac an t-òganach so.

57 Agus an uair a phill Daibhidh o mharbhadh an Philistich, ghabh Abner e, agus thug e 'am fianuis Shaul e, le ceann an Philistich 'n a làimh.

58 Agus thubhairt Saul ris, Cò d'am mac thu, òganach? Agus fhreagair Daibhidh, *is mi* mac do sheirbhisich Iese, a' Bhet-lehemich.

CAIB. XVIII.

1 *Ghràdhaich Ionatan Daibhidh. 10 Dh'fhuath- aich Saul e, agus dh'iarr e a mharbhadh. 22 Thug e Michal a nighean dha 'n a mnaoi.*

AGUS tharladh an uair a chuir e crìoch air labhairt ri Saul, gu'n do cheangladh anam Ionatan ri anam Dhaibhidh, agus ghràdhaich Ionatan e mar 'anam féin.

2 Agus ghabh Saul d' a ionnsuidh e air an là sin, agus cha do leig e leis pilltim nì's mò gu tigh 'athar.

3 An sin rinn Ionatan agus Daibhidh coimh-cheangal, a chionn gu'n do ghràdhaich se e mar 'anam féin.

4 Agus chuir Ionatan dheth féin an fhalluinn a bh'air, agus thug e do Dhaibhidh i, agus éididh eadhon gu 'chlaidheamh, agus gu 'bhogha, agus gu 'ehrios.

5 Agus chaidh Daibhidh mach gach taobh a chuir Saul e, agus ghiùlain se e féin gu glic: agus chuir Saul e os ceann nam fear-cogaidh; agus bha e taitneach ann an sùilbh an t-sluaigh uile, agus mar an ceudna ann an sùilbh sheirbhisich Shaul.

6 Agus an uair a bha iad a' teachd, an déigh do Dhaibhidh pilltim o mharbhadh an Philistich, thàinig na mnathan a mach á uile bhaittibh Israeil, a' seinn agus a' danasadh 'n coimeamh rìgh Shaul, le tiompanaibh, le gairdeachas, agus le h-innealaibh ciuil tri-theudach.

7 Agus fhreagair na mnathan a *chéile an uair a bha iad* a' seinn, agus thubhairt iad, Mharbh Saul a mhilltean, agus Daibhidh a dheich miltean.

8 Agus bha Saul ro fheargach, agus mhi-thaitim an ràdh sin ris; agus thubhairt e, Thug iad do Dhaibhidh deich miltean, agus dhomhsa cha d'thug iad *ach* miltean: agus *ciod* tuille *'dhi'fheudas a bhì* aige ach an rìoghachd?

9 Agus chum Saul sùil air Daibhidh o'n là sin, agus o sin a mach.

10 Agus air an là màireach thàinig an droch spiorad o Dhia air Saul, bha e air bhoile ann am meadhon an tighe; agus chluich Daibhidh le a làimh, mar air uairibh eile: agus *bha* sleagh ann an làimh Shaul.

11 Agus thilg Saul an t-sleagh, agus thubhairt e, Buaidh mi Daibhidh *leatha* gu ruig am balla: ach tharruing Daibhidh as a làthair dà uair.

12 Agus bha eagal air Saul roimh Dhaibhidh, do bhrìgh gu'n robh an Tighearn maille ris, agus gu'n d'imich e o Shaul.

13 Uime sin chuir Saul air falbh uaith e, agus rinn e 'n a cheannard dha féin os ceann mìle e; agus chaidh e mach, agus thàinig e stigh roimh 'n t-sluagh.

14 Agus ghiùlain Daibhidh e féin gu glic 'n a shligheibh uile; agus *bha* 'u Tighearn maille ris.

15 Agus an uair a chunnaic Saul gu'n do ghiùlain se e féin gu ro ghlic, bha eagal air roimhe.

16 Ach ghràdhaich Israel uile agus Iudah Daibhidh, do bhrìgh gu'n deachaidh e mach agus gu'n d'thàinig e stigh rompa.

17 Agus thubhairt Saul ri Daibhidh, Feuch, mo nighean a's sine, Merab, ise bheir mi dhuit 'n a mnaoi: a mha'n bi thusa gaisgeil air mo shon-sa, agus cuir cathan an Tighearn: oir thubhairt Saul, Na bitheadh mo lamh-sa air, ach bitheadh lamh nam Philisteach air.

18 Agus thubhairt Daibhidh ri Saul, Cò mise? agus ciod i mo bheatha, no teaghlach m'athar ann an Israel, gu'm bithinn a'm' chliamhuin aig an rìgh?

19 Ach anns an àm 's am bu chòir do Mherab nighean Shaul a bhì air a tabhairt do Dhaibhidh, thugadh i do Adriel an Meholatach 'n a mnaoi.

20 Agus ghràdhaich Michal, nighean Shaul, Daibhidh; agus dh'innis iad *sin* do Shaul, agus thaitim an nì ris.

21 Agus thubhairt Saul, Bheir mi dha i, a chum gu'm bi i dha 'n a ribe, agus *gu'm bi*

làmh nam Philisteach 'n a aghaidh. Uime sin thubhairt Saul ri Daibhidh, *Le aon de'n dithis bithidh tu a'd' chliamhuin agams' an diugh.*

22 Agus dh'athain Saul d'a sheirbhisich, *ag r'adh*, Labhairibh ri Daibhidh 'an uaigneas, ag ràdh, Feuch, tha tlachd aig an rìgh ann-ad, agus tha gràdh aig a sheirbhisich uile dhuit: a nis uime sin bi-sa a'd' chliamhuin aig an rìgh.

23 Agus la hair seirbhisich Shaul na briathran so ann an clusaibh Dhaibhidh: agus thubhairt Daibhidh, An ni faoin 'n ur suilbhsa bhi ann an cleamhnas rìrigh, agus nach 'eil annamsa ach duine bochd, agus fo dhìmeas?

24 Agus dh'innis seirbhisich Shaul dha, ag ràdh, Air an dòigh so labhair Daibhidh.

25 Agus thubhairt Saul, Mar so their sibh ri Daibhidh, Cha-n'eil an rìgh ag iarraidh dubharaidh sam bith, ach ceud roimh-chroicinn de na Philistich, gu bhi dìolta air naimh-dibh an rìgh. Ach shaoil Saul gu'n tugadh e air Daibhidh tuiteam le làmh nam Philisteach.

26 Agus an uair a dh'innis a sheirbhisich do Dhaibhidh na briathran sin, thaitinn e ri Daibhidh a bhi 'n a chliamhuin aig an rìgh: agus cha do chrìochnaich eadh na làithean.

27 Uime sin dh'èirich Daibhidh, agus dh'imich e féin agus a dhaoine, agus mharbh e de na Philistich dà cheud fear; agus thug Daibhidh leis an roimh-chroicinn, agus thug e 'n an làn àireamh iad do'n rìgh, a chum gu'm bitheadh e 'n a chliamhuin aig an rìgh: agus thug Saul dha Michal a nighean 'n a mnaoi.

28 Agus chunnaic Saul, agus bha fios aige gu'n robh an Tighearn maille ri Daibhidh, agus gu'n do ghràdhaich Michal nighean Shaul c.

29 Agus bha fathast an tuilleadh eagail air Saul roimh Dhaibhidh; agus bha Saul 'n a nàmhaid do Dhaibhidh 'an còmhuidh.

30 An sin chaidh ceannardan nam Philisteach a mach: agus an déigh dhoibh dol a mach, ghluilain Daibhidh e féin ni bu ghlice na uile sheirbhisich Shaul: agus bha 'ainm ro urramach.

CAIB. XIX.

1 *Dh'innis Ionatan do Dhaibhidh gu'n robh 'athair ag iarraidh a mharbhadh.* 11 *Chuir Saul teachdairean a dh'ionnsuidh a thighe g'a cur gu bàs.* 12 *Leig Michal sìos troimh uinneig e, agus theich e dh'ionnsuidh Shamuel qu Ramah.*

AGUS labhair Saul r'a mhac Ionatan, agus r'a sheirbhisich uile *iad* a mharbhadh Dhaibhidh.

2 Ach bha tlachd mòr aig Ionatan mac Shaul ann an Daibhidh: agus dh'innis Ionatan do Dhaibhidh, ag ràdh, Tha m'athair Saul ag iarraidh do mharbhadh; a nis

uime sin, guidheam ort, thoir an aire dhuit féin 's a' mhaduinn, agus fan ann an *àite* dìomhair, agus folaich thu féin.

3 Agus theid mise mach, agus seasaidh mi làmh ri m'athair 's a' mhachair anns *am bi* thu, agus labhairidh mi mu d' thimchioll ri m'athair; agus an ni a chi mi, sin innsidh mi dhuit.

4 Agus labhair Ionatan maith mu Dhaibhidh r'a athair Saul, agus thubhairt e ris, Na peacaicheadh an rìgh an aghaidh a sheirbhisich, an aghaidh Dhaibhidh; do bhrìgh nach do pheacaich esan a'd' aghaidh-sa, agus do bhrìgh gu'n robh 'oibre do d' thaobh-sa ro mhaith:

5 Oir chuir e 'anam 'n a làmh, agus mharbh e am Philisteach; agus dh'oibrich an Tighearn saorsa mhòr air son Israeil uile: chunnaic thu e agus rinn thu gairdeachas: c'ar son ma ta a pheacaicheas tu an aghaidh fola neo-chiontaich, le Daibhidh a mharbhadh gun aobhar?

6 Agus dh'èisd Saul ri guth Ionatann; agus nìonnaich Saul, *Mar* is beò an Tighearn, cha mharbhar e.

7 Agus ghairm Ionatan air Daibhidh, agus chuir Ionatan 'an céill dha na briathran sin uile: agus thug Ionatan Daibhidh a dh'ionnsuidh Shaul, agus bha e 'n a fhianuis mar a bha e roimhe.

8 Agus bha cogadh a ris ann: agus chaidh Daibhidh a mach, agus chog e ris na Philistich, agus bhual e iad le h-àr mòr; agus theich iad roimhe.

9 Agus bha'n droch spiorad o'n Tighearn air Saul, an uair a shuidh e 'n a thigh, agus a shleagh 'n a làmh: agus chluich Daibhidh le a làmh.

10 Agus dh'iarr Saul Daibhidh a bhualadh gu ruig am balla leis an t-sleagh; ach tharruing e air falbh á làthair Shaul, agus bhual e 'n t-sleagh a stigh 's a' bhalla: agus theich Daibhidh, agus chaidh e as air an oidliche sin.

11 Agus chuir Saul teachdairean a dh'ionnsuidh tìghe Dhaibhidh, g'a choimhead agus g'a mharbhadh 's a' mhaduinn: agus dh'innis Michal a bhean do Dhaibhidh e, ag ràdh, Mur teasaigh thu d'anam an nochid, am màireach cuirear gu bàs thu.

12 Agus leig Michal sìos Daibhidh troimh uinneig: agus dh'fhalbh e, agus theich e, agus chaidh e as.

13 Agus ghabh Michal dealbh, agus chuir i 's an leabaidh e, agus chuir i adhartan de fhionnadh ghabhar f'a cheann, agus chòmhdaich i le eudach e.

14 Agus an uair a chuir Saul teachdairean a ghlacadh Dhaibhidh, thubhairt i, *Tha* e tinn.

15 Agus chuir Saul na teachdairean a ris a dh'fhaicinn Dhaibhidh, ag ràdh, Thugaibh a nìos 's an leabaidh a m' ionnsuidhs' e, a chum gu marbh mi e.

16 Agus an uair a thàinig na teachdairean a stigh, feuch, *tha* dealbh anns an leabaidh, agus adhartan de *fhionnadh* ghabhar f'a cheann.

17 Agus thubhairt Saul ri Michal, C'ar son a mheall thu mi mar so, agus a chuir thu air falbh mo ràmhaid, air chor as gu'n deachaidh e as? Agus fhreagair Michal Saul, Thubhairt e rium, Leig dhomh im-eachd; c'ar son a mharbhaime thu?

18 Agus theich Daibhidh, agus chaidh e as, agus thàinig e dh'ionnsuidh Shamueil gu Ramah, agus dh'innis e dha gach *ni* a rinn Saul ris: agus dh'imich esan agus Samuel, agus ghabh iad còmhnuidh ann an Naiot.

19 Agus dh'innseadh do Shaul, ag ràdh, Feuch, *tha* Daibhidh aig Naiot ann an Ramah.

20 Agus chuir Saul teachdairean a ghlaic-adh Dhaibhidh: agus an uair a chunnaic iad cuideachd nam fàidhean ri fàidheadaireachd, agus Samuel 'n a sheasamh *mar* a'ra shuidheachadh os an ceann, bha spiorad Dhé air teachdairibh Shaul, agus rinn iadsan fàidheadaireachd mar an ceudna.

21 Agus an uair a dh'innseadh *sin* do Shaul, chuir e uaithe mar an ceudna teachdairean eile, agus rinn iadsan cuideachd fàidheadaireachd. Agus chuir Saul teachdairean a ris an treas uair, agus rinn iadsan cuideachd fàidheadaireachd.

22 An sin chaidh e féin mar an ceudna gu Ramah, agus thàinig e gu tobar mòr a *tha* ann an Sechu, agus dh'fheòraich e, agus thubhairt e, Càit *am* theil Samuel agus Daibhidh? agus thubhairt aon, Feuch, *tha iad* aig Naiot ann an Ramah.

23 Agus chaidh e 'n sin gu Naiot ann an Ramah: agus bha spiorad Dhé air-san mar an ceudna, agus chaidh e air aghaidh agus rinn e fàidheadaireachd, agus an d'thàinig e gu Naiot ann an Ramah.

24 Agus chuir esan cuideachd 'cudach dheth, agus rinn e fàidheadaireachd 'am fianuis Shamueil air an dòigh cheudna: agus luidh e sìos lomnochd rè an là sin agus rè na h-oidheche. Uime sin their iad, Am *theil* Saul mar an ceudna 'am measg nam fàidhean?

CAIB. XX.

1 *Dh'athnuadh* Daibhidh agus Ionatan an còmhcheangal a bha eatorra. 24 *Dh'iarr* Saul Ionatan a mharbhadh, a chionn gu'n do leig e Daibhidh air falbh. 35 *Dh'innis* Ionatan a chunnart do Dhaibhidh; 41 agus dheal-
aich iad.

A GUS theich Daibhidh o Naiot ann an Ramah, agus thàinig e, agus thubhairt e 'am fianuis Ionatan, Ciod a rinn mi? ciod i m'eucairt, agus ciod e mo pheacadh 'am fianuis d'athar, gu bheil e 'g iarraidh m'anama?

2 Agus thubhairt esan ris, Nar leigeadh Dia; cha-n fhaigh thu bàs: feuch, cha dean m'athair ni air bith mòr no beag, nach foillsich e dhomhsa: agus c'ar son a dh'fholaicheadh m'athair uamsa an ni so? cha *bhi* e mar sin.

3 Agus mhionnaich Daibhidh cuideachd, agus thubhairt e, Tha gu cinn-teach fios aig d'athair gu'n d'fhuar mise deadh-ghean a'd shùilbh, agus theire e, Na bhitheadh fios aig Ionatan air so, air eagal gu'm bi doilgheas air: ach gu deimhin *mar* is beò an Tighearn, agus *mar* is beò d'anam, cha-n'eil ach cum eadar mise agus am bàs.

4 An sin thubhairt Ionatan ri Daibhidh, Ge b'e ni a dh'iarras d'anam, cadhon *sin* ni mise dhuit.

5 Agus thubhairt Daibhidh ri Ionatan, Feuch, *tha* a' ghealach nuadh ann am màireach, agus bu chòir dhomhsa suidhe maille ris an rìgh gu biadh; ach leig air falbh mi, a clum gu'm folaich mi mi féin anns a' mhachair gu feasgar an treas là.

6 Ma dh'iomdraineas d'athair idir mi, an sin their thu, Dh'iarr Daibhidh gu dùrachd-ach *cead* ormsa gu ruith do Bhet-leheim a bhaile féin; oir *tha* iobairt bhliadhnail an sin air son an teaghlach uile.

7 Ma their e mar so, *Ro* mhaith; *bithidh* sìth aig do sheirbhiseach: ach ma bhitheas fearg ro mhòr air, an *sin* bi cinnteach gu bheil ole air a shonrachadh leis.

8 Uime sin buinidh tu gu caoinhneil ri d' sheirbhiseach; oir thug thu air do sheirbhiseach còmhcheangal an Tighearna 'dhcan-amh riut: gidheadh, ma tha ole annamsa, marbh féin mi; oir c'ar son a bheireadh tu mi dh'ionnsuidh d'athar?

9 Agus thubhairt Ionatan, Gu ma fada sin uait; oir ma bhitheas fios gu cinnteach agamsa gu bheil ole air a shonrachadh le m'athair gu teachd ortsa, an sin nach innis mise dhuit e?

10 An sin thubhairt Daibhidh ri Ionatan, Cò'dh'innseas dhomh, ma fhreagras d'athair thu gu garg?

11 Agus thubhairt Ionatan ri Daibhidh, Thig, agus rachamaid a mach do'n mhachair. Agus chaidh iad a mach le 'chéile do'n mhachair.

12 Agus thubhairt Ionatan ri Daibhidh, *Gu'n deanadh* an Tighearn Dia Israeil, an uair a dh'fhidreas mi m'athair mu'n àm so am màireach, no air an treas là, agus, feuch, *ma bhios* maith ann a thobh Daibhidh, agus nach cuir mi an sin fios a d' ionnsuidhsa, agus nach foillsich mi dhuit e;

13 Gu'n deanadh an Tighearn mar sin, agus ni's ro mhò ri Ionatan: ach ma's toil le m'athair ole a *dheanamh* ort, an sin foillsichidh mi dhuit e, agus cuiridh mi air falbh thu, agus imichidh tu 'an sìth; agus gu robh an Tighearn maille riut, mar a bha e maille ri m'athair-sa.

14 Agus cha-n e mhàin, ma bhitheas mi fathast beò, gu'n nochd thu dhomh caoimhneas an Tighearna, chum nach faigh mi bàs:

15 Ach *cuideachd* cha ghearr thu as do chaoimhneasom' thigh gubràth: cha *ghearr*, eadhon an uair a ghearras an Tighearn as namhdean Dhaibhidh, gach aon diubh bhàrr aghaidh na talmhainn.

16 Mar sin rinn Ionatan *coimhcheangal* ri thigh Dhaibhidh, *ag ràdh*, Gu'n agraadh an Tighearn e eadhon o làimh namhdean Dhaibhidh.

17 Agus thug Ionatan air Daibhidh mionnachadh a ris, a chionn gu'n do ghràdhaich se e: oir ghràdhaich se e mar a ghràdhaich e 'anam féin.

18 An sin thubhairt Ionatan ris, Am màireach *tha* a' ghealach nuadh *ann*; agus ionndrainear thu, a chionn gu'm bi d'àite-suidhe falamh.

19 Agus an uair a dh'fhanas tugus an treas là, theid thu sìos gu grad, agus thig thu dh'ionnsuidh an àite anns an d'fholaich thu thu féin, an uair a bha'n gnothuch '*an làimh*, agus fanaidh tu aig a' chloich Esel.

20 Agus tilgidh mise trì saighdean r'a taobh, mar gu'n tilginn air comharadh.

21 Agus, feuch, cuiridh mi òganach uam, *ag ràdh*, Falbh, faigh a mach na saighdean. Ma their mi gu cinnteach ris an òganach, Feuch, *tha* na saighdean air an taobh so dhìot, gabh iad; an sin thig thusa: oir *tha* sìth *ann* dhuit, agus cha-n'eil *ole* sam bith, *mar* is beò an Tighearn.

22 Ach ma their mi mar so ris an òganach, Feuch, *tha* na saighdean air an taobh thall dìot; imich thusa, oir chuir an Tighearn air falbh thu.

23 Agus a *thaobh* a' ghnòthuich mu'n do labhair mise agus thusa, feuch, gu robh an Tighearn cadar mise agus thusa gu bràth.

24 Uime sin dh'fholaich Daibhidh e féin anns a' mhachair: agus an uair a thàinig a' ghealach nuadh, shuidh an rìgh sìos gu biadh itheadh.

25 Agus shuidh an rìgh air a' chaithir féin, mar air uairibh eile, *eadhon* air caithir làimh ris a' bhalla: agus dh'éirich Ionatan, agus shuidh Abner ri taobh Shaul: agus bha àite Dhaibhidh falamh.

26 Gidheadh, cha do labhair Saul a' bheag sam bith air an là sin: oir thubhairt e *leis féin*, Thàinig ni-eigin air, cha-n'eil e glan; gu cinnteach cha-n'eil e glan.

27 Agus thachair air an là màireach, an dara là de'n mhìos, gu'n robh àite Dhaibhidh falamh: agus thubhairt Saul r'a mhac Ionatan, C'ar son nach d'thàinig mac Iese gu biadh, aon chuid an dé no'n dìugh?

28 Agus fhreagair Ionatan Saul, Dh'iarr Daibhidh gu dùrachdach *ceud* ormsa *dol* do Bhet-lehem:

29 Agus thubhairt e, Leig air falbh mi,

guidheam ort, oir *tha* ìobairt aig ar teaghlach anns a' bhaile; agus dh'àithn mo bhràthair dhomh a *bhi 'n sin*: agus a nis ma flhuair mi deadh-ghean a'd' shùilibh, leig dhomh imeachd, guidheam ort, agus mo bhràithrean fhaicinn: uime sin cha d'thàinig e gu bòrd an rìgh.

30 An sin las fearg Shaul an aghaidh Ionatain, agus thubhairt e ris, A mhic na *mnà* crosta, ceannaircich, nach 'eil fhios agamsa gu'n do thagh thu mac Iese chum do mhaslaidh féin, agus a chum maslaidh lommochduidh do mhàthar?

31 Oir co fhad 's a bhitheas mac Iese beò air an talamh, cha daingnichear thusa, no do rìoghachd: uime sin a nis cuir *fios air*, agus thoir a mi' ionnsuidh e, oir gu cinnteach gheibh e bàs.

32 Agus fhreagair Ionatan 'athair Saul, agus thubhairt e, C'ar son a chuirear gu bàs e? ciod a rinn e?

33 Agus thilg Saul sleagh air, chum a bhualadh: le sin bha fios aig Ionatan gu'n *robh* e suidhichte le 'athair Daibhidh a chur gu bàs.

34 Uime sin dh'éirich Ionatan o'n bhòrd ann am feirg ro mhòir, agus cha d'ith e biadh sam bith air an dara là de'n mhìos: oir bha e fo dhoilgheas air son Dhaibhidh, a chionn gu'n d'thug 'athair masladh dha.

35 Agus anns a' mhaduinn chaidh Ionatan a mach do'n mhachair aig an àm a shuidh-icheadh ri Daibhidh, agus òganach beag maille ris.

36 Agus thubhairt e r'a òganach, Ruith, faigh a nis a mach na saighdean a thilg mi. Agus an uair a ruith an t-òganach, thilg e saighid thairis air.

37 Agus an uair a thàinig an t-òganach gu àite na saighde a thilg Ionatan, ghlaodh Ionatan an déigh an òganaich, agus thubhairt e, Nach 'eil an t-saighead air do thaobh thall?

38 Ghlaodh Ionatan mar an ceudna an déigh an òganaich, Luathaich, dean cabhag, na stad. Agus thionail òganach Ionatain suas na saighdean, agus thàinig e dh'ionnsuidh a mhaighstir.

39 Ach cha robh fios aig an òganach air ni sam bith; bha fios a mhàin aig Daibhidh agus Ionatan air a' chùis.

40 Agus thug Ionatan armachd d'a òganach, agus thubhairt e ris, Falbh, thoir do'n bhaile iad.

41 Agus co luath 's a dh'fhalbh an t-òganach, dh'éirich Daibhidh a' àite mu dheas, agus thuit e air 'aghaidh dh'ionnsuidh na talmhainn, agus chrom se e féin trì uairean: agus phòg iad a chéile, agus ghuil iad le 'chéile; ach *ghuill* Daibhidh ni bu mhò.

42 Agus thubhairt Ionatan ri Daibhidh, Imich an sìth, do bhrìgh gu'n do mhionnaich sinn le 'chéile ann an ainm an Tighearna, ag ràdh, Gu robh an Tighearn cadar

mise agus thusa, agus eadar mo shliochd-sa agus do shliochd-sa gu bràth. Agus dh'èirich e agus dh'imich e: agus chaidh Ionatan do'n bhaile.

CAIB. XXI.

- 1 *Fhuair Daibhidh aran coisrigte o Ahimelech.*
 8 *Ghabh e claidheamh Gholiath, agus theich e gu Gat.* 10 *Aig Gat leig e air fèin a bhà air a' chuthach.*

AN SIN thàinig Daibhidh gu Nob, a dh'ionnsuidh Ahimelech an t-sagairt: agus bha eagal air Ahimelech ag coinneachadh Daibhidh, agus thubhairt e ris, 'Car son a tha thu a'd' aonar, agus nach 'eil duine sam bith maille riut?

2 Agus thubhairt Daibhidh ri Ahimelech an sagart, Dh'aithn an rìgh gnothuch dhomhsa, agus thubhairt e rium, Na bith-eadh fios aig duine sam bith a thaobh a' ghnòthuich mu'm bheil mise 'g ad chur uam, agus a dh'aithn mi dhuit: agus dh'òrd-uich mi do m' èganaich dol a dh'ionnsuidh a leithid so agus a leithid sud a dh'aithe.

3 A nis uime sin ciod a tha fo d' làimh? thoir dhomh cuig builinnean arain a'm' làimh, no ge b'e ni a tha làthair.

4 Agus fhreagair an sagart Daibhidh, agus thubhairt e, Cha-n'èil aran coitcheann sam bith fo m' làimh, ach tha aran coisrigte ann; ma ghléidh na h-òganaich iad fèin air bheag sam bith o mhnàibh.

5 Agus fhreagair Daibhidh an sagart, agus thubhairt e ris, Gu deimhin chumadh mnathan uainne na trì làithean so, o thàinig mise mach, agus tha soithichean nan òganach naomha; agus tha 'n t-aran air chor coitcheann, eadhon ged naomhaicheadh e an diugh anns an t-soitheach.

6 Uime sin thug an sagart dha aran naomh; oir cha robh aran sam bith an sin ach aran na fianuis, a thugadh à fianuis an Tighearna, gu aran teth a chur sìos anns an là 's an d'thugadh air falbh e.

7 A nis bha duine àraidh de sheirbhisich Shaul an sin air an là sin, air a chumail an làthair an Tighearn; agus b'e ainm Doeg, Edomach, an fear a bàirde de na buachaillibh a bhuineadh do Shaul.

8 Agus thubhairt Daibhidh ri Ahimelech, Agus nach 'eil an so fo d' làimh sleagh no claidheamh? oir cha d'thug mi aon chuid mo chlaidheamh no m'airm eile leam, a chionn gu'n robh gnothuch an rìgh cablagach.

9 Agus thubhairt an sagart, Claidheamh Gholiath an Philistich, a mharbh thu ann an gleann Elah, feuch, tha e 'n so paisgte ann an eudach air culaobh na h-Èphoid: ma ghabhas tu sin dhuit fèin, gabh e; oir cha-n'èil claidheamh sam bith eile ach e an so. Agus thubhairt Daibhidh, Cha-n'èil a leithid eile ann, thoir dhomh e.

10 Agus dh'èirich Daibhidh, agus theich e

air an là sin à fianuis Shaul, agus chaidh e gu Achis rìgh Ghat.

11 Agus thubhairt seirbhisich Achis ris, Nach e so Daibhidh rìgh na tìre? nach ann m'a thimchioll-san a chan iad le 'chéile ann an damnsaibh, ag ràdh, Mharbh Saul a mhlitean, agus Daibhidh a dheich mhlitean?

12 Agus thaisg Daibhidh suas na briathran sin 'n a chridhe, agus bha eagal mòr air roimh Achis rìgh Ghat.

13 Agus dh'atharraich e a ghiùlan 'n am fianuis, agus leig e air fèin a bhà air a' chuthach 'n an làmhan, agus seirb e air comhlaichibh a' gheata, agus leig e le 'sliù-eadh tuiteam sìos air 'fheusaig.

14 An sin thubhairt Achis r'a sheirbhisich, Feuch, chì sibh gu bheil an duine air a' chuthach: e'ar son ma ta 'thug sibh a m' ionnsuidhs' e?

15 An bheil feum agamsa air daoineibh air a' chuthach, gu'n tugadh sibh ann fear so gu bhi air a' chuthach a'm' làthair? an tig ann fear so a steach do m' thigh-sa?

CAIB. XXII.

- 1 *Chaidh a luchd-dàimh agus shuagh eile a dh'ionnsuidh Daibhidh gu Adulaim.* 6 *Gearan Shaul an aghaidh a sheirbhisich.* 11 *Dh'òrd-uich e Ahimelech agus sagartan an Tighearna a chur gu bàs.* 20 *Theich Abiatar.*

DH'IMICH Daibhidh air an aobhar sin as a sin, agus chaidh e as gu uaimh Adulaim: agus an uair a chual a bhràithrean agus tigh 'athar uile e, chaidh iad sìos an sin d'a ionnsuidh.

2 Agus chruinnich d'a ionnsuidh gach duine a bha'n teamtachd, agus gach duine a bha fo fhiachaibh, agus gach duine a bha fo smuairin 'n a intinn; agus bha e 'n a cheannard orra: agus bha maille ris mu thimchioll ceithir cheud fear.

3 Agus chaidh Daibhidh as a sin gu Misphe Mhoab, agus thubhairt e ri rìgh Mhoab, Thigeadh, guidheam ort, m'athair agus mo m'athair a mach, agus bitheadh iad maille ribh, gus am bi fios agam ciod a ni Dia air mo shon.

4 Agus thug e iad 'am fianuis rìgh Mhoab; agus dh'fhan iad maille ris ré nan làithean uile a bha Daibhidh anns an daingneach.

5 Agus thubhairt am fàidh Gad ri Daibhidh, Na fan anns an daingneach; falbh, agus imich romhad gu tìr Iudah. An sin dh'fhalbh Daibhidh, agus thàinig e gu coillteach Hareit.

6 Agus chuala Saul gu'm facas Daibhidh, agus na daoine a bha maille ris, (a nis dh'fhan Saul ann an Gibeah fo chraoibh ann an Ramah, agus a shleagh 'n a làimh, agus a sheirbhisich uile 'n an seasamh làimh ris.)

7 Agus thubhairt Saul r'a sheirbhisich a sheas làimh ris, Eisdibh a nis, a Bhenjamin-each; eadhon dhuibhse uile an toir mac Iese achaidhean agus fion-liosan, agus an

dean e sibh uile 'n 'ur ceannardaibh air mhiltibh, agus 'n 'ur ceannardaibh air cheudaibh;

8 Gu'n deachaidh sibh uile ann an *comh-bhoimn* a'm aghaidh-sa, agus nach *'eil* neach ann a chuireas 'an céill domh gu bheil mo mhac air deanamh coimheangail ri mac Iese; agus nach *'eil* neach agaidh a tha dolleach air mo shon, no 'chuireas 'an céill domh gu'n do dhùisg momhac mo sheirbhiseach a'm aghaidh, a dheanamh feall-fholach, mar air an là 'n diugh?

9 An sin fhreagair Doeg an t-Edomach, (a bha 'n a sheasamh maille ri scrìbhisich Shaul), agus thubhairt e, Chunnaic mi mac Iese a' teachd gu Nob, a dh'ionnsuidh Ahimelech mhic Ahituib.

10 Agus dh'fhiosraich e air a shon de'n Tighearn, agus thug e biadh dha, agus thug e dha claidheamh Gholiath an Philistich.

11 An sin chuir an rìgh fios air Ahimelech an sagart, mac Ahituib, agus tigh 'athar uile, na sagartan a bha ann an Nob: agus thàinig iad uile dh'ionnsuidh an rìgh.

12 Agus thubhairt Saul, Eisd a nis, a mhic Ahituib. Agus fhreagair esan, *Tha* mi 'n so, mo thighearna.

13 Agus thubhairt Saul ris, C'ar son a chaidh sibh ann an *comh-bhoimn* a'm aghaidh-sa, thusa agus mac Iese, do bhrìgh gu'n d'thug thu dha aran agus claidheamh, agus gu'n d'fhiosraich thu de Dhia air a shou, a chum gu'n éireadh e suas a'm aghaidh, a dheanamh feall-fholach, mar air an là 'n diugh?

14 An sin fhreagair Ahimelech an rìgh, agus thubhairt e, Agus cò am measg do sheirbhiseach uile a tha co firinneach ri Daibhidh, a tha 'n a chliamhuin aig an rìgh, agus a dh'imicheas air d'iarthus, agus a *tha* urramach ann ad thigh?

15 An do thòisich mi air an là sin air Dia fhiosrachadh air a shon? gu ma fada sin nam: na cuireadh an rìgh ni *sam bith* as leth a sheirbhisich, *no as* leth tighe m'athar uile; oir cha robh fios aig do sheirbhiseach air ni *sam bith* dheth so uile, beag no mòr.

16 Agus thubhairt an rìgh, Gu cinnteach gheibh thu bàs, Ahimelech, thu féin agus uile thigh d'athar.

17 Agus thubhairt au rìgh ris na gillibh-ruith a sheas làimh ris, Tionndaidhibh agus marbhaibh sagartan an Tighearna; a chionn gu bheil mar an ceudna an làmh-sau maille ri Daibhidh, agus a chionn gu'n robh fios aca gu'n do theich e, agus nach do chuir iad 'an céill domhsa e. Ach cha b'àill le seirbhisich an rìgh au làmh a shineadh a mach gu bualadh air sagartaibh an Tighearna,

18 Agus thubhairt an rìgh ri Doeg, Tionndaidh thusa, agus buail air na sagartaibh. Agus thionndaidh Doeg an t-Edomach, agus bhuail e air na sagartaibh: agus

mharbhadh e air an là sin ceithir fichead agus cùig fir a dh'iomchair ephod de lion-eudach.

19 Agus bhuail e Nob baile nan sagart lo faobhar a' chlaidheimh, cadar fhear agus bhean, leanab agus chiochran, agus dhamh, agus asal, agus chaora, le faobhar a' chlaidheimh.

20 Agus chaidh aon de mhic Ahimelech mhic Ahituib as, d'am b'ainm Abiatar, agus theich e 'n deigh Dhaibhidh.

21 Agus dh'innis Abiatar do Dhaibhidh gu'n do mharbhadh Saul sagartan an Tigh-earna.

22 Agus thubhairt Daibhidh ri Abiatar, Bha fios agam air an là anns an robh Doeg an t-Edomach an sin, gu cinnteach gu'n innseadh e do Shaul: is mise 'b'aobhar *bàis* gach neach de thigh d'athar.

23 Fan thusa maille riumsa; na bitheadh eagal ort: oir esan a dh'iarraas m'anam-sa, iarraidh e d'anam-sa: ach maille riumsa *bithidh* tu fo dhìdean.

CAIB. XXIII.

1 *Chog na Philistich an aghaidh Cheilah. 5 Bhuail Daibhidh iad. 9 Dh'innseadh dha gu'n robh Saul a' teachd air a thòir gu Ceilah. 13 Theich e gu Siph. 19 Thug na Siphich fios do Shaul gu'n robh e a' gabhail còmhaidh maille riu, agus gheall iad a thoirt thairis d'a làimh.*

AN SIN dh'innis iad do Dhaibhidh, ag ràdh, Feuch, *tha* na Philistich a' cogadh an aghaidh Cheilah, agus *tha* iad a' creachadh nan urlar-bualaidh.

2 Uime sin dh'fhiosraich Daibhidh de'n Tighearn, ag ràdh, An téid mise, agus am buail mi na Philistich sin? Agus thubhairt an Tighearn ri Daibhidh, Falbh agus buail na Philistich, agus saor Ceilah.

3 Agus thubhairt daoine Dhaibhidh ris, Feuch, *tha* eagal oirne an so ann an Iudah; cia mò gu mòr ma ta, ma théid sinn gu Ceilah an aghaidh armailtean nam Philisteach?

4 An sin dh'fhiosraich Daibhidh a ris de'n Tighearn. Agus fhreagair an Tighearn e, agus thubhairt e, Eirich, falbh sìos gu Ceilah; oir bheir mise na Philistich thairis do d' làimh.

5 Agus chaidh Daibhidh agus a dhaoine gu Ceilah, agus chog e 'n aghaidh nam Philisteach, agus thug e leis an sprèidh, agus bhuail e iad le h-àr mòr; mar sin shaor Daibhidh luchd-àiteachaidh Cheilah.

6 (A nis an uair a theich Abiatar mac Ahimelech a dh'ionnsuidh Daibhidh gu Ceilah, chaidh e sìos le ephod 'n a làimh.)

7 Agus dh'innseadh do Shaul gu'n d'thàinig Daibhidh gu Ceilah; agus thubhairt Saul, Thug Dia thairis do m' làimh e: oir dhruicadh a stigh e le dol a steach do bhaile gheatachan agus chram.

8 Agus ghairm Saul an sluagh uile chum

cogaidh, a dhol sìos gu Ceilah a chuairt-eachadh Dhaibhidh agus a dhaoine.

9 Agus bha fios aig Daibhidh gu'n robh Saul gu dìomhair a' dcalbhadh uile 'n a aghaidh; agus thubhairt e ri Abiatar an sagart, Thoir an so an ephod.

10 Agus thubhairt Daibhidh, A Thighearna Dhé Israeil, chuala do sheirbhiseach gu cinn-teach gu bheil Saul ag iarraidh teachd gu Ceilah, a sgrìos a' bhaile air mo shon-sa.

11 An toir luchd-àiteachaidh Cheilah mise thairis d'a làimh? an tig Saul a nuas mar a chuala do sheirbhiseach? A Thighearna Dhé Israeil, guidheam ort, innis do d' sheirbhiseach. Agus thubhairt an Tighearn, Thig e nuas.

12 An sin thubhairt Daibhidh, An toir luchd-àiteachaidh Cheilah mise agus mo dhaoine thairis do làimh Shaul? Agus thubhairt an Tighearn, Bheir iad thairis *thu*.

13 An sin dh'éirich Daibhidh agus a dhaoine, a bha mu thimcheall sè ceud, agus chaidh iad a mach á Ceilah, agus dh'imich iad an taobh a dh'fheadadh iad imeachd. Agus dh'innsadh do Shaul gu'n deachaidh Daibhidh á Ceilah, agus leig e dheth dol a mach.

14 Agus dh'fhan Daibhidh anns an fhàsach ann an daingneachaibh làidir, agus dh'fhan e ann an sliabh 'am fàsach Shiph: agus dh'iarr Saul e gach aon là, ach cha d' thug Dia thairis d'a làimh e.

15 Agus chunnaic Daibhidh gu robh Saul air dol a mach a dh'iarraidh anama; agus bha Daibhidh ann am fàsach Shiph ann an coille.

16 Agus dh'éirich Ionatan mac Shaul, agus chaidh e dh'ionnsuidh Dhaibhidh do'n choille, agus nartaich e a làmh ann an Dia.

17 Agus thubhairt e ris, Na bitheadh eagal ort; oir cha-n fhaigh làmh Shaul m'athar-sa *thu*, agus rìoghaichidh tu os ceann Israeil, agus is mise a's faigse 'bhithleas dhuit; agus cuideachd tha fios aig m'athair Saul air sin.

18 Agus rinn iadsan nan dìthis coimheangal 'am fianuis an Tighearna: agus dh'fhan Daibhidh anns a' choille, agus dh'imich Ionatan d' a thigh féin.

19 An sin chaidh na Siphich suas a dh'ionnsuidh Shaul gu Gibeah, ag ràdh, Nach 'eil Daibhidh 'g a fholach féin maille ruinne ann an daingneachaibh 's a' choille, ann an sliabh Hachilah, a tha air an taobh deas de Iesimon?

20 A nis uime sin, a réir uile mhiannd'anama, O a rìgh, thig da rìradh a nuas, agus is i ar cuid-ne a thoirt thairis do làimh an rìgh.

21 Agus thubhairt Saul, Beannaichte gu robh sibhse o'n Tighearn, oir ghabh sibh truas rium.

22 Imichibh, guidheam oirbh, ulluichibh fathast, agus bitheadh fios agaibh, agus faicibh 'ait anns an gnàth leis a bhi, agus cò a chunnaic an sin e: oir dh'innsadh dhomh gu bheil e 'deanamh gu ro shéolta.

23 Faicibh ma ta, agus bitheadh fios agaibh air gach àite-folaich anns am bheil e 'g a fholach féin, agus thigibh a m' ionnsuidh a ris le fios cinn-teach, agus théid mise maille ribh: agus an sin, ma bhithcas e anns an tìr, rannsaichidh mise mach e air feadh uile mhìltean Iudah.

24 Agus dh'éirich iad, agus chaidh iad gu Siph roimh Shaul: ach bha Daibhidh agus a dhaoine ann am fàsach Mhaoin, anns a' chòmhnard air an taobh deas de Iesimon.

25 Agus chaidh Saul agus a dhaoine 'g a iarraidh; agus dh'innis iad sin do Dhaibhidh: uime sin thàinig e nuas gu carraig, agus dh'fhan e ann 'am fàsach Mhaoin. Agus an uair a chuala Saul sin, chaidh e air tòir Dhaibhidh ann am fàsach Mhaoin.

26 Agus chaidh Saul air an taobh so de'n t-sliabh, agus Daibhidh agus a dhaoine air an taobh eile de'n t-sliabh: agus rinn Daibhidh cabhag gu imeachd air falbh roimh Shaul; oir chuairtich Saul agus a dhaoine Daibhidh agus a dhaoine, chum an glacadh.

27 Ach thàinig teachdair a dh'ionnsuidh Shaul, ag ràdh, Dean cabhag agus thig; oir bliris na Philistich a stigh air an tìr.

28 Uime sin phill Saul o dhol air tòir Dhaibhidh, agus chaidh e an aghaidh nan Philisteach: air an aobhar sin thug iad Selah-hamah-lecot mar ainm air an àite sin.

29 Agus chaidh Daibhidh suas as a sin, agus ghabh e còmhnuidh ann an daingneachaibh làidir Engedi.

CAIB. XXIV.

1 Ann an uaimh Engedi ghearr Daibhidh air falbh iomall faluinne Shaul. 8 Dh'fheuch e so do Shaul mar chomharadh air 'ionracas. 16 Dh'aidich Saul a chionta; 21 ghabh e mionnan de Dhaibhidh, agus phill e.

A GUS an uair a bha Saul air pillinn o leantunn nan Philisteach, dh'innsadh dha, ag ràdh, Feuch, tha Daibhidh ann am fàsach Engedi.

2 An sin ghabh Saul trì mìle fear taghta á h-Israel uile, agus chaidh e dh'iarraidh Dhaibhidh agus a dhaoine air aghaidh chreag nam fiadh-ghabhar.

3 Agus thàinig e dh'ionnsuidh chrò nan caorach làmh ris an t-slighe, far an robh uaimh; agus chaidh Saul a steach a chòmhdachadh a chos: agus dh'fhan Daibhidh agus a dhaoine ann an taobhan na h-uamha.

4 Agus thubhairt daoine Dhaibhidh ris, Feuch, an là mu'n d'thubhairt an Tighearn riut, Feuch, bheir mi thairis do nàmhaid do d' làimh, a chum gu'n dean thu ris mar is àil leat. An sin dh'éirich Daibhidh,

agus ghearr e air falbh iomall falluinne Shaul os ìosal.

5 Agus 'n a dhéigh sin bhuail cridhe Dhaibhidh e, a chionn gu'n do ghearr e air falbh iomall falluinne Shaul.

6 Agus thubhairt e r'a dhaoibh, Nar leigeadh Dia gu'n deanainnse an nì so ri m' thighearn 'aon ungta an Tighearna, mo làmh a shìneadh a mach 'n a aghaidh, o's e aon ungta an Tighearna e.

7 Agus choig Daibhidh a dhaoine leis na briathraibh sin, agus cha do leig e leo éirigh an aghaidh Shaul. Ach dh'éirich Saul suas as an uaimh, agus dh'imich e air a shlighe.

8 Agus dh'éirich Daibhidh suas an deigh sin, agus chaidh e mach as an uaimh, agus ghlaodh e'n déigh Shaul, ag ràdh, Mo thighearn, a rìgh. Agus an uair a dh'ainbhair Saul 'n a dhéigh, chom Daibhidh e féin air 'aghaidh dh'ionnsuidh na talmhainn, agus rinu e ùmhlaichd.

9 Agus thubhairt Daibhidh ri Saul, C'ar son a tha thu ag éisdeachd ri briathraibh dhaoine, ag ràdh, Feuch, tha Daibhidh ag iarraidh do chroin?

10 Feuch, air an là 'n diugh chunnaic do shùilean cionnus a thug an Tighearn thairis thu an diugh do m' làmh anns an uaimh: agus dh'iarr cuid orm do mharbhadh, ach chaomhain mi shùil thu, agus thubhairt mi, Cha chuir mi mo làmh a mach an aghaidh mo thighearn; oir is e aon ungta an Tighearn' e.

11 Agus faic, O athair, eadhon faic iomall d'fhalluinne a'm' làmh: do bhrìgh an uair a ghearr mi air falbh iomall d'fhalluinne, nach do mharbh mi thu, bitheadh fios agad agus faic nach 'eil aon chuid ole no eusaontas a'm' làmh, agus nach do pheacaich mi a'd' aghaidh; gidheadh tha thu a' sealg air m'anam, a chum a ghlaacadh.

12 Gu'n tugadh an Tighearn breth eadar mise agus thusa, agus gu'n dioladh an Tighearnu mise ort: ach cha bhi mo làmh-sa ort.

13 Mar a their gnàth-fhocal nan sean-fhear, O na h-aingidh thig aingidheachd: ach cha bhi mo làmh-sa ort.

14 Cò an déigh an d' thàinig rìgh Israeil a mach? cò air am bheil thu 'n tòir? an déigh coin mharbh, an déigh deargainne.

15 Uime sin bitheadh an Tighearn 'n a bhreitheamh, agus thugadh e breth eadar mise agus thusa, agus faicheadh e, agus tagradh e mo chùis, agus saoradh e mi as do làmh.

16 Agus an uair a chuir Daibhidh crìoch air na briathran sin a labhair ri Saul, an sin thubhairt Saul, An e so do ghuth, a mhic, a Dhaibhidh? Agus thog Saul suas a ghuth, agus ghuil e.

17 Agus thubhairt e ri Daibhidh, Is tusa a's firinniche na mise; oir dhiol thusa maith dhomhsa, ach dhiol mise ole dhuitse.

18 Agus nochd thu an diugh cionnus a bhuin thu gu maith rium; do bhrìgh, an uair a thug an Tighearn thairis mi do d' làmh, nach do mharbh thu mi.

19 Oir an uair a gheibh duine a nàmhaid, an leig e as gu maith e? uime sin gu'n dioladh an Tighearn maith dhuitse air son na rinn thu dhomhsa an diugh.

20 Agus a nis, feuch, tha fios agam gu'm bi thu gu cinnteach a'd' ìgh, agus gu'n daingnichear rìoghachd Israeil a'd' làmh:

21 Uime sin mionnaich dhomhsa air an Tighearn, nach gearr thu as mo shìochd a'm' dhéigh, agus nach scrios thu m'ainm é tigh m'athair.

22 Agus mionnaich Daibhidh do Shaul: agus chaidh Saul dhachaidh; ach chaidh Daibhidh agus a dhaoine suas do'n daingneach.

CAIB. XXV.

1 *Fhuair Samuel bàs.* 4 *Bhrosnach Nabal Daibhidh le 'ayyaltas.* 18 *Chàinich Abigail e.* 36 *Bàs Nabal.* 39 *Ghabh Daibhidh Abigail agus Ahinoom gu bhì 'n am mnaibh aige.* 44 *Thugadh Michal, bean Dhaibhidh, do Phalti.*

AGUS fhuair Samuel bàs; agus chruinnich na h-Israelich uile an ceann a chèile, agus rinu iad caoidh air a shon, agus dh'adhlac iad e 'n a thigh ann an Ramah. Agus dh'éirich Daibhidh, agus chaidh e sìos gu fàsach Pharain.

2 Agus bha duine ann ann Maon, aig an robh a shealbh ann an Carmel; agus bha 'n duine ro mhòr, agus bha trì mìle caora aige, agus mìle gabhar: agus bha e a' lomaire an chaorach ann an Carmel.

3 A nis b'e ainm an duine Nabal, agus ainm a mhnà Abigail; agus bha i 'n a mnaoi aig an robh deadh thugse, agus maiseach 'n a dealbh; ach bha 'n duine iargalta, agus ole 'n 'a ghnìomharaibh; agus bha e de thigh Chaleib.

4 Agus chuala Daibhidh 's an fhàsach gu'n robh Nabal a' lomaire a chaorach.

5 Agus chuir Daibhidh uaith deichnear òganach; agus thubhairt Daibhidh ris na h-òganaich, Gabhaibh suas gu Carmel, agus rachaibh a dh'ionnsuidh Nabal, agus cuiribh fàilte air a'm' ainm-sa.

6 Agus mar so their sibh, Slàn gu robh thu; agus sìth gu robh dhuit féin, agus sìth do d' thigh, agus sìth do gach nì a th'agad.

7 Agus a nis chuala mi gu bheil luchd-lomaire chaorach agad: a nis do bhuachaillean-sa, a bha maille ruinn, cha d' rinn sinn cron orra, nì mò a dh'ionndraincadh nì sam bith leo ré na h-aimsir a bha iad ann an Carmel.

8 Feoraich do d' òganaich, agus innsidh iad dhuit: faigheadh nra ta na h-òganaich deadh-ghcan a'd' shùilb, oir air là maith thàinig sinn: thoir, guidheam ort, do

d' sheirbhisich, agus do d' mhac Daibhidh, ge b'e ni a thig a dh'ionnsuidh do làimhe.

9 Agus an uair a thàinig òganaich Dhaibhidh, labhair iad ri Nabal a réir nam briathran sin uile ann an ainm Dhaibhidh, agus bha iad 'n an tosd.

10 Agus fhreagair Nabal seirbhisich Dhaibhidh, agus thubhairt e, Cò e Daibhidh? agus cò e mac Iese? is lionmhor seirbhisich 's na làithibh so a tha 'briseadh air falbh gach duine dhiubh o 'mhaighstir.

11 An gabh mise ma ta m'aran, agus m'uisge, agus m'fheoil a mharbh mi air son mo luchd-lomairt, agus an tabhair mi e do dhaoineibh nach aithne dhomh cia as a tha iad?

12 Uime sin thionndaidh òganaich Dhaibhidh air an slighe, agus phill iad, agus thàinig iad agus dh'innis iad dha do réir nam briathran sin uile.

13 Agus thubhairt Daibhidh r'a dhaoineibh, Cuiribh gach duine a chlaidheamh air. Agus chuir gach duine dhiubh a chlaidheamh air; agus chuir Daibhidh mar an ceudna a chlaidheamh air; agus chaidh suas an déigh Dhaibhidh mu thimchioll ceithir cheud fear, agus dh'fhan dà cheud maille ris an ainneis.

14 Ach dh'innis fear de na h-òganaich do Abigail bean Nabal, ag ràdh, Feuch, chuir Daibhidh teachdairean as an fhàsach a chur fàilte air ar maighstir, agus thug e anacaintn dhoibh.

15 Ach bha na daoine ro mhaith dhuinn, agus cha d'rinneadh cron oirnn, ni mò a dh'ionndrain sinn ni sam bith réna h-aimsir a bha sinn maille riù, 'n uair a bha sinn 's an fhearn.

16 Bha iad 'n am balla dhuinn araon a dh'oidiche agus a là, ré na h-aimsir a bha sinn maille riù ag ionaltradh nan caorach.

17 A nis air an aobhar sin bitheadh fios agad agus smuainich ciod a ni thu; oir shonraicheadh oile an aghaidh ar maighstir, agus an aghaidh a thighe uile: agus is mac do Bheial esan, air chor as nach feud *neach* labhairt ris.

18 An sin rinn Abigail cabhag, agus ghabh i dà cheud *builinn* arain, agus dà shearrag fhìona, agus cùig caoraich air an deasachadh, agus cùig toimhsean de shìol cruaidhichte, agus ceud bagaid de fhion-dhearcuibh tiormaichte, agus dà cheud meall de fhlùibh; agus chuir i air asalaibh iad.

19 Agus thubhairt i r'a h-òganaich, Rach-aibh air bhuir n-aghaidh romham; feuch, tha mi 'teachd 'n 'ur déigh: ach cha d'innis i sin d'a fear Nabal.

20 Agus an uair a bha i a' marcachd air an asail, agus a' teachd a nuas ann am fasgath an t-sleibh, feuch, thàinig Daibhidh agus a dhaoine a nuas 'n a còdhail; agus choinnich i iad.

21 A nis thubhairt Daibhidh, Gu cinnt-

each is ann gu dìomhain a ghléidh mise gach ni a bh'aig an *fhear* so 's an fhàsach, air chor as nach d'ionndraineadh ni air bith de gach *ni* a *bhuineadh* dha; oir dhiol esan oile dhomhsa 'au éiric maith.

22 Gu'n deanadh Dia mar sin ri naimhdeibh Dhaibhidh, agus tuilleadh mar an ceudna, ma dh'fhàgas mise dhiubhsan uile a tha aige gu ruig a' mhaduinn, aon air bith a ni uisge ri balla.

23 Agus an uair a chunnaic Abigail Daibhidh, rinn i cabhag agus theirinn i bhàrr na h-asail, agus thuit i sìos air a h-aghaidh 'am fianuis Dhaibhidh, agus chrom si i féin gu làr.

24 Agus thuit i aig a chosaibh, agus thubhairt i, Ormsa, *eadhon* ormsa mo thighearna, *bitheadh* an cionta so, agus labhradh, guidheam ort, do bhanoglach ann ad éisdeachd, agus cluinu briathran do bhanoglaich.

25 Na tugadh mo thighearn, guidheam ort, fainean duine so le Belial, eadhon Nabal; oir a réir 'ainme, mar sin *tha e: is e* Nabal 'ainm, agus *tha* amaideachd maille ris: ach cha-n fhaca mise, do bhanoglach, òganaich mo thighearn', a chuir thu uait.

26 A nis uime sin, mo thighearna, *mar* is beò an Tighearn, agus *mar* is beò d'anam, a chionn gu'n do chum an Tighearn thusa o theachd a *dhòrtadh* fola, agus o thu féin a dhioladh le d' làimh féin; a nis uime sin mar Nabal bitheadh do naimhdean, agus iadsan a dh'iarraas oile do m' thighearn.

27 Agus a nis am beannachadh so, a thug do bhanoglach a dh'ionnsuidh mo thighearna, thugar e eadhon do na h-òganaich a tha 'siubhal' an cois mo thighearna.

28 Maith, guidheam ort, cionta do bhanoglaich; oir ni an Tighearn gu cinnteach tigh seasmhach do m' thighearn, do bhrìgh gu bheil mo thighearn a' cur cathan an Tighearna, agus nach d'fhuaradh oile annad o *thùs* do làithean.

29 Gidheadh dh'érich duine gu dol air do thòir, agus a dh'iarraidh d'anama: ach bithidh anam mo thighearna air a cheangal suas ann an ceanglachan na beatha aig an Tighearn do Dhia; agus anama do naimhdean, iadsan tilgidh e mach, *mar á* meadhon croinn-tàbhuill.

30 Agus an uair a ni an Tighearn do m' thighearn a réir gach maith a labhair e mu d' thimchioll, agus a dh'orduicheas e thu a d' uachdaran os ceann Israeil;

31 Cha bhi so chum doighleis dhuit, no chum oibheim eridhe do m' thighearn, gu'n do dhòirt thu fuil gun aobhar, agus gu'n do dhiol mo thighearn e féin: ach an uair a bhuineas an Tighearn gu maith ri m' thighearn, an sin cuimhnich air do bhanoglaich.

32 Agus thubhairt Daibhidh ri Abigail Beannaichte *gu robh* an Tighearn Dia Is-

raeil, a chuir thusa an diugh a'm' choinn-eamh-sa:

33 Agus beannaichte *gu robh* do chomhairle, agus beannaichte *gu robh* thu féin, a chum mise an diugh o theachd a dhòrtadh fola, agus o mi féin a dhioladh le m' làimh féin.

34 Oir gu deimhin, *mar* is beò an Tighearn Dia Israeil, a chum mis' o chron a dheanamh ort, mur bithcadh tu air deanamh cabhaig, agus air teachd a'm' choinn-eamh, gu cinnteach cha-n fhàgtadh do Nabal gu solus na maidne neach sam bith a ni uisge ri balla.

35 Uime sin ghabh Daibhidh as a làimh na thug i d'a ionnsuidh, agus thubhairt e rithe, Gabh suas ann an sìth a dh'ionnsuidh do thighe: faic, dh'éisd mi ri d' ghuth, agus ghabh mi ri d' ghnùis.

36 Agus thàinig Abigail a dh'ionnsuidh Nabal; agus, feuch, *bha* cuirm aige 'n a thigh mar chuir m' rìgh; agus *bha* cridhe Nabal subhach an taobh a stigh dheth, oir *bha* e gu mòr air mhìsg: uime sin cha d'innis i dha a bheag no 'mhòr, gu solus na maidne.

37 Ach anns a' mhaduinn, an uair a chaidh an fion a Nabal, agus a dh'innis a bhean dha na nithean sin, bhàsaich a chridhe an taobh a stigh dheth, agus *bha* e mar chloich.

38 Agus mu thimchioll deich làithean 'n a dhéigh sin bhuail an Tighearn Nabal, agus fhuair e bàs.

39 Agus an uair a chuala Daibhidh gu'n d'fhuair Nabal bàs, thubhairt e, Beannaichte *gu robh* an Tighearn a thagair cùis mo mhaslaidh o làimh Nabal, agus a chum a sheirbhiseach o ole: oir thionndaidh an Tighearn aingidheachd Nabal air a cheann féin. Agus chuir Daibhidh *teachdairean* uath, agus labhair e ri Abigail, a chum a gabhail dha féin 'n a mnaoi.

40 Agus an uair a thàinig seirbhisich Dhaibhidh a dh'ionnsuidh Abigail gu Carmel, labhair iad rithe, ag ràdh, Chuir Daibhidh sinn a d' ionnsuidh a chum do gabhail thuige a d' mhnai.

41 Agus dh'éirich i, agus chrom si i féin air a h-aghaidh dh'ionnsuidh na talmhainn, agus thubhairt i, Feuch, bitheadh do bhanoglach 'n a h-innilt a nigheadh chos sheirbhiseach mo thighearna.

42 Agus rinn Abigail cabhag, agus dh'éirich i, agus mharcaich i air asail, agus cùig-near ghruagach aice ag imeachd 'n a déigh; agus lean i teachdairean Dhaibhidh, agus *bha* i 'n a mnaoi aige.

43 Ghabh Daibhidh cuidcachd Ahinoam o Iesree; agus *bha* iad mar an ceudna le 'chéile 'n am mnàibh aige.

44 Oir thug Saul a nighean Michal, bean Dhaibhidh, do Phalti mac Lais, a *bha* de Ghalim.

1 Chaidh Saul gu Hachilah air tòir Dhaibhidh. 5 Thàinig Daibhidh do'n chlais-bhlàir jar an robh Saul 'n a luidhe, agus thug e air falbh a shleagh agus a shoitheach-uisge. 13 Thug Daibhidh ocmhasan do Abner. 21 Dh'aicid Saul a pheacadh.

A GUS thàinig na Spìrich a dh'ionnsuidh A Shaul gu Gibeai, ag ràdh, Nach 'eil Daibhidh 'g a fhalach féin ann an sliabh Hachilah fa chomhair Iesimoin?

2 An sin dh'éirich Saul, agus chaidh e sìos gu fàsach Shiph, agus maille ris trì mìle fear taghta de Israel, a dh'iarraidh Dhaibhidh ann an fàsach Shiph.

3 Agus champaich Saul ann an sliabh Hachilah, a *tha* fa chomhair Iesimoin air an t-slighe: ach dh'fhan Daibhidh anns an fhàsach, agus chunnaic e gu'n d'thàinig Saul 'n a dhéigh do'n fhàsach.

4 Uime sin chuir Daibhidh mach luchd-rannsachaidh, agus thuig e gu'n d'thàinig Saul da rìreadh.

5 Agus dh'éirich Daibhidh, agus thàinig e dh'ionnsuidh an àite anns an do champaich Saul; agus chunnaic Daibhidh an t-àit anns an robh Saul 'n a luidhe, agus Abner mac Neir, ceannard 'armailte: agus luidh Saul an taobh a stigh de'n chlais-bhlàir, agus champaich an sluagh m'a thimchioll.

6 An sin fhreagair Daibhidh, agus thubhairt e ri Ahimelech an Hiteach, agus ri Abisai, mac Sheruah, bràthair Ioab, ag ràdh, Cò 'théid sìos maille riumsa dh'ionnsuidh Shaul do'n camp? Agus thubhairt Abisai, Théid mise sìos maille riut.

7 Uime sin thàinig Daibhidh agus Abisai dh'ionnsuidh an t-sluaigh 's an oidhe; agus, feuch, luidh Saul 'n a chodal an taobh a stigh de'n chlais-bhlàir, agus a shleagh sàtha 's an talamh aig a cheann-adhairt: ach luidh Abner agus an sluagh mu'n cuairt air.

8 An sin thubhairt Abisai ri Daibhidh, Thug Dia thairis do namhaid an diugh do d' làimh: a nis uime sin, leig leam a bhualadh, guidheam ort, leis an t-sleagh a dh'ionnsuidh na talmhainn aon uair, agus cha *bhuail* mi e an dara uair.

9 Agus thubhairt Daibhidh ri Abisai, Na marbh e; oir cò a shineas a mach a làmh an aghaidh aoin ungta an Tighearna, agus a bhitheas neo-chiontach?

10 Thubhairt Daibhidh mar an ceudna, *Mar* is beò an Tighearn, buailidh an Tighearn e, no thig a là anns am faigh e bàs, no théid e sìos do'n chath agus tuitidh e.

11 Nar leigeadh an Tighearn gu'n sinuinnse mach mo làmh an aghaidh aoin ungta an Tighearna: ach a nis gabh, guidheam ort, an t-sleagh a *tha* aig a cheann-adhairt, agus an soitheach-uisge, agus bithcamaid ag imeachd.

12 Agus ghabh Daibhidh an t-sleagh agus

an soitheach-uisge o cheann-adhairt Shaul, agus dh'imich iad rompa, agus cha robh neach ann a chunnaic sin, no aig an robh fios air, no a mhosgail; oir *bha* iad uile 'n an codal, do bhrìgh gu'n do thuit codal trom o'n Tighearn orra.

13 An sin chaidh Daibhidh thairis do'n taobh eile, agus sheas e air mullach sléibh fad as, *le* astar mòr eatorra.

14 Agus ghlaodh Daibhidh ris an t-sluagh, agus ri Abner mac Neir, ag ràdh, Nach freagair thu, Abneir? Agus fhreagair Abner, agus thubhairt e, Cò thusa, *a tha* 'glaodhaich ris an rìgh?

15 Agus thubhairt Daibhidh ri Abner, Nach fear *treun* thusa? agus eò *a's* eos-mhuil riut ann an Israel? c'ar son ma ta nach do choinnidh thu do thighearn an rìgh? oir thàinig aon de'n t-sluagh a steach a mharbhadh an rìgh do thighearna.

16 Cha-n'eil an ni so maith a rinn thu: *mar* is beò an Tighearn, *tha* sibh a' toill-tinn a' bhàis, do bhrìgh nach do ghléidh sibh bhuir maiglistir, aon ungta an Tighearna: agus a nis faic c'àit *am bheil* sleagh an rìgh, agus an soitheach-uisge, *a bha* aig a cheann-adhairt?

17 Agus dh'aithnich Saul guth Dhaibhidh, agus thubhairt e, An e so do ghuth-sa, a mhic, a Dhaibhidh? agus thubhairt Daibhidh, *Is e* mo ghuth-sa *a th'ann*, mo thighearn, a rìgh.

18 Agus thubhairt e, C'ar son *a tha* mo thighearn air tòir a sheirbhisich? oir ciod a rinn mi? no ciod an t-ole a th'ann am làmh?

19 A nis uime sin, guidheam ort, éisdeadh mo thighearn an rìgh ri briathraibh a sheirbhisich: ma's e an Tighearn a bhrosnuich thu a'n' aghaidh, gabhaidh e tabhartas: ach ma's iad clann nan daoine, mallaichte *tha* iad 'am fianuis an Tighearn; oir dh'fhuadaich iad mise mach an diugh o fhanuinn ann an oighreachd an Tighearn, ag ràdh, Falbh, dean seirbhis do dhiathaibh eile.

20 A nis ma ta, na tuiteadh m' fhuil a dh'ionnsuidh na talmhaian ann am fianuis an Tighearn; oir thàinig rìgh Israeil a mach a dh'iarraidh d'eargaine, mar a ruaigeadh fear eearc-thoman anns na beanntaibh.

21 An sin thubhairt Saul, Pheacaich mi: pill, a mhic, a Dhaibhidh, oir cha dean mi cron ort tuilleadh, a chionn gu'n robh m'anam luachmhor a'd' shùilibh an diugh: feuch, rinn mi gu h-amaideach, agus chaidh mi air seacharan gu ro mhòr.

22 Agus fhreagair Daibhidh agus thubhairt e, Feuch, sleagh an rìgh; agus thigeadh aon de na h-òganaich a nall agus gabhadh e i.

23 Agus iocadh an Tighearn do gach neach a réir 'ionracais agus 'fhireantachd: oir thug an Tighearn thairis thu an diugh do m' làmh-sa, ach cha b'àill leam mo

làmh a shìneadh a mach an aghaidh aon ungta an Tighearna.

24 Agus, feuch, mar a mheasadh d'anam-sa gu mòr leamsa an diugh, mar sin bitheadh m'anam-sa air a mheas gu mòr leis an Tighearn, agus saoradh e mi as gach gabhadh.

25 Agus thubhairt Saul ri Daibhidh, Beannaichte gu robh thusa, a mhic, a Dhaibhidh: an dà chuid ni thu *nithean* mòra, agus mar an ceudna bheir thu gu cinnteach buaidh. Agus dh'imich Daibhidh air a shlighe, agus phill Saul do àite féin.

CAIB. XXVII.

1 *Chuala Saul gu'n do theich Daibhidh a dh'ionnsuidh rìgh Ghat, agus cha d'iarr e tuilleadh air a shon. 5 Thug Achis Sielag do Dhaibhidh. 8 Bhuail Daibhidh na Gesur- aich, &c.*

AGUS thubhairt Daibhidh 'n a chridhe, A nis tuitidh mi là éigin 'an làmh Shaul: cha-n'eil ni air bith a's fearr dhomh na mi dhòl as gu luath do dhùthaich nan Philisteach, a chum gu'n leig Saul dheth mise iarraidh nì's mò ann an crìch air bith de Israel, agus gu'n téid mi as o' làmh.

2 Agus dh'éirich Daibhidh, agus chaidh e thairis agus an sè ceud fear a *bha* maille ris, a dh'ionnsuidh Achis mhic Mhaoich, rìgh Ghat.

3 Agus ghabh Daibhidh còmhnuidh maille ri Achis ann an Gat, e féin agus a dhaoine, gach fear le 'theaghlach, Daibhidh agus a dhà mhnaoi, Ahinoam a' Bhan-iesreelach, agus Abigail a' Bhan-charmeleach, bean Nabail.

4 Agus dh'innseadh do Shaul gu'n do theich Daibhidh gu Gat; agus cha d'iarr e nì's mò air a shon.

5 Agus thubhairt Daibhidh ri Achis, Ma fhuair mi nis deadh-ghean a'd' shùilibh, thugar dhomh àit ann am baile éigin 's an dùthaich, a chum gu'n gabh mi còmhnuidh an sin: oir c'ar son a ghabhadh do sheirbhiseach còmhnuidh anns a' bhaile rioghail maille riutsa?

6 An sin thug Achis dha Sielag air an là sin: uime sin buinidh Sielag do rìghribh Iudah gus an là 'n diugh.

7 Agus b'e fad na h-aimsir a dh'fhan Daibhidh ann an dùthaich nam Philisteach, bliadhna iomlan agus ceithir mìosan.

8 Agus chaidh Daibhidh agus a dhaoine suas, agus bhris iad a stigh air na Gesur- aich, agus na Gesirich, agus na h-Amalec- ich; oir b'iadsan o shean luchd-àiteachaidh na tìre, mar a théid thu gu Sur, eadhon gu tìr na h-Eiphit.

9 Agus bhuail Daibhidh an tìr, agus eha d'fhàg e fear no bean beò; agus thug e leis na caoraich, agus am buar, agus na h-asail, agus na càmhalan, agus an t-eudach; agus phill e, agus thàinig e gu Achis.

10 Agus thubhairt Achis, C'ait an do bhris sibh a stigh an diugh? Agus thubhairt Daibhidh, Air an taobh deas de Iudah, agus air an taobh deas de na Ierahmeelich, agus air an taobh deas de na Cenich.

11 Agus fear no bean cha do leig Daibhidh as beò, a thoirt *sgùla* gu Gat, ag ràdh, Air eagair gu'n imseadh iad oirnn, ag ràdh, Mar so rinn Daibhidh. Agus mar so bha a sheòl rè na h-aimsir a dh'fhan e ann an dùthaich nam Philisteach.

12 Agus chreid Achis Daibhidh, ag ràdh, Thug e air a shluagh Israel gràin mhòr a ghabhail deth: uime sin bithidh e 'n a sheirbhiseach agamsa gu bràth.

CAIB. XXVIII.

1 *Chruinnicheadh na Philistich 'an ceann a chèile aig Sunem.* 5 *Bha eagair air Saul rompa, agus chaidh e dh'ionnsuidh mnà ann an Endor aig an robh leannan-sith.* 11 *Air 'iarrtus thog i Samuel nìs dha.* 15 *Dh'innis Samuel do Shaul gu'n tuiteadh e fèin agus Israel 'an làimh an naimhdean.*

AGUS anns na làithibh sin chruinnich na Philistich an armailtcan 'an ceann a chèile chum cogaidh, a chur catha ri h-Israel: agus thubhairt Achis ri Daibhidh, Bitheadh fios gu ciunteach agad gu'n téid thu mach maille riumsa chum catha, thu fèin agus do dhaoine.

2 Agus thubhairt Daibhidh ri Achis, Gu deimhin bithidh fios agad ciod a ni do sheirbhiseach. Agus thubhairt Achis ri Daibhidh, Uime sin ni mi fear-gleidhidh mo chinn dìot gu bràth.

3 A nis fhuair Samuel bàs, agus rinn Israel uile caoidh air a shon, agus dh'adhaic iad e ann an Ramah 'n a bhaile féin: agus chuir Saul air falbh iadsan aig an robh leannan-shith, agus na fiosaichean, as an tìr.

4 Agus chruinnicheadh na Philistich 'an ceann a chèile, agus thàinig iad agus champaich iad ann an Sunem: agus chruinnich Saul Israel uile 'an ceann a chèile, agus champaich iad ann an Gilboa.

5 Agus an uair a chunnaic Saul feachd nam Philisteach, bha eagair air, agus chrìothnaich a chridhe gu mòr.

6 Agus an uair a dh'fhiosraich Saul de'n Tighearn, cha do fhreagair an Tighearn e, aon chuid le aislingibh, no le Urim, no le fàidhibh.

7 An sin thubhairt Saul r'a sheirbhiseich, Iarraibh dhomhsa bean aig am bheil leannan-sith, agus thèid mi d'a h-ionnsuidh, agus fiosaichidh mi dlùth. Agus thubhairt a sheirbhiseich ris, Feuch, tha bean aig am bheil leannan-sith ann an Endor.

8 Agus chuir Saul e fèin ann an riochd eile, agus chuir e air eudach eile, agus dh'imich e, agus dithis dhaoine maille ris, agus thàinig iad a dh'ionnsuidh na mnà anns an oidhech; agus thubhairt e, Dean

fiosachd dhomhsa, guidheam ort, leis an leannan-shith, agus tog suas dhomh esan a dh'ainmicheas mi dhuit.

9 Agus thubhairt a' bhean ris, Feuch, tha fios agad ciod a rinn Saul eionnus a ghearr e as iadsan aig an robh leannan-shith, agus na fiosaichean, as an tìr: c'ar son ma ta a tha thu a' leagadh ribe air son m'ama, chum mo chur gu bàs?

10 Agus mhionnaich Saul dhi air an Tighearn, ag ràdh, Mar is beò an Tighearn, cha tachair ole sam bith dhuit air son an nì so.

11 An sin thubhairt a' bhean, Cè 'thogas mi nìs dhuit? Agus thubhairt esan, Tog a nìs dhomh Samuel.

12 Agus an uair a chunnaic a' bhean Samuel, ghlaodh i le guth àrd; agus labhair a' bhean ri Saul, ag ràdh, C'ar son a mheall thu mi? oir is tu Saul.

13 Agus thubhairt an rìgh rithe, Na bith-eadh eagair ort: oir ciod a chunnaic thu? Agus thubhairt a' bhean ri Saul, Chunnaic mi diathan a' teachd a nìs as an talamh.

14 Agus thubhairt e rithe, Ciod e a choslas? Agus thubhairt ise, Tha seann duine air teachd a nìs, agus e còmhdaichte le falluinn. Agus dh'aitmich Saul gu'm b'e Samuel a bh'ann, agus chrom se e fèin air aghaidh dh'ionnsuidh na talmhaim, agus rinn e ùmhlaichd dha.

15 Agus thubhairt Samuel ri Saul, C'ar son a chuir thu dragh orm, le m' thoirt a nìs? Agus fhreagair Saul, Tha mi ann an teamntachd mhòir; oir tha na Philistich a' cogadh a'm' aghaidh, agus dhealaich Dia rium, agus cha-n'eil e 'toirt freagraidh dhomh nì's mò, aon chuid le fàidhibh no le aislingibh: uime sin ghairm mi ortsa gu fios a thoirt dhomh ciod a ni mi.

16 An sin thubhairt Samuel, C'ar son ma ta a tha thu a' fiosrachadh dhiomsa, agus gu'n do dhealaich an Tighearn riut, agus gu bheil e nìs air fas 'n a nàmhaid duit?

17 Agus rinn an Tighearn dha, mar a labhair e tromlam-sa; oir reub an Tighearn an rìoghachd as do làimh, agus thug e i do d' choimhearsnach, do Dhaibhidh.

18 Do bhrìgh nach d'èisd thu ri guth an Tighearn, agus nach do chuir thu 'an gnìomh a' chorruih gharg an aghaidh Amaleic; uime sin rinn an Tighearn an nì so riut air an là 'n diugh.

19 Agus bheir an Tighearn mar an ceudna Israel maille riutsa thairis do làimh nam Philisteach: agus am màireach bithidh tusa agus do mhic maille riumsa: bheir an Tighearn mar an ceudna feachd Israeil thairis do làimh nam Philisteach.

20 An sin air ball thuit Saul sìnte air an talamh, agus bha e fo eagair ro mhòr air son bhriathran Shamuel, agus cha robh neart air bith ann; oir cha d'ith e aran rè an là no rè na h-oidheche sin.

21 Agus thàinig a' bhean a dh'ionnsuidh

Shaul, agus chumnaic i gu'n robh e fo namhann mòr, agus thubhairt i ris, Feuch, thug do bhanoglach géill do d' ghuth, agus chuir mi m'anam a'm làimh, agus dh'éisd mi ri d' bhriathraibh a labhair thu rium:

22 A nis uime sin, guidheam ort, éisd thusa mar an ceudna ri guth do bhanoglaich, agus cuiream greim arain fa d' chomhair, agus ith e, agus bithidh neart agad, an uair a dh'imicheas tu air do shlighe.

23 Ach dhiùlt esan, agus thubhairt e, Cha-n ith mi: ach choimh-éignich a sheirbhiseich agus mar an ceudna a' bhean e; agus dh'éisd e r'an guth: agus dh'éirich e o'n talamh, agus shuidh e air an leabaidh.

24 Agus bha aig a' mhnaoi laogh biadhla 's an tigh, agus rinn i cablagh, agus mharbh i e; agus ghabh i min mhìn, agus dh'fhuin si i, agus rinn i aran neo-ghoirichte dhith:

25 Agus chuir i iad fa chomhair Shaul, agus fa chomhair a sheirbhiseach, agus dh'ith iad: an sin dh'éirich iad suas, agus dh'imich iad air an oidhech sin féin.

CAIB. XXIX.

1 *Bha fearg air ceannardaibh nam Philisteach do bhrìgh gu'n d'thug Achis Daibhidh maille ris. 6 Chuir Achis air falbh e.*

A NIS chruinnich na Philistich am feachd uile gu Aphec: agus champaich na h-Israelich làimh ri tobar a th'ann an Iesreel.

2 Agus chaidh tighearnan nam Philisteach air an aghaidh 'n an ceudaibh agus 'n am mìltibh: ach chaidh Daibhidh agus a dhaoine air an aghaidh 'n an deireadh maille ri Achis.

3 An sin thubhairt ceannardan nam Philisteach, Ciod a tha na h-Eabhruidhich sin a' deanamh an so? Agus thubhairt Achis ri ceannardaibh nam Philisteach, Nach e so Daibhidh seirbhiseach Shaul rìgh Israel, a bha maille riumsa na Ìithean so, no na bliadhnan so, agus cha d'fhuair micron sam bith ann o'n là anns an d'thàinig e a m' ionnsuidh gus an là 'n diugh?

4 Agus bha fearg air ceannardaibh nam Philisteach ris; agus thubhairt ceannardan nam Philisteach ris, Thoir air an fhear so piltinn, a chum gu'n téid e ris d'a àit a dh'orduich thu dha, agus na rachadh e sìos maille ruinne do'n chath, air eagal gu'm bi e 'n a nàmhaid againn 's a' chath: oir cia leis a dheanadh e a réite r'a mhaighstir? nach ann le cinn nan daoine sin?

5 Nach e so Daibhidh, mu'n do chan iad le 'chéile ann an dannsaibh, ag ràdh, Mharbh Saul a mhléan, agus Daibhidh a dheich mhléan?

6 An sin ghairm Achis air Daibhidh, agus thubhairt e ris, Gu deimhin, mar is beò an Tighearn, bha thu dìreach, agus is taitneach a'm' shùilibh-sa do dhol a mach agus do theachd a steach maille rium anns a' champ; oir cha d'fhuair mi ole annad, o'n

là anns an d'thàinig thu a m' ionnsuidh gus an là 'n diugh: gídheadh, ann an sùilibh nan tighearnan cha-n'éil thu taitneach.

7 A nis ma ta pill, agus imich ann an sìth, a chum nach dean thu *ni a tha* ole ann an sùilibh thighearnan nam Philisteach.

8 Agus thubhairt Daibhidh ri Achis, Ach ciod a rinn mi, agus ciod a fhuair thu ann do sheirbhiseach o'n *cheud* là a bha mi maille riut gu ruig an là 'n diugh, nach feud mi dol a chogadh an aghaidh naimhdean mo thighearn' an rìgh?

9 Agus fhreagair Achis agus thubhairt e ri Daibhidh, Tha fios agam gu bheil thu maith; ann am shùilibh-sa *tha thu* mar aingeal Dhé: gídheadh, thubhairt tigh-earnan nam Philisteach, Cha téid e suas maille ruinne do'n chath.

10 A nis ma ta éirich gu moch 's a' mhaduinn maille ri seirbhiseich do mhaighstir, a thàinig maille riut; agus co luath 's a dh'éireassibh 'sa' mhaduinn, agus a bhitheas solus agaibh, imichibh.

11 Uime sin rinn Daibhidh agus a dhaoine moch-eirigh chum gu'm falbhaidh iad anns a' mhaduinn, agus gu'm pilleadh iad gu tìr nam Philisteach; agus chaidh na Philistich suas gu Iesreel.

CAIB. XXX.

1 *Chreach na h-Amalecich Siciag. 9 Chaidh Daibhidh air an tòir: 16 bhuail e iad, agus shaor e gach ni a thug iad leo. 26 Chuir e tiodhlacan a dh'ionnsuidh a chairdean de chreic a naimhdean.*

A GUS an uair a bha Daibhidh agus a dhaoine air teachd gu Siciag air an treas là, bhris na h-Amalecich a stigh air an taobh deas, agus air Siciag; agus bhuail iad Siciag, agus loisg iad e le teine.

2 Agus thug iad leo 'n am braighdibh na mnathan a *bha* ann: cha do mharbh iad neach air bith, aon chuid beag no mòr, ach thug iad leo iad, agus dh'imich iad air an slighe.

3 Agus thàinig Daibhidh agus a dhaoine do'n bhaile, agus, feuch, *bha e* loisgte le teine; agus thugadh am mnathan, agus am mic, agus an nigheanan air falbh ann am braighdeanas.

4 An sin thog Daibhidh agus an sluagh a *bha* maille ris an guth, agus ghuihl iad, gus nach robh neart anna gu gul ni b'fhaide.

5 Agus thugadh dà mhnaoi Dhaibhidh air falbh 'n am braighdibh, Ahinoam a' Bhan-iesreelach, agus Abigail bean Nabail a' Charmelich.

6 Agus bha Daibhidh ann an teanntachd mhòir; oir labhair an sluagh mu a chlachadh, do bhrìgh gu'n robh anam an t-sluaigh uile air a chràdh, gach duine air son a chuid mac, agus air son a nigheanan: ach ghabh Daibhidh misneach dha féin anns an Tighearn' a Dhia.

7 Agus thubhairt Daibhidh ri Abiatar an

sagart, mac Ahimelcigh, Thoir a m' ionnsuidh an so, guidheam ort, an ephod; agus thug Abiatar an ephod an sin a dh'ionnsuidh Dhaibhidh.

8 Agus dh'fhiosraich Daibhidh de'n Tigh-eana, ag ràdh, An tèid mi air toir na buidhne so? am beir mi orra? Agus fhreagair esan e, Falbh air an tòir; oir gu cinn-teach beiridh tu orra, agus saoraidh tu an t-ionlan.

9 Agus dh'imich Daibhidh, e féin agus an sè eud fear a bha maille ris, agus thàinig iad gu ruig an sruth Besor, far an d'fhan iadsan a dh'fhàgadh 'n an déigh.

10 Agus chaidh Daibhidh air an tòir, e féin agus ceithir cheud fear: ach dh'fhan dà cheud fear 'n an déigh, a bha cho sgith as nach b'urraim iad dol thar an t-sruth Besor.

11 Agus fhuair iad Eiphiteach anns a' mhachair, agus thug iad e dh'ionnsuidh Dhaibhidh, agus thug iad dha aran, agus dh'ith e; agus thug iad air uisge òl;

12 Agus thug iad dha mìr de mheall fhigean, agus dà bhagaid de fhion-dhearcaibh tiormaichte; agus an uair a dh'ith e, thàinig a spiorad a ris d'a ionnsuidh: oir cha d'ith e aran, agus cha d'òl e uisge rè thrì làithean agus thrì oidhchean.

13 Agus thubhairt Daibhidh ris, Co leis thu, agus cia as a thàinig thu? Agus thubhairt esan, Is òganach Eiphiteach mi, seirbhisich do Amaleceach; agus dh'fhàg mo mhaighstir mi, do bhrìgh gu'n robh mi tinn o cheann trì làithean.

14 Bhris sinn a steach air taobh deas nan Cereteach, agus air a' chrìch a bhuineas do Iudah, agus air taobh deas Chaleib; agus loisg sinn Sielag le teine.

15 Agus thubhairt Daibhidh ris, An toir thu sios mi dh'ionnsuidh na buidhne sin? Agus thubhairt esan, Mionnach dhomh air Dia, nach marbh thu mi, agus nach toir thu thairis mi do làimh mo mhaighstir, agus bheir mi sios thu dh'ionnsuidh na buidhne sin. *Agus m'ionnaich Daibhidh dha.*

16 Agus an uair a thug e sios e, feuch, sgaoileadh iad air aghaidh na tire uile, ag itheadh agus ag òl, agus a' dannsadh, air son na creiche mòire uile a thug iad leo á tir nam Philisteach, agus á tir Iudah.

17 Agus bhuail Daibhidh iad o bhriseadh na faire gu ruig fcasgar an là màireach; agus cha deachaidh duine dhiubh as, ach ceithir cheud òganach a mharcaich air càmhalaibh, agus a theich.

18 Agus shaor Daibhidh gach *ni* a thug na h-Amalecigh leo: agus shaor Daibhidh a dhà mhnaoi.

19 Agus cha robh *ni* air bith a dlùth orra, aon chuid beag no mòr, mic no nigheanan, no creach, no *ni* air bith a thug iad leo: bhuin Daibhidh gach *ni* air ais.

20 Agus ghabh Daibhidh an treud uile, agus am buar: agus dh'imich iad roimh an spréidh so, agus thubhairt iad, Is i so creach Dhaibhidh.

21 Agus thàinig Daibhidh a dh'ionnsuidh an dà cheud fear, a bha cho sgith as nach b'urraim iad Daibhidh a leantuinn, agus air an d'thug iad fantuinn aig an t-sruth Besor: agus chaidh iad a mach 'an oim-camh Dhaibhidh, agus 'an coimeamh an t-sluaigh a bha maille ris: agus an uair a thàinig Daibhidh am fagus do'n t-sluaigh, chuir e failt' orra.

22 An sin fhreagair na droch dhaoine uile, agus daoine Bheilaibh, dhiubhsan a chaidh maille ri Daibhidh, agus thubhairt iad, De bhrìgh nach deachaidh iad maille ruinne, cha toir sinn dhoibh a' bheag de'n chreich a shaor sinn, ach a mhàin do gach duine a bhean, agus a chlann, a chum gu'n toir iad leo iad, agus gu'n imich iad.

23 An sin thubhairt Daibhidh, Cha dean sibh mar sin, mo bhràithrean, ris na thug an Tighearn dhuinn, a ghléidh sinn, agus a thug a' bhuidheann a thàinig 'n ar n-aghaidh thairis d'ar làimh.

24 Agus cò a dh'èisdeas ribh 's a' chùis so? ach mar chuibhrioun an ti a théid sios do'n chath, mar sin bithidh cuibhrioun an ti a dh'fhanas maille ris an airneis: roinnidh iad air an aon dòigh.

25 Agus bha e mar sin o'n là sin a mach, gu'n d'rim e 'n a lagh e agus 'n a riaghailt aig Israel gus an là 'n diugh.

26 Agus an uair a thàinig Daibhidh gu Sielag, chuir e cuid de'n chreich a dh'ionnsuidh sheanairean Iudah, eadhon a dh'ionnsuidh a chairdean, ag ràdh, Feuch, tiodhlac dhuibh de chreich namhdean an Tighearna: 27 Dhoibhsan a bh'ann am Bet-el, agus dhoibhsan a bh'ann am Ramot mu dheas, agus dhoibhsan a bh'ann am Later,

28 Agus dhoibhsan a bh'ann an Arocr, agus dhoibhsan a bh'ann an Siplmot, agus dhoibhsan a bh'ann an Estemoa,

29 Agus dhoibhsan a bh'ann an Rachal, agus dhoibhsan a bh'ann am bailtibh nan Ierahmceleach, agus dhoibhsan a bh'ann am bailtibh nan Ceneach,

30 Agus dhoibhsan a bh'ann an Hormah, agus dhoibhsan a bh'ann an Cor-asan, agus dhoibhsan a bh'ann an Atach,

31 Agus dhoibhsan a bh'ann an Hebron, agus do na h-àitibh sin uile anns am bu ghnàth le Daibhidh agus a dhaoine tatluich.

CAIB. XXXI.

1 Bhuail na Philistich fir Israeil, agus mharbh iad triuir mhac Shaul. 5 Mharbh Saul agus fear ionchair 'ann iad féin. 10 Spàrr na Philistich cuirp Shaul agus a chuid mac ri balla Bhet-sain. 12 Thug daoine Iabéis-ghilead air falbh iad, agus dh'adhlac siad iad.

ANIS chog na Philistich an aghaidh Israeil; agus theich fir Israeil o fhianuis

nam Philisteach, agus thuit iad sìos marbh ann an sliabh Ghilboa.

2 Agus lean na Philistich Saul agus a mhic gu teamn; agus bhuail na Philistich Ionatan, agus Abinadab, agus Malchisua, mic Shaul.

3 Agus dh'fhàs an cath cruaidh an aghaidh Shaul, agus bhuail na fir-bhogha air; agus lotadh gu mòr e leis na fir-bhogha.

4 An sin thubhairt Saul ri fear-iomchair 'arm, Rùisg do chlaidheamh, agus sàth tromham e, air eagal gu'n tig na daoine neo-thimchioll-ghearra sin, agus gu'n sàth iad tromham, agus gu'n toir iad masladh dhomh. Ach cha b'ail le fear-iomchair 'arm sin a dheanamh, oir bha eagal mòr air: uime sin ghabh Saul claidheamh, agus thuit e air.

5 Agus an uair a chunnaic fear-iomchair 'arm gu'n robh Saul marbh, thuit esan mar an ceudna air a chlaidheamh, agus fhuair e bàs maille ris.

6 Mar sin fhuair Saul bàs, agus a thrìuir mhac, agus fear-iomchair 'arm, agus a dhaoine uile air an là sin féin maille ri 'chéile.

7 Agus an uair a chunnaic fir Israeil, a bha air taobh a' ghlinne, agus iadsan a

bh'air an taobh so de Iordan, gu'n do theich fir Israeil, agus gu'n robh Saul agus a mhic marbh, thréig iad na bailtean, agus theich iad; agus thàinig na Philistich, agus ghabh iad còmhluidh anna.

8 Agus air an là màireach, an uair a thàinig na Philistich a dh'fhaobhachadh nam marbh, fhuair iad Saul agus a thrìuir mhac air tuiteam ann an sliabh Ghilboa.

9 Agus ghearr iad dheth a cheann, agus rùisg iad 'armachd dheth, agus chuir iad fios gu tìr nam Philisteach mu'n cuairt, g'a chur 'an cèill ann an tigh an diathan-bréige, agus am measg an t-sluaigh.

10 Agus chuir iad 'armachd ann an tigh Astaroit; agus spàrr iad a chorp ri balla Bhet-sain.

11 Agus an uair a chuala luchd-àiteachaidh Iabais-ghilead an ni sin a rinn na Philistich ri Saul,

12 Dh'éirich na daoine treuna uile, agus dh'imich iad rè na h-oidhche, agus thug iad corp Shaul, agus cuirp a chuid mac, o bhalla Bhet-sain, agus thàinig iad gu Iabes, agus loisg iad an sin iad.

13 Agus ghabh iad an cnaimhean, agus dh'adhlac siad iad fo chraoibh ann an Iabes, agus thraisg iad seachd làithean.

DARA LEABHAR SHAMUEIL,

D'AN AINM, AIR MHODH EILE,

DARA LEABHAR NAN RIGH.

CAIB. I.

1 Mharbhadh an t-Amaleceach a dh'innis do Dhaibhidh gu'n do bhuailleadh clann Israeil, agus a thug fianuis 'n a aghaidh féin gu'n do mharbh e Saul. 17 Caoidh Dhaibhidh air son Shaul agus air son Ionatan.

ANIS an déigh bàis Shaul, phill Daibhidh idh o àr nan Amaleceach, agus dh'fhan Daibhidh ann an Siclag dà latha.

2 Agus air an treas là, feuch, thàinig duine as a' champ o Shaul, agus 'eudach reubta, agus ùir air a cheann: agus an uair a thàinig e dh'ionnsuidh Daibhidh, thuit e air an talamh, agus rinn e ùmhachd.

3 Agus thubhairt Daibhidh ris, Cia as a tha thu air teachd? Agus thubhairt esan ris, A camp Israeil theich mi.

4 Agus thubhairt Daibhidh ris, Ciod a thachair? innis dhomh, guidheam ort. Agus fhreagair e, Theich an sluagh o'n chath, agus cuideachd tha mòran de'n t-sluagh air tuiteam agus marbh; agus mar an ceudna tha Saul agus a mhac Ionatan marbh.

5 Agus thubhairt Daibhidh ris an òganach

a dh'innis dha, Cionnus a tha fios agad gu bheil Saul agus a mhac Ionatan marbh?

6 Agus thubhairt an t-òganach a dh'innis dha, Thachair dhomhsa 'bhi air sliabh Ghilboa, agus, feuch, bha Saul a' leigeil a thaice r'a shleagh; agus, feuch, lean na carbadan agus am marc-shluagh gu dian 'n a dhéigh.

7 Agus an uair a dh'amhairc e 'n a dhéigh, chunnaic e mise, agus ghairm e orm: agus fhreagair mi, Tha mi 'n so.

8 Agus thubhairt e rium, Cò thusa? Agus fhreagair mise e, Is Amaleceach mi.

9 Thubhairt e rium a ris, Seas orm, guidheam ort, agus marbh mi; oir ghlac teanntachd mi, do bhrìgh gu bheil mo bhacatha fathast gn h-ìomlan annam.

10 Agus sheas mi air, agus mharbh mi e, a chionn gu'n robh fios agam nach biodh e beò an déigh dha tuiteam; agus ghabh mi 'n crùn a bha air a cheann, agus an làmh-fhàil a bha air a ghairdean, agus thug mi 'n so iad a dh'ionnsuidh mo thighearna.

11 An sin rug Daibhidh air 'eudach, agus

roub se e, agus mar an ceudna na daoine uile a bha nàille ris.

12 Agus rinn iad caoidh, agus ghuil iad, agus thraisg iad gu feasgar, air son Shaul, agus air son a mhic Ionatain, agus air son sluagh an Tighearn', agus air son tighe Israeil, do bhrìgh gu'n do thuit iad leis a' chlaidheamh.

13 Agus thubhairt Daibhidh ris an òganach a dh'innis dha, Cia an duitse? Agus fhreagair esan, *Is* mac coigrich Amaleicich mi.

14 Agus thubhairt Daibhidh ris, Cionnus nach robh eagal ort do làmh a shìncadh a mach a mharbhadh aoin ungta an Tighearna?

15 Agus ghairm Daibhidh air aon de na h-òganaich, agus thubhairt e, Thig am fagus, agus leum air. Agus bhuail se e, agus fhuair e bàs.

16 Agus thubhairt Daibhidh ris, *Bitheadh* d'fhuil air do cheam féin, oir thug do bheul fianuis a'd' aghaidh, ag ràdh, Mharbh mi aon ungta an Tighearna.

17 Agus rinn Daibhidh caoidh leis a' chumhadh so os ceann Shaul, agus os ceann a mhic Ionatain;

18 (Agus dh'athn e gu'n teagaisgcadh iad do chloinn Iudah *tilgeadh le bogha*: feuch, *tha* e sgrìobhta ann an leabhar Iaseir.)

19 O mbaise Israeil, air do lotadh air d'aitibh àrda! cionnus a thuit na cumhachdaich?

20 Na h-innsibh e ann an Gat, na cuiribh an cèill e ann an sràidibh Asceloin; air eagal gu'm bi nigheanan nam Philisteach aoibhneach, air eagal gu'n dean nigheanan nan neo-thìmhchioll-ghearrta luathghaire.

21 A shlèibhite Ghilboa, na *bitheadh* drùehd no uisge oirbh; no *oirbhse*, achanna thabhartas: oir an sin thilgeadh gu tàireil air falbh sgiath nan cumhachdach, sgiath Shaul, mar nach *bitheadh* e ungta le h-oladh.

22 O fhuil nam marbh, o shaill nan cumhachdach, cha do thionndaidh bogha Ionatain air ais; agus cha do phill claidheamh Shaul gu faoin.

23 Bha Saul agus Ionatan grèdhach agus taitneach 'n am beatha, agus 'n am bàs cha do sgaradh iad: bu luath e iad na iolaircan, bu treise iad na leòmhain.

24 A nigheanan Israeil, guilibh air son Shaul, a dh'éidich sibh ann an scarlaid le aoibhneas, a chuir òir-ghreus air bhur n-eudach.

25 Cionnus a thuit na cumhachdaich 'am meadhon a' chatha! O a Ionatain, air d'aitibh àrda mharbhadh thu!

26 Tha cràdh orm air do shon, mo bhràthair a Ionatain: ro thaitneach bha thu dhomhsa: b'iongantach do ghràdh dhomhsa, a' toirt barrachd air gràdh nam ban.

27 Cionnus a thuit na cumhachdaich, agus a chaidh as do airm a' chogaidh!

1 Chaidh Daibhidh suas gu Hebron, agus an sin rinneadh rìgh dheth os ceann Iudah. 8 Rinn Abner Isboset 'n a rìgh air Israel. 17 Bhuilceadh Abner agus fir Israeil roimh sheirbhisich Daibhidh.

A GUS 'n a dhéigh so dh'fhiosraich Daibhidh de'n Tighearn', ag ràdh, An téid mi suas gu aon de bhailtibh Iudah? Agus thubhairt an Tighearn ris, Falbh suas. Agus thubhairt Daibhidh, C'ait an téid mi suas? Agus thubhairt esan, Gu Hebron.

2 Agus chaidh Daibhidh suas an sin, agus mar an ceudna a dhà mhnaoi, Ahinoam a' Bhan-iesreeleach, agus Abigail bean Nabail a' Charmelich.

3 Agus a dhaoine a bha nàille ris thug Daibhidh suas leis, gach fear le 'theaghlach; agus ghabh iad còmhuidh ann am bailtibh Hebron.

4 Agus thàinig daoine Iudah, agus dh'ung iad an sin Daibhidh 'n a rìgh os ceann tighe Iudah. Agus dh'innis iad do Dhaibhidh, ag ràdh, *B' iad* daoine Iabais-ghilead a dh'adhlac Saul.

5 Agus chuir Daibhidh teachdairean a dh'ionnsuidh dhaoine Iabais-ghilead, agus thubhairt e riu, Beannaichte gu robh sibh o'n Tighearn, a thaobh gu'n do nachd sibh an caomhneas so do'r tighearn, do Shaul, agus gu'n d'adhlac sibh e.

6 Agus a nis gu nochdadh an Tighearn caomhneas dhuibhse, agus firinn: agus diolaidh mise mar an ceudna am maitheas so dhuibh, do bhrìgh gu'n d'rinn sibh an ni so.

7 A nis uime sin bitheadh bhur làmhnan air an neartachadh, agus bithibh gaisgil; oir tha bhur tighearn Saul marbh, agus mar an ceudna dh'ung tigh Iudah mise a'm' rìgh os an ceann.

8 Ach ghabh Abner mac Neir, ceannard armailte Shaul, Isboset mac Shaul, agus thug e thairis e gu Mahanaim;

9 Agus rinn se e 'n a rìgh air Gilead, agus air na h-Asuraich, agus air Iesreel, agus air Ephraim, agus air Benjamin, agus air Israel uile.

10 Dà fhichead bliadhna dh'aois bha Isboset mac Shaul an uair a thòisich e air rìoghachadh os ceann Israeil, agus rìghich e dà bhliadhna: ach lean tigh Iudah Daibhidh.

11 Agus b'e àireamh nan làithean a bha Daibhidh 'n a rìgh ann an Hebron air tigh Iudah, seachd bliadhna agus sè mìosan.

12 Agus chaidh Abner mac Neir, agus scrìbhsich Isboset mhic Shaul, a mach o Mahanaim gu Gibeon.

13 Agus chaidh Ioab mac Sheraiah, agus scrìbhsich Daibhidh a mach, agus choimnich iad a chèile aig lochan Gibeoin: agus shuidh iad sìos, iad so air aon taobh de'n lochan, agus iad sud air an taobh eile de'n lochan.

14 Agus thubhairt Abner ri Ioab, Eireadh na h-òganaich a nis, agus deanadh iad lù-chleas 'n ar fianuis. Agus thubhairt Ioab, Eireadh iad.

15 An sin dh'èirich suas agus chaidh thairis dà fhear dheug 'an àireamh de Bheniamin, a *bhuineadh* do Isboset mac Shaul, agus dà fhear dheug de sheirbhìsich Dhaibhidh.

16 Agus rug gach fear dhiubh air ceann a chompanaich, agus *shàth e* a claidheamh ann an leth-taobh a chompanaich, agus thuit iad sìos cuideachd: uime sin thugadh mar ainm air an àite sin Helcat-hasurim, a *tha* ann an Gibeon.

17 Agus bha cath ro chruaidh ann air an là sin; agus bhuailleadh Abner agus fir Israeil fa chomhair sheirbhiseach Dhaibhidh.

18 Agus bha trì mic Sheruah an sin, Ioab, agus Abisai, agus Asahel: agus *bha* Asahel co luath d'a chois ri boc earba na mach-arach.

19 Agus chaidh Asahel air tòir Abneir; agus cha do chlaon e 'n a sliubhal a dh'ionnsuidh na làimhe deise no na làimhe clìthe, o *dhol* an déigh Abneir.

20 An sin dh'amhair Abner 'n a dhéigh, agus thubhairt e, An tusa Asahel? Agus fhreagair esan, *Is* mi.

21 Agus thubhairt Abner ris, Tionndaidh a dh'ionnsuidh do làimhe deise no dh'ionnsuidh do làimhe clìthe, agus glac aon de na h-òganaich, agus gabhadh ionnsuidh 'fhaobh. Ach cha b'ail le Asahel tionndadh o *esan* a leantuin.

22 Agus thubhairt Abner a rìs ri Asahel, Tionndaidh o mise a leantuin: c'ar son a bhuailim thu gu làr? cionnus an sin a thogaim suas m'ghaidh ri Ioab do bhràthair?

23 Gidheadh dhiùlt esan tionndadh: uime sin bhuail Abner e le earr na sleagha fo 'n chùigeadh *aisinn*, agus thàinig an t sleagh a mach air a chùlaobh; agus thuit e 'n sin, agus fhuair e bàs 's an àite sin féin: agus iadsan uile a thàinig a dh'ionnsuidh an àite anns an do thuit Asahel sìos agus anns an d'fhuair e bàs, dh'fhan iad 'n an seasamh.

24 Chaidh Ioab mar an ceudna agus Abisai air tòir Abneir: agus luidh a' ghrian an uair a thàinig iad gu sliabh Amah, a *tha* fa chomhair Ghiah, air slighe fàsaich Ghibeoin.

25 Agus chruinnich clann Bheniamin iad féin 'an ceann a chèile *gu dol* an déigh Abneir, agus bha iad 'n an obh buidhinn, agus sheas iad air mullach enoic.

26 An sin ghlaodh Abner ri Ioab, agus thubhairt e, An sgrìos an claidheamh gu bràth? nach 'eil fios agad gu'm bi searbhadas ann fa dheireadh? cia fad a bhitheas e ma ta mu'n abair thu ris an t-sluagh pilltinn o leantuin am bràithrean?

27 Agus thubhairt Ioab, *Mar* is beò Dia,

mur bitheadh tu air labhairt, gu deimhin an sin anns a' mhàduinn rachadh an sluagh suas, gach fear o leantuin a bhràthar.

28 Uime sin shéid Ioab trompaid, agus stad an sluagh uile, agus cha deachaidh iad nì's mò air tòir Israeil, agus cha do chog iad nì's mò.

29 Agus dh'imich Abner agus a dhaoine air feadh a' chòmhnaird ré na h-oidiche sin, agus chaidh iad thar Iordan, agus chaidh iad troimh Bhitron uile, agus thàinig iad gu Mahanaim.

30 Agus phill Ioab o *dhol* an déigh Abneir; agus an uair a chruinnich e 'n sluagh uile 'an ceann a chèile, dh'iomdraineadh do sheirbhìsich Dhaibhidh naoi fir dheug agus Asahel.

31 Ach bluail seirbhìsich Dhaibhidh de Bheniamin, agus de dhaoine Abneir, trì cheud agus trì fichead fear, a fhuair bàs.

32 Agus thog iad leo Asahel, agus dh'adhlac iad e ann an àit-adhlacaidh 'athar, a *bha* ann am Bet-lehem: agus dh'imich Ioab agus a dhaoine ré na h-oidiche, agus thàinig iad gu Hebron mu bhriscadh na faire.

CAIB. III.

1 Rugadh sèanar mhac do Dhaibhidh ann an Hebron. 2 Tha fearg air Abner ri Isboset, agus bhagair e an rìoghachd atharrachadh o thigh Shaul. 14 Chuir Dhaibhidh fios air Michal a mhnai. 22 Mharbh Ioab Abner. 25 Rinn Dhaibhidh caoidh air a shon

A NIS bha cogadh fada eadar tigh Shaul agus tigh Dhaibhidh: ach *bha* Dhaibhidh a' sìor-dhol air aghaidh ann an neart, agus tigh Shaul a' sìr-dhol 'an laige.

2 Agus rugadh do Dhaibhidh mic ann an Hebron: agus b'e a cheud ghin Amnon, ri Ahinoam a' Bhan-iesre leach:

3 Agus a dhara *mac* Chiliab, ri Abigail bean Nabail a' Charmelich: agus an treas *mac* Absalom, mac Mhaacah, nighinn Thalmal, rìgh Ghesuir:

4 Agus an ceathramh *mac* Adoniah, mac Hagit: agus an cùigeamh *mac* Sephatiah, mac Abitail:

5 Agus an seathamh *mac* Iream, ri Eglah bean Dhaibhidh. Rugadh iad sin do Dhaibhidh ann an Hebron.

6 A nis an uair a bha cogadh eadar tigh Shaul agus tigh Dhaibhidh, rinn Abner e féin laird ann an tigh Shaul.

7 Agus *bha* coimhleabach aig Saul, d'am b'ainm Rispah, nighean Aiah: agus thubhairt Isboset ri Abner, C'ar son a chaidh thu stigh a dh'ionnsuidh coimhleabaich m'athar?

8 An sin bha fearg mhòr air Abner air son bhriathran Isboseit, agus thubhairt e, An ceann coin mise, a *bhuineas* do Iudah? tha mi a' nochdadh caoimhneis an diugh do thigh Shaul d'athar, d'a bhràithribh, agus d'a chairidibh, agus cha d'tlugh mi thairis

thusa do làmh Dhaibhidh; gidheadh tha thaosa a' cur coire as mo leth an diugh a thaobh na mnà so?

9 Mar sin gu'n deanadh Dia ri Abner, agus tuilleadh maranceudna, mar amhionnaich an Tighearn do Dhaibhidh, mur dean mise eadhon mar sin ris-san;

10 An rìoghachd atharrachadh o thigh Shaul, agus rìgh-chathir Dhaibhidh a chur suas os ceann Israeil, agus os ceann Iudah, o Dhan eadhon gu Beerseba.

11 Agus cha b'urrainn e Abner a fhreagairt aon fhocal a ris, a chionn gu'n robh eagal air roimhe.

12 Agus chuir Abner teachdairean a dh'ionnsuidh Dhaibhidh 'n a àite féin, ag ràdh, Cò leis an tìr? ag ràdh *mar an ceudna*, Dean do choimhcheangal riumsa, agus, feuch, *bithidh* mo làmh leat, gu Israel uile a thionndadh a d' ionnsuidh.

13 Agus thubhairt esan, *Ro mhaith*; ni mise coimhcheangal riut: ach aon ni *tha* mi ag iarraidh ort, eadhon, Nach faic thu mo ghnùis, mur toir thu leat air tìs Michal nighean Shaul, an uair a thig thu g'am fhaicinn.

14 Agus chuir Daibhidh teachdairean gu Isboset mac Shaul, ag ràdh, Tabhair *dhomh* mo bhean Michal, a cheangail mi rium féin 'am pòsadh air son ceud roimh-chroiciom de na Philistich.

15 Agus chuir Isboset *fios oirre*, agus thug e o a fear i, eadhon o Phaltiel mac Lais.

16 Agus dh'imich a fear maille rithe, a' gul 'n a déigh gu Bahurim: an sin thubhairt Abner ris, Falbh, pill. Agus phill e.

17 Agus rinn Abner còmhradh ri seanairibh Israeil, ag ràdh, Anns an aimsir roimhe so dh'iarr sibh Daibhidh a *bhi* 'n a rìgh os bhur ceann.

18 A nis ma ta deanaibh e; oir labhair an Tighearn mu Dhaibhidh, ag ràdh, Le làmh mo sheirbhìsich Dhaibhidh saoraidh mi mo shluagh Israel à làmh nam Philisteach, agus à làmh an naimhdean uile.

19 Agus labhair Abner mar an ceudna ann an clusaibh Bheniamin: agus claidh Abner mar an ceudna a labhairt ann an clusaibh Dhaibhidh ann an Hebron, gach ni a *bha* taitneach ann an sùilibh Israeil, agus ann an sùilibh tighe Bheniamin uile.

20 Agus thàinig Abner a dh'ionnsuidh Dhaibhidh gu Hebron, agus fheadh fear maille ris: agus rinn Daibhidh cuirm do Abner agus do na daoimibh a *bha* maille ris.

21 Agus thubhairt Abner ri Daibhidh, Eiridh mi, agus falbhaidh mi, agus eruinnidh mi Israel uile dh'ionnsuidh mo thighearn' an rìgh, a chum gu'n dean iad coimhcheangal riut, agus gu'n rìghich thu os ceann gach ni a's miann le d'anam: agus chuir Daibhidh Abner air falbh, agus dh'imich e ann an sìth.

22 Agus, feuch, thàinig seirbhìsich Dhaibh-

idh agus Ioab o *ruagadh* buidhne, agus thug iad creach mhòr leo: (ach cha *robh* Abner maille ri Daibhidh ann an Hebron; oir chuir e air falbh e, agus dh'imich e ann an sìth.)

23 Agus an uair a thàinig Ioab agus an armaist uile a *bha* maille ris, dh'innis iad do Ioab, ag ràdh, Thàinig Abner mac Neir a dh'ionnsuidh an rìgh, agus chuir e air falbh e, agus dh'imich e ann an sìth.

24 An sin thàinig Ioab a dh'ionnsuidh an rìgh, agus thubhairt e, Ciod e a rinn thu? feuch, thàinig Abner a d'ionnsuidh; c'ar sou so a chuir thu air falbh e, agus gun amharus dh'imich e?

25 Is' aithne dhuit Abner mac Neir, gur h-ann gu d' mhealladh a thàinig e, agus gu fios fhaghail air do dhol a mach agus do theachd a steach, agus gu fios fhaghail air gach *ni* a *tha* thu a' deanamh.

26 Agus an uair a thàinig Ioab a mach o Dhaibhidh, chuir e teachdairean an dèigh Abneir, a thug air ais e o thobar Shirah: ach cha robh fios aig Daibhidh air.

27 Agus an uair a phill Abner gu Hebron, thug Ioab e a leth-taobh anns a' gheata a labhairt ris ann an sìth; agus bhuail e 'n sin e fo 'n chùigeamh *aisinn*, agus fhuair e bàs air son fola a bhràthar Asahel.

28 Agus 'n a dhéigh sin an uair a chuala Daibhidh e, thubhairt e, *Tha* mise agus mo rìoghachd neò-chiontach an lathair an Tigh-earna gu bràth o fhuil Abneir m'hic Neir.

29 Fanadh i air ceann Ioab, agus air tigh 'athar uile, agus na bitheadh a dhùth air tigh Ioab neach air am bi sìlteach, no *'bhios* 'n a lobhar, no d'an éigin siubhal le bata, no 'thuiteas air claidheamh, no air am bi easbhuidh arain.

30 Mar sin mharbhadh Ioab agus abhrathair Abisai Abner, a chionn gu'n do chuir esan gu bàs ann bràthair Asahel aig Gibeon anns a' chath.

31 Agus thubhairt Daibhidh ri Ioab, agus ris an t-sluagh uile a *bha* maille ris, Reubaidh bhur n-eudach, agus cuiribh saie-eudach umaibh, agus deanaibh caoidh roimh Abner. Agus lean rìgh Daibhidh *féin* an giùlan.

32 Agus dh' adhlac iad Abner ann an Hebron: agus thog an rìgh suas a ghuth, agus ghuil e aig uaigh Abneir; agus ghuil an sluagh uile.

33 Agus rinn an rìgh caoidh os ceann Abneir, agus thubhairt e, An ann mar a bhàsaicheas amadan, a bhàsaich Abner?

34 Cha do cheangladh do làmhnan, agus cha do chuireadh do chosan ann an geimhlìbh: mar a thuiteas duine roimh dhaoine aingidh, *mar sin* thuit thusa. Agus ghuil an sluagh uile a ris os a cheann.

35 Agus an uair a thàinig an sluagh uile a thoirt air Daibhidh biadh itheadh, ann feadh 's a b'e 'n là fàthast a bh'ann, mhionnaich

Daibhidh, ag ràdh, Mar sin gu'n deanadh Dia riumsa, agus tuilleadh mar an ceudna, ma bhlaiseas mi aran no ni air bith eile, gus an téid a' ghrian fodha.

36 Agus thug an sluagh uile fainear e, agus bha e taitneach 'n an sùilbh; mar a bha gach ni a rinn an rìgh taitneach ann an sùilbh an t-sluaigh uile:

37 Oir thuig an sluagh uile agus Israel uile air an là sin, nach ann o'n rìgh a bha e Abner mac Neir a chur gu bàs.

38 Agus thubhairt an rìgh r'a sheirbhisich, Nach 'eil fhios agaibh gu'n do thuit uachdaran agus *duine* mòr an diugh ann an Israel?

39 Agus tha mise an diugh annam, ged *tha* mi ungta a'm rìgh; agus tha na daoine sin mic Sheruah ro chruaidh air mo shon: diolaidh an Tighearn do fhear-deanamh an uile a réir 'aingidheachd.

CAIB. IV.

1 *Mharbh Baanah agus Rechab Isboet, agus thug iad a cheann a dh'ionnsuidh Dhaibhidh gu Hebron. 9 Dh'àithn Daibhidh an cur gu bàs.*

A GUS an uair a chuala mac Shaul gu'n d'fhuair Abner bàs ann an Hebron, dh'fhàs a lamhan fann, agus bha Israel uile fo bhuaircas.

2 Agus bha aig mac Shaul dithis fhear a bha 'n an ceannardaibh air buidhnibh: *Ùe* ainm aoin diubh Baanah, agus ainm an fhir eile Rechab, mic Rimoin a' Bheerotaich, de chloinn Bheniamin: (oir mheasadh Beerot mar an ceudna de Bheniamin:

3 Agus theich na Beerotaich gu Gitaim, agus tha iad 'n an luchd-euairt an sin gu ruig an là 'n diugh.)

4 Agus bha aig Ionatan mac Shaul mac a bha bacach, agus a bha cùig bliadhna dh'aois an uair a thàinig an sgeul mu Shaul agus Ionatan & Iesreel; agus thog a bhan-alttrum leatha e, agus theich i: agus an uair a rinn i cabhag gu teicheadh, thuit esan, agus rinneadh bacach e; agus *Ùe* 'ainm Mephiboset.

5 Agus dh'imich mic Rimoin a' Bheerotaich, Rechab agus Baanah, agus thàinig iad mu theas an là gu tigh Isboet, a bha 'n a luidhe air leabaidh mu mheadhon-là.

6 Agus, feuch, thàinig iad air an aghaidh gu meadhan an tìghe, *mar gu'm bitheadh iad* gu cruthneachd a thoirt leo, agus bhuail iad e fo 'n chiùigean *aisinn*: agus chaidh Rechab agus a bhràthair Baanah as:

7 Oir an uair a thàinig iad a steach do n tigh, bha esan 'n a luidhe air a leabaidh 'n a sheomar-codail, agus bhuail iad e, agus mharbh iad e, agus chuir iad an ceann d'e, agus thug iad leo a cheann, agus dh'imich iad rompa air slighe an fhàsaich ré na h-oidhech.

8 Agus thug iad ceann Isboet a dh'ionnsuidh Dhaibhidh gu Hebron, agus thubhairt

iad ris an rìgh, Feuch, ceann Isboet mhic Shaul do nàmhaid, a dh'iarr d'anam; agus thug an Tighearn do m' thighearn an rìgh dìoghaltas air an là 'n diugh air Saul agus air a shliochd.

9 Agus fhreagair Daibhidh Rechab agus Baanah a bhràthair, mic Rimoin a' Bheerotaich, agus thubhairt e riu, *Mar* is beò an Tighearn, a shaor m'anam as gach uile aire,

10 An uair a dh'inns neach dhomh, ag ràdh, Feuch, tha Saul marbh, (agus e a meas gu'n robh e 'toirt deadh sgeoil leis,) rug mi air, agus mharbh mi e ann an Siclag, an uair a *shaoil* e gu'n tugainn luigheachd dha air son a sgeoil:

11 Nach mò gu mòr, an uair a mharbh daoine aingidh duine ionraic 'n a thigh féin air a leabaidh? agus a nis uach iarri mi 'fhuil-san air bhuir làirh-sa, agus nach toir mi bhàrr na talmhainn sibh?

12 Agus dh'àithn Daibhidh d'a òganaich, agus mharbh siad iad, agus ghearr iad dhiubh an lamhan agus an cosan, agus chroch iad suas *iad* os ceann an tobair ann an Hebron: ach ghabh iad ceann Isboet, agus dh'adhlac iad e ann an àit-adhlacaidh Abneir ann an Hebron.

CAIB. V.

1 *Thàinig treubhan Israel a dh'ionnsuidh Dhaibhidh gu Hebron, agus dh'ung iad e 'n a rìgh os an ceann. 6 Ghlac e Sion, agus ghabh e còmhlauidh ann. 17 Bhuail e na Philistich aig Beal-perasim, agus a ris aig craobhan nan sneur.*

A N SIN thàinig uile threubhan Israel a dh'ionnsuidh Dhaibhidh gu Hebron, agus labhair iad, ag ràdh, Feuch, *is* sinne do chànainn agus d'fheoil.

2 Mar an ceudna roimhe so, 'n uair a bha Saul 'n a rìgh os ar ceann, bu tusa an ti a threoraich a mach agus a thug a steach Israel: agus thubhairt an Tighearn riu, Beathaichidh tu mo shluagh Israel, agus bithidh tu a'd cheannard air Israel.

3 Agus thàinig uile sheanaircan Israel a dh'ionnsuidh an rìgh gu Hebron, agus rinn rìgh Daibhidh còimheangal riu ann an Hebron 'am fianuis an Tighearna: agus dh'ung iad Daibhidh 'n a rìgh air Israel.

4 *Bha* Daibhidh deich bliadhna fichead a dh'aois an uair a *thòisich* e air rìoghachadh; agus rìghich e dà fhichead bliadhna.

5 Ann an Hebron rìghich e os ceann Iudah seachd bliadhna agus sè mìosan; agus ann an Ierusalem rìghich e trì bliadhna deug thar fhichead os ceann Israel uile agus Iudah.

6 Agus dh'imich an rìgh agus a dhaoine gu h-Ierusalem, dh'ionnsuidh nan Iebusach, luchd-àiteachaidh na tìre; a labhair ri Daibhidh, ag ràdh, Cha tig thu a steach an so mur toir thu air falbh na doill agus na bacaich; ag ràdh, Cha tig Daibhidh a steach an so.

7 Gidheadh, ghlac Daibhidh daingneach Shìoin: *is e sin baile Dhaibhidh.*

8 Agus thubhairt Daibhidh air an là sin, Ge b'e neach a ruigeas a' chlais-uisge, agus a bhuailas na Iebusaich, agus na bacaich, agus na doill, do am bheil fuath aig anam Dhaibhidh, *bithidh ean 'n a cheannard:* uime sin thubhairt iad, Cha tigh an dall agus am bacach a steach do'n tigh.

9 Agus ghabh Daibhidh còmhuidh anns an daingneach, agus dh'ainmich se e, Baile Dhaibhidh; agus thog Daibhidh *aitreabh* mu'n cuairt, o Mhìlo agus air an taobh a stigh.

10 Agus chaidh Daibhidh air 'aghaidh, a' fas mòr; agus *bha 'n Tighearn Dia* nan sluagh maille ris.

11 Agus chuir Hiram rìgh Thirnis teachd-aircan a dh'ionnsuidh Dhaibhidh, agus fiodh seudair, agus saoir, agus clachairean; agus thog iad tigh do Dhaibhidh.

12 Agus thuig Daibhidh gu'n do dhaingnich an Tighearn e 'n a rìgh air Israel, agus gu'n d'ardaich e a rìoghachd air son a shluaigh Israeil.

13 Agus ghabh Daibhidh *dha fèin* tuilleadh choimhleabach agus bhan á h-Iersalem, an déigh dha teachd á Hebron: agus rugadh fathast mic agus nigheanan do Dhaibhidh.

14 Agus *is iad* so an ainmean-san, a rugadh dha ann an Iersusalem; Samuah, agus Sobab, agus Natan, agus Solanìh,

15 Agus Ibhàr, agus Elisna, agus Nepheg, agus Iaphia,

16 Agus Elisama, agus Eliada, agus Eliphalet.

17 Ach an uair a chuala na Philistich gu'n d'ung iad Daibhidh 'n a rìgh air Israel, thàinig na Philistich uile nìos a dh'iarraidh Dhaibhidh; agus chuala Daibhidh *sin*, agus chaidh e sìos do'n daingneach.

18 Agus thàinig na Philistich, agus sgaoil siad iad fèin ann an gleann Rephaim.

19 Agus dh'fhiosraich Daibhidh dè'n Tighearn, ag ràdh, An téid mi suas a dh'ionnsuidh nam Philisteach? an toir thu thairis iad a m' làimh? Agus thubhairt an Tighearn ri Daibhidh, Gabh suas; oir gu cinnteach bheir mi thairis na Philistich a d' làimh.

20 Agus thàinig Daibhidh gu Beal-perasim, agus bhuail Daibhidh iad an sin, agus thubhairt e, Bhreis an Tighearn o' chéile mo naimhdean a m' fhanuis, mar bhriseadh niseachan. Uime sin thug e Beal-perasim mar ainm air an àite sin.

21 Agus dh'fhàg iad an sin an dealbhan, agus loisg Daibhidh agus a dhaoine iad.

22 Agus thàinig na Philistich a nìos a ris, agus sgaoil siad iad fèin ann an gleann Rephaim.

23 Agus an uair a dh'fhiosraich Daibhidh dè'n Tighearn, thubhairt e, Cha téid thu suas; ach gabh mu'n cnairt air an cùlaobh,

agus thig orra fa chomhair chraobh nan smeur.

24 Agus an uair a chluinneas tu fuaim sinbhall ann am mullach chraobh nan smeur, an sin ghluaisidh tu thu fèin; oir an sin théid an Tighearn amach romhad, a bhuailadh feachd nam Philisteach.

25 Agus rinn Daibhidh mar sin, mar a dh'èithn an Tighearn dha; agus bhuail e na Philistich o Gheba, gus an tig thu gu Gaser.

CAIB. VI.

1 *Thug Daibhidh an àire o Chiriat-icairim gu Sion. 6 Bhuail Dia Usah a chionn gu'n do ghabh e greim dhìth. 16 Rinn Michal tàir air Daibhidh.*

AGUS chruinnich Daibhidh fathast 'an ceann a chéile *fir* thaghta Israeil uile, deich mìle fichead.

2 Agus dh'èirich Daibhidh, agus chaidh e, agus an sluagh uile a *bha* maille ris, o Bhaal Indah, a thubhairt suas á sin àire Dhé, air an gairmear ainm Thighearna nan sluagh, a ghabhas còmhuidh *eadar* na Cheruban.

3 Agus chuir iad àire Dhé air feun ùr agus thug iad i á tigh Abinadaib, a *bha* ann an Gibeah: agus dh'iomain Usah agus Ahio, mic Abinadaib, am feun ùr maille ri àire Dhé.

4 Agus dh'imich Ahio roimh 'n àire.

5 Agus chluich Daibhidh agus tigh Israeil uile 'an fhanuis an Tighearna air gach *inneal-ciùil* de fhiodh giuthais, cadhon air clàrsaichibh, agus air saltairibh, agus air nabalaibh, agus air tiompanaibh, agus air ciombalaibh.

6 Agus an uair a thàinig iad gu urlar-bualaidh Nachoin, chuir Usah a mach a *lèmh* a dh'ionnsuidh àire Dhé, agus ghabh e greim dhìth; oir chuir na daimh air chrith i.

7 Agus las corruich an Tighearna an aghaidh Usah, agus bhuail Dia an sin e air son a dhànadais; agus fhuair e bàs an sin làimh ri àire Dhé.

8 Agus bha doilgheas air Daibhidh, do bhrìgh gu'n d'rinn an Tighearn briseadh air Usah; agus dh'ainmich e an t-àite sin Peresusah gu ruig an là 'n diugh.

9 Agus bha eagal air Daibhidh roimh 'n Tighearn air an là sin, agus thubhairt e, Cionnus a thig àire an Tighearna do m' ionnsuidh-sa?

10 Agus cha b'ail le Daibhidh àire an Tighearna a thionndadh d'a ionnsuidh fèin gu baile Dhaibhidh: ach thug Daibhidh a leth-taobh i gu tigh Obed-edom a' Ghitich.

11 Agus dh'fhan àire an Tighearna ann an tigh Obed-edom a' Ghitich trì mìosan: agus bheannaich an Tighearn Obed-edom, agus a thigh uile.

12 Agus dh'innsadh do rìgh Daibhidh, ag ràdh, Bheannaich an Tighearn tigh Obed-edom, agus gach nì a *bhuineas* da, air son àire' Dhé. Uime sin dh'fhalbh Daibhidh

agus thug e nìos àire Dhé á tigh Obed-
edoim gu baile Dhaibhidh, le gairdeachas.

13 Agus an uair a dh'imich iadsan a ghiùl-
ain àire an Tighearna sè ceuman, dh'ìobair
e tairbh agus *beathaichean* reamhra.

14 Agus dhanms Daibhidh le 'uile neart
'an fianuis an Tighearna, agus *bha* Daibh-
idh criostalchte le ephod lin-eudaich.

15 Agus thug Daibhidh agus uile thigh
Israel a nìos àire an Tighearna le iolach,
agus le fuaim trompaide.

16 Agus an uair a bha àire an Tighearna
a' teachd a steach gu baile Dhaibhidh, dh'-
amhaire Michal nighean Shaul troimh
uinneig, agus chumnaic i rìgh Daibhidh
a' leumnaich agus a' damnsadh 'am fianuis an
Tighearna, agus rinn i tàir air 'n a cridhe.

17 Agus thug iad a steach àire an Tigh-
earna, agus chuir iad suas i 'n a h-àit, ann
am meadhon a' phàilliun a shuidhich Daibh-
idh air a son: agus thug Daibhidh suas
ìobairtean-loisgte 'am fianuis an Tighearna,
agus ìobairtean-sith.

18 Agus an uair a chuir Daibhidh crìoch
air ìobairtean-loisgte a thoirt suas, agus
ìobairtean-sith, bheannaich e an sluagh ann
an ainm Tighearna nan sluagh.

19 Agus roinn e air an t-sluagh uile, *eadhon*
air uile chomhechruinneachadh Israel, eadar
fìeara agus mhnathan, do gach neach
breacag arain, agus mìr maith *gòla*, agus
copan *fìona*: agus dh'fhalbh an sluagh uile,
gach neach d'a thigh féin.

20 Agus phill Daibhidh a bheannachadh a
theaghlach: agus thàinig Michal nighean
Shaul a mach 'an coimeamh Dhaibhidh,
agus thubhairt i, Cia urramach a bha rìgh
Israel an diugh, a rùisg e féin an diugh ann
an sùilbh bhanoglach a sheirbhisich, mar a
rùisgeas aon de na daoineibh eutrom e féin!

21 Agus thubhairt Daibhidh ri Michal, *Is*
ann a bha e 'am fianuis an Tighearna, a
thagh mise roimh d'athair, agus roimh a
thigh uile, chum m'orduchadh a'm' cheann-
ard air sluagh an Tighearna, air Israel: uinne
sin chluich mise 'am fianuis an Tighearna.

22 Agus bithidh mi fathast nì's tàireile na
so, agus bithidh mi ìosal a'm' shùilbh féin;
agus aig na banoglaich mu'n do labhair thu,
aca-san gheibh mi urram.

23 Agus cha robh duine-cloinne aig Michal
nighean Shaul gu là a bàis.

CAIB. VII.

1 *Thoir misg Natan do Dhaibhidh iad a thogail*
do Dhia. 12 *Gheall Dia dha sochairean agus*
beannachadh 'n a shliochd. 18 *Urnuigh agus*
budheachas Dhaibhidh.

A GUS an uair a shuidh an rìgh 'n a thigh,
agus a thug an Tighearn fois dha o a
naimhdeibh uile mu'n cuairt,

2 Thubhairt an rìgh ri Natan am fàidh,
Fench a nis, tha mise a'm' chòmhnuidh ann
an tigh seudair, ach tha àire Dhé 'n a còm-
hnuidh an taobh a stigh de chàirteimibh.

3 Agus thubhairt Natan ris an rìgh, *Falbh*,
dean gach nì a tha ann ad chridhe; oir *tha'n*
Tighearn maille riut.

4 Agus air an oidheche sin féin thàinig
focal an Tighearna gu Natan, ag ràdh,

5 Falbh agus innis do m' òglach Daibhidh,
Mar so tha'n Tighearn ag ràdh, An tog
thusa tigh dhomhsa, a chum gu'n gabhainn
còmhnuidh ann?

6 Oir cha do ghabh mise còmhnuidh ann
an tigh o'n là anns an d'thug mi nìos clann
Israel as an Eiphit, eadhon gus an l'àn
diugh, ach bha mi ag imeachd ann am bùth
agus ann am pàilliun.

7 Anns gach *àit* d'an d'imich mi maille ri
cloinn Israel uile, an do labhair mi focal
ri h-aon air bith de bhreitheamhnaibh Is-
rael, d'an d'àithn mi mo shluagh Israel a
bheathachadh, ag ràdh, C'ar sou nach tog
sibh dhomhsa tigh seudair?

8 A nis uinne sin mar so their thu ri m'
sheirbhisich Daibhidh, Mar so tha Tigh-
earn nan sluagh ag ràdh, Thug mise thu o
chrò nan caorach, o bhi 'leantuinn nan caor-
ach, gu bhi 'd cheannard air mo shluagh,
air Israel:

9 Agus bha mi maille riut anns gach *àite*
d'an deachaidh tu, agus ghearr mi as do
naimhdean uile o d'fianuis, agus rinn mi
dhuit ainm mòr, mar ainm nan *daoine* mòra
a *tha* air an talamh.

10 (Agus orduichidh mi *àit* air son mo
shluagh Israel, agus suidhichidh mi iad,
agus gabhaidh iad còmhnuidh 'n an *àite*
féin, agus cha ghluaisear iad nì's mò: agus
cha sàraich clann na h-aingidheachd iad
tuilleadh mar air tùs,

11 Agus o'n àm anns an d'àithn mi breith-
camhlan 'bhi os ceann mo shluagh Israel:
agus bheir mi dhuit fois o d' naimhdeibh gu
léir.) Mar an ceudna tha'n Tighearn ag inns-
eadh dhuit, gu'n deanan Tighearn tigh dhuit.

12 Agus an uair a choinnhlionar do làith-
ean, agus a choidileas tu maille ri d'athir-
richibh, togaidh mi suas do shliochd a'd
dhéigh, a thig a mach á d'innibh; agus
daingnichidh mi a rìoghachd.

13 Togaidh esan tigh do m'ainm-sa, agus
daingnichidh mise rìgh-chaithir a rìogh-
achd gu bràth.

14 Bithidh mi a'm' athair aige-san, agus
bithidh esan 'n a mhae agamsa: ma nì e
aingidheachd, smachdaichidh mi e le slait
dhaoine, agus le buillibh chloinn nan daoine:

15 Ach cha-n imich mo thròcar air falbh
uaith, mar a thug mi air falbh i o Shaul, a
chuir mi air falbh o d'fianuis-sa.

16 Agus *bithidh* do thigh seasmhach, agus
do rìoghachd gu bràth a'm' fianuis-sa:
bithidh do rìgh-chaithir daingean gu bràth.

17 A réir nam briathran so uile, agus a réir
an taisbeinidh so uile, mar sin labhair
Natan ri Daibhidh.

18 An sin chaidh rìgh Daibhidh a stigh,

agus shuidh e 'am fianuis an Tighearna agus thubhairt e, Cò mise, O Thighearna Dhé? agus ciod e mo thigh, gu'n d'thug thu mi gu ruige so?

19 Agus bu bheag an ni so fathast a'd shùilbh-sa, a Thighearna Dhé; ach labhair thu mar an ceudna thaobh tìghe do sheirbhisich ré aimsir fhada ri teachd; agus an e so guàth duine, a Thighearna Dhé?

20 Agus ciod tuilleadh a dh'fheudas Daibhidh a ràdh riut? oir is aithue dhuit do sheirbhiseach, a Thighearna Dhé.

21 Air son d'fhocail, agus a réir do chridhe féin, rinn thu na uithean mòra souile, a thoirt air do sheirbhiseach eòlas a ghabhail orra.

22 Uime sin tha thu mòr, a Thighearna Dhé: oir cha-n'eil ueach ann cosmhuil riut, agus cha-n'eil Dia ann ach thusa, a réir gach ni a chuala sium le'r cluasaibh.

23 Agus cia an cinneach air thalamh cosmhuil ri d' shluagh-sa, cosmhuil ri h-Israel, a chaidh Dia a shaoradh mar shluagh dha féin, agus a dheanamh ainme dha féin, agus a dheanamh air au son nithean mòra, agus uamhasach, air son do thìre, 'am fianuis do shluaigh a shaor thu dhuit féin as an Eiphit, o na cinneachaibh agus o'n diathaibh?

24 Oir dhaingnich thu dhuit féin do shluagh Israel, *gu bhi* 'n an sluagh dhuit gu bràth; agus tha thusa, a Thighearna, a'd' Dhia aca.

25 Agus a nis, a Thighearna Dhé, am focal a labhair thu a thaobh do sheirbhiseich, agus a thaobh a thighe, dean seasamhach e gu bràth; agus dean mar a thubhairt thu.

26 Agus ardaichear d'ann gu bràth, ag ràdh, *Is e* Tighearna nan sluagh a's Dia os ceannu Israeil: agus bitheadh tigh do sheirbhisich Daibhidh daingean a'd' fhianuis:

27 Oir dh'fhoillsich thusa, a Thighearna nan sluagh, a Dhé Israeil: do d' sheirbhiseach, ag ràdh, Togaidh mi tigh dhuit; uime sin fhuaire do sheirbhiseach *n* a chridhe an urnuigh so a dheanamh riut.

28 Agus a nis, a Thighearna Dhé, *is* tu féin Dia, agus is iad do bhriathran an fhìrinn; agus gheall thu am maitheas so do d' sheirbhiseach:

29 A nis uime sin gu aoil toat tigh do sheirbhiseich a bheannachadh, a chum gu mair e gu bràth a'd' fhianuis: oir labhair thusa e, a Thighearna Dhé, agus le d' bheannachadh beannaichear tigh do sheirbhisich gu bràth.

CAIB. VIII.

1 Bhuail Daibhidh na Philistich, agus thug e na Moabaich fo chàis. 3 Bhuail e Hadadeser agus na Sirianaich. 9 Chuir Toi a mhac le tiodhlacaibh d'a ionnsuidh. 11 Choisrig e iad do'n Tighearna. 14 Shuidh e freiceadain ann an Edom.

AGUS an déigh so bhuail Daibhidh na Philistich, agus cheansaich e iad: agus ghlac Daibhidh Meteg-amah & làimh nam Philisteach.

2 Agus bhuail e na Moabaich, agus thomhais e iad le cord, 'g an tilgeadh sìos gu làr: eadhon le dà chord thomhais e a thabhairt bàis, agus le aon chord iomlan a ghlèidheadh beò. Agus bha na Moabaich 'n an seirbhisich aig Daibhidh, agus thug iad tiodhlacan leo.

3 Bhuail Daibhidh mar an ceudna Hadadeser mac Rehoib, rìgh Shobah, 'n uair a chaidh e a chosnadh a chrìche air a h-ais aig amhainn Euphrates.

4 Agus thug Daibhidh uaith mìle carbad, agus seachd ceud marcach, agus fichead mìle coisiche: agus ghearr Daibhidh speireachan each nan carbad uile, ach dh'fhag e dhiubh d'ol cheud carbad.

5 Agus an uair a thàinig Sirianaich Dhamascuis a chuideachadh le Hadadeser rìgh Shobah, bhuail Daibhidh de na Sirianaich dà mhìle thar fhichead fear.

6 An sin chuir Daibhidh freiceadain ann an Siria Dhamascuis: agus bha na Sirianaich 'n au seirbhisich aig Daibhidh, agus thug iad leo tiodhlacan: agus ghlèidh an Tighearna Daibhidh gach taobh a chaidh e.

7 Agus ghabh Daibhidh na sgiathan òir a bh'aig seirbhisich Hadadeser, agus thug e iad gu h-Ierusalem.

8 Agus o Bhetah, agus o Bherotai, bailtibh Hadadeser, thug rìgh Daibhidh ro mhòran umha.

9 An uair a chuala Toi rìgh Hamait gu'n do bhuail Daibhidh sluagh Hadadeser uile,

10 Au sin chuir Toi a mhac Ioram gu rìgh Daibhidh, a chur fàilte air, agus g'a bheannachadh, a chionn gu'n do chog e ri Hadadeser, agus gu'n do bhuail se e: (oir bha cogadh aig Hadadeser ri Toi:) agus 'n a làimh bha soithichean airgid, agus soithichean òir, agus soithichean umha.

11 Iad sin mar an ceudna choisrig rìgh Daibhidh do'n Tighearna, maille ris an airgiod agus ris an òr a choisrig e o na h-uile chinneachaibh a cheansaich e;

12 O Shiria, agus o Mhoab, agus o chloinn Amoin, agus o na Philistich, agus o Amalec, agus o chreich Hadadeser, mhic Rehoib, rìgh Shobah.

13 Agus fhuaire Daibhidh ainm dha féin, an uair a phill e o bhualladh nan Edomach ann an gleann an t-salainn, ochd mìle deug fear.

14 Agus chuir e freiceadain ann an Edom. air feadh Edoim uile chuir e freiceadain; agus bha na h-Edomach uile 'n an seirbhisich aig Daibhidh: agus ghlèidh an Tighearna Daibhidh gach taobh a chaidh e.

15 Agus rìghich Daibhidh air Israel uile; agus rinn Daibhidh breitheanas agus ceartas d'a shluagh uile.

16 Agus bha Ioab mac Sheruah os ceann na h-armailte; agus bha Iehosaphat mac Ahiluid 'n a sheanachaidh;

17 Agus *bha* Sadoc mac Ahituib, agus Alimelech mac Abitair 'n an sagartaibh; agus Seraiah 'n a sgrìobhaiche;

18 Agus *bha* Benaiah mac Iehoiada os cèann nan Cereteach agus nam Peleteach; agus *bha* mic Dhaibhidh 'n an àrd uachdaranaih.

CAIB. IX.

1 *Chuir Daibhidh fios air Mephiboset, agus nochd e caoimhneas da air son 'athar Ionatain.*

7 *Dh'aisig e dha am fearann a bhuineadh do Shaul. Dh'orduich e do Shiba a threabhadh air a shon.*

AGUS thubhairt Daibhidh, Am bheil fathast neach air bith a dh'fhàgadh de thigh Shaul, a chum gu nochd mi dha caoimhneas air sgàth Ionatain?

2 Agus *bha* aig tigh Shaul seirbhiseach, d'am b'ainm Siba: agus an uair a ghairm iad e chum Dhaibhidh, thubhairt an rìgh ris, An tusa Siba? Agus thubhairt esan, *Is e do sheirbhiseach a th'ann.*

3 Agus thubhairt an rìgh, Nach 'eil fathast neach air bith de thigh Shaul, a chum gu nochd mi dha caoimhneas Dhé? Agus thubhairt Siba ris an rìgh, *Tha fathast mac aig Ionatan, a tha bacach.*

4 Agus thubhairt an rìgh ris, C'ait am bheil e? Agus thubhairt Siba ris an rìgh, Feuch, *tha e ann an tigh Mhachir, mhic Amieil, ann an Lodebar.*

5 Agus chuir rìgh Daibhidh *fios air*, agus thug se e á tigh Mhachir, mhic Amieil, o Lodebar.

6 A nis an uair a thàinig Mephiboset, mac Ionatain, mhic Shaul, a dh'ionnsuidh Dhaibhidh, thuit e air 'aghaidh, agus rinn e ùmhlachd. Agus thubhairt Daibhidh, A Mephiboset! Agus fhrcagair esan, Feuch, do sheirbhiseach.

7 Agus thubhairt Daibhidh ris, Nabitheadh eagail ort; oir gu cinnteach nochdaidh mise dhuit caoimhneas air son d'athar Ionatain, agus aisigidh mi dhuit uile fhearann d'athar Shaul, agus ithidh tu aran aig mo bhòrd-sa an còmhuidh.

8 Agus chron se c féin, agus thubhairt e, Cò e do sheirbhiseach, gu'n amhairceadh tusa air cù marbh, cosmhuil riumsa?

9 An sin ghairm an rìgh air Siba òglach Shaul, agus thubhairt e ris, Gach ni a bhuineadh do Shaul, agus d'a thigh uile, thug mi do mhac do mhaighstir.

10 Agus treabhaidh tusa am fearann air a shon, thu féin, agus do mhic, agus do sheirbhiseach, agus bheir thu a stigh *an toradh*, a chum gu'n bi biadh aig mac do mhaighstir a dh'itheas e: ach ithidh Mephiboset mac do mhaighstir aran an còmhuidh aig mo bhòrd-sa. A nis *bha* aig Siba cùig mic dheug agus fichead seirbhiseach.

11 An sin thubhairt Siba ris an rìgh, A réir gach ni a dh' àithn mo thighearn an rìgh d'a sheirbhiseach, mar sin ni do

sheirbhiseach: a thaobh Mephiboset, ithidh esan aig a bhòrd-san, mar aon de mhic an rìgh.

12 Agus *bha* aig Mephiboset mac òg, d'am b'ainm Michal: agus *bha* iadsan uile a ghabh còmhuidh ann an tigh Shiba 'n an seirbhiseach do Mephiboset.

13 Agus còmhnuich Mephiboset ann an Ierusalem; oir dh'ith e an còmhuidh aig bòrd an rìgh: agus *bha e* bacach air a dhà chois.

CAIB. X.

1 *Bhuin Hanun gu h-òle ri teachdairibh Dhaibhidh. 6 Bhuail Ioab agus Abisai na h-Amonaich. 15 Cheannsaich Daibhidh na Sirianaich.*

AGUS 'n a dhéigh so fhuair rìgh chloinn Amoin bàs, agus rìghich a mhac Hanun 'n a àit.

2 An sin thubhairt Daibhidh, Nochdaidh mi caoimhneas do Hanun mac Nahais, mar a nochd 'athair-san caoimhneas dhomhsa. Agus chuir Daibhidh uaith a sheirbhiseach, a thoirt sòlais da air son 'athar. Agus thàinig seirbhiseach Dhaibhidh a steach do thir chloinn Amoin.

3 Agus thubhairt cèannardan chloinn Amoin ri Hanun an tighearn, An saoil thu gur h-ann a chum urram a thabhairt do d'athair, a chuir Daibhidh a d' ionnsuidh luchd-sòlais? nach ann a rannsachadh a' bhaile, agus a ghabhail beachd air, agus g'a sgrìos, a chuir Daibhidh a sheirbhiseach a d' ionnsuidh?

4 Uime sin ghlac Hanun seirbhiseach Dhaibhidh, agus bharr e *dhiubh* leth am feusaig, agus ghearr e an cudach 's a' mhacadhon, gu ruig am mäsan; agus chuir e air falbh iad.

5 Agus an uair a dh'innseadh sin do Dhaibhidh, chuir e *daoine* 'n an coinneamh, a chionn gu'n robh nàire mhòr air na daoineibh: agus thubhairt an rìgh, Fanaibh ann an Iericho gus am fàs b'ur feusag, agus *an sin* pillibh.

6 Agus an uair a chunnaic clann Amoin gu'n robh iad gràineil 'am fianais Dhaibhidh, chuir clann Amoin *teachdairean* uatha, agus thuarsdalaich iad Sirianaich Bheth-rehoib, agus Sirianaich Shoba, fichead mìle coisiche, agus o rìgh Mhaacah mìle fear, agus o Iosb dà mhìle dheug fear.

7 Agus an uair a chuala Daibhidh *sin*, chuir e mach Ioab, agus uile shluagh nan daoine treuna.

8 Agus thàinig clann Amoin a mach, agus chuir iad an cath 'an ordugh aig dol a stigh a' gheata: agus *bha* Sirianaich Shoba, agus Rechoib, agus Iosb, agus Mhaacah, leo féin anns a' mhachair.

9 Agus an uair a chunnaic Ioab gu'n robh aghaidh a' chatha ris air a bhulaobh agus air a chùlaobh, thagh e mach *cuid* de uile *dhaoinibh* taghta Israeil, agus chuir e ann

an ordugh catha iad an aghaidh nan Sirianach:

10 Agus a' chuid eile de'n t-sluagh thug e thairis do Rìmh a bhràthar Abisai, a chum gu'n cuireadh e 'an ordugh iad an aghaidh chloinn Amoin.

11 Agus thubhairt e, Ma bhitheas na Sirianaich nì's treise na mise, an sin nì thusa còmhnaidh riunsa; ach ma bhios clann Amoin nì's treise na thusa, an sin thlig mise a dheanamh còmhnaidh riutsa.

12 Bi misneachail, agus biomaidh gaisgil air son ar sluagh, agus air son bhaitcan ar Dé; agus deanadh an Tighearn an nì a tha maith 'n a shùilbh.

13 Agus thàinig Iob ab fagus, agus an sluagh a bha maille ris, gu cath an aghaidh nan Sirianach: agus theich iad roimhe.

14 Agus an uair a chunnaic clann Amoin gu'n do theich na Sirianaich, an sin theich iadsan mar an ceudna roimh Abisai, agus chaidh iad a steach do'n bhaile: agus phill Iob o chloinn Amoin, agus thàinig e gu h-Ierusalem.

15 Agus an uair a chunnaic na Sirianaich gu'n do bhuailleadh iad roimh Israel, chruinnich siad iad fèin 'an ceann a chèile.

16 Agus chuir Hadadeser fios uath, agus thug e mach na Sirianaich a bh'air an taobh thall de'n amhaime, agus thàinig iad gu Helam; agus chaidh Sobach ceannard armailte Hadareseir rompa.

17 Agus an uair a dh'innseadh sin do Dhaibhidh, chruinnich e Israel uile 'an ceann a chèile, agus chaidh e thar Iordan, agus thàinig e gu Helam: agus chuir na Sirianaich iad fèin 'an ordugh catha an aghaidh Dhaibhidh, agus chog iad ris.

18 Agus theich na Sirianaich roimh Israel; agus mharbh Daibhidh de na Sirianaich fìr sheachd ceud carbad, agus dà fhichead mìle marcach; agus bhuail e Sobach ceannard an armailte, a fhuair bàs an sin.

19 Agus an uair a chunnaic na rìghrean uile, a bha 'n an seirbhisich aig Hadadeser, gu'n do bhuailleadh iad roimh Israel, rinn iad sìth ri h-Israel, agus rinn iad seirbhis dhoibh. Agus bha eagal air na Sirianaich còmhnaidh a dheanamh tuilleadh ri cloinn Amoin.

CAIB. XI.

1 Luidh Daibhidh le Batseba mnac Ùriah an Hìtich, agus dh'fhàs i torrach. 14 Chuireadh Ùriah gu bàs. 26 Ghabh Daibhidh Batseba gu bhì 'n a mnaoi aige.

AGUS aig teachd mu'n cuairt na bliadhna, mu'n àm anns an téid rìghrean a mach gu cath, chuir Daibhidh uath Iob, agus a sheirbhisich maille ris, agus Israel uile, agus sgrios iad clann Amoin, agus theannaich iad Rabah; agus dh'fhan Daibhidh ann an Ierusalem.

2 Agus thachair e mu fheasgar, gu'n

d'éirich Daibhidh bhàrr a leapach, agus gu'n robh e a' spaisdearachd air mullach tighe an rìgh: agus o'n mhullach chunnaic e bean 'g a nigheadh fèin; agus bha a' bhean ro mhaiseach ri sealltuinn oirre.

3 Agus chuir Daibhidh fios, agus dh'fheòraich e mu thimehioll na mnà: agus thubhairt neach, Nach i so Batseba nighean Eliam, bean Ùriah an Hìtich?

4 Agus chuir Daibhidh uath teachdairean, agus ghabh e i; agus thàinig i stigh d'a ionnsuidh, agus luidh e leatha; (oir bha i air a glanadh o a neoghoime;) agus phill i d'a tigh fèin.

5 Agus dh'fhàs a' bhean torrach, agus chuir i fios uaipe, agus dh'innis i do Dhaibhidh, agus thubhairt i, Tha mi torrach.

6 Agus chuir Daibhidh fios uath gu Iob, ag ràdh, Cuir a m' ionnsuidh Ùriah an Hìtach. Agus chuir Iob Ùriah dh'ionnsuidh Dhaibhidh.

7 Agus an uair a thàinig Ùriah d'a ionnsuidh, dh'fheòraich Daibhidh d'heòr cionnus a bha Iob, agus cionnus a bha 'n sluagh, agus cionnus a chaidh an cogadh air aghaidh.

8 Agus thubhairt Daibhidh ri Ùriah, Imich sìos do d' thigh, agus nigh do chosan. Agus chaidh Ùriah a mach a tigh an rìgh, agus chuir eadhn 'n a dhéigh lòn o'n rìgh.

9 Ach luidh Ùriah aig doras tighe an rìgh, maille ri uile sheirbhisich a thighearn', agus cha deachaidh e sìos d'a thigh.

10 Agus an uair a dh'innis iad do Dhaibhidh, ag ràdh, Cha deachaidh Ùriah sìos d'a thigh, thubhairt Daibhidh ri Ùriah, Nach ann o d' thurus a thàinig thu? c'ar son ma ta nach deachaidh tu sìos do d' thigh?

11 Agus thubhairt Ùriah ri Daibhidh, Tha'n àire, agus Israel, agus Iudah a' fantuinn, 'am pàillunaibh; agus tha mo thigh-earn Iob, agus seirbhisich mo thighearn' air campachadh air aghaidh na macharach; an téid mise ma ta a stigh do m' thigh, a dh'itheadh, agus a dh'òl agus a luidhe le m' mhnai? mar is beò thusa, agus mar is beò d'anam, cha dean mi an nì so.

12 Agus thubhairt Daibhidh ri Ùriah, Fan an so mar an ceudna an diugh, agus an màireach leigidh mi leat imeachd. Agus dh'fhan Ùriah ann an Ierusalem an là sin, agus an là màireach.

13 Agus ghairm Daibhidh air, agus dh'ith agus dh'òl e 'n a fhianuis, agus chuir e air mhisg e; ach chaidh e mach mu fheasgar a luidhe 'n a leabaidh maille ri seirbhisich a thighearn', agus d'a thigh fèin cha deachaidh e sìos.

14 Agus anns a' mhaduinn sgrìobh Daibhidh litir a dh'ionnsuidh Iob, agus chuir e i le làimh Ùriah.

15 Agus sgrìobh e anns an litir, ag ràdh, Cuiribh Ùriah mu choinneamh a' chatha a's déine, agus pillibh fèin o 'chùlaobh, a chum gu'm buailcar e, agus gu'm faigh e bàs

16 Agus an uair a ghabh Iob beachd air a' bhaile, dh'orduich e Uriah dh'ionnsuidh àite anns an robh fios aige gu'n robh daoine gaisgeil.

17 Agus chaidh fir a' bhaile a mach, agus chog iad ri Iob; agus thuit *cuid* de'n t-sluagh, de sheirbhisich Dhaibhidh; agus fhuair Uriah an Hiteach bàs mar an ceudna.

18 An sin chuir Iob *fios* uaith, agus dh'innis e do Dhaibhidh gach ni a thachair 's a' chath:

19 Agus dh'àithn e do'n teachdair, ag ràdh, An uair a chuireas tu crìoch air gach ni a thachair 's a' chath innseadh do'n rìgh,

20 Agus ma thachairas gu'n éirich fearg an rìgh, agus gu'n abair e riut, C'ar son a ehaidh sibh teann air a' bhaile a chath-achadh? nach robh fios agaibh gu'n tilgeadh iad o'n bhalla?

21 Cò a bhuail Abimelech mac Ierubeseit? nach do thilg bean mìr de chloich-mhuilinn air o'n bhalla, air chor as gu'n d'fhuair e bàs ann an Tebes? c'ar son a chaidh sibh teann air a' bhalla? an sin their thusa, Tha do sheirbhiseach Uriah an Hiteach marbh mar an ceudna.

22 Agus dh'imich an teachdair, agus thàinig agus dh'innis e do Dhaibhidh gach ni mu'n do chuir Iob air falbh e.

23 Agus thubhairt an teachdair ri Daibhidh, Gu deimhin bluadhaich na daoine oirm, agus thàinig iad a mach d'ar n-ionnsuidh 's a' mhachair, agus chuir sinn an ruaig orra eadhon gu dol a stigh a' gheata.

24 Agus thilg na fir-bhogha air do sheirbhisich o'n bhalla, agus tha *cuid* de sheirbhisich an rìgh marbh, agus tha do sheirbhisich Uriah an Hiteach marbh mar an ceudna.

25 An sin thubhairt Daibhidh ris an teachdair, Mar so their thu ri Iob, Na bitheadh an ni so olc a'd' shùilibh; oir cuiridh an claidheamh as do aon duine co mhaith as do dhuin' eile: dean do chath ni's treise an aghaidh a' bhaile, agus sgrìos e; agus thoir misneach dha.

26 Agus an uair a chuala bean Uriah gu'n d'fhuair a fear Uriah bàs, rinn i caoidh air son a fir.

27 Agus an uair a bha 'n bròn thairis, chuir Daibhidh fios *oirre*, agus thug e i dh'ionnsuidh a thighe, agus bha i 'n a mnaoi aige, agus rug i mac dha: ach bha an ni a rinn Daibhidh olc ann an sùilibh an Tighearna.

CAIB. XII.

1 Thug Natan achnuasan do Dhaibhidh a chionn gu'n do mharbh e Uriah. 13 Dh'aicidh Daibhidh a pheacadh, agus fhuair e maith-eanas. 24 Rugadh Solamh. 26 Ghlac Daibhidh Rabah.

AGUS chuir an Tighearn Natan a dh'ionnsuidh Dhaibhidh; agus an uair

a thàinig e d'a ionnsuidh, thubhairt e ris, Bha dithis fhear ann an aon bhaile, fear dhiubh beartach, agus am fear eile bochd.

2 Aig an *duine* bheartach bha ro mhòran chaorach agus cruidh:

3 Ach aig an *duine* bhochd cha robh ni sam bith ach aon uan beag boirionn, a cheannaich e, agus a bheathaich e: agus dh'fhàs e suas maille ris féin, agus maille r'a chloim; dh'ith e d'a ghreim féin, agus dh'òl e as a chopan féin, agus luidh e 'n a uchd, agus bha e dha mar nighinn.

4 Agus thàinig fear-turuis a dh'ionnsuidh an duine bheartaich, agus chaomhain e gabhail d'a chaoraich féin, agus d'a chrodh féin, a dheasachadh air son an fhir-turuis a thàinig d'a ionnsuidh, ach ghabh e uan an duine bhochd, agus dheasach se e do'n fhear a thàinig d'a ionnsuidh.

5 Agus las fearg Dhaibhidh an aghaidh an duine gu mòr; agus thubhairt e ri Natan, Mar is beò an Tighearn, gu cinnteach cuir-ear gu bàs am fear a rinn an *ni* so:

6 Agus diolaidh e 'n t-uain ceithir uairean, do bhrìgh gu'n d'rinn e an ni so, agus a chionn nach do chaomhain e.

7 Agus thubhairt Natan ri Daibhidh, Is tusa an duine. Mar so tha 'n Tighearn Dia Israeil ag ràdh, Dh'ung mise thu a'd' rìgh os ceann Israeil, agus shaor mi thu á làmh Shaul:

8 Agus thug mi dhuit tigh do mhaighstir, agus mnathan do mhaighstir ann ad uchd, agus thug mi dhuit tigh Israeil agus Iudah; agus nam *bu* bheag *sìn*, bheirnn dhuit cuideachd an leithide so agus an leithide sud de nithibh.

9 C'ar son a rinn thu tàir air àithne an Tighearna, le olc a dheanamh 'n a fhianuis? Uriah an Hiteach bhuail thu leis a' chlaidheamh, agus a bhean ghabh thu 'n a mnaoi dhuit féin, agus esan mharbh thu le claidheamh chloim Amoin.

10 A nis uime sin cha dealaich an claidheamh ri d'thìgh gu bràth, do bhrìgh gu'n d'rinn thu tàir orm, agus gu'n do ghabh thu bean Uriah an Hiteach gu bhi 'n a mnaoi dhuit féin.

11 Mar so tha 'n Tighearn ag ràdh, Feuch, togaidh mise suas olc ann ad aghaidh as do thigh féin; agus gabhaidh mi do mnathan fa chomhair do shùl, agus bheir mi *iad* do d' choimhearsnach, agus luidhidh e lo d' mhnàibh ann an sealladh na gréine so:

12 Oir rinn thusa e gu dìomhair; ach ni mise an ni so 'am fianuis Israeil uile, agus 'am fianuis na gréine.

13 Agus thubhairt Daibhidh ri Natan, Pheacaich mi an aghaidh an Tighearn'. Agus thubhairt Natan ri Daibhidh, Mar an ceudna chuir an Tighearn air falbh do pheacadh; cha-n fhaigh thu bàs.

14 Gidheadh, a chionn leis a' ghnìomh so gu'n d'thug thu air naimhdeibh an Tighearna

mòr thàir a dheanamh air, gheibh mar an ceudna am mac a rugadh dhuit gu cinnteach bàs.

15 Agus dh'fhalbh Natan d'a thigh féin: agus bhual an Tighearn an leanabh a rug bean Uriah do Dhaibhidh, agus bha e ro thinn.

16 Uime sin ghuidh Daibhidh air Dia air son an leinibh; agus thraisg Daibhidh, agus chaidh e stigh, agus luidh e ré na h-oidheche air an talamh.

17 Agus thàinig seanairean a thighe d'a ionnsuidh, g'a thogail suas o'n talamh: ach cha b'àill leis, ni mò a dh'ith e aran maille riu.

18 Agus air an t-seachdamh là fhuair an leanabh bàs; agus bhaagal air seirbhisich Dhaibhidh innseadh dha gu'n robh an leanabh marbh: oir thubhairt iad, Feuch, an uair a bha an leanabh fathast beò, labhair sinn ris, agus cha-n éisdeadh e r'ar guth: cionnus ma ta, ma dh'innseas sinn dha gu bheil an leanabh marbh, a chràidheas se e féin?

19 Ach an uair a chunnaic Daibhidh gu'n robh a sheirbhisich ri cogarsaich, thuig Daibhidh gu'n robh an leanabh marbh: uime sin thubhairt Daibhidh r'a sheirbhisich, Am bheil an leanabh marbh? Agus thubhairt iadsan, Tha e marbh.

20 An sin dh'éirich Daibhidh o'n talamh, agus dh'ionnlaid agus dh'uing se e féin, agus mhùth e 'cudach, agus chaidh e teach do thigh an Tighearn, agus rinn e aoradh: an sin thàinig e d'a thigh féin, agus an uair a dh'iarr e, chuir iad aran fa chomhair, agus dh'ith e.

21 An sin thubhairt a sheirbhisich r'as, Ciod e an ni so a rinn thu? air son an leinibh, an uair a bha e beò, thraisg thu agus ghuil thu; ach an uair a dh'eug an leanabh, dh'éirich thu agus dh'ith thu aran.

22 Agus thubhairt esan, An uair a bha'n leanabh fathast beò, thraisg mi agus ghuil mi: oir thubhairt mi, Cò aig am bheil fios nach gabh Dia truas riun, agus nach mair an leanabh beò?

23 Ach a nis o fhuair e bàs, c'ar son a thraisginn? an urrainn mi a thubhairt air ais tuilleadh? théid mise d'a ionnsuidh-san, ach cha phill esan do m' ionnsuidh-sa.

24 Agus thug Daibhidh sòlas d'a mhnaoi Batseba, agus chaidh e teach d'a h-ionnuidh, agus luidh e leatha: agus rug i mac, agus thug e Solamh mar ainm air; agus ghràdhaich an Tighearn e.

25 Agus chuir e fios le làimh an fhàidh Natan, agus thug e Iedidiah mar ainm air, air son an Tighearna.

26 Agus chog Ioab an aghaidh Rabah chloinn Amoin, agus ghlac e am bailo rioghaile.

27 Agus chuir Ioab teachdairean a dh'ionnsuidh Dhaibhidh, agus thubhairt e,

Chog mi an aghaidh Rabah, agus ghlac mi baile nan uisgeachan.

28 A nis uime sin cruinnich a' chuid eile de'n t-sluagh, agus campaich an aghaidh a' bhaile, agus glac e, air eagal gu'n glac mise am baile, agus gu'n toirear m'ainm féin air.

29 Agus chruinnich Daibhidh an sluagh uile cuideachd, agus chaidh e gu Rabah, agus chog e 'n a aghaidh, agus ghlac se e.

30 Agus thug e crùn an rìgh bhàrr a chinn, (agus b'e a chudthrom tàlann òir, maille ris na clachaibh luachmhor,) agus chuireadh e air ceann Dhaibhidh: agus thug e mach creach a' bhaile ann am mòr phailteas.

31 Agus thug e mach an sluagh a bha ann, agus chuir e iad fo shàbhan, agus fo innealan-bualaidh iaruinn, agus fo thuaghan iaruinn, agus thug e orra dol troimh àth nan clacha-creadha; agus mar so rinn e ri uile bhailtibh chloinn Amoin. Agus phill Daibhidh agus an sluagh uile gu h-Ierusalem.

CAIB. XIII.

1 Dh'éignich Amnon Tamar piuthar Absaloim.
28 Mharbh Absalom Amnon, agus theich e do Ghesur.
39 Mhiannaich Daibhidh an déigh Absaloim.

AGUS thachair an déigh so, gu'n robh aig Absalom mac Dhaibhidh piuthar mhaiseach, d'am b'ainm Tamar; agus ghràdhaich Amnon mac Dhaibhidh i.

2 Agus bha Amnon ann an aire co mhòr, is gu'n d'fhàs e tinn air son a pheathar Tamair; oir b'òigh i, agus bha e cruaidh ann an suilbha Amnoin ni sam bith a dheanamh oirre.

3 Ach bha aig Amnon caraid, d'am b'ainm Ionadab, mac Shimeah, bràthar Dhaibhidh: agus bha Ionadab 'n a dhuine ro sheòlta.

4 Agus thubhairt e ris, C'ar son a tha thusa, agus gur mac do'n rìgh thu, tana mar so o là gu là? nach innis thu dhomhsa? Agus thubhairt Amnon ris, Tha gràdh agam air Tamar, piuthar mo bhràthar Absaloim.

5 Agus thubhairt Ionadab ris, Luidh sìos air do leabaidh, agus leig ort a bhi tinn; agus an uair a thig d'athair g'ad fhaicinn, their thu ris, Thigeadh, guidheam ort, mo phiuthar Tamar, agus thugadh i biadh dhomh, agus deasaicheadh i am biadh a'm' fhianuis, a chum gu'm faic mi e agus gu'n ith mi as a làimh e.

6 Agus luidh Amnon sìos, agus leig e air a bhi tinn; agus an uair a thàinig an rìgh g'a fhaicinn, thubhairt Amnon ris an rìgh, Thigeadh, guidheam ort, mo phiuthar Tamar, agus deanadh i dà bhreacaig a'm' fhianuis, a chum gu'n ith mi as a làimh.

7 An sin chuir Daibhidh fios dhachaidh a dh'ionnsuidh Tamair, ag ràdh, Inich a nis gu tigh do bhràthar Amnoin, agus deasaich dha biadh.

8 Agus chaidh Tamar do thigh a bràthar Amnoin, (agus *bha* esan 'n a luidhe,) agus ghabh i min mhìn, agus thaoisinn si 'i, agus rinn i breacagan 'n a fhianuis, agus bhruidh i na breacagan.

9 Agus ghabh i aghann, agus thaom i mach *iad* 'n a fhianuis, ach dhiùlt esan ithleadh. Agus thubhairt Amnon, Thugaibh a mach gach duine uam; agus thug iad a mach gach duine uaithe.

10 Agus thubhairt Amnon ri Tamar, Thoir am biadh a steach do'n t-seòmar, a chum gu'n ith mi as do làimh. Agus ghabh Tamar na breacagan a rinn i, agus thug i *iad* do'n t-seòmar a dh'ionnsuidh a bràthar Amnoin.

11 Agus an uair a thug i *iad* d'a ionnsuidh chum an itheadh, rug e oirre, agus thubhairt e rithe, Thig, luidh leam, a phiuthar.

12 Agus fhreagair e, Nì h-eadh, a bhràthair, na h-éignich mi; oir cha chòir a leithid so a bhì air a dheanamh am an Israel: na deansa an amaideachd so.

13 Agus mise, c'ait an cuir mi air falbh mo mhasladh? agus air do shonsa, bithidh tu mar aon de na h-amadanaibh aon an Israel: a nis uime sin labhair, guidheam ort, ris an rìgh; oir cha chum e uait mi.

14 Gidheadh, cha'n éisdeadh esan r'a guth; ach a chionn gu'm bu làidire e na ise, dh'éignich e i, agus luidh e leatha.

15 An sin dh'fhuathaich Amnon i le fuath ro mhòr, air chor as gu'm bu mhò am fuath leis an d'fhuathaich e i, na 'n gràdh leis an do ghràthaich e i: agus thubhairt Amnon rithe, Eirich, bi 'g imeachd.

16 Agus thubhairt ise ris, Na *bitheadh e mar sin, a bhràthair*; oir is mò an t-oleso 'n am chur air falbh, na'n t-ole eile a rinn thu orm: ach cha'n éisdeadh esan rithe.

17 An sin ghairm e air 'òglach a fhritheil dha, agus thubhairt e, Cuir a nis a' bhean so a mach uam, agus cuir an crann air an dorus 'n a déigh.

18 Agus *bha* trusgan iomadh-dathach oirre; oir le leithid so de dheise bha nigh-eanan an rìgh, a *bha* 'n an òighibh, air an sgeadachadh. An sin thug a sheirbhiseach a mach i, agus chrann e an dorus 'n a déigh.

19 Agus chuir Tamar luath air a ceann, agus reub i an trusgan iomadh-dathach a *bha* oirre, agus chuir i a làmh air a ceann, agus chaidh i air falbh a' glaothaich.

20 Agus thubhairt a bràthair Absalom rithe, An robh do bhràthair Amnon maille riut? ach a nis, a phiuthar, bi d' thosd; is e do bhràthair e; na cuireadh an ni so smuaircan ort. Agus dh'fhan Tamar gu h-aonaranach aon an tigh a bràthar Absalom.

21 Ach an uair a chuala rìgh Daibhidh na nithean so uile, bha fearg ro mhòr air.

22 Agus cha do labhair Absalom ri Amnon aon chuid ole no maith; oir dh'fhuathaich

Absalom Amnon, a chionn gu'n d'éignich e a phiuthar Tamar.

23 Agus thachair an déigh dà bhliadhna iomlan, gu'n robh aig Absalom luchd-lomairt chaorach ann am Baal-hasor, a *tha* làimh ri Ephraim: agus thug Absalom cuireadh do mhic an rìgh uile.

24 Agus thàinig Absalom a dh'ionnsuidh an rìgh, agus thubhairt e, Feuch a nis, tha luchd-lomairt chaorach aig do sheirbhiseach; thigeadh, guidheam ort, an rìgh agus a sheirbhiseach maille ri d' sheirbhiseach.

25 Agus thubhairt an rìgh ri Absalom, Nì h-eadh, a mhic, na rachamaid uile a nis, a chum nach bi sinn trom ort. Agus chuir e impidh air: gidheadh cha b'ail leis imeachd, ach bheannaich se e.

26 An sin thubhairt Absalom, Mur *tig thu féin*, thigeadh, guidheam ort, mo bhràthair Amnon maille ruinn. Agus thubhairt an rìgh, C'ar son a rachadh e maille riut?

27 Ach chuir Absalom impidh air; agus leig e le Amnon agus mic an rìgh uile dol maille ris.

28 A nis dh'àithn Absalom d'a òglach-aibh, ag ràdh, Thugaibh fainear a' nis an uair a bhios cridhe Amnoin subhach le fiòn, agus an uair a their mise ribh, Buailibh Amnon, an sin marbhaibh e. Na bitheadh eagail oirbh: nach d'àithn mise dhuibh? bithibh misneachail, agus bithibh treun.

29 Agus rinn òglach Absalom ri h-Amnon mar a dh'àithn Absalom: an sin dh'éirich mic an rìgh uile, agus chaidh gach fear dhiubh air a mhuileid, agus theich iad.

30 Agus an uair a bha iad air an t-slighe, thàinig sgeul a dh'ionnsuidh Dhaibhidh, ag ràdh, Bhuail Absalom mic an rìgh uile, agus cha d'fhàgadh aon diubh beò.

31 An sin dh'éirich an rìgh, agus reub e 'eudach, agus luidh e air an talamh; agus sheas a sheirbhiseach uile làimh ris le 'n eudach reubta.

32 Agus fhreagair Ionadab mac Shimeah, bràthar Dhaibhidh, agus thubhairt e, Na smuainicheadh mo thighearn gu'n do mharbh iad na h-òganaich uile, mic an rìgh; oir tha Amnon a mhàin marbh: oir le Absalom shuidhicheadh an ni so, o'n là anns an d'éignich e a phiuthar Tamar.

33 Agus a nis na gabhadh mo thighearn an rìgh an ni thuinge d'a chridhe, a' smuainicheadh gu bheil mic an rìgh uile marbh; oir tha Amnon a mhàin marbh.

34 Ach theich Absalom: agus thog an t-ògauch a bha 'gleidheadh na faire a shùilean, agus dh'amhaire e, agus, feuch, bha mòran sluagh a' teachd air an t-slighe air a chùlaobh o thaobh an t-sléibh.

35 Agus thubhairt Ionadab ris an rìgh, Feuch, tha mic an rìgh a' teachd: a réir focail do sheirbhiseach, mar sin tha e.

36 Agus co luath as a sguir e de labhairt,

feuch, thàinig mic an rìgh, agus thog iad suas an guth agus ghluil iad: agus ghluil mar an ceudna an rìgh, agus a sheirbhisich uile, le gul ro mhòr.

37 Ach theich Absalom, agus chaidh e dh'ionnsuidh Thalmái, mhic Amihuid, rìgh Ghesuir: agus chuala Daibhidh sin, agus rinn e caoidh air son a mhic gach aon là.

38 Mar sin theich Absalom, agus chaidh e do Ghesur, agus bha e 'n sin trì bliadhna.

39 Agus mhiannaich anam rìgh Daibhidh dol a mach a dh'ionnsuidh Absalom: oir fhuair e comhlhurchadh a thaobh bàis Annoin.

CAIB. XIV.

1 Chuir Iob fìos air mnaoi ghlic o Thecoah, agus chuir e focail 'n a beul a bhrosnachadh Dhaibhidh gu Absalom a thoirt dhachaidh.
23 Thug Iob Absalom gu Ierusalem.

AGUS thuig Iob, mac Sheruiah, gu'n robh cridhe an rìgh air Absalom.

2 Agus chuir Iob fìos gu Tecoa, agus thug e as a sin bean ghlic, agus thubhairt e rithe, Leig ort a bhi ri bròn, guidheam ort, agus cuir ort a nis eudach bròn, agus na h-ung thu fèin le h-oladh, ach bi mar mhaoi a tha nis fada ri bròn air son mairbh:

3 Agus thèid thu a dh'ionnsuidh an rìgh, agus labhairidh tu ris air an dòigh so. Agus chuir Iob na focail 'n a beul.

4 Agus thàinig a' bhean o Thecoah a dh'ionnsuidh an rìgh, agus thuit i air a h-aghaidh gu làr, agus rinn i ùmhlaichd, agus thubhairt i, Cabhair orm, a rìgh.

5 Agus thubhairt an rìgh rithe, Ciod a tha 'teachd riut? Agus fhreagair ise, Gu deimhin is bantrach mi; oir fhuair m'fhear bàs.

6 Agus bha aig do bhanoglaich dithis mhac, agus chuir iad a mach air a chèile 's an achadh, agus cha robh neach ann a chuireadh eatorra: agus bhuail fear dhiubh am fear eile, agus mharbh se e.

7 Agus, feuch, dh'éirich an teaghlach uile an aghaidh do bhanoglaich, agus thubhairt iad, Thoir seachad esan a bhuail a bhràthair, a chum gu marbh sinn e air son anama a bhràthar a mharbh e, agus gu'm marbh sinn an t-oighre mar an ceudna: agus mar sin mùchaidh iad m'èibhlac a dh'fhàgadh, air chor as nach fàg iad aig m'fhear aon chuid ainm, no iarmad air aghaidh na talmhainn.

8 Agus thubhairt an rìgh ris a' mhaoi, Imich a dh'ionnsuidh do thighe, agus bheir mise àithne mu d' thimchioll.

9 Agus thubhairt a' bhean o Thecoah ris an rìgh, Ormsa, a thighearn', a rìgh, bith-eadh am peacadh, agus air tigh m'athar; agus bith-eadh an rìgh agus a rìgh-chaitir neo-chiontach.

10 Agus thubhairt an rìgh, Ge b'e neach a their ni sam bith riut, thoir a m' ionnsuidhs' e, agus cha bhean e riut ni's mò.

11 An sin thubhairt ise, Cuimhnichidh,

guidheam ort, an rìgh an Tighearn do Dhia, a chum nach bi dioghaltairean na fola lion-mhor gu sgrios, agus nach marbh iad mo mhac. Agus thubhairt esan, Mar is beò an Tighearn, cha tuit aon ròinneag a dh' fholt do mhic gu làr.

12 An sin thubhairt a' bhean, Labhradh, guidheam ort, do bhanoglach aon fhocal ri m' thighearn an rìgh. Agus thubhairt esan, Abair romhad.

13 Agus thubhairt a' bhean, C'ar son ma ta a smuainich thu a leithid so *de ni* an aghaidh sluaigh Dhe? oir tha'n rìgh a' labhairt an ni so mar neach a tha ciontach, a chionn nach 'eil an rìgh a' toirt 'fhògaraidh air ais.

14 Oir bàsaichidh sinn gu deimhin, agus tha sinn mar uisge a dhòirteadh air an talamh, agus nach cruinnichear a rìs: gidh-eadh cha-n àill le Dia beatha a thoirt air falbh, ach smuainichidh e air meadhonaibh a chum nach fògair e 'fhògarach gu tur uaith.

15 Agus a nis gu bheil mi air teachd a labhairt ri m' thighearn an rìgh mu'n ni so, is ann a chionn gu'n do chuir an sluaigh eagal orm: agus thubhairt do bhanoglach, Labhairidh mi nis ris an rìgh; theagamh gu'n dean an rìgh iartus a bhanoglaich.

16 Oir éisdidh an rìgh, a shaoradh a bhanoglaich á làimh an duine, *leis am b' àill* mi fèin agus mo mhac a sgrios le 'chéile a mach á oighreachd Dhé.

17 An sin thubhairt do bhanoglach, Bithidh focal mo thighearn' an rìgh a nis sòlasach: oir mar aingeal Dhé, mar sin tha mo thighearn an rìgh, a thuigsinn maith agus uile: agus bithidh an Tighearn do Dhia maille riut.

18 Agus fhreagair an rìgh, agus thubhairt e ris a' mhaoi, Na ceil orm, guidheam ort, an ni a dh'fheoraicheas mi dhìot. Agus thubhairt a' bhean, Labhradh a nis mo thighearn an rìgh.

19 Agus thubhairt an rìgh, Nach 'eil làmh Ioaib maille riut anns an ni so uile? Agus fhreagair a' bhean agus thubhairt i, Mar is beò d'anam, a thighearn', a rìgh, cha-n'eil claoanadh sam bith a dh'ionnsuidh na làimhe deise, no dh'ionnsuidh na làimhe clìthe, ann an ni air bith a labhair mo thighearn an rìgh; oir do sheirbhiseach Iob, is esan a dh'iarr ormsa, agus is esan a chuir ann am beul do bhanoglaich na briathran so uile:

20 A thoirt mu'n cuairt a leithid so do chainnt, rinn do sheirbhiseach Iob an ni so: agus tha mo thighearn glic, a réir gliocais aingil Dhé, a thuigsinn gach ni a tha air an talamh.

21 Agus thubhairt an rìgh ri Iob, Feuch, a nis, rinn mi an ni so: imich ma ta, thoir air ais an t-dèanach Absalom.

22 Agus thuit Iob air 'aghaidh gu làr, agus chroim se e fèin, agus bheannaich e

do'n rìgh: agus thubhairt Iobab, An diugh tha fios aig do sheirbhiseach gu'n d'fhuair mi deadh-ghean a'd shùilibh, mo thighearn', a rìgh; oir rinn an rìgh iartus a sheirbhisich.

23 Agus dh'èirich Iobab agus chaidh e gu Gesur, agus thug e Absalom gu h-Ierusalem.

24 Agus thubhairt an rìgh, Pilleadh e dh'ionnsuidh a thighe fèin, agus na faicadh e mo ghnùis-sa. Agus phill Absalom a dh'ionnsuidh a thighe fèin, agus cha'n fhac e gnùis an rìgh.

25 Ach ann an Israel uile cha robh duine co mhaiseach ri Absalom: *bha e ri'mholadh gu mòr*; o bhonn a choisge gu ruig mullach a chinn cha robh smal air bith air.

26 Agus an uair a bhearr e *falt* a chinn, (oir b'ann aig ceann gach bliadhna a bhearr se e; a chiomn gu'n robh e trom air, uime sin bhearr se e,) chothromaich e falt a chiomn aig dà cheud secel, a réir tomhais an rìgh.

27 Agus rugadh do Absalom trì mic, agus aon nighean, d'am b'ainm Tamar: bha i'n a mnaoi sgiamhaich 'n a gnùis.

28 Agus ghabh Absalom còmhnuidh ann an Ierusalem dà bhliadhna iomlan, agus cha'n fhac e gnùis an rìgh.

29 Uime sin chuir Absalom *fios* air Iobab, a chum a chur a dh'ionnsuidh an rìgh; ach cha b'àill leis teachd d'a ionnsuidh: agus an uair a chuir e *fios* a ris an dara uair, cha b'àill leis teachd.

30 Uime sin thubhairt e r'a sheirbhisich, Faicibh achadh Iobab làmh ri *m'achadh-sa*, agus eorna aig an sin; rachaibh, agus cuiribh ri theine e. Agus chuir seirbhisich Absaloinn an t-achadh ri theine?

31 An sin dh'èirich Iobab, agus thàinig e dh'ionnsuidh Absaloinn d'a thigh, agus thubhairt e ris, C'ar son a chuir do sheirbhisich machadh ri theine?

32 Agus fhreagair Absalom Iobab, Feuch, chuir mi *fios* do dh'ionnsuidh, ag ràdh, Thig an so, agus cuiridh mi thu dh'ionnsuidh an rìgh, a ràdh, C'ar son a thàinig mi o Ghesur? *bu mhaith dhomhsa gu'm bithinn fathast an sin*: a nis ma ta faiceam gnùis an rìgh; agus ma tha eu-ceart *sam bith* annam, thugadh e fainear mo mharbhadh.

33 Uime sin thàinig Iobab a dh'ionnsuidh an rìgh, agus dh'innis e *sin* da: agus ghairm e air Absalom, agus thàinig e dh'ionnsuidh an rìgh, agus chrom se e fèin air 'aghaidh gu làr 'am fianuis an rìgh; agus phòg an rìgh Absalom.

CAIB. XV.

1 Ghoid Absalom cridheachan chloinn Israeil, agus rinn e ceannairc lùidir an aghaidh Dhaibhidh. 13 Theich Daibhidh o Ierusalem.

34 Chuireadh Sadoc agus Abiatar air an àis leis an àire.

AGUS an dèigh so dh'ulluich Absalom dha fèin carbadan, agus eich, agus leth-cheud fear gu ruith roimhe.

2 Agus dh'èirich Absalom gu moch, agus sheas e làmh ri slighe a' gheata: agus an uair a thigeadh neach air bith aig an robh cùis-lagha dh'ionnsuidh an rìgh chum breitheanais, an sin ghairmeadh Absalom air, agus theireadh e, Cìod am baile as *am bheil* thu? Agus theireadh esan, O aon de threubhan Israeil *tha* do sheirbhiseach.

3 Agus theireadh Absalom ris, Feuch, *tha* d'fhocail maith agus ceart; ach cha-n'eil neach air bith ann *air orduchadh* leis an rìgh gu èisdeachd riut.

4 Theireadh Absalom cuideachd, Oh nach robh mise air mo shuidheachadh a'm' bhreitheamh anns an tìr, a chum do m' ionnsuidh-sa gu'n tigeadh gach duine aig am bheil comhstri no cùis-lagha, agus dheanainn ceartas dha!

5 Agus an uair a thigeadh duine sam bith ann fagus *da* a dheanamh ùmhachd dha, chuireadh e mach a làmh, agus bheireadh e air, agus phògadh se e.

6 Agus air an dòigh so rinn Absalom ri Israel uile a thàinig a chum breitheanais a dh'ionnsuidh an rìgh: agus ghoid Absalom cridheachan dhaoine Israeil.

7 Agus 'an ceann cheithir bliadhna thubhairt Absalom ris an rìgh, Leig dhomh imeachd, guidheam ort, agus mo bhòid a dhioladh a bhòidich mi do'n Tighearn ann an Hebron.

8 Oir bhòidich do sheirbhiseach bòid an uair a bha mi a'm' chòmhnuidh 'an Gesur ann an Siria, ag ràdh, Ma bheir an Tighearn mi gu dearb a ris gu h-Ierusalem, an sin ni mi seirbhis do'n Tighearn.

9 Agus thubhairt an rìgh ris, Imich ann an sìth. Agus dh'èirich e, agus chaidh e gu Hebron.

10 Ach chuir Absalom luchd-bratha air feadh uile threubhan Israeil, ag ràdh, Co luath as a chluinneas sibh fuaim na trompaide, an sin their sibh, Tha Absalom 'n a rìgh ann an Hebron.

11 Agus maille ri Absalom chaidh dà cheud fear a mach á h-Ierusalem, a ghairmeadh, agus dh'imich iad ann an treibhdhìreas an *cridhe*, agus cha robh fios ni sam bith aca.

12 Agus chuir Absalom *fios* air Ahitophel an Gilonach, comhairliche Daibhidh, o a bhaile, *eadhon* o Ghiloh, an uair a bha e ag iobradh iobairtean: agus bha a' cheannairc làidir; oir bha 'n sluagh a' sir-dhol 'an Ìon-mhoireachd maille ri Absalom.

13 Agus thàinig teachdair a dh'ionnsuidh Dhaibhidh, ag ràdh, Tha cridheachan fhear Israeil an dèigh Absaloinn.

14 Agus thubhairt Daibhidh r'a sheirbhisich uile a *bha* maille ris ann an Ierusalem, Eiribh, agus teicheamaid; oir *mur dean sinn sin*, cha bhì dol as againn o aghaidh Absaloinn; luathaichibh agus imichibh, air eagal gu'n dean e cabhag, agus gu'm

beir e oirnn, agus gu'n tarruing e olc oirnn, agus gu'm buail e 'm baile le faobhar a' chlaidheimh.

15 Agus thubhairt seirbhisich an rìgh ris an rìgh, A rèir gach ni a's àill le m' thigh-earn an rìgh, feuch, *ni* do sheirbhisich.

16 Agus chaidh an rìgh a mach, agus a theaghlach uile 'n a dhéigh: a mhàin dh'fhàg an rìgh deichnear bhan a *bha* 'n an coimhleabaich *aige*, a ghleidheadh an tighe.

17 Agus chaidh an rìgh a mach, agus an sluagh uile 'n a dhéigh, agus dh'fhan iad ann an àit a bha fad as.

18 Agus chaidh a sheirbhisich uile thairis làimh ris; agus chaidh na Ceretich uile, agus na Peletich uile, agus na Gitich uile, sè ceud fear a thàinig 'n a dhéigh o Ghat, thairis roimh an rìgh.

19 Agus thubhairt an rìgh ri Itai an Giteach, C'ar son a tha thusa mar an ceudna 'dol maille ruinne? pill gu d'ait, agus fan maille ris an rìgh; oir *is* coigreach thu, agus mar an ceudna fògarach o d'aité féin.

20 An dé a mhàin thàinig thu, agus an diugh an toir mise ort dol air faontraidh maille ruinne? oir théid mise an taobh a *tha* mi gu dol: pill thusa, agus thoir air an ais do bhràithrean leat; agus *gu nochdadh an Tighearn dhuit* tròcair agus firinn.

21 Agus fhuair Itai an rìgh, agus thubhairt e, *Mar* is beò an Tighearn, agus *mar* is beò mo thighearn an rìgh, gu cinn-teach ge b'e àit anns am bi mo thighearn an rìgh, ma's ann a chum bàis no 'chum beatha, eadhon an sin bithidh do sheirbhisich.

22 An sin thubhairt Daibhidh ri Itai, Imich, agus gabh thairis. Agus chaidh Itai an Giteach thairis, agus a dhaoine uile, agus a' chlamh bheag uile a *bha* maille ris.

23 Agus ghuil an tìr uile le guth àrd, agus chaidh an sluagh uile thairis; chaidh an rìgh cuideachd thairis air sruth Chid-roin, agus chaidh an sluagh uile thairis a làimh na slighe do'n fhàsach.

24 Agus, feuch, *bha* Sadoc mar an ceudna, agus na Lebhitich uile maille ris, a' giùlan àire coimhcheangail Dhé, agus shuidhich iad àire Dhé; agus chaidh Abiatar suas, agus an do sguir an sluagh uile de dhol a mach as a' bhaile.

25 Agus thubhairt an rìgh ri Sadoc, Thoir air a h-ais àire Dhé do'n bhaile: ma gheibh mi deadh-ghean ann an sùilbhan an Tighearna, bheir e air m'ais mi, agus nochdaidh e dhomh e féin, agus 'aite-còmhnuidh.

26 Ach ma their e mar so, Cha-n 'eil tlachd agam annad; feuch, *tha* mise an so, deanadh e rium mar is maith leis.

27 Thubhairt an rìgh mar an ceudna ri Sadoc an sagart, Nach fear-seallaidh thusa? pill do'n bhaile ann an sìth, agus Ahimaas do mhac féin, agus Ionatan mac Abiatar, bhur dithis mhac maille ribh.

28 Faicibh, fanaidh mise ann an còmh-nardaibh an fhàsaich, agus an tig focal uaidhse a thoirt fios domh.

29 Uime sin thug Sadoc agus Abiatar àire Dhé a rìs gu h-Ierusalem; agus dh'fhan iad an sin.

30 Agus chaidh Daibhidh suas ri uchdaich *sléibh* nan oladh, a' dol suas agus a' gul, agus a cheann còmhdaichte, agus e 'g imeachd cosruisgte: agus còmhdaich an sluagh uile a *bha* maille ris, gach fear *dhiubh* a cheann, agus chaidh iad suas, ag imeachd agus a' gul.

31 Agus dh'innis *neach* do Dhaibhidh, ag ràdh, *Tha* Ahitophel an measg an luchd-ceannairc maille ri Absalom. Agus thubhairt Daibhidh, Tionndaidh, a Thighearna, guidheam ort, comhairle Ahitophel gu h-amaideachd.

32 Agus an uair a thàinig Daibhidh gu mullach an *t-sléibh*, far an d'rim e aoradh do Dhia, feuch, thàinig Husai an t-Arach 'n a choinneamh, le 'chòta reubta, agus ùir air a cheann.

33 Agus thubhairt Daibhidh ris, Ma théid thu thairis maille riumsa, an sin bithidh tu a' d' eallaich orm.

35 Ach ma philleas tu do'n bhaile, agus ma their thu ri Absalom, Bithidh mise a'm' sheirbhisich dhuit, a rìgh; *bu* sheirbhisich do d'athair mi gu ruige so, agus a nis *bithidh* mi mar an ceudna a'm' sheirbhisich dhuitse; an sin bheir thu air mo shonsa comhairle Ahitophel gu neo-ni.

35 Agus nach 'eil maille riut an sin Sadoc agus Abiatar na sagartan? agus gach focal a chluinneas tu á tigh an rìgh, innsidh tu e do Shadoc agus do Abiatar na sagartan.

36 Feuch, *thàin* sin maille riut an dithis mhac, Ahimaas mac Shadoic, agus Ionatan mac Abiatar: agus le'n làimh-san cuiridh sibh do m' ionnsuidh-sa gach focal a chluinneas sibh.

37 Uime sin thàinig Husai caraid Dhaibhidh do'n bhaile, agus thàinig Absalom gu h-Ierusalem.

CAIB. XVI.

1 *Le casaid bhréige fhuair Siba oighreachd a mhaighstir.* 5 *Mhallaich Simeì Daibhidh.* 20 *Comhairle Ahitophel.*

A GUS an uair a chaidh Daibhidh beagan thar mullach an *t-sléibh*, feuch, *thàinig* Siba òglach Mhephiboset 'n a choinneamh le dà asail air an diollaideachadh, agus dà cheud builìonn arain orra, agus ceud bagaid de fhìon-dhearcaibh tiormaichte, agus ceud de mhacas samhraidh, agus searrag fhìona.

2 Agus thubhairt an rìgh ri Siba, Ciod a's *ciall* duit leo sin? Agus thubhairt Siba, *Tha* na h-asail air son teaghlaich an rìgh chum marachaid; agus an t-aran agus an meas samhraidh air son nan òganach chum

an ithcadh; agus am fion, a chum gu'n òl esan a bhitheas sgith anns an fhàsach.

3 Agus thubhairt an rìgh, Agus c'ait am bheil mac do mhaighstir? Agus thubhairt Siba ris an rìgh, Feuch, tha e fantuinn ann an Ierusalem: oir thubhairt e, An diugh aisgidh tigh Israeil dhomhsa rìoghachd m'athar.

4 An sin thubhairt an rìgh ri Siba, Feuch, is leatsa gach *ni* a *bha* aig Mephiboset. Agus thubhairt Siba, Tha mi le mòr-ùmhachd a' guidhe ort *gu'm* faigh mi deadh-gheam a'd' shùilb, a thighearn', a rìgh.

5 Agus an uair a thàinig rìgh Daibhidh gu Bahurim, feuch, á sin thàinig a mach duine de theaghlach tìghe Shaul, d'am b'ainm Simeì, mac Ghera: thàinig e mach, a' teachd air aghaidh agus a' mallachadh.

6 Agus thig e clachan air Daibhidh, agus air seirbhisich rìgh Daibhidh uile; agus *bha* 'n sluagh uile, agus na daoine treuma uile, air a làmh dheis agus air a làmh chlì.

7 Agus mar so thubhairt Simeì an uair a mhallach se e, Thig a mach, thig a mach, thusa a' dhuine fhuileachdaich, agus a' dhuine le Belial:

8 Dh'òl an Tighearn orts a uile fhuil tìghe Shaul, an àit an do rìghich thu; agus thug an Tighearn an rìoghachd do làmh do mhic Absalom: agus, feuch, *ghluacdh* thu ann ad ole féin, a chionn gur duine fuileachdach thu.

9 An sin thubhairt Abisai mac Sheruah ris an rìgh, C'ar son a mhallachd an cù marb so mo thighearn an rìgh? leig dhomh dol a null, guidheam ort, agus a cheann a thoirt d'heith.

10 Agus thubhairt an rìgh, Ciod e mo ghnòthuch-sa ribhse, a mhaca Sheruah? leigibh leis mallachadh, a chionn gu'n d'thubhairt an Tighearn ris, Mallaich Daibhidh: agus cò a their, C'ar son a rinn thu mar so?

11 Agus thubhairt Daibhidh ri Abisai, agus r'a sheirbhisich uile, Feuch, mo mhac, a thàinig a mach a m'innibh, ag iarraidh m'anama; agus cia mòr is mò a nis a *dh'fheudas* am Beniamineach so? Leigibh leis, agus mallaicheadh e, oir dh'iarr an Tighearn air.

12 Theagamh gu'n amhaire an Tighearn air m'ambghar, agus gu'n diòl an Tighearn dhomh maith air son a mhallachaidh air an là 'n diugh.

13 Agus an uair a dh'imich Daibhidh agus a dhaoine air an t-slighe, dh'imich Simeì air sìos an t-sléibh làmh ris, a' dol air aghaidh agus a' mallachadh, agus thig e clachan agus ùir air.

14 Agus thàinig an rìgh agus an sluagh uile a *bha* maille ris, sgith; agus leig iad an anail an sin.

15 Agus thàinig Absalom agus uile shluagh

fhear Israeil, gu h-Ierusalem, agus Ahitophel maille ris.

16 Agus an uair a thàinig Husai an t-Arcach, caraid Dhaibhidh, a dh'ionsuidh Absalom, thubhairt Husai ri Absalom, Gu ma fada beò an rìgh, gu ma fada beò an rìgh.

17 Agus thubhairt Absalom ri Husai, An e so do chaoimhneas ri d' charaid? c'ar son nach deachaidh tu maille ri d' charaid?

18 Agus thubhairt Husai ri Absalom, Ni h-eadh; ach ge b'e neach a thaghas an Tighearn, agus an sluagh so, agus fir Israeil uile, leis-san bithidh nise, agus maille ris fanaidh mi.

19 Agus 's an dara àite, co dha a dheanainn seirbhis? nach ann an làthair a mhic? mar a rinn mi seirbhis ann an làthair d'athar, mar sin bithidh mi a'd' làthair-sa.

20 An sin thubhairt Absalom ri Ahitophel, Thugaibh comhairle 'n 'ur measg ciod a ni sinn.

21 Agus thubhairt Ahitophel ri Absalom, Gabh a stigh a dh'ionsuidh choimhleabach d'athar, a dh'fhàg e a gheidheadh an tìghe; agus cluinidh Israel uile gu bheil thu air fas gràineil do d'athair, agus neartaichear làmh an gach neach a *tha* maille riut.

22 Agus sgaol iad bùth do Absalom air mullach an tìghe; agus chaidh Absalom a steach a dh'ionsuidh choimhleabach a'athar ann an sealladh Israeil uile.

23 Agus *bha* comhairle Ahitophel a thug e seachad anns na làithibh sin, mar gu'm fiosraicheadh duine de fhocal Dhé: mar sin *bha* uile chomhairle Ahitophel, araon aig Daibhidh agus aig Absalom.

CAIB. XVII.

1 *Dh'iarr Ahitophel dol air tòir Dhaibhidh.* 15 *Chuir Husai fios a dh'ionsuidh Dhaibhidh os iosal air gach ni a chomhairle Ahitophel.* 23 *Chroch Ahitophel e féin.* 25 *Rinn Absalom Amasa 'n a cheannard air an t-sluagh.*

AGUS thubhairt Ahitophel ri Absalom, Leig dhomh a nis dà mhìle dheug fear a thaghadh a mach, agus éiridh mi, agus théid mi air tòir Dhaibhidh an nochd: 2 Agus thig mi air an uair a tha e sgith agus lag-lamhach, agus cuiridh mi eagal air: agus teichidh an sluagh uile a *tha* maille ris, agus buailidh mi an rìgh a mhàin.

3 Agus bheir mi air an ais an sluagh uile a dh'ionsuidh-sa: *tha* 'n duine a *tha* thu ag iarraidh mar gu'm pilleadh an t-ionlan: agus bithidh an sluagh uile ann an sìth.

4 Agus thaitim a' chainnt ri Absalom, agus ri seanairibh Israeil uile.

5 Agus thubhairt Absalom, Gairm a nis mar an ceudna air Husai an t-Arcach, agus cluinneamadh mar an ceudna ciod a their esan.

6 Agus thàinig Husai dh'ionsuidh Absalom, agus labhair Absalom ris, ag ràdu,

Air an dòigh so labhair Ahitophel: an dean sinn a *réir* fhocail, no nach dean? labhair thusa.

7 Agus thubhairt Husai ri Absalom, Chan *eil* a' chomhairle a thug Ahitophel maith air an uair so.

8 Oir, arsa Husai, is aithne dhuit d'athair agus a dhaoine, gur daoine treun iad agus air am brosnuchadh gu feig 'n an spiorad, mar mhath-ghamhuin o'n d'thugadh a cuileanan anns a' mhachair: agus is fear-cogaidh d'athair, agus cha ghabh e tàmh maille ris an t-sluagh.

9 Feuch, tha e nis 'am folach ann an slochd éigin, no ann an àit *éigin* eile: agus tachairidh, an uair a thuiteas cuid diubh an toiseach, ge b'e neach a chluinneas e gu'n abair e, Tha àr am measg an t-sluaigh a tha 'leantuinm Absaloim.

10 Agus esan mar an ceudna a tha 'n a dhuine treun, aig am bheil a chridhe mar chridhe leòmhain, leaghaidh e gu tur: oir tha fios aig Israel uile gur duine treun d'athair, agus gur daoine treun iadsan a tha maille ris.

11 Air an aobhar sin is i mo chomhairle-sa, Gu'n cruinnichtear Israel uile a d'ionnsuidh, o Dhan eadhon gu Beer-seba, mar a' ghaineamh a tha làimh ris an fhaighe air Ìonmhoireachd, agus gu'n téid thu féin maille riu do'n chath.

12 Agus thig sinn air ge b'e àit 'am faighear e, agus tuitidh sinn air mar a thuiteas an drùchd air an talamh: agus cha-n fhàgar dheth féin, agus de na fir uile a tha maille ris, eadhon aon.

13 Agus ma théid e a steach do bhaile, an sin bheir fir Israeil uile cuird leo a dh'ionnsuidh a' bhaile sin, agus tairngidh sinn e do'n amhainn, gus nach fàgar an sin aon chlach bheag.

14 Agus thubhairt Absalom, agus fir Israeil uile, Is fearr comhairle Husai an Arcaich na comhairle Ahitophel: oir dh'orduich an Tighearn comhairle mhaith Ahitophel a thoirt gu neo-ni, a chum gu'n tugadh an Tighearn olc air Absalom.

15 An sin thubhairt Husai ri Sadoc agus ri Abiatar na sagartau, Mar so agus mar so chomhairlich Ahitophel Absalom agus seanairean Israeil; agus mar so agus mar so chomhairlich mise.

16 A nis uime sin cuiribh *fios* gu grad, agus innisibh do Dhaibhidh, ag ràdh, Na fan an nochd ann an còmlmardaibh an fhàsaich, ach gabh thairis gu luath, air eagal gu'n sluigear suas an rìgh, agus an sluagh uile a tha maille ris.

17 Agus dh'fhan Ionatan agus Ahimaas làimh ri En-rogel; (oir cha-n fheadhadh iad a bhi air am faicinn a' dol a stigh do'n bhaile:) agus chaidh cailin agus dh'innis i dhoibh; agus chaidh iadsan agus dh'innis iad do rìgh Daibhidh.

18 Gidheadh chunnaic òganach iad, agus dh'innis e do Absalom: ach dh'imich iadsan le 'chèile gu luath, agus thàinig iad gu tigh duine ann am Bahurim, aig an robh tobar 'n a chùirt, agus chaidh iad sìos an sin.

19 Agus ghabh a' bhean còmhach agus sgaoil i e air beul an tobair, agus chuir i gràn bleithte air; agus cha d'aithnicheadh an ni.

20 Agus an uair a thàinig seirbhisich Absaloim a dh'ionnsuidh na mnà do'n tigh, thubhairt iad, C'ait am bheil Ahimaas agus Ionatan? Agus thubhairt a' bhean riu, Chaidh iad thairis air an t-sruthan uisge. Agus an uair a dh'iarr iad, agus nach d'fhuair iad, phill iad gu h-Ierusalem.

21 Agus an uair a dh'fhalbh iad, thàinig iadsan a nìs as an tobar, agus chaidh iad agus dh'innis iad do rìgh Daibhidh, agus thubhairt iad ri Daibhidh, Eiribh, agus rachaibh gu grad thar an uisge; oir mar so chomhairlich Ahitophel 'n 'ur n-aghaidh-sa.

22 Agus dh'éirich Daibhidh, agus an sluagh uile a bha maille ris, agus chaidh iad thar Iordan gu solus na maidne, gus nach robh aon diubh nach deachaidh thar Iordan.

23 Agus an uair a chunnaic Ahitophel nach do ghabhadh a chomhairle, chuir e diollaid air 'asail, agus dh'éirich e, agus dh'imich e dh'ionnsuidh a thighe, d'a bhaile féin, agus thug e àitheantan d'a theaghlach, agus chroch se e féin, agus fhuair e bàs, agus dh'adhlacaidh e ann an àit-adhlacaidh 'athar.

24 An sin thàinig Daibhidh gu Mahanaim: agus chaidh Absalom thar Iordan, e féin agus fir Israeil uile maille ris.

25 Agus rinn Absalom Amasa 'n a cheannard air an t-sluagh 'an àit Ioaib: agus b'e Amasa mac duine, d'am b'ainm Itra, Israeleach a chaidh a steach gu Abigail nighean Nahais, piuthar Sheruah, màthar Ioaib.

26 Agus champaich Israel agus Absalom ann am fearann Ghilead.

27 Agus an uair a thàinig Daibhidh gu Mahanaim, thug Sobi mac Nahais o Rabah chloinn Amoin, agus Machir mac Amieil o Lodebar, agus Barsillai an Gileadach o Rogelim,

28 Leapaichean, agus cuachan, agus soithichean creadha, agus cruithneachd, agus eorna, agus min mlinn, agus gràn cruaidhichte, agus pònair, agus gill-pheasair, agus *peasair* chruaidhichte.

29 Agus mil, agus im, agus caoraich, agus caise cruaidh air son Dhaibhidh, agus air son an t-sluaigh a bha maille ris, a chum an itheadh: oir thubhairt iad, Tha'n sluagh ocrach, agus sgith, agus iotmhor anns an fhàsach.

CAIB. XVIII.

1 *Chuir Daibhidh a mach 'armailt fo làimh Ioaib, Abisa, agus Itai, agus dh'orduich e dhoibh buaininn gu caoimhneil ri Absalom. 6 Bhuaileadh fir Israeil. 9 Mharbh Ioaib Absalom. 33 Rinn Daibhidh caoidh air a shon.*

AGUS rinn Daibhidh an sluagh a *bha* maille ris àireamh, agus chuir e ceannardan mhilltean, agus ceannardan cheudan os an ceann.

2 Agus chuir Daibhidh a mach trian de'n t-sluagh fo làimh Ioaib, agus trian fo làimh Abisai, mhic Sheruah, bráthar Ioaib, agus trian fo làimh Itai a' Ghitich: agus thubhairt an rìgh ris an t-sluagh, Gu deimhin théid mi féin mar an ceudna mach maille ribh.

3 Ach fhreagair an sluagh, Cha téid thu mach: oir ma theicheas sinne, cha ghabh iad suim dhinn; agus ma bhàsaicheas ar leth, cha ghabh iad suim dhinn; ach a nis *tha thusa* mar dheich mìle dhinne: uime sin a nis *is* fearr gu'n deanadh tusa còmh-nadh ruinn a mach as a' bhaile.

4 Agus thubhairt an rìgh riu, *An ni sin* a tha ceart 'n 'ur sùilbh, ni mise. Agus sheas an rìgh làimh ris a' gheata, agus thàinig an sluagh uile a mach 'n an ceudaibh agus 'n am mìtibh.

5 Agus dh'àithn an rìgh do Ioaib, agus do Abisai, agus do Itai, ag ràdh, *Buinibh* gu caoimhneil air mo sgàth-sa ris an òganach, ri Absalom. Agus chual' an sluagh uile 'n uair a dh'àithn an rìgh do na ceannardaibh uile a thaobh Absalom.

6 Agus chaidh an sluagh a mach do'n mhachair an aghaidh Israeil: agus bha'n cath ann an coille Ephraim.

7 Agus mharbhadh an sin sluagh Israeil roimh sheirbhisich Dhaibhidh; agus bha'n sin air an là sin àr mòr fhlichead mìle *fear*:

8 Oir bha'n cath an sin air sgaoileadh air aghaidh na tire uile; agus chuir a' choille as do thuilleadh sluagh air an là sin na chuir an claidheamh.

9 Agus thachair Absalom air seirbhisich Dhaibhidh; agus *bha* Absalom a' marcachd air muileid, agus chaidh a' mhuileid a steach fo gheugan tiugha craoibhe mòire daraich, agus ghlacadh a cheann anns a' chràoibh dharaich, agus chrochadh e eadar nèamh agus talamh; agus dh'imich a' mhuileid a *bha* foidhe roimpe.

10 Agus chunnaic duine àraidh *so*, agus dh'innis e do Ioaib, agus thubhairt e, Feuch, chunnaic mi Absalom crochta ann an craoibh dharaich.

11 Agus thubhairt Ioaib ris an duine a dh'innis dha, Agus, feuch, chunnaic thu *e*, agus c'ar son nach do bhuaill thu e 'n sin gu lèr, agus bheirinnse dhuit deich *seceil* airgid, agus crios?

12 Agus thubhairt an duine ri Ioaib, Ged gheibhinnse mìle *secel* airgid ann mo làimh,

cha chuirinn mo làmh a mach an aghaidh mic an rìgh: oir 'n ar n-èisdeachd dh'àithn an rìgh dhuitse, agus do Abisai, agus do Itai, ag ràdh, Gleidhibh dhomh an t-òganach Absalom.

13 No dheanainn eucoir an aghaidh m'an-ama féin; oir cha-n'eil ni air bith 'am folach air an rìgh, agus sheasadh tusa féin a'm' aghaidh.

14 An sin thubhairt Ioaib, Cha-n fheud mise fuireach mar so maille riut. Agus ghabh e trì gathan 'n a làimh, agus shàth e iad 'an cridhe Absalom, an uair a *bha* e fathast bed ann an meadhon na craoibhe daraich.

15 Agus chuairtich deichmear òganach a *bha* 'g' iomchar arm Ioaib Absalom agus bhuaill iad e, agus mharbh iad e.

16 Agus sheid Ioaib an trompaid, agus phill an sluagh o ruagadh Israeil; oir chum Ioaib air an ais an sluagh.

17 Agus ghabh iad Absalom, agus thilg iad e ann an slochd mòr anns a' choille, agus chuir iad carn ro mhòr chlach air: agus theich Israel uile, gach fear a dh'ionnsuidh a bhùtha.

18 A nis ghabh Absalom, an uair bu bhed e, agus chuir e suas dha féin carragh, a *tha* ann an gleann an rìgh: oir thubhairt e, Cha-n'eil mac agam a chumail m'ainme air chuimhne: agus thug e 'ainm féin air a' charragh; agus theircar ris gus an là 'n diugh, Clach-chuimhneachain Absalom.

19 An sin thubhairt Ahimaas mac Shadoic, Leig dhomh ruith a nis, agus seul a thoirt a dh'ionnsuidh an rìgh, gu'n do shaor an Tighearn e á làimh a naimhdean.

20 Agus thubhairt Ioaib ris, Cha toir thu sgeul leat an diugh, ach bheir thu sgeul leat là eile: ach an diugh cha toir thu sgeul leat, a chionn gu bheil mac an rìgh marbh.

21 Agus thubhairt Ioaib ri Cusi, Falbh, innis do'n rìgh ciod a chunnaic thu. Agus chrom Cusi e féin do Ioaib, agus ruith e.

22 An sin thubhairt Ahimaas mac Shadoic a ris ri Ioaib, Ach gidheadh, leig dhomhsa, guidheam ort, ruith mar an ceudna an dèigh Chusi. Agus thubhairt Ioaib, C'ar son a ruithheadh tusa, a mhic, agus nach d'fhuaradh sgeul sam bith dhuit?

23 Ach gidheadh, *ars' esan*, leig dhomh ruith. Agus thubhairt e ris, Ruith. Agus ruith Ahimaas rathad a' chòmhnaidh, agus chaidh e seachad air Cusi.

24 Agus shuidh Daibhidh eadar an dà gheata: agus chaidh am fear-faire suas gu mullach a' gheata, air a' bhalla; agus thog e suas a shùilean, agus dh'amhairc e, agus, feuch, duine a' ruith 'n a aonar.

25 Agus ghlaodh am fear-faire, agus dh'innis e do'n rìgh. Agus thubhairt an rìgh Ma *tha* e 'n a aonar, *tha* sgeul aige 'n a bheul. Agus dh'imich e air aghaidh, agus thàinig e am fagus.

26 Agus chunnaic am fear-faire duine eile a' ruith; agus ghlaodh am fear-faire ris an dorsair, agus thubhairt e, Feuch, *tha* duine eile a' ruith 'n a aonar. Agus thubhairt an rìgh, Tha esan mar an ceudna a' toirt sgeòil.

27 Agus thubhairt am fear-faire, Tha mi a' faicinn ruith a' cheud *duine* mar ruith Ahimaas, mhic Shadoic. Agus thubhairt an rìgh, Is duine maith esan, agus is ann le sgeul maith a tha e a' teachd.

28 Agus ghlaodh Ahimaas, agus thubhairt e ris an rìgh, Tha gach ni gu maith. Agus chrom se e fèin sìos do'n rìgh air 'aghaidh dh'ionnsuidh na talmhainn, agus thubhairt e, Gu ma beannaichte an Tighearn do Dhia, a thug thairis na daoine a thog an lannan suas an aghaidh mo thighearn' an rìgh.

29 Agus thubhairt an rìgh, Am bheil an t-òganach Absalom tèarainte? Agus fhreagair Ahimaas, an uair a chuir Ioab air falbh seirbhiseach an rìgh, agus *mise* do sheirbhiseach, chunnaic mi buaireas mòr, ach cha robh fios agam ciod e.

30 Agus thubhairt an rìgh *ris*, Tionndaidh a leth-taobh, agus seas an so. Agus thionndaidh e a leth-taobh, agus sheas e.

31 Agus, feuch, thàinig Cusi; agus thubhairt Cusi, Bheirar sgeul do m' thighearn, an rìgh, gu'n do shaor an Tighearn thusa an diugh á làimh nan uile a dh'éirich suas a'd' aghaidh.

32 Agus thubhairt an rìgh ri Cusi, Am bheil an t-òganach Absalom tèarainte? Agus fhreagair Cusi, Gu robh naimhdean mo thighearn' an rìgh, agus iadsan uile a dh'éirich suas a' d' aghaidh a dheanamh do elroin, mar a *tha* an t-òganach *sin*.

33 Agus ghluaiseadh an rìgh gu mòr, agus chaidh e suas do'n t-seòmar os ceann a' gheata, agus ghul e: agus ag imeachd dha, thubhairt e mar so, A mhic Absalom! a mhic, a mhic Absalom! O nach mise fèin a fhuair bàs air do shon, Absalom, a mhic, a mhic!

CAIB. XIX.

1 *Thug Ioab air Daibhidh sgar o bhròn a dheanamh air son Absalom. Dh'iarr na h-Israelich an rìgh a thoirt air ais.* 16 *Fhuair Simei maitheanas.* 24 *Ghabh Mephiboset a leisgeul fèin.* 31 *Phill Barsillai o Dhaibhidh a lean tuinn.*

AGUS dh'innseadh do Ioab, Feuch, tha'n rìgh a' gul agus a' caoidh air son Absalom.

2 Agus bha a' bhuaidh air an là sin air a tionndadh gu caoidh do'n t-sluagh uile; oir chual an sluagh e air a ràdh air an là sin, Tha 'u rìgh fo thuirse air son a mhic.

3 Agus ghoid an sluagh air an là sin a steach do'n bhaile, mar a ghoidcas sluagh air falbh agus iad fo nàire, an uair a theicheas iad ann an cath.

4 Ach dh'fholaich an rìgh 'aghaidh, agus

ghlaodh an rìgh le guth àrd, A mhic Absalom! Absalom, a mhic, a mhic!

5 Agus thàinig Ioab a steach a dh'ionnsuidh an rìgh do'n tigh, agus thubhairt e, Chuir thu nàire an diugh air aghaidhean do sheirbhiseach uile, a shaor d'anam an diugh, agus anaman do mhae, agus do nighean, agus anaman do bhan, agus anaman do choimhleabach:

6 A chionn gu bheil gràdh agad dhoibhsan aig am bheil fuath dhuit, agus gu bheil fuath agad dhoibhsan aig am bheil gràdh dhuit: oir nochd thu an diugh nach 'eil *suim* agad do eheannardaibh, no do sheirbhiseach: oir tha mi 'tuigsinn an diugh, nam bitheadh Absalom beò, agus nam bitheamaidhe uile marbh an diugh, an sin gu'm bitheadh e ceart a'd' shùilibh.

7 A nis uime sin éirich, falbh a mach, agus labhair gu caoinhneil ri d' sheirbhiseach: oir bheircamsa mo mhionnan air an Tighearn, mur téid thu mach, nach fan duine maille riut an nochd: agus bithidh sin nìs mìosa dhuit na gach ole a thàinig ort o d'òige gus a nis.

8 An sin dh'éirich an rìgh, agus shuidh e anns a' gheata. Agus dh'innis iad do'n t-sluagh uile, ag ràdh, Feuch, tha'n rìgh 'n a shuidhe anns a' gheata: agus thàinig an sluagh uile 'am fianuis an rìgh. Agus theich Israel, gach fear a dh'ionnsuidh a bhùtha.

9 Agus bha'n sluagh uile ri comnsachadh air feadh uile threubhan Israeil, ag ràdh, Theasairg an rìgh sinn á làimh ar naimhdean, agus shaor e sinn á làimh nam Philisteach, agus a nis tha e air teicheadh as an tìr roimh Absalom.

10 Agus fhuair Absalom, a dh'ung sinn os ar ceann, bàs anns a' chath: a nis ma ta e'ar son a tha sibh tosdach mu'n rìgh a thoirt air ais?

11 Agus chuir rìgh Daibhidh *fios* gu Sadoc agus gu Abiatar na sagartan, ag ràdh, Labhraibh ri seanairibh Iudah, ag ràdh, C'ar son a tha sibhse air dheireadh a thoirt an rìgh air ais d'a thigh? (agus gu'n d'thàinig eannt Israeil uile dh'ionnsuidh an rìgh d'a thigh.)

12 Is sibhse mo bhràithrean, is sibh mo chnàmhan agus m'fheoil: e'ar son ma ta a tha sibh air dheireadh a thoirt an rìgh air ais?

13 Agus ri h-Amasa their sibh, Nach tusa mo chnàmh, agus m'fheoil? Mar sin gu'n deanadh Dia riunsa, agus tuilleadh mar an ceudna, mur bi thusa a'd' eheannard air an t-sluagh a'm' làthairs' an còmhuidh 'an àit Ioab.

14 Agus dh'aom e eridheachan fhear Iudah uile, mar *chridhe* aoin duine; air chor as gu'n do chuir iad *am fios* so dh'ionnsuidh an rìgh, Pill fèin agus do sheirbhiseach uile.

15 Uime sin phill an rìgh, agus thàinig e gu Iordan: agus thàinig Iudah gu Gilgal, a dhol 'an coiminnh an rìgh, gus an rìgh a thoirt thar Iordan.

16 Agus ghreas Simeì mac Ghera, Beniamineach, a bha o Bhalurim, agus thàinig e nuas maille ri fearaibh Iudah 'an coiminnh rìgh Daibhidh.

17 Agus bha mìle fear de Bheniamin maille ris, agus Siba òglach tighe Shaul, agus a chùig mic dheug, agus fhichead seirbhiseach maille ris; agus chaidh iad thar Iordan roimh an rìgh.

18 Agus chaidh bàt-aisig a null a thoirt teaghlach an rìgh thairis, agus a dheanamh an *ni* 'bu mhaith leis. Agus thuit Simeì mac Ghera, sìos 'am fianuis an rìgh, 'n uair a thàinig e thar Iordan;

19 Agus thubhairt e ris an rìgh, Na cuir-cadh mo thighearn eu-ceart as mo leth, agus na cuimhnich an *ni* a riun do sheirbhiseach gu h-an-dligheach air an là anns an deachaidh mo thighearn an rìgh a mach a Ierusalem, air chor as gu'n gabhadh an rìgh g'a chrìdhe e.

20 Oir tha fios aig do sheirbhiseach gu'n do pheacaidh mi: uime sin, feuch, thàinig mi an diugh an ceud duine de thigh Ioseph uile, a dhol sìos 'an coiminnh mo thighearn 'an rìgh.

21 Ach fhreagair Abisai mac Sheruah, agus thubhairt e, Nach cuirear air a shon so Simeì gu bàs, a chionn gu'n do mhallaich e *aon* ungta an Tighearna?

22 Agus thubhairt Daibhidh, Ciod e mo ghnothuch-sa ribhse, a mhaca Sheruah, gu'm bitheadh sibh an diugh 'n ur n-eas-cairdibh dhomh? an cuirear an diugh duine sam bith gu bàs ann an Israel? oir nach 'eil fhios agam gu bheil mi an diugh a'm rìgh os ceann Israeil?

23 Agus thubhairt an rìgh ri Simeì, Chan fhaigh thu bàs: agus mhiomaich an rìgh dha.

24 Agus thàinig Mephiboset, mac Shaul, a nuas 'au coimneamh an rìgh, agus cha do dheasaich e a chosan, agus cha do chuir e snas air fheusaig, agus cha do nìgh e 'eudach o'n là anns an do thrial an rìgh, gus an là anns an d'thàinig e ris ann an sìth.

25 Agus an uair a thàinig e gu h-Ierusalem 'an coiminnh an rìgh, an sin thubhairt an rìgh ris, C'ar son uach deachaidh tu maille riumsa, a Mhephiboset?

26 Agus fhreagair esan, A thighearn', a rìgh, mheall mo sheirbhiseach mi; oir thubhairt do sheirbhiseach, Cuiridh mi dìollaid dhomh féin air asail, agus marcaichidh mi oirre, agus théid mi dh'ionnsuidh an rìgh, a chionn gu bheil do sheirbhiseach bacach.

27 Agus chùil-chàiu esan do sheirbhiseach ri m' thighearn an rìgh; ach *tha* mo thigh-

earn an rìgh mar aingeal Dhé: dean uime sin an *ni* sin a *tha* maith a'd' shùilbh.

28 Oir cha robh teaghlach m'athar uile ach 'n an daoinibh marbha 'am fianuis mo thighearn' an rìgh; gidheadh chuir thu do sheirbhiseach 'n am meas-san a dh'ith aig do bhord féin: ciod ma ta a' chòir a th' agamsa tuilleadh air glaochaich nìs mò ris an rìgh?

29 Agus thubhairt an rìgh ris, C'ar son a labhras tu nìs mò mu d' ghnothuichibh? thubhairt mise, Roinnidh tusa agus Siba am fearann.

30 Agus thubhairt Mephiboset ris an rìgh, Seadh, gabhadh e an t-iomlan, o thàinig mo thighearn an rìgh a ris ann an sìth d'a thigh féin.

31 Agus thàinig Barsillai an Gileadach a nuas o Rogelim, agus chaidh e thar Iordan maille ris an rìgh, chum a chur thar Iordau.

32 A nis bha Barsillai 'u a dhuine ro shean, ceithir fichead bliadhna dh'aois: agus thug esan lòn do'n rìgh an uair a dh'fhan e ann am Mahanaim; oir bu duine ro mhòr e.

33 Agus thubhairt an rìgh ri Barsillai, Thig-sa thairis maille rium, agus beathaichidh mi thu maille rium féin ann an Ierusalem?

34 Agus thubhairt Barsillai ris an rìgh, Cia fad a th'agamsa ri bhi beò, gu'n rachainn suas maille ris an rìgh gu h-Ierusalem?

35 *Tha* mi an diugh ceithir fichead bliadhna dh'aois: an urrainn mise dealachadh a chur eadar maith agus olc? an urrainn do sheirbhiseach na dh'itheas no na dh'òlas mi a bhlasadh? an urrainn mise tuilleadh guth fhear agus bhan a sheinneas a chluinntinn? c'ar son ma ta a bhlitheadh do sheirbhiseach fathast ua eire air mo thighearn an rìgh?

36 Théid do sheirbhiseach ré ùine bhig thar Iordan maille ris an rìgh: agus c'ar son a dhioladh an rìgh siu dhomhsa le leithid so de luigheachd?

37 Leig le d' sheirbhiseach, guidheam ort, piltinn air ais, a chum gu'm faigh mi bàs ann mo bhaile féin, làimh ri uaigh m'athar, agus mo mlàthar: ach, feuch, rachadh do sheirbhiseach Chimham thairis uaille ri m thighearn an rìgh, agus dean ris na *bhitheas* maith a'd' shùilbh.

38 Agus fhreagair an rìgh, Théid Chimham thairis maille rium, agus ni mi dha ua *bhitheas* maith a'd' shùilbh; agus ge b'e ni a dh'iarras tusa orm, ni mi e dhuit.

39 Agus chaidh an sluagh uile thar Iordan, agus chaidh an rìgh thairis: agus phòg an rìgh Barsillai, agus bheannaich se e; agus phill e d'a àite féin.

40 An sin chaidh an rìgh air aghaidh gu Gilgal, agus chaidh Chimham air aghaidh maille ris: agus thug sluagh Iudah uile thairis an rìgh, agus mar an ceudna leth sluagh Israeil.

41 Agus, feuch, thàinig fir Israeil uile dh'ionnsuidh an rìgh, agus thubhairt iad ris an rìgh, 'Car son a ghoid ar bràithrean fir Iudah thu air falbh, agus a thug iad an rìgh agus a theaghlach, agus daoine Dhaibhidh uile maille ris thar Iordan?

42 Agus fhreagair fir Iudah uile fir Israeil, A chionn gu bheil an rìgh fagus 'an dàimh dhuinne; 'car son ma ta a tha fearg oirbhe air son an ni so? an d'ith sinn a' bheag o'n rìgh? no'n d'thug e tiodhlac sam bith dhuinn?

43 Agus fhreagair fir Israeil fir Iudah, agus thubhairt iad, *Tha* deich earrannan againne anns an rìgh, agus *tha* mar an ceudna tuilleadh còir againn ann an Daibhidh na th'agaibhse: 'car son ma ta a rinn sibh tair oirme? agus nach b'e ar gnothuch-ne an toiseach ar rìgh a thabhairt air ais? Agus bu ghairge briathran fhear Iudah na briathran fhear Israeil.

CAIB. XX.

1 Rinn Seba agus fir Israeil ceannaire an aghaidh Dhaibhidh. 10 Mharbh Ioab Amasa; 14 agus chaidh e air tòir Sheba gu Abd. 16 Shaor bean ghlic an baile le ceann Sheba a thoirt do Ioab. 23 Luchd-dreuchd Dhaibhidh.

A GUS thachair gu'n robh duine an sin le Belial, do 'm B'aimm Seba, mac Blichri, Beniamineach; agus shéid e trompaid, agus thubhairt e, Cha-n'eil againne cuibhrionn sam bith ann an Daibhidh, agus cha-n'eil oighreachd sam bith againn ann am mac Iese: gach fear a dh'ionnsuidh a bhùtha, O Israeil.

2 Agus chaidh gach duine de Israel suas o *bhi* 'n déigh Dhaibhidh, agus lean iad Seba mac Blichri: ach dhlùth-lean daoine Iudah r'an rìgh, o Iordan eadhon gu h-Ierusalem.

3 Agus thàinig Daibhidh d'a thigh ann an Ierusalem; agus ghabh an rìgh an deichnear bhan, a choimhleabaich, a dh'fhàg e a ghleidheadh an tighe, agus chuir e ann an gainntir iad, agus bheathaich e iad, ach cha deachaidh e stigh d'an ionnsuidh; agus bha iad air an druidealh suas gu là an bàis, a' caitheamh am beatha ann am bantrachas.

4 Au sin thubhairt an rìgh ri Amasa, Cruinnich dlomhsa fir Iudah 'an ceann thri làithean, agus seas féin an so.

5 Agus dh'fhalbh Amasa a chruinneachadh fhear Iudah: ach dh'fhan e ni b'fhaide na'n t-àm suidhichte a shònraich esan dha.

6 Agus thubhairt Daibhidh ri Abisai, A nis ni Seba, mac Blichri, tuille croin duinn na rinn Absalom: gabh thusa scrìbhisich do thighearna, agus falbh air a thòir, air eagal gu'm faigh e dha féin bailtean daingnichte, agus gu'n téid e as uaim.

7 Agus chaidh a mach 'n a dhéigh fir Ioab, agus na Ceretich, agus na Peletich,

agus na fir threuna uile: agus chaidh iad a mach á h-Ierusalem, a dhol air tòir Sheba, mhic Blichri.

8 An uair a bha iad aig a' chloich mhòir a tha ann an Gibeon, thàinig Amasa rompa. Agus bha Ioab crioslaichte le falluinn a chuir e uime, agus oirre sin crios le claidheamh ceangailte air a leis 'n a thruaill; agus an uair a chaidh e air aghaidh, thuit e aiste.

9 Agus thubhairt Ioab ri Amasa, An bheil thu slàn, a bhràthair? Agus ghlac Ioab le 'dheas làimh Amasa air fheusaig, a thabhairt pòige dha.

10 Ach cha d'thug Amasa faincar an claidheamh a bha ann an làimh Ioab: agus bluail e leis e fo 'n chùigcamh *aisinn*, agus leig e mach a mhionach a dh'ionnsuidh an làir, agus cha do bluail e ris e; agus fhuair e bàs. Agus chaidh Ioab, agus a bhràthair Abisai, air tòir Sheba, mhic Blichri.

11 Agus sheas fear de òganaich Ioab làimh ris, agus thubhairt e, Esan leis an ionmhuinn Ioab, agus esan a tha le Daibhidh, leanadh e Ioab.

12 Agus bha Amasa 'g a aonairt ann am fuil 'an meadhon an rathaid mhòir. Agus au uair a chunnaic an duine gu'n d'fhan an sluagh uile 'n an seasamh, dh'atharraich e Amasa o'n rathad mhòr do'n achadh, agus thilg e eudach air, an uair a chunnaic e gu'n d'fhan gach neach a thàinig làimh ris 'n an seasamh.

13 An uair a dh'atharraicheadh e o'n rathad mhòr, chaidh an sluagh uile air an aghaidh an déigh Ioab, a dhol air tòir Sheba mhic Blichri.

14 Agus chaidh e air feadh uile threcubhan Israeil gu h-Abel Bhetmaacah, agus na Berich uile: agus chruinnicheadh iad 'an ceann a chéile, agus chaidh iad mar an ceudna 'n a dhéigh.

15 Agus thàinig iad, agus theannaich iad e ann an Abel Bhetmaacah, agus chuir iad suas torr au aghaidh a' bhaile, agus sheas e làimh ris a' bhalla: agus rinn an sluagh uile a tha maille ri Ioab an dichìoll air a' bhalla a leagadh sìos.

16 An sin ghlaodh bean ghlic a mach as a' bhaile, Eisdibh, éisdibh; abraibh, guidheam oirbh, ri Ioab, Thig am fagus au so, agus labraidh mi riut.

17 Agus an uair a thàinig e 'm fagus d'i, thubhairt a' bhean, au tu Ioab? Agus fhreagair esan, Is mi. An sin thubhairt i ris, Eisd ri briathraibh do bhanoglaich. Agus fhreagair esan, Tha mi ag éisdeachd.

18 An siu labhair i, ag ràdh, Gu cinnteach labhair iad an toiseach, ag ràdh, Gu deimhin iarraidh iad *sith* air Abel: agus mar sin crìochnaichidh iad an *gnothuch*.

19 Is aon mise dhiubhasan a tha sìochail agus firinneach ann an Israel: ach tha

thasa ag iarraidh baile a sgrios, agus màthair ann an Israel. Car son a shluigear tu suas oighreachd an Tighearna?

20 Agus fhreagair Ioab agus thubhairt e, Gu ma fada, fada sin uamsa, gu'n sluiginn suas, no gu'n sgriosainn.

21 Cha-n ann mar sin a tha an gnothuch: ach thog duine de shliabh Ephraim, d'an ainm Seba mac Bhichri, a lamh suas an aghaidh an rìgh, an aghaidh Dhaibhidh: thugaibh esan a mhàin thairis, agus imichidh mi o'n bhaile. Agus thubhairt a' bhean ri Ioab, Feuch, tilgear a cheann a d' ionnsuidh thar a' bhalla.

22 An sin chaidh a' bhean a dh'ionnsuidh an t-sluaigh uile 'n a gliocas: agus ghearr iad ceann Sheba mhic Bhichri dheth, agus thilg iad a mach e dh'ionnsuidh Ioab: agus sheid e trompaid, agus chaidh iad air falbh o'n bhaile, gach fear a dh'ionnsuidh a bhùtha. Agus phill Ioab do Ierusalem a dh'ionnsuidh an rìgh.

23 A nis bha Ioab os ceann armailte Israeil uile: agus bha Benaiah mac Iehoiada os ceann nam Ceretach, agus os ceann nam Peleteach:

24 Agus bha Adoram os ceann na cìse: agus bha Iehosaphat mac Ahiluid 'n a shean-achaidh:

25 Agus bha Seba 'n a sgrìobhaiche: agus b'iad Sadoc agus Abiatar na sagartan:

26 Agus mar an ceudna bha Ira an Iair-each 'n a àrd riaghlair aig Daibhidh.

CAIB. XXI.

1 *Sguir a' ghorta a bha 's an tìr 'n uair a chroch na Gibeonaich seachdnar de mhic Shaul.* 12 *Dh'adhlaid Daibhidh cnàmhan Shaul agus Ionatain.* 15 *Chog seirbhisich Dhaibhidh an aghaidh nam Philisteach.*

AGDH bha gorta ann an làithibh Dhaibhidh, ré thri bliadhma, bliadhma 'n déigh bliadhma. Agus dh'fhiosraich Daibhidh de'n Tighearn, agus fhreagair an Tighearn, *Is ann* air son Shaul, agus air son a thighe fluileachdaich *a tha i*, a chionn gu'n do mharbh e na Gibeonaich.

2 Agus ghairm an rìgh air na Gibeonaich, agus thubhairt e riu: (a nis cha robh na Gibeonaich de chloinn Israeil, ach de iarmad nan Amorach; agus thug clann Israeil miannan doibh: agus dh'iarr Saul am marbhadh, 'n a eud air son chloinn Israeil agus Iudah:)

3 Uime sin thubhairt Daibhidh ris na Gibeonaich, Ciod a ni mi air bhuir son? agus cia leis a ni mi an réite, a chum gu'm beannaich sibh oighreachd an Tighearna?

4 Agus thubhairt na Gibeonaich ris, Cha bhi againne airgid no òr o Shaul, no o a thighe; agus air ar soinne cha mharbh thu duine sam bith ann an Israel. Agus thubhairt esan, *An ni* a their sibh ni mise dhuibh.

5 Agus fhreagair iad an rìgh, An duine a chuir as duinn, agus a smuainich 'n ar n-aghaidh sinn a bhi air ar sgrios, air chor as nach fanamaid am an crìch air bith de Israel;

6 Thugar dhuinn seachdnar d'a mhic-san, agus crochaidh sinn suas iad do'n Tighearn, ann an Gibeah Shaul, a thagh an Tighearn. Agus thubhairt an rìgh, Bheir mi *dhuibh iad.*

7 Ach chaomhain an rìgh Mephiboset mac Ionatain, mhic Shaul, air son mhionnan an Tighearn' a bha eatorra, eadar Daibhidh agus Ionatan mac Shaul.

8 Ach ghabh an rìgh dà mhac Rispah nigheim Aiah, a rug i do Shaul, Armoni agus Mephiboset; agus cùignear mhac Mheroib nigheim Shaul, a rug i do Adriel mac Bharsillai a' Mheholataich;

9 Agus thug e thairis iad do làimh nan Gibeonach, agus chroch siad iad anns an t-sliabh 'am fianuis an Tighearna: agus thuit an t-seachdnar sin cuideachd, agus chuir eadh gu bàs iad ann an ceud làithibh an fhogharaidh, ann an toiseach fogharaidh an eorna.

10 Agus ghabh Rispah nighean Aiah saic-eudach, agus sgaoil i dhi féin e air a' charraig, o thoiseach an fhogharaidh gus an do shil uisge orra o nèamh: agus cha do leig i le eumlaith an athair fois a ghabhail orra 's an là, no do fhiadh-bheathaichibh na macharach 's an oidhehe.

11 Agus dh'innseadh do Dhaibhidh ciod a rinn Rispah, nighean Aiah, coimhleabach Shaul.

12 Agus dh'fhalbh Daibhidh, agus thug e o dhaoimibh Iabeis-ghilead cnàmhan Shaul, agus cnàmhan a mhic Ionatain, a ghoid iad o shràid Bhet-sain, far an do chroch na Philistich iad, anns an là air an do mharbh na Philistich Saul ann an Gilboa:

13 Agus thug e mìos as a sin cnàmhan Shaul, agus cnàmhan Ionatain, a mhic: agus chruinnich iad cnàmhan na muinntir a ehrochadh.

14 Agus dh'adhlaid iad cnàmhan Shaul, agus a mhic Ionatain, ann an tìr Bheniamin ann an Selah, ann an àit-adhlacaidh Chis 'athar. Agus rinn iad gach ni a dh'èithn an rìgh: agus 'n a dhéigh sin bha Dia réidh ris an tìr.

15 Agus bha cogadh aig na Philistich fathast ri Israel; agus chaidh Daibhidh sìos agus a sheirbhisich maille ris, agus chog iad ris na Philistich; agus dh'fhàs Daibhidh sgith.

16 Agus thubhairt Isbi-benob, a bha de shliochd an fhamhair, (agus aig am b'e cothrom cinn a shicagha tri cheud seel umha, agus e crioslaichte le crios ùr,) gu'm marbhadh e Daibhidh.

17 Ach rinn Abisai mac Sheruah còmh-nadh ris, agus bhuail e am Philisteach, agus

mharbh se c. An sin mhionnaich fir Dhaibhidh dha, ag ràdh, Cha téid thu mach m's mò maille ruinne gu cath, chum nach cuir thu as lòchran Israeil.

18 Agus 'n a dhéigh so bhla cath a rìs ann an Gob ris na Philistich: an sin bhuail Sibechar an Husatach Saph, a bha de shliochd an fhamhair.

19 Agus bha rìs cath ann an Gob ris na Philistich: agus bhuail Elhanan mac Iare-oregin Lahmi bràthair Gholiath a' Ghitich; agus bha crann a shleagha mar gharman figheadair.

20 Agus bha fathast cath ann an Gat, far an robh fear de mheud mhòir, agus sè meoir aige air gach làimh, agus sè meoir air gach cois, ceithir thar fhichead 'an àireamh; agus rugadh esan mar an ceudna do'n fhamhair.

21 Agus an uair a thug e dùbhlán do Israeil, mharbh Ionatan, mac Shimeah, bràthar Dhaibhidh e.

22 Rugadh a' cheathrar sin do'n fhamhair ann an Gat, agus thuit iad le làimh Dhaibhidh, agus le làimh a sheirbhiseach.

CAIB. XXII.

1 *Laoidh bhuidheachais le Daibhidh do bhrìgh gu'n do shaor an Tighearn e á làimh a naimhdean.*

A GUS labhair Daibhidh ris an Tighearn briathran na laoidhe so, ams an là air an do shaor an Tighearn e á làimh a naimhdean uile, agus á làimh Shaul:

2 Agus thubhairt e, *Is e* 'n Tighearn mo charraig, agus mo dhaingneach, agus mo shlanuidhear.

3 *Is e* Dia mo charraig; earbaidh mi as: mo sgiath agus adharc mo shlàinte, mo thùr ard agus mo dhùdean: m'fhear-saoraidh; o ainneart saoraidh tusa mi.

4 Gairmidh mi air an Tighearn, *a's* airidh air cliu; agus o m' naimhdeibh saor mi.

5 Oir chuairtich tonnan a' bhàis mi: chuir tuiltean dhroch dhaoine eagal orm.

6 Dh'iadhl cuird ifrinn mu m' thimchioll: ghabh lìontan a' bhàis romham.

7 A'm airc ghairm mi air an Tighearn, agus ri m' Dhia ghlaodh mi, agus chual' e o 'theampull mo ghuth, agus ràinig mo ghlaodh a chluasan.

8 Agus chrathadh agus chrìochnaich an talamh: ghluaiseadh bunaitean nan nàmh agus chrathadh iad, a chionn gu'n robh fearg air.

9 Chaidh deatach suas o 'shròin, agus loisg teine as a bheil: lasadh éibhlean leis.

10 Agus lùb e a nàmh, agus thàinig e nuas; agus dorchadas fo 'chosaibh.

11 Agus mharcaich e air cherub, agus chaidh e air iteig: agus dh'itealaich e air sgiathaibh na gaoithe.

12 Agus rinn e dorchadas 'n a phàilliu-aibh m'a thimchioll, comb-chruinneachadh nan uisgeachan, neoil thiugha nan speur.

13 Leis an dealradh a bha fa 'chomhair lasadh éibhlean teine.

14 Rinn an Tighearn tairneanach o na nàmh, agus leig an Tia's àird' a ghuth a mach.

15 Agus chuir e mach saighdean, agus sgap e iad; dealanach agus chlaoidh e iad.

16 Agus leigeadh ris aigean na fàirge, nochdadh bunaitean an domhain, le ach-mhasan an Tighearna, le séideadh anail' a shròine.

17 Chuir e nuas o'n àird', ghlac e mi; tharruing e mi á mòran uisgeachan.

18 Shaor e mi o m' nàmhaid làidir, uathasan a dh'fhuathaich mi; oir bu treise iad na mise.

19 Ghabh iad romham ann an là m'àmh-ghair; ach b'e 'n Tighearn mo chùl-taice.

20 Agus thug e mach mi gu ionad farsaing: shaor e mi, a chionn gu'n do ghabh e tlachd annam.

21 Thug an Tighearn luigheachd dhomh a réir m'ionracais: a réir gloine mo làmh dhiol e dhomh.

22 Oir ghléidh mi slighean an Tighearn', agus o m' Dhia cha do chlaon mi gu h-aingidh.

23 Oir bha a bhreitheanais uile a'm' fhianuis: agus a reachdan cha do chuir mi uam.

24 Agus bha mi ionraic 'n a fhianuis, agus ghléidh mi mi féin o m' aingidheachd.

25 Uime sin dhiol an Tighearn dhomh a réir m'ionracais, a réir mo ghloine ann an sealladh a shùil.

26 Do'n duine thròcaireach nochdadh tu thu féin thròcaireach, agus do'n duine ionraic nochdadh tu thu féin ionraic.

27 Do'n duine ghlan nochdadh tu thu féin glan, agus do'n duine reasgach nochdadh tu thu féin reasgach.

28 Agus an slugh a tha fo àmhghar saoraidh tu: ach tha do shùilean an aghaidh nan uaibhreach; bheir thu nuas iad.

29 Oir lasaidh tusa mo lòchran, a Thighearna: agus soillsichidh an Tighearn nu dhorchadas.

30 Oir leatsa ruith mi troimh bhuidhinn: le m' Dhia leum mi thar balla.

31 A thaobh Dhé, tha a shlighe iomlan; tha focal an Tighearn' air a dhearbhadh: is sgiath e dhoibhsan uile a chuireas an dòchas ann.

32 Oir cò *a's* Dia ann ach an Tighearn? agus cò *a's* carraig ann ach ar Dia-ne?

33 Is e Dia mo neart agus mo chumhachd; agus tha e 'deanamh mo shlighe iomlan.

34 Tha e 'deanamh mo chos mar chosan éilde: agus air m'aitibh àrda socraichidh e mi.

35 Tha e a' teagasg mo làmh gu cath, air chor as gu'm briscar bogha umha le m' ghairdeinibh.

36 Agus thug thu dhomh sgiath do shlàinte: agus rinn do chaomhneas mòr mi.

37 Rinn thu mo cheum farsaing fodham, air chor as nach do shleamhaich mo chosan.

38 Lean mi mo naimhdean, agus rug mi orra; agus cha do phill mi air m'ais gus an do chuir mi as doibh.

39 Agus lot mi iad, agus cha-n éirich iad; agus thuit iad fo m' chosaibh.

40 Oir chrìoslaich thu mi le neart chum catha: leag thu iadsan a dh'éirich suas a'm' aghaidh, sìos fodham.

41 Agus mo naimhdean thug thu dhomh air mhuineal; iadsan a dh'fhuathaich mi, agus ghearr mi as iad.

42 Sheall iad, agus cha robh fear-saoraidh ann; *eadhon* a dh'ionnsuidh an Tighearn', ach cha do fhreagair e iad.

43 An sin mhìn-phronn mi iad mar dhuslach na talmhainn; mar chlàbar na sràide bhrùth mi iad, leudaich mi a mach iad.

44 Agus shaor thu mi o chomhstri mo shluaigh; ghléidh thu mi gu bhì 'm cheann air na cinnich: ni sluagh nach b'aitlne dhomh seirbhis dhomh.

45 Strìochdaidh coigrich sìos dhomh: co luath 's a chluinneas iad, géillidh iad dhomh.

46 Seargaidh coigrich as, agus bithidh eagail orra a mach as an àitibh-daingne.

47 Is beò an Tighearn, agus gu ma beanmaichte mo charraig-sa: agus air 'ardachadh gu robh Dia, carraig mo shlàinte.

48 Is e Dia a nì dìoghaltas air mo shonsa, agus a chuireas sìos an sluagh fodham,

49 Agus a bheir a mach mi o m' naimhdeibh: agus os an ceann-san a dh'éirich suas a'm' aghaidh thog thu suas mi; o fhear an ainneirt shaor thu mi.

50 Uime sin clùthaichidh mi thu a Thighearn', am measg nan cinneach, agus do d'ainm seinnidh mi.

51 Bheir esan saorsa mhòr d'a rìgh, agus nochdaidh e tròcair d'a aon ungta féin, do Dhaibhidh, agus d'a shliochd gu bràth.

CAIB. XXIII

1 'N a bhriathraibh deireannach chuir Daibhidh an cèill sonas an duine ionraic, agus sgrìos an cùigidh. 8 Ainmean a dhaoine treuna.

ANIS is iad so briathran deireannach Dhaibhidh. Thubhairt Daibhidh mac Iese, agus thubhairt an duine a chuireadh suas gu h-àrd, aon ungta Dhé Iacoib, agus sahnadair binn Israeil;

2 Labhair spiorad an Tighearna tromham-sa, agus 'fhocal air mo theangaidh.

3 Thubhairt Dia Israeil, labhair carraig Israeil riumsa: *Bithidh* esan a riaghlas os ceann dhaoine ceart, a' riaghladh ann an eagail Dhé:

4 Agus mar sholus na maidne 'n uair a dh'éireas a' ghrian, maidne gun neoil; *mar*

am feur *d'fàs* as an talamh le dealradh an déigh uisge.

5 Ged nach 'eil mo thigh mar sin aig Dia, gidheadh rinn e coimhcheangal sìorruidh riumsa, air a shuidheadhadh anns gach nì, agus a choimhdear: oir is e so mo shlàinte uile, agus mo mhian uile, ged nach 'eil e 'tòirt air fàs.

6 Ach *bithidh* mic Bheliail uile mar dhroighionn a thilgear air falbh, a chionn nach glacer le làimh iad:

7 Ach am fear a bheanas riu, dìonar e le h-iarann, agus le crann sleagha; agus le teine loisgear gu tur iad far am fàs iad.

8 Is iad so ainmean nan daoine treuna a bha aig Daibhidh: Iasobeam, mac Hachmoni, 'n a cheann air triuir; thog esan a shleagh an aghaidh thri ceud, a mharbhadh leis 's an aon am.

9 Agus 'n a dhéigh-san bha Eleasar mac Dhodo an t-Ahohach, aon de'n triuir dhaoine treuna a bha maille ri Daibhidh, an uair a thug iad dàbhlán do na Philistich a chruinnicheadh an sin gu cath, agus a dh'imich fir Israeil rompa.

10 Dh'éirich esan agus bhuail e na Philistich gus an robh a làmh sgèth, agus gu'n do lean a làmh ris a' chlaideamh. Agus dh'oibrich an Tighearn saorsa mhòr air an là sin; agus phill an sluagh 'n a dhéigh a mhàin a chreachadh.

11 Agus 'n a dhéigh-san bha Samah, mac Agee, an Hearach. Agus chruinnicheadh na Philistich 'n am buidhinn, far an robh mìr fearainn làn de ghall-pheasair: agus theich an sluagh roimh na Philistich.

12 Ach sheas esan 'am meadhan an fhearainn, agus dhìon se e, agus bhuail e na Philistich: agus dh'oibrich an Tighearn saorsa mhòr.

13 Agus chaidh triuir de na deich ceannardan fichead sìos, agus thàinig iad 'an àm an fhogharaidh a dh'ionnsuidh Dhaibhidh, do uaimh A dullaim: agus champaich buidheann nam Philisteach ann an gleann Rephaim.

14 Agus bha Daibhidh an sin ann an daingneach, agus bha freiceadan nam Philisteach an sin ann am Bet-lehem.

15 Agus mhiannaich Daibhidh, agus thubhairt e, O gu'n tugadh fear-éigin dhomh deoch uisge o thobar Bhet-lehem, a tha làimh ris a' gheata!

16 Agus bhris an triuir dhaoine treuna stigh troimh fheachd nam Philisteach, agus tharruing iad uisge a tobar Bhet-lehem. a bha làimh ris a' gheata, agus ghabh iad e, agus thug iad leo e dh'ionnsuidh Daibhidh: gidheadh cha b'ail leis òl deth ach thaom e mach e do'n Tighearn.

17 Agus thubhairt e, Gu ma fada uamsa, a Thighearna, so a dheanamh: an *òlainnse* fuil nan daoine a chaidh ann an cumart an anama? uime sin cha b'ail leis òl deth.

Na nithean sin rinn an triuir dhaoine treuma.

18 Agus bha Abisai bràthair Ioaib, mac Sheruah, 'n a cheann air triuir; agus thog e suas a shleagh an aghaidh thri ceud, a mharbh e; agus fhuair e ainm an measg triuir.

19 De'n triuir nach b'e a b'urramaiche? uime sin bha e 'n a cheannard orra: gidheadh, cha do ràinig e gu ruig a' cheud triuir.

20 Agus mharbh Benaiah mac Iehoiada, mhic duine ghaisgeil, o Chabseel, a rinn mòran ghnìomharan, mharbh ean dithis fhear leòmhanaid de Mhoab: chaidh e sìos mar an ceudna, agus mharbh e leòmhann ann am meadhon sluicid 'an àm sneachda.

21 Agus mharbh e Eiphiteach, duine comh-araichte: agus ann an làimh an Eiphitich bha sleagh; ach chaidh esau sìos d'a ionn-uidh le luirg, agus spìon e 'n t-sleagh á làimh an Eiphitich, agus mharbh e le shìlcagh féin e.

22 Na nithean sin rinn Benaiah mac Iehoiada; agus bha ainm aige an measg triuir dhaoine treuma.

23 De'n triuir b'e a b'urramaiche, ach cha d'ràinig e gu ruig a' cheud triuir: agus chuir Daibhidh e os ceann a fhreiceadain.

24 Bha Asabel bràthair Ioaib am measg an deich thar fhichead, Elhanan mac Dhodo o Bhet-lehem.

25 Samah an Harodach, Elica an Harodach,

26 Helcs am Paltach, Ira mac Iceis an Tecoch,

27 Abieser an t-Anetotach, Mebunai an Husatach,

28 Salmon an t-Ahohach, Maharai an Netophatach,

29 Heleb mac Bhaanah, an Netophatach Itai mac Ribai o Ghibeah chloinn Bheniamin,

30 Benaiah an Piratonach, Hidai o shruth-aibh Ghaais,

31 Abialbon an t-Arbatach, Asmabhet an Barhumach,

32 Eliahba an Saalbonach: de mhic Iassein, Ionatan,

33 Samah an Hararach, Ahiam mac Sharair an Hararach,

34 Eliphelet mac Ahasbai, mhic a' Mhaachataich, Eliam mac Ahitoplail an Gilonach,

35 Hesraian Carmeleach, Paarai an t-Arbach,

36 Igal mac Naitan o Shobah, Bani an Gadach,

37 Selcc an t-Amonach, Naharai am Beerotach, fear ionchair arm Ioaib, mhic Sheruah,

38 Ira an t-Itreach, Gareb an t-Itreach,

39 Uriah an Hiteach: seachd deug thar fhichead uile.

1 Chuir Daibhidh Ioaib a ghabhail àireimh Israeil. 13 Air son so tha plàigh am measg an t-sluaigh. 15 Bhàsaich deich agus trì fichead mìle fear leis a' phlàigh. 18 Thog Daibhidh altair ann an urlar-bualaidh Araamah.

A GUS a ris las fearg an Tighearn' an aghaidh Israeil, agus bhrosnaich e Daibhidh 'n an aghaidh, a ràdh, Fàlbh, gabh àireamh Israeil agus Iudah.

2 Oir thubhairt an rìgh ri Ioaib ceannard an t-slàigh, a bha maille ris, Imich a nis air feadh uile threubhan Israeil, o Dhan eadhon gu Beerseba, agus gabh àireamh an t-sluaigh, a chum gu'm bi fios àireimh an t-sluaigh agam.

3 Agus thubhairt Ioaib ris an rìgh, A nis gu'n cuireadh an Tighearn do Dhia ris an t-sluagh, (ge b'e ciod an àireamh a th'ann diubh,) fathast a' cheud uibhir, agus gu'n faicadh suilean mo thighearn' an rìgh e: ach car son tha mo thighearn an rìgh a' gabhail tlachd anns an nì so?

4 Gidheadh, bhuadhaich focal an rìgh an aghaidh Ioaib, agus an aghaidh cheannard an t-slàigh: agus chaidh Ioaib agus ceannardan an t-slàigh a mach á fianuis an rìgh, a ghabhail àireimh sluaigh Israeil.

5 Agus chaidh iad a null thar Iordan, agus champaich iad ann an Aroer, air taobh mu dheas a' bhaile, a tha ann am meadhon aimhne Ghad, agus leth ri Gascr:

6 An sin thàinig iad gu Gilead, agus gu fearann ìochdarach Hodsì; agus thàinig iad gu Dan-iaan, agus mu'n cuairt gu Sidon,

7 Agus thàinig iad gu daingneach Thiruis, agus gu uile bhailtibh nan Hìbheach, agus nau Canaanach; agus chaidh iad a mach do'n taobh mu dheas de Iudah, gu Beerseba.

8 Agus an uair a chaidh iad air feadh na tìre uile, thàinig iad gu h-Ierusalem 'an ceann naoi mìosan agus fhichead là.

9 Agus thug Ioaib suas làn àireamh an t-sluaigh do'n rìgh: agus bha ann de Israel oich ceud mìle fear gaisgeil a tharruing claidheamh, agus de fhearaibh Iudah cùig ceud mìle fear.

10 Agus bhuail cridhe Dhaibhidh e, an dèigh dha'n sluaigh àireamh: agus thubhairt Daibhidh ris an Tighearn, Pheacaich mi gu mòr anns an nì a rinn mi: agus a nis, a Thighearna, guidheam ort, thoir air cionta do sheirbhisich dol seachad, oir rinn mi gu ro amaidcach.

11 Agus dh'éirich Daibhidh anns a' mhad-uinn, agus thàinig focal an Tighearna dh'ionnsuidh an fhàidh Ghad, fir-scallaidh Dhaibhidh, ag ràdh,

12 Fàlbh agus abair ri Daibhidh, Mar so tha'n Tighearn ag ràdh, Tha mi 'cur thri

nithean fa d' chomhair: ròghnaich dhuit fén aon diubh, a chum gu'n dean mi riut e.

13 Agus thàinig Gad a dh'ionnsuidh Dhaibhidh, agus dh'innis e dha, agus thubhairt e ris, An tig tri bliadhna gorta ort ann ad thir? no an teich thu tri mìosan roimh do naimhaidibh, agus iad 'an tòir ort? no am bi tri làithean plàigh ann ad thir? A nis smuainich, agus faic cìod a fhreagaireas mi dhasan a chuir uaith mi.

14 Agus thubhairt Daibhidh ri Gad, Tha mi ann an teinn mhòir: tuiteamaid a nis ann an làmh an Tighearn', oir is bonn-mhor a thròcairean, ach ann an làmh duine a tuiteam.

15 Agus chuir an Tighearn plàigh air Israel, o'n mhaduinn eadhon gu ruig an t-àm suidhichte: agus bhàsaich de'n t-sluagh o Dhan gu Beer-seba, deich agus trì fichead mìle fear.

16 Agus an uair a chuir an t-aingeal a mach a làmh gu h-Ierusalem g'a sgrìos, ghabh an Tighearn aithreachas a thaobh an uile, agus thubhairt e ris an aingeal a sgrìos an sluagh, *Is leòr e*: cum a nis air do làmh. Agus bha aingeal an Tighearna làmh ri urlar-bualaidh Araunah an Iebus-aich.

17 Agus labhair Daibhidh ris an Tighearn 'n uair a chunnaic e 'n t-aingeal a bhuail an sluagh, agus thubhairt e, Feuch, is mise a pheacaich, agus is mise a rinn gu h-aingidh; ach na caoraich sin, cìod a rinn iad? bitheadh do làmh, guidheam ort, a'm' aghaidhsa, agus an aghaidh tighe m'athar.

18 Agus thàinig Gad a dh'ionnsuidh Dhaibhidh air an là sin, agus thubhairt e

ris, Gabh suas, tog altair do'n Tighearn ann an urlar-bualaidh Araunah an Iebus-aich.

19 Agus chaidh Daibhidh suas, a réir focail Ghad, mar a dh'àithn an Tighearn.

20 Agus dl'amhaire Araunah, agus chunnaic e'n rìgh agus a sheirbhisich a' teachd air an aghaidh d'a ionnsuidh: agus chaidh Araunah a mach, agus chrom se e fén do'n rìgh air 'aghaidh gu làr.

21 Agus thubhairt Araunah, 'Car son a thàinig mo thighearn an rìgh a dh'ionnsuidh a sheirbhisich? Agus thubhairt Daibhidh, a cheannach uait an urlair-bhualaidh, a thogail altarach do'n Tighearn, a chum gu'n caisgear a' phlàigh o'n t-sluagh.

22 Agus thubhairt Araunah ri Daibhidh, Gabhadh, agus iòbradh mo thighearn an rìgh an *ni sin a bhitheas* maith 'n a shùilibh: feuch, *tha buar an so* chum iòbairt-loisgte, agus innealan-bualaidh, agus acfhuim *eile* a bhuineas do'n bhuar air son connaidh.

23 Iad sin uile thug Araunah do'n rìgh. Agus thubhairt Araunah ris an rìgh, Gu'n gabhadh an Tighearn do Dhia riut.

24 Agus thubhairt an rìgh ri Araunah, Ni h-eadh; ach gu deimhin ceannaichidh mi uait *iad* air luach; agus cha'n iòbair mi iòbairtean-loisgte do'n Tighearn mo Dhia de'n ni sin a gheibh mi a nasgaidh. Agus cheannaich Daibhidh an t-urlar-bualaidh, agus am buar, air leth-cheud secel airgid.

25 Agus thog Daibhidh an sin altair do'n Tighearn, agus dh'ìobaire iòbairtean-loisgte. agus iòbairtean-sith: agus bha'n Tighearn rèidh ris an tìr, agus choisgeadh a' phlàigh o Israel.

CEUD LEABHAR NAN RIGH,

D'AN AINM GU COITCHEANN,

TREAS LEABHAR NAN RIGH.

CAIB. I.

1 *Dh'eiridinn Abisag Daibhidh 'n a shean aois.* 5 *Le còmhnaidh Ioab ghlac Adoniah an rìoghachd.* 11 *Chuir Natan Batsaba dh'ionnsuidh Dhaibhidh gu fìos a thoirt da mu'n chàis so.* 38 *Le ordugh Dhaibhidh dh'ung Sadoe agus Natan Solamh.* 41 *Theich Adoniah, &c.*

ANIS bha rìgh Daibhidh sean, agus air teachd air aghaidh ann am bliadhn-aibh; agus còmhlaich iad e le h-eudach, gidheadh cha do ghabh e blàthas.

2 Uime sin thubhairt a sheirbhisich ris, Iarradh iad do m' thighearn an rìgh gruagach a *tha* 'n a h-igh, agus seasadh i 'am fianuis an rìgh, agus eiridneadh i e, agus luidheadh i ann ad uchd, a chum gu'n gabh an tighearn mo rìgh blàthas.

3 Uime sin dh'iarr iad gruagach mhaiseach air feadh uile chrìoch Israeil, agus fhuair iad Abisag, Ban-sunamach, agus thug iad i dh'ionnsuidh an rìgh.

4 Agus bha a' ghruagach ro mhaiseach.

agus dh'eiridh i an rìgh, agus fhritheil i dha; ach cha d'aithnich an rìgh i.

5 An sin dh'ardaich Adoniah mac Hagit e fèin, ag ràdh, Rìoghaichidh misc: agus dh'ulluich e dha fèin carbaid, agus marcshlinagh, agus leth-cheud fear a ruith roimhe.

6 Agus cha do ehuir 'athair doilgheas air tair sam bith, ag ràdh, C'ar son a rinn thu mar so? Agus bha esan mar an cendua ro mhaiseach 'n a dhealb; agus rugadh e au dèigh Absaloin.

7 Agus bha comhludair aige ri Ioab mac Sheruah, agus ri Abiatar au sagart: agus a' leantuinn Adoniah, rinu iad comhludh ris.

8 Ach cha robh Sadoc an sagart, agus Benaiah mac Iehoiada, agus Natan am fàidh, agus Simei, agus Rei, agus na fir threuna, a bhuineadh do Dhaibhidh, maille ri Adoniah.

9 Agus dh'ìobair Adoniah caoraich agns buar, agus sprèidh reamhar làimh ri eloich Shohélet, a tha làimh ri Enrogel; agus thug e cuireadh d'a bhràithribh nìle, mic an rìgh, agus do fhearaibh Indah nìle, seirbhisich an rìgh.

10 Ach do Natan am fàidh, agus do Benaiah, agns do na fir threuna, agus do Sholamh a bhràthair, cha d'thug e cuireadh.

11 Uime sin labhair Natan ri Batseba màthair Sholaimh, ag ràdh, Nach cnala tu gu bheil Adoniah mac Hagit a' rìoghachadh, agus cha-nèil fhios aig ar tighearn Daibhidh air?

12 A nis ma ta, leig dhomhsa, guidheam ort, comhairle a thabhairt ort, a chum gu'n saor thu d'anam fèin, agus anam Sholaimh do mhic.

13 Imich, agus gabh a steach gu rìgh Daibhidh, agus abair ris, Nach d'thug thusa, mo thighearn, a rìgh, miannan do d' bhanoglaich, ag ràdh, Gu deimhin rìoghaichidh Solamh do mhac a'm' dhéigh-sa, agus suidhidh e air mo rìgh-chaitir-sa? c'ar son ma scadh a tha Adoniah a' rìoghachadh?

14 Feuch, am feadh a bhitheas tusa fathast a' labhairt an sin ris an rìgh, thig mise mar an cendna steach a'd' dhéigh, agus daingnichidh mi do bhriathran.

15 Agus chaidh Batseba a steach a dh'ionusuidh an rìgh, do'n t-seòmar: agns bha'u rìgh ro shean; agus fhritheil Abisag a' Bhan-sunawach do'n rìgh.

16 Agus chruim Batseba sìos, agus rium i ùmhlachd do'n rìgh. Agus thubhairt an rìgh, Ciod a's àill leat?

17 Agus thubhairt ise ris, Mo thighearna, mhionuaich thu air an Tighearn do Dhia do d' bhanoglaich, ag ràdh, Gu cinnteach rìoghaichidh Solamh do mhac a'm' dhéigh-sa, agus suidhidh e air mo rìgh-chaitir-sa:

18 Agus a nis, feuch, tha Adoniah a' rìogh-

achadh, agns agad-sa, mo thighearn, a rìgh, cha-nèil fios air.

19 Agus dh'ìobair e buar, agus sprèidh reamhar, agus caoraich gu hionmhor, agus thug e cuireadh do mhic an rìgh nìle, agus do Abiatar au sagart, agus do Ioab ceannard an t-slòigh; ach do d'òglach Solamh cha d'thug e cuireadh.

20 Agus a nis mo thighearn, a rìgh, tha sùilean Israeil uile ort, a chum gu'n innseadh tu dhoibh cò a shuidheas air rìgh-chaitir mo thighearn an rìgh 'n a dhéigh fèin.

21 Oir, mur innis, tarlaidh 'n nair a choidheas mo thighearn an rìgh maille r'aithrichibh, gu'm measar mise agus mo mhac Solamh 'n ar ciontaich.

22 Agus, feuch, am feadh a bha i fathast a' labhairt ris an rìgh, thàinig Natan am fàidh mar an ceudna a steach.

23 Agus dh'innis iad do'n rìgh, ag ràdh, Feuch, Natan am fàidh. Agus an nair a thàinig e steach 'am fiannis an rìgh, chrom se e fèin do'n rìgh le 'aghaidh gu làr.

24 Agus thubhairt Natan, Mo thighearn, a rìgh, an d'thubhairt thusa, Rìoghaichidh Adoniah a'm' dhéigh-sa, agus suidhidh esan air mo rìgh-chaitir?

25 Oir chaidh e sìos an dingh, agus dh'ìobair e buar, agus sprèidh reamhar, agus caoraich gu hionmhor; agus thug e cuireadh do mhic an rìgh nìle, agus do cheannardaibh an t-slòigh, agus do Abiatar an sagart; agus, feuch, tha iad ag itheadh agus ag òl 'n a làthair, agus their iad, Gu ma fada beò an rìgh Adoniah.

26 Ach dhomhsa, eadhon dhomhsa do sheirbhisich, agus do Shadoc an sagart, agus do Benaiah mac Iehoiada, agus do d'òglach Solamh cha d'thug e cuireadh.

27 An ann le m' thighearn an rìgh a rinn-eadh an ni so, agns nach d'thug thu fios do d' sheirbhisich co a shuidheas air rìgh-chaitir mo thighearn an rìgh 'n a dhéigh fèiu?

28 Agus fhreagair rìgh Daibhidh, agus thubhairt e, Gairmibh do m' ionnsuidh Batseba. Agus thàinig i an làthair an rìgh, agus sheas i 'am fianuis an rìgh.

29 Agus mhionnaich an rìgh, agus thubhairt e, Mar is beò an Tighearn, a shaor m'anam as gach air.

30 Amluil mar a mhionnaich mi dhuit air an Tighearn Dia Israeil, ag ràdh, Gu deimhin rìoghaichidh do mhac Solamh a'm' dhéigh-sa, agus suidhidh e air mo rìgh-chaitir a'm' àite; gu cinnteach is ann mar sin a ni mi an dingh.

31 An sin chruim Batseba sìos le 'h-aghaidh gu làr, agus rinn i ùmhlachd do'n rìgh, agus thubhairt i, Maireadh mo thighearn rìgh Daibhidh gu bràth.

32 Agus thubhairt rìgh Daibhidh, Gairmibh do m' ionnsuidh Sadoc an sagart, agus

Natan am fàidh, agus Benaiah mac Iehoiada. Agus thàinig iad 'am fianuis an rìgh.

33 Agus thubhairt an rìgh riu, Thugaibh
leibh seirbhisich bhur tighearn', agus thug-
aibh air Solamh mo mhac marcachd air
mo mhuilcid féin, agus thugaibh sìos e gu
Gihon:

34 Agus m'gadh Sadoc an sagart, agus Natan an fàidh, an sin e 'n a rìgh air Israel: agus séidibhse an trompaid, agus abraibh. Gu ma fada beò rìgh Solamh.

35 An sin thig sibh a mios 'n a dhéigh,
agus thig esau, agus suidhidh e air mo
righ-chaithir-sa, agus rìogaichidh e a'm'
àite: agus dh'àithn mise e bhi 'n a cheaun-
dar air Israel. agus air Iudah.

36 Agus fhreagair Benaiah mac Iehoiada an rìgh, agus thubhairt e, Amen: gu'n abradh an Tighearn Dia mo thighearn' an rìgh mar sin *cuideachd*.

37 Mar a bha'n Tighearn maille ri m'
thighearn an rìgh, gu ma h-
aithluidh bhitheas e le Solamh,
agus gu'n ardaicheadh e a rìgh-
chaithir ri rìgh-chaithir mo
thighearna rìgh Daibhidh.

38 Agus chaidh Sadoc an sagart, agus Natan ain faidh, agus Benaiah mac Iehoiada, agus na Ceretich, agus na Peletich sìos, agus thug iad air Solamh marcachd air muileid rìgh Daibhidh; agus thug iad e gu Gihon.

39 Agus thug Sadoc an sagart corn olaidh as a' phàillium, agus dh'uing e Solamh; agus sheid iad an trompaid, agus thubhairt an sluagh uile, Gu ma fada beò rìgh Solamh.

40 Agus thàinig an sluagh uile a nìos 'n a dhéigh, agus *bha'n* sluagh a' piobaireachd le pioban, agus a' deanamh gairdeachais le mòr ghairdeachas, air chor as gu'n do reubadh an talamh le'm fuaim.

41 Agus chual' Adoniah, agus na h-aoidh-ean uile a *bha* maille ris e, 'n uair a sguir iad a dh'itheadh: agus an nair a chual' Ioaib fuaim na trompaide, thubhairt e, C'ar son a tha fuaim so a' bhaile, *agus e* làn comh-ghair?

42 Agus an feadh a bha esan fathast a' labhairt, feuch, thàinig Iouatan mac Abiatair an t-sagairt, agus thubhairt Adouiah ris, Thig a steach, oir is duine treum thu, agus bheir thu sreul maith leat.

43 Agus fhreagair Ionatan, agus thubhairt e ri Adoniah, Gu deimhin rinn ar tighcarn rìgh Daibhidh Solamh 'n a rìgh.

44 Agus chuir an rìgh leis Sadoc au sagart, agus Natan am faidh, agus Beuaiah mac Iehoiada, agus na Ceretich, agus na Peletich; agus thug iad air marcachd air muileid an rìgh.

45 Agus dh'uing Sadoc an sagart, agus
Natan am faidh, e'n a rìgh ann an Gihon:
agus thàinig iad a nìos as a sin a' deanamh
gairdeachais, air chor as gu bheil am baile

ri comh-ghàir: is i sa an fhuaim a chuala sibh.

46 Agus mar an ceudna tha Solanib 'n a shuidhe air caithir na rìoghachd.

47 Agus os barr, thàinig scirbhisich an rìgh a bheannachadh ar tighearna rìgh Daibhidh, ag ràdh, Gu'n deanadh Dia ainm Sholaimh nìs fearr na d'ainm-sa, agus gu'n àrdaicheadh e a rìgh-chaithir os ceann do rìgh-chaithir-sa: agus chrom an rìgh e fèin air an leabaidh.

48 Agus cuidcachd mar so thubhairt an rìgh, Gu ma beannaicht' an Tighearn Dia Israeil, a thug an diugh *duine* a shuidhe air mo rìgh-chaithir, agus mo shùilean fèin 'g a fhaicinn.

49 Agus ghlac uamhas na h-aoidhean uile a *bha* uaille ri Adouiah, agus dh'éirich iad, agus dh'imich iad gach fear air a shlighe féin.

50 Agus bha eagal air Adoniah roimh Sholamh, agus dh'èirich e, agus chaidh e, agus ghabh e greim a dh'adharcaibh na h-altarach.

51 Agus dh'innseadh do Sholamh, ag ràdh,
Feuch, tha eagail air Adoniah roimh rìgh
Solamh, agus, feuch, ghabh e greim a
dh'adharcaibh na h-altarach, ag ràdh,
Thugadh rìgh Solamh a mhionnau dhomhsa
an diugh, nach marbh e a sheirbhiseach
leis a' chlaidheamh.

52 Aghus thubhairt Solamh, Ma bhitheas e
'na a dhùine maith, cha tuit *ròinneag* d'a fholt
gu làr; ach ma gheibhear olc ann cuirear
gu bàs e.

53 Agus chuir rìgh Solamh *fios air*, agus thug iad air teachd a nuas o'n altair, agus thàinig e agus chom se e féin do rìgh Solamh. Agus thubhairt Solamh ris, Imich do d' thigh.

CAIB. II.

1 *Thug Daibhidh aithne do Sholamh, agus
fhuaire e bás. 12 Ríghích Solamh 'n a áite.
23 Chuireadh Adoniah gu bás. 26 Tháil
Solamh a mach Abiatar o bhi 'n a shagart.
29 Mharbhadh Ioab aig adharcaibh na h-
allarach.*

A NIS thàinig làithean Dhaibhidh am fagus auns am faigheadh e bàs, agus dh'àithn e do Sholamh a mhac, ag ràdh, 2 Tha mise a' dol air slighe na talmhainn uile: bi thusa uime sin làidir, agus dean gu fearail:

3 Agus coimhid cùram au Tighearna do
Dhè, a dh'imeachd 'n a shligheibh, a ghleidh-
eadh a reachdan, agus 'àiteantan, agus a
bhreitheanais, agus a theistis, mar a tha e
sgrìobhta ann an lagh Mhaois, a chum gu'n
soirbhidh leat anns gach *ni* a ni thu, agus
anns gach *àite* d'an tiùdaidh tu thu fèin:

4 Chum gu'n daingnich an Tighearn
'fhocal féin, a labhair e do m' thaobh-sa, ag
ràdh, Ma choinhideas do chlànn an slighe,
gu imeachd a'm' fhianuis-sa aum am firinn,

le'n uile chridhe, agus le'n uile anam, cha bhi (ars) esan) duine dh'easbhuidh ort air rìgh-chaithir Israeil.

5 Os barr, tha fhios agad ciod a rinn Ioab mac Sheruah ormsa, agus ciod a rinn e air dà cheannard sìogh Israeil, air Abner mac Neir, agus air Amasa mac Ieteir; oir mharbh e iad, agus dhòirt e fuil a' chogaidh anns an t-sìth, agus chuir e fuil a' chogaidh air a chrios a *bha* m'a leasraidh, agus air a bhròg-aibh a *bh'* air a chosaibh.

6 Dean thusa ma ta a réir do ghliocais, agus na leig le 'cheann liath dol sìos do'n uaigh ann an sìth.

7 Ach nochd caomhlneas do mhacaibh Bharsillai a' Ghileadaich, agus bitheadh iad am measg an dream a dh'itheas aig do bhord; oir is ann mar so a thàinig iad do m' ionusuidh-sa 'n uair a theich mi roimh Absalom do bhràthair.

8 Agus, feuch, maille riut *tha* Simeì, mac Ghera, Beniamineach o Bhahurim, a mhall-aich mise le mallachadh gear, anns an là 's an deachaidh mi do Mhahanaim: ach thàinig e nuas a'm choinneamh gu Iordan, agus mhionnaich mi dha air an Tighearn, ag ràdh, Cha chuir mi gu bàs leis a' chaidh-eamh thu.

9 A nis ma ta na meas neo-chiontach e: oir *is* duine glic thu, agus tha fhios agad ciod a's còir dhuit a dheanamh ris; ach thoir a cheann liath sìos do'n uaigh le fuil.

10 An sin choidil Daibhidh maille r'a aithrichibh, agus dh'adhlacadh e ann am baile Dhaibhidh.

11 Agus *b'iad* na làithean a rìghich Daibhidh os ceann Israeil dà fhichead bliadhna: ann an Hebron rìghich e seachd bliadhna, agus ann an Ierusalem rìghich e trì bliadhna deug thar fhichead.

12 An sin shuidh Solamh air rìgh-chaithir Dhaibhidh 'athar, agus dhaingnicheadh a rìoghachd gu mòr.

13 Agus thàinig Adoniah mac Hagit gu Batseba màthair Sholaimh; agus thubhairt i, An ann 'an sìth a tha thu 'teachd? agus thubhairt esan, Ann an sìth.

14 Thubhairt e os barr, Tha ni agam ri ràdh riut. Agus thubhairt ise, Abair romhad.

15 Agus thubhairt esan, Tha fhios agad gu'm bu leamsa an rìoghachd, agus *gu'n* do chuir Israel uile an aghaidh orm, chun gu'n rìghaichinn: gideadh, thionndaidh-eadh an rìoghachd mu'n cuairt, agus fhuair mo bhràthair i; oir bu leis-san o'n Tighearn i.

16 Agus a nis, aon athchuinge *tha* mi 'g iarraidh ort, na diùlt mi. Agus thubhairt ise ris, Abair romhad.

17 Agus thubhairt esan, Labhair, guidheam ort, ri Solamh an rìgh, (oir cha diùlt e 'thusa,) gu'n tugadh e dhomh Abisag a' Bhan-sunamach 'n a mnaoi.

18 Agus thubhairt Batseba, Ro mhaith; labhraidh mise air do shon ris an rìgh.

19 Chaidh Batseba uime sin a dh'ionnsuidh rìgh Solamh, a labhairt ris air son Adoniah. Agus dh'éirich an rìgh suas 'n a coinneamh, agus chom se e fèin d'i, agus shuidh e air a rìgh-chaithir, agus thug e faineas caithir a chur sìos do mhàthair an rìgh; agus shuidh i air a làimh dheis.

20 An sin thubhairt i, *Tha* mi 'g iarraidh aon athchuinge bige ort, na diùlt mi, *guidheam* ort. Agus thubhairt an rìgh rithe, Iarr, a mhàthair, oir cha diùlt mi thu.

21 Agus thubhairt ise, Thugar Abisag a' Bhan-sunamach do Adoniah do bhràthair 'n a mnaoi.

22 Agus flreagair rìgh Solamh, agus thubhairt e r'a mhàthair, Agus e'ar son a dh'iarras tu Abisag a' Bhan-sunamach do Adoniah? iarr dha an rìoghachd mar an ceudna; (oir is e mo bhràthair a's sine e;) eadhon dha-san, agus do Abiatar an sagart, agus do Ioab mac Sheruah.

23 An sin mhionnaich rìgh Solamh air an Tighearn, ag ràdh, Gu'n deanadh Dia mar sin riumsa, agus tuilleadh mar an ceudna, mur h-ann an aghaidh a bheatha fèin a labhair Adoniah am focal so.

24 A nis uime sin, *mar* is beò an Tighearn, a dhaingnic mise, agus a chuir a'm shuidhe mi air rìgh-chaithir Dhaibhidh m'athar, agus a rinn tigh dhomh, mar a labhair e, cuirear Adoniah gu bàs an diugh.

25 Agus chuir rìgh Solamh le làimh Bhenaiiah mhic Ichoiada, agus bhuail e air, air chor as gu'n d'fhuair e bàs.

26 Agus ri Abiatar an sagart thubhairt an rìgh, Imich gu Anatot, a dh'ionnsuidh d'fhearamin fèin, oir *tha* thu 'toilltinn a' bhàis: ach an diugh cha mharbh mi thu, a chionn gu'n do ghiùlain thu àire an Tighearna Iehobhah 'am fannais Dhaibhidh m'athar, agus a chionn gu'n d'fhuiling thu àmhghar anns gach *ni* 's an d'fhuiling m'athair àmhghar.

27 Mar so thilg Solamh a mach Abiatar o bhi 'n a shagart do'n Tighearn, a choimhlionadh focal an Tighearna, a labhair e de thaobh tighe Eli ann an Siloh.

28 An sin thàinig tuairesgeul gu Ioab; (oir thionndaidh Ioab an deigh Adoniah, ged nach do thionndaidh e 'n deigh Absalom;) agus theich Ioab gu pàillium an Tighearna agus ghabh e greim a dh'adharcaibh na h-altarach.

29 Agus dh'innseadh do rìgh Solamh gu'n do theich Ioab gu pàillium an Tighearna, agus gu'n robh e làimh ris an altair: an sin chuir Solamh uaith Benaiah mac Ichoiada, ag ràdh, Falbh, buail air.

30 Agus thàinig Benaiah gu pàillium an Tighearna, agus thubhairt e ris, Mar so tha'n rìgh ag ràdh, 'Thig a mach. Agus

thubhairt esan, Cha téid, ach gbeibh mi bás an so. Agus thug Benaiah sgeul air ais a dh'ionnsuidh an rìgh, ag ràdh, mar so labhair Ioab, agus mar so fhreagair e mi.

31 Agus thubhairt an rìgh ris, Dean mar a labhair e, agus buail air, agus adhlaic e, a chum gu'n toir thu air falbh an fhuil neo-chiontach, a dhòirt Ioab, uamsa agus o thigh m'athar.

32 Agus pillidh an Tighearn 'fhuil air a cheann féin, do bhrìgh gu'n do bhuail e air dithis dhaoine a b'ionraice agus a b'fhearr na e féin, agus gu'n do mharbh e leis a' chlaidheamh iad, gun fhios do m' athair Daibhidh, *cadhòn* Abner mac Neir, ceannard slòigh Israeil, agus Amasa mac Iecir ceannard slòigh Iudah.

33 Pillidh uime sin am fuil-san air ceann Ioab, agus air ceann a shliochd gu bràth: ach aig Daibhidh, agus aig a shliochd, agus aig a thigh, agus aig a rìgh-chaitheir, bithidh sìth gu bràth o'n Tighearn.

34 Agus chaidh Benaiah mac Iehoiada suas, agus bhuail e air, agus mharbh se e: agus dh'adhlacaidh e 'n a thigh féin anns an fhàsach.

35 Agus chuir an rìgh Benaiah mac Iehoiada 'n a àit os ceann an t-slòigh: agus Sadoc an sagart chuir an rìgh 'an àit Abiathair.

36 Agus chuir an rìgh *fios*, agus ghairm e air Simeì, agus thubhairt e ris, Tog dhuit féin tigh ann an Ierusalem, agus gabh còmh-nuidh an sin, agus na falbh a mach as a sin taobh sam bith.

37 Oir tachairidh air an là anns an téid thu mach, agus an gabh thu thar sruth Chidroin, gu'm bi fios gu cinnteach agad gu'm faigh thu gu deimhin bàs: bithidh d'fhuil air do cheann féin.

38 Agus thubhairt Simeì ris an rìgh, *Is* maith an ràdh: mar a labhair mi thighearn an rìgh, is amhluidh a ni do sheirbhiseach. Agus ghabh Simeì còmh-nuidh ann an Ierusalem mòran de làithibh.

39 Agus thachair 'an ceann thri bliadhna, gu'n do theich dà sheirbhiseach le Simeì dh'ionnsuidh Achis, mhic Mhaachah, rìgh Ghat: agus dh'innis iad do Shimeì, ag ràdh, Feuch, *tha* do sheirbhiseach ann an Gat.

40 Agus dh'éirich Simeì, agus chuir e diollaid air 'asail, agus chaidh e do Ghat a dh'ionnsuidh Achis, a dh'iarraidh a sheirbhiseach: agus dh'fhalbh Simeì, agus thug e leis a sheirbhiseach o Ghat.

41 Agus dh'innseadh do Sholamh gu'n deachaidh Simeì o Ierusalem gu Gat, agus gu'n d'thàinig e air ais.

42 Agus chuir an rìgh *fios*, agus ghairm e air Simeì, agus thubhairt e ris, Nach d'thug mise ortsan mionnachadh air an Tighearn, agus nach d'thug mi fianuis a'd aghaidh, ag ràdh, Air an là anns an téid thu mach, agus am falbh thu taobh sam bith, bitheadh fios

gu cinnteach agad gu'm faigh thu gu deimhin bàs? agus thubhairt thu rium, *Is* maith am focal a chuala mi.

43 C'ar son ma ta nach do ghléidh thu mionnan an Tighearna, agus an àithne a dh'àithn mise dhuit?

44 Thubhairt an rìgh cuideachd ri Simeì, Is aithne dhuit féin gach uile ole air am fiosrach do chridhe, a rinn thu air Daibhidh m'athair-sa: uime sin phill an Tighearn d'ole air do cheann féin:

45 Ach *bithidh* rìgh Solamh beannaichte, agus bithidh rìgh-chaitheir Dhaibhidh daingean 'am fianuis an Tighearna gu bràth.

46 An sin dh'àithn an rìgh do Benaiah mac Iehoiada; agus chaidh e mach, agus bhuail e air, agus fhuair e bàs. Agus dhaingnicheadh an rìoghachd ann an Raimh Sholaimh.

CAIB. III.

1 *Ghabh Solamh nighean Pharaoh dha féin 'n a mnaoi.* 5 *Thaisbein an Tighearn e féin do Sholamh ann an aising, agus dh'fheòraich e dheth ciod a b' àill leis e thubhairt da.* 9 *Rògh-naich esan glòreas:* 11 *Gheall Dia sin dha, maille ri saobhreas agus urram.* 16 *Thug e breth eadar dà strìopach.*

AGUS rinn Solamh cleamhnas ri Pharaoh rìgh na h-Eiphit, agus ghabh e nighean Pharaoh, agus thug e i do bhaile Dhaibhidh, agus an do chuir e crìoch air a thigh féin a thogail, agus tigh an Tighearn', agus balla Ierusalem mu'n cuairt.

2 Ach dh'òbair an sluagh air àitibh àrda, do bhrìgh nach do thogadh tigh do ainm an Tighearna gu na làithibh sin.

3 Agus ghràdhaich Solamh an Tighearn, ag inneachd ann an orduighibh Dhaibhidh 'athar: ach ann an àitibh àrda dh'òbair e agus loisg e tùis.

4 Agus chaidh an rìgh do Ghibcon a dh'òbradh an sin, oir 'b'e sin am mòr àit àrd: mìle iobairt-loisgte thug Solamh suas air an altair sin.

5 Ann an Gibeon thaisbein an Tighearn e féin do Sholamh ann an aising na h-oidche; agus thubhairt Dia, Iarr ciod a'sàill leat mi 'thabhairt duit.

6 Agus thubhairt Solamh, Nochd thu do d'òglach Daibhidh m'athair caoinalmcas mòr, a rèir mar a dh'imich e a'd fianuis ann am frinn, agus ann an ionracas, agus ann an treibhdhìreas cridhe maille riut; agus ghléidh thu dha an caoinmneas mòr so, gu'n d'thug thu dha mac a shuidhe air a rìgh-chaitheir, mar a *tha* e 'n diugh.

7 Agus a nis a Thighearna mo Dhia, rim thu d'òglach 'n a rìgh 'an àite Dhaibhidh m'athar; agus mise a'm leanabh beag, do nach aithne dol a mach no teachd a steach.

8 Agus *tha* d'òglach 'am meadhon do shluaigh a thagh thu, sluagh lìonmhor, nach 'eil e 'n comas àireamh no mheas aig an lìonmhoireachd.

9 Thoir uime sin do d'òglach cridhe tuigseach a thoirt breth air do shluagh, gu dealachadh 'chur eadar am maith agus an t-òle; oir cò 'a's urrainn breth a thabhairt air do shluagh so a tha co mhòr?

10 Agus bha e 'n a ni taitneach leis an Tighearn, gu'n d'iarr Solamh an ni so.

11 Agus thubhairt Dia ris, A chionn gu'n d'iarr thu an ni so, agus nach d'iarr thu dhuit féin saoghal fada, agus nach d'iarr thu dhuit féin saoihbheas, agus nach d'iarr thu anam do naimhdean, ach gu'n d'iarr thu dhuit féin tuigse a dheanamh breitheanas.

12 Feuch, rinn mise a réir do bhriathar: feuch, thug mi dhuit cridhe glic agus tuigseach, air chor as nach robh neach air bith romhad cosmhuil riut, agus nach mò a dh'èireas a'd' dhéigh neach air bith cosmhuil riut.

13 Agus mar an ceudna thug mi dhuit an ni nach d'iarr thu, a-raon saoihbheas agus cliu, air chor as nach bi duine cosmhuil riut am measg nan rìgh rè do làithean uile.

14 Agus ma dh'innicheas tu ann mo shligheibh-sa, a ghleidheadh mo reachdan, agus m'athicantan, mar a dh'innich Daibhidh d'athair, an sin ni mi do làithean fada.

15 Agus mhosgail Solamh, agus, feuch, b'aisling a bh'ann: agus thàinig e gu h-Ierusalem, agus sheas e 'am fianuis àire coimhcheangail an Tighearna, agus thug e suas ìobairtean-loisgte, agus dh'ìobair e ìobairtean-sìth, agus rinn e cuirm d'a sheirbhiseich uile.

16 An sin thàinig dithis bhan, a bha 'n an strìopaichean, a dh'ionnsuidh an rìgh, agus sheas iad 'n a làthair.

17 Agus thubhairt bean diubh, O mo thighearna, tha mise agus a' bhean so a' gabhail còmhuidh ann an aon tigh, agus dh'aiseadadh mise maille ri the 'n a tigh.

18 Agus air an treas là 'n déigh dhomhsa bhi air m'aisead, dh'aiseadadh a' bhean so mar an ceudna, agus bha sinn cuideachd; cha robh coigreach sam bith maille ruinn 's an tigh, ach sinn féin 'n ar dithis anns an tigh.

19 Agus dh'eug mac na mnà so 's an oidhche, a chionn gu'n do luidh i air.

20 Agus dh'èirich i mu mheadhon-oidhche, agus thug i mo mhac-sa o m' thaobh, am feadh a bha do bhanoglach 'n a codal, agus chuir i 'n a luidhe e 'n a h-uchd féin, agus chuir i a mac marbh féin 'n a luidhe ann am uchd-sa.

21 Agus dh'èirich mi anns a' mhaduinn a thoirt eiche do m' mhac, agus, feuch, bha e marbh. Ach an uair a thug mi an aire dha 's a' mhaduinn, feuch, cha b'e mo mhac-sa 'bh'ann, a rug mi.

22 Agus thubhairt a' bhean eile, Ni h-cadh; ach *is e mo mhac-sa 'tha* beò, agus *is e do mhac-sa 'tha* marbh: agus thubhairt ise, Ni h-cadh; ach *is e do mhac-sa 'tha* marbh,

agus *is e mo mhac-sa 'tha* beò. Mar so labhair iad 'am fianuis an rìgh.

23 An sin thubhairt an rìgh, *Tha i so ag ràdh, Is e so mo mhac-sa 'tha* beò, agus *is e do mhac-sa 'tha* marbh: agus tha i sud ag ràdh, Ni h-cadh; ach *is e do mhac-sa 'tha* marbh, agus *is e mo mhac-sa 'tha* beò.

24 Agus thubhairt an rìgh, Thugaibh dhomh claidheamh. Agus thug iad claidheamh 'am fianuis an rìgh.

25 Agus thubhairt an rìgh, Roinnibh am mac beò 'n a dhà leth, agus thugaibh leth a dh'aon *mhnaoi*, agus leth do'n *mhnaoi* eile.

26 An sin labhair a' bhean le'm bu leis am mac beò ris an rìgh, (oir theòdh a cridhe r'a mac,) agus thubhairt i, O mo thighearna, thugaibh dh'ise an leanabh beò, agus na marbhaibh idir e: ach thubhairt a' bhean eile, Na bitheadh e agam-sa no agad-sa, ach roinnibh e.

27 An sin fircagair an rìgh, agus thubhairt e, Thugaibh dh'ise an leanabh beò, agus na marbhaibh idir e: *is ise a mhàthair*.

28 Agus chual Israel uile a' bhreth a thug an rìgh, agus bha eagal orra roimh an rìgh; oir chunnac iad gu'n robh gliocas Dhé ann, a dheanamh breitheanas.

CAIB. IV.

1 Uachdarain Sholaimh. 2 Meud a rìoghachd, agus sonas a shluagh. 22 A lòn air son aoin là. A ghliocas, agus a sgrìobhadh.

A GUS bha rìgh Solamh 'n a rìgh air Israel uile.

2 Agus *is* iad so na h-uachdarain a bh'aige: Asariah mac Shadoic an t-sagairt:

3 Elihoreph agus Ahiah mic Shisa, sgrìobhaichean: Iehosaphat mac Abihuid, an sean-achaidh:

4 Agus Benaiah mac Iehoiada air ceann an t-sloigh: agus Sadoc agus Abiatar, na sagartan:

5 Agus Asariah mac Natain os ceann an luchd-dreuchd: agus Sabud mac Natain, an t-àrd fhear-dreuchd, 'n a charaid aig an rìgh:

6 Agus Alisar os ceann an teaghlaich: agus Adoniram mac Abda os ceann na cise.

7 Agus bha aig Solamh dà fhear dheug dreuchd os ceann Israeil uile, a bheathaich an rìgh agus a theaghlach: ré a mhiosa féin 's a' bhliadhna bha e mar fhiachaibh air gach fear dhiubh a bheathachadh.

8 Agus *is* iad so an ainmean: mac Huir ann an sliabh Ephraim:

9 Mac Dhecair ann am Màcas, agus ann an Saalbm, agus ann am Bet-semes, agus ann am Elon, agus ann am Bet-hanan:

10 Mac Hescid ann an Arubot; aige-san bha Sochoh, agus uile thìr Hepheir:

11 Mac Abinadaib, aig an robh uile thìr Dhoir; bha Taphat nighean Sholaimh aige 'n a mnaoi:

1 RIGH, V.

12 Baanah mac Ahiluid; *aige-san bha* Taanach, agus Megido, agus Bet-sean uile, a *tha* àlaimh ri Sartaanah sìos o Iesreel, o Bhet-sean gu Abel-meholah, gu ruig an taobh thall de Iocneam:

13 Mac Ghebeir ann an Ramot-gilead; dhasan *bhuineadh* bailtean lair mhic Mhanasch, a *tha* ann an Gilead; dhasan *mar an ceudna bhuineadh* tìr Argoib, a *tha* ann an Bāsan, trì fichead baile mòr le ballachaibh agus le crannaibh umha:

14 Ahinadab mac Ido ann an Mahanaim:

15 Ahimaas ann an Naphtali; ghabh esan mar an ceudna Basmat nighean Sholaimh 'n a mnaoi:

16 Baanah mac Husai ann an Aser, agus ann an Balot:

17 Iehosaphat mac Pharuah ann an Isachar:

18 Simeì mac Elah ann an Benjamin:

19 Geber mac Uri ann an tìr Ghilead, ann an tìr Shihoin rìgh nan Amorach, agus Og rìgh Bhasain; agus *b'esan* an t-aon fhear-dreuchd a *bha* 's an tìr.

20 *Bha* Iudah agus Israel lìonmhor, mar a' ghaineamh a *tha* ri taobh na fairge air lìonmhoireachd, ag itheadh, agus ag òl, agus a' deanamh subhachais.

21 Agus rìghich Solamh os ceann nan rìoghachdan uile, o'n amhainn gu tìr nam Philisteach, agus gu ruig crìoch na h-Eiphit: thug iad leo tìodhlacan, agus rinn iad seirbhis do Sholamh ré uile làithean a bheatha.

22 Agus b'e lòn Sholaimh air son aoìn là, deich tomhais fhichead de mhìn mhìn *chruithneachd*, agus trì fichead tomhas mine eile,

23 Deich daimh bhiadhtha, agus fichead damh bhàrr an fheoir, agus ceud caora, a thuilleadh air féidh, agus ruadh-bhuic, agus dathais, agus eoin bhiadhtha.

24 Oir bha uachdaranachd aige os ceann na *tìre* uile air an taobh so de'n amhainn, o Thiphisah eadhon gu Asah, os ceann nan rìgh uile air an taobh so de'n amhainn: agus bha sìth aige o gach taobh mu'n cuairt da.

25 Agus ghabh Iudah agus Israel còmh-nuidh gu tèaruinte, gach fear fo a chrann-fìona, agus fo a chrann-fìge féin, o Dhan eadhon gu Beer-seba, ré uile làithean Sholaimh.

26 Agus bha aig Solamh ceithir mìle prasach each air son a charbad, agus dà mhìle dheug marcach.

27 Agus bheathaich an luchd-dreuchd sin rìgh Solamh, agus gach neach a thàinig gu bòrd rìgh Sholaimh, gach duine 'n a mhìos féin: cha d'fhuiling iad ni air bith a bhi dh'easbhuidh.

28 Eorna mar an ceudna agus connlach do na h-cachaibh, agus do na dromedairibh, thug iad a dh'ionnsuidh an àit anns an robh

an luchd-dreuchd, gach fear a réir 'orduigh féin.

29 Agus thug Dia gliocas do Sholamh, agus tuigse ro mhòr, agus farsaingeachd cridhe, mar a' ghaineamh a *tha* air tràigh na mara.

30 Agus bu mhò gliocas Sholaimh na gliocas uile chloinne na h-àird' an ear, agus na uile ghliocas na h-Eiphit.

31 Agus bha e glic thar gach duine, thar Etan an t-Esrahach, thar Heman, agus Chalcol, agus Darda, mic Mhahoil: agus bha a chliu anns gach dùthaich mu'n cuairt.

32 Agus labhair e trì mìle gnàth-fhocal; agus b'e *àireamh* a dhàn mìle agus cùig.

33 Agus labhair e air craobhan, o'n chrann-seudair a *tha* ann an Lebanon, eadhon gu ruig an hisop a dh'fhàsas a mach as a' bhalla: labhair e mar an ceudna air ainmhidhean, agus air eunlaith, agus air nithibh a shnaigeas, agus air iasgaibh.

34 Agus thàinig *cuid* de na h-uile chinn-eacha a dh'èisdeachd ri gliocas Sholaimh, o uile rìghribh na talmhainn, a chual' *iomradh* a ghliocais.

CAIB. V.

1 *Thug Solamh fios do Hiram gu'n robh e gu teampull a thogail do Dhia, agus dh'ìarr e fiodh vaith air-son na h-oibre.* 7 *Gheall Hiram da gu'n deanadh e 'uile thoil a thaobh an fhiodha.* 13 *Aireamh luchd-oibre Sholaimh.*

A GUS chuir Hiram rìgh Thiruis a sheirbhisich a dh'ionnsuidh Sholaimh, an uair a chual' e gu'n d'ungadh e 'n a rìgh 'an àit 'athar: oir bha spéis aig Hiram do Dhaibhidh ré 'uile làithean.

2 Agus chuir Solamh *fios* gu Hiram, ag ràdh,

3 Tha fhios agad cionnus nach b'urrainn m'athair Daibhidh tigh a thogail do ainm an Tighearn a Dhé, air son a' chogaidh leis an do chuartich a *naimhdean* e, gus an do chuir an Tighearn iad fo bhonnaibh a chos.

4 Ach a nis thug an Tighearn mo Dhia fois dhomhsa air gach taobh: cha-n'èil nàmhaid air bith ann, no droch thuiteamas.

5 Agus, feuch, tha mi a' cur romham tigh a thogail do ainm an Tighearna mo Dhé, mar a labhair an Tighearn ri m'athair Daibhidh, ag ràdh, Do mhac a chuireas mise a'd' àit air do rìgh-chaithir, togaidh esan tigh do m'ainm-sa.

6 A nis uime sin àithn thusa gu'n gearr iad dhomhsa craobhan seudair a Lebanon; agus bithidh mo sheirbhisich-sa maille ri d' sheirbhisich-sa: agus tuarasdail do sheirbhisich bheir mise dhuit, a réir gach ni a dh'ainmicheas tu: oir tha fhios agad nach *'èil* 'n ar measg-ne duine d'an aithne fiodh a ghearradh, mar na Sidonaich.

7 Agus an uair a chuala Hiram briathran Sholaimh, bha aoibhneas mòr air, agus

thubhairt e, Gu ma beannaicht' an Tighearn an diugh, a thug do Dhaibhidh mac gile os ceann an t-sluaigh lìonmhoir so.

8 Agus chuir Hiram *fios* gu Solamh, ag ràdh, Chuala mi na nithean mu'n do chuir thu *fios* do m'ionnsuidh: ni mi d'uile thoil a thaobh nan craobh seudair agus a thaobh nan craobh giuthais.

9 Bheir mo sheirbhisich sìos *iad* o Lebanon a dh'ionnsuidh na mara: agus cuiridh mi air falbh iad 'n an ràthaibh air muir, gu ruig an t-àit a shònraicheas tu dhomh, agus cuiridh mi air tìr iad an sin, agus blier thusa leat *iad*; agus ni thu mo riar ann am biadh a thabhairt do m' theaghlach.

10 Mar sin thug Hiram do Sholamh fiodh seudair, agus fiodh giuthais, a *réir* 'uile thoil.

11 Agus thug Solamh do Hiram fichead mìle tomhas cruithneachd mar lòn d'a theaghlach, agus fichead tomhas a dh'olaidh fhìor-ghloin: mar so thug Solamh do Hiram o bhliadhna gu bliadhna.

12 Agus thug an Tighearn gliocas do Sholamh, mar a gheall e dha: agus bha sìth eadar Hiram agus Solamh, agus rinn iad còmhcheangal ri 'chéile.

13 Agus rinn rìgh Solamh togail *dhaoiné* á h-Israel uile; agus b'i an togail deich mìle fichead fear.

14 Agus chuir e iad do Lebanon, deich mìle 's a' mhìos mu seach: mìos bha iad ann an Lebanon, agus dà mhìos 'n an tighibh féin: agus bha Adoniram air ceann na togalach.

15 Agus bha aig Solamh deich agus trì fichead mìle fear-iomchar callaich, agus ceithir fichead mìle fear-gearraidh anns a' bheinn:

16 A thuilleadh air àrd luchd-dreuchd Sholaimh, a *bha* os ceann na h-oibre, trì mìle agus trì cheud, aig an robh uachdaranachd air an t-sluagh a bha 'deanamh na h-oibre.

17 Agus dh'àithn an rìgh, agus thug iad leo clachan mòra, clachan luachmhor, a shuidheachadh bunait an tighe, clachan snaidhte.

18 Agus shnaidh clachairean Sholaimh, agus clachairean Hiraim, agus na gearradh-airean-chlach *iad*: mar sin *ré thri bliadhna* dheasaich iad fiodh agus clachan a thogail an tighe.

CAIB. VI.

1 *Thog Solamh teampull do'n Tighearn.* 11 *Gealladh Dhé a thaobh an teampull.* 23 *Rinn Solamh dà cherub.* 37 *An aimsir a ghabh e a thogail an tighe.*

AGUS anns a' cheathramh ceud agus an ceathramh fichead bliadhna o theachd chloinn Israeil a mach á tìr na h-Eiphit, anns a' cheathramh bliadhna de rìoghachadh Sholaimh os ceann Israeil, anns a' mhìos

Siph, (*'s e sin an dara mìos*), thòisich e air tigh a thogail do'n Tighearn.

2 Agus an tigh a thog rìgh Solamh do'n Tighearn, *b'e 'fhad trì fichead làmh-choille*, agus a leud fichead *làmh-choille*, agus 'àirde deich thar fhichead làmh-choille.

3 Agus an sgàth-thigh air beulaobh teampuill an tighe, *b'e 'fhad fichead làmh-choille*, a rèir leoid an tighe; agus a leud deich làmh-choille, air beulaobh an tighe.

4 Agus rinn e do'n tigh uinneagan soluis air an tarruing cumhann.

5 Agus thog e ri balla an tighe seòmraichean mu'n cuairt, ri ballachaibh an tighe mu'n cuairt, *araon* an teampuill agus a' ghuth-àit; agus rinn e frith-sheòmraichean mu'n cuairt.

6 *Bha'n* seòmair ìochdrach cùig làmh-choille air leud, agus an seòmair meadhonach sè làmh-choille air leud, agus an treas seòmair seachd làmh-choille air leud; oir thug e steach balla an tighe mu'n cuairt o'n taobh a muigh, air chor as nach rachadh na sailthean 'an greim ann am balla an tighe.

7 Agus an uair a bha'n tigh 'g a thogail, thogadh e de chlachaihbh air an cumadh mun d'thugadh d'a ionnsuidh iad: agus cha chualas òrd no tuagh, no inneal iarum sam bith, anns an tigh, an uair a bha e 'g a thogail.

8 *Bha* dorus an t-seòmair mheadhonaich air taobh deas an tighe: agus air staidh-richibh sniomhain claidh iad suas do'n t-seòmair mheadhonaich, agus as an t-seòmair mheadhonaich do'n treas seòmair.

9 Mar so thog e an tigh, agus chrìochnaich se e; agus chòmhaich e an tigh le sailthibh agus le clàraibh seudair.

10 Agus thog e seòmraichean ris an tigh uile, cùig làmh-choille air 'àirde: agus leig iad an cudthrom air an tigh le fiodh seudair.

11 Agus thàinig focal an Tighearna gu Solamh, ag ràdh,

12 *A thaobh* an tighe so a *tha* thu a' togail, ma ghluaiseas tu ann am reachdaibh-sa, agus ma chuireas tu mo bhlreitheanais 'an gnìomh, agus ma ghleidheas tu m'aitheantan uile le gluasad anna; an sin còmh-lionaidh mise m'fhocal duit, a labhair mi ri Daibhidh d'athair:

13 Agus gabhaidh mi còmhnuidh 'am meadhon chloinn Israeil, agus cha tréig mi mo shluagh Israel.

14 Mar sin thog Solamh an tigh agus chrìochnaich se e.

15 Agus thog e ballachan an tighe air an taobh a stigh le clàraibh seudair, o urlar an tighe gu ruig mullach nam ballachan chòmhaich e *iad* le fiodh a stigh: agus chòmhaich e urlar an tighe le clàraibh giuthais.

16 Agus thog e fichead làmh-choille ri taobhan an tighe, le clàraibh seudair, o'u

urlar gu ruig *mullach* uam ballachan; agus thog e dha *iad* air an taobh a stigh, *eadhon* do'n ghuth-àit, do'n *ionad* ro naomh.

17 Agus *bha'n* tigh, sin *ri ràdh*, an team-pull air a bheulaobh, dà fhichead lāmhcaille *air fad*.

18 Agus *bha* seudair an tighe air an taobh a stigh gearra le cuapaibh, agus blàthaibh fosgailte: *bu* sheudair an t-ìomlan; cha robh clach r'a faicinn.

19 Agus dh'ullaich e an guth-àit anns an tigh a steach, a chur an sin àire coimh-cheangail an Tighearna.

20 Agus anu au taobh-beoil a' ghuth-àit *bha* fichead lāmhcaille air fad, agus fichead lāmhcaille air leud, agus fichead lāmhcaille air àirde; agus chòmhdach se e le h-òr fìorghlan: chòmhdach e cuideachd an altair le seudair.

21 Agus chòmhdach Solamh an tigh a steach le h-òr fìorghlan: agus rinn e balla-dealachaidh le slabhraidhibh òir air beulaobh a' ghuth-àit, agus chòmhdach e le h-òr e.

22 Agus chòmhdach e an tigh uile le h-òr, agus an do chrìochnaich eadh an tigh uile: mar an ceudna an altair uile, a *bha* lāmhris a' ghuth-àit, chòmhdach e le h-òr.

23 Agus rinn e anns a' ghuth-àit dà cherub de chrann-olaidh, gach aon diubh deich lāmhan-coille air àirde.

24 Agus *bha* cùig lāmhan-coille ann an aon sgéith a' cheruib, agus cùig lāmhan-coille ann an sgéith eile a' cheruib: *bha* deich lāmhan-coille o bhàrr aoin sgéith aige gu bàrr a sgéith eile.

25 Agus *bha* deich lāmhan-coille anns a' cherub eile: *bha'n* aon tomhas agus an aon mhèud anns an dà cherub.

26 *Be* àirde aoin cheruib deich lāmhan-coille, agus mar sin *bha àirde* a' cheruib eile.

27 Agus chuir e na cherubau anns an tigh a b'fhaide a steach; agus shìn na cheruban an sgiathan a mach, air chor as gu'n do bhcan sgiath aoin cheruib ri aon bhalla, agus sgiath a' cheruib eile ris a' bhalla eile; agus bhean an sgiathan ri 'chéile ann an meadhan an tigh.

28 Agus chòmhdach e na cheruban le h-òr.

29 Agus bhreac e ballachan an tighe uile mu'n cuairt le dealbhaibh gearra cheruban, agus chraobhan-pailme, agus bhlàth fosgailte, a stigh agus a muigh.

30 Agus urlar an tighe chòmhdach e le h-òr, a stigh agus a muigh.

31 Agus do dhorus a' ghuth-àit rinn e còmhlachan de chrann-olaidh: *bha'n* t-àrd-dhorus agus na h-ursainnean cùig-òisneach.

32 *Bha'n* dà chòmhlach mar an ceudna de chrann-olaidh; agus ghearr e orra dealbhan cherub, agus chraobh-pailme, agus bhlàth fosgailte, agus chòmhdach e le h-òr *iad*:

agus sgaoil e òr air na cheruban, agus air na craobhan-pailme.

33 Agus air an dòigh cheudna rinn e do dhorus an teampuill ursainnean de chrann-olaidh, ceithir-chearnach.

34 Agus *bha'n* dà chòmhlach de fhiodh giuthais: *bha* dà dhuilleag aoin chòmhlach a' fìlleadh, agus dà dhuilleag a' chòmhlach eile a' fìlleadh.

35 Agus ghearr e orra cheruban, agus craobhan-pailme, agus blàthan-fosgailte: agus chòmhdach e *iad* le h-òr, cunta ris an obair ghearrta.

36 Agus thog e a' chùirt a stigh le trì sreathan de chlachaidh snaidhte, agus sreath de shailthibh seudair.

37 Anns a' cheathramh bliadhna shuidh-icheadh bunait tighe an Tighearna, anns a' mhìos Siph.

38 Agus anns an aon bhliadhna deug, anns a' mhìos Bul, (*is* e sin an t-òchdamh mìos,) chrìochnaich eadh an tigh 'n a carrannaibh uile, agus a rèir a chumaidh uile. Agus *bha* e seachd bliadhna 'g a thogail.

CAIB. VII.

1 *Thog Solamh tigh dha féin*; 2 *tigh frìthe Lebanoin*; 8 *agus tigh do nighinn Pharaoh*. 15 *Obair nam post*; 23 *agus na mara leaghta*.

ACH *bha* Solamh trì bliadhna deug a' togail a thighe féin, agus chrìochnaich e a thigh uile.

2 Thog e mar an ceudna tigh frìthe Lebanoin; ceud lāmhcaille 'fhad, agus leth-cheud lāmhcaille a leud, agus deich thar fhichead lāmhcaille 'àirde; air ceithir sreathaibh de phuist sheudair, agus sailthean seudair air na puist.

3 Agus chòmhdach e le seudair os a cheann air ua sailthibh, a *bha* air dà fhichead agus cùig puist, cùig-deug anns gach sreath.

4 Agus *bha* trì sreathan uinneag ann, agus solus fa chomhair soluis trì uairean.

5 Agus *bha* na dorsan uile agus na h-ursainnean ceithir-chearnach, maille ris na h-uinneagaibh: agus *bha* solus fa chomhair soluis trì uairean.

6 Agus rinn e sgàth-thigh de phuist; leth-cheud lāmhcaille 'fhad, agus deich lāmhan-coille thar fhichead a leud: agus *bha'n* sgàth-thigh rompa sin; agus *bha* na puist eile agus na sailthean garbha rompa.

7 Rinn e mar an ceudna sgàth-thigh na rìgh-chaitreach far am bitheadh e a' tabhairt breth, *eadhon* sgàth-thigh a' bhreitheanais: agus chòmhdach e le seudair o aon taobh de'u urlar gu ruig an taobh eile.

8 Agus aig a thigh féin anns an do chòmhlach e, *bha* cùirt eile an taobh a stigh de'n sgàth-thigh, a *bha* de'n obair cheudna. Rinn e cuideachd tigh do nighinn Pharaoh,

a ghabh Solamh dha féin 'n a muaoi, cosmhail ris an sgàth-thigh so.

9 *Bha* iad sin uile de chlachaibh luachmhor, a réir tomhais chlach snaidhte, air an gearradh le sàibh a stigh agus a muigh, eadhon o'n bhunait gu ruig na clachan-mullaich, agus *mar sin* air an taobh a mach gu ruig a' chùirt mhòir.

10 Agus *bha* a' bhunait de chlachaibh luachmhor, de chlachaibh mòra; clachan 's an robh deich làmhhan-coille, agus clachan 's an robh ochd làmhhan-coille.

11 Agus gu h-àrd *bha* clachan luachmhor, (a réir tomhais chlach snaidhte,) agus seudair.

12 Agus aig a' chùirt mhòir mu'n cuairt *bha* trì sreathan de chlachaibh snaidhte, agus sreath de shailthibh seudair: air an dòigh cheudna aig chùirt a steach tighe an Tighearna, agus aig sgàth-thigh an tighe.

13 Agus chuir rìgh Solamh *jós*, agus thug e Hiram o Thirus.

14 *Bu* mhac bantraich e de thrèibh Naph-tali, agus *'fhear* o Thirus 'athair, ceard-umha; agus *bha* e làn de ghliocas, agus de thuigse, agus de eòlas a dheanamh gach oibre ann an umha: agus thàinig e dh'ionn-suidh rìgh Solamh, agus rinn e 'obair uile.

15 Oir dheallb e dà phost umha: ochd làmhhan-coille deug àirde gach puist dhiubh, agus chaidh snàthainn anns an robh dà làmh-choille dheug mu'n cuairt air gach post dhiubh.

16 Agus rinn e dà cheann de umha leaghta, chum an cur air mullach nam post: cùig làmhhan-coille àirde aon chinn, agus cùig làmhhan-coille àirde a' chinn eile.

17 Lìonta de lìon-obair, stioman de obair shlabhraidh, do na cinn a *bha* air mullach nam post: seachd do aon cheann, agus seachd do'n cheann eile.

18 Agus rinn e pomgranatan, dà shreath mu'n cuairt air aon lìon-obair, a chòmh-dachadh nan ceann a *bha* air mullach nam post: agus mar sin rinn e ris a' cheann eile.

19 Agus *bha* na cinn a *bh'*air mullach nam post de obair lìli anns an sgàth-thigh, ceithir làmhhan-coille.

20 Agus *bha* cinn air an dà phost mar an ceudna gu h-àrd, làmh ris a' bhalg a *bha* air an taobh thall de'n lìon-obair: agus *bha* dà cheud pomgranat ann, 'n au sreathaibh mu'n cuairt air a' cheann eile.

21 Agus chuir e suas na puist ann an sgàth-thigh an teampuill: agus chuir e suas am post deas, agus thug e Iachin mar ainm air; agus chuir e suas am post clì, agus thug e Boas mar ainm air.

22 Agus air mullach nam post *bha* obair lìli: mar so chrìochnaich eadh obair nam post.

23 Agus rinn e muir leaghta, deich

làmhhan-coille o bhile gu bile; cruinn mu'n cuairt, agus cùig làmhhan-coille a h-àirde: agus chuairtich snàthainn dheich làmhhan-coille thar fhìchead i air gach taobh.

24 Agus *bha* mill fo a bile 'g a cuairteachadh mu'n cuairt, deich anns an làmh-choille, a' dol mu thinnchioll na mara: thilgeadh dà shreath mheall an uair a thilgeadh i féin.

25 Sheas i air dà dhamh dheug, trì ag amharc gu tuath, agus trì ag amharc an iar, agus trì ag amharc gu deas, agus trì ag amharc an ear: agus *chuireadh* a' mhuir orra gu h-àrd, agus *bha* a' chuid dheoridh dhiubh uile a stigh.

26 Agus *bha* leud boise air tiughad innte, agus *bha* a bile air a dheanamh mar bhile copain, le blàthan lìli: chum i dà mhìle bat.

27 Agus rinn e deich buinn umha: ceithir làmhhan-coille fad gach buinn, agus ceithir làmhhan-coille a leud, agus trì làmhhan-coille àirde.

28 Agus *bha* obair nam bonn air an dòigh so: *bha* iomaill aca, agus *bha* na h-iomaill eadar na tàdhachan.

29 Agus air na h-iomaill a *bha* eadar na tàdhachan *bha* leòmhain, daimh, agus cheruban: agus air na tàdhachan *bha* mar sin gu h-àrd: agus fo na leòmhain agus na daimh *bha* ath-leasachadh a dh'obair thana.

30 Agus *bha* ceithir rothan umha aig gach bonn, agus clàir umha; agus aig a' cheithir oisnibh *bha* guailnean: fo 'n t-soitheach-ionnlaid *bha* guailnean leaghta, aig taobh gach ath-leasachaidh.

31 Agus *bha* a' bheul an taobh a stigh de'n cheann, agus shuas, làmh-choille air leud: ach *bha* a' bheul cruinn, a' réir oibre a' bhuinn, làmh-choille gu leth: agus mar an ceudna air a' bheul *bha* gearraidhean, agus an iomaill ceithir-chearnach, cha-n ann cruinn.

32 Agus *bha* ceithir rothan fo na h-iomallaibh; agus *bha* aisilean nan roth 'an greim anns a' bhonn: agus *b'e* àirde gach rotha làmh-choille gu leth.

33 Agus *bha* obair nan roth cosmhail ri obair rotha carbaid: *bha* an aisilean, agus an ciochan, agus an cuairsgeinean, agus an tarsanain uile leaghta.

34 Agus *bha* ceithir guailnean ri ceithir oisnibh gach buinn; na guailnean de'n bhonn féin.

35 Agus ann am mullach a' bhuinn, leth làmh-choille air àirde, *bha* cuairt mu thinnchioll: agus air mullach a' bhuinn *bha* a làmhhan agus 'iomaill dheth féin.

36 Agus air clàraibh a làmh, agus air 'iomallaibh, ghearr e cheruban, leòmhain, agus craobhan-pailme, a réir riochd gach aoin diubh, agus ath-leasachadh mu'n cuairt.

37 Mar so riun e na deich buinn: an t-aon tilgeadh, an t-aon tomhas, an t-aon ghearradh aca uile.

38 Agus rinn e deich soithichean-ionnlaid umha: chumadh gach soitheach-ionnlaid dhiubh dà fhichead bat: *bha* ceithir làmhancaille anns gach soitheach ionnlaid: *chuir-eadh* aon soitheach-ionnlaid air gach aon de na deich buinn.

39 Agus chuir e cùig buinn air taobh na làimhe deise de'n tigh, agus cùig air taobh na làimhe clithe dheth: agus chuir e a' mhuir air taobh na làimhe deise de'n tigh, a làimh na h-àirde 'n ear, fa chomhair na h-àirde deas.

40 Agus rinn Hiram na soithichean-ionnlaid, agus na sluasaidean, agus na cuachan: agus chuir Hiram crìoch air deanamh na h-oibre uile a rinn e do rìgh Solamh air son tighe an Tighearna:

41 An dà phost, agus dà chuairt nan ceann a *bh'*air mullach an dà phuist; agus an dà lion-obair, a chòmhachadh dà chuairt nan ceann a *bh'*air mullach nam post:

42 Agus ceithir cheud pongranat do'n dà lion-obair: dà shreath phomgranat do gach lion-obair, a chòmhachadh dà chuairt nan ceann a *bh'*air na puist:

43 Agus na deich buinn, agus na deich soithichean-ionnlaid air na buinn:

44 Agus aon mhuir, agus dà dhamh dheug fo 'n mhuir:

45 Agus na h-aighnean, agus na sluasaidean, agus na cuachan: agus na soithichean sin uile a rinn Hiram do rìgh Solamh air son tighe an Tighearna, *bha iad de umha liobhta*.

46 Ann an còmhaid Iordain thilg an rìgh iad, anns an talamh chreadha eadar Sucot agus Sarton.

47 Agus dh'fhàg Solamh na soithichean uile *gun chothromachadh*, air son an lion-mhoireachd anabarrach: cha d'fhuaradh a mach cudthrom an umha.

48 Agus rinn Solamh an t-uidheam uile a *bhuineadh* do thigh an Tighearn': an altair de òr, agus am bòrd, air an *robh* aran na fianuis, de òr:

49 Agus na coinnleirean, cùig air an làimh dheis, agus cùig air an làimh chlì, air beulaobh a' ghuth-àite, de òr fìor-ghlan; agus na blàthan, agus na lòchraim, agus na clobh-achan, de òr.

50 Agus na cuachan, agus na smèladaircan, agus na copain, agus na spàinean, agus na tùiseirean, de òr fìor-ghlan: agus na lùthdagan de òr, an dà chuid do dhorsaibh an tighe a steach, *eadhon* an *ionaid* ro naoimh, *agus* do dhorsaibh an tighe, *eadhon* an teampuill.

51 Agus chrìochnaich eadhn an obair uile a rinn rìgh Solamh air son tighe an Tighearn': agus thug Solamh a stigh nithean naomhaichte Dhaibhidh 'athar: *eadhon* an t-airgid,

agus an t-òr, agus an t-uidheam, chuir e am measg ionmhais tighe an Tighearna.

CAIB. VIII.

1 *Thug Solamh agus seanairean Israeil an àire suas do'n ionad naomh.* 14 *Bheannaich Solamh an coimhthional.* 22 *Rinn e urnuigh ri Dia.* 62 *Thug e seachad òbairtean thubhartas-sith.*

AN SIN chruinnich Solamh seanairean Israeil, agus cinn nan treubh uile, ceannardan aithrichean chloinn Israeil, gu rìgh Solamh ann an Ierusalem, chuinn gu'n tugadh iad a mìos àire coimhcheangail an Tighearn', á baile Dhaibhidh: *is e sin Sion.*

2 Agus chruinnich fir Israeil uile iad féin a dh'ionnsuidh rìgh Solamh, air an fhéill ann am mìos Etanim; *is e sin an seachdamh mìos.*

3 Agus thàinig uile sheanairean Israeil, agus thog na sagartan an àire.

4 Agus thug iad suas àire an Tighearn', agus pàillion a' choimhthional, agus an t-uidheam naomh uile a *bha* 's a' phàillion; eadhon iad sin thug na sagartan agus na Leibhithich suas.

5 Agus *bha* rìgh Solamh, agus coimhthional Israeil uile, a thionail d'a ionnsuidh, maille ris roimh an àire, ag òbradh chaorach, agus cruiddh, nach robh e'n comas àireamh, no micas, a thaobh lionmhoireachd.

6 Agus thug na sagartan a steach àire coimhcheangail an Tighearna d'a h-àite féin, do ghuth-àit an tighe, do'n *ionad* a's ro naoimh, *eadhon* fo sgiathaibh nan cherub.

7 Oir sgaoil na cheruban a mach an sgiathan os ceann àite na h-àirce, agus chòmhdaich na cheruban an àire, agus a lunnan gu h-àrd.

8 Agus tharruing iad a mach na lunnan, air chor as gu'm faicteadh cinn nan lunn as an *ionad* naomh fa chomhair a' ghuth-àite, ach clia-n fhaicteadh a mach iad: agus tha iad an sin gus an là'n diugh.

9 Cha *robh* nì air bith anns an àire ach an dà chlàr chloiche, a chuir Maois an sin ann an Horeb, an uair a rinn an Tighearn *coimhcheangal* ri cloinn Israeil, aig teachd a mach dhoibh á tìr na h-Eiphit.

10 Agus an uair a thàinig na sagartan a mach as an *ionad* naomh, lion an neul tigh an Tighearna.

11 Air chor as nach b'urrainn na sagartan scasamh a fhrithcaladh leis an neul: oir lion glòir an Tighearna tigh an Tighearna.

12 An sin thubhairt Solamh, Thubhairt an Tighearn gu'n gabhadh e còmhnuidh ann an dorchadas tiugh.

13 Gu dearbh thog mise tigh-còmhnuidh dhuit, àite deas chum thu dh'fhantuinn ann gu bràth.

14 Agus thionndaidh an rìgh 'aghaidh, agus bheannaich e uile choimhthional Is

raeil: (agus uile choimhthional Israeil 'n an seasamh.)

15 Agus thubhairt e, Gu ma beannaichte an Tighearn Dia Israeil, a labhair le 'bheul féin ri m'athair Daibhidh, agus a choimhlion e le 'laimh, ag ràdh,

16 O'n là air an d'thug mi mo shluagh Israel a mach as an Eiphit, cha do thagh mi baile sam bith a' uile threubhan Israeil a thogail tighe, chum gu'm bitheadh m'ainm an sin: ach thagh mi Daibhidh gu bhi os ceann mo shluaigh Israeil.

17 Agus bha e ann an cridhe Dhaibhidh m'athar, tigh a thogail do ainm an Tighearna Dé Israeil.

18 Agus thubhairt an Tighearn ri Daibhidh m'athair, A chionn gu'n robh e ann ad chridhe tigh a thogail do m'ainm-sa, is maith a rinn thu gu'n robh e ann ad chridhe:

19 Gidheadh, cha tog thusa an tigh, ach do mhac a thig a mach as do leasraidh, togaidd esan an tigh do m'ainm-sa.

20 Agus choimhlion an Tighearn 'fhocal a labhair e; agus dh'éirich mise suas 'an àite Dhaibhidh m'athar, agus tha mi a'm shuidhe air righ-chaitir Israeil, mar a labhair an Tighearn, agus thog mi tigh do ainm an Tighearna Dé Israeil.

21 Agus shuidhich m'in sin àite do'n àire, anns am bheil coimhcheangal an Tighearn', a rinn e r'ar n-aithrichibh, an uair a thug e mach iad a tìr na h-Eiphit.

22 Agus sheas Solamh air beulaobh altair an Tighearn', ann an lathair uile choimhthional Israeil, agus sgaoil e mach a làmh an gu nàmh:

23 Agus thubhairt e, A Thighearna Dhé Israeil, cha-n'eil Dia ann cosmhuil riutsa, anns na nèamhan shuas, no air an talamh a bhos, a chumas coimhcheangal agus tròcair ri d'sheirbhisich a ghluaisas a'd' fhianuis le'n uile chridhe:

24 A chum ri d'òglach Daibhidh m'athair an mi a labhair thu ris: oir labhair thu le d' bheul, agus le d' làimh choimhlion thu, mar air an là'n diugh.

25 A nis uime sin, a Thighearna Dhé Israeil, cum ri d'òglach Daibhidh m'athair an mi a labhair thu ris, ag ràdh, Cha bhi duine dhith ort a'm' fhianuis-sa, a shuidheas air righ-chaitir Israeil: ma bheir a mhàin do chlànn an aire d'an slighe, le gluasad a'm' fhianuis-sa, mar a ghluais thusa a'm' fhianuis.

26 Agus a nis, a Dhé Israeil, daingnichear guidheam ort, d'fhocal, a labhair thu ri d'òglach Daibhidh m'athair.

27 Ach an gabh Dia da rìreadh còmh-nuidh air an talamh? feuch, cha chum na nèamhan agus nèamhan nan nèamh thusa; cia gu mòr as lugha na sin an tigh so a thog mise?

28 Gidneadh amhaire air urnuigh do

sheirbhisich, agus air 'athchuinge, a Thighearna mo Dhia, a dh'éisdeachd ris a' ghlaodh agus ris an urnuigh, a tha do sheirbhisich a' deanamh a'd' fhianuis an diugh:

29 A chum gu'm bi do shùilean fosgailte ris an tigh so a dh'oidhe agus a là; eadhon ris an àite mu'n dubhairt thu, Bithidh m'ainm an sin: a chum gu'n éisd thu ris an urnuigh a ni do sheirbhisich a dh'ionnsuidh an àite so.

30 Agus éisd thusa ri athchuinge do sheirbhisich, agus do shluaigh Israeil, an uair a mi iad urnuigh a dh'ionnsuidh an àite so: agus éisd thusa o d' àite-còmhnuidh, o na nèamhan, agus an uair a dh'éisdeas tu, maith dhoibh.

31 Ma pheacaicheas duine an aghaidh a choimhearsnaich, agus ma dh'iarras e mionnan air, a' toirt air mionnachadh, agus gu'n tig na mionnan air beulaobh d'altar-ach anns an tigh so;

32 An sin éisd thusa o na nèamhan, agus dean, agus thoir breth air do sheirbhisich, a' dèidh an aingidh, gu 'shlighe a thabhairt air a cheann féin; agus a' fireanachadh an fhìrean, a thabhairt da a réir 'fhìreantachd.

33 An uair a bhuaillear do shluagh Israel an lathair an nàmhaid, a chionn gu'n do pheacaich iad a'd' aghaidh, agus a phillcas iad riut, agus a dh'aicheadh iad d'ainm, agus a ni iad urnuigh, agus a ghuidheas iad ort anns an tigh so;

34 An sin éisd thusa o na nèamhan, agus maith peacadh do shluaigh Israeil, agus thoir a ris iad do'n fhearann a thug thu d'an aithrichibh.

35 An uair a dhruidear na nèamhan, agus nach bi uisge ann, a chionn gu'n do pheacaich iad a'd' aghaidh-sa, agus a ni iad urnuigh a dh'ionnsuidh an àite so, agus a dh'aicheadh iad d'ainm, agus a dh'iompaichear iad o'm peacadh, an uair a chuireas tu fo àmhghar iad;

36 An sin éisd thusa o na nèamhan, agus maith peacadh do sheirbhisich, agus do shluaigh Israeil, a chum gu'n teagaisg thu dhoibh an t-slighe mhaith anns an còir dhoibh gluasad, agus gu'n cuir 'hu uisge air d'fhearann, a thug thu do d' shluagh mar oighreachd.

37 Ma bhitheas gorta anns an tìr, ma bhitheas plàigh ann, seargadh, fuar dhealt, locuist, ma bhitheas burruis ann; ma theannaicheas a nàmhaid e ann an tìr a bhailtean, ciod air bith plàigh, ciod air bith euslaint a bhitheas ann:

38 Ge b'e urnuigh, ge b'e athchuinge a chuirear suas le duine sam bith, no le d' shluagh Israel uile, ma bhitheas fios aig gach aon air plàigh a chridhe féin, agus ma sgaoileas e mach a làmh an dh'ionnsuidh an tìgne so,

39 An sin éisd thusa o na nèamhan d'àite-

còmhnuidh, agus maith, agus dean, agus thoir do gach duine a réir a shlighean uile, a tha fios agad air a chridhe; (oir is ann agadsa, agadsa mhàin a tha fios air cridheachaidh uile chloinn nan daoine:)

40 A chum gu'm bi eagal orra romhad-sa ré nan uile làithean a bhios iad beò anns an fhearann, a thug thu d'ar n-aithrichibh.

41 Os bàrr, a thaobh coigreach nach 'eil de d' shluagh Israel, ach a thig á tìr chéin air sgàth d'ainm-sa;

42 (Oir chuinnidh iad mu d'ainm mòr-sa, agus mu d' làimh làidir, agus do ghairdean sinte mach:) an uair a thig e agus a ni e urnuigh a dh'ionnsuidh an tighe so;

43 Eisd thusa o na nèamhan d'àite-còmhnuidh, agus dean a réir nan uile *nithean* mu'n glaoth an coigreach riut: air chor as gu'm bi còlas aig uile shìdigh na talmhainn air d'ainm-sa, chum gu'm bi eagal orra romhad mar a tha air do shluagh Israel, agus gu'm bi fios aca gu bheil an tigh so a thog mise air 'ainmeachadh ort.

44 Ma théid do shluagh a mach a chogadh an aghaidh an naimhdean, ge b'e rathad a chuireas tu iad, agus gu'n dean iad urnuigh ris an Tighearn dh'ionnsuidh a' bhaile a ròghnaich thusa, agus an tighe a chuir mise suas do d'ainm;

45 An sin éisd thusa o na nèamhan r'an urnuigh agus r'an athcheuinge, agus scas an còir.

46 Ma pheacaicheas iad a'd' aghaidh, (oir cha-n'eil duine ann nach peacaich,) agus gu'n las d'fhearg 'n an aghaidh, agus gu'n toir thu thairis iad d'an naimhidibh, agus gu'n toir iad leo 'n am braighdibh iad do thìr an naimhdean, am fad no'm fagus;

47 *Gidheadh*, ma ni iad aithreachas 'n an cridhe anns an tìr d'an d'fhugadh 'n am braighdibh iad, agus ma dh'iompaichear iad, agus ma ghuidheas iad ort ann an tìr na muinntir a thug leo 'n am braighdibh iad, ag ràdh, Pheacaich sinn, rinn sinn gu h-eucorach, rinn sinn gu h-aingidh;

48 Agus mar so ma philleas iad ad ionnsuidh-sa le'n uile chridhe, agus le'n uile anam, ann an tìr an naimhdean, a thug leo 'n am braighdibh iad, agus ma ni iad urnuigh riutsa rathad an tìre féin, a thug thu d'an aithrichibh, *rathad* a' bhaile a ròghnaich thu, agus an tighe a thog mi do d'ainm;

49 An sin éisd thusa o na nèamhan, d'àite-còmhnuidh, r'an urnuigh agus r'an athcheuinge, agus seas an còir,

50 Agus maith do d' shluagh a pheacaich a'd' aghaidh, agus an eusaontais uile a rinn iad a'd' aghaidh, agus faigh truas dhoibh an làthair na muinntir a thug leo 'n am braighdibh iad, a chum gu'n gabh iad truas riut:

51 *Oir is iad* do shluagh-sa agus d'oighreachd iad, a thug thu mach as an Eiphit, à meadhon na h-àmhluinne iaruin:

52 A chum gu'm bi do shùilean fosgailte ri athcheuinge do sheirbhisich, agus ri athcheuinge do shluaigh Israeil, a dh'éisdeachd riu anns gach ni mu'n gairm iad ort.

53 Oir dhealaich thu iad chum oighreachd dhuit féin o uile shluagh na talmhainn, mar a labhair thu le làimh Mhaois d'òglaich féin, an uair a thug thu ar n-aithrichean mach as an Eiphit, a Thighearna Dhé.

54 Agus an uair a chuir Solamh crìoch air an urnuigh so uile a dheanamh ris an Tighearn, agus an athcheuinge so, dh'éirich e o bheulaobh altarach an Tighearna, o e féin a lùbadh air a ghlùinibh, agus a làmhan sgaoilte dh'ionnsuidh nan nèamh:

55 Agus sheas e, agus bheannaich e uile choimhthional Israeil, le Guth mòr, ag ràdh,

56 Gu ma beannaichte an Tighearn a thug suaimhneas d'a shluagh Israel, a réir nan uile *nithean* a labhair e: cha do thuit ann fhocal *gu làr* d'a bhriathraibh maithe uile, a labhair e le làimh Mhaois, 'òglaich féin.

57 Gu'n robh an Tighearn ar Dia maille ruinne, mar a bha e maille ri'r n-aithrichibh: na fàgadh e sinn, agus na tréigeadh e sinn;

58 A chum gu'n aom e ar cridhe thuige féin, a ghluasad 'n a shlighibh uile, agus a ghleidheadh 'aithcantan, agus a reachdan, agus a bhreitheanas, a dh'àithn e d'ar n-aithrichibh.

59 Agus gu'n robh na briathran so agam-sa, leis an do chuir mi suas athcheuinge 'am fianuis an Tighearn, am fagus do'n Tighearn ar Dia a là agus a dh'oidheche, a chum gu'n seas e còir a sheirbhisich, agus còir a shluaigh Israeil, anns gach àm, mar a dh'iarras a' chùis:

60 A chum gu'm bi fios aig uile shluagh na talmhainn gur e'n Tighearn a's Dia ann, agus nach 'eil ann ach e.

61 Bitheadh bhuir cridhe uime sin iomlan leis an Tighearn ar Dia, a ghluasad 'n a reachdaibh, agus a ghleidheadh 'aithcantan, mar air an là'n diugh.

62 Agus dh'ìobair an rìgh, agus Israel uile maille ris, ìobairt 'am fianuis an Tighearna.

63 Agus dh'ìobair Solamh ìobairt thabhartas-sith, a dh'ìobair e do'n Tighearn, dà mhìle thar fhichead bhò, agus ceud agus fichead mìle caora: mar sin choisrig an rìgh, agus clann Israeil uile tigh an Tighearna.

64 Air an là sin féin naomhaich an rìgh meadhon na cùirte, a bh'air beulaobh tighe an Tighearna: oir thug e suas an sin ìobairtean-loisgte, agus tabhartasan-bìdh, agus saill nan tabhartas-sith; a chionn gu'n robh an altair umha a bh'a'm fianuis an Tighearna, ro bheag a ghabhail nan ìobairt-loisgte, agus nan tabhartas-bìdh, agus saill nan tabhartas-sith.

65 Agus chum Solamh anns an àm sin féill, agus Israel uile maille ris, coimhthional mòr, o dhol a stigh Hamait gu ruig amhainn na h-Eiphit, 'am fianuis an Tighearn' ar Dé, seachd làithean agus seachd làithean, *eadhon* ceithir là deug.

66 Air an ochdamh là leig e air falbh an sluagh: agus bheannaich iad an rìgh, agus chaidh iad a dh'ionnsuidh an bùthan, subhach agus aoibhinn 'u an cridhe, air son a' mhaith uile a rinn an Tighearn do Dhaibhidh a sheirbhiseach agus d'a shluagh Israel.

CAIB. IX.

1 *Rinn Dia, an dara uair, coimhcheangal ri Solamh.* 11 *Thug Solamh fichead baile do Hiram air son a sheirbhis dha.* 20 *Rinneadh tràillean de na Canaanach.*

AGUS an uair a chuir Solamh crìoch air tigh an Tighearn', agus tigh an rìgh a thogail, agus uile mhianu Sholaimh a bu taitneach leis a dheanamh,

2 Dh'fhoillsich an Tighearn e féin do Sholamh an dara uair, mar a dh'fhoillsich se e féin da aun an Gibeou.

3 Agus thubhairt an Tighearn ris, Chuala mi d'urnuigh agus d'athluinge a chuir thu suas a'm' fhianuis: uaomhaich mi an tigh so a thog thu, a chur m'ainme au sin gu bràth; agus bithidh mo shùilean agus mo chridhe an sin gach là.

4 Agus ma ghluaiseas tusa aun am fhianuis, mar a ghluais Daibhidh d'athair, ann an iomlanachd cridhe, agus ann au ionracas, a dheanamh a réir nan uile *nithean* a dh'aitn uise dhuit, agus gu'n gléidh thu mo reachdan agus mo bhreithenais,

5 An sin daingnichidh mise caithir do rìoghachd air Israel gu bràth, mar a labhair mi ri Daibhidh d'athair, ag ràdh, Cha bhi duine dhith ort air rìgh-chaitir Israel.

6 Ach ma thionndaidheas sibh da rìreadh o m' leantuinn-sa, *sibh féin* agus blur clann, agus nach gléidh sibh m'aitheantan agus mo reachdan a chuir mi roimh sibh, ach gu'n falbh sibh agus gu'n dean sibh seirbhis do dhiathaidh eile, agus gu'n sleuchd sibh dhoibh;

7 An sin gearraidh mise Israel as bhàrr aghaidh an fhearainn a thug mi doibh: agus an tigh so a naomhaich mi do m'ainn féin, tilgidh mi as mo shealladh; agus bithidh Israel 'n a ghnàth-fhocal, agus 'n a leth-fhocal an measg nan uile shluagh:

8 Agus an tigh so a bla co àrd, gach neach a ghabhas seachad air, bithidh iongnadh air, agus ni e sgeid; agus their iad, C'ar son a rinn an Tighearn mar so ris an tìr so, agus ris an tigh so?

9 Agus fracgaidh iad, A chionn gu'n do thréig iad an Tighearn an Dia, a thug a mach an aithrichean á tìr na h-Eiphit, agus gu'n do ghabh iad d'an ionnsuidh diathan

eile, agus gu'n do shleuchd iad dhoibh, agus gu'n do rinn iad seirbhis dhoibh; uime sin thug an Tighearn orra an t-òle so uile.

10 Agus an ceann fhichead bliadhna, anns an do thog Solamh an dà thigh, tigh an Tighearn' agus tigh an rìgh,

11 *A chionn gu'n d'thug Hiram rìgh Thiruis seachad do Sholamh fiodh seudair, agus fiodh giuthais, agus òr, gu 'uile thoil, an sin thug rìgh Solamh do Hiram fichead baile ann an tìr Ghalile.*

12 Agus thàinig Hiram a mach á Tirus a dh'fhaicinn nam bailtean a thug Solamh dha; ach cha do thaitinn iad ris.

13 Agus thubhairt e, Cìod iad na bailtean sin a thug thu dhomh, a bhràthair? Agus thugadh fearann Chàbuil nuar ainm orra agus an là'n diugh.

14 Agus chuir Hiram a dh'ionusuidh an rìgh sè fichead tàlann òir.

15 Agus *is e* so aobhar na cìse a thog rìgh Solamh a thogail tìghe an Tighearn', agus a thighe féin, agus Mhìlo, agus balla Ierusalem, agus Hasoir, agus Mhegido, agus Gheseir.

16 Chaidh Pharaoh rìgh na h-Eiphit suas, agus ghlac e Geser, agus loisg se e le teine, agus mharbh e na Canaanach a bha 'chòmhnuidh 's a' bhaile, agus thug se e *mar* thiodhlac d'a nighinn, mnaoi Sholaimh.

17 Agus thog Solamh Geser, agus Bethorou iochdarach,

18 Agus Baalat, agus Taduor 's an fhàsach, anns an tìr,

19 Agus na h-uile bhailtean ionmhais a bhaig Solamh, agus bailtean a charbad, agus bailtean a mharc-shluaigh, agus miann Sholaimh a mhiannaich e 'thogail ann an Ierusalem, agus ann an Lebanon agus aun an tìr a thighearnais uile.

20 *Agus an sluagh uile a dh'fhàgadh beò de na h-Amoraich, de na Hitich, de na Peridsich, de na Hibhich, agus de na Iebusaich, nach robh de chloinn Israel.*

21 An clann a dh'fhàgadh 'n an déigl, 's an tìr, nach b'urrainn clann Israel a sgrios gu tur, dhiubhsan thog Solamh daor-chis agus au là'n diugh.

22 Ach de chloinn Israel cha d'rinn Solamh tràill sam bith: ach *bha* iad 'n an fìr-chogaidh, agus 'n an seirblisich aige, agus 'n an uachdaranaihb, agus 'n an ceannardaibh, agus 'n an riaghlairibh a charbad agus a mharc-shluaigh.

23 *B'iad* so uachdaran an luchd-dreuchd a bha os ceann oibre Sholaimh, cùig ceud agus leth-cheud, a riaghal os ceann an t-sluaigh a dh'oibrich 's an obair.

24 Ach chaidh nìghean Pharaoh suas á baile Dhaibhidh d'a tigh féin, a thog *Solamh* dhi: an sin thog e Mìlo.

25 Agus dh'obair Solamh trì uairean 's a'

bhlíadhna íobairtean-loisgte, agus íobairtean-síth air an altair a thog e do'n Tighearn, agus loisg e tuis air an *altair a bha 'm fianuis an Tighearn'*: agus chríochnaich e 'n tigh.

26 Agus rinn rígh Solamh loingeis ann an Esion-geber, a *tha lánmh ri Eilot*, air tráigh na mara ruaidhe, ann an tír Edoim.

27 Agus chuir Hiram anns an loingeis 'òglaich féin, maraichean aig an robh eolas na fairge, maille ri 'òglaich Sholaimh.

28 Agus tháinig iad gu h-Ophir, agus thug iad as a sin òr, ceithir cheud agus fichéad tálann, agus thug iad gu rígh Solamh e.

CAIB. X.

1 *Ghabh ban-ríghinn Sheba iongantais ri gliocas Sholaimh.* 14 *Cudthrom an òir a tháinig d'a ionnsuidh gach bliadhna.* 18 *A rígh-chaitheir.* 21 *A shoithichean.* 26 *A charbaid agus a mharc-sluagh.*

A GUS an uair a chuala ban-ríghinn Sheba cliú Sholaimh ann an ainm an Tighearna, tháinig i g'a dhearbhadh le ceisidibh cruaidhe.

2 Agus tháinig i do h-Ierusalem le cuid-eachd ro mhór, le cámhalaibh a' giúlan spíosraidh, agus ro mhórán òir agus chlachan luachmhor: agus tháinig i dh'ionnsuidh Sholaimh, agus labhair i ris gach ní a bha 'n a cridhe.

3 Agus mhínich Solamh dhi a briathran uile: cha robh ní *air bith* 'am folach air an rígh nach do mhínich e dhi.

4 Agus an uair a chunnaic ban-ríghinn Sheba uile ghliocas Sholaimh, agus an tigh a thog e,

5 Agus biadh a bhuird, agus suidhe a sheirbhiseach, agus feitheamh a luchd-frithealaidh, agus an trusgain, agus a ghilleán-cupain, agus a dhol suas air an deachaidh e suas gu tigh an Tighearna, cha robh spiorad innte ní's mó.

6 Agus thubhairt i ris an rígh, B'fhíor an t-ionradh a chuala mise ann am tír féin air do ghníomharaibh, agus air do ghliocas.

7 Gidheadh, cha do chreid mi na briathran, gus an d'tháinig mi, agus gu'm faca mo shúilean féin e; agus, feuch, cha d'innseadh a leth dhomh: chaidh do ghliocas agus do shoirbheachadh thar an ionradh a chuala mi.

8 *Is* sona do dhaoine, *is* sona iad so do sheirbhiseach, ag éisdeachd ri d' ghliocas.

9 Gu ma beannaichte an Tighearn do Dhia, a ghabh tlachd annad gu d' chur air rígh-chaitheir Israeil: a chionn gu bheil grádh aig an Tighearn do Israel gu bráth, uime sin rinn e thusa a'd rígh, a dhcanamh breitheanais agus ceartaís.

10 Agus thug i do'n rígh sè fichéad tálann òir, agus ro mhórán de spíosraidh, agus clachan luachmhor: (cha d'tháinig riamh

tuilleadh a leithid so de phailteas spíosraidh, as a thug banríghinn Sheba do rígh Solamh.

11 Agus mar an ceudna loingeis Hiraim a ghiúlain òr o Ophir, thug i o Ophir ro mhórán de fhiodh almuig, agus clachan luachmhor.

12 Agus rinn an rígh de'n fhiodh almuig puist do thigh an Tighearna', agus do thigh an rígh, clársaichean mar an ceudna agus saltairean do'n luchd-ciúil: cha d'tháinig a leithid so de fhiodh almuig, agus cha'n fhacas a *leithid* gus an lán dugh.)

13 Agus thug rígh Solamh do bhanríghinn Sheba a h-uile mhíamh a dh'iarr i, a thuilleadh air na thug e dhi a réir 'fhialaidheachd ríoghail féin: agus phill i, agus dh'fhalbh i d'a tír, i féin agus a seirbhiseach.

14 A nis b'e cudthrom an òir a tháinig gu Solamh ann an aon bhliadhna, sè ceud, trí fichéad, agus sè tálannan òir;

15 A thuilleadh air na *fhuair e* o na ceannaichibh, agus o mhalairt an luchd-spíosraidh, agus o uile ríghribh Arabia, agus o uachdaranaibh na tíre.

16 Agus rinn rígh Solamh dà cheud sgiath de òr buailte: sè ceud *secel* òir chuir e chum gach sgeithe.

17 Agus *rinn e* trí cheud targaide de òr buailte: trí puinn òir chuir e chum gach targaide: agus chuir an rígh iad ann an tigh fríthe Lebanoin.

18 Rinn an rígh mar an ceudna rígh-chaitheir mhór de fhiacalibh *elephant*, agus chómhdaich e i leis an òr a bu ghloine.

19 *Bha* sè ceuman aig an rígh-chaitheir, agus *bha* mullach na rígh-chaitheir cruinn o' cúl; agus *bha* lánmhan air gach taobh de'n àite-shuidhe, agus dà leómhan a' seasamh lánmh ris na lánmhan.

20 Agus sheas dà leómhan dhcug an sin air na sè ceumaibh, air an taobh so agus air an taobh ud: cha d'rinneadh a leithid ann an ríoghachd air bith *eile*.

21 Agus *bha* uile shoithichean òil rígh Solaimh de òr, agus uile shoithichean tìghe fríthe Lebanoin de òr fíor-ghlan: cha robh aon diubh de airgid: cha robh meas air bith dheth ann an láithibh Sholaimh.

22 Oir *bha* loingeis Tharsis aig an rígh air muir maille ri loingeis Hiraim: aon uair anns na trí bliadhnaibh tháinig loingeis Tharsis, a' giúlan òir, agus airgid, fhiacal elephant, agus apan, agus pheucag.

23 Mar so thug Solamh barrachd air uile ríghribh an domhain ann an saobhbreas, agus ann an gliocas.

24 Agus dh'iarr an talamh uile teachd an fathair Sholaimh, a dh'éisdeachd r'a ghliocas, a chuir Dia 'n a chridhe.

25 Agus thug iad leo gach fear a thíodhlac: soithichean airgid agus soithichean òir, agus trusganan, agus airm, agus spíosraidh,

eich agus muileidean; cuibhrionn bliadhna anns gach bliadhna.

26 Agus chruinnich Solamh carbaid agus marc-shluagh: agus bha uile agus ceithir cheud carbad aige, agus dà mhìle dheug marcach; a chuir e ann ann bailtibh nan carbad, agus maille ris an rìgh ann an Ierusalem.

27 Agus thug an rìgh air airgid *a bhi* ann an Ierusalem mar chlachan, agus air na crannaibh seudair thug e *bhi* marna na cròinn shicomoir a *tha* auns an t-srath, air lion-mhoireachd.

28 Agus thugadh eich do Sholamh a mach as an Eiphit, agus snàth-lìn: ghabh ceann-aichean an rìgh an snàth-lìn air luch.

29 Agus thàinig carbad a nìos agus chaidh e mach as an Eiphit air shè ceud *secel* airgid, agus each air cheud gu leth: agus mar sin do uile rìghribh nan Hiteach, agus do rìghribh Shiria, thug iadsan a mach *iad* le'n làimh.

CAIB. XI.

1 *Chlaon mnathan Sholaimh a chridhe 'n a shean aois an dèigh dhiathan coimheach.* 9 *Bhagair Dia gu'n reubadh e a rìoghachd uait.* 14 *Dhùisg an Tighearn nàmhaid suas da.* 43 *A bhàs.*

AGUS *bha* gaol aig rìgh Solamh air mòran de mhnathan coimheach, a thuilleadh air nighinn Pharaoh, Ban-mhoab-aich, Ban-amonaich, Ban-edomaich, Ban-shidonaich, agus Ban-hitich;

2 De na cinnich iu'n d'thubhairt an Tighearn ri cloinn Israeil, Cha téid sibhsé a steach d'an ionnsuidh-sa, cha mhò a thig iadsan a steach d'ur n-ionnsuidh-sa; *oir* gu deimhin bheir iad air bhuir cridhe claoanadh an dèigh an diathan: riu so dhlùth-lean Solamh ann an gaol.

3 Agus bha seachd ceud bean aige, mar bhan-rìghinnean, agus trì cheud coimheachach: agus thug a mhnathan air a chridhe claoanadh.

4 Oir thachair, ann an àm sean aois Sholaimh, *gu'n* do chlaon a mhnathan a chridhe an dèigh dhiathan eile; agus cha robh a chridhe iomlan leis an Tighearn a Dhia, mar a *bha* cridhe Dhaibhidh 'athar.

5 Oir chaidh Solamh an dèigh Astaroith ban-dé nan Sidonach, agus an dèigh Mhil-coim gràineileachd nan Amonach.

6 Agus rinn Solamh ole ann an sùilbhan an Tighearn; agus cha do lean e gu coimhlionta an Tighearn, mar a *rinn* Dhaibhidh 'athair.

7 An sin thog Solamh ionad àrd do Chemos, gràineileachd Mhoab, anns an t-slabh a *tha* mu choinnimh Ierusalem; agus do Mholech, gràineileachd chloinn Amon.

8 Agus air an dòigh cheudna rinn e d'a mhnàibh coimheach uile, a loisg tùis agus a thug suas iobairt d'an diathan.

9 Agus bha fearg air an Tighearn ri Solamh, a chionn gu'n do chlaon a chridhe o'n Tighearn Dia Israeil, a dh'fhoillsich e féin dha dà uair.

10 Agus a dh'àithn dha a thaobh an nì so, nach rachadh e'n dèigh dhiathan eile: ach cha do ghleidh esan an nì a dh'àithn an Tighearn.

11 Uime sin thubhairt an Tighearn ri Solamh, A chionn gu'n d'rinneadh so leat, agus nach do ghleidh thu mo choimheangal-sa agus mo reachdan a dh'àithn mi dhuit, gu deimhin reubaidh mise an rìoghachd uait, agus bheir mi do d' sheirbhiseach i.

12 Gidheadh ann ad làithibh-sa cha dean mi so, air sgàth Dhaibhidh d'athar: á làmh do mhic reubaidh mi i.

13 Ach cha reub mi an rìoghachd uile: bheir mi aon treubh do d' mhac air sgàth Dhaibhidh m'òglaich, agus air sgàth Ierusalem a thagh mi.

14 Agus dhùisg an Tighearn nàmhaid suas do Sholamh, Hadad an t-Edomach: *bha* e de'n t-sìochd rìoghail ann an Edom.

15 Oir an uair a bha Daibhidh ann an Edom, agus a chaidh Ioab ceannard an t-sìogh suas a dh'adhlacadh nam marbh, an dèigh dha gach fìrionnach ann an Edom a bhuailadh,

16 (Oir dh'fhan Ioab sè mìosan an sin, agus Israel uile, gus an do ghearr e as gach fìrionnach ann an Edom.)

17 Theich Adad, e féin agus Edomaich àraidh de sheirbhiseach 'athar maille ris, gu dol a stigh do'n Eiphit; agus Hadad fathast 'n a leanaban òg.

18 Agus dh'èirich iad á Midian, agus thàinig iad gu Parau, agus thug iad daoine leo á Paran, agus thàinig iad do'n Eiphit, gu Pharaoh rìgh na h-Eiphit; agus thug esan dha tigh, agus dh'òrduich e lòn dha, agus thug e fearann dha.

19 Agus fhuair Hadad deachd-ghean mòr ann an sùilbhan Pharaoh, air chor as gu'n d'thug e dha 'n a mnaoi piuthar a mhnà féin, piuthar Thalpenais na ban-rìghinn.

20 Agus rug piuthar Thalpenais dha Genubat a mhac, a chuir Thalpenes bhàrr na cìche ann an tigh Pharaoh: agus bha Genubat ann an teaghlach Pharaoh am measg mhac Pharaoh.

21 Agus an uair a chuala Hadad 's an Eiphit gu'n do choidil Daibhidh maille r'a aithrichibh, agus gu'n robh Ioab ceannard an t-sìogh marbh, thubhairt Hadad ri Pharaoh, Leig dhomh imeachd, a chum gu'n téid mi do m' thìr féin.

22 Agus thubhairt Pharaoh ris, Ach ciod a tha dh'easbhuidh ort maille riuusa, gu'n iarradh tu, feuch, dol do d' thìr féin? Agus fhreagair esan, Cha-n'eil *ni* air *bith*, gidheadh leig dhomh falbh air gach aon chor.

23 Agus dhùisg Dia suas nàmhaid *eile*

dha, Reson mae Eliadah, a theieh o Hada-reser, rìgh Shobah, a thighearn.

24 Agus chruinnich e daoine thuige, agus bha e 'n a cheannard air buidhinn, an uair a mharbhb Daibhidh iadsan o *Shobah*: agus chaidh iad do Dhamascus, agus chòmhnuich iad ann, agus rinn iad e 'n a rìgh ann an Damascus.

25 Agus bha e 'n a nàmhaid do Israel ré uile làithean Sholaimh, a thuilleadh air an ole a *rinn* Hadad: agus dh'fhuathaich e Israel, agus rìghich e os ceann Edoin.

26 Agus Ieroboam mac Nebait, Ephratach o Shereda, seirbhiseach do Sholaimh, (agus *Ve* ainm a mhàthar Seruah, bantrach,) thog eadhon esan a làmh an aghaidh an rìgh.

27 Agus *Ve* so an t-aobhar mu'n do thog e a làmh an aghaidh an rìgh: Thog Solamh Milo, agus chàirich e bearnan bhaile Dhaibhidh 'athar.

28 Agus *bha* 'n duine Ieroboam treun ann an neart: agus an uair a chumnaic Solamh gu'n robh an t-òganach deanadach, chuir se e os ceann uile luchd-giùlain uallach tighe Ioseiph.

29 Agus thachair anns an àm sin, air dol do Ieroboam a mach à h-Ierusalem, gu'n d'fhuair am fàidh Ahiah an Silonach e 's an t-slighe; agus e sgeadaichte le trusgan ùr: agus *bha* iad 'n an dithis leo féin anns a' mhachair.

30 Agus rng Ahiah air an trusgan ùr a *bha* air, agus reub e 'n a dhà mhir dheug e.

31 Agus thubhairt e ri Ieroboam, Gabh dhuit féin deich mirean; oir mar so tha'n Tighearn Dia Israeil ag ràdh, Feuch, reubaidh mise an rìoghachd à làimh Sholaimh, agus bheir mi deich treubhan dhuitse;

32 (Ach bithidh aon treubh aige-san air sgàth Dhaibhidh m'òglaich, agus air sgàth Ierusalem, am baile a thagh mi à uile threubhan Israeil:)

33 A chionn gu'n do thréig iad mise, agus gu'n do shleuchd iad do Astarot ban-dia nan Sidonach, do Chemos dia nam Moabach, agus do Mhileom dia chloinn Moain, agus nach do ghluais iad ann am shligheibh-sa, a dheanamh an *ni a tha* ceart a'ri' shùilb, agus a ghléidheadh mo reachdan agus mo bhreitheanas, mar a *rinn* Daibhidh 'athair.

34 Gidheadh, cha toir mi'n rìoghachd uile as a làimh, ach ni mi e 'n a uachdaran ré uile làithean a bheatha, air sgàth Dhaibhidh m'òglaich, a thagh mi, a chionn gu'n do ghléidh e m'aitheantan agus mo reachdan.

35 Ach bheir mi'n rìoghachd à làimh a mhic, agus bheir mi dhuitse i, eadhon deich treubhan.

36 Agus d'a' mhac-san bheir mi aon treubh, a ehum gu'm bi leòhran aig Daibhidh m'òglaich an còmhnuidh a'm' fhianuis ann

an Ierusalem, am baile a thagh mi dhomh féin a chur m'ainme an sin.

37 Agus gabhaidh mi thusa, agus rìoghachaidh tu a réir nan uile *nithean* a mhiannaicheas d'anam, agus bithidh tu a'd' rìgh air Israel.

38 Agus ma dh'éisdeas tu ris na h-uile *nithibh* a dh'aitheas mise dhuit, agus gu'n gluais thu ann am shligheibh, agus gu'n dean thu an *ni a tha* ceart a'm' shùilb, a ghléidheadh mo reachdan agus m'aitheantan, mar a rinn Daibhidh m'òglaich; an sin bithidh mise maille riut, agus togaidh mi dhuit tigh daingean, mar a thog mi do Dhaibhidh, agus bheir mi Israel dhuit.

39 Agus cràdhaidh mi sliochd Dhaibhidh air a shon so, ach cha-n ann gu bràth.

40 Uime sin dh'iarr Solamh Ieroboam a mharbhadh. Ach dh'éirich Ieroboam, agus theich e do'n Eiphit, a dh'ionnsuidh Shisaie rìgh na h-Eiphit, agus bha e 's an Eiphit gu bàs Sholaimh.

41 Agus a' chuid eile de ghnìomharaibh Sholaimh, eadhon na h-uile *nithean* a rinn e, agus a ghliocas, nach 'eil iad sgrìobhta ann an leabhar ghnìomharan Sholaimh?

42 Agus *b'i* an uime a rìghich Solamh ann an Ierusalem os ceann Israeil uile, dà fhichead b'adhma.

43 Agus choidil Solamh maille r'a aithrichibh, agus dh'adhlacaidh e ann am baile Dhaibhidh 'athar: agus rìghich Rehoboam a mhac 'n a àit.

CAIB. XII.

1 *Chruinnich na h-Israelich aig Sechem gu Rehoboam a dheanamh 'n a rìgh.* 16 *Rinn deich treubhan ceannairc 'n a aghaidh, agus dh'ung iad Ieroboam gu bhì 'n a rìgh os an ceann.* 26 *Chuir Ieroboam suas dà luogh òir ann am Bet-el agus ann an Dan.*

AGUS chaidh Rehoboam do Shechem: oir thàinig Israel uile gu Sechem gu 'dheanamh 'n a rìgh.

2 Agus an uair a chuala Ieroboam, mac Nebait, a bha fathast anns an Eiphit *sin*, (far an do theich e o ghnùis rìgh Solaimh,) phill Ieroboam as an Eiphit.

3 Agus chuir iad *fios* agus ghairm iad air: agus thàinig Ieroboam, agus comhebrunn-eachadh Israeil uile, agus labhair iad ri Rehoboam, ag ràdh,

4 Dh'antramaich d'athair ar cuingne, ach eutromaich thus' a nis scirbhis chruaidh d'athar, agus a chuing throm a chuir e oirn, agus ni sinn seirbhis dhuit.

5 Agus thubhairt e ri, Falbhaibh fathast gu ceann thri làithean, an sin thigibh a ris a m' ionnsuidh. Agus dh'fhalbh an sluagh.

6 Agus chuir rìgh Rehoboam a chomhairle ris na seann daoineibh a sheas an làthair Sholaimh 'athar, an uair bu bheò e, ag ràdh, Cionnus a tha sibh a' comhairleachadh

dhomh freagradh a thabhairt do'n t-sluagh so?

7 Agus labhair iadsan ris, ag ràdh, Ma bhitheas tusa an diugh a'd' seirbhisceach aig an t-sluagh so, agus gu'n deau thu seirbhis dhoibh, agus gu'm freagair thu iad, agus gu'n labhair thu focail mhaithhe riu, an sin bithidh iadsan agadsa 'n an seirbhisich gu bràth.

8 Ach thréig esan comhairle nan seann daoine, a thug iad air; agus chuir e 'chomhairle ris na daoineibh òga a dh'fhàs suas maille ris *fein*, agus a sheas 'n a làthair.

9 Agus thubhairt e riu, Ciod a *tha* sibhse a' comhairleachadh, a chum gu'n toir sinu freagradh do'n t-sluagh so, a labhair rium, ag ràdh, Eutromaich a' chuing a chuir d'athair oirnn?

10 Agus labhair na daoine òga a dh'fhàs suas maille ris *fein* ris, ag ràdh, Mar so their thu ris an t-sluagh so a labhair riut, ag ràdh, Dh'antromaich d'athair ar cuingne, ach eutromaich thusa dhuinn i; mar so labhraidh tu riu, *Tha am meur* a's lugha agamsa nìs gairbhe na leasraidh m'athar.

11 Agus a nis chuir m'athair gun amharus oirbh cuing throm, ach cuiridh mise ri bhar cuing: smachdaich m'athair sibh le slataibh, ach smachdaichidh mise sibh le scorpionaibh.

12 Uime sin thàinig Ieroboam agus an sluagh uile gu Rehoboam air an treas là, mar a dh'àithu an rìgh, ag ràdh, Thigibh a m' ionnsuidh a ris air an treas là.

13 Agus fhreagair an rìgh an sluagh gu garbh; agus thréig e comhairle nan seann daoine a thug iad dha.

14 Agus labhair e riu a réir comhairle nan daoine òga, ag ràdh, Dh'antromaich m'athair bhar cuing, agus cuiridh mise ri bhar cuing: smachdaich m'athair sibh le slataibh, ach smachdaichidh mise sibh le scorpionaibh.

15 Mar so cha d'éisd an rìgh ris an t-sluagh; oir bha'n t-aobhar o'n Tighearn, chum gu'n coimhionadh e 'fhocal *fein*, a labhair an Tighearn le Ìaimh Ahiah an t-Silonaich ri Ieroboam mac Nebait.

16 Agus an uair a chunnaic Israel uile nach d'éisd an rìgh riu, fhreagair an sluagh an rìgh, ag ràdh, Ciod a' chuibrionn a th'aganne ann an Daibhidh? agus cha-n'eil oighreachd againne ann am mac Iese: do d' bhùthaibh, O Israeil; a nis amharc air do thigh *fein*, a Dhaibhidh. Agus dh'fhalbh Israel d'am bhùthaibh.

17 Ach a thaobh chloinn Israeil a bha 'chòmhnuidh ann am bailtibh Iudah, rìghich Rehoboam os an ceann.

18 An sin chuir rìgh Rehoboam Adoram d'an ionnsuidh a bha os ceann na cise; agus chlach Israel uile e le clachaibh, agus fhuair e bàs: uime sin rinn rìgh Rehoboam

cabhadh gu dol suas d'a charbad, chum gu'n teicheadh e do h-Ierusalem.

19 Agus rinn Israel ceannaire an aghaidh tighe Dhaibhidh gus an là'n diugh.

20 Agus an uair a chual' Israel uile gu'n d'fhàinig Ieroboam a ris, chuir iad *fios*, agus ghairm iad air do'n chomh-chruinneachadh, agus riun iad e 'n a rìgh air Israel uile: cha do lean tigh Dhaibhidh ach treubh Iudah a mhaìnn.

21 Agus an uair a thàinig Rehoboam gu h-Ierusalem, chruinnich e tigh Iudah uile, agus treubh Bheniamin, ceud agus ceithir fichead mìle fear taghta a bha deanta ri cogadh, a chogadh ri tigh Israeil, a thoirt na rìoghachd air a h-ais gu Rehoboam mac Sholaimh.

22 Ach thàinig focal Dhé gu Semaiah duine le Dia, ag ràdh,

23 Labhair ri Rehoboam mac Sholaimh, rìgh Iudah, agus ri tigh Iudah agus Bheniamin uile, agus ri fuigheall an t-sluaigh, ag ràdh,

24 Mar so tha'n Tighearna ag ràdh, Na rachaibh suas, agus na cogaibh ri'r bràithribh cloinn Israeil: pillibh gach duine d'a thigh *fein*, oir is ann leamsa a rinneadh an nì so. Agus dh'éisd iad ri focal an Tighearna, agus phill iad gu imeachd a réir focail an Tighearna.

25 Agus thog Ieroboam Sechem ann an sliabh Ephraim, agus chòmhnuich e ann; agus chaidh e mach as a sin, agus thog e Penuel.

26 Agus thubhairt Ieroboam 'n a chridhe, Anis pillidh an rìoghachd gu tigh Dhaibhidh:

27 Ma thèid an sluagh so suas a dheanamh iobairtean ann an tigh an Tighearn' ann an Ierusalem, an sìu pillidh cridhe an t-sluaigh so r'an tighearn, ri Rehoboam rìgh Iudah: agus marbhaidh iad mise, agus pillidh iad gu Rehoboam rìgh Iudah.

28 Uime sin ghabh an rìgh comhairle, agus rinn e dà laogh òir, agus thubhairt e riu, Is mòr oirbh dol suas gu h-Ierusalem: feuch do dhìathan, O Israeil, a thug a nìos thu á tìr na h-Eiphit.

29 Agus shuidhich e aon *diubh* ann am Betel, agus an *laogh* eile chuir e ann an Dan.

30 Agus rinneadh an nì so 'n a pheacadh: oir chaidh an sluagh a *shleuchdadh* an làthair aoin *diubh*, gu ruig Dan.

31 Agus rinn e tigh àitean àrda, agus rinn e sagairt de'n chuid a b'isle de'n t-sluagh, nach robh de chloinn Lebbi.

32 Agus rinn Ieroboam féill anns an ocdamh mìos, air a' chùigeamh là deug de'n mhìos, cosnuil ris an fhéill a bha ann an Iudah, agus dh'ìobair e air an altair: mar sin rinn e ann am Bet-el, ag ìobradh do na laogh a rinn e: agus shuidhich e ann am Bet-el sagartan nan àitean àrda a rinn e.

33 Agus dh'ìobair e air an altair a rinn e ann am Bet-el, air a' chàigeamh là deug do'n ochdamh mìos, annsa' mhìos air an do smuainich e 'n a chridhe fèin: agus rinn e féill do chloinn Isracil, agus dh'ìobair e air an altair, agus loisg e tùis.

CAIB. XIII.

1 *Dh'èigh fàidh an aghaidh na h-altarach ann am Bet-el. 4 Shearq làmh Ieroboam, ach air iarrtus an fhàidh dh'aisigeadh dha i a ris. 11 Bha am fàidh eas-ùmhail do fhocal Dhé, agus mharbhadh e le leòmhnan air an t-slighe. 26 Dh'athlaic sean fhàidh e.*

A GUS, feuch, thàinig duine le Dia á Iudah le focal an Tighearna gu Bet-el: agus *bha* Ieroboam 'n a sheasamh làmh ris an altair, a losgadh tùise.

2 Agus dh'èigh e an aghaidh na h-altarach ann am focal an Tighearna, agus thubhairt e, O altair, altair! mar so thubhairt an Tighearna, Feuch, beirear mac do thigh Dhaibhidh, d'an ainm Iosiah, agus iobraidh e ortsa sagartan nan àitean àrda a loisgeas tùis ort, agus loisgear cnàmhan dhaoine ort.

3 Agus thug e air an là sin fèin comharadh seachad, ag ràdh, *Is e* so an comharadh a labhair an Tighearna: Feuch, reubar an altair, agus dòirtear a mach an luath a *tha* oirre.

4 Agus an uair a chuala rìgh Ieroboam focal an duine le Dia, a dh'èigh e an aghaidh na h-altarach ann am Bet-el, shìn e a làmh a mach o'n altair, ag ràdh, Beiribh air: agus shearq a làmh a shìn e mach 'n a aghaidh, air chor as nach b'urraim e a tabhairt air a h-ais thuige.

5 Agus reubadh an altair, agus dhòirtheadh an luath a mach o'n altair, a réir a' chomharaidh a thug an duine le Dia le focal an Tighearna.

6 Agus fhreagair an rìgh, agus thubhairt e ris an duine le Dia, Aslaich a nis gnùis an Tighearna do Dhé, agus dean urnuigh air mo shon, a chum gu'n aisgear mo làmh dhomh a ris. Agus dh'aslaich an duine le Dia gnùis an Tighearna, agus dh'aisigeadh làmh an rìgh dha a ris, agus bha i mar air tùs.

7 Agus thubhairt an rìgh ris an duine le Dia, Thig maille riumsa do m' thigh, agus neartaich thu fèin; agus bheir mi tiodhlac dhuit.

8 Agus thubhairt an duine le Dia ris an rìgh, Ged bheireadh tu dhomhsa leth do thighe, cha rachainn a stigh maille riut, cha mhò a dh'ithinn aran, no 'dh'òlainn uisge anns an àite so:

9 Oir mar so dh'àithneadh dhomhsa le focal an Tighearna, ag ràdh, Na ith aran, agus na òl uisge, agus na pill air an t-slighe air an d'thàinig thu.

10 Agus dh'fhalbh e air sùighe eile, agus cha do phill e air an t-slighe air an d'thàinig e do Bhet-el.

11 A nis bha sean fhàidh 'n a chòmhnuidh ann am Bet-el; agus thàinig a mhic, agus dh'innis iad da na h-oibre uile a rinn an duine le Dia air an là sin ann am Bet-el: na briathran a labhair e ris an rìgh, iad so dh'innis iad mar an ceudna d'an athair.

12 Agus thubhairt an athair riu, Cia i an t-slighe air an d'fhalbh e? agus dh'fheuch a mhic *dha* an t-slighe air an d'fhalbh an duine le Dia, a thàinig á Iudah.

13 Agus thubhairt e r'a mhic, Cuiribh diollaid dhomh air an asail. Agus chuir iad diollaid dha air an asail, agus mharcaich e oirre.

14 Agus chaidh e'n dèigh an duine le Dia, agus fhuair e 'n a shuidhe e fo dharaig; agus thubhairt e ris, An tusa an duine le Dia, a thàinig á Iudah? Agus thubhairt esan, *Is mi*.

15 An sin thubhairt e ris, Thig maille riumsa do m' thigh, agus ith aran.

16 Agus thubhairt esan, Cha-n fhead mi pilltinn maille riut, no dól a steach maille riut: cha mhò a dh'itheas mi aran, no 'dh'òlas mi uisge maille riut anns an àite so:

17 Oir chaidh a ràdh rium le focal an Tighearna, Cha-n ith thu aran, agus cha-n òl thu uisge an sin; cha mhò philleas tu gu imeachd air an t-slighe air an d'thàinig thu.

18 Agus thubhairt e ris, *Is* fàidh mise mar an ceudna mar thu fèin, agus labhair aingeal rium le focal an Tighearna, ag ràdh, Thoir air ais leat e do d'thìgh, a chum gu'n ith e aran, agus gu'n òl e uisge. *Ach* rinn e breug dha.

19 Agus phill e maille ris, agus dh'ith e aran 'n a thigh, agus dh'òl e uisge.

20 Agus an uair a bha iad 'n an suidhe aig a' bhord, thàinig focal an Tighearna dh'ionnsuidh an fhàidh a thug air ais e:

21 Agus ghlaodh e ris an duine le Dia a thàinig á Iudah, ag ràdh, Mar so tha'n Tighearna ag ràdh, A chionn gu'n robh thu eas-ùmhail do fhocal an Tighearna, agus nach do ghléidh thu an àithne a dh'àithn an Tighearna do Dhia dhuit,

22 Ach gu'n do phill thu, agus gu'n d'ith thu aran, agus gu'n d'òl thu uisge anns an àite mu'n d'thubhairt e riut, Na bith aran, agus na òl uisge; cha téid do chorp a steach do uaigh d'athrichean.

23 Agus an dèigh dha aran itheadh, agus an dèigh dha òl, chuir e diollaid dha air an asail, *eadhon* do'n fhàidh a thug e air ais.

24 Agus an uair a dh'fhalbh e, thachair leòmhnan air 's an t-slighe, agus mharbh se e; agus thilgeadh a chorp air an t-slighe, agus sheas an asal làmh ris: sheas an leòmhnan mar an ceudna làmh ris a' chorp.

25 Agus, feuch, *bha* daoine a' gabhail seachad, agus chunnaic iad an corp tilgte

air an t-slighe, agus an leòmhán 'n a sheas-
amh làimh ris a chorp: agus thàinig iad,
agus dh'innis iad e anns a' bhaile, anns an
robh an sean fhàidh 'n a chòmhnuidh.

25 Agus an uair a chual' am fàidh a thug
air ais e o'n t-slighe sin, thubhairt e, *Is*
esan an duine le Dia, a bha eas-ùmhail do
fhocal an Tighearna: uime sin thug an
Tighearn thairis e do'n leòmhán, a reub e,
agus a mharb e, a réir focail an Tighearna,
a labhair e ris.

27 Agus labhair e r'a mhic, ag ràdh,
Cuiribh diollaid dhomh air an asail. Agus
chuir iad diollaid oirre.

28 Agus dh'fhalbh e, agus fhuaire a chorp
tilgte air an t-slighe, agus an asal agus an
leòmhán 'n an seasamh làimh ris a' chorp:
cha d'ith an leòmhán an corp; cha mhò a
reub e an asal.

29 Agus thog am fàidh corp an duine le
Dia, agus chuir e air an asail e, agus thug
e air ais e: agus thàinig an sean fhàidh
do'n bhaile, gu caoidh a dheanamh, agus
gu 'adhlacadh.

30 Agus chuir e a chorp 'n a uaigh féin;
agus rinn iad caoidh os a cheann, *ag ràdh*,
Mo thruaighe mo bhràthair!

31 Agus an dèigh dha esan adhlacadh,
labhair e r'a mhic, ag ràdh, 'N uair a gheibh
mise bàs, an sin adhlacibh mi anns an
uaigh anns am bheil an duine le Dia
adhlacte; làimh r'a chràmhlaibh-san cuir-
ibh mo chuàmhnan-sa:

32 Oir gu deimhin thig e gu crìch an nì
a dh'éigh e le focal an Tighearn' au aghaidh
na h-altarach ann am Bet-el, agus an
aghaidh uile thighean nan àitean àrda, a
tha ann am bailtibh Shamaria.

33 An dèigh an nì so, cha do phill Iero-
boam o 'dhroch shlighe, ach rinn e a rìs
de'n chuid a b'isle de'n t-sluagh sagartan
do na h-àitibh àrda: ge b'e leis am bàill,
choisrig se e, agus bha e 'n aon de shag-
artaibh nan àitean àrda.

34 Agus bha an nì so 'n a pheacadh do
thigh Ieroboaim, agus a chum a ghearradh
as, agus a chum a sgrios bhàrr aghaidh na
talmhainn.

CAIB. XIV.

1 Chaidh bean Ieroboaim a dh'ionnsuidh an
fhàidh Ahiah a dh'fhiosrachadh dhieth a
thaobh a mic. 5 Dh'innis Ahiah dhi am
breitheanas a bha gu teachd air tigh Ieroboaim.
21 Rìoghachadh aingidh Rehoboaim. 25
Chreach Sisac Ierusalem. 29 Fhuair Re-
hoboaim bàs, agus rìghich Abiam a mhac 'n a
àit.

ANNS an àm sin bha Abiah, mac Iero-
boaim, gu tinn.

2 Agus thubhairt Ieroboam r'a mhnaoi,
Eirich a nis, agus cuir thu féin ann an coslas
eile, air chor as nach aithneadh iad gur tu
bean Ieroboaim; agus imich do Shiloh:
feuch, an sin tha Ahiah am fàidh, a dh'innis

dhomhsa gu'm bitkinn a'm' rìgh air an
t-sluagh so.

3 Agus thoir leat a'd làimh deich builinn-
ean, agus breacagan, agus soitheach meala,
agus falbh d'a ionnsuidh: innisidh esan duit
cìod a dh'éireas do'n leanabh.

4 Agus rinn bean Ieroboaim mar sin, agus
dh'éirich i, agus chaidh i do Shiloh, agus
thàinig i gu tigh Ahiah: ach cha b'urrainn
Ahiah nì fhacinn, oir dhorchaicheadh a
shùilean le aois.

5 Agus thubhairt an Tighearn ri Ahiah,
Feuch, tha bean Ieroboaim a' teachd a
dh'iarraidh ni ort a thaobh a mic, oir tha e
gu tinn: mar so agus mar so labhraidh tu
rithe; oir tarlaidh 'n uair a thig i a steach,
gu'n gabh i oirre féin gur bean eile i.

6 Agus tharladh, au uair a chual' Ahiah
fuaime cos, agus i a' teachd a steach air an
dorus, gu'n dubhairt e, Thig a steach, a
bhean Ieroboaim: c'ar son a tha thu a'
gabhail ort gur bean eile thu? ach chuir-
eadh mise 'ad ionnsuidh le teachdaireachd
chruidh.

7 Falbh, innis do Ieroboam, Mar so tha'n
Tighearn Dia Israeil ag ràdh, A chionn
gu'n d'ardaich mise thu á meadhon an
t-sluagh, agus gu'n do chuir mi thu a'd'
cheannard air mo shluagh Israel,

8 Agus gu'n do reub mi an rìoghachd o
thigh Dhaibhidh, agus gu'n d'thug mi dhuitse
i; agus gidheadh nach robh thumarm 'òglach
Daibhidh, a ghléidh m'aitheantan, agus a
lean mi le 'uile chridhe, a dheanamh an
nì sin a mhàin a bha ceart ann mo shùil-
ibh-sa;

9 Ach gu'n d'rinn thu olc os ceann nan
uile a bha romhad, agus gu'n deachaidh tu
agus gu'n d'rinn thu dhuit féin diathan eile,
agus dealbhan leaghta, gu fearg a chur
ormsa; agus gu'n do thilg thu mi air do
chùlaobh:

10 Uime sin, feuch, bheir mise olc air
tigh Ieroboaim, agus gearraidh mi as o
Ieroboam esan a nì uisge ri balla, esan a
dhruideadh a steach agus a dh'fhàgadh ann
an Israel; agus bheir mi air falbh fuigheall
tighe Ieroboaim, mar a bheir neach air falbh
aolach gus an teirig e.

11 Esan a gheibh bàs de Ieroboam anns
a' bhaile, ithidh na madraidh e; agus esan
a gheibh bàs anns a' mhachair, ithidh
eunlaith an athair e: oir labhair an Tigh-
earn e.

12 Uime sin éirich thusa, imich do d' thigh
féin: an uair a théid do chosan a steach
do'n bhaile, gheibh an leanabh bàs.

13 Agus nì Israel uile caoidh air a shon,
agus adhlacaidh iad e: oir théid esan a
mhàin o Ieroboam a dh'ionnsuidh na
h-uaighe; a chionn gu'n d'fhuaradh ann
nì maith a thaobh an Tighearna Dhé Is-
rael, ann an tigh Ieroboaim.

14 Os bàrr, togaidh an Tighearn suas dha

féin rìgh air Israel, a ghearras as tigh Ieroboaim air an là sin: ach ciod? a nis féin.

15 Agus buailidh an Tighearn Israel, mar a ghluaisear cuile anns an uisge, agus spionaidh e Israel as an fhearann mhaith so, a thug e d'an aithrichibh, agus sgapaidh e iad air an taobh thall de'n amhainn; a chionn gu'n d'rinn iad an doireachan, a' cur feirge air an Tighearn.

16 Agus bheir e thairis Israel, air son pheacaidhean Ieroboaim, a pheacaich, agus a thug air Israel peacachadh.

17 Agus dh'éirich bean Ieroboaim, agus dh'imich i, agus thàinig i gu Tirsah: agus an uair a chaidh i steach air stairsnich an tighe, fhuair an leanabh bàs.

18 Agus dh'adhlac iad e, agus rinn Israel uile caoidh air a shon, a réir focail an Tighearna, a labhair e le làimh 'òglaich féin Abiah an fhàidh.

19 Agus a' chuid eile de ghnìomharaibh Ieroboaim, mar a chog, agus mar a rìghich e, feuch, *tha* iad sgrìobhta ann an leabhar eachdraidh rìghrean Israeil.

20 Agus *U'iad* na làithean a rìghich Ieroboam dà bhliadhna thar fhichead: agus choidil e maille r'a aithrichibh, agus rìghich Nadab a mhac 'n a àit.

21 Agus rìghich Rehoboam mac Sholaimh ann an Iudah. *Bha* Rehoboam bliadhna agus dà fhichead a dh'aois an uair a thòisich e air rìoghachadh; agus rìghich e seachd bliadhna deug ann an Ierusalem, am baile a thagh an Tighearn a uile threubhan Israeil, a chur 'ainne an sin: agus *U'e* ainm a mhàthar Naamah, Ban-amonach.

22 Agus rinn Iudah olc ann an sùilbhan an Tighearna, agus bhrosnaich iad e gu h-eud le'm peacaidhean, a rinn iad os ceann nan uile a rinn an aithrichean:

23 Oir thog iadsan mar an ceudna àitean àrda dhoibh féin, agus dealbhan, agus doireachan, air gach enoc àrd, agus fo gach craoibh uaine.

24 Agus bha mar an ceudna Sodomaich anns an tìr: rinn iadsan a réir uile ghràin-eileachdan nan cinneach, a thilg an Tighearn a mach roimh chloinn Israeil.

25 Agus anns a' chùigeamh bliadhna de rìgh Rehoboam, thàinig Sisac rìgh na h-Eiphit a nìos an aghaidh Ierusalem:

26 Agus thug e leis ionmhais tighe an Tighearna, agus ionmhais tighe an rìgh; bhuin e leis cadhòn an t-ionlan: agus thug e leis na sgiathan òir uile a rinn Solamh.

27 Agus rinn rìgh Rehoboam sgiathan umha 'n an àit, agus thug e thairis *iad* gu làimh cheannard an fhreiceadain a ghléidh dorus tighe an rìgh.

28 Agus an uair a chaidh an rìgh a steach do thigh an Tighearna, dh'iomchair am freiceadan iad, agus thug iad air an ais iad gu seòmair an fhreiceadain.

29 Agus a' chuid eile de ghnìomharaibh Rehoboaim, agus na h-uile nithean a rinn e, nach *'eil* iad sgrìobhta ann an leabhar eachdraidh rìghrean Iudah?

30 Agus bha cogadh eadar Rehoboam agus Ieroboam ré *an* làithean uile.

31 Agus choidil Rehoboam maille r'a aithrichibh, agus dh'adhlac iad e maille r'a aithrichibh ann am baile Dhaibhidh: agus *U'e* ainm a mhàthar Naamah, Ban-amonach. Agus rìghich Abiam a mhac 'n a àit.

CAIB. XV.

1 *Rìoghachadh aingidh Abiaim: 7 a blàs: 3 rìghich Asa 'n a dhéigh. 23 Fhuair Asa bàs, agus rìghich Iehosaphat 'n a àit. 25 Rìoghachadh aingidh Nabaib: 27 mharbhadh e le Baasa: 28 rìghich Baasa 'n a dhéigh, agus choimhlion e fàisteachd Ahiah an aghaidh tighe Ieroboaim.*

ANIS anns an ochdamh bliadhna deug de rìgh Ieroboam mac Nebait, rìghich Abiam os ceann Iudah.

2 Tri bliadhna rìghich e ann an Ierusalem: agus *U'e* ainm a mhàthar Maachah, nighean Abisaloim.

3 Agus ghluais e ann an uile pheacaidhean 'athar, a rinn e roimhe: agus cha robh a chridhe ionlan leis an Tighearn a Dhia, mar a *bha* cridhe Dhaibhidh 'athar.

4 Gidheadh, air sgàth Dhaibhidh thug an Tighearn a Dhia lòchran dha ann an Ierusalem, a chur a mhic suas 'n a dhéigh, agus a dhaingneachadh Ierusalem:

5 A chionn gu'n d'rinn Daibhidh an *ni a bha* ceart ann an sùilbhan an Tighearna, agus nach do chlaon e o na h-uile *nithibh* a dh'àithn e dha rè uile làithean a bheatha, ach a mhàin 'an chùis Uriah an Hìtich.

6 Agus bha cogadh eadar Rehoboam agus Ieroboam ré uile làithean a bheatha.

7 A nis a' chuid eile de ghnìomharaibh Abiaim, agus na h-uile *nithean* a rinn e, nach *'eil* iad sgrìobhta ann an leabhar eachdraidh rìghrean Iudah? agus bha cogadh eadar Abiam agus Ieroboam.

8 Agus choidil Abiam maille r'a aithrichibh; agus dh'adhlac iad e ann am baile Dhaibhidh: agus rìghich Asa a mhac 'n a àit.

9 Agus anns an fhicheadamh bliadhna de Ieroboam rìgh Israeil, rìghich Asa os ceann Iudah.

10 Agus bliadhna agus dà fhichead rìghich e ann an Ierusalem: agus *U'e* ainm a mhàthar Maachah, nighean Abisaloim.

11 Agus rinn Asa an *ni a bha* ceart ann an sùilbhan an Tighearna, mar a rinn Daibhidh 'athair.

12 Agus dh'fhuadaich e na Sodomaich as an tìr, agus chuir e air falbh na dealbhan uile a rinn 'aithrichean.

13 Agus mar an ceudna Maachah a mhàthair, chuir e cadhòn ise o *bhi* 'n a bau-

righinn, a chionn gu'n d'riun i dealbh uamhasach ann an doire: agus sgrìos Asa a dealbh namhasach, agus loisg se e aig sruth Chidroin.

14 Ach cha do chuircadh as do na h-àitibh àrda: gidheadh, bha cridhe Asa iomlan leis an Tighearn ré a làithean uile.

15 Agus thug e steach na nithean a naemhaich 'athair, agus na nithean a naemhaich e féin, do thigh an Tighearn, airgid, agus òr, agus soithichean.

16 Agus bha cogadh eadar Asa agus Baasa rìgh Israeil, ré an làithean uile.

17 Agus chaidh Baasa rìgh Israeil suas an aghaidh Iudah, agus thog e Ramah, a chum nach leigeadh e le neach air bith dol a mach no teachd a steach gu Asa rìgh Iudah.

18 Agus ghabh Asa an t-airgid agus an t-òr uile a dh'fhàgadh ann an ionmhasaibh tighe an Tighearna, agus ann an ionmhasaibh tighe an rìgh, agus thug e iad 'an làimh a sheirbhiseach: agus chuir rìgh Asa iad gu Ben-hadad mae Thabrimoin, mhic Hesiou rìgh Shiria, a bha 'chòmhnuidh ann an Damascus, ag ràdh,

19 *Tha* coimheangal eadar mise agus thusa, agus eadar m'athair-sa agus d'athair-sa: feuch, chuir mi a d'ionnsuidh tiodhlac airgid agus òr; thig agus bris do choimheangal ri Baasa rìgh Israeil, a chum gu'm falbh e uam.

20 Agus dh'éisd Ben-hadad ri rìgh Asa, agus chuir e ceannardan nan armaitean a bha aige, an aghaidh bhaitean Israeil, agus bhuail e Iion, agus Dan, agus Abeltet-maachah, agus Cimerot uile, maille ri tìr Naphtali uile.

21 Agus an uair a chuala Baasa sin, sguir e de thogail Ramah, agus ghabh e còmhnuidh ann an Tirsah.

22 An sin thug rìgh Asa gairm air feadh Iudah uile, (cha robh neach air bith saor); agus thug iad leo clachan Ramah, agus fhiodh, leis an do thog Baasa e; agus thog rìgh Asa leo Gebah Bheniamin, agus Mispah.

23 Agus a' chuid eile de uile ghnìomharaibh Asa, agus a neart uile, agus gach *ni* a rinn e, agus na bailtean a thog e, nach 'eil iad sgrìobhta ann an leabhar eachdraidh rìghrean Iudah? Gidheadh, 'an àm a shean aois bha eucail 'n a chosaibh.

24 Agus choidil Asa maille r'a aithrichibh, agus dh'adhlacaidh e maille r'a aithrichibh ann am baile Dhaibhidh 'athar: Agus rìghich a mhae Iehosaphat 'n a àit.

25 Agus thòisich Nadab mac Ieroboaim air rìoghachadh os ceann Israeil anns an dara bliadhna de Asa rìgh Iudah; agus rìghich e os ceann Israeil dà bhliadhna.

26 Agus rinn e olc ann an sùilbhan Tighearna, agus ghluais e ann an slighe

'athar, agus 'n a pheacadh leis an d'thug e air Israel peacachadh.

27 Agus rinn Baasa mac Ahiah, de thigh Isachair, ceannaire 'n a aghaidh: agus bhuail Baasa e làimh ri Gibeton, a *bhuineas* do na Philistich, an uair a bha Nadab agus Israel uile a' teannachadh Ghibetoin.

28 Mar so mharbh Baasa e anns an treas bliadhna de Asa rìgh Iudah, agus rìghich e 'n a àit.

29 Agus an nair a rìghich e, bhuail e tigh Ieroboaim uile; cha d'fhàg e neach air bith anns an robh anail aig Ieroboaim, gus an do sgrìos se e, a réir focail an Tighearna, a labhair e le làimh a sheirbhiseich Ahiah an t-Silonaich.

30 Airson pheacaidhean Ieroboaim a pheacaidh e, agus leis an d'thug e air Israel peacachadh; air son a' bhrosnachaidh leis an do bhrosnaich e'n Tighearn Dia Israeil gu feirg.

31 Agus a' chuid eile de ghnìomharaibh Nadaib, agus na h-uile *nithean* a rinn e, nach 'eil iad sgrìobhta ann an leabhar eachdraidh rìghrean Israeil?

32 Agus bha cogadh eadar Asa agus Baasa rìgh Israeil ré an làithean uile.

33 Anns an treas bliadhna de Asa rìgh Iudah, thòisich Baasa mac Ahiah air rìoghachadh os ceann Israeil uile ann an Tirsah; agus rìghich e ceithir bliadhna fichead.

34 Agus rinn e olc ann an sùilbhan Tighearna, agus ghluais e ann an slighe Ieroboaim, agus 'n a pheacadh leis an d'thug e air Israel peacachadh.

CAIB. XVI.

1 *Fàistneachd* Iehu an aghaidh tighe Bhaasa. 5 *Fhuair* Baasa bàs, agus rìghich Elah 'n a àit. 8 *Mharbh* Simri Elah 18 *Loisg* Simri e féin 'n uair a theannaich Omri e ann an Tirsah. 22 *Bhacadh* Omri air Tibri. 27 *Fhuair* Omri bàs agus rìghich Ahab 'n a àit.

UIME sin thàinig focal an Tighearna gu Iehu mac Hanani an aghaidh Bhaasa, ag ràdh.

2 A chionn gu'n d'àrdaich mise thu o'n duslach, agus gu'n d'riun mi thu a'd' cheannard air mo shluagh Israel, ach gu'n do ghluais thusa ann an slighe Ieroboaim, agus gu'n d'thug thu air mo shluagh Israel peacachadh, 'g am bhrosnachadh gu feirg le 'm peacaidhean:

3 Fench, gearraidh mi as sliochd Bhaasa, agus sliochd a thighe; agus ni mi do thighsa mar thigh Ieroboaim mhic Nebait.

4 Esan a dh'eugas de Bhaasa anns a' bhaile, ithidh na madraidh e; agus esan a dh'eugas leis anns an fhearann, ithidh eum laith an athair e.

5 Agus a' chuid eile de ghnìomharaibh Bhaasa, agus na *nithean* a rinn e, agus a neart, nach 'eil iad sgrìobhta ann an leabhar eachdraidh rìghrean Israeil?

6 Agus choidil Baasa maille r'a aithrichibh, agus dh'adhlaiceadh e ann an Tirsah: agus rìghich Elah a mhac 'n a àit.

7 Agus mar an ceudna le làimh an fhàidh Iehu mhic Hanani, thàinig focal an Tighearn' an aghaidh Bhaasa, agus an aghaidh a thighe, air son an uile uile a rinn e ann an sùilb an Tighearna, 'g a bhrosnachadh gu feirg le obair a làmh, gu bli mar thigh Ieroboaim, agus a chionn gu'n do mharbh se e.

8 Anns an t-sèathamh bliadhna fichead de Asa rìgh Iudah, thòisich Elah mac Bhaasa air rìoghachadh os ceann Israeil ann an Tirsah; agus rìghich e dà bhliadhna.

9 Agus rinn a sheirbhiseach Simri, ceannard leth a charbad, ceannaire 'n a aghaidh 'n uair a bha e ann an Tirsah, ag òl gus an robh e air mhisg ann an tigh Arsah, a bha os ceann a thighe ann an Tirsah.

10 Agus chaidh Simri steach, agus bhuail se e, agus mharbh se e, anns an t-seachdamh bliadhna fichead de Asa rìgh Iudah; agus rìghich e 'n a àit.

11 Agus an uair a thòisich e air rìoghachadh, cò luath as a shuidh e air a rìgh-chathair, bhuail e tigh Bhaasa uile: cha d'fhàg e neach air bith aige a dheanadh uisge ri balla, d'a luchd-dàimh no d'a chàir-dibh.

12 Mar so sgrìos Simri tigh Bhaasa uile, a réir focail an Tighearna, a labhair e an aghaidh Bhaasa le làimh Iehu an fhàidh;

13 Air son uile pheacaidhean Bhaasa, agus pheacaidhean Elah a mhic, leis an do pheacaidh iad, agus leis an d'thug iad air Israel peacachadh, a' brosnachadh an Tighearn Dé Israeil gu feirg le'n dìomhanasaibh.

14 Agus a' chuid eile de ghnìomharaibh Elah, agus na h-uile *nithean* a rinn e, nach 'eil iad sgrìobhta ann an leabhar eachdraidh rìghrean Israeil?

15 Anns an t-seachdamh bliadhna fichead de Asa rìgh Iudah, rìghich Simri seachd làithean ann an Tirsah: agus bha'n sluagh air campachadh an aghaidh Ghibetoin, a *bhuineadh* do na Philistich.

16 Agus chual' an sluagh a bha air campachadh, 'g a ràdh, Rinn Simri ceannaire, agus mar an ceudna bhuail e'n rìgh: uime sin rinn Israel uile Omri, ceannard an t-slàigh, 'n a rìgh air Israel an là sin féin anns a' clamp.

17 Agus chaidh Omri, agus Israel uile maille ris, suas o Ghibeton, agus theannaidh iad Tirsah.

18 Agus an uair a chunnaic Simri gu'n do ghlacadh am baile, chaidh e steach do luchairt tigh e an rìgh, agus loisg e tigh an rìgh os a cheann féin le teime, agus dh'eug e.

19 Air son a pheacaidhean leis an do pheacaidh e, a' deanamh uile ann an sùilb an Tighearn, a' gluasad ann an slighe Iero-

boaim, agus 'n a pheacadh a rinn e, ann an tabhairt air Israel peacachadh.

20 Agus a' chuid eile de ghnìomharaibh Shimri, agus a cheannaire a rinn e, nach 'eil iad sgrìobhta ann an leabhar eachdraidh rìghrean Israeil?

21 An sin roinneadh sluagh Israeil 'n an dà leth: lean leth an t-sluaigh Tibni mac Ghinait, gu 'dheanamh 'n a rìgh; agus lean an leth eile Omri.

22 Ach bhuadhaich an sluagh a lean Omri air an t-sluagh a lean Tibni mac Ghinait: agus fhuair Tibni bàs, agus rìghich Omri.

23 Anns an aon bhliadhna deug thar fhichead de Asa rìgh Iudah, thòisich Omri air rìoghachadh os ceann Israeil; agus rìghich e dà bhliadhna dheug: ann an Tirsah rìghich e sè bliadhna.

24 Agus cheannaich e slabh Shamaria o Shemer air dhà thàlann airgid, agus thog e *aitreabh air* an t-slabh, agus ghoir e ainm a' bhaile a thog e, a réir ainme Shemeir, sealbhadair sléibh Shamaria.

25 Ach rinn Omri òc ann an sùilb an Tighearna, agus rinn e ni bu mhiosa na iadsan uile a bha roimhe:

26 Oir ghluais e ann an uile shlighe Ieroboaim mhic Nebait, agus 'n a pheacadh leis an d'thug e air Israel peacachadh, a' brosnachadh an Tighearn Dé Israeil gu feirg le'n dìomhanasaibh.

27 Agus a' chuid eile de ghnìomharaibh Omri, a rinn e, agus a neart a dh'fheuch e, nach 'eil iad sgrìobhta ann an leabhar eachdraidh rìghrean Israeil?

28 Agus choidil Omri maille r'a aithrichibh, agus dh'adhlaiceadh e ann an Samaria: agus rìghich Ahab a mhac 'n a àit.

29 Agus thòisich Ahab mac Omri air rìoghachadh os ceann Israeil, anns an ochdamh bliadhna deug thar fhichead de Asa rìgh Iudah: agus rìghich Ahab mac Omri os ceann Israeil ann an Samaria, dà bhliadhna thar fhichead.

30 Agus rinn Ahab mac Omri òc ann an sùilb an Tighearna, os ceann nan uile a bha roimhe.

31 Agus mar gu'm bu ni faoin dhasan gluasad ann am peacaidhean Ieroboaim mhic Nebait, ghabh e 'n a mnaoi Iesebel, nighean Etbail, rìgh nan Sidonach, agus chaidh e agus rinn e seirbhis do Bhaal, agus shleuchd e dha.

32 Agus chuir e suas altair do Bhaal ann an tigh Bhaail, a thog e ann an Samaria.

33 Agus rinn Ahab doire; agus rinn Ahab ni's mò a bhrosnachadh an Tighearn Dé Israeil gu feirg na uile rìghrean Israeil a bha roimhe.

34 'N a làithibh-san thog Hiel am Betel each Iericho: ann an Abiram a chend-ghlin shuidhich e a bheumait, agus ann an Segub a mhac a b'òige chuir e suas a gheatachan, a

réir focail an Tighearna, a labhair e le làimh Iosua mhic Nuin.

CAIB. XVII.

1 *Fàisteachd an aghaidh Ahab.* 6 *Bheathachadh fithich an fàidh Eliah aig sruth Cherit.* 8 *N' uair a thiormaich an sruth chuir Dia e dh'ionnsuidh bantraich ann an Sarephat.* 17 *Fhuair mac na bantraich bàs, agus dh'ath-bheothaich eadha e a ris.*

AGUS thubhairt Eliah an Tisbheach, a *bha* de luchd-àiteachaidh Ghilead, ri Ahab, *Mar* is beò an Tighearna Dia Israeil, an lathair am bheil mise a'm' sheasamh, cha bhi 's na bliadhmaibh so drùdch no uisge ann, ach a réir m'fhocail-sa.

2 Agus thàinig focal an Tighearna d'a ionnsuidh, ag ràdh,

3 Imich as a so, agus tionndaidh thu féin a làimh na h-àirde 'n ear, agus folaich thu féin aig sruth Cherit, a *tha* fa chomhair Iordain.

4 Agus òlaidh tu de'n t-sruth, agus dh'àithn mise do na fithich do bheathachadh an sin.

5 Agus dh'imich e, agus rinn e a réir focail an Tighearna; oir chaidh e, agus ghabh e còmhnuidh aig sruth Cherit, a *tha* fa chomhair Iordain.

6 Agus thug na fithich d'a ionnsuidh aran agus feoil 's a' mhaduinn, agus aran agus feoil 's an fheasgar; agus dh'òl e as an t-sruth.

7 Ach an ceann tamuill thiormaich an sruth, a chionn nach robh uisge anns an tìr.

8 Agus thàinig focal an Tighearna d'a ionnsuidh, ag ràdh,

9 Eirich, imich gu Sarephat, a's le Sidon, agus gabh còmhnuidh an sin; feuch, dh'àithn mise do mhnai a *tha* 'n a bantraich an sin do bheathachadh.

10 Agus dh'éirich e, agus chaidh e do Sharephat: agus an uair a thàinig e gu geata a' bhaile, feuch, bha a' bhantrach an sin a' tional bhioran; agus ghairm e oirre, agus thubhairt e, Thoir a'm' ionnsuidh, guidheam ort, beagan uisge ann an soith-each, a chum gu'n òl mi.

11 Agus an uair a bha i a' dol g'a thoirt leatha, ghlaodh e rithe, agus thubhairt e, Thoir a m' ionnsuidh, guidheam ort, greim arain a'd' làimh.

12 Agus thubhairt ise, *Mar* is beò an Tighearna do Dhia, cha-n'èil breacag agam, ach làn an duirn de mhin ann an soith-each, agus beagan olaidh ann an còrn: agus, feuch, *tha* mi a' tional biorain no dhà, a chum gu'n téid mi steach, agus gu'n deasaich mi e dhomh féin agus do m' mhac, agus gu'n ith sinn e, agus gu'm faigh sinn bàs.

13 Agus thubhairt Eliah rithe, Na bith-eadh eagal ort; falbh, dean a réir d'fhocail: ach dean dhomhsa dhiubh sin breacag bheag an toiseach, agus thoir a m' ionn-

suidh i, agus dhuit féin agus do d'mhac deasaich 'n a dhéigh sin.

14 Oir mar so tha'n Tighearna Dia Israeil ag ràdh, Cha chaithear an soith-each mine, agus cha teirig an còrn olaidh, gus an là's an cuir an Tighearna uisge air aghaidh na talmhainn.

15 Agus dh'fhalbh i, agus rinn i a réir focail Eliah: agus dh'ith ise, agus esan, agus a tigh ré mòrain de làithibh.

16 Cha do chaitheadh an soith-each mine, agus cha do theirig an còrn olaidh, a réir focail an Tighearna, a labhair e le làimh Eliah.

17 Agus thachair an déigh nan nithean sin, gu'n d'fhàs mac na mnà, eadhon mnà an tìghe, gu tinn; agus bha a thinneas cho trom as nach d'fhàgadh anail ann.

18 Agus thubhairt i ri Eliah, Ciod e mo ghnothuch-sa riut, a dhuine le Dia? an d'thàinig thu a m' ionnsuidh a chur mo pheacaidh 'an cuimhne, agus a mharbhadh mo mhic?

19 Agus thubhairt esan rithe, Thoir dhomhsa do mhac. Agus ghlaic e as a h-uchd e, agus thug e suas e do sheòmar uachdarach, anns an robh e féin a' fantuinn, agus chuir e 'n a luidhe air a leabaidh féin e.

20 Agus dh'éigh e ris an Tighearna, agus thubhairt e, A Thighearna mo Dhia, an d'thug thu mar an ceudna olc air a' bhantraich aig am bheil mi air aoidheachd, le a mac a mharbhadh?

21 Agus shìn se e féin air an leanabh tri uairean, agus dh'éigh e ris an Tighearna, agus thubhairt e, A Thighearna mo Dhia, thigeadh, guidheam ort, anam an leinibh so a steach ann a ris.

22 Agus dh'éisd an Tighearna ri guth Eliah; agus thàinig anam an leinibh a steach ann a ris, agus dh'ath-bheothaich eadha e.

23 Agus ghlaic Eliah an leanabh, agus thug e sìos e as an t-seòmar uachdarach do'n tigh, agus thug e d'a mhàthair e: agus thubhairt Eliah, Feuch, tha do mhac beò.

24 Agus thubhairt a' bhean ri Eliah, A nis le so tha fios agam gur duine le Dia thu, agus gur firinn focal an Tighearna ann do bheul.

CAIB. XVIII.

1 *Nochd Eliah e féin do Ahab,* 18 *agus thug e achmhasan dha air son a dhroch ghniomharan.* 40 *Mharbh e fàidhean Bhaail aig sruth Chisoin.* 41 *Thug e fios do Ahab gu'n tigeadh pailteas uisge air aghaidh na talmhainn.*

AGUS an déigh mòrain làithean, thàinig A focal an Tighearna gu Eliah anns an treas bliadhna, ag ràdh, Falbh, nochd thu féin do Ahab, agus bheir mise uisge air aghaidh na talmhainn.

2 Agus dh'fhalbh Eliah g'a nochdadh féin do Ahab: agus *bha* gorta mhòr ann an Samaria.

3 Agus ghairm Ahab air Obadiah, a *bha*

os ceann a thighe: (a nis bha eagal an Tighearna gu mòr air Obadiah:

4 Oir an uair a thug Iesebel fairnear fàidhean an Tighearn a ghearradh as, ghabh Obadiah ceud fàidh, agus dh'fholaich e iad 'n an leth-cheudaibh ann an uaimh, agus bheathaich e iad le h-aran agus uisge:)

5 Agus thubhairt Ahab ri Obadiah, Imich do'n tìr, a dh'ionnsuidh nan tobar uisge uile, agus a dh'ionnsuidh nan sruth uile, a dh'fheuchainn am faigh sinn fear, a chum gu'n gléidh sinn ar n-eich agus ar muil-eidean beò, agus nach caill sinn an spréidh uile.

6 Agus roinn iad an tìr eatorra gu dol troimpe: chaidh Ahab air aon slighe leis féin, agus chaidh Obadiah air slighe eile leis féin.

7 Agus an uair a bha Obadiah 's an t-slighe, feuch, thachair Eliah air: agus dh'aithnich se e, agus thuit e air 'aghaidh, agus thubhairt e, An tusa 'tha'n so, mo thighearn' Eliah?

8 Agus thubhairt esan ris, *Is* mi: imich, innis do d' thighearn, Feuch, *tha* Eliah an so.

9 Agus thubhairt esan, Ciod am pacadh a rinn mi, gu'n tugadh tu do sheirbhiseach 'an àimh Ahaib, g'am mharbhadh?

10 *Mar* is beò an Tighearn do Dhia, cha-n'eil cinneach no rìoghachd, do nach do chuir mo thighearn g'ad iarraidh: agus an uair a thubhairt iad, Cha-n'eil *en* so, ghabh e miannan de'n rìoghachd agus de'n chinneach, nach d'fhuair e thu.

11 Agus a nis *tha* thu ag ràdh, Imich, innis do d' thighearn, Feuch, *tha* Eliah an so.

12 Agus tacharaidh, an uair a dh'imicheas mise uait, gu'n tog spiorad an Tighearna leis thusa far nach 'eil fhios agamsa; agus an uair a thig mise a dh'innseadh do Ahab, agus nach faigh e thu, gu'm marbh e mise: githheadh *tha* eagal an Tighearn' ormsa do sheirbhiseach o m'òige.

13 Nach d'innseadh do m' thighearn ciod a rinn mi 'n uair a mharbh Iesebel fàidhean an Tighearna, mar a dh'fholaich mi ceud fear a dh'fhàidhibh an Tighearna, 'n an leth-cheudaibh ann an uaimh, agus a bheathaich mi iad le h-aran agus le h-uisge?

14 Agus a nis *tha* thu ag ràdh, Imich, innis do d' thighearn, Feuch, *tha* Eliah an so; agus marbhaidh e mi.

15 Agus thubhairt Eliah, *Mar* is beò Tighearn nan slògh, an làthair am bheil mi a'm' sheasamh, gu deimhin nochdaidh mi mi féin dha an diugh.

16 Uime sin chaidh Obadiah 'an coinnimh Ahaib, agus dh'innis e dha: agus chaidh Ahab 'an coinnimh Eliah.

17 Agus an uair a chunnaic Ahab Eliah, thubhairt Ahab ris, An tusa esan a tha 'cur Israeil fo bhuaireas?

18 Agus thubhairt esan, Cha mhise a chuir Israel fo bhuaireas, ach thusa agus tigh d'athar, a thaobh gu'n do thréig sibh àitheantan an Tighearn', agus gu'n do lean sibh Baalim.

19 A nis uime sin cuir *fios*, cruinnich a m' ionnsuidh-sa Israel uile gu sliabh Charmell, agus fàidhean Bhaail, ceithir cheud agus leth-cheud, agus fàidhean nan dòire, ceithir cheud, a tha 'g itheadh aig bord Iesebel.

20 Agus chuir Ahab *fios* a dh'ionnsuidh chloinn Israeil uile, agus chruinnich e na fàidhean an ceann a chéile gu sliabh Charmell.

21 Agus thàinig Eliah dh'ionnsuidh an t-sluaigh uile, agus thubhairt e, Cia fhad a bhitheas sibh 's an ioma-chomhairl' eadar dhà bharail? Ma's e'n Tighearn 'a's Dia ann, leanaibh e; ach ma's e Baal, leanaibh esan. Ach cha do fhreagair an sluagh e aon fhocal.

22 An sin thubhairt Eliah ris an t-sluagh, Dh'fhàgadh mise, eadhon mise a mhàin a'm' fhàidh leis an Tighearn; ach tha fàidhean Bhaail ceithir cheud agus leth-cheud fear 'an àireamh.

23 Thugadh iad dhuinne ma ta dà tharbh òg, agus taghadh iadsan dhoibh féin aon tarbh òg, agus gearradh iad 'n a mhàiribh e, agus cuireadh iad air connadh e; ach na cuireadh iad teine foidhe: agus deasaichidh mise an tarbh òg eile, agus cuiridh mi air connadh e, ach cha chuir mi teine foidhe.

24 An sin gairmibh-sa air ainm bhuir diathan féin, agus gairmidh mise air ainm an Tighearn': agus an Dia a fhreagras le teine, bithidh esan 'n a Dhia. Agus fhreagair an sluagh uile agus thubhairt iad, *Is* maith a labhair *thu*.

25 Agus thubhairt Eliah ri fàidhibh Bhaail, Taghaibh-sa dhuibh féin aon tarbh òg, agus deasaichibh 'an toiseach e, oir tha sibh Ìonmhor; agus gairmibh air ainm bhuir diathan, ach na cuiribh teine foidhe.

26 Agus ghabh iad an tarbh òg a thugadh dhoibh, agus dheasaich iad e, agus ghairm iad air ainm Bhaail o mhaduim eadhon gu meadhon-là, ag ràdh, A Bhaail, éisd ruinne! Ach cha *robh* guth, no neach air bith a fhreagradh ann: agus leum iad air an altair a rinn iad.

27 Agus an uair a bha e mu mheadhon-là, rinn Eliah fanoid orra, agus thubhairt e, Eighibh le guth àrd; oir *is* dia e: an dara cuid *tha* e a' beachd-smuaineachadh, no *tha* e air tòir, no *tha* e air thurus, no theagamh gu'm bheil e 'n a chodal, agus gu'm feumar a dhùsgadh.

28 Agus dh'éigh iadsan le guth àrd, agus ghearr sìad iad féin a réir an gnàtha le claidhibh agus le lannaibh, gus an do thaom an fhuil a mach orra.

29 Agus an uair a chaidh meadhon-là thairis, agus a rinn iad fàidheadaireachd

gu àm toirt suas na h-ìobairt-*fheasgair*, cha *robh* guth ann, no aon air bith a fhreagradh, no 'bheireadh faineir *iad*.

30 Agus thubhairt Eliah ris an t-sluagh uile, Thigibh am fagus domh-sa. Agus thàinig an sluagh uile am fagus da; agus chàirich e altair an Tighearn' a bha air a briseadh sìos.

31 Agus ghabh Eliah dà chloich dheug, a réir àireimh threubh mhac Iacoib, chum an d'thàinig focal an Tighearn', ag ràdh, Bithidh Israel mar ainm ort.

32 Agus thog e, leis na clachaibh, altair ann an ainm an Tighearn'; agus rinn e clais co mhòr as gu'n cumadh i dà thomhas sil, mu'n cuairt air an altair.

33 Agus shuidhich e'n connadh, agus ghearr e'n tarbh òg 'n a mhiribh, agus chuir e air a' chonnadh e.

34 An sin thubhairt e, Lìonaibh ceithir soitheachan le h-uisge, agus dòirtibh e air an ìobairt-loisgte, agus air a' chonnadh. Agus thubhairt e, Deanaibh an dara h-uair e, agus rinn iad an dara h-uair e: agus thubhairt e, Deanaibh an treas uair e, agus rinn iad an treas uair e.

35 Agus chaidh an t-uisge mu'n cuairt air an altair; agus lion e mar an ceudna a' chlais le h-uisge.

36 Agus 'an àm toirt suas na h-ìobairt-*fheasgair*, thàinig Eliah ann fàidh am fagus, agus thubhairt e, A Thighearna Dhé Abraham, Isaac, agus Israeil, biodh fhios an diugh gur tusa 'a's Dia ann an Israel, agus *gur* mise d'òglach, agus *gur* ann air d'fhocal-sa rinn mi na nìthan so uile.

37 Eisd rium, A Thighearna, éisd rium; agus bitheadh fios aig an t-sluagh so gur tusa an Tighearn Dia, agus gu'n do phill thu an cridhe air ais a ris.

38 An sin thuit teine an Tighearn', agus chaith e an ìobairt-loisgte, agus an connadh, agus na clachan, agus an luathre; agus an t-uisge *bha* 's a' chlais dh'imlich e suas.

39 Agus an uair a chunnaic an sluagh uile e, thuit iad air an aghaidh, agus thubhairt iad, Is e'n Tighearn féin 'a's Dia ann, *is* e'n Tighearn féin 'a's Dia ann.

40 Agus thubhairt Eliah riu, Glacaibh fàidhean Bhaail; na rachaidh duine diubh as. Agus ghlac siad iad; agus thug Eliah sìos iad gu sruth Chisoim, agus mharbh e iad an sin.

41 Agus thubhairt Eliah ri Ahab, Eirich suas, ith agus òl; oir *tha* fuaim pailteis uisge ann.

42 Agus chaidh Ahab suas a dh'itheadh agus a dh'òl: agus chaidh Eliah suas gu mullach Charneil, agus thilg se e féin sìos air an talamh, agus chuir e 'aghaidh cadar a ghluinibh;

43 Agus thubhairt e r'a òglach, Falbh suas a nis, amhaire a dh'ionnsuidh na fairge. Agus chaidh esan suas, agus dh'amhaire e,

agus thubhairt e, Cha-n'eil ni air bith ann. Agus thubhairt e, Falbh a ris seachd uairean.

44 Agus air an t-seachdamh uair thubhairt e, Feuch, *tha* neul beag cosnadh ri bois duine ag éirigh as an fhairege. Agus thubhairt e, Falbh suas, abair ri Ahab, Ulluich do charbad, agus gabh sìos, a chum nach bac an t-uisge thu.

45 Agus anns a' cheart àm sin, dhorch-aicheadh na speuran le neulaibh agus le gaoith; agus bha uisge mòr ann. Agus mharcaich Ahab, agus chaidh e do Iesreel.

46 Agus bha lùmh an Tighearn' air Eliah; agus chrìoslaich e a leasraidh, agus ruith e roimh Ahab, gus an d'thàinig e do Iesreel.

CAIB. XIX.

1 *Theich Eliah o làthair Iesebel, agus thàinig e gu Beerseba. 4'S an fhàsach dh'iarr e dha féin bàs fhagail; 5 ach rinn aingeal an Tighearn' cabhair air. 9 Ann an Horeb dh'fhoillsich Dia e féin dha, agus chuir se e a dh'ungadh Hasaël, Jehu, agus Elisa.*

A GUS dh'innis Ahab do Iesebel na h-uile *nìthan* a rinn Eliah, agus cionnus a mharbh e na fàidhean uile leis a' chlaidh-camh.

2 Agus chuir Iesebel teachdair a dh'ionnsuidh Eliah, ag ràdh, Mar sin deanadh na diathan *riumsa*, agus tuilleadh mar an ceudna, mur dean mise mu'n àm so am màireach d'anam-sa mar anam aoin diubhsan.

3 Agus bha eagal air, agus dh'éirich e, agus dh'fhalbh e air sgàth 'anama, agus thàinig e gu Beer-seba, a *bhuineas* do Iudah, agus dh'fhàg e òglach an sin.

4 Ach chaidh e féin astar latha do'n fhàsach, agus thàinig e agus shuidh e fo chraoibh-aiteil, agus dh'iarr e dha féin bàs fhagail, agus thubhairt e, Is leòr e; a nis a Thighearna, thoir leat m'anam; oir cha-n fhearr mise na m'aithrichean.

5 Agus an uair a luidh e agus a choidil e fo chraoibh-aiteil, feuch, an sin bhean aingeal ris, agus thubhairt e ris, Eirich, ith.

6 Agus dh'amhaire e, agus, feuch, *bha* aig a cheann breacag a blruicheadh air a ghriosach, agus soitheach uisge: agus dh'ith agus dh'òl e, agus luidh e sìos a ris.

7 Agus thàinig aingeal an Tighearn' air ais an dara h-uair, agus bhean e ris, agus thubhairt e, Eirich, ith; oir tha'n turus mòr air do shon.

8 Agus dh'éirich esan, agus dh'ith agus dh'òl e, agus dh'imich e ann an neart a' bhìdh sin dà fhichead là, agus dà fhichead oidhche, gu ruig Horeb slabh Dhé.

9 Agus chaidh e steach an sin do uaimh, agus ghabh e tàmh imte; agus, feuch, thàinig focal an Tighearna d'a ionnsuidh, agus thubhairt e ris Cìod e do ghnothuch an so, Eliah?

10 Agus thubhairt esan, Bha mi ro eud-mhor air son an Tighearna Dé nan slògh: oir thréig clann Israeil do choimheangal, thilg iad sìos d'altairean, agus mharbh iad d'fhaidhean leis a' chlaidheamh; agus dh'fhàgadh mise a' mhàin, agus tha iad ag iarraidh m'anama, chum a thoirt air falbh.

11 Agus thubhairt e, Falbh a mach, agus seas air an t-slabh an làthair an Tighearna. agus, feuch, ghabh an Tighearn seachad, agus reub gaoth mhòr agus làidir na beann-tan, agus bliris i na creagan 'n am bloighdibh roimh an Tighearn, *ach* cha robh an Tighearn anns a' ghaoith; agus an déigh na gaoithe crith-thalmhainn, *ach* cha robh an Tighearn anns a' chrith-thalmhainn;

12 Agus an déigh na crith-thalmhainn teine, *ach* cha robh an Tighearn anns an teine; agus an déigh an teine guth ciuin caol.

13 Agus an uair a chual' Elisha e, chòmh-daich e 'aghaidh le 'fhalluinn, agus chaidh e mach, agus sheas e 'am beul na h-uamha; agus, feuch, *thàinig* guth d'a ionnsuidh, agus thubhairt e, Ciod e do ghnothuch an so, Elisha?

14 Agus thubhairt esan, Bha mi ro eud-mhor air son an Tighearna Dé nan slògh: oir thréig clann Israeil do choimheangal, thilg iad sìos d'altairean, agus mharbh iad d'fhaidhean leis a' chlaidheamh; agus dh'fhàgadh mise a' mhàin, agus tha iad ag iarraidh m'anama, chum a thoirt air falbh.

15 Agus thubhairt an Tighearn ris, Falbh, pill air do shlighe gu fasach Dhamascuis: agus an uair a thig thu, ung Hasael 'n a rìgh air Siria.

16 Agus Iehu mac Nimsi ungaidh tu 'n a rìgh air Israel: agus Elisa mac Shaphait o Abel-meholah ungaidh tu 'n a fhàidh a'd' àite féin.

17 Agus tacharaidh, esan a théid as o chlaidheamh Hasael, gu marbh Iehu e; agus esan a théid as o chlaidheamh Iehu, gu marbh Elisa e.

18 Gidheadh dh'fhàg mi *dhomh* féin ann an Israel seachd mìle, na glùinean uile nach do lùb iad féin do Bhaal, agus gach uile bheul nach d'thug pòg dha.

19 Agus dh'fhalbh e as a sin, agus fhuair e Elisa mac Shaphait, agus e a' treabhadh le dà chuing dheug *dhomh* roimhe, agus e féin leis an dara *cuing* deug: agus chaidh Elisha thairis d'a ionnsuidh, agus thilg e 'fhalluinn air.

20 Agus dh'fhàg esan na daimh, agus ruith e 'n déigh Elisha, agus thubhairt e, Leig dhomh, guidheam ort, m'athair agus mo mhàthair a phògadh, agus an *sin* leanaidh mi thu. Agus thubhairt esan ris, Falbh, pill; oir ciod a rinn mise ort?

21 Agus phill e uaidh, agus ghabh e cuing dhamh, agus mharbh e iad, agus le acfhuinn

nan damh bhruidh e am feoil, agus thug o do'n t-sluagh i, agus dh'ith iad. An sin dh'èirich e, agus chaidh e'n déigh Elisha, agus fhrithheil e dha.

CAIB. XX.

1 *Theannaich Ben-hadad agus na Sirianaich Samaria.* 13 *Bhuail Ahab agus òganaich uachdarain Israeil iad.* 22 *Thàinig na Sirianaich a chogadh ri Israel aig Aphec,* agus bhuailleadh iad a ris le h-àr mòr. 31 *Rinn Ahab coimheangal ri Ben-hadad.*

AGUS chruinnich Ben-hadad rìgh Shiria a shluagh uile an ceann a chèile; agus bha dà rìgh dheug thar fhichead maille ris, agus eich, agus carbaid: agus chaidh e suas agus theannaich e Samaria, agus chog o 'n a aghaidh.

2 Agus chuir e teachdairean gu Ahab rìgh Israeil do'n bhaile, agus thubhairt e ris, Mar so tha Ben-hadad ag ràdh,

3 D'airgiod agus d'òr is leamsa; do mhnathan mar an ceudna agus do chlann, *eadhon a' chuid* a's fearr dhiubh, is leamsa iad.

4 Agus fhreagair rìgh Israeil, agus thubhairt e, A réir d'fhocail, mo thighearn a' rìgh, is leat mise, agus gach *ni* a tha agam.

5 Agus phill na teachdairean, agus thubhairt iad, Mar so labhair Ben-hadad, ag ràdh, Ged a chuir mi fios a d' ionnsuidh, ag ràdh, D'airgiod, agus d'òr, agus do mhnathan, agus do chlann bheir thu dhomh-sa;

6 Gidheadh mu'n tràth so am màireach cuiridh mi mo sheirbisich a d' ionnsuidh, agus rannsaichidh iad do thigh, agus tighean do sheirbhisich: agus tacharaidh e, gach *ni* a tha taitneach do d' shùilibh, *gu'n* cuir iad 'n an làimh, agus *gu'n* toir iad leo e.

7 Agus ghairm rìgh Israeil air uile shean-airbh na tìre, agus thubhairt e, Thugaibh fainear, guidheam oirbh, agus faicibh cionnus a tha 'm fear so ag iarraidh uile; oir chuir e *fios* a m' ionnsuidh, air mo mhnàibh, agus air mo chloinn, agus air m'airgiod, agus air m'òr, agus cha do dhiùlt mi e.

8 Agus thubhairt na seanairean uile agus an sluagh uile ris, Na éisd *ris*, agus na aontaich *leis*.

9 Uime sin thubhairt e ri teachdairibh Bhen-hadad, insibh do m' thighearn an rìgh, Gach *ni* air an do chuir thu *fios* gu d'òglach an toiseach, *ni* mi; ach an *ni* so cha-n urrainn mi 'dheanamh. Agus dh'fhalbh na teachdairean, agus thug iad freagradh air ais d'a ionnsuidh.

10 Agus chuir Ben-hadad *fios* d'a ionnsuidh, agus thubhairt e, Mar sin deanadh na diathan riumsa, agus tuilleadh mar an ceudna, ma's leòr duslach Shamaria gu làn an dorn do'n t-sluagh uile a tha 'g am lean-tuinn-sa.

11 Agus fhreagair rìgh Israeil, agus thu-

bhairt e, Abraibh *ris*, Na deanadh an ti sin uailh, a tha 'crioslachadh *'armachd* uime, mar an ti a chuir dheth *i*.

12 Agus an uair a chuala *Ben-hadad* an teachdaireachd so, agus e fèin agus na rìghrean ag òl anns na pàillionaibh, thubhairt e *r'a sheirbhisich*, Cuiribh *sibh fèin 'an ordugh*. Agus chuir iadsan *iad fèin 'an ordugh* an aghaidh a' bhaile.

13 Agus, feuch, thàinig fàidh àraidh gu Ahab rìgh Israeil, agus thubhairt e, Mar so tha'n Tighearn ag ràdh, Am faca tusa an sluagh mòr so diugh? feuch, bheir mise a'd làimh iad an diugh, agus bithidh fios agad gur mise an Tighearn.

14 Agus thubhairt Ahab, Co leis? Agus thubhairt esan, Mar so tha'n Tighearn ag ràdh, Le òganaich uachdaranan nan dùchannan. An sin thubhairt e, Cò 'chuircas an cath 'an ordugh? Agus thubhairt esan, Thusa.

15 An sin rinn e òganaich uachdaran nan dùchannan àireamh, agus bha ann diubh dà cheud agus a dhà dheug thar fhichead; agus 'n an deigh-san rinn e an sluagh uile àireamh, eadhon uile *shluagh* ghloinn Israeil, seachd mìle.

16 Agus chaidh iad a mach mu mheadhon-là: ach *bha* Ben-hadad ag òl gus an robh e air mhisg anns na pàillionaibh, e fèin agus na rìghrean, eadhon an dà rìgh dheug thar fhichead a bha 'g a chòmhnadh.

17 Agus chaidh òganaich uachdaran nan dùchannan a mach an toiseach: agus chuir Ben-hadad *daoine* mach, agus dh'innis iad da, ag ràdh, Thàinig daoine mach à Samaria.

18 Agus thubhairt esan, Ma's ann gu sìth a thàinig iad a mach, glacaibh beò iad; no ma's ann gu cogadh a thàinig iad a mach, glacaibh beò iad.

19 Agus thàinig iad a mach as a' bhaile, òganaich uachdaran nan dùchannan, agus an armait a lean iad.

20 Agus mharbh gach fear diubh 'fhear: agus theich na Sirianaich, agus ruaig Israeil iad; agus chaidh Ben-hadad rìgh Shiria as air muin eich, maille ris a' mharcshluagh.

21 Agus chaidh rìgh Israeil a mach, agus bhuail e na h-eich, agus na carbaid, agus mharbh e na Sirianaich le h-àr mòr.

22 Agus thàinig am fàidh gu rìgh Israeil, agus thubhairt e ris, Falbh, neartaich thu fèin, agus thoir fainear, agus faic eod a ni thu; oir aig teachd mu'n cuairt na bliadhna thig rìgh Shiria nìs a'd' aghaidh.

23 Agus thubhairt seirbhisich rìgh Shiria ris, *Is* diathan bheann an diathan-san; uime sin bhuadhaich iad oirnn: ach cogamaid riu anns a' chòmhnard, agus gun teagamh buadhaichidh sinne orrasan.

24 Agus dean an ni so, Thoir na rìghrean air falbh, gach fear as 'ait, agus cuir ceannardan 'n an àit.

25 Agus dean armait àireamh dhuit fèin, mar an armait a thuit agad, each air an each, agus carbad air a' charbad; agus cogaidh sinn riu anns a' chòmhnard, agus gu cinnteach buadhaichidh sinn orra. Agus dh'èisd e r'an guth, agus rinn e mar sin.

26 Agus aig teachd mu'n cuairt na bliadhna rinn Ben-hadad na Sirianaich àireamh, agus chaidh e suas gu h-Aphec a chogadh ri h-Israel.

27 Agus chaidh clann Israeil àireamh, agus bha iad uile a làthair, agus chaidh iad 'n an coinnimh: agus champaich clann Israeil fa'n comhair, mar dhà threud bheag ghabhar: ach lion na Sirianaich an tìr.

28 Agus thàinig duine le Dia, agus labhair e ri rìgh Israeil, agus thubhairt e, Mar so tha'n Tighearn ag ràdh, A chionn gu'n dubhairt na Sirianaich, Is Dia bheann an Tighearn, ach cha-n e Dia nan gleann e; air an aobhar sin bheir mise an sluagh lionmhor so uile ann ad làimh-sa, agus bithidh fios agaibh gur mise an Tighearn.

29 Agus champaich iad mu choinnimh a chèile seachd làithean: agus air an t-seachd-amh là chuireadh an cath: agus mharbh clann Israeil de na Sirianaich ceud mìle coisiche ann an aon là.

30 Ach theich a' chuid eile gu h-Aphec, do'n bhaile; agus an sin thuit balla air seachd mìle fichead fear de na dh'fhàgadh. Agus theich Ben-hadad, agus thàinig e do'n bhaile, do sheòmar-cùil.

31 Agus thubhairt a sheirbhisich ris, Feuch a nis, chuala sinn mu rìghrean tighe Israeil, gur rìghrean iochdmhor iad: cuir-eamaid ma ta saic-eudach air ar leasraidh, agus cuird air ar cinn, agus rachamaid a mach gu rìgh Israeil; theagamh gu'n saor e d'anam.

32 Agus cheangail iad saic-eudach air an leasraidh, agus chuir iad cuird air an cinn, agus thàinig iad gu rìgh Israeil, agus thubhairt iad, Tha do sheirbhisich Ben-hadad ag ràdh, Leig dhomh, guidheam ort, a bhi beò. Agus thubhairt esan, *Am bheil* e fathast beò? *is* e mo bhràthair e.

33 Agus thug na daoine an aire gu furach-air a dh'fheuchainn an tigeadh ni air bith uaidh, agus ghrad-ghlac iad e; agus thubhairt iad, Do bhràthair Ben-hadad. An sin thubhairt esan, Rachaibh, thugaibh leibh e. Agus thàinig Ben-hadad a mach d'a ionnsuidh; agus thug e air dol suas do'n charbad.

34 Agus thubhairt Ben-hadad ris, Na bailtean a thug m'athair-sa o d'athair-sa, bheir mise air an ais, agus ni thusa sràidean dhuit fèin ann an Damascus, mar a rinn m'athair-sa ann an Samaria. An sin thubhairt Ahab, Leigidh mise air falbh thu leis a' coimheangal so. Mar so rinn e coimheangal ris, agus leig e air falbh e.

35 Agus thubhairt duine àraidh de mhac-

aibh nam fàidhean r'a choimhearsnach ann am focal an Tighearna, Buail mi, guidheam ort. Agus dhiùlt an duine a bhualachd.

36 An sin thubhairt esan ris, A chionn nach d'éisd thu ri guth an Tighearna, feuch, co luath as a dh'fhalbhas tu nam-sa, marbhaidh leòmhann thu. Agus co luath as a dh'fhalbh e uaidh, fhuair leòmhann e, agus mharbh se e.

37 'N a dhéigh sin fhuair e duine eile, agus thubhairt e, Buail mi, guidheam ort. Agus bhuail gu deimhin an duine e, agus lot se e.

38 Agus dh'fhalbh am fàidh, agus dh'fheith e air an rìgh làmh ris an t-slighe, agus chuir se e féin ann an coslas eile le luath air 'aghaidh.

39 Agus an uair a bha'n rìgh a' gabhail seachad, dh'éigh e ris an rìgh, agus thubhairt e, Chaidh d'òglach a steach gu meadhon a' chatha, agus, feuch, thionndaidh duine a leth-taobh, agus thug e duine a m' ionnsuidh-sa, agus thubhairt e, Gléidh am fear so: mur bi e r'a fhaotainn air chor sam bith, bithidh d'anam-sa air son 'anama-san, no dholaidh tu tàlann airgid.

40 Agus am feadh a bha d'òglach a' bith-dheanamh an so agus an sud, cha robh esan r'a fhaighail. Agus thubhairt rìgh Israeil ris, is ann mar so a bhitheas do bhreitheanas-sa; dh'orduich thu féin e.

41 Agus rinn e cabhag, agus chuir e'n luath air falbh o' aghaidh; agus dh'aithnich rìgh Israeil e, gu'm b'ann de na fàidhean e.

42 Agus thubhairt e ris, Mar so tha'n Tighearn ag ràdh, A chionn gu'n do leig thu as do làmh duine a dh'orduich misc gu léir-sgrìos, uime sin bithidh d'anam-sa air son 'anama-san, agus do shluagh-sa air son a shluagh-san.

43 Agus dh'fhalbh rìgh Israeil a dh'ionnsuidh a thighe dubhach agus feargach, agus thàinig e gu Samaria.

CAIB. XXI.

1 Bha Ahab dubhach 'n a spiorad a chionn gu'n do dhiùlt Nabot 'fhion-lios a thoirt da. 8 Chuir Iesebel Nabot gu bàs. 17 Thug Eliah fios do Ahab air a' bhreitheanas a labhair Dia d'a thaobh air son a dhroch ghnìomharan. 27 Gabh Ahab aithreachas.

AGUS thachair an déigh nan nithean sin gu'n robh fion-lios aig Nabot an t-Iesreleach, a bha ann an Iesreel, làmh ri lùchairt Ahaib rìgh Shamaria.

2 Agus labhair Ahab ri Nabot, ag ràdh, Thoir dhomhsa d'fhion-lios, gu bhi agam 'n a lios luibhean, a chionn gu bheil e fagus do m' thigh, agus bheir mise dhuitse air a shon fion-lios a's fearr na e; no ma's e a's taitniche leat, bheir mi dhuit a luach 'an airgid.

3 Agus thubhairt Nabot ri Ahab, Nar leigeadh Dia dhomhsa, gu'n tugainn oighreachd m'aithrichean dhuitse.

4 Agus thàinig Ahab d'a thigh dubhach agus feargach, air son an fhocail a labhair Nabot an t-Iesreleach ris: oir thubhairt e, Cha toir mi dhuit oighreachd m'aithrichean: agus luidh e sìos air a leabaidh, agus thionndaidh e 'aghaidh air falbh, agus cha-n ithheadh e aran.

5 Ach thàinig Iesebel a bhean d'a ionnsuidh, agus thubhairt i ris, C'ar son a tha do spiorad cho dubhach, agus nach ith thu aran?

6 Agus thubhairt esan rithe, Air son gu'n do labhair mi ri Nabot an t-Iesreleach, agus gu'n dubhairt mi ris, Thoir dhomhsa d'fhion-lios air airgid; no, ma's àill leat, bheir mi dhuit fion-lios eile air a shon: agus thubhairt esan, Cha toir mi dhuit m'fhion-lios.

7 Agus thubhairt Iesebel a bhean ris, Tha thus' a nis a' stiùradh rìoghachd Israeil! Eirich, ith aran, agus bitheadh do chridhe subhach: bheir mise dhuit fion-lios Nabot an Iesreelich.

8 Agus sgrìobh i litrichean ann an ainm Ahaib, agus sheulaich i iad le 'sheula; agus chuir i na litrichean a dh'ionnsuidh nan seanairean, agus a dh'ionnsuidh nan uaislean a bha 'chòmhnuidh maille ri Nabot 'n a bhaile.

9 Agus sgrìobh i anns na litricheibh, ag ràdh, Gairmibh trasgadh, agus thugaibh air Nabot suidhe air toiseach an t-sluaigh:

10 Agus cuiribh dithis dhaoine, mic Bheilail, mu 'choinnimh, a thoirt fianuis 'n a aghaidh, ag ràdh, Mhaslaich thu Dia agus an rìgh: agus an sin thugaibh a mach e, agus clachaibh e, a chum gu'm faigh e bàs.

11 Agus rinn daoine a bhaile, eadhon na seanairean, agus na h-uaislean a chòmhnuich 'n a bhaile, a réir an fhios a chuir Iesebel d'an ionnsuidh, a réir an nì a bha sgrìobhta anns na litricheibh a chuir i d'an ionnsuidh.

12 Ghairm iad trasgadh, agus thug iad air Nabot suidhe air toiseach an t-sluaigh.

13 Agus thàinig dithis dhaoine, mic Bheilail, agus shuidh iad mu 'choinnimh: agus rinn fir Bheilail fianuis 'n a aghaidh, eadhon an aghaidh Nabot, an lthair an t-sluaigh, ag ràdh, Mhaslaich Nabot Dia agus an rìgh. An sin thug iad a mach as a' bhaile e, agus chlach iad e le clachaibh, agus fhuair e bàs.

14 'N a dhéigh sin chuir iad teachdair gu Iesebel, ag ràdh, Chlachadh Nabot, agus tha e marbh.

15 Agus an uair a chuala Iesebel gu'n do chlachadh Nabot, agus gu'n robh e marbh, thubhairt Iesebel ri Ahab, Eirich, gabh scalbh ann am fion-lios Nabot an Iesreelich, a dhiùlt e' thoirt duit air

airgid ; oir cha-n'eil Nabot beò, ach marbh.

16 Agus an uair a chual' Ahab gu'n robh Nabot marbh, dh'éirich Ahab a dhol sìos gu fion-lios Nabot an Iesreelich, a ghabhail seilbh ann.

17 Agus thàinig focal an Tighearna dh'ionnsuidh Eliah an Tisbithich, ag ràdh,

18 Eirich, falbh sìos a choinneachadh Ahaib rìgh Israeil, a tha ann an Samaria: feuch, tha e ann am fion-lios Nabot, d'an deachaidh e sìos a ghabhail seilbh ann.

19 Agus labhraidh tu ris, ag ràdh, Mar so tha'n Tighearna ag ràdh, An do mharbh thu, agus mar an ceudna an do ghabh thu seilbh? Agus labhraidh tu ris, ag ràdh, Mar so tha'n Tighearna ag ràdh, Anns an àit anns an d'fìnich na madraidh fuil Nabot, inlìchidh na madraidh d'fhuil-sa, eadhon d'fhuil-sa.

20 Agus thubhairt Ahab ri h-Eliah, An d'fhuair thu mi, O mo nàmhaid? Agus thubhairt esan, Fhuair mi thu; a chionn gu'n do reic thu thu féin a dheanamh uile ann an sùilbh an Tighearna.

21 Feuch, bheir mise ole ort, agus cuiridh mi as do d' shliochd, agus gearraidh mi air falbh o Ahab esan a ni uisge ri balla, agus esan a dhruidcar a stigh, agus a dh'fhàgar ann an Israel.

22 Agus ni mi do thigh-sa mar thigh Ieroboaim mhic Nebat, agus mar thigh Bhaasa mhic Ahiah, air son a' bhrosnachaidh leis an do bhrosnach thu mi gn feirg, agus leis an d'thug thu air Israel peacachadh.

23 Agus mar an ceudna nu' Iesebel labhair an Tighearna, ag ràdh, Ithidh na madraidh Iesebel aig balla Iesreil.

24 Easan a gheibh bàs de Ahab anns a' bhaile ithidh na madraidh; agus esan a gheibh bàs anns a' mhacha'r ithidh eunlaith an athair.

25 Ach cha robh neach ann cosmhuil ri Ahab, a reic e féin a dheanamh uile ann an shìlhbhan Tighearna do bhrìgh gn'n do chuir a bhean Iesebel thuige e.

26 Agus rinn e nithean ro ghràineil ann an leantunn dhìathan bréige, a réir nan uile nithean a rinu na h-Amoraich, a thilg an Tighearna a mach roimh chloinn Israeil.

27 Agus an uair a chual' Ahab na briathraun sin, reub e 'eudach, agus chuir e saic-eudach air 'fheoil, agus thraig e, agus luidh e ann an saic-eudach, agus ghluais e gn fòil.

28 Agus thàinig focal an Tighearna gu Eliah an Tisbithich, ag ràdh,

29 Am faic thusa mar a tha Ahab 'ga ùmhlachadh féin a'm' fhianuis-sa? a chionn gu bheil e 'g a ùmhlachadh féin a'm' fhianuis, cha toir mi an t-ole 'n a làithibh-san: ach ann an làithibh a mhic bheir mi an t-ole air a thigh.

1 Mhealladh Ahab le fàidhth bréige, agus mharbhadh e aig Ramot-gilead: 40 rìghich Ahasiah 'n a dit. 50 Fhuair Iehosaphat rìgh Iudah bàs, agus rìghich Iehoram a mhac 'n a dhéigh.

A GUS dh'fhan iad trì bliadhna gun chogadh eadar Siria agus Israeil.

2 Agus anns an treas bliadhna thàinig Iehosaphat rìgh Iudah a nuas gu rìgh Israeil.

3 (Agus thubhairt rìgh Israeil r'a sheirbhiseih, Nach 'eil fhios agaibh gur leinne Ramot ann an Gilead? agus gidheadh tha sinn gun ghuth againn air a ghlacadh a làimh rìgh Shiria.)

4 Agus thubhairt e ri Iehosaphat, An téid thu maille riumsa gu cath do Ramot-gilead? Agus thubhairt Iehosaphat ri rìgh Israeil, Tha mise mar tha thusa, mo shluagh-sa mar do shluagh-sa, m'eich-sa mar d'eich-sa.

5 Agus thubhairt Iehosaphat ri rìgh Israeil, Fiosraich, guidheam ort, an diugh de fhocal an Tighearna.

6 Uime sin chruinnich rìgh Israeil na fàidhean an ceann a chéile, mu thimcheall ceithir cheud fear, agus thubhairt e riu, An téid mi an aghaidh Ramot-gilead gu cath, no'n leig mi leis? Agus thubhairt iadsan, Falbh suas, oir bheir an Tighearna ann an làimh an rìgh e.

7 Agus thubhairt Iehosaphat, Nach 'eil an so fàidh tuilleadh leis an Tighearna, chum gu'm fiosraich sinn dheth?

8 Agus thubhairt rìgh Israeil ri Iehosaphat, Tha fathast aon fhear ann, Micaiah mac Imhah, leis an feud sinn fiosrachadh de'n Tighearna; ach tha fuath agam dha, oir cha mhaith a chuireas e air mo mhanadhsa, ach ole. Agus thubhairt Iehosaphat, Na abradh an rìgh mar sin.

9 Agus ghairm rìgh Israeil air maor, agus thubhairt e, Greas an so Micaiah mac Imhah.

10 Agus shuidh rìgh Israeil, agus Iehosaphat rìgh Iudah, ach fear air a rìgh-chaitir féin, le'n earradh rìoghail orra, ann an àite réidh, ann an dol a steach geata Shamaria, agus na fàidhean uile ri fàidheadaireachd 'n am fianuis.

11 Agus rinn Sedeciah mac Chenaanah adhairecan iarunn dha féin, agus thubhairt e, Mar so tha'n Tighearna ag ràdh, Leo so buailidh tu na Sirianaich, agus an cuir thu as doibh.

12 Agus rinn na fàidhean uile fàidheadaireachd mar so, ag ràdh, Falbh suas gu Ramot-gilead, agus soirbhich; oir bheir an Tighearna ann an làimh an rìgh e.

13 Agus an teachdair a chaidh a ghairm Micaiah, labhair e ris, ag ràdh, Feuch a nis, tha briathran nam fàidhean le h-aon bheul a' foillseachadh maith do'n rìgh:

bitheadh d'fhocal-sa, guidheam ort, mar fhocal aoine diubhsan, agus labhair an *ni a tha* maith.

14 Agus thubhairt Micaiah, *Mar* is beò an Tighearn, an *ni a* their an Tighearn rium, sin labhairidh mise.

15 Agus thàinig e dh'ionnsuidh an rìgh, agus thubhairt an rìgh ris, A Micaiah, an tèid sinn do Ramot-gilead gu cath, no'n leig sinn leis? Agus thubhairt esan ris, Falbh suas, agus soirbhich; oir bheir an Tighearn ann an làmh an rìgh e.

16 Agus thubhairt an rìgh ris, Cia lion uair a mhionnaicheas mi thu, nach innis thu dhomh ach an fhuirinn ann an ainm an Tighearn?

17 Agus thubhairt esan, Chunnaic mi Israel uile sgapta air na sléibhtibh, mar chaoraich aig nach *'eil* buachaill: agus thubhairt an Tighearn, Cha-n'eil maighstir orra so: pillcadh gach fear dhiubh d'a thigh féin ann an sìth.

18 Agus thubhairt rìgh Israeil ri Iehosaphat, Nach d'innis mi dhuit nach cuireadh e maith sam bith air mo mhanadh-sa, ach olc?

19 Agus thubhairt esan, Uime sin éisd thusa ri focal an Tighearna: Chunnaic mise an Tighearn 'n a shuidhe air a rìgh-chaithir, agus uile shlàigh nan nèamh 'n an seasamh làmh ris, air a làmh dheis agus air a làmh chlì.

20 Agus thubhairt an Tighearn, Cò a chuireas impidh air Ahab, a chum gu'n téid e suas, agus gu'n tuit e ann an Ramot-gilead? Agus thubhairt aon mar so, agus aon eile mar sud.

21 Agus thàinig spiorad a mach, agus sheas e 'am fianuis an Tighearn', agus thubhairt e, Cuiridh mise impidh air.

22 Agus thubhairt an Tighearn ris, Co leis? Agus thubhairt esan, Thèid mi mach, agus bithidh mi a'm' spiorad bréige ann am beul 'fhàidhean uile. Agus thubhairt e, Cuiridh tu impidh air, agus mar an ceudna buadhaicidh tu: falbh a mach, agus dean mar sin.

23 A nis uime sin, feuch, chuir an Tighearn spiorad bréige ann am beul nam fàidhean sin agad uile, agus labhair an Tighearn olc mu d' thimchioll.

24 Agus chaidh Sedeciah mac Chenaanah am fagus, agus bhuail e Micaiah air a' ghiall, agus thubhairt e, Cia'n taobh a chaidh spiorad an Tighearn' uamsa a labhairt riutsa?

25 Agus thubhairt Micaiah, Feuch, chi thu 's an là air an téid thu steach do sheòmar-cùil gu d'fholach féin.

26 Agus thubhairt rìgh Israeil, Glacaibh Micaiah, agus thugaibh air ais o gu Amon uachdaran a' bhaile, agus gu Iosa mac an rìgh;

27 Agus abraibh, Mar so thubhairt an

rìgh, Cuiribh am *fear* so anns a' phrìosan, agus beathaichibh e le aran airce, agus le uisge airce, gus an tig mise ann an sìth.

28 Agus thubhairt Micaiah, Ma phillcas tusa idir ann an sìth, cha do labhair an Tighearn leamsa. Agus thubhairt e, Eisdibh, a shlàigh uile.

29 Uime sin chaidh rìgh Israeil, agus Iehosaphat rìgh Iudah, suas gu Ramot-gilead.

30 Agus thubhairt rìgh Israeil ri Iehosaphat, Cuiridh mise mi féin ann an coslas eile, agus théid mi a steach do'n chath; ach cuir thusa d'earradh *rioghail* ort. Agus chuir rìgh Israeil e féin ann an coslas eile, agus chaidh e steach do'n chath.

31 Ach dlùthinn rìgh Shiria do'n dà eheannard deug thar fhichead a bha os ceann a charbad, ag ràdh, Na cogaibh ris a' bheag no ris a' mhòr, ach ri rìgh Israeil 'n a aonar.

32 Agus an uair a chunnaic ceannardan nan carbad Iehosaphat, thubhairt iad, Gu cinnteach *is* e so rìgh Israeil. Agus thionndaidh iad a leth-taobh a chogadh 'n a aghaidh: agus ghlaodh Iehosaphat a mach.

33 Agus an uair a chunnaic ceannardan nan carbad nach *b'e* rìgh Israeil a bh'ann, phill iad o a leantunn.

34 Agus tharruing fear a bhogha air thuairimeas, agus bhuail e rìgh Israeil cadar altaibh na lùirich: uime sin thubhairt e r'a charbadair, Tionndaidh do làmh, agus thoir a mach as an fheachd mi; oir tha mi air mo lotadhl.

35 Agus mheudaich an cath air an là sin: agus chumadh an rìgh suas 'n a charbad an aghaidh nan Sirianach, agus fhuair e bàs mu fheasgar; agus ruith an fhuil a mach as an lot gu meadhon a' charbaid.

36 Agus chaidh gairm air feadh an t-slàigh mu luidhe na gréine, ag ràdh, Gach fear d'a bhaile, agus gach fear d'a thìr féin.

37 Agus dh'eug an rìgh, agus thugadh do Shamaria e: agus dh'adhlac iad an rìgh ann an Samaria.

38 Agus nìgh *neach* an carbad ann an lochan Shamaria, agus dh'imlich na madraidh 'fhuil; agus nìgh iad 'armachd, a réir focail an Tighearn', a labhair e.

39 Agus a' chuid eile de ghnìomharaibh Ahaib, agus na h-uile *nìthean* a rinn e, agus an tigh de fhiaclaibh *elephant* a thog e, agus na bailtean uile a thog e, nach *'eil* iad sgrìobhta ann an leabhar eachdraidh rìghrean Israeil?

40 Agus choidil Ahab maille r'a aithrichibh, agus rìghich Ahasiah a mhac 'n a àit.

41 Agus thòisich Iehosaphat mac Asa air rìoghachadh os ceann Iudah anns a' cheathramh bliadhna de Ahab rìgh Israeil.

42 Bha Iehosaphat cùig bliadhna deug thar fhichead a dh'aois an uair a thòisich e air rìoghachadh, agus rìghich e cùig bliadhna fichead ann an Ierusalem; agus b'e ainm a mhàthar Asubah nighean Shilli.

43 Agus ghluais e ann an uile shlighean Asa 'athar; cha do chlaou e uaip, a' deanamh an *ni a bha* ceart ann an sùilbh an Tighearna: gidheadh, cha d'thugadh air falbh na h-àitean àrda, oir fathast dh'ìobair an sluagh, agus loisg iad tàis anns na h-àitibh àrda.

44 Agus rinn Iehosaphat sìth ri rìgh Israeil.

45 Agus a' chuid cile de ghnìomharaibh Iehosaphat, agus a thréine a dh'fheuch e, agus cionnus a chog e, nach 'eil iad sgrìobhta ann an leabhar eachdraidh rìghrean Iudah?

46 Agus fuigheall nan Sodomach a dh'fhan ann an laithibh Asa 'athar, chuir e as an tìr.

47 'S an àm sin cha robh rìgh ann an Edom: b'fhear-riaghlaidh a bha 'n a rìgh.

48 Rinn Iehosaphat longan Tharsis gu

dol do Ophir air son òir: (ach cha deachaidh iad ann; oir bhriseadh na longan ann an Esion-geber.)

49 Agus thubhairt Ahasiah mac Ahaib ri Iehosaphat, Rachadh mo sheirbhisich-sa maille ri d' sheirbhisich-sa anns na longaibh: ach cha b'ail le Iehosaphat sin.

50 Agus choidil Iehosaphat maille r'a aithrichibh, agus dh'adhlaicheadh e maille r'a aithrichibh ann an baile Dhaibhidh 'athar; agus rìghich Iehoram a mhac 'n a àit.

51 Thòisich Ahasiah mac Ahaib air rìoghachadh os ceann Israeil ann an Samaria 's an t-seachdamh bliadhna deug do Iehosaphat rìgh Iudah, agus rìghich e os ceann Israeil dà bhliadhna.

52 Agus rinn e ole ann an sùilbh an Tighearna, agus ghluais e ann an slighe 'athar, agus ann an slighe a mhàthar, agus ann an slighe Ieroboam mhic Nebait, a thug air Israel peacachadh:

53 Oir rinu e seirbhis do Bhaal, agus shleuchd e dha, agus bhrosnaich e an Tighearn Dia Israeil gu feirg, a réir nan uile nithean a rinn 'athair.

DARA LEABHAR NAN RIGH,

D'AN GOIREAR GU COITCHEANN,

CEATHRAMH LEABHAR NAN RIGH.

CAIB. I.

1 Bha Ahasiah tinn, 4 agus fhuaire e fios o Dhia gu'm faigheadh e bàs. 9 Dà uair thug Eliah teine o na nèamhan a losgadh an t-sluagh a chuireadh g'a ghlaicadh. 17 Fhuair Ahasiah bàs, agus rìghich Iehoram 'n a àit.

AGUS rinn Moab ceannaire an aghaidh Israeil an déigh bàis Ahaib.

2 Agus thuit Ahasiah sìos troimh chliath-uinneig 'n a sheòmar uachdarach a bha ann an Samaria, agus bha e tinn: agus chuir e teachdairean uaithe, agus thubhairt e riu, Rachaidh, fiosraicibh de Bhaal-sebub dia Ecroin, an tig mi beò o'n tinneas so.

3 Ach thubhairt aingeal an Tighearna ri Eliah an Tisbitheach, Eirich, falbh suas 'an coinnimh theachdairean rìgh Shamaria, agus abair riu, An ann a chionn nach 'eil Dia ann an Israel, a tha sibh a' dol a dh'fhiosrachadh de Bhaal-sebub dia Ecroin?

4 A nis uime sin mar so tha'n Tighearn ag ràdh, O'n leabaidh sin air an deachaidh tu suas, cha tig thu a nuas, ach gu cinnteach gheibh thu bàs. Agus dh'fhalbh Eliah.

5 Agus an uair a phill na teachdairean d'a ionnsuidh, thubhairt e riu, C'ar son a tha sibh air pilltinn?

6 Agus thubhairt iadsan ris, Thàinig duine a nìos 'n ar coinnimh, agus thubhairt e ruinn, Rachaidh, pillibh a dh'ionnsuidh an rìgh a chuir uaithe sibh, agus abraibh ris, Mar so tha'n Tighearn ag ràdh, An ann a chionn nach 'eil Dia ann an Israel, a tha thu a' cur theachdairean a dh'fhiosrachadh de Bhaal-sebub dia Ecroin? Uime sin o'n leabaidh sin air an deachaidh tu suas, cha tig thu a nuas, ach gu cinnteach gheibh thu bàs.

7 Agus thubhairt e riu, Ciod e eugan an duine a thàinig a nìos n' 'ur coinnimh, agus a labhair ribh na briathran sin?

8 Agus thubhairt iadsan ris, Duine molach, agus e criostalichte le crios leathair n'a leasraidh. Agus thubhairt esan, Is o Eliah an Tisbitheach a bh'ann.

9 Agus chuir an rìgh d'a ionnsuidh ceannard leth-cheud, maille r'a leth-cheud: agus chaidh e suas d'a ionnsuidh, (agus, feuch, bha e 'n a shuidhe air mullach sléibh), agus

labhair e ris, A dhuine le Dia, thubhairt an rìgh, Thig a nuas.

10 Agus fhreagair Eliah, agus thubhairt e ri ceannard an leth-cheud, Agus ma's duine le Dia mise, thigeadh teine a nuas o na nèamhan, agus loisgeadh e suas thusa agus do leth-cheud. Agus thàinig teine a nuas o na nèamhan, agus loisg e suas esan agus a leth-cheud.

11 Agus a ris chuir e d'a ionnsuidh ceannard eile leth-cheud, maille r'a leth-cheud: agus labhair e, agus thubhairt e ris, A dhuine le Dia, mar so thubhairt an rìgh, Thig a nuas gu grad.

12 Agus fhreagair Eliah agus thubhairt e riu, Ma's duine le Dia mise, thigeadh teine a nuas o na nèamhan, agus loisgeadh e suas thusa agus do leth-cheud. Agus thàinig teine Dhé a nuas o na nèamhan, agus loisg e suas esan agus a leth-cheud.

13 Agus a ris chuir e uaith ceannard an treas leth-cheud, maille r'a leth-cheud: agus chaidh an treas ceannard leth-cheud suas, agus thàinig e, agus leig se e féin air a ghùinibh fa chomhair Eliah, agus dh'as-laich e air, agus thubhairt e ris, A dhuine le Dia, bitheadh, guidheam ort, m'anamsa, agus anam an leth-cheud òglach so agad, luachmhòr a'd' shùilb.

14 Feuch, thàinig teine a nuas o na nèamhan, agus loisg e suas an dà cheud cheannard leth-cheud, maille r'an leth-cheudaibh; ach a nis bitheadh m'anam-sa luachmhòr a'd' shùilb.

15 Agus thubhairt aingeal an Tighearna ri Eliah, Falbh sìos maille ris; na bitheadh eagal ort roimhe. Agus dh'éirich e, agus chaidh e sìos maille r'a dh'ionnsuidh an rìgh.

16 Agus thubhairt e ris, Mar so tha'n Tighearn ag ràdh, A chionn gu'n do chuir thu teachdairean a dh'fhiosrachadh de Bhaal-sebub dia Eeroìn, mur nach bitheadh Dia ann an Israel a dh'fhiosrachadh d'a fhocal, nìme sin o'n leabaidh sin air an deachaidh tu suas, cha tig thu nuas, ach gu cìnteach gheibh thu bàs.

17 Agus fhuair e bàs, a réir focail an Tighearna a labhair Eliah: agus rìghich Iehoram 'n a àit, anns an dara bliadhna de Iehoram mac Iehosaphat rìgh Iudah, a chionn nach robh mac aige.

18 Agus a' chuid eile de ghnìomharaibh Ahasiah a rinn e, nach 'eil iad sgrìobhta ann an leabhar eachdraidh rìghrean Israell!

CAIB. II.

1 *Dh'èilt Elisa dealachadh ri Eliah.* 11 *Thogadh Eliah suas le h-ìomghaoith do na nèamhan.*

14 *Roinn Elisa nìsge Iordain le falluinn a mhaighstir.* 23 *Mharbhadh dh'ath-ghamhain a' clann a rinn fanoid air.*

AGUS thachair an uair a bha'n Tighearn gu Eliah a thogail suas le h-ìomghaoith

do na nèamhan, gu'n deachaidh Eliah maille ri Elisa o Ghilgal.

2 Agus thubhairt Eliah ri Elisa, Fan an so, guidheam ort; oir chuir an Tighearn mise gu Bet-el. Agus thubhairt Elisa ris, *Maris* beò an Tighearn, agus *mar* is beò d'anam, cha-n fhàg mi thu. Agus chaidh iad sìos gu Bet-el.

3 Agus thàinig mic nam fàidhean a *bha* ann am Bet-el a mach gu Elisa, agus thubhairt iad ris, Am bheil fhios agad gu'n toir an Tighearn an diugh do mhaighstir air falbh o d' cheann? Agus thubhairt esan, Seadh, tha fhios agam air; bithibhse 'n 'ur tosd.

4 Agus thubhairt Eliah ris, Elisa, fan an so, guidheam ort; oir chuir an Tighearn mise gu Iericho. Agus thubhairt esan, *Mar* is beò an Tighearn, agus *mar* is beò d'anam, cha dealaich mi riut. Agus thàinig iad gu Iericho.

5 Agus thàinig mic nam fàidhean a *bha* ann an Iericho gu Elisa, agus thubhairt iad ris, Nach 'eil fhios agad-sa gu'n toir an Tighearn an diugh do mhaighstir air falbh o d' cheann? Agus fhreagair esan, Seadh, tha fhios agam air; bithibhse 'n 'ur tosd.

6 Agus thubhairt Eliah ris, Fan, guidheam ort, an so; oir chuir an Tighearn mise gu Iordan. Agus thubhairt esan, *Mar* is beò an Tighearn, agus *mar* is beò d'anam, cha-n fhàg mi thu. Agus chaidh iad 'n an dithis air an aghaidh.

7 Agus chaidh leth-cheud fear de mhac-aibh nam fàidhean, agus sheas iad fa'n comhair fad as; agus sheas iadsan 'n an dithis làimh ri Iordan.

8 Agus ghabh Eliah 'thalluinn, agus dh'fhill e euideachd i, agus bhuail e na h-uisgeachan, agus roinneadh iad a null agus a nall; agus chaidh iadsan 'n an dithis thairis air *talamh* tioran.

9 Agus an uair a bha iad air dol thairis, thubhairt Eliah ri Elisa, Iarr cìod a's àill leat mise a dheanamh air do shon, mun toirear mi air falbh uait. Agus thubhairt Elisa, Bitheadh, guidheam ort, cuibhrionn dhùbailte de d' spiorad orm.

10 Agus thubhairt esan, Is cruaidh an nì a dh'iarr thu: *gidheadh*, ma chi thu mise 'n uair a bheirear air falbh uait mi, bithidh e dhuit mar sin; ach mur *faic*, cha bhi e mar sin.

11 Agus an uair a bha iad a' gabhail air an aghaidh, agus a' còmhradh, feuch, carbad teine, agus eich theine, agus dhealaich iad o 'chéile iad: agus chaidh Eliah suas le h-ìomghaoith do na nèamhan.

12 Agus chunnaic Elisa *sin*, agus ghlaodh e, M'athair, m'athair! carbad Israell, agus a mharc-shluagh. Agus cha-n fhac' e nì's mò e: agus rug e air 'eudach féin, agus reub e 'n a dhà mhir e.

13 Agus thog e suas falluinn Eliah a thuit uaith, agus phill e, agus sheas e làimh ri bruaich Iordain;

14 Agus ghabh e falluinn Eliah a thuit

uaith, agus bhual e na h-uisgeachan, agus thubhairt e, C'ait a nis *am bheil* Tighearn Dia Eliah? Agus an uair a bhual e na h-uisgeachan, roinneadh iad a null agus a null, agus chaidh Elisa thairis.

15 Agus an uair a chunnaic mic nam fàidhean e, a *bha* ann an Iericho fa' chomhair, thubhairt iad, Dh'fhan spiorad Eliah air Elisa. Agus thàinig iad 'n a choinnimeh, agus chrom siad iad fèin dha gu làr.

16 Agus thubhairt iad ris, Feuch a nis, tha leth-cheud fear treum maille ri d' sheirbhisich; rachadh iad, guidheamaid ort, agus iarradh iad do mhaighistir, air cagal gu'n do thog spiorad an Tighearna suas e, agus gu'n do thilg se e air beinn éigin, no ann an gleann éigin. Agus thubhairt esan, Cia chuir sibh uaibh iad.

17 Agus an uair a chuir iad impidh air gus an robh nàire air, thubhairt e, Cuiribh uaibh iad. Agus chuir iad uatha leth-cheud fear; agus dh'iarr iad e ré thri làithean, ach cha d'fhuair iad e.

18 Agus an uair a thàinig iad a ris d'a ionnsuidh, agus e a chòmhnuidh ann an Iericho, thubhairt e riu, Nach dubhairt mise ribh, Na rachaihbh?

19 Agus thubhairt fir a' bhaile ri Elisa, Feuch a nis, *tha* suidheachadh a' bhaile so taitneach, mar a *tha* mo thighearn a' faicinn; ach *tha'n* t-uisge olc, agus an talamh neo-thorach.

20 Agus thubhairt esan, Thugaibh a m' ionnsuidh soitheach ùr, agus cuiribh salann ann. Agus thug iad d'a ionnsuidh e.

21 Agus chaidh e mach a dh'ionnsuidh tobair nan uisgeachan, agus thilg e salann an sin, agus thubhairt e, Mar so tha'n Tighearn ag ràdh, Shlànuich mi na h-uisgeachan sin: cha bhi o sin ni's mò bàs, no *talamh* neo-thorach.

22 Agus shlànuicheadh na h-uisgeachan agus an là'n diugh, a réir focail Elisa a labhair e.

23 Agus chaidh e suas as a sin gu Bet-el: agus an uair a bha e a' dol suas air an t-slighe, thàinig clann bhac a mach as a' bhaile, agus rinn iad fanoid air, agus thubhairt iad ris, Gabh suas, fhir mhaoil; gabh suas, fhir mhaoil.

24 Agus sheall e 'n a dhéigh, agus chunnaic e iad, agus mhallach e iad ann an ainm an Tighearna: agus thàinig dà mhatth-ghamhuin bhoirionn a mach as a' choille, agus reub iad a dhà agus dà fhichead duine cloinne dhiubh.

25 Agus chaidh e as a sin gu sliabh Char-meil: agus as a sin phill e gu Samaria.

CAIB. III.

1 Rìoghachadh aingidh Iehoram. 4 Rinn Mesa rìgh Mhoab ceannaire 'n a aghaidh. 24 Bhuaileadh na Moabaich. 26 Dh'robair rìgh Mhoab a cheud-ghin mic, agus phill sluagh Israeil uaith.

A NIS thòisich Iehoram mac Ahaib air rìoghachadh os ceann Israeil ann an

Samaria, auns an ochdamh bliadhna deug de Iehosaphat rìgh Iudah, agus rìghich e dà bhliadhna dheug.

2 Agus rinn e olc ann an sùilbha an Tighearn, ach cha *b'ann* cosmhail r'a athair, agus cosmhail r'a mhàthair; oir chuir e air fàibh dealbh Bhaail a rinn 'athair.

3 Gidheadh, ri peacaidhean Ieroboaim mhic Nebait a thug air Israel peacachadh, dhlùth-lean e: cha do dhealach e riu sin.

4 Agus bha Mesa rìgh Mhoab 'n a shealbhadair chaorach, agus dh'ìoc e do rìgh Israeil ceud mìle uan, agus ceud mìle reithe le'n òlainn.

5 Agus an uair a dh'eug Ahab, rinn rìgh Mhoab ceannaire an aghaidh rìgh Israeil.

6 Agus chaidh rìgh Iehoram a mach air an là sin à Samaria, agus rinn e Israel uile àireamh.

7 Agus chaidh e, agus chuir e *teachdaircean* gu Iehosaphat rìgh Iudah, ag ràdh, Rinn rìgh Mhoab ceannaire a'm' aghaidh: an téid thu maille rium an aghaidh Mhoab gu cath? Agus thubhairt esan, Théid mi suas: *tha* mise mar *tha* thusa, mo shluaghsa mar do shluagh-sa, m'eich-sa mar d'eich-sa.

8 Agus thubhairt e, Cia an rathad a théid sinn suas? Agus fhreagair esan, Rathad fàsaich Edoim.

9 Agus dh'imich rìgh Israeil, agus rìgh Iudah, agus rìgh Edoim, agus chaidh iad mu'n cuairt astar sheachd là; agus cha robh uisge *aca* do'n t-shluagh, agus do'n spréidh a lean iad.

10 Agus thubhairt rìgh Israeil, Mo thruaighe, gu'n do ghairm an Tighearn na tri rìghrean so cuideachd, chum an toirt thairis do làimh Mhoab.

11 Agus thubhairt Iehosaphat, Nach 'eil an so fàidh leis an Tighearn, a chum gu'm fiosaich sinn de'n Tighearn leis? Agus fhreagair ann de sheirbhisich rìgh Israeil, agus thubhairt e, *Tha'n* so Elisa mac Shaphait, a thaom uisge air làmhnan Eliah.

12 Agus thubhairt Iehosaphat, Tha focal an Tighearna maille ris. Agus chaidh rìgh Israeil, agus Iehosaphat, agus rìgh Edoim, sìos d'a ionnsuidh.

13 Agus thubhairt Elisa ri rìgh Israeil, Ciod e mo ghnòthuch-sa riut-sa? imich a dh'ionnsuidh fhàidhean d'athar, agus a dh'ionnsuidh fhàidhean do mhàthar. Agus thubhairt rìgh Israeil ris, Nì h-eadh: oir ghairm an Tighearn na tri rìghrean so cuideachd, chum an toirt thairis do làimh Mhoab.

14 Agus thubhairt Elisa, *Mar* is beò Tighearn nan slògh. 'an làthair ann bheil mi a'm' sheasamh, gu cinnteach mur bith-eadh meas agamsa air làthairachd Iehosaphat rìgh Iudah, cha scallaim ortsa, nì mò a chithinn thu.

15 Ach a nis thugaibh a m' ionnsuidh fear-

ciùil. Agus an uair a bha 'm fear-ciùil a' cluicheadh, bha làmh an Tighearn' air.

16 Agus thubhairt e, Mar so tha'n Tighearn ag ràdh, Dean an gleanu so làn de chlaisibh:

17 Oir mar so tha'n Tighearn ag ràdh, Cha-n fhaic sibh gaoth, ni mò a chi sibh uisge; gidheadh lionar an gleann so le h-uisge, agus òlaidh sibh, sibh féin agus bhur spréidh, agus bhur n-ainmhidhean.

18 Agus is beag so ann an sùilibh an Tighearna: bheir e mar an cendna na Moabaich thairis d'ur làimh.

19 Agus buailidh sibh gach baile daing-nichte, agus gach baile taghta, agus leagaidh sibh sìos gach craobh mhaith, agus dèinidh sibh suas na tobraichean uisge uile, agus millidh sibh gach mìr maith fearainn le clachaibh.

20 Agus anns a' mhaduinn, mu àm toirt suas an tabhartais-bìdh, feuch, thàinig uisge rathad Edoim, agus lionadh an tìr le h-uisge.

21 Agus an uair a chuala na Moabaich uile gu'n d'thàinig na rìghrean a nìos a chogadh 'a au aghaidh, ghairmcadh cuid-eachd iadsan uile a thàinig gu aois airm iomchar, agus os a cheanu sin, agus sheas iad aig a' chrìch.

22 Agus dh'éirich iad gu moch anns a' mhaduinn, agus dhealraich a' ghrian air na h-uisgeachan, agus chunnaic na Moabaich thall fa'n comhair na h-uisgeachau dearg mar fhuil:

23 Agus thubhairt iad, Is fuil so: sgriosadh gun teagamh na rìghrean, agus bhual iad a chèile: a nis ma ta, dh'ionnsuidh na creiche, a Mhoabib.

24 Agus an uair a thàinig iad gu camp Israeil, dh'éirich na h-Israelich, agus bhual iad na Moabaich, agus theich iad rompa; ach chaidh iadsan air an aghaidh a' bualadh nam Moabach, eadhon 'n an tìr fèin.

25 Agus leag iad sìos na bailtean, agus air gach mìr maith fearainn thilg gach fear a chlach, agus hou iad e; agus dhùin iad suas gach tobar uisge, agus leag iad sìos gach craobh mhaith: a mhàin ann an Ciharaset dh'fhàg iad a chlachan: ach chuairtich luchd nan cranu-tàbhuill e, agus bhual iad e.

26 Agus an uair a chunnaic rìgh Mhoab gu'n do bhuadhaich an cath air, thug e leis seachd cend fear a tharruing claidheamh, a chum briseadh a steach gu rìgh Edoim; ach cha b'urrainn iad.

27 An sin ghabh e a' cheud-ghlin mic, a bha gu rìoghachadh 'n a àit, agus dh'ìobair se e mar iobairt-loisgte air a' bhalla: agus bha corruich mhòr an aghaidh Israeil: agus dh'imich iad uaith, agus phill iad d'an tìr fèin.

CAIB. IV.

1 Mheudaich Elisa oladh na bantraich. 8 Aig Sunam thug bean àraidh aoidheachd dha. 18 Fhuair a mac bàs, agus dh'ath-bheothaich Elisa e. 42 Bheathaich e cend fear le fìthead builinn.

ANIS ghlaodh bean àraidh de mhnàibh mhac nam fàidhean ri Elisa, ag ràdh, Fhuair d'òglach m'fhear bàs; agus tha fios agad gu'n robh eagal an Tighearn' air d'òglach: agus tha fear nam fìach air teachd a thoirt mo dhithis mhac leis gu bhli'n an tràillibh aige.

2 Agus thubhairt Elisa rithe, Ciod a ni mise air do shon? innis dhomh ciod a th'agad 's an tigh? Agus thubhairt ise, Cha-n'eil aig do bhanoglaich ni air bitli 's an tigh, ach soitheach olaidh.

3 An sin thubhairt esan, Falbh, iarr dhuit fèin soitheachan 'an coingheall a muigh o d' choimhearsnaich uile, eadhon soitheichean falamh: na dean le beagan.

4 Agus an uair a théid thu a steach, druididh tu an dorus ort féin, agus air do mhacaibh, agus taomaidh tu anns na soitheichean sin uile, agus cuiridh tu'n soitheach làn a leth-taobh.

5 Agus dh'fhalbh i uaith, agus dhruid i an dorus oirre féin, agus air a macaibh; agus thug iadsan na soitheichean d'a h-ionnsuidh, agus thaom isc a mach.

6 Agus an uair a bha na soitheichean làn, thubhairt i r'a mac, Thoir a m' ionnsuidh fathast soitheach. Agus thubhairt esan rithe, Cha-n'eil soitheach ann tuilleadh. Agus stad an oladh.

7 An sin thàinig i agus dh'innis i sin do'n duine le Dia: agus thubhairt esan, Falbh, reic an oladh, agus diol d'fhiachan; agus thig féin agus do mhic beò air a' chuid eile.

8 Agus thachair air là àraidh gu'n deachaidh Elisa thairis gu Sunam, far an robh bean mhòr; agus chuir i impidh air aran itheadh. Agus ge b'e uair a rachadh e seachad, thionndaidheadh e stigh au sin a dh'itheadh arain.

9 Agus thubhairt ise r'a fear, Feuch a nis, tha fhios agam gur duine naomh le Dia e so, a tha 'gabhail seachad oirn cho tric.

10 Deanamaid, guidheam ort, seòmar beag balla, agus cuireamaid da an sin leab-adh, agus bord, agus caithir, agus coinn-leir: agus an uair a thig e d'ar n-ionnsuidh, tionndaidhidh e stigh an sin.

11 Agus tharladh air là àraidh gu'u d'thàinig e 'n sin, agus thionndaidh e steach do'n t-seòmar, agus luidh e 'u sin.

12 Agus thubhairt e ri Gehasi 'òglach, Gairm air a' Bhan-sunamaich so. Agus ghairm esan oirre, agus sheas i 'n a fhian-uis.

13 Agus thubhairt e ris, Abair a nis rithe,

Feuch, ghabh thu cùram d'ar taobh-ne leis a' chùram so uile; ciod *a tha* ri dheanamh air do shon? an àill leat labhairt air do shon ris an rìgh, no ri ceannard an t-slàigh? Agus fhreagair ise, Am measg mo shluaigh fèin *tha* mi a'm' chòmhuidh.

14 Agus thubhairt esan, Ciod ma ta a *tha* ri dheanamh air do shon? Agus thubhairt Gehasi, Gu deimhin cha-n'èil mac aice, agus *tha* a fear sean.

15 Agus thubhairt esan, Gairm oirre. Agus an uair a ghairm e oirre, sheas i anns an dorus.

16 Agus thubhairt e, Aig an àm shuidhichte so, a réir àm na beatha, *bithidh* mac agad a'd' ghlacaidh. Agus thubhairt ise, Na *dean*, mo thighearn, a dhuine le Dia, na dean breug do d' bhanoglaich.

17 Agus dh'fhàs a' bhean torrach, agus rug i mac aig an àm shuidhichte sin mu'n do labhair Elisa rithe, a réir àm na beatha.

18 Agus dh'fhàs an leanabh suas: agus thachair air là *àraidh* gu'n deachaidh e mach a chum 'athar, a dh'ionnsuidh nam bunaichean.

19 Agus thubhairt e r'a athair, Mo cheann, mo cheann! Agus thubhairt esan ri òglach, Tog leat e dh'ionnsuidh a mhàthar.

20 Agus thog esan leis e, agus thug e dh'ionnsuidh a mhàthar e: agus shuidh e air a glùinibh gu meadhou-là, agus *an sin* dh'eug e.

21 Agus chaidh i suas, agus chuir i 'n a luidhe e air leabaidh an duine le Dia, agus dhruid i *an dorus* air, agus chaidh i mach.

22 Agus ghairm i air a fear, agus thubhairt i, Cuir a m' ionnsuidh, guidheam ort, aon de na h-òglach, agus aon de na h-salaidh, a chum gu'n ruith mi dh'ionnsuidh an duine le Dia, agus gu'n tig mi a ris.

23 Agus thubhairt esan, C'ar son a théid thu d'a ionnsuidh? an diugh cha-n'èil gealach ùr, no sàbaid ann. Agus thubhairt ise, *Bithidh gach nì* gu maith.

24 An sin chuir i diollaide air asail, agus thubhairt i r'a h-òglach, Tarruing, agus bi 'g imeachd: na cuir moille orm a' marcachd, mur iarr mi ort.

25 Agus dh'imich i, agus thàinig i dh'ionnsuidh an duine le Dia gu sliabh Charmeil: agus an nair a chunnaic an duine le Dia i fa 'chomhair, thubhairt e ri Gehasi 'òglach, Feuch, *is* i sud a' Bhan-sunamach.

26 Ruith a nis, guidheam ort, 'n a coimhne agus abair rithe, Am *bheil* thu fèin gu maith? am bheil d'fhear gu maith? am *bheil* an leanabh gu maith? Agus fhreagair ise, *Tha* gu maith.

27 Agus an uair a thàinig i dh'ionnsuidh an duine le Dia chum an t-sleibh, rug i air a chosaibh; ach thàinig Gehasi am fagus gus a cur air falbh. Agus thubhairt an duine le Dia, Leig dhi, oir *tha* a h-anam air

a chràdh innte; agus cheil an Tighearn ormsa e, agus cha d'innis e dhomh.

28 Agus thubhairt ise, An d'iarr mise mac o 'm thighearn? nach dubhairt mi, Na meall mi?

29 An sin thubhairt e ri Gehasi, Crios-laich do leasraidh, agus glac mo bhata-sa ann do làimh, agus bi 'g imeachd: ma thachaireas tu air duine sam bith, na beanaich dha; agus ma bheannaicheas duine sam bith dhuit, na freagair e a ris: agus cuir mo bhata air aghaidh an leinibh.

30 Agus thubhairt màthair an leinibh, *Mar* is beò an Tighearn, agus *mar* is beò d'anam-sa, cha-n'fhàg mi thu. Agus dh'éirich e, agus lean e i.

31 Agus chaidh Gehasi air aghaidh rompa, agus chuir e 'm bata air aghaidh an leinibh: ach cha *robh* cainnt no clàisteachd *aige*: uime sin phill e 'n a choimhne, agus dh'innis e dha, ag ràdh, Cha-n'èil an leanabh air dùsgadh.

32 Agus an uair a thàinig Elisa a steach do'n tigh, feuch, bha'n leanabh marbh, agus 'n a luidhe air a leabaidh san.

33 Uime sin chaidh e stigh, agus dhùiu e 'n dorus orra 'n an dithis, agus rinn e urnuigh ris an Tighearn.

34 Agus chaidh e suas agus luidh e air an leanabh, agus chuir e a bheul air a bheul, agus a shùilean air a shùilibh, agus a làmh an air a làmh an, agus shìn se e fèin sìos air, agus dh'fhàs feoil an leuibh blàth.

35 Agus a ris, dh'imich e anns an tigh a null agus a nall, agus chaidh e suas, agus shìn se e fèin sìos air; agus rinn an leanabh sreothartaich seachd uairean, agus dh'fhosgail an leanabh a shùilean.

36 Agus ghairm e air Gehasi, agus thubhairt e, Gairm air a' Bhan-sunamach so. Agus ghairm esan oirre; agus an uair a thàinig i stigh d'a ionnsuidh, thubhairt esan, Tog leat do mhac.

37 Agus thàinig i agus thuit i aig a chosaibh, agus chrom sì i fèin sìos gu làr, agus thog i leatha a mac, agus chaidh i mach.

38 Agus phill Elisa gu Gilgal; agus *bha* gorta 's an tìr, agus *bha* mic nam fàidhean 'n an suidhe fa 'chomhair: agus thubhairt e r'a òglach, Cuir air a' phoit mhòr, agus bruch brochan do mhacaibh nam fàidhean.

39 Agus chaidh aon a mach do'n achadh a thional luibhean, agus fhuair e fionain fhiadhaich, agus thionail e dhith dearc an fadhaich, làn 'fhalluime, agus thàinig e agus ghearr e sìos iad anns a' phoit bhrochain; oir cha b'athne dhoibh iad.

40 Agus thaom iad a mach do na daoineibh gu itheadh; agus an uair a bha iad ag itheadh de'n bhrochan, ghlaodh iad, agus thubhairt iad, Bas anns a' phoit, a dhuine

le Dia. Agus eia b'urrainn iad itheadh *dheth*.

41 Agus thubhairt esan, Thugaibh ma ta min a m' ionnsuidh. Agus thig e anns a' phoit *i*; agus thubhairt e, Taom a mach air son an t-sluaigh, a chum gu'n ith iad: agus cha robh ni air bith ole anns a' phoit.

42 Agus thàinig duine o Bhaal-salisa, agus thug e dh'ionnsuidh an duine le Dia aran de'n cheud toradh, fichead builinn eòrna, agus lan dhiasan arbhair 'n an cùithleach; agus thubhairt e, Thoir do'n t-sluagh, a chum gu'n ith iad.

43 Agus thubhairt 'fhear-frithleaidh ris, C'ar son a chuirinn so an làthair cheud fear? Agus thubhairt esan a ris, Thoir do'n t-sluagh, a chum gu'n ith iad: oir mar so tha'n Tighearn ag ràdh, Ithidh iad, agus bithidh fuigheall ann.

44 Uime sin chuir e 'n an làthair e, agus dl'ith iad, agus bha fuigheall aca, a réir focail an Tighearna.

CAIB. V.

1 *Leighis Elisa Naaman an Sirianach o 'luibhre.* 15 *Dhiùlt Elisa tiodhlac a ghabhail uaidh.* 20 *Fhuair Gehazi an tiodhlac le ceily, agus bhuaileadh e le luibhre.*

A NIS bha Naaman ceannard slòigh rìgh Shìria 'n a dhuine mòr aig a thighearn, agus urramach; a chionn leis-san gu'n d'thug an Tighearn saorsa do Shìria: bha e mar an ceudna treun ann an neart, *ach bu lobhar e*.

2 Agus chaidh na Sirianaich a mach 'n am buidhnibh, agus thug iad leo 'am braidheanas a tìr Israeil caileag bheag; agus bha i a' feitheamh air mnaoi Naaman.

3 Agus thubhairt i r'a ban-mhaighstir, B'fhearr leam gu'm bitheadh mo thighearn maille ris an fhaidh a tha ann an Samaria; an sin leighiseadh c o 'luibhre e.

4 Agus chaidh esan a stigh, agus dh'innis e d'a thighearn, ag ràdh, Mar so agus mar so thubhairt a' chaileag a tha o thìr Israeil.

5 Agus thubhairt rìgh Shìria, Imich romhad, agus cuiridh mise litir a dh'ionnsuidh rìgh Israeil. Agus dh'imich e, agus thug e leis deich talaman airgid, agus sè mìle *bonn* òir, agus deich culaidhean eudaich.

6 Agus thug e 'n litir a dh'ionnsuidh rìgh Israeil, ag ràdh, A nis an uair a thig an litir so a d' ionnsuidh, feuch, chuir mi a d' ionnsuidh *leatha* Naaman mo sheirbhiseach, a chum gu'n leighis thu e o 'luibhre.

7 Agus an uair a leugh rìgh Israeil an litir, reub e 'eudach, agus thubhairt e, An Dia mise, a mharbhadh agus a dheanamh beò, gu'n cuireadh am fear so *fios* a m' ionnsuidh duine a leigheas o 'luibhre? uime sin thugaibh fainear, guidheam oirbh, agus faicibh cionnus a tha e 'g iarraidh aobhair a'm aghaidh.

8 Agus an uair a chual' Elisa an duine le Dia gu'n do reub rìgh Israeil 'eudach, chuir e *fios* a dh'ionnsuidh an rìgh, ag ràdh, C'ar son a reub thu 'eudach? thigeadh e nis a m' ionnsuidh-sa, agus bithidh fios aige gu bheil faidh ann an Israeil.

9 Agus thàinig Naaman le 'eich agus le 'charbad, agus sheas e aig dorus tighe Elisa.

10 Agus chuir Elisa teachdair d'a ionnsuidh, ag ràdh, Imich, agus nigh thu fèin seachd uaircan ann an Iordan, agus thig d'fheoil a ris a d' ionnsuidh, agus bithidh tu glan.

11 Ach bha fearg air Naaman, agus dh'fhalbh e roimhe, agus thubhairt e, Feuch, shaoil mi, gu cinnteach gu'n tigeadh e mach a m' ionnsuidh, agus gu'n seasadh e, agus gu'n gairmeadh e air ainm an Tighearna' a Dhé, agus gu'n cuirtheadh e a làmh air an àit, agus gu'n leighiseadh e an lobhar.

12 Nach 'eil Abana agus Pharpar, aimhnichean Dhamascus, nì's fearr na uile uisgeachan Israeil? nach feud mi mi fèin a nigh-cadh amntasan, agus a bhi glan? Agus thiomdaidh e, agus dh'fhalbh e roimhe ann an corruiche.

13 Agus thàinig a sheirbhiseich am fagus, agus labhair iad ris, agus thubhairt iad, O athair, nam bitheadh am faidh air iarraidh ort nì mòr a dheanamh, nach deanadh tu e? nach ro mhò na sin ma ta, 'n uair a tha e 'g ràdh riut, Nigh agus bi glan?

14 An sin chaidh e sìos, agus thum se e fèin ann an Iordan seachd uaircan, a réir focail an duine le Dia; agus thàinig 'fheoil a ris mar fheoil leinnib bhligh, agus ghlanadh e.

15 Agus phill e dh'ionnsuidh an duine le Dia, e fèin agus a chuideachd uile, agus thàinig e, agus sheas e 'n a làthair; agus thubhairt e, Feuch, a nis tha fios agam nach 'eil Dia anns an talamh uile ach ann an Israeil: a nis ma ta, guidheam ort, gabh tiodhlac o d' sheirbhiseach.

16 Ach thubhairt esan, Mar is beò an Tighearn, 'an làthair am bheil mi a'm' sheasamh, cha ghabh mi e. Agus chuir e impidh air a ghabhail, ach dhiùlt esan e.

17 Agus thubhairt Naaman, Nach toircar ma ta, guidheam ort, do d' sheirbhiseach luchd dhà mhuileid de thalamh? oir cha toir do sheirbhiseach suas á so a mach tabhartas-loisgte, no lobairt do dhiathaibh air bith eile, ach do'n Tighearn.

18 Anns an nì so gu'n tugadh an Tighearn maitheanas do d' sheirbhiseach, an uair a thèid mo thighearn a steach do thigh Rìmoìn a dheanamh aoraidh an sin, agus a leigeas e a thàic air mo làmh sa, agus a chromas mise nì fèin sìos ann an tigh Rìmoìn: an uair a chromas mise mi fèin sìos ann an tigh Rìmoìn, gu'n tugadh an Tighearn maitheanas do d' sheirbhiseach anns an nì so,

19 Agus thubhairt esan ris, Imich ann an sìth. Agus dh'imich e uaith beagan as-tair.

20 Ach thubhairt Gehasi òglach Elisa an duine le Dia, Feuch, chaomhainm mo mhaighstir Naaman an Sirianach so, a thaobh nach do ghabh e as a làimh *an nì* sin a thug e leis: ach *mar* is beò an Tighearn, ruithidh mise 'n a dhéigh, agus gabhaidh mi ni éigin uaith.

21 Agus lean Gehasi Naaman: agus an uair a chunnaic Naaman e a' ruith 'n a dhéigh, leum e nuas as a charbad 'n a choinnimh, agus thubhairt e, Am *bheil* gach ni gu maith?

22 Agus thubhairt esan, *Tha gach ni* gu maith: chuir mo mhaighstir uaith mi, ag ràdh, Feuch, a nis thàinig a m' iounsuidh dà òganach o shliabh Ephraim de mhac-aibh nam fàidhean: thoir dhoibh, guidheam ort, tàlaun airgid, agus dà chulaidh eudaich.

23 Agus thubhairt Naaman, *Ma's* toil leat, gabh dà thàlann. Agus choimh-éiginich se e, agus cheaugail e dà thàlaun airgid ann an dà mhàla, agus dà chulaidh eudaich, agus chuir e iad air dithis d'a òglachaibh; agus ghiùlain iadsan roimhe *iad*.

24 Agus an uair a thàinig e do'n dùn, ghabh e as an làmh *iad*, agus thaisg e anns an tigh *iad*: agus leig e na daoine air falbh, agus dh'fhalbh iad.

25 Agus chaidh esan a steach, agus sheas e 'an làthair a mhaighstir, agus thubhairt Elisa ris, Cia as a thàinig *thusa*, a Ghehasi? Agus thubhairt esan, Cha deachaidh do sheirbhiseach taobh air bith.

26 Agus thubhairt esan ris, Nach deachaidh mo chridhe-sa *maile riut*, an uair a phill an duine o' charbad a'd' choinnimh? au àm so a ghabhail airgid, agus a ghabhail eudaich, agus liosan-olaidh, agus fhion-liosan, agus chaorach, agus buair, agus òglach, agus bhanoglach?

27 Uime sin dlùth - leanaidh luibhre Naamain riutsa, agus ri d' shliochd gu bràth. Agus chaidh e mach á 'thianuis, 'n a lobhar, *geal* mar shneachda.

CAIB. VI.

1 *Thug Elisa air iarunn snàmh.* 8 *Leig e ris comhairle rìgh Shiria, agus thug e gu neo-nì i.* 11 *Chuir rìgh Shiria armailt g'a ghlacadh.* 18 *Bhuailleadh iad le doille.* 24 *Theannaich Ben-hadad Samaria.* 25 *Bhuailleadh a' ghorta 's a' bhaile.*

AGUS thubhairt mic nam fàidhean ri Elisa, Feuch, a nis, *tha'u* t-àit anns am bheil sinn a chòmhnuidh maille riut ro chumhann air ar son.

2 Leig dhuinn dol, guidheamaid ort, gu Iordan, agus bheir gach fear againn sail as a sin, agus ni sinn dhuinn féin an sin àite gu còmhnuidh a ghabhail ann. Agus fhreagair esau, Rachaibh.

3 Agus thubhairt aon *diubh*, Ma's i do

thoil a uis, falbh féin maille ri d' sheirbhisich. Agus fhreagair esan, Théid mi.

4 Agus chaidh e maille riu: agus an uair a thàinig iad gu Iordan, ghearr iad sìos fiodh.

5 Ach an uair a bha aon *diubh* a' leagadh craoibhe, thnit iarunn *na tuaghe* anns an uisge: agus dh'éigh e agus thubhairt e, Mo thruaigh, a mhaighstir! agus *gur* am 'an coingheall a bha e.

6 Agus thubhairt an duine le Dia, C'àit an do thuit e? Agus dh'fheuch esan da an t-àit. Agus ghearr e sìos maide, agus thilg e 'n sin e, agus thug e air an iarunn snàmh.

7 Agus thubhairt e, Tog leat e. Agus shìn esan a mach a làmh, agus ghabh se e.

8 Agus bha rìgh Shiria a' cogadh ri h-Israel: agus chuir e a chomhairle r'a sheirbhisich, ag ràdh, Ann an leithid so dh'àite *bithidh* mo champ.

9 Agus chuir an duine le Dia, *fios* a dh'ionnsuidh rìgh Israeil, ag ràdh, Feuch nach téid thu thairis a dh'ionnsuidh a leithid so dh'àite; oir au siu tha na Sirianaich air teachd a nuas.

10 Agus chuir rìgh Israeil *daoine* a dh'ionnsuidh an àite mu'n d'innis an duine le Dia dha, agus mu'n d'uing e air an rabhadh dha, agus dh'ionn se e féin an sin, cha b'ann aon uair no dà uair.

11 Agus bha cridhe rìgh Shiria fo bhuaireas mòr air son an nì so; agus ghairm e air a sheirbhisich, agus thubhairt e riu, Nach innis sibh dhomh cò 'n ar measg-ne *'tha* le rìgh Israeil?

12 Agus thubhairt aon d'a sheirbhisich, Cha-nèil *neach* air *bith*, a thighear'u, a rìgh: ach Elisa am fàidh, a *tha* ann an Israel, insidh *esan* do rìgh Israeil na briathran a labhras tu aun do sheòmar-leabach.

13 Agus thubhairt esan, Rachaibh agus scallaibh c'àit *am bheil* e, a chum gu'n cuir mi *daoine* uam, agus gu'n glac mi e. Agus dh'innseadh dha, ag ràdh, Feuch, *tha* e ann an Dotau.

14 Uime sin chuir e eich an sin, agus carbaid, agus sluagh mòr: agus thàinig iad 's an oidhche, agus chuir iad am baile.

15 Agus dh'éirich seirbhiseach an duine le Dia gu moch 's a' mhaduinn, agus chaidh e mach, agus, feuch, *bha* armailt a' cùirt-eachadh a' bhaile, maille ri catchaibh agus ri carbadaibh; agus thubhairt 'òglach ris, Mo thruaigh, a mhaighstir! cionnus a ni sinn?

16 Agus fhreagair esan, Na bitheadhagal ort; oir is lionnhoire *iad* a *tha* leinne na *iadsan* a *tha* leo-san.

17 Agus rinn Elisa urnuigh, agus thubhairt e, A Thighearna, fosgail, guidheam ort a shùilean, a chum gu'm faic e. Agus dh'fhosgail an Tighearn sùilean an ògan-

aich, agus chunnaic e; agus, feuch, *bha'n* shlabh làn each agus charbad teine mu'n cuairt air Elisa.

18 Agus an uair a thàinig iad a nuas d'a ionnsuidh, rinn Elisa urnuigh ris an Tighearn, agus thubhairt e, Buail, guidheam ort, an sluagh so le doille. Agus bhuail e iad le doille, a réir focail Elisa.

19 Agus thubhairt Elisa riu, Cha-n i so an t-slighe, agus cha-n e so am baile; leanaibh mise, agus bheir mi sibh a dh'ionnsuidh an duine a tha sibh ag iarraidh. Ach thug e iad gu Samaria.

20 Agus an uair a thàinig iad a steach do Shamaria, thubhairt Elisa, A Thighearna, fosgail sùilean nan daoine so, chum gu'n faic iad. Agus dh'fhosgail an Tighearn an sùilean, agus chunnaic iad, agus, feuch, *bha iad* 'am meadhon Shamaria.

21 Agus thubhairt rìgh Israeil ri Elisa, an uair a chunnaic e iad, Am buail, am buail mi *iad*, athair?

22 Agus fhreagair esan, Cha bhuail thu *iad*: an buailleadh tu iadsan a ghlaic thu 'n am braighdibh le d' chlaidheamh, agus le d' bhogha? cuir aran agus uisge fa'n comhair, a chum gu'n ith agus gu'n òl iad, agus gu'n téid iad a dh'ionnsuidh an tighearna féin.

23 Agus rinn e deasachadh mòr air an son; agus an uair a dh'ith agus a dh'òl iad, leig e air falbh iad, agus chaidh iad a dh'ionnsuidh an tighearn'. Agus cha d'thàinig buidhnean Shiria ni's mò do thìr Israeil.

24 Agus na dh'éigh so chrinnich Benhadad rìgh Shiria 'armailt uile, agus chaidh e suas agus theannaich e Samaria.

25 Agus bha gorta mhòr ann an Samaria; agus, feuch, theannaich iad e, gus an robh ceann asail *air a reic* air cheithir fichead *bonn* airgid, agus an ceathramh cuid de chab a dh'aoilach choluman air chùig *bonnaibh* airgid.

26 Agus an uair a bha rìgh Israeil a' gabhail seachad air a' bhalla, ghlaodh bean ris, ag ràdh, Dean cabhair orm, mo thighearn' a rìgh.

27 Agus thubhairt esan, Mur dean an Tighearn cabhair ort, cionnus a ni mise cabhair ort? an ann á urlar an t-sabhail, no as an fhion-amar?

28 Agus thubhairt an rìgh rithe, Ciod a tha 'teachd riut? Agus fhreagair ise, Thubhairt a' bhean so rium, Thoir seachad do mhac-sa, chum gu'n ith sinn an diugh e, agus mo mhac-sa ithidh sinn am màireach.

29 Agus bhruidh sinn mo mhac-sa, agus dh'ith sinn e: agus thubhairt mise rithe-sa air an ath là, Thoir seachad do mhac-sa, chum gu'n ith sinn e: ach dh'fholaich ise a mac.

30 Agus an uair a chual' an rìgh briathran na nna, reub e 'eudach, agus ghabh e seachad air a' bhalla, agus dh'amhairc an

sluagh, agus, feuch, *bha* saic-eudach air 'fheoil air an taobh a stigh.

31 An sin thubhairt e, Gu'n deanadh Dia mar sin riumsa, agus tuilleadh mar an ceudna, ma sheasa seann Elisa mhic Shaphait air an diugh.

32 Ach *bha* Elisa 'n a shuidhe 'n a thigh, agus na seanairean 'n an suidhe maille ris: agus chuir an rìgh duine uaith as a làth-air eachd féin: ach mu'n d'thàinig an teachd-air d'a ionnsuidh, thubhairt e ris na seana-airibh, Am faic sibhise mar a chuir mac so a' mhortair duine a thoirt mo chinn diomsa? thugaibh an aire 'n uair a thig an teachdair, druidibh an dorus, agus cumaibh gu daingean e aig an dorus: nach 'eil fuaim chos a thighearna 'n a dhéigh?

33 An uair a bha e fathast a' labhairt riu, feuch, thàinig an teachdair na mas d'a ionnsuidh: agus thubhairt e, Feuch, tha'n t-òle so o'n Tighearn; c'ar son a dh'fheithinnse air an Tighearn ni's faide?

CAIB. VII.

1 Roinn-innis Elisa gu'm bilheadh mòr phailteas ann an Samaria. 3 Thug ceathrar dhaoine a chuidh a mach do'n champios seachad gu'n do theich na Sirianach. 12 Chreach rìgh Israeil agus an sluagh camp nan Sirianach.

AN SIN thubhairt Elisa, Eisdibh ri focal an Tighearna: Mar so tha'n Tighearn ag ràdh, Mu'n tràth so am màireach *reicear* tomhas de mhin mhin air secel, agus dà thomhas eòrna air secel, ann an geata Shamaria.

2 Agus fhreagair ceamard, a leig an rìgh a thaic air a lannh, an duine le Dia, agus thubhairt e, Feuch, *ged* dheanadh an Tighearn tuil-dhorsan anns na nèamhan am feudadh an ni so' bhi? agus thubhairt esan, Feuch, chi thusa le d' shùilibh e, ach cha-n ith thu dheth.

3 Agus bha ceathrar dhaoine air an robh an luibhre aig dol a steach a' gheata; agus thubhairt iad gach fear r'a chéile, C'ar son a dh'fhanas sinn an so gus am bàsaich sinn?

4 Ma their sinn, Rachamaid a steach do'n bhaile, *tha* a' ghorta anns a' bhaile, agus bàsaichidh sinn an sin; agus ma dh'fhanas sinn an so, bàsaichidh sinn mar an ceudna. A nis ma ta thigibh, agus teicheadaibh gu camp nan Sirianach: ma chaomhnas iad beò sinn, bithidh sinn beò; ach ma mharbhas iad sinn, cha-n fhaigh sinn ach am bàs.

5 Agus dh'éirich iad anns an dùthra gu dol a dh'ionnsuidh camp nan Sirianach: agus an uair a thàinig iad gus a' chuid a b'fhaide mach de champ nan Sirianach, feuch, cha *robh* duine *air bith* an sin:

6 Oir thug an Tighearn air feachd nan Sirianach fuaim charbad a chluinntinn, agus fuaim each, *eadhon* fuaim slòigh mhòir: agus thubhairt iad gach fear r'a chéile, Feuch, thnarasdalaich rìgh Israeil 'n an

n-aghaidh rìghrean nan Hiteach, agus rìghrean nan Eiphiteach, gu teachd oirnn.

7 Uime sin dh'éirich iad, agus theich iad anns an dùthra, agus dh'fhàg iad am bùthan, agus an eich, agus an asail, *eachdon* an camp mar a bha e, agus theich iad air son an anama.

8 Agus an uair a thàinig na lobhair sin gu a' chuid a' bhàide mach de'n champ, chaidh iad a steach do aon bhùth, agus dh'ith iad, agus dh'òl iad, agus thug iad leo as a siu airgid, agus òr, agus eudach, agus chaidh iad agus dh'fhòlaich iad; agus thàinig iad air an ais, agus chaidh iad a steach do bhùth eile, agus thug iad leo as a sin mar an *ceudna*, agus chaidh iad agus dh'fhòlaich siad iad.

9 Agus thubhairt iad gach fear r'a chèile, Cha-n'eil sinn a' deanamh gu ceart: is là deadh sgeòil an là so, agus *tha* sinne 'n ar tosd: ma dh'fhanas sinn gu solus na maidne, thig ole éigin oirnn: a nis ma ta thigibh, agus rachamaid agus innseamaid do theaghlach an rìgh.

10 Agus thàinig iad agus ghlaodh iad ri dorsairibh a' bhaile, agus dh'innis iad dhoibh, ag ràdh, Chaidh sinne gu camp nan Sirianach, agus, feuch, cha robh duine air bith an sin, no guth duine, ach eich ceangailte, agus asail ceangailte, agus na bùthan mar a bha iad.

11 Agus ghlaodh na dorsairean, agus dh'innis iadsan do theaghlach an rìgh a stigh.

12 Agus dh'éirich an rìgh anns an oidhche, agus thubhairt e r'a sheirbhiseich, Innsidh mi dhuibh a nis ciod a rinn na Sirianaich, oirnn: tha fios aca gu *bheil* sinne ocach, agus chaidh iad a mach as a' champ gu'm folach féin anns a' mhachair, ag ràdh, An uair a thig iad a mach as a' bhaile, glacaidh sinn beò iad, agus theid sinn a steach do'n bhaile.

13 Agus fhreagair aon d'a sheirbhiseich, agus thubhairt e, Gabhar a nis cùig de na h-eich a tha air am fàgail, a dh'fhan anns a' bhaile, (feuch, *tha* iad mar uile shluagh Israeil d'an do chuireadh as,) agus cuireamaid *teachdairean* uainn agus faiceamaid.

14 Ghabhadh uime sin dà each carbaid; agus chuir an rìgh *teachdairean* an dèigh feachd nan Sirianach, ag ràdh, Rachaidh, agus faicibh.

15 Agus chaidh iad 'n an dèigh gu ruig Jordan, agus, feuch, bha'n t-slighe uile làn de eudach, agus de shoithichean, a thilg na Sirianaich uatha 'n an cabhaig: agus phill na teachdairean, agus dh'innis iad do'n rìgh.

16 Agus chaidh an sluagh a mach, agus chreach iad camp nan Sirianach: agus reieadh tomhas de mhin mhin air secel, agus dà thomhas eorna air secel, a réir focail an Tighearna.

17 Agus chuir an rìgh cùram a' gheata air a' cheannard, a leig e a thaic air a làimh: agus shaltair an sluagh air anns a' gheata, agus dh'eug e, mar a thubhairt an duine le Dia, a labhair an uair a thàinig an rìgh a nuas d'a ionnsuidh.

18 Agus thachair e, mar a labhair an duine le Dia ris an rìgh, ag ràdh, Bithidh dà thomhas eorna air secel, agus tomhas de mhin mhin air secel, mu'n tràth so am màireach, ann an geata Shamaria:

19 Agus fhreagair an ceannard sin an duine le Dia, agus thubhairt e, Feuch a nis, *ged* dheanadh an Tighearn tuil-dhorsan anns na nèamhan, am feudadh a' leithid so de ni a bhi? agus thubhairt esan, Feuch, ehi thu le d' shùilbh e, ach cha-n ith thu dheth.

20 Eadhon mar sin thachair e dha: oir shaltair an sluagh air anns a' gheata, agus dh'eug e.

CAIB. VIII.

3 *Phill a' Bhan-sunamach a' tìr nam Philisteach.* 10 *Thug Elisa fios do Hasael gu'm faigheadh Ben-hadad bàs, agus gu'm bitheadh e féin 'n a rìgh air Siria.* 20 *Rinn Edom agus Libnah ceannairc an aghaidh Iudah.* 23 *Rìghich Ahasiah 'an àit Iehoraim.*

A N SIN labhair Elisa ris a' mhnaoi, A d'an d'ath-bheothaich e a mac, ag ràdh, Eirich, agus imich thusa agus do theaghlach, agus falbh air chuairt ge b'e àit am feud thu' bhi air chuairt: oir ghairm an Tighearn air gorta, agus mar an ceudna thig i air an tìr ré sheachd bliadhna.

2 Agus dh'éirich a' bhean, agus rinn i a réir focail an duine le Dia: agus dh'fhalbh i féin agus a teaghlach, agus bha i air chuairt ann an tìr nam Philisteach ré sheachd bliadhna.

3 Agus aig ceann nan seachd bliadhna, phill a' bhean a' tìr nam Philisteach: agus chaidh i mach a ghairm air an rìgh air son a tighe, agus air son a fearainn.

4 Agus labhair an rìgh ri Gehasi, òglach an duine le Dia, ag ràdh, Innis dhomh, guidheam ort, na nithean mòra uile a rinn Elisa.

5 Agus an uair a bha e ag innscadh do'n rìgh mar a dh'ath-bheothaich e *neach* a bha marbh, feuch, ghlaodh a' bhean, d'an d'ath-bheothaich e a mac, ris an rìgh air son a tighe, agus air son a fearainn. Agus thubhairt Gehasi Mo thighearn', a rìgh, so a' bhean, agus so a mac, a dh'ath-bheothaich Elisa.

6 Agus an uair a dh'fheòraich an rìgh de'n mhnaoi, dh'innis i dha. Agus dh'orduich an rìgh dhi maor àraidh, ag ràdh, Thoir air ais gach *ni* 'bu leatha, agus uile thoradh an fhearainn, o'n là a dh'fhàg i an tìr, eachdon agus a nis.

7 Agus thàinig Elisa gu Damascus; agus bha Ben-hadad rìgh Shiria tinn: agus

dh'innseadh dha, ag ràdh, Thàinig an duine le Dia an so.

8 Agus thubhairt an rìgh ri Hasael, Gabh ann ad làimh tiodhlac, agus falbh an coimh-imh an duine le Dia, agus fiosraich de'n Tighearn leis, ag ràdh, An tig mi beò o'n tinneas so?

9 Agus dh'fhalbh Hasael 'n a choinnimh, agus ghabh e tiodhlac 'n a làimh, cadllon de gach ni maith a bha'n Damascus, luchd dhà fhichead chàmhail: agus thàinig e, agus sheas e 'n a lethair, agus thubhairt e, Chuir do mhac Bèh-hadad, rìgh Shiria, mise a' d'ionnsuidh, ag ràdh, An tig mi beò o'n tinneas so?

10 Agus thubhairt Elisa ris, Falbh, abair ris, Feudaich tu gum teagamh teachd uath: gidheadh, nochd an Tighearn dhomhsa gu'n faigh e gu cinnteach bàs.

11 Agus shocraich e a ghnùis gu seas-mhach, gus an robh nàire air: agus ghuil an duine le Dia.

12 Agus thubhairt Hasael, C'ar son a tha mo thighearn a' gul? Agus fhreagair esan, A chionn gu bheil fios agam air an olc a ni thusa do chloinn Israeil: an daingneachan làidir cuiridh tu ri theine, agus an daoine òga marbhaidh tu leis a' chlaideamh, agus an clann bhacag bruthaidh tu, agus am mnathan torrach reubaidh tu suas.

13 Agus thubhairt Hasael, Ach ciod, an cù do sheirbhiseach, gu'n deanadh e an ni mòr so? Agus fhreagair Elisa, Nochd an Tighearn dhomhsa *gu'm bi* thu a'd' rìgh air Siria.

14 Agus dh'fhalbh e o Elisa, agus thàinig e dh'ionnsuidh a thighearn', a thubhairt ris, Ciod a thubhairt Elisa riut? Agus fhreagair esan, Dh'innis e dhomh *gu'n* tig thu gu cinnteach o'n tinneas so.

15 Agus air an là màireach ghabh e eudach tiugh, agus thum e ann an uisge e, agus sgaoil e air 'aghaidh e, air chor as gu'n d'fhuair e bàs: agus rìghich Hasael 'n a àit.

16 Agus anns a' chùigeamh bliadhna de Ioram mac Ahaib, rìgh Israeil, thòisich Iehoram, mac Iehosaphat rìgh Iudah, air rìoghachadh.

17 Dà bhliadhna dheug thar fhichead a dh'aois bha e 'n uair a thòisich e air rìoghachadh, agus rìghich e ochd bliadhna ann an Ierusalem.

18 Agus ghluais e ann an slighe rìghrean Israeil mar a rinn tigh Ahaib; oir bha nighean Ahaib 'n a mnaoi aige: agus rinn e olc ann an sùilbh an Tighearna.

19 Gidheadh cha b'ail leis an Tighearn Iudah a sgrios, air sgàth Dhaibhidh 'òg-laich, mar a gheall e dha solus a thabhairt da fèin agus d'a mhacaibh an còmhnuidh.

20 'N a làithibh-san dh'èirich Edom o bhi fo làimh Iudah, agus rinn iad rìgh os an ceann fèin.

21 Agus chaidh Ioram thairis gu Sair,

agus na carbadan uile maille ris; agus dh'èirich e 's an oidhche, agus bhuail e na h-Edomaich a bha mu'n cuairt air, agus ceannardan nan carbad: agus theich an sluagh d'am bùthaibh.

22 Gidheadh dh'èirich Edom o bhi fo làimh Iudah gus an là'n diugh: agus dh'èirich Libnah 's an àm cheudna.

23 Agus a' cluid eile de ghnìomharaibh Ioraim, agus gach ni a rinn e, nach 'eil iad sgrìobhta ann an leabhar eachdraidh rìghrean Iudah?

24 Agus choidil Ioram maille r'a aithrichibh, agus dh'adhlacaidh e maille r'a aithrichibh ann am baile Dhaibhidh: agus rìghich Ahasiah a mhae 'n a àit.

25 Anns an dara bliadhna deug de Ioram mac Ahaib, rìgh Israeil, thòisich Ahasiah mac Iehoraim, rìgh Iudah, air rìoghachadh.

26 Dà bhliadhna thar fhichead a dh'aois bha Ahasiah an uair a thòisich e air rìoghachadh, agus rìghich e aon bhliadhna ann an Ierusalem: agus b'e ainm a mhàthar Ataliah, nighean Omri rìgh Israeil.

27 Agus ghluais e ann an slighe tighe Ahaib, agus rinn e olc ann an sùilbh an Tighearna, mar a rinn tigh Ahaib: oir bu chlàimhuin do thigh Ahaib e.

28 Agus chaidh e maille ri Ioram mac Ahaib, gu cogadh an aghaidh Hasael rìgh Shiria ann an Ramot-gilead; agus lot na Sirianaich Ioram.

29 Agus chaidh rìgh Ioram air ais gu bhi air a leigheas ann an Iesreel o na lotaibh a thug na Sirianaich dha ann an Ramot, an uair a chog e an aghaidh Hasael rìgh Shiria: agus chaidh Ahasiah mac Iehoraim, rìgh Iudah, sìos a dh'fhaicinn Ioraim mhic Ahaib ann an Iesreel, a chionn gu'n robh e tinn.

CAIB. IX.

1 Chuir Elisa fàidh, gu Ramot-gilead a dh'ungadh Iehu. 11 Rinneadh Iehu 'n a rìgh le ceannardaibh an t-sloigh. 24 Mharb e Iehoram agus Ahasiah. 30 Thig caillteanaich Iesebel a mhas o vinneig, agus dh'ith na madaraidh a feoil a réir focail an fhàidh Eliah.

AGUS ghairm Elisa am fàidh air aon de mhacaibh nam fàidhean, agus thubhairt e ris, Crioslaich do leasraidh, agus gabh an corn olaidh so ann do làimh, agus imich gu Ramot-gilead.

2 Agus an uair a thig thu 'n sin, seallaidh tu an sin air son Iehu mhic Iehosaphat, mhic Nimsi; agus théid thu a stigh, agus bheir thu air éirigh suas o mheasg a bhràithrean, agus bheir thu e do sheòmar-cùil:

3 Agus gabhaidh tu an corn olaidh, agus taomaidh tu air a cheann e, agus their thu, Mar so tha'n Tighearn ag ràdh, Dh'ung mi thu a'd' rìgh air Israeil: an sin fosgailidh tu an doras, agus teichidh tu, agus cha-n fhan thu.

4 Agus dl'innich an t-òganach am fàidh, gu Ramot-gilead.

5 Agus an uair a thàinig e, feuch, *bha* ceannardan an t-slàigh 'n an suidhe; agus thubhairt e, Tha nì agam ri ràdh riut, a cheannaird. Agus thubhairt Iehu, Co ris dhinn uile? Agus thubhairt esan, Riut-sa, a cheannaird.

6 Agus dh'éirich e, agus chaidh e steach do'n tigh, agus thaom e an oladh air a cheann, agus thubhairt e ris, Mar so tha'n Tighearn Dia Israeil ag ràdh, Dh'ung mi thusa a'd' rìgh air sluagh an Tighearn', *eadhon* air Israeil.

7 Agus buailidh tu tigh Ahaib do thighearn', agus diolaidh mise fuil mo sheirbhis-each nam fàidhean, agus fuil uile sheirbhis-each an Tighearn', air làimh Iesebeil.

8 Agus sgriosar tigh Ahaib uile, agus gearraidh mi as o Ahab esan a ni uisge ri balla, agus esan a dlruidear suas agus a dl'fhàgar ann an Israeil.

9 Agus nì mi tigh Ahaib mar thigh Iero-boaim mhic Nebait, agus mar thigh Bhaasa mhic Ahiah.

10 Agus ithidh na madraidh Iesebel ann an cuibhrionn Iesreel, agus cha *bhi neach air bith ann* a dh'adhlaiseas i. Agus dh'fhosgail e 'n dorus, agus theich e.

11 An sin thàinig Iehu a mach a dh'ionnsuidh sheirbhis-each a Thighearn', agus thubhairt iad ris, Am *bheil* gach nì gu maith? c'ar son a thàinig am fear cuthaich so a' d' ionnsuidh? Agus thubhairt esan riut, Is aithne dhuibh an duine, agus a chainnt.

12 Agus thubhairt iadsan, *Is breug e*; innis dhuinn a mis. Agus thubhairt esan, Mar so agus mar so labhair e rium, ag ràdh, Mar so tha'n Tighearn ag ràdh, Dh'ung mi thu a'd' rìgh air Israeil.

13 An sin rinn iad cabhag, agus ghabh iad gach fear dhiubh 'fhalluinn, agus chuir iad foidhe i air mullach na staidhreac, agus shéid iad le troipaid, agus thubhairt iad, Is e Iehu an rìgh.

14 Uime sin rinn Iehu mac Iehosaphait, mhic Nimsi, ceannaire an aghaidh Ioram: (a nis bha Ioram a' gleidheadh Ramot-gilead, e féin agus Israel uile, an aghaidh Hasaeil rìgh Shiria:

15 Ach phill rìgh Ioram gu bhì air a leigheas ann an Iesreel o na lotaibh a thug na Sirianaich dha, 'n uair a chog e ri Hasael rìgh Shiria.) Agus thubhairt Iehu, Ma's e blur toil e, na rachadh neach air bith a mach, agus na teicheadh e as a' bhaile, gu dol g'a innseadh ann an Iesreel.

16 Agus mharcaich Iehu ann an carbad, agus chaidh e gu Iesreel; oir *bha* Ioram 'n a luidhe an sin: agus thàinig Ahasiah rìgh Iudah a nnas a dh'fhaicinn Ioram.

17 Agus sheas fear-faire air an tur ann an Iesreel, agus chunnaic e buidheann Iehu 'n uair a bha e a' teachd, agus thubhairt e,

Tha mi 'faicinn buidhne. Agus thubhairt, Ioram, Gabh marcach, agus cuir 'n an coimimh e, agus abradh e, An sith a *th'ann?*

18 Agus chaidh fear a' marcachd air each 'n a choimimh, agus thubhairt e, Mar so tha'n rìgh ag ràdh, An sith a *th'ann?* Agus thubhairt Iehu, Cìod do ghnothuch-sa ri sith? tionndaidh air mo chùlaobh. Agus dh'innis am fear-faire, ag ràdh, Thàinig an teachdair d'an ionnsuidh, ach cha-n'eil e teachd air ais.

19 Agus chuir e uaith fear eile a' marcachd air each, agus thàinig e d'an ionnsuidh, agus thubhairt e, Mar so tha'n rìgh ag ràdh, An sith a *th'ann?* Agus fhreagair Iehu, Cìod do ghnothuch-sa ri sith? tionndaidh air mo chùlaobh.

20 Agus dh'innis am fear-faire, ag ràdh, Thàinig e eadhon d'an ionnsuidh, agus cha-n'eil e teachd air ais: agus *tha'n* siubhal cosmhuil ri siubhal Iehu mhic Nimsi; oir tha e a' siubhal gu dian.

21 Agus thubhairt Ioram, Ulluich. Agus dh'ulluich e a charbad. Agus chaidh Ioram rìgh Israeil, agus Ahasiah rìgh Iudah, a mach, gach fear dhiubh 'n a charbad, agus chaidh iad a mach 'an coimimh Iehu, agus thachair iad air ann an cuibhrionn Naboit an Iesreelich.

22 Agus an uair a chunnaic Ioram Iehu, thubhairt e, An sith a *th'ann*, a Iehu! Agus thubhairt esan, Cìod an t-sith, fhad 's a *bhios* striopachas Iesebeil do mliàthar, agus a druidheachdan co òmhor?

23 An sin thionndaidh Ioram a làmh an agus theich e, agus thubhairt e ri Ahasiah, *Tha* feall ann, Oh Ahasiah.

24 Agus tharruing Iehu bogha le 'uile neart, agus bhuail e Ioram eadha a ghairdeanan, agus chaidh an t-saighead a mach troimh a chridhe, agus chrom e sìos 'n a charbad.

25 An sin thubhairt Iehu ri Bidcar a cheannard, Tog *agus* tilg e ann an cuibhrionn fearainn Naboit an Iesreelich: oir is cuimhne leam, an uair a bha mise agus thusa a' marcachd cuideachd an dèigh Ahaib 'athar, gu'n do chuir an Tighearn an eallach so air.

26 Gu cinnteach chunnaic mi an dé fuil Naboit, agus fuil a mliac, ars' an Tighearn, agus diolaidh mi ort anns a' chuibhrionn so, ars' an Tighearn. A nis ma ta tog *agus* tilg e anns a' chuibhrionn *fhearainn*, a réir focail an Tighearna.

27 Agus an uair a chunnaic Ahasiah rìgh Iudah so, theich e rathad tìghe an lìosa: agus lean Iehu 'n a dhéigh, agus thubhairt e, Buailibh esan mar an ceudna 'n a charbad. *Agus bhuail iad e aig uchdaich* Ghuir, a tha làmh ri Ibleam: agus theich e gu Megido, agus fhuair e bàs an sin.

28 Agus thug a sheirbhisich leò e ann as

earbad gu h-Ierusalem, agus dh'adhlaid e 'n a àit-adhlacaidh, maille r'a aithrichibh ann am baile Dhaibhidh.

29 Agus anns an aon bhliadhna deug de Ioram mac Ahaib, thòisich Ahasiah air rioghachadh os ceann Iudah.

30 Agus an uair a thàinig Iehu gu Iesreel, chuala Iesebel e; agus chuir i dath mu a sùilb, agus sgeadaich i a ceann, agus dh'amhaire i mach air uinneig.

31 Agus an uair a bha Iehu a' teachd a stigh air a' gheata, thubhairt i, An robh sìth aig Simri, a mharbh a thighearn?

32 Agus thog esan 'aghaidh suas a dh'ionnsuidh na h-uinneige, agus thubhairt e, Cò a tha leamsa, cò? agus dh'amhaire dithis no triuir de chailteanaich a mach air.

33 Agus thubhairt e, Tilgibh a nuas i. Agus thilg iadsan sìos i; agus chrathadh cuid d'a fuil air a' bhalla, agus air na h-eachaibh, agus shaltair iad fo 'n cos-aibh i.

34 Agus chaidh e stigh, agus dh'ith agus dh'òl e, agus thubhairt e, Rachaibh a nis a dh'fhaicinn na nà mallachte sin, agus adhlacibh i; oir 's nighean rìgh i.

35 Agus chaidh iad g'a h-adhlacadh, ach cha d'fhuair iad dìth ach an cloigeann, agus na cosan, agus basan a lèmh.

36 Agus phill iad, agus dh'innis iad da: agus thubhairt esan, *Is* e so focal an Tighearn', a labhair e le làimh 'òglaich Eliah an Tisbithich, ag ràdh, Ann an cuibhrionn Iesreil, ithidh na madraidh feoil Iesebeil:

37 Agus bithidh closach Iesceil mar aolach air aghaidh an fhearainn ann an cuibhrionn Iesreil, *air chor* as nach abair iad, *Is i* so Iesebel.

CAIB. X.

1 *Chuir Iehu mic Ahaib gu bàs. 12 Air a shlighe gu Samaria mharbh e bràithrean Ahasiah. 18 Le a sheòlachd sgrìos e uile luchd-còraidh Bhaail, agus loisg e an dealbhan. 32 Bhual Hasael Israel. 34 Fhuair Iehu bàs, agus rìghich Iehoahas 'n a àit.*

AGUS bha aig Ahab deich agus trì a fheadh mac ann an Samaria. Agus sgrìobh Iehu litrichean, agus chuir e do Samaria iad, a dh'ionnsuidh uachdarana Iesreil, a dh'ionnsuidh nan scanair, agus d'an ionnsuidh-san a thog clann Ahaib, ag ràdh,

2 A nis an uair a thig an litir so d'ur n-ionnsuidh, o tha mic bhur tighearna maille ribh, agus carbaid agaibh, agus eich, agus baile daingnichte, agus airm,

3 Amhaireibh a mach cadhon air a shon-san a's fearr agus a's iomchuidh de mhac-aibh bhur tighearn', agus cuiribh e air rìgh-chaitir 'athar, agus cogaibh air son tighe bhur tighearn'.

4 Ach bha eagal ro mhòr orra-san, agus thubhairt iad, Feuch, cha do sheas dà rìgh roimhe agus cionnas a sheasas sinne?

5 Agus chuir esan a bha os ceann an tighe, agus esan a bha os ceann a' bhaile, agus na seanairean, agus iadsan a thog a' chlann, teachdairean gu Iehu, ag ràdh, *Is* sinne do sheirbhiseich, agus ni sinn gach nì a dh'iarras tu oirn; cha dean sinn rìgh air bith: an nì a tha taitneach a'd' shùilb-sa, dean e.

6 Agus sgrìobh e d'an ionnsuidh litir an dara uair, ag ràdh, Ma's leamsa sibh, agus ma dh'èisdeas sibh ri m' ghuth, gabhaibh cinn mhac bhur tighearn', agus thigibh a m' ionnsuidh-sa mu'n tràth so am màireach gu Iesreel: (a nis bha mic an rìgh, deich agus trì fheadh fear, maille ri daoinibh mòra a' bhaile a thog iad.)

7 Agus an uair a thàinig an litir d'an ionnsuidh, ghabh iad mic an rìgh, agus mharbh iad deich agus trì fheadh fear, agus chuir iad an cinn ann am bascaidibh, agus chuir iad d'a ionnsuidh iad gu Iesreel.

8 Agus thàinig teachdair, agus dh'innis e dha, ag ràdh, Thug iad leo cinn mlac an rìgh. Agus thubhairt esan, Cuiribh iad 'n an dà dhùn aig dol a stigh a' gheata gu maduinn.

9 Agus anns a' mhaduinn chaidh e mach agus sheas e, agus thubhairt e ris an t-sluagh uile, Tha sibhse ionraic: feuch, rinn mise ceannairc an aghaidh mo thighearn', agus mharbh mi e; ach cò a bhual iad so uile?

10 Bitheadh fios agaibh a nis, nach tuit lide de fhocal an Tighearna gu làr, a labhair an Tighearn mu thigh Ahaib; oir rinn an Tighearn an nì sin a labhair e le làimh a sheirbhiseich Eliah.

11 Mar sin bhual Iehu iadsan uile a mhair de thigh Ahaib ann an Iesreel, agus a dhaoine mora uile, agus a luchd-daimh, agus a shagartan, gus nach d'fhàg e duine beò aige.

12 Agus dh'éirich e, agus dh'imich e, agus chaidh e do Samaria. Agus an uair a bha e aig tigh-bearraidh nam buachaillean air an t-slighe,

13 Thachair Iehu air bràithribh Ahasiah rìgh Iudah, agus thubhairt e, Cò sibhse? Agus thubhairt iadsan, *Is* sinne bràithrean Ahasiah, agus tha sinn a' dol sìos a chur falte air cloinn an rìgh, agus air cloinn na ban-rìghinn.

14 Agus thubhairt esan, Glacaidh beò iad. Agus ghlac iad beò iad, agus mharbh siad iad aig slochd an tigh-bhearraidh, dà fhichead agus dithis fhear; agus cha d'fhàg e duine beò dhiubh.

15 Agus an uair a dh'fhalbh e as a sin, thachair e air Iehonadab mac Rehaib a' teachd 'n a choimnigh; agus chuir e falte air, agus thubhairt e ris, Am bheil do chridhe-sa dìreach, mar a tha mo chridhe-sa le d' chridhe-sa? Agus thubhairt Iehonadab, Tha. Ma tha, *ars' esan*, thoir dhomh

do làmh. Agus thug e dha a làmh, agus thog e suas e d'a ionnsuidh do'n charbad.

16 Agus thubhairt e, Thig maille riumsa, agus faic u'eud air son an Tighearn'. Agus thug e air maracadh 'n a charbad.

17 Agus thàinig e do Shamaria, agus bhuail e iadsan uile a mhair de Ahab ann an Samaria, gus an do sgrios se e, a réir focail an Tighearn', a labhair e ri Eliah.

18 Agus chruinnich Iehu an sluagh uile, agus thubhairt e riu, Rinn Ahab beagan seirbhis do Bhaal, ach nì Iehu mòran seirbhis dha.

19 A nis ma ta gairmibh a m' ionnsuidh-sa fàidhean Bhaail uile, a sheirbhisibh uile, agus a shagartan uile; na biodh duine dhiubh air chall; oir tha iobairt mhòr agam r'a deannamh do Bhaal: ge b'e neach a bhios air chall, cha mhair e beò. Ach rinn Iehu so ann an seòltachd, a chum gu'n sgriosadh e luchd-aoraidh Bhaail.

20 Agus thubhairt Iehu, Gairmibh féill naomh do Bhaal. Agus ghairm iad i.

21 Agus chuir Iehu fios air feadh Israeil uile, agus thàinig uile luchd-aoraidh Bhaail; cha d'fhàgadh duine dhiubh nach d'thàinig; agus chaidh iad a steach do thigh Bhaail, agus lìonadh tigh Bhaail o cheann gu ceann.

22 Agus thubhairt e ris-san a bha os ceann seòmair nan culaidhean. Thoir a mach culaidhean do uile luchd-aoraidh Bhaail. Agus thug e mach dhoibh culaidhean.

23 Agus chaidh Iehu agus Iehonadab mac Rehaib a steach do thigh Bhaail, agus thubhairt e ri luchd-aoraidh Bhaail, Rannsaicibh agus faicibh nach bi an so maille ribh neach air bith de sheirbhisich an Tighearn', ach luchd-aoraidh Bhaail a mhàin.

24 Agus an uair a chaidh iad a steach a thoirt suas iobairtean agus thabhartas-loisgte, shuidhich Iehu ceithir fichead fear leis a muigh, agus thubhairt e, Ma théid fear air bith as de na daoibh a thug nise thairis d'ur làmh, théid anam an neach a leigeas as e air son 'anama-san.

25 Agus co luath as a chuir e crìoch air an iobairt-loisgte iobradh, thubhairt Iehu ris an fhreiceadan, agus ris na ceannardaibh, Rachaibh a steach, buailibh iad, na tigeadh duine dhiubh mach. Agus bhuail siad iad le faobhar a' chlàidheimh, agus thilg am freiceadan agus na ceannardan a mach iad; agus chaidh iad gu baile tìghe Bhaail.

26 Agus thug iad a mach na dealbhan á tigh Bhaail, agus loisg siad iad.

27 Agus bhris iad sìos dealbh Bhaail, agus bhris iad sìos tigh Bhaail, agus rinn iad e 'n a thigh-salchair gus an là'n diugh.

28 Mar so sgrios Iehu Baal a mach á h-Israel.

29 Gidheadh ri peacaibh Ieroboaim mhic Nebait, a thug air Israel peacachadh, cha do dhealaich Iehu, eadhon ris na laogh òir

a bha ann am Bet-el, agus a bha ann an Dan.

30 Agus thubhairt an Tighearn ri Iehu, A chionn gu'n do rinn thu gu maith anns an nì sin a dheanamh a tha ceart ann mo shùilbh-sa, agus gu'n d'rinn thu ri tigh Ahaib a réir gach nì a bha ann am chridhe-sa, suidhidh do mhac d'èn cheathramh ginealach air rìgh-chaitheir Israeil.

31 Ach cha d'fhug Iehu anaire air imeachd ann an lagh an Tighearna Dé Israeil le uile chridhe; oir cha do dhealaich e ri peacaibh Ieroboaim, a thug air Israel peacachadh.

32 Ams na làithibh sin thòisich an Tighearn air Israel a ghearradh goirid: agus bhuail Hasael iad ann an uile chrìochaibh Israeil;

33 O Iordan a làmh na h-àirde 'n ear, fearann Ghilead uile, na Gadaich, agus na Reubenich, agus na Manasaich, o Aroer, (a tha làmh ri sruth Arnoin,) eadhon Gilead agus Bāsan.

34 Agus a' chuid eile de ghnìomharaibh Iehu, agus gach nì a rinn e, agus a thréine uile, nach 'eil iad sgrìobhta ann an leabhar eachdraidh rìghrean Israeil?

35 Agus chòidil Iehu maille r'a aithrichibh; agus dh'adhlaic iad e ann an Samaria: agus rìghich Iehoahas a mhac 'n a àit.

36 Agus 'b' i 'n àin' a rìghich Iehu os ceann Israeil ann an Samaria, ochd bliadhna fichead.

CAIB. XI.

1 Dh'fhòlaich Iehoseba Ioa ré shè bliadhna ann an tigh an Tighearn'. 4 Air an t-seachdamh bliadhna dh'uing Iehoiada e 'n a rìgh air Iudah. 13 Mharbhadh Ataliah. 18 Bhriseadh altairean agus dealbhan Bhaail.

A GUS an uair a chunnaic Ataliah màthair air Ahasiah gu'n robh a mac marbh, dh'èirich i, agus sgrios i an sliochd rìgha' l uile.

2 Ach ghabh Iehoseba nighean rìgh Ioraim, piuthar Ahasiah, Ioa mac Ahasiah, agus ghoid i e á measg mhac an rìgh a mharbhadh, agus chuir i e féin agus a bhan-altrum ann an seòmair nan leabaichean: agus dh'fhòlaich iad e o Ataliah air chor as nach do mharbhadh e.

3 Agus bha e maille rithe 'am folach ann an tigh an Tighearna ré shè bliadhna: agus rìghich Ataliah os ceann na tìre.

4 Agus air an t-seachdamh bliadhna chuir Iehoiada fios naith, agus ghabh e iadsan a bha os ceann cheudan, agus na ceannardan, agus am freiceadan, agus thug e steach d'a ionnsuidh iad do thigh an Tighearn', agus rinn e coimhcheangal riu, agus ghabh e mionnan diubh ann an tigh an Tighearn', agus dh'fheuch e dhoibh mac an rìgh.

5 Agus dh'àithn e dhoibh, ag ràdh, So an nì a nì sibh: Bithidh an treas cuid dhiubhs

a théid a steach air an t-sàbaid, a' gleidh-eadh faire tìghe an rìgh:

6 Agus *bithidh* trian aig geata Shuir, agus trian aig a' gheata air cùlaobh an fhreiceadain: mar so gleidhidh sibh faire an tìghe, a chum nach brisear a steach air.

7 Agus *gleidhidh* dà chuid dhibhse uile a théid a mach air an t-sàbaid, gleidhidh cadhon iadsan faire tìghe an Tighearna mu'n cuairt air an rìgh.

8 Agus cuairtichidh sibh an rìgh air gach taobh, gach fear le 'airm 'n a làimh: agus ean a thig an taobh a stigh de na sreathaibh, marbhar e; agus bithibhse maille ris an rìgh 'n uair a théid e mach, agus an uair a thig e steach.

9 Agus rinn na ceannardan-cheud a réir gach *ni* a dh'aitinn Iehoiada an sagart, agus ghabh iad gach fear dhiubh a dhaoine a bha 'dol a steach air an t-sàbaid, maille riutha-san a bha 'dol a mach air an t-sàbaid, agus thàinig iad a dh'ionnsuidh Iehoiada an t-sagart.

10 Agus thug an sagart do na ceannardaibh-cheud sleaghan agus sgiathan rìgh laibhidh, a bha ann an tìgh an Tighearna.

11 Agus sheas am freiceadan, gach fear le 'airm 'n a làimh, mu'n cuairt air an rìgh, o thaobh deas an tìghe gu ruig taobh clì an tìghe, làimh ris an altair agus an tìgh.

12 Agus thug e mach mac an rìgh, agus chuir e 'n crùn air, agus *thug e dha* an fhianuis; agus rinn iad 'n a rìgh e, agus dh'ung iad e, agus bhuail iad ann basan, agus thubhairt iad, Gu ma fada beò an rìgh.

13 Agus an uair a chual' Ataliah fuaim an t-sluaigh a' ruith cuideachd, thàinig i dh'ionnsuidh an t-sluaigh, a steach do thigh an Tighearna.

14 Agus an uair a dh'amhaire i, feuch, sheas an rìgh làimh ri post, mar bu ghnàth, agus na h-uachdarain, agus na trompadairean làimh ris an rìgh; agus rinn sluagh na tìre uile gairdeachas, agus shéid iad le trompaidibh: agus reub Ataliah a h-eudach, agus dh'éigh i, Feall, feall!

15 Ach dh'aitinn Iehoiada an sagart do na ceannardaibh-cheud, a chuireadh os ceann an t-slàigh, agus thubhairt e riu, Thugaibh a mach i an taobh a muigh de na sreathaibh; agus ge b'e neach a leanas i, marbhar leis a' chlaidheamh e: oir thubhairt an sagart, Na cuirear gu bàs i ann an tìgh an Tighearna.

16 Agus thug iad comas d'i, agus dh'imich i air an t-slighe air an tìg na h-eich gu tìgh an rìgh, agus mharbhadh an sin i.

17 Agus rinn Iehoiada coimhcheangal eadar an Tighearn agus an rìgh agus an sluagh, gu'm bitheadh iad 'n an sluagh aig an Tighearn; mar an ceudna eadar an rìgh agus an sluagh.

18 Agus chaidh sluagh na tìre uile a steach do thigh Bhaail, agus leag iad sìos e; 'altaircan agus a dhealbhan bliris iad gu tur; agus mharbh iad Matan sagart Bhaail fa chomhair nan altairean: agus chuir an sagart luchd-riaghlaidh os ceann tìghe an Tighearna.

19 Agus ghabh e iadsan a bha os ceann cheudan, agus na ceannardan, agus am freiceadan, agus sluagh na tìre uile; agus thug iad a nuas an rìgh o thigh an Tighearn, agus thàinig iad rathad geata an fhreiceadain gu tìgh an rìgh: agus shuidh e air caithir nan rìgh.

20 Agus rinn sluagh na tìre uile gairdeachas, agus bha 'm baile sàmhach: agus mharbh iad Ataliah leis a' chlaidheamh làimh ri tìgh an rìgh.

21 Seachd bliadhna dh'aois bha Iehoas an uair a thòisich e air rìoghachadh.

CAIB. XII.

1 *Dh'orduich Iehoas do na sagartaibh tìgh an Tighearn a chradh. 17 Ghlac Hasael Gat, agus chuir e 'aghaidh ri dol suas gu Ierusalem. 18 Air dha tiodhlac fhaghail phill e air ais. 20 Chuireadh Iehoas gu bàs, agus rìghlich Amasiah 'n a àit.*

A NNS an t-seachdamh bliadhna de Iehu thòisich Iehoas air rìoghachadh, agus rìghich e dà fhichead bliadhna ann an Ierusalem: agus *b'e* ainm a mhàthar Sibiah o Bheerseba.

2 Agus rinn Iehoas an *ni* a bha ceart ann an sùilbh an Tighearna ré a làithean uile, anns an do theagaisg Iehoiada an sagart e.

3 Ach cha d'thugadh air falbh na h-àitean àrda: bha 'n sluagh fathast ag ìobradh, agus a' losgadh tùis anns na h-àitibh àrda.

4 Agus thubhairt Iehoas ris na sagartaibh, Uile airgiod nan nithean coisrigte a bheirar a steach do thigh an Tighearn, airgiod gach duine a théid seachad 's an àireamh, airgiod meas gach duine, an t-airgiod uile a thig e ann an cridhe duine sam bith a thoir a steach do thigh an Tighearna,

5 Gabhadh na sagartan d'an ionnsuidh e gach duine o 'fhear-còlais; agus càircadh iad briseadh an tìghe, eadhon gach briseadh a gheibhear ann.

6 Gidheadh, anns an treas bliadhna fichead de rìgh Iehoas, cha do chàirich na sagartan briseadh an tìghe.

7 An sin ghairm rìgh Iehoas air Iehoiada an sagart agus air na sagartaibh *eile*, agus thubhairt e riu, 'Car son nach 'eil sibh a' càradh brisidh an tìghe? a nis ma ta na gabhaibh airgiod *tuilleadh* o luchd bhur n-còlais, ach thugaibh air son brisidh an tìghe e.

8 Agus dh'aontaich na sagartan gun argiod a ghabhail *tuilleadh* o'n t-sluagh, agus gun bliriseadh an tìghe a chàradh.

9 Ach ghabh Iehoiada an sagart ciste, agus rinn e toll 'n a h-uachdar, agus chuir

eiri taobh na h-altarach air an làimh dheis, mar a thig duine a steach do thigh an Tigh-earna: agus ann an sin chuir na sagartan a bhla 'gleidheadh an doruis, an t-airgiod uile a thngadh a steach do thigh an Tigh-earna.

10 Agus an uair a chunnaic iad gu'n robh mòran airgid anns a' chiste, chaidh sgrìobhaich an rìgh suas, agus an t-àrd shagart, agus cheangail iad suas, agus rinn iad an t-airgiod àireamh a fhuaradh ann an tigh an Tighearna.

11 Agus thug iad an t-airgiod, an nair a dh'àirmheadh e, ann an làimh nan daoine a rinn an obair, a chuireadh os ceann tìghe an Tighearna; agus thug iadsan a mach e do na saoir, agus do'n luchd-togail, a rinn obair air tigh an Tighearna.

12 Agus do chlacharaibh, agus do Inched-snaidhidh chlach, agus a cheannach fiodha agus chlachan snaidhte a chàradh brisidh tìghe an Tighearn', agus air son gach nì a chuireadh a mach air an tigh g'a chàradh.

13 Gidheadh, cha d'rinnadh do thigh an Tighearna copain airgid, smàladairean, cuachan, trompaidean, soithichean òir air bith, no soithichean airgid air bith, de'n airgid a thugadh a steach do thigh an Tighearna:

14 Ach thug iad e do'n Inched-oibre, agus chàirich iad leis tigh an Tighearna.

15 Os bàrr, cha d'thug iad air na daoineibh, an làimh an d'thug iad an t-airgiod chum a thoirt do'n luchd-oibre, cunntas a thoirt seachad: oir rinn iadsan gu fìrinneach.

16 Cha d'thugadh an t-airgiod-eusaontais agus an t-airgiod-peacaidh a steach do thigh an Tighearna: bu leis na sagairtibh e.

17 An sin chaidh Hasael rìgh Shìria suas, agus chog e an aghaidh Ghat, agus ghlac se e: agus chuir Hasael a'ghaidh ri dol suas gu h-Ierusalem.

18 Agus ghabh Iehoas rìgh Iudah na nithean coisrigte uile a choisrig Iehosaphat, agus Iehoram, agus Ahasiah 'aithrichean, rìghrean Indah, agus a nithean coisrigte féin, agus an t-òr uile a fhuaradh ann an ionnhasaibh tìghe an Tighearn', agus tìghe an rìgh, agus chuir e dh'ionnsuidh Hasael rìgh Shìria e; agus dh'imich e o Ierusalem.

19 Agus a' chuid eile de ghnìomharaibh Iehoais, agus gach nì a rinn e, nach 'eil iad sgrìobhta ann an leabhar eachdraidh rìghrean Iudah?

20 Agus dh'èirich a sheirbhisich, agus rinn iad ceannaire, agus bhuail iad Iehoas ann an tigh Mhilo, a tha 's an dol sìos gu Sila:

21 Oir bhuail Iosachar mac Shimeait, agus Iehosabad mac Shomair a sheirbhisich e, agus fhuair e bàs; agus dh'adhlac iad e maille r'a aithrichibh ann am baile Dhaibhidh: agus rìghich Amasiah a mhac 'n a àit.

CAIB. XIII.

1 *Rìoghachadh aingidh Iehoahais.* 5 *Shaoradh Israel o fhoirneirt nan Sirianach.* 9 *Fhuair Iehoahas bàs, agus rìghich a mhac 'n a àit.* 14 *Roimh-innis Elisa do Ioads gu'm buadhaicheadh e air na Sirianaich.* 20 *Fhuair Elisa bàs.* 22 *Bhuail Ioads na Sirianaich trì uairean.*

ANNS an treas bliadhna fichead de Ioads mac Ahasiah rìgh Iudah, thòisich Iehoahas mac Iehu air rìoghachadh os ceann Israeil ann an Samaria; agus rìghich e seachd bliadhna deug.

2 Agus rinn e olc ann an sùilbha an Tighearn', agus lean e peacaidhean Ieroboaim mhic Nebait, a thug air Israel peacachadh: cha do dhealaich e riu.

3 Agus las fearn an Tighearn' an aghaidh Israeil, agus thug e thairis iad do làimh Hasael rìgh Shìria, agus do làimh Bhenhadaid mhic Hasael, ré a làithean uile.

4 Agus ghuidh Iehoahas air an Tighearn, agus dh'èisd an Tighearn ris; oir chunnaic e foirneart Israeil, oir rinn rìgh Shìria foirneart orra.

5 (Agus thug an Tighearn fear-saoraidh do Israeil, agus chaidh iad a mach o bhi fo làimh nan Sirianach: agus ghabh clann Israeil còmhnuidh 'n am bàthaibh, mar a rinn iad roimhe.

6 Gidheadh, cha do dhealaich iad ri peacaidhean tìghe Ieroboaim, a thug air Israel peacachadh, ach ghluais iad annta: agus dh'fhan an dòire cuideachd ann an Samaria.)

7 Agus cha d'fhàgadh aig Iehoahas de'n t-sluagh ach leth-cheud marcach, agus deich carbaid, agus deich mìle coisiche; oir sgrìos rìgh Shìria iad, agus rinn e iad mar an dslach le bualadh.

8 Agus a' chuid eile de ghnìomharaibh Iehoahais, agus gach nì a rinn e, agus a thréine, nach 'eil iad sgrìobhta ann an leabhar eachdraidh rìghrean Israeil?

9 Agus choidil Iehoahas maille r'a aithrichean, agus dh'adhlac iad e ann an Samaria, agus rìghich Ioads a mhac 'n a àit.

10 Anns an t-seachdamh bliadhna deng thar fhichead de Iehoas rìgh Iudah, thòisich Ioads mac Iehoahais air rìoghachadh os ceann Israeil ann an Samaria; agus rìghich e sè bliadhna deug.

11 Agus rinn e olc ann an sùilbha an Tighearna: cha do dhealaich e ri uile pheacaidhean Ieroboaim mhic Nebait, a thug air Israel peacachadh, ach ghluais e annta.

12 Agus a' chuid eile de ghnìomharaibh Ioads, agus gach nì a rinn e, agus a thréine leis an do chog e an aghaidh Amasiah rìgh Iudah, nach 'eil iad sgrìobhta ann an leabhar eachdraidh rìghrean Israeil?

13 Agus choidil Ioads maille r'a aithrichibh, agus shuidh Ieroboaim air a rìgh-

chaithir: agus dh'adhlacaidh Iois ann an Samaria maille ri righribh Isracil.

14 A nis bha Elisa tinn d'a thinneas d'an d'fhuair e bàs, agus thàinig Iois rìgh Isracil a nuas d'a ionnsuidh, agus ghuil e os a cheann, agus thubhairt e, O athair, athair, carbad Israeil agus a mharc-shluagh.

15 Agus thubhairt Elisa ris, Gabh bogha agus saighdean: agus ghabh e d'a ionnsuidh bogha agus saighdean.

16 Agus thubhairt e ri rìgh Isracil, Cuir do làmh air a' bhogha. Agus chuir e a làmh air; agus chuir Elisa a làmh an air làmh an rìgh.

17 Agus thubhairt e, Fosgail an uinneag a làmh na h-àirde 'n ear: agus dh'fhosgail e i. An sin thubhairt Elisa, Tilg: agus thilg esan. Agus thubhairt e, Saighthead-saoraidh an Tighearn', agus saighthead-saoraidh o Shiria: oir bualaidh tu na Sirianaich ann an Aphec, gus an cuir thu as doibh.

18 Agus thubhairt e, Gabh na saighdean: agus ghabh esan iad. Agus thubhairt e ri rìgh Isracil, Buail air an talamh: agus bhuail e trì uairean, agus stad e.

19 Agus bha fearg air an duine le Dia ris, agus thubhairt a, Bu chòir dhuit bualadh cuig no sè uairean, an sin bhuailleadh tu Siria gus an cuireadh tu as dith: ach a nis bualaidh tu Siria a *mhàin* trì uairean.

20 Agus fhuair Elisa bàs, agus dh'adhlacaidh iade: agus thàinig buidhnean nam Moabach a stigh do'n tìr aig teachd a steach na bliadhna.

21 Agus an uair a bha iad ag adhlacadh duine, feuch, chunnaic iad buidheann *dhaoine*, agus thilg iad sìos an duine do àit-adhlacaidh Elisa; agus an uair a leigeadh an duine sìos, agus a bhean e ri cnàmhan Elisa, dh'ath-bheothaichheadh e, agus dh'èirich e air a chosaibh.

22 A nis rinn Hasael rìgh Shiria foirneart air Isracil ré uile làithean Iehoahais.

23 Ach bha'n Tighearn bàigheil riu, agus ghabh e truas riu, agus dh'amhaire e orra air sgàth a choimheangail ri Abraham, Isaac, agus Iacob, agus cha b'àill leis an sgrìos, cha mhò a thilg e as a làthair iad gus a nis.

24 Agus fhuair Hasael rìgh Shiria bàs, agus rìghich Ben-hadad a mhac 'n a àit.

25 Agus thug Iois mac Iehoahais air an ais a làmh Bhen-hadad mhic Hasael, na bailtean a thug esan a làmh Iehoahais 'athar anns a' chogadh: trì uairean bhuail Iois e, agus thug e air an ais bailtean Isracil.

CAIB. XIV.

1 *Chuir Amasiah gu bàs na daoine a mharbhadh 'athair.* 7 *Bhuail e na h-Edomach ann an gleann an t-salainn.* 11 *Chog Iehoas rìgh Isracil 'n a aghaidh, agus chreach e Ierusalem.* 17 *Chuireadh Amasiah gu bàs, agus rìghich Asariah 'n a àit.*

ANNS an dara bliadhna de Iehoas mac Iehoahais rìgh Isracil, rìghich Amasiah mac Iois rìgh Iudah.

2 Cùig bliadhna fichead a dh'aois bha e an uair a thòisich e air rìoghachadh, agus rìghich e naoi bliadhna fichead ann an Ierusalem: agus *b'e* ainm a mhàthar Iehodan o Ierusalem.

3 Agus rinn e an *ni* a bha ceart ann an sùilibh an Tighearna; ach cha b'ann cosmauil ri Daibhidh 'athair: a réir gach *ni* a rinn Iois 'athair, rinn esan.

4 Ach cha d'fhugadh air falbh na h-àitean àrda: fathast *bha'n* sluagh ag ìobradh, agus a' losgadh tùis air na h-àitibh àrda.

5 A nis an uair a dhaingnicheadh an rìoghachd 'n a làmh, mharbh e a sheirblisich a mharbh an rìgh 'athair.

6 Ach mic nam mort-fhear cha do mharbh e; mar tha e sgrìobhta ann an leabhar lagha Mhaois, anns an d'àithn an Tighearn, ag ràdh, Cha chuirear na h-aithrichean gu bàs air son nam mac, agus cha chuirear na mic gu bàs air son nan aithrichean: ach cuirear gach duine gu bàs air son a pheacaidh féin.

7 Bhuail e de Edom ann an gleann an t-salainn deich mìle, agus ghlac e Selah anns a' chogadh, agus thug e locteel mar ainm air gus an lè'n diugh.

8 An sin chuir Amasiah teachdairean a dh'ionnsuidh Iehoais mhic Iehoahais, mic Iehu rìgh Isracil, ag ràdh, Thig, seallamaid air a chèile 's an aghaidh.

9 Agus chuir Iehoas rìgh Isracil *teachdairean* a dh'ionnsuidh Amasiah rìgh Iudah, ag ràdh, Chuir am foghannan a *bha* ann an Lebanon fios a dh'ionnsuidh an t-seudair a *bha* ann an Lebanon, ag ràdh, Thoir do nighean do mo mhac-sa 'n a mnaoi: agus chaidh fiadh-bheathach seachad a *bha* ann an Lebanon, agus shaltair e sìos an foghannan.

10 Bhuail thu gun amharus Edom, agus thog do chridhe suas thu: dean uaill *a so*, agus fan aig do thigh: oir c'ar son a bhith-eadh làmh agad ann an ni chum d'aimhleis, air chor as gu'n tuiteadh tu féin agus Iudah maille riut?

11 Ach cha d'èisd Amasiah ris: uime sin chaidh Iehoas rìgh Isracil suas, agus dh'amhaire e féin agus Amasiah rìgh Iudah air aghaidh a chèile aig Betsemes, a *bhuineas* do Iudah.

12 Agus bhuailleadh Iudah roimh Isracil, agus theich iad gach fear a dh'ionnsuidh an bùthan.

13 Agus ghlac Iehoas rìgh Isracil Amasiah rìgh Iudah, mac Iehoais mhic Amasiah, aig Betsemes, agus thàinig e gu h-Ierusalem, agus bhris e sìos balla Ierusalem, o gheata Ephraim gu geata na h-oisne, ceithir cheud làmh-choille.

14 Agus ghabh e an t-dràg ann an t-airgiod uile, agus na soithichean uile a fhuaradh ann an tigh an Tighearn' agus ann an

ionmhaisaibh tighe an rìgh, agus braighdean-gill, agus phill e gu Samaria.

15 Agus a' chuid eile de ghnìomharaibh Iehois a rinn e, agus a thréine, agus mar a chog e ri Amasiah rìgh Iudah, naeh 'eil iad sgrìobhta ann au leabhar eachdraidh rìghrean Israeil?

16 Agus ehoidil Iehois maille r'a aithrieibh, agus dh'adhlaiceadh e ann an Samaria maille ri rìghribh Israeil, agus rìghich Ieroboam a mhae 'n a àit.

17 Agus bha Amasiah mae Ioais rìgh Iudah, beò an déigh bàis Iehois, mhie Iehohais rìgh Israeil, cùig bliadhna deug.

18 Agus a' chuid eile de ghnìomharaibh Amasiah, naeh 'eil iad sgrìobhta ann an leabhar eachdraidh rìghrean Iudah?

19 Agus rinn iad ceannaire 'n a aghaidh ann an Ierusalem; agus theich e gu Lachis: aeh chuir iad *daoine* 'n a dhéigh gu Lachis, agus mharbh iad e an sin.

20 Agus thug iad leo air eieh e; agus dh'adhlaiceadh e ann an Ierusalem maille r'a aithrieibh ann am baile Dhaibhidh.

21 Agus ghabh sluagh Iudah uile Asariah, agus e sè bliadhna deug a dh'aois, agus rinn iad 'n a rìgh e 'an àit 'athar Amasiah.

22 Thog esan Elat, agus dh'aisig se e do Iudah, an déigh do'n rìgh codal maille r'a aithrieibh.

23 Anns a' chùigeamh bliadhna deug de Amasiah mae Ioais, rìgh Iudah, thòisich Ieroboam mae Ioais rìgh Israeil, air rioghachadh ann an Samaria; *agus rìghich e bliadhna agus dà fhiehead.*

24 Agus rinn e ole ann an stùilbh an Tighearna: eha do dhealaich e ri nìle pheaeaidhean Ieroboaim mhie Nebait, a thug air Israel peacachadh.

25 Dh'aisig e erioeh Israeil o dhòl a steach Hamait gu ruig muir a' ehòmlmaird, a réir focail an Tighearna Dé Israeil, a labhair e le làimh a sheirbhisich Ionah, mhie Amitai an fhàidh, a *bha* o Ghat-hepher.

26 Oir ehunnaic an Tighearn àmhghar Israeil, *gu'n robh e* ro shearbh; oir cha *robh* neach air bith air a dhruideadh suas, agus eha d'fhàgadh neach air bith, agus cha *robh* fear-còmhnaidh ann aig Israel.

27 Agus cha dubhairt an Tighearn gu'n dubhadh e mae ainm Israeil o *bhi* fo nèamh: aeh shaor e iad le làimh Ieroboaim mhie Ioais.

28 Agus a' ehuid eile de ghnìomharaibh Ieroboaim, agus gach *ni* a rinn e, agus a thréine, mar a chog e, agus mar a dh'aisig e Damascus, agus Hamat, *bu* le Iudah, do Israel, naeh 'eil iad sgrìobhta ann an leabhar eachdraidh rìghrean Israeil?

29 Agus ehoidil Ieroboam maille r'a aithrieibh, maille ri rìghribh Israeil; agus rìghich Sachariah a mhae 'n a àit.

7 *Fhuair Asariah bàs, agus rìghich Iotam 'n a àit.* 10 *Mharbh Salum Sachariah rìgh Israeil.* 14 *Chuir Menahem Salum gu bàs, agus rìghich e 'n a àit.* 29 *Rinn Tiglat-pileser joirneart air Israel, &c.*

ANNS an t-seachdamh bliadhna fiehead de Ieroboam rìgh Israeil, thòisich Asariah mae Amasiah rìgh Iudah air rioghachadh.

2 Sè bliadhna deug a dh'aois bha e 'n uair a thòisich e air rioghachadh; agus rìghich e dà bhliadhna dheug agus dà fhiehead ann an Ierusalem: agus *b'e* ainm a mhàthar Iecholiah o Ierusalem.

3 Agus rinn e an *ni a bha* ceart ann an stùilbh an Tighearn, a réir gach *ni* a rinn Amasiah 'athair.

4 Gidheadh, eha d'fhugadh air falbh na h-àitean àrda: fathast *bha* 'n sluagh ag iobradh, agus a' losgadh tùis anns na h-àitibh àrda.

5 Agus bhuail an Tighearn an rìgh, agus bha e 'n a lobhar gu là a bhàis, agus ghabh e còmhuidh ann an tigh air leth: agus *bha* Iotam mac an rìgh os ceann an tighe, a' toirt breth air sluagh na tìre.

6 Agus a' ehuid eile de ghnìomharaibh Asariah, agus gach *ni* a rinn e, naeh 'eil iad sgrìobhta ann an leabhar eachdraidh rìghrean Iudah?

7 Agus choidil Asariah maille r'a aithrieibh, agus dh'adhlaic iad e maille r'a aithrieibh ann am baile Dhaibhidh: agus rìghich Iotam a mhae 'n a àit.

8 Anns an ochdamh bliadhna deug thar fhiehead de Asariah rìgh Iudah, rìghich Sachariah mae Ieroboaim os ceann Israeil ann an Samaria sè mìosan.

9 Agus rinn e ole ann an stùilbh an Tighearna, mar a rinn 'aithrichean: eha do dhealaich e ri peaeaidhean Ieroboaim mhie Nebait, a thug air Israel peacachadh.

10 Agus rinn Salum mae Iabeis ceannaire 'n a aghaidh, agus bhuail se e 'am fianuis an t-sluaigh, agus mharbh se e agus rìghich e 'n a àit.

11 Agus a' ehuid eile de ghnìomharaibh Shaehariah, feuch, *tha* iad sgrìobhta ann an leabhar eachdraidh rìghrean Israeil.

12 *B'e* so focal an Tighearn, a labhair e ri Iehu, ag ràdh, Suidhidh do mhie air rìghchaithir Israeil, gu ruig an ceathramh *ginealach*. Agus bha e mar sin.

13 Thòisich Salum mae Iabeis air rioghachadh anns an naothamh bliadhna deug thar fhiehead de Udsiah rìgh Iudah, agus rìghich e mìos iomlan ann an Samaria:

14 Oir ehaidh Menahem mae Ghadi suas o Thirsah, agus thàinig e gu Samaria, agus bhuail e Salum mac Iabeis ann an Samaria, agus mharbh se e, agus rìghich e 'n a àit.

15 Agus a' ehuid eile de ghnìomharaibh

Shaluim, agus a cheannaire a rinn e, feuch, *tha* iad sgrìobhta ann an leabhar eachdraidh rìghrean Israeil.

16 An sin bhuail Menahem Tiphrah, agus iadsan uile a *bha* ann, agus a chrìochan o Thirshah; a chionn nach d'fhosgail iad *dha*, uime sin bhuail se e; a mhnathan torrach uile reub e suas.

17 Anns an naothamh bliadhna deug thar fhichead de Asariah rìgh Iudah thòisich Menahem mac Ghadi air rìoghachadh os ceann Israeil; agus rìghich e deich bliadhna ann an Samaria.

18 Agus rinn e olc ann an sùilbhan Tighearna: cha do dhealaich e ré 'uile làithean ri peacaidhean Ieroboaim mhic Nebait, a thug air Israel peacachadh.

19 Agus thàinig Pul rìgh Asiria an aghaidh na tìre: agus thug Menahem do Phul mìle talann airgid, a chum gu'm biodh a làmh leis, a dhaingneachadh na rìoghachd 'n a làmh.

20 Agus thog Menahem an t-airgiod o Israel, *eadhon* uathasan uile a bha comasach ann an saoihlreas, leth-cheud secel airgid o gach duine, chum a thabhairt do rìgh Asiria: agus phill rìgh Asiria air ais, agus cha d'fhuair e 'n sin anns an tìr.

21 Agus a' chuid eile de ghnìomharaibh Mhenahem, agus gach *ni* a rinn e, nach *'eil* iad sgrìobhta ann an leabhar eachdraidh rìghrean Israeil?

22 Agus choidil Menahem maille r'a aithrichibh; agus rìghich Pecaliah a mhac 'n a àit.

23 Anns an deicheamh bliadhna agus dà fhichead de Asariah rìgh Iudah, thòisich Pecaliah mac Mhenahem air rìoghachadh os ceann Israeil ann an Samaria; agus rìghich e dà bhliadhna.

24 Agus rinn e olc ann an sùilbhan Tighearna: cha do dhealaich e ri peacaidhean Ieroboaim mhic Nebait, a thug air Israel peacachadh.

25 Ach rinn Pecah mac Remaliah, ceannard leis féin, ceannaire 'n a aghaidh, agus bhuail se e ann an Samaria, ann an lùchairt tighe an rìgh, maille ri Argob, agus ri Arieih, agus maille ris leth-cheud fear de na Gileadaich: agus mharbh se e, agus rìghich e 'n a àit.

26 Agus a' chuid eile de ghnìomharaibh Phecaliah, agus gach *ni* a rinn e, feuch, *tha* iad sgrìobhta ann an leabhar eachdraidh rìghrean Israeil.

27 Anns an dara bliadhna deug agus dà fhichead de Asariah rìgh Iudah, thòisich Pecah mac Remaliah air rìoghachadh os ceann Israeil ann an Samaria; agus rìghich e fichead bliadhna.

28 Agus rinn e olc ann an sùilbhan Tighearna: cha do dhealaich e ri peacaidhean Ieroboaim mhic Nebait, a thug air Israel peacachadh.

29 Ann an làith bh Phecah rìgh Israeil thàinig Tiglat-pileser rìgh Asiria, agus glac e Iion, agus Abel-bet-maachah, agus Ianoah, agus Cedes, agus Hasor, agus Gilead, agus Galile, uile thir Naphtali, agus thug e 'n am braighdibh iad gu Asiria.

30 Agus rinn Hoseah mac Elah ceannaire an aghaidh Phecah mhic Remaliah, agus bhuail se e, agus mharbh se e, agus rìghich e 'n a àit, anns an fhicheadamh bliadhna de Iotam mac Udsiah.

31 Agus a' chuid eile de ghnìomharaibh Phecah, agus gach *ni* a rinn e, feuch, *tha* iad sgrìobhta ann an leabhar eachdraidh rìghrean Israeil.

32 Anns an dara bliadhna de Phecah mac Remaliah rìgh Israeil, thòisich Iotam mac Udsiah rìgh Iudah air rìoghachadh.

33 Cùig bliadhna fichead a dh'aois bha e 'n uair a thòisich e air rìoghachadh; agus rìghich e sè bliadhna deug ann an Ierusalem: agus b'e ainm a mhàthar Ierusa, nigh-ean Shadoie.

34 Agus rinn e an *ni* a bha ceart ann an sùilbhan Tighearna: a réir nan uile *nithean* a rinn Udsiah 'athair, rinn esan.

35 Gidheadh cha d'fhugadh air falbh na h-àitean àrda: fathast *bha* 'n sluagh ag òbradh agus a' losgadh tùis anns na h-àitibh àrda. Chuir e suas an geata a b' àirde de thigh an Tighearna.

36 Agus a' chuid eile de ghnìomharaibh Iotaim, agus gach *ni* a rinn e, nach *'eil* iad sgrìobhta ann an leabhar eachdraidh rìghrean Iudah?

37 (Anns na làithibh sin thòisich an Tighearna air Resin rìgh Shiria, agus Pecah mac Remaliah a chur an aghaidh Iudah.)

38 Agus choidil Iotam maille r'a aithrichibh, agus dh'adhlacadh e maille r'a aithrichibh ann am baile Dhaibhidh 'athar: agus rìghich Ahas a mhac 'n a àit.

CAIB. XVI.

1 Rìoghachadh aingidh Ahais. 5 Chog Resin agus Pecah 'n a aghaidh. 10 Rinn Ahas altair a réir samhlaidh altarach a bha ann an Damascus, agus dh'òbair e oirre. 20 Fhuair e bàs, agus rìghich Hecaliah 'n a àit.

'S AN T-seachdamh bliadhna deug de Phecah mac Remaliah, thòisich Ahas mac Iotaim rìgh Iudah air rìoghachadh.

2 Fichead bliadhna dh'aois *bha* Ahas an uair a thòisich e air rìoghachadh, agus rìghich e sè bliadhna deug ann an Ierusalem; agus cha do rinn e an *ni* a bha ceart ann an sùilbhan Tighearna' a Dhé, mar a rinn Daibhidh 'athair.

3 Ach dh'imich e ann an slighe rìghrean Israeil, agus mar an ceudna thug e air a mhac dol troimh 'n teine, a réir ghràineil-eachd nan cìmeach, a thìlg an Tighearna a mach roimh chloinn Israeil.

4 Agus dh'ìobair e agus loisg e tùis anns na h-àitibh àrda, agus air na cnoic, agus fo gach craoibh uaine.

5 An sin thàinig Resin rìgh Shiria, agus Pecah mac Remaliah rìgh Israeil, a nìos gu n-Ierusalem a chogadh: agus theannaich iad Ahas, ach cha b'urrainn iad buaidh a thoirt air.

6 'S an àm sin choisinn Resin rìgh Shiria Elat air ais do Shiria, agus dh'fhògair e na h-Iudhaich á h-Elat: agus thàinig na Sirian-ach do Elat, agus ghabh iad còmhnuidh ann gus an là 'n diugh.

7 Agus chuir Ahas teachdairean gu Tiglat-pileser rìgh Asiria, ag ràdh, *Is mise d'òglach agus do mhac; thig a nìos agus saor mi á làimh rìgh Shiria, agus á làimh rìgh Israeil, a dh'èirich a'n' aghaidh.*

8 Agus ghabh Ahas an t-airgiod agus an t-òr a fhuair ann an tigh an Tighearn', agus ann an ionmhasaibh tìghe an rìgh, agus chuir se e mar thiodhlac gu rìgh Asiria.

9 Agus dh'èisd rìgh Asiria ris: oir chaidh rìgh Asiria suas an aghaidh Dhamascuis, agus ghilac se e, agus thug e a *shluagh* leis 'am braidheanas gu Cir, agus mharbh e Resin.

10 Agus chaidh rìgh Ahas 'an coinninn Thiglat-pileser rìgh Asiria gu Damascus, agus chunnaic e altair a *bha* ann an Damascus: agus chuir rìgh Ahas gu h-Uriah an sagart samhladh na h-altarach, agus a cunnadh, a réir a h-uile oibre.

11 Agus thog Uriah an sagart altair a réir gach nì a chuir Ahas an rìgh o Dhamascuis: mar sin rinn Uriah an sagart *i* air cheann do rìgh Ahas teachd o Dhamascuis.

12 Agus an uair a thàinig an rìgh o Dhamascuis, chunnaic an rìgh an altair: agus thàinig an rìgh am fagus agus dh'ìobair e oirre.

13 Agus loisg e a thabhartas-loisgte, agus a thabhartas-bidh, agus thaon e a thabhartas-dìbhe, agus chrath e fuil a thabhartas-sith air an altair.

14 Agus thug e mar an ceudna an altair umha, a *bha* 'nu fianuis an Tighearn', o bheul-aobh an tìghe, o eadar an altair agus tigh an Tighearn', agus chuir e i air taobh tuath na h-altarach.

15 Agus dh'àithn rìgh Ahas do Uriah an sagart, ag ràdh, Air an altair mhòir loisg tabhartas-loisgte na maidne, agus tabhartas-bidh an fheasgair, agus tabhartas-loisgte an rìgh, agus a thabhartas-bidh, agus tabhartas-loisgte uile shluagh na tìre, agus an tabhartas-bidh, agus an tabhartas-dìbhe; agus crath oirre uile fhuil an tabhartais-loisgte, agus uile fhuil na h-ìobairte: agus bithidh an altair umha agamsa gu fìosrachadh *leatha*.

16 Mar so rinn Uriah an sagart, a réir gach nì a dh'àithn rìgh Ahas.

17 Agus ghearr rìgh Ahas iomaill nam bonn diubh, agus dh'atharraich e dhiubh an soitheach-ionnaid, agus thug e nuas an fhainge bhàrr nan damh umha a bha foipe, agus chuir e i air urlar chlach.

18 Agus an còmhdaichadh sàbaid a thog iad 's an tigh, agus slighe an rìgh a steach o'n leth muigh, thionndaidh e o thigh an Tighearn' air son rìgh Asiria.

19 A nìs a' chuid eile de glèimharaibh Ahais a rinu e, nach 'eil iad sgrìobhta ann an leabhar eachdraidh rìghrean Iudah?

20 Agus chaidil Ahas maille r'a aithrichibh, agus dh'adhlacaidh e maille r'a aithrichibh ann am baile Dhaibhidh; agus rìghich Hesechia a mhac 'n a àit.

CAIB. XVII.

1 *Rìoghachadh aingidh Hoseah.* 4 *Rinn Hoseah agus Sò rìgh na h-Eiphit ceannaire an aghaidh Shalmaneser.* 6 *Ghlac Salmaneser Samaria.* 24 *Chuir Dia leòmhain am measg an t-sluaigh choigrich a dh'aitich Samaria.*

ANNS an dara bliadhna deug de Ahas rìgh Iudah, thòisich Hoseah mac Elah air rìoghachadh ann an Samaria air Israeil; agus rìghich e naoi bliadhna.

2 Agus rinn e ole ann an sealladh an Tighearn', ach cha b'ann mar rìghribh Israeil a bha roimhe.

3 'N a aghaidh-san thàinig a nìos Salmaeser rìgh Asiria; agus bha Hoseah 'n a sheirbhiseach aige, agus thug e tiodhlac dha.

4 Agus fhuair rìgh Asiria ceannaire ann an Hoseah; oir chuir e teachdairean gu Sò rìgh na h-Eiphit, agus cha d'thug e tiodhlac air bith gu rìgh Asiria, mar a *chleachd* e o bhliadhna gu bliadhna: uime sin dhruid rìgh Asiria suas e, agus cheangail e ann am prìosan e.

5 An sin thàinig rìgh Asiria nìos troimh 'n fhearrann uile, agus chaidh e suas gu Samaria, agus theamaich se e trì bliadhna.

6 Anns an naothamh bliadhna de Hoseah ghilac rìgh Asiria Samaria, agus thug e leis Israel do Asiria, agus shuidhich e iad ann an Halah, agus ann an Habor *làimh ri* amhainn Ghosain, agus ann am bailtibh nam Medeach.

7 Oir tharladh gu'n do pheacaich clann Israeil an aghaidh an Tighearn' an Dé, a thug a nìos iad á tìr na h-Eiphit, o bhì fo làimh Pharaoh rìgh na h-Eiphit, agus bha eagal dhiathan eile orra,

8 Agus dh'imich iad am an reachdaibh nan cinnchea, (a thig an Tighearn a mach roimh chloinn Israeil) agus ann an reachdaibh rìghrean Israeil a rinn iad.

9 Agus rinn clann Israeil gu dìomhair uithean nach *robh* ceart an aghaidh an Tighearn' an Dé, agus thog iad dhoibh féin àitean àrda 'n am mòr-bhailtibh uile, o thùrair an lèid-faire gus am baile daingnichte.

10 Agus chuir iad suas dhoibh few

dealbhan agus doireachan air gach uile chnoc àrd, agus fo gach uile chraoibh uaine.

11 Agus an sin loisg iad tùis anns na h-àitibh àrda uile, mar na cinnich a thug Dia air falbh rompa; agus rinn iad nìthan ole' a bhrosnachadh an Tighearn' gu corr-
uich:

12 Oir rinn iad seirbhis do ìodholaibh, mu'n d'thubhairt an Tighearn riu, Cha dean sibh an nì so.

13 Gidheadh thug an Tighearn fianuis an aghaidh Isracil, agus an aghaidh Iudah, leis na fàidhibh uile agus leis an luchd-seallaidh uile, ag ràdh, Pillibh o bhuir droch shlighean, agus gleidhibh m'aitheantan agus mo reachdan, a réir an lagha uile a dh'àithn mi d'ur n-aithrichibh, agus a chuir mi d'ur n-ionnsuidh le m' sheirbhisich na fàidhean.

14 Gidheadh cha b'àill leo éisdeachd, ach chruadaich iad am muineal, cosmhuil ri muineal an aithrichean, nach do chreid anns an Tighearn an Dia.

15 Agus rinn iad tàir air a reachdaibh, agus air a choimhcheangal a rinn e r'an aithrichibh, agus air a theisteis leis an d'thug e fianuis 'n an aghaidh; agus lean iad dìomhanas, agus dh'fhàs iad dìomhain, agus chaidh iad an déigh nan cinneach a bha mu'n cuairt orra, mu'n d'thug an Tighearn sparradh dhoibh, nach deanadh iad cosmhuil riu.

16 Agus thréig iad uile àitheantan an Tighearn' an Dé, agus rinn iad dhoibh féin dealbhan leaghta, eadhon dà laogh, agus rinn iad doire, agus rinn iad aoradh do uile armailt nheimh, agus rinn iad seirbhis do Bhaal.

17 Agus thug iad air an macaibh agus air an nigheanaibh dol troimh 'n teine, agus ghnàthaich iad fiosachd agus druidheachd, agus reic siad iad féin a dheanamh uile ann an sealladh an Tighearn, chum a bhrosnachadh gu feirg.

18 Uime sin bha fearg ro mhòr aig an Tighearn ri h-Israel, agus dh'atharraich e iad as a shealladh: cha d'fhagadh aon ach treubh Iudah a mhàin.

19 (Mar an ceudna cha do ghléidh Iudah àitheantan an Tighearn' an Dé, ach dh'imich iad ann an reachdaibh Isracil a rinn iad.)

20 Agus chuir an Tighearn cùl ri uile shliochd Isracil, agus chuir e fo àmhghar iad, agus thug e thairis iad do làimh chreachadairean, gu'n do thilg e as a shealladh iad.

21 Oir sgar Israel e féin o thigh Dhaibhidh, agus rinn iad Ieroboam mac Nebait 'n a rìgh; agus dh'fhuadaich Ieroboam Israel o'n Tighearn a leantuinn, agus thug e orra peacadh mòr a pheacachadh.

22 Agus dh'imich clann Isracil ann an uile

pheacaidhean Ieroboaim a rinn e: cha do dhealaich iad riu;

23 Gus an d'atharraich an Tighearn Israel as a shealladh, mar a thubhairt e le 'sheirbhisich uile na fàidhean. Agus thugadh Israel air falbh as an tìr féin do Asiria, gu'n là 'n diugh.

24 Agus thug rìgh Asiria daoine o Babilon, agus o Chutah, agus o Abha, agus o Hamat, agus o Shepharblaim, agus shuidhich e iad ann am bailtibh Shamaria, 'an àite chloinn Isracil; agus shealbhaich iad Samaria, agus ghabh iad còmhnuidh 'n a bhailtibh.

25 Agus tharladh, 'n uair a ghabh iad an toiseach còmhnuidh an sin, nach robh cagal an Tighearn' orra; uime sin chuir an Tighearn leòmhain 'n am measg, a mharbh cuid diubh.

26 Air an aobhar sin labhair iad ri rìgh Asiria, ag ràdh, Na cinnich a dh'atharraich thu, agus a shuidhich thu ann am bailtibh Shamaria, cha-n aithne dhoibh gnàth Dhé na tìre: uime sin chuir e leòmhain 'n am measg, agus, feuch, tha iad 'g am marbhadh, a chionn nach aithne dhoibh gnàth Dhé na tìre.

27 An sin dh'àithn rìgh Asiria, ag ràdh, Thugaibh leibh an sin aon de na sagartaibh a thug sibh as a sin; agus rachadh e agus gabhadh e còmhnuidh an sin, agus teagaisgeadh e dhoibh gnàth Dhé na tìre.

28 An sin thàinig aon de na sagartaibh a thug iad leo á Samaria, agus ghabh e còmhnuidh ann am Bet-el, agus theagaisg e dhoibh cionnus bu chòir dhoibh cagal an Tighearn' a bhì orra.

29 Gidheadh, rinn gach cinneach diathan dhoibh féin, agus chuir siad iad ann an tighibh nan àitean àrda a rinn na Samaritich, gach cinneach 'n am bailtibh féin anns an do ghabh iad còmhnuidh.

30 Agus rinn daoine Bhabiloin Sucot-Benot, agus rinn daoine Chait Nergal, agus rinn daoine Hamait Asima,

31 Agus rinn na h-Abhaich Nibhas agus Tartac, agus loisg na Shepharbaich an clann 's an teine do Adramelech agus Anamalech, diathan Shepharblaim.

32 Agus bha cagal an Tighearn' orra, agus rinn iad doibh féin de'n chuid a b'isle dhiubh sagartan nan àitean àrda, agus thug iad suas iobairtean air an son ann an tighibh nan àitean àrda.

33 Bha cagal an Tighearn' orra, agus rinn iad seirbhis d'an diathaibh féin, a réir gnàthan nan cinneach a thug iad leas a sin.

34 Gus an là 'n diugh tha iad a' deanamh a réir nan ceud ghnàth: cha 'n'eil cagal an Tighearn' orra, cha mhòr tha iad a' deanamh a réir nan reachdan, no 'réir nan orduighean, no 'réir an lagha, no 'réir na h-àithne a dh'àithn an Tighearn do chloinn Iacoib, air an d'thug e Israel mar ainm.

35 Ris an d'rinn an Tighearn coimhcheangal, agus d'an d'thug e sparradh, ag ràdh, Cha bhi eagal dhiathan eile oirbh, agus cha chrom sibh sibh féin doibh, agus cha dean sibh seirbhís doibh, agus cha-n iobair sibh doibh:

36 Ach an Tighearn, a thug a nìos sibh á tìr na h-Eiphit le mòr chumhachd, agus le gairdean sint' a mach, 'eagal-san bithidh oirbh, agus dha-san lùbaidh sibh an glùn, agus dha-san iobraidh sibh.

37 Agus na reachdan, agus na h-orduigh-ean, agus an lagh, agus an àithne a sgrìobh e dhuibh, bheir sibh an aire gu'n dean sibh iad gu bràth; agus cha bhi eagal dhiathan eile oirbh.

38 Agus an coimhcheangal a rinn mise ribh cha dì-chuimhcheil sibh; agus cha bhi eagal dhiathan eile oirbh.

39 Ach bithidh eagal an Tighearna bhuir Dé oirbh, agus saoraidh esan sibh á làimh bhuir naimhdean uile.

40 Gidheadh cha d'éisd iad, ach rinn iad a réir an ceud ghnàthan.

41 Agus bha eagal an Tighearn' air na cinnich sin, gidheadh rinn iad seirbhís d'an dealbhaibh snaidhte féin, araon an clann, agus clann an cloinne: mar a rinn an aithrichean, is anhuil a tha iadsan a' deanamh gus an là'n diugh.

CAIB. XVIII.

1 *Rìoghachadh agus treubhantas Hesechia. 9 Ghlac Salmaneser Samaria. 13 Thàinig Senacherib a nìos an aghaidh bhailean Iudah, agus thog e cìs o Hesechia. 17 Chàin Rabsaceh Hesechia.*

AGUS anns an treas bliadhna de Hoseah mac Elah rìgh Israeil, thòisich Hesechia mac Ahais, rìgh Iudah, air rìoghachadh.

2 Cùig bliadhna fichead a dh'aois bha e 'n nair a thòisich e air rìoghachadh; agus rìghich e naoi bliadhna fichead ann an Ierusalem: agus *b'e* ainm a mhàthar Abi, nighean Shechariah.

3 Agus rinn e an *ni a bha* ceart ann an sùilbh an Tighearn', a réir nan uile nithean a rinn Daibhidh 'athair.

4 Chuir e air falbh na h-àitean àrda, agus bhris e na dealbhan, agus ghearr e sìos na doireachan, agus mùn-phlronn e an nathair umha a rinn Maois; oir gus na làithibh sin bha clann Israeil a' losgadh tùis dhi: agus thugadh Nehustan mar ainm oirre.

5 As an Tighearn Dia Israeil bha 'earbsadh; agus 'n a dhéigh cha robh neach sam bith cosmhail ris an measg uile rìghrean Iudah, no *aon* a bha roishe.

6 Oir dhlùth-lean e ris an Tighearn, cha do chlaon e o a leantuinn; ach ghléidh e 'àitheantan, a dh'àithn an Tighearn do Mhaois.

7 Agus bha 'n Tighearn maille ris: anns gach àite d'an deachaidh e, shoirbhich e.

Agus dh'éirich e 'n aghaidh rìgh Asiria, agus cha d'rinn e seirbhís dha.

8 Bhuail e na Philistich gu ruig Gasa, agus a chrìochan, o thùr an fìreiceadam gu ruig am baile daingnichte.

9 Agus anns a' cheathramh bliadhna de rìgh Hesechia, agus 's an t-seachdamh bliadhna de Hoseah mac Elah rìgh Israeil, thàinig Salmaneser, rìgh Asiria, a nìos an aghaidh Shamaria, agus theannaich se e.

10 Agus ghlac iad e an ceann thri bliadhna: anns an t-seathamh bliadhna de Hesechia, agus 's an naothamh bliadhna de Hoseah rìgh Israeil, ghlacadh Samaria.

11 Agus thug rìgh Asiria leis Israel do Asiria, agus chuir e iad ann an Halah agus ann an Habor *làimh ri* amhainn Ghosain, agus ann am bailtibh nam Medeach:

12 A chionn nach d'éisd iad ri guth an Tighearn' an Dé, ach gu'n do bhris iad a choimhcheangal, na h-uile *nithean* a dh'àithn Maois òglach an Tighearna; nach d'éisd iad *riu*, agus nach mò a rinn siad iad.

13 Agus anns a' cheathramh bliadhna deug de rìgh Hesechia thàinig Senacherib rìgh Asiria a nìos an aghaidh uile bhailean daingnichte Iudah, agus ghlac e iad.

14 Agus chuir Hesechia rìgh Iudah *teachdairean* gu rìgh Asiria do Lachis, ag ràdh, Chiontaich mi; pill uam: *an nì* a chuireas tu orm, giùlainidh mi. Agus chuir rìgh Asiria air Hesechia rìgh Iudah trì cheud tàlann airgid, agus deich tàlanna fichead òir.

15 Agus thug Hesechia *dha* an t-airgiod uile a fhuaradh ann an tigh an Tighearn', agus ann an ionmhasaibh tighe an rìgh.

16 Anns an àm sin ghearr Hesechia air falbh còmhlaichean teampull an Tighearn', agus na h-ursainnean a chòmhdaich Hesechia rìgh Iudah, agus thug e iad do rìgh Asiria.

17 Agus chuir rìgh Asiria Tartan, agus Rabsaris, agus Rabsacch, o Lachis gu rìgh Hesechia le sluagh mòr an aghaidh Ierusalem: agus air teachd a nìos doibh, thàinig iad agus sheas iad aig sruth-chlais na linne a's àrde, a *tha* air slighe achaidh an luadh-adair.

18 Agus an uair a dh'éigh iad ris an rìgh, thàinig a mach d'an ionnsuidh Eliacim mac Hileiah, a *bha* os ceann an teaghlaich, agus Sebna an sgrìobhaich, agus Ioas mac Asaiph an seanachaidh.

19 Agus thubhairt Rabsacch riu, A braibh a nis ri Hesechia, Mar so tha 'n rìgh mòr, rìgh Asiria, ag ràdh, Ciod an carbsadh mhòr so a th'agad?

20 Tha thu ag ràdh, (ach *is* briathran faoin iad.) Tha comhairle agus neart *agam* chum a' chogaidh: a nis ma ta cò as am bheil thu ag earbsadh, gu'n deanadh tu cogadh m'm' aghaidh-sa?

21 A uis, feuch, tha thu 'g earbsadh as an

luirg bhriste chuile sin, as an Eiphit, a théid, ma leigead duine a chudthrom oirre, a steach 'n a làimh, agus a thollas troimhe i. *Is ann mar so a tha Pharaoh righ na h-Eiphit dhoibhsan uile a dh'earbas as.*

22 Ach ma their sibh rium, As an Tighearn' ar Dia tha ar n-earbsadh: nach e so esan, a chuir Hesechia air falbh 'àitean arda, agus 'altairean, agus a thubhairt ri Iudah agus ri Ierusalem, Fa chomhair na h-altarach so sleuchdaidh sibh ann an Ierusalem?

23 A nis uime sin, guidheam ort, thoir gill do m' thighearn righ Asiria, agus bheir mise dhuit dà mhìle each, ma's urrainn thusa air do thaobh féin marcaich a chur orra.

24 Cionnus ma ta 'bheir thu air aon cheannard, de na seirbhisich a's lugha a tha aig mo thighearn-sa, 'aghaidh a thionndadh uait, agus a dh'earbas tu as an Eiphit air son charbad agus marc-shluaigh?

25 Ach a nis, an ann as eugmhais an Tighearn' a thàinig mis' a nìos an aghaidh an àite so, g'a sgrios? Is e 'n Tighearn a thubhairt riumsa, Falbh suas an aghaidh na tìre so, agus sgrios i.

26 An sin thubhairt Eliacim mac Hileciah, agus Sebna, agus Ioah, ri Rabsaceh, Labhair, guidheam ort, ri d' sheirbhisich anns a' chainnt Shirianaich, oir tuigidh sinn i; agus na labhair ruinn anns a' chainnt Iudhaich, an cluasaibh an t-sluaigh a tha air a' bhalla.

27 Ach thubhairt Rabsaceh riu, An ann a dh'ionnsuidh do thighearna-sa, agus a d' ionnsuidh-sa, a chuir mo thighearn mise a labhairt nam briathran so? nach ann a dh'ionnsuidh nan daoine a tha 'n an suidhe air a' bhalla, a chum gu'n ith iad an salchar féin, agus gu'n òl iad an uisge féin maille ribhse?

28 An sin sheas Rabsaceh, agus dh'éigh e le guth àrd anns a' chainnt Iudhaich, agus labhair e, ag ràdh, Eisdibh ri focal an righ mhòir, righ Asiria:

29 Mar so tha'n righ ag ràdh, Na mealladh Hesechia sibh, oir cha-n urrainn e blur saoradh a' m' làimh-sa:

30 Agus na tugadh Hesechia oirbh bhuir dòchas a chur 's an Tighearn', ag ràdh, Gu deimhin saoraidh an Tighearn sinne, agus cha toirear thairis am baile so do làimh righ Asiria.

31 Na h-éisdibh ri Hesechia: oir mar so tha righ Asiria ag ràdh, Deanaibh suas cairdeas riumsa, agus thigibh a mach a n' ionnsuidh, agus ithibh gach fear d'a chran-fiona, agus gach fear d'a chrann-fige féin, agus òlaibh gach fear uisge a thobair féin;

32 Gus an tig mise, agus gu'n toir mi air falbh sibh do thìr cosmhuil r'ur tìr féin, tìr arbhair agus fìona, tìr arain agus fhion-lìos, tìr olaidh a' chroinn olaidh, agus meala,

a chum gu'm bi sibh beò, agus nach faigh sibh bàs: agus na h-éisdibh ri Hesechia, an uair a chuireas e impidh oirbh, ag ràdh, Saoraidh an Tighearn sinn.

33 An do shaor riamh diathan nan cinn-each, gach aon a thìr féin, á làimh righ Asiria?

34 C'àit am bheil diathan Hamait, agus Arphaid? c'àit am bheil diathan Shephar-bhaim, Hena, agus Ibah? an do shaor iad Samaria as mo làimh-sa?

35 Cò am measg uile dhiathan nan dùch-annan, a shaor an tìr féin as mo làimh-sa, gu'n saoradh an Tighearn Ierusalem as mo làimh?

36 Ach bha 'n sluagh 'n an tosd, agus cha do fhreagair iad aon fhocal da: oir b'i àithne an righ dhoibh, Na tugaibh freagradh air.

37 An sin thàinig Eliacim mac Hileciah, a bha os ceann an teaghlaich, agus Sebna an sgrìobhaich, agus Ioah mac Asaiph an seanachaidh, gu Hesechia le'n eudach rcubta, agus dh'imis iad da briathran Rabsaceh.

CAIB. XIX.

1 Chuir Hesechia fios a dh'ionnsuidh Isaiah gu urnuigh a dheanamh air a shon. 20 Fàist-neachd Isaiah a thaobh Shenacherib. 33 Bhuail aingeal an Tighearn' armait nan Asirianach. 37 Chuir a mhic Senacherib gu bàs.

AGUS an uair a chuala Hesechia an righ e, reub e 'eudach, agus chòmhdaich se e féin le saic-eudach, agus chaidh e do thigh an Tighearna.

2 Agus chuir e Eliacim, a bha os ceann an tighe, agus Sebna an sgrìobhaich, agus seanairean nan sagart, còmhdaichte le saic-eudach, gu Isaiah am fàidh, mac Amois.

3 Agus thubhairt iad ris, Mar so tha Hesechia ag ràdh, *Is là teinn*, agus ach-mhasain, agus maslaidh an là so: oir tha clann air teachd gu inbhe breith, agus neart gu'm breith cha-n'èil ann.

4 Theagamh gu'n clinn an Tighearn do Dhia uile bhriathran Rabsaceh, a chuir a thighearn righ Asiria a mhaslachadh an Dé bheò; agus gu'n cronaich e na briathran a chual' an Tighearn do Dhia: tog suas d'urnuigh ma ta air son an fhuighill a dh'fhàgadh.

5 Uime sin an uair a thàinig seirbhisich righ Hesechia gu h-Isaiah,

6 Thubhairt Isaiah riu, Mar so their sibh r'ur tighearn, Mar so tha'n Tighearn ag ràdh, Na bitheadhagal ort roimh na briathraibh a chuala tu, leis an d'thug seirbhisich righ Asiria maslachadh dhomhsa.

7 Feuch, cuiridh mise spiorad ann, agus cluinidh e tuairesgeul, agus pillidh e d'a thìr féin; agus bheir mise air tuiteam leis a' chlàidheamh 'n a thìr féin.

8 Agus phill Rabsaceh, agus fhuair e rìgh

Asiria a' cogadh an aghaidh Libnah: oir chual' e gu'n d'fhalbh e o Lachis.

9 Agus an uair a chual' e 'g a ràdh mu Thirhacah rìgh Etiopia, Feuch, thàinig e mach a chogadh riut; chuir e teachdairean a ris gu Heseciah, ag ràdh,

10 Mar so labhraidh sibh ri Heseciah rìgh Iudah, ag ràdh, Na mealladh do Dhia thu, as am bheil thu 'g earbsadh, ag ràdh, Cha toirear Ierusalem thairis do làimh rìgh Asiria.

11 Feuch, chuala tu cìod a rinn rìghrean Asiria ris gach uile thìr, g' an sgrios gu tur; agus an saorar thusa?

12 An do shaor diathan nan cinneach iad-san a sgrios m'athrichean-sa, *eadhon* Gosan, agus Haran, agus Reseph, agus clann Edein a bha ann an Telasar?

13 C'ait am bheil rìgh Hamait, agus rìgh Arpaidd, agus rìgh mòr-bhaile Shepharbhaim, Hena, agus Ibhah?

14 Agus ghabh Heseciah an litir á làimh nan teachdairean, agus leugh e i: agus chaidh Heseciah suas do thigh an Tighearn, agus sgaoil e i 'am fianuis an Tighearna.

15 Agus rinn Heseciah urnuigh 'an làthair an Tighearn', agus thubhairt e, O Thighearna Dhé Israeil, a tha 'd chòmhnuidh *eadar* na cheruban, is tu féin Dia, thusa a'd aonar, *Dia* uile rìoghachdan na talmhainn; is tu a rinn na nèamhan agus an talamh.

16 Crom, a Thighearn', a nuas do chluas, agus éisd; fosgail, a Thighearna, do shùilean, agus faic: seadh chluin u briathran Shenacherib, a chuir e a mhaslachadh au Dé bheò.

17 Gu deimhin, a Thighearna, sgrios rìghrean Asiria na cinnich agus an tìrean;

18 Agus thilg iad an diathan 's an teine: oir cha *bu* diathan iad, ach oibre làmhan dhaoine, fiodh agus clach: uime sin sgrios siad iad.

19 A nis ma ta, O Thighearn' ar Dia, saor sinn, guidheam ort, as a làimh, chum gu'm bi fios aig uile rìoghachdaibh na talmhainn gur tusa an Tighearn Dia, thu féin a'd aonar.

20 An sin chuir Isaiah mac Amois *teachd-air* gu Heseciah, ag ràdh, Mar so tha'n Tighearn Dia Israeil ag ràdh, An urnuigh a rinn thu riumsa mu thimchioll Shenacherib rìgh Asiria, chuala mi.

21 So am focal a labhair an Tighearn mu thimchioll: Rinn òigh nighean Shioin tàir ort; rinn i gaire fanoidh riut; chrath nighean Ierusalem a ceann air do chùlaobh.

22 Cò d'an d'thug thu masladh agus toibheum? agus cò an aghaidh an d'ardaich thu do ghuth, agus a thog thu do shùilean gu h-àrd? an aghaidh *Ti* naoimh Israeil.

23 Le làimh do theachdairean mhaslaich thu an Tighearn', agus thubhairt thu, Le

lionmhoireachd mo charbad dhìrich mi àirde nam beann, shosan Lebanoin; agus gearraidh mi sìos a chraobhan seudair a's àirde, agus roghadh a chraobhan giuthais, agus théid mi stigh a dh'aitibh-tàimh a chrìche, frith a Charmeil.

24 Chladhaich mi agus dh'òl mi uisgeachan coimheach, agus le bonn mo chos thiormaich mi suas uile aimhnichean nan daingneach.

25 Nach cuala tu o cheann fada *cionnus* a rinn mi e, agus o'n aimsir cléin gu'n do dhealbh mi e? a nis thug mi gu crìch e, gu'm bitheadh tusa chum bailtean daingnichte fhàsachadh 'n an carnaibh sgrios.

26 Uime sin bha 'n luchd-àiteachaidh air bheag neirt: bha crith-eagal orra agus amhladh; bha iad mar fheur na macharach, agus mar an luibh ghlas, mar fheur mullaich nan tighean, agus mar arbhar seargta mu'm fàs e suas.

27 Ach is aithne dhomb d'àite-còmhnuidh, agus do dhòl a mach, agus do theachd a steach, agus fraoch d'fheirge a'm' aghaidh.

28 A chionn gu bheil fraoch d'fheirge a'm' aghaidh, agus d'onfhadh air teachd a nìs gu m' chluasaibh, uime sin cuiridh mi mo dhubhan a'd' shròin, agus mo shrian a'd' bheul, agus pillidh mi air d'ais thu 's an t-slighe air an d'thàinig thu.

29 Agus *bithidh* so 'n a chomharadh dhuit: Ithidh tu air a' bhliadhna so na nithean a dh'fhàsas leo féin, agus anns an dara bliadhna na nithean a chimeas asda sin; agus anns an treas bliadhna cuiridh agus buainidh sibh, agus suidhichidh sibh fionlioson, agus ithidh sibh d'an toradh.

30 Agus gabhaidh am fuigheall a théid as de thigh Iudah, fathast freumh sìos, agus cuiridh e toradh dheth.

31 Oir a' Ierusalem théid fuigheall a mach, agus iad-san a théid as o shliabh Shioin: ni eud Thighearna nan sluagh so.

32 Uime sin mar so tha'n Tighearn ag ràdh: mu thimchioll rìgh Asiria, Cha tig e do'n bhaile so, agus cha tilg e saighead ann, agus cha tig e fa chomhair le sgéith, agus cha chuir e suas tòrr 'n a aghaidh.

33 Air an t-slighe air an d'thàinig e, air an *t-slighe* cheudna pillidh e, agus cha tig e steach do'n bhaile so, ars' an Tighearn:

34 Oir dìonaidh mise am baile so chum a shaoradh, air mo shon féin, agus air son Dhaibhidh m'òglach.

35 Agus air an oidheche sin féin chaidh aingeal an Tighearna mach, agus bhual e ann an camp nan Asirianach ceud agus ceithir fichead agus cùig mìle: agus an uair a dh'èirich iad gu moch anns a' mhadaunn, feuch, *bha* iad uile 'n an corpaibh marbha.

36 Agus dh'imich Senacherib rìgh Asiria, agus chaidh e agus phill e, agus ghabh e còmhnuidh ann an Nìnebbeh.

37 Agus an uair a bha e ri aoradh ann an

tigh Nisroich a dhé, bhuail Adramelech agus Sareser a mhic e leis a' chaidheamh; agus theich iad do thìr Armenia: agus rìghich Esarhadon a mhac 'n a àit.

CAIB. XX.

1 'N uair bha Hesechia tinn gu bàs rinn e urnuigh ri Dia, agus fhuair e gealladh gu'm maireadh e beò. 12 Chuir Berodach-baladan teachdairean d'a ionnsuidh, agus dh'fheuch e dhoibh na h-uile nithean a bha 'n a thigh. 21 Fhuair Hesechia bàs, agus rìghich Manaseh 'n a àit'.

ANNS na làithibh sin bha Hesechia tinn gu bàs; agus thàinig am fàidh Isaiah mac Amois d'a ionnsuidh, agus thubhairt e ris, Mar so tha'n Tighearn ag ràdh, Cuir do thigh 'an ordugh, oir gheibh thu bàs, agus cha bhli thu beò.

2 An sin thionndaidh e 'aghaidh ris a' bhalla, agus rinn e urnuigh ris an Tighearn, ag ràdh,

3 Guidheam ort, O Thighearna cuimhnich a nis cionnus a ghluais mi a'd' làthair ann am fìrinn, agus le cridhe iomlan, agus a rinn mi an *nì a tha* maith a'd' shùilibh. Agus ghuil Hesechia gu goirt.

4 Agus mu'n deachaidh Isaiah mach do'n chùirt mhacdhonaich, thàinig focal an Tighearna d'a ionnsuidh, ag ràdh,

5 Pill, agus abair ri Hesechia ceannard mo shluagh, Mar so tha'n Tighearn, Dia Dhaibhidh d'athar, ag ràdh, Chuala mise d'urnuigh, chunnaic mi do dheoir: fèich, slànuchidh mi thu; air an treas là theid thu suas do thigh an Tighearna.

6 Agus cuiridh mi ri d' làithibh cùig bliadhna deug; agus saoraidh mi thusa, agus am baile so, a làimh rìgh Asiria; agus dìonaidh mi am baile so air mo shon féin, agus air son Dhaibhidh m'òglaich.

7 Agus thubhairt Isaiah, Gabhaibh meall fhigisean. Agus ghabh agus chuir iad e air an neascaid, agus shlànuicheadh e.

8 Agus thubhairt Hesechia ri Isaiah, Ciod an comharadh gu'n leighis an Tighearn mi, agus gu'n téid mi suas air an treas là do thigh an Tighearna?

9 Agus thubhairt Isaiah, *Bithidh* so 'n a chomharadh dhuit o'n Tighearn, gu'n dean an Tighearn an nì a labhair e: An téid an dubhar air aghaidh deich ceumannan, no'n téid e air ais deich ceumannan?

10 Agus fhreagair Hesechia, Is suarach an nì do'n dubhar dol sìos deich ceumannan; nì h-cadh, ach pilleadh an dubhar air ais deich ceumannan.

11 Agus ghlaodh Isaiah am fàidh ris an Tighearn; agus thug e air ais an dubhar deich ceumannan, a chaidh e sìos air ceumannaibh Ahais.

12 'S an àm sin chuir Berodach-baladan mac Bhaladain, rìgh Bhabilon, *teachdairean* le litricheibh agus tiodhlac gu Hesechia: oir chual' e gu'n robh Hesechia tinn.

13 Agus rinn Hesechia gairdeachas os an ceann, agus dh'fheuch e dhoibh uile thigh tasgaidh a nithean luachmhor, an t-airgid, agus an t-òr, agus na spìosraidh, agus an oladh luachmhor, agus a thigh armachd, agus na nithean uile a fhuaradh 'n na ionmhasaibh: cha robh nì 'n a thigh, no 'n a rìoghachd uile, nach d'fheuch Hesechia dhoibh.

14 An sin thàinig Isaiah am fàidh gu rìgh Hesechia, agus thubhairt e ris, Ciod a thubhairt na daoine so? agus cia as a thàinig iad a'd' ionnsuidh? agus thubhairt Hesechia, Thàinig iad o thìr chéin, o Bhabilon.

15 Agus thubhairt e, Ciod a chunnaic iad a'd' thigh? Agus fhreagair Hesechia, Na h-uile *nithean a tha a'm* thigh chunnaic iad: cha-n'eil nì ann am ionmhasaibh nach d'fheuch mi dhoibh.

16 Agus thubhairt Isaiah ri Hesechia, Eisd ri focal an Tighearna:

17 Fèuch, tha na làithean a' teachd, anns am bi na h-uile *nithean a tha* ann ad thigh, agus na h-ionmhasan a thaisg d' aithrich-eann suas gus an là'n diugh, air an giùlan gu Babilon: cha-n' fhàgar nì air bith, ars' an Tighearn.

18 Agus *cuid* de d' mhacaibh a thig uait, a ghineas tu, bheir iad leo, agus bithidh iad 'n an caillteanaich ann an lùchairt rìgh Bhabilon.

19 An sin thubhairt Hesechia ri Isaiah, *Is* maith focal an Tighearn' a labhair thu: thubhairt e mar an ceudna, Nach *maith*, ma bhios sìth agus fìrinn a'm làithibh-sa?

20 Agus a' chuid eile de ghnìomharaibh Hesechia, agus a thréine uile, agus mar a rinn e lochan, agus sruth-chlais, agus a thug e uisge steach do'n bhaile, nach 'eil iad sgrìobhta ann an leabhar eachdraidh rìghrean Iudah?

21 Agus choidil Hesechia maille r'a aithrichibh: agus rìghich Manaseh a mhac 'n a àit.

CAIB. XXI.

1 *Rìoghachadh aingidh agus òdhol - aoradh Mhanaseh.* 10 *Fàisneachd an aghaidh Iudah.* 17 *Fhuair Manaseh bàs, agus rìghich Amos 'n a àit.* 23 *Mharbh a sheirbhiseich Amos: 26 rìghich Iosiah 'n a àit.*

DA bhliadhna dheug a dh'aois bha Manaseh 'n uair a thòisich e air rìoghachadh, agus rìghich e cùig bliadhna deug agus dà fhichead ann an Ierusalem: agus b'e ainm a mhàthar Hephzibah.

2 Agus rinn e ole ann an sùilb an Tighearn, a réir ghràineileachd nan cinneach, a thilg an Tighearn mach roimh chloinn Israeil.

3 Oir thog e suas a rìs na h-àitean àrda a sgrìos Hesechia 'athair; agus chuir e suas altairean do Bhaal, agus rinn e doire, mar a rinn Ahab rìgh Israeil; agus

shleuchd e do uile armailt nèimh, agus rinn e seirbhis doibh.

4 Agus thog e altairean ann an tigh an Tighearna, mu'n dubhairt an Tighearn, Ann an Ierusalem cuiridh mi m'ainm.

5 Agus thog e altairean do uile armailt nèimh, ann an dà chùirt tìghe an Tighearna.

6 Agus thug e air a mhac dol troimh 'n teine, agus thug e fairear amannan, agus ghnàthaich e druidheachd, agus chuir e air chois leannainshith, agus luchd-fiosachd: dh'oibrich e mòr aingidheachd ann an suilbhan an Tighearna, g'a bhrosnachadh gu fèirg.

7 Agus chuir e dealbh snaidhte an doire a rinn e, anns an tigh mu'n dubhairt an Tighearn ri Daibhidh, agus ri Solamh a mhac, Anns an tigh so, agus ann an Ierusalem, a thagh mi a uile threubhan Israeil, cuiridh mi m'ainm gu bràth.

8 Cha mhò a bheir mi air cosaibh Israeil caruchadh tuilleadh a mach as an fhearann a thug mi d'an aithrichibh; a mhàin ma bheir iad an aire gu'n dean iad a réir nan uile *nithean* a dh'àithn mise dhoibh, agus a réir an lagha uile a dh'àithn m'òglach Maois dhoibh.

9 Ach cha d'éisd iad: agus tharruing Manaseh iad gu tuilleadh uile a dheanamh na rinn na cinnich, a sgrìos an Tighearn roimh chloinn Israeil.

10 Agus labhair an Tighearn le 'sheirblisich na fàidhean, ag ràdh,

11 A chionn gu'n d'rinn Manaseh rìgh Iudah na gràineileachdan so, agus gu'n d'rinn e nì's mìosa na na h-uile *nithean* a rinn na h-Amoraich a *bha* roimhe, agus gu'n d'thug e air Iudah mar an ceudna peacachadh le iodholaibh:

12 Uime sin mar so tha'n Tighearn Dia Israeil ag ràdh, Feuch, *tha* mi 'tabhairt uile air Ierusalem agus Iudah, a bheir air gach neach a chluinneas e, gu'm bi gaoir 'n a dhà chluais.

13 Agus sìnidh mi mach os ceann Ierusalem sreang-thombais Shamaria, agus sreang-riaghailt tìghe Ahaib: agus glanaidh mi as Ierusalem mar a ghlanas *neach* soith-each, g'a ghlanadh, agus a' tionndadh a bheoil foidh.

14 Agus tréigidh mi fuigheall m'òighreachd, agus bheir mi iad do làimh an naimhdean; agus bitheadh iad 'n an creich agus 'n an cobhartach d'an naimhidh uile;

15 A chionn gu'n d'rinn iad ole a'm shùilbhan, agus gu'n do bhrosnaich iad mi gu fèirg o'n là 's an d'thàinig an aithrichean mach as an Eiphit, eadhon gus an là 'n d'ingh.

16 Os bàrr, dhàirt Maneseh fuil ned-chiontach gu ro mhòr, gus an do lìon e Ierusalem o cheann gu ceann, a thuillcadh air a pheacadh féin leis an d'thug e air

Iudah peacachadh, le ole a dheanamh ann an suilbhan an Tighearna.

17 Agus a' chuid eile de ghnìomharaibh Mhanaseh, agus na h-uile *nithean* a rinn e, agus a pheacadh a rinn e, nach 'eil iad sgrìobhta ann an leabhar eachdraidh rìghrean Iudah?

18 Agus choidil Manaseh maille r'a aithrichibh, agus dh'adhlacadh e ann an lios a thighe féin, ann an lios Udsa: agus rìgh-ich Amon a mhac 'n a àit.

19 Dà bhliadhna thar fhichead a dh'aois *bha* Amon an uair a thòisich e air rìgh-achadh; agus rìghich e dà bhliadhna ann an Ierusalem: agus *b'e* ainm a mhàthar Mesulemet, nighean Haruis o Iotbah.

20 Agus rinn e ole ann an suilbhan an Tighearna, mar a rinn Manaseh 'athair.

21 Agus dh'imich e anns an uile shlighe 's an d'imich 'athair, agus rinn e seirbhis do na h-iodholaibh d'an d'rinn 'athair seirbhis, agus rinn e aoradh dhoibh:

22 Agus thréig e 'n Tighearn Dia 'aithrichean, agus cha do ghluais e ann an slighe an Tighearna.

23 Agus rinn seirbhisich Amoin ceannaire 'n a aghaidh, agus mharbh iad an rìgh 'n a thìgh féin.

24 Agus mharbh sluagh na tìre iadsan uile a rinn ceannaire an aghaidh rìgh Amoin; agus rinn sluagh na tìre Iosiah a mhac 'n a rìgh 'n a àit.

25 Agus a' chuid eile de ghnìomharaibh Amoin a rinn e, nach 'eil iad sgrìobhta ann an leabhar eachdraidh rìghrean Iudah?

26 Agus dh'adhlac iad e 'n a uaigh féin ann an lios Udsa: agus rìghich Iosiah a mhac 'n a àit.

CAIB. XXII.

1 *Dh'orduich Iosiah tigh an Tighearn' a chàradh. 8 Fhuair Hìciai leabhar an lagha, agus leugh Saphan e an làthair an rìgh. 12 Dh'fhiosraich Iosiah de Dhia thaobh thrìatharan an lagha. 15 Roimh-innis Huldah syrios Ierusalem.*

OCHD bliadhna dh'aois *bha* Iosiah 'n uair a thòisich e air rìghachadh, agus rìghich e aon bhliadhna deug thar fhichead ann an Ierusalem: agus *b'e* ainm a mhàthar Iedidah, nighean Adaiah o Bhoscat.

2 Agus rinn e an *ni* a *bha* ceart ann an suilbhan an Tighearn', agus dh'imich e ann an uile shlighe Dhaibhidh 'athar, agus cha do chlaon e dh'ionnsuidh na làimhe deise no na làimhe clìthe.

3 Agus anns an ochdamh bliadhna deug de rìgh Iosiah, chuir an rìgh Saphan mac Asaliah, mhic Mhesulaim, an sgrìobhaiche, do thigh an Tighearn', ag ràdh,

4 Falbh suas gu Hìciai an t-àrd shagart, chum gu'n àireamh e an t-airgid a thugadh do thigh an Tighearn', a chruinnich luchd-gleidhidh an doruis o'n t-slagh:

5 Agus thugadh iad e do làimh luchd

deanamh na h-oibre, dhoibhsan a tha os ceann tìghe an Tighearn': agus thugadh iadsan e do luchd deanamh na h-oibre, a tha ann an tìgh an Tighearn', a chàradh brisidh an tìghe;

6 Do shaoir, agus do luchd togail, agus do chlachairibh, agus a cheannach fiodha, agus chlach snaidhte, a chàradh an tìghe.

7 Gidheadh, cha d'rinneadh cunntas riu thaobh an airgid a thugadh d'an làimh, a chionn gu'n d'rinn iad gu h-ionraic.

8 Agus thubhairt Hilciah an t-àrd shagart ri Saphan an sgrìobhaiche, Fhuair mi leabhar an lagha ann an tìgh an Tighearn': agus thug Hilciah an leabhar do Shaphan, agus leugh se e.

9 Agus thàinig Saphan an sgrìobhaiche dh'ionnsuidh an rìgh, agus dh'aithris e 'n gnothuch do'n rìgh, agus thubhairt e, Chruinnich do sheirbhisich an t-airgid a fhuaradh anns an tìgh, agus thug iad e do làimh luchd deanamh na h-oibre, a bha os ceann tìghe an Tighearna.

10 Agus dh'innis Saphan an sgrìobhaiche do'n rìgh, ag ràdh, Thug Hilciah an sagart leabhar dhomh: agus leugh Saphan e an làthair an rìgh.

11 Agus an uair a chual' an rìgh briathran leabhair an lagha, reub e 'eudach.

12 Agus dh'àithn an rìgh do Hilciah an sagart, agus do Ahicam mac Shaphan, agus do Achbor mac Mhicaiah, agus do Shaphan an sgrìobhaiche, agus do Asahiah seirbhisich an rìgh, ag ràdh,

13 Rachaidh, fiosraichibh de'n Tighearn' air mo shon-sa, agus air son an t-sluaigh, agus air son Iudah uile, thaobh bhriathran an leabhair so a fhuaradh: oir is mòr fearg an Tighearn' a tha air lasadh 'n ar n-aghaidh, a chionn nach d'èisd ar n-aithrichean ri briathraibh an leabhair so, a dheanamh a réir *gach nì* a tha sgrìobhta d'ar taobh.

14 Uime sin chaidh Hilciah an sagart, agus Ahicam, agus Achbor, agus Saphan, agus Asahiah, dh'ionnsuidh Hulda na ban-fhàidh, mnà Shalumh mhic Thiebha, mhic Harhais, fir-gleidhidh an eudaich, (a nis *bha* i 'chòmhnuidh ann an Ierusalem anns an oil-thigh.) agus labhair iad rithe.

15 Agus thubhairt i riu, Mar so tha'n Tighearn Dia Israeil ag ràdh, Innsibh do'n duine a chuir a' m' ionnsuidh-sa sibh,

16 Mar so tha'n Tighearn ag ràdh, Feuch, bheir mise olc air an àite so, agus air a luchd-àiteachaidh, *eadhon* uile bhriathran an leabhair a leugh rìgh Iudah:

17 A chionn gu'n do thréig iad mise, agus gu'n do loisg iad tùis do dhiathaibh eile, chum mo bhrosnachadh gu corruich le uile oibrigh an làmh: uime sin lasaidh m'fhearg an aghaidh an àite so, agus cha mhùchar i.

18 Ach ri rìgh Iudah a chuir sibh a dh'fhiosrachadh de'n Tighearn, mar so their sibh ris, Mar so tha'n Tighearn Dia

Israeil ag ràdh, *A thaobh* nam briathran a chual' thu,

19 A chionn gu'n robh do chridhe tiom, agus gu'n d'irislich thu thu féin an làthair an Tighearna, 'n uair a chual' thu ciod a labhair mise an aghaidh an àite so, agus an aghaidh a luchd-àiteachaidh, gu'm biodh iad 'n am fàsach, agus 'n am mallachadh, agus *gu'n* do reub thu d'eudach, agus *gu'n* do ghluith thu a'm' fhianuis; chuala mise mar an ceudna *thusa*, ars' an Tighearn.

20 Feuch uime sin, cruinnichidh mise thu chum d'aithrichean, agus cruinnichear thu do d' uagha 'an sìth, agus cha-n fhaic do shùilean an t-olc sin uile a bheir mise air an àite so. Agus thug iad *fios* a ris a dh'ionnsuidh an rìgh.

CAIB. XXIII.

1 *Leugh Iosiah leabhar an lagha 'an éisdeachd an t-sluaigh;* 3 *Rinn e coimhcheangal 'am fianuis an Tighearna:* 4 *Chuir e air falbh iodhol-aoradh,* 24 *leannain-slàth, agus luchd-fiosachd.* 29 *Mharbh Pharaoh-necho Iosiah aig Megido, agus rìghich Iehoahas 'n a dhì.*

AGUS chuir an rìgh *teachdairean uaith*, agus chruinnich d'a ionnsuidh uile sheanairean Iudah, agus Ierusalem.

2 Agus chaidh an rìgh suas do thigh an Tighearn', agus daoine Iudah uile, agus uile luchd-àiteachaidh Ierusalem maille ris, agus na sagartan, agus na fàidhean, agus an sluagh uile eadar bheag agus mhòr: agus leugh e 'n an éisdeachd uile bhriathran leabhair a' choimhcheangail, a fhuaradh ann an tìgh an Tighearna.

3 Agus sheas an rìgh làmh ri post, agus rinn e coimhcheangal 'am fianuis an Tighearna, gu'n gluaiseadh iad an dèigh an Tighearn', agus gu'n gleidheadh iad àitheantan, agus a theisteis, agus a reachdan, le'n uile chridhe, agus le'n uile anam, a choimh-ionadh bhriathran a' choimhcheangail so, a tha sgrìobhta 's an leabhar so: agus sheas an sluagh uile ris a' choimhcheangal.

4 Agus dh'àithn an rìgh do Hilciah an t-àrd shagart, agus do shagartaibh an dara *orduigh*, agus do luchd-gleidhidh an doruis, na soithichean uile a rinneadh do Bhaal, agus do'n doire, agus do uile armailt nèimh, a thoirt a mach a teampull an Tighearn': agus loisg e iad an taobh a muigh de Ierusalem ann am machairibh Chidroin, agus ghiulain e'n luath gu Bet-el.

5 Agus chuir e as do shagartaibh an iodhol-aoraidh, a dh'orduich rìghrean Iudah a losgadh tùis anns na h-àitibh àrda, ann am mòr-bhailtibh Iudah, agus anns na h-àitibh mu thimchioll Ierusalem; iadsan mar an ceudna a loisg tùis do Bhaal, do'n ghréin, agus do'n ghealaich, agus do na reultaibh siùbhlach, agus do uile armailt nèimh.

6 Agus thug e'n doire o thigh an Tighearn', an taobh a mach de Ierusalem, gu sruth Chidroin, agus loisg se e aig sruth Chidroin,

agus mhìn-phronn e gu luaithe e, agus thilg e a luaithe air uaighibh cloinne an t-sluaigh.

7 Agus bhris e sìos tighean nan Sodomach a *bha* làimh ri tigh an Tighearna, far an robh na mnathau a' figheadh chùirtean do'u doire.

8 Agus thug e mach na sagartan uile á bailtibh Iudah, agus thruaill e na h-àitean àrda far an do loisg na sagartan tùis, o Gheba gu Beer-seba, agus bhris e sìos àitean àrda nan geata, a *bha* ann an dol a stigh geata Iosua uachdarain a' bhaile, a *bha* air làimh chli duine ann an geata a' bhaile.

9 Gidheadh, cha deachaidh sagartan uan àitean àrda suas gu altair an Tighearn' ann an Ierusalem, ach dh'ith iad aran ueo-ghoirtiche an measg am bràithrean.

10 Agus thruaill e Tophet a *tha* ann an gleann mhic Hinnoinn, a chum nach feudadh duine air bith toirt air a mhac no air a nighinn dol troimh 'n teine do Mholach.

11 Agus thug e air falbh na h-eich a thug rìghrean Iudah do'n ghréin, o dhol a steach tighe an Tighearna, làimh ri seòmar Natan-meileich a' chailteauaich, a *bha* 's a' mhach-bhaile, agus loisg e carbadan na gréine le teine.

12 Agus na h-altairean a *bha* air mullach seòmair uachdaraich Ahais, a riun rìghrean Iudah, agus na h-altairean a riun Manasch ann an dà chùirt tighe an Tighearna, thilg an rìgh sìos, agus bhris e o sin iad, agus thilg e 'n luaithe ann an sruth Chidroin.

13 Agus na h-àitean àrda a *bha* fa chomh-air Ierusalem, a *bha* air an làimh dheis de shliabh na truaidhidheachd, a thog Solamh rìgh Israeil do Astarot gràineileachd nan Sidonach, agus do Chemos gràineileachd nam Moabach, agus do Mhilcom gràineileachd chloinn Amoin, thruaill an rìgh.

14 Agus bhris e 'n am bloighdibh na dealbhan, agus ghearr e sìos na doireachan, agus lion e 'u àitean le cnàmhan dhaoine.

15 Os bàrr, an altair a *bha* aig Bet-el, agus an t-àit àrd a riun Ieroboam mac Nebait, a thug air Israel peacachadh, araon an altair agus an t-àit àrd bhris e sìos, agus loisg e 'u t-àit àrd; agus mhìn-phronn e gu luaithe e, agus loisg e 'n doire.

16 Agus an uair a thionndaidh Iosiah mu'n cuairt, chunnaic e na h-uaighean a *bha* 'n sin 's an t-sliabh, agus chuir e daoine naith, agus thug e na cnàmhan as na h-uaighean, agus loisg e iad air an altair, agus thruaill e i, a réir focail an Tighearn', a labhair òglach Dhé a chuir 'an céill na briathran so.

17 An sin thubhairt e, Cìod e an carragh so a *tha* mi 'faicinn? Agus thubhairt daoine a' bhaile ris, *Is i* uaigh òglach Dhé a th'ann, a thàinig o Iudah, agus a chuir 'an céill na nithean sin a riun thusa an aghaidh altarach Bhet-eil.

18 Agus thubhairt e, Leigibh leis; na

ghuaiseadh duine sam bith a chnàmhan-sa: agus leig iad tàmh d'a chnàmhan maille ri cnàmhan an fhàidh a thàinig á Samaria.

19 Agus mar an ceudna uile thighean nan àitean àrda a *bha* ann am bailtibh Shamaria, a riun rìghrean Israeil a bhrosnachadh an Tighearna gu feirg, thug Iosiah air falbh, agus rinn e riu a réir uan uile ghnìomh a riun e ann am Bet-el.

20 Agus mharbh e uile shagartan nau àitean àrda a *bha* 'n sin air na h-altairibh, agus loisg e cnàmhan dhaoine orra, agus phill e gu h-Ierusalem.

21 Agus dh'àithn an rìgh do'n t-sluaigh uile, ag ràdh, Cumaibh a' chàisg do'n Tigh-earn bhur Dia, mar *tha* e sgrìobhta ann an leabhar a' choimhcheangail so.

22 Gu cinnteach cha do chumadh a leithid so de chàisg, o làithibh nam breitheamh a thug breth air Israel, no ann an uile làithibh rìghrean Israeil, no rìghrean Iudah:

23 Ach anns an ochedamh bliadhna deug de rìgh Iosiah, chumadh a' chàisg so do'u Tighearn, ann an Ierusalem.

24 Os bàrr, na leannain-shìth, agus an luchd-fiosachd, agus na dealbhan, agus na h-ìodholan, agus gach uile ghràineileachd a chunnacas ann au tìr Iudah, agus anu an Ierusalem, chuir Iosiah air falbh, a chum gu'n coimhlionadh e briathran an lagha, a *bha* sgrìobhta 's an leabhar a fhuair Hileiah an sagart ann an tigh an Tighearna.

25 Agus cosmhuil ris-san cha robh rìgh air bith roimhe, a phill a dh'ionnsuidh an Tighearna le 'uile chridhe, agus le 'uile anam, agus le 'uile neart, a réir lagha Mhaois uile; agus 'n a dhéigh cha d'éirich a shamhuil.

26 Gidheadh, cha do phill an Tighearn o theas 'fheirge mòire, leis an do las 'fhearg an aghaidh Iudah, air son nan uile bhrosnachadh leis an do bhrosnach Manasch e.

27 Agus thubhairt an Tighearn, Atharraichidh mi Iudah mar an ceudna as mo shealladh, mar a dh'atharraich mi Israel, agus cuiridh mi eul gu tur ris a' mhòr-bhaile so Ierusalem, a thagh mi, agus ris an tigh mu'n dubhairt mi, Bitidh m'ainm au sin.

28 Agus a' chuid eile de ghnìomharaibh Iosiah, agus na h-uile nithean a riun e, nach 'eil iad sgrìobhta au an leabhar eachdraidh rìghrean Iudah?

29 'N a làithibh-san chaidh Pharaoh-neeho rìgh na h-Eiphit suas an aghaidh rìgh Asiria gu amhainn Euphrates: agus chaidh rìgh Iosiah 'n a aghaidh, agus mharbh esan e aig Megido 'n uair a chunnaic se e.

30 Agus ghiùlain a sheirbhiseich e marbh ann an carbad o Mhegido, agus thug iad e gu h-Ierusalem, agus dh'adhlac iad e 'n e uaigh féiu; agus ghabh sluagh na tìre Iehoahas mac Iosiah, agus dh'ung iad e, agus rinn iad 'n a rìgh e 'an àit 'athar.

31 Tri bliadhna fichead a dh'aois *bha* Ieohas an uair a thòisich e air rìoghachadh; agus rìghich e trì mìosan ann an Ierusalem: agus *be* ainm a mhàthar Hamutal, nighean Jeremiah o Libnah.

32 Agus rinn e ole ann an sùilibh an Tighearn', a réir nan uile *nithean* a rinn 'aithrichean.

33 Agus chuir Pharaoh-necho e ann an cuibhreachaibh aig Riblah, ann an tìr Hamait, a chum nach rìoghaicheadh e ann an Ierusalem; agus chuir e ceud tàlann airgid, agus tàlann òir, mar chis air an tìr.

34 Agus rinn Pharaoh-necho Eliacim mac Iosiah 'n a rìgh 'an àit Iosiah 'athar, agus dh'atharraich e 'ainm gu Iehoiacim, agus thug e air falbh Ieohas; agus thàinig e do'n Eiphit, agus dh'eug e an sin.

35 Agus thug Iehoiacim an t-airgid agus an t-òr do Pharaoh: ach thug e fainear an tìr a mheas a chum gu'n ìocadh iad an t-airgid a réir àithne Pharaoh; dh'iarr e 'n t-airgid agus an t-òr o shluagh na tìre, o gach neach a réir a mheas, gus a thabhairt do Pharaoh-necho.

36 Cùig bliadhna fichead a dh'aois *bha* Iehoiacim an uair a thòisich e air rìoghachadh, agus rìghich e aon bhliadhna deug ann an Ierusalem; agus *be* ainm a mhàthar Sebudah, nighean Phedaiah o Rumah.

37 Agus rinn e ole ann an sùilibh an Tighearn', a réir nan uile *nithean* a rinn aithrichean.

CAIB. XXIV.

1 Rinn Iehoiacim ceannaire an aghaidh Nebuchadnesair. 5 Fhuair e bàs, agus rìghich Iehoiachin 'n a àit. 7 Bhuaidhach rìgh Bhabiloìn air rìgh na h-Eiphit. 10 Ghlac Nebuchadnesair Ierusalem, agus thug e leis Iehoiachin 'am braidheanas do Bhabiloìn. 17 Rinneadh Sedeciah 'n a rìgh 'n a àit.

'N A làithibh-san thàinig Nebuchadnesair rìgh Bhabiloìn a nìos, agus *bha* Iehoiacim 'n a sheirbhiseach aige trì bliadhna: an sin phill e agus rinn e ceannaire 'n a aghaidh.

2 Agus chuir an Tighearn 'n a aghaidh buidhnean de na Caldeanaich, agus buidhnean de na Sirianaich, agus buidhnean de chloinn Amoin, agus chuir e iad an aghaidh Iudah g'a sgrios, a réir focail an Tighearn', a labhair e le 'sheirbhisich na fàidhean.

3 Gu cinnteach air àithne an Tighearna thàinig so air Iudah, chum an atharrachadh as a shealladh air son pheacaidhean Mhanaseh, a réir nan uile *nithean* a rinn e:

4 Agus mar an ceudna air son na fola neò-chiontaich a dhòirt e; oir lìon e Ierusalem le fuil neò-chiontaich, nach matheadh an Tighearn.

5 Agus a' chuid eile de ghnìomharaibh Iehoiacim, agus na h-uile *nithean* a rinn e,

nach 'eil iad sgrìobhta ann an leabhar eachdraidh rìghrean Iudah?

6 Agus choidil Iehoiacim maille r'a aithrichibh: agus rìghich Iehoiachin a mhae 'n a àit.

7 Agus cha d'fhàinig rìgh na h-Eiphit nì's mò as a thùr féin: oir ghlac rìgh Babiloin o amhainn na h-Eiphit gus an amhainn Euphrates, gach nì 'bu le rìgh na h-Eiphit.

8 Ochd bliadhna deug a dh'aois *bha* Iehoiachin an uair a thòisich e air rìoghachadh; agus rìghich e ann an Ierusalem trì mìosan: agus *be* ainm a mhàthar Nehusta, nighean Elmatain o Ierusalem.

9 Agus rinn e ole ann an sùilibh an Tighearn', a réir nan uile *nithean* a rinn 'athair.

10 Anns an àm sin thàinig seirbhisich Nebuchadnesair rìgh Babiloin a nìos an aghaidh Ierusalem, agus theannaicheadh an baile.

11 Agus thàinig Nebuchadnesair rìgh Babiloin an aghaidh a' bhaile, agus theannaich a sheirbhisich e.

12 Agus chaidh Iehoiachin rìgh Iudah a mach a dh'ionnsuidh rìgh Bhabiloìn, e féin, agus a mhàthair, agus a sheirbhisich, agus a cheannardan, agus a chaillteanaich: agus ghlac rìgh Babiloin e 's an ochdamh bliadhna d'a rìoghachadh.

13 Agus thug e mach as a sin uile ionmhais tighe an Tighearn', agus ionmhais tighe an rìgh, agus ghearr e 'n am bloigh-dìbh na soithichean òir uile a rinn Solamh rìgh Israeil ann an teampull an Tighearna, mar a labhair an Tighearn.

14 Agus thug e leis Ierusalem uile, agus na ceannardan uile, agus na daoine treuna uile, deich mìle de bhraighdibh, agus an luchd-ceirde uile, agus na goibhnean: cha d'fhan a h-aon ach bochdan sluaigh na tìre.

15 Agus thug e leis Iehoiachin do Babilon, agus màthair an rìgh, agus mnathan an rìgh, agus a chaillteanaich, agus daoine cumhachdach na tìre; *iad sin* thug e leis 'am braidheanas, o Ierusalem do Babilon:

16 Agus na daoine gaisgeil uile, seachd mìle, agus an luchd-ceirde agus na goibhnean, mìle, iadsan uile a *bha* comasach agus a dheanadh cogadh, eadhon iadsan thug rìgh Bhabiloìn 'am braidheanas leis do Babilon.

17 Agus rinn rìgh Bhabiloìn Mataniah bràthair 'athar 'n a rìgh 'n a àit, agus dh'atharraich e 'ainm gu Sedeciah.

18 Bliadhna thar fhichead a dh'aois *bha* Sedeciah 'n uair a thòisich e air rìoghachadh; agus rìghich e aon bhliadhna deug ann an Ierusalem: agus *be* ainm a mhàthar Hamutal, nighean Jeremiah o Libnah.

19 Agus rinn e ole ann an sùilibh an

Tighearn', a réir nan uile *nithean* a rinn Iehoiaicim.

20 Oir troimh chorruich an Tighearna bha e *mar sin* ann an Ierusalem agus ann an Iudah, gus an do thig e as a lathair iad: agus rinn Sedeciah ceannaire an aghaidh rìgh Bhabiloin.

CAIB. XXV.

1 *Thiannaich Nebuchadnesar Ierusalem.* 4 *Ghlac e Sedeciah, agus chuir e nach a shùil-ean.* 8 *Loisg Nebusaradan Ierusalem.* 18 *Mharbhadh uaislean Iudah aig Riblah.* 23 *Chuir Ismael Gedaliah gu bàs.* 27 *Nochd Eblil-merodach caoinneas do Iehoiaichin.*

AGUS anns an naothamh bliadhna d'a rìoghachadh, 's an deicheamh mìos, air an deicheamh là d'èin mhìos, thàinig Nebuchadnesar rìgh Bhabiloin, e fèin agus 'armailt uile, an aghaidh Ierusalem, agus champaich e 'n a h-aghaidh; agus thog iad daingnichean 'n a h-aghaidh mu'n cuairt.

2 Agus bha am baile air a theannachadh gus an aon bhliadhna deug de rìgh Sedeciah.

3 Agus air an naothamh là d'èin *cheathramh* mìos, bhuadaich a' ghorta 's a' bhaile, agus cha robh aran ann do shluagh na tire.

4 Agus bhriseadh sìos am baile, agus theich na fir-chogaidh uile 's au oidhche, air slighe a' gheata, eadar an dà bhalla, a *tha* lùimh ri lìos an rìgh; (a nis *bha* na Caldeanaich an aghaidh a' bhaile mu'n cuairt; agus dh'imich iad air an t-slighe dh'ionnsuidh a' còmhnaidh).

5 Agus lean armailt nan Caldeanach an rìgh, agus rug iad air ann an còmhnradaibh Iericho; agus sgapadh 'armailt uile uaith.

6 Mar sin ghlac iad an rìgh, agus thug iad suas e dh'ionnsuidh rìgh Bhabiloin gu Riblah; agus thug esan breth air.

7 Agus mharbh e mic Shedeciah fa chomhair a shùl, agus chuir e a shùilean a Sedeciah, agus cheangail se e le geimhlibh umha, agus thug e leis e do Bhabilon.

8 Agus anns a' chùigeamh mìos, air au t-seachdamh là d'èin mhìos, (b'i sin an naothamh bliadhna deug de rìgh Nebuchadnesar, rìgh Bhabiloin,) thàinig Nebusar-adan ceannard an fhreiceadain, seirbhiseach rìgh Bhabiloin, gu h-Ierusalem:

9 Agus loisg e tigh an Tighearn', agus tigh an rìgh, agus tighéan Ierusalem uile; agus gach uile thigh mòr loisg e le teine.

10 Agus leag uile armailt nan Caldeanach, a *bha* maille ri ceannard an fhreiceadain, sìos ballachan Ierusalem mu'n cuairt.

11 Agus a' chuid eile d'èin t-sluagh a dh'fhàgadh 's a' bhaile, agus an luchd-teicidh a chaidh thairis gu rìgh Bhabiloin, maille ri fuigheall an t-sluaigh, thug Nebusar-adan ceannard an fhreiceadain air falbh leis.

12 Ach dh'fhàg ceannard an fhreiceadain

cuid de bhochdaibh na tire, *gu bhi* 'n an luchd-deasachaidh fhìonaichean agus 'n an treabhaichibh.

13 Agus na puist umha a *bha* ann an tigh an Tighearna', agus na buinn, agus an fhairge umha a *bha* ann an tigh an Tighearna, bhris na Caldeanaich 'n am bloighdibh, agus thug iad leo an umha do Bhabilon.

14 Agus na poitean, agus na sluasaidean, agus na suàladairean, agus na spàinean, agus na soithichean umha nìle leis an d'rinn iad frithealadh, thug iad leo.

15 Agus na h-aighnean teine, agus na cuachan, na *nithean* a *bha* dh'òr 'n a òr, agus a *bha* dh'airgiod 'n a airgiod, thug ceannard an fhreiceadain air falbh.

16 Dà phost, aon fhairge, agus na buinn a rinn Solamh air sou tìghe an Tighearna; bha umha nan soithichean sin uile gun tomhas:

17 Ochd làmhnan-coille deng àirde aoin phuist, agus an ceann-mullaich a *bh'*air a dh'umha; agus àirde a' chinn-mhullaich trì làmhnan-coille: agus an lìon-obair, agus na pomgranatan air a' cheann-mhullaich mu'n cuairt, iad sin nìle de umha: agus an leithid sin *bha* aig an dara post, maille ri lìon-obair.

18 Agus ghlac ceannard an fhreiceadain Seraiah an t-àrd-shagart, agus Sephaniah an dara sagart, agus na trì dorsairean.

19 Agus as a' bhaile thug e aon chaillteanach, a *bha* os ceann nam fear-cogaidh, agus cùignear fhear dhiubhsan a *bha* 'n lathair an rìgh, a fhuaradh 's a' bhaile, agus àrd sgrìobhaiche na h-armailt, a *bha* teagasg cogaidh do shluagh na tire, agus trì fich-ead fear de shluagh na tire a fhuaradh 's a' bhaile.

20 Agus ghlac Nebusar-adan ceannard an fhreiceadain iad sin, agus thug e iad gu rìgh Bhabiloin do Riblah.

21 Agus bhuail rìgh Bhabiloin iad, agus mharbh e iad aig Riblah, ann an tìr Hamait. Agus thugadh Iudah air falbh as an tìr fèin.

22 Agus os ceann an t-sluaigh a dh'fhàgadh ann an tìr Iudah, a dh'fhàg Nebuchadnesar rìgh Bhabiloin, eadhon os an ceann-san chuir e Gedaliah mac Ahicaim, mhic Shaphain.

23 Agus an nair a chual' uile cheannardan nan armailt, iad fèin agus an daoine, gu'n do rinn rìgh Bhabiloin Gedaliah 'n a nachdaran, thàinig gu Gedaliah do Mhispa, eadhon Ismael mac Netaniah, agus Iohan-an mac Chareah, agus Seraiah mac Thanhumeit an Netophatach, agus Iasaniah mac Mhaachataich, iad fèin agus an daoine.

24 Agus mhionnaich Gedaliah dhoibh, agus d'an daoimibh, agus thubhairt e riu, Na bitheadh eagail oirbh a bhi 'n ur seirbhiseich do na Caldeanaich: gabhaibh còmh-

nuidh 's an tìr, agus deanaibh seirbhis do rìgh Bhabiloin, agus éiridh gu maith dhuibh.

25 Ach anns an t-seachdamh mìos, thàinig Ismael mac Netaniah, mhic Elisama, de'n t-sliochd rìoghail, agus deichnear fhear maille ris, agus bhuail iad Gedaliah air chor as gu'n d'èug e, agus na h-Iudhaich agus na Caldeanaich a bha maille ris aig Mispah.

26 Agus dh'éirich an sluagh uile eadar bhicag agus mhòr, agus ceannardan nan armailt, agus thàinig iad do'n Eiphit: oir bha eagal nan Caldeanach orra.

27 Ach anns an t-seachdamh bliadhna deug thar fhichead de bhraighdeanas Iehoiachin rìgh Iudah, anns an dara mìos

deug, air an t-seachdamh là fichead de'n mhios, thog Ebbil-merodach rìgh Bhabiloin, air a' bhliadhna anns an do thòisich e air rìoghachadh, suas ceann Iehoiachin rìgh Iudah á prìosan.

28 Agus labhair e gu caoimhneil ris, agus chuir e suas a rìgh-claithir os ceann rìgh-chathrach nan rìgh, a bha maille ris ann am Babilon:

29 Agus mhlùth e 'eudach-prìosain; agus dh'ith e aran a ghnàth 'n a làthair ré uile làithean a bheatha.

30 Agus bu chuibhrionn ghnàthaichte a chuibhrionn a thugadh dha o'n rìgh, cuid làitheil fa chomhair gach là, ré uile làithean a bheatha.

CEUD LEABHAR

NAN

E A C H D R A I D H.

CAIB. I.

1 *Sliochd Adhaimh gu Noah.* 5 *Mic Iapheit.* 8 *Mic Ham.* 17 *Mic Sheim.* 24 *Sliochd Sheim gu Abraham.* 29 *Mic Ismaeil.* 32 *Mic Cheturah.* 36 *Sliochd Abrahaim le Esau, &c.*

A DHAMH, Set, Enos,
2 Cenán, Mahaleel, Iered,
3 Henoch, Metuselah, Lamech,
4 Noah, Sem, Ham, agus Iaphet.

5 Mic Iapheit; Gomer, agus Magog, agus Madai, agus Iabhan, agus Tubal, agus Mesech, agus Tiras.

6 Agus mic Ghomeir; Aschenas, agus Riphath, agus Togarmah.

7 Agus mic Iabhain; Elisah, agus Tarsis, Citim, agus Dodanim.

8 Mic Ham; Cus, agus Misraim, agus Phut, agus Canaan.

9 Agus mic Chuis; Seba, agus Habbilah, agus Sabta, agus Raamah, agus Sabtecha; agus mic Raamah; Seba agus Dedan.

10 Agus ghin Cus Nimrod: thòisich esan air a bhi cumhachdach air an talamh.

11 Agus ghin Misraim na Ludaich, agus na h-Anamaich, agus na Lehabaich, agus na Naphtuhaich,

12 Agus na Patrusaich, agus na Casluhaich, (o'n d'fhàinig na Phìlistich,) agus na Caphtoraich.

13 Agus ghin Canaan Sidon a cheud-ghin, agus Het,

14 Agus an t-Iebusach, agus an t-Amorach, agus an Gargasach,

15 Agus an t-Ibheach, agus an t-Archach, Sineach,

16 Agus an t-Arbhadach, agus an Semarach, agus an t-Hamatàch.

17 Mic Sheim; Elam, agus Asur, agus Arphacsad, agus Lud, agus Aram; agus mic Aram Us, agus Hul, agus Geter, agus Mesech.

18 Agus ghin Arphacsad Selah, agus ghin Selah Eber.

19 Agus do Eber rugadh dithis mhac: *b'e* ainm aoin diubh Peleg, a chionn 'n a làithibh-san gu'n do roinneadh an talamh; agus ainm a bhràthar Ioctan.

20 Agus ghin Ioctan Almodad, agus Seleph, agus Hasarmabhet, agus Ierah,

21 Agus Hadoram, agus Usal, agus Diclah,

22 Agus Ebal, agus Abimach, agus Seba,

23 Agus Ophir, agus Habbilah, agus Iobab. *B'iad* sin uile mic Ioctain.

24 Sem, Arphacsad, Selah,

25 Eber, Peleg, Reu,

26 Serug, Nahor, Terah,

27 Abram, *is* e sin Abraham.

28 Mic Abrahaim; Isaac agus Ismael.

29 *Is iad* so an ginealach: Ceud-ghin Ismaeil, Ncbaiot; an sin Cedar, agus Adbeel, agus Mibsam,

30 Misma, agus Dumah, Masa, Hadad, agus Tema,

31 Ietur, Naphis, agus Cedemah. *Is iad* sin mic Ismaeil.

32 Misma, mic Cheturah, coimhleabach Abrahaim: rug ise Simran, agus Iocsan, agus Medan, agus Midian, agus Isbac, agus Suah. Agus mic Iocsaui; Seba, agus Dedan.

33 Agus mic Mhidiain: Ephah, agus Ephera, agus Henoch, agus Abida, agus Eldaah. *Is iad sin uile mic Cheturah.*

34 Agus ghin Abraham Isaac. Mic Isaac; Esau agus Israel.

35 Mic Esau; Eliphas, Reuel, agus Ieus, agus Iaalam, agus Corah.

36 Mic Eliphais; Teman, agus Omar, Sephi, agus Gatan, agus Cenas: agus rug Timna, coimhleabach Eliphais, dha Amalec.

37 Mic Reueil; Nahat, Serah, Samah, agus Midsah.

38 Agus mic Sheir; Lotan, agus Sobal, agus Sibeon, agus Anah, agus Dison, agus Eser, agus Disan.

39 Agus mic Lotain; Hori, agus Homam: agus *b'v* Timna piuthar Lotain.

40 Mic Shobail; Alian, agus Manahat, agus Ebal, Sephi, agus Onam. Agus mic Shibeoin; Aiah, agus Anah.

41 Mic Anah; Dison. Agus mic Dhisoin; Amram, agus Esban, agus Itran, agus Cheran.

42 Mic Eseir; Bilhan, agus Sabhan, agus Iacan. Mic Dhisain; Us, agus Aran.

43 A nis *is iad* so na righrean a righich ann an tìr Edoim, mun do righich rìgh air bith os ceann chloinn Israeil; Bela mac Bheoir: agus *b'e* ainm a bhaile Dìnhabah.

44 Agus dh'eug Bela: agus righich Iobab, mac Sherah o Bhosrah, 'n a àit.

45 Agus dh'eug Iobab; agus righich 'n a àit Husam o thir nan Temanach.

46 Agus dh'eug Husam; agus righich Hadad mac Bhedaidd (a bhuail Midian ann am machair Mhoib) 'n a àit: agus *b'e* ainm a bhaile Abhit.

47 Agus dh'eug Hadad; agus righich Samlah o Mhasreah 'n a àit.

48 Agus dh'eug Samlah; agus righich Saulo Rehobot làmh ris an amhainn 'n a àit.

49 Agus dh'eug Saul; agus righich Baalhanan mac Achboir 'n a àit.

50 Agus dh'eug Baalhanan; agus righich Hadad 'n a àit: agus *b'e* ainm a bhaile Pau; agus *b'e* ainm a mhna Mehetabel, nighean Mhatreid, nighinn Mhesahaib.

51 Dh'eug Hadad mar an ceudna. Agus b'iad cinn-fheadhna Edoim; Timnah ceann-feadhna, Aluah ceann-feadhna, Ietet ceann-feadhna,

52 Aholibamah ceann-feadhna, Elah ceann-feadhna, Pinon ceann-feadhna,

53 Cenes ceann-feadhna, Teman ceann-feadhna, Mibsar ceann-feadhna,

54 Magdiel ceann-feadhna, Iram ceann-feadhna. *Is iad sin cinn-fheadhna Edoim.*

CAIB. II.

1 Mic Israeil. 3 Sliochd Iudah le Tamar. 13 Mic Iese. 18 Sliochd Chaleib mhic Hesroin.

25 Sliochd Ierahmeeil. 34 Sliochd Shesain. 50 Sliochd Chaleib mhic Huir.

TS iad so mic Israeil; Reuben, Simeon, Lebhi, agus Iudah, Isachar, agus Sebulun,

3 Dan, Ioseph, agus Benjamin, Naphtali, Gad, agus Aser.

3 Mic Iudah; Er, agus Onan, agus Selah: rugadh dha an triuir so le nighinn Shuah a' Bhan-chanaanaich. Agus bha Er ceud-ghin Iudah oile ann an sùilbh an Tighearù, agus mharbh se e.

4 Agus rug Tamar a bhan-chliamhuin dha Phares agus Serah. *B'iad uile mhic Iudah cuignear.*

5 Mic Phareis; Hesron agus Hamul.

6 Agus mic Sherah; Simri, agus Etan, agus Heman, agus Calcol, agus Dara: cuignear dhiubh uile.

7 Agus mic Charmi; Achar, fear-buairis Israeil, a chiontaich anns an nì mhallaichte.

8 Agus mic Etain; Asariah.

9 Agus mic Hesroin, a rugadh dha; Ierahmeel, agus Ram, agus Chelubai.

10 Agus ghin Ram Aminadab, agus ghin Aminadab Nahson, ceannard chloinn Iudah;

11 Agus ghin Nahson Salma, agus ghin Salma Boas,

12 Agus ghin Boas Obed, agus ghin Obed Iese,

13 Agus ghin Iese a cheud-ghin Eliab, agus Abinadab an dara mac, agus Sima an treas.

14 Netaneel an ceathramh, Radai an cuigeamh,

15 Osem an seathamh, Daibhidh an seachdamh:

16 Agus *b'iad* am peathraichean-san Seruah agus Abigail. Agus mic Sheruah; Abisai, agus Ioab, agus Asahel, triuir.

17 Agus rug Abigail Amasa: agus *b'e* athair Amasa, Ieter an t-Ismeeleach.

18 Agus ghin Caleb mac Hesroin ri Asubah a mhnaoi, Ieriot: *b'iad* so mar au ceudna a mic, Ieser, agus Sobab, agus Ardon.

19 Agus an uair a bha Asubah marbh, ghabh, Caleb d'a ionnsuidh Ephrat, a rug Hur dha.

20 Agus ghin Hur Uri, agus ghin Uri Besaleel.

21 Agus 'n a dhéigh sin chaidh Hesron a steach a dh'ionnsuidh nighinn Mhachir, athar Ghilead, agus ghabh e i 'n uair a bha e trì fichead bliadhna dh'aois; agus rug i dha Segub.

22 Agus ghin Segub Iair, aig an robh trì thar fhichead de bhailtibh mora ann an tìr Ghilead.

23 Agus thug e Gesur agus Aram le bailtibh Iair uatha, maille ri Cenat agus a bhailtibh, *eadhon* trì fichead baile mòr: *bhuin* iad sin uile do mhacaibh Mhachir, athar Ghilead.

24 Agus an déigh do Hesron bàs fhaghail ann an Caleb-ephatah, an sin rug Abiah bean Hesroin Asur athair Thecoah dha.

25 Agus b'iad mic Ierahmeeil ceud-ghin

Hesroin, Ram an ceud-ghin, agus Bunah, agus Oren, agus Osem, agus Ahiah.

26 Bha mar an ceudna bean cile aig Ierahmeel d'am ùainm Atarah; b'ise màthair Onaim.

27 Agus b'iad mic Ram ceud-ghin Ierahmeel, Maas, agus Iamin, agus Ecer.

28 Agus b'iad mic Onaim, Samai, agus Iada. Agus mic Shamai; Nadab agus Abisur.

29 Agus b'e ainm mnà Abisuir, Abihail; agus rug i dha Ahban agus Molid.

30 Agus mic Nadaib; Seled agus Apaim: ach fhuair Seled bàs gun chlann.

31 Agus mic Apaim; Isi. Agus mic Isi; Scsan. Agus mic Shesain; Ahlai.

32 Agus mic Iada bràthar Shamai; Icter, agus Ionatan: agus fhuair Ieter bàs gun chlann.

33 Agus mic Ionatain; Pelet, agus Sasa. B'iad sin mic Ierahmeel.

34 A nis cha robh aig Scsan mic ach nigh-canan: agus bha aig Scsan òglach, Eiphiteach, d'am ùainm Iarha.

35 Agus thug Scsan a nighcan d'a òglach Iarha 'n a mnaoi; agus rug i dha Atai.

36 Agus ghin Atai Natan, agus ghin Natan Sabad,

37 Agus ghin Sabad, Ephlal, agus ghin Ephlal Obed,

38 Agus ghin Obed Iehu, agus ghin Iehu Asariah,

39 Agus ghin Asariah Heles, agus ghin Heles Eleasah,

40 Agus ghin Eleasah Sisamai, agus ghin Sisamai Salum,

41 Agus ghin Salum Iecamiah, agus ghin Iecamiah Elisama.

42 A nis b'iad mic Chaleib bràthar Ierahmeel, Mesa a cheud-ghin; ùesan athair Shiph; agus mic Mlaresah athar Hebroin.

43 Agus mic Hebroin; Corah, agus Tapuah, agus Reccm, agus Sema.

44 Agus ghin Sema Raham, athair Iorcoaim: agus ghin Recem Samai.

45 Agus b'e mac Shamai Maon: agus b'e Maon athair Bhetsuir.

46 Agus rug Ephah coimhleabach Chaleib Haran, agus Mesa, agus Gases: agus ghin Haran Gases.

47 Agus mic Iahdai; Regem, agus Iotam, agus Gesan, agus Pelcet, agus Ephah, agus Saaph.

48 Rug Maachah coimhleabach Chaleib Seber agus Tirhanah.

49 Rug i mar an ceudna Saaph athair Mhadmanah, Seblah athair Mhachbenah, agus athair Ghibeah: agus b'i nighcan Chaleib Achsa.

50 B'iad so mic Chaleib mhic Huir, ceud-ghin Ephratah; Sobal athair Chiriat-earim,

51 Salma athair Bhct-lehem, Hareph athair Bhct-gadeir.

52 Agus bha aig Sobal athair Chiriat-earim mic; Haroch, Hatsi; Hamcniot.

53 Agus teaghlaichean Chiriat-earim; na h-Itrich, agus na Puthich, agus na Sumataich, agus na Misraich; uatha-san thàinig na Sarcataich, agus na h-Estaulaich.

54 Mic Shalma; Bet-Ichem, agus na Neto-phataich, Atarot, tigh Ioaib, agus leth nam Manahetcach, na Soraich.

55 Agus teaghlaichean nan sgrìobhaich a bha 'chòmhnuidh aig Iabes; na Tirataich, na Simeataich, agus na Suchataich. Is iad sin na Cenic a thàinig o Ilemat, athair tighe Rechaib.

CAIB. III.

1 Mic Dhaibhidh. *Slìochd Sholaimh gu Sede-ciah.* 17 *Slìochd Ieconiah.*

A NIS b'iad so mic Dhaibhidh, a rugadh dha ann an Hebron: an ceud-ghin Amnon o Ahinoam a' Bhan-iesreeleach: an dara mac, Daniel o Abigail a' Bhan-char-meleach:

2 An treas mac, Absalom mac Mhaachah, nighinn Thalmair rìgh Ghesuir: an ceathramh, Adoniah mac Hagit:

3 An chùigeamh, Sephatiah o Abital: an seathamh, Iream le Eglai a mnaoi.

4 Rugadh an t-seathnar sin dha ann an Hebron; agus ann an sin rìghlich e scachd bliadhna agus sè mìosan: agus ann an Ierusalem rìghlich e trì bliadhna deug thar fhichead.

5 Agus rugadh iad so dha ann an Ierusalem; Simea, agus Sobab, agus Natan, agus Solamh, ceathrar, o Bhatscra nighinn Amicil:

6 Ibhaz mar an ceudna, agus Elisama, agus Eliphelet.

7 Agus Nogah, agus Nepheg, agus Iaphia, 8 Agus Elisama, agus Eliada, agus Eliphelet, naonar.

9 B'iad sin mic Dhaibhidh uile, a bhàrr air macaibh nan coimhleabach, agus Tamar am piuthar.

10 Agus b'e mac Sholaimh Rehoboam, Abia a mhac-san, Asa a mhac-san Iehosaphat a mhac-san,

11 Toram a mhac-san, Ahasiah a mhac-san, Ioas a mhac-san,

12 Amasiah a mhac-san, Asariah a mhac-san, Iotam a mhac-san,

13 Ahas a mhac-san, Hesechia a mhac-san, Manaseh a mhac-san,

14 Amon a mhac-san, Iosiah a mhac-san. 15 Agus b'iad mic Iosiah: an ceud-ghin Iohanah, an dara mac Iehoiaim, an treas mac Sedeciah, an ceathramh, Salum.

16 Agus mic Iehoiaim; Ieconiah a mhac, Sedeciah a mhac.

17 Agus mic Ieconiah; Asir, Salatiel a mhac,

18 Agus Malchiram, agus Pedaiah, agus Senasar, Iecamiah, Hosama, agus Nedabiah.

19 Agus *viad* mic Phedaiah Serubabel, agus Simeil: agns mic Shernbabeil; Mesulam, agns Hananiah; agus Selomit am piuthar:

20 Agus Hasnbah, agns Ohel, agus Berechiah, agus Hasadiah, Iusab -hesed, cùignear.

21 Agus mic Hananiah; Pelatiah, agns Iesiah a mhac-san, Rephaiah a mhac-san, Arnan a mhac-san, Obadiah a mhac-san, Sechaniah a mhac-san.

22 Agus mic Shechaniah; Semaiah: agus mic Shemaiah; Hatus, agns Igeal, agus Bariah, agus Neariah, agus Saphat, seathnar.

23 Agus mic Neariah; Elieonai, agns Heseciah, agus Asricam, triuir.

24 Agus *viad* mic Elieonai; Hodaiah, agus Eliasib, agus Pelaiah, agus Acnb, agns Iohanan, agus Dalaiah, agus Anani, seachdnar.

CAIB. IV.

1 *Sliochd Iudah le Caleb mac Huir.* 5 *Sliochd Asuir.* 21 *Sliochd Shelah.*

MIC Iudah; Phares, Hesron, agus Carmi, agns Hur, agus Sobal.

2 Agus ghin Reaiah mac Shobail Iahat; agus ghin Iahat Ahumai, agus Lahad. *Is iad sin* teaghlachan nan Soratach.

3 Agus *thàinig iad* so o athair Etain; Iesreel, agus Isma, agus Idbas: agus *be ann* am peathar Haseleponi.

4 Agus Penuel athair Ghedoir, agus Eser athair Husah. *Is iad sin* mic Hnir, ceud-ghin Ephratah, athar Bhet-lehem.

5 Agus bha aig Asur athair Thecoah dà mhnai, Helah agns Naarah.

6 Agus rug Naarah dha Ahusam, agus Hepher, agus Temeni, agus Haahastari. *B'iad sin* mic Naarah.

7 Agus *viad* mic Helah, Seret, agus Iesoar, agus Etnan.

8 Agns ghin Cos Anub, agus Sobebah, agus teaghlachan Aharheil, mhic Haruim.

9 Agns bha Iabes ni b'urramaiche na a bhràithrean: agus thug a mhàthair Iabes mar ainm air, ag ràdh, A chionn gu'n d'rug mi e le doilgheas.

10 Agns ghairm Iabes air Dia Isracil, ag ràdh, O gu'm beannaicheadh tu mi da rìreadh, agns gu'n cuireadh tu mo chrìoch-an 'am farsaingeachd, agus gu'm bitheadh do làmh leam, agus gu'n gleidheadh tu mi o ole, a chum nach cràidh e mi! Agus dheònaich Dia dha an ni sin a ghuidh e.

11 Agns ghin Chelub bràthair Shuah Melhir: *besan* athair Estoin.

12 Agus ghin Eston Betrapha, agus Paseah, agns Tchinah athair Irnahais. *Is iad sin* fir Rechah.

13 Agus mic Chenais; Otniel, agns Seraiah: agus mic Otniel; Hatat.

14 Agns ghin Meonotai Oplrah: agns ghin Seraiah Ioab, athair *muinntir* glinne Charsaim; oir bn luchd-ceirde iad.

15 Agus mic Chaleib mhic Iephunch; Iru, Elah, agus Naam: agus mic Elah; Cenas.

16 Agns mic Iehaleleel; Siph, agus Siphah, Tiria, agus Asareel.

17 Agus *viad* mic Esra, Ieter, agus Mered, agns Ephcer, agus Ialon: agus rug i Miriam, agus Samai, agns Isbah athair Estemoa.

18 Agus rug a bhean Iehndiah Iered athair Ghedoir, agus Heber athair Slocho, agus Iecutiel athair Shanoah. Agus *is iad sin* mic Bhithiah nighinn Pharaoh, a ghabh Mered 'n a mnaoi.

19 Agus mic a mhnà Hodiah, peathar Nahaim, athar Cheilah a' Gharmaich, agus Estemoa a' Mhaachataich.

20 Agus *viad* mic Slimoin, Amnon, agus Rinah, Ben-hanan, agus Tilon. Agus *viad* mic Isi, Sohet, agus Ben-sohet.

21 *B'iad* mic Shelah mhic Iudah, Er athair Lecah, agus Laadah athair Mhar-esah, agus teaghlachan tighe na muinntir a dh'oibrich anart grinn de thigh Asbea.

22 Agus Iocim, agus daoine Choseba, agns Ioas, agus Saraph, aig an robh an uachdaranachd ann am Moab, agus Iasubilehem. Agus *is seann nithean iad sin*.

23 *B'iad sin* na criadhadairean, agus iad-san a chòmhnuich am measg lus an agus ghàraidhean: maille ris an rìgh 'n a obair dh'fhan iad an sin.

24 *B'iad* mic Shimeoin, Nemuel, agns Iamin, Iarib, Serah, agus Saul:

25 Salum a mhac-san, Mibsam a mhac-san, Mimsa a mhac-san.

26 Agus mic Mhisma; Hamuel a mhac, Sachur a mhac-san, Simeil a mhac-san.

27 Agus *bha aig Simeil* sè mic deug agus seathnar nighcan; ach aig a bhràithribh cha robh mòran cloinne, agus cha deachaidh an teaghlachan uile ann an lìonmhoireachd, cosmhuil ri cloinn Iudah.

28 Agns chòmhnuich iad ann am Beer-seba, agns Moladah, agus Hasarsual,

29 Agus ann am Bilhah, agns ann an Esem, agns ann an Tolad,

30 Agus ann am Betuel, agns ann an Horma, agus ann an Siclag,

31 Agns ann am Bet-marcabot, agus ann an Hasar-susim, agus ann am Bet-birei, agns ann an Saaraim. *B'iad sin* am bailtean mòra, agus an do rìghich Daibhidh, maille ri'm bailtibh beaga.

32 Etam mar an cendna, agus Ain, Rimon, agns Tochen, agns Asan, cùig bailtean mòra;

33 Agus ann frith-bhailtean uile a *bha* mu'n cuairt air na mòr-bhailtibh sin gu ruig Baal. *B'iad sin* an ionadan-tàimh, agus an sloimeadh.

34 Agus Mesobab, agus Iamlech, agus Iosah mac Amasiah,

1 EACHDRAIDH, V.

35 Agus Iael, agus Iehu mac Iosibiah, mhic Sheraiah, mhic Asieil,

36 Agus Elioenai, agus Iacobah, agus Iesohiah, agus Asaiah, agus Adiel, agus Iesimiel, agus Benaiah,

37 Agus Sisa mac Shiphi, mhic Aioin, mhic Iedaiah, mhic Shimri, mhic Shemaiah.

38 Bha iad sin a tha air an aithris air an ainmibh 'n an ceannardaibh 'n an teaghlachan féin: agus ann an tigh an aithrichean mheudaich iad gu mòr.

39 Agus chaidh iad gu ruig dol a steach Ghedoir, *eadhon* gu ruig taobh an ear a' ghlinne, a dh'iarraidh ionaltraidh d'an treudaibh.

40 Agus fhuair iad ionaltraidh reamhar agus maith, agus bha an tìr farsaing, agus samhach, agus sicchail; oir bha *siochd* Ham a chòmhnuidh an sin roimhe.

41 Agus thàinig iadsan a tha sgrìobhta air an ainm, ann an làithibh Hesechiah rìgh Iudah, agus bhuail iad am bùthan, agus na h-iouadan-còmhnuidh a fhuaradh an sin, agus chuir iad as doibh gu tur gus an là'n diugh, agus ghabh iad còmhnuidh 'n an àite; a chionn gu 'n robh ionaltraidh an sin d'an treudaibh.

42 Agus chaidh *cuid* diubh, *eadhon* de mhacaibh Shimeoin, cùig ceud fear, gu sliabh Sheir; agus Pelatiah, agus Neariah, agus Rephaiah, agus Udsiel, mic Isi air an ceann.

43 Agus bhuail iad am fuigheall a chaidh as de Amalec, agus còmhnuidh iad an sin gus an là'n diugh.

CAIB. V.

1 *Siochd* Reubein (a chaill a chòir-bhreith) gus an d'thugadh air falbh iad ann am bairghdeanas. 11 Cinn-fheadhna Ghad. 18 Aireamh agus treubhantas mhac Reubein, Ghad, agus leth-thrèibh Mhanasela.

ANIS *viad* mic Reubein, ceud-ghin Israel, (oir b'esan an ceud-ghin; ach a chionn gu'n do thruaill e leabadh athar, thugadh a chòir-bhreith do mhacaibh Ioseiph mhic Israel: agus cha-n'eil na ginealaich gu bli air an àireamh a réir na còir-bhreithe.

2 Oir bhuadhaich Iudah air a bhràithribh, agus uaith-san *thàinig* an t-àrd riaghladair, ach bu le Ioseph a' chòir-bhreith:

3 Mic Reubein, ceud-ghin Israel; Hanoch, agus Palu, Hiesron, agus Carmi.

4 Mic Ioeil; Semaiah a mhac, Gog a mhac-san, Simeì a mhac-san,

5 Micah a mhac-san, Reia a mhac-san, Baal a mhac-san,

6 Beerah a mhac-san, a thug Tiglat-pilneser, rìgh Asiria, air falbh leis: b'esan uachdaran nan Reubeneach.

7 Agus bha bhràithrean a réir an teaghlachan, (nuair a dh'àirmheadh an sloinn-

eadh a réir an ginealach,) 'n an cinn-fheadhna, Ieiel, agus Sechariah,

8 Agus Bela mac Asaiah, mhic Shema, mhic Ioeil, aig an robh a chòmhnuidh ann an Anroer, eadhon gu ruig Nebo, agus Baalmeon:

9 Agus a làimh na h-àirde 'n ear chòmhnuich e gu ruig dol a steach an fhàsaich o'n amhainn Euphrates; a chionn gu'n d'fhàs an spréidh ro òmhhor ann am fearann Ghilead.

10 Agus ann an làithibh Shaul rinn iad cogadh ris na Hagaraich, a thuit le'n làimh: agus còmhnuich iad 'n am bùthaibh-san air feadh uile aghaidh na h-àird' an ear de Ghilead.

11 Agus còmhnuich clann Ghad thall fa'n comhair, ann an tìr Bhàsan gu ruig Salchah:

12 Iael an ceann, agus Saphan a b'fhaigse, agus Iaanai, agus Saphat ann am Basan.

13 Agus *viad* am bràithrean de thigh an aithrichean, Michael, agus Mesulam, agus Seba, agus Iorai, agus Iachan, agus Sia, agus Heber, seachdnuar.

14 Is iad sin clann Abihail mhic Huri, mhic Ieroah, mhic Ghilead, mhic Mhichael, mhic Iesais, mhic Iahdo, mhic Bhuais:

15 Ahi mac Abdieil, mhic Ghuni, ceann tìghe an aithrichean.

16 Agus ghabh iad còmhnuidh ann an Gilead, ann am Bàsan, agus 'n a bhailtibh, agus ann an uile fhearann chomh-roinn Sharoin, air an crìochaibh.

17 Dh'àirmheadh iad sin uile le sloinn-teireachd ann an làithibh Iotaim rìgh Iudah, agus ann an làithibh Ieroboaim rìgh Israeil.

18 Bha mic Reubein, agus na Gadaich, agus leth-thrèibh Mhanasach, de fhearaibh treuna, fir chomasach gu sgiath agus claidheamh iomchar, agus gu tilgeadh le bogha, agus teòma air cogadh, ceithir agus dà fhichead mìle, agus seachd ceud agus trì fichead 'an àireamh, chaidh a mach gu cogadh.

19 Agus rinn iad cogadh ris na Hagaraich, agus ri Ietur, agus Nephis, agus Nodab;

20 Agus chuidicheadh leo 'n an aghaidh, agus thugadh thairis 'n an làimh na Hagaraich, agus iadsan uile a bha maille ri u: oir dh'éigh iad ri Dia anns a' chath, agus dh'aontaich esan le'n guidhe, a chionn gu'n d'earb iad as.

21 Agus thug iad leo ann feudail; d'an camhalaibh deich agus dà fhichead mìle, agus de chaoirich dà cheud agus leth cheud mìle, agus de asalaibh dà mhìle, agus de dhaoibh ceud mìle:

22 Oir thuit mòran sìos air am marbhadh, a chionn gu'n robh an cogadh o Dhia. Agus ghabh iad còmhnuidh 'n an àite gu ruig am bairghdeanas.

23 Agus còmhnuich clann leth-thrèibh

Mhanaseh anns an tìr, o Bhàsan gu Baalhermon, agus Senir, agus gu sliabh Hermon, agus dh'fhàs iad lìonmhor.

24 Agus b'iad so cinn tighe an aithrichean, eadhon Ephraim, agus Isi, agus Eliel, agus Asriel, agus Ieremiah, agus Hodabbiah, agus Iahdiel, daoine treunmhor, daoine ainmeil, cinn tighe an aithrichean.

25 Ach chiontaich iad an aghaidh Dhé an aithrichean, agus chaidh iad le strìopachas an déigh dhiathan muinntir na tìre, a sgrios Dia rompa.

26 Agus dhuìsg Dia Israeil suas spiorad Phul rìgh Asiria, agus spiorad Thiglatpilneseir rìgh Asiria, agus thug e leis iad, (eadhon na Reubenich, agus na Gadaich, agus leth-thrèibh Mhanasch,) agus thug e iad gu Halah, agus Habor, agus Hara, agus gu amhainn Ghosain, gus an là'n diugh.

CAIB. VI.

1 Mic Lebhi. 4 Sliochd Eleasair gu ruig am braighdeanas. 20 Mic Ghersein, Chohait, agus Mherari. 49 Dreuchd Aaroin: 50 A sliochd gu ruig Ahimaas.

MIC Lebhi; Gerson, Cohat, agus Merari.

2 Agus mic Chohait; Amram, Ishar, agus Hebron, agus Udsiel.

3 Agus mic Amram; Aaron, agus Maois, agus Miriam. Agus mic Aaroin; Nadab, agus Abihu, Eleasar, agus Itamar.

4 Ghin Eleasar Phinehas, agus ghin Phinchas Abisua,

5 Agus ghin Abisua Buci, agus ghin Buci Udsi,

6 Agus ghin Udsi Serahiah, agus ghin Serahiah Meraiot,

7 Ghin Meraiot Amariah, agus ghin Amariah Ahitub,

8 Agus ghin Ahitub Sadoc, agus ghin Sadoc Ahimaas,

9 Agus ghin Ahimaas Asariah, agus ghin Asariah Iohanan.

10 Agus ghin Iohanan Asariah, (esan a bha frithealadh ann an dreuchd an t-sagairt anns an tigh a thog Solamh ann an Ierusalem,)

11 Agus ghin Asariah Amariah, agus ghin Amariah Ahitub,

12 Agus ghin Ahitub Sadoc, agus ghin Sadoc Salum,

13 Agus ghin Salum Hilciah, agus ghin Hilciah Asariah,

14 Agus ghin Asariah Seraiah, agus ghin Seraiah Iehosadac,

15 Agus chaidh Iehosadac 'am braighdeanas, an uair a thug an Tighearn air falbh Iudah agus Ierusalem le Rìmh Nebuchadnesair.

16 Mic Lebhi; Gerson, Cohat, agus Merari.

17 Agus is iad so ainmean mhac Ghersein; Libni, agus Simei.

18 Agus Uiad mic Chohait, Amram, agus Ishar, agus Hebron, agus Udsiel.

19 Mic Mherari; Mahli, agus Musi. Agus is iad so teaghlachan nan Lebhitheach, a réir an aithrichean:

20 O Ghersein; Libni a mhac, Iahat a mhac-san, Simah a mhac-san,

21 Ioah a mhac-san, Ido a mhac-san, Serah a mhac-san, Ieaterai a mhac-san.

22 Mic Chohait; Aminadab a mhac, Corah a mhac-san, Asir a mhac-san,

23 Eleanah a mhac-san, agus Ebiasaph a mhac-san, agus Asir a mhac-san,

24 Tahat a mhac-san, Uriel a mhac-san, Udsiah a mhac-san, agus Saul a mhac-san.

25 Agus mic Eleanah; Amasai, agus Ahimot:

26 Eleanah a mhac-san, Sophai a mhac-san, agus Nahat a mhac-san,

27 Eliab a mhac-san, Ieroham a mhac-san, Eleanah a mhac-san,

28 Agus mic Shamuel; an ceud-ghin Joel, agus an dara Abiah.

29 Mic Mherari; Mahli, Libni a mhac-san, Simei a mhac-san, Udsa a mhac-san,

30 Simea a mhac-san, Hagiah a mhac-san, Asaiah a mhac-san.

31 Agus is iad sin iadsan a chuir Daibhidh os ceann seirbhis a' chiùil ann an tigh an Tighearn', an déigh do'n àire fois fhaghail.

32 Agus bha iad a' frithealadh fa chomhair pàilliuin bùtha a' choimhthionail le ceòl, gus an do thog Solamh tigh an Tighearn' ann an Ierusalem; agus an sin dh'fheith iad air an dreuchd a réir an orduigh.

33 Agus is iad so iadsan a bha 'feitheamh, le'n cloim: de mhacaibh nan Cohatach; Heman an fear-ciùil, mac Ioeil, mhic Shemuel,

34 Mhic Eleanah, mhic Ierohaim, mhic Elieil, mhic Thoah,

35 Mhic Shuph, mhic Eleanah, mhic Mha-hait, mhic Amasai,

36 Mhic Eleanah, mhic Ioeil, mhic Asariah, mhic Shephaniah,

37 Mhic Thahait, mhic Asir, mhic Ebiasaph, mhic Chorah,

38 Mhic Ishair, mhic Chohait, mhic Lebhi, mhic Israeil.

39 Agus a bhràthair Asaph, (a sheas air a làimh dheis,) eadhon Asaph mac Bherachiah, mhic Shimea,

40 Mhic Mhichaeil, mhic Bhaaseiah, mhic Mhalchiah,

41 Mhic Ètni, mhic Sherah, mhic Adaiah,

42 Mhic Etain, mhic Shimah, mhic Simei,

43 Mhic Iahait, mhic Ghersein, mhic Lebhi.

44 Agus am bràithrean mic Mherari air an làimh chli; Etan mac Chisi, mhic Abdi, mhic Mhaluich,

45 Mhic Hasabiah, mhic Amasiah, mhic Hileiah,

46 Mhic Amsi, mhic Bhani, mhic Shamair,

47 Mhic Mhahli, mhic Mhusi, mhic Mherari, mhic Lebhi.

48 Dh' orduicheadh mar an ceudna am bhrathrean na Lebhithich chum uile ghnè sheirbhis pàilliuin tighe Dhé.

49 Ach thug Aaron agus a mhic suas tabhartais air altair na h-ìobairt-loisgte, agus air altair na tùise; agus dh'orduicheadh iad chum uile oibre an ònaid ro naoimh, agus a chum réite a dheanamh air son Israèil, a réir gach nì a dh'aitin Maois òglach Dhé.

50 Agus is iad so mic Aaroin; Eleasar a mhac, Phinehas a mhac-san, Abisua a mhac-san.

51 Buci a mhac-san, Udsi a mhac-san, Serahiah a mhac-san.

52 Meraiot a mhac-san, Amariah a mhac-san, Ahitub a mhac-san,

53 Sadoc a mhac-san, Ahimaas a mhac-san.

54 Agus is iad so an àiteachan-còmh-muidh, air feadh an làchairtean 'n an crìochaibh, de mhacaibh Aaroin, de theaghlachibh nan Cohatach; oir bu leo-san an crannchur.

55 Agus thug iad dhoibh Hebron ann an tìr Iudah, agus 'fhearann comh-roinn mu'n cuairt air.

56 Ach achanna a' bhaile, agus a fhrith-bhailtean thug iad do Chaleb mac Iephuneh.

57 Agus do mhacaibh Aaroin thug iad bailtean; Hebron am baile dèidin, agus Libnah le 'fhearann comh-roinn, agus Iatir, agus Estemoa le 'fhearann comh-roinn:

58 Agus Hilan le 'fhearann comh-roinn, Debir le 'fhearann comh-roinn,

59 Agus Asan le 'fhearann comh-roinn, agus Betsemes le 'fhearann comh-roinn:

60 Agus o thréibh Bheniamin; Geba le 'fhearann comh-roinn, agus Alemet le 'fhearann comh-roinn, agus Anatot le 'fhearann comh-roinn. B'iad am bailtean uile, air feadh an teaghlachan, trì bailtean deug.

61 Agus do mhacaibh Chohait a dh'fhagadh de theaghlach an thréibh sin, thugadh o'n leth-thréibh, eadhon leth-thréibh Mhanaseh, le crannchur, deich bailtean.

62 Agus do mhacaibh Ghersoin air feadh an teaghlachan, thugadh o thréibh Isachair agus o thréibh Aseir, agus o thréibh Naphtali, agus o thréibh Mhanaseh ann am Bāsan, trì bailtean deug.

63 Do mhacaibh Mherari air feadh an teaghlachan, o thréibh Reubein, agus o thréibh Ghad, agus o thréibh Shebuluin, thugadh le crannchur dà bhaile dheug.

64 Agus thug clann Israèil do na Lebhi-

thich na bailtean sin le'm fearann comh-roinn.

65 Agus thug iad le crannchur o thréibh chloinn Iudah, agus o thréibh chloinn Shimeoin, agus o thréibh chloinn Bheniamin, na bailtean sin a ghairmeas air an ainmibh.

66 Agus bha aig a' chuid eile de theaghlachibh mhac Chohait bailtean an crìch o thréibh Ephraim.

67 Agus thug iad dhoibh de na bailtibh dèidin, Sechem ann an sliabh Ephraim, le 'fhearann comh-roinn; Geser mar an ceudna le 'fhearann comh-roinn,

68 Agus Iocmeam le 'fhearann comh-roinn, agus Bethoron le 'fhearann comh-roinn,

69 Agus Aialon le 'fhearann comh-roinn, agus Gat-rimon le 'fhearann comh-roinn;

70 Agus o leth-thréibh Mhanaseh; Aner le 'fhearann comh-roinn, agus Bileam le 'fhearann comh-roinn, air son teaghlach chloinn Chohait a dh'fhagadh.

71 Do mhacaibh Ghersoin thugadh o theaghlach leth-thréibh Mhanaseh, Golan ann am Bāsan le 'fhearann comh-roinn, agus Astarot le 'fhearann comh-roinn:

72 Agus o thréibh Isachair; Cedes le 'fhearann comh-roinn, Dabarat le 'fhearann comh-roinn,

73 Agus Ramot le 'fhearann comh-roinn, agus Anem le 'fhearann comh-roinn;

74 Agus o thréibh Aseir; Masal le 'fhearann comh-roinn, agus Abdon le 'fhearann comh-roinn,

75 Agus Hucoc le 'fhearann comh-roinn, agus Rehob le 'fhearann comh-roinn:

76 Agus o thréibh Naphtali; Cedes ann an Galile le 'fhearann comh-roinn, agus Hamon le 'fhearann comh-roinn, agus Ciriataim le 'fhearann comh-roinn.

77 Do'n chuid eile de chloinn Mherari thugadh o thréibh Shebuluin, Rimon le 'fhearann comh-roinn, Tabor le 'fhearann comh-roinn:

78 Agus air taobh thall Iordain àimh ri Iericho, air an taobh an ear de Iordan, thugadh dhoibh o thréibh Reubein, Beser ann an Ihsach le 'fhearann comh-roinn, agus Iahsah le 'fhearann comh-roinn,

79 Agus Cedemot le 'fhearann comh-roinn, agus Mephaat le 'fhearann comh-roinn:

80 Agus o thréibh Ghad; Ramot ann an Gilead le 'fhearann comh-roinn, agus Mahanaim le 'fhearann comh-roinn,

81 Agus Hesbon le 'fhearann comh-roinn, agus Iaser le 'fhearann comh-roinn.

CAIB. VII.

1 Mic Isachair, 6 Bheniamin, 13 Naphtali, 14 Mhanaseh, 20 agus Ephraim. 21 Bròn Ephraim, &c.

ANIS B'iad mic Isachair, Tola, agus Puah, Iasub, agus Simron, ceathrar.

2 Agus mic Thola; Udsi, agus Rephaiah,

agus Ieriel, agus Iahmai, agus Ibsam, agus Semuel, cinn tighe an aithrichean, *eadhon* Thola: daoine treuna 'n an ginealachuibh, d'am b'àireamh ann an làithibh Dhaibhidh dà mhìle thar fhichead agus sè cend.

3 Agus mic Udsi; Israhiah: agus mic Israhiah; Michael, agus Obadiah, agus Ioel, agus Isiah, cùigear; iad nìle 'n an ceann-aibh *tighe*.

4 Agus aca-san, a réir an ginealach, a réir tighe an aithrichean, bha bnuidhmean shaighdeirean gu cogadh, sè mìle deug thar fhichead *gear*: oir bha iomadh bean agus mac aca.

5 Agus bha am bràithrean am measg uile theaghlachairan Isachair 'n an daoinibh trenna, air an àireamh 's an iomlan a réir an ginealach 'n an seachd agus ceithir fichead mìle.

6 Mic Bheniamin; Bela, agus Becher, agus Iediael, trìnir.

7 Agus mic Bhela; Esbon, agus Udsi, agus Udsiel, agus Ierimot, agus Iri, cùigear; cinn tighe an aithrichean, daoine treuna, agus dh'àirmheadh iad a réir an ginealach 'n an dà mhìle thar fhichead, agus ceithir deug thar fhichead.

8 Agus mic Bhecheir; Semira, agus Ioas, agus Elieser, agus Elioenai, agus Omri, agus Ierimot, agus Abiah, agus Anatot, agus Alamet. *Is* iad sin uile mic Bhecheir.

9 Agus b'e an àireamh a réir an sloinnidh a réir an ginealach, cinn tighe an aithrichean, daoine trenna, fichead mìle agus dà cheud.

10 Agus mic Iediaeil; Bilhan: agus mic Bhillhain; Ieus, agus Benjamin, agus Elmd, agus Cenaanah, agus Setan, agus Tarsis, agus Abisahar.

11 Bha iad sin uile, mic Iediaeil, a réir cheann an aithrichean, daoine treuna, 'n an seachd mìle deug agus dà chend *gear*, iom-chuidh gu dol a mach chm cogaidh agus catha.

12 Snipim mar an cendna agus Hupim mic Ir, agus Husim mic Aheir.

13 Mic Naphtali; Iahsieh, agus Guni, agus Ieser, agus Salim, mic Bhillhah.

14 Mic Mhanaseh; Asriel, a rìng i: (*ach* rug a choimhleabach, a' Bhan-aramach, Machir athair Ghilead.

15 Agus ghabh Machirmarmhnaoi *piuthar* Hupim agus Shupim, agus b'e ainm a peathar Maachah: agus b'e ainm an dara *mic* Selophehad: agus bha aig Selophehad nigh-eanan.

16 Agus rug Maachah bean Mhachir mac, agus thng i Peres mar ainm air; agus b'e ainm a bhràthar Seres; agus b'iad a mhic-san Ulam agus Racem.

17 Agus mic Ulaim; Bedan. B'iad sin mic Ghilead, mhic Mhachir, mhic Mhanaseh.

18 Agus rug a phiuthar Hamolecet Isod, agus Abieser, agus Mahalah.

19 Agus b'iad mic Shemida, Ahian, agus Sechem, agus Lichi, agus Aniam.

20 Agus mic Ephraim; Sntelah, agus Bered a mhac-san, agus Tahat a mhac-san, agus Eladah a mhac-san, Tahat a mhac-san,

21 Agus Sabad a mhac-san, agus Sntelah a mhac-san, agus Eser, agus Elead, a mharbhn fir Ghat a rugadh 's an tìr *sin*, a chionn gu'n d'thàinig iad a nnas a thogail an creich.

22 Agus rinn an athair Ephraim bròn ré iomadh là, agus thàinig a bhràithrean gu comhfhurtachd a thoirt da.

23 Agus chaidh e stigh a dh'ionnsuidh a mhna, agus dh'fhàs i torrach, agus rug i mac, agus thng e Beriah mar ainm air, a chionn gu'n d'éirich gu h-òle do 'thigh.

24 (Agus b'i a nighean Serah, ise a thog Bet-horon ìochdarach, agus uachdarach, agus Udsen-serah.)

25 Agus b'e Rephah a mhac, mar an ceudna Reseph, agus Tela a mhac-san, agus Tahan a mhac-san,

26 Laadan a mhac-san, Amihnd a mhae-san, Elisama a mhac-san,

27 Non a mhac-san, Iehosua a mhac-san.

28 Agus b'iad an seilbh agus an àiteachan-còmhmidh Bet-el agus a bhailean, agus a làimh na h-àirde 'n ear Naaran, agus a làimh na h-àirde 'n iar Geser le 'bhailtibh, Sechem mar an cendna agus a bhailean, gu ruig Gasa agus a bhailean.

29 Agus làimh ri cloinn Mhanaseh, Bet-sean agus a bhailean, Taanach agus a bhailean, Megido agus a bhailean, Dor agus a bhailean. Aunnta sin ghabh clann Ioseph mhic Israeil còmhnuidh.

30 Mic Aseir; Imnah, agus Isuah, agus Isui, agus Beriah, agus Serah am pinthar.

31 Agus mic Bheriah; Heber, agus Malchiel: b'esan athair Bhirsabbith.

32 Agus ghin Heber Iaphlet, agus Somer, agus Hotam, agus Snah am pinthar.

33 Agus mic Iaphlet; Pasach, agus Bimhal, agus Asbhat: *is* iad sin mic Iaphlet.

34 Agus mic Shamcir; Ahi, agus Rohgah, Ielmbah, agus Aram.

35 Agus mic Heleim a bhràthar; Sophah, Imna, agus Seles, agus Amal.

36 Mic Shophah; Suah, agus Harnepher, agus Sanl, agus Beri, agus Imrah,

37 Bescr, agus Hod, agus Sama, agus Silsah, agus Itran, agus Beera.

38 Agus mic Ieteir; Iephunch, agus Pispah, agus Ara.

39 Agus mic Ula; Ara, agus Haniel, agus Resia.

40 B'iad sin nìle mic Aseir, cinn tighe an aithrichean, daoine taghta, trenn ann an near, roghadh nan nachdaran. Agus an uair a dh'àirmheadh iad a réir an ginealach

chum cogaidh agus eatha, b'e an àireamh sè mìle fichead fear.

CAIB. VIII.

1 *Mic agus cinn-fheadhna Bheniamin.* 33 *Slìochd Shaul agus Ionatain.*

ANIS ghin Benjamin Bela a cheud-ghin, Asbel an dara, agus Ahara an treas, 2 Nohah an ceathramh, agus Rapha an cùigeamh.

3 Agus b'iad mic Bhela, Adar, agus Gera, agus Abihud,

4 Agus Abisua, agus Naaman, agus Ahoah.

5 Agus Gera, agus Sephuphan, agus Huram.

6 Agus *is* iad so mic Ehuìd: *is* iad so cinn aithrichean luchd-àiteachaidh Gheba, agus dh'atharraich siad iad gu Manahet:

7 Agus Naaman, agus Ahiah, agus Gera, dh'atharraich e iad, agus ghin e Udsa, agus Ahihud.

8 Agus ghin Saharaim *clann* ann an tìr Mhoab, an deigh dha Husim agus Baara a mhnathan a chur air falbh.

9 Agus ghin e ri Hodes a mhnai, Iobab, agus Sibia, agus Mesa, agus Malcham.

10 Agus Ieus, agus Sachia, agus Mirma. B'iad sin a mhic, cinn nan aithrichean.

11 Agus ri Husim ghin e Ahitub agus Elpaal.

12 Mic Elpaal; Eber, agus Misam, agus Samed, a thog Ono, agus Lod le 'bhailtibh.

13 Agus Beriah agus Sema: B'iadsan cinn aithrichean luchd-àiteachaidh Aialoin, a ruag luchd-àiteachaidh Ghat:

14 Agus Ahio, Sasac, agus Ierimot,

15 Agus Sebadiah, agus Arad, agus Ader,

16 Agus Michael, agus Ispah, agus Ioha, mic Bheriah;

17 Agus Sebadiah, agus Mesulam, agus Ileseci, agus Heber,

18 Agus Ismerai, agus Iesiah, agus Iobab, mic Elpaail;

19 Agus Iacim, agus Sichri, agus Sabdi,

20 Agus Elhoenai, agus Siltai, agus Eliel,

21 Agus Adaiah, agus Beraiah, agus Simrat, mic Shimhi;

22 Agus Ispan, agus Heber, agus Eliel,

23 Agus Abdon, agus Sichri, agus Hanan,

24 Agus Hananiah, agus Elam, agus Antotiah,

25 Agus Iphedciai, agus Penuel, mic Shasaic;

26 Agus Samserai, agus Sehariah, agus Ataliah,

27 Agus Iaresiah, agus Eliah, agus Sichri, mic Ierohaim.

28 Sin cinn nan aithrichean, a réir an ginealach, cinn-fheadhna. Bha iad sin a chòmhnuidh ann an Ierusalem.

29 Agus ann an Gibcon bha *Iehiel*, athair Ghibeoin, a chòmhnuidh; agus *b'e* ainm a mhnà Maachah;

30 Agus a cheud-ghin mic Abdon, agus Sur, agus Cis, agus Baal, agus Ner, agus Nadab, 31 Agus Gedor, agus Ahio, agus Sacher, agus Miclot.

32 Agus ghin Miclot Simeah. Agus chòmhnuidh iad sin mar an ceudna fa chomhair am bràithrean ann an Ierusalem maille r'am bràithribh.

33 Agus ghin Ner Cis, agus ghin Cis Saul, agus ghin Saul Ionatan, agus Malchisua, agus Abinadab, agus Esbaal.

34 Agus *b'e* mac Ionatain Merib-baal; agus ghin Merib-baal Micah.

35 Agus *B'iad* mic Mhichah, Piton, agus Melech, agus Tarea, agus Ahas.

36 Agus ghin Ahas Ichoadah; agus ghin Ichoadah Alemet, agus Asmabhet, agus Simri; agus ghin Simri Mosa,

37 Agus ghin Mosa Binea: *b'e* Rapha a mhac-san, Eleasah a mhac-san, Asel a mhac-san.

38 Agus *bha* aig Asel seathnar mhac; agus *is* iad so an ainmean, Asricam, Bocheru, agus Ismael, agus Seariah, agus Obadiah, agus Hanan. B'iad sin uile mic Aseil.

39 Agus *B'iad* mic Eseic a bhràthar, Ulam a cheud-ghin, Iehus an dara, agus Eliphelet an treasa.

40 Agus bha mic Ulaim 'n an daoineibh treuna, 'n am fir-bhogha; agus bha mòran mhac aca, agus mhac am mac, ceud agus leth-cheud: iad sin uile de mhacaibh Bheniamin.

CAIB. IX.

1 *Toiseach ghinealach Israeil agus Iudah.* 2 *Na h-Israelich, 10 na sagartan, 14 agus na Lebhitich, a ghabh còmhnuidh ann an Ierusalem.* 27 *Càram nan Lebhitheach.* 35 *Slìochd Shaul agus Ionatain.*

AGUS dh'airmheadh Israel uile a réir an ginealach, agus, feuch, *bha* iad sgriobhta ann an leabhar rìghrean Israeil. Ach thugadh Iudah air falbh do Bhabilon air son an eusaontais.

2 Agus *B'iad* an ceud luchd-àiteachaidh a ghabh còmhnuidh 'n an sealbh 'n am bailtibh, na h-Israelich, na sagartan, na Lebhitich, agus na Netinich.

3 Agus ann an Ierusalem ghabh còmhnuidh de chloinn Iudah, agus de chloinn Bheniamin, agus de chloinn Ephraim, agus Mhanaseh;

4 Utai mac Amihuid, mhic Omri, mhic Imri mhic Bhani, de chloinn Phareis mhic Iudah.

5 Agus de na Silonaich; Asaiah an ceud-ghin, agus a mhic.

6 Agus de mhacaibh Sherah; Ieuel, agus am bràithrean, sè ceud agus ceithir fichead agus a deich.

7 Agus de mhacaibh Bheniamin; Salu mac Mhesulaim, mhic Hodabbiah, mhic Hase-nuah:

1 EACHDRAIDH, IX.

8 Agus Ibneiah mac Ierohaim, agus Elah mac Udsi, mhic Mhichri, agus Mesulam mac Shephatiah, mhic Reueil, mhic Ibniah;

9 Agus am bràithrean, a réir an ginealach, naoi ceud agus sè deug agus dà fhichead. *Bu* chinn aithrichean na daoine sin uile ann an tigh an aithrichean.

10 Agus de na sagartaibh; Iedaiah, agus Iehoiarib, agus Iachin;

11 Agus Asariah mac Hileciah, mhic Mhesulaim, mhic Shadoic, mhic Mheraiot, mhic Ahituib, riaghladair tighe Dhé;

12 Agus Adaiach mac Ierohaim, mhic Phasuir, mhic Mhalchia; agus Maasai mac Adieil, mhic Iahserah, mhic Mhesulaim, mhic Mhesulemit mhic Imcir;

13 Agus am bràithrean, cinn tighe an aithrichean, mìle agus seachd ceud agus trì fichead, daoine ro fhoghainteach fa chomhair oibre seirbhis tighe Dhé.

14 Agus de na Lebhithich; Semaiah mac Hasuib, mhic Asricaim, mhic Hasabiah, de mhacaibh Mherari;

15 Agus Babcacar, Heres, agus Galal, agus Mataniah mac Mhica, mhic Shichri, mhic Asaph;

16 Agus Obadiah mac Shemaiah, mhic Ghalaal, mhic Iedutuin, agus Berechia mac Asa, mhic Elcanah, a bha 'chòmhnuidh ann am frith-bhailtibh nan Netophatach.

17 Agus *Uiad* na dorsairean Salum, agus Acub, agus Talmion, agus Ahiman, agus am bràithrean: *Ùe* Salum an ceannard;

18 A *bha* gus an àm so aig gcata an rìgh air an taobh an ear, 'n an dorsairibh ann an cuideachdaibh chloinn Lebhi.

19 Agus *bha* Salum mac Chore, mhic Ebiasaph, mhic Chorah, agus a bhràithrean, (de thigh 'athar), na Corahaich os ceann oibre na seirbhis, 'n an luchd-gleidhidh gheatachan a' phàillium; agus an aithrichean os ceann slòigh an Tighearna, 'n an luchd-gleidhidh air dol a stigh a' phàillium.

20 Agus b'e Phinehas mac Eleasair a bu cheann-riaghlaidh orra o *shean* 'am fianuis an Tighearna.

21 Maille ris *bha* Sechariah, mac Mhesele-miah, na dhorsair doruis pàillium a' chointhionail.

22 Iad sin uile a thaghadh gu bhi 'n an dorsairibh anns na geataibh, bu dà cheud agus dà fhear dheug iad. Dh'àirmheadh iad sin a réir an ginealach 'n am frith-bhailtibh, a shuidhich Daibhidh agus Samuel ann fear-seallaidh 'n an dreuchd suidhichte.

23 Mar sin bha iadsan, agus am mic, os ceann gheatachan tighe an Tighearna, agus tighe a' phàillium chum an gleidheadh.

24 Ann an ceithir chearnaibh bha na dorsairean, a làimh na h-àirde 'n ear, na h-àirde 'n iar, na h-àirde tuath, agus na h-àirde deas.

25 Agus am bràithrean 'n am frith-bhail-

ibh, gu teachd an dèigh sheachd làithean o àm gu h-am maille ri u.

26 Oir bha na Lebhithich sin, na ceithir àrd dhorsairean, 'n an dreuchd suidhichte, agus bha iad os ceann sheòmraichean, agus os ceann ionmhasan tighe Dhé.

27 Agus bha iad a' gabhail tàimh mu'n cuairt air tigh Dhé, a chionn gu'm b'ann orra-san a *bha* a chùram, agus gu'm *buin-eadh* dhoibh 'fhosgladh gach maduinn.

28 Agus *bha cuid* diubh os ceann nan soithichean frithealaidh, chum an toirt a stigh agus a mach air àireamh.

29 Chuireadh *cuid* diubh mar an ceudna os ceann nan soithichean, agus os ceann uile innealan an ionaid naoimh, agus os ceann na mine mine, agus an fhìona, agus na h-olaidh, agus na tuisge, agus nan spìosraidh.

30 Agus *bha cuid* de mhacaibh nan sagart a' deanamh na h-oladh-ungaidh de na spìosraidh.

31 Agus b'ann aig Matitiah *aon* de na Lebhithich, cadhon ceud-ghin Shalum a' Chorahaich, a *bha* dreuchd suidhichte os ceann nan nithean a rinneadh ann an aighnibh.

32 Agus *bha cuid eile* d'am bràithribh, de mhacaibh nan Cohatach, os ceann arain na fianuis, gu 'dheasachadh gach sàbaid.

33 Agus *is* iad sin an luchd-ciuil, cinn aithrichean nan Lebhitheach, a *bha* anns na seòmraichibh, saor o gach *cùram eile*; oir a là agus a dh'oidheche *bha* orra 'bhi r'an obair-san.

34 *Bha* cinn aithrichean sin nan Lebhith-each 'n an cinn a réir an ginealach: bha iad a chòmhnuidh ann an Ierusalem.

35 Agus ann an Gibeon chòmhnuich athair Ghibeoin, Iehiel; agus *b'e* ainm a mhnà Maachab:

36 Agus a cheud-ghin mic Abdon, an sin Sur, agus Cis, agus Baal, agus Ner, agus Nadab,

37 Agus Gedor, agus Ahio, agus Sechariah, agus Mielot.

38 Agus ghin Mielot Simeam: agus ghabh iadsan mar an ceudna còmhnuidh fa chomhair am bràithrean ann an Ierusalem, maille r'am bràithribh.

39 Agus ghin Ner Cis, agus ghin Cis Saul, agus ghin Saul Ionatan, agus Malchisua, agus Abinadab, agus Esbaal.

40 Agus *b'e* mac Ionatain Merib-baal: agus ghin Merib-baal Micah.

41 Agus b'iad mic Mhica, Piton, agus Melech, agus Tahrea, agus Alias.

42 Agus ghin Ahas Iehoadah, agus ghin Iehoadah Alemet, agus Asmabiet, agus Simri; agus ghin Simri Mosa;

43 Agus ghin Mosa Binea: agus *b'e* Rephaiah a mhac-san, Eleasah a mhac-san, Asel a mhac-san.

44 Agus bha aig Asel seathmar mhac, agus

is iad so an ainmean: Asricam, Bocheru, agus Ismael, agus Seariah, agus Obadiah, agus Hanan. B'iad sin mic Aseil.

CAIB. X.

1 *Bhuail na Philistich clann Israeil, agus mharbh iad Saul. 11 Nochd fir Iabais ghilead caoimhneas do Shaul agus da mhic. 14 Thugadh an rìoghachd do Dhaibhidh.*

ANIS chog na Philistich an aghaidh Israeil; agus theich fir Israeil 'o fhianuis nam Philisteach, agus thuit iad sìos marbhta ann an sliabh Ghilboa.

2 Agus lean na Philistich gu teann an déigh Shaul, agus an déigh a chuid mac; agus bhuail na Philistich Ionatan, agus Abinadab, agus Malchisua, mic Shaul.

3 Agus dh'fhàs an cath cruaidh an aghaidh Shaul, agus chuimsich na fir-bhogha e, agus lotadh e leis na fir-bhogha.

4 An sin thubhairt Saul ri fear-iomchair 'arm, Rùisg do chlaidheamh agus sàth tromham e, air eagal gu'n tig na daoine neo-thìnchioll-ghearrta sin, agus gu'n gnàthlaich iad gu maslach mi. Ach cha deanadh fear-iomchair 'arm sin, oir bha eagal mòr air. Uime sin ghlaic Saul claidheamh, agus thuit e air.

5 Agus an uair a chunnaic fear-iomchair 'arm gu'n robh Saul marbh, thuit esan mar an ceudna air a' chlaidheamh, agus fhuair e bàs.

6 Mar sin fhuair Saul bàs, agus a thriuir mhac, agus dh'eug a thigh uile 's an aon àm.

7 Agus an uair a chunnaic uile fhìr Israeil a bha 's a' ghileann gu'n do theich iad, agus gu'n robh Saul agus a mhic marbh, an sin thréig iad am bailtean, agus theich iad; agus thàinig na Philistich, agus chòmhnuich iad amta.

8 Agus air an là màireach, an uair a thàinig na Philistich a dh'fhaobhachadh nam marbh, fhuair iad Saul agus a mhic air tuiteam ann an sliabh Ghilboa.

9 Agus an uair a dh'fhaobhaich iad e, ghlaic iad a cheann, agus 'airm, agus chuir iad fìos do thìr nam Philisteach mu'n cuairt, gu sgeul a thoirt do thigh an diathan bréige, agus do'n t-sluagh.

10 Agus chuir iad 'airm ann an tigh an diathan agus dhaingnich iad a cheann ann an teampull Dhagoin.

11 Agus an uair a chual' uile luchd-àiteachaidh Iabais-ghilead na h-uile nithean a rinn na Philistich ri Saul,

12 Dh'éric na fir treuna uile, agus thug iad leo corp Shaul, agus cuirp a chuid mac, agus thug iad gu Iabais iad, agus dh'adhlac iad an cnàmhan fo 'n daraig ann an Iabais, agus thraisg iad seachd làithean.

13 Mar so dh'eug Saul air son a chionta a rinn e 'n aghaidh an Tighearn', an aghaidh fòcal an Tighearna nach do ghléidh e, agus mar an ceudna a chionn gu'n d'iarr e bean

aig an robh leannan-sith, a dh'fhiosrachadh dhith.

14 Agus nach d'fhiosraich e de'n Tighearn: nìme sin mharbh se e, agus thionndaidh e 'n rìoghachd a dh'ionnsuidh Dhaibhidh mhic Iesc.

CAIB. XI.

1 *Rinneadh Daibhidh 'n a rìgh air Israel aig Hebron. 5 Ghlaic e tìr Shìoin. 10 Aitreannh a dhaoine treuna.*

AN SIN chruinnich Israel uile iad féin a dh'ionnsuidh Dhaibhidh gu Hebron, ag ràdh, Feuch, is sinne do chnàimh agus d'fheoil.

2 Agus a bhàrr air so, 's an ùine 'chaidh seachad, eadhon an uair a bha Saul 'n a rìgh, bu tusa a threòraich a mach, agus a thug a steach Israeil; agus thubhairt an Tighearn do Dhia riut, Beathaichidh tusa mo shluagh Israeil, agus bithidh tu a'd' cheannard air mo shluagh Israeil.

3 Agus thàinig uile sheanairean Israeil a dh'ionnsuidh an rìgh gu Hebron; agus rinn Daibhidh coimheachangal riu ann an Hebron 'am fianuis an Tighearn: agus dh'ung iad Daibhidh 'n a rìgh air Israeil, a réir fòcal an Tighearn', le làmh Shlameuil.

4 Agus chaidh Daibhidh agus Israel uile gu h-Ierusalem, (is e sin Iebus,) far an robh na Iebusaich, luchd-àiteachaidh an fhearainn.

5 Agus thubhairt luchd-àiteachaidh Iebuis ri Daibhidh, Cha tig thu 'n so. Gidheadh, ghlaic Daibhidh tìr Shìoin; is e sin baile Dhaibhidh.

6 Agus thubhairt Daibhidh, Ge b'e 'bhuail-eas na Iebusaich an toiseach, bithidh esan 'n a cheannard agus 'n a uachdaran. Agus chaidh Ioab mac Sheruah suas an toiseach, agus bha e 'n a cheannard.

7 Agus ghabh Daibhidh còmhnuigh 's an tìr; uime sin thug iad baile Dhaibhidh mar ainm air.

8 Agus thog e am baile mu'n cuairt, eadhon o Mhìlo mu'n cuairt: agus chuir Ioab suas a ris a' chuid eile de'n bhaile.

9 Agus dh'fhàs Daibhidh nì bu mhò, agus nì bu mhò; oir bha Tighearn nan sluagh leis.

10 Agus is iad so roghadh nan daoine treuna a bha aig Daibhidh, a neartaich iad féin leis 'n a rìoghachd, agus le h-Israel uile, gu rìgh a dhcanamh dheth, a réir fòcal an Tighearna mu thìnchioll Israeil.

11 Agus is e so àireamh nan daoine treuna a bha aig Daibhidh; Iasobeam, mac Hachmoni, 'n a cheann air triuir: thog esan a shleagh an aghaidh thri ceud, a mharbhadh leis 's an aon àm.

12 Agus 'n a dhéigh-san bha Eleasar, mac Dhodo, an t-Ahohach; b'aon esan de na trì gaisgich.

13 Bha esan maille ri Daibhidh ann an Pasdanim, agus an sin bha na Philistich

air cruinneachadh an ceann a chéile gu cath; [agus dh'innich fir Israeil rompa:

Dh'éirich esan, agus bhuail e na Philistich gus an robh a làmh sgìth, agus gu'n do lean a làmh ris a' chlaidheamh. Agus dh'oibrich an Tighearn saorsa mhòr air an là sin; agus phill an sluagh 'n a dhéigh a mhàin a thional creiche.

Agus 'n a dhéigh-san bha Samah, mac Agee, an Hararach: agus chruinnicheadh na Philistich 'n am buidhinn; far an robh dail fhearainn làn eorna; agus theich an sluagh roimh na Philistich.

14 Agus shuidhich iadsan iad féin 'am meadhon na dalach *sin*, agus dhion iad i, agus mharbh iad na Philistich; agus shaor an Tighearn *iad* le saorsa mhòr.

15 A nis chaidh triuir de na deich ceann-aidr fhichead sìos do'n charraig a dh'ionnsuidh Daibhidh, gu uaimh Adullaim: agus champaich feachd nam Philisteach ann an gleann Rephaim.

16 Agus *bha* Daibhidh an sin 's an daingneach; agus *bha* freiceadan nam Philisteach an sin ann am Bet-lehem.

17 Agus mhiannaich Daibhidh, agus thubhairt e, O nach tugadh neach dhomh deoch uisge o thobar Bhet-lehem, a *tha* aig a' gheata!

18 Agus bhris an triuir troimh fheachd nam Philisteach, agus tharruing iad uisge a tobar Bhet-lehem a *bha* aig a' gheata, agus ghabh iad e, agus thug iad e gu Daibhidh: ach cha-n oladh Daibhidh e, ach thaom e mach e do'n Tighearn,

19 Agus thubhairt e, Nar leigeadh mo Dhia dhomh gu'n deanainn an ni so: an òlainne fuil nan daoine so a chuir am beatha ann an cunnart? oir le cunnart am beatha thug iad leo e: uime sin cha-n oladh e dheth. Na nithean sin rinn an triuir dhaoine treuna.

20 Agus bha Abisai, bràthair Ioaib, 'n a cheann air triuir; agus thog e a shleagh an aghaidh trì cheud, a mharbh e; agus *bha* ann aige am measg triuir.

21 De'n triuir b'e a b'urramaiche na an dithis, agus bha e 'n a cheannard orra: gidheadh, cha d'ràinig e gu ruig a' cheud triuir.

22 *Mharbh* Benaiah, mac Iehoiada, mhic duine ghaigheil o Chabseel, a rinn mòran ghnòmharan, mharbh esan dithis fhear leòmhanaid de Mhoab: chaidh e sìos mar an cendna, agus mharbh e leòmhanaid ann am meadhon sluicid air latha sneachda.

23 Agus mharbh e Eiphiteach, duine de mheudachd mhòir, cùig lamhan-coille air àirde; agus ann an àinm an Eiphitich *bha* sleagh cosmhuil ri garman figheadair; ach chaidh esan sìos d'a ionnsuidh le luing, agus spion e 'n t-sleagh a àinm an Eiphitich, agus mharbh e le 'shleagh féin e.

24 Na nithean sin rinn Benaiah mac Ie-

hoiada, agus *bha* ainm aige am measg triuir dhaoine treuna.

25 Feuch, de'n triuir b'e a b'urramaiche, ach cha d'ràinig e gu ruig a' cheud triuir: agus chuir Daibhidh e os ceann a fhreicead-ain.

26 Mar an ceudna b'iad daoine treuna nan armailt, Asahel bràthair Ioaib, Elhanan mac Dhodo o Bhet-lehem,

27 Samot an t-Hararach, Heles am Pelonach,

28 Ira mac Iceis an Tecoch, Abieser an t-Anatotach,

29 Sibecai an t-Husatach, Ilai an t-Aho-hach,

30 Maharai an Netophatach, Heled mac Bhaanah an Netophatach,

31 Itai mac Ribai o Ghibeah chloinn Bhen-iamin, Benaiah am Piratonach,

32 Hurai o shruthaibh Ghaais, Abiel an t-Arbatach,

33 Asmabhet am Baharumach, Eliabha an Saalbnoch.

34 Mic Haseim a' Ghisonaich; Ionatan mac Shage an t-Hararach,

35 Ahiam mac Shacair an t-Hararach, Eliphal mac Uir,

36 Hephher am Mecheratach, Ahiah am Pelonach,

37 Hesro an Carmeach, Naarai mac Esbai,

38 Ioel bràthair Natain, Mibchar mac Hageri,

39 Selce an t-Amonach, Naharai am Bero-tach, fear-iomchair arm Ioaib mhic Sheraiah,

40 Ira an t-Itreach, Gareb an t-Itreach,

41 Uriah an t-Hiteach, Sabad mac Ahlai,

42 Adina mac Shisa Reubeneach, ceannard de na Reubenich, agus deich thar fhichead maille ris,

43 Hanan mac Mhaachah, agus Iosaphat am Mitneach,

44 Udsia an t-Asteratach, Sama agus Iehiel mic Hotaim an Aroerich,

45 Iediel mac Shimri, agus Iolia a bhràth-air an Tidseach,

46 Eliel am Mahabbach, agus Ieribai agus Iosabiah mic Elzaaim, agus Itmah ann Moabach,

47 Eliel, agus Obed, agus Iasiel o Mheso-bia.

CAIB. XII.

1 *Na buidhnean a thàinig a dh'ionnsuidh Daibhidh gu Siclag.* 23 *Na daoine armaichte a thàinig d'a ionnsuidh gu Hebron.*

ANIS is iad so iadsan a thàinig a dh'ionnsuidh Daibhidh gu Siclag, 'n uair a bha e fathast 'g a chumail féin a stigh air cagal Shauil mhic Chis: agus *bha* iad am measg nam fear treuna, 'n an luchd-cuid-eachaidh 's a' chogadh.

2 *Bha iad armaichte le boghannaibh, agus teòma leis an àinm dheis agus chli air clachan a thilgeadh, agus saighdean a*

bogha, *eadhon* de bhràithribh Shaul de Bheniamin.

3 *Be* Ahiesera 'bu bharrachta *dhiubh*, an sin Iosaf, mic Shemaah a' Ghibeataich; agus Iesiel agus Pelet mic Asmabheit; agus Beracha, agus Iehu an t-Anatotach,

4 Agus Ismaiah an Gibeonach, duine treun am measg an deich thar fhichead, agus os ceann an deich thar fhichead; agus Ieremiah, agus Iehasiel, agus Iohanan, agus Iosabad an Gederatach,

5 Elusai, agus Ierimot, agus Bealial, agus Semariah, agus Sephatiah an t-Haruphach,

6 Elcanah, agus Iesia, agus Asareel, agus Ioeser, agus Iasobeam, na Corhaich,

7 Agus Ioelach agus Sebadiah, mic Ierohaim o Ghedor.

8 Agus de na Gadaich chaidh thairis a dh'ionnsuidh Dhaibhidh, do'n daingneach anns an fhàsach, daoine treuna, fir-chogaidh *iomchuidh* chum catha, d'am bàithne sgiath agus targaid a laimhseachadh, aig an robh an gnùisean mar ghnùisibh leòmhann, agus iad co luath ris na h-éildibh air na beanntaibh.

9 Eser an ceud fhear, Obadiah an dara, Elhab an treas,

10 Mismanah an ceathramh, Ieremiah an cùigeamh,

11 Atai an seathamh, Eliel an seachdamh,

12 Iohanan an t-ochdamh, Elsabad an naothamh,

13 Ieremiah an deicheamh, Machbanai an t-aon fhear deug.

14 *Bha* iad sin de mhacaibh Ghad 'n an ceannardaibh an t-slàigh : an t-aon 'bu lugha dhiubh os ceann ceud, agus an t-aon 'bu mhò os ceann mhile.

15 Sin iadsan a chaidh thairis air Iordan 's a' cheud mhìos, an uair a bha sruth 'cur thairis air a bruchaibh uile; agus chuir iad an ruaig air *muinntir* nan gleann uile, a lèimh na h-àirde 'n ear, agus na h-àirde 'n iar.

16 Thàinig mar an cendna *cuid* de chloinn Bheniamin agus Iudah do'n daingneach a dh'ionnsuidh Dhaibhidh.

17 Agus chaidh Daibhidh a mach 'n an coinneamh, agus fhreagair e, agus thubhairt e riu, Ma thàinig sibh gu sìochail a m' ionnsuidh-sa a chuideachadh leam, bitheadh mo chridhe leibh le aon rùn: ach ma thàinig sibh a chum mo bhrath do m' naimhdebh, 'n uair nach 'eil eucoir air bith a'm lèimhan, gu'n amhairceadh Dia ar n-aithrichean air sin, agus gu'n cronaich-cadh se e.

18 An sin thàinig an spiorad air Amasai, am fear a b'ubhiche de na ceannardaibh, agus thubhairt e, Leatsa tha sinne, a Dhaibhidh, agus air do thaobh, a mhic Iese: sìth, sìth dhuit, agus sìth do d' luchd-cuideachaidh; oir tha do Dhia a' còmh-nadh leat. Agus ghabh Daibhidh iad,

agus rinn e iad 'n an ceannardaibh na buidhne.

19 Agus chaidh *cuid* de Mhanaseh thairis a dh'ionnsuidh Dhaibhidh, 'n uair a thàinig e leis na Philistich an aghaidh Shaul gu cath, ach cha do chuidich iad leo; oir, le comhairle, chuir tighearnan nam Philisteach air falbh c, ag ràdh, Le *cunnart* ar ceann-ne thèid e thairis a dh'ionnsuidh Shaul a thighearna.

20 'N uair a bha e 'dol gu Siciag, chaidh thairis d'a ionnsuidh de Mhanaseh, Adnah, agus Iosabad, agus Iediael, agus Michael, agus Iosabed agus Elihu, agus Siltai, cinn-fheadhna nam mìltean a bha de Mhanaseh.

21 Agus chuidich iad le Daibhidh an aghaidh buidhne nan creachadairean: oir bu daoine treuna iad uile, agus bha iad 'n an ceannardaibh 's an fheadh.

22 Oir mu'n àm sin, là 'n déigh là, thàinig iad a dh'ionnsuidh Dhaibhidh a chòmh-nadh leis, agus an robh feachd mòr ann, mar fheadh Dhé.

23 Agus is e so àireamh nan daoine armaichte chum cogaidh, a thàinig a dh'ionnsuidh Dhaibhidh gu Hebron, a thionndadh rìoghachd Shaul d'a ionnsuidh-san, a réir focail an Tighearna.

24 Mic Iudah, a ghiùlain sgiath agus sleagh, sè mìle agus ochd ceud, armaichte chum cogaidh.

25 De mhacaibh Shimeoin, fir threuna gu cogadh, seachd mìle agus ceud.

26 De mhacaibh Lebhì, ceithir mìle agus sè ceud.

27 Agus Iehoiada ceannard nan Aaronach, agus maille ris trì mìle agus seachd ceud.

28 Agus Sadoc òganach ro threun, agus de thigh 'athar dà cheannard thar fhichead.

29 Agus de mhacaibh Bheniamin, luchd-dàimh Shaul, trì mìle; oir fathast *bha* 'chuid 'bu mhò dhiubh 'n am freiceadan air tigh Shaul.

30 Agus de mhacaibh Ephraim, fichead mìle agus ochd ceud, fir threuna, ainmeil ann an tigh an aithrichean.

31 Agus de leth-thréibh Mhanaseh, ochd mìle deug, a dh'ainmicheadh air an ainmibh, gu teachd a dheanamh Dhaibhidh 'n a rìgh.

32 Agus de mhacaibh Isachair, aig an robh aithne air na h-aimsiribh, a thuigsinn ciod a bu chòir do Israel a dheanamh, bu dà cheud an ceannardan; agus am bràithrean uile aig an ordugh-san.

33 De Shebulun a' mheud 's a chaidh mach gu cath, daoine tèma ann an cogadh, le uil' innealaibh cogaidh, deich agus dà fhichead mìle, a chuideachadh Dhaibhidh gun cheilg 'n an cridhe.

34 Agus de Naphtali mìle ceannard, agus

maille riu-san, le sgéith agus sleagh, seachd mìle deug thar fhichead.

35 Agus de na Danaich, teòma ann an cogadh, ochd mìle fichead agus sè ceud.

36 Agus de Aser, a' mheud 's a rachadh a mach gu cath, teòma ann an cogadh, dà fhichead mìle.

37 Agus air an taobh eile de Iordan, de na Reubenich, agus de na Gadaich, agus de leth-thréibh Mhanaseh, le uil' innealaibh-cogaidh chum catha, ceud agus fich-ead mìle.

38 Na fir-chogaidh sin uile, d'am b'aithne dol 'an ordugh *bàir*, le cridhe iomlan thàinig iad gu Hebron a dheanamh Daibhidh 'n a rìgh os ceann Israeil uile: agus mar an ceudna *bha* 'chuid eile de Israeil gu léir a dh' aon chridhe chum Daibhidh a dheanamh 'n a rìgh.

39 Agus bha iad an sin maille ri Daibhidh trì làithean, ag itheadh agus ag òl: oir dh'ulluich am bràithrean air an son.

40 A bhàrr air sin, thug iadsan a bha fagus doibh, gu ruig Isachar, agus Sebulun, agus Naphtali, aran leo air asalaibh, agus air chàmhalaibh, agus air mhùileidibh, agus air dhaimh, biadh, min, mill fhège, agus bagaidean de fhìon-dhearcaibh tiormachichte, agus fion, agus oladh, agus daimh. agus caoraich ann am pailteas; oir *bha* aoibhneas ann an Israeil.

CAIB. XIII.

1 *Thug Daibhidh an àire o Chiriat-earim.* 9 *Bhuail Dia Usa, agus fhuair e bàs.* 13 *Dh'fhàgadh an àire aig tigh Obed-edoim.*

A GUS chuir Daibhidh a chomhairle riu-san a bha os ceann mhìltean agus cheud, ris gach uile cheannard.

2 Agus thubhairt Daibhidh ri uile chomh-chruinneachadh Israeil, Ma *chithear* iomchuidh dhuibh, agus *gur ann* o'n Tighearn ar Dia a tha '*chùis*, cuireamaid fios a mach a dh'ionnsuidh ar bràithrean anns gach àit, a dh'fhàgadh ann an uile thir Israeil, agus maille riu-san a dh'ionnsuidh nan sagart agus nan Lebhiteach a tha 'n am bailtibh le'm fearann comh-roinu, iad g'an cruinneachadh féin thugainn.

3 Agus thugamaid a ris àire ar Dé d'ar n-ionnsuidh: oir cha d'fhiosraich sinn dheth ann an làithibh Shaùil.

4 Agus thubhairt an comhchruinneachadh gu léir, gu'm bu chòir sin a dheanamh; oir bha an nì ceart ann an sùilibh an t-sluaigh uile.

5 Uime sin chruinnich Daibhidh Israeil uile an ceann a chéile, o Shihor na h-Eiphit gu dol a steach Hamait, chum àire Dhé a thoirt o Chiriat-earim.

6 Agus chaidh Daibhidh suas, agus Israeil uile do Bhaalat, *eadhon* gu Ciriat-earim a *bhuineadh* do Iudah, a thabhairt leo as a sin àire Dhé an Tighearn, a tha 'chòmh-

nuidh *eadar* na cherubim air an gairiuear 'ainm.

7 Agus ghiùlain iad àire Dhé air feun ùr o thigh Abinadaib: agus dh'iomain Usa agus Ahio am feun.

8 Agus chluich Daibhidh agus Israeil uile 'am fianuis Dhé le 'n uile neart, eadhon le laoidhean, agus le clàrsaichean, agus le saltairibh, agus le tiompanaibh, agus le ciombalaibh, agus le trompaidibh.

9 Agus an uair a thàinig iad gu h-urlar-bnalaich Chidoin, chuir Usa a mach a làmh a ghabhail greim de'n àire, oir chuir na daimh air chrith i.

10 Agus las fearg an Tighearn an aghaidh Usa, agus bhuail se e, a chionn gu'n do chuir e a làmh ris an àire: agus dh'eug e 'n sin an làthair Dhé.

11 Agus bha doilgheas air Daibhidh a chionn gu'n d'rin an Tighearn briseadh air Usa: agus dh'ainmich e 'n t-àite sin Peres-usa gu ruig an là 'n diugh.

12 Agus bha eagal air Daibhidh roimh Dhia air an là sin, agus thubhairt e, Cionnus a bheir mise àire Dhé dhachaidh do m' ionnsuidh?

13 Uime sin cha d'thug Daibhidh an àire d'a ionnsuidh féin gu baile Dhaibhidh; ach thug e a leth-taobh i gu tigh Obed-edoim a' Ghithich.

14 Agus dh'fhan àire Dhé maille ri teachlach Obed-edoim 'n a thigh trì mìosan. Agus bheannaich an Tighearn tigh Obed-edoim, agus gach nì a *bh* aige.

CAIB. XIV.

1 *Chuir Hiram fiodh agus clachairean a dh'ionnsuidh Daibhidh.* 4 *Ainmean a chloinne a rugadh dha ann an Ierusalem.* 8 *Bhuail Daibhidh na Philistich dà uair le h-àr mòr.*

A NIS chuir Hiram rìgh Thiruis teachd-airean a dh'ionnsuidh Daibhidh, agus fiodh seudair, agus clachairean, agus saoir, a thogail tighe dha.

2 Agus dh'aithnich Daibhidh gu'n do dhaingnich an Tighearn e 'n a rìgh air Israeil, agus gu'n d'ardaicheadh gu mòr a rìoghachd air son a shluaigh Israeil.

3 Agus ghabh Daibhidh tuilleadh bhan ann an Ierusalem; agus ghin Daibhidh fathast muic agus nigheanan.

4 Agus is iad so ainmean a chloinne a bha aige ann an Ierusalem; Samua, agus Sobab, Natan, agus Solamb,

5 Agus Ibhàr, agus Elisua, agus Elphalet,

6 Agus Nogah, agus Nepheg, agus Iaphia,

7 Agus Elisama, agus Beeliada, agus Elphalet.

8 Agus an uair a chuala na Philistich gu'n d'ungadh Daibhidh 'u a rìgh air Israeil uile, thàinig na Philistich gu léir a nìos a dh'iarraidh Daibhidh: agus chuala Daibhidh *sin*, agus chaidh e mach 'n an aghaidh.

9 Agus thàinig na Philistich, agus sgaol siad iad féin ann an gleann Rephaim.

10 Agus dh'fhiosraich Daibhidh de Dhia, ag ràdh, An téid mi suas an aghaidh nam Philisteach, agus an toir thu thairis iad a'm làimh? Agus thubhairt an Tighearn ris, Gabh suas, agus bheir mise thairis iad a' d' làimh.

11 Agus thàinig iad gu Baal-perasim; agus bhuail Daibhidh an sin iad. Agus thubhairt Daibhidh, Bhris Dia mo naimh-dean o' chéile le m' làimh-sa, mar bhriseadh uisgeachan: uime sin thug iad Baal-perasim mar ainm air an àite sin.

12 Agus dh'fhàg iad an diathan an sin, agus thug Daibhidh àithne, agus loisgeadh iad le teime.

13 Agus thàinig na Philistich a ris, agus sgaoil siad iad féin anns a' ghleann.

14 Uime sin dh'fhiosraich Daibhidh a ris de Dhia; agus thubhairt Dia ris, Na gabh suas 'n an deigh; tionndaidh air falbh uatha, agus thig orra fa chomhair chraobh nan smeur.

15 Agus an uair a chluinneas tu fuaim siubhail ann am barraibh chraobh nan smeur, an sin théid thu mach chum catha; oir théid Dia a mach romlad, a bhualachd feachd nam Philisteach.

16 Agus rinn Daibhidh mar a dh'àithn Dia dha: agus bhuail iad feachd nam Philisteach o Ghibeon cadhoin gu Gaser.

17 Agus chaidh ainm Dhaibhidh a mach do gach tìr, agus thug an Tighearn 'cagal-san air na h-uile chinneachaibh.

CAIB. XV.

1 *Dh'orduich Daibhidh do na Lebhithich an àire a thoirt suas do'n àit a dh'ulluich e air a son.*

29 *Rinn Michal tair air 'n a cridhe 'n uair a chunnair i e a' d'annsadh agus a' cluicheadh.*

A GUS rinn Daibhidh dha féin tighean ann am baile Dhaibhidh, agus dh'ull-nich e àite do àire Dhé, agus shuidhich e bùth dhi.

2 An sin thubhairt Daibhidh; cha chòir do neach air bith àire Dhé iomchar, ach do na Lebhithich; oir iadsan ròghnaich an Tighearn gu àire Dhé iomchar, agus gu frithealadh dha gu bràth.

3 Agus chruinnich Daibhidh Israel uile an ceann a chéile gu h-Ierusalem, gu àire an Tighearn a thoirt suas a dh'ionnsuidh a h-àite, a dh'ulluich e air a son.

4 Agus chruinnich Daibhidh mic Aaroin agus na Lebhithich:

5 De mhacaibh Chohait; Uriel an ceann, agus a bhràithrean ceud agus fichead.

6 De mhacaibh Mherari; Asaiah an ceann, agus a bhràithrean dà cheud agus fichead.

7 De mhacaibh Gheroin; Ioel an ceann, agus a bhràithrean ceud agus deich thar fhichead.

8 De mhacaibh Elisaphain; Semaiah an ceann, agus a bhràithrean dà cheud.

9 De mhacaibh Hebron; Eliel an ceann, agus a bhràithrean ceithir fichead.

10 De mhacaibh Udseil; Aminadab an ceann, agus a bhràithrean ceud agus dà fhear dheug.

11 Agus ghairm Daibhidh air Sadoc agus Abiatar na sagartan, agus air na Lebhithich, air Uriel, Asaiah, agus Ioel, Semaiah, agus Eliel, agus Aminadab,

12 Agus thubhairt e riu, *Is sibhse cinn aithrichan nan Lebhitheach: naomhaichibh sibh féin, sibhse agus bhuir bràithrean, chum gu'n toir sibh suas àire an Tighearna Dé Israeil, a dh'ionnsuidh an àit a dh'ulluich mise dhi:*

13 Oir a chionn nach robh sibh a làthair roinne, rinn an Tighearn ar Dia briseadh oirne, do bhrìgh nach d'iarr sinn e air mhodh dligeach.

14 Uime sin naomhaich na sagartan agus na Lebhithich iad féin, a thabhairt suas àire an Tighearna Dé Israeil.

15 Agus ghiùlain mic nan Lebhitheach àire Dhé air an guaiuibh, leis na lunnaihbh orra, mar a dh'àithn Maois a réir focail an Tighearna.

16 Agus labhair Daibhidh ri h-uachdaran-aibh nan Lebhitheach, am bràithrean orduchadh *bhi* 'n an luchd-ciuil le h-inneal-aibh-ciuil, saltairibh, agus clàrsaichibh, agus ciombalaibh, a' deanamh fuaim, a' togail suas a' ghutha le h-aobhlneas.

17 Uime sin dh'orduich na Lebhithich Heman mac Ioel; agus d'a bhràithribh, Asaph mac Bherechiah; agus de mhacaibh Mherari am bràithribh, Eitan mac Chusaiah:

18 Agus maille riu am bràithrean de'n dara ceum, Sechariah, Ben, agus Iaasiel, agus Semiramot, agus Iehiel, agus Uni Eliab, agus Benaiah, agus Maaseiah, agus Matitiah, agus Eliphelch, agus Micneiah, agus Obed-edom, agus Ieiel, na dorsair-ean.

19 Agus bha'n luchd-ciuil, Heman, Asaph, agus Eitan, gu fuaim a dheanamh le ciombalaibh umha;

20 Agus Sechariah, agus Asiel, agus Semiramot, agus Iehiel, agus Uni, agus Eliab, agus Maaseiah, agus Benaiah, le saltairibh air Alamot:

21 Agus Matitiah, agus Eliphelch, agus Micneiah, agus Obed-edom, agus Ieiel, agus Asaiah, le clàrsaichibh air Seminit a thoirt barrachd.

22 Agus bha Ocnaniah uachdaran de na Lebhithich os ceann na laoidh: sheòl e mu thimcheòll na laoidh, a chionn gu'n robh e eòlach.

23 Agus bha Berechiah agus Elcanah 'n an dorsairibh do'n àire.

24 Agus bha Sebaniah, agus Ichosaphat, agus Netaneel, agus Amasai, agus Sechariah, agus Benaiah, agus Elieser na sagartan, a' séideadh leis na trompaidibh roimh àire Dhé: agus bha Obed-edom agus

Iehiah 'n an luchd-gleidhidh doruis na h-àirce.

25 Mar sin chaidh Daibhidh agus sean-àirean Israeil, agus na ceannardan mhìltean, a thoirt suas àirce coimheangail an Tighearn' á tigh Obed-edoin le h-aoibh-neas.

26 Agus an uair a chuidich Dia leis na Lebhithich a ghlùlain àirce coimheangail an Tighearna, dh'ìobair iad seachd tairbh òga agus seachd reitheachan.

27 Agus *bha* Daibhidh sgeadaichte le falluinn de anart grinn, agus na Lebhithich uile a bha 'ghlùlan na h-àirce, agus an luchd-eiùil, agus Chenaniah an t-àrd fhear-seinn am measg an luchd-eiùil: air Daibhidh mar an ceudna *bha* ephod anairt.

28 Mar so thug Israel uile suas àirce coimheangail an Tighearna le h-iolaich, agus le fuaim a' bhuabhuill, agus le trompaidibh, agus le ciombalaibh, a' deanamh coimh-sheirm le saltairibh agus clàrsaichibh.

29 Agus an uair a thàinig àirce coimheangail an Tighearna steach do bhaile Dhaibhidh, bha Michal nighean Shaul ag amharc a mach air uinneig, agus chunnaic i rìgh Daibhidh a' dannsadh agus a' cluicheadh; agus rinn i tàir air 'n a cridhe.

CAIB. XVI.

1 *Thug Daibhidh suas iobairtean, agus bheannaich e an sluagh. 7 A laoidh mholaidh. 37 Dh'orduich e cuid dè'n t-sluagh a fhrith-ealadh roimh an àirce.*

AGUS thug iad a steach àirce Dhé, agus chuir iad i ann am meadhon a' bhùtha a shuidhich Daibhidh air a son: agus thug iad seachad iobairtean-loisgte agus iobairtean-sith 'am fianuis Dhé.

2 Agus an uair a chuir Daibhidh crìoch air na h-iobairtean-loisgte 'thoirt suas, agus na h-iobairtean-sith, bheannaich e 'n sluagh 'an ainm an Tighearna.

3 Agus roinn e air gach aon de Israel, eadar fhear agus bhean, do gach aon buihonn arain, agus mìr maith feòla, agus copan *fiona*.

4 Agus dh'orduich e *cuid* de na Lebhithich a fhrith-ealadh roimh àirce an Tighearn', agus a chur air chuimhve, agus a thoirt buidheachais agus cliù do'n Tighearn Dia Israeil:

5 Asaph an ceann, agus 'n a dhéigh-san Sechariah, an sin Ieiel, agus Semiramot, agus Iehiel, agus Matitiah, agus Eliab, agus Benaiah, agus Obed-edom; agus Ieiel le saltairibh agus clàrsaichibh; agus Asaph le ciombalaibh a' deanamh fuaim:

6 Benaiah mar an ceudna agus Iahasiel na sagartan, le trompaidibh a ghnàth roimh àirce coimheangail Dhé.

7 An sin air an là siù, thug Daibhidh seachad a' cheud uair an *laoidh* mholaidh so do'n Tighearn, ann an làimh Asaiph agus a bhraithrean:

8 Molaibh an Tighearn, gairmibh air 'ainm, deanaibh a ghnìomharan aithnichte am measg nan sluagh.

9 Seinnibh dha-san, seinnibh sailm dha, labhraibh air 'uile oibribh iongantach-san.

10 Deanaibhse uail 'n a ainm naomh: deanadh cridhe na muinntir a tha 'g iarraidh an Tighearna gairdeachas.

11 Iarraibh an Tighearn agus a neart, iarraibh a ghlùis a ghnàth.

12 Cuimhnichibh 'oibrean iongantach a rinn e, a chomharan agus breitheanais a bhéil;

13 O sibhse a shliochd Israeil 'òglaich-san, sibhse a chlann Iacoib, a dhaoine taghta-san.

14 *Is* esan an Tighearn ar Dia-ne; air feadh na talmhainn uile *tha* a bhreitheanais-san.

15 Cuimhnichibh an còmhnuidh a choimheangal, am focal *a* dh'àithn e do mhìle ginealach;

16 A rinn e ri h-Abraham, agus a mhionnan do Isaac:

17 Agus dhainguich e sin do Iacob mar lagh, do Israel mar choimheangal bith-bhuan,

18 Ag ràdh, Dhuitse bheir mi fearann Chanaan, crannchur bhur n-oighreachd.

19 An uair nach robh iad ach ro thearc 'an àireamh, agus 'n an coirich aum.

20 Agus a chaidh iad o chinneach gu einneach, agus o rìoghachd gu sluagh eile;

21 Cha do leig e le duine sam bith eucoir a dhèanamh orra; agus smachdaich e rìghrean air an son-san:

22 *Ag ràdh*, Na beanaibh ri m' dhaoimibh ungta, agus air n'fhàidhibh na deanaibh cron sam bith.

23 Seinnibh do'n Tighearn, gach uile thìr; foillsichibh o là gu là a shlàinte.

24 Cuiribh a ghlòir 'an céill am measg nan cinneach; 'oibre iongantach an measg nan uile shluagh:

25 Oir *is* mòr an Tighearn, agus ro àirdh air cliù; agus *is* aobhar eagail esan os ceann nan uile dhiathan:

26 Oir *is* iodholan uile dhiathan nan einneach; ach *is* e 'n Tighearn a rinn na nèamhan.

27 *Tha* glòir agus mòralachd 'n a làthair; neart agus subhachas 'n a ionad-san.

28 Thugaibh do'n Tighearn, sibhse fhineacha nan sluagh; thugaibh do'n Tighearn urram agus neart.

29 Thugaibh do'n Tighearn an t-urram a's cubhaidh d'a ainm: thugaibh tabhartas leibh, agus thigibh 'n a làthair; sleuchdaibh do'n Tighearn aum am maise na naomhachd.

30 Bitheadh eagal oirbh 'n a fhianuis-san, gach uile thìr: damgnichear an domhan leis, air chor as nach gluaisear e.

31 Bitheadh na nèamhan ait, agus deanadh an talamh gairdeachas; agus abradh iad aum

measg nan cinneach, Tha'n Tighearn a' rioghachadh.

32 Beucadh an fhairge, agus a làn; dean-adh a' mhachair gairdeachas, agus gach ni a tha innte.

33 An sin seinnidh craobhan na coille gu h-àrd-ghuthach an làthair an Tighearn, a chionn gu bheil e 'teachd a thoirt breth air an talamh.

34 Molaibh an Tighearn, oir tha e maith; oir gu bràth mairidh a thròcair.

35 Agus abraibhse, Tèaruinn sinn, O 'Dhé ar slàinte, agus cruinnich r'a chéile sinn, agus saor sinn o na cinnich, a chum gu'n toir sinn moladh do d'ainm naomha-sa, agus gu'n dean sinn uail ann ad chlu.

36 Beannaichte gu robh an Tighearn Dia Israeil gu saoghal nan saoghal. Agus thubhairt an sluagh uile, Amen, agus chliùthaich iad an Tighearn.

37 Agus dh'fhàg e an sin fa chomhair àirce coimhcheangail an Tighearn, Asaph agus a bhràithrean, a fhrithéaladh air beulaobh na h-àirce an còmhnuidh, mar a dh'iarradh obair gach là:

38 Agus Obed-edom, agus am bràithrean, ocdh agus tri fichead: Obed-edom mar an ceudna, mac Iedutuinn, agus Hosah, 'n an dorsairibh:

39 Agus Sadoc an sagart, agus a bhràithrean na sagartan, fa chomhair pàilliuin an Tighearna, anns an àit àrd a bh'ann an Gibeon,

40 A dh'ìobradh ìobairtean-loisgte do'n Tighearn air altair na h-ìobairt-loisgte a ghnàth, 's a' mhaduinn agus 's an fheasgar, agus a dheanamh a réir gach ni a tha sgrìobhta ann an lagh an Tighearn, a dh'aithn e do Israel:

41 Agus maille riu-san Heman agus Iedutun, agus a' chuid eile a thaghadh, a ghairmeadh air an ainmibh, a thoirt cliù do'n Tighearn, a chionn gu bheil a thròcair bith-bhuan:

42 Eadhon maille riu-san Heman agus Iedutun le trompaidibh, agus le ciombal-aibh, a' deanamh fuaim, agus le h-inneal-aibh ciuil Dhé: agus bha mic Iedutuinn 'n an dorsairibh.

43 Agus dh'fhalbh an sluagh uile, gach duine d'a thigh féin: agus phill Daibhidh a bheannachadh a thighe féin.

CAIB. XVII.

1 *Thoir misg Natan do Dhaibhidh tigh a thogail do Dha. 11 Fhuair Daibhidh gealladh air beannachdaibh àraidh 'n a shliochd. 16 'Urnuigh agus a laoidh-mholaidh.*

ANIS an uair a bha Daibhidh 'n a shuidhe 'n a thigh, thubhairt Daibhidh ri Natan am faidh, Feuch, tha mise a'm' chòmhnuidh ann an tigh seudair, ach tha àire coimhcheangail an Tighearna fo chùirt-einibh.

2 Agus thubhairt Natan ri Daibhidh,

Dean gach ni a tha ann ad chridhe; oir tha Dia leat.

3 Agus air an oidhche sin féin thàinig focal Dhé gu Natan, ag ràdh,

4 Falbh agus innis do m'òglach Daibhidh, Mar so tha'n Tighearn ag ràdh, Cha tog thusa dhomhsa tigh gu còmhnuidh 'ghabhail ann:

5 Oir cha do ghabh mise còmhnuidh ann an tigh o'n là air an d'thug mi nìos Israel as an Eiphit gus an là'n diugh, ach bha mi o bhùth gu bùth, agus o phàilliuin gu pàilliuin.

6 Ge b'e taobh a chaidh mi le h-Israel uile an do labhair mi focal ri h-aon de bhreith-eamhaibh Israeil, (d'an d'aithn mi mo shluagh a bheathachadh,) ag ràdh, C'ar son nach do thog sibh dhomh tigh seudair?

7 A nìs uime sin mar so their thu ri m' sheirbhiseach Daibhidh, Mar so tha Tighearn nan sluagh ag ràdh, thug mi thu o chrò nan caorach, o leantuinn nan caorach, gu bhi ann ad cheannard air mo shluagh Israel:

8 Agus bha mi leat gach taobh a chaidh thu, agus ghearr mi as do naimhdean uile romhad, agus rinn mi dhuit ainm cosmhuil ri ainm nan *dwine* mòra a tha air an talamh.

9 Agus dh'orduich mi àite do m' shluagh Israel, agus shuidhich mi iad, agus gabhaidh iad còmhnuidh 'n an àit, agus cha ghluaisear iad tuilleadh; cha mhò a chlaoidheas clann na h-aingidheachd iad tuilleadh, mar an toiscach,

10 Agus o'n àm 's an d'aithn mi do bhreith-eamhaibh *bhi* os ceann mo shluaigh Israeil: agus ceannsaichidh mi do naimhdean uile. Mar an ceudna tha mi 'g innscadh dhuit gu'n tog an Tighearn tigh dhuit.

11 Agus an uair a choimhlonar do làithean, agus gur h-éigin duit triall maille ri d'aitheirichibh, togaidh mise suas do shliochd a'd' dhéigh, a bhitheas de d' mhacaibh; agus daingnichidh mi a rìoghachd-san.

12 Togaidh esan tigh dhomh, agus daingnichidh mi a rìgh-chaitheir gu bràth.

13 Bithidh mi a'm' athair dha, agus bithidh esan 'n a mhac dhomhsa; agus cha toir mi mo thròcair air falbh naith, mar a thug mi uaithe-san a bha romhad-sa.

14 Agus suidhichidh mi e ann am thigh agus ann am rìoghachd gu bràth: agus bithidh a rìgh-chaitheir daingean gu bràth.

15 A réir nam briathar so uile, agus a réir an taisbeinidh so uile, mar sin labhair Natan ri Daibhidh.

16 An sin chaidh rìgh Daibhidh a stigh, agus shuidh e 'am fianuis an Tighearn, agus thubhairt e, Cò mise, O Thighearna Dhé, agus ciod e mo thigh, gu'n d'thug thu mi gu ruige so?

17 Agus bu bheag so a'd' shùilb-sa, O Dhé, oir labhair thu mar an ceudna mu thigh do sheirbhisich ré aimsir fhada ri

teachd, agus thug thu meas orm a réir staid duine árd-inbhih, a Thighearna Dhé.

18 Ciod tuilleadh is urrainn Daibhidh a ràdh riut, air son urrainn do sheirbhisièh? aeh is aithne dhuit do sheirbhiseach.

19 A Thighearna, is aun air son do sheirbhisièh, agus a réir do chridhe féin a rinn thu na nithean mora so uile, a ehum gu'n deanadh tu na nithean mòra so gu léir aithnichte.

20 O Thighearna, cha-n'eil neach ann eomhuil riutsa, agus cha-n'eil Dia ann ach thusa, a réir gach ni a chuala sinn le'r cluasaibh.

21 Agus cia an cinneach air thalamh eomhuil ri d' shluagh Israel, a chaidh Dia a shaoradh mar shluagh dha féin, a dheauamh ainme dhuit féin, a dheanamh nithean mòra agus uamhasach le cinuich fhògradh roimh do shluagh, a shaor thu as an Eiphit?

22 Oir rinn thu do shluagh Israel 'n au shluagh dhuit féin gu bràth; agus tha thusa, a Thighearna, a'd' Dhia aca.

23 A nis ma ta, a Thighearna, am focal a labhair thu mu thimchioll do sheirbhisièh, agus mu thimehioll a thighe, daingnichear e gu bràth, agus dean mar a thubhairt thu.

24 Bitheadh e eadhon air a dhaingneachadh, agus àrdaichear d'ainm-sa gu bràth, ag ràdh, *Is e Tighearna nan sluagh Dia Israeil a's Dia do Israel*: agus bitheadh tigh Daibhidh do sheirbhisièh air a dhaingneachadh a d' fhianuis.

25 Oir dh'fhoillsieh thusa, O mo Dhia, do d' sheirbhiseach, gu'n togadh tu tigh dha: uime sin fhuaid do sheirbhiseach 'n a chridhe urnuigh a dheanamh a'd' làth-air.

26 Agus a nis, a Thighearna, is tu féin Dia, agus gheall thu do d' sheirbhiseach am maithreas so.

27 A nis uime sin gu ma toil leat tigh do sheirbhisièh a bheannachadh, a chum gu'm bi e gu bràth a'd' fhianuis: oir an uair a bheannaicheas thusa, a Thighearna, beannaichte bitheadh e gu bràth.

CAIB. XVIII.

1 Cheannsaich Daibhidh na Philistich, agus thug e na Moabaich fo chis. 3 Bhuaile Hadareser agus na Sirianaich. 9 Chuir Tou a mhac le tiodhlacuib a dh'ionnsuidh Daibhidh. 13 Chuir Daibhidh freiceadain ann an Edom. 15 A luchd-dreuchd.

A GUS an déigh so bhuaile Daibhidh na Philistich, agus cheannsaich e iad; agus ghlae e Gat agus a bhaitean beaga & laimh nam Philisteach.

2 Agus bhuaile e Moab; agus bha na Moabaich 'n an seirbhisièh aig Daibhidh, agus thug iad tabhartais leo.

3 Agus bhuaile Daibhidh Hadareser righ Shobah gu ruig Hamat, an uair a ehaidh e a dhaingneachadh a thighearnais aig amhainn Euphrates.

4 Agus thug Daibhidh uaith mìle carbad, agus seachd mìle marcaeh, agus fichead mìle coisiche: agus ghearr Daibhidh speir-eachan each nan carbad uile, aeh dh'fhlàg e dhiubh dlìghe cheud carbad.

5 Agus an uair a thàinig Sirianaich Dhamascuis a ehuideachadh le Hadareser righ Shobah, mharbh Daibhidh de na Sirianaich dà mhìle fichead fear.

6 An sin ehuir Daibhidh freiceadain ann an Siria Dhamaseuis; agus bha na Sirianaich 'n an seirbhisièh aig Daibhidh, agus thug iad tabhartais leo. Agus ghléidh an Tighearna Daibhidh gach taobh a chaidh e.

7 Agus ghabh Daibhidh na sgiathan òir a bh'air seirbhisièh Hadareseir, agus thug e iad gu h-Ierusalem.

8 Agus o Thibat agus o Chun, bailtibh Hadareseir, thug Daibhidh ro mhòran umha, leis an d'rinn Solamh an fhainge umha, agus na puist, agus na soithichean umha.

9 Agus an uair a chuala Tou righ Hamat gu'n do bhuaile Daibhidh uile shluagh Hadareseir righ Shobah,

10 Chuir e Hadoram a mhae gu righ Daibhidh, a chur fàilte air, agus g'a bheannaichadh, a ehionn gu'n do chog e 'n aghaidh Hadareseir, agus gu'n do bhuaile se e; (oir bha Hadareser a' cogadh ri Tou;) agus leis-san gach uile ghnè shoithichean òir, agus airgid, agus umha.

11 Iad sin mar an ceudna choisrig righ Daibhidh do'n Tighearna, maille ris an airgid agus an òr a thug e o na einneach-aibh so uile; o Edom, agus o Mhoab, agus o ehloinn Amoiu, agus o na Philistich, agus o Amalee.

12 Os bàrr, mharbh Abisai mac Sheruah de na h-Edomaich ann an gleann an t-salaim oehd mìle deug.

13 Agus ehuir e freiceadain ann an Edom; agus bha na h-Edomaich uile 'n an seirbhisièh aig Daibhidh. Agus ghléidh an Tighearna Daibhidh gach taobh a ehaidh e.

14 Agus righieh Daibhidh air Israel uile; agus bha e a' cur 'an gnìomh brcitheanais agus ceartais d'a shluagh uile.

15 Agus bha Ioab mac Sheruah os ceann na h-armailte; agus Iehosaphat mac Ahiluid 'n a sheanaehaidh;

16 Agus Sadoe mac Ahituib, agus Ahimelech mac Abiatair 'n an sagartaibh; agus Sabhsa 'n a sgrìobhaiche;

17 Agus Benaiah mac Iehoiada os ceann nan Cereteach, agus nam Peleteach. Agus biad mic Daibhidh 'bu mhò inbhe nu thimehioll an righ.

CAIB. XIX.

1 *Bhuin Hanun gu h-ole ri teachdairibh Dhaibhidh. 6 Bhuail Ioab clann Amoin agus na Sirianaich a thàinig g'an còmhladh. 17 Cheannsaich Daibhidh na Sirianaich.*

AGUS an déigh so fhuair Nahas rìgh chloinn Amoin bàs, agus rìghich a mhac 'n a àit.

2 Agus thubhairt Daibhidh, Nochdaidh mi caomhnas do Hanun mac Nahais, a chionn gu'n do nochd 'athair-san caomhnas dhomhsa. Uime sin chuir Daibhidh teachdairean gu comhfhurtachd a thoirt da mu thimicholl 'athar: agus thàinig seirbhisich Daibhidh do fhearann chloinn Amoin gu Hanun, chum comhfhurtachd a thabhairt da.

3 Ach thubhairt ceannardan chloinn Amoin ri Hanun, An saoil thusa gur ann a chum urram a thabhairt do d'athair a chuir Daibhidh a d' ionnsuidh luchd comhfhurtachd? nach ann a rannsachadh, agus a ghabhail beachd air an fhearann, agus g'a sgrios, a thàinig a sheirbhisich a d' ionnsuidh?

4 Uime sin ghlac Hanun seirbhisich Dhaibhidh, agus bharr e iad, agus ghearr e an eudach 's a' mhcadhonn, gu ruig am màsan; agus chuir e air falbh iad.

5 Agus chaidh daoine, agus dh'innis iad do Dhaibhidh mar a bhuineadh ris na fearaibh; agus chuir esan teachdairean 'n an coimeanbh, a chionn gu'n robh nàire mhòr air na daoineibh: agus thubhairt an rìgh, Fanaibh ann an Iericho gus am fas blur feusag, agus an sin pillibh.

6 Agus an uair a chunnaic clann Amoin gu'n d' rinn siad iad féin gràineil do Dhaibhidh, chuir Hanun agus clann Amoin mìle tàlann airgid a thuarasdalachadh charbad agus marc-shluaigh dhoibh á Mesopotamia, agus á Siria-maachah, agus á Sobah.

7 Agus thuarasdalaich iad dà mhìle dheug thar fhìchead fear, agus carbadan, agus rìgh Mhaachah agus a shluaigh; agus thàinig iadsan agus chaupaich iad fa chomhair Mhedeba. Agus chruinnich clann Amoin iad féin 'an ceann a chéile as am bailtibh, agus thàinig iad chum catha.

8 Agus an uair a chuala Daibhidh sin, chuir e mach Ioab, agus uile fheachd nan daoine treuna.

9 Agus thàinig clann Amoin a mach, agus chuir iad an cath 'an ordugh fa chomhair geata a' bhaile: agus bha na rìghrean a thàinig, leo féin anns a' mhachair.

10 Agus an uair a chunnaic Ioab gu'n robh aghaidh a' chatha ris air a bheulaobh, agus air a chùlaobh, thag e mach cuid de uile dhaoineibh taghta Israel, agus chuir e ann an ordugh catha iad an aghaidh nan Sirianach.

11 Agus a' chuid eile de'n t-sluaigh thug e thairis do làimh Abisai a bhràthar, agus

chuir iadsan iad féin 'an ordugh an aghaidh chloinn Amoin.

12 Agus thubhairt e, Mabbithcas na Sirianaich nì's treise na mise, an sin cuidichidh tusa leamsa: ach ma blithcas clann Amoin nì's treise na thusa, an sin cuidichidh mise leatsa.

13 Bì misneachail, agus bitheamaid gaisgeil air son ar sluaigh, agus air son bhaitean ar Dé: agus deanadh an Tighearn an nì a tha maith 'n a shùilibh.

14 Agus thàinig Ioab am fagus, agus an sluagh a bha maille ris, an aghaidh nan Sirianach gu cath; agus theich iad roimhe.

15 Agus an uair a chunnaic clann Amoin gu'n do theich na Sirianaich, theich iadsan mar an ceudna roimh Abisai a bhràthar, agus chaidh iad a steach do'n bhaile. An sin thàinig Ioab gu h-Ierusalem.

16 Agus an uair a chunnaic na Sirianaich gu'n do bhuail iad roimh Israel, chuir iad teachdairean uatha, agus thug iad a mach na Sirianaich a bh'air an taobh thall de'n amhainn; agus chaidh Sophach ceannard armailte Hadareseir rompa.

17 Agus an uair a dh'innseadh sin do Dhaibhidh, chruinnich e Israel uile, agus chaidh e thar Iordan, agus thàinig e orra, agus chuir e'n cath 'an ordugh 'n an aghaidh. Agus an uair a chuir Daibhidh an cath 'an ordugh an aghaidh nan Sirianach, chog iad ris.

18 Agus theich na Sirianaich roimh Israel; agus mharbh Daibhidh de na Sirianaich mìl sheachd mìle carbad, agus dà fhìchead mìle coisiche, agus mharbh e Sophach ceannard na h-armailte.

19 Agus an uair a chunnaic seirbhisich Hadareseir gu'n do bhuail iad roimh Israel, rinn iad sìth ri Daibhidh, agus rinn iad seirbhis da: agus cha chuidicheadh na Sirianaich le cloinn Amoin tuilleadh.

CAIB. XX.

1 *Theannaich Ioab Rabah: 2 Chreach Daibhidh am baile, agus bhuin e gu cruaidh r'a shluaigh. 4 Mharbhadh triuir fhamhaircan.*

AGUS aig teachd mu'n cuairt na bliadhna, mu'n àm anns an téid rìghrean a mach gu cogadh, tharruing Ioab a mach neart an airm, agus chuir e fas duthaich chloinn Amoin, agus thàinig e agus theannaich e Rabah; (ach dh'fhan Daibhidh ann an Ierusalem;) agus bhuail Ioab Rabah, agus sgrios se e.

2 Agus thug Daibhidh crùn an rìgh bhàrr a chinn, agus fhuair e cudthrom tàlann òir ann, agus bha clachan luachmhor ann; agus chuireadh e air ceann Daibhidh; agus thug e mach ro mhòran creiche as a' bhaile.

3 Agus thug e mach an sluagh a bha ann, agus ghearr e iad le sàibh, agus le h-inneal-aibh-bualaidh iarunn, agus le tuaghan: agus mar so bhuin Daibhidh ri uile bhailtibh

chloinn Amoin. Agus phill Daibhidh agus an sluagh uile gu h-Ierusalem.

4 Agus 'n a dhéigh so dh'éirich eogadh ann an Geser ris na Philistich: an sin bhuail Síbechai an t-Husatach Sipai a bha de shliochd an fhamhair; agus cheann-saicheadh iad.

5 Agus bha ris cogadh ris na Philistich; agus bhuail Elhanan mac Iair Lahmi, bráthair Gholiath a' Ghitich, aig an robh crann a shleagha mar gharmain figheadair.

6 Agus bha fearthast cogadh ann an Gat, far an robh fear de mheudachd mhóir, agus sè meoir aige air gach làimh, agus sè air gach cois, ceithir thar fhichead an àireamh; agus rugadh esan mar an ceudna do'n fhamhair.

7 Ach an uair a thug e dùbhlán do Israel, mharbh Ionatan mac Shimca, bráthair Dhaibhidh, e.

8 Rugadh iad sin do'n fhamhair ann an Gat; agus thuit iad le làimh Dhaibhidh, agus le làimh a sheirbhiseach.

CAIB. XXI.

1 Chuir Daibhidh Iob gu Israel àireamh: 7 Mhi-thaitinn an ni so ri Dia: 8 Dh'aicidh Daibhidh a pheacadh. 10 De na trì nithibh a chuir Dia fa' chomhair ròghnaich e a' phlàigh. 16 Rinn Daibhidh eadar-ghuidhe air son an t-sluaigh. 18 Cheannaich e urlar-bualaidh Ornain.

AGUS sheas Satan suas an aghaidh Israeil, agus bhrosuic e Daibhidh gu Israel àireamh.

2 Agus thubhairt Daibhidh ri Iob, agus ri uachdaranaibh an t-sluaigh, Rachaidh, àirmhibh Israel o Bheer-seba cadhonn gu Dan; agus thugaibh an àireamh a m' ionnsuidh-sa, chum gu'm bi fios agam air.

3 Agus fhreagair Iob, Gu'n deanadh an Tighearn a shluagh féin ceud uair nìs fion-mhoire na tha iad. Ach, mo thighearn' a rìgh, nach iad seirbhisich mo thighearn' iad uile? C'ar son na seadh a tha mo thighearn ag iarraidh an ni so? C'ar son a blios e 'n a aobhar cionta do Israel?

4 Gidheadh, bhuadhaich focal an rìgh an aghaidh Iob: uime sin dh'imich Iob, agus chaidh e air feadh Israeil uile, agus thàinig e gu h-Ierusalem.

5 Agus thug Iob uibhir àireimh an t-sluaigh do Dhaibhidh: agus bha ann de Israel uile, mìle de mhiltibh agus ceud mìle fear a tharruing claidheamh; agus de Iudah, ceithir cheud agus deich agus trì fichead mìle fear a tharruing claidheamh.

6 Ach Lebhi agus Benjamin cha d'rinn e àireamh 'n am measg; oir bha focal an rìgh gràineil do Iob.

7 Agus mhi-thaitinn an ni so ri Dia; uime sin bhuail e Israel.

8 Agus thubhairt Daibhidh ri Dia, Pheacaidh mi gu mòr, a chionn gu'n d'rinn mi an ni so; ach a nis, guidheam ort, thoir air

falbh cionta do sheirbhisich; oir rinn mi gu ro amaideach.

9 Agus labhair an Tighearn ri Gad, fear seallaidh Dhaibhidh, ag ràdh,

10 Falbh agus labhair ri Daibhidh, ag ràdh, Mar so tha'n Tighearn ag ràdh, Tri nithean tha mi 'cur fa' d' chomhair; rògh naich dhuit féin aon diubh, chum gu'n dean mi dhuit e.

11 Agus thàinig Gad a dh'ionnsuidh Dhaibhidh, agus thubhairt e ris, Mar so tha'n Tighearn ag ràdh, Gabh do roghainn:

12 Aon chuid trì bliadhna gortaidh; no 'bhitrimiosana' teicheadh roimh do naimh-dibh, agus claidheamh do naimhdean a' breith ort; no trì làithean de chaidheamh an Tighearna, cadhonn de'n phlàigh, anns an fhearann, agus aingeal an Tighearn' a' sgrìos air feadh uile chriocean Israeil: a nis uime sin fàid ciod a fhreagaircas mi dha-san a chuir uaith mi.

13 Agus thubhairt Daibhidh ri Gad, Tha mi ann an teinn mhòir: tuiteam a nis ann an làimh an Tighearn', oir is ro fionmhor a thròcairean; ach ann an làimh duine na tuiteam.

14 Agus chuir an Tighearn plàigh air Israel: agus thuit de Israel deich agus trì fichead mìle fear.

15 Agus chuir Dia aingeal gu h-Ierusalem, chum a sgrìos: agus an uair a bha e a' sgrìos, dh'amhairc an Tighearn, agus ghabh e aithreachas a thaobh an uile, agus thubhairt e ris an aingeal a bha ri sgrìos, Is leòir c; cum a nis air do làimh. Agus sheas aingeal an Tighearna làimh ri urlar-bualaidh Ornain an Iebusaich.

16 Agus thog Daibhidh suas a shùilean, agus chunnaic e aingeal an Tighearna 'n a sheasamh cadar talamh agus neamh, agus a chladheamh ruisgte 'n a làimh, sìnte mach os ceann Ierusalem: agus thuit Daibhidh agus scanairean Israeil, còmhdaicite le saic-eudach, sìos air an aghaidh.

17 Agus thubhairt Daibhidh ri Dia, Nach misc a dh'aithn an sluagh àireamh? Is mise féin a pheacaidh, agus a rinn gu ro olc; ach na caoraidh so, ciod a rinn iadsan? Bith-eadh do làmh, guidheam ort, a Thighearna mo Dhia, a'm' aghaidh-sa, agus an aghaidh tighe m'athar; ach an aghaidh do shluaigh na bitheadh i, gu plàigh a chur orra.

18 An sin dh'aithn aingeal an Tighearna do Ghad a ràdh ri Daibhidh, gu'n rachadh Daibhidh suas a thogail altarach do'n Tighearn ann an urlar-bualaidh Ornain an Iebusaich.

19 Agus chaidh Daibhidh suas air focal Ghaid, a labhair e ann an ainm an Tighearna.

20 Agus thionndaidh Ornan air ais, agus chunnaic e an t-aingeal; agus dh'fhòlaich a cheathrar mhac, a bha maille ris, iad

féin. A nís bha Ornan a' bualadh cruithneachd.

21 Agus an uair a thàinig Daibhidh a dh'ionnsuidh Ornain, dh'amhaire Ornan agus chunnaic e Daibhidh, agus chaidh e mach as an urlar-bhualaidh, agus chrom se e féin do Dhaibhidh le 'aghaidh gu làr.

22 An sin thubhairt Daibhidh ri Ornan, Thoir dhomhsa àit an urlar-bhualaidh so, a chum gu'n tog mi altair ann do'n Tighearn: air a làn luach bheir thu dhomh e, a chum gu'n caisgear a' phlàigh o'n t-sluagh.

23 Agus thubhairt Ornan ri Daibhidh, Gabh thugad e, agus deanadh mo thighearn an rìgh an *ni a tha* maith 'n a shùilibh: feuch, tha mi 'toirt a' bhuair *dhuir* chum iobairtean-loisgte, agus nan imcalan-bualaidh chum connaidh, agus a' chruithneachd chum tabhartais-bidh; sin uile tha mi 'tabhairt *duit*.

24 Agus thubhairt rìgh Daibhidh ri Ornan, Ni h-cadh, ach gu deimhin ceannaichidh mi *iad* air an làn luach; oir cha ghabh mi an *ni a's* leatsa *gu 'thoir* do'n Tighearn, agus cha toir mi suas iobairtean-loisgte gun chostus.

25 Uime sin thug Daibhidh do Ornan air an àite, sè ceud secel òir air thomhas.

26 Agus thog Daibhidh an sin altair do'n Tighearn, agus dh'ìobair e iobairtean-loisgte agus iobairtean-sith, agus ghairm e air an Tighearn; agus fhreagair se e le teine o nèamh air altair na h-ìobairt-loisgte.

27 Agus dh'àithn an Tighearn do'n aingcal; agus chuir e suas a chaidheamh a ris 'n a thruaill.

28 'S an àm sin, an uair a chunnaic Daibhidh gu'n do fhreagair an Tighearn e ann an urlar-bhualaidh Ornain an Iebusaich, dh'ìobair e an sin:

29 Oir bha pàillion an Tighearn' a rinn Maois 's an fhàsach, agus altair na h-ìobairt-loisgte 's an àm sin anns an àit àrd ann an Gibeon.

30 Ach cha b'urrainn Daibhidh dol 'n a làthair, a dh'fhiosrachadh de Dhia; oir bha e fo eagal air an claidheimh aingil an Tighearna.

CAIB. XXII.

1 Dh'ulluich Daibhidh *gu pàirt air son tìghe an Tighearna*. 6 Theagaisg e do Sholamh a dh'èasdanas, agus geallannan Dhé d'a thaobh. 17 Thug e àithne do na chaidh a' bhaith Israeil iad a chuid eachadh le Solamh.

AGUS thubhairt Daibhidh, *Is* e so tìgh an Tighearn' Dé, agus *is i* so altair na h-ìobairt-loisgte do Israel.

2 Agus dh'àithn Daibhidh na coigrich a bha ann am fearann Isracil a chruinneachadh an ceann a chéile; agus chuir e clachairean a ghearradh chlachan snaidhte a thogail tìghe Dhé.

3 Agus sholair Daibhidh iarunn ainn am

pailteas chum tàirngean do chomhlachibh nan geatachan, agus a chum nan dlùthadh; agus umha ann am pailteas, gun tomhas;

4 Agus fiodh scudair gun àireamh, oir thug na Sidonaich agus muintir Thiruis fiodh seudair 'am pailteas a dh'ionnsuidh Daibhidh.

5 Agus thubhairt Daibhidh, Tha Solamh mo mhac òg agus maoth; agus an tìgh a *tha* ri thogail do'n Tighearn, *is còir* a dheanamh mòr agus àrd, a chum gu'm bi e ainmeil agus 'n a aobhar uail air feadh gach uile thìr: uime sin ulluichidh mise fa 'chomhair. Agus dh'ulluich Daibhidh gu pailt roimh a bhàs.

6 Agus ghairm e air Solamh a mhac, agus dh'àithn e dha tìgh a thogail do'n Tighearn Dia Israeil.

7 Agus thubhairt Daibhidh ri Solamh, A mhic, air mo shonsa dheth, bha am am aire tìgh a thogail do ainm an Tighearna mo Dhé:

8 Ach thàinig focal an Tighearn' a m' ionnsuidh, ag ràdh, Dhòirt thu mòran fola, agus rinn thu cogannan mòra: cha tog thu tìgh do m'ainm-sa, a chionn gu'n do dhòirt thu mòran fola air a talamh a'm' fhiannais.

9 Feuch, beirear mac dhuit: bithidh esan 'n a dhuine foistinncach, agus bheir mise fois dha o'naimh bithidh uile mu'n cuairt; oir bithidh Solamh mar ainm air, agus sìth agus suaimhneas bheir mise do Israel r'a linn-san.

10 Togaidh esan tìgh do m'ainm-sa; agus bithidh e 'n a mhac dhomh, agus *bithidh* mise a'm' athair dha-san; agus daingnichidh mi rìgh-chaitheir a rìoghachd os ceann Isracil gun bràth.

11 A nis uime sin, a mhic, gu'n robhran Tighearn maille riut, chum gu'n soirbhich thu, agus gu'n tog thu tìgh an Tighearna do Dhé, mar a labhair e mu d' thimchioll.

12 A mhàin gu'n tugadh an Tighearn dhuit gliocas agus tuigse, agus gu'n tugadh e dhuit àithne a thaobh Isracil, chum gu'n gléidh thu lagh an Tighearna do Dhé.

13 An sin soirbhichidh tu, ma bheir thu 'n aire gu'n coimhlon thu na reachdan agus na breitheanais a dh'àithn an Tighearn do Mhaois a thaobh Isracil: bi làidir, agus biodh deadh mhisneach agad; na gabh eagal agus na bi fo uamhann.

14 A nis, feuch, ann am theanntachd dh'ulluich mise fa chomhair tìghe an Tighearna ceud mìle tàlann òir, agus mìle mhìlthibh tàlann airgid, agus de umha agus de iarunn gun tomhas: (oir tha ro-phailteas ann) fiodh mar an ceudna agus clachan dh'ulluich mi; ach feudaidh tusa cur riu.

15 Mar an ceudna *tha* luchd-oibre 'am pailteas agad, snaidheadairean agus luchd saothreachaidh cloiche agus fiodha, agus gach uile ghnè dhaoine tùrail fa chomhair gach gnè oibre.

16 Air au òr, an airgìod, agus an umha, agus au iarunn, cha-n'èil àireamh. Eirich agus dean romhadh, agus gu robh an Tighearn maille riut.

17 Dh'àithu Daibhidh mar an ceudna do uachdaranaihbh Israeil gu léir, iad a chuid-eachadh le Solamh a mhac, *ag ràdh*,

18 Nach 'eil an Tighearn bhuir Dia maille ribh? agus nach d'thug e dhuibh suaimhneas air gach taobh? oir thug e luchd-àiteachaidh na tìre a'm' làimh-sa; agus tha'u tìr air a cìosnachadh roimh an Tighearn, agus roimh a shluagh.

19 A nis uime sin socrachibh bhuir cridhe agus bhuir n-anam a dh'iarraidh au Tighearn bhuir Dé: éiribhse agus togaibh ionad naomh an Tighearna Dé, chum gu'n toir sibh steach àirc coimhcheangailau Tighearn', agus soithichean naomha Dhé, do'u tigh a tha r'a thogail do ainm an Tighearna.

CAIB. XXIII.

1 Rinn Daibhidh, 'n a shean aois, Solamh 'n a rìgh. 3 Àireamh nan Lebhithich. 7 Teaghlach nan Gersonach. 12 Mic Chohait. 21 Mic Mherari. 24 Dreuchd nan Lebhithich.

A NIS an uair a bha Daibhidh sean agus 'n a rìgh air Israel.

2 Agus chruinnich e 'n ceann a chéile ceannardan Israeil uile, agus na sagartau agus na Lebhithich.

3 Agus dh'àirmheadh na Lebhithich o aois dheich bliadhna fichead agus os a cheann: agus b'è au àireamh air an cinn, duin' air dhuine, ochd mìle deug thar fhichead.

4 Dhiubh sin bha ceithir mìle fichead gu obair tìghe an Tighearn' a chur air a h-aghaidh, agus sè mìle 'n an luchd-riaghlaidh agus 'n am breitheamhnaibh:

5 Agus ceithir mìle 'n au dorsairibh; agus ceithir mìle a' cliùthachadh an Tighearn' leis na h-innealaibh a rinu *Daibhidh* gu cliùthachadh.

6 Agus roimh Daibhidh iad 'n au roinnibh eadar mhacaibh Lebhi, *eadhon* Ghersoiu, Chohait, agus Mherari.

7 De na Gersonaich; Laadan agus Simeì.

8 Mic Laadain; Iehiel au ceann, agus Set-am, agus Ioel, triuir.

9 Mic Shimeì; Selomit, agus Hasiel, agus Haran, triuir. B'iad sin cinn aithrichean Laadain.

10 Agus mic Shimeì; Iahat, Sidsa, agus Ieus, agus Beriah. B'iad sin mic Shiuei, ceathrar.

11 Agus b'è Iahat an ceann, agus Sidsa an dara fear: ach cha robh mòran mhac aig Ieus agus Beriah; uime sin bha iad ann an aon àireamh, a réir tìghe an aithrichean.

12 Mic Chohait; Auram, Itsar, Hebron, agus Udsiel, ceathrar.

13 Mic Amrain; Aaron agus Maois; agus dhealaicheadh Aaron chum gu'n naomhaich-

eadh e na nithean ro naomha, e féin agus a mhic gu bràth, gu'u loisgeadh e tuis an Iathair an Tighearna, gu'm fritheileadh e dha, agus gu'm beaunaicheadh e 'ainm gu bràth.

14 A nis *mu thimchioll* Mhaois òglaich Dhé, bha a ruic air an aiumeachadh de thréibh Lebhi.

15 Mic Mhaois; Gersom agus Elieser.

16 Mic Ghersoim; Sebucl an ceann.

17 Agus b'iad mic Elieseir: Rehabiah an ceann. Agus cha robh aig Elieser mic sam bith eile; ach bha mic Rehabiah ro lionmhor.

18 Mic Itsair; Selomit an ceann.

19 Mic Hebroin; Ieriah au ceud *fhear*, Amariah an dara, Iahasiel an treas, agus Iecameam an ceathramh.

20 Mic Udsiel; Micah an ceud *fhear*, agus Iesiah an dara.

21 Mic Mherari; Machli agus Musi: mic Mhachli; Eleasar agus Cis.

22 Agus fhuair Eleasar bàs, agus cha robh mic aige, ach a mhàin nigheanau: agus ghabh an bràithrean mic Chis iad.

23 Mic Mhusi; Machli, agus Eder, agus Ieremot, triuir.

24 B'iad siu mic Lebhi, a réir tìghe an aithrichean, cinn nan aithrichean mar a dh'àirmheadh iad le àireamh an ainmean air an cinn, a rinn obair seirbhis tìghe an Tighearn', o aois fhichead bliadhna agus os a cheann.

25 Oir thubhairt Daibhidh, Tha'n Tighearn Dia Israeil air toirt fois d'a shluagh, agus gabhaidh iad còmhuidh ann an Ierusalem gu bràth.

26 Agus mar au ceudna a thaobh nan Lebhithich, cha *bh'i*m pàilluinn aca *nìs mò* r'a iomchar, agus uile soithichean a sheirbhis.

27 Oir le briathraibh deireannach Dhaidhidh dh'àirmheadh na Lebhithich o aois fhichead bliadhna agus os a cheann:

28 A chionn gu'm *b'è* an dreuchd-san bli fo làimh mhac Aaroin, fa chomhair seirbhis tìghe au Tighearn', anns na chùirtibh, agus anns na seòmraichibh, agus ann au glanadh uau uile nithean naomha, agus ann an obair seirbhis tìghe Dhé;

29 Aaroin fa chomhair an araiu thaisbeanaidh, agus fa chomhair na mine mine chum tabhartais-bidh, agus fa chomhair nam breacagan neo-ghoirtichte, agus fa chomhair nan nithean a *dheasaichear* 's an aghann agus a ròistear, agus fa chomhair gach uile ghnè tonhais agus meud:

30 Agus a chum seasamh gach maduinn a thoirt buidheachais agus cliu do'n Tighearn, agus mar au ceudna mu fheasgar;

31 Agus a chum gach iobàirt-loisgte thoirt suas do'n Tighearn, air na sàbaidibh, agus air na gealaichibh uadhl', agus air na féillibh suidhichte, ann au àireamh, a réir

na riaghailt a dh'àithneadh dhoibh a ghnàth an làthair an Tighearna.

32 Agus a chum gu'n gleidheadh iad cùram pàilliuin a' choimhthionail, agus cùram an ionaid naoinh, agus cùram mhac Aaroin am bràithrean, ann an seirbhis tighe an Tighearna.

CAIB. XXIV.

1 *Roinneadh mic Aaroin le cranachur 'n an ceithir buidhneibh thar fhichead.* 20 *Roinneadh a' chuid eile de mhacaibh Lebhi le cranachur.*

AGUS is iad so roinnean mhac Aaroin. Mic Aaroin; Nadab, agus Abihu, Eleasar, agus Itamar.

2 Ach fhuair Nadab agus Abihu bàs roimh an athair, agus cha robh clann aca: uime sin fhrithheil Eleasar agus Itamar ann an dreuchd an t-sagairt.

3 Agus roinn Daibhidh iad, araoon Sadoc de mhacaibh Eleasair, agus Ahimelech de mhacaibh Itamair, a réir an àireimh 'n an seirbhis.

4 Agus fhuaradh mic Eleasair nì's lion-mhoire 'n am prìomh dhaoineibh na mic Itamair; agus mar so roinneadh iad: De mhacaibh Eleasair bha sè prìomh dhaoine deug, a réir tighe an aithrichean; agus de mhacaibh Itamair ochd-nar, a réir tighe an aithrichean.

5 Agus roinneadh iad le cranachur, iad so leo sin; oir bha uachdarain an ionaid naoinh, agus uachdarain nam breitheamhnan, de mhacaibh Eleasair agus de mhacaibh Itamair.

6 Agus sgrìobh Semaiah mac Netaneil an sgrìobhaiche, *duine* de na Lebhitich iad, 'am fianuis an rìgh, agus nan uachdarain, agus Shadoic an t-sagairt, agus Ahimelech mhic Abiatair, agus cheann aithrichean nan sagart agus nan Lebhitheach; aon phrìomh thigh air a ghabhail air son Eleasair, agus aon air a ghabhail air son Itamair.

7 Agus thàinig a' cheud chrann a mach do Ichoiarib, an dara do Iedaiah,

8 An treasa do Harim, an ceathramh do Shecorim,

9 An cùigeamh do Mhalechiah, an sèath-amh do Mhiamin,

10 An seachdamh do Hacots, an t-ochdamh do Abiah,

11 An naothamh do Iesua, an deicheamh do Shecaniah,

12 An t-aon deug do Eliasib, an dara cranach deug do Iacim,

13 An treas deug do Chupah, an ceathramh deug do Iesebeab,

14 An cùigeamh deug do Bhilgah, an sèathamh deug do Imer,

15 An seachdamh deug do Hedsir, an t-ochdamh deug do Aphis,

16 An naothamh deug do Phetahiah, an ficheadamh do Iehesecel,

17 An t-aon thar fhichead do Iachin, an dara thar fhichead do Ghamul,

18 An treas thar fhichead do Dhelaiah, an ceathramh thar fhichead do Mhaasiah.

19 *B'e* sin an àireamh a réir an seirbhis chum teachd a steach do thigh an Tighearna, a réir an gnàtha, fo làimh Aaroin an athar, mar a dh'àithn an Tighearna Dia Israeil dha.

20 Agus a thaobh a' chuid eile de mhacaibh Lebhi: de mhacaibh Amraim; Subael: de mhacaibh Shubaeil; Iehdeiah.

21 A thaobh Rehabiah: de mhacaibh Rehabiah, an ceud fhear Isiah.

22 De na h-Itsaraich; Selomot: de mhacaibh Shelomoit; Iahat.

23 Agus mic Hebroin; Ieriah *an ceud fhear*, Amariah an dara, Iahasiel an treasa, Iecameam an ceathramh.

24 De mhacaibh Udsiel; Micah: de mhacaibh Mhichah; Samir.

25 *B'e* bràithair Mhichah Isiah: de mhacaibh Isiah; Sechariah.

26 *B'iad* mic Mherari, Machli agus Musi: mic Iaasiah; Beno.

27 Mic Mherari le Iaasiah; Beno, agus Soham, agus Sachur, agus Ibri.

28 O Mhachli *thàinig* Eleasar, aig nach robh mic sam bith.

29 A thaobh Chis: mic Chis; Ierahmeel.

30 Agus mic Mhusi; Machli, agus Eder, agus Ierimot. *B'iad* sin mic nan Lebhitheach, a réir tighe an aithrichean.

31 Agus chuir iad sin mar an ceudna cranachur fa chomhair am bràithrean mhac Aaroin, 'am fianuis Dhaibhidh an rìgh, agus Shadoic, agus Ahimelech, agus cheann aithrichean nan sagart agus nan Lebhitheach, *eadhon* eim nan aithrichean fa chomhair am bràithrean a b'òige.

CAIB. XXV.

1 *Aireamh agus dreuchd an luchd-frithealaidh.* 8 *Roinneadh iad le cranachur 'n an ceithir buidhneibh thar fhichead.*

OS bàrr, chuir Daibhidh agus ceannardan an t-sluaigh air leth fa chomhair na seirbhis de mhacaibh Asaiph, agus Hemain, agus Iedutuinn, *daoine* a dhcanadh fàidheadaireachd, le clàrsaichibh, le salt-airibh, agus le ciombalaibh. Agus b'e àireamh an luchd-frithealaidh, a réir an seirbhis:

2 De mhacaibh Asaiph; Sachur, agus Ioseph, agus Netaniah, agus Asarelah, mic Asaiph, fo làimh Asaiph, a bha ri fàidheadaireachd a réir àithne an rìgh.

3 O Iedutun: mic Iedutuinn; Gedaliah, agus Seri, agus Iesaiah, *agus Simeì, agus* Hasabiah, agus Mattithah, seath-nar fo làimh an athar Iedutuinn, a bha ri fàidheadaireachd le clàrsaich a thoirt buidheachais agus cliù do'n Tighearna.

4 O Heman: mic Hemain; Buciah, Mataliah, Udsiel, Sebucl, agus Ierimot, Ihan-

aniah, Hanani, Eliatah, Gidalti, agus Romamti-
eser, Iosbecasah, Maloti, Hotir, Mahasiot:

5 B' iad sin uile mic Hemain, fhir-seallaidh an rìgh, ann am briathraibh Dhé, chum an adhare a thogail suas. Agus thug Dia do Heman ceithir mic dheug agus trì nigh-eanan.

6 Bha iad so uile fo làimh an athar, fa chomhair laoidhean tighe Dhé, le ciombal-
aibh, saltairibh, agus clàrsaichibh, chum seirbhis tighe Dhé, fo làimh an rìgh, Asaiph, Hemain agus Iedntuin.

7 Agus b' e an àireamh maille r'am bràith-
ribh, a fhuair iunsachadh air laoidhibh an Tighearna, *eadhon* iadsan uile a bha tùrail, dà cheud, ceithir fichead agus ochdhar.

8 Agus chuir iad crannchur, buidheann an aghaidh *buidhne*, am beag co mhaith ris a' mhòr, an t-oid-iunsaich co mhaith ris an fhoghlumach.

9 Agus thàinig an ceud chrannchur a mach air Asaph, do Ioseph: an dara do Gheda-
liah, dha féin agus d'a bhràithribh agus d'a mhacaibh, dà fhear dheug:

10 An treas do Shachur, d'a mhacaibh agus d'a bhràithribh, dà fhear dheug:

11 An ceathramh do Isri, d'a mhacaibh agus d'a bhràithribh, dà fhear dheug:

12 An cùigeamh do Netaniah, d'a mhac-
aibh agus d'a bhràithribh, dà fhear dheug:

13 An sèathamh do Bhuchiah, d'a mhacaibh agus d'a bhràithribh, dà fhear dheug:

14 An seachdamh do Iesarelah, d'a mhac-
aibh agus d'a bhràithribh, dà fhear dheug:

15 An t-ochdamh do Iesaiah, d'a mhac-
aibh agus d'a bhràithribh, dà fhear dheug:

16 An naothamh do Mhataniah, d'a mhac-
aibh agus d'a bhràithribh, dà fhear dheug:

17 An deicheamh do Shimei, d'a mhacaibh agus d'a bhràithribh, dà fhear dheug:

18 An t-aon deug do Asareel, d'a mhac-
aibh agus d'a bhràithribh, dà fhear dheug:

19 An dara *crannchur* deug do Hasabiah, d'a mhacaibh agus d'a bhràithribh, dà fhear dheug:

20 An treas deug do Shubael, d'a mhacaibh agus d'a bhràithribh, dà fhear dheug:

21 An ceathramh deug do Mhatitiah, d'a mhacaibh agus d'a bhràithribh, dà fhear dheug:

22 An cùigeamh deug do Ierimot, d'a mhacaibh agus d'a bhràithribh, dà fhear dheug:

23 An sèathamh deug do Hananiah, d'a mhacaibh agus d'a bhràithribh, dà fhear dheug:

24 An seachdamh deug do Iosbecasah, d'a mhacaibh agus d'a bhràithribh, dà fhear dheug:

25 An t-ochdamh deug do Hanani, d'a mhacaibh agus d'a bhràithribh, dà fhear dheug:

26 An naothamh deug do Mhaloti, d'a

mhacaibh agus d'a bhràithribh, dà fhear dheug:

27 Am ficheadamh do Eliatah, d'a mhac-
aibh agus d'a bhràithribh, dà fhear dheug:

28 An t-aon thar fhichead do Hotir, d'a mhacaibh agus d'a bhràithribh, dà fhear dheug:

29 An dara thar fhichead do Ghidalti, d'a mhacaibh agus d'a bhràithribh, dà fhear dheug:

30 An treas thar fhichead do Mahasiot, d'a mhacaibh agus d'a bhràithribh, dà fhear dheug:

31 An ceathramh thar fhichead do Romam-
tieser, d'a mhacaibh agus d'a bhràithribh, dà fhear dheug.

CAIB. XXVI.

1 *Roinnean nan dorsair.* 13 *Thilgeadh croinn air son nan geatachan.* 20 *Ghabh na Leb-
ihich càram ionmhasan tighe Dhé, agus ion-
mhasan nan nithean naomha.*

ATHAOBH roinnean nan dorsair: de na Corhaich, Meselemiah mac Chore, de mhacaibh Asaiph.

2 Agus mic Mheselemiah; Sechariah an ceud-ghin Iediah an dara, Sebadiah an treas, Iatniel an ceathramh.

3 Elam an cùigeamh, Iehohanan an sèath-
amh, Elioenai an seachdamh.

4 Agus mic Obed-edoim; Semaiah an ceud-ghin, Iehosabad an dara, Ioah an treas, agus Sacar an ceathramh, agus Ne-
taneel an cùigeamh,

5 Amiel an sèathamh, Isachar an seachd-
amh, Peultai an t-ochdamh; oir bheanna-
aich Dia e.

6 Agus do Shemaiah a mhac rugadh mic, a bha 'riaghladh tighe an athar: oir *bu*
daoine treuna iad.

7 Mic Shemaiah; Otni, agus Rephael, agus Obed, Elsabad: agus *b' iad* am bràith-
rean, daoine gaisgeil, Ehihu agus Semachiah.

8 Iad sin uile de mhacaibh Obed-edoim: iad féin, agus am mic, agus am bràithrean, daoine comasach annan ncart fa chomhair na seirbhis, 'n an tri fichead agus a dhà, o Obed-edom.

9 Agus *bha* aig Meselemiah mic agus bràithrean, daoine gaisgeil, ochd fir dheug.

10 Agus *bha* aig Hosah, de chloinn Mhe-
rari, mic; Simri an ceann: (oir ged nach b' e an ceud-ghin, gidheadh rinn 'athair e 'n a cheann:

11 Hilciah an dara fear, Tebaliah an tre Sechariah an ceathramh: uile mhic agus bràithrean Hosah trì deug.

12 Dhiubh sin *bha* roinnean nan dorsair, *eadhon* de na prìomh dhaoimibh a *bha ri*
faire fa chomhair am bràithrean, gu frith-ealadh ann an tigh an Tighearna.

13 Agus thilg iad croinn, am beag co mhaith ris a' mhòr, a réir tighe an aithrich-
can, air son gach geata.

14 Agus thuit an crannchur a làimh na

h-àird' an ear air Selemiah: agus thilg iad croimh air son a mhic Sechariah, (comhairliche glic,) agus thàinig a chrannchur-san a mach mu thuath.

15 Do Obed-edom mu dheas, agus d'a mhacaibh tigh Asupim.

16 Do Shupim agus do Hosah a làimh na h-àird' an iar, maille ris a' gheata Salechet, làimh ri cruaidh-rathad na h-uchdaich, faire fa chomhair faire.

17 Air an taobh an ear *bha* seàthnar Lebhitheach, air an taobh mu thuath ceathrar gach là, air an taobh mu dheas ceathrar gach là, agus air taobh Asupim dithis agus dithis.

18 Aig Parbar a làimh na h-àird' an iar, ceathrar aig a' chruaidh-rathad, agus dithis aig Parbar.

19 Is iad sin roinnean nan dorsair de mhacaibh Chore, agus de mhacaibh Mhe-rari.

20 Agus de na Lebhitich, *bha* Ahiah os ceann ionmhasan tighe Dhé, agus os ceann ionmhasan nan nithean naomha.

21 *A thaobh* mhac Laadain: mic a' Gher-sonaich Laadain, prìomh aithrichean, *eadhon* o Laadan an Gersonach *bha* Iehieli.

22 Mic Iehieli; Setam, agus Ioel a bhràthair, a *bha* os ceann ionmhasan tighe an Tighearna.

23 De na Hamramaich, de na h-Idsaraich, de na Hebronaich, agus de na h-Udsielich.

24 Agus *bha* Sebucl mac Ghersoim, mhic Mhaois, 'n a àrd riaghlair air na h-ionmhasaibh.

25 Agus a bhràithrean le Elieser; Rhebahiah a mhac, agus Iesai h a mhac-san, agus Ioram a mhac-san, agus Sichri a mhac-san, agus Selomit a mhac-san.

26 *B'e* Selomit so agus a bhràithrean, a *bha* os ceann uile ionmhasan nan nithean coisrigte, a choisrig Daibhidh an rìgh, agus cinn nan aithrichean, agus an ceannardan mhltean agus cheud, agus ceannardan an t-slàigh.

27 As na cathaibh agus as na creachaibh choisrig iad *tabhartais* a chàradh tighe an Tighearna.

28 Agus gach uile *ni* a choisrig Samuel am fear-seallaidh, agus Saul mac Chis, agus Abner mac Neir, agus Ioab mac Sheruah; agus ge b'e neach a choisrig *ni air bith*, *bha sin* fo làimh Shelomit agus a bhràithrean.

29 De na h-Idsaraich, *bha* Chenaniah agus a mhic fa chomhair nan gnothuichean o'n leth muigh os ceann Israeil, 'n an luchd-riaghlaidh agus 'n am breitheamhaibh.

30 De na Hebronaich, *bha* Hasabiah agus a bhràithrean, daoine gaisgil, mìle agus seachd ceud fear, 'n an luchd-riaghlaidh air Israel air an taobh so de Iordan a làimh na h-àirde 'n iar, ann an uile gnothuicheibh an Tighearna, agus ann an seirbhis an rìgh.

31 De na Hebronaich, *b'e* Ieriah ceann nan Hebronaich a réir ghinealach 'aithrichean. Anns an dà fhicheadamh bliadhna de rioghachadh Dhaibhidh dh'iarradh iad, agus fhuaradh 'n am meas daoine treuna ann an Iaser Ghilead.

32 Agus a bhràithrean, daoine gaisgil, dà mhìle agus seachd ceud, cinn nan teaghlach: agus rinn Daibhidh iad 'n an riaghlairibh os ceann nan Reubeach, agus nan Gadach, agus leth-thréibh Mhanasch, anns gach ni a bhuineadh do Dhia, agus ann an gnothuicheibh an rìgh.

CAIB. XXVII.

1 An dà cheannord dheug a fhrithheil do'n rìgh mìos air mìos air feadh uile mìos na bliadhna. 16 Ceannardan thruibh Israeil. 25 Luchd-dreuchd Dhaibhidh.

ANIS *bha* clann Israeil, a réir an àireimh, *eadhon* cinn nan aithrichean, agus na ceannardan mhltean agus cheud, agus an luchd-riaghlaidh, a' frithealadh do'n rìgh anns gach cùis a bhuineadh do na roinnibh, a bha 'teachd a steach agus a' dol a mach mìos air mìos, air feadh uile mìos na bliadhna: anns gach roinn *bha* ceithir mìle fichead fear.

2 Os ceann na ceud roinne, fa chomhair a' cheud mìos, *bha* Iasobeam mac Shabdieil: agus 'n a roinn-san *bha* ceithir mìle fichead.

3 De chloinn Pheres *bha* ceann uile cheannardan an t-slàigh fa chomhair a' cheud mìos.

4 Agus os ceann roinn an dara mìos *bha* Dodai an t-Ahohach, agus air a roinn-san *b'e* Mielot am fear-riaghlaidh: agus 'n a roinn-san mar an ceudna *bha* ceithir mìle fichead.

5 *B'e* treas ceannard an t-slàigh, fa chomhair an treas mìos, Benaiah mac Iehoiada, àrd shagairt: agus 'n a roinn-san *bha* ceithir mìle fichead.

6 So am Benaiah ud a bha treun am meas an deich thar fhichead, agus os ceann an deich thar fhichead: agus 'n a roinn-san *bha* Amisabad a mhac.

7 *B'e* 'n ceathramh ceannard, fa chomhair a' cheathramh mìos, Asahel bràthair Ioab, agus Sebadiach a mhac 'n a dhéigh: agus 'n a roinn-san *bha* ceithir mìle fichead.

8 *B'e* 'n cùigeamh ceannard, fa chomhair a' chùigeamh mìos, Samhut an t-Israhach. agus 'n a roinn-san *bha* ceithir mìle fichead.

9 *B'e* 'n sèathamh ceannard, fa chomhair an t-sèathamh mìos, Ira mac Iecis, an Tecoathach: agus 'n a roinn-san *bha* ceithir mìle fichead.

10 *B'e* 'n seachdamh ceannard, fa chomhair an t-seachdamh mìos, Heles am Pelonach de chloinn Ephraim: agus 'n a roinn-san *bha* ceithir mìle fichead.

11 *B'e* 'n t-ochedamh ceannard, fa chomhair an ochedamh mìos, Sibecai an t-Husatach

de na Sarhaich: agus 'n a roinn-san *bha* ceithir mìle fichhead.

12 *B'e'n* naothamh *ceannard*, fa chomhair ann an naothamh mìos, Abieser an t-Anetotach de chloinn Iarain; agus 'n a roinn-san *bha* ceithir mìle fichhead.

13 *B'e'n* deicheamh *ceannard*, fa chomhair an deicheamh mìos, Maharai an Netophatach de na Sarhaich; agus 'n a roinn-san *bha* ceithir mìle fichhead.

14 *B'e'n* t-aon *cheannard* deug, fa chomhair an aon mhìos deug, Benaiah am Piratonach de chloinn Ephraim; agus 'n a roinn-san *bha* ceithir mìle fichhead.

15 *B'e'n* dara *ceannard* deug, fa chomhair an dara mìos deug, Heldai an Netophatach o Otniel: agus 'n a roinn-san *bha* ceithir mìle fichhead.

16 Os bàrr, os ceann threubh Isracil: *Ùe* ceannard nan Reubeneach, Elieser mac Shichri: nan Simeonach, Sephatiah mac Mhaachah:

17 Nan Lebhithreach, Hasabiah mac Chemuel: nan Aaronach, Sadoc:

18 *Ceannard* Iudah, Elihu aon de bhràithribh Dhaibhidh: *ceannard* Isachair, Omri mac Mhichael:

19 Shebuluin, Ismaiah mac Obadiah: *ceannard* Naphtali, Ierimot mae Asriel:

20 *Ceannard* chloinn Ephraim, Hosea mac Asasiah: leth-thrèibh Mhanaseh, Ioel mac Phedaiah.

21 *Ceannard* leth-thrèibh Mhanasch ann an Gilead, Ido mac Shechariah: Bheniamin, Iasiel mac Abneir:

22 Dhain, Asareel mac Ierohaim. *B'iad* sin ceannardan threubh Isracil.

23 Ach cha do ghabh Daibhidh an àir-eamh o aois fhichead bliadhna agus foidhe; a chionn gu'n dubhairt an Tighearn, gu'n deanadh e Israel lionmhor mar reultan nan nèamh.

24 Thòisich Ioab mac Sheruah air àir-eamh, ach cha do chrìochnaich e, a chionn gu'n robh air a shon so fearg an aghaidh Isracil; cha mhò 'chuireadh sìos an uibhir ann an àireamh eachdraidh rìgh Daibhidh.

25 Agus os ceann ionnhasan an rìgh *bha* Asmabhet mac Adiel: agus os ceann nan tigh-tasgaidh anns na machairibh, anns na mòrbhailtibh, agus anns na turaibh, *bha* Iehonatan mac Udsiah.

26 Agus os an ceann-san a rinn obair na macharach, ann an treabhadh an fhearainn, *bha* Esri mac Cheluib.

27 Agus os ceann nam fion-lios *bha* Simeir an Ramatach: os ceann toraidh nam fion-lios, fa chomhair nam fion-thaisgeach, *bha* Sabdi an Siphmitheach.

28 Agus os ceann nan craobh olaidh agus nan craobh sicomoir a *bha* 's na còmh-nardaibh iosal *bha* Baal-hanan an Gede-

reach: agus os ceann nan taisgeach olaidh *bha* Ioas.

29 Agus os ceann a' chruidh a *bha* air feur ann an Saron *bha* Sitrai an Saronach: agus os ceann a' chruidh anns na gleanntaibh *bha* Saphat mac Adlai.

30 Os ceann nan càmhal mar an ceudna *bha* Obil an t-Ismaeleach: agus os ceann nan asal *bha* Iehdeiah am Meronotach.

31 Agus os ceann nan treud *bha* Iasis an t-Hagereach. *B'iad* sin uile luchd-riaghlaidh na maoin a buleirigh Daibhidh.

32 Mar an ceudna *bha* Ionatan, bràthair-athar Daibhidh 'n a chomhairleach, 'n a dhuine glic, agus 'n a sgrìobhaiche: agus *bha* Iehiel mac Hachmoni maille ri mic an rìgh.

33 Agus *Ùe* Ahitophel comhairleach an rìgh, agus Husai an t-Architheach companach an rìgh.

34 Agus an déigh Ahitophel *bha* Iehoiada mac Bhenaiiah, agus Abiatar. Agus *Ùe* Ioab ceannard armailt' an rìgh.

CAIB. XXVIII.

1 *Chruinnich Daibhidh uile cheannardan Isracil gu Ierusalem, agus thug e earail doibh àitheantan an Tighearn' a ghleidheadh.* 9 *Dh'òrduich e do Sholamh tigh a thogail do Dhia.* 11 *Thug e dha samhlaidh an tìghe, agus òr agus airgid air son na h-òibre.*

AGUS chruinnich Daibhidh gu h-Ierusalem uile cheannardan Isracil, ceannardan nan treubh, agus ceannardan nan roinn a *bha* 'frithealadh do'n rìgh, agus na ceannardan mhltean, agus na ceannardan cheud, agus an luchd-riaghlaidh os ceann uile maoin agus sprèidh an rìgh agus a mhac, leis an luchd-dreuchd, agus na daoineibh cumhachdach, agus na daoineibh gaisgeil uile.

2 An sin sheas Daibhidh an rìgh suas air a chosaibh, agus thubhairt e, Eisdibh riumsa, mo bhràithrean, agus mo shluagh: *Bha* e agamsa a'm' chridhe tigh-còmhnuidh a thogail do àire còmhcheangail an Tighearn', agus do stòl-chos ar Dia-ne, agus dh'ulluich mi fa chomhair na h-òibre:

3 Ach thubhairt Dia rium, Cha tog thu tigh do m'ainm-sa, a chionn gu'n robh thu a'd' fhear-cogaidh, agus gu'n do dhòirt thu fuil.

4 Gidheadh roghnaich an Tighearn Dia Isracil mi roimh uile thigh m'athar, gu bli m' rìgh air Isracil gu bràth: oir roghnaich e Iudah mar riaghlair, agus á tigh Iudah, tigh m'atharsa, agus am measg mhac m'athar bu toil leis mise a dhcanamh a'm' rìgh os ceann Isracil uile.

5 Agus de m' mhacaibh uile, (oir thug an Tighearn mòran mhac dhomh,) roghnaich e Solamh mo mhac gu suidhe air riagh-chaitir rioghachd an Tighearn' os ceann Isracil.

6 Agus thubhairt e rium, Togaidh Solamh

do mhac mo thigh-sa agus mo luchairtean; oir thagh mi e gu bli 'n a mhac agam, agus bithidh mise a'm' athair aige-san.

7 Os bàrr, daingnichidh mi a rìoghachd gu bràth, ma bhios esan seasmbach a choimhionadh m'aitheantan agus mo bhreith-eannais, mar air an là'n diugh.

8 A nis uime sin *guidheam oirbh* ann an sealladh Israeil uile, comhchruinneachaidh an Tighearn', agus ann an èisdeachd ar Dé-ne, gleidhibh agus iarraibh uile àith-eantan an Tighearna bhur Dé: chum gu'n sealbhaich sibh an fearann maith so, agus gu'm fag sibh e mar oighreachd d'ur cloinn 'n ur deigh gu bràth.

9 Agus thusa a Sholaimh, a mhic, bitheadh aithne agad air Dia d'athar, agus dean seirbhis da le cridhe iomlan, agus le inntinn thoilich: oir tha'n Tighearn a' rannsachadh nan uile chridhe, agus a' tuigsinn uile dhealbhadh nan smuain: ma dh'iarras tus' esan, gheibhear e leat; ach ma thréigear tu c, tilgidh e uaith thu gu bràth.

10 Thoir an aire a nis, oir thagh an Tighearn thu gu tigh a thogail do'n ionad naomh; bi làidir agus dean e.

11 An sin thug Daibhidh do Sholamh a mhac samhhladh an sgàth-thigh, agus a thighean, agus 'ionadan-ionmhais, agus a sheòmraichean uachdarach, agus a sheòmraichean an leth stigh, agus àite na caithir-thròcair.

12 Agus samhhladh nan uile nithean a bha aige 'n a inntinn, a thaobh luchairtean tighe an Tighearn', agus a thaobh nan uile sheòmraichean mu'n cuairt, a thaobh ionadan-ionmhais tighe Dhé, agus a thaobh ionadan-taigsideh nan nithean coisrigte.

13 Mar an ceudna thaobh roinnean nan sagart agus nan Leblitheach, agus a thaobh uile oibre seirbhis tighe an Tighearn', agus a thaobh nan uile soithichean seirbhis ann an tigh an Tighearna.

14 A thaobh òir air chudthrom chum *nithean* òir, chum uile innealan gach uile ghnè sheirbhis; a thaobh *airgid* chum uile innealan airgid air chudthrom, chum uile innealan gach uile ghnè sheirbhis:

15 Fadhon an cudthrom chum nan coinnleir òir, agus a chum an lòchranan òir, air chudthrom chum gach coinnleir agus a lòchranan: agus a chum nan coinnleir airgid air chudthrom, chum a' choinnleir agus a lòchranan, a rèir feuma gach coinnleir.

16 Agus òr air chudthrom chum bhòrd an arain thaisbeanaidh, chum gach buird, agus airgid chum nam bord airgid:

17 Mar an ceudna òr glan chum nan greimichean feòla, agus nan cuach, agus nan copan: agus a chum nan soitheach-ionnlaid òir, òr air chudthrom fa chomhair gach soithich-ionnlaid; agus *airgid* air chudthrom fa chomhair gach soithich-ionnlaid airgid:

18 Agus a chum altair na tùise òr fìor-ghlan air chudthrom; agus òr fa chomhair samhlaidh carbaid nan cherub, a sgaol a mach an *sgiatan*, agus a chòmhdach òr coimhcheangail an Tighearna.

19 So uile, *arsa Daibhidh*, thug an Tighearn orm a thuigsinn ann an sgriobhadh le a làmh orm, *eadhon* uile oibre an t-samhlaidh so.

20 Agus thubhairt Daibhidh ri Solamh a mhac, Bi làidir agus gabh misneach, agus dean e: na bitheadh eagal ort, agus na bi fo uamhas, oir bithidh an Tighearn Dia, mo Dhia-sa, leat; cha-n fhàilnich e thu, cha mhò a thréigear e thu, gus an crìochnaich thu an obair uile fa chomhair seirbhis tighe an Tighearna.

21 Agus, feuch, roinnean nan sagart agus nan Leblitheach *maille riut* chum uile sheirbhis tighe Dhé, agus maille riut a chum gach uile ghnè oibre, gach duine toileach tàrail fa chomhair gach uile ghnè sheirbhis; agus na ceannardan agus an sluagh gu h-iomlan freagarrach do d'aitheantaibh uile.

CAIB. XXIX.

6 *Thug uachdarain threubh Israeil tabhartais uatha gu toileach fa chomhair tighe Dhé.* 10 *Urnugh Dhàibhidh.* 20 *Bheannaich an sluagh an Tighearn, agus rinn iad Solamh an dara uair 'n a rìgh.* 26 *Rìoghachadh agus bàs Dhàibhidh.*

A GUS thubhairt Daibhidh an rìgh ris a' chomhchruinneachadh uile, Tha Solamh mo mhac d'an d'rinn Dia a mhàin roghainn, òg agus maoth agus *tha* 'n obair mòr: oir cha-n ann air son duine ach air son an Tighearna Dé *tha* an luchairt.

2 A nis le m'uile neart dh'ulluich mise fa chomhair tighe mo Dhé, an t-òr chum *nithean* de òr, agus an t-airgid chum *nithean* de airgid, agus an t-umha chum *nithean* de umha, agus an t-iarunn chum *nithean* de iarunn, agus am fiodh chum *nithean* de fhiodh; clachan onics, agus clachan r' an cur, clachan loinnreach agus de iomadh dath, agus gach uile ghnè chlach luach-mhor, agus clachan marmoir 'am pailteas.

3 Os bàrr, a chionn gu'n do shoeraich mi m'aigne air tigh mo Dhé, tha agam de m' sheilbh àraidh féin, de òr agus de airgid a thug mi seachad do thigh mo Dhé, a bhàrr air na dh'ulluich mi uile fa chomhair an tighe naomh,

4 Tri mìle tàlamh òir, de òr na h-Ophir, agus seachd mìle tàlamh de airgid fìor-ghlan, a chòmhdachadh bhallachan an tighe:

5 An t-òr fa chomhair *nithean* de òr, agus an t-airgid fa chomhair *nithean* de airgid, agus fa chomhair gach uile ghnè oibre a *nithear* le làmhnan luchd-ceirde. Agus cò

a tha toileach air a sheirbhis a choisreagadh an diugh do'n Tighearn.

6 An sin thug cinn nan aithrichean agus uachdarain threubh Israeil, agus na ceannardan mhlitean agus cheud, maille ris an luchd-riaghlaidh os ceann oibre an rìgh, tabhartais uatha gu toileach.

7 Agus thug iad seachad fa chomhair seirbhis tighe Dhé, de òr cùig mìle tàlann agus deich mìle darcon, agus de airgid deich mìle tàlann, agus de umha ochd mìle deug tàlann, agus coud mìle tàlann iarunn.

8 Agus ge b'e aig an d'fhuaradh clachan *luachmhor*, thug iad seachad *iad* do ionmhas tighe an Tighearna, le làimh Iehieil a' Ghersonaich.

9 Agus rinn an sluagh gairdeachas a chionn gu'n d'thug iad uatha gu toileach, a chionn le cridhe iomlan gu'n d'thug iad tabhartas uatha gu toileach do'n Tighearn: agus rinn Daibhidh an rìgh mar an ceudna gairdeachas le aoibhneas mòr.

10 Air an aobhar sin bheannaich Daibhidh an Tighearn ann am fianuis a' chomhchruinneachaidh uile: agus thubhairt Daibhidh, Gu ma beannaicht' thu, a Thighearna Dhia Israeil ar n-athar, gu saoghal nan saoghal.

11 *Is* leatsa, O Thighearn', a' mhòrachd, agus an cumhachd, agus a' ghlòir, agus a' bhuaidh, agus a' mhòralachd; oir is iat na h-uile a tha air nèamh agus air talamh: *is* iat an rìoghachd, O Thighearn', agus tha thu air d'ardachadh mar cheann thar na h-uile.

12 Uaitse *tha teachd* araon saoihbreas agus urram, agus *tha* thu a' rioghachadh os ceann gach uile, agus ann ad làimh *tha* cumhachd agus neart; agus ann ad làimh *tha e neach* a dheanamh mòr, agus neart a thoirt do gach neach.

13 A nis uime sin, ar Dia-ne, tha sinn a' toirt buidheachais duit, agus a' cliùthachadh d'ainn urramaich.

14 Ach cò mise, agus ciod iad mo shluagh, gu'm bitheadh e 'n ar comas tabhartais a thoirt seachad cho toileach air an dòigh so? oir is ann uaitse *tha* na h-uile nithean, agus is ann de d' chuid féin a thug sinn duit:

15 Oir *is* coigrich sinne a'd' fhianuis agus luchd-euairt, mar ar n-aithrichean uile; mar fhailcas *tha* ar làithean air thalamh, agus cha-n'èil buanas ann.

16 O Thighearn' ar Dia, *tha* 'm pailteas so uile a dh'ulluich sinne a thogail tighe dhuit fa chomhair d'ainn naoimh a' *teachd* o d' làimh féin, agus *is* iat féin e gu léir.

17 Tha fios agam mar an ceudna, mo Dhia gu'n dearbh thsa an cridhe, agus gu bheil tlachd agad ann an treibhdhreas. Do m' thaobh-sa, ann an treibhdhreas mo chridhe thug mi gu toileach uam mar thabhartas na nithean so uile: agus a nis chunnaic mi le h-aoibhneas do shluagh, a tha 'n so a làthair, a' toirt seachad gu toileach an tabhartais dhuit-sa.

18 O Thighearna Dhia Abraham, Isaac, agus Israeil ar n-aithrichean, gléidh so gu bràth ann am breithneachadh smuaintean cridhe do shluaigh, agus ulluich an cridhe dhuit féin;

19 Agus thoir do Sholamh mo mhac cridhe iomlan, a ghleidheadh d'àitheantan, do theisteis, agus do reachdan, agus a dheanamh nan *nithean* so uile, agus a thogail na lùchairt fa chomhair an d'ulluich mise.

20 Agus thubhairt Daibhidh ris a' chomhchruinneachadh uile, A nis beannaichibh an Tighearn bhur Dia. Agus bheannaich an comhchruinneachadh gu léir an Tighearn Dia an aithrichean, agus chrom iad sìos an cinn, agus thug iad urram do'n Tighearn agus do'n rìgh.

21 Agus dh'ìobair iad ìobairtean do'n Tighearn, agus thug iad seachad ìobairtean-loisgte do'n Tighearn air an là màireach an déigh an là sin, eadhon mìle tarbh, mìle reithe, agus mìle uan, le'n tabhartais-dìbhe, agus ìobairtean 'am pailteas air son Israeil uile;

22 Agus dh'ith agus dh'òl iad an làthair an Tighearn' air an là sin le mòr shubhachas; agus rinn iad Solamh mac Dhaibhidh 'n a rìgh an dara uair, agus dh'ung iad e do'n Tighearn 'n a àrd uachdaran, agus Sadoc 'n a shagart.

23 Agus shuidh Solamh ann an caithir rìoghail an Tighearna mar rìgh 'an àite Dhaibhidh 'athar, agus shoirbhich leis, agus bha Israel uile ùmhhal dha.

24 Agus strìochna na h-uachdarain uile, agus na daoine cumhachdach, agus mar an ceudna uile mhic rìgh Daibhidh, iad féin do Sholamh an rìgh.

25 Agus dh'ardaich an Tighearn Solamh gu ro mhòr 'an sealladh Israeil uile, agus thug e mòralachd rìoghail dha nach robh aig rìgh sam bith roimhe ann an Israel.

26 Mar so rìghich Daibhidh mac Iese os ceann Israeil uile.

27 Agus b'i 'n ùine a rìghich e os ceann Israeil dà fhichead bliadhna: ann an Hebron rìghich e seachd bliadhna, agus ann an Ierusalem rìghich e trì bliadhna deug thar fhichead.

28 Agus fhuair e bàs ann an deadh shean aois, làn de làithibh, de shaoibhreas, agus de urram: agus rìghich Solamh a mhac 'na àit.

29 A nis gnìomharan Dhaibhidh an rìgh, eadar thoiseach agus dheireadh, feuch, *tha* iad sgriobhta ann an leabhar Shanniel an fhir-sheallaidh, agus ann an leabhar Nàtain an fhàidh, agus ann an leabhar Ghad an fhir-sheallaidh.

30 Maille r'a rìoghachadh gu léir, agus a chumhachd, agus na h-aimsirean a chaidh thairis air, agus thar Israel, agus thar uile rìoghachdan nan dùchan.

EACHDRAIDH.

CAIB. I.

1 *Dh'iarr Solamh agus coimhthional Israeil an Tighearn ann an Gibeon.* 7 *Dh'fhoillsich Dia e fèin do Sholamh ann an aising.* 8 *Roghnaich Solamh gliocas:* 13 *A charbaid agus a mharc-shluagh.*

AGUS dhaingnicheadh Solamh mac Dhaibhidh 'n a rioghachd, agus bha'n Tighearn a Dhia maille ris, agus dh'ardaich se e gu mòr.

2 Agus dh'àithn Solamh do Israel uile, do na ceannardaibh mhilitean agus cheud, agus do na breitheamhnaibh, agus do gach uachdaran air Israel uile, cinn nan aithrichean.

3 Agus chaidh Solamh agus an coimhthional uile maille ris do'n àit àrd a bha ann an Gibeon; oir an sin bha pàillium coimhthional Dhé, a rinn Maois, òglach an Tighearn, anns an fhàsach.

4 Ach àire Dhé thug Daibhidh a nìos o Chiriat-earim do 'n àit a dh'ulluich Daibhidh dhi; oir shuidhich e pàillium air a son ann an Ierusalem.

5 Mar an ceudna, bha'n altair umha, a rinn Besalel mac Uri, mhic Huir, an sin fa chomhair pàillium an Tighearn; agus dh'iarr Solamh agus an coimhthional e.

6 Agus chaidh Solamh suas an sin a dh'ionnsuidh na h-altair-umha 'am fianuis an Tighearna, a bha aig pàillium a' choimhthional, agus dh'ìobair e oirre mìle ìobair-loisgte.

7 Air an oidhe sin dh'fhoillsich Dia e fèin do Sholamh, agus thubhairt e ris, Iarr eiod a bheir mi dhuit.

8 Agus thubhairt Solamh ri Dia, Nochd thu do Dhaibhidh m'athair caomhneas mòr, agus rinn thu mise a'm' rìgh 'n a àit.

9 A nis, a Thighearna Dhé, coimhlonar do ghealladh do Dhaibhidh m'athair: oir rinn thu mise a'm' rìgh air sluagh, lionmhor mar dhùslach na talmhainn.

10 Thoir dhomh a nis gliocas agus eòlas, a chum gu'n tèid mi mach agus gu'n tig mi steach roimh an t-sluagh so: oir cò 'a's urrainn breth a thabhairt air do shluagh so a tha cho mòr?

11 Agus thubhairt Dia ri Solamh, A chionn gu'n robh so a'd' chridhe, agus nach d'iarr thu beartas, maoin, no cliu, no beatha do naimhdean, agus mar an ceudna nach d'iarr thu saoghal fada; ach gu'n d'iarr thu dhuit fèin gliocas agus eòlas, leis an tugadh tu breth air mo shluagh-sa, air an d'rinn mi thu a'd' rìgh;

12 Tha gliocas agus eòlas air an tabhairt duit, agus bheir mise dhuit beartas, agus maoin, agus cliu, air chor as nach robh a' leithid aig na rìghribh a bha romhad, agus a'd' dhéigh nach bi a' leithid.

13 Agus thàinig Solamh o'n àit àrd a bha ann an Gibeon gu h-Ierusalem, o làthair pàillium a' choimhthional, agus rìghich e os ceann Israeil.

14 Agus chruinnich Solamh carbadan agus mare-shluagh: agus bha mìle agus ceithir cheud carbad aige, agus dà mhìle dheug marcach; agus chuir e iad ann an bailtibh nan carbad, agus maille ris an rìgh ann an Ierusalem.

15 Agus thug an rìgh air airgiod agus air òr a bhi ann an Ierusalem mar na clachan, agus thug e air na crannaibh seudair a bhi mar na croinn shicomoir a tha anns an t-srath, air lionmhoireachd.

16 Agus thugadh eich do Sholamh a mach as an Eiphit, agus snàth-lìu: ghabh ceann-aichean an rìgh an snàth-lìn air luach.

17 Agus thàinig iad a nìos, agus thug iad a mach as an Eiphit carbad air shè ceud secel airgid, agus each air cheud agus leth-cheud: agus mar sin do uile rìghribh nan hiteach, agus do rìghribh Shìria, le'n làimh-san thugadh a mach iad.

CAIB. II.

1 *Aireamh an luchd-oibre chum tigh Dhé a thogail.* 3 *Chuir Solamh fios a dh'ionnsuidh Hiram air son duine teòma air oibreachadh ann an òr, agus air son fiodha.* 11 *Freagradh eòirdeil Hiram.*

AGUS shonraich Solamh tigh a thogail do ainm an Tighearn, agus tigh d'a rioghachd.

2 Agus chomharraich Solamh a mach deich agus trì fichead mìle fear-ìomchair callach, agus ceithir fichead mìle fear-gearraidh anns a' bheim, agus trì mìle agus sè ceud a shealltuinn thairis orra.

3 Agus chuir Solamh teachdair gu Hiram rìgh Thiruis, ag ràdh, Mar a rinn thu ri Daibhidh m'athair, agus a chuir thu d'a ionnsuidh cràbhan seudair a thogail tighe dha gu eòmhnuidh a ghabhail ann. *dean riumsa:*

4 Feuch, tha mi gu tigh a thogail do ainm an Tighearna mo Dhé, chum a choisreagadh dha, gu tùis chùbraidh a losgadh 'n a fhianuis, agus air son an arain thaisbeanaidh blith-bhuain, agus air son ìobairtean-loisgte air maduinn agus air feasgar, air na sàbaidibh, agus air na gealaichibh ùra, agus

2 EACHDRAIDH, III.

air àrd fhéilibh an Tighearn' ar Dé: gu bràth *tha* so ceangailte air Israel.

5 Agus *bithidh* an tigh a thogas mise mòr: oir *is* mòr ar Dia-ne os ceann nan uile dhiathan.

6 Ach cò 'a's urrainn tigh a thogail dha, 'n uair nach cum na nèamhan, no nèamhan nan nèamh e? Agus cò mise gu'n togainn dha tigh, ach a mhàin a losgadh iobairtean 'n a fhiauis?

7 A nis ma ta cuir a m' ionnsuidh duine, tèdna air oibreachadh ann an òr, agus ann an airgiod, agus ann an umha, agus ann an iarunn, agus ann an corcur, agus ann an dearg, agus ann an gorm, agus a tha eòlach air gearradh gu grunn maille ris na daoineibh ealanta a *tha* maille riom-sa ann an Iudah, agus ann an Ierusalem, a sholair Daibhidh m'athair.

8 Cuir a m' ionnsuidh mar an ceudna craobhan seudair, craobhan giuthais, agus craobhan alguim o Lebanon: oir tha fhios agam gu bheil do sheirbhiseich eòlach air fiodh a ghearradh ann an Lebanon: agus, feuch, *bithidh* mo sheirbhiseich-sa maille ri d' sheirbhiseich-sa.

9 Eadhon a dhcasachadh dhomh fiodha ann am pailteas; oir *bithidh* an tigh a tha mise gus a thogail mòr agus iongantach.

10 Agus, feuch, bheir mi do d' sheirbhiseich, na gearradh-eòlach a ghearras fiodh, fichead mìle tomhas de chruth-eòlach buailte, agus fichead mìle tomhas eorna, agus fichead mìle bat fiona, agus fichead mìle bat olaidh.

11 Agus fhreagair Hiram rìgh Thiruis ann an sgriobhadh, a chuir e dh'ionnsuidh Sholaimh, A chionn gu bheil gràdh aig an Tighearn d'a shluagh, rinn e thusa a'd' rìgh os an ceann.

12 Thubhairt Hiram mar an ceudna Beannaichte *gu robh* an Tighearn Dia Israeil a rinn uèamh agus talamh, a thug do Dhaibhidh an rìgh mac glie, aig am bheil eòlas agus tuigse, a thogail tigh do'u Tighearn, agus tigh d'a rìoghachd.

13 Agus a nis chuir mi 'a d' ionnsuidh duine eòlach, aig am bheil tuigse, a *bha* aig Hiram m'athair;

14 Mac mnà de nigheanaibh Dhain, agus 'athair 'n a dhuine o Thirus, tèdna air oibreachadh ann an òr, agus ann an airgiod, ann an umha, ann an iarunn, ann an cloich, agus ann am fiodh, ann an corcur, agus ann an gorm, agus ann an anart grunn, agus ann an dearg; agus air gearradh gach gnè gearraidh, agus air dealbhadh gach ni innleachdaich a chuirear fa' chomhair, maille ri d' dhaoineibh ealanta-sa, agus daoineibh ealanta mo thighearna Dhaibhidh d'athar.

15 A nis air an aobhar sin an cruithneachd, agus an t-eorna, an oladh, agus an fiou, air an do labhair mo thighearn, cuireadh e *iad* a dh'ionnsuidh a sheirbhiseach:

16 Agus gearraidh sinne fiodh á Lebanon,

a réir gach feum' a bhios agad; agus bheir sinn a d'ionnsuidh e 'n a ràthaibh air muir gu Iopa; agus bheir thusa suas e gu h-Ierusalem.

17 Agus rinn Solamh àireamh air na coigriche uile a *bha* ann an tìr Israeil, an déigh an àireimh leis an d'rinn Daibhidh 'athair an àireamh; agus fhuaradh ann diubh ceud agus leth-cheud mìle, agus trì mìle agus sè ceud.

18 Agus rinn e trì fichead agus deich mìle dhiubhl 'n an luchd-iomchair eallach, agus ceithir fichead mìle 'n an gearradairibh anns an t-slabh, agus trì mìle agus sè ceud 'u an luchd-amhaire thairis a thoirt air an t-sluagh obair a dhcanamh.

CAIB. III.

1 An t-àit agus an t-àm 's ar do thòisich Solamh air togail an teampull. 3 Tomhas agus uidheam an teampull. 8 Tomhas an tìghe ro naoimh. 14 Am brat, 15 agus na puist.

AGUS thòisich Solamh air togail tìghe an Tighearn' ann an Ierusalem air sliabh Mhoriah, far an d'fhoillsicheadh an Tighearn do Dhaibhidh 'athair, anns an àit a dh'ulluich Daibhidh ann an urlar-bualaidh Ornain an Iebusaich.

2 Agus thòisich e air togail air an dara mìos, anns a' cheathramh bliadhna d'a rìoghachadh.

3 Agus *is* iad so na nithean a shuidhicheadh le Solamh chum tigh Dhé a thogail: am fad ann an lannan-coille, a réir a' cheud tomhais, trì fichead lann-choille, agus an leud fichead lann-choille.

4 Agus an sgàth-thigh a *bha* air beulaobh an tìghe, fichead lann-choille 'fhad, a réir leoid an tìghe, agus ceud agus fichead *lann-choille* 'airde: agus chòmhdach e thairis e air an taobh a stigh le h-òr fìor-ghlan.

5 Agus an tigh mòr chòmhdach e le fiodh giuthais, agus chòmhdach e thairis e le h-òr fìor-ghlan, agus thug e air craobhan-pailme éirigh suas air, agus slabhraidhean.

6 Agus sgèadaich e an tigh le clachaibh uasal air sgàth sgéimhe; agus *be* an t-òr òr Pharbhaìn.

7 Agus chòmhdach e thairis an tigh, na sailthean, na puist, agus a bhallachan, agus a dhorsan, le h-òr; agus ghearr e cherubim air na ballachaibh.

8 Agus rinn e 'n tigh ro naoimh: 'fhad a réir leoid an tìghe, fichead lann-choille, agus a leud fichead lann-choille: agus chòmhdach e thairis e le h-òr fìor-ghlan, a *thàinig* gu sè ceud tàlann.

9 Agus *be* cothrom nan tairngean leth-cheud secl òir: agus chòmhdach e thairis na seòmraichean uachdarach le h-òr.

10 Agus anns an tigh ro naoimh rinu e dà cherub de obair sho-ghluasaid, agus chòmhdach e thairis le h-òr iad.

11 Agus *bha* sgiathan nan cherub fichead

làmh-choille air fad: aon sgiath cùig làmhan-coille, a' ruigheachd gu balla an tighe; agus an sgiath eile cùig làmhan-coille, a' ruigheachd gu sgiath a' cheruib eile:

12 Agus sgiath a' cheruib eile cùig làmhan-coille, a' ruigheachd gu balla an tighe; agus an sgiath eile cùig làmhan-coille, tàthta ri sgiath a' cheruib eile.

13 Sgaoil sgiathan nan cherub sin iad féin a mach fichead làmh-choille: agus sheas iad air an cosaibh, agus an aghaidhean ris an taobh a stigh.

14 Agus rinn e am brat *de* ghorm, agus *de* chorcur, agus *de* dhearg, agus *de* anart grinn, agus dh'òibrich e cherubim air.

15 Agus rinn e air beulaobh an tighe dà phosta cùig làmhan-coille deug thar fhichead air àirde, agus an ceann a *bha* air mullach gach aoin diubh cùig làmhan-coille.

16 Agus rinn e slabhraidhean, *mar* anns a' ghuth-àit, agus chuir e *iad* air mullach nam post; agus rinn e ceud pomgranat, agus chuir e *iad* air na slabhraidh.

17 Agus chuir e suas na puist air beulaobh an teampull, aon air an làimh dheis, agus aon air an làimh chlì. Agus thug e Iachin mar ainm air a' *phost* air an làimh dheis, agus Boas mar ainm air a' *phost* air an làimh chlì.

CAIB. IV.

1 An altair umha, 2 A' mhuir leaghta, 6 Na soithichean-ionnlaid, 7 na coinnleirean, 8 agus na buird. 19 An t-uidheam a rinn-eadh de òr.

AGUS rinn e altair umha: fichead làmh-choille a fad, agus fichead làmh-choille a leud, agus deich làmhan-coille a h-àirde.

2 Agus rinn e muir leaghta, deich làmhan-coille o bhile gu bile, cruinn mu'n cuairt, agus cùig làmhan-coille a h-àirde; agus chuairtich snàthain dheich làmhan-coille thar fhichead i mu'n cuairt.

3 Agus foipe *bha* coslas dhamh, a chuairtich i mu'n cuairt, deich anns an làmh-choille a' dol mu thimchioll na mara mu'n cuairt. Thilgeadh dà shreath dhamh an uair a thilgeadh i féin.

4 Sheas i air dà dhamh dheug, tri ag amharc ri tuath, agus tri ag amharc an iar, agus tri ag amharc ri deas, agus tri ag amharc an ear: agus *chuireadh* a' mhuir orra gu h-àrd, agus *bha* a' chuid-dheiridh dhiubh uile a stigh.

5 Agus *bha* leud boise air tiuighead innte, agus *bha* a bile air a dheanann mar bhile copain, le blàthaibh lili: ghabh i agus chum i trì mìle bat.

6 Agus rinn e deich soithichean-ionnlaid, agus chuir e cùig dhiubh air an làimh dheis, agus cùig air an làimh chlì, a dh'ionn-

lad anna: nithean na h-ìobairt-loisgte nigh iad anna; ach *bha* a' mhuir air son nan sagart, a dh'ionnlaid innte.

7 Agus rinn e deich coinnleirean òir, a réir an cumaidh, agus chuir e *iad* anns an teampull, cùig air an làimh dheis, agus cùig air an làimh chlì.

8 Agus rinn e deich buird, agus chuir e *iad* anns an teampull, cùig air an làimh dheis, agus cùig air an làimh chlì: agus rinn e ceud cuach òir.

9 Agus rinn e cùirt nan sagart, agus a' chùirt mhòr, agus dorsan air son na cùirte, agus chòmhdaich e an dorsan thairis le h-umha.

10 Agus chuir e a' mhuir air an taobh deas de'n cheann an ear, fa chomhair na h-àirde deas.

11 Agus rinn Hiram na h-aighnean, agus na sluasaidhean, agus na cuachan; agus chuir Hiram crìoch air deanamh na h-òibre a rinn e do rìgh Solamh ann an tigh Dhé:

12 *Eadhon* an dà phost, agus na cuairtean, agus na cinn a *bh'* air mullach an dà phuist, agus an dà lion-obair a chòmhdachadh dà chuairt nan ceann a *bh'* air mullach nam post:

13 Agus ceithir cheud pomgranat do'n dà lion-obair; dà shreath phomgranat do gach lion-obair, a chòmhdachadh dà chuairt nan ceann, a *bh'* air na puist.

14 Agus rinn e buinn, agus rinn e soithichean-ionnlaid ar na buinn:

15 Aon mhuir, agus dà dhamh dheug foipe:

16 Agus na h-aighnean, agus na sluasaidhean, agus na greinnichean feòla, agus an uidheam uile, rinn Hiram do rìgh Solamh ann an tigh an Tighearna de umha lìobhta.

17 Ann an còmhnaidh Iordain thilg an rìgh iad, anns an talamh chreadha eadar Sucot agus Seredatah.

18 Agus rinn Solamh an t-uidheam so uile ann am mòr-phailteas; oir cha robh e comasach cothrom an umha fhaghail a mach.

19 Agus rinn Solamh an t-uidheam uile a *bhuineadh* do thigh Dhé, agus an altair òir, agus na buird air an *robh* aran na fianais;

20 Agus na coinnleirean maille r'an lòch-ranaibh, chum gu'n loisgeadh iad a réir a' ghnàtha air beulaobh a' ghuth-àite, de òr fìorghlan;

21 Agus na blàthan, agus na lòchrain, agus na clobhachan, de òr, eadhon de'n òr 'bu ghloine;

22 Agus na smàladairean, agus na cuachan, agus na spàinean, agus na taiseirean de òr fìor-gnain;

23 Agus dol a steach an tighe, a dhorsan a bh'haide a stigh aig an ionad ro naomh, agus dorsan tighe an teampull, de òr.

CAIB. V.

1 *Thug Solamh na nithean naomhaichte a stigh do'n teampull.* 2 *Thug na Lebhithich a nìos an àire d' baile Dhaibhidh.* 11 *'N uair a bha na Lebhithich, &c. a' moladh Dhé lionadh an teampull le neul.*

AGUS chrìochnaich eadh an obair uile a rinn Solamh air son tìghe an Tighearn: agus thug Solamh a stigh nithean naomhaichte Dhaibhidh 'athar: an t-airgiod, agus an t-òr, agus na h-innealan uile, chuir e am measg ionmhasan tìghe Dhé.

2 An sin chruinnich Solamh seanairean Israeil, agus cinn nan treubh uile, eannard-an aithrichean chloinn Israeil, gu h-Ierusalem, chum gu'n tugadh iad a nìos àire coimhcheangail an Tighearn 'a baile Dhaibhidh, a's e Sion.

3 Agus chruinnich fir Israeil uile iad féin a dh'ionnsuidh an rìgh air an fhéil, [ann am nìos Etanim,] is e sin an seachdamh mìos.

4 Agus thàinig uile sheanairean Israeil; agus thog na Lebhithich an àire.

5 Agus thug iad suas an àire, agus pàillium a' choimhthionail, agus na soithichean naomha uile a bha 's a' phàillium: thug na sagartan agus na Lebhithich iad sin suas.

6 Agus dh'ìobair rìgh Solamh, agus coimhthional Israeil uile a chruinnich d'a ionnsuidh roimh an àire, caoraich agus crodh, uach robh e'n comas àireamh no mheas, a thaobh lionmhoireachd.

7 Agus thug na sagartan a steach àire coimhcheangail an Tighearna d'a h-àite féin, do ghuth-àit an tìghe, do'n ionad a's ro naoimhe, eadhon fo sgiathaibh nan cherub:

8 Oir sgaol na cherubim a mach an sgiathan os ceann àite na h-àirce, agus chòmhdaich na cherubim an àire agus a lunnan gu h-àrd.

9 Agus tharruing iad a mach na lunnan, air chor as gu'm faicteadh cinn nan lunn o'n àire fa chomhair a' ghuth-àite; ach cha-n fhaicteadh a mach iad: agus tha iad an sin gu an là'n diugh.

10 Cha robh ni air bith anns an àire ach an dà chlàr a chuir Maois an sin ann an Horeb, an uair a rinn an Tighearn coimhcheangal ri cloinn Israeil, aig teachd a mach dhoibh as an Eiphit.

11 Agus an uair a thàinig na sagartan a mach as an ionad naomh; (oir naomhaicheadh na sagartan uile a bha làthair: cha robh iad a' feitheamh 's an àm sin a réir an roinnean:

12 An sin bha na Lebhithich, an luchd-seinn, agus iad uile de Asaph, de Heman, de Jedutun, maille r'am macaibh agus an bràithribh, air dhoibh 'bhi air an sgeadachadh ann an lion-cudach geal, le ciombal-aibh, agus le saltairibh, agus le clàrsaichibh, 'n an seasamh aig a' cheann an ear de'n

altair, agus maille ri ceud agus fichead sagart a' deanamh fuaim le trompaidibh.)

13 Agus bha iad mar aon a' deanamh fuaim le trompaidibh, agus a' seinn, a thoirt air aon ghuth a bhi air a chluinntinn a ruholadh agns a thoirt buidheachais do'n Tighearn. Ach an uair a thog iad snas an gnth leis na trompaidibh, agus na ciombal-aibh, agus na h-innealaibh ciuil, agus a bha iad a' moladh an Tighearn, a chioun gu bheil e maith, a chionn gn mair a thròcair gu bràth; an sin lionadh an tigh le neul, tigh an Tighearna.

14 Agus cha b'urrainn na sagartan seasamh a fhrithealadh air sgàth an neoil: oir lion glòir an Tighearna tigh Dhé.

CAIB. VI.

1 Bheannaich Solamh an sluagh, agus mhol e Dia. 12 Urnuigh agus athcheing Sholamh 'n uair a choisrig e an teampull. 19 Gluidh e gu'n tugadh Dia éisdeachd d'a urnuigh, agus gu'm bitheadh a làthaireachd maille ris a ghluadh.

AN sin thubhairt Solamh, Thubhairt an Tighearn gu'n gabhadh e còmhnuidh ann an dorchadas tigh.

2 Ach thog mise tigh-còmhnuidh dhuit, agus àite chum thu dh'fhanntinn ann gu bràth.

3 Agus thionndaidh an rìgh 'aghaidh, agus bheannaich e uile choimhthional Israeil, (agus uile choimhthional Israeil 'n an seasamh,)

4 Agus thubhairt e, Gu ma beannaichte an Tighearn Dia Israeil, a choimhion le a lann na labhair e le 'bheul ri m'athair Daibhidh, ag ràdh,

5 O'n là air an d'thug mi mo shluagh a mach a tìr na h-Eiphit, cha do thagh mi baile sam bith a' uile threubhan Israeil a thogail tìghe, chum gu'm bitheadh m'ainm an sin, agus cha do thagh mi dnine sam bith gu bli 'n a uachdaran os ceann mo shluagh Israeil.

6 Ach a nìs thagh mi Iersalem, a chum gu'm bitheadh m'ainm an sin; agus thagh mi Daibhidh gu bli os ceann mo shluagh Israeil.

7 Agus bha e ann an cridhe Dhaibhidh m'athar tigh a thogail do ainm an Tighearna Dé Israeil.

8 Agus thubhairt an Tighearn ri Daibhidh m'athair, A chionn gu'n robh e ann ad chridhe tigh a thogail do m' ainm-sa, is maith a rinn thu gu'n robh e ann ad chridhe:

9 Gidheadh, cha tog thusa an tigh, ach do mhac a thig a mach as do leasraibh, togaidh esan an tigh do m'ainm-sa.

10 Agus choimhion an Tighearn 'fhocal a labhair e, agus dh'éirich mise suas 'an àite Dhaibhidh m'athar, agus tha mi a'm' shnidhe air rìgh-chaitir Israeil, mar a labhair an Tighearn, agus thog mi an tigh do ainm an Tighearna Dé Israeil:

11 Agus shuidhich mi an sin an àire, anns am bheil coimheangal an Tighearn', a rinn e ri cloinn Israeil.

12 Agus sheas e roimh altair an Tighearn', an làthair uile choimhthionail Israeil, agus sgaoil e mach a làmh,

13 (Oir rinn Solamh bonn umha, agus chuir se e ann am meadhan na cùirte, cuig làmhhan-coille air fad, agus cuig làmhhan-coille air leud, agus trì làmhhan-coille air àirde; agus sheas e air, agus leig se e féin air a ghluinibh an làthair coimhthionail Israeil uile, agus sgaoil e mach a làmhhan gu nèamh,)

14 Agus thubhairt e, A Thighearna Dhé Israeil, cha-n'eil Dia ann cosmhail riutsa anns na nèamhan, no air an talamh, a chumas coimheangal agus tròcair ri d' sheirbhisich, a ghluaisceas a'd' fhianuis le'n uile chridhe:

15 A chum ri d'òglach Daibhidh m'athair an ni a labhair thu ris; oir labhair thu le d' bheul, agus le d' làmh choimhlión thu, mar air an là'n diugh.

16 A nis uime sin, a Thighearna Dhé Israeil, cum ri d'òglach Daibhidh m'athair an ni a labhair thu ris, ag ràdh, Cha bhi duine dhith ort a'm' fhianuis-sa, a shuidheas air rìgh-chaithir Israeil, ma choimhlicheas a mhlàn do chlamn an slighe, a ghluasad ann am lagh, mar a ghluais thusa a'm' fhianuis.

17 Agus a nis, a Thighearna Dhé Israeil, daingnichear d'fhocal a labhair thu ri d'òglach Daibhidh.

18 Ach an gabh Dia d'a rìreadh còmhnuidh maille ri daoineibh air an talamh? feuch, cha chum na nèamhan agus nèamhan nan nèamh thusa; cia is ro lugha na sin an tigh so a thog mise?

19 Gidheadh, amhaire air urnuigh do sheirbhisich, agus air 'athchuinge, a Thighearna mo Dhia a dh'éisdeachd ris a' ghlaodh agus ris an urnuigh, a tha do sheirbhiseach a' deanamh a'd' fhianuis;

20 A chum gu'm bi do shùilean fosgailte ris an tigh so a dh'oidhe agus a là, eadhon ris an àite mu'n dubhairt thu gu'n cuireadh tu d'ainm an sin, a dh'éisdeachd ris an urnuigh a ni do sheirbhiseach a dh'ionnsuidh an àite so.

21 Eisd air an aobhar sin ri athchuinge do sheirbhisich, agus do shluagh Israeil, an uair a ni iad urnuigh a dh'ionnsuidh an àite so; agus éisd thusa o d'àite-còmhnuidh, o na nèamhan; agus an uair a dh'éisdeas tu, maith dhoibh.

22 Ma pheacaicheas duine an aghaidh a choimhearsnaich, agus ma dh'iarras e mionnan air, a' toirt air mionnachadh, agus gu'n tig na mionnau an làthair d'altarach anns an tigh so;

23 An sin éisd thusa o na nèamhan, agus dean, agus thoir breth air do sheirbhisich, ag iocadh do'n aingidh, a' toirt a shlighe

air a cheann féin; agus a' fireanachadh an fhìreinn, a' tabhairt da a réir 'fhìreantachd.

24 Agus ma bhuailear do shluagh Israel an làthair an nàmhaid, a chionn gu'n do pheacaigh iad a'd' aghaidh, agus ma philleas iad agus gu'n aidich iad d'ainm, agus gu'n dean iad urnuigh, agus gu'n guidh iad a'd' làthair anns an tigh so;

25 Au sin éisd thusa o na nèamhan, agus maith peacadh do shluagh Israeil, agus thoir a ris iad do'n fhearann a thug thu dhoibh féin agus d'an aithrichibh.

26 An uair a dhruidear na nèamhan, agus nach bi uisge ann, a chionn gu'n do pheacaich iad a'd' aghaidh-sa, agus a ni iad urnuigh a dh'ionnsuidh an àite so, agus a dh'aidicheas iad d'ainm, agus a dh'iompaichear iad o'm peacadh, an uair a chuireas tu fo àmhghar iad;

27 An sin éisd thusa o na nèamhan, agus maith peacadh do sheirbhiseach, agus do shluagh Israeil, a chum gu'n teagaisg thu dhoibh an t-slighe mhaith air an còir dhoibh gluasad, agus gu'n cuir thu uisge air an fhearann a thug thu do d' shluagh mar oighreachd.

28 An uair a bhios gorta anns an tìr, an uair a bhios plàigh ann, an uair a bhios seargadh ann, no fuar-dhealt, locust, no burruis; an uair a theannaicheas a nàmhaid e ann an tìr a bhailtean, ciod air bith plàigh, agus ciod air bith eusaint a bhios ann;

29 Ge b'e urnuigh, ge b'e athchuinge a chuirear suas le duine sam bith, no le d' shluagh Israel uile, an uair a bhios fios aig gach aon air a phlàigh féin, agus a dhoilgheas féin, agus a sgaoileas e mach a làmh a dh'ionnsuidh an tìghe so;

30 An sin éisd thusa o na nèamhan, o d'àite-còmhnuidh, agus maith, agus thoir do gach duine a réir a shlighean uile, a tha fios agad air a chridhe; (oir is ann agadsa, agadsa mha'n a tha fios air cridheachaibh chloinn nan daoine,)

31 A chum gu'm bi eagal orra romhad-sa, a ghluasad ann ad shligheibh rè an làithean uile a bhitheas iad beò anns an tìr a thug thu d'ar n-aithrichibh.

32 Os barr, a thaobh a' choigrich, nach 'eil de d' shluagh Israel, ach a thig á tìr chéin air sgàth do mhòir ainme-sa, agus do làimhe làidir, agus do ghairdein sìnte mach, agus a thig agus a ui urnuigh anns an tigh so;

33 An sin éisd thusa o na nèamhan, o d'àite-còmhnuidh, agus dean a réir nan uile nithean mu'n glaoth an coigreach riut; a chum gu'm bi eòlas aig uile shlighe na talmhainn air d'ainm, agus gu'm bi eagal orra romhad, mar tha air do shluagh Israel, agus gu'm bi fios aca gu'n goirear d'ainm-sa air an tigh so a thog mise.

34 An uair a theid do shluagh a mach a chogadh an aghaidh an naimhdean air an

t-slighe air an cuir thu iad, agus a ni iad uruigh riut a làimh a' bhaile so a rògh-naich thusa, agus an tighe a thog mise do d'ainm;

35 An sin éisd thusa o na nèamhan r'an uruigh agus r'an athchuinge, agus cum ceartas riu.

36 An uair a pheacaicheas iad a'd' aghaidh, (oir cha-n'èil duine ann nach peacaich,) agus a lasas d'fhearg 'n an aghaidh, agus a bheir thu thairis iad d'an naimhdibh, agus a bheir iad leo 'n am braighdibh iad do thir am fad no am fagus;

37 Gidheadh ma thig iad gu inntinn cheart anns an tìr d'an d'thugadh 'n am braighdibh iad, agus ma dh'iompaichear iad, agus ma ni iad uruigh riut ann an tìr am braighdeanais, ag ràdh, Pheacaich sinn, rinn sinn gu h-eucorach, agus rinn sinn gu h-aingidh;

38 Ma philleas iad a d' ionnsuidh-sa le'n uile chridhe, agus le'n uile auam, ann an tìr am braighdeanais, d'an d'thugadh iad 'n am braighdibh, agus ma ni iad uruigh a làimh an tìre féu a thug thu d'an aithrichibh, agus a làimh a' bhaile a rògh-naich thu, agus a làimh an tighe a thog mise do d'ainm;

39 An sin éisd thusa o na nèamhan, o d'àite-còmhnuidh, r'an uruigh agus r'an athchuinge, agus cum ceartas riu, agus maith do d' shluagh a pheacaich a'd' aghaidh.

40 A nis, mo Dhia, bitheadh, guidheam ort, do shùilean fosgailte, agus thugadh do chluasan an aire do uruigh an àite so.

41 Ach a nis éirich thusa, a Thighearna Dhé, do d' àite suaimhneis, thu féin, agus àire do neirt. Bitheadh do shagartan, a Thighearna Dhé, air an sgeadachadh le slàinte, agus deanadh do naoimh gairdeachas ann am maithes.

42 A Thighearna Dhé, na tionndaidh air falbh gnùis d'aoim ungta: cuimhnich trècairean Dhaibhidh do sheirbhisich.

CAIB. VII.

1 *Lìon glòir an Tighearn' an teampull. 5 Choisrig Solamh agus clann Israel tigh Dhé, 10 agus an sin phill an sluagh d'am bithaibh aoibhneach agus subhach 'n an cridhe. 12 Dh'fhoillsich Dia e féin a ris do Sholamh, agus rinn e còimheangal ris.*

AGUS an uair a chuir Solamh crìoch air a uruigh a dheanamh, thàinig an teine a nuas o nèamh, agus loisg e suas an tabhartas-loisgte agus na h-iobairtean; agus lion glòir an Tighearn' an tigh.

2 Agus cha b'urrainn na sagartan dol a steach do thigh an Tighearn', a chionn gu'n do lion glòir an Tighearna tigh an Tighearna.

3 Agus an uair a chunnaic clann Israel nìle mar a thàinig an teine nuas, agus glòir an Tighearna, air an tigh, chrom siad iad

féin le'n aghaidhean chum na talmhann air an urlar, agus rinn iad aoradh, agus mhol iad an Tighearn, a chionn *gu bheil* e maith, gu *mair* a thròcair gu bràth.

4 An sin dh'iobair an rìgh agus an sluagh uile iobairtean 'am fianuis an Tighearna.

5 Agus dh'iobair rìgh Solamh mar iobairt dà mhìle fichead bò, agus ceud agus fich-ead mìle caora: agus choisrig an rìgh agus an sluagh uile tigh Dhé.

6 Agus dh'fheith na sagartan air an dreuchd; na Lebhithich mar an ceudna le innealaibh-ciuil an Tighearn', a rinn Daibhidh an rìgh a mholadh an Tighearn, a chionn gu *mair* a thròcair gu bràth, an uair a bha Daibhidh a' cliùthachadh le 'n làimh-san: agus shéid na sagartan trompaidean rompa, agus sheas Israel uile.

7 Agus naomhaich Solamh meadhon na cùirte a *bha* fa chomhair tighe an Tighearn': oir thug e suas an sin iobairtean-loisgte, agus saill nan tabhartas-sìth, a chionn nach b'urrainn an altair umha a rinn Solamh na h-iobairtean-loisgte, agus na tabhartasan-bìdh, agus an t-saill, a ghabhail.

8 Agus chum Solamh anns an àm sin an fhéill seachd làithean, agus Israel uile maille ris, comhchruinneachadh ro mhòr, o dhol a stigh Hamait gu ruig ambaion na h-Eiphit.

9 Agus air an ochdamh là chum iad àrd choimthional; oir chum iad coisreagadh na h-altarach seachd làithean, agus an fhéill seachd làithean.

10 Agus air an treas là fichead de'n t-seachdamh mìos leig e an sluagh air falbh d'am bithaibh, aoibhneach agus subhach 'n an cridhe air son a' mhaithes a nochd an Tighearn do Dhaibhidh, agus do Sholamh, agus do Israel a shluagh.

11 Agus chrìochnaich Solamh tigh an Tighearna, agus tigh an rìgh; agus gach nì a thàinig ann an cridhe Sholaimh a dheanamh ann an tigh an Tighearna, agus 'n a thigh féin, shoirbhich leis 'n a dheanamh.

12 Agus dh'fhoillsich an Tighearn e féin do Sholamh 's an oidhche, agus thubhairt e ris, Chuala mi d' uruigh, agus thagh mi 'n t-àite so dhomh féin air son tighe iobairte.

13 Ma dhruideas mi na nèamhan, agus nach bi uisge ann, no ma dh'àitneas mi do na locuist am fearann itheadh suas, no ma chuireas mi plàigh am measg mo shluaigh;

14 Ma dh'irioslaicheas mo shluagh air au goirear m'ainm iad féin, agus gu'n dean iad uruigh, agus gu'n iarr iad mo ghnùis, agus gu'm pill iad o'n droch shlighibh, au sin cluinnidh mise o na nèamhan, agus maithidh mi am peacadh, agus leighisidh mi am fearann.

15 A nis bithidh mo shùileau fosgailte

agus bheir mo chluasan an aire do urnuigh an àite so:

16 Oir a nis thagh mi agus naomhaich mi an tigh so, chum gu'm bi m'ainm an sin gu bràth; agus bithidh mo shùilean agus mo chridhe an sin gach là.

17 Agus ma ghluaiseas tusa ann am fhianuis, mar a ghluais Daibhidh d'athair, agus ma ni thu a réir gach *ni* a dh'àithn mi dhuit, agus gu'n gléidh thu mo reachdan agus mo bhreitheanaiss;

18 An sin daingnichidh mise rìgh-chathair do rìoghachd, mar a rinn mi còmhcheangal ri Daibhidh d'athair, ag ràdh, Cha bhi duine dh'ith ort gu bhi 'n a uachdaran ann an Israel.

19 Ach ma thionndaidheas sibh uam, agus gu'n tréig sibh mo reachdan agus m'aitheantann a chuir mi roimh sibh, agus gu'n téid sibh agus gu'n dean sibh seirbhis do dhiaithaibh eile, agus gu'n sleuchd sibh dhoibh;

20 An sin spionadh mise sibh á m'fhearn a thug mi dhuibh; agus an tigh so a naomhaich mi do m'ainm, tilgidh mi as mo shealladh, agus ni mi e 'n a shamhladh agus 'n a leth-fhocal am measg nan uile chinneach.

21 Agus an tigh so a bha co àrd, bithidh iongantais air gach neach a théid seachad air, agus their e, Car son a rinn an Tighearn mar so ris an tìr so, agus ris an tigh so?

22 Agus freagar, A chionn gu'n do thréig iad an Tighearn Dia an aithrichean, a thug a mach iad á tìr na h-Eiphit, agus gu'n do ghabh iad d'an ionnsuidh diathan eile, agus gu'n do shleuchd iad dhoibh, agus gu'n do rinn iad seirbhis dhoibh; uime sin thug e au t-òle so uile orra.

CAIB. VIII.

1 *Na bailtean a thog Solamh.* 7 *Rinneadh tràilleen de na Canaanach.* 11 *Thug Solamh suas nighean Pharaoh a dh'ionnsuidh a tìghe féin.* 14 *Shuidhich e roinnean nan sagart, agus nan Lebhithich.* 17 *Thug longan Sholaimh òr o Ophir.*

A GUS tharladh 'an ceann fhlichead bliadhna, anns an do thog Solamh tigh an Tighearn' agus a thigh féin,

2 Na bailtean a thug Hiram do Sholamh, gu'n do thog Solamh iad, agus thug e air cloinn Israeil còmhnuidh a ghabhail an sin.

3 Agus chaidh Solamh gu Hamat-sobah, agus thug e buaidh air.

4 Agus thog e Tadmor anns an fhàsach, agus na bailtean-ionmhais uile a thog e ann an Hamat.

5 Mar an ceudna thog e Bet-horon uachdarach, agus Bet-horon iochdarach, bailtean daingnichte, le ballachaibh, geatachaibh agus crannaibh:

6 Agus Baalat, agus na h-uile bhailtean-ionmhais a bha aig Solamh, agus uile bhailtean nan carbad, agus bailtean a'

mharc-shluaigh, agus uile mhiann Sholaimh a mhiannaich e 'thogail ann an Ierusalem, agus ann an Lebanon, agus ann an uile thìr a thighearnais.

7 *A thaobh an t-sluaigh uile a dh'fhàgadh de na Hitich, agus de na h-Amoraich, agus de na Peridsich, agus de na Hibhich, agus de na Iebusaich, nach robh de Israel,*

8 D'an cloinn a dh'fhàgadh 'n an déigh anns an tìr, nach do sgrios clann Israeil, dhiubhsan thog Solamh eis gus an là'n diugh.

9 Ach do ehloinn Israeil cha d'rinn Solamh tràill sam bith air son 'oibre; oir bha iad 'n am fir-chogaidh, agus 'n an uachdaranais, agus 'n an ceannardaibh aige, agus 'n an riaghlairibh a charbad agus a mharc-shluaigh.

10 Agus b' iad so uachdarain an luchd-dreuchd a bha aig rìgh Solamh, dà cheud agus leth-cheud a riaghail os ceann an t-sluaigh.

11 Agus thug Solamh suas nighean Pharaoh á baile Dhaibhidh a dh'ionnsuidh an tìghe a thog e dhi: oir thubhairt e, Cha ghabh mo bhean-sa còmhnuidh ann an tigh Dhaibhidh rìgh Israeil; oir is naomha na h-àitean d'an d'fhàinig àire an Tighearna steach.

12 An sin dh'ìobair Solamh ìobairtean-loisgte do'n Tighearn, air altair an Tighearn', a thog e fa chomhair an sgàth-thìghe;

13 A dhlighe féin air gach là, ag ìobradh a réir àithne Mhaois, air na sàbaidibh, agus air na galaichibh nomha, agus air na feilibh sonraichte, tri uairean 's a' bhliadhna, air féill an arain neo-ghoirtichte, agus air féill nan seachduin, agus air féill nam pàillun.

14 Agus shuidhich e, a réir riaghail Dhaibhidh 'athar, roinnean nan sagart chum an seirbhis, agus na Lebhithich chum an cùrain, a mholadh agus a fhrith-ealadh 'am fianuis nan sagart, a réir dlighe gach là; agus na dorsairean a réir an roinnean aig gach geata: oir mar sin dh'àithn Daibhidh òglach Dhé.

15 Agus cha do chlaon iad o àithne an rìgh mu na sagairtibh agus na Lebhithich, a thaobh ni air bith, no thaobh nan ionmhas.

16 Agus dheasaicheadh obair Sholaimh uile gu ruig an là anns an do leagadh bunait tìghe an Tighearn', agus gus an do chrìochnaicheadh e. *Mar sin* rinneadh tigh an Tighearna gu h-iomlan.

17 An sin chaidh Solamh gu h-Esion-geber, agus gu h-Elot, air taobh na mara ann an tìr Edoim.

18 Agus chuir Hiram d'a ionnsuidh le làimh a sheirbhiseach longan, agus seirbhisich aig an robh eòlas na fairge; agus chaidh iad maille ri seirbhisich Sholaimh

gu h-Ophir, agus thug iad as a sin ceithir cheud agus leth-cheud tàlann òir, agus thug iad gu rìgh Solamh iad.

CAIB. IX.

1 *Thàinig ban-rìghinn Sheba gu h-Ierusalem a dhearbhadh Sholaimh.* 3 *Ghabh i iongantas 'a' ghliocas.* 13 *Cudthrom an òir a thàinig dh'ionnsuidh Sholaimh ann an aon bhliadhna.* 16 *A rìgh-chaithir.* 20 *A shoithichean-òil.* 29 *A bhàs.*

AGUS an uair a chuala ban-rìghinn Sheba cliù Sholaimh, thàinig i a dhearbhadh Sholaimh le ceisidibh cruaidhe gu h-Ierusalem, le cuideachd ro mhòir, agus le camhalaibh a' giùlan spiosraidh agus òir ann am pailteas, agus chlachan luachmhor: agus an uair a thàinig i dh'ionnsuidh Sholaimh, labhair i ris gach nì a bha 'n a cridhe.

2 Agus fhreagair Solamh dhi a ceisdean uile; agus cha robh nì air bith 'am folach air Solamh nach d'innis e dhi.

3 Agus an uair a chunnaic ban-rìghinn Sheba gliocas Sholaimh, agus an tigh a thog e,

4 Agus biadh a bhuird, agus suidhe a sheirbhiseach, agus feitheamh a luchd-frithealaidh agus an trusgan, agus a ghillea-cupain agus an trusgan, agus a dhol-suas air an deachaidh c suas gu tigh an Tighearna; cha robh spiorad innte nì's mò.

5 Agus thubhairt i ris an rìgh, *B'fhòr an t-ionmradh a chuala mi ann am thìr fèin air do ghnìomharaibh,* agus air do ghliocas:

6 Gidheadh cha do chreid mi am briathran, gus an d'thàinig mi, agus gu'm faca mo shùilean; agus, feuch, cha d'innseadh dhomh leth meud do ghliocais: chaidh thu thar an ionmradh a chuala mi.

7 *Is* sona do dhaoine, agus *is* sona iad so do sheirbhisich, a sheasas a'd' fhianuis an còmhnuidh, agus a chluimeas do ghliocas.

8 Gu ma beannaichte an Tighearna do Dhia a ghabh tlachd annad gu d' chur air a rìgh-chaithir, gu bhì 'd' rìgh air son an Tighearna do Dhé: a chionn gu'n do ghràdhaich do Dhia Israel, chum an daingneachadh gu bràth, uime sin rinn e thusa a'd' rìgh os an ceann, a dheanamh breitheanaidh agus ceartais.

9 Agus thug i do'n rìgh ceud agus fichead tàlann òir, agus ro mhòran de spiosraidh, agus clachan luachmhor: Agus cha robh riamh a leithid so de spiosraidh, as a thug ban-rìghinn Sheba do rìgh Solamh.

10 Agus mar an ceudna thug seirbhisich Huraim, agus seirbhisich Sholaimh, a thug òr o Ophir, fiodh alguim leo, agus clachan luachmhor.

11 Agus rinn an rìgh de'n fhiodh alguim staidhrichean do thigh an Tighearna, agus do thigh an rìgh, agus clàrsaichean agus salt-airean do'n luchd-ciùil: agus cha-n fhacas an leithid roimhe ann an tìr Iudah.

12 Agus thug rìgh Solamh do bhan-rìghinn Sheba a h-uile mhìan a dh'iarr i, a thuilleadh air na thug i dh'ionnsuidh an rìgh: agus thionndaidh i agus dh'imich i d'a tìr, i fèin agus a seirbhisich.

13 A nis b'e cudthrom an òir a thàinig a dh'ionnsuidh Sholaimh ann an aon bhliadhna, sè ceud agus trì fichead agus sè tàlaman òir:

14 A thuilleadh air na thug na ceannaichean agus an luchd malairt, agus uile rìghrean Arabia, agus uachdarain na tìre; a thug òr agus airgid a dh'ionnsuidh Sholaimh.

15 Agus rinn rìgh Solamh dà cheud sgiath de òr buailte: chaidh sè ceud *secel* de òr buailte chum gach sgiathe.

16 Agus rinn e trì chend targaid de òr buailte: chaidh trì cheud *secel* òir chum gach targaid: agus chuir an rìgh iad ann an tigh frithe Lebanoin.

17 Rinn an rìgh mar an ceudna rìgh-chaithir mhòr de fhiaclaibh *elephant*, agus chòmhaich e i leis an òr a bu ghloine.

18 Agus bha sè ceuman aig an rìgh-chaithir agus cos-stòl òir, air an tàthadh ris an rìgh-chaithir, agus lànhan air gach taobh de'n àite-shuidhe, agus dà leòmhann a' seasamh kaimh ris na lànhan.

19 Agus sheas dà leòmhann dheug an sin air na sè ceumaibh, air an taobh so agus air an taobh ud. Cha d'rinneadh a leithid ann an rìoghachd air bith eile.

20 Agus bha uile shoithichean òil rìgh Solaimh a dh' òr, agus uile shoithichean tighe frithe Lebanoin a dh' òr fìor-ghlan: cha robh meas de airgid ann an làithibh Sholaimh chum nì sam bith.

21 Oir chaidh loingeis an rìgh gu Tarsis maille ri seirbhisich Huraim: aon uair anns na trì bliadhnaibh thàinig loingeis Tharsis a' giùlan òir agus airgid, fhiacal *elephant*, agus apan agus pheucag.

22 Agus thug rìgh Solamh barrachd air uile rìghribh an domhain ann an saoihbheas agus gliocas.

23 Agus dh'iarr uile rìghrean na talmhainn teachd an làthair Sholaimh, a chluinntinn a ghliocais a chuir Dia 'n a chridhe.

24 Agus thug iad leo gach fear a thiodhlac, soithichean airgid, agus soithichean òir, agus trusganan, agus airm, agus spiosraidh, agus eich, agus muileidean, cnibhrionn bliadhna anns gach bliadhna.

25 Agus bha aig Solamh ceithir mìle prasach each air son a charbad, agus dà mhìle dheug marcach, a chuir e mach ann am bailtibh nan carbad, agus maille ris an rìgh ann an Ierusalem.

26 Agus rìghich e os ceann nan rìghrean uile, o'n amhainn gu ruig tìr nam Philisteach, agus gu ruig crìoch na h-Eiphit.

27 Agus thug an rìgh air airgid a bhi ann an Ierusalem mar chlachan, agus air na

crannaibh seudair thug e *bhi* mar na croinn shicomoir, a *tha* anns an t-srath, air lìon-mnoireachd.

28 Agus thugadh eich a dh'ionnsuidh Sholaimh as an Eiphit, agus as gach uile thìr.

29 Agus a' chuid eile de ghlèomharaibh Sholaimh, an toiseach agus mu dheireadh, nach 'eil iad sgrìobhta ann an leabhar Nàtain an fhàidh, agus ann am fàidhead-aireachd Ahiah an t-Sìlonaich, agus ann an seallannaibh Ido an fhir-sheallaidh an aghaidh Ieroboam mhic Nebait?

30 Agus rìghich Solamh ann an Ierusalem os ceann Israeil uile, dà fhichead bliadhna.

31 Agus choidil Solamh maille 'r'a aith-rìchibh, agus dh'adhlacaidh e ann am baile Dhaibhidh 'athar: agus rìghich Rehoboam a mhac 'n a àit.

CAIB. X.

1 *Thàinig clann Israeil do Shechem gu Rehoboam a dheanamh 'n a rìgh. 6 Dhiùlt esan comhairle nan seann daoine, agus labhair e gu garg ris an t-sluagh, a réir comhairle nan daoine òga. 16 Rinn clann Israeil ceannaire 'n a aghaidh.*

AGUS chaidh Rehoboam do Shechem: oir thàinig Israel uile do Shechem g'a dheanamh 'n a rìgh.

2 Agus an uair a chuala Ieroboam mac Nebait *sin*, a *bha* anns an Eiphit, far an do theich e o ghnùis rìgh Solaimh, phill Ieroboam as an Eiphit.

3 Agus chuir iad *fios*, agus ghairm iad e: agus thàinig Ieroboam agus Israel uile, agus labhair iad ri Rehoboam, ag ràdh,

4 Dh'antramaich d'athair ar cuing-ne, ach eutromaich thus' a nis seirbhis chruaidh d'athar, agus a chuing throm a chuir e oirnn, agus ni sinn seirbhis dhuit.

5 Agus thubhairt e riu, 'An ceann thrì làithean thigibh a ris a m' ionnsuidh. Agus dh'fhalbh an sluagh.

6 Agus chuir rìgh Rehoboam a chomhairle ris na seann daoineibh a sheas an làthair Sholaimh 'athar, an uair bu bheò e, ag ràdh, Cionnus a chomhairlicheas sibh *dhomh* freagradh a thabhairt do'n t-sluagh so?

7 Agus labhair iadsan ris, ag ràdh, Ma bhitheas tusa caomhneil ris an t-sluagh so, agus gu'n toilich thu iad, agus gu'n labhair thu riu briathran maithhe, bithidh iadsan agadsa 'n an seirbhisich gu bràth.

8 Ach thréig esan comhairle nan seann daoine, a thug iad air; agus chuir e 'chomhairle ris na daoineibh òga a dh'fhàs suas maille ris féin, agus a sheas 'n a làthair.

9 Agus thubhairt e riu, Ciod a *tha* sibhse a' comhairleachadh, a chum gu'n toir sinn freagradh do'n t-sluagh so, a labhair rium, ag ràdh, Eutromaich a' chuing a chuir d'athair oirnn?

10 Agus labhair na daoine òga a dh'fhàs

suas maille ris *féin* ris, ag ràdh, Mar so their thu ris an t-sluagh a labhair riut, ag ràdh, Dh'antramaich d'athair ar cuing-ne, ach eutromaich thusa dhuinn *i*; mar so their thu riu, *Is* gairbhe mo lùghdag-sa na leasraidh m'athar.

11 Agus a nis chuir m'athair gun amharus oirbh cuing throm, ach cuiridh mise ri bhur cuing; smachdaich m'athair sibh le slataibh, ach *smachdaichidh* mise *sibh* le scorpionaibh.

12 Agus thàinig Ieroboam agus an sluagh uile gu Rehoboam air an treas là, mar a dh'aithean an rìgh, ag ràdh, Thigibh a ris a m' ionnsuidh air an treas là.

13 Agus fhreagair an rìgh iad gu garbh; agus thréig rìgh Rehoboam comhairle nan seann daoine.

14 Agus labhair e riu a réir comhairle nan daoine òga, ag ràdh, Dh'antramaich m'athair bhur cuing, ach cuiridh mise rithe; smachdaich m'athair sibh le slataibh, ach *smachdaichidh* mise *sibh* le scorpionaibh.

15 Mar so cha d'éisd an rìgh ris an t-sluagh; oir bha'n t-aobhar o Dhia, chum gu'n coimhionadh an Tighearn 'Thocal féin, a labhair e le làimh Ahiah an t-Sìlonaich ri Ieroboam mac Nebait.

16 Agus an uair a chunnaic Israel uile nach d'éisd an rìgh riu, fhreagair an sluagh an rìgh, ag ràdh, Ciod a' chuibhrionn a th'againne ann an Daibhidh? agus cha-n'eil oighreachd againn ann am mac Iese: gach fear do d' bhùthaibh, O Israeil; a nis thoir an aire air do thigh féin, a Dhaibhidh. Agus dh'fhalbh Israel uile d'am bàthaibh.

17 Ach a *thaobh* chloinn Israeil a bha 'chòmhnuidh ann am bailtibh Iudah, rìghich Rehoboam os an ceann.

18 An sin chuir rìgh Rehoboam Adoram a *bha* os ceann na cise *d'an ionnsuidh*; agus chlach clann Israeil e le clachaibh, agus fhuair e bàs: agus rinn Rehoboam cabbag gu dol suas d'a charbad, chum gu'n teicheadh e do Ierusalem.

19 Agus rinn Israel ceannaire an aghaidh tighe Dhaibhidh gus an l'n diugh.

CAIB. XI.

1 *Chruinnich Rehoboam armait a chogadh an aghaidh Israeil. 6 Na bailtean daingnichte a thog e. 13 Thàinig na sagartan agus na Lebhithich gu Ierusalem, a chionn gu'n do chuir Ieroboam iad o fhrìthealadh 'n an dreuchd. 18 Muathan agus clann Rehoboam.*

AGUS an uair a thàinig Rehoboam gu h-Ierusalem, chruinnich e de thigh Iudah agus Bheniamin, ceud agus ceithir fichead mìle *fear* taghta, deanta ri cogadh, a chogadh an aghaidh Israeil, a chum an rìoghachd a thoirt a ris gu Rehoboam.

2 Ach thàinig focal an Tighearna gu Semaiah òglach Dhé, ag ràdh,

3 Labhair ri Rehoboam, mac Sholaimh,

rìgh Iudah, agus ri h-Israel uile ann an Iudah agus ann am Benjamin, ag ràdh,

4 Mar so tha'n Tighearn ag ràdh, Cha téid sibh suas, agus cha chog sibh ri'r bràithribh: pillibh, gach fear a dh'ionnsuidh a thighe; oir leamsa rinneadh an nì so. Agus dh'éisd iad ri briathraibh an Tighearn, agus phill iad o dhol an aghaidh Ieroboaim.

5 Agus ghabh Rehoboam còmhuidh ann an Ierusalem, agus thog e bailtean daingnichte ann an Iudah:

6 Thog e eadhon Bet-lehem, agus Etam, agus Tecoa,

7 Agus Bet-sur, agus Socho, agus Adullam,

8 Agus Gat, agus Maresah, agus Siph,

9 Agus Adoraim, agus Lachis, agus Asecah,

10 Agus Sorah, agus Aialon, agus Hebron; a tha ann an Iudah, agus ann am Benjamin, 'n am bailtibh daingnichte.

11 Agus neartaich e na daingnichean, agus chuir e ceannardan annta, agus taisgeachan-bidh, agus olaidh, agus fìona.

12 Agus anns gach baile fa leth *chuir e* sgiathan agus sleaghan, agus rinn e ro làidir iad; oir bha Iudah agus Benjamin aige air a thaobh.

13 Agus thàinig na sagartan agus na Lebhithich, a bha ann an Israel uile, d'a ionnsuidh as an crìochaibh uile:

14 (Oir dh'fhàg na Lebhithich am fo-bhailtean, agus an sealbh, agus thàinig iad gu Iudah agus gu h-Ierusalem; a chionn gu'n do chuir Ieroboam agus a mhic iad o fhrithéaladh ann an dreuchd nan sagart do'n Tighearn.

15 Agus rinn e dha féin sagartan air son nan àitean àrda, agus air son dheamhan, agus air son nan luagh a rinn e.)

16 Agus 'n an déigh-san thàinig a mach á uile theubhan Israeil, iadsan a shocraich an cridhe a dh'iarraidh an Tighearna Dhé Israeil, gu h-Ierusalem a dh'ìobradh do'n Tighearn Dia an aithrichean.

17 Agus dhaingnich iad rioghachd Iudah, agus rinn iad Rehoboam mac Sholaimh làidir ré thri bliadhna; oir ré thri bliadhna ghluais iad ann an slighe Dhaibhidh agus Sholaimh.

18 Agus ghabh Rehoboam Mahalat nighean Ierimoit, mhic Dhaibhidh, dha féin 'n a mnaoi; Abihail mar an ceudna, nighean Eliaib, mhic Iese:

19 Agus rug ise dha clann; Ieus, agus Semariah, agus Saham.

20 Agus 'n a déigh-sa ghabh e Maachah, nighean Absaloim, a rug dha Abiah, agus Atai, agus Sisa, agus Selomit.

21 Agus ghràdhachd Rehoboam Maachah, nighean Absaloim, os ceann a bhan agus a choimhleabach uile; oir ghabh e dha féin oched mnàì dheug, agus tri fichead coimhleabach, agus ghin e oched mic fhichead, agus tri fichead nighean.)

22 Agus rinn Rehoboam 'n a cheannard Abiah, mac Mhaachah, gu bli 'n a riaghlair am meas a bhraithrean; oir smuaimich e air a dheanamh 'n a rìgh.

23 Agus rinn e gu glie, agus sgaoil e a' *chuid eile* d'a mhacaibh uile air feadh uile thìre Iudah agus Bhieniamin, ams na bailtibh daingnichte uile; agus thug e dhoibh pailteas bìdh: agus dh'ìarr e mòran bhan.

CAIB. XII.

1 *Thrèig Rehoboam lagh an Tighearna. 2 Thàinig Sisac rìgh na h-Eiphit a nìos 'n a aghaidh, agus ghlac e bailtean daingnichte Iudah. 5 Dh'ìrosalach Rehoboam e féin, agus thug Dia càil-eigin de shaorsa dha. 13 A rioghachadh agus a bhàs.*

AGUS an uair a dhaingnicheadh rioghachd Rehoboaim, agus a dh'fhàs e cunlachdach, thrèig e lagh an Tighearn, agus Israel uile maille ris.

2 Agus anns a' chùigeamh bliadhna de rìgh Rehoboam, thàinig Sisac rìgh na h-Eiphit a nìos an aghaidh Ierusalem, (a chionn gu'n do pheacaich iad an aghaidh an Tighearna.)

3 Le mìle agus dà cheud carbad, agus le trì fichead mìle marcach: agus bha 'n sluagh gun àireamh a thàinig maille ris as an Eiphit; na Lubaich, na Sucaich, agus na h-Ètiopaich.

4 Agus ghlac e na bailtean daingnichte a *bhuineadh* do Iudah, agus thàinig e gu h-Ierusalem.

5 An sin thàinig Semaiah am fàidh gu Rehoboam, agus gu h-uachdaranaibh Iudah, a bha air cruinneachadh gu h-Ierusalem air eagal Shisaic, agus thubhairt e riu, Mar so tha'n Tighearn ag ràdh, Dh'fhàg sibhse mise, agus air an aobhar sin dh'fhàg mise sibhse ann an làimh Shisaic.

6 An sin dh'ìrosalach uachdarain Israeil agus an rìgh iad féin, agus thubhairt iad, *Tha'n* Tighearn ceart.

7 Agus an uair a chunnaic an Tighearn gu'n d'ìrosalach siad iad féin, thàinig focal an Tighearna gu Semaiah, ag ràdh, Dh'ìrosalach siad iad féin; cha sgrios mi iad, ach bheir mi dhoibh càil-eigin de shaorsa; agus cha taomar mo chorruich a mach air Ierusalem le làimh Shisaic.

8 Gidheadh, bithidh iad 'n an seirbhisich aige, agus bithidh aithne aca air mo sheirbhis-sa, agus air seirbhis rioghachdan nan dùchan.

9 Uime sin thàinig Sisac rìgh na h-Eiphit a nìos an aghaidh Ierusalem, agus thug e leis ionmhais tighe an Tighearn, agus ionmhais tighe an rìgh; bhuin e leis an t-ionlan: thug e leis mar an ceudna na targaidean oir a rinn Solamh.

10 Agus rinn rìgh Rehoboam targaidean umha 'n an àit, agus thug e thairis iad do làimh cheannard an fhreiceadain, a ghléidh dorus tighe an rìgh.

11 Agus an uair a chaidh an rìgh a steach do thigh an Tighearna, thàinig ann freic-eadan agus thog siad iad, agus thug iad air an ais iad gu sèomar an fhreiceadain.

12 Agus an uair a dh'frioslaich se e féin, thionndaidh corruich an Tighearn' uath, chum nach sgriosadh se e gu tur. Agus mar an ceudna ann an Iudah bha nithean gu maith.

13 Agus dhaingnich rìgh Rehoboam e féin ann an Ierusalem, agus rìghich e. A nis *bha* Rehoboam aon agus dà fhichead bliadhna dh'aois an uair a thòisich e air rìoghachadh, agus rìghich e seachd bliadhna deug ann an Ierusalem, an baile a thagh an Tighearn *a* mach á uile threubhan Israeil a chur 'ainme an sin: agus *be* ainm a mhàthar Naamah, Ban-amonach.

14 Agus rinn e olc, a chionn nach d'ulluich e a chridhe a dh'iarraidh an Tighearna.

15 A nis gnìomharan Rehoboam, an toiseach agus mu dheircadh, nach 'eil iad sgrìobhta ann an leabhar Shemaiah an fhàidh, agus Ido an fhir-sheallaidh, mu thimchioll ghinealach? Agus *bha* cogadh cadar Rehoboam agus Ieroboam ré an làithean uile.

16 Agus choidil Rehoboam maille r'a aithrichibh, agus dh'adhlaicheadh e ann am baile Dhaibhidh: agus rìghich Abiah a mhac 'n a àit.

CAIB. XIII.

1 *Bha cogadh cadar Abiah agus Ieroboam.* 5 *Chuir Abiah 'an cèll ceartas a chùise.* 13 *Bhuadhair e air Ieroboam, agus mharb e Israel le h-àr mòr.* 21 *A mhnathan agus a chlann.*

A NIS anns an ochdamh bliadhna deug de rìgh Ieroboam, thòisich Abiah air rìoghachadh os ceann Iudah.

2 Tri bliadhna rìghich e ann an Ierusalem: agus *be* ainm a mhàthar Maachah, nighean [Abisaloim, mhic] Uriel o Ghibeah. Agus bha cogadh cadar Abiah agus Ieroboam.

3 Agus chuir Abiah an cath 'an ordugh le armaid de dhaoineibh treuna ann an cogadh, coithir cheud mìle fear taghta: agus chuir Ieroboam an cath 'an ordugh 'n a aghaidh le ochd ceud mìle fear taghta, daoine treuna gaisgeil.

4 Agus sheas Abiah suas air sliabh Shemariam, a *tha* ann an sliabh Ephraim, agus thubhairt e, Eisdibh riinn, a Ieroboam, agus Israeil uile.

5 Nach bu chòir dhuibhse fios a bhi agaibh gu'n d'thug an Tighearn Dia Israeil an rìoghachd os ceann Israeil thairis do Dhaibhidh gu bràth, *eadhon* dhà-san agus d'a mhacaibh le coimhcheangal salaim?

6 Gidheadh, dh'èirich Ieroboam, mac Nebait, seirbhiseach Sholaimh mhic Dhaibhidh suas, agus rinn e ceannaire an aghaidh a thighearna:

7 Agus ehruinnich d'a iom suidh daoine faoine, mic Bheliail, agus neartaich siad iad féin an aghaidh Rehoboam, mhic Sholaimh, 'n uair a bha Rehoboam òg agus tais-chridheach, agus nach b'urrainn e cur 'n an aghaidh.

8 Agus a nis *tha* sibh a' smuaineachadh air cur an aghaidh rìoghachd an Tighearn' ann an làimh mhac Dhaibhidh; agus *tha* sibh 'n 'ur sluagh mòr, agus *tha* agaibh laogh òir, a rinn Ieroboam dhuibh mar dhiathan.

9 Nach do thilg sibh a mach sagartan an Tighearna, mic Aaroin, agus na Lebhithich, agus nach d'rinn sibh dhuibh féin sagartan mar chinnich *eile* an domhain? Gach neach a thig g'a choisreagadh féin le tarbh òg agus *le* seachd reitheachaibh, bithidh esan air ball 'n a shagart dhoibhsan nach 'eil 'n an diathaibh.

10 Ach d'ar taobh-ne, *is e'n* Tighearn ar Dia, agus cha do thréig sinn e: agus *is iad* mic Aaroin na sagartan a tha 'frithealadh do'n Tighearn, agus *tha* na Lebhithich a' *jeitheamh* air an obair féin:

11 Agus *tha* iad a' losgadh do'n Tighearn iobairtean-loisgte air gach maduim agus air gach feasgar, agus tuis chùbhraidh; agus *tha* aran na fianuis air a' bhord fhìor-ghlan, agus an coimleir òir maille r'a lòchranaibh a lasadh air gach feasgar: oir *tha* sinne a' gleidheadh cùrain an Tighearn' ar Dé; ach thréig sibhse e.

12 Agus, feuch, maille ruinne *tha* Dia féin 'n a cheannard *oirnn*, agus a shagartan le trompaidh bh fuaimneach a thoirt caismeachd 'n 'ur n-aghaidh-sa. A chlann Israeil, na cogaibhse an aghaidh an Tighearna Dé bhur n-aithrichean; oir cha soirbhich leibh.

13 Ach thug Ieroboam air luchd feall-fholaich teachd mu'n cuairt air an cùlaobh, air chor as gu robh iad féin fa chomhair Iudah, agus an luchd feall-fholaich air an cùlaobh.

14 Agus an uair a sheall Iudah 'n an déigh, feuch, *bha'n* cath air am beulaobh agus air an cùlaobh; agus ghlaodh iad ris an Tighearn, agus rinn na sagartan fuaim le trompaidibh.

15 Agus rinn fir Iudah gàir: agus an uair a rinn fir Iudah gàir, air ball bhuail Dia Ieroboam agus Israel uile roimh Abiah agus Iudah.

16 Agus theich clann Israeil roimh Iudah; agus thug Dia thairis iad 'n an làimh.

17 Agus mharbh Abiah agus a shluagh iad le h-àr mòr; oir thuit sìos marbhta de Israel, cùig ceud mìle fear taghta.

18 Agus dh'frioslaicheadh clann Israeil air an àm sin, agus neartaicheadh clann Iudah, a chionn gu'n d'earb iad as an Tighearn Dia an aithrichean.

19 Agus lean Abiah an ruaig air Iero-

2 EACHDRAIDH, XIV, XV.

boam, agus ghlae e uaith mòr-bhailtean: Bet-el le 'bhailtibh beaga, agus Iesana le 'bhailtibh beaga, agus Ephron le 'bhailtibh beaga.

20 Agus cha d'fhuair Ieroboam neart nìs mò ann an làithibh Abiah: agus bhuail an Tighearn e, agus fhuair e bàs.

21 Ach dh'fhàs Abiah cumhachdach, agus phòs e ceithir mnathan deug, agus ghin e dà mhac thar fhichead, agus sè nigheanan deug.

22 Agus a' chuid eile de ghniomharaibh Abiah, agus a shlighean, agus a bhriathran, *tha iad* sgrìobhta ann an eachdraidh an fhàidh Ido.

CAIB. XIV.

1 *Fhuair Abiah bàs, agus rìghich Asa 'n a àit.*

3 *Chuir Asa air falbh altairean nan diathan coimheadh. 9 Bhuail e na h-Etiopaich aig Maresah, agus thug e mòran creiche uatha.*

AGUS choidil Abiah maille r'a aithrichibh, agus dh'adhlaid e ann am baile Dhaibhidh; agus rìghich Asa a mhac 'n a àit. 'N a làithibh-san bha'n tìr sàmhach deich bliadhna.

2 Agus rinn Asa an *ni a bha* maith agus ceart ann an sùilibh an Tighearn' a Dhé:

3 Oir chuir e air falbh altairean nan diathan coimheadh, agus na h-àitean àrda, agus bhris e sìos na dealbhan, agus ghearr e sìos na doireachan;

4 Agus dh'àithn e do Iudah an Tighearn Dia an aithrichean iarraidh, agus an lagh a ghleidheadh, agus an àithne.

5 Chuir e air falbh mar an ceudna à uile bhailtibh Iudah na h-àitean àrda, agus na dealbhan. Agus bha'n rìoghachd sàmhach 'n a làthair.

6 Agus thog e bailtean daingnichte ann an Iudah: oir bha'n tìr sìochail, agus cha *robh* cogadh aige anns na bliadhnaibh sin; oir thug an Tighearn fois da.

7 Uime sin thubhairt e ri Iudah, Togamaid na bailtean so, agus deanamaid mu'n cuairt *orra* ballachan, le tìraibh, geatachaibh, agus crannaibh, an uair a *tha'n* tìr fathast roimhainn: oir dh'iarr sinne an Tighearn ar Dia; dh'iarr sinn e, agus thug e fois dhuinn air gach taobh. Uime sin thog iad, agus shoirbhich leo.

8 Agus bha aig Asa armailt *de dhaoinibh* a dh'iomchair sgiath agus sleagh, à Iudah trì cheud mìle, agus à Beniamin, a dh'iomchair targaid agus a tharruing bogha, dà cheud agus ceithir fichead mìle; iad sin uile 'n an daoinibh treuna gaisgeil.

9 Agus thàinig a mach 'n an aghaidh Serah an t-Etiopach le armailt mìle de mhiltibh, agus trì cheud carbad, agus thàinig e gu Maresah.

10 Agus chaidh Asa mach 'n a aghaidh, agus chuir iad an cath 'an ordugh ann an gleann Shephatah aig Maresah.

11 Agus ghlaodh Asa ris an Tighearn a

Dhia, agus thubhairt e, A Thighearna, cha *n'eil* ann ach an aon chuid duitse cuideach-adh le mòran, no leo-san a *tha* gun neart: cuidich leinne, a Thighearn' ar Dia; oir asadsa carbaidh sinn, agus ann ad ainm-sa thèid sinn an aghaidh na mòr-chuideachd so: a Thighearn', *'s tusa* ar Dia; na buadh-aicheadh duine a'd' aghaidh.

12 Agus bhuail an Tighearn na h-Etiopaich roimh Asa, agus roimh Iudah; agus theich na h-Etiopaich.

13 Agus lean Asa agus an sluagh a *bha* maille ris iad gu Gerar: agus thuit de na h-Etiopaich uiread as nach robh tuillcadh neirt aca; oir sgriosadh iad roimh an Tighearn agus roimh 'fheachd: agus thug iad leo ro-mhòran creiche.

14 Agus bhuail iad na bailtean uile mu'n cuairt air Gerar, oir bha eagal an Tighearn' orra: agus chreach iad na bailtean uile, oir bha mòran creiche anna.

15 Agus bhuail iad mar an ceudna bùthan na sprèidh, agus thug iad leo caoraich ann am pailteas, agus càmhalan; agus phill iad gu h-Ierusalem.

CAIB. XV.

1 *Fàidheadaireachd Asariah. 8 Chuir Asa air falbh na h-ìodholan gràineil à tìr Iudah.*

12 *Rinn e fèin agus an sluagh uile coimheadangal ris an Tighearn. 16 Chuir e Maachah a mhàthair o bhì 'n a ban-rìghinn a chionn gu'n d'rinn i dealbh ann an doire.*

AGUS thàinig spiorad Dhé air Asariah mac Odeid:

2 Agus chaidh e suas 'an coinneamh Asa, agus thubhairt e ris, Eisdibh riumsa, Asa, agus Iudah uile, agus a Bheniamin; *Tha'n* Tighearn maille ribh, am feadh a tha sibhse maille ris-san: agus ma dh'iarras sibh e, gheibhear leibh e; ach ma thréigeas sibhse esan, tréigidh esan sibhse.

3 A nis ré iomadh là *bithidh* Israel as eugmhais Dhé na firinn, agus as eugmhais sagairt a thengaisgeas, agus as eugmhais lagha.

4 Ach an uair a phillcas iad 'n an aire a dh'ionnsuidh an Tighearna Dé Israeil, agus a dh'iarras iad e, gheibhear leo e.

5 Agus anns na h-amannaibh sin cha *bhì* sìth ann dhà-san a thèid a mach, no dhà-san a thig a steach, ach buaires mòr air uile luchd-àiteachaidh nan dùchan.

6 Agus sgriosar einneach le cinneach, agus baile le baile; oir claidhidh Dia iad leis gach aire.

7 Ach bithibhse làidir, agus na bitheadh bhur làmh nan lag; oir tha duais ann air son bhur n-oibre.

8 Agus an uair a chual' Asa na briathran sin, agus fàidheadaireachd [Asariah mlioc] Odeid an fhàidh, ghabh e misneach, agus chuir e air falbh na h-ìodholan gràineil à tìr Iudah agus Bheniamin uile, agus as na

bailtibh a ghlac e de shliabh Ephraim, agus dh'athnuadhach e altair an Tighearn, a *bha* air beulaobh sgàth-thighe an Tighearna.

9 Agus chruinnich e Iudah uile agus Benjamin, agus na coigrich maille ri u á h-Ephraim, agus á Manasch, agus á Simeon; oir thàinig iad thairis d'a ionnsuidh á h-Israel ann am pailteas, an uair a chunn- aic iad gu'n *robh* an Tighearn a Dhia maille ris.

10 Agus chruinnich iad 'an ceann a chéile aig Ierusalem anns an treas mìos, anns a' chùigeamh bliadhna deug de rìoghachadh Asa.

11 Agus dh'ìobair iad do'n Tighearn 's an àm sin de'n chreich a thug iad leo, seachd ceud bò, agus seachd mìle caora.

12 Agus rinn iad coimhcheangal gu'n iarr- adh iad an Tighearn Dia an aithrichean le'n uile chridhe, agus le'n uile anam;

13 Agus gu'n rachadh gach neach nach iarradh an Tighearn Dia Israeil, a chur gu bàs, co dhiubh bu bheag no mòr, fear no bean e.

14 Agus mhionnaich iad do'n Tighearn le guth àrd, agus le gàir, agus le trompaidibh, agus le buabhullaibh.

15 Agus rinn Iudah uile gairdeachas a thaobh nam mionnan sin: oir mhionnaich iad le'n uile chridhe, agus dh'iarr iad e le'n uile rinn; agus fhuaradh e leo. Agus thug an Tighearn fois dhoibh air gach taobh.

16 Agus mar an ceudna *thaobh* Mhaachah màthar rìgh Asa, chuir e i o *bhi* 'n a ban- righinn, a chionn gu'n d'rinn i dealbh uamhasach ann an doire: agus ghearr Asa sìos a dealbh uamhasach, agus mhin-phronn se e, agus loisg se e aig sruth Chaidroin.

17 Ach cha do chuireadh na h-àitean àrda air falbh á h-Israel: gidheadh, bha cridhe Asa iomlan ré a làithean uile.

18 Agus thug e steach na nithean a naomhaich 'athair, agus na nithean a naomhaich e féin, do thigh an Tighearn', airgiod, agus òr, agus soithichean.

19 Agus cha robh cogadh tuilleadh ann gu ruig an cùigeamh bliadhna deug thar fhichead de rìoghachadh Asa.

CAIB. XVI.

1 Rinn Asa coimhcheangal ri Benhadad an aghaidh Baasa. 7 Thug Hanani achnha- san do Asa a chionn gu'n d' earb e as na Sirianaich. 12 Dh'fhàs eucail 'n a chosaibh. 13 A thàs.

ANNS an t-seathamh bliadhna deug a thar fhichead de rìoghachadh Asa, thàinig Baasa rìgh Israeil a mìos an agh- aithd Iudah, agus thog e Ramah, chum nach leigeadh e le neach air bith dol a mach no teachd a stigh gu Asa rìgh Iudah.

2 An sin thug Asa mach airgiod agus òr á ionmhasaibh tìghe an Tighearn' agus tìghe an rìgh, agus chuir e *teachdairean* gu

Benhadad rìgh Shiria a bha 'comhnuidh aig Damascus, ag ràdh,

3 *Bitheadh* coimhcheangal eadar mise agus thusa, mar a *bha* eadar m'athair-sa agus d'athair-sa: feuch, chuir mi a d'ionnsuidh airgiod agus òr; falbh, bris do choimh- cheangal ri Baasa rìgh Israeil, a chum gu'n imich e uam.

4 Agus dh'éisd Benhadad ri rìgh Asa, agus chuir e ceannardan nan armait a *bha* aige, an aghaidh bhailtean Israeil; agus bhuail iad Ion, agus Dan, agus Abel-maim, agus uile bhailtean ionmhais Naphtali.

5 Agus an uair a chuala Baasa sin, leig e dheth Ramah a thogail, agus sguir e d'a obair.

6 An sin thug Asa an rìgh leis Iudah uile; agus thug iad leo clachan Ramah, agus 'fhiodh, leis an robh Baasa a' togail; agus thog e leo Geba, agus Mispah.

7 Agus anns an àm sin thàinig Hanani am fear-seallaidh gu h-Asa rìgh Iudah, agus thubhairt e ris, A chionn gu'n d'earb thu á rìgh Shiria, agus nach d'earb thu as an Tighearn do Dhia, uime sin tha armait rìgh Shiria air dol as o d' làimh.

8 Nach robh na h-Etiopaich agus na Lubaich nan sluagh lèimhor, le ro-mhòran charbad agus mare-shluaigh? gidheadh, a chionn gu'n d'earb thu as an Tighearn, thug e thairis do d' làimh iad.

9 Oir *tha* sùilean an Tighearn' ag amharc a null agus a nall air feadh na talmhainn uile, a chum e féin a nochdadh làidir as an leth-san, aig am *bheil* cridhe iomlan d'a thaobh. Rinn thu gu h-amaideach an so; air an aobhar sin o so a mach bithidh cogadh a'd' aghaidh.

10 An sin bha fearg air Asa ris an fhear- sheallaidh, agus chuir e ann an tigh priosain e, a chionn gu'n *robh* e ann an corruich ris a thaobh an *ni* so. Agus rinn Asa ainneart air *cuid* de'n t-sluaigh 's an àm sin.

11 Agus, feuch, gnìomharan Asa, an toiseach agus mu dheireadh, feuch, *tha* iad sgrìobhta ann an leabhar rìghrean Iudah agus Israeil.

12 Agus dh'fhàs eucail air Asa 'n a chosaibh anns an naothamh bliadhna deug thar fhichead d'a rìoghachadh, gus an d'fhàinig eucail gu h-àrde mhòir: gidh- eadh, 'n a eucail cha d'iarr e an Tighearn, ach na lighichean.

13 Agus choidil Asa maille r'a aithrichibh, agus dh'eug e anns an aon bhliadhna thar an dà fhichead d'a rìoghachadh.

14 Agus dh'adhaic iad e 'n a uaigh féin, a rinn e air a shon féin ann am baile Dhaibh- idh, agus chuir iad 'n a luidhe e ann an leabaidh, a lìonadh le nithibh cùbhraidh, agus le h-ìomadh gnè olaidh air an deas- achadh le h-ealadhdan an léigh: agus rinn iad dhia losgadh ro mhòr.

CAIB. XVII.

1 *Ghluais Iehosaphat ann an slighibh an Tighearna. 7 Chuir e cuid d'a uachdaranaibh a theagasg ann am bailtibh Iudah. Thug na Philistich agus na h-Arabaich tiodhlacan d'a ionnsuidh. 13 A cheannardan agus 'armailtean.*

AGUS rìghich Iehosaphat a mhac 'n a àit, agus neartaich se e fèin an aghaidh Israeil.

2 Agus chuir e feachd ann an uile bhailtibh daingnichte Iudah, agus chuir e freiceadain ann an tìr Iudah, agus ann am bailtibh Ephraim, a ghlac Asa 'athair.

3 Agus bha 'n Tighearn maille ri Iehosaphat, a chionn gu'n do ghluais e ann an ceud shlighibh Dhaibhidh 'athar, agus nach d'iarr e dh'ionnsuidh Bhaalim;

4 Ach gu'n d'iarr e dh'ionnsuidh [an Tighearna] Dé 'athar, agus gu'n do ghluais e 'n a àitheantaibh, agus cha b'ann a réir deandais Israeil:

5 Uime sin dhaingnich an Tighearn an rìoghachd 'n a làimh; agus thug Iudah uile tiodhlacan gu Iehosaphat; agus bha aige beartas agus urram ann am pailteas.

6 Agus dh'ardaicheadh a chridhe ann an slighibh an Tighearna; agus mar an ceudna chuir e air falbh na h-àitean àrda agus na doireachan á Iudah.

7 Agus anns an treas bliadhna d'a rìoghachadh chuir e *cuid* d'a uachdaranaibh, Benhail, agus Obadiah, agus Sechariah, agus Nctaneel, agus Micaiah, a theagasg ann am bailtibh Iudah.

8 Agus maille ri-san na Lebhitich, Semaiiah, agus Netaniah, agus Sebadiah, agus Asahel, agus Semiramot, agus Iehonatan, agus Adoniah, agus Tobiah, agus Tobadoniah, Lebhitich uile; agus maille ri-san Elisama, agus Iehoram, na sagartan.

9 Agus theagaisg iad ann an Iudah, agus leabhar lagha an Tighearn aca, agus chaidh iad mu'n cuairt air feadh uile bhailtean Iudah, agus theagaisg iad an sluagh.

10 Agus bha eagal an Tighearn air uile rìoghachdaibh nan tìr a bha mu'n cuairt air Iudah, agus cha do chog iad ri Iehosaphat.

11 Agus thug *cuid* de na Philistich tiodhlacan do Iehosaphat, agus airgiod eise: mar an ceudna thug na h-Arabaich d'a ionnsuidh sprèidh, seachd mìle agus seachd cend reithe, agus seachd mìle agus seachd cend boc-gaibhre.

12 Agus dh'fhàs Iehosaphat gu h-anabarrach mòr; agus thog e ann an Iudah caistecalan agus bailtean ionmhais.

13 Agus bha mòran oibre aige ann am bailtibh Iudah, agus fir-chogaidh, daoine comasach gaisgeil ann an Ierusalem.

14 Agus is e so an àireamh, a réir tighe an aithrichean: De Iudah, ceannardan mhiltean; Adnah an ceannard, agus maille

ris daoine comasach gaisgeil, trì cheud mìle.

15 Agus 'n a dhéigh-san Iehohanan an ceannard, agus maille ris dà cheud agus ceithir fichead mìle.

16 Agus 'n a dhéigh-san Amasiah mac Shichri, a thug e fèin suas do'n Tighearn, agus maille ris dà cheud mìle fear comasach gaisgeil.

17 Agus de Bheniamin; Eliada fear comasach gaisgeil, agus maille ris daoine armachta le bogha agus le targaid, dà cheud mìle.

18 Agus 'n a dhéigh-san Iehosabad, agus maille ris ceud agus ceithir fichead mìle, deas gu cogadh.

19 Bha iad sin a' feitheamh air an rìgh, a bhàrr orra-san a chuir an rìgh anns na bailtibh daingnichte air feadh Iudah uile.

CAIB. XVIII.

1 *Chaidh Iehosaphat maille ri Ahab an aghaidh Ramot-gilead. 4 Dh'fhiosraich iad de fhocal an Tighearna, agus thug na fàidhean brèige làn-dearbhadh dhoibh gu'n soirbheicheadh leo. 6 Chuireadh fios air Micaiah: 15 Roimhinis e bas Ahaib.*

AGUS bha aig Iehosaphat beartas agus cliu ann am pailteas; agus rinn e cleamhnas ri Ahab.

2 Agus 'an ceann bhliadhnan àraidh chaidh e sìos a dh'ionnsuidh Ahaib do Sharmaria: agus mharbh Ahab caoraich agus crodh ann am pailteas air a shon, agus air son an t-sluaigh a bha maille ris, agus chuir e impidh air dol suas gu Ramot-gilead.

3 Agus thubhairt Ahab rìgh Israeil ri Iehosaphat rìgh Iudah, An téid thu maille riumsa do Ramot-gilead? Agus fhreagair ean e, *Tha mise mar tha thu*, agus mo shluagh-sa mar do shluagh-sa, agus *bithidh sinn leat* anns a' ciogadh.

4 Agus thubhairt Iehosaphat ri rìgh Israeil, Fiosraich, guidheam ort, an diùgh de fhocal an Tighearna.

5 Uime sin chruinnich rìgh Israeil na fàidhean 'an ceann a chéile, ceithir cheud fear, agus thubhairt e riu, An téid sinn do Ramot-gilead gu cath, no'n leig mi leis? Agus thubhairt iadsan, Falbh suas; oir bheir Dia 'an làimh an rìgh iad.

6 Agus thubhairt Iehosaphat, Nach 'eil an so fàidh tuilleadh leis an Tighearn, chum gu'm fiosraich sinn deth?

7 Agus thubhairt rìgh Israeil ri Iehosaphat, *Tha fathast aon fhear ann*, leis am feud sinn fiosrachadh de'n Tighearn; ach tha fuath agam dha, oir cha-'n eil e 'dean-amh faisteachd mu m' thimcheall idir air maith, ach an còmhuidh air ole; *is e so Micaiah, mac Imla*. Agus thubhairt Iehosaphat, Na h-abradh an rìgh mar sin.

8 Agus ghairm rìgh Israeil aon d'a mhaor-aibh, agus thubhairt e, Greas an so Micaiah mac Imla.

9 Agus shuidh rìgh Israeil, agus Iehosaphat rìgh Iudah, gach fear air a rìgh-chaitheir féin, le'n earradh *rìoghail* orra, agus shuidh iad ann an àite réidh, aig dol a steach geata Shamaria; agus *bha* na fàidhean uile ri fàidheadaireachd 'n an làthair.

10 Agus rinn Sedeciah, mac Chenaanah, adhaircean iaruin dha féin, agus thubhairt e, Mar so tha'n Tighearn ag ràdh, Leo so buailidh tu na Sirianaich, gus an cuirear as doibh.

11 Agus rinn na fàidhean uile fàidheadaireachd mar sin, ag ràdh, Falbh suas gu Ramot-gilead, agus soirbhich; oir bheir an Tighearn 'an làmh an rìgh iad.

12 Agus an teachdair a chaidh a ghairm Mhicaiah, labhair e ris, ag ràdh, Feuch, *tha* briathran nam fàidh le h-aon bheul a' *foillsachadh* maith do'n rìgh: bitheadh d'fhocal-sa, guidheam ort, mar *fhocal* aoin diubhsan, agus labhair maith.

13 Agus thubhairt Micaiah, *Mar is* beò an Tighearn, eadhon *an nì* a their mo Dhia, sin labhaird mise.

14 Agus thàinig e dh'ionnsuidh an rìgh, agus thubhairt an rìgh ris, A Mhicaiah, an téid sinn do Ramot-gilead gu cath, no'n leis mi leis? agus thubhairt esan, Rachaibh suas, agus soirbhichibh, oir bheir an bhuir làmh iad.

15 Agus thubhairt an rìgh ris, Cia lion uair a chuireas mi mionnan ort, nach innis thu dhomh ach an fhìrinn ann an ainm an Tighearna?

16 Agus thubhairt esan, Chunnaic mi Israel uile sgapta air na sléibhtibh, mar chaothaich aig nach 'eil buachaill: agus thubhairt an Tighearn, Cha-n'eil maighstir orra so; pilleadh gach fear d'a thigh féin ann an sìth.

17 (Agus thubhairt rìgh Israeil ri Iehosaphat, Nach d'innis mi dhuit, nach deanadh e fàisteachd mu m' thimchioll-sa air maith, ach air olc?)

18 A ris thubhairt e, Uime sin éisdibh ri focal an Tighearna: Chunnaic mise an Tighearn 'n a shuidhe air a rìgh-chaitheir, agus uile shlòigh nan nàmh 'n an seasamh air a làmh dheis agus air a làmh chlì.

19 Agus thubhairt an Tighearn, Cò a chuireas impidh air Ahab rìgh Israeil, a chum gu'n téid e suas, agus gu'n tuit e ann an Ramot-gilead? Agus labhair aon, ag ràdh mar so, agus aon eile ag ràdh mar sud.

20 Agus thàinig spiorad a mach, agus sheas e 'am fianuis an Tighearna, agus thubhairt e, Cuiridh mise impidh air. Agus thubhairt an Tighearn ris, Cia leis?

21 Agus thubhairt esan, Théid mi mach, agus bithidh mi a'm' spiorad bréige ann am beul 'fhàidhean uile. Agus thubhairt an Tighearn, Cuiridh tu impidh air, agus mar an ceudna buaidhichidh tu: imich, agus dean mar sin.

22 A nis uime sin, feuch, chuir an Tighearn spiorad bréige ann am beul nam fàidh sin agad, agus labhair an Tighearn olc mu d' thimchioll.

23 An sin chaidh Sedeciah mac Chenaanah am fagus, agus bhuail e Micaiah air a' ghiall, agus thubhairt e, Cia an taobh a chaidh spiorad an Tighearn' uamsa a labhair riutsa?

24 Agus thubhairt Micaiah, Feuch, ehi thu 's an là sin air an téid thu steach do sheòmar-cùil gu d'fhòlachadh féin.

25 An sin thubhairt rìgh Israeil, Glacaibh Micaiah, agus thugaibh air ais e gu h-Amon uachdarana' bhaile, agus gu Iosamacan rìgh;

26 Agus abraibh, Mar so thubhairt an rìgh, Cuiribh ann fear so anns a' phrìosan, agus beathaichibh e le aran airce, agus le uisge airce, gus am pill mise ann an sìth.

27 Agus thubhairt Micaiah, Ma philleas tusa idir ann an sìth, eha do labhair an Tighearn leamsa. Agus thubhairt e, Eisdibh a shlòigh uile.

28 Uime sin chaidh rìgh Israeil, agus Iehosaphat rìgh Iudah, suas gu Ramot-gilead.

29 Agus thubhairt rìgh Israeil ri Iehosaphat, Cuiridh mise mi féin ann an coslas eile, agus théid mi steach do'n chath; ach cuir thusa d'earradh *rìoghail* ort. Agus chuir rìgh Israeil e féin ann an coslas eile, agus chaidh e steach do'n chath.

30 A nis dh'àithn rìgh Shìria do cheannardaibh nan carbad a *bha* aige, ag ràdh, Na cogaibh ris a' bheag, no ris a' mhòr, ach ri rìgh Israeil a mhàin.

31 Agus an uair a chunnaic ceannardan nan carbad Iehosaphat, thubhairt iad, *Is* e so rìgh Israeil: nime sin thàinig iad mu'n cuairt air a chogadh. Ach ghlaodh Iehosaphat a mach, agus chuidich an Tighearn leis, agus dh'aom Dia iad *gu fàilbh* uaith.

32 Oir an uair a chunnaic ceannardan nan carbad nach b' e rìgh Israeil a bha ann, phill iad o a leantunn.

33 Agus tharbhinn fear a bhogha air thuairmeis, agus bhuail e rìgh Israeil eadar altan na lùirich: uime sin thubhairt e r'a charbadair, Tionndaidh do làmh, agus thoir a mach as an fheadh mi; oir tha mi leòinte.

34 Ach mheudaich an cath air an là sin: uime sin dh'fhan rìgh Israeil suas 'n a charbad an aghaidh nan Sirianach gu ruig am feasgar; agus fhuair e bàs mu àm dol fodha na gréine.

CAIB. XIX.

1 *Thug Iehu achmhasan do Iehosaphat a chionn gu'n do chuidich e le Ahab.* 4 Chaidh Iehosaphat a mach air feadh an t-sluaigh, agus shuidhich e breithcamhan anns an àir. 6 *Tha gaisg e dhòith an dleasdanas.*

AGUS phill Iehosaphat rìgh Iudah a dh'ionnsuidh a thighe ann an sìth gu h-Ierusalem.

2 Agus chaidh Iehu mac Hanani am fear-

seallaidh a mach 'n a choinnimh, agus thubhairt o ri rìgh Iehosaphat, Am buineadh dhuit-sa an t-àinigidh a chuideachadh, agus iadsan a ghràdhachadh a dh'fhuathaicheas an Tighearn? uime sin *tha* fearg riut o lathair an Tighearna.

3 Ach fhuaradh nìthan maithe annad, a thaobh gu'n do chuir thu air falbh na dòir-eachan as an tìr, agus gu'n d'ulluich thu do chridhe a dh'iarraidh Dhé.

4 Agus ghabh Iehosaphat còmhnuidh ann an Ierusalem: agus chaidh e mach a ris air feadh an t-sluaigh, o Bheer-seba gu sliabh Ephraim, agus thug e air an ais iad a dh'ionnsuidh an Tighearna Dé an aithrichean.

5 Agus shuidhich e breitheamhnan anns an tìr, air feadh uile bhailtean daingnichte Iudah, anns gach baile fa leth.

6 Agus thubhairt e ris na breitheamh-naibh, Thugaibh an aire ciod a ni sibh, oir cha-n ann air son duine a tha sibh a' tabh-airt breth, ach air son an Tighearna; agus *tha e fèin* maille ribh anns a bhreitheanas.

7 A nis ma ta bitheadh eagal an Tighearn oirbh: thugaibh an aire agus bithibh a' deanamh; oir maille ris an Tighearn ar Dia cha-nèil eucart, no buigh ri neach seach a chèile, no gabhail duaise.

8 Agus mar an ceudna ann an Ierusalem shuidhich Iehosaphat *cuid* de na Lebhitheach, agus *de* na sagartaibh, agus de cheann-aibh theaghlach Israeil, air son breitheanas an Tighearn, agus gu cònsachadh a *chrìoch-nachadh* an uair a phill iad gu h-Ierusalem.

9 Agus thug e sparradh dhoibh, ag ràdh, Mar so ni sibh ann an eagal an Tighearn, ann an ionracas, agus le cridhe ionnan.

10 Agus ge b'è cùis a thig d'ur ionnsuidh o bhur bràithribh a tha còmhnuidh 'n am bailtibh, cadar fuil agus fuil, cadar lagh agus àithne, reachdan agus breitheanas, bheir sibh rabhadh dhoibh nach dean iad eusaontas an aghaidh an Tighearn, agus gu'n tig fearg oirbhse agus air bhur bràithribh: deanaibh mar so, agus cha chiontaich sibh.

11 Agus, feuch, *tha* Amariah an t-àrd shagart os bhur ceann ann an uile ghnòth-uicheibh an Tighearna; agus Sebadiah mac Ismaeil 'n a cheannard air tigh Iudah ann an uile ghnòth-uicheibh an rìgh; agus na Lebhitheach 'n an luchd-riaghlaidh 'n ur fianuis. Bithibh misneachail, agus deanaibh; agus bithidh an Tighearn maille ris a' mhaith.

CAIB. XX.

1 Thàinig na Moabaich agus na h-Amonaich gu cath an aghaidh Iudah. 5 Urmuigh Iehosaphat. 14 Fàisneachd Iahasiel. 22 Bhuaileadh clann Amon agus Mhoab le h-àr mòr. 26 Bheannaich an sluagh an Tighearn, agus phill iad gu h-Ierusalem.

AGUS an dèigh nan nìthan so thàinig clann Mhoab, agus clann Amon, agus

maille riu cuid de na h-Edomaich, an aghaidh Iehosaphat gu cath.

2 Agus thàinig *teachdairean*, agus dh'innis iad do Iehosaphat, ag ràdh, Tha sluagh mòr a' teachd ort a nall thar fàirge, agus o Edom; agus, feuch, *tha* iad ann an Hasason-tamar; *is e* sin En-gedi.

3 Agus bha eagal air Iehosaphat, agus chuir e aghaidh a dh'iarraidh an Tighearn, agus ghairm e trasgadh air fcaidh Iudah uile.

4 Agus chruinnicheadh Iudah 'an ceann a chèile a dh'iarraidh còmhnaidh o'n Tighearn: eadhon a uile bhailtibh Iudah thàinig iad a dh'iarraidh an Tighearna.

5 Agus sheas Iehosaphat ann an coimhthional Iudah agus Ierusalem, ann an tigh an Tighearna, fa chomhair na cùirte nomha.

6 Agus thubhairt e, a Thighearna Dhé ar n-aithrichean nach tusa Dia anns na nèamhan? agus *nach 'eil* thu a' riaghladh os ceann uile rìoghachdan nan cinneach? agus ann ad làimh-sa *nach 'eil* neart agus cumhachd, air ehor as nach 'eil neach air bith comasach air seasamh a' d'aghaidh?

7 Nach tusa ar Dia-ne, a dh'fhògair a mach luchd-àiteachaidh na tìre so roimh do shluagh Israel, agus a thug i do shliochd Abraham do charaid gu brath?

8 Agus ghabh iad còmhnuidh innte, agus thog iad iad do shonsa innte ionad naomh, air son d'ainme-sa, ag ràdh,

9 Ma thig ole air bith oirnn, claidheamh, breitheanas, no plàigh, no gorta, seasaidh sinn fa chomhair an tìghe so, agus ann ad fhianuis-sa, (oir *tha* d'ainm anns an tigh so), agus glaochaidh sinn riut 'n ar teinn, agus eisdidh tusa, agus saoraidh tu sinn.

10 Agus a nis, feuch, *tha* clann Amoin, agus Mhoab, agus sléibh Sheir, aig nach do leig thu le h-Israel dol troimh an crìochan, 'n uair a thàinig iad á tìr na h-Eiphit, ach thionndaidh iad uatha, agus cha do sgrios siad iad:

11 Feuch a nis, *mar a tha* iad a' toirt luigheachd dhinn, le teachd gus ar tilgeadh a mach á d'oghreachd, a thug thu dhuinn r'a sealbhachadh.

12 O ar Dia, nach toir thu breth orra? oir cha-nèil neart againne an aghaidh an t-sluaigh mhòir so, a tha 'teachd oirnn: agus cha-nèil fhios againn ciod a ni sinn; ach ortsa *tha* ar sùilean.

13 Agus sheas Iudah uile 'am fianuis an Tighearna; mar an ceudna an òigridh, am nmathan, agus an clann.

14 Agus air Iahasiel, mac Shechariah, mhic Bhenaiiah, mhic Iehicil, mhic Mhataniah, Lebhitheach de mhacaibh Asaiph, bha spiorad an Tighearna, ann am meadhon a' choimhthionail:

15 Agus thubhairt e, Eisdidh *riumsa*, a Iudah uile, agus a luchd-àiteachaidh Ierusalem, agus thusa a rìgh Iehosaphat: Mar

so tha'n Tighearn ag ràdh ribh, Na bitheadh eagal no faitheas oirbh air son an t-sluaigh mhòir so; oir cha leibhse an cath, ach le Dia.

16 Am màireach rachaibh sìos 'n an aghaidh: feuch, *tha* iad a' teachd a nìos rathad uchdaich Shlids; agus gheibh sibh iad aig ceann an t-srutha, fa chomhair fàsaich Ierueil.

17 Cha *bhi* cath agaibh r'a chur au so; a mhàin thigibh a làthair, seasaibh, agus faicibh saorsa an Tighearna maille ribh, a Iudah, agus a Ierusalem: na bitheadh eagal no faitheas oirbh; am màireach rachaibh a mach 'n an aghaidh, agus *bithidh* an Tighearn maille ribh.

18 Agus chrom Ienosaphat a cheann, le 'aghaidh gu làr; agus thuit Iudah uile, agus luchd-àiteachaidh Ierusalem, sìos 'am fianuis an Tighearn', a' deanamh aoraidh do'n Tighearn.

19 Agus dh'éirich na Lebhithich de chloinn nan Cohatach, agus de chloinn nan Corhach, suas a mholadh an Tighearna Dé Israeil le guth mòr, gu h-àrd.

20 Agus dh'éirich iad gu moch anns a' mhaduinn, agus chaidh iad a mach gu fàsach Thecoa: agus an uair a *bha* iad a' dol a mach, sheas Iehosaphat agus thubhairt e, Eisdibh riumsa, a Iudah, agus a luchd-àiteachaidh Ierusalem; Creidibh anns an Tighearn bhur Dia, agus daingnichear sibh; creidibh 'fhàidhean, agus soirbhichidh leibh.

21 Agus an uair a thug e comhairle do'n t-sluaigh, dh'orduich e luchd-seinn do'n Tighearn, agus daoine a mholadh maise na nìomhachd, an uair a thigeadh iad a mach roimh an armait, agus a theireadh, Thugaibh buidheachas do'n Tighearn, oir gu bràth *mairidh* a thròcair.

22 Agus an uair a thòisich iad air seinn agus air moladh, chuir an Tighearn luchd feall-fholaich an aghaidh chloinn Amoin, agus Mhoib, agus sléibh Sheir, a thàinig an aghaidh Iudah; agus bhuailleadh iad:

23 Oir sheas clann Amoin agus Mhoib suas an aghaidh luchd-àiteachaidh sléibh Sheir, chum *am* marbhadh agus an sgrios gu tur; agus an uair a chuir iad as do luchd-àiteachaidh Sheir, chuidich iad gach aon diubh gus a chéile a sgrios.

24 Agus an uair a thàinig Iudah làimh ri tùr na faire anns an fhàsach, dh'annhairc iad air an t-sluaigh mhòr, agus, feuch, *bha* iad 'n an corpaibh marbha air tuiteam gu talamh, agus cha deachaidh duine as diubh.

25 Agus thàinig Iehosaphat agus a shluaigh a thoirt leo an creiche; agus fhuair iad 'n am measg ann am pailteas araon beartas maille ris na corpaibh marbha, agus seudan luachmhor a thug iad dhiubh air an son féin, tuilleadh as a b'urrainn iad iomchar

leo: agus bha iad trì làithean ann an cruinn-eachadh na creiche; oir *bha* i mòr.

26 Agus air a' cheathramh là chruinnich-eadh iad 'an ceann a chéile ann an gleann Bherachah; oir an sin bheannaich iad an Tighearn: uime sin thugadh mar ainm air an àite sin gleann Bherachah, gus an là'n diugh.

27 An sin phill fir Iudah agus Ierusalem uile, agus Iehosaphat air an ceann, a dhol air an ais gu h-Ierusalem le gairdeachas; oir thug an Tighearn orra gairdeachas a dheanamh os ceann an naimhdean.

28 Agus thàinig iad gu h-Ierusalem le saltairibh, agus le clarsaichibh, agus le trompaidibh, a dh'ionnsuidh tighe an Tighearna.

29 Agus bha eagal Dhé air uile rioghachdaibh nan dùchannan *sin*, an uair a chual' iad gu'n do chog an Tighearn an aghaidh naimhdean Israeil.

30 Agus bha rioghachd Iehosaphat sàmhach; oir thug a Dhia fois dha air gach taobh.

31 Agus rìghich Iehosaphat os ceann Iudah: cùig bliadhna deug thar fhichead a dh' aois *bha e* 'n uair a thòisich e air rioghachadh, agus rìghich e cùig bliadhna fichead ann an Ierusalem: agus *b'e* ainm a mhàthar Asubah, nighean Shilhi.

32 Agus ghluais e ann an slighe Asa 'athar, agus cha do dhealaich e rithe, a' deanamh an *ni a bha* ceart ann an sùilibh an Tighearna.

33 Ach cha d'thugadh air falbh na h-àitean àrda; oir fathast cha d'ulluich an sluagh an cridhe air son Dhé an aithrichean.

34 A nis a' chuid eile de ghlìomharaibh Iehosaphait, an tòiseach agus mu dheireadh, feuch, *tha* iad sgriobhta ann am briathraibh Iehu mhic Hanani, a chuir e sìos ann an leabhar rìghrean Israeil.

35 Agus 'n a dhéigh so rinn Iehosaphat rìgh Iudah coimhcheangal ri Ahasiah rìgh Israeil, a bha ole 'n a dheanadas.

36 Agus rinn e coimhcheangal ris longan a dheanamh a rachadh gu Tarsis; agus rinn iad na longan ann an Esion-geber.

37 Ach rinn Eliesar, mac Dhodabhah o Mharesah, faistneachd an aghaidh Iehosaphait, ag ràdh, A chionn gun d'rinn thu coimhcheangal ri Ahasiah, bhris an Tighearn d'oire. Agus bhriseadh na longan, agus cha b'urrainn iad dol gu Tarsis.

CAIB. XXI.

1 *Fhuair Iehosaphat bàs, agus rìghich Iehoram 'n a àit.* 4 *Mharbh Iehoram a bhràithrean.* 8 *Rinn Edom agus Libnah ceannairc 'n a aghaidh.* 16 *Chreach na Philistich e agus rinn iad ainneart air.* 18 *A bhàs, agus 'adhlac.*

AGUS choidil Iehosaphat maille r' aithrichibh, agus dh'adhlacaidh e maille r'a aithrichibh ann am baile Dhaibhidh; agus rìghich Iehoram a mhac 'n a àit.

2 Agus *bha* bràithrean aige-san, mic Iehosaphait, Asariah, agus Iehiel, agus Sechariah, agus Asariah, agus Michael, agus Sephatiah: *Ùiad* sin uile mic Iehosaphait, rìgh Iudah.

3 Agus thug an athair dhoibh iomadh tiodhlac airgid agus òir, agus nithean luachmhor, maille ri bailtibh daingnichte ann an Iudah; ach thug e an rìoghachd do Iehoram, a chionn gu'm *b'e* an ceud-ghin e.

4 Agus an uair a dh'éirich Iehoram suas gu rìoghachd 'athar, agus a dhaingnich se e féin, mharb e a bhràithrean uile leis a' chlaidheamh, agus mar an ceudna *feadhain* de uachdaranaibh Israeil.

5 Dà bhliadhna dheug *thar* fhlichead a dh'aois *bha* Iehoram an uair a thòisich e air rìoghachadh, agus rìghich e ochd bhliadhna ann an Ierusalem.

6 Agus ghluais e ann an slighe rìghrean Israeil, mar a rinn tigh Ahaib; oir *bha* nighean Ahaib 'n a mnaoi aige: agus rinn e olc ann an sùilbh an Tighearna.

7 Gidheadh, cha b'ail leis an Tighearna tigh Dhaibhidh a sgrìos, air sgàth a' choimh-cheangail a rinn e ri Daibhidh, agus gu'n do gheall e solus a thabhairt da féin agus d'a mhacaibh gu bràth.

8 'N a làithibh-san dh'éirich na h-Edomaich o *bhi* fo làimh Iudah, agus rinn iad rìgh os an ceann féin.

9 Agus chaidh Iehoram a mach le 'cheannardaibh, agus a charbadan uile maille ris: agus dh'éirich e 's an oidhche, agus bhuail e na h-Edomaich a thàinig mu'n cuairt air, agus ceannardan nan carbad.

10 Gidheadh, dh'éirich na h-Edomaich o *bhi* fo làimh Iudah gus an là'n diugh. Agus dh'éirich Libnah 's an àm cheudna o *bhi* fo a làimh, a chionn gu'n do thréig e an Tighearna Dia 'aithrichean.

11 Mar an ceudna rinn e àitean àrda ann an sléibhtibh Iudah, agus thug e air luchd-àiteachaidh Ierusalem striopachas a dheanamh, agus tharruinge e Iudah a *dh'ionn-suidh* sin.

12 Agus thàinig sgrìobhadh d'a ionnsuidh o Eliah am fàidh, ag ràdh, Mar so tha'n Tighearna, Dia Dhaibhidh d'athar, ag ràdh, A chionn nach do ghluais thu ann an slighibh Iehosaphait d'athar, no ann an slighibh Asa rìgh Iudah,

13 Ach gu'n do ghluais thu ann an slighe rìghrean Israeil, agus gu'n d'thug thu air Iudah agus luchd-àiteachaidh Ierusalem striopachas a dheanamh, cosmhuil ri striopachas tìghe Ahaib, agus mar an ceudna gu'n do mharb thu do bhràithrean de thigh d'athar, a b'fhearr na thu féin:

14 Feuch, buailidh an Tighearna le plàigh mhòir do shluagh, agus do chlam, agus do mhnathan, agus do mhaoin uile.

15 Agus *bithidh* tu ann an tinneas mòr le eucail do mhìonach, gus an tuit

do mhìonach a mach leis an eucail. o *Ba* gu là.

16 Uime sin bhrosnaich an Tighearna an aghaidh Iehoraim spiorad nam Philisteach, agus nan Arabach, a *bha* làimh ris na h-Etiopaich:

17 Agus thàinig iad a nìos gu Iudah, agus bhris iad a steach innte, agus thug iad leo a' mhaoin uile a fhuairadh ann an tigh an rìgh, agus mar an ceudna a mhic agus a mhnathan; air chor as nach d'fhàgadh mac aige ach Ahasiah a mhac a b'òige.

18 Agus 'n a dhéigh so uile bhuail an Tighearna e 'n a mhìonach le h-eucail nach gabhadh leigheas.

19 Agus an déigh làithean àraidh, 'an ceann dà bhliadhna, thuit a mhìonach a mach le 'eucail, agus fhuair e bàs le droch ghalaraidh; agus cha d'rinn a shluagh losgadh air a shon cosmhuil ri losgadh 'aithrichean.

20 Dà bhliadhna dheug *thar* fhlichead a dh'aois *bha* e 'n uair a thòisich e air rìoghachadh, agus rìghich e ochd bhliadhna ann an Ierusalem agus shiubhail e gun déidh sam bith air; agus dh'adhlac iad e ann am baile Dhaibhidh, ach cha b'ann 'an àitibh-adhlac nan rìghrean.

CAIB. XXII.

1 Rìoghachadh aingidh Ahasiah. 5 Rinn e comhcheangal ri Iehoram, agus mharbhadh e le Iehu mac Nimsi. 10 Chuir Ataliah an slìochd rìoghail gu bas, agus rìghich i os ceann na tìre.

AGUS rinn luchd-àiteachaidh Ierusalem Ahasiah a mhac a b'òige 'n a rìgh 'n a àit: oir mharb a' bhuidheann a thàinig maille ris na h-Arabaich do'n champ na *mic* a bu slìne uile. Agus rìghich Ahasiah mac Iehoraim, rìgh Iudah.

2 Dà bhliadhna *thar* fhlichead a dh'aois *bha* Ahasiah 'n uair a thòisich e air rìoghachadh, agus rìghich e aon bhliadhna ann an Ierusalem: agus *b'e* ainm a mhàthar Ataliah nighean Omri.

3 Ghluais ean mar an ceudna ann an slighibh tìghe Ahaib; oir b'i mhàthair a chomhairliche a dheanamh uile.

4 Air an aobhar sin rinn e olc ann an sùilbh an Tighearna, cosmhuil ri tigh Ahaib; oir b'iad sin a chomhairlichean an déigh bàis 'athar, chum a sgrìos.

5 Ghluais e mar an ceudna a réir an comhairle, agus chaidh e maille ri Iehoram, mac Ahaib rìgh Israeil, a chogadh an aghaidh Hasaail rìgh Shìria ann an Ramot-gilead: agus lot na Sirianaich Ioram.

6 Agus phill e gu bhì air a leigheas ann an Iesreel o na lotaibh a thug iad dha ann an Ramah, an uair a chòmhraig e an aghaidh Hasaail rìgh Shìria. Agus chaidh Ahasiah mac Iehoraim, rìgh Iudah, sìos a dh'fhaicinn Ioraim mhic Ahaib ann an Iesreel, a chionn gu'n *robh* e tinn.

7 Agus b'ann o Dhia' bha sgrios Ahasiah, le 'theachd gu Ioram: oir an uair a thàinig e, chaidh e mach maille ri Iehoram an aghaidh Iehu mhic Nimsi, a dh'ung an Tigh-earn a ghearradh as tighe Ahaib.

8 Agus an uair a bha Iehu a' deanamh breitheanais air tigh Ahaib, agus a fhuair e uachdarain Iudah, agus mic bhràithrean Ahasiah, a fluritheil do Ahasiah, mharbh e iad.

9 Agus dh'iarr e Ahasiah; agus ghlac iad e, agus e 'am folach ann an Samaria: agus thug iad e dh'ionnsuidh Iehu, agus mharbh iad e, agus dh'adhlac iad e, a chionn, thubhairt iad, gur e mac Iehosaphait e, a dh'iarr an Tighearn le 'uile chridhe. Agus cha robh e 'n comas do thigh Ahasiah an rìoghachd a ghlèidheadh ni b'fhaide.

10 Agus an uair a chunnaic Ataliah, màthair Ahasiah, gu'n robh a mac marbh, dh'èirich i, agus sgrios i uile shliochd rìoghail tighe Iudah.

11 Agus ghabh Iehosabet, nighean an rìgh, foas mac Ahasiah, agus ghoid i e à measg mhac an rìgh a mharbhadh, agus chuir i e féin agus a bhanastrum ann an seomar nan leapaichean. Mar sin dh'fhol-aich Iehosabet, nighean rìgh Iehoraim, bean Iehoiada an t-sagairt e (oir b'i piuthar Ahasiah i) o Ataliah, air chor as nach do mharbh i e.

12 Agus bha e maille riu 'am folaeh ann an tigh Dhé ré shè bliadhna; agus Ataliah a' rioghachadh os ceann na tìre.

CAIB. XXIII.

1 Rinn Iehoiada foas 'n a rìgh. 12 Chuireadh Ataliah gu bàs. 16 Bhriseadh altairean agus dealbhan Bhaail. 20 Shuidhich Iehoiada foas air an rìgh-chàir.

AGUS anns an t-seachdamh bliadhna ncartaich Iehoiada e féin, agus ghabh e na ceannardan cheud, Asariah mac Ierohaim, agus Ismael mac Ichohanain, agus Asariah mac Obeid, agus Maaseiah mac Adaiah, agus Elisaphat mac Shichri, a steach ann an coimheangal ris.

2 Agus chaidh iad mu'n cuairt ann an Iudah, agus chruinnich iad na Lebhithich a mach à uile bhailtibh Iudah, agus cinn aithrichean Israeil, agus thàinig iad gu h-Ierusalem.

3 Agus rinn an coimhthional uile coimheangal ris an rìgh ann an tigh Dhé: agus thubhairt e riu, Feuch, rioghaichidh mac an rìgh, mar a thubhairt an Tighearn mun hac-aibh Dhaibhidh.

4 So an ni a ni sibh: *Bithidh* an treas cuid dhibhse a théid a steach air an t-sàbaid, de na sagartaibh agus de na Lebhithich, 'n an luchd-gleidhidh nan dorsan:

5 Agus *bithidh* trian aig tigh an rìgh; agus trian aig geata na bunaite: agus *bithidh* an sluagh uile ann an cùirtibh tighe an Tighearna.

6 Ach na tìgeadh a steach do thigh an Tighearn' ach na sagartan, agus iadsan de na Lebhithich a fluritheileas; théid iadsan a steach, oir *tha* iad naomha: ach coimhidh an sluagh uile faire an Tighearna.

7 Agus cuairtichidh na Lebhithich an rìgh air gach taobh, gach fear le 'airm 'n a làimh; agus ge b'e neach a thig a steach do'n tigh, cuircar gu bàs e: ach bithibhse maille ris an rìgh, 'n uair a thig e steach, agus an uair a théid e mach.

8 Agus rinn na Lebhithich, agus Iudah uile, a réir nan uile *nithean* a dh'àithn Iehoiada an sagart, agus ghabh iad gach fear a dhaoine féin a bha gu teachd a steach air an t-sàbaid, maille riu-san a bha gu dol a mach air an t-sàbaid; oir cha do leig Iehoiada an sagart air falbh na roinnean.

9 Agus thug Iehoiada an sagart do na ceannardaibh-cheud sleaghan, agus sgiathan, agus targaidean, a *bha* aig rìgh Daibhidh, a *bha* ann an tigh Dhé.

10 Agus chuir e an sluagh uile, gach fear le 'ghath 'n a làimh, o thaobh deas an tighe gu ruig taobh clì an tighe, làmh ris an altair agus an tigh, mu'n cuairt air an rìgh.

11 Agus thug iad a mach mac an rìgh, agus chuir iad an crùn air, agus *thug iad dha* an fhianuis, agus rinn iad 'n a rìgh e: agus dh'ung Iehoiada agus a mhic e, agus thubhairt iad, Gu ma fada beò an rìgh.

12 Agus an uair a chual' Ataliah fuaim an t-sluaigh a' ruith cuideachd, agus a' moladh an rìgh, thàinig i dh'ionnsuidh an t-sluaigh, a steach do thigh an Tighearna.

13 Agus dh'amhaire i, agus, feuch, sheas an rìgh làmh r'a phost aig an dol a steach, agus na h-uachdarain agus na trompaidcan làmh ris an rìgh; agus rinn uile shluagh na tìre gairdeachas, agus rinn iad fuaim le trompaidibh, agus an luchd-seinn le h-innealaidh-ciuil, agus iadsan a bha eòlach air moladh: agus reub Ataliah a h-eudach, agus thubhairt i, Foill! Foill!

14 An sin dh'àithn Iehoiada an sagart do na ceannardaibh-cheud a chuireadh os ceann an t-sloigh, agus thubhairt e riu, Thugaibh a mach i an taobh a muigh de na sreathaibh; agus ge b'e neach a leanas i, marbhar leis a chladheamh e: oir thubhairt an sagart, Na cuiribh gu bàs i ann an tigh an Tighearna.

15 Agus thug iad comas di; agus an nair a thàinig i gu dol a stigh geata nan cach aig tigh an rìgh, mharbh iad an sin i.

16 Agus rinn Iehoiada coimheangal eadar e féin, agus an sluagh gu léir, agus an rìgh, gu'm bitheadh iad 'n an sluagh aig an Tighearn.

17 Agus chaidh an sluagh uile a stigh do thigh Bhaail, agus leag iad sìos e, agus bliris iad 'altairean agus a dhealbhan gu tur, agus mharbh iad Matan sagart Bhaail fa chomhair nan altair.

18 Agus shuidhich Iehoiada luchd-riaghlaidh tighe an Tighearna le làimh nan sagart agus nan Lebhitheach, a roinn Daibhidh ann an tigh an Tighearna, eum iobairtean-loisgte an Tighearn' iobradh, mar *tha e* sgrìobhta ann an lagh Mhaois, le gairdeachas agus le seinn, a réir orduigh Dhaibhidh.

19 Agus shuidhich e na dorsairean aig geataibh tighe an Tighearna, eum nach rachadh neach air bith a stigh, *a bha* nedghlan ann an ni air bith.

20 Agus ghabh e na ceannardan-cheud, agus na h-àrd uaislean, agus nachdarain an t-sluaigh, agus uile shluagh na tìre, agus thug iad a mnas an rìgh o thigh an Tighearn'; agus thàinig iad troimh 'n gheata àrd a steach do thugh an rìgh, agus chuir iad an rìgh 'n a shuidhe air rìgh-chaitir na rìoghachd.

21 Agus rinn uile shluagh na tìre gairdeachas: agus bha'm baile sàmhach, an dèigh dhoibh Ataliah a mharbhadh leis a' chlàidh-camh.

CAIB. XXIV.

1 *Dh'orduigh Ioa* do na sagartaibh agus do na Lebhithich tigh an Tighearn' a chàradh. 15 *Bàs Iehoiada* 17 *Thréig Ioa* lagh Dhé, agus mharbh e Sechariah mac Iehoiada. 23 *Chreach na Sirionaich Ierusalem*. 25 *Mharbh a sheirbhishich Ioa*, agus rìghich Amasiah a mhac 'n a àit.

SEACHD bliadhna dh'aois *bha* Ioa an uair a thòisich e air rìoghachadh, agus rìghich e dà fhichead bliadhna ann an Ierusalem: agus *be* ainm a mhàthar Sibia o Bheerseba.

2 Agus rinn Ioa an *ni* a *bha* ccart ann an sùilbh an Tighearna ré uile làithean Iehoiada an t-sagairt.

3 Agus ghabh Iehoiada air a shon dà mhnaoi, agus ghin e mic agus nigheanan.

4 Agus 'n a dhéigh so bha e ann an imtinn Ioaib tigh an Tighearn' a chàradh.

5 Agus chruinnich e ri 'chéile na sagartan agus na Lebhithich, agus thubhairt e riu, Rachaidh a mach do bhailtibh Iudah, agus eruinnichibh o Israel uile airgid a chàradh tighe bhuir Dé o bhliadhna gu bliadhna, agus faicibh gu'n dean sibh cabhag 's a' ghnòthnch. Gidheadh eha d'rinn na Lebhithich cabhag.

6 Agus ghairm an rìgh Iehoiada an t-àrd-shagart, agus thubhairt e ris, C'ar son nach d'iarr thu air na Lebhithich cis Mhaois, òglaich an Tighearn', a thoirt a steach o Iudah, agus o Ierusalem, agus o choimh-thional Israeil, air son pàilliun na fiannis?

7 Oir bhris mic na droch mhnà Ataliah sìos tigh Dhé; agus mar an ceudna uile nithean coisrigte tighe an Tighearna thug iad seachad do Bhaalim.

8 An sin air àithne an rìgh rinn iad ciste,

agus chuir iad i aig geata tighe an Tighearn' air an taobh a nuigh.

9 Agus thug iad gairm air feadh Iudah agus Ierusalem, cis Mhaois, òglaich Dhé, *a chuir e* air Israel anns an fhàsach, a thoirt a steach do'n Tighearn.

10 Agus rinn na h-nachdarain uile agus an sluagh uile gairdeachas, agus thug iad leo, agus thilg iad anns a' chiste, gus an do lionadh i.

11 Agus an uair a thugadh a' chiste steach a dh'ionnsuidh luchd-riaghlaidh an rìgh le làimh nan Lebhitheach, agus a chunnaic iad gu'n robh mòran airgid *innt*e, an sin thàinig sgrìobhaich an rìgh agus fear-riaghlaidh an àrd-shagairt, agus dh'fhal-amhuich iad a' chiste, agus ghabh iad i, agus thug iad air a h-ais i d'a h-àite féin. Mar sin rinn iad o là gu là, agus chruinnich iad airgid ann am pailteas.

12 Agus thug an rìgh agus Iehoiada e dhoibhsan a riun obair seirbhis tighe an Tighearn', agus thuarasdalaich iad luchd-snaithidh *chlach* agus saoir a chàradh tighe an Tighearn', agus mar an ceudna luchd-oibre ann an iarunn agus 'an umha a dhean-amh suas tighe an Tighearna.

13 Agus dh'oibrich an luchd-oibre, agus choimhionadh an obair le'n làimh; agus rinn iad suas tigh an Tighearna co chcart as a bha e roimhe, agus dhaingnich iad e.

14 Agus an nair a chrìochnaich iad *an obair*, thug iad na dh'fhàgadh d'e'n airgid an làthair an rìgh agus Iehoiada, agus rinn iad soithichean deth do thugh an Tighearna, soithichean-frithealaidh nan iobairt-loisgte, agus spàinean, agus soithichean òir agus airgid; agus dh'ìobair iad iobairtean-loisgte a ghnàth ann an tigh an Tighearna, ré uile làithean Iehoiada.

15 Ach dh'fhàs Iehoiada sean, agus bha e àn de làithibh, agus fhuaire e bàs: ceud agus deich bliadhna fichead a dh'aois *bha e* 'n uair a fhuaire e bàs.

16 Agus dh'adhlaid iad e ann am baile Dhaibhidh maille ris na rìghribh, a chiom gu'n d'rinn e maith ann an Israel, araon a thaobh Dhé, agus a thaobh a thighe.

17 Agus an dèigh bàis Iehoiada, thàinig uachdarain Iudah, agus rinn iad ùmhlachd do'n rìgh. An sin dh'éisd an rìgh rin.

18 Agus thréig iad tigh an Tighearna Dé an aithrichean, agus rinn iad seirbhis do dhoireachaibh agus do dhealbhaibh: agus thàinig fearg air Iudah agus Ierusalem air son an cionta.

19 Gidheadh eum e fàidhean d'an ionnsuidh, gu'n toirt air an ais a dh'ionnsuidh an Tighearn'; agus rinn iad fianuis 'n an aghaidh, ach cha d'éisd iadsan riu.

20 Agus thàinig spiorad an Tighearn' air Sechariah mac Iehoiada an t-sagairt, agus sheas e os ceann an t-sluaigh, agus thubhairt e riu, Mar so tha Dia ag ràdh, C'ar son

a tha sibh a' briseadh àitheantan an Tighearna? 'uime sin cha soirbhich sibh. A chionn gu'n do thréig sibhse an Tighearn, tréigidh esan sibhse.

21 Agus chaidh iad ann an comhbhoinn 'n a aghaidh, agus chlach iad le clachaibh e, air àithne an rìgh, ann an cùirt tighe an Tighearna:

22 Oir cha do chuimlmich Ioads an rìgh an caoinhneas a rinn Iehoiada 'athair ris, ach mharbh e a mhac: agus an uair a bha esan a' faghail a' bhàis, thubhairt e, Chà an Tighearn, agus agraiddh e.

23 Agus aig ceann na bliadhna thàinig armailt Shira mios 'n a aghaidh; agus thàinig iad gu Iudah agus gu h-Ierusalem, agus sgrios iad uile uachdarain an t-sluaigh o mheasg an t-sluaigh, agus chuir iad an creach uile dh'ionnsuidh rìgh Dhamascuis.

24 Oir le beagan dhaoine thàinig armailt Shiria, agus thug an Tighearn thairis 'n an làimh sluagh ro mhòr, a chionn gu'n do thréig iad an Tighearn Dia an aithrichean: nime sin rinn iad breitheanas an aghaidh Ioads.

25 Agus an uair a dh'imich iad uaith, a chionn gu'n d'fhàg iad e ann an eucailibh mòra, rinn a sheirbhisich féin ceannaire 'n a aghaidh air son fola mhic Iehoiada an t-sagairt, agus mharbh iad e air a leabaidh, agus an uair a fhuair e bàs, dh'adhlac iad e ann am baile Dhaibhidh, ach cha d'adhlac iad e ann an àitibh-adhlac nan rìghrean.

26 Agus is iad so iadsan a rinn ceannaire 'n a aghaidh; Sabad mac Shimeait na Ban-amonaich, agus Iehosabad mac Shiurit na Ban-mhoabaich, agus a mhic.

27 A nis a thaobh meud na cìse a thog e, agus mar a rinn e suas tigh Dhé, feuch, *tha* iad sgrìobhta ann an eachdraidh leabhar nan rìghrean. Agus rìghich Amasiah a mhac 'n a àit.

CAIB. XXV.

3 *Chuir Amasiah gu bàs na daoine a mharbhadh 'athair.* 6 *Thuarasdalaich e armailt a h-Israel an aghaidh nan Edomach.* 11 *Bhuail e na h-Edomach ann an gleann an t-salainn.* 22 *Chog Ioads 'n a aghaidh, agus bhuadhaich e air.* 27 *Bàs Amasiah.*

CUIG bliadhna fichead a dh'aois bha Amasiah 'n uair a thòisich e air rìoghachadh, agus rìghich e naoi bliadhna fichead ann an Ierusalem: agus *be* ainm a mhàthar Iehoadan o Ierusalem.

2 Agus rinn e an *ni* a bha ceart ann an sùilibh an Tighearn, ach cha b'ann le cridhe ionlan.

3 A nis an uair a dhaingnicheadh an rìoghachd dha, mharbh e a sheirbhisich a mharbh an rìgh 'athair.

4 Ach an clann cha do mharbh e, a réir mar tha e sgrìobhta anns an lagh ann an leabhar Mhaois, far an d'àithn an Tighearn, *ag ràdh*, Cha chuirear na h-aithrichean gu

bàs air son nam mac, agus cha chuirear na mic gu bàs air son nau aithrichean; ach cuirear gach duine gu bàs air son a pheacaidh féin.

5 Agus chruinnich Amasiah Iudah r'a chéile, agus rinn e iad, a réir tighe an aithrichean, 'n an ceannardaibh mhiltean agus 'n an ceannardaibh cheud, ann an Iudah agus ann am Benjamin uile: agus rinn e an àireamh o fhichead bliadhna dh'aois agus os a cheann, agus fhuair e ann diubh trì cheud mìle *fear* taghta, a rachadh a mach gu cath, a laimhsicheadh sleagh agus sgiath.

6 Thuarasdalaich e mar an ceudna á h-Israel ceud mìle fear comasach, gaisgeil, air chend tàlann airgid.

7 Ach thàinig duine le Dia d'a ionnsuidh, ag ràdh, A rìgh, na rachadh armailt Israeil maille riut; oir cha-n'eil an Tighearn maille ri h-Israel, *eadhon maille ri* cloinn Ephraim uile.

8 Ach ma's àill leat imeachd, dean, bi làidir air son a' chatha: bheir Dia ort tuiteam roimh an nàmhaid; oir tha Dia comasach air còmhnaidh a dheanamh, agus air tilgeadh sìos.

9 Agus thubhairt Amasiah ris an duine le Dia, Ach ciod a ni sinn mu'n cheud tàlann a thug mi do armailt Israeil? Agus fhreagair an duine le Dia, Tha'n Tighearn comasach air mòran tuilleadh na sin a thabhairt duitse.

10 An sin sgaoil Amasiah iadsan de'n armailt a thàinig d'a ionnsuidh á h-Ephraim, a chum gu'n rachadh iad d'au àite féin. Agus las am fearg gu mòr an aghaidh Iudah, agus phill iad d'an àite féin ann an corruich mhòir.

11 Agus neartaich Amasiah e féin, agus thug e mach a shluagh, agus chaidh e gu gleann an t-salainn, agus bhuail e de chloinn Sheir deich mìle.

12 Agus deich mìle *dhiubh* ghlac clann Iudah beò, agus thug iad leo iad gu mullach carraig, agus thilg iad sìos iad o mhullach na carraig, agus bhriseadh iad gu tur.

13 Ach bhris fir na h-armailt a chuir Amasiah, air an ais, a chum nach rachadh iad maille ris gu cath, a stigh air bailtibh Iudah, o Shamaria eadhon gu ruig Beth-horon, agus bhuail iad trì mìle dhiubh, agus thug iad leo creach mhòr.

14 A nis an déigh do Amasiah teachd o àr nan Edomach, thug e leis diathan chloinn Sheir, agus chuir e suas iad dha féin mar dhiathaibh, agus chom se e féin sìos rompa, agus loisg e tùis dhoibh.

15 Uime sin las fearg an Tighearn an aghaidh Amasiah, agus chuir e d'a ionnsuidh fàidh, a thubhairt ris, C'ar son a dh'iarr thu'n déigh diathan an t-sluaigh, nach b'urraim an sluagh féin a shaoradh as do làimh-sa?

16 Agus an uair a bha e a' labhairt ris, fhreagair esan e, An d'rimeadh thusa a'd' chomhairliche do'n rìgh? bi 'd' thosd; c'ar son a bhitheadh tu air do bhualadh? Agus leig am fàidh dheth, agus thubhairt e, Tha fios agam gu'n do shònraich Dia air do sgrìos, a chionn gu'n d'rinn thu so, agus nach d'éisd thu ri m' chomhairle-sa.

17 An sin ghabh Amasiah rìgh Iudah comhairle, agus chuir e *teachdairean* a dh'ionnsuidh Iois, mhic Iehoahais, mhic Iehu rìgh Israeil, ag ràdh, Thig, faiccamaid aghaidh a chèile.

18 Agus chuir Iois rìgh Israeil *teachdairean* gu Amasiah rìgh Iudah, ag ràdh, Chuir am foghannan a bha ann an Lebanon *teachdair* a dh'ionnsuidh an t-seudair a bha ann an Lebanon, ag ràdh, Thoir do nighean do m' mhac-sa 'n a mnaoi: agus chaidh fiadh-bheathach seachad a bha ann an Lebanon, agus shaltair e sìos an foghannan.

19 Thubhairt thu, Feuch, bluail nì Edom, agus thog do chridhe suas thu chum uail a dheanamh: fan a nis ag do thigh: c'ar son a bhitheadh lām agad ann an nì chum d'aimheis, air chor as gu'n tuiteadh tu féin agus Iudah maille riut?

20 Ach cha d'éisd Amasiah ris; oir bha e o Dhia an toirt thairis 'n a lām, a chionn gu'n d'iarr iad an déigh dhiathan Edom.

21 Uime sin chaidh Iois rìgh Israeil suas, agus chunnaic e féin agus Amasiah rìgh Iudah aghaidh a chèile aig Bet-emes, a bhuineas do Iudah.

22 Agus bhuailleadh Iudah roimh Israel, agus theich iad gach fear a dh'ionnsuidh a bhùtha.

23 Agus ghlac Iois rìgh Israeil Amasiah rìgh Iudah mac Iois, mhic Ahasiah, aig Betemes, agus thug se e gu h-Ierusalem, agus bhris e sìos balla Ierusalem, o gheata Ephraim gu geata na h-oisne, ceithir cheud lām-choille.

24 Agus ghabh e an t-òr agus an t-airgid uile, agus na soithichean uile a fhuaradh ann an tigh Dhé aig Obed-edom, agus ionmhasan tighe an rìgh, agus braighde-gill, agus phill e gu Samaria.

25 Agus mhair Amasiah mac Iois, rìgh Iudah, beò an déigh bàis Iois mhic Iehoahais rìgh Israeil, cùig bliadhna deug.

26 Agus a' chuid eile de ghnìomharaibh Amasiah, an toiseach agus mu dheireadh, feuch, nach 'eil iad sgrìobhta ann an leabhar rìghrean Iudah agus Israeil?

27 Ach o'n àm anns an do thionndaidh Amasiah o leantuinn an Tighearn, rinn iad ceannairc 'n a aghaidh ann an Ierusalem, agus theich e gu Lachis: ach chuir iad daoine 'n a dhéigh gu Lachis, agus mharbh iad e an sin.

28 Agus thug iad leo air eachaibh e, agus

dh'adhlac iad o maille r'a aithricibh ann am baile Dhaibhidh.

CAIB. XXVI.

1 *Soirbheachadh Udsiah: 9 Na tùir a thog e ann an Ierusalem: 11 'Armait, agus 'imil-chogaidh. 16 Bhuailleadh e le luibhre air son a pheacaidhean. 22 A bheas.*

AGUS ghabh slagh Iudah nìle Udsiah, agus e sè bliadhna deug a dh'aois, agus rinn iad e 'n a rìgh 'an àit 'athar Amasiah.

2 Thog esan Eilat, agus dh'aisig se e do Iudah, an déigh do'n rìgh codal maille r'a aithricibh.

3 Sè bliadhna deug a dh'aois bha Udsiah 'n uair a thòisich e air rìoghachadh, agus rìghich e dà bhliadhna dheug agus dà fhichead ann an Ierusalem: agus be ainm a mhàthar Iecoliah o h-Ierusalem.

4 Agus rinn e an nì a bha ceart ann an stùilb an Tighearn', a réir gach nì a rinn Amasiah 'athair.

5 Agus dh'iarr e Dia ann an làithibh Shechariah, a theagaisg e ann an eagal Dhé: agus fhad 's a dh'iarr e an Tighearn, thug Dia air soirbheachadh.

6 Agus chaidh e mach, agus chog e 'n aghaidh nam Philisteach, agus bhris e sìos balla Ghait, agus balla Iabneith, agus balla Asdoid; agus thog e bailtean ann an Asdod, agus am measg nam Philisteach.

7 Agus chuidich Dia leis an aghaidh nam Philisteach, agus an aghaidh nam Arabach a bha 'n an còmhnuidh ann an Gur-baal, agus nan Amonach.

8 Agus thug na h-Amonach tìodhlacan do Udsiah; agus chaidh 'ainm a mach gu ruig dol a steach na h-Eiphit, oir dh'fhas e ro chumhachdach.

9 Agus thog Udsiah tùir ann an Ierusalem aig geata na h-oisne, agus aig geata a' ghlinne, agus aig an oisinn, agus dhaingnich e iad.

10 Agus thog e tùir anns an fhàsach, agus chladhaich e mòran thobar; oir bha mòran spréidh aige, agus anns an tìr ìosail agus anns a' chòmhnaid treabhaichean, agus fion-lìosadairean anns na sléibhtibh agus ann an Carmel, a chionn gu'm bu toigh leis tuathanachas.

11 Bha aig Udsiah mar an ceudna armait de dhaoineibh a dheanadh cogadh, a rachadh a mach gu cath 'n am buidhnibh, a réir uibhir an àireimh, le lām lèil an sgrìobhaiche, agus Mhaaseiah an fhir-riaghlaidh, fo lām Hananiah aon de uachdaranaibh an rìgh.

12 B'e àireamh iomlan phrìomh aithrichean nan daoine comasach gaisgeil, dà mhìle agus sè ceud.

13 Agus fo 'n lām-san bha armait, trì cheud mìle agus seachd mìle agus cùig ceud, a dheanadh cogadh le treun neart, a chuideachadh leis an rìgh an aghaidh an nāmhaid.

14 Agus dheasaich Udsiah air an son, *eadhon* do'n fheachd uile, targaidean, agus sleaghan, agus clogaidean, agus lùirichean, agus boghannan, agus cranna-tabhuill a *thilgeadh* chlach.

15 Agus rinn e ann an Ierusalem innil-chogaidh, a dhealbhadh le daoineibh ealanta, gu bhi air na tùraibh agus air oisneibh *nam ballachan*, a thilgeadh shaighead agus chlach mòra leo: agus chaidh 'ainm a mach 'an céin, oir b'iongantach an dòigh air an do chuidicheadh leis gus an d'fhàs e cumhachdach.

16 Ach an uair a dh'fhàs e cumhachdach, thogadh a chridhe suas a chum aihleis, agus pheacaidh e an aghaidh an Tighearn' a Dhé: oir chaidh e steach do theampull an Tighearn', a losgadh tuise air altair na tùise.

17 Agus chaidh Asariah an sagart a steach 'n a dhéigh, agus maille ris ceithir fichead sagart leis an Tighearn', fir threuna;

18 Agus sheas iad an aghaidh Udsiah an rìgh, agus thubhairt iad ris, Cha *bhuin* e dhuit-sa, Udsiah, tùis a losgadh do'n Tighearn, ach do na sagartaibh, mic Aaroin, a tha air na naomhachadh a losgadh tùise: imich a mach as an ionad naomh, oir pheacaidh thu, agus cha *bhi* e dhuit a chum urrainn o'n Tighearn Dia.

19 Agus bha fearg air Udsiah, agus tùiseir aige 'n a làimh a losgadh tùise: agus an uair a bha fearg air ris na sagartaibh, air ball dh'èirich luibhre suas ann an clàr 'eudain, 'am fianuis nan sagart ann an tigh an Tighearn', os ceann altair na tùise.

20 Agus dh'amhaire Asariah an t-àrd shagart, agus na sagartan uile air, agus, feuch, *bha* luibhre air ann an clàr 'eudain, agus ghreas iad a mach as a sin e; agus rinn e féin mar an ceudna cabhag gu dol a mach, a chionn gu'n do bhuail an Tighearn e.

21 Agus bha Udsiah an rìgh 'n a lobhar gu là a bhàis agus ghabh e còmhuidh ann an tigh air leth, mar fhear a bha 'n a lobhar, an uair a dhruideadh a mach e à tigh an Tighearna: agus *bha* Iotam a mhac os ceann tìghe an rìgh, a' toirt breth air sluagh na tìre.

22 Agus a' chuid eile de ghnìomharaibh Udsiah, an toiseach agus mu dheireadh, sgrìobh Isaiah am fàidh, mac Amois.

23 Agus choidil Udsiah maille r'a aithrichibh, agus dh'adhlac iad e maille r'a aithrichibh ann am magh *ait*-adhlacaidh nan rìgh: oir thubhairt iad, *Tha* e 'n a lobhar. Agus rìghich Iotam a mhac 'n a àit.

CAIB. XXVII.

1 *Rìoghachadh Iotaim*: 5 *Bhuadhaich e air na h-Amonaich*. 9 *Fhuair e bàs, agus rìghich Ahas 'n a àit*.

CUIG bliadhna fichead a dh'aois *bha* Iotam an uair a thòisich e air rìoghachadh, agus rìghich e sè bliadhna deug ann

an Ierusalem; agus *Ve* ainm a mhàthar Ierusa, nighean Shadoic.

2 Agus rinn e an *ni a bha* ceart ann an sùilbhan an Tighearn', a réir nan uile *nithean* a rinn Udsiah 'athair; gèidheadh cha deachaidh e steach do theampull an Tighearn', agus *bha*'n sluagh fathast truallidh.

3 Thog e geata àrd tìghe an Tighearn', agus air balla Opheil thog e mòran.

4 Agus thog e bailtean ann an sléibhtibh Iudah, agus anns na coilltibh thog e caist-ealan agus tùir.

5 Agus chog e ri rìgh chloinn Amoin, agus thug e buaidh orra. Agus thug clann Amoin dha air a' bhliadhna sin féin ceud tàlann airgid, agus deich mìle tomhas cruithneachd, agus deich mìle *tomhas* eorna. So thug clann Amoin seachad da, araon air an dara bliadhna, agus *air* an treas.

6 Agus dh'fhàs Iotam cumhachdach, a chionn gu'n do dhacasaidh e a shlighean 'am fianuis an Tighearn' a Dhé.

7 Agus a' chuid eile de ghnìomharaibh Iotaim, agus a chogaidhean uile, agus a shlighean, feuch, *tha* iad sgrìobhta ann an leabhar rìghrean Israeil agus Iudah.

8 Cùig bliadhna fichead a dh'aois *bha* e 'n uair a thòisich e air rìoghachadh, agus rìghich e sè bliadhna deug ann an Ierusalem.

9 Agus choidil Iotam maille r'a aithrichibh, agus dh'adhlac iad e ann am baile Dhaibhidh: agus rìghich Ahas a mhac 'n a àit.

CAIB. XXVIII.

1 *Rìoghachadh aingidh Ahas*. 5 *Thug Dia thairis e do làimh rìgh Shìria agus rìgh Israeil*. 9 *Chuir clann Israeil braighean Iudah air an ais*. 20 *Shdraich rìgh Asiria Ahab*. 22 *N a theanntachd chàlantaich e ni bu mhò an aghaidh Dhé*.

FICHEAD bliadhna dh'aois *bha* Ahas an uair a thòisich e air rìoghachadh, agus rìghich e sè bliadhna deug ann an Ierusalem: agus cha d'rinn e an *ni a bha* ceart ann an sùilbhan an Tighearna, mar a rinn Daibhidh 'athair.

2 Ach dh'imich e ann an slighibh rìghrean Israeil, agus mar an ceudna rinn e dealbhan leaghta do Bhaalim.

3 Agus loisg e tùis ann an gleann Bhen-linoim, agus loisg e a chlann anns an teine, a réir ghràinleachdan nan cinneach a thig an Tighearn a mach roimh chloinn Israeil.

4 Agus dh'ìobair e agus loisg e tùis anns na h-àitibh àrda, agus air na cnoic, agus fo gach craoibh uaine.

5 Uime sin thug an Tighearn a Dhia thairis e 'an làimh rìgh nan Sirianach; agus bhuail iad e, agus thug iad leo mòran diubh 'n am braigheadh, agus thug siad *iad* gu Damascus: agus thugadh mar an ceudna thairis e 'an làimh rìgh Israeil, a bhuail e le h-àr mòr.

6 Agus mharbh Peeah mac Remaliah ann an Iudah ceud agus fichead mìle ann an aon là, fir threuna uile; a chionn gu'n do thréig iad an Tighearn Dia an aithrichean.

7 Agus mharbh Sichri, duine treun de Ephraim, Maasciah mac an rìgh, agus Asricam uachdaran an tighe, agus Eleanah a b'fhaisge do'n rìgh.

8 Agus thug clann Israeil leo 'n am braighdibh d'am bràithribh dà ehcud mìle, bean, mae agus nighean, agus thog iad mar an ceudna ereach mhòr uatha, agus thug iad a' chrcach gu Samaria.

9 Ach bha fàidh leis an Tighearn an sin d'am b'ainm Oded, agus chaidh e mach 'am fianuis an t-slàigh a thàinig gu Samaria, agus thubhairt e riu, Feuch, a chionn gu robh fearg air an Tighearn Dia bhuir aithrichean ri Iudah, thug e thairis iad ann bhuir fàimh-sa, agus mharbh sibh iad le ainiochd a ràinig suas gu nèamh.

10 Agus a nis *tha* sibh a' cur roimhribh clann Iudah agus Ierusalem a chur foidhibh mar thràillibh agus mar bhan-tràillibh agaibh. Nach 'eil idir agaibhse, *eadhon* agaibhse peacadhean an aghaidh an Tighearna bhuir Dé?

11 A nis ma ta éisdibh riumsa, agus thugaibh air an ais na braighdean a thug sibh leibh ann am braighdeanas o bhuir bràithribh; oir *tha* fearg laiste an Tighearna ribh.

12 An sin dh'éirich daoine *àraidh* de cheannuibh ehloinn Ephraim, Asariah mac Iohanain, Berechiah mac Mhesilemoit, agus Iehisciah mac Shaluum, agus Amasa mac Hadlai, suas 'n an aghaidh-san a thàinig o'n ehogadh,

13 Agus thubhairt iad riu, Cha toir sibh na braighdean a steach an so; oir *bhithheadh sin* 'n a ehionta an aghaidh an Tighearn oirne. *Tha* sibhse a' cur roimhribh tuilleadh a chur r'ar peacadhean, agus r'ar cionta, 'n uair a tha ar cionta *cheana* mòr agus fearg laiste ri h-Israel.

14 An sin dh'fhàg na daoine a bha fo 'n armaibh na braighdean agus a' chrcach 'am fianuis nan uachdaran agus a' chomh-chruinneachaidh uile.

15 Agus dh'éirich na daoine a ghairmeadh air an ainm, agus ghabh iad na braighdean, agus dh'èidich iad leis a' chreigh iadsan uile a bha lomnochd dhiubh, agus an uair a chuir iad eudach agus brògan orra, thug iad orra itheadh agus òl, agus dh'ung siad iad, agus chuir iad air asalaibh iadsan uile a bha annbunn diubh, agus thug siad iad gu Iericho, baile nan craobh pailme, a dh'ionnsuidh am bràithrean; agus phill iad gu Samaria.

16 'S an àm sin chuir rìgh Ahas *fios* a dh'ionnsuidh rìgh Asiria, e 'ehuideachadh leis.

17 Oir thàinig na h-Edomaich a ris, agus

bhuail iad Iudah, agus thug iad leo braighdean.

18 Thug na Philistich mar an ceudna ionnsuidh air bailtibh a' chòmhnaird, agus air an taobh deas de Iudah, agus ghlac iad Bet-semes, agus Aialon, agus Gederot, agus Socho le 'bhailtibh beaga, agus Timnah le 'bhailtibh beaga, agus Gimso le 'bhailtibh beaga; agus ghabh iad còmhnuidh an sin.

19 Oir rinn an Tighearn Iudah ìosal air son Ahas rìgh Iudah, a chionn gu'n d'rinn e Iudah lomnochd, agus gu'n d'rinn e cionta mòr an aghaidh an Tighearna.

20 Uime sin thàinig Tilgat-pilneser rìgh Asiria d'a ionnsuidh, agus shàraich, ach cha do neartaich se e.

21 Oir ghabh Ahas euibhrionn á tigh an Tighearn, agus á tigh an rìgh, agus o na h-uachdaranuibh, agus thug e *sin* do rìgh Asiria; ach cha do chuidich e leis.

22 Agus 'an àm a theanntachd rinn e fathast tuilleadh cionta an aghaidh an Tighearna, an rìgh so féin Ahas.

23 Oir dh'ìobair e do dhiathaibh Dhamas-euis a bhuail e, agus thubhairt e, A chionn gu'n euidich diathan rìghrean Shiria leo, ìobraidh mise dhoibh a chum gu'n euidich iad leamsa: ach is ann a bha iad 'n an aobhar sgrios dha féin, agus do Israel uile.

24 Agus ehruinnich Ahas soithichean tighe Dhé, agus ghearr e 'n am mìribh soithichean tighe Dhé, agus dhruid e dorsan tighe an Tighearna. Agus rinn e dha féin altaircan anns gach cearnaidh de Ierusalem.

25 Agus anns gach baile fa leth de Iudah rinn e àitcan àrda, eum tùis a losgadh do dhiathaibh coinneach, agus bhrosnaich e gu feing an Tighearn Dia aithrichean.

26 Agus a' ehuid cile d'a ghnìomharaibh agus d'a shlighibh uile, an toiseach agus mu dhèicradh, feuch, *tha* iad sgrìobhta ann an leabhar rìghrean Iudah agus Israeil.

27 Agus choidil Ahas maille r'a aithrichibh, agus dh'adhlaid iad e anns a' bhaile, ann an Ierusalem; ach cha d'thug iad e do àitibh-adhlaid rìghrean Israeil: agus rìghich Hecseciah a mhac 'n a àit.

CAIB. XXIX.

1 *Rìoghachadh Hecseciah. 5 Thug e carail do na Lebhithich iad a naomhachadh tighe Dhé. 12 Naomhaich na Lebhithich iad féin, agus ghlac iad an teampull. 20 Iobairtean Hecseciah.*

TH'HOISICH Hecseciah air rìoghachadh 'n uair a bha e cùig bliadhna fichead a dh'aois, agus rìghich e naoi bliadhna fichead ann an Ierusalem: agus *b'e* ainm a mhàthar Abiah, nighean Shechariah.

2 Agus rinn e an *ni* a bha ceart ann an sùilibh an Tighearn, a réir nan uile *nithean* a rinn Daibhidh 'athair.

3 Anns a' ehuid bhliadhna d'a rìoghachadh, air a' ehcud mhòs, dh'fhosgail e

dorsan tighe an Tighearn', agus chàirich e iad.

4 Agus thug e stigh na sagartan agus na Lebhithich, agus chruinnich e iad do'n t-sràid an ear,

5 Agus thubhairt e riu, Eisdibh rium, a Lebhithreacha; a nis naomhaichibh sibh féin, agus naomhaichibh tigh an Tighearna Dé bhuir n-aithrichean, agus thugaibh a mach an salchar as an *ionad* naomh:

6 Oir pheacaich ar n-aithrichean, agus rinn iad an *ni a bha* ole ann an sùilbh an Tighearn' ar Dé, agus thréig iad e, agus thionndaidh iad an aghaidhean o phaillion an Tighearn', agus chuir iad cùl ris.

7 Mar an ceudna dhruid iad dorsan an sgàth-thighe, agus chuir iad as na lòchraim, agus cha do loisg iad tùis, agus cha d'thug iad ìobairtean-loisgte suas anns an *ionad* naomh, do Dhia Israeil.

8 Uime sin bha fearg an Tighearna ri Iudah agus ri h-Ierusalem, agus thug e thairis iad do theinn, do uamhann, agus do sgeig, mar a chi sibh le'r sùilbh.

9 Oir feuch, thuit ar n-aithrichean leis a' chlaidheamh, agus *tha* ar mic, agus ar nigh-eanan, agus ar mnathan ann am braighdeanas air son so.

10 A nis *tha e* ann am chridhe coimheceangal a dheanamh ris an Tighearn Dia Israeil, a chum gu'n tionndaidh 'fhearg laiste uainn.

11 Mo mhic, na bithibh a nis dearmadach; oir thagh an Tighearn sibh gu seasamh 'n a làthair a dheanamh seirbhais da, agus gu bhi a' frithealadh dha agus a' losgadh tùise.

12 An sin dh'éirich na Lebhithich, Mahat mac Amasai, agus Ioel mac Asariah, de mhacaibh nan Cohatach: agus de mhacaibh Mherari, Cis mac Abdi, agus Asariah mac Iehalelcil: agus de na Gersonaich, Ioah mac Shimah, agus Eden mac Ioah:

13 Agus de mhacaibh Elisaphain, Simri agus Iehiel: agus de mhacaibh Asaiph, Sechariah agus Mataniah:

14 Agus de mhacaibh Hemain, Iehiel agus Simei: agus de mhacaibh Iedutuin, Semaiah agus Udsiel.

15 Agus chruinnich iad am bràithrean, agus naomhaich siad iad féin, agus thàinig iad a réir àithne an rìgh ann am briathraibh an Tighearna, a ghlanadh tighe an Tighearna.

16 Agus chaidh na sagartan do'n chuid a b'fhaide steach de thigh an Tighearna g'a ghlanadh, agus thug iad a mach gach salchar a fhuair iad ann an teampull an Tighearna, gu cùirt tighe an Tighearna. Agus thog na Lebhithich leo e, gu 'thoir a mach gu sruth Chidroin.

17 A nis thòisich iad air a' cheud là de'n cheud mhìos air naomhachadh, agus air an ochdamh là de'n mhìos thàinig iad gu sgàth-thigh an Tighearn', agus naomhaich iad tigh

an Tighearn' ann an ochd làithibh, agus air an t-seathamh là deug de'n cheud mhìos chrìochnaich iad an *obair*.

18 Ar sin chaidh iad a steach a dh'ionnsuidh Heseciah an rìgh, agus thubhairt iad, Ghlar sinn tigh an Tighearn' uile, agus altair na h-ìobairt-loisgte maille r'a soithichibh uile, agus bord an arain thaisbeanaidh maille r'a soithichibh uile.

19 Agus na soithichean sin uile a chuir rìgh Ahas, an uair a rìghich e, air falbh 'n a eusaontas, dheasaich sinne agus naomhaich sinn, agus, feuch, *tha* iad fa chomhair altair an Tighearna.

20 An sin dh'éirich Heseciah an rìgh gu moch, agus chruinnich e uachdarain a' bhaile, agus chaidh e suas do thigh an Tighearna.

21 Agus thug iad leo seachd tairbh òga, agus seachd reitheachan, agus seachd uain, agus seachd buic-ghaibhre mar ìobairt-pheacaidh air son na rìoghachd, agus air son an *ionaid* naoimh, agus air son Iudah: agus dh'àithn e do na sagartaibh, mic Aaroin an ìobradh air altair an Tighearn'.

22 Uime sin mharbh iadsan na tairbh, agus ghabh na sagartan an fhuil, agus chrath iad i' air an altair: mharbh iad mar an ceudna na reitheachan, agus chrath iad an fhuil air an altair: mharbh iad cuideachd na h-uain, agus chrath iad an fhuil air an altair.

23 Agus thug iad leo na buic-ghaibhre air son na h-ìobairt-pheacaidh an làthair an rìgh agus a' choimhthionail, agus chuir iad an làmh an orra:

24 Agus mharbh na sagartan iad, agus chrath iad am fuil air an altair chum réite 'dheanamh air son Israeil uile: oir dh'àithn an rìgh an ìobairt-loisgte agus an ìobairt-pheacaidh air son Israeil uile.

25 Agus chuir e na Lebhithich ann an tigh an Tighearna le ciombalaibh, le salt-airibh, agus le clarsaichibh, a réir àithne Dhaibhidh, agus Ghaid fhir-sheallaidh an rìgh, agus Natain an fhàidh: oir *b'i sin* àithne an Tighearna le làimh fhàidhean.

26 Agus sheas na Lebhithich le h-inneal-aibh Dhaibhidh, agus na sagartan leis na trompaidibh.

27 Agus dh'àithn Heseciah an ìobairt-loisgte ìobradh air an altair: agus an uair a thòisich an ìobairt-loisgte, thòisich *mar an ceudna* laoidh an Tighearna leis na trompaidibh, agus le h-innealaibh Dhaibhidh rìgh Israeil.

28 Agus rinn an coimhthional uile aoradh, agus sheinn an luchd-seinn, agus shéid na trompadairean: *mhair* so uile gus an do chrìochnaicheadh an ìobairt-loisgte.

29 Agus an uair a chuir iad crìoch air ìobradh, chròin an rìgh agus iadsan uile a bha maille ris iad féin, agus rinn iad aoradh.

30 Agus dh'àithn Hesciah an rìgh agus na h-uachdarain do na Lebhithich gu moladh iad an Tighearn ann am briathraibh Dhaibhidh, agus Asaiph an fhir-sheallaidh: agus mhol iad le subhachas, agus chrom iad an cinn, agus rinn iad aoradh.

31 An sin fhreagair Hesciah, agus thubhairt e, A nis choisrig sibh sibh féin do'n Tighearn: thigibh am fagus, agus thugaibh leibh iobairtean, agus tabhartais-bhuidheachais do thigh an Tighearna. Agus thug an coimhthional a steach iobairtean, agus tabhartais-bhuidheachais, agus iadsan uile a bha toileach 'n an cridhe, tabhartais-loisgte.

32 Agus b'e àireamh nan tabhartais-loisgte a thug an coimhthional leo, trì fichead agus deich tairbh òga, ceud reithe, dà cheud uan; iad sin uile chum iobairt-loisgte do'n Tighearn.

33 Agus na nithean coisrigte, sè ceud bò, agus trì mìle caora.

34 Ach bha na sagartan tearc, agus cha b'urrainn iad na tabhartais-loisgte uile fhionnadh: uime sin chuidich am bràithrean na Lebhithich leo, gus an do chrìochnaich iad an obair, agus gus an do naomhaich na sagartan iad féin; oir *bha* na Lebhithich ni bu deise 'n an cridhe chum iad féin a naomhachadh na na sagartan.

35 Agus mar an ceudna *bha* na tabhartais-loisgte 'am pailteas, maille ri saill nan tabhartais-sìth agus nan tabhartais-dibhe, chum na h-iobairt-loisgte. Agus dheasaicheadh seirbhis tìghe an Tighearna.

36 Agus rinn Hesciah agus an sluagh uile gairdeachas, a chionn gu'n do dheasaich Dia air son an t-sluaigh: oir rinneadh an ni gu grad.

CAIB. XXX.

1 *Thug Hesciah faineair gairm a thabhairt air feadh Israeil uile iad a chumail na càisge ann an Ierusalem.* 13 *Thug an comhchrinneachadh air falbh altairean nan dia coimheach, agus chum iad a' chàisg ceithir là deug.*

AGUS chuir Hesciah *fios* gu h-Israel uile agus gu Iudah, agus mar an ceudna sgrìobh e litrichean gu h-Ephraim agus gu Manashe, iad a theachd gu tigh an Tighearn ann an Ierusalem, a chumail na càisge do'n Tighearn Dia Israeil.

2 Agus ghabh an rìgh, agus 'uachdarain, agus an coimhthional uile ann an Ierusalem, comhairle a' chàisg a chumail air an dara mìos.

3 Oir cha b'urrainn iad a cumail 's an àm sin, a chionn nach do naomhaich na sagartan iad féin gu leòr, agus nach robh an sluagh air cruinneachadh gu h-Ierusalem.

4 Agus thaitinn an ni ris an rìgh, agus ris a' choimhthional uile.

5 Agus shuidhich iad reachd, gairm a thabhairt air feadh Israeil uile o Bhcer-seba eadhon gu Dan, iad a theachd a chumail na

càisge do'n Tighearn Dia Israeil ann an Ierusalem; oir cha do chum mòran i mar a bha e sgrìobhta.

6 Agus chaidh na gillean-ruithe le litricheibh o'n rìgh agus o 'uachdaranairb air feadh Israeil uile agus Iudah, agus a réir àithne an rìgh, ag ràdh, A chlann Israeil pillibh a dh'ionnsuidh an Tighearna Dé Abrahaim, Isaic, agus Israeil, agus pillibh esan a dh'ionnsuidh an fhuighill dibh a chaidh as o làimh rìghrean Asiria.

7 Agus na bithibh cosmhuil rìr n-aithricheibh, agus cosmhuil rìr bràithreibh, a pheacaich an aghaidh an Tighearna Dé an aithrichean, agus thug esan thairis iad gu léir-sgrios, mar a chli sibh.

8 A nis na bithibhse cruaidh-mhuineileach cosmhuil rìr n-aithricheibh: thugaibh sibh féin thairis do'n Tighearn, agus rachaibh a steach d'a ionad naomh, a naomhaich e gu bràth; agus deanaibh seirbhis do'n Tighearn bhur Dia, a chum gu'n tionndaidh lasan 'fheirge air falbh uaibh.

9 Oir ma philleas sibh a dh'ionnsuidh an Tighearna, [gheibh] bhur bràithrean agus bhur clann iochd 'n am fianuis-na a thug leo 'am braigheanas iad, air chor as gu'm pill iad a dh'ionnsuidh na tìre so: oir gràs-mhor agus tréaireach *tha'n* Tighearn bhur Dia, agus cha tionndaidh e a ghnùis air falbh uaibh, ma philleas sibh d'a ionnsuidh.

10 Agus chaidh na gillean-ruithe thairis o bhaile gu baile, air feadh tìre Ephraim agus Mhanashe, eadhon gu ruig Sebulun: ach bha iad a' fanoid orra, agus a' deanamh ball-magaibh dhiubh.

11 Gidheadh, dh'irioslaich daoine àraidh de Aser, agus de Mhanashe, agus de Shebulun iad féin, agus thàinig iad gu h-Ierusalem.

12 Mar an ceudna ann an Iudah bha lām Dhé a thoirt aoin chridhe dhoibh, a dheanamh àithne an rìgh agus nan uachdaran, a réir focail an Tighearna.

13 Agus chruinnich ann an Ierusalem mòran sluaigh, a chumail féill an arain neo-ghoirtichte anns an dara mìos, comhchrinneachadh ro mhòr.

14 Agus dh'éirich iad, agus thug iad air falbh na h-altairean a *bha* ann an Ierusalem, agus na h-altairean uile air son tùise thug iad air falbh, agus thilg siad iad ann an sruth Chidroin.

15 Agus mharbh iad a' chàisg air a' cheathramh là deug de'n dara mìos; agus bha nàir air na sagartan agus air na Lebhithich, agus naomhaich siad iad féin, agus thug iad a steach iobairtean-loisgte do thigh an Tighearna.

16 Agus sheas iad 'n an àit a réir an riaghailt, a réir lagha Mhaois òglaich Dhé; agus chrath na sagartan an fhuil a *ghabh iad* o làimh nan Lebhithich.

17 Oir *bha* mòran anns a' choimhthional

nach robh air an naomhachadh: uime sin bha cùram marbhaidh na càisge air na Lebhithich, air son gach neach nach *robh* glan, a chum *an* naomhachadh do'n Tighearn.

18 Oir cha do ghlan mòran de'n t-sluagh, mòran de Ephraim, agus de Mhanaseh, de Isachar, agus de Shebulun iad féin; gidheadh, dh'ith iad a' chàisg, cha b'ann mar *tha e* sgrìobhta.

19 Ach rinn Heseciah urnuigh air an son, ag ràdh, Gu'n tugadh an Tighearn maith maitheanas do gach aon, a dheasaich a chridhe a dh'arraidh an Tighearn Dé aithrichean, ged nach *èil e glan* a réir glanaidh an *ionaid* naoimh.

20 Agus dh'éisd an Tighearn ri Heseciah, agus leighis e an sluagh.

21 Agus chum clann Israeil a bha làthair ann an Ierusalem féill an arain neo-ghoirtichte seachd làithean le mòr ghairdeas: agus mhol na Lebhithich agus na sagartan an Tighearn o là gu là, *a' seinn* le h-inneal-aibh fuaimneach do'n Tighearn.

22 Agus labhair Heseciah gu caomhneil ris na Lebhithich uile, a theagaisg eòlas maith an Tighearna: agus dh'ith iad *air* an fhéill ré sheachd làithean, ag iobradh iobairtean-sith, agus a' cliùthachadh an Tighearn Dé an aithrichean.

23 Agus ghabh an coimhthiona' uile comhairle seachd làithean eile a chumail: agus chum iad seachd làithean *eile* le h-aobhneas.

24 Oir thug Heseciah rìgh Iudah suas do'n choimhthional mìle tarbh òg, agus seachd mìle caora; agus thug na h-uachdarain suas do'n choimhthional mìle tarbh òg, agus deich mìle caora: agus naomhaich mòran shagart iad féin.

25 Agus rinn coimhthional Iudah uile gairdeachas, agus na sagartan, agus na Lebhithich, agus an coimhthional uile a thàinig á h-Israel, agus na coigrich a thàinig á tír Israeil, agus a bha 'chòmhnuidh ann an Iudah.

26 Mar sin bha mòr aoibhneas ann an Ierusalem; oir o làithibh Sholaimh, mhic Dhaibhidh rìgh Israeil, cha *robh* a leithid ann an Ierusalem.

27 An sin dh'éirich na sagartan agus na Lebhithich, agus bheannaich iad an sluagh: agus chuala [Dia] an guth, agus thàinig an urnuigh suas d'a àite-còmhnuidh naomhsan, do nàmh.

CAIB. XXXI.

2 *Shuidhich Heseciah roinnean nan sagart agus nan Lebhithich.* 5 *Thug clann Israeil seachd gu toiseach ceud thoradh an fhearainn.* 11 *An luchd-dreuchd a bha os ceann nan tabhartas.*

AGUS an uair a chrìochnaichadh so uile, chaidh Israel uile a bha làthair a mach do bhailtibh Iudah, agus bhris iad

na dealbhan, agus ghearr iad sìos na doir-eachan, agus thilg iad sìos na h-ionadan àrda agus na h-altairean á Iudah uile agus á Benjamin, agus ann an Ephraim agus Manaseh, gus an do sgrios iad gu tur *iad*. An sin phill clann Israel uile, gach duine a dh'ionnsuidh a sheilbhe féin, d'am bailtibh féin.

2 Agus shuidhich Heseciah roinnean nan sagart agus nan Lebhithich a réir an roinnean, gach duine a réir a sheirbhìs féin, na sagartan agus na Lebhithich air son nan iobairt-loisgte, agus air son nan iobairt-shith, a fhrithealadh, agus a thabhairt buidheachais, agus a chliùthachadh ann an geatachaibh chaimp an Tighearna:

3 Cuibhrionn an rìgh mar an ceudna d'a mhaoin, air son nan iobairt-loisgte, air son iobairt-loisgte na maidne, agus an fheasgair, agus iobairte-loisgte nan sàbaid, agus nan gealach ùra, agus nam féill suidhichte, mar *tha e* sgrìobhta ann an lagh an Tighearna.

4 Dh'àithn e cuideachd do'n t-sluagh a bha 'chòmhnuidh ann an Ierusalem, gu'n tugadh iad seachd cuibhrionn nan sagart agus nan Lebhithich, chum gu'm bitheadh iad air an daingneachadh ann an lagh an Tighearna.

5 Agus co luath as a thàinig an àithne mach, thug clann Israeil seachd gu pailt ceud thoradh an arbhair, an fhìona, agus na h-olaidh, agus na meala, agus uile fhàis an fhearainn; agus deachamh nan uile *nith-ean* thug iad a stigh ann am pailteas.

6 Agus a thaobh chloinn Israeil agus Iudah a bha 'chòmhnuidh ann am bailtibh Iudah, thug iadsan mar an ceudna stigh deachamh a' bhuair agus nan eorach, agus deachamh nan nith-ean naomha a bha air an naomhachadh do'n Tighearn an Dia, agus rinn iad mòran chruach *diubh*.

7 Anns an treas mìos thòisich iad air bunaitean nan cruach a lcgadh, agus anns an t-seachdamh mìos chrìochnaich siad iad.

8 Agus thàinig Heseciah agus na h-uachdarain, agus chunnaic iad na cruachan, agus bheannaich iad an Tighearn agus a shluagh Israel.

9 Agus dh'fhiosraich Heseciah de na sagartan agus na Lebhithich mu thimchioll nan cruach.

10 Agus fìreagair Asariah an t-àrd shagart de thigh Shadoic e, agus thubhairt e, O'n a thòisich iad air na tabhartais a thoirt a steach do thigh an Tighearna, dh'ith sinn gus an do shàsuicheadh sinn, agus dh'fhàg sinn pailteas: oir bheannaich an Tighearn a shluagh, agus dh'fhàgadh am pailteas mòr so.

11 An sin dh'àithn Heseciah àitean-tasgaidh ulluchadh ann an tigh an Tighearna; agus dh'ulluich siad *iad*;

12 Agus thug iad a stigh na tabhartais

agus an deachamh, agus na *nithean* naomhaichte gu firinneach; agus os an ceann *bha* Cononiah an Lebhithreach 'n a riaghlaire, agus Simeì a bhràthair 's an àit a b'fhaigse.

13 Agus *bha* Iehiel, agus Asariah, agus Nahat, agus Asahel, agus Ierimot, agus Iosabad, agus Eliel, agus Ismahiah, agus Mahat, agus Benaiah, 'n an luchd-amhairc thairis fo làimh Chononiah, agus Shimeì a bhràthar, air àithne Heseciah an rìgh, agus Asariah uachdarain tighe Dhé.

14 Agus *bha* Core mac Imnah an Lebhithreach, au dorsair a làimh na h-àird' an ear, os ceann shaor thiodhlac Dhé, chum gu'u tugadh e seachad tabhartais an Tighearna, agus na nithean ro naomh.

15 Agus làimh ris-san Eden, agus Beniamin, agus Iesua, agus Semaiah, agus Amariah, agus Secaniah, ann am bailtibh nan sagart 'u an dreuchd, a thabhairt d'am bràithribh 'n an roinnibh, do'n bheag mar do'n mhòr.

16 A thuilleadh air àireamh nam firionnach a réir an ginealach o thri bliadhna dh'aois agus os a cheann, do gach neach a théid a steach do thigh an Tighearn', a chuibhrionn lathail, air son an seirbhis 'n au dreuchd, a réir an roinnean;

17 Araon do àireamh nan sagart a réir an ginealach, a réir tighe an aithrichean, agus nan Lebhithreach o fhichead bliadhna dh'aois agus os a cheann, 'n an dreuchd, a réir an roinnean;

18 Agus do àireamh an cloinne bige uile a réir an ginealach, an ban, agus am mac, agus an nigheanan, do'n choimhthional uile; oir 'n an dreuchd naomhaich siad iad féin gu mòr:

19 Agus do nìcaibh Aaroin na sagartaibh ann am fearaun combh-roinn am bailtean, anns gach baile fa leth, na daoine a dh'ainmicheadh air an ainm, a thabhairt an cuibhriinn do gach firionnach ann measg nan sagart, agus dhoibhsan uile a bha air an àireamh a réir an ginealach am measg nau Lebhithreach.

20 Agus rinn Heseciah mar so air feadh Iudah uile: agus rinn e an *ni sin a bha* maith, agus ceart, agus firinneach ann am fianuis an Tighearn' a Dhé.

21 Agus a thaobh gach oibre air an do thòisich e ann an seirbhis tighe Dhé, agus anns an lagh, agus anns na h-àitheantaibh, a dh'iarraidh a Dhé, rinn e i le uile chridhe, agus shoirbhich leis.

CAIB. XXXII.

1 *Dhaingnich Heseciah baile Ierusalem an aghaidh rìgh Asiria. 9 Teachdaireachd mhaslach Shenacherib. 20 Bhuail aingeal an Tighearna feachd nan Asirianach. 32 Bàs agus adhlacadh Heseciah.*

AN déigh nan nithean so agus an uair a bha iad air an suidheachadh, thàinig

Senacherib rìgh Asiria, agus chaidh e steach do Iudah, agus champaich e an aghaidh nam bailtean daingnichte, agus shònraich e air an cosnadh dha féin.

2 Agus an uair a chunnaic Heseciah gu'n d'thàinig Senacherib, agus gu'n robh e 'cur roimhe cogadh an aghaidh Ierusalem,

3 Chuir e a chomhairle r'a uachdaranaibh agus r'a dhaoibh cumbachdach, uisgeachan nan tobar a *bha'n* taobh a muigh de'n bhaile a dhùnadh suas; agus chuidich iad leis.

4 Agus chruinnich sluagh mòr, agus dhùin iad suas na tobraichean uile, agus na sruthain a bha 'ruith ann am meadhan na tìre, ag ràdh, C'ar son a thigeadh rìghrean Asiria, agus a gheibheadh iad mòran uisge?

5 Agus dhaingnich se e féin, agus thog e am balla uile a chaidh a bhriseadh, agus chuir e suas tùir air, agus balla eile air an taobh a muigh, agus dhaingnich e Mìlo baile Dhaibhidh, agus rinn e gathan agus targaidean ann am pailteas.

6 Agus chuir e ceannardan cogaidh os ceann an t-sluaigh, agus chruinnich e iad d'a ionnsuidh ann an sràid geata a' bhaile, agus labhair e r'an cridhe, ag ràdh,

7 Bithibh làidir agus bithibh misneachail, na bitheadh eagal agus na bitheadh faithreas oirbh roimh rìgh Asiria, no roimh an t-sluaigh mhòr so uile a *tha* maille ris; oir is mò *na tha* leinne na leis-san.

8 Leis-san *tha* gairdean feòla, ach leinne *tha'n* Tighearn ar Dia, a chuideachadh leinn, agus a chur ar catha. Agus dh'earb an sluagh á briathraibh Heseciah rìgh Iudah.

9 'N a dhéigh so chuir Senacherib rìgh Asiria a sheirbhisich gu h-Ierusalem, (oir *bha* e féin aig Lachis, agus a neart uile maille ris,) a dh'ionnsuidh Heseciah rìgh Iudah, agus a dh'ionnsuidh Iudah uile, a *bha* aig Ierusalem, ag ràdh,

10 Mar so tha Senacherib rìgh Asiria ag ràdh, Cia as a *tha* sibh ag earbsadh, agus sibh a' fantuinn 'n 'ur daingneach ann an Ierusalem?

11 Nach 'eil Heseciah 'g'ur comhairleachadh sibh féin a thoirt thairis gu bàs le gorta agus le tart, ag ràdh, Saoraidh an Tighearn ar Dia sinn a làimh rìgh Asiria?

12 Nach do chuir Heseciah so féin air falbh aitean àrda, agus 'altairean, agus nach d'àithn e do Iudah agus do Ierusalem, ag ràdh, Fa chomhair aoin altarach sleuchdaidh sibh, agus loisgidh sibh tùis oirre?

13 Nach 'eil fhios agaibh ciod a rinn mise agus m'aithrichean ri uile shluaigh nan dùchan? an robh diathan chinneach nan tìr sin comasach air an tìr féin a shaoradh as mo làimh-sa?

14 Co am measg uile dhiathan nan cinn-each sin a sgrios m'aithrichean-sa gu tur, a b'urrainn a shluaigh a shaoradh as mo

làimh-sa, gu'm bitheadh bhur Dia-sa com-asach air bhur saoradh as mo làimh?

15 A nis ma ta na mealladh Heseciah sibh, agus na comhairlicheadh e sibh mar so, agus na creidibh e; oir cha robh dia air bith cinnich no rìoghachd sam bith com-asach air a shluagh a shaoradh as mo làimh-sa, agus a làimh m'athrichean; nach lugha gu mòr na sin is urrainn bhur Dia-sa bhur saoradh as mo làimh?

16 Agus labhair a sheirbhishic tuilleadh as so an aghaidh an Tighearna Dé, agus an aghaidh a sheirbhishic Heseciah.

17 Sgrìobh e mar an ceudna litrichean a chàineadh an Tighearna Dé Israeil, agus a labhairt 'n a aghaidh, ag ràdh, Mar nach do shaor diathan chinneach nan dùchan an sluagh as mo làimh-sa, mar sin cha saor Dia Heseciah a shluagh as mo làimh.

18 Ghlaodh iad cuideachd le Guth àrd 's a' chàinain Iudhaich ri sluagh Ierusalem a bha air a' bhalla, gu eagal agus buaireas a chur orra, chum gu'n glacadh iad am baile.

19 Agus labhair iad an aghaidh Dhé Ierusalem, mar an aghaidh dhuathan shluagh na talmhainn, oibre lànhan dhaoine.

20 Agus rinn Heseciah an rìgh, agus am fàidh Isaiach mac Amais, urraigh air son so, agus ghlaodh iad gu nèamh.

21 Agus chuir an Tighearn aingeal uaith, a sgrìos na daoine comasach gaisgeil uile, agus na ceannardan, agus na h-uachdarain ann an camp rìgh Asiria: uime sin phill e le nàire gnùise d'a thìr féin. Agus an uair a chaidh e steach do thigh a dhé, mharbh iadsan a thàinig a mach a 'innibh féin e 'n sin leis a' chlàidheamh.

22 Mar so shaor an Tighearn Heseciah agus luchd-àiteachaidh Ierusalem a làimh Shenacherib rìgh Asiria, agus a làimh nan uile, agus stiùir e iad air gach taobh.

23 Agus thug mòran tabhartais a dh'ionnsuidh an Tighearna gu h-Ierusalem, agus tiodhlacan a dh'ionnsuidh Heseciah rìgh Iudah: agus dh'ardaich eadh e ann an sùilbh nan uile chinneach 'n a dhéigh sin.

24 Anns na làithibh sin bha Heseciah tinn gu bàs, agus rinn e urraigh ris an Tighearn: agus dh'éisd esan ris, agus thug e comharadh dha.

25 Ach cha d'òc Heseciah a ris a réir mar a bhuilicheadh air; oir thogadh a chridhe suas: agus bha fearg ris, agus ri Iudah agus Ierusalem.

26 Gidheadh dh'irioslaich Heseciah e féin air son uabhair a chridhe; (*aràon* e féin agus luchd-àiteachaidh Ierusalem:) uime sin cha d'fhàinig fearg an Tighearn orra ann an làithibh Heseciah.

27 Agus bha aig Heseciah beartas agus urram ro mhòr: agus rinn e dha féin ionmhasan a dh' airgid, agus a dh' òr, agus de chlachaihbh luachmhor, agus de spioraidh,

agus de thargaidibh, agus de gach seud taitneach;

28 Agus tighean-tasgaidh air son toraidh an arbhair, agus an fhìona, agus na h-olaidh; agus tighean air son gach gnè ainmhidh, agus mainneirean air son nan treud.

29 Agus rinn e dha féin bailtean: agus bha sealbh chaorach agus buar aige ann am pailteas, oir thug Dia dha maoin ro mhòr.

30 Chuir Heseciah so féin mar an ceudna stad air sruth uisge uachdarach Ghihoim, agus thug e sìos dìreach e a làimh na h-àirde 'n iar do bhaile Dhaibhidh. Agus shoirbhich Heseciah 'n a oibribh uile.

31 Gidheadh, a thaobh theachdairean uachdaran Bhabiloin, a chuireadh d'a ionnsuidh a dh'fhiosrachadh mu'n iongantas a bha 's an tìr, thréig Dia e g'a dhearbhadh, chum gu'm bitheadh fios aige air gach *ni a bha* 'n a chridhe.

32 Agus a' chuid eile de ghnìomharaibh Heseciah, agus a mhaitheas, feuch, *tha* iad sgrìobhta ann am faistneachd Isaiach an fhàidh, mhic Amais, agus ann an leabhar rìghrean Iudah agus Israeil.

33 Agus choidil Heseciah maille r'a aithrichibh, agus dh'adhlaic iad e ann an àrd àit-adhlacaidh mhac Dhaibhidh: agus thug Iudah uile agus luchd-àiteachaidh Ierusalem urram dha 'n uair a fhuair e bàs. Agus rìghich Manaseh a mhac 'n a àit.

CAIB. XXXIII.

1 Rìoghachadh aingidh Mhanaseh. 10 Thug ceannardan rìgh Asiria 'am braigheanas e gu Babilon. 12 Dh'irioslaich se e féin an sin, agus thug Dia air ais e d'a rìoghachd. 14 A ghnìomharan. 20 Fhuair e bàs, agus rìghich Amon 'n a àit.

DA bhliadhna dheug a dh'aois bha Manaseh 'n uair a thòisich e air rìoghachadh, agus rìghich e cùig bliadhna deug agus dà fhichead ann an Ierusalem.

2 Ach rinn e òle ann an sùilbh an Tighearn', a réir ghràineilcachd nan cinneach, a thilg an Tighearn a mach roimh chloinn Israeil.

3 Oir thog e suas a ris na h-àitean àrda a sgrìos Heseciah 'athair, agus chuir e suas altairean do Bhaalim, agus rinn e doirceanan, agus shleuchd e do uile shlòigh nan nèamh, agus rinn e seirbhish doibh.

4 Agus thog e altairean ann an tigh an Tighearna, mu'n dubhairt an Tighearn, Ann an Ierusalem bithidh m'ainm-sa gu bràth.

5 Agus thog e altairean do uile shlòigh nan nèamh ann an dà chùirt tìghe an Tighearna.

6 Agus thug e air a chloinn dol troimh 'n teine ann an gleann mhic Hinoim; agus thug e fairear àman, agus ghnàthaich e geasachd agus druidheachd, agus chuir e air chois leannain-shith agus luchd-fiosachd: dh'oibrich e mòr aingidheachd ann

an sùilbha an Tighearna, g'a bhrosnachadh gu feig.

7 Agus chuir e dealbh shnaidhte, iodhol a rinn e, ann an tigh Dhé, mu'n dubhairt Dia ri Daibhidh, agus ri Solamh a mhac, Anns an tigh so, agus ann an Ierusalem, a thiagh mi a' uile threubhan Israeil, cuiridh mi m'ainm gu bràth.

8 Agus cha charuich mi cos Israeil n'is mò as an fhearann a dh'orduich mi do bhur n-aithrichibh; ma bheir iad a mhàin an aire gu'n dean iad gach *ni* a dh'aithe mi dhoibh, a réir an lagha uile, agus nan reachd, agus nan riaghailt le làimh Mhaois.

9 Mar sin thug Manaseh air Iudah agus luchd-àiteachaidh Ierusalem dol air seacharan, gu tuilleadh uile a dheanamh na *rinn* na cinnich, a sgrios an Tighearn roimh chloinn Israeil.

10 Agus labhair an Tighearn ri Manaseh, agus r'a shluagh; ach cha-n éisdeadh iad.

11 Uime sin thug an Tighearn orra ceannardan feachd rìgh Asiria; agus ghlac iad Manaseh ann an droighnich, agus cheangail iad e le slabhraidhibh, agus thug iad leo e gu Babilon.

12 Agus an uair a bha e ann an àmhghar dh'iarr e an Tighearn a Dhia, agus dh'ìros-laich se e féin gu mòr 'am fianuis Dhé 'aithrichean,

13 Agus rinn e urnuigh ris, agus rinn-eadh esan réidh ris, agus dh'éisd e r'a ath-chuinge, agus thug e air ais e gu h-Ierusalem d'a rioghachd. Agus dh'aithnich Manaseh gur e'n Tighearn a's Dia ann.

14 Agus 'n a dhéigh so thog e balla an taobh a muigh de bhaile Dhaibhidh, air an taobh an iar de Ghìhon anns a' ghleann, cadhon gu ruig dol a stigh geata an éisg, agus thug e mu'n cuairt air Ophel e, agus thog e suas e gu ro àrd; agus chuir e ceannardan cogaidh ann an uile bhailtibh daing-nichte Iudah.

15 Agus chuir e air falbh na diathan coimheach agus an iodhol á tigh an Tighearn', agus na h-altairean uile a thog e ann an slabh tìghe an Tighearn', agus ann an Ierusalem, agus thilg e mach as a' bhaile iad.

16 Agus chàirich e altair an Tighearn', agus dh'ìobair e oirre ìobairtean-sithe agus buidheachais, agus dh'aithe do Iudah seirbhis a dheanamh do'n Tighearn Dia Israeil.

17 Gheadh, dh'ìobair an sluagh fathast anns na h-àitibh àrda, *ach* a mhàin do'n Tighearn an Dia.

18 Agus a' chuid eile de ghnìomharaibh Mhanaseh, agus 'urnuigh r'a Dhia, agus briathran nam fear-seallaidh a labhair ris ann an ainm an Tighearna Dé Israeil, feuch, *tha* iad sgrìobhta ann an leabhar rìghrean Israeil.

19 'Urnugh mar an ceudna, agus mar a

dh'éisdeadh ris, agus a pheacadu uile, agus 'eusaontas, agus na h-àitean anns an do thog e ionadan àrda, agus an do chuir e suas doireachan agus dealbhan snaidhte, mu'n d'ìros-laicheadh e, feuch, *tha* iad sgrìobhta am measg bhriathar nam fear-seallaidh.

20 Agus choidil Manaseh maille r'a aithrichibh, agus dh'adhlac iad e 'n a thigh féin: agus rìghich a mhac Amon 'n a àit.

21 Da bhliadhna thar fhichead a dh'aois *bha* Amon an uair a thòisich e air rioghachadh, agus rìghich e dà bhliadhna ann an Ierusalem.

22 Agus rinn e ole ann an sùilbha an Tighearna, mar a rinn Manaseh 'athair: oir dh'ìobair Amon do na dealbhaibh snaidhte uile a rinn Manaseh 'athair, agus rinn e seirbhis doibh;

23 Agus cha d'ìros-laich se e féin 'am fianuis an Tighearna, mar dh'ìros-laich Manaseh 'athair e féin; ach mheudaich Amon eusaontas.

24 Agus rinn a sheirbhisich ceannaire 'n a aghaidh, agus mharbh iad e 'n a thigh féin.

25 Ach mharbh sluagh na tìre iadsan uile a rinn ceannaire an aghaidh rìgh Amoin, agus rinn sluagh na tìre Iosiah a mhac 'n a rìgh 'n a àit.

CAIB. XXXIV.

1 *Ghlan Iosiah Iudah agus Ierusalem o na h-àitibh àrda.* 8 *Chuir e luchd-oibre a chàradh tìghe an Tighearna.* 14 *Fhuair Hileiah leabhar an lagha, agus leugh Saphan e 'an éisdeachd an rìgh.* 23 *Roimh-innis Huldah sgrìos Ierusalem.*

OCHD bliadhna dh'aois *bha* Iosiah 'n uair a thòisich e air rioghachadh, agus rìghich e ann an Ierusalem aon bhliadhna deug thar fhichead.

2 Agus rinn e an *ni* a *bha* ceart ann an sùilbha an Tighearn', agus dh'imich e ann an slighibh Dhaibhidh 'athar, agus cha do chlaon e dh'ionnsuidh na làimhe deise no na làimhe clìthe.

3 Oir anns an ochdamh bliadhna d'a rioghachadh, 'n uair a bha e fathast òg, thòisich e air Dia Dhaibhidh 'athar iarraidh, agus anns an dara bliadhna deug thòisich e air Iudah agus Ierusalem a ghlanadh o na h-àitibh àrda, agus na doireachan, agus na dealbhan snaidhte, agus na dealbhan leaghta.

4 Agus bhris iad sìos altairean Bhaalim 'n a fianuis, agus na dealbhan grianaich a *bha* gu h-àrd os an ceann ghearr e sìos, agus na doireachan; agus na dealbhan snaidhte, agus na dealbhan leaghta bhris e 'n am mìribh, agus phronn e gu luathre, agus chrath e i air uaighean na muinntir a dh'ìobair dhoibh.

5 Agus loisg e cnàmhan nan sagart air an

altairibh, agus ghlan e Iudah agus Ierusalem.

6 Mar an ceudna ann am bailtibh Mhanaseh, agus Ephraim, agus Shimeoin, eadhon gu ruig Naphtali, 'n an àitibh fàsaichte mu'n cuairt.

7 Agus an uair a bhris e sìos na h-altair-ean agus na doireachan, agus a phronn e na dealbhan snaidhte gu luathre, agus a ghearr e sìos na dealbhan grianach uile air feadh tìre Isracil uile, phill e gu h-Ierusalem.

8 Agus anns an oehdamh bliadna deug d'a rioghachadh, 'n uair a ghlan e an tìr, agus an tigh, chuir e Saphan mac Asaliah, agus Maaseiah uachdaran a' bhaile, agus Ioah mac Ioahais an scanachaidh, a chàradh tighe an Tighearn' a Dhé.

9 Agus thàinig iad gu Hileiah an t-àrd shagart, agus thugadh *dhoibh* an t-airgid a thugadh steach do thigh Dhé, a chruinnich na Lebhithich a ghléidh na dorsan o làimh Mhanaseh agus Ephraim, agus o uile fhuigheall Isracil, agus o Iudah uile, agus o Bheniamin, agus o luchd-àiteachaidh Ierusalem.

10 Agus thug iad *e* do làimh luchd-deanamh na h-oibre, a chuircadh os ceann tighe an Tighearn', agus thug iadsan e do'n luchd-oibre a dh'oibrich ann an tigh an Tighearn', a chàradh agus a leasachadh an tighe:

11 Thug iad *e* cadhon do na saoraibh agus do'n luchd-togail, a cheannach chlach snaidhte, agus fiodha chum nan ceangal, agus gu urlar a ehur 's na tighibh a mhill rìghrean Iudah.

12 Agus rinn na daoine an obair gu firinneach: agus *b'iad* an luchd amhaire thairis orra Iahat agus Obadiah, na Lebhithich, de mhacaibh Mherari; agus Sechariah agus Mesulam, de mhacaibh nan Cohatach, a chur na *h-oibre* air a h-aghaidh; mar an ceudna de na Lebhithich gach neach a bha eòlach air innealaibh-ciùil.

13 *Bha iad* cuideachd os ceann luchd-ionmhair nan eallach, agus 'n an luchd amhaire thairis orra-san uile a rinn obair ann an gnè seirbhis air bith: agus de na Lebhithich *bha* sgrìobhaichean, agus riaghladairean, agus dorsairean.

14 Agus an uair a bha iad a' toirt a mach an airgid a thugadh a steach do thigh an Tighearna, fhuair Hileiah an sagart leabhar lagha an Tighearn' an làimh-*sgrìobhaidh* Mhaois.

15 Agus fhreagair Hileiah, agus thubhairt e ri Saphan an sgrìobhaiche, Fhuair mi leabhar an lagha ann an tigh an Tighearna. Agus thug Hileiah an leabhar do Shaphan.

16 Agus thug Saphan an leabhar a dh'ionnsuidh an rìgh, agus dh'aithris e 'n gnothuch do'n rìgh, ag ràdh, Gach *ni* a dh'aitheandh do d' sheirbhisich, *tha* iad a' deanamh.

17 Chruinnich iad an t-airgid a fhuair ann an tigh an Tighearn', agus thug iad e do làimh an luchd-amhaire-thairis, agus do làimh luchd-deanamh na h-oibre.

18 Agus dh'innis Saphan an sgrìobhaiche do'n rìgh, ag ràdh, Thug Hileiah an sagart leabhar dhomh. Agus leugh Saphan e an làthair an rìgh.

19 Agus an uair a chual' an rìgh briathran an lagha, reub e 'eudach.

20 Agus dh'aithean an rìgh do Hileiah, agus do Ahicam mac Shaphain, agus do Abdon mac Mhichah, agus do Shaphan an sgrìobhaiche, agus do Asaiah seirbhiseach an rìgh, ag ràdh,

21 Rachaibh, fiosraichibh de'n Tighearn air mo shon-sa, agus air an son-san a dh'fhàgadh ann an Israel agus ann an Iudah, thaobh bhriathran an leabhair a fhuairadh: oir *is mòr* fearg an Tighearn', a tha air a taomadh a mach oirnn, a chionn nach do choimhid ar u-aithrichean focal an Tighearn', a dhanamh a réir gach *ni* a *tha* sgrìobhta anns an leabhar so.

22 Agus chaidh Hileiah agus *iadsan* a dh'orduich an rìgh gu Huldah a' bhan-fhàidh, bean Shalum, mhic Thiebhabh, mhic Hasrah fhir-ghleidhidh an eudaich; (a nis bha i 'chòmhluaidh ann an Ierusalem ann an oil-thigh;) agus labhair iad rithe mar sin.

23 Agus fhreagair i iad, Mar so tha'n Tighearn Dia Isracil ag ràdh, Innsibh do'n duine a chuir sibh a m'ionnsuidh-sa,

24 Mar so tha'n Tighearn ag ràdh, Feuch, bheir mise olc air an àite so, agus air a luchd-àiteachaidh, *eadhon* gach mallachadh a *tha* sgrìobhta anns an leabhar a leugh iad 'am fianuis rìgh Iudah;

25 A chionn gu'n do thréig iad mise, agus gu'n do loisg iad tùs do dhiaithaibh eile chum mo bhrosnachadh gu corruich le uile oibrich an làmh; uime sin taomar m'fhearg a mach air an àite so, agus cha mhùchar i.

26 Ach a thaobh rìgh Iudah, a chuir sibh a dh'fhiosrachadh de'n Tighearn, mar so their sibh ris, Mar so tha'n Tighearn Dia Isracil ag ràdh, *A thaobh* nam briathran a chual' thu,

27 A chionn gu'n do thiomaidh do ehiridhe, agus gu'n d'irioslaich thu thu féin an làthair Dhé, 'n uair a chual' thu a bhriathran an aghaidh an àite so, agus an aghaidh a luchd-àiteachaidh, agus gu'n d'irioslaich thu thu féin a'm' làthair-sa, agus gu'n do reub thu d'eudach, agus gu'n do ghluil thu a'm' làthair, chuala mise mar an ceudna *thusa*, ars' an Tighearn.

28 Feuch, cruinnichidh mi thu chum d'aithrichean, agus cruinnichear thu do d'uaigh 'an sìth, agus cha-n fhaic do shùilean an t-olc sin uile a bheir mise air an àite so, agus air a luchd-àiteachaidh. Agus thug iad fios a ris a dh'ionnsuidh an rìgh.

29 Agus chuir an rìgh *teachdairean* uaith,

agus chruinnich e 'a chéile uile sheanairean Iudah agus Ierusalem.

30 Agus chaidh an rìgh suas do thigh an Tighearn', agus fir Iudah uile, agus luchd-àiteachaidh Ierusalem, agus na sagartan agus na Lebhithich, agus an sluagh uile eadar bheag agus mhòr; agus leugh e 'n an éisdeachd uile bhriathran leabhair a' choimheangail, a' fhuaradh ann an tigh an Tighearna.

31 Agus sheas an rìgh 'n a àite féin, agus rinn e coimheangail am fianuis an Tighearna, gu'n ghnaisheadh e 'n déigh an Tighearn', agus gu'n gleidheadh e 'aitheantan, agus a theisteis, agus a reachdan, le 'uile chridhe agus le 'uile anam, a choimhlionadh bhriathar a' choimheangail, a tha sgrìobhta anns an leabhar so.

32 Agus thug e orra-san uile a fhuaradh ann an Ierusalem agus Benjamin, seasamh: agus rinn luchd-àiteachaidh Ierusalem a réir coimheangail Dhé, Dhé an aithrichean.

33 Agus chuir Iosiah air falbh na gràin-eileachdan uile as na tìrìbh uile a *bhuineadh* do chloinn Israeil, agus thug e orra-san uile a fhuaradh ann an Israel seirbhis a dheanamh do'n Tighearn an Dia. Ré a làithean uile cha do chlaon iad o leantuinn an Tighearna, Dhé an aithrichean.

CAIB. XXXV.

1 *Chum Iosiah càisg do'n Tighearn ann an Ierusalem.* 20 *Chaidh e a chogadh ri rìgh na h-Eipht, agus mharbhadh e aig Megido.* 25 *Rinn Ieremiah tuireadh air a shon.* 26 *A ghnìomharan.*

AGUS chum Iosiah ann an Ierusalem a' chàisg do'n Tighearn: agus mharbh iad a' chàisg air a' cheathramh là deug do'n cheud mhìos.

2 Agus shuidhich e na sagartan 'n an dreuchd, agus thug e misneach dhoibh chum seirbhis tighe an Tighearna.

3 Agus thubhairt e ris na Lebhithich a theagaisg Israel uile, a *bha* naomha do'n Tighearn, Cuiribh an àire naomh anns an tigh a thog Solamh, mac Dhaibhidh, rìgh Israeil; cha *bhì i* 'n a h-eallaich air bhur gaullibh: deanaibh seirbhis a nis do'n Tighearn bhur Dia, agus d'a shluagh Israel;

4 Agus deasaichibh sibh féin a réir tighe bhur n-aithrichean, a réir bhur roinnean, mar a sgrìobh Daibhidh rìgh Israeil, agus mar a sgrìobh Solamh a mhac;

5 Agus seasaidh anns an *ionad* naomh a réir roinnean theaghlach aithrichean bhur bràithrean de'n t-sluagh, agus a réir roinne theaghlach aithrichean nan Lebhithich;

6 Agus marbhaibh a' chàisg, agus naomhaicibh sibh féin, agus deasaichibh bhur bràithrean, chum gu'n dean iad a réir focal an Tighearna le làimh Mhaois.

7 Agus thug Iosiah do'n t-sluagh caoraich, uain agus munn, iad uile air son iobairtean càisge dhoibhsan uile a bha làthair, gu ruig

deich mìle fichead an àireamh, agus trì mìle bò: iad sin de mhaoin an rìgh.

8 Agus thug na h-uachdarain aige gu toil each do'n t-sluagh, do na sagartaibh, agus do na Lebhithich. Thug Hilciah, agus Sechariah, agus Iehiel, uachdarain tighe Dhé, do na sagartaibh, air son iobairtean na càisge, dà mhìle agus sè ceud [caora,] agus trì cheud bò.

9 Agus thug Conaniah, agus Semaiah, agus Nctaneel agus a bhràithrean, agus Hasabiah, agus Iehiel, agus Iosabad, nachdarain nan Lebhithich, do na Lebhithich air son iobairtean na càisge, cùig mìle [caora,] agus cùig ceud bò.

10 Agus dh'ulluicheadh an t-seirbhis, agus sheas na sagartan 'n an àit, agus na Lebhithich 'n an roinnibh, a réir àithne an rìgh.

11 Agus mharbh iad a' chàisg, agus chrath na sagartan [an fhuil] le'n làimh, agus dh'fhionn na Lebhithich.

12 Agus thug iad air falbh na h-iobairtean-loisgte, chum gu'n tugadh iad seachad a réir roinnean theaghlach an t-sluaigh, a dh'ìobradh do'n Tighearn, mar *tha e* sgrìobhta ann an leabhar Mhaois: agus mar sin *rinn iad* ris a' bhuar.

13 Agus ròist iad a' chàisg le teine, a réir na riaghailt; ach blruich iad na *tabhartais* naomha ann am poitibh, agus ann an coir-eachaibh, agus ann an aighnibh, agus roinn siad iad gu grad am measg an t-sluaigh uile.

14 Agus 'n a dhéigh sin dheasaich iad dhoibh féin agus do na sagartaibh. A chionn gu'n *robh* na sagartan, mic Aarois, ag ìobradh iobairtean-loisgte agus na saighean h-oidheche, uime sin dheasaich na Lebhithich dhoibh féin agus do na sagartaibh, mic Aarois.

15 Agus *bha'n* luchd-seinn, mic Asaiph, 'n an àite féin, a réir àithne Dhaibhidh, agus Asaiph, agus Hemain, agus Iedutuin fear-seallaidh an rìgh, agus na dorsairean aig gach geata: cha-n fheumadh iad an seirbhis fhàgail, oir dheasaich am bràithrean na Lebhithich air an son.

16 Agus dheasaicheadh uile sheirbhis an Tighearn' air an là sin féin, chum a' chàisg a chumail, agus iobairtean-loisgte ìobradh air altair an Tighearn', a réir àithne an rìgh Iosiah.

17 Agus chum clann Israeil, a bha làthair, a' chàisg 's an àm sin, agus fèill an arain neoghoirtichte, seachd làithean.

18 Agus cha do chumadh a leithid sin de chàisg ann an Israel o làithibh Shamcail an fhàidh; ni mò a chum uile rìghrean Israeil a leithid de chàisg as a chum Iosiah, agus na sagartan, agus na Lebhithich, agus Iudah agus Israel uile a bha làthair, agus luchd-àiteachaidh Ierusalem.

19 Anns an ochdamh bliadhna deug do rìoghachadh Iosiah chumadh a' chàisg so.

20 'N a dhéigh so uile 'n uair a dheasaich Iosiah an teampull, thàinig Necho rìgh na h-Eiphit a nìos a chogadh an aghaidh Charchemis, làimh ri Euphrates: agus chaidh Iosiah a mach 'n a aghaidh.

21 Ach chuir esan teachdairean d'a ionnsuidh, ag ràdh, Ciod e mo ghmothuch-sa riutsa, a rìgh Iudah? Cha-n ann a'd' aghaidh-sa *tha* mise 'teachd an diugh, ach an aghaidh tighe ris an bheil mi a' cogadh; agus dh'àithn Dia dhomh mi 'dheanamh cabhaig: leig dhìot a *bhi* ri Dia, a *tha* maille riunsa, chum nach sgrios e thu.

22 Gidheadh cha do thionndaidh Iosiah 'aighaidh uaith, ach dh'fhàs e ni bu déine gu cogadh 'n a aghaidh, agus cha d'éisid e ri briathraibh Necho o bheul Dhé, agus chaidh e steach a chur catha ann an gleann Mhegido.

23 Agus thilg na fir-bhogha air rìgh Iosiah; agus thubhairt an rìgh r'a sheirbhisich, Beiribh leibh mi, oir *tha* mi air mo lotadh gu mòr.

24 Agus thug a sheirbhisich e as a' charbad sin, agus chuir iad e anns an dara carbad a *bha* aige; agus thug iad e gu h-Ierusalem, agus fhuair e bàs, agus dh'adhlacadh e ann an àit-adhlac 'aithrichean: agus rinn Iudah agus Ierusalem uile caoidh air son Iosiah.

25 Agus rinn Jeremiah tuireadh air son Iosiah; agus labhair na fir-sheinn agus na mnathan-seinn uile mu thimchioll Iosiah 'n an tuircannaibh gu ruig an là 'n diugh, agus rinn siad iad 'n an reachd ann an Israel. Agus, feuch, *tha* iad sgrìobhta ann an *leabhar* nan tuireadh.

26 Agus a' chuid eile de ghnìomharaibh Iosiah, agus a mhaithcas, mar *tha* e sgrìobhta ann an lagh an Tighearna,

27 Eadhon a ghnìomharan an toiseach agus mu dheireadh, feuch, *tha* iad sgrìobhta ann an leabhar rìghrean Israeil agus Iudah.

CAIB. XXXVI.

1 *Chuir rìgh na h-Eiphit Iehoahas o rìoghachadh ann an Ierusalem. 4 Rinneadh Iehoacim 'n a rìgh 'n a àit. 6 Cheangail Nebuchadnesar Iehoacim chum a thoirt do Bhabilon.*

14 *Sgrios na Caldéanaich Ierusalem. 22 Gairm Chiruis.*

AGUS ghabh sluagh na tìre Iehoahas mac Iosiah, agus rinn iad 'n a rìgh o 'an àit 'athar ann an Ierusalem.

2 Tri bliadhna fhichead a dh'aois *bha* Iehoahas an uair a thòisich e air rìoghachadh, agus rìghic e trì mìosan ann an Ierusalem.

3 Agus chuir rìgh na h-Eiphit e [o rìoghachadh] ann an Ierusalem, agus chuir e ceud tàlann airgid, agus tàlann òir, mar chis air an tìr.

4 Agus rinn rìgh na h-Eiphit Eliacim a bhràthair 'n a rìgh air Iudah agus Ierusalem, agus thionndaidh e 'aimm gu Icho-

iacim. Agus ghabh Necho Iehoahas a bhràthair, agus thug e do'n Eiphit e.

5 Cùig bliadhna fhichead a dh'aois *bha* Iehoacim an uair a thòisich e air rìoghachadh, agus rìghic e aon bhliadhna deug ann an Ierusalem: agus rinn e olc ann an sùilbh an Tighearna' a Dhé.

6 'N a aghaidh-san thàinig Nebuchadnesar rìgh Bhabilon a nìos, agus cheangail e ann an geimhlìbh umha e, chum a thoirt do Bhabilon.

7 Thug Nebuchadnesar mar an ceudna leis *cuid* de shoithichibh tighe an Tighearna do Bhabilon, agus chuir e iad 'n a theampull ann an Babilon.

8 Agus a' chuid eile de ghnìomharaibh Iehoacim, agus a ghràineileachdan a rinn e, agus na fhuaradh aum, feuch, *tha* iad sgrìobhta ann an leabhar rìghrean Israeil agus Iudah. Agus rìghic Iehoacim a mhac 'n a àit.

9 Ochd bliadhna deug a dh'aois *bha* Iehoacim an uair a thòisich e air rìoghachadh, agus rìghic e trì mìosan agus deich làithean ann an Ierusalem; agus rinn e olc ann an sùilbh an Tighearna.

10 Agus aig ceann na bliadhna chuir rìgh Nebuchadnesar *daoine* uaith, agus thug e do Bhabilon e, maille ri soithichibh taitneach tighe an Tighearna; agus rinn e Sedeciah a bhràthair 'n a rìgh air Iudah agus Ierusalem.

11 Bliadhna thar fhichead a dh'aois *bha* Sedeciah 'n uair a thòisich e air rìoghachadh, agus rìghic e aon bhliadhna deug ann an Ierusalem.

12 Agus rinn e olc ann an sùilbh an Tighearna' a Dhé; agus cha d'iriosalach se e fèin 'am fianuis Jeremiah an fhàidh, a *labhair* o bheul an Tighearna.

13 Agus mar an ceudna rinn e ccannairc an aghaidh rìgh Nebuchadnesar, a thug air mionnachadh air Dia: ach rinn e a mhuineal rag, agus chruidhich e a chridhe o thionndadh a dh'ionnsuidh an Tighearna Dhé Israeil.

14 Mar an ceudna pheacach iadsan uile a b'airde de na sagartaibh agus de'n t-sluagh gu ro mhòr, a rèir uile ghràineileachd nan cinneach, agus thruaill iad tigh an Tighearna, a naomhaich e ann an Ierusalem.

15 Agus chuir an Tighearna Dia an aithrichean *fios* d'an ionnsuidh le làimh a theachdairean, ag éirigh gu moch, agus a' cur uaith; a chionn gu'n robh truas aige d'a shluagh, agus d'a àite-còmhnuidh.

16 Ach rinn iadsan fanoid air teachdairibh Dhé, agus rinn iad dumeas air a bhriathraibh, agus rinn iad tarcais air fhàidhibh, agus an d'éirich fearg an Tighearna an aghaidh a shluagh air chor as nach *robh* leighcas ann.

17 Uime sin thug e orra rìgh nan Caldéanach, a mharbh an daoine óga leis a' chlàidh-

canh ann an tigh an *ionaid* naoimh, agus nach do chaomhain òig-fhear no òigh, seann duine no esan a bha air a chomradh leis an aois: thug e thairis iad uile 'n a làimh.

18 Agus uile shoithichean tighe Dhé, mòr agus beag, agus ionmhais tighe an Tighearn', agus ionmhais an rìgh agus 'uachdaranan, thug e leis uile do Bhabìlon.

19 Agus loisg iad tigh Dhé, agus bhris iad sìos balla Ierusalem, agus loisg iad a lùchairtean uile le teine, agus mhill iad a shoithichean taitneach uile.

20 Agus iadsan a chaidh as o'n chlàidheamh thug e leis do Bhabìlon, far an robh iad 'n an seirbhisich aige féin agus aig a mhacaibh, gus an do rìghich rìgh Phersia:

21 Chum gu'm bitheadh focal an Tighearna le beul Ieremiah air a choimhlionadh, gus am mealadh an tìr a sàbaidean:

ré na h-uine a bha i fas, chum i sàbaidean gus an do choimhlionadh trì fichead agus deich bliadhna.

22 A nis ann an ceud bhliadhna Chiruis rìgh Phersia, chum gu'm bitheadh focal an Tighearna le beul Ieremiah air a choimhlionadh, dhùisg an Tighearn suas spiorad Chiruis rìgh Phersia, agus thug e faineair gairm a bhì air a tabhairt air feadh a rìoghachd uile, agus a *chur* mar an ceudna ann an sgrìobhadh, ag ràdh,

23 Mar so tha Cìrus rìgh Phersia ag ràdh, Uile rìoghachdan an domhain thug an Tighearn Dia nan nèamh dhomhsa, agus dh'àithn e dhomh tigh a thogail dha ann an Ierusalem, a *tha* ann an Iudah: ge b'e neach a *tha* 'n 'ur measg d'a shluagh uile, gu robh an Tighearn a Dhia maille ris, agus rachadh e suas.

ESRA.

CAIB. I.

1 *Dh'orduich Cìrus an teampull a thogail.* 7 *Dh'àisig e soithichean tighe an Tighearna do Shesbadsar uachdaran Iudah.* 9 *Aireamh nan soithichean.*

ANIS ann an ceud bhliadhna Chiruis rìgh Phersia, chum gu'm bitheadh focal an Tighearna le beul Ieremiah air a choimhlionadh, dhùisg an Tighearn suas spiorad Chiruis rìgh Phersia, agus thug e faineair gairm a bhì air a tabhairt air feadh a rìoghachd uile, agus a *chur* mar an ceudna ann an sgrìobhadh, ag ràdh,

2 Mar so tha Cìrus rìgh Phersia ag ràdh, Uile rìoghachdan an domhain thug an Tighearn Dia nan nèamh dhomhsa, agus dh'àithn e dhomh tigh a thogail dha ann an Ierusalem, a *tha* ann an Iudah.

3 Ge b'e neach a *tha* 'n 'ur measg-sa d'a shluagh uile, gu robh a Dhia maille ris, agus rachadh e suas gu h-Ierusalem a *tha* ann an Iudah, agus togadh e tigh an Tighearna Dhé Israeil: *is* esan an Dia, a *tha* ann an Ierusalem.

4 Agus ge b'e neach a dh'fhàgadh ann an àite sam bith far *am bheil* e air chuairt, cnidicheadh daoine 'àite leis le h-airgid, agus le h-òr, agus le maoin, agus le h-ainmhidhibh, a thuilleadh air an tabhartas saorthoise air son tighe Dhé a *tha* ann an Ierusalem.

5 An sin dh'éirich cinn aithrichean Iudah agus Bheniamin, agus na sagartan agus na Lebhitich, gach neach aig an do dhùisg Dia a spiorad gu dol suas a thogail tighe an Tighearn', a *tha* ann an Ierusalem.

6 Agus neartaich iadsan uile a *tha* mu'n cuairt doibh an làmh an le soithichibh airgid,

le h-òr, le maoin, agus le h-ainmhidhibh, agus le nithibh luachmhor, a thuilleadh air gach *ni* a thugadh seachad le saor-thoil.

7 Thug mar an ceudna an rìgh Cìrus a mach soithichean tighe an Tighearn', a thug Nebuchadnesar a mach à h-Ierusalem, agus a chuir e ann an tigh a dhiathan:

8 Eadhon iad sin thug Cìrus rìgh Phersia mach le làimh Mhitredait fhir-ghleidhidh an ionmhais, agus rinn e an àireamh do Shesbadsar uachdaran Iudah.

9 Agus *is* e so an àireamh: Deich cuachan fichead òir, mìle cuach airgid, naoi sgeanan fichead,

10 Deich thar fhichead soitheach-ionnlaid òir, ceithir cheud agus deich soitheach-ionnlaid airgid de'n dara *seòrsa*, mìle de shoithichibh eile.

11 Na soithichean òir agus airgid uile, cùig mìle agus ceithir chend: *iad sin* uile thug Sesbadsar suas maille ris na braighdibh, a thugadh suas o Bhabìlon gu h-Ierusalem.

CAIB. II.

1 *Aireamh an t-shluaigh a phill gu Ierusalem.* 36 *Aireamh nan sagart,* 40 *nan Lebhitheach,* 43 *nan Netineach,* 55 *agus mhac sheirbhis-each Sholaimh.* 68 *Na tabhartais air son togal an teampull.*

AGUS *is* iad so clann na mòr-roinne, a chaidh suas de na braighdibh, dhiubhsan a thugadh air falbh, a thug Nebuchadnesar rìgh Bhabìloin air falbh leis do Bhabìlon, agus a phill gu h-Ierusalem agus Iudah, gach fear d'a bhaile féin;

2 A thàinig maille ri Serubabel, Iesua, Nehemiah, Seraiah, Realaiah, Mordecai, Bilsan, Mispar, Bigbhai, Rehum, Baanah.

AÌREAMH DHAOGINE SLUAIGH ISRAEL.

3 Mic Pharois dà mhìle, ceud, tri fichead agus a dhà-dheug.
 4 Mic Shephathiah, tri cheud, tri fichead agus a dhà-dheug.
 5 Mic Arah, seachd ceud, tri fichead agus cùig-deug.
 6 Mic Phahat-mhoaib, de chloinn Iesua [agus] Ioaib, dà mhìle, ochd ceud agus a dhà-dheug.
 7 Mic Elain, mìle, dà cheud, leth-cheud agus a ceithir.
 8 Mic Shatu, naoi ceud, dà fhichead agus a cùig.
 9 Mic Shacai, seachd ceud, agus tri fichead.
 10 Mic Bhani, sè ceud, dà fhichead agus a dhà.
 11 Mic Bhebai, sè ceud, fichead agus a tri.
 12 Mic Asgaid, mìle, dà cheud, fichead agus a dhà.
 13 Mic Adonicaim, sè ceud, tri fichead agus a sè.
 14 Mic Bhigbhai, dà mhìle, da fhichead agus sè-deug.
 15 Mic Adin, ceithir cheud, leth-cheud agus a ceithir.
 16 Mic Ateir o Heseciah, ceithir fichead agus ochd-deug.
 17 Mic Bhesai, tri cheud, fichead agus a tri.
 18 Mic Iorah, ceud agus a dhà-dheug.
 19 Mic Hasuim, dà cheud, fichead agus a tri.
 20 Mic Ghibair, ceithir fichead agus cùig-deug.
 21 Mic Bhet-leheim, ceud, fichead agus a tri.
 22 Daoine Netophah, dà fhichead agus sè-deug.
 23 Daoine Anatoit, ceud, fichead agus a h-ochd.
 24 Mic Asmabheit, dà fhichead agus a dhà.
 25 Mic Chiriat-arim, Chephirah, agus Bheeroit, seachd ceud agus dà fhichead agus a tri.
 26 Mic Ramah agus Gheba, sè ceud, fichead agus a h-aon.
 27 Daoine Mhichmais, ceud, fichead agus a dhà.
 28 Daoine Bhet-eil agus Ai, dà cheud, fichead agus a tri.
 29 Mic Nebo, dà fhichead agus a dhà-dheug.
 30 Mic Mhagbis, ceud, leth-cheud agus a sè.
 31 Mic Elaim eile, mìle, dà cheud, leth-cheud agus a ceithir.
 32 Mic Harim, tri cheud agus fichead.
 33 Mic Loid, Hadid, agus Ono, seachd ceud, fichead agus a cùig.
 34 Mic Iericho, tri cheud, dà fhichead agus a cùig.

35 Mic Shenaah, tri mìle agus sè ceud agus deich thar fhichead.
 36 Na sagartan: Mic Iedaiah, de thigh Iesua, naoi ceud, tri fichead agus tri-deug.
 37 Mic Imeir, mìle, dà fhichead agus a dhà-dheug.
 38 Mic Phasuir, mìle, dà cheud, dà fhichead agus a seachd.
 39 Mic Harim, mìle agus seachd-deug.
 40 Na Lebhithich: Mic Iesua agus Chadmeil, de chloinn Hodabhiach, tri fichead agus ceithir-deug.
 41 An luchd-seinn: Mic Asaiph, ceud, fhichead agus a h-ochd.
 42 Mic nan dorsairean: Mic Shaluim, mic Ateir, mic Thalmoin, mic Acuib, mic Hattita, mic Shobai, iad uile ceud agus naoi-deug thar fhichead.
 43 Na Netinich: Mic Shiha, mic Hasupha, mic Thabaoit,
 44 Mic Cherois, mic Shiala, mic Phadoin.
 45 Mic Lebanah, mic Hagabah, mic Acuib,
 46 Mic Haggai, mic Shalmi, mic Hanani,
 47 Mic Ghideil, mic Ghahair, mic Reaiah,
 48 Mic Resin, mic Necoda, mic Ghadsaim,
 49 Mic Udsea, mic Phaseah, mic Bhesai,
 50 Mic Asnah, mic Mhelunim, mic Neplusim,
 51 Mic Bhacbaic, mic Hacupha, mic Harhuir,
 52 Mic Blasluit, mic Mhehida, mic Harsa,
 53 Mic Bharcois, mic Shisera, mic Thamah,
 54 Mic Nesiah, mic Hatipha.
 55 Mic sheirbhiseach Sholaimh: Mic Shotai, mic Shophereit, mic Pheruda,
 56 Mic Iaalab, mic Dharcoim, mic Ghideil,
 57 Mic Shephathiah, mic Hatil, mic Phochereit o Sheboim, mic Ami.
 58 Na Netinich uile, agus clann sheirbhiseach Sholaimh, tri cheud, ceithir fichead agus a dhà-dheug.
 59 Agus so iadsan a chaidh suas o Thelmelah, Telharsa, Cherub, Adan, agus Imcr; ach cha b'urraim iad tigh an athar a nochdadh agus an sliochd, an t'ann de Israel iad:
 60 Mic Dhelaiah, mic Thobiah, mic Necoda, sè ceud, leth-cheud agus a dhà.
 61 Agus de mhacaibh nan sagart: Mic Habaiah, mic Chois, mic Bharsillai, a ghabh bean de nigheanaibh Bharsillai a' Ghilcad-aich, agus a ghoireadh air an aimn.
 62 Dh'iarr iadsan an clàr-sgrìobhaidh 'n am measg-san a bha air an àireamh le sloinne-teirrachd, ach cha d'fhuaradh iad: uime sin ghearradh as o'n t-sagartachd iad.
 63 Agus thubhairt an Tirsata riu, nach feudadh iad itheadh de na nithibh ro naomha, gus an seasadh sagart suas le Urim agus le Tumim.
 64 An coimhthional uile cuideachd, dà fhichead agus dà mhìle, tri cheud agus tri fichead;
 65 A thuilleadh air an seirbhiseach agus an

banoglaich, d'an *robh* ann seachd mìle, tri cheud agus seachd-deug thar fhichead; agus dhiubh-san dà cheud 'n am fearaibh agus 'n am mnàibh-seinn.

66 An eich, seachd cend agus sè-deug thar fhichead: am muileidean, dà chend, dà fhichead agus a cuig:

67 An càmhlanan, ceithir cheud agus chig-deng thar fhichead: an asail, sè mìle, seachd cend agus fichead.

68 Agus *thug* cuid de chinn nan aithrichean, 'n uair a thàinig iad do thigh an Tighearn' a *tha* ann an Ierusalem, seachad d'an saor-thoil air son tighe Dhé, chum a chur suas 'n a àite féin.

69 A réir an comais thng iad, gu h-ionmhas na h-oibre, tri fichead agus aon mhìle darcon òir, agus cuig mìle punnd airgid, agus ceud cnalaidh sagairt.

70 Agus ghabh na sagartan agus na Lebhithich, agus *cuid* de'n t-slnagh, agus an luchd-seinn, agus na dorsairean, agus na Netinich, còmlinnidh 'n am bailtibh, agus Israel uile 'n am bailtibh.

CAIB. III.

1 *Thog an sluagh altair Dhé Israeil. 4 agus thug iad seachad an ìobairt-loisgte lathail. 10 'N uair a leagadh bunait an teampuill mhol na sagartan agus na Lebhithich an Tighearn.*

AGUS an uair a thàinig an seachdamh mìos, agus clann Israeil 'n am bailtibh, chruinnich an sluagh an ceann a chèile mar aon duine gu h-Ierusalem.

2 Agus sheas Iesua mac Iosadaic snas, agus a bhràithrean na sagartan, agus Sernabel mac Shealtieil, agus a bhràithrean, agus thog iad altair Dhé Israeil, a dh'ìobradh ìobairtean-loisgte oirre, mar *tha e* sgrìobhta ann an lagh Mhaois òglaich Dhé.

3 Agus shuidhich iad an altair air a bonnaibh, oir *tha* eagal orra roimh shluagh nan tìr sin; agus dh'ìobair iad ìobairtean-loisgte do'n Tighearn, ìobairtean-loisgte air ma-duinn agus air feasgar.

4 Agus chum iad féill nam pàillinn, mar *tha e* sgrìobhta, agus dh'ìobair iad an ìobairt-loisgte lathail ann an àireamh, a réir na riaghailt, a dh'ìghe féin air gach là;

5 Agus 'n a dhéigh sin an ìobairt-loisgte ghnàthaichte, araon air na gealaichibh nomha, agus air uile fhéillibh naomhaichte an Tighearn', agus o gach neach a thug seachad gu toileach tabhartas saor-thoile do'n Tighearn.

6 O'n cheud là de'n seachdamh mìos thòisich iad air ìobairtean-loisgte ìobradh do'n Tighearn, 'n uair nach do leagadh *fathast* bunait teampull an Tighearna.

7 Ach thug iad airgid do na snaidhead-airibh agus do'n luchd-ceirde; agus biadh, agus deoch, agus oladh do na Sìdonaich agus do na Tioraich, a chum gu'n tugadh iad fiodh sendair o Lebanon gu muir Iopa,

a réir a' chomais a fhuair iad o Chirus rìgh Phersia.

8 Agus anns an dara bliadhna an déigh dhoibh teachd gu tigh Dhé aig Ierusalem, anns an dara mìos, thòisich Sernabel mac Shealtieil, agus Iesna mac Iosadaic, agus fuigheall am bràithrean na sagartan agus na Lebhithich, agus iadsan uile a thàinig o'n bhraighdeanas gu h-Ierusalem; agus dh'òrdnich iad na Lebhithich, o fhichead bliadhna dh'aois agus os a cheann, a chur oibre tighe an Tighearn' air a h-aghaidh.

9 Agus sheas Iesua agus a mhic agus a bhràithrean, Cadmiel agus a mhic, agus mic Iudah mar aon *duine*, a ghreasadh an lncd-oibre ann an tigh Dhé: mic Henadaid [agus] am mic agus am bràithrean na Lebhithich.

10 Agus an uair a leag an luchd-togail bunait teampull an Tighearna, sheas na sagartan 'n an culaidhibh le trompaidibh, agus na Lebhithich, mic Asaiph, le ciombal-aibh, a mholadh an Tighearn le làimh Dhaibhidh rìgh Israeil.

11 Agus fhreagair iad a chèile ann am moladh, agus ann an tabhairt buidheachais do'n Tighearn, A chionn gu *bheil e* maith, gu *mair* a thròcair do Israeil gu bràth. Agus rinn an sluagh uile gair mhòr, an uair a mhol iad an Tighearn, a chionn gu'n do leagadh bunait tighe an Tighearna.

12 Ach *tha* mòran de na sagartaibh agus de na Lebhithich, agus de chinn nan aithrichean, seann daoine a chunnaic an cend thigh, 'n uair a leagadh bunait an tighe so fa chomhair an sùl, a' gul le guth àrd; agus *tha* mòran a' deanamh gair gu h-àrd le h-aobhneas:

13 Air chor as nach b'urrainn an sluagh fuaim gair an aobhneis aithneachadh, seach fuaim gul an t-sluaigh; oir rinn an sluagh gair mhòr, agus chualas an fhnam 'an cèin

CAIB. IV.

1 *Ann an togail an teampuill dh'aumhunnach sluagh na tìre làmhnan sluaigh Iudah. 7 Sgrìobh iad lùir gu Artacerces. 17 Freagradh Artacerces. 23 Sguir obair tighe Dhé.*

AGUS chuala naimhdean Iudah agus A Bheniamin gu'n *robh* clann a' bhraighdeanas a' togail an teampuill do'n Tighearn Dia Israeil:

2 Agus thàinig iad gu Serubabel, agus gu cinn nan aithrichean, agus thubhairt iad riu, Togaidh sinne maille ribh; oir tha sinne ag iarraidh bhur Dé-sa mar sibh féin, agus dhasan *tha* sinn ag ìobradh o làithibh Esar-hadoin rìgh Asiria, a thug a mìos an so sinn.

3 Ach thubhairt Serubabel agus Iesna agus a' chuid eile de cheannaibh aithrichean Israeil riu, Cha bhuin e dhuibhse tigh a thogail maille ruinne d'ar Dia-ne; oir togaidh sinn féin 'n ar n-aonar do'n Tigh-

earn Dia Israeil, mar a dh'àithn Cirus rìgh Phersia dhuinn.

4 Uime sin dh'annhonnaich sluagh na tìre lànhan slaigh Iudah, agus chuir iad dragh orra anns an togail;

5 Agus thuarsdalaich iad comhairlich 'n an aghaidh, a bhacadh an rùin rè uile làithean Chiruis rìgh Phersia, eadhon gus an do rìghich Darius rìgh Phersia.

6 Agus an uair a rìghich Ahasuerus, ann an toiseach a rìoghachaidh, sgrìobh iad litir-chasaid an aghaidh luchd-àiteachaidh Iudah agus Ierusalem.

7 Agus ann an làithibh Artacserseis sgrìobh Bislam, Mitridat, Tabeel, agus a' chuid eile d'an cuideachd, gu Artacserses rìgh Phersia; agus bha sgrìobhadh na litir-each ann an sgrìobhadh nan Sìrianach, agus air a mhìneachadh anns a' chànan Shìrianaich.

8 Sgrìobh Rehum an t-àrd chomhairleach, agus Simsai an sgrìobhaiche, litir an aghaidh Ierusalem gu h-Artacserses an rìgh anns na briathraibh so:

9 An sin sgrìobh Rehum an t-àrd chomhairleach, agus Simsai an sgrìobhaiche, agus a' chuid eile de'n cuideachd, na Dinathaich, na h-Apharsachaich, na Tarpelaich, na h-Apharsaich, na h-Archebbich, na Babilonaich, na Susanchaich, na Dehabhaich, na n-Elamaich,

10 Agus a' chuid eile de na cinnich a thug Asnapar mòr agus urramach a nall, agus a shuidhich e ann am bailtibh Shamaria, agus a' chuid eile air an taobh so de'n amhainn, agus ann an leithid so a dh' àm.

11 Is e so ath-sgrìobhadh na litreach a chuir iad d'a ionnsuidh: Gu h-Artacserses an rìgh, do sheirbhisich, na daoine air an taobh so de'n amhainn, agus aig a leithid so a dh' àm.

12 Bitheadh fios aig an rìgh gu bheil na h-Iudhaich a thàinig a nìos uait d'ar n-ionnsuidh air teachd gu h-Ierusalem, a' togail a' bhaile cheannairich agus uile sin, agus a' cur suas a bhallachan, agus a' ceangal r'a chèile nam bunaitean.

13 Bitheadh a nis fios aig an rìgh, ma thogar ann baile so, agus ma chuirear suas a bhallachan, nach ioc iad dlìghe, cìs, no càin, agus gu'n toir thu call air teachd-a-steach nan rìgh.

14 A nis a chionn gu bheil sinne air ar beathachadh o'n lùchairt, agus nach 'eil e iomchuidh dhuinn easurram an rìgh fhaicinn, uime sin chuir sinn litir uainn, agus thug sinn fios do'n rìgh,

15 Chum gu'n rannsaichear ann an leabhar eachdraidh d'aithrichean, agus gu'm faigh thu anns an leabhar eachdraidh, agus gu'm bi fios agad gu bheil ann baile so 'n a bhaile ceannairceach, agus diùbhalach do rìghribh agus do mhòr-roinnibh, agus gu'n robh iad a' deanamh buaireis 'n a mheadhon 's an

t-sean aimsir: air son so sgriosadh am baile so.

16 Tha sinn a' toirt fios do'n rìgh, ma thogar ann baile so, agus ma chuirear suas a bhallachan, an sin nach bi cuibhriann air bith agad air an taobh so de'n amhainn.

17 Chuir an rìgh freagradh gu Rehum an t-àrd chomhairleach, agus Simsai an sgrìobhaiche, agus a' chuid eile d'an cuideachd a bha 'chomhnuidh ann an Samaria, agus a' chuid eile an taobh thall de'n amhainn, Sìth, agus aig a leithid so a dh' àm.

18 An litir a chuir sibh a m'ionnsuidh, leughadh gu soilleir a'm lathair i.

19 Agus thugadh àithne leam, agus rannsaicheadh, agus fhuaradh a mach gu'n robh am baile so o shean ag éirigh an aghaidh rìghrean, agus gu'n d'rinneadh ceannairc agus buaireas ann.

20 Agus bha rìghrean cumhachdach ann an Ierusalem, a rìghich os an ceann-san uile air an taobh thall de'n amhainn; agus dh'ìocadh dlìghe, cìs, agus càin doibh.

21 Thugaibhse nis àithne, a thoirt air na daoine sin sgur, agus nach togar am baile sin gus an tig ordugh uamsa.

22 Thugaibh an aire ma ta nach dean sibh mearachd an so. C'ar son a dh'fhàsadh calltach ann gu cron nan rìgh?

23 An sin an uair a leughadh ath-sgrìobhadh litreach Artacserseis an rìgh ann 'an lathair Rehum, agus Shimsai an sgrìobhaiche, agus an cuideachd, chaidh iad le cabhaig suas gu h-Ierusalem a dh'ionnsuidh nan Iudhach, agus thug iad orra sgur leis an làimh làidir.

24 An sin sguir obair tighe Dhé, a tha ann an Ierusalem. Sguir i gus an dara bliadhna de rìoghachadh Dhariuis rìgh Phersia.

CAIB. V.

1 Le brosnachadh Hagai thòisich Serubabel agus Iesua air tigh Dhé a thogail. 3 Dh'fheuch Tatnai agus Setar-bosnai ri'm bacadh: 5 Thugadh a' chàis a dh'ionnsuidh Dhariuis.

A CH rinn Hagai am fàidh, agus Sechariah mac Ido an fhàidh, fàidheadaireachd do na h-Iudhaich a bha ann an Iudah agus ann an Ierusalem, fàidheadaireachd dhoibh ann an ainm an Tighearna Dé Israeil.

2 An sin dh'éirich Serubabel mac Shealtiel, agus Iesua mac Iosadaic, agus thòisich iad air tigh Dhé a thogail, a tha ann an Ierusalem; agus maille riu-san bha fàidhean Dhé a' cuideachadh leo.

3 Anns an àm sin féin thàinig d'an ionnsuidh Tatnai, an t-uachdaran air an taobh so de'n amhainn, agus Setar-bosnai, agus an cuideachd, agus mar so thubhairt iad riu, Cò 'thug ordugh dhuibhse an tigh so a thogail, agus na ballachan so a dheanamh suas?

4 An sin thubhairt iad riu air an dòigh so,

C'aim a *th'* air na daoineibh a *tha* 'togail na h-aitreabh so?

5 Aeh bha sùil an Dé air seanairibh nan Iudhach, agus cha d'thug iad orra sgur, gus an d'thàinig a' chùis a dh'ionsuidh Dhariuis; agus an sin thugadh freagradh le litir mu thimchioll so:

6 Ath-sgrìobhadh na litireach a chuir Tatnai an t-uachdaran air an taobh so de'u amhainn, agus Setar-bosnai agus a chuideachd na h-Arphasachaich, a *bha* air an taobh so de'n amhainn, a dh'ionsuidh Dhariuis an rìgh:

7 Chuir iad litir d'a ionnsuidh, anns an robh sgrìobhta mar so: Gu Darius an rìgh, gach uile shìochainnt.

8 Bitheadh fios aig au rìgh gu'n deachaidh sinn gu mòr-roiu Judea, a dh'ionsuidh tighe an Dé mhòir, a *tha* 'g a thogail le clachaibh mòra, agus *tha* fiodh air a chur auus na ballachaibh, agus *tha* n' obair so a' dol gu luath air a h-aghaidh, agus *tha* soirbheachadh leatha 'n an làmhnan.

9 An sin dh'fheòraich sinn de na sean-airibh sin, [agus] mar so thubhairt sinn riu, Cò 'thug dhuibh ordugh an tigh so a thogail, agus na ballachan so 'chur suas?

10 Agus mar an ceudna dh'fheòraich sinn an ainmean diubh, a thoirt fios duit, a chum gu'n sgrìobhauaid ainmean nan daoine a bh'air an ceau.

11 Agus mar so thug iad freagradh dhuinn, ag ràdh, *Is* sinne seirbhisich Dhé uan nèamh agus na talmhainn, agus *tha* sinn a' togail tighe a chaidh a thogail iomadh bliadhna roimhe so, a thog agus a chrìochnaich rìgh mòr a bh'air Israel.

12 Ach an uair a bhrosnaich ar naithrichean Dia nèimh gu feirg, thug e thairis iad do làimh Nebuchadnesair rìgh Bhabiloin a' Chaldéanaich, a sgrìos an tigh so, agus a thug an sluagh leis do Bhabilon.

13 Ach ann an ceud bliadhna Chiruis rìgh Bhabiloin, thug rìgh Cyrus ordugh tigh so Dhé a thogail.

14 Agus mar an ceudna soithichean òir agus airgid tighe Dhé, a thug Nebuchadnesar as an teampull a *bha* ann an Ierusalem, agus a thug e leis do theampull Bhabiloin, iad sin thug rìgh Cyrus a mach á teampull Bhabiloin, agus thugadh iad do *fhear* d'am b'ainm Sesbadsar, a riuu e 'n a uachdaran;

15 Agus thubhairt e ris, Gabh na soithichean so, innich, thoir leat iad do'n teampull a *tha* ann an Ierusalem, agus bitheadh tigh Dhé air a thogail 'n a àit.

16 An sin thàinig Sesbadsar sin, agus leag e bunait tighe Dhé a *tha* ann an Ierusalem: agus o'n àm sin gus a nis *tha* e 'g a thogail, agus cha-n'eil e *fathast* crìochnaichte.

17 A nis uime sin, ma's maith leis an rìgh, deanar rannsachadh ann an tigh ionmhais an rìgh a *tha* ann am Babilon, a dh'fheuchaim an d'thugadh an t-ordugh so le rìgh Cyrus, tigh so Dhé a thogail ann an Ierusalem, agus cuireadh an rìgh *fios* d'ar n-ionnsuidh *cìod* i a thoil a thaobh an *ni* so.

CAIB. VI.

1 *Thug Darius ordugh do Thatnai agus Shetar-bosnai iad a chuideachadh le seanairibh nan Iudhach chum tigh Dhé a thogail.* 13 *Chrìochnaich na h-Iudhaich an teampull.* 16 *Choirig iad e le gairdeachas.*

A N sin thug Darius an rìgh ordugh seachad, agus rannsaich iad ann an tigh nan leabhar, far an robh na h-ionmhais air an tasgadh ann am Babilon.

2 Agus fhuaradh aun au Achmeta, anns an luchairt a *tha* ann am mòr-roinn nam Medach, clàr, agus mar so *bha* sgrìobhta ann gu bhì air a chumail air chuimhne.

3 Ann an ceud bliadhna Chiruis an rìgh, thug Cyrus au rìgh ordugh seachad a thaobh tighe Dhé ann an Ierusalem, Bitheadh an tigh air a thogail, an t àit anns an d'ìobair iad ìobairtean, agus a bhunaitean air au suidheachadh gu làidir: 'àirde, trì fichead làmh-choille; a leud, trì fichead làmh-choille:

4 Tri sreathan de chlachaidh mòra, agus sreath de fhiodh ùr; agus ìocar au costus á tigh an rìgh.

5 Agus mar an ceudna aisgear soithichean òir agus airgid tighe Dhé, a thug Nebuchadnesar as au teampull a *tha* ann an Ierusalem, agus a thug e leis do Bhabilon, agus thugar a rìs iad do'n teampull a *tha* ann an Ierusalem, *gach aon* d'a àit féiu, agus suidhich iad ann an tigh Dhé.

6 A nis a Thatnai, uachdaran air an taobh thall de'n amhainn, a Shetar-bosnai, maille rìr cuideachd na h-Arphasachaich a *tha* air an taobh thall de'u amhainn, bithibhse fada o sin:

7 Leigibh le obair tighe so Dhé: togadh uachdaran nan Iudhach, agus seanairean nan Iudhach, tigh so Dhé 'n a àit.

8 Agus *tha* mise a' toirt ordugh a thaobh na nì sibh ri seanairibh nan Iudhach sin, chum tigh so Dhé a thogail; cadhion gu'n tugar de mhaoin an rìgh, de'n chis air an taobh thall de'n amhainn, costus air ball do na daoineibh sin, a chum nach cuirear bacadh orra.

9 Agus na *tha* dh'easbhuidh orra, araoon tairbh òga, agus reitheachan, agus uain, air son ìobairtean-loisgte Dhé nèimh, cruithneachd, salann, fion, agus oladh, a réir ordugh nan sagart a *tha* ann an Ierusalem, thugar gu cinnteach dhoibh o là gu là, gun fhàillinn;

10 A chum gu'n toir iad seachad tabhartais deadh-bholaidh do Dhia nèimh, agus

gu'n dean iad urnuigh air son beatha an rìgh agus a mhac.

11 Mar an ceudna thug mi seachad ordugh, ge b'e neach a dh'atharraicheas am focal so, gu'n spionar sìos fiodh as a thigh, agus an uair a chuirear suas e, gu'n crochar air e, agus gu'n deanar a thigh 'n a dhùnan air son so.

12 Agus an Dia a thug air 'ainm còmh-nuidh a ghabhail an sin, gu'n sgriosadh esan na rìghrean sin uile, agus an sluagh a shìneas a mach an làmh a dh'atharrachadh agus a sgrios tighe Dhé a tha ann an Ierusalem. Thug mise Darius ordugh seachad; deanar an ni gu luath.

13 An sin rinn Tatnai an t-uachdaran air an taobh so de'n amhainn, Setar-bosnai, agus an cuideachd, gun dàil a réir an fhios a chuir Darius an rìgh naith.

14 Agus thog seanairean nan Iudhach, agus shoirbhich leo a réir fàidheadaireachd Hagai an fhàidh, agus Shechariah mhic Ido; agus thug iad agus chrìochnaich iad, a réir àithne Dhé Israeil, agus a réir àithne Chiruis agus Dhariuis, agus Artacserseis rìgh Phersia.

15 Agus chrìochnaichheadh an tigh so air an treas là de'n mhìos Adar, a bha anns an t-seathamh bliadhna de rìoghachadh Dhariuis an rìgh.

16 Agus chum clann Israeil, na sagartan agus na Lebhithich, agus a' chuid eile de chloinn a' bhraighdeanais, coisreagadh tighe so Dhé le gairdeachas;

17 Agus dh'ìobair iad aig coisreagadh tighe so Dhé, ceud tarbh òg, dà cheud reithe, ceithir cheud uan; agus mar iobairt-phèacaidh air son Israeil uile, dà bhoc dheug ghaibhre, a réir àireimh threubh Israeil.

18 Agus shuidhich iad na sagartan 'n an roinnibh, agus na Lebhithich 'n an sealaibh, air son seirbhis Dhe, a tha ann an Ierusalem; mar tha e sgriobhta ann an leabhar Mhaois.

19 Agus chum clann a' bhraighdeanais a' chàisg air a' cheathramh là deug de'n cheud mhìos.

20 Oir ghlanadh na sagartan agus na Lebhithich le 'chéile: bha iad uile glan, agus mharbh iad a' chàisg do chloinn a' bhraighdeanais uile, agus d'am bràithribh na sagartaibh, agus dhoibh féin.

21 Agus dh'ìth clann Israeil a thàinig air an ais o'n bhraighdeanas, agus iadsan uile a dhealaich iad féin d'an ionnsuidh o shalchar chinneach na tìre, a dh'iarraidh an Tighearna Dhé Israeil.

22 Agus chum iad féill an arain neo-ghoirtichte seachd làithean le h-aobhneas: oir rinn an Tighearn aobhinn iad, agus thionndaidh e cridhe rìgh Asiria d'an ionnsuidh, a' neartachadh an làmhnan ann an obair tighe Dhé, Dhé Israeil.

1 Ginealach Esra o Aaron. 6 Chaidh Esra suas o Bhabilon gu h-Ierusalem. 11 Ath-sgrìobhadh na litreach a thug Artacserces dha. 27 Bheannaich Esra Dia.

AGUS an déigh nan nithean sin, ri linn Artacserseis rìgh Phersia, chaidh Esra mac Sheraiah, mhic Asariah, mhic Hilciah,

2 Mhic Shaluum, mhic Shadoic, mhic Ahituib,

3 Mhic Amariah, mhic Asariah, [mhic Iohannain, mhic Asariah, mhic Ahimaais, mhic Shadoic, mhic Ahituib, mhic Amariah,] mhic Mheraioit,

4 Mhic Sheraiah, mhic Udsi, mhic Bhuci,

5 Mhic Abisua, mhic Phinehais, mhic Eleasair, mhic Aaroin an àrd shagairt:

6 Chaidh Esra so suas o Bhabilon, agus e 'n a sgrìobhaiche deas ann an lagh Mhaois, a thug an Tighearn Dia Israeil seachad: agus thug an rìgh dha, a chionn gu'n robh làmh an Tighearn' a Dhé air, 'iartas uile.

7 Agus chaidh cuid de chloinn Israeil, agus de na sagartaibh, agus de na Lebhithich, agus de'n luchd-seinn, agus de na dorsairibh, agus de na Netinich, suas gu h-Ierusalem, anns an t-seachdamh bliadhna de Artacserces an rìgh.

8 Agus thàinig e gu h-Ierusalem anns a' chùigeamh mìos, a bha anns an t-seachdamh bliadhna de'n rìgh.

9 Oir air a' cheud là de'n cheud mhìos thòisich e air dol suas o Bhabilon, agus air a' cheud là de'n chùigeamh mìos thàinig e gu h-Ierusalem, a chionn gu'n robh làmh mhaith a Dhé air.

10 Oir dh'ulluich Esra a clridhe a dh'iarraidh lagha an Tighearn', agus g'a dheanadh, agus a theagasg ann an Israel reachd-an agus bhreitheanas.

11 Agus is e so ath-sgrìobhadh na litreach a thug rìgh Artacserces do Esra an sagart, an sgrìobhaiche, sgrìobhaiche briathar àitheantan an Tighearn', agus a reachdan do Israel:

12 Artacserces rìgh nan rìgh, gu Esra an sagart, sgrìobhaiche lagha Dhé nan nàmh, gach uile shìth, agus 'n a leithid so a dh' àm.

13 Tha mi a' toirt orduigh, iadsan uile ann an rìoghachd de shluagh Israeil, agus d'a shagartaibh, agus d'a Lebhithich, leis an àill triall do h-Ierusalem, gu'n téid iad maille riut-sa:

14 A thaobh gu'n do chuireadh thu leis an rìgh, agus le 'sheachd luchd-comhairle, a dh'fhiosrachadh mu thimchioll Iudah agus Ierusalem, a réir lagha do Dhé a tha ann ad làmh;

15 Agus a thoirt leat an airgid agus an òir, a thug an rìgh agus a luchd-comhairle d'an toil féin do Dhia Israeil, aig am bheil àite-còmhnuidh ann an Ierusalem;

16 Agus an airgid agus an òir uile a gheibh thu ann an uile mhòr-roinn Bhabilon, maille ri tabhartas saor-thoile an t-sluaigh agus nan sagart, a' toirt seachad d'an saor-thoil air son tighe an Dé, a *tha* ann an Ierusalem:

17 A chum gu'n ceannaich thu air ball leis an airgid so tairbh òga, reitheachan, uain, agus an tabhartais-bidh, agus an tabhartais-dibhe, agus gu'n iobair thu iad air altair tighe bhuir Dé a *tha* ann an Ierusalem.

18 Agus ge b'e ni a's maith leat féin agus le d' bhràithribh a dheanamh leis a' ehuid eile de'n airgid agus de'n òr, a réir toile bhuir Dé deanaibh.

19 Na soithichean mar an ceudna a *tha* air an tabhairt duit, air son seirbhis tighe do Dhé, thoir seachad 'am fianuis Dhé Ierusalem.

20 Agus ge b'e ni tuilleadh a bhios feumail air son tighe do Dhé, a chi thu aobhar air a bhuileachadh, builich e á tigh-ionmhais an rìgh.

21 Agus *tha* mise, mise féin Artaceseres an rìgh, a' toirt orduigh do uile luchd-eòimhead an ionmhais a *tha* air an taobh thall de'n amhainn, ge b'e ni a dh'iarraas Esra an sagart, sgrìobhaiche lagha Dhé nan nèamh oirbh, gu'n deanar air ball e;

22 Gu ruig ceud tàlann airgid, agus gu ruig ceud tomhas cruithneachd, agus gu ruig ceud bat fiona, agus gu ruig ceud bat glaidh, agus salann gun àireamh.

23 Gach ni a *tha* a réir àithne Dhé nan nèamh, deanar gu eùramach e do thigh Dhé nan nèamh, air eagal gu'm bi fearg an aghaidh rìghachd an rìgh agus a mhac.

24 Mar an ceudna *tha* sinn a' toirt fios duibh a thaobh nan sagart uile agus nan Lebhithich, an luchd-seinn, nan dorsair, nan Netineach, no sheirbhiseach tighe so Dhé, nach feudar dlighe, eis, no càin a ehur orra.

25 Agus suidhich thusa, Esra, a réir gliocas do Dhé, a *tha* ann ad làimh, uachdarain, agus breitheamhan, abheirbreth air an t-sluagh uile a *tha* air an taobh thall de'n amhainn, orra-san uile d'an aithne laghan do Dhé; agus teagaisgibh iadsan do nach aithne iad.

26 Agus gach neach nach dean a réir lagha do Dhé agus lagha an rìgh, deanar breitheanas air ball air, ma's ann a chum bàis, no chum fògraidh, no chum àbhlaidh, no chum prìosain.

27 Beannaichte *gu robh* an Tighearn Dia ar n-aithrieachan, a chuir mar so ann an crìche an rìgh, a dheanamh maiseach tighe an Tighearn, a *tha* ann an Ierusalem;

28 Agus a fhuair trèbair dhomhsa 'am fianuis an rìgh agus a luehd-comhairle, agus 'am fianuis uile uaehdaran eumhaehdach an rìgh: agus neartaieheadh mi a chionn gu'n

robh làmh an Tighearn mo Dhé orm; agus chruinnich mi á h-Israel daoine taghta gu dol suas maille rium.

CAIB. VIII.

1 *Aireamh an t-sluaigh a phill maille ri Esra o Bhabilon.* 15 *Chuir Esra fios gu Ido air son sheirbhiseach a fhrithchaladh do thigh Dhé.* 24 *Chuir e ionmhasan an teampuill fo làimh nan sagart.*

AGUS *is* iad so cinn an aithrichean, agus an àireamh a réir an ginealach, a ehaidh suas maille rium o Bhabilon, ri linn Artaceseres an rìgh:

2 De mhacaibh Phinehais; Gersom: de mhacaibh Itamair; Daniel: de mhacaibh Dhaibhidh; Hatus.

3 De mhacaibh Shechaniah; ****: de mhacaibh Pharois; Sechariah: agus maille risan *bha* air an àireamh a réir an ginealach de fhirionnaich ceud, agus leth-cheud.

4 De mhacaibh Phahat-mhoais; Elioenai mae Sherahiah, agus maille ris dà cheud firiomach.

5 De mhacaibh [Shatu:] Sechaniah mae Iahasiel, agus maille ris trì cheud firiomach.

6 Agus de mhacaibh Adin; Ebed mae Ionatain, agus maille ris leth-cheud firiomach.

7 Agus de mhacaibh Elaimh; Iesaiah mae Ataliah, agus maille ris trì fichead agus deich firiomach.

8 Agus de mhacaibh Shephatiah; Sebadiah mae Mhiehael, agus maille ris ceithir fichead firiomach.

9 De mhacaibh Ioaib; Obadiah mae Iehiel, agus maille ris dà cheud, agus oehd firiomach dheug.

10 Agus de mhacaibh [Bhani:] Selomit mae Iosiphiah, agus maille ris ceud, agus trì fichead firiomach.

11 Agus de mhacaibh Bhebai; Sechariah mae Bhebai, agus maille ris oehd firiomach thar fhichead.

12 Agus de mhacaibh Asgaid; Iohanan, mae Haetain, agus maille ris ceud, agus deich firiomach.

13 Agus de mhacaibh deireannach Adoniam; agus *is* iad so an ainmean, Eliphelet, Ieiel, agus Semaiah, agus maille riu trì fichead firiomach.

14 Agus de mhacaibh Bhigbhai; Utai agus Sabud, agus maille riu trì fichead agus deich firiomach.

15 Agus ehruinnich mi iad a dh'ionnsuidh na h-aimhne a *tha* teachd gu Ahabha, agus an sin dh'fhan sinn ann am bùthaibh trì làithean, agus ghabh mi beachd de'n t-sluagh, agus de na sagartan, agus eha d'fhuair mi'n sin a h-aon de mhacaibh Lebhi.

16 An sin chuir mi fios air Elieser, air Ariel, air Semaiah, agus air Elnatan, agus air Natan, agus air Sechariah, agus air Mesu-

lam, prìomh dhaoine; agus air Ioiarib, agus air Èlathan, daoine tuigseach.

17 Agus chuir mi iad le h-àithne gu Ido an ceann, aig àit Chasiphia, agus dh'innis mi dhoibh cìod a theireadh iad ri Ido, [agus] r'a bhràithribh na Netinich aig àit Chasiphia, gu'n tugadh iad d'ar n-ionnsuidh seirbhisich air son tighe ar Dé.

18 Agus le làimh mhaith ar Dé oirnn thug iad d'ar n-ionnsuidh Is-sechel, de mhacaibh Mhabli, mhic Lebhi, mhic Israeil, agus Serebiah agus a mhic agus a bhràithrean, oehd *fir* dheug;

19 Agus Hasabiah, agus maille ris Iesaiah de mhacaibh Mherari, a bhràithrean, agus am mic, fichead;

20 Agus de na Netinich a dh'orduich Daibhidh agus na h-uachdarain air son seirbhis nan Lebhitheach, dà cheud agus fichead Netineach: ghoireadh iad uile air an ainm.

21 An sin ghairm mi trasgadh 's an àite sin aig amhainn Ahabha, chum gu'n irios-laicheamaid sinn féin 'am fianuis ar Dé, a dh'iarraidh air slighe cheirt dhuinn féin, agus d'ar cloim bhlug, agus d'ar maoin uile.

22 Oir bu nàr leam buidheann shaighdear agus marc-shluagh iarraidh air an rìgh, a chuideachadh leinn an aghaidh an nàmhaid air an t-slighe; a chionn gu'n do labhair sinn ris an rìgh, ag ràdh, Tha làmh ar Dé chum maith orra-san uile a dh'iarraas e, ach a chumhachd agus 'fhearg 'n an aghaidh-san uile a thréigear e.

23 Uime sin thraig sinn, agus dh'iarr sinn ar Dia air son so, agus dh'éisd e rìr n-ath-chuinge.

24 An sin chuir mi air leth dà fhear dheug dhiubhsan a b'àirde de na sagart-aibh, Serebiah, Hasabiah, agus deichnear d'am bràithribh maille riu;

25 Agus thomhais mi dhoibh an t-airgiod, agus an t-òr, agus na soithichean, tabhartas tighe ar Dé, a thug an rìgh, agus a luchd-comhairle, agus a dhaoine mòra, agus Israel uile a bha làthair, seachad;

26 Thomhais mi eadhon d'an làimh sè ceud agus leth-cheud tàlann airgid, agus de shioithichibh airgid ceud tàlann, agus ceud tàlann òir;

27 Agus fichead cuach òir de mhìle darcon; agus dà shitheach a dh'umha buidh maith, luachmhor mar òr.

28 Agus thubhairt mi riu, *Tha* sibhse naomha do'n Tighearn, agus na soithichean naomha, agus an t-airgiod agus an t-òr 'n a thabhartas saor-thoile do'n Tighearn Dia bhuir n-aithrichean.

29 Deanaibh faire, agus coimheadaibh, gus an cothromaich sibh *iad* 'am fianuis uachdarain nan sagart, agus nan Lebhitheach, agus uachdarain aithrichean Israeil ann an Ierusalem, ann an seomraichibh tighe an Tighearna.

30 Uime sin ghabh na sagartan agus na Lebhitich cothrom an airgid agus an òir, agus nan soitheach, chum *an* tabhairt gu h-Ierusalem a dh'ionnsuidh tighe ar Dé.

31 Agus dh'imich sinn o amhainn Ahabha air an dara là deug de'n cheud mhìos, gu dol do h-Ierusalem; agus bha làmh ar Dé oirnn, agus shaor e sinn o làimh an nàmhaid, agus o'n *làimh*-san a bha 'deanamh feall-fholach air an t-slighe.

32 Agus thàinig sinn gu h-Ierusalem, agus dh'fhan sinn an sin trì làithean.

33 Agus air a' cheathramh là thomhaiseadh an t-airgiod agus an t-òr, agus na soitheichean ann an tigh ar Dé, le làimh Mheremot mhic Uriah an t-sagairt, agus maille ris *bha* Eleasar mac Phinehais, agus maille riu-san Iosabad mac Iesua, agus Noadiah mac Bhinui, Lebhitich:

34 A réir àireimh agus a réir tomhais nan uile: agus sgrìobhadh an tomhas uile 's an àm sin.

35 Thug clann na muinntir a thugadh air falbh, agus a thàinig o'n bhraigheanas, seachad iobairtean-loisgte do Dhia Israeil, dà tharbh dheug òg air son Israeil uile, ceithir fichead reithe agus sè deug, trì fichead uan agus seachd deug, dà bhoc dheug ghaibhre mar iobairt-phucaaidh: iad uile 'n an iobairt-loisgte do'n Tighearn.

36 Agus thug iad seachad orduighean an rìgh do àrd riaghlairibh an rìgh, agus do na h-uachdaran-aibh air an taobh so de'n amhainn; agus chuir iadsan an sluagh agus tigh Dhé air an aghaidh.

CAIB. IX.

1 *Rinn Esra caoidh a chionn gu'n do ghabh sluagh Israeil d'an ionnsuidh mnathan coimheach. 5 Dh'irioslaich se e féin, agus rinn e urnuigh ri Dia.*

AGUS an uair a rinneadh na nithean sin, thàinig na h-uachdarain 'a m' ionnsuidh, ag ràdh, Cha do dhealaich sluagh Israeil, agus na sagartan, agus na Lebhitich iad féin o shluagh na tìre, *a' deanamh* a réir an gràineileachd, *eadhon* nan Canaanach, nan Hiteach, nam Peridseach, nan Iebusach, nan Amonach, nam Moabach, nan Eiphiteach, agus nan Amorach.

2 Oir ghabh iad d'an nigheanaibh dhoibh féin agus d'am macaibh, agus mheas an sliochd naomh iad féin ri sluagh nan tìr: agus bha làmh nan uachdaran agus nan riaghlair air thoiseach anns a' chionta so.

3 Agus an uair a chuala mi an ni so, reub mi m'èudach, agus m'fhalluinn, agus spion mi *cuid* de ghruaig mo chinn agus m'fheusag, agus shuidh mi sìos fo uamhann.

4 An sin chruinnicheadh 'a m' ionnsuidh iadsan uile a chriothnaich roimh bhriathraibh Dhé Israeil, air son euccirt na muinntir a thugadh air falbh; agus shuidh mi fo uamhann gu ruig an iobairt-fheasgair.

5 Agus aig an iobairt-fheasgair dh'èirich mi o m' thùirse, le m'eudach agus m'fhall-uinn reubta umam, agus leag mi mi féin air mo ghlùinibh, agus sgaoil mi mach mo làmhnan a dh'ionnsuidh an Tighearna mo Dhé,

6 Agus thubhairt mi, O mo Dhia, tha nàir' orm agus rudhadh gruaidh m'aghaidh thogail riutsa, mo Dhia: oir tha ar n-euceartan air fàs lionmhòr os ar ceann, agus tha ar cionta air éirigh suas gu nèamh.

7 O làithibh ar n-aithrichean *bha* sinn ann an ciontaimhòir gurguic an là 'n diugh, agus air son ar n-euceartan thugadh thairis sinn féin, ar rìghrean, ar sagartan do làimh rìghrean nan tìr, do'n chlàidheamh, do dhaoresa, agus do chreachadh, agus do nàire gnùise, mar air an là 'n diugh.

8 Agus a nis car tamuill blig nochdadh gràs o'n Tighearn ar Dia, a dh'fhagail duinn fuighill, agus a thabhairt fàirnge dhuinn 'n a ionad naomh, chum gu'n soillsicheadh ar Dia ar sùilean, agus gu'n tugadh e dhuinn beagan beothachaidh 'n ar daoresa:

9 Oir *bha* sinne 'n ar tràillibh, gidheadh 'n ar daorsa cha do thréig ar Dia sinn, ach fhuair e trècair dhuinn ann an sùilbìh rìghrean Phersia, a thoirt duinn ath-bheothachaidh a chur suas tighe ar Dé, agus a leasachadh na mhilleadh ann, agus a thoirt duinn balla ann an Iudah agus ann an Ierusalem.

10 Agus a nis, O ar Dia, ciod a their sinn an déigh so? oir thréig sinn d'aitheantan,

11 A dh'aithean thu le d' sheirbhisich na faidhean, ag ràdh, *Tha* 'n talamh d'am bheil sibh a' dol g'a shealbhadh, 'n a thalamh neòghlan le neòghloine shluagh nan tìr, le'n gràineilcachdaibh, a lìon e o cheann gu ceann le'n salachar.

12 A nis ma ta na tugaibh blur nìgheanan d'am macaibh, agus an nìgheanan-san na gabhaibh do blur macaibh-sa, agus na h-iarraibh an sìth, no an saoihbheas gu bràth: chum gu'm bi sibh làidir, agus gu'n ith sibh maith an fhearainn, agus gu'm fag sibh e 'n a oighreachd do'n cloinn gu bràth.

13 Ach an déigh gach nì a thàinig oirnn air son ar droch oibre, agus air son ar ciontaimhòir, o nach d'rinn thusa ar Dia peanas oirnn a réir ar droch thoillteanais, agus gu'n d'thug thu dhuinn a leithid so de shaorsa;

14 Nam briseamaid a ris d'aitheantan, agus nan deanamaid cleamhnas ri sluagh nan gràineileachd sin, nach bitheadh fearg ort ruinn gus an cuireadh tu as *duinn*, air chor as nach *bitheadh* fuigheall no dol as ann?

15 A Thighearna Dhé Israeil *is* ceart thusa, oir tha fuigheall a làthair dhinn, mar air an là 'n diugh. Feuch, *tha* sinn a'd' fhiannis 'n ar peacaidhean: oir cha'n urrainn sinn seasamh a'd' fhiannais air son so.

1 *Thug Sechaniah misneach do Esra, agus chomhairlich e na mnathan coimheach a chur air falbh.* 7 *Chruinnicheadh an sluagh gu h-Ierusalem, 9 agus dh'aicich iad am peacaidhean.* 18 *Aireamh na muinntir a ghabh dhoibh féin mnathan coimheach.*

A NIS an nair a rinn Esra urnuigh, agus a dh'aicich e, a' gul, agus 'g a thilg-cadh féin sìos fa chomhair tighe Dhé, chruinnich d'a ionnsuidh á h-Israel comhchruinneachadh ro mhòr de fhearaibh, agus de mhnàibh, agus de chloinn; oir ghuit an sluagh gu mòr.

2 Agus labhair Sechaniah mac Iehieil, *aon* de mhacaibh Elaim, agus thubhairt e ri h-Esra, Pheacaich sinn an aghaidh ar Dé, agus ghabh sinn d'ar n-ionnsuidh mnathan coimheach de shluagh na tìre: ach a nis tha dòchas aig Israel a thaobh an nì so.

3 A nis uime sin deanamaid coimheachangal ri'r Dia, na mnathan uile a chur uainn, agus iadsan a rugadh leo, a réir comhairle mo thighearna, agus na muinntir a chrìoth-naicheas roimh àithne ar Dé, agus deanar a réir an lagha.

4 Eirich: oir dhuitse *buinidh* an nì so, agus *bithidh* sinne maille riut: gabh misneach, agus dean.

5 Agus dh'èirich Esra, agus thug e air na h-àrd shagartaibh, na Lebhithich, agus Israel uile mionnachadh, gu'n deanadh iad a réir an fhocail so; agus nìhionnaich iad.

6 An sin dh'èirich Esra o làthair tighe Dhé, agus chaidh e do sheòmar Iohanain, mhic Eliasib: agus an uair a thàinig c' u sin, cha d'ith e aran, agus cha d'òl e uisge; oir rinn e bròn air son cionta na muinntir a thugadh air falbh.

7 Agus thug iad gairm air feadh Indah agus Ierusalem, do uile chloinn a' bhraighdeanais, iad a chruinneachadh an ceann a chèile gu h-Ierusalem;

8 Agus ge b'e neach nach tìgeadh 'an ceann thri làithean, a réir comhairle nan uachdaran agus nan seanair gu'n tugadh uaithe a mhaoin uile, agus gu'm bitheadh e féin air a dhealachadh o chomhchruinneachadh na muinntir' a thugadh air falbh.

9 Agus chruinnicheadh fir Iudah agus Bhenamin uile gu h-Ierusalem 'an ceann thri làithean: *bha e anns* an naothamh mìos, air an fhicheadamh là de'n mhìos: agus shuidh an sluagh uile ann an sràid tighe Dhé, air chrith air son an nì so, agus air son an uisge mhòir.

10 Agus dh'èirich Esra an sagart, agus thubhairt e ri, Pheacaich sibh, agus ghabh sibh dhuibh féin mnathan coimheach a mheudachadh peacaidh Israeil.

11 A nis ma ta deanaibh aidmheil do'n Tighearn Dia bhur n-aithrichean, agus coimhionnaibh a thoil; agus dealaichibh sibh féin o shluagh na tìre, agus o na mnàibh coimheach

12 Agus fhreagair an coimhthional uile, agus thubhairt iad le guth àrd, Mar sin, a réir d'fhocail, *tha e ceangailte oirne a dheanamh.*

13 Ach *tha'n* sluagh lìonmhor, agus *is* àm mòr uisge e, agus cha-n urrainn sinn seasamh a muigh, agus cha-n obair aoin là, no dà là so; oir tha sinu lìonmhor a pheacaich anns an nì so.

14 Seasadh a nis ar u-uachdarain de'n choimhthional uile, agus aig àmaibh suidhichte thigeadh iadsan uile 'n ar bailtibh a ghabh dhoibh féin mnathan coimheach, agus nuaile riu seanairean gach baile, agus a bhreithcamhnan, gus an tionndaidhear fearg laiste ar Dé uainn a thaobh an nì so.

15 Sheas a mhàin Ionatan mac Asaheil, agus Iahasiah mac Thiebhah, air son so: agus chuidich Mesulam agus Sabetai an Lebhitheach leo.

16 Agus riun clann a' bhraighdeanais mar sin: agus dhealaicheadh Esra an sagart, agus cinn àraich nan aithrichean a réir tighe an aithrichean, agus iad uile a réir an àmnean, agus shuidh iad sìos air a' cheud là de'n deicheamh mìos a rannsachadh na cùise.

17 Agus chrìoelmaich iad a thaobh nan daoine uile a ghabh dhoibh féin mnathan coimheach, air a' cheud là de'n cheud mìos.

18 Agus am measg mhac nan sagart fhuaradh a ghabh dhoibh féin mnathan coimheach: De mhacaibh Iesua, mhic Iosadaic, agus a bhràithrean; Maaseiah, agus Elieser, agus Iarib, agus Gedaliah.

19 Agus thug iad an làmban gu'n cuireadh iad uatha am mnathan: agus air dhoibh bhi ciontach, *thug iad* reithe de'n treud air son an cionta.

20 Agus de mhacaibh Imeir; Hanani, agus Sebadiah.

21 Agus de mhacaibh Harim; Maaseiah, agus Eliah, agus Semaiah, agus Iehiel, agus Udsiah.

22 Agus de mhacaibh Phasuir; Elioenai, Maaseiah, Ismael, Netaneel, Iosabad, agus Elasah.

23 Agus de na Lebhithich; Iosabad, agus Simei, agus Celaiah, (*is e sin Celita*.) Pethahiah, Iudah agus Elieser.

24 Agus de'n luchd-seinn; Eliasib: agus de na dorsairibh; Salum, agus Telem, agus Uri.

25 Agus de Israel: Demhacaibh Pharois; Ramaiah, agus Iesiah, agus Malchiah, agus Miamin, agus Eliaser, agus Malchiah, agus Benaiah.

26 Agus de mhacaibh Elaim; Mataniah, Sechariah, agus Iehiel, agus Abdi, agus Ierimot, agus Eliah.

27 Agus de mhacaibh Shatu; Elioenai, Eliasib, Mataniah, agus Ieremot, agus Saba'd, agus Asisa.

28 Agus de mhacaibh Bhebai; Ichohanah, Hananiah, Sebai, agus Atlai.

29 Agus de mhacaibh Bhani; Mesulam, Maluch, agus Adaiah, Iasub, agus Seal, agus Ramot.

30 Agus de mhacaibh Phahat-mhoahib; Adna, agus Chelal, Benaiah, Maaseiah, Mataniah, Besaleel, agus Binui, agus Manaseh.

31 Agus de mhacaibh Harim; Elieser, Isiah, Malchiah, Semaiah, Simeon,

32 Beniamin, Maluch, agus Semariah.

33 De mhacaibh Hasuim; Matenai, Mata-tah, Saba'd, Eliphelet, Ieremai, Manaseh, agus Simei.

34 De mhacaibh Bhani; Maadai, Anuram, agus Ucl,

35 Benaiah, Bedaiah, Cheluh,

36 Bhaniah, Meremot, Eliasib,

37 Mataniah, Matenai, agus Iasau,

38 Agus Bani, agus Binui, Simei,

39 Agus Selemiah, agus Natan, agus Adaiah,

40 Machnadebai, Sasai, Sarai,

41 Asareel, agus Selemiah, Semariah,

42 Salum, Amariah, agus Ioseph,

43 De mhacaibh Nebo; Ieiel, Matitiah, Saba'd, Sebina, Iadau, agus Ioel, Benaiah.

44 Ghabh iad sin uile dhoibh féin mnathan coimheach: agus aig *cuid* diubh bhamnathan ris an robh clann aca.

N E H E M I A H.

CAIB. I.

1 'N uair a chualo Nehemiah iomradh air doilgheas nan Iudhach a dh'fhàgadh de'n bhraghdeanas thraisg e, agus rinn e bròn 'am januis Dhé. 5 Urnuigh Nehemiah.

BRIATHRAN Nehemiah mhic Hachaliah. Agus tharladh anns a' mhìos Chisleu, anns an fhicheadamh bliadhna, 'n uair a bha mi ann an Susan an lùchairt,

2 Gu'n d'fhàinig Hanani, aon de m' bhràith-

ribh, e féin agus daoine de Iudah; agus dh'fhedraich mi dhiubh a thaobh nan Iudhach a chaidh as, a dh'fhàgadh de'n bhraghdeanas, agus mu thimchioll Ierusalem.

3 Agus thubhairt iad rium, *Tha 'n* fuigh-eall a dh'fhàgadh de'n bhraghdeanas an sin anns a' mhòr-roinn, ann an àmhghar mòr agus ann am mì-chliu; agus bhriseadh balla Ierusalem sìos, agus loisgeadh a geatachan le teine.

4 Agus an uair a chuala mi na briathraun so, shuidh mi sìos, agus ghuil mi, agus rinn mi bròn làithean *àraidh*, agus thraisg mi, agus rinn mi urnuigh 'am fianuis Dhé uan neanuh,

5 Agus thubhairt mi, Guidheam ort, a Thighearna, Dhé nan uèamh; an Dia mòr agus uamhasach, a ghlèidheas coimh-cheangal agus tròcair dhoibhsau a ghràdh-aicheas e, agus a choimheadas àitheantan;

6 Bitheadh do chluas a nis furachair, agus do shùilean fosgailte, chum gu'n eisd thu r' urnuigh d'òglach, a *tha* mi a' deanamh a'd' fhianuis a nis, a là agus a dh'oidheche, air son chloinn Israeil d'òglach: agus *tha mi* 'g aideachadh phèacaidhean chloinn Israeil, a pheacaich sinn a'd' aghaidh: pheacaich araon mise agus tigh m'athar.

7 Rinn sinn gu ro thràilidh a'd' thaobhsa, agus cha do glèidh sinn na h-àitheantan, uo ua reachdan, uo ua breitheanaid a dh'àithn thu do d'òglach Maois.

8 Cuimhnich, guidheam ort, am focal a dh'àithn thu do d'òglach Maois, ag ràdh, *Ma* pheacaicheas sibh, sgapaidh mise sibh an measg nan cinneach.

9 Ach *na* philleas sibh a m'ionnsuidh, agus gu'n coimhid sibh w'aitheantan, agus gu'n dean sibh iad, ged robh iad dhibh air an tilgeadh a mach do'n chuid a's ionall-aiche de nèamh, cruinnichidh mi as a sin iad, agus bheir mi iad do'n àit a thagh mi, a chur m'ainne 'an sin.

10 A nis *is* iad so do sheirbhisich agus do shluagh, a shaor thu le d' mhòr chumhachd, agus le d' làimh thréin.

11 A Thighearna, guidheam ort, bitheadh do chluas a nis furachair ri urnuigh do sheirbhisich, agus ri urnuigh d'òglach, le'm miannagal d'ainne 'bhi orra: agus soirbhich, guidheam ort, le d' sheirbhisich an diugh, agus thoir dha tròcair ann an sealladh an duine so. A nis bha mise a'm' ghille-cupain aig an rìgh.

CAIB. II.

1 *Thug Artacereses comas do Nehemiah dol a thogail balla Ierusalem.* 9 *Thàinig e gu Ierusalem, agus dh'fheuch e litrichean an rìgh do na h-uachdaran aibh.* 17 *Bhrosnaich e an sluagh gus am balla a thogail.*

AGUS tharladh ann am mìos Nisain, a' auas an fhicheadamh bliadhna de Artacereses an rìgh, *gu'n robh* fion fa chomhair; agus ghabh mi am fion, agus thug mi e do'n rìgh. Agus cha robh mise *roimhe sin* dubhach 'n a fhianuis.

2 Uime sin thubhairt an rìgh rium, C'ar son a tha do ghnùis dubhach, agus gum thu bli tinn? cha mi *eile* so ach cràdh cridhe. Agus bha eagal mòr orm;

3 Agus thubhairt mi ris an rìgh, Gu mair-eadh an rìgh gu bràth: c'ar son nach bith-eadh mo ghnùis dubhach, an uair a tha 'm baile, àit-adhlacaidh m'athrichean, air

'fhàsachadh, agus a gheatachan air an caitheadh le teine?

4 Agus thubhairt an rìgh rium, Ciod e so a *tha* thu ag iarraidh? Agus rinn mi urnuigh ri Dia nan nèamh:

5 Agus thubhairt mi ris an rìgh, Ma's maith leis an rìgh, agus ma gheibh do sheirbhisich deadh-ghean a'd' fhianuis, gu'n cuireadh tu mi dh'ionnsuidh Iudah, gu baile àit-adhlacaidh m'athrichean, agus gu'n tog mi e.

6 Agus thubhairt an rìgh rium, agus a' bhaurighinn 'n a suidhe làimh ris, Cia fad an ùine 'bhios tu air do thurus; agus c'uir a philleas tu? Agus bu toil leis an rìgh mo chur air falbh, agus shuidhich mi àm ris.

7 Agus thubhairt mi ris an rìgh, Ma's toil leis an rìgh, thugar litrichean dhomh a dh'ionnsuidh uan uachdaran air an taobh thall de'n amhainn, chum gu'n cuir iad thairis mi gus an tig mi gu Iudah;

8 Agus litir gu Asaph fear-gleidhidh frithe an rìgh, chum gu'n toir e dhomh fiodh a dheanamh sailthean air son gheatachan na lùchairt a' *bhuineas* do'n tigh, agus air son balla a' bhaile, agus air sou an tighe d'an téid mi. Agus thug an rìgh dhomh, a réir làimhe mhaith mo Dhé orna.

9 Agus thàinig mi dh'ionnsuidh nan uachdaran air an taobh eile de'n amhainn, agus thug mi dhoibh litrichean an rìgh. A nis chuir an rìgh maille rium ceannardan de'n armailt agus marc-shluagh.

10 An uair a chuala Sambalat an t-Horonach, agus Tobiah an seirbhisich an t-Amonach e, chuir e doilgheas mòr orra gu'n d'thàinig duine a dh'iarraidh leas chloinn Israeil.

11 Agus thàinig mi gu h-Ierusalem, agus bha mi 'n sin trì làithean.

12 Agus dh'éirich mi 's an oidheche, mi féin agus beagan dhaoine maille rium; ach cha d'innis mi do dhuine ciod a chuir mo Dhia ann an chridhe a dheanamh ann an Ierusalem: agus cha *robh* ainmhidh maille rium, ach an t-ainmhidh air an do mharc-aich mi.

13 Agus chaidh mi mach 's an oidheche air geata a' ghlinne, agus fa chomhair tobair an dragoin, agus gu geata an aolaich, agus ghabh mi sealladh de bhallachaibh Ierusalem, a *bha* air am briseadh sìos, agus d'a geatachaibh a bha air an caitheadh le teine.

14 Agus chaidh mi air m'aghaidh gu geata an tobair, agus gu lochan an rìgh: ach cha *robh* àit ann do'n ainmhidh a *bha* fodham gu dol thairis.

15 An sin chaidh mi suas 's an oidheche làimh ris an t-sruth, agus ghabh mi sealladh de'n bhalla, agus thionndaidh mi air m'ais, agus chaidh mi steach air geata a' ghlinne, agus phill mi.

16 Agus cha robh fios aig na riaghlairibh

NEHEMIAH, III.

c'ait an deachaidh mi, no ciod a rinn mi, agus cha d'innis mi e do na h-Iudhaich, no do na sagartaibh, no do na h-àrd uaislibh, no do na riaghlairibh, no do'n chuid eile a rinn an obair.

17 Agus thubhairt mi riu, *Tha sibh a' faicinn a' chruaidh-chais anns am bheil sinn*, mar a tha Ierusalem air a fàsachadh, agus a geatachan air an losgadh le teine: thigibh agus togamaid balla Ierusalem, chum nach bi sinn nì's mò 'n ar masladh.

18 Agus dh'innis mi dhoibh a thaobh làimhe mo Dhé, a *bha* maith orm, agus mar an ceudna briathran an rìgh a labhair e rium. Agus thubhairt iad, Eireamaid agus togamaid. Agus neartaich iad an làmhan chum maith.

19 Ach an uair a chuala Sanbalat an t-Horonach, agus Tobiah an seirbhiseach an t-Amonach, agus Gesem an t-Arabach e, rinn iad gàire fanoid oirn, agus rinn iad tàir oirn, agus thubhairt iad, Ciod an nì so a *tha* sibh a' deanamh? an dean sibh ceannuairc an aghaidh an rìgh?

20 An sin fhreagair mi iad, agus thubhairt mi riu, Dia nan nèamh, soirbhichidh esan leinn: a chionn gur sinne a sheirbhisich, éiridh sinn agus togaidh sinn: ach agaihbhe cha-n'eil cuibhrionn, no còir, no cuimhneachan ann an Ierusalem.

CAIB. III.

1 *Ainmean agus ordugh an t-sluaigh a thog balla Ierusalem.*

AGUS dh'éirich Eliasib an t-àrd shagart maille r'a bhràithribh na sagartan, agus thog iad geata nan eorach: naomhaich iad e, agus chuir iad suas a chomhlachan: eadhon gu ruig tùr Mheah naomhaich iad e, agus gu ruig tùr Hananeil.

2 Agus làimh ris-san thog fir Iericho: agus làimh riu-san thog Sacur mac Imri.

3 Ach geata an éisg thog mic Hasenaah: leag iad a shailthean, agus chuir iad suas a chomhlachan, a ghlasan, agus a chroinn.

4 Agus làimh riu-san chàirich Meremot mac Uriah, mhic Chois: agus làimh ris-san chàirich Mesulam mac Bherechiah, mhic Mhesesabeil: agus làimh riu-san chàirich Sadoc mac Bhaanah.

5 Agus làimh riu-san chàirich na Tecoaich: ach cha do chuir an àrd uaislean am muineal ri seirbhis an Tighearna.

6 Agus an seann gheata chàirich Iehoiada mac Phaseah, agus Mesulam mac Bhedodach: leag iad a shailthean, agus chuir iad suas a chomhlachan, agus a ghlasan, agus a chroinn.

7 Agus làimh riu-san chàirich Melatiah an Gibeonach, agus Iadon am Meronotach, fir Ghibeoin agus Mhispah, gu ruig rìgh-chaitair an uachdarain air an taobh so de'n amhainn.

8 Làimh ris-san chàirich Udsiel mac Har-

haiah, de na h-òr-cheardaibh: agus làimh ris-san chàirich Hananiah, mac aoin de na léighean, agus neartaich iad Ierusalem gu ruig am balla leathan.

9 Agus làimh riu-san chàirich Rephaiah mac Huir, riaghlair leth-roinne Ierusalem.

10 Agus làimh ris-san chàirich Iedaiah mac Harumaph, eadhon fa chomhair a thighe: agus làimh ris-san chàirich Hatus, mac Hasabniah.

11 An t-ath-thomhas chàirich Malchiah mac Harim, agus Hasub mac Phahat-mhoais, agus tùr nan àmhuinnean.

12 Agus làimh ris-san chàirich Salum mac Haloheis, riaghlair leth-roinne Ierusalem, e féin agus a nigheanan.

13 Geata a' ghlinne chàirich Hanun, agus luchd-àiteachaidh Shanoah: thog iad e, agus chuir iad suas a chomhlachan, a ghlasan, agus a chroinn, agus mìle làmh-choille de'n bhalla, gu ruig geata an aolaich.

14 Ach geata an aolaich chàirich Malchiah mac Rechab, riaghlair roinne Bhet-hacereim: thog se e, agus chuir e suas a chomhlachan, a ghlasan, agus a chroinn.

15 Ach geata an tobair chàirich Salum mac Chol-hoseh, riaghlair roinne Mhispah: thog se e, agus chuir e dìon air, agus chuir e suas a chomhlachan, a ghlasan, agus a chroinn, agus balla lochain Shiloah làimh ri lios an rìgh, agus gu ruig na ceuman a' dol sìos o bhaile Dhaibhidh.

16 'N a dhéigh-san chàirich Nehemiah mac Asbuc, riaghlair leth-roinne Bhet-suir, gu ruig fa chomhair àitean-adhlacaidh Dhaibhidh, agus gu ruig an lochan a rinn-eadh, agus gu ruig Bet-agbarin.

17 'N a dhéigh-san chàirich na Lebhithe, Rehun mac Bhani: làimh ris-san chàirich Hasabiah, riaghlair leth-roinne Cheilah, 'n a roinn féin.

18 'N a dhéigh-san chàirich am bràithrean, Babbai mac Henadaid, riaghlair leth-roinne Cheilah.

19 Agus làimh ris-san chàirich Eser mac Iesua, riaghlair Mhispah, an t-ath-thomhas fa chomhair an dol suas do'n arm-thigh aig an tiomnadh.

20 'N a dhéigh-san chàirich Baruch mac Shabai an t-ath-thomhas, o'n tiomnadh gu ruig dorus tighe Eliasib an àrd-shagairt.

21 'N a dhéigh-san chàirich Meremot mac Uriah, mhic Acois, an t-ath-thomhas, o dhorus tighe Eliasib gu ruig ceann tighe Eliasib.

22 Agus 'n a dhéigh-san chàirich na sagartan, daoine a' chòmhnaird.

23 'N a dhéigh-san chàirich Benjamin agus Hasub, fa chomhair an tighe: 'n a dhéigh-san chàirich Asariah mac Mhaaseiah, mhic Ananiah, làimh r'a thigh.

24 'N a dhéigh-san chàirich Binui, mac Henadaid, an t-ath-thomhas, o thigh Asa-

NEHEMIAH, IV.

riah gu ruig an tionndadh, agus gu ruig an oisinn.

25 Palal mac Udsai, fa chomhair an tionndaidh, agus an tùir a tha 'dol a mach o thigh àrd an rìgh a *bha* làimh ri cùirt a' phrìosain: 'n a dhéigh-san Pedaiah mac Pharois.

26 Mar an ceudna na Netinich a bha 'chòmhnuidh ann an Ophel, gu ruig fa chomhair geata an uisge a làimh na h-àirde 'n ear, agus an tùir a tha 'dol a mach.

27 'N an déigh-san chàirich na Tecoaich an t-ath-thomhas, fa chomhair an tùir mhòir a tha 'dol a mach, gu ruig balla Opheil.

28 O thaobh shuas geata nan each chàirich na sagartan, gach aon fa chomhair a thighe.

29 'N an déigh-san chàirich Sadoc mac Imeir, fa chomhair a thighe: agus 'n a dhéigh-san chàirich Semaiah, mac Shechaniah, fear-gleidhidh an doruis an ear.

30 'N a dhéigh-san chàirich Hananiah, mac Shelemiah, agus Hanun, seathamh mac Shalaiph, an t-ath-thomhas: 'n a dhéigh-san chàirich Mesulam mac Bherechiah, fa chomhair a sheomair féin.

31 'N a dhéigh-san chàirich Malchiah, mac an òr-cheird, gu àite nan Netineach, agus nan ceannaichean, fa chomhair geata Mhiphcaid, agus gu dol suas na h-oisinn.

32 Agus o dhol suas na h-oisinn gu geata nan caorach, chàirich na h-òr-cheird agus na ceannaichean.

CAIB. IV.

1 'N uair a bha an naimhdean a' deanamh fanoid air na h-Iudhaich rinn Nehemiah urnuigh, agus bhuanaich e ann an togail a' bhalla. 9 Shuidhich e freiceadan, 13 agus dh'armaich e an luchd-oibre.

AGUS an uair a chuala Sanbalat gu'n robh sinn a' togail a' bhalla, bha fearg air, agus bha e ann an corruich ro mhòir, agus rinn e fanoid air na h-Iudhaich.

2 Agus labhair e 'am fianuis a bhràithrean agus armailt' Shamaria, agus thubhairt e, Ciod a ni na h-Iudhaich annhunn so? an daingnich siad iad féin? an iobair iad? an eriochnaich iad ann an là? an tog iad suas a ris na clachan as na dùnaibh luathre a chaidh a losgadh?

3 Agus bha Tobiah an t-Amonach làimh ris, agus thubhairt e, Eadhon an ni a tha iad a' togail, ma théid sìomnach suas, brisidh e sìos am balla cloiche.

4 Eisd, O ar Dia, oir tha tàir air a dheanamh oirn, agus tionndaidh am masladh air an ceann féin, agus tabhair iad 'n an cobhartach ann an tir a' bhraighdeanaïs:

5 Agus na còmhdaich an euceart, agus na dubhar a mach am peacadh a d'fianuis; oir bhrosnaich iad *thu* gu feirg an làthair an luchd-togail.

6 Agus thog sinn am balla; agus cheangladh am balla uile ri 'chéile gu ruig a leth:

oir bha toil aig an t-sluagh obair a dhean amh.

7 Ach an uair a chuala Sanbalat, agus Tobiah, agus na h-Arabaich, agus na h-Amonaich, agus na h-Asdodaich, gu'n robh uile bhallachan Ierusalem 'g an cur suas, gu'n do thòisich na bèarnan ri 'bhi air an dùnadh, an sin bha fearg mhòr orra.

8 Agus chuir iad uile an comhairle ri 'chéile iad a theachd a chogadh an aghaidh Ierusalem, agus g'a bhacadh.

9 Ach rinn sinne urnuigh r'ar Dia, agus shuidhich sinn freiceadan 'n an agaidh a là agus a dh'oidheche fa'n comhair.

10 Agus thubhairt Iudah, Tha neart luchd-iomchair nan eallach air fàilneachadh, agus mòran luathre ann, air chor as nach urrainn sinn am balla a thogail.

11 Agus thubhairt ar naimhdean, Cha bhi fios aca, agus cha-n fhaic iad, gus an tig sinn a stigh 'n am meadhon, agus gu marbh sinn iad, agus gu'n cuir sinn stad air an obair.

12 Agus an uair a thàinig na h-Iudhaich a bha 'chòmhnuidh làimh riu, thubhairt iad ruinn deich uaircan, As gach àit o'm pill sibh d'ar n-ionnsuidh-ne, *bithidh iad oirbh*.

13 Uime sin shuidhich mi anns na h-aitibh a b'isle air cùlaobh a' bhalla, agus air na h-aitibh a b'àirde, shuidhich mi eadhon an sluagh a réir an teaghlachain le'n claidhibh, le'n sleaghan, agus le'm boghachan.

14 Agus dh'amhairc, agus dh'éirich, mi, agus thubhairt mi ris na h-àrd uaislibh, agus ris na riaghlairibh, agus ris a' chuid eile de'n t-sluagh, Na bitheadh eagal oirbh rompa: cuimhnichibh an Tighearn mòr agus uamhasach, agus cogaibh air son bhur bràithrean, bhur mac, agus bhur nigh-eanan, bhur ban, agus bhur tighean.

15 Ach an uair a chual' ar naimhdean gu'n d'fhuair sinn fios air, agus a thug Dia an comhairle gu neo-ni, phill sinn uile dh'ionnsuidh a' bhalla, gach aon a dh'ionnsuidh 'oibre féin.

16 Agus o'n àm sin a mach dh'oibrich leth m'òglach-sa anns an obair, agus chum an leth eile dhiubh na sleaghan, na sgiathan, agus na boghachan, agus na luirichean: agus bha na riaghlairian air cùlaobh uile thighe Iudah.

17 Dh'oibrich iadsan a thog air a' bhalla, agus iadsan a ghiùlain eallachan, maille riu-san a luchdaich, gach aon le aon làimh anns an obair, agus leis an làimh eile chum e gath.

18 Agus bha aig gach aon de'n luchd-togail a chlaidheamh crioslaichte air a lèis, an uair a thog iad: agus bha esan a shéid an trompaid làimh riumsa.

19 Agus thubhairt mi ris na h-àrd uaislibh, agus ris na riaghlairibh, agus ris a' chuid eile de'n t-sluagh, Tha'n obair mòr agus farsainn, agus tha sinn air ar deal-

achadh air a' bhalla gach aon fada o 'chéile:

20 Ge b'è àit anns an cluinn sibh fuaim na trompaid', cruinnichibh an sin d'ar n-ionn-suidhne: cogaidh ar Dia air ar son.

21 Agus shaothraich sinn anns an obair: agus chum leth dhiubh na sleaghan o éirigh na maidne gus am facas na rionnagan.

22 Mar an ceudna 's an àm sin thubhairt mi ris an t-sluagh, Fanadh gach aon maille r'a òglach ann an Ierusalem, chum gu'm bi iad 'n an freiceadan dhuinn 's an oidhche, agus 's an là 'n an oibrichibh.

23 Agus cha do chuir mise, no mo bhràithrean, no m'òglaich, no fir an fhreiceadain a lean mi, dhinn ar n-eudach; *ach amhàin* gu'n do chuir gach duine dheth e air son 'ionnlaid.

CAIB. V.

1 *Rinn an sluagh gearan an aghaidh cise an rìgh, agus daorsa an cloinne.* 6 *Chrònaich Nehemiah na h-àrd uaislean a chionn gu'n robh iad a' togail ocair o'm bràithribh.*

A GUS bha gair mhòr aig an t-sluagh, agus aig an màibh, an aghaidh an bràithrean na h-Iudhaich.

2 Agus bha ann a thubhairt, *Le* ar mic agus ar nigheanan *tha* sinne lìonmhòr; agus gabhaidh sinn sìol *air an son*, chum gu'n ith sinn, agus gu'm bi sinn beò.

3 Agus bha ann a thubhairt, Ar fearann, agus ar fion-liosan, agus ar tighean bheir sinn 'an geall, chum gu'm faigh sinn sìol anns a' ghorta.

4 Agus bha ann a thubhairt, Ghabh sinn airgid 'an coingheall air son cise an rìgh *air* ar fearann agus ar fion-liosaibh.

5 Agus a nis mar fheoil ar bràithrean *tha* ar feoil-ne, mar am mic-san ar mic-ne; ach feuch, *tha* sinn a' toirt thairis ar mac agus ar nigheanan gu bhith 'n an tràillibh, agus *tha cuid* d'ar nigheanaibh air an toirt thairis *cheana*, agus gun chomas againn *am fuasgladh*, an uair a tha ar fearann agus ar fion-liosan aig daoinibh eile.

6 Agus bha fearg mhòr orn an uair a chuala mi an gair, agus na briathran sin.

7 Agus chuir mi mo chomhairle ri m' chridhe féin, agus chrònaich mi na h-àrd uaislean, agus na riaghlair, agus thubhairt mi ri, *Tha* gach aon agaibh a' togail ocair o a bhràithair. Agus chuir mi comh-chruinneachadh mòr 'n an aghaidh.

8 Agus thubhairt mi ri, Shaor sinne, a réir ar comais, ar bràithrean na h-Iudhaich a reiceadh ris na cinnich, agus an reic sibhse mar an ceudna blur bràithrean, agus an reicear iad ruinn féin? Agus bha iad 'n an tosd, agus cha d'fhuair iad ni air bith ri ràdh.

9 Mar an ceudna thubhairt mi, Cha mhaith an ni a *tha* sibh a' deanamh: nach buineadh dhuibh gluasad ann an eagal ar Dé, air son maslaidh nan cinnich ar naimhdean?

10 Dh'fheudainn-sa cuideachd, mo bhràithrean, agus m'òglaich, airgid agus sìol a thogail uatha. Leigeamaid dhinn, guidheam oirbh, an t-ain-dlighe so.

11 Aisigibh dhoibh, guidheam oirbh, mar air an là 'n diugh, an fearann, an fion-liosan, an liosan-olaidh, agus an tighean; mar an ceudna *cuid* de'n airgid, agus de'n t-sìol, de'n fhion, agus de'n olaidh, a *tha* sibh a' togail uatha.

12 Agus thubhairt iadsan, Aisigidh sinn, agus cha-n iarr sinn uatha: mar sin ni sinn mar *tha* thu 'g ràdh. An sin ghairm mi na sagartan, agus ghabh mi mionnan diubh gu'n deanadh iad a réir a' gheallaidh so:

13 Mar an ceudna chrath mi m'nechd, agus thubhairt mi, Mar so crathadh Dia gach duine nach coinnhion an gealladh so, a mach as a thigh, agus á 'obair, eadhon mar so crathar a mach agus falmhaichear e. Agus thubhairt an coimhthional uile, Amen, agus mhol iad an Tighearn. Agus rinn an sluagh a réir a' gheallaidh so.

14 Os bàrr, o'n là air an d'thugadh ordugh dhomh mi bhi m' uachdaran orra ann an tìr Iudah, o'n fhicheadamh bliadhna, eadhon gus an dara bliadhna deug thar fhichead de Artaceses an rìgh, dà bhliadhna dheug, cha d'ith mise no mo bhràithrean aran an uachdarain.

15 Ach bha na ceud uachdarain a *bha* romham trom air an t-sluagh, agus ghabh iad uatha aran agus fion, a thuilleadh air dà fhichead secel airgid; rinn eadhon an òglaich aig-tighearnas air an t-sluagh: ach cha d'rinn mise mar sin air sgath eagail Dhé.

16 Agus mar an ceudna ann an obair a' bhalla so bhunaich mi, agus cha do chleannaich sinn fearann; agus chruinneachadh m'òglaich uile 'an sin a dh'ionnsuidh na h-oibre.

17 Agus *bha* aig mo bhord ceud gu leth Iudhach agus riaghlair, a bhàrr orra-san a thàinig d'ar n-ionnsuidh o na cinnich a *tha* mu'n cuairt ornn.

18 Agus so na dheasaicheadh air son gach là, aon damh, sè caoraich thaghta; mar an ceudna dheasaicheadh eoin dhomh, agus aon uair anns na deich làithibh pailteas de gach *gnè* fhiona: gidheadh air son so cha d'iarr mi aran an uachdarain, a chionn gu'n robh an daorsa trom air an t-sluagh so.

19 Cuindhuich ormsa, mo Dhia, chum maith, a *thaobh* gach *ni* a rinn mi air son an t-sluaigh so.

CAIB. VI.

1 *Dh'fheuch Sanbalat ri Nehemiah a mhaslachadh le bhith a' togail droch sgeoil air.* 15 *Chrònaicheadh ba'la Ierusalem.* 17 *Chuir uaislean Iudah litrichean fealltach a dh'ionnsuidh Thobiah.*

A NIS an uair a chuala Sanbalat, agus Tobiah, agus Gesem an t-Arabach,

agus a' chuid eile d'ar uaimhdibh gu'n do thog mi am balla, agus nach d'fhàgadh briseadh ann, (ged nach do chuir mi suas 's au àm sin comhlachan air na geataibh.)

2 Chuir Sanbalat agus Gesem *teachdairean* a m' ionnsuidh, ag ràdh, Thig, agus coinnicheadh a chèile ann an Chephirim ann an còmharnard Ono: ach smuainich iad-san air ole a dheanamh orm.

3 Agus chuir mi teachdairean d'an ionnsuidh, ag ràdh, *Tha* mi a' deanamh oibre mòire, agus cha-u urrainn mi dol sìos: c'ar son a sguireadh an obair, an uair a dh'fhàgaimne i, agus a rachainn sìos d'ur u-ionnsuidh?

4 Gidheadh chuir iad *teachdairean* a m' ionnsuidh air an dòigh so ceithir uairean; agus fhreagair mi iad air an dòigh chendna.

5 An sin chuir Saubalat a m' ionnsuidh air an dòigh so an cuigeamh uair 'òglach fèin, agus litir fhosgailte 'n a làimh;

6 Anns an robh sgrìobhta; Am measg uan cinneach tha e air aithris, agus tha Gesem ag ràdh, *gu bheil* thusa agus na h-Iudhaich a smuaineachadh air ceannaire a dheanamh: uime sin *tha* thu a' togail a' bhalla, a chum gu'm bi thu a'd' rìgh orra a réir uam briathar so.

7 Agus mar an ceudna dh'orduich thu fàidhean a ghairm mu d' thimchioll ann an Ierusalem, ag ràdh, *Is* rìgh e ann an Iudah: agus a nis aithrisear do'n rìgh a réir nan briathar so. A nis ma ta thig, agus cuir-eamaid ar comhairle ri 'chèile.

8 An sin chuir mi *fos* d'a ionnsuidh, ag ràdh, Cha d'rinneadh nithean sam bith mar tha thu 'g ràdh, ach is ann as do chridhe fèin a *tha* thu 'g an dealbh.

9 Oir *bha* iad uile a' cur eagal oirm, ag ràdh, Aumhumuichear an làmh an o'n obair, agus cha deanar i: ach a nis neartach mise mo làmh.

10 Au siu chaidh mi steach do thigh She-maiah, mhic Dhelaiah, mhic Mhehetabecil, agus e air a dhruideadh suas; agus thubhairt e, Coinnicheadh a chèile ann an tigh Dhé, ann am meadhon an teampuill, agus dèineamaid dorsan an teampuill; oir thig iad g'ad mharbhadh, cadhonauns an oidhche thig iad g'ad mharbhadh.

11 Agus thubhairt mi, An teich duine uar *tha* mise? agus cò mar *tha* mise a rachadh a steach do'n teampull, a chum gu maireadh e beò? Cha téid mi steach.

12 Agus, feuch, dh'aithnich mi nach do chuir Dia uath e, ach gu'n do labhair e an fhàidheadaireachd so a m' aghaidh: oir thug Tobiah agus Sanbalat duais dha.

13 Air au aobhar so thugadh duais dha chum gu'm bitheadh eagal ormsa, agus gu'n deanainn mar so, agus gu'm peacaichinn, agus gu'm bitheadh fàth droch sgeoil aca, chum gu maslaicheadh iad mi.

14 Cuimhnich thusa, mo Dhia, air Tobiah

agus Sanbalat a réir an oibre sin, agus mar an ceudna air a' bhan-fhàidh Noadiah, agus a' chuid eile de na fàidhibh leis am b'ail eagal a chur orm.

15 Ach chrìochnaich iad am balla air a' chùigeamh là fichead de'n mhios Elul, ann an da là dheug agus dà fhichead.

16 Agus an uair a chual' ar uaimhdean uile e, agus a chunnaic ua ciunich uile a *bha* mu'n cuairt duinn e, thilgeadh gu mòr sìos iad 'n an sùilbhi fèin; oir dh'aithnich iad gu'm b'ann le'r Dia-ne a rinneadh an obair so.

17 Os bàrr, anns na làithibh sin chuir àrd uaislean Iudah mòran litrichean gu Tobiah, agus thàinig *litrichean* Thobiah d'an ionnsuidhsan:

18 Oir *bha* mòran ann an Iudah air toirt am mionnau da, a chionn gu'm bu chliamhuin e do Shechania mac Arah; agus gu'n do ghabh Iohanan a mhac nighean Mhesulaim, mhic Bherechiah, 'n a muoi.

19 Mar an ceudna dh'aithris iad a dheadh bhuaidhean a'm' fhianuis, agus dh'innis iad mo bhriathran-sa dha. Agus chuir Tobiah litrichean uaithe gu eagal a chur orm.

CAIB. VII.

1 *Thug Nehemiah àithne d'a bhràthair agus do uachdaran na lùchairt a thaobh Ierusalem.*

5 *Fhuairadh leabhar ginealaich na muinntir a' phill gu h-Ierusalem.* 8 *Aireamh an t-sluaigh,* 39 *nan sagart,* 43 *nan Lebhiteach,* 46 *agus nan Netineach,* &c. 70 *Na tabhartais a thugadh seachad.*

ANIS an uair a thogadh am balla, agus a chuir mi suas na comhlachan, agus a dh'orduicheadh na dorsairean, agus an luchd-seinn, agus na Lebhithich,

2 Thug mi àithne do m' bhràthair Hanani, agus Hananiah uachdaran na lùchairt, a thaobh Ierusalem; (oir *bha* e 'n a dhuine firinneach, agus eagal Dhé air os ceann mhòrain.)

3 Agus thubhairt mi riun, Na fosgailear geatachan Ierusalem gus am fàs a' ghrian teth; agus ag seasamh doibh fathast aig làimh, druideadh iad ua comhlachan, agus crannadh iad iad: agus shuidhich mi freiceadaidh de luchd-àiteachaidh Ierusalem, gach aon 'n a fhreiceadan, agus gach aon fa chomhair a thighe fèin.

4 A nis *bha'm* baile farsainn agus mòr: ach *bha'n* sluaigh tearc ann, agus cha robh na tighean air an togail.

5 Agus chuir mi Dhia ann am chridhe gu'n cruinnichinn ri 'chèile na h-àrd uaislean, agus na riaghlairéan, agus an sluaigh, gu bhì air an àireamh a réir an ginealach: agus fhuair mi leabhar ginealaich na muinntir' a thàinig a nìos an toiseach, agus fhuair mi sgrìobhta ann,

6 *Is* iad so clann na mòr-roinne, a chaidh suas de ua braighdibh, dhìubhsan a thugadh air falbh, a thug Nebuchadnesar rìgh

NEHEMIAH, VII.

Bhabiloin air falbh leis, agus a phill gu h-Ierusalem agus gu Iudah, gach fear d'a bhaile fèin;

7 A thàinig maille ri Serubabel, Iesua, Nehemiah, Asariah, Raamiah, Nahamani, Mordeciai, Bilsan, Misperet, Bigbhai, Nehum, Baanah.

AIREAMH DHAOINE SLUAIGH ISRAEL.

8 Mic Pharois, dà mhìle, ceud, tri fichead agus a dhà-dheug.

9 Mic Shephathiah, tri cheud, tri fichead agus a dhà-dheug.

10 Mic Arah, sè ceud, dà fhichead agus a dhà-dheug.

11 Mic Phahat-mhoaib, de chloinn Iesua agus Ioab, dà mhìle, ochd ceud agus ochd-deug.

12 Mic Elaim, mìle, dà cheud, leth-cheud agus a ceithir.

13 Mic Shatu, ochd ceud, dà fhichead agus a cùig.

14 Mic Shacai, seachd ceud agus tri fichead.

15 Mic Bhinui, sè ceud, dà fhichead agus a h-ochd.

16 Mic Bhebai, sè ceud, agus a h-ochd thar fhichead.

17 Mic Asgaid, dà mhìle, tri cheud agus a dhà thar fhichead.

18 Mic Adonicaim, sè ceud, tri fichead agus a seachd.

19 Mic Bhigbhai, dà mhìle, tri fichead agus a seachd.

20 Mic Adin, sè ceud, leth-cheud agus a cùig.

21 Mic Ateir o Heseciah, ceithir fichead agus ochd-deug.

22 Mic Hasumi, tri cheud, agus a h-ochd thar fhichead.

23 Mic Bhesai, tri cheud, agus a ceithir thar fhichead.

24 Mic Hariph, ceud agus a dhà-dheug.

25 Mic Ghibeoin, ceithir fichead agus cùig-deug.

26 Fir Bhet-leheim agus Netophah, ceud, ceithir fichead agus a h-ochd.

27 Fir Anatoit, ceud, agus a h-ochd thar fhichead.

28 Fir Bhet-asmabheit, dà fhichead agus a dhà.

29 Fir Chiriat-iearim, Chephirah, agus Bheeroit, seachd ceud, dà fhichead agus a tri.

30 Fir Ramah agus Gheba, sè ceud, agus a h-aon thar fhichead.

31 Fir Mhichmais, ceud agus a dhà thar fhichead.

32 Fir Bhet-eil agus Ai, ceud agus a tri thar fhichead.

33 Fir Nebo-air, leth-cheud agus a dhà.

34 Mic Elaim-air, mìle, dà cheud, leth-cheud agus a ceithir.

35 Mic Harim, tri cheud agus fichead.

36 Mic Iericho, tri cheud, dà fhichead agus a cùig.

37 Mic Loid, Hadid agus Ono, seachd ceud agus a h-aon thar fhichead.

38 Mic Shenaah, tri mìle, naoi ceud agus deich thar fhichead.

39 Na sagartan: Mic Iedaiah, de thigh Iesua, naoi ceud, tri fichead agus tri-deug.

40 Mic Imeir, mìle, leth-cheud agus a dhà.

41 Mic Phasuir, mìle, dà cheud dà fhichead agus a seachd.

42 Mic Harim, mìle agus seachd-deug.

43 Na Lebhitich: Mic Iesua agus Chadmeil, de chloinn Hodebhah, tri fichead agus ceithir-deug.

44 An luchd-seinn: Mic Asaiph, ceud, dà fhichead agus a h-ochd.

45 Na dorsairean: Mic Shaluim, mic Ateir, mic Thalmoin, mic Acuib, mic Hatita, mic Shobai, ceud, agus ochd-deug thar fhichead.

46 Na Netinich: Mic Shiha, mic Hasupha, mic Thabaoit,

47 Mic Cherois, mic Shia, mic Phadoin,

48 Mic Lebana, mic Hagaba, mic Shalmi,

49 Mic Hanain, mic Ghideil, mic Ghahair,

50 Mic Reaiah, mic Resin, mic Necoda,

51 Mic Ghadsaim, mic Udsa, mic Phaseah,

52 Mic Bhesai, mic Mheunim, mic Nephtesim,

53 Mic Bhacbuic, mic Hacupha, mic Harhuir,

54 Mic Bhaslit, mic Mhehida, mic Harsa,

55 Mic Bharcois, mic Shisera, mic Thamah,

56 Mic Nesiah, mic Hatipha.

57 Mic sheirbhiseach Sholaimh: Mic Shotai, mic Shophereit, mic Pherida,

58 Mic Iaala, mic Dharcoim, mic Ghideil,

59 Mic Shephathiah, mic Hatil, mic Phochereit o Shebaim, mic Amoin:

60 Na Netinich uile, agus clann sheirbhiseach Sholaimh, tri cheud, ceithir fichead agus a dhà-dheug.

61 Agus so iadsan a chaidh suas o Thel-melah, Telharsa, Cherub, Adon agus Imer; ach cha b'urrainn iad tigh an athar a nochdadh agus an sliochd, am b'ann de Israel iad.

62 Mic Dhelaiah, mic Thobiah, mic Necoda, sè ceud, dà fhichead agus a dhà.

63 Agus de na sagartaibh: Mic Habaiah, mic Chois, mic Bharsillai, a ghabh bean de nigheanaibh Bharsillai a' Ghilecadaich, agus a ghoireadh air an ainm.

64 Dli' iarr iadsan an clàr-sgrìobhaidh 'n am measg-san a bha air an àireamh a réir an ginealach, ach cha d'fhuaradh e: uime sin ghearradh as o'n t-sagartachd iad.

65 Agus thubhairt an Tirsata riun, nach

feudadh iad itheadh de na nithibh ro naomha, gus an seasadh sagart suas le Urim agus Tumim.

66 An coimhthional uile cuideachd, dà fhichead agus dà mhìle, tri cheud agus tri fichead;

67 A thuilleadh air an òglaich agus am banoglaich, d'an robh ann seachd mìle, tri cheud agus seachd-deug thar fhichead, agus dhiubhsan dà cheud, agus dà fhichead agus a cùig 'n am fearaibh agus 'n am mnàibh-seinn.

68 An eich, seachd ceud agus sè deug thar fhichead: am muileidean, dà cheud dà fhichead agus a cùig:

69 [An] càmhalan, ceithir cheud agus cùig-deug thar fhichead: [an] asalan sè mìle, seachd ceud agus fichead.

70 Agus thug cuid de chinn nan aithrichean seachad air son na h-oibre. Thug an Tirsata seachad de'n ionmhas, mìle darcon òir, leth-cheud cuach, cùig ceud agus deich thar fhichead culaidh sagairt.

71 Agus thug cuid de chinn nan aithrichean seachad do ionmhas na h-oibre, fichead mìle darcon òir, agus dà mhìle agus dà cheud punnd airgid.

72 Agus so na thug a' chuid eile de'n t-sluagh: fichead mìle darcon òir, agus dà mhìle punnd airgid, agus tri fichead agus seachd culaidh sagairt.

73 Agus ghabh na sagartan, agus na Lebhithich, agus na dorsairean, agus an luchd-seinn, agus cuid de'n t-sluagh, agus na Netinich, agus Israel uile, còmhnuidh 'n am bailtibh; agus an uair a thàinig an seachdamh mìos, bha clann Israeil 'n am bailtibh.

CAIB. VIII.

1 Leugh Esra leabhar an lagha 'an èisdeachd a' choimhthionail. 9 Chiùinich na Lebhithich an sluagh. 15 Chum iad fèill nam pàillium.

AGUS chruinnich an sluagh uile an ceann a chèile mar aon duine do'n t-sràid a tha fa chomhair geata an uisge; agus dh'iarr iad air Esra an sgrìobhaiche e 'thoirt a làthair leabhar lagha Mhaois, a dh'àithn an Tighearn do Israel.

2 Agus thug Esra an sagart an lagh an làthair a' choimhthionail, araon fhear agus bhan, agus gach uile a thuigeadh 'n uair a chluinneadh iad e, air a' cheud là de'n t-seachdamh mìos.

3 Agus leugh e ann fa chomhair na sràide a tha fa chomhair geata an uisge, o mhaduinn gu meadhon-là, an làthair nam fear agus nam ban, agus na muinntir a thuigeadh; agus bha cluasan an t-sluaigh uile ri leabhar an lagha.

4 Agus sheas Esra an sgrìobhaiche air crannaig fhiodha, a rinn iad air son a' ghnothuich, agus làimh ris sheas Matitiah, agus Sema, agus Anaiah, agus Uriah, agus

Hilciah, agus Maaseiah, air a làimh dheis; agus air a làimh chli Pedaliah, agus Misael, agus Malchia, agus Hasum, agus Hasbadana, Sechariah [agus] Mesulam.

5 Agus dh'fhosgail Esra an leabhar ann an sealladh an t-sluaigh uile, oir bha e os ceann an t-sluaigh uile; agus an uair a dh'fhosgail se e, sheas an sluagh uile.

6 Agus bheannaich Esra an Tighearn, an Dia mòr: agus fhreagair an sluagh uile, Amen, Amen, a' togail suas an làmh. Agus chrom iad an cinn, agus rinn iad aoradh do'n Tighearn le'n aghaidhibh ris an talamh.

7 Mar an ceudna thug Iesua, agus Bani, agus Serebiah, Iamin, Acub, Sabetai, Hodiah, Maaseiah, Cclai, Asariah, Iosabad, Hanan, Pelaiah, agus na Lebhithich, air an t-sluagh an lagh a thuigsinn: agus sheas an sluagh 'n an àite.

8 Agus leugh iad ann an leabhar lagha Dhé gu soilleir, agus thug iad an seadh seachad; agus thuig iadsan an uair a leughadh.

9 Agus thubhairt Nehemiah, neach a's e an Tirsata, agus Esra an sagart an sgrìobhaiche, agus na Lebhithich a theagaisg an sluagh, ris an t-sluagh uile, *Tha* 'n là so naomh do'n Tighearn bhur Dia; na dean-aibh caoidh no gul: oir ghuil an sluagh uile, 'n uair a chual' iad briathran an lagha.

10 An sin thubhairt e riu, Imichibh, ithibh *nithean* reamhra, agus òlaibh *nithean* mìlis, agus cuiribh cuibhrioman d'an ionnsuidh-san do nach d'ulluicheadh ni air bith; oir *tha* 'n là so naomh d'ar Tighearn: agus na bithibh ri bròn, oir *is* e gairdeachas an Tighearna bhur neart.

11 Agus chiùinich na Lebhithich an sluagh uile, ag ràdh, Bithibh 'n ur tosd, oir *tha* 'n là naomh, agus na bithibh ri bròn.

12 Agus dh'imich an sluagh uile a dh'ith-eadh agus a dh'òl, agus a chur cuibhrionn uatha, agus a dheanamh aoibhneis mhòir, a chionn gu'n do thuig iad na briathran a chuir iad 'an céill doibh.

13 Agus air an dara là chruinnicheadh cuideachd cinn aithrichean an t-sluaigh uile, na sagartan agus na Lebhithich gu h-Esra an sgrìobhaiche, chum gu'n tuigeadh iad briathran an lagha.

14 Agus fhuair iad sgrìobhta anns an lagh a dh'àithn an Tighearn le làimh Mhaois, gu'n gabhadh clann Israeil còmhnuidh ann am pàilliumaibh air an fhéill air an t-seachdamh mìos.

15 Agus an uair a chual' iad so, thug iad gairm 'n am bailtibh uile, agus ann an Ierusalem, ag ràdh, Rachaidh a mach do'n t-sliabh, agus thugaibh leibh geugan chrann-olaidh, agus geugan giuthais, agus geugan miortail, agus geugan paihne, agus geugan ehraobh tiugh, a dheanamh phàillium, mar *tha* e sgrìobhta.

16 Agus chaidh an sluagh a mach, agus thug iad leò *iad*, agus rinn iad dhoibh féin pàillìuan, gach fear air mullach a thighe, agus 'n an cùirtibh, agus ann an cùirtibh thighe Dhé, agus ann an sràid geata an uisge, agus ann an sràid geata Ephraim.

17 Agus rinn uile choimhthional na muinntir a thàinig air an ais o'n bhraighdeanas pàillìuan, agus shuidh iad fo na pàillìun-aibh: oir o làithibh Iosua mhic Nuin, gu ruig an là sin, cha d'rinn clann Israeil mar sin; agus bha gairdeachas ro mhòr ann.

18 Agus leugh e ann an leabhar lagha Dhé là 'n dèigh là, o'n cheud là gu ruig an là mu dheireadh: agus chum iad an fhéill seachd làithean, agus air an ochdamh là àrd choimhthional a réir a' ghnàtha.

CAIB. IX.

1 *Dh'aidich sluagh Israeil am peacaidhean féin, agus euceartan an aithrichean. 4 Labhair na Lebhitheach air maitheas agus truacantas Dhé d'a shluagh Israel.*

A GUS air a' cheathramh là fhichead de'n mhìos so chruinnicheadh clann Israeil ann an trasgadh, agus ann an saic-cudach, agus àir orra.

2 Agus dhealaich sìol Israeil iad féin o uile chloinn choigreach, agus sheas iad, agus dh'aidich iad am peacaidhean, agus euceartan an aithrichean.

3 Agus dh'éirich iad 'n an àit, agus leugh iad ann an leabhar lagha an Tighearn an Dé an ceathramh cuid de'n là; agus ceathramh eile dh'aidich iad, agus rinn iad aoradh do'n Tighearn an Dia.

4 An sin dh'éirich air cheumaibh nan Lebhitheach, Iosua, agus Bani, Cadmiel, Sebaniah, Buni, Serebiah, Bani, agus Chenani, agus ghlaodh iad le guth àrd ris an Tighearn an Dia.

5 Agus thubhairt na Lebhitheach, Iosua agus Cadmiel, Bani, Hasabniah, Serebiah, Hodiah, Sebaniah, agus Petahiah, Eiribh, beannaichibh an Tighearn blur Dia gu saoghal nan saoghal: agus beannaichte gu robh d'aum glòrmhor-sa, a tha air àrdachadh os ceann gach beannachaidh agus cliu.

6 Is tusa, *is* tusa a'd' aonar an Tighearn: rinn thu na nàmhau, nàmhau nan nàmh agus an slòigh uile, an talamh agus gach *nì* a tha air, na cuantan agus gach *nì* a tha anna, agus *tha* thu 'g an cumail suas uile; agus *tha* slòigh nan nàmh a' deanamh aoraidh dhuit.

7 *Is* tu féin au Tighearn an Dia, a thagh Abram, agus a thug a mach e á h-Ur nan Caldeanach, agus a thug Abraham mar ainm air.

8 Agus fhuair thu a chridhe firinneach a'd' fhianuis, agus rinn thu coimheangal ris, gu'n tugadh tu tìr nan Canaanach, nan Hiteach, nan Amorach, agus nam Peridseach, agus nan Iebusach, agus nan Girgasach, gu'n tugadh tu *so* d'a shliochd;

agus choimhlich thu do bhriathran, oir tha thu ceart:

9 Agus chunnaic thu àmhghar ar n-aithrichean anns an Eiphit, agus chuala tu an glaoth aig a' mhuir ruaidh:

10 Agus nochd thu comharan agus iongantais air Pharaoh, agus air a sheirbhiseich uile, agus air uile shluagh a thìre; oir bha fios agad gu'n d'rinn iad gu h-uabhaireach 'n an aghaidh: agus fhuair thu dhuit féin ainm, mar air an là 'n diugh.

11 Agus roinn thu a' mhuir rompa, agus chaidh iad troimh mheadhon na mara air talamh tioram; agus an luchd-tòrachd thilg thu anns an doimhne, mar chloich anns na h-uisgeachaibh làidir.

12 Agus le meall neoil thredraich thu iad 's an là; agus le meall teine 's an oidheche, a shoillseachadh dhoibh na slighe air an imicheadh iad.

13 Agus thàinig thu nuas air sliabh Shinai, agus labhair thu ri uile nàmh, agus thug thu dhoibh breitheanais chearta, agus laghan fìor-ghlan, reachdan agus àitheantan maithe.

14 Agus do shàbaid naomh dh'fhoillsich thu dhoibh; agus àitheantan, agus reachdan, agus lagh, dhàithn thu dhoibh le làimh Mhaois d'òglaich:

15 Agus aran o nàmh thug thu dhoibh 'n an ocras, agus uisge as a' charraig thug thu mach dhoibh 'n an tart: agus thubhairt thu ri uile dol a steach a shealbhadh an fhearainn a mhionnaich thu gu'n tugadh tu dhoibh.

16 Ach rinn iad féin agus ar n-aithrichean gu h-uabhaireach, agus chruaidhich iad am muineal, agus cha d'éisd iad ri d'àitheant-aibh,

17 Agus dhiùlt iad éisdeachd, agus cha do chuimhnich iad d'iongantasan a rinn thu 'n an measg; ach chruaidhich iad am muineal, agus chomharraich iad ceannard, chum pillinn d'an daorsa 's an Eiphit: ach *is* Dia thusa a tha ealamh gu maitheanas a thoirt seachad, gràsmhor agus tròcaireach, mall a chum feirge, agus pailt ann an truacantas, agus cha do thréig thu iad.

18 Eadhon an uair a rinn iad dhoibh féin laogh laghta, agus a thubhairt iad, So do dhia a thug a nìos thu as an Eiphit, agus a dh'òibrich iad mòran brosnachaidh;

19 Gidheadh a'd' thruacantas mòr cha do thréig thu iad 's an fhàsach: cha do dheal-aich am meall neoil ri uile 's an là, gu'n treòrachadh air an t-slighe; no am meall teine 's an oidheche, a shoillseachadh na slighe dhoibh air an imicheadh iad.

20 Agus do spiorad maithe thug thu seachad gu'n teagag, agus do mhana cha do chum thu o'm beul, agus uisge thug thu dhoibh 'n an tart.

21 Eadhon dà fhichead bliadhna bhacath-aich thu iad 's an fhàsach: cha robh dìth

orra: cha d'fhàs an eudach sean, agus cha d'at an cosan.

22 Agus thug thu dhoibh rìoghachdan agus slòigh, agus roinn thu iad ann an cearnaibh; agus shealbhaich iad tìr Shihoin, agus tìr rìgh Hesboin, agus tìr Og rìgh Bhàsain.

23 Agus rinn thu an clann Ìonmhor mar reultan nan nàmh, agus thug thu iad do'n tìr mu'n dubhairt thu r'an aithricibh, gu'n rachadh iad a steach g'a sealbhachadh.

24 Agus chaidh an clann a steach, agus shealbhaich iad an tìr, agus chiosnaich thu rompa luchd-àiteachaidh na tìre, na Canaan-aich, agus thug thu thairis 'n an làimh iad fèin agus an rìghrean, agus sluagh na tìre, a dheanamh riu mar bu mhiann leo.

25 Agus ghlaic iad bailtean daingnichte, agus talamh reamhar, agus shealbhaich iad tighean làn de gach *nì* maith, tobraichean cladaichte, fion-lìosan agus lìosan-olaidh, agus craobhan meas ann am pailteas: agus dh'ith iad, agus shàsuicheadh iad, agus dh'fhàs iad reamhar, agus bha toil-inntinn aca ann ad mhòr mhaith-eas-sa.

26 Gidheadh, bha iad eas-umbal, agus rinn iad ceannaire a'd' aghaidh, agus thilg iad do lagh air an cùlaobh, agus mharbh iad d'fhàidhean a thug fianuis 'n an aghaidh, chum am pilltinn a d'ionnsuidh; agus dh'oibrich iad mòran brosnachaidh.

27 Air an aobhar sin thug thu thairis iad do làimh an naimhdean, a shàraich iad; agus ann an àm an airce ghlaodh iad riut, agus o na nàmhnan chuala tu, agus a'd' mhòr thròcair thug thu dhoibh luchd-saoraidh, a shaor iad á làimh an naimhdean.

28 Ach an uair a bha fois aca, rinn iad olc a ris a'd' fhianuis; uime sin dh'fhàg thu iad ann an làimh an naimhdean, agus bha uachdaranachd aca orra. Gidheadh, an uair a phill iad agus a ghlaodh iad riut, chuala tu o na nàmhnan, agus shaor thu iad a'd' mhòr thròcair iomadh uair:

29 Agus thug thu fianuis 'n an aghaidh, chum an toirt air an ais a dh'ionnsuidh do lagha: gidheadh, rinn iadsan gu h-uabhair, agus cha d'èisd iad ri d'aitheantaibh, ach pheacaich iad an aghaidh do bhreithcanas, (nithean ma bheir duine ùmhlaich dhoibh, bithidh e beò anna:) agus tharruing iad air falbh an gualann, agus chruaidhich iad am muineal, agus cha-n èisdeadh iad.

30 Agus ghiùlain thu leo ré iomadh bliadhna, agus rinn thu fianuis 'n an aghaidh le d' spiorad le làimh d'fhàidhean: ach cha-n èisdeadh iad, agus thug thu thairis iad do làimh shluagh nan tìr.

31 Gidheadh ann ad mhòr thròcair cha do chuir thu as doibh gu tur, agus cha do thréig thu iad; oir *is* Dia gràsmhor agus tròcaireach thusa.

32 A nis ma ta, O ar Dia-ne, a Dhé mhòir, chumhachdaich, agus uamhasaich,

a chumas coimhcheangal agus trècair, na measar beag a' d'fhianuis an sàrachadh so uile a thàinig oirne, air ar rìghribh, air ar n-uachdaranuibh, agus air ar sagartaibh, agus air ar fàidhibh, agus air ar n-aithrichibh, agus air do shluagh uile, o làithibh rìghrean Asiria gu ruig an là'n diugh.

33 Ach *tha* thusa cothromach anns gach *nì* a thàinig oirnn; oir rinn thusa gu fìrinn-each, ach rinn sinne gu h-àingidh.

34 Cha do ghléidh ar rìghrean, ar n-uachdaran, ar sagartan, no ar n-aithrichean do lagh-sa, agus cha d'èisd iad ri d'aitheantaibh, agus ri d' theistean leis an d'thug thu teistcas 'n an aghaidh:

35 Oir cha do rinn iad seirbhis dhuit 'n an rìoghachd, agus anns a' mhòr mhaith a thug thu dhoibh, agus anns an fhearamh fharsaing agus reamhar a chuir thu fa'n comhair: agus cha do phill iad o'n droch oibribh.

36 Feuch, *is* seirbhisich sinn an diugh, agus am fearann a thug thu d'ar n-aithricibh a dh'itheadh a thoraidh agus a mhaith, feuch, *is* seirbhisich sinn ann.

37 Agus *is* mòr a thoradh do na rìghribh a chuir thu os ar ceann air son ar peacaidhean; agus *tha* uachdaranachd aca os ceann ar corp, agus os ceann ar sprèidhe, a réir an toile, agus tha sinn ann an àmhghar mòr.

38 Agus air son so uile nì sinn coimhcheangal cinnteach, agus sgrìobhaidh sinn *e*; agus cuiridh ar n-uachdaran, ar Lebhithich, agus ar sagartan an seula air.

CAIB. X.

1 *Ainmean an t-sluaigh a chuir an seula ris a' choimhcheangal.* 28 Chaidh a' chuid eile de'n t-sluaigh fo mhionnaibh gluasad ann an lagh Dhé.

AGUS so iadsan a chuir an seula air: Nehemiah an Tirsata, mac Hachaliah, agus Sedeciah,

2 Seraiah, Asariah, Jeremiah,

3 Pasur, Amariah, Malchiah,

4 Hatus, Sebaniah, Maluch,

5 Harim, Meremot, Obadiah,

6 Daniel, Gineton, Baruch,

7 Mesulam, Abiah, Miamin,

8 Maasiah, Bilgai, Semaiah: *U*iad sin na sagartan.

9 Agus na Lebhithich: Iesua mac Asaniah, Binui de mhacaibh Henadaid, Cadmiel;

10 Agus am bràithrean, Sebaniah, Hodiah, Celita, Pelaiah, Hanan,

11 Micha, Rehob, Hasabiah,

12 Sacur, Sercbiah, Sebaniah,

13 Hodiah, Bani, Beninu.

14 Cinn an t-sluaigh: Paros, Pahet-moab, Elam, Satu, Bani,

15 Buni, Asgad, Bebai,

16 Adoniah, Bigbhai, Adin,

17 Ater, Hisciah, Adsar,
18 Hodia, Hasum, Besai,
19 Hariph, Anatot, Nebai,
20 Magpias, Mesulam, Ihesir,
21 Mesesabeel, Sadoc, Iadua,
22 Pelatiah, Hanan, Anaiah,
23 Hosea, Hananiah, Hasub,
24 Halohes, Pileha, Sobec,
25 Rehum, Hasabnah, Maaseiah,
26 Agus Ahiah, Hanan, Anan,
27 Maluch, Harim, Baanah.

28 Agus a' chuid eile de'n t-sluagh, na sagartan, na Lebhithich, na dorsairean, an luchd-seinn, na Netinich, agus iadsan uile a dhealaich iad féin o shluagh nan tìr a chum lagha Dhé, am mnathan, am mic, agus an nigheanan, gach aon aig an robh còlas agus tuigse;

29 Dhluth-lean iad r'am bràithribh, an àrd uaislean, agus chaidh iad fo mhallachadh, agus fo mhionnaibh, gluasad ann an lagh Dhé, a thugadh seachad le làimh Mhaois òglaich Dhé, agus a choimhead agus a dheanamh uile àitheantan Ichobhah ar Tighearn', agus a bhreithcanas, agus a reachdan:

30 Agus nach toir sinn ar nigheanan do shluagh na tìre, agus nach gabh sinn an nigheanan-san d'ar macaibh:

31 Agus ma bheir sluagh na tìre leo bathar, no biadh air bith air là na sàbaid, g'a reiccadh, nach ecannaich sinn e uatha air an t-sàbaid, no air là naomh: agus gu'n leig sinn seachad an t-seachdamh bliadhna, agus togail nam fiach uile.

32 Mar an ceudna rinn sinn reachdan dhuinn féin, an treas cuid de shecel a chur a dh'f'hiachaibh oirun féin gach bliadhna, air son seirbhis tighe ar Dé;

33 Air son an arain thaisbeanaidh, agus air son an tabhartais-bhìdh ghnàthaichte, agus air son iobairt-loisgte ghnàthaichte nan sàbaid agus nan gealach ùr, air son nam féill suidhichte, agus air son nan nithean naomha, agus air son nan iobairt-pheacaidh, a dheanamh réite air son Israeil, agus air son uile oibre tighe ar Dé.

34 Agus thilg sinn croinn, na sagartan, na Lebhithich, agus an sluagh mu'n tabhartas-fhiodha, chum a thabhairt gu tigh ar Dé, a réir tighe ar n-aithrichean, air amaibh suidhichte, o bhliadhna gu bliadhna, a losgadh air altair an Tighearn' ar Dé, mar *tha e* sgrìobhta anns an lagh:

35 Agus a thabhairt ceud-thoraidh ar fearainn, agus ceud-thoraidh uile mheas gach uile chraoibh, o bhliadhna gu bliadhna, gu tigh an Tighearn:

36 Agus a thabhairt ceud-ghin ar mac, agus ar n-ainmhidhean, mar *tha e* sgrìobhta anns an lagh, agus ceud-ghin ar cruidh agus ar caorach, gu tigh ar Dé, dh'ionnsuidh nan sagart a fhrithailcas ann an tigh ar Dé:

37 Agus gu'n tugamaid ceud-thoradh ar taoisc, agus ar tabhartasan, agus meas gach gnè craoibhe, fiona agus olaidh, dh'ionnsuidh nan sagart, gu seòmraichibh tighe ar Dé; agus deachamh ar fearainn do na Lebhithich, air chor as gu faigheadh na Lebhithich sin an deachamh ann an uile bhailtibh ar treabhachais.

38 Agus bithidh an sagart mac Aaroin maille ris na Lebhithich, an uair a thogas na Lebhithich an deachamh: agus bheir na Lebhithich suas leo deachamh an deachaimh gu tigh ar Dé, a steach do na seòmraichibh, do thigh an ionmhais:

39 Oir bheir clann Israeil, agus clann Lebhi leo tabhartas an arbhair, an fhiona nuaidh, agus na h-olaidh, steach do na seòmraichibh, far am bheil soithichean an ionaid naomh, agus na sagartan, [agus] an luchd-frithealaidh, agus na dorsairean, agus an luchd-seinn. Agus cha tréig sinne tigh ar Dé.

CAIB. XI.

1 *Chòmhnuich uachdarain an t-sluaigh, agus na daoine a thairg iad féin gu toileach, ann an Ierusalem:* 20 *Ghabh a' chuid eile de'n t-sluagh còmhnuidh gach duine 'n a sheilbh féin.*

AGUS chòmhnuich uachdarain an t-sluaigh ann an Ierusalem; agus thilg a' chuid eile de'n t-sluagh croinn, a thoirt aoin as an deichnear a ghabhail còmhnuidh ann an Ierusalem am baile naomh, agus *gu'm bitheadh* naoi earrannan anns na bailtibh eile.

2 Agus bheannaich an sluagh na daoine uile, a thairg iad féin gu toileach gu còmhnuidh 'ghabhail ann an Ierusalem.

3 Agus is iad so cinn na mòr-roinne, a chòmhnuich ann an Ierusalem, agus am am bailtibh Iudah: ghabh gach aon còmhnuidh 'n a sheilbh féin, 'n am bailtibh, na h-Israel-ich, na sagartan, agus na Lebhithich, agus na Netinich, agus mic sheirbhiseach Sholaimh.

4 Agus chòmhnuich ann an Ierusalem de chloinn Iudah agus de chloinn Bheniamin: de chloinn Iudah: Ataiah mac Udsiah, mhic Shechariah, mhic Amariah, mhic Shephatiah, mhic Mahalaleil, de chloinn Phereis:

5 Agus Masseiah mac Bharuich, mhic Cholhosch, mhic Hasaiah, mhic Adaiah, mhic Ioarib, mhic Shechariah, mhic Shiloni.

6 Mic Phereis uile a chòmhnuich ann an Ierusalem, ceithir cheud, trì fichead, agus oched fir threuna.

7 Agus is iad so mic Bheniamin: Salu mac Mhesulaim, mhic Ioeid, mhic Phedaiah, mhic Choliaih, mhic Mhaaseiah, mhic Itiel mhic Iesaiah.

8 Agus 'n a dhéigh-san Gabai, Salai, naoi ceud agus a h-oched thar fhichead.

9 Agus Iael mac Shichri 'n a fhear-
amhaire thairis orra; agus Iudah mac She-
nuah an dara fear de na ceann a' bhaile.

10 De na sagartaibh: Iedaiah, Ioiarib,
Iachin,

11 Seraiah mac Hilciah, mhic Mhesulaim,
mhic Shadoic, mhic Mheraiot, mhic Ahi-
tuib, riaghlair tighe Dhé.

12 Agus am bràithrean a rinn obair an
tighe, o chd ceud, agus a dhà thar fhichead:
agus Adiah mac Ierohaim, mhic Phelaliah,
mhic Amsi, mic Shechariah, mhic Phasuir,
mhic Mhalehiah;

13 Agus a bhràithrean, cinn nan aithrich-
ean, dà cheud, dà fhichead, agus a dhà:
agus Amasai mac Asarecil, mhic Ahasai,
mhic Mhesilemoit, mhic Imeir.

14 Agus am bràithrean, fir chomasach
ghaisgeil, ceud agus a h-ochd thar fhichead:
agus 'n a fhear-amhaire thairis orra Sab-
diel, mac aoin de na daoineibh mora.

15 Agus de na Lebhithich: Semaiah mac
Hasuib, mhic Asricaim, mhic Hasabiah,
mhic Bhuni;

16 Agus Sabetai, agus Iosabad, de eheann-
aibh nan Lebhithich, os ceann oibre tighe
Dhé o'n leth muigh.

17 Agus Mataniah mac Mhicha, mhic
Shabdi, mhic Asaiph, an ceud fhear a thòis-
icheadh air buidheachas a thoirt ann an
urruigh; agus Bacbuciah, an dara fear am
measg a bhràithrean, agus Abda mac Sha-
mua, mhic Ghalail, mhic Iedutuin.

18 Na Lebhithich uile anns a' bhaile
naomh, dà cheud, ceithir fichead, agus a
ceithir.

19 Agus na dorsairean, Acub, Talmon,
agus am bràithrean a bha ri faire aig na
geataibh, ceud, trì fichead, agus a dhà-
dheug.

20 Agus bha 'chuid cile de Israel, na
sagartan, agus na Lebhithich, ann an uile
bhailtibh Iudah, gach fear 'n a sheilbh
féin.

21 Ach ghabh na Netinich còmhnuidh ann
an Ophel; agus bha Siha agus Gispas os
ceann nan Netineach.

22 Agus 'e fear-amhaire thairis nan Lebh-
ithich ann an Ierusalem Udsi mac Bhani,
mhic Hasabiah, mhic Mhatanah, mhic
Mhicha. De mhacaibh Asaiph, bha 'n luchd-
seinn fa chomhair oibre tighe Dhé:

23 Oir 'b'i àithne an rìgh mu'n timchioll,
gu'm bitheadh cuibhrionn àraidh air son an
luchd-seinn, a dhlighe féin air gach là.

24 Agus bha Petaiah mac Mhesesabeeil, de
chloinn Sherah mhic Iudah, aig làimh an
rìgh anns gach cùis a thaobh an t-sluaigh.

25 Agus a thaobh nam bailtean beaga
'n am fearann, ehòmhnuich cuid de mhac-
aibh Iudah ann an Cariat-arba agus 'n a
bhailtibh beaga, agus ann an Dibon agus
'n a bhailtibh beaga, agus ann an Iecabseel
agus 'n a bhailtibh beaga,

26 Agus ann an Iesua, agus ann am Mola-
dah, agus ann am Bet-pelet,

27 Agus ann an Hasar-sual, agus ann am
Beer-seba agus 'n a bhailtibh beaga,

28 Agus ann an Siclag, agus ann am Me-
conah agus 'n a bhailtibh beaga,

29 Agus ann an En-rimon, agus ann an
Sareah, agus ann an Iarnut,

30 Sanoah, Adulam, agus 'n am bailtibh
beaga, ann an Lachis agus 'n a fhearann.
ann an Asecab agus 'n a bhailtibh beaga.
Agus chòmhnuich iad o Bheer-seba gu ruig
gleann Hinoim;

31 Agus mic Bhieniamin o Gheba, ann am
Michmas, agus Aia, agus Bet-el agus 'n a
bhailtibh beaga,

32 Ann an Anatot, Nob, Ananiah,

33 Hasor, Ramah, Gitaim,

34 Hadid, Seboim Nebalat,

35 Lod, agus Ouo, gleann an luchd-ceirde.

36 Agus de na Lebhithich bha roinnean,
ann an Iudah, agus ann am Beniamin.

CAIB. XII.

1 Na sagartan agus na Lebhithich a chaidh
suas maille ri Serubabel. 12 Cinn aithrichean
nan sagart. 27 Coisreagadh balla Ierusalem.
44 Dreuchd nan sagart agus nan Lebhithich
a shuidhicheadh anns an teampull.

A GUS is iad so na sagartan agus na
Lebhithich a chaidh suas maille ri
Serubabel mac Shealtieil, agus Iesua: Se-
raiah, Ieremiah, Esra,

2 Amariah, Maluch, Hatus,

3 Sechaniah, Rehun, Meremot,

4 Ido, Ginet, Abiah,

5 Miamin, Maadiah, Bilgah,

6 Semaiah, agus Ioiarib, Iedaiah,

7 Salu, Amoc, Hilciah, Iedaiah: 'b'iad sin
cinn nan sagart agus am bràithrean ann an
làithibh Iesua.

8 Agus na Lebhithich: Iesua, Binui, Cad-
miel, Serebiah, Iudah, agus Mataniah a bha
os ceann nan laoidh-mholaidh, e féin agus a
bhràithrean:

9 Agus Bacbuciah, agus Uni, agus am
bràithrean, a bha thall fa'n comhair-san
amns na fairibh.

10 Agus ghin Iesua Ioiacim, agus ghin
Ioiacim Eliasib, agus ghin Eliasib Ioiada,

11 Agus ghin Ioiada Ionatan, agus ghin
Ionatan Iadua.

12 Agus ann an làithibh Ioiacim bha 'n an
sagartan, cinn nan aithrichean: o Seraanah,
Meraiah: o Ieremiah, Hananiah:

13 O Esra, Mesulam: o Amariah, Icho-
hanan:

14 O Mhelicu, Ionatan: o Shechaniah,
Ioseph:

15 O Harim, Adnah: o Mheraiot, Helcai:

16 O Ido, Sechariah: o Ghineton, Mesulam:

17 O Abiah, Sichri: o Mhiamin, ***: o
Mhoadiah, Piltai:

18 O Bhilgah, Samua: o Shemaiah, Icho-
natan:

NEHEMIAH, XIII.

19 O Ioiarib, Matenai: o Iedaiah, Udsi:

20 O Shalai, Calai: o Amoc, Eber:

21 O Hileiah, Hasabiah: o Iedaiah, Neta-neel.

22 Sgrìobhadh sìos na Lebhithich ann an làithibh Eliasib, Ioiada, agus Iohanain, agus Iadua, cinn nan aithrichean; agus na sagartan gu ruig rìoghachadh Dhariuis a' Phersaich.

23 Sgrìobhadh sìos mic Lebhi, cinn nan aithrichean, ann an leabhar nan eachdraidh, gu ruig làithean Iohanain mhic Eliasib.

24 Agus cinn nan Lebhitheach: Hasabiah, Serebiah, agus Iesua mac Chadmieil, agus am bràithrean thall fa'n comhair, a mholadh agus a thabhairt buidheachais a réir àithne Dhaibhidh òglaich Dhé, faire fa chomhair faire.

25 Mataniah, agus Bacuciah, Obadiah, Mesulam, Talmon, Acub, 'n an dorsairibh a' coimhead na faire aig stairsneachaibh nan geata.

26 Iad sin ann an làithibh Ioiacim mhic Iesua, mhic Iosadaic, agus ann an làithibh Ne'emiah an uachdarain, agus Esra an t-sagairt, an sgrìobhaiche.

27 Agus aig coisreagadh balla Ierusalem dh'iarr iad na Lebhithich as an àitibh uile, chum an tabhairt gu h-Ierusalem, a chumail a' choisreagaidh le h-aobhneas, agus le breth-buidheachais, agus le seinn, le ciombalaibh, saltairibh, agus le clàrsaichibh.

28 Agus chruinnich mic an luchd-seinn an ceann a chéile, araon as an tìr chòmhnaidh mu thimchioll Ierusalem, agus á bailtibh beaga Nctophati;

29 Agus á tigh Ghilgail, agus á machairibh Gheba agus Asmabail; oir thog an luchd-seinn bailtean beaga dhoibh féin mu thimchioll Ierusalem.

30 Agus ghlan na sagartan agus na Lebhithich iad féin, agus ghlan iad an sluagh, agus na geatachan, agus am balla.

31 An sin thug mi suas uachdarain Iudah air a' bhalla, agus dh'orduich mi dà chuideachd mhòr chum molaidd, agus gu'n imich-eadh *aon* a dh'ionnsuidh na làimhe deise air a' bhalla gu geata an aolaich:

32 Agus 'n an déigh-san chaidh Hosaiah, agus leth uachdarain Iudah,

33 Agus Asariah, Esra, agus Mesulam,

34 Iudah, agus Beniamin, agus Semaiah, agus Ieremiah:

35 Agus *cuid* de mhacaibh nan sagart le trompaidibh; Sechariah mac Ionatain, mhic Shemaiah, mhic Mhataniah, mhic Mhichai-ah, mhic Shacuir, mhic Asaiph;

36 Agus a bhràithrean Semaiah, agus Asareel, Milalai, Gilalai, Maai, Netaneel, agus Iudah, agus Hanani, le innealaibh-ciuil Dhaibhidh òglaich Dhé, agus Esra an sgrìobhaiche rompa.

37 Agus aig geata an tobair a bha fa'n comhair, chaidh iad suas air ceumaibh baile

Dhaibhidh, aig dol suas a' bhalla, os ceann tìghe Dhaibhidh, gu ruig geata an uisge a làimh na h-àirde 'n ear.

38 Agus dh'imich a' chuideachd eile a bha chum molaidd thall fa'n comhair, agus mise 'n an déigh, agus leth an t-sluaigh air a' bhalla, o thaobh shuas tùir nan àmhuinn gu ruig am balla leathan;

39 Agus o thaobh shuas geata Ephraim, agus os ceann an t-seann gheata, agus os ceann geata an éisg, agus tùir Hananeeil, agus tùir Mheah, gu ruig geata nan caorach; agus sheas iad ann an geata a' phrìosain.

40 An sin sheas an dà chuideachd a bha chum molaidd ann an tigh Dhé, agus mise agus leth nan riaghlair maille rium:

41 Agus na sagartan, Eliacim, Maaseiah, Minianin, Michaiah, Elioenai, Sechariah, Hananiah le trompaidibh;

42 Agus Maaseiah, agus Semaiah, agus Eleasar, agus Udsi, agus Iehohanan, agus Malchiah, agus Elam, agus Eser: agus sheinn an luchd-seinn gu h-àrd, agus Iesraiah 'n a fhear-amhair thairis orra.

43 Agus dh'ìobair iad air an là sin ìobairt-ean mòra, agus rinn iad gairdeachas; oir thug Dia orra gairdeachas a dheanamh le h-aobhneas mòr: rinn na mnathan mar an ceudna agus a' chlann gairdeachas, agus chualas gairdeachas Ierusalem 'an cén.

44 Agus shuidhicheadh air an là cheudna daoine os ceann nan seòmar air son nan ionmhas, air son nan tabhartas, air son nan ceud thoradh, agus air son nan deachamh, chum gu'n cruinnicheadh iad amta á achannaibh nam bailtean cuibhriannan an lagha do na sagartan agus do na Lebhithich: oir *bha* aobhneas air Iudah air an sin sagart agus air son nan Lebhitheach a bha a' feitheamh.

45 Agus choinnidh iad faire an Dé, agus faire a' ghlanaidh, araon an luchd-seinn agus na dorsairean, a réir àithne Dhaibhidh agus Sholaimh a mhic:

46 Oir ann an làithibh Dhaibhidh agus Asaiph o shean *bha* cinn ann air an luchd-seinn, agus air na laoidhibh molaidd agus buidheachais do Dhia.

47 Agus thug Israel uile seachad ann an làithibh Sherubabeil, agus ann an làithibh Nehemiah, cuibhriannan an luchd-seinn agus nan dorsair, dlìge gach là air a là féin; agus naomhaich iad *nithean* do na Lebhithich; agus naomhaich na Lebhithich do chloinn Aaroin.

CAIB. XIII.

1 *Air leughadh an lagha dhoibh dhealaicheadh Israel o'n t-sluaigh mheasga.* 4 'N uair a phill Nehemiah thug e fairear na seòmraichean a ghlanadh. 10 Thugair e càis nan Lebhithich. 15 Mu bhriseadh na sàbaid. 23 Mu na h-Iudhaich a phòs mnathan coimheach.

AIR an là sin leughadh ann an leabhar Mhaois ann an éisdeachd an t-sluaigh,

agus fhuaradh sgrìobhta ann, nach tigeadh an t-Amonach agus am Moabach a steach do choimhthional Dhé gu bràth;

2 A chionn nach do choinnich iad clann Israeil le h-aran agus le h-uisge, agus gu'n do thuarasdalaich iad Balaam 'n an aghaidh chum am mallachadh: ach thionndaidh ar Dia am mallachadh gn beannaichadh.

3 A nis an uair a chual' iad an lagh, dhealaich iad an sluagh measgta uile o Israeil.

4 Agus roimhe so *bha* aig Eliasib an sagart, a chuireadh os ceann seòmair tìghe ar Dé, cleamhnas ri Tobiah.

5 Agus rinn e dha seòmair mòr, far an robh iad roimhe a' cur an tabhartais-bhìdh, na tùise, agus nan soitheach, agus deachaimh an arbhair, an fhìona nuaidh, agus na h-olaidh, (a dh'orduicheadh do na Lebhithich, agus do'n luchd-seinn, agus do na dorsairibh,) agus tabhartais nan sagart.

6 Ach an uair a thachair so uile cha robh mise ann an Ierusalem; oir anns an dara bliadhna deug thar fhichead de Artaceses rìgh Bhabiloìn, thàinig mi dh'ionnsuidh an rìgh, agus an dèigh làithean àraidh fhuair mi mo chead o'n rìgh:

7 Agus thàinig mi gu h-Ierusalem, agus thuing mi an t-olc a rinn Eliasib air son Thobiah, seòmair a dheanamh dha ann an cùirtibh tìghe Dhé.

8 Agus ghabh mi gu ro ole e; agus thilg mi uile airneis-tìghe Thobiah nach as an t-seòmair.

9 Agus dh'àithn mi, agus ghlan iad na seòmraichean: agus thug mi air an ais an sin soitheichean tìghe Dhé, an tabhartas-bìdh agus an tùis.

10 Agus dh'àithnich mi nach d'thugadh seachad cuibhriannan nan Lebhithich; oir theich na Lebhithich agns an luchd-seinn a rinn an obair, gach dhùine a dh'ionnsuidh 'fhearainn féin.

11 Agus thug mi achmhasan do na riaghlairibh, agns thubhairt mi, C'ar son a thréigeadh tìgh Dhé? Agus chruinnich mi iad ri 'chéile, agus shuidhich mi iad 'n an àit.

12 Agus thug Iudah uile deachamh an arbhair, agus an fhìona nuaidh, agus na h-olaidh a steach do na h-ionmhasaibh.

13 Agus chuir mi luchd-coimhid os ceann nan ionmhas, Selemlah an sagart, agus Sadoc an sgrìobhaiche; agus de na Lebhithich, Pedaiah; agus làmh ri-san Hanan mac Shacuir, mhic Mhatanah: oir nheasadh fìrinneach iad, agns *bha* orra-san roinn air am bràithribh.

14 Cuimhnich orm, O mo Dhia, air son so, agus na cuir as do shealladh mo dheadh ghnìomharan a rinn mi a thaobh tìghe mo Dhé agus a thaobh 'fhairean.

15 Anns na làithibh sin chunnaic mi ann an Iudah daoine a' saltairt fhòin-amar air

an t-sàbaid, agus a' toirt a stigh sguab, agus a' cur luchd air asalaibh; agus mar an ceudna fion, fion-dhearcan, agus fìgean, agus gach *gnè* callaich, a thug iad a stigh do h-Ierusalem air là na sàbaid: agus thug mi fianuis 'n an aghaidh air an là air an do reic iad biadh.

16 Ghabh mar an ceudna Tioraich còmh-nuidh ann, a thug a stigh iasg agus gach gnè bathair; agus reic iad air an t-sàbaid ri clann Iudah, agus ann an Ierusalem.

17 Agus thug mi achmhasan do àrd uaislibh Iudah, agus thubhairt mi rin, Ciod an ni ole so a tha sibh a' deanamh, agus sibh a' brisacadh là na sàbaid?

18 Nach d'rinn bhuir n aithrichean mar so, agus nach d'thug ar Dia an t-olc so uile oirne, agus air a' bhaile so? agus tha sibhse a' toirt tuilleadh feirge air Israeil leis an t-sàbaid a bhriseadh.

19 Agus an uair a thòisich geatachan Ierusalem air a bhli dorecha roimh 'n t-sàbaid, dh'àithn mi, agus dhruideadh na comhlachan: agus dh'àithn mi nach bithcadh iad air am fosgladh gus an déigh na sàbaid: agus *cuid* de n'òglachaibh shuidhich mi aig na geataibh, chum nach tigeadh eallach a stigh air là na sàbaid.

20 Agus ghabh na ceannaichean, agns luchd-reicidh gach gnè bathair, tàmh an taobh a mnigh de Ierusalem uair no dhà.

21 Agus thug mi fianuis 'n an aghaidh, agus thubhairt mi rin, C'ar son a tha sibh a' gabhail tàmh fa chomhair a' bhalla? ma ni sibh a ris e, leagaidh mi làmh oirbh. O'n àm sin cha d'thàinig iad *tuilleadh* air an t-sàbaid.

22 Agus dh'àithn mi do na Lebhithich, a bhia 'g an glanadh féin, agus a thàinig a ghleidheadh nan geata, gu'n naomhaicheadh iad là na sàbaid. Cuimhnich orm, O mo Dhia, *thaobh* so mar an ceudna, agus caomhain mi a réir meud do thròcair.

23 Mar an ceudna anns na làithibh sin chunnaic mi Iudhaich a phòs mnathan de Asdod, de Amon, agus de Mhoab.

24 Agns labhair an clann leth ann an cainnt Asdoid, agus cha b'urrainn iad labhairt ann an cainnt nan Iudhach, ach a réir cainnte an dà shluaigh.

25 Agus thug mi achmhasan dhoibh, agus mhallach mi iad, agus bhuail mi cuid diubh, agus spòn mi dhiubh am falt, agus thug mi orra mionnachadh air Dia, nach tugadh iad an nigheanan d'am macaibh-san, agus nach gabhadh iad an nigheanan-san d'am macaibh, no dhoibh féin.

26 Leis na nithibh sin nach do pheacaich Solamh rìgh Israeil? gidheadh am measg mhòrain chinneach cha robh rìgh ann cosmhuil ris, a bhia air a ghràdhachadh le 'Dhia, agus a rinn Dia 'n a rìgh air Israeil nìle, ach thug mnathan coimheach air-san féin peacachadh.

27 An éisd sinn ribh ma ta gus an t-olc mòr so uile a dheanamh, gu peacachadh an aghaidh ar Dé, le mnathan coimheach a phòsadh.

28 Agus bha *aon* de mhacaibh Ioiada, mhic Eliasib an àrd-shagairt, 'n a chliamh-uin aig Sanbalat an t-Horonach: uime sin dh'fhògair mi uam e.

29 Cuimhnich orra, O mo Dhia, chionn gu'n do thruaill iad an t-sagartachd, agus

coimheangal na sagartachd agus nan Lebhitheach.

30 Mar so ghlan mi iad o gach coigreach, agus dh'orduich mi fairean nan sagart agus nan Lebhitheach, gach aon 'n a ghnothuch féin:

31 Agus air son nan tabhartas-fiodha, aig amaibh suidhichte, air son nan ceud thor-adh. Cuimhnich orm, O mo Dhia, clum maith.*

ESTER.

CAIB. I.

1 *Rinn Ahasuerus cuirm d'a uachdaranaibh agus d'a sheirbhìsich. 10 Dhiùlt Bhasti teachd an làthair an rìgh 'n uair a chuir e fios oirre. 16 Le comhairle Mhemucain chuir an rìgh air falbh Bhasti.*

ANIS ann an làithibh Ahasueruis, (*is e* so an t-Ahasuerus a rìghlich o India gu ruig Etiopia, *os ceann* ceud, agus seachd thar fhìchead mòr-roinn);

2 Anns na làithibh sin, an uair a shuidh rìgh Ahasuerus air rìgh-chaithir a rìoghachd, a *bha* ann an Susan an lùchairt;

3 Anns an treas bliadhna d'a rìoghachadh, rinn e fìeadh d'a uachdarain uile, agus d'a sheirbhìsich; agus cumhachd Phersia agus Mhedia, àrd naislean agus uachdarain nam mòr-roinnean 'n a làthair;

4 An uair a nochd e saoihbheas a rìoghachd ghòrmhoir, agus urram a mhòrachd òirdheire, ré ceud agus ceithir fhìhead là.

5 Agus an uair a chrìochnaicheadh na làithean sin, rinn an rìgh do'n t-sluagh uile a bha làthair ann an Susan an lùchairt, cadar mhòr agus bheag, fìeadh sheachd làithean, ann an eùirt lios tighe an rìgh.

6 *Bha na cùirteinean* geal, uaine, agus gorm' air an crochadh le cordaibh de anart grinn agus de choreur, air faillbheagaibh airgid, agus puist marmoir: na leapaichean a dh' òr agus a dh' airgiod, air leac-urlair de mharmer dearg, agus gorm, agus geal, agus dubh.

7 Agus thug iad deoch seachd ann an soithichibh òir, agus na soithichean eucosmhuil r'a chèile, agus fìon rìoghail ann am pailteas, mar a thigeadh do'n rìgh.

8 Agus *bha* 'n t-òl a réir an lagha, gun neach ann a dh'èignicheadh; oir mar sin dh'àithn an rìgh do uile dhaoinibh mòra a thighe, gu'n deanadh iad mar a b'àill leis gach duine.

9 Mar an ceudna rinn Bhasti a' bhan-rìghinn fìeadh do na mnàibh *anns* an tìgh rìoghail a *bhuineadh* do rìgh Ahasuerus.

10 Air an t-seachdamh là, 'n uair a bha cridhe an rìgh subhach le fìon, dh'àithn e

do Mhehuman, do Bhista, do Harbona, do Bhigta, agus do Abagta, do Shetar, agus do Chareas, na seachd caillteanaich a fhìrth-eil ann an làthair an rìgh Ahasueruis,

11 Bhasti a' bhan-rìghinn a thoirt an làthair an rìgh leis a' chrùn rìoghail, a nochdadh do'n t-sluagh agus do na h-uachdaranaibh a sgéimhe; oir *bha* i maiseach ri anilhare oirre.

12 Ach dhiùlt a' bhan-rìghinn Bhasti teachd air àithne an rìgh a *thug e seachd* le làimh nan caillteanach: agus bha corruich mhòr air an rìgh, agus las fhearg an taobh a stigh dheth.

13 An sin thubhairt an rìgh ris na daoineibh glìce, d'am b'àithne na h-aimsirean, (oir *b'e* sin gnàth an rìgh d'an taobh-san uile a bha còlach air lagh agus breitheanas;

14 Agus làimh ris *bha* Carsena, Setar, Admata, Tarsis, Meres, Marsena, agus Memucan, seachd uachdarain Phersia agus Mhedia, a *bha* 'faicinn gnùise an rìgh, agus a shuidh air thoiseach 's an rìoghachd.)

15 A réir an lagha cìod a nì sinn ris a' bhan-rìghinn Bhasti, a chionn nach d'rinn i iarrtas an rìgh Ahasueruis le làimh nan caillteanach?

16 Agus thubhairt Memucan an làthair an rìgh agus nan uachdaran, Cha-n ann air an rìgh a mhàin a rinn Bhasti a' bhan-rìghinn euceoir, ach mar an ceudna air na h-uachdaranaibh uile, agus air an t-sluagh uile, a *tha* ann an uile mhòr-roinneibh rìgh Ahasueruis:

17 Oir nithear gnìomh na ban-rìghinn aithnichte do na mnàibh uile, air chor as gu'n dean iad tàir air am fir 'n an sùilibh, 'n uair a their iad, Dh'àithn an rìgh Ahasuerus a' bhan-rìghinn Bhasti a thoirt a steach 'n a làthair, ach cha d'fhàinig i.

18 Mar an ceudna air an là'n diugh labhairaidh bain-tighearnan Phersia agus Mhedia, a chluinneas mu ghnìomh na ban-rìghinn, ri uile uachdaranaibh an rìgh: mar so *èiridh suas* pailteas tàire agus feirge.

19 Ma's maith leis an rìgh, thigeadh àithne rìoghail a mach uaith, agus sgrìobhar i am

measg laghauman nam Persach agus nam Médeach, chum nach atharraichear i, Nach tig Bhasti ni's mò an làthair an rìgh Ahasueruis, agus gu'n toir an rìgh a h-inbhe rioghail do mhnaoi eile a's fearr ua ise.

20 Agus an nair a chluinnear àithne au rìgh a bheir e seachad air feadh a rìoghachd uile, (oir *tha* i mòr,) bheir na mnathan uile urram d'am fearaibh, eadar mhòr agus bheag.

21 Agus thaitinn am focal ris an rìgh agus r'a uachdaranaibh; agus rinn an rìgh a réir focail Mhemucain:

22 Agus chuir e litrichean a dh'ionnsuidh uile mhòr-roinnean au rìgh, dh'ionnsuidh gach mòr-roinne a réir a sgrìobhaidh, agus a dh'ionnsuidh gach sluagh a réir au canain, gu'm bitheadh gach fear 'n a uachdaran 'n a thigh féin; agus gu'm bitheadh aoir fhoillseachadh a réir canain gach sluagh.

CAIB. II.

1 *Chomhairlich 'òglaich do'n rìgh ban-rìghinn eile iarraidh 'an àite Bhasti.* 5 *Dh'àraich Mordecai Ester.* 15 *Thaitinn Ester ri Ahasueruis, agus rinneadh i 'n a ban-rìghinn.*

AN dèigh nam uithean sin, an uair a thraoigh fearg an rìgh Ahasueruis, chuimhnich e air Bhasti, agus na rinu i, agus na dh'àithneadh 'n a h-aghaidh.

2 An sin thubhairt 'òglaich an rìgh a fhrithheil da, Iarrar do'n rìgh òighean òga sgiamhach:

3 Agus orduicheadh an rìgh luchd-riaghlaidh ann an uile mhòr-roinnibh a rìoghachd, agus cruinnicheadh iad na h-òighean òga sgiamhach uile gu Susan an lùchairt, gu tigh nam ban, fo làimh Hegai, chaillteanaich an rìgh, fhir-ghleidhidh nam ban; agus thugar *dhoibh* na uithean air son au glanaidh.

4 Agus bitheadh an òigh a thaitneas ris an rìgh, 'n a ban-rìghinn 'an àite Bhasti. Agus thaitinn au ni ris an rìgh, agus rinn e mar sin.

5 Bha Iudhach àraidh ann au Susan an lùchairt, d'am b'ainm Mordecai, mac Iair, mhic Shimei, mhic Chis, duine de Bheniamin,

6 A thugadh air falbh o Ierusalem leis a' bhraighdeanas a thugadh air falbh maille ri Leoniah rìgh Iudah, a thug Nebuchadne-sar rìgh Babiloin air falbh.

7 Agus dh'àraich e Hadasah, (*b'i* sin Ester,) nighean bràthar-athar, oir cha robh athair no màthair aice; agus bha'n òigh maiseach 'n a cruth, agus sgiamhach 'n a gnùis: agus an uair a dh'eug a h-athair agus a màthair, ghabh Mordecai d'a ionnsuidh i mar a nighean féin.

8 Agus an uair a chualas àithne an rìgh agus 'ordugh, agus an uair a chruinnicheadh iomadh òigh gu Susan an lùchairt, gu bhi fo làimh Hegai, thugadh Ester mar an

ceudna gu tigh an rìgh, gu bhi fo làimh Hegai, fhir-ghleidhidh nam ban.

9 Agus thaitinn an òigh ris, agus fhuair i caoimhneas 'n a làthair, agus rinn e deifir gus a nithean air son glanaidh, agus na bhuineadh dhi, a thabhairt d'a h-ionnsuidh, agus gu seachd maighdeanan ionchuidh a thabhairt di à tigh an rìgh; agus chuir e i féin agus a maighdeanan do'u *ait'* a b'fhearr de thigh nam ban.

10 Cha d'innis Ester a sluagh, no a luchd-dàimh; oir dh'àithu Mordecai dhi gun innseadh.

11 Agus gach là *bha* Mordecai ag im-cachd fa chomhair cùrte tighe nam ban, a dh'fhiosrachadh cionnus a bha Ester, agus ciod a dh'éircadh dhi.

12 Agus an uair a thàinig àm gach òighe gu dol a steach a dh'ionnsuidh an rìgh Ahasueruis, an dèigh dhi bhi dà mhios dheug a réir gnàtha nam ban, (oir mar sin choimhlionadh làithean an glanaidh, se miosan le h-olaidh mirr, agus se miosan le hùibhibh cùbhraidh, agus le nithibh eile chum glanaidh nam ban.)

13 An sin mar so thàinig gach òigh a dh'ionnsuidh an rìgh: gach *ni* a dh'iarr i thugadh dhi gu dol a steach leatha à tigh nam ban gu tigh an rìgh.

14 Air fcasgar chaidh i steach, agus 's a' mhaduinn phill i gu dara tigh nam ban, fo làimh Shaa-sgais, chaillteanaich an rìgh, fhir-ghleidhidh nam coimhleabach: cha d'thàinig i steach tuilleadh a dh'ionnsuidh an rìgh, mar do ghabh an rìgh tlachd dhi, agus gu'n do ghairmeadh i air a h-ainm.

15 Agus an uair a thàinig àm Esteir, nighinn Abihail, bràthar-athar Mhordecai, (a ghabh d'a ionnsuidh i mar a nighean féin,) gu dol a steach a dh'ionnsuidh an rìgh, cha d'iarr i ni air bith ach na dh'ordugh Hegai, caillteanaich an rìgh, fear-ghleidhidh nam ban: agus fhuair Ester gean-maith 'n an suilibh-san uile a dh'amhaire oirre.

16 Agus thugadh Ester a dh'ionnsuidh an rìgh Ahasueruis, a dh'ionnsuidh a thigh rioghail, anns an deicheamh mìos, (*is* e sin mìos Thebeit,) anns an t-seachdamh bliadhna d'a rìoghachadh.

17 Agus ghràdhaich an rìgh Ester os ceann nam ban uile, agus fhuair i gean-maith agus caoimhneas 'n a làthair os ceann nam òighean uile; agus chuir e an crùn rioghail air a ceann, agus riun e 'n a ban-rìghinn i 'an àite Bhasti.

18 An sin rinn an rìgh fleadh mòr d'a uachdaranaibh uile agus d'a sheirbhisich, fleadh Esteir; agus thug e saorsa do na mòr-roinnibh, agus thug e seachad tìodhlacan, mar bu chubhaidh do'n rìgh.

19 Agus an uair a chruinnicheadh na h-òighean an dara uair, an sin shuidh Mordecai ann an geata an rìgh.

20 Cha d'innis Ester *jathast* a luchd-dàimh, no a sluagh, mar dh'àithn Mordecai dhi; oir rinn Ester iarrtus Mhordecai, mar a rinn i 'n uair a dh'àraicheadh i maille ris.

21 Anns na làithibh sin, an uair a bha Mordecai 'n a shuidhe ann an geata an rìgh, bha fearg air Bigtan agus Teres, dìthibh de chailteanaich an rìgh, dhìubhsan a bha 'coimhead an doruis, agus dh'iarr iad làmh a chur anns an rìgh Ahasuerus.

22 Agus fhuair Mordecai fios air an nì sin, agus dh'innis se e do Ester a' bhan-rìghinn; agus dh'innis Ester e do'n rìgh ann an ainm Mhordecai.

23 Agus rannsaicheadh an nì, agus fhuair-adh a mach e, agus chrochadh suas iad le 'chèile air crann: agus sgrìobhadh e ann an leabhar nan eachdraidh 'am fianuis an rìgh.

CAIB. III.

1 *Dh'àrdaich Ahasuerus Haman, agus thug a sheirbhìsich uile urram da, ach Mordecai an t-Iudhach 'n a aonar: 5 Air an aobhar sin dh'iarr Haman na h-Iudhaich gu tèir a sgrios.*

AN déigh nan nithcan sin rinn an rìgh Ahasuerus Haman, mac Hamedata an Agagaich, 'n a dhuine mòr, agus dh'àrdaich se e, agus chuir e àite-suidhe os ceann nan uachdaran uile a bha maille ris.

2 Agus chrom na seirbhìsich uile a bha ann an geata an rìgh iad fèin, agus thug iad urram do Haman, oir dh'àithn an rìgh mar sin d'a thaobh; ach cha do chrom Mordecai e fèin, agus cha d'thug e urram dha.

3 Agus thubhairt seirbhìsich an rìgh, a bha ann an geata an rìgh, ri Mordecai, 'Car son a tha thu a' briseadh àitlne an rìgh?"

4 Agus an uair a labhair iad ris là 'n déigh là, agus nach d'éisd e riu, an sin dh'innis iad e do Haman, a dh'fheuchainn an seasadh briathran Mhordecai; oir dh'innis e dhoibh gu'm b'Iudhach e.

5 Agus chunnaic Haman nach do chrom Mordecai e fèin, agus nach d'thug e urram dha, agus bha Haman làn feirge.

6 Agus cha b'fhiù leis làmh a chur ann am Mordecai 'n a aonar, oir nochd iad da sluagh Mhordecai; uime sin dh'iarr Haman na h-Iudhaich uile 'sgrios a bha ann an uile rioghachd Ahasueruis, sluagh Mhordecai.

7 Anns a' cheud mhìos, (*is e sin mìos Nisain*.) anns an dara bliadhna deug de rìgh Ahasuerus, thilgeadh Pur, is e sin an crannchur, an làthair Hamain, o là gu là, agus o mhìos gu mìos, *gus* an dara mìos deug, *is e sin mìos Adair*.

8 Agus thubhairt Haman ri rìgh Ahasuerus, Tha sluagh àraidh ann air an sgaoil-cadh agus air an roinn am measg an

t-sluaigh ann an uile mhòr-roinnibh do rioghachd, agus tha laghannan air leth aca seach gach sluagh, agus cha-n'eil iad a' coimhead laghannan an rìgh; uime sin cha-n'eil e air son leas an rìgh am fulang.

9 Ma's toil leis an rìgh, sgrìobhar gu'm bi iad air an sgrios, agus locaidh mise deich mìle tàlann airgid d'an làimh-san a nì an gnothuch, chum a thabhairt do ionmhasaibh an rìgh.

10 Agus thug an rìgh 'fhàinne bhàrr a làimhe, agus thug se e do Haman, mac Hamedata an Agagaich, nàmhaid nan Iudhach.

11 Agus thubhairt an rìgh ri Haman, *Tha'n t-airgid air a thabhairt duit*, agus an sluagh, a dheanamh riu mar *is* àill leat.

12 Agus ghairmeadh sgrìobhaichean an rìgh air an treas là deug de'n cheud mhìos, agus sgrìobhadh, a réir gach nì a dh'àithn Haman, chum àrd riaghlairean an rìgh, agus a chum nan uachdaran a bha os ceann gach mòr-roinne, agus a chum cheann-feadhna gach sluagh, *chum* gach mòr-roinne a réir an sgrìobhaidh, agus a *chum* gach sluagh a réir an càinain: ann an ainm an rìgh Ahasueruis sgrìobhadh e, agus sheulaicheadh e le fàinne an rìgh.

13 Agus chuireadh na litrichean le làimh ghillea-ruithe gu uile mhòr-roinnibh an rìgh, a sgrios, a mharbhadh, agus a chur as do na h-Iudhaich uile, cadar òg agus shean, chloinn bhligh agus mhnaibh, ann an aon là, air an treas là deug de'n dara mìos deug, (*is e sin mìos Adair*.) agus am feudail a thogail mar chreic.

14 B'e suim an sgrìobhaidh, Gu'n tugtadh àitlne seachad anns gach mòr-roinn, air a foillseachadh do gach sluagh, iad a bhì deas fa chomhair an là sin.

15 Chaidh na gillea-ruithe a mach, air an greasad le h-àitlne an rìgh; agus thugadh an t-ordugh seachad ann an Susan an luch-airt: agus shuidh an rìgh agus Haman sìos a dh'òl; ach bha'm baile Susan fo amhluchd.

CAIB. IV.

1 *Rinn Mordecai agus na h-Iudhaich bròn air son àitlne an rìgh d'an taobh. 4 Thugadh fios do Ester air an nì so, agus chomharrtich-eadh dhi cadar-ghuàithe a dheanadh air son nan Iudhach. 15 Ghairm i trasgadh.*

AN uair a dh'àithnich Mordecai gach nì a rinneadh, reub e 'eudach, agus chuir e saic-eudach air agus luaithe, agus chaidh e mach gu meadhon a' bhaile, agus ghlaodh e le glaoth àrd agus scarbh.

2 Agus thàinig e cadhon fa chomhair geata an rìgh: oir cha-n'fheudadh neach air bith dol a stigh do gheata an rìgh le saic-eudach air.

3 Agus anns gach uile mhòr-roinn d'an d'thàinig focal an rìgh agus 'ordugh, bha bròn mòr am measg nan Iudhach, agus

trasgadh, agus gul, agus caoidh; agus Iudh mòran ann an saic-eudach agus ann an luathre.

4 Agus thàinig maighdeanan Esteir agus a' chailteanaich, agus dh'innis iad sin di. Agus bha a' bhan-rìghinn ro dhoilgheasach, agus chuir i eudach gu bhì air a chur air Mordecai, agus gu'n tugadh 'eudach-saice dheth: ach cha ghabhadh esan e.

5 An sin ghairm Ester air Hatach, aon de chailteanaich an rìgh, d'au d'orduigh e feitheamh oirre, agus thug i àithne dha gu Mordecai, gu'm faigheadh e fios ciod e so, agus c'ar sou so.

6 Agus chaidh Hatach a mach a dh'ionnsuidh Mhordecai, gu sràid a' bhaile, a bha fa chomhair geata an rìgh.

7 Agus dh'innis Mordecai dha gach nì a thachair dha, agus au t-suim airgid a gheall Haman a thomhas a stigh do ionnhasaibh an rìgh air son nan Iudhach, chum an sgrios.

8 Agus thug e dha ath-sgrìobhadh an orduigh, a thugadh ann an Susan gus an sgrios, chum 'fheuchainn do Ester, agus a chur 'au cèill di, agus a dh'àithneadh dhi gu'n rachadh i stigh a dh'ionnsuidh an rìgh, a dh'aslachadh air, agus a ghuidhe air as leth a sluaigh.

9 Agus thàinig Hatach, agus dh'innis e do Ester briathra Mhordecai.

10 Agus labhair Ester ri Hatach, agus thug i àithne dha gu Mordecai:

11 Tha fios aig seirbhiseich an rìgh uile, agus aig sluagh mhòr-roinnean an rìgh, ge b'e air bith fear no bean a thèid a steach a dh'ionnsuidh an rìgh do'n chùirt a's faide a stigh, air nach gairmear, *gu bheil* aon lagh aige a chur gu bàs, ach a mhàin esan d'an sin an rìgh a mach a shlat-òir rìoghail, a chum gu'm bi e beò; ach cha do ghoireadh ormsa teachd a steach a dh'ionnsuidh an rìgh na deich lathan fichead so.

12 Agus dh'innis iad do Mhordecai briathra Ester.

13 Agus dh'àithn Mordecai freagradh a thoirt do Ester, Na smuainich agad fèin gu'n fèid thu as auu an tìgh an rìgh nì's mò na na h-Iudhaich uile:

14 Oir ma bhitheas tusa gu tur a'd' thosd 's an àm so, thig lasachadh agus saorsa do na h-Iudhaich o àit cìle; ach sgriosar thusa agus tìgh d'athar: agus cò aig an bheil fios nach aun air son a leithid so dh' àm a thàinig thu do'n rìoghachd?

15 An sin dh'ìarr Ester *am* freagradh so a thoirt do Mhordecai;

16 Falbh, cruinnich r'a chéile na h-Iudhaich uile a gheibhear ann an Susau, agus traisgibh air mo shon-sa, agus na h-ithibh agus na h-dlaibh ré thri làithean, a là uo dh'oidhche: traisgidh mise agus mo maighdeanan air an dòigh cheudna; agus an sin thèid mi a stigh a dh'ionnsuidh an rìgh, nì

nach 'eil a réir an lagha; agus mar sin ma bhàsaicheas mi, bàsaicheam.

17 Agus dh'innis Mordecai, agus rinn e a réir gach nì a dh'àithn Ester dha.

CAIB. V.

1 *Fhuair Ester deadh-ghean 'an sealladh an rìgh.* 4 *Thug i cuireadh do'n rìgh agus do Haman a dh'ionnsuidh fheadha.* 5 *Bha Haman làn fèirge an aghaidh Mhordecai.* 14 *Le comhairle a' rìgh agus a chairdean rinn e croich air a shon.*

ANIS air an treas là chuir Ester oirre a [culaidh] rìoghail, agus sheas i anns a' chùirt a b'fhaide steach de thìgh an rìgh, fa chomhair tìghe an rìgh: agus bha'n rìgh 'n a shuidhe air a rìgh-chaitheir agus an tìgh rìoghail, fa chomhair geata an tìghe.

2 Agus an uair a chunnaic an rìgh Ester a' bhan-rìghinu 'n a seasamh anns a' chùirt, fhuair i deadh-ghean 'n a shealladh: agus shìn au rìgh a mach gu Ester an t-slat-òir rìoghail a bha 'n a làimh; agus thàinig Ester an fagus, agus bhean i ri bàrr ua slaite.

3 Au siu thubhairt an rìgh rithe, Ciod a's àill leat, a bhan-rìghinn Ester? agus ciod e d'ìartus? gu ruig leth na rìoghachd bheirear dhuit e.

4 Agus fhreagair Ester, Ma's maith leis an rìgh, thigeadh an rìgh agus Haman an diugh a dh'ionnsuidh na fheadha a dheasaich mi dha.

5 Agus thubhairt an rìgh, Greasaibh Haman a dheanamh mar a thubhairt Ester. Agus thàinig an rìgh agus Haman a dh'ionnsuidh na fheadha a dheasaich Ester.

6 Agus thubhairt an rìgh ri Ester aig fheadh an fhìona, Ciod i d'athchuinge? agus bheirear dhuit i: agus ciod e d'ìartus? agus gu ruig leth na rìoghachd nìhear e.

7 Agus fhreagair Ester, agus thubhairt i, Is i m'athchuinge agus m'ìartus;

8 Ma fhuair mi deadh-ghean ann an sealladh an rìgh, agus ma's maith leis an rìgh m'athchuinge a dheonachadh, agus m'ìartus a dheanamh, thigeadh an rìgh agus Haman a dh'ionnsuidh ua fheadha a dheasaicheas mi dhoibh, agus am màireach nì mi a réir focail an rìgh.

9 Agus chaidh Haman a mach air an là sin aoibhneach agus subhach 'n a chridhe: ach an uair a chunnaic Haman Mordecai ann an geata an rìgh, agus nach d'èirich e, agus nach do charuich e air a shon, bha e làn fèirge an aghaidh Mhordecai.

10 Gidheadh chum Haman air fèin, agus chaidh e dhachaidh; agus chuir e *fios* uaith, agus thug e air a chairidibh teachd d'a ionnsuidh, agus air Sercs a mhnaoi.

11 Agus chuir Haman 'an cèill doibh mòralachd a bheartais, agus òimhoir-eachd a mhac, agus gach nì leis an d'rinn au rìgh mòr e, agus mar a dh'ardaich se e

os ceann nan uachdaran, agus sheirbhiseach an rìgh.

12 Thubhairt Haman mar an ceudna, Os bàrr, cha d'thug Ester a' bhan-rìghinn duine air bith a stigh maille ris an rìgh a dh'ionnsuidh na fleadha a dheasaich i, ach mi féin; agus mar an ceudna am màir-each, tha mi air mo chuireadh leatha maille ris an rìgh.

13 Gidheadh cha dean so uile a bheag de mhaith dhomh, am feadh a chi mi Mordecai an t-Iudhach 'n a shuidhe ann an geata an rìgh.

14 Agus thubhairt Seres a bhean ris, agus a chairdean uile, Deanar croich leth-cheud làmh-choille air àirde, agus anns a' mhad-uinn labhair ris an rìgh gu'n crochar Mordecai oirre; agus gabh a steach maille ris an rìgh dh'ionnsuidh na fleadha gu subhach. Agus thaitiun an ni ri Haman, agus thug e fàinear a' chroich a bhi air a dean-amh.

CAIB. VI.

1 *Smuaimich Ahasuerus air urram a chur air Mordecai a chionn gu'n d'innis e air Bigtana agus air Teres: 10 Shònraicheadh Haman gu so a dheanamh. 13 Roimh-innis a chairdean do Haman gu'n tuiteadh e roimh Mhordecai.*

AIR an oidhe sin theich codal an rìgh uath; agus dh'iarr e leabhar-cuimhne nan eachdraidh lathail a bhi air a thabhairt d'a ionnsuidh; agus leughadh iad 'am fianuis an rìgh.

2 Agus fhuaradh sgrìobhta, gu'n d'innis Mordecai air Bigtana agus air Teres, dithis de chaillteanaich an rìgh, dhiubhsan a bha 'coimhead an doruis, a dh'iarr làmh a chur ann an rìgh Ahasuerus.

3 Agus thubhairt an rìgh, Ciod an t-urram agus an inbhe a thugadh do Mhordecai air son so? Agus thubhairt òglaich an rìgh a fhrithheil dha, Cha d'rinneadh ni air bith air a shon.

4 Agus thubhairt an rìgh, Cò a tha 's a' chùirt? (a nis bha Haman air teachd do'n chùirt a b'fhaide a mach de thigh an rìgh, a labhair ris an rìgh, gu'm bitheadh Mordecai air a chrochadh air a' chroich a dheasaich e dha.)

5 Agus thubhairt òglaich an rìgh ris, Feuch, tha Haman 'n a sheasamh anns a' chùirt. Agus thubhairt an rìgh, Thigeadh e stigh.

6 Agus thàinig Haman a stigh; agus thubhairt an rìgh ris, Ciod a nithear do'n duine air an toil leis an rìgh urram a chur? (A nis thubhairt Haman 'n a chridhe, Cò air an toil leis an rìgh urram a chur ni's mò na orm féin?)

7 Agus fhreagair Haman an rìgh, Air son an duine air an toil leis an rìgh urram a chur,

8 Thugar a làthair a' chulaidh rioghail a chuireas an rìgh air, agus an t-each air am

marcaich an rìgh, agus an crun rioghail a chuirear air a cheann:

9 Agus thugar a' chulaidh agus an t-each do làimh aoin de uachdaranaihb ro urramach an rìgh, agus sgeadaicheadh iad an duine air an toil leis an rìgh urram a chur, agus thugadh iad air marcachd air an each air sràid a' bhaile mhòir, agus gairmeadh iad roimhe, Mar so nithear do'n duine air an toil leis an rìgh urram a chur.

10 Agus thubhairt an rìgh ri Haman, Greas ort, gabh a' chulaidh agus an t-each mar a thubhairt thu, agus dean mar sin do Mhordecai an t-Iudhach, a tha 'n a shuidhe ann an geata an rìgh: ua dearnaaid ni air bith de na thubhairt thu.

11 An sin ghabh Haman a' chulaidh agus an t-each, agus sgeadaich e Mordecai, agus thug e air marcachd air an each air sràid a' bhaile mhòir, agus ghairm e roimhe, Mar so nithear do'n duine air an toil leis an rìgh urram a chur.

12 Agus phill Mordecai gu geata an rìgh: ach ghreas Haman d'a thigh féin ri bròn, agus a cheam còmhdaichte.

13 Agus dh'innis Haman do Sheres a bhean, agus d'a chairdibh uile gach ni a thachair dha. Agus thubhairt a dhaoine glìce agus Seres a bhean ris, Ma's ann de shliochd nan Iudhach Mordecai, roimh an do thòisich thu air tuiteam, cha bhuaadh-aich thu 'n a aghaidh, ach gun teagamh tuitidh tu roimhe.

14 An uair a bha iad fathast a' labhairt ris, thàinig caillteanaich an rìgh, agus rinn iad deifir gu Haman a thabhairt a dh'ionnsuidh na fleadha a dheasaich Ester.

CAIB. VII.

1 *Aig an fhleadh, dh'iarr Ester air an rìgh gu'n tèarnadh e i féin agus a shluagh o ais-innleachd Hamain. 7 Bha fearg air an rìgh ri Haman, agus dh'orduich e a chur gu bàs.*

AGUS thàinig an rìgh agus Haman chum na fleadha maille ri Ester a' bhan-rìghinn.

2 Agus thubhairt an rìgh ri Ester mar an ceudna air an dara là aig fleadh an fhìona, Ciod i d'athchuinge, a bhan-rìghinn Ester? agus bheirear dhuit i: agus ciod e d'iarrtus? agus gu ruig leth na rioghachd nith-eare e.

3 Agus fhreagair Ester a' bhan-rìghinn, agus thubhairt i, Ma fhuair mi deadh-ghean a'd' shùilibh, a rìgh, agus ma's maith leis an rìgh, thugar dhomh m'anam air m'athchuinge, agus mo shluagh air m'iarrtus:

4 Oir reiceadh sinn, wise agus mo shluagh, gu bhi air ar ditheadhadh, air ar marbhadh, agus air ar léir-sgrìos: ach nam b'ann mar thràillibh agus mar bhan-tràillibh a reiceadh sinn, bhithinn a'm' thosd, ged nach b'urraim an nàmbaid call an rìgh a dheanamh suas.

6 Agus fhreagair rìgh Ahasuerus, agus thubhairt e ri Ester a' bhan-rìghinn, Cò e so? agus c'àit am bheil esan, aig an robh a dhànadas 'n a chridhe deanamh mar sin?

6 Agus thubhairt Ester, Is e 'n t-eascaraid agus an nàmhaid Haman an droch dhuine so. Agus bha eagal air Haman an làthair an rìgh agus na ban-rìghinn.

7 Agus dh'éirich an rìgh 'n a fheirg o fhleadh an fhìona, agus chaidh e do lios na lùchairt; agus sheas Haman gu 'anam a ghuidhe o Ester a' bhan-rìghinn; oir chumnaic e gu'n do shònraicheadh olc 'n a aghaidh leis an rìgh.

8 Agus phill an rìgh o lios na lùchairt gu tigh fheadh 'an fhìona; agus bha Haman air tuiteam air an leabaidh air an robh Ester. Agus thubhairt an rìgh, An éignich e a' bhan-rìghinn mar an ceudna a'm' làthair ann am thigh? An uair a chaidh am focal a beul an rìgh, chòmhdaich iad aghaidh Hamain.

9 Agus thubhairt Harbonah, aon de na caillteanaich, an làthair an rìgh, Feuch, tha mar an ceudna a' chroich a rinn Haman do Mhordecai, a labhair maith air son an rìgh, 'n a seasamh ann an tigh Hamain, leth-cheud làmh-choille air àrde. Agus thubhairt an rìgh, Crochaibh e oirre.

10 Agus chroch iad Haman air a' chroich a dheasaich e do Mhordecai. Agus thraogh fearg an rìgh.

CAIB. VIII.

1 Dh'ardaich Ahasuerus Mordecai os ceann tìghe Hamain. 3 Thugadh comas do Ester na litrichean a sgrìobh Haman an aghaidh nan Iudhach a ghairm air an ais. 15 Inbhe Mhordecai.

AIR an là sin thug an rìgh Anasuerus tigh Hamain, eascaraid nan Iudhach, do Ester a' bhan-rìghinn; agus thàinig Mordecai an làthair an rìgh: oir dh'innis Ester ciod a dhàimh dhi.

2 Agus thug an rìgh dheth 'fhàinne a thug e o Haman, agus thug se e do Mhordecai. Agus chuir Ester Mordecai os ceann tìghe Hamain.

3 Agus labhair Ester a ris an làthair an rìgh, agus thuit i sìos aig a chosaibh, agus ghui i, agus ghuidh i air gu'n cuireadh e air falbh olc Hamain an Agagaich, agus 'ais-innleachd a dhealb e an aghaidh nan Iudhach.

4 Agus shìn an rìgh a mach an t-slat-òir rioghail gu h-Ester. Agus dh'éirich Ester, agus sheas i an làthair an rìgh,

5 Agus thubhairt i, Ma's maith leis an rìgh, agus ma fhuair mise deadh-ghean 'n a làthair, agus ma tha an ni ceart 'am fianuis an rìgh, agus ma tha mi taitneach 'n a shùilibh, sgrìobhar a ghairm air an ais nan litrichean a dhealbhadh le Haman mac Hamedata an Agagaich, a sgrìobh e chum na h-Iudhaich

a tha ann an uile mhòr-roinnibh an rìgh a sgrìos.

6 Oir cionnus is urrainn mi amharc air an olc a thig air mo shluagh? agus cionnus is urrainn mi amharc air sgrìos mo luchd-dàimh?

7 An sin thubhairt an rìgh Ahasuerus ri Ester a' bhan-rìghinn, agus ri Mordecai an t-Iudhach, Feuch, tigh Hamain thug mi do Ester, agus esan chroch iad air a' chroich, a chionn gu'n do chuir e a làmh anns na h-Iudhaich.

8 Sgrìobhaibhse mar an ceudna air son nan Iudhach, mar is maith leibh, ann an ainm an rìgh, agus seulaichibh le fàinne an rìgh: oir an sgrìobhadh a sgrìobhar ann an ainm an rìgh, agus a sheulaichear le fàinne an rìgh, cha-n fheudar a chur air ais.

9 Uime sin ghairmeadh sgrìobhaichean an rìgh air an àm sin anns an treas mìos, (is e sin mìos Shìbhain,) air an treas là fichead dheth; agus sgrìobhadh, a réir gach nì a dh'àithn Mordecai, chum nan Iudhach, agus a chum nan àrd-riaghairean, agus nan ceannard agus nachdaran nam mòr-roinnean a tha o India gu h-Etiopia, ceud agus fichead agus seachd mòr-roinn, chum gach mòr-roinne a réir an sgrìobhaidh, agus a chum gach sluagh a réir an càinain, agus a chum nan Iudhach a réir an sgrìobhaidh, agus a réir an càinain.

10 Agus sgrìobh e ann an ainm an rìgh Ahasuerus, agus sheulaich e le fàinne an rìgh, agus chuir e litrichean le làmh theachdairean air eachaibh, a' marcachd air eachaibh luatha, agus air muileidibh, slìochd nan capull;

11 Anns an d'thug an rìgh cead do na h-Iudhaich, a bha anns gach baile, cruinn-eachadh 'an ceann a chèile, agus seasamh air son an anaman, a sgrìos, a mharbhadh, agus a chur as do uile neart sluagh agus mòr-roinne a thigeadh 'n an aghaidh, araon an clann bheag agus am mnathan, agus an creach a thogail,

12 Air aon là ann an uile mhòr-roinnibh an rìgh Ahasuerus, air an treas là deug de'n dara mìos deug, (is e sin mìos Adair.)

13 B'e suim an sgrìobhaidh, Gu'n tugadh àithne seachad anns gach mòr-roinn, air a foillseachadh do gach sluagh, gu'm bitheadh na h-Iudhaich deas air an là sin gu'n dioladh féin air an naimhdeibh.

14 Chaidh na teachdairean a mach, a' marcachd air eachaibh luatha, [agus] air muileidibh, le cabhaig, agus iad air an greasad le àithne an rìgh: agus thugadh an t-ordugh seachad ann an Susan an lùchairt.

15 Agus chaidh Mordecai mach á làthair an rìgh ann an eudach rioghail de ghorm agus de gheal, agus le crùn mòr òir, agus le trusgan de anart grinn agus de choreur: agus rinn baile Shusain gairdeachas, agus bha e aoibhinn.

16 Aig na h-Iudhaich bha solus, agus aoibhneas, agus gairdeachas, agus urram.

17 Agus anns gach mòr-roinn, agus anns gach baile, ge b'e àit d'an d'fhàinig àithne an rìgh agus 'ordugh, bha aoibhneas agus gairdeachas aig na h-Iudhaich, cuirm agus là maith. Agus dh'fhàs mòran de shluagh na tìre 'n an Iudhaich; oir thuit eagal nan Iudhach orra.

CAIB. IX.

1 *Le còmhnaidh nan uachdarann mharbh na h-Iudhaich an naimhdean, agus chroch iad mic Hamain.* 20 *Shuidhich Mordecai an ceathramh agus an cùigeamh là deug de mhìos Adair gu bhì 'n an làithibh-fèille do na h-Iudhaich.*

ANIS anns an dara mìos deug, (*is e sin mìos Adair*), air an treas là deug de'n mhìos, air an robh àithne an rìgh agus 'ordugh gu bhì air an coimhlionadh, air an là anns an robh dùil aig naimhdeibh nan Iudhach cumhachd fhaghail os an ceann, (ged thachair, air 'atharrach, gu'n robh aig na h-Iudhaich cumhachd os an ceann-san a dh'fhuathaich iad.)

2 Chruinnich na h-Iudhaich iad féin 'an ceann a chéile 'n am bailtibh, ann an uile mhòr-roinnibh an rìgh Ahasueris, gu làmh a chur annta-san a dh'iar an cròn; agus cha b'urraim duine air bith seasamh 'n an aghaidh, oir thuit an cagal air gach uile shluagh.

3 Agus thug uile uachdarana nan mòr-roinnean agus na h-àrd-riaghlaircan, agus na ceannardan, agus iadsan a rinn gnòth-uichean an rìgh, urram do na h-Iudhaich; oir thuit cagal Mhordecai orra:

4 Oir bha Mordecai mòr ann an tìgh an rìgh, agus chaidh 'iomradh a mach air feadh nam mòr-roinnean uile; oir dh'fhàs an duine so Mordecai ni bu mhò agus ni bu mhò.

5 Agus bhuail na h-Iudhaich an naimhdean uile le buille a' chlaidheimh, agus àir, agus sgrios; agus rinn iad mar bu mhiann leo orrasan a dh'fhuathaich iad.

6 Agus ann an Susan an lùchairt mharbh na h-Iudhaich, agus sgrios iad cùig ceud fear.

7 Agus Parsandata, agus Dalphon, agus Aspada,

8 Agus Porata, agus Adalia, agus Aridata,

9 Agus Parmasta, agus Arisai, agus Aridai, agus Bhaiesata,

10 Deich mic Hamain mhic Hamedata, nàmhaid nan Iudhach, mharbh iad: ach air a' chreich cha do chuir iad an làmh.

11 Air an là sin thugadh àireamh na muinntir a mharbhadh ann an Susan an lùchairt an làthair an rìgh.

12 Agus thubhairt an rìgh ri Ester a' bhan-rìghinn, Mharbh na h-Iudhaich agus sgrios iad cùig ceud fear ann an Susan an

lùchairt, agus deich mic Hamain: agus anns a' chuid eile de mhòr-roinnibh an rìgh ciod a rinn iad? ach ciod i d'athcuinge? agus bheircar dhuit i: agus ciod e d'iartrus os barr? agus nithear e.

13 Agus thubhairt Ester, Ma's maith leis an rìgh, thugar comas do na h-Iudhaich a tha ann an Susan, deanamh mar an ceudna ann màireach a réir orduigh an là'n diugh, agus crochar deich mic Hamain air a' chreich.

14 Agus dh'àithn an rìgh a dheanamh mar sin; agus thugadh an t-ordugh ann an Susan; agus chroch iad deich mic Hamain.

15 Agus chruinnich na h-Iudhaich a bha ann an Susan 'an ceann a chéile mar an ceudna air a' cheathramh là deug de mhìos Adair, agus mharbh iad ann an Susan trì cheud fear; ach air a' chreich cha do chuir iad an làmh.

16 Agus chruinnich a' chuid eile de na h-Iudhaich a bha ann am mòr-roinnibh an rìgh 'an ceann a chéile, agus sheas iad air son an anama, agus bha fois aca o'n naimhdeibh, agus mharbh iad d'an cascairdibh cùig-deug agus trì fichead mìle; ach air a' chreich cha do chuir iad an làmh.

17 Air an treas là deug de mhìos Adair rinn iad mar so; agus bha fois aca air a' cheathramh là deug de'n mhìos cheudna, agus rinn iad e 'n a là cuirme agus aoibhneis.

18 Ach chruinnich na h-Iudhaich a bha ann an Susan iad féin 'an ceann a chéile air an treas là deug, agus air a' cheathramh là deug de'n mhìos; agus bha fois aca air a' chùigeamh là deug de'n mhìos cheudna, agus rinn iad e 'n a là cuirme agus aoibhneis.

19 Uime sin rinn Iudhaich nam bailtean beaga, a bha 'n an còmhnuidh ann am bailtibh nam mòr-roinnean, an ceathramh là deug de mhìos Adair 'n a là aoibhneis, agus cuirme, agus 'n a là maith, agus a chur chuibhrionn a chum a chéile.

20 Agus sgriobh Mordecai na nithean so, agus chuir e litrichean chum nan Iudhach uile a bha ann an uile mhòr-roinnibh an rìgh Ahasueris, am fad 's am fagus;

21 Chum a shuidheachadh 'n am measg, gu'n cumadh iad an ceathramh là deug de mhìos Adair, agus an cùigeamh là deug dheth gach bliadhna,

22 A réir nan làithean anns an d'fhuair na h-Iudhaich fois o'n naimhdeibh, agus a' mhìos a dh'ìompaicheadh dhoibh o thùise gu h-aoibhneas, agus o bhròn gu h-am maith; gu'n deanadh siad iad 'n an làithibh cuirme, agus aoibhneis, agus a chur chuibhrionn chum a chéile, agus thiodhlacan chum nam bochd.

23 Agus ghabh na h-Iudhaich os làimh deanamh mar a thòisich iad, agus mar a sgriobh Mordecai d'an ionnsuidh;

24 A chionn gu'n do smuainich Haman, mac Hamedata an Agagaich, nàmhaid nan Iudhach uile, an aghaidh nan Iudhach chum an sgrìos, agus gu'n do thilg e Pur, (*is e sin, crannchur*) chum an d'itheachadh agus an sgrìos;

25 Ach an uair a thàinig [Ester] an làth-air an rìgh, dh'orduich e le litir, gu'm pill-eachd 'ais-innleachd dona a dhealbh e an aghaidh nan Iudhach air a cheann féin, agus gu'm bitheadh esan agus a mhic air an crochadh air a' chroich.

26 Uime sin dh'ainmich iad na làithean sin Purim, a réir ainme Phuir: Air an aobhar sin air son uile bhriathar na litir-each sin, agus na chunnaic iad a thaobh an nì so, agus na thachair dhoibh,

27 Shuidhich na h-Iudhaich, agus ghabh iad orra féin, agus air an sliochd, agus orra-san uile a leanadh riu, air chor as nach rachdadh thairis air, gu'n cumadh iad an dà là sin a réir an sgrìobhaidh, agus a réir an àm', anns gach bliadhna:

28 Agus gu'm biodh na làithean sin air an cuimhneachadh, agus air an cumail air feadh gach àil, gach teaghlach, gach mòr-roinne, agus gach baile; agus nach leigeadh sios na làithean sin Phurim am measg nan Iudhach, agus nach rachadh as d'an cuimhne o'n sliochd.

29 Agus sgrìobh a' bhan-rìghinn Ester nighean Abihail, agus Mordecai an t-Iudh-

ach, leis an uile ùghdarras, a dhaingneach-adh ua dara litreach so Phurim.

30 Agus chuir e litrichean chum nan Iudhach uile, chum a' cheud agus nan seachd mòr-roinn fhichead de rìoghachd Ahasueruis, le briathraibh sìth agus fìrinu,

31 A dhaingneachadh làithean sin Phurim 'n an amannaibh, mar a shuidhich Mordecai an t-Iudhach agus Ester a' bhan-rìghinn d'an taobh, agus mar a dh'orduich iad air an sou féin, agus air son an sliochd nìthean nan trasgadh agus an éighich.

32 Agus dhainguich ordugh Esteir nìthean Phurim sin; agus sgrìobhadh e aun an leabhar.

CAIB. X.

1 *Mòrachd agus cumhachd Ahasueruis. 3 Dh'iarr Mordecai maith d'a shluagh.*

A GUS chuir an rìgh Ahasuerus cìs air an tìr, agus air eileanaibh na mara.

2 Agus uile ghuìomharan a thréine agus a chumhachd, agus foillseachadh mòrachd Mhordecai chum an d'ardaich an rìgh e, nach 'eil iad sgrìobhta ann an leabhar eachdraidh rìghrean Mhedia agus Phersia?

3 Oir 'e Mordecai an t-Iudhach a b'fhaigse do rìgh Ahasuerus; agus bha e mòr am measg nan Iudhach, agus taitueach do mhòr chuideachd a bhràithrean, ag iarraidh maith d'a shluagh, agus a' labhairt sìth r'a shliochd uile.

I O B.

CAIB. I.

1 *Ionracas, teaghlach, agus maoin Iob. 6 Rinn Satan cosaid bhréige 'n aghaidh. 13 Dh'innseadh do Iob gu'n d'thugadh a mhaoin air falbh, agus gu'n d'fhuair a chlann bàs. 20 'N a theanntachd bheannaich e Dia.*

BHA duine ann an tìr Uis d'am b'ainm Iob; agus bha'n duine sin coimhlionta agus dìreach, agus 'n a neach air an robh eagal Dhé, agus a sheachainn olc.

2 Agus rugadh dha seachd mic, agus trì nigheanan.

3 Agus b'i a mhaoin seachd mìle caora, agus trì mìle càmhail, agus cùig ceud cùig dhamh, agus cùig ceud asal bhoirionn, agus teaghlach ro mhòr: agus bha 'n duine sin mòr os ceann uile dhaoine na h-àirde 'n ear.

4 Agus chaidh a mhic agus rinn iad cuirm aig an tigh, gach fear air a là féin; agus chuir iad fìos, agus thug iad cuireadh d'an trì peathraichibh a dh'itheadh agus a dh'òl maille riu.

5 Agus an uair a chaidh làithean na cuirme mu'n cuairt, chuir Iob fìos orra, agus naomh-

aich e iad; agus dh'éirich e moch 's a' mhaduinn, agus dh'ìobair e ìobairt-loisgte a réir an àireimh uile: oir thubhairt Iob, Theagamh gu'n do pheacaich mo mhic, agus gu'n do mhallaich iad Dia 'u an cridhe. Mar so rinn Iob gach là.

6 A nis bha là air an d'fhàinig mic Dhé gu seasamh au làthair an Tighearna; agus thàinig mar an cendna Satan 'n am measg.

7 Agus thubhairt an Tighearn ri Satan, Cia as a thàinig thu? Agus fhreagair Satàn an Tighearn, agus thubhairt e, O imeachd mu'n cuairt air au talamh, agus o shìubhal sios agus suas air.

8 Agus thubhairt an Tighearn ri Satan, Au d'thug thu fainear m'òglach Iob, nach 'eil neach ann cosmhuil ris air an talamh, duine coimhlionta agus dìreach, air am bheil eagal Dhé, agus a' seachnadh uile?

9 Agus fhreagair Satan an Tighearn, agus thubhairt e, An ann a nasgaidh a tha eagal Dhé air Iob?

10 Nach do chuir thu gàradh mu'u cuairt da féin, agus mu'n cuairt d'a thigh, agus mu'n cuairt do gach nì a tha aige air gach

taobh? Obair a làmh bheannaich thu, agus dh'fhàs a mhaoin mòr 's an tìr:

11 Ach cuir a nis a mach do làmh, agus bean ris gach *ni* a *thè* aige, agus as an eudan mallachaidh e thu.

12 Agus thubhairt an Tighearn ri Satan, Feuch, *tha* gach *ni* a *tha* aige a'd làimh-sa: a mhàin air fèin na cuir do làmh. Agus chaidh Satan a mach o làthair an Tigh-earna.

13 Agus bha là air an *robh* a mhic agus a nigheanan ag itheadh, agus ag òl fiona ann an tigh am bràthar a bu shine:

14 Agus thàinig teachdair gu Iob, agus thubhairt e, Bha na daimh a' treabhadh, agus na h-asail ag ionatradh làimh riu;

15 Agus leum na Sabcanaich *orra*, agus thug iad leo iad, agus mharbh iad na h-òg-laich le faobhar a' chlaidheimh; agus chaidh mise a'm' aonar as a dh'innseadh dhuit.

16 An nair a bha e fathast a' labhairt, thàinig mar an ceudna *fear* eile, agus thubhairt e, Thuit teine Dhé o na nèanhan, agus loisg e na caoraich, agus na h-òg-laich, agus chuir e as doibh; agus chaidh mise a'm' aonar as a dh'innseadh dhuit.

17 An uair a bha e fathast a' labhairt, thàinig mar an ceudna *fear* eile, agus thubhairt e, Rinn na Caldèanaich suas tri buidhean, agus thug iad ionnsuidh air na càmhalaibh, agus thug iad leo iad, agus mharbh iad na h-òg-laich le faobhar a' chlaidheimh; agus chaidh mise a'm' aonar as a dh'innseadh dhuit.

18 An nair a bha e fathast a' labhairt, thàinig mar an ceudna *fear* eile, agus thubhairt e, *Bha* do mhic agus do nigheanan ag itheadh, agus ag òl fiona ann an tigh am bràthar a bu shine:

19 Agus, feuch, thàinig gaoth mhòr o'n fhàsach, agus bhuail i air ceithir oisinnibh an tighe, agus thuit e air na h-òganaich, agus *tha* iad marbh; agus chaidh mise a'm' aonar as a dh'innseadh dhuit.

20 An sin dh'èirich Iob, agus reub e 'fhalluinn, agus bhearr e a cheann, agus thuit e sìos air an talamh, agus rinn e aoradh,

21 Agus thubhairt e, Lomnochd thàinig mi á broinn mo mhàthar, agus lomnochd pillidh mi an sin: thug an Tighearn uaith, agus thug an Tighearn leis: beannaichte gu robh ainm an Tigh-earna.

22 An so uile cha do pheacaich Iob, agus cha do labhair e gu h-amaideach an aghaidh Dhé.

CAIB. II.

1 *Fhuair Satan comas Iob a bhuaireadh: 7 bhuail se e le neasgaidibh craiteach. 9 Thug Iob achmhasan d'a mhaoin. 11 Thàinig a chairdean a dheanamh bròin maille ris.*

A RIS bha là air an d'thàinig mic Dhé gu seasamh an làthair an Tigh-earna,

agus thàinig mar an ceudna Satan 'n am measg gu seasamh an làthair an Tigh-earna.

2 Agus thubhairt an Tighearn ri Satan, Cia as a thàinig thu? Agus fhreagair Satan an Tighearn, agus thubhairt e, O imchaidh mu'n cuairt air an talamh, agus o shiubhal sìos agus suas air.

3 Agus thubhairt an Tighearn ri Satan, An d'thug thu fainear m'òglach Iob, nach 'eil neach ann cosmhuil ris air an talamh, duine coimhlionta agus dìreach, air am bheil eagal Dhé, agus a' seachnadh uile? agus fathast *tha* e 'gleidheadh 'ionracais, ge do ghluais thusa mi 'n a aghaidh chum a sgrios gun aobhar.

4 Agus fhreagair Satan an Tighearn, agus thubhairt e, Croicinn air son croicinn, eadhon gach *ni* a *thè* aig duine bheir e air son a bheatha.

5 Ach cuir a nis a mach do làmh, agus bean r'a chnàimh agus r'a fheoil, agus as an eudan mallachaidh e thu.

6 Agus thubhairt an Tighearn ri Satan, Feuch, *tha* e a'd làimh-sa; ach caomhain a bheatha.

7 Agus chaidh Satan a mach o làthair an Tighearn, agus bhuail e Iob le neasgaidibh craiteach, o bhonn a chois gu mullach a chinn.

8 Agus ghabh e slige-chreadha g'a sgrìobadh fèin leatha; agus shuidh e am measg na luathre.

9 An sin thubhairt a bhean ris, Am *bheil* thu fathast a' cumail d'ionracais? mallaich Dia, agus faigh bàs.

10 Ach thubhairt esan rithe, Mar a labhras aon de na mnàibh amaideach *tha* thu a' labhairt: seadh, an gabh sinn maith o làimh Dhé, agus nach gabh sinn olc? An so uile cha do pheacaich Iob le 'bhlilbh.

11 A nis an uair a chuala trì chairdean Iob an t-olc so uile a thàinig air, thàinig iad gach fear o 'àite fèin; Eliphas an Temanach, agus Bildad an Suhach, agus Sophar an Naamatach; oir shuidhich iad eatorra fèin teachd a dheanamh bròin maille ris, agus a thabhairt comhfhurtachd dha.

12 Agus an uair a thog iad an sùilean fad as, agus nach d'aithnich iad e, thog iad an guth agus ghuil iad; agus reub iad gach fear 'fhalluinn, agus chrath iad duslach air an cinn a làimh nan nèamh.

13 Agus shuidh iad sìos maille ris air an talamh seachd làithean agus seachd oidh-chean, agus cha do labhair neach focal ris; oir chunnaic iad gu'n robh a dhoilgheas ro mhòr.

CAIB. III.

1 *Mhallaich Iob an là air an d'rugadh e. 20 Ann an searbhàs 'anama tha e a' caoidh gu'n do dhruid Dia suas e air gach taobh.*

N A dhéigh so dh'fhosgail Iob a bheul, agus mhallaich e a là.

2 Agus labhair Iob, agus thubhairt e,

3 Rachadh as do'n là air an d'rugadh mi, agus do'n oidhche anns an dubhradh, Ghineadh leanabh mic.

4 Bitheadh an là sin 'n a dhorchadas; na h-iarraidh Dia e o'n àirde, agus na deal-raicheadh solus air.

5 Dubhadh an dorchadas agus sgàile a' bhàis e; gabhadh neul còmhnuidh air; deanadh iad namhasach e mar na làithean a's seirbhe.

6 An oidhche sin, glacadh dorchadas i; na cuirear i ri làithibh na bliadhna; ann an àireamh nam mìos na tigeadh i.

7 Feuch, bitheadh an oidhche sin aonar-anach; na tigeadh fonn aoibhinn oirre.

8 Mallaicheadh iadsan i a mhallachas an là, a tha deas a thogail am bròin.

9 Dorchaichear reultan a dùthrath; amhairceadh i air son soluis, ach na tigeadh e; agus na faiceadh i rosgan na maidne:

10 A chionn nach do dhruid i dorsan mo bhronn, agus nach d'fholaich i bròn o m' shùilibh.

11 C'ar son nach d'eug mi o'n bhroinn? c'ar son, an uair a thàinig mi as a' bholg, nach d'thug mi suas an deò?

12 C'ar son a ghabh na glùinean romham? agus c'ar son na cìochan, gu'n deothailinn?

13 Oir a nis luidhinn sìos, agus gheibhinn fois; choillinn, an sin bhitheadh tàmh agam;

14 Maille ri rìghribh agus luchd-comhairle na talmhainn, a thog àitean aonar-anach dhoibh féin;

15 No maille ri h-uachdaranaibh aig an robh or, a lion an tighean le h-airgid:

16 No mar thorraicheas anabuich folaichte cha bhithinn ann; mar naoidheanan nach faca solus.

17 An sin sguiridh na h-aingidh de bhuaireas, agus an sin gheibh iadsan a tha sgith le saothair fois:

18 Cuideachd bithidh tàmh aig na prìosan-aich; cha chluinn iad guth an fhìr-shàrachaidh.

19 Tha am beag agus am mòr an sin; agus an seirbhiseach saor o 'mhaighstir.

20 C'ar son a thug e do'n truagh solus, agus beatha dhoibhsan a tha ann an sear-bhas anama?

21 A tha 'gabhail fadail air son a' bhàis, ach cha-nèil e a' teachd; agus a chladhaicheas air a shon ni's mò na air son ion-mhasan folaichte:

22 A ni aoibhneas ro mhòr, a ni luath-ghaire 'n uair a gheibh iad an uaigh:

23 Do'n duine aig an bheil a shlighe folaichte, agus a dhruid Dia suas air gach taobh.

24 Oir roimh mo bhiadh thig m'osnaich, agus taomar a mach mar uisge mo bhùir-eadh.

25 Oir an ni roimh an robh eagal mòr orm, thachair e dhomh; agus an ni

roimh an robh mi fo uamhann, thàinig e orm.

26 Cha robh mi 'an sìth, agus cha d'fhuair mi fois, agus cha robh tàmh agam; oir thàinig buaireas.

CAIB. IV.

1 Thug Eliphaz acmhàsan do Iob a chionn gu'n robh e d'èasbhuidh dòchais dhiadhaidh.

7 Dh'innis e dha gu'n sgriosadh Dia an t-ainm, ach gu'n glèidheadh e an t-ionracan beò.

12 Tha e ag ìslicheadh feodhais an duine an làthair Dhé.

A N sin fhreagair Eliphaz an Temanach, agus thubhairt e,

2 Ma dh'fheuchas sinn ri labhairt riut, an gabh thu gu h-òle e? ach cò a's urraim e féin a chumail o labhairt?

3 Feuch, theagaisg thusa mòran, agus neartaich thu na làmhnan laga.

4 Esan a bha 'tuiteam chum do bhriathran suas, agus na glùinean anmhunn neartaich thu.

5 Ach a nis thàinig e ort, agus ghabh thu gu h-òle e; bhean e riut, agus tha thu fo amhladh.

6 Nach e d'eagal diadhaidh d' earbsa, agus ionracas do shlighean do dhòchas?

7 Cuimhnich, guidheam ort, cò e an neò-chiontach a sgriosadh, no c'ait an do ghearradh as na h-ionracain.

8 A réir mar a chuumaic mise, iadsan a threabhas euceart, agus a chuireas aingidh-eachd, buainidh iad e.

9 Le séideadh Dhé sgriosar iad, agus le anail a shròine cuirear as doibh.

10 Tha beucaich an leòmhain, agus guth an leòmhain ghairg, agus fiacian nan leòmhain òga air am briseadh.

11 Tha 'n seann leòmhain a' bàsachadh a dhith cobhartaich, agus sgarar o 'chéile cuileanan an leòmhain bhoirinn.

12 Ach a m' ionnsuidh-sa thugadh focal gu h-uaignidheach, agus ghabh mo chluas beagan deth.

13 Ann an smuaintibh o aislingibh na h-oidheche, 'n uair a thuiteas codal trom air daoinibh,

14 Thàinig eagal orm agus crith, a thug air mo chnàmhan gu léir crìothnachadh:

15 Agus ghabh spiorad seachad roimh mo ghnùis; sheas falt mo chuirp:

16 Sheas e, ach cha d'aithnich mi a chruth: dealbh fa chomhair mo shùl — tosd, agus chuala mi guth:

17 Am bi duine ni's ceirte na Dia? am bi fear ni's gloine na 'Chruth-fhear?

18 Feuch, as a sheirblisich cha-n earb e; agus as leth 'aingean cuiridh e amaid-eachd:

19 Nach lugha na sin asda-san, a tha 'n an còmhnuidh ann an tighibh creadha, aig am bheil am bunait anns an duslach, a bhruthar roimh an leòmann?

20 O mhaduim gu feasgar bruthar iad;

gun neach ann 'g a thoirt fainear, théid as doibh gu bráth.

21 Nach siubhail am feodhas air falbh maille riu? bàsaichidh iad, agus cha-n ann le gliocas.

CAIB. V.

1 *Tha Eliphas a' nochdadh gu bheil crìoch an aingidh truagh; 6 gu bheil an duine air a bhreth chum trioblaid; 8 gur coir iarraidh a dh'ionnsuidh Dhé anns gach teanntachd: 17 agus gu bheil smachdachadh an Tighearna chum maith an duine.*

GAIRM a nis, ma tha e ann a fhreag-airreas thu; agus cia de na naoimh ris an tionndaidh thu?

2 Oir marbhaidh fearg an t-amaideach, agus bheir tu bàs an duine shuaraich.

3 Chunnaic mi an t-amaideach a' freumhachadh; ach mhallaich mi 'àite-còmhnuidh air ball.

4 Is fhad a bhios a mhic o thèaruinteachd, agus bruthair iad anns a' gheata, gun neach ann gu'n teasairginn.

5 Agus ithidh an t-ocrach suas 'fhoghara, agus eadhon as an dris gabhaidh se e: sluididh an creachadar suas am maoin.

6 Ged nach tig àmhghar a mach as an duslach, agus nach fàs carraid as an talamh,

7 Gidheadh, rugadh an duine chum carraid, mar a dh'éireas na sradan suas.

8 Ach dh'iarrainnse dh'ionnsuidh Dhé, agus a chum Dhé chuirinn mo ghuth:

9 A tha 'deanamh *nithean* mòra agus do-rannsaichidh; *nithean* iongantach gun àireamh:

10 A tha 'toirt fhras uisge air aghaidh na talmhainn, agus a' cur uisgeachan air aghaidh nam machair;

11 A chum iadsan a tha ìosal a chur an àird, agus iadsan a tha dubhach a thogail suas 'an tèaruinteachd:

12 A tha 'toirt innleachdan nan cuilbheartach gu neo-ni, air chor as nach coimhlion an làmhnan an gnìomh:

13 A tha 'glacadh nan daoine glice 'n an cuilbheartachd féin, air chor as gu'n tilgear sìos comhairle nan daoine fiara.

14 'S an là coinnichidh iad dorchadas; agus mar anns an oidhche smeuraichidh iad mu mheadhon-là.

15 Ach saoraidh e am bochd o'n chlàidheamh, o'm beul, agus o làimh a' chumhachdaich.

16 Agus aig a' bhochd bithidh dòchas, agus druididh aingidheachd a beul.

17 Feuch, 's nàrachd an duine a smachdaichear le Dia: air cronachadh an Uile-chumhachdaich ma ta na dean-sa tàir.

18 Oir cràdhaidh e, agus ceanglaidh e suas; lotaidh e, agus leighisidh a làmhnan.

19 Ann an sè teanntachdaibh saoraidh e thu, agus anns an t-seachdamh cha tig olc an gar dhuit.

20 Ann an gorta tèarnaidh e thu o'n bhàs; agus ann an cogadh, o chumhachda' chlàidheamh.

21 O sgùrsadh na teanga folaichear thu; agus cha bhi eagal ort roimh sgrios an uair a thig e.

22 Rì sgrios agus ri gorta gàiridh tu; agus roimh fhiadh-bheathaichibh na talmhainn cha bhi eagal ort.

23 Oir ri clachaibh na macharach bithidh tu ann an coimhcheangal; agus bithidh fiadh-bheathaichean na macharach ann an sìth riut.

24 Agus aithnichidh tu gu'm b'ido phàilliu ann an sìth; agus amhaircidh tu air d'àite-còmhnuidh, agus cha dean thu gu h-olc.

25 Aithnichidh tu mar an ceudna gu'm b'ido shliochd lìonmhor, agus do ghineal mar fheur na talmhainn.

26 Thig thu ann an làn aois chum na h-uaigne, mar a chuirear suas cruach arbh-air 'n a h-àm.

27 Feuch, so an ni a rannsaich sinn; mar sin tha e: èisd ris, agus bitheadh fios agad air, air do shon féin.

CAIB. VI.

1 *Tha Iob a' leigeadh ris meudachd a dhoilgheis: 8 agus ag iarraidh gu'm bu toil le Dia a ghearradh as: 14 Thug e achmhasan d'a chaididh.*

ACH fhreagair Iob, agus thubhairt e,
2 O nach robh mo dhoilgheas air a làn-chothromachadh, agus mo dhòruinn togt a anns na meidhibh le 'chéile!

3 Oir a nis bhitheadh e ni bu truite na gaineamh na fairge: uimesin tha mo bhriathran air an slugadh suas.

4 Oir tha saighdean an Uile-chumhachdaich annam, agus tha an nìmh ag òl suas mo spioraid: tha uamhasan Dhé 'g an cur féin 'an ordugh catha a'm' aghaidh.

5 An deanam fiadh-asal sìtirich os ceann feoir? an dean an damh geum os ceann 'innlinn?

6 An gabh an ni a tha neo-bhlasta itheadh gun sàlann? am bheil blas air gealagan an uibhe?

7 Tha m'anam a' diultadh beantuinn riu: tha iad sin mar mo bhìadh bròin.

8 O nach tugtadh dhomh m'athchuinge; agus gu'n deònaicheadh Dia dhomh mo mhiann!

9 Agus gu'm bu toil le Dia mo sgrios; gu'n cuireadh e mach a làmh, agus gu'n gearradh e as mi!

10 An sin bhitheadh furtachd agam fathast, ged bhithinn air mo chruadhachadh ann an do-bhròn, agus nach caomhnadh e; oir cha do cheil mi briathran an Aoìn naoimh.

11 Ciod e mo neart, gu'm bitheadh dòchas agam? agus ciod i mo chrìoch, gu'n sìnninn mo bheatha?

12 An e neart nan clach mo neart? am bheil m'fheoil de umha?

13 Nach 'eil mo chabhair anam féin? agus an d'fhuadaicheadh gliocas uam?

14 Dha-san a thréigeas a charaid is mór am maslaidh e; tréigidh e mar an ceudna eagal an Uile-chumhachdaich.

15 Mheall mo bhráithrean mi mar shruth: mar neart nan sruth ghabh iad seachad:

16 A bhitheas dubh le h-eigh; agus am fol-aichear an sneachd:

17 Au uair a leaghas iad, théid as doibh; an uair a dh'fhásas e teth, caithear as an áit iad.

18 Tha ceuman an slighe air clonadh: thig iad gu neo-ni, agus sgriosar iad.

19 Dh'amhairc buidhnean Thema, dh'fheith cuideachdan Sheba orra.

20 Bha iad fo amhlúadh, a chionn roimhe sin gu'n robh dóchas aca: thàinig iad an sin, agus bha nàire orra.

21 Ach a nis tha sibhse 'n 'ur neo-ni; chi sibh mo bhriseadh-eridhe, agus tha eagal oirbh.

22 An dubhairt mi, Thugaibh a m' ionnsuidh? no d'ur maoin thugaibh tiodhlac air mo shon?

23 No tèarnaibh mi o làimh an nàmhaid? no o làimh nan cumhachdach saoraibh mi?

24 Teagaisgibh mi, agus bithidh mi a'm' thosd; agus ma chaidh mi 'bheag' am mearachd, thugaibh orm a thuigsinn.

25 Nach neartmhor briathran ceart? ach ciod a chronaicheas esan a chronaicheas 'n 'ur measg?

26 An smuainich sibh air briathran a chronachadh, agus cannt an eu-dòchasaich, a tha mar ghaoith?

27 Seadh, tha sibh a' leumairan dilleachd-au, agus a' cladhach stuichid d'ur caraid.

28 A nis, uime sin, ma's toil leibh, amhaircibh orm; agus bithidh e soilleir dhuibh, ma ni mi breug.

29 Pillibh, guidheam oirbh, na bitheadh euceart ann; seadh, pillibh fathast, tha m'fhireantachd-sa ann.

30 Am bheil ann am theangaidh euceart? nach aithnich mo bhlas nithean fiara?

CAIB. VII.

1 Tha Iob a' caoidh gu bheil a thrioblaid ro throm air a shon; 11 agus ann an searbhias a spioraid a' deanamh gearran ri Dia. 20 Dh'aidich e 'eusaontas' am fianuis Dhé.

NACH 'eil am suidhichte aig an duine air thalamh? agus mar làithean fhir-tuasadail a làithean?

2 Mar a mhiannaicheas an seirbhiscach an sgàile, agus mar a bhitheas suil aig an fhear-tuasadail ri duais 'oibre;

3 Mar sin fhuair mise mar sheilbh dhomh féin mìosan dìomhanais, agus àirmhear dhomh oidhchean cràidh.

4 Ma luidheas mi sìos, their mi, 'Cuin a dh'éireas mi, agus a théid an oidhche thairis? agus tha mi làn luasgaidh a null agus a nall gu briseadh na faire.

5 Tha m'fheoil air a còmhachadh le cnuimhibh agus spairtibh ùire; bhris mo chroicinn, agus tha e breun.

6 Tha mo làithean nìs laithe na spàl figheadair, agus tha iad air an caitheadh gun dòchas.

7 Cuimhnich gur gaoth mo bheatha: cha phill mo shùil a dh'fhaicinn maith.

8 Sùil an ti a chunnaic mi, cha-n fhaic i mi: bithidh do shùilean orm, agus cha bhi mi ann.

9 Caithear an neul, is théid e as; mar sin esan a théid sìos do'n uaigh, cha tig e nìos.

10 Cha phill e nìs mò dh'ionnsuidh a thighe; agus cha-n aithuich 'ait e nìs mò.

11 Uime sin cha chum mi mo bheul; labhairaidh mi ann an teanutachd mo spioraid; gearrainidh mi ann an searbhias m'anama.

12 Am muir mi, no muc-mhara, gu'n cuir-eadh tu faire orm?

13 Ma their mi, Bheir mo leabadh furtachd dhomh, cuitromaichidh m'uirigh mo ghearan;

14 An sin cuiridh tu fuathas orm le h-aislingibh, agus uamhas le seallanaibh:

15 Agus is fearr le m'anam tachdadh, bàs na beatha.

16 Tha mi 'gabhail gràin deth; cha b'àill leam a bhi beò gu bràth: leig leam, oir is dìomhanas mo làithean.

17 Ciod e an duine, gu'n àrdaicheadh tu e? agus gu'n suidhicheadh tu do chridhe air?

18 Agus gu'm fiosraicheadh tu e gach maduim? gach mionaid gu'n dearbhadh tu e?

19 Cia fhad a bhitheas tu gun dealachadh rium? agus nach leig thu leam gus an sluig mi sìos mo shìle?

20 Pheacaich mi; ciod a ni mi riut, O fhir-coimhid dhaoine? c'ar son a chuir thu mi a' d' aghaidh, agus a tha mi a'm' eire orm féin?

21 Agus c'ar son nach maith thu m'eusaontas, agus nach cuir thu air falbh m'euceart? oir a nis anns an duslach coididh mi; agus iarraidh tu mi anns a' mhaduinn, ach cha bhi mi ann.

CAIB. VIII.

1 Tha Bildad a' nochdadh gu'n gléidh an t-uile-chumhachdach breitheanas; 4 gu'n dìol e do gach neach a réir a ghlionmharan; 8 agus gu'm bàsaich dòchas a' chealgair mar a shearbas tuibh na macharach.

A N sin fhreagair Bildad au Suhach, agus a thubhairt e,

2 Cia fhad a labhras tu mar sin, agus a bhitheas briathran do bheoil mar ghaoith làidir?

3 Am fiar Dia breitheanas, agus am fian an t-Uile-chumhachdach ceartas?

4 Ma pheacaich do chlamh 'n a aghaidh agus gu'n d'thug e thairis iad do'n eusaontas;

5 Nan iarradh tu gu moch a dh'ionnsuidh Dhé, agus air an Uile-chumhachdach nan aslaicheadh tu ;

6 Nam *bithheadh* tu glan agus ionraic, gu ainnteach a nis mhosgaileadh e air do shon, agus dheanadh e àite-còmhnuidh d'fhir-eantachd slochail.

7 Ged bhitheadh do thoiseach beag, dh'fhàsadh do chrioch gu mòr.

8 Oir fiosraich, guidheam ort, de'n linn roimhe, agus deasaich thu féin chum rannsachaidh an aithrichean :

9 (Oir o'n dé tha sinne, agus cha-n aithne dhuinn, a chionn gur sgáile ar láithean air thalamh :)

10 Nach teagaisg iad thu, nach innis iad duit, agus o'n cridhe nach labhair iad briathran ?

11 Am fás an luachair gun láthach ? am fás am min-fheur gun uisge ?

12 'N uair a bhitheas e fathast 'n a ghlaise, cha ghearrar sìos e ; gidheadh, roimh gach luibh seargaidh e.

13 Mar sin ceuman na h-uile neach a dhi-chuimhniceas Dia ; agus bàsaichidh dòchas a' chealgair :

14 Aig an gearrar a dhòchas as, oir *is* e lion an damhain-allaidh 'earbsa.

15 Leigidh e athaic ri 'thigh, ach cha seas e : cumaidh se gu daingean e, ach cha mhair e.

16 Uaine *tha* e fa chomhair na gréine : agus 'n a lios fàsaidh a mheanglan suas.

17 Air a' charn bithidh a fhreumhan air am figheadh air feadh a chéile, agus fiosraichidh e àit nan clach.

18 Ma ghearras e as o 'àit e, an sin àich-eadhaidh se e, *ag ràdh*, Cha-n fhaca mi thu.

19 Feuch, *is* e so aoibhneas a shlighe-san ; ach as an ùir fàsaidh aon eile.

20 Feuch, cha tilg Dia air falbh an *duine* foirfe, agus cha ghabh e greim de làimh nan daoine aingidh :

21 Gus an lion e do bheul le gàire, agus do bhilean le gairdeachas.

22 Iadsan a dh'fhuathaicheas thu, comh-daichear iad le nàire ; agus cha *bhi* pàillium nan aingidh ann.

CAIB. IX.

1 *Tha Iob ag aideachadh ceartaís Dhé ; 14 a' nochdadh nach eil e 'g iarraidh e féin fhreanachadh ; 20 agus nach còir breth 'thoir air neach air bith a réir an dòigh air am bheil Dia a' buintinn ris.*

AGUS fhreagair Iob, agus thubhairt e, 2 Gu deimhin tha fhios agam gu *bheil* e mar sin : oir cionnus a shaoras duine e féin aig Dia ?

3 Ma's àill leis a chùis a thagradh 'n a làthair, cha fhreagair se e aon *uair* as a' mhìle.

4. Glic ann an cridhe, agus treun ann an

neart, cò a chruaidhich e féin 'n a aghaidh, agus a shoirbhich ?

5 A dh'atharraicheas na beanntan, agus cha bhi fios ac' *air* ; a thilgeas bun os ceann iad 'n a fheing :

6 A chrathas an talamh as 'àit, agus crìoht-naichidh a phuist :

7 A dh'àithneas do'n ghréin, agus cha-n éirich i ; agus air na reultaibh a chuireas seula :

8 A sgaoileas a mach na nèamhan 'n aonar, agus a shaltaireas air tonnaibh na fàirge :

9 A tha 'deanamh Areturuis, Orioin, agus Phleiaides, agus sheòmraichean na h-àirde deas :

10 A tha 'deanamh *nithean* mòra, nach bi e 'n comas fhaghail a mach, agus *nithean* iongantach nach gabh àireamh.

11 Feuch, théid e seachad orm, agus cha-n fhaic mi e ; agus gabhaidh e thairis, ach cha mhothaich mi e.

12 Feuch, ma bheir e air falbh, cò a bhacas e ? cò a their ris, Ciod a tha thu a' deanamh ?

13 Cha tionndaidh Dia air falbh 'fhearg : foidhe cromaidh fir-chuideachaidh an àrd-ain.

14 Nach ro lugha na sin a fhreagaireas mise e, a thaghas mi mo bhriathran ris ?

15 Oir ged bhitinn ionraic, cha fhreagairinn e ; air mo bhreitheamh dh'aslaichinn.

16 Nan gairminn, agus gu'm freagaireadh e mi, cha chreidinn gu'n d'éisd e ri m' ghuth.

17 Oir le doinionn tha e 'g am bhruthadh, agus a' deanamh mo lot lionmhor gun aobhar.

18 Cha leig e leam m'anail a tharruing, ach lionaidh e mi le searphas.

19 Ma *labhrar* mu neart, feuch, *tha e* làidir ; agus ma *labhrar* mu bhreitheanas, cò a shuidhicheas àm air mo shon ?

20 Ma dh'fhreanaicheas mi mi féin, ditidh mo bheul féin mi ; agus foirfe *ma ni mi* mi féin, nochdaidh e fiar mi.

21 Foirfe ged bhitinn, cha-n aithnichinn e ; a'm' anam dheanainn tàir air mo bheatha.

22 *Is* aon mi e : uime sin thubhairt mi, Am foirfe agus an t-aingidh *tha e* a' sgrios.

23 Ma mharbas an t-slat gu h-obann, ri deuchainn nan neò-chiontach gàirdh e.

24 Thugadh an talamh 'an làimh an aingidh : aghaidhean a bhreitheamhna còmh-daichidh e : mur *dean e mar so*, c'àite, cò esan a *ni* ?

25 Bha mo làithean ni bu luaithe na gille-ruithe : theich iad air falbh, cha-n fhac iad maith.

26 Ghabh iad seachad mar na longaibh luatha ; mar an iolaire a' dol air iteig a chum cobhartach.

27 Ma their mi, Di-chuimhnichidh mi mo

ghearan, leigidh mi dhìom mo dhubh-
achas, agus bheir mi comhfhurtachd dhomh
féin;

28 Tha eagal orm roimh mo dhoilgheas-
aibh uile; tha fios agam nach meas thu
neò-chiontach mi.

29 Ma bhitheas mi aingidh, c'ar son ma
ta a shaothraichinn gu dìomhain?

30 Ma nigheas mi mi féin ann an uisgibh
sneachda, agus ma ghlanas mi gu glan mo
làmhann;

31 An sin tumaidh tu mi 's an t-slochd,
agus gabhaidh m'eadach féin gràin dìom.

32 Oir cha duine e mar a tha mise, gu'm
freagairinn e, gu'n tigcamaid cuidcachd gu
breitheanas.

33 Cha-n-eil fear-réite eadarunn, a chuir-
eadh a làmh oirm le 'chéile.

34 Thugadh e air falbh a shlat dhìom,
agus na cuireadh eagal roimhe uamhas orni.

35 *An sin* labhrainn, agus cha bhitheadh
eagal orm roimhe: ach cha-n'eil mi mar sin
agam féin.

CAIB. X.

1 *Ann an searbhias 'anama thagair Iob a chèis
an làthair Dhé: 18 tha e a' caoidh nach d'thug
e suas an deò gun sùit 'g a fhaicinn. 20 Ghuidh
e air Dia beagan comhfhurtachd a thabhairt
da.*

THA m'anam sgìth de m' bhacatha; fàg-
aidh mi mo ghearan orm féin; labh-
raidh mi ann an searbhias m'anama.

2 Their mi ri Dia, Na dìt mi; thoir fios
dhomh c'ar son a tha thu a' cur a'm' aghaidh.

3 Am maith leat gu'n sàraicheadh tu? gu'n
deanadh tu fàir air obair do làmh? agus
gu'n dealraicheadh tu air comhairle nan
aingidh?

4 Am bheil sùilean feòla agad? an ann mar
a chi duine, a chi thusa?

5 An ann mar làithibh duine a tha do
làithean-sa? am bheil do bhliadhnachan
mar làithibh duine,

6 Gu'n sireadh tu air son m'euceirt, agus
gu'n rannsaicheadh tu air son mo pheac-
aidh?

7 Tha fhios agad nach d'rinn mi gu h-aing-
idh: agus cha-n'eil neach ann a shaoras o
d' làimh.

8 Dhealbhad do làmhann-sa mi, agus rinn iad
mi comh-cheart mu'n cuairt; agus an sgrios
thu mi?

9 Cuimhnich, guidheam ort, gur ann mar
chriadli a rinn thu mi; agus gu duslach an
tionndaidh thu mi a ris?

10 Mar bhainne nach do thaom thu mi
mach, agus mar chàise nach do dhaingnich
thu mi?

11 Le croicionn agus le feoil chòmhdaich
thu mi, agus le cnàmhan agus fèithean-
luthaidh dhìon thu mi.

12 Beatha agus caoimhneas dheònaich
thu dhomh, agus choimlid do fhreasdal
mo spiorad.

13 Agus na nithean so dh'fholaich thu a'd'
chridhe: tha fios agam gu bheil so agad

14 Ma pheacaicheas mi, bheir thu fainear
mi, agus o m'euceart cha saor thu mi.

15 Ma bhitheas mi aingidh, mo thruaigh
mi! agus ma bhitheas mi ionraic, cha tog
mi mo cheann. Làn maslaidh tha mi, agus
faic féin m'àmhghar;

16 Oir tha e a' meudachadh; mar leòmhann
garg tha thu a' sealg orm; agus a ris tha
thu 'g ad nochdadh féin iongantach orm.

17 Tha thu ag ath-nuadhachadh d'fhian-
uisean a'm' aghaidh, agus a' meudachadh
do chorruich rinn; tha caochlaidh agus
cogadh a'm' aghaidh.

18 C'ar son ma ta a thug thu mach as a'
bhroinn mi? Och nach d'thug mi suas an
deò, gun sùil 'g am fhaicinn!

19 Bhithinn mar nach bithinn ann; o'n
bhroinn a dh'ionnsuidh na h-uaigne bhithinn
air mo ghluin.

20 Nach tearc mo làithean? sguir ma ta,
agus leig leam, agus gu'm faigh mi beagan
comh-fhurtachd,

21 Mu'n siubhail mi, agus nach pill mi
tuilleadh, gu tìr an dorchadais agus sgàile
a' bhàis;

22 Tìr dorchadais mar dhuibhre sgàile a'
bhàis, agus as eugmhais gach riaghailt,
agus far an bheil an solus mar dhorchadas.

CAIB. XI.

1 *Thug Sophar geir-achmhasan do Iob a chionn
gu'n d'fhàrinnich se e féin: 7 tha e a' nochd-
adh nach fheud duine mòrachd Dhé a ranns-
achadh; 13 agus nach bi dòchas aig neach
fhad 's a bhios euceart 'n a làimh.*

AN sin fhreagair Sophar an Naamatach,
agus thubhairt e,

2 Do ìomhoirichadh bhriathar nach toir-
ear freagradh? agus an saorar fear na mòr
bhrìndine?

3 An toir do bhreugan-sa air daoineibh a
bhi 'n an tosd? agus an nair a ni thu fanoid,
nach cuir duin' air bith nàir'ort?

4 Oir thubhairt thu, Glan tha mo theagasg,
agus neò-chiontach tha mi ann ad shùilibh.

5 Ach, O nach labhradh Dia, agus nach
fosgailcadh e a bhilean riut;

6 Agus nach nochdadh e dhuit nithean
dìomhair a' ghliocais, gu bheil iad dùbailte
na tha ann! Bitheadh fios agad uime sin
gu bheil Dia 'g ad agairt air son d'euceirt.

7 An urrainn thusa le rannsachadh Dia
fhaghail a mach? an urrainn thu an t-Uile-
chumhachdach fhaghail a mach gu h-iom-
lan?

8 Ard mar na nèamhan; ciod a ni thu?
ni's doimhne na ifrinn; ciod a's aithne
dhuit?

9 Ni's faide na'n talamh a thomhas, agus
ni's léithne na'n fhairege.

10 Ma ghearras e as, no ma dhùineas e
suas, no ma chrùinicheas e ri 'chéile, cò a
bhacas e?

11 Oir is aithne dha daoine faoine; agus an uair a chi e euceart, nach toir e fainear i?

12 Agus b'aill leis an duine fhaoin a bhi glie, ged is ann mar loth asail fhiadhaich a bheirear duine.

13 Ma dheasaicheas tu do chridhe, agus gu'n sin thu d'a ionnsuidh do làmhlan;

14 Ma bhios euceart a'd làimh, cuir fada uait i, agus na leig le aingidheachd còmh-nachadh a'd phàillhunaibh.

15 Oir an sin togaidh tu suas do ghnùis gun smal, agus bithidh tu seasmhach, agus cha bhi eagal ort:

16 Oir di-chuimhnichidh tu do dhochair; mar na h-uisgeachaibh a chaidh seachad cuimhnichidh tu i.

17 Agus nìs soilleire na meadhon-là fasaidh d'aois; ged robh thu ann an dorchadas, mar a' mhaduinn bithidh tu.

18 Agus earbaidh tu, oir bithidh dòchas agad; agus cladhaichidh tu, [agus] gu tèaruinte gabhaidh tu làmh.

19 Agus an uair a luidheas tu sìos, cha chuir neach air bith eagal ort; agus iarraidh mòran do ghnùis.

20 Ach fàilnichidh shùilean nan aingidh; agus dol as cha bhi aca; agus *bithidh* an dòchas mar thoirt suas an dèd.

CAIB. XII.

1 *Chronaich Iob a chairdean: 6 Dh'fheuch e dhoibh gu bheil an t-aingidh 'soirbheachadh 's a' bheatha so. Neart agus gliocas an Uile-chumhachdaich.*

AGUS fhreagair Iob, agus thubhairt e,
2 Cha-n'eil teagamh nach sibhse an sluagh, agus maille ribhse bàsaichidh gliocas.

3 Ach agamsa *tha* tuigse, mar *tha* agaibh-se; cha-n' isle mise na sibhse; agus cò aig nach *'eil fios air* an leithidean sin?

4 *Mar neach a tha* 'n a bhall-magaidh aig a charaid tha mise, a ghairmeas air Dia, agus freagairidh se e: 'n a bhall-fochaid *tha* an duine ceart ionraic.

5 *Mar* lèchran fo thàir ann an smuaintibh an ti a tha aig fois, *bithidh* esan a bhitheas ullamh gu sleamhnachadh le 'chois.

6 Sìochail bithidh pàillhunan chreachadairan; agus tèaruinte *bithidh* iadsan a bhrosnaicheas Dia; d'an d'thug Dia *ni* 'n an làimh.

7 Ach feòraich a nis de na h-ainmhidhean, agus teagaisgidh iad thu; agus de eunlaith nan speur, agus innsidh iad duit:

8 Nò labhair ris an talamh, agus teagaisgidh e thu; agus cuiridh iasg na mara 'an cèill duit.

9 Cò aig nach 'eil fios a thaobh nan *nithean* so uile, gur i làmh an Tighearn' a rinn so?

10 Aig am bheil 'n a làimh anam gach ni beò, agus anail gach uile fheòla dhaoine.
11 Nach dearbh a' chluas briathran? agus nach blais am beul a bhiaidh?

12 Anns na h-aosmhoir tha gliocas; agus ann am fad làithean tuigse.

13 Maille ris-san tha gliocas agus neart; aige-san *tha* comhairle agus tuigse.

14 Feuch, brisidh e sìos, agus cha togar suas: druididh e suas duine, agus cha-n fhosgailear.

15 Feuch, cumaidh e na h-uisgeachan air an ais, agus tiormachidh iad suas; agus cuiridh e mach iad, agus tilgidh iad bun os ceann an talamh.

16 Aige-san tha neart agus gliocas: *is* leis-san esan a mheallar, agus esan a mheallas.

17 Cuiridh e air falbh comhairlich creachta, agus de bhreitheamhnaibh ni e amadain.

18 Cuibhreach rìghrean sgaoidh e, agus crioslaichidh e crios air an leasraibh.

19 Cuiridh e air falbh uachdarain creachta, agus tilgidh e sìos na cumhachdaich.

20 Atharraichidh e cainnt nam firinn-each, agus bheir e air falbh tuigse nan aosmhor.

21 Taomaidh e tàir air àrd-uaislibh, agus anmhuinaichidh e neart nan *daoine* treuna.

22 Taisbeanaidh e nithean doimhne á dorchadas, agus bheir e sgàile a' bhàis gu solus.

23 Meudaichidh e na cinnich, agus sgriosaidh se iad: cuiridh e na cinnich ann am farsuinneachd, agus cuiridh se iad ann an cumhainneachd.

24 Bheir e air falbh eridhe cheannard sluagh na talmhainn, agus cuiridh e air seacharan iad ann am fàsach as eugmha is slighe.

25 Smeuraichidh iad 's an dorchadas, agus *iad* gun solus; agus bheir e orra tuisleachadh mar dhuine air mhisg.

CAIB. XIII.

1 *Chronaich Iob a chairdean do bhrìgh gu'n do labhair iad gu h-aingidh as leth Dhé: 14 Ged nach do thuig e aobhar a thriobaid cha d'fhaill-nich a dhòchas: 20 Dh'ìarr e fios fhaghaill air a pheacaidhean.*

FEUCH, chunnaic mo shùil so uile;
2 chuala mo chluas, agus mhothaich i e.

2 Mar is aithne dhuibhse, is aithne dhomh-sa mar an ceudna: cha-n isle mise na sibhse.

3 Ach labhrainn-sa ris an Uile-chumhachdach, agus b'aill leam tagradh ri Dia.

4 Oir *is* luchd-cumadh bhreug sibhse, léighean nach fiu sibh uile.

5 O nach robh sibh gu tur 'n 'ur tosd! agus b'e sin bhuir gliocas.

6 Cluinnibh a nis mo thagradh, agus éisdibh ri deasboireachd mo bhilean.

7 An labhair sibh gu h-aingidh air son Dhé? agus air a shon-san an labhair sibh gu cealgach?

8 An gabh sibh r'a ghnùis? air son Dhé an dean sibh comhstri?

9 Am bheil e maith gu'n rannsaicheadh e mach sibh? mar a nithear fanoid air duine, an dean sibh fanoid air-san?

10 Gu cinnteach cronaichidh e sibh, ma ghabhas sibh ann an uaignidheas ri gnùis.

11 Nach cuir 'dirdhearcais-san eagal oirbh? agus nach tuit 'uamham-san oirbh?

12 Tha bhuir cuimhne cosmhail ri luathre, mar chuirp creadhha bhuir cuirp.

13 Bithibh 'n 'ur tosd a m' thaobh-sa, agus labhraidh mi, agus thigeadh orm na dh'fheudas.

14 'Car son a tha mi 'gabhail m'fheòla a'm' fhiacailbh, agus a' cur mo bheatha a'm' làimh?

15 Ged mharbh e mi, gidheadh earbaidh mi as: ach tagraidh mi mo shlighean 'n a fhianuis.

16 Mar an ceudna bithidh e dhomhsa chum shàinte; oir cha tig cealgair 'n a làth-air.

17 Eisdibh gu furachar ri m' chainnt, agus ri m' sgeul le r' clusaibh.

18 Feuch a nis, chuir mi mo chùis ann an ordugh: tha fios agam gu'n saorar mi.

19 Cò esan a thagras rium? oir a nis, ma bhitheas mi a'm' thosd, bheir mi suas an deò.

20 A mhàin dà nì na dean rium; an sin o d' ghnùis cha-n fholaidh mi mi féin.

21 Tarruing do làmh fada uam? agus na cuireadh d'uamham eagal orm.

22 An sin gairm thusa, agus freagairidh mise: no labhraidh mise, agus freagair thusa mi.

23 Cia lìonmhor m'eucairtan agus mo pheacaidhean? air m'eusaontas agus mo pheacadh thoir fios domh.

24 'Car son a tha thu a' folach do ghnùise, agus 'g am mheas mar nàmhaid duit?

25 Am bris thu an duilleag a thilgear a null agus a nall? agus an ruaig thu an asbhusin thioram?

26 Oir tha thu a' sgriobhadh nithean searbhha a'm' aghaidh, agus a' toirt orm eucairtan m'òige a shealbhachadh.

27 Agus tha thu a' cur mo chos amns a' cheap, agus a' geur-amharc air mo shligheibh gu léir, agus a' cur chomhar air bonnaibh mo chos.

28 Agus mar ni breun cuirear as da. mar thrusgan a dh'itheas an leomann.

CAIB. XIV.

1 *Dh'asluich Iob fad-fhulangas Dhé, do bhrìgh gu bheil an duine air bheag làithean agus làn àmhghair. 13 Dh'iarr e àite tàimh gus an tigeadh crìoch a'amsire suidhichte.*

THA 'n duine a rugadh o mhnai, gearr-shaoghalach, agus làn àmhghair.

2 Mar bhàth thig e mach, agus gearrar sìos e: agus teichidh e mar sgàile, agus cha-n fhan e.

3 Gidheadh air a leithid sin dh'fhosgail thu do shùilean; agus mise tha thu a' tabhairt gu breitheanas maille riut.

4 Cò a bheir glan á neòghlan? cha tabhair a h-aon.

5 Gu deimhin tha a làithean suidhichte, tha àireamh a mhios agadsa; dh'orduich thu a chrìochan, agus cha téid e thairis orra.

6 Tionndaidh uaith chum gu'm bi fois aige, gus an coimhlean e mar fhear-tuarasdail a là.

7 Oir tha dòchas á craoibh, ma ghearrar sìos i, gu'm fàs i a ris, agus nach failnich a faillean òg.

8 Ged fhàs a freumh sean amns an talamh, agus amns an ùir ged bhàsaich a stoc;

9 Trid fhàile an uisge ùr-fhàsaich i, agus bheir i mach geugan mar òg-chraoibh.

10 Ach bàsaichidh fear, agus théid gu tur as da; agus bheir duine suas an deò, agus c'ait am bheil e?

11 Fàilichidh na h-uisgeachan o'n mhuir, agus caithear an amhainn, agus tiormaichidh i suas:

12 Mar sin luidhidh an duine sìos, agus cha-n éirich e; gus nach bi na nèamhan ann, cha mhosgail iad, agus cha dùisgear as an codal iad.

13 Och nach folaicheadh tu mi anns an uaigh, nach gleidheadh tu mi 'an uaignidheas, gus am biodh d'fhcarg thairis! nach suidhicheadh tu dhomh àm àraidh, agus gu'n cuimhnicheadh tu mi!

14 Ma bhàsaicheas duine, an tig e beò? uile làithean m'ainsire suidhichte feithidh mi, gus an tig mo chaochladh.

15 Gairmidh tusa, agus freagairidh mise thu: air obair do làmh bithidh déigh agad.

16 Oir a nis tha thu ag àireamh mo cheum: agus nach 'eil thu ri faire air mo pheacadh?

17 Seulaichte ann an ceanglachan tha m'eusaontas, agus fuaighidh tu suas m'eucairt.

18 Agus gu deimhin tuitidh a' bheim, agus théid as di; agus atharraichear a' charraig as a h-àite.

19 Caitidh na h-uisgeachan na clachan: bheir thu tuil air na nithibh a dh'fhàsas á ùir na talmhainn, agus sgriosaidh tu dòchas an duine.

20 Buadhaichidh tu gu bràth 'n a aghaidh, agus siubhlaidh e: caochailidh tu a ghnùis, agus cuiridh tu air falbh e.

21 Urramach fasaich a mhic, agus cha bhi fios aig air, agus islichear iad, ach cha toir e faineir iad.

22 Ach bithidh 'fheòil an taobh a stigh dheth cràiteach, agus ni 'anam an taobh a stigh dheth bròn.

CAIB. XV.

1 *Chronaich Eliphas Iob air son a dhànadais 'n a fhèantachd féin. 17 Nochd e gu'n cràdhar an t-aingidh ré a làithean uile.*

AN sin fhreagair Eliphas an Temanach, agus thubhairt e,

2 An huaidh duine glic air eòlas na gaoithe,

agus an lìon e a chliabh leis a' ghaoith an ear?

3 An tagair e le briathraibh gun tairbhe, agus le cainnt leis nach dean e maith?

4 Seadh, tha thu a' tilgeadh dhìot eagail, agus a' leigeadh urnuigh dhìot an làthair Dhé.

5 Oir teagaisgidh d'aingidheachd do bheul, agus ròghnaichidh tu teanga nan cuilbheartach.

6 Dìtidh do bheul féin thu, agus cha mhise; agus bheir do bhilean féin fianuis a'd' aghaidh.

7 An tusa an ceud duine a rugadh? no roimh na cnocaibh an do rinneadh thu?

8 An cuala tu 'bheag ann an comhairle dhìomhair Dhé? agus a' d'ionnsuidh féin a mhàin an do tharruing thu gliocas?

9 Ciod a's aithne dhuitse, nach aithne dhuinne? a thuigear tusa, nach tuig sinne?

10 Tha araon an ceann-liath agus an t-aosmhor 'n ar measg-ne, nì's sine gu mòr na d'athair.

11 Am bcag leat sòlasan Daé? agus am bheil nì dhìomhair agad?

12 C'ar son a tha do chridhe 'g ad thoirt air falbh? agus c'ar son a tha do shùilean a' caogadh?

13 Gu bheil thu a' tionndadh do spioraid an aghaidh Dhé, agus a' leigeadh an leithid-ean sin de bhriathraibh a mach as do bheul?

14 Cò e an duine, gu'm bitheadh e glan? agus gu'n saoradh esan e féin, a rugadh o mhuaoi?

15 Feuch, as a naoimh cha-n carb e; agus cha-n'eil na nèamhan glan 'n a shùilibh.

16 Nach gràineile agus nach sailiche gu mòr an duine, a dh'òlas cuceart mar uisge?

17 Innsidh mi dhuit, éisd rium; agus na chunnaic mi, cuiridh mi 'n céill;

18 A dh'aithris daoine glice, agus nach do cheil an aithrichean orra:

19 D'an d'thugadh 'n an aonar an talamh, agus cha d'iniich coigreach 'n am measg.

20 Ré a làithean uile cràdhar an t-aingidh; agus folaichear àireamh a bhliadhnachan air an fhear-shàrachaidh.

21 Tha fuaim eagalach 'n a chluasaibh: 'n a shoirbheachadh thig am fear-millidh air.

22 Cha chreid e gu'm pill e as an dorchadas; agus feithear air leis a' chlàidh-camh.

23 Tha e ag imeachd mu'n cuairt air son arain, *ag ràdh*, C'ait am bheil e? tha fios aige gu bheil là an dorchadais deas aig a làimh.

24 Cuiridh teanntachd agus àmhghar namhas air: buadhaichidh iad air, mar rìgh deas a chum catha.

25 Oir sinidh e mach a làmh an aghaidh Dhé, agus an aghaidh an Uile-chumhachdaich neartaichidh se e féin.

26 Rùthidh e air, air a mhuineal, air cop-aibh tiugha a sgiath;

27 A chionn gu'n do chòmhdaich e a ghluais le a shult, agus gu'n d' rinn e fillean saille air a leasraibh.

28 Agus còmhnuichidh e ann am bailtibh fàsaichte, ann an tighibh nach 'eil air an àiteachadh, a tha ullamh gu bhì 'n an carn-aibh.

29 Cha bhi e beartach, agus cha mhair a mhaoin; agus cha sin e mach a fhreunn 's an talamh.

30 Cha trial e á dorchadas; tiormaichidh lasair a mheanglan; agus siubhlaidh e le anail a bheoil.

31 Na h-earbadh esan a mheallar á dìomh-anas; oir dìomhanas bithidh aige mar luigheachd.

32 Roimh a là coimhlionar e; agus cha bhi a gheug uaine.

33 Crathaidh e dheth mar an fhìonain 'fhìon-dhearcan anabaich, agus tilgidh e dheth mar an crann olaidh a bhlath.

34 Oir bithidh coimhthional nan cealgair aonarach, agus caithidh teine pàillunan na duais-bhratha.

35 Ginnidh iad donas, agus beiridh iad drochbheart, agus ulluichidh an com cealg.

CAIB. XVI.

1 *Chronaich Iob a chairdean do bhrìgh gu'n robh iad 'n an luchd-comhfhartachd truagh.*

7 *Chuir e 'an céill an doilgheas a thàinig air;*

17 *agus thagair e a neò chiontas.*

A CH fhreagair Iob, agus thubhairt e,
2 Chuala mi mòran d'an leithidibh sin: *is* luchd-comhfhartachd truagh sibh uile.

3 Am bi crìoch air briathraibh gaoithe? no ciod a tha 'toirt an danadais duit gu bheil thu a' freagairt?

4 Dh'fheadainn-sa mar an ceudna labhairt cosmhuil ribhse: nam bitheadh bhur n-anam 'an àite m'anama-sa, dh'fheadainn briathran a chur cuideachd 'n ur n-aghaidh, agus mo cheann a chrathadh ribh:

5 [Ach] neartaichinn sibh le m' bheul, agus lughdaicheadh gluasad mo bhilean *bhur doilgheas*.

6 Ged làbhair mise, cha lughdaichear mo dhoilgheas; agus *ma* bhitheas mi a'm' thosd, ciod am fuasgladh a gheibh mi?

7 Ach a nis sgithich e mi: sgap thu mo chuideachd uile.

8 Agus rinn thu mi làn phreasag-eudain; mar fhianuis tha *sin*; agus dh'éirich mo chaoile a'm' aghaidh; ri m'eudan freagairidh i.

9 Reub a chorruich mi, agus tha fuath aige dhomh: chas e 'fhiacalan rium; tha mo nàmhaid a' geurachadh a shùl orm.

10 Chas iad am beul rium; le masladh bluail iad mo ghiallan; cuideachd chruinnich iad a'm' aghaidh.

11 Thug Dia mi thairis do'n air-diadhaidh, agus 'an làimh nan aingidh thilg e mi.

12 'An sìth bha mi, ach phronn e mi: agus rug e air mo mhuineal, agus chrath e as a chèile mi, agus chuir e suas mi dha féin mar chuspair.

13 Tha a luchd-shaighead 'g am chuairt-eachadh air gach taobh: sgoitidh e m'airnean o 'chéile, agus cha chaomhain e; taomaidh e mach mo dhombblas air an talamh.

14 Brisidh e mi le briseadh air bhriseadh; ruithidh e orm mar churaidh.

15 Dh'fhuaigh mi saic-eudach air mo chroicionn, agus shalaich mi m'adharc 's an duslach.

16 Tha m'èudan air atadh le gal, agus air mo rosgaibh *tha* sgàile a' bhàis;

17 Cha-n ann air son euceirt a'm' làmhnan: mar au ceudna *tha* m'urmuigh glan.

18 A thalamh, na còmhdaich thusa m'fhuil, agus na bitheadh àit aig mo ghlaodh.

19 Mar an ceudna nis, feuch, anns na nèamhan *tha* m'fhiannais, agus esan a bheir teistean orm anns na h-àirdibh.

20 A' fanoid orm *tha* mo chairdean; chum Dhé tha mo shùil a' taomadh *dheur*.

21 O nach feudadh duine tagradh ri Dia, mar a *thagras* mac au duine r'a choimhearsnach!

22 An uair a thig beagan de bhliadhnaibh, an sin 's an t-slighe air nach pill mi siubhlaidh mi.

CAIB. XVII.

1 *Rinn Iob gearan an aghaidh a chairdean, agus thug e a chàis 'an làthair Dhé. 11 Chaidh a dhòchas 's a' bheatha so thairis.*

THURUAILLEADH m'anail; ghearradh as mo làithean; *tha* na h-uaghean air mo shon-sa.

2 Nach 'eil luchd-fanoid maille rium? agus 'n am brosnachadh nach 'eil mo shùil a' buanachadh?

3 Cuir sìos a nis, thoir dhomh urras maille riut: cò esan a ghlacas mo làmh?

4 Oir dh'fholuich thu an cridhe o thuigse; uime sin cha-n àrdaich thu *iad*.

5 Esan a ni miodal r'a chairdibh, fàilnichidh sùilean a chloinne.

6 Agus rinn e mi a'm' ghnàth-fhocal an t-sluaigh; agus tha mi mar bhall-fochaid rompa.

7 Agus dh'orchaidh mi mo shùil le bròn, agus *tha* mo bhuill uile mar sgàile.

8 Bithidh uamhas air na h-ionracain air son so; agus dùisgidh an neò-chiontach an aghaidh a' chealgair.

9 Agus cumaidh an *duine* cothromach a shlighe; agus gheibh esan a tha glan 'n a làmhnan tuilleadh neirt.

10 Ach air bhrìgh son-sa uile, pillibh agus thigibh a nis; agus cha-n fhaigh mi *duine* glie 'n ur measg.

11 Chaidh mo làithean thairis, bhriseadh mo smuaintean air falbh, seilbh mo chridhe.

12 An oidheche tionndaidh iad gu là: *tha'n* solus goirid a thaobh dorchadas.

13 Ma dh'fheithcas mi, is f'n aagh mo thigh: 's an dorchadas rinn mi mo leaba.

14 Ri truaillidheachd thubhairt mi, *Is tu* m'athair; ris a' chnuimh, *Is tu* mo mhàthair, agus mo phiuthar.

15 Agus c'ait a nis *am bheil* mo dhòchas? scadh, mo dhòchas-sa, cò 'chi e?

16 *Gu* crannaibh an t-sluicidh théid iad sìos: an sin *bithidh ar* fois cuideachd anns an duslach.

CAIB. XVIII.

1 *Thug Bildad achmhasan do Iob a chionn gu'n robh e dh'easbhuidh foighidinn. 5 Dh'innis e gu'n cuirear solus an aingidh as, agus gu'n sgriosar a chuimhne bhàrr aghaidh na talmhainn.*

AN SIN fhreagair Bildad an Suhach, agus thubhairt e,

2 Cia fhada gus an cuir sibh crìoch air briathraibh? tuigibh, agus 'n a dhéigh sin labhramaid.

3 C'ar son a mheasar sìme mar ainmhidh-ean, agus a tha sinn tàireil a'd' shùilibh-sa?

4 *Tha e a'* reubadh 'anama 'n a chorruich: air do shon-sa an tréigear an talamh? agus an atharraichear a' charraig as a h-àite?

5 Seadh, cuirear solus an aingidh as: agus cha dealraich lasair a theine.

6 Dorchaichear an solus 'n a phàillium, agus cuirear as a lóclran aige.

7 Cumhamaichear ceuman a neirt, agus tilgidh a chomhairle féin sìos e:

8 Oir cuirear ann an lìon e le a chosaibh féin, agus air ribe imichidh e.

9 Glacaidh an cord air shàil e; buadhaichidh am fear-reubainn 'n a aghaidh.

10 Foluichte anns an talamh tha ribe air a shon, agus inneal-glacaidh air a shon air an t-slighe.

11 Air gach taobh cuiridh uamhasan eagail air, agus fuadaichidh iad air a chosaibh e.

12 Bithidh a neart air a chlaoidh lo h-ocras, agus léir-sgrios deas aig a thaobh.

13 Ithidh e suas neart a chroicinn; ithidh ceud-ghlin a' bhàis suas a neart.

14 Spionar as a phàillium a dhòchas; agus bheir se e gu rìgh nan uamhann.

15 Gabhaidh e còmhnuidh 'n a phàillium, a chionn nach leis-san e; crathar pronnasg air àite-còmhnuidh.

16 Shìos tiormaichear a fhreumhan, agus shuas gearr air falbh a bhàrr.

17 Sgriosar a chuimhne as an talamh, agus cha *bhi* ainm aige air an t-sràid.

18 Fògaircar e o sholus gu dorchadas, agus as an t-saoghal tilgear e.

19 Cha *bhi* mac aige, no mac a mhiic am measg a shluaigh, no neach a mhaireas 'n a àitibh-còmhnuidh.

20 R'a là bithidh iongnadh orra-san a thig 'n a dhéigh, mar a ghlac uamhas iadsan a thàinig roimhe.

21 Gu deimhin *is* iad sin ionadan-còmh

nuidh an aingidh; agus is e so 'àite-san, do nach aithne Dia.

CAIB. XIX.

1 *Tha Iob a' gearan gu'n d'àrdaich a chairdean iad féin 'n a aghaidh 'n uair a bhean lāmh an Tighearna ris.* 23 *A dhòchas ann an àiseirigh o na morbhaibh.*

A CH fhreagair Iob, agus thubhairt e,
2 Cia fhada chuireas sibh doilgheas air m'anam, agus a bhriseas sibh mo chridhe le briathraibh?

3 Na deich uairean so mhaslaich sibh mi: cha nàr leibh *gu* bheil sibh cho coimheach rium.

4 Agus gu deimhin ma chaidh mi air seacharan, fanaidh mo sheacharan agam féin.

5 An àrdaich sibhse d'a rìreadh sibh féin a'm' aghaidh, agus an tagair sibh mo mhasladh a'm' aghaidh?

6 Bitheadh fios agaibh a nis gu'n do thilg Dia thairis mi, agus gu'n do chuir e a lion mu'n cuairt orn.

7 Feuch, glao dhaidh mi, Encoir, ach cha-n éisdear rium; éighidh mi gu h-àrd, ach cha-n^{eil} brcitheanas ann.

8 Dhùin e suas mo shlighe air chor as nach urrainn mi dol seachad, agus chuir e dorchadas air mo cheumaibh.

9 Bluin e mo ghloir dhìom, agus thug e an crùn bhàrr mo chinn.

10 Sgrios e mi air gach taobh, agus chaidh as domh; agus chuir e air falbh, mar chraoibh, mo dhòchas.

11 Agus las 'fhearg a'm' aghaidh, agus mheas e mi mar *aon* d'a naimhidibh.

12 Cuideachd thàinig a bluidhnean, agus chuir iad suas an slighe a'm' aghaidh, agus champaich iad mu'n cuairt air mo phàilliuin.

13 Chuir e mo bhràithrean fada uam; agus tha mo luchd-eòlais gu deimhin air fàs coimheach rium.

14 Thréig mo dhìlsean, agus dhi-chuimhnich mo luchd-eòlais mi.

15 Mheas muinntir mo thighe, agus mo bhanoglaich mi mar choigreach: a'm' eil-thireach bha mi 'n an sùilbh.

16 Air mo sheirbhiseach ghairm mi, agus cha do fhreagair e: le m' bheul féin ghuidh mi air.

17 Bha m'anail coimheach do m' mhnaoi, ge do ghuidh mi as leth cloinne mo chuirp féin.

18 Rinn eadhon clann òg tàir orm: dh'éirich mi, agus labhair iad a'm' aghaidh.

19 Ghabh mo luchd-rùin uile gràin dìom; agus tha iadsan a ghràdhaich mi air tionndadh a'm' aghaidh.

20 Rì m' chroicinn agus ri m'fheoil dhlùthlean mo chnàmhan; agus chaidh mi as le croicinn m'fhiacal.

21 Gabhaibh truas dìom, gabhaibh truas dìom, O mo chairdean, oir bhean lāmh Dhé rium.

22 C'ar son a gheur-leanas sibhse nì mar nì Dia, agus le m'fheoil nach sàsuichear sibh?

23 O nach robh mo bhriathran a nis air an sgrìobhadh! O nach robh iad air an cur sìos ann an leabhar!

24 Le peann iarunn agus luaidh gu bràth ann an carraig nach robh iad air an gearradh!

25 Oir tha fios agam gu bheil m'fhear-saoraidh bed, agus ma dheireadh gu'n seas e air an talamh:

26 Agus an dèigh dhoibh so mo chroicinn a chnàmh, gidheadh ann am fheoil gu'm faic mi Dia:

27 Neach a chi mise air mo shon féin, agus air an amhaire mo shùilean-sa, agus nì h-e neach eile: so uile chuir mi suas a'm' chom féin.

28 Ach their sibhse, C'ar son a gheur-leanamaid e, agus gu'n d'fhuaradh freumh a' ghnòthuich ann?

29 Bitheadh eagall oirbh roimh 'n chlaidheamh; oir fàsaidh an claidheamh teth [an aghaidh] eucartan, chum gu'm bi fios agaibh gu'm bi breitheanas ann.

CAIB. XX.

1 *Tha Sophar a' nochdadh gur gearr caithream nan aingidh, agus nach mair soirbheachadh a' chealgair ach car tiota.*

A N sin fhreagair Sophar an Naamatach, agus thubhairt e,

2 Uinne sin tha mo smuaintean a' toirt orm freagairt, agus air a shon so nì mi deifir.

3 Achmhasan mo mhaslaidh chuinneam, agus tha spiorad mo thuigse a' toirt orm freagairt.

4 Nach aithne dhuit so o chian, o shuidh-icheadh an duine air thalamh,

5 Gur gearr caithream nan aingidh, agus nach^{eil} gairdeachas a' chealgair ach car tiota?

6 Ged éirich 'àirde suas gus na nèamhan, agus ged ruig a cheann na neoil;

7 Mar 'aolach féin gu bràth théid as da: their iadsan a chunnaic e, C'ait *am* bheil e?

8 Mar aistling grad-shiubhlaidh e, agus cha-n fhaighear e; agus teichidh e mar shealladh na h-oidheche.

9 An t-sùil a chunnaic e, cha-n fhaic i e tuilleadh; agus nì's mò cha-n amhaire 'àite féin air.

10 Iarraidh a mhic na bochdan a thoil-eachadh, agus aisigidh a lāmhan am maoin.

11 Tha a chnàmhan làn de *pheacadh* 'òige, agus maille ris anns an duslach luidhidh e.

12 Ged robh an t-òlc milis 'n a bheul, *ged* fhoalach se e fo a theangaidh;

13 *Ged* chaomhain se e, agus nach tréig se e, ach gu'n gléidh se e an taobh a stigh a bheoil;

14 Tionndaidhear a bhiaidh 'n a mhionach,

gu dombblas nan nathair an taobh a stigh dueth.

15 Shluig e sìos beartas, agus sgeithidh e nìos e: tilgidh Dia mach as a bhroinn e.

16 Sùgaidh e nìmh nan nathair: marbhaidh teanga na nathrach milltich e.

17 Cha-n fhaic e na h-aimhnichean 'n an roimibh, na sruthain mheala agus ime.

18 Aisigidh e an nì air son an do shaothraich e, agus cha sluig e sìos e: a réir a shaoibhreis bithidh 'aiseag, agus cha dean e gairdeachas ann:

19 A chionn gu'n d'rinn e fòireigin, gu'n do thréig e na bochdan, le h-ainneart gu'n d'thug e air falbh tigh nach do thog e.

20 Oir cha mhothaich e suaimhneas 'n a chom, cha tèarunn e 'bhcag de na mhiannaich e.

21 Cha-n fhàgar a bheag d'a bhiaidh; uinne sin cha bhì suil aig duine air bith r'a mhaoin.

22 Ann an iomlaine a' phailteis bithidh e ann an teanntachd: thig gach aobhar dragha air.

23 An uair a bhios e gus a bhrù a lìonadh, tilgidh Dia fraoch 'fheirge air, agus frasaiddh e air e 'n uair a bhitheas e ag itheadh.

24 Teichidh e roimh na h-armuibh iarunn; buailidh ann bogha umha troimhe e.

25 Tairngear, agus thig a mach as a' chorp, thig an claidheamh loimreach a mach as a dhombblas: thig uamhasan air.

26 Bithidh gach uile dhorchadas folaichte 'n a ionadaibh dìomhair: loisgidh teine gun seideadh e: éiridh gu h-ole dhàsan a dh'fhàgar 'n a phàillium.

27 Foillsichidh na nèamhan 'aingidheachd; agus éiridh an talamh 'n a aghaidh.

28 Triallaidh fàs a thighe: sruthaidh nithean as ann an là 'fheirge.

29 Is e so cuibhriom an duine aingidh o Dhia, agus an oighreachd a dh'orduicheadh dha le Dia.

CAIB. XXI.

1 *Dh'iarra Iob gu'n éisdeadh a chairdean gu furachar r'a chainnt: 7 tha e a' nochdadh gu bheil na h-aingidh air uairibh a' soirbheachadh; 16 agus air uairibh eile gu bheil an sgrios soilleir. 30 Tha an t-aingidh air a ghleidheadh chum là an sgrios.*

ACH fhreagair Iob, agus thubhairt e, 2 Eisdibh gu furachar ri m' chainnt, agus bitheadh so mar bhur còmhfhurtachd.

3 Fuilgibh dhomh, agus labhraidh mi; agus an déigh dhomh labhairt, cuiribh ri' r'fanoid.

4 A'm' thaobh-sa, an ann ri duine tha mo ghearan? agus nam b'ann, c'ar son nach bitheadh mo spiorad fo bhuaireas?

5 Amhaircibh orm, agus bitheadh iongnadh oirbh, agus cuiribh bhur làmh air bhur beul.

6 Oir an uair a chuimhnichas mi, tha eagal orm; agus glacaidh geilt-èhrith m'fheoil.

7 C'ar son a tha na h-aingidh beò, a dh'fhàsas iad sean, agus a bhitheas iad àrd ann an cumhachd?

8 Tha'n sliochd air a dhaingneachadh 'n am fianuis maille riù, agus an gineal fa chomhairle an sùl.

9 Tha'n tighean saor o eagal; agus cha-n'èil slat Dhé orra.

10 Ginidh an tarbh, agus cha-n fhàilnich e; beiridh am bò laogh, agus cha tilg i e.

11 Cuiridh iad a mach an clann bheag mar threud; agus dannsaidh an gineal.

12 Togaidh iad an tiompan agus a' chlàrsach; agus nì iad gairdeachas ri fuaim an orgain.

13 Caithidh iad an làithean ann an saobhreas, agus ann an tiota théid iad sìos do'n uaigh.

14 Agus their iad ri Dia, Imich uainn; oir cha-n aill leinn eòlas do shlighean.

15 Cò e an t-Uile-chumhachdach, gu'n deanamaid seirbhis dha? agus ciod an tairbhe 'bhitheas ann duinn, ma nì sinn urnuigh ris?

16 Feuch, cha-n'èil am maith 'n an làimh: tha comhairle nan aingidh fada uam-sa.

17 Cia minic a chuirear coinneal nan aingidh as? agus a thig an sgrios orra? roinnidh Dia doilgheasan 'n a fheirge.

18 Bithidh iad mar asbhuaìn roimh 'n ghaoith, agus mar uhhall a bheir an iomghaoth leatha.

19 Taisgidh Dia suas 'euceart-san d'a chloinn: diolaidh e dha, agus bithidh fios aig air.

20 Chi a shùilean a sgrios, agus do fheirge an Uile-chumhachdach òlaidh e.

21 Oir ciod an tlachd a bhitheas aige 'n a thigh 'n a dhéigh, 'n uair a ghearrar as àireamh a mhìos 'n am meadhon?

22 Do Dhia an teagaisg neach air bith eòlas, agus gur e féin a bheir breth orra-san a tha àrda?

23 Bàsaichidh e so 'n a làn neart, agus e uile aig fois agus an sìth.

24 Tha 'innidh làn saill, agus a chnàmhan air an taiseachadh le smior.

25 Agus bàsaichidh e sin ann an searbhlas 'anama, agus cha-n ith e idir le toil-inntinn.

26 Cuideachd ann an duslach luidhidh iad, agus còmhdaichidh cnuimhean iad.

27 Feuch, is aithne dhomh bhur smuaintean, agus na h-inleachdan a tha sibh a' dealbadh gu h-eucorach a'm' aghaidh:

28 Oir their sibh, C'àit am bheil tigh an duine mhòir, agus c'àit am bheil ionadan-còmhnuidh nan aingidh?

29 Nach d'fhedraich sibh dhiubhl-san a ghabhas seachadh air an t-slighe? agus nach aithne dhuibh an comharan?

30 Gu'n gleidhear an t-aingidh chum là an

sgrios; chum à na feirge gu'n toirear a mach iad.

31 Cò a chuireas 'an céill a shlighe as an eudan: agus cò a dh'ìocas dha na rinn e?

32 Ach a chum na h-uaigne bheirear e, agus anns an àit-adhlacaidh fanaidh e.

33 Bithidh fòidean a' ghlinne milis dha, agus tairngidh gach duine 'n a dhéigh, mar a tha iad do-àireamh roimhe.

34 Cionnus ma ta a tha sibh a' tabhairt comhfhurtachd dhomh gu dìomhain, an uair a tha cealg 'n ur freagradh?

CAIB. XXII.

1 *Thug Eliphas fairear nach urrainn duine bhi tarbhach do Dhia. 5 Chuir e mòran aingidh-eachd as leth Iob. 21 Dh'earail e air gu'n dluth-leanadh e ris an Tighearn, agus gu'n dioladh e a bhòidean da.*

AN sin fhreagair Eliphas an Tèmanach, agus thubhairt e,

2 Do Dhia am feud duine a bhi tarbhach, mar a dh'fheudas esan a tha glic a bhi tarbhach dha féin?

3 An toil-iuntinn do'n Uile-chumhachdach gu'n saor thusa thu féin? agus am buannachd e dha-san, gu'n dean thu do shlighean ionlan?

4 Air cagal romhad an cronaich e thu? an téid e chum breitheanais leat?

5 Nach 'eil d'aingidheachd mòr? agus d'eucairta gun chrìoch?

6 Oir ghabh thu geall o d' bhràithribh gun aobhar, agus eudach nan lomnochd bhuin thu dhiubh.

7 Cha d'thug thu uisge do'n sgìth r'a òl, agus o'n ocrach chum thu aran.

8 Ach aig fear a' ghairdean làidir bha an talamh; agus ghabh an duine urramach comhnuidh ann.

9 Chuir thu bantraichean uait falamh, agus bhriscadh gairdeanan nan dilleachdan.

10 Air an aobhar sin uu'n cuairt ort bha rìbeachan, agus ghlac geilt obann thu;

11 No dorchadas air chor as nach faicadh tu; agus chòmhdaich pailteas uisgeachan thu.

12 Nach 'eil Dia ann an àirde nan nèamh? agus faic mullach nan rionnag, cia àrd a tha iad.

13 Agus their thusa, Cionnus tha fios aig Dia? troimh an dorchadas an breithnich e?

14 Tha neoil 'n an còmhdachadh dha, agus cha-n fhaic e; agus ann an eùirt nan nèamh sibhlaidh e.

15 An d'thug thu fairear an t-slighe o shean, air an d'imich daoine aingidh?

16 A ghearradh sìos roimh an àm, agus thaom tuil thar am bunait;

17 A thubhairt ri Dia, Imich uaim; agus ciod a's urrainn an t-Uile-chumhachdach a dheanamh air ar son?

18 Gidheadh lion e an tighean le nithibh maith: ach gu ma fada bhitheas comhairle nan aingidh uamsa?

19 Chi na h-ionraic, agus bithidh acibh-neas orra; agus ni an neò-chiontach gaire-fanoid riu.

20 'An àit nach do ghearradh ar maoin-ne sìos; ach loisgidh teine am fuighcall-san.

21 Gabh-sa nis còlas air-san, agus bi 'an sìth: mar sin thig maith a d' ionnsuidh.

22 Gabh, guidheam ort, an lagh o 'bheul, agus cuir suas a bhriathran ann ad chrìdhe.

23 Ma philleas tu dh'ionnsuidh an Uile-chumhachdach, togar suas thu; cuiridh tu eucairt 'am fad o d' phàilliu-naibh.

24 Agus cuiridh tu suas òr mar dhuslach, agus òr Ophir mar chlachaidh nan sruth.

25 Agus bithidh an t-Uile-chumhachdach 'n a dhècan agad, agus bithidh pailteas aingid agad.

26 Oir an sin bithidh do thlachd anns an Uile-chumhachdach, agus togaidh tu suas do ghnùis a dh'ionnsuidh Dhé.

27 Nì thu urnuigh ris, agus éisdidh e riut, agus diolaidh tu do bhòidean.

28 Agus cuiridh tu nì romhad, agus daingichear dhuit e; agus air do shligheibh dealraichidh solus.

29 An uair a dh'islichear daoine, an sin their thu, *Bithidh* àrdachadh ann; agus saoraidh e an t-ìosal.

30 Saoraidh se esan nach 'eil neo-chiontach, agus saorar e le gloine do làmh-sa.

CAIB. XXIII.

1 *Mhiannaich Iob teachd a dh'ionnsuidh àite-còmhnuidh Dhé, agus a chùis a thagradh 'n a làthair. 8 Ged tha Dia neo-fhaicsinneach is aithne dha shlighe an duine. 11 Ionracas Iob. 13 Tha comhairle Dhé neo-chaochluidheach.*

ACH fhreagair Iob, agus thubhairt e, 2 An diugh féin is searbh mo ghearan: is truime mo bhuille na m'òsna.

3 Och gun fhios agam c'àit am faighinn esan, agus gu'n tiginn a dh'ionnsuidh àite!

4 Chuirinn mo chùis 'an ordugh 'n a làth-air, agus lionainn mo bheul le h-argumaidibh.

5 Bhitheadh fios agam air na briathraibh leis am freagaircadh e mi, agus thuiginn ciod a theireadh e rium.

6 Le a mhòr chumhachd an tagaireadh e a'm' aghaidh? nì h-eadh; ach cluireadh e neart annam.

7 An sin thagaireadh am firean ris, agus bhithinn air mo shaoradh gu bràth o m' bhrèitheamh.

8 Feuch, théid mi air m'aghaidh, ach cha-n'èil esan ann; agus air m'ais, ach cha mhothaich mi e:

9 Air an làimh chli, far am bheil e ag oibreachadh, ach cha-n fhaic mi e; folaichidh se c' féin air an làimh dheis, agus cha léir dhomh e.

10 Ach is aithne dha an t-slighe agam: an uair a dhearbhas e mi, mar òr thig mi a mach.

11 Air a chumaibh chum mo chos; gléidh mi a shlighe agus cha do chlaon mi.

12 O àithne a bhilean cha deachaidh mi air n'ais; nì's mò na mo dhlighe *bìdh* mheas mi briathran a bheoil.

13 Ach *tha* e 's an aon *bheachd*, agus cò a dh'iompaicheas e? agus *an ni* a's miann le 'anam, *sin* nì e.

14 Oir coimhlionaidh e an ui a dh'orduich-eadh dhomhsa: agus *tha* mòran d'an leithidibh sin aige.

15 Uime sin *tha* fiamh orm 'n a fhianuis; an uair a bheir mi fainear, *tha* eagal orm roimhe:

16 Oir thaisich Dia mo chridhe, agus chuir an t-Uile-chumhachdach fiamh orm;

17 A chionn nach do ghearradh as mi roimh an dorchadas, agus o m'ghnùis nach d'fhlaich e an dorchadas.

CAIB. XXIV

1 *Nochd Iob gu bheil na h-aingidh gu minic a' soirbheachadh 'n an aingidheachd, agus a' bàsachadh mar shluagh eile.*

CAR SON, o nach d'fhlaicheadh aimsirean o'n Uile-chumhachdach, nach faic iadsan d'an aithne e a làithean?

2 Atharraichidh iad na comharan-fearainn; bheir iad treudan leo le foirncart, agus biadhaidh siad *iad*.

3 Iomainidh iad air falbh asal nan dilleachdan; mar gheall glacaidh iad damh na bantraich.

4 Tionndadhaidh iad na feumaich as an t-slighe: le 'chéile folaichidh bochdan na taluhamn iad féin.

5 Feuch, mar asalaibh fiadhaich anns an fhàsach théid iad a mach a chum an oibre, ag éirigh gu moch a chum creiche: *bheir* am fàsach biadh dhoibh d'an òigridh.

6 Anns an fhearann buainidh iad arbhar; agus cruinnichidh iad fion-fhogharadh an aingidh.

7 Bheir iad air an lomnochd luidhe gun eudach, agus gun chòmhdachadh anns an fhuachd.

8 Le frasaibh nam beann bithidh iad fhuach, agus a dhith fagaidh gabhaidh iad 'n an glacaibh a' charraig.

9 Spionaidh iad an dilleachdan o'n chich, agus o'n bhochd gabhaidh iad geall.

10 Bheir iad air imeachd lomnochd, gun eudach; agus o na h-ocraich bheir iad leo an sguab.

11 An taobh a stigh d'am ballachaibh fàisgidh iad oladh; bruthaidh iad *am* fion-amair, agus fuilingidh iad tart.

12 As a' bhaile *tha* daoine ag osnaich, agus éighidh anam nan *daoine* leònta; gidheadh cha chuir Dia amaideachd as *an* leth.

13 *Tha* iad dhiubhsan a dh'éireas suas an aghaidh an t-soluis; cha-n aithne dhoibh a shlighean, agus cha ghluais iad 'n a cheum-aibh.

14 Leis an t-solus éiridh am mortair,

[agus] marbhaidh e an bochd agus an feumach; agus anns an oidheche bithidh e mar ghaduiche.

15 Mar an ceudna feithidh sùil an adhart-ranaich ris an dubh-thra, ag ràdh, Cha-n fhaic sùil mi; agus cuiridh e folach air 'aghaidh.

16 Cladhaichidh iad anns an dorchadas troimh thighibh, *a* chomharaich iad dhoibh féin 's an là; cha-n aithne dhoibh an solus:

17 Oir *tha* 'mhaduinn dhoibh-san mar sgàile a' bhàis: na dh'aithnicheas *neach iad, bithidh iad ann an* uamhasaibh sgàile a' bhàis.

18 Luath *tha* e mar na h-uisgeachan; mallaichear an cuibhrionn air an talamh; cha-n fhaic e slighe nam fion-lios.

19 Bheir tiormachd agus teas leo uisgeachan an t-sneachda; an uaigh *iadsan a* pheacaich.

20 Di-chuimhnichidh a' bhrù e; biadhaidh a' ehnuimh gu milis air; nì's mò cha chuimhnichear e; agus brisear aingidheachd mar chrann.

21 Bithidh e olc ris a' *mhnaoi* neo-thorr-aich, nach beir *clann*; agus do'n bhantraich cha dean e maith.

22 Agus tairngidh e na daoine treuna le a neart: éiridh e suas, agus cha-n'eil *neach air bith* cinnteach d'a bheatha.

23 Bheir e dha 'bhi ann an tèaruinteachd, agus *as a sin* earbaidh e; ach *tha* a shùilean air an slighibh.

24 Ardaichear iad ré tamuill, ach cha *bhi* iad ann; islichear iad, agus mar na h-uile bheirear air falbh iad, agus mar cheann déise gearrar as iad.

25 Agus mar 'eile e mar sin a nis, cò a nì breugaire dhìom, agus a bheir gu neo-ni mo chainnt?

CAIB. XXV.

1 *Nochd Bildad tighearnas an Uile-chumhachdach, agus truaidhicheadh an duine.*

AN sin fhreagair Bildad an Suhach, agus thubhairt e,

2 *Tha* tighearnas agus eagal maille ris-san: nì e sìth 'n a ionadaibh àrda.

3 Am bheil àireamh air bith air a shlàigh? agus cò air nach éirich a sholus.

4 Cionnus ma ta a shaorar duine an làthair Dhé? agus cionnus a bhitheas esan glan a rugadh o mhnaoi?

5 Amhaire eadhon air a' ghealaich, agus cha deabraich i; agus cha-n'eil na rionnagan glan 'n a shealladh.

6 Cia is ro-lugha na sin an duine *a tha* 'n a chnuimh; agus mac an duine *a tha* 'n a ehnuimh?

CAIB. XXVI.

1 *Chronaich Iob Bildad: 5 Dh'aicidh e gu bheil cumhachd agus glòcas Dhé gun chrìoch, agus do-rannsachaidh.*

ACH fhreagair Iob, agus thubhairt e, 2 Cionnus a chuidich thu leis an tì *a*

tha gun chumhachd? cionnus a shaor thu an gairdean a *tha* gun neart?

3 Cionnus a chomhairlich thu esan aig nach *'eil* gliocas, agus a dh'fhoillsich thu gu pailte an nì mar a *tha* e?

4 Cò ris a labhair thu briathran? agus cò leis an spiorad a thàinig uait?

5 Dealbhar *nithean* marbha fo na h-uisge-cachaibh, agus an luchd-àiteachaidh.

6 Lomnochd *tha* ifrinn 'n a làthair, agus *cha-n'eil* còmhachadh aig léir-sgrìos.

7 *Tha e* a' sineadh na h-àirde tuath os ceann an ionaid fhalaimeh, a' crochadh na talmhainn air neo-nì;

8 A' ceangal suas nan uisgeachan 'n a neulaibh, agus *cha* reubar an neul fòpa;

9 A' cumail a stigh aghaidh a rìgh-chaithe-reach, a' sgaoileadh a neoil oirre.

10 Chuairtich e na h-uisgeachan le crìochaibh, gus an teirig an là maille ris an oidheche.

11 Crìothnaichidh puist nan nèamh, agus bithidh uamhas orra r'a achmhasan.

12 Le 'chumhachd roinnidh e an fhaìrge, agus le 'thuisge buailidh e an t-uaihlbreach.

13 Le a spiorad sgèadaich e na nèamhan; dhealbha a làmh an nathair lùbach.

14 Feuch, *is* iad sin cuid d'a shligheibh; ach cia beag a' chuibhriomh a chuala sinn deth? agus cò a dh'fheudas tairneanach a chumhachd a thuigsinn?

CAIB. XXVII.

1 *Tha Iob a' cur roimhe buanachadh 'n a ion-racas, agus 'n a fhàicantachd, 8 a chionn gu bheil an cealgair gun dòchas.*

AGUS bhunaich Iob 'n a chosamhlachd a labhairt a mach, agus thubhairt e,

2 Mar is beò Dia a thug air falbh mo bhreitheanas, agus an t-Uile-chumhachdach a chràidh m'anam,

3 Co fhad as a bhitheadh m'anail annam, agus spiorad Dhé ann am chuinneinibh,

4 Cha labhair mo bhilean aingidheachd, agus cha chan mo theanga cealg.

5 Nar leigeadh Dia gu'n saorainn sibh: gus am bàsaich mi, cha dealaich mi ri m'ion-racas.

6 Ann am fhàicantachd fanaidh mi, agus cha leig mi uam i; cha mhasaich mo chridhe mi ré mo làithean.

7 Mar an t-aingidh bitheadh mo nàmhaid; agus esan a dh'éireas suas a'm' aghaidh mar an t-eucorach.

8 Oir cìod e dòchas a' chealgair, ge do bhunaich e, 'n uair a bheir Dia air falbh 'anam?

9 An cìsd Dia r'a ghlaodh, 'n uair a thig àmhghar air?

10 Anns an Uile-chumhachdach an gabh e tlachd? an gairm e air Dia gach àm?

11 Teagaisgidh mi sibh le làimh Dhé; an nì a *th* aig an Uile-chumhachdach, cha cheil mi.

12 Feuch, ehunnaic sibh féin uile e: c'ar son ma ta a *tha* sibh cho ro fhaoir?

13 Is i so cuibhriomh an duine aingidh aig Dia, agus oighreachd luchd-foirneirt a gheibh iad o'n Uile-chumhachdach.

14 Ma dh'fhàsas a mhic homhòr, *is ann* air son a' chlaidheimh; agus cha sàsaichear a shliochd le h-aran.

15 Adhlaicear iadsan a mhaireas 'n a dhéigh anns a' bhàs; agus cha ghul a bhantraichean.

16 Ged charn e suas airgid mar an duslach, agus ged dheasaich e eudach mar an làthach;

17 Deasaichidh se e, ach euiridh an t-ion-racan air e; agus roinnidh an neò-chiontach an t-airgid.

18 Togaidh e mar an leomann a thigh, agus mar bhothan a nì an fear-coimhid.

19 Luidhidh an saoihbhir sìos, ach cha chruinnichear e: fosgailidh e a shùilean, agus *cha-n'eil* e ann.

20 Glacaidh uamhasan e mar uisgeachan: 's an oidheche goididh doimionn air falbh e.

21 Bheir a' ghaoth an ear leatha e, agus siubhlaidh e; agus le h-ìomghaoith grad-ghluaisidh i as 'ait e.

22 Oir caithidh Dia air, agus cha chaomhain e: bu mhiann leis teicheadh as a làimh.

23 Buailidh *daoin* an basan ris, agus le sgeig fuadaichidh iad as 'ait e.

CAIB. XXVIII.

1 *Tha Iob a' nochdadh, ged ramsaich duine nìlean domhain an t-saoghail so, nach urrainn e luach gliocais a thuigsinn: 23 Aig Dia a mhàin tha eòlas air gliocas.*

GU cinnteach *tha* dol a mach aig an t-airgid, agus àit aig an òr anns an leagh iad e.

2 Bheirear iarunn as an talamh, agus leaghar a' chlach 'n a h-umha

3 Chuir e crìoch air an dorchadas; agus ramsaichidh e mach gach iomlaine, elachan duibhre agus sgàile a' bhàis.

4 Brisidh an sruth a mach o'n luchd-àiteachaidh; dearmadar iad leis a' chois; tiormaichear suas iad; o dhaoineibh siubhlaidh iad.

5 *A thaobh* na talmhainn, aisde thig aran; agus foipe tionndaidhear suas amhuil teine:

6 *Is iad* a elachan àit an saphir; agus *tha* duslach òir aice:

7 Ceum nach aithne do'n eunlaith, agus nach faea sùil na seabhaige.

8 Cha do shaltair cuileanan an leòmhain air, agus cha deachaidh an leòmhain garg seachad air.

9 Air a' charraig euiridh e mach a làmh: tilgidh e bun os ceann na beanntan.

10 Anns na creagaibh bheir e air aimh-nichibh briseadh a mach; agus chi a shùil gach nì luachmhor.

11 Ceanglaidh e na h-aimhnichean o dhòl

thairis; agus *an ni a tha* folaichte bheir e gu solus.

12 Ach cia as a gheibhear gliocas? agus c'ait an bheil ionad na tuisge?

13 Cha-n aithne do dhuine a luach; agus cha-n fhaighear i ann an tìr nam beò.

14 Their an doimhne, Cha-n'eil i annam-sa; agus their a' mhuir, Cha-n'eil i maille riumsa.

15 Cha toirear òr air a son, agus cha couhaisear airgid mar a luach.

16 Cha mheasar i le h-òr na h-Ophir, leis an Ouis luachmhoir, no leis an t-saphir.

17 Cha choimeasar òr no leug rithe; agus cha *bhi* a malairt le seudaibh de'n òr fhior-ghlau.

18 Air coireal, no neamhnuidibh cha luadhar; oir tha luach gliocais os ceann nan clach a's uaisle.

19 Cha choimeasar topas na h-Etiopia rithe; leis an òr fhior-ghlan cha mheasar i.

20 Cia as ma ta a thug gliocas? agus c'ait an bheil ionad na tuisge?

21 Oir tha i 'am folach o shùilibh nan uile bhèò; agus o eunlaith an athair tha i 'an cleith.

22 Thubhairt léir-sgrìos agus am bàs, Le'r cluasaibh chuala sinn a cliù.

23 Tuigidh Dia a slighe, agus is aithne dha a h-àit:

24 Oir gu crìochan na talmhainn amh-aircridh esan; fo na nèanhan uile chi e:

25 Chum gu'n dean e cudthrom do'n ghaoith, agus gu'n tomhais e na h-uisgeachan le tomhas.

26 An uair a rinn e reachd do'n uisge, agus slighe do dhealanach na tairneanaich;

27 An sin chunnaic e i, agus dh'fhoillsich e i; dh'casaich e i, seadh, agus rannsaich e mach i.

28 Agus thubhairt e ris an duine, Feuch, eagal an Tighearna, *is* e sin gliocas; agus an t-òle a thrégsinu, tuisge.

CAIB. XXIX.

1 *Chumhnaich Iob air na làithibh's an do dhealtairich tòchran Dhé air a cheann: 11 Bha e 'n a charaid do'n dìlleachdan, agus do'n bhantraich.*

AGUS bhuaiaich Iob 'n a chosamhlachd a labhairt a mach, agus thubhairt e,

2 Och nach robh mi mar anns na mìosaibh a chaidh tharum, mar anns na làithibh air an do choimlid Dia mi!

3 'N uair a thug e air a lèchran dealrachadh air mo cheann, agus le a sholus a ghluais mi 's an dorachdas;

4 Mar a bha mi anu an làithibh m'òige, 'n uair a bha rùn-diomhair Dhé air mo phàillium;

5 An uair a bha'n t-Uile-chumhachdach fathast maille rium, agus m'òganaich mu m' thimcheall;

6 An uair a nigh mi mo cheuman le h-im,

agus a thaom a' eharraig a mach dhomh sruthain olaidh;

7 'N uair a chaidh mi mach gu geata a' bhaile, a dh'casaich mi m'àite-suidhe anns an t-sràid.

8 Chunnaic na daoine òga mi, agus dh'fholaic siad iad féin; agus dh'éirich na daoine aosda, agus sheas iad.

9 Sguir na h-uachdarain de labhairt, agus chuir iad an làmh air an beul.

10 Dh'fhan na h-àrd-uaislean 'n au tosd, agus lean an teanga r'an gial.

11 An uair a chual' a' chluas, bheannaich i mi; agus an uair a chuunaic an t-sùil, thug i fianuis leam:

12 A chionn gu'n do shàor mi am bochd a bha 'g éigheach, agus an dìlleachdan aig nach robh fear-cuideachaidh.

13 Thàinig beannachadh an tì a bha ullamh gu bàsachadh orm; agus thug mi air cridhe na bantraich seinn le h-aoibhneas.

14 Chuir mi ionracas orm, agus dh'eud-aich e mi: mar fhalluinn agus mar chorou bha mo bhreitheanas.

15 Bu shùilean mi do'n dall, agus bu chosau mi do'n bhacach.

16 Bha mi a'm' athair do na bochdan; agus a' chùis nach b' aithne dhomh rannsaich mi a mach.

17 Agus bhris mi gial an droch dhuine, agus á' fhiacaibh spion mi a' chreach.

18 Agus thubhairt mi, Ann am nead gheibh mi bàs, agus mar a' ghaineamh ni mi mo làithean lionmhor.

19 Bha mo fhreumh air a sgaoileadh a mach làmh ris na h-uisgeachan, agus luidh an drùchd ré na h-oidhche air mo mhangan.

20 Bha mo ghloir ùr agam, agus dh'ath-nuadhachadh mo bhogha ann am làmh.

21 Riumsa dh'éisd daoine, agus dh'fheith iad, agus bha iad 'n an tosd ri m' chomh-airle.

22 An déigh mo bhriathran cha do labhairt iad a ris; agus shil mo chainnt orra.

23 Agus bha sùil aca rium, mar ris an uisge; agus dh'fhosgail iad am beul gu farsuinn, mar air son an uisge dheireannaich.

24 Ma ghàir mi riu, cha do chreid iad; agus solus mo ghnùise cha do thilg iad sìos.

25 Thagh mi mach an slighe, agus shuidh mi mar cheannard, agus chomhnuich mi mar rìgh ann an armait, mar aon a bheir comhfhurtachd do luchd-bròin.

CAIB. XXX.

1 *Tha Iob a' caoidh gu'n robh a mheas agus a chlu air an tionndadh gu maslach; 15 agus gu'n robh a shoirbheachadh air atharrachadh gu àmhghar.*

ACH a nis tha iadsan a's òige na uise a' deanamh fàinid orm, muinntir nach b'fhu leam an aithrichean a chur maille ri conaibh mo threada.

2 Seadh, ciod an tairbhe a bhitheadh

dhomhsa ann an neart an làmh, aig an deachaidh as d'an sean aois?

3 Le dith agus le gorta *bha iad* uaigneach, a' teicheadh do'n fhàsach, a *bha* 's an àm a chaidh seachad 'n a fhàsalachd agus 'n a léir-sgrìos:

4 A' gearradh sìos maloinh làmh ris na preasaibh, agus freumhan-aiteil mar bhiaidh.

5 O mheasg *dhaoinè* dh'fhògradh a mach iad: dh'éigh iad 'n an aghaidh, mar *an aghaidh* gaduiche.

6 *Bha iad* a' chòmhnuidh ann an sgaradh nan gleann, *ann an* uamhan na taluhamh agus nan creag.

7 Am measg nam preas rinn iad gearan: fo an eanntagaich chruinnicheadh iad ri 'chéile:

8 Clann nan amadan, seadh, clann *dhaoinè* gnn chliu: *bha iad* ni bu tàireile na'n talamh.

9 Agus a nis is mise a's òran doibh, agus tha mi a'm leth-fhocal aca.

10 Tha iad a' gabhail gràin dìom, tha iad a' teicheadh fad as uam, agus cha chaomhain iad smugaid a thilgeadh a'm eudan.

11 A chionn gn'n d'fhuasgail e mo chòrd, agus gu'n do shàraich e mi, leig iadsan mar an ceudna an t-srian sgaoilte romham.

12 Air mo dheas làmh dh'éirich an òigridh; thug iad air mo chosaibh sleamh-nachadh nam, agns thog iad suas a'm aghaidh slighean an sgrìos.

13 Mhill iad mo cheuman, chuir iad m'aimheas air aghaidh, gun fhear-cuideachaidh aca.

14 Mar bhriseadh a steach leathan thàinig iad, mar ann an léir-sgrìos thaom iad a stigh.

15 Thionndaidh uamhasan a'm aghaidh: ruaig iad m'anam mar a' ghaoth; agus mar neul chaidh mo thèarruinteachd seachad.

16 Agus a nis tha m'anam air a dhòrtadh a mach orm; ghlaic làithean àmhghair mi.

17 'S an oidheche tha mo chumhachd air an tolladh annam: agns cha bhi m'fhéithean aig fois.

18 Le neud a neirt nùth e m'eudach: mar bhile mo chòca chuartich e mi.

19 Thilg e mi anns an làthaich, agus tha mi air fàs cosmhuil ri duslach agus ri luath.

20 Dh'éigh mi rint, agus cha d'éisd thu rinn; sheas mi suas, agns [cha] d'thug thu fainear mi.

21 Tha thu air fàs an-ìochdmhor rium; le neart do làimhe tha thu 'g ad chur féin a'm aghaidh.

22 Tha thu 'g am thogail ris a' ghaoith: tha thu 'teirt orm marcachd *oirre*, agus a' leaghadh as mo bhrìgh.

23 Oir tha fhios agam gu'n toir thu mi gu bàs, agus a chum an tighe a dh'orduich-eadh do gach uile bheò.

24 Gidheadh cha sìn e mach a làmh a chum na t-uaigne, ged ghlaodh iad 'n a sgrìos.

25 Nach do ghuil mise air a shon-san a bha ann an àmhghar? nach robh m'anam doilich air son an *duine* bhochd?

26 An uair a bha sùil agam ri maith, an sin thàinig ole; agns an uair a bha dùil agam ri solns, thàinig dorchadas.

27 Bha m'innigh air ghoil, agus cha robh fois aca: chuir làithean àmhghair romham.

28 Ri bròn dh'imich mi as eugmhais na gréine: dh'éirich mi, anns a' chomhearninn-eachadh dh'éigh mi.

29 Is bràthair mi do na dragonaibh, agus is companach mi do na comhachagaibh.

30 Dhubhadh mo chroicinn orm, agus loisgeadh mo chumhachd le teas.

31 Agus tha mo chlàrsach air tionndadh gu bròn, agns m'organ gu gnth na muinntir a ghuileas.

CAIB. XXXI.

1 Tha Iob a' nochdadh gu'n do ghluais e ann an tréibhdhreas a chridhe; 16 agus gu'n robh e caomhneil ris an dilleachdan agus ris na bochdaibh.

RINN mi coimheangal ri m'shùilbhi: e' car son ma ta a smuainichinn air maighdinn?

2 Oir ciod e cnibhrionn Dhé o'n *ionad* shuas, agus oighreachd an Uile-chumhachd-aich o'n àirde?

3 Nach 'eil sgrìos ann do'n droch *dhuine*, agns coimheachd do luchd-deanamh na h-enceirt?

4 Nach 'eil e a' faicinn mo shlighean, agus ag àireamh mo cheumnan gu léir?

5 Ma ghlnais mi le dìomhasan, agus ma ghreas mo chos a chum ceilge;

6 Cothromaichear mi ann am me'ghibh a' cheartais, chum gu'm bi fios aig Dia air m'ionracas.

7 Ma thionndaidh mo cheum as an t-slighe, agns an déigh mo shùl gu'n do ghluais mo chridhe, agus ri m'lamhan gu'n do lean smal air bith;

8 Cuiream, agus itheadh neach eile; seadh, bithcadh mo shliochd air an spionadh as am frèimh.

9 Ma mhealladh mo chridhe le mnaoi, agus aig dorus mo choimhearsnach ma rinn mi feall-holach;

10 Meilcadh mo bhean do neach eile, agns cromadh daoine eile oirre:

11 Oir is cionta mòr so, agus is euceart e air son nam breitheamh.

12 Oir is teine e a loisgeas chum sgrìos, agus a spionadh as m'fhàs uile.

13 Ma rinn mi tàir air cùis m'òglaich, no mo bhanoglaich, an uair a thagair iad rium;

14 Ciod ma ta a ni mi 'n nair a dh'éircas Dia? agus an uair a dh'fhiosraicheas e, ciod a fircagaircas mi dha?

15 Nach e'n ti a rinn mise anns a' bhroinn, a rinn esan? agus nach aon a d'leabh sinn anns a' bhroinn?

16 Ma chum mi na bochdan o'm mianm,

agus ma thug mi air shùilbh na bantraich fàilneachadh;

17 No ma dh'ith mi mo ghreim a'm' aonar, agus nach d'ith an dilleachdan dheth;

18 (Oir o m'òige dh'fhàs e suas maille rium, mar aig 'athair: agus o bhroinn mo mhàthar threòraich mi ise:)

19 Ma chunnaic mi neach a' bàsachadh a dh'ith eudaich, agus nach robh còmhachadh aig a' bhòchd;

20 Mur do bheannaich a leasraidh mi, agus mur do bhlàthaicheadh e le lomradh mo chaorach;

21 Ma thog mi mo làmh an aghaidh an dilleachdain, an uair a chunnaic mi mo chòmhnadh anns a' gheata;

22 Tuiteadh mo ghairdean o'n t-slinnean, agus brisear mo ruighe o'n chmàin.

23 Oir bha sgrios o Dhia 'n a uamhas dhomh-sa, agus a thaobh àirde-san cha robh e'n comas domh fulang.

24 Ma chuir mi 's an òr mo dhòchas, agus ma thubhairt mi ris an òr fhior-ghlan, *Is tu* m'earbsa;

25 Ma rinn mi gairdeachas a chionn gu'n robh mo bheartas mòr, agus a chionn gu'n d'fhuair mo làmh mòran;

26 Ma dh'amhairc mi air a' ghréin an uair a dhealraich i, no air a' ghealaich a' gluasad ann an soillse,

27 Agus gu'n do mhealladh mo chridhe os ìosal, agus gu'n do phòg mo bheut mo làmh:

28 *Is* cionta so mar an ceudna *air son* a' bhreithinnh; oir dh'àicheadhainn an Dia a tha shuas.

29 Ma rinn mi gairdeachas ri sgrios an tì a dh'fhuathaich mi, agus ma thog mi mi féin suas a chionn gu'n d'fhàinig oile air:

30 Oir cha do leig mi le m' bheut peacachadh le mallachadh iarraidh air 'anam.

31 Mur dubhairt fir mo phàilliuin, Och nach robh sinn air ar sàsachadh le 'fheoil!

32 Am muigh cha do luidh an coigreach: mo dhorus dh'fhosgail mi do'n fhear-turuis.

33 Ma cheil mi, mar Adhamh, m'èusaontais, le m'èuceart fhòlachadh a'm' uclid:

34 An uair a bha eagail orm roimh mhòr-shluagh, no 'chuir tarceis theaghlach uamhas orm, agus a bha mi a'm' thosd, agus nach deachaidh mi mach air dorus.

35 Och nach éisdeadh aon rium! feuch, *is e* mo mhiann *gu'm* freagaireadh an t-Uile-chumhaehdach mi, agus *gu'n* sgrìobhadh m'fhear-casaid leabhar.

36 Gu deimhin air mo ghualainn ghabhainn e; cheanglainn e mar choron orm.

37 Aireamh mo cheuman chuirinn 'an céill da; mar cheannard rachainn am fagus da.

38 Ma dh'éigheas m'fhearam a'm' aghaidh, no ma ghearaineas mar an ceudna a chlais-ean:

39 Ma dh'ith mi a thoradh gun airgiod, no ma thug mi air a luchd-seilbh an anam a chall:

40 Ann an àite cruithneachd fàsadh droighneach, agus 'an àit eorna eanntag-ach . Chriochnaicheadh briathran Iob.

CAIB. XXXII.

1 *Zas fearg Elihu an aghaidh Iob agus a thriuir chairdean.* 6 *Chronaich e a chairdean a chionn nach do dhearbh iad an aghaidh Iob.* 16 *Nochd e 'eud gu labhairt.*

AN sin sguir an triuir dhaoine so do fhreagradh a thoirt do Iob, a chionn gu'n robh e ionraic 'u a shùilbh féin.

2 Agus las fearg Elihu mhic Bharacheil a' Bhùistich, de chinneadh Ram; an aghaidh Iob las 'fhearg, a chionn gu'n d'fhìreanaich se e féin nì's mò na Dia.

3 Mar an ceudna an aghaidh a thriuir chairdean las 'fhearg, a chionn nach d'fhuair iad freagradh, agus gu'n do dh'it iad Iob.

4 A nis dh'fheith Elihu gus an do labhair Iob, a chionn *gu'm bu* shine iad na esau.

5 An uair a chunnaic Elihu nach robh freagradh air bith ann am beul an triuir dhaoine so, an sin las 'fhearg.

6 Agus fhreagair Elihu mac Bharacheil a' Bhùistich, agus thubhairt e, *Tha* mise òg, agus sibhse aosmhor; uinne sin bha eagail orm, agus bha mi sgàthach mu m' bharail a nochdadh dhuibh.

7 Thubhairt mi, Labhradh làithean, agus teagaisgeadh lionmhoireachd bhliadhnach-an glìoeas.

8 Ach *tha* spiorad 's an duine, agus bheir anail an Uile-chumhaehdach tuisge dha.

9 Cha bhì daoine mòra a ghnàth glie; agus *cha* tuisge na h-aosmhoir breitheanas.

10 Uime sin thubhairt mi, Eisdibh rium; nochdaidh mise mar an ceudna mo bharail.

11 Feuch, dh'fheith mi rìr briathraibh; dh'èisd mi rìr reusonaibh, gus an do rannsaich sibh cìod a theicheadh sibh.

12 Seadh, thug mi faineas sibh; agus, feuch, cha robh aon agaibh a dhearbh an aghaidh Iob, no a thug freagradh d' a bhriathraibh;

13 Air eagail gu'n abradh sibh, Fluair sinn a mach gliocas: *is e* Dia a thilgeas sìos e, cha-n e duine.

14 A nis cha do chuir e a bhriathran 'an ordugh a'm' aghaidh-sa; agus le bhuir focal-sa cha fhreagair mise e.

15 Bha uamhas orra; cha do fhreagair iad nì bu mhò; sguir iad de labhairt.

16 Agus dh'fheith mi, ach cha do labhair iad; ach sheas iad, agus cha do fhreagair iad nì bu mhò.

17 Freagairidh mise mar an ceudna mo chuid féin; nochdaidh mise mar an ceudna mo bharail.

18 Oir tha mi làn de bhriathraibh; tha spiorad mo chuim 'g am éigneachadh.

19 Feuch, *tha* mo ehom mar fhìon gun dol as aige; mar shearragan nuadha, *tha e* ullamh gu bhì air a reubadh.

20 Labhraidh mi, agus bithidh lasachadh agam; fosgailidh mi mo bhilean, agus freagairidh mi.

21 Na gabham-sa, guidheam ort, ri gnùis duine air bith; agus ri duine na labhram gu miodalach.

22 Oir cha-n aithnedhomhsa cainnt mhiodalach: nam *baithne*, gu h-aithghearr bheircadh mo Chruith-fhear air falbh mi.

CAIB. XXXIII.

1 *Thairg Eilhu e féin a thagradh ri Iob: 8 Chronaich se c a chionn gu'n robh dòchas aig 'n a neò-chiontas. 14 Le aising na h-oidheche bheir Dia eòlas do'n duine.*

UIME sin, a Iob, chuinn, gnidheam ort mo bhriathran, agus éisd ri m'fhoclaibh uile.

2 Feuch, a nis dh'fhosgail mi mo bheul; labhair mo theanga ann am bheul.

3 O ionracas mo chridhe *thig* mo bhriathran; agus labhraidh mo bheilcan eòlas gu soilleir.

4 Rinn spiorad Dhé mi, agus thug anail an Uile-chumhachdaich beathla dhomh.

5 Ma's urrainn thu, freagair mi, cuir *do bhriathran* 'an ordugh a'm' lathair, seas suas.

6 Feuch, *tha* mise, mar a *tha* thu féin o Dhia; as a' chréidh dhealbhadh mise mar an ceudna.

7 Feuch, cha chuir m'amhas-sa eagal ort, agus cha bhi mo lámh trom ort.

8 Gn cinnteach labhair thu a'm' éisdeachd, agus chuala mi guth [do] bhriathar, *ag ràdh*.

9 Glan *tha* mi, gun eusaontas; neò-chiontach *tha* mi, agus cha-n'eil euceart annam.

10 Feuch, *tha* e 'faghail chùisean a'm' aghaidh; *tha* e 'g an mheas mar a nàmhaid;

11 *Tha* e a' cur mo chos anns a' dheap; *tha* e a' geur-amharc air mo cheumaidh gu léir.

12 Feuch, *an* so cha-n'eil thu ceart; freagairidh mi thu gur mò Dia na duine.

13 C'ar son a chuireas tu 'n a aghaidh? oir ann an aon air bith d'a nithibh cha toir e cunntas.

14 Oir aon uair labhraidh Dia, agus an dara uair cha-n amhaire e thairis air.

15 Ann an aising, ann an sealladh na h-oidheche, 'n uair a thuiteas codal trom air daoinibh, 'n uair a bhitheas iad 'n an suain air an leabaidh;

16 An sin fosgailidh e elusan dhaoine, agus seulaichidh e an teagasg,

17 Chum gu'n tarruing e duine o a dheanadas, agus gu'm folaic e nabhar o dhuine;

18 Gu'n cùm e 'anam o'n t-slochd, agus a bheatha o sgrios leis a' chlaidheamh.

19 Oir smachdaichear e le péin air a leabaidh, agus bonnhoireachd a chnàmh *le péin* laidir:

20 Air chor as gu'n gabh a bheatha gràin

de aran, agus 'anam de bhiadh deadhbhlasda.

21 Caithear 'fheoil air chor as nach faicear i; agus a chnàmhan nach facas, seasaidh a mach.

22 Agus tairngidh 'anam am fagus do'n naigh, agus a bheatha do na milltearaibh.

23 Ma bhitheas teachdair aige, eadar-theangair, aon am measg mhìle, a nochdadh 'ionracais do dhuine;

24 An sin gabhaidh e truas deth, agus thair e, Saor e o dhol sìos do'n t-slochd; fhuair mi éiric.

25 Bithidh 'fheoil m'is ùire na *feoil* leinibh; thig e air ais gu lathibh 'dige:

26 Ni e urnuigh ri Dia, agus gabhaidh e gu caomhnèil ris; agus chi e a gnùis le gairdeachas; oir iocaidh e do dhuine 'ionracas.

27 Amhaircidh e air daoineibh, agus *ma* their aon duine, Pheacaich mi, agus chlaon mi an *ni* a bha ceart, agus cha robh e chum tairbhe dhomh;

28 Saoraidh e 'anam o dhol sìos do'n t-slochd, agus chi a bheatha solus.

29 Feuch, na *nithean* sin uile oibrichidh Dia gu minic a thaobh duine.

30 A thoirt 'anama air ais o'n t-slochd gu bli air a shoillseachadh le solus nam beò.

31 Thoir faineas, a Iob, éisd rium; bi 'd' thosd, agus labhraidh mi.

32 Ma *tha* 'bheag agad r'a ràdh, freagair mi: labhair, oir bu mhianm leam do shaoradh.

33 Mur 'eil, éisd thusa riumsa: bi 'd' thosd, agus teagaisgidh mise dhuit gliocas.

CAIB. XXXIV.

1 *Rinn Eilhu cascaid air Iob, a chionn gu'n dubhairt e gu'n robh e ionraic, agus gu'n d'thug Dia air falbh a bhreitheanas. 10 Cha chòmhnuich aingidheachd maille ri Dia. 34 Chronaich Eilhu Iob.*

A THUILLEADH air so fhreagair Eilhm, agus thubhairt e,

2 Chuinnibh mo bhriathran, a *dhaoine* glice, agus éisdibh rium, sibhse aig am bheil eòlas:

3 Oir dearbhaidh a' chluas briathran, agus blaisidh am beul biadh.

4 Ròghnaicheamaid dhuinn féin breitheanas: bitheadh fios againn eadarunn féin ciod *an ni* a *tha* maith.

5 Oir thubhairt Iob, Tha mi ionraic; agus thug Dia air falbh mo bhreitheanas.

6 Ann am bhreitheanas *tha* mi air mo mhealladh: *tha* mo lot do-leighis, as eugmhais eusaontais.

7 Co an duine 'tha cosmhuil ri Iob, a dh'òlas suas magadh mar uisge?

8 A dh'imicheas ann an euideachd luchd-deanamh na h-eucéirt, agus a shiubhlas le droch dhaoineibh.

9 Oir thubhairt e, Cha-n'eil tairbhe ann do dhuine tlachd a ghabhail ann an Dia.

19 Uime sin éisdibh rium, sibhse a dhaoine tuigseach: Fada gu robh aingidheachd o Dhia, agus euceart o'n Uile-chumhachdach.

11 Oir gnìomh duine iocaidh e dha, agus bheir e air gach duine gu'm faigh e réir a sìlliche.

12 Seadh, gu cinnteach cha dean Dia gu h-aingidh, agus cha chlaon an t-Uile-chumhachdach breitheanas.

13 Cò a chuir an talamh fo a chùram? agus cò a shuidhich an domhan uile?

14 Ma chuireas e a chridhe air, ma chruinnicheas e d'a ionnsuidh féin a spiorad agus 'anail;

15 Bàsaichidh gach uile fheoil le 'chéile, agus pillidh an duine a ris do'n duslach.

16 A nis ma tha tuigse agad, cluinn so; éisd ri guth mo bhriathar:

17 An riaghail esan féin aig am bheil fuath do cheartas? agns an d'it thu esan a's ro-cheirte?

18 An abrar ri rìgh, *Tha thu* aingidh? ri daoineibh urramach, *Tha sibh* ain-diadhaidh?

19 *Ris-san* nach gabh ri gnùis uachdaran, agus nach meas an saoiibhir nì's mò na'm bochd? oir *is* iad uile oibre a làmh.

20 Gu h-obann gheibh iad bàs, agus mu mheadhon-oidheche cuirear an sluagh fo bhuaireas, agus siubhlaidh iad: agus bheir-e ar cumhachdach air falbh gun làmh.

21 Oir *tha* a shùilean air slighibh duine, agus chi e a cheuman gu léir.

22 *Cha-n'eil* dorchadas no sgàile bàis ann, far am folaich luchd-deanamh na h-aingidheachd iad féin.

23 Oir cha leig e tuilleadh 's a *chòir* air duine, chum gu'n rachadh e ann am breitheanas ri Dia.

24 Brisidh e sìos *daoine* cunmhachdach gun àireamh, agus cuiridh e suas *daoine* eile 'n an àite.

25 Uime sin is aithne dha an gnìomharan, agns tilgidh e bun os ceann *iad* 's an oidheche, agus sgriosar iad.

26 Mar dhroch dhaoineibh buailidh e iad ann an sealladh soilleir dhaoine eile;

27 A chionn gu'n do thionndaidh iad air an ais uatha, agus nach d'thug iad fainear aon air bith d'a shlighibh;

28 Air chor as gu'n d'thug iad air glaoth nam bochd teachd d'a ionnsuidh, agus gu'n cual' e glaoth nan truaghan.

29 An uair a bheir esan fois, cò a nì bnair-eas? agus an uair a dh'fholaicheas e a ghnùis, cò a chi e? ma's ann a thaobh einnich; no a thaobh duine a mhàin.

30 A chum nach righech daime a bhios 'n a chealgair, air eagal gu'm bitheadh an sluagh air an ribeadh.

31 Gu cinnteach ri Dia tha e iomchuidh r'a ràdh, Ghiùlain mi *smachdachadh*, cha chiontaich mi nì's mò.

32 *An nì* nach léir dhomh, teagaisg thusa

dhomh: ma rinn mi aingidheachd, cha dean mi *sìn* nì's mò.

33 An ann a réir do thoile-sa *bu chòir an nì a bhì?* diolaidh se e, ma dh'iùltas tusa, oir is tn féin a dh'ghnaicheas, agns chamhaise; uime sin an nì a's aithne dhuit labhair.

34 Imseadh daoine tuigseach dhomh, agus éisdeadh duine glic rium.

35 Labhair Iob gun eòlas, agus *bha* a bhriathran as eugmhais glaisais.

36 *Is e* mo mhian Iob a bhì air a dhearbhadh chum na crìche, air son a fhreagraidhean le daoineibh aingidh.

37 Oir tha e a' cur ceannaire r'a pheacadh, a' bualadh a bhas 'n ar measg, agus a' deanamh a bhriathran lionmhor an aghaidh Dhé.

CAIB. XXXV.

1 *Chronaich Elihu Iob a chionn gu'n dubhairt e gu'n robh 'fhireantachd os ceann fireantachd Dhé* 9 Glaothaidh mòran a tha air an sàruchadh ri Dia, *ach cha-n* fhaigh iad éisdeadh, do bhrìgh gu bheil iad as eugmhais creidimh.

2 FHEAGAIR Elihu a ris, agus thubhairt e,

2 An saoil thusa so a bhì ceart, *gu'n* dubhairt thu, *Tha m'fhireantachd-sa os ceann fireantachd Dhé.*

3 Oir thubhairt thu, Ciod an tairbhe 'bhitheas ann dhuitse? *Agus*, ciod a' bhuan-nachd a bhitheas ann dhomhsa, *ma shaorar mi* o m' pheacadh?

4 Freagairidh mise thu, agus do chompanaich maille riut.

5 Anbhair air na nèamhan, agus, feuch; agus faic na neoil a's àirde na thu.

6 Ma pheacaicheas tn, ciod a nì thu 'n a aghaidh-san? agus *ma* dh'fhàsas d'eusaontais lionmhor, ciod a nì thu air-san?

7 Ma bhitheas tn ionraic, ciod a bheir thu dha-san? no ciod a gheibh e o d' laimh?

8 Feudaidh d'aingidheachd *cron a dheanamh* do dhuine mar tha thusa, agus d'fhireantachd *a bhì tarbhach* do mhac an duine.

9 Glaothaidh iadsan a tha air an sàruchadh le mòran, éighidh iad air son gairdein na mòir chuideachd.

10 Ach cha-n abair aon neach, C'ait am bheil Dia mo Chruith-fhear, a tha 'tabhairt dhàn seachad 's an oidheche?

11 A tha 'g ar teagasg nì's mò na ainmhidhean na talmhainn, agus 'g ar deanamh nì's glise na eunlaith nan spur.

12 An sin éighidh iad, (ach cha fhreagair neach air bith iad,) air son uabhair dhroch dhaoine.

13 Gu cinnteach cha-n éisd Dia ri diomhanas, agus cha bhì meas aig an Uile-chumhachdach air.

14 Ged their thu nach faic thu e, tha breitheanas 'n a lathair; uime sin earb thusa as.

15 Ach a nis a chionn nach 'eil e mar *sìn*, dh'fhiosraich e 'n a chorruch, gidheadh nì h-aithne dha *sìn* ann an deuchainn mhòir.

16 Uime sin fosgailidh Iob a bheul gu dìomhain: nì e briathran ònmhor gun eòlas.

CAIB. XXXVI.

1 *Nochd Eilihu gu bheil Dia ceart 'n a uile shligheibh.* 8 Crìoch smachdachaidh Dhé. 24 Tha oibre an Tighearn' iongantach agus do-thuigsinn.

AGUS ehaidh Eilihu air aghaidh. agus thubhairt e,
2 Leig dhomh beagan, agus nochdaidh mi dhuit gu bheil fathast nì *agam* ri labhairt air son Dhé.

3 Tairngidh mi m'eòlas o chéin, agus dom' Chruith-fhear bheir mi ceartas.

4 Oir gu cinnteach cha *bhi* mo bhriathran breugach: *tha* esan a tha iomlan ann an eòlas maille riut.

5 Feuch, *tha* Dia cumbachdach, agus cha dean e tàir; cumbachdach ann an neart le gliocas.

6 Cha ghléidh e beò an t-aingidh; ach bheir e ceartas do na bochdaibh.

7 Cha taruing e a shùilean o'n ionraean; ach *tha* iad le rìghrìbh air an rìgh-chaithir, agus daingnichidh e iad gu bràth, agus àrd-aihear iad.

8 Agus ma *bhios* iad ceangailte ann an geimhlibh, *ma* ghlaear iad ann an cordaibh amhghair,

9 An sin nochdaidh e dhoibh an obair agus an eusaontais, gu'n robh iad anabarrach.

10 Agus fosgailidh e an cluas chum fògh-luim, agus àithnidh e dhoibh pilltim o euceart.

11 Ma dh'éisdeas iad *ris* agus ma nì iad seirbhis *da*, caithidh iad an làithean ann an saobhreas, agus am bliadhan ann an subhachas.

12 Ach mur éisd iad, cuirear as doibh leis a' chaidheamh, agus gheibh iad bàs gun eòlas.

13 Ach carnaidh na cealgairean' s a' chridhe suas fearg; cha-n éigh iad an uair a cheanglas e iad.

14 Gheibh iad bàs 'n an òige, agus *tha* am beatha an measg nan neòghan.

15 Saoraidh e am bochd 'n a àmhghar; agus fosgailidh e an cluasan 'n an sàrach-adh.

16 Eadhon mar sin dh'atharraicheadh e thusa á meadhon teamtaehd gu àite far-suim, far nach 'eil *teanntachd* air bith; agus *bhiodh* na chuirteadh air do bhòrd làn de shàill.

17 Ach choimhlion thu breitheanas an aingidh: gabhaidh breitheanas agus ceartas grèim *dh'ot*.

18 A chionn *gu bheil* fearg *riut*, tabhair an aire nach toir e air falbh thu le a bhuille: an sin cha saor éiric mhòr thu.

19 Am meas e do shaoibhreas? cha *mheas*, *no òr*, no uile neart cumbachd.

20 Na miannaich an oidhche 'n uair a ghearrar as sluagh 'n an àite.

21 Tabhair an aire nach claoen thu gu euceart; oir so ròghnaich thu thar àmhghar.

22 Feuch, àrdaichidh Dia le a chumbachd; cò a theagaisgeas cosmhuil ris-san?

23 Cò a dh'fhiosraich a shlighe? agus cò a dh'fheudas a ràdh, Rinn thu euceart?

24 Ciumhnich gu'n àrdaich thu 'obair-san, a chi daoine.

25 Chi na h-uile dhaoine i: chi duine i o chéin.

26 Feuch, *tha* Dia mòr, agus cha-n aithne dhuinne e; agus cha rannsaichear a mach àireamh a bhliadhnachan.

27 Oir nì e meanbh na braoin uisge: taomaidh iad a nuas uisge a réir a cheò;

28 A shìleas na neoil; frasaidd iad air an duine gu pailt.

29 A bhàrr air so an urrainn *neach air bith* sgaileadh nan neul a thuigsinn, *no* fuaim a phàilliuin!

30 Feuch, sgaolaidh e a sholus air, agus còmhdaichidh e iochdar na fairege.

31 Oir leo sin bheir e breth air an t-sluagh; bheir e biadh seachad ann am pailteas.

32 Le a làmh an còmhdaichidh e an solus, agus àithnidh e dha teachd a ris.

33 Nochdaidh an fhuaim aige a thaobh sin, an spréidh mar an ceudna a thaobh na théid suas.

CAIB. XXXVII.

1 *Tha Dia uamhasach 'n a oibribh; 15 agus 'n a ghliocas do-rannsaichaidh.* 23 *Is còir do dhaoineibh eagal a bhi orra roimhe.*

MAR an ceudna uime so chrìothnaich mo chridhe, agus charaichheadh as àit e.

2 Eisdibh gu furaehar ri fuaim a ghutha, agus an torman a théid a mach as a bheul.

3 Fo na nèamhan uile stiùiraidh se e, agus a dhealanach gu crìochaibh na talmhainn.

4 'N a dhéigh sin beucaidh guth: nì e tairneanach le guth a mhòralachd; agus cha eum e air an ais iad an uair a chluinnear a ghuth.

5 Nì Dia tairneanach le a ghuth gu h-iongantach; nì e nithean mòra do-thuigsinn.

6 Oir ris an t-sneachda their e, Bì-sa air an talamb; mar an ceudna ris an uisge mheanbh, agus ri uisge mòr a neirt.

7 Air làmh gach duine cuiridh e seula, chum gu'n aithnich na h-uile dhaoine 'obair-san.

8 Agus théid na fiadh-bheathaichean a steach d'an garaidh, agus 'n an àitibh-tàimh luidhidh iad.

9 As an àirde deas thig an ioma-ghaoth, agus fuachd as an àirde tuath.

10 Le h-anail Dhé bheirrean reodhadh; cumhannaichear leud nan uisgeachan.

11 Mar an ceudna le uisgeachadh sgith-

ichidh e an neul tiugh: sgaoilidh e a neul soillseach.

12 Agus tionndaidhear mu'n cuairt e le a chomhairle; chum gu'n dean iad ge b'e ni a dh'aitheas e dhoibh air aghaidh a' chruinne-ché.

13 Bheir e air teachd, ma's ann a chum smachdachaidh, no air son 'fhearainn, no air son tréair.

14 Eisd ri so, a Iob; seas, agus tabhair fairean oibre iongantach Dhé.

15 Am bheil fios agad c'uin a dh'orduich Dia iad, agus a thug e air solus a neoil dealrachadh?

16 Am bheil fios agad air cothromachadh nan neul, *air* oibribh iongantach an ti a tha iomlan ann an eòlas?

17 Cionnus a tha d'eudach blàth, 'n uair a chluinichear an talamh leis a' ghaoith a deas?

18 An do sgaoil thu mach maille ris-san na speuran, a tha làidir, mar sgàthan leaghta?

19 Nochd dhuinn ciod a their sinn ris: cha-n urrainn sinn *ar cainnt* a chur ann an ordugh a thaobh dorchadais.

20 An innsear dha 'n uair a labhras mi? Ma labhras duine, gu cinnteach sluigear suas e.

21 Agus a nis cha-n-fhaic daoine an solus dealrach a tha anns na neulaibh: ach siubhlaidh a' ghaoth, agus glanaidh i iad.

22 As an àirde tuath thig deadh aimsir: aig Dia tha mòrachd uamhasach.

23 An t-Uile-chumhachdach, cha-n urrainn sinn 'fhaghail a mach: *tha e* òirdheirc ann an cumhachd, agus ann am breitheanas, agus ann an làn cheartas: cha sàruich e.

24 Uime sin bithidh eagal air daoimibh roimhe: cha bhi meas aige air *duine* sam bith a *bhitheas* glic ann an cridhe.

CAIB. XXXVIII.

1 *Ghairm Dia air Iob as a' chuairt-ghaoith, agus dh'arr e reusonachadh ris: 4 Le bhi 'g àireamh nìean iongantach a chumhachd nochd Dia dha gu bheil an duine a dlùth eòlais agus neirt.*

AN sin fhreagair an Tighearn Iob as a' chuairt-ghaoith, agus thubhairt e,
2 Cò e so a tha 'dorchachadh comhairle le briathraibh gun eòlas?

3 Crioslaich a nis mar fhear do leasraidh, agus feòraichidh mi dhìot, agus freagair thusa mi.

4 C'ait an robh thu an uair a leag mise bunaitean na talmhainn? innis, ma tha tuigse agad.

5 Cò a shuidhich a thoimhsean, ma's aithne dhuit? no cò a shin an snàithne-tomhais air?

6 Ciod air am bheil a bhunaitean air an slaingneachadh? no cò a leag a chlach-oisinn;

7 'N uair a sheinn reultan na maidne cuid-

eachd, agus a rinn uile mhic l'bhé gaird-cachas?

8 No cò a dhruid a stigh an fhairge le dorsaibh, 'n uair a bhris i mach *mar* gu'n tigeadh i as a' bhroinn?

9 An uair a rinn mi neul 'n a thrusgan dhi, agus tiugh dhorchadas 'n a chrios-pasgaidh dhi?

10 Agus a bliris mi suas dhi m'àite suidhichte, agus a rinn mi dhi crannan agus dorsan;

11 Agus a thubhairt mi, Gu ruig so thig thu, ach cha tig ni's faide, agus 'an so coisgear do thonnann uaibhreach?

12 O *thoiseach* do làithean an d'thug thu àithne do'n mhaduinn? an d'thug thu fios a h-àite do'n scarthanaich?

13 A chum greim a ghabhail de chrìoch-aibh na talmhainn, agus gu'n crathadh na h-aingidh as.

14 Tionndaidhear e mar chriadh *ris* an t-seula; agus seasaidh iadsan mar eudach.

15 Agus cumar an solus o na h-aingidh, agus brisear an gairdean àrd.

16 An deachaidh tu steach gu tobraichibh na fairge? no ann an rannsachadh an dubhaigein an d'imich thu?

17 An d'fhosgladh geatachan a' bhàis duit? no 'm faca tu dorsan sgàile a' bhàis?

18 An d'thug thu fairean leud na talmhainn? innis, ma's aithne dhuit e uile.

19 C'ait *am bheil* an t-slighe *anns* an cumhuich an solus? agus an dorchadas, c'ait *am bheil* 'ionad-san?

20 Gu'n gabhadh tu e g'a chrìch, agus gu'm b'aithne dhuit na ceuman a dh'ionnsuidh a thighe?

21 An aithne dhuit e, a chionn gu'n d'rugadh tu an sin, no *gu bheil* àireamh do bhliadhnachan mòr?

22 An deachaidh tu steach gu ionmhasaibh an t-sneachda? no'm faca tu ionmhasan na cloiche-meallain?

23 A thaisg mise fa chomhair aimsir na teanntachd, fa chomhair là a' chatha agus a' chogaidh.

24 Cia an rathad a dhealaichear an solus, a sgaoileas a' ghaoth an ear air an talamh?

25 Cò a roinn sruth-chlais air son na tuile, agus slighe air son dealanaich na tairneanaich;

26 A thoirt air frasadh air an talamh *far* nach 'eil duine; *air* an fhàsach gun duine ann;

27 A shàsachadh an fhàsaich agus an dìthreabh, agus a thoirt air cinneas an luis mhaioth fàs suas?

28 Am bheil athair aig an uisge? no cò a ghlin braoin an drùchda?

29 A broinn cò an d'thàinig an eigh? agus liath-reodhadh nan peur, cò a ghin e?

30 Mar chloich tha na h-uisgeachan air an cruadhachadh, agus aghaidh na doimhne air reodhadh.

31 An feud thusa cumhachdan milse Phlciaides a cheangal, no ceanglaichean Orioìn fhuasgladh?

32 An toir thu mach Madsarot 'n a àm? no an stiùir thu Arcturus maille r'a mhacaibh?

33 An aithne dhuit reachdan nan nèamh? an suidhich thu an uachdaranachd air an talamh?

34 An tog thu suas a dh'ionnsuidh nan neul do ghuth, air chor as gu'n còmhdaich pailteas uisgeachan thu?

35 An cuir thu uait dealanaich, agus an téid iad, agus an abair iad riut, *Tha sinn an so?*

36 Cò a chuir gliocas 's an taobh a stigh? no cò a thug tuigse do'n chridhe?

37 Cò a dh'àirmheas na neoil ann an gliocas? no cò a choisgeas searragan nan nèamh;

38 'N uair a dh'fhàsas an duslach 'n a mheall cruaidh, agus a dhlùth-leanas na fòidean ri 'chéile?

39 An sealg thusa cobhartach do'n leòmhann bhoirionn, agus an sàsaich thu cìocras nan leòmhann òga;

40 'N uair a chrùbas iad 'n an garaidh, a dh'fhanas iad ann an sgàile chum feall-fheitheamh?

41 Cò a sholaras do'n fhitheach a lòn? an uair a dh'éigheas an t-àl òg aige ri Dia, théid iad air iomroll a chionn bithh.

CAIB. XXXIX.

1 *Nochd Dia a chumhachd féin, agus anmhuinn-eachd agus aineolas an duine, le e bhi 'còmh-eadh agus a' riaghladh fhiadhaichean na macharach air dòigh neo-aithnichte do chreutair cruthaichte.*

AN aithne dhuitse an t-àm anns am beir gabhair fhiadhaich na carraig? an toir thu faineir c'uin a bheireas na h-éildean laogha?

2 An urrainn thu na mìosan àireamh a choimhlionas iad, agus an aithne dhuit an t-àm anns am beir iad?

3 Cromaidh siad iad féin, beiridh iad an àl, tilgidh iad dhiubh an do-bhròn.

4 Tha an àl ann an culaidh mhaith, tha iad a' fàs suas anns na cluanibh; théid iad a mach, agus cha phill iad d'an ionnsuidh.

5 Cò a chuir a mach an t-asal fiadhaich saor, agus cò a dh'fhuasgail ceanglaichean an asail fhiadhaich?

6 D'an d'rinn mi a thigh de'n fhàsach, agus 'àite-còmhnuidh de'n fhearann neò-thorach.

7 Nì e tarceis air mòr shluagh a' bhaile; ri éighcach an fhir-ghlreasaich cha-n éisd e.

8 Rannsaichidh e na sléibhteann chum ion-altraidh, agus siridh e 'n déigh gach nì uaine.

9 Am bi an t-aon-adharcach toileach air seirbhis a dheanamh dhuit? am fan e aig do phrasaich?

10 An ceangail thu an t-aon-adharcach le

'chuing anns a' chlais? no'n cliath e na gleanntan a'd' dhéigh?

11 An earb thu as, a chionn gur mòr a neart? no 'm fàg thu d'obair dha?

12 An creid thu e gu'n aisig e do shìol, agus gu'n cruinnich se e do d' urlar-bualaidh?

13 *An tusa 'thug sgiathan breagha do na peucagaibh? no sgiathan agus iteach do'n struth;*

14 A dh'fhàgas a h-uibhean 's an talamh, agus a bhlàthaicheas iad 's an duslach,

15 Agus a dhì-chuimhniceas gu'm feud eos am bruthadh, no fiadh-bheathach na macharach ann briseadh?

16 Cruadhaichear i an aghaidh a h-àlaich, mar nach bu leatha iad: dìomhain *tha* a saothair gun eagal;

17 A chionn gu'n do dh'iùlt Dia dhi gliocas, agus nach do roinn e tuigse rithe.

18 Ge b'e uair a thogas si i féin an àird, nì i tàir air an each, agus air a mharcach.

19 An d'thug thusa neart do'n each? an d'eudaich thu a mhuineal le tàirneanaich?

20 An dean thu gealtach e mar an leum-nach-uaine? *is uamhasach glòir a chuinn-einean.*

21 Bùraichidh e le 'chois anns a' ghleann, agus nì e gairdeachas 'n a neart: théid e air aghaidh 'an coinneamh an airm.

22 Nì e magadh air eagal, agus cha bhi eamhann air, agus cha phill e air ais o fhaobhar a' chlaidheimh.

23 Nì'm balg-saighid torman 'n a aghaidh, an t-sleagh lounnreach agus an gath.

24 Le gairge agus feirg cladhaichidh e 'n talamh; agus cha chreid e gur i fuaim na trompaid' a tha ann.

25 Ann am meadhon *fuaim'* na trompaid' their e, Ha, ha! agus fad as gabhaidh e fàileadh a' chatha, tàirneanaich nan ceannard, agus na h-iolaich.

26 An ann le d' ghliocas-sa a dh'iteal-aicheas an t-seabhag, a shìneas i a sgiathan a làimh na h-àirde deas?

27 An ann air d'aithe-sa a dh'éireas an iolaire suas, agus a nì i a nead gu h-àrd?

28 Gabhaidh i còmhnuidh anns a' charraig, agus fanaidh i air scòr na carraig', agus *anns* an daingneach.

29 As sin iarraidh i cobhartach; chi a shùilean fad as.

30 Agus deothailidh a h-àlach suas fuil; agus far *am bi* na mairbh, an sin *bithidh* ise.

CAIB. XL.

1 *Dh'èirioslaich Iob e féin an ldlhair Dhé. 6 Labhair an Tighearn ris as a' chluairt-ghaoith.*

15 *Dh'fhoillsich Dia a chumhachd ann an cruthachadh Bhehemoit.*

ATHUILLEADH air so fhreagair ar Tighearn Iob, agus thubhairt e,

2 An teagaisg esan a nì srùr ris an Uile-

chumhachdach? esan a thagras ri Dia, freagrach e air a shon.

3 Agus fhreagair Iob an Tighearn, agus thubhairt e,

4 Feuch, tha mi gràineil; ciod a fhreagras mi dhuit? cuiridh mi mo làmh air mo bheul.

5 Aon uair labhair mi, ach cha fhreagair mi; seadh, dà uair, ach cha-n abair mi tuilleadh.

6 An sin fhreagair an Tighearn Iob as a' ehuairt-ghaoith, agus thubhairt e,

7 Crioslaich a nis mar dhuine do leasraidh: feòraichidh mi dhìot, agus freagair thusa mi.

8 An toir thusa mo bhreitheanas-sa gu neoni? an dìt thu mise, chum gu saorair thu fein?

9 Am bheil gairdean agad cosmhuil ri Dia? no'n dean thu tàirneanach le guth cosmhuil ris-san?

10 Sgeadaich thu féin a nis le mòrachd agus le h-òirdheirceas, agus eudaich thu féin le glòir agus mais.

11 Taom a mach fraoch d'fheirge, agus faic gach neach a tha uaibhreach, agus irioslaich e.

12 Faic gach neach a tha uaibhreach, islich e, agus saltair sìos na droch dhaoine 'n an àite.

13 Folaich iad 's an duslach le 'chéile, ceangail an aghaidhean ann an dìomhair-eachd.

14 An sin mar an ceudna aidichidh mise dhuit, gu'n saor do dheas làmh féin thu.

15 Feuch a nis, Behemot, a rinn mise maille riut; ithidh e fear mar dhamh.

16 Feuch a nis, *tha* a neart 'n a leasraidh, agus a spionnadh ann an ionlaig a bhronn.

17 Gluaisidh e 'earball mar sheudair: tha fèithean-luthaidh a shleisdean ceangailte r'a chéile.

18 *Tha* a chnàmhan làidir mar umha; *tha* a chnàmhan mar chrannaibh iarunn.

19 *Is* e tùs shlighean Dhé e: an ti a chruthaich e, feudaibh esan a chlaidheamh a thoirt an fagus *da*.

20 Gu cinnteach bheir na sléibhtean dha fear, far am bi uile bhacathachan na mach-arach ri sùgradh.

21 Fo na crannaibh dubharach luidhidh e, ann am folach na cuilec agus na làthaich.

22 Còmhdaichidh na croinn dhubharach e le'n sgàile: cuartichidh seileach an t-sruthaìn e.

23 Feuch, thig amhainn gu cruaidh air, agus cha dean e deifir: bitidh dòchas aige 'n uair a thig Iordan a mach g'a bheul.

24 'N a shùilbhan glac *duine* e? le dubh-anaibh an toll e a shròn?

CAIB. XLI.

Cumhachd Dhé mar tha e air a nochdadh anns an Lebhiatan.

AN tarruing thu mach Lebhiatan le dubhan, no a theanga le cord a leigeas tu sìos?

2 An cuir thu cromag 'n a shròn, agus le deilg an toll thu a ghial?

3 An dean e mòran asluachaidh ort? an labhair e *briathran* mine riut?

4 An dean e coimhcheangal riut? an gabh thu e mar sheirbhiseach gu bràth?

5 An dean thu cluicheadh ris mar ri h-eun? no'n ceangail thu e do d' ghruagaichibh?

6 An dean na companaich cuirm dheth? an roinn iad e am measg nan ceumnaichean?

7 An lion thu le gathaibh a chroicinn, no le mòr-ghathaibh éisg a cheann?

8 Cuir do làmh air, cumhuich an cath, na dean tuilleadh.

9 Feuch, is dìomhain a dhòchas-san: cadhon aig a shealladh nach tilgear *duine* sìos?

10 Nach borb e'n uair a dhùisgeas *neach* e? agus cò esan a sheasas 'n a làthair?

11 Cò a ghabh romham, agus gu'n diolaim? *gach nì a tha* fo na nèamhan uile *is* leamsa e.

12 Cha cheil mi a bhuill, no a neart, no a dhealbh sgiamhach.

13 Cò a dh'fhoillsicheas aghaidh 'eudaich? cò a thig d'a ionnsuidh le a shrian dhùbailte?

14 Cò a dh'fhosgaleas dorsan 'aghaidh? *tha* 'hìaclan uamhasach mu'n cuairt.

15 *Is iad* a lannan 'uail, dùinte suas le 'chéile *mar le* seula daingean.

16 Aon air a cur ri h-aon eile, air chor as nach tig deò eatorra.

17 Tha iad air an tàthadh ri 'chéile, tha iad a' dlùth-leantuinn ri 'chéile, agus cha ghabh iad dealachadh.

18 Le a shitriche soillsichidh solus; agus *tha* a shùilean cosmhuil ri rosagibh na maidne.

19 As a bheul théid leusan; leumaidh sradan teine a mach.

20 A cuimneibh a shròine thig deatach a mach, mar á poit air ghoil, no coire.

21 Lasaidh 'anail gual, agus théid lasair a mach as a bheul.

22 'N a mhuineal còmhnuichidh neart, agus roimhe ruithidh bròn.

23 Tha fillinnean 'hèdla a' leantuinn ri 'chéile: *tha* iad daingean aunta féin; cha ghabh iad gluasad.

24 *Tha* a chridhe cruaidh mar chloich, cruaidh eadhon mar chloich-mhuilinn iochd-raich.

25 An uair a thogas se e féin suas, bitidh na cumhachdaich fo gheilt: air eagal brisidh glanaidh siad iad féin.

26 Cha seas claidheamh an ti a bheanas ris; an t-sleagh, an gath, no'n lùireach.

27 Measaidh e mar chionnlaich an t-iarunn, mar fhiodh gròd an t-umha.

28 Cha toir an t-saighhead air teicheadh; 'n an connlaich tionndaidhear leis clachan a' chroimn-tabhuill.

29 Mar chionnlaich measar gathan; agus nì e gàire ri crathadh sleagha.

30 Foidhe *tha* clachan geura: sgaoladh e *nìthean* geura air an làthaich.

31 Bheir e air an doimhne 'bhi air ghoil mar choire: an fhairge ni e mar phoit olaidh-ungaidh.

32 'N a dhéigh bheir e air a shlighe soill-scachadh: saoilidh *neach* an t-aigean a bhi liath.

33 Air thalamh cha-*n'eil* a shamhuil, a rinneadh as eugmhais eagain.

34 Chi e gach *nì àrd*: *tha e 'n a rìgh* os ceann uile chloinne an uabhair.

CAIB. XLII.

1 *Dh'umhtaich Iob e féin fo làimh Dhé. 7 Chroaich Dia a thrìuir chàirdean a chionn nach do labhair iad an nì a bha ceart d'a thaobh. 9 Ghabh an Tighearn ri Iob, agus thug e dha a dhà uiread's a bha aige roimhe. 13 Clann Iob: 16 'Aois agus a bàs.*

A N sin fhreagair Iob an Tighearn, agus a thubhairt e,

2 Tha fios agam gur urraian thusa gach *nì* a dheanamh, agus nach ceilear smuain air bith ort.

3 Cò esan a cheileas comhairle gun eòlas? uime sin chuir mi 'n cèill *nìthean* nach do thuig mi; *nìthean* tuilleadh 's iongantach air mo shon-sa, nach b'aithne dhomh.

4 Eisd, guidheam ort, agus labhairidh mi: feòraichidh mi dhìot, agus foillsich thusa dhomh.

5 Le éisdeachd na cluaise chuala mi thu; ach a nis chunnaic mo shùil thu.

6 Uime sin gabhaidh mi gràin dhom féin, agus ni mi aithreachas ann an duslach agus ann an luathre.

7 Ach an déigh do'n Tighearn na briathran sin a labhairt ri Iob, thubhairt an Tighearn ri Eliphas an Temanach, Tha m'fhearg air a lasadh a'd' aghaidh-sa, agus an aghaidh do dhithis chairdean, a chionn nach do labhair sibh a'm' thaobh-sa an *nì a bha* ceart, mar *a labhair* m'òglach Iob.

8 Agus uime sin gabhaidh dhuibh féin seachd tairbh òga agus seachd reitheachan, agus rachaidh a dh'ionnsuidh m'òglach Iob,

agus iobraibh iobairt-loisgte air bhur son féin; agus ni m'òglach Iob urnuigh air bhur son, oir ris-san gabhaidh mi: chum nach buin mi ribh *a réir bhur* n-amaidcachd, a chionn nach do labhair sibh a'm' thaobh-sa an *nì a bha* ceart, mar *a labhair* m'òglach Iob.

9 Agus chaidh Eliphas an Temanach, agus Bildad an Suhach, agus Sophar an Naamat-ach, agus rinn iad mar a dh'aithn an Tighearn dhoibh: agus ghabh an Tighearn ri Iob.

10 Agus thionndaidh an Tighearn braigh-deanas Iob, an uair a rinn e urnuigh air son a chairdean: agus thug an Tighearn do Iob a dhà uiread's a bha aige roimhe.

11 Agus thàinig a bhràithrean uile d'a ionnsuidh, agus a pheathraichean uile, agus iadsan uile d'am b'aithne e roimhe, agus dh'ith iad aran maille ris 'n a thigh; agus bha truas aca dheth, agus thug iad comh-fhurtachd dha thaobh an uile uile a thug an Tighearn air: agus thug iad dha gach aon diubh bonn airgid, agus gach aon diubh cluas-fhàinne òir.

12 Agus bheannaich an Tighearn crìoch Iob nì's mò na a thoiseach; agus bha aige ceithir mìle deug caora, agus sè mìle camhal, agus mìle cuing dhamh, agus mìle asal bhoirionn.

13 Agus bha aige seachd mic, agus trìuir nighean.

14 Agus thug e Iemima mar ainm air a cheud *té*, agus Cesiah mar ainm air an dara, agus Ceren-lapuch mar ainm air an treas *té*.

15 Agus cha d'fhuaradh mnathan cho sgiamhach ri nigheanaibh Iob anns an tìr uile; agus thug an athair dhoibh oighreachd am measg am bràithrean.

16 Agus bha Iob beò 'n a dhéigh so ceud agus dà fhichead bliadhna; agus chunnaic e a mhic, agus mic a mhac, ceithir ginealach.

17 Agus fhuair Iob bàs 'n a sheann duine e agus làn de làithibh.

LEABHAR NAN SALM.

SALM I.

1 *Sonas an fhàirein. 4 Sgrìosar na h-aingidh ann am breitheanas.*

IS beannaichte an duine sin nach gluais ann an comhairle nan aingidh, agus nach seas ann an slighe nam peacadh, agus nach suidh ann an caithir luchd-fanoid:

2 Ach aig *am bheil* tlachd ann an lagh an Tighearn, agus a smuainicheas air a lagh-san a là agus a dh'oidheche.

3 Bithidh e mar chraoibh suidhichte

làimh ri sruthaibh uisge, a bheir a mach a toradh 'n a h-aimsir, agus nach caill a duilleach: agus soirbhichidh leis gach ni a ni e.

4 Cha n ann mar sin *a bhitheas* na h-aingidh; ach mar mhol a sgapas a' ghaoth.

5 Air an aobhar sin cha seas na h-aingidh ann am breitheanas, no peacaich ann an coimhthional nam firean.

6 Oir is aithne do'n Tighearn slighe nam firean; ach sgrìosar slighe nan aingidh.

SALM II.

1 *Cumhachd agus oighreachd Chriosd: 10 Thugadh earail do bhreitheamhnaibh na talmhainn iad a dheanamh seirbhis dha.*

C'AR SON a ghabh na cinnich boile, agus a smuainich na slòigh nì dìomhain?

2 *Car son a dh'éirich rìghrean na talmhainn, agus a ghabh na h-uachdarain comhairle le 'chéile, an aghaidh an Tighearn', agus an aghaidh 'Aoin ungta-san, ag ràdh,*

3 Briseamaid o' chéile an cuibhreach, agus tilgeamaid dhinn an cuing?

4 An tì a tha 'n a shuidhe air nèamh, nì e gàire; nì an Tighearn fanoid orra.

5 An sin labhraidh e riu 'n a fheirg; agus 'n a chorroich cuiridh e uamhann orra.

6 Gidheadh dh'ung mise mo Rìgh air Sion, mo shliabh naomh-sa.

7 Cuiridh mi 'an céill ordugh an Tighearna: thubhairt e rium, *Is tu mo mhac-sa; an diugh ghin mi thu.*

8 Iarr orm, agus bheir mi dhuit na cinnich mar oighreachd, agus crìochan na talmhainn mar sheilbh.

9 Brisidh tu iad le slait iarunn; mar shoitheach criadhadair, prònaidh tu iad 'n am bloighdibh.

10 A nis ma ta, a rìghrean, bithibh glic; gabhaibh fòghlum, a bhreitheamhna na talmhainn.

11 Deanaibh seirbhis do'n Tighearn le h-eagal, agus deanaibh gairdeachas le ball-chrith.

12 Pògaibh am Mac, air eagal gu'm bi fearg air, agus gu'n sgriosar sibh 's an t-slighe, 'n uair a lasas ach gu beag a chorroich. *Is beannaichte iadsan uile a dh'earbas as.*

SALM III.

1 *Tha Dia 'n a sgéith agus 'n a dhèidean dhoibhsan a dh'earbas as.*

Salm le Daibhidh, 'n uair a theich e roimh Absalom a mhac.

A THIGHEARNA, nach lìonmhor a dh'fhàs mo naimhdean? *is iomadh iad a tha 'g éirigh a'm' aghaidh.*

2 *Is iomadh iad a their ri m'anam, nach 'eil furtachd aige ann an Dia. Selah.*

3 Ach *tha* thusa, a Thighearn', a'd' sgéith dhomhsa; mo ghlòir, agus fear-togalach mo chinn.

4 Le m' ghuth dh'éigh mi ris an Tighearn, agus dh'éisd e rium as a shliabh naomh. Selah.

5 Luidh mi sìos, agus choidil mi: dhùisg mi, oir chum an Tighearn suas mi.

6 Cha-n eagal leam deich mìle sluaigh, a chuir iad féin a'm' aghaidh air gach taobh.

7 Éirich, a Thighearna; saor mi, O mo Dhia: oir bhuail thu mo naimhdean uile air an gial; bhris thu faclan nan aingidh.

8 *Is leis an Tighearn an fhurtachd: air do shluagh tha do bheannachd. Selah.*

SALM IV.

1 *Thug Daibhidh achmhasan d'a naimhdeibh agus chomhairtich e iad. 6 Nochd e gu bheil sonas an duine, cha-n ann 'am mòr phairteas nithean talmhaidh, ach ann an deadh-ghèan an Tighearna.*

Do'n àrd fhear-ciuil air Neginot. Salm le Daibhidh.

N UAIR a dh'éigheas mi, éisd rium, a Dhé m'ionracais; 'n uair a bha mi ann an teinn, dh'fhuasgail thu orm; dean trècair orm, agus éisd ri m'urnuigh.

2 A chlann nan daoine, cia fhad a thionndaidheas sibh mo ghlòir chum nàire? a ghràdhaicheas sibh dìomhanas, a shireas sibh an déigh bhreug? Selah.

3 Ach bithheadh fios agaibh gu'n do ròghnuich an Tighearn an duine naomh dha féin: éisdidh an Tighearn an uair a dh'éigheas mi ris.

4 Bithheadh eagal oirbh, agus na peacaichibh: labhraibh r'ur cridhe air bhur leabaidh, agus bithibh tosdach. Selah.

5 Iobraibh iobairtean ionracais, agus earbailh as an Tighearn.

6 *Tha* mòran ag ràdh, Cò a nochdas dhuinn nì maith? Tog oirne solus do ghnùise, a Thighearna.

7 Chuir thu aoibhneas ann am chridhe, nì's mò na 'n uair is pailte an arbhar agus am fìon-san.

8 Ann an sìth araon luidhidh mi, agus coidlidh mi; oir is tusa mhàin, a Thighearn', a bheir orm còmhnuidh 'ghabhail gu tèaruinte.

SALM V.

1 *Dh'iarr Daibhidh gu'n tugadh Dia éisd-eachd d'a urnuigh. 4 Is fuathach leis an Tighearn luchd-deanamh an uile. 8 Ghuidh Daibhidh gu'n trèdraidheadh Dia e 'n a fhìreantachd.*

Do'n àrd fhear-ciuil air Nechilot. Salm le Daibhidh.

RIM' bhriathraibh éisd, a Thighearna; beachdaich air mo smuaintibh.

2 Thoir an aire do ghuth mo ghlaoidh, mo Rìgh, agus mo Dhia; oir riutsa nì mi urnuigh.

3 A Thighearn', air maduinn chuinnidh tu mo ghuth; air maduinn deasaichidh mi mi féin a'd' làthair, agus amhaireidh mi suas.

4 Oir cha Dia thusa aig am bheil tlachd ann an aingidheadh, agus cha chòmhnuich an t-aingidh maille riut.

5 Cha seas na h-amadain a'd' làthair: is fuath leud luchd-deanamh an uile.

6 Sgrìosaidh tu luchd-labhairt bhreug: is gràin leis an Tighearn an duine fuileachdach agus cealgach.

7 Ach air mo shon-sa, ann an lìonmhoir-eachd do thrècair, thig mi steach do d'

thigh; sleuchdaidh mi aig do theampull naomh, ann ad eagal.

8 A Thighearna, treòraich mi ann ad fhìreantachd; air sgàth mo naimhdean, dean do shlighe dìreach romham:

9 Oir cha-n'èil ceart 'n am beul; is tur aingidheachd e an tìobh a stigh dhiubh; is uaigh fhosgailte an sgornan; ni iad mìodal le 'n teangaidh.

10 Sgrìos iad, a Dhé; tuitcadh iad le'n comhairle féin: air son òmhhoireachd an euceartan tilg a mach iad; oir rinn ial ceannaire a'd' aghaidh.

11 Ach deanadh iadsan uile aoibhneas a chuircas an dòigh annad: gu bràth deanadh iad iolach, a chionn gu'n dìon thu iad: agus deanadh iadsan luathghaire annad, leis an ionnluinn d'ainm.

12 Oir beannaichidh tusa am fìrean, a Thighearna: le deadh-ghean cuairtichidh tu e, mar le sgéith.

SALM VI.

1 'N a theanntachd rinn Daibhidh gearan ri Dia. 8 Chuir e a dhòchas, agus rinn e gairdeachas, ann an tròcair an Tighearna.

Do'n àrd fhear-ciùil air Neginot air Seminit. Salm le Daibhidh.

A THIGHEARNA, ann ad chorruich na cromuich mi, agus ann ad fheirg na smachdaich mi.

2 Gabh truas dìom, a Thighearn', oir tha mi lag: slànuih mi, a Thighearn', oir tha mo chùmhachan air an cràdh;

3 Agus tha m'anam air a chràdh gu mòr: ach thusa, a Thighearna, cia fhad?

4 Pill, a Thighearna, fuasgail m'anam: saor mi, air sgàth do thròcair.

5 Oir anns a' bhàs cha-n'èil cuimhne ort: anns an uaigh eò a bheir dhuit cliù?

6 Tha mi sgèth le m'òsnaich; ré na h-oidhche tha mi 'cur mo leabaidh air sàmhach; le m' dheuraibh uisgicheam m'uirigh.

7 Caithear le dubhachas mo shùil; fàsaidh i sean, air son m'èascairdean gu léir.

8 Ìmichibh nam, sibhsa uile a luchd-deanamh na h-euceirt, oir chual' an Tighearn guth mo chaoidh.

9 Chual' an Tighearn m'athchuinge; gabhaidh an Tighearn ri m'urnuigh.

10 Cuirear gu nàire agus gu mòr amhladh mo naimhdean gu léir: pilleadh iad, cuirear gu h-obann gu nàire iad.

SALM VII.

1 *Ghuidh Daibhidh air Dia gu'n saoradh se e o làmh a naimhdean. 9 Tha e a' nochdadh gu'n dearbh Dia cridhe an duine, agus gu'n tig an t-aingidh gu bochdainn.*

Sigaion le Daibhidh, a sheinn e do'n Tighearn, thaobh bhriathar Chuis a' Bheniaminich.

A THIGHEARNA mo Dhia, annad cuiream mo dhòigh: saor mi uathas an uile a tha'n tòir orm, agus teasaig mi:

2 Air eagal mar leòmhnan gu'n reub e m'anam, 'g a liodairt, gun neach a shaoras.

3 A Thighearna mo Dhia, ma rinn mi so; ma tha lochd a'm' làmh;

4 Ma dh'ìoc mi òle do'n fhear a bha 'an sìth rium, no ma rinn mi foirneart air-san a bha 'n a eascaraid domh gun aobhar;

5 Geur-leanadh an nàmhaid m'anam, agus glacadh se e, agus saltradh e mo bheatha gu làr, agus leagadh e mo chliù 's an dulasach. Selah.

6 Eirich, a Thighearn', a'd' fheirg; tog suas thu féin air son corruich mo naimhdean; agus mosgail air mo shon chum na breth a dh'èithn thu.

7 An sin cuairtichidh coimhthional an t-sluaigh thu; air an son-san uime sin pill gu h-ionad àrd.

8 Bheir an Tighearn breth air an t-sluaigh: thoir breth orm, a Thighearn', a réir m'fhìreantachd, agus a réir m'ionracais a tha annam.

9 Thigeadh crìoch air aingidheachd nan aingidh; ach daingnich thusa am fìrean: oir dearbhaidh tu na cridheachan agus na h-àirnean, a Dhé chotbromaich.

10 Is e Dia mo sgiath, a shaoras iadsan a tha ceart ann an cridhe.

11 Is breitheamh còthromach Dia, agus bithidh Dia ann am feirg ris a' chiontach gach là.

12 Mur pill e, geuraichidh e a chlàidheamh: chuir e a bhogha air lagh, agus dheasaich se e.

13 Agus dh'ulluich e air a shon innil bàis: dhealbh e a shaighdean an aghaidh luchd-geur-leamhuim.

14 Feuch, tha e ri saothair le h-euceart; ghin e òle, agus rug e brug.

15 Dh'fhosgail e slochd, agus chladhaich se e, agus thuit e féin anns a' chlais a rium e.

16 Pillidh 'òle air a cheann féin, agus thig 'fhoirneart a nuas air a chlaiginn féin.

17 Molaidh mise an Tighearn a réir a cheartais; agus seinnidh mi cliù do ainm an Tighearn' a's ròirde.

SALM VIII.

1 *Tha glòir Dhé air a h-àrdachadh le oibribh iongantach a làmh, 5 agus le 'mhaitheas do m'ac an duine.*

Do'n àrd fhear-ciùil air Gitit. Salm le Daibhidh.

O IEHOBAH ar Tighearna, cia d'irdheir d'ainm air feadh na talmhainn uile? a shocraich do ghloir os ceann nan nàmh.

2 A beul naoidhean agus chiochran dh'orduih thu neart, air son do naimhdean, chum gu'n coisgeadh tu an nàmhaid agus an dòghaltach.

3 'N uair a dh'amhairceas mi air do nàmhachan, obair do m'heur; air a' ghcailach agus na reultaibh, a shuidhich thu;

4 Cò e an duine gu'm bitheadh tusa cuimhneachail air, agus mac an duine gu'm fiosaicheadh tu e?

5 Rinn thu e beagan ni b'isle na na h-aingil, agus chrùn thu e le glòir agus le h-urrann.

6 Thug thu uachdaranachd dha os cionn oibre do làmh: chuir thu gach ni fo 'chos-aibh;

7 Caoraich agus buar uile, agus mar an ceudna ainmhidhean na macharach;

8 Eumlaith nan spur, agus iasg na mara, a shiubhlas air slighibh nan cuan.

9 O Iehobhah, ar Tighearna, cia d'irdheire d'ainm air feadh na talmhainn uile?

SALM IX.

1 *Mhol Daibhidh an Tighearn do bhrìgh gu'n d'thug e breth air a naimhidh. 13 Glaidh e gu'n deanadh Dia tròcair air 'n a àmhghar, agus gu'n scoradh e an t-ainnis a làmh an aingidh.*

Do'n àrd fhear-ciùil air Mut-laben. Salm le Daibhidh.

MOLAIDH mi thu, a Thighearna, le m'uile chridhe: cuiridh m'n céill d'oire iongantach gu léir.

2 Ni mi aoibhneas agus gairdeachas annad; seinnidh mi cliù do d'ainm, O 'Thi a's àirde.

3 'N uair a phillear mo naimhdean air an ais, tuitidh iad agus théid as doibh a'd' fhianuis:

4 Oir sheas thu dhomh mo chòir agus mo chùis: shuidh thu air do rìgh-chaitheir, a' toirt breth le ceartas.

5 Snachdaich thu na cinnich, sgrìos thu na h-aingidh; chuir thu as d'an ainm gu saoghal nan saoghal.

6 Chaidh crìoch air sgrìos an nàmhaid am fead; leag thu sìos am bailtean mòra: thèid as d'an cuimhne maille riù féin.

7 Ach mairidh an Tighearn gu sìorruidh: dheasaich e a rìgh-chaitheir chum breitheanais.

8 Agus bheir esan breth air an t-saoghal ann am fireantachd, ni e breitheanas do'n t-sluagh ann an ceartas.

9 Agus bithidh an Tighearn 'n a dhaingneach do'n tì a shàruichear, 'n a dhaingneach ann an aimsiribh teanntachd.

10 Agus cuiridh iadsan d'an aithne d'ainm an doigh annad: oir cha tréig thusa, a Thighearn, iadsan a dh'iarraas thu.

11 Seinnibh cliù do'n Tighearn a chòmhluicneas ann an Sìon; aithrisibh am measg nan cinneach a ghnìomharan.

12 'N uair a nì e rannsachadh air son fola, cuimhnicidh e orra: cha dì-chuimhnich e glaoch nam bochd.

13 Dean tròcair orm, a Thighearna: amhairc air m'àmhghar a tha mi 'fulang uatha-san le'm fuathach mi, O thusa a tha ga m' thogail suas o gheataibh a' bhàis;

14 Chum gu foillsich mi do chliù uile ann an geataibh nighinn Shìoin: ni mi gairdeachas ann ad shlàinte.

15 Thuit na cinnich sìos anns an t-slochd

a rinn iad: anns an lìon a dh'fholaich iad, chaidh an cos féin 'an sàs.

16 Aithnìchear an Tighearn 's a' bhreitheanas a rinn e: ann an gnìomh a làmh féin ribear an t-aingidh. Higaion. Selah.

17 Cuircar na h-aingidh gu h-ìfrinn, na cinnich uile nach cuimhnich Dia.

18 Oir cha dì-chuimhnìchear an t-ainnis gu bràth; cha téid as do dhòchas nam bochd gu sìorruidh.

19 Eirich, a Thighearna, na buadhaicheadh duine; thugar breth air na cinnich a'd' fhianuis.

20 Cuir, a Thighearn, eagal orra; chum gu'n aithnìch na cinnich nach 'eil anna féin ach daoine. Selah.

SALM X.

1 *Tha Daibhidh a' nochdadh gu bheil slighean nan aingidh doilgheasach an còmhnuidh. 12 Cuidichidh Dia leis an duinebhochd, 14 agus cumaidh e ceartas ris an dilleachdan.*

C'AR son, a Thighearn, a sheasas tu fad o làmh? a dh'fholaicheas tu thu féin ann an aimsiribh teanntachd?

2 'N a uabhar geur-leanaidh an t-aingidh am bochd: glacer iad 's na h-innleachdaibh a dhealbh iad.

3 Oir ni an t-aingidh ràiteachas á miann a chridhe; agus molaidh e an duine sanntach, a's beag air Dia.

4 Ann an uabhar a ghnùise cha-n iarr an t-aingidh Dia: cha-n'eil Dia 'n a uile smuaintibh.

5 Tha a shlighean doilgheasach anns gach àm; tha do bhreitheanais àrd as a shealladh: thaobh a naimhdean uile, ni e tarchuis orra.

6 Thubhairt e 'n a chridhe, Cha ghluais-eair mi; gu bràth cha bhi mi ann an àmhghar.

7 Tha a bheul làn de mhallachadh, agus de chéig, agus de mhealltaireachd: fo 'theangaidh tha donas agus dìomhanas.

8 Suidhidh e ann an ionadaibh-folaich nam bailtean beaga; ann an àitibh dìomhair mortaidh e an neò-chiontach: tha a shùilean ann an uaignidheas a' dearcadh air a' bhochd.

9 Ni e feall-fholach gu dìomhair, mar leòmhann 'n a gharaidh: ni e feall-fholach chum gu'n glac e an duine bochd: glacadh e an duine bochd, 'g a tharruing 'n a lìon.

10 Crùdaidh e, cromaidh e sìos, agus tuitidh am bochd le 'dhaoinibh làidir.

11 Thubhairt e 'n a chridhe, Dhì-chuimhnich Dia: dh'fholaich e a ghnùis; cha léir dha sud am fead.

12 Eirich, a Thighearna Dhé, tog suas do làmh: na dì-chuimhnich na daoine bochda.

13 'Car son a rinn an t-aingidh tàir air Dia? a thubhairt e 'n a chridhe, Cha-n iarr thu e?

14 Chunnaic thu e; oir is léir dhuìt donas agus mì-run, chum an dioladh le d' làmh:

ortsa fàgaidh an duine bochd e féin; is tu fear-cuideachaidh an dilleachdain.

15 Bris thusa gairdean an aingidh, agus an droch dhuine; ramsaich a mach 'aingidheachd gus nach fàigh thu i.

16 Tha'n Tighearn 'n a Rìgh gu saoghal nan saoghal: sgriosadh na cinnich a mach as a thìr.

17 A Thighearna, chuala tu miaunn nan daoine bochda; deasaichidh tu an cridhe; bheir thu air do chluais éisdeachd:

18 A chumail ceirt ris an dilleachdan agus ris an truaghan, chum nach dean duine o'n ùir foirneart nì's mò.

SALM XI.

1 *Chuir Daibhidh a dhòchas ann an Dia. 4 Freasdal agus ceartas an Uile-chuimhachdaich.*

Do'n àrd fhear-ciùil. Salm le Daibhidh.

AS an Tighearn earbam: c'ar son a their sibh ri m'anam, Teich as mar eun, gu d' shliabh?

2 Oir feuch, chuir na h-aingidh bogha air lagh; ghlèus iad an saighead air sreing, chum tilgeadh 's an dorch a orra-san a tha ceart 'n an cridhe.

3 Ma sgriosar na bunaitean, ciod a ni am firean?

4 Tha'n Tighearn 'n a theampull naomh; tha rìgh-chaithir an Tighearn' anns na nèamhan: chi a shùilean, ramsaichidh a rosgan clann nan daoine.

5 Ramsaichidh an Tighearn am firean; ach an t-aingidh, agus esan a thug spéis do fhoirneart, is fuath le 'anam.

6 Frasaidd e air na h-aingidh, ribeachan, teine agus pronnusc, agus doininn uamhasach, mar chuibhrionn an cupain.

7 Oir is ionmhuinn leis an Tighearn cheart ceartas: amhaircuidh a ghnùis air an duine ionraic.

SALM XII.

1 *Dh'iarr Daibhidh còmhmadh o Dhia. 3 Tha e a' gabhail misnich dha féin do bhrìgh gu'n toir Dia an t-aingidh gu breitheanas, agus gu'n teasaig e na h-ionracain.*

Do'n àrd fhear-ciùil air Semit. Salm le Daibhidh.

CUIDICH leam, a Thighearn', oir cha-n'eil duine diadhaidh ann; oir theirg na h-ionraic o mheas chloinn nan daoine.

2 Labhraidh iad diomhanas gach neach r'a choimhearsnach: le bilibh miodalach, le cridhe dùbailte labhraidh iad.

3 Sgathaidh an Tighearn na bilean miodalach uile, an teangadh a labhras nithean mòra;

4 Iadsan a thubhairt, Le'r teangaidh buaidhichidh sinn; is leinn féin ar bilean: cò a tha 'n a thighearn os ar ceann?

5 Air son fòirneart nam bochd, air son osuach nan ainns, a nis éiridh mi, ars' an Tighearn: cuiridh mi e ann an tèaruinteachd uaithe-san a bhras 'n a aghaidh.

6 Is briathran fìor-ghlan briathran an Tighearna; mar airgid air a dhearbhadh ann an àmhuinn chreadha, air a ghlanadh seachd uaircan.

7 Gleidhidh tusa sinn, a Thighearna; dìonaidd tu sinn o'n ghincalach so gu bràth.

8 Ghuaisidh na h-aingidh air gach taobh, 'n uair a dh'arduichear iadsan a's suaraiche de chloinn nan daoine.

SALM XIII.

1 *Tha Daibhidh a' caoidh gu'n do dhì-chuimh-nich Dia e; 3 a' guidhe gu'n soillsicheadh e 'inntinn: 5 agus ag carbsadh ri slàinte o thròcair an Tighearna.*

Do'n àrd fhear-ciùil. Salm le Daibhidh.

CIA fhad, a Thighearn', a dhì-chuimh-nicheas tu mi? an ann gu bràth? Cia fhad a dh'fholaicheas tu do ghnùis uam?

2 Cia fhad a ghabhas mi comhairle ann am anam, bròn ann am chridhe gach là? Cia fhad a dh'arduichear mo nàmhaid os mo cheann?

3 Amhairc orm, éisd rium, a Thighearna mo Dhia: soillsich mo shùilean, air cagal gu'n coidil mi chum bàis:

4 Air cagal gu'n abair mo nàmhaid, Bhuadhaich mi 'n a aghaidh; gu'n dean m'casairdean gairdeachas ann uair a dh'aomar mi.

5 Ach dh'carb mise á do thròcair; ni mo chridhe gairdeachas ann ad shlàinte.

6 Seinnidh mi do'n Tighearn, a chionn gu'n do bhuin e rium gu fial: [agus seinnidh mi cliu do ainm an Tighearn' a's ro àirde.]

SALM XIV.

1 *Chuir Daibhidh 'an cèill truaillidheachd o' chinne-daoine; 4 agus dhearbh e 'chùis an aghaidh nan aingidh o' shòlus an coguise féin.*

Do'n àrd fhear-ciùil. Salm le Daibhidh.

THUBHAIRT an t-amadan 'n a chridhe, Cha-n'eil Dia ann. Tha iad truaillidh; rinn iad oibre gràineil; cha-n'eil neach ann a ni maith.

2 Dh'amhairc an Tighearn a nuas o nèamh air cloinn nan daoine, a dh'fheuchainn an robh neach ann a bha glè, a bha 'g iarraidh Dhé.

3 Chlaon iad uile; tha iad gu léir air fàs salach: cha-n'eil neach ann a ni maith, cha-n'eil eadhon aon.

4 Nach 'eil còlas aca-san uile a tha 'dean-amh na h-eucorach, a tha 'g itheadh suas mo shluaigh, mar a dh'itheadh iad aran, agus nach gairm air an Tighearn?

5 An sin ghabh iad eagal mòr, a chionn gu bheil Dia ann an gincalach nam firean.

6 Nàirich iad comhairle an duine blochd, a chionn gur e'n Tighearn a thearmunn.

7 O gu'n tigeadh slàinte Israeil a mach á Sion! An uair a bheir an Tighearn air ais braighdeanas a shluaigh, ni Iacob gairdeachas, ni Israel aoibhneas.

SALM XV.

1 Còmhnuichidh an t-ionracan, agus an neach a labhras an fhèirinn 'n a chridhe, ann am pàillium Dhé.

Salm le Daibhidh.

A THIGHEARNA, cò 'dh'fhanas ann ad shliabh naomh?

2 Esan a ghlaiseas gu h-ionraic, agus a ni ceartas, agus a labhras an fhèirinn 'n a chridhe:

3 Nach dean cùl-chàineadh le 'theangaidh, nach dean olc d'a charaid, agus nach tog droch sgeul air a choimhearsnach:

4 Leis an suarach an droch dhuine, ach a bheir urram dhoibhsan air am bi eagal an Tighearn; a mhiomaicheas chum a chall-daich féin, agus nach atharraich:

5 Nach cuir 'airgid a mach air ocar, agus nach gabh dnais an aghaidh an neò-chiontaich. Esan a ni na nithean sin, cha ghluais-e ar gu bràth e.

SALM XVI.

1 Tha Daibhidh a' cur a dhòigh ann an Dia:
4 a' gabhail gràin de luchd iadhol-aoraidh;
8 agus a' deanamh gairdeachais do bhrìgh gu bheil dòchas aig ann an aiseiridh o na mairbh.

Michtam le Daibhidh.

GLEIDH mi, a Dhé, oir chuir mi mo dhòigh amiad.

2 Thubhairt mi ri Iehobhah, Is tu mo Thighearn: cha ruig mo mhaitheas ortsa.

3 A thaobh nan naomh a tha air thalamh, agus nam flath; tha mo thlachd uile anna.

4 Mendaichear an doilgheasan dhoibhsan a ni deifir an déigh dhàthann eile: cha-n iobair mi an iobairtean-dìbhe de fluil, agus cha luaidh mi air an ainmibh le m' bhlìb.

5 Is e an Tighearn cuibhrionn m'òighreachd agus mo chupain: is tusa a chumas suas mo chrannchur.

6 Thuit mo chrannchur dhomhsa ann an ionadaibh aoibhneach; seadh, tha oighreachd thaitneach agam.

7 Beannaichidh mise an Tighearn, a thug comhairle orm: tha m'aircan mar an ceudna 'g am theagas 'an àm na h-oidheche.

8 Chuir mi an Tighearn romham a ghnàth: a chionn gu bheil e air mo dheas làimh, cha ghluais-e ar mi.

9 Uime sin ni mo chridhe aoibhneas, agus ni mo ghlòir gairdeachas: gabhaidh m'fheoil mar an cendna fois ann an dòchas.

10 Oir cha-n fhàg thu m'anam anns an uagh: cha leig thu le d'aon naomh truaidh-ideachd fhaicinn.

11 Feuchaidh tu dhomh slighe na beatha: tha lànachd aoibhneis a'd' làthair-sa: tha mòr shubhachas aig do dheas làimh gu sìorruidh.

SALM XVII.

1 Chuir Daibhidh 'an cèll ionracas a chridhe féin, 8 agus ghluaidh e gu'n teasairgeadh Dia e o ghnàis nan aingidh.

Urnuigh le Daibhidh.

EISD ri ceartas, a Thighearn, tabhair aire do m' ghlaodh; cluinn m'urnuigh, a thig a mach cha-n ann o bhlìb cealgach.

2 O d'fhianuis thigeadh mo bhreth: faic-eadh do shùilean nithean cothromach.

3 Dhearbh thu mo chridhe; dh'fhiosraich thu mi 's an oidheche; rannsaich thu mi, cha d'fhuair thu a bheag: is e mo rùn nach ciontaich mo bheul.

4 A thaobh ghniomharan dhaoine, le focal do bhilean sheachainn mi cuman a' mhill-teir.

5 Cum suas mo cheuman ann ad shlighean, chum nach sleamhnich mo chosan.

6 Ghairm mi ort, oir éisdidh tu rium, a Dhé; aom do chluas a'm' ionnsuidh, cluinn mo chainnt.

7 Taisbein do chaoimheas iongantach, O thusa a shaoras, le d' dheas làimh, iad-san a dh'earbas asad uatha-san a dh'èireas suas 'n an aghaidh.

8 Gléidh mi mar chloich na sùla, fo sgàile do sgiathan foluich mi.

9 O ghnàis nan droch dhaoine a tha ri foirneart orm, naimhdean m'anama a tha ga m' chuairteachadh air gach taobh.

10 'N an saill tha iad air an druidealh suas; le'm beul labhraidh iad gu h-naibhreach.

11 'N ar ceum a nis chuairtich iad sinn: shuidhich iad an sùilean, a' cromadh sìos gu làr.

12 Cosnuil ri leòmhann a tha gionach chum cobhartaich, agus ri leòmhann òg a' feitheamh ann an ionadaibh dìomhair.

13 Eirich, a Thighearn, cuir roimhe, leag sìos e, saor m'anam o'n aingidh le d' chlaidheamh.

14 O dhaoineibh le d' làimh, a Thighearn', o dhaoineibh an t-saoghail, dam bheil an cuibhrionn 's a' bheatha so, agus d'an do lion thu am brù le d'ionnhas folnichte: sàsuichear an clann, agus fagaidh iad am fuigheall d'an naoidheanaibh.

15 Air mo shon-sa, ann am fireantachd chì mi do ghnàis: sàsuichear mi, 'n uair a dhùisgeas mi, le d' choslas.

SALM XVIII.

1 Laoidh bhuidheachais le Daibhidh air son na saorsa mòir, agus nam beannaichan Ìomhhor a dheanaich Dia dha.

Do'n àrd fhear-ciùil, [Salm] le Daibhidh, òglach an Tighearn', a labhair ris an Tighearn briathran na laoidh so, 's an là air an do shaor an Tighearn e a' làimh a naimhdean uile, agus a làimh Shaul: agus an dubhairt e,

GRADHAICHIDH mi thu, a Thighearn mo neart.

2 *Is* e an Tighearn mo charraig, agus mo dhaingeach, agus m'fhear-saoraidh: mo Dhia, mo chreag anns an cuiream mo dhòchas; mo sgiath, agus adharc mo shlàinte, mo thùr ard.

3 Gairnidh mi air an Tighearn a's airidh air cliu, agus o m' naimhdebh saorair mi.

4 Chuairtich piantan a' bhàis mi, agus chuir tuilleam dhroch dhaoine eagal orm.

5 Chuairtich piantan ifrinn mi; ghabh lìontan a' bhàis romham.

6 A'm' éigin ghairm mi air an Tighearn, agus ri m' Dhia ghlaodh mi: chual' e as a theampull mo ghuth, agus thàinig mo ghlaodh 'n a làthair d'a chluasaidh.

7 An sin chrathadh agus chriothnuich an talamh, agus ghluaisleadh bunaitean nam beann agus chrathadh iad, a chionn gu'n robh corruich air.

8 Chaidh deatach suas as a shròin, agus dhian-loisg teine as a bheul: lasadh éibhlean leis.

9 Agus lùb e na nèamhan, agus thuirling e nuas: agus *bha* dorchadas fo a chosaibh.

10 Agus mharcaich e air cherub, agus chaidh e air iteig: agus dh'itealaich e air sgiathaibh na gaoithe.

11 Chuir e dorchadas mar ionad dìomhair mu'n cuairt air: *bu* phàillium da, duibhre uisgeachan, neoil nan speur.

12 O'n deàrhadh a bha fa' chomhair chaidh a neoil thairis; clachan-meallain agus éibhlean teine.

13 Agus rinn an Tighearn tairneanach 's na speuraibh, agus chuir an Ti a's àirde a mach a ghuth.

14 Agus chuir e mach a shaighdean, agus sgap e iad; agus thilg e mòran tein'-athair, agus chlaoidh e iad.

15 Agus chunnacas aigein nan uisge, agus nochdadh bunaitean an domhain, le d' ach-mhasan-sa, a Thighcarna, le séideadh anail d'fheirge.

16 Chuir e nuas o'n àirde, ghlac e mi, tharruing e mi á h-uisgeachaidh fion-mhor.

17 Shaor e mi o m' nàmhaid làidir, agus uatha-san a dh'fhuathaich mi; oir bu treise iad na mise.

18 Ghabh iad romham ann an là m' àmhghair: ach bhà'n Tighearn 'n a chùl-taice dhomh.

19 Agus thug e mach mi gu ionad farsuinn: shaor e mi, a chionn gu'n do ghabh e clach annam.

20 Thug an Tighearn luigheachd dhomh a réir m'ionracais: a réir gloine mo làmh dhiol e dhomh.

21 Oir ghléidh mi slighean an Tighearn', agus cha do chlaon mi gu h-aingidh o m' Dhia.

22 Oir *bha* a bhreitheanais uile a'm' fhianuis; agus a reachdan cha do chuir mi uam.

23 Agus bha mi ionraic 'n a fhianuis, agus ghléidh mi mi féin o m' aingidheachd.

24 Uime sin dhìol an Tighearn dhomh a réir m'ionracais, a réir gloine mo làmh ann an sealladh a shùil.

25 Do'n duine thrèaireach nochdaidh tu thu féin thrèaireach; do'n duine ionraic nochdaidh tu thu féin ionraic.

26 Do'n duine ghlan nochdaidh tu thu féin glan; agus do'n duine reasgach nochdaidh tu thu féin reasgach.

27 Oir saoraidh tu an sluagh a tha fo àmhghar; ach na sùilean àrda bheir thu nuas.

28 Oir lasaidh tusa mo lèchran, a Thighcarna: soillsichidh mo Dhia mo dhorchadas.

29 Oir leatsa ruith mi troimh bhuidhinn; agus le m' Dhia leum mi thar balla.

30 *A thaobh* Dhé, *tha* a shlighe iomlan: *tha* focal an Tighearn' air a dhearbhadh: *is* sgiath e dhoibhsan uile a chuireas an dòchas ann.

31 Oir cò *a's* Dia ann ach an Tighearn? agus cò *a's* carraig ann ach ar Dia-ne?

32 *Is* e Dia a tha 'g am chrìostachadh le neart, agus a' deanamh mo shlighe iomlan.

33 *Tha* e 'deanamh mo chos mar *chosaibh* éilde, agus ga m' shocrachadh air m' àitibh àrda.

34 *Tha* e a' teagasg mo làmh gu cath, air chor as gu'm briscar bogha umha le m' ghairdeimibh.

35 Agus thug thu dhomh sgiath do shlàinte: agus chum do dheas làmh suas mi, agus rinn do chaoimhneas mòr mi.

36 Rinn thu mo cheuman farsuinn fodham, air chor as nach do shleamhuich mo chosan.

37 Lean mi mo naimhdean, agus rug mi orra; agus cha do phill mi air m'ais gus an do chuir mi as doibh.

38 Lot mi iad, agus cha bhi e 'n comas doibh éirigh: thuit iad fo m' chosaibh.

39 Oir chrìoslaich thu mi le neart chum catha: leag thu sìos fodham iadsan a dh'éirich suas a'm' aghaidh.

40 Agus thug thu dhomh mo naimhdean air mhuineal; iadsan a dh'fhuathaich mi, agus ghearr mi as iad.

41 Ghlaodh iad, ach cha *robh* fear-saoraidh ann; *eadhon* air an Tighearn, ach cha do fhreagair e iad.

42 An sin mhlàn-phronn mi iad mar dhuslach fa chomhair na gaoithe: mar chlàbar nan sràid bhrùth mi iad.

43 Shaor thu mi o chomh-strì an t-sluaigh; rinn thu mi a'm' cheann air na cinnich: ni sluagh nach b'aithne dhomh, seirbhis domh.

44 Co luath 's a chluinneas iad, géillidh iad dhomh: strìochdaidh coirich dhomh.

45 Seargaidh coirich an as, agus bithidh eagal orra mach as an àitibh-daingne.

46 *Is* bed an Tighearn, agus gu ma beann-

aichte mo charraig-sa! agus air 'àrdachadh gu robh Dia mo shlàinte!

47 *Is* e Dia nì dìoghaltas air mo shon, agus a chuireas an sluagh fodham;

48 A shaoras mi o m' naimhdeibh. Seadh, os an ceann-san a dh'èireas suas a'm' aghaidh togaidh tusa suas mi: o fhear an ainneirt saoraidh tu mi.

49 Uime sin clùthaichidh mi thu, a Thighearn!, am measg nan cinneach, agus seinnidh mi do d'ainm.

50 Bheir esan saorsa mhòr d'a rìgh, agus nochdaidh e tròcair d'a aon ungta fèin, do Dhaibhidh agus d'a shliochd gu bràth.

SALM XIX.

1 *Tha oibre Dhè's na nèamhan a' cur an cèill glòir 'an Cruithneir.* 7 *Oirdheirceas lagha Dhè.* 12 *Ghluidh Daibhidh gu'n glanadh Dia e o pheacaidhean dromhair agus dànadais.*

Do'n àrd fhear-ciùil. Salm le Daibhidh.

CUIRIDH na nèamhan an cèill glòir Dhé, agus nochdaidh na speuran guìomh a làmh.

2 Tha là a' deanamh sgeòil do là, agus oidhche a' foillseachadh eòlais a dh'oidhche.

3 Cha-n'eil cainnt, cha-n'eil briathran, anns nach cluinnear an guth.

4 Air feadh na talmhainn uile chaidh am fuaim a mach, agus am focail gu h-iomall an domhain.

5 Do'n ghréin chuir e pàillion anna; agus tha i mar nuadh fhear-pòsda a' teachd a mach à 'sheòmar; nì i gairdeachas mar ghaisgeach a' ruith 'n a shlighe.

6 Tha a dol a mach o chrìch nan speur, agus a cuairt gu ruig an crìochan; agus cha-n'eil nì air bith a dh'fhòlaichear o a teas.

7 *Is* iomlan lagh an Tighearn', ag iompachadh an anama; *tha* fannais an Tighearna ciùnteach, a' deanamh a' bhaoghaltach glic.

8 Tha reachdan an Tighearna ceart, a' deanamh a' chridhe aoibhneach; *tha* àithne an Tighearna glan, a' soillseachadh nan sùil.

9 Tha eagal an Tighearna fìor-ghlan, a' marsuinn an feasd; *is* fìrinn breitheanais an Tighearna; tha iad gu h-iomlan cothromach.

10 Nì's mò r'an iarraidh tha iad na'n t-òr, seadh, na mòran de'n òr fhìor-ghlan; agus nì's mìlse na a' mhìl, seadh, na a' mhìl a shìleas as na cìrìbh-meala.

11 Os bàrr, tha do sheirbhiseach a' faotainn rabhaidh uatha: 'n an coimhead *tha* mòr dhuais.

12 Cò a thuigeas a sheacharain? o *lochdaibh* dìomhair glan thusa mi.

13 Mar an ceudna o *phacaibh* dànadais cum air ais d'òglach; na bitheadh àrd-cheannas aca orm: an sin bithidh mi ionraic, agus bithidh mi neò-chiontach o eusaontas mòr.

14 Bitheadh briathran mo bheoil, agus smuaintean mo chridhe, taitneach a'd làthair, a Thighearna, mo charraig, agus m'fhear-saoraidh.

SALM XX.

1 *Urnaigh air son tèaruinteachd ann an là teanntachd.* 6 *Tha Daibhidh a' cur 'an cèill gu'n saor Dia 'aon ungta le neart-saoraidh a dheas làmh.*

Do'n àrd fhear-ciùil. Salm le Daibhidh.

GU'N èisdcaidh an Tighearn riut ann an là teanntachd! gu'n cumadh ainm Dhé Iacoib suas thu!

2 Gu'n cuireadh e cabhair thugad as 'ionad naomh! agus á Sion gu neartaicheadh e thu!

3 Gu'n cuimhniceadh e do thabhartasan nìle, agus gu'n gabhadh e gu taitneach uait d'fobairt-loisgte! Selah.

4 Gu'n tugadh e dhuit a réir do chridhe fèin, agus gu'n coimhlionadh e do chomhairle uile!

5 Nì sinne aoibhneas ann ad shlàinte, agus ann an ainm ar Dia-ne togaidh sinn suas ar bratach. Gu'n coimhlionadh Dia d'iarrtuis uile!

6 A nis tha fios agam gu'n saor an Tigh earn 'aon ungta fèin: éisdidh e ris o nèamh an a naomhachd, le neart-saoraidh a dheas làmh.

7 Earbaidh cuid á carbadaibh, agus cuid á h-eachaibh; ach cuimhnichidh sinne ainm an Tighearn' ar Dé.

8 Dh'èislicheadh iadsan, agus thuit iad; ach dh'èirich sinne, agus sheas sinn.

9 Saor an rìgh, a Thighearna; agus éisd ruinn 's an uair a ghairmeas sinn.

SALM XXI.

1 *Laoidh bhuidheachais le Daibhidh air son maitheis Dhé d'a thaobh.* 7 *Sgrìosaiddh an Tighearn iadsan le'm fuathach e.*

Do'n àrd fhear-ciùil. Salm le Daibhidh.

ANN ad neart, a Thighearna, nì an rìgh aoibhneas; agus ann ad shlainte cia mòr an gairdeachas a nì e?

2 Miann a chridhe thug thu dha; agus ath-chuinge a bhilean cha do dhiùlt thu dha. Selah.

3 Oir ghabh thu roimhe le beannachadh do mhaithcis; chuir thu m'a cheann coron a dh'òr fìor-ghlan.

4 Dh'iarr e beatha ort: thug thu dha fad làithean gu saoghal nan saoghal.

5 *Is* mòr a ghloir trid do shlàinte-sa: urram agus mòralachd chuir thu air.

6 Oir rinn thu e ro bheannaichte gu bràth; rinn thu e ro aoibhneach le d'ghnùis.

7 Oir earbaidh an rìgh as an Tighearn; agus trid thròcair an Tì a's àirde, cha ghluaiscar e.

8 Gheibh do làmh a mach do naimhdean uile; gheibh do dheas làmh a mach iadsan le'm fuathach thu.

9 Ni thu iad mar àmhuinn theintich ann an àm d'fheirge: sluigidh an Tighearn sìos iad 'n a chorruich, agus caithidh an teine iad.

10 An toradh sgriosaidh tu o'n talamh, agus an slìochd o chloinn nan daoine.

11 Oir dhealbh iad olc a'd aghaidh; smuainich iad droch smuaintean, nach b'urrainn iad a *choimhthionadh*.

12 Uime sin bheir thu orra an cùl a thionndadh; air sreangaibh do bhogha gleusaidh tu do *shaighdean* 'n an aghaidh.

13 Bi air d'ardachadh, a Thighearn', ann ad neart: seinnidh sinne agus molaidh sinn do chumhachd.

SALM XXII.

1 *N a theanntachd ghairm Daibhidh air Dia, 6 agus leig e ris da an trioblaid a thàinig air. 22 Gheall e buidheachas follaiseach agus clu a thabhairt da.*

Do'n àrd fhear-ciùil air Ailet-sachar. Salm le Daibhidh.

MO Dhia, mo Dhia, c'ar son a thréig thu mi? fa'd o'm'ghlaoth, o bhriathraibh mo bhùiridh.

2 O mo Dhia! gairmeam anns an là, ach cha fhreagair thu; agus anns an oidheche, ach cha-n'eil fois agam.

3 Ach *tha* thusa naomh, a'd' chòmhnuidh air *am bheil* clu Israeil.

4 Asadsa dh'earb ar n-aithrichean; dh'earb iad, agus shaor thu iad.

5 Riutsa ghlaoth iad, agus theasairgeadh iad; asadsa dh' earb iad, agus cha robh nàire orra.

6 Ach *is* enuimh mise, agus cha duine; masladh dhaoine, agus tàir an t-sluaigh.

7 Ni iadsan uile a chi mi, gàire-fanoid rium; casaidh iad am beul, crathaidh iad an ceann, *ag ràdh*,

8 Chuir e a dhòigh anns an Tighearn, fuasgladh e air; saoradh se e, a chionn gu bheil tlachd aige ann.

9 Ach *is* tusa an Ti a thug a mach as a' bhroinn mi; *bu* tu aobhar mo dhòchais, air cich mo mliathar.

10 Orsa thilgeadh mi o'n bhroinn; o bhroinn mo mliathar *is* tusa mo Dhia.

11 Na bi-sa fada uam, oir *tha* àmhghar dlùth *dhomh*, agus gun neach ann gu m'chuideachadh.

12 Chuairtich mòran tharbh mi; dh'iadh *tairbh* làidir Bhàsain umam.

13 Dh'fhosgail iad orm am beul, mar leòman reubach agus beuchach.

14 Mar uisge dhòirteadh mach mi, agus sgàin mo chnàmhan uile o'chèile: *tha* mo chridhe mar chéir, air leaghadh ann am meadhon mo chuim.

15 Air tiormachadh mar shoitheach creadh *tha* mo neart; agus *tha* mo theangadh a' leantuinn ri m' ghial; agus gu h-àir a' bhàis thug thu mi.

16 Oir chuairtich madraidh mi; dh'iadh

coimhthional dhroch dhaoine umam: lot iad mo làmhgan agus mo chosan.

17 Feudaidh mi mo chnàmhan uile àireamh: *tha* iadsan a' scalltuinn, *tha* iad a' geur-amharc orm.

18 Roinn iad mo thrusgan eatorra, agus air mo bhrat thilg iad crananchur.

19 Ach na bi-sa, a Thighearn, fada uam: O thusa mo neart, greas gu m' chabhair.

20 Teasairg m'anam o'n chlaidheamh; m'aon *ghràidh* o neart a' mhadaidh.

21 Saor mi o bheil an leòmhain, agus o adharcaibh nam buabhall teasairg mi.

22 Cuiridh mi'n cèill d'ainm do m' bhràithribh; ann ann meadhon a' choimhthionail molaidh mi thu.

23 Sibhse air am bheil eagal Dhé, molaibh e: sibhse uile, a shìol Iacoib, thugaibh glòir dha; agus bitheadh 'eagal-san oirbh, sibhse uile a shìol Israeil.

24 Oir cha do rinn e tàir air, agus cha do ghabh e gràin de àmhghar an truaghain, agus cha d'fholuich e a ghnuis air; ach an uair a ghlaoth e ris, dh'éisd e.

25 Orsa *bithidh* mo mholadh anns a' mhòr choimhthional: mo bhòidean iocaidh mi 'n an làthair-san d'an eagal e.

26 Ithidh na daoine macanta, agus sà-suichear iad: molaidh iadsan an Tighearn a dh'iarra e: bithidh an cridhe beò gu bràth.

27 Cuimhnichidh air, agus pillidh a dh'ionnsuidh an Tighearn', uile chrìochan na talmhainn; agus strìochdaidh uile theaghlachan nan cinneach 'n a làthair.

28 Oir *is* leis an Tighearn an rìoghachd; agus *tha* e san 'n a uachdaran air na cinnich.

29 Ithidh daoine reamhra na talmhainn uile, agus ni iad aoradh: 'n a làthair-san sleuchdaidh iadsan uile a théid sìos do'n duslach; oir cha chum neach 'anam beò.

30 Ni slìochd seirbhis dha: measar e do'n Tighearn mar ghinealach.

31 Thig iad, agus cuiridh iad 'an cèill 'fhìreantachd do'n àl ri teachd, gu'm b'esan a rinn *sud*.

SALM XXIII.

1 *Dh'earb Daibhidh á freasdaidh agus á maith-eas Dhé.*

Salm le Daibhidh.

IS e'n Tighearn mo bhuachaille: cha bhi mi ann an dèth.

2 Ann an cluainibh glasa bheir e orm luidhe sìos: làmh ri h-uisgeachaibh ciùine treòraichidh e mi.

3 Aisigidh e m'anam; treòraichidh e mi air slighibh na fireantachd air sgàth 'ainme féin.

4 Seadh, ged shiubhail mi troimh ghleann sgàile a' bhàis cha bhi eagal uile orm; oir *tha* thusa maille rium: bheir do shlat agus do lorg comhfhurtachd dhomh.

5 Deasaichidh tu bord fa m' eomhair ann am fianuis mo naimhdean: dh'uing thu le

SALM XXIV—XXVI.

n-olaidh mo clann; tha mo chupan a' cur thairis.

6 Gu cinnteach leanaidh maith agus tròcair mi uile làithean mo bheatha; agus còmhluichidh mi ann an tigh an Tighearna fad mo làithean.

SALM XXIV.

1 *Ard-uachdaranachd Dhé os ceann na talmhainn.* 3 *Seasaidh am firean ann an ionad naomh an Tighearna.* 7 *Dol a steach Rìgh na glòire d'a àite còmhluichidh.*

Salm le Daibhidh.

IS leis an Tighearn an talamh, agus a làn; an domhan, agus iadsan a tha 'n an còmhluichidh ann.

2 Oir shuidhich e air na cuantaibh e, agus shocraich e air na sruthaibh e.

3 Cò a thèid suas gu sliabh an Tighearna? agus cò a sheasas 'n a ionad naomh-san?

4 Esan aig am bheil làmhnan neò-chiontach agus cridhe glan, nach do thog 'anam ri dìomhaas, agus nach do mhionnaich chum ceilge.

5 Gheibh esan beannachadh o'n Tighearn, agus fireantachd o Dhia a shlàinte.

6 *Is i so ghealach ua dream' a dh'iarraas e, a dh'iarraas do ghnùis, a Dhia Iacob.* Selah.

7 Togaibh, a gheatachan, bhur ciun, agus bithibh air bhur togail suas a dhorsan sìorruidh; agus thig Rìgh na glòire steach. 8 Cò e so Rìgh na glòire? Au Tighearn làidir agus treun, an Tighearn treun ann an cath.

9 Togaibh suas bhur cinn, a gheatachan, agus bithibh air bhur togail suas, a dhorsan sìorruidh, agus thig Rìgh na glòire steach.

10 Cò e so Rìgh na glòire? Tighearn nan slògh, is esan Rìgh na glòire. Selah.

SALM XXV.

1 *Ghuidh Daibhidh gu'n treòraicheadh Dia e ann an slighe na firinn; 7 gu'n maitheadh e peacaidhean 'òige; 16 agus gu'n deanadh e cabhair air ann an àm a thrioblaid.*

Le Daibhidh.

RIUTSA, 'Thighearna togam m'anam suas.

2 Annadas, mo Dhia, cuiream mo dhòchas; na uàraichear mi, agus na deanadh mi naimhdean gairdeachas os mo cheann.

3 Seadh, na nàraichear neach san bith a dh'fheithas ortsa; bithcadh nàire orra-san a chiontaicheas gun aobhar.

4 Nochd dhomh do shlighean, a Thighearna; teagaisg dhomh do cheuman.

5 Treòraich mi ann ad fhirinn, agus teagaisg mi; oir is tusa Dia mo shlàinte, agus ortsa tha mi 'feitheamh gach là.

6 Cuimhnich do chaomh thròcairean, a Thighearna, agus do chaoimhneas gràdhach; oir tha iad ann o chian nan cian.

7 Peacaidhean mòige, agus meusaontais, na cuimhnich thusa: a réir do thròcair bi-sa

cùimhneachail orm, air sgàth do mhaith-eis, a Thighearna.

8 *Is* maith agus *is* dìreach an Tighearn; uime sin teagaisgidh e peacaich 's an t-slighe.

9 Treòraichidh e na daoine ciùin' ann am breitheanas; agus teagaisgidh e do na daoineibh ciùin' a shlighe.

10 *Is* tròcair agus firinn uile shlighean an Tighearna, dhoibhsan a ghleidheas a choimhcheangal agus a theisteis.

11 Air sgàth d'ainme, a Thighearna, lugh mo chionta; oir tha e mòr.

12 Cò e am fear air am bheil eagal an Tighearna? scòlaidh e esau 's an t-slighe a ròghnuicheas e.

13 Ni 'anam tàruh ann am maith; agus mealaidd a shliochd an tìr.

14 *Tha* rùn an Tighearn' aig an dream d'an eagal e; agus foillsichidh e dhoibh a choimhcheangal.

15 *Tha* mo shùilean a ghnàth ris an Tighearn; oir bheir esan mo chosan as an lion.

16 Amhaire orm, agus gabh truas dìom; oir *tha* mi a'm' aonar, agus fo àmhghar.

17 Tha teinu mo chridhe a' dol 'am meud. o m' àmhgharaibh saor thusa mi.

18 Amhaire air m' àmhghar, agus air mo phéin, agus lugh mo pheacaidhean gu léir.

19 Amhaire air mo naimhidh, oir tha iad ionnmhor; agus le fuath anabarrach tha iad ga m' fhuathachadh.

20 Gléidh m'anam, agus saor mi; na leig fo nàire mi, oir chuir mi mo dhòigh annad.

21 Dìonadh ionracas agus ceartas mi; oir tha mi 'feitheamh ortsa.

22 Saor Israel, a Dhé, as 'àmgharaibh uile.

SALM XXVI.

1 *Chuir Daibhidh 'an céill 'ionracas féin, agus ghuidh e gu'n rannsaicheadh Dia 'airnean agus a chridhe. 8 Dh'iarr e bh' air a shaoradh o dhaoineibh fuileachdach.*

Le Daibhidh.

THOIR breth orm, a Thighearn', oir ghluais mi ann am ionracas: o chuir mi mo dhòigh anns an Tighearn, cha ghluaisear mi.

2 Fidir mi, a Thighearn', agus dearbh mi; rannsaich m'airnean agus mo chridhe.

3 Oir *tha* do chaoimhneas gràdhach fa chomhair mo shùl; agus ghluais mi ann ad fhirinn.

4 Cha do shuidh mi le daoineibh mealltach, agus maille ri luchd-ceilge cha téid mi steach.

5 Is beag orm coimhthional luchd-uile, agus le daoineibh aingidh cha suidh mi.

6 Nighidh mi mo làmhnan ann an neò-chionta, agus cuartichidh mi d'altair, a Thighearna;

7 Chum gu foillsich mi le guth molaidh, agus gu'n cuir mi 'an céill d'òibre iongantach gu léir.

8 A Thighearn', is ionmhuint leam còmh-nuidh do theach-sa, agus ionad pàilluin do ghloire.

9 Na cruinnich m'anam le peacaich, no mo bheatha le daoineibh fuileachdach:

10 Aig am bheil lochd 'n an làmhian, agus an làmh dheas làn de dhuais-bhratha.

11 Ach gluaisidh mise ann am ionracas: saor mi, agus dean trècair orm.

12 Tha mo chos 'n a seasamh ann an ionad còmh-nuidh: anns na coimhthionail beannaichidh mi an Tighearn.

SALM XXVII.

1 *Cha robh eagal air Daibhidh roimh a naimhdeibh do bhrìgh gu'n robh Dia 'n a shlàinte dha.* 7 *Gluidh e air an Tighearn trècair a nochdadh dha, agus a thèarnadh o thoil luchd-foirneir.*

Le Daibhidh.

IS e an Tighearn mo sholus, agus mo shlàinte; cò 'chuir cas eagal orm? Is e an Tighearn neart mo bheatha; cò 'chuireas geilt orm?

2 'N uair thàinig luchd-uile orm a dh'ith-cadh suas m'fheòla, mo naimhdean agus m'eascairdean, thuslich iad fèin, agus thuit iad.

3 Ged champaicheadh feachd a'm'aghaidh, cha bhitheadh eagal air mo chridhe: ged èiradh cogadh a'm'aghaidh, 's so ni mi mo bhun.

4 Aon ni ghuidh mi air an Tighearn, sin iarraidh mi, a bhi 'm' còmh-nuidh ann an tigh an Tighearna ré uile làithean mo bheatha, chum gu faicim maise an Tighearn', agus gu fiosraichinn 'n a theampull.

5 Oir folaichidh e mi 'n a sgàth-thigh ann an là an uile; folaichidh e mi ann an dìomhaircachd a phàilluin; air carraig togaidh e suas mi.

6 Agus a nis togar suas mo cheann os ceann mo naimhdean mu'n cuairt orm; agus ìobraidh mi 'n a phàilluin ìobairtean aoibheis; seinnidh mi, agus canaidh mi cliu do'n Tighearn.

7 Eisd, a Thighearna, ri m' ghuth, 'n uair a dh'èigheas mi; dean trècair orm, agus freagair mi.

8 'N uair a thubhairt thusa, Iarraibhse mo ghnùis; thubhairt mo chridhe riut, Do ghnùis, a Thighearn', iarraidh mi.

9 Na folaich do ghnùis uam; na cuir air falbh d'òglach ann am feirg; bu fusa mo chabhair; na fàg mi, agus na tréig mi, a Dhia mo shlàinte.

10 'N uair a thréigeadh m'athair, agus mo mhàthair mi, an sin togaidh an Tighearn suas mi.

11 Teagaisg dhomh do shlighe, a Thighearn', agus trècairich mi air slighe dhrìch, air sgàth mo naimhdean.

12 Na tabhair thairis mi do thoil mo naimhdean; oir dh'èirich fianaisean bréige a'm'aghaidh, agus luchd bagairt foirneir.

13 Gidheadh chreid mise gu'm faicinn maithcas an Tighearn' ann an tìr nam beò.

14 Feith air an Tighearn; glac misneach, agus neartaichidh esan do chridhe: feith, tha mi 'g ràdh, air an Tighearn.

SALM XXVIII.

1 *Gluidh Daibhidh gu'n cuidicheadh Dia leis 'an aghaidh a naimhdean.* 6 *Bheannaich e Dia; 9 agus rinn e urnuigh air son an t-sluaigh.*

Le Daibhidh.

RIUTSA, a Thighearn', éigheam, mo charraig: na bi-sa a'd' thosd a m' thaobh, air eagal, ma bhitheas tu a'd' thosd a m' thaobh, gu'm fàs mi cosmhuil ri-u-san a théid sìos do'n uaigh.

2 Eisd ri guth m'athchuingean an uair a ghlaodhas mi riut, an uair a thogas mi mo làmhian chum do ghuth-àite naoimh-sa.

3 Na tarrauing mi mach leis na h-aingidh, agus le luchd-deanamh na h-eucorach, a tha 'labhairt sìth r'an coimhearsnaich, agus olc aca 'n an cridhe.

4 Thoir dhoibh a réir an oibre, agus a réir aingidheachd an gnìomharan; a réir oibre an làmh thoir dhoibh; ioc an luigheadh dhoibh.

5 A chionn nach toir iad an aire do ghnìomharaibh an Tighearna, no do obair a làmh, sgriosaidh e iad, agus cha tog e suas iad.

6 Beannaichte gu robh an Tighearn, a chionn gu'n déisd e ri guth m'athchuinge.

7 Is e an Tighearn mo neart, agus mo sgiath; annsan chuir mo chridhe a dhòchas, agus chuidicheadh leam; uime sin rinn mo chridhe gairdeachas; agus le m' laoidh molaidh mi e.

8 Is e an Tighearn neart a shluaigh; agus is esan neart slàinte 'aoin ungta fèin.

9 Saor do shluaigh, agus beannaich d'òighreachd: beathaich iad, agus àrdaich iad gu bràth.

SALM XXIX.

1 *Thug Daibhidh corail do uachdaranaihb glòir a thabhairt do Dia,* 3 *a chionn gu bheil a cumhachd mòr,* 11 *agus gu bheil e 'n a dhàcean d'a shluaigh.*

Salm le Daibhidh.

THUGAIBH do'n Tighearn, a chlann nan cumhachdach, thugaibh do'n Tighearn glòir agus neart.

2 Thugaibh do'n Tighearn a' ghloir a's cubhaidh d'a ainm; sleuchdaibh do'n Tighearn ann am maise na naomhachd.

3 Tha guth an Tighearna os ceann nan uisgeachan: rinn Dia na glòire tairneanach, an Tighearn, os ceann nan uisgeachan mòra.

4 Tha guth an Tighearna cumhachdach; tha guth an Tighearna làn mòralachd.

5 Brisidh guth an Tighearna na seudair; seadh, brisidh an Tighearn seudair Le bainoin.

6 Agus bheir e orra leum mar laogh; Lebanon agus Sirion, mar bhuabhnall òg.

7 Sgoiltidh guth an Tighearna lasraichean an teine.

8 Crathaidh guth an Tighearn' am fàsach; crathaidh an Tighearn fàsach Chadeis.

9 Bheir guth an Tighearn' air na h-eildibh an laogh a thilgeadh, agus lomaidh e na coilltean: agns 'n a theampall cuiridh gach neach 'an cèill a ghloir.

10 Suidhidh an Tighearn air an tuil; agus suidhidh an Tighearn 'n a Rìgh gu sìorruidh.

11 Bheir an Tighearn neart d'a shluagh; beannaichidh an Tighearn a shluagh le sìth.

SALM XXX.

1 *Mhol Daibhidh Dia a chionn gu'n do theas-airg se e. 4 Chomhairlich e do gach neach buidheachas a thabhairt do'n Tighearn.*

Salm; laoidh coisreagaidh tighe Dhaibhidh.

MOLAIDH mi thu, a Thighearn'; oir thog thu suas mi, agus cha d'thug thu air m'èascairdibh gairdeachas a dhcanamh os mo cheann.

2 A Thighearna mo Dhia, ghlaodh mi riut, agus shlànuich thusa mi.

3 A Thighearna, thog thu m'anam a nìos as an uaigh; glèidh thn beò mi, chum nach rachainn sìos do'n t-slochd.

4 Seinnibh do'n Tighearn, sibhs a naoinhsan, agus thugaibh buidheachas ri cuimhneachadh air a naomhachd.

5 Oir *cha-nèil* ach tiota 'n a fheirg; *tha* beatha 'n a dheadh-ghean: ré oidhche mairidh bròn, ach air maduinn *thig* gairdeachas.

6 Thubhairt mise ann am shocair, Cha ghluaisear mi am fead.

7 A Thighearna, le d' dheadh-ghean thug thu air mo bheinn seasamh gu daingean: dhifholadh thu do ghnèis; bha mi fo amhladh.

8 Ghlaodh mi riutsa, a Thighearn'; agus air an Tighearn dh'aslnich mi.

9 Ciod an tairbhe a *tha* ann am fhuil, 'n uair a théid mi sìos do'n t-slochd? Am mol an ùir thu? an cuir i 'an cèill d'fhìrinn.

10 Eisd rium, a Thighearn', agus dean trèc air orm: A Thighearna, bi-sa a'd' fhear-cuideachaidh leam.

11 Thionndaidh thn dhomhsa mo bhronn gu dannsadh: chuir thu dhìom m'èudachsaic, agus chrìoslaich thu mi le h-aoibhneas;

12 Chum gu'n seinneadh mo ghloir clin dhuit, agus nach bitheadh i 'n a tosd. A Thighearna mo Dhia, gu bràth molaiddh mise thu.

SALM XXXI.

1 *Chuir Daibhidh a dhòchas ann an Dia, 7 agus rinn e gairdeachas 'n a thròc air. 9 'N a thrioblaid d'earbe as an Tighearn. 19 Mhol e maithreas Dhè.*

Do'n àrd fhear-ciùil. Salm le Daibhidh.

ANNADSA, a Thighearn', cuiream mo dhòigh; na nàraichear mi gu bràth: trid d'fhìreantachd saor mi.

2 Aom a m' iounsuidh do chlnas; gu grad furtaich orm: bi-sa a'd' charraig laidir dhomh, a'd' thigh-tearmuinn chum mo dhìon.

3 Oir *is* tusa mo charraig, agus mo dhaingneach; agus air sgàth d'ainme trèraichidh agus stèiraidh tu mi.

4 Bheir thu mi as an lion a dh'fholuich iad fa m' chomhair; oir *is* tusa mo neart.

5 Ann ad làimh-sa tionnann mo spiorad: saor mi, a Thighearna Dhé na fìrinn.

6 *Is* fuath leat iadsan a bheir fainear dìomhanais bhreugach: ach anns an Tighearn chnir mise mo dhòchas.

7 Nì mi aoibhneas agns gairdeachas ann ad thròc air: oir chumnaic thu m'amhghar; b'aithne dhuit m'anam ann an teanntachdaibh;

8 Agns cha do dhruid thu suas mi ann an làimh an nàmhaid; shoeraich thn mo chosan ann an àite farsuinn.

9 Gabh truas dìom, a Thighearn', oir *tha* mi ann an teinn; tha mo shùil, m'anam, agus mo chom, air seargadh as le doilgheas.

10 Oir chlaoidheadh mo bheatha le bròn, agus mo bhliadman le h-òsnaich; air son m'eucairt thuit mo neart, agus chaitheadh mo chnàmhan.

11 Am measg mo naimhdean gu léir bha mi a'm' mhasladh, agns gn h-àraidh do m' choimhearsnaich, agus a'm' aobhar eagail do m' luchd còlais: iadsan a chumnaic mi a muigh, theich iad nam.

12 Dhì-chuimhnichheadh mi mar dluine marbh air dol á cuimhne; tha mi mar shoitheach briste.

13 Oir chuala mi càl-chàineadh m'òrain dhaoine; *bha* eagail air gach taobh, 'n uair a ghabh iad comhairle le ch'ic'e a'm' aghaidh, a d'chalbh iad mo bheatha 'thoirt nam.

14 Ach dh'earb mise asadsa, a Thighearna: thubhairt mi, *Is* tu mo Dhia.

15 Ann ad làimh-sa *tha* m'aimsirean: saor mi á làimh mo naimhdean, agus uatha-san a tha 'n tòir orm.

16 Thoir air do ghnèis dealrachadh air d'òglach: saor mi air sgàth do thròc air.

17 Na nàraichear mi, a Thighearn', oir ghairm mi ort; nàire bitheadh air na h-aingidh, 'n an tosd bitheadh iad 's an uaigh!

18 Deanar balbh na bilean breugach, a labhras an aghaidh an fhìreìn gu cruaidh, le h-uabhar agus tarcuais.

19 Cia mòr do mhaitheas, a thaisg thu dhoibhsan do'n cagal thu; a rinn thu dhoibhsan a dh' carbas asad, 'am fianuis chloim' nan daoine!

20 Folaichidh tu iad ann an dìomhair-eachd do làthair-eachd o àilgheas dhaoine; folaichidh tu iad ann am pàillinn o strì nan teagadhl.

21 Beannaichte *gu robh* an Tighearn; oir nochd e gu h-iongantach a chaoimh-

neas dhomh -sa ann am baile daing-nichte.

22 Thubhairt mise a'm' dheifr, Ghearradh as mi o fhianuis do shùl: gidheadh dh'éisd thusa ri guth m'ashluaidh, 'n uair a dh'éigh mi riut.

23 Gradhaichibh an Tighearn, sibhse uile a naomh-san: gleidhidh an Tighearn na daoine tréibhdhreach, agus dìolaidd e gu pailt dhàsan a ni gu h-naibhreach.

24 Bithibhse misneachail, agus neartaichidh esan bhur cridhe, sibhse uile a chuir bhur dòchas anns an Tighearn.

SALM XXXII.

1 *Beannachadh an duine d'an do mhaithheadh 'eusaontas.* 3 *Bheir aidmheil peacadh fois do'n choquis.* 8 *Dh'earailich Daibhidh air an t-sluagh gluasad gu cothromach.*

Le Daibhidh, Maschil.

Is beannaichte esan d'an do mhaithheadh 'eusaontas, d'am bheil a pheacadh air 'fholach.

2 *Is* beannaichte an duine, nach cuir an Tighearn euceart as a leth, agus aig nach 'eil cealg 'n a spiorad.

3 An uair a bha mi a'm' thosd, luidh aois air mo chnàmhan, le m' bhùireadh fad an là.

4 Oir a là agus a dh'oidhe bha do làmh trom orm: tha mo bhrìgh air a tiomdadh gu tiomachd an t-samhraidh. Selah.

5 Dh'aicidh mi mo pheacadh dhuit, agus cha do cheil mi m'euceart: thubhairt mi, Aidichidh mi m'eusaontais do'n Tighearn; agus mhaith thusa cionta mo pheacaidh. Selah.

6 Air an aobhar sin ni gach duine diadhaidh urnuigh riutsa, 's an am anns am faighear thu: gu cinnteach ann an tuil nan uisgeachan mòra, cha tig iad am fagus da.

7 *Tha* thusa a'd' ionad-foluich dhomh; o theinn gleidhidh tu mi; le h-òranzibh saorsa cuairtichidh tu mi. Selah.

8 Fìor-theagaisgidh mi thu, agus nochdadh mi dhuit an t-slighe air an tigeadh dhuit triall; seòlaidh mi dhuit le m' shùil.

9 Na bi mar each, no mar mhuileid, aig nach 'eil ciall; d'an cuirear sparrag agus srian 'n am beul, chum nach tig iad am fagus dhuit.

10 *Is* ònmhor doilgheasan do'n aingidh; ach cuairtichidh tròcair esan a dh'earbas as an Tighearn.

11 Bithibh aoibhneach anns an Tighearn, agus deanaibh gairdeachas, sibhse fhìreana; agus deanaibh luathghaire, sibhse uile a *tha* ceart ann an cridhe.

SALM XXXIII.

1 *Is* còir do'n fhìrean Dia a mholadh, 4 air son a mhaithis, 6 a chumhachd, 12 agus a fhreasdail. 18 *Tha* sùil an Tighearn orra-san a chuireas an dòigh 'n a thròcair.

DEANAIBH gairdeachas 's an Tighearn, sibhse fhìreana; do na h-ionraic *tha* cliu ciatach.

2 Molaibh an Tighearn air clàrsaich: air

an t-saltair, inneal-ciuil nan deich teud, seinnibh dha.

3 Canaibh dha òran nuadh; seinnibh fonu gu h-calanta, le fuaim àrd.

4 Oir *tha* focal an Tighearna ceart, agus *tha* 'oibre uile air an *deanamh* ann am fìrinn.

5 Is ionmhuinn leis ceartas agus breith-eanas; de mhaithcas an Tighearna *tha* 'n talamh làn.

6 Le focal an Tighearna rinneadh na nèamhan, agus le h-anail a bheoil an slòigh uile.

7 Carnaidh e suas mar thorr uisgeachan na fàirge; cuiridh e an doimhne suas 'n a thiglibh-tasgaidh.

8 Roimh an Tighearn bitheadh eagal air an talamh uile; roimhe-san bitheadh fiamh air uile luchd-àiteachaidh an domhain:

9 Oir labhair e, agus bha e ann; dh'àithn e, agus sheas e.

10 Rinn an Tighearn comhairle nan cinneach faoin; thug e innleachdan an t-sluaigh gu neo-ni.

11 Seasaidh comhairle an Tighearna gu sìorruidh, sinuaintean a chridhe o linn gu linn.

12 *Is* beannaichte an cinneach sin, aig am bheil an Tighearn 'n a Dhia dhoibh: an sluagh a ròghnaich e mar oighreachd dha féin.

13 O na nèamhan amhaircidh an Tighearn a nuas; chi e uile chlann nan daoine.

14 O ionad seasamhach a chòmhnuidh beachdaichidh e air uile luchd-àiteachaidh na talmhainn.

15 Dhealbh esan an cridhe air aon dòigh; bheir e fàinear an gnìomharan uile.

16 Cha tearnar rìgh le meud 'fheachd; cha saorar laoch le meud a neirt.

17 *Is* dìomhain an t-each chum tèaruinteachd; agus le meud a neirt cha saor e.

18 Feuch, *tha* sùil an Tighearn orra-san d'an eagal e; orra-san a chuireas an dòchas 'n a thròcair;

19 Chum an anam a theasairginn o'n bhàs, agus an cumail beò anns a' ghorta.

20 Feithidh ar n-anam air an Tighearn; *is* esan ar cabhair, agus ar sgiath.

21 Oir ann-san ni ar cridhe gairdeachas, a chionn 'n a ainm naomh-san gu'n do chuir sinn ar dòigh.

22 Gu'n robh do thròcair, a Thighearn, oirm, a réir mar a chuir sinn ar dòchas annad.

SALM XXXIV.

1 *Dh'earailich Daibhidh air an t-sluagh Dia a mholadh.* 8 *Is* beannaichte an duine a dh'earbas as an Tighearn. 15 *Saoraidh* Dia am fìrean as gach teanntachd.

Le Daibhidh, an uair a dh'atharraich e a ghiùlan 'an làthair Abimeleich, agus a chuir esan uairt e, agus a dh'imich e.

BEANNAICHDH mi an Tighearn gach àm: 'an còmhnuidh bithidh a mholadh ann am bheul.

2 Anns an Tighearn ni m'anam uailh; cluinidh na daoine sèimhe, agus ni iad aoibhneas.

3 Molaibh an Tighearn leamsa, agus àrd-aicheamaid 'aium le 'chéile.

4 Dh'iarr mi an Tighearn, agus dh'éisd e rium; agus shaor e mi o gach aobhar eagail a bha agam.

5 Dh'amhaire iad air, agus shoillsicheadh iad; agus cha robh naire air an gnùis.

6 Ghlaodh an duine bochd so, agus dh'éisd an Tighearn ris; agus as a theanntachdaibh gu léir shaor se e.

7 Campaichidh aingeal an Tighearna mu'n timchioll-sau d'an eagail e, agus teasairgidh e iad.

8 O blaisibh agus faicibh gur maith an Tighearn: *is* beannaichte an duine sin a dhearbhas as.

9 Bitheadh eagail an Tighearn' oirbh, a naoimh-san; oir cha *bhi* dìth air a luchd-eagail-san.

10 Bithidh easbhuidh air na leòmhanaibh òga, agus bithidh ocras orra; ach orra-san a dh'iarras an Tighearn cha bhi maith air bith a dhith.

11 Thigibh, a chlann, éisdibh rium; teagaisgidh mi dhuibh eagail an Tighearna.

12 Cò e am fear a mhiannaicheas beatha, a ghràdhaicheas làithean a dh'fhaicinn maith?

13 Gléidh do theangadh o olc, agus do bhilean o labhairt ceilg.

14 Seachainn an t-olc, agus dean am maith; iarr sìochaint agus lean i.

15 *Tha* sùilean an Tighearn' air na fireanaibh, agus a chluas r'an glaodh.

16 *Tha* guis au Tighearn' an aghaidh luchd-deanamh uile, chum an cuimhne a ghearradh as o'n talamh.

17 Ghlaodh na [fireanan,] agus dh'éisd an Tighearn; agus as an teanntachdaibh gu léir shaor e iad.

18 *Is* dlùth an Tighearn dhoibh-san a tha briste 'n an cridhe; agus saoraidh e iadsan a tha brùite 'n an spiorad.

19 *Is* lionnhor àmhgharan an fhìrean; ach asda air fad saoraidh an Tighearn e.

20 Gleidhidh an Tighearn a chuàmhnan uile: cha bhi h-aon diubh briste.

21 Marbhaidh olc na h-aingidh; agus iadsan a tha 'toirt fuath do'u fhìrean lomsgriosar iad.

22 Saoraidh an Tighearn anam a sheirbhis-each; agus cha sgriosar aon air bith dhiubhsan a chuireas an dòigh ann.

SALM XXXV.

1 *Chuir Daibhidh suas atthuinge air son tèaruinteachd da féin, agus sgrios d'a naimhdibh.*

11 *Ghearrain e gu'n do dhìol a naimhdean dha olc ann an éiric maith.* 22 *Ghuidh e gu'n tagradh Dia a chàis.*

Le Daibhidh.

TAGAIR, a Thighearna, riu-san a thagras a'm' aghaidh; cog 'n an aghaidh-sa a chogas a'm' aghaidh.

2 Glac targaid agus sgiath, agus éirich chum mo chuideachaidh.

3 Agus tarruing a mach an t-sleagh, agus druid an t-slighe 'n an aghaidh-san a tha 'n tòir orm: abair ri m'anam, *Is* mi do shlàinte.

4 Nàire agus masladh gu'n robh orra-san a tha 'g iarraidh m'anama: gu'm pillear iad-san air an ais, agus gu'u robh amhludh orra, a tha 'smuaineachadh uile dhomh.

5 Bitheadh iad mar mhoil fa chomhair na gaoithe, agus aingeal an Tighearna 'g au ruagadh.

6 Bitheadh an slighe dorcha agus sleamh-uinn, agus aingeal an Tighearn' an tòir orra.

7 Oir gun aobhar dh'fholuich iad air mo shon an lion; gun aobhar chladhaich iad slochd air sou m'anama.

8 Thigeadh sgrios air gun fhios da, agus a lion a dh'fholuich e, glacadh se e féin: 's an sgrios sin tuiteadh e.

9 Ach ni m'anam-sa gairdeachas anns an Tighearn; ui e aoibhneas 'n a shlàinte.

10 Their no chuàmhnan uile, A Thighearna, cò *a's* cosmhuil riutsa, a theasairgeas am bochd uaith-san a's treise na e, agus am bochd agus an t-ainnis uaith-san a chreachadh e?

11 Dh'éirich fianuisean eucorach; chuir iad as mo leth *nithean* air nach robh fios agam.

12 Dhìol iad dhomh olc ann an éiric maith, *a' cur rompa* mo bheatha a thoirt uam.

13 Ach a m' thaobhsa, 'n uair a bha iadsan gu tinn, b'e eudach-saie mo chulaidh; dh'riosaich mi m'auam le trasgadh, agus phill m'urruigh a'm' uchd féin.

14 Mar gu'm bu charaid no bràthair dhomh a *bhitheadh* ann, ghluais mi; mar fhear-caoidh a mhàthar, gu dubhach chrom mi sìos.

15 Ach air bhi dhomhsa ann an àmhghar, bha iadsan ait, agus chruinnich iad le 'chéile; chruinnich daoine suarach nach b'athne dhomh le 'chéile a'm' aghaidh; reub iad, agus cha do sgur iad.

16 Le luchd dian-mhagaidh eagalach, chas iad am faclan rium.

17 Cia fhad, a Thighearn', a dh'amhaireas tu air *so?* saor m'anam o am milleadh, m'aon *ghràidh* o na leòmhanaibh.

18 Cliùthaichidh mi thu anns a' mhòr choimhthional; am measg sluaigh lionnhoir molaidh mi thu.

19 Na deanadh iadsan a tha 'n an naimhdibh dhomh gu h-eucorach, gairdeachas os mo cheann: iadsan aig am bheil fuath dhomh gun aobhar, na caogadh iad le'n sùil:

20 Oir cha labhair iad sìth; ach an aghaidh dhaoine ciùine na tire dealbhaidh iad nithean eagalach.

21 Dh'fhosgail iad am beul gu farsuinn a'm' aghaidh; thubhairt iad, Aha, aha! chunnaic ar sùil.

22 Chunnaic thusa so, a Thighearna, na bi a'd' thosd: a Thighearna, na bi fada uam.

23 Tog ort, agus mosgail chum mo cheirt; chum mo chùise, mo Dhia agus mo Thighearna.

24 Thoir breth orm a réir do cheartais, a Thighearna mo Dhia, agus na deanadh iad gairdeachas os mo cheannu.

25 Na h-abradh iad 'n an cridhe, Aha, is e sud ar miann: idir na h-abradh iad, Shluig sinn suas e.

26 Nàire agus amhladh gu'n robh orrasan le 'chéile, a tha 'deanamh gairdeachais ri m'òle: còmhdaichear le nàire agus mas-ladh iadsan a dh'ardaicheas iad fém a'm aghaidh!

27 Deanadh iadsan iolach, agus bitheadh iad aoibhneach, a sheasas mo chòir dhomh; agus abradh iad a ghnàth, Mòr chliù gu'n robh do'n Tighearna, aig am bheil tlachd ann an sìth a sheirbhisich!

28 An sin cuiridh mo theagadh 'an eéill do cheartas, air feadh an là do chliù.

SALM XXXVI.

1 *Euceart agus cealg nan aingidh.* 5 *Oir-dheùreas tròcair Dhé.* 10 *Dh'asluich Daibhidh air Dia gu'm buanaicheadh e a chaoimhneas dhoibhsan a bha ionraic 'n an cridhe.*

Do'n àrd fhear-ciùil, Le Daibhidh òglach an Tighearna.

'S E a their an t-aingidh an taobh a stigh d'a chridhe, gu'm peacaich e: cha-n'èil eagal Dhé fa chomhair a shùil.

2 Oir ni e bàigh ris fém 'n a shùilb fém, gus am faighear a mach a chionta mar aobhar fuatha.

3 Is euceart agus cealg briathran a bheoil: leig e dheth a bhi glic, maith a dheanamh.

4 Dealbhaidh e euceart air a leabaidh; suidhichidh se e fém air slighe nach 'èil maith; cha-n oillteil leis an t-òle.

5 A Thighearn', anns na nèamhan tha do thròcair; tha d'fhìrinn gu ruig na neoil.

6 Tha d'fhìreantachd mar na beanntan àrda, do bhreitheanais 'n an doimhne mhòir: gleidhidh tusa, a Thighearn', duine agus ainmhidh.

7 Cia huachmhor do chaoimhneas gràdhach, a Dhé! uime sin eabaidh clann nan daoine á sgàile do sgiathan.

8 Sàsuichear iad gu mòr le saill do thighe; agus as nàhainn do shòlasan bheir thu orra dl.

9 Oir agadsa tha tobar na beatha: ann ad sholus-sa chi sinne solus.

10 Buanaich do chaoimhneas gràidh dhoibhsan a chuir eòlas ort, agus d'fhìreantachd dhoibhsan a tha ionraic 'n an cridhe.

11 Na tigeadh cos an àrdain orm, agus na gluaisceadh làmh nan aingidh mi.

12 An sin thuit luchd-deanamh na h-euceirt sìos; leagadh sìos iad, agus cha-n urrainn iad éirigh.

1 *Chomhairlich Daibhidh do gach neach feith-eamh air an Tighearn, 10 do bhrìgh gu'n sgrios e an t-aingidh, 28 agus gu'n gléidh e an t-ionracan beò.*

Le Daibhidh.

NA bitheadh campar ort mu dhaoinibh aingidh, agus na gabh farmad ri luchd-deanamh na h-euceirt:

2 Oir mar am fear gearrar gu grad sìos iad, agus mar an luibh ghlas scargaidh iad.

3 Earb thusa as an Tighearn, agus dean maith; mar sin gabhaidh tu còmhnuidh 's an tìr, agus beathaichear thu gu cinnteach.

4 Mar an ceudna gabh tlachd anns an Tighearn, agus bheir e dhuit iarrtais do chridhe.

5 Tabhair suas do shlighe do'n Tighearn; agus earb as, agus ni se e:

6 Agus bheir e mach d'fhìreantachd mar an solus, agus do bhreitheanas mar am meadhon-là.

7 Bi 'd' thosd an làthair an Tighearna, agus feith le foighidinn air: na bitheadh campar ort mu'n tì a shoirbhicheas 'n a shlighe, mu'n fhear a bheir a dhroch innleachdan gu buil.

8 Leig fear dhìot, agus tréig corruich; na bitheadh campar ort air aon chor chum uile.

9 Oir gearrar as droch dhaoine; ach iadsan a dh'fheitheas air an Tighearn, buanmhealaidd iad an talamh.

10 Oir fathast tamull beag, agus cha bhi an t-aingidh ann; seadh, bheir thu fainear 'àite-san, agus cha bhi e ann.

11 Ach mealaidd daoine macanta an talamh, agus gabhaidh iad tlachd ann am meud na sìth.

12 Tha'n t-aingidh a' cumadh uile do'n ionraic, agus a' casadh 'fhiacal ris.

13 Ni Dia fanoid air, oir is léir dha gu bheil a là a' teachd.

14 Tharruing na h-aingidh an claidheamh, agus chuir iad am bogha air ghleus, a leagadh sìos a' bhòchd agus an ainnis, a nharbhadh luchd deadh-bhens.

15 Théid an claidheamh a steach 'n an cridhe fém, agus brisear am bogha.

16 Is fearr beagan aig an duine ionraic na saoihbreas mhòrain dhroch dhaoine.

17 Oir brisear gairdeanan dhroch dhaoine; ach cumaidh Dia suas na fireanan.

18 Is fìosrach Dia air làithibh nan daoine ionraic, agus bithidh an oighreachd gu sìorruidh.

19 Cha chuirear gu nàire iad ann an àm an uile, agus ann an làithibh na gorta sàsuichear iad.

20 Ach sgriosar droch dhaoine, agus bithidh naimhdean an Tighearna mar shailh uan: théid as doibh, mar dheataich théid as doibh.

21 Gabhaidh an t-aingidh air iasachd, agus cha-n ioc e ris; ach tha'm firean trocaireach, agus bheir e uaidh.

22 Oir iadsan a bheannaichear leis, mealaidh iad an talamh; agus iadsan a mhall- aichear leis, gearrar as iad.

23 Leis an Tighearn tha ceuman duine air an orduchadh, agus gabhaidh e tlachd 'n a shlighe:

24 Ged thuit e, cha tilgear gu tur sìos e; oir cumaidh an Tighearn suas air làmh e.

25 Bha mi òg, agus a nis tha mi sean; gidheadh cha-n fhaca mi am firean air a thréigsinn, agus a shliochd ag iarraidh arain.

26 Tha e ghnàth truacanta agus coingh-eallach; agus *bithidh* a shliochd beannaichte.

27 Seachaim an t-òc, agus dean am maith, agus gabh còmhnuidh gu bràth.

28 Oir is toigh leis an Tighearn breith- canas, agus cha tréig e a naoimh: gu bràth còmhdaidh iadsan; ach gearrar as shliochd nan aingidh.

29 Mealaidh na fireanan an tìr, agus gabh- aidh iad còmhnuidh innte gu bràth.

30 Cuiridh beul an fhreic 'an cèill gliocas, agus labhraidh a theangadh breithcanas.

31 Tha lagh a Dhé 'n a chridhe: cha sleamhuich a cheuman.

32 Bithidh an droch dhuine ri faire air an fhìrean, agus iarraidh e a mharbhadh.

33 Cha-n fhàg an Tighearn e 'n a làmh; agus cha dìt se e, 'n uair a bheir breth air.

34 Feith air an Tighearn, agus gléidh a shlighe; agus àrdaichidh e thu, chum an tìr a mbealtuinn: 'n uair a ghearrar as droch dhaoine, chì thu e.

35 Chumnaic mi an duine aingidh ann am mòr chumhachd, agus e 'g a sgaioleadh féin a mach mar ùr chraoibh uaine.

36 Ach chaidh e seachad, agus feuch, cha robh e ann; agus dh'iarr mi e, ach cha d'fhuaras e.

37 Thoir faineair an duine foirfe, agus amhaire air an duine ionraic; oir is i sith a's crìoch do'n duine sin.

38 Ach sgriosar luchd cusaontais faraon; gearrar as crìoch dhroch dhaoine.

39 Tha slàinte nam firean o'n Tighearn; is esan an neart ann an àm teanntachd:

40 Agus cuideichidh an Tighearn leo, agus teasairgidh e iad: teasairgidh e iad o dhroch dhaoineibh, agus saoraidh e iad, a chionn gu'n d'carb iad as.

SALM XXXVIII.

1 *Ghaidh Daibhidh air Dia gu'n gabhadh e truas deth, 21 agus gu'n cuideicheadh e leis.*

Salm le Daibhidh a chur 'an cuimhne.

A THIGHEARNA, na cronuich mi ann ad chorruih, agus na smachdaich mi ann an teas d'fheirge:

2 Oir shàthadh do shaighdean annam, agus tha do làmh trom orm.

3 Cha-n'eil fallaineachd a'm' fheoil air son

d'fheirge: cha-n'eil sìth a'm' chnàmhan air son mo pheacaidh:

4 Oir chaidh m'euceartan thar mo cheann: mar eire thruinn tha iad ro throm air mo shon.

5 Tha mo chreuchdan lobhta, breun, air son m'amaideachd.

6 Tha mi cràiteach; chromadh sìos mi gu mòr: air feadh an là uile tha mi 'g imeachd gu dubhach:

7 Oir tha mo leasraidh làn de *ghadar* grànnda; agus cha-n'eil fallaineachd a'm' fheoil.

8 Tha mi lag, agus ro bhrùite: tha mi a' bùireadh trid mi-shuaimhnais mo chridhe.

9 A Thighearna, tha mo mhiann uile a'd' làthair; agus cha-n'eil m'osnaich foluichte ort.

10 Tha mo chridhe a' plocartaich; thréig mo neart mi: a thaobh fradhaire mo shùl, sin mar an ceudna cha-n'eil agam.

11 Tha luchd mo ghaoil agus mo chaird- can a' seasamh fa chomhair mo leoin; agus tha mo dhìlsean a' seasamh fad' uam.

12 Agus tha luchd-iarraidh m'anama a' cur ribeachan *romham*, agus luchd-iarraidh m'uile a' labhairt nithean aimbleasach, agus a' smuaineachadh ceilge air feadh an là uile.

13 Ach mar dhuine bodhar, cha chluinn mise; agus tha mi mar dhuine balbh, nach fosgail a bheul.

14 Tha mi eadhon mar fhear nach cluinn, agus aig nach 'eil achmhasain 'n a bheul.

15 Oir amad-sa, a Thighearna, chuir mi mo dhòchas: éisdidh tusa, a Thighearna mo Dhia.

16 Oir thubhairt mi, Air eagal gu'n dean iad gairdeachas a'm' aghaidh; 'n uair a shleamhuineas mo chos, gu'n àrdaich siad iad féin a'm' aghaidh.

17 Oir tha mi ealamh gu tuisleachadh, agus tha mo dhoilgheas a'm' fhianuis a ghnàth.

18 Oir aidichidh mi m'euceart; bithidh mi doilich air son mo pheacaidh.

19 Ach tha mo naimhdean beothail, tha iad làidir; agus tha iadsan aig am bheil fuath dhomh gu h-cucorach, air fàs lion- mhor.

20 Agus tha iadsan a dh'ìocas olc air son maith a' cur a'm' aghaidh, a chionn gu bheil mi 'leantuinm a' mhaith.

21 Na tréig mi, a Thighearna, mo Dhia; na bi-sa fad nam.

22 Greas chum mo chuideachaidh, a Thighearna, mo shlàinte.

SALM XXXIX.

1 *Thug Daibhidh aire nach peacaicheadh e le 'theangaidh. 4 Tha beatha an duine mar sgàile, agus mar leud boise a làithean. 8 Dh'iarr Daibhidh gu'n saoradh Dia e o 'eusaontas.*

Do'n àrd fhear-ciùil, do Iedutun. Salm le Daibhidh.

THUBHAIRT mi, Bheir mi 'n aire do m' shlighibh, nach peacaidh mi le m'

theangaidh; gleidhidh mi srian air mo bheul, an uair a bhitheas an *duine* aingidh a'm' fhianuis.

3 Bha mi balbh, tosdach; dh'fhan mi o labhairt maith *féin*; ach dhùisgeadh mo dhòilgheas.

4 Dh'fhàs mo chridhe teth an taobh a stigh dhìom; 'n uair a bha mi a' beachd-smuaineachadh, las an teine; labhair mi le m' theangaidh:

4 Thoir fios dhomh, a Thighearna, air mo chrich, agus tomhas mo làithean ciod e, chum gu'm bi fios agam cia gearr mo ré.

5 Feuch, mar leud boise rinn thu mo làithean, agus *tha* m'aois mar neo-ni a'd' fhianuis: gu deimhin *is* dìomhanas gach duine aig 'fheabhas. Selah.

6 Gu deimhin tha gach duine a' siubhal ann an samhlaidh dìomhain: gu deimhin cuirear mi-shuaimhneas orra gu faoin: carnaidh *neach* suas *beartas*, gun fhios aige cò m'healas e.

7 Agus a nis ciod ris am feithcam, a Thighearna? tha mo dhòchas annad-sa.

8 Saor mi o m'èusaontasaibh uile; na dean ball-maslaidh an amadain dhìom.

9 Bha mi a'm' thosd, cha d'fhosgail mi mo bheul, a chionn gur tusa a rinn e.

10 Tog dhìom do bhuille: le beum do làimh-sa chlaoidheadh mi.

11 Le achmhasanaibh air son euceirt 'n uair a chronaicheas tu duine, bheir thu air a shnuadh caitheadh mar leomann: gu deimhin *is* dìomhanas gach duine. Selah.

12 Ruinn m'urnuigh, a Thighearna, agus éisd ri m' ghlaodh; 'i m' dheoir na bi a'd' thosd: oir *is* coigreach mi maille riut, agus fear-cuairt, mar m'athrichean uile.

13 O! comhainn mi, chum gu'm faigh mi neart, mu'n siubhail mi, agus nach bi mi ann ni's mò.

SALM XL.

1 *Nochd Daibhidh sonas an duine a chuireas a dhòchas anns an Tighearn.* 6 *'S e àmhclachd d'a thoil an ìobairt d's tuilliche le Dia.* 11 *Dh'astluich Daibhidh air an Tighearn slàinte dha féin agus amhladh d'a naimhdeibh.*

Do'n àrd fhear-ciuil. Salm le Daibhidh.

DH'FHEITH mi le foighidinn ris an Tighearn, agus chrom e thugam; agus chual' e mo ghlaodh.

2 Agus thug e nìos á slochd uamhuinn mi, á clàbar làthaich, agus chuir e mo chosan air carraig; shoeraich e mo cheuman.

3 Agus chuir e òran nuadh ann am bheul, òran-molaidh d'ar Dia: chi mòran e, agus bithidh eagal orra, agus earbaidh iad as an Tighearn.

4 *Is* beannaichte an duine sin a chuireas a dhòchas anns an Tighearn, agus nach seall an déigh nan uaibhreach, no 'n an déigh-san a chlaonas chum bréige.

5 *Is* lionmhor, a Thighearna mo Dhia, na nithean a rinn thu! d'òibre iongantach,

agus do smuaintean d'ar taobh-ne, cha-n'èil e 'n comas a chur sìos 'an ordugh dhuit: nochdainn agus chuirinn 'an cèill iad; ach tha iad ni's lionmhoire na gu'n gabh iad àireamh.

6 Ann an ìobairt agus 'an tabhartas cha do ghabh thu tlachd: dh'fhosgail thu mo chluasan: ìobairt-loisgteagus ìobairt-phlacaidh cha d'iarr thu.

7 An sin thubhairt mi, Feuch, tha mi 'teachd; ann an rola an leabhair tha e sgrìobhta ormsa;

8 *Is* e mo thlachd do thoil a dheanamh, a Dhé; seadh, *tha* do lagh 'an taobh a stigh de m' chridhe.

9 Rinn mi sgeul air d'fhìreantachd 's a' choimhthional mhòr: feuch, cha do choisg mi mo bhilean, a Thighearn, is aithne dhuit.

10 Cha d'fholuich mi d'fhìreantachd ann am meadhon mo chridhe: chuir mi'n cèill d'fhirinn agus do shlàinte: cha do cheil mi do chaoimhneas gràdhach, agus d'fhirinn, o'n choimhthional mhòr.

11 A Thighearna, na cum-sa do chaoimh thròcairean uam: gleidheadh do chaoimhneas gràdhach agus d'fhirinn a ghnàth mi.

12 Oir dh'iadh uile gun àireamh mu'n cuairt orm; ghlac m'eucairtan mi, agus cha-n'èil e 'n comas dhomh sealltuinn suas; ni's lionmhoire tha iad na folt mo chinn, agus thréig mi chridhe mi.

13 Gu ma toil leat, a Thighearna, mo theasairginn; greas, a Thighearna, chum mo chuideachaidh.

14 Nàire agus amhladh gu'n robh orrasan le 'chéile, a tha 'g iarraidh m'anana g'a sgrìos: ruagar air an ais agus nàraichear iadsan a tha 'guidhe uile dhomh.

15 Aonaranach gu'n robh iadsan mar thuarasdal an nàire, a their riumsa, Aha, Aha!

16 Deanadh iadsan uile a dh'iarras thusa, gairdeachas agus aoibhneas annad: abradh iadsan 'an còmhnuidh, a ghràdhaicheas do shlàinte, Mòr mholadh gu'n robh do'n Tighearn.

17 *Tha* mise bochd agus uireasbhuidh-each, ach smuainichidh an Tighearn orm: *is* tusa m'fhear-cabhair, agus m'fhear-saoraidh; a Dhé, na dean moille.

SALM XLI.

1 *Tuarasdal an duine chaoimhneil.* 4 *Ghuidh Daibhidh gu'n nochdadh Dia trèadair dha.* 11 *Dh'aidich e maritheas Dhé d'a thaobh.*

Do'n àrd fhear-ciuil. Salm le Daibhidh.

IS beannaichte esan a bheir an aire do'n duine bhoichd: ann an là an uile saoraidh an Tighearn e.

2 Gleidhidh an Tighearn e, agus cumaidh e beò e, agus bithidh e beannaichte air thalamh: na tabhair thusa e do thoil a naimhdean.

3 Bheir an Tighearn neart dha air leabaidh a thinneis iarganaich: a leabaidh uile ni thusa dha 'n a euslaime.

4 Thubhairt mi, A Thighearna, dean tràd-air orru: leighis m'anam, oir pheacaich mi a'd' aghaidh.

5 Tha mo uaimhdean a' labhairt uile orm, *ag ràdh*, C'uin a gheibh e bàs agus a sgriosar 'aunm?

6 Agus ma thig neach g'am shealltuinn, labhraidh e diomhaas; carnaidh a chridhe euceart dha féin; théid e maeh, agus labhraidh se e.

7 Tha iadsan uile aig am bheil fuath dhomh a cogarsaich le 'chéile a'm' aghaidh: tha iad a' dealbh uile a'm' aghaidh.

8 Tha droch ni, *ars' iadsan*, air teachd air; agus esan a tha nis 'n a luidhe, eha-n éirich e ni's mò.

9 Eadhon fear mo shith, as an d'earb mi, esan a dh'ith de m'aran, thog e a shàil a'm' aghaidh.

10 Ach dean-sa, a Thighearna, tràdair orm, agus tog suas mi, agus bheir mi luigheachd dhoibh.

11 Le so tha fios agam gu bheil tlachd agad-sa annam, a chionn nach 'eil mo nàmhaid a' deanamh caithreim os mo cheann.

12 Ach air mo shonsa, cumaidh tu suas mi ann am ionracas, agus suidhichidh tu mi a'd' fhianuis gu bràth.

13 Beannaichte gu robh an Tighearn Dia Israeil, o shìdrruidheachd gu sìdrruidheachd! Amen agus Amen!

SALM XLII.

1 *Tha cridhe Dhaibhidh a' togairt a dh'ionnsuidh Dhé.* 5 *Ghlac e misneach a bhrìgh tràdair an Tighearna.*

Do'n àrd fhear-ciùil, Maschil, air son mhac Chorah.

MAR a thogras am fiadh chum nan sruth uisge, mar sin tha m'anam a'togairt a'd' ionnsuidh-sa, a Dhé.

2 Tha tart air m'anam chum Dhé, chum an Dé bheò: c'uin a thig mi, agus a nochdar mi 'am fianuis Dhé?

3 Is iad mo dheoir a's biadh dhomh a là agus a dh'oidheche, 'n uair a theirear rium gach là, C'àit am bheil do Dhia?

4 Na nithean so is cuimhne leam, agus tha mi 'dòrtadh a mach m'anama leam féin; oir ghabh mi thairis leis a' mhòr-chuideachd, chaidh mi leo gu tigh Dhé, le fuaim gairdeachais agus molaidh, *leis a'* chuideachd a bha 'cumail là féille.

5 C'ar son a tha thu air do leagadh sìos, O m'anam? agus c'ar sou a tha thu fo bhnaireas 'an taobh a stigh dhìom? carb thusa á Dia; oir fathast molaidh mise e, slàinte mo ghnùise, agus mo Dhia.

6 Leagadh sìos m'anam 'an taobh a stigh dhìom: uime sin cuimhnichidh mi ortsa, mo Dhia, o thir Iordain, agus o Hermon, o shliabh Mhìtsair.

7 Tha doimhne a gairm air doimhne le fuaim d'fheadan uisge; chaidh do stuaidhean agus do thonnann uile tharum.

8 Auns an là àithnidh an Tighearna a thròd-air; agus 's an oidheche *bithidh* a laoidh maille rium, agus m'urnuigh ri Dia mo bheatha.

9 Their mi ri Dia mo charraig, C'ar son a dhì-chuimhnich thu mi? c'ar son a tha mi a' triall gu dubhach air son foirneirt an eascaraid?

10 Mar chlaidheamh a'm' chnàmhan, tha mo naimhdean a' toirt maslaidh dhomh, 'n uair a their iad rium gach là, C'àit am bheil do Dhia?

11 C'ar son a tha thu air do leagadh sìos, O m'anam? agus c'ar son a tha thu fo bhuaireas an taobh a stigh dhìom? carb thusa á Dia; oir fathast molaidh mise e, slàinte mo ghnùise, agus mo Dhia.

SALM XLIII.

1 *Dh'iarr Daibhidh air Dia a chùis a thagradh, agus e féin a thròdachadh chum a phàillìunan.* 4 *Chuir e a dhòchas ann an Dia.*

THOIR breth orm, a Dhé, agus tagair mo chùis: o chinncach an-ìochdmhor; o fhear na ceilge agus na h-euceirt, saor thusa mi.

2 Oir is tusa Dia mo neirt; c'ar sou a chuir thu mi fada uait? c'ar son a tha mi a' triall gu dubhach air son foirneirt an eascaraid?

3 O cuir a mach do sholus agus d'fhìrinn! seòladh iadsan mi, thugadh iad mi chum do shlèibh naoinh-sa, agus chum do phàillìunan.

4 An sin thèid mi dh'ionnsuidh altair Dhé, a dh'ionnsuidh Dhé m'aoibhneis ro mhòir; agus molaidh mi thu air a' chlàrsaich, a Dhia, mo Dhia.

5 C'ar son a tha thu air do leagadh sìos, O m'anam? agus c'ar son a tha thu fo bhuaireas 'an taobh a stigh dhìom? carb thusa á Dia; oir fathast molaidh mise e, slàinte mo ghnùise, agus mo Dhia.

SALM XLIV.

1 *Chuimhnich an eaglais air na tiodhlacaibh a thug Dia dhi o shean; 9 agus tha i a' caoidh gu'n do thréig e i a nis: 17 chuir i 'an céll a h-ionracas, agus ghuaidh i gu'n deanadh Dia cabhair oirre.*

Do'n àrd fhear-ciùil, air son mhac Chorah, Maschil.

ADHE, le'r chusaibh chuala sinn, dh'innis ar n-aithrichean dhuinn an obair a rinn thu 'n an làithibh-san, 's na làithibh o shean.

2 Le d'làimh thilg thu mach na cinnich, ach shuidhich thu iadsan: chlaoidh thu na slòigh, ach thug thu orra-san soirbheachadh.

3 Oir cha-n ann le'n elaidheamh féin a fhuair iad sealbh 's an tìr, agus cha-n e an gairdean féin a shaor iad; ach do dheas làmh, agus do ghairdean-sa, agus solus do

ghnùise, a chionn gu'n robh deadh-ghean agad doibh.

4 *Is tu fèin mo Rìgh, a Dhé: àitlin thusa saorsa do Iacob.*

5 Trid-sa buailidh sinn ar naimhdean; trid d'ainm-sa saltraidh sinn orra-san a dh'éireas 'n ar n-aghaidh.

6 Oir as mo bhogha clia-n earb mi, agus cha saor mo chlaidheamh mi.

7 Ach shaoir 'thusa sinn o ar naimhdeibh, agus nàirich thu iadsan aig an robh fuath dhuinn.

8 A Dia ni sinne uail air feadh an là; agus d'ainm-sa molaiddh sinn gu sìorruidh. Selah.

9 Ach a nis thilg thu uait sinn, agus nàirich thu sinn; agus cha-n'eil thu 'dol a mach le'r n-armailtibh.

10 Thug thu oirnn tionndadh air ar n-ais o'n nàmhaid, agus tha iadsan le'm fuathach sinn 'g ar creachadh.

11 Thug thu sinn mar chaoraich air son bìdh; agus am measg nan cinneach sgap thu sinn.

12 Reic thu do shluagh gun fhiach, agus cha do mheudaich thu do mhaoin le'n luach.

13 Rinn thu sinn 'n ar masladh d'ar coimhearsnaich, 'n ar ball fanoid agus magaidh dhoibhsan a tha mu'n cuairt oirnn.

14 Rinn thu gnàth-fhocal dhinn am measg nan cinneach, aobhar crathaidh-cinn am measg an t-sluaigh.

15 Fad an là *tha* m'amhladh a'm' fhianuis, agus chòmhdaich nàire mo ghnùise mi.

16 Air son gutha an fhir a bheir masladh agus toilheum, air son fianuis an nàmhaid agus an dioghaltaich.

17 Thàinig so uile oirnn; gidheadh, cha do dhì-chuimhnich sinn thu, agus cha d'rinn sinn cealg ann ad choimheangal.

18 Cha do thionndaidh ar cridhe air ais, agus cha do chlaon ar cos o d' shlighe:

19 Ge do mhìn-phronn thu sinn ann an ionad dhràgon, agus ge do chòmhdaich thu sinn le sgàil a' bhàis.

20 Ma dhì-chuimhnich sinn ainm ar Dé, no ma shìn sinn ar làmhnan gu Dia coimheach,

21 Nàeh rannsaich Dia so a mach? oir tha fios aige-san air *nithibh* dìomhair a' chridhe.

22 Ach air do shon-sa mharbhadh sinn ré an là gu léir; mheasadh sinn mar chaoraich chum casgraidh.

23 Mosgail; c'ar son a choidleas tu, a Thighcarna? dùisg, na tilg uait *sinn* gu bràth.

24 C'ar son a dh'fholaicheas tu do ghnùis? a dhì-chuimhnicheas tu ar n-àmhghar, agus ar foirneart?

25 Oir chromadh sìos ar n-anam do'n ùir; dhlùth-lean ar com ris an talamh.

26 Eirich, cuidich leinn, agus saor sinn air sgàth do thròcair.

SALM XLV.

1 *Mòralachd oighreachd Chrìosd. 10 Dleasdanas na h-eaglaise, agus na sochairean a tha i a'meathuinn.*

Do'n àrd fhear-ciùil air Sosanim, air son mhac Choram, Maschil. Oran gràidh.

THu mo chridhe a' deachdadh deadh ni; cuiridh mi 'n cèill na nithean a rinn mi do'n Rìgh; *bithidh* mo theangadh mar pheann fir-sgrìobhaidh dheis.

2 Is maisiche thu na clann nan daoine; dhòirteadh gràs ann ad bhililbh: uime sin bheannaich Dia thu gu bràth.

3 Crìoslaich do chlaidheamh air do leis, O a ghaisgeich; le d' ghloir, agus le d' mhòralachd.

4 Marcaich air d'aghaidh gu buadhach air sgàth na firinn, agus na macantachd, agus na fireantachd; agus teagaisgidh do dheas làmh dhuit nithean uamhasach.

5 *Is* geur do shaighdean, (tuitidh na slòigh fodhad,) *is geur iad* ann an cridhe naimhdean an Rìgh.

6 *Tha* do rìgh-claithir, a Dhé, gu saoghal nan saoghal: *is* slat cheartais slat-shuaicheantais do rìoghachd-sa.

7 Glhàrdaich thusa fireantachd, agus thug thu fuath do aingidheachd; uime sin dh'ung Dia, do Dhia-sa, thu le h-olaidh aoibhneis os ceann do chompanach.

8 De mhir, agus de alos, agus de chasia, *théid fàile o d' thrusgan uile*, a mach á luchairtibh de fhiaclaibh elephant, leis an do chuireadh aoibhneas ort.

9 *Tha* nigheanan rìghrean am measg do bhan urramach; seasaidh do bhan-rìghinn air do dheas làmh, ann an òr na h-Ophir.

10 Eisd, a nighean, agus amhaire, agus aom do chluas; agus dì-chuimhnich do shluagh fèin, agus tigh d'athar.

11 An sin gabhaidh an Rìgh mòr tlachd ann ad àille: a chionn gur esan do Thigh-earn, thoir-sa urram dha.

12 *Thig* eadhon nighean Thiruis le tiodhlac; asluichidh daoine saobhir an t-sluaigh do dheadh-ghean.

13 Uile ghilòrmhor *tha* nighean an rìgh a stigh; air oibreachadh le h-òr *tha* a h-endach.

14 Ann an trusgan de obair ghréis' bheir-eir i chum an Rìgh: bheir-eir na maighdeanan 'n a déigh, a bana-chompanaich, a steach thugad.

15 Bheir-eir iad le h-aoibhneas agus le gairdeachas; *théid iad* a steach do luchairt an Rìgh.

16 *Ai*te d'athrichean bithidh do mhic; ni thu iad 'n an uachdaranaibh air an talamh uile.

17 Bheir mi air d'ainm a bhi air chuimhne anns gach linn a thig: uime sin molaiddh an sluagh thu gu saoghal nan saoghal.

SALM XLVI.

1 *Tha Dia 'n a thearmunn agus 'n a neart d'a shluagh fèin. S Eàraib gu beachdachadh air oibrìth iongantach Dhé.*

Do'n àrd fhear-ciùil air son mhac Choram.
Oran air Alamot.

IS e Dia ar tearmunn agus ar neart; ar cabhair ro dheas ann an teanntachd-aibh:

2 Air an aobhar sin cha bhi cagal oirm, ged ghluaisear an talamh, agus ged atharrnichear na beanntan gu meadhon na fairge.

3 Ged bheuc a h-nisgeachan, agus ged chuirear thar a chèile iad; ged chrìochnuich na beanntan le a h-ataireachd. Selah.

4 *Tha amhainn ann, agus ni a sruthan caithir Dhé ait; naomh-ionad phàillion an Ti a's àirde.*

5 *Tha Dia 'n a meadhon; cha ghluaisear i: cuideachidh Dia leatha gu moch air mhad-uinn.*

6 Ghabh na cinnich boile; ghluaiseadh na rìoghachdan: chuir e mach a ghuth, leagh an talamh.

7 *Tha Dia nan slògh leinn; is e Dia Iacob a's dèdan duinn. Selah.*

8 Thigibh, faicibh oibre an Tighearna, gach léir-sgrìos a rinn e air thalamh.

9 Coisgidh e an cogadh gu h-ìomall na talmhainn; brisidh e am bogha, agus gearraidh e an t-sleagh: na carbadan-cogaidh loisgidh e le teine.

10 Bitibh sàmhach, agus tuigibh gur mise Dia: àrdaichear mi ann measg nan cinneach, àrdaichear mi air thalamh.

11 *Tha Dia nan slògh leinn; is e Dia Iacob a's dèdan duinn. Selah.*

SALM XLVII.

1 *Nochd an salmadar gu bheil Dia 'n a Rìgh mòr os ceann na talmhainn, agus 'n a aobhar eagail do gach neach.*

Do'n àrd fhear-ciùil. Salm air son mhac Choram.

BUAILIBH bhur basan, uile shlòigh; togaibh iolach do Dhia le guth gairdeachais.

2 Oir *tha'n* Tighearna, an Ti a's àirde, 'n a aobhar eagail: *is* Rìgh mòr e os ceann na talmhainn uile.

3 Cuiridh e na slòigh fo'r smachd, agus na cinnich fo'r cosaibh.

4 Taghaidh e ar n-òighreachd dhuinn, dìr-dheirceas Iacob, a ghràdhaich e. Selah.

5 Chaidh Dia suas le caithream, an Tighearna le fuaim trompaid.

6 Seinnibh moladh do Dhia, seinnibh; seinnibh moladh d'ar Rìgh, seinnibh:

7 Oir *is* e Dia rìgh na talmhainn uile; seinnibh moladh gu h-còlach.

8 Tha Dia 'n a Rìgh os ceann nan cinneach: tha Dia 'n a shuidhe air rìgh-chaitir a naomhachd.

9 Chruinnicheadh uachdarain nan sluagh le 'chèile, sluagh Dhé Abraham: oir *is* le Dia sgiathan na talmhainn; tha e air 'àrd-achadh gu mòr.

SALM XLVIII.

1 *Tha an eaglais sgiamhach 'n a suidheachadh, 3 agus tha Dia 'n a thearmunn di anns gach teanntachd.*

Oran agus Salm air son mhac Choram.

IS mòr an Tighearna, agus is ro airidh air cliù e ann am baile ar Dé, ann an sliabh a naomhachd.

2 Sgiamhach 'n a shuidheachadh, tha sliabh Shìom, aoibhneas na talmhainn uile: air an taobh mu thuath *tha* baile an Rìgh mhòir.

3 Aithnìchear Dia 'n a lùchairtibh mar thearmunn.

4 Oir feuch, chruinnicheadh na rìghrean; ghabh iad thairis le 'chèile.

5 Chumaidh iad, agus b'ìoghnadh leo; bhla uamhas orra, ghreas iad orra.

6 Ghlac geilt-chrith iad an sin, pian mar phéin mnà ri saothair.

7 Le gaoith an ear mìn-bhrisidh tu longan Tharsis.

8 Mar a chuala sinn, is amhuil a chunnaic sinn ann am baile Tighearna nan slògh, ann am baile ar Dé: daingnichidh se e gu bràth. Selah.

9 Smuainich sinn air do chaoimhneas gràidh, a Dhé, ann am meadhon do theamp-uill.

10 Mar d'ainm, a Dhé, mar sin *tha* do chliù gu crìochaibh na talmhainn: tha do dheas fàmh fàn de fhìreantachd.

11 Deanadh sliabh Shìoin aoibhneas, deanadh nigheanan Iudah gairdeachas, air son do bhreitheanas.

12 Cuairtichibh Sion, agus rachaibh m'a timcheall; àirmibh a tùir.

13 Thugaibh an aire d'a balla làidir, comh-araichibh a lùchairtean, chum gu'n cuir sibh 'an cèill e don'àl ri teachd.

14 Oir *is* e an Dia so ar Dia-ne gu saoghal nan saoghal: stiùraidh e sinn gu ruig am bàs.

SALM XLIX.

1 *Chuir an salmadar 'an cèill do'n t-sluagh gu'n labhradh a bheul air nàibh tuigseach. 6 Nochd e dhoibh dìomhanas nàichean talmhaidh.*

Do'n àrd fhear-ciùil, Salm airson mhac Choram.

CLUINNIBH so, a shlòigh uile, èisdibh, *sibh* se uile luchd-àiteachaidh an domhain;

2 Araon a dhaoine ìosal agus àrd, beartach agus bochd le 'chèile.

3 Labhraidh mo bheul gliocas, agus smuainichidh mo chridhe air tuigse.

4 Aomaidh mi gu cosamhlachd mo chnas; nochdaidh mi air a' chlàrsaich mo ràdh dorch.

5 Car son a bhitheadh eagail orm ann an làitheibh an uile, 'n uair a chuairticheas aingidheachd m'cascairdean mi,

6 A dh'earbas as an saoihbheas, agus a nì naill & pailteas am beartais?

7 Cha-n urrainn duine air chor sam bith a bhràthair a shaoradh, no éiric a thabhairt do Dhia air a shon:

8 (Oir tha saorsa an anama luachn'hor, agus sguiridh e am feasd:)

9 Gu'm maireadh e beò gu sìorruidh, agus nach faiceadh e truaillidheachd.

10 Oir chi e gu'm faigh na daoine glie b'as, gu'n sgriosar le 'chéile an t-amadan agus an t-ùmaidh, agus gu'm fàg iad am beartas aig daoineibh eile.

11 Is iad smuaintean an cridhe gu mair an tighean gu bràth, an ionadan-còmh-nuidh o linn gu linn: bheir iad ainm air am fearann, a réir an ainme féin.

12 Ach ged robh an duine ann an urram, cha mhair e: is cosmhuil e ris na h-ainmhidhean, & ghearrar as.

13 Is i so an sliche, eadhon an amaid-eachd: gidheadh gabhaidh an sliochd tlachd 'n an ainnt. Selah.

14 Mar chaoraich cuirear iad 's an uaigh; ithidh am bàs iad, agus bithidh uachdaran-achd aig na fircanaibh os an ceann anns a' mhaduinn: seargaidh an dreach as 's an uaigh, an ionad-còmhnuidh.

15 Ach saoraidh Dia m'anam-sa o chumh-achd na h-uaighe; oir gabhaidh e mi d'a ionnsuidh. Selah.

16 Na gabh thusa eagail an uair a dh'fhàsas duine beartach, 'n uair a mheudaichear glòir a thighe:

17 Oir 'n uair a gheibh e bàs, cha toir e nì air bith leis; cha téid a ghlòir sìos 'n a dhéigh:

18 Ged bheannaich e 'anam féin, 'n uair a tha e beò; agus molar thusa, 'n uair a nì thu maith dhuit féin.

19 Théid e gu h-àl a shinnsear: gu bràth cha-n fhaic iadsan solus.

20 Tha 'n duine, a tha ann an urram, agus a tha gun tuisge, cosmhuil ris na h-ainmhidhean & ghearrar as.

SALM L.

1 Mòralachd agus cumhadh Dhé. 7 Cha-n'èil tlachd aig an Tighearan ann an iobairt, 14 as eugmhais iobairt buidheachais. 16 Cronaichidh Dia an cealgair.

Salm le Asaph.

LABHAIR Dia nan Dia, Ichobhah, agus ghairm e an talamh o éirigh gu ruig luidhe gréine.

2 A mach & Sion, iomlanachd na maise, dhealruich Dia.

3 Thig air Dia-ne, agus cha bhi e 'n a thosd: roimh a ghnùis lasaidh teine millt-each, agus mu'n cuairt air bithidh doimionn mhòr.

4 Gairmidh e air na nèamhan o'n àirde,

agus air an talamh, chum breth a thoirt air a shluagh.

5 Cruinnichibh mo naoimh a m'ionnsuidh, iadsan a rinn coimhcheangal rium le h-iob-airt.

6 Agus cuiridh na nèamhan 'an céill a cheartas; oir is e Dia féin a's Breitheamh ann. Selah.

7 Eisdibh, O mo shluagh, agus labhraidh mi; O Isracil, agus nì mi fianuis a'd' aghaidh: is mise Dia, do Dhia-sa.

8 Air son d'iobairtean cha-n agair mi thu; oir tha d'iobairtean-loisgte a ghnàth a'm' fhiannais.

9 Cha gabh mi tarbh òg as do thigh, no gabhair fhirionn as do mhaimeiribh:

10 Oir is leamsa uile bheathaichean na coille, an spréidh air mìle sliabh.

11 Is aithne dhomhsa uile eunlaith nam beann; agus is leamsa fiadh-bheathaichean na macharach.

12 Nam bithinn ocrach, cha-n innsinn duitse: oir is leamsa an domhan, agus a làn.

13 An e gu'n ithinn fcoil tharbh? agus an òlainn fuil ghabhar?

14 Iobair iobairt bhuidheachais do Dhia, agus ioc do bhòidean do'n Tì a's àirde.

15 Agus gairm orm ann an là teanntachd: saoraidh mise thu, agus bheir thusa glòir dhomhsa.

16 Ach ris an droch dhuine their Dia, Ciod e do ghnòthuch-sa mo reachdan a chur 'an céill, no gu'n gabhadh tu mo choimhcheangal ann ad bheul;

17 'N uair tha fuath agad air fòghlum, agus a thilg thu mo bhriathran air do chùl?

18 Ma chunnaic thu gaduiche, dh'aontaich thu leis; agus maille ri luchd adhaltrannais bha do chuibhrionn.

19 Chuir thu do bheul chum uile, agus dhealbhadh do theagadhadh cealg.

20 Shuidh thu, agus an aghaidh do bhràthar labhair thu; agus do mhaic do mhàthar thug thu beum.

21 Na nìthean so rinn thu, agus bha mise a'm thosd; shaoil thu gu'n robh mi guturmar thu féin: cronaichidh mi thu, agus cuiridh mi gach nì 'an ordugh fa chomhair do shùl.

22 Smuainichibh a nis air so, sibhse nach cuimhnich Dia; air eagail gu'n reub mi as a chéile, gun neach ann a theasairgeas.

23 Eisan a dh'ìobras moladh, bheir e glòir dhomhsa; agus dhàsan a dh'orduicheas a shlighe, nochdaidh mi slàinte Dhé.

SALM LI.

1 Dh'aidich Daibhidh a pheacadhean, agus ghuidh e gu'n dubhadh Dia as iad. 7 Dh'astuiche air Dia gu'n naomhaicheadh se e.

17 'S e spiorad briste iobairt Dhé.

Do'n àrd shear-ciuil, Salm le Daibhidh. 'n uair a thàinig Natan am faidh d'a ionnsuidh, an deigh dha bhi aig Batseba.

DEAN tròcair orm, a Dhé, a réir do chaoimhneis gràidh, a réir bonnhoir-

eachd do chaomh thrèairean, dubh as m'eusaoutas.

2 Gu h-ionlan ionnail mi o m' lochd, agus glan mi o m' pheacadh:

3 Oir tha mi ag aideachadh m'eusaontais, agus *tha* mo pheacadh a'm lathair a ghnàth.

4 A'd'aghaidh, a'd'aghaidh féin a mhàin pheacaich mi, agus rinn mi olc a'd' shealladh, air chor as gu'm fireanaichear thusa 'n uair a labhras tu, gu'm bi thu glan 'n uair a bheir thu breth.

5 Feuch, ann au euccart dhealbhadh mi, agus ann am peacadh ghabh mo mhàthair mi 'n a broinn.

6 Feuch, is ionmhuinn leat an fhìrinn's an taobh a stigh; agus anns an *ionad* fholuichte bheir thu orm gliocas a thuigsinn.

7 Glan mi le hiosop, agus bithidh mi glan; ionnail mi, agus bithidh mi nì's gile na sneachda.

8 Thoir orm guth subhachais agus aoibhneis a chluinntinn; agus ni na cuàmhan a bhris thu gairdeachas.

9 Foluich do ghluais o m' pheacaidhean, agus dubh as m'euceartan gu léir.

10 Cruthaich aunam cridhe glan, a Dhé; agus ath-nuadhaich spiorad ceart 'an taobh a stigh dhomh.

11 Na tilg mi o d' shealladh, agus na toir do spiorad naomh uam.

12 Aisig dhomh gairdeachas do shlàinte, agus *le d'* spiorad saor cum suas mi.

13 Teagaisgidh mi do luchd-eusaontais do shlighean; agus ionpaichear peacaich a d' ionnsuidh.

14 Saor mi o ebionta fola, a Dhé, a Dhé mo shlàinte: àrd-mholaidh mo theangadh d'fhìreantachd.

15 A Thighearna, fosgail mo bhilean, agus cuiridh mo bheul 'au cèill do chliu.

16 Oir cha-n iarr thu ìobairt, no bheirinn dhuit *i*; ann an ìobairt-loisgte cha-n'eil tlachd agad.

17 *Is* iad ìobairtean Dhé spiorad briste: air cridhe briste agus brùite, a Dhé, cha dean thusa fàir.

18 Dean maith, a'd' dheadh-ghean, do Shìon; tog suas ballachan Ierusalem.

19 An sin taitnidh ìobairtean ionracais riut, ìobairtean-loisgte agus làn ìobairtean-loisgte: an siu ìobraidh iad tairbh òga air d'altair.

SALM LII.

1 *Chronaich Daibhidh Doeg air son a mhà-ruin, agus roimh-innis e a sgrìos.* 8 *Thug e buidheachas do Dhia do bhrìgh gu'n robh dòchas aige 'n a thròcair.*

Do'n àrd fhear-ciuil, Maschil le Daibhidh, 'n uair a thàinig Doeg an t-Edomach, agus a dh'innis e do Shaul, agus a thubhairt e ris, Thàinig Daibhidh gu tigh Ahimelech.

C'AR SON a ni thu uail as an olc, O 'ghaisgich! *Mairidh* maithreas Dhé a ghnàth.

2 Dealbhaidh do theangadh aimhleas, mar caltuinn ghéir, ag oibreachadh ceilge.

3 Is annsa leat an t-olc na maith, a' bhreug na briathran a' cheartais. Selah.

4 Is ionmhuinn leat gach focal millteach, an teangadh chealgach.

5 Uime sin sgrìosaiddh Dia thu gu bràth: bheir e air falbh thu, agus tairngidh e as [do] phàillion thu, agus spònaidh e do fhreumhan á tìr nam bèd. Selah.

6 Agus chì na fireanan, agus bithidh eagal orra, agus ni iad gàire uinne, *ag ràdh*,

7 Feuch, so am fear nach d' rinn a neart de Dhia, ach a dh'earb á pailteas a bheartais, agus a neartaich e féin 'n a aingidheachd.

8 Ach *bithidh* mise mar chrann-olaidh uaine ann an tigh Dhé; earbaidh mi á tròcair Dhé gu saoghal nan saoghal.

9 Molaidh mise thu gu sìorruidh, a chiomn gu'n d'rinn thu *e*; agus feithidh mi air d'ainmsa, *oir* tha e maith an lathair do naomh.

SALM LIII.

1 *Chuir Daibhidh 'an cèill truallidheachd a' chinne-daoine.* 6 *Mhiannaich e slàinte an Tighearna fhaicinn.*

Do'n àrd fhear-ciuil air Mahalat, Maschil le Daibhidh.

THUBHAIRT an t-amadan 'n a chridhe, Cha-n'eil Dia ann: tha iad truallidh, agus rinn iad aingidheachd ghràineil; cha-n'eil neach ann a ni maith.

2 Dh'amhaire Dia a nuas o nèamh air cloimn nan daoine, a dh'fheuchaim an robh neach ann a bha glic, a bha 'g iarraidh Dhé.

3 Chaidh gach aon diubh air ais; tha iad gu léir air fàs salach: cha-n'eil neach ann a ni maith, cha-n'eil eadhon aon.

4 Nach 'eil eòlas aca-san a tha 'deanamh na h-eucorach, a tha 'g itheadh suas mo shluaigh, mar a dh'itheadh iad aran, agus nach gairm air Dia?

5 An sin ghabh iad eagal mòr, an uair nach robh aobhar eagail ann; sgaol Dia a chnàmha-san o' chéile a champaich *a'd' aghaidh*: nàirich thu iad, a chiomn gu'n d'rinn Dia tàir orra.

6 O gu'n tigeadh slàinte Israeil a mach á Sion! An uair a bheir Dia air ais braighdeanas a shluaigh, ni Iacob gairdeachas, ni Israel aoibhneas.

SALM LIV.

1 *Rinn Daibhidh gearan an aghaidh nan Siph-cach.* 4 *Tha dòchas aige gu'n cuidich Dia leis, agus gu'n diol e olc d'a naimhaidh.*

Do'n àrd fhear-ciuil air Neginot, Maschil le Daibhidh, 'n uair a thàinig na Siphich, agus a thubhairt iad ri Saul, Nach 'eil Daibhidh 'g a fholach féin maille ruinne?

AIR sgàth d'aimme, a Dhé, saor thusa mi, agus le d' chumhachd cum cothrom riom.

2 Cluinn m'urnuigh, a Dhé; éisd ri briathraibh mo bheoil.

SALM LV, LVI.

3 Oir dh'éirich coigrich a'm' aghaidh, agus dh'iarr luchd foirneirt mo bheatha; eha do chuir iad Dia fa'n comhair. Selah.

4 Feuch, *is* e Dia m'fhear-cuideachaidh: *tha'n* Tighearn dhiubhsan a chumas suas mo bheatha.

5 Diolaidh e ole do m' naimhdibh: a'd' fhàinn gearr as iad.

6 Le saor thoil bheir mi iobairt dhuit; molaidh mi d'ainm, a Thighearn, oir *tha e* maith.

7 Oir shaor thu mi as gach teinn: agus chunnaic mo shùil *mo mhiann* air mo naimhdibh.

SALM LV.

1 'N a *theanntachd ghaidh Daibhidh gu'n tugadh Dia éisdeachd d'a urnuigh.* 16 *Ghlac e misneach a chionn gu'n robh dochas aige gu'n saoradh Dia e as gach trioblaid.*

Do'n àrd fhear-ciùil air Neginot, Maschil le Daibhidh.

EISD, a Dhé, ri m'urnuigh, agus na folaich thu féin o m'asluchadh.

2 Thoir aire dhomh, agus éisd rium: tha mi àrd ann am ghearan, agus ri bùreadh:

3 Air son gutha m'eascairid, air son foirneirt an duine aingidh; oir tha iad a' tilg-eadh euceirt orm, agus ann am feirg tha iad a' toirt fuatha dhomh.

4 Tha mo chridhe air a chràdh an taobh a stigh dhòim, agus thuit uamhasan a' blàis orm.

5 Thàinig eagal agus crith orm, agus chòmhdaich uamhunn mi.

6 Agus thubhairt mi, Och, nach robh agam sgiathan! mar choluman theichinn as air iteig, agus gheibhinm fois.

7 Feuch, shiùbhlainn fad as; chòmhnuichinn anns an fhàsach. Selah.

8 Dheanainn deifir gu dol as o ghaoith làidir, agus o'n doinninn.

9 Sgrìos, a Thighearn, agus roinn an teangan; oir chunnaic mi foirneart agus comsachadh 's a' bhaile.

10 A là agus a dh'oidhche tha iad a' dol mu'n cuairt air, air a bhallachan; agus *tha* euceart agus ainnleas 'n a mheadhon.

11 *Tha* aingidheachd 'n a mheadhon; agus cha dealaich feall agus cealg r'a shràidibh.

12 Oir cha bu nàmhaid a thug masladh dhomh, no dh'fhuilginn e; cha b'e fear le 'm b'fhuathach mi a dh'ardaich e féin a'm' aghaidh, no dh'fholaichinn mi féin uath:

13 Ach thusa! fear a bu choimpre dhomh féin, fear m'uiil, agus fear m'eolais.

14 Le 'chéile ghabh sinn comhairle bhlasta; gu tigh Dhé dh'imeh sinn cuideachd.

15 Gabhadh am bàs sealbh orra, rachadh iad sìos beò do'n uaigh; oir *tha* uile 'n an àite-còmhnuidh, 'n am meadhon.

16 Glaohadh mise ri Dia; agus saoraidh Ichobhah mi.

17 Air feasgar, air maduinn, agus aig meadhon-là nì mi urnuigh, agus glaoth-

aidh mi gu h-àrd; agus éisdidh esan ri m' ghuth.

18 Saoraidh e m'anam ann an sìth o'n chòmhrag a'm' aghaidh; oir is lìonmhor iad a tha 'strì rium.

19 Éisdidh Dia, agus bheir e nuas iad, cadhon esan a tha ann o chian. Selah: oir cha-n'èil atharrachadh orra, agus cha-n'èil eagal Dhé orra.

20 Shìn e mach a làmh 'n an aghaidh-san a bha ann an sìth ris; bhris e a choimh-cheangal.

21 Bu mhìne na ìm fòcail a bheòil, ach *tha* cogadh 'n a chridhe; bu bhuige a bhriathran na oladh, ach *bu* chlaidhean riùsgte iad.

22 Tilg air an Tighearn do chùram, agus cumaidh esan suas thu: cha leig e am feasd do'n fhìcean a bhi air a ghluasad.

23 Ach tilgidh tusa, a Dhé, sìos iad gu slochd an sgrìos: cha mhair daoine fuil-eachdach agus cealgach leth an làithean; ach cuiridh mise mo dhòigh annadsa.

SALM LVI.

1 *Rinn Daibhidh gearan a bhrìgh foirneirt a naimhdean.* 9 *Chuir e 'an cèill a dhòchas ann am focal Dhé, agus gheall e Dia a mholadh.*

Do'n àrd fhear-ciùil air Ionatelim-rechocim, Michtam le Daibhidh, an uair a ghlac na Philistich e ann an Gat.

DEAN iochd orm, a Dhé; oir b'ail le duine mo shlugadh suas: tha c'g am shàruchadh gach là le cogadh.

2 B'ail le m'eascairidibh mo shlugadh suas gach là; oir is lìonmhor iad a tha 'cogadh rium o ionad àrd.

3 'S an là air am bi eagal orm, carbaidh mi asadsa.

4 Ann an Dia molaidh mi 'fhocal; ann an Dia chuir mi mo dhòigh; cha-n eagal leam ciod a dh'fheadas feoil a dheanamh orm.

5 Gach là tha iad a' fiaradh mo bhriathar; *tha'n* smuaintean uile a'm' aghaidh chum uile.

6 Tha iad a' cruinneachadh le 'chéile, tha iad 'g am folach féin; tha iad a' toirt fàinear mo cheumanna, 'n uair a tha iad a' feith-eamh air son m'anama.

7 Le h-eucoir an téid iad as? ann ad fheirg tilg sìos na slòigh, a Dhé.

8 Tha thu ag àireamh mo sheacharain: cuir mo dheoir ann ad shearraig: nach 'èil iad ann ad leabhar?

9 An sin pillear mo naimhdean air an ais, 's an là a ghairmeas mi ort: air so tha fios agam, oir *tha* Dia leam.

10 Ann an Dia molaidh mi 'fhocal: anns an Tighearn molaidh mi 'fhocal.

11 Ann an Dia chuir mi mo dhòigh: cha-n eagal leam ciod a dh'fheadas duine a dheanamh orm.

12 Ormsa, a Dhé, *tha* do bhòidean: iocaidh mi clui dhuit:

13 Oir shaor thu m'anam o'n bhàs, agus mar an ceudna mo chosan o thuisleadh, chum gu 'n gluaisinn ann ad fhianuis, a Dhé, ann an solus nam beò.

SALM LVII.

1 *'N a urnuigh tha Daibhidh a' guidhe gu'n deanadh Dia tròcair air, agus gu'n saoradh se o'n fhear le'm b'àill a sgrios.* 7 *Dh'àrd-aicheadh a chridhe gu Dia a mholadh.*

Do'n àrd fhear-ciùil, Al-taschit, Michtam le Daibhidh, 'n uair a theich e o làthair Shaul do'n uaimh.

DEAN tròcair orm, a Dhé, dean tròcair orm; oir annadsa tha m'anam a' cur a dhòigh, agus fo sgàile do sgiathan gabhaidh mi mo thearimunn, gus an téid na h-uile so uile thairis.

2 Eighidh mi ris an Dia a's àirde, ri Dia a choimhlionas nithean air mo shon.

3 Cuiridh e neart o nèamh, agus saoraidh e mi; bheir e masladh do'n fhear le'm b'àill mo shlugadh suas. Selah. Cuiridh Dia a mach a thròcair agus fhìrinn.

4 *Tha m'anam am measg leòmhann; tha mi a'm' luidhe am measg droinge air lasadh, daoine aig am bheil am fiacalan 'n an sleaghan agus 'n an saighdibh, agus an teangadh 'n a claidheamh gear.*

5 Ardaich thu féin os ceann nan nèamh, a Dhé; do ghlòir os ceann na talmhainn uile.

6 Dheasaich iad lion fa chomhair mo cheum; chrom iad m'anam sìos: chladhaich iad slochd romham; thuit iad féin 'n a mheadhon. Selah.

7 Tha mo chridhe deas, a Dhé, tha mo chridhe deas; seinnidh mi, agus molaiddh mi.

8 Mosgail, mo ghlòir; mosgail, a shaltair agus a chlàrsach: mosglaidh mi féin moch air mhaduinn.

9 Molaiddh mi thu am measg nan sluagh, a Thighearna; seinnidh mi dhuit am measg nan cinneach:

10 Oir is mòr do thròcair gu ruig na nèamhan, agus d'fhìrinn gu ruig na nòil.

11 Ardaich thu féin os ceann nan nèamh, a Dhé; do ghlòir os ceann na talmhainn uile.

SALM LVIII.

1 *Thug Daibhidh achmhasan do bhreitheamh-naibh aingill.* 3 *Nochd e gu bheil na h-aingidh a' dol air seacharan o'n bhroinn;* 6 *agus thug e thairis iad do bhreitheanas.*

Do'n àrd fhear-ciùil, Al-taschit, Michtam le Daibhidh.

AN labhair sibh, a choimhlithionail, da rìreadh an ceartas; an toir sibh breth gu cothromach, a chlann nan daoine?

2 Seadh, 'n ur cridhe tha sibh a' dealbh aingidheachd; airtalamh tha sibh a' tomhas foirneirt bhur làmh.

3 Tha na h-aingidh a' claonadh o'n bhroinn; tha iad a' dol air seacharan o'm breith, a' labhairt bhreug.

4 *Tha an nimh mar nimh nathrach; tha iad mar nathair bhodhar, a dhruideas a chuas;*

5 Nach éisd ri guth nan druidhean, a tha ro sheòlta 'n an druidheachd.

6 Bris am fiacalan, a Dhé, 'n am beul; pronn gu tur tuisg nan leòmhann òga, a Thighearna.

7 Leaghadh iad, mar uisgeachan a ruith-eas 'an còmhnuidh; cuireadh Dia a shaighdean 'n an aghaidh, agus gearrar as iad.

8 Mar sheilcheig a bhitheasa' leaghadh as, rachadh iad as; mar thorraicheas anabuich mna, na faicadh iad a' ghrian.

9 Mu'm mothaich bhur coireachan teas o'n droighnach, bheir e air falbh iad mar le h-ionaghaioith, araon beò, agus 'n a chorrnach.

10 Bithidh aoibhneas air an fhìrean, an uair a chi e an dioghaltas: nighidh e a chosan ann am fuil an duine aingidh.

11 An sin their duine, Gu deimhin *tha* duais ann do'n fhìrean; gu cinnteach *tha* Dia ann a tha' toirt breth air an talamh.

SALM LIX.

1 *Ghuidh Daibhidh gu'n teasaingeadh Dia e o a naimhidh.* 8 *Chuir e a dhòchas anns an Tighearna.* 11 *Dh'iarr e sgrios a naimhdean.*

Do'n àrd fhear-ciùil, Al-taschit, Michtam le Daibhidh; 'n uair a chuir Saul daoine naith. agus a chuir iad faire air an tigh, chum a mharbhadh.

TEASAIRG mi o m' naimhidh, O mo Dhia: dìon mi uatha-san a tha 'g éirigh a'm' aghaidh.

2 Teasaing mi o luchd-dcanamh na h-euceirt, agus o dhaoineibh fuileachdach saor mi:

3 Oir feuch, tha iad a' feitheamh nam fàth an aghaidh m'anama; tha daoine cumhachdach air cruinnachadh a'm' aghaidh; cha-n ann air son mo lochd-sa, no air son mo pheacaidh, a Thighearna.

4 Gun choire agamsa, ruithidh iad, agus ulluichidh siad iad féin; mosgail thusa a chuideachadh leam, agus amhaire.

5 O thusa, a Thighearna, a Dhé nan sluagh, a Dhé Israel, mosgail a dh'fhiosrachadh nan cinneach uile: na dean iochd air luchd-eusantais ciontach sam bith. Selah.

6 Pillidh iad 's an fheasgar, ni iad donnal-ach mar choin, agus théid iad mu'n cnait air a' bhaile.

7 Feuch, brùchdaidh iad a mach le'm beul; *tha* claidhean 'n am bilibh: Oir cò, *ars' iadsan*, a chluinneas?

8 Ach ni thusa, a Thighearna, gàire umpa; ni thu fanoid air na cinneach uile.

9 O thusa mo neart, feithidh mi ort: oir is e Dia mo dhaingeach.

10 Mo Dhia, gabhaidh a thròcair romham; bheir Dia dhomh gu'm faic mi mo mhiann air m'eascairdibh.

SALM LX—LXI.

11 Na marbh iad, air eagal gu'n dì-chuimh-nich mo shluagh; sgaoil iad le d' neart, agus leag gu h-ìosal iad, a Thighearn' ar sgiath.

12 *Air son* peacaidh am beoil, *air son* bhriathar am bilean, glacar iad 'n an àrdan; eadhon air son nam mallachd agus nam breug a labhras iad.

13 Sgrìos [iad] ann am feirg, sgrìos, [iad,] agus na *bitheadh* iad ann; agus bitheadh fios aig *davine* gu bheil Dia 'n a uachd-aran ann an Iacob, gu ruig crìochan na talmhainn. Selah.

14 Pillidh iad 's an fheasgar, ni iad donna-laich mar choin, agus théid iad mu'n cuairt air a' bhaile.

15 Gabhaidh iad a null agus a nall air son bidh, agus mur sàsuichear iad, ni iad gearan.

16 Ach seinnidh mise mu d' neart, agus àrd-mholaidh mi 's a' mhaduinn do thròcair; oir bu tusa mo dhaingneach, agus mo dhìdean, ann an là mo theanntachd.

17 O thusa mo neart, seinnidh mi dhuit; oir *is* e Dia mo dhaingneach, mo Dhia-sa, mo thròcair.

SALM LX.

1 *Tha Daibhidh ri caoidh a chionn gu'n robh fearg air Dia r'a shluagh.* 4 *Teasairgidh an Tighearn iadsan a's ionnmhuinn leis.*

Do'n àrd fhear-ciuil air Susan-edut, Michtam le Daibhidh, chum teagaisg, an uair a chog e an aghaidh Aram-naharam, agus an aghaidh Aram-sobah, agus a phill Iobab, agus a bhuail e de Edom ann an gleann an t-salainn da mhìle dheug.

A DHE, thilg thu uait sinn, sgap thu sinn, bha fearg ort; O pill thusa ruinn.
2 Chuir thu an talamh air chrith; bhris thu e; slànuaich a bhriseadh, oir tha e air a luasgadh.

3 Nochd thu do d' shluagh *nithean* cruaidh; thug thu oirnn fion a' bhuairis òl.

4 Thug thu bratach dhoibhsan d'an eagal thu, gu bhi air a togail suas air sgàth na firinn'. Selah.

5 Chum gu'n teasairgear iadsan a's ionnmhuinn leat, saor thusa le d' dhcas làimh, agus éisd rium.

6 Labhair Dia 'n a naomhachd: ni mi aoibhneas; roinnidh mi Sechem, agus tomhaisidh mi gleann Shucoit.

7 *Is* leamsa Gilead, agus *is* leam Manaseh; agus *is* e Ephraim neart mo chinn, Iudah fear-tabhairt mo lagha:

8 *Is* e Moab mo shoitheach-ionnlaid; os ceann Edoim tilgidh mi mo bhròg: thar Palestin ni mi caithream.

9 Cò a bheir mi do'n bhaile dhaingnichtea? cò a thredraichas mi gu h-Edom?

10 Nach tusa, a Dhé? *thusa* a thilg uait sinn, agus nach deachaidh a mach, a Dhé maille r'ar n-armaitibh?

11 Thoir còmhnaidh dhuinn ann an teinn; oir *is* dìomhain furtachd duine.

12 Trid Dhé ni sinn treubhantas; oir saltraidh esan sìos ar naimhdean.

SALM LXI.

1 *Rinn Daibhidh urnuigh ri Dia, 4 agus chuir e a dhòchas 'n a thròcair.*

Do'n àrd fhear-ciuil air Neginot. *Salm* le Daibhidh.

EISD, a Dhé, ri m' ghlaodh, thoir an aire do m' urnuigh.

2 O iomall na talmhainn éighidh mi riut, an uair a bhitheas mo chridhe lag: chum na carraig' a's àirde na mi féin, treòraich thusa mi:

3 Oir bha thusa a'd' thearmum dhomh, a'd' thùr làidir an aghaidh an nàmhaid.

4 Gabhaidh mi còmhnuidh ann ad phàillium gu bràth: cuiridh mi mo dhòigh ann an sgàil do sgiathan. Selah.

5 Oir chuala tusa, a Dhé, mo bhòidean: thug thu oighreachd dhoibhsan air am bheil cagal d'ainne.

6 Cuir thusa làithean ri làithibh an rìgh: *bitheadh* a bhliadhanan mar linn agus linn.

7 Maireadh e gu bràth 'am fianuis Dhé: glcidheadh tròcair agus firinn e.

8 Mar sin seinnidh mi cliu do d'ainm gu bràth, chum gu'n diol mi mo bhòidean o là gu là.

SALM LXII.

1 *Chronaich Daibhidh a naimhdean air son an aingidheachd, 5 agus thug e misneach do na h-ionracain.* 9 *Cia chòir dòchas a chur ann an saoihbheas.*

Do'n àrd fhear-ciuil do Iedutun. *Salm* le Daibhidh.

AIR Dia a mhàin *tha* m'anam a' feith-eamh: uaith-san *thig* mo shlàinte.

2 *Is* esan a mhàin mo charraig agus mo shlàinte: *is* e mo dhìdean: cha ghluaisear gu mòr mi.

3 Cia fhad a dhcalbhas sibh aimhleas an aghaidh duine? marbhar sibh uile; mar bhalla ag aomadh, mar ghàradh air chrith bithidh sibh.

4 A mhàin chum a thilgeadh sìos o 'àirde tha iad a' gabhail comhairle le 'chéile; is miann leo breugan; le'm beul beannaichidh iad, ach 'n an cridhe mallaichidh iad. Selah.

5 A mhàin air Dia feith, O m'anam; oir is ann uaith-san a *tha* mo dhòchas.

6 *Is* esan a mhàin mo charraig, agus mo shlàinte: *is* e mo dhìdean; cha ghluaisear mi.

7 Ann an Dia *tha* mo shlàinte agus mo ghloir; carraig mo neirt, mo thearmum *is* e Dia.

8 Cuiribh air gach àm bhur dòigh ann, O a shluagh; dòirtibh a mach bhur cridhe 'n a fianuis: *tha* Dia 'n a thearmum duinn. Selah.

9 Gu cinnteach *tha* clann Adhainh 'n an dìomhanas clann an duine 'n am brèig: air meidh ma chuirear iad, *is* eutruime iad gu léir na dìomhanas.

10 Na h-earbaibh á foirneart, agus á reubainn na deanaibh uail: an uair a dh'fhàsas saobhras, na cuiribh bhuiridhe air.

11 Aon uair labhair Dia; dà uair chuala mi so, gur le Dia cumhachd.

12 Mar an ceudna dhuitse, a Thighearna, *buinidh* tròcair; oir bheir thu luigheachd do dhùine a réir 'oibre.

SALM LXIII.

1 *Tha cridhe Dhaibhidh a' togradh a dh'ionnsuidh Dhé, 9 Sgrìosar a nàimhdean le faobhar a' chlaidheimh, 11 agus bithidh e féin aoibhneach ann an Dia.*

Salm le Daibhidh, 'n uair a bha e ann am fàsach Iudah.

A DHIA, *is* tu mo Dhia-sa; gu moch iarraidh mi thu: *tha* tart air m'anam a'd' dhéigh, *tha* m'fheoil a' togradh a d'ionnsuidh ann an tìr thioraim agus thartmhoir, as eughmais uisge:

2 Chum, mar a chunnaic mi thu ann ad ionad naomh, gu'm faicinn do chumhachd agus do ghlòir.

3 A chionn gur fearr do chaoimhneas gairidh na beatha, bheir mo bhlcan cliù dhuit.

4 Mar sin beannaichidh mi thu, an cian is beò mi; ann ad ainm togaidh mi mo làmhnan.

5 Mar *le* smior agus *le* saill sàsuichear m'anam, agus le bilibh aoibhneach molaidh mo bheul *thu*;

6 'N uair a chumhniceas mi ort air mo leabaidh, a bheachd-snuainicheas mi ort ann am fairibh na h-oidhche.

7 A chionn gu'n robh thu a'd' chabhair agam, uime sin fo sgàile do sgiathan ni mi gairdeachas.

8 Tha m'anam a' dlùth-leantuinn riut: cumaidh do dheas làmh suas mi.

9 Ach iadsan a dh'iarraas m'anam a chum a sgrìos, théid iad do ionadaibh iochdarach na talmhainn.

10 Tuitidh iad le faobhar a' chlaidheimh; mar chuibrionn do na sionnach bithidh iad.

11 Ach bithidh an rìgh aoibhneach ann an Dia: ni gach neach a mhionnaicheas airsan, uail; an uair a dhruidear beul na dream a labhras breug.

SALM LXIV.

1 *Ghuidh Daibhidh gu'n gleidheadh Dia e o chomhairle dhìomhair dhroch dhaoine: 7 ghabh e misneach dha féin do bhrìgh gu'n robh duil aige ri'n sgrìos fhaicinn.*

Do'n àrd fhear-ciùil. Salm le Daibhidh.

E ISD, a Dhé, ri m'ghuth ann am asluchadh; o eagal an nàmhaid gléidh mo bheatha.

2 Folaich mi o chomhairle dhìomhair dhroch dhaoine, o chomhchruinneachadh luchd-deanamh na h-euceirt;

3 A gheuraich mar chlaidheamh an teangadh; a dheasaich an saighdean, *eadhon* briathran searbha;

4 Chum an tilgeadh ann an *ionadaibh* dhìomhair air an *duine* ionraic: gu h-obann tilgidh iad air, agus cha bhì eagal orra.

5 Gabhaidh iad misneach dhoibh féin ann an droch-bheirt: labhraidh iad le 'chéile mu leagadh ribeachan gu dìomhair; 's e their iad, Cò a chi sinn?

6 Ramsaichidh iad a mach euceartan; coimhlionaidh iad mìn-ramsachadh; agus sin an taobh a stigh do dhùine, eadhon 's a' chridhe dhomhain.

7 Ach tilgidh Dia saighead orra-san; gu h-obann bithidh iad air an lotadhl.

8 Agus bheir iad air an teangaidh féin tuiteam orra féin: teichidh gach neach a chi iad.

9 Agus bithidh eagal air gach duine, agus cuiridh iad 'an céill obair Dhé; oir tuigidh iad a ghnìomh-san.

10 Nì am firean aoibhneas amms an Tigh-earn, agus cuiridh e a dhòchas ann: agus nì iadsan uile a tha ceart 'n an cridhe gairdeachas.

SALM LXV.

1 *Mhol Daibhidh an Tighearna air son a thròcair, 4 Beannachadh an t-sluaigh a thaghas Dia, agus a bheir e'm fagus da.*

Do'n àrd fhear-ciùil. Salm no laoidh le Daibhidh.

O RTSA, O Dhé, *tha* moladh a' feith-eamh ann an Sion; agus dhuitse diolar a' bhòid.

2 O thusa a dh'éisdeas ri h-urnuigh, thugad sa thig gach feoil.

3 Thug euceartan buaidh oirnn: an n-cus-aontais glanaidh tusa uainn.

4 *Is* beannaichte *esan* a thaghas tusa, agus a bheir thu am fagus *duit*; gheibh e comhnuidh a'd' chùirtibh: sàsuichear sinne le maithreas do thighe, do theampull naoimh.

5 *Le* nithibh uamhasach ann an ceartas bheir thu freagradh dhuinn, a Dhé ar slàinte, dòchas uile chrìochan na talmhainn, agus na faire, fada uainn!

6 A tha 'socrachadh nan beann le do chumhachd, air do chrìoslachadh le neart:

7 A chaisgas fuaim fhairegan, fuaim an tonn, agus buaireas nan cinneach.

8 Gabhaidh eadhon luchd-àiteachaidh nan crìoch fada mach eagal roimh do chomh-araibh: bheir thusa air dol a mach na maidne agus an fheasgair gairdeachas a dheanaimh.

9 Tha thu a' fiosrachadh na talmhainn, agus 'g a uisgeachadh; nì thu ro bheartach e, *oir* tha amhainn Dhé làn uisge: deasaichidh tu arbhar, 'n uair a dh'ulluich thu o mar so.

SALM LXVI—LXVIII.

10 Tha thu gu pàit ag uisgeachadh 'iom-
airean; tha thu a' leagadh sìos a sgrìoban;
le frasaibh nì thu tais e; beannaichidh tu
Thàs.

11 Crùnaidh tu a' bhliadhna le d' mhaith-
eas; agus silidh do cheuman saill.

12 Silidh iad *air* cluainibh an fhàsaich;
agus nì na cnuic gairdeachas air gach
taobh.

13 Tha na cluainean air an sgeadachadh
le treudaibh, agus tha na glinn air an còmh-
dachadh le h-arbhar: nì iad iolach ait;
seadh seinnidh iad.

SALM LXVI.

1 *Chuir Daibhidh ìmpidh air gach uile tìr an
Tighearn a mholadh.* 5 *Tha oibre Dhé
uamhasach: 8 is coir do gach neach a bheann-
achadh: 13 gheall Daibhidh gu'n coimhlion-
adh e a bhòidean da.*

Do'n àrd fhear-ciùil. Salm no laoidh.

TO'GAIBH iolach ait do Dhia, a thìrean
uile:

2 Seinnibh glòir 'ainme, deav' bh a chliu
glòrmhor.

3 Abraibh ri Dia, Cia h-uamhasach d'oibre?
trid mend do neirt, strìochdaidh do uaimh-
dean dhuit.

4 Sluchdaidh gach tìr dhuit, agus seinn-
idh iad dhuit; seinnidh iad do d'ainm.
Selah.

5 Thigibh, agus faicibh oibre Dhé: uamh-
asach *tha e* 'n a ghnìomharaibh air clann
nan daoine.

6 Thionndaidh e a' mhuir gu talamh tior-
am: troimh 'n t-sruth ghabh iad thairis
d'an cois: an sin rinn sinn gairdeachas ann.

7 Le 'thrèun neart riaghlaidh e gu bràth;
amhaireidh a shùilean air na cinnich: na
h-àrdachadh luchd-ceannaire iad féin.
Selah.

8 Beannaichibh, O a shlòigh, ar Dia-ne,
agus thugaibh air fuaim a mholaidh 'bhi air
a cluinntinn;

9 Neach a chumas ar n-anam beò, agus
nach leig le'r cois carachadh.

10 Oir dhearbh thu sinn, a Dhé; ghlan thu
sinn 's an teine, mar a ghlanar airgid.

11 Thug thu steach 's an lion sinn; chuir
thu teinn air ar leasraidh.

12 Thug thu air daoibh marcachd thar
ar cinn: chaidh sinn troimh theine, agus
troimh uisge; ach thug thu mach sinn gu
h-ionad saoihair.

13 Thèid mi do d' thigh le h-iobairtibh-
loisgte: coimhlionaidh mi dhuit mo bhòid-
ean.

14 Leis an d'fhosgladh mò bhilean, agus
a labhair mo bheul, an uair a bha mi ann
an éigin.

15 Lòbairtean-loisgte de *fhèudail* reamhar
ìobraidh mi dhuit, maille ri tùis reith-
eachan: bheir mi suas buar, maille ri gabh-
raibh. Selah.

16 Thigibh, éisdibh, sibhse uile air am

bheil eagal Dhé, agus cuiridh mi 'n céill na
rinn e air son m'anama.

17 Ghlaodh mi ris le m' bheul, agus
dh'ardaich eadhl e le m' theangaidh.

18 Ma bheir mi spéis do euceart a'm'
chridhe, cha-n éisd an Tighearn *rìum*.

19 Gu dearbh dh'éisid Dia, thug e an aire
do ghuth m'urnuigh.

20 Beannaichte gu'n robh Dia, nach do
thionndaidh m'urnuigh uaith-san, agus a
thròcair uamsa.

SALM LXVII.

1 *Urnuidh air son soirbheadhaidh rìoghachd
Chrìosd, 3 chum gu'm bi na cinnich aoibh-
neach, 4 agus gu mol na slòigh an Tighearn.*

Do'n àrd fhear-ciùil air Neginot. Salm no
laoidh.

GU'N deanadh Dia tròcair oirnn, agus
gu'n beannaicheadh e sinn! agus gu'n
tugadh e air a ghuais dealachadh oirnn!
Selah.

2 Chum gu'n aithnìchear do shlighe air an
talamh, do shlàite am measg nan uile
chinneach.

3 Moladh na slòigh thu, a Dhé! moladh na
slòigh uile thu!

4 Bitheadh na cinnich aoibhneach, agus
deanadh iad luathghaire; oir bheir thusa
breth air na slòigh ann an ccartas, agus
riaghlaidh tu na cinnich air an talamh.
Selah.

5 Moladh na slòigh thu, a Dhe! moladh na
slòigh uile thu!

6 Bheir an talamh a thoradh: gu'm beann-
aicheadh Dia, ar Dia-ne, sinn!

7 Gu'm beannaicheadh Dia sinn! agus gu'n
robh 'eagal-san air uile chrìochaibh na
talmhainn!

SALM LXVIII.

1 *Ghuidh Daibhidh gu'n sgapadh Dia a naimh-
dean. 4 Eavail gu Dia a mholadh air son a
thròcairean, 7 agus air son a chàraim d'a
shluagh.*

Do'n àrd fhear-ciùil. Salm no laoidh le
Daibhidh.

EIREADH Dia! bitheadh a naimhdean
air an sgapadh! agus teicheadh iadsan
aig am bheil fuath dha, o 'ghnùis!

2 Mar dh'fhuadaichear deatach, fudaich-
ear iad: mar a leaghar céir fa chomhair an
teine, sgriosar droch dhaoine 'am fianuis
Dhé.

3 Ach bitheadh na fireanan aoibhneach;
deanadh iad gairdeachas 'am fianuis Dhé,
agus bitheadh iad suilbhre le luathghaire.

4 Seinnibh do Dhia, molaibh 'ainm; àrd-
aichibh esau a tha 'marcachd air na nèamhan
le 'ainm Iah, agus deauaibh gairdeachas 'n a
fianuis.

5 Athair nan dillèachdan, agus breitheamh
nam bantrach *is e* Dia ann an ionad-còmh-
nuidh a naomhachd.

6 Suidhichidh Dia na daoine aonaranach
ann an teaghlach; bheir e mach iadsan a

tha ceangailte le cuibhricht; ach gabhaidh na ceannaircich còmhnuidh ann an *tìr* thartmhoir.

7 A Dhé, 'n uair a chaidh thu mach roimh do shluagh, 'n uair a dh'imich thu anns an fhàsach; Selah;

8 Chriothaich an talamh, shìl mar an ceudna na nèamhan; [leagh na beanntan] o làthair Dhé, Sinai sin féin o làthair an Tighearna Dé Israeil.

9 Shìl thu uas uisge gu pailt, a Dhé; air d'oghreachd, agus i sgìth, dh'fhurtaich thu.

10 Chòmhnuich do choimthional innte; dheasaich thu, a Dhé, de d' mhaithreas do'n *duine bhochd*.

11 Chuir an Tighearna a ghuth a mach; bu lìonmhor cuideachd na muinntir a dh'fhoillsich e.

12 Theich, theich rìghrean nan armait-ean; agus roinn ise a dh'fhan aig an tigh a' chreach.

13 Ge do luidh sibh am measg choir-eachan, *bithidh sibh mar sgiathaibh* columain air an còmhadaich le h-airgid, agus 'iteagan le h-òr buidhe.

14 'N uair a sgaoil an t-Uile-chumhachdach rìghrean innte, *bha i* geal mar shneachd air Salmon.

15 *Tha* beinn Dhé *mar bheinn Bhàsain*, 'n a beinn àrd *mar bheinn Bhàsain*.

16 C'ar son a leumas sibh, a bheanntan àrda? *is i* so a' bheinn anns am mianm le Dia còmhnuidh a ghabhail, seadh, còmhnuichidh an Tighearna *inn*te gu bràth.

17 *Tha* carbaid Dhé 'n am fichead mìle, le mìltibh de mhìltibh aingeal: *tha* an Tighearna 'n am measg, *mar* ann an Sinai, 's an ionad naomh.

18 Chaidh thu suas air *ionad* àrd, thug thu bruid ann am braighdeanas: thug thu tiodhlacan do dhaoinibh, seadh, eadhon do dhaoinibh ceannairc-each, chum gu'n gabhadh an Tighearna Dia còmhnuidh 'n *am measg*.

19 Beannaichte *gu'n robh* an Tighearna, *a tha* gach là 'g ar cumail suas, Dia ar slàinte! Selah.

20 *Is* e ar Dia-ne Dia na slàinte; agus do'n Tighearna Dia *buinidh* an t-slighe o'n bhàs.

21 Ach brisidh Dia ceann a naimhdean, claignion greannach an fhir a dh'imicheas 'n a pheacaidhean.

22 Thubhairt an Tighearna, *Mar* o Bhàsan bheir mi *mo shluagh* air an ais; bheir mi air an ais *iad mar* o dhoimhneachdaibh na fairge:

23 Chum gu'n tumar do chos ann am fuil do naimhdean, teangadh do mhadradh anns an *nì* cheudna.

24 Chunnaic iad do thriall, a Dhé! triall mo Dhé, mo Rìgh, 's an ionad naomh!

25 Dh'imich an luchd-seinn air thoiseach,

an luchd-ciùil 'n an déigh, 'am meadhon mhaighdean a' bualadh thiompan.

26 Anns na coimhthionalaibh beannaichibh Dia, an Tighearna o thobar Israeil.

27 An sin *tha* Benjamin beag 'n a uachdaran orra, ceannardan Iudah an luchd-comhairic, ceannardan Shebuluin, ceannardan Naphtali.

28 Dh'àithn do Dhia dhuit do neart: neartaich, a Dhé, an *nì* so a rinn thu air ar son.

29 Air son do theampull ann an Ierusalem, bheir rìghrean tiodhlac dhuit.

30 Smachdaich luchd nan sleagh, mòr chuideachd nan tarbh, le laoirigh an t-sluaigh, *gus* an strìochd iad le mìribh airgid: sgap thusa na slòigh a ghabh tlachd de'n chogadh.

31 Thig àrd uaislean as an Eiphit; sìnidh Etiopia a làmhnan a mach gu luath ri Dia.

32 A rìoghachda na talmhainn, seinnibh do Dhia; seinnibh moladh do'n Tighearna: Selah.

33 Dha-san a tha 'marcachd air nèamhan nan nèamh o chian! Feuch, tha e a' cur a mach a ghutha, gutha neirt.

34 Thugaibhse neart do Dhia: thar Israel *tha* a ghloir, agus *tha* a neart anns na neul-aibh.

35 *Is* uamhasach thusa, a Dhé, o d'ionad-aibh naomha! *Is* e Dia Israeil a bheir neart agus treòir d'a shluagh. Gu ma beannaichte Dia!

SALM LXIX.

1 'N a theanntachd rinn Daibhidh gearan ri Dia: 13 ghaidh e air son saorsa o' thrioblaidibh; 22 thug e thairis a naimhdean gu léir-sgrìos; 30 gheall e Dia 'àrdachadh le breith-buidheachais.

Do'n àrd fhear-ciùil air Sosanim. Le Daibhidh.

THESAIRG mi, a Dhé, oir thàinig na h-uisgeachan steach gu ruig m'anam.

2 Tha mi a' dol fodha ann an làthaich dhomhain, gun àite gu seasamh; tha mi air teachd gu doimhneachdaibh 'n an uisge, agus tha'n sruth a' dol tharum.

3 Tha mi sgìth le m' ghlaodhaich; tha mo scornan air tiormachadh: tha mo shùilean air fàilneachadh le feithcanh air mo Dhia.

4 Is òimhoire na falt mo chinn iadsan aig am bheil fuath dhomh gun aobhar: tha iadsan air fàs làidir le'm bàill mo mhilleadh, a tha 'n an naimhdeibh dhomh gu h-eucorach; an nì sin nach d'thug mi leam, an sin is éigin domh 'aiscag.

5 Tha fios agadsa, a Dhé, air m'amaid-eachd; agus cha-n'eil mo lochdan folaichte ortsa.

6 Na bitheadh nàire orra-san air mo sgàth-sa, a dh'fheithas ortsa, a Thighearna Dhé nan slògh: na bitheadh ambluadh orra-san air mo sgàth-sa, a dh'iarraas thusa a Dhé Israeil:

7 Oir air do sgàth-sa dh'fhuiling mi mas-ladh; chòmhdaich amhladh mo ghnùis.

8 Is coigreach mi do m' bhràithribh, agus còimheadh do chloinn mo mhàthar:

9 Oir dh'ith eud do thighe suas mi; agus ormsa thuit toibheum na muinntir sin a thug toibheum dhuitse.

10 Agus an uair a dh'irioslaich mi m'anam le trasgadh, bha e 'n a mhasladh dhomh.

11 Agus rinn mi mo chulaidh de shaic-eudach, agus bha mi a'm leth-fhocal aca.

12 Tha iadsan a tha 'n an suidhe anns a' gheata a' labhairt a'm' aghaidh; agus *tha mi a'm* òran aca-san a tha 'g òl dibhe làidir.

13 Ach air mo shon-sa, *tha* m'urnuigh riutsa, a Thighearna, ann an am taitneach: a Dhé, ann an lìonmhoireachd do thròcair éisd rium, ann am fìrinn do shlàinte.

14 Saor mi o'n làthaich, agus na racham sìos: teasairgear mi uatha-san le'm fuathach mi, agus o na h-uisgeachaibh domhain.

15 Na rachadh tuil nan uisge tharum, agus na sluigeadh an doimhneachd mi, agus na druideadh an slochd a bheul orm!

16 Eisd rium, a Thighearna, oir *is* maith do chaoimhneas gràdhach; a réir lìonmhoireachd do chaomh thròcairean pill rium.

17 Agus na folaich do ghnùis o d' òglach, oir tha mi ann an aire; éisd rium gu grad.

18 Druid ri m'anam, saor e; a bhrìgh m' eascairdean, teasairg mi.

19 Is aithne dhuit mo mhasladh, agus mo nàire, agus mo mhi-chliu: a'd' fhianuis *tha* mo naimhdean uile.

20 Bhris masladh mo chridhe, agus tha mi iarganach: agus dh'amhaire mi air son *neach* a ghabhadh truas, ach cha robh e ann; agus air son luchd-comhfhurtachd, ach cha d'fhuair mi iad.

21 Agus thug iad dhomh, mar mo bhiadh domblas; agus ann am iotadh, thug iad dhomh fion-geur r'a òl.

22 Bitheadh am bord fa'n comhair mar ribe, agus an soirbheachadh mar cheap-tuislidh *dhoibh*.

23 Dorehaichear an sùilean, chum nach faic iad; agus thoir air an leasraidh a ghnàth bhi air chrith.

24 Dòirt d'fhearg orra, agus glacadh do ehorruich gheur iad.

25 Bitheadh an àite-tàimh fàs; 'n am pàillunaibh na gabhadh neach còmhnuidh!

26 Oir gheur-lean iad an ti a bhuail thusa; agus labhair iad chum doilgheis dhoibhsan a rinn thu lot.

27 Cuir euceart r'an euceart, agus na tigeadh iad a steach a'd' fhìreantachd-sa.

28 Dubh a mach iad á leabhar nan beò, agus maille ris na fìreanaibh na sgrìobhar iad.

29 Ach mise, a *tha* bochd agus brònach, togadh do shlàinte, a Dhé, an àird mi.

30 Molaidh mise ainm Dhé le h-òran, agus àrdaichidh mi e le breith-buidheachais.

31 Agus is fearr leis an Tighearna *so* na damh, na tarbh òg a tha adharcach, cròbhanach.

32 Chi na daoine sèimh so, agus bithidh aobhneas orra: sibhse a dh'iarraas an Tighearna, bithidh bhur cridhe beò.

33 Oir éisdidh an Tighearna ri bochdaibh, agus cha deam e tàir air a phrìosanaich.

34 Moladh na nàmhnan agus an talamh e; na cuantan, agus gach ni a ghluaiseas anna!

35 Oir saoraidh Dia Sion, agus togaidh e bailtean Iudah; agus gabhaidh iad còmhnuidh an sin, agus mealaidh iad i.

36 Sealbhaichidh sìochd a sheirbhliseach i, agus gabhaidh iadsan a ghràdhaicheas ainm-san còmhnuidh innte.

SALM LXX.

1 *Ghuidh Daibhidh gu'n deanadh Dia deifr chum a chuideachaidh*, 2 *agus gu'n cuireadh e a naimhdean fo amhladh*.

Do'n àrd fhear-ciuil. *Salm* le Daibhidh, a chur an cuimhne.

A DHE, chum mo theasairginn, a Thighearna, chum mo chuideachaidh dean cablag.

2 Bitheadh nàire agus amhladh orra-san a tha 'g iarraidh m'anama: pillar air an ais iad, agus mòr amhladh gu'n robh orra-san a tha 'miannachadh uile dhomh.

3 Gu'm pillar iadsan air an ais, mar thuarasdal d'an nàire, a their rium, Ahà, ahà!

4 Deanadh iadsan uile a tha ga d' iarraidh, aobhneas agus gairdeachas annad; agus abradh iadsan a ghnàth, le'n toil do shlàinte, Mòr mholadh gun robh do Dhia!

5 Ach *tha* mise bochd agus uireasbhuidheach; a Dhé, greas a m' ionnsuidh: *is* tusa mo chabhair agus m'fhear-saoraidh; a Thighearna, na dean moille.

SALM LXXI.

1 *Chuir an salmadar an cèill maithas Dhé d'a thaobh 's an aimsir a chaidh seachad*, 12 *agus ghuidh e nach tilgeadh e vaith e 'n a shean aois*. 19 *Chluthaich e an Tighearna*.

A NNADSA, a Thighearna, cuiream mo dhòigh: nàire na bitheadh orm am feasd.

2 A'd' cheartas teasairg mi, agus thoir orm dol as; aom do ehluas rium, agus saor mi.

3 Bi-sa a'd' charraig làidir dhomh, chum an rachainn a ghnàth: dh'aithn thu mi bhì air mo shaoradh; oir *is* tu mo charraig, agus mo dhaingneach.

4 O mo Dhia, thoir fuasgladh dhomh á làimh an aingidh, á làimh an duine eucoraich agus an-ìochdmhoir.

5 Oir *is* tusa mo dhòchas. a Thighearna Dhé, mo dhòigh o m'òige.

6 Leatsa chumadh mise suas o'n bhroinn :
 a h-innibh mo mhàthar bhuin thu mi: ortsa
bithidh mo mholadh an còmhnuidh.

7 Mar aobhar iongantais tha mi aig mòran;
 ach is tusa mo thearmunn làidir.

8 Lionar mo bheul *le d'* mholadh, *le d'* chliù-
 sa gach là.

9 Na tilg uait mi 'an àm sean aoise; 'n uair
 a dh'fhàinicheas mo neart, na tréig mi.

10 Oir labhair mo naimhdean a'm' aghaidh;
 agus ghabh iadsan a tha 'feitheamh nam
 fàth air m'anam, comhairle le 'chéile,

11 Ag ràdh, Thréig Dia e: leanaihb e gu
 teann, agus glacaibh e; oir cha-'n eil neach
 ann a shaoeras e.

12 A Dhé na bi-sa fada uam; O mo Dhia,
 greas gu m' chabhair.

13 Bitheadh naire, bitheadh claoidh, air
 eascairidibh m'anama: còmhdaichear le mas-
 ladh agus le mi-chliu iadsan a tha 'g iarraidh
 m'uile.

14 Ach sìr-earbaidh mise, agus cuiridh mi
 ri d' chliu uile.

15 Aithrisidh mo bheul d'fhìreantachd,
 air feadh an là do shlàinte; ged nach aithne
 dhomh an àireamh.

16 Théid mi air m'aghaidh ann an neart
 an Tighearna Dé: ni mi sgeul air d'fhìr-
 eantachd, d'fhìreantachd féin a mhàin.

17 O Dhé, theagaisg thu mi o'm' òige; agus gu
 ruige so chair mi d'òibre iongantach 'an cèill.

18 Agus a nis an uair a tha mi sean agus
 liath, a Dhé na tréig mi; gus an cuir mi 'an
 cèill do neart do'n àl so, do gach àl ri
 teachd do chumhachd.

19 Agus *tha* d'fhìreantachd-sa, a Dhé,
 ro àrd, O thusa a rinn nithean mòra: a Dhé,
 cò a's cosmhuil riut?

20 A nochd dhomh teanntachdan mòra
 agus cruaidh', a bheothaicheas mi a ris,
 agus o dhoimhneachdaibh na talmhainn a
 bheir a nìos mi a ris.

21 Meudaichidh tu mo mhòrachd, agus air
 gach taobh bheir thu sòlas dhomh.

22 Uime sin molaidh mise thu air an
 t-saltair, *seadh* d'fhìrinn-sa, mo Dhia; sein-
 nidh mi dhuit air a' chlàrsaich, O Aoin
 naoimh Israeil.

23 Ni mo bhilean mòr-ghairdeachas an
 uair a sheinneas mi dhuit, agus m'anam a
 shaor thu.

24 Labhraidh mar an ceudna mo theang-
 adh air d'fhìreantachd air feadh an là; oir
 chuireadh amhluidh, oir chuireadh naire
 orra-san a tha 'g iarraidh m'aimhleis.

SALM LXXII.

1 Rinn Daibhidh urnuigh air son Sholaimh, 4
 agus nochd e ceartas, sonas, agus glòir a
 rioghachd. 18 Beannaich e Dia.

Air son Sholaimh.

A DHE, thoir do bhrèitheanais do'n rìgh,
 agus d'fhìreantachd do mhac an rìgh.

2 Bheir esan breth air do shluagh le fìr-
 eantachd, agus air do bhoichdaibh le ceartas.

3 Bheir na beanntan sìth do'n t-sluagh,
 agus na tulaichean.

4 Le ceartas bheir e breth air bochdaibh
 an t-sluaigh; saoraidh e clann nan ainmís,
 ach min-bhrisidh e fear an fhoirneirt.

5 Bithidh d'eagal orra am feadh a mhair-
 eas a' ghrian agus a' ghealach, o linn gu
 linn.

6 Thig e nuas mar uisge air an *fhaiche*
 bhuinte, mar fhraisaibh a dh'uisgicheas an
 talamh.

7 'N a làithibh-san soirbhichidh lei an
 fhìrean, agus bithidh pailteas sìth ann, gus
 nach bi a' ghealach ann ni's mò.

8 Agus bithidh uachdaranachd aige o
 fhainge gu fàirge, agus o'n amhainn gu ruig
 crìochaibh na talmhainn.

9 'N a flianus sleuchdaidh sìos luchd-
 còmhnuidh an fhàsaich; agus imlichidh a
 naimhdean an ùir.

10 Bheir rìghrean Tharsis agus nan eilean
 tiodbhlacan uatha; bheir rìghrean Sheba
 agus Shaba tabhartais dha.

11 Agus sleuchdaidh na h-uile rìghrean
 sìos dha; ni na cinnich uile seirbbhis dha.

12 Oir saoraidh e an t-ainnis an uair a
 dh'éigheas e; agus an truaghan, aig nach
 'eil fear-cuideachaidh.

13 Caomhaidh e am bochd agus am
 feumach; agus tearnaidh e anaman nam
 feumach.

14 O fhoill agus o fhoirneart saoraidh e an
 anam; agus bithidh am fuil luachmhor 'n a
 shùilibh.

15 Agus bithidh e beò, agus bheirear dha
 a dh'òr Sheba: agus nithear urnuigh air a
 shon a ghnàth; gach là beannaichear e.

16 Bithidh dorlach sìl 's an talamh air
 mullach nam beann; crathaidh mar Leb-
 anon a thoradh; agus thig iadsan de'n
 bhaile fo bhlàth, mar luibh na talmhainn.

17 Bithidh 'ainm-san buan gu sìorruidh;
 comh-mhairionn ris a' ghrein bithidh 'ainm-
 san; agus annsan beannaichear na slòigh
 uile, agus beannaichidh iadsan e.

18 Beannaichte gu'n *robh* an Tighearn
 Dia, Dia Israeil, an ti a mhàin a ni nithean
 iongantach!

19 Agus beannaichte gu'n *robh* 'ainm
 glòrmhorsan gu sìorruidh; agus lionar an
 talamh uile le 'ghlòir! Amen, agus Amen!

20 Chrìochnaicheadh urnuighean Dhaibh-
 idh mhic Iese.

SALM LXXIII.

1 Is beag nach d'fhàinich creidimh an t-salm-
 adair 'n uair a chunnaic e soirbheachadh nan
 aingidh; 15 ach thuig e ma dhèireadh gu'n
 sgriosar iad gu tur. 23 Chuir e a dhòigh ann
 an Dia.

Salm le Asaph.

GU deimhin *tha* Dia maith do Israel,
 dhoibhsan a tha glan 'n an cridhe.

2 Ach air mo shonsa, is beag nach d'aom
 mo chosan; cha mhòr nach do shleamh-
 nuich mo cheuman uam.

SALM LXXIV.

3 Oir ghabh mi farniad ri h-amadanaibh, ri faicinn soirbheachaidh dhaoine aingidh:

4 Oir cha-n'eil cuibhrichean 'n am bàs; ach tha an neart làidir.

5 Ann an anshocair mar dhaoineibh eile cha-n'eil iad; agus mar dhaoineibh eile cha-n'eil iad air an sàrachadh:

6 Uime sin mar shlabhraidh chuairtich àrdan iad; mar thrusgan, chòmhdach foir-neart iad.

7 Sheas an sùil a mach le saill; fhuair iad tuilleadh is miann an cridhe.

8 Tha iad truailidh, agus labhraidh iad gu h-aingidh air foirneart; gu h-àrd labhraidh iad.

9 Chuir iad am beul an aghaidh nan nèamh; agus ghluais an teangadh air feadh na talmhainn.

10 Air an aobhar sin pillidh a shluagh an so; agus fàisgear uisgeachan cupain làin a mach dhoibh.

11 Agus their iad, Cionnus is aithne do Dhia? agus am bheil eòlas aig an Ti a's àirde?

12 Feuch, is iad sin na daoine aingidh, a tha soirbheachadh 's an t-saoghal; tha iad a' carnadh suas beartais.

13 Da rìreadh gu dìomhain ghlan mi mo chridhe, agus nìgh mi mo làmhnan 'an neò-chiontas:

14 Oir bhuaileadh mi air feadh an là, agus smachdaicheadh mi gach maduinn.

15 Nan abrainn, Labhraidh mi mar so, feuch, air gincalach do chloinne dheanainn eucoir.

16 'N uair a smuainich mi air so a thuig-sinn, bu chruaidh an gnothuch e ann am shùilibh.

17 Gus an deachaidh mi steach do naomh-ionad Dhé: an sin thuig mi an crìoch-san.

18 Gu deimhin ann an àitibh sleamhain chuir thu iad: thilg thu sìos iad gu sgrios.

19 Cionnus a thugadh iad gu sgrios, mar ann an tiota? a chuirceadh as doibh gu tur le h-namhasaibh?

20 Mar aisling 'n uair a dhùisgeas neach; a Thighearn, anns a' bhaile nì thu tarcuis air an dealbh.

21 Ach bha mi chridhe goirt, agus bha goimh a'm' airmibh.

22 Agus bha mi baoth, agus aineolach; mar airmhidh bha mi a'd' làthair.

23 Gidheadh, tha mi a ghnàth maille riut; chum thu suas mi air mo dheas làimh.

24 Le d' chomhairle stiùraidh tu mi, agus fadheòidh gabhaidh tu mi chum glòire.

25 Cò a th' agam anns na nèamhan ach thusa? agus 'an coimhneas riut cha-n'eil neach air thalamh air am bheil mo dhéigh.

26 Tha m'fhèidil agus mo chridhe air fail-neachadh: is e Dia neart mo chridhe agus mo chuibhrionn gu sìorruidh.

27 Oir feuch, sgriosar iadsan a théid fada

uait: ghearr thu as gach neach a chaidh uait le striopachas.

28 Ach is maith dhomhsa teachd dlùth do Dhia: anns an Tighearn Dia chuir mi mo dhòigh, chum gu'm foillsichinn d'òibre uile.

SALM LXXIV.

1 Tha'n salmadair a' caoidh gu'n do thilg Dia uait a shluagh féin; 10 agus g'a bhosnachadh gu cabhair a dheanamh orra, 18 do bhrìgh g'un d'thug an naimhdean beum doibh.

Maschil le Asaph.

C'AR SON, a Dhé, a thilg thu uait sinn gu bràth? a lasas d'fhearg ri caoraich d'ionlaidh?

2 Cuimhnich do choimhthional, a cheann-aich thu o chian, a shaor thu; slat d'oighreachd, beinn Shìoin so anns an do ghabh thu còmhnuidh.

3 Tog do chosan chum nam fàsach sìorruidh, chum nan uile ole a rinn an nàmhaid ann ad ionad naomh.

4 Bheuc do naimhdean am measg do choimhthional; chuir iad suas am brataichean mar chomharaibh.

5 Bha neach ainmeil 'réir is mar a thogadh e a thuagh gu h-àrd air coille thliugh.

6 A nìs mar an ceudna bhris iad sìos 'obair ghearrta le 'chéile le tuaghan agus le h-ord-aibh.

7 Chuir iad ri theine d'ionad naomh gu ruig an làr; thruaill iad pàillium d'ainne-sa.

8 Thubhairt iad 'n an cridhe, Sgriosamaid iad le 'chéile: loisg iad uile ionadan-cruinneachaidh Dhé 's an tìr.

9 Ar comharan cha-n fhaic sinn; cha-n'eil fàidh ann nìs mò, agus cha-n'eil neach 'n ar measg aig am bheil fhios cia fhad.

10 Cia fad, a Dhé, a bheir an t-eascaraid beum? an dean an nàmhaid tarcuis air d'ainm gu bràth?

11 C'ar son a philleas tu do làmh, do dheas làmh féin air a h-ais? buin a mach o d' bhròlach i.

12 Oir is e Dia mo Rìgh o chian, ag oibreachadh slàinte 'am meadhon na talmhainn.

13 Sgaol thusa an fhainge le d' neart bhris thu cinn nan dràgon air na h-uisgeachaidh.

14 Phronn thu cinn Lebhiatain; thug thu e mar bliadh do'n t-sluagh anns an fhàsach.

15 Sgoilt thu an tobar agus an sruth; thiorraich thu airmhichean mòra.

16 Is leatsa an là, mar an ceudna is leatsa an oidhele: is tu 'dheasaich solus agus grian.

17 Shuidhich thu uile chrìochan na talmhainn; rinn thu an samhradh agus an gcamhradh.

18 Cuimhnich so: thug an t-eascaraid beum, a Thighearna, agus rinn sluagh amaidheach tarcuis air d'ainm.

19 Na toir suas do'n fhiadh-bheathach

anam do cholumain : anaman do dhaoine truagha na dì-chuimhnich gu bràth.

20 Thoir an aire do'n choimhcheangal; oir tha àitean dorcha na tìre làn de ionadaibh-còmhnuidh an fhoirneirt.

21 Na pillear air ais le nàire an ti a shàr-uichear: moladh am bochd agus am feumach d'ainm.

22 Eirich, a Dhé, tagair do chùis féin: cuimhnich mar a tha 'n t-amadan a' toirt toibheim dhuit gach là.

23 Na dì-chuimhnich guth do naimhdean, toirm na muinntir a dh'éirich a'd' aghaidh, a tha 'dol suas an còmhnuidh.

SALM LXXV.

1 *Mhol an salmadar Dia, 2 agus gheull e gu'n tugadh e breth le ceartas. 4 Chronaich e na h-uibhrich.*

Do'n àrd fhear-ciùil, Al-taschit. Salm no laoidh le Asaph.

BHEIR sinn moladh dhuit, a Dhé, bheir sinn moladh; oir gu bheil d'ainm am fagus cuiridh d'òibre iongantach 'an céill.

2 'N uair a ghlacas mi an t-àm suidhichte, bheir mi breth le ceartas.

3 Sgaoileadh an tìr agus a luchd-àiteachaidh gu léir: cumaidh mise suas a puist. Selah.

4 Thubhairt mi ris na h-amadanaibh, Na bithibh amaideach; agus ris na h-aingidh, Na togaibh suas bhur n-adharc.

5 Na togaibh suas bhur n-adharc gu h-àrd; na labhraibh le muineal rag.

6 Oir cha-n ann o'n ear, no o'n iar, no o dheas a thig àrdachadh.

7 Ach is e Dia am Breitheamh: leagaidh e sìos am fear so, agus àrdaichidh e am fear sin.

8 Oir tha cupan ann an làimh an Tighearna, agus tha am fion dearg: làn coimeisg tha e, agus dòirtidh e cuid as: ach a dheasgainean faisgidh agus òlaidh uile dhaoine aingidh na talmhainn.

9 Ach ni mise gairdeachas gu bràth; seinnidh mi moladh do Dhia Iacoib.

10 Agus sgathaidh mi sìos uile adharcan nan aingidh: àrdaichear adharcan an fhìrein.

SALM LXXVI.

1 *Tha Dia glòrmhor ann an Sion, 7 agus 'n a chùis eagail do gach neach. 11 Is còir bòidean iocadh dha.*

Do'n àrd fhear-ciùil air Neginot. Salm no laoidh le Asaph.

AITHNICHEAR Dia ann an Iudah; ann an Israel tha 'ainm mòr:

2 Agus ann an Salem tha a phàillion, agus 'ionad-còmhnuidh ann an Sion.

3 An sin bhris e saighdean a' bhogha, an sgiath, agus an elaidheamh, agus an cath. Selah.

4 Is treun thusa, is glòrmhor thu os ceann bheann na creiche.

5 Chreachadh iadsan a bha misneachail ann an cridhe; choidil iad an codal, agus

cha d'fhuair na daoine treuna gu léir an làmhan.

6 Le d'achmhasan, a Dhé Iacoib, chuireadh araon am marcach agus an t-each 'n an suain.

7 Is cùis eagail thusa, eadhon thusa: agus cò 'sheasas a'd' làthair an uair a bhitheas fearg ort?

8 Thug thusa air breitheanas gu'n cualadh o nèamh e: bha eagal air an talamh, agus bha e 'n a thàmh;

9 An uair a dh'éirich Dia chum breitheanasais, a shaoradh uile dhaoine ciùine na talmhainn. Selah.

10 Gu cinnteach bheir fearg duine moladh dhuit: fuigheall na feirge coisgidh tu.

11 Bòidichibh, agus iocaibh do'n Tighearna bhur Dia: thugadh iadsan uile a tha m'a thimchioll tiodhlacan dhà-san a's aobhar eagail ann.

12 Sgathaidh e sìos spiorad uachdaran: is cùis eagail e do righribh na talmhainn.

SALM LXXVII.

1 *Rinn an salmadair urnaigh ri Dia 'n a thicinn, agus fhuair e èisdeachd. 10 Bheachd-smuainich e air oibribh trèaireach an Tighearna, agus ghlac e misneach.*

Do'n àrd fhear-ciùil, do Iedutun. Salm no laoidh le Asaph.

LE M' ghuth dh'éigh mi ri Dia, le m' ghuth dh'éigh mi ri Dia, agus dh'éisd e rium.

2 Ann an là mo theinn dh'iarr mi an Tighearna; shineadh mo làmh a mach 's an oidhche gun sgur; dhiùlt m'anam sòlas a ghabhail.

3 Chuimhnich mi air Dia, agus bha mi to bhuaireas; rinn mi gearan, agus chlaoidh-eadh mo spiorad. Selah.

4 Chum thu mo shùilean 'n am fairceadh; tha mi iarganach, agus cha-n urrainn mi labhairt.

5 Smuainich mi air na làithibh o shean, air bliadhnachaibh na h-aimsir chéin.

6 Chuimhnich mi mo cheòl 's an oidhche; rinn mi cainnt ri m' chridhe féin, agus rannsaich mo spiorad gu geur:

7 An tilg an Tighearna uaithe gu bràth; agus nach nochd e a dheadh-ghcan mi's mò?

8 An do sguir a chaomhneas am feasd? an d'fhàilnich 'fhocal o linn gu linn?

9 An do dhearmaid Dia a bhi gràsmhor? an do dhruid e 'n a chorruich a chaomh-thrèairean? Selah.

10 An sin thubhairt mise, Is e so m'an-mhuinneachd: is e caochladh deas làimhe an Ti a's àirde a th'ann.

11 Cuimhnichidh mi oibre an Tighearna; gu deimhin cuimhnichidh mi d'iongantais no'n aimsir chéin.

12 Agus beachd-smuainichidh mi air d'oibribh gu léir, agus air do ghniomhar-
aibh labhraidh mi.

SALM LXXVIII.

13 *Tha* do shlighe, a Dhé, 's an ionad naomh: cò a *tha* 'n a Dhia mòr mar ar Dia-ne?

14 *Is* tusa an Dia a tha 'deanamh nithean iongantach: thaisbein thu am measg nan sluagh do neart.

15 Shaor thu le d' ghairdean do shluagh, mic Iacòb agus Iosiph. Selah.

16 Chunnaic na h-uisgeachan thu, a Dhé! chunnaic na h-uisgeachan thu; bha eagal orra, seadh, ghluaisceadh na doimhneachdan.

17 Dhòirt na neoil a nuas uisge; rinn na speuran fuaim; mar an ceudna chaidh do shaighdean a mach.

18 *Bha* guth do thairneanaich 's an speur; shoillsich do dhealanaich an saoghal; ghluaisceadh agus chrìochnaich an talamh.

19 'S an fhairge *bha* do shlighe, agus do cheuman anns na h-uisgeachaibh mòra; agus cha d'aithnicheadh luirg do chos.

20 Threòraich thu mar threud do shluagh, le làmh Mhaois agus Aaroin.

SALM LXXVIII.

1 *Chomhairlich an salm adair do'n t-sluagh reachdan agus glòir an Tighearn' a nochdadh d'an cloinn.* 9 *Eachdraidh feirge Dhé an aghaidh chloinn Israeil.*

Maschil le Asaph.

EISDIBH, O mo shluagh, ri n' teachd; aoamaibh bhuir chas chum bhriathar mo bheòil.

2 Fosgailidh mi mo bheul ann an cosamhlachd; cuiridh mi sean-fhocail dhorchais 'an céill:

3 A chuala sinn, agus a b'aithne dhuinn, agus a dh'innis ar n-aithrichean dhuinn.

4 Cha cheil sinn air an cloinn *iad*, a' foillseachadh cliu an Tighearn do'n àl a tha ri teachd, agus a neart, agus 'oibre iongantach a rinn e:

5 Oir chuir e suas teistean ann an Iacob, agus shuidhich e lagh ann an Israel, a dh'athn e d'ar n-aithrichibh gu'n deandadh iad aithnichte d'an cloinn;

6 Chum gu'm bitheadh fios aig an àl ri teachd *orra*, gu'n éireadh a' chlànn a bheirt-eadh, agus gu'n cuireadh iad 'an céill *iad* d'an cloinn féin;

7 Agus gu'n cuireadh iad an dòchas ann an Dia, agus nach dì-chuimhniceadh iad oibre Dhé, ach gu'n gleidheadh iad 'aith-eantan;

8 Agus nach bitheadh iad mar an aithrichean, 'n an ginealach easumhal agus ceannairceach, ginealach nach do shuidhich an cridhe gu ceart, agus aig nach robh an spiorad tairis do Dhia.

9 Ged bha clann Ephraim fo'n armaibh, agus ge do thilg iad le bogha, phill iad air an ais ann an là catha.

10 Cha do ghléidh iad coimheangal Dhé, agus dhùilt iad imeachd 'n a reachd.

11 Agus dhì-chuimhnich iad 'oibre, agus 'iongantais a nochd e dhoibh.

12 An làthair an aithrichean rinn e nith-ean iongantach, ann an tìr na h-Eiphit, ann am machair Shoain.

13 Sgoilt e an fhairge, agus thug e iadsan thairis; agus thug e air na h-uisgeachaibh seasamh mar thòrr.

14 Agus stiùir e iad le neul 's an là, agus air feadh na h-oidhche le solus teine.

15 Sgoilt e na creagan 's an fhàsach, agus thug e deoch dhoibh, mar á doimhneachdaibh mòra.

16 Agus thug e sruthan a mach as a' charraig, agus thug e air uisgeachaibh ruith sìos mar aimhnicheibh.

17 Gidheadh pheacaich iad fathast nì's mò 'n a aghaidh, a' brosnachadh an Tì a's àirde 's an fhàsach.

18 Agus bhuair iad Dia 'n an cridhe, ag iarraidh bidh d'am miann.

19 Seadh, labhair iad an aghaidh Dhé; thubhairt iad, An urrainn Dia bord a dheasachadh 's an fhàsach?

20 Feuch, bhuail e a' chreag, agus bhrùchd uisgeachan a mach, agus dh'éirich na tuiltean: an urrainn e mar an ceudna aran a thabhairt? an deasaich e feoil d'a shluagh?

21 Uime sin chual' an Tighearn, agus bha corruich air; agus las teine an aghaidh Iacòb, agus mar an ceudna dh'éirich fearg an aghaidh Israeil:

22 A chionn nach do chreid iad ann an Dia, agus nach d'earb iad as a shlàinte;

23 Ge do dh'athn e do na neulaibh o'n àirde, agus ge do dh'fhosgail e dorsan nan nèamh;

24 Agus ge do fhras e nuas mana orra r'a itheadh, agus ge do thug e dhoibh coirce nan nèamh.

25 Dh'ith daoine biadh nan aingeal: thug e dhoibh an sàth de lòn.

26 Thug e air gaoith an ear imeachd 's na nèamhan, agus le a neart thug e stigh a' ghaoth á deas.

27 Agus fhras e nuas feoil orra mar dhuslach, agus eunlaith iteagach mar ghaineamh na fairge.

28 Agus thug e orra tuiteam 'am meadhon an caimp, mu thimchioll an àitean-còmh-nuidh.

29 Agus dh'ith iad, agus làn-shàsuicheadh iad; oir thug e dhoibh am miann féin.

30 Cha robh iad air an sgarachduinn o am miann: fathast *bha* am biadh 'n am beul;

31 An sin thàinig fearg Dhé orra, agus mharbh e iadsan a bu shultmoire dhiubh, agus leag e sìos daoine taghta Israeil.

32 An dèigh so gu léir pheacaich iad fathast, agus cha do chreid iad air son 'oibre iongantach-san.

33 Uime sin chaith e an làithean ann an dìomhanas, agus am bliadhnachan ann an uamhas.

SALM LXXIX.

34 'N uair a mharbh e iad, an sin dh'iarr iad e, agus phill iad, agus bha iad gu moch ag iarraidh Dhé;

35 Agus chuimhnich iad gu'm b'e Dia an carraig, agus an Dia a's àirde am fear-saoraidh.

36 Ach rinn iad miodal ris le'm beul, agus rinn iad breug dha le'n teangaidh:

37 Oir cha robh an cridhe ceart maille ris, agus cha robh iad dileas 'n a choimh-cheangal.

38 Gidheadh gu h-ìochdmhor mhaith esan an lochd, agus cha do sgrios e iad; seadh, iomadh uair thionndaidh e 'fhearg uath, agus cha do dhùisg e a chorruih uile;

39 Oir chuimhnich e nach robh anna ach feoil; osag gaoithe a shiubhlas, agus nach pill a ris.

40 Cia tric a bhrosnuich iad e anns an fhàsach, a chuir iad campar air anns an ionad uaigneach?

41 Seadh, phill iad air an ais, agus bhuair iad Dia, agus chuir iad tomhas air Aon naomh Israeil.

42 Cha do chuimhnich iad a làmh, no'n là air an do shaor e iad o'n nàmhaid;

43 Mar a nochd e a chomharan anns an Eiphit, agus 'oibre iongantach ann am machair Shoaìn;

44 Agus a thionndaidh e an uisgeachan gu fuil, agus an sruthan, air chor as nach feudtadh òl diubh;

45 A chuir e 'n am measg iomadh gnè chuileag, a dh'ith suas iad, agus losgaimn a sgrios iad;

46 A thug e an toradh do'n bhurras, agus an saothar do'n locust;

47 A mhill e an croim-fhìona le cloich-mheallain, agus an croim-fhìge le reodhadh;

48 Agus a thug e thairis am feudail do'n chloich-mheallain, agus an treudan do'n tein-athair;

49 A thilg e orra teas 'fheirge, boire, agus corruich, agus teinn, le aingil ole a chur 'n am measg;

50 A rinn e slighe d'a fheirg, nach do chaomhain e an anam o'n bhàs, ach a thug e thairis am beatha do'n phlàigh;

51 Agus a bhuail e gach ceud-ghin 's an Eiphit, toiseach an neirt ann am pàillium-aibh Ham;

52 Ach a thug e mach mar chaoraich a shluagh féin, agus a thredraich e iad mar thred anns an fhàsach;

53 Agus a stiùir e iad gu tèaruinte, air chor as nach robh eagal orra, ach a chòmhdaich an fhairge an naimhdean;

54 Agus a thug e iad gu crìch 'ionaid naomh-san, do'n t-sliabh so a choisinn a dheas làmh;

55 Agus a thilg e mach na cinnich rompa, agus a roinn e oighreachd dhoibh le crann-chur, agus a thug e air treubhan Israeil

comhnuidh a ghabhail 'n am pàilliumaibhsan.

56 Gidheadh bhuair agus bhrosnuich iad an Dia a's àirde, agus cha do ghléidh iad a theisteis.

57 Ach phill iad, agus ghluais iad gu fealltach, mar an aithrichean; chaidh iad a thaobh, mar bhogha fiar;

58 Agus bhrosnuich iad e le'n ionadaibh àrda, agus le'n dealbhan gearrta dhùisg iad e gu h-eud.

59 Chuala Dia, agus bha fearg air, agus ghabh e gràin mhòr de Israel:

60 Agus thréig e pàillium Shiloh, am bùth a shuidhich e am measg dhaoine.

61 Agus thug e suas a neart gu braighdeanas, agus a ghlòir do làimh an nàmhaid.

62 Agus thug e thairis a shluagh do'n chlaidheamh, agus ghabh e fearg r'a oighreachd.

63 Loisg an teine an òigridh, agus cha d'fhuair an òighean pòsadh.

64 Thuit an sagartan leis a' chlaidheamh, agus cha d'rinn am bantraichean bròn.

65 An sin mhosgail an Tighearn mar neach a bha 'n a chodal, mar churaidh a ni iolach an déigh dha fion òl.

66 Agus bhuail e a naimhdean 'n an deireadh; thug e masladh bithbhuan dhoibh.

67 Agus dhiùlt e pàillium Ioseph, agus cha do thag e treubh Ephraim.

68 Ach thagh e treubh Iudah, sliabh Shìoin a ghràdaich e.

69 Agus thog e 'ionad naomh féin mar *luchairt* àrd, mar an talamh a shuidhich e gu bràth.

70 Agus thagh e Daibhidh 'òglach, agus thug se e o chrò nan caorach.

71 O bhi 'n déigh nan caorach a bha trom le h-àl, thug se e a bheathaichadh Iacoib a shluagh, agus Israeil 'oighreachd.

72 Agus bheathaich e iad a réir ionracais a chridhe; agus le seòltachd a làmh stiùir e iad.

SALM LXXIX.

1 *Tha an salm adair rìcaidh air son sgrios Ierusalem. 8 Ghuidh e gu'n euidicheadh Dia le 'oighreachd air sgàth glòire 'ainne féin.*

Salm le Asaph.

A DHE, thàinig na cinnich a steach do d' oighreachd; thruaill iad do theampull naomh; dh'fhàg iad Ierusalem 'n a càrnaibh.

2 Thug iad cuirp do sheirbhiseach mar bhiadh do cunlaith nan spur, feoil do naomh do fhiadh-bheathaichibh na talmhainn.

3 Dhòirt iad am fuil mar uisge timchioll Ierusalem, agus cha robh neach gu'n adhlacadh.

4 Tha sinn 'n ar masladh d'ar coimhearsnaich, 'n ar n-aobhar fanoid agus magaidh dhoibhsan a tha mu'n cuairt oinn.

5 Cia fhad, a Thighearn, a bhitheas fearg ort? gu bràth an las d'eud mar theine?

6 Dòirt do chorruich air na cinnich aig nach 'eil eòlas ort, agus air na rìoghachdaibh nach gairm air d'ainm.

7 Oir chuir iad as do Iacob, agus rinn iad 'àite-còmhnuidh 'n a fhàsach.

8 Na cuimhnich thusa 'n ar n-aghaidh ar n-euccartan roimhe so: gu luath gabhadh do thròcairean romhainn; oir thugadh gu ro ìosal sinn.

9 Cuidich leinn, a Dhé ar slàinte, air sgàth glòire d'ainme; agus teasairg sinn, agus glan ar peacaidh nainn air son d'ainme féin.

10 C'ar son a theireadh na cinnich, C'ait *am bheil* an Dia? aithnichear 'am measg nan cinnich fa chomhair ar sùl dìoghaltas fola do sheirbhiseach, a dhòirteadh!

11 Thigeadh osnaich a' phrìosanaich a'd' làthair, a réir meud do neirt: saor thusa iadsan a dh'orduicheadh chum bàis.

12 Agus ioc d'ar coimhearsnaich a sheachd uiread 'n am brollach, am masladh leis an do mhaslaich iad thusa, a Thighearna.

13 Agus molaidh sinne, do shluagh agus caoraich d'ionaltraidh, thusa gu bràth: o linn gu linn cuiridh sinn 'an céill do chliu.

SALM LXXX.

1 *Dh'asluich an salmadair air Dia gu'n tugadh e air a ghnùis dealrachadh air a shluagh.* 8 *Thionndaidheadh tròcairean Dhé gu breith-eanas.*

Do'n àrd fhear-ciuil air Sosanim Edut. Salm le Asaph.

OAODHAIR Israel, éisd, thusa a stiùreas Ioseph mar threud; thusa a tha d' chòmhnuidh eadar na cheruban, dealraich a mach.

2 An làthair Ephraim, agus Bheniamin, agus Mhanaseh, dèisg do chumhachd, agus thig gu'r saoradh.

3 Pill sinn, a Dhé; agus thoir air do ghnùis dealrachadh, agus saorair sinn.

4 A Thighearna Dhé nan slògh, cia fhad a bhitheas fearg ort ri urnuigh do shluaigh?

5 Thug thu dhoibh aran nan deur r'a ith-cadh, agus thug thu dhoibh deoir r'an òl ann am pailteas.

6 Rinn thu sinn 'n ar n-aobhar strì d'ar coimhearsnaich; agus ni ar n-eascairdean gaire-fanoid umainn.

7 A Dhé nan slògh, pill sinn; agus thoir air do ghnùis dealrachadh, agus saorair sinn.

8 Thug thu fionain as an Eiphit; thilg thu mach na cinnich, agus shuidhich thu i.

9 Réitich thu *àite* fa comhair, agus thug thu oirre freumhachadh gu daingean, agus lion i an tìr.

10 Chòmhdaicheadh beanntan *le* a sgàile, agus *le* a geugaibh seudair àrda.

11 Chuir i mach a meoir gu ruig a' mhuir, agus a meanglain gu ruig an amhainn.

12 C'ar son a blhris thu sìos a ballachan-

dìonaidh, air chor as gu'm bheil uile luchd-gabhail na slighe 'g a spìonadh?

13 Tha an torc as a' choille 'g a fàsachadh, agus tha fiadh-bhèathach na macharach 'g a h-iththeadh suas.

14 A Dhé nan slògh, pill, guidheamaid ort; amhaire a nuas o nèamh, agus faic, agus fiosraich an fhìonain so;

15 Agus am fìon-lìos a shuidhich do dheas-lamh, agus am meanglan a neartaich thu dhuit féin.

16 Loisgeadh i le teine, ghearradh sìos i: le achmhasan do ghnùise sgriosar iad.

17 Bitheadh do làmh air fear do làimhe deise, air mac an duine a neartaich thu dhuit féin.

18 An sin cha phill sinn air ar n-ais uait: beothaich sinn, agus gairmidh sinn air d'ainm.

19 A Thighearna Dhé nan slògh, pill sinn, thoir air do ghnùis dealrachadh, agus saorair sinn.

SALM LXXXI.

1 *Earrail gu Dia a mholadh.* 8 *Chomhairlich Dia do Israel ùmhleadh a thoirt d'a thoil, agus gheall e an teasairginn o làimh an naimh-dean.*

Do'n àrd fhear-ciuil air Gitit. Salm le Asaph.

SEINNIBH gu h-ait do Dhia, ar neart; togaibh iolach do Dhia Iacoib.

2 Glacaibh salm, agus thugaibh tiompan leibh: a' chlàrsach bhinn maille ris an t-salt-air.

3 Anns a' ghealaich nuaidh séidibh an trompaid, anns an àm shuidhichte, air là ar féille.

4 Oir *bu* reachd so do Israel, riaghailt le Dia Iacoib.

5 Mar fhianuis shuidhich se e ann an Ioseph, an uair a thàinig e mach á tìr na h-Eiphit, *far* an cual' e cainnt nach do thuig e.

6 O'n callaich thug mi as a ghuala: o na poitibh shaoradh a làmhan.

7 Ann an teim ghairm thu, agus shaor mi thu; fhreagair mi thu ann an ionad dìomhair na tairneanaich: dhearbh mi thu làimh ri uisgeachaibh Mheribah. Selah.

8 Eisd, o mo shluagh, agus bheir mi fianuis dhuit; O Israel, na dh'èisdeas tu rium;

9 Cha bhì Dia coigreach agad, agus cha chroom thu sìos do dhia coimheach.

10 *Is* mise an Tighearn do Dhia, a thug a nìos thu á tìr na h-Eiphit: fosgail do bheul gu farsuinn, agus lionaidh mise e.

11 Gidheadh cha d'èisd mo shluagh ri m' ghuth, agus cha do ghabh Israel rium.

12 Uime sin thug mi thairis iad do anamian an eridhe féin; dh'innich iad 'n an comhairle féin.

13 O nach èisdeadh mo shluagh rium! nach imicheadh Israel a'm' shlighibh!

14 Gu luath leagainn sìos an eascairdean,

agus thionndaidhinn mo làmh an aghaidh an naimhdean.

15 Bheireadh luchd-fuath an Tighearn' ùmhlaichd dha: ach mhaireadh an aimsir-san gu bràth.

16 Agus bheathaicheadh e iad le smior a' chruithneachd: agus le mìl o'n charraig dhàsuichinn thu.

SALM LXXXII.

1 *Chronaich an salm-adair na h-uachdarain a chionn gu'n d'thug iad breth gu h-eucorach; 3 agus thug e earail doibh ceartas a chumail ris na bochdaibh.*

Salm le Asaph.

THA Dia 'n a sheasamh ann an coimh-thional nan cumhachdach: am measg nan diathan bheir e breth.

2 Cia fhad a bheir sibh breth gu h-eucorach, agus a ghabhas sibh ri gnùis dhaoine aingidh? Selah.

3 Deanaibh ceartas do'n bhoichd agus do'n dilleachdan; cumaidh còir ris an truaghan agus ris an fheumach.

4 Teasairgibh am boichd agus an t-ainnis; à làimh nan aingidh saoraibh iad.

5 Cha-n'eil eòlas na tuigse aca; ann an dorchadas gluaisidh iad: tha uile bhunaitean na talmhainn air chrith.

6 Thubhairt mi, *Is* diathan sibh, agus *is* mic sibh uile do'n Tì a's àirde.

7 Ach gheibh sibh bàs mar dhaoine, agus tuitidh sibh mar aon de na h-uachdaranaibh.

8 Eirich, a Dhé, thoir breth air an talamh; oir scalbhaichidh tu na h-uile chinnich mar oighreachd.

SALM LXXXIII.

1 *Tha an salm-adair a' gearan gu'n d' rinn naimhdean Israeil ceannaire 'n an aghaidh.*

9 *Dh'asuih e air Dia an sgrìos gu h-obann.*

Laoidh no Salm le Asaph.

ADHE, na bi a'd' thosd; na bi sàmhach, agus na bi a'd' thàmh, a Dhé:

2 Oir feuch, tha do naimhdean ri buaireas; agus thog iadsan le'm fuathach thu, suas an cinn.

3 An aghaidh do shluaigh gu cuilbheartach dhealbhadh iad ole, agus ghabh iad comhairle le 'chéile an aghaidh do mhuinntir dhìomhair.

4 Thubhairt iad, Thigibh, agus gearramaid as iad o *bhi* 'n an cinneach, chum nach cumhnichear ainm Israeil nì's mò:

5 Oir le h-aon inntinn ghabh iad comhairle le 'chéile, a'd' aghaidh-sa rinn iad coimhcheangal.

6 Pàillunan Edoim agus na h-Ismaelich, Moab agus na Hagaraich,

7 Gebal, agus Amon, agus Amalce, na Philistich maille ri luchd-àiteachaidh Thiruis:

8 Mar an ceudna dh'lùth-lean Asur riu: bu chòmhnaidh iad do chloinn Lot. Selah.

9 Dean orra mar air Midian, mar air Sisera, mar air Iabin, aig sruth Chisoin;

10 A sgrìosadh aig Endor, a rinneadh mar aolach do'n talamh.

11 Dean an àrd uaislean mar Oreb, agus mar Sheeb, agus an uachdarain gu léir mar Sheba, agus mar Shalmuna;

12 A thubhairt, Glacamaid dhuinn féin mar oighreachd àiteachan-còmhnuidh Dhé.

13 O mo Dhia, dean iad mar roth; mar asbhuain roimh'n ghaoith.

14 Mar a loisgeas teine a' choille, agus mar a chuireas lasair na beanntan ri theine;

15 Mar sin dean thusa tòrachd orra le d' dhoiminn, agus le d' ioma-ghaoith cuir uamhunn orra.

16 Lion an eudan le masladh, chum gu'n iarr iad d'ainm, a Thighearna.

17 Bitheadh amhluaidh agus buaireas orra gu bràth; seadh, glacadh nàire iad, agus sgrìosar iad:

18 Chum gu'm bi fhios aig *daoinibh* gur tusa mhàin d'an ainm Iehobhah, an Tì a's àirde os ceann na talmhainn uile.

SALM LXXXIV.

1 *Bha an salm-adair 'an geall air cùirtibh an Tighearn', 4 agus nochd e beannachadh an t-sluaigh a bha 'n an còmhnuidh anna.*

Do'n àrd fhear-civil air Gith. Salm air son mhae Chorah.

CIA ion-ghràdhach do phàillunan, a Thighearna nan slògh!

2 Tha m'anam a' miannachadh, seadh, eadhon a' fannachadh le déigh air cùirtibh an Tighearna: tha mo chridhe agus m'fheoil ag éigheach gu h-àrd air son an Dé bheò.

3 Fhuair eadhon an geallbhonn tigh, agus an gobhlan-gaoithe nead dhi féin, anns an cuireadh i a h-lalach; d'altairean-sa, a Thighearna nan slògh, mo Dhia, agus mo Rìgh.

4 *Is* beannaichte iadsan a tha 'n an còmhnuidh a'd' thigh-sa: molaidh iad thu a ghnàth. Selah.

5 *Is* beannaichte an duine sin aig *am bheil* a neart annadsa, agus iadsan aig *am bheil* do shlighean 'n an cridhe.

6 A' dol troimh ghleann Baca, ni iad sin tobar ann: fionaidh mar an ceudna an t-uisge na linntean.

7 Imichidh iad o neart gu neart; nochdar gach aon *diubh* an làthair Dhé ann an Sion.

8 A Thighearna Dhé nan slògh, chuinn m'urnuigh; eisd, a Dhé Iacoib. Selah.

9 A Dhé, ar sgiath, faic, agus amhaire air gnùis d'Aoin ungta:

10 Oir *is* fearr là a'd' chùirtibh na mìle: b'fhearr leam a bhi ri dorsaireachd ann an tigh mo Dhé, na bhi'm chòmhnuidh ann an pàillunaibh aingidheachd:

11 Oir *is* griann agus *is* sgiath an Tigh-carn Dia; agus bheir an Tigh-carn gràs agus glòir: cha chum e maith air bith uatha-san a ghluaiscas gu h-ionraic.

12 A Thighearna nan slògh, *is* beannaichte an duine a chuireas a dhòigh annadsa.

SALM LXXXV.

1 *Dh'aidichan salmadair gu'n robh Dia bàigheil r'a shluagh; 4 ghuidh e gu'm meudaicheadh e a thròcair dhoibh: 8 agus nochd e gu'm bheil slàinte dlùth dhoibhsan air am bheil eagal an Tighearna.*

Do'n àrd fhear-ciùil. Salm air son mhac Chorah.

BHA thusa bàigheil, a Thighearna, ri d' thùr: thug thu air ais braigheanas Iacob.

2 Mhaith thu cionta do shluagh; dh'fhol-nich thu am peacadh uile. Selah.

3 Choig thu do chorruich uile; thionndaidh thu o fhraoch d'fheirge.

4 Pill sinn, a Dhé ar slàinte, agus tog d'fhearg dhinn.

5 Gu bràth am bi corruich ort ruinn? an sin thu d'fhearg o linn gu linn?

6 Nach ath-bheothaich thu sinn? chum gu'n dean do shluagh gairdeachas annad?

7 Nochd dhuinn, a Thighearna, do thròcair, agus deònuich dhuinn do shlàinte.

8 Cluinidh mi ciod a their Dia an Tighearn: oir labhraidh e sìth r'a shluagh, agus r'a naoimh; ach na pilleadh iad chum amaideachd.

9 Gu dearbh *tha* a shlàinte dlùth dhoibhsan d'an eagal e; chum gu'n còmhnuich glòir 'n ar tìr.

10 Tha tròcair agus fìrinn air còmhlaich-adh a chèile: tha ceartas agus sìth air pògadh a chèile.

11 Fàsaidh fìrinn a nìos as an talamh, agus seallaidh ceartas a nuas o na nèamhan.

12 Seadh, bheir an Tighearn maith dhuinn; agus bheir ar fearann uaith a thoradh.

13 Imichidh ceartas roimhe, agus stiùraidh e a cheumanna 's an t-slighe.

SALM LXXXVI.

1 *Athchuinge Dhaibhidh. 5 Dh'aidich e gu'n robh Dia maith agus iochdmhor. 14 Rinn e gearan an aghaidh nan uaibhreach, agus ghuidh e air Dia tròcair a dheanamh air.*

Urnuigh le Daibhidh.

AOM, a Thighearna, do chluas, éisd a rium; oir *tha* mi bochd agus uir-easbhuidheach.

2 Gléidh m'anam, oir *tha* mi diadhaidh: O thusa mo Dhia, saor d'òglach, a dh'earbas asad.

3 Dean tròcair orm, a Thighearn'; oir *tha* mi a' glaothaich riut gach là.

4 Dean anam d'òglach féin aoibhinn; oir riutsa, a Thighearna, togaidh mi m'anam:

5 Oir *tha* thusa, a Thighearna, maith agus iochdmhor, agus pailt ann an tròcair dhoibhsan uile a ghairmeas ort.

6 Eisd, a Thighearna, ri m'urnuigh, agus thoir fainear guth m'athchuinge.

7 Ann an là mo theinn gairmidh mi ort; oir freagairidh tu mi.

8 Cha-n'èil do shamhuil-sa am measg nan

diathan, a Thighearn'; agus cha-n'èil oibre ann, cosmhuil ri d'oibribh-sa.

9 Thig na cinnich uile a rinn thu, agus sleuchdaidh iad a'd' làthair, a Thighearn', agus bheir iad glòir do d'ainm.

10 Oir *is* mòr thusa, agus *tha* thu a' dean-amh nithean iongantach; *is* tusa Dia, thu féin a mhàin.

11 Teagaisg dhomh, a Thighearna, do shlighe; gluaisidh mi a'd' fhìrinn: coimh-cheangail mo chridhe chum eagal d'ainme 'bhi orm.

12 Molaidh mi thu, a Thighearna mo Dhia, le m'uile chridhe, agus bheir mi glòir do d'ainm gu bràth:

13 Oir *is* mòr do thròcair ormsa, agus shaor thu m'anam o'n t-slochd a's iochdaraiche.

14 A Dhé, dh'éirich na h-uaibhrich a'm' aghaidh, agus dh'iarr coimhthional luchd-foirneir m'anam; agus cha do chuir iad thusa rompa.

15 Ach *tha* thusa, a Thighearn', a'd' Dhia iochdmhor, agus gràsmhor, mall chum feirge, agus pailt ann an tròcair agus ann am fìrinn.

16 Amhaire orm, agus dean tròcair orm; thoir neart do d'òglach, agus saor mac do bhanoglaich.

17 Thoir dhomh comharadhair maith, chum gu'm faic iadsan e aig am bheil fuath dhomh, agus gu'n gabh iad nàire, a chionn, a Thighearna, gu'n do chuidich thusa leam, agus gu'n d'fhug thu comhfhurtachd dhomh.

SALM LXXXVII.

1 *Bunait agus glòir Shìoin. 4 Tha a shluagh cadar-dhealaichte o gach shluagh eile.*

Salm no laoidh air son mhac Chorah.

THA a bhunait anns na beanntaibh naomha.

2 *Is* ionmhunn leis an Tighearn geatachan Shìoin, thar uile ionadan-còmhnuidh Iacob.

3 Inneair nithean glòrmhor ortsa, a chaithir Dhé. Selah.

4 Cuimhnichidh mi Rahab agus Babel dhoibhsan d'an aithne mi: feuch, Palestin, agus Tìorus, maille ri h-Etiopia; rugadh am fear so au sin.

5 Ach mu Shìon theirear, Rugadh am fear so agus am fear ud innte, agus daingnidh an Tì a's àirde i.

6 Comharaichidh an Tighearn, 'n uair a sgrìobhas e sìos na fineachan, *gu'n* d'rugadh am fear so au sud. Selah.

7 *Bithidh* araon luchd-seinn agus luchd-ciùil an sin: *tha* mo thobraichean uile annadsa.

SALM LXXXVIII.

1 *Tha an salmadair a' guidhe gu'n tugadh Dia éisdeachd d'a urnuigh, 3 agus a' teigeadh ris da na trioblaidhean a thàinig air.*

Laoidh no salm air son mhac Choram, do'n àrd fhear-ciùil air Mahalat Leanot, Maschil le Heman an t-Esrahach.

A THIGHEARN', a Dhé mo shlàinte, a là agus a dh'oidhe ghlaoth mi a'd' fhianuis.

SALM LXXXIX.

2 Thigeadh m'urnuigh a'd làthair; aom do chluas ri n' ghlaodh:

3 Oir tha m'anam làn truaighe, agus tha mo bheatha dlùth do'n uaigh.

4 Mheasadh mi mar iadsan a théid sìos do'n t-slochd; tha mi mar dhuine gun neart;

5 Saor am measg nam marbh, mar iadsan a mharbhadh, a tha 'n an luidhe 's an uaigh, air nach 'eil cuimhne agad ni's mò; oir o d' làimh ghearradh as iad.

6 Chuir thu mi 's an t-slochd a's isle ann an dorchadas, anns na doimhneachdaibh.

7 Luidh d'fhearg orm gu teann, agus le d' thonnaibh uile chlaoidh thu mi. Selah.

8 Chuir thu mo luchd-eòlais fada uam; rinn thu mi a'm ghràineileachd dhoibh: druidte suas *tha mi*, agus cha-n urrainn mi teachd a mach.

9 Tha mo shùil a' fàilneachadh a bhrìgh m'àmhghair; ghairm mi ort, a Thighearna, gach là; shin mi mo làmhnan riut.

10 Do na marbhaibh an nochd thu iongantais! an éirich na mairbh, agus am mol iad thu? Selah.

11 An cuirear 'an céill do chaoimhneas caomh 's an uaigh? d'fhìrinn ann an sgrìos?

12 An aithnìchear d'iongantais anns na dorchadas? agus d'fhìreantachd ann an talamh na dì-chuimhne?

13 Ach riutsa, a Thighearna, ghlaodh mise; agus anns a' mhàduinn thig m'urnuigh a'd làthair.

14 C'ar son, a Thighearna, a thilgeas tu m'anam uait? a dh'fholaicheas tu do ghnùis uam?

15 *Tha* mise air mo chràdh, agus dlùth do'n bhàs, o m'òige; dh'fhuiling mi d'uamhasan, tha mi ann an imcheist.

16 Dh'imich d'fhearg gheur tharum; chlaoidh d'uamhasan mi.

17 Chaidh iad timchioll orm mar uisge gach là; chuairtich iad mi le 'chéile.

18 Chuir thu fear mo ghaoil agus mo charaid fada uam: *tha* luchd m'eòlais ann an dorchadas.

SALM LXXXIX.

1 *Mhol an salmadair Dia air son a gheallannan tràcearach do Dhaibhidh. 5 Cumhachd agus mòrachd an Tighearna. 15 Tre fhìreantachd Dhé bithidh an t-ionracan air àrdachadh; 19 agus dìonaidd an Tighearn e o làmh a naimhdean. 38 Tha an salmadair a' caoidh gu'n do thig Dia a shluagh uait. 46 Rinn e urnuigh ri Dia, agus bheannaich se e.*

Maschil le h-Etan an t-Esrahach.

AIR tràceairibh an Tighearna gu bràth seinnidh mi; o linn gu linn foillsichidh mi d'fhìrinn le m' bheul:

2 Oir thubhairt mi, Gu bràth togar suas tràceair; anns na nàmhnan daingnichidh tu d'fhìrinn, *ag ràdh*,

3 Rinn mi coimhcheangal ri m' Aon taghta; mhionnaich mi do Dhaibhidh, m'òglach.

4 Gu bràth daingnichidh mi do shliochd agus togaidh mi suas do rìgh-chaitheir o linn gu linn. Selah.

5 Molaidh na nàmhnan d'iongantais, a Thighearna; mar an ceudna d'fhìrinn ann an coimhthional nan naomh.

6 Oir cò ann am fàiticheanas a choimh-measar ris an Tighearna? cò am measg mhac nan cumhachdach a shamhlùichear ris an Tighearna?

7 Is aobhar eagail Dia gu mòr ann an coimhthional nan naomh; agus is còir urram a thabhairt da os an ceann-san uile a *tha* mu'n cuairt da.

8 A Thighearna Dhé nan slògh, cò a *tha* cosmhail riut? treun *tha* thusa, a Thighearna, agus *tha* d'fhìrinn mu'n cuairt duit.

9 Riaghlaidd tusa onfha na fairge: 'n uair a dh'èireas a tonnain, coisgidh tu iad.

10 Mhìn-phronn thu Rahab, mar dhuine leònta; le gairdean do neirt sgap thu do naimhdean.

11 *Is* leatsa na nàmhnan, mar an ceudna *is* leat an talamh; shuidhich thusa an cruinne-cé, agus a làn.

12 Chruthaich thusa an àirde tuath, agus an àirde deas; ni Tabor agus Hermon gairdeachas ann ad ainm.

13 Agadsa *tha* gairdean neartmhor: is làidir do làmh, is àrd do dheas làmh.

14 *Is* iad ceartas agus breitheanas àite-tàmh do rìgh-chaitheach; théid tràceair agus fìrinn roimh do ghnùis.

15 *Is* beannaichte an sluagh d'an aithne an fhuaim aoihbheach: imichidh iad, a Thighearna, ann an solus do ghnùise.

16 Ann ad ainm-sa ni iad gairdeachas air feadh an là; agus ann ad fhìreantachd àrd-aichear iad.

17 Oir *is* tusa glòir an neirt; agus ann ad dheadh-ghean àrd-aichear ar n-adharc.

18 Oir *is* e'n Tighearna ar sgiath, agus Aon naomh Israeil ar Rìgh.

19 An sin labhair thu ann an taisbeanadh ri d' Aon naomh, agus thubhairt thu, Chuir mise cuideachadh air aon a *tha* cumhachdach; dh'ardaich mi aon taghta as an t-sluagh.

20 Fhuair mi Daibhidh m'òglach; le m'olaidh naomh dh'ung mi e:

21 Le'm bi mi làmh gu daingean: mar an ceudna neartaichidh mi ghairdean e.

22 Cha tog an nàmhaid cis dheth; agus cha chlaoidh mac an uile e.

23 Agus pronnaidh mi a naimhdean roimhe, agus buailidh mi iadsan le'm fuathach e.

24 Agus *bithidh* m'fhìrinn agus mo thròceair maille ris; agus ann am ainm-sa àrd-aichear adharc-san.

25 Agus cuiridh mi a làmh anns an fhairege, agus a dheas làmh anns na h-aimhnichibh.

26 Glaodhaidh e rium, *Is* tu m'athair, mo Dhia, agus carraig mo shlàinte.

27 Mar an ceudna mi mi *mo* cheud-ghin dheth, ard os ceann rìghrean na talmhainn.

28 Gu bràth gleidhidh mi mo thròcair dha, agus bithidh mi choimhcheangal seas-mhach leis.

29 Agus suidhichidh mi gu bràth a shliochd, agus a rìgh-chaithir mar làithibh nan nèamh.

30 Ma thrèigas a chlànn mo lagh, agus nach gluais iad ann am bhreitheanais;

31 Ma mhi-naomhaicheas iad mo reachdan, agus nach gléidh iad m'aitheantan;

32 An sin fiosraichidh mi le slait an eus-aontas, agus le buillibh an cuceart.

33 Gidheadh, cha bhuin mi gu tur mo chaoimheas-gràidh uath, agus cha bhreug-naich mi mo ghealladh.

34 Cha bhris mi mo choimhcheangal; agus an ni a thàinig as mo bhilbha cha chaochail mi.

35 Aon uair mhionnaich mi air mo naomhachd, nach dean mi breug do Dhaibhidh.

36 Mairidh a shliochd gu bràth, agus a rìgh-chaithir mar a' ghrian a'm làthair.

37 Mar a' ghealach, daingnichear e gu bràth; agus mar fhianuis dhileas ann an nèamh. Selah.

38 Ach thilg thu uait, agus ghabh thu gràin; bha fearg ort ri d'Aon ungta.

39 Sgaoil thu coimhcheangal d'òglach; thruaill thu a choron, *g'a thilgeadh* gu làr.

40 Bhris thu a bhallachan-dìonaidh uile; rinn thu a dhaingnich 'n an sgrios.

41 Creachaidh iadsan uile a ghabhas an t-slighe e: tha e 'n a mhasladh d'a choimhearsnaich.

42 Thug thu suas deas làmh a naimhdean; rinn thu 'cascairdean uile ait.

43 Mar an ceudna phill thu faobhar a chlàidheimh, agus cha d'thug thu air seasamh anns a' chath.

44 Chuir thu as d'a ghloir, agus thilg thu sìos a rìgh-chaithir gu làr.

45 Ghlòraich thu làithean 'dige; chòmhdaich thu e le nàire. Selah.

46 Cia fhad, a Thighearn', a dh'fholuicheas tu thu féin gu tur? a loisgeas, mar theine, do chorruich?

47 Cuimhnich cia gearr m'aimsir: c'ar son a cruthaich thu gu dìomhain clann nan daoine uile?

48 Cò e an duine a tha beò, agus nach faic am bàs, *no* 't'casairgeas 'anam féin o làmh na h-uaghe? Selah.

49 C'ait *am bheil* do chaoimheasan-gràidh roinhe so, a Thighearn', a mhionnaich thu do Dhaibhidh air d'fhirinn.

50 Cuimhnich, a Thighearn', masladh do sheirbhiseach; gu'n do ghiùlain mise ann am uchd uile *mhasladh* sluagh mhòir,

51 Leis an do mhaslaich do naimhdean, a Thighearn'; leis an do mhaslaich iad ceuman d'Aoin ungta.

52 Beannaichte gu'n *robh* an Tighearn gu sìorruidh! Amen agus Amen.

1 *Dh'fhoillsich Maois freasdal Dhé do chlovan Israeil. 9 Nochd e gu'm bheil làithean an duine gearr; 13 agus ghuidh e gu'n sàsuicheadh Dia a shluagh le 'thròcair.*

Urnugh le Maois, òglach Dé.
A THIGHEARN A, bha thusa a'd ionad-còmhnuidh dhuinn o linn gu linn.

2 Mu'n do ghineadh na beanntan, agus mu'n do dhealbh thu an talamh agus an cruinne-cé, eadhon o bhlith-bhuantachd gu bith-bhuantachd is tusa Dia.

3 Tionndaidhidh tu an duine gu sgrios; agus their thu, Pillibh, a chlànn nan daoine.

4 Oir *tha* mìle bliadhna ann ad shealladhsa, mar an là'n dé 'n uair a théid e seachad, agus *mar* fhaire anns an oidliche.

5 Dh'fhuadaich thu iad, mar le sruth; *mar* chodal tha iad: anns a' mhaduinn *tha iad* mar fheur a dh'fhàsas suas.

6 Air maduinn thig e fo bhlàth, agus fàsaidh e suas; air fcasgar gearrar sìos e, agus seargaidh e.

7 Oir tha sinn air ar caitheadh le d' fheirg, agus le d' chorruich tha sinn air ar claoidh.

8 Chuir thu ar n-euceartan a'd' fhianuis, ar *peacaidhean* dìomhair ann an solus do ghnuise.

9 Oir tha ar làithean air teireachduinn ann ad fheirg: chaith sinn ar bliadhnachan mar sgeul a dh'innseadh.

10 *Tha* làithean ar bliadhnachan 'n an trì fichead bliadhna agus a deich; agus le tuilleadh neirt ma *bhitheas* ceithir fichead ann, is saothair agus doilgheas an spionnadh: oir gearrar as e gu grad, agus siubhlaidh sinn.

11 Cò d'an aithne neart d'fheirg, agus a réir d'eagail, do chorruich?

12 Teagaisg dhuinn mar so ar làithean àireamh, chum gun socraich sinn *ar* cridhe air gheas.

13 Pill, a Thighearn; cia fhad? agus gabh aithreachas a thaobh do sheirbhiseach.

14 Sàsuich sinn gu moch le d' thròcair, a chum gu'n dean sinn gairdeachas agus aoibhneas rè ar làithean uile.

15 Dean aoibhneach sinn a réir nan làithean *air* an do chràidh thu sinn, nam bliadhnachan *anns* am fàca sinn olc.

16 Faicear d'obair le d' sheirbhisich, agus do ghloir le 'n cloinn.

17 Agus bitheadh maise an Tighearn' ar Dé oirnn; agus daingnich thusa obair ar làmh dhuinn; seadh, daingnich obair ar làmh.

SALM XCI.

1 *Tèaruinteachd agus sonas nan ionracan fo sgàile an Uile-chumhachdaich.*

GABHAIDH esan a tha 'n a chòmhnuidh ann an ionad dìomhair an Ti a's àirdhe, tamh fo sgàile an Uile-chumhachdaich.

2 Their mi mu thinchìoll an Tighearn, *Is* e mo thearmunn, agus mo dhaingneach; mo Dhia, anns an cuir mi mo dhòigh.

3 Gu dearbh saoraidh e thu o riban eunad-air, o'n phlàigh mhiltich.

4 Le 'iteagaibh còmhdaichidh e thu, agus, fo a sgrìathan bithidh d'earbsa: *bithidh* fhuirinn 'n a sgéith agus 'n a targaid dhuit.

5 Cha bhi eagal ort a thaobh an uamhais anns an oidhche, *no* na saighde a ruitheas 's an là;

6 *Nò* na plàigh 'a ghluaiseas ann an dor-chadas, *no* an sgrìos a mhillleas mu mheadhon-là.

7 Tuitidh mìle ri d' thaobh, agus deich mìle air do làimh dheis; ach cha tig e am fagas duit.

8 A mhlàn le d' shùilibh seallaidh tu, agus chi thu dìol nan aingidh.

9 A chionn gu'n d'rinn thu an Tighearn 'n a thearmunn, an Ti a's àirde 'n a ionad-còmhnuidh dhuit;

10 Cha-n éirich olc air bith dhuit, agus cha tig plàigh am fagas do d'fhàrdaich:

11 Oir bheir e àithne d'a ainglibh mu d' thimechioll, chum do ghleidheadh ann ad shligibh uile.

12 'N an làmhan togaidh iad suas thu, air eagal gu'm buail thu do chos air cloich.

13 Air an leòmhann agus air an nathair-nimhe saltraidh tu; pronnaidh tu fo d' chois an leòmhann òg agus an dràgon.

14 A chionn gu'm bheil gràdh aige dhomh, saoraidh mi e; àrdaichidh mi e, a chionn gur aithne dha m'ainm.

15 Gairmidh e orm, agus éisdidh mi ris; *bithidh* mi maille ris ann an teinn; teasairgidh mi e, agus bheir mi urram dha.

16 Le fad làithean sàsuichidh mi e, agus nochdaidh mi dha mo shlàinte.

SALM XCII.

1 *Dh'earalaich am fàidh Dia a mholadh, 4 air son a bhreitheanais air luchd-deanamh an uile, 10 agus air son a mhaithseis do'n ionracan.*

Salm no laoidh air son là na sàbaid.

IS maith an ni buidheachas a thabhairt do'n Tighearn, agus cliu a thabhairt do d'aimsa, O 'Thi a's àirde;

2 Do chaoimhneas-gràidh a chur 'an céill anns a' mhaduinn, agus d'fhuirinn gach oidhche,

3 Air inneal-ciùil nan deich teud, agus air an t-saltair; air a' chlàrsaich le fuaim fhonn-mhoir àird.

4 Oir rinn thu mi aoibhinn, a Thighearna, trid d'oire-sa; ann an gnìomharaibh do làmh ni mi gairdeachas.

5 Cia mòr do ghnìomharan-sa, a Thighearna! ro dhomhain tha do smuaintean.

6 Cha-n eòl do'n amhlair, agus cha tuig an t-amadan so.

7 An uair a chinneas na h-aingidh mar fhear, agus a thig uile luchd-deanamh na h-euceirt fo bhlàth, *bithidh* iad air an sgrìos am feasd.

8 Ach *tha* thusa ro àrd gu sìorruidh, a Thighearna.

9 Oir feuch, do naimhdean, a Thighearna, oir feuch, do naimhdean, sgrìosar iad: sgapar uile luchd-deanamh na h-euceirt.

10 Ach mar *adharc* buabhuill àrdaichidh tu m'adharc-sa; ungar mi le h-olaidh ùir.

11 Agus amhaircidh mo shùil air m'eas-cairdibh; mu na droch dhaoibh a dh'èreas suas a'm' aghaidh cluinidh mo chluasan.

12 Mar chrann-pailme, thig am firean fo bhlàth; mar sheudair air Lebanon, fàsaidh e suas.

13 Iadsan a shuidhichear ann an tigh an Tighearn, ann an cùirtibh ar Dé-ne thig iad fo bhlàth:

14 Fathast 'n an sean aois bheir iad a mach toradh; sultmhor, agus ùr bithidh iad.

15 A chum gu nochd iad gu *bheil* an Tighearn mo charrag, cothromach, agus nach 'eil euceart ann.

SALM XCIII.

Mòralachd agus naomhachd oighreachd Chrìosd.

THA'N Tighearn a' rioghachadh, tha e air a sgeadachadh le mòralachd; tha'n Tighearn air a sgeadachadh le neart, agus chrìoslaich se e fèin: tha'n saoghal mar an ceudna air a dhaingneachadh, chum nach gluaisear e.

2 Dhaingnicheadh do rìgh-chaithir o chian: o sìorruidheadh *tha* thusa.

3 Thog na tuitlean suas, a Thighearna, thog na tuitlean suas an guth: togaidh na tuitlean suas an tonnan.

4 Os ceann toirme uisgeachan lionmhor, os *ceann* thonn neartmhor na mara, is neartmhor anns na h-àrdaibh an Tighearn.

5 Tha do theisteis ro fhior: do d' thigh-sa is iomchuidh naomhachd, a Thighearna, gu bràth.

SALM XCIV.

1 *Dh'asluich Daibhidh air Dia gu'n iocadh e luigheachd do na h-uaibhrich. 8 Nochd e freasdaidh Dhé, agus beannachadh an duine a smachdaichear leis. 16 Tha Dia 'n a fhear-cuideachaidh do'n fhìrean.*

ADHE an dioghaltais, a Thighearn! Dhé an dioghaltais, dealraich a mach.

2 Àrdaich thu fèin, a Bhreithneimh na talmhainn; ioc luigheachd do na h-uaibhrich.

3 Cia fhad a ni na h-aingidh, a Thighearna, cia fhad a ni na h-aingidh caithream?

4 *Cia fhad* a bhrùchdas iad briathran, a labhras iad nithean cruaidhe? a bhitheas uile luchd-deanamh an uile ri ràiteachas?

5 A bhruthas iad do shluagh, a Thighearna, agus a chlaoidheas iad d'oighreachd?

6 A mharbas iad a' bhantrach agus an coigreach, agus a mhortas iad na dìlleach-dain?

7 Agus a their iad, Cha-n fhaic an Tighearn, agus cha toir Dia Iacoib faincar e.

8 Tuigibh, *sibhse* amhlaircan am measg an t-sluaigh; agus amadana, c'uin a bhitheas sibh glie?

SALM XCV—XCVII.

9 An ti a shuidhich a' chluas, nach cluinn e? an ti a dhealbh an t-sùil, nach faic e?

10 An ti a smachdaicheas na fineachan, nach cronaich e? an ti a theagaisgeas eòlas do'n duine, nach 'eil eòlas aige?

11 Is fìosrach an Tighearn air smuaintibh dhaoine, gur dìomhanas iad.

12 Is beannaichte an duine a smachdaicheas tusa, a Thighearn', agus a theagaisgeas tu as do lagh:

13 Chum fois a thabhairt do ò làithibh an uile, gus an cladhaichear slochd do'n aingidh.

14 Oir cha tilg Dia dheth a shluagh, agus cha tréig e 'oighreachd féin;

15 Ach pillidh breitheanas ri ceartas; agus leanaidh iadsan uile a tha ionraic 'n an cridhe e.

16 Cò a dh'éireas leam an aghaidh luchd-deanamh an uile? cò a sheasas air mo shon an aghaidh luchd-deanamh na h-aingidheachd?

17 Mur bitheadh an Tighearn 'g am chuid-eachadh, is beag nach robh m'anam 'n a thàmh gu tosdach?

18 'N uair a thubhairt mi, Tha mo chos air sleamhnachadh uam, chum do thròcair, a Thighearna, suas mi.

19 Ann an lìonmhoireachd mo smuaintean an taobh a stigh dhìom, thug do chomh-fhurtachd-sa sòlas do m'anam.

20 Am bi comunn riutsa aig rìgh-chaithir nah-euceirt, a dhealbhasaimhleas le reachd?

21 Cruinnichidh iad le 'chéile an aghaidh anama an fhìreìn, agus àitidh iad fuil neo-chiontach.

22 Ach is e'n Tighearn mo dhaingneach; agus is e mo Dhia carraig mo dhòchais.

23 Agus dìolaidh e orra féin an euceart, agus 'n an aingidheachd féin gearraidh e as iad; gearraidh an Tighearn ar Dia as iad.

SALM XCV.

1 *Earail gu Dia a mholadh air son a mhòrachd, 6 agus air son a mhaithéis.*

O THIGIBH, seinneamaid do'n Tighearn; togamaid iolach do charraig ar slàinte.

2 Thigearmaid 'n a fhianuis le buidheachas, agus le sailmaibh togamaid ceòl dha gu suilbhreach:

3 Oir is Dia mòr an Tighearn, agus is Rìgh mòr e os ceann nan uile dhia.

4 'N a làmh-san tha doimhneachdan na talmhainn; agus is leis àirde nam beann.

5 Is leis an fhaire, oir is e a rinn i; agus dhealbh a làmhan an talamh tioram.

6 O thigibh, sleuchdamaid, agus cromamaid sìos; tuiteamaid air ar ghlinibh 'am fianuis an Tighearn' a rinn sinn:

7 Oir is esan ar Dia, agus is sinne sluagh 'ionaltraidh-san, agus caoraich a làimhe.

8 An diugh ma dh'èisdeas sibh r'a ghuth, na cruaidhichibh bhur cridhe, mar anns a'

chonnasachadh, mar ann an là a' bhuairidh, anns an fhàsach;

9 'N uair a bhuair blur n-aithrichean mi, a dhearbhadh mi, agus a chunnaic iad m'òibre ré dhà fhichead bliadhna.

10 Chuiricadh campar orm leis a' ghinealach ud, agus thubhairt mi, Is sluagh seacharanach 'n an cridhe iad, agus cha-n aithne dhoibh mo shlighean:

11 D'an d'thug mi mo mhionnan a'm' fheirg, nach rachadh iad a steach do m' fhois.

SALM XCVI.

1 *Earail gu glòir Dhé a' chur 'an cèill, 10 agus gu gairdeachas a dheanamh a' chionn gu bheil e a' rioghachadh os ceann an domhain.*

CANAIBH do'n Tighearn laoidh nuadh; canaibh do'n Tighearn, a thàirean uile. 2 Canaibh do'n Tighearn, beannaichibh 'ainm; foillsichibh o là gu là a shlàinte.

3 Cuiribh 'an cèill am measg nan cinneach a' ghloir, am measg gach sluagh 'iongantais-san.

4 Oir is mòr an Tighearn, agus is ro airidh e air clu: is aobhar eagail esan os ceann nan uile dhia:

5 Oir is ìodholan uile dhiathan nan cinneach: ach is e'n Tighearn a rinn na nàmhlan.

6 Tha urram agus mòralachd 'n a fhianuis: neart agus maise 'n a ionad naomh.

7 Thugaibh do'n Tighearn, sibhse fhineacha nan sluagh; thugaibh do'n Tighearn glòir agus neart.

8 Thugaibh do'n Tighearn a' ghloir a's cubhaidh d'a ainm: thugaibh tabhartas leibh, agus thigibh a steach d'a chùirtibh.

9 Sleuchdaibh do'n Tighearn ann am maise na naomhachd; bitheadh eagal oirbh 'n a fhianuis, gach uile thùir.

10 Abraibh am measg nan cinneach, Tha'n Tighearn a' rioghachadh: mar an ceudna daingnichear an domhan, chum nach gluaisear e: bheir e breth air na slòigh le ceartas.

11 Bitheadh na nàmhlan aoibhneach, agus deanadh an talamh gairdeachas; beucadh an fhaire, agus a làn.

12 Bitheadh a' mhachair ait, agus gach ni a th' iumte; an sin deanadh uile chroinn na coille luathghaire

13 An làthair an Tighearna; oir tha e a' teachd, oir tha e a' teachd a thoirt breth air an talamh: bheir e breth air an t-saoghal le ceartas, agus air na slòigh le 'fhìrinn.

SALM XCVII.

1 *Mòralachd rioghachd Dhé. 8 Rinn Sion gairdeachas air son bheitheanas an Tighearna. 10 Gleidhidh Dia anaman a naomh.*

THAN Tighearn a' rioghachadh; bith-eadh aiteas air an talamh: deanadh na h-cileanan lìonmhor gairdeachas.

2 Tha neoil agus dorchadas m'a thimchioll: is iad ceartas agus breitheanas àite-còmh-nuidh a rìgh-chaithreach.

3 Thèid teine roimhe, agus loisgidh e suas a naimhdean air gach taobh.

4 Shoillsich a dhealanaich an cruinne-cé; chunnaic, agus chrìochnaich an talamh.

5 Leagh na beanntan as mar chéir o làthair an Tighearn', o làthair Thighearna na talmhainn uile.

6 Cuiridh na nèamhan 'an céill a cheartas, agus chi gach sluagh a ghloir.

7 Bithidh uamhunn orra-san uile a ni seirbhis do dhealbhan snaidhte, a ni uailh á h-ìodholaibh: sleuchdaibh dha, a dhiathan uile.

8 Chuala Sion, agus bhla aoibhneas oirre; agus rinu nigheanan Iudah gairdeachas, air son do bhrèitheanas, a Thighearna.

9 Oir *tha* thusa, a Thighearn', àrd os ceann na talmhainn uile; *tha* thu air d'àrdachadh gu mòr os ceann nan uile dhia.

10 Sibhse a ghràdhaicheas an Tighearn, fuathaichibh òle: gleidhidh e anaman a naomh; á làmh nan aingidh saoraidh e iad.

11 Dh'éirich solus do'n fhùrean, agus aoibhneas dhoibhsan a tha ionraic 'an cridhe.

12 Bitheadh aoibhneas oirbh, fhùreana, anns an Tighearn; agus thugaibh buidheachas ri cuimlineachadh air a naomhachd.

SALM XCVIII.

1 *Chuir an salmadair 'an céill slàinte Dhé d'a phobul Israel.* 4 *Thug e earail do'n t-sluagh buidheachas a thabhairt do Dhia.*

Salm.

O SEINNIBH do'n Tighearn laoidh nuadh, oir rinn e nithean iongantach; dh'òibrich a dheas làmh agus a ghairdean naomh slàinte dha.

2 Thaisbein an Tighearn a shlàinte; ann an sealladh nan cinneach dh'fhoillsich e 'fhèantachd.

3 Chuimhnich e a thròcair agus 'fhìrinn do theaghlach Israeil; chunnaic uile chrìochan na talmhainn slàinte ar Dé.

4 Togaibh iolach ait do'n Tighearn, a thìrean uile: togaibh bhuir guth, deanaibh gairdeachas, agus seinnibh cliu.

5 Seinnibh do'n Tighearn le clàrsaich; le clàrsaich agus guth sailme.

6 Le trompaidibh agus guth na h-adhairc', togaibh iolach ait 'an làthair an Rìgh Iehobhah.

7 Beucadh an fhairge agus a làn, an saoghal agus iadsan a tha 'n an còmhnuidh ann.

8 Buailleadh na tuiltean am bosan; cuid-eachd deanadh na beanntan luathghaire.

9 An làthair an Tighearna; oir *tha* e a' teachd a thabhairt breth air an talamh: bheir e breth air an t-saoghal ann am fèantachd, agus air na slòigh ann an ceartas.

SALM XCIX.

1 *Tha am fàidh a' nochdadh gu bheil Dia 'n a rìgh os ceann na talmhainn, 5 agus gur còir sleuchdadh aig stòl a chos.*

THA'N Tighearn a' rìoghachadh; crìochnaicheadh na slòigh: the e 'n a shuidhe eadar cheruban; bitheadh crith air an talamh.

2 *Tha'n* Tighearn mòr ann an Sion, agus *tha* e àrd os ceann gach sluagh.

3 Moladh iad d'ainm mòr, agus uamhasach: *is* naomh e.

4 Agus is toigh leis an Rìgh chumhachdach breitheanas: is tu a shocrucias a' chòir; ni thusa breitheanas agus ceartas ann an Iacob.

5 Ardaichibh an Tighearn ar Dia, agus sleuchdaibh aig stòl a chos: *is* naomh esan.

6 *Bha* Maois agus Aaron am measg a shagart, agus Samuel 'u am measg-san a ghairm air 'ainm: ghairm iadsan air an Tighearn, agus fhreagair esan iad.

7 Ann am baideal neoil labhair e ri u: ghléidh iad a theisteis, agus an reachd a thug e dhoibh.

8 A Thighearn' ar Dia, fhreagair thusa iad: is tu an Dia a thug maitheanas dhoibh, ge do rinn thu diùghaltas air son an gnìomharan.

9 Ardaichibh an Tighearn ar Dia, agus sleuchdaibh aig a shliabh naomh: oir *is* naomh an Tighearn ar Dia.

SALM C.

1 *Earail gu seirbhis a dheanadh do Dhia mar ar cruith-fhear agus ar fear-saoraidh, 4 agus gu cliù a thabhairt da air son a mhaithis, a thòcair agus 'fhìrinn.*

Salm molaidh.

TOGAIBH iolach ait do'n Tighearn, a thìrean uile.

2 Deanaibh seirbhis do'n Tighearn le h-aoibhneas, thigibh 'n a fhianuis le luathghaire.

3 Bitheadh fios agaibh gur e'n Tighearn a's Dia ann: *is* e a rinn sinn, agus cha sinn féin; *is* sinn a shluagh, agus caoraich 'ionaltraidh-san.

4 Thigibh a steach air a gheataibh le buidheachas, d' a chùirtibh le moladh; thugaibh buidheachas dha, beannaichibh 'ainm.

5 Oir *tha'n* Tighearn maith; *mairidh* a thròcair gu bràth, agus 'fhìrinn o linn gu linn.

SALM CI.

1 *Chuir Daibhidh roimhe gu'n gluaisleadh e ann an ionracas a chridhe, 5 agus gu'n gearradh e as luchd-deanadh an uile.*

Salm le Daibhidh.

MU thròcair agus mu bhreitheanas seinnidh mi: dhuitse, a Thighearna, canaidh mi.

2 Iomchaidh mi mi féin gu glic air slighe ionraic; O c'uin a thig thu a m' ionnsuidh? ghuaisidh mi ann an ionracas mo chridhe 'am meadhon mo thighe.

3 Cha chuir mi ni ole sam bith fa chomhair mo shùl: is fuathach leam obair luchd eusaontais; cha lean i rium.

4 Triallaidh cridhe iargalt uam; air an daoibh cha chuir mi eòlas.

5 An ti gu dìomhair a bheir beum d'a choinhearsnach, esan gearraidh mi as; an ti aig am bheil sealladh àrd, agus cridhe uaibhreach, esan cha-n fhuilg mi.

6 *Bithidh* mo shùilean air fireanaibh na tìre, chum gu'n gabh iad còmhnuidh leam: esan a ghluaiseas ann an slighe ionraic, ni e seirbhis dhomh.

7 Cha ghabh fear-deanamh ceilge còmhnuidh ann am thigh; cha-n fhuirich fear-labhairt bhreug fa chomhair mo shùl.

8 Gu moch gearraidh mi as uile dhroch dhaoine na tìre; chum gu'n sgath mi as o chaithir an Tighearn' uile luchd-deanamh an uile.

SALM CII.

1 *Thaom am fàidh a ghearn 'an làthair Dhé.*
12 *Chruinnich e air trócair an Tighearna d'a shluagh, agus ghlac e misneach.* 23 *Tha Dia neo-chaohluidheach 'n a bhith.*

Urnuigh air son duine thruaigh 'n uair a bhitheas e air a shàruchadh, agus a thaomas e a ghearn 'an làthair an Tighearna.

A THIGHEARNA, éisd ri m'urnuigh, agus thigeadh mo ghlaodh a d'ionnsuidh.

2 Na fòluich do ghnèis uam ann an là mo theinn: aom do chluas rium 's an là *air an* gairm mi ort; éisd rium gu grad.

3 Oir tha mo làithean air teireachdainn mar dheataich, agus tha mo chnàmhan air an losgadh mar theinntein.

4 Tha mo chridhe air a bhualadh, agus air seargadh mar fheur; air chor as nach cuimhne leam m'aran itheadh.

5 Le guth m'osnaich, lean mo chnàmhan ri m'fheoil.

6 Tha mi cosmhuil ri pelican an fhàsaich; tha mi mar chombachaig nan ionad aonaranach.

7 Tha mi ri faire, agus tha mi mar eun 'n a aonar air mullach tighe.

8 Air feadh an là tha mo naimhdean 'g am mhaslachadh; agus iadsan a tha air bhoile rium, m'bhionnaich iad a'm' aghaidh.

9 Oir dh'ith mi luath mar aran, agus mheasg mi mo dheoch le m' dheuraibh,

10 Trid do chorruih agus d'fheirge; oir thog thu mi suas, agus leag thu mi sìos.

11 Tha mo làithean, mar sgàile, ag aomadh sìos; agus tha mi féin, mar fheur, air seargadh.

12 Ach mairidh tusa, a Thighearna, gu bràth, agus do chuimhne o linn gu linn.

13 Éiridh tusa, ni thu trócair air Sion;

oir tha'n t-àm gu deadh-ghean a nochdadh dhi, seadh, an t-àm suidhichte air teachd.

14 Oir tha do sheirbhisich a' gabhail tiachd 'n a clachaibh, agus tha deadh rùn aca d'a luathre.

15 Mar sin bithidh eagal air na cinnich roimh ainm an Tighearna, agus air uile righribh na talnhaime roimh a ghloir.

16 An uair a thogas an Tighearn suas Sion, chithear e 'n a ghloir.

17 Bheir e 'n aire do urnuigh nan dìobarach, agus cha dean e tàir air an athchuinge.

18 Sgrìobhar so do'n àl ri teachd; agus molaidh an sluagh a ghinear an Tighearn.

19 Oir dh'amhairc e nuas o àirdea naomhachd féin; o na nèamhan sheall an Tighearn air an talamh.

20 A chluinntinn osnaich a' phrìosanaich, chum fuasgladh orra-san a dh'orduicheadh chum bàis;

21 Chum ainm an Tighearna 'chur 'an céill ann an Sion, agus a chliu ann an Ierusalem;

22 An uair a chruinnichear na slòigh le 'chéile, agus na rìoghachdan, gu seirbhis a dheanamh do'n Tighearn.

23 Chlaoidh e anns an t-slighe mo neart; ghiorraich e mo làithean.

24 Thubhairt mi, Mo Dhia, na tabhair air falbh mi ann am meadhon mo làithean: *tha* do bhliadhnachan-sa air feadh nan uile linn.

25 O chian leag thu bunaitean na talnhaime; agus *is* iad na nèamhan obair do lamh.

26 Théid as doibhsan, ach mairidh tusa: fàsaidh iadsan uile sean mar eudach; mar thrusan caochlaidh tu iad, agus bithidh iad air an caochlaidh.

27 Ach *is* tusa an Ti ceudna, agus cha chrìochnaichcar do bhliadhnachan.

28 Mairidh clann do sheirbhisich, agus daingnichear an sìochd a'd' fhianuis.

SALM CIII.

1 *Earrail gu cliu a thoirt do Dhia a chionn gu'm bheil a mhaithreas mòr,* 15 *agus a thrócair o shìorruidheachd orra-san d'an eagal e.*

Salm le Daibhidh.

BEANNAICH an Tighearn, O m'anam; agus *moladh* gach ni a tha'n taobh a stigh dhìom, 'ainm naomh-san.

2 Beannaich an Tighearn, O m'anam; agus na di-chuimhnich a thiodhlacan uile.

3 'S e 'mhaithreas dhuit do phcacadhean gu léir, a shlànuicheas d'euslaintean uile;

4 A shaoras do bheatha o sgrios, a chrúnas thu le caoimhneas-gràidh agus le caomh thrócairibh.

5 A shànuicheas do bheil le nithibh maithe, air chor as gu'n athnuadhaichcar d'òige, mar *òige* na h-ìolaire.

6 Ni an Tighearn ceartas agus breith-eanas doibhsan uile a tha air an sàruchadh,

7 Dh'fhoillsich e a shlighean do Mhaois, a ghniomharan do chloinn Israeil.

8 *Is* tròcaireach agus *is* gràsmhor an Tighearn, mall chum feirge, agus pailt ann an caoinheas-gràidh.

9 Cha bhi e 'cronachadh gu sìorruidh, agus cha ghléidh e *'fheary* gu bràth.

10 A réir ar peacaidhean cha d'rinn e oirnn, agus a réir ar n-uceartan eha d'thug e luigheachd dhuinn.

11 Oir mar a tha na nèamhan àrd os ceann na talmhainn, *mar sin* tha a thròcair mòr d'an taobh-san d'an eagal e.

12 Co fhad as a tha 'n àird an ear o'n àird an iar, co fhad as sin chuir e uainn ar n-eusaontais.

13 Mar a ghabhas athair truas d'a chloinn, gabhaidh an Tighearn truas dhiubhsan d'an eagal e.

14 Oir is aithne dha ar dealbh; is cuimhne leis gur duslach sinn.

15 An duine, mar fheur *tha* a làithean; mar bhlàth na macharach, mar sin fàsaidh e fo bhlàth.

16 Oir gabhaidh a' ghaoth thairis, agus cha *bhi* e ann; agus cha-n aithnich 'ionad féin e nì's mò.

17 Ach *tha* tròcair an Tighearn' o shìorruidheachd orra-san d'an eagal e, agus 'fhìr-eantachd do chloinn an cloinne;

18 Dhoibhsan a chumas a choimheangal, agus a chuimhniceas 'aithcantan, chum an deanamh.

19 Shocruidh an Tighearn a rìgh-chàithir anns na nèamhan; agus tha a rioghachd a' riaghladh os ceann nan uile.

20 Beannaichibh an Tighearn, sibhse 'ainglean, treun ann an ncart, a' deanamh 'iartuis, ag éisdeachd ri fuaim 'fhocail.

21 Beannaichibh an Tighearn, a shlàigh uile, sibhse a luchd-frithealaidh a nì a thoil.

22 Beannaichibh an Tighearn, 'oibre uile, ams gach àite d'a thlighearnas: beannaich an Tighearn, O m'anam!

SALM CIV.

1 *Mòralachd, cumhachd, agus freasdal Dhé.*

31 *Mairidh glòir an Tighearna gu bràth.*

33 *Gheall am fàidh gu'n canadh e moladh do Dhia an cian a bha e beò.*

BEANNAICH an Tighearn, O m'anam! A Thighearna mo Dhia, tha thusa ro mhòr; le h-urram agus mòralachd tha thu air do sgeadachadh.

2 *Tha* thu a' cur soluis umad mar thrusgan, a' sineadh a mach nan nèamh mar chùirtein.

3 Tha e a' leagadh sailthean a sheòmar anns na h-uisgeachaibh, a' deanamh nan neul 'n an carbad tha féin, a' siubhal air sgiathaibh na gaoithe;

4 A' deanamh 'ainglean 'n an spioradaibh, a luchd-frithealaidh 'n an teine lasarach.

5 Shuidhich e an talamh air a bhunaitibh, chum nach ghluisteadh e gu bràth.

6 Leis an doimheachd, mar le trusgan, chòmhdaich thu e: shcas na h-uisgeachan os ceann nam beann.

7 O d'achmhasan-sa theich iad, o ghuth do thairneanaich ghreas iad rompa.

8 Chaidh iad suas ri taobh nam beann; chaidh iad sìos air feadh nan gleann do'n àit a dh'òrduich thusa dhoibh.

9 Shuidhich thu crìoch air nach téid iad thairis; chum nach pill iad a ris a chòmh-dachadh na talmhainn.

10 *Tha* e a' cur thobar anns na gleanntaibh, a tha a' ruith air feadh nam beann.

11 Bheir iad deoch do uile bheathaichibh na macharach: coisgidh na h-asail fhiadhaich an tart.

12 Am fagus doibh còmhnuichidh cunlaith nan speur, a bhlitheas a' seinn am measg nan geug.

13 Uisgichidh e na beanntan o 'sheòmraichibh: le toradh a ghniomh sàsuichear an talamh.

14 Bheir e air feur fàs do'n spréidh, agus air luibh chum seirbhis an duine, chum aran a thabhairt as an talamh,

15 Agus fion a nì cridhe an duine subhach, oladh a nì a ghniùs dealrach, agus aran a neartaicheas cridhe an duine.

16 Tha craobhan an Tighearna làn brìgh, seudair Lebanon a shuidhich e:

17 Far an dean na h-eòin an nìd; aig an store *tha* na craobhan giuthais mar ionad-tàimh.

18 *Tha* na beanntan àrda 'n an tearmann do na gabhair fhiadhaich; na creagan do na coineanaibh.

19 Rinn e a' ghealach air son aimsirean; is aithne do'n ghreín mar a luidheas i.

20 Nì thu dorchadas, agus tha'n oidheche ann: an sin snàigidh uile bhcataichean na coille *mach*.

21 Beucaidh na leòmhain òga air son cobh-artaich, agus ag iarraidh am bìdh air Dia.

22 Eiridh a' ghrian, cruinnichidh iad le 'chéile, agus 'n an àitibh-tàimh luidhidh iad.

23 Thèid an duine mach gu 'obair, agus gu 'shaothair gu feasgar.

24 Cia hionmhor d'oibre, a Thighearna! ann an gliocas rinn thu iad gu léir: tha'n talamh làn le d' shaoibhreas:

25 *Mar an ceudna* an cuan so a tha mòr agus farsuinn, ams *am bheil creutairean* snàigeach gun àireamh, araon beathaichean beaga agus mòra.

26 An sin siubhlaidh na longan; agus an Lebhiatan sin, a dhealbh thu gu bhli 'sugradh ann.

27 Feithidh iad sin uile orts, chum gu'n tabhair thu dhoibh am biadh 'n a thràth.

28 Bheir thusa dhoibh, cruinnichidh iad-san; fosgailidh tu do làmh, sàsuichear iad le maith.

29 Fòluichidh tu do ghmùis, bithidh iad fo amhladh; bheir thu uatha an deò, eugaidh iad, agus pillidh iad ri'n ùir.

30 Cuiridh tu mach do spiorad, cruthaich-ear iad; agus athnuadhaidh tu aghaidh na talmhainn.

31 Mairidh glòir an Tighearna gu bràth; ni an Tighearn gairdeachas 'n a oibrìbh.

32 Seallaidh e air an talamh, agus crìoth-naichidh e; beanaidh e ris na beanntaibh, agus bithidh deatach dhiubh.

33 Seinnidh mise do'n Tighearn an cian is beò mi; canaidh mi moladh do m' Dhia fhad's a blitheas bith agam.

34 Bithidh mo smuaintean air milis; ni mi gairdeachas anns an Tighearn.

35 Sgrìosar peacaich a mach as an talamh, agus cha *bhi* na h-aingidh ann ni's mò. Beannaich an Tighearn, O m'anam. Mol-aibhse an Tighearn.

SALM CV.

1 *Is còir buidheachas a thabhairt do Dhia, agus a ghnùis iarraidh a ghnàth.* 8 *Nochd an salmadair freasdal Dhé do Abraham;* 16 *do Ioseph;* 23 *agus do Israel's an Eiphit, &c.*

THUGAIBH buidheachas do'n Tighearn; gairmibh air 'ainm; foillsichibh am measg nan sluagh a ghluimharan.

2 Seinnibh dha; seinnibh sailm dha; labh-raibh air 'oibrìbh iongantach-san gu léir.

3 Deanaibh uail a 'ainm naomh-san: bithleadh gairdeachas air cridhe na dream a dh'iarraas an Tighearn.

4 Iarraibh an Tighearn agus a neart; iarraibh a ghnùis a ghnàth.

5 Cuimhnichibh 'oibre iongantach a rinn e; a chomharan agus breitheanais a bheòil.

6 Osibhse a shliochd Abraham 'oglaich-san, sibhse a chlann Iacoib a dhaoine taghta-san.

7 *Is esan an Tighearn air Dia-ne;* air feadh na talmhainn uile *tha* a bhreitheanais.

8 Chuimhnich e gu sìorruidh a choimcheangal, am focal a dh'orduich e do mhàle ginealach;

9 A rinn e ri h-Abraham, agus a mhionnan do Isaac:

10 Agus dhaingnich e sin do Iacob mar reachd, do Israel mar choimheangal bith-bhuan;

11 Ag ràdh, Dhuitse bheir mi fearann Chanaain, crannachur bhur n-oighreachd.

12 An uair nach robh iad ach ro theare'an àireamh, agus 'n an coigrich ann;

13 Agus a chaidh iad o chinneach gu cinn-each, o rìoghachd gu sluagh eile;

14 Cha do leig e le duine san bith eucoir a dheanamh orra, agus smachdaich e rìgh-rean air an son;

15 *Ag ràdh,* Na beanaibh ri m' dhaoimibh ungta, agus airm fhàidhibh na deanaibh cron.

16 Agus ghairm e gorta air an tìr; bhris e uile log an arain.

17 Chuir e duine rompa, Ioseph, a reieadh mar thràill.

18 Le geimhlìbh dhochainn iad a chosan; chuircadh 'an iarum e gu teann;

19 Gu ruig an t-àm anns an d'thàinig a bhriathar: dhearbhaigh focal an Tighearn e.

20 Chuir an rìgh *teachdair* uaith, agus dh'fhuasgail e air; uachdaran an t-sluaigh, agus leig e saor as e.

21 Rinn se e 'n a thighearn air a thigh, agus 'n a uachdaran os ceann a mhaoin uile;

22 Chum gu'n ceangladh e 'ard-cheannardan a réir a thoile, agus gu'n deanadh e a shean-airean glie.

23 Agus thàinig Israel do'n Eiphit, agus bha Iacob air chuairt ann an tìr Cham.

24 Agus thug e air a shluagh fas ro lìon-mhor, agus rinn e ni bu treise iad na'n naimhdean.

25 Dh'iompaich e an cridhe gu fuath a thoirt d'a shluagh, agus gu buntainn gu cealgach r'a sheirbhisich.

26 Chuir e *d'an ionnsuidh* Maois 'òglach féin, Aaron a tlagh e.

27 Nochd iad a chomharan 'n am measg, agus a bheartan iongantach ann an tìr Cham.

28 Chuir e mach dorchadas, agus bha dorchadas ann: agus cha d'rinn iad ceannaire an aghaidh 'fhocail.

29 Thionndaidh e an uisgeachan gu fuil, agus mharbh e an iasg.

30 Thug an tìr a mach losgannan gu pailt, ann an seòmraichibh an rìghrean.

31 Labhair e, agus thàinig iomadh gnè chuileag agus mialan 'n an crìochaibh uile.

32 Air son an uisge thug e dhoibh clach-mheallain, agus teine lasarach 'n an tìr.

33 Agus bhuail e an croinn-fhìona agus an croinn-fhìge; agus bhris e craobhan an crìoch.

34 Labhair e, agus thàinig locuist, agus burruis, agus sin gun àireamh;

35 Agus dh'ith iad gach luibh 'n an tìr; agus dh'ith iad meas am fearainn.

36 Agus bhuail e gach ceud-ghin 'n an tìr, toiseach an neirt uile.

37 Agus thug e mach iad le h-airgiod agus le h-òr: agus 'n an treubhan uile cha robh aon neach lag.

38 Bha aoibhneas air an Eiphit an uair a chaidh iad a mach; oirthuitan eagal-san orra.

39 Sgaoil e neul mar chòmhdach, agus teine gu solus a thoirt 's an oidheche.

40 Dh'iarr iad, agus thug e *dhoibh* gearragoirt; agus le h-aran nèimh shàsuich e iad.

41 Dh'fhosgail e a' chreag, agus bhrùchd uisgeachan a mach; ruith iad air na h-ionadaibh tioram mar amhainn.

42 Oir chuimhnich e a ghealladh naomh do Abraham a sheirbhisach.

43 Agus thug e mach a shluagh le h-aoibhneas, a dhaoine taghta le gairdeachas.

44 Agus thug e dhoibh fearann nan cinn-each; agus shealbhaich iad saothair nan sluagh;

45 Chum gu'n tugadh iad fainear a reachd an, agus gu'n gleidheadh iad a laghan. Molaibh an Tighearn.

SALM CVI.

1 *Chomhairlich an Salmadair do'n t-sluagh Dia a mholadh air son a mhaithis.* 4 *Ghuidh e gu'n cuimhnichadh Dia orra le a dheadh-ghean.* 6 *Chuir e 'an cèill ceannaire Israeil;* 47 *agus chrìochnaich e le urnuigh.*

MOLAIBH an Tighearn. O thugaibh buidheachas do'n Tighearn, oir *tha* e maith, oir gu bràth *mairidh* a thròcair.

2 Cò a's urrainn gnìomharan treun' an Tighearn' a chur 'an cèill? cò a's urrainn a chliu uile fhoillseachadh?

3 *Is* beannaichte iadsan a choimhideas breitheanas, a ni ceartas anns gach àm.

4 Cuimhnich oirn, a Thighearna, leis an deadh-ghean *a tha thu 'nochdadh* do d' shluagh féin: O fiosraich sinn le d' shlàinte:

5 Chum gu'm faic sinn maith do dhaoine taghta, chum gu'n dean sinn aoibhneas ann an aoibhneas do chinnich; chum gu'n dean sinn uail le d'oighreachd-sa.

6 Pheacaich sinne le'r n-aithrichibh; rinn sinn gu h-ole, rinn sinn gu h-aingidh.

7 Cha do thuig ar n-aithrichean d'iongantais anns an Eiphit; cha do thuig iad lionmhoireachd do throacair, ach bhrosnuich iad *thu* làimh ris a' mhuir, aig a' mhuir ruaidh.

8 Gidheadh theasaig e iad air sgàth 'ainme féin; chum gu'n nochdadh e a chumhachd.

9 Agus smachdaich e a' mhuir ruadh, agus thormaich e i; agus threòraich e iad troimh na doimhneachdaibh, mar troimh fhàsach.

10 Agus theasaig e iad o làmh an tì a thug fuath *dhoibh*, agus shaor e iad o làmh an nàmhaid.

11 Agus dh'fholuich na h-uisgeachan an eascairdean: cha d'fhàgadh aon diubh.

12 An sin chreid iad a bhriathran, agus sheinn iad a chliu.

13 Gu luath dhì-chuimhnich iad a ghnìomharan; cha d'fheith iad r'a chomhairle.

14 Ach ghlac ana-miann iad 's an fhàsach, agus bhuair iad Dia anns an ionad uaigheach.

15 Agus thug e dhoibh an iarrtus, ach chuir e caoile air an anam.

16 Agus ghabh iad farmad ri Maois anns a' champ, agus ri h-Aaren *sagart* naomh an Tighearna.

17 Dh'fhosgail an talamh, agus shluig e sìos Datan, agus dh'fholuicheadh cuid-eachd Abiram.

18 Agus las teine 'n an cuideachd; loisg an lasair suas na droch dhaoine.

19 Rinn iad laogh ann an Horeb, agus shleuchd iad do'n dealbh leaghta.

20 Agus dh'atharraich iad an glòir gu cosamhlachd daimh a dh'itheas feur.

21 Dhì-chuimhnich iad Dia am Fear-saoraidh, a rinn nithean mòra anns an Eiphit;

22 Nithean iongantach ann an tìr Cham, nithean uamhasach aig a'mhuir ruaidh:

23 Uime sin thubhairt e gu'm milleadh e iad, mur bhithheadh gu'n do sheas 'òglach taghta Maois fa chomhair anns a' bhearn, gus a chorruih a thionndadh uatha, chum nach sgriosadh e iad.

24 Agus rinn iad tarcuiss air an tìr thaitnich: cha do chreid iad 'fhocal.

25 Agus rinn iad gearan 'n am bùth-aibh; agus cha d'éisd iad ri guth an Tighearna.

26 An sin thog e a làmh 'n an aghaidh, a thoirt orra tuiteam anns an fhàsach;

27 Agus a thilgeadh sìos an slìochd ann measg nan cinneach, agus gu'n sgaoileadh air feadh nan tìr.

28 Mar an ceudna naisg iad iad féin ri Baal-peor, agus dh'ith iad iobairtean nam marbh.

29 Agus bhrosnuich iad e le'n gnìomhar-aibh; agus bhris a' phlàigh a steach orra.

30 An sin sheas Phinehas, agus chuir e breitheanas 'an gnìomh; agus choisgeadh a' phlàigh.

31 Agus mheasadh sin dha mar fhìreantachd, o linn gu linn gu bràth.

32 Chuir iad fearg air mar an ceudna aig uisgeachan Mheribah; agus dh'éirich ole do Mhaois air an son.

33 Oir bhrosnuich iad a spiorad, air chor as gu'n do labhair e gu h-aithghearr le 'bhilibh.

34 Cha do sgrios iad na slòigh, mu'n d'thug an Tighearn àithne dhoibh;

35 Ach choimh-mheasg iad iad féin ann measg nan cinneach, agus dh'fhòghluim iad an oibre.

36 Agus rinn iad seirbhis d'an iòdholaibh, a bha mar ribe dhoibh.

37 Agus dh'ìobair iad am mic agus an nigheanan do dheamhnaibh,

38 Agus dhòirt iad fuil neò-chiontach, fuil am mac agus an nighean, a dh'ìobair iad do iòdholaibh Chanaain: agus thruaillleadh an tìr le fuil.

39 Agus rinneadh neòghlan iad le'n oibribh, agus chaidh iad air striopachas le'n gnìomharaibh.

40 Agus las fearg an Tighearn' an aghaidh a shluagh, agus ghabh e gràin d'a oighreachd.

41 Agus thug e suas iad do làmh nan cinneach; agus bha iadsan a dh'fhuathaich iad, 'n an uachdair os an ceann.

42 Agus shàruich an naimhdean iad; agus leagadh gu h-ìosal iad fo'n làimh.

43 Iomadh uair shaor e iad; ach bhrosnuich iad e le'n comhairlibh, agus thugadh sìos iad air son an cionta.

44 Gidheadh thug e an àmhghar fainear, an uair a chual' e an glaoth:

45 Agus chuimhnich e dhoibh a choimhcheangal, agus ghabh e aithreachas a réir lionmhoireachd a thròcair.

46 Agus fhuair e truas dhoibh 'an scalladh

SALM CVII.

na muinntir sin a thug leo 'n am braighdibh iad.

47 Saor sinn, a Thighearn' ar Dia, agus tionail sinn o mheasg nan cinneach, chum buidheachas a thabhairt do d'ainm uamhsa, chum caitheam a dheanamh ann ad chlin.

48 Gu ma beannaichte an Tighearn Dia Israeil o shiorruidheachd gu sìorruidheachd! agus abradh an sluagh uile, Amen. Molaibhse an Tighearn.

SALM CVII.

1 *Chomhairlich Daibhidh do'n t-sluagh Dia a mholadh air son a mhaithais, 6 agus air son a fhreasdail d'an taobh anns gach teanntachd.*

O THUGAIBH buidheachas do'n Tighearn, oir *tha* e maith, oir gu bràth *mairidh* a thròcair.

2 *Mar so* abradh iadsan a shaoradh leis an Tighearn, a shaor e o làimh an nàmhaid; 3 Agus a chruinnich e as na tìrìbh, o'n àird an ear agus o'n àird an iar, o'n àirde tuath agus o'n àirde deas.

4 Chaidh iad air seacharan anns an fhàsach, ann an ionad uaigneach; slighe gu baile tàimh cha d'fhuair iad.

5 Ocrach agus tartmhor, dh'fhàilnich an anam anna.

6 An sin ghlaodh iad ris an Tighearn 'n an aire, agus as an teanntachdaibh shaor e iad.

7 Agus thredraich e iad air slighe cheirt, chum gu'n rachadh iad gu baile tàimh.

8 O gu moladh *daoine* Dia air son a mhaithais, agus air son a bheartan iongantach do chloinn nan daoine!

9 Oir shàsuich e an t-anam cìocrach, agus lìon e an t-anam ocrach le maith.

10 Iadsan a shuidh ann an dorchadas agus ann an sgàile a' bhàis, ceangailte ann an truaighe agus ann an iarunn,

11 A chionn gu'n d'rim iad ceannaire an aghaidh bhriathar Dhé, agus gu'n d'rim iad tàir air comhairle an Tì a's àirde;

12 Aig an do leagadh sìos an cridhe le anshocair: thuit iad, agus cha robh fear-cuideachaidh ann:

13 An sin ghlaodh iad ris an Tighearn 'n an aire, agus as an teanntachdaibh shaor e iad.

14 Thug e iad á dorchadas agus á sgàile a' bhàis, agus bhris e o' chéile an cuibhearach.

15 O gu moladh *daoine* an Tighearn air son a mhaithais, agus air son a bheartan iongantach do chloinn nan daoine!

16 Oir bhris e na geatachan umha, agus ghearr e sìos na croinn iarunn.

17 Bha amadain, air son an eusaontais agus air son an eucartan, fo àmlghar.

18 De gach biadh ghabh an anam grùn, agus thàinig iad dlùth do gheatachaibh bais.

19 An sin ghlaodh iad ris an Tighearn 'n an aire, agus as an teanntachdaibh shaor e iad.

20 Chuir e 'fhocal uaith, agus shlànuaich o iad; agus shaor e iad o sgrios.

21 O gu moladh *daoine* an Tighearn air son a mhaithais, agus air son a bheartan iongantach do chloinn nan daoine!

22 Agus gu'n iobradh iad iobairtean buidheachais, agus gu'n cuireadh iad 'an cèill a ghnìomharan le luathghaire!

23 Iadsan a théid sìos do'n fhairege air longaibh, a ni obair air uisgeachaibh mòra,

24 Chi iadsan gnìomharan an Tighearn', agus a bheartan iongantach 's an doimhne.

25 Oir labhraidh e, agus dùisgidh e a' ghaoth dhoinnionnach, agus togaidh i a tonnan.

26 Théid iad suas do na nèamhan, théid iad sìos do na doimhneachdaibh; le h-àmlghar leaghadh an anam.

27 Théid iad thuige agus uaith, agus tuislichidh iad mar dhuine air mhisg; agus théid as d'an cèill uile.

28 An sin ghlaodhaidh iad ris an Tighearn 'n an aire, agus as an teanntachdaibh bheir e iad.

29 Cuiridh e an doinionn gu feith; agus bithidh a tonnan 'n an tàmh.

30 An sin bithidh iad aig, a chionn gu'm bi iad foisneach; agus bheir e iad do'n chadaladh a's miannach leo.

31 O gu moladh *daoine* an Tighearn air son a mhaithais, agus air son a bheartan iongantach do chloinn nan daoine!

32 Agus gu'n àrdaicheadh iad, e ann an coimhlhional an t-sluaigh, agus ann an àite-suidhe nan seanar gu moladh iad e!

33 Ni e ainmnichean 'n am fàsach, agus tobraichean uisge 'n an talamh tartmhor.

34 Fearann beartach *ni* e fas, air son ainigheachd a luchd-àiteachaidh.

35 Ni e fàsach 'n a linne uisge, agus fearann tioram 'n a thobraichibh uisge.

36 Agus an sin bheir e air na h-ocrach còmhnuidh a ghabhail; agus deasaichidh iad baile-tàimh;

37 Agus sìol-chuiridh iad achaidhean, agus suidhicidh iad fion-liosan; agus bheir iad toradh pailt uatha.

38 Agus beannaichidh e iad, agus fàsaidh iad ro fhonnhor; agus cha lughdaich e an spréidh.

39 Ach *ma pheacaicheas iad*, lughdaichear agus leigear sìos iad le foirncart, ole, agus doilgheas.

40 Dòiridh e tarcais air àrd-uaislibh, agus cuiridh e air seacharan iad ann am fàsach as cugmhais slighe.

41 Agus togaidh e suas am bochd o thruaighe, agus ni e teaghlaichean *dha* mar theud.

42 Chi na fireanan so, agus bithidh iad ait; agus druididh gach euceart a beul.

43 Cò a tha glic, agus a bheir fainear na nithean sin? tuigidh esan caoinnmeas gràdhach an Tighearna.

SALM CVIII.

1 *Ghlac Daibhidh misneach gu Dia a mholadh, 5 agus dh'farr e còmhaidh uaith a rèir a gheallaidhean.*

Laoidh no Salm le Daibhidh.

THA mo chridhe deas, a Dhé; seinnidh mi agus molaidh mi, eadhon le mo ghloir.

2 Mosgail, a shaltair agus a chlarsach: mosglaidh mi féin moch air mhaduinn.

3 Molaidh mi thu am measg nan sluagh, a Thighearn, agus seinnidh mi dhuit am measg nan cinneach.

4 Oir is mòr do thròcair os ceann nan nèamh; agus tha d'fhìrinn gu ruig na nèbil.

5 Bi air d'ardachadh os ceann nan nèamh, a Dhé; agus os ceann na talmhainn uile *bitheadh* do ghloir.

6 Chum gu'n teasairgear iadsan a's ionmhuinn leat, saor thusa le d' dheas làimh, agus éisd rium.

7 Labhair Dia 'n a naomhachd: ni mi aoibhneas, roinnidh mi Sechem, agus tomhaisidh mi gleann Shucoit.

8 *Is* leamsa Gilead; *is* leam Manasch; agus *is* e Ephraim neart mo chinn; Iudah fear-tabhairt mo lagha.

9 *Is* e Moab mo shoitheach-ionnlaid; os ceann Edoim tilgidh mi mo bhròg; thar Palestin ni mi caithream.

10 Cò a bheir mi do'n bhaile dhaingnichte? cò a thredraicheas mi gu h-Edom?

11 Nach tusa, a Dhé? *thusa* a thilg uait sinn, agus nach deachaidh a mach, a Dhé, le ar n-armaitibh?

12 Thoir còmhaidh dhuinn ann an aire; oir *is* dìomhain furtachd duine.

13 Trid Dhé ni sinn treubhantas; oir saltraidh esan sìos ar naimhdean.

SALM CIX.

1 *Tha Daibhidh a' gearan gu'n do bhuin a naimhdean gu cealgach ris. 6 Thug e thairis iad do léir-sgrìos: 16 Nochd e gu'n do ghràdhaidh iad aingidheachd; 21 agus ghruidh e gu'n saoradh Dia e o luchd-dùidh 'anam.*

Do'n àrd fhear-ciùil. Salm le Daibhidh.

ADHE mo chliu, na bi a'd' thosd.

2 Oir tha beul an aingidh, agus beul na cèlge fosgailte a'm' aghaidh; labhair iad a'm' aghaidh le teangaidh nam breug.

3 Agus le briathraibh fuatha chuairtich iad mi; agus chog iad a'm' aghaidh gun aobhar.

4 Ann an éiric mo ghràidh tha iad naimhdeil dhomh, agus mi ri h-urnuigh.

5 Agus dhiol iad dhomh olc 'an éiric maith, agus fuath 'an éiric mo ghràidh.

6 Cuir an t-aingidh os a cheann, agus seasadh Satan aig a dheas làimh.

7 'N uair a bheirear breth air, faighcar ciontach e, agus bitheadh 'urnuigh dha 'n a peacadh.

8 Bitheadh a làithean tearc, agus glacadh neach eile a dhreuchd.

9 Bitheadh a chlànn 'n an dilleachdain, agus a bhean 'n a banraich.

10 A ghnàth air seacharan bitheadh a chlànn, agus iarradh iad déire; agus sircadh iad as an àitibh fàs.

11 Glacadh fear nam fiach gach ni a tha aige, agus creachadh coigriche a shaothair.

12 Na bitheadh neach ann a ni tròcair air, agus na bitheadh aon ann a ghabhas truas d'a chloinn gun athair.

13 Sgrìos gu'n robh air a shliochd: 's an àl a thig 'n a dhéigh, gu'n cuirear as d'a ainm.

14 Air chuimhne bitheadh aingidheachd 'aithrichean aig an Tighearn; agus na cuir-eas as peacadh a mhàthar.

15 Bitheadh iad 'am fianuis an Tighearn' a ghnàth; agus gearradh e as an cuimhne o'n talamh.

16 A chionn nach do chuimhnich e tròcair a nochdadh, ach gu'n do gheur-lean e an duine bochd agus uireasbhuidheach, agus aig an robh cridhe goirt, chum a mharbhadh.

17 Mar a ghràdhaidh e mallachadh, thigeadh e air: mar nach robh tlachd aige ann am beannachadh, bitheadh e fada uaith.

18 Mar a chuir e mallachadh uime mar 'eudach, thigeadh e steach mar uisge 'n a chom, agus mar olaidh 'n a chnàmhan.

19 Bitheadh e dha mar an trusgan leis an còmhdaichear e, agus mar an crìos leis an crìslaichear e a ghnàth.

20 *Is* e so obair m' eascairdean an làthair an Tighearna, agus na daoine a labhras olc an aghaidh m'anama.

21 Ach dean thusa air mo shon, a Thighearna Dhé, air sgàth d'ainme; a chionn gu bheil do thròcair maith, saor thusa mi.

22 Oir tha mi bochd agus uireasbhuidheach, agus tha mo chridhe air a lotadh an taobh a stigh dhìom.

23 Mar sgaile a' claoonadh sìos tha mi a' siubhal; tha mi air m'fhuadachadh mar an locust.

24 Tha 'mo ghluinean lag le trasgadh, agus tha m'fheoil a' teireachduinn le dìth sulta.

25 Agus tha mi a'm' aobhar maslaidh dhoibh: 'n uair a sheall iad orm, chrath iad an cinn.

26 Cuidich leam, a Thighearna mo Dhia; saor mi a réir do thròcair:

27 Chum gu'm bi fios aca gur i so do làmh, gur tusa, a Thighearn', a rinn e.

28 Mallaicheadh iadsan, ach beannaich thusa: 'n uair a dh'éireas iad, bitheadh nàire orra; ach bitheadh d'òglach-sa air.

29 Bitheadh m' eascairdean air an còmh-dachadh le nàire, agus bitheadh iad air am folach le'n amhluidh féin, mar le falluinn.

30 Ard-mholaidh mi an Tighearn le m' bheul; agus am measg na mòr-chuideachd bheir mi cliù dha.

31 Oir seasaidh e aig deas làimh an duine bhoehd, chum a shaoradh o luehd-ditidh 'anama.

SALM CX.

1 *Oighreachd, 4 sagartachd, 5 buaidh, 7 agus fulangas Chrìosd.*

Salm le Daibhidh.

THUBHAIRT an Tighearn ri m' Thighearn, Suidh aig mo dheas làimh, gus an cuir mi do naimhdean 'n an stòl fo d' chosaibh.

2 Slat-shuaieheantais do chumhaehd euiridh an Tighearn a mach á Sion: bi thusa a'd' uachdaran ann am meadhon do naimhdean.

3 *Bithidh* do shluagh ro thoileach ann an là do chumhaehd: ann am maise na naomhaehd, mar an drùchd o bholg na maidne, *bithidh* d'òige agad.

4 Mhionnaich an Tighearn, agus cha ghabh e aithreachas, *Is* sagart thu gu bràth, a réir orduigh Mhelchisedeie.

5 Buailidh an Tighearn, a tha aig do dheas làimh, rìghrean ann an là 'fheirge.

6 Bheir e breth am measg nan einneach; lìonaidh e *gach àit le* corpaibh marbha; lotaidh e an t-uachdaran os ceann iomadh tìr.

7 De'n t-sruth air an t-slighe òlaidh e; uime sin togaidh e suas a cheann.

SALM CXI.

1 *Is cubhaidh cliù a thabhairt do Dhia air son 'oibre glòrmhor agus iongantach. 7 Is iad fìrinn agus ceartas gnìomharan a làmh.*

MOLAIBHSE an Tighearn. Bheir mise cliù do'n Tighearn le m' uile chridhe, ann an coinneamh nam firean, agus anns a' choimhthional.

2 *Tha* gnìomharan an Tighearna mòr; ramnaichear iad leo-san uile aig am bheil tlachd anna.

3 Urramaeh agus glòrmhor *tha* 'obair-san; mairidh 'fhìreantachd gu bràth.

4 Chuir e a ghnìomharan iongantach air ehuimhne: gràsmhor agus truacanta *tha* an Tighearn.

5 Thug e lòn dhoibhsan d'an eagal e: euimhniehidh e gu bràth a choimhcheangal.

6 Chuir e neart 'oibre 'an céill d'a shluagh, le oighreachd nan einneach a thabhairt doibh.

7 *Is* iad fìrinn agus ceartas gnìomharan a làmh; *tha* àitheanta-san uile fìor.

8 Seasmaeh *tha* iad gu saoghal nan saoghal, deanta ann am fìrinn agus ann an ceartas.

9 Chuir e saorsa dh'ionnsuidh a shluaigh, dh'àithn e a choimheangal gu bràth: *is* naomh agus urramach 'ainm-san.

10 *Is* e eagal an Tighearna toiseach a' ghliocais; *tha* deadh thuigse aca-san uile a ni àitheanta-san: mairidh a chliù gu bràth.

SALM CXII.

1 *Beannachadh agus tèarruinteachd nan ionracan: 10 Chì na h-aingidh an soirbheachadh, agus bithidh fearg orra.*

MOLAIBHSE an Tighearn. *Is* beannaichte an duine air am bi eagal an Tighearn', a ghabhas tlachd mòr d'a àitheantaibh.

2 Làidir anns an tìr bithidh a shliochd; beannaichear ginealach nam firean.

3 *Bithidh* maoin agus saoihbreas 'n a thigh; agus mairidh 'fhìreantachd gu bràth.

4 Ann an dorchadas éiridh solus do na fireanaibh: gràsmhor agus làn truacantais, agus cèthromach *tha* [an Tighearn.]

5 *Is* maith do'n duine a bhitheas truacanta agus coingheallach, a riaghlas a ghnòithean gu ceart:

6 Oir gu bràth cha ghluaisear e; air chuimhne gu bràth bithidh am firean.

7 Roimh dhroch sgeul cha bhi eagal air; *tha* a chridhe suidhichte, ag earbsadh as an Tighearn.

8 *Tha* a chridhe air a shocrachadh, cha bhi eagal air, gus am faic e *crìoch* a naimhdean.

9 Sgaoil e, thug e do na bochdaibh; mairidh 'fhìreantachd gu bràth; mairidh 'adharc le h-urram.

10 Chì an droch dhuine, agus bithidh fearg air; easaidh e 'fhiacalan, agus seargaidh e as; sgriosar miann nan aingidh.

SALM CXIII.

1 *Earail gu Dia a mholadh, 6 do bhrìgh gu'n d'istich se e fèin gu amharc air oibrìb a làmh.*

MOLAIBHSE an Tighearn. Molaibh, O sibhse òglacha an Tighearna, molaibh ainm an Tighearna.

2 Gu ma beannaichte aium an Tighearn', o'n àm so agus gu bràth.

3 O éirigh na gréine gu ruig a luidhe, *is* ionmholta aium an Tighearna.

4 Ard os ceann nan einneach uile *tha* an Tighearn, os ceann nan nèamh a ghloir.

5 Cò a's cosmhuil ris an Tighearn ar Dia, a tha 'n a chòmhuidh shuas?

6 A dh'ìslicheas e fèin gu amhare air na nithibh a tha 's na nèamhan, agus air an talamh.

7 Togaidh e am bochd o'n duslach; o'n òtrach àrdaichidh e an t-ainnis;

8 Chum a chur 'n a shuidhe le àrd uaislibh, le àrd uaislibh a shluaigh.

9 Bheir e air a' mhnaoi a tha gun sliochd còmhuidh a ghabhail ann an tigh, 'n a màthair ait eoinne.

SALM CXIV.

1 *Tha cumhachd Dhé, a nochd e do Israel 'n uair a thug e mach iad as an Eiphit, 'n a abhar eagair d'a shluagh.*

MOLAIBHSE an Tighearn. 'N uair a thàinig Israel a mach as an Eiphit, tigh Iacoib o shluagh coimhcach,

2 Bha Iudah dha mar a chòmhuidh naomh, Israel mar a thighearnas.

3 Chunnaic an cuan, agus theich e; thionndaidh Iordan air a h-ais.

4 Leum na beanntan mar reitheachan, na enuic mar uain.

5 Ciod, a chuain, a thug ort teicheadh? a Iordain, a thug ort tionndadh air d'ais?

6 A bheanntan, a thug oirbh leum mar reitheachan; a chnocan, mar uain?

7 Criothnaich, a thalaimh, an làthair an Tighearn', an làthair Dhé Iacoib!

8 A thionndaidheas a' charraig gu linne uisge, an aillbhin gu tobar uisge!

SALM CXV.

1 *Nochd an salmadair gu'm buin glòir do Dhia a mhàin.* 4 *Dìomhanas iodhol-aoiridh.* 9 *Earail gu earbsadh as an Tighearn.*

TABHAIR glòir, a Thighearna, cha-n ann duinne, cha-n ann duinne, ach do d'ainm féin, air son do thròcair agus air son d'fhèrrinn.

2 Car son a theireadh na cinnich, C'àit a nis am bheil an Dia?

3 Ach tha ar Dia-ne anns na nèamhan, agus rinn e gach ni a b'àill leis.

4 Is airgid agus òr an iodhoil-san, obair lamh dhaoine!

5 Tha beòil aca, ach cha labhair iad; sùilean aca, ach cha-n fhaic iad.

6 Tha cluasan aca, ach cha chluinn iad; srònan aca, ach cha ghabh iad faile.

7 Tha làmhnan aca, ach cha lainsich iad; cosan aca, ach cha-n imich iad; agus cha labhair iad troimh an scòran.

8 Cosmhuil riu féin tha iadsan a ni iad, agus gach neach a dh'earbas asda.

9 Earbadh tigh Israeil as an Tighearn: is esan an còmhadh, agus an sgiath.

10 Earbadh tigh Aaroin as an Tighearn: is esan an còmhadh, agus an sgiath.

11 Iadsan air am bi eagal an Tighearn', earbadh iad as an Tighearn: is esan an còmhadh agus an sgiath.

12 Bha an Tighearn cuimhneachail oirnn: beannaichidh e sinn; beannaichidh e tigh Israeil; beannaichidh e tigh Aaroin.

13 Beannaichidh e iadsan air am bi eagal an Tighearna, na big agus na mòir.

14 Cuiridh an Tighearn sibh ann an lìon-mhoireachd, sibh féin agus bhuir clann.

15 Is beannaichte sibhse o'n Tighearn, a rinn na nèamhan agus an talamh.

16 Is leis an Tighearn na nèamhan, eadhon na nèamhan; ach an talamh thug e do chloinn nan daoine.

17 Cha mhol na mairbh an Tighearn, no iadsan uile a thèid sìos tosdach do'n uaigh.

18 Ach beannaichidh sinne an Tighearn, o'n àm so agus gu bràth. Molaibhse an Tighearn.

SALM CXVI.

1 *Chuir an salmadair 'an cèll a ghràdh agus a dhleasdanas do Dhia air son na tròcair' a nochd e dha.* 12 *Gheall e a bhòidean ròcadh do'n Tighearn ann an sealladh a shluagh.*

IS toigh leam an Tighearn, oir dh'éisd e ri guth m'athcheuingean.

2 A chionn gu'n d'aoim e a chluas rium, uime sin ri m' bheò éighidh mi ris.

3 Chuairtich doilgheasan a' bhàis mi, agus ghlac piantan ifrinn mi: fhuaire mi teinn agus bròn.

4 An sin ghairm mi air ainm an Tighearn: A Thighearna, guidheam ort, saor m'anam.

5 Is gràsmhor an Tighearn, agus cothrom-ach; agus is tròcaireach ar Dia-ne.

6 Gleidhidh an Tighearn na daoine aon-fhillte: dh'islicheadh mi, agus theasaig e mi.

7 Pill, O m'anam, gu d' shuaimhneas, oir bhuin an Tighearn riut gu fial.

8 Oir shaor thu m'anam o'n bhàs, mo shùil o dheuraibh, agus mo chos o shlcamh-nachadh.

9 Gluaisidh mi 'am fianuis an Tighearn' ann an tìr nam beò.

10 Chreid mi, uime sin labhair mi; chlaoidh-eadh mi gu mòr.

11 Thubhairt na a'm' dheifir, Tha gach duine breugach.

12 Ciod a dh'iocas mi do'n Tighearn air son 'uile thiodhlacan dhomh?

13 Glacaidh mi cupan na slàinte, agus gairmidh mi air ainm an Tighearna.

14 Iocaidh mi mo bhòidean do'n Tighearn, a nis an làthair a shluagh uile.

15 Is luachmhor ann an sealladh an Tighearna bàs a naomh.

16 O a Thighearna, gu deimhin is mi d'òglach, is mi d'òglach, mac do bhanog-laich; sgaoil thu mo chuibhreath.

17 Dhuitse iobraidh mi iobairt mholaidh, agus air ainm an Tighearna gairmidh mi.

18 Iocaidh mi mo bhòidean do'n Tighearn a nis an làthair a shluagh uile,

19 Ann an èirteibh tìghe an Tighearn', ann ad mheadhon-sa, O Ierusalem. Molaibhse an Tighearn.

SALM CXVII.

1 *Earail gu Dia a mholadh air son a thròcair' agus 'fhirinn'.*

MOLAIBH an Tighearn, sibhse a chinne-eacha uile; molaibh e, a shlòigh uile:

2 Oir is mòr a thròcair eadhon d'ar taobhne; agus mairidh firinn an Tighearna gu bràth. Molaibhse an Tighearn.

SALM CXVIII.

1 *Is airidh Dia air buidheachas a chionn gu mair a thròcair gu bràth.* 5 *Nochd an sal-madair gur maith an nì earbsadh as an Tighearn.*

O THUGAIBH buidheachas do'n Tighearn, oir *tha* e maith, oir gu bràth *mairidh* a thròcair.

2 Abradh Israel a nis, gu *mair* a thròcair gu bràth.

3 Abradh tigh Aaroin a nis, gu *mair* a thròcair gu bràth.

4 Abradh iadsan a nis d'an eagal an Tighearn, gu *mair* a thròcair gu bràth.

5 Ann an teinn ghairm mi air an Tighearn: fhreagair an Tighearn mi, *ga m' chur* ann an ionad farsuinn.

6 *Tha'n* Tighearn leam, cha-n eagal leam ciod a dh'fheudas duine a dheanamh orm.

7 *Tha'n* Tighearn am measg mo luchd-euideachaidh, agus chi mi *crioch* mo luchd-fuatha.

8 *Is* fearr earbsadh as an Tighearn, na earbsadh á duine.

9 *Is* fearr earbsadh as an Tighearn, na earbsadh á h-uachdaranaihbh.

10 Chuairtich na cinnich gu léir mi; ach ann an ainm an Tighearna gearraidh mi as iad.

11 Chuairtich iad mi, seadh, chuairtich iad mi; ach ann an ainm an Tighearna gearraidh mi as iad.

12 Chuairtich iad mi mar bheachan; cuirear as iad mar theine droighnich; oir ann an ainm an Tighearna gearraidh mi as iad.

13 Thug thu ionnsuidh dhian orm, chum mo leagadh; ach chuidich an Tighearn leam.

14 *Is* e an Tighearn mo neart, agus mo cheòl; agus is e mo shlàinte.

15 *Tha* guth gairdeachais agus slàinte ann am pàilluinaibh nam firean: rinn deas làmh an Tighearna treubhantas!

16 Dh'àrdaicheadh deas làmh an Tighearna; rinn deas làmh an Tighearna treubhantas!

17 Cha-n fhaigh mi bàs, ach mairidh mi beò, agus cuiridh mi'n céill oibre an Tighearna.

18 Throm-smachdaich an Tighearn mi; ach gu bàs cha d'thug e thairis mi.

19 Fosglaibh dhomh geatachan an ionracais; théid mi steach orra, agus molaidh mi an Tighearn.

20 *Is* e so geata an Tighearn', air an téid na fireanan a steach.

21 Molaidh mi thu, oir dh'éisd thu rium, agus is tu mo shlàinte.

22 A' clachl a dhiùlt na clachairean, rinn-eadh i 'n a *cloich*-chinn na h-òisinn.

23 O'n Tighearn thà so; is iongantach e 'n a sùilbh-ne!

24 *Is* e so an là a rinn an Tighearn:

deanamaid gairdeachas, agus bitheamaid ait air.

25 Guidheamaid ort, a Thighearna, saor a nis; guidheamaid ort, a Thighearna, soirbheich leinn a nis.

26 Beannaichte gu'n *robh* an Ti a thig ann an ainm an Tighearna; thug sinne beannaichd oirbhe o thigh an Tighearna.

27 *Is* e Dia a's Tighearn ann, agus dhealraich e oirnn: ceanglaibh an iobairt le cordaibh, cadhon ri adharcaibh na h-altarach.

28 *Is* tusa mo Dhia, agus molaidh mi thu: mo Dhia, àrdaichidh mi thu.

29 O thugaibh buidheachas do'n Tighearn, oir *tha* e maith, oir gu bràth *mairidh* a thròcair!

SALM CXIX.

1 *'S an t-salm so tha Daibhidh a' deanamh iomadh urnuigh ri Dia, a' seinn cliù d'a ainm, a' cur 'an céill a thlachd 'n a lagh, agus ag iarraidh gu'm bitheadh a cheuman air an stiùradh chum reachdan an Tighearn' a choinhead.*

■ ALEPH.

IS beannaichte iadsan a tha neo-lochdach anns an t-slighe, a dh'imicheas ann an lagh an Tighearna.

2 *Is* beannaichte iadsan a ghleidheas a theisteis, a dh'iarras e le'n uile chridhe.

3 Mar an ceudna cha dean iad aingidheachd: 'n a shligheibh imichidh iad.

4 Dh'àithn thu d'orduighean a bhi air an coimhead gu dìchillach.

5 O nach robh mo cheuman air an stiùradh chum do reachdan a choinhead!

6 An sin cha ghabh mi nàire, an uair a bheir mi spéis do dh'àitheantaibh gu léir.

7 Molaidh mi thu le tréibhdhreas cridhe, 'n uair a dh'fhòghlumais mi breitheanais do cheartais.

8 Coimhididh mi do reachdan: O na tréig mi gu tur!

■ BETH.

9 Ciod leis an glan an t-òganach a shlighe? trid faicill, a réir d'fhocail.

10 Le m'uile chridhe dh'iarr mi thu; na leig dhomh dol air seacharan o d'àitheantaibh.

11 A'm' chridhe dh'fholuich mi d'fhocal, chum nach peacaichinn a'd' aghaidh.

12 *Is* beannaichte thusa, a Thighearna: teagaisg dhomh do reachdan.

13 Le m' bhlilibh chuir mi 'n céill uile bhreitheanais do bheòil.

14 Ann an slighe do theistcas rinn mi gairdeachas, mar os ceann gach uile shaoibhreis.

15 Aird'àitheantaibh beachd-smuainichidh mi, agus dearcaidh mi air do cheumaibh.

16 Ann ad reachdaibh gabhaidh mi tlachd; cha dì-chuimhnich mi do bhriathran.

■ GIMEL.

17 Buin gu fial ri d'òglach, *chum gu'm bi* mi beò, agus *gu'n* coimhid mi do bhriathran.

18 Fosgail mo shùilean, chum gu'm faic mi nithean iongantach o d' lagh.

19 *Is* coigreach air thalamh mi; na ceil orm d'àitheantan.

20 Tha m'anam brùite, le déidh air do bhrèitheanais gach tràth.

21 Smachdaich thu na h-uabhrich: *is* malluichte iadsan a théid air seacharan o d'àitheantaibh.

22 Tionndaidh uam masladh agus tàir; oir ghléidh mi do theisteis.

23 Shuidh eadhon uachdarain, agus labhair iad a'm' aghaidh; ach bheachd-smuainich d'òglach air do reachdaibh.

24 Mar an ceudna *is* iad do theisteis mo thlachd, mo chomhairlichean.

† DALETH.

25 Tha m'anam a' leantainn ris an ùir: beothaich mi a réir d'fhocail.

26 Chuir mi 'an eéil mo shlighean, agus dh'éisd thu rium: teagaisg dhomh do reachdan.

27 Thoir orm slighe d'àitheantan a thuig-sinn, agus labhraidh mi air d'oibribh iongantach.

28 Tha m'anam a' leaghadh as le turise: neartaich mi a réir d'fhocail.

29 Cuir uam slighe nam breug, agus gu gràs-mhor deònaich dhomh do lagh.

30 Ròghnaich mi slighe na firinn; chuir mi do bhrèitheanais *fa m' chomhair*.

31 Dhlùth-lean mi ri d' theisteis: a Thighearna, na cuir gu nàire mi.

32 Ann an slighe d'àitheantan ruithidh mi, 'n uair a chuireas tu mo chridhe ann am farsuinneachd.

† HE.

33 Teagaisg dhomh, a Thighearna, slighe do reachdan, agus gleidhidh mi i gu ruig a' chrìoch.

34 Thoir tuigse dhomh, agus gleidhidh mi do lagh; seadh, coimhididh mi e le m'uile chridhe.

35 Thoir orm triall 'an ceum d'àitheantan; oir ann-san tha mo thlachd.

36 Lùb mo chridhe gu d' theisteis, agus ni h-ann gu sannt.

37 Tionndaidh mo shùilean o amharc air dìomhanas; ann ad shlighibh beothaich mi.

38 Daingnich d'fhocal do d'òglach, air *am bheil* d'eagal-sa.

39 Cuir uam mo mhasladh a's eagal leam; oir *tha* do bhrèitheanais maith.

40 Feuch, is miannach leamsa do reachdan: a'd cheartas beothaich mi.

† VAU.

41 Agus thigeadh do thròcair a m'ionn-suidh, a Thighearn', do shlàinte a réir d'fhocail:

42 An sin bithidh freagradh agam dhàsan a bheil masladh dhomh, gu bheil m'carbsadh a d'fhocal-sa.

43 Agus na buin focal na firinn gu h-iomlan

as mo bheul; oir ann ad bhrèitheanais chuir mi mo dhòehas.

44 Agus coimhididh mi do lagh a ghnàth, gu suthainn is gu sìor.

45 Agus gluaisidh miann am farsuinneachd; a chionn gu'n iarr mi do reachdan.

46 Agus labhraidh mi air do theisteis an làthair rìghrean, agus cha bhi nàire orm.

47 Agus gabhaidh mi tlachd de d'àitheantaibh, d'an d'thug mi gràdh.

48 Agus togaidh mi mo làmhan ri d'àitheantaibh, d'an d'thug mi gràdh: agus beachd-smuainichidh mi air do reachdaibh.

† ZAIN.

49 Cuimhnich am focal do d'òglach, as an d'thug thu orm carbsadh.

50 *Is* e so mo chomhfhurtachd ann am àmhghar; oir bheothaich d'fhocal mi.

51 Rinn na h-uabhrich fanoid orm gu mòr; gidheadh o d' lagh cha do chlaon mi.

52 Chuimhnich mi do bhrèitheanais o chian, a Thighearn', agus fluair mi comhfhurtachd.

53 Ghlac uamhuinn mi a thaobh nan daoine aingidh, a thréigeas do lagh.

54 B'iad do reachdan mo cheòl ann an tigh mo chuairt.

55 Chuimhnich mi d'ainm, a Thighearn', anns an oidheche, agus ghléidh mi do lagh.

56 Mar so thachair e dhomhsa, a ehionn gu'n do ghléidh mi do reachdan.

† CHETH.

57 *Is* tusa mo chuibhrionn, a Thighearna: thubhairt mi gu'n coimhidim d'fhocail.

58 Dh'asluich mi do dheadh-ghean le m'uile chridhe: dean tròcair orm a réir d'fhocail.

59 Chnuasaich mi mo shlighean, agus phill mi mo chosan ri d' theisteis.

60 Rinn mi deifir, agus cha robh mi mairnealach chum d'àitheantan a choimhead.

61 Chreach buidhnean dhroch dhaoine mi; ach cha do dhì-chuimhnich mi do lagh.

62 Mu mhèadhon-oidheche éiridh mi, chum buidheachas a thoirt duit air son bhrèitheanais do cheartais.

63 *Is* fear-comuinn mi dhoibhsan uile air am bi d'eagal, agus dhoibhsan a ghlèidheas do reachdan.

64 De d' thròcair, a Thighearna, tha'n talamh làn: teagaisg dhomh do reachdan.

† TETH.

65 Rinn thu gu maith ri d'òglach, a Thighearn', a réir d'fhocail.

66 Teagaisg dhomh deadh thuigse agus eòlas; oir chreid mi d'àitheantan.

67 Mu'n robh mi ann an àmhghar, chaidh mi air seacharan; ach a nis tha mi a' gleidheadh d'fhocail.

68 *Is* maith thusa, agus ni thu maith, teagaisg dhomh do reachdan.

69 Dhealbh na h-uabhrich breug a'm' aghaidh; ach gleidhidh mise d'àitheantan le m'uile chridhe.

70 Co reamhar ri saill tha an cridhe-san; ach ann ad lagh tha mo thlachd-sa.

71 *Is* maith dhomhsa gu'n robh mi ann an àmhghar, chum gu'm fòghlumainn do reachdan.

72 *Is* fearr dhomhsa lagh do bheòil, na mìltean a dh' òr agus a dh' airgid.

~ IOD.

73 Rinn agus dhealbhadh do làmhnan mi: thoir tuigse dhomh, chum gu'm fòghlum mi d'aitheantan.

74 Chi iadsan air am bi d'eagal mi, agus bithidh iad ait, a chiomn gu'n d'earb mi á d'fhocal.

75 Tha fhios agam, a Thighearna, gu bheil do bheithenais ceart, agus gur ann am firinn a chlaoidh thu mi.

76 Bitheadh a nis do thròcair chaomh chum comhfhurtachd dhomh, a réir d'fhocail ri d'òglach.

77 Thigeadh do chaomh thròcairean a m'ionnsuidh, chum gu'm bi mi beò; oir *is* e do lagh mo thlachd.

78 Bitheadh nàire air luchd an àrdain, oir gun aobhar bhuin iad gu fiar rium; ach beachd-smuainichidh mise air d'aitheantaibh.

79 Pilleadh iadsan air am bheil d'eagal rium, agus iadsan a tha eòlach air do theisteis.

80 Bitheadh mo chridhe tréibhdhireach ann ad reachdaibh, chum nach nàraichear mi.

~ CAPH.

81 Tha m'anam air a chlaoidh le déigh air do shlàinte: ann ad fhocal chuir mi mo dhòchas.

82 Tha mo shùilean air an caitheadh le *feitheamh* ri d'fhocal, 'n uair a tha mi ag ràdh, 'Cuin a ni thu furtachd orm?

83 Òir tha mi mar shearraig ann an deataich; gidheadh cha do dhì-chuimhnich mi do reachdan.

84 Cia lion iad làithean d'òglach? 'cuin a chuireas tu breitheanas 'an gnìomh orrasan a tha'n tòir orm?

85 Chladhaich na h-uabhrich sluichd dhomh, nach *'eil* a réir do lagha.

86 *Is* firinn d'aitheantan-sa gu léir: gu fealltach tha iad 'an tòir orm; cuidich thusa leam.

87 *Is* beag nach do chuir iad as domh air thalamh; ach cha do thréig mise do reachdan.

88 A réir do chaomh thròcair beothaich thusa mi, agus gleidhidh mi teisteas do bheòil.

~ LAMED.

89 Gu bràth, a Thighearna, tha d'fhocal seasmhach anns na nàmhnan.

90 O linn gu linn tha d'fhirinn: dhaingnich thu an talamh, agus seasaidh e.

91 A réir d'orduighean tha iad buan *gus*

an diugh; oir *is* iad na h-uile do sheirbhisich.

92 Mur bhitheadh *gu'm be* do lagh mo thlachd, an sin gheibhinn bàs a'm' àmhghar.

93 Gu bràth cha dì-chuimhnich mi do reachdan; oir leo-san bheothaich thu mi.

94 *Is* leat mise, saor mi; oir dh'iarr mi do reachdan.

95 Dh'fheith na h-aingidh orm, chum mo sgrios; ach beachd-smuainichidh mise air do theisteis.

96 Chunnaic mi crìoch gach iomlaineachd; *ach tha* d'aitheanas-sa fo fharsuinn.

~ MEM.

97 O cia h-ionmhuinn leam do lagh-sa? gach là *is* e mo chùis-smuaineachaidh.

98 Le d'aitheanas rinn thu mi ni's glìce na m'eachairdean; oir *tha* i a ghnàth maille rium.

99 Os ceann mo luchd-teagaisg uile tha mi a' tuigsinn; oir *is* iad do theisteis mo chùis-smuaineachaidh.

100 Os ceann nan seanair tha mi crìonna, a chionn gu'm bheil mi a' gleidheadh do reachdan.

101 O gach droch shlighe chum mi mo chosan, chum gu'n coimhidinn d'fhocal.

102 O d' bheithenais cha do chlaon mi: oir theagaisg thusa mi.

103 Cia milis le m' bhlas do bhriathran! *ni's m'ise tha iad* na mil do m' bheil.

104 Trid do reachdan fhuair mi tuigse: uime sin is fuathach leam gach slighe bhreugach.

~ NUN.

105 *Is* lèchran d'fhocal do m' chois, agus solus do m' cheum.

106 Mhionnaich mi, agus coimhlionaidh mi e, gu'n coimhid mi breitheanas do cheartais.

107 Tha mi ann an àmhghar ro mhòr: ath-bheothaich mi, a Thighearna, a réir d'fhocail.

108 Gabh uam gu taitneach, guidheam ort, a Thighearna, saor thabhartais mo bheòil; agus teagaisg dhomh do bheithenais.

109 *Tha* m'anam a ghnàth a'm' làimh; gidheadh cha do dhì-chuimhnich mi do lagh.

110 Chuir droch dhaoine ribe romham; ach o d' reachdaibh cha deachaidh mise air seacharan.

111 Ghabh mi do theisteis mar oighreachd gu bràth; oir *is* iad aoibhneas mo chridhe.

112 Dh'aom mi mo chridhe chum do reachdan a chur 'an gnìomh a ghluàth, gu ruig a' chrìoch.

~ SAMECH.

113 *Is* fuath leam smuaintean faoine; ach is toigh leam do lagh.

114 *Is* tusa m'òradh-foluich, agus mo sgiath: á d'fhocal-sa tha m'earbsa.

115 Imichibh uam, a luchd-deanaimh an uile; oir gleidhidh mise àitheantan mo Dhé.

116 Cum suas mi a réir d'fhocail, agus mairidh mi beò; agus na leig fo nàire mi a thaobh mo dhòchais.

117 Daingnich mi, agus bithidh mi tèaruinte; agus bithidh tlachd agam ann ad reachdaibh a ghnàth.

118 Shaltair thu orra-san uile a chaidh air seacharan o d' reachdaibh; oir *is* breug an cealg.

119 Mar shal tilgidh tu uait uile dhroch dhaoine na talmhainn: uime sin is toigh leam do theisteis.

120 Chrìochnaich m'fheoil le h-uamhunn romhad; agus bha eagal orm roimh do bhreitheanas.

¶ AIN.

121 Rinn mi breitheanas agus ceartas: na fàg mi do m' luchd-fòirneart.

122 Bi-sa 'an urras air d'òglach chummaith: na deanadh na h-uabhrich foirneart orm.

123 Tha mo shùilean air an caitheadh *le bhi 'sealltuinn* air son do shlàinte, agus air son focail d'fhìreantachd.

124 Buin ri d'òglach a réir do thròcair', agus teagaisg dhomh do reachdan.

125 *Is* mi d'òglach; thoir tuigse dhomh, chum gu'm bi eòlas agam air do theisteis.

126 *Is* mithich dhuit, a Thighearn', a bhi 'deanamh: bhris iad do lagh.

127 Uime sin is annsa leamsa d'aitheantan na'n t-òr, seadh, na'n t-òr fìor-ghlan.

128 Uime sin measam do reachdan uile [*a thaobh gach ni*] a bhi ceart: is fuathach leam gach slighe bhreugach.

± P.E.

129 *Is* iongantach do theisteis: air an aobhar sin gleidhidh m'anam iad.

130 Bheir fosgladh do bhriathar solus, a' teagasg nan daoine aon-fhillte.

131 Dh'fhosgail mi mo bheul, a' ploscartaich; oir bha mi 'an geall air d'aitheantaibh.

132 Amhaire orm, agus dean tròcair orm, mar is gnàth leat a dheanamh dhoibhsan le'n ionmhuinn d'ainm.

133 Stiuir mo cheuman a réir d'fhocail; agus na bitheadh aig euceart sam bith uachdaranachd orm.

134 Teasaig mi o fhoirneart dhaoine; agus coimhididh mi d'òrduighean.

135 Thoir air do ghnùis dealrachadh air d'òglach, agus teagaisg dhomh do reachdan.

136 Ruith sruthan dheur sìos o'm shùilibh, a chionn nach do choimhid iad do lagh.

± TSADDI.

137 *Is* cothromach thusa, a Thighearn', agus *is* ceart do bhreitheanas.

138 Dh'àithn thu do theisteis mar cheartas agus mar fhìrinn mhòir.

139 Chlaoidh m'eud mi, a chionn gu'n do dhi-chuimhnich mo naimhdean do bhriatharan.

140 Ro ghlan *tha* d'fhocal-sa, agus is ionmhuinn le d'òglach e.

141 *Tha* mi beag agus suarach; gidheadh cha di-chuimhnich mi do reachdan.

142 *Is* ceartas sìorruidh do cheartas-sa, agus *is* fìrinn do lagh.

143 Ghlac teinn agus àmhghar mi; ach *is* iad d'aitheantan mo thlachd.

144 *Mairidh* ceartas do theisteas gu bràth: thoir-sa tuigse dhomh, agus bithidh mi beò.

¶ KOPH.

145 Ghlaoth mi le m' uile chridhe; éisd rium, a Thighearn: gleidhidh mi do reachdan.

146 Ghlaoth mi riut; saor mi, agus coimhididh mi do theisteis.

147 Thàinig mi roimh 'n chamhanaich, agus dh'èigh mi: á d'fhocal dh'earb mi.

148 Ghabh mo shùilean roimh fhairibh na h-oidhche, chum gu'm beachd-snuainichinn air d'fhocal.

149 Éisd ri m' ghuth a réir do chaoimhneis-ghràidh: a Thighearn', a réir do bhreitheanas beothaich mi.

150 Thàinig luchd-leannmhuinn droch-bheirt am fagus: ach fada bha iad o d'lagh.

151 Am fagus *tha* thusa, a Thighearn'; agus *is* fìrinn d'aitheantan uile.

152 O thoiseach b'fhiosrach mi a thaobh do theisteas, gu'n do shuidhich thu iad gu bràth.

¶ RESH.

153 Amhaire air m'àmhghar, agus teasaig mi; oir cha do dhi-chuimhnich mi do lagh.

154 Tagair mo chùis, agus saor mi; a réir d'fhocail beothaich mi.

155 *Is* fada slàinte o dhroch dhaoineibh; oir cha-n iarr iad do reachdan.

156 Is ìonmhor do chaoimh thròcairean, a Thighearn'; a réir do bhreitheanas beothaich mi.

157 Is ìonmhor mo luchd-tòrachd agus m'eachairdean; gidheadh, o d' theisteis cha do chlaon mise.

158 Chunnaic mi luchd-eusaontais, agus bha doilgheas orm, a chionn nach do choimhid iad d'fhocal.

159 Feuch, is ionmhuinn leam do reachdan: a Thighearn', a réir do chaoimhneis-ghràidh beothaich thusa mi.

160 O thoiseach *is* fìrinn d'fhocal-sa; agus gu bràth *mairidh* uile bhreitheanas do cheartais.

¶ SCHIN.

161 Bha uachdarain 'an tòir orm gun aobhar: ach roimh d'fhocal-sa tha eagal air mo chridhe.

162 *Tha* aiteas orm ri d'fhocal-sa, mar neach a fhuair creach mhòr.

163 Is fuath leam, agus is oilleil leam breug; ach is toigh leam do lagh-sa.

164 Seachd uaircan 's an là bhiceam moladh dhuit, air son bhreitheanas do cheartais.

165 *Is* mòr sìth na muimtir' a tha 'toirt

gràidh do d' lagh, agus cha-n éirich aobhar tuislidh dhoibh.

166 Dh'fheith mi ri d' shlàinte, a Thighearna; agus choimhlinn mi d'aitheantan.

167 Choimhid m'anam do theisteis, agus is ro ionmhuinn leam iad.

168 Choimhid mi do reachdan agus do theisteis; oir *tha* mo shlighean uile fa d' chomhair.

ṛ TAU.

169 Thigeadh mo ghlaodh am fagus a'd' làthair, a Thighearna: a réir do bhriathar thoir tuisge dhomh.

170 Thigeadh m'asluchadh a'd' làthair: a réir d'fhocail teasairg mi.

171 Cuiridh mo bhilean 'an céill do chliu, 'n uair a thcagaisgeas tu dhomh do reachdan.

172 Aithrisidh mo theangadh d'fhoel; oir is ceartas d'aitheantan uile.

173 Cuidicheadh do làmh leam; oir rògh-naich mi do reachdan.

174 Bha mi 'n geall air do shlàinte, a Thighearn'; agus is e do lagh mo thlachd.

175 Bitheadh m'anam beò, agus molaidh e thu: agus cuidicheadh do bhreitheanais leam.

176 Chaidh mi air seacharan mar chaora chaillte; iarr d'òglach, oir cha do dhì-chuimhnich mi d'aitheantan.

SALM CXX.

1 *Chuidh Daibhidh gu'n saoradh Dia e o'n teangaidh chealgaich.*

Laoidh nan ceum.

A 'M' éigin ghlaodh mi ris an Tighearn, agus dh'éisd e rium.

2 A Thighearna, saor m'anam o bhilibh nam breug, o'n teangaidh chealgaich.

3 Ciod a bheircar dhuit? agus ciod a nithear ort, a theangaidh chealgaich?

4 Geur shaighdean laoidh, le éibhlibh de'n aiteal.

5 Mo thruaighe mi, gu bheil mi air chuairt ann am Mesec, gu bheil mi a'm' chòmhnuidh ann am bùthaibh Chedair!

6 Is fada 'ghabh m'anam còmhnuidh leosan a thug fuath do shith.

7 *Tha* mise air son sith; ach 'n uair a labhras mi, *tha* iadsan air son cogaidh.

SALM CXXI.

1 *Tèaruinteachd an t-sluaigh do'm bheil Dia 'n a' fear-coimhead.*

Laoidh nan ceum.

TOGAIDH mi mo shùilean chum nam T beann, o'n tig mo chabhair.

2 *Thig* mo chabhair o'n Tighearn, a rinn nèamh agus talamh.

3 Cha leig e le d' chois sleamhnachadh: cha tuit clò codail air d'fhear-coimhead.

4 Feuch, cha tuit clò codail no suain air fear-coimhead Israeil.

5 Is e an Tighearn d'fhear-coimhead: is e an Tighearn do sgàile air do làmh dheis.

6 'S an là cha bhuail a' ghrian thu, no a' ghealach 's an oidheche.

7 Coimhididh an Tighearn thu o gach ole: coimhididh e d'anam.

8 Coimhididh an Tighearn do dhol a mach, agus do theachd a steach, o'n àm so eadhon gu bràth.

SALM CXXII.

1 *Bha aoibhneas air Daibhidh 'n uair a chaidh e do thigh an Tighearna. 6 Ghruadh e air son sith agus suaimhneis do Ierusalem.*

Laoidh nan ceum, le Daibhidh.

BHA aoibhneas orm an uair a thubhairt iad rium, Do thigh an Tighearna théid sinn.

2 Seasaidh ar cosan an taobh a stigh de d' gheataibh, O Ierusalem.

3 Tha Ierusalem air a togail mar àrd bhaile a tha air a choimhcheangal ri 'chéile;

4 D'an téid na treubhan suas, treubhan an Tighearna, gu teistias Israeil, a thoirt buidheachais do ainm an Tighearna.

5 Oir an sin tha caithrichean breitheanais air an suidheachadh, caithrichean tìghe Dhaibhidh.

6 Guidhibhse air son sith Ierusalem: soir-bhichidh iadsan leis an ionmhuinn thu.

7 Sith gu robh an taobh a stigh de d' bhallachaibh, suaimhneas a'd' lùchairtibh!

8 Air sgàth mo bhràithrean agus mo chàirdean their mi nis, Sith *gu robh* an taobh a stigh dhòt?

9 Air sgàth tìghe an Tighearn' ar Dé, iarraidh mi maith dhuit.

SALM CXXIII.

1 *Athchuinge air son tròcair, 4 agus air son saorsa o tharcuis nan uaibhreach.*

Laoidh nan ceum.

A D'IONNSUIDH thog mi mo shùilean, O thusa a *tha* 'd' chòmhnuidh anns na nèamhan.

2 Feuch, mar *tha* sùilean òglach air làmh am maighstirean, agus mar *tha* sùilean banoglaich air làmh a bana-mhaighstir, mar sin *tha* ar sùilean-ne air an Tighearn ar Dia, agus an dean e tròcair oirnn.

3 Dean tròcair oirnn, a Thighearna, dean tròcair oirnn; oir *tha* sinn air ar lìonadh làn tarcuis.

4 Lìonadh ar n-anam làn le fanoid luchd na seasgaireachd, le tarcuis nan uaibhreach.

SALM CXXIV.

1 *Bheannaich Daibhidh an Tighearn do bhrìgh gu'n do shaor e a shluagh uatha-san a dh'èirich 'n an aghaidh.*

Laoidh nan ceum, le Daibhidh.

MUR bitheadh an Tighearn leinn, abradh leinn Israel a nis;

2 Mur bitheadh an Tighearn leinn, an uair a dh'èirich daoine 'n ar n-aghaidh;

3 An sin shluigeadh iad beò sinn, an uair a las am fearg 'n ar n-aghaidh:

4 An sin thigeadh tuitlean uisgeachan tharuinn, rachadh an sruth thar ar n-anam:

5 An sin rachadh na h-uisgeachan uaibh-reach thar ar n-anam.

6 Beannaichte gu *robh* an Tighearn, nach d'thug sinn mar chreich d'am fiachaibh.

7 Chaidh ar n-anam as mar eun á ribe nan eunadair; bhriseadh an ribe, agus chaidh sinn as.

8 *Tha* ar cabhair ann an ainm an Tighearna, a rinn nèamh agus talamh.

SALM CXXV.

1 *Bithidh iadsan a dh'earbas as an Tighearn ann an tèarainteachd.* 4 *Urnuigh air son nan ionracan, agus an aghaidh nan aingidh.*

Laoidh nan ceum.

B*ITHIDH* iadsan a dh'earbas as an Tighearn mar shliabh Shioin, nach caruichear, *ach* a mhaireas gu sìorruidh. 2 *Mar tha* na beanntan mu thimchioll Ierusalem, mar sin *thà'n* Tighearn mu thimchioll a shluaigh, o'n àm so agus gu bràth.

3 Oir cha ghabh slat nan daoì tàmh air crannchur nam firean, air eagal gu'n sìneadh na fireanan an làmhnan chum eucirt.

4 Dean maith, a Thighearna, dhoibhsan a tha maith, agus dhoibhsan a tha ionraic 'n an cridhe.

5 Ach iadsan a thèid a thaobh d'an slighibh cliona, iomainidh an Tighearn a mach le luchd-deanamh an uile. Sìth gu'n *robh* air Israel!

SALM CXXVI.

1 *Bha an eaglais aoibhneach 'n urir a thug Dia air ais braighdeanas Shioin.*

Laoidh nan ceum.

'N UAIR a thug an Tighearn air ais braighdeanas Shioin, bha sinn mar dhaoine a chunnaic aising.

2 An sin lìonadh ar beul le gàire, agus ar teangadh le luathghaire: an sin thubhairt iad am measg nan cinneach, Rinn an Tighearn nithean mòra air an son.

3 Rinn an Tighearn nithean mòra air ar son-ne: bha sinn aoibhneach.

4 Pill a ris, a Thighearn, ar braighdeanas, mar shruthaibh 's an àirde deas.

5 Iadsan a chuireas *sìol* le deuraibh, buainidh iad le gairdeachas.

6 Ean a thèid a mach, agus a ghluic, ag iomchar roghadh sìl, gu cinnteach thig e a ris le gairdeachas, ag iomchar a sguab.

SALM CXXVII.

1 *Tha gach saothair dìomhain as eugmhais beannachd an Tighearna.* 3 *'S e clann oighreachid Dhé.*

Laoidh nan ceum, le Solamh.

MUR tog an Tighearn an tigh, gu dìomhain saothraichidh a luchd-togail: mur gléidh an Tighearn am baile, gu dìomhain ni am fear-coimhid faire.

2 *Is* dìomhain dlùibhse bhi 'g éirigh gu moch, a bhi 'suidhe gu h-anmoch, ag ith-

cadh arain a' bhròin; 'n uair a bheir esan codal do fhear a ghràidh.

3 Feuch, *is* iad clann oighreachd an Tighearna, toradh na bronn a dhuais.

4 Mar shàighdibh ann an làmh gaisgich, mar sin tha mic na h-òige.

5 *Is* sona am fear aig am bheil a bholg-saighead làn diubhl: cha bhi nàire orra, 'n uair a labhras iad r'an naimhdebh anns a' gheata.

SALM CXXVIII.

1 *Na beannachdan a leanas iadsan air am bi eagal an Tighearna.*

Laoidh nan ceum.

'S beannaichte gach neach air am bi eagal an Tighearn', a ghluaiseas 'n a shlighibh.

2 Oir ithidh tu toradh do làmh: sona *bithidh* tu, agus *éiridh* gu maith dhuit.

3 *Bithidh* do bhean mar fhionain tharbhaich laimh ri taobhan do thighe; do chlanu mar òg chroinn-olaidh mu thimchioll do bhuird.

4 Feuch, mar so beannaichear an duine, air am bi eagal an Tighearna.

5 Beannaichidh an Tighearn thu á Sion, agus chi thu maith Ierusalem ré uile làithean do bheatha.

6 Seadh, chi thu clann do chloinne, agus sìth air Israel.

SALM CXXIX.

1 *Maitheas Dhé d'a shluagh Israel.* 5 *Urnuigh an aghaidh naimhdean na h-eaglais.*

Laoidh nan ceum.

'S minic a chràidh iad mi o m'òige, labradh Israel a nis:

2 Is minic a chràidh iad mi o m'òige; gidheadh cha d'thug iad buaidh orm.

3 Air mo dhruim threabh an luchd-treabhaidh; tharruing iad an sgrìoban fada.

4 *Tha* an Tighearn cothromach: ghearr e o 'chéile cuird nan aingidh.

5 Cuirear gu h-amhladh, agus pillair air an ais iadsan uile le'm fuathach Sion.

6 Bithidh iad mar fheur air mullach thighean, a sheargas mu'm fàs e suas:

7 Leis nach lìon am buanaiche a ghilac, no fear-ceangail nan sguab a bhrollach.

8 Nì mò 'their iadsan a bhitheas a' dol seachad riu, Beannachd an Tighearna gu'n *robh* oirbh: tha sinne 'g ur beannachadh ann an ainm an Tighearna.

SALM CXXX.

1 *'N a theanntachid ghlaodh an salmadairri Dia,* 5 *agus chuir e a dhòigh 'n a fhocal.*

Laoidh nan ceum

O NA doimhneachdaibh ghlaodh mi riut, a Thighearna.

2 A Thighearna, éisd ri m'ghuth; thugadh do chluasan an aire do ghuth m'ath-chuingean.

3 Ma chomharachas tusa aingidheachd, a Thighearna; a Thighearna, cò a sheasas.

4 Ach maille riutsa *tha* maithneas; agus uime sin bithidh eagal *air daoibh* romhad.

5 Tha mi a' feitheamh air an Tighearn, tha m'anam a' feitheamh, agus 'n a fhocal tha mo dhòigh.

6 Tha m'anam a' feitheamh air an Tighearn nì's mò na luchd-faire na maidne, *seadh, na* luchd-faire na maidne.

7 Earbadh Israel as an Tighearn; oir aig an Tighearn *tha* tròcair, agus aige-san *tha* mòr shaorsa;

8 Agus saoraidh e Israel o 'euceartaibh gu léir.

SALM CXXXI.

1 *Nochd Daibhidh irioslachd a chridhe féin, 3 agus dh'earail e air Israel carbsadh á Dia.*

Laoidh nan ceum, le Daibhidh.

A THIGHEARNA, cha-n'éil mo chridhe uaibhreach, no mo shùilean àrd; agus cha do ghabh mi gnothuch ri nithibh mòra, no ri nithibh a bha àrd air mo shon.

2 Gu deimhin shocraich agus chùinich mi m'anam, mar leanabh a chuireadh o chich a mhàthar; mar leanabh a chuireadh o'n chich *tha* m'anam-sa.

3 Earbadh Israel as an Tighearn, o'n àm so agus gu bràth.

SALM CXXXII.

1 *End Dhaibhidh chum àit ullachadh do phàillium an Tighearna. 11 Na geallaidhean a thug Dia do Dhaibhidh.*

Laoidh nan ceum.

CUIMHNICH, a Thighearn 'air Daibhidh, agus air 'uile àmhghar:

2 Mar a mhionnaich e do'n Tighearn, a bhòidich e do *Dhia* treun Iacob, *ag ràdh,*

3 Gu deimhin cha téid mi do phàillium mo thighe, cha téid mi suas air mo leabaidh;

4 Cha toir mi codal do m' shùilibh, no suain do m' rosgaibh,

5 Gus am faigh mi àit do'n Tighearn, ionad-còmhnuidh do *Dhia* treun Iacob.

6 Feuch, chuala sinn uime aig Ephratah; fhuair sinn e ann am machairibh na coille.

7 Théid sinn a steach d'a phàilliumaibh; sleuchdaidh sinn aig stòl a chois.

8 Eirich, a Thighearna, gu d' thàmh, thu féin agus àire do neirt.

9 Sgeadaichear do shagartan le h-ionracas, agus deanadh do naoimh luathghaire.

10 Air sgàth Dhaibhidh d'òglaich, na cuir air a h-ais aghaidh d'Aoin ungta.

11 Mhionnaich an Tighearn do Dhaibhidh ann 'am fìrinn; cha phill e uath: De thoradh do chuirp suidhichidh mi air do righ-chaitir.

12 Ma choimhideas do chlann mo choimhcheangal agus mo theisteachas, a theagaisgeas mi dhoibh, suidhidh mar an ceudna an clann-san air do righ-chaitir gu bràth.

13 Oir ròghnaich an Tighearn Sion; mhianuich e i mar ionad-còmhnuidh dha féin, *ag ràdh,*

14 *Is i* so mo shuaimhneas gu sìorruidh:

an so gabhaidh mi còmhnuidh, oir mhianuich mi i.

15 Beannaichidh mi gu mòr a lòn; sàsuichidh mi a bochdan le h-aran.

16 Eudaichidh mi a sagartan le slàinte; agus ni a naoimh àrd luathghaire.

17 An sin bheir mi air adharc Dhaibhidh fàs: dh'òrduich mi lòchran do m' Aoin ungta.

18 Eudaichidh mi a naimhdean le nàire: ach air féin thig a choron fo bhlàth.

SALM CXXXIII.

1 *Tha Daibhidh a' nochdadh cia taitneach an nì do bhràithribh còmhnuidh a ghabhail cuideachd ann an aonachd.*

Laoidh nan ceum, le Daibhidh.

FEUCH, cia maith agus cia taitneach an nì do bhràithribh còmhnuidh a ghabhail cuideachd ann an aonachd!

2 Mar dheadb oladh-ungaidh air a' cheann, a ruith sìos air an fheusaig, feusag Aaroin, a ruith sìos air ionall a thrusgain;

3 Mar dhealt air Hermon, a thuiteas air sléibhtibh Shioin: oir an sin dh'aitm an Tighearn am beannachadh, beatha gu sìorruidh.

SALM CXXXIV.

Earail gu Dia a bheannachadh.

Laoidh nan ceum.

FEUCH, beannaichibh an Tighearn, sibhse òglacha an Tighearna gu léir, a sheasas ann an tigh an Tighearna gach oidhe.

2 Togaibh bheur làmhnan *anns* an ionad naomh, agus beannaichibh an Tighearn.

3 Beannaicheadh an Tighearn thu á Sion, a rinn nèamh agus talamh.

SALM CXXXV.

1 *Earail gu Dia a mholadh air son a mhaithis, 6 a chumhachd, 8 agus a bhrèitheanas an aghaidh naimhdean a shluaigh. 15 Dìomhneas iòdhol nan cinneach.*

MOLAIBH an Tighearn; molaibh ainm an Tighearna, molaibhse, òglacha an Tighearna.

2 Sibhse a sheasas ann an tigh an Tighearna, ann an cùirtibh tighe ar Dé,

3 Molaibh an Tighearn, oir *tha'n* Tighearn maith: seinnibh cliu d'a ainm, oir *tha* e taitneach.

4 Oir ròghnaich an Tighearn Iacob dha féin, Israel mar 'ionmhas sònruichte.

5 Oir tha fios agam gur mòr an Tighearn, agus *gu bheil* ar Tighearn os ceann nan uile dhiathan.

6 Ge b'e ni 'bu toil leis an Tighearn rinn e air nèamh agus air talamh, anns na cuantaidh, agus anns na doimhneachdaibh uile.

7 *Is* esan a bheir air a' cheò dol suas o chrich na talmhainn; a ni dealanach le h-uisge; a bheir a mach a' ghaoth á 'ionadaidh-tasgaidh;

8 A bhuail ceud-ghin na h-Eiphit, arao duine agus ainmhidh;

9 *A* chuir comharan agus iongantasan ann

ad mheadhon, O Eiphit, air Pharaoh agus air 'òglaich gu léir;

10 A bhuail cinnich mhòra, agus a mharbh rìghrean mòra,

11 Sìhon rìgh nan Àmorach, agus Og rìgh Bhàsain, agus uile rìghachdan Chanaain,

12 Agus a thug am fearann mar oighreachd, mar oighreachd do Israel a shluagh.

13 *Mairidh* d'ainm-sa, a Thighearna, gu bràth; do chuimhne, a Thighearna, o linn gu linn.

14 Oir bheir an Tighearn breth air a shluagh, agus gabhaidh e aithreachas a thaobh a sheirbhiseach.

15 *Is* airgid agus òr ìodholan nan cinn-each, obair làmhnan dhaoine.

16 Tha beòil aca, ach cha labhair iad; sùilean aca, ach cha'n fhaic iad.

17 Tha cluasan aca, ach cha chluinn iad: ni mò a tha anail 'n am beul.

18 Cosmhuil riu fèin tha iadsan a ni iad, gach neach a dh'earbas asda.

19 A thigh Israeil, beannaichibh an Tighearn; a thigh Aaroin, beannaichibh an Tighearn.

20 A thigh Lebhi, beannaichibh an Tighearn; sibhse air am bheil eagal an Tighearna, beannaichibh an Tighearn.

21 Beannaichte gu'n robh an Tighearn & Sion, aig am bheil a chòmhnuidh ann an Ierusalem. Molaibhse an Tighearn.

SALM CXXXVI.

1 *Earail gu buidheachas a thoirt do Dhia air son a thròcairean, agus nan iongantasan mòra a rinn e air son sluaigh Israeil.*

O THUGAIBH buidheachas do'n Tighearn, oir *tha* e maith; oir gu bràth *mairidh* a thròcair.

2 Thugaibh buidheachas do Dhia nan dia; oir gu bràth *mairidh* a thròcair.

3 Thugaibh buidheachas do Thighearn nau tighearn; oir gu bràth *mairidh* a thròcair.

4 Dhà-san 'n a aonar a ni iongantasan mòra; oir gu bràth *mairidh* a thròcair.

5 Dhà-san a rinn na nèamhan le gliocas; oir gu bràth *mairidh* a thròcair.

6 Dhà-san a shìn an talamh os ceann nan uisge; oir gu bràth *mairidh* a thròcair.

7 Dhà-san a rinn soluis mhòra; oir gu bràth *mairidh* a thròcair.

8 A' ghrian a riaghladh an là; oir gu bràth *mairidh* a thròcair.

9 A' ghealach agus na reultana riaghladh na h-oidliche; oir gu bràth *mairidh* a thròcair.

10 Dhà-san a bhuail na h-Eiphitich 'n an ceud-ghinibh; oir gu bràth *mairidh* a thròcair:

11 Agus a thug a mach Israel as am meadhon; oir gu bràth *mairidh* a thròcair:

12 Le làmh thréin, agus le gairdean sìnte mach; oir gu bràth *mairidh* a thròcair.

13 Dhà-san a roinn a' mhuir ruadh 'n a roinnibh; oir gu bràth *mairidh* a thròcair.

14 Agus a thug air Israel dol troimh a meadhon; oir gu bràth *mairidh* a thròcair:

15 Ach a thilg Pharaoh agus 'armailt bun os ceann anns a' mhuir ruaidh; oir gu bràth *mairidh* a thròcair.

16 Dhà-san a thredraich a shluagh troimh an fhàsach; oir gu bràth *mairidh* a thròcair.

17 Dhà-san a bhuail rìghrean mòra; oir gu bràth *mairidh* a thròcair.

18 Agus a mharbh rìghrean treuna; oir gu bràth *mairidh* a thròcair:

19 Sìhon rìgh nan Àmorach; oir gu bràth *mairidh* a thròcair:

20 Agus Og rìgh Bhasain; oir gu bràth *mairidh* a thròcair:

21 Agus a thug am fearann mar oighreachd; oir gu bràth *mairidh* a thròcair:

22 Mar oighreachd do Israel 'òglach fèin; oir gu bràth *mairidh* a thròcair:

23 A chuimhnich oirnn 'n ar staid ìosail; oir gu bràth *mairidh* a thròcair:

24 Agus a shaor sinn o ar naimhidh; oir gu bràth *mairidh* a thròcair.

25 A tha 'tabhairt bìdh do gach feoil; oir gu bràth *mairidh* a thròcair.

26 O thugaibh buidheachas do Dhia nan nèamh; oir gu bràth *mairidh* a thròcair.

SALM CXXXVII.

1 *'N am braighdeanas chuimhnich clann Israeil le bròn air an tìr fèin. 7 Chronaicheadh clann Edoim agus Bhabiloin.*

L AIMH ri aiumhnichibh Bhabiloin, an sin shuidh, agus ghul sinn, an uair a chuimhnich sinn air Sion.

2 Air na crannaibh seilich 'n a meadhon chroch sinn ar clàrsaichean.

3 Oir an sin dh'iarr iadsan a thug 'am braighdeanas sinn, òran oirnn; agus dh'iarr iadsan a rinn fògaraich dhinn aoibhneas oirnn, *ag ràdh*, Seinnibh dhuinn aon de laoidhibh Shìoin.

4 Cionnus a sheinneas sinne laoidh an Tighearn' ann an tìr choimhich?

5 Ma dhì-chuimhniceas mise thusa, a Ierusalem, dì-chuimhniceadh mo làmh dheas a seòltachd.

6 Leanadh mo theangadh ri n' ghial, mur cuimhnich mi ort, mur fearr lean Ierusalem na m'aoibhneas a's àirde.

7 Cuimhnich, a Thighearna, clann Edoim, ann an là Ierusalem, a thubhairt, Leagaibh, leagaibh sìos i gu ruig a bunait.

8 A nighean Bhabiloin, a lom-sgriosar, *is* sona *esan* a dhìolas dhuitse, a réir mar a rinn thu oirnn.

9 *Is* sona *esan* a ghlacas agus a phronnas do chlaon bheag ris na clachaibh.

SALM CXXXVIII.

1 *Mhol Daibhidh an Tighearn air son 'fhèirinn agus a chaoimhneis-gràidh. 4 Roimh-innis e gu'n tugadh rìghrean na talmhainn moladh do Dhia.*

Salm le Daibhidh.

MOLAIDH mi thu, a Thighearna, le m'uile chridhe; an làthair nan dùa seinnidh mi cliu dhuit.

2 Sleuchdaidh mi aig do theampull naomh, agus molaiddh mi d'ainm air son do chaoimhneis-gràidh, agus air son d'fhirinn; oir dh'ardaich thu d'fhocal os ceann d'ainme uile.

3 'S an là air an do ghlaodh mi *riut* fhreagair thu mi; neartaich thu mi le treòir a'm' anam.

4 Molaiddh uile rìghrean na talmhainn thu, a Thighearna, 'n uair a chluinneas iad briathran do bheoil:

5 Agus seinnidh iad ann an slighibh an Tighearna; oir *is* mòr glòir an Tighearna.

6 Ge h-àrd an Tighearn, gidheadh seallaidh e air an iriosal; ach aithnichidh e an t-uabhlreach fad as.

7 Ged ghluais mi ann am meadhon àmhghair, ath-bheothaichidh tu mi; an aghaidh corruich mo naimhdean sìnidh tu do làmh, agus saoraidh do dheas làmh mi.

8 Coimhlionaiddh an Tighearn air mo shon; *mairidh* do thròcair, a Thighearna, gu bràth: na tréig oibre do làmh.

SALM CXXXIX.

1 *Dh'aidich Daibhidh gu'n robh làthaireachd Dhé mu'n cuairt da a ghnàth.* 17 *Mhol e an Tighearn air son a thròcairean;* 23 *agus ghuaidh e 'bhi air a thrèdachadh 's an t-slighe shìorruidh.*

Do'n àrd fhear-ciuil. Salm le Daibhidh.

A THIGHEARNA, ramnaich thu mi, agus is aithne dhuit mi.

2 Is aithne dhuit mo shuidhe agus m'éirigh; tuigidh tu mo smuaintean fad as.

3 Chuairtich thu mo cheum agus mo luidhe sìos, agus air me shlighibh gu léir is fiosrach thu.

4 Oir feuch, cha-n'èil focal air mo theangaidh, a Thighearna, nach aithne dhuit gu léir.

5 Am dhéigh, agus romham, chuairtich thu mi, agus chuir thu do làmh orm.

6 *Is* ro iongantach an t-èolas *so* air mo shon: tha e àrd; cha ruig mi air.

7 C'àit an tèid mi o d' spiorad? agus c'àit an teich mi o d' glùnais?

8 Ma théid mi suas do nèamh, *tha* thu 'n sin; ma ni mi mo leabadh ann an ifrinn, feuch, *tha* thu 'n sin.

9 *Ma* ghabhas mi sgiathan na maidne, agus gu'n còmhnuich mi ann an ionadaibh ionallach na fairge;

10 Eadhon an sin stiùraidh do làmh mi, agus cumaidh do dheas làmh mi.

11 Ma their mi, Gu deimhin folaichidh an dorchadas mi, bithidh an oidhche féin mar sholus mu'n cuairt orm.

12 Cha-n fholaich cadhion an dorchadas uaitse; ach dealraichidh an oidhche mar an là: *is* ionann an dorchadas agus an solus duitse.

13 Oir ghabh thu sealbh air m'àirneibh: dh'fholuich thu mi ann am broinn mo mhàthar.

14 Molaiddh mi thu, oir is uamhasach, iongantach a dhealbhaidh mi; is iongantach d'oibre-sa, agus *is* ro fhiosrach m'anam air sin.

15 Cha d'fholaicheadh mo chorp uait an uair a rinneadh mi ann an dìomhaireachd, a dhealbhaidh mi gu h'iongantach ann an ionadaibh ìochdarach na talmhainn.

16 Chumaic do shùilean mo cheud-fhàs anabuich, agus ann ad leabhar sgrìobhadh sìos mo *bhuill* uile, a dhealbhaidh ri h-ùine, gun aon diubh *futhast* ann.

17 O cia luachmhor leamsa do smuaintean-sa, a Dhé! cia mòr an àireamh!

18 Nan àirmhinn iad; is lìonmhoire iad na a' ghaimeamh: 'n uair a dhùisgeas mi, tha mi a ghnàth maille riutsa.

19 Gu cùnteach, a Dhé, marbhaidh tusa an t-aingidh: uime sin, a dhaoine fuileachdach, imichibh uam:

20 Oir labhair iad a'd' aghaidh gu h-aingidh; thug do naimhdean d'ainm an dìomhanas.

21 Nach 'èil mi 'tabhairt fuath, a Thighearna, 'dhoibhsan a tha 'tabhairt fuath dhuitse? agus nach 'èil mi 'gabhaill gràin dhiubhsan a tha 'g éirigh suas a'd' aghaidh? 22 Le fuath iomlan tha mi 'tabhairt fuath dhoibh; mar naimhdean measam iad.

23 Ramnaich mi, a Dhé, agus aithnich mo chridhe: dearbh mi, agus tuig mo smuaintean.

24 Agus amhaire am *bheil* slighe olc air bith annam, agus treòraich mi anns an t-slighe shìorruidh.

SALM CXL.

1 *Ghuaidh Daibhidh gu'n teasairgeadh Dia e o ais-innleachd a naimhdean.* 12 *Tha dòchas aig gu'n cum an Tighearn ceartas ris na bochdaibh.*

Do'n àrd fhear-ciuil. Salm le Daibhidh.

TEASAIRG mi, a Thighearna, o'n droch ù dhuite; o fhear na foireigne gléidh mi;

2 A tha 'smuaineachadh ainmleis 'n an cridhe; cruinnichidh iad gach là *chum* cogaidh.

3 Gheuraich iad an teangadh, mar *theangaidh* nathrach; *tha* nimh na nathrach fo'n bilibh. Selah.

4 Gléidh mi, a Thighearna, o lànhan nan aingidh; o fhear an fhoirmeirt dìon mi, le'm b'àill mo cheuman a thilgeadh bun os ceann.

5 Dh'fholuich na h-uabhrich ribe dhomh, agus cuird; sgaoil iad lìon ri taobh na slighe; leag iad cip-thuisidh romham. Selah.

6 Thubhairt mi ris an Tighearna, *Is* tu mo Dhia: éisd, a Thighearna, ri guth m'ath-chuingean.

7 A Iehobhah, a Thighearna, neart mo shlàinte, dh'fholuich thu mo cheann ann an là catha.

8 Na deònuich, a Thighearna, miannan an aingidh; na soirbhich le 'ais-innleachd, air eagal gu'n àrdaich siad id féin. Selah.

SALM CXLI—CXLIH.

9 A thaobh nan daoine a chuairtich mi, còmhdaicheadh aimhlcas am bilean fèin iad.

10 Tuitedh éibhlean teine orra: 's an teine tilgear iad; ann an slochdaibh domhain, chum nach éirich iad a ris.

11 Na daingnichear fear-labhairt uile air an talamh: sealgaidh olc air fear an fhoirneirt chum a sgrios.

12 Tha fhios agam gu'n cum an Tighearn ceartas ris an duine thrugh, còir ris na bochdaibh.

13 Gu dearbh bheir na fireanan moladh do d'ainm: gabhaidh na h-ionracain còmhnuidh a'd' fhianuis.

SALM CXLI.

1 *Ghuidh Daibhidh gu'n éisdeadh Dia r'a ghuth; 3 gu'n cuireadh e faire air a bheul, 9 agus gu'n còimheadh se e o ribe luchd-deanamh na h-euceirt.*

Salm le Daibhidh.

A THIGHEARNA, tha mi ag éigheach riut; greas a m' ionnsuidh; éisd ri m' ghuth, 'n uair a dh'éigheas mi riut.

2 Cuirear m'urnuigh a'd' làthair, *mar* thùis; togail suas mo làmh, *mar* an iobairt fheasgair.

3 Cuir, a Thighearna, faire air mo bheul; gléidh doras mo bhilean.

4 Na aom mo chridhe gu ni olc air bith, gu beartan aingidh a chur 'an gnìomh le luchd-deanamh na h-euceirt: agus na h-itheam fèin d'an nithibh mìle.

5 Buailleadh am firean mi, *is* caomhlincas e; agus cronaicheadh e mi, *is* oladh luachmhor e, nach bris mo cheann: oir fathast *bithidh* m'urnuigh mar an eudna *air an son* 'n an àmhghairibh.

6 'N uair a thilgear sìos am breitheamhan ann an ionadaibh clachach, éisdidh iad ri m' bhriathraibh, oir tha iad mìlis.

7 Mar a ghearras agus a sgoilteas neach *fodh* air an làr, sgaoileadh ar cnàmhan aig beul na h-uaigne.

8 Ach riut-sa, a Iehobhah, a Thighearna, *tha* mo shùilean: annadsa chuir mi mo dhòigh; na tréig m'anam.

9 Coimhid mi o'n ribe a leag iad dhomh, agus o chip-thuislidh luchd-deanamh na h-euceirt.

10 Tuitedh na h-aingidh 'n an lìontaibh fèin, am feadh a bhitheas mise a' gabhail thairis.

SALM CXLII.

1 *'N a thrioblaid ghlaodh Daibhidh ris an Tighearna, 5 agus thaom e a ghearan 'n a làthair.* Maschil le Daibhidh. Urnuigh 'n uair a bha e anns an uainn.

LE M' ghuth ghlaodh mi ris an Tighearn; le m' ghuth dh'asluich mi air an Tighearn.

2 Thaom mi mo ghearan 'n a làthair; chuir mi 'n cèill mo theinn 'n a fhianuis.

3 'N uair a chlaoidheadh mo spiorad annam,

b'aithne dhuitse mo cheum: 's an t-slighe air an d'imich mi, dh'fholuich iad ribe dhomh.

4 Dh'amhairc mi air mo làimh dheis, agus feuch, cha robh fear ann d'am b'aithne mi; thréig cabhair mi; cha robh neach ann a dh'fheodaicheadh air son m'anama.

5 Ghlaodh mi riut, a Thighearna; thubhairt mi, *Is* tu mo thearmunn, mo chuibrionn ann an tìr nam beò.

6 Thoir an aire do m' ghlaodh, oir dh'islich-eadh mi gu mòr; saor mi uatha-san a tha'n tòir orm, oir is treise iad na mi.

7 Thoir m'anam á priosan, chum gu'm mol mi d'ainm: cuairtichidh na fireanan mi; oir buinidh tu gu fial rium.

SALM CXLIH.

1 *Ghuidh Daibhidh air an Tighearn gu'm bithheadh e bàigheil ris ann am breitheanas, 3 Tha e ri caoidh gu'n d' rinn a naimhdean geur-leanmhuinn air 'anam. 5 Dh'asluich e air Dia gu'n nochladh e dha a chaoimhneas-gràidh, 7 agus gu'n teasairgeadh se e o làimh a naimhdean.*

Salm le Daibhidh.

CLUINN m'urnuigh, a Thighearna; éisd ri m'athcheuingibh ann ad fhirinn, freagair mi ann ad cheartas.

2 Agus na tig ann am breitheanas gu d'òglach; oir ann ad fhianuis cha-n fhircan-aichear duine beò air bith.

3 Oir gheur-leam an nàmhaid m'anam; bluail e mo bheatha sìos gu làr; thug e orm còmhnuidh 'ghabhail ann an dorchadas, mar iadsan a bha fada marbh.

4 Uime sin chlaoidheadh mo spiorad annam; tha mo chridhe briste an taobh a stigh dhòm.

5 Is cuimhne leam na làithean o chian; tha do ghnìomharan gu léir a' teachd a'm' aire; tha mi a' beachd-smuaineachadh air obair do làmh.

6 Shìn mi mo làmhan riutsa: *tha* m'anam, mar thalamh tartmhor, *'an geall* ort. Selah.

7 Eisd rium gu grad, a Thighearna; chaidh as do m' spiorad: na fòlaich do ghnùis orm, air eagal gu'm bi mi cosmhuil riu-san a théid sìos do'n t-slochd.

8 Thoir orm do chaoimhneas-gràidh a chluinntinn anns a' mhaduinn, oir annadsa chuir mi mo dhòigh: thoir orm gu'n aithnich mi an t-slighe anns an còir dhomh imeachd, oir riut-sa tha mi 'togaill suas m'anama.

9 Teasairg mi o m' naimhdeibh, a Thighearna: a d'ionnsuidh-sa teichidh mi.

10 Teagaisg dhomh do thoil a dhcanamh, oir is tu mo Dhia: treòraicheadh do spiorad maith mi gu tìr an ionracais.

11 Air sgàth d'ainme, a Thighearna, beothaich thusa mi: trid d' fhircantachd saor m'anam o theinn.

12 Agus trid do thròcair gearr as mo naimhdean, agus sgrios iadsan uile a tha 'claoidh m'anama; oir is mi d'òglach.

SALM CXLIV.

1 *Bheannaich Daibhidh an Tighearn do bhrìgh gu'n robh e 'na fhear-saoraidh dha. 5 Ghluidh e gu'n teasairgeadh Dia e o làimh cloinne choigreach. 9 Gheall e Dia a mholadh.*

Salm le Daibhidh.

BEANNAICHTHE gu'n robh an Tigh-earn mo charraig, a theagaisgeas mo làmh an gu cath, mo mheoir gu comhrag:

2 Mo mhaith, agus mo dhaingneach; mo thùr àrd, agus m'fhear-saoraidh-sa; mo sgiath, agus an ti as an earb mi; a cheannsaicheas mo shluagh fodham.

3 A Thighearna, ciod e an duine, gu'm bheil thu a' gabhail eòlais air? mac an duine, gu'm bheil meas agad air?

4 Is cosmhail an duine ri dìomhanas: *tha* a làithean mar sgàile a ghabhas seachad.

5 A Thighearna, lùb do fhlaithuasan, agus thig a nuas: bean ris na beanntaibh, agus bithidh deatach dhiubh.

6 Cuir a mach dealanach, agus sgoail iad; tilg do shaighdean, agus claidh iad.

7 Sìn uait do làmh o'n àirde, saor mi, agus teasairg mi o uisgeachaibh mòra, á làimh cloinne choigreach;

8 Aig am bheil am beul a' labhairt dìomhanais, agus *is* i'n deas làmh deas làmh na bréige.

9 A Dhé, seinnidh mi dhuit òran nuadh; air an t-saltair, *uir* inneal-ciùil nan deich teud, seinnidh mi moladh dhuit.

10 *Is* esan a bheir buaidh do rìghribh, a shaoras Daibhidh, 'òglach féin, o'n chlaidheamh mhilleach.

11 Saor mi, agus teasairg mi o làimh cloinne choigreach, aig am bheil am beul a' labhairt dìomhanais, agus *is* i'n deas làmh deas làmh na bréige:

12 Chum gu'm *bi* ar mic mar ùr chroinn a' fas suas 'n am òige, ar nigheanan mar chlach-aibh oisinn, snàidhte a' *réir* coslais lùchairt:

13 Chum gu'm *bi* ar saibhlean làn, a' toirt uatha de gach gnè thoraidh, ar caoraich a' breth 'n am mìltean, seadh deich mìltean 'n ar macharaibh;

14 Gu'm *bi* ar ìaimh làidir gu h-obair; nach *bi* briseadh steach ann, no dol a mach; agus nach *bi* gearan 'n ar sràidibh.

15 *Is* sona an sluagh, a tha 's an staid so: *is* sona an sluagh, d'an Dia an Tighearn.

SALM CXLV.

1 *Chuir Daibhidh 'an cèill cumhachd iongantach an Tighearna, 7 a mhaithcas, 18 a cheartas agus a naomhachd.*

Laidh-mholaidh le Daibhidh.

ARDAICHIDH mi thu, mo Dhia, mo Rìgh; agus beannaichidh mi d'ainm gu saoghal nan saoghal.

2 Gach là beannaichidh mi thu, agus molaidh mi d'ainm gu saoghal nan saoghal.

3 *Is* mòr an Tighearn, agus *is* ro airidh e air moladh: agus cha-n fheudar a mhòrachd a rannsachadh.

4 Molaidh àl do àl do ghnìomharan, agus cuiridh iad 'an cèill d'òibre cumhachdach.

5 Air urram glòire do mhòrachd agus air d'òibribh iongantach labhraidh mi.

6 Agus labhraidh *daoine* air neart do bheartan uamhasach; agus aithrisidh mise do mhòrachd.

7 Cuiridh iad 'an cèill gu pailt cuimhne do nìaitheis mhòir, agus àrd-mholaidh iad d'fhìreantachd.

8 *Is* gràsmhor agus truacanta an Tighearn; mall chum feirge, agus pailt ann an tròcair.

9 *Is* maith an Tighearn do na h-uile, agus *tha* a chaomh thròcairean os ceann 'òibre uile.

10 Molaidh d'òibre gu léir thu, a Thighearna; agus beannaichidh do naoimh thu.

11 Air glòir do rìoghachd labhraidh iad, agus cuiridh iad 'an cèill do chumhachd:

12 Chum a bheartan iongantach a dheanamh aithnichte do chloinn nan daoine, agus glòir mòralachd a rìoghachd.

13 *Is* rìoghachd shìorruidh do rìoghachd-sa; agus *mairidh* d'uachdaranachd airfeadh nan uile ghinealach.

14 [Tha an Tighearn fìrinneach 'n a uile bhriathraibh, agus naomh 'n a uile ghnìomharaibh.]

15 Cumaidh an Tighearn suas iadsan uile a tha 'tuitem, agus togaidh e 'n àird iadsan uile a tha air cromadh sìos.

16 Tha sùilean nan uile a' feitheamh ort, agus bheir thu dhoibh am biadh 'n a thràth.

17 Tha thu a' fosgladh do làimh, agus a' sàsachadh miann gach ni beò.

18 *Tha'n* Tighearn ceart 'n a uile shlighibh, agus naomh 'n a uile ghnìomharaibh.

19 *Is* dlùth an Tighearn dhoibhsan uile a ghairmeas air, dhoibhsan uile a ghairmeas air ann am fìrinn.

20 Coimhlionaidh e miann na dream d'an eagal e; agus éisdidh e r'an glaoth, agus saoraidh e iad.

21 Gleidhidh an Tighearn iadsan uile a ghràdhachas e; ach sgriosaidh e na h-aingidh gu léir.

22 Air cliu an Tighearna labhraidh mo bheul: agus beannaichidh gach feoil 'ainm naomh-san gu saoghal nan saoghal.

SALM CXLVI.

1 *Gheall Daibhidh gu'm moladh e Dia ré a bheatha. 5 Is sona an ti a dh'earbas as an Tighearn.*

MOLAIBHSE an Tighearn: mol an Tighearn, O m'anam.

2 Molaidh mi an Tighearn 'an cian is beò mi; seinnidh mi cliu do m' Dhia, am feadh a bhitheas bith agam.

3 Na h-earbaibh á h-uachdaranuibh, á mac duine sam bith, anns nach 'eil furtachd.

4 Théid 'anail as, pillidh e g'a ùir; 's an là sin féin théid as d'a smuaintibh.

5 *Is* sona an ti aig *am bheil* Dia Iacob

mar a chabhair, aig *am bheil* a dhòchas anns an Tighearn a Dhia,

6 A rinn nèamh agus talamh, a' mhuir agus gach nì a *tha* ann; a ghleidheas firinn gu bràth;

7 A chumas còir riu-san a tha fo fhoir-reart; a bheir biadh do na h-ocraich. Cuiridh an Tighearn na prìosanaich fo sgaoil.

8 Fosgailidh an Tighearn *sùilean* nan dall; togaidh an Tighearn suas iadsan a tha air an cromadh sìos: is ionnmhuinn leis an Tighearn na fireanan.

9 Gleidhidh an Tighearn na coigrich; togaidh e suas an dilleachdan agus a' bhan-trach; ach tilgidh e slighe nan aingidh bun os ceann.

10 Rìoghaichidh an Tighearn gu bràth, do Dhia-sa, a Shìon, o linn gu linn. Molaibhse an Tighearn.

SALM CXLVII.

1 *Dh'àithn am fàidh buidheachas a tabhairt do'n Tighearn air son a mhaithéis d'a shluagh; 4 air son a chumhachd, 6 agus a thròcair. 15 Tha uachdaranachd aig Dia os ceann gach nì a chruthaich e.*

MOLAIBHSE an Tighearn; oir *is* maith an nì a bhi 'tabhairt cliu d'ar Dia, oir *tha e* taitneach, agus *tha* moladh ciatach.

2 Togaidh an Tighearn suas Ierusalem; cruinnichidh e ri 'chéile dìobaraich Israeil.

3 Leighisidh e iadsan aig am bheil cridhe briste, agus ceanglaidh e suas an leònta.

4 Innsidh e àireamh nan rionnag; bheir e ainmean orra uile.

5 *Is* mòr ar Tighearn, agus *is* mòr a chumhachd: *tha* a thuigse gun tonhas.

6 Togaidh an Tighearn suas na daoine ciùine; tilgidh e sìos na h-aingidh gu ìar.

7 Seinnibh do'n Tighearn le buidheachas; seinnibh moladh d'ar Dia-ne air a' chlàrsaich.

8 A dh'fhòlaicheas nèamh le neulaibh, a dh'ulluicheas uisge do'n talamh, a bheir air fear fàs air na sleibhtibh.

9 Bheir esan a bhìadh do'n ainmhidh, do na fithich òga a ghoireas.

10 Ann an neart an cìch cha bhi a dhùil; ann an cosaibh fir cha ghabh e tlachd.

11 Gabhaidh an Tighearn tlachd ann-tasan d'an eagal e, a chuireas an dòigh 'n a thròcair.

12 Mol an Tighearn, a Ierusalem; mol do Dhia, a Shìon:

13 Òir neartaich e croinn do gheatachan; bheannaich e do chlan an taobh a stigh dhìot.

14 Nì e sìth a'd' chrìochaibh; sàsaichidh e thu le smior a' chruthineachd.

15 Cuiridh e mach 'aithne *air* thalamh; gu luath ruithidh 'fhocal.

16 Bheir e sneachd mar olainn; sgaoilidh e an liath-reodha mar luathre.

17 Tilgidh e mach 'eigh mar ghrcamann-

an; cò a dh'fheudas seasamh fa chomhair 'fhuachd?

18 Cuiridh e mach 'fhocal, agus leaghaidh e iad; séididh a ghaoth, sruthaidh na h-uisgeachan.

19 Foillsichidh e 'fhocal do Iacob, a reachd-an agus a bhreitheanais do Israel.

20 Cha do bhuin e mar so ri cinneach sam bith; cha mhò a b'aithne dhoibh a bhreith-eanais. Molaibhse an Tighearn.

SALM CXLVIII.

1 *Dh'earail Daibhidh air na h-ainglibh, agus air gach creutair cruthaichte, Dia a mholadh.*

MOLAIBHSE an Tighearn. Molaibh an Tighearn o na nèamhan; molaibh e anns na h-àrdaibh.

2 Molaibh e, 'aingle uile; molaibh e, a shlòigh uile.

3 Molaibh e, a ghrian agus a ghealach; molaibh e, uile reulta soluis.

4 Molaibh e, a nèamha nan nèamh, agus uisgeacha *tha* os ceann nan nèamh.

5 Moladh iad ainm an Tighearna; oir dh'àithn e, agus chruthaichidh iad.

6 Agus dhaingnich e iad gu saoghal nan saoghal; rinn e àithne, nach téid thairis.

7 Molaibh an Tighearn o'n talamh, a dhàrgona, agus a dhoimhneachdan uile.

8 Teine agus clach-shneachda; sneachd agus ceò; gaoth dhoimhneach a' coimhlionadh 'fhocal;

9 Na beanntan agus na eutic uile; craobhan-meas agus na h-uile sheudair;

10 *Fìadh*-bheathaichean, agus gach uile ainmhidh; nithean snàigeach, agus eunlaith iteagach;

11 Rìghrean na talmhainn agus na h-uile shlòigh; uachdaranan agus uile bhreith-eamhnan na talmhainn;

12 Araon òig-fhir agus òighean; seann daoine agus clann;

13 Moladh iad sin ainm an Tighearna: oir *tha* 'ainm-san a mha'n urramach, *tha* a ghloir os ceann na talmhainn agus nan nèamh.

14 Agus dh'àrdaich e adharc a shluaigh, moladh a naomh uile, *eadhon* chloinn Israeil, sluaigh a tha'm fagus da. Molaibhse an Tighearn.

SALM CXLIX.

1 *Is* airidh Dia air cliu air son a mhaithéis d'a shluagh, 5 agus air son a dhìoghallaibh air na cinnich.

MOLAIBHSE an Tighearn. Seinnibh do'n Tighearn òran nuadh, *seinnibh* a mholadh ann an coimhlithional nan naomh.

2 Bitheadh Israel acibhneach 'n a Chruith-fhear; deanadh clann Shìoin gairdeachas 'n an Rìgh.

3 Moladh iad 'ainm anns an dannsadh: le tiompan agus le clàrsaich seinneadh iad dha.

4 Òir gabhaidh an Tighearn tlachd 'n a shluagh; nì e na daoine seinnhe sgiamhlach le slàinte.

5 Deanadh na naoimh gairdeachas ann an glòir: deanadh iad iolach air an leapaichibh.

6 *Bithheadh* àrd chliu Dhé 'n am beul, agus claidheamh dà fhaobhair 'n an làimh,

7 A chum dìoghaltas a dheanamh air na cinnich, smachdachadh goirt air na slòigh;

8 A chum an rìghrean a cheangal le slabhradhibh, agus an àrd uaislean le geimhlìbh iarunn;

9 A chum am breitheanas a chur 'an gnìomh orra, a tha sgriobhta: *tha'n t-urram* so aig a naoimh uile. Molaibhse an Tighearn.

SALM CL.

Earrail gu Dia a mholadh le innealaibh-ciùil.
MOLAIBHSE an Tighearn. Molaibh Dia 'n a ionad naomh; molaibh e ann an speuraibh a chumhachd.

2 Molaibh e air son a ghnìomharan treuna; molaibh e a réir àirde a mhòrachd.

3 Molaibh e le fuaim trompaid; molaibh e le saltair, agus le clàrsaich.

4 Molaibh e le tiompan agus dannsadh; molaibh e le innealaibh-ciùil nan teud, agus le organ.

5 Molaibh e le ciombalaibh fonnmhor; molaibh e le ciombalaibh àrd-fhuaimneach.

6 Moladh gach mì anns am bheil anail an Tighearn. Molaibhse an Tighearn.

GNATH-FHOCAIL.

CAIB. I.

1 *Feum agus luach a ghliocais.* 7 *Is e eagal an Tighearna tùs an èolais.* 20 *Rinn gliocas gearan an aghaidh luchd-fhochaidh,* 24 *agus bhagair i iad le léir-sgrìos.*

GNATH-FHOCAIL Sholaimh, mhic Dhaibhidh, rìgh Israeil;

2 A dh'aithneachadh gliocais agus teagaisg, a thuigsinn bhriathar na tuigse;

3 A ghabhail teagaisg a' ghliocais, a' cheartais, agus a' bhreitheanais, agus na corach;

4 A thoirt géire dhoibhsan a tha baoghalt, èolais agus céill do'n òganach.

5 Eisdidh duine glic, agus meudaichidh e fòghlum; agus sealbhaichidh duine tuigseach comhairlean glice:

6 A thuigsinn gnath-fhocail, agus eadar-mhìneachaidh; fhocal nan daoine glice, agus am briathar dorcha.

7 *Is e eagal an Tighearna tùs an èolais:* air gliocas agus teagasg ni amadain tàir.

8 A mhic, eisd thusa ri teagasg d'athar, agus na tréig lagh do mhàthar:

9 Oir 'n an coron maise *bithidh* iad do d'cheann, agus 'n an slabhruidhibh do d' mhuineal.

10 A mhic, ma thàlaidheas peacaich thu, na h-aontaich thusa leo.

11 Ma thair iad, Thig leinne, deanamaid feall-fheitheamh air fuil, luidheamaid am folach air son an neò-chiontaich gun aobhar:

12 Mar an uaigh sluigamaid suas beò iad, agus iomlan mar iadsan a thèid sìos do'n t-slochd.

13 Gheibh sinn gach uile mhaoin luachmhor, ònaidh sinn ar tighean le creich:

14 Tilg a steach do chrannchur 'n ar measg; bithidh aon sporan againn uile.

15 A mhic, na h-inich thusa 's an t-slighe maille riu; cum air a h-ais do chos o'n ceum.

16 Oir tha'n cosan a' ruith a chum uile, agus a' deanamh deifir a dhòrtadh fola.

17 Gu deimhin is dìomhain an lìon a sgaoileadh ann an sealladh eoin air bith.

18 Agus tha iad ri feall-fhochach an aghaidh am fola féin; tha iad a' luidhe ann an uaighean an aghaidh an anama féin.

19 Mar sin tha slighean gach neach a tha sanntach air buannachd: anam a sealbhadaircan bheir i air falbh.

20 Tha gliocas ag éigheach a muigh, anns na sràidibh tha i a' cur a mach a gutha;

21 Ann an àitibh sònruichte a' chomh-chruinneachaidh tha i ag éigheach, ann am fosgladh nan geatachan: anns a' bhaile tha i a' cur a mach a briathran, *ag ràdh*.

22 Cia fhad, a dhaoine baoghailta, a ghràdh-aicheas sibh baoghaltachd? agus a ghabhas luchd-fhochaidh tlachd 'n am fochaid, agus a bheir amadain fuath do còlas?

23 Pillibh ri m' achmhasan: feuch, dòirtidh mi mach mo spiorad oirbh; ni mi aithnichte mo bhriathran duibh.

24 A chionn gu'n do ghairm mi, agus gu'n do dhiùlt sibhse, gu'n do shìn mi mach mo làmh, agus nach d'thug duine's am bith an aire;

25 Ach gu'n do chuir sibh an neo-bhrìgh m'uile chomhairle, agus nach b'àill leibh a bheag de m' achmhasan;

26 Ni mise mar an ceudna gàire ri'r sgrìosa; ni mi fanoid an uair a thig bhuir n-eagal;

27 An uair a thig bhuir n-cagal mar fhàsachadh, agus a thig bhuir léir-sgrìos oirbh mar ioma-ghaoith; 'n uair a thig teinn agus cràdh-cridhe oirbh.

28 An sin gairmidh iad ormsa, ach cha fhreagair mi; iarraidh iad mi gu moch, ach cha-n fhaigh iad mi;

29 A chionn gu'n d'fhuathaich iad èolas, agus nach do ròghnaich iad eagal an Tighearna.

30 Cha b'àill leo 'bheag de m' chomhairle, rinn iad tàir air m'achmhasan uile.

31 Uime sin ithidh iad de thoradh an slighe féin, agus lionar iad le'n innleachdaibh féin.

32 Oir marbhaidh claonadh nan daoine baoghalta iad, agus sgrìosaidh soirbheachadh nan amadan iad féin.

33 Ach ge b'e 'dh'éisdeas riumsa, gabhaidh e còimhuidh ann an tèaruinteachd, agus bithidh e saor o eagal uile.

CAIB. II.

1 'N uair a théid gliocas a steach do'n chridhe *tragaigidh i eagal an Tighearna*, 10 dionaidh i o shlighe an droch dhuine, 20 agus treòrachidh i air slighe na beatha.

A MHIC, ma ghabhas tu mo bhriathran-sa, agus ma dh'fholuicheas tu m'ath-eantann maille riut;

2 Air chor as gu'n aom thu do chluas ri gliocas, gu'n leag thu do chridhe air tuigse:

3 Seadh, ri eòlas ma dh'éigheas tu, ri tuigse ma thogas tu suas do ghuth;

4 Ma dh'iarras tu i mar airgid, agus ma rannsaicheas tu air a son, mar air son ionnhasan folaichte;

5 An sin tuigidh tu eagal an Tighearna, agus gheibh thu eòlas Dhé:

6 Oir bheir an Tighearn gliocas; as a bheul *thig* eòlas agus tuigse.

7 Tha e 'tasgadh suas gliocais fhallain air son nam firean: *is* sgiath e dhoibhsan a ghluaiseas gu h-ionraic.

8 *Tha e a'* coimhead ceuman a' bhreith-eanais, agus a' dìon slighe a naomh.

9 An sin tuigidh tu fireantachd, agus breitheanas, agus ceartas; *seadh*, gach uile dheadh shlighe.

10 An uair a théid gliocas a steach ann ad chridhe, agus a bhitheas eòlas taitneach do d'anam.

11 Ni ciall do dhìon, coimhididh tuigse thu:

12 Gu d' shaoradh o shlighe an droch dhuine; o'n duine a labhras nithean fìarra;

13 A dh'fhàgas ceuman an ionracais, a dh'imeachd ann an slighibh an dorchadais;

14 Leis an aoibhinn an t-olc a dheanamh, agus a tha 'gabhail tlachd ann an aingcaltachd nan aingidh.

15 'G *am bheil* an slighean cam, agus iad a' claonadh 'n an ceumaidh:

16 Chum do shaoradh o'n mhnaoi choimhich, o'n bhana-choigrich a ni mìodal le a briathraibh;

17 A thréigear oide-fòghluim a h-òige, agus a dhì-chuimhniceas còmhcheangal a Dé:

18 Oir tha a tigh a' claonadh chum bàis, agus a ceuman chum nam marbh.

19 Cha phill duine 's am bith a théid d'a h-ionnsuidh, agus a ris cha-n fhaigh e slighe na beatha.

20 Chum gu'n imich thu ann an slighe dhaoine maithe, agus gu'n gléidh thu ceuman nam firean.

21 Oir gabhaidh na h-ionracain còmhnuidh 's an tìr, agus fanaidh na daoine foirfe innte.

22 Ach gearrar na daoine aingidh bhàrr na talmhainn, agus spionar luchd-eusaontais as.

CAIB. III.

1 *Chomhairlich Solamh do'n t-sluagh gu'n coimh-ideadh iad lagh an Tighearna*, 5 gu'n earbadh iad a' mhaitheas, 7 gu'm bitheadh iad iriosal, 9 diadhaidh, 10 agus foighlidneach. 20 Cumhachd, 21 agus sochairan a' ghliocais. 33 *Mallachadh nan aingidh*.

A MHIC, na dì-chuimhnich mo lagh; ach gleidheadh do chridhe m'ath-eantann:

2 Oir làithean buan, agus saoghal fada, agus sìth bheir iad dhuit.

3 Na tréigeadh trècàir agus fìrinn thu: ceangail iad mu d' mhuineal; sgrìobh iad air clàr do chridhe.

4 Agus gheibh thu deadh-ghean, agus tuigse mhaith ann an sealladh Dhé agus dhaoine.

5 Earb as an Tighearn le d' uile chridhe; agus ri d' thuigse féin na bitheadh do thaic.

6 Ann ad uile shlighibh aidich e, agus seòladh esan do cheuman.

7 Na bi glic a'd' shùilibh féin; bitheadh eagal an Tighearna ort, agus trèg olc.

8 'N a shlàinte bithidh e do d' iomlaig, agus 'n a smior do d' chnàmhan.

9 Thoir urram do'n Tighearn le d' mhaoin, agus le ceud thoradh d'uile chinneis:

10 Agus lionar do shàibhean le pailteas, agus le fìon nuadh ruithidh d'fhìon-amair thairis.

11 Air cronachadh an Tighearn, a mhic, na dean-sa tàir, agus na sgithich d'a smachdachadh.

12 Oir esan a's toigh leis an Tighearn smachdaichidh e, mar a *smachdaicheas* athair am mac *anns* am bheil a thlachd.

13 *Is* sona an duine a dh'amaiseas air gliocas, agus am fear a gheibh tuigse:

14 Oir 'is fearr a ceannachd na ceannachd airgid, agus a buannachd na'n t-òr.

15 *Is* luachmhoire i na na seudan, agus cha-n'ic gach ni a's urrainn thu 'mhiannachadh r'an coimhmeas rithe.

16 *Tha* saoghal fada 'n a làimh dheis; 'n a làimh chlì saoihbreas agus urram.

17 *Is* slighean subhachais a slighean, agus *is* sìth a ceuman uile.

18 *Is* craobh beatha i dhoibhsan a ni greim oirre, agus *is* sona iadsan a ghlèidheas i.

19 Le gliocas shuidhich an Tighearn an talamh; le tuigse shoeraich e na nèamhan.

20 Le 'eòlas-san brisear suas na doimhneachdan, agus sìidh na neoil a nuas an drùchdan.

21 A mhic, na dealaichidh iad ri d' shùilibh: coimhidh gliocas fallain agus tuigse.

22 Agus bithidh iad 'n am beatha do d' anam, agus 'n am maise do d' mhuineal.

23 An sin imichidh tu a'd' shlighe gu tèaruinte, agus cha tuislich do chos.

24 An uair a luidheas tu sìos, cha bhi eagal ort: seadh, luidhidh tu sìos, agus bithidh do chodal milis.

25 Na bitheadh sgàth ort roimh eagal obann, no roimh fhasachadh nan aingidh 'n uair a thig e.

26 Oir bithidh an Tighearn 'n a thearmunn duit, agus gleidhidh e do chos o bhi air a glacadh.

27 Na cum maith o'n dream d'an dlighear e, 'n uair a tha e'n comas do làimh a dheanamh.

28 Na h-abair ri d' choimhearsnach, Imich, agus thig a ris, agus am màireach bheir mi dhuit, 'n uair a tha e agad làimh riut.

29 Na dealbh ole an aghaidh do choimhearsnaich, agus e 'gabhaill còmhnuidh gu muinghineach làimh riut.

30 Na dean strì ri duine gun aobhar, mur do rinn e cron ort.

31 Na bitheadh farmad agad ri fear an fhoirneirt, agus na ròghnaich a bheag d'a shligheibh.

32 Oir is gràineileachd do'n Tighearn an duine ceannairceach; ach *tha* a rùn aig an ionracan.

33 *Tha* mallachd an Tighearn ann an tigh an aingidh; ach beannaichidh e àite-còmhnuidh nam firean.

34 Gu cinnteach air luchd-fochaid ni e fochaid; ach do'n iriosal bheir e gràs.

35 Sealbhaichidh na daoine glìce urram; ach is e nàire àrdachadh nan amadan.

CAIB. IV.

' Nochd Solamh do'n t-sluagh an teagasg a thug 'athair dha, 5 agus chomhairlich e dhoibh gliocas fhaotainn do bhrìgh gu'n toir i gu h-urram iad. 14 Dh'earraich e orra slighe nan aingidh a sheachnadh; 20 aire a thoirt d'a bhriathraibh; 23 agus an cridhe a ghlèidheadh leis gach uile dhìchioll.

CLUINNIBH, a chlann, teagasg athar, agus thugaibh an aire, chum, gu'm faigh sibh eòlas air tuigse:

2 Oir tha mi 'toirt duibh deadh theagaisg; na tréigibhse mo reachd.

3 Oir bu mhise mac mùirneach m'athar, agus mar aon-ghin mic *tha mi* ann an sealladh mo mhàthar.

4 Theagaisg e mi mar an ceudna, agus thubhairt e rium, Gleidheadh do chridhe mo bhriathran; coimhid m'aitheantan agus mair beò.

5 Faigh gliocas; faigh tuigse: na dì-chuimnich, agus na claon o bhriathraibh mo bheoil.

6 Na tréig i, agus gleidhidh i thu: gràdh-aidh i, agus coimhididh i thu.

7 *Is* e gliocas an nì sònruichte; faigh gliocas, agus maille ri d' uile fhaghail faigh tuigse.

8 Ardaich i, agus cuiridh i suas thu; bheir i gu h-urram thu, 'n uair a ghabhas tu a'd' ghlaicibh i.

9 Bheir i do d' cheam coron maise: crùn glòire bheir i seachad duit.

10 Eisd, a mhic, agus gabh m'fhocail: agus bithidh bliadhnachan do bheatha Ìonmhor.

11 Ann an slighe a ghliocais theagaisg mi thu: thèoraich mi thu ann an ceumaibh dìreach.

12 'N uair a dh'ìnicheas tu, cha teann-aichear do cheuman; agus an uair a ruith-eas tu, cha tuislich thu.

13 Dean greim daingean air teagasg; na leig as e; coimhid e, oir *is* e do bheatha e.

14 Na gabh a steach do rathad nan aingidh, agus na h-imich ann an slighe dhroch dhaoine.

15 Seachain i, na gabh seachad làimh rithe, pill uaipe, agus imich romhad.

16 Oir cha choidil iadsan mur dean iad ole: agus tha'n codal air a thoirt uatha mur toir iad air *cuid-eigin* tuiteam.

17 Oir tha iad ag itheadh arain na h-aingidheachd, agus ag òl fiona an ainneirt.

18 Ach *tha* slighe nam firean mar an solus dealrach, a dhealraicheas nì's mò agus nì's mò gu ruig an là iomlan.

19 *Tha* slighe nan aingidh mar dhorchadas: cha-n aithne dhoibh ciod air am bheil iad a' tuisleachadh.

20 A mhic, do m' fhoclaibh thoir aire; ri mo bhriathraibh aom do chluas:

21 Na h-imicheadh iad o d' shùilb: gléidh iad ann am meadhon do chridhe.

22 Oir *is* beatha iad dhoibhsan a gheibh iad, agus ìoc-shlaint d'am feoil uile.

23 Leis gach uile dhìchioll gléidh do chridhe; oir as a sin *tha* sruthan na beatha.

24 Cuir uait am beul fiar, agus na bilean beumnach cuir fada uait.

25 Sealladh do shùilean gu ceart rompa, agus seòladh rosgan do shùil gu dìreach romhad.

26 Cothromaich ceuman do chos, agus bith-eadh do shlighean uile air an socrachadh.

27 Na tionndaidh a chum na làimhe deise, no clithe: caraich do chos o'n ole.

CAIB. V.

1 Chomhairlich, Solamh do'n t-sluagh aire a thoirt do ghliocas; 5 agus nochd e dhoibh mealltaireachd mnà coimlich. 22 Glac an t-aingidh 'n a eucairtaibh féin.

A MHIC, do m' ghliocas thoir an aire; ri m' thuigse aom do chluas;

2 Chum gu'n coimhid thu ciall, agus gu'n gléidh do bhilean eòlas.

3 [Na h-èisd ri mealltaireachd mnà:] oir *mar a'* ch'ri mheala silidh bilean mnà coimlich, agus *is* mine na oladh a beul.

4 Ach *tha* a crìoch searbh mar a' bhurmaid, geur mar chladheamh dà fhaobhair.

5 *Tha* a cosan a' dol sìos chum a' bhàis: ni a ceuman greim air ifrinn.

6 Air eagal gu'n cothromaicheadh tu slighe na beatha, luaineach *tha* a ceuman

air chor as nach urrainn thu an aithneachadh.

7 A nis uime sin, a ehlann, éisdibh rium, agus na dealaichibh ri briathraibh mo bheoil.

8 Atharraich do shlighe fada uaipe, agus na tig am fagus do dhòrus a tighe:

9 Air eagal gu'n toir thu do neart do mhuinntir eile, agus do bhliadhnachan do'n an-ìochdmhor:

10 Air eagal gu'n lionar coigrich le d' shaoibhreas, agus gu'm bi do shaothair ann an tigh coigrich;

11 Agus gu'n dean thu caoidh ma dheireadh, 'n uair a chaithear d'fheoil agus do chorp,

12 Agus gu'n abair thu, Cionnus a thug mi fuath do theagasg, agus a rium mo chridhe tàir air achmhasan?

13 Agus nach robh mi ùmhail do ghuth mo luchd-teagaisg, agus nach d'aom mi mo chluas riu-san a theagaisg mi?

14 Is beag nach robh mi anns gach òle, 'am meadhan a' chomhchrùineachaidh, agus a' choimhlithionail.

15 Oluisgeachanas do shoitheach féin; agus uisgeachan ruith as do thobraichean féin.

16 Bitheadh do thobraichean air an sgaoil-cadh a mach; do shruthan uisge anns na sràidibh.

17 Bitheadh iad agad féin a mhàin, agus na b'ann aig coigrich maille riut.

18 Bitheadh do thobraichean beannaichte; agus dean gairdeachas maille ri mnaoi-phòsda d'òige.

19 *Bitheadh i mar* an eilid ghràdhach, agus mar an earba thaitneach; sasuicheadh a cìod'ian thu 's gach àm: le a gràdh bi a ghnàth air do lionadh.

20 Agus c'ar son, a mhic, a mheallair thu le mnaoi choimhich, agus a dhlùthaicheas tu ri brollach bana-choigrich?

21 Oir fa chomhair shùil an Tighearna *tha* slighean an duine, agus *tha* e a' cothromachadh a cheuman uile.

22 Glacaidh 'euceartan féin an t-aingidh, agus le cuir a pheacaidh ceanglar e.

23 Bàsaichidh e gun teagasg; agus ann am meud 'amaidcachd thèid e air seacharan.

CAIB. VI.

1 *An aghaidh luchd-urrais*, 7 *an leisgein*, 12 *agus nan daoine aingealt*. 16 *Na seachd nithean a tha 'n an gràineileachd do'n Tighearna*. 25 *Le mnaoi mhi-gheamnuidh syriosar anam an duine*.

A MHIC, ma tha thu 'n urras air do charaid, *ma* bhuail thu do làmh le neach eile,

2 Ribeadh thu le briathraibh do bheoil; ghlacadh thu le foclaibh do bheoil.

3 Dean so a nis, a mhic, agus saor thu féin, an uair a thig thu 'n làmh do charaid; imich, irioslaich thu féin, agus dean cinnteach do charaid.

4 Na toir eodal do d' shùilibh, no clò codail do d' rosgaibh.

5 Thoir as thu féin mar carba á làmh *an t-sealgair*, agus mar eun á làmh an eunad-air.

6 Imich a chum an t-seangain, a leisgein; thoir fainear a shlighean, agus bi glie:

7 Aig nach 'eil fear-seòlaidh, fear-amhaire, no riaghlair,

8 A dh'ulluicheas a bhliadh 's an t-samhradh, agus a chruinnicheas a theachd-an-tìr 's an fhogharadh.

9 Cia fhad a choidleas tu, a leisgein? e'uin a dh'éircas tu as do chodal?

10 *Fathast* beagan codail, beagan clò codail, beagan pasgaidh nan làmh gu codail.

11 An sin thig do bhochdaimn mar fhear-siubhail, agus d'uireasbhuidh mar dhuine fo armaibh.

12 Duine nach fìu, fear aingidh, siubhlaidh e le beul ana-cneasda.

13 Caogaidh e le 'shùil, bheir e sanas le 'chois, teagaisgidh e le 'mheuraibh.

14 *Tha* aingcaltachd 'n a chridhe, *tha* o a' dealbhadh uile a ghnàth; togaidh e aimhreit:

15 Uime sin gu h-obann thug a sgrios; gu grad brisear e, gun leigheas.

16 Na sè nithean so is fuathach leis an Tighearna; seadh, *tha* seachd nithean 'n an gràineileachd d'a anam:

17 Sealladh àrd, teangadh bhreugach, agus làmh an a dhòirteas fuil neò-chiontach;

18 Cridhe a dhealbhas smuaintean aingidh, cosan a bhitheas luath a ruith chum uile;

19 Fianuis bhreugach a labhras breugan, agus esan a thogas aimhreit eadar bràithribh.

20 A mhic, coimhid àithne d'athar, agus na tréig reachd do mhàthar:

21 Ceangail iad a ghnàth air do chridhe, daingnich iad nu d' mhuineal.

22 'N uair a dh'imicheas tu, treòraichidh iad thu; 'n uair a choidleas tu gleidhidh iad thu; agus *an uair* a dhùisgeas tu, labhraidh iad riut.

23 Oir is lòchran an àithne, agus is solus an reachd, agus is iad achmhasan teagaisg slighe na beatha;

24 Chum do ghleidheadh o'n droch mhnai, o mhiodal teangaidh na mnà coimhich.

25 Na miannaich a maise ann ad chridhe; agus na glacadh i thu le a rosgaibh:

26 Oir le mnaoi mhi-gheamnuidh *bheir* car duine gu greim arain; agus sealgaidh a' bhan-adhaltrannaich air an anam luachmhor.

27 An urrainn duine teine a ghabhail 'n a bhrollach, agus gun 'cudach a bhli air a losgadh?

28 An urrainn duine inneachd air éibhlìbh teithe, agus gun a chosan a bhli air an losgadh?

29 Mar sin esan a thèid a steuch chum

mnà a choinhearsnaich: cha bhi neach air bith neo-chiontach a bheanas rithe.

30 Cha deanar tàir air gaduiche, ma ghoideas e a shàsachadh 'anama, 'n uair a bhithas e oerach:

31 Ach ma ghlaic e, aisgidh e a sheachd uiread; uile mhaoin a thighe bheire seachad.

32 Ach ge b'e 'ni adhaltrannas ri mnaoi, tha e gun tuigse: sgrìosaidh esan a ni e 'anam féin.

33 Lot agus mi-chliu gheibh e; agus a mhasladh cha ghlanar as.

34 Oir is e 'n t-eud cuthach an fhir: uime sin cha chaomhain e ann an là an diùgh-altais.

35 Cha bhi suim aige dh'éiric air bith; ni mò a thoilichear e, ged bheir thu *dha* mòran thiodhlacan.

CAIB. VII.

1 *Chomhairlich Solamh do'n t-sluagh 'antheantan a thasgadh 'n an cridhe. 6 Seòtlachd agus cuilbheartan na mnà coimhich: 24 Sgrìosar iadsan a chlaonas 'n a dèigh.*

A MHIIC, gléidh mo bhriathran, agus taisg m'aitheantan maille riut.

2 Gléidh m'aitheantan, agus bi beò; agus mo lagh mar dhubhagan do shùil.

3 Ceangail iad air do mheuraibh; sgrìobh iad air clàr do chridhe.

4 Abair ri gliocas, *Is* tu mo phiuthar; agus goir do bhan-charaid de thuigse:

5 Chum gu'n gléidh iad thu o'n mhaoi choimhich, o'n bhana-choigrich a ni mìodal le a briathraibh.

6 Oir aig uinneig mo thighe dh'amhairc mi troimh mo chléith,

7 Agus sheall mi am measg nan daoine baoghailta; thug mi fainear am measg nan òganach, òig-fhear gun chéill,

8 A' dol seachad air an t-sràid fagus d'a h-oisinn, agus ghabh e an t-slighe chum a tìghe,

9 'S an dù-thràth, 's an fheasgar, 's an oidliche dhuibh dhoirche:

10 Agus, feuch, thachair bean air ann an eulaidh strìopaiche, agus i cuilbheartach 'n a cridhe.

11 (*Tha* i àrd-ghuthach agus ceann-làidir; cha-n fhan a cosan 'n a tìgh.

12 A nis *tha* i mach, a nis anns na sràidibh, agus a' feithcamh nam fàth aig gach oisinn.)

13 Agus rug i air, agus phòg i e, agus le aghaidh gun nàire thubhairt i ris,

14 *Tha* tabhartais-shith agam; an diugh dh'ìoc mi mo bhòidean:

15 Uime sin thàinig mi mach a'd' chionn-eamh, a dh'iarraidh d'aghaidh gu dìchiollach, agus fhuair mi thu.

16 Le còmhdaichibh grinne sgeadaich mi mo leabadh, le *oibribh* geartha, le lìon-eudaich mìn o'n Eiphit.

17 Rinn mi mo leabadh cùbhraidh le mirr, aloe, agus canal.

18 Thig, gabhamaid ar sàth de ghaol gu

maduinn; deanamaid comh-ghairdeachas ann an gaol:

19 Oir cha-n'eil fear an tighe aig a bhaile; chaidh e air turus fada:

20 Sporan aingrid thug e leis; air an là shuidhlichte thig e dhachaidh.

21 Le mòran d'a cainnt mhilis thug i air aontachadh; le mìodal a bilean chomh-éignich i e.

22 Tha e a' dol 'n a dèigh gun dàil, mar a théid an damh chum a mharbaidh, no'n t-amadan a chum pcanais a' chip;

23 Gus an téid saighead troimh 'àinean, mar a ghreasas eun do'n ribe, gun fhios aige gur ann chum a bhàis a *tha* e.

24 A nis uime sin éisdibh rium, a chlamh, agus thugaibh aine do bhriathraibh mo bheoil:

25 Na clonadh do chridhe chum a slighean, na rach air seacharan 'n a cennaibh.

26 Oir lot agus leag i sìos mòran; seadh chaidh mòran de dhaomibh treuna a mharbhadh leatha.

27 *Is* e a tìgh an t-slighe gu h-ifrinn, a' dol sìos gu seòmraichibh a' bhàis.

CAIB. VIII.

1 *Gairm, 6 teagasg luachmhor, 15 sochaircan prìseil, 22 agus sìorruidheachd a' ghliocais. 32 Sòrthachaidh esan a gheibh gliocas, 36 agus esan a dhiùllas i ni e cron d'a anam féin.*

NACH 'eil gliocas ag éigheach? agus nach 'eil tuigse a' cur a mach a gutha?

2 Air mullach nan àit àrda, làimh ris an t-slighe, ann am meadhon nan rathad *tha* i 'n a seasamh.

3 Làimh ris na geatachaidh, aig dol a stigh a' bhaile, far an tìgear a steach air na dorsaidh tha i ag éigheach:

4 Ribhse, O fheara, tha mi ag éigheach; agus *tha* mo ghuth ri cloinn nan daoine.

5 A dhaoine baoghailta, tuigibh gliocas; agus amadana, tuigibh 'n ur cridhe.

6 Eisidibh, oir labhraidh mi air nithibh òirdheire; agus *bithidh* fosgladh mo bhilean air nithibh cearta.

7 Oir labhraidh mo bheul firinn; agus *is* gràineileachd aingidheachd do m' bhlilibh.

8 Ann an ceartas *tha* uile bhriathran mo bheoil; annta-san cha-n'eil ni air bith ole no fiar.

9 *Tha* iad uile soilleir dhà-san a thuigeas, agus ceart dhoibhsan a gheibh eòlas.

10 Gabhaidh mo theagasg, agus ni h-e airgid, agus eòlas thar an òr thaghta.

11 Oir *is* fearr gliocas na clachan luachmhor; agus cha-n'eil na h-uile nithean a dh'fheudar a mhiannachadh r'an coimhmeas rithe.

12 Tha mise gliocas a'm' chòmhnuidh maille ri céill, agus tha mi' faghail a mach eòlais air nithibh innleachdach.

13 *Is* e eagal an Tighearn' an t-ole fhuathlachadh; uabhar, agus àrdan, agus an droch shlighe, agus am beul fiar is fuathach leam.

14 *Is* leamsa comhairle, agus fìor ghliocas: *is* leamsa tuigse; *is* leamsa ncart.

15 Leamsa rioghaichidh rìghrean, agus orduichidh uachdarain ceartas.

16 Leamsa riaghlaidh uachdarain, agus daoine mòra, uile bheirtheamhan na talmhainn.

17 Iadsan aig am bheil gràdh dhomh gràdh-aichidh mi; agus iadsan a dh'iarraas mi gu moch gheibh iad mi.

18 *Tha* beartas agus urram maille riumsa; saobhreas maireannach agus fìeantachd.

19 *Is* fearr mo thoradh uisge, eadhon na òr fìor-ghlan; agus mo theachd-a-stigh na aingidh taghta.

20 Air shlighe a' cheartais treòraichidh mi; ann am meadhon cheuman a' bhreitheanais;

21 A chum gu'n toir mi orra-san le'n ionmhuinn mi maoin a shealbhadh; agus Ìonaidh mi an ionmhasan.

22 Bha mise aig an Tighearn ann an toiseach a shlighe, roimh 'oibribh o shean.

23 O shìorruidheadh chuireadh suas mi, o'n toiseach, mun robh an talmh ann.

24 Mun robh doimhneachdan ann, ghineadh mise; 'n uair nach robh tobraichean ann, làn uisgeachan.

25 Mun do shuidhicheadh na beanntan; roimh na enocaibh ghineadh mise.

26 Mun d'rimn e fathast an talmh, no na machraichean, no a' chuid a's àirde de dhùslach an domhain.

27 'N uair a dheasaich e na nèamhan, *bha* mìn sin; 'n uair a tharruing e cuairt air aghaidh na doimhne;

28 'N uair a dhaingnich e 'n t-athar shuas; 'n uair a neartaich e tobraichean na doimhne;

29 'N uair a thug e a reachd do'n fhainge, nach rachadh na h-uisgeachan thar aithne; 'n uair a shuidhich e bunaitean na talmhainn;

30 An sin bha mise aige mar neach a dh'al-trumadh maille ris; agus bu mhi a thlachd gach là, a' deanamh gairdeachais 'n a fhianuis an còmhluidh;

31 A' deanamh gairdeachais auns a' chuid a dh'àitichear d'a thalamh, agus mo thlachd maille ri cloinn nan daoine.

32 A nis uime sin, a chlan, èisidibh rium; oir *is* sona iadsan a ghleidheas mo shlighean.

33 Èisidibh ri teagasg, agus bithibh glic, agus na diùlaibh e.

34 *Is* beannaichte an duine a dh'èisdeas rium, a' deanamh faire aig mo gheataibh gach là, a' feitheamh aig ursainnibh mo dhorsan.

35 Oir esan a gheibh mise, gheibh e beatha, agus gheibh e deadh-ghean o'n Tighearn.

36 Ach esan a phcacaicheas a'm' aghaidhsa, ni e cron d'a anam féin: iadsan uile a dh'fhuathaicheas mi, gràdh-aichidh iad am bàs.

CAIB. IX.

1 *Fòghlam agus luach a' ghliocais.* 13 *Tha bean amaideach àrd-ghruthach agus baoghalta,* 18 agus theid a h-aoidhean do dhoimhneachd ifrinn.

THOG gliocas a tigh; shnaidh i a seachd puist:

2 Mharbh i a feoil; mheasg i a fìon; dheasaich i mar an ceudna a bord:

3 Chuir i mach a h-òighean; tha i a' gairm air na h-àitibh a's àirde de'n bhaile:

4 Ge b'e neach a *tha* baoghalta, thigeadh e a stigh an so: riu-san a tha dhith tuigse tha i ag ràdh,

5 Thigibh, ithibh de m'aran-sa, agus òlaibh de'n fhìon a mheasg mi.

6 Tréigibh nithean amaideach, agus bithibh beò; agus imichibh air shlighe na tuigse.

7 Esan a bheir achmhasan do fhear-fochaid, gheibh e dha féin masladh; agus esan a chronaicheas an t-aingidh, *gheibh e* dha féin smal.

8 Na cronaich fear-fochaid, air eagal gu'm fuathaich e thu: cronaich an duine glic, agus gràdh-aichidh e thu.

9 Thoir teagasg do'n duine ghlic, agus bithidh e nì's glìce: teagaisg an duine cothromach, agus meudaichidh e ann am fòghlum.

10 *Is* e eagal an Tighearna toiseach a' ghliocais; agus *is* e eòlas air nithean naomha, tuigse.

11 Oir leamsa nithear do làithean Ìonmhor, agus cuirear ri bliadhnaicheibh do bheatha.

12 Ma bhitheas tu glic, bithidh tu glic dhuit féin: acli *ma* bhitheas tu ri fochaid, is tu féin a mhàin a dh'iomchairesas e.

13 *Tha* bean amaideach àrd-ghruthach; baoghalta, agus cha-n aithne dhi ni air bith:

14 Oir suidhidh i aig dorus a tighe, air caithir, ann an àitibh àrda a' bhaile,

15 A ghairm orra-sau a bhitheas a' dol seachad air an t-slighe, a' gabhail dìreach rompa.

16 Ge b'e neach a *tha* baoghalta, thigeadh e stigh an so; agus ris-san a tha dhith tuigse their i.

17 *Tha* na h-uisgeachan a ghoidear milis, agus an t-aran a dh'ithear ann an uaigneas taitneach.

18 Ach cha-n'eil fhios aige gu *bheil* na mairbh an sin; ann an doimhneachdaibh ifrinn gu *bheil* a h-aoidhean.

CAIB. X.

1 *Dionaidh Dia an t-ionracan.* 6 *Beannaichear am fìrean, ach sgriosar an t-amadan bith-bhrìathrach.* 12 *Folaichidh gràdh gach cionta,*

25 *Thig sgrios air luchd-deanamh na h-euceirt,* 31 *ach cha ghlaiseas am fìrean gu bràth.*

GNATH-FHOCAIL Sholaimh. Ni mac glic athair subhach; ach *is* e mac amaideach dubhachas a mhàthar.

2 Cha-n'èil tairbhe ann an ionmhasaibh aingidheachd; ach saoraidh ionracas o'n bhàs.

3 Cha leig an Tighearn le anam an ionraic gort fhulang; ach sgaoilidh e maoin nan aingidh.

4 Ni làmh na leisge bochd; ach ni làmh nan dìchiollach beartach.

5 Esan a chruinnicheas anns an t-samhradh, *is* mac glic e; ach esan a choidleas anns an fhogharadh, *is* mac maslach e.

6 *Bithidh* beannachdan air ceann an fhìrean; ach còmhdaichidh foirneart beul nan aingidh.

7 *Bithidh* cuimhne an fhìrean beannaichte; ach lobhaidh ainm nan aingidh.

8 Gabhaidh esan a tha glic 'n a chridhe àitheantan; ach tuitidh an t-amadan bith-bhriathrach.

9 Esan a ghluaiseas ann an ionracas, gluaisidh e gu tèaruimte; ach esan a chlaonas a shlighean, aithnìcheas e.

10 Esan a chaogas le 'shùil, bheir e aobhar bròin; agus tuitidh an t-amadan bith-bhriathrach.

11 *Is* tobar beatha beul an fhìrean; ach còmhdaichidh foirneart beul nan aingidh.

12 Dùisgidh fuath aimbreitean; ach folaidh gràdh gach coire.

13 Ann am bìlibh an duine thuigsich gheibhear gliocas; ach *tha* slat air son druim an tì a tha as eugmhais tuigse.

14 Ceilidh daoine glìce na's aithne dhoibh; ach *tha* beul an amadain dlùth do sgrios.

15 *Is* e beartas an duine shaoibhir a chaithir làidir; *is* e milleadh nam bochd an uireasbhuidh.

16 *Tha* saothair an fhìrean chum beatha; teachd-a-stigh an aingidh chum peacaidh.

17 *Tha* esan a choinmheas fòghlum anns an t-slighe gu beatha; ach *tha* esan a dhiùltas achmhasan air seacharan.

18 Esan a cheileas fuath le bìlibh cealgach, agus esan a labhras mi-chliu, *is* amadan e.

19 Ann an lìonmhoireachd bhriathar cha bhithear saor o pheacadh; ach *tha* esan a choisgeas a bhilean glic.

20 Mar airgid taghta *tha* teangadh an fhìrean; ach *tha* cridhe nan aingidh mar ni nach fìù.

21 Beathaichidh bilean an fhìrean mòran; ach eugaidh na h-amadain a dhith tuigse.

22 Ni beannachadh an Tighearna saoi-bhir, agus cha chuir e doilgheas 'n a chuideachd.

23 *Tha* e mar shùgradh do'n amadan olc a dheanamh; ach *tha* gliocas aig fear na tuigse.

24 An ni a's eagal leis an aingidh, thig e air; ach dèdhaichear miann nam firean.

25 Mar a thèid an ioma-ghaoth thairis, mar sin cha bhi an droch dhuine ni's mò; ach *is* bunait sìorruidh am firean.

26 Mar fhìon-geur do na faclaibh, agus mar dheataich do na sùilb, mar sin *tha'n* leisgein dhoibhsan a chuireas uatha e.

27 Cuiridh eagal an Tighearna ri làithibh *duine*; ach giorraichear bliadhnachan nan aingidh.

28 *Bithidh* dùil nam firean 'n a aobhar aoi-bhneis; ach thèid as do dhòchas nan aingidh.

29 *Is* neart do na h-ionraic slighe an Tighearna; ach *thig* sgrios air luchd-deanamh na h-euceirt.

30 Cha ghluaiseas am firean gu bràth; ach cha ghabh na h-aingidh còmhuidh air an talamh.

31 Bheir beul an fhìrean a mach gliocas, ach gearrar as an teangadh fhiar.

32 Tha fios aig bìlibh an fhìrean air an ni a tha taitneach; ach *labhraidh* beul nan aingidh nithean fiara.

CAIB. XI.

1 *Is taitneach le Dia an duine ionraic*, 5 *ach sgriosas an t-aingidh as a làthair*. 15 *Ciùrrar esan a thèid 'an urras air coigreach*. 20 *Is graineileachd do'n Tighearna iadsan a tha fìar 'n an cridhe*. 30 *Gheibh am firean duais air thalamh*.

T*HA* meidhean mealltach 'n an graineil-leis toinmhean cearta.

2 'N uair a thig uabhar, thig masladh; ach aig na h-iriosail *tha* gliocas.

3 Seòlaidh ionracas nam firean iad; ach millidh fiaradh luchd dò-bheirt iad féin.

4 Cha bhi tairbhe ann an saoi-bhreas 'an là na feirge; ach saoraidh fireantachd o'n bhàs.

5 Seòlaidh fireantachd an duine ionraic a shlighe; ach trid 'aingidheachd féin tuitidh an t-aingidh.

6 Saoraidh fireantachd nan ionraic iad; ach giacar luchd-easaontais 'n an olc féin.

7 'N uair a bhàsaicheas an droch dhuine, thèid as d'a dhòchas; agus teirigidh dùil luchd-euceirt.

8 Saor an firean o theinn; ach thig an droch dhuine 'n a àite.

9 Le 'bheul millidh cealgair a choinmhears-nach; ach trid eòlais saor na fireanan.

10 'N uair a dh'èireas gu maith do na fireanaibh, ni am baile gairdeachas; agus an uair a sgriosas na h-aingidh, *bithidh* luathghaire ann.

11 Le beannachadh nan ionraic àrdaichear baile; ach le beul nan aingidh leagar e.

12 Ni esan a tha as eugmhais gliocais tàir air a choinmhears-nach; ach bithidh fear na tuigse 'n a thosd.

13 Imichidh fear tuailis mu'n cuairt a' foillseachadh nithean diomhair; ach esan a tha fìrinneach 'n a spiorad, ceilidh e ni.

14 Far nach 'eil comhairle, tuitidh sluagh; ach ann an lìonmhoireachd luchd-comhairle *tha* tèaruimteachd.

15 Ciùrrar gu goirt esan a bhitheas 'an urras air coigreach; ach esan a dh'fhuathaicheas luchd-urrais, bithidh e tèaruimte.

16 Gheibh bean ghràsail urram; agus cos-naidh daoine làidir saoihbreas.

17 Nì an duine iochdmhor maith d'a anam féin; ach esan a tha an-iochdmhor, claoidhidh e 'fheoil féin.

18 Oihrichidh an droch dhuine obair mhealltach; ach aige-san a chuireas fireantachd *bithidh* duais chinnteach.

19 Mar so *tha* fireantachd chum beatha; ach esan a leanas an t-olc, *leanaidh e* chum a bhàis féin e.

20 *Is* gràineileachd do'n Tighearn iadsan a tha fiar 'n an eridhe; ach *is* taitneach leis iadsan a tha ionraic 'n an slighe.

21 *Ged dh'iadhadh* làmh mu làimh, cha bli an droch dhuine gun pheanas; ach saorar sliochd nam firean.

22 *Mar fhailhheag* òir ann an sròin muice, *tha* bean sgiamhach agus i as eugmhais tuigse.

23 *Tha* miann nam firean a mhàin maith; ach *is* e dòchas nan aingidh fearg.

24 *Tha* neach ann a sgapas, agus fasaidd e nìs saoihbhire; agus *tha* e ann a chumas aige fhéin tuilleadh 's a tha ceart, ach *thig e* gu bochduinn.

25 Nìthear an t-anam fial sultmhor; agus an ti a dlùisgicheas, uisgichear mar an ceudna e féin.

26 Eсан a thaisgeas sìol, mallaichidh an sluagh e; ach *bithidh* beannachd air ceann an ti a reiceas.

27 Eсан a dh'iarras maith gu dùrachdach, gheibh e deadh-ghean; ach an ti a dh'iarras olc, *thig an t-olc* air féin.

28 Eсан a dh'earhas as a shaoilhreas, tuitidh e; ach mar ghéig, *thig* na fireanan fo hhlàth.

29 Eсан a chuireas a theaghlach féin fo hhuaireas, *bithidh e* 'n a oighre air a' ghaoith; agus an t-amadan 'n a sheirbhis-each dhà-san a tha glie 'n a chridhe.

30 *Is* eraobh beatha toradh an fhìrean; agus *tha* esan a chosnas anaman glie.

31 Feuch, bheirear luigheachd do'n fhìrean air an talamh; nach mòd na sin do'n aingidh agus do'n pheacach.

CAIB. XII.

1 *Dìonaidd Dia an duine maith, ach dìtidh e fear nan droch innleachd.* 14 *Fear luigheachd a làmh do gach neach.* 22 *Tha bilean nam breug 'n an gràineileachd do Dhia.*

ESAN a ghràdhaiseas fòghlum, gràdh-aichidh e eòlas; ach esan a dh'fhuath-aicheas achmhasan, *tha e* amaideach.

2 Gheibh duine maith deadh-ghean o'n Tighearn; ach dìtidh e fear nan droch innleachd.

3 Cha daingnichear duine le h-aingidh-eachd; ach cha ghluaisear freumh nam firean.

4 *Tha* bean mhaith 'n a erùn d'a fear; ach mar lobhadh 'n a chnàmhan *tha* ise a nàiricheas e.

5 *Is* ceartas smuaintean nam firean; ach *is* cealg comhairle nan aingidh.

6 *Is* iad briathran nan aingidh feall-fheith-eamh air son fola; ach tearnaidh beul nan ionraic iadsan.

7 Tilgear na h-aingidh bun os ceann, agus cha *bhi* iad ann; ach seasaidh tigh nam firean.

8 A réir a ghliocais molar duine; ach nìthear dimeas air-san a tha fiar 'n a chridhe.

9 *Is* fearr esan air an deanar tàir, agus a tha 'n a sheirbhis-each dha féin, na esan a bheir urram dha féin, agus a bhitheas a dhàith arain.

10 Bithidh eòram aig an duine ionraic de bheatha 'aunnhidh; ach *is* an-iochdmhor truacantais nan aingidh.

11 Eсан a threabhas 'fhearann, sàsuichear le h-aran e; ach esan a leanas daoine dìomhain, *tha e* gun tuigse.

12 Miannaichidh an t-aingidh lìon dhroch dhaoine; ach bheir freumh nam firean *toradh*.

13 Le peacadh a bhilean ribear an droch dhuine; ach theid am firean as o aire.

14 De thoradh a bheoil sàsuichear duine le maith; agus ìocar luigheachd làmh duine dha féin.

15 *Tha* slighe an amadain ceart 'n a shùil-iùh féin; ach *tha* esan a dh'èisdeas ri comhairle, glie.

16 Aithnichear air ball fearg an amadain; ach ceilidh duine ciallach masladh.

17 *Eсан* a labhras an fhìrinn, foillsichidh e ceartas; ach *foillsichidh* fianuis bhreug-ach cealg.

18 *Tha* dream ann a labhras mar lotaìh claidheimh; ach *is* slàinte teangadh nan daoine glie.

19 Bithidh hilean na firinn seasmhach gu bràth; ach cha *bhi* an teangadh hhreugach ach car tiota.

20 *Is* cealg a hhitheas ann an eridhe luchd-deilhh an uile; ach do luchd-comhairle na sìthe *bithidh* gairdeachas.

21 Cha-n éirich ainmleas air bith do'n fhìrean; ach lìonar na h-aingidh le h-ole.

22 *Is* gràineileachd do'n Tighearn bilean nam hreug; ach *is* iad an dream a nì gu fìrinneach, a thlachd.

23 Ceilidh duine ciallach eòlas; ach foillsichidh eridhe nan amadan amaideachd.

24 Riaghlaidh làmh na leisge fo chis.

25 Nì iomagain ann an eridhe duine a chromadh sìos; ach nì focal maith sòlasach e.

26 *Is* fearr am firean na a choimhearsnach; ach cuiridh slighe nan aingidh air seacharan iad féin.

27 Cha ròist an leisgein a slithionn; ach *is* luachmhor saoihhreas an duine dhìch-iollaich.

28 Ann an slighe na fireantachd *tha* beatha; agus 'n a ceum cha-n'èil bàs.

CAIB. XIII.

- 1 *Cuiridh duine glic faire air a bheul.* 12 *Ni an dòchas's am-bi dàil, an cridhe tinn.* 20 *Sgrìosar companach nan aingidh.*

EISDIDH mac glic ri teagasg 'athar; ach cha-n èisd fear na fochaid ri ach-mhasan.

2 De thoradh a bheoil ithidh duine ni maith; ach *ithidh* anam nan eucorach ainneart.

3 Eсан a choimhideas a bheul, gleidhidh e 'anam; ach esan a dh'fhosglas a bhilean, *thig* sgrìos air.

4 Miannaichidh anam an leisgein, agus cha *bhi aige*; ach nìthear anam nan dìchiollach sultmhor.

5 Is beag air an fhìrean na breugan; ach fàsaidh an droch dhuine gràncil, agus nàirichear e.

6 Gleidhidh fireantachd esan a tha ionraic 'n a shlighe; ach claoidhidh aingidheachd an peacach.

7 Tha neach ann a ghabhas air a bhi beartach, agus gun ni air bith *aige*; *tha* neach ann a ghabhas air a bhi bochd, agus mòr shaoibhreas aige.

8 *Is* e éiric anama duine a shaoibhreas; ach cha chluin am bochd achmhasan.

9 Ni solus nam firean aoibhneach; ach cuirear as bòchran nan aingidh.

10 O uabhar a mhàin thig connsachadh; ach aig na daoineibh a ghabhas deadh chomhairle *tha* gliocas.

11 Lughdaichearsaobhrcasan dìomhanais; ach esan a chruinnicheas le saothair, meudaichidh e.

12 Ni an dòchas a bhitheas fada gun choimhlionaidh, an cridhe tinn; ach *is* craobh beatha am miann 'n uair a thig e.

13 Eсан a ni tàir air focal, millear e; ach esan air am bi cagal roimh àithne, gheibh e luigheachd.

14 *Is* tobar beatha lagh an *duine* ghlic, chum dol as o lontaibh a' bhàis.

15 Bheir tuigse mhaith deadh-ghean; ach *is* cruaidh slighe luchd-eusaontais.

16 Ni gach duine ciallach a ghnòthuch 'e h-eòlas; ach leigidh an t-amadan ris 'amaid-eachd.

17 Tuitidh an droch theachdair ann an olc; ach *is* slàinte an teachdair dileas.

18 Bochdainn agus nàire *bithidh* dhàsan a dhiùltas fòghlum; ach an ti aig am bi meas air achmhasan, gheibh e urram.

19 *Is* milis do'n anam am miann a choimhlionar; ach *is* beag air amadanaibh dealachadh ris an olc.

20 An ti a shùibhlas le daoineibh glìce, bithidh e glic; ach sgrìosar companach nan amadan.

21 Leanaidh ole peacaich; ach do na fireanaibh iocar maith.

22 Fàgaidh duine maith oighreachd aig

cloinn a chloinne; ach taisgear do'n fhìrean maoin a' pheacaich.

23 *Bithidh* mòran bidh ann an treabhadh nam bochd; ach bithidh neach ann a sgrìosar a dhith breitheanais.

24 An ti a chaomhnas a shlat, is beag air a mhac; ach an ti leis an ionmhuinn c, smachdaichidh se e 'n a thràth.

25 Ithidh am firean gu sàsachadh 'anama; ach bithidh dith air broinn nan aingidh.

CAIB. XIV.

- 1 *Claoaidh an t-amadan a shlighe, 9 agus ni e magadh de'n pheacadh.* 20 *Le' choimhearsnach fèin fuathaichear an duine bochd.* 29 *Is duine glic esan a tha mall chum feirge.*

CUIRIDH gach bean ghlic a tigh suas; ach leagaidh a' bhean amaidheach sìos e le a làmhnan fèin.

2 Eсан a ghluaiseas 'n a ionracas, bithidh cagal an Tighearn' air; ach esan a tha fiar 'n a shlighibh, ni e tàir air.

3 Ann am beul an amadain *tha* slat uabhair; ach gleidhidh bilean nan daoine glìce iad.

4 Far nach bi dàimh, *bithidh* a' phrasach glan; ach *bithidh* fàs mòr le neart an daimh.

5 Cha dean an fhianuis dhileas brug; ach labhraidh an fhianuis chealgach breugan.

6 Iarraidh fear na fochaid gliocas, agus cha-n *fhàigh* e; ach do'n ti a thuigeas *tha* còlas furasda.

7 Imich á làthair an duine amaidich, 'n uair nach mothaich thu ann bilcan an eòlais.

8 *Is* e gliocas an duine chiallach a shlighe a thuigsinn; ach *is* cealg amaidheachd nan amadan.

9 Ni amadain magadh air a pheacadh; ach am measg nam firean *tha* deadh-ghean.

10 *Is* àithne do chridhe *duine* searbhadas 'anama; agus 'n a aoibhneas cha bhi comhroinn aig coigrach.

11 Tilgear tigh nan aingidh bun os ceann; ach thig pàillun nan ionraic fo bhlàth.

12 Tha slighe ann a chithear dìreach le duine; ach *is* iad a crìoch slighean a' bhàis.

13 Ann an gàire fèin bithidh an cridhe brònach; agus *is* e deireadh an t-subhachais sin tùirse.

14 Le 'shlighibh fèin honar esan a thionndaidh air ais 'n a chridhe; agus uaith fèin *sàsuichear* an duine maith.

15 Creididh an duine baoghalta gach focal; ach bheir an duine ciallach an aire d'acheum.

16 Bithidh cagal air an duine ghlic, agus tréigidh e 'n t-olc; ach tha-n t-amadan borb agus dàn.

17 An ti air am bi fearg gu h-obann, ni e gu h-amaidheach; agus fuathaichear fear nan droch innleachd.

18 Sealbhaichidh daoine baoghalta amaidheachd mar oighreachd; ach crùnair na daoine ciallach le h-eòlas.

19 Cromaidh droch dhaoine an làthair dhaoine maithe, agus na h-aingidh aig geataibh an fhìrean.

20 Eadhon le 'choimhearsnach féin fuath-
aichear duine bochd; ach *is* lìonmhor iad
leis an ionmhuinn an duine saobhair.

21 An ti a nì tàir air a choimhearsnach,
peacaichidh e; ach *is* sona an ti a ghabhas
truas do na bochdaibh.

22 Nach téid iadsan air seacharan a
dhealbhas an t-olc? ach *bithidh* trècair
agus firinn acasan a dhealbhas am maith.

23 Anns gach saothair bithidh tairbhe;
ach *thig* cainnt nam bilean a mhàin gu
h-uireasbhuidh.

24 *Is* e crùn nan daoine glíce an saoi-
bheas; ach *is* amaideachd amaideachd nan
amadan.

25 Saoraidh fianuis fhìor anaman; ach
labhairidh *fianuis* chealgach breugan.

26 Ann an eagal an Tighearna *tha* aobhar
earbsaidh làidir; agus aig a chloinn bithidh
dìdean.

27 *Is* e eagal an Tighearna tobar na beatha,
chum dol as o lìontaibh a' bhàis.

28 Ann an lìonmhoireachd sluaigh *tha*
urram an rìgh; ach ann an dìth sluaigh *tha*
milleadh an uachdarain.

29 An ti a tha mall chum feirge, *tha* e
pailt ann an tuigse; ach esan a tha dian 'n a
spiorad, ardaichidh e amaideachd.

30 *Is* e beatha na feòla cridhe fallain; ach
is e lobhadh nan cnàmh an tnu.

31 An ti a shàruicheas am feumach, mas-
luichidh e a Chruith-fhear; ach bheir an
ti sin urram dha, a ghabhas truas do'n
bhochd.

32 'N a aingidheachd fuadaichear air falbh
an t-aingidh; ach bithidh dòchas aig an
fhìrean 'n a bhàs.

33 Ann an cridhe an duine thuigsich
gabhaidh glìocas tàmh; ach aithnìchean *an
ni a tha* 'n taobh a stigh nan amadan.

34 Ardaichidh fireantachd cinneach; ach
is e am peacadh masladh sluaigh air bith.

35 *Bithidh* deadh-ghean an rìgh aig seir-
bhiseach glìc; ach bithidh 'fhcarg 'n a
aghaidhsan a bhitheas 'n a aobhar naire.

CAIB. XV.

1 *Is* craobh beatha teangadh nan daoine glíce. S
Tha iobairt nan aingidh 'n a gràineileachd do
Dhia. 27 Bheir esan a tha sanntach 'n a
chridhe buaireas air a thigh féin.

PILLIDH freagradh min corruich; ach
dùisgidh briathran garga fearg.

2 Cuiridh teangadh nan daoine glíce 'an
céill eòlas gu ceart; ach dòirtidh beul nan
amadan a mach amaideachd.

3 *Tha* sùilean an Tighearn' anns gach àit,
ag amharc air na droch dhaoineibh' agus air
na deadh dhaoineibh.

4 *Is* craobh beatha teangadh fhallain; ach
is briseadh spioraid fiaradh innte.

5 'N amadan tàir air teagasg 'athar; ach
is ciallach an ti a bheir an aire do ach-
mhasan.

6 Ann an tigh an fhìrean *tha* mòran ion-

mhais; ach ann an teachd-a-stigh an aing-
idh *tha* buaireas.

7 Sgaoididh bilean nan daoine glíce eòlas;
ach cha *dean* cridhe nan amadan mar sin.

8 *Is* gràineileachd do'n Tighearn iobairt
nan aingidh; ach *is* i urnuigh nan ionraic a
thlachd.

9 *Is* gràineileachd do'n Tighearn slighe an
aingidh; ach *is* ionmhuinn leis an ti a leanas
an déigh fireantachd.

10 *Is* searbh smachdachadh dhà-san a
thréigeas an t-slighe; ach gheibh esan le'm
fuathach achmhasan, bàs.

11 *Tha* ifrinn agus sgrios fa chomhair an
Tighearna: cia mòr a's mò na sin cridh-
eachan chloinn nan daoine?

12 Cha toigh le fear-fochaid esan a chro-
aicheas e; agus a dh'ionnsuidh dhaoine glíce
cha téid e.

13 Nì cridhe subhach gnùis shuilbhir; ach
le bròn a chridhe brisear an spiorad.

14 Iarraidh cridhe an duine thuigsich
eòlas; ach beathaichear beul nan amadan
le amaideachd.

15 *Tha* uile làithean an duine thruaigh
olc; ach *is* cuirm a ghnàth an cridhe ait.

16 *Is* fearr beagan le h-eagal an Tighe-
arna, na ionmhas mòr; agus buaireas leis.

17 *Is* fearr tràth-bidh de luibhibh, far am
bì gràdh, na damh biadhtha agus fuath
leis.

18 Dùisgidh fear feargach connsachadh;
ach esan a tha mall chum feirge, ciùnichidh
e aimhreit.

19 *Tha* slighe an leisgein mar ghàradh
droighinn; ach *tha* rathad nan ionraic air a
dheanamh réidh.

20 Nì mac glìc athair aoibhneach; ach nì
mac amaideach tàir air a mhàthair.

21 *Is* aobhar aoibhneis amaideachd dhà-
san a tha as eugmhais glìocais; ach imich-
idh fear na tuigse gu dìreach.

22 Gun chomhairle, thig riùntean gu neo-
nì; ach ann an lìonmhoireachd luchd-comh-
airle daingnìchean iad.

23 Bithidh aoibhneas aig duine le freag-
radh a bheòil; agus focal 'n a thràth, cia
maith e!

24 *Tha* slighe na beatha sluas do'n duine
ghlìc, chum dol as o ifrinn shìos.

25 Sgriosaidh an Tighearn tigh nan uaibh-
reach; ach daingnichidh e crìoch na ban-
traich.

26 *Is* gràineileachd do'n Tighearn smuain-
tean dhroch dhaoine; ach *is* briathran
taitneach *briathran* nam fìor-ghlan.

27 Bheir esan a tha sanntach air buann-
achd, buaireas air a thigh féin, ach bithidh
esan le'm fuathach duals-bhratha, beò.

28 Smuainichidh cridhe an fhìrean cionnus
is eòir dha freagradh; ach dòirtidh beul nan
aingidh a mach droch nìthan.

29 *Tha*-n Tighearn fada o na h-aingidh;
ach éisdidh e ri h-urnuigh nam firean.

30 Ni solus nan sùl an cridhe aoibhneach; agus bheir deadh chliu smior do na cnàmhan.

31 Gabhaidh a' chluas a dh'èisdeas ri ach-nhasan na beatha còmhnuidh am measg nan daoine glìce.

32 An ti a dhiùltas fòghlum, ni e tàir air 'anam féin; ach an ti a dh'èisdeas ri ach-nhasan, gheibh e tuigse.

33 *Is* e eagal an Tighearna fòghlum a' ghliocais; agus roimh urram *tha* irioslachd.

CAIB. XVI.

1 *Tha Dia 'n a Bhreitheamh os ceann gach dùile.*
16 *Oirdheirceas a' ghliocais.* 27 *Gnàthaichidh an duine mi-dhiadhaidh aingidheachd an còmhnuidh.*

THA deasachadh cridhe duine, agus freagradh na teangaidh o'n Tighearn.

2 *Tha* uile shlighean duine glan 'n a shùil-ibh féin; ach cothromaichidh an Tighearn na spioraid.

3 Tabhair d'oire thairis do'n Tighearn, agus daingnichear do smuaintean.

4 Rinn an Tighearn gach ni air a shon féin, agus mar an ceudna an t-aingidh air son là an uile.

5 *Is* gràineileachd do'n Tighearn gach neach a tha uaibhreach 'n a chridhe: *ged dh'iadhadh* làmh mu làmh, cha bhi e gun pheanas.

6 Trid tròcair agus firinn glanar euceart; agus trid eagail an Tighearna tréigear an t-olc.

7 An uair a ghabhas an Tighearn tlachd ann an sligheibh duine, bheir e air a naimh-ibh féin a bhi ann an sìth ris.

8 *Is* fearr beagan le h-ionracas, na teachd-a-stigh mòr gun cheartas.

9 Smuainichidh cridhe duine air a shlighe; ach is e'n Tighearn a stiùireas a cheuman.

10 *Tha* fàistneachd air bilibh an rìgh: ann am breitheanas cha dean a bheul euceart.

11 *Is* leis an Tighearn toimhsean agus meidhean cearta: *is* iad uile chlachan-tomhais a' mhàla 'obair-san.

12 *Is* gràineileachd do rìghribh aingidheachd a dheanamh; oir le h-ionracas daingnichear an rìgh-claithir.

13 *Is* taitneach do rìghribh bilean an ionracais; agus is ionmhuinn leo esan a labhras *nìthean* cearta.

14 *Tha* fearg rìgh mar theachdairean bàis; ach ciùinichidh duine glìc i.

15 Ann an solus gnùise rìgh *tha* beatha; agus *tha* a dheadh-ghean mar neulan uisge dheireannaich.

16 Cia mòr *is* fearr gliocas fhaotainn na òr? agus *is* ròghnaiche tuigse fhaotainn na airgid?

17 *Is* e rathad mòr nan ionraic an t-olc a thrèigsinn: an ti a choimhideas a shlighe, gleidhidh e 'anam.

18 Roimh sgrios *théid* uabhar; agus roimh leagadh, spiorad àrdanach.

19 *Is* fearr a bhi de spiorad iriosal maille

riu-san a tha ciùin, na a' chreach a roinn maille ris na h-uaibhrich.

20 An ti a ni gnothuch gu tuigseach, gheibh e maith: agus an ti a dh'earbas as an Tighearn, *is* sona e.

21 Goirear duine crionna de'n ti a tha glìc 'n a chridhe; agus meudaichidh milseachd nam bilean fòghlum.

22 *Is* tobar beatha an tuigse do'n ti aig am bheil i; ach *is* amaideachd fòghlum nan amadan.

23 Ni cridhe an duine ghliè a bheul tuigseach, agus air a bhlìbhb cuiridh e fòghlum.

24 Mar chùr-mheala *tha* briathran taitneach, milis do'n anam, agus 'n an slàinte do na cnàmhan.

25 *Tha* slighe ann a tha ceart ann an sealladh duine; ach *is* iad slighean a' bhàis a crìoch.

26 An ti a shaothraicheas, saothraichidh e air a shon féin; oir iarraidh a bheul air e.

27 Cladhaichidh an duine mì-dhiadhaidh òle; agus air a bhlìbhb *bithidh* mar theine loisgeach.

28 Togaidh an duine fiar aimhreir; agus dealaichidh fear na cogarsaich càirdean dlùtha.

29 Meallaidh fear an fhoirneir a choimhearsnach, agus bheir e air imeachd air slighe nach 'eil maith.

30 Druididh e a shùilean chum smuain-eachadh air nìthibh fiara; a' gluasad a bhlìlean, bheir e òle gu crìch.

31 *Is* coron glòire an ceann liath, a gheibhear ann an slighe an ionracais.

32 *Is* fearr an ti a tha mall chum feirge na gaisgeach; agus an ti a riaghlas a spiorad féin na esan a ghlacas àrd-bhaile.

33 Anns an uchd tilgear an crananchur; ach is ann o'n Tighearn a *tha* a riaghladh gu léir.

CAIB. XVII.

1 *Dearbhaidh Dia smuaintean cridhe an duine.*

7 *Cha-n'èil mòralachd ciatach do luchd-deanamh na h-euceirt.* 19 *Sgriosar an neach a ghràdhaicheas aimhreir.*

IS fearr greim tioram, agus suaimhneas leis, na tigh làn iobairtean maille ri h-aimhreir.

2 Riaghlaidh seirbhiseach tuigseach os ceann a' mhic a bhlitheas 'n a aobhar nàire; agus am measg nam bràthar roinnidh e an oighreachd.

3 *Tha* a' phoit-ghlanaidh air son an airgid, agus an àrhuinn air son an òir; ach dearbhaidh an Tighearn na cridheachan.

4 Bheir an droch dhuine an aire do bhlìbhb na h-euceirt; èisdidh am breugaire ri teangaidh an aimhreis.

5 An ti a ni fanoid air a' bhlochd, bheir e masladh d'a Chruith-fhear: an ti a ni gairdeachas ri dòruinn, cha bhi e neò-chiontach.

6 *Is* iad clann an cloinne coron sheann

daoine agus *is* iad an aithrichean urram cloinne.

7 Cha-n'eil cainnt na mòralachd ciatach do'n amadan: nach lugha na sin a tha bilean na bréige ciatach do dhuine mòr.

8 *Is* clach uasal tiodhlac ann an sùilbh an ti aig am bi e; ge b'e taobh gus an tionndaidh e, soirbhichidh leis.

9 An ti a cheileas lochd, cosnaidh e gràdh; ach esan a dh'aithriseas ni, dealaichidh e cairdean.

10 Drùthaidh achmhasan ni's mò air duine glic, na ceud buille air amadan.

11 *Is* ceannairc a mhàin a dh'iarraas an droch dhuine; uime sin cuirear teachdair an-ìochd-mhor 'n a aghaidh.

12 Tachaireadh math-ghamhuin air call a cuileinean air duine, ni's luaithe na amadan 'n a amaideachd.

13 Ge b'e 'dhl'ocas olc air son maith, cha dealaich olc r'a thigh.

14 *Mar gu'n* leigeadh neach a mach uisgeachan, *tha* toiseach aimhreit; uimesiu mu'n sgaoil a' chomhstri, leig dhìot i.

15 *Tha'n* ti a shaoras an t-aingidh, agus an ti a dh'iteas am firean, araon 'n an gràin-cileachd do'n Tighearn.

16 C'ar son a tha luach ann an làimh amadan a dh'fhaotainn gliocais, agus e gun chridhe aige?

17 Anns gach àm gràdhaichidh caraid; agus rugadh bràthair fa chomhair teinn.

18 *Is* duine gum tuigse a bhuailleas a làmh, a théid 'an urras 'am fianuis a charaid.

19 Gràdhaichidh esan peacadh, a ghràdh-aicheas aimhreit: an ti a dh'ardaicheas a dhorus, iarraidh e sgrios.

20 An ti a tha fiar 'n a chridhe, cha-n fhaigh e maith; agus an ti a tha lùbach 'n a theangaidh, tuitidh e ann an olc.

21 An ti a ghineas amadan, *ginidh se e* chum a dhoilgheis féin; oir cha bhi sòlas aig athair amadan.

22 Ni cridhe subhach maith *mar* leigheas; ach tiormaichidh spiorad briste na cnàmhan.

23 Bheir droch dhuine tiodhlac á 'uchd, a chlaonadh shlighean a' bhreitheanais.

24 Fa chomhair an duine thuigsich *tha* gliocas; ach *tha* sùilean amadain ann an iomall na talmhainn.

25 *Tha* am mac amaideach 'n a dhoilgheas d'a athair, agus 'n a shearbhadas dh'ise a rug e.

26 Mar an ceudna cha-n'eil e maith peanas a dheanamh air an fhìrean, no àrd uaislean a bhuiladh air son ceartais.

27 Caomhnaidh an ti aig am bheil còlas a bhrìathran; agus bithidh fear na tuigse ciùin 'n a spiorad.

28 Measar an t-amadan féin, 'n uair a bhitheas e 'n a thosd, 'n a dhuine glic; agus an ti a dhruideas a bhilean, 'n a dhuine tuigseach.

CAIB. XVIII.

1 *Cha-n'eil* tlachd aig an amadan ann an gliocas. 10 *Tha an Tighearn* 'n a thùr làidir dhoibhsan a chuireas an dòigh ann. 21 *Ann an cumhachd na teangaidh tha bàs agus beatha.*

A REIR a thograidh iarraidh esan a sgaras e féin, agus buinidh e ris gach gliocas.

2 Cha-n'eil tlachd aig an amadan ann an tuigse, ach gu'm foillsicheadh a chridhe e féin.

3 An uair a thig an t-aingidh, thig mar an ceudna tarcuis, agus maille ri mì-chliu masladh.

4 *Mar* uisgeachan domhain *tha* briathran beòil duine; *mar* shruth sgaoilteach *tha* tobar a' ghliocais.

5 Cha-n'eil e maith gabhail ri gnùis an droch dhuine, chum am firean a thilgeadh bun os ceann ann am broitheanas.

6 Théid bilean an amadain ann an aimhreit, agus gairmidh a bheul air buillibh.

7 *Is* e beul amadain a sgrios, agus *is* iad a bhilean rìbe 'anama féin.

8 *Tha* briathran fir na cogarsaich mar lot-aibh, agus théid iad sìos gu ionadaibh ìochd-arach a' chuim.

9 Mar an ceudna an ti sin a tha leasg 'n a obair, *is* bràthair e do'n mhillteir mhòr.

10 *Is* tùr làidir ainm an Tighearna: ruitidh am firean d'a ionnsuidh, agus bithidh e tèaruinte.

11 *Is* e beartas an duine shaoibhir a chaithir làidir, agus mar bhalla àrd 'n a bheachd féin.

12 Roimh sgrios bithidh cridhe duine naibhreach, agus roimh urram *bithidh* irioslachd.

13 An ti a bheir freagradh ann an cùis mu'n cluinn e *i, is* amaideachd agus nàire dha e.

14 Giùlainidh spiorad duine a laigse: ach eò a's urrainn spiorad briste a ghiùlan?

15 Gheibh cridhe an duine chrìonna eòlas; agus iarraidh cluas nan daoine glìce eòlas.

16 Ni tiodhlac duine àite dha, agus bheir e an làthair dhaoine mòra e.

17 *Saoilear* gu'm bheil a' chòir aige-san, a tha air thoiseach ann an agairt a chùise; ach thig a choimhearsnach, agus rannsaichidh se e.

18 Bheir an crannchur air aimhreitibh sgrù, agus roinnidh e cadar na cumhachd-aich.

19 *Tha* bràthair air a bhrosnachadh *n's cruaidhe r'a chosnadh* na caithir làidir; agus *tha* aimhreitean *bhràithrean* mar chrannaibh lùchairt.

20 Le toradh beòil duine lionar a bhrù; agus le toradh a bhilean sàsuichear e.

21 *Tha* bàs agus beatha ann an cumhachd na teangaidh; agus ithidh esan leis an ion-mhuinn i d'a toradh.

22 An ti a dh'amaiscas air muaoi, amaisidh e air ni maith, agus gheibh e deadh-ghean o'n Tighearn.

23 Le h-èipidhibh labhraidh an duine bochd; ach freagraidh an duine saobhir gu garbh.

24 Feumaidh fear aig am bi cairdean, cairdeas a nochdadh; agus tha caraid ann a leanas ni's dlùithe na bràthair.

CAIB. XIX.

1 Bàsaichidh an t-anam a bhitheas amaideach agus as eugmhais eòlais. 16 Eiridh gu maith dhà-san a ghleidheas lagh ax Tighearna. 26 Bheir mac aingidh masladh agus nàire air athair.

IS fear am bochd a ghluaiseas 'n a ion-racas, na esan a tha fiar 'n a bhlilibh, agus e 'n a amadan.

2 Mar an ceudna cha mhaith do'n anam a bhi as eugmhais eòlais; agus an ti a ni cabhag le 'chasaibh, tuislichidh e.

3 Claonaidh amaideachd duine a shlighe, agus an aghaidh an Tighearna ni a chridhe gearan.

4 Ni saobhreas mòran chairdean; ach sgarar am bochd o a charaid.

5 Cha bhi fianuis bhreugach gun pheanas; agus an ti a labhras breugan, cha téid eas.

6 Iarraidh mòran deadh-ghean an duine mhòir; agus bithidh gach duine 'n a charaid do fhear nan tiodhlac.

7 Bheir uile bhràithrean an duine bhochd fuath dha: nach mò na sin a théid a chairdean 'am fad uaith? leanaidh e iad le briathraibh, ach tha iad gun éifeachd.

8 An ti a gheibh gliocas, gràdhachidh e 'anam féin; an ti a ghleidheas tuigse, gheibh e maith.

9 Cha bhi fianuis bhreugach gun pheanas; agus sgriosar an ti a labhras breugan.

10 Cha-n'eil aoiobhneas iomchuid do amadan; is lugha na sin do sheirbhiseach riaghladh os ceann uachdarana.

11 Ni tuigse duine mall chum feirge, agus is i a ghloir amharc thairis air eucoir.

12 Mar bheucaich leòmhain tha fearg rìgh; ach mar dhrùchd air fear tha a dheadh-ghean.

13 Is aobhar doilgheis d'a athair mac amaideach; agus mar shìor-shileadh uisge tha aimbheitan mna.

14 Is iad oighreachd aithrichean tigh agus saobhreas; ach is ann o'n Tighearn a tha bean chiallach.

15 Bheir leisge air duine tuitcam ann an trom chodal; agus fuilingidh an t-anam diomhanach ocras.

16 An ti a ghleidheas an àithne, gleidhidh e 'anam féin; ach an ti a ni tàir air a shlighibh, gheibh e bàs.

17 An ti a ghabhas truas do'n bhochd, bheir e air iasachd do'n Tighearn; agus an ni a bheir e uaith, iocaidh e dha a ris.

18 Smachdaich do mhaic am feadh a tha

dòhas d'a thaobh, agus na caomhnadh d'anam air son a ghearcain.

19 Fuilingidh fear na feirge mòire peanas; oir ma shaoras tu e, feumaidh tu 'dhecanamh a ris.

20 Eisd ri comhairle, agus gabh fòghlum, chum gu'm bi thu glic ann ad làithibh deireannach.

21 Is lionmhor na smuaintean ann an cridhe duine; ach is i comhairle an Tigh-eam' a sheasas.

22 Is e tlachd duine a chaoimhneas; agus is fear duine bochd na breugaire.

23 Treòraichidh eagail an Tighearna gu beatha, agus gheibh esan a bhitheas air a lìonadh leis fois; cha-n fhiosraichear le h-òle e.

24 Folaichidh an leisgein a làmh 'n a bhrollach; uiread as chum a bheòil cha tabhair e i a ris.

25 Buail fear-fochaid, agus bithidh an duine neo-gheur air 'fhaicill; agus cronaich duine tuigseach, agus tuigidh e eòlas.

26 An ti a chreachas 'athair, agus a dh'fhògras a mhàthair, is mac a bheir nàire agus masladh e.

27 Sguir, a mhic, a dh' éisdeachd ris an teagasg a chuireas air seacharan o bhriathraibh an eòlais.

28 Ni fianuis aingidh tarceis air breitheanas; agus sluigidh beul dhroch dhaoine euceart.

29 Dh'alluicheadh breitheanais do luchd-fochaid, agus builleann do dhruinn nan amadan.

CAIB XX.

1 Tha e 'n a nì urramach fantuinn o aimbheitan.

10 Is gràineileachd do Dhia tomhas mealltach.

22 Cha chòir do neach olc iocadh air son uile.

IS cealgach an nì fìon, is buaireasach an nì deoch làidir; agus ge b'e neach a mheallar leo, cha-n'eil e glic.

2 Mar bheucaich leòmhain tha eagail rìgh: an ti a bhrosnuicheas e gu feirg, peacaichidh e an aghaidh 'anama féin.

3 Is urramach an nì do fhear fantuinn o aimbheitan; ach measgaidh gach amadan innte.

4 Air son an fhuachda cha treabh an leisgein; iarraidh e déire anns an fhoghar-adh, ach cha-n fhaigh e.

5 Mar uisge domhain tha comhairle ann an cridhe duine, ach tairngidh fear na tuigse nìos i.

6 Gairmidh mòran dhaoine gach aon diubh a mhaithreas féin; ach cò a gheibh duine fìrinneach?

7 Gluaisidh am fìrcan 'n a ionracas: sona bithidh a mhic 'n a dhéighil.

8 'N uair a shuidheas rìgh air caithir-bhreitheanais, sgaoilidh e gach olc le 'shùilibh.

9 Cò a dh'fheudas a ràdh, Ghlan mi mo chridhe, tha mi glan o m' pheacadh?

10 Aon chothrom agus cothrom eile, aon

soitheach-tomhais agus soitheach-tomhais
eile, is gràineileachd iad araon do'n Tighearn.

11 Aithnìhear eadhon leanabh le a bheus-
aibh, am *bi* a dheanadas glan, agus am *bi* e
ceart.

12 A' chluas a chluinneas, agus an t-sùil a
chi, rinn an Tighearn iad araon.

13 Na gràdhaich codal, air eagal gu'n tig
thu gu bochdainn; fosgail do shùilean, agus
sasùichear thu le h-aran.

14 Cha-n fhiù, cha-n fhiù, ars' an cean-
nuiche; ach an uair a dh'imicheas e roimhe,
an sin ni e uail.

15 Tha òr ann, agus mòran de chlaehaibh
luachmhor; ach *is* iad bilean an eòlais an
seud a's luachmhoire.

16 Gabh eudach an ti a chaidh 'an urras
air coigreach; agus air son bana-choigrich
gabh an geall uaithe.

17 *Is* milis le duine aran na ceilge; ach
'n a dhéigh sin lionar a bheul de ghaineamh.

18 Daingnìhear gach tionnsgnath le comh-
airle; agus le comhairle ghlic dean cogadh.

19 A' foillsachadh nithean dìomhair,
imichidh fear-tuailleis mu'n cuairt: uime
sin ris-san a ni miodal le 'bhilibh na bith-
eadh gnothuch agad.

20 Ge b'e mhalluicheas 'athair, no a
mhàthair, cuirre as a lòchran ann an
duiblre dorchadais.

21 Feudar oighreachd fhaotainn gu luath
an toiseach; ach cha bhli a crìoch beannaichte.

22 Na h-abair, locaidh mi olc air son uile:
feith air an Tighearn, agus saoraidh e thu.

23 *Is* gràineileachd do'n Tighearn *aon*
chlach-thomhais agus elach-thomhais *eile*,
agus cha-n'èil meidhean mealltach maith.

24 *Is* ann o'n Tighearn a tha ceuman
duine; oir cionnus a thuigeas duine a shlighe
féin?

25 *Is* ribe e do dhuine itheadh de'n ni a
tha naomh, agus an déigh bhòidean a bhli
'fiosrachadh.

26 Sgapaidh rìgh glic na h-aingidh, agus
bheir e air an roth teachd thairis orra.

27 *Is* e spiorad duine lòchran an Tighearn',
a' sgrùdadh gach ionaid an taobh a stigh
de'n chom.

28 Gleidhidh tròcair agus fìrinn rìgh;
seadh, le tròcair daingnìhear a rìgh-
chaithir.

29 *Is* e urram dhaoine òga an neart; agus
is e maise sheann daoine, an ceann liath.

30 Glanaidh guirme cneidhe olc; mar sin
glanaidh buillean na bheil an taobh a stigh
de'n chom.

CAIB. XXI.

1 *Rannsaichidh Dia cridhe an duine.* 15 *Rògh-
naichidh am fìrean breitheanas.* 27 *Tha
ìobairt nan aingidh 'n a gràineileachd an
làthair Dhé.*

MAR shruthaibh uisgeachan *tha* cridhe
rìgh ann an làimh an Tighearna: ge
b'e taobh is àill leis, tionndaidhidh se e.

2 *Tha* uile shlighean duine ceart 'n a
shùilibh féin; ach measaidh an Tighearn
na cridheachan.

3 Ceartas a dheanamh agus breitheanas,
is ròghnaiche leis an Tighearn na ìobairt.

4 *Is* peacach sealladh àrd, agus cridhe
uaibhreach, lòchran nan aingidh.

5 *Bheir* gu deimhin smuaintean an duine
dhìchiollaich gu pailteas; ach *thig* gach
neach a tha gun fhoighidim da rìreadh gu
dith.

6 Ionmhasan fhaotainn le teangaidh bhreug-
aich, *is* dìomhanas e air a luasgadh a null
agus a nall aig an dream a dh'iarraas am
bàs.

7 Sgrìosaidh reubainn nan aingidh iad, a
chionn gu'n diùlt iad breitheanas a dhean-
amh.

8 Fiar agus coimheach tha slighe duine;
ach a *thaobh* an fhìor-ghloin, *tha* a dhean-
adas dìreach.

9 *Is* fearr còmhnuidh a ghabhail ann an
oisinn mullaich tìghe, na maille ri mnaoi
aimhreitich ann an tìgh faruinn.

10 Miannaichidh anam an aingidh olc:
cha-n fhaigh a choimhearsnach deadh-
ghean 'n a shùilibh.

11 An uair a nithear peanas air fear-
fochaid, fàsaidh am baoghalta glic; agus
an uair a theagaisgear an duine glic,
gheibh e eòlas.

12 Bheir am fìrean an aire gu glic do
thìgh an aingidh: tilgear na h-aingidh
bun os ceann air son an aingidheachd.

13 An ti a dhruideas a chluas ri glaoth
an duine bhoeth, glaothaidh e féin mar an
ceudna, ach cha-n èisdear ris.

14 Cùimichidh tiodhlac ann an dìomhair-
cachd fearg; agus duais 's an uchd,
corruich dhian.

15 *Is* aoibhneas do'n fhìrean breitheanas
a dheanamh; ach *thig* sgrìos air luchd-
deanamh na h-euceirt.

16 An duine a théid air seacharan o shlighe
na tuisge, fanaidh e ann an coimhlthional
nam marbh.

17 *Bithidh* esan 'n a dhuine boeth a ghràdh-
aicheas sògh; an ti a ghràdh-aicheas fìon
agus oladh, cha-n fhàs e saobhair.

18 'N a éiric air son an fhìrean *bithidh*
an t-aingidh, agus air son nan ionraic an
duine fealltach.

19 *Is* fearr còmhnuidh a ghabhail ann am
fàsach, na maille ri mnaoi aimhreitich agus
fheargaich.

20 *Tha* ionmhas taitneach agus oladh ann
an àite-còmhnuidh an duine ghlic; ach
eathaidh an t-amadan e.

21 An ti a leanas fìreantachd agus tròcair,
gheibh e beatha, fìreantachd, agus urram.

22 Do chaithir nan daoine treuna streap-
aidh an duine glic, agus leagaidh e sìos neart
a h-carbsa.

23 An ti a ghlèidheas a bheul agus a

theangadh, gleidhidh e 'anam o theanntach-daibh.

24 Fear-magaidh uaibhreach àrdanach *is* ainm dhàsan, a ghiùlainneas e féin ann an corruich an uabhair.

25 Marbhaidh miann an leisgein e; oir diùltaidh a làmhnan obair a dheanamh.

26 Air feadh an là samtaichidh e gu mòr; ach bheir am fìrean uaith, agus cha chaomhain e.

27 *Is* gràincileachd ìobairt nan aingidh: eia mòr is mòr, 'n uair a bheirear suas i le droch rùn?

28 Sgriosar fianuis bhreugach; ach an ti a dh'èisdeas, labhraidh e chum *deadh* chrìche.

29 Cruaidhichidh an droch dhuine 'eudan; ach ni esan a tha ionraic a shlighe dìreach.

30 Cha-n'èil gliocas, no tuigse, no comhairle ann, an aghaidh an Tighearna.

31 Deasaichear an t-each fa chomhair là a' chatha; ach is ann o'n Tighearna a tha tèaruinteachd.

CAIB. XXII.

1 *Trid eagail an Tighearna tha urram agus beatha.* 9 Beannaichear esan aig am bheil suil thruacanta, 16 ach esan a shàruicheas am bochd thig e gu h-uir-easbhuidh. 24 *Is còir fear na feirge a sheachnadh.*

IS ròghnaiche ainm maith na mòr shaoibhreas, agus deadh ghean na airgid or.

2 Coinnichidh am beartach agus am bochd a chèile: *is* e'n Tighearna a rinn iad gu léir.

3 Chi an duine crìonna olc, agus folaichidh se e féin; ach gabhaidh na daoine baoghalta air an aghaidh, agus fuilingidh iad peanas.

4 Trid irioslachd [agus] eagail an Tighearna, *thig* saoihbreas, agus urram, agus beatha.

5 Tha droighinn agus ribeachan ann an slighe an duine fhiar: an ti a ghlèidheas 'anam féin, théid e 'am fad uatha.

6 Teagaisg leanabh a thaobh na slighe air an còir dha imeachd; agus an uair a bhitheas e sean, cha tréig e i.

7 Riaghlaidh am beartach os ceann nam bochd; agus *bithidh* an ti a ghabhas 'an coingheall 'n a sheirbhiseach dhà-san a bheir 'an coingheall.

8 An ti a shìol-chuireas enceart, buainidh e dìomhanas; agus caithear slat 'fheirge.

9 Beannaichear esan aig am bheil suil fhial; oir bheir e d'a aran do'n bhochd.

10 Tilg a mach am fear-fochaid, agus théid connsachadh a mach; seadh, sguiridh comhstri agus masladh.

11 An ti leis an ionmhuinn gloine cridhe, *is* taitneach a bhilean, *bithidh* an rìgh 'n a charaid aige.

12 Coinnichidh sùilean an Tighearna' eòlas; ach tilgidh e bun os ceann briathran a' chiontaich.

13 Their an leisgein, *Tha* leòmhnan am muigh, anns na sraidibh marbhar mi.

14 *Is* slochd domhain beul bhan coimh-cach; an ti a's gràineil leis an Tighearna, tuitidh e ann.

15 *Tha* amaideachd ceangailte ann an cridhe leimibh; ach cuiridh slat an smachdachaidh fada uaith i.

16 An ti a shàruicheas am bochd a mheudachadh a *mhaoin* féin, agus an ti a bheir do'n t-saoibhir, *thig* e gu deimhin gu h-uir-easbhuidh.

17 Aom do chluas, agus éisd ri briathraibh dhaoine glìce, agus socraich do chridhe air m'eòlas-sa:

18 Oir *is* taitneach an *ni* e, ma ghlèidheas tu iad ann ad chom, ma bhitheas iad araon deas air do bhlìb.

19 Chum gu'm bithheadh d'earbsa as an Tighearna, nochd mi dhuit an diugh, eadhon dhuit-sa.

20 Nach do sgrìobh mi dhuit nithean òir-dheire', ann an comhairlibh, agus ann an eòlas?

21 Chum gu nochdaim duit cinnte bhriathar na firinn; chum gu'm freagradh tu briathran na firinn dhoibhsan a chuireas fios a d'ionnsuidh?

22 Na creach am bochd a chionn gu'm *bheil* e bochd, agus na sàruich an truaghan anns a' gheata:

23 Oir tagraidh an Tighearna an cùis, agus millidh e anam na muinntir' a mhilleas iad.

24 Na dean suas cairdeas ris an fhear-gach; agus maille ri fear na h-àrd-chorruich na h-innich;

25 Air eagal gu'n iunnsaich thu a shlighean, agus gu'm faigh thu ribe do d'anam.

26 Na bi dhiubh-san a bhuailas an làmh-an, no dhiubh-san a théid 'an urras air son fhiaich.

27 Mur 'èil *ni* agad gu dìoladh, c'ar son a bheirthead uait do leabaidh a tha fodhad?

28 Na h-a-tharraich an seann chomharadh-crìche, a shuidhich d'aitrichean.

29 *Ma* chi thu fear a bhitheas ealamh 'n a ghnòthuichibh, seasaidh e an làthair righ-rean, cha seas e an làthair dhaoine ìosal.

CAIB. XXIII.

1 *Tha* saoihbreas talmhaidh neo-tharbhach. 13 *Is còir leanabh a smachdachadh.* 21 *Thig* am misgeir agus an geòcaire gu bochdainn. 29 Buinidh bròn dhàsan a dh'arras fion measgta.

AN UAIR a shuidheas tu a dh'itheadh maille ri h-uachdaran, thoir an ro-aire do na *bheil* fa d' chomhair;

2 Agus cuir sgian ri d' sgornan, ma's duine thu air do thabhairt do gheòcaireachd.

3 Na miannaich a nithean milse; oir *is* biadh mealltach iad.

4 Na sathraich gu fàs saoiubhir; leig dhìot do ghliocas féin.

5 An cuir thu do shùilean air an *ni* nach 'èil ann? oir gu cinnteach *ni saoiubheas*

sgiatan dha féin, mar iolaire a dh'itealaicheas chum nan nàmh.

6 Na h-ìth aran an *ti aig am bheil* droch shùil, agus na miannaich a nithean milse.

7 Oir mar a smuainicheas e 'n a anam, mar sin *bithidh* e: Ìth agus òl, their e riut, ach cha *bhi* a chridhe leat.

8 An greim a dh'ìth thu, sgeithidh tu nìos, agus caillidh tu do bhriathran milse.

9 Na labhair ann an clusaibh amadain; oir ni e tàir air gliocas do bhriathar.

10 Na h-atharraich an seann chomharadh-erliche; agus air achaidh nan dilleachdan na bris a steach:

11 Oir *tha* am fear-saoraidh cumhachdach; tagraidh e an cùis a'd' aghaidh.

12 Aom do chridhe ri fòghlum, agus do chluasan ri briathraibh còlais.

13 Na cum smachdachadh o leanabh; oir ma bhuailas tu e le slait, cha-n fhaigh e bàs.

14 Buailidh tu e le slait, agus saoraidh tu 'anam o ifrinn.

15 A mhic, ma bhitheas do chridhe glic, ni mo chridhe - sa gairdeachas, eadhon mo chridhe-sa:

16 Seadh, ni m'airnean gairdeachas, 'n uair a labhras do bhilean nithean cearta.

17 Na gabhadh do chridhe farmad ri peacaidh: ach *bi* ann an eagal an Tighearn' air feadh an là nìle.

18 Oir gu deimhin tha crìoch ann; ach cha ghearrar as do dhòchas.

19 Eisd thusa, a mhic, agus bi glic, agus treòraich do chridhe anns an t-slighe.

20 Na bi am measg phòiteirean fionn; am measg luchd comh-ithidh geòcach feòla.

21 Oir thig am misgeir agus an geòcaire gu bochdainn; agus eudaichidh turra-chodal *duine* le luideagaibh.

22 Eisd ri d'athair a ghin thu, agus na dean tàir air do mhàthair 'n uair a bhitheas i aosda.

23 Ceannaich an fhìrinn, agus na reic i; mar an ceudna gliocas, agus fòghlum, agus tuigse.

24 Ni athair an fhìrean mòr ghairdeachas; agus ni esan a ghineas *mac* glic, aoibhneas ann.

25 Ni d'athair agus do mhàthair aoibhneas, agus ni ise a rug thu gairdeachas.

26 A mhic, thoir dhomha do chridhe, agus coimhleadh do shùilean mo shlighean.

27 Oir *is* slochd domhain striopach; agus *is* slochd cumhann bana-choigreach.

28 Tha i mar an ceudna ri feall-fhictheamh mar chreachadair, agus cuiridh i luchd-dò-bheirt ann an lionnhoireachd am measg dhaoine.

29 Cò d'am buin truaighe? cò a *tha* ri bròn? cò aig am *bheil* comsachadh? cò a *tha* ri gearan? cò aig am *bheil* lotan gun aobhar? cò aig am *bheil* deirge shùil?

30 Iadsan a dh'fhanas fad' aig an fhìon iadsan a thèid a dh'iarraidh fìona measgta.

31 Na h-amhairc thusa air an fhìon an uair a bbitheas e dearg, 'n uair a bheir e a dhath 's a' chupan, a thèid e sìos dìreach.

32 Ma dheircadh teumaidh e mar nathair, agus mar an rìgh-nathair sàthaidh e a ghath.

33 Amhaircidh do shùilean air mnàibh coimheach, agus cuiridh do chridhe 'an céill nithean claoana:

34 Agus bithidh tu mar an ti a luidheas sìos ann an meadhon na faire, no mar esan a luidheas air bàrr croim-siùil.

35 Bhuail iad mi, *their thu*, agus cha robh mi tinn; ghabh iad orm, agus cha do mhothaidh mi: c'uin a dhùisgeas mi? an sin iarraidh mi fathast e.

CAIB. XXIV.

1 *Chu chòir do neach farmad a ghabhail ri droch dhaoineibh.* 11 *Rannsaichidh Dia an cridhe, agus iocaidh e do gach duine a réir a ghlòimharan.* 30 *Bochdainn an duine leisg.*

NA gabh farmad ri droch dhaoineibh, agus na miannaich a bhì maille ri u:

2 Oir smuainichidh an cridhe air milleadh, agus labhraidh am bilean mu dhionas.

3 Le gliocas togar tigh, agus le tuigse daingnichear e;

4 Agus le h-còlas lìonar a sheòmraichean leis gach saobhbheas luachmhor agus taitneach.

5 *Tha* 'n duine glic 'n a *dhuine* làidir; agus tha fear an còlais treun ann an neart.

6 Oir le comhairle ghlic ni thu do chogadh; agus ann an lionnhoireachd chomhairleach *tha* tèaruinteachd.

7 *Tha* gliocas àrd air son amadain; anns a' gheata na fosgladh e a bheul.

8 Esan a smuainicheas air òc a dheanamh, goirear fear nan droch innleachd dheith.

9 *Is* peacadh smuaintean na h-amaideachd; agus *is* e fear na fo-chaid gràin dhaoine.

10 *Ma* dh'fhannaicheas tu ann an là an àmhghair, *is* beag do neart.

11 Ma dhearmadas tu iadsan a thairngear chum bàis, agus iadsan a tha ullamh gu bhì air am marbhadh a thearnadh;

12 Ma *their thu*, Feuch, cha robh fios againn air so; nach toir esan a chothrom-aicheas an cridhe fainear? agus nach bi fios aige-san a choimhideas d'anam? agus nach òc e do gach duine a réir a ghlòimharan?

13 A mhic, ìth thusa mìl, a chionn gu'n *bheil i* maith, agus a' chùir mheala a *tha* mìlis do d' bìlas.

14 Mar sin *bithidh* còlas a' ghliocais do d'anam, ma gheibh thu e; agus an uair a thig do chrìoch, cha ghearrar as do dhòchas.

15 Na dean feall-fholach, a dhroch dhuine, an aghaidh àite-còlmuidh an fhìrean; na creach 'ionad-tàimh.

16 Oir seachd nairean tuitidh am firean, agus éiridh e rìs; ach tuitidh na h-aingidh ann an òc.

27 An uair a thuiteas do nàmhaid, na bi aoibhneach, agus an uair a thuislichas c, na deanadh do chridhe gairdeachas:

18 Air eagal gu'm faic an Tighearn, agus gu'm bi e olc 'n a shùilbh, agus gu'n tionndaidh e 'fhearg uaith.

19 Na bitheadh campar ort mu dhroch dhaoimibh, agus na gabh farmad ris na h-aingidh:

20 Oir cha bhi crìoch mhaith air an droch dhuine; cuirear lòchran nan aingidh as.

21 A mhic, bitheadh eagal an Tighearn' agus an rìgh ort: riu-san aig am bheil atharrachadh giùlain na bitheadh gnothuch agad:

22 Oir gu h-obann thig an dòruinn; agus cò d'am fios an sgrìos araon?

23 *Buinidh* na nìthan so mar an ceudna do dhaoimibh glìce. Cha mhaith an nì gnùis aithneachadh ann am breitheanas.

24 Esan a their ris an aingidh, *Tha* thu cothromaeh, malluichidh an sluagh c; gabhaidh na fìneachan gràin deth.

25 Ach bithidh toil-inntinn aca-san a chronaicheas e, agus thig beannachadh maith orra.

26 Pògar bilcan an ti a bheir freagrachd ceart.

27 Ulluch d'obair am muigh, agus deasaich i dhuit féin anns an achadh, agus 'n a dhéigh sin tog do thigh.

28 Na bi d'fhianuis gun aobhar an aghaidh do choimhearsnaich; agus na meall le d' bhlilbh.

29 Na h-abair, Mar a rinn c orm, mar sin ni mi air: iocaidh mi do'n duine a reir 'oibre.

30 Ghabh mi seachad air fearann an duine leisg, agus air fion-lios an duine gun tuisge;

31 Agus, feuch, bha c uile air fas suas le cluaranaibh, chòmhdaich an eanntagach 'aghaidh, agus blriscadh sìos a bhalla cloiche.

32 An sin chunnaic mi, thug mi an aire gu maith; dh'amhairc mi, fhuair mi fòglum.

33 Fathast beagan codail, beagan c ò-chodail, beagan pasgaidh nan làmh gu c dal:

34 An sin thig do bhochdainn mar fhearsuibhail, agus d'uircasbhuidh mar dhuine fo armaibh.

CAIB. XXV.

1 *Gnàth-fhocail mu thimchioll rìghrean.* 8 *Cha-n'eil e iomchuidh dol a mach gu h-obann gu strì.* 18 *Tha fear na fianuis-bhréige mar chlaidheamh agus mar shaighlead gheur.*

IS iad so mar an ceudna gnàth-fhocail Sholaimh, a dh'ath-sgrìobh daoine Hese-cialh rìgh Iudah.

2 *Is* i glòir Dhé ni a cheiltinn; ach *is* e urram rìghrean ni a rannsachadh.

3 *Tha* neamh air òirde, agus an talamh air doimhne, agus cridhe rìghrean do-rannsachaidh.

4 Buin an salchar o'n airgiod, agus thig soitheach a mach do'n òr-cheard.

5 Buin an droch dhuine á lathair an rìgh,

agus daingnichear ann am fircantachd a rìgh-chaithir.

6 Na gabh urram dhuit féin ann am fianuis rìgh, agus na seas ann an àite dhaoine mòra:

7 Oir *is* fearr gu'n abrar riut, *Thig* a nìos an so, na gu'n cuircear sìos thu 'am fianuis an uachdarain a chunnaic do shùilean.

8 Na gabh a mach gu h-obann gu strì, air eagal *nach bi fios agad* ciod a ni thu 'n a dhéigh sin, an uair a bheir do choimhearsnach gu nàire thu.

9 Tagair do chùis ri d' choimhearsnach, agus na foillsich rùn-dìomhair do neach eile:

10 Air eagal gu'n cuir an ti a chluinneas gu nàire thu, agus nach atharraichear do mhasladh.

11 Mar ùbhlán òir ann an dealbhan airgid, *tha* focal a labhrar gu h-iomchuidh.

12 *Mar* chluas-fhàinne òir, agus mar usgair de'n òr fhìor-ghlan, *tha* fear-cronachaidh glìc aig cluais fhuarachair.

13 Mar fhuachd sneachda ann an àm an fhogharaidh, *tha* teachdair dìleas dhoibhsan a chuireas uatha e; oir ath-bheothaichidh e anam a mhaighstir.

14 *Mar* neoil agus *mar* ghaoith gun uisge *tha* am fear a ni uail á tiodhlac gu breugach.

15 Le fad-fhulangas cuirear impidh air uachdarann, agus brisidh teangadh mhìn enàimh.

16 An d'fhuair thu mìl? ith nìs leòr dhuit dith; air eagal gu'n làn-shàsuichear thu, agus gu'n sgeith thu i.

17 Tarruing do chos á tigh do choimhearsnaich, air eagal gu'm bi e sgèth dhìot, agus gu'm fuathaich e thu.

18 *Is* ord, agus claidheamh, agus saighlead gheur, am fear a bheir fianuis bhréige an aghaidh a choimhearsnaich.

19 *Mar* fhiacail bhrìste, agus *mar* chois an alt, *tha* carbsa á duine neo-dhìleas ann an là airce.

20 *Mar* csan a bheir air falbh eudach ann an là fuachda, *mar* fhìon-geur air creag-shalaim, *mar* sin *tha* csan a sheinneas òrain do'n chridhe thùirseach.

21 Ma bhitheas do nàmhaid ocrach, thoir aran dha r'a itheadh; agus ma bhitheas e iotmhor, thoir uisge dha r'a òl:

22 Oir carnaidh tu éibhleann teine air a cheann, agus bheir an Tighearn luigheachd dhuit.

23 Cuiridh a' ghaoth á tuath air falbh an t-uisge; mar sin *cuiridh* a' ghnùis fheargach air falbh teangadh a' chùl-chàimhidh.

24 *Is* fearr còmhuidh a ghabhail ann an oisinn mhullaich tìghe, na maille ri mnaoi aimhreicich ann an tìgh farsuinn.

25 *Mar* uisgeachan fuara do'n anam thart mhor, mar sin *tha* deadh sgeul á tìr chéin.

26 *Mar* thobar air a chur troimh a chéile, agus *mar* fhuaran air a thruaillcadh, *tha*

am firean a thuislicheas 'am fianuis an aingidh.

27 Cha-n'eil e maith mòran mealaiththeadh; agus cha ghlòir e do dhaoineibh an glòir féin iarraidh.

28 Mar mhor-bhaile briste sìos, gun bhalla, tha am fear aig nach 'eil ceannsal air a spiorad féin.

CAIB. XXVI.

1 Tha urram neo-iomchuidh do'n amadan. 13 Mu thimchioll an leisgein; 17 agus an neach a ghabhas gnothuch ri conspoid nach buin da.

MAR shneachd 's an t-samhradh, agus mar uisge 's an fhogharadh, mar sin cha-n'eil urram iomchuidh do'n amadan.

2 Mar eun air faondradh, mar an gobhlan-gaoithe ag itealaich, mar sin cha tig am mallachadh gun aobhar.

3 Cuip do'n each, srian do'n asal, agus slat do dhruim nan amadan.

4 Na freagair amadan a réir 'amaideachd, air eagal gu'm bi thu féin cosmhuil ris.

5 Freagair amadan a réir 'amaideachd, air cagal gu'm bi e glic 'n a shùilibh féin.

6 Gearraidh esan dheth a chosan, òlaidh e dochan, a chuireas teachdaireachd le làimh amadain.

7 Cha-n ionann cosan a' bhacach; mar sin tha gnath-fhocal ann am beul amadan.

8 Mar neach a cheanglas clach ann an crann-tabhuill, mar sin tha esan a bheir urram do amadan.

9 Mar a théid bior suas ann an làimh misgeir, mar sin tha gnath-fhocal ann am beul amadan.

10 Bheir an Dia mòr, a dhealbh gach nì, duais do'n amadan, agus bheir e duais do luchd-eusaontais.

11 Mar a philleas madadh chum a sgeith féin, pillidh amadan chum 'amaideachd féin.

12 Am bheil thu 'faicinn duine a tha glic 'n a bharrail féin? tha aobhar dòchais nì's mò de'n amadan na dheth-san.

13 Their an leisgein, Tha leòmhann 's an t-slighe, leòmhann anns na sràidibh.

14 Mar a thiomdaidheas an dorus air a lùdnain, mar sin an leisgein air a leabaidh.

15 Folaichidh an leisgein a làmh 'n a bhrollach; is doilich leis a toirt chum a bheòil.

16 Is glice an leisgein 'n a bharrail féin, na seachdnar a bheir freagradh gu ceart.

17 Mar neach a bheireas air madadh air a chluasaibh, tha esan a thèid seachad, agus a ghabhas gnothuch ri conspoid nach buin da.

18 Mar fhear air bhoile, a thilgeas leusan-teine, saighdean, agus bàs,

19 Mar sin tha am fear a mheallas a choinhearsnach, agus a their, Nach ann ri fala-dhà a tha mi?

20 Far am bi dìth connaidh, théid an teine as; agus far nach bi fear-cogarsaich, sguiridh a' chomh-stri.

21 Mar ghual do éibhligh, agus mar

chonnadh do theine, mar sin tha fear nan aimbreit a dhùsgadh strì.

22 Tha briathran fir na cogarsaich mar lotaibh, agus théid iad sìos gu ionadaibh iochdarach a' chuim.

23 Mar shoitheach creadha air a chòmh-dachadh le sal airgid, tha bilean air lasadh agus cridhe ole.

24 Le 'bhilbh ceilidh an ti a dh'fhuath-aicheas; ach 's an taobh a stigh dheth taisgidh e cealg.

25 An uair a labhras e gu brcagha, na creid e; oir tha seachd graineileachdan 'n a chridhe.

26 An ti a chòmhdaicheas 'fhuath le ceilg, foillsichear 'aingidheachd 'am fianuis a' chomh-chruinneachaidh.

27 An ti a chladhaicheas slochd, tuitidh e féin ann; agus an ti a charuicheas clach, pillidh i air féin.

28 Fuathaichidh an teangadh bhreugach iadsan d'an dean i dochair; agus oibrichidh am beul mìodalach sgrìos.

CAIB. XXVII.

1 Cha chòir uail a dheanamh a' thaobh an là maireach. 12 Seachnaidh an duine crìonna an t-òle, 23 agus bithidh aithne nhaith aig air staid a thighe.

NA dean uail a thaobh an là maireach; oir cha-n'eil fhios agad ciod a bheir là mu'n cuairt.

2 Moladh neach eile thu, agus na b'e do bheul féin; coigreach, agus na b'iad do bhlèan féin.

3 Is trom clach, agus is cudthromach a' ghaimeamh; ach is truime corruich amadain na iad le 'chéile.

4 Is an-ìochdmhor corruich, agus mar thuil tha fearg: ach cò a's urrainn seasamh 'am fianuis tu?

5 Is fearr achmhasan follaiseach na gràdh folaichte.

6 Is dileas lotan caraid; ach is cealgach pògan eascaraid.

7 Gabhaidh an t-anam làn gràin de'n chirmheala; ach do'n anam ocrach is milis gach nì searbh.

8 Mar eun air seacharan o a nead, mar sin tha am fear a théid air seacharan o 'aite féin.

9 Ni oladh-ungaidh agus deadh-fhaile an cridhe ait: mar sin nì mìlsead caraid duine le comhairle a chridhe.

10 Na tréig do charaid féin, no caraid d'athar, agus na rach a steach do thigh do bhràthar ann an là d'àmhbhair: is fearr coinhearsnach am fagus na bràthair fad as.

11 Bi glic, a mhic, agus dean mo chridhe ait, agus bithidh freagradh agam dhàsan a bheir masladh dhomh.

12 Chian duine crìonna ole, agus folaichidh se e féin; ach gabhaidh na daoine baoghalta air an aghaidh, agus fuilingidh iad peanas.

13 Gabh cudach an ti a chaidh 'an urras

air coigreach, agus air son bana-choigrich gabh an geall uaith.

14 An ti a bheannaicheas a charaid le guth àrd, ag éirigh gu moch 's a' mhaduinn, measar e dha mar mhallachadh.

15 Tha sìor-shileadh uisge ann aulà frasach, agus bean aimhreiteach cosmhuil ri 'chéile.

16 Ge b'e 'dh'fholaicheas i, folaichidh e a' ghaoth, agus oladh-ungaidh a làimhe deise a bhrathas i féin.

17 Geuraichear iarunn air iarum, agus geuraichidh duine gnùis a charaid.

18 Ge b'e 'ghleidheas craobh-fhìge, ithidh e d'a toradh; mar sin esan a dh'fheitheas air a mhaighstir, gheibh e urram.

19 Mar a' *fhreagras* aghaidh do aghaidh ann an uisge, mar sin *freagraidh* cridhe duine do dhuine.

20 Cha sàsuichear ifrion agus léir-sgrìos, agus cha sàsuichear sùilean dhaoine.

21 *Mar a'* phoit-ghlanaidh air son an airgid, agus an àmhuinn air son an òir, mar sin *tha* duine do bheul an ti a mholas e.

22 Ged phronnadh tu amadan ann an soitheach-promaidham measg cruithneachd le bruthadair, cha dcalaich 'amaideachd ris.

23 Bitheadh aithne mhaith agad air staid do chaorach; thoir an aire do d' threudaibh:

24 Oir cha mhair beartas gu bràth: agus am mair an crùn o linn gu linn?

25 Nochdar am fear gearrta, agus taisbeanaidh am fear maoth e féin, agus cruinnichear luibhean nam beann.

26 *Bithidh* na h-uain chum d'eudaich; agus is iad na gabhar luach d'fhearainn.

27 Agus *bithidh* ni's leòr de bhainne ghabhar agad chum bidh, chum bidh do theaghaich, agus chum beathachaidh do mhaighdeanan.

CAIB. XXVIII.

1 *Soirbhichidh leis an duine a ghluaiseas 'n a ionracas, 7 ach esan a ni gu h-aingidh tuitidh e 'n a shlochd féin.*

TIEICHIDH an t-aingidh, gun neach 'bhi 'an tòir air; ach bithidh na h-ionraic dàna mar leòmhann.

2 Air son eusaontais tìre *bithidh* mòran uachdaran oirre; ach le duine tuigseach eòlach nithear a staid buan.

3 *Tha* duine bochd a ni foirneart air bochdaibh, *mar* uisge millteach nach fàg biadh 'n a dhéigh.

4 Molaidh iadsan a thréigean an lagh na h-aingidh; ach ni iadsan a ghleidheas an lagh strì riu.

5 Cha tuig droch dhaoine breitheanas; ach tuigidh iadsan a dh'iarras an Tighearn na h-uile ni.

6 *Is* fearr am bochd a dh'imicheas 'n a ionracas, na esan a tha fiar 'n a shlighibh, ged bhitheadh e saobhir.

7 An ti a ghleidheas an lagh, *is* mac glie e, ach esan a tha 'n a chompanach do luchd-amhreit, nàirichidh e 'athair.

8 An ti a mheudaicheas a mhaoin le h-ocar agus le buannachd eucoraich, cruinnichidh e dhà-san a ghabhas truas de'n bhochd.

9 An ti a thionndaidheas a chluas air falbh o chluinntinn an lagha, *bithidh* 'urnuigh féin 'n a graineileachd.

10 An ti a chuireas na fireanan air seacharan air droch shlighe, tuitidh e 'n a shlochd féin; ach mealaidd na h-ionraic nithean maithe.

11 *Is* glie duine saobhir 'n a bharail féin; ach rannsachidh an duine bochd aig am bi tuigse mach e.

12 'N uair a ni na fireanan gairdeachas, *bithidh* glòir mhòr ann; ach an uair a dh'éireas na h-aingidh, folaichear duine.

13 An ti a dh'fholaicheas a pheacaidhean, cha soirbhich leis; ach esan a dh'aidicheas agus a thréigean *iad*, gheibh e tròcair.

14 *Is* beannaichte an duine air am bi eagal a ghnàth; ach esan a chruaidhicheas a chridhe, tuitidh e ann an òc.

15 *Mar* leòmhann beucach, agus *mar* mhatth-ghamhuin a ruithes a null agus a nall, *tha* uachdaran aingidh os ceann sluaigh bhochd.

16 Am fear-riaghlaidh aig nach 'eil tuigse, *is* mòr mar an ceudna am fear-foirneirt e; ach an ti a dh'fhuathaicheas sannt, sinidh e a làithean.

17 An duine a ni ainneart air fuil neach sam bith, teichidh e gu ruig an slochd; na cumadh aon duine e.

18 An ti a ghluaiseas gu h-ionraic, tèarnar e; ach esan a tha fiar 'n a shlighibh, tuitidh e dh'aon bheum.

19 An ti a threabhas 'fhearann, bithidh pailteas arain aige; ach esan a leanas an déigh dhaoine dìomhain, bithidh bochdainn gu leòr aige.

20 Bithidh duine firinneach pailt ann am beannachdaibh; ach esan a ni deifir gu 'bhi saobhir, cha bhi e neò-chiontach.

21 Cha mhaith an ni gnùis aithneachadh; gidheadh air son greim arain ciontaichidh duine.

22 Ni fear na droch shùla deifir gu 'bhi saobhir; ach cha-n 'eil fhios aige gu'n tig bochdainn air.

23 An ti a chranaicheas duine, 'n a dhéigh sin gheibh e ni's mò de dheadh-ghean na esan a ni miodal le 'theangaidh.

24 An ti a ni reubaim air 'athair no air a mbàthair, agus a their, *Cha-n'èil* cionta ann, *is* companach e do fhear-millidh.

25 An ti aig am bheil cridhe àrdanach, dùsgidh e strì; ach esan a dh'earbas as an Tighearn, nithear sultmhor e.

26 An ti a dh'earbas as a chridhe féin, is amadan e; ach esan a ghluaiseas gu glie, saorar e.

27 An ti a bheir do'n bhochd, cha bhi dìth air; ach air an ti a dh'fholaicheas a shùilean bithidh iomadh mallachd.

28 'N uair a dh'éireas na h-aingidh, fol-

aichidh daoine iad féin; ach an uair a sgriosar iad, fásaidh na fireanan lionmhor.

CAIB. XXIX.

1 'N uair a riaghas na fireanan soirbhlichidh leis an t-sluagh. 15 Bheir an t-slat agus achmhasan gliocas do leanabh. 22 Mu thimcheall féirge, 23 uabhair, 24 agus comh-roinn ri gaduiche.

A M fear a chronaichear gu minic, gidh-cadh a chruaidhicheas a mhúineal, sgriosar e gu h-obann, agus sin gun leigheas.

2 'N uair a bhitheas na fireanan cumhachdach, ni an sluagh gairdeachas; ach an uair a riaghas na h-aingidh, ni an sluagh osnaich.

3 Am fear a gliradhacheas gliocas, ni e 'athair ait; ach esan a chumas cuideachd ri striopaichean, caithidh e a mhaoin.

4 Le breitheanas daingnichidh an rìgh an tìr; ach sgriosaidh am fear a ghabhas tiòdh-lacan i.

5 Am fear a ni miodal r'a choimhearsnach, sgaoilidh e lìon air son a chos.

6 Ann an eusaontas droch dhuine *tha* ribe; ach seinnidh am firean, agus bithidh e aoibhneach.

7 Bheir am firean an aire do chùis nam bochd; ach cha ghabh an t-aingidh suim do eòlas a bhi aig 'oirre.

8 Bheir luchd-fochaid baile ann an ribe; ach pillidh daoine glìce fearg.

9 Ma ni duine glìc strì ri duine amaid-each, co dhùibh a bhitheas fearg air, no' ni e gàire, cha *bhi* fois ann.

10 Fuathaichidh daoine fuileachdach an duine ionraic; ach iarraidh daoine cothromach 'anam.

11 Cuiridh amadan 'an céill 'inntinn uile; ach cumaidh duine glìc a stigh i gus an dèigh sin.

12 Ma dh'éisdeas uachdaran ri breugaibh, bithidh a sheirbhìsh uile aingidh.

13 Coinnichidh am bochd agus an cealg-air a chéile; bheir an Tighearn solus d'an sùilbh arann.

14 Ma bheir rìgh breth air bochdaibh ann am fìrinn, daingnichear a rìgh-chaithir gu bràth.

15 Bheir an t-slat agus achmhasan gliocas uatha; ach cuiridh an leanabh a dh'fhàgar dha féin nàire air a mhàthair.

16 'N uair a bhitheas na h-aingidh lionmhor, bithidh eusaontas lionmhor: ach chi na fireanan an leagadh.

17 Cronaich do mhac, agus bheir e suaimhneas dhuit: seadh, bheir e sòlas do d'anam.

18 Far nach 'eil taisbeanadh, theid an sluagh a dhìth; ach an ti a choimhidas an lagh, *is* sona esan.

19 Le briathraibh cha leasaichear seirbhìs-each; oir ged thuig e, cha fhreagar e.

20 Am bheil thu faicinn duine a tha dian 'n a bhriathraibh? *tha* aobhar dòchais nì's mo d'èin amadan na dieth-san.

21 Ma thogas neach a sheirbhìseach suas gu muirneach obha e'n a leanabh, ma dheir-eadh bithidh e aige mar mhac.

22 Dúisgidh duine feargach aimhreit, agus bithidh fear na corruich pailt ann an eusaontas.

23 Islichidh uabhar duine e; ach gheibh esan a tha iriosal 'n a spiorad urram.

24 An ti a ni comh-roinn ri gaduiche, fuathaichidh e 'anam féin: cluinidh e mallachadh, ach cha-n fhoillsich e.

25 Bheir eagal duine ribe leis; ach ge b'e 'dh'earbas as an Tighearn, bithidh e tèaruinte.

26 Iarraidh mòran deadh-ghcan an uachd-arain; ach is ann o'n Tighearn a *tha* breitheanas gach duine.

27 *Is* e fear na h-euceirt gràineileachd nam firean; agus *is* e'n ti a tha ccart 'n a shlighe gràineileachd nan aingidh.

CAIB. XXX.

1 Aideachadh Aguir mhic Iacoh. 7 'N a urnuigh dh'iarr e dà nì o *Dhia*. 11 Na ceithir ginealachan aingidh; 15 agus na ceithir nithean nach sàsuichear. 17 Ceithir nithean do-thuigsim; 24 agus ceithir nithean beaga a tha ro ghlic.

BRIATHRAN Aguir mhic Iacoh, *eadhon* an fhàidheadaireachd: labhair an duine ri h-Itiel, *eadhon* ri h-Itiel agus ri h-Ucal.

2 Gu deimhin *tha* mi nì's amaidiche na duine air bith, agus cha-n'eil tuigse duine agam.

3 Agus cha d'fhòghluim mi gliocas, ni mò a tha eòlas agam air nithibh naomha.

4 Cò a chaidh suas do nèamh, no 'thàinig a nuas? cò a chruinnich a' ghaoth 'n a dhornaibh? cò a cheangail na h-uisgeachan ann an trusgan? cò a shuidhich uile chrìochan na talmhainn? ciod a's ainm dha? agus ciod e ainm a mhic, ma tha fhios agad?

5 *Tha* uile fhocal Dhé fìor-ghlan: *is* sgiath e dhoibhsan a chuireas an dòigh ann.

6 Na cuir-sa ni air bith r'a bhriathraibh, air eagal gu'n cronaich e thu, agus gu'm faighear breugach thu.

7 Dà ni dh'iarr mi ort; na diùlt *iad* dhomh mu'm faigh mi bàs.

8 Diomhanas agus breugan cuir fada uam; na toir dhomh bochdainn no beartas, beathaich mi le biadh a bhitheas iomchuidh air mo shon.

9 Air eagal gu'm bi mi làn, agus gu'n àich-eadh mi *thu*, agus gu'n abair mi, Cò e an Tighearn? no gu'm bi mi bochd, agus gu'n goid mi, agus gu'n toir mi ainm mo Dhé ann an diomhanas.

10 Na dean casaid air seirbhìseach r'a mhaighstir, air eagal gu'm mallaich e thu, agus gu'm faighear ciontach thu.

11 *Tha* ginealach ann a mhallaicheas an athair, agus nach beannaich am màthair.

12 *Tha* ginealach ann a tha glan 'n an

sùilibh féin, gidheadh nach 'eil air an nigh-eadh o an sachar.

13 *Tha* ginealach ann aig am bheil an sùilean àrda, agus fàbhraidhean an sùl air an togail suas.

14 *Tha* ginealach ann aig am bheil am fiacalan mar chlàidhean, agus am fiacalan-chùil mar sgeanan, a dli'itheadh suas nan truaghan o'n talamh, agus nam feumach o mheasg dhaoine.

15 Aig an deal-each tha dithis nighean, ag *éigheach*, Tabhair, tabhair. Tha tri nithean ann nach sàsuichear, seadh, ceithir nithean nach abair, *Is* leòr e:

16 An t-uigh, agus a' bhrù neo-thorrach, an talamh nach sàsuichear le h-uisge, agus an teine nach abair, *Is* leòr e.

17 An t-sùil a ni magadh air 'athair, agus a ni tarcuis air ùmhlaich do 'mhàthair, spionaidh fithich a' ghlinne a mach i, agus ithidh na h-iolairean òga suas i.

18 Tha tri nithean ann a's iongantach leam, seadh, ceithir nithean nach aithne dhomh:

19 Slighe iolaire anns na speuraibh, slighe nathrach air carraig, slighe luinge ann am meadhon na fairge, agus slighe fir le h-òigh.

20 Mar so *tha* slighe ban-adhaltrannaich: ithidh i, agus glanaidh i a beul, agus their i, Cha d'rinn mi ole air bith.

21 Air son tri nithean ghluaiseadh an talamh, agus air son ceithir nach urrainn e 'ghrùlan:

22 Air son seirbhisich an uair a riaghlas e, agus air son amadain an uair a bhitheas e làn de bhiadh.

23 Air son mnà fhuaithich an uair a phòsar i, agus air son banoglaich an uair a bhitheas i 'n a h-oighre air a bana-mhaighstir.

24 Tha ceithir nithean beaga air an talamh, ach *tha* iad ro ghlic:

25 *Tha* na seangain 'n an sluagh nach 'eil làidir, gidheadh ulluichidh iad am biadh 's an t-samhradh;

26 *Tha* na coimeanan 'n am mainntir nach 'eil neartmhor, gidheadh togaidh iad an tighean anns na creagaibh;

27 Cha-n'èil rìgh aig na locustaibh, gidheadh imichidh iad a mach uile 'n am buidhnibh.

28 Gabhaidh an damhan-alluidh greim le a làmhian, agus bithidh e ann an lùchairtibh nan rìgh.

29 *Tha* tri nithean a dh'imicheas gu maith, seadh, ceithir, a tha tlachdmhor 'n an siubhal:

30 An leòmhann a's treise am measg bheathachan, agus nach pill air ais o aon air bith;

31 Mìol-chù, boc-gaibhre mar an ceudna, agus rìgh an aghaidh nach feudar éirigh.

32 Ma rinn thu gu h-amaideach le thu féin a thogail suas, no ma smuainich thu ole, cuir do làmh air do bheul.

33 Gu deimhin bheir luasgadh bainne ìm a mach, agus bheir fàsgadh na sròine fuil a

mach: mar sin bheir dùsgadh corruih aimhreit a mach.

CAIB. XXXI.

1 Comhairle Lemueil mu thimchioll dìbne àidid.
8 Is còir cùis an truaghain agus an fheumaich a thagradh. 10 Deadh luach mnà shubhailich.

BRIATHRAN rìgh Lemueil, an fhàidh-eadaireachd a theagaisg a mhàthair dha.

2 Ciod, a mhic? agus ciod, a mhic mo bhròn? agus ciod, a mhic mo bhòidean?

3 Na tabhair do neart do bhoirionnaich, no do shlighean do'n ni a mhillas rìghrean.

4 Cha-n'èil e air son rìghrean, a Lemueil, cha-n'èil e air son rìghrean fion òl, no air son uachdarain déidh a bhi aca air dibh làidir;

5 Air eagal gu'n òl iad, agus gu'n dì-chuimhnich iad an lagh, agus gu'n claoon iad breitheanas do aon sam bith de chloinn an àmhghair.

6 Thugaibh deoch làidir dhà-san a tha ullamh gu bàsachadh, agus fion dhoibhsan a tha ann an searbhadas anama.

7 Oladh e, agus dì-chuimhnichidh e a bhochdainn, agus na cuimhnichidh e a thruaighe nì's mò.

8 Fosgail do bheul air son an duine bhaibh, ann an cùis nan uile a tha air an orduchadh chum sgrìos.

9 Fosgail do bheul, thoir breth le ceartas, tagair cùis an truaghain agus an fheumaich.

10 Cò a gheibh bean shubhailceach? oir *tha* a luach gu mòr os ceann chlach uasal.

11 Earbaidh cridhe a fir aisde, agus cha bhi feum aige air creich.

12 Iocaidh i maith dha, agus cha-n e ole, re uile làithean a beatha.

13 Iarraidh i olann agus lion, agus oibrichidh i gu toileach le a làmhian.

14 Tha i mar longaibh nan ceannaichean, bheir i a biadh o *thìr* chéin.

15 Eiridh i mar an ceudna 'n uair is i an oidhebe a tha fathast ann, agus bheir i lòn d'a teaghlach, agus cuibhrionn d'a maighdeanaibh.

16 Measaidh i achadh, agus ceannaichidh i e: le toradh a làmh suidhicidh i fion-lios.

17 Crioslaichidh i a leasaidh le neart, agus neartaichidh i a gairdeanan.

18 Mothaichidh i gu *bheil* a ceannachd maith: cha téid a coinneal as 's an oidhebe.

19 Cuiridh i a làmhian air an dealgan, agus gabhaidh glacan a làmh greim de'n chuigeil.

20 Fosgailidh i a glac do'n truaghan, agus smidh i a làmhian do'n fheumach.

21 Cha-n'èil eagal oirre roimh 'n t-sneachd air son a teaghlach; oir *tha* a teaghlach uile air an éideadh le scarlaid.

22 Ni i dhi féin trusgain de obair ghréis; de shìoda agus de chorcur *tha* a h-eudach.

23 Aithnìchear anns na geataibh a fear, an uair a shuidheas e maille ri seanairibh na tìre.

ECLESIASTES, I, II.

24 Ni i lìon-eudach grinn, agus reicidh i e, agus bheir i crìosan do'n cheannaiche.

25 Neart agus urram *is* eudach dhi; agus ni i gairdeachas 's an àm ri teachd.

26 Fosgailidh i a beul le gliocas, agus *tha* lagh a' chaoimhneis air a teagaidh.

27 Bheir i an aire do shlighibh a teaghaich, agus cha-n ith i aran an dìomhanais.

28 Eiridh a clann, agus beannaichidh iad i; a fear, agus molaidh e i.

29 Rinn mòran nighean gu subhailceach, ach thug thusa barrachd orra uile.

30 *Is* mealltach deadh-ghean, agus *is* dìomhain maise; *ach* bean *air am bi* eagal an Tighearn', is ise a mholar.

31 Thugaibh dhi de thoradh a làmh, agus moladh a h-oibre féin anns na geataibh i.

ECLESIASTES,

NO AN

SEARMONAICHE.

CAIB. I.

1 *Tha an Searmonaiche a' nochdadh gur dìomhanas gach nì air thalamh.* 9 *Cha-n'èil nì air bith nuadh fo'n ghréin nach robh ann cheuna 's an aimsir a chaidh seachad.*

BRIATHRAN an t-Searmonaiche, mhic Dhaibhidh, rìgh ann an Ierusalem.

2 Dìomhanas nan dìomhanas! ars' an Searmonaiche; dìomhanas nan dìomhanas! *is* dìomhanas na h-uile *nì*.

3 Cìod an tairbhe a th'aig duine 'n a uile shaothair a nì e fo'n ghréin?

4 *Tha aon* ghinealach a' siubhal, agus ginealach *eile* a' teachd; ach fanaidh an talamh gu bràth.

5 Eiridh mar an ceudna a' ghrian, agus théid a' ghrian fodha, agus luathaichidh i d'a h-àite féin as an d'éirich i.

6 Théid a' ghaoth a làmh na h-àirde deas, agus théid i mu'n cuairt do'n àirde tuath; théid imu'n cuairt agus mu'n cuairt a ghnàth, agus ath-phillidh a' ghaoth air a cuairtibh féin.

7 Ruithidh na h-aimhnichean uile chum na mara, gidheadh *cha-n'èil* a' mhuir làn: chum an àite as an d'thàinig na h-aimhnichean, dh'ionnsuidh sin pillidh iad a ris.

8 *Tha* na h-uile nì làn de shaothair; cha-n urrainn duine a chur 'n cèill: cha sàsichear an t-shìl le faicinn, agus cha lìonar a' chluas le cluinntinn.

9 An nì a bha ann, *is* e an nì sin féin a bhitheas ann; agus an nì sin a rinneadh, *is* e an nì sin féin a nithear; agus *cha-n'èil* nì sam bith nuadh fo'n ghréin.

10 Am bheil nì ann mu'm feudar a ràdh, Feuch, *tha* e so nuadh? Bha e ann cheana 's an t-sean aimsir a bh'ann romhainn.

11 *Cha-n'èil* cuimhne air bith air na nithean a bha ann roimhe; cha mhò a bhitheas cuimhne air na nithean a tha ri teachd, aca-san a thig 'n an déigh.

12 Bha mise an Searmonaiche a'm' rìgh air Israel ann an Ierusalem.

13 Agus thug mi mo chridhe a shireadh agus a rannsachadh le gliocas, mu thimchioll gach nì a nithear fo nàmh: an t-saothair ghoirt so thug Dia do chloinn nan daoine, chum an cleachdadh féin rithe.

14 Chunnaic mi na h-uile obair fo'n ghréin; agus, feuch, *is* dìomhanas iad uile, agus cràdh spioraid.

15 An nì a tha cam, cha ghabh e deanamh dìreach; agus an nì a tha dh'easbhuidh, cha ghabh e àireamh.

16 Labhair mi ri m' chridhe féin, ag ràdh, Feuch, dh'fhàs mi mòr, agus fhuair mi tuilleadh gliocais na iadsan uile a bha romham ann an Ierusalem, agus chunnaic mo chridhe mòran gliocais agus eòlais.

17 Agus thug mi mo chridhe a dh'fhaotainn eòlais air gliocas, agus air euthach agus air amaideachd: dh'aithnich mi gur cràdh spioraid e so mar an ceudna.

18 Oir ann am mòran gliocais *tha* mòran doilgheis; agus an tì a mheudaicheas eòlas, meudaichidh e bròn.

CAIB. II.

1 *Mhothaich an Searmonaiche nach robh ann an subhachas ach dìomhanas.* 13 *Tha gliocas fad os ceann amaideachd.* 18 *Tha gach saothair fo'n ghréin dìomhain.* 24 *Cha-n'èil nì a's fearr na gu'n tugadh duine air 'anam maith a mhealtuin.*

THUBHAIRT mi a'm' chridhe, Teann orm a nis, dearbhaidh mi thu le subhachas; uime sin meal maith: ach, feuch, *is* dìomhanas so mar an ceudna.

2 Mu ghàire thubhairt mi, *Is* euthach e; agus mu shùgradh, Cìod a nì e?

3 Dh'iarr mi ann am chridhe mi féin a thabhairt do fhion, (gidheadh a' seòladh mo chridhe ann an gliocas,) agus greim a ghabhail air amaideachd, gus am faicinn cìod e am maith sin do chloinn nan daoine 'bu chòir dhoibh a dheanamh fo nàmh air feadh uile làithean ann beatha.

4 Rinn mi oibre mòra dhomh féin: thog

mi dhomh féin tighean; shuidhich mi dhomh féin fion-liosan:

5 Rinn mi dhomh féin gàraidhean agus liosan chrann-meas, agus shuidhich mi anna craobhan de gach gnè thoraidh;

6 Rinn mi dhomh féin lochain uisge, a dh'uisgeachadh leo na coille anns am fàs craobhan:

7 Fhuair mi òglaich agus banoglaich, agus rugadh seirbhisich a'm' thigh: bha mar an ceudna sealbh mòr bhuar agus threud agam, os ceann nam uile a bha romham ann an Ierusalem:

8 Chàrn mi suas mar an ceudna dhomh féin airgid agus òr, agus ionnhas sònruichte nan rìgh agus nam mòr-roinn; fhuair mi dhomh féin fir-chiuil agus mnathan-ciuil, agus aoibhneas chloinn nan daoine, *mar a tha* innil-chiuil, agus sin de gach gnè.

9 Mar sin bha mi mòr, agus dh'fhàs mi nì's mò na gach duine a bha romham ann an Ierusalem: os bàrr, dh'fhan mo ghliocas agam.

10 Agus gach nì a mhiannaich mo shùilean cha do chum mi uatha; cha do bhac mi mo chridhe o shubhachas sam bitin: oir rinn mo chridhe aoibhneas ann am shaothair uile; agus b'e so mo chuibhrionn de m'uile shaothair.

11 An sin sheall mi air m'òibribh uile a rinn mo làmh, agus air an t-saothair anns an do shaothraich mi 'g a deanamh; agus, feuch, *bu* dìomhanas an t-ionlan, agus buaireas spioraid, agus cha robh tairbhe ann fo'n ghréin.

12 Agus sheall mi air m'ais a dh'fhaicinn gliocas, agus cuthaich, agus amaidheachd: oir ciod a dh'fheudas an duine a dheanamh a thig an deigh an rìgh? an nì sin féin a rinneadh chana.

13 Agus chunnaic mi gu bheil gliocas co fhad os ceann amaidheachd, 's a tha solus os ceann dorchadais.

14 Tha sùilean an t-aon ghlic 'n a cheann; ach imichidh an t-amadan ann an dorchadas: gidheadh dh'aithnich mi mar an ceudna gu'n tachradh an t-aon nì dhoibh uile.

15 An sin thubhairt mi a'm' chridhe, Mar a thachras do'n amadan, mar sin tachraidh dhomh-sa féin; agus c'ar son uime sin a bha mise nì bu ghlice *na ean?* an sin thubhairt mi a'm' chridhe, gur dìomhanas so mar an ceudna.

16 Oir cha bhi cuimhne air an duine ghlic nì's mò na air an amadan gu bràth; o dhì-chuimhnichear na nithean a tha nìs ann uile anns na làitheibh a tha ri teachd: agus cionnus a dh'eugas an duine glic? mar an t-amadan.

17 Uime sin dh'fhuathaich mi beatha, a chionn gur doilgheasach dhomh an obair a dh'òibrichear fo'n ghréin: oir is dìomhanas na h-uile nì agus cràdh spioraid.

18 Seadh, dh'fhuathaich mi mo shaothair

uile 's na shaothraich mi fo'n ghréin, a chionn gu'm fag mi i do'n fhear a bhitheas a'm' dheigh.

19 Agus cò aig am bheil fios cia dhiubla a bhitheas e 'n a dhuine glic no 'n a amadan? gidheadh bithidh uachdaranachd aige os ceann mo shaoithreach uile anns an do shaothraich mi, agus anns an d'fhuaradh mi gu glic fo'n ghréin. Is dìomhanas so mar an ceudna.

20 Air an aobhar sin thionndaidh mi 'thoirt air mo chridhe dol 'an eu-dòchas mu'n uile shaothair 's na shaothraich mi fo'n ghréin.

21 Oir tha duine ann aig *am bheil* a shaothair ann an gliocas, agus ann an èolas, agus ann an ceartas; gidheadh do dhuine nach do shaothraich ann bheir se e mar a chuibhrionn. Is dìomhanas so mar an ceudna, agus olc mòr.

22 Oir ciod a th'aig duine d'a uile shaothair, agus de bhuaireas a chridhe, anns an do shaothraich e fo'n ghréin?

23 Oir is doilgheas an làithean uile, agus is dò-bhròn a shaothair: eadhon 's an oidhche cha ghabh a chridhe fois. Is dìomhanas so mar an ceudna.

24 Cha-nèil nì ann a's fearr do dhuine na gu'n itheadh agus gu'n òladh e, agus gu'n tugadh e air 'anam maith a mhcaltuim 'n a shaothair.

25 Oir cò a's urrainn itheadh, no cò eile a nì cabhag *chuige* nì's mò na mise?

26 Oir do'n duine a tha maith 'n a shealladh, bheir *Dia* gliocas, agus còlas, agus aoibhneas: ach do'n pheacach bheir e saothair, a chruinneachadh agus a chàrnadh suas, chum gu'n tabhair e do'n tì a tha maith ann am fianuis Dhé. Is dìomhanas so mar an ceudna, agus cràdh spioraid.

CAIB. III.

1 Tha àm aig gach rùn fo'n èamh. 11 Rinn *Dia* gach nì maiseach ged nach urrainn duine 'obair fhaotainn a mach. 16 Tha breitheanas chloinn nan daoine clao, ach bheir *Dia* breth gu cothromach.

AIG gach nì tha tràth, agus àm aig gach rùn fo'n èamh:

2 Am gu breith, agus àm gu bàs fhaotainn; àm gu suidheachadh, agus àm gu an nì a shuidhicheadh a spionach suas;

3 Am gu marbhadh, agus àm gu leigheas; àm gu briseadh sìos, agus àm gu togail suas;

4 Am gu gul, agus àm gu gàire; àm gu caoidh, agus àm gu damnsadh;

5 Am gu clachan a thilgeadh air falbh, agus àm gu clachan a chruinneachadh; àm gu gabhail 'an glacaibh, agus àm gu fantuinn o ghabhail 'an glacaibh;

6 Am gu cosnadh, agus àm gu call; àm gu gleidheadh, agus àm gu tilgeadh air falbh;

7 Am gu reubadh, agus àm gu fuaigheal; agus gu bhith tosdach, agus àm gu labhairt;

8 Am gu gràdhachadh, agus àm gu fuathachadh; àm gu cogadh, agus àm gu sìth;

ECLESIASTES, IV, V.

9 Ciod an tairbhe a tha aige-san a dh'oir-richeas, 's an ni sin anns an saothraich e?

10 Chunnaic mi an t-saothair a thng Dia do chloinn nan daoine, chnm an cleachdadh féin rithe.

11 Rinn e gach ni maiseach 'n a àm féin: chuir e mar an ceudna an saoghal 'n an eridhe, air chor as nach nrrainn aon duine an obair fhaotainn a mach a tha Dia a' deanamh, o thoiseach gu deireadh.

12 Tha fhios agam nach 'eil maith air bith anna, ach gu'm bitheadh *duine* snbhach, agus gn'n deanadh e maith ré a bheatha.

13 Agus mar an ceudna gn'n itheadh agus gu'n dladh gach duine, agns gn'm mealadh e maith a shaoithreach uile, *is* e sin tiodhlac Dhé.

14 Tha fhios agam gach ni a ni Dia, gu'm bi e ann gu bràth; cha ghabh aon ni cùr ris, no aon ni toirt uath: agus ni Dia *so*, chnm gu'm bitheadh eagal air *daoibh* roimhe.

15 An ni a bha, tha e ann a nis; agus an ni a bhitheas, bha e ann cheana; agus iarraidh Dia an ni a chaidh seachad.

16 Agus os bàrr, chunnaic mi fo'n ghréin àit a' bhreitheanais, *gu'n robh* eucart an sin; agus àite na fireantachd, *gu'n robh* aingidheachd an sin.

17 Thubhairt mi a'm' chridhe, Bheir Dia breth air an fhrean agns air an aingidh: oir *tha* àm an sin chum gach uile rùn, agus chnm gach uile oibre.

18 Thubhairt mi am am chridhe a thaobh staid chloinn nan daoine, gu'n glanadh Dia iad, agns gu'm faiceadh iad gurainmhidhean iad féin.

19 Oir an ni sin a thachras do chloinn nan daoine, tachraidh e do na h-ainmhidhean; tachraidh dìreach an t-aon ni dhoibh: mar a dh'eugas aon diubh, is ann mar sin a dh'eugas an t-aon eile; seadh, is i an aon anail a *tha* aca uile; agus cha-n'eil barrachd aig duine air ainmhidh, oir *is* dìomhanas iad uile.

20 Théid iad uile do aon àite; tha iad nile o'n dñslach, agns pillidh iad nile do'n dñslach.

21 Cò d'an aithne spiorad chloinn nan daoine a théid suas, agns spiorad an ainmhidh a théid sìos chum na talmhainn?

22 Uime sin tha mi ag aithneachadh nach 'eil ni a's fearr na gu'n deanadh duine gairdeachas 'n a oibribh, a chionn gnr e sin a chuibhrionn: oir cò 'bheir e a dh'fhaicinn an ni a bhitheas 'n a dhéigh?

CAIB. IV.

1 *Tha dìomhanas air a mheudachadh le foirneart, 4 agus le farmad. 7 Amaideachd agus dìomhanas sannta. 13 Is fearr duine bochd na rìgh amaideach.*

AN sin thionndaidh mi, agus dh'amhaire mi air na h-uile fhoirneartaibh a nithear fo'n ghréin, agus, fench, deòir na dream a bha fo fhoirneart, agns gun aon fhear-comhfhurtachd aca! agus air taobh

an luchd-foirneart *bha* neart, ach cha *robh* fear-comhfhurtachd aca-san.

2 Uime sin mhol mi na mairbh a dh'eng cheana, ni's mò na na beòthan a tha beò fathast.

3 Ach *is* fearr na iad le 'chéile an ti nach robh ann fathast, nach faca an droch obair a nithear fo'n ghréin.

4 A ris, dh'amhaire mi air gach uile shaothair agns gach uile obair cheirt, gur fath farmaid do dh'ine o' choimhearsnach i. *Is* dìomhanas so mar an ceudna, agus buaireas spioraid.

5 Paisgidh an t-amadan a lannan r'a chéile, agus ithidh e 'fheoil féin.

6 *Is* fearr làn duirn *le* suaimhneas, na'n dà làimh làn *le* saothair agus buaireas spioraid.

7 An sin thionndaidh mi, agus chunnaic mi dìomhanas fo'n ghréin.

8 Tha duine ann leis féin, agus cha-n'eil lethbhreac aige; seadh, cha-n'eil leanabh no bràthair aige: gidheadh cha-n'eil crìoch air a shaothair uile, agus cha sàsuichear a shùil le saoihbheas; cha mhò a *thair e*, Cò air son am bheil mi a' saothreachadh, agus a' fagail m'anama dh'easbhuidh maith? *Is* dìomhanas so mar an ceudna, agus *is* saothair ghoirt e.

9 *Is* fearr dithis na aon *duine*, a chionn gn'm bheil deadh dhuais aca air son an saothreach.

10 Oir ma thnitas duine dhiubh togaidh an duine eile suas a chompanach: ach mo thrnaighe esan a *tha* 'n a aonar an uair a thuites e; oir cha-n'eil neach eile aige g'a thogail suas.

11 Mar an ceudna ma luidheas dithis cuid-eachd, bithidh iad blàth: ach cionnus a bhitheas aon blàth leis féin.

12 Agus ma bhuaidheas aon air seasaidh dithis 'n a aghaidh; agns cha bhrisear cord thri dual gu h-obann.

13 *Is* fearr leanabh bochd agus glic na rìgh sean agus amaideach, nach gabh comhairle ni's mò.

14 Oir á prìosan thig e a rìoghachadh; an ti mar an ceudna a rugadh 'n a rìoghachd, *fàsaidh e* bochd.

15 Thug mi an aire do gach uile bheò a shiubhlas fo'n ghréin, maille ris an dara leanabh a sheas suas 'n a àite.

16 Cha-n'eil crìoch air an t-sluagh uile, orra-san uile a bha rompa: cha dean iadsan mar an ceudna a thig 'n an déigh gairdeachas ann. Gu cinnteach *is* dìomhanas so mar an ceudna, agns buaireas spioraid.

CAIB. V.

1 *Fàrail gu giùlan iomchuidh ann an teampull Dhé. 9 Cha sàsuich airgid agus pailteas an neach a ghràdhaircheas iad. 18 'S e tiodhlac Dhé do mhad an duine gairdeachas a dheanadh 'n a uile shaothair, agus a shaoibheas a mhealtuinn.*

COIMHID do chos an nair a théid thu do thigh Dhé, agus bi ni's deise gu

cluinntinn na gu ìobairt nan amadan a tha-bhairt; oir cha-n'èil iad sin a' toirt an aire gu bheil iad a' deanamh uile.

2 Na bi bras le d' bheul, agus na luathaicheadh do chridhe gu ni a labhairt an làthair Dhé: oir *tha* Dia air nèamh, agus thasa air thalamh: uime sin bitheadh do bhriathran tearc.

3 Oir thig aisling le iomadalachd ghnoth-uichean, agus *aithnìchear* guth amadain le iomadalachd bhriathar.

4 An uair a bhòidicheas tu bòid do Dhia, na cuir dàil 'n a dioladh; oir cha-n'èil tlachd *aige* ann an amadanaibh: an ni a bhòidicheas tu, diol e.

5 *Is* fearr gun thu bhòideachadh, na gu'm bitheadh tu, agus nach dioladh tu.

6 Na leig le d' bheul a thoirt air d'fheoil peacachadh; agus na h-abair an làthair an aingil, gu'm *bu* mhearachd e; c'uim am bitheadh fearg air Dia air son do ghutha-sa, agus an sgriosadh e obair do làmh?

7 Oir mar ann an iomadalachd nan aisling a *bhitheas* dìomhanais, is amhuil a *bhitheas* iad ann an iomadalachd nam briathar: ach bitheadh eagal Dhé ortsa.

8 Ma chi thu foirncart an duine bhochd, agus fiaradh breitheanais agus ceartais le làimh làidir ann am mòr-roinn, na bitheadh iongnadh ort ris an ni so: oir bheir an ti a's àirde na'n neach a tha àrd aca-san an aire, agus *tha iad ann* a's àirde na iadsan.

9 A nis tha toradh na talmhainn air son nan uile: riarachear an rìgh *fèin* as an fhearann.

10 An ti a ghràdhaicheas airgiod, cha sàsuichear e le h-airgiod; no'n ti a ghràdhaicheas pailteas, le toradh: *is* dìomhanas so mar an ceudna.

11 An uair a mheudaichear nithean maithe, meudaichear iad a dh'itheas iad; agus ciod an tairbhe a *tha* anna d'an sealbhadairibh, ach *am* faicinn le'n sùilibh?

12 *Tha* codal oibrìche milis, cia dhiubh a dh'itheas e beagan no mòran: ach cha-n fhuiling sàsachd an t-saoibhir dha codal.

13 Tha olc cràiteach ann a chunnaic mi fo'n ghrèin, saoihbheas air a ghlèidheadh d'a shealbhadairibh chum an ainmheis.

14 Ach thèid as do'n t-saoibheas sin le droch shaothair: agus ginidh e mac, agus cha *bhi* ni air bith 'n a làimh.

15 Mar a thàinig e mach lomnochd á broinn a mhàthar, ath-phillidh e, a' dol mar a thàinig e; agus cha ghiùlan e ni air bith d'a shaothair a bheir e leis 'n a làimh.

16 *Is* ole cràiteach so mar an ceudna, air gach uile chor air an d'thàinig e, mar sin gu'n tèid e: agus ciod an tairbhe a tha aige-san a shaothraich do'n ghaoith?

17 Mar an ceudna ré a làithean uile ithidh e ann an dorchadas, agus *bithidh* mòran doilgheis agus feinge *aige* 'n a thimneas.

18 Feuch, an ni a chunnaic mise maith, gur tlachdmhor do *dhuine* itheadh agus òl, agus maith a mhealtuinn 'n a uile shaothair a ghabh e fo'n ghrèin, air feadh uile làithcan a bheatha a bheir Dia dha; oir *is* e sin a chuibhrionn.

19 Gach duine mar an ceudna d'an d'thug Dia beartasagusasoihbheas, agus d'an d'thug e comas itheadh dhiubh, agus a chuibhrionn a ghlacadh, agus gairdeachas a dheanamh 'n a shaothair; *is* e so tiodhlac Dhé.

20 Oir cha mhòr a chuimhnìcheas e làithcan a bheatha; a chionn gu'm freagair Dia e ann an aoibheas a chridhe.

CAIB. VI.

1 *Dìomhanas beartais agus saoihbheis do'n duine do nach 'èil Dia a' tabhairt comais am mealtuinn.* 7 *Cha sàsuichear miann an duine air thalamh.* 10 *Cha-n aithne do neach ciod a bhitheas 'n a dhèigh fo'n ghrèin.*

THA olc ann a chunnaic mi fo'n ghrèin, agus *tha* e coitchionn am measg dhaoine;

2 Duine d'an d'thug Dia beartas, agus saoihbheas, agus urram, agus gun e dlìcas-bhuidh ni air bith d'a anam de na h-uile a mhiannaicheas e, ach do nach 'èil Dia a' tabhairt comais itheadh dheth, ach tha coigreach 'g a itheadh: *is* dìomhanas so, agus *is* droch anshocair e.

3 Ma ghineas duine ceud *leanabh*, agus gu'm bi e beò iomadh bliadhna, air chor as gu'm bi làithean a bhliadhan lìomhor, agus nach sàsuichear 'anam le maith, agus mar an ceudna nach bi adhlacadh aige, *is* fearr, tha mi ag ràdh, torraicheas anabuich na e.

4 Oir ann an dìomhanas thig e, agus ann an dorchadas thèid e, agus le dorchadas còmhdaichear 'ainm.

5 Mar an ceudna cha-n fhac e a' ghrian, agus cha b'aithne dha *ni air bith*: *tha* tuilleadh foise aige so na aig an fhear eile.

6 Seadh, ged blitheadh e beò mìle bliadhna dà uair, gidheadh cha-n fhaic e maithe: nach imich iad uile do aon àite?

7 *Tha* uile shaothair an duine air son a bheòil, agus gidheadh cha-n'èil a mhiann sàsuichte.

8 Oir ciod tuilleadh a th'aig an duine ghlic na aig an amadan? ciod a th'aig a' bhochd, d'an aithne siubhal an làthair nam beò?

9 *Is* fearr sealladh nan sùl na seacharan a' mhiann: *is* dìomhanas so mar an ceudna agus buaireas spioraid.

10 An ni a bha ann, dl'ainmicheadh e cheana, agus tha fhios gu'm b'e'n duine e, agus nach urrainn e gleachd ris-san a's treise na e féin.

11 O tha mòran de nitheibh ann a mheudaicheas dìomhanas, ciod *a's* fearrr an duine sin?

12 Oir cò aig am bheil fios ciod a *tha* maith do dhuine 's a' bheatha so, ré uile

làithean a bheatha dhìomhain a chaitheas e mar sgàile? oir cò a's urrainn innseadh do dhuine ciod a bhitheas 'n a dhéigh fo'n ghréin?

CAIB. VII.

1 *Is fearr deadh ainm na na nithean a's luach-mhoire: 2 dol do thigh a' bhròin, na dol do thigh na cuirme; 5 agus éisdeachd ri achmhasan duine ghlic, na éisdeachd ri òran amadan. 23 Tha eòlas a' ghliocais cruaidh ri fhaotainn a mach.*

IS fearr deadh ainm na oladh-ungaidh luachmhor, agus là bàis na la breith neach.

2 *Is fearr dol do thigh a' bhròin, na dol do thigh na cuirme; oir is e sin crìoch nan uile dhaoine, agus gabhaidh am beò g'a chridhe e.*

3 *Is fearr doilgheas na gàire; oir le dubhachas na gnùise nithear an cridhe nì's fearr.*

4 *Tha cridhe nan daoine glice ann an tigh a' bhròin, ach cridhe nan amadan ann an tigh an t-subhachais.*

5 *Is fearr éisdeachd ri achmhasan duine ghlic, na gu'n éisdeadh duine ri h-òran amadan.*

6 Oir mar fhuaim droighnich fo phoit, mar sin tha gaire an amadan: *is dìomhanas so mar an ceudna.*

7 Gu cinnteach cuiridh foirneart duine ghlic air bhoile, agus millidh tìodhlac an cridhe.

8 *Is fearr deireadh nì na a thoiseach: is fearr esan a tha foighidneach 'n a spiorad na esan a tha àrdanach 'n a spiorad.*

9 Na bi cabhagach ann ad spiorad gu fearg a ghabhail; oir còmhnuichidh fearg ann an uchd amadan.

10 Na h-abair, Ciod a b'aoibhar gu'n robh na ceud làithean nì b'fhearr na iad so? oir cha-n ann o ghliocas a dh'fhèdraidheas tu mu'n nì so?

11 *Is maith gliocas maille ri h-oighreachd: agus leis sin tha tairbhe aca-san a chi a' ghrian.*

12 Oir is didean gliocas, agus is didean airgid: ach is e òirdheirceas an còlais, gu'n toir gliocas beatha dhoibhsan aig am bi e.

13 Smuainich air obair Dhé: oir cò a's urrainn an nì sin a dheanamh dìreach a rinn esan cam?

14 Ann an là an t-soirbheachaidh bi subhach, ach ann an là chruaidh-chàis smuainich: rinn Dia mar an ceudna so fa chomhair sud, a chum nach faigheadh duine mach aon nì 'n a dhéigh.

15 Chunnac mi na h-uile nithean ann an làithibh mo dhìomhanais; tha firean ann d'an téid as 'n a fhìreantachd, agus tha duine aingidh ann a shìneas a làithean 'n a aingidheachd.

16 Na bi anabarrach fireanta, agus na gabh ort a bhì ro ghlic: c'ar son a sgriosadh tu thu féin?

17 Na bi ro aingidh, agus na bi amaideach: c'ar son a dh'eugadh tu roimh d'am?

18 *Is maith dhuit greim a ghabhail deth so, agus o so mar an ceudna na tabhair air a h-ais do làmh; oir an ti air am bi eagal Dhé, thig e asda sin uile.*

19 Neartaichidh gliocas duine ghlic nì's mòd na deichnear dhaoine cumhachdach a tha 's a' chaithir.

20 Oir cha-n'eil duine ceart air an talamh, a nì maith, agus nach peacaich.

21 Mar an ceudna na tabhair aire do na h-uile bhriathraibh a labhrar, air eagal gu'n cluinn thu d'òglach 'g ad mhallachadh.

22 Oir tha fhios aig do chridhe, gur minic a mhallaich thu féin daoine eile mar an ceudna.

23 So uile dhearbha mi le gliocas: thubhairt mi, Bithidh mi ghlic; ach b'fhada sin uam.

24 An nì sin a tha fad' as, agus ro dhomhain, cò a dh'fheudas 'fhaotainn a mach?

25 Leag mi mo chridhe air faotainn eòlais air, agus air rannsachadh, agus air sireadh gliocais, agus aobhair nithean, agus air fios a bhì agam air aingidheachd amaideachd, agus air amaideachd na mì-chéille.

26 Agus fhuair mi nì's seirbhe na'm bàs a' bhean, aig a bheil a cridhe 'n an ribeathan agus 'n an lìontan, agus a làmhnan 'n an ceanglaichean: ge b'e neach a thaitneas ri Dia, théid e as uaipe; ach glacar am peacach leatha.

27 Feuch, an nì so fhuair mi, ars' an searmonaiche, a meas gach aoin an déigh a chéile, a dh'fhaotainn an àireimh a mach:

28 Nì a tha m'anam ag iarraidh fathast, ach nach d'fhuair mi: aon fhear am measg mhìle fhuair mi, ach bean 'n am measg sin uile cha d'fhuair mi.

29 Feuch, an nì so a mhàin fhuair mi, gu'n d'rinn Dia an duine tréibh-dhìreach; ach dh'iarr iad féin iomadh innleachd a mach.

CAIB. VIII.

1 *Bheir gliocas duine air a ghnùis dealrachadh. 8 Cha-n'eil cumhachd aig neach air bith os ceann an spioraid. 12 Eiridh gu maith do'n fhìrean, ach sgriosar an t-aingidh. 16 Cha-n urrainn duine obair Dhé fhaotainn a mach.*

CO a tha mar an duine ghlic? agus cò d'an aithne cadar-mhìneachadh nì? Bheir gliocas duine air a ghnùis dealrachadh, agus atharraichear dànachd a ghnùise.

2 Comhairlicheam dhuit aithne an rìgh a choimhead, agus sin air son mionnan Dhé.

3 Na bitheadh cabhag ort gu dol as a shealladh: na buanaich ann an droch nì, oir nì esan gach nì a's àill leis.

4 Far am bheil focal rìgh, tha cumhachd; agus cò 'dh'fheudas a ràdh ris, Ciod e sin a tha thu a' deanamh?

5 Ge b'e 'ghleidheas an àithne, cha mhothaich e droch nì sam bith; agus is aithne do chridhe duine ghlic àm agus breitheanas.

6 A chionn aig gach nì gu bheil àm agus

breitheanas; uime sin *tha* truaighe an duine trom.

7 Oir cha-*n'eil* fhios aige air an nì a bhith-eas ann: oir cò 'dh'imseas dha cionnus a bhith-eas e.

8 Cha-*n'eil* duine sam bith aig am bheil cumhachd os ceann an spioraid, a chumail an spioraid, no cumhachd ann an là a' bhàis; agus cha-*n'eil* dol as anns a' chath sin; cha mhò a theasairgeas aingidheachd iadsan a ghnàthaicheas i.

9 So uile chunnaic mi, agus shuidhich mi mo chridhe air gach obair a nithear fo'n ghréin: *tha* àm ann's an riaghlach duine os ceann duin' eile, g'a ainnleas féin.

10 Agus mar sin chunnaic mi na h-aingidh adhlaiete, a thàinig agus a dh'imich o àit an naoimh, agus dhì-chuimhnich eadh iad anns a' chaithir 's an d'rinn iad mar sin: *is* dìomhanas so mar an ceudna.

11 A chionn nach 'eil binn an aghaidh droch oibre 'g a cur 'an gnìomh gu luath, uime sin *tha* cridhe chloinn nan daoine làn-shuidhichte air ole a dheanamh.

12 Ged nì peacach ole ceud uair, agus gu'n sìnear a làithean, gidheadh *tha* fios cinnteach agam gu'n éirich gu maith dhoibhsan air am bi eagal Dhé, air am bi eagal 'n a làthair.

13 Ach cha-n éirich gu maith do'n aingidh, cha mhò a shìneas e a làithean; mar sgàile *bithidh* esan air nach bi eagal an làthair Dhé.

14 Tha dìomhanas ann a nithear air an talamh, gu'm bheil fireanan ann d'an tachair a réir oibre nan aingidh; agus gu'm bheil daoine aingidh ann d'an tachair a réir oibre nam firean: thubhairt mi gur dìomhanas so mar an ceudna.

15 An sin mhol mi subhachas, a chionn nach 'eil nì a's fearr aig duine fo'n ghréin na itheadh agus òl, agus a bhì subhach; oir fanaidh sin aige d'a shaothair, ré làithean a bheatha, a bheir Dia dha fo'n ghréin.

16 An uair a leag mi mo chridhe air eòlas a' ghliocais fhaotainn, agus air na gnòth-uichean a nithear air an talamh fhaicinn; (oir mar an ceudna *tha* neach ann nach faic còdal a là no dh'oidheche le 'shùilibh.)

17 An sin chunnaic mi uile obair Dhé, nach urrainn duine an obair a nithear fo'n ghréin fhaotainn a mach; a chionn ged ui duine a dhìchioll air a faotainn a mach, gidheadh nach faigh e *i*; seadh fathast, ged shaoil duine glic gu'm faigh e eòlas *oirre*, nach urrainn e a faotainn a mach.

CAIB. IX.

1 Tachraidh an t-aon nì do na h-uile dhaoineibh.

4 Tha dòchas aig na beòthaibh a mhàin. 13 Is fearr gliocas na neart.

OIR chuir mi romham anu am chridhe so uile a chur 'an cèill, Gu *bheil* na fireanan agus na daoine glice, agus an oibre,

ann an làmh Dhé: cha-n aithne do dhuine sam bith aon chuid gràdh no fuath, leis na h-uile nithibh a *tha* fa'n comhair.

2 *Thig* na h-uile nithean air an aon seòl do na h-uile dhaoineibh: tachraidh an t-aon nì do'n fhìrean agus do'n aingidh; do'n mhaith, agus do'n ghlan, agus do'n neòghlan; dhà-san a dh'ìobras, agus dhà-san nach ìobair; mar a *tha* an duine maith, is ann mar sin a *tha* am peacach; agus esan a mhiomaicheas, mar an ti air am bheil eagal mhiom.

3 Is ole so am measg nan uile *nithean* a nithear fo'n ghréin, gu'u tachair an t-aon nì dhoibh uile; agus mar an ceudna gu'm bheil cridhe chloinn nan daoine làn uile, agus *gu'm bheil* cuthach 'n an cridhe am fad 's is beò iad, agus 'n a dhéigh sin *gu'n téid* iad chum nam marbh.

4 Oir aig gach neach a *tha* ceangailte ris na h-uile bheòthaibh, *tha* dòchas: oir is fearr madadh beò na leòmhnan marbh.

5 Oir *tha* fios aig na beòthaibh gu'm faigh iad bàs: ach cha-*n'eil* fios nì air bith aig na marbh, cha mhò *tha* luigheadh aca nì's mò; oir théid an cuimhne air dhì-chuimhn'.

6 Chaidh as mar an ceudna a nis d'an gràdh, agus d'am fuath, agus d'am farmad; agus cha *bhì* cuibhriom aca tuilleadh gu bràth ann an aon nì a nithear fo'n ghréin.

7 Imich romhad, ith d'aran le gairdeachas, agus òl d'fhìon le cridhe subhach; oir *tha* Dia a nis toilichte le d'oibribh.

8 Bitheadh d'earradh 's gach àm gcal; agus na bitheadh dìth oladh-ungaidh air do cheann.

9 Caith do bheatha gu subhach leis a' mhnai a's ionmhuinn leat ré uile làithean beatha do dhìomhanais, a thug e dhuit fo'n ghréin: oir *is* e so do chuibhriom anns a' bheatha so, agus ann ad shaothair a ghabhas tu fo'n ghréin.

10 Ge b'c nì a gheibh do làmh r'a dheanamh, dean e le d' dhìchioll; oir cha-*n'eil* obair, no imncachd, no eòlas, no gliocas anns an uaigh, d'am bheil thu a' dol.

11 Thionndaidh mi, agus chunnaic mi fo'n ghréin, nach ann do na daoineibh luatha a *tha* an réis, no do na daoineibh treuna an cath, no do na daoineibh glice aran, no do dhaoineibh tuisgeach saoihbheas, no do dhaoineibh eòlach deadh-ghean, ach gu'n tachair àm agus tuiteamas dhoibh uile:

12 Oir gu deimhin cha-n'eil fhios aig duine air àm féin: mar iasg a ghlacar ann an droch lìon, agus mar eòla a ghlacar ann an ribe, is ann mar sin a ribear clann nan daoine ann an droch àm, an uair a thuiteas e orra gu h-obann.

13 An gliocas so mar an ceudna chunnaic mi fo'n ghréin, agus *bu* mhòr agam e.

14 *Bha* caithir bheag ann, agus beagan dhaoine inute; agus thàinig rìgh mòr 'n a h-aghaidh, agus shuidh e mu'n cuairt oirre,

agus chuir e daingnichéan mòra suas 'n a h-aghaidh.

15 Agus fhuaradh innte duine bochd ghlic, agus theasairg e a' chaithir le 'ghliocas; ach cha do chuimhich neach air bith air an duine bhochd sin.

16 An sin thubhairt mise, *Is* fearr gliocas na neart: gidheadh, nìhear tàir air gliocas an duine bhochd, agus cha-n éisdear r'a bhriathraibh.

17 Eisdear ri briathraibh dhaoine glise ann an ciùncas, nì's mò na ri glaoth an ti a riaghlas am measg amadan.

18 *Is* fearr gliocas na innealan cogaidh: ach millidh aon pheacach mòran maith.

CAIB. X.

1 *Mu thimchioll gliocais agus amaideachd.* 12 *Is cuthach millteach briathran an amadain.*

17 *Is sona an tìr aig am bheil uachdaran glie.*

BHEIR cuileagan marbha air oladh-ungaidh an leigh boladh breun a chur dhith: *is amhuil* a ni beagan amaideachd airtan a tha cliuiteach air son gliocais agus urrainn.

2 *Tha* cridhe duine ghlic air a làmh dheis; ach cridhe amadain air a làmh chli.

3 'S an t-slighe féin, an uair a shiubhlas an t-amadan, treigidh a ghliocas e, agus their e ris gach duine, gur amadan e.

4 Ma dh'éireas spiorad an uachdarain a'd'aghaidh, na fàg d'àite; oir ciùmhichidh géill-eadh lochdan mòra.

5 Tha ole a chunnaic mi f'ò'n ghréin, mar sheacharan a thig o làthair an uachdarain; 6 Cuirear amaideachd 'an inbhe mhòir, agus suidhidh na saoi bhir ann an ionad ìosal.

7 Chunnaic mi seirbhisich air eachaibh, agus uachdarain a' siubhal mar sheirbhisich air an talamh.

8 An ti a chladhaicheas slochd, tuitidh e féin ann; agus an ti a bhrisceas callaid, teumaidh nathair e.

9 An ti a dh'atharraicheas clachan, goirtichear e leo; agus an ti a sgoilteas fiodh, bithidh e 'an cunnart uaith.

10 Ma bhitheas an t-iarunn maol, agus nach geuraich e am faobhar, feumaidh e an tuilleadh spionaidh a chur ris; ach *tha* gliocas tarbhach a sheòladh.

11 Gu deimhin teumaidh an nathair gun srann, agus cha-n fhearr am bith-bhriathrach.

12 *Tha* briathran beòil duine ghlic gràsmhor; ach sluigidh bilean amadain e féin suas.

13 *Is* amaideachd toiseach bhriathar a bheoil; agus *is* cuthach millteach deircadh a chainnte.

14 Agus tha amadan làn de bhriathraibh: cha-n'èil fhios aig duine ciod a bhitheas ann; agus ciod a bhitheas ann 'n a dhéigh eò a's urrainn innseadh dha?

15 Sgithichidh saothair nan amadan gach aon diubh, a chionn nach aithne dha cionnus a théid e do'n chaithir.

16 Mo thruaighe thu, a thìr, an uair *is* leanabh a's rìgh dhuit, agus a dh'itheas d'uachdarain *biadh* anns a' mhaduinn!

17 *Is* sona thu, a thìr, an uair *is* e do rìgh mac nan uasal, agus a dh'itheas d'uachdarain ann an àm iomchuidh, chum neirt, agus cha-n ann chum misge!

18 Le mòran leisge théid an aitreabh sìos; agus le dìomhanas nan làmh snidhidh an tigh troimhe.

19 Nìhear cuirm chum aiteis, agus nì fion duine subhach: ach freagraidh an t-airgid do na h-uile nìthean.

20 Eadhon ann ad smuaintibh na mallaich an rìgh, agus an taobh a stigh de d' sheòmar na mallaich an saoi bhir; oir giùlainidh eun an athair an guth, agus innsidh an nì air am bheil sgiathan a' chùis.

CAIB. XI.

1 *Earrail gu bhì caoimhneil ris na bochdan.* 7 *Is còir do gach neach cuimhneachadh air bàs agus breithéanas ann an làithibh 'òige.*

TILG d'aran air aghaidh nan uisgeachan; oir an déigh mhòrain làithean gheibh thu e.

2 Thoir cuibhrionn do sheachdnar, agus mar an ceudna do ochdnar; oir cha-n'èil fhios agad ciod an t-ole a bhitheas air an talamh.

3 Ma bhitheas na neoil làn de uisge, fal-mhaichidh siad *iad féin* air an talamh; agus na thuiteas craobh mu dheas no mu thuath, ams an àite 's an tuit a' chraobh, an sin bithidh i.

4 An ti a bheir an aire do'n ghaoith, cha chuir e sìol; agus an ti a dh'amhairceas air na neoil, cha bhuain e.

5 Mar nach 'èil fhios agad ciod i slighe an spioraid, no cionnus a dh'fhòsas na cnàmhan ann am broinn na mnà a bhitheas torrach, is amhuil sin nach 'èil fhios agad air oibribh Dhé, mar a ni e na h-uile nìthean.

6 Anns a' mhaduinn cuir do shìol, agus 's an fheasgar na toir air do làmh sgur; oir cha-n'èil fhios agad cia dhiubh a's fearr a shoirbheicas so no sud, no am *bì* iad le 'chéile co mhaith.

7 Gu deimhin *is* milis an solus, agus *is* taitneach do na sùilbìh sealltuinn air a ghréin.

8 Ach ma mhaireas duine iomadh bliadhna, agus gu'n dean e gairdeachas amta uile; gidheadh cuimhneachadh e làithean an dorchadais, gu'm bì iad lionmhor. *Is* dìomhanas gach nì a thig.

9 Dean gairdeachas, a dhuin' òig, ann ad òige, agus deanadh do chridhe subhach thu ann an làithibh d'òige, agus siubhail ann an slighibh do chridhe, agus ann an sealladh do shùl: ach bitheadh fhios agad air an

son so uile gu'n toir Dia chum breitheanais thu.

10 Uime sin atharraich doilgheas o d' chridhe, agus cuir olc air falbh o d' fheoil; oir *is* diomhanas leanabachd agus òige.

CAIB. XII.

1 *Is còir do gach duine a Chruith-fhear a chuimhneachadh ann an làithibh 'òige.* 8 *Theagaisg an searmonaiche eòlas do'n t-slugh.* 13 *'S e eagal Dhé agus àitheantan a ghleidheadh, comh-dhànadh na càise uile.*

CUIMHNICH a nis do Chruith-fhear ann an làithibh d'òige, mu'n tig na droch làithean, agus an druid na bliadh-nachan *riut*, anns an abair thu, Cha-n'eil tlachd agam anna:

2 Mu'n dorchachear a' ghrian, agus an solus, agus a' ghealach, agus na reultan, agus am pill na neoil an dèigh an uisge:

3 Anns an là 's an criothaiche luchd-gleidhidh an tighe, agus an crom na daoine làidir iad féin, agus an sguir an luchd-bleith, a chionn gu'm bheil iad tearc, agus an dorchachear an dream a sheallas a mach air na h-uinneagaibh;

4 Agus an dùinear na dorsan anns na sràidibh, an uair a bhitheas fuaim na bleith ìosal, agus a dh'éircas e suas aig guth an eoin, agus a dh'islichear uile nigheanan a' chiuil;

5 Mar an ceudna, 'n uair a bhitheas eagal orra roimh ni àrd, agus a bhitheas uamhasan anns an t-slighe, agus a bhitheas a' chraobh-almoim fo bhlàth, agus a bhitheas an leumnach-uaine 'n a callaich, agus a theirg-

eas miann; a chionn gu'm bheil an duine a' triall d'a chòmhluaidh bhuan, agus gu'm bheil an luchd-cumhaidh a' dol mu'n cuairt 's na sràidibh.

6 Mu'm fuasgailear an cord airgid, agus am bruthar an copan òir, agus am brisear a' chuinneag aig an tobar, agus am brisear an roth aig an t-soitheach-chumail.

7 An sin pillidh an duslach chum na talmhainn mar a bha e; agus pillidh an spiorad chum Dhé, a thug uaith e.

8 Diomhanas nan diomhanas! ars' an searmonaiche: *is* diomhanas na h-uile nithean.

9 Agus os bàrr, a chionn gu'n robh an searmonaiche glic, theagaisg e'n còmhluaidh eòlas do'n t-slugh; agus thug e deadh aire, agus shir e mach, agus dheasaich e mòran ghimath-fhocal.

10 Dh'iarr an searmonaiche briathran taitneach f'haotainn: agus *bha* an ni a sgrìobhadh ceart, briathran na firinn.

11 *Tha* briathran nan daoine glìce mar bhioraibh, agus mar thàirngibh air an sparradh le uachdaranaibh choimhthional, a thugadh le aon aodhaire.

12 Agus tuilleadh, leo so, a mhic, gabh rabhadh: air mòran leabhraichean a dhean-amh cha-n'èil crìoch; agus *tha* mòran leughaidh 'n a sgìos do'n fheoil.

13 Chuinneamaid brìgh na chaidh a ràdh uile; Bitheadh eagal Dhé ort, agus gléidh àitheantan; oir *is* e so *dleasdanas* ionlan an duine.

14 Oir bheir Dia gach obair chum breitheanais, maille ris gach ni diomhair, ma's maith, no ma's olc e.

DAN SHOLAIMH.

CAIB. I.

1 *Gràdh na h-eaglais do Chrìosd: 7 'n a h-urnuigh ghuidh i gu'n trèd-raiceadh e i a dh'ionnsuidh a threud.* 8 *Sheòl Crìosd i gu bithaibh nan aodhairean, 9 agus nochd e meud a ghràidh dhi.*

DAN nan dàn, dàn Sholaimh.

2 Pògadh e mi le pògaibh a bheòil; oir *is* maith do ghràdh seach fion.

3 Air son fàile eubhraidh *is* maith d'oladh-ungaidh-sa: *is* oladh-ungaidh air a dòrtadh d'ainm; uime sin ghràdhaich na h-òighean thu.

4 Tarruing mi. A'd' dhéigh ruithidh sinn. D'a sheòmrachibh thredraich an Rìgh mi. Ni sinn luathghaire agus bitidh aoiibhneas oirnn annadsa: cuiridh sinn 'n cuimhne do ghràdh nì's mò na fion: ghràdhaich na fìrcanan thu.

5 Dubh tha mi, ach sgiamhach, O a nigh-eanan Ierusalem, mar bhùthaibh Chedair, mar chùirteinibh rìomhach Sholaimh.

6 Na bitheadh umhail agaibh ged *tha* mi dorch, a chionn gu'n d'amhaire a' ghrian orm: bha mic mo mhlàthar ann am feirg rium; rinn iad coimheadaiche nam fion-lios diom: am fion-lios a bu leam féin cha do choimhid mi.

7 Innis dhomh, O thusa d'am bheil gràdh aig m'anam, c'àit an ionaltair thu *do threudan*, c'àit an toir thu orra luidhe sìos mu mheadhon-là; oir 'car son a bhitinn mar aon air faondradh am measg threud do chompanach?

8 Mur 'eil fhios agad, O thusa a's àillidh am measg bhan, imich a mach air luig an treud, agus ionaltair do mheannain làimh ri bùthaibh nam buachailean.

9 Rì h-cachaibh ann an carbadaibh Pharaoh samhlaichean thu, a bhean mo ghaoil.

10 Is àillidh do ghruaidhean le sreathaibh *sheud*, do mhuineal le slabhraidhibh.

11 Sreathan òir nì sinn dhuit, le ballachaibh airgid.

12 Am feadh a tha'n Rìgh aig a chuir, tha mo spionnadh a' sgaoileadh fhàile cùbraidh.

13 Is ceanglachan mirr mo ghràdh dhomh-sa; eadar mo chiochaibh luidhidh e re na h-oidhche.

14 Tha mo ghràdh dhomh-sa, *mar* bhagaid de'n chrann-champhir ann am fion-liosaibh Engedi.

15 Feuch, *tha* thu àillidh, a bhean mo ghaoil; feuch, *tha* thu àillidh; *tha* sùilean choluman agad.

16 Feuch, *tha* thu àillidh, fhir mo ghràidh, agus taitneach, agus *tha* ar n-uirigh uaine.

17 Is croinn sheudair sailthean ar tighe, croinn-ghiuthais ar ceann-fhiodh.

CAIB. II.

1 Tha gràdh Chrìosd 'n a bhrataich do'n eaglais.

8 Dòchas, 10 agus dreuchd na h-eaglais.

14 Cùram Chrìosd mu thimchioll na h-eaglais.

15 Ròs o Sharon mise, lili nan gleann.

2 Mar lili am measg droighinn, is amhuil mo ghràdh-sa am measg nan nighean.

3 Mar chrann-ubhall am measg chrann na coille, is amhuil mo rùn-sa am measg nan òganach: fo a sgàile mhiannaich mi, agus shuidh mi sìos, agus bha a thoradh milis do m' bhlas.

4 Thredraich e mi do thigh an fhìona, agus b' i a bhratach tharum an gràdh.

5 Cumaibh suas mi le còrnaibh, sgapaibh ùbhlam mu m' thimchioll, oir *tha* mi tinn le gràdh.

6 Tha a làmh chli fo m' cheann, agus a làmh dheas timchioll orm.

7 Cuiream mar fhiachaibh oirbh, a nigh-eanan Ierusalem, air earbaibh agus air éildibh na macharach, nach cuir sibh dragh air, agus nach dùisg sibh mo ghràdh, gus an àill leis féin.

8 Guth mo ghràidh! Feuch, tha e a' teachd, a' leumnaich air na beanntaibh, a' toirt sìthidh air na tulaichibh.

9 Is cosmhuil mo ghràdh ri h-earbaidh no ri laogh féidh: feuch, tha e 'n a sheasamh air cùl ar balla, a' sealltainn a mach air na h-uimeagaibh 'g a nochdadh féin troimh'n chléith.

10 Fhreagair mo ghràdh, agus thubhairt e rium, Eirich, a bhean mo ghaoil, m'aon sgiamhach, thig leam:

11 Oir feuch, tha'n geamlradh seachad, tha'n t-uisge thairis, dh'imich e roimhe.

12 Chithear na blàthan air an talamh, tha àm seinn nan eun air teachd, agus cluinnear guth an turtuir 'n ar tìr.

13 Tha an crann-fige a' cur a mach fhigean glasa, agus tha dearcas maotha a' chroinn-fhìona a' toirt faile cùbhraidh uatha: éirich, a bhean mo ghaoil, m'aon sgiamhach, agus thig leam.

14 Mo choluman, *tha* ann an sgoltaibh na creige, ann an ionad-diomhair a' bhruthaich, leig dhomh amhare ort, leig dhomh

do ghuth a chluinntinn! oir *tha* do ghuth binn, agus d'eugas maiseach.

15 Glacaibh dhuinn na sionnaich, na sionnaich bhcaga, a mhilleas na croinn-fhìona, agus dearcas òga ar crann-fìona.

16 Is leamsa mo ghràdh, agus is leis-san mise: *tha* e ag ionaltradh am measg nan lili.

17 Gus an bris an là, agus an teich na sgàilean, pill; bi cosmhuil ri earbaidh, a ghràidh, no ri laogh féidh air beanntaibh Bheteir.

CAIB. III.

1 'N a teanntachd dh'iarr an eaglais còmhnaidh o Chrìosd; 6 agus rinn i gairdeachas 'n a mhaithreas.

AIR mo leabaidh anns an oidhche dh'iarr mi an ti d'am bheil gràdh aig m'anam: dh'iarr mi e, ach cha d'fhuair mi e.

2 Eiridh mi a nis, agus thèid mi mu'n cuairt anns a' chaithir, anns na sràidibh, agus anns na slighibh farsuinn iarraidh mi esan d'am bheil gràdh aig m'anam: dh'iarr mi e, ach cha d'fhuair mi e.

3 Thachair orm an luchd-faire a' dol mu'n cuairt anns a' chaithir: Am faca sibh an ti d'am bheil gràdh aig m'anam?

4 Cha deachaidh mi ach beagan air m'aghaidh uatha, 'n uair a fhuair mi esan d'am bheil gràdh aig m'anam; rinn mi greim air, agus cha leiginn as e, gus an d'thug mi e do thigh mo mhàthar, agus d'a seòmar-sa a rug mi.

5 Cuiream mar fhiachaibh oirbh, a nigh-eanan Ierusalem, air carbaibh agus air éildibh na macharach, nach cuir sibh dragh air, agus nach dùisg sibh fear mo ghràidh, gus an àill leis féin.

6 Cò ise a tha 'g éirigh suas as an fhàsach mar stuaधाibh deataich, cùbhraidh le mirr agus tùis, le uile mhin-dhus ceannaiche nan spìosraidh?

7 Feuch, uirigh Sholaimh! Tri fichead treun fhear m'a timchioll de threun fhear-aibh Israeil.

8 Fir chlàidheimh uile, cleachdta ann an cogadh; gach fear le 'chlàidheamh air a léis, an aghaidh gàbhaidh na h-oidhche.

9 Rinn Solamh an Rìgh leabaidh-phòsaidh dha féin de chrannaibh Lebanon.

10 A puist dhealbh e de aigrid, a h-ìochd-ar de òr, a còmhach de chorcur; bha a meadhon air 'oibreachadh le samhlaidh gràidh le nigheanaibh Ierusalem.

11 Rachaibh a mach, a nigh-eanan Shìoin, agus faicibh Rìgh Solamh leis a' chrùn leis an do chrùn a mhàthair e air là a phòsaidh, agus air là subhachais a chridhe.

CAIB. IV.

1 Nochd Chrìosd dreach agus maise na h-eaglais.

16 Ghuidh an eaglais gu'm biheadh i air a deanamh ionchuidh air son làthaireachd Chrìosd.

FEUCH, is àillidh thu, a bhean mo ghaoil; feuch, is àillidh thu! *tha* sùilean

choluman agad an taobh a stigh de d'chiabhan: *tha* d'fholt mar threud ghabhar a nochdar o shliabh Ghilead.

2 *Is* cosmhuil do dheud ris an treud Iomarta, a thàinig a nìos o'n àite-nighidh, a bheir-eas gach aon diubh càraid, agus gun aon chaoira sheasg 'n am measg.

3 Mar shnàthainn dearg air a dhath dà uair *tha* do bhilean, agus *tha* do chaimt binn: mar mhir de phomgranat *tha* do chamogan 'am meadhon do chiabh.

4 *Tha* do mhuineal mar thùr Dhaibhidh, air a chur suas gu bhì 'n a thigh-arm: *tha* mìle targaid crochta suas ris, uile sgiathan nan treun fhear.

5 *Tha* do dhà chich mar dhà mheam earba, càraid na maoslich, a dh'ionaltras am measg nan lili.

6 Gus am bris an là, agus an teich na sgàilean, théid mi gu beinn a' mhirr, agus gu tulach na tùise.

7 *Tha* thu uile àillidh, a bhean mo ghaoil, agus smal cha-n'èil annad.

8 Leamsa o Lebanon, a chéile, leamsa thig o Lebanon: seall o mhullach Amana, o mhullach Shenir agus Hermoin, o àitibh tàimh nan leòmhann, o bheanntaibh nan leopard.

9 Dh'éignich thu mo chridhe, a phiuthar, a chéile; dh'éignich thu mo chridhe le aon de do shùilibh, le aon slabhraidh mu d' mhuineal.

10 Cia taitneach a *tha* do ghràdh, a phiuthar, a chéile! Cia mòr is fearr na fion do ghràdh, agus faile d'oladh-ungaidh na na h-uile spìosraidh!

11 *Mar* a' chìr-mheala silidh do bhilean, a chéile: *tha* mìl agus bainne fo d' theangaidh; agus *tha* faile do thrusgain mar fhàile cùbhraidh Lebanon.

12 *Is* lios glaishte thu, a phiuthar, a chéile; fuanan dùinte, tobair air a sheulachadh.

13 *Tha* do gheugan mar lios phomgranat, leis a' mhcas a's taitneiche; le croinn cham-phir maille ri preasaibh spìocnaird:

14 Spìocnaird agus cròthach; cuile mhilis agus canai, leis na h-uile chraobhan tùise; mirr agus aloe, maille ris na spìosraidh a's taghta;

15 Fuanan lios, tobar uisgeachan beò, agus a' sruthadh o Lebanon.

16 Eirich, a ghaoth à tuath, agus thig, a ghaoth à deas, séid air feadh mo liosa, rachadh faile cùbhraidh a spìosraidh a mach. Thigeadh m'annsachd d'a lios, agus itheadh e a thioradh taitneach.

CAIB. V.

1 *Mhosgail an eaglais 'n uair a ghairm Criosd:*
2 *A gràdh do'n Tighearn.* 9 *Tha Criosd maiseach agus sònruichte am measg dheich mìle.*

THA mi air teachd do m' lios, a phiuthar, a chéile; thionail mi mo mhirr maille

ri m' spìosraidh; dh'ith mi mo chìr-mheala maille ri m' mhill; dh'òl mi m'fhion maille ri m' bhainne. Ithibh, a chairdean, òlaibh, seadh, òlaibh gu pailt, a luchd mo ghràidh.

2 *Tha* mi a' m' chodal, ach *tha* mo chridhe ri faire. Guth fir mo ghràidh a' bualadh! Fosgail dhomh, mo phiuthar, mo bhana-charaid, mo choluman, mo bhean choimhlionta; oir *tha* mo cheann còmhdaichte le drùchd, mo chiabhan le braonaibh na h-oidheche.

3 Chuir mi dhìom mo thrusgan; cionnus a chuireas mi orm e? dh'ionnlaid mi mo chosan; cionnus a shalaicheas mi iad?

4 Chuir fear mo ghràidh a làmh troimh tholl an doruis, agus ghluaiseadh m'innigh air a shon.

5 Dh'éirich mi a dh'fhosgaidh do fhear mo ghràidh; agus shìl mi làmhnan mirr, agus mo mheòir mirr ruidhteach, air làmhnan na glaise.

6 Dh'fhosgail mi do fhear mo ghràidh; ach thionndaidh fear mo ghràidh, agus dh'imich e roimhe. Thréig m'anam m' n uair a labhair e. Dh'iarr mi e, ach cha d'fhuair mi e; ghairm mi air, ach cha do fhreagair e mi.

7 Fhuair an luchd-faire a bha 'dol air an cuairtibh 's a' bhaile mi; bhuail iad mi, lot iad mi; thug luchd-coimhid nam balla m'fhaluinn dhìom.

8 Cuiream mar fhiachaibh oirbh, a nigh-eanan Ierusalem, na gheibh sibh fear mo ghràidh, gu'n innis sibh dha, mar *tha* mi tinn le gràdh.

9 Ciod e fear do ghràidh-sa thar fear-gràidh *eile*, O thusa a's àillidh am measg bhan? ciod e fear do ghràidh-sa thar fear-gràidh *eile*, gu'n do chuir thu air an dòigh so mar fhiachaibh oirnn?

10 *Tha* fear mo ghràidh-sa geal agus dearg, sònruichte am measg dheich mìle.

11 *Tha* a cheann mar an t-òr a's gloine; a chiabhan bachelagach, dubh mar am fith-each.

12 *Tha* a shùilean mar shùilibh choluman làmh ri sruthaibh uisgeachan, a nigheas iad fèin ann am bainne, air an sùidheachadh gu ceart.

13 *Tha* a ghruaidhean mar leabaidh spìosraidh, mar bhlàthaibh cùbhraidh; a bhilean mar liliidh, a' sìleadh mirr ruidhtich.

14 *Tha* a làmhnan mar fhàimibh òir suidhichte le berilibh; a chom mar fhiacail *elephaint* liobhta, air a cur thairis le saphiribh:

15 *Tha* a chosan mar phuist marmoir, suidhichte air bonnaibh de'n òr a's gloine; a choslas mar Lebanon, barrachichte mar na seudair.

16 *Is* ro mhilis a bheul; scadh, *tha* e gu léir ionnhuim. *Is* e so fear mo ghràidh-sa, agus is e so mo charaid, a nigheanan Ierusalem.

CAIB. VI.

1 *Tha an eaglais a' cur 'an cèill a creidimh, agus a gràidh do Chrìosd. 4 Nochd Crìosd, maise na h-eaglais, 10 agus a ghràdh dhi.*

CAIT an deachaidh fear do ghràidh, O thusa a's àillidh ann measg bhan? cia an taobh a thionndaidh fear do ghràidh? agus iarraidh sinn e maille riut.

2 Chaidh fear mo ghràidh-sa sìos d'a lios, gu leapaichibh nan spìosraidh, a dh'ionalt-radh anns na liosaibh, agus a thional lili.

3 *Is* le fear mo ghràidh mise, agus *is* leamsa fear mo ghràidh: tha e ag ionalt-radh ann measg nan lili.

4 *Is* àillidh thu, a bhean mo ghaoil, mar Thirsah, maiseach mar Ierusalem, uamhasach mar shluagh le'm brataichibh.

5 Tionndaidh uam doshùilean, oir chlaoidh iad mi: *tha* d'fholt mar threud ghabhar a nochdar o Ghilead.

6 *Tha* do dheud mar threud chaorach, a thàinig a nìos o'n àite-nighidh, a bheireas gach aon diubh càraid, agus gun aon chaora sheasg 'n am measg.

7 Mar mhìr de phomgranat *tha* do chamogan 'am meadhon do chiabh.

8 Tha trì fichead ban-righinn, agus ceithir fichead leannan ann, agus òighean gun àireamh.

9 *Is* ise 'n a h-aonar mo choluman, mo bhean choimhlionta; *is* i aon nìghean a màthar i, a seircein-sa a rug i. Chunnaic na nìgheanan i, agus bheannaich iad i; na ban-righinnean agus na leannain, agus mhol iad i.

10 Cò ise a chithear mar a' mhaduinn, sgiamhach mar a' ghealach, glan mar a' ghrian, uamhasach mar *shluagh* le'm brataichibh?

11 Dolios nan cnò chaidh mi sìos, a ghabhail beachd de thoradh a' ghlinne, a dh'fhaicinn an robh an fhìonain fo bhlàth, an robh na pomgranait a' briseadh a mach.

12 Mun d'thug mi an aire, air leam gu'n do thairngeadh a mach dhomh carbadan Aminadaibh.

13 Pill, pill, a Bhan-Shulamach, pill, pill, agus amhairceamaid ort. C'ar son a dh'amhairceadh sibh air a' Bhan-Shulamaich? mar bhuidheann dà fheadh.

CAIB. VII.

1 *Ailleachd agus maise na h-eaglais : 10 Nochd i a creidimh, agus a déigh air Crìosd.*

CIA àillidh do chosan ann am brògaibh, a nìghean rìoghail! *tha* uilt do shliasad mar usgraichibh, obair làmh firceirde:

2 *Tha* d'imleag mar chuaich chruinn, air nach bi easbhuidh dibhe; do bholg mar dhùn cruithneachd, cuartichte le lildhibh.

3 *Tha* do dhà chhìch mar dhà mheann earba, càraid na maosich.

4 *Tha* do mhuineal mar thùr ìbhorì; do

shùilean mar lochaibh éisg ann an Hesbon, làimh ri geata Bhat-rabim; do shròn mar thùr Lebanoìn, a sheallas a làimh Dhamascuis.

5 *Tha* do cheann ort cosmhuil ri Carmel, agus folt do chinn cosmhuil ri coreur: *tha* an rìgh ceangailte 'n a sheòmraichibh.

6 Cia àillidh, agus cia taitneach a tha thu, a ghaoil, ann ad maisealachd?

7 Tha 'àirde sin agad cosmhuil ri craoibh-phailme, agus *tha* do chìochan mar bhagaidibh fhìon-dhearc.

8 Thubhairt mi, Streapaidh mi suas do'n chraoibh-phailme, gabhaidh mi greim d'a geugaibh: agus a nis bithidh do chìochan mar bhagaidibh de'n fhìon-chraoibh, agus cùbhraidheachd d'eudainn marchùbhraidheachd nan ubhall:

9 Mar an ceudna do chàirean mar am fìon a's fearr, air son mo ghràidh, a théid sìos gu milis, a' toirt caimnte do bhlilbh an dream a choilleas.

10 *Is* le fear mo ghràidh mise, agus *is* ann ormsa a tha a dhéidh.

11 Thig, fhìr mo ghràidh, rachamaid a mach do'n mlachair; fanamaid ré na h-oidhe anns na bailtibh.

12 Anns a' mhoch-thràth rachamaid do na fìon-liosaibh, seallamaid am bheil an fhìon-chraobh air teachd fo bhlàth, am bheil an fhìon-dhearc bheag 'g a nochdadh féin, am bheil na pomgranait air briseadh a mach: an sin bheir mi mo ghràdh dhuit.

13 Tha na mandragan a' tabhairt fàile cùbhraidh uatha; agus aig ar geataibh, gach meas a's taghta, ùr agus sean, fhìr mo ghràidh, thaisg mi dhuitse.

CAIB. VIII.

1 *Thug an eaglais gràdh nòr do Chrìosd. Gairm nan cinneach. 14 Ghuidh an eaglais air son teachd Chrìosd.*

IS truagh nach robh thu mar mo bhràthair, a dheothail cìochan mo mhàthar! Nam faighinn a muigh thu, phògaim thu, agus cha deantadh tàir orm.

2 Threòraichinn thu, bheirinn leam thu do thigh mo mhàthar, a theagaisgeadh mi; bheirinn ort òl de fhìon spìosradhach, de shùgh mo phomgranait.

3 *Bhithheadh* a làmh chli fo m' cheann, agus bhithheadh a làmh dheas timchioll orm.

4 Cuiream mar fhiachaibh oirbh, a nìgheanan Ierusalem, [air earbaibh agus air éildibh na macharach,] nach cuir sibh dragh air, agus nach dùisg sibh fear mo ghràidh gus an àill leis féin.

5 Cò ise a tha 'teachd a nìos o'n fhàsach, an taice ri fear a gràidh? Fo'n chraoibh-ubhall thog mi suas thu: an sin bha do mhàthair ri saothair ort; an sin bha i ri saothair, rug i thn.

6 Cuir mise mar sheula air do chridhe,

mar sheula air do ghairdean; oir làidir mar am bàs *tha* an gràdh, an-ìochdmhor mar an uaigh an t-eudach: *is* éibhle teine 'éibhle-san, lasair ro ghar.

7 Cha-n urrainn uisgeachan ònmhor an gràdh a mhùchadh, agus cha bhàth na tuiltean e. Nan tugadh duine uile mhaoin a thighe air son gràidh, dheanadh daoine tàir air gu tur.

8 *Tha* puithar bheag againn, agus cha-n'èil cìochan aice: cìod a nì siunn air son ar peathar, 's an là anns an labhrar m'a timchioll?

9 Ma's balla i, togaidh sinn oirre lùchairt airgid; agus ma's dorus i, dùinidh sinn suas i le bordaibh seudair.

10 *Bu* bhalla mi, agus *tha* mo chìochan mar thùraibh; an sin *bha* mi 'n a shùilbhih mar aon a fhuair deadh-ghean.

11 Bha fion-lios aig Solamh ann am Baalhamon; dh'earb e am fion-lios ri luchd-coimhid; bha gach fear gu tabhairt *da*, air son a thoraidh, mìle *bonn* airgid.

12 *Tha* m' fion-lios a's leamsa fa m' chomhair: *tha* am mìle *bonn* dhuitse, a Sholaimh, agus *da* cheud do luchd-coimhead a thoraidh.

13 O thusa a ghabhas còmhluadh anns na h-iosaibh, tha do chompanaich a' cluinntinn do ghutha; thoir ormsa a chluinntinn.

14 Dean cabhaig, fhir mo ghràidh, agus bi cosmhuil ri h-carba, no ri laogh fèidh air beanntaibh nan spìosraidh.

I S A I A H.

CATB. I.

1 *Tha* *Isaiah* a' gearan a' chionn gu'n d' rinn *Judah* ceannairc an aghaidh an Tighearna. 5 *Truailleachd* an t-sluaigh. 10 *Chronaich* am fàidh iad air son an tabhartas dìomhain; 16 agus chomhairlich e dhoibh aithreachas a ghabhail. 28 Sgrìos nan aingidh.

TAISBEANADH *Isaiah* mhic Amois, a chunnaic e mu thimchoill *Judah* agus Ierusalem, ann an làithibh *Usiah*, *Iotam*, *Ahais*, agus *Heseciah*, rìghrean *Judah*.

2 Cluinnibh O nèamhan, agus tabhair éisdeachd O thalamh, oir tha an Tighearn a' labhairt: Dh'altruim mise, agus thog mi suas clann; agus rinn iadsan ceannairc a'm' aghaidh.

3 Is aithne do'n damh a shealbhadair, agus do'n asail prasach a meighstir; ach cha-n aithne do *Israel*; cha-n'èil mo shluagh-sa a' toirt fainear.

4 Ah, cinneach peacach! sluagh luchdaichte le h-aingidheachd! sìol nan daoibh! clann a tha 'n am milltearaibh! thréig iad an Tighearn, bhrosnuich iad *Ti* naomh *Israel* gu feirg, dh'fhalbh iad air an ais.

5 C'ar son a bhuailear sibh ni's mò? théid sibh ni's faide agus ni's faide air seacharan. Tha an ceann uile tinn, agus an cridhe uile fann.

6 O bhonn na coise gu ruig an ceann, cha-n'èil fallaineachd ann; ach lot, agus bruthadh, agus creuchd lobhta; cha do theann-aicheadh ri 'chéile iad, cha do cheangladh suas iad, cha do thaisicheadh le h-olaidh iad.

7 Tha bhuir tìr fàs, tha bhuir bailtean air an losgadh le teine; bhuir fearann, tha coigriche 'g a itheadh suas 'n 'ur làthair; agus dh'fhàsaicheadh e, mar gu'm bitheadh e air a sgrìos le sluagh coimheach.

8 Agus tha nìghcan Shìoin air a fàgail mar bhothan ann am fion-lios, mar thigh-

fasgaidh ann an gàradh chularan, mar bhaile air a theannachadh le naimhidibh.

9 Mur bhitheadh gu'n d'fhàg Tighearn nan sluagh iarmad ro bheag againn, 's ann a bhitheadh mar Shodom, bhitheadh cosmhuil ri Gomorrah.

10 Cluinnibh focal an Tighearn, O uachdarana Shodom; éisdibh ri lagh ar Dé-ne, a mhuinntir Ghomorrah:

11 Cìod e ònmhoireachd 'ur n-ìobairtean dhomhsa? deir an Tighearn: tha mi làn de thabhartasaibh-loisgte reithcachan, agus de shàill bheathaichean biadhtha; ach ann am fuil tharbh, agus uan, agus bhoc ghaibhre, cha-n'èil mo thlachd.

12 An uair a thig sibh gu'r taisbeanadh féin ann am làthair-sa, cò a dh'iarr so air 'ur lùmh, mo chùirtean-sa a shaltair?

13 Na tugaibh tabhartas dìomhain uaibh ni's mò: tha tùis 'n a gràineilachd dhomh; a' ghealach ùr, agus an t-sàbaid, gairm a chomh-chruinneachaidh, cha-n fheudar leam 'fhulang; is euceart eadhon an comhghairm naomh.

14 Bhur gealaichean ùra, agus 'ur féillean suidhichte, is fuath le m'anam; tha iad 'n an eallaich orm; tha mi sgith d'an giùlan.

15 Agus an uair a shìneas sibh mach 'ur làman, folaichidh mise mo shùilean uaibh; seadh an uair a nì sibh iomadh nruigh, cha-n éisd mi: tha 'ur làman làn fola.

16 Nìghibh, glanaibh; cuiribh air falbh olc 'ur deanaidais as mo shealladh; sguiribh de'n olc.

17 Fòghlumaibh maith a dheanamh; iarraibh breitheanas; deanaibh fuasgladh air an fhear a tha sàruichte; cumaidh còir ris an dilleadhan; tagraibh cùis na bantraich.

18 Thigibh a nis, agus tagramaid ri 'chéile, deir an Tighearn; ged robh 'ur peacaidhean mar an searladh, bitheadh iad geal mar an

sneachd; ged robh iad dearg mar choreur, bithidh iad mar olainn.

19 Ma bhitheas sibh toileach agus umhal, ithidh sibh *toradh* maith an fhearainn:

20 Ach ma bhitheas sibh eas-umhal agus ceannairceach, ithcar suas sibh leis a' chlaidheamh; oir labhair beul an Tighearn 'e.

21 Cionnus a dh'fhàs a' chaithir dhileas 'n a striopaich! bha i làn de bhreitheanas, bha ionracas a' gabhail eòmhuidh innte, ach a nis mortairean.

22 Tha d'airgid air fàs 'n a shalchar; tha d'fhion air a mheasgadh le h-uisge:

23 Tha d'uachdarain ceannairceach, agus 'n an companachaibh mhèirleach; tha gach aon diubh 'an geall air tiodhlac, agus a' leantainn dhuisean; ris an dilleadhan cha-n'eil iad a' eumail cothrom, agus cùis na bantraich cha-n'eil a' teachd 'n an làthair.

24 Uime sin deir an Tighearn, Tighearn nan sluagh, Ti cumhachdach Israèil, Aha! bheir mi fois dhomh féin a thaobh m'eas-cairdean; diolaidh mi mi féin air mo nainh-dibh:

25 Agus pillidh mi mo làmh ort, agus glanaidh mi uait do shalchar gu ro ghlan, agus bheir mi air falbh d' uile stòin.

26 Agus aisgidh mi do bhreitheamhan: mar air tùs, agus do luchd-comhairle mar a *bha iad* 'an toiseach; 'n a dhéigh sin goirear dhòt baile na fireantachd, a' chaithir dhileas.

27 Saorar Sion ann am breitheanas, agus a muinntir iompaichte ann a' fireantachd.

28 Agus claidhear luchd-eusaontais agus peacaich maraon; agus bithidh iadsan a thréigean an Tighearn air an caitheamh as.

29 Oir gabhaidh iad nàire de na daragaibh a mhiannaich sibh; agus bithidh rugha gruaidh oirbh air son nan liosan a ròghnaich sibh:

30 Oir bithidh sibh mar dharaig aig am bheil a duilleach air seargadh, agus mar lios anns nach 'eil uisge.

31 Agus bithidh an duine làidir mar asgart, agus 'oibriche mar shrad: agus loisgidh iad le 'chéile cuideachd, agus cha bhi neach ann a mhùchas *iad*.

CAIB. II.

1 *Fàidheadaireachd mu thimchioll ràghachd Chrìost.* 6 *Air son an aingidheachd thréig Dia tigh Iacob.* 10 *Dh'innseadh do'n t-sluagh gu'n leagar sìos àrdan nan uaibhreach ann an là mòr an Tighearna.*

A mu thimchioll Iudah agus Ierusalem.

2 Tarlaidh anns na làithibh deireannach gu'm bi sliaib tigh an Tighearna air a dhaingneachadh air mullach nan sléibhteann; agus àrdaichear e os ceann nam beann; agus sruthaidh na h-uile chinnich d'a ionnsuidh.

3 Agus théid mòran shlògh, agus their iad, Thigibh, agus rachamaid suas gu sliaibh

an Tighearna, gu tigh Dhé Iacoib; agus teagaisgidh e sinn mu a shlighibh, agus imichidh sinn 'n a eheumaibh; oir o Shìon théid an lagh a mach, agus focal an Tighearn o Ierusalem.

4 Agus bheir e breth ann measg nan einneach, agus bheir e achmhasan do mhòran shlògh; agus buailidh iad an claidhean gu coltair, agus an sleaghan gu corraibh-sgathaidh; cha tog cinneach claidheamh an aghaidh cinnich, agus cha-n fhòghlum iad cogadh nì's mò.

5 O thigh Iacob, thigibh agus in-ìeheamaid ann an solus an Tighearna.

6 Air an aobhar sin thréig thu do shluagh, tigh Iacob, a chionn gu bheil iad air an lìonadh o'n àird an ear, agus 'n an luchd-fiosachd mar na Philistich; agus tha an tlachd ann an cloinn choigrach.

7 Agus tha an tìr air a lìonadh le airgid agus òr, agus cha-n'eil erioch air an ionmhasaibh; tha an tìr air a lìonadh le h-eachaibh, agus cha-n'eil erioch air an carbadaibh.

8 Tha an tìr fòs air a lìonadh le h-ìodhol-aibh; tha iad a' sleuchdadh do obair an làmh féin, do'n nì sin a rinn am meòir féin.

9 Agus tha an duine suarach a' cromadh sìos, agus tha an duine àrd 'g a ìsleachadh féin; agus cha tabhair thusa maitheanas dhoibh.

10 Imich a steach do'n charraig, agus fol-aich thu féin anns an ùir, roimh uamhas an Tighearn, agus o ghlòir a mhòrachd.

11 Ìslichear sealladh uaibhreach ann duine mhòir, agus leagar sìos àrdan nan daoine suarach; agus bithidh an Tighearn 'n a aonar air àrdachadh anns an là sin.

12 Oir *thig* là Tighearna nan sluagh air gach neach a tha uaibhreach agus àrd, agus air gaeh neach a tha air a thogail suas, agus leagar sìos e;

13 Agus air uile sheudaraibh Lebanoìn, a tha àrd agus togtas suas; agus air uile dharagaibh Bhàsain;

14 Agus air na h-uile bheanntaibh àrda, agus air na h-uile chnocaibh a tha togtas suas;

15 Agus air gach tùr àrd, agus air gach balla daingnichte;

16 Agus air uile longaibh Tharsis, agus air na h-uile dhealbhan sgiamhach.

17 Agus ìslichear uaibhar ann duine mhòir, agus leagar sìos àrdan nan daoine suarach; agus bithidh an Tighearn 'n a aonar air àrdachadh anns an là sin.

18 Agus euiridh e na h-ìodholangu buileach air ehl.

19 Agus théid iad a steach ann an còsaibh nan creag, agus ann an tuill na talmhainn, roimh uamhas an Tighearn, agus o ghlòir a mhòrachd, 'n uair a dh'éireas e a chrathadh na talmhainn gu h-uamhasach.

20 Anns an là sin tigidh duine 'ìodholan airgid agus 'ìodholan òir. a rinn iad, *gach*

aon dha féin, gu sleuchdadh *dhoibh*, chum nam famh agus chum nan ialtag;

21 Gu dol a steach ann an còsaibh nan creag, agus ann am mullaichibh nan sgeir, roimh uamhas an Tighearn, agus o ghildir a mhòrachd, 'n uair a dh'èireas e chrathadh na talmhainn gu h-uamhasach.

22 Leigibh dhìbh *'ur dùil* ri duine, aig am bheil 'anail 'n a chuinnceanadh; oir ciod am fath mu'n gabhar meas dheth?

CAIB. III.

1 *Na h-uile a bha gu teachd air Iudah a chionn gu'n do thréig iad Dia.* 10 Eiridh gu maith do'n ionracan, 11 ach diolar do'n aingidh a réir gnìomharan a làmh. 16 Peanas nigheanan Shìoin air son an uail.

OIR feuch, bheir an Tighearn, Tighearn nan sluagh, air falbh o Ierusalem agus o Iudah, an lorg agus am bata, uile lorg an arain, agus uile lorg an uisge,

2 An treun-fhear agus am fear-cogaidh, am breitheamh agus am fàidh, an duine glic agus an scanair;

3 An ceannard air leth-cheud agus an duine urramach, agus an combairliche, agus an fear-ceirdc seòlta, agus am fear-labhairt dcas-bhriathrach.

4 Agus ni mi leanabain 'n an uachdaran-aibh orra, agus riaghlaidh naoidheanan os an ceann.

5 Agus bithidh an sluagh air an sàruchadh, gach fear le 'chéile, agus gach fear le 'choimhearsnach; ni an t-òganach tàir air an aosda, agus an duine an-uasal air an duin' uasal.

6 An uair a ghlacas fear a bhràthair, de thigh 'athair, air a thrusgan, *ag ràdh*, Thig, agus bi a'd' fhear-riaghlaidh oirm, agus bitheadh an t-aomadh so fo do làimh sa:

7 Labhraidh e air an là sin, *ag ràdh*, Cha bhi mis' a'm' fhear-slànuchaidh *dhuibh*; oir ann am thigh-sa cha-n'èil biadh no eudach; na cuiribh mise suas a'm' fhear-riaghlaidh air an t-sluagh.

8 Oir tha Ierusalem air aomadh sìos, agus Iudah air tuiteam; a chionn gu bheil an teaghadh agus an deanadas an aghaidh an Tighearna, a bhrosnachadh sùl a ghloire.

9 Tha scalladh an gnùise a' toirt fianuis 'n an aghaidh; agus tha iad a' deanamh am peacaidh follaiseach, mar Shodom; cha-n'èil iad 'g a fholach; is truagh do an anamaibh, oir thug iad olc orra féin.

10 Abraibh ris an ionracan *gur maith a dh'èireas* dha; oir toradh an gnìomharan ithidh iad.

11 Is an-aobhin do'n aingidh; *is olc a dh'èireas* dhà-san; oir diolar dha obair a làmh féin.

12 *Do thaobh* mo shluaigh-sa, tha clann a' deanamh sàruchaidh orra, agus tha mnathan a' riaghladh os an ceann. O mo shluagh, tha do chinne-uil 'g ad chur air seacharan, agus a' fiaradh slighe do cheuman.

13 Tha an Tighearn a' seasamh suas chum tagraidh; agus tha e a' seasamh a thabhairt breith air an t-sluagh.

14 Tionnsgaidh an Tighearn ann am breitheanas ri seanairibh a shluaigh, agus r'an uachdaran-aibh; oir dh'ith sibh suas am fìon-lios; tha creach nam bochd 'n 'ur tighibh.

15 Ciod a's ciall duibh, gu bheil sibh a' pronnadh mo shluaigh, agus a' bleth eudan-nan nam bochd? deir Iehobhah Tighearn nan sluagh.

16 Os bàrr, thubhairt an Tighearn, A chionn gu bheil nigheanan Shìoin uallach, agus ag imeachd le muinealaibh sìnte mach, agus le sùilibh meara, ag imeachd le ceumaibh iullagach, agus a' deanamh fuaimne le'n còsaibh:

17 Uime sin ni an Tighearn maol mullach cinn nigheanan Shìoin, agus leigidh an Tighearn ris an nàire.

18 Anns an là sin bheir an Tighearn air falbh àille nan cos-fhàinneachan, agus na bréidean, agus na samhlanan-gealaich,

19 Na cluigeanan, agus na làmh-fhailean, agus na sgàilean,

20 Na cuileanan, agus na glùineanan, agus na foiltcanan, agus na soireachan-boltraich, agus na cluas-fhàinneachan,

21 Na fàinneachan, agus na seudan-sròine, 22 Na trusganan lasach, agus na tonnagan, agus na falluinnean, agus na dealgan,

23 Na sgàthan, agus na léintean anairt, agus na curaichdean, agus na bratan-sgàile.

24 Agus 'an àite deadh fhàile *bithidh* bréine, agus 'an àite criosa *bithidh* srachdadh, agus 'an àite fuil air a dheadh-chleachdadh *bithidh* maioile, agus 'an àite crios-uchd *bithidh* ccanglachan saic-eudaich, agus losgadh 'an àite maise.

25 Tuitidh do dhaoine leis a' chlàidheamh, agus do threun-fhir anns a' chogadh.

26 Agus ni a geatachan caoidh agus bròn; agus suidhidh i, gu h-aonaranach, sìos air an làr.

CAIB. IV.

1 *Teanntachd bhan Iudah.* 2 *Sonas agus maise rioghachd Chrìosd.*

AGUS ni seachd mnathan greim air aon fhear 's an là sin, *ag ràdh*, Ar n-aran féin ithidh sinn, agus ar n-eudach féin caithidh sinn; a mhàin bitheamaid air ar n-aimeachadh orts, a thoirt air falbh ar mi-chliu.

2 Anns an là sin bithidh meangan an Tighearna sgiamhach agus glòrmhor, agus toradh an fhearainn oirdheire agus mais-each, dhoibhsan a théid as de Israel.

3 Agus tarlaidh, an nch a dh'fhàgar ann an Sion, agus a dh'fhanas ann an Ierusalem, goirca esan naomh, *cadhon* gach aon a tha sgriobhta am measg nam beò ann an Ierusalem.

4 An uair a nigheas an Tighearn air falbh'

salchar nigheanan Shioin, agus a ghlanas e fuil Ierusalem as a meadhon, le spiorad breitheanais, agus le spiorad losgaidh.

5 Agus cruthaichidh an Tighearn air gach àite-tàimh de shliabh Shioin, agus air a coimhthionalaibh, neul anns an là, agus deatach, agus dealradh teine lasaraich anns an oidhche; oir thar a' ghldòir uile bithidh còmh-dach.

6 Agus bithidh e'n a bhùth, air son sgàile o'n teas anns an là, agus air son dìdein, agus air son ionaid-fasgaidh o'n doinnn agus o'n uisge.

CAIB. V.

1 *Le cosamhlachd lios-fiona nochd Dia ceartas a bhreitheanais. 8 Nì an Tighearn peanas air luchd-sannt, 11 air gedcairibh, 18 air luchd-deanamh an uile, 20 agus orra-san a ghnàth-eucaiseuceart. 26 Coimhlionadh bhreitheanas Dhè.*

SEINNIDH mi nis do fhear mo ghràidh, Òran le fear mo ghràidh nu thimchioll a lios-fiona. Bha aig mo ghràidh-sa fion-lios air cnoc àrd tarbhach.

2 Agus chuir e callaid m'a thimchioll, agus ghlàn e na clachan as, agus shuidhich e rogha fionain ann, agus thog e tùr 'n a mheadhon, agus chladhaich e amar-fiona cuideachd; agus dh'amhairc e dh'fheuchainn an tugadh e mach dearcan fiona, agus thug e mach dearcan fiadhain.

3 Agus mise, O luchd-àiteachaidh Ierusalem, agus fheara Iudah, thugaibh breth, guidheam oirbh, eadar mise agus m'fhion-lios.

4 Ciod tuilleadh a ghabhadh deanamh ri m' fhion-lios nach d'rinn mi ris? Car son, an uair a dh'amhairc mi an tugadh e mach dearcan fiona, a thug e mach dearcan fiadhain?

5 Agus a nis thigibh, nochdaidh mise dhuibh ciod a ni mi ri m' fhion-lios; bheir mi air falbh a challaid, agus ithear suas e; brisidh mi a bhalla, agus bithidh e air a shaltairt sìos.

6 Agus cuiridh mi fàs e; cha sgathar e, agus cha ruamhairear e; ach fàsaidh an dris agus an droighinn ann; agus bheir mi àithne do na neulaibh nach fras iad uisge air.

7 Oir is e fion-lios Tighearna nan sluagh tigh Israel, agus daoine Iudah luibh a mhòir thlachid; agus bha sùil aige ri breitheanas, agus feuch ain-tighearnas; ri ceartas, agus feuch gaor ghoirt.

8 Is an-aobhlin dhuibhse a tha 'cur tìghe ri tigh, agus a' cur achaidh ri achadh, gus nach bi àit ann, agus gu'n gabh sibh còmh-nuidh leibh fèin ann am meadhon na tìre.

9 Ann am chluasaibh thubhairt Tighearn nan sluagh, Gu deimhin bithidh iomadh tigh fàs, tìghean mòra agus maiseach, gum neach a' gabhail còmh-nuidh anna.

10 Bheir deich acairean de fhion-lios aon

bhat fiona, agus bheir Homer de shìol uaith Ephal.

11 Is an-aobhlin dhoibhsan a dh'éireas gu moch 's a' mhaduinn, a dhol an déigh dibhe làidir; a bhuanaiocas gu fcasgar, ionnus gu'n cuir am fion teas orra.

12 Agus tha a' chlàrsach, agus a' chruit-chiuil, agus an tabor, agus a' phìob, agus fion 'n an cuirmibh; ach obair an Tighearna cha-n'èil iad a' cur 'an suim, agus gnìomh a làmh cha-n'èil iad a' toirt fainear.

13 Uime sin tha mo shluagh air dol ann am braidheanas, a chionn *gu bheil iad* gun còlas; agus tha an uailean air bàsachadh le gort, agus an islean air tiormachadh le tart.

14 Air an aobhar sin mheudaich an uaigh a cìocras, agus dh'fhosgail i a beul thar tomhas; agus thèid an glòir, agus am mòr shluagh, agus an greadhnachas, agus esan a tha ri aighir, sìos d'a h-ionnsuidh.

15 Agus leagar sìos an duine suarach, agus islichear an duine cumhachdach, agus islichear sùilean nan uaibhrach.

16 Ach bithidh Tighearn nan sluagh air 'àrdachadh ann am breitheanas; agus bithidh an Dia naomh air a naomhachadh ann an ceartas.

17 An sin ionaltraidh na h-uain mar is àbhaist doibh; agus ithidh coigrich mach-raichean fàsil na muinntir' reamhair.

18 Is an-aobhlin dhoibhsan a tha 'tarruing aingidheachd le cordaibh dìonhanais, agus peacaidh mar le taodaibh feuna:

19 A deir, Deanadh e deifir, greasadh e 'obair, a chum gu'n faic sinn; agus dlùth-aicheadh comhairle Ti naomh Isracil, agus thigeadh i *gu crìch*, a chum gu'n bi fios againn.

20 Is truagh dhoibhsan a deir maith ri ole, agus cìc ri maith; a tha 'cur dorchadais 'an àite soluis, agus soluis 'an àite dorchadais; a tha 'cur an t-seirbh 'an àit a' mhillis, agus a' mhillis 'an àit an t-seirbh.

21 Is truagh dhoibhsan a tha glie 'n am barail fèin, agus 'n am beachd fèin tuigseach.

22 Is truagh dhoibhsan a tha làidir a dh'òl fiona, agus 'n an daoinibh neartmhor a mheasgadh dibhe làidir:

23 A tha 'saoradh a' chiontaich air son duaise; agus a' toirt ionracais an fhèrcin air falbh uaith.

24 Uime sin mar a dh'imlicheas teangadh an teine suas an asbhuan, agus a chànannas an lasair am moll, *mar sin* bithidh am freumh-san mar fhiodh grod, agus thèid am blàth suas mar dhuslach; a chionn gu'n do dhiùlt iad le tàir lagh Tighearna nan sluagh, agus gu'n do chuir iad cùl ri focal Ti naomh Isracil.

25 Air an aobhar sin tha corruich an Tighearn' air lasadh an aghaidh a shluagh; agus shìn e mach a làmh 'n an aghaidh, agus

bhuail e iad; agus chrìochnaich na sléibhteann, agus bha an colainnean mar aolach air meadhon nan sràidean. Air son so uile, cha-n'eil a chorruich air pillcadh air falbh; ach tha a làmh fhastast sìnte mach.

26 Agus togaidh e suas bratach do na cinnich am fad as, agus ni e fead air an son o iomall na talmhainn; agus, feuch, le deifir thig iad gu luath.

27 Cha bhi aon neach fann, agus cha bhi aon neach tuisleadh 'n am measg; cha tig clò, cha tig còdal air *aon diubh*; cha-n fhuasgailear crìos an leasraidh, agus cha bhrisear barr-iall am bròg.

28 Aig am bheil an saighdean air an geurachadh, agus am boghachan uile air ghleus; bithidh iongannan an each air an meas mar aillbhinn, agus an rothan mar chuairt-ghaoith.

29 *Bithidh* am beucaich mar leòmhann boireann; beucaidh iad mar leòmhanaibh òga; agus ni iad nuallan, agus glacadh iad a' chreach, agus togaidh iad leo i, agus cha bhi neach am a theasairgeas.

30 Agus ams an là sin beucaidh iad 'n an aghaidh, mar bheucaich na fairge; agus seallaidh iad air an talamh, agus, feuch, dorchadas agus teanntachd; agus bithidh an solus air a dhorchachadh anns na speuraibh.

CAIB. VI.

1 *Taisbeanadh* Isaiah mu thimchìoll an Tighearna 'n a ghloir. 5 Bha am fàidh fo eagal, 6 agus thug aingeal misneach dh'a. 8 Chuir eadh e dh'ionnsuidh an t-sluaigh a nochdadh dhoibh gu'n robh iad reasgach agus do-lubaich.

ANNS a' bhliadhna 's an d'fhuair rìgh Usiah bàs, chunnaic mi an Tighearn 'n a shuidhe air caithir rìoghail, àrd agus togtà suas; agus lion iomall a thrusgain an teampull.

2 Os a cheann sheas seraphim: aig gach aon bha sè sgiathan; le dithis chòmhdach e a' aghaidh, agus le dithis chòmhdach e a chosan, agus le dithis rinn e itealaich.

3 Agus ghlaodh iad, gach aon r'a chéile, agus thubhairt iad, Is naomh, naomh, naomh Tighearn nan sluagh; tha an talamh uile làn d'a ghloir.

4 Agus ghluais ursainnean an doruis le guth an tì a ghlaodh, agus lìonadh an tigh le deataich.

5 Agus thubhairt mi, Mo thruaighe mise! oir chaidh as domh; oir is duine mi aig am bheil bilean neòghlan, agus am meas sluagh aig am bheil bilean neòghlan tha mi a'm chòmhnuidh; oir chunnaic mo shùilean an Rìgh, Tighearn nan sluagh.

6 An sin thàinig aon de na seraphim ag itealaich a m' ionnsuidh, agus 'n a làimh éibhleag bhèd, a thug e leis a' chloibha bhàrr na h-altairach;

7 Agus bhean e ri mo bheul, agus thubhairt e, Feuch, bhean so ri d' bhilibh; agus tna

d'aingidheachd air a toint air falbh, agus do lochd air a ghlanadh.

8 Agus chuala mi guth an Tighearn' ag ràdh, Cò leis a chuireas mi fios? agus cò 'théid air ar son? Agus thubhairt mi, Feuch, tha mise an so; cuir fios leamsa.

9 Agus thubhairt e, Rach, agus abair ris an t-sluagh so, Cluinnibh da rìreadh, ach na tuigibh; agus seallaibh da rìreadh, ach na tugaibh fainear.

10 Dean cridhe an t-sluaigh so reamhar, agus dean an cluasan trom, agus druid an suilean; mu'm faic iad le'n sùilibh, agus mu'n eluinn iad le'n clusaidh, agus mu'n tuig iad le'n cridheachaidh, agus gu'n iompachear iad, agus gu'm bi iad air an slànuchadh.

11 An sin thubhairt mise, Cia fhad a Thighearn? Agus thubhairt esan, Gus an cuirear bailtean fàs, gun neach 'g an àiteachadh; agus tighean, gun duine a' gabhail còmhnuidh anna; agus gu'm bi am fearann gu tur air 'fhàsachadh;

12 Agus gu'm fògair an Tighearn daoine am fad as; agus gu'm bi fàsalachd mhòr ann am meadhon na tìre.

13 Ach fathast *bithidh* deachamh innte; agus pillidh e, agus caithear e; mar an cuilinnn agus an darach, aig am bheil brìgh anna, ged thig iad an duilleach; mar sin *bithidh* siol naomh 'n a bhrìgh innte-sa.

CAIB. VII.

1 Thug Isaiah misneach do Ahas 'n uair a bha e fo amharus air son Resin agus Phecah. 14 Fàisneachd a thaobh Cherosd. 17 Bha gradh Iudah le breitheanas uzmhasach.

ANN an làithibh Ahais mhic Iotaim, mhic Usiah, rìgh Iudah, chaidh Resin rìgh Shìria, agus Pecah mac Remaliah rìgh Israeil, suas do Ierusalem, a chogadh 'n a h-aghaidh, ach cha b'urraim iad buadhachadh oirre.

2 Agus dh'innscadh do thigh Dhaibhidh, ag ràdh, Tha Siria ann an comh-bhoim ri Ephraim; agus bha a chridhe air a ghluasad, agus cridhe a shluaigh; mar a ghluaisear craobhan na coille roimh'n ghaoith.

3 Agus thubhairt an Tighearn ri Isaiah, Rach a mach a nis 'an còdhail Ahais, thu fèin, agus Sear-iasub do mhac, aig ceann sruth-chlais 'n a linne uachdaraich, air slighe achaidh an luadhair.

4 Agus abair ris, Thoir an aire, agus bi a'd' thoisd; na gabh eagal, agus na bi lag-chridh-cach, air son dà earr nan àithinnean smùidreach so, air son corruich Resin agus Shìria, agus mhic Remaliah.

5 Air son gu'n do dhealbh Siria, Ephraim, agus mac Remaliah, olc a'd' aghaidh, ag ràdh,

6 Rachamaid suas an aghaidh Iudah, agus teannaicheamaid e, agus briseamaid a steach, agus cuireamaid rìgh suas gu rìoghachadh 'n a mheadhon, eadhon mac Thabeail:

7 Mar so deir an Tighearn Iehobhah, Cha seas e, nì mò thig e gu erich.

8 Ged is e ceann Shiria Damascus, agus ceann Dhamascuis Resin; gidheadh an taobh a stigh de chiùg agus tri fichead bliadhma, bithidh Ephraim air a bhriseadh, ionnus nach bi e 'n a chinneach:

9 Ged is e ceann Ephraim Samaria, agus ceann Shamaria mac Remaliah. Mur creid sibh, gu cinnteach cha bhi sibh seasmhach.

10 Agus labhair an Tighearn fathast ri Ahas, ag ràdh,

11 Iarr dhuìt féin comharadh o'n Tighearn do Dhia; iarr anns an doimhne, no anns an àirde shuas.

12 Ach thubhairt Ahas, Cha-n iarr mi, nì mò a bhuaireas mi an Tighearn.

13 Agus thubhairt esan, Eisdibh a nis, a thigh Dhaibhidh; Am beag leibh daoine a sgritheachadh; ach an sgithich sibh fòs mo Dhia?

14 Air an aobhar sin, bheir an Tighearn féin comharadh dhuibh; Feuch, bithidh òigh torrach, agus beiridh i mac; agus bheir i Imanuel mar ainm air.

15 Im agus mìl ithidh e, gus an tuig e an t-òc a dhiùltadh, agus am maith a ròghnachadh.

16 Oir mu'n aithne do'n leanabh an t-òc a dhiùltadh, agus am maith a ròghnachadh, fàsaichear fearann an dà rìgh leis am bheil thu air do chlaoidh.

17 Bheir an Tighearn orts, agus air do shluagh, agus air tigh d'athar, làithean, nach robh an leithidean ann o'n là 's an do dhealaich Ephraim ri Iudah; eadhon rìgh Asiria.

18 Agus tarlaidh anns an là sin, gu'n gairm an Tighearn a' chuileag a tha ann an iomall aimhnichan na h-Eiphit, agus an seillean a th'ann an talamh Asiria:

19 Agus thig iad, agus luidhidh an t-iomlan diubh anns na gleannataibh fàsail, agus ann an còsaibh nan creag, agus air gach uile dbroighnich agus air gach uile phreas.

20 Anns an là sin lomaiddh an Tighearn le caitainn thuarasdail, leis an t-sluagh air taobh thall na h-aimhne, le rìgh Asiria, an ceann agus fionna nan cosan; agus bearraidh i eadhon an fheusag.

21 Agus tarlaidh anns an là sin gu'n àraich duine bò òg agus dà chaora:

22 Agus o phailteas a' bhainne bheir iad uatha, ithidh e im; oir im agus mìl ithidh gach neach a dh'fhàgar ann an tìr.

23 Agus tarlaidh anns an là sin, gach àit anns an robh mìle fionain, air am meas air mhìle bonn airgid, gu'm bi e 'n a sgritheach agus 'n a dbroighnich.

24 Le saighdibh agus leis a' bhogha thig iad an sin; oir bithidh an talamh uile 'n a sgritheach agus 'n a dbroighnich.

25 Agus air na h-uile clmocaibh a bhitheas air an ruamhradh leis a' chaibe, cha tig

eagal sgithich no droighnich; ach bithidh e 'n a àiridh dhamh, agus 'n a ionaltradh mheanbh-chruidh.

CAIB. VIII.

1 *Roinh-innis Isaiah sgrìos Dhamascuis agus Shamaria le rìgh Asiria. 9 Seasaidh rùn Dhé gu sìorruidh. 11 Bithidh aoibheas orra-san a chuireas an dòigh agus an earbsa 'an Dia.*

AGUS thubhairt an Tighearn rium, Gabh clàr mòr, agus sgrìobh air, le inneal-sgrìobhaidh duine mu Mhaher-salal-has-bas.

2 Agus thug mi leam, chum dearbhaidh, fianuisan firinneach, Uriah an sagart, agus Sechariah mac Ieberechiah.

3 Agus dhlùthaich mi ris a' bhan-fhàidhe; agus dh'fhàs i torrach, agus rug i mac; agus thubhairt an Tighearn rium, Thoir mar ainm air Maher-salal-has-bas:

4 Oir mu 'an aithne do'n leanabh "m'athair agus mo mhàthair" a ràdh, togar air falbh saoihbheas Dhamascuis agus creach Shamaria, roinnh rìgh Asiria.

5 Agus labhair an Tighearn fathast rium, ag ràdh,

6 A chionn gu'n do chuir an sluagh so cùl ri uisgeachaibh Shiloah, a ruithes gu sèimh; agus gu 'm bheil iad a' gabhail tlachd ann an Resin agus ann am mac Remaliah:

7 Uime sin, feuch, bheir an Tighearn a nìos orra uisgeachan na h-aimhne, làidir agus lìonmhor, eadhon rìgh Asiria agus 'uile gheadhnachas; agus éiridh e os ceann a chlaisean uile, agus theid e thar 'uile bhruachaibh.

8 Agus gabhaidh e roimhe air feadh Iudah, a' ruith thairis agus a' sgaoileadh; eadhon gus am muineal ruigidh e; agus lomaiddh sgaoileadh a sgiathan leud do thìre-sa, O Imanuel.

9 Cruinnichibh r'a chéile, a chinneacha, agus brisear sibh 'n ur bloighdibh; éisdibh, sibhse uile' tha 's na dùchamaibh fad as; crioslaichibh sibh féin, agus brisear sibh 'n ur bloighdibh; crioslaichibh sibh féin, agus brisear sibh 'n ur bloighdibh.

10 Cuiribh bhur comhairle ri 'chéile, agus thig i gu neò-bhrìgh; labhraibh am focal, agus cha seas e; oir tha Dia leinne.

11 Oir thubhairt an Tighearn rium, le làimh làidir, agus theagais e mi, a chum nach sìubhlainn ann an slighe an t-sluaigh so, ag ràdh,

12 Na abraibh-sa comh-bhoinn ris gach nì ris an abair an sluagh so comh-bhoinn; agus na gabhaibh eagal roimh an uamhas-san, agus na bitheadh geilt oirbh.

13 Tighearn nan sluagh, naomhaichibh esan féin; agus bitheadh esan duibh 'n a chùis-eagal, agus bitheadh esan duibh 'n a aobhar ball-chrith.

14 Agus bithidh e 'n a ionad naomh; ach 'n a chloich-thuislidh, agus 'n a charraig-

oilbheim do dhà thigh Israeil; 'n a lìon agus 'n a rìbe do luchd-àiteachaidh Ierusalem.

15 Agus gheibh mòran 'n am measg tuisleadh, agus tuitidh iad, agus brisear iad, agus ribear agus glacar iad.

16 Ceangail suas an fhianuis, seulaich an lagh am measg mò dhèisicbul-sa.

17 Ach feithidh mise ris an Tighearn a tha 'fòlach a ghnùise o thigh Iacoib, agus bithidh suil agam ris.

18 Feuch, *tha* mise, agus a' chlann a thug an Tighearn dhomh, 'n ar comharaibh agus 'n ar n-iongantasaibh ann an Israel, o Thighearn nan sluagh a tha 'n a chòmhuaidh ann an sliabh Shioin.

19 Agus an uair a their iad ruibh, Iarr-aibh a chum nam ban-fhiosaichean, agus chum nan druidhean, muinntir a nì bìdeil agus borbhannaich; nach bu chòir do shluagh iarraidh chum an Dé? an ann a *dh'iarraidh iad* a chum nam marbh, 'an àite nam beò?

20 *Iarradh iad* chum an lagha agus chum na fianuis: mur labhair iad a réir an fhocail so, 's ann 'a chionn nach 'eil solus ann.

21 Agus siubhlaidh *gach aon* d'a thrìd, ann an teimn agus ann an gorta; agus tar-laidh, 'n uair a bhithas e ann an gorta, gu'm bi corruich air ris féin, agus mallaichidh e a rìgh agus a Dhia, agus e 'sealltuinn suas.

22 Agus seallaidh e air an talamh, agus feuch teanntachd agus doilleireachd; dubhar an àmhghair, agus tiugh dhorchadas

CAIB. IX.

1 *Aobhneas na h-eaglais air son teachd rionnachd Chrìosd.* 8 *Na breitheanas a bheir Dia air Israel air son an uabhair,* 13 *am mì-chreidimh,* 18 *agus an aingidheachd.*

GIDHEADH cha *bhi* an doilleireachd mar a *bha* ri linn a h-àmhlghair, an uair a bhuail e gu h-eutrom an toiseach talamh Shebuloin agus talamh Naphtali, agus 'n a dhéigh sin bhuail e ni bu trime e, air slighe na fairge, taobh thall Iordain, Galile nan cinneach.

2 An sluagh a *bha* 'siubhal ann an dorchadas, chunnaic iad solus mòr; iadsan a *bha* 'n an còmhuaidh ann an tìr sgàile a' bhàis, dh'éirich solus orra.

3 Rinn thu an cinneach lìomhor; nach do mheudaich thu an aobhneas? rinn iad gairdeachas a'd' lathair, mar ghairdeachas anns an fhogharadh; mar a nì *daoine* gairdeachas, an uair a roinneas iad a' chreach.

4 Oir bhris thu cuing 'eallacha, agus bata a ghuainne, slat an fhir a shàruich e, mar ann an là Mhidiain.

5 Oir *tha* gach uile chath an fhir-chogaidh le cruaidh iomairt, agus cudach air a thumadh ann am fuil; ach bithidh so le losgadh, agus connadh air son an teine.

6 Oir rugadh dhuinne duine-cloimne, thugadh dhuinne mac; agus bithidh an uachdaranachd air a ghualainn; agus goirear mar ainm dheth, Iongantach, Comhairliche, an

Dia cumhachdach, an t-Athair sìorruidh, Prionnsa na sìthe.

7 Air fàs 'uachdaranachd, agus air a shìth, cha *tig* erioch; air caithir rìoghail Dhaibhidh, agus air a rìoghachd; chum a daingneachadh agus a socruchadh le breitheanas agus le ceartas, o so a mach agus gu sìorruidh: bheir cud Tighearna nan sluagh so gu crìch.

8 Chuir an Tighearn focal a dh'ionnsuidh Iacoib, agus thuit e air Israel.

9 Agus bithidh fios aig an t-sluagh uile, aig Ephraim agus fear-àiteachaidh Shamaria, a tha ag ràdh, ann an uail agus àrdan eridhe,

10 Tha na clachan creadha air tuitcam, ach togaidh sinn le clachaibh snaidhte; tha na craobhan sicamoir air an gearradh sìos, ach cuiridh sinn craobhan seudair 'n an àit.

11 Uime sin àrdaichidh an Tighearn luchd mì-ruin Resin 'n a aghaidh, agus togaidh e suas a naimhdean le 'chéile;

12 Na Sirianaich o'n taobh bheòil, agus na Philistich o'n taobh chùil; agus ithidh iad suas Israel le beul farsuinn. Air son so uile cha-n'èil a chorruich air a pilleadh air falbh; ach tha a làmh fathast sìnte mach.

13 Ach cha-n'èil an sluagh so air pilltinn ris an tì a bhuail iad; nì mò dh'iarr iad Tighearn nan sluagh:

14 Uime sin gearraidh an Tighearn as o Israel an ceann agus an t-earball, a' gheug agus an huachair, ann an aon là.

15 An duine aosmhor agus urramach, is esan an ceann; agus am fàidh a tha 'teagasg brèige, is esan an t-earball.

16 Oir tha luchd-stiùraidh an t-sluaigh so 'g an cur air seacharan; agus bithidh iadsan a stiùrar leo air an slugadh suas.

17 Air an aobhar sin cha dean an Tighearn gairdeachas os ceann an òganach, nì mò nì e iochd ri'n dìlleachdain agus am bantraichean; oir tha gach aon diubh 'n a chealgair agus 'n a fhear dò-bheirt, agus tha gach beul a' labhairt amaideachd. Air son so uile cha-n'èil a chorruich air a pilleadh air falbh, ach tha a làmh fathast sìnte mach.

18 Oir loisgidh aingidheachd mar theine; ithidh i suas an dris agus an droighionn; agus cuiridh i ri theine badan na frìthe; agus éiridh iad 'an àird 'n an smùid a' dol suas.

19 Trid corruich Tighearna nan sluagh dhorchaidheadh an tìr; agus bithidh an sluagh mar chomadh air son an teine: cha dean duine iochd air a bhràthair féin.

20 Agus bheir e teum air an làmh dheis, agus *gidheadh* bithidh e ocrach; agus ithidh e suas air an làmh chlì, agus cha bhi iad sàsuichte; ithidh gach duine feoil a ghàird-ein féin.

21 *Ithidh* Manasèh Ephraim, agus Ephraim Manasèh; agus bithidh iad le 'chéile an aghaidh Iudah. Air son so uile cha-n'èil a

chorruich air a pilladh air falbh, ach tha a làmh fathast sìnte mach.

CAIB. X.

1 *Eiridh gu h-òle dhoibhsan a tha 'g orduchadh reachdan eucorach.* 5 *Claoùdhidh Dia na h-Aisirianaich air son an droch ghniomharan.* 20 *Tearnar iarmad de Israel.* 24 *Fhuair Iudah gealladh airsaorsa.* 28 *Sgrìos nan Asirianach.*

IS truagh dhoibhsan a tha 'g orduchadh reachdan eucorach, an sgrìobhaichean a tha ag àithneadh foirneirt.

2 A thionudadh an fheumaich o bhreith-eanas, agus a thabhairt an còrach le h-aiuneart o bhochdaibh mo shluaigh; air chor as gu'm bi bantraichean 'u an còbhart-ach dhoibh, agus gu'n creach iad na dìlleachdain.

3 Agus ciod a ni sibh ann an là an smachd-achaidh? agus anns an léir-sgrìos a thig o chéin? Cò dh'ionnsuidh a theicheas sibh chum cabhair? agus c'àit am fàg sibh 'ur glòir?

4 As m'eugmhais-a somaidh iad sìos fo na prìosanaich, agus tuitidh iad fo ua mairbh. Air son so uile cha-n'èil a chorruich air a pilladh air falbh, ach tha a làmh fathast sìnte mach.

5 Ho Asirianach, slat mo chorruich; agus am bata 'n an làimh is e sin m'fhearg.

6 An aghaidh cìunich chealgaich cuiridh mi e; agus an aghaidh sluaigh ris am bheil mo chorruich bheir mi dha àithne, a thogail creiche, agus a thoirt leo còbhartach; agus g'an saltairt sìos mar chlàbar nan sràidean.

7 Gidheadh cha-n e siu a bhitheas 'n a aire-san, agus cha-n e rùn a chridhe e; ach is e milleadh a tha 'n a chridhe, agus cinnich nach gauu a ghearradh as.

8 Oir a deir e, Nach 'eil mo cheannardan uile 'n an rìghribh?

9 Nach 'eil Calno mar Charchemis? Nach 'eil Hamat uar Arphad? Nach 'eil Samaria mar Dhamascus?

10 Mar a ghilac mo làmh rìoghachdan nan ìodholan, aig an robh dealbhan snaidhte ni b'fhearr na iad sin a tha ann an Ierusalem agus ann an Samaria;

11 Mar a rinn mi ri Samaria agus r'a h-ìodholaibh, nach dean mi uar an ceudna ri Ierusalem agus r'a dealbhan-sa?

12 Ach tarlaidh, 'n uair a choimhlionas an Tighearn 'obair gu h-ìonnan air sliabh Shìoin agus air Ierusalem, gu'n dean mi dòghaltas air toradh cridhe uaibhrich rìgh Asiria, agus air sealladh àrd a shùil.

13 Oir deir e, Le neart mo làimhe rinn mi e, agus le mo ghliocas; oir tha deadh thuigse agam; agus dh'atharraich mi crìoch-an nam fìneachan, agus chreach mi an ionmhasan, agus leag mi sìos an sluagh mar dhuine treun:

14 Agus fhuair mo làmh, mar nead, maoin nan slògh; agus mar a chruinnicheas neach uibhean a thréigeadh, mar sin chruinnich

mise an talamh uile; agus cha robh aon a ghluais an sgiath, a dh'fhosgail an gob, no rinn biog.

15 An dean an tuadh uail an aghaidh an fhir a tha 'g gearradh leatha? An àrdaich an tuircasg e féin an aghaidh an fhir a tha 'g a iomairt? mar gu'n sìneadh an t-slat i féin an aghaidh an ucach a tha 'g a togail; no mar gu'n togadh an lorg suas e féin mar uach b'fhiodh a bh'ann.

16 Air an aobhar sin cuiridh an Tighearn, Tighearn nan sluagh, caoile air a' mhuinntir reamhair; agus fo 'dirdheirceas fadaidh e losgadh, mar losgadh teiue.

17 Agus bithidh solus Isracil 'n a theine, agus a Thì naoinh 'n a lasair; agus loisgidh agus caithidh e a dhroighionn agus a dhris ann an aon là:

18 Agus caithidh e glòir a fhrìdhe, agus 'achaidh tharbhaich, cadar anam agus fheoil; agus bithidh iad mar fhear-ionchair brataich a' call a thrèoir.

19 Agus bithidh fuigheall chraobhan a choille tearc, ionnus gu'n sgrìobh leanabh an àireamh.

20 Agus tarlaidh anns an là sin, nach leig iarmad Isracil, agus iadsan a théid as de thigh Iacoib, an taic ni's mò air an fhear a bhual iad; ach leigidh iad an taic air an Tighearn, Tì naomh Isracil, ann am firinn.

21 Pillidh fuigheall, eadhon fuigheall de Iacob, dh'ionnsuidh Dhé uile-chumhachd-ach.

22 Oir ged robh do shluagh, O Isracil, mar ghaieamh na fairge, cha phill ach fuigheall diubh. An léir-sgrìos a dh'ord- uicheadh, rithuidh e thairis le ceartas.

23 Oir sgrìos, eadhon sgrìos sònruichte ni Iehobhah, Tighearn nan sluagh, ann am meadhan na tìre uile.

24 Air an aobhar sin mar so deir Iehobhah, Tighearn nan sluagh, Na bitheadh eagail ort, O mo shluagh, a tha 'chòmhnuidh ann au Sion, roimh an Asirianach; le slait buailidh e thu, agus a bhata togaidh e suas a'd aghaidh, a réir gnàtha na h-Eiphit.

25 Ach fathast tìne ro ghearr, agus coimh- lionar m'fhearg, agus mo chorruich 'n an léir-sgrìos.

26 Agus togaidh Tighearn nan sluagh slat-sgiursaidh 'n a aghaidh, cosnuidh ri àr Mhìdiàn aig carraig Oreib; agus mar a bha a shlat air an fhaighe, mar sin togaidh e suas i, a réir gnàtha na h-Eiphit.

27 Agus tarlaidh anns an là sin, gu'n atharraichear 'callach bhàrr do ghuaille, agus a chuing bhàrr do uhuineil; agus caithear a' chuing a dh'easbhuidh na h-oladh-ungaidh.

28 Thàinig e gu Aiat, ehaidh e thairis gu Mìgion; aig Michmas taisgidh e 'airneis.

29 Chaidh iad a null air an aiscag; ann an Gebah ghabh iad tàmh: tha Ramah air chrith; tha Gibeah Shaul a' tìeheadh.

30 Tog suas do ghuth, O nighean Ghallim; chluinnear e gu ruig Lais, O Anatot thruagh.

31 Theich Madmenah; tha luchd-àiteachaidh Ghebhim air gabhail na ruaige.

32 Fanaidh e fathast an là sin ann an Nob; crathaidh e a làmh an *aghaidh* cnuic nighinn Shioin, an *aghaidh* sléibh Ierusalem.

33 Feuch, sgathaidh Iehobhah, Tighearn nan sluagh, a' gheug le luasgadh mòr; agus bithidh iadsan a's àirde fàs air an gearradh sìos, agus na h-uibhrich air an isleachadh.

34 Agus gearraidh e dosan na fridhe le iarunn; agus tuitidh Lebanon le *làimh* chumhachdaich.

CAIB. XI.

1 *Rìoghachd shìochail an fhaillain a dh'fhàsas suas a' freumh Iese. 10 Bithidh Crìosd mar bhrataich do na cinnich, 12 agus tionaidh e 'a chèile diobaraich Israeil.*

AGUS thig geug a mach o bhonn a' Iese, agus fàsaidh faillcan suas as a' fhreumhan.

2 Agus gabhaidh spiorad an Tighearna còmhnuidh air, spiorad gliocais agus tuigs, spiorad comhairle agus cumhachd, spiorad eòlais agus eagail an Tighearna:

3 Agus bithidh e geur-nìothachail ann an eagail an Tighearna; agus cha-n ann a réir seallaidh a shùl a bheir e breth, no a réir claisteachd a chluas a bheir e achmhasan.

4 Ach le ceartas bheir e breth air a' bhochd, agus bheir e achmhasan le cothrom, as leth dhaoine ciùine na talmhainn; agus buailidh e an talamh le slait a' bheoil, agus le anail a bhlè marbhaidh e an t-aingidh.

5 Agus bithidh ionracas 'n a chrìos ma' leasraidh, agus firinn 'n a crìos ma' a' nairnibh.

6 An sin gabhaidh am madadh-alluidh còmhnuidh maille ris an uan, agus luidhidh an liopard sìos maille ris a' mheann; agus na laogh, agus an leòmhann òg, agus an sprèidh reamhar còmhla; agus ni leanabh beag an stiùradh.

7 Agus ionaltraidh a' bhò agus am math-ghamhuin le 'ch'èile; luidhidh an ùlach sìos *uideachd*; agus ithidh an leòmhann connlach mar an damh.

8 Agus cluichidh an leanabh cìche air toll na nathrach nimhe; agus air nead na rìgh-nathrach cuiridh an leanabh a thàinig o'n chich a làmh.

9 Cha dochainn agus cha sgrios iad, air feadh mo shléibh naòimh-sa gu h-ìomlan; oir lìonar an talamh le eòlas an Tighearna, mara chòmhdaicheas na h-uisgeachan *aigein* na fairge.

10 Agus anns an là sin, bithidh freumh Iese 'n a sheasamh mar bhrataich do na slòigh; d'a ionnsuidh-sa iarraidh na cinnich, agus bithidh a thàmh glòrmhor.

11 Agus tarlaidh anns an là sin, gu'n cuir

an Tighearn a mach a làmh a ris an dara uair, a thoirt air ais fuighill a shluaigh, a dh'fhàgar *dhiubh*, o Asiria, agus o'n Eiphit, agus o Phatros, agus o Chus, agus o Èlam, agus o Shinar, agus o Hamat, agus o innsibh na fairge.

12 Agus togaidh e 'n àird bratach air son nan cinneach, agus tionaidh e diobaraich Israeil, agus muinntir sgapta Iudah cruinnichidh e le 'chèile o cheithir chearnaibh na talmhainn.

13 Agus sguridh farmad Ephraim, agus bithidh luchd-sàruchaidh Iudah air an gearradh as; cha bhi farmad aig Ephraim ri Iudah, agus cha sàruich Iudah Ephraim.

14 Ach leumaidh iad air gcuailibh nam Philisteach an taobh an iar; creachaidh iad le 'chèile muinntir na h-àird' an ear; air Edom agus Moab leagaidh iad an làmh, agus bheir clann Amoin géill doibh.

15 Agus millidh an Tighearn teangadh na fairge Eiphitich, agus crathaidh e a làmh os ceann na h-Aimhne le a ghaoith làidir; agus buailidh e i'n a seachd sruthaibh, agus bheir e *orra* imeachd troimpe le cos-aibh tioram.

16 Agus bithidh rathad mòr aig fuigheall a shluaigh a dh'fhàgar o Asiria; mar a bha aig Israeil, anns an là 's an d'thàinig e nìos o thìr na h-Eiphit.

CAIB. XII.

1 *Laoidh-bhuidheachais do'n Tighearn air son a mhairtheis agus a chomhfhurtachd d'a shluaigh.*

AGUS their thu anns an là sin, Molaidd mi thu, O Thighearna, ged bha thu feargach rium, tha d'fhearg air a pilleadh air falbh, agus thug thu comhfhurtachd dhomh.

2 Feuch, is e Dia mo shlàinte; earbaidh mi, agus cha bhi eagail orm; oir is e an Tighearn Iehobhah mo neart agus *mo* cheòl; is e fòs *a's* slàinte dhomh.

3 An sin tairngidh sibh uisge le h-aobibhneas á tobraichibh na slàinte.

4 Agus anns an là sin their sibh, Molaibh an Tighearn, gairmibh air 'ainm; cuiribh 'an cèll a ghnìomharan am measg nan cinneach; cumaidh air chuimhne gu'm bheil 'ainm air 'ardachadh.

5 Canaidh do'n Tighearn, oir rinn e gnìomh òirdheirc; tha so aithnichte anns an talamh uile.

6 Eigh gu h-àrd, agus dean iolach, a bhean-àiteachaidh Shioin; oir *is* mòr ann ad mheadhon Ti naomh Israeil.

CAIB. XIII.

1 *Ghairm Dia a dhaoine treuna chum a chorr-ach a chur 'an gnìomh. 5 Bhagair e Babilon a sgrios leis na Medich. 19 Fàsachadh agus léir-sgrios Bhabiloin.*

TROM eallach Bhabiloin, a chunnaic Isaiah mac Amois.

ISAIAH, XIV.

2 Air sliabh àrd togaibh suas bratach; éigibh riu gu h-àrd; sinibh *'ur* làmh, a chum gu'n tèid iad a steach air geatachaibh nan uaislean.

3 Thug mi àithne do mo dhaoibh coisrigte; seadh, ghairm mi mo dhaoine treuna chum mo chorruih a *chur 'an gnìomh*; muinntir a tha 'deanamh luathghaire ann am mhòrachd.

4 Fuaim mòr-chuideachd anns na sléibh-tibh, amhuil sluaigh mhòir; fuaim luasgaidh rioghachdan chinneach air an cruinneachadh le 'chéile; tha Tighearn nan sluagh a' deasachadh feachd chum catha.

5 Tha iad a' teachd o thìr chéin, o iomall nan nèamh, an Tighearn agus buill-airm a chorruih, a mhilleadh na tìre gu léir.

6 Guilibh gu h-àrd, oir tha là an Tighearna dlùth; mar léir-sgrìos o'n Uile-chumhachdach thig e.

7 Air an aobhar sin lagaichear na h-uile làmh, agus leaghaidh gach cridhe duine.

8 Agus bithidh iad fo uamhas; ni piantan agus guinean greim orra; mar mhnai ri saothair cràidhear iad; seallaidh iad gach aon air a chéile le h-iongantais; mar lasraichibh teine bithidh an eudainn.

9 Feuch, tha là an Tighearna 'teachd, garg le feirg agus le dian chorruih, a chur na tìre fàs, agus a sgrìos nan ciontach a mach aisdle.

10 Oir cha tabhair reultan nèimh, agus a comh-shoillse, uatha an solus; bithidh a' ghrian air a dorchachadh 'na dol a mach, agus cha toir a' ghealach air a solus dealradh.

11 Agus dìolaidh mis' air an t-saoghal an droch-bheart, agus air na h-aingidh an euceart; agus cuiridh mi crìoch air àrdan nan uaimhreach, agus leagaidh mi sìos uail nan uamhasach.

12 Ni mi duine ni's luachmhoire na òr grinn: seadh duine, na fìor òr na h-Ophir.

13 Uinne sin luaisgidh mi na nèamhan, agus gluaisear an talamh as 'àit; ann am feirg Tighearna nan sluagh, agus ann an là a dhian chorruih.

14 Agus bithidh iad mar earba air a ruagadh, agus mar threud chaorach nach 'eil neach a' cuairteachadh; tionndaidhidh iad gach aon chum a shluaigh féin; agus teichidh iad gach aon g'a dhùthaich féin.

15 Gach fear a ghlacair, sàthar troimh e; agus na h-uile a dh'lùth-leanas r' a chéile, tuitidh iad leis a' chlaidheamh.

16 Agus pronnar an naoidheanan fa chomhair an sùl; bithidh an tighean air an creachadh, agus am mnathan air an èigneachadh.

17 Feuch, dùisgidh mi suas 'n an aghaidh na Méidich, aig nach bi mcas air airgid; agus *air son òir*, cha bhi suim aca dheth.

18 Pronnaidh am boghachan na h-ògan-aich, agus cha dean iad iochd air toradh

na bronn; cha ghabh an sùil truas do leanabaibh.

19 Agus bithidh Babilon, maise nan rìoghachdan, glòir uaille nan Caldéach, mar an léirsgrìos a thug Dia air Sodom agus Gomorrah.

20 Cha'n àitichear gu bràth i, ni mò 'ghabhar còmhnuidh innte feadh linn nan linn; cha suidhich an t-Arabach bùth an sin; ni mò 'ni buachaillean buaile an sin.

21 Ach gabhaidh fiadh-bheathaichean an fhàsaich còmhnuidh an sin; agus bithidh an tighean làn uathbheistean; agus gabhaidh na cailleachan-oidheche tàmh an sin, agus ni na gabhair fhìadhaich mire an sin.

22 Agus freagraidh na h-coin fhìadhaich a chéile 'n a lùchairtibh, agus na dragonan anns na seòmraichibh aoibhinn; agus tha a h-àm 'am fagus, agus cha bhi a làithean air an sineadh.

CAIB. XIV.

1 *Gheall Dia gu'n deanadh e iochd air Israel, agus gu'n suidhicheadh e iad fathast 'n am fearann féin. 3 Sgrìos rìgh Bhabiloin. 24 Ràn Dhè an aghaidh nan Asirianach. 29 Bhagraidh Palestina.*

OIR ni an Tighearn iochd air Iacob, agus ròghnaichidh e fathast Israel, agus suidhichidh e iad 'n am fearann féin; agus bithidh an coigreach air a cheangal riu, agus dlùth-leanaidh iad ri tigh Iacob.

2 Agus gabhaidh na cinnich iad, agus bheir iad gu'n àite féin iad, agus sealbh-aichidh tigh Israeil iad ann am fearann an Tighearna, mar òglaich agus mar bhan-òglaich; agus ni iad bairghdean dhiubhsan aig an robh iad 'n am bairghdibh; agus riaghlaidh iad os ceann na muinntir a bha 'g an sàruchadh.

3 Agus tarlaidh anns an là anns an tabhair an Tighearn dhuith fois o d' àmhghar, agus o d' mhi-shuaimhneas, agus o'n daorsa chruaidh a leagadh ort,

4 Gu'n tog thu an fhàistneachd so an aghaidh rìgh Bhabiloin, agus their thu, Cionnus a sguir am fear-sàruchaidh! *cionnus* a sguir ise a bha sgeadaichte le h-òr!

5 Bhreis an Tighearn lorg nan aingidh, slat rioghail an luchd-riaghlaidh.

6 Esan a bhuail na slòigh ann am feirg, le buille gun sgar; esan a thug fo ghéill na cinnich ann an corruich; tha e air a dhian-ruagadh, gun neach a' bacadh.

7 Tha an talamh uile aig fois, agus ann an suaimhneas; tha iad a' togail iolaidh.

8 Tha na croinn-ghiuthais féin ri gairdeachas tharad, agus croinn-sheudair Lebanoin, *ag ràdh*, 'Òn uair a thuit thusa, cha d' thàinig fear-gearraidh a nìos 'n ar n-aghaidh-ne.

9 Tha ionad nam marbh air gluasad shìos air do shon, gu do chionn-cachadh aig do theachd; tha e dùsgadh nam marbh air do

ISAIAH, XV.

shon, uile dhaoine mòra na talmhainn; tha e 'toirt air uile rìghrean nan cinneach éiridh suas o'n caithrichibh.

10 Labhraidh gach aon diubh, agus their iad riut, Am bheil thusa fòs air fàs lag mar tha sinne? An d'rinneadh thu cosmhuil ruinne?

11 Tha d'uabhar air a thoirt a nuas chum na h-uighe, agus fuaim d'innealan-ciuil; tha a' chnuimh air a sgaoileadh fodhad, agus is iad na cnuimheagan do chòmhdachadh.

12 Cionnus a tha thu air tuiteam o nèamh, a Reul dhealrach, a mhic na maidne! Cionnus a tha thu air do ghearradh sìos gu làr, thusa a thug fo ghéill na cinnich!

13 'S ann a thubhairt thu ann ad chridhe, Thèid mi suas a chum nan nèamhan, os ceann reultan Dhé àrdaichidh mi mo rìgh-chathair; agus suidhidh mi air sliabh a' chomhchruinneachaidh, air taobh na h-àirde tuath.

14 Thèid mi suas os ceann àirde nan neul: bithidh mi cosmhuil ris an Ti a's àirde.

15 Ach bheirear a nuas thu chum na h-uighe, gu taobhan an t-sluichd.

16 Iadsan a chi thu, amhaircidh iad gu gear ort, gabhaidh iad beachd dhìot: An e so, *deir iad*, am fear a thug air an talamh criothnachadh, a chuir rioghachdan air chrith?

17 A rinn an saoghal mar fhàsach, agus a leag sìos a bhailtean; nach d'fhosgail am prìosan d'a bhraighdibh?

18 Tha uile rìghrean nan cinneach, an t-iomlan diubh, a' luidhe sìos ann an greadh-nachas, gach aon 'n a fhàrdaich féin.

19 Ach tha thusa air do thilgeadh a mach as an uighe, mar ghéig ghràineil, mar thrusgannan daoine amharbhadh, a throimhlòtadh leis a' chlàidheamh, a chaidh sìos gu clachan an t-sluichd; mar chlosaich air a saltair fo chosaibh.

20 Cha-n adhaicear thu 'n an co-chuid-eachdsan, a chionn gu'n do sgrios thu do dhùthaich, gu'n do mharbh thu do dhaoine; cha bhi iomradh gu bràth air slìochd dhroch dhaoine.

21 Ulluchibh sgrios air son a chloinne, air son aingidheachd an aithrichean; a chum nach éirich iad, agus nach sealbhaich iad an talamh, agus nach lìon iad aghaidh an domhain le bailtibh.

22 Oir éiridh mise 'n an aghaidh, deir Tighearn nan sluagh, agus gearraidh mi as o Bhabilon an t-ainm agus an t-iarmad, agus am mac agus an t-ogha, deir an Tighearn.

23 Agus ni mi e 'n a sheibh do'n ghràimeig, agus 'n a linnitichean uisge; agus sguabaidh mi e le sguab an léir-sgrios, deir Tighearn nan sluagh.

24 Mhionnaich Tighearn nan sluagh, ag ràdh, Gu cinnteach mar a dhealb mise, mar sin tarlaidh; agus mar a chuir mi romham, thig sin gu buil;

25 A chum an t-Asirianach a bhriseadh ann an dhùthaich, agus a shaltradh fo m' chosaibh air mo shléibhtibh: an sin falbhaidh a chuing dhiubh, agus togar 'eallach bhàrr an guaille.

26 So a' chomhairle a tha air a suidheachadh mu'n talamh uile; agus so an làmh a tha sìnte mach thar nan uile chinneach.

27 Oir shònruich Tighearn nan sluagh a' chomhairle, agus cò a bhacas? agus is i a làmh-san a tha sìnte mach, agus cò a philleas air a h-ais i?

28 Anns a' bhliadhna 's an d'fhuair rìgh Ahas bàs, bha an trom eallach so.

29 Na dean-sa gairdeachas, O uile Phalestina, a chionn gu'n do bhriseadh slat an fhir a bha 'g ad bhualadh; oir o fhreumh na nathrach thig a mach rìgh-nathair, agus is toradh dhi nathair theinnteach, itealach.

30 Agus beathaichear ceud-ghin nam bochd, agus luidhidh an t-ainnis sìos ann an tèaruinteachd; agus marbhaidh mi do fhreumh-sa le gorta, agus d'iarmad cuiridh e gu bàs.

31 Dean nuallan, O gheata; éigh, O chaithir; O Phalestina, tha thu uile air do leaghadh as; oir o'n àirde tuath thig deatach, agus cha bhi neach aonaranach 'n a thràthaibh suidhichte.

32 Agus ciod am freagradh a bheirear do theachdairibh nan cinneach? Gu'n do leag an Tighearn bunaitean Shìoin, agus innte cuiridh bochdan a shluagh an dèchas.

CAIB. XV.

1 *Eallach nam Moabach a chionn gu'm bheil an tìr air a fàsachadh, agus air a lomadh gu làr.*

TROM eallach Mhoab. A chionn gu'm bheil Ar Mhoab air a fàsachadh, anns an oidheche, agus air a lomadh gu làr; a chionn gu'm bheil Cir Mhoab air a fàsachadh, agus air a lomadh gu làr:

2 Chaidh e suas gu Bait agus gu Dibon, na h-ionadaibh àrda, a ghul. Ni Moab caoineadh air son Nebo agus air son Mhedeba; air gach ceann diubh bithidh maoile; bithidh gach feusag air a gearradh dlieth.

3 Ann a sràidibh crioslaichidh siad iad féin le eudach-saic; air mullach a tighean, agus ann a sràidibh, caoinidh gach aon diubh, a' sìleadh dheur gu frasach.

4 Agus bithidh Hesbon ag éigheach, agus Elealeh; cluinnear an guth gu ruig Iahas; uime sin glao dhaidh daoine armaichte Mhoab gu h-àrd; bithidh a beatha searbh dhi.

5 Tha mo chridhe ag éigheach air son Mhoab; *teichidh* a luchd-fuadain do Shoar, mar agh tri bliadhna dh'aois; diridh iad uechdach Luhit le gul; oir ann an slighe Horonaim togaidh iad iolach mhillidh.

6 Oir bithidh uisgeachan Nimrim 'n an léir-sgrios; oir tha an luibh air seargadh;

ISAIAH, XVI, XVII.

tha am fear air teireachdainn; cha-n'eil ni glas ann.

7 Air an aobhar sin, am beartas a fhuair iad, agus an ni sin a thaisg iad, bheir iad air falbh gu sruth nan seileach.

8 Oir chaidh an éigheach timchioll crìche Mhoab; *ràinig* a caoineadh gu Eglaim, agus a caoineadh gu Beer-Elim.

9 Oir tha uisgeachan Dhimoin làn fola; oir bheir mise tuilleadh air Dimon, an leòmhán orra-san a théid as o Mhoab, agus air fuigheall na tire.

CAIB. XVI.

1 *Chomhairlicheadh do Mhoab a bhi umhal dhà-san a shuidheas air rìgh-chaitheir Dhaibhidh.* 6 Chaidh Moab a bhagradh le sgrìos air son 'àrdain, 'uail, agus 'fheirge.

CUIRIBHSE uan a dh'ionnsuidh na tìre, o Shela an fhàsaich, gu sliabh nighinn Shioin.

2 Oir mar eunlaith scacharanach, air am fògradh o'n nead, *mar sin* bithidh nigh-eanan Mhoab aig àthaibh Arnoin.

3 Tabhair comhairle, cuir 'an gnìomh breitheanas; dean do sgaile mar an oidheche ann an àirde 'mhèadhon-là; folaich na dìobaraich; na brath am fògarach.

4 Gabhadh mo dhìobaraich tàmh maille riut, O Mhoab; bi a'd' ionad-foluich dhoibh o'n mhilltear; oir thàinig crìoch air an fhear-shàruchaidh, sguir am fear-millidh; tha an luchd-saltairt air an caitheadh as an tìr.

5 Agus daingnichear an rìgh-chaitheir ann an trócair, agus suidhidh e oirre ann am fìrinn, ann am pàillun Dhaibhidh, a' tabhairt breth, agus a' rannsachadh na còrach, agus a' luathachadh ceartais.

6 Chuala sinn uabhar Mhoab; *tha e* ro uaibhreach; 'àrdan, agus 'uail, agus 'fhearg; *ach* cha-n'eil a spionnadh d'a rèir.

7 Air an aobhar sin caoinidh Moab; air son Mhoab caoinidh gach aon; air son bun-aitean Chir-hareiseit ni sibh tuireadh; gu cinnteach *tha iad* air am bualadh.

8 Oir tha machraichean Hesboim air fàil-neachadh, *agus* fionain Shìbmah; bhris maithean nan cinneach sìos a fìon-chroinn ghasta; *ràinig iad* gu Iaser; sgaol iad *air feadh* an fhàsaich; shìn a geugan iad fèin a mach, chaidh iad thar an fhaireg.

9 Air an aobhar sin guilidh mi le gul Iaseir air son fionain Shìbmah; uisgichidh mi thu le m' dheuraibh, O Hesboim agus Elealeh; oir dh'fhalbh a' chomh-ghair air son do mheas-samhraidh, agus air son d'fhogharaidh.

10 Agus tha aoibhneas agus gairdeachas air an toirt air falbh o'n mhachair thorraich; agus anns na fìon-lìosaibh cha dean iad ceòl, cha tog iad iolach; anns na h-amar-aibh cha bhruth am fear-bruthaidh fìon; thug mise air an iolach sgar.

11 Uime sin ni mo chom fuaim mar chlàrs-

aich, air son Mhoab; agus mo thaobh a stigh, air son Chir-hareis.

12 Agus tarlaidh, 'n uair a chithear gu'n do sgithich Moab e fèin air an ionad àrd, gu'n téid e steach d'a ionad naomh a dheanamh urnuigh; ach cha soirbhich leis.

13 So am focal a labhair an Tighearn mu thimchioll Mhoab o'n àm sin.

14 Ach a nis labhair an Tighearn ag ràdh, 'an ceann thrì bliadhna, mar bhliadnaibh fir-thuarasdail, nìthear glòir Mhoab tàireil, le a mhòr shluagh uile; agus *bithidh* am fuigheall ro bheag *agus* annhunn.

CAIB. XVII.

1 *Tha Siria agus Israel air am bagradh.* 6 Trèigidh fuigheall de Israel an iòdh-aoradh. 9 Sgrìosar a' chuid eile dhiubh a chionn gu'n do dhì-chuimhnich iad Dia an slàinte.

TROM eallach Dhamascuis. Feuch, tha Damascus air 'atharrachadh o *bhi* 'n a bhaile, agus bithidh e 'n a thòrr léir-sgrìos.

2 Tha bailtean Aroci air an tréigsinn; bithidh iad air son threud a luidheas sìos, agus cha *bhi neach* 'g am fuadachadh.

3 Agus dcalaichidh an daingneach o Ephraim, agus an rìoghachd o Dhamascuis; agus fuigheall Shiria, bithidh iad mar ghloir chloinne Israeil, deir Tighearn nan sluagh.

4 Agus tarlaidh anns an là sin, gu'm bi glòir Iacoib air a caitheadh as, agus fàsaich saill 'fneòla tana.

5 Agus bithidh e amhuil an uair a chruinnicheas *neach* fogharadh an arbhair, agus a bhuaineas a ghairdean na diasan; agus bithidh e amhuil a thionailas *neach* diasan ann an gleann Rephaim.

6 Gidheadh fàgar ann fuigheall dhearcas, mar ann an crathadh a' chroinn-olaidh; dhà *no* trì de dhearcaibh air mullach a' mheangain a's àirde; ceithir *no* cùig air a gheugaibh torrach, iomallach, deir an Tighearn Dia Israeil.

7 Air an là sin amhaircidh duine air a Chruith-fhear, agus seallaidh a shùilean air Tì naomh Israeil.

8 Agus cha-n amhaire e air na h-altairibh a rinn a làmhann fèin, agus air an ni sin a dhealbha a mheoir cha seall e; araon na doireachan agus na dealbhan.

9 Anns an là sin bithidh a bailtean daingnichte cosmhuil ri meangan a dh'fhàgadh, no ri géig a dh'fhàg iad, roimh chloinn Israeil; agus bithidh léir-sgrìos ann.

10 A chionn gu'n do dhì-chuimhnich thu Dia do shlàinte, agus nach robh thu cuimhnachail air carraig do neirt: air an aobhar sin suidhichidh tu craobhan taitneach, agus suidhichidh tu failleanan coimheach.

11 Anns an là bheir thu air do chraobhan fàs, agus anns an oidheche bheir thu air do shìol cinntinn; *ach bithidh* am fogharadh

n a dhùn ann an là a' dhoilgheis agus a' bhròin gun dòchas.

12 Is an-aoibhlin do mhòr chuidcachd nam fineachan lionmhor, a tha 'deanamh fuaimne mar fhuaim nan cuantan; agus do bheucaich nan cinneach, a tha ri beucaich cosmhuil ri toirm uisgeachan làidir.

13 Beucaidh na cinnich cosmhuil ri toirm mhòrain uisgeachan; ach bheir Dia dhoibh achmhasan, agus teichidh iad fad air falbh; agus fuadaichear iad mar chanach an t-sléibh roimh'n ghaoith, agus mar chuairteig roimh an ioma-ghaoith.

14 Agus, feuch, ri h-àm an fheasgair, uamhas; agus mu'n tig a' mhaduinn, chan'eil e ann. So cuibhrionn na muinntir a tha 'g ar creachadh, agus crannchur na dream a tha 'g ar spùinneadh.

CAIB. XVIII.

1 Bhagair Dia gu'n sgriosadh e luchd-àiteachaidh Etiopia. 7 Bheir tirean iomallach tabartas gu Tighearn nan sluagh.

IS truagh do'n tir a tha folaichte le sgiathaibh, a tha air taobh thall ainm-nichean Etiopia:

2 A tha 'cur theachdairean air an fhairge, agus an eathraichibh cuilce air aghaidh nan uisgeachan, ag ràdh, Imichibh, a theachdairean luatla, gu cinneach air a sgaoileadh a mach agus air a lomadh; gu sluagh uamhasach o'n toiseach gu ruige so; gu cinneach air a thomhas a mach leis an t-sreing, agus air a shaltairt sìos; aig am bheil 'fhearann air a chreachadh leis na h-aimhnichibh.

3 Sibhse uile a luchd-àiteachaidh an t-saoghail, agus a tha 'gabhail còmhnuidh air an talamh, an uair a thogar bratach suas air na sléibhtibh, faicibh; agus an uair a shéidear trompaid, éisdibh.

4 Oir mar so thubhairt an Tighearn rium, Gabhaidh mi fois, agus bithidh mo shùil air m'àite-còmhnuidh; mar theas dealrach air an fheur, mar neul dealta ann an teas an fhogharaidh.

5 Oir roimh an fhogharadh, 'n uair a bhith-eas am blàth iomlan, agus a bhith-eas am fiondhearc an-abuich a' tilgeadh a bhlàtha; gearraidh e dheth na meoir le corranabhs-gathaidh, agus na gcugan bheir e air falbh, agus gearraidh e sìos.

6 Fagar iad le 'chéile gu eunlaith nam beann, agus gu beathaichibh na talmhainn; agus cuiridh an eunlaith thairis an samh-radh orra, agus cuiridh gach uile bheathach na talmhainn thairis an gcamhradh orra.

7 Anns an àm sin bheirar tabhartas gu Tighearn nan sluagh o chinneach air a sgaoileadh a mach agus air a lomadh; agus o shluagh uamhasach o'n toiseach gu ruige so; cinneach air a thomhas a mach leis an t-sreing, agus air a shaltairt sìos, aig am bheil am fearann air a chreachadh leis na

h-aimhnichibh, gu ionad ainme Tighearna nan sluagh, gu sliabh Shioin.

CAIB. XIX.

1 Eallach na h-Eiphit. 11 Amaideachd cheannardan Shoain. 18 Fàisteachd mu thimchioll na h-Eiphit; 23 agus mu thimchioll Israeil agus Asiria.

TROM eallach na h-Eiphit. Feuch tha an Tighearn a' marcachd air neul luath, agus a' teachd do'n Eiphit; agus bithidh iodholan na h-Eiphit air an gluasad 'n a fhianuis; agus leaghaidh cridhe na h-Eiphit 'n a meadhon.

2 Agus cuiridh mis' Eiphitich an aghaidh Eiphiteach; agus cogaidh iad gach fear an aghaidh a bhràthar, agus gach fear an aghaidh a choimhearsnaich; baile an aghaidh baile, agus rìoghachd an aghaidh rìoghachd.

3 Agus fannaichidh spiorad na h-Eiphit 'n a meadhon; agus cuiridh mi ann an neobhrigh a comhairle; agus iarraidh iad a chum nan iodholan, agus a chum nan druidhean, agus a chum na muinntir aig am bheil leannain-shith, agus a chum an luchd-fiosachd.

4 Agus bheir mi thairis na h-Eiphitich do làimh tighearna an-ìochd-mhoir; agus riaghlaidh rìgh borb os an ceann, deir an Tighearn, Tighearn nan sluagh.

5 Agus fàilnichidh na h-uisgeachan o'n fhairge, agus thèid an Amhainn 'an deòth adh, agus tiormaichear suas i.

6 Agus tionndaidhidh iad na h-aimhnichean fad a leth-taobh, agus bithidh na sruthan-dìonaidh air an deanamh falamh agus tioram; seargaidh a' chuilce agus an luachair.

7 Na luibhean ùrar ri taobh nan sruth, aig beul nan sruth, agus gach 'ni a chuireadh 'an cois nan sruth, seargaidh iad, sguabar air falbh iad, agus cha bbi iad ann ni's mò.

8 Agus ni na h-iasgairan bròn, agus ni iadsan uile a tha 'tilgeadh dubhain anns an amhainn caoidh; agus fannaichidh iadsan a tha 'sgaoileadh hontan air aghaidh nan uisgeachan.

9 Agus cuirear gu h-amhladh iadsan a tha 'g oibreachadh an lìn ghrinn, agus iadsan a tha 'figheadh lìon-oibre.

10 Agus sgaoilear as a chéile innleachdan gach uile neach a ni claisean agus linn-tichean air son éisg.

11 Gu cinnteach is amadain ceannardan Shoain; thug comhairlichean glìce Pharaoh comhairle mhi-chéillidh; cionnus a deir sibh ri Pharaoh, Is mise mac nan daoine glìce, mac nan rìgh a bh'ann o chian.

12 C'ait am bheil iad? Cia iad do dhaoine glìce? innseadh iad dhuit a nis, agus cuireadh iad 'an céill, ciod i comhairle Tighearna nan sluagh do thaobh na h-Eiphit.

13 Dh'fhàs ceannardan Shoain 'n an amadain, tha ceannardan Noph air am mealladh

agus thug iad air an Eiphit dol air seach-
arai, eadhon luchd-taice a treubhan.

14 Chuir an Tighearn 'n am meadhan
spiorad seacharain; agus thug iad air an
Eiphit dol air seacharan 'n a h-uile oibrìbh,
cosmhuil ri misgear a' tuisleachadh 'n a
sgeith.

15 Nì mò 'bhitheas obair air bith anns an
Eiphit, aig a' cheann no aig an earball, aig
a' ghéig no aig an luachair, r'a dheanadh.

16 Anns an là sin bithidh an Eiphit
cosmhuil ri mnàibh; agus bithidh crith
agus geilt oirre, roimh ehirathadh làmhche
Tighearna nan sluagh, a chrathas e os a
ceann.

17 Agus bithidh tìr Iudah 'n a cùis-eagail
do'n Eiphit; gach neach a ni luaidh oirre,
gabhadh e eagail ann fèin; air son comhairle
Tighearna nan sluagh, a ghabh e 'n a h-agh-
aidh.

18 Anns an là sin, bithidh eùig bailtean
ann an tìr na h-Eiphit, a' labhairt cainnt
Chanaain, agus a' mìonnachadh do Thigh-
earn nan sluagh; goirear de aon diubh Baile
an sgrios.

19 Anns an là sin bithidh altair do'n Tigh-
earn ann am meadhan tìre na h-Eiphit; agus
carradh aig a' crìch do'n Tighearn.

20 Agus bithidh e mar ehomharadh agus
mar fhianuis do Thighearn nan sluagh ann
an tìr na h-Eiphit; oir glaochaidh iad ris
an Tighearn air son an luchd-sàruchaidh,
agus cuiridh e d'an ionnsuidh fear-saoraidh,
eadhon fear treun, agus fuasglaidh e iad.

21 Agus bithidh an Tighearn aithnichte
do'n Eiphit, agus aithnichidh na h-Eiphitich
an Tighearn anns an là sin; agus bheir iad
iobairtagus tabhartas uatha; agus geallaidh
iad gealladh do'n Tighearn, agus coimh-
lionaidh iad e.

22 Agus buailidh an Tighearn an Eiphit,
a' bualadh agus a' leigheas; agus pillidh iad
dh'ionnsuidh an Tighearna, agus éisdidh
esan ri'n guidhe, agus leighisidh e iad.

23 Anns an là sin bithidh rathad mòr o'n
Eiphit gu Asiria; agus thig an t-Asirianaeh
do'n Eiphit, agus an t-Eiphiteach gu Asiria;
agus nì an t-Eiphiteach aoradh maille ris
an Asirianach.

24 Anns an là sin measar Israel an treas
aon, maille ris an Eiphit agus ri Asiria, 'n a
bheannachadh ann am meadhan na tìre;

25 A bheannaicheas Tighearn nan sluagh,
ag ràdh, Beannaichte gu'n robh an Eiphit,
mo shluagh-sa; agus Asiria, obair mo làmh;
agus Israel, m'òighreachd.

CAIB. XX.

1 Fàidheadaireachd mu thimchioll bhraighdean
na h-Eiphit agus Etiopia.

ANNS a' bhliadhna 's an d'thàinig Tartan
gu Asdod; an uair a chuir Sargon
rìgh Asiria maeh e, agus ehog e an aghaidh
Asdod, agus ghilac se e;

2 Anns an àm sin labhair an Tighearn le
Isaiah mae Amois, ag ràdh, Imich, agus
fuasgail an t-eudach-saie o d' leasaidh,
agus euir dhìot do bhrògan bhàrr do ehos;
agus rinn e mar sin, ag imeachd lomnochd
agus casruisgte.

3 Agus thubhairt an Tighearn, Amhuil a
dh'imich m'òglach Isaiah, lomnochd agus
easruisgte trì bliadhna, 'n a chomharadh
agus 'n a iongantas air an Eiphit agus air
Etiopia;

4 Mar sin bheir rìgh Asiria air falbh braigh-
dean na h-Eiphit, agus fògaraich Etiopia,
dìgridh agus seann daoine, le an taobh-cùil
air a leigeadh ris, a chum nàire na h-Eiphit.

5 Agus bithidh iad fo amluadh, agus
gabhadh iad nàire de Etiopia 'bu bhun-
dòchais doibh, agus de'n Eiphit, a b'aobhar
uaill doibh.

6 Agus their fear-àiteachaidh na tìre so
anns an là sin; Feuch is amhuil so ar bun-
dòchais, dh'ionnsuidh an do theich sinn air
son cabhair, a chum gu'm bitheamaid air ar
saoradh o rìgh Asiria; eionnus ma ta théid
sin as?

CAIB. XXI.

1 Ann an sealladh chunnaic am fàidh sgrios
Bhabìlòin. 11 Thuge rabhadh do Edom. 13
Aimsir shuidhichte trioblaid Arabia.

TROM eallach fàsaich na fairge. Mar
dh'oinnionnaibh anns an àirde deas, a'
dol seachad; o'n fhàsach tha e 'teachd, o
thìr uamhasaich.

2 Dh'fhoillsicheadh sealladh cagalach
dhomh; tha an cealgair a' caitheadh foill,
agus tha am fear-ercachaidh a' ercachadh.
Rach suas O Elaim; teannaich O Mhedia;
chuir mise crìoch air a h-uile osnaich.

3 Uime sin fionadh mo leasaidh le cràdh;
ghlac piantan mi, mar phiantaibh mnà ri
saothair-chloinne. Bha mi air mo chromadh
sìos, an nair a ehuala mi; dh'fhàs mi air
chrith, 'n uair a chunnaic mi.

4 Chlisg mo ehridhe; chuir uamhas fiamh
orm; feasgar mo shòlais thiomdaidh e gu
h-uamhunn domh.

5 Deasaich am bòrd; suidhich an fhaire;
ith; òl; éiribh, a cheanna-feadhna, ungaibh
an sgiath.

6 Oir mar so thubhairt an Tighearn rium,
Imich, suidhich fear-faire; an nì a ehi e,
innseadh e.

7 Agus chunnaic e carbad le dà mhareach,
earbad le asalaibh, agus carbad le càmh-
aibh; agus thug e fainear gu dìchiollach le
geur aire.

8 Agus ghlaodh e, Leòmhann: Mo thigh-
earna, tha mi a'm' sheasamh an còmhuidh
ann am ionad-faire, air feadh an là; agus
tha mi a' fantuinn air mo fhreiccadan ré
gach oidhche.

9 Agus, feuch, an so tha earbad de dhaoin-
ibh a' teachd, le dà mharcach. Agus fhreag-
air e agus thubhairt e, Tha Babilon air

tuiteam, air tuiteam; agus tha uile dhealbhan snaidhte a diathan air am briscadh gu làr.

10 Och mo bhuiladh, agus arbhar m'ùrlair! an ni a chuala mi o Thighearn nan sluagh, Dia Israel, chur mi 'an cèill duibhse.

11 Trom eallach Dhumah. Dh'éigh e rium o Sheir, Fhir na faire, ciod mu'n oidheche? Fhir na faire, ciod mu'n oidheche?

12 Thubhairt am fear-faire, Tha a' mhaduinn a' teachd, agus fòs an oidheche: ma dh'fhiosraicheas sibhse, fiosraichibh: pillibh, thigibh.

13 An fhàistneachd mu thimcheall Arabia. Anns am fhrith ann au Arabia gabhaidh sibh tàmh, a chuideachdan-siubhail Dhèdanim.

14 Thug luchd-àiteachaidh tìre Thema uisge dh'ionnsuidh an tartmhoir; le an aran thàinig iad 'an còdhail an fhògaraidh.

15 Oir o na claidhibh theich iad, o'n chladheamh rùisgte, agus o'n bhogha lùbta, agus o bhoile a' chogaidh.

16 Oir mar so thubhairt an Tighearn rium, Fathast bliadhna, mar bhliadhnachaidh fir-thuarasdail, agus bithidh uile ghlòir Chedair air caithcadh as.

17 Agus hughdaichear fuigheall àireimh nam fear-bogha, fir threuna de mhàcaibh Chedair; oir labhair an Tighearn Dia Israeil e.

CAIB. XXII.

1 *Tha am fàidh a' caoidh léir-sgrìos nan Iudhach.*
8 *Chronaich e iad a chionn gu'n do chuir iad an dòchas 'n an innleachdaibh féin.* 15 *Ròimhinns am fàidh sgrìos Shebna.* 20 *Ardachadh Eliacim.*

TROM eallach glinn an taisbeanaidh. Ciod a thàinig ort a nis, gu'n deachaidh thu gu léir suas gu mullach nan tighean?

2 Thus' a bha làn faruim, a'd' chaithir fhuaimnich, a'd' chaithir aobhinn: do dhaoine a th'air am marbhadh, cha do mharbhadh leis a' chladheamh iad; ni mò is anns a' chath a dh'eug iad.

3 Tha do chinn-fheadhna uile air siubhal le 'chéile, cheangladh iad leis na fir-bhogha; na h-uile a fhuaradh annad, cheangladh iad le 'chéile, theich iad fad air falbh.

4 Air au aobhar sin thubhairt mi, Tionndaidh air falbh uam; guilidh mi gu goirt; na feuchaibh ri comhfhurtachd a thoirt domh, air son léir-chreach nighinu mo shluagh.

5 Oir is là cruaidh-iomairt e, agus saltairt sìos, agus buairidh, o Iehobhah Tighearn nan sluagh, ann an gleann an taisbeanaidh; a' briscadh sìos bhallachan, agus a' glaothach ris na beanntaibh.

6 Agus tha Elam a' giùlan a' bhuilg-shaighead, le carbad de dhaoibh agus le marc-shluagh; agus tha Cir a' rùsgadh na sgéithe.

7 Agus tarlaidh gu'm bi rogha do ghleann

air an lìonadh le carbadaibh, agus cuiridh na marcaich iad féin 'an ordugh fa chomhair a' gheata.

8 Agus thugadh air falbh còmh-dachadh Iudah; agus sheall thu 's an là sin ri airm tighe na frithe.

9 Agus chunnaic sibh bearnan baile Dhaibhidh, gu bheil iad lìomhor; agus chrùinich sibh uisgeachan na linne iochdaraich.

10 Agus rinn sibh tighean Ierusalem àireamh, agus bhris sibh sìos na tighean a neartachadh a' bhalla.

11 Agus rinn sibh clais eadar an dà bhalla, air son uisge na seann linne; ach cha d'amhairc sibh airesan a rinn e; agus esan a dhealbha o shean e, cha d'fhug sibh faineas.

12 Agus anns an là sin ghairm Iehobhah Tighearn nan sluagh gu gul, agus gu caoidh, agus gu maile, agus gu crioslachadh le cudach saic:

13 Ach feuch, aobhneas agus aighear, marbhadh dhamh agus casgairt chaorach, itheadh feòla agus òl fiona; Itheamaid agus òlamaid, oir am màireach gheibh sinn bàs.

14 Agus dh'fhoillsicheadh le Tighearn nan sluagh ann am chluasaibh, Gu deimhin cha ghlanar an aingidheachd so air falbh uaibh, agus am faigh sibh bàs, deir Iehobhah Tighearn nan sluagh.

15 Mar so deir Iehobhah Tighearn nan sluagh, Imich, rach a dh'ionnsuidh an stiubhaird so, dh'ionnsuidh Shebna, a tha os ceann an tighe, agus abair ris;

16 Ciod a th'agad an so? agus cò a th'agad an so, gu'n do chladhaich thu mach uaigh an so air do shon féin? mar neach a tha 'cladhadh mach uaighe dha féin gu h-àrd, a tha 'gearradh àite-còmhnuidh dha féin ann an carraig.

17 Feuch tilgidh an Tighearn a mach thu, 'g ad thilgeadh a mach gu làidir; agus ni e gu cinnteach do còmh-dachadh.

18 Gu ciunteach cuiridh e car dhòt mu'n cuairt, agus bheir e urchair air falbh dhuit mar spitheig gu tìr fharsuinn; ann an sin gheibh thu bàs, agus ann an sin bithidh do charbadan sgiamhach 'n an nàire do thigh do thighearna.

19 Agus iomainidh mi á d'ait thu, agus o d'inbhe tilgidh mi sìos thu.

20 Agus tarlaidh auns an là sin, gu'n gairm mise m'òglach Eliacim mac Hileiah;

21 Agus sgeadaichidh mi e le d'fhalluinnsa, agus le do chrios neartaichidh mi e; agus d'uachdaranachd bheir mi thairis d' a làimh; agus bithidh e 'n a athair do luchd-àiteachaidh Ierusalem, agus do thigh Iudah.

22 Agus iuchair tighe Dhaibhidh cuiridh mi air a ghualainn; agus fosgailidh e, agus cha d'fhuig aon neach; agus druididh e, agus cha-n' fhosgail aon neach.

23 Agus daingnichidh mi e *mar* tharra n ann an àite cinnteach; agus bithidh e mar chaithir ghlòrmhoir air son tighe 'athar.

24 Agus crochaidh iad airsan uile ghlòir tighe 'athar, an sliochd agus an gineal, gach soitheach beag, o na h-uile ghnè chuach, gu na h-uile ghnè aghann.

25 Anns an là sin, deir Tighearn nan sluagh, bithidh an tarran a *bha* air a suidheachadh ann an àite daingean air a h-atharrachadh; agus gearrar sìos i, agus tuitidh i; agus gearrar an eallach a *bha* oirre air falbh; oir labhair an Tighearn e.

CAIB. XXIII.

i *Lèir-sgrìos eagalach Thiruis. 15 'An ceann deich agus trì fichead bliadhna pillidh Tirus chum a cosnaidh, agus nì i strìopachas le uile rìoghachdaibh an domhain.*

TROM eallach Thiruis. Deanaibh caoin-eadh a longa Tharsis; oir sgrìosadh i gu tur, ionnuss nach 'eil tigh no fardoch ann; o thalamh Chitim dh'fhoillsicheadh dhoibh e.

2 Bithibh tosdach, a luchd-àiteachaidh an eilein: lìonadh thu le ceannaichibh Shidoin, a tha 'siubhal thar cuan.

3 Agus sìol Shihoir o uisgeachaidh mòra, fàs na h-Aimhne, *b'e sin* a teachd-a-stigh; agus bha i 'n a margadh do na cinnich.

4 Biodh nàir ort O Shidoin, oir labhair an fhairege, eadhon neart na fairege, ag ràdh. Cha robh mi ri saothair, agus cha d'rug mi clann; cha d'àraich mi òganaich, ni mò thog mi suas òighean.

5 Mar a *bha* 'n uair a chualas *sgeul* mu'n Eiphit, *mar sin* bithidh iad fo àmhghar ri cluinntinn *sgeòil* mu Thirus.

6 Rachaidh a null gu Tarsis; deanaibh caoineadh, a luchd-àiteachaidh nan eilean.

7 An i so bhur *caithir* aoibhinn, aig am bheil a h-aois o aimsir chéin? Giùlainidh a cosan féin i fad as gu fantuinn air chuairt.

8 Cò a ghabh a' chomhairle so 'an aghaidh Thiruis, a thug seachad coronan rìoghail, aig am bheil a ceannaichean 'n am prionnsaibh; agus a luchd-malairt 'n an daoineibh urramach na tìre?

9 *Is e* Tighearn nan sluagh a dh'orduich e, a chur smala air uabhar gach uile ghlòire, agus a thabhairt uile uaislean na tìre fo dhìmeas.

10 Ruith thairis air d'fhearann, mar amhainn, O nighean Tharsis; cha-n'eil neart ann nì's mò.

11 Shìn e a làmh tharais air an fhairege; chrath e na rìoghachdan; thug an Tighearn àithean an aghaidh na *caithreach* a tha 'n a ceannaiche, chum a daingnichean làidir a sgrìos.

12 Agus thubhairt e, Cha dean thu caithream nì's mò, O dhìgh shàruichte, a nighean Shidoin; éirich, rach thairis gu Citim; an sin fòs cha-n fhaigh thu suaimhneas.

13 Feuch tìr nan Caldéach cha robh an sluagh so ann, *gu's an* do shuidhich an t-Asirianach i air son luchd-àiteachaidh an fhàsaich; thog iad a baidealan, chuir iad suas a luchairtean; agus rinn e a sgrìos.

14 Guilibh gu h-àrd, a longa Tharsis; oir sgrìosadh bhur neart.

15 Agus tarlaidh anns an là sin, gu'n leigear air dearmad Tirus deich agus trì fichead bliadhna, a réir làithean aoin rìgh; 'an ceann deich agus trì fichead bliadhna, seinnidh Tirus mar strìopaich.

16 Glac do chlàrsach, cuairtich am baile, a strìopach a bha air do dhearmad; dean ceòl gu binn; seinn iomadh òran; a chum gu'n cuimhnichear a ris thu.

17 Agus 'an ceann deich agus trì fichead bliadhna, thig an Tighearn a dh'amharc Thiruis; agus pillidh i chum a cosnaidh; agus nì i strìopachas le uile rìoghachdaibh an domhain, a tha air aghaidh na talmhainn.

18 Agus bithidh a malairt agus a buannachd naomh do'n Tighearn; cha taisgear suas e, agus cha ghleidhear gu tèaruint e; oir bithidh a malairt air son na muinntir a tha 'chòmhnuidh 'am fianuis an Tighearna, air son lòn a shàsuicheas, agus air son eudaich a mhaireas.

CAIB. XXIV.

1 *Breitheanas uamhasach an Tighearna air an tìr. 13 Cliuthaichidh iarraid e le h-aoibhneas. 16 Uamhas luchd-àiteachaidh na talmhainn. 23 Rìoghachidh Tighearn nan sluagh air beinn Shìoin.*

FEUCH tha an Tighearn a' deanamh an fhearainn falamh, agus 'g a chur fàs; tha e 'g a thionndadh bun os ceann, agus a sgapadh a luchd-àiteachaidh.

2 Agus tarlaidh, mar a *bhithéas* an sluagh, mar sin *bithidh* an sagart; mar a *bhithéas* an t-òglach, mar sin *bithidh* a mhaighstir; mar a *bhithéas* a' bhanoglach, mar sin *bithidh* a bannmhaighstir; mar a *bhithéas* an ceannaiche, mar sin *bithidh* am fear-reic; mar a *bhithéas* esan a bheil iasachd, mar sin *bithidh* esan a ghabhas iasachd; mar a *bhithéas* am fear a ghabhas riadh, mar sin *bithidh* am fear a bheil riadh uath.

3 Nìthean an tìr gu tur falamh, agus creachar i gu buileach; oir labhair an Tighearn am focal so.

4 Tha an tìr ri caoidh agus a' seargadh; tha an saoghal air lagachadh agus a' seargadh; tha uaislean na tìre air lagachadh.

5 Tha an tìr eadhon air a truailleadh fo a luchd-àiteachaidh; oir bhris iad an reachd, dh'atharraich iad an t-ordugh; sgaol iad an coimhcheangal sìorruidh.

6 Air an aobhar sin dh'ith mallachd suas an tìr, agus tha a luchd-àiteachaidh air am fàsachadh; uime sin tha a luchd-àiteachaidh na tìre air an losgadh suas, agus is tearc an dream a dh'fhàgadh.

7 Tha am fion nuadh ri caoidh, tha an

fhìonan lag, tha luchd a' chridhe aoibhinn uile ag osnaich.

8 Sguir fuaim aighireach nan tiompan; theirig luathghaire na muintir a bhia ri gairdeachas; sguir aighear na clàrsaich.

9 Cha-n' d' iad fion le còl; bithidh deoch làidir searbh dhoibhsan a dh'òlas i.

10 Tha caithir na mi-riaghailt air a briseadh sìos; tha gach tigh air a dhruideadh suas, air chor as nach feud aon neach dol a steach.

11 Tha gaoir anns gach sràid air son fiona; dhorchaidheadh gach aighear; shiubhail gairdeachas an fhearainn air falbh.

12 Dh'fhàgadh léir-chreach anns a' bhaile, agus le buaireas bhriseadh sìos an geata.

13 An uair a bhitheas e mar so ann am meadhon na tìre, am measg an t-sluaigh, bithidh amhuil crathadh a' chroian-olaidh, agus mar an dioghlum an uair a chrìochnaichear am fion-fhogharadh.

14 Togaidh iadsan an guth, cliùthaichidh iad gu h-àrd mòrachd an Tighearna; ni iad iolach o'n fhaireg.

15 Uime sin anns an teine glòraichibh an Tighearna; eadhon ainm an Tighearna Dia Israeil, ann an eileanaibh a' chuain.

16 O iomall na talmhainn chuala sinn drain, eadhon glòir do'n fhìrean; ach thubhairt mise, mo chaoile, mo chaoile; mo thruaighe mi! tha na mealltairean a' mealladh, seadh le foill tha na mealltairean a' mealladh.

17 Tha an t-uamhas, agus an slochd, agus an ribe ort, O fhir-àiteachaidh na tìre.

18 Agus tarlaidh, esan a theicheas o ghuth an uamhas, gu'n tuit e 's an t-slochd; agus esan a thig a nìos o mheadhon an t-sluichd, gu'n glacar anns an ribe e; oir tha na tuil-dhorsan o'n àird air am fosgladh; agus tha bunaitean na talmhainn air an luasgadh.

19 Tha an tìr gu tur air a briseadh sìos; tha an tìr air a sgaoileadh gu buileach as a chèile; tha'n tìr air a luasgadh gu garbh.

20 Bithidh an tìr a' gluasad thuig agus uaithe mar mhisgear; agus atharraichear i mar bhothan-tàimh; oir luidhidh a h-aingidheachd gu trom oirre; agus tuitidh i, agus cha-n' éirich i ni's mò.

21 Agus tarlaidh, anns an là sin, gu'n smachdaich an Tighearna na daoine àrda a tha shuas, agus rìghrean na talmhainn air an talamh.

22 Agus cruinnichear iad ri' chèile, mar a chruinnichear prìosanaich ann an slochd; agus druidear suas iad mar ann am prìosan; agus an déigh mòrain làithean fiosraichear iad.

23 An sin bithidh a' ghealach air a maslachadh, agus a' ghrian air a nàrachadh; oir rìghaichidh Tighearna nan sluagh air beinn Shìoin, agus ann an Ierusalem; agus ann am fianuis a sheanairean bithidh a' ghlòir.

CAIB. XXV.

1 Mhol am fàidh Dia air son a bhreitheanas; 6 agus rinn e gairdeachas 'n a shlàinte.

O THIGHEARNA, is tu mo Dhia; àrd-aichidh mi thu, molaidh mi d'ainm; oir rinn thu nithean iongantach; is dilseachd agus fìrinn do chomhairlean o shean.

2 Oir rinn thu a' chaithir 'n a tòrr, am baile daingnichte 'n a charrn sgrios; chuir thu àros nan coigreach o' bhì 'n a bhaile; gu bràth cha togar e.

3 Air an aoibhar sin bheir an sluagh borb dhuit glòir; gabhaidh caithir nan cinncach uamhasach eagal romhad.

4 Oir bha thu a'd' neart do'n bhoichd, a'd' neart do'n fheumach 'n a airc; a'd' dhìdean o'n doiminn, a'd' sgàile o'n teas; an uair a bha gaoth nan uamhasach mar dhoiminn a' séideadh ris a' bhalla.

5 Mar an teas ann am fearann seargta, bheir thusa nuas farum nan uaibhreach; mar an teas le sgàil neoil, islichear geug nan uamhasach.

6 Agus anns a' bheinn so ni an Tighearna do na h-uile chinnich cuirm de nithibh blasda, cuirm de fhìon aosda, de nithean blasda làn de smior, de fhìon aosda air a dheadh tharruing.

7 Agus sgriosaidh e air a' bheinn so an còmhdaich a' chòmhaich aghaidh nan uile shluagh, agus an sgàile 'bha air a sgaoileadh thar nan uile chinneach.

8 Sluigidh e suas am bàs le buaidh, agus siabaidh an Tighearna Iehobhah an deur o gach aghaidh, agus masladh a shluagh bheir e air falbh o'n talamh uile; oir labhair an Tighearna e.

9 Agus anns an là sin theirear, Feuch, is e so ar Dia-ne; dh'fheith sinn ris, agus thèaruinn e sinn; is e so an Tighearna, dh'fheith sinn ris, ni sinn gairdeachas agus uail 'n a shlàinte.

10 Oir gabhaidh làmh an Tighearna fois air an t-sliabh so; agus bithidh Moab air a shaltair foidhe, mar a shaltairear connlach air an òtrach.

11 Agus sinidh e mach a làmhann 'n a mheadhon, mar a shineas am feara shuamhas a mach a làmhann gu snàmh; agus bheir e nuas uabhar, maille ri creich a làmh.

12 Agus daingnacadh àrd do bhallachan leagaidh e sìos, islichidh e, bheir e chum an làir eadhon chum an duslach.

CAIB. XXVI.

1 Earrail gu earbsadh á Dia do bhrìgh gu'n dean e breitheanas air an nàmhaid, 12 agus gu'n nochd e tréacair d'a shluagh fèin. 20 Smachdaichidh Dia luchd-àiteachaidh na talmhainn air son an aingidheachd.

A NNS an là sin scinnear an dàn so ann an tìr Iudah; Tha againn caithir làidir; slàinte cuiridh e suas mar bhallachan agus mar dhaingnacadh.

2 Fosglaidh-sa na geatachan, a chum gu'n

féid an cinneach firinneach a steach, a choimhideas an fhirinn.

3 Gleidhidh tu esan ann an sìth iomlain, *aig am bheil* 'inntinn suidhichte ort, a chionn gu'n do chuir e a dhòchas annad.

4 Cuiribh-sa bhuir dòchas anns an Tighearn do ghnàth, oir anns an Tighearn Iehobhah tha neart sìorruidh.

5 Oir dh'islich e iadsan a bha 'chòmhnuidh gu h-àrd; a' chaithir àrd, thug e nuas i; thug e nuas i chum an làir; thug e *eadhon* chum an duslaich.

6 Saltraidh a' chos oirre, cosan an fheum-aich, ceuman nam bochd.

7 Tha slighe an fhàirein ro dhìreach; ni thusa ceum an fhàirein fìor-chòmhnard.

8 Seadh, ann an slighe do bhrèitheanais dh'fheith sinn ort; tha miann ar n-anama air d'ainm, agus air do chuimhne.

9 Le m'anam mhiannaich mi thu 's an oidhche; seadh, le mo spiorad an taobh a stigh dh'iarr mi thu 's a' mhaduinn; oir an uair a *bhithas* do bhrèitheanais air an talamh, fòghlumaidd luchd-àiteachaidh an t-saoghail fireantachd.

10 Nochdar trècair do'n aingidh, *gidheadh* cha-n fhòghlum e fireantachd; ann an tìr an ionracais buinidh e gu fcalltach; agus cha toir e fainear mòralachd an Tighearna.

11 A Thighearna, tha do làmh togtas suas, *gidheadh* cha-n fhaic iad; *ach* chi iad, agus bithidh iad fo amhladh air son eud an t-sluaigh; seadh, loisgidh teine do naimhdean suas iad.

12 A Thighearna, orduichidh tu sìth dhuinne; oir eadhon ar n-uile bheartan cumhachdach dh'oibrich thusa annainn.

13 O Thighearna ar Dia, bha ceannas oirnn aig tighearnaibh eile bharrachd ortsa; *ach* annadsa a mhàin ni sinn laidh air d'ainm.

14 *Tha iad* marbh, cha tig iad beò; dh'eug iad, cha-n éirich iad; uime sin dh'fhiosraich agus mhill thu iad, agus sgrios thu as an cuimhne gu tur.

15 Mheudaich thu an cinneach, O Thighearna; mheudaich thu an cinneach; tha thu air do ghlòrachadh; sgaoil thu e a mach *eadhon* gu uile iomallaibh na talmhainn.

16 A Thighearna, ann an àmhghar dh'iarr iad thu; dhòirt iad a mach an atheuinge *an uair a bha* do smachdachadh orra.

17 Mar a bhithas bean thorrach ann an teanntachd, an uair a bhithas àm a h-aiscid am fagus, ag éigh each gu h-àrd 'n a saothair; mar so bha sinn ann ad fhuais, O Thighearna.

18 Dh'fhàs sinn torrach, bha sinn ann an teanntachd, rug sinn mar gu'm b'e gaoth; cha d'oibrich sinn slàinte anns an talamh, ni mò tha luchd-àiteachaidh an t-saoghail air tuiteam.

19 Thig do mhairbh beò; *maille ri* mo chorp marbh-sa éiridh iad. Dùisgibh agus seinnibh, sibhse 'tha 'chòmhnuidh anns an

duslach; oir tha do dhrùchd mar dhrùchd luibhean; agus tilgidh an talamh a mach na mairbh.

20 Thig, O mo shluagh, imich a steach do d' sheòmraichibh, agus druid do dhorsan mu'n cuairt duit; fòluich thu féin car tannuill bhig, car tiota, gus an gabh a' chorruiuch thairis.

21 Oir, feuch, tha an Tighearna a' teachd a mach as 'ait, a smachdachadh luchd-àiteachaidh na talmhainn air son an aingidheachd; agus leigidh an talamh ris an fhuil a tha air, agus cha chòmhaich e nì's mò a mhairbh.

CAIB. XXVII.

1 *Cùram Dhé d'a fhìon-lios.* 7 *Smachdachaidh Dia a shluagh ann an trècair agus ann an tomhas ceart;* 12 agus 'ionaidh e iad o gach tìr d'an d'fhigadh 'am braighdeanas iad.

A NNS an là sin smachdaichidh an Tighearn, le a chlaidheamh cruaidh, agus mòr, agus làidir, Lebhiatan an nathair dhìreach, agus Lebhiatan an nathair lùbach; agus marbhaidh e an dràgon a tha 's an fhaighe.

2 Anns an là sin, canaibhse do fhìon-lios an fhìona dheirg:

3 Tha mise, an Tighearna, 'g a choimhead, uisgicheam e gach tiota; chum 's nach doch-ainn *acon neach* e, coimhididh mi e a là agus a dh'oidhche.

4 Annamsa cha-n'eil dian chorruiuch. Cò a chuircadh an droighionn agus an dris a'm' aghaidh anns a' chath? rachainn trompa, loisginn iad le 'chéile.

5 No deanadh e greim air mo neart; deanadh e sìth rium; sìth ni e rium.

6 Bheir e orra-san a thig o Iacob freumhachadh; brisidh Israel a mach, agus thig e fo bhlàth; agus lionaidh e aghaidh an t-saoghail le toradh.

7 An do bhuail se e a réir bualaidh an ti a bhuail esan? Am bheil e air a mharbhadh a réir àir na muinntir a mharbhadh leis?

8 Ann an tomhas ceart, an uair a bhriseas e mach, ni thu tagradh ris. Choig e a ghaoth gharbh ann an là na gaoithe an ear.

9 Uime sin, le so glanar aingidheachd Iacobi air falbh; agus *is e* so an toradh uile a thabhairt air falbh a pheacaidh; 'n uair a ni e uile chlachan na h-altarach **mar** chlachan aoil a tha air am pronnadh as a chéile, cha seas na doireachan no na dealbh-an suas *nì's mò*.

10 Ach bithidh a' chaithir dhaingnichte fàs, agus an t-àite-còmhnuidh air a thréig-sinn, agus air 'fhàgail mar fhàsach; an sin ionaltraidh an laogh, agus an sin luidlidh e sìos, agus ithidh e a geugan.

11 An uair a sheargas a mcanglain, brisear iad; thig mnathan agus cuiridh iad ri theine iad; oir is sluagh gun tuigse iad; uime sin cha ghabh an ti a rinn iad trvas diubh;

agus eha nochd esan a dhealbh iad caoimhneas dhoibh.

12 Agus tarlaidh anns an là sin, gu'n dean an Tighearn bualadh o chlais na h-Aimhne gu sruth na h-Eiphit; agus tionail ear sibhse suas, aon agus aon, O ehlann Israeil.

13 Agus tarlaidh anns an là sin, gu'n séidear a' ghall-tromp mhòr: agus thig iadsan a bha 'bàsachadh ann an tìr Asiria, agus iadsan a bha air an sgapadh ann an tìr na h-Eiphit; agus sleuchdaidh iad sìos do'n Tighearn, anns an t-sliabh naomh, ann an Ierusalem.

CAIB. XXVIII.

1 *Bhamradh Ephraim air son a mhise agus 'uail'. 5 Bithidh Dia 'n a choron maise do iarmad a shluagh. 16 Tha Crìosd air a ghealltainn. 23 Gliocas freasdail Dhé air a nochdadh ann an oibrìbh an treabhaiche.*

IS an-aobhlin do chrùn uaibhreach mhise-earan Ephraim, agus do bhlàth sheargach am maise glòrmhoir; *dhoibhsan* a tha air ceann a' ghlinn bheartaich, a tha air an leagadh sìos le fion.

2 Feuch, tha aig an Tighearn fear cumhachdach agus làidir, mar stoirm chlach-mheallain, *mar* dhoininn inbhiltich, mar thuil uisgeachan mòra a' taomadh thairis, a thilgeas sìos chum an làir le a làimh.

3 Bithidh coronan uaibhreach mhisegearan Ephraim air an saltair fo 'ehosaibh.

4 Agus bithidh blàth sheargaeh am maise glòrmhoir, a tha air ceann a' ghlinn bheartaich, mar am meas tràth roimh an t-samhradh, a chi an neach a dh'amahairceas air, agus cha luaithe 'bhitheas e 'n a làimh na dh'itheas e suas e.

5 Anns an là sin 'bithidh Tighearn nan sluagh 'n a chrùn glòire, agus 'n a choron maiseach do iarmad a shluagh;

6 Agus 'n a spiorad breitheanais dhàsan a shuidheas ann am breitheanas; agus 'n a neart dhoibhsan a philleas air ais an cath eum a' gheata.

7 Ach chaidh iadsan fòs a thaobh le fion, agus le dibh làidir chaidh iad air seacharan; chaidh an sagart agus am fàidh a thaobh le dibh làidir, shluigeadh suas iad le fion, chaidh iad air seacharan le dibh làidir; chaidh iad 'am mearachd ann an sealladh, thuislich iad ann am breitheanas.

8 Oir tha am buird uile làn de sgeith, *agus de shalehar, air chor as nach 'eil àite sam bith saor.*

9 Cò d'an teagaisg e eòlas, agus cò d'an teagaisg e fòghlum? dhoibhsan a chuireadh o'n eich, *agus a sgaradh o'n bhrollach.*

10 Oir tha àithne air àithne, àithne air àithne; rann air roinn, rann air roinn; beagan an so, beagan an sud.

11 Oir le beul manntach, agus le teangaidh choimhie, labhraid e ris an t-sluagh so.

12 Rìs an dubhairt e, So an fhòis leis an

tabhair sibh fois dhà-san a tha sgith, agus so an suaimhneas; gidheadh eha-n éisdeadh iadsan.

13 Ach bithidh focal an Tighearna dhoibhsan 'n a àithne air àithne, àithne air àithne; rann air roinn, rann air roinn; beagan an so, beagan an sud; a eum gu'n rachadh iad, agus gu'n tuiteadh iad air an ais, agus gu'm bitheadh iad air am briseadh, agus air an ribeadh, agus air an glacadh.

14 Uime sin cluinnibh focal an Tighearn', a luchd-fanoid, a luchd-riaghlaidh an t-sluaigh so a *tha* ann an Ierusalem.

15 A chionn gu'n dubhairt sibh, Dhaingnich sinn coimheangal ris a' bhàs, agus ris an uaigh rinn sinn còrdadh; an uair a shiùbhlas a' phlàigh thairis mar thuil, cha ruig i sinne; oir ghabh sinn a' bhreug mar ar didein, agus fo cheilg dh'fholaich sinn sinn féin.

16 Air an aobhar sin mar so deir an Tighearn Iehobhah, Feuch suidhiehidh mise mar stéidh ann an Sion elach, elach dhearbhta, elach-chinn na h-oinn; sàr bhunait; esan a ehreideas, eha chuirear gu h-amhladh e.

17 Agus tomhaisidh mise mach breitheanas leis an riaghailt, agus ceartas leis an t-sreing-thomhais; agus sguabaidh a' chlach-mheallain air falbh an didcin-bhréige, agus còmhdaichidh na h-uisgeachan an t-àite-folaich.

18 Agus brisear 'ur coimheangal ris a' bhàs, agus cha seas 'ur eòrdadh ris an uaigh; 'n uair a shiùbhlas a' phlàigh thairis mar thuil, an sin bithidh sibhse air bhur saltair sìos leatha.

19 O'n àm anns an siubhail i troimhe, ni i greim oirbh; oir maduinn an déigh maidne siubhlaidh i troimhe, a là agus a dh'oidhe; agus dùisgidh eadhon an t-ìomradh a mhàin uamhunn.

20 Oir tha an leabadh tuilleadh 's goirid *gu neach* g'ashineadh féin *oirre*; agus tha am brat tuilleadh 's a' leathan gu *neach* e féin a phasgadh ann.

21 Oir éiridh an Tighearn suas, mar ann an sliabh Pherasim, bithidh corruidh air mar ann an gleann Ghibeoin; a eum gu'n coimhlon e 'obair féin, 'obair neo-ghnàthach; agus gu'n dean e a ghlòimh féin, a ghlòimh coimheach.

22 Agus a nis, na bithidh ri fanoid, air eagal gu'n deanar bhur cuibhriehean làidir; oir ehuala mi o Iehobhah Tighearn nan sluagh sgrios, eadhon air a shònruhadh air an tìr uile.

23 Thugaibh -sa an aire, agus cluinnibh mo ghuth; éisdibh, agus cluinnibh mo bhriathran.

24 Am bheil an treabhaiche ri h-ar, ré an là, eum cur a dheanamh? Am bheil e a' fosgladh agus a' briseadh fòidean 'fhearainn?

25 An uair a ni e 'aghaidh còmhlnard, nach

sgaoil e an sin a' mheanbh-pheasair, agus nach sgap e an cumin; agus nach cuir e an cruthueachd anns an àit a's fearr, agus an t-eòrna anns an ionad shuidhichte, agus an seagal 'n a chrìch féin?

26 Oir bithidh a Dhia a' teagasg eòlais dha, agus 'g a iuunsachadh.

27 Oir cha-n'eil a' mheanbh-pheasair air a bualadh le inneal-bualaidh; ni mo 'bheir-eir air roth feuna tionndadh air a' chumh; ach tha a' mheanbh-pheasair air a bualadh le bata, agus an cumin le luirg.

28 Ach tha *siol air son* arain air a bhruthadh: do bhrìgh nach bi e 'g a shìor-bhualadh, no 'g a bhriseadh le roth 'fheuna, no 'g a phronnadh le 'eachaibh.

29 Tha so fòs a' teachd o Thighearn nan sluagh; tha esan iongantach ann an comhairle, òirdheire ann an gnìomh.

CAIB. XXIX.

1 *Teanntachd Ierusalem, agus léir-sgrìos a luchd-claoidh le làimh an Tighearna.* 9 *Chronaicheadh na h-Iudhaich air son an cealgairreachd.* 17 *Fhuair iad gealladh air nìbhibh maith.*

MO thruaighe Ariel, Ariel, am baile anns an do chòmhnuidh Daibhidh; cuir-bhì bliadhna ri bliadhna; marbhadh iad iobairtean.

2 Gidheadh teannaichidh mise Ariel, agus bithidh caoidh agus bròu ann; agus bithidh e dhomhsa mar Ariel.

3 Agusampaichidh mi a'd' aghaidh mu'n cuairt; agus teannaichidh mi thu le tòrr; agus togaidh mi daingichean a'd' aghaidh.

4 Agus bheir-eir sios thu, agus labhraidh tu as an talamh, agus bithidh do chainnt ìosal as an duslach; agus thig do ghuth a mach as an talamh, mar fhiosaiche, agus ni do chainnt borbhanaich as an duslach.

5 Agus mar an dus mìn b'ithidh mòr bhuidheann do choigreach, agus bithidh mòr bhuidheann nan uamhasach mar am moll luaineach; agus tarlaidh e ann an tiota, gu h-obann.

6 Smachdaichear thu le Tighearn nan sluagh, le tairneanaich, agus le crith-thalmhainn, agus le treun ghuth, le stoirm agus doinn, agus lasair theine chaititich.

7 Agus amhuil brudair, aising na h-oidhche, bithidh mòr shluagh nan uile chinneach, eadhon na h-uile a tha 'cogadh rithe féin, agus *ri* a daingneach, agus a tha 'g a teannachadh.

8 Agus amhuil *duine* ocrach a chi aising, agus, feuch, tha e 'g itheadh, ach air dùsgadh dha, tha 'anam cìocrach; agus amhuil *duine* tartmhor a chi aising, agus, feuch, tha e 'g òl, ach air dùsgadh dha, feuch *tha e* fann agus 'anam a' miannachadh; mar sin tarlaidh do mhòr chuideachd nan uile chinneach a tha a' cogadh an aghaidh sléibh Shìoin.

9 Stadaibh, agus gabhaibh iongantas; seallaibh mu'n cuairt le h-ioghnadh, agus amhaireibh; tha iad air mhisg, ach cha-n ann le fìon; tha iad a' call nan cos, ach cha-n ann le dibh làidir.

10 Oir dhòirt an Tighearn oirbh spiorad suaine; agus dhruid e suas 'ur sùilean; air na fàidhean agus 'ur luchd-riaghlaidh, agus air an luchd-seallaidh chuir e còmh-dach.

11 Agus tha an taisbeanadh uile dhuibhse, mar bhriathran leabhair air a ghlasadh suas, a bheir *iad* do neach aig am bheil fòghlum, ag ràdh, Leugh so, guidheamaid ort; agus their esau, Cha-n urrainn mi, oir tha e glaiste suas.

12 Agus bheir-eir an leabhar do neach aig nach 'eil fòghlum, ag ràdh, Leugh so, guidheam ort; agus their esan, Cha-n'eil fòghlum agam.

13 Uime sin thubhairt an Tighearn, A chionn gu'm bheil an sluagh so a' teachd dlùth *dhomhsa* le'm beul, agus a' toirt onoir dhomh le'm bìlibh, ach 'n an cridhe gu'n do theich iad fada uam; agus gu'm bheil an eagal romham-sa air a theagasg le àitheantaibh dhaoine;

14 Air an aobhar sin, feuch, théid mis' air m'aghaidh a dheanamh iongantais am measg an t-sluaigh so, iongantas agus iongantas; ionnus gu'u téid gliocas an daoine glìce ann am mugh, agus tuisge an daoine tuisgeach as an t-sealladh.

15 Is truagh dhoibhsan a tha 'g iarraidh an comhairle fholach gu domhain o'n Tighearn; aig am bheil an gnìomharan anus an dorch, agus a tha 'g ràdh, Cò a tha 'g ar faicinn? Cò aig am bheil fios umainn?

16 Gu cinnteach measar bhuir n-ais-inn-leachdan mar chriadh a' chriadh-dhàir: an abair an obair mu'n oibriche, Cha d'rimn e mi? agus an abair an nì a dhealbhadh mu'n neach a dhealbhadh e, Cha robh tuisge aige?

17 Nach tamull ro bheag fòs, gus an deanar Lebanon 'n a fhearrann torrach, agus gus am measar am fearann torrach mar fhàsach?

18 Agus anns an là sin ch'innidh na bodh-air briathran an leabhair; agus as an dubhar agus as an dorchadas gheibh sùilean nan dall an léirsinn.

19 Meudaichidh fòs na daoine sèimhe an aoibhneas anns an Tighearn; agus ni na bochdan am measg dhaoine gairdeachas ann an Ti naomh Israeil.

20 Oir dh'fhàilnich an t-uamhasach agus thàinig crìoch air an fhear-fhoclach; agus ghearradh as iadsan uile a bha furachair chum aingidheachd;

21 A nì duine 'u a pheacach air son focail; a tha 'leagadh ribe air a shòsan a tha 'tagradh anns a' gheata; agus a tha 'tionndadh an ionracain a leth-taobh air son nì nach fiù.

22 Air an aobhar sin mar so deir an Tigh-earn, esau a shaor Abraham, mu thimchioll tighe Iacoib, Cha nàraichear Iacob, agus cha bhi 'aghaidh nis fo amhluidh.

23 Ach an uair a chi e a chlann, obair mo làmh-sa, 'n a mheadhon, naomhaichidh iad m'ainm, agus naomhaichidh iad Ti naomh Iacoib, agus bithidh eagal orra roimh Dhia Israeil.

24 Tuigidh iadsan fòs, a chaidh 'am mearachd ann an spiorad, fìor eòlas; agus fòghlumaiddh iadsan a bha ri borbhànaich teagasg.

CAIB. XXX.

1 *Chronaicheadh an sluagh do bhrìgh gu'n do chuir iad an dòigh's an Eiphit, 8 agus gu'n d'vinn iad tair air focal Dhé. 18 Tròcair an Tighearna d'a eaglais. 27 Bithidh a shluagh aobhneach 'n uair a bhuairleas Dia na h-Asirianaich.*

IS truagh do'n chloinn cheannaircìch, deir an Tighearn, a tha 'dealbh chomhairlean, ach cha-n ann uamsa; a tha 'còmhachadh le brat-folaich, ach cha-n ann le mo spiorad; a chum gu'n cuir iad peacadh ri peacadh:

2 A tha 'g imeachd gu dol sìos do'n Eiphit, ach nach d'fhiosraich dhìomsa; chum iad féin a neartachadh le neart Pharaoh, agus a dèanamh buin á sgàile na h-Eiphit.

3 Ach bithidh neart Pharaoh dhuibh 'n a nàire; agus 'ur bun á sgàile na h-Eiphit 'n a mhasladh.

4 Oir bha a cheannardan aig Soan, agus thàinig a theachdairean gu Hanes.

5 Ghabh iad uile nàire de shluagh o nach d'fhuair iad tairbhe; o nach d'fhuair iad cuideachadh no tairbhe; ach a bha 'n an nàire agus 'n am masladh.

6 Eallach ainmhidhean na h-àirde deas; gu tìr air' agus éigin, as an tig an leòmhán òg agus an seann leòmhán, an nathair nimhe, agus an nathair theinnteach itealach; giùl-ainidh iad an saobhbheas air gualainn nan asal òga, agus an ionmhas air croit nan càmhal, dh'ionnsuidh sluagh na tabhair buannachd dhoibh.

7 Oir is dìomhain agus gun tairbhe còmh-nadh nan Eiphteach; uime sin thubhairt mi rithe so, 'S e an neart fantuinn 'n an tàmh.

8 Inich a nis, sgrìobh e fa'n comhair air clàr, agus comharaich e air leabhar; chum gu'm bi e air son nan aimsirean a thig, air son fianuis gu sìorruidh;

9 Gur sluagh ceannairceach so, clann bhreugach, clann leis nach àill éisdeachd a thabhairt do lagh an Tighearna:

10 A tha 'g ràdh ris na fir-sheallaidh, Na faiceibh; agus ris na fàidhean, Na labhraibh nithean cearta ruinn ann am fàistneachd; labhraibh ruinn nithean mìne; deanaibh fàistneachd cheilge:

11 Claonaibh air falbh o'n t-slighe; rach-

aibh a leth-taobh o'n rathad dhìreach; cuiribh air falbh uainn Ti naomh Israeil.

12 Air an aobhar sin, mar so deir Ti naomh Israeil, A chionn gu bheil sibh a' dèanamh tàire air an fhocal so, agus ag earbsadh á clàonadh agus á ceannairc, agus a' leigeil bhuir taic ris;

13 Uime sin bithidh an t-olc so dhuibh mar bhriseadh ullamh gu tuiteam, mar aomadh ann am balla àrd, a thuiteas gu làr gu h-obann, ann an tiota.

14 Agus brisidh se e, mar bhriseadh soithich a' chriadhachair, a bhrisear 'n a bhloighdibh; cha chaomhain e, air chor as nach faighear, ann a bhriseadh, sgealb a thogas teime o'n teinntein, no a bheir uisge o'n tobar.

15 Oir mar so deir an Tighearna Iehobhah, Ti naomh Israeil, ann am pilleadh, agus ann an sàmhchair, tèarnar sibh; ann an suaimhneas agus ann an earbsa bithidh 'ur neart; ach cha b'àill leibhse.

16 Ach thubhairt sibh, Nì h-eadh, ach air eachaibh teichidh sinn; air an aobhar sin teichidh sibh; agus air ainmhidhean luatha marcaichidh sinn; uime sin bithidh iadsan luath a leanas air 'ur tòir.

17 *Teichidh* aon mhìle roimh bhagradh aoiu; roimh achmhasan chùignear teichidh sibh; gus am fàgar sibh mar chrann lom air mullach sléibh, agus mar bhrataich air cnoc.

18 Agus air an aobhar so feithidh an Tighearna, chum gu'n nochd e deadh-ghean dhuibh; agus air an aobhar so àrdachear e, chum gu'n nochd e tròcair dhuibh; oir is Dia ceart-bhreitheach an Tighearna; is beannaichte iadsan uile a tha 'feitheamh ris-san.

19 Oir gabhadh siuagh còmhnuidh ann an Sion, ann an Ierusalem; cha ghuil thu nì's mò; nì e mòr thròcair ort, rì guth do ghlaoidh; co luath 's a chluinneas e, bheir e freagradh dhuit.

20 Agus ged bheir an Tighearna dhuibh aran airce, agus uisge àmhghair, gidheadh cha bhi do luchd-teagaisg air am fògradh fad' as; ach bithidh do shùilean a' faicinn do luchd-teagaisg.

21 Agus ciuinidh do chluasan focal o d' chùlaobh, ag ràdh, So an t-slighe, gluaisibh innte, 'n uair a thionndaidheas sibh chum na làimhe deise, no chum na làimhe clithe.

22 Agus truailidh sibh trusgan 'ur dealbhan airgid, agus sgeadachadh do dhealbhan òir; tilgidh tu uait iad mar eudach truailte; their tha ris, Teich uam.

23 An sin bheir e uisge air son do shìl, leis an cuir thu d'fhearann; agus aran de thoradh na talmhainn, agus bithidh e reamhar agus pailt; anns an là sin, ionalt-raidh do sprèidh ann an àilean farsuinn;

24 Agus itbidh na daimh, agus na h-asail òga a thrèabhas am fearann, innlinn air a

deadh-glèanadh, air a gréidheadh leis a' ghuit agus leis an t-sluasaid.

25 Agus air gach beinn mhòir, agus air gach cnoc àrd, bithidh caochain agus sruthan uisge; ann an là an àir mhòir, an uair a thuiteas na baidealan.

26 Agus bithidh solus na gealaich mar sholus na gréine, agus bithidh solus na gréine a sheachd uiread, mar sholus sheachd fàithean; 's an là anns an ceangail an Tighearn suas briseadh a shluaigh, agus anns an leighis e lot a bhuille.

27 Feuch, tha ainm an Tighearn a' teachd o chéin, a' losgadh le fheirg, agus an eallach trom; tha a bhilean air an lìonadh le corruich, agus a theangadh mar theine caithteach.

28 Agus bithidh 'anail mar shruth dian a' ruith thairis, a' ruigheachd gu meadhon a' mhuineil; a dh'fhasgnadh nan cinneach le faskan an diomhanais; agus bithidh srian ann an giallaibh an t-sluaigh, 'g an tarruing air seacharan.

29 Bithidh cèd aigabh, mar anns an oidhche 's an coimhdear féill naomh; agus gairdeachas cridhe, anhuil an uair a dh'imicheas neach le cèd pioba, chum dol gu sliaibh an Tighearna, gu carraig Israeil.

30 Agus bheir an Tighearn faineir gu'n cluinnear a ghuth glòrmhor, agus gu'm faicear leagadh a nuas a ghairdein, le corruich ghairg, agus le lasair teine chaith-tich; le sgapadh, agus doinninn, agus clach-aibh-meallain.

31 Oir le guth an Tighearna buailear sìos an t-Asirianach, a bha 'bualadh le slait.

32 Agus anns gach àit 'an siubhail an t-slat shònruichte, a leagas an Tighearn air, bithidh tiompan agus clàrsaichean; agus le cruaidh chòmhrag cogaidh e leatha.

33 Oir dh'ulluicheadh Tophet o shean; eadhon air son an rìgh tha sin air 'ulluchadh; rinn e dombain e, rinn e farsuinn e; cruach theine agus mòran connaidh; tha anail an Tighearna, mar shruth pronnaise 'g a fhadadh.

CAIB. XXXI

1 Is truagh dhoibhsan a tha, g iurraidh còmh-naidh o'n Eiphit 'an àite bli 'g earbsadh as an Tighearn. 6 Earail gu pillti an a dh'ionnsuidh Dhé. 8 Sgrìos nan Asirianach.

IS truagh dhoibhsan a tha 'dol sìos do'n Eiphit air son còmhnaidh; a tha 'g earbsadh a h-eachaibh, agus a' cur an dòclais ann an carbadaibh, a chionn gu bheil iad lìonmhor; agus ann am marcaichibh a chionn gu bheil iad ro làidir; ach cha seall iad air Ti naomh Israeil, agus cha-n iarr iad an Tighearn.

2 Ach tha Esan glic, agus bheir e ole orra, agus cha chuir e fhocal air chùl; ach éiridh e an aghaidh tighe nan aingidh, agus an aghaidh cabhair na muinntir a tha 'dean-amh euceirt.

3 Oir is daoine na h-Eiphtich, agus cha Dia iad; agus is feoil an eich, agus cha spiorad; an uair a shìneas an Tighearn a mach a làmh, tuitidh am fear-cuideachaidh, agus leagar sìos am fear a bha air a chòmhnadh leis; agus mìlleair iad gu léir le 'chéile.

4 Oir mar so thubhairt an Tighearn rium; mar a bheucas an leòmhann, eadhon an leòmhann òg, os ceann a chobhartaich, 'n uair a chruinnichear buidheann bhuachailleann 'n a aghaidh; cha ghabh e geilt roimh an guth, agus cha chaill e a mhisneach air son an comhghair; is amhluidh thig Tighearn nan sluagh a nuas gu cogadh air son sléibh Shìoin, agus air son a chnuic.

5 Mar eunlaith ag itealaidh os ceann an àlaich, mar sin dìonaidh Tighearn nan sluagh Ierusalem; le dìonadh saoraidh e i; agus le leum thairis tèarnaidh e i.

6 Pillibh d'a ionnsuidh-san o'n do chlaon clann Israeil le seacharan fada.

7 Oir anns an là sin tilgidh gach aon air falbh uaithe 'ìodholan airgid, agus 'ìodholan òir, a rinn 'ur làmhann féin duibh chum peacaidh.

8 Agus tuitidh an t-Asirianach, cha-n ann le claidheamh gaisgich; seadh cha-n e claidheamh duine a shluigeas suas e; ach teichidh e o'n chladheamh, agus claidheamh a dhaoine òga.

9 Agus troimh eagal théid e null dh'ionnsuidh a dhaingnich, agus gabhaidh a chinn-fheadhna geilt roimh'n bhrataich; deir an Tighearn, aig am bheil a theine ann an Sion, agus 'amhuinn ann an Ierusalem.

CAIB. XXXII.

1 Sonas rìoghachd Chrìosd. 9 Fàidheadaireachd mu thimchìoll fàsachadh na tìre. 15 'N uair a dhòirtear an spiorad a nuas air an t-sluagh nà bheiteanas còmhnuidh air thalamh.

FEUCH, rìoghaichidh rìgh ann am sìr-eantachd, agus riaghlaidh uachdarain ann am breitheanas.

2 Agus bithidh duine mar ionad-fasgaidh o'n ghaoith, agus mar dhàidein o'n doinninn; mar shruthaibh uisge ann an àite tioram, mar sgàile creige mòire ann an tìr air-sealaidh.

3 Agus cha bhi cèd air sùilibh na muinntir a chi; agus bheir cluasan na muinntir a chluinneas éisdeachd.

4 Agus tuigidh cridhe an duine bhrais edlas; agus bithidh teangadh an duine mhanntaich ealamh chum labhairt gu soilleir.

5 Cha ghoirear an t-ùmaidh fial nì's mò, agus cha-n abrar gu'm bheil ann fear miodhoir daoineachdail.

6 Oir labhraidh an t-ùmaidh do ghnàth amaideachd, agus dealbhaidh a chridhe aingidheachd; a chur 'an gnìomh ceilge, agus a labhairt foill an aghaidh an Tighearn.

earn', a dheanadh anama an ocrach faladh, agus a thabhairt na dibhe o'n duine iotmhor.

7 Tha innealan an duine mhiodhoir olc; tha e a' dealbh innleachdan aimhleasach, a' ribeadh nam bochd le briathraibh breugach, 's a' cheart àm anns an labhair an t-ainniseach gu firinneach.

8 Ach dealbhaidh an duine fial nìthan fiala; agus le nithibh fiala daingnichear e.

9 Eiribh, a mhnathan a tha gu suaimhneach, cluinnibh mo ghuth; a nigheanan gun umhail, éisdibh ri mo chainnt.

10 Iomadh là agus bliadhna bithidh sibh gun fhois, O mhnathan gun umhail; oir dh'fhàilnich am fion-fhogharadh, cha tig tional an toraidh.

11 Criothnaichibh, sibhse a tha suaimhneach; bithibh gun fhois, sibhse a tha gun umhail; cuiribh dhìbh, rùisgibh sibh féin, agus crioslaichibh 'ur leasraidh le eudach-saie.

12 Nì iad caoidh air son nan cìoch, air son nam machraichean taitneach, air son na fionair torraich.

13 Thig an droighionn agus an dris a nìos thar fearann mo shluagh; seadh thar nan uile thighibh aobhach anns a' bhaile luagh-airach.

14 Oir tha an t-àros air a thréigsinn; tha buidheann lionmhòr na caithreach air am fàgail: bithidh an daingneach agus an tùr 'n an uaimhean gu bràth, 'n an aoibhneas do na h-asalaibh fiadhaich, 'n an ionatradh air son nan treudan;

15 Gus an dòrtear a nuas oirnn an Spiorad o'n àird, agus gu'm bi am fàsach 'n a mhachair thorraich, agus gu'm measar a' mhachair thorrach 'n a frìdh.

16 An sin nì breitheanas tàmh anns an fhàsach, agus anns a' mhachair thorraich gabhaidh fireantachd còmhnuidh.

17 Agus is sìth obair na fireantachd; agus is toradh do'n fhìreantachd suaimhneas agus tèaruinteachd gu sìorruidh.

18 Agus gabhaidh mo shluagh còmhnuidh ann am fardaich fhoistinnich, agus ann an ionadaibh-còmhnuidh tèaruinte, agus ann an àiteachan-tàmh suaimhneach,

19 An uair a thig a' chlach-mheallain a nnas air an doire, agus a nìthear a' chaithir co ìosal ris a' chòmhuaid.

20 Is beannaichte sibhse a tha 'cur sìl ri taobh gach uisge, a tha 'cur a mach coise an daimh agus na h-asail.

CAIB. XXXIII.

1 Breitheanas *Dhè an aghaidh nàimhdean Shìoin*. 13 Glacaidh uamhunn na cealgairean, 15 ach iadsan a ghluaisas gu h-ionraic. Bithidh Dia 'n a dhèidh doibh.

IS an-aoibhin duitse a chreachadair, nach fhir air do chreachadh thu féin; agus fhir na foill, ris nach do bhuin iad gu fealltach: an uair a sguireas tu de chreachadh, creachar thu; agus an uair a bheir

thu thairis a bhi ri foill, buinidh iad gu fealltach riut.

2 O Thighearna, dean tràcair oirnn; ortsa tha sinn a' feitheamh; bi thus' a'd' ghairdean dhoibh gach maduinn; ar slàinte fòs ri h-àm na h-airce.

3 O ghuth a' bhuaireis theich na slòigh; an uair a thog thu suas thu féin, sgapadh na cinnich.

4 Agus cruinnichear 'nr creach mar a chruinnichear am burrus: mar shiubha' nan locust, thig e orra.

5 Tha an Tighearna air 'ardachadh; seadh, tha a' chòmhnuidh gu h-àrd; lìon e Sion le breitheanas agus ceartas.

6 Agus bithidh slàinte làidir, gliocas, agus còlas, 'n an daingneachadh do d' linn; tha eagal an Tighearna 'n a ionmhas da.

7 Feuch, togaidh na daoine cumhachdach gaoid an taobh a muigh; guilidh teachdairean na sìthe gu goirt.

8 Tha na rathaidean mòra fàsail, dh'fhalbh am fear-turais; bhris e an còimhcheangal, chuir e cùl ris na caithrichibh, cha-n'eil meas aig air duine.

9 Tha an talamh ri bròn, agus a' fannachadh; tha Lebanon fo nàire, agus air a ghearradh sìos; tha Saron air fas mar fhàsach; agus Bàsan agus Carmel air crathadh dhiubh an toraidh.

10 A nis éiridh mi, deir an Tighearna; a nis àrdaichear mi; a nis togaidh mi suas mi féin.

11 Bithidh sibh torrach air moll; beiridh sibh asbhuan; nì bhur anail, mar theine, bhur caitheadh.

12 Agus bithidh na slòigh mar aol air a losgadh; mar dhroighionn air a ghearradh sìos, loisgear iad anns an teine.

13 Cluinnibh, O sibhse 'tha fad' as, an nì a rinn mi; agus sibhse 'tha dlùth, aidichibh mo chumhachd.

14 Tha na peacaich ann an Sion fo eagal; ghlac uamhunn na cealgairean; cò 'n ar measg a ghabhas còmhnuidh maille ri teine millteach? cò 'n ar measg a ghabhas còmhnuidh maille ri lasraichibh sìorruidh?

15 Esan a ghluaisas gu h-ionraic, agus a labhras gu ceart; a ghabhas gràin de bhuannachd na h-ainneirt, a chrathas a làmh o 'bhi' glacadh duaise na h-eucorach; a dhruideas a chluas o éisdeachd ri sgeul fola, agus a dhùineas a shùilean o amharc air olc;

16 Bithidh a' chòmhnuidh - san anns na h-ionadaibh àrda; bithidh daingnichean nan creag 'n an didean dha; bheirear aran dha; mairidh uisge gu cinnteach aige.

17 Seallaidh do shùilean air an Rìgh 'n a mhaise; chì iad an tìr a tha cian fad' as.

18 Smuainichidh do chridhe air uamhunn. C'àit am bheil an sgrìobhaiche? C'àit am bheil an fear-tomhais? C'àit am bheil esan a rinn na daingnichean àireamh?

19 Cha-n fhaic thu sluagh borb; luchd na cainnte domhain, nach b'urrainn thu 'ehluinntinn; luchd na teangaidh manntaich, nach b'urrainn thu 'thuigsinn.

20 Amhaire air Sion, caithir ar n-àrd fhéilean; chi do shùilean Ierusalem 'n a còmhnuidh fhoistnich, 'n a pàilliu nach atharraichear; cha ghluaisear aon d'a phuist gu bràth, ni mò 'bhreisear aon d'a chordaibh.

21 Ach ann an sin *bithidh* an Tighearn glòrmhor dhuinne 'n a ionad ainmhuichean agus shruthan leathan; cha siubhail bàtarah ann; ni mò 'théid long ghreadhnach troimhe.

22 Oir *is e* an Tighearn ar breitheamh; *is e* an Tighearn ar fear-tabhairt lagha; *is e* an Tighearn ar Rìgh; tèarnaidh e sinn.

23 Tha do chuid fuasgailte; cha b'urrainn iad an crann a ro-dhaingneachadh; cha b'urrainn iad an seòl a sgaoileadh; an sin tha creach phailt air a roinn; ghlac am bacach a' chobhartach.

24 Agus cha-n abair am fear-àiteachaidh, Tha mi tinn; gheibh an sluagh, a tha 'chòmhnuidh an sin, maitheanas 'n an aingidheachd.

CAIB. XXXIV.

1 *Fearg an Tighearn' an aghaidh nan cinneach a tha 'n an naimhaidh d'a eaglais.* 16 *Cinne na fàisneachid.*

DLUTHAICHIBH, a chinneacha, chum éisdeachd; agus thugaibh aire, O fhineachan: éisdeadh an talamh, agus a làn; an saoghal, agus na h-uile a tha 'teachd a mach uaith.

2 Oir tha fearg air an Tighearn an aghaidh nan cinneach uile; agus corruidh an aghaidh an slògh uile; chuir e as doibh, thug e thairis iad chum casgairt.

3 Agus tilgear am mairbh a mach; agus o'n cairbhean éiridh breun bholadh; agus leaghaidh na sléibhteann sìos lè'm fuil.

4 Agus crìonaidh feachd nèimh gu léir air falbh, agus fillear na nèamhan air a chéile mar dhuille leabhair; agus tuitidh am feachd uile sìos, mar thuiteas an duilleag sheargta o'n fhionain, agus mar am meas làn-abuich o'n chrann-fhige.

5 Oir tha mo chlaidheamh air a chur air mhìsg anns na nèamhan: feuch, tuitidh e air Idumea, agus air an t-sluagh a mhallaich mise, chum breitheanaiss.

6 Tha claidheamh an Tighearna sàsuichte le fuil; tha e biadhta le saill, le fuil uan agus ghabhar, le saill airnean reitheachan; oir tha iobairt aig an Tighearn ann am Bosrah, agus àr mòr ann an tìr Idumea.

7 Agus thig na h-aon-adharcaich a nuas maille riu, agus na daimh maille ris na tairbh; agus cuirear an tìr air snàmh le fuil, agus nithear an duslach reamhar le saill.

8 Oir is e là dioghaltais an Tighearn' a

th'ann, agus bliadhna an ath-dhiolaidh air son connasachaidh Shioin.

9 Agus iompaichear a sruthan gu pic, agus a duslach gu pronnasc; agus fasaidd a fearann uile 'n a phic loisgich.

10 Cha téid a chur as a dh'oidheche no a là; gu sìorruidh théid a deatach suas; o àl gu h-àl bithidh i fàs; gu linn nan linn cha téid aon neach troimpe.

11 Ach sealbhaichidh am pelican agus a' ghràineag i; agus gabhaidh a' chailleach-oidheche agus am fitheach còmhnuidh innte; agus sinidh e thairis oirre sreang an léir-sgrìos, agus clachan na fàsalachd.

12 Gairmidh iad a h-uaislean do'n rìoghachd, ach cha *bhi iad* ann; agus thig a ceannardan uile gu neo-ni.

13 Agus fàsaidd an droighionn suas 'n a lùchairtibh; an eantagach agus an dris 'n a daingnichibh; agus bithidh i 'n a fàdaich aig dràgonaihb, 'n a h-àros aig nigheanaibh na combhachaig.

14 Agus coinnichidh fiadh-bheathaichean an fhàsaich agus fiadh-bheathaichean na macharach a chéile; agus glaochaidh am fiadh-dhuine r'a chompanach; an sin fòs gabhaidh an screuchag-oidheche fois, agus gheibh i dhi féin àite-tàimh.

15 An sin ni a' chailleach-oidheche mhòr a nead, agus beiridh i a h-uibhean; agus ni i gur, agus cruinnichidh i a h-àlach fo a sgàile; an sin fòs cruinnichear na h-iolairéan, gach aon le a chéile féin.

16 Fiosraichibh de leabhar an Tighearna, agus leughaidh; cha bhi aon dhiubh so air chall, cha bhi aon as eugmhais a céile; oir is e mo bheul-sa 'thug an àithne, agus is e a spiorad a thionail iad.

17 Agus thig e an crannchur air an son, agus roinn a làmh dhoibh e le sreing; sealbhaichidh iad e gu sìorruidh; o àl gu h-àl gabhaidh iad còmhnuidh ann.

CAIB. XXXV.

1 *Glòir agus soirbheachadh rìoghachd Chrìosd.*

9 *Siubhlaidh a' mhuinntir shaorta ann an slighe an Tighearna, agus thig iad gu Sion le càithream agus aoibhneas.*

NI am fàsach agus an talamh tartmhor gairdeachas air an son; agus bithidh an dìthreabh ait, agus thig e fo bhlàth mar an ròs.

2 Brisidh e mach gu h-ùrar, seadh ni e gairdeachas gu subhach agus gu cèdmhor; bheirear glòir Lebanoin dha, maise Charmeil agus Sharoin; chi iad sin glòir an Tighearna, agus maise ar Dé-ne.

3 Neartaichibh-sa na làmhan laga, agus daingnichibh na glùinean anmhunn.

4 Abraibh riu-san a tha lag-chridheach, Bithibh làidir, na bitheadh eagal oirbh; feuch, thig bhuir Dia le dioghaltas, 's e Dia le ath-dhioladh; thig e féin, agus saoraidh e sibh.

5 An sin fosgailear sùilcan nan dall, agus

bithidh chuasan nam bodhar air am fosgladh.

6 An sin leunaidh am bacach mar fhiadh, agus seinnidh teangadh a' bhalbhain; oir anns an fhàsach brisidh uisgeachan a mach, agus sruthan anns an òithreach.

7 Agus fàsaidh am fearann tioram 'n a linne, agus an fearann tartmhor 'n a thobairichibh uisge: ann an àite-còmhnuidh nan dràgon, agus 'n an leabadh, bithidh fear, leis a' chuile agus an luachair.

8 Agus bithidh rathad mòr an sin, agus slighe; agus goirear slighe na naomhachd dheth; cha siubhail neach neòghlan troimhe; ach *bithidh* e air an son-san; cha téid am fear-turais no na daoine baoghalta air seacharan ann.

9 Cha bhi leòmhnan an sin, ni mò 'thig fiadh-bheathach millteach suas ann; cha-n fhaighear an sin c; ach siubhlaidh a' mhuintir shaorta ann:

10 Agus pillidh saor-dhaoine an Tighearna, agus thig iad gu Sion le caithream, agus aoibhneas siorruidh air an cin; gheibh iad gairdeachas agus aoibhneas, agus teichidh bròn agus osnaich air falbh.

CAIB. XXXVI.

1 *Ghlac Senacherib rìgh Asiria uile bhailtean daingichte Iudah.* 2 *Chuir e Rabsaceh a dh'ionnsuidh Ierusalem a thubhairt maslaidh do Hececiah.* 3 *Briathran Rabsaceh a labhair e 'an èisdeachd an t-sluaigh.* 22 *Dh'innseadh iad do Hececiah.*

AGUS tharladh anns a' cheathramh bliadhna deug de rìgh Hececiah, gu'n d'fhàinig Senacherib rìgh Asiria nìos an aghaidh uile bhailtean daingichte Iudah, agus ghlac e iad.

2 Agus chuir rìgh Asiria Rabsaceh o Lachis do Ierusalem, dh'ionnsuidh rìgh Hececiah, le arnaill mhòir; agus sheas e aig sruth-chlais na linne uachdaraich, air rathad mòr achaidh an luadhaidh.

3 An sin fhàinig a mach d'a ionnsuidh Eliacim mac Hilciah, a bha os ceann an tighe, agus Sebnah an sgrìobhaiche, agus Ioah mac Asaiph an seanachaidh.

4 Agus thubhairt Rabsaceh riu, Abraibh a nis ri Hececiah, Mar so deir an rìgh mòr, rìgh Asiria, Ciod e am bun-dòchais so as am bheil thu ag earbsadh?

5 Tha thu ag ràdh, (ach is briathran faoine iad), Tha comhairle agus neart agam air son a' chogaidh; a nis cò as am bheil thu ag earbsadh, gu'n deanadh tu ceannairc a'm aghaidh-sa?

6 Feuch, tha thu 'g earbsadh as an luing bhriste chuile sin, an Eiphit; ni, ma leigeas duine a chudthrom air, a théid a steach 'n a làmh, agus a thollas troimhe i: mar so tha Pharaoh rìgh na h-Eiphit droibhsan uile a dh'earbas as.

7 Ach ma their thu rium, As an Tighearn

ar Dia tha ar n-earbsa; nach e sin esan a chuir Hececiah air falbh 'ionadan àrda agus 'altaircan; agus thubhairt e ri Iudah agus ri Ierusalem, Fa chomhair na h-altarach so sleuchdaidh sibh?

8 A nis uime sin, guidheam ort, géill do m' thighearn rìgh Asiria; agus bheir mise dhuit dà mhìle each, ma's urrainn thu, air do thaobh -sa, marcaichean a chur orra.

9 Ciomus na ta a philleas tu air ais aon cheam-feadhna de na seirbhisich a's lugha 'tha aig mo thighearn? agus a dh'earbas tu as an Eiphit air son charbadan agus marcshluaigh?

10 Agus a nis, an ann as eugmhais an Tighearn? a thàinig mise a nìos an aghaidh na tire so, g'a sgrios? Is e an Tighearn a thubhairt rium, Rach suas an aghaidh na tire so, agus sgrios i.

11 An sin thubhairt Eliacim, agus Sebnah agus Ioah ri Rabsaceh, Labhair, guidheamaid ort, ri do sheirbhisich, anns a' chainnt Shirianaich, oir tuigidh sinn i; agus na labhair ruinn anns a' chainnt Iudhaich, ann an clusaibh an t-sluaigh a tha air a' bhalla.

12 Agus thubhairt Rabsaceh, An ann a dh'ionnsuidh do thighearna-sa agus a dh'ionnsuidh-sa, a chuir mo thighearn mise, a labhairt nam briathar so? nach ann a dh'ionnsuidh nan daoine a tha 'n an suidhe air a' bhalla, a chum gu'n ith iad an salchar féin, agus gu'n òl iad an uisge féin, maille ribhshe?

13 An sin sheas Rabsaceh, agus ghlaodh e le guth àrd anns a' chainnt Iudhaich, agus thubhairt e, Chuinnibh briathran an rìgh mhòir, rìgh Asiria:

14 Mar so deir an rìgh, Na mealladh Hececiah sibh, oir cha bhi e comasach air 'ur tèarnadh:

15 Agus na tugadh Hececiah oirbh bhur dòchas a chur anns an Tighearn, ag ràdh, Gu cinnteach tèarnaidh an Tighearn sinn, cha toirear thairis am baile so ann an làmh rìgh Asiria:

16 Na h-èisdibh ri Hececiah; oir mar so deir rìgh Asiria, Deanaibh coimheangal riumsa le tiodhlac, agus thigibh a m' ionnsuidh; agus itheadh gach fear d'a chrann-fiona, agus gach fear d'a chrann-fìge féin, agus òladh gach fear uisge a thobair féin;

17 Gus an tig mise agus gu'n toir mi sibh gu tìr cosmhail ri tìr féin; tìr arbhair agus fhìona, tìr arain agus fhìon-liosan.

18 *Thugaibh an aire* nach cuir Hececiah impidh oirbh, ag ràdh, Tèarnaidh an Tighearn sinn. An do theasaig diathan nan cinneach, gach aon a thìr féin, a làmh rìgh Asiria?

19 C'àit am bheil diathan Hamait agus Arphaid? c'àit am bheil diathan Sheph-

arbhain? an do theasairg iad Samaria as mo làimh-sa?

20 Cò 'am measg uile dhiathan nan dùthchan so, a theasairg an tìr féin as mo làimhsa, gu'n teasairgeadh an Tighearn Ierusalem: as mo làimh?

21 Ach dh'fhan iad 'n an tosd, agus eha d'thug iad focal freagraidh dha; oir b'i àitlme an rìgh, Na tugaibh freagradh dha.

22 An sin thàinig Ehiacim mac Hileiah, a bha os ceann an tighe, agus Sebnah an sgrìobhaiche, agus Ioah mac Asaiph an seanaichidh, gu Heseeciah, le'n eudach reubta, agus dh'innis iad dha briathran Rabshakeh.

CAIB. XXXVII.

1 'N a theannachd chuir Heseeciah fios a dh'ionnsuidh Isaiah gu urnuigh a dheanamh air a shon. 8 Litir Shenacherib. 14 Urnuigh Heseeciah. 21 Roimh-innis Isaiah sgrìos sgrìos Shenacherib. 36 Bhuail aingeal an Tighearna camp nan Asirianach.

AGUS an uair a chuala Heseeciah an rìgh e, reub e 'eudach, agus chòmhdaich se e féin le eudach saie, agus chaidh e a teachd do thigh an Tighearna.

2 Agus chuir e Eliacim a bha os ceann an tighe, agus Sebnah an sgrìobhaiche, agus seanairean nan sagart, còmhdaichte le eudach saie, gu Isaiah mac Amois, an fàidh.

3 Agus thubhairt iad ris, Mar so deir Heseeciah, Is là teinn agus aehmhasain agus maslaidh an là so; oir tha clann air teachd gu inbhe breith, agus neart gu breith chàireil ann.

4 Theagamh gu'n tabhair an Tighearn do Dhia faineir briathran Rabshakeh, a chuir a thighearn rìgh Asiria a mhaslachadh an Dé bheò; agus gu'n cronuich e na briathran a chual' an Tighearn do Dhia; cuir thusa ma ta suas urnuigh air son an iarmaid a dh'fhàgadh.

5 Mar sin thàinig òglaich rìgh Heseeciah gu Isaiah.

6 Agus thubhairt Isaiah riu, Mar so their sibh ri 'ur tighearn, Mar so tha an Tighearn ag ràdh, Na bitheadh eagal ort air son nam briathran a chuala tu, leis an d'thug òglaich rìgh Asiria masladh dhomhsa.

7 Feuch cuiridh mi osag air, agus cluinnidh e tuairisgeul, agus pillidh e d'a thìr féin; agus bheir mi air tuiteam leis a' chlaidheamh 'n a thìr féin.

8 Mar sin phill Rabshakeh, agus fhuair e rìgh Asiria a' cogadh an aghaidh Libnah; oir chual e gu'n d'fhalbh e o Lachis.

9 Agus an uair a chual' e mu thimcheall Thirhacah rìgh Etiopia, ag ràdh, Thàinig e mach a chogadh riut; chuir e teachdairean gu Heseeciah, ag ràdh,

10 Mar so their sibh ri Heseeciah rìgh Iudah, Na mealladh do Dhia thu, as am bùcil thu ag carbsadh, ag ràdh, Cha

toirear Ierusalem thairis do làimh rìgh Asiria.

11 Feuch, chuala tu ciod a rinn rìghrean Asiria ris na dùthchannaibh uile, 'g an sgrìos gu tur; agus am bi thusa air do theannadh?

12 An do theasairg diathan nan cinneach iadsan a sgrìos maithrichean-sa, eadhon Gosan, agus Haran, agus Reseph, agus mie Edein a bha ann an Telasar?

13 C'ait am bheil rìgh Hamait, agus rìgh Arphaid, agus rìgh mòr-bhaile Shepharbhain, Hena, agus Ibhah?

14 Agus gnabh Heseeciah an litir o làimh nan teachdairean, agus leugh e i; agus chaidh Heseeciah suas do thigh an Tighearn, agus sgaol e i 'am fianuis an Tighearna.

15 Agus rinn Heseeciah urnuigh ris an Tighearn, ag ràdh,

16 O Thighearna nan sluagh, Dhia Israeil, a tha a'd' chòmhmuigh eadar na cheruban; is tusa féin, a'd' aonar, Dia uile rìoghachdan na talmhainn; is tu a rinn na nèamhan agus an talamh.

17 Crom, o Thighearna, do ehluas, agus cluinn; fosgail, O Thighearna, do shùilean, agus faic; agus cluinn uile bhriathran Shenacherib, a chuir e a mhaslachadh an Dé bheò.

18 Gu deimhin, O Thighearna, sgrìos rìghrean Asiria na cinnich uile, agus am fearann,

19 Agus thilg iad an diathan anns an teime; oir cha bu diathan iad, ach obair lannhan duine, fiodh agus clach; uime sin sgrìos iadsan iad.

20 Ach a nis, O Thighearna ar Dia, teasairg sinn o a làimh; a chum gu'm bi fios aig uile rìoghachdaibh na talmhainn gur tusa, a Thighearna, an t-aon Dia.

21 An sin chuir Isaiah mac Amois fios gu Heseeciah, ag ràdh, Mar so deir an Tighearn Dia Israeil, Do thaobh na h-urnuigh a rinn thu rium mu thimcheall Shenacherib rìgh Asiria;

22 So am focal a labhair an Tighearn na thimchioll-san; Rinn òigh-nighean Shìon tàir ort, rinn i gàire faoid riut; chrath nighean Ierusalem a ceann air do ehùlabh.

23 Cò d'an d'thug thu masladh agus toibheum? agus cò an aghaidh an do thog thu do ghuth, agus an do thog thu suas do shùilean gu h-àrd? an ann an aghaidh Tì naomh Israeil?

24 Le do luchd-muinntir mhaslach thu a Tighearn, agus thubhairt thu, Le hionmhòir-eachd mo eharbad dhìrich mi àirde na na beann, sliosau Lebanoin; agus gearraidh mi sìos a' chuid a's àirde d'a chraobhan seudair, rogha a chraobhan giuthais; agus théid mi stigh do ionad àrd a chrìche, frìdh a Charmeil.

25 Chladhaich mi, agus dh'òl mi uisgeachan; agus le bonn mo chos thiorraich mi uile shruthan nan ionadan daingnichte.

26 Nach cuala tu o shean *gu'n* d'rinn mi e, agus o aimsiribh céin *gu'n* do dhealbh mi e? A nis thug mi gu crìch e, *gu'm* bithcadh tusa chum bailte daingnichte 'chur fàs 'nan carnaibh sgrios.

27 Uime sin bha an luchd-àiteachaidh air bheag neart; bha iad fo gheilt-chrith agus amhladh; bha iad mar fheur na macharach, agus mar an luibh uaine; *mar* fheur mullaich an tighe, agus *mar* an t-arbhar a sheargas mu'm fàs e suas.

28 Ach is aithne dhomh do shuidhe sìos, agus do dhol a mach, agus do theachd a steach, agus do bhoile a'm' aghaidh.

29 A chionn *gu'n* d'fhàinig do bhoile a'm' aghaidh, agus d'àrdan a nìos *gu'm* chluas-aibh; air an aobhar sin cuiridh mi mo dhubhan ann ad shròin, agus mo shrian ann ad bheil; agus pillidh mi air d'ais thu air an t-slighe air an d'fhàinig thu.

30 Agus bithidh so 'n a chomharadh dhuit; Ithibh air a' bhliadhna so an ni sin a dh'fhàsas leis féin, agus air an dara bliadhna an ni a chinneas as a sin; agus air an treas bliadhna cuiribh agus buainibh; agus suidhichibh fion-liosan, agus ithibh an toradh.

31 Agus gabhaidh am fuigheall a théid as de thigh Iudah, fathast freumh sìos, agus giùlainidh e toradh suas.

32 Oir o Ierusalem théid fuigheall a mach, agus iadsan a théid as o shliabh Shìoin: ni eud Tighearna nan sluagh so a choinh-lionadh.

33 Air an aobhar sin, mar so deir an Tighearn mu thimchioll rìgh Asiria, Cha tig e a steach do'n bhaile so, agus cha tig e saigh-ead ann, agus cha tog e sgiath fa chomhair, agus cha chuir e suas tòrr 'n a aghaidh.

34 Air an t-slighe air an d'fhàinig e, mar sin pillidh e; agus do'n bhaile so cha tig e steach, deir an Tighearn.

35 Agus dìonaidh mise am baile so chum a thèarnadh, air mo sgàth féin, agus air sgàth Dhaibhidh mòglach.

36 Agus chaidh aingeal an Tighearn' a mach, agus bhuail e, ann an camp nan Asirianach, ceud agus ceithir fichead agus cùig mìle; agus an uair a dh'éirich *daoine* 's a' mhaduinn, bha iad sin uile 'n an corp-aibh marbha.

37 Agus thog Senacherib rìgh Asiria air, agus dh'fhalbh e, agus phill e, agus ghabh e còmhnuidh ann an Nineveh.

38 Agus tharladh, an uair a bha e ri aoradh ann an tigh Nisroch a-dhia, *gu'n* do bhuail Adramelech agus Sareser, a mhic, e leis a' chlaidheamh, agus theich iad do thìr Armenia; agus rìghich Esarhadon a mhac 'n a àite.

1 'N uair bha Hesechia tinn gu bàs rinn e urnuigh ri Dia, agus shuair e gealladh *gu'n* cuirteadh cùig bliadhna deug ri a làithibh. 7 Mar chomharadh air so thug Dia air ais dubhar nan ceum. 9 Laoidh-bhuidheachais Hesechia.

ANNS na làithibh sin bha Hesechia tinn gu bàs; agus thàinig Isaiah am fàidh, mac Amois, d'a iomsuidh, agus thubhairt e ris, Mar so tha an Tighearn ag ràdh, Cuir do thigh 'an ordugh; oir gheibh thu bàs, agus cha mhair thu beò.

2 An sin thionndaidh Hesechia 'aghaidh ris a' bhalla, agus rinn e urnuigh ris an Tighearn;

3 Agus thubhairt e, Guidham ort, O Thighearna, cuimhnich a nis cionnus a ghluais mi a'd' làthair ann am frinn, agus le cridhe iomlan, agus a rinn mi an *ni a tha* maith a'd' shùilibh. Agus ghuil Hesechia gu goirt.

4 An sin thàinig focal an Tighearna dh'iomnuidh Isaiah, ag ràdh,

5 Falbh agus abair ri Hesechia, Mar so deir an Tighearn, Dia Dhaibhidh a'athar, Chuala mise d'urnuigh, chunnaic mi do dheòir; feuch, cuiridh mi ri d' làithibh cùig bliadhna deug;

6 Agus saoraidh mi thusa agus am baile so a lùmh rìgh Asiria; agus dìonaidh mi am baile so.

7 [Agus thubhairt Isaiah,] 'Se so a's comharadh dhuit *gu'u* dean an Tighearn an ni a labhair e;

8 Feuch, bheir mi air ais dubhar nan ceum, a tha air dol sìos leis a' ghréin air uairead-air-gréine Ahais, deich ceuman air ais. Agus phill a' ghrian air a h-ais deich ceuman air na ceumaibh air an deachaidh i sìos.

9 So sgrìobhadh Hesechia rìgh Iudah, an uair a bha e tinn, agus a shlànuicheadh e o 'thinneas.

10 Thubhairt mi, ann an giorrachadh mo làithean, Théid mi a steach air dorsaibh na h-uaigne; chaill mi fuigheall mo bhliadhuachan.

11 Thubhairt mi, Cha-n fhaic mi nì's mò an Tighearn, *eadhon* an Tighearn, ann an tìr nam beò; cha seall mi air duine nì's mò, maille ri luchd-àiteachaidh an t-saoghal.

12 Tha m'aois air dealachadh rium, agus dh'atharraicheadh i air falbh mar bhothan buachaille; ghearradh as mo bheatha mar *gu'm* b'ann leis an fhighheadair; tha e 'g am chlaoidheadh le tinneas caithreach; o là cadhou gu h-oidheche tha thu a' cur as domh.

13 Shaoil mi, gus a' mhaduinn, *gu'm* bris-eadh e, mar leòmhán, mo chnàmhan uile; o là cadhon gu h-oidheche tha thu a' cur as domh.

14 Mar ghobhlan-gaoithe *no mar* chòrr, rinn mi cànan; rinn mi caoidh mar cholu-

man: tha mo shùilean air fàilneachadh le sealltuinn suas. O Thighearna, tha mi air mo shàrachadh; bi thusa a'd' urras dhomh.

15 Ciod a their mi? Labhair e rium, agus fòs choimhlean e. Gluaisidh mi gu fòil uile bhliadhnachan *mobheatha*, air son àmhghair m'anama.

16 O Thighearna, troimh na nithibh sin bithidh iad beò, agus anns na nithibh sin tha beatha mo spioraid: mar sin shlànuich agus bheothaich thu mi.

17 Feuch, tha m'àmghar air a chaochladh gu fòis; theasaig thu gu caomh m'anam o shlochd millteach; seadh, thig thu air do chùlaobh m'uile lochdan.

18 Gu deimhin cha dean an uaigh luaidh ort; cha toir am bàs cliù dhuit; cha chuir iadsan a theid sìos do'n t-slochd an dòigh ann ad fhìrinn.

19 Am beò, am beò, molaidd esan thu, mar a mi mise air an là 'n diugh; foillsichidh an t-athair do'n chloinn do thairisneachd.

20 Bha an Tighearn *lean* gu m' thearnadh; air an aobhar sin seinnidh sinn mo dhàin air na h-innealaibh-ciùil, uile làithean ar beatha, ann an tigh an Tighearna.

21 Agus thubhairt Isaiah, Gabhadh iad meall fhigean, agus sgaoidleadh iad air an ncasgaid iad, agus slànuichear e.

22 Agus thubhairt Hesechia, Ciod e an comharadh gu'n téid mi suas do thigh an Tighearna?

CAIB. XXXIX.

1 *Chuir Merodach-baladan teachdairean a dh'ionnsuidh Hesechia: 2 dh'fheuch esan doibh uile ionmhas a thighe: 3 'n uair a chual' Isaiah so, dh'innis e do Hesechia qu'n rachadh gach nì a bha 'n a thigh a ghiùlan air falbh gu Babilon.*

A NNS an àm sin, chuir Merodach-baladan, mac Bhaladain rìgh Bhabìloin, litir agus tiocdlac gu Hesechia; oir chual' e gu'n robh e tinn, agus gu'n do shlànuich-eadh e.

2 Agus rinn Hesechia gairdeachas air an sou; agus dh'fheuch e dhoibh tigh-tasgaidh a nithean luachmhor, an t-airgid, agus an t-òr, agus na spìosraidhean, agus an oladh luachmhor, agus a thigh-armachd gu léir, agus na h-uile nì a fhuaradh 'n a ionmhasaibh; cha robh nì 'n a thigh, agus 'n a rioghachd uile, nach d'fheuch e dhoibh.

3 Agus thàinig am fàidh Isaiah gu rìgh Hesechia, agus thubhairt e ris, Ciod a thubhairt na daoine so? agus cia as a thàinig iada d'ionnsuidh? Agus thubhairt Hesechia, Thàinig iad a m' ionnsuidh o thìr chéin, o Bhabìloin.

4 Agus thubhairt e, Ciod a chunnaic iad ann ad thigh? Agus thubhairt Hesechia, Na h-uile nì a th'ann am thigh chunnaic iad; cha-n'èil nì ann am ionmhasaibh nach d'fheuch mi dhoibh.

5 An sin thubhairt Isaiah ri Hesechia, Cluinn focal Tighearna nan sluagh;

6 Feuch, tha na làithean a' teachd, anns am bi gach nì a th'ann ad thigh, agus a thaisg d'aithrichean suas gus an là an diugh, air a ghiùlan air falbh gu Babilon; cha-n'fhàgar nì air bith, deir an Tighearn.

7 Agus de d' mhacaibh a thig uait, a ghineas tu, bheir iad leò; agus bithidh iad 'n an caillteanaich ann an lùchairt rìgh Bhabìloin.

8 An sin thubhairt Hesechia ri Isaiah, Is maith focal an Tighearn' a labhair thu; oir thubhairt e gu'm bi sìth agus fìrinn ann ré mo làithibh-sa.

CAIB. XL.

1 *Thug Dia comhfhurtachd d'a shluagh. 3 Searmonachadh Eòin Baistidh. 9 Deadh sgeul an t-soisgeil. 12 Mòrachd agus cumhachd an Tighearna.*

T HUGAIBH comhfhurtachd, thugaibh comhfhurtachd do mo shluagh-sa, deir 'ur Dia.

2 Labhraibh gu sòlasach ri Ierusalem; agus glaothaibh rith, gu'n do choimhleanadh a cogadh, gu'n do ghlanadh a h-aingidheachd; oir fhuair i o làimh an Tighearn' a dhà uiread r'a h-uile pheacaidhean.

3 Guth an tì a ghlaodhas anns an fhàsach, Ulluichibh slighe an Tighearna; réitichibh, anns an dì-threabh, slighe àrd d' ar Dia-ne.

4 Bithidh gach gleann air 'ardachadh, agus gach sliabh agus cnoc air 'isleadh; agus nithear an càrn dìreach, agus na h-ionadan garbha 'n an còmhnard rèidh.

5 Agus foillsichear glòir an Tighearn', agus chi gach uile fheoil 'e le 'chéile; oir is e beul an Tighearn' a labhair.

6 Tha guth ag ràdh, Eigh; agus thubhairt mise, Ciod a dh'éigheas mi? Is fear gach uile fheoil, agus tha a h-òrdheirceas uile mar bhlàth na macharach:

7 Tha am fear a' seargadh, am blàth a' crìonadh, 'n uair a shéideas gaath an Tighearn' air; gu cinnteach is fear an sluagh.

8 Tha am fear a' seargadh, am blàth a' crìonadh; ach seasaidh focal ar Dé-ne gu sìorruidh.

9 O thusa a tha 'tabhairt deadh sgeòil do Shìon, gabh suas gu sliabh àrd, O thusa a tha 'tabhairt deadh sgeòil do Ierusalem, tog do ghuth le neart; tog e, na bitheadh eagal ort; abair ri bailtibh Iudah, Feuch bhuir Dia!

10 Feuch thig an Tighearn Ichobhah le làimh làidir, agus bheir a ghairdean buaidh a mach dha; feuch, tha a dhuais maille ris, agus 'obair 'n a fhianuis.

11 Mar bhuachaille beathaichidh e a threud; le a ghairdean cuairtichidh e na h-uain, agus giùlainidh e iad 'n a uchd; iomainidh e gu sèimh an spréidh a tha trom le h-àl.

12 Cò a thomhais na h-uisgeachan ann

an glaic a làimhe; agus a shìn a mach na nèamhan le réis; agus a chruinnich duslach na talmhainn ann an soitheach-tomhais; agus a chothromaich na sléibhteann ann an sligibh, agus na cnuic ann am meigh-chothrom?

13 Cò a sheòl Spiorad an Tighearna; no mar aon d'a chomhairle, a theagaisg e?

14 Cò ris a chuir e a chomhairle, agus cò a theagaisg e, agus a sheòl dha ceum a' bhreithcanais, agus a dh'innsaich dha eòlas, agus a sheòl dha slighe na tuisge?

15 Feuch, *tha* na cinnich mar bhoinne an t-soithich-uisge; agus measar iad mar dhùs min na slige-tomhais: feuch, togaidh e suas na h-eileanan mar smùirnean.

16 Agus cha leòr Lebanon, gu a losgadh, agus cha leòr a bheathaichean air son ìobairt-loisgte.

17 *Tha* na cinnich uile mar neo-ni 'n a làthair-san; *tha* iad air am meas leis mar fhìor neo-ni agus dìomhanas.

18 Cò ris, ma seadh, a shamhlacheas sibh Dia? agus ciod an coslas a ni sibh dha?

19 Tilgidh am fear-ceirde dealbh snaidhte, agus cuiridh an t-òr-cheard thairis e le h-òr; agus ni e slabhruidhean airgid *air a shon*.

20 Am fear aig nach 'eil fù tabhartais, taghaidh e mìr fiodha nach grod; iarraidh e mach dha féin fear-oibre seòlta, a chuireas 'an uigheam dealbh snaidhte nach téid a ghluasad.

21 Nach d'fhuaire sibh fios? nach cuala sibh *sgèul*? nach do chuireadh 'an cèill duibh o thus? nach do thug sibh o *leagadh* bunaitean na talmhainn?

22 *Is esan* a *tha* 'n a shuidhe air cuairt na talmhainn, agus *tha* a luchd-àiteachaidh mar fhionnain-fheoir; a *tha* 'sincadh a mach nan nèamhan mar sgàil thana, agus 'g an sgoileadh mar bhùth anns an gabhar còmh-nuidh.

23 A *tha* 'tabhairt phrionnsachan gu neo-ni, agus a' deanamh bhreitheamhan 'n an dìomhanas.

24 Seadh, cha sùdhichear iad, ni mò a chuirear iad, ni mò a fhireumhaicheas am bun 's an talamh; an uair a shéideas e orra, seargaidh iad; agus bheir a' chuairt-ghaoth air falbh iad mar asbhuaibh.

25 Cò ris ma ta a shamhlacheas sibh mise, no a choimeasar mi? deir an Ti naomh.

26 Togaibh 'ur sùilean an àird, agus feuch-aibh, cò a chruthaich iad so; *Esan* a bheir a mach an armaitean air ùireamh; a ghairmeas orra uile air an àim; troimh meud a neirt agus treise a chumhachd, cha bhi aon air chall.

27 Cuirme a deir thusa, O Iacoib, agus a labhras tu, O Israeil; Tha mo shlighe fol-uichte o'n Tighearna, *tha* mo chòir air a ieigeadh air dearmad le mo Dhia?

28 Nach aithne dhuit, nach cuala tu? An

Dia bith-bhuan, an Tighearna, Cruith-fhear chrìochan na talmhainn, cha-n fhannaich agus cha sgèithich e; cha-n fheadar a thuigse a rannsachadh.

29 Bheir esan neart do'n anmhuinn, agus dhoibhsan a *tha* gun lùgh meudaichidh e treise.

30 Fàsaidh na h-dìg-fluir lag agus sgèith, agus tuitidh an òigridh thaghta gn ìar:

31 Ach iadsan a dh'fheithcas air an Tighearna gheibh iad spionnadh nuadh; éiridh iad suas mar iolair air a sgiathaibh; ruithidh iad agus cha bhi iad sgèith, siubhlaidh iad agus cha-n fhàs iad fann.

CAIB. XLI.

1 *Nochd Dia a fhreasdal agus a ghràdh do'n Eaglais.* 9 *Chomhairlich e d'a shluagh an dòchas a shuidheachadh airson do bhrìgh gu'n cum e suas iad le deas làimh 'fhèantachd.* 21 *Dìomhanas nan dia coimheach.*

BITHIBH 'n 'ur tosd a'm' làthair, O eileanan, agus ath-nuadhaicheadh na slòigh an neart; thigeadh iad am fagus, an sin labhradh iad; dlùthaicheamaid r'a chéile chum tagraidh.

2 Cò a dhùisg suas an t-ionracan o'n ear, a ghairm e chum a choisce, a chuir na cinnich 'n a fhochair, agus a thug dha riaghladh thar rìghribh? a rinn iad mar an duslach roimh a chladheamh, agus mar an asbhuaibh fhudaichte roimh a bhogha?

3 Ruaig e iad, chaidh e thairis ann an tèaruinteachd; air slighe nach d'imich e roimhe le a chosaibh.

4 Cò a dh'oibrich agus a choimhlion so, a' gairm nan cinealach o thùs? Mise an Tighearna, an ceud neach, agus maille rìusan air dheireadh, *is* mise e.

5 Chunnais na h-eileanan, agus ghabh iad eagal; iomallan na tìre, agus bha iad fo uamhas; dhlùthaich iad, thàinig iad am fagus.

6 Chuidich gach fear a choimhearsnach, agus thubhairt e r'a bhràthair, Bi misneachail.

7 Mar sin thug an saor misneach do'n òr-cheard; esan a mhìnichas leis an òrd, do'n fhear a bhuaileas air an inncein, ag ràdh, *Tha* e ullamh chum a thàthadh; agus dhaingnich e le tairngibh e, air chor as nach gluaisteadh e.

8 Ach thusa Israeil, m'òglach, a Iacoib, a ròghnaich mi; shìochd Abraham mo charaid;

9 *Thusa*, a stiùr mi o iomallaibh na talmhainn, agus a ghairm mi o mheasg a maith-eann; agus thubhairt mi riut, Is tu m'òglach; ròghnaich mi thu, agus cha do chuir mi càl riut:

10 Na bitheadh eagal ort, oir *tha* mise maille riut; na bitheadh geilt ort, oir is mise do Dhia; neartaichidh mi thu; seadh, cuideichidh mi thu; seadh, cumaidh mi suas thu le deas làimh m'fhèantachd.

11 Feuch nàraichear agus maslaichear iad-san uile a bha air bhoile riut; bithidh iad mar neo-ni; agus théid iadsan a ni strì riut 'am mughà.

12 Iarraidh tu iad, agus cha-n fhaigh thu iad, *eadhon* na daoine a rinn strì riut; bithidh na daoine a rinn cogadh riut mar neo-ni, agus mar ni gun bhrìgh.

13 Oir tha mise, an Tighearn do Dhia, 'g ad chumail suas air do làimh dheis; tha mi ag ràdh riut, Na bitheadh eagal ort, ni mise cabhair ort.

14 Na bitheadh eagal ort, a chnuimh Iacoib, a dhaoine bàsmhor Israeil; ni mise cabhair ort, deir an Tighearn, agus is e d'fhear-saoraidh Ti naomh Israeil.

15 Feuch, ni mise thu a'd inneal-bualaidh geur, nonha, aig am bi faclan; buailidh tu na sléibhtean, agus pronnaidh tu gu min iad; agus ni thu na cnuic mar mhol.

16 Fasgainidh tu iad, agus bheir a' ghaoth air falbh iad, agus sgapaidh a' chuairt-ghaoth iad; ach ni thusa gairdeachas anns an Tighearn, ni thu uail ann an Ti naomh Israeil.

17 An uair a bhitheas am bochd agus an t-ainm ag iarraidh uisge, agus uach *bi e* ann; agus a bhitheas an teagadh air tiorrachadh le tart; mise Iehobhah freagram iad; Dia Israeil, is mi mach tréig iad.

18 Fosgaidh mi ainmichean anns na h-ionadaibh àrda, agus tobraichean ann am meadhon nan gleann; ni mi am fàsach 'n a linne uisge, agus am fearann tioram 'n a shruthaibh uisge.

19 Cuiridh mi anns an fhàsach an seudar; an sitta, am miortal, agus an crann-olaidh; suidhichidh mi anns an fhàsach an giuthas, an gall-ghluithas, agus am bocsa le 'chéile:

20 A chum gu'm faic agus gu'n aithnich iad, agus gu'n toir iad fainear, agus gu'n tuig iad maraon, gur i làmh an Tighearn' a rinn so, agus gur e Ti naomh Israeil a dhealbh e.

21 Thugaibh am fagus 'ur cùis, deir an Tighearn; thugaibh a làthair ~~blur~~ mòr chumhachdan, deir rìgh Iacoib.

22 Thigeadh iad am fagus, agus innseadh iad dhuinn na nithean a thig gu crìch; innseadh iad dhuinn ciod iad na nithean a bha roimhe, chum gu'n toir sinn fainear iad; agus gu'm bi fios againn air a' chrìch; no cuireadh iad 'an céill nithean ri teachd.

23 Innsibh dhuinn na nithean a thig gu crìch an déigh so, agus aithnichidh sinn gur diathan sibh; seadh deanaibh maith no deanaibh ole, a chum gu'n amhaire sinn, agus gu'm faic sinn e maraon.

24 Feuch, is neo-ni sibh, agus is ni gun bhrìgh blur n-obair: is gràineileachd *esan* a ròghnaicheas sibh.

25 Thog mi suas *fear* o thuath, agus thig e; o éirigh na gréine gairmidh e air m'ainm; agus thig e nuas air prionnsaibh mar *air*

elàbar agus mar a shaltras an criadhaidh a' chriadh.

26 Cò a dh'innis o thùs, ionnus gu'm bitheadh fios againn? agus roimh làmh, gu'n abramaid, *Tha e ceart?* Seadh, cha-n'eil neach ag cur innseadh, seadh, cha-n'eil neach ag cur 'an céill, seadh, cha-n'eil neach ag cluinntinn bhrìathran.

27 *Their mi* ri Sion an toiseach, Feuch, feuch iad sin; agus do Ierusalem bheir mi teachdair deadh sgeòil.

28 Oir dh'amhaire mi, agus cha *robh* neach ann, agus 'n am measg cha robh fear-comhairle; no neach a bheireadh freagradh an uair a dh'fhedraich mi dhiubl.

29 Feuch, is dìomhanas iad uile; is neo-ni an oibre; is gaoth agus faoinis an dealbhan leaghta.

CAIB. XLII.

1 *Dreuchd agus sagartachd Chriosd.* 10 *Earrail gu Dia a chliùthachadh.* 17 *Nàraichear iadsan a tha 'cur an dòchais ann: in dealbh snaidhte.* 18 *Chronaicheadh clann Israeil air son am mì-chreidimh.*

FEUCH m'òglach, a chummas ri suas; m'aon taghta, anns am bheil tlachd aig m'anam: chuir mi mo spiorad air; foillsichidh e breitheanas do na cinnich.

2 Cha ghlaodh e, agus cha tog e iolach; agus cha chluinnear a ghuth anns na sràidibh.

3 A' chuic bhrùite cha bhris e, agus an lìon d'am bheil caol smùid cha mhùch e; foillsichidh e breitheanas chum firinn.

4 Cha tig fàilg no brisendh air, gus an suidhich e breitheanas air an talamh; agus feithidh na h-eileanan air a lagh.

5 Mar so deir an Tighearn Dia, *esan* a chruthaich na nàmhnan, agus a shìn a mach iad; a sgaoil a mach an talamh agus na chinneas as; a tha 'tabhairt anail do'n t-sluagh a tha air, agus deò dhoibhsan a tha 'g innseadh air:

6 Ghairm mise Iehobhah tha ann am fir-eantachd, agus gabhaidh mi greim de d' làmh, agus gleidhidh mi thu; agus bheir mi thu mar choinmheangal do'n t-sluagh, mar shòlas do na cinnich.

7 A dh'fhosgladh nan suilean dalla; a tha-bhairt nam prionsmach a mach as a' phrìosan, agus na muinntir a tha 'n an suidhe ann an dorchadas a tigh na daorsa.

8 Is mise Iehobhah, is e sin m'ainm; agus mo ghloir cha tabhair mi do neach eile, no mo chliù do dhealbhann snaidhte.

9 Feuch na seann nithean, thàinig iad gu crìch, agus nithean nuadh cuiream 'an céill; nu'm bris iad a mach, foillsichidh mi dhuibh iad.

10 Seinnibh do'n Tighearn òran nuadh; seinnibh a chliù o iomall na talmhainn; sibhse a bhitheas a' dol air cuan, agus na h-uile a tha 'g a lìonadh; eileanan, agus na h-uile a tha 'chòmhnuidh anna.

11 Togadh am fàsach *iolach*, agus na bailtean a tha ann; na bailtean beaga, luchd-àiteachaidh Chedair; deanadh luchd-àiteachaidh na creige comh-ghair; o mhullach nan sléibhteann togadh iad iolach.

12 Thugadh iad glòir do'n Tighearn, agus cuireadh iad 'an céill a chliu am measg nan eilean.

13 Mar threun-fhear théid an Tighearn a mach; mar fhear-cogaidh dùisgidh e suas eud; glaothaidh e, seadh togaidd e iolach; ni e gaisge an aghaidh a naimhdean.

14 Dh'fhan mi fada samhach, bha mi a'm' thosd, chum mi orm féin; *nis* éighidh mi mar mhnai ri saothair; sgriosaidh mi, agus ithidh mi suas maraon.

15 Cuiridh mi fàs sléibhteann, agus tiormachidh mi am fear uile; ni mi na h-aimhnichean 'n an eileanaibh, agus tiormaichidh mi na linneachan uisge.

16 Agus stiùraidh mi na doill air slighe nach b'aithne dhoibh; troimh cheumaibh air nach robh iad eòlach treòraichidh mi iad; ni mi an dorchadas 'n a sholus rompa, agus *ni mi* slighean fiara dìreach: na nithean so ni mi air an son, agus cha tréig mi iad.

17 Pillar air an ais, nàraichear gu tur, iadsan a tha 'cur an dòchais am an dealbh snaidhte; a tha 'g ràdh ris na dealbhan leaghta, Is sibhse air diathan-ne.

18 Cluinnibh, sibhse 'tha bodhar; agus a dhaoine dalla, amhaircibh a chum gu'm faic sibh.

19 Cò a tha dall ach m'òglach-sa, no bodhar mar an teachdair a chuir mi uam? Cò a tha dall mar esan a tha iomlan, no dall mar òglach an Tighearna?

20 Tha thu faicim iomadh ni, ach cha-n'eil thu' tabhairt fainear; tha do chluasan fosgailte, ach gum a bhi 'cluinnintinn.

21 Tha an Tighearn gràsmhor air sgàth 'fhìrinn féin; àrdaichidh e an lagh, agus cuiridh e urram air.

22 Ach is sluagh so a tha spùimnte agus creachta; tha iad uile air an glacadh ann an slochdaibh, agus air an druideadh a steach am am prìosanaibh; rinneadh iad 'n an cobhartach, agus cha-n'eil neach 'g an tèarnadh; 'n an creich, agus cha-n'eil neach a deir, Thoir air ais.

23 Cò 'n 'ur measg a dh'éisdeas ri so; a bheir fainear, agus a ghabhas suim 's an àm ri teachd?

24 Cò a thug Iacob mar chobhartach, agus Israel do'n luchd-creachaidh? Nach b'e an Tighearn, esan an aghaidh an do pheacaich iad, agus nach b'aill leo gluasad 'n a shligheibh, ni mò 'thug iad géill d'a reachd?

25 Air an aobhar sin dhòirt e air teas a chorruih, agus neart a' chatha; agus dh'fhadaidh e teine mu'n cuairt da, ach cha do thuig e; agus loig se e, gidheadh cha d'thug e fainear.

CAIB. XLIII.

1 *Thug Dia comhfhurtachd do'n eaglais le 'gheallanaibh prìseil: 8 Ghairm e an sluagh 'n a làthair a dh'fhaicinn a chumhachd: 14 roimh-innis e sgrìos Bhabìlon, 18 agus tèaruinteachd a shluaigh féin. 22 Chronaich Dia a phobull a chionn gu'n do thréig iad a sheirbhias.*

ACH a nis mar so deir an Tighearn a chruthaich thu, O Iacoib, agus a dhealbhu thu, O Israeil; Na bitheadh eagall ort, oir shaoir mise thu; ghairm mi thu air d'ainm; is leanas thu.

2 An uair a shiùbhlas tu troimh na h-uisgeachaibh, *bithidh* mise maille riut; agus troimh na h-aimhnicheibh, cha tigiad tharad; an uair a dh'innicreas tu troimh an teine, cha loisgear thu, agus cha dean an lasair greim ort.

3 Oir is mise an Tighearn do Dhia, Ti naomh Israeil, d'fhear-saoraidh: thug mi an Eiphit ann ad éiric; Etiopia agus Seba air do shon.

4 A chionn gu'n robh thu luachmhor ann am shealladh, fhuaire thu urram, agus thug mise gràdh dhuit; uime sin bheir mi daoine air do shon, agus slòigh 'an éiric d'anama.

5 Na bitheadh eagall ort, oir tha mise maille riut; o'n ear bheir mi do shliochd, agus o'n iar cruinnichidh mi thu:

6 Thoir mi ris an àirde tuath, Thoir seachad, agus ris an àirde deas, Na cum air ais; thoir mo mhic o chéin, agus mo nigheanan o chrìochaibh na talmhainn;

7 *Eadhon* gach neach a tha air a ghairm air m'ainm-sa; oir chum mo ghlòire chruthaich mi e, dhealbhu mi e; seadh, rinn mi e.

8 Thugaibh a mach iadsan a tha dall, agus sùilean aca; agus a tha bodhar, agus cluasan aca.

9 Cruinnichear na cinnich uile ri 'chéile, agus tionaillear na slòigh; cò 'n am measg a dh'fhoillsicreas so, agus a dh'innseas duinn na nithean air thoiseach? Thugadh iad *a làthair* am fianuisan, a chum gu'm bi iad air am fìreanachadh; no éisdeadh iad, agus aidicheadh iad, *Tha sin* fhear.

10 Is sibhse m'fhianuisan, deir an Tighearn, eadhon m'òglach a rògnach mi; a chum gu'n aithnich agus gu'n creid sibh mi; agus gu'n tuig sibh gur mi Esan; romham-sa cha robh dia sam bith air a dhealbhadh, ni mò 'bhitheas aon a'm' dhéidh.

11 *Is* mise, *eadhon* mise, an Tighearn; agus a mach uamsa cha-n'eil slànuidhear ann.

12 Dh'fhoillsich mise, agus theasairg mi, agus chuir mi'n céill, an uair nach robh *dia* eile 'n 'ur measg; uime sin is fianuisan sibh dhomhsa, deir Iehobhab, gur mi Dia.

13 Eadhon mu'n robh an là ann, *is* mi E; agus cha-n'eil neach ann a theasairgeas as mo làimh; oibrichidh mise, agus cò a bhacas e?

14 Mar so deir an Tighearn, 'ur fear-saor-

aidh, Ti naomh Israeil, Air bhur son-se chuir mi fios gu Babilon, agus thug mi nua a croinn-dhruididh uile, agus na Caldéich a ni uail 'n an longaibh.

15 Is mise an Tighearn, bhur Ti naomh, Cruith-fhear Israeil, bhur righ.

16 Mar so deir an Tighearn, esan a ni slighe anns an fhàirge, agus rathad anns na h-uisgeachaibh làidir;

17 A bheir a mach an carbad agus an t-each, an arnailt agus am feachd; le 'chéile luidhidh iad sìos, agus cha n'éirich iad; chuireadh as iad, mhùinnadh iad mar asgart.

18 Na cuimhnichibh na nithean a bh'ann roimhe; agus na nithean a bha o shean na tugaibh fainear.

19 Feuch ni mi ni nuadh; a nis brisidh e mach: nach toir sibh aire dha? Seadh, ni mi anns an fhàsach slighe, agus aimhnichéan anns an dithreabh.

20 Bheir fiadh-bheathach na macharach glòir dhomh; na dràgonan agus na caill-eachan-oidhe; a chionn gu'n d'thug mi uisgeachan anns an fhàsach, aimhnichéan anns an dithreabh; a chum deoch a thabhairt do m' shluagh; do mo mhuintir thaghta.

21 An sluagh so dhealbh mi air mo shor féin; cuiridh iad 'an céill mo chliu.

22 Gidheadh cha do ghairm thu orm O Iacuib; ach ghabh thu seirbhe dhìom O Israeil.

23 Cha d'thug thu a m' ionnsuidh meanbh-chroth do thabhartas loisgte; ni mò 'thug thu urram dhomh le d'òbairtibh; cha do shàruich mi thu le tabhartas, ni mò a sgèithich mi thu le tùis.

24 Cha do cheamaich thu dhomh-sa le h-airgiod a' chuire chùbhraidh, ni mò 'hon thu mi le saill d'òbairtean; ach shàruich thu mi le do lochdaibh; sgèithich thu mi le d' eu-ceartaibh.

25 Is mise, mise féin, esan a dhubhas d' eu-ceartan as, air mo sgàth féin; agus do lochdan cha chum mi air chuimhne.

26 Cuir a'm' chuimhne, tagramaid ri 'chéile; cuir 'an céill do *chùis dh'fheuchainn* an glan thu thu féin.

27 Pheacaidh do cheud athair, agus chiont-aich do luchd-teagaisg a'm' aghaidh:

28 Uime sin sgar mi mach uachdarain an ionaid naoimh; agus thug mi thairis Iacob chum mallachaidh, agus Israel chum maslaidh.

CAIB. XLIV.

1 *Thug Dia comhfhurtachd d'a eaglais.* 9 *Dìomhanas luchd-deanamh dhealbhan snaidhte.* 21 *Chomhairlich Dia d'a shluagh an dòigh a chur 'n a thròcair,* 28 *agus gheall e gu'n suidhicheadh e iad a ris 'n an tìr le làimh Chiruis.*

A CH a nis éisd, O Iacuib m'òglach, agus Israeil a ròghnaich mi.

2 Mar so deir an Tighearn a chruthaich thu, agus a dhealbh thu o'n bhroinn, agus

a chuidicheas thu; Na bitheadh eagal ort, a Iacuib m'òglach, agus a Iesuruin a ròghnaich mi;

3 Oir dòirtidh mi mach uisge air an tartmhor, agus sruthan air an fhearann chruaidh; dòirtidh mi mach mo Spiorad air do shliochd, agus mo bheannachd air do ghincil.

4 Agus fasaidn d suas mar anns an fheur; mar gheugaibh seilich ri taobh nan sruth-chlaisean.

5 Their am fear so, Is leis an Tighearn mise; agus ainmichear fear eile air ainm Iacuib; agus sgrìobhaidh fear eile le a làimh do'n Tighearn, agus sloinnidh se e féin air ainm Israeil.

6 Mar so deir an Tighearn, righ Israeil, agus fhear-saoraidh, Tighearn nan sluagh, Is mi an ceud neach, agus is mi an neach deireannach; agus a mach uamsa cha-n'eil dia ann.

7 Agus cò, mar mise, a ghairmeas, agus a chuireas 'an céill e, agus a chuireas an òrdugh dhomh e, o'n àm anns an do shuidhich mi an sluagh o shean? no a chuireas 'an céill duinn na nithean a tha a' teachd, agus a tha ri teachd.

8 Na bitheadh eagal oirbh, agus na bitheadh geilt oirbh; nach d'fhoillsich mise dhuit o'n àm ud, agus nach d'inns mi? seadh is fianuisean sibh dhomh. Am bheil dia ann ach mise? seadh cha-n'eil dia eile ann; cha-n aithne dhomh aon.

9 Iadsan a ni dealbh shnaidhte, is dìomhanas iad nìle; agus 'n an nithibh taitneach cha bli tairbhe; agus tha iad 'n am fianuisibh 'n an aghaidh féin, nach faic iad, agus nach tuig iad, a chum gu'm bitheadh iad air an nàrachadh.

10 Cò a dhealbh dia, no a thilg dealbh leaghta, anns nach 'eil tairbhe sam bith?

11 Feuch, bithidh a chompanaich uile air an nàrachadh; agus an luchd-oibre, is daoine iad; cruinnichear iad uile r'a chéile, seasadh iad suas; bithidh eagal orra, agus bithidh iad air an nàrachadh le 'chéile.

12 Gearraidh an gobha mìr iaruin, oibrichidh se e anns na h-éibhligh, agus ni e a chumadh le h-ordaibh, agus caithidh e spionnadh a ghairdein air; seadh bithidh e ocrach, agus fàinichidh a neart; cha-n òl e uisge, agus bithidh e fann.

13 Sinidh an saor a mach a riaghailt, comharaidh se e le dath; bheir e cumadh air leis an lochdar, agus sgèithidh se e leis a' ghothal-roinn; agus dealbhaidh se e a réir coslais fir, a réir maise duine, chum fantuinn anns an fhàrdach.

14 Gearraidh e sìos craobhan seudair dha féin, agus gabhaidh e an giuthas agus an darach, a thaghas e dha féin am measg chraobhan na fàrdhe; suidhicidh e crann-uinninn, agus altruimidh an t-uisge e.

15 An sin bithidh e aig duine chum a

losgadh; agus gabhaidh e dheth, agus garaidh se e féin; seadh, cuiridh e teine ris, agus deasaichidh e aran; seadh, ni e dia, agus bheir e aoradh *dha*; ni e dealbh snaidhte dheth, agus cromaidh e sìos *dha*.

16 Cuid dheth loisgidh e 's an teine; le cuid eile dheth *deasaichidh agus* ithidh e feoil; ròstaidh e biadh, agus sàsuichear e; an sin garaidh se e féin, agus their e Aha, rinn mi mo gharadh; dh'aithnich mi an teine.

17 Agus de'n chuid eile dheth ni e dia, eadhon dealbh snaidhte *dha* féiu; cromaidh e sìos *dha*, agus bheir e aoradh *dha*; agus ni e urnuigh ris, agus their e, Teasairg mi, oir is tu mo dhia.

18 Cha-n'eil eòlas aca, ni mò tha tuigse aca; oir dhruid e an sùilean air chor as nach faic iad, agus an cridheachan air chor as nach tuig iad.

19 Agus cha-n'eil aon neach a' toirt fainear 'n a chridhe, ni mò 'tha eòlas no tuigse aige gu a ràdh, Loisg mi cuid dheth 's an teine, dheasaich mi fòs aran air èibhlìbh dheth; ròist mi feoil agus dh'ith mi, agus an dean mi am fuigheall deth 'n a ghlàin-eileachd? an crom mi mi féin sìos do bhun craoibhe?

20 Tha e a' teachd beò air luathre; thug cridhe meallta air seacharan e, air chor as nach toir e as 'anam féin; ni mò their e, Nach 'eil breug ann am làimh dheis?

21 Cuimhnich na nithean so, O Iacuib; agus Israeil, oir is tu m'òglach; dhealbh mi thu, is òglach dhomhsa thu; O Israeil, cha leig mise air dì-chuimhn' thu.

22 Dhubbh mi as, mar neul, d'eu-ceartan; agus mar cheò, do lochdan; pill rium, oir shaor mise thu.

23 Seinnibh, O nèamhan, oir thug an Tighearn gu crìch; togaibh iolach, O dhoimhneachdan na talmhainn; brisibh a mach le ceileir, a shléibhtean; O dhoire, agus gach craobh a tha ann; oir shaor an Tighearn Iacob, agus ghlòraich se e féin ann an Israel.

24 Mar so deir an Tighearn d'fhear-szoraiddh, agus esan a dhealbh thu o'n bhroinn; Is mise an Tighearn, cruith-fhear nan uile *nithean*; a tha 'sineadh nan nèamhan a mach a'm aonar; a tha 'sgaoileadh na talmhainn leam féin;

25 A bheir gu neo-ni comharan nam mealltairean, agus a chuireas na fiosaichean air chuthach; a philleas daoine glìce air an ais, agus a thionndaidheas an eòlas gu amaideachd.

26 A dhaingnicheas focal a sheirbhisich, agus a choimhlionas comhairle a theachdairean; a deir ri Ierusalem, Bithidh tu air d'aitheachadh; agus ri bailtibh Iudah, Bithidh sibh air bhur togall; agus a h-ionadan fàsaill togaidh mi suas.

27 A deir ris an doimhne, Bi air do

thiormachadh; agus tiormaichidh mi d'aimeh-nichean;

28 A deir mu Chirus, Is e mo bhuachaille; agus coimhlionaidh e m'uile thoil; ag ràdh ri Ierusalem, Togar thu; agus ris an team-pull, Leagar do bhunait.

CAIB. XLV.

1 *Ghairm Dia Cirus air sgàth Iacuib agus Israeil.* 11 *Gheall e saorsa agus slàinte d'a shluagh.* 20 *Diomhanas dhealbhan snaidhte.* 22 *Slàinte an Tighearna do uile iomallairbh na talmhainn.*

MAR so deir an Tighearn r'a aon ungta, ri Cirus de 'm bheil greim agam air a làimh dheis, a cheannsachadh chinneach roimhe, agus fuasgailidh mi leasraidh rìgh-rean; a dh'fhosgladh nan còmhlaich roimhe, agus cha bhi na geatachan air an druid-eadh.

2 Théid mise romhad, agus ni mi na *slighean* fiara dìreach; na còmhlaichean umha spealgaidh mi, agus na croinn iarunn brisidh mi 'n am bloighdibh.

3 Agus bheir mi dhuit ionmhasan an dorchadais, agus taisgeachan nau ionadan diomhaid; a chum gu'm bi fios agad gur mise an Tighearn, a ghairm thu air d'ainm, Dia Israeil.

4 Air sgàth Iacuib m'òglaich, agus Israeil a ròghnaich mi, ghairm mi eadhon air d'ainm thu; thug mi sloineadh ort, agus thu aineolach orm.

5 Is mi an Tighearn, agus cha-n'eil ann ach mi; a mach uamsa cha-n'eil Dia ann: crìoslaichidh mi thu, agus thu aineolach orm.

6 A chum gu'm bi fios aca o éirigh na gréine agus o'n Iar, uach 'eil ann ach mi. Is mise an Tighearn, agus cha-n'eil atharrach ann.

7 Tha mi a' dealb' an t-soluis, agus a' cruthachadh an dorchadais; a' deanamh sìthe, agus a' cruthachadh dòlais; tha mise an Tighearn a' deauamh nan *nithean* so uile.

8 Silibh, O nèamhan, o'n àird, agus frasadh ua neoil a nuas fireantachd; fosgladh an talamh, agus gineadh iad slàinte, agus fàsadh fireantachd a nìos maraon; is mise an Tighearn a chruthaich e.

9 Is an-aobhin dlàsau a ni strì ris an fhear a rinn e; an t-slige-chreadha ri fear-deilbh na creadha: an abair a' chriadh ris-san a chumas i, Ciod a tha thu 'deanamh? no an abair an ni a rinn thu, Cha-n'eil làmhnan aige-san a *rinn mi*?

10 Is an-aobhin dhà-san a their r'a athair, Ciod a tha thu 'gintim? no r'a màthair, Ciod a tha thu 'breith?

11 Mar so deir an Tighearn, Ti naomh Israeil, agus esan a dhealbh e, Fcòraichibh dhìom nithean ri teachd, mu thimchioll mo chloinne; agus iarraibh orm a thaobh oibre mo làmh.

12 Is mise a rinn an talamh, agus chruthaich mi an duine air; is iad mo lamhan a shìn a mach na nèamhan; agus d'am feachd uile thug mi àithne.

13 Thog mi esan suas ann am fireantachd, agus ni mi dìreach 'uile shlighean; togaidh e mo chaithir, agus fuasgailidh e mo bhraighdean; cha-n ann air sou luach, no air son duaise, deir Tighearn nan sluagh.

14 Mar so deir an Tighearn, Saothair na h-Eiphit, agus ceannachd Etiopia, agus na Sabèich, daoine àrda ann an cruth; thig iad thairis a d'ionnsuidh, agus bithidh iad leat; leanaidh iad thu; ann an cuibhrichibh thig iad thairis; agus cromaidh iad sìos duit, agus cuiridh iad suas athchuinge riut; *ag ràdh*, Gu deimhin annadsa *tha* Dia; agus cha-n'eil Dia eile ann.

15 Gu deimhin is Dia thusa a tha 'g ad fhòlach féin, O Dhé Israeil, an Slànuidhear.

16 Tha iad air an nàrachadh, tha iad eadhon air am maslachadh, an t-ìomlan diubbh; cuirear iad maraon gu h-èmhluadh, a *tha 'n an* hichd-deanamh iodholan.

17 Ach saorar Israel anns an Tighearn le saorsa shìorruidh; cha nàraichear sibh, ni mò mhaslaichear sibh, feadh linntean na sìorruidheachd.

18 Oir mar so deir an Tighearn, a chruthaich na nèamhan; esan, eadhon Dia, a dhealbhaich an talamh agus a rinn e, esan a dhaingnich e; (cha do chruthaich e gu dìomhain e, dhealbhaich se e gu bhli air àiteachadh); Is mise an Tighearn, agus cha-n'eil atharrach ann.

19 Cha do labhair mi ann an uaigneas, ann a ionad dorchaidh de'n talamh; cha dubhairt mi ri sìochd Iacoib gu dìomhain, farraibh mi: is mise an Tighearn a labhras ann am fireantachd, a dh'fhoillsicheas nith-eann cearta.

20 Cruinnichibh sibh féin, agus thigibh; dlùthaichibh ri 'chéile, sibhse a tha air dol as o mheasg nan cinneach; cha-n'eil eòlas aca-san a tha 'cur suas fiodha an deilbh shnaidhte, agus a' deanamh urnuigh ri dia uach urrainn tèarnadh.

21 Cuiribh 'an cèill, agus thugaibh am fagus; seadh, cuireadh iad an comhairle ri 'chéile; cò a dh'aithris so o chian? a dh'innis e o'n am ud? nach mise, an Tighearn? agus cha-n'eil dia tuilleadh ann ach mi; Dia ceart agus Slànuidhear; cha-n'eil ann ach mi.

22 Seallaibh riumsa, agus bithibh air bhuir tèarnadh, uile iomalla na talmhainn; oir is mise Dia, agus cha-n'eil atharrach ann.

23 Orm féin mhionnaich mi; chaidh firinn a mach as mo bheil; briathar, agus cha phill e air ais; Gu cinnteach gnomhsa lùbaidh gach glàn, mionnaichidh gach teagaidh.

24 Gu cinnteach, deir *neach*, anns an Tighearn tha agam fireantachd agus neart; d'a ionnsuidh-san thig iad; bithidh iadsan uile

air an nàrachadh air am bheil corruich 'n a aghaidh.

25 Anns an Tighearn fireanaichear uile shliochd Israeil, agus ni iad uail.

CAIB. XLVI.

1 *Cha b'urrainn iodholan Bhabiloin iad féin a thèarnadh.* 3 *Tèarnaidh Dia a shluagh gu ruig a' chrìoch.* 5 *Cha samhluichear Dia ri iodholaibh.* 12 *Tha slàinte an Tighearn' am fagus.*

ISHA Bel a' cromadh sìos, Nebo a' crùbhadh; bha an iodholan air na beathaichibh agus air na h-ainmhidhean; tha bhuir n-eallachan trom, 'n an cudthrom do'n ainmhidh a'rsnealach.

2 Chrùb iad, chrom iad sìos le 'chéile; cha b'urrainn iad an callach a thèarnadh; ach chaidh iad féin ann a' bairighdeanas.

3 Eisdibh rium a thigh Iacoib, agus uile iarnuad tighe Israeil; a ghiùlaineadh *leam* o'n bhroim, a dh'iomchaidheadh o'n bholg:

4 Eadhon gu *bhuir* sean aois, agus gu *bhuir* falt liath, is mise féin an ti a ghiùlaineas sibh; is mi a rinn, agus giùlainidh mi; iomchaidh mi, agus tèarnaidh mi.

5 Cò e ris an samhluich sibh mi, agus ris an dean sibh cosmhail mi? agus cò e ris an coimeas sibh mi, a chum gu'm bi sinn ionann?

6 Taomaidh iad òr as a' mhàla, agus tomlaisidh iad airgid anns a' mheigh; tuarasdalaichidh iad òr-cheard, agus ni esan dia dheth; cromaidh iad sìos, seadh ui iad aoradh.

7 Giùlainidh iad e air an guailibh, iomchaidh iad e, agus cuiridh iad e 'n a àit, agus seasaidh e; as 'ionad cha ghluais e; seadh, glaothaidh *neach* ris, ach cha fhreagair e, agus cha teasairg se e o 'theinn.

8 Cuimhnichibh so, agus bithibh fearail; thugaibh fainear e a ris, a luchd-brisidh an lagha.

9 Cuimhnichibh na ceud nithean, a *bh'ann* o shean; oir is mise Dia, agus cha-n'eil atharrach ann; *is mise* Dia, agus cha-n'eil mo shamhuil ann;

10 A' foillseachadh na crìche o'n tùs agus o'n aimsir chéin; nan nithean nach 'eil *jathast* deanta; ag ràdh, Seasaidh mo chomhairle, agus gach ni a's àill leam ni mi:

11 Ag gairm na h-iolair e o'n ear, agus fir mo chomhairle o thìr chéin; seadh, labhair mi, agus bheir mi gu crìch e; rùnaich mi, agus coimhlionaidh mi e.

12 Eisdibh rium, sibhse aig am bheil an cridhe rag, a tha fad' as o fhìreantachd:

13 Bheir mise am fagus m'fhìreantachd-sa, cha bhli i fad' as; agus cha dean mo shlàinte moille; agus bheir mi slàinte ann an Sìon, do Israel mo ghloir.

CAIB. XLVII.

1 *Bhagair Dia Babilon le breitheanasaibh namhasach.* 12 *Cha teasairg Ìomhoireachd a' teudachaidh ann agus a' geasadoireachd i.*

THIG a nuas agus dean suidhe anns an duslach, Oigh-nighean Bhabiloin; suidh

air an làr, cha-n'èil rìgh-chaitheir ann, a nighean nan Caldèach; oir cha ghoir iad maoth agus mùirneach dhìot nìs mò.

2 Gabh na clachan-muilinn agus bleith min; leig ris do chiabhan, rùisg do throidh, leig ris do chos, imich troimh na h-aimh-nichibh.

3 Leigear ris do lomnochduigh, chithear eadhon do nàire; ni ni dìoghaltas, cha choinnich mi *thu mar dhuine*.

4 Ar fear-saoraidh, is e Tighearn nan sluagh a's ainm dha, Ti naomh Israeil.

5 Suidh a'd' thosd, rach a steach ann an dorchadas, O nighean nan Caldèach; oir cha-n abrar riut nìs mò Baintighearn nan rioghachdan.

6 Bha corruich orm ri mo shluagh; thruaill mi m'òighreachd, agus thug mi thairis iad do d' làmh; cha do nochd thusa tròcair dhoibh; air an aosda leag thu do ehuingu gu trom.

7 Agus thubhairt thu, Bithidh mi a'm' bhaintighearn gu sìorruidh; air chor as nach do leag thu d'aire air na nithibh so! cha do chuimhnich thu a chrioch dheireannach.

8 Uime sin, cluinn so a nis, a bhean shoghlumhor, a tha a'd' shuidhe gu umhail: a tha 'g ràdh ann ad chridhe, *Tha mi*, agus cha-n'èil ann ach mi; cha suidh mi a'm' bhantraich, cha-n aithnich mi call cloinne.

9 Gidheadh thig an dà ni so ort gu h-obann, ann an aon là, call eloinne, agus bantrachas; thig iad ort 'n an làn tomhas, air son lìonmhoireachd do dhruidheachdan, agus iomadalachd do ghisreagan.

10 Oir dh'earb thu á d' aingidheachd; thubhairt thu, Cha-n'èil neach 'g am fhaicinn; chuir eadhon do ghliocas agus d'èòlas air seacharan thu; air chor as gu'n dubhairt thu ann ad chridhe, *Tha mi*, agus cha-n'èil ann ach mi.

11 Uime sin thig ole ort, nach bi fios agad cia as a dh'èirich e; agus tuitidh aimhleas ort, nach bi thu comasach air a thionndadh uait; agus thig léir-sgrìos ort gu h-obann, gun thu 'g a nìothachadh.

12 Seas suas a nis le do ghisreagaibh, agus le lìonmhoireachd do dhruidheachdan, anns an do shaothraich thu o d'òige; ma's e as gur urrainn thu buannachd fhaghail, ma's e as gu'm feud thu buadhachadh.

13 Tha thu air do sgitheachadh ann an lìonmhoireachd do chomhairlean. Seas-adh na speuradairean suas, luchd-amharc nan reultan, iadsan a tha ri fiosachd gach mìos, agus tèarnadh iad thu o *na nithibh* a tha gu teachd ort.

14 Feuch bithidh iad mar asbhuaibh, loisgidh an teine suas iad; cha tèaruinn iad an anaman fèin o chumhachd na lasarach; cha-n *fhàgair fìù* èibhleig gu neach a gharadh, no teine gu suidhe làmh ris.

15 Is amhuil a bhitheas dhuit a' mhuinntir leis an do shaothraich thu, iadsan ris an

robh gnothueh agad o d' òige; tionndaidhidh gach aon a leth-taobh gu a ghnòthuch féin; cha *bhi* d'fhear-tèarnaidh ann.

CAIB. XLVIII.

1 *Du'fhoillsich Dia e fèin ann am fàistneachd, chum gu'm faiceadh an sluagh nach b'iad an iòdhlan a dh'orduich aon ni a thàinig gu crìch.* 9 *Tearsaigidh e a phobull Israel air sgàth 'ainme fèin.* 12 *Chomhairlich e dhoibh a bhi umhal d'a thoil.* 20 *Saoraidh e iad o gach teanntachd.*

CLUINNIBH so, O thigh Iacoib, sibhse a tha air bhuir n-ainmeachadh air Israel; agus a thàinig a mach o uisgeach-aibh Iudah; a tha 'mionnachadh air ainm an Tighearn', agus a' deanamh luaidh air Dia Israel; ach cha-n ann 'am fìrinn no ann an ionracas.

2 Oir tha iad 'g an ainmeachadh fèin air a' Chaitheir naoimh, agus a' leigeil an taice ri Dia Israel; is e Tighearn nan sluagh a's ainm dha.

3 Dh'fhoillsich mi na ceud nithean o thùs; agus o m' bheul chaidh iad a mach, agus chuir mi 'an cèill iad; ann an ath-ghoirid rinn mi *iad*, agus thàinig iad gu crìch.

4 A chionn gu'n robh fios agam gu'n robh thu reasgach, agus *gu'n robh* do mhuineal mar fhèith iarunn, agus d'èudan 'n a umha.

5 Uime sin dh'fhoillsich mi dhuit *iad* o'n tùs; mu'n d'thàinig iad gu crìch, dh'innis mi dhuit *iad*; a chum nach abradh tu, Is e m'òdhol a thug mu'n cuairt iad; is iad mo dhealbhnaidhte, agus mo dhealbhn leaghta, a dh'òrduich iad.

6 Chuala tu so, faic e air a choimhlionadh; agus nach cuir sibhse 'an cèill e? Innseam dhuit nithean nuadha o'n àm so, a ghlèidheadh dìomhair, agus air nach robh fios agad.

7 Tha iad air an tabhairt gu crìch a nis, agus cha b'ann o shean; agus roimh an là so cha chuala tu iad; a chum nach abradh tu, Feuch, bha fios agam orra.

8 Seadh, cha chuala tu; seadh, cha b'aithne dhuit; seadh, o'n toiseach cha d'fhosgladh do chluas; oir bha fios agam gu'm buineadh tu gu ro chealgach, agus *gu'm b'è* Fear-cusaontais a b'ainm dhuit o'n bhroinn.

9 Air sgàth m'ainme cuiridh mi dàil ann am chorruich, agus air son mo chliu cumaidh mi air a h-ais i uaitse, air chor as nach gearr mi as thu.

10 Feuch, ghlan mi thu, ach cha b'ann le h-airgid; thagh mi thu ann an àmhuinn an àmhghair.

11 Air mo sgàth, air mo sgàth fèin, ni mi e; oir cionnus a bhitheadh *m'ainm* air a mhaslachadh? Agus mo ghlòir cha tabhair mi do neach cile.

12 Eisd rium, O Iacoib, agus Israeil, a ghairm mi, *Is* mi Esan, *is* mi an ceud neach; *is* mi fòs an neach deireannach.

13 Is i mo làmh a leag stéidh na talmhainn, agus réis mo dheas làimhe a thomhais na nعامhan; bheir mi gairm dhoibh, seasaidh iad suas le 'chéile.

14 Cruinnichibh uile sibh féin ri 'chéile, agus éisdibh; cò 'n ann measg a dh'fhoillsich na nithéan so? cuiridh esan a's ionmhuinn leis an Tighearn 'an gníomh a thoil air Babilon, agus *bithidh* a ghairdean air na Caldéich.

15 Mise, mise *féin* labhair; seadh, ghairm mi e, threòruich mi e, agus soirbhichidh a shlighe.

16 Dlùthaichibh rium, agus cluinnibh so; o'n toiseach cha do labhair mi ann an uaigneas; o'n àm 'an do thachair e, *bha* mise an sin; agus a nis chuir an Tighearn Iehobhah, agus a Spiorad, a mach mise.

17 Mar so deir an Tighearn, d'fhear-saoraidh, Ti naomh Israeil; Is mise an Tighearn do Dhia, a tha 'teagasg dhuit ciod a thig gu d' bhuannachd; a tha 'g ad stiùradh anns an t-slighe air an imich thu.

18 O gu'n tugadh tu fainear m'aitheantais! an sin bhitheadh do shìth mar amhainn, agus d'fhèantachd mar thoman na fairge:

19 Agus bhitheadh do shìol mar a' ghainneamh, agus slìochd do chuim mar a' meanbh-chlochan; cha bhitheadh d'ainm air a ghearradh as, no air a sgrìos as mo làthair.

20 Rachaibh a mach o Bhabilon; teichibh o thìr nan Caldéach; le guth gairdeachais innsibh, cuiribh so 'an cèill; sgaoilbh an sgeul gu iomall na talmhainn; abraibh, Shaor an Tighearn 'òglach féin Iacob.

21 Agus cha robh tart orra anns na fàs-aichibh troimh an d' thug thu orra siubhal; thug e air uisge sruthadh dhoibh as a' charraig; seadh, sgoilt e a' chreag, agus bhrùchd an t-uisge mach.

22 Cha-n'eil sìth, deir an Tighearn, do'n aingidh.

CAIB. XLIX.

1 *Tha Crìosd a' gearan gu'n doshaothraich e gu dìomhaigh ann measg nan Iudhach.* 5 *Thug Dia e mar sholas do na cinnich gu iomall na talmhainn.* 13 *Mairidh gràdh an Tighearna gu bràth d'a eaglais:* 24 *tearnaidh Dia i o a luchd-sàrucaidh.*

EISDIBH, O eileanan, riumsa; agus thugaibh aire, a shlàigh, o chéin; o'n bhroinn ghairm an Tighearn mi; o chom mo mhàthar thug e luaidh air m'ainm.

2 Agus rinn e mo bheul mar chhlaidheamh geur; ann an sgàil a làimhe dh'fhòlaich e mi; seadh, rinn e mi a'm' ghath lìomhta; thaisg e mi ann a dhorlach.

3 Agus thubhairt e rium, Is tu m'òglach, O Israeil, anns am bi mi air mo ghlàrach-adh.

4 Agus thubhairt mise, Shaothraich mi gu dìomhain; air son neo-ni, agus air son dìomh-anais, chaith mi mo neart; *ach* gu cinnteach

tha mo bhreith maille ris an Tighearn, agus m'obair maille ri mo Dhia.

5 Agus a nis *mar so* deir an Tighearn, (a dhealbh mi o'n bhroinn *gu bhi* a'm' òglach dha, a thabhairt Iacoib air ais d'a ionnsuidh, agus a chum gu'm bi Israeil air a chruinneachadh thuige; uime sin bitheam glòrmhor ann an sùilbh an Tighearn, agus bithidh mo Dhia 'n a neart dhomh:

6 Mar so deir e,) Is ni suarach dhuit gu'm bitheadh tu a'd' òglach dhomhsa, a thogail suas gheugan Iacoib, agus a dh'aiseag mheanglan Israeil; bheir mi thu fòs mar sholas do na cinnich, gu bhì a'd' shlàinte uamsa gu iomall na talmhainn.

7 Mar so deir an Tighearn, fear-saoraidh Israeil, a Thì naomh; ris-san a tha air a dhimeas le daoineibh, ris-san d'an do ghabh an cinneach grunn; ri seirbhisceach an luchd-riaghlaidh; a chi rìghrean, agus éiridh iad suas; uachdarain, agus ni iad aoradh; air son an Tighearn a tha dileas, agus Ti naomh Israeil a ròghnaich thu.

8 Mar so deir an Tighearn, Ann an àm taitneach chuala mi thu, agus ann an là na slainte cluidich mi thu; agus gleidhidh mi thu, agus bheir mi thu mar choimheachal do'n t-sluagh; a dhaingneachadh na tìre, agus a thabhairt air na h-oighreachdaibh fasail a bhì air an seallbhachadh;

9 A ràdh ris a' mhuinntir a tha ceangailte, Rachaibh a mach; agus riu-san a tha ann an dorchadas, Thigibh an follais: Beathaichear iad air na sligibh, agus anns na h-uile ionadaibh àrda ni iad ionaltradh.

10 Cha bhì ocras no tart orra, ni mò 'bhuail-eas an teas no a' ghrian iad; oir ni esan aig am bheil iochd orra an stiùradh, agus treòraichidh e iad a chum nan sruthan uisge.

11 Agus ni mi mo shléibhteann uile 'n an slighe chòmhnaird; agus togar suas mo rathaidean mòra.

12 Feuch, thig iad so o chian; agus, feuch, iad so o thuath agus o'n iar; agus iad so o thìr Shìmin.

13 Seinnibh gu h-àrd O nعامhan, agus dean gairdeachas O thalainn; agus togaibh iolach O shléibhteann; oir thug an Tighearn comhfhurtachd d'a shluagh, agus gabhaidh e truas d'a mhuinntir a tha fo àmhghar.

14 Ach thubhairt Sion, Thréig an Tighearn mi, agus rinn mo Thighearn mo dhì-chuimh-neachadh.

15 An dì-chuimhnich màthair a leanabh cìche, gun iochd a dheanamh air mac a cuim? Feudaidh cadhion iadsan dì-chuimh-neachadh, ach cha dì-chuimhnich mise thusa.

16 Feuch air dearnaibh mo làmh ghearr mi thu; tha do bhallachan a'm' fhianuis 'an còmhnuidh.

17 Ni do chlànn deifir; siùbhlaidh iadsan a mach asad, a bha 'g ad sgrìos agus 'g ad chur fàs.

18 Tog suas do shùilean, agus faic; tha iad so uile air an cruinneachadh ri 'chéile, tha iad a' teachd a d'ionnsuidh. *Mar* is beò mise, deir an Tighearn, sgeadaichidh tu thu féin leo uile, mar le culaidh rìomhaich; agus ceanglaidh tu iad *umad*, mar a ni bean-bainne a seudan.

19 Oir d'ionadan fàsaidh agus faondrach, agus fearann do léir-sgrìos, cadhòn a nis bìthidh e air a dhomhlachadh le luchd-àiteachaidh; agus siubhlaidh iadsan fad' air falbh, a bha 'g ad shlugadh suas.

20 Thoir a' chlann, a sgaradh uait, fathast ann ad chluasaibh, Tha an t-ionad so ro chumham air mo shon; thoir àite dhomh a chum gu'n gabh mi còmhnuidh.

21 An sin their thu ann ad chridhe, Cò a ghin dhomh iad so? oir dh'fhàgadh mi gun chloinn agus a'm' aonar, a'm' fhògarach agus air m'fhuaadachadh; agus cò a dh'àraich iad so? Feuch, dh'fhàgadh mi a'm' aonar; iad so, c'àit an robh iad?

22 Mar so deir an Tighearn Iehobhah, Feuch, togaidh mise mo làmh ris na cinnich agus ris na slòigh cuiridh mi suas mo bhratach; agus bheir iad do mhic 'n an uchd, agus giùlainear do nigheanan air an guailibh.

23 Agus bithidh rìghrean 'n an oideachan-altruim dhuit, agus am ban-rìghinnean 'n an màthraichean-altruim dhuit; sleuchdaidh iad sìos duit, le'n aghaidh ris an làr, agus imlichidh iad duslach do chos; agus aithnichidh tu gur mise an Tighearn, agus cha nàraichear iadsan a chuireas an dòchas annas.

24 An toirear a' chreach o'n fhear làidir, no an leigear a' chobhartach dhligheach as?

25 Ach mar so deir an Tighearn, Bheir car eadhon cobhartach an fhir làidir uaith, agus théid creach an fhir uamhasaich as; oir gleacaidh mi ris-san a ghleacas riut, agus do chlann tèarnaidh mi.

26 Agus bheir mi air do luchd-sàruchaidh an feoil féin itheadh; agus cuiridh mi air mhisg iad le'm fuil féin, mar le fion nuadh; agus bithidh fios aig gach uile fheoil gur mise an Tighearn do Shlànuidhear, agus gur e d'fhear-saoraidh Ti cumhachdach Iacob.

CAIB. L.

1 *S'ann air son an do-bheartan féin a thilgeadh na h-Iudhaich air falbh.* 5 *Fulangas Chrìosd.* 7 *Tha Dia 'n a fhear-cuideachaidh d' a sheirbheiseach.* 10 *Earail gu earbsadh as an Tighearn.*

MAR so deir an Tighearn, C'àit am bheil litir-dhealachaidh 'ur màthar, a chuir mise uam? No cò e am neasg mo luchd-fiachan ris an do reic mi sibh? Feuch, air son 'ur dó-bheartan tha sibh air bhur reic; agus air son 'ur n-eu-ceartan chuireadh air falbh 'ur màthair.

2 Car son, an uair a thàinig mi, nach robh aon neach ann? an uair a ghairm mi,

nach d'thug aon neach freagradh? Am bheil mo làmh air fas co ro ghoirid as nach urrainn mi saoradh? agus am bheil mi gun chumhachd agam gu tèarnadh? Feuch, le m'achmhasan tìornaichidh mi an fhaire, ni mi na h-aimhnichean 'n am fasach; tha an iasg a' lobhadh dh'easbhuidh uisge, agus a' bàsachadh le tart.

3 Eideam na nèamhan le dubh-dhorchadas, agus cuiridh mi eudach-saie orra mar chòmhadhach.

4 Thug an Tighearn Iehobhah dhomhsa teangadh nan daoine fòghluinthe, a chum gu'm baithne dhomh focal a labhairt ann an deadh àm ris an *neach a tha* airsealach: tha e 'dùsgadh, maduinn an déigh maidne; tha e 'dùsgadh mo chluaise, gu éisdeachd mar a ni fòghlumach.

5 Dh'fhosgail an Tighearn Iehobhah mo chluas, agus cha robh mi ceannairceach; ni mò thionndaidh mi air m'ais.

6 Thug mi mo dhruim do'n luchd-bualaidh, agus mo ghialan dhoibhsan a spion au fheusaig; cha d'fholuich mi mo ghnùis o nàire agus o shìle.

7 Oir is e an Tighearn Iehobhah m' fhear-cuideachaidh, air an aobhar sin cha chuirear mi gu h-amhlaidh; uime sin shuidhich mi mo ghnùis mar chloich-theine, agus tha fios agam nach nàraichear mi.

8 Tha esan am fagus a dh'fhìreanaicheas mi; cò esan a ni strì rium? Seasamaid a mach le 'chéile; cò e m'eascaraid? thigeadh e dlùth a'm' chòdhail.

9 Feuch, is e an Tighearn Iehobhah m'fhear-cuideachaidh, cò a dhìteas mi? Feuch, fàsaidh iad uile sean mar thrusgan; ithidh an leòman suas iad.

10 Cò e 'n ur measg air am bheil eagal an Tighearn', a tha 'g éisdeachd ri guth a sheirbhiseach, a tha 'siubhal ann an dorchadas, agus aig nach 'eil solus? earbadh e á ainm an Tighearn', agus leigeadh e a thaic r'a Dhia.

11 Feuch, sibhse uile a tha 'fadadh teine, a tha 'g 'ur cuairteachadh féin le sradaibh; siubhlaidh ann an solus bhur teine, agus nan sradan a las sibh; so gheibh sibh o m' àimh-sa, luidhidh sibh sìos ann an doilghios.

CAIB. LI.

1 *Chomhairlicheadh do na fireanaibh an dòchas a chur 's an Tighearn, do bhrìgh gu'n toir e comhfhurtachd do Shìon.* 4 *Mu thimcheall fireantachd agus slàinte Dhé.* 7 *Cha chòir eagal a ghabhail roimh mhasladh dhaoine.* 17 *Tha am fàidh a' deanamh caoidh air son Ierusalem.*

EISDIBH rium, sibhse 'tha 'leantuinne Tigheantachd, sibhse 'tha 'g iarraidh an Tighearn'; seallaibh ris a' charraig o'n do ghearradh a mach sibh, agus ri slochd na h-uamha o'n do chladhaicheadh sibh.

2 Seallaibh air Abraham 'ur n-athair, agus air Sarah a rug sibh; oir ghairm mise e 'n a

aonar, agus bheannaich mi e, agus rinn mi bonmhor e.

3 Oir bheir an Tighearn comhfhurtachd do Shìon; bheir e comhfhurtachd d'a h-ionad- aibh fàsaidh uile; agus nì e a fàsach mar Eden, agus a dithreachb mar ghàrdh an Tighearna; gheibhear aoibhneas agus subh- achas innte, breith-buidheachais agus fonn ciuil.

4 Eisdibh rium, O mo shluagh; agus thug- aibh aire dhomh, O m' fhine; oir thig reachd a mach uam, agus foillsichidh mi mo bhreithcanais chum soluis do na sìgh.

5 Tha m'fhìreantachd am fagus, tha mo shlàinte air dol a mach, agus nì mo ghàir- dean breitheanas air na fineachaibh; feithidh na h-eileanan rium, agus ann am ghàirdean cuiridh iad an dòchas.

6 Togaibh 'ur sìnean suas ris na nàmh- an, agus amhaircibh air an talamh shìos; oir sgaoilear o' chéile na nàmhnan mar dheataich, agus fàsaidh an talamh sean mar thrusgan; agus bàsaichidh a luchd-àiteach- aith air an amhladh cheudna; ach mairidh mo shlàinte-sa gu sìorruidh, agus cha téid m'fhìreantachd air chùil.

7 Eisdibh rium, sibhse 'tha còlach air fìreantachd, a shluagh aig am bheil mo lagh ann 'ur cridhe; na bitheadh eagal oirbh roimh mhasladh dhaoine, agus na gabhaibh geilt roimh an càineadh.

8 Oir ithidh an leòman iad mar thrusgan, agus ithidh a' chnuimh iad mar olaime; ach mairidh m'fhìreantachd sa gu sìorruidh, agus mo shlàinte gu linn nan linntean.

9 Dùisg, dùisg, cuir umad neart, O ghàir- ein an Tighearna; dùisg, mar ams na làith- ibh o shean, ams na h-aimsiribh o chian. Nach tusa a ghearr Rahab, a lot an dràgon?

10 Nach tusa a thiormaich an fhairege, uisgeachan na doimhne mòire? a rinn doimh- neachdan na fairege 'n an slighe do'n mhuinn- tir shaorta gu dol thairis.

11 Mar so pillidh muinntir shaorta an Tighearn' agus thig iad gu Sion le iolach; agus *bitheadh* aoibhneas bith-bhuan air an ceann; gheibh iad aoibhneas agus subh- achas, agus teichidh mulad agus caoidh air falbh.

12 Is mise, *eadhon* mise, an ti a bheir dhuibh comhfhurtachd; cò thusa gu'm bitheadh eagal ort roimh dhuine a gheibh bàs, agus roimh mhac an duine a nìthear mar am fear?

13 Agus gu'n dì-chuimhnichidh tu an Tighearn do Chruith-fhear, a shìn a mach na nàmhnan, agus a leag stéidh na talmh- ainm; agus gu'm bitheadh sìor eagal ort gach là, air son corruidh an fhir-shàruch- aith, mar gu'm bitheadh e ullamh gu sgrìos? agus c'ait am bheil corruidh an fhir-shàruch- aith.

14 Tha am prìosanach a' deanamh deifir gu bhì air 'fhuasgladh, a chum nach faigh

e bàs anns an t-slochd, agus nach fàilnich 'aran.

15 Oir is mise an Tighearn do Dhia, a chiùinicheas an fhairege, an uair a bheacas a tonnan: is e Tighearn nan sluagh a's ainm dhia.

16 Agus chuir mise mo bhriathran ann ad bheul, agus le sgaile mo làimhe dh'fholuich mi thu; a shuidheadh nan nàmhnan, agus a leagadh bunaitean na talmhainn; agus a ràdh ri Sion, Is tu mo shluagh.

17 Dùisg, dùisg, éirich suas o Ierusalem, a dh'òl, o làimh an Tighearna, cuach a chorr- nich; dh'òl thu, dh'fhàisg thu as, deisg- eanan cuache na ball-chrith.

18 Cha-n'eil fear-stiùraidh aice, am measg nan uile mhac a rug i; cha-n'eil aon a ghlacas air làimh i, am measg nan uile mhac a dh'altruim i.

19 Thachair an dà nì so dhuit; cò a nì caoidh air do shon? creachadh agus mill- eadh, a' ghort agus an claidheamh; cò a bheir dhuit comhfhurtachd?

20 Tha do mhie air fannachadh, tha iad air tuiteam sìos aig ceann gach sràide, mar tharbh fiadhaich ann an lìon; lìonadh iad làn de chorruidh an Tighearna, de achmhas- an do Dhé.

21 Air an aobhar sin, cluim so a nis, O thusa a tha fo àmhghar, agus air mhìsg, aeh cha-n ann le fion.

22 Mar so deir do Thighearn Iehobhah, agus do Dhia a thagras cùis a shluagh; Feuch, thug mi as do làimh cuach na ball- chrith; deiseanan cuache mo chorruidh; cha-n òl thu dhi nì's mò.

23 Ach cuiridh mi i ann an làimh luchd do shàruchaidh, a tha'g ràdh ri d'anam, Crom sìos, a chum gu'n téid sinn thairis; agus leag thu do chorp sìos mar an làr, agus mar an t-sràid, dhoibhsan a tha 'gabhail seachad.

CAIB. LII.

1 *Thug Dia comhfhurtachd do'n eaglais.* 7 *Maise rioghachd Chrìosd.* 9 *Chomhairlicheadh do'n eaglais gairdeachas a dheanamh ann an slàinte a Tighearna.* Glòir Chrìosd 'n uair a dh'àrdachear e.

DUISG, dùisg, cuir umad do neart, O Shìon; cuir umad do chulaidh sgiamh- ach, O Ierusalem, a Chaithir naomh; oir cha téid an neo-thimchioll-ghearrta agus an neòghlan a steach anna nì's mò.

2 Crath thu féin o'n duslach; rach suas, dean suidhe, O Ierusalem; fhuasgail thu féin o cheanglaichibh do mhuineil, O nighean Shìoin a tha fo dhaorsa.

3 Oir mar so deir an Tighearn, Air neo-nì reiceadh sibh, agus cha-n ann le h-airgiod a dh'fhuasgailear sibh.

4 Oir mar so deir an Tighearn Iehobhah, Chaidh mo shluagh sìos do'n Eiphit an tois- each, gu bhì air chualt an sin; agus rinn

an t-Asirianach, mu dheireadh, an sàruchadh.

5 Agus a nis, ciod a th'agamsa an so, deir an Tighearn, o thugadh air falbh mo shluagh air neo-ni? tha an luchd-riaghlaidh a' toirt orra caoineadh, deir an Tighearn; agus tha m'ainm-sa an còmhnuidh, gach aon là, a' faghail toibheim.

6 Air an aobhar sin, bithidh còlas aig mo shluagh air m'ainm; air an aobhar sin *bithidh fios uca*, air an là sin, gur mise an ti a tha 'labhairt; feuch, *is* mise a *th'ann*.

7 Cia maiseach air na sléibhtibh cosan an teachdair' aoibhinn, a tha 'g éigheach sìthe; teachdair' an deadh sgeòil, a tha 'g éigheach slàinte; a tha 'g ràdh ri Sion, Is e do Dhia a's rìgh ann.

8 Togaidh do luchd-faire an guth; le'n guth ni iad iolach le 'chéile; oir chi iad aghaidh ri h-aghaidh, an uair a bheir an Tighearn Sion air a h-ais.

9 Brisibh a mach le gairdeachas, deanaibh ceòl le 'chéile, O fhàsaichean Ierusalem; oir thug an Tighearn comhfhurtachd d'a shluagh, shaor e Ierusalem.

10 Leig an Tighearn ris a ghairdean naomh ann an suilbhan nan uile chinneach; agus chi uile iomallan na talmhainn slàinte ar Dé-ne.

11 Imichibh, imichibh; rachaibh a mach as a sin; na beanaibh ri *ni* neòghlan; rachaibh a mach as a meadhon; bithibhse glan, a tha 'g iùlan shoithichean an Tighearna.

12 Oir cha-n ann le cabhaig a théid sibh a mach, agus cha-n ann le teicheadh a shùibh sibh; oir gluaisidh an Tighearn roimh-ibh, agus cuairtichidh Dia Israeil sibh *o'n taobh chùil*.

13 Feuch, ni m'òglach gu glic; bithidh e air a thogail suas, agus air 'ardachadh, agus bithidh e ro 'ard.

14 Mar a ghabh mòran iongantais riut; (is co mhòr a' mhì-mhaise a rinneadh air 'aghaidh, seach *aon* duine; agus air a dhreach, seach clann nan daoine;)

15 Mar sin crathaidh e *uisge* air mòran chinneach; 'n a fhianuis druuidh rìghrean am beoil; oir an ni nach do chuireadh 'an ceòil doibh, chi iad; agus an ni nach cual iad, bheir iad fàinear.

CAIB. LIII.

1 *Tha am fàidh a' gearan gu'n robh an sluagh dh'easbhuil creidimh.* 4 *Fulangas' Chrìosd:* 11 *Chì e de shaothair 'anama agus bithidh e toilichte.*

CO a chreid ar teachdaireachd? agus cò do'n robh gairdean an Tighearn' air 'fhoillseachadh.

2 Oir fàsaidh e suas mar fhailllean 'n a làthair, agus mar fhreumh á talamh tìoram; cha-n'èil sgeimh no grimeas aige, gu'n amhairceamaid air; ni mò tha maise aige, gu'n iarramaid e.

3 Tha e air a dhùineas, agus air a chur air

chùl le daoineibh; 'n a dhuine dhoilghiosan, agus eòlach air bròn; agus mar neach a dh'fholuicheas 'aghaidh uainn, tha e air a dhùineas, agus cha-n'èil suim againn dheth.

4 Gu deimhin ar n-annhuinneachd ghiùlain e, agus ar doilghiosan dh'iomchair e; ach shaoil sinne gu'n robh e air a bhualadh, air a smachdachadh le Dia, agus air a chlaoidheadh.

5 Ach lotadh e air son ar peacaidh-ne, bhruthadh e air son ar n-aingidheachdan; leagadh a'rsan smachdachadh ar sìth, agus le a chreuchdaibh-san shlànuicheadh sinne.

6 Chaidh sinn uile, mar chaoraich, air seacharan; thionndaidh sinn, gach aon g'a shlighe féin; agus leag an Tighearn a'rsan aingidheachd gach aoin againn.

7 Shànuicheadh e, agus rinneadh ainneart air, gidheadh cha d'fhosgail e a bheil; thugadh e mar uan chum a' chasgraidh, agus mar chaora 'bhitheas balbh an làthair a luchd-lomairt, mar sin cha d'fhosgail e a bheil.

8 O fhòirneart agus o bhreitheanas thugadh air falbh e; agus a ghinealach cò a chuireas 'an ceòll? oir ghearradh as e o thìr nam beò; air son eusaontais mo shluaigh-sa bha e air a thrombhuadh.

9 Agus dh'orduicheadh 'uaigh maille ris na h-aingidh, agus maille ri duine saobhir 'n a blias; air son nach d'rinn e eucoir, agus nach *robh* cealg 'n a bheil.

10 Ach b'i toil an Tighearn' a bhruthadh; chuir e fo àmhghar e; an uair a ni thu 'anam 'n a iobairt-réitich, chi e sliochd, sinear a làithean; agus soirbhichidh rùn an Tighearna 'n a làimh.

11 De shaothair 'anama chi e, agus bithidh e toilichte. Le còlas a'rsan ni m'òglach fìreanach mòran fhìreanachadh; oir giùlainidh e an eu-ceartan.

12 Air an aobhar sin, roinnidh mi dha cuibhrionn maille ris a' mhòran, agus roinnidh e a' chreach maille ris na cumhachdaich; a chionn gu'n do dhòirt e mach 'anam gu bàs; agus gu'n robh e air 'àireamh am measg nan ciontach; agus ghiùlain e peacadh mhòrain, agus rinn e eadar-ghuidhe air son nan ciontach.

CAIB. LIV.

1 *Fhuair na cinnich gealladh gu'm bithheadh iad air an gabhail a steach do rìoghachd Chrìosd.* 4 *Tèarnar iad anns gach teanntachd.* 11 *Bheir Dia comhfhurtachd dhoibh, agus teagasgidh e iad 's an t-slighe cheart.*

SEINN, a bhean aimrid nach d'rug clann; seinn gu luadh-ghaireach, agus dean iolach 'ard, thusa nach robh ri saothair-chloinne; oir is lìonmhoire clann na mnà aonaranaich, na clann na mnà pòsda, deir an Tighearn.

2 Leudaich ionad do phàilliuin, agus sgaoileadh iad a mach brata-còmhdaich do

bhùthan; na caomhain, leig 'am fad do chùird, agus daingnich do phuist:

3 Oir air an fàmh dheis, agus chli, brisidh tu mach; agus sealbhaichidh do shliochd na cinnich, agus àitichidh iad na caithrich-ean fàsail:

4 Na gabh eagal, oir cha mhaslaichear thu; na gabh nàire, oir cha chuirear thu gu h-amhuadh; oir dì-chuimhnichidh tu nàire d'òige, agus masladh do bhantrachais cha chuimhnich thu nì's mò.

5 Oir is e d'fhear-pòsa do Chruith-fhear; 's e Tighearn nan shuagh a's ainm dha; agus is e d'fhear-saoraidh Tì naomh Israeil; goirear Dia an domhain uile mar ainm ris.

6 Oir mar mhnaoi air a tréigsinn, agus fo àmhghar 'n a spiorad, ghairm an Tighearn thu, agus mar mhnaoi a phòsadh 'n a dh-òige, a chionn gu'n do chuireadh air falbh thu, deir an Tighearn.

7 Ré tiota bhig, dhealaich mi riut; ach le mòr iochd cruinnichidh mi thu.

8 Ann an corruich bhig, dh'fholuich mi mo ghnùis car tiota uait; ach le caomhnneas sìorruidh ni mi trècair ort, deir an Tighearn d'fhear-saoraidh.

9 Oir tha so mar uisgeachaibh Noah dhomh; mar a mhionnaich mi nach rachadh uisgeachan Noah tuilleadh thar an talamh, is amhuil a mhionnaich mi nach bithinn ann an corruich riut, agus nach toirinn ach-mhasan duit.

10 Oir dealaichidh na sléibhteann *ri'm bunaitibh*, agus atharraichear na beamtann *as an àit*; ach cha dealaich mo chaoimhnneas riutsa, agus cha-n atharraichear coimh-cheangal mo shithc, deir an Tighearn aig am bheil truas dhòt.

11 O thusa a tha ainneach, air do luasgadh leis an doinn, agus gun chomhfhurtachd agad; feuch leagaidh mi do chlachan ann an dath sgiamhach, agus suidhichidh mi do bhunaitcan le clachan saphir.

12 Agus ni mi d'uinneagan de chlachan rubi, agus do gheatachan de charbuncalaibh, agus d'uile iomall de chlachan rìomhach.

13 Agus bithidh do chlànn uile air an teagasg leis an Tighearn; agus is mòr a bhitheas sìth do chloinne.

14 Ann am fireantachd socraichear thu; bithidh tu fada o shàruchadh, ionnus nach gabh thu eagal; agus o uamhas, ionnus nach tig e dlùth dhuit.

15 Feuch, bithidh cruinneachadh gu deimhin ann, ach cha-n ann leam-sa; cò 's am bith a chruinnicheas a'd' aghaidh, tuitidh e air do sgàth.

16 Feuch, is mise a chruthaich an gobha a tha 'séideadh suas nan éibhleann 's an teine, agus a' toirt a mach aefhuinn a chum 'òibre; agus is mi a chruthaich an milltear a chum cur fàs.

17 Cha soirbhich inneal sam bith a dhealbhar a'd' aghaidh; agus ditidh tu

gach teangadh a dh'éireas riut 'am breitheanas. Is i so oighreachd sheirbhiseach an Tighearna; agus tha am fireantachd uamsa, deir an Tighearn.

CAIB. LV.

1 *Ghairm am fàidh air an t-sluagh teachd a dh'ionnsuidh Chriosd, agus an slighe aingidh agus an smuaintean eucorach a thréigsinn. 8 Sonas an fhreine.*

HO! gach neach air am bheil tart, thigibhse chum nan uisgeachan; agus *esan* aig nach 'eil airgid, thigibh, ceannaichibh agus ithibh; seadh, thigibh, ceannaichibh, gun airgid agus gum luach, fìon agus bainne.

2 C'ar son a tha sibh a' caithcamh airgid air nì nach aran? agus bhur saothair air nì nach sàisich? Eisdibh le deadh aire riumsa, agus ithibh *an nì a tha* maith; agus gabhadh 'ur n-anam toil-inntinn ann an cuilm shòghmhoir.

3 Aomaibh 'ur cluas, agus thigibh a m'ionnsuidh-sa; éisdibh, agus mairidh 'ur n-anam beò; agus ni mi ruibh coimh-cheangal sìorruidh, *eadhon* trècairean cinnteach Dhaibhidh.

4 Feuch, thug mi e mar fhianuis do na cinnich, 'n a cheann-iùil agus 'n a uachd-aran do na slòigh.

5 Feuch, gairmidh tu cinneach nach b'aithne dhuit; agus cinnich do nach b'aithne thu, ruithidh iad a'd' ionnsuidh, air sgàth an Tighearna do Dhé, agus air son Tì naomh Israeil; oir ghloiraich e thu.

6 Iarraibh an Tighearn, am feadh a tha o r'a fhaotainn; gairmibh air, am feadh a tha e am fagus.

7 Tréigeadh an t-aingidh a shlighe, agus an duine eucorach a smuaintean; agus pill-eadh e ris an Tighearn, agus nochdaidh e trècair dha; agus ri ar Dia-ne, oir bheir e maithneas gu pailt.

8 Oir cha-n iad mo smuaintean-sa bhur smuaintean-sa, ni mò *is iad* 'ur shlighean-sa, mo shlighean-sa, deir an Tighearn.

9 Oir mar a tha na nèamhan àrd seach an talamh; mar sin tha mo shlighean-sa àrd seach bhur shlighean-sa, agus mo smuaintean-sa seach bhur smuaintean-sa.

10 Oir mar a thig an t-uisge a nuas, agus an sneachd o nèamh, agus nach pill e an sin, ach gu'n uisgich e an talamh, agus gu'n toir e air fàs torrach, agus toradh a thabhairt uaithe, a chum gu'n tabhair e sìol dhà-san a chuireas, agus aran dhà-san a dh'itheas;

11 Is amhuil a bhitheas m'fhocal-sa a théid a mach as mo bheul; cha phill e a m'ionnsuidh gun tairbhe; ach coimhlionaidh e an nì a's àill leam, agus bheir e gu buil *an nì* mu'n do chuir mi mach e.

12 Oir le h-aobhnas théid sibh a mach, agus le sìth stiùrar sibh air 'ur n-aghaidh:

togaidh na sléibhteann agus na cuic roimh-ibh árd iolach, agus uile chraobhan na macharach buailidh am basan.

13 'An áite droigline fásaidh an giuthas, agus 'an áite drise fásaidh an miortal; agus bithidh e do'n Tighearn mar ainm, mar chomharadh bith-bhuan, nach cuirear as áite.

CAIB. LVI.

1 *Earrail gu breitheanas a choimhead. 3 Tha Dia a' gealltuinn gu'n gabh e ris gach neach a ghluaiseas gu taitneach 'n a láthair. 9 Tha trioblaiden na h-eaglais ag éirigh o luchd-faire dall agus aineolach.*

MAR so deir an Tighearn, Coimhead-aibh breitheanas, agus deanaibh eartas; oir tha mo shláinte dlúth eum teachd, agus m'fhireantachd eum a bhí air a foillseachadh.

2 Is beannaichte an duine a ni so, agus mac an duine a ni greim air; a choimhideas an t-sábaid gun a mi-naomhachadh, agus a choimhideas a lamh o aon ole a dheanamh.

3 Agus na labhradh mac a' choigrich, a tha 'dlúth-leantunn ris an Tighearn, ag ràdh, Sgar an Tighearn mise gu tur o 'shluagh; agus na h-abradh an caillteanach, Feuch, tha mise a'm' chrann tioram.

4 Oir mar so deir an Tighearn, Do na caillteanaich a choimhideas mo shàbaidean, agus a règlmaicheas an nì a thaitneas riom, agus a ni greim air mo choimhcheangal;

5 Dhoibh sin bheir mi ann am thigh, agus an taobh a stigh de m' bhallaichean, àit agus ainm nì's fearr na ainm mhae agus nigh-ean; ainm sìorruidh bheir mi dhoibh, nach gearrar as.

6 Agus mic a' choigrich a tha 'dlúth-leantunn ris an Tighearn, gu frithealadh dha, agus gràdh a thoirt do ainm an Tighearna, agus gu 'bhi 'n an òglaich dha; gach aon a ghlaidheas an t-sábaid gun a mi-naomhachadh, agus a ni greim air mo choimhcheangal;

7 Iad sin bheir mi eum mo shléibh naomh; agus ni mi aoibhneach iad ann am thigh-urnuigh; *bithidh*an tabhartais-loisgte agus an iobairtean air an gabhail gu taitneach air m'altair; oir goircear ri m' thigh-sa, Tigh-urnuigh air son nan uile shlògh.

8 Mar so deir an Tighearn Iehobiah, a tha 'cruinneachadh r'a chéile diobaraich Israel; Fathast cruinnichidh mi *muinntir eile* d'a ionnsuidh, a thuilleadh orra-san a tha air an cruinneachadh.

9 O uile bheathaichean na macharach, thighibh eum itheadh; O uile bheathaichean na fridhe.

10 Tha a luchd-faire dall, gach aon diubh; tha iad aineolach, gach aon diubh; is coin bhalbh iad nach urrainn tabhannaich; a' tuiteam 'n an codal, 'g an sìneadh féin sìos, leis an ionmhuinn codal.

11 Seadh, is coin chòcrach iad nach urrainn a bhi toilichte; agus is buachaillan iad nach urrainn tuigsinn; tha iad a' sealltuinn, gach aon diubh, air a shlighe féin; gach fear air a bhuanmachd o a chrich féin.

12 Thigibh, *deir iad*, gabhamaid fion, agus òlumaid dibh làidir; agus mar an là'n dugh bithidh an màireach, agus nì's ro phailte gu mòr.

CAIB. LVII.

1 *Gheibh na h-ionracain agus na daoine tròcair-ach bàs ann an sìth. 3 Chronaich Dia na h-Iudhaich air son an droch ghlèomharan. 13 Èiridh gu math do'n neach a chuireas a dhòchas anns an Tighearn.*

THIA an duine ionraic a' bàsachadh, agus gun aon neach a' toirt fainear; agus na daoine tròcaireach air an toirt air falbh, agus gun aon neach a' tuigsinn gu bheil an t-ionracan air a thoirt air falbh o'n ole a tha ri teachd.

2 Siùbhlaidh e ann an sìth; gabhaidh esan fois 'n a leabaidh, a tha 'g imeachd 'n a ionraicas.

3 Ach thigibhse am fagus an so, a mhaca na ban-fhiosaich, a shluochd an adhairtran-aich agus na striopaich.

4 Cò de'm bheil sibh a' deanamh àbhachd? ris am bheil sibh a' deanamh beoil fharsuinn, agus a' sìneadh a mach na teangaidh! Nach clann sibh a chlaon a leth-taobh, sìol na foill?

5 A' fadadh *bhur n-an-mhiann* le h-òdh-olaibh fo gach crann naine; a' marbhadh na eoinne anns na gleann-taibh, fo sgoltaibh nan creag.

6 Am measg mhìn *chlachan* a' ghlinne tha do chuibhrionn; is iad sin, is iad sin do chrannchur; eadhon dhoibh so dhòirt thu mach tabhartas-dìbhe, dh'ìobair thu tiòdh-lae. An gabhaim-sa tlachd amta sin?

7 Air shìabh eruachach árd shuidhich thu do leabaidh; eadhon do'n áite sin eaidhich thu suas a thoirt seachad iobairt.

8 Air cùl an doruis agus na h-ursainn chuir thu suas do eumhimeachan; dh'imich thu air falbh uamsa, agus eaidhich thu suas; leudaich thu do leabaidh, agus rinn thu coimhcheangal riù; thug thu gràdh do an leabaidh-san, cia b'e àit anns am faca tu i.

9 Agus eaidhich thu dh'amhare an rìgh le h-òladh-mugaiddh, agus mheudaich thu do bholtraichean; agus chuir thu do theachd-airean am iad, agus dh'islich thu thu féin eadhon gus an uaigh.

10 Ann am buanas do shlighe sgithicheadh thu; *ach* cha dubhairt thu, Cha-n'eil dòchas ann; fhuair thu beatha do làimhe; air an aobhar sin cha d'fhannaich thu.

11 Agus cò as a ghabh thu eagal agus fiamh, gu'n d'rinn thu breug, agus nach do chumhnich thu ormsa, ni mo 'thug thu fainear? Nach d'fhan mise a'm' thosd,

eadhon o chian, agus cha-n'eil eagal ort romham?

12 Leigidh mise ris d'fhìreantachd, agus do gheinnimharan; oir cha dean iad feum dhuit.

13 An uair a ghlaodhas tu, deanadh do chuideachdan do thèarnadh; ach togaidh a' ghaoth air falbh iad uile, bheir an cèd as iad; ach an neach a chuireas a dhòchas annam - sa, sealbhaichidh e am fearann, agus gheibh e mar oighreachd mo shliabh naomh.

14 An sin their mi, Tilgibh suas, tilgibh suas; ulluichibh an t-slighe; thugaibh air falbh *gach* ceap-tuislidh á rathad mo shluagh.

15 Oir mar so deir an Tì àrd agus uasal, do'n àite-còmhnuidh sìorruidheachd, do'n ainm an Tì naomh; Anns an ionad àrd agus naomh tha mise a' gabhail còmhnuidh; maille ris-san fòs a tha leònta agus iriosal 'n a spiorad; a bheothachadh spioraid nan iriosal, agus a bheothachadh cridhe nan daoine leònta.

16 Oir cha bhi mi a' cronachadh gu sìor, agus cha bhi fearg orm an còmhnuidh; oir dh'fhàilnicheadh an spiorad romham, agus na h-anaman a rinn mi féin.

17 Air son cionta a shannta bha corruich orm, agus bhual mi e, a' folachadh mo glmùise ann am feirg; agus dh'imich e roimhe gu fìar, air slighe a chridhe féin.

18 Dh'amhairc mise air a shligheibh, agus leighisidh mi e; seadh, trèdraichidh mi e, agus aisigidh mi sòlasan dhàsan agus d'a luchd-bròin.

19 Is mi a chruthaicheas toradh nam bilean; sìth, sìth, dhàsan a tha fad as, agus dhàsan a tha dlùth, deir an Tighearn; agus slànuidhidh mi e.

20 Ach tha na h-aingidh cosmhuil ris a' mhuir bhuaite, oir cha-n urrainn i 'bhi aig fois; ach tha a h-uisgeachan a' dùsgadh nìos salchair agus làthaich.

21 Cha-n'eil sìth, deir mo Dhia, do na h-aingidh.

CAIB. LVIII.

1 Chuir am fàidh 'an cèill an dealachadh a tha eadar trasg mhealltach agus trasg dhiaidhaidh. 2 Beannaichidh an Tighearn esan a thraisgeas gu ceart, 13 agus a choimhideas là na sàbaid

GLAODH gu h-àrd, na caomhain; mar ghall-triump tog suas do ghuth; agus nochd do m' shluagh-sa an eusaontas, agus do thigh Iacoib an lochdan.

2 Gidheadh o là gu là tha iad 'g am iarraidh-sa, agus is toil leo eòlas a ghabhail air mo shligheibh; mar chinneach a tha 'cur 'an gnìomh fìreantachd, agus nach do thréig reachd an Dé; tha iad a' fìosrachadh dhìom-sa mu thimchioll reachdan na fireantachd, agus is miann leo 'bhi 'teachd dlùth do Dhia.

3 C'ar son a thraisg sinn, *deir iad*, agus nach 'eil thusa a' faicinn? C'ar son a chràidh sinn ar n-anam, agus nach 'eil thusa a' toirt fairear? Feuch, ann an là blhur traisg tha sibh a' mealtuim 'ur sòlais, agus 'ur n-uile dhlighe saothreach tha sibh ag agairt.

4 Feuch, tha sibh a' trasgadh chum conn-sachaidh agus aimhreit, agus chum bualadh le dèrn na h-eucorach; cha bhi sibh ri trasg mar air an là'n diugh, a thoirt air blhur guth gu'n cluinnear e gu h-àrd.

5 An e leithid so de thrasg a ròghnaich mise, gu'n cuireadh duine 'anam fo leòn car là? An e gu'n cromadh e a cheann mar luachair, agus gu'n sgaoileadh e sac-eud-ach agus luaithre foidhe? An abair thu trasg ri so, agus là taitneach do'n Tighearn?

6 Nach e so an trasg a tha mise a' rògh-nachadh; cuibhrichean na h-aingidheachd a sgaoileadh, na h-uallaichean troma 'lasach-adh, agus a' mhuinntir shàruichte 'fhuasgladh; agus gach uile chuing a bhriseadh?

7 Nach e d'aran a roim ris an ocrach, agus aoidheachd a thoirt do na bochdaibh seachranach? an uair a chi thu an lòn-nochd gu'n còmhdaich thu e; agus nach fòluich thu thu féin o d'fheoil féin?

8 An sin brisidh do sholus a mach mar a' mhaduinn, agus fàsaidh do shlàinte gu grad; agus théid d'fhìreantachd air thois-each ort: bithidh glòir an Tighearna 'g ad chuariteachadh *o'n taobh chàil*.

9 An sin gairmidh tu, agus freagraidh an Tighearn; glaothaidh tu, agus their e, *Tha* mise an so. Ma chuireas tu air falbh as do mheadhon a' chuing, tomhadh a' mheadh, agus labhairt toibheim;

10 Agus ma thiomaisicheas d'anam ris an ocrach, agus gu'n sàsuich thu an t-anam leònta; an sin éiridh do sholus ann an doilleireachd, agus *bithidh* do dhorchadas mar mheadhon-là.

11 Agus stiùraidh an Tighearn thu an còmhnuidh, agus sàsuichidh e d'anam ri àm tarta, agus ungaidh e do chnàmhan; agus bithidh tu mar lios air a dheadh-uisgeach-adh, agus mar thobar fìor-uisge, air nach tig fàilleg uisge.

12 Agus togaidh iadsan a *ghinear* uait na seann Ìraichean; togaidh tu suas bunaitean nan ìomadh ginealach; agus goirear dhìot Fear-càraimh a' bheumna, Fear-aisig nan ròidean chum a bhi air an àiteachadh.

13 Ma philleas tu air falbh do chos o'n t-Sàbaid, do thoil féin a dheanamh air mo là naomh-sa; agus gu'n abair thu ris an t-Sàbaid, Toil-intinn; ri là naomh an Tighearn, Urramach; agus gu'n tabhair thu onoir dhi, gun a bhi 'cantuim do shlighean féin, no 'gabhail do shòlais féin, no 'labhairt do bhriathran féin;

14 An sin gabhaidh tu tlachd anns an Tighearn; agus bheir mise ort marcachd air ionadaibh àrda na talmhainn; agus beath-

aiehidh mi thu le oighreachd Iacoib d'athar;
oir labhair beul an Tighearn' e.

CAIB. LIX.

1 *Chuir eu-ceartan chloinn Israeil dealachadh eadar iad féin agus an Dia. 16 Tha sláinte tre an Tighearn a mháin. 20 Coimheangal an fhir-shaoraidh.*

FEUCH, cha-n'eil lámh an Tighearn' air dol 'an giorrad, air chor as nach feud i téarnadh; ní mò tha a chluas air fàs mall, air chor as nach feud i cluinntinn.

2 Ach chuir bhur n-en-ceartan dealachadh eadar sibh féin agus bhur Dia; agus dh'fhol-uich 'ur lochdan uaibh a ghnùis, ionnus nach éisd e.

3 Oir tha bhur lámhan air an truailleadh le fuil, agus 'ur meòir le h-eu-ceart; labhair 'ur bilean cealg; bithidh bhur teangadh a' teachd air ainmheas.

4 Cha-n'eil neach a' gairm air ceartas, cha-n'eil neach a' tagradh air son na firinn; tha iad a' cur an dòigh ann an dìomhanas, agus a' labhairt bhreug; torrach le h-ainmheas, agus a' breith eu-ceirt.

5 Tha iad a' gur air uibhean na ri-nathrach, agus a' figheadh lion an damhan-alluidh; esan a dh'itheas de'n uibhean, gheibh e bàs; agus an uair a bhruthar e' brisidh nathair nime nach.

6 De'n hontaibh cha deanar trusgan; ní mò 'chòmhaicheas iad iad féin le'n oibrigh; an oibre is oibre na h-eucorach iad; agus tha gnìomh an fhoirneirt 'n an lámhan.

7 Tha an cas a' ruith chum uile, agus tha iad a' greasad chum fuil neo-chiontach a dhòrtadh; is innleachdan aingidheachd an innleachdan; tha léir-sgrìos agus milleadh 'n an ceumaibh.

8 Slighe na sìthe cha-n aithne dhoibh, ní mò 'tha ceart-bhreth 'n an ròidibh; rinn iad dhoibh féin ceuman cama; cò air bith a shiùbhlas amta, cha-n aithne dha sìth.

9 Air an aobhar sin tha breitheanas fada uainn, agus cha-n'eil ceartas a' breith oirn; tha sinn ag amharc air son soluis, ach feuch dorchadas; air son soilleireachd, ach tha sinn a' gluasad ann an duibhre.

10 Tha sinn a' smeurachadh, mar na doill, ag iarraidh a' bhalla; agus mar mhuinntir gun fhradharc tha sinn a' smeurachadh; tha sinn a' tuisleachadh mu mheadhon-là, mar anns an dù-thrà; *tha sinn* ann an ionadaibh uaigneach mar dhaoinibh marbha.

11 Tha sinn a' bùirich mar mhaith-ghamhuibh; mar cholomain tha sinn ri sìor-chaoirean; tha ar sùil ri breitheanas, ach cha-n'eil e ann; ri fuasgladh, ach 's ann a tha e fada uainn.

12 Oir tha ar lochdan air fàs lìonmhor ann ad làthair, agus tha ar ciontan a' toirt fianuis 'n ar n-aghaidh; oir tha ar lochdan 'n ar cuideachd, agus ar n-aingidheachd is léir dhuinn;

13 Le peacachadh agus le breugaibh an aghaidh an Tighearn', agus le pillcadh air falbh o ar Dia; le ainneart a labhairt, agus le ceannairc a dhealbhadh; agus le briathran breugach aithris o'n chridhe.

14 Agus tha breitheanas air pillcadh air ais, agus tha ceartas a' seasamh fad as; oir thuishich an fhìrinn air an t-sràid, agus cha b'urrainn ionracas teachd a steach.

15 Agus tha fìrinn air teicheadh air falbh; agus tha esan, a sheachaineas an t-òle, 'g a dheanamh féin 'n a chreigh; agus chunnaic an Tighearn, agus mhi-thaitinn e ris, nach robh breitheanas ann.

16 Agus chunnaic e nach robh fear ann, agus b'ìoghnadh leis nach robh eadar-mheadhonair ann; an sin dh'oibrich a ghairdean féin sláinte air a shìon; agus fhìreantachd féin chum i suas e.

17 Agus chuir e uime fireantachd mar uchd-éididh; agus clogaid na sláinte air a cheann; agus chuir e uime trusgan an dioghaltais mar eudach, agus chòmhaich se e féin le h-eud mar le falluinn.

18 A réir an gnìomharan, mar sin bheir e ath-dhioladh; corruieh d'a naimhidibh, dioghaltas d'a cascàidibh; do na h-eilean-aibh iocaidh e dioghaltas.

19 Mar sin bheir *iadsan* o'n iar urram do ainm an Tighearna; agus *iadsan* o éirigh na gréine d'a ghloir; an uair a thig an nàmhaid mar thuil, togaidh Spiorad an Tighearna suas bratach 'n a aghaidh.

20 Agus thig an Fear-saoraidh gu Sion, agus tionndaidhidh e eusaontas o Iacob, deir an Tighearn.

21 Agus air mo shon-sa, is e so mo choimheangal riu, deir an Tighearn; Mo Spiorad a tha ortsa, agus mo bhriathran a chuir mi ann ad bheul, cha dealaich iad ri d' bheul, no ri beul do shliochd, no ri beul sliochd do shliochd, deir an Tighearn, o'n àm so eadhon gu sìorruidh.

CAIB. LX.

1 *Thig na cinnich o chéin, agus tionndaidhear mòr shluagh an domhain a dh'ionnsuidh Chrìosd. 15 Nì Dia an eaglais 'n a h-aobhar gairdeachais feadh linn nan linn.*

EIRICH, dealraich; oir thàinig do sholus, agus tha glòir an Tighearn' air éirigh ort.

2 Oir, feuch, eòmhdaichidh dorchadas an talamh, agus dall-cheo na cinnich; ach ortsa éiridh an Tighearn, chithear a ghloir a' dealradh ort.

3 Agus thig cinnich dh'ionnsuidh do sholuis, agus rìghrean dh'ionnsuidh do ghrian-éirigh.

4 Tog suas do shùilean mu'n euairt, agus faic; tha iad uile air an cruinneachadh ri 'chéile; tha iad a' teachd a' d' ionnsuidh; thig do mhic o chéin, agus bithidh do nigh eanan air an altrum ri d' thaobh.

5 An sin chi thu, agus sruthaidh tu thairis,

agus nì do chridhe plogartaich, agus nìthear farsuinn e; a chionn gu'n tionndaidhear mòr shluagh na faireg thugad, agus gu'n tig feachd nan cinneach a d' ionnsuidh.

6 Còmhdaichear thu le h-òmhhoireachd nan càmhal, le dromedairibh Mhidiain agus Ephah; thig iad uile o Sheba; òr agus tùis giùlainidh iad, agus cliù an Tighearna cuiridh iad 'an céill.

7 Cruinnichear a d'ionnsuidh uile threudan Chedair; nì reitheachan Nebaioit frithealadh dhuit; théid iad suas, agus gabhar iad gu thaitneach air m'altair; agus tigh mo ghloire *fathast* glòraichidh mi.

8 Cò iad so a tha 's'naidh mar cheò, agus mar cholumain *ag itealaidh* a d'ionnsuidh an ionaid-tàimh?

9 Gu deimhin feithidh na h-cileanan rium, agus longan Tharsis air thoiseach; a thoirt do mhaic o chéin, *lén* airgid agus an òr maille ri; a chum ainme an Tighearna do Dhé, agus a chum Ti naoimh Israeil, oir ghloirach esan thu.

10 Agus togaidh mic a' choigrich suas do bhallachan, agus fritheilidh an rìghrean duit; oir ann am chorruidh bhual mi thu, ach ann am dheadh-ghean nì mi iochd ort.

11 Agus bithidh do gheatachan fosgailt' an còmhaidh; a là agus a dh'oidheche cha druidear iad; a chum gu'n toirear a d'ionnsuidh mòr shluagh nan cinneach, agus an rìghrean le greadhnachas.

12 Oir an cinneach agus an rìoghachd nach dean seirbhis dhuit, bithidh iad caillte; seadh, sgriosar na cinnich sin gu tur.

13 Thig glòir Lebanon a d'ionnsuidh, an ghinias, an gall-ghinias, agus an crann-boca a' chéile; a chur maise air mo naomh-ionad-sa, agus a chum gu'n glòraichim àite mo chos.

14 Agus thig mic do luchd-sàruchaidh 'g an cromadh féin ann ad làthair; agus nì gach neach a rinn tàir ort umhlachd gu bonnaibh do chos; agus goiridh iad dhiot, Caithir an Tighearna, Sion Ti naoimh Israeil.

15 'An àit thu bhi air do thréigsinn, agus air d'fhuathachadh, air clor as nach do shiubhail aon neach tromhad; nì mi thu a'd oirdhearcas sìorruidh, a'd aobhar-gaird-eachais feadh linn nan linn.

16 Agus deothailidh tu bainne chinneach, agus cìoch rìghrean deothailidh tu; agus bithidh fios agad gur mise an Tighearna do Shlànuidhear; agus gur e d'fhear-saoraidh Ti cumhachdach Iacoib.

17 Agus 'an àit umha, bheir mi òr; agus 'an àit iarunn, bheir mi airgid; agus 'an àite fiodha, umha; agus 'an àite chlach, iarunn; agus nì mi do mhaoir 'n an sìth, agus do chis-mhaoir 'n an eartas.

18 Cha chluinnear nì's mò foirneart ann ad fhearann, sgrios agus milleadh ann ad chrìochaibh; ach their thu Slàinte mar

ainm ri d' bhallachan, agus Moladh ri d' gheatachan.

19 Cha bhi a' ghrian agad nì's faide mar sholus anns an là; nì mò bhitheas dealradh na galaich 'g ad shoillseachadh; ach bithidh an Tighearna 'n a sholus sìorruidh dhuit, agus do Dhia 'n a ghloir agad.

20 Cha téid do ghrian tuilleadh sìos, nì mò dhorchaichear do ghealach; oir bithidh an Tighearna 'n a sholus sìorruidh dhuit, agus crìochnaichear làithean do bhròin.

21 Agus *bithidh* do shluagh uile 'n am fireanaibh; scalbhaichidh iad am fearann gu sìorruidh; am meangan a shuidhich mi, obair mo làmhan, chum gu'm bi mi air mo ghloirachadh.

22 Fàsaidh an aon bheag 'n a mìle, agus an aon shuarach 'n a cinneach làidir; luathaichidh mise Iehobhah e 'n a thràth.

CAIB. LXI.

1 *Dreuchd Chriosd. 4 Ath-nuadhaichidh Dia an eaglais, agus bheir e d'a luchd-frithealaidh éididh molaidh 'an àite spioraid airneil.*

THA Spiorad an Tighearna Iehobhah mi, do bhrìgh gu'n d'ung an Tighearna mi; a thoirt deadh sgeòil do'n mhacanta chuir e mi; a cheangal suas luchd a' chridhe bhrìste, a dh'èigheach fuasglaidh do na braidhaidh, agus fosglaidh a' phrìosain dhoibhsan a tha ceangailte;

2 A dh'èigheach bliadhna thaitnich an Tighearna, agus là dìoghaltais ar Dé-ne; a thoirt comhfhurtachd dhoibhsan uile a tha ri bròn;

3 A dh'òrduchadh do luchd-caoineadh Shìoin, a thoirt doibh maise 'an àite luathre, oladh aoibhneis 'an àite bròin, éididh molaidh 'an àite spioraid airneil; a chum gu'n goirteadh dhuibh Craobhan fireantachd, a shuidhich an Tighearna air sgàth a ghloire.

4 Agus togaidh iad suas na seann Iraichean, càirichidh iad r'a chéile na h-ionadan sgaoilte o chian; ath-nuadhaichidh iad na bailtean brìste, ionadan fàsaichte na: iomadh linn.

5 Agus seasaidh coigrich suas, agus beathaichidh iad bhur treudan; agus *bithidh* mic a' choigrich 'n an treabhaichean dhuibh, agus 'n an luchd-saoithreachaidh na fìonain.

6 Ach goirear dhuibhs Sagartan an Tighearna; Luchd-frithealaidh ar Dé-ne theicrear ribh; saobhreas nan cinneach ithidh sibh, agus 'n an glòir nì sibh uail.

7 'An àite bhur nàire *gheibh sibh cuibh-rìonn* dhùbailte; agus *'an àite* maslaidh, nì iad gairdeachas 'n an cuibh-rìonn; uimò sin 'n an tìr sealbhaichidh iad roinn dhùbailte; bithidh aoibhneas aca gu sìorruidh.

8 Oir is mise an Tighearna, leis an ionmhuinn breitheanas; is beag orm ainneart air son tabhartais-loisgte; agus cuiridh mi air a h-aghaidh an obair ann am fìrinn; agus còimheangal sìorruidh nì mi ri u.

9 Agus aithnichear an slìoched ann measg nan einneach, agus an gineal ann measg nan sluagh; na h-uile a chui iad, aidichidh iad gur slìoched iad a bheannaich an Tighearn.

10 Ni mi gairdeachas gu mòr aims an Tighearn; bithidh m'anam aoibhneach ann am Dhia; oir chuir e orm éididh na slàinte, chòmhdaich e mi le trusgan na fireantachd; mar a sgeadaicheas fear-bainnse e féin le crùn sgiamhaich, agus mara dh'uiogheamaicheas bean-bainnse i féin le a seudaibh.

11 Oir mar a chuireas an talamh a mach a ehinneas, agus mar a bheir an fìos air an t-sìol fàs a nìos; mar sin bheir an Tighearn Iehobhah air fireantachd agus moladh fàs suas 'an làthair nan uile chinneach.

CAIB. LXII.

1 *Eud an fhàidh air son soirbheachaidh na h-eaglais.* 6 *Dreuchd an luchd-faire.* 8 *Dhaingnich Dia a gheallaidhean le bhith mionnachadh air féin.* 10 *An t-ullachadh air son an t-soisgeil*

AIR sgàth Shìoin cha bhi mi a'm' thosd, agus air sgàth Ierusalem cha ghabh mi fois; gus am bris a fireantachd a mach mar sholus dealrach, agus a slàinte mar leus lasarach.

2 Agus chi na cinnich d'fhìreantachd, agus na h-uile rìghrean do ghloir; agus bheirear ainm nuadh ort, a ghairmeas beul an Tighearna.

3 Agus bithidh tu a'd' eòran glòire ann an làimh an Tighearn', agus a'd' eòran rìoghail ann an glàie do Dhé.

4 Chan a' abrar riut tuilleadh, Té ris an do chuireadh eùl; ni mò 'theirear ri d'fhearann tuilleadh, am Fàsaeh; ach 's e theirear riut, Bean mò rùn; agus ri d'fhearann, Bean-phòsda; oir bithidh rùn an Tighearn' ort, agus bithidh d'fhearann air a cheangal ann am pòsadh.

5 Oir mar a phòsas duin-òg òigh, mar sin pòsaidh d'fhear-togail tlusa; agus mar a ni am fear nuadh-pòsda gairdeachas 'n a mhnaoi, mar sin ni do Dhia gairdeachas annada.

6 Chuir mi luehd-faire air do bhallachan, O Ierusalem; ré an là, agus ré na h-oidheche, eha bhi iad 'n an tosd; sibhsè 'tha 'deanamh luaidh air ainm an Tighearna, na bithibhsè 'n'ur tosd;

7 Agus na tugaibh fois dha, gus an daingnich e, agus gus an dean e Ierusalem 'n a cliù air an talamh.

8 Mhionnaich an Tighearn air a làimh dheis, agus air a ghairdean eumhachdach, Cha tabhair mi nìs mò d'arbhar mar lòn do d' naimhidh; ni mò dh'òlas clann a' choigreach d'fhìon nuadh, air son an do shaothraich thu:

9 Ach ithidh iadsan e, a thionailas e, agus molaiddh iad an Tighearn, agus iadsan

a chruinnicheas e, òlaidh iad e ann am chùirtibh naomha-sa.

10 Siubhlaibh, siubhlaibh troimh na geataehaibh; ulluichibh slighe an t-sluaigh; tilgibh suas, tilgibh suas an rathad mòr; glanaibh as na clachan; togaibh suas bratach air son nan slògh.

11 Feueh, ghlaodh an Tighearn gu iomall an domhain; Abraibh ri nighinn Shìoin, Feueh, tha do Shlànuidhear a' teachd; feueh, tha a huigheachd maille ris, agus *duais* 'oibre 'n a làthair.

12 Agus theirear riu, An sluagh naomh, muinntir shaorta an Tighearna; agus riutsa theirear, Miannaichte, Baile nach tréigear.

CAIB. LXIII.

1 *Nochd Criosd a chumhachd gu tèarnadh, agus a dhìoghalas air a naimhidh.* 7 *Dh'aithris am fàidh tròcairean Dhé, agus meud a mhaitheis do thigh Israeil.* 15 *Ghuidh e gu'n sealladh Dia air a sluagh a réir lionnhoireachd a thròcairean.*

CO so a tha 'teachd o Edom, le culaiddh dhaithe o Bhosrah! e so a tha sgiamhaich 'n a éididh, a' siubhal ann am mòrachd a neirt? Mise, a tha 'lballhairt ann am fireantachd, cumhachdach gu tèarnadh.

2 'Car son a tha d'éididh dearg, agus d' fhalluing mar neach a' saltairt an amair-fhìona?

3 Shaltair mi an t-amar a'm' aonar, agus de na slògh cha robh aon neach maille rium; oir saltair mi orra ann am fheirg, agus phronn mi iad ann am chorruih; agus chrathadh am fuil air mo chulaiddh, agus tharruing mi sal air m'éididh uile.

4 Oir bha là an dioghaltais ann am chridhe, agus bha bliadhna mo mhuinntir shaorta air teachd.

5 Agus dh'amhairc mi, agus cha robh fear-cuideachaidh ann; agus b'ìoghnadh leam naeh robh fear-taice ann; uime sin dh'òibrich mo ghairdean féin slàinte dhomh, agus eum mo chorruih féin taie rium.

6 Agus saltair mi sìos na slòigh ann am fheirg, agus chuir mi air mhisg iad ann am chorruih, agus thug mi sìos an neart chum an làir.

7 Tròcairean an Tighearn' aithrisidh mi, agus eliù an Tighearn'; a réir gach ni a bhuilich an Tighearn oirm, agus meud a mhaitheis do thigh Israeil, a dheònaich e dhoibh a réir a chaomhneis, agus a réir lionnhoireachd a thròcairean.

8 Oir thubhairt e, Gu deimhin is iad mo shluagh, clann nach dean breug; agus bha e 'n a Shlànuidhear dhoibh.

9 'N an uile àmhghar bha esan fo àmhghar; agus rinn aingeal a làthaireachd an tèarnadh; ann a ghràdh agus ann a iochd rinn e féin an saoradh; agus dh'iomchair e iad, agus ghiùlain e iad, ré nan uile làithean o shean.

10 Ach rinn iadsan ceannaire, agus cnuir

iad doilghios air a Spiorad naomh; air chor as gu'n d'fhàs e 'n a nàmhaid doibh, agus chog e féin 'n an aghaidh.

11 An siu chuinnich e na làithean o shean, Maois agus a shluagh; ag ràdh, Cia esan a thug a nìos iad o'n fhaighe, le buachaille a threud? Cia esan a chuir a Spiorad uamh an taobh a stigh dheth?

12 A stiùir iad aig deas làimh Mhaois le a ghairdean glòrnhor; a' sgoltadh nan uisgeachan roimhe, a dheauamh ainme shiorruidh dha féin?

13 'G an stiùradh troimh an doimhne, mar each anns an fhàsach, ionnus nach tuislich-eadh iad?

14 Mar a théid an spréidh sìos do'n ghleann, thug Spiorad an Tighearn' orra fois a ghabhail: mar sin threoraich thu do shluagh, a dheanamh ainme glòrnhoir dhuit féin.

15 Seall a nuas o nèamh, agus faic o d'ionad-còmhnuidh naomh agus glòrnhor; èait am bheil d'eud, agus do neart; lion-mhoireachd do thròcairean agus do thruas dhìom? Am bheil iad air an cumail air an ais?

16 Gu deimhiu is tusa ar n-Athair, ged uach aithne do Abraham sinn, agus nach 'eil Israel a' gabhail ruinn; is tusa, a Thighearn', ar n-Athair, ar Fear-saoraidh; tha d'ainm o shiorruidheachd.

17 C'ar son, a Thighearn', a thug thu oirmn dol air seacharan o' d' shlighibh, agus a chruaidhich thu ar cridhe o d' eagal? Pill air sgàth do sheirbhiseach, treubhan d'òighreachd féin.

18 Is beag an ùine a shealbhaich do shluagh naomh; shaltair ar naimhdean sìos do naomh-ionad.

19 Bu leat sinne riamh; cha robh thu a' riaghladh os an ceann-san; cha robh iad air an gairm air d'ainm.

CAIB. LXIV.

1 Dh'iarr an eaglais foillseachadh cumhachd Dhé; 4 dh'aidich i gu'n robh a thròcairean lionmhor; 9 agus ghuidh i nach cuimhnich-eadh e a h-aingidheachd 'n a h-aghaidh gu bràth.

O GU'N reubadh tu o'chéile na nèamhan, gu'n tigeadh tu nuas, gu'n sruthadh na sléibhte an sios ann ad làthair;

2 Mar a loisgeas an teine-leaghaidh, mar a chuireas an teine goil air uisge; a chum d'ainm a dheanamh aithneichte do d' naimhdeibh, gu'n crìothuaicheadh na cinnich ann ad fhianais!

3 An uair a rinn thu nithean iongantach ris nach robh sùil againn, thàinig thu nuas; ann ad làthair shruth na sléibhte an sios.

4 Oir riamh cha chuala daoine, cha d'fhairich iad le'n cluais, ni mò 'chunnaic sùil, dia eile ach thusa, a nì a leithid air son an tì a dh'fheictheas air.

5 Tha thu a' teachd 'an còdhail an tì a tha

'gabhail tlachd ann an ceartas a dheanamh; a' mhuinntir a tha cuimhneach ortsa ann ad shlighibh: feuch, tha corruich ort, oir pheacach sinne; eadhon rìusan o shean, ach tha sinne air ar tèarnadh.

6 Agus tha sinne uile mar ni truaillidh, agus ar n-uile fhìreantachd mar luidheig sbalaich; agus tha sinu uile air seargadh mar dhuilleach; agus rinn ar lochdan, mar a' ghaoth, ar giùlan air falbh.

7 Agus cha-n'eil aon neach ann a tha 'gairm air d'ainm, a tha 'g a dhùsgadh féin suas a dheanamh greim ort; oir dh'fholuich thu do ghnùis uaim, agus chlaoidh thu sinn air son ar n-enceartan.

8 Ach a nis, O Thighearn', is tusa ar n-Athair; is sinne a' chriadh, agus is tusa ar fear-deilbh; agus is sinne uile obair do làimhe.

9 Na bitheadh corruich ro gheur ort, a Thighearn', agus na cuimhnich aingidheachd gu bràth; feuch, amhaire, guidheam-aid ort, is sinne uile do shluagh.

10 Dh'fhàs do bhailtean naomha 'n am fàsach; tha Sion 'n a fàsach; tha Ierusalem faondrach.

11 Tha ar tigh naomh agus àluinn, anns an d'thug ar n-aithrichean moladh dhuit, air a losgadh le teine; agus tha ar n-uile nithean tlachdmhor air an léir-sgrìos.

12 An cum thu ort féin air son nan nithean sin, a Thighearn'? Am bi thu a'd thosd, agus an cràidh thu sinn gu goirt?

CAIB. LXV.

1 Ghairm Dia na cinnich, agus thréig e na h-ìudhaich air son am mì-chreidimh agus an aingidheachd. 8 Tèarnar fuigheall diubh. 11 Thy breithneasan air an aingidh, ach beannaichear an t-ionracan. 17 An nuadh Ierusalem.

DIFFHOILLSICHEADH mi dhoibh-san nach robh 'g am fharraid; fhuaradh mi leosan nach robh 'g am iarraidh; thubhairt mi, Feuch mi, feuch mi, ri cinn-each nach robh air 'ainmeachadh orm.

2 Shìu mi mach mò làmh an fad an là ri sluagh ceannairceach, a tha 'glusad ann an droch shlighe, a réir an innleachdan féin;

3 Sluagh a tha an còmhnuidh 'g am bhros-nuchadh gu feirg ri m' aghaidh; ag iobradh anns na liosaibh, agus a' losgadh thise air na clachaibh-creadhia;

4 A tha 'fantuinn am measg nan àiteach-an-àdhlaic, agus a' gabhail còmhnuidh anns na h-uaimhean; a tha 'g itheadh feòla mhuc, agus aig am bheil sùgh nithean gràineil 'n an soithicheibh.

5 A tha 'g ràdh, Fan agad féin, na tig am fagus domhsa; oir is nìse a's naoinne na thusa. Tha iad so 'n an deataich ann am shròin, 'u an teine 'tha 'losgadh ré an là uile.

6 Feuch, tha e sgrìobhta ann am làthair; cha-n fhan mi a'm thosd, ach ath-dhiolaidh mi; seadh, ath-dhiolaidh mi r'n uelch,

7 Bhur n-cu-ccartan, agus eu-ccartan 'ur n-aithrichean le 'chéile, deir an Tighearn, a leisg tùis air na sléibhtibh, agus a thug toibheum dhomh air na cnocaibh; seadh, tomhaisidh mi air ais dhoibh 'n an uchd an obair a rinn iad roimhe so.

8 Mar so deir an Tighearn, Amhuil a gheibhear am fion nuadh anns a' bhagaide, agus a their *neach*, Na mill e, oir tha beannachadh ann; mar sin ni mise air sgàth mo sheirbhiseach; cha sgrios mi an t-ionlan.

9 Agus bheir mi mach slìochd o Iacob, agus o Iudah sealbhadaid mo shléibhteann; agus sealbhaichidh mi mhuinntir thaghta am fearann, agus gabhaidh m'òglaich tàmh ann.

10 Agus bithidh Saxon 'n a chrò chaorach, agus gleann Achoir 'n a bhuaile bhò, air son mo shluaigh-sa, a bha 'g am iarraidh.

11 Agus sibhse a thréig an Tighearn, a dhì-chuimhnichean mo shliabh naomh; a tha 'deasachadh buird do Ghad, agus a' lìonadh iobairt-dhìbhe do Mheni;

12 Airmhidh mi sibhse chum a' chlaidh-eimh, agus cromaidh sibh uile sìos chum a' chasgraidh; a chionn, an uair a ghlaodh mi, nach do fhreagair sibhse; an uair a labhair mi, nach d'éisd sibh; ach rinn sibh ole ann am shealladh, agus an ni anns nach robh tlachd agam ròghnaich sibh.

13 Air an aobhar sin mar so deir an Tighearn Iehobhah, Feuch, ithidh m'òglaich-sa, ach bithidh ocras oirbhe; feuch, òlaidh m'òglaich-sa, ach bithidh tart oirbhe; feuch, ni m'òglaich-sa gairdeachas, ach bithidh nàire oirbhe:

14 Feuch, seinnidh m'òglaich-sa tre aoibhneas cridhe, ach glaothaidh sibhse tre dhoilghios cridhe; agus tre chràdh spioraid ni sibh caoineadh.

15 Agus fagaidh sibh blur n-ainm mar mhallachadh do m' mhuinntir thaghta-sa; oir marbhaidh an Tighearn Iehobhah thu, agus bheir e ainm eile air 'òglaich.

16 An neach a bheannaicheas e féin air talamh, beannaichidh se e féin ann an Dia na firinn; agus an neach a bheir mionnan air talamh, mionnaichidh e air Dia na firinn; a chionn gu bheil na h-àmhgharan roimhe air an dì-chuimhneachadh, agus a chionn gu bheil iad foluichte o m' shùilibh.

17 Oir feuch, cruthaicheam nèamhan nuadha agus talamh nuadh; agus cha chuimhnichear iad sin a bh'ann roimhe, agus cha tig iad ann an aire an duine.

18 Ach deanaibhse gairdeachas, agus bithibh aoibhneach gu cian nan cian, *air son an nì* a chruthaicheam; oir feuch, cruthaicheam Ierusalem 'n a cùis-aoibhneis, agus a sluagh 'n an cùis-ghairdeachais.

19 Agus bithidh mi aoibhneach ann an Ierusalem, agus ni mi gairdeachas ann am shluagh; agus cha chluinnear guth caoidh no guth caoinidh innte nì's mò.

20 Oir cha bli as a sin suas naoinean gearr-shaoghalach, no seann duine nach do choimhlion a làithean; oir bàsaichidh an naoidhean an uair a ruigeas e ceud bliadhna dh'aois; ach bithidh am peacach a ruigeas ceud bliadhna dh'aois mallaichte.

21 Agus togaidh iad tighean, agus suidhichidh iad fion-lìosan, agus ithidh iad d'an toradh.

22 Cha dean iadsan togail, agus neach eile àiteachadh; cha dean iadsan suidh-eachadh, agus neach eile itheadh; oir mar làithean craoibhe bithidh làithean mo shluaigh-sa; agus mealaidh mi mhuinntir thaghta ré ùin' fhada obair an làmhan féin.

23 Cha saothraich iad gu dìomhain, ni mò 'ghineas iad slìochd chum dragha; oir is iad sìol dhaoine beannaichte an Tighearn', agus an slìochd maille riu.

24 Agus tarlaidh, mu an gairm iad, freagraidh mi; agus am feadh a bhitheas iad fòs a' labhairt, éisidh mi.

25 Ni am madadh-alluidh agus an t-uain ionaltradh le 'chéile; agus ithidh an leòmh-an connlach mar an damh; ach 's e an duslach a's biadh do'n nathair. Cha dochainn agus cha mhill iad ann mo shliabh naomh-sa uile, deir an Tighearn.

CAIB. LXVI.

1 Tha Dia a' nochdadh d'a shluagh gu'm feum iad seirbhis a dheanamh dha gu h-ìrìosal, agus ann an treibhdhìrean an cridhe. 5 Bheir an Tighearn comhfhartachd dhoibhsan a ghluaisas 'n a eagal. 15 Dòirtidh e a chorr-uich air an aingidh. 18 Cruinnichear na h-Iudhaich agus na cinnich do aon eaglais.

MAR so deir an Tighearn. Is iad na nèamhan mo rìgh-chaitheir, agus an talamh stòl mo chos; cia e an tigh a thogas sibh dhomhsa? agus cia e ionad mo chòmhnuidh?

2 Oir na nithean so uile rinn mo làmh, agus na nithean so uile is leamsa, deir an Tighearn; ach air an fhear so amhaircidh mi, eadhon airsan a tha boclad agus leònta 'n a spiorad, agus a chrìothnaicheas roimh m'fhocal.

3 Tha esan a mharbhas damh, *mar gu'm* mortadh e duine; esan a dh'ìobras uan, *mar gu'n* cuireadh e an ceann de mhadadh; esan a bheir seachad tabhartas, *mar gu'n tugadh e seachad* fuil mhuc; esan a loisgeas tùis, *mar gu'm* beannaicheadh e iodhol; seadh, ròghnaich iad an slighean féin, agus 'n an gràmeileachdaibh féin tha an anam a' gabhail tlachd.

4 Ròghnaichidh mise fòs am faoin-smuaintes-an, agus an cùis-eagal bheir mi orra; a chionn gu'n do ghlaodh mi, agus nach d'thug aon neach freagradh; labhair mi, agus cha d'éisd iad; ach rinn iad ole ann am shealladh, agus an ni anns nach robh tlachd agam ròghnaich iad

5 Cluinnibhse focal an Tighearna, sibhse 'tha crìochnachadh roimh 'fhocal; bhur bràithrean a tha 'toirt fuatha dhuibh, a thilg a mach sibh air sgàth m'ainme-sa, deir iad, Bithheadh an Tighearna air a ghlòrachadh; ach foillsichear e chum aoibhneis dhuibhse, agus cuirear iadsan gu h-amhladh.

6 Guth àrd-ghlaoidh o'n eathair: guth o'n teampull; guth an Tighearna, a' toirt ath-dhiolaidh d'a naimhdibh.

7 Mu'n robh i ann an saothair-chloinne, dh'aiseadadh i; mu'n d'fhàinig a h-iogh-annan, rug i leanabh-mic.

8 Cò 'chual' a leithid so? cò 'chunnaic an leithidean so de nithibh? an tabhair an talamh a mach a *thoradh* ann an aon là? an bi cinneach air a bhreith 'dh'aon bheum? oir cha bu luaithe 'bha Sion ann an saothair na rug i a clann.

9 An toir mi gus a' bhreith, agus nach toir mi fainear gu'm beirear? deir an Tighearna; an gin mi, agus am bac mi a' bhreith? deir do Dhia.

10 Deanaibh gairdeachas le Ierusalem, agus bithibh subhach air a son, sibhse uile le'n ionnmhuinn i; bithibh ro aoibhneach leatha, sibhse uile a tha ri bròn air a son;

11 A chum gu'n deòthail sibh, agus gu'm bi sibh sàsuichte le ciochaibh a sòlais; a chum gu'n tarruing sibh, agus gu'n faigh sibh toilinntinn ann am pailteas a glòire.

12 Oir mar so deir an Tighearna; Feuch, sgaoileam sith thairis oirre mar amhlaim, agus glòir nan cinneach mar shruth a taomadh a nuas; an sin deòthaidh sibh, giùlainear sibh air an léis, agus luaisgear sibh air na glùinibh.

13 Mar neach do'n tabhair a mhàthair comhfhurtachd, mar sin bheir mise comhfhurtachd dhuibhse; agus ann an Ierusalem gheibh sibh sòlas.

14 An uair a chì sibh so ni bhur cridhe gairdeachas; agus bithidh 'ur enàmhnan ùrar mar am feur; agus foillsichear làmh an Tighearna d'a òglaich; ach lasaidh 'fhearg an aghaidh a naimhdean.

15 Oir feuch, thig an Tighearna le teine, agus a charbad mar cheairt-ghaoith; a

dhòrtadh a mach a chorruich mar ain-teas, agus 'achmhasain le lasraichibh teine.

16 Oir le teine agus le a chlaideamh tagraidh an Tighearna ris gach uile fheoil; agus bithidh mòran air am marbhadh leis an Tighearna.

17 Iadsan a tha 'g an naomhachadh féin agus 'g an glanadh féin anns na liosaibh, air cùl aoin *chraoibhe* 's a' mhcadhon; ag itheadh feòla mhuc, agus na gràineileachd, agus nan luch; gearrar as iad le 'chéile, deir an Tighearna.

18 Oir is *aithne* dhomhsa an gnèmhàran, agus an inleachdan; thigeam a chruinneachadh nan uile chinnic each agus theang-annan ri 'chéile; agus thig iad, agus chì iad mo ghlòir.

19 Agus cuiridh mi comharadh 'n am measg; agus a' mhuinatir a théid as diubh cuiridh mi dh'ionnsuidh nan cinneach, gu Tarsis, Pul, agus Lud, a thairngeas am bogha; gu Tubal agus Iabhan, na crìochan fad' as; nach cuala ionradh orn, agus nach faca rianh mo ghlòir; agus cuiridh iad 'an céill mo ghlòir am measg nan cinneach.

20 Agus bheir iad 'ur bràithrean uile, as gach cinneach, *mar* thabhartas do'n Tighearna; air eachaibh, agus air carbadaibh, agus air uirighibh, air muilidibh, agus air ainmhidhean luath-chosach; gu mo shliabh naomh-sa Ierusalem deir an Tighearna; amhuil a bheir clann Israeil tabhartas ann an soitheach glan gu tigh an Tighearna.

21 Agus dhiubhsan mar an ceudna gabhaidh mi, air son shagart, *agus* air son Lebbitheach, deir an Tighearna.

22 Oir amhuil a mhaireas na nèamhan nuadh, agus an talamh nuadh, a tha mi 'cruthachadh, ann am fhianuis, deir an Tighearna; mar sin nairidh bhur sìochd-se, agus 'ur n-ainm.

23 Agus tarlaidh, o ghealaich ùir gu gealaich ùir, agus o shàbaid gu sàbaid, gu'n tig gach uile fheoil a dheanamh aoraidh ann am làthair-sa, deir an Tighearna.

24 Agus théid iad a mach, agus seallaidh iad air ciosaichean nan daoine a chiontaich a'n' aghaidh; oir cha bhàsaich an enuimh, agus cha mhùchar an teine; agus bithidh iad 'n an gràineileachd do na h-uile fheoil.

I E R E M I A H.

CAIB. I.

1 *An t-àm 's an d'rinn Jeremiah fàistneachd; 4 Naomhaich Dia e o'n bhoitinn. 11 Nochdadh dha gu'n rachadh Ierusalem a syrios. 17 Neartaich Dia e fa chonhair a dhreuchd.*

BRIATHRAN Jeremiah mlic Hilciah, aon de na sagartaibh a bha 'an Anatot ann am fearann Bheniamin:

2 A dh'ionnsuidh an d'fhàinig focal an Tighearna' ann an làithibh Iosiah mlic Amoin rìgh Iudah, anns an treas bliadhna deug d'a rioghachadh.

3 Thàinig e mar an ceudna ann an làithibh Iehoiacim mlic Iosiah rìgh Iudah, gu ceann aon bhliadhna deug Shedeciah mlic Iosiah, rìgh Iudah, gus an d'fhugadh air falbh

Ierusalem ann am braighdeanas anns a' chùigcamh mìos.

4 Thàinig an sin focal an Tighearn' a m'ionnsuidh-sa, ag ràdh,

5 Mu'n do dhealbh mi thu 's a' bhroinn, b'aithe dhomh thu; agus mu'n d'fhàinig thu mach o'n bholg, chuir mi air leth thu: mar fhàidh do na cinnich thug mi thu.

6 An sin thubhairt mise, Oeh! a Thigh-earna Iehobhah, feuch, cha-n aithne dhomh-sa labhairt, oir is leanabh mi.

7 Agus thubhairt an Tighearn rium, Na h-abair, Is leanabh mi: ach a chum nan uile gus an cuir mise thu, thèid thu; agus cìod sam bith a dh'aitheanas mi dhuit, labhraidh tu.

8 Na bitheadh eagal ort roimh an gnùis; oir tha mise maille riut a chum do thèarnadh, deir an Tighearn.

9 Agus chuir an Tighearn a mach a làmh, agus bhean e ri m' bheul; agus thubhairt an Tighearn rium, Feuch, chuir mise mo bhriathran ann ad bheul.

10 Feuch, chuir mi thu air an là'n diugh os ceann nan cinneach agus os ceann nan riochachd, gu spionadh as, agus gu tarruing a nuas, agus gu sgrìos, agus gu leagail; gu togail, agus gu suidheachadh.

11 Agus thàinig focal an Tighearn a'm'ionnsuidh, ag ràdh, Cìod a tha thu 'faicinn, a Ieremiah? Agus thubhairt mise, Tha mi 'faicinn slaite de chraoibh almoìn.

12 Agus thubhairt an Tighearn rium, Is ceart a chunnaic thu: oir greasaidh mise m'fhocal a chum a choimhlionadh.

13 Agus thàinig focal an Tighearn' a' m'ionnsuidh an dara uair, ag ràdh, Cìod a tha thu 'faicinn? Agus thubhairt mise, Tha mi 'faicinn coire air ghoil, agus air a tionndadh o'n àirde tuath.

14 Agus thubhairt an Tighearn rium, O'n àirde tuath brisidh an t-òl a mach air uile luchd-àitcachaidh na tìre.

15 Oir feuch, gairmidh mise air uile theaghlachan riochachdan na h-àirde tuath, deir an Tighearn; agus thig iad, agus suidhichidh iad, gach aon a rìgh-chathair aig dol a steach gheatachan Ierusalem, agus air a ballachan uile mu'n cuairt, agus os ceann uile bhailtean Iudah.

16 Agus cuiridh mise mo bhreitheanais 'an cèill 'u an aghaidh, air son an uil' aingidheachd; a chionn gu'n do thréig iad mise, agus gu'n do loisg iad tùis do dhiathaibh eile, agus gu'n do shleuchd iad do oibribh an làmhnan fèin.

17 Crioslaich thusa suas uime sin do leasraidh, agus éirich, agus labhair riu na h-uile nithean a dh'aitheanas mise dhuit; na bith-eadh fianh ort rompa, air eagal gu'n cuir mise gu h-amhladh thu 'n am fianuis.

18 Oir feuch, rinn mise thu an diugh a'd' chathair dhaignichte, agus a'd' phost iar-uinn, agus a'd' bhalla unna, an aghaidh na

tìre so uile; an aghaidh rìghrean Iudah, an aghaidh a mòr uaisleach, an aghaidh a sagartan, agus an aghaidh sluagh na tìre:

19 Agus cathaichidh iad ann ad aghaidh, ach cha toir iad buaidh ort: oir tha mise maille riut, deir an Tighearn chum do thèarnadh.

CAIB. II.

1 *Chuimhnich Dia as leth nan Iudhach an caoinhneas a nochd e dhoibh 'n an òige, agus thagair e riu mu thimchioll an aingidheachd. 18 Chronaich e iad air son an òidholan. 35 Tha dòchas an t-sluaigh 'n an neò-chiontas fèin diomhain.*

THAINIG focal an Tighearna mar an ceudna a m'ionnsuidh, ag ràdh,

2 Imich agus glaoth ann an chusaibh Ierusalem, ag ràdh; Mar so deir an Tighearn, Chuimhnich mise as do leth an caoinhneas a nochd mi dhuit ann ad òige, gràdh do cheangail-pòsaidh, 'n uair a dh'imich thu a'm' dhéigh anns an fhàsach, ann am fearainn nach do threabhadh.

3 Is naomhachd do'n Tighearn Israel, ceud thoradh a chinneis: iadsan uile a tha 'g a shlugadh suas, measar iad ciontach; thig aithneas orra, deir an Tighearn.

4 Chuimnibh focal an Tighearn', O thigh Iacoib, agus uile theaghlachan tìghe Israel:

5 Mar so deir an Tighearn; Cìod an cuceart a fhuair 'ur n-aithrichean annam-sa, gu'n d'imich iad fada uam, agus gu'n do ghluais iad an dèigh dìomhanais, agus gu'n d'fhàs iad dìomhain?

6 Agus cha dubhairt iad, C'ait am bheil an Tighearn, esan a thug a mìos sin o thìr. na h-Eiphit, a stiùir sinn troimh an fhàsach, troimh fhearrann fàsail agus làn shloechd, troimh fhearrann tart agus sgàile bàis, trid fearainn nach do shìubhail aon duine troimhe, agus far nach do ghabh duine riamh còmhaidh?

7 Thug mi sibh mar an ceudna gu dùth-aich thorraich, a dh'itheadh a toraidh, agus a maitheis; ach an uair a thàinig sibh a steach, thruaill sibh m'fhearrann agus m'òighreachd rinn sibh 'n a gràineileachd.

8 Cha dubhairt na sagartan, C'ait am bheil an Tighearn? agus iadsan a lannhsich an reachd, cha b'aithe dhoibh mise: rinu na h-aodhairean fòs ceannaire ann am aghaidh; agus rinn na faidhean faisteachd le Baal, agus lean iad nithean nach toir buannachd.

9 Uime sin tagraidh mise ruibh fathast, deir an Tighearn, agus ri cloinn bhur cloinne tagraidh mi.

10 Oir sìubhlaibh thairis gu crìdhean Chùtim, agus faicibh; agus cuiribh fios gu Cedar, agus thugaibh geur aire; feuchaibh an do thachair riamh a leithid so.

11 An do chaochail cinneach an diathan, eadhon iad sin nach robh 'n an diathan?

Ach chaochail mo shluagh-sa an glòir air son nì gun bhuannachd.

12 Bitheadh ioghnadh oirbh, O nèamhan, mu'n nì so, agus bitheadh uamhas oirbh: bithibh air blur trom-bhualadh le h-uamhunn, deir an Tighearn:

13 Oir chuir mo shluagh-sa dà ole 'an gnìomh: thréig iad mise, tobar nan uisgeachan beò; agus chladhaich iad a mach dhoibh féin sluichd, sluichd eu-dìonach, nach cum uisge.

14 An tràill Israel? Ma's ann de chloinn an teaghlaich e, c'uim' an d'rinneadh e'n a chobhartaich?

15 Beucaidh na leòmhain òga 'n a aghaidh; thog iad an guth, rinn iad 'fhearann 'n a fhàsach; tha a bhaileann air an losgadh, gun aon 'g an àiteachadh.

16 Nì clann Noiph agus Taphaneis mar an ceudna mullach do chinn a bhriseadh.

17 Nach do choisinn thu so dhuit féin, a chionn gu'n do thréig thu an Tighearn do Dhia, an uair a bha e 'g ad stiùradh anns an t-slighe?

18 Agus a nis ciod do ghnothuch ri slighe na h-Eiphit, a dh'òl uisgeachan Shihoir? No ciod do ghnothuch ri slighe Asiria, a dh'òl uisgeachan na h-Aimhne?

19 Smachdaichidh d'aingidheachd féin thu, agus nì do chùl-sleamhnachadh féin do chronachadh: aithnich uime sin agus faic, gur ole agus searbh an nì, gu'n do thréig thu an Tighearn do Dhia, agus nach 'eil m'cagal-sa annad, deir an Tighearn Dia nan sluagh.

20 Gu deimhin o chian fada bhris mi do chuing, sgaol mi do chuibhricean; agus thubhairt thu, Cha bhi mi eas-umhal. Oir air gach cnoc àrd, agus fo gach craoibh uaine, tha thu 'dol air seacharan ri striopachas.

21 Gidheadh shuidhich mise thu a'd' fhionainn uasail, gu h-iomlan a'd' shìol ceart: ach cionnna a chaochail thu orm, a' gheug chrìonaich na fhionainn coimhich?

22 Oir ged nigh thu thu féin le natar, agus ged ghabh thu mòran siapuinn, tha d'aingidheachd air a comharachadh am am làthair-sa, deir an Tighearn Iehobhah.

23 Cionnna a dh'fheudas tu ràdh, Chan 'eil mi salach, cha deachaidh mi an déigh Bhaalim? Feuch do shlighe anns a' ghleann; aithnich ciod a rinn thu. Tha thu mar dhromedari luath ag imeachd 'n a slighe;

24 Mar aith fhadhaich cleachdta ri fàsach, a thairngreas a' ghaoth suas 'n a cuimheanaibh, ann an cìocras a h-anama: an trà thig a miann co a philleas i? Iadsan uile 'bhitheas 'ga h-iarraidh cha sgàthichear iad; 'an ceann a miosa gheibh iad i.

25 Cum do chos o bhi rùisgte, agus do mhuineal o thart. Ach thubhairt thusa, Cha-n'eil leigheas air a' chùis a nis; cha chum; oir ghràdhach mi coigrich, agus 'n an déigh théid mi.

26 Mar a bhitheas nàire air meirleach an uair a ghlacar e; mar sin chuircadh gu nàire tigh Israeil; iad féin, an rìghrean, an uachdarain, agus an sagartan, agus am fàidhean:

27 A tha 'g ràdh ri mìr fiodha, Is tu m'athair; agus ri cloich, Is tu 'ghlin mi; oir thionndaidh iad riumsa an cùl, is cha-n i an aghaidh; ach ann an àm an airce their iad, Eirich, agus teasairg sinn.

28 Ach eàit am bheil do dhiathan a rinn thu dhuit féin? Eireadh iadsan, ma's urrainn iad do theàrnadh ann an àm do chruaidh-chais: oir a réir àireimh do bhaileann bha do dhiathan, O Iudah.

29 Car son a thagras sibh riumsa? chiontaich sibh uile a'm' aghaidh, deir an Tighearn.

30 Gu dìomhain bhuail mi bhur clann; cha do ghabh iad cronachadh. Shluig 'ur claidheamh féin 'ur fàidhean, amhuil leòmhann millteach.

31 O sibhse de'n ghinealach so, feuchaibh focal an Tighearn: an robh mise a'm' fhàsach do Israel? a'm' fhearann dorchadais? C'uim an dubhairt mo shluagh, Is tigh-carnan sinn oirnn féin; cha tig sinn nìs mò thugad-sa?

32 Am feud òg-bhean a h-usgraicean a dhearmad? no bean-bainnse a h-éideadh? Gidheadh dhearmaid mo shluagh mise làithean gun àireamh.

33 C'uim an scòl thu do shlighe a dh'iarraidh gaoil? air an aobhar sin fòs scòlaidh mise dòrainnean air do shlighean-sa.

34 Fluaird ann ad sgiobul mar an ceudna fuil anama nan neo-chiontach bochda: cha-n ann le sgrùdadh domhan a fluair mi mach i, ach air a craobh-sgaoileadh.

35 Gidheadh tha thu 'g ràdh, A chionn gu bheil mi neo-chiontach, gu cinnteach pillidh a chorruih uam. Feuch tionnsgaidh mise ann am breitheanas riut, a chionn gu bheil thu ag ràdh, Cha do pheacaich mi.

36 C'uim am bi thu co ro luaineach a chaochladh do shlighe? bithidh fathast nàire ort de'n Eiphit, amhuil a bha nàire ort de Asiria.

37 Seadh, cuideachd théid thu mach as a so, le d' làmh air do cheann: oir dhiùlt an Tighearn cuspairean do dhòchais, agus leo cha soirbhich thu.

CAIB. III.

1 Mòr-thròcair an Tighearna do Iudah. 6 Tha Israel nìs neo-chiontaiche na Iudah. 12 Ghairm Dia iad gu aithreachas. 20 Dh'aithich an sluagh am peacaidhean.

THEIR iad, Ma chuireas duine air falbh a bhean, agus gu'n imich i uaith, agus gu'n gabh i le fear eile, am pill e d'a h-iomhsuidh a ris? nach bi am fearann sin gu ro mhòr air a thruailladh? Ach rinn thusa striopachas le mòran leannan; gidheadh pill riumsa a ris, deir an Tighearn.

2 Tog do shùilean suas ris na h-ionadaibh àrda, agus, feuch, cia an t-àit anns nach do thruaillcadh thu? Shuidh thu 'g am feithcamh anns na slighibh, mar an t-Arabach 's an fhàsach; agus shalaich thu am fearann le d'striopachas, agus le d' dhroch-bheirt.

3 Agus chumadh na frasan air an ais, agus an t-uisge deireannach cha robh ann; gidheadh agadsa bha aodau striopaich, chuir thu eul ri nàire.

4 Nach gairm thu ormsa o'n uair so, *ag ràdh*, M'athair, bu tusa fear stiùraidh m'òige?

5 An gléidhear *fearg* gu bràth? an cumar *corruich* gu sìorruidh air chuimhne? Feuch, labhair, agus rinn thu aingidheachd; agus chaidh e leat.

6 Thubhairt an Tighearn rium fòs ann an làithibh Iosiah an rìgh, Am faca tu cìod a rinn Israel chùl-sleamhnach? Chaidh i suas air gach sliabh àrd, agus fo gach crann gorm, agus an sin rinu i striopachas.

7 Agus thubhairt mise, an déigh dhi so uile a dheanamh, Pill a m'ionnsuidh-sa: ach cha do phill i. Agus chunnaic a piuthar fhealltach Iudah so.

8 Agus chunnaic mise, 'n uair, air son na h-uile adhaltrannais anns an robh Israel chùl-sleamhnach ciontach, a chuir mi air falbh i, agus thug mi litir dhealachaidh dhi, gidheadh nach do ghabh a piuthar fhealltach Iudah eagal, ach gu'n d'imich i, agus gu'n d'rinn i féin striopachas mar an ceudna.

9 Agus tharladh, le ro-mheud a tograidh gu neòghloine, gu'n do thruaill i am fearann, agus gu'n d'rinn i adhaltrannas le clachaibh agus le crannaibh.

10 Agus fòs an déigh so uile cha do phill a piuthar fhealltach Iudah riumsa le a h-uile chridhe, ach gu cealgach, deir an Tighearn.

11 Uime sin thubhairt Iehobhah rium; Is mò 'dh'fhìreannaich Israel chùl-sleamhnach i féin na Iudah chealgach.

12 Imich agus glaoth na briathran so fa chomhair na h-àirde tuath, agus abair; Pill, O Israel chùl-sleamhnach, deir an Tighearn, agus cha leig mi mo chorruih ort; oir tha mise tròcaireach, deir an Tighearn, cha gléidh mi m'fhearg gu bràth.

13 A mhàin aidich do chionta, gu'u d'rinn thu cusaontas an aghaidh an Tighearna do Dhé; agus gu'n d'rinn thu do shlighean coitcheionn do choigrich, fo gach aon chraoibh uaine; agus nach d'thug sibh géill do m' ghuth-sa, deir an Tighearn.

14 Pillibh, O chlann chùl-sleamhnach, deir an Tighearn, oir tha mi pòsda ruibh: agus gabhaidh mi sibh, aon á baile, agus dithis á teaghlach, agus bheir mi sibh gu Sion:

15 Agus bheir mi dhuibh aodhairean a réir mo chridhe féin, agus beathaichidh iad sibh le h-eòlas agus le tuigse.

16 Agus tarlaidh, an uair a théid sibh 'an

Ionmhhoireachd agus 'am meud anns an fhearrann, anns na làithibh sin, deir an Tighearn, cha-n abair iad nì's mò, Airce coimhcheangail an Tighearna, nì mò 'thig i'n ar aire, nì mò 'chuimhnichas iad i, nì mò 'bheir iad sùil 'n a déi, nì mò 'nithear sin tuilleadh.

17 Anns an àm sin theirear ri Ierusalem: 'rìgh-chaithir an Tighearna; agus bithidh tathaich nan uile chinneach d'a h-ionnsuidh, air sgàth ainme an Tighearn' a bhitheas ann an Ierusalem; agus cha ghluais iad nì's mò a réir cruais an droch chridhe féin.

18 Anns na làithibh sin théid tigh Iudah gu tigh Israeil; agus thig iad le 'chéile mach as an tìr mu thuath, a chum an fhearrainn a thug mise mar sheilbh do 'r n-aithricheibh.

19 Agus 'u uair a thubhairt mi, Cionnus a bheir mi àite dhuit am measg mhac, agus a bheir mi dhuit am fearann taitneach, oighreachd aoibhneach shluagh nau cinneach? an sin thubhairt mi, Goiridh tu dhìomsa, M'athair; agus cha phill thu air d'ais o m' leantuinn.

20 Gu deinahin, *mar* a chlaonas bean neò-dhìleas o a fear-pòsda, mar sin bhuin sibhse gu neò-dhìleas riumsa, O thigh Israeil, deir an Tighearn.

21 Chualas guth air na h-ionadaibh àrda; caoidh agus atcheuinge cloinne Israeil: a chionn gu'n do chlaon iad an slighe; dhì-chuimhnich iad an Tighearn an Dia.

22 Pillibh, a chlann chùl-sleamhnach, leighisidh mise bhur eul-sleamhnachaidh. Feuch, tha sinn a'teachd a d'ionnsuidh, oir is tu an Tighearn ar Dia.

23 Gu deimhin *cha-n'èil ach* dìomhanas anns na cnocaibh, *ann an* neart nan sléibhteann; gu deimhin anns an Tighearn ar Dia-ne tha slàinte Israeil.

24 Ach dh'ith an nì nàrach sin suas saothair ar n-aithrichean o'r n-òige; an caoraich, agus am buar, am mic, agus an nigheanan.

25 Luidhidh sinn sìos 'n ar uaire, agus thig ar masladh tharuinn: a chionn gu'n do pheacaich sinu an aghaidh an Tighearn' ar Dia, siu féin agus ar n-aithrichean, o'r n-òige, eadhon gus an là an diugh, agus nach robh sinn ùmhál do ghuth an Tighearn' ar Dia.

CAIB. IV.

1 *Bhrosnuich Dia clann Israeil gu aithreachas le 'gheallanaibh, 3 agus Iudah, le 'bhi' bagairt breitheanasan uamhasach a thoirt orra. 19 Chaidh am fàidh gu mòr léir-sgrìos an fhearrainn.*

MA phillcas tu a ris, O Israeil, deir an Tighearn, a m'ionnsuidh-sa pillidh tu; agus na chuireas tu air falbh do ghràineil-eachdan o m' làthair-sa, an sin cha ghluais-ea tu:

2 Ach mionnaichidh tu, Mar is beò an Tighearn, ann am fìrinn, ann am breithcanas, agus ann an ionracas: agus beann-

IEREMIAH, IV.

aichidh na cinnich iad féin annsan, agus annsan ni iad uailh.

3 Uime sin, mar so deir an Tighearn ri iearaibh Iudah, agus ri Ierusalem; Brisibh suas bhur fearann-treabhaidh, agus na cuiribh am measg dhroighionn.

4 Bithibh air 'ur tinnchioll-ghcarradh do'n Tighearn, agus thugaibh air falbh roimh-chroiciun 'ur eridheachan, O fheara Iudah, agus a luchd-àiteachaidh Ierusalem; mu'n téid mo chorruch-sa mach mar theine, agus mu 'n las i, air chor is nach feudar a mùchadh, air son aingidheachd 'ur gnòmhàran.

5 Cuiribhse 'an céill ann an Iudah, agus ann an Ierusalem deanaibh follaiseach, agus abraibh; Séidibh an trompaid anns an tìr; éighibh gu h-àrd agus abraibh, Cruinnichibh ri 'chéile, agus rachamaid a steach do na cathrichibh daingnichte.

6 Cuiribh suaicheantas suas ann an Sion, rachaibh air bhur n-ais, na seasaibh; oir tha mise a' tabhairt uile o'n àirde tuath, eadhon léir-sgrìos mòr.

7 Thàinig an leòmhán a nìos o a dhoire, agus tha milltear nan cinneach air a thurus: dh'imich e mach as 'àite eum d'fhearann a dheanamh 'n a fhàsach; bithidh do bhailtean air an sgrìos, air chor is nach bi aon 'g an àiteachadh.

8 Air an aobhar sin crìoslaichibh sibh féin le sac-éididh, deanaibh caoidh agus gul; oir cha-n'éil fraoch feirge an Tighearn air a pilleadh air falbh uainn.

9 Agus tarlaidh anns an là sin, deir an Tighearn, gu 'm bàsaich cridhe an rìgh, agus cridhe nan àrd-uaislean; agus bithidh amhlath air na sagartaibh, agus uamhas air na fàidhibh.

10 An sin thubhairt mise, Och! a Thighearna Iehobhah! gu cinnteach mheall thu gu tur an sluagh so agus Ierusalem, ag ràdh, Bithidh sìth agaibh; an uair a tha 'n claidheamh a' ruigheachd gu ruig an t-anam.

11 Anns an àm sin theirear ris an t-sluagh so agus ri Ierusalem; Gaoth lasgeach ann an ionadaibh sgaoilte an fhàsaich, leth ri nighinn mo shluaigh-sa; cha-n ann gu fasgnadh no gu glanadh;

12 Thig treun-ghaoth o na h-àitibh sin a m'ionnsuidh-sa; a nis fòs labhraidh mi féin breitheanas 'n an aghaidh.

13 Feuch, mar neulaibh thig e nìos; mar chuairt-ghaoith bithidh a charbadan; is luaithe na iolairan a chuid each; mo thruaighe sinne! oir tha sinn creachta.

14 Glan do chridhe o aingidheachd, O Ierusalem, a chum gu'n tèarnar thu. Cia fhad a ghabhas do smaintean aingidh còmhuidh 'an taobh a stigh dhìot?

15 Oir tha guth ag éighreach o Dhan, agus a' cur àmhghair 'an céill o shliabh Ephraim.

16 Glaothaibhse ris na cinnich, Feuch!

Cuiribh 'an céill an aghaidh Ierusalem, gu bheil luchd-freiceadain a' teachd o dhùth-aich fad as, agus gu'n tog iad suas an guth an aghaidh bhailtean Iudah.

17 Mar luchd-coimhid faiche tha iad 'n a h-aghaidh mu'n cuart di, a chionn gu'n d'rimn i ar-a-mach ann am aghaidh-sa, deir an Tighearn.

18 Choisinn do shlighe agus do dheanadas na nithean so dhuit; 's i so d'aingidheachd; a chionn gu bheil i searbh, oir tha 'ruigheachd do chridhe.

19 Mo chom, mo chom! tha mi air mo chràdh ann am ballachan mo chridhe; 'an taobh a stigh dhìom tha mo chridhe ri fuaim; cha-n urrainn mi fantuinn a'm' thosd; a chionn gu'n euala tu, O m'anam! guth na trompaid, gaoir a' chatha.

20 Tha léir-sgrìos air lorg léir-sgrìos air a ghairm; gu cinnteach tha 'n tìr gu h-ionlan air a creachadh; gu h-obann chreachadh mo phàillunan, mo sgàileachar ann an tiota.

21 Cia fhad a chì mi a' bhratach? a chluinn eas mi fuaim na trompaid?

22 Gu cinnteach tha mo shluaigh-sa amaid-each, ormsa cha do ghabh iad còlas; is clann aig nach 'eil tuigse iad, agus tha iad air dhiobhail céille: tha iad seòlta a dheanamh uile, ach maith a dheanamh cha-n aithne dhoibh.

23 Chunnac mi an talamh, agus, feuch! bha e gun dealbh agus falamh; na néamhan fos, agus bha iad gun solus.

24 Chunnac mi na sléibhteann, agus, feuch! chrìochnaich iad; agus bha na enuic uile air an luasgadh gu mòr.

25 Dh'amhaire mi, agus, feuch! cha robh aon duine ann; agus uile coin na h-caltuinn, theich iad.

26 Dh'amhaire mi, agus, feuch! bha a' mhachair thorrach 'n a fàsach, agus a h-uile bhailtean air an tilgeadh sìos, roimh làthair an Tighearna, roimh dhian-theas 'fheirge.

27 Oir mar so deir Iehobhah, Bithidh am fearann gu h-ionlan air 'fhàsachadh, ach cha dean mi làn chrìoch.

28 Air son so nì an talamh bròn, agus dorchaidhean na néamhan shuas; a chionn gu 'n do labhair mise, agus cha ghabh mi aithreachas; chuir mi romham, agus cha téid mi air m' ais uath.

29 Roimh iolach nam marcach agus nam fear-bogha, tha gach caithir a' teicheadh; chaidh iad a steach do thiugh choilltibh, agus streap iad suas air na creagaidh: tha na h-uile bhailtean air an tréigsinn, agus cha-n'éil aon duine 'g an àiteachadh.

30 Agus thusa, 'n uair a chreachar thu, ciod a nì thu? Ged éideas thu thu féin le coreur, ged sgeadaicheas thu thu féin le seudaibh òir, ged ungas thu do rosgan le dathaibh, gu dìomhain nì thu thu féin

sgiamhach: nithear tàir ort le do leannain, air d'anam tha iad 'an tòir.

31 Gu cinnteach chuala mi glaoth amhuil mnà ri saothair, teanntachd amhuil mnà ri breith a ceud leinibh, glaoth nighinn Shioin: a' caoidh, a' sgaoileadh a bas, agus ag ràdh, Mo thruaighe mise nis! oir tha m'anam air a chlaoidh le luchd-mortaidh!

CAIB. V.

1 Na breitheanas a thug Dia air na h-Iudhaich air son an aingidheachd, 7 an adhaltranais, 10 an ceilge, 20 agus an eucartan.

RUITHIBH air 'ur n-ais agus air 'ur n-aghaidh feadh shràidean Ierusalem, agus faicibh a nis, agus bitheadh fios agaibh, agus iarraibh 'n a h-ionadaibh farsuinn, am faigh sibh aon duine, am bheil neach sam bith ann a tha 'cur 'an gnìomh breitheanas, a tha 'g iarraidh na firinn; agus bheir mise dhi maithneas.

2 Ach ged a their iad, Mar is beò an Tighearn, gu deimhin tha iad a' mionnachadh gu breugach.

3 O Thighearna, nach 'eil do shùilean-sa air an fhirinn? Bhuail thu iad, ach cha d'rinnead bròn; chaith thu iad, ach dhiùlt iad gabhail ri smachdachadh; rinn iad an aghaidh nìs cruaidhe na creag; dhiùlt iad pillleadh.

4 An sin thubhairt mise, Gu cinnteach is iad so na daoine ìosal; tha iad gun chéill, a chionn nach aithne dhoibh slighe an Tighearna, breitheanas an Dé.

5 Ruigidh mi na daoine nasal, agus labhairidh mi ri u-san; oir is aithne dhoibh-san slighe an Tighearna, breitheanas an Dé. Ach spealg iad so gu h-iomlan a' chuing, sgaoil iad as a chéile na cuibhrichean.

6 Uime sin ni leòmhann as a' choille an sgrios, ni madadh-alluidh an fhàsaich am milleadh; ni liopard faire os ceann am bailtean: gach aon a théid a mach asda reubar e 'n a bhloighidibh; a chionn gu bheil an lochdan lìonmhor, an cùl-sleamhnachadh minic.

7 Cionnus a mhaithas mi so dhuit? thréig do chlamn mise, agus mhiònnaich iad orra sin nach 'eil iad 'n an diathan: an uair a shàsnaich mise iad le lòn, an sin rinn iad adhaltranas, agus ann an tigh na striopachich chruinnich iad 'n am buidhnibh.

8 Bha iad mar òig-eich bhiaidhta 's a' mhaduinn; gach aon a' sìtrich an déigh mnà a choimhearsnach.

9 Air son nan nithean so nach tig mise g'an amharc, deir an Tighearn; agus air a' leithid so de chinneach nach dean m'anam dìoghaltas?

10 Rachaidh-sa suas air a ballachan, agus sgriosaidh; ach na deanaibh eriochnachadh: thugaibh air falbh a daingnichean, oir cha bhuinn iad do 'n Tighearn.

11 Oir bhuinn tigh Israeil agus tigh Iudah gu ro chealgach riumsa, deir an Tighearn.

12 Dh'àicheadh iad an Tighearn, agus thubhairt iad, Cha-n e a th'ann; ni mò 'thig ole oirnn; agus an claidheamh no a' ghort cha-n fhaic sinn.

13 Ach bitheadh na fàidhean mar ghaoith; agus cha-n'èil am focal anna: mar so nithear orra féin.

14 Air an aobhar sin mar so deir Iehobhab Dia nan sluagh: A chionn gu bheil sibh a' labhairt an fhocail so, feuch, ni mise m'fhocal ann ad bheil-sa 'n a theine, agus an sluagh so 'n an connadh, agus loisgidh e suas iad.

15 Feuch, bheir mi 'n 'ur n-aghaidh cinn-each o chéin, O thigh Israeil, deir an Tighearn: is cinneach cumbhachdach e, is cinneach ro shean e; cinneach nach aithne dhuit an cainnt, ni mò 'thuingeas tu ciod a their iad.

16 Tha am balg-saighead mar uaigh fhosgailte; tha iad uile 'n an daoine treuna.

17 Agus caithidh iad d'fhogharadh, agus d'aran; caithidh iad do mhic agus do nigh-eanan; caithidh iad do chaoraich agus do chroth; caithidh iad d'fhionaineach agus do chroinn-fhìge; ni iad bochd leis a' chlaoidheamh na bailtean daingnichean anns an robh thu a' cur do dhòchais.

18 Gidheadh anns na làithibh sin, deir an Tighearn, cha dean mise ruibh eriochnachadh.

19 Agus tarlaidh, an uair a their sibh, C'uim' an d'rinne an Tighearn ar Dia ruinn na nithean so uile? an sin freagraidh tusa iad, Amhuil a thréig sibhse mise, 's a rinn sibh seirbhis do dhiathaibh coinneach ann 'ur tìr, mar sin ni sibh seirbhis do choigrich ann an dùthaich nach leibh féin.

20 Inasibhse so ann an tigh Iacoib, agus cuiribh 'an céill e ann an Iudah, ag ràdh, 21 Eisdibh so a nis, O shluagh amaideach agus mhi-chéillidh, aig am bheil suilean, ach nach faie; aig am bheil cluasan, ach nach cluinn.

22 Nach bi eagal oirbh romham-sa, deir an Tighearn? nach eriothnaich sibh ann am làthair-sa, a shuidhich a' ghaineamh mar chrich do 'n fhaerge, le ordugh buan, nach feud i dol thairte: ged huaisgeas a tuinn iad féin, cha toir iad buaidh; ged bheucas iad cha téid iad ni 's faide?

23 Ach aig an t-sluagh so tha eridhe easumhal agus ceannaireach: chaidh iad air an ais, agus dh'imich iad air falbh.

24 Ni mò deir iad 'n an eridhe, Bitheadh a nis eagal an Tighearn' ar Dé oirnn, a tha 'toirt arann a' chleud uisge agus an uisge dheireamaich, 'n a àm féin; seachduinean suidhichte an fhogharaidh tha e 'gleid-eadh air ar son.

25 Phill blur n-aingidheachd na nithean so air falbh; agus chum bhuir lochdan an ni a tha maith air ais uaibh.

26 Oir gheibhear am meas mo shluagh-

sa droch dhaoine: tha iad ri feall-fholach, mar neach a' suidheachadh fiontan; tha iad a' leagadh ribe, tha iad a' glacadh dhaoine.

27 Mar chliabh a tha làn eun, mar sin tha an tighean làn ceilge: uime sin tha iad air fàs mòr, agus air cinntinn saobhir.

28 Tha iad air fàs reamhar, tha iad dealrach: seadh, thug iad bàrr air gnòmh-riabh nan aingidh: cha-n'eil iad a' toirt breth air a' chùis, cùis an dilleachdain, gidheadh tha iad a' soirbheachadh; agus còir an uireasbhuich cha-n'eil iad a' seasamh.

29 Air son nan nithcan so nach tig mise g'an amharc? deir an Tighearn: air a' leithid so de chinneach nach dean m'anam dioghaltas?

30 Tha ni uamhasach agus ro eagalach 'g a chur 'an gnòmh anns an tìr:

31 Tha na fàidhean ri faisteachd bhrèige; agus na sagartan a' riaghladh air an làimh-san; agus is ait le m' shluagh-sa e 'bhi mar sin: ach ciod a ni sibh ann an deireadh na cùise.

CAIB. VI.

1 *Tha naimhdean Iudah dian gu a lùchairtean a grios. 9 Ghearrain an fàidh gn' robh an sluagh a trèigsinn an Tighearn:* 18 *Dh'fhoillsich e breitheanais Dhé;* 26 *agus bhrosnuich e an sluagh gu aithreachas.*

TEICHIBH gu h-iomlan, O mhaca Bheniamin, a mach á meadhon Ierusalem, agus ann an Tecoa séidibh an trompaid; air Betacerein fòs cuiribh suas comharadh teine: oir dh'fhoillsicheadh olc o'n àirde tuath, agus dòrainn mhòr.

2 Cosmhuil ri àit-ionaltraidh taitneach rinn mise nighean Shioin.

3 D'a h-ionnsuidh thin na buachaillean le'n treudaibh: suidhichidh iad ann pàill-iunan 'n a h-aghaidh air gach taobh; ionaltraidh iad gach aon 'n a àite féin.

4 Deasaichibh cogadh 'n a h-aghaidh: Eiribh, agus rachamaid suas mu mheadhon là: Mo thruaighe sinne! oir tha 'n là air dol seachad; oir tha dubharan an amnoich air an sìneadh a mach.

5 Eiribh, agus rachamaid suas anns an oidhe, agus milleamaid a lùchairtean.

6 Oir mar so labhair Tighearn nan sluagh, Gearraibh sìos craobhan, agus tilgibh tòrr an aghaidh Ierusalem: is i so a' chaithir a tha gu bhli air a smachdachadh; is fòirncart i gu h-iomlan 'an taobh a stigh dhi.

7 Amhuil a chuireas tobar a mach 'uisgeachan, mar sin tha ise a' cur a mach a drochbheairt: tha ainneart agus creach ri chluinntinn innte: a'm' làthair-sa do ghnàth tha bròn agus lotadh.

8 Gabh fòghlum, O Ierusalem, air eagal gu'n dealaich m'anam riut; air eagal gu'n dean mi fasach dhìot, fearann neo-àitichte.

9 Mar so deir Tighearn nan sluagh; Diol-umaidh iad gu buileach mar fhionain iarmad Israeil: pill air a h-ais do làmh,

mar fhear-tionail nam fion-dhearcan gus ua clabhnan.

10 Cò ris an labhair mi, agus d'an toir mi rabhadh, air chor is gu'n cluinn iad? Feuch, tha an cluas gun tinchioll-ghearradh, agus cha-n urrainn iad éisdeachd: feuch, tha focal Iehobhah dhoibh-san 'n a mhasladh; cha-n'eil tlachd aca ann.

11 Air an aobhar sin tha mise làn corr- uich [an Tighearna:] tha mi sgìth g'a cumail a steach: dòirtidh mi mach i air a' chloinn anns na sràidibh, agus air an òigridh a tha cruinn le 'chéile: seadh, glacar am fear, agus fòs a bhean, an t-aosda, maille ris an ti a bhitheas làn de làithean.

12 Agus bheirear thairis an tighean do dhaoineibh cile, an fcarann agus na mnath- an mar an ceudna; oir sinidh mise mo làmh a mach an aghaidh luchd-àiteachaidh na tìre, deir an Tighearn.

13 Oir o'n aon a's lugha gus an aon a's mò dhiubh, tha gach neach 'g a thoirt féin suas d'a ana-miannaibh; agus o'n fhàidh fòs gus an sagart, tha gach aon a' gnàthachadh ceilge.

14 Leighis iad mar an ceudna lot nighinn mo shluagh-sa gu faoin, ag ràdh, Sìth, sìth; agus gun sìth ann.

15 An robh nàire orra chionn gu'n do chuir iad gràineileachd 'an gnìomh? ni h-eadh, cha do ghabh iad nàire air aon chor; ni mò 'bha rugha air an gruaidh: uime sin tuitidh iad ann measg na muinntir a thuiteas; anns an àm 'an tig mise 'g an amharc, tilgear sìos iad, deir an Tighearn.

16 Mar so thubhairt an Tighearn; Seas- aibh anns na ròidibh agus faicibh, agus feòraichibh air son nan seana cheuman, C'ait am bheil an t-slighe mhaith agus ghuais- ibh innte; mar sin gheibh sibh fois do 'r n-anamaibh. Ach thubhairt iadsan, Cha ghluais sinn [innte.]

17 Chuir mi mar an ceudna luchd-faire os 'urceann, *ag ràdh;* Eisidibh ri fuaim na trompaid. Ach thubhairt iadsan, Cha-n éisd sinn.

18 Uime sin cluinnibh, O fhineacha, 's bitheadh fios agaibh, O choimhthionail; an ni sin a tha 'n ann measg cluinn, O 'thal- amh!

19 Feuch, bheir mise dòrainn air an t-sluagh so, toradh an smuaintean féin; a chionn nach d'thug iad éisdeachd do m' bhriathraibh: agus a thaobh mo reachd, chuir iad cadhòn cùl ris.

20 C'uim an tig tùis o Sheba thugam-sa? agus a' chuire chùbhraidh o dhùthaich fad as? Cha-n'eil bhuir tabhartais-loisgte tait- neach, ni mò 'tha tlachd agam-sa 'n ur n-job- airtibh.

21 Air an aobhar sin mar so deir an Tigh- earn, Feuch, leagaidh mi cip-thuislidh 'an rathad an t-sluagh so, agus tuitidh na h-aithrichean agus na mie orra; an coimh-

IEREMIAH, VII.

earsnach agus a charaid bàsaichidh le 'chèile.

22 Mar so deir an Tighearn, Feuch, tha sluagh a' teachd o fhearann na h-àirde tuath, agus dhùsgear cinneach mòr o chrìochaibh na talmhainn.

23 Glacaidh iad am bogha agus an t-sleagh: tha iad an-ìochdmhor, agus cha ghabh iad truas; beuchdaidh an guth mar an fhairege, agus marcaichidh iad air eachaibh, air an tarruing 'an ordugh mar dhaoine gu cogadh, ann ad aghaidh-sa, O nighean Shìoin.

24 Chuala sinn iomradh air so: dh'fhàs ar làmhnan lag; tha goimh air deanamh greim oirnn; pian, amhuil 'mnà ri saothair chloinne.

25 Na rachaibh a mach do'n mhachair, na sìubhlaibh anns an t-slighe; oir an sin tha claidheamh an nàmhaid, uamhas air gach taobh.

26 O nighean mo shluaigh, éid thu féin le eudach saic, agus dean thu féin aornagain ann an luaithre: dean caoidh *mar air son* aoin mhic, cumha ro gheur: oir gu h-obann thig an creachadair oirnn.

27 Shònruich mi thusa gu bhi a'd' bhaideal, a'd' dhaingneach am measg mo shluaigh; agus aithnichidh tu, agus dearbhaidh tu an slighe.

28 Tha iad uile 'n an daoineibh a thug barrachd ann an ceannaire, a' gluasad gu cealgach: is umha agus iarunn iad; an t-ionlan diubh 'n an innealaibh truailidheachd.

29 Loisgeadh na builg leis an teine, chaith-eadh an luaith; leagh am fear-leaghaidh gu dìomhain; oir cha-n'èil iadsan a tha olc air an sgaradh air falbh:

30 Airgid nach fhu theirear riu-san, a chionn gu'n do chuir an Tighearn cùl riu.

CAIB. VII.

1 *Chuir Dia Jeremiah a ghairm nan Iudach gu aithreachas chum 's nach bitheadh iad air an giùlan 'am braigheanas.* 17 *Bhagair an Tighearn iad le 'fheing do bhrìgh gu'n do chuir iad campar air lén iodhol aoradh.* 21 *Glhuais an sluagh ann an comhairleibh asinnleachdach an crìche féin.* 32 *Breitheanas air am bagradh orra air son an droch giùlomharan.*

AM focal a thàinig gu Jeremiah o'n Tighearn, ag ràdh;

2 Seas ann an geata tighe an Tighearna, agus glaoth anns an àite sin am focal so, agus abair, Cluinnibh focal an Tighearn, uile Iudah, sibhse tha 'g imeachd a steach air na dorsaibh so gu aoradh a thoirt do Iehobhah.

3 Mar so deir Tighearn nan sluagh, Dia Israel, Leasaichibh 'ur slighean agus 'ur giùlomharan, agus bheir mise dhuibh còmhnuidh a ghabhail anns an àite so.

4 Na h-earbaibh á briathraibh breugach, ag ràdh, *Is teampull an Tighearna, teampull an Tighearna, teampull an Tighearn* iad so.

5 Oir ma leasaicheas sibh gu h-ionlan 'ur slighean agus 'ur giùlomharan; ma bheir sibh breitheanas gu ccart eadar duine agus a choinhearsnach;

6 Mur sàruich sibh an coigreach, an dilleachdan agus a' bhantrach; agus mur dòirt sibh fuil neo-chiontach anns an àite so, agus mur téid sibh air lorg dhiathan eile, chum 'ur dòrainn féin:

7 An sin bheir mise dhuibh còmhnuidh a ghabhail anns an àite so, anns an fhearann a thug mi do'r n-aithrichibh, o linn gu linn.

8 Feuch, tha sibhse a' deanamh buin á briathraibh breugach o nach faigh sibh buannachd.

9 Ciod? am feadh a tha sibh a' goid, a' mortadh, agus a' deanamh adhaltranais, agus a' mionnachadh gu breugach, agus a' losgadh thise do Bhaal, agus a' gluasad air lorg dhiathan coimheach, air nach robh eòlas agaibh:

10 An tig sibh an sin, agus an seas sibh ann am làthair-sa, 's an tigh so a tha air a ghairm air m'ainm, agus an abair sibh, Tha sinn air ar toirt thairis a chum nan gràineil-eachdan so uile a chur 'an gnìomh?

11 An e gu'n d'rinneadh an tigh so, a dh'ainmicheadh ormsa, 'n a shlochd mheirleach 'n'ur sùilibh-sa? Feuch, chunnaic mise féin e, deir an Tighearn.

12 Ach rachaibh a nis do m'àite-sa a tha 'an Siloh, far an do chuir mi m'ainm 'an toiseach, agus faicibh cionnus a bhuin mi ris, air son aingidheachd mo shluaigh Israel.

13 Agus a nis, a chionn gu'n d'rinneadh na h-oibre so uile, deir an Tighearn, agus gu'n do labhair mise ruibh ag éirigh gu moch, agus a' labhairt, ach cha d'éisd sibhse; agus gu'n do ghlaodh mi ruibh, ach cha do fhreagair sibh:

14 Uime sin, ni mi ris an tigh so a dh'ainmicheadh orm, as am bheil sibhse a' deanamh buin, agus ris an ionad a thug mi dhuibhse, agus do 'r n-aithrichibh, amhuil a rinn mi ri Siloh.

15 Agus tilgidh mi sibh a mach á m'fhianuis, mar a thilg mi mach blur bràithrean uile, an t-ionlan de shlochd Ephraim.

16 Air an aobhar sin, na guidh thusa air son an t-sluaigh so, ni mò 'chuireas tu suas glaoth no atheluinge as an leth, ni mò 'ni thu eadar-ghuidhe riumsa; oir cha-n' éisd mise riut.

17 Nach faic thu ciod a tha iad so a' deanamh ann am bailtibh Iudah, agus ann an sràidibh Ierusalem?

18 Tha a' chlann a' tional connaidh, agus na h-aithrichean a' fadadh an teine, agus na mnathan a' fuineadh taoise, a dheanamh bhreacag do bhan-righium nèimh, agus a dhòrtadh a mach thabhartasan-dibhe do dhiathaibh eile, gu campar a chur ormsa.

19 Am bheil iad a' cur campair ormsa? deir an Tighearn; nach ann a tha iad a' cur

[dragh] orra féin, a chum maslaidh an gnùise féin ?

20 Air an aobhar sin, mar so deir an Tighearn Iehobhah, Feuch, dòirtear m'fhearg-sa, agus mo dhian-chorruih a mach air an àite so, air duine agus air ainmhidh, agus air cròbhan na macharach, agus air toradh an fhearainn; agus loisgidh i, agns cha ghabh i mùchadh.

21 Mar so deir Tighearn nan sluagh, Dia Israeil, Cuiribh 'ur tabhartais-loisgte ri'r n-iobairtibh, agus ithibh feoil.

22 Oir cha do labhair mise ri'r n-aithrichibh, ni mò dh'àithn mi dhoibh, anns an là's an d'thug mi iad a mach á tir na h-Eiphit, nu'n thimchioll thabhartas-loisgte no iob-airtean :

23 Ach an ni so dh'àithn mi dhoibh, ag ràdh, Thugaibh géill do m'ghuth, agus bithidh mise a'm' Dhia dhuibhse, agus bithidh sibhse 'n 'ur sluagh dhomh-sa; agns gluaisibh anns na h-uile shligheibh a dh'àithn mi dhoibh, a chum gu'n éirich gu maith dhuibh.

24 Ach cha d'éisd iad, ni mò dh'aom iad au cluas, ach ghlnais iad ann an comhairlibh aisinneachdach an droch chridhe féin, agus chaith iad air an ais, agus cha-n ann air an aghaidh.

25 O'n là air an d'thàinig bhuir n-aithrich-ean a mach á tir na h-Eiphit, gus an là'n dìngh, chuir mi d'ur n-ionnsuidh m'uile sheirbhisich na fàidhean, ag éirigh gach là gu moch agns 'g an cnr a mach :

26 Gidheadh cha d'éisd iad rium, ni mò dh'aom iad au cluas, ach chruaidhich iad am muineal; rium iad ni bu mhiosa na'n aithrichean.

27 Uime sin, labhraidh tu na briathran so nile riu, ach cha-n éisd iad riut: glaodhaidh tu riu mar au ceudna, ach cha fhreagair iad thu.

28 Uime sin their thu riu, So an cinneach nach 'eil a' toirt géill do ghntan Tighearn' an Dia; ni mò 'ghabh iad ri cronuchadh: dh'eng an fhàirinn, agns ghearradh a mach o'm beul i.

29 Gearr dhìot do ghruag, *O Ierusalem*, agns tilg uait i, agus tog suas tuircadh air na h-ionadaibh àrda: oir chuir Iehobhah uaith, agus thréig e ginealach a chornich.

30 Oir rinn clann Iudah ole ann am shealladh-sa, deir an Tighearn; chuir iad an gràin-eileachdan anns an tigh a dh'ainmicheadh ormsa, chum a thruailladh.

31 Agus thog iad ionadan àrda Thopheit, a tha'an an gleann mhic Hinoim, a losgadh am mac agus an nigheanau 's an teine; ni nach d'àithn mise, 's nach d'thàinig idir ann am chridhe.

32 Air an aobhar sin, feuch, tha na làithean a' teachd, deir an Tighearn, anns nach goirear ni 's mò ris Tophet, no gleann mhic Hinoim; ach gleann a' mharbhaidh:

oir adhlaidh iad ann an Tophet, gus nach bi àite *salamh* ann.

33 Agus bithidh cairbhean an t-sluaigh so 'n am biadh do eunlaith an athair, agus do bheathaichibh na taluham; agus cha-n fhuadaich an neach air falbh iad.

34 An sin cuiridh mise cosgadh ann am bailtibh Iudah, agns ann an sràidibh Ierusalem, air gnth an t-subhachais, agns guth an aoibhneis, guth an fhir mnadh-phòda, agus guth na mnà nuadh-pòda: oir bithidh an dùthaich 'n a fàsach.

CAIB. VIII.

1 *Teanntachd agus trioblaidhean nan Iudhach.*

5 *Chronaich an fàidh iad air son an cùl-sleamhnachaidh.* 13 *Nochd e dhoibh na breitheanas a bha gu teachd orra,* 18 *agus rinn e caoidh air son an leòin.*

A NNS an àm sin, deir an Tighearn, bheir iad a mach cnàmhan righrean Iudah, agus cnàmhan a prionnsachan, agus cnàmhan nan sagart, agns cnàmhan nam fàidhean, agus cnàmhan luchd-àiteachaidh Ierusalem as an uaighean;

2 Agus sgaoilidh siad iad mu choinneamh na gréine, agus na gealaich, agus uile fheachd nèimh, d'an d'thug iad spéis, agns d'an d'rinn iad seirbhis, agns air an robh iad a' leanmhuim, agns a bha iad ag iarraidh, agus d'an d'thug iad aoradh: cha chrinnicheadh iad, cha-n adhlacair iad; 'n an aolach bithidh iad air aghaidh na taluham.

3 Agus bithidh bàs ni's roghnaiche na beatha leis an uile fhuigheall a mhaireas de'n teaghlach ole so, a bhitheas 'n am fuigheall anns gach uile àite gus am fògair mise iad, deir Tighearn nan slagh.

4 Os bàrr, their thu riu, Mar so deir an Tighearn; An tuit iad agns nach éirich iad a ris? An téid e air falbh, agus nach pill e air ais?

5 Car son *ma ta* tha'n sluagh so a' sleamhnachadh air an ais? *Car son* a tha Ierusalem ri cùl-sleamhnachadh bith-bhnan? tha iad a' deanamh greim daingean air ceilg, tha iad a' diùltadh pilleadh.

6 Thug mise fainear, agus chuala mi; cha do labhair iad gn ceart: cha-n'eil aithreachas air aon neach d'a aingidheachd, ag ràdh, Ciod a rium mi? Tha gach aon a' pilleadh g'a shlighe, mar a dhian-ruitheas an t-each a chum a' chòmhlraig.

7 Seadh, is aithne do'n chorra-bhàin anns an athar a h-àm féin, agus is aithne do'n choluman, agns do'n chorra-mhònaidh, agns do'n gholan-ghaoithe àm an teachd: ach cha-n aithne do m'shlagh-sa breitheanas an Tighearna.

8 Cionnus a their sibh, Tha sinn glic, agns tha reachd an Tighearna 'n ar measg? Feuch, gn deimhu is dìomhanas obair na cleit-sgrìobhaidh, cha-n'eil anns na sgrìobhaichibh ach dìomhanas.

IEREMIAH, IX.

9 Nàraicheadh na daoine glise, tha iad fo gheilt, tha iad 'an sàs; feuch, ri focal an Tighearna chuir iad cùl; agus ciod an gliocas a tha aca?

10 Uime sin, am mnathan bheir mise do dhaoinibh eile; an fearann dhoibhsan a thèid 'an seilbh ann: oir tha iad uile, o'n neach a's mò gus an neach a's lugha, air an toirt snas d'an ana-miannaibh; o'n fhàidh eadhon gus an sagart, tha gach aon a' gnàthachadh ceilge.

11 Agus leighis iad lot nighinn mo shluaigh-sa gu faoin, ag ràdh, Sìth, sìth; agus gun sìth ann.

12 An robh nàire orra chionn gu'n do chuir iad gràineileachd 'an gnìomh? Ni h-cadh, cha robh iad nàrach air aon chor; ni mò 'ghabh an gruaidh rugha: uime sin tuitidh iad am measg na muinntir a thuiteas; anns an àm 's an tig mise 'g an amhare tilgear sìos iad, deir an Tighearn.

13 Ni mise gu buileach an sgrios, deir an Tighearn; cha bhi fion-dhearc air an fhion-ain, no figean air a' chrann-fhìge; seargaidh eadhon an duilleach; agus *na nithean* a thug mise dhoibh siubhlaidh uatha.

14 C'ar son a tha sinn a' suidhe 'n ar tàmh? cruinnichibh sibh fèin agus rachamaid a steach do na caithrichibh daingnichte; agus bitheamaid 'n ar tosd an sin; oir chuir an Tighearn ar Dia 'n ar tosd sinn, agus thug e dhuinn nìsge dom-blasda r'a òl, a chionn gu'n do pheacaich sinn an aghaidh an Tighearna.

15 Bha sùil againn ri sìth, ach maith sam bith cha *d'fhàinig*; ri h-aimsir slàinte, agus feuch uamhas!

16 O Dhan chualas srannail a chuid each: roimh thorman sìtrich 'eacha meannach chrìothnaich am fearann uile: oir thàinig iad, agus shluig iad am fearann, agus gach nì a tha ann; a' chaithir agus iadsan a tha 'g a-àiteachadh.

17 Oir feuch, cuiridh mise 'n 'ur measg, nathraichean, rìgh-nathraichean, air nach luidh geasan, agus teumaidh iad sibh, deir an Tighearn.

18 Cha-n'èil leigheas air mo bhròn; tha mo chridhe fo leòn an taobh a stigh dhìom.

19 Feuch, guth glaoidh nighinn mo shluaigh, o thìr chéin: Nach 'eil an Tighearn ann an Sìon? nach 'eil a rìgh innte? c'ar son ma ta 'bhrosnuich iad mise gu feirg le'n dealbhan snaidhte, agus le'n dìomhanasaibh coimheach?

20 Chaidh am fogharadh seachad, tha'n samhradh thairis, ach cha-n'èil sinne air ar saoradh.

21 Air son leòin nighinn mo shluaigh, tha mise air mo leòn; tha mi dnbh-bhrònach; rinn uamhunn mo ghlacadh.

22 Nach 'eil ioc-shlàint ann an Gilead? nach 'eil léigh an sin? C'ar son, ma ta, nach

'eil slàinte air a h-aiscag do nighium mo shluaigh-sa?

CAIB. IX.

1 *Tha am fàidh a' caoidh aingidheachd a shluaigh. 9 agus nam breitheanas a thàinig orra. 12 Nochd e dhoibh gu'n do smachdaich Dia iad a chionn nach robh iad àmhàl d'a gluth. 21 Chomhairlich e dhoibh gun uaidh a dheanamh 'n an gliocas fèin.*

OCH nach b'uisge mo cheann, agus nach gu'n guilinn a là agus a d'fòidheche air son muinntir mharbhta nighinn mo shluaigh!

2 Och nach robh agam anns an fhàsach pàillion fir-thuruis, a chum gu'm fàgaimn mo shluaigh, agus gu'n imichium uatha! oir is luchd adhaltranaidh iad nìle, coimhthional de dhaoine cealgach.

3 Agus tha iad a' lùbadh an teagaidh *mar* am bogha chum ceilge; ach cha-n'èil iad treubhach air son na firinn anns an talamh: oir tha iad a' dol air an aghaidh o ole gu ole, agus cha-n'èil eòlas ac' orm-sa, deir an Tighearn.

4 Bithibh air 'ur faicill, gach aon roimh a choimhearsnach, agus na h-earbaibh á bràthair air bith: oir le foill meallaidh gach bràthair, agus gluaisidh gach comp-anach gu cealgach.

5 Agus meallaidh iad, gach aon a choimhearsnach, agus cha labhair iad an fhìrinn: chleachd iad an teagadh ri labhairt bhreug; sgithich iad iad fèin, a' cur 'an gnìomh dòbheairt.

6 Tha do chòmhnuidh aun am meadhon ceilge; ann an ceilg tha iad a' diùltadh eòlas a ghabhail ormsa, deir an Tighearn.

7 Air an aobhar sin, mar so deir Tighearn nan sluagh, Feuch, leagaidh mi iad, agus dearbhaidh mi iad; oir ciod a dh'fheudas mi d'heanamh a thaobh nighium moshluaigh?

8 Tha an teagadh *mar* shaighead fìr-mhillidh; is cealg a's cainut di: le 'bheul labhraidh neach gu sìochail r'a choimhearsnach, ach 'n a chridhe tha e 'caitheadh foill air.

9 Air sou nan nithean so nach tig mise *g'an* amhare? deir an Tighearn: air a' leithid so de chinneach nach deasa m'anam dòghaltas?

10 Air son nan sléibhtean togaidh mi gul agus caoidh, agus air son ionadan-còmh-nuidh an fhàsaich, tuireadh, a chionn gu bheil iad air an losgadh suas, air chor as nach tèid aon neach trompa; agus cha chluinnear *annta* guth na spréidhe: eunlaith an athair agus an t-ainmhidh maraon theich, shiubhail air falbh.

11 Agus ni mise Ierusalem 'n a càrnaibh, 'n a h-uaimh dhràgon; agus bailtean Iudah ni mi 'n am fàsach, gun neach 'g an àiteach-adh.

12 Cò e 'n duine glie, a thuigheas so? agus ris an do labhair beul an Tighearn, a chum

gu'n cuireadh e 'n céill e. 'Car son a tha 'n tìr air a milleadh; air a losgadh suas mar fhàsach, nach 'eil aon neach ag imeachd troimpe?

13 Agus thubhairt an Tighearn, Do bhrìgh gu'n do thréig iad mo reachd a chuir mise fa'n comhair, agus nach robh iad ùnhal do m' ghuth, ni mò 'ghluais iad d'a réir;

14 Ach gu'n do ghluais iad a réir breith-neachaidh an cridhe féin, agus an deigh nan dia a theagaisg an aithrichean dhoibh:

15 Uinne sin, mar so deir Tighearn nan sluagh, Dia Israeil; Feuch, beathaichidh mise iad, *eadhon* an sluagh so, le luibhean searbha, agus bheir mi uisge dom-blasda dhoibh r'a òl.

16 Sgapaidh mi iad mar an ceudna 'measg nan cinneach, air nach robh aon chuid iad féin no an aithrichean eòlach: agus cuiridh mi an claidheamh air an tòir, gus an cuir mi as doibh.

17 Mar so deir Tighearn nan sluagh, Thugaibh fainear, agus gairmibh mnathan-tuiridh, agus thigeadh iad; agus cuiribh fios air mnathan seòlta, agus thigeadh iadsan:

18 Agus deifricheadh iad, agus togadh iad suas caoidh air ar son; a chum gu'n ruith ar sùilean sìos le deuraibh, agus gu'm brùchd ar rosgan a mach le h-uisge-cachaibh.

19 Gun amharus chualas guth caoidh o Shìon; Cionnus a tha sinn air ar creachadh! tha sinn air ar maslachadh gu ro mhòr! a chionn gu'n do thréig sinn am fearann, a chionn gu'n do thilg iad sìos ar n-ionadan-eòmhnuidh.

20 Air an aobhar sin éisdibh, O 'mhnathan, focal an Tighearn, agus glacadh bhuir cluas focal a bheoil; agus teagasgibh do'r nigh-eanaibh caoidh, agus gach aon d'a ban-chòimhearsnach tuireadh:

21 Oir tha am bàs air teachd an àird gus ar n-uinneagan, air teachd a steach do'r lùchairtean; *thàinig e* a ghearradh sìos araon an naoidhein anns a' mhachair, agus nan òganach anns na sràidibh.

22 Abair, Mar so deir an Tighearn; Tuitidh eadhon colainnean dhaoine mar aolach air aghaidh na faiche, agus mar an dlaogh an deigh a' bhuanach, 'n uair nach bi aon neach ann gu 'thional.

23 Mar so deir an Tighearn, Na deanadh an duine glic uail as a ghliocas, agus na deanadh an duine neartmhor uail as a neart, agus na deanadh an duine saoi-bhir uail á 'shaoibhreas:

24 Ach deanadh esan a ni uail, uail á so, gu bheil tuigse, agus eòlas aige ormsa, gur mi an Tighearn a nochdas caoinhneas gràdhach, breitheanas, agus ceartas air an talamh; oir anns na nithibh so tha mo thlachd-sa, deir an Tighearn.

25 Feuch, tha na làithean a' teachd, deir

an Tighearn, anns an smachdaich mise na h-uile neach timchioll-ghearrta, maille ris an neo-thimchioll-ghearrta.

26 An Eiphit, agus Iudah, agus Edom, agus clann Amoin, agus Moab, agus na h-uile a tha anns na cearnaibh iomallach, a tha 'chòmhnuidh anns an fhàsach: oir tha na cinnich so uile neo-thimchioll-ghearrta, agus tha tigh Israeil uile neo-thimchioll-ghearrta 'n an cridhe.

CAIB. X.

1 *Cha-n'èil neach air bith ann cosmhuil ri Dia cumhachdach Israeil. 17 Thug am fàidh fios do'n sluagh gu'n claidhear iad. 23 Rinn e urnaigh ri Dia.*

CLUINNIBH am focal a tha an Tighearn a' labhairt ruibh, O thigh Israeil. 2 Mar so deir an Tighearn; Na fòghum-aibh sliغه nan cinneach, agus na bitheadh eagal oirbh roimh chomharan nan nèamh, ged a tha eagal air na cinnich rompa.

3 Oir tha gnàthachadh nan slògh 'n a fhìor-dhìomhanas: oir tha iad a' gearradh craoibhe as a' choille, obair làmh an fhir a dh'oibricheas le inneal gear.

4 Le h-airgid agus le h-òr tha iad 'g a deanamh maiscach, le tairngibh agus le h-orduibh tha iad 'g a deanamh daingean, air chor as nach gluais i.

5 Mar chram-pailne tha iad so rag, agus cìna labhair iad: is éigin an giùlan, a chionn nach urrainn iad imeachd: na bitheadh eagal oirbhe rompa, oir cha-n urrainn iad cron a dheanamh; agus fòs maith a dheanamh cha-n'èil 'n an comas.

6 Cha-n'èil aon neach ann cosmhuil riutsa, O Thighearn; Is mòr thu, agus is mòr d'a'ann ann an cumhachd.

7 Cò air nach bitheadh eagal romhad-sa, O Rìgh nan slògh? oir dhuitse buinidh *urram*, a chionn nach 'èil am measg uile dhaoine glìce nan cinneach, agus am measg an uile rioghachdan, aon neach cosmhuil riut.

8 Ach tha iad gu h-iomlan brùideil agus mì-thuigseach: tha am fiodh e féin a' cur 'an céill an dìomhanais.

9 Bheirear airgid air a bhualadh a mach o Tharsis, agus òr o Uphas; obair an fhìr-oibre, agus làimhe an òir-cheaird; is gorm agus dearga's éididh dhoibh: is iad gu léir obair dhaoine seòlta.

10 Ach Ichobhah, is esan an Dia fìor, an Dia beò, agus an rìgh bith-bhuan; roimh a chorrùich-san criothnachidh an talamh, agus cha-n urrainn na cinnich 'fhearg a ghiùlan.

11 Mar so their sibh riu, Na diathan nach d'rinn na nèamhan no an talamh, sgriosar iad a mach o'n talamh, agus o bhi fo na nèamhan so.

12 Rinn esan an talamh le 'chumhachd, shoerùich e an saoghal le 'ghliocas, agus le 'thuigse sgaoil e mach na nèamhan.

IEREMIAH, XI.

13 'N uair a chuireas e mach a ghuth, tha toirm uisgeachan anns na nèamhan, bheir e air a' cheò dol suas o chrìochaibh na talmhainn: ni e dealanach le frasaibh, agus bheir e mach a' ghaoth as 'ionadaibh-tasgaidh.

14 Dh'fhàs gach duine mar bhrùid 'n a còlas; nàraicheadh gach òr-cheard le iomhaigh leaghta; oir is ni breugach an dealbhan leaghta, agus anail air bith cha-n'èil anna.

15 Is ni faoin iad, obair nihearachdach: ann an àm an smachdachaidh theid iad 'am munga.

16 Cha chosmhuil riu so Cuibhrionn Iacoib; oir is ean fear-cumaidh an domhain, agus is e Israel slat 'oighreachd; Tighearn nan sluagh is ainm dha.

17 Crùinnich suas do mhaoin as an fhearann, O thusa a tha 'g àiteachadh an daingnich:

18 Oir mar so deir an Tighearn; Feuch, bheir mi urchair do luchd-àiteachaidh na tìre, air a' chuairt so, agus claoidhidh mi iad, air chor as gu mothaich iad *mo dhìoghallas*.

19 Mo thruaighe mise thaobh mo dhochaim! is cràitche mo chreuchd: ach thubhairt mi, Gu deimhin is deacair so, ach is éigin 'fhuilang.

20 Tha mo phàillium air a chur fàs, agus tha mo chuid gu léir air am briseadh; dh'imich mo chlann a mach uam, agus cha-n'èil iad ann: cha-n'èil neach ann a sgaoileas mo phàillium a mach ni 's mò, no 'chuireas suas mo sgàile.

21 Oir tha na h-aodhairean air fàs brùidcil, agus cha-n'èil iad ag iarraidh an Tighearn. uime sin cha soirbhich leo fèin, agus bithidh an treudan uile air an sgapadh.

22 Fuaim an iomraidh! feuch, tha i 'teachd dlùth, cadhon gluasad mòr o'n tìrmu thuath, a dheanamh bhailtean Iudah 'n am fàsach, 'n an àite-còmhnuidh do dhràgonaidh.

23 Is aithne dhomh, a Thighearn, nach 'èil slighe duine 'n a chomas fèin: cha-n'èil c'n comas duine a tha 'g inneachd a cheum a stiùradh.

24 O Thighearna, cronuich mi, ach ann an tomhas; ni h-ann a'd' chorruidh, air eagal gu'n cuir thu as domh.

25 Dòirt a mach do dhian-chorruidh air na cinnich nach do ghabh eòlas ort, agus air na teaghlaichean nach 'èil a' gairm air d'ainn: oir dh'ith iad suas Iacob, 'g a itheadh agus 'g a chaitheamh, agus rinn iad 'àite-còmhnuidh fàsail.

CAIB. XI.

1 *Ghairm am fàidh briathran a' choimhcheangail, agus thug e achmhasan do na h-Iudhaich a bha eas-umhal do fhocal an Tighearna.* 11 *Labhair e otc mu'n tìmhchioll air son an iodhol-aoraidh,* 18 *agus mu thimchioll luchd-àiteachaidh Anatoit.*

AM focal a thàinig gu Ieremiah o'n Tighearn, ag ràdh,

2 Cluinn briathran a' choimhcheangail so, agus labhair iad ri fearaibh Iudah, agus ri luchd-àiteachaidh Ierusalem;

3 Agus abair riu, Mar so deir an Tighearn Dia Israeil, Malluichte gu'n robh an duine nach bi ùmhal do bhriathraibh a' choimhcheangail so,

4 A dh'aithean mise do 'ur n-aithrichibh anns an là 's an d'thug mi iad a mach á tìr na h-Eiphit, as an fhùirneis iaruin, ag ràdh, Thugaibh géill do m' ghuth, agus deanaibh *na nithean* sin uile, réir mar tha mise 'g àithneadh dhuibh: mar sin bithidh sibh 'n 'ur sluagh dhomhsa, agus bithidh mise ann am Dhia dhuibhse;

5 A chum gu'n coimhlion mi na mionnan a mhnionnach mi do 'ur n-aithrichibh, gu'n tugainn doibh fearann a' sruthadh le mìl agus le bainne, mar air an là 'n diugh. An sin fhreagair mise, agus thubhairt mi, Gu na h-amhluidh a bhitheas, O Thighearna.

6 Agus thubhairt an Tighearn rium, Glaoch na briathran so gu léir, ann am bailtibh Iudah, agus ann an sràidibh Ierusalem, ag ràdh, Cluinnibhse briathran a' choimhcheangail so, agus deanaibh iad.

7 Oir dh'earlaich mise gu dùrachdach do 'ur n-aithrichibh, air an là 's an d'thug mi iad a mach á tìr na h-Eiphit, gus an là 'n diugh, ag éirigh gu moch agus ag earalachadh, ag ràdh, Thugaibh géill do m' ghuth.

8 Gidheadh cha d'thug iadsan géill, ni mò dh'aom iad an cluas, ach ghluais iad gach aon a réir crosdachd a dhroch chridhe fèin: uime sin bheir mise orra uile bhriathran a' choimhcheangail so, a dh'aithean mi dhoibh a dheanamh, ach nach d'rinn iad.

9 Mar an ceudna thubhairt an Tighearn rium, Fhuaradh co-fheall am measg fheara Iudah, agus am measg luchd-àiteachaidh Ierusalem.

10 Tha iad air pillcadh air an ais gu aingidheachd an aithrichean o shean, a dhiùlt mo bhriathran-sa a choimhead; agus a chaidh air lorg dhiathan coimheach, a chum gu'n deanadh iad seirbhis dhoibh: bhris tigh Israeil agus tigh Iudah mo choimhcheangal, a rinn mi r'an aithrichibh.

11 Uime sin mar so deir an Tighearn, Feuch, bheir mise orra dòrainn o nach bi e comasach dhoibh dol as; agus ged ghlaodhas iad rium, cha-n'èis mi riu.

12 An sin theid bailtean Iudah, agus luchd-àiteachaidh Ierusalem, agus glaothaidh iad ris na diathan do'n do loisg iad tùis; ach cha dean iad sin air aon chor an tèarnadh ri àm an airce.

13 Oir a réir àireimh do bhailtean, bha do dhiathan, O Iudah; agus a réir àireimh shràidean Ierusalem chuir sibh suas alt-airean do'n ni nàrach sin, altairean a losgadh tùise do Bhaal.

14 Air an aobhar sin na dean thusa urnuigh air son an t-sluaigh so, ni mò thogas tu suas

glaoth uo athchuinge as an leth: oir cha-n eisid mise 's au àm 's an glaoth iad rium ann an airc.

15 Ciod a th'aig mo ghràdh ri 'dheanamh ann am thigh-sa? chuir i 'n gnìomh mòr ghràineileachdan; agus tha 'n fheoil nàomh air teicheadh uait. An uair a tha thu aingidh, an sin tha thu aoibhneach.

16 Gorm-chrann olaidh, maiseach agus deadh-thorrach, thug an Tighearn mar ainm ort: le fuaim toirme mòire dh'fhadaidh e teine 'n a mhullach, agus tha a gheugan air am briseadh.

17 Oir rinu Tighearn nan sluagh, a shuidhich thu, olc a labhairt a d' aghaidh; air son aingidheachd tighe Israeil, agus tighe Iudah, a chuir iad 'n guìomh 'n an aghaidh féin, le mise 'bhrosnachadh gu feirg, le tùis a iosgadh do Bhaal.

18 Thug an Tighearn, mar an ceudna, fios dhomhsa, agus thuig mi; an sin dh'fheuch thu dhomh an inleachdan.

19 Oir bha mi mar uan, *no mar* dhamh, air a stiùradh a chum a' chasgraidh; agus cha robh fios agam gu'n do dhealbhadh iad innleachdan ann am aghaidh, *ag ràdh*, Sgriosamaid an crann maille r'a thoradh, agus gearramaid e sìos á fearann nam beò, a chum uach bi 'ainm nì's mò air a chuimhneachadh.

20 Ach, O Thighearna nan sluagh, a bheir breth gu cothromach, a dhearbhas na h-àirnean agus an cridhe, faicem do dh'oghaltas orra; oir dhuitse dh'fhoillsich mi mo chùis.

21 Air an aobhar sin, mar so deir an Tighearn, A thaobh muinntir Anatoit, a tha ag iarraidh d'anama, ag ràdh, Na dean faist-ueachd ann au ainm Ichobhab, mu'm faigh thu bàs le'r làimh-ne:

22 (Uime sin, mar so deir Tighearn nan sluagh,) Feuch, smachdaichidh mise iad; bàsaichidh na h-òganaich leis a' chlaidheamh; bàsaichidh am mic agus an nigh-eanan le gorta.

23 Agus cha-u fhàgar fuigheall beò dhiubh; oir bheir mise olc air muinntir Anatoit, bliadhna an smachdachaidh.

CAIB. XII.

1 *Tha am fàidh a' gearan gu bheil na h-aingidh a' soirbheachadh 'n an slighe. 7 Thérig Dia a sluagh air son an aingidheachd: 14 bhagair e gu'n sgriosadh e luchd-deanama an uile, ach gheall e truas a ghabhail diubhsan a ghluais-eas gu h-iriosal 'n a làthair.*

IS ceart thusa, O Thighearna, 'n uair a thagam riut: gidheadh ceadaich dhomh labhairt riut mu thimchioll do bhreith-eanais: C'ar son a tha slighe nan droch dhaoine a' soirbheachadh? c'ar son a tha iadsan uile suainhneach a tha ro aingidh?

2 Shuidhich thusa iad, seadh, ghabh iad freumh; tha iad a' fàs, agus fòs a' toirt a mach toraidh: tha thusa dlùth 'n am beul, ach fada o'n àirneibh.

3 Ach is aithne dhuitse mi, O Thighearna; chunnaic thu mi, agus dhearbhadh thu mo chridhe, [gu bheil] e leat: tarruing iad a mach mar chaoarach air son a' chasgraidh, agus cuir air leth iad fa chomhair là a' mharbhadh.

4 Cia fhad a ni 'm fearann bròn, agus a bhitheas luibhean gach macharach a' seargadh, air son aingidheachd a luchd-àiteachaidh? Bhàsaich gach ainmhidh agus eun, a chioun gu'n dubhairt iad, Cha-n fhaic esan ar crìoch dheireannach.

5 Ma ruith thu leis na coisisehan, agus gu'n do sgithich iad thu, cionnus idir a ni thu strì ri h-eachaibh? agus ann am fearann sìth ged robh agad dòchas, gidheadh ciod a ni thu ann an onfha Iordain?

6 Air son gu'n do bhuin eadhon do bhràithrean agus tigh d'athar, eadhon iadsan, gu fealtach riut; ruaig eadhon iadsan thu le h-èighe chruaidh; na creid iad ged labharas iad briathran caoine riut.

7 Thérig wise mo thigh, dh'fhàg mi m'oghreachd, thug mi thairis gràdh m'anama do làimh a naimhdean.

8 Bha m'oghreachd dhomhsa mar leòmhann anns a' choille; chuir i mach a guth ann am aghaidh: air an aobhar sin thug mi fuath dhi.

9 Bha m'oghreachd dhomhsa mar an t-eun fuileachdach Seboa; O euna fuileachdach, thigibh 'na h-aghaidh air gach taobh; cruinnichibh, uile bheathaiche na macharach, thigibh a chum itheadh a suas.

10 Mhill mòran aodhairean mo lios fiona, shaltair iad mo chuibhrionn fo chois, rinu iad mo chuibhrioun taitneach 'n a fhàsach uaigneach.

11 Rinn iad e 'n a fhàsach, tha e 'n a fhàsach ri caoidh riumsa; rinneadh au tìr gu h-iomlan fas, gidheadh cha-n'eil aon neach 'g a chur 'an suim.

12 Air gach uile thailaich 's an fhàrach thàinig an luchd-creachaidh; oir sluigidh claidheamh an Tighearna suas, o aon iomall de'n tìr gus an t-iomall eile: cha bhi sìth aig aon fheoil.

13 Chuir iad cruithneachd, ach buainidh iad droighionn: shaoraich iad, ach cha bhuannaich iad: mar sin masluichear sibh a thaobh 'ur cinneis, trid lasair feirge an Tighearna.

14 Mar so deir an Tighearn; A thaobh m'uile dhroch choimhearsnach, a tha 'cur dragh' air an oighreachd a thug mise mar sheilbh do m'shluaigh Israel; feuch, spionaidh mi iad a mach as am fearann, agus as am meadhan spionaidh mi mach tigh Iudah.

15 Agus tarlaidh, an déigh dhomh au tarruing a mach, gu'm pill mi, agus gu'n gabh mi truas diubh, agus bheir mi iad air an ais, gach aon g'a oighreachd féin, agus gach aon g'a fhearann féin.

16 Agus tarlaidh, ma dh'fhòghluimeas iad

da rìreadh slighean mo shluaigh-sa, gu mionnachadh air m' ainm, Mar is beò Iehobhah, amhuil a theagaisg iadsan dom' shluaigh-sa mionnachadh air Baal, an sin daingnichear iad ann am meadhon mo shluaigh.

17 Ach mur toir iad géill, an sin spionaidh mi a nìos an cinneach sin, a' spionadh a nìos agus a' sgrios, deir an Tighearn.

CAIB. XIII.

1 *Le samhlaidh crìos' anairt, nochd Dia sgrìos a shluaigh.* 12 *Le cosamhlachd shearragan air an lìonadh le fìon, roimh-innis e meud an trioblaidéan.* 15 *Chomhairlich e dhoibh aithreachas a ghabhail; 22 agus nochd e dhoibh gu'm b' e meud an cionta a b' aobhar air na h-uile a thàinig orra.*

MAR so thubhairt an Tighearn rium, Imich agus faigh dhuit féin crìos anairt, agus cuir air do leasraibh e, ach na cuir ann an uisge e.

2 Is amhuil a fhuair mi crìos, a réir tocaill an Tighearna, agus chuir mi air mo leasraibh e.

3 Agus thàinig focal an Tighearn a m'ionnsuidh an dara uair, ag ràdh,

4 Gabh an crìos a fhuair thu, a tha air do leasraibh, agus éirich, imich gu Euphrates, agus fòlach an sin e, ann an sgoltadh de'n charraig.

5 Is amhuil a dh'imich mi agus 'dh'fholaidh mi e aig Euphrates, mar a dh'àithn an Tighearn dhomh.

6 Agus tharladh an déigh mhòrain làithcan, gu'n dubhairt an Tighearn rium, Eirich, imich gu Euphrates, agus thoir as a sin an crìos a dh'àithn mise dhuit fholach anns an àite sin.

7 An sin dh'fhalbh mi gu Euphrates, agus chladhaich mi, agus thug mi an crìos as an àite 's an d'fholaidh mi e; agus, feuch, bha'n crìos millte, cha b'fhìù air son ni sam bith e.

8 An sin thàinig focal an Tighearn a m'ionnsuidh, ag ràdh,

9 Mar so deir an Tighearn; Air a' mhodh so millidh mise uailh Iudah, agus uailh mhòr Ierusalem.

10 An sluagh ole so, 'tha 'dhiùltadh mo bhrìathran-sa éisdeachd, a tha 'siubhal a réir cruais an eridhe féin, agus a' dol an déigh dhiathan coimheach, gu seirbhìs a dheanamh dhoibh, agus gu aoradh a thoirt doibh; bithidh iad eadhon mar an crìos so, nach fù air son ni sam bith.

11 Oir mar a dhlùth-leanas an crìos ri leasraibh duine, mar sin thug mise air tigh Israeil uile, agus air tigh Iudah uile, dlùth-leantuinn riumsa, deir an Tighearn; a chum gu'm bitheadh iad dhomh mar shluaigh, agus mar ainm, agus mar chliù, agus mar ghloir: ach cha-n éisdeadh iadsan.

12 Labhairidh tu riu fòs am focal so, Mar so deir Iehobhah Dia Israeil; Lionar gach

soireadh le fìon. Agus their iad riut, Nach 'eil fios cinnteach againn gu'n lìonar gach soireadh le fìon?

13 An sin their thu riu, Mar so deir an Tighearn, Feuch lìonaidh mise luchd-àit-eachaidh na tìre so air fad, eadhon na rìghrean a tha 'n an suidhe 'an àite Dhaibhidh air a rìgh-chaitheir, agus na sagartan, agus na fàidhean, agus uile luchd-àiteachaidh Ierusalem, le misg.

14 Agus pro'naidh mi iad an aghaidh a chéile, eadhon na h-aithrichean agus na mic le 'chéile, deir an Tighearn; cha ghabh mi truas, ni mò 'chaomhaineas mi, ni mò a ni mi iochd, air chor as nach sgriosainn iad.

15 Eisdibh, agus thugaibh aice, na bithibh uaibhreack; oir labhair an Tighearn.

16 Thugaibh-sa glòir do'n Tighearn bhur Dia, mu'n tig an dorchadas, agus mu'n tuislich 'ur cosan air sléibhtibh na doilleireachd; an sin, an uair a bhitheas 'ur sùil ri solus, caochlaidhear e gu sgaile a' bhàis, eadhon gu dorchadas tiugh.

17 Ach mur éisd sibh ris, guilidh m'anam ann an ionadaibh uaigneach air son 'ur n-uabhair, agus guilidh mo shùil gu goirt, agus silidh mo dheòir gu pailt, a chionn gu'n toirear ann am braighdeanas treud an Tighearna.

18 Abair ris an rìgh, agus ris a' bhan-rìghinn, Irislichibh sibh féin, suidhibh sìos; oir leagar sìos bhur culaidh-chinn, eadhon crùn bhur glòire.

19 Tha bailtean na h-àirde deas air an druideadh suas, agus cha-n'eil neach 'g am fosgladh; tha Iudah uile air a toirt am brùid, tha i gu h-ìomlan air a toirt ann am braighdeanas.

20 Tog suas do shùilean agus faic iadsan a tha 'teachd o'n àirde tuath: c'àit am bheil an treud a thugadh dhuit, caoraich do mhaise?

21 Ciod a their thu an uair a thig smachdachadh ort? an déigh dhuit a theagasg dhoibh riaghladh tharad mar cheannardan? nach dean ioghannan do ghlacadh, amhuil mnaoi ri saothair?

22 Agus an uair a their thu ann ad chridhe, C'ar son a thàinig na nithean so orm? Air son meud do chionta tha do sgiobaill air an leigeadh ris, tha do shàiltean air an rùsgadh.

23 Am feud an t-Etiopach a chraicinn a mhlùthadh, no an liopard a bhricec an sin feudaidh sibhse, 'bha cleachdta ri ole, maith a dheanamh.

24 Air an aobhar sin sgapaiddh mise iad mar an asbhuaibh, a shiubhlas air falbh le gaoith an fhàsaich.

25 Is e so do chrannchur, an cuibhriom a thomhaiscadh leamsa air do shon, deir an Tighearn; a chionn gu'n do dhì-chuimhnich thu mise, agus gu'n do chuir thu do dhòchas anns a' bhréig.

26 Uime sin leigidh mise do sgiobaill ris air do bhculaobh, a chum gu'm faicear do nàire.

27 Chunnaic mi d'adhaltranas, agus do shitrich, agus do striopachas mhi-nàrach, do ghràineileachdan air na cnocaibh, anns a' mhachair. Mo thruaighe thu, O Ierusalem! nach bi thu air do ghlanadh? c'uim idir a bhitheas sin?

CAIB. XIV.

1 Goinne mhòr. 7 Urnuigh an fhàidh. 10 Dhiùlt Dia éisdeachd r'a shluagh. 13 Bàs-aichidh am fàidh bréige, agus an sluagh a chreid e. 17 D'orduich Dia do Ieremiah cooidh a dheanadh air son an trioblaidéan.

FOCAL an Tighearn', a thàinig gu Ieremiah a thaobh na goinne.

2 Tha Iudah ri bròn, dh'fhàs a geatachan lag; tha iad duaichidh air an làr: agus tha gaor Ierusalem air dol suas.

3 Chuir na h-uaislean fòs an clann bheag a dh'iarraidh uisge; thàinig iad gus na sluichd, agus cha d'fhuair iad uisge sam bith; phill iad le 'n soithichibh falaamh; bha nàire agus masladh orra, chòmhdaich iad an cinn.

4 A chionn gu bheil am fearann 'n a smùr, oir cha robh uisge anns an tìr; ghabh na treabhaichean nàire, dh'fholuich iad an cinn.

5 Seadh fòs, rug an eilid a laogh anns a' mhachair, agus thréig i e, a chionn nach robh fear ann.

6 Agus sheas na h-asalan fiadhaich air na h-ionadaibh àrda, tharraing iad suas a' ghaoth mar dhràgonnaibh; dh'fhàilnich an sùilean a chionn nach robh fear ann.

7 Ged tha ar n-euceartan a' tabhairt fianuis 'n ar n-aghaidh, O Thighearna, dean thusa air sgàth d'ainme féin: oir tha ar eùl-sleamhnachaidh lionmhor, pheacaich sinn a' d'aghaidh.

8 O dhòchais Israeil, a Shlànuidhear ri àm airce, c'uim am bithcadh tu mar choigreach anns an tìr? agus mar fhear-turuis a thionndaidheas a leth-taobh gu fuireach car oidhche?

9 C'uim am bithcadh tu mar neach ann an suain chodail? mar ghaisgeach aig nach 'eil cumhachd gu tèarnadh? Gidheadh tha thusa, O Thighearna, 'n ar meadhan, agus ortsa tha sinn air ar n-ainmeachadh; na dean ar tréigsinn.

10 Mar so deir an Tighearn a thaobh an t-sluaigh so, Mar so bu toil leo dol air seachran, cha do chum iad air an ais an cosan; uime sin cha ghabh an Tighearn riu, cuimhnichidh e nis an aingidheachd, agus cronuichidh e an cionta.

11 Uime sin thubhairt an Tighearn rium, Na guidh as leth an t-sluaigh so air son an leas.

12 An uair a thraisgeas iad, cha-n éisd

mise ran glaoth; agus an uair a dh'òbras iad iobairt-loisgte agus tabhartas, cha ghabh mise iad; ach leis a' chlaidheamh, agus leis a' ghort, agus leis a' phlaigh, cuiridh mi as doibh.

13 An sin thubhairt mise, Och! a Thighearna Dhia! feuch, tha na fàidhean agràdh riu, Cha-n fhaic sibh an claidheamh, ni mò thig gort oirbh, ach sìth chimteach bheir mise dhuibh anns an àite so.

14 An sin thubhairt an Tighearn rium, Tha na fàidhean ri fàistneachd bhréige ann am ainm-sa; cha do chuir mise uam iad, ni mò 'thug mi àithne dhoibh, ni mò 'labhair mi riu: sealladh breugach, agus fiosachd, agus neo-ni, agus mealtaireachd an cridhe féin, tha iad a' fàistneachd dhuibh.

15 Uime sin mar so deir an Tighearn; A thaobh nam fàidhean a tha ri fàistneachd ann am ainm-sa, ged nach do chuir mise mach iad, agus ag ràdh, Cha bhi claidheamh agus gorta 's an fhearann so; Le claidheamh agus le gorta bithidh na fàidhean sin air an caithcamh.

16 Agus bithidh an sluagh do 'n d'rinn iad fàistneachd air an tilgeadh a mach ann an sràidibh Ierusalem, fa chùis na gorta, agus a' chlaidheimh, agus cha bli neach ann a dh'adhlaiceas iad; iad féin, am mnathan, agus am mic, agus an nigheanan: oir taomaidh mise orra féin an aingidheachd.

17 Agus labhradh tu riu am focal so; Sileadh mo shùilean le deuraibh a dh'oidhich' is a là, agus na sguireadh iad: oir tha òigh-nighean mo shluaigh air a dochann le dochann mòr, le buille ro chràiteach.

18 Ma théid mi mach d'òmhachair, an sin feuch iadsan a mharbhadh leis a' chlaidheamh! agus ma théid mi steach d'òmhachair, an sin feuch iadsan a tha air an claidh leis a' ghorta! seadh, tha am fàidh, agus fòs an sagart ag imeachd air chuairt, gu talamh anns nach 'eil iad eòlach.

19 An do chuir thu gu tur eùl ri Iudah? an d'fhuathaich d'anam Sion? c'uim an do bhuail thu sinn, agus gun aon chabhair againn? bha ar sùil ri sìth, ach maith cha d'fhàinig; agus ri àm leighis, agus feuch àmhghar!

20 Tha sinn ag aidcachadh, O Thighearn', ar n-aingidheachd féin, agus euceart ar n-aithrichean; oir pheacaich sinn a d'aghaidh-sa.

21 Na tilg uait sinn air sgàth d'ainme féin; na maslaich caithir do ghloire: cuimhnich, na bris do choimhcheangal ruin.

22 Am bheil aon air bith am measg dhìomhanas nan cinneach a's urrainn uisge 'thoirt seachad? no'n urrainn na nèamhan fras an tabhairt? nach tu féin an ti a ni sin, O Thighearn' ar Dia-ne? air an aobhar sin, feithidh sinne riut; oir is tu a rinn na nithean so uile.

CAIB. XV.

1 *Sgrìos namhasach nan Iudhach.* 10 *Nuair a rinn am fàidh gearan a thaobh mì-rùin a naimhdean, fhuaire e gealladh gu'm bitheadh iad bàigheil ris ann an àm na h-àirce.* 15 *Rinn e urnuigh,* 19 *agus thugadh misneach dha.*

A N sin thubhairt an Tighearn rium; Ged sheasadh Maois agus Samuel a'm làthair, cha bhitheadh a'nam leis an t-sluagh so; cuir a mach iad à m'fhianuis, agus sìubhladh iad air falbh.

2 Agus tarlaidh, ma their iad riut, C'ait an sìubhail sinn air falbh? an sin their thu rin, Mar so deir an Tighearn, Iadsan a tha air son bàis, a chum bàis; agus iadsan a tha air son a' chlàidheimh, a chum a' chlàidheimh; agus iadsan a tha air son na gorta, chum na gorta; agus iadsan a tha air son na bruid, a chum braighdeanais.

3 Agus orduichidh mise os an ceann ceithir scòrsan, deir an Tighearn; an claidheamh gu marbhadh, agus na coingu reubadh, agus eunlaith an athair, agus beathaichean na macharach, gu ithcadh agus gu mill-eadh.

4 Agus fuadaichidh mi iad air feadh uile rìoghachdan an domhain, air son Mhanaseh, mhic Hesechia, rìgh Iudah, air son nan nìlean sin a rinn e ann an Ierusalem.

5 Oir cò 'ghabhas truas dìot, O Ierusalem? no cò 'ni bròn leat? no cò 'théid a leth-taobh, a dh'fheobraich cionnus a tha thu?

6 Thréig thu mise, deir an Tighearn, chaidh thu air d'ais; air an aobhar sin, sinidh mise mo làmh a mach a' d'aghaidh, agus sgrìosaidh mi thu; tha mi sgith de ghabhail aithreachais.

7 Uime sin dh'fhuadaich mi iad le inneal fasgnaidh ann an geatachaibh na tìre: dh'fhàg mi gun chlann, sgrìos mi mo shluagh; o'n slighibh cha do phill iad.

8 Rinnadh am bantraichean nì bu lion-mhoire leamais na gaincamh na fairge: thug mi an aghaidh na màthar agus nam mac fear-millidh ann am meadhon an là: thug mi air nàmhaid agus air namhasan bualadh oirre gu h-obann.

9 Dh'fhannaich ise a rug seachdnar, thug i suas an deò; chaidh a grian sìos am feadh a bha fathasd an là ann; nàraicheadh agus mhaslaicheadh i: agus na mhaireas diubh bheir mise do'n chlàidheimh ann am fianuis an naimhdean, deir an Tighearn.

10 Mo thruaighe mise, O mo mhàthair! oir rug thu mi a'm' fhear-strì, agus a'm' fhear-connsachaidh anns an fhearann uile; cha d'thug mi seachad air ocar, nì mò 'thug aon neach air ocar dhomh; *gidheadh* tha iad uile 'g am mhallachadh.

11 Thubhairt an Tighearn, Gu cinnteach éiridh gu maith do d'iarmaid; gu cinnteach bheir mi air an nàmhaid a bhi bàigheil riut ann an àm na h-àirce, agus ann an àm a' chruaidh-chais.

12 Am bris esan iarunn 'n a bhloighdibh, iarunn o thuath agus umha?

13 Do mhaoin agus d'ionmhasan bheir mise mar chreic, cha-n ann air son luach, ach air son d'uile lochdan; seadh ann ad uile chriochaibh.

14 Agus bheir mi orra sìubhal air falbh le d' naimhdebh gu fearann air nach robh thu eòlach; oir tha teine air 'fhadadh ann am fheirg, agus lasaidh e 'n 'ur n-aghaidh.

15 Agadsa tha fios, O Thighearna; cuimhnich ormsa, agus thig g'am amharc, agus thoir dhomh aicmhheil air mo luchd-tòrachd; ann am buanas d'fheirge na toir air falbh mi; thoir faineair gu'n d'fhuiling mi masladh air do sgàth.

16 Fhuaradh do bhriathran, agus dh'ith mi suas iad; agus bha d'fhocal dhomh 'n a aoibhneas, agus 'n a ghàirdheachas do m' chridhe; oir tha mi air m'ainmeachadh ortsa, O Iehobhab Dhia nan sluagh.

17 Cha do shuidh mi ann an cuideachd luchd-fochaid, nì mò 'bha mi subhach; air son do làmh-sa shuidh mi ann am aonar; a chionn gu'n do hion thusa mi le boile.

18 C'um am bheil mo ghoinnigh gun lasachadh? agus mo chreuchd bàsmhor, a' dìultadh a bhi air a leigheas? c'ar son a bhitheas tusa dhomh uile gu léir amhuil sruthan mealltach, as nach feudar earbsadh?

19 Uime sin mar so deir an Tighearn, Ma philleas tu, an sin bheir mise air d'ais thu, agus seasaidh tu ann am làthair: agus ma sgaras tu an nì luachmhor o'ni nì nach fù, mar mo bheul-sa bithidh tu; pillidh iad so riutsa, ach cha pill thusa rìusan.

20 Agus nì mise dhìot, an aghaidh an t-sluagh so, balla làidir umha; an uair a chathaicheas iad a' d'aghaidh cha toir iad buaidh ort: oir tha mise maille riut, a chum do dhìot, agus a chum do thèarnadh, deir an Tighearn.

21 Agus saoraidh mi thu o làmh nan aingidh, agus fuasglaidh mi thu o ghreim nan uamhasach.

CAIB. XVI.

1 *Roimh-innis am fàidh léir-sgrìos nan Iudhach.*

14 *Bheir Dia orra pillinn o' m' braighdeanas air dòigh n' s glòrmhoire na 'thug e nìos iad à tìr na h-Eipht.* 16 *Dìolaidh e dhoibh an aingidheadh le tonnas dàbaille, agus an sin pillidh iad d'a ionnsuidh.*

THAINIG focal an Tighearna fòs a m'ionnsuidh, ag ràdh,

2 Cha gabh thu dhuit fèin bean, nì mò 'bhitheas agad mic no nigheanan anns an àite so.

3 Oir mar so deir an Tighearn; A thaobh nam mac, agus a thaobh nan nigheanan, a tha air am breith anns an àite so, agus a thaobh am màithrichean a rug iad, agus a thaobh an aithrichean a ghin iad, anns an tìr so;

4 Le bàs doilgheasach bàsaichidh iad;

cha deanar caoidh air an son, agus cha-n adhlaipear iad; mar aolach air aghaidh na talmhainn bithidh iad; le claidheamh fos, agus le gorta, caithear iad; agus bithidh an cairbhean mar lòn do eunlaith an athair, agus do bheathaichibh na talmhainn.

5 Oir mar so deir an Tighearn, Cha téid thu steach do thigh a' bhròin, ni mò 'théid thu 'dheanamh caoidh, no 'thoirt dhoibh conhfhurtachd; oir thug mise air falbh mo shìth o'n t-sluagh so, deir an Tighearn, caoimheanas gràdhach agus caomh-thrèairean.

6 Agus gheibh iad bàs, eadar bheag agus mhòr, anns an tìr so; cha-n adhlaipear iad, agus cha deanar caoidh air an son; cha ghearr aon neach e féin, ni mò 'ni aon neach e féin maol air an son.

7 Agus cha bhris *daoine aran* 'n am measg, ri àm bròin, a chum conhfhurtachd a thoirt doibh air son neach a fhuair bàs; ni mò bheirear dhoibh deoch á cupan na conhfhurtachd, air son athar neach, no air son a mhàthar.

8 Mar an ceudna cha téid thu gu tigh na cuirme, gu suidhe sìos maille ri u a dh'ith-eadh agus a dh'òl.

9 Oir mar so deir Tighearn nan sluagh, Dia Israeil, Feuch, cuiridh mise 'n a thosd anns an àite so, fa chomhair 'ur sùl-se, agus ann 'ur làithibh, guth an t-subhachais, agus guth an aoibhucis, guth an fhir nuadh-phòsda, agus guth na mnà nuadh-pòsda.

10 Agus tarlaidh, an uair a dh'inuseas tu do'n t-sluagh so na nithean so uile, agus a their iad riut, C'ar sou a labhair an Tighearn 'n ar n-aghaidh an t-òle mòr so uile? agus ciod i ar n-aingidheachd, agus ciod e ar lochd, a chuir sinn 'an gnìomh an aghaidh an Tighearn' ar Dia?

11 Au sin their thusa riu, A chionn gu'n do thréig bhuir n-aithrichean mise, deir an Tighearn, agus gu'n deachaidh iad air lorg dhiathan eile, agus gu'n d'thug iad seirbhis dhoibh, agus gu'n d'thug iad dhoibh aoradh, agus gu'n do thréig iad mise, agus nach do choimhid iad mo reachd.

12 Agus gu'n d'rinn sibhse nì's mìosa na bhuir n-aithrichean; oir feuch, tha sibh ag imeachd, gach aon a réir ais-inneachd a dhroch chridhe féin, gun ghéill a thoirt dhomhsa.

13 Uime sin tilgidh mi sibh a mach as an tìr so, gu tìr air nach d'fhuair sibh eòlas, sibh féin no 'ur n-aithrichean; agus an sin ni sibh seirbhis do dhiathaibh coimheach, a là agus a dh'oidheche, a chionn nach dean mise trècair oirbh.

14 Uime sin, feuch tha na làithean a' teachd, deir an Tighearn, anns nach abrar nì's mò, Mar is beò an Tighearn, a thug a nìos clann Israeil á tìr na h-Eiphit;

15 Ach, Mar is beò an Tighearn, a thug air an ais clann Israeil o thalamh na h-àirde tuath, agus o gach talamh gus an

d'fhògair e iad; oir bheir mise air an ais iad gu'm fearann féin, a thug mi do 'n aithrichibh.

16 Feuch, cuiridh mi fios air mòran iasgair-ean, deir an Tighearn, agus ni iad an iasgach; agus 'n a dhéigh sin, cuiridh mi fios air mòran shealgairean, agus ni iad an scalg, o gach uile shliabh, agus o gach uile chnoc, agus o sgeiribh nan crag.

17 Oir tha mo shùilean-sa air an uile shlighibh; cha-u'eil iad foluichte o m'ghnùis, ni mò 'tha an aingidheachd air a còmhachadh o fhradharc mo shùl.

18 Agus diolaidh mi le tomhas dùbailte an aingidheachd agus an lochd, a chionn gu'n do thruail iad m'fhearann le sail-chead an gnìomharan fuathach; agus le 'n gràineileachdaibh lion iad m'òighreachd.

19 O Thighearna, mo neart, agus mo dhaingneach, agus mo dhèidh ann an là na h-àirce, a d'ionnsuidh-sa thig na cinnich o chrìochaibh na talmhainn, agus their iad, Gu deimhin shealbhaich ar n-aithrichean ni gun bhrìgh; diomhanas, agus nithean gun tairbhe.

20 An dean duine dha féin diathan, agus nach 'eil iad 'n an diathan?

21 Air an aobharsin, foillsichidh mi dhoibh, air an aon uair so, foillsichidh mi dhoibh mo làmh agus mo chumhachd, agus bithidh fios aca gur e m'ainm Iehobhabh.

CAIB. XVII.

1 *Braighdeanas Iudah air son am peacaidhean. 5 Is mallaichte an neach a chuireas a dhòchas ann an duine, ach is beannaichte ean a chuireas a dhòchas ann an Dia. 9 Rannsaichidh Dia cridhe eagalach ann duine. 17 Aithinge an fhàidh. 19 Aithne mu thimchioll na sàbaid.*

THA peacadh Iudah air a sgrìobhadh le peann iarunn; le roinn daoimein tha e air a ghearradh, air clàr an cridhe, agus air adharcaibh an altairan:

2 Am feadh a tha an clann a' cuimhneachadh an altairan, agus an doireachan, aig na crannaibh uaine, air na enocaibh àrda.

3 O mo shliabh anns a' mhachair, do mhaoin, agus do thaisgeachan gu h-ìomlan, bheir mi thairis do 'n chreich; d'ionadan làidir, air son peacaidh, air feadh d'uile chrìochan.

4 Agus fògrar thu, eadhon thusa féin, o d'òighreachd a thug mi dhuit; agus bheir mi ort scrìobh a dheanamh do d' naimhidibh ann an tìr anns nach 'eil thu eòlach; a chionn gu'n d'fhadaidh sibh, ann am fheirg-sa, teime a loisgeas gu sìorruidh.

5 Mar so deir an Tighearn, Is mallaichte an neach a chuireas a dhòchas ann an duine, agus a ni feoil 'n a gairdean da, agus aig am bheil cridhe 'tha 'clanadh air falbh o'n Tighearn.

6 Oir bithidh e mar phears seargta's an ionad sgaoilte, nach mothach am maith an uair a thig e; ach a tha 'g àiteachadh

ionadan loisgte an fhàsaich, fearainn gun toradh agus gun chòmhnuidh.

7 Is beannaichte an neach a dh'earbas as an Tighearn, agus a chuireas a dhòchas ann an Iehobhah.

8 Oir bithidh e mar chraoibh air a suidh-eachdhrìtaobhnan uisgeachan, a sgaoileas a mach a freumhan ri taobh an t-srutha, agus nach mothaich e 'uin a thig an tart: ach aig am bi a duilleach uaine, agus air nach bi iomagainn ann an bliadhna na tiormachd, ni mò 'sguireas i 'thoirt seachad toraidh.

9 Tha an eridhe cealgach thar nan uile nithean, agus *tha* e do-leigheas; cò a's urrainn a thuigsinn?

10 Tha mise Iehobhah a' rannsachadh a' chridhe, agus a' sgrudadh nan àirnean, a chum gu'n tabhair mi do gach neach a réir a shlighe, agus a réir toraidh a dheanadais.

11 *Mar* a' chearc a ni gur *air uibhean*, agus nach toir a mach eoin, [tha] ean a gheibh beartas, ach nach ann le còir; ann am meadhan a làithean dealaichidh e ris; agus 'n a chrìch dheireannaich bithidh e 'u a amadan.

12 Is rìgh-chaitir ghlòrmhor, àrdaichte o chian, àit ar n-ionaid naomh-ne.

13 O Thighearn, cuspair-dòchais Israeil, bithidh amhladh air gach aon a thréigeadh thu; sgrìobhar iad 'n an luchd-ceannaire 's an talamh; a chionn gu'n do thréig iad an Tighearn, tobar nan uisgeachan beò.

14 Leighis mi, O Thighearn, agus bithidh mi air mo leigheas; slànuih mi, agus bithidh mi air mo shlànuachadh; oir is tu mo chliu.

15 Feuch, tha iad so ag ràdh rium, C'ait am bheil focal an Tighearna? thigeadh e nis.

16 Ach cha d'rinu mi deifir o bhi a'm' fhear-coimhid a'd' dhéigh-sa, agus là na h-iarguin cha d'iarr mi; agad féin tha fios air an ni a thàinig a mach as mo bheul, bha e ann ad làthair.

17 Na bi a'd' uamhas domh; is tu mo dhì-deiu ann an là na h-àirce.

18 Bitheadh nàire air a' mhuinntir a tha 'g am ruagadh, ach na nàraichear mise: bitheadh iadsan fo gheilt, ach na bitheadh geilt ormsa: thoir thusa orra là na dòrainn, agus le sgrìos dùbailte sgrìos iad.

19 Mar so thubhairt an Tighearn rium; Falbh agus seas ann an geata cloinne an t-sluaigh, air an tig rìghrean Iudah a steach, agus air an téid iad a mach, agus ann an uile gheatachaibh Ierusalem;

20 Agus abair riu, Cluinnibhse focal an Tighearn, a rìghrean Iudah, agus a Iudah uile, agus uile luchd-àiteachaidh Ierusalem, a tha 'teachd a steach air na geatachan so.

21 Mar so deir an Tighearn, Thugaibh aire dhuibh féiu, agus na giùlainibh uallach air bith air là na sàbaid, agus na tugaibh a steach i air geatachan Ierusalem;

22 Ni mò 'bheir sibh a mach uallach as bhur tighibh air là na sàbaid, ni mò 'ni sibh obair air bith; ach naomhaichibh là na sàbaid, mar a dh'àithn mise do 'ur n-aithrichibh.

23 Ach cha d'thug iadsan géill, ni mò dh'aom iad an cluas, ach rinn iad am muineal rag, air chor as nach éisdeadh iad, agus air chor as nach gabhadh iad teagasg.

24 Ach tarlaidh, ma dh'éisdeas sibh gu cùramach riumsa, deir an Tighearn, gun uallach sam bith a thoirt a steach troimh gheatachan a' bhaile so air là na sàbaid, ach là na sàbaid a naomhachadh, gun obair sam bith a dheanamh air:

25 An sin théid a steach air geatachan a' bhaile so, rìghrean agus prionnsachan, 'n an suidhe air rìgh-chaitir Dhaibhidh, a' marachd air carbadaibh agus air eachaibh, iad féin agus an ceannardan, fir Iudah, agus luchd-àiteachaidh Ierusalem; agus daingnichear gu bràth a' chaithir so.

26 Agus thig iad o bhailtibh Iudah, agus o na h-àiteachaibh timchioll Ierusalem, agus o fhearann Bheniamin, agus o 'n chòmhnaidh, agus o na beanntaibh, agus o'n àirde deas, a' toirt leo thabhartasan-loisgte, agus iobairtean, agus thabhartasan-bidh, agus tùise, a' toirt iobairtean-molaidh gu tigh an Tighearna.

27 Ach mur h-éisd sibh riumsa, chum là na sàbaid a naomhachadh, agus gun uallach a ghiùlan, a' dol a steach air geatachan Ierusalem air là na sàbaid; an sin fadaidh mise teine 'n a geatachaibh, agus loisgidh e lùchairtean Ierusalem, agus cha-nfheudar a mhùchadh.

CAIB. XVIII.

1 *Le samhladh soithich a' chriadhadair nochd Dia gu'm feudadh e 'dheanamh r'a shluagh mar is àill leis.* 11 *Chaidh ole a chumadh an aghaidh shluagh Iudah air son an ceannaire.* 18 *Athchuinge Ieremiah.*

AM focal a thàinig a dh'ionnsuidh Ieremiah o'n Tighearn, ag ràdh,

2 Eirich, agus imich sìos gu tigh a' chriadhadair, agus an sin bheir mise ort mo bhriathran a chluinntinn.

3 An sin chaidh mi sìos gu tigh a' chriadhadair, agus, feuch, bha e 'deanamh oibre air na leacaibh.

4 Agus bha 'n soitheach a bha e 'deanamh de chriadh, air a mhilladh aon an làimh a' chriadhadair; an sin rinn e dheth a ris soitheach eile, mar a chunnacas ceart do'n chriadhadair a dheanamh.

5 An sin thàinig focal an Tighearn a m' ionnsuidh, ag ràdh,

6 O thigh Israeil, nach feud mise a dheanamh ruibhse mar an criadhadair so? deir an Tighearn. Feuch, mar a' chriadh ann an làimh a' chriadhadair, is amhuil sin sibhse ann am làimh-sa, O thigh Israeil.

7 C'uin air bith a labhras mise mu thim-

chioll cinuich, agus mu thimechioll rìoghachd, gu spìoudh a nìos, gu leagail sìos, agus gu sgrios;

8 Ma philleas an ciuneach sin an aghaidh an do labhair mi, o'n ole; gabhaidh mise aithreachas de'n ole a bha ann am aire 'thoir orra.

9 Agus e'un air bith a labhras mi mu thimechioll cinnich, agus mu thimechioll rìoghachd, gu 'thogail, agus gu 'shuidh-eachadh;

10 Agus gu'n dean e an nì sin a tha ole ann am shealladh, agus nach bi e umhal do m'ghuth; an singabhaidh miaithreachas de'n mhaith a bha romham a dheanamh dhoibh.

11 A nis, uime sin, imich agus labhair ri fearaibh Iudah, agus ri luchd-àiteachaidh Ierusalem, ag ràdh, Mar so deir an Tighearn, Feuch, tha mise a' cumadh uile 'n 'ur n-aghaidh, agus a' dealbh inleachd 'n 'ur n-aghaidh: pillibh a nis gach aon o 'dhroch shlighe, agus leasaichibh 'ur slighean agus 'ur gnìomharan.

12 Ach thubhairt iadsan, Cha-n'eil dòchas ann; oir gluaisidh siun a réir ar smuaintean féin, agus nì sinn, gach aon a réir tograidh a dhroch chridhe féin.

13 Uime sin mar so deir an Tighearn, Feoraichibh a uis am measg nan ciuneach, cò a chuala an samhail so de nithibh? rinn òigh Israeil nì ro ghràineil.

14 An tréig duine mo mhagh-sa air son carraig, *air son* sneachda Lebauoin? an tréigear am fuar uisge-ruith air son uisgeachan eile?

15 Ach dìl-chuimhnich mo shluagh mise, loisg iad tùis do dhiomhanas, agus thug iad orra tuisleachadh 'n an sliighibh a bha 'n au seann ròidibh, gu gluasadh air ceum-aibh *eile*, *air* slighe nach 'eil deanta;

16 A chum an fearann a dheanamh fàs, 'n a bhall-àbhacais bith-bhuan: gabhaidh gach neach a théid seachad air mòr iongantas, agus crathaidh e a cheann.

17 Sgapaidh mise iad mar gu'm b'ann le gaoith an ear roimh an nàmhaid; tionndaidhidh mi ri u mo chùl, agus cha-n i m'aghaidh ann an là an léir-sgrìos.

18 An sin thubhairt iad, Thigibh, agus dealbhamaid inleachdan an aghaidh Ieremiah: oir cha bhàsaich an reachd o'n t-sagart, no comhairle o'n eagnuidh, no 'm focal o'n fhàidh. Thigibh, agus buaileamaid e leis an teangaidh, agus na tugamaid aire do aon d'a bhriathraibh.

19 Thoir thusa, O Iehobhah, aire dhomh, agus cluin guth na muinntir a tha ri strì riom.

20 An dìolar ole air son maith? Gu cinnteach chladhaich iad slochd air son m'anama. Cuimhnich cionnus a sheas mi ann ad fhianuis, a dheauamh cadar-ghuidhe a chum an leas, a thionndadh do chorruich air falbh uatha.

21 Uime sin thoir thusa thairis an clann do'n ghorta, agus thoir orra leaghadh as le neart a' chladheimh; bitheadh am mnathan air am fagail gun chlann, agus iad 'n am bantraichean, agus faigheadh am fir bàs leis a' phlàigh, agus bitheadh an òganaich air am marbhadh anns an àraich leis a' chladheimh.

22 Cluinnear gaoir as an tighean, an trà 'bheir thusa feachd orra gu h-obann; oir chladhaich iad slochd gu mise a ghlacadh, agus shuidhich iad lìontan air son mo chos.

23 Ach agadsa, O Thighearna, tha fios air an inleachdaibh uile an aghaidh m'anama; ua maith an cionta, agus na glan an lochd a mach á d'fhianuis: ach tilgear iad thairis ann ad làthair; tionnsgain 'n an aghaidh ann an àm do chorruich.

CAIB. XIX.

1 *Le samhladh soithich criadhaid air a bhris-eadh 'n a bhloighdibh, nochd Dia léir-sgrìos nan Iudhach air son am peacaidhean.*

MAR so thubhairt Iehobhah riom-sa, Falbh agus faigh criadh-shoitheadh criadhaid, agus *thoir* leat cuid de shean-airibh an t-sluaigh, agus de sheanairibh nan sagart;

2 Agus théid thu mach gu gleann mhic Hinoim, a tha fa clomhair a' gheata Harsit, agus glaothaidh tu anns an àite sin na briathran a labhras mise riut;

3 Agus their thu, Eisdibhse focal an Tighearn, O a rìghrean Iudah, agus a luchd-àiteachaidh Ierusalem; Mar so deir Tighearn nan sluagh, Dia Israeil, feuch, bheir mise ole air au àite so, a bheir air neach sam bith a chluinneas e gu'm bi gaoir 'n a chluasaibh:

4 A chionn gu'n do thréig iad mise, agus gu'n d'riom iad an t-àite so coimheach, agus gu'n do loisg iad tùis ann do dhiatharbh eile, nach b'aithe dhoibh; iad féin, agus an aithrichean, agus rìghrean Iudah, agus gu'n do lìon iad an t-àite so le fuil nèd-chiontaich:

5 Agus gu'n do thog iad ionadan àrda Bhaail, a chum am mic a losgadh anns an teine, *mar* thabhartais-loisgte do Bhaal; nì nach d'aithe mise, nì mò 'labhair mi, ui mò 'thàinig e ann am aire:

6 Uime sin, feuch, tha na làithean a' teachd, deir an Tighearn, anns nach abrar ris au àite so nì's mò Tophet, no gleann mhic Hinoim, ach gleann a' mharbhadh.

7 Agus cuiridh mise gu nèd-bhrìgh comhairle Iudah agus Ierusalem anns an àite so; agus bheir mi orra tuiteam leis a' chladheimh an làthair an naimhdean, agus le làimh na muinntir a tha 'g iarraidh an anama: agus bheir mi an colainnean nar bhìadh do cunlaith an athair, agus do bheathaichibh ua talmhainn.

8 Agus ui mi a' chaithir so 'n a fàsach, agus 'n a ball-sgeig: bithidh mòr-ìoghnadh

air gach neach a théid seachad oirre, agus ni o sgeir air son a h-uile phlhaighean.

9 Agus bheir mise orra gu'n ith iad feoil am mac, agus feoil an nigheanan; agus ithidh iad, gach aon feoil a charaid, anns a' chogadh, agus anns an teinn, leis an teann- aichear iad le 'n naimhidibh, agus leo-san a tha 'g iarraidh an anama.

10 An sin brisidh tu an soitheach ann an sealladh nan daoine a théid maille riut,

11 Agus their thu riu, Mar so deir Tighearn nan sluagh. Amhuil so brisidh mise an sluagh so, agus am baile so, mar a bhriseas *neach* soitheach a' chriadhaidh, nach feudar a shlanuchadh a ris; agus adhlacaidh *daoine* ann an Tophet, gus nach bi àit ann gu adhlacadh.

12 Mar so ni mise ris an àite so, deir an Tighearn, agus r'a luchd-còmhnuidh, air chor as gu'n deanar am baile so eadhon mar Tophet.

13 Agus bithidh tighean Ierusalem, agus tighean rìghrean Iudah, mar ionad Thophet, neòghlan; maille ris na tighean sin air fad, far an d'rinn iad tùis a losgadh air am mullach do uile fheachd nèimh, agus iobairtean-dìbhe a dhòrtadh a nach do dhiathaidh coimheach.

14 Agus thàinig Jeremiah o Thophet, chum an do chuir an Tighearn e gu faistneachd; agus shcas e ann an cùirt tighe an Tighearna, agus thubhairt e ris an t-sluagh uile,

15 Mar so deir Tighearn nan sluagh, Dia Israeil, Feuch, bheir mise air a' bhlaile so, agus air 'uile bhailtibh, an t-ole sin uile a labhair mi 'n a ghaidh; a chionn gu'n d'rinn iad am muineal rag, air chor as nach éisd-eadh iad ri mo bhiathraibh.

CAIB. XX.

1 *Fhuair Pasur ainm eile, agus bhagradh e le breitheanasaibh uamhasach, do bhrìgh gu'n do bhuail e Ieremiah. 7 Ghearraim an fàidh gu'n robh e 'n a chuis-mhaslaidh do na h-Iudhaich, 14 agus mhalluich e an là air an d'rugadh e.*

AN uair a chuala Pasur mac Imeir an sagart, (a bha fòs 'n a àrd uachdaran ann an tigh an Tighearna,) Ieremiah a' faistneachd nan nithean so:

2 An sin bhuail Pasur Ieremiah am fàidh, agus chuir e anns an tigh-smachdachaidh e, a bha aig geata uachdarach Bheniamin, làimh ri tigh an Tighearna.

3 Agus tharladh air an là màireach, gu'n do leig Pasur Ieremiah a mach as an tigh-smachdachaidh. An sin thubhairt Ieremiah ris, Cha-n e Pasur a thug an Tighearn mar ainm ort, ach Magor-misabib.

4 Oir mar so deir an Tighearn, Feuch, ni mise dhìot uamhas duit féin, agus do d' uile chairidibh; agus tuitidh iadsan le claidheamh an naimhdean, agus do shùilean-sa 'g amharc; agus Iudah uile bheir mi do làimh rìgh Bhabailoin, agus bheir e leis iad ann am

braighdeanas gu Babilon, agus cuiridh e gu bàs iad leis a' chlaidheamh.

5 Agus bheir mi seachad uile neart a' bhlaile so, agus 'uile shaothair, agus 'uile nithean luachmhor; agus uile bheartas rìghrean Iudah bheir mi thairis do làimh an naimhdean, a chreachas iad, agus a ghlacas iad, agus a bheir iad air falbh gu Babilon.

6 Agus thusa, a Phasuir, agus na h-uile 'tha 'chòmhnuidh ann ad thigh, siùblaidh sibh air falbh ann am braighdeanas; agus théid thusa gu Babilon, agus an sin gheibh thu bàs, agus an sin adhlacaidh thu, thu féin agus d' uile chairdean, do'n d'rinn thu faistneachd bhréige.

7 Mheall thu mi, O Thighearna, agus bha mi air mo mhealladh; is tu a's treise na mise, agus thug thu buaidh; tha mi ann am chùis-mhagaidh gach là, gach aon ri fanoid orm.

8 Oir co tric as a labhras mi, a ghlaodhas mi mach an aghaidh ainneirt, no dh'éigheas mi léir-chreach, tha focal an Tighearn air a dheanamh dhomh 'n a chuis-mhaslaidh agus fhanoid gach aon là.

9 An uair a their mi, Cha toir mi iomradh air, ni mò 'labhras mi tuilleadh 'n a ainm; an sin tha e ann am cluridhe, mar gu'm b'e teine loisgeach, air a dhruideadh suas ann am chnàmhan; agus ged a sgèithich mi mi féin 'g a chumail a steach, cha-n urrainn mi.

10 Oir chuala mi tuairisgeul mhòrain, Uamhas air gach taobh aithrisibhse, agus aithrisidh sinne e: tha iadsan uile ris an robh mi ann an sìth furachair air son mo thuislidh, *ag ràdh*, Theagamh gu'm meallar e, agus gu'm faigh sinn buaidh air, agus gu'n dean sinn dhioghaltas air.

11 Ach tha an Tighearn leam mar aon chumhachdach, uamhasach; air an aobhar sin tuislichidh mo luchd-tòir, agus cha bhuaidh aich iad: tha iad air an lìonadh le nàire ro mhòr, a chionn nach do shoirbhich leo, le masladh bith-bhuann, nach leigear gu bràth air dè-chuimhn.

12 Ach, O Thighearna nan sluagh, a dhearbhas am firean, agus a chi na h-àirnean agus an eridhe, faiceam orra do dhioghaltas: oir dhuitse leig mise ris mo chùis.

13 Seinnibhse do'n Tighearn; molaibhse an Tighearn, oir shaor e anam a' bhochd à làimh nan aingidh.

14 Malluichte *gu robh* an là air an d'rugadh mise; an là air an d'rug mo mhàthair mi, nar robh e beannaichte.

15 Malluichte *gu robh* esan a thug fios a dh'ionnsuidh m' athar, *ag ràdh*, Tha leanabh mic air a bhreth dhuit, g'a dheanamh ro aoibhneach.

16 Agus bitheadh an duine sin mar na bailtean a sgrìos an Tighearn, agus mu nach do ghabh e aithreachas; cluinneadh e gaoidh anns a' mhadaunn agus iolach anns a' mheadhon-là;

17 A ehionn nach do mharbh e mi o'n bhroinn, no gu'm bitheadh mo mhàthair 'n a h-uagh dhomh, agus a brù an còmhuidh torrach leam.

18 C'uim an d'fhàinig mi mach as a' bhroinn a dh'fhaicinn mi-shuaimhneis agus bròin, agus a chaitheamh mo làithean ann am maslaidh?

CAIB. XXI.

1 *Thug am fàidh fios do Shedeciah gu'm buadh-aicheadh Nebuchadresar 'n a aghaidh.* 8 *Chomhairlich e do'n t-sluagh dol thairis a dh'ionnsuidh nan Caldéach.* 11 *Dh'àithn e do'n rìgh breitheanas a dheanamh.*

AM focal a thàinig a chum Ieremiah o'n Tighearn, an uair a chuir an rìgh Sedeciah d'a ionnsuidh Pasur mac Mhel-chia, agus Sapaniah mac Mhaaseiah an sagart, ag ràdh,

2 Fiosraich, guidheamaid ort, de'n Tighearn air ar son-ne, oir tha Nebuchadresar rìgh Bhabiloìn a' cogadh 'n ar n-aghaidh; a dh'fheuchainn an dean an Tighearn ruinn a réir 'uile bheartan iongantach, a chum gu'n téid e suas uainn.

3 Agus thubhairt Ieremiah riu, Mar so their sibh ri Sedeciah;

4 Mar so deir an Tighearn Dia Israeil, Feuch, tionndaidhidh mise air an ais na h-airm-chogaidh a tha 'n 'ur làmhnan, leis am bheil sibh a' cogadh an aghaidh rìgh Bhabiloìn, agus an aghaidh nan Caldéach a tha 'g 'ur teannachadh air taobh a muigh a' bhalla, agus cruinnichidh mi iad ann am meadhan a' bhaile so.

5 Agus ni mise féin cogadh 'n 'ur n-aghaidh le làimh sìnte mach, agus le gairdean treun, eadhon ann am feirg, agus ann am boile, agus ann am corruich mhòir.

6 Agus buailidh mi luchd-àiteachaidh a' bhaile so, eadar dhuine agus ainmhidh; gheibh iad bàs de phlàigh mhòir.

7 Agus 'n a dhéigh sin, deir an Tighearn, bheir mi thairis Sedeciah rìgh Iudah, agus 'òglaich, agus an sluagh, eadhon na dh'fhàg anns a' bhaile so o'n phlàigh, o'n chlàidheamh, agus o'n ghorta, do làimh Nebuchadresar rìgh Bhabiloìn, agus do làimh an naimhdean, agus do làimh na muinntir a tha 'g iarraidh an anama, agus buailidh e le faobhar a' chlàidheimh iad: cha ghabh e truas diubh, ni mò 'chaomhaineas e, ni mò 'ni e trèicair.

8 Agus ris an t-sluagh so their thu, Mar so deir an Tighearn, Feuch, tha mise a' cur mu 'r coimeamh slighe na beatha, agus slighe a' bhàis.

9 Esan a dh'fhanas anns a' bhaile so, bàs-aichidh e leis a' chlàidheamh, agus leis a' ghort, agus leis a' phlàigh: ach esan a théid a mach, agus a théid thairis a dh'ionnsuidh nan Caldéach a tha 'g 'ur teannachadh mu'n cuairt, mairidh e beo, agus bithidh 'anam aige mar chobhartaich.

10 Oir chuir mise mo ghùis an aghaidh a' bhaile so air son uile, agus cha-n ann air son maith, deir an Tighearn; do làimh rìgh Bhabiloìn bheirear thairis e, agus loisgidh esan e le teine.

11 Agus mu thimchioll tighe rìgh Iudah, cluinnibhse focal an Tighearna;

12 O thigh Dhaibhidh, mar so deir Iehobhah, Deanaibh gu moch breitheanas, agus saoraibh an duine sàruichte o làimh an fhir-shàruchaidh, mu'n téid mo chorruch-sa mach mar theine, agus mu'n las i air chor as nach feudar a mùchadh, air son aingidh-eachd bhur guìomharan.

13 Feuch, tha mise a'd' aghaidh, O thusa a tha 'chòmhnuidh ann an gleann Shoir, anns a' chòmhnard, deir an Tighearn; sibhse 'tha 'g ràdh, Cò 'thig a nuas 'n ar n-aghaidh? no cò 'thig a steach d'ar n-ionadan còmhnuidh?

14 Ach smachdaichidh mise sibh a réir toraidh bhur deanadais, deir an Tighearn; agus lassaidh mi teine 'n a coilltibh, agus loisgidh e gach ni mu'n cuairt da.

CAIB. XXII.

1 *Earrail do thigh an rìgh breitheanas agus ceartas a chur 'an gnìomh.* 10 *Mu thimchioll Shaluin, 13 Iehoiacim, 20 agus Choniah.*

MAR so thubhairt an Tighearn; Falbh sìos gu tigh rìgh Iudah, agus an sin labhraidh tu am focal so,

2 Agus their thu, Cluinn focal an Tighearn, O a rìgh Iudah, a tha a'd' shuidhe air rìgh-chaitheir Dhaibhidh, thu féin, agus d'òglaich, agus do shluagh a tha 'dol a steach air na dorsaibh so;

3 Mar so deir an Tighearn; Cuiribh 'an gnìomh breitheanas agus ceartas, agus saoraibh an duine sàruichte o làimh an fhir-shàruchaidh: agus na deanaibh foill: na deanaibh ainneart air a' choigreach, air an dilleachdan, no air a' bhantraich, ni mò 'dhòirteas sibh fuil neò-chiontach anns an àite so.

4 Oir ma ni sibh gun amharus a réir an fhocail so, an sin thig a steach air geatachan an tighe so rìghrean a shuidheas ann an àite Dhaibhidh, air a rìgh-chaitheir, a' marcachd air carbadaibh agus air eachaibh, gach aon, 'òglaich, agus a shluagh.

5 Ach mur toir sibh éisdeachd do na briathraibh so, orm féin thug mise miannan, deir an Tighearn, Gu cinnteach nithear ionad fàs de'n tigh so.

6 Oir mar so thubhairt an Tighearn a thaobh tighe rìgh Iudah; Tha thu mar Ghilead dhomhsa, O mhullaich Lebanoin; ach ni mi gu cinnteach fàsach dhiot, bailtean nach bi àitichte.

7 Agus orduichidh mi ann ad aghaidh luchd-millidh, gach aon le 'armaibh; agus gearraidh iad sìos rogha do sheudair, agus tilgidh iad anns an teine iad.

8 Agus gabhaidh mòran ehinneach seachad

air a' bhaile so, agus their iad, gach aon r'a choinhearsnach, C'ar son a rinn an Tighearn mar so ris a' bhaile mhòr so?

9 An sin freagraidh iad, A chionn gu'n do bhréig iad coimheangal an Tighearn an Dia, agus gu'n d'thug iad aoradh do dhiath-aibh coimheach, agus gu'n d'rinn iad seirbhis dhoibh.

10 Na guilbh air son a' mhairbh, ni mò ni sibh caoidh air a shon: guilbh gu goirt air a shon-san a dh'imich air falbh: oir cha phill e ni's mò, agus cha-n fhaic e tuilleadh tìr a dhùchais.

11 Oir mar so deir Iehobhah mu thim-chioll Shaluum mhic Iosiah, rìgh Iudah, a rìghich 'an àite Iosiah 'athar, a chaidh a mach as an àite so, 'Cha phill e thuige ni's mò.

12 Ach anns an àite gus an d'thug iad air falbh e ann am braighdeanas, gheibh e bàs; agus an tìr so cha-n fhaic e ni's mò.

13 Is an-aobhinn dhà-san a thogas a thigh le h-eucoir, agus 'àrd-shcòmraichean le ana-tochrom; a ghabhas saothair a choimhearsnaich a nasgaidh, agus air son 'oibre nach toir dha dioladh.

14 A tha 'g ràdh, Togaidh mi dhomh féin tigh mòr, agus seòmraichean farsuinn: a' gearradh a mach dha féin mar an ceudna uinneagan, 'g a chòmhachadh fòs le seudar, agus 'g a dliath le corcur.

15 An rìgh thu a chionn gu bheil thu 'g ad dhùnadh féin ann an seudar? nach d'ith agus nach d'òl d'athair, agus nach d'rinn e cothrom agus ceartas? An sin shoirbhich leis.

16 Dhìon e cùis a' bhoehd agus an fheumach; an sin dh'èirich gu maith *dha*. Nach b'e so eòlas a ghabhail ormsa? deir an Tighearn.

17 Ach cha-n'eil do shùilean-sa agus do chridhe ach air d' ana-miannan féin, agus air fuil nan neò-chiontach, a chum a dòrtadh, agus air sàruchadh agus fòirneart, a chum a dheanamh.

18 Air an aobhar sin, mar so deir an Tighearn mu thimchioll Iehoiacim mhic Iosiah rìgh Iudah, Cha dean iad caoidh air a shon, *ag ràdh*, Oeh mo bhràthair! no, Oeh mo phiuthar! Cha dean iad caoidh air a shon, *ag ràdh*, Oeh a Thighearna! no, Oeh a ghlòir-san!

19 Le h-adhlacadh asail adhlacair e, air a tharruing air falbh, agus air a thilgeadh an taobh a mach de gheatachan Ierusalem.

20 Imich suas gu Lebanon agus èigh; agus air Bàsan tog an àird do ghuth, agus glaoth o na crìochaibh mu'n cuairt, oir chlaoidheadh iadsan uile a thug gràdh dhuit.

21 Labhair mi riut ann an àm do shoirbh-eachaidh, thubhairt thu, Cha-n èisd mi: b'e so do chileachduinn o d'èige.

22 A chionn nach d'èisd thu ri m' ghuth-

sa, ithidh osann suas an t-iomlan de d' aodhairibh, agus imichidh do luchd-gaoil air falbh ann am braighdeanas: gu cinnteach an sin bithidh nàir' ort, agus còmhdaichear thu le h-amhladh air son d'uile dhroch dheanadais.

23 O thusa 'tha 'g àiteachadh Lebanon, a tha 'deanamh do nid ann an seudaraibh, cia gràsmhor a blitheas tu an uair a ni piantan greim ort, goimh, amhuil mnaoi ri saothair!

24 Mar is beò mise, deir an Tighearn, ged 'b'e Coniah mac Iehoiacim rìgh Iudah, am fàinne air mo làimh dheis, gidheadh as a sin dheanainn do spionadh;

25 Agus bheir mi thu do làimh na muinntir a tha 'g iarraidh d'anama, agus do làimh na muinntir roimh am bheil eagal ort, eadhon do làimh Nebuchadresair rìgh Bhabiloin, agus do làimh nan Caldéach.

26 Agus tilgidh mi mach thu féin, agus do mhàthair a rug thu, gu dèthaich choimhich, far nach robh sibh air 'ur breith, agus an sin gheibh sibh bàs.

27 Agus gus an talamh d'am bu mhiannach leo pilleadh, gu sin cha phill iad.

28 An dealbh suarrach briste an duine so Coniah? no an soitheadh e anns nach 'eil aig aon neach tlachd? c'uim an bheil iad air an tilgeadh a mach, e féin agus a shliochd, agus air an iomain gu tìr anns nach 'eil iad eòlach.

29 O 'thalamh! a thalamh! a thalamh! cluinn focal an Tighearna.

30 Mar so deir an Tighearn, Sgrìobhaibhse am fear so gun chlann, duine nach soirbhich 'n a làithibh: oir cha soirbhich duine d' a shliochd, a shuidheas air caithir Dhaibhidh, agus a riaghlas 'n a dhéigh so ann an Iudah.

CAIB. XXIII.

1 *Chuir Jeremiah 'an cèll do na h-aodhairibh aingidh gu'n claoidheadh Dia iad air son an deanadais, 3 agus gu'n tionacleadh e juigheall a threud. 5 Tha Crìost, am Meanglan fireanach, air a ghealltainn. 9 Breitheanais Dhé an aghaidh nam fàidhean bréige, 33 agus 'n an aghaidh-san a rinn fanoid air fàidhean an Tighearna.*

IS an-aobhinn do na h-aodhairibh a tha 'sgrios agus a' sgapadh treud mo chluaine-sa, deir an Tighearn.

2 Air an aobhar sin mar so deir an Tighearn Dia Israeil, a thaobh nan aodhairean a tha 'g ionaltradh mo shluaigh-sa, Sgap sibh mo threud, agus dh'fhuadaich sibh air falbh iad, agus cha deachaidh sibh g'an anhare; feuch, thig mise g'ur n-amhare-se air son aingidheachd 'ur deanadais, deir an Tighearn.

3 Ach tionailidh mi fuigheall mo threud as gach uile dhùthaich gus an d'fhògair mi iad, agus bheir mi iad air an ais d' am maimiribh féin, agus fàsaidh iad torrach agus òmhor.

4 Agus togaidh mi suas os an ceann aodh-
airean a dh'ionatras iad, air chor as nach
bi eagal orra tuilleadh, ni mò 'bhitheas geilt
orra, ni mò 'bhitheas iad air an smachd-
achadh, deir an Tighearn.

5 Feuch, tha na làithean a' teachd, deir
an Tighearn, anns an tog mise suas do
Dhaibhidh Meanglan fireanach, agus riogh-
aichidh rìgh, agus soirbhichidh leis, agus
cuiridh e 'an gnìomh breitheanas agus
ceartas air an talamh.

6 'N a làithibh-san tèarnar Iudah, agus
gabhaidh Israel còmhnuidh ann an tèar-
nunteachd: agus is e so 'ainm a ghoirear ris,
LEHOBAH AR FIREANTACHD-N.

7 Air an aobhar so, feuch, tha na làithean
a' teachd, deir an Tighearn, anns nach abair
iad ni's mò, Mar is beò an Tighearn a thug
a nìos clann Israel à tìr na h-Eiphit.

8 Ach, Mar is beò an Tighearn, a thug a
nìos agus a stiùr sliochd tìghe Israel as
an tìr mu thuath, agus as na dùthchaibh
sin uile gus an d'fhuadaich mise iad: a
chum gu'n gabhadh iad còmhnuidh 'n am
fearann féin.

9 A thaobh nam fàidhean. Tha mo chridhe
briste an taobh a stigh dhìom; tha mo
chùmhachan gu léir air ghluasad; is cosmhuil
mi ri fear air mhisg; is ionann mi 's duine
air an d'fhuair fìon làmh-an-uachdar, air
son an Tighearna, agus air son bhriathran
a naomhachd.

10 Oir tha am fearann làn de luchd-
adhaltranais: oir air son mhionnan tha 'n
tìr a' caoidh: tha ionadan aoibhinn an
fhàsaich air tiornachadh suas; tha an
siubhal mar an ceudna olc, agus an neart
eucorach.

11 Oir tha am fàidh agus an sagart araon
ain-diadhaidh; eadhon ann am theach féin
fhuair mi an aingidheachd, deir an Tigh-
earn.

12 Uime sin bithidh an slighe dhoibh mar
ionadan sleamhain ann an dorchadas;
ionainear iad air an aghaidh, agus tuitidh
iad ann: gu cinnteach bheir mise dòrainn
orra, bliadhna an smachdachaidh, deir an
Tighearn.

13 Amhuil a chunnaic mi ann am fàidhean
Shamaria amaideachd; rinn iad fàistneachd
ann an ainm Bhaail, agus thug iad air mo
shluagh Israel dol air seacharan:

14 Mar sin ann am fàidhean Ierusalem
chunnaic mi uamharrachd: tha iad a'
deanamh adhaltranais, agus ag imeachd
ann am breugaibh: tha iad a' neartachadh
mar an ceudna làmhnan nan aingidh, air
chor as nach 'eil aon neach a' pilleadh o
'aingidheachd: tha iad, an t-ionlan dìubh,
dhomhsa mar Shodom, agus a luchd-àiteach-
aidh mar Ghomorah.

15 Air an aobhar sin mar so deir Tigh-
earn nan sluagh mu thimchioll nam fàidh-
ean; Feuch, bheir mise dhoibh searbh-

luibhean r'an itheadh, agus uisge dom-
blasda r'a òl: oir o fhàidhean Ierusalem
tha ain-diadhachd air dol a mach air feadh
na tìre gu h-ionlan.

16 Mar so deir Tighearn nan sluagh, Na
h-èisdibh ri briathraibh nam fàidhean, a
tha ri fàistneachd dhuibh; tha iad 'g'ur
mealladh le nìthibh faoine; tha iad a
labhairt fiosachd an cridhe féin, agus cha-n
ann o bheil an Tighearn;

17 Ag ràdh an còmhnuidh ris a' mhuhmtir
a tha 'deanamh dì-meas air focal an Tigh-
earn, Bithidh sìth agaibh; agus am feadh
a tha gach aon ag imeachd a réir ana-
miannan a chridhe féin, tha iad ag ràdh,
Cha tig ole air bith oirbh.

18 Oir cò a sheas ann an comhairle
dhìomhair an Tighearna, agus a chunnaic,
agus a chual' a chùis? no co a dh'èisd agus
a chual' fhocal?

19 Feuch, chaidh cuairt-ghaoth mach o'n
Tighearn le boile, eadhon cuairt-ghaoth ro
dhan; air ceann nan aingidh tuitidh i gu
h-uamhasach.

20 Cha phill corruih an Tighearn' air a
h-ais, gus an cuir e 'n gnìomh, agus gus an
còmhlon e rùn a chridhe: anns na làith-
ibh deireannach bheir sibh so fainear le làn
aire.

21 Cha do chuir mise na fàidhean so a
mach, gidheadh ruith iad: cha do labhair
mi riù, gidheadh rinn iad fàistneachd.

22 Ach nam bithheadh iad air seasamh ann
am chomhairle-sa, an sin bheireadh iad air
mo shluagh mo bhriathran èisdeachd, an
sin bheireadh iad orra pilleadh o'n slighe,
agus o aingidheachd an deanadais.

23 An Dia dlùth do làimh mise, deir an
Tighearn? agus uach Dia mi am fad
as?

24 Am feud neach air bith e féin fhocalh
ann an ionadaibh dìomhair, air chor as nach
faic mise e? deir an Tighearn. Nach 'eil
mise a' lìonadh nan nìamhan agus na
talmhain? deir an Tighearn.

25 Chuala mise ciod a thubhairt na fàidh-
ean, a tha 'fàistneachd bhreug ann am ainm-
sa, ag ràdh, Chunnaic mi aising, chunnaic
mi aising.

26 Cia fhàd a bhitheas so 'an cridhe nam
fàidhean a tha 'fàistneachd bhreug? seadh,
fàidhean ceilge an cridhe féin:

27 Aig am bheil rùn a thoirt air mo
shluagh-sa m'ainm a leigeil air dì-chuimhn,
le 'n aisingibh a tha iad ag innsadh, gach
aon d'a choimhearsnach, amhuil a rinn an
aithrichean m'ainm a leigeil air dì-chuimhn,
air son Bhaail.

28 Am fàidh aig am bheil aising, inns-
eadh e aising; ach esan aig am bheil m'
fhocal-sa, labhradh e m'fhocal gu dìleas:
ciod e am moll do'n chruithneachd? deir
an Tighearn.

29 Nach ionann m'fhocal-sa agus teine?

deir an Tighearn: agus nach ionann e agus òrd a bhriseas a' chreag 'n a bloighdibh?

30 Uime sin, feuch, tha mise an aghaidh nam fàidhean, deir an Tighearn, a tha 'goid mo bhriathran-sa, gach aon o' choimhearsnach.

31 Feuch, tha mise an aghaidh nam fàidhean, deir an Tighearn, a tha 'gnàthachadh an teagaidh fein, agus ag ràdh, Labhair esan e.

32 Feuch, tha mise an aghaidh ua mninntir a tha 'faistneachadh aislingean bréige, deir an Tighearn, agns a tha 'g an imnsadh, agus a' toirt air mo shluagh-sa dol air seacharan le 'm breugaibh agus le 'm briathraibh faoiue; gidheadh cha do chuir mise a mach iad, ni mò 'thug mi àithne dhoibh; air an aobhar sin cha dean iad air a' chor tairbhe do'n t-sluagh so, deir an Tighearn.

33 Agus an uair a dh'fheòraicheas an sluagh so, no fàidh, no sagart, diot, ag ràdh, Ciod e focal cndthromach an Tighearna? au sin their thusa riu, Is sibhse an cudthrom, agus tilgidh mise dhìom sibh, deir an Tighearn.

34 Agus am fàidh, agus an sagart, agus an slnach, a their, Focal cudthromach an Tighearna, bheir eadhon mise peanas air an duine sin agus air a theaghlach.

35 Mar so their sibh, gach aon r'a choimhearsnach, agus gach aon r'a bhràthair, Ciod a fhreagair an Tighearn? agus, Ciod a labhair au Tighearn?

36 Agus air focal cudthromach an Tighearna cha toir sibh luaidh ni's mò; oir is cudthrom do gach aon a bhriathran fein: oir chlaon sibh briathran an Dé bhed, Tighearna nan sluagh, ar Dé-ne.

37 Mar so their thu ris an fhàidh, Ciod am freagradh a thug an Tighearn dhuit? agus, Ciod a labhair an Tighearn?

38 Ach ma their sibh, Focal cndthromach an Tighearna: uime sin, mar so deir au Tighearn, A chionn gu bheil sibh ag ràdh an fhocail so, Focal cudthromach an Tighearna, ge do chuir mise fios thugaibh, ag ràdh, Cha-n abair sibh Focal cudthromach an Tighearna;

39 Uime sin, feuch, togaidh mise sibhse mar chndthrom, agus tilgidh mi air falbh, araon sibh fein agns am baile so, a thug mi dhuibhse, agns do 'ur n-aithrichibh, a mach as mo làthair:

40 Agus bheir mi oirbh masladh sìorruidh, agus nàire bhith-bhnan, nach leigear gn bràth air dì-chuimhn.

CAIB. XXIV.

1 *Le samhladh fhigean maithe agus olca chuir am fàidh 'an cèll gu'n gabhadh Dia ris na dh'fhalbh ann an daorsa de Iudah: 8 agus gu'n tugadh e thairis Sedeciah agus a shluagh gu 'bhi 'n an cùis-fhanoid do na cinnich.*

DH'FHOILLSICH an Tighearn dhomh, agus, fench, dà chliabh fhigean air an

cur fa chomhair teampuill an Tighearna, an déigh do Nebuchadresar rìgh Bhabiloin, Ieconiah mac Iehoiacim rìgh Iudah, agus maithean Iudah, agns an luchd-ealain, agus na h-airm-cheaird, a thoirt air falbh ann am braighdeanas o Iernsalem, agns an toirt leis gu Babilon:

2 *Ann an aon chliabh bha figean ro mhaith, mar na figean a' bhitheas 'an tois-cach abuich: agus anns a' chliabh eile figean ro dhona, nach feudtadh itheadh aig an olcas.*

3 An sin thubhairt an Tighearn rinn, Ciod a tha thu 'faicinn, a Ieremiah? agus thubhairt mise, Figean: na figean maithe ro mhaith; agus na droch fhigean ro dhona, air chor as nach feudar an itheadh aig an olcas.

4 An sin thàinig focal an Tighearn' a m' ionnsuidh, ag ràdh,

5 Mar so deir an Tighearn, Dia Israeil, Amhlil ua figean maithe so, mar sin gabhaidh mise ris ua dh'fhalbh ann an daorsa de Iudah, a chuir mi mach as an àite so gu tìr nan Caldéach, a chum an leas.

6 Oir suidhichidh mi mo shùilean orra chum maith, agns bheir mi iad air an ais do'n tìr so; agus togaidh mi iad, agns cha tilg mi sìos; agns socraichidh mi iad, agus cha spion mi á bun.

7 Agus bheir mi dhoibh cridhe gu m' aithneachadh, gur mi an Tighearn; agus bithidh iad dhomhsa 'n an sluagh, agus bithidh mise dhoibhsan a'm Dhia; oir pillidh iad a m' ionnsuidh le 'n uile chridhe.

8 Agus amhuil na droch fhigean, nach feudar itheadh aig au olcas, (mar so gn deimhin deir an Tighearn,) mar sin bheir mi thairis Sedeciah rìgh Iudah, agus 'nachdarain, agus am fuigheall de Ierusalem a dh'fhanas auns an tìr so, agus iadsan a tha 'chòmhnuidh ann am fearaun na h-Eìphit;

9 Bheir eadhon mise thairis iad gn' bhi air au luasgadh air feadh uile rioghachdan an domhain, a chum au ainnheis; gu 'bhi 'n an cùis-fhanoid, agus 'n an gnàth-fhocal, 'n am bail-magaidh, agns 'u am mallachadh, anns a h-uile àite gus am fògair mi iad.

10 Agns cuiridh mi an claidheamh, a' ghort, agus a' phlàigh 'u am measg, gus an caithear iad bhàrr an fhearainn, a thug mise dhoibh fein agns do'n aithrichibh.

CAIB. XXV.

1 *Roimh-innis Ieremiah braighdeanas nan deich agus trì fichead bliadhna; 12 agus léir syrios Bhabiloin 'n uair a chomhlionar na làithean sin. 15 Le samhladh cuaike fiona chuir am fàidh 'an cèll syrios mhòran cinnich.*

AM focal a thàinig a dh'ionnsuidh Ieremiah mu thimchioll uile shluaigh Iudah, ann an ceathramh bliadhna Iehoiacim mhic Iosiah rìgh Iudah; b'i sin ceud bliadhna Nebuchadresar rìgh Bhabiloin:

2 A labhair Ieremiah am fàidh ri uile shluagh Iudah, agus ri uile luchd-àiteachaidh Ierusalem, ag ràdh,

3 O theas bliadhna deng Iosiah mhic Amoin rìgh Iudah, eadhon gus an là an diugh, (is i so an treas bliadhna fichead,) thàinig focal an Tighearn a' m' ionnsuidh-sa, agus labhair mi ruibhe, ag éirigh gu moch agus a' labhairt; ach cha d'éisd sibh.

4 Agus chuir an Tighearn do 'ur n-ionnsuidh uile sheirbhiseich na fàidhean, ag éirigh gu moch agus 'g an cur a mach; ach cha d'éisd sibhe, agus ni mò dh'aom sibh 'ur cluas gu éisdeachd.

5 Thubhairt iadsan, Pillibh air 'ur n-ais a nis, gach aon o' dhroch shlighe, agus o olcas a dheanadais, agus gabhaibh còmhnuidh anns an fhearann a thug an Tighearn dhuibh, agus do 'ur n-aithrichibh o linn gu linn.

6 Agus na rachaibh an déigh dhiathan còimheach, gu seirbhis a dheanadh dhoibh, agus gu aoaradh a thoirt doibh, agus na brosnuichibh mise gu corruich le obair 'ur làmh; agus cha dean mi olc oirbh.

7 Gidheadh cha d'éisd sibh riumsa, deir an Tighearn; a chum gu'm brosnuicheadh sibh mi gu corruich le obair 'ur làmh, a chum 'ur n-aimeis féin.

8 Uime sin mar so deir Tighearn nan sluagh, A chionn nach d'éisd sibh ri mo bhrithraibh-sa,

9 Feuch, cuiridh mi fios, agus bheir mi leam uile mhuinntir na h-àirde tuath, deir an Tighearn, agus Nebuchadresar rìgh Bhabiloìn u' òglach, agus bheir mi iad an aghaidh na tìre so, agus an aghaidh a luchd-àiteachaidh, agus an aghaidh nan cinneach so uile mu'n cuairt, agus sgrìosaidd mi gu tur iad, agus ni mi iad 'n an uamhas, agus 'n an sgeig, agus 'n am fàsach gu bràth.

10 Os barr, bheir mi uatha guth a' ghairdeachais agus guth an aoibhneis, guth an fhirnuadh-phòsda, agus guth na mnà nuadh-pòsda, fuaim nan clachan-muilin, agus solus na coinnele.

11 Agus bithidh am fearann so uile 'n a fhàsach, agus 'n a uamhas; agus ni na einnich so seirbhis do rìgh Bhabiloìn deich agus trì fichead bliadhna.

12 Agus tarlaidh, 'n uair a choimhlionar deich agus trì fichead bliadhna, gu'n smachdaich mise rìgh Bhabiloìn, agus an cinneach sin, deir an Tighearn, air son an aingidheachd, agus fearann nan Caldeach, agus ni mi e 'n a fhàsach gu bràth.

13 Agus bheir mi air an fhearann sin n' uile bhriathran a labhair mi 'n a aghaidh, gach n' tha sgrìobhta 's an leabhar so, a rinn Ieremiah fhaistneachd an aghaidh nan uile cinneach.

14 Oir ni mòran chinneach, agus rìghrean mòra, seirbhis a ghabhail dhiubhsan mar an ceudna: agus diolaidh mise riu a réir an

gnìomharan, agus a réir oibre an làmhnan féin.

15 Oir mar so tha an Tighearn Dia Israeil ag ràdh rium, Gabh cuach-fhìona na fraoiche-fèirge so as mo làmh-sa, agus thoir r'a h-òl i do na h-uile chinneach a dh'ionnsuidh an cuir mise thu:

16 Agus òlaidh iad, agus bithidh iad air bhall-chrith, agus air chuthach, leis a chlaidheamh a chuireas mise 'n am measg.

17 An sin ghlac mi a' chuach á làmh an Tighearn, agus thug mi r'a h-òl i do na h-uile chinneach a dh'ionnsuidh an do chuir an Tighearn mi;

18 Do Ierusalem, agus do bhailtibh Iudah, agus d'a rìghribh, agus d'a h-uachdaranaibh, a chum an deanamh 'n an nochd-làraich, 'n an uamhas, 'n an sgeig, agus 'n am mallachadh, mar air au là 'n diugh:

19 Do Pharaoh rìgh na h-Eiphit, agus d'a òglachaibh, agus d'a uachdaranaibh, agus d'a uile shluagh;

20 Agus do gach uile shluagh eile 'tha measg a chèile, agus do uile rìghribh fearainn Uis, agus do uile rìghribh fearainn nam Philisteach, agus do Ascelon, agus do Ghasah, agus do Ecron, agus do fhuigheall Asdoid;

21 Do Edom, agus do Mhoab, agus do ehoionn Amoin;

22 Agus do uile rìghribh Thiruis, agus do uile rìghribh Shidoìn, agus do rìghribh nan crìochan a tha 'n taobh thall de'n fhaireg;

23 Do Dhedan, agus do Thema, agus do Blus, agus do na h-uile a tha anns na cearnaibh iomallach;

24 Agus do uile rìghribh Arabia, agus do uile rìghribh an t-sluaigh mheasgta á tha 'chòmhnuidh anns an fhàsach;

25 Agus do uile rìghribh Shimri, agus do uile rìghribh Elaiù, agus do uile rìghribh Mhedia;

26 Agus do uile rìghribh na h-àirde tuath, am fad agus am fagus, gach aon le 'chèile, agus do uile rìoghachdaibh an domhain, a tha air aghaidh na talmhainn: agus òlaidh rìgh Shesaich 'n an déigh so.

27 Agus their thu riu, Mar so tha an Tighearn Dia nan sluagh, Dia Israeil, ag ràdh, Olaidh, agus bithidh air mhisg, agus sgeithibh, agus tuitibh, agus na h-éiribh uis mò, roimh 'n chlaidheamh a chuireas mise 'n 'ur measg.

28 Agus tarlaidh, ma dhiùltas iad a' chuach a ghabhail as do làmh, gu òl, an sin gu'n abair thu riu, Mar so deir Tighearn nan sluagh, Olaidh sibh gu deimhin.

29 Oir feuch, air a' chaithir a tha air a h-ainmeachadh air m' ainm, oirre sin tha mise 'tionnsgnadh air olc a thabhairt, agus am feud sibhe dol as gu glan-shaor o pheanas? cha téid sibh as: oir gairmaidh mise claidheamh air uile luchd-àiteachaidh ua talmhainn, deir Tighearn nan sluagh.

30 Air an aobhar sin labhair thusa 'n an aghaidh na briathran fàistneachd so air fad, agus abair riu, Beucaidh an Tighearn o 'ionad àrd, agus o ionad còmhluidh a naomhachd cuiridh e mach a ghuth; beucaidh e gu cumhachdach an aghaidh ionaid a thàimh; togaidh e iolach, mar [iolach] luchd-bruthaidh *nam fion-dearc*, an aghaidh uile luchd-àiteachaidh na talmhainn.

31 Thig toirm gu iomallaibh na talmhainn, a chionn gu bheil comh-strì aig Dia ris na cinnich; tagraidh e ris na h-uile fheoil; bheir e 'n dream a *tha* ole do'n chlàidheamh, deir an Tighearn.

32 Mar so tha Tighearn nan sluagh ag ràdh, Feuch, theid ole a mach o chinneach gu cinneach, agus dùisgear suas ionaighaith mhòr o chriocheaibh na talmhainn.

33 Agus bithidh iadsan a mharbhar leis an Tighearn 's an là sin, o aon iomall na talmhainn eadhon gu iomall cile na talmhainn; cha deanar caoidh air an son, ni mò 'chruinnichear iad, ni mò dh'adhlacair iad; 'n an aolach air aghaidh na talmhainn bithidh iad.

34 Togaibh gaoir bhròin, a bhuachaille, agus eighibh, agus deanaibh sibh féin aoirneagan, [ann an luaithre,] sibhse a 's irramaiche de'n treud, a chionn gu bheil làithean bhuir marbhaidh agus bhuir sgapaidd air an coimhlionadh; agus tuitidh sibh mar shoitheach luachmhor.

35 Agus cha bhi scòl teichidh aig na buachaillibh, no dol as aig maithlean an treud.

36 Guth caoidh nam buachailllean, agus nuallan mhaithean an treud: oir mhill an Tighearn an cluain-ionatraidh.

37 Mhilleadh fòs ionadan-còmhluidh na sìthe le dian-chorruich an Tighearna.

38 Thrég e, mar leòmhann, a gharaidh; oir rinneadh an cuid fearainn fàs, troimh chorruich a' mhillteir, agus troimh dhian-theas 'fheirge.

CAIB. XXVI.

1 Chomhairlich Ieremiah do'n t-sluagh an aingidheachd a thréigsinn: 8 *Ghlac na sagartan agus an sluagh e chum a chur gu bàs air son nan nithean a labhair e riu.* 12 *Thagair e a chàis féin.* 16 *Leig an sluagh as e.*

A NN an toiseach linn Iehoiacin, mhic Iosiah rìgh Iudah, thàinig am focal so o'n Tighearn, ag ràdh,

2 Mar so tha an Tighearn ag ràdh, Seas an an cùirt tìghe an Tighearn', agus labhair ri uile bhaitibh Iudah, a tha 'teachd a dhcanamh aoraidh ann an tigh an Tighearna, na h-uile bhriathran a dh'àithneas mise dhuist a labhairt riu; na lughaich focal;

3 A dh'fheuchainn an éisd iad, agus am pill iad, gach aon o 'dhroch shlighe, chum gu'n gabh mise aithreachas de'n ole a tha ann

am rùn a thoirt orra air son aingidheachd an gnìomharan.

4 Agus their thu riu, Mar so tha an Tighearn ag ràdh, Mur éisd sibh riumsa, gu siubhal ann am reachd, a chuir mi fa 'r comhair,

5 Gu éisdeachd a thoirt do bhriathraibh mo sheirbhiseach na fàidhean, a chuir mi thugaibh, araon ag éirigh gu moch agus 'g an cur a mach, (ged nach d'éisd sibhse;)

6 An sin is mise an tigh so cosmhuil ri Siloh, agus ni mi am baile so 'n a mhallachadh do uile chinnich na talmhainn.

7 Agus chuala na sagartan, agus na fàidhean, agus an sluagh uile, Ieremiah a' labhairt nam briathran so ann an tigh an Tighearna.

8 A nis tharladh, air do Ieremiah sgur de labhairt nan uile nithean a dh'àithn an Tighearn *dha* a labhairt ris an t-sluagh uile, gu'n do ghlac na sagartan, agus na fàidhean, agus an sluagh uile e, ag ràdh, Cuirear gu deimhin gu bàs thu.

9 C'ar son a rinn thu fàistneachd ann an ainm an Tighearn', ag ràdh, Bithidh an tigh so cosmhuil ri Siloh, agus cuirear a' chaithir so fàs gun aon 'g a h-àiteachadh? Agus chruinnicheadh an sluagh air fad an aghaidh Ieremiah, ann an tigh an Tighearna.

10 'N uair a chuala maithlean Iudah na nithean so, an sin thàinig iad a mios o thigh an rìgh, gu tigh an Tighearn', agus shuidh iad ann an dol a steach a' gheata nuaidh aig tigh an Tighearn'.

11 An sin labhair na sagartan, agus na fàidhean ris na maithibh, agus ris an t-sluagh gu léir, ag ràdh, Is airidh an duine so air bàs, oir rinn e fàistneachd an aghaidh na caithreach so, mar a chuala sibh le 'r clusaibh.

12 An sin labhair Ieremiah ris na maithibh uile, agus ris an t-sluagh gu h-iomlan, ag ràdh, Chuir an Tighearn mise gu labhairt ann am fàistneachd an aghaidh an tìghe so, agus an aghaidh na caithreach so, na h-uile bhriathran sin a chuala sibh.

13 Uinne sin a nis leasaichibh 'ur slighe agus 'ur deanadas, agus thugaibh gèill do ghuth an Tighearna bhuir Dé; agus gabhaidh an Tighearn aithreachas de'n ole a labhair e 'n 'ur n-aghaidh.

14 Air mo shon-sa, feuch, tha mi 'n 'ur làimh; deanaibh rium mar a chithcar maith agus ecart duibh.

15 Ach bitheadh gu cinnteach fios agaibh, na chuireas sibh gu bàs mise, gu'n tarruing sibh fuil neo-chiontach oirbh féin, agus air a' chaithir so, agus air a luchd-àiteachaidh: oir gu frinneach chuir an Tighearn mise thugaibh, gus na briathran so uile a labhairt 'n 'ur clusaibh.

16 An sin thubhairt na maithlean, agus an sluagh uile ris na sagartan, agus ris na fàidlibh, Cha-n airidh an duine so air bàs,

IEREMIAH, XXVII.

oir ann an ainm an Tighearn' ar Dé labhair e ruinn.

17 An sin sheas cuid de sheanairibh na tìre suas, agus labhair iad ri uile choimhthional an t-sluaigh, ag ràdh,

18 Rinn Micah am Morastach fàistneachd ann an làithibh Heseciah rìgh Iudah, agus labhair e ri uile shluaigh Iudah, ag ràdh, Mar so deir Tighearn nan sluagh, Bithidh Sion mar mhachair air a treabhadh, agus bithidh Ierusalem 'na carnaibh, agus sliabh an tighe mar ionadaibh àrda na frìdhe.

19 An d'thug Heseciah rìgh Iudah, agus Iudah uile thairis gu bàs e? nach robh eagal an Tighearn' air, agus nach d' iarr e an Tighearn, agus ghabh an Tighearn aithreachas de'n ole a labhair e 'n an aghaidh? Ach sinne, tha sinn a' deanamh aimhleis mhòir an aghaidh ar n-anama féin.

20 Agus bha fòs duine ann a rinn fàistneachd ann an ainm an Tighearn', Uriah mac Shemariah, o Chireat-earim, a rinn fàistneachd an aghaidh a' bhaile so, agus an aghaidh na tìre so, a réir uile bhriathran Ieremiah:

21 Agus an uair a chuala Iehoiacim an rìgh, agus a dhaoine cumhachdach uile, agus na maithèan uile, a bhriathran, dh'iarr an rìgh a chur gu bàs; agus chuala Uriah sin, agus bha eagal air, agus theich e, agus dh'imich e do'n Eiphit:

22 Agus chuir an rìgh Iehoiacim daoine Eiphiteach, Elnatan mac Achboir, agus iad-san a bha leis, do'n Eiphit;

23 Agus thug iad Uriah a mach as an Eiphit, agus thug iad e chum an rìgh Iehoiacim, a mharbh e leis a' chlaidheamh, agus a thilg a chorp ann an uaignean nan daoine coitichionn.

24 Gidheadh bha làmh Abicaim mhic Shaphan le Ieremiah, chum nach bitheadh e air a thoirt thairis do làimh an t-sluaigh, gu 'chur gu bàs.

CAIB. XXVII.

1 *Tha Ieremiah a' fàistneachd gu'm buadhaich-eadh Nebuchadresar air na rìghrean a bha mu'n cuairt da.* 9 *Chomharrich e dhoibh gèilleachdainn do rìgh Bhabiloin.* 12 *Thug e a' chomhairle cheudna do Shedeciah.*

ANN an toiseach linn Iehoiacim mhic Iosiah rìgh Iudah, thàinig am focal so gu Ieremiah o'n Tighearn, ag ràdh,

2 Mar so tha an Tighearn ag ràdh rium, Dean dhuit féin bannan agus cuingean, agus cuir iad air do mhuineal;

3 Agus cuir iad gu rìgh Edoim, agus gu rìgh Mhoab, agus gu rìgh nan Amonach, agus gu rìgh Thiruis, agus gu rìgh Shidoin, le làimh nan teachdairean a tha 'teachd gu Ierusalem, a chum Shedeciah rìgh Iudah:

4 Agus àithn doibh a ràdh ri 'n tighearnaibh, Mar so tha Tighearn nan sluagh, Dia Israeil, ag ràdh, Mar so their sibh ri 'ur tighearnaibh;

5 Rinn mise an talamh; an duine agus an t-ainmhidh a tha air aghaidh na talmhainn, le mo mhòr-chumhachd, agus le m' ghaird-ean sìnte mach; agus cò air bith do 'm facas ionchuidh leam a thabhairt, dhà-san thug mi e.

6 Agus a nis thug mi na dùthchan so uile do làimh m' òglach Nebuchadresar rìgh Bhabiloin, agus beathaichean na macharach fòs thug mi dha, gu frithealadh dha.

7 Agus bheir na h-uile chinnich géill dhasan, agus d' a mhac, agus do mhac a mhic, gus an tig àm a dhùthcha féin: an sin bheir ionadh cinneach, agus rìghrean mòra aisans gu'n toir e géill doibh.

8 Agus tarlaidh, an cinneach no an rìghlachd nach toir géill do Nebuchadresar so rìgh Bhabiloin, agus nach cuir am muineal fo chuing rìgh Bhabiloin, le claidheamh, agus le gort, agus le plàigh, smachdaichidh mise an cinneach sin, deir an Tighearn, gus an sgrios mi iad gu tur le làimh-san.

9 Uime sin na h-éisdibh-sa ri 'ur fàidhean, no ri 'ur fiosaichean, no ri 'ur luchd-bhrudhar, no ri 'ur speuradairan, no ri 'ur druiddhean, a tha 'labhairt ruibh, ag ràdh, Cha toir sibh géill do rìgh Bhabiloin:

10 Oir tha iad a' fàistneachd bréige dhuibh, a chum 'ur n-atharrachadh fad' o 'ur fearann féin, agus a chum gu'm fògrainn-sa mach sibh, agus gu'n rachadh sibh am mugha.

11 Ach an cinneach sin a chuireas an amhach fo chuing rìgh Bhabiloin, agus a bheir dha ùmhlachd, leigidh mise dhoibh sin fuireach 'n am fearann féin, agus treabhaidh iad e, agus gabhaidh iad còmh-nuidh ann.

12 Agus labhair mise ri Sedeciah rìgh Iudah, a réir nam briathran so air fad, ag ràdh, Cuiribh 'ur n-amh'chan fo chuing rìgh Bhabiloin, agus thugaibh dha ùmh-lachd, dha féin, agus d'a shluagh, agus mairibh beò.

13 C'ar son a bhàsaicheas sibh, thu féin agus do shluagh, leis a' chlaidheamh, leis a' ghort, agus leis a' plàigh, mar a labhair Dia an aghaidh a' chinnich nach toir géill do rìgh Bhabiloin?

14 Uime sin na h-éisdibh ri briathraibh nam fàidhean a tha 'labhairt ruibh, ag ràdh, Cha toir sibh ùmhlachd do rìgh Bhabiloin: oir tha iad a' fàistneachd bréige dhuibh.

15 Oir cha do chuir mise a mach iad, deir an Tighearn, gidheadh tha iad a' fàistneachd bréig' ann am ainm, a chum gu'm fògrainn sibhse mach, agus gu'n rachadh sibh 'am mugha; sibh féin agus na fàidhean a tha ri fàistneachd dhuibh.

16 Labhair mi cuidcachd ris na sagartaibh, agus ris an t-sluagh so uile, ag ràdh, Mar so deir an Tighearn, Na h-éisdibh ri briath-

raibh 'ur fàidhean a tha ri fàistneachd dhuibh, ag ràdh, Feuch, bheirear soithichean tighe an Tighearn' air an ais o Bhabilon a nis gu h-aithghearr; oir tha iad a' fàistneachd bréige dhuibh.

17 Na h-éisdibh riu; géillibh do rìgh Bhabìloin agus mairibh beò; c'ar son a bhlithleadh ann baile so air a dheanamh 'n a fhàsach?

18 Ach ma's fàidhean iad, agus ma tha focal an Tighearna maille riu, deanadh iad a nis eadar-ghuidhe ri Tighearn nan sluagh, a chum nach rachadh na soithichean a tha air ann fàgail ann an tigh an Tighearn', agus ann an tigh rìgh Iudah, agus ann an Ierusalem, gu Babilon.

19 Oir mar so tha Tighearn nan sluagh ag ràdh, mu thimchioll nam post, agus mu thimchioll na faire, agus mu thimchioll nam bonn, agus mu thimchioll na cuid eile de na soithichibh a dh'fhan anns a' bhaile so;

20 Nach d'thug Nebuchadnesar rìgh Bhabìloin leis, an uair a thug e air falbh ann am braigheanas Ieconiah mac Iehoiaim rìgh Iudah, o Ierusalem gu Babilon, agus uile uaislean Iudah agus Ierusalem;

21 Seadh, mar so deir Tighearn nan sluagh, Dia Israeil, mu thimchioll nan soithichean a dh'fhan ann an tigh an Tighearn', agus ann an tigh rìgh Iudah, agus ann an Ierusalem;

22 Gu Babilon bheirear air falbh iad, agus an sin bithidh iad gus an là anns an tèid mise g'an anihear, deir an Tighearn: an sin bheir mise a nìos iad, agus aisgidh mi iad a ris do'n àite so.

CAIB. XXVIII.

1 Fàistneachd bhréige Hananiah. 5 Chuir Ieremiah 'an cèill ciod an dòigh air an aith-nichear na fàidhean a chuir Dia a mach. 10 Bhris Hananiah a' chuing bhàrr muineil Ieremiah. 12 Le samhlaidh chuibhricean iarunn dhaingnich Ieremiah an fàistneachd a labhair e. 15 Roinn-innis e bàs Hananiah.

A GUS tharladh anns a' bhliadhna sin féin, ann an toiseach linn Shedeciah rìgh Iudah, anns a' cheathramh bliadhna, anns a' chùigeamh mìos, gu'n do labhair Hananiah mac Asuir, am fàidh a bha o Ghibeon, riumsa ann an tigh an Tighearn', an làthair nan sagart, agus an t-sluaigh uile, ag ràdh,

2 Mar so labhair Tighearn nan sluagh, Dia Israeil, ag ràdh, Bhris mise cuing rìgh Bhabìloin.

3 'An ceann dà bhliadhna iomlain bheir mise air an ais a chum an àite so uile shoithichean tighe an Tighearn', a thug Nebuchadnesar rìgh Bhabìloin air falbh o'n àite so, agus a ghiùlain e gu Babilon.

4 Agus bheir mi chum an àite so a rìs Ieconiah mac Iehoiaim rìgh Iudah, maille ri uile bhraigheadh Iudah, a dh'imich gu

Babilon, deir an Tighearn; oir brisidh mise cuing rìgh Bhabìloin.

5 Agus thubhairt am fàidh Ieremiah ris an fhaidh Hananiah, an làthair nan sagart, agus an làthair an uile shluaigh a bha 'nan seasamh ann an tigh an Tighearna,

6 Thubhairt eadhon am fàidh Ieremiah, Amen: gu'n deanadh an Tighearn mar sin; gu'n coimhlionadh an Tighearn do bhrìath-ran a rinn thu fhàistneachd, le soithich-ean tighe an Tighearn', agus gach ni eile a thugadh air falbh ann am braigheanas, a thoirt air an ais o Bhabìlon a chum an àite so.

7 Gidheadh cluinn thusa a nis am focal so 'tha mise a' labhairt ann ad éisdeachd, agus ann an éisdeachd an t-sluaigh uile;

8 Na fàidhean a bha romham-sa agus romhad-sa o shean, rinn iad fàistneachd araon a thaobh mhòran dhùthchan, agus a thaobh rìoghachdan mòra, air cogadh, agus air gort, agus air plàigh.

9 Am fàidh a ni fàistneachd mu shith, 'n uair a thig focal an fhàidh gu crìch, aith-nichear gur e an Tighearn gu deimhin a chuir am fàidh sin a mach.

10 An sin thug am fàidh Hananiah a' chuing bhàrr muineil an fhàidh Ieremiah, agus bhris e i.

11 Agus labhair Hananiah an làthair an t-sluaigh uile, ag ràdh, Mar so deir an Tighearn, Amhuil so brisidh mise cuing Nebuchadnesair rìgh Bhabìloin o mhuineal nan uile chimneach an taobh a stigh de dhà bhliadhna iomlan. Agus dh'fhalbh am fàidh Ieremiah roimhe.

12 Agus thàinig focal an Tighearna gu Ieremiah (an déigh do'n fhàidh Hananiah a' chuing a bhriseadh bhàrr muineil an fhàidh Ieremiah,) ag ràdh,

13 Innich agus labhair ri Hananiah, ag ràdh, Mar so deir an Tighearn, Na cuibhricean fiodha bhris thu, ach ni thu 'n an àite cuibhricean iarunn.

14 Oir mar so deir Tighearn nan sluagh, Dia Israeil, Cuing iarunn chuir mise air muineal nan cinneach so uile, a chum gu'n tugadh iad géill do Nebuchadnesar rìgh Bhabìloin; agus bheir iad géill da; agus beathaichean na macharach thug mi dha mar an ceudna.

15 An sin thubhairt am fàidh Ieremiah ris an fhàidh Hananiah, Éisd a nis, a Hananiah; Cha do chuir an Tighearn fios leatsa, ach tha thu 'toirt air an t-sluaigh so earbsa a dheanamh á bréig.

16 Uime sin mar so deir an Tighearn, Feuch, tigidh mise thu bhàrr aghaidh na talmhainn; air a' bhliadhna so gheibh thu bàs, a chionn gu'n do labhair thu ceannaire an aghaidh an Tighearna.

17 Mar sin fhuair am fàidh Hananiah bàs air a' bhliadhna sin féin, anns an t-seachd-amh mìos.

CAIB. XXIX.

1 Briathran na litreach a chuir Ieremiah a dh'ionnsuidh an t-sluaigh a thugadh air falbh ann am braighdeanas. 10 Dh'inns e dhoibh gu'm pilleadh iad a ris d' an t'fein 'n uair a choimhlonar deich agus tri fichead bliadhna. 20 Faisteachd mu thimchioll nam fàidhean bréige: 24 agus mu thimchioll Shemaiah air son nan litrichean a sgrìobh e dh'ionnsuidh an t-sluaigh.

ANIS is iad so briathran na litreach a chuir am fàidh Ieremiah o Ierusalem gus a' chuid eile de na seanairibh a thugadh air falbh ann am braighdeanas, agus gus na sagartan, agus gus na fàidhean, agus gus an uile shluagh a thug Nebuchadnesar air falbh ann am braighdeanas o Ierusalem gu Babilon;

2 (An déigh do Ieconiah an rìgh, agus a' bhan-rìghinn, agus na cailteanaich, agus maithéan Iudah agus Ierusalem, agus an luchd-ealain, agus ua h-airm-cheaird, im-cachd air falbh o Ierusalem;)

3 Le làimh Elasah mhic Shaphain, agus Ghemariah mhic Hilciah, (a chuir Sedeciah rìgh Iudah do Bhabilon, gu Nebuchadnesar rìgh Bhabiloìn,) ag ràdh,

4 Mar so deir Tighearn nan sluagh, Dia Israeil, ris na h-uile a tha air an toirt air falbh ann am braighdeanas, a chuir mise air falbh ann am braighdeanas o Ierusalem gu Babilon,

5 Togaibh tighean, agus gabhaibh còmh-nuidh; agus suidhichibh liosan, agus ithibh an toradh:

6 Gabhaibh mnathan, agus ginibh mic agus nigheanan; agus gabhaibh mnathan d' ur macaibh, agus thugaibh 'ur nigheanan do fhearraibh, a chum gu'm beir iad mic agus nigheanan; a chum gu meudaichear sibh anns an àite sin, agus nach lughaichear sibh.

7 Agus iarraibh sìth na dùthcha gus an do chuir mise air falbh sibh ann am braighdeanas: agus guidhibh air a son ris an Tighearn: oir 'n a sìth-sa bithidh sìth agaibhse.

8 Oir mar so deir Tighearn nan sluagh, Dia Israeil, Na meallar sibh leis ua fàidhean a tha 'n ur measg, agus le 'ur luchd-fiosachd; ni mò 'dhiéideas sibh ri 'ur bruadair a tha sibh a' toirt fainear a bhruadair.

9 Oir tha iad a' faisteachd breug dhuibh ann am ainm-sa; cha do chuir mise a mach iad, deir an Tighearn.

10 Oir mar so deir an Tighearn, An uair a choimhlonar ann am Babilon deich agus tri fichead bliadhna, thig mise gu 'r n-aniharc, agus coimhlonaidh mi dhuibh m' fhocal maith, a chum 'ur toirt air 'ur uais do'n àite so.

11 Oir is aithne dhomh na smuaintean a smuainich mi do 'ur taobh, deir an Tighearn, smuaintean sìthe, agus cha-n e ainm-leis. a thoirt duibh sìochd agus dòchais.

12 An sin gairmidh sibh orm, agus théid sibh agus ni sibh urnuigh rium, agus éisdidh mise ruibh.

13 Agus iarraidh sibh mi, agus gheibh sibh mi, an uair a rannsaicheas sibh air mo shon le 'ur n-uile chridhe.

14 Agus bithidh mise air m' fhaotainn leibh, deir an Tighearn, agus pillidh mi air a h-ais 'ur braighdeanas, agus cruinnichidh mi sibh o na h-uile chinnich, agus o na h-uile àite gus an d'fhogair mi sibh, deir an Tighearn; agus bheir mi sibh a ris a chum an àite o'u do chuir mi air falbh sibh ann am braighdeanas.

15 A chionn gu'n dubhairt sibh, Thog an Tighearn suas duinn fàidhean ann am Babilon:

16 Mar so deir an Tighearn ris an rìgh a tha 'n a shuidhe air cathair Dhaibhidh, agus ris an uile shluagh a tha 'chòmhnuidh anns a' bhaile so, agus ri 'ur bràithribh uach deachaidh a mach leibh ann am braighdeanas;

17 Mar so deir Tighearn nan sluagh, Feuch, cuiridh mise orra an claidheamh, a' ghort', agus a' phlàigh, agus ni mi iad mar dhroch fhigean, nach feudar itheadh aig an olcas.

18 Agus dian-ruaigidh mi iad leis a' chlaidheamh, leis a' ghort', agus leis a' phlàigh; agus bheir mi thairis iad gu 'bhi air au luasgadh air feadh uile rìoghachdan an domhain, gu 'bhi 'n am mallachadh, agus 'n au uamhas, agus 'n an sgeig, agus 'n am masladh, am measg nan uile chinneach gus am fogair mi iad.

19 A chionn nach d'éisid iad ri m' bhriathraibh-sa, deir an Tighearn 'n uair a chuir mi do'n ionnsuidh m' òglaich na fàidhean, ag éirigh gu moch, agus 'g an cur a mach; ach cha n-éisdeadh sibhse, deir an Tighearn.

20 Cluinnibh uime sin, focal Iehobhah, sibhse uile a tha de'n bhraighdeanas, a chuir mise o Ierusalem gu Babilon:

21 Mar so deir Tighearn nan sluagh, Dia Israeil, a thaobh Ahaib mhic Cholaiah, agus Shedeciah mhic Mhaaseiah, a tha 'faisteachd bréig' dhuibh ann am ainm-sa, Feuch, bheir mise thairis iad do làimh Nebuchadnesair rìgh Bhabiloìn, agus marbhaidh esan iad fa chomhair 'ur sùl;

22 Agus uatha-san togar suas mallachadh le uile bhraighdibh Iudah a th'ann am Babilon, ag ràdh, Gu'n deanadh an Tighearn thu cosmhuil ri Sedeciah, agus cosmhuil ri Ahab, a ròst rìgh Bhabiloìn anns an teine.

23 A chionn gu'n do chuir iad 'an gnìomh aingidheachd ann an Israel, agus gu'n d'rinn iad adhaltranas le mnàibh an coimhearsnach, agus gu'n do labhair iad briathran breugach ann am ainm-sa, nach d'àithn mise dhoibh, air am bheil eadhon miez

fiosrach agus a'm' fhlànuis, deir an Tighearn.

24 Labhairidh tu fòs ri Semaiah an Nehelamach, ag ràdh,

25 Mar so labhair Tighearn nan sluagh, Dia Israeil, ag ràdh, A chionn gu'n do chuir thu litrichean ann ad aium a chum an uile shluaigh a th'ann an Ierusalem, agus a chum Shephaniah mhic Mhaaseiah an sagart, agus a chum nan sagart air fad, ag ràdh,

26 Rinn an Tighearn dhìot-sa sagart ann an àite Iehoiada an t-sagairt, a chum gu'm bitheadh luchd-riaghailt ann an tigh an Tighearn', air son gach duine 'tha air chuthach, agus a' deanamh dheth fèin fàidh, a chur anns an tigh-smachdachaidh, agus ann an sàs.

27 Uime sin a nis, c'uime nach do chron- uich thu Ieremiah o Anatot, a tha 'g a dhìcanamh fèin 'n a fhàidh dhuibh?

28 Oir chuir e gun amharus fios thugainne a tha ann am Babilon, ag ràdh, Tha an daorsa so buan, togaibh tighean, agus gabh- aibh còmhnuidh, agus suidhichibh liosan, agus ithibh an toradh.

29 [Agus leugh Sephaniah an sagart an litir so ann an cluasaibh Ieremiah an fhàidh.]

30 Uime sin thàinig focal an Tighearna gu Ieremiah, ag ràdh,

31 Cuir fios gu muinntir a' bhraighdeanas air fad, ag ràdh, Mar so labhair an Tighearn a thaobh Shemaiah an Nhelamaich; A chionn gu'n d'ruin Semaiah fàisteachd dhuibh an uair nach do chuir mise mach e, agus gu'n d'thug e oirbh carbsa a dhìcanamh a brèig:

32 Air an aobhar sin, mar so tha an Tighearn ag ràdh, Feuch, smachdaichidh mise Semaiah an Nehelamach agus a shliochd: cha bhì aige duine 'ghabhas còmhnuidh am measg an t-sluaigh so, nì mò 'chi e am maith a nì mise air son mo phobuill, deir an Tighearn, a chionn gu'n do labhair e ceannairc an aghaidh an Tighearna.

CÀIB. XXX.

1 Nochd ~~De~~ *de* Ieremiah gu'n tugadh e air ais braighdeanas a shluaigh; 4 agus gu'n tèarnadh e iad o'n uile àmhgharaibh. 10 Thug am fàidh misneach do Jacob. 23 Tuitidh dòrainn air ceann nan ciontach.

AM focal a thàinig a chum Ieremiah o'n Tighearn, ag ràdh,

2 Mar so labhair an Tighearn Dia Israeil, ag ràdh, Sgrìobh dhuit fèin ann an leabhar na h-uile bhriathran a labhair mise riut.

3 Oir feuch, tha na lùithean a' teachd, deir an Tighearn, anns an toir mise air a h-ais braighdeanas mo shluaigh, Israeil agus Iudah, deir an Tighearn, agus bheir mi orra piltinn a chum an fhearainn a thug mi do'n aithrichibh, agus sealbhaichidh iad e.

4 Agus so na briathran a labhair an Tighearn,

mu thimchioll Israeil, agus mu thimchioll Iudah.

5 Oir mar so deir an Tighearn, Guth criotl- naidh chuala sinn; eagal, agus cha-n e sith.

6 Feòruichibh a nis, agus feuchaibh am beir fìrionnach leanabh? c'uime am faic mi gach duine agus a lannan air a leasraibh, mar mhnaoi ri saothair, agus tha na h-uile aghaidh air fàs bàn?

7 Mo thruaighe! oir is mòr an là sin, agus cha-n'eil a choimeas ann: agus is aimsir teanntachd i do Jacob; ach tèarnar aisd' e.

8 Oir tarlaidh anns an là sin, deir Tighearn nan sluagh, gu'm bris mise a chuing bhàrr a mhuineil, agus a chuibhrichean sgaoidh mi as a chèile; agus cha ghabh coirich nìs mò seirbhis deth.

9 Ach bheir iad seirbhis do'n Tighearn an Dia, agus do Dhaibhidh an rìgh, a thogas mise suas doibh.

10 Uime sin na bitheadh eagal ort, O Iacob, m'òglach-sa, deir an Tighearn, agus na bitheadh gelt ort, O Israeil: oir feuch, bheir mise tèaruint' thu o chéin, agus do shliochd o thìr an daorsa; agus pillidh Iacob, agus gheibh e fois agus sith, agus cha bhì aon neach a' cur cagail air.

11 Oir tha mise maille riut, deir an Tighearn, chum do thèarnadh: ged bheir mi crìoch iomlan air na h-uile chinnich gus an d' fhògair mi thu, gidheadh cha toir mi crìoch iomlan ortsa: ach smachdaichidh mi thu ann an tomhas, agus cha leig mi as thu gu h-iomlan o pheanas.

12 Oir mar so deir an Tighearn, Is do- leighcas do bhruthadh, is cràiteach do chreuchd.

13 Cha-n'eil neach ann a nì tagradh air do shon, a chum gu'm bitheadh tu air do cheangal suas: iocshlàint chum leigheis cha-n'eil agad.

14 Rinn do leannain gu léir do dhearnadh: cha-n'eil iad 'g a d' iarraidh, oir rinn mise do lot le lot nàmhaid, le smachdachadh garg; a chionn gu'n robh do chionta mòr; do luchdan lìonmhor.

15 C'uime an glaoth thu air son d' àmhghair? cha ghabh do bhròn leigheas; a chionn gu'n robh do chionta mòr, do luchdan lìonmhor, rinn mise na nithean so ort.

16 Uime sin bithidh iadsan uile a tha ga d' shlugadh, air an slugadh, agus thèid do naimhdean uile, gach aon duibh ann am braighdeanas: bithidh iadsan a tha ga d' chreachadh 'n an creich, agus na h-uile a tha 'deanamh cobhartaich dhìot, bheir mise gu bhì 'n an cobhartach.

17 Oir aigaidh mi slàinte dhuit, agus leighisidh mi do chreuchdan, deir an Tighearn; ge do thubhairt iad riut Diobarach, Sion, ise de nach 'eil aig aon neach suim.

18 Mar so deir an Tighearn, Feuch, bheir mise air a h-ais daorsa phàillium Iacob,

agus air 'ionadan-còmhnuidh ni mi iochd, agus togar am baile air a thòrr féin, agus bithidh an luchart a réir a nòis féin air a daingeachadh.

19 Agus a mach asda thig buidheachas, agus guth na muinntir' a ni gairdeachas; agus ni mise fionnhor iad, agus cha bhi iad teare; ni mi fòs glòrmhor iad, agus cha bhi iad suarrach.

20 Bithidh a chlainn fòs mar roimhe so, agus bithidh a choimhthional air a dhaingeachadh ann am làthair-sa, agus ni mi peanas air gach neach a shàruicheas e.

21 Agus thig 'Uachdaran uath féin, agus thig 'fhear-riaghlaidh a mach as a mheadhon; agus tàirngidh mise e, agus thig e dlùth dhomh: oir cò e so a shoeruidh a chridhe air teachd am fagus dhomhsa? deir an Tighearn.

22 Agus bithidh sibhse 'n ur sluagh dhomhsa, agus bithidh mise ann am Dhia dhuibhse.

23 Feuch, tha cuairt-ghaath an Tighearn' a' dol a mach le corruich; cuairt-ghaath bhuan, a thuiteas le dòrainn air ceann nan ciontach.

24 Cha phill dian-chorruich an Tighearn' air a h-ais, gus an dean, agus gus an coimhion e rùn a chridhe: anns na làithibh deir-eannaeh bheir sibh so fainear.

CAIB. XXXI.

1 *Gheall Dia gu'n nochdadh e caoinhneas do Israel, 9 agus gu'n tìrèachadh e iad air slighe réidh. 15 Thugadh comhfhurtachd do Rachel 'n uair a bha i a' gul air son a cloinne. 18 Ghabh Ephraim aithreachas agus phill e a dh'ionnsuidh Dhé. 27 Càram an Tighearn a' eaglais.*

ANNS an àm sin, deir an Tighearn, bithidh mise ann am Dhia do uile theaghlachibh Israeil, agus bithidh iadsan dhomhsa 'n an sluagh.

2 Mar so deir an Tighearn, Fhuair an sluagh a dh'fhàgadh leis a' chlàidheamh, caoinhneas anns an fhàsach; eadhon Israel, 'n uair a chaidh mise a thoirt fois da.

3 O chéin dh'fhoillsicheadh Iehobhah dhomhsa, *ag ràdh*, Seadh, le gràdh sìorruidh ghràdhach mi thu; uime sin tharruing mi thu le caoinhneas gràdhach.

4 A ris togaidh mi thu, agus bithidh tu air do thogail, O òigh Israeil; a ris sgeadaichear thu le d' thiompanaibh, agus théid thu mach ann an dannsa na muinntir' a ni aithhear.

5 Suidhichidh tu fathast fion-lìosan air sléibhtibh Shamaria; suidhichidh an luchd-suidheachaidh, agus ithidh iad an toradh.

6 Oir thàinig an là, dh'éigh an luchd-faire air sliabh Ephraim; Eiribh, agus rachamaid suas gu Sion, a chum an Tighearn' ar Dia.

7 Oir mar so deir an Tighearn, Deanaibh iolach ann an Iacob le h-aoibhneas, agus

deanaibh luadh-ghair am measg rogha nan cinneach; cuiribh 'an céill, molaibh, agus abraibh, O Thighearna, saor do shluagh, iarmad Israeil.

8 Feuch, bheir mi iad o'n tìr mu thuath, agus tionaidh mi iad o chrìochaibh na talmhainn: an dall agus am bacach maille ri u, a' bhean thorrach, maraon agus ise a tha ri saothair; 'n an cuideachd mhòir pillidh iad.

9 Thig iad le gul, agus le caomhalachd ni mise an tìrèachadh; tìrèachidh mi iad ri taobh nan sruthan uisge, air slighe réidh, far nach faigh iad tuisleadh; oir tha mise ann am athair do Israeil; agus Ephraim, is esan mo cheud-ghin.

10 Cluimibh focal an Tighearna, O chinn-eacha, agus cuiribh 'an céill e anns na h-eileanaibh fad as, agus abraibh, Esan a sgap Israeil, ni e a chruinneachadh agus a choimhead, mar ni buachaille a threud.

11 Oir shaor an Tighearn Iacob, agus dh'fhuasgail se e o làimh an fhir a bu treise na e féin.

12 Uime sin thig iad agus seinnidh iad ann an àirde Shìoin, agus cruinnichidh iad ri 'chéile chum maitheis an Tighearn', air son cruithneachd, agus air son fìona, agus air son olaidh, agus air son àlach an treud agus na spréidhe: agus bithidh an anam mar ghàradh air uisgeachadh, agus cha dean iad air aon chor bròn ni's mò.

13 An sin ni an òigh gairdeachas anns an dannsa, na daoine òga, agus na seann daoine le 'chéile: oir tionndaidhidh mise am bròn gu h-aoibhneas, agus bheir mi dhoibh comhfhurtachd, agus ni mi sòlasach iad an dèigh an àmhghair.

14 Agus sàsuidh mi anam nan sagart le nithibh blasda, agus bithidh mo shluagh air an sàsachadh le mo mhaitheas, deir an Tighearn.

15 Mar so deir an Tighearn, Chualas guth ann an Ramah, caoidh, gul ro ghoirt; Rachel a' gul air son a cloinne; dhiùlt i comhfhurtachd air son a cloinne, a chionn nach 'eil iad ann.

16 Mar so deir an Tighearn, Cum do ghruth o chaoidh, agus do shùilean o dheuraibh: oir gheibh do shaothair duais, deir an Tighearn, agus thig iad a ris o thìr an nàmhaid.

17 Agus tha dòchas a thaobh do chrich dheireannaich, deir an Tighearn, gu'n tig do chlainn a ris gu'n crìochaibh féin.

18 Gu deimhin chuala mi Ephraim a' caoidh gu goirt, Smachdaich thu mi, agus bha mi air mo smachdachadh, mar dhamh nach do chleachd a' chuing: pill thusa mi, agus bithidh mi air mo philleadh; oir is tu an Tighearn mo Dhia.

19 Gu deimhin an dèigh dhomh 'bhi air mo philleadh, ghabh mi aithreachas; agus an dèigh dhomh 'bhi air mo theagasg, bhuail mi air mo léis; bha nàire orm, seadh fòs

geur-amhladh, a chionn gu'n do ghiùlain mi masladh m'òige.

20 Nach e Ephraim mo mhac caomh? nach leanabh ro thaitneach e? oir, o'n uair a labhair mi 'n a aghaidh, tha mi gu dùrachdach 'g a chuimhneachadh fathas: uime sin tha iomairt ann am chom air a shon: ni mi gu deimhlin trèacair air, deir an Tighearn.

21 Cuir suas dhuit féin comharan slighe; dean duit féin croinn àrda: cuir do chridhe ris an t-slighe, an t-slighe air an d'imich thu: pill a ris, O òigh Israeil, pill a ris dh'ionnsuidh do chaithrichean so.

22 Cia fhad a blithreas tu a' tionndadh mu'n cuairt, O a nìghean chùl-sleamhnach: oir chruthaich an Tighearn ni nuadh air an talamh, Ni bean fear a chuairteachadh.

23 Mar so deir Tighearn nan sluagh, Dia Israeil, Gnàthaichidh iad fathast a' chainnt so ann am fearann Iudah, agus 'n a bhailtibh, an uair a bheir mise air a h-ais am braidhdeanas, Gu'm beannaichadh an Tighearn thu, O àite-còmhnuidh a' cheartaais, O shléibh na naomhachd.

24 Agus ann an Iudah, agus 'n a uile bhailtibh, gabhaidh treabhachean còmhnuidh, agus luchd-coimhead nan treudan.

25 Oir shàsuich mise an t-anam tartmhòr, agus gach anam ocrach lìon mi.

26 An sin mhosgail, agus chumnaic mi, agus bha mo chodal taitneach dhomh.

27 Feuch, tha na làithean a' teachd, deir an Tighearn, anns an cur mise tigh Israeil, agus tigh Iudah le sìol duine agus le sìol ainmhidh.

28 Agus tarlaidh, amhuil a rinn mise faire os an ceann gu spionadh a nìos, gu briseadh, agus gu tilgeadh sìos, agus gu sgrios, agus gu claoidh; mar sin ni mi faire os an ceann, gu togail, agus gu suidheachadh, deir an Tighearn.

29 Anns na làithibh sin cha-n abair iad ni's mò, Dh'ith na h-aithrichean meas searbh, agus tha dèisinn air fìaclaibh na cloinne.

30 Ach gheibh gach aon bàs 'n a aingidheachd féin; gach aon a dh'itheas an caorann searbh, air fhìaclaibh-san bithidh dèisinn.

31 Feuch, tha na làithean a' teachd, deir an Tighearn, anns an dean mise coimheangal nuadh ri tigh Israeil, agus ri tigh Iudah:

32 Cha-n ann a réir a' choimheangail a rinn mi r'an aithrichibh, anns an là 's an do ghlac mi air làimh iad, a chum an toirt a mach à tìr na h-Eiphit; eadhon mo choimheangal a bhris iad, ged a bha mi a' m' fhear-pòsda dhoibh, deir an Tighearn:

33 Ach is e so an coimheangal a ni mi ri tigh Israeil; An déigh nan làithean sin, deir an Tighearn, cuiridh mi mo reachd 'n an taobh a stigh, agus sgriobhaidh mi air an eridheachan e, agus bithidh mise dhoibh-

san a'm' Dhia, agus bithidh iadsan dhomha 'n am pobull.

34 Agus cha tcaigais iad ni's mò, gach aon a choimhearsnach, agus gach aon a bhràthair, ag ràdh, Gabhaibh eòlas air an Tighearn; oir bithidh eòlas aca ormsa uile, o'n neach a's lugha, gus an neach a's mò dhiubh, deir an Tighearn: oir maithidh mise an aingidheachd, agus cha chuimhnich mi ni's mò an cionta.

35 Mar so deir an Tighearn, a tha 'toirt na gréine air son soluis anns an là, orduighean na gealaich agus nan reultan air son soluis anns an oidheche, 'tha 'deanamh na fairge ciùin, trà blithreas a tuinn a' beucaich; Tighearn nan sluagh is e 'ainm.

36 Ma dh'imicheas na h-orduighean so as mo shealladh-sa, deir an Tighearn, an sin cuideachd sguridh sìochd Israeil o bhi 'n an cìnnach am feasd ann am làthair.

37 Mar so deir an Tighearn, Ma dh'fhèudar na nèamhan shuas a thomhas, agus bun-aitean na talunhain shìos a rannsachadh a mach, an sin tilgidh mise uam mar an ceudna uile shìochd Israeil, air son gach ni a rinn iad, deir an Tighearn.

38 Feuch, tha na làithean a' teachd, deir an Tighearn, anns an togar am baile air son an Tighearn, o thòrr Hananeeil, gu geata na h-oisne.

39 Agus théid an t-sreang-thomhais fathasd a mach m'a choimcamh, thar sliabh Ghareib, agus cuairtichidh i steach Goat.

40 Agus gleann nan corp marbha gu h-ìomlan, agus na luathre, agus na machraichean uile gu sruthan Chidroin, gu oisinn geata nan each an taobh an ear, bithidh iad naomha do'n Tighearn: cha spionar a nìos, agus cha tilgear sìos e ni's mò gu bràth.

CAIB. XXXII.

1 'N uair bha Jeremiah air a dhruideadh suas 's a' phrìosan le Sedeciah, thug Dia ordugh dha achadh Hananeeil a cheannach. 13 Fhuair Baruch earail theann air sgrìobhaidhean na ceannachd a ghlèidheadh mar chomharadh gu'm pilleadh an sluagh d'an tìr féin. 16 Urnuigh Jeremiah. 26 Faisteachd mu thimcheall Israeil agus Iudah.

AM focal a thàinig gu Jeremiah o'n Tighearn anns an deicheamh bliadhna de linn Shedeciah rìgh Iudah, (b'i sin an t-ochdamh bliadhna-deug de linn Nebuchadnesair:)

2 Anns an àm 's an robh feachd rìgh Bhabiloim a' cuairteachadh Ierusalem, agus Jeremiah am fàidh air a dhruideadh suas ann an cùirt a' phrìosain a bha'n tigh rìgh Iudah.

3 Oir dhruid Sedeciah rìgh Iudah suas e, ag ràdh, C'uime am bheil thu ri faisteachd, agus ag ràdh, Mar so deir an Tighearn, Feuch, bheir mise am baile so do làimh rìgh Bhabiloim, agus glacadh esan e?

4 Agus cha téid Sedeciah rìgh Iudah as o

làmh nan Caldéach, aeh bheirear suas e gu deimhin do làmh rìgh Bhabiloin, agus labhraidh e ris, beul ri beul, agus ehi a shùilean a shùilean-san.

5 Agus bheir e leis Sedeciah gu Babilon, agus an sin bithidh e gus an tig mise 'g a amharc, deir an Tighearn: ged ghleachd sibh ris na Caldéich, cha bhuadhaich sibh.

6 Agus thubhairt Ieremiah, Thàinig focal an Tighearn' a m' ionnsuidh, ag ràdh,

7 Feuch, thig Hanameel mac Shalum, bràthar d'athar, do d' ionnsuidh, ag ràdh, Ceannaich dhuit féin m' achadh-sa a tha ann an Anatot, oir is leat eòir 'fhuasglaidh, gus a cheannach.

8 Agus thàinig Hanameel, mae bhràthar m' athar a m' ionnsuidh ann an eùirt a' phrìosain, a réir focail an Tighearn', agus thubhairt e rium, Ceannaich, guidheam ort, m'achadh a tha ann an Anatot, ann an dùthaich Bheniamin: oir is leatsa a' chòir-sheilbhe, agus is leatsa a fhuasgladh, ceannaich e dhuit féin: an sin dh'athainich mi gu'm b'e so focal an Tighearna.

9 Agus cheannaich mi achadh Hanameel, mhic bhràthar m' athar, a bha ann an Anatot, agus thomhais mi dha an t-airgiod, seachd seicil deug airgid.

10 Agus chuir mi mo làmh ris an sgrìobhadh, agus sheulaich mi e, agus ghabh mi fianuisean, agus ehothromaich mi an t-airgiod air a' mheigh.

11 Agus ghabh mi dearbhadh a' cheannaich, e sin anns an robh an gnothuch agus na cùmhnantan seulaichte, agus e sin a bha fosgailte.

12 Agus thug mi dearbhadh a' cheannaich do Bharuch mac Neriah, mhic Mhaaseiah, ann an sealladh Hanameel mhic bhràthar m' athar, agus 'an làthair nam fianuiséan, a chuir an làmh ri leabhar a' cheannaich, 'an làthair nan Iudhaich uile a bha 'n an suidhe ann an eùirt a' phrìosain.

13 Agus thug mi earail theam do Bharuch 'n an làthair, ag ràdh,

14 Mar so tha Tighearn nan sluagh, Dia Israeil, ag ràdh, Gabh na sgrìobhaidhean so, sgrìobhadh so na ceannachd, araon e sin a tha seulaichte, agus an sgrìobhadh so a tha fosgailte, agus cuir iad ann an soitheach criadha, ehum gu mair iad mòran làithean.

15 Oir mar so deir Tighearn nan sluagh, Dia Israeil, Sealbhaichear tighean, agus machraichean, agus fion-liosan anns an tìr so fathasd.

16 A nis an uair a thug mi seachad sgrìobhadh na ceannachd do Bharuch mac Neriah, rinn mi urnuigh ris an Tighearn, ag ràdh,

17 Ah, a Thighearna Dhia, feuch, rinn thusa nèamh agus an talamh le d' mhòr chumhachd agus le d' ghairdean sìnte mach, agus cha-n'eil ni sam bith tuilleadh's cruaidh ort.

18 Taisbeanaidh tu caoimhneas gràdhach do mhiltibh, agus dìolaidh tu aingidheachd nan aithrichean ann an uehd an cloinne 'n an déigh; an Dia mòr, eumhaehdaeh, do'n ainm Tighearn nan sluagh.

19 Mòr ann an comhairle, agus cumhaehdaeh ann an gnìomh, (oir tha do shùilean fosgailte air uile shlighibh chloinn nan daoine, a thoirt do gach aon a réir a shlighe, agus a réir toraidh a ghnìomharan;)

20 A dh'fhoillsich comharan agus mìorbhuilean ann an tìr na h-Eiphit, gus an là an diugh, agus ann an Israel, agus am measg dhaoine, agus a rinn duit féin ainm, mar air an là 'n diugh;

21 Agus a thug a mach do shluagh Israel á tìr na h-Eiphit le comharaibh, agus le mìorbhuilibh, agus le làmh làidir, agus le gairdean sìnte a mach, agus le h-uamhas mòr;

22 Agus a thug dhoibh am fearann so, a mhionnaich thu do'n aithricibh gu'n tugadh tu dhoibh, fearann a' sruthadh le bainne agus le mìl;

23 Agus thàinig iad a steach, agus shealbhaich iad e; aeh cha d' thug iad géill do d' ghuth-sa, ni mò 'ghluais iad ann ad reachd; cha d'rinn iad ni sam bith de na h-uile nithibh a dh'athain thusa dhoibh a dheanamh; uime sin thug thu an t-òle so uile crara.

24 Feuch na h-innill-bhrisidh, tha iad air teaid a chum na caithreach gus a glacadh, agus tha am baile air a thoirt do làmh nan Caldéach a tha 'eogadh 'n a aghaidh, air son a' ehlaidheimh, agus na gorta, agus na plàighe; agus an ni a labhair thu, thàinig e gu crìch; agus, feuch, tha thusa 'g a fhairinn.

25 Gidheadh thubhairt thu riumsa, (O Thighearna Dhia,) Ceannaich dhuit féin an t-achadh air son airgid, agus gabh fianuiséan: an uair a tha am baile air a thoirt thairis do làmh nan Caldéach.

26 An sin thàinig focal an Tighearna gu Ieremiah, ag ràdh.

27 Feuch, is mise an Tighearn, Dia na h-uile fheòla: am bheil ni sam bith tuilleadh's cruaidh ormsa?

28 Uime sin, mar so deir an Tighearn, Feuch, bheir mi am baile so do làmh nan Caldéach, agus do làmh Nebuchadnesair rìgh Bhabiloin, agus glacaidh e e:

29 Agus thig na Caldéich a tha 'eogadh an aghaidh na caithreach so, agus cuiridh iad teime rithe, agus loisgidh iad i, maille ris na tighibh far an do loisg iad tùis air am mullach do Bhaal, agus air an do dhòirt iad tabhartasan-dìbhe a mach do dhiathaibheile, ehum mise a bhrosnueadh gu feirg.

30 Oir cha d'rinn clann Israeil, agus clann Iudah aeh ole a mhàin ann am fianuis-sa o'n òige: oir cha d'rinn clann Israeil aeh a mhàin mo bhrosnueadh gu feirg le obair an làmh, deir an Tighearn.

31 Oir bha am baile so dhomhsa 'na aobhar feirge agus corruich, o'n là 's an do thog iad e eadhon gus an là an diugh; a chum gu'n atharraichinn e as mo shealladh;

32 Air son uile aingidheachd cloinne Israeil, agus cloinne Iudah, a rinn iad a chum mise a bhrosnachadh gu corruich, iad féin, an rìghrean, an uachdarain, an sàgatan, agus am fàidhean, agus muinntir Iudah, agus luchd-àiteachaidh Ierusalem.

33 Agus thionndaidh iad riumsa an càl, agus cha-n i an aghaidh; ged a theagaisg mi iad, ag éirigh gu moch agus a' teagasg, gidheadh cha d' éisd iadsan, a ghabhail teagasg.

34 Ach shuidhich iad an gràineileachdan anns an tigh a tha air 'ainmeachadh ormsa, chum a thruailleadh.

35 Agus thog iad ionadan àrda Bhaail, a tha ann an gleann mhic Hinoim, a thoirt air am mic agus air an nigheanan dol troimh an teine do Mholoch; ni nach d'aithn mise dhoibh, agus nach d'thàinig idir ann am aire; a' cur 'an gnìomh na gràineileachd so, gu cionta 'thoirt air Iudah.

36 Agus a nis uime sin, mar so deir an Tighearn Dia Israeil, a thaobh na caithreach so, mu 'm bheil sibhse ag ràdh, Bithidh i air a toirt thairis do làimh rìgh Bhabailoin, leis a' chlàidheamh, agus leis a' ghort, agus leis a' phlàigh;

37 Feuch, tionailidh mise iad as na h-uile dhùtechaibh gus an d' fhògair mi iad ann am dhiomb, agus ann am corruich, agus ann am mhòr-fheirg; agus bheir mi chum an àite so iad a ris, agus bheir mi orra còmhnuidh a ghabhail gu tèaruainte.

38 Agus bithidh iad dhomhsa 'n an sluagh, agus bithidh mise dhoibhsan a'm' Dhia.

39 Agus bheir mi dhoibh aon chridhe, agus aon slighe, a chum gu 'm bi m' eaglas gu bràth orra, chum an leas féin, agus leas an cloinne 'n an déigh.

40 Agus ni mi riù còmhcheangal sìorruidh, nach pill mi air faibh uatha, chum maith a dheanamh dhoibh; agus cuiridh mi m' cagal 'n an cridhe, chum nach dealaich iad rium.

41 Seadh, ni mi gairdeachas os an ceann chum maith a dheanamh dhoibh, agus suidhichidh mi iad anns an fhearann so gu deimhin, le m' uile chridhe, agus le m' uile anam.

42 Oir mar so deir an Tighearn, Amhuil a thug mi an t-òle mòr so uile air an t-sluagh so, is amhluidh a bheir mi orra am maith sin uile a gheall mi dhoibh.

43 Agus ceannaichear achaidhean anns an fhearann so, mu 'm bheil sibhse ag ràdh, Tha e fàs gun duine no ainmhidh: tha e air a thoirt do làimh nan Caldéach.

44 Ceannaichidh daoine achaidhean air son airgid, agus cuiridh iad an làmh ri

sgriobhaidhean, agus seulaichidh iad, agus gabhaidh iad fianuiscan ann am fearann Bheniamin, agus anns na h-àiteachaibh dlùth do Ierusalem, agus ann am bailtibh Iudah, agus ann am bailtibh nam beann, agus ann am bailtibh a' chòmhnaidh, agus ann am bailtibh na h-àirde deas: oir bheir mise air a h-ais am braighdeanas, deir an Tighearn.

CAIB. XXXIII.

1 *Dhaingnich Dia a ghealladh do na h-Iudhaich gu'm pilladh iad o'm braighdeanas, 10 agus gu'n chuinnteadh a ris 'n am fearann guth an aobhneis agus an t-subhachais. 15 Tha Crìod air a ghealltainn. 19 Bithidh an còmhcheangal a rinn Dia ri Daibhidh seasmach gu bràth.*

OS bàrr, thàinig focal an Tighearna gu Ieremiah an dara uair, (an trà 'bha e fathas air a dhruideadh suas ann an cùirt a' phrìosain,) ag ràdh,

2 Mar so deir an Tighearn a rinn e, an Tighearn a dhealb e, a tha fòs 'g a dhaingneachadh; is e 'ainm Ichobhah;

3 Gladh riumsa, agus freagraidh mi thu, agus feuchaidh mi dhuit nithean mòra agus cumhachdach, air nach 'eil thu eòlach.

4 Oir mar so tha an Tighearn, Dia Israeil, ag ràdh, a thaobh thighean a' bhaile so, agus a thaobh thighean rìghrean Iudah, a tha air an tilgadh sìos leis na h-innibhrisidh, agus leis a' chlàidheamh;

5 A tha air teachd gu cogadh air taobh nan Caldéach, agus gu'n lìonadh le corpaibh marbha nan daoine a bhuail mise ann am fheirg, agus ann am corruich, agus a thug orm, air son an uile aingidheachd, mo ghnùis fhòlach o'n bhaile so:

6 Feuch, bheir mi dha slàinte agus leigh-eas, agus ni mi an slànuchadh; agus nochdaidh mi dhoibh pailteas sìthe agus firinn.

7 Agus bheir mi air a h-ais braighdeanas Iudah, agus braighdeanas Israeil; agus togaidh mi iad mar air tùs.

8 Agus glanaidh mi iad o'n uile aingidheachd, leis an do chiontaich iad a'm' aghaidh; agus maithidh mi an uile lochdan, leis an do pheacaich iad, agus leis an d'rinn iad ceannaire a'm' aghaidh.

9 Agus bithidh am baile so dhomhsa 'n a ainm sòlais, 'n a mholadh, agus 'n a mhaise, am measg uile chinneach na talmhainn, a chluinneas gach uile mhaith a ni mise dhoibh: agus bithidh eagal agus crith orra, air son an uile mhaithis, agus air son an uile shoirbheachaidh a dheònaicheas mise dhoibh.

10 Mar so deir an Tighearn, a ris chuinnear anns an àite so, (mu 'm bheil sibhse ag ràdh, Tha e fàs gun duine agus gun ainmhidh, eadhon ann am bailtibh Iudah, agus ann an sràidibh Ierusalem, a tha fàs, gun duine, cadhon gun fhear-àiteachaidh, agus gun ainmhidh.)

11 Guth aoibhneis, agus guth subhachais, guth an fhlir nuadh-phòsda, agus guth na mnà nuadh-pòsda; guth na muinntir a their, Molaibhs Tighearn nan sluagh, oir tha an Tighearn maith, oir tha a thròcair buan gu sìorruidh; agus na muinntir a bheir an iobairt-mholaidh gu tigh an Tighearna: oir bheir mise air a h-ais daorsa an fhearainn, mar air tùs, deir an Tighearn.

12 Mar so deir Tighearn nan sluagh, Fathasd anns an àite so a tha fàs, gun duine agus gun ainmhidh, agus 'n a uile bhaitibh, bithidh àite-còmhnuidh nam buachaille an a' toirt air an treudan luidhe sìos.

13 Ann am bailtibh nam beann, agus ann am bailtibh a' chòmhnaird, agus ann am bailtibh na h-àirde deas, agus ann am fear-ann Bheniamin, agus anns na h-ionadaibh timchioll Ierusalem, agus ann am bailtibh Iudah, sìubhlaidh na treudan a ris fo làimh an tì a nì an àireamh, deir an Tighearn.

14 Feuch, tha na làithean a' teachd, deir an Tighearn, anns an còmhlon mise an nì maith sin a gheall mi do thigh Israeil, agus do thigh Iudah.

15 Anns na làithibh sin, agus anns an àm sin, bheir mise air Meanglan fireantachd fàs suas do Dhaibhidh, agus cuiridh e 'an gnìomh breitheanas agus ceartas air an talamh.

16 Anns na làithibh sin tèarnar Iudah, agus gabhaidh Ierusalem còmhnuidh ann an tèaruinteachd: agus is e so esan ris an goirear IEREMIAH AR FIREANTACHD.

17 Oir mar so tha Iehobhah ag ràdh, Cha bhi gu bràth a dh'uireasbhuidh air Daibhidh duine a shuidheas air rìgh-chaithir tìghe Israeil;

18 Nì mò bhitheas na sagartan na Lebhitich gun duine ann am làthair-sa, a dh'ìobradh thabhartas-loisgte, agus a losgadh thabhartas-bìdh, agus a dheanamh iobairt an còmhnuidh.

19 Thàinig focal an Tighearna fòs gu Ieremiah, ag ràdh,

20 Mar so deir an Tighearn, Ma dh'fheadar leibh mo choimhcheangal-sa ris an là a bhriseadh, agus mo choimhcheangal ris an oidhche, agus nach bi là no oidhche ann 'n an àm fèin;

21 An sin fòs feudar mo choimhcheangal-sa ri Daibhidh m' òglach a bhriseadh, gun mhac a bhi aige gu riaghladh air a rìgh-chaithir; agus ris na Lebhitich na sagartan, mo luchd-frithealaidh.

22 Mar nach feud feachd nèimh a bhi air àireamh, no gaineamh na fairge 'bhi air a tomhas: is amhluidh a nì mise lìonmhor sìochd Dhaibhidh m' òglach, agus na Lebhitich a tha 'frithealadh dhomh.

23 Os bàrr, thàinig focal an Tighearna gu Ieremiah, ag ràdh,

24 Am bheil thu 'toirt fainear eiod a tha'n sluagh so a' labhairt, ag ràdh, An dà theaghlach a ròghnaich an Tighearn, rinn e an tilgeadh uaith? agus rinn iad dì-meas air mo shluagh-sa, air chor as nach 'eil iad 'g an meas nì's mò mar chinneach.

25 Mar so tha an Tighearn ag ràdh, Mur 'eil mo choimhcheangal-sa ris an là agus ris an oidhche; reachdan nèimh agus taluainn mur do shocruidh mi;

26 An sin tilgidh mi uam sìochd Iacoib, agus Dhaibhidh m' òglach, gun aon d'a shìochd a ghabhail, gu bhli 'n an luchd-riaghlaidh thar sìochd Abraham, Isaac, agus Iacoib: oir bheir mi air a h-ais an bruid, agus nì mi tròcair orra.

CAIB. XXXIV.

1 *Roinh-innis am fàidh sàrios Ierusalem, agus d'ann Shedeciah. 8 Leig na h-uachdarain d'an òglach agus d' am banoglaich falbh saor a réir a' choimhcheangail. 11 Ach thug iad fo smachd iad a ris. 12 Ghairm am fàidh saorsa do'n chlàidheamh, do'n phlàigh, agus do'n ghort an aghaidh nan Iudhach.*

AM focal a thàinig gu Ieremiah o'n Tighearn, (n uair a chog Nebuchadnesar rìgh Bhabiloìn, agus uile fheachd, agus uile rìoghachdan an domhain a bha fo thighearnas, agus na slòigh uile, an aghaidh Ierusalem, agus an aghaidh a h-uile bhait-ean,) ag ràdh,

2 Mar so tha an Tighearn, Dia Israeil, ag ràdh, Imich, agus labhair ri Sedeciah rìgh Iudah, agus abair ris, Mar so deir an Tighearn, Feuch, bheir mise am baile so do làimh rìgh Bhabiloìn, agus loisgidh e le teine e:

3 Agus thusa, cha téid thu as o' làimh, ach bithidh tu gu cinnteach air do ghlaicadh, agus air do thoirt thairis d'a làimh, agus chì do shùilean sùilean rìgh Bhabiloìn, agus labhraidh e riut beul ri beul, agus falbhaidh tu gu Babilon.

4 Gidheadh cluinn focal an Tighearna, O Shedeciah, a rìgh Iudah; Mar so deir an Tighearn do d' thaobh-sa, Cha-n fhaigh thu bàs leis a' chlàidheamh;

5 Gheibh thu bàs ann an sìth; agus a réir losgaidh d' aithrichean, na rìghrean roimhe so, a bha air thoiseach ortsa, is amhluidh a loisgear tùis dhuitse; agus nì iad caoidh air do shon, *ag ràdh*, Och a thighearna! oir labhair mise am focal, deir an Tighearn.

6 Agus labhair Ieremiah am fàidh na briathran so uile ri Sedeciah rìgh Iudah, ann an Ierusalem,

7 An uair a chog feachd rìgh Bhabiloìn an aghaidh Ierusalem, agus an aghaidh uile bhailtean Iudah a bha air am fàgail, an aghaidh Lacheis, agus an aghaidh Aseciah: oir mbair iad so de bhaitibh Iudah 'n am bailtibh daingnichte.

8 Am focal a thàinig gu Ieremiah o'n Tighearn,

earn, an dèigh do rìgh Sedeciah coimh-cheangal a dheanamh ris an uile shluagh a bha ann an Ierusalem, a dh'èigheach saorsa dhoibh;

9 A chum gu'n leigeadh gach duine d'a òglach, agus gach duine d'a bhanoglaich, Eabhrach no ban-Eabhrach, falbh saor, gun neach a ghabhail seirbhis diubh, gach aon de Iudhach a bhràthair.

10 A nis, an uair a chuala na h-uachdarain uile, agus an sluagh uile a thionnsgain anns a' choimhcheangal, gu'n leigeadh gach duine d'a òglach, agus gach duine d'a bhanoglaich falbh saor, nach gabhadh aon seirbhis diubh ni bu mhò, an sin thug iad géill, agus leig iad air falbh iad.

11 Ach thionndaidh iad a rìs, agus thug iad air na h-òglaich, agus air na banoglaich, a leigeadh air falbh saor, pilleadh air an ais, agus thug iad fo smachd iad, a chum a bhi 'n an òglaich, agus 'n am banoglaich.

12 Uime sin thàinig focal an Tighearna gu Ieremiah, ag ràdh,

13 Mar so tha an Tighearna, Dia Israeil, ag ràdh, Rinn mise coimhcheangal ri 'ur n-aithrichibh anns an là 's an d'thug mi iad a mach á tir na h-Eiphit, á tigh nan daor, ag ràdh,

14 'An ceann sheachd bliadhna, leigibh a chead, gach aon d'a bhràthair Eabhrach, a bha air a reic riut: an uair a bheir e seirbhis duit sè bliadhna, leigidh tu dha falbh uait saor. Ach cha d'èisd 'ur n-aithrichean riumsa, ni mò dh'aom iad an cluas.

15 Agus bha sibh a nis air pilleadh, agus air deanamh gu ceart ann am shealladh-sa, le saorsa a ghlaodhaich, gach neach d'a choimhearsnach; agus rinn sibh coimhcheangal ann am fhianuis, anns an tigh a tha air a ghairm air m' ainm:

16 Ach phill sibh, agus thruaill sibh m' ainm, agus thug sibh, gach aon air 'òglach, agus gach aon air a bhanoglaich, a leig e saor uaith gu 'thoil féin, pilleadh air an ais; agus chuir sibh fo smachd iad, gu 'bhi dhuibh 'n an òglaich agus 'n am banoglaich.

17 Air an aobhar sin, mar so deir an Tighearna, Cha d'èisd sibh riumsa ann an saorsa a ghlaodhach, gach aon d'a bhràthair, agus gach aon d'a choimhearsnach: feuch do 'ur taobh-se tha mise a' glaodhach saorsa, deir an Tighearna, do'n chlaidheamh, do'n phlàigh, agus do'n ghort; agus bheir mi oirbh 'bhi air 'ur luasgadh air feadh uile rioghachdan an domhain.

18 Agus bheir mi a' mhuinntir a bhris mo choimhcheangail, nach do choinnillion briathran a' choimhcheangail a rinn iad ann am làthair-sa, 'n uair a ghearr iad an laogh 'n a dhà leth, agus a dh'imich iad eadar a bhloighdean,

19 Ceannardan Iudah, agus ceannardan Ierusalem, agus na cailteanaich, agus na sagartan, agus uile shluagh an fhearainn a dh'imich eadar bloighdean an laogh;

20 Bheir mi cadhon iad sin do làimh an naimhdean, agus do làimh na muinntir a tha 'g iarraidh an anama; agus bithidh an cairbhean mar bhiadh do eunlaith an athair, agus do bheathaichibh na talmhainn.

21 Agus Sedeciah rìgh Iudah, agus a phrionnsachan, bheir mise do làimh an naimhdean, agus do làimh na muinntir a tha 'g iarraidh an anama, cadhon do làimh feachdan rìgh Bhabiloin, a tha air imeachd suas uaibh.

22 Feuch, bheir mise àithne, deir an Tighearna, agus bheir mi orra pilleadh air an ais do'n bhaile so; agus cogaidh iad 'n a aghaidh, agus glacadh iad e, agus loisgidh iad e le teine; agus bailtean Iudah ni mi 'n an làraich luim gun aon neach 'g an àiteachadh.

CAIB. XXXV.

1 *Le àmhhlachd nan Rechabach do àithne an athar, 12 dhiteadh na h-Iudhaich air son an eas-àmhhlachd do Dhia. 18 Bheannaich Dia na Rechabach.*

AM focal a thàinig gu Ieremiah o'n Tighearna, ann an làithibh Iehoiaxim mhic Iosiah rìgh Iudah, ag ràdh,

2 Imich gu tigh nan Rechabach, agus labhair riu, agus thoir iad a chum tighe an Tighearna, gu aon de na seòmraichibh, agus thoir dhoibh fion r'a òl.

3 An sin ghabh mi Iaasaniah mac Ieremiah, mhic Habasiniah, agus a bhràithrean, agus uile mhic, agus uile theaghlach nan Rechabach;

4 Agus thug mi iad gu tigh an Tighearna, gu seòmair mhac Hanain, mhic Igdaliah, òglaich Dhé, a bha ri taobh seòmair nan uachdaran, a bha os ceann seòmair Mhaaseiah mhic Shalum, fir-gleidhidh an doruis;

5 Agus chuir mi air beulaobh mhac tighe nan Rechabach soirceanan làn fiona, agus copain; agus thubhairt mi riu, Olaibh fion.

6 Ach thubhairt iadsan, Cha-n òl sinn fion: oir thug Ionadab mac Rechaib ar n-athair, àithne dhuinn, ag ràdh, Na h-òlaibhse fion, sibh féin no 'ur mic gu bràth.

7 Ni mò thogas sibh tigh, no 'chuireas sibh siol, no 'shuidhicheas sibh fion-lios, no bhitheas aon agaibh; ach fad 'ur n-uile làithean ni sibh còmhnuidh ann am bùth-aibh, a chum gu mair sibh mòran làithean 's an fhearann anns am bheil sibh 'n 'ur coigrich.

8 Agus thug sinn géill do ghuth Ionadab mhic Rechaib ar n-athar, anns gach ni a chuir e mar fhiachaibh oirn, gun fhìon air bith òl fad ar n-uile làithean, sinn féin, ar mnathan, ar mic, no ar nigheanan;

9 No tighean a thogail duinn féin gu còmhnuidh 'ghabhail anna: uì mò 'tha againn fion-lios, no achadh, no siol.

10 Ach ghabh sinn còmhnuidh ann am bùthaibh, agus thug sinn géill, agus rinn sinn a réir gach ni a dh'àithn ar n-athair Ionadab dhuinn.

11 Ach tharladh, an uair a thàinig Nebuchadnesar rìgh Bhabìloin a mìos do'n fhearann, gu'n dubhairt sinn, Thigibh, agus rachamaid gu Ierusalem, air eagal feachd nan Caldéach, agus air eagal feachd nan Sirianach: air an aobhar sin tha sinn a' chòmhnuidh ann an Ierusalem.

12 An sin thàinig focal an Tighearna gu Ieremiah, ag ràdh,

13 Mar so tha Tighearn nan sluagh, Dia Israeil, ag ràdh, Imich agus abair ri fearaibh Iudah, agus ri luchd-àiteachaidh Ierusalem, Nach gabh sibh ri teagas, a thoirt éisdeachd do m' bhriathraibh-sa! deir an Tighearn.

14 Tha briathran Ionadaib mhic Rechaid, a dh'àithn e d'a mhacaibh, gun fhìon òl, air an coimhlionadh; oir gus an là an diugh cha-n òl iad *fìon sam bith*, ach tha iad ùmhal do àithne an athar: gidheadh labhair mise ruibhse, ag éirigh gu moch agus a' labhairt, ach cha d'éisd sibh rium.

15 Chuir mi d'ur n-ionnsuidh mar an ceudna m' uile sheirbhisich na fàidhean, ag éirigh gu moch agus 'g an cur a mach, ag ràdh, Pillibh a nis, gach aon o 'dhroch shlighe, agus leasaichibh 'ur deanadas, agus na rachaibh air lorg dhìathan eile gu seirbhis a thoirt doibh, agus gabhaibh còmhnuidh anns an fhearann a thug mise dhuibh, agus d'ur n-aitrichibh: ach cha d'aom sibh 'ur cluas, ni mò 'thug sibh éisdeachd dhomh.

16 A chionn gu'n do choimhlion mic Ionadaib, mhic Rechaid, àithne an athar, a dh'àithn e dhoibh, ach nach d'éisd an sluagh so riumsa;

17 Air an aobhar sin, mar so deir Iehobhah Dia nan sluagh, Dia Israeil; Feuch, bheir mise air Iudah, agus air uile luchd-àiteachaidh Ierusalem, an t-òlc sin uile a labhair mi'n an aghaidh: a chionn gu'n do labhair mi riu, ach nach d'éisd iad; agus gu'n do ghlaodh mi riu, ach nach do fhreagair iad.

18 Agus ri teaghlach nan Rechabach thubhairt Ieremiah; Mar so deir Tighearn nan sluagh, Dia Israeil, A chionn gu'n d'thug sibhse géill do àithne Ionadaib 'ur n-athar, agus gu'n do choimhid sibh 'uile iarrtuais, agus gu'n d'rinn sibh a réir gach ni a dh'àithn e dhuibh:

19 Uime sin mar so deir Tighearn nan sluagh, Dia Israeil, Cha bhì Ionadab mac Rechaid gun duine aige gu seasamh ann an lathair-sa gu bràth.

CAIB. XXXVI.

1 Sgrìobh Baruch fàidheadaireachd Ieremiah air clàr, agus leugh e i 'an éisdeachd an t-sluaigh. 11 Chuir na h-uachdarain fìos gu Baruch, agus leugh e an clàr 'n an éisdeachd. 20 Loisg an rìgh an clàr. 31 Sgrìobh Baruch air clàr eile uile bhriathran a' cheud chàir.

A GUS tharladh ann an ceathramh bliadhna Iehoiachim mhic Iosiah rìgh Iudah,

gu'n d'thàinig am focal so gu Ieremiah o'n Tighearn, ag ràdh,

2 Gabh dhuìt clàr-sgrìobhaidh, agus sgrìobh ann na h-uile bhriathran a labhair mise riut an aghaidh Israeil, agus an aghaidh Iudah, agus an aghaidh nan uile chiunn-each, o'n là 's an do labhair mi riut ann an làithibh Iosiah, eadhon gus an là 'n diugh.

3 Theagamh gu'n tabhair tigh Iudah faineas an t-òlc sin uile a th'ann am aire-sa 'dheanamh orra; air chor as gu'm pill iad, gach aon o 'dhroch shlighe, agus gu'm maith mise an aingidheachd agus am peacadh.

4 An sin ghairm Ieremiah Baruch mac Neriah; agus sgrìobh Baruch o bheul Ieremiah uile bhriathran an Tighearn, a labhair e ris, air clàr-sgrìobhaidh.

5 Agus dh'àithn Ieremiah do Bharuch, ag ràdh, Tha mise air mo dhruideadh suas, cha-n urrainn mi dol gu tigh an Tighearna:

6 Uime sin, imich thusa agus leugh anns a' chlàr a sgrìobh thu o m' bheul-sa, briathran an Tighearna ann an éisdeachd an t-sluaigh, ann an tigh an Tighearna, air là an traisg: agus fòs leughaidh tu iad ann an éisdeachd Iudah uile a thig a mach as am bailtibh.

7 Theagamh gu'n cuir iad suas an ath-chuinge an lathair an Tighearna, agus gu'm pill iad, gach aon o 'dhroch shlighe; oir is mòr an fhicarg, agus a' chorruiach a labhair an Tighearn an aghaidh an t-sluaigh so.

8 Agus rinn Baruch mac Neriah a réir gach ni a dh'àithn Ieremiah am fàidh dha, a' leughadh anns an leabhar briathran an Tighearna ann an tigh an Tighearna.

9 Agus tharladh ann an cùigeamh bliadhna Iehoiachim mhic Iosiah rìgh Iudah, anns an naothamh mìos, gu'n d'éigh iad trasg an lathair an Tighearna, an sluagh uile a bha ann an Ierusalem, agus an sluagh uile a thàinig o bhailtibh Iudah gu Ierusalem.

10 An sin leugh Baruch anns an leabhar briathran Ieremiah ann an tigh an Tighearna, ann an sòmar Ghemariah mhic Shaphain an sgrìobhaiche, anns a' chùirt uachdaraich, aig dol a steach geata nuaidh tìghe an Tighearna, ann an éisdeachd an t-sluaigh uile.

11 Agus chuala Michaiach mac Ghemariah, mhic Shaphain, uile bhriathran an Tighearna as an leabhar,

12 Agus chaidh e sìos gu tigh an rìgh, gu sòmar an sgrìobhaiche; agus, feuch, bha na h-uachdarain uile 'n an suidhe an sin, Elisama an sgrìobhaiche, agus Delaiah mac Shemaiah, agus Elnatan mac Achboir, agus Gemariah mac Shaphain, agus Sedeciah mac Hananiah, agus na h-uaislean uile.

13 An sin chuir Michaiach 'an cèill doibh na h-uile bhriathran a chual' e, 'n uair a leugh Baruch an leabhar ann an éisdeachd an t-sluaigh.

14 Agus chuir na h-uachdarain uile Iehudi

mac Netaniah, mhic Shelemiah, mhic Chusi, gu Baruch, ag ràdh, Glac ann ad làimh an clàr 's an do leugh thu ann an éisdeachd an t-sluaigh, agus thig. Agus ghabh Baruch mac Neriah an clàr 'n a làimh, agus thàinig e do'n ionnsuidh.

15 Agus thubhairt iad ris, Suidh sìos a nis, agus leugh e 'n ar n-éisdeachd. Agus leugh Baruch 'n an éisdeachd.

16 A nis tharladh, an uair a chuala iad na h-uile bhriathran, gu'n d'amhaire iad le h-eagal, gach aon air a chéile; agus thubhairt iad ri Baruch, Innsidh sinn gu deimhin do'n rìgh na briathran so air fad.

17 Agus dh'fhèoraich iad de Bharuch, ag ràdh, Innis duinn a nis cionnus a sgrìobh thu na briathran so uile o 'bheul?

18 Agus fhreagair Baruch iad, Labhair e rium le 'bheul na briathran so uile, agus sgrìobh mi iad le dubh ann an leabhar.

19 An sin thubhairt na h-uachdarain ri Baruch, Falbh, agus folaich thu féin, thusa agus Ieremiah; agus na bitheadh fios aig aon neach c'ait am bi sibh.

20 Agus chaidh iad a steach a chum an rìgh do'n chùirt, ach thaisg iad suas an clàr ann an seòmar Elisamah an sgrìobhaiche; agus dh'innis iad na h-uile bhriathran ann an éisdeachd an rìgh.

21 An sin chuir an rìgh Iehudi a thoirt a' chlàir d'a ionnsuidh, agus thug e a seòmar Elisamah an sgrìobhaiche e, agus leugh Iehudi e ann an éisdeachd an rìgh, agus ann an éisdeachd nan uile uachdaran a sheas ri taobh an rìgh.

22 Agus bha'n rìgh 'n a shuidhe anns an tigh gheamhraidh, anns an naothamh mìos, agus bha teinntean fa' chomhair le éibhlìbh teine.

23 Agus tharladh an uair a leugh Iehudi trì no ceithir earrannan, gu'n do ghearr e leis an sgein-phinn e, agus thilg e anns an teine a bha air an teinntean e, agus an robh an clàr gu h-iomlan air a chaitheamh anns an teine a bha air an teinntean.

24 Ach cha do ghabh iad eagal, ni mò reub iad an trusgain, aon cluid an rìgh, no aon d'a sheirbhisich a chuala na briathran so uile.

25 Agus ge do rinn Elnatan, agus Delaiah, agus Gemariah eadar-ghuidhe ris an rìgh, nach loisgeadh e an clàr, gidheadh cha-n éisdeadh e riu.

26 Agus dh'àithn an rìgh do Ierahmeel mac Hameleach, agus do Sheraiah mac Asricil, agus do Shelemiah mac Abdeil, Baruch an sgrìobhaiche agus Ieremiah an fàidh a ghlacadh: ach dh'fholaich an Tighearn iad.

27 An sin thàinig focal an Tighearna gu Ieremiah, (an déigh do'n rìgh an clàr agns na briathran a sgrìobh Baruch o bheul Ieremiah a losgadh,) ag ràdh,

28 Gabh thugad a ris clàr eile, agus

sgrìobh ann na h-uile bhriathran ceudna 'bha 's a' cheud chlàr, a loisg Iehoiacim rìgh Iudah.

29 Agus their thu ri Iehoiacim rìgh Iudah, Mar so deir an Tighearn, Loisg thu 'n clàr so, ag ràdh, C'uime an do sgrìobh thu ann, ag ràdh, Thig rìgh Bhabiloìn gu deimhin, agus sgrìosaidh e am fearann so, agus gearraidh e gach duine agus gach beathach a mach as?

30 Air an aobhar sin, mar so deir an Tighearn a thaobh Iehoiacim rìgh Iudah, Cha bhi aige neach a shuidheas air rìgh-chaithir Dhaibhidh, agus tilgear a chlosach a mach a chum an teas anns an là, agus a chum an reothlaidh anns an oidhe.

31 Agus ni mise peanas air féin agus air a shliochd, agus air a sheirbhisich, air son an eusaontais, agus bheir mi orra-san, agus air luchd-àiteachaidh Ierusalem, agus air fearaibh Iudah, an t-ole sin uile a labhair mi 'n an aghaidh, ach nach d'éisd iad.

32 An sin ghabh Ieremiah clàr eile, agus thug e do Bharuch mac Neriah, an sgrìobhaiche e, a sgrìobh ann o bheul Ieremiah, uile bhriathran an leabhair a loisg Iehoiacim rìgh Iudah anns an teine; agus chuir eadh os bàrr riu mòran de bhriathraibh eile cosmhui riu sin.

CAIB. XXXVII.

1 *Chuir Sedeciah fios a dh'ionnsuidh Ieremiah gu urnuigh a cleanamh air a shon. Roimhinis am fàidh gu'm buadhaicheadh na Caldéich. 11 Ghlac na h-uachdarain Ieremiah, agus chuir iad 'am prìosan e. 16 Dh'innis am fàidh do Sedeciah gu'n tugadh Dia thairis e do làimh rìgh Bhabiloìn.*

AGUS rìghich Sedeciah mac Iosiah ann an àite Choniah mhic Iehoiacim, a rinn Nebuchadnesar rìgh Bhabiloìn 'n a rìgh ann am fearann Iudah.

2 Ach cha d'éisd, aon chuid e féin no a sheirbhisich, no sluagh na tìre, ri briathraibh an Tighearn, a labhair e leis an fhàidh Ieremiah.

3 Agus chuir an rìgh Sedeciah Iehucal mac Shelemiah, agus Sephaniah mac Mhaaseiah an sagart, a chum an fhàidh Ieremiah, ag ràdh, Dean urnuigh, a nis, guidheam ort, ris an Tighearn ar Dia air ar son-ne.

4 A nis bha Ieremiah a' teachd a steach agus a' dol a mach am measg an t-sluaigh, oir cha do chuir iad fathasd ann am prìosan e.

5 Anns an àm sin bha feachd Pharaoh air teachd a mach as an Eipth; agus an uair a chuala na Caldéich, a bha a' teannachadh Ierusalem mu'n cuairt, iomradh orra, dh'innich iad o Ierusalem.

6 An sin thàinig focal an Tighearna chum an fhàidh Ieremiah, ag ràdh.

7 Mar so tha an Tighearn, Dia Israeil, ag ràdh, Mar so their sibh ri rìgh Iudah a chuir thugamsa sibh, gu m'iarraidh; Feuch.

pillidh feachd Pharaoh, a thàinig a mach
g'ur còmhnaidh, do'n Eiphit, d'an tìr
fèin.

8 Agus thig na Caldéich a ris, agus cog-
aidh iad an aghaidh na caithreach so,
agus glacadh iad i, agus loisgidh iad i le
teine.

9 Mar so deir an Tighearn, Na meall-
aibh sibh fèin, ag ràdh, Gu deimhin im-
ichidh na Caldéich uainn: oir cha-n imich
iad.

10 Oir ged bhuaileadh sibh uile fheachd
nan Caldéach a tha 'cogadh 'n ur n-aghaidh,
agus nach maireadh 'n am measg achi daoine
leonta, gach aon 'n a bhuth, dh'éireadh iad
sin fèin suas, agus loisgeadh iad am baile
so le teine.

11 Agus tharladh an uair a dh'imich
sluagh nan Caldéach air falbh o Ierusalem,
airagal sluagh Pharaoh,

12 Gu'n d'imich an sin Ieremiah a mach á
Ierusalem, a chum dol gu fearann Bhen-
iamin, a dh'fhaotainn cuibhrinn deth am
measg an t-sluaigh.

13 Agus an uair a bha e ann an geata
Bheniamin, bha ceannard an fhreiceadain
an sin, d' am b'ainm Iriah, mac Shelemiah,
mhic Hananiah; agus ghlac e Ieremiah am
fàidh, ag ràdh, Tha thu 'dol thairis a chum
nan Caldéach.

14 An sin thubhairt Ieremiah, Cha-n fhòir
sin; Cha-n'eil mi 'dol thairis a chum nan
Caldéach: ach cha d'éisd e ris: mar sin ghlac
Iriah Ieremiah, agus thug e chum nan
uachdaran e.

15 Agus bha corruich air na h-uachdarain-
aibh ri Ieremiah, agus bhuaill iad e, agus
chuir iad ann am prìosan e, ann an tigh
Ionatain an sgrìobhaiche; oir rinn iad
prìosan deth sin.

16 An uair a chaidh Ieremiah steach do'n
phrìosan òchdarach, agus do na slochdaibh,
agus a bhuaich Ieremiah an sin mòran
làithean;

17 An sin chuir Sedeciah an rìgh fios, agus
thug e mach e; agus dh'fheòraich an rìgh
dheth gu h-uaigneach 'n a thigh, agus
thubhairt e, Am bheil focal sam bith o'n
Tighearn? Agus thubhairt Ieremiah, Tha:
oir thubhairt e, Do làmh rìgh Bhabiloìn
bheirear thairis thu.

18 Os bàrr thubhairt Ieremiah ri rìgh
Sedeciah, Ciod an cron a rinn mise ann ad
aghaidh-sa, no'n aghaidh do sheirbhiseach,
no'n aghaidh an t-sluaigh so, gu'n do chuir
sibh mi ann am prìosan?

19 C'ait am bheil a nis' ur fàidhean a rinn
faistneachd dhuibh, ag ràdh, Cha tig rìgh
Bhabiloìn 'n ur n-aghaidh, no'n aghaidh an
fhearainn so?

20 Cha éisd a nis, guidheam ort, a thigh-
earna, mo rìgh; gabhar m' athchuinge,
guidheam ort, ann ad làthair; agus na
toir orm pillcadh gu tigh Ionatain an

sgrìobhaiche, air eagal gu'm faigh mi bàs
an sin.

21 Agus dh'àithn an rìgh Sedeciah gu'n
cuireadh iad Ieremiah ann an cùirt a'
phrìosain, agus gu'n tugadh iad dha gach là
cuibhrionn arain á sràid nam fuineadairean,
gus am bitheadh uile aran a' bhaile air teir-
eachduinn. Agus dh'fhan Ieremiah ann an
cùirt a' phrìosain.

CAIB. XXXVIII.

1 *Thilgeadh Ieremiah 's an t-slochd a bha ann
an cùirt a' phrìosain: 7 Thug Ebed-melech a
nìos as an t-slochd e. 14 Dh'iarr an rìgh
comhairle o Ieremiah: 17 Dh'àithn esan da
e fèin a thoirt thairis do làmh rìgh Bhabiloìn.*

AN sin chuala Sephatiah mac Mhatain,
agus Gedaliah mac Pasuir, agus
Iucal mac Shelemiah, agus Pasur mac
Mhalchiah, na briathran a labhair Ieremiah
ris an t-sluaigh uile, ag ràdh,

2 Mar so deir an Tighearn, Esan a dh'fhan-
as anns a' bhaile so bàsaichidh e leis a'
chlaidheamh, leis a' ghort, agus leis a'
phlàigh; ach esan a théid a mach a chum
nan Caldéach, mairidh e beò; oir gheibh
e 'anam mar chobhartach, agus mairidh e
beò.

3 Mar so tha an Tighearn ag ràdh, Bheir-
ear gu deimhin am baile so suas do làmh
feachda rìgh Bhabiloìn, a ghlacas e.

4 Air an aobhar sin, thubhairt na h-uach-
daran ris an rìgh, Bitheadh an duine so,
guidheamaid ort, air a chur gu bàs: oir mar
so tha e 'lagachadh lamhan an luchd-cog-
aidh a tha fathasd a làthair anns a' bhaile
so, agus lamhan an t-sluaigh uile, le bli
'labhairt a'leithid so de bhriathraibh riu: oir
cha-n'eil an duine so ag iarraidh leas an
t-sluaigh so, ach an aimhleis.

5 An sin thubhairt an rìgh Sedeciah,
Feuch, tha e 'n ur làmh: oir cha-n e 'n
rìgh esan a dh'fheudas aon ni a chur 'n ur
n-aghaidh.

6 An sin ghlac iad Ieremiah, agus thilg
iad e ann an slochd Mhalchiah mhic Hamel-
eich, a bha ann an cùirt a' phrìosain; agus
leig iad sìos Ieremiah le cordaibh. Agus
anns an t-slochd cha robh uisgesam bith, ach
clàbar. Agus chaidh Ieremiah fodha anns a'
chlàbar.

7 A nis an uair a chuala Ebed-melech an
t-Etiopach, aon de na cailteanaich a bha 'n
tigh an rìgh, gu'n do chuir iad Ieremiah
's an t-slochd, agus an rìgh 'n a shuidhe 's
an àm sin ann an geata Bheniamin,

8 Chaidh Ebed-melech a mach á tigh
an rìgh, agus labhair e ris an rìgh, ag
ràdh,

9 Mo thighearn' a rìgh, rinn na daoine so
gu h-òle anns gach ni a rinn iad ri Ieremiah
am fàidh, a thilg iad anns an t-slochd; oir
gheibh e bàs le h-ocras anns an àite sin,
a chionn nach 'eil ni's mò arat anns a'
bhaile.

10 An sin dh'aithn an rìgh do Ebed-melech an t-Etiopach, ag ràdh, Thoir leat á so deich fir fhichead, agus thoir a nìos Ieremiah am fàidh as an t-slochd, mu 'm faigh e bàs.

11 Agus thug Ebed-melech leis na daoine, agus chaidh e steach do thigh an rìgh fo 'n tigh-thasgaidh, agus thug e as a sin seana bhròineagan, agus seann luideagan, agus leig e sìos iad gu Ieremiah do'n t-slochd le cordaibh.

12 Agus thubhairt Ebed-melechan t-Etiopach ri Ieremiah, Cuir a nis na seann luideagan, agus na bròineagan so, fo d' achlais-ean mu na cordaibh. Agus rinn Ieremiah mar sin.

13 Agus tharruing iad a nìos Ieremiah le cordaibh, agus thug iad a mach as an t-slochd e; agus dh'fhan Ieremiah ann an cùirt a' phrìosain.

14 An sin chuir an rìgh Sedeciah fios, agus thug e Ieremiah am fàidh d'a ionnsuidh gus an treas dol-a-steach a tha 'n tigh an Tighearn'. Agus thubhairt an rìgh ri Ieremiah, Feòraichidh mi nì àraidh dhìot; na ceil a' bheag orm.

15 Agus thubhairt Ieremiah ri Sedeciah, Ma dh'innseas mi dhuit, nach dean thu gu cinnteach mo chur gu bàs? agus ma bheir mi comhairle ort, an èisd thu rium?

16 An sin mhionnaich an rìgh Sedeciah do Ieremiah os ìosal, ag ràdh, Mar is beò an Tighearn a rinn dhuinn an t-anam so, cha chuir mi gu bàs thu, nì mò 'bheir mi thairis thu do làmh na muinntir' sin a tha 'g iarraidh d'anama.

17 Agus thubhairt Ieremiah ri Sedeciah, Mar so tha Iehobhah, Dia nan sluagh, Dia Israeil, ag ràdh, Ma théid thu gu deimhin thairis gu cinn-fheadhna rìgh Bhabiloin, an sin mairidh d'anam beò, agus cha loisgear an baile so le teine; ach mairidh tu beò, thu féin agus do theaghlach.

18 Ach mur téid thu mach gu cinn-fheadhna rìgh Bhabiloin, an sin bheirear an baile so do làmh nan Caldéach, agus loisgidh iad e le teine, agus cha téid thusa féin as o'n làmh.

19 Agus thubhairt an rìgh Sedeciah ri Ieremiah, Tha eagal nan Iudhach orm, a theich a chum nan Caldéach, gu'n toir iad thairis mi do'n làmh, agus gu'n dean iad fanoidh orm.

20 Ach thubhairt Ieremiah, Cha toir iad thairis thu; thoir géill, guidheam ort, do ghuth an Tighearna, 's an nì a tha mise a' labhairt riut: mar sin éiridh gu maith dhuit, agus mairidh d'anam beò.

21 Ach ma dhùiltas tu dol a mach, so an nì a thaisbein an Tighearn dhomhsa:

22 Eadhon, feuch, na h-uile mhnathan a tha air am fàgail ann an tigh rìgh Iudah, bheirear a mach gu cinn-fheadhna rìgh Bhabiloin, agus their iad, Bhrosnuich do

chairdean thu, agus thug iad buaidh ort: chuir iad do chosan 'an sàs anns an làthaich agus phill iad air an ais.

23 Agus bheir iad a mach d' uile mhnathan, agus do chlann a chum nan Caldéach; agus cha téid thu féin as o'n làmh, ach glacer thu le làmh rìgh Bhabiloin, agus bithidh tu coireach anns a' bhaile so 'bhi air a losgadh le teine.

24 An sin thubhairt Sedeciah ri Ieremiah, Na bitheadh fios aig duine sam bith air na briathraibh so, agus cha-n fhaigh thu bàs.

25 Ach ma chluinneas na h-uachdarain gu'n do labhair mise riut, agus gu'n tig iad a d'ionnsuidh, agus gu'n abair iad riut, Innis duinn a nis cìod a thubhairt thu ris an rìgh, na ceil e oirne, agus cha chuir sinn gu bàs thu; mar an ceudna cìod a thubhairt an rìgh riutsa:

26 An sin their thu riu, Thaisbein mi m' athchuinge an làthair an rìgh, nach tugadh e orm pilleadh gu tigh Ionatain, dh'fhaotainn bàis an sin.

27 Agus thàinig na h-uachdarain uile gu Ieremiah, agus dh'fhiosraich iad dheth; agus dh'innis e dhoibh a réir nan uile bhriathran so a dh'aithn an rìgh dha: mar sin sguir iad de labhairt ris, oir cha do mhothaicheadh a' chùis.

28 Mar sin dh'fhan Ieremiah ann an cùirt a' phrìosain, gus an là 's an do ghlacadh Ierusalem; agus bha e 'n sin an uair a ghlacadh Ierusalem.

CAIB. XXXIX.

1 *Ghlac rìgh Bhabiloin Ierusalem. 6 Mharbh e mic Shedeciah. 7 agus cheangail se e féin chum a thoirt gu Babilon. 11 Aithne Nebuchadnesar mu timchioll Ieremiah. 15 Gealladh Dhé do Ebed-melech.*

ANN an naothamh bliadhna Shedeciah rìgh Iudah, anns an deicheamh mìos, thàinig Nebuchadnesar rìgh Bhabiloin, agus 'uile fheadh an aghaidh Ierusalem, agus champaich iad m' a timchioll.

2 Ann an aon bhliadhna deug Shedeciah, anns a' cheathramh mìos, air an naothamh là de'n mhìos, bha a' chaithir air a briseadh suas.

3 Agus thàinig uile chinn-fheadhna rìgh Bhabiloin a steach, agus shuidh iad anns a' gheata 's a' mheadhonn. Nergal-sareser, Samgar-nebo, Sarsechim, Rabsaris, Nergal-sareser, Rabmag, leis a' chuid eile air fad de chinn-fheadhna rìgh Bhabiloin.

4 Agus tharladh, an trà 'chunnaic Sedeciah rìgh Iudah iad, agus na fir-chogaidh uile, gu'n do theich iad, agus gu'n deachaidh iad a mach as a' bhaile anns an oidhche, air sliغه gairaidh an rìgh, troimh 'n gheata, eadar an dà bhalla; agus chaidh iad a mach air sliغه a' chòmhnaird.

5 Ach lean feachd nan Caldéach air an tòir, agus rug iad air Sedeciah ann an

còmhnrdaibh Iericho; agus ghlac iad e, agus thug iad e gu Nebuchadnesar rìgh Bhabiloù, aig Riblah, ann am fearaun Hamait, far an d'thug e breth air.

6 An sin mharbh rìgh Bhabiloìn mic Shedeciah, ann an Riblah, fa chomhair a shùl; mharbh rìgh Bhabiloìn uile mhaithlean Iudah mar an ceudna.

7 Agus chuir e mach shìlean Shedeciah, agus cheangail e le slabhruidhean e, a chum a thoirt gu Babilon.

8 Agus loisg ua Caldéich tigh an rìgh, agus tighean an t-sluaigh le teine, agus bhris iad sìos ballachan Ierusalem.

9 Au sin thug Nebusar-adan, ceannard an fhreiceadain, leis 'n ann braighdibh gu Babilon am fuighealach sluaigh a dh'fhan anns a' bhaile, agus iadsan a theich thairis d'a ionnsuidh, leis a' chuid eile de'n t-sluaigh a dh'fhan beò.

10 Ach cuid de bhochdaibh an t-sluaigh, aig nach robh ni sam bith, dh'fhàg Nebusar-adan ceannard an fhreiceadain ann am fearann Iudah, agus thug e dhoibh fion-lìosan agus machraichean anns an àm sin.

11 Agus thug Nebuchadnesar rìgh Bhabiloìn àithne mu thimchioll Ieremiah do Nebusar-adan ceannard an fhreiceadain, ag ràdh,

12 Thoir leat e, agus thoir aire nhaith dha, agus na dean cron sam bith air, ach dean ris amhuil mar a their e riut.

13 Mar siu chuir Nebusar-adan ceannard an fhreiceadain fios, agus Nebusabau, Rabsaris, agus Nergal-sareser, Rabuag, agus uile chinn-fheadhna rìgh Bhabiloìn:

14 Chuir eadhon iadsan fios, agus thug iad Ieremiah uach a' cùirt a' phrìosain, agus thug iad e do Ghedaliah mac Ahicain, mhic Shaphain, gu 'thoirt dhachaidh: mar sin ghabh e còmhuidh am measg an t-sluaigh.

15 Agus thàinig focal an Tighearna chum Ieremiah, 'n uair a bha e *jathasad* air a dhruideadh suas ann an cùirt a' phrìosain, ag ràdh,

16 Imich agus labhair ri Ebed-melech an t-Etiopach, ag ràdh, Mar so tha Tighearna nan sluagh, Dia Israeil, ag ràdh. Feuch, bheir mise mo bhriathran air a' bhaile so air son uile, agus cha-n ann air son maith; agus thig iad gu crìch anu ad fhiauis-sa anns an là sin.

17 Ach tèarnaidh mi thusa's an là sin, deir an Tighearna, agus cha toirear thairis thu do làimh na uuinntir roimh am bheilagal ort.

18 Oir tèarnaidh mi thu, agus cha tuit thu leis a' chlaidheamh, ach bithidh d'auam mar chobhartach agad, a chionn gu'n do chuir thu do dhòchas annam-sa, deir an Tighearna.

CAIB. XL.

1 *Chaidh Ieremiah air ais gu Gedaliah an déigh do Nebusar-adan 'fhuasgladh o na slabhruidhean a bha air a ldmhan. 8 Phil na h-Iudhaich a chaidh a sgapadh gu Gedaliah. 13 Cha do chreid Gedaliah Iohanan 'n uair dh'innis e dha gu'n robh Ismael ag iarraidh a mharbhadh.*

AM focal a thàinig a chum Ieremiah o'n Tighearna, an déigh do Nebusar-adan ceannard an fhreiceadain a leigeadh as o Ramah, an uair a thugadh e d'a ionnsuidh, agus e ceangailte le slabhruidhean am measg na muinntir sin uile a thugadh air falbh 'n am braighdibh o Ierusalem agus o Iudah, a thugadh ann am braighdeanas gu Babilon.

2 Agus ghabh ceannard an fhreiceadain Ieremiah, agus thubhairt e ris, Labhair an Tighearna do Dhia-sa an t-olc so an aghaidh an àite so.

3 A nis thug an Tighearna gu crìch e, agus riun e mar a labhair e: a chionn gu'n do pheacaich sibh an aghaidh an Tighearna', agus nach d'thug sibh géill d'a ghuth, air an aobhar sin tha'u t-olc so air teachd oirbh.

4 Agus a nis feuch, tha mise 'g ad fhuasgladh an diugh o na slabhruidhean a bha air do làmhan: ma chi thu ceart teachd leamsa gu Babilon, thig; agus bheir mi aire nhaith dhuit: ach mur faic thu ceart teachd leamsa gu Babilon, fan: feuch, tha am fearann gu h-ìomlan fa d' chomhair: far am faicear ceart agus iomchuidh dhuit dol, theirg ann; agus ciod air bith tuilleadh cha chumar air ais e.

5 Falbh uime sin air d'ais gu Gedaliah mac Ahicain, mhic Shaphain, a rinn rìgh Bhabiloìn 'n a uachdaran os ceann bhailtean Iudah, agus gabh còmhuidh leis, am measg an t-sluaigh: no falbh c'àit air bith am faic thu iomchuidh dol. Mar sin thug ceannard an fhreiceadain biadh agus duais da, agus leig e dha imeachd.

6 An sin chaidh Ieremiah gu Gedaliah mac Ahicain, gu Mispah, agus ghabh e còmhuidh leis, am measg an t-sluaigh a dh'fhàgadh, anns an fhearann.

7 A nis an uair a chuala uile cheannardan an fheachd a bha 's na machraichibh, iad fèin agus an daoine, gu'n d'rinn rìgh Bhabiloìn Gedaliah mac Ahicain 'n a uachdaran anns an fhearann, agus gu'n d'earb e ris fir, agus mnathan, agus clann, eadhon cuid de bhochdaibh an fhearainn, dhiubhsan nach d'thugadh air falbh ann an daorsa gu Babilon;

8 Au sin thàinig iad gu Gedaliah gu Mispah, eadhon Ismael mac Netaniah, agus Iohanan, agus Ionatan, mic Charea, agus Seraiah mac Thanhuncit, agus mic Ephai an Netophataich, agus Iesaniah mac Maa-chataich, iad fèin agus an daoine.

9 Agus mhionnaich Gedaliah mac Ahicain

mhic Shaphain dhoibhsan, agus do'n daoine, ag ràdh, Na bithheadh eagal oirbh géill a thoirt do na Caldéich; gabhaibh còmh-nuidh anns an tìr, agus thugaibh géill do rìgh Bhabiloìn, agus éiridh gu maith dhuibh.

10 Air mo shon-sa, feuch, nì mi còmh-nuidh ann am Mispah, a fhrithealadh do na Caldéich a thig d'ar n-ionnsuidh; ach sibhse, tionailibh fìon, agus meas samhraidh, agus oladh, agus cuiribh iad 'n ur soithichibh, agus deanaibh còmh-nuidh 'n ur baltibh air an d'rinn sibh greim.

11 Air an dòigh cheudna 'n uair a chuala na h-Iudhaich uile a bha ann am Moab, agus an measg nan Amonach, agus ann an Edom, agus a bha anns na h-uile dhùthch-aibh, gu'n d'fhàg rìgh Bhabiloìn fuigheall de Iudah, agus gu'n do chuir e os an ceann Gedaliah mae Ahicaim, mhic Shaphain;

12 An sin phill na h-Iudhaich uile as na h-uile àite gus an robh iad air am fògradh, agus thàinig iad gu tìr Iudah, gu Gedaliah, do Mhispah, agus thionail iad fìon, agus meas samhraidh, gu ro phailt.

13 Agus thàinig Iohanan mac Chareah, agus uile cheannardan an fheachd a bha 's na machraichibh, gu Gedaliah do Mhispah.

14 Agus thubhairt iad ris, Am bheil fios agad gu cinnteach gu'n do chuir Baalis rìgh nan Amonach Ismael mac Netaniah chum do mharbhadh? Ach eha do chreid Gedaliah mac Ahicaim iad.

15 An sin labhair Iohanan mac Chareah ri Gedaliah ann am Mispah gu h-uaigneach, ag ràdh, Leig dhomhsa dol, guidheam ort, agus marbhaidh mi Ismael mae Netaniah, agus cha bhi fios aig duine sam bith *air*: e'uime am marbhadh e thusa, agus gu'm biodh na h-Iudhaich uile a tha air an cruinneachadh a d' ionnsuidh air an sgapadh, agus gu'm bàsaicheadh na tha mairiunn de Iudah?

16 Ach thubhairt Gedaliah mac Ahicaim ri Iohanan mac Chareah, Cha dean thu an ni so, oir is breug a tha thu 'kubhairt a thaobh Ismael.

CAIB. XLI.

1 Mharbh Ismael Gedaliah, 5 agus daoine àraidh a thàinig d'an ionnsuidh o Shechem agus o Shamaria. 10 Dh'èmhich Ismael gu dol thairis chum nan Amonach. 12 Chaidh Iohanan a chogadh 'n a aghaidh, agus thug e uair na braighdean.

A NIS tharladh air an t-seachdamh mìos, gu'n d'fhàinig Ismael mac Netaniah, mhic Elisama, de'n t-sìol rìoghail, agus maithcan an rìgh, eadhon deich fir, maille ris, gu Gedaliah mac Ahicaim do Mhispah, agus an sin dh'ith iad aran le 'chéile ann am Mispah.

2 An sin dh'éirich Ismael mac Netaniah, agus na deich fir a bha maille ris, agus bhail iad Gedaliah mac Ahicaim, mhic

Shaphain, leis a' chlaideamh, agus mharbh iad e, esan a chuir rìgh Bhabiloìn 'n a uachdaran os ceann an fhearainn.

3 Mharbh Ismael mar an ceudna na h-Iudhaich uile 'bha maille ris, maille ri Gedaliah ann am Mispah, agus na Caldéich a fhuaradh an sin, na fir-chogaidh.

4 Agus tharladh air an dara là, an déigh dha Gedaliah a mharbhadh, agus gun fhios aig duine sam bith *air*;

5 Gu'n d'fhàinig daoine àraidh o Shechem, o Shiloh, agus o Shamaria, ceithir fichead fear, aig an robh am feusagan air am bearradh, an eudaichean air an reubadh, agus iad fèin air an gearradh, le tabhartasaibh agus tùis 'n an àimh, gu'n toirt gu tigh an Tighearna.

6 Agus chaidh Ismael mac Netaniah mach o Mhispah 'n an còdhail, a' gul fad na slighe: agus tharladh an uair a choimnich e iad, gu'n d' thubhairt e ri, Thigibh gu Gedaliah mac Ahicaim.

7 Agus tharladh an uair a thàinig iad gu meadhon a' bhaile, gu'n do mharbh Ismael mac Netaniah iad, agus *thilg e iad* ann am meadhon an t-sluicid, e fèin agus na daoine 'bha leis.

8 Ach fhuair eadh 'n am measg deichnear fhear a thubhairt ri Ismael, Na marbh sinne: oir tha ionmhasan againn 's a' mhach-air, de chruithneachd, agus de eorna, agus de olaidh, agus de mhill. Mar sin sguir e, agus cha do mharbh e iad am measg am bràithrean.

9 A nis b'e 'n slochd anns an do thilg Ismael uile chuirp mharbha nan daoine a mharbh e air son Ghedaliah, *an slochd* sin a rinn Asa an rìgh air eagal Bhaasa rìgh Israeil; lion Ismael mac Netaniah e leo-san a mharbhadh.

10 An sin thug Ismael leis ann an daorsa na h-uile 'bha làthair de'n t-sluagh a bh'ann am Mispah, eadhon nigheanan an rìgh, agus an sluagh uile a dh'fhan ann am Mispah, a thug Nebusar-adan ceannard an fhreiceadain do Ghedaliah mac Ahicaim; thug eadhon Ismael mac Netaniah leis ann an daorsa iad, agus dh'imich e gu dol thairis a chum nan Amonach.

11 Ach an uair a chuala Iohanan mac Chareah, agus uile cheannardan an fheachd, a bha maille ris, an t-ole *ud* a rinn Ismael mac Netaniah,

12 An sin thug iad leo na daoine air fad, agus chaidh iad a chogadh ri Ismael mac Netaniah, agus fhuair iad e aig na h-uisc-cachaibh mòra a tha ann an Gibeon.

13 A nis tharladh an uair a chunnaic an sluagh sin uile 'bha le Ismael Iohanan mac Chareah, agus uile cheannardan an fheachd a bha maille ris, gu'n robh iad an sin aobhneach.

14 Agus thionndaidh an sluagh uile, a thug Ismael air falbh ann am braighdeanas

o Mhispah, mu'n cnairt, agus phill iad, agns chaidh iad gu Iohanan mac Chareah.

15 Ach chaidh Ismael mac Netaniah as o Iohanan le ochdnar fhear, agus chaidh e chnm nan Amonach.

16 An sin ghabh Iohanan mac Chareah, agus uile cheannardan an fheachd a bha leis, uile iarmad an t-sluaigh a bhuin e o Ismael mac Netaniah, o Mhispah, (an déigh dha Gedaliah mac Ahicaim a mharbhadh,) gaisgich, fir-chogaidh, agus mnathan, agus clann, agus cailiteanaich, a thug e air an ais o Ghibeon:

17 Agus dh'imich iad, agns ghabh iad còmhunnidh ann an aithreachb Chinnhaim, a tha làimh ri Betlehem, a chnm falbh gu dol a steach do'n Eiphit, á fianuis nan Caldéach:

18 Oir bha eagal orra rompa, a chionn gn'n do mharbh Ismael mac Netaniah Gedaliah mac Ahicaim, a rinn rìgh Bhabh-loin 'n a uachdaran anns an fhearann.

CAIB. XLII.

1 *Dh'iarr ceannardan an fheachd air Jeremiah urnuigh a dheanamh ri Dia air an son. 5 Gheall iad a bhi ùmhail do fhocal an Tighearna. 7 Dh'innis am fàidh dhoibh gu'm bitheadh iad air an t-èarnadh ann an Iudea, ach air an sgrìos nan rachadh iad sìos do'n Eiphit. 19 Thug e a-chmhasan dhoibh air son an ceilge.*

AN sin thàinig am fagus uile cheannardan an an fheachd, agus Iohanan mac Chareah, agus Iesaniah mac Hosaiah, agus an sluagh gu h-ionlan, o'n bheag gus a' mhòr;

2 Agus thubhairt iad ri Jeremiah am fàidh, Bitheadh ar n-athcheuinge, guidheamaid ort, taitneach ann ad làthair, agus dean urnuigh air ar son ris an Tighearn do Dhia, eadhon air son an iarmaid so uile, (oir cha d'fhàgadh dhinn aek beagan a mòran, mar a tha do shùilean 'g ar faicinn.)

3 Gu'n seòladh an Tighearn do Dhia dh'muin an t-slighe anns an glnais sinn, agus an ni a tha sinn ri 'dheanamh.

4 Agns thubhairt Jeremiah am fàidh riu, Chnala mi; fench, ni mise urnuigh ris an Tighearn bhur Dia a réir 'ur briathran; agus tarlaidh, ge b'e freagradh a bheir an Tighearn dhuibh, gu'n innis mise dhuibh e: cha chum mi ni sam bith air ais uaibh.

5 Agus thubhairt iad ri Jeremiah, Bitheadh an Tighearn 'n a fhianuis fhìor agus dh'leas eadarunn, mur dean sinne gach ni air son an cuir an Tighearn do Dhia d' ar n-ionn-snidh thn.

6 Ma's maith no ma's ole e, bheir sinn géill do ghuth an Tighearn' ar Dia, dh'ionn-snidh am bheil sinn 'g ad chur; a chum gn'n éirich gn maith dhuinn an uair a bhitheas sinn ùmhail do ghuth an Tighearn' ar Dia.

7 Agns tharladh 'an ceann dh'icich làithean, gu'n d'fhàinig gnth an Tighearna gu Ieremiah.

8 An sin ghairm e Iohanan mac Chareah, agus uile cheannardan an fheachd a bha maille ris, agus an slagh uile, o'n bheag gus a' mhòr,

9 Agns thubhairt e rin, Mar so deir an Tighearn Dia Isracil, dh'ionnsuidh an do chuir sibh mise chnm 'nr n-athcheuinge a chnr suas 'n a làthair;

10 Ma dh'fhanas sibh 'an còmhunnidh anns an tìr so, an sin togaidh mise sibh, agus cha tilg mi sìos; agus suidhichidh mi sibh, agus cha spion mi nìos: oir is aithreach leam an t-olc a rinn mi oirbh.

11 Na bitheadh eagal rìgh Bhabh-loin oirbh, as am bheil sibh a' gabhail cagail: na bitheadh eagal oirbh roimhe, deir an Tighearn; oir tha mise leibh g'ur tèarnadh, agus g'ur saoradh as a làimh.

12 Agus nochdaidh mi tròcairean duibh, agns gabhaidh esan truas d'ibh, agns snidh-ichidh e sibh 'n 'ur dùthaich féin.

13 Ach ma their sibh, Cha ghabh sinn còmhunnidh anns an fhearann so; air chor as nach toir sibh géill do ghnth an Tighearna bhur Dé.

14 Ag ràdh, Ni h-cadh; ach théid sinn do thìr na h-Eiphit, far nach faic sinn cogadh sam bith, ni mò chlinneas sinn fuaim na trompaid, no bhitheas casbhuidh arain oirm; agns an sin gabhaidh sinn còmhunnidh:

15 (Scadh a nis uime sin éisdibh focal an Tighearna, O iarnaidd Iudah, Mar so tha Tighearn nan slagh, Dia Isracil, ag ràdh, Ma chuireas sibh da rìreadh bhnr n-aghaidh ri dol do'n Eiphit, agus gu'n téid sibh an sin air chnairt;)

16 An sin tarlaidh gu'n dean an claidheamh, roimh am bheil eagal oirbh, 'nr glacadh an sin ann an tìr na h-Eiphit; agus a' ghort, roimh am bheil eagal oirbh, dlùth-leanaidh air 'ur tòir an sin anns an Eiphit; agns an sin gheibh sibh bàs.

17 Is amhluidh a thachaireas do na h-nìle dhaoimibh a chuireas an aghaidh ri dol do'n Eiphit gu fantnium air chuairt an sin; bàsaichidh iad leis a' chlaidheamh, leis a' ghort, agns leis a' phlàigh; agus cha bhi aon a mhaireas, no 'théid as o'n olc a bheir mise orra.

18 Oir mar so deir Tighearn nan sluagh, Dia Isracil, Mar a bha m'fhearg agus mo chorruch air a dòrtadh a mach air luchd-àiteachaidh Iernsaleim, is amhluidh bhitheas mo chorruch air a dòrtadh a mach oirbhe 'n trà théid sibh a steach do'n Eiphit: agus bithidh sibh 'n 'ur mallachadh, agus 'n 'ur n-uamhas, agus 'n 'ur mallachd, agus 'n 'ur masladh; agns cha-n fhaic sibh an t-àite so nì's mò.

19 Is e focal an Tighearna do 'ur taobhsa, O fhuigheill Iudah, Na rachaibh do'n Eiphit; bitheadh fios cinnteach agaibh gn'n d'fhing mise rabhadh dhuibh an diugh.

20 Gu deimhin chuir sibh 'an gnìomh cealg an aghaidh 'ur n-anaman fèin: oir chuir sibh mise chum an Tighearn bhuir Dia, ag ràdh, Guidh air ar son-ne ris an Tighearn ar Dia, agus a réir gach nì a their an Tighearn ar Dia, mar sin innis duinn, agus nì sinne.

21 Agus dh'innis mise dhuibh air an là an diugh, ach cha d'thug sibhse géill do ghuth an Tighearna bhuir Dé, no do aon nì air son an do chuir e mise do 'ur n-ionnsuidh.

22 Air an aobhar sin bitheadh dearbh fhios agaibh gu'm bàsaich sibh leis a' chlaidheamh, agus leis a' ghort, agus leis a' phlàigh, anns an àite gus an àill leibh siubhal gu fantuinn air chuairt.

CAIB. XLIII.

1 *Cha do chreid na ceannardan fàisteachd Ieremiah; 5 agus oir an aobhar sin ghèill iad e fèin agus a' chuid eile dè'n t-sluagh do'n Eiphit. 8 Roimh-innis Ieremiah gu'm buail-eadh rìgh Bhabiloìn tìr na h-Eiphit.*

AGUS tharladh, trà sguir Ieremiah a labhairt ris an iomlan dè'n t-sluagh uile bhriathran an Tighearn, an Dé, air son an do chuir an Tighearn an Dia esan d'an ionnsuidh, eadhon nan uile bhriathran so:

2 Gu'n do labhair Asariah mac Hosaiah, agus Iohanann mac Chareah, agus na daoine uaibhreach uile, ag ràdh ri Ieremiah, Is breug a tha thu 'labhairt: cha do chuir an Tighearn ar Dia thu gu ràdh, Na rachaibh do'n Eiphit a dh'fhantuinn air chuairt an sin:

3 Ach tha Baruch mac Neriah 'g ad bhros-nuchadh 'n ar n-aghaidh, a chum ar toirt suas do làimh nan Caldeach, a chum ar marbhadh, no ar toirt air falbh 'n ar braighdibh gu Babilon.

4 Mar so cha d'thug Iohanann mac Chareah, agus uile cheannardan an fheachd, agus an sluagh uile, géill do ghuth an Tighearna, gu còmhnuidh 'ghabhail ann an tìr Iudah:

5 Ach ghabh Iohanann mac Chareah, agus uile cheannardan an fheachd, a' mhèud as a bha làthair de Iudah, a phill o na h-uile chinnich gus an robh iad air am fògradh, gu còmhnuidh 'ghabhail ann an tìr Iudah;

6 Na fir, agus na mnathan, agus a' chlànn, agus nigheanan an rìgh, agus gach neach a dh'fhàg Nebusar-adan ceannard an fhreic-eadaim le Gedaliah mac Ahicaim, mhic Shaphain, agus Ieremiah am fàidh, agus Baruch mac Neriah;

7 Agus dh'imich iad gu tìr na h-Eiphit; oir cha d'thug iad géill do ghuth an Tighearna; agus thàinig iad eadhon gu Taphanes.

8 An sin thàinig focal an Tighearna gu Ieremiah ann an Taphanes, ag ràdh,

9 Gabh ann ad làimh clachan mòra, agus folaich iad anns a' chriadh, ann an àth nan clachan-crèadha, a tha aig dol a steach tighe

Pharaoh, ann an Taphanes, ann an sealladh fhear Iudah.

10 Agus abair riu, Mar so tha Tighearn nan sluagh, Dia Israeil ag ràdh; Feuch, cuiridh mise fios, agus gabhaidh mi Nebuch-adnesar rìgh Bhabiloìn, mo sheirbhiseach, agus suidhichidh mi a rìgh-chaithir air na clachaibh so a dh'fholaich os an ceann.

11 Agus thig e, agus buailidh e tìr na h-Eiphit, iadsan a tha chum bàis, le bàs; agus iadsan a tha chum daorsa, le daorsa; agus iadsan a tha chum a' chlaidheamh, leis a' chlaidheamh.

12 Agus fadaidh mise teine ann an tighibh dhiathan na h-Eiphit; agus loisgidh esan iad, agus bheir e air falbh 'n am braighdibh iad, agus éididh se e fèin le tìr na h-Eiphit, mar a dh'éideas buachaill e fèin le 'thrusgan; agus thèid e mach as a sin ann an sìth.

13 Brisidh e fòs dealbhan tighe na gréine a tha ann an tìr na h-Eiphit, agus tighean dhiathan na h-Eiphit loisgidh e le teine.

CAIB. XLIV.

1 *Chronaich Ieremiah na h-Iudhaich 's an Eiphit air son an iodhol-aoraidh; 11 Dh'innis e roimh-làimh an léir-sgrìos. 15 Aingidh-eachd agus reasgachd nan Iudhach.*

AM focal a thàinig gu Ieremiah mu thimchioll nan uile Iudhach a tha 'chòmhnuidh ann am fearann na h-Eiphit, a tha 'chòmhnuidh aig Migdol, agus aig Taphanes, agus aig Noph, agus ann an dùthach Phatrois, ag ràdh,

2 Mar so tha Tighearn nan sluagh, Dia Israeil, ag ràdh, chunnaic sibh an t-uile ole a thug mise air Ierusalem agus air uile bhailtibh Iudah; oir feuch an diugh tha iad 'n am fàsach, agus cha-n'èil neach 'g an àiteachadh,

3 Air son an aingidheachd a chuir iad 'an gnìomh, a chum mise a' bhrosnuchadh gu feirg, le iad a dhol a losgadh tùise gu seirbhis a thoirt do dhiathan eile nach b'aithne dhoibh: dhoibhsan, dhuibhse, no do 'ur n-aithrichibh.

4 Chuir mi mar an ceudna do 'ur n-ionnsuidh m'uile sheirbhisich na fàidhean, ag éirigh gu moch agus 'g an cur a mach, ag ràdh, Guidheam oirbh, na deanaibh an nì gràineil so a's fuathach leam-sa.

5 Ach cha d'éisd iad, nì mò 'thionndaidh iad an cluas, gu pilleadh o'n aingidheachd, agus gun tùis a losgadh do dhiathan eile.

6 Uime sin bha n'fhearg agus mochorruich air a taomadh a mach, agus air a lasadh ann am bailtibh Iudah, agus ann an sràidibh Ierusalem, agus tha iad 'n am fàsach, agus 'n an làraich sgaoilte, mar air an là an diugh.

7 Agus a nis mar so deir Iehobhah Dia nan sluagh, Dia Israeil; C'uime ana bheil sibh a' cur 'an gnìomh an uile mhòir so an

aghaidh 'ur n-auaman féiu, a ghearradh as naibh an fhir agus na mnà, an leimibh agus an naoidhein, a mach á Iudah; ionnus uach fàgar fuigheall beò dhibh;

8 Agus gu bheil sibh 'g am bhrosnachadh-sa gu corruich le oibribh 'ur làmh, a' losgadh tùise do dhiathan coimheach ann an tìr na h-Eiphit, gus am bheil sibh air dol a ghabhail còmhnuidh; a chum gu'm bitheadh sibh air 'ur gearradh as, agus gu'm bitheadh sibh 'u 'ur mallachadh, agus 'u 'ur masladh am measg uile chinnreach na talmhainn?

9 An do dhì-chuimhnich sibh aingidheachd bhur u-aithrichean, agus aingidheachd rìghrean Iudah, agus aingidheachd am mnathan, agus 'ur n-aingidheachd féin, agus aingidheachd 'ur ban, a chuir iad 'an gnìomh ann am fearann Iudah, agus ann an sràidibh Ierusalem?

10 Cha-n'èil iad air an irioslachadh gus au là an diugh, ni mò 'ghabh iad eagal, no 'ghluais iad ann am lagh-sa, no ann am reachdaibh, a chuir mi roinhibhse, agus roinibh bhur n-aithrichibh.

11 Uime sin uar so tha Tighearn nan sluagh, Dia Israel, ag ràdh, Feuch, cuiridh mise uo ghnùis 'n 'ur n-aghaidh a chum uile, eadhon a chum Iudah uile a ghearradh air falbh.

12 Agus gabhaidh mi fuigheall Iudah, a chuir an aghaidh ri dol do thìr na h-Eiphit gu fantuinn air chuairt an sin, agus caithear iad uile ann an tìr na h-Eiphit; tuitidh iad leis a' chlaidheamh, caithear iad leis a' ghort; o'n bheag gus a' mhòr, bàsaichidh iad leis a' chlaidheamh, agus leis a' ghort; agus bithidh iad 'n am mallachadh, agus 'n am uamhas, agus 'n am mallachd, agus 'n am masladh.

13 Agus smachdaichidh mi iadsan a tha 'chòmhnuidh ann an tìr na h-Eiphit, mar a smachdaich mi Ierusalem, leis a' chlaidheamh, leis a' ghort, agus leis a' phlàigh.

14 Agus de fhuigheall Iudah a tha air teachd air chuairt do'n Eiphit, cha bhi neach a theid as no 'mhàireas beò, gu pilleadh do thìr Iudah, dh'ionnsuidh am bheil iad 'n geall air pilleadh a ghabhail còmhnuidh; seadh, cha phill ach iadsan a theid as.

15 An sin na h-uile dhaoine aig an robh fios gu'n do loig am mnathan tùis do dhiathan eile, agus na h-uile mhnathan a sheas dlùth, sluagh mòr, eadhon an sluagh uile a bha 'chòmhnuidh ann an tìr na h-Eiphit, ann am Patros, fhreagair iad Jeremiah, ag ràdh,

16 A thaobh an fhocail a labhair thu ruinn ann an ainm an Tighearna, cha-n'èis sinn riut.

17 Ach ni sinn gu deimhin gach uile ni a thig a mach as ar beul féin, a losgadh tùise do bhan-righiun nèimh, agus a thaomadh a mach thabhartas-dìbhe dhi; amhuil a rinn sinn, sinn féin agus ar n-aithrichean, ar

rìghrean, agus ar n-uaislean, ann am bailtibh Iudah, agus ann an sràidibh Ierusalem: oir an sin bha pailteas bìdh againn, agus shoirbhich leinn, agus cha-n'fhaca sinn olc air bith.

18 Ach o'n àm's an do sguir siu de losgadh tùise do bhan-righiun nèimh, agus de thaomadh a mach thabhartas-dìbhe dhi, bha easbhuidh nan uile nithean oirnn, agus bha sinn air ar caitheamh leis a' chlaidheamh agus leis a' ghort.

19 Agus an uair a loig siun tùis do bhan-righiun nèimh, agus a dhòirt sinn a mach tabhartais-dìbhe dhi, an d'rinn sinn breacagan dhi g'a h-aoradh, agus a dhòrtadh thabhartas-dìbhe dhi, as eugmhais ar feara?

20 An sin labhair Jeremiah ris an uile shluagh, ris na fearaibh, agus ris na mnàibh, agus ris an uile shluagh a thug dha freagradh, ag ràdh,

21 An tùis a loig sibh ann am bailtibh Iudah, agus ann an sràidibh Ierusalem, sibh féin, agus 'ur n-aithrichean, 'ur rìghrean, agus 'ur n-uachdarain, agus sluagh an fhearainn, nach do chuimhnich au Tighearn iad, agus nach d'fhàinig iad 'u a aire?

22 Air chor as uach feudadh an Tighearn giùlan leibh ni b'fhaide, air son aingidheachd 'ur deanadais, air sou nau gràineil-eachd a chuir sibh 'an gnìomh: air an aobhar sin tha 'ur fearann 'n a fhàsach, agus 'n a uamhas, agus 'n a mhallachd, gun aon fhear-àiteachaidh, mar air an là an diugh.

23 A chionn gu'n do loig sibh tùis, agus a chionn gu'n do pheacaich sibh an aghaidh an Tighearn, agus nach d'fhug sibh géill do ghuth an Tighearna, ni mò 'ghluais sibh 'n a lagh, no 'n a reachdaibh, no 'n a àith-eantaibh: air an aobhar sin tha 'u t-olc so air teachd oirbh, mar air an là an diugh.

24 Os bàrr, thubhairt Jeremiah ris an t-sluagh uile, agus ris na mnàibh uile, Eisdibh focal an Tighearn, uile Iudah a tha 'an tìr na h-Eiphit;

25 Mar so labhair Tighearn nan sluagh, Dia Israel, ag ràdh, Labhair sibh féin agus 'ur mnathan le 'ur beoil, agus chuir sibh 'an gnìomh le 'ur làmh, ag ràdh, Coimhlionaidh sinn gu deimhin ar bòidean a thug sinn, gu tùis a losgadh do bhau-righiun nèimh, agus tabhartas-dìbhe 'dhòrtadh a mach dhi: ni sibh gu deimhin 'ur bòidean a dhaingneachadh, agus ni sibh gu deimhin 'ur bòidean a coimhlionadh.

26 Uime sin éisdibh focal au Tighearn, uile Iudah, a tha 'chòmhnuidh ann an tìr na h-Eiphit; Feuch, mhinnaich mise air m'aim uile mòr, deir an Tighearn, nach bi m'aim ni's mò air 'ainmceachadh ann am beul duine air bith de Iudah, ann an uile thìr na h-Eiphit, ag ràdh, Mar is beò an Tighearn Dia.

27 Feuch, ni mise faire os au ceann air son uile, agus cha-n'ann air son maith, agus sgrìosar gach duine de Iudah a tha 'n tìr na

h-Eiphit, leis a' chlaidheamh, agus leis a' ghort, gus am bi làn chrìoch orra.

28 Agus a' mhuinntir a thèid as o'n chlaidheamh, pillidh iad o thìr na h-Eiphit gu tìr Iudah, tearc ann an àireamh: agus aithnichidh uile fhuigheall Iudah a chaidh air chuairt do thìr na h-Eiphit, cò dhiubh a sheasas, m'fhocal-sa, no am focal-san.

29 Agus *bithidh* so mar chomharadh dhuibh, deiran Tighearn, gurmise asmachdaich sibh anns an àite sin, a chum gu'n aithnich sibh gu cinnteach gu'n seas mo bhrìathran-sa 'n 'ur n-aghaidh a chum 'ur dochainn:

30 Mar so deir an Tighearn, Feuch, bheir mise Pharaoh-hophra rìgh na h-Eiphit do làimh a naimhdean, agus do làimh na muinntir 'a tha 'g iarraidh 'anama; mar a thug mi Sedeciah rìgh Iudah do làimh Nebuchadnesair rìgh Bhabìloin, agus fear-tòrachd 'anama.

CAIB. XLV.

1 'N uair bha *Baruch* fo eagal thug *Ieremiah* misneach dha.

AM focal a labhair *Ieremiah* am fàidh ri *Baruch* mac *Neria*, 'n uair a sgrìobh e na briathran so ann an leabhar o bheul *Ieremiah*, ann an ceathramh bliadhna *Iehoiacim* mhic *Iosiah* rìgh Iudah, ag ràdh,

2 Mar so labhair an Tighearn Dia Israeil do d' thaobh-sa, O *Baruch*;

3 Thubhairt thu, Mo thruaighe mise nis! oir chuir an Tighearn bròn ri m' dhoilghios; tha mi sgìth le m' òsnaibh, agus fois air bith cha d' fhuair mi!

4 Mar so their thu ris, Mar so thubhairt an Tighearn, Feuch, an nì sin a thog mi, tilgidh mi sìos; agus an nì sin a shuidhich mi spionaidh mi nìos; eadhon am fearann so gu h-ìomlan.

5 Agus am bheil thusa ag iarraidh air do shon fèin nithean mòra? Na h-iarr: oir, feuch, bheir mise òc air na h-uile fheoil, tha an Tighearn ag ràdh: ach bheir mi dhuitse d'anam mar chobhartach, anns na h-uile àite gus an tèid thu.

CAIB. XLVI.

1 *Ròimh-innis Ieremiah* gu'm buaicleadh *Nebuchadnesair* feachd rìgh na h-Eiphit. 27 Thug c comhshurtachd do *Jacob* 'n a bhraighdeanas.

FOCAL an Tighearn 'a thàinig gu *Ieremiah* am fàidh, mu thimchioll nan cinneach.

2 Mu thimchioll na h-Eiphit. A thaobh feachd Pharaoh-necho rìgh na h-Eiphit, a bha ri taobh na h-aimhne Euphrateis ann an Carchemis, a bhuaill *Nebuchadnesair* rìgh Bhabìloin, ann an ceathramh bliadhna *Iehoiacim*, mhic *Iosiah*, rìgh Iudah.

3 Gleusaibh an targaid agus an sgiath, agus dlùthaichibh a chum a' chatha.

4 Uidhimichibh na h-eich, agus rachaibh air am muin, a mharc-shluaigh; agus seas-

aibh a mach le ccann-bheartaibh; lìomhaibh na sleaghan, cuiribh oirbh na lùirichean.

5 C'uime am faca mi iad so fo gheilt, agus a' gabhail na ruaige? tha eadhon an daoine cumhachdach air an claidh; seadh a' teich-eadh gu luath, agus gu iad a' sealltuinn 'n an deigh. Tha eagal air gach làimh, deir an Tighearn.

6 Na teicheadh am fear luath, agus na rachadh am fear làidir as; a làimh na h-àirde tuath, ri taobh na h-aimhne Euphrateis, thuislich, agus fhuair iad leagadh.

7 Cò so a' teachd a nìos mar amhainn, agus a h-uisgeachan ag atadh mar thuiltean?

8 Dh'éirich an Eiphit mar amhainn, tha a h-uisgeachan ag atadh mar thuiltean, agus tha i ag ràdh, Thèid mi suas, còmhdaichidh mi am fearann, sgrìosaibh mi a' chaithir agus iadsan a tha 'g a h-àiteachadh.

9 Rachaibh air 'n n-eachaibh, agus bithibh air mhìre-chatha; air na carbadaibh, agus rachadh na fir-chogaidh a mach: na h-Etiopaich, agus na Libianaich a ghlacas an sgiath, agus na Lìdianaich a ghlacas agus a chuireas air lagh am bogha.

10 Oir is e so là Tighearna nan sluagh, là dìoghaltais, a chum e fèin a dhioladh air a naimhdeibh: agus sluigidh an claidheamh, agus bithidh e sàthach, agus cuirear air mhìsg e le 'm fuil: oir tha ìobairt aig Tighearn nan sluagh anns an tìr mu thuath, làimh ri amhainn Euphrateis.

11 Theirig suas gu Gilead, agus gabh ìoc-shlaint, O òg-bhean, a nighean na h-Eiphit; is dìomhain duit mòran chungaidhean-leigheis a ghnàthachadh: air do leigheas cha bhì thu.

12 Chuala na cinnich do mhasladh, agus lìon do ghaoir an talamh: oir thuislich iad, an laoch an aghaidh an laoch; thuit iad araon le 'chéile.

13 Am focal a labhair an Tighearn ri *Ieremiah* am fàidh, mu theachd *Nebuchadnesair* rìgh Bhabìloin, a bhualadh tìr na h-Eiphit.

14 Fòillsichibh anns an Eiphit, agus cuiribh 'an cèill ann am Migdol; innsibh fòs ann an Noph, agus ann an Taphanes abraibh; Seas daingean, agus deasaich thu fèin; oir shluig an claidheamh a' mhuinntir a tha mu'n cuairt duit.

15 C'uime ann bheil do chumhachdaich air an leagail? cha do sheas iad, a chionn gu'n do thilg an Tighearn sìos iad.

16 Thug c air mòran tuisleachadh, seadh, tuiteam air muin a chéile: thubhairt iad uime sin, Thigibh, agus pilleamaid gu ar sluagh fèin, agus gu tìr ar dùchais, o chlaidheamh a' mhillteir.

17 Dh'éigh iad an sin, O Pharaoh, a rìgh na h-Eiphit, chuir ioma-luasgadh bacadh air a' choinncimh a shuidhicheadh.

18 Mar is beò mise, deir an Rìgh, d'an ainm *Iehobha* Dia nan sluagh, gu deimhin

mar Thabor an measg uam beann, agus mar Charnel ri taobh na fairge, thig e.

19 Cuir d' airneis 'an uidheam air son dol air ghluasad, O a uighean a tha 'chòmh-nuidh 's an Eiphit; oir bithidh Noph 'n a fhàsach, bithidh e fòs 'n a làraich luim, gun aon 'g a àiteachadh.

20 Is agh air an bheil aogus àluinu an Eiphit; tha milleadh o'u àirde tuath a' teachd 'n a h-aghaidh.

21 Tha a fir-thuarasdail fòs 'n a meadhou mar dhaimh bhiadhta; gidheadh thionndaidh eadhòu iadsan an cùlaobh, theich iad le 'chéile, cha do sheas iad; a chionn gu'n d'fhàinig orra là au aimhleis, aimsir an smachdachaidh.

22 Théd a ghuth a mach mar *ghuth* nath-rach; oir gluaisidh iad mar armait, agus thig iad 'n a h-aghaidh le tuaghan, mar luchd-gearradh chraobh.

23 Gearraibh sìos a coilltean, tha an Tighearn ag ràdh, air chor as nach faighear iad le iarraidh; ge hionnhoire iad na locuist, agus ged nach feudar an àireamh.

24 Tha amhludh air nighinn na h-Eiphit; thugadh thairis i do làimh sluagh na h-àirde tuath.

25 Thubhairt Tighearn nau sluagh, Dia Israeil, Feuch, smachdaichidh mise Amon No, agus Pharaoh, agus au Eiphit, agus a diathau, agus a rìghrean; eadhon Pharaoh agus iadsan a tha 'cur an dòchais anu.

26 Agus bheir mi thairis iad do làimh na muinntir a tha 'g iarraidh an 'anama, eadhon do làimh Nebuchadnessair rìgh Bhabìoin, agus do làimh a sheirbliseach: agus 'n a dhéigh sin àiteichar i, mar anns na làithibh o shean, deir an Tighearn.

27 Ach na bithheadh eagail ortsa, O Iacoib, m' òglach, agus na bithheadh geilt ort, O Israeil; oir, feuch, bheir mise tèaruinte thu o chéiu, agus do shliochd o thìr an daorsa; agus pillidh Iacob, agus gheibh e fois agus sìth; agus cha bhi aon neach ann a chur eagail air.

28 Na bithheadh eagail ort, O Iacoib m' òglach, deir an Tighearn, oir tha mise maille riut; ged bheir mi crìoch iomlan air na h-uile chinnich gus an d'fhògair mi thu, gidheadh cha toir mi crìoch iomlan ortsa: ach smachdaichidh mi thu ann an tomhas, agus cha-n fhuing mi dhuit dol as gu h-iomlan saor.

CAIB. XLVII.

1 *Fàisteachd mu thimchioll léir-sgrìos nam Philisteach.*

FOCAL an Tighearn, a thàinig gu Ieremiah ann faidh a thaobh nam Philisteach, mu'n do bhuail Pharaoh Gasa.

2 Mar so deir an Tighearn, Feuch, tha uisgeachan a' teachd a nìos o'n àirde tuath, agus fàsaidh iad 'n an tuil a thig thairis, agus a chòmhdaicheas am fearann, agus

gach nì a th' aun; am baile, agus iadsan a tha 'g a àiteachadh: agus éighidh na daoine gu h-àrd, agus nì uile luchd-àiteachaidh na tìre tuireadh.

3 Rì fuaim tartair ionganann eacha meam-nach, ri farum a' charbad, ri stairirich a rothan, cha seall na h-aithrichean air an ais ri 'n cloinn, le laigse làmh;

4 Air son an là a tha 'teachd & chreachadh nam Philisteach uile, agus a ghearradh air falbh o Thirus agus o Shidon gach fear-cuideachaidh a mhaireas: oir creachaidh an Tighearn na Philistich, fuigheall tìre Chaphtoir.

5 Thàinig maoile air Gasa; mhilleadh Ascelon. O fhuigheill an glinne; cia fhada 'ui thusa thu féin a ghearradh?

6 Ho! a chladheimh Iehobhah! cia fhada gus an gabh thu fois? taig thu féin aun ad thruaill, gabh fois, agus bi sàmhach.

7 Clonuas a dh'fhèudas e 'bhi sàmhach, o thug an Tighearn àithne dha? An aghaidh Asceloin, agus an aghaidh oir-thìr na fairge, an sin dh'orduich se e.

CAIB. XLVIII.

1 *Breitheanas nam Moabach, 7 a chionn gu'n do chuir iad an dòchas 'n an scoibhreas, 11 'n an soirbheachadh, 14 agus 'n an neart chum cogaidh. 26 Nìhear Moab 'n a bhall-fanoid air son uaille agus àrdain a chridhe. 47 Bheirear braid Mhoab air a h-ais anns na làithibh deireannach.*

MU thimchioll Mhoab. Mar so tha Tighearn nau sluagh, Dia Israeil, ag ràdh; Is an-aobhinn do Nebo! oir tha e air a chreachadh: tha Ciriataim air a chur gu h-amhludh, air a ghlacadh; tha e air a mhaslachadh, an daingneach àrd, agus air a bhriseadh sìos.

2 Nì's mò cha bhi naill aig Moab ann an Hesbon; dhealbhadh iad oile 'n a ghaidh, ag ràdh, Thigibh, agus gearraimaid as e o' bhi 'n a chinneach: millear thusa mar an ceudna, O Mhadmein, bithidh an claidheamh air do thòir.

3 Tha fuaim éighich o Horonaim, mill-eadh agus àr mòr.

4 Tha Moab air a mhilleadh, thug a' chlànn bheag air an gaor a bhi air a cluinntinn.

5 Gu dearbh aig uchdaich Luhit, théd gul a suas gun fhois: gu dearbh aig leathad Horonaim chuala mò naimhdeau éigh a' mhillidh.

6 Teichibh, tèarnaibh 'ur n-anam, agus bithibh mar phreas seargta 's an ionad sgaoilte.

7 Oir a chionn gu'n d'earb thu á do mhaoiu, agus á d'ionmhaisaibh, air an aobhar sin bithidh tu féin fòs air do ghlacadh: agus théd Chemos air falbh 'am braighdeanas, a shagartan agus 'uachdarain maille ris.

8 Thig creachadair fòs air gach uile bhaile; agus cha téid baile air bith as: agus millear

an gleann, agus théid an còmhnaid a sgrìos, amhuil a labhair an Tighearn.

9 Thugaibh sgiathan do Mhoab, a chum gu'n teich e gu luath air falbh; agus bith-eadh a bhailtean 'n am fàsach, gun aon 'g an àiteachadh.

10 Is malluichte esan a ni obair an Tighearna gu cealgach; agus is malluichte esan a chumas a chlaidheamh air ais o fhuil.

11 Bha suaimhneas aig Moab o 'dige, agus shoeruich e air a dheasgainibh, agus cha do tharruingeadh a mach o shoithcach gu soitheach e, ni mò dh'imich e ann am braighdeanas: air an aobhar sin mhair a bhlas ann, agus cha d'atharraicheadh 'fhàile.

12 Uime sin, feuch, tha na làithean a' teachd, deir an Tighearn, anns an cuir mise d'a ionnsuidh luchd-glusaid, a bheir air dol air ghluasad, agus a dh'fhalamhaicheas a shoithichean, agus a bhriseas a shoireachan.

13 Agus bithidh nàire air Moab á Chemos, mar a bha nàire air tigh Israeil á Bet-el am muinghinn.

14 Cionnus a their sibh, Tha sinn 'n ar daoine cunlachdach, agus treuna air son a' chatha?

15 Tha Moab air a chreachadh, agus air dol suas as a bhaitibh, agus thàinig an òigridh taghta-san a nuas a chum an àir, deir an Rìgh, d'an ainm Iehobhah Dia nan sluagh.

16 Tha léir-sgrìos Mhoab dlùth do làimh, agus 'amhghar gu luath a' greasad.

17 Guilbith air a shon, sibhse uile mu'n cuairt da; agus sibhse uile d'an aithne 'ainm, abraibh, Cionnus a bhriseadh slat-rioghail na treise! lorg na maise!

18 Thig a nuas o d' àilleachd, agus suidh ann an iota, O a nhegan a tha 'g àiteachadh Dhiboin; a chionn gu bheil creachadair Mhoab air teachd a nìos ann ad aghaidh, fear-millidh do dhaingnichean.

19 Seas aig an t-slighe, agus gabh sealladh, Obhean-àiteachaidh Arceir; feòraich dheth-san a theicheas, agus dh'ise 'chaidh as, abair, Ciod a rinneadh?

20 Mhasluicheadh Moab, oir bhriseadh sìos e: deanaibh ulartaich agus àrd-èigh-each; innsibh an sgeul ann an Arnon, gu bheil Moab air a mhilleadh.

21 Agus thàinig breitheanas air an tìr chòmhnaid; air Holon, agus air Iahasah, agus air Mephaat,

22 Agus air Dibon, agus air Nebo, agus air Bet-diblataim,

23 Agus air Ciriataim, agus air Bet-gamul, agus air Bet-meon,

24 Agus air Ceriot, agus air Bosrah, agus air uile bhaitibh fearainn Mhoab, am fad agus am fagus.

25 Ghearradh adharc Mhoab uaith, agus tha a ghairdean air a bhriseadh, deir an Tighearn.

26 Cuir air mhìsg e; a chionn gu'n do thog e suas e féin an aghaidh an Tighearna: seadh, ni Moab e féin aornagain 'n a sgeith féin, agus bithidh e mar an ceudna 'n a bhall-fanoid.

27 Oir, nach robh Israel 'n a bhall-fanoid dhuitse? an d'fhuaradh am measg mheirleach e, gu'n tugadh tu ana-cainnt da leis na h-uile bhriathraibh a b'urrainn thu?

28 Fàgaibh na bailtean, agus gabhaibh còmhnuidh anns a' charraig, O sibhse a tha 'g àiteachadh Mhoab; agus bithibh cosmhuil ris a' choluman a ni a nead ann am bruaich bile na h-uainhe.

29 Chuala sinn uabhar Mhoab; tha e ro uaibhreach; a mhòr-chuis, agus 'uabhar, agus 'uail, agus àrdan a chridhe.

30 Is aithne dhomhsa, deir an Tighearn, a chorruich, ach cha-n'eil a neart d'a réir; a ràiteachas, ach cha-n'eil a dheanadas d'a réir.

31 Air an aobhar sin guilidh mise air son Mhoab, eadhon air son Mhoab uile togaidh mi 'n àird mo ghuth; ri fearaibh Chir-bhereis ni Iaser éigheach le gul.

32 Guilidh mi air do shon, O fhìonain Shìbmah; sgaoil do mheanglain thar an fhainge, ràinig iad gu ruig fainge Iaseir; air do mheas-samhraidh, agus air d' fhion-fhogharadh bhual am fear-millidh.

33 Agus tha aoibhneas agus gairdeachas air an toirt air falbh o'n mbachair thorraich, eadhon o thìr Mhoab; agus air fìon o'n amar-bhruthaidh chuir mise casgadh; am fear-bruthaidh cha bhruth, an iolach cha-n iolach i.

34 O ghaoir Hesboin gu Elealeh, gu Iahas chuir iad a mach an guth, o Shoar gu ruig Horonaim, mar thrì-bliadhnach aighe; oir bithidh eadhon uisgeachan Nimrim 'n an léir-sgrìos.

35 Agus cuiridh mise casgadh ann am Moab, tha an Tighearn ag ràdh, airsan a dh'ìobras air ionad àrd, agus airsan a loisgeas tùis d'a dhiathaibh.

36 Air an aobhar sin ni mo chridhe fuaim mar phiobaibh air son Mhoab; ni eadhon mo chridhe fuaim mar phiobaibh air son fhear Chir-bhereis: a chionn gu'n deachaidh am beartas a fhuair iad am mugha.

37 Seadh, bithidh gach ceann maol, agus gach feusag bearrta: air na làman uile bithidh gearraidhean, agus air na leasraibh uile sac-éididh.

38 Air mullach uile thighean Mhoab, agus 'n a shràidibh, bithidh tuireadh coitcheonn: oir bhris mise Moab, mar shoitheach anns nach 'eil tlachd aig aon neach, deir an Tighearn.

39 Cionnus a bhriseadh sìos e! (bhùir iad;) cionnus a thionndaidh Moab a chùlaobh! nàraicheadh Moab, agus bithidh e 'n a bhall-fanoid, agus 'n a uamhunn dhoibhsan uil mu'n cuairt da.

40 Oir mar so tha an Tighearn ag ràdh, Feuch, itealachidh aon mar iolair, agus sgaoilidh e a sgiathan thar Mhoab.

41 Ghlacadh na bailtean, agus tha na daingichean 'an làimh, agus bithidh cridheachan laoch Mhoab anns an là sin mar chridhe mnà ri saothair.

42 Agus sgriosar Moab o bhi nì's mò 'n a chinneach, a chionn gu'n d' àrdaich se e fèin an aghaidh an Tighearna.

43 Bithidh an t-uamhas, an slochd, agus an rib ort, O fhir-àiteachaidh Mhoab, deir an Tighearn.

44 Esan a theicheas o'n uamhas, tuitidh e 's an t-slochd, agus esan a dh'éireas as an t-slochd, glacar e 's an rib; oir bheir mise air, *eadhon* air Moab, bliadhna a smachdachaidh, deir an Tighearn.

45 Fo sgàile Hesboin sheas iadsan a theich o'n ainneart: ach thig teine mach o Hesbon, agus lasair á meadhan Shihoin, agus loisgidh e cearna Mhoab, agus mullach cinn nan daoine ceannairceach.

46 Is an-aoibhin dhuitse, O Mhoab! tha thusa caillte, O shluaigh Chemois! oir thugadh do mhic air falbh 'am braighdeanas, do nigheanan ann am bruid mar a ceudna.

47 Gidheadh bheir mise air a h-ais bruid Mhoab anns na làithibh deireannach, deir an Tighearn. An fhad so breitheanas Mhoab.

CAIB. XLIX.

1 Breitheanas nan Amonach, 7 nan Edomach, 23 Dhamascuis, 28 Chedair, 30 Hasoir, 34 agus Elaim. 39 Bheir fear bruid Elaim air a h-ais anns na làithibh deireannach.

MU thimchioll nan Amonach, Mar so tha an Tighearn ag ràdh, Nach 'eil mic idir aig Israel? nach 'eil oighre sam bith aige? c'uime am bheil sealbh aig Milcom air Gad, agus a shluagh a chòmhnuidh 'n a bhailtibh?

2 Uime sin, feuch, tha na làithean a' teachd, deir an Tighearn, 's an toir mise tainear gu'n chluinnear ann an Rabah nan Amonach caismeachd cogaidh: agus bithidh e 'n a thòrr léir-sgrios, agus loisgear a nigheanan le teine: an sin bithidh Israel 'n a oighre air an dream a bha 'n an oighreachan aisans, deir an Tighearn.

3 Dean ulartaich, O Hesboin, oir chreachadh Ai: éghibh, a nigheana Rabah, cuiribh umaibh eudach-saic: deanaibh tuireadh, agus ruithibh air 'ur n-ais agus air 'ur n-aghaidh ri taobh nan callaidean; oir faibhaidh Milcom ann am braighdeanas, a shagartan agus 'uachdarain maille ris.

4 C'uime am bheil thu ri uail ann an gleanntaibh? ged a tha do ghleann torrach, O a nighean cheannairceach: ag earbsa as a h-ionmhasaibh, *ag ràdh*, cò 'thig a m'ionnsuidh-sa?

5 Feuch, bheir mise uamhas ort, tha an Tighearn Dia nan sluagh ag ràdh, o na

h-uile taobh mu'n cuairt duit, agus iomainear a mach sibh, gach aon roimhe, agus cha bhi neach ann a chruinnicheas air an ais a' mhuinntir a ghabhas an ruaig.

6 Ach 'n a dhéigh sin bheir mise air a h-ais braighdeanas cloimne Amoin, deir an Tighearn.

7 Mu thimchioll Edoim. Mar so tha Tighearn nan sluagh ag ràdh, Nach 'eil gliocas nì's mò ann an Teman? an do bhàsaich comhairle nan daoine glìce? an deachaidh an gliocas ann mugha?

8 Teichibh, pillibh air 'ur n-ais, rachaibh domhain a ghabhail còmhnuidh, O a luchd-àiteachaidh Dhedain; oir bheir mise dòrainn Esau air, an uair a smachdaicheas mi e.

9 Ma thig luchd-tionail fhion-dhearc a d'ionnsuidh, cha-n fhàg iad uiread as dìoghlum: ma thig gadnìchean anns an oidhech, creachaidh iad gus am bi aca nì's leòr.

10 Oir rùisg mise Esau, leig mi ris 'ionadan dìomhair, air chor as nach feud se e fèin fholach; chreachadh a shliochd, agus a bhràithrean, agus a chòimhearsnaich, agus cha-n'eil e fèin ann.

11 Fàg do dhilleachdain, gleidhidh mise beò iad; agus cuireadh do bhantraichean an dòchas annam-sa.

12 Seadh, mar so deir an Tighearn, Feuch, iadsan nach robh cho toillteanach air dè de'n chnaimh, dh'èl iad dhi gu deimhin, agus am feud thusa dol saor as? cha téid thu as, ach gu deimhin dlaidh tu.

13 Oir orm fèin mhionnach mise, deir an Tighearn, gu'm bi Bosrah 'n a léir-sgrios, 'n a mhasladh, 'n a fhàsach, agus 'n a mhallachadh; agus gu'm bi uile bhailtean 'n am fàsaichean sìorruidh.

14 Chuala mi aithris o'n Tighearn, agus chuireadh teachdair chum nan cinneach, *ag ràdh*, Cruinnichibh ri 'chéile, agus thigibh 'n a h-aghaidh, agus éiribh suas chum a' chatla.

15 Oir feuch, ni mise beag thn 'am measg nan cinneach, agus suarach am measg dhaoine.

16 Rinn domhòr-chumhachd do mhealladh, uabhar do chridhe, O thusa 'tha 'g àiteachadh namha na carraig, a tha 'gleidheadh airde a' chnuic: ged a ni thu do nead, gu h-àrd, mar an iolair, as a sin bheir mise nuas thu, deir an Tighearn.

17 Agus bithidh Edom 'n a fhàsach: bithidh namhunn air gach neach a théid scachad air, agus ni iad sgeig m' a nìle léir-sgrios.

18 Ceart mar ann an sgrios Shodoim agus Ghomorah, agus nan ionadan a bha dlùth dhoibh, deir an Tighearn, cha ghabh duine còmhnuidh an sin, ni mò 'théid mac duine gu fuireach air chuart ann.

19 Feuch, mar leòmhnan thig e nìos o ataireachd Iordain gu ionad còmhnuidh nan cumhachdach. Gu deimhin bheir mise faincar gu luath: gu'n ruith e nìos as a sin;

agus cò e an gaisgeach taghta a chuireas mi os a cheann? Oir cò a's cosmhuil riumsa, no cò a chumas coinneamh rium, no càit am bheil am buachaill sin a's urrainn seasamh ann am làthair?

20 Air an aobhar sin èisdibh rùn an Tighearna, a rùnaich e an aghaidh Edoim, agus a smuaintean a smuaintiche e an aghaidh luchd-àiteachaidh Themain: gu deimhin spionar air falbh blach an treud, gu deimhin nìthear léir-sgrìos, os an ceann, d'an àite-còmhnuidh.

21 Le fuaim an leagaidh, tha crith air an talamh; tha 'ghaoir a' dol a mach; aig a' Mhuir-ruaidh chualas an éigheach.

22 Feuch, thig e nìos mar iolair ag iteal-ach, agus sgaoididh e a sgiathan thar Bhosrah; agus bithidh cridheachan laoch-ruidh Edoim anns an là sin mar chridhe muà ri saothair.

23 Mu thimchioll Dhamascuis. Chuireadh gu h-amhladh Hamat agus Arphad, oir chual' iad droch sgeul; tha iad fo iomagain mar mhuir bhuaire nach feud a bhi samh-ach.

24 Tha Damascus air fàs lag, tha e 'g a thionndadh féin gu teicheadh, agus fhuair eagal greim air; ghlaic teanntachd e, agus ioghannan, mar mhaoi ri saothair.

25 Cionnus nach maireonn caithir a' mholaidh, baile mo sholais!

26 Uime sin tuitidh a h-òganaich 'n a sràidibh, agus gearrar as na fir-chogaidh uile 's an là sin, deir Tighearn nan sluagh.

27 Agus fadaidh mise teine ann am balla Dhamascuis, agus loisgidh e luchairtean Bhen-hadaid.

28 A thaobh Chedair, agus a thaobh rìoghachdan Hasoir, a bhuail Nebuchadnesar rìgh Bhabiloin. Mar so thubhairt an Tighearn, Eiribh, rachaibh suas gu Cedar, agus creachaibh daoine na h-àirde an car.

29 Am bithan agus an treudan glacadh iad, an sgaileachan agus an airneis uile; agus an camhalan gabhadh iad dhoibh féin; agus abradh iad riu, Uamhas air gach taobh.

30 Teichibh, imichibh gu luath, rachaibh domhain a ghabhail còmhnuidh, Ó a luchd-àiteachaidh Hasoir, deir an Tighearn; oir ghabh Nebuchadnesar rìgh Bhabiloin comhairle 'n 'ur n-aghaidh, agus dhealbh e imleachd 'n 'ur n-aghaidh.

31 Eiribh, rachaibh suas an aghaidh cinnich shuainhneich, a tha 'gabhail còmhnuidh gun chàram, deir an Tighearn; aig nach 'eil aon chuid dorsan no croinn; a tha 'còmhnuidh air leth leo féin.

32 Agus bithidh an camhalan 'n an còbh-artach, agus paitèas an spréidhe 'n a chreich; agus sgapaiddh mise gus na h-uile ghaoth iadsan a th'anns na cearnaibh iomallach, agus o na h-uile taobh dheth bheir mise an dòruim, deir an Tighearn.

33 Agus bithidh Hasor 'n a ionad-còmhnuidh dhràgon, 'n a fhàsach bith-bhuan; cha ghabh duine còmhnuidh an sin, ni mò thèid mac duine gu fuireach air chuairt ann.

34 Focal an Tighearn a thàinig gu Ieremiah ann fàidh mu thimchioll Elaim, 'an toiseach linn Shedeciah rìgh Iudah, ag ràdh,

35 Mar so tha Tighearn nan sluagh ag ràdh, Feuch, brisidh mise bogha Elaim, a' chuid a's tréine d'an cumhachd.

36 Agus bheir mise air Elaim ceithir ghaothan o cheithir chearnaibh nèimh, agus sgapaiddh mi iad roimh na gaothan so uile; agus cha bhi cinneach sam bith gus nach tig iadsan a dh'fhògradh o Elaim.

37 Oir bheir mise air Elaim a bhi fo gheilt roimh an naimhdean, agus roimh 'n mhuinntir a tha 'g iarraidh an anama; agus bheir mi aimbleas orra, teas mo chorruih, deir an Tighearn; agus cuiridh mi 'n an dèigh an claidheamh gus an cuir mi as doibh.

38 Agus cuiridh mi mo rìgh-chaithir ann an Elaim, agus sgriosaiddh mi as a sin an rìgh agus na ceannardan, deir an Tighearn.

39 Ach tarlaidh anns na làithibh deir-eannach, gu'n toir mise air ais braighdeanas Elaim, deir an Tighearn.

CAIB. L.

1, 9, 21, 35 Na breitheanais uamhasach a bha gu teachd air Babilon. 4, 17, 33 Saorsa chloinn Israel.

A M focal a labhair an Tighearn mu thimchioll fearainn nan Caldéach, le Ieremiah am fàidh.

2 Cuiribh an céill am measg nan cinneach, agus foillsichibh, agus cuiribh suas a' bhratach; foillsichibh, na ceilibh: abraibh, Ghlaic-adh Babilon, mhasluicheadh Bel, bhriseadh Merodach 'n a bhloighdibh, chlaoidheadh a h-iodholan, bhriseadh 'n ann bloighdibh a dealbhan.

3 Oir tha cinneach a' teachd a nìos 'n a h-aghaidh o'n àirde tuath, a ni a fearann 'n a fhàsach, air chor as nach gabh aon neach còmhnuidh ann; cadar dhuine agus ainmhidh gluaisidh iad, siubhlaidh iad air falbh.

4 Ach anns na làithibh sin, agus air an àm sin, deir an Tighearn, thig clann Israel, iad féin agus clann Iudah le 'chéile, ag imeachd, agus a' gul 'n an imeachd, agus iarraidh iad an Tighearn an Dia.

5 Iarraidh iad an t-slighe gu Sion le 'n aghaidh d'a h-ionnsuidh, ag ràdh, Thigibh agus naisgamaid sinn féin ris an Tighearn ann an còimhcheangal sìorruidh nach leigear air dì-chuimhne.

6 Bu chaoraich chailte mo shluagh-sa: thug an aodhairean orra dol air seacharan, tharruing iad a thaobh iad air na sléibh-tibh; shiubhadh iad o shliabh gu enoc, leig iad an àite-fois air dì-chuimhne.

7 Iadsan uile a fhuair iad, shluig iad suas iad; oir thubhairt an uaimhdean, Cha-n'eil sinn ri cron air bith, a chionn gu'n do pheacais iad an agha dh'au Tighearn, àite-tàimh a' cheartais; cadhon an Tighearna, dòchais an aithrichean.

8 Gluaisibh a mach á mcadhon Bhabiloín, agus imichibh á tìr nan Caldéach, agus bithibh mar na gabhraibh fìrionn air toiseach nan treudan.

9 Oir feuch, dùisgidh mise, agus bheir mi nìos au aghaidh Bhabiloín, coimhthional chiumeach mòra o'n tìr mu thuath; agus cuiridh iad iad féin 'an ordugh 'n a h-aghaidh, air sheòl as gu'n glacar i: bithidh an saighdean mar gu'm b' ann o ghaisgeach seòlta; cha phill aon duibh gu dìomhain.

10 Agus bithidh Caldéa 'n a creich, iadsan uile a chreachas i gheibh iad an sàth, deir au Tighearn.

11 A chionn gu bheil sibh ri gairdeachas, a chionn gu bheil sibh ri aidhear, O sibhse a chreach m' oighreachd; a chionn gu bheil sibh air fàs reamhar mar agh biadhtha, agus ri sìtrich mar eachaibh meamrach.

12 Masluichear 'ur màthair gu mòr, nàraichear ise a rug sibh; feuch ise, deireadh nan cinneach, 'n a fàsach, 'n a fearann tioram agus falamh.

13 Air son corruich an Tighearna cha bhi i n'is mò air a h-àiteachadh, ach bithidh i 'n a fàsach gu h-iomlan: bithidh uamhunn air gach aon a théid seachad air Babilon, agus uí e sgeig m' a h-uile phlàighibh.

14 Cuiribh sibh féin 'an ordugh an aghaidh Bhabiloín air gach taobh: sibhse uile a lùbas am bogha, caithibh oirre, na caomhaibh saighdean; oir chiontaich i an aghaidh an Tighearna.

15 Eighibh os a ceann air gach taobh: strìochd si i féin; thuit a daingnichean, thilgeadh sìos a ballachan: oir is e so diòghaltas an Tighearna, deanaibhse diòghaltas oirre: mar a rinn i féin, deanaibhse rithe.

16 Gearraibh o Bhabilon au fear-cuir, agus esan a ghlacas an corrau au an àm an fhogharaidh: air eagal claidheimh a' mhìllteir, pillidh iad, gach aon g'a shluagh, teichidh iad gach aon g'a dhùthaich.

17 Is treud sgapta Israel; rinn leòmhain a ruagadh; an toiseach, chaith rìgh Asiria suas e; agus mu dheireadh, dh'ith Nebuchadnesar so rìgh Bhabiloín gu ruig an cnàimh c.

18 Air an aobhar sin mar so tha Tighearn nan sluagh, Dia Israeil, ag ràdh, Feuch, smachdaichidh mise rìgh Bhabiloín agus 'fhearann, mar a smachdaich mi rìgh Asiria.

19 Ach bheir mi Israel air ais gu 'àite-còmhnuidh féin, agus ionaltraidh e air Carmel agus Basan, agus air sliabh Ephraim agus air Gilead sàsuichear 'anam anns na làithibh sin.

20 Agus anns an àm sin, deir an Tighearn,

iarrar aingidheachd Israeil, agus cha bhi i ann; agus lochdan Iudah, ach cha bhi iad r' am faotainu: oir bheir mise maithneas dhoibh sin a chaomhaideas mi.

21 An aghaidh fearainn nau ceannairceach imich suas, air féin, agus air a luchd-àiteachaidh dean peanas, O a chlaidheimh, agus cuir as gu buileach d'an gineil, deir an Tighearn, agus coimhlìon gach nì mar a dh'aithean mise dhuit.

22 Tha fuaim a' chatha 's an fhearann, cadhon millcadh ro mhòr.

23 Cionnus a bhriseadh agus a spealgadh fairche an domhain uile! Cionnus a dh'fhàs Babilon 'n a fàsach lom am measg nan cinneach!

24 Leag mise rib air do shon, agus bha thu fòs air do ghlacadh, O Bhabilon, an uair nach do shaoil thu: fhuaradh, agus fòs ghlacadh thu, a chionn gu'n d'rinn thu strì au aghaidh an Tighearna.

25 Dh' fhosgail an Tighearn a thigh-arm, agus thug e mach airm a chorruich: oir is i so obair Iehobhah, Tighearna nan sluagh, ann au tìr nan Caldéach.

26 Thigibh 'n a h-aghaidh o 'n chearna a's iomallaiche, fosglaidh a tighean-tasgaidh, cuiribh fo 'ur cosaibh i mar thòrr, agus sgriosaidh i gu buileach; na bitheadh fuigh-eall di air 'fhàgail.

27 Marbhaibh a daimh air fad: rachadh iad sìos a chum an àir: is truagh dhoibh-san! oir tha an là air teachd, àm an smachdaichidh.

28 Guth na muinntir a theich, agus a chaidh as o thìr Bhabiloín, a dh' fhoill-seachadh ann an Sion diòghaltais an Tighearn ar Dia-ne, diòghaltais a theampuil.

29 Gairmibh sluagh lìonmhor an aghaidh Bhabiloín; sibhse uile a tha 'lùbadh a' bhogha, cuairtichibh le feachd i air gach làimh, na rachadh cuid air bith dhi as; diolaibh rithe a réir a h-oibre, a réir gach nì a rinn i, deanaibh rithe; a chionn gu 'n d' rinu i gu h-uabhbreach an aghaidh an Tighearna, au aghaidh Ti naoimh Israeil.

30 Air an aobhar sin tuitidh a h-òganaich 'u a sràidibh, agus bithidh a fir-chogaidh uile air an gearradh as anns an là sin, deir an Tighearn.

31 Feuch tha uise a'd' aghaidh, O uabhbheirich, deir Iehobhah Tighearn nan sluagh: gu cinnteach tha do là air teachd, an t-àm 's an dean mise do smachdachadh.

32 Agus gheibh an t-uabhbheirich tuisleadh agus leagadh, agus cha bhi neach ann a thogas suas e: agus fadaidh mise teine 'n a bhailtibh, agus loisgidh e gach nì mu'n cuairt da.

33 Mar so tha Tighearn nan sluagh ag ràdh, Shàruicheadh clann Israeil, agus clann Iudah le 'chéile; agus rinn iadsan uile a thug 'am braighdeanas iad greim daingean orra; dhiùlt iad an leigeadh air falbh.

34 Is eumhaichdaeh am fear-saoraidh; Ichobhah Dia nan sluagh is e 'ainm: tagraidh e gu daingean an cùis, a chum gu 'n toir e suaimhneas do 'n talamh, agus mi-shuaimhneas do luchd-àiteachaidh Bhabiloin.

35 Bithidh claidheamh air na Caldéich, tha an Tighearn ag ràdh, agus air luchd-àiteachaidh Bhabiloin, agus air a h-uachdaranab, agus air a daoinibh glìce;

36 Claidheamh air na breugairibh, agus bithidh iad air mhi-ehéill; claidheamh air a daoinibh cumhachdaeh, agus bithidh iad fo uamhunn.

37 Claidheamh air a h-eachaidh, agus air a carbadaibh, agus air a h-uile shluagh eoinhmeasgta a tha 'n a meadhon, agus bithidh iad mar mhnàibh; claidheamh air a h-ionmhasaibh, agus bithidh iad air an spùinneadh;

38 Tiormachd air a h-uisgeachaidh, agus tiormachd suas iad: a chionn gur h-i tìr nan dealbhan snaidhte, agus a h-ìodhol-aibh gu bheil i a' deanamh uaille.

39 Air an aobhar sin gabhadh fiadh-bheathaichean nam fàsach, agus madaidh-alluidh nan coilltean tàmh *an sin*; an sin fòs ni nigheanan na caillich-oidheche còmhuidh: agus cha-n àiteachair i tuilleadh gu sìorruidh; ni mò ghabhar còmhuidh innte o linn gu linn.

40 Amhuil 'n uair a sgrìos Dia Sodom agus Gomorah, agus na bailtean a bha dlùth dhoibh, deir an Tighearn, cha ghabh duine còmhuidh an sin, ni mò théid mae duine gu fuireach air chuart ann.

41 Feuch, sluagh a' teachd o 'n àirde tuath, eadhon cinneach mòr, agus dùisgear mòran rìghrean o ehriochaibh an domhain.

42 Am bogha agus an t-sleagh glacadh iad: tha iad fuileachdach, agus cha nochd iad tròcair: beneaidh an guth mar an fhaire, agus mareaidhidh iad air cachaibh, ann an ordugh mar dhaoine chum a' chatha, ann ad aghaidh-sa. O nigheann Bhabiloin.

43 Chuala rìgh Bhabiloin ionradh orra, agus dh'fhàs a lànhan lag; ghlae àmhghar e, goimh, amhuil mnà ri saothair.

44 Feuch, mar leòmhann thig e nìs o atair-eachd Iordain gu còmhuidh nan cumhachdach. Gu deimhin bheir mise fainear gu luath gu'n ruith e nìs as a sin; agus eò e an gaisgeach taghta a chuireas mise os a cheann? Oir cò a's cosmhail riumsa, no cò a ehumas coimeamh rium, no e' àit am bheil am buachail sin a's urrainn seasamh ann am làthair?

45 Air an aobhar sin éisdibh rùn an Tighearn a' rùnaich e an aghaidh Bhabiloin, agus a smuaintean a smuainich e an aghaidh tìre Chaldaea. Gu deimhin spiorair falbh à laeh an treud, gu deimhin nithear léir-sgrìos, os an ceann, d' an àite-còmhuidh.

46 Leis an fluamh, Ghlacadh Babilon! tha an talamh air a luasgadh, agus chualas a' ghaoir an measg nan cinneach.

CAIB. LI.

1 Breitheanas uamhasach an Tighearn' an aghaidh Bhabiloin. 19 Is e Dia cuibhrionn Iacob agus Israeil. 59 Sgrìobh Ieremiah an fhàistneachd mu thimchioll léir-sgrìos Bhabiloin ann an leabhar, agus dh' àithn e do Sheriah a thilgeadh 'am meadhon Euphrateis.

MAR so tha an Tighearn agràdh, Feuch, dùisgidh mise suas an aghaidh Bhabiloin, agus an aghaidh na muinntir a tha 'chòmhuidh ann am meadhon na dream sin a tha 'g éirigh 'a m' aghaidh, gaoth sgrìosach:

2 Agus euiridh mi gu Babilon luchd-fasgaidh, agus fasgnaidh iad i, agus falamh-aichidh iad a fearann; oir euairtiehidh iad air gach taobh i ann an là na h-airec.

3 Lùbadhan saighdear gun tàmh a bhogha, agus na cuireadh e dheth a lùireach; agus na eamhnaibh a h-òganaich, sgrìosaibh gu buileach an t-ìomlan d' a faehd.

4 Agus tuitidh iadsan a mharbhar ann an tìr nan Caldéach, agus iadsan a bhuailear troimh a sràidibh.

5 Oir eha do dhìobradh Israel no Iudah le 'Dhia, le Tighearn nan sluagh, ged a bha ann fearann air a lionadh le peacadh an aghaidh Ti naoimh Israeil.

6 Teiehibh a mach á meadhon Bhabiloin, agus sàbhaladh gach neach 'anam, mu'n gearrar as sibh 'n a h-aingidheachd; oir is i so aimsir dìoghaltas an Tighearna; diolaidh e rithe luigheachd.

7 Bu chupan òir Babilon ann an làimh an Tighearn', a chuir an talamh uile air mhisg: d'a fion dh'òl na cinneich, uime sin tha na einnich air bhoile.

8 Thuit Babilon gu h-obann, agus mhill-eadh i; guilibh os a ceann: gabhaibh iocshlaint air son a leòin, ma dh'fheudar mar sin a leigheas.

9 B' àill leinne Babilon a leigheas, ach cha-n'eil i air a leigheas; tréigibh i, agus rachamaid gach aon d'a dhùthaich féin; oir ràinig a breitheanas na nèamhan, agus thogadh suas e gus na speuraidh.

10 Thug an Tighearn saorsa dhuinne; thigibh agus cuiramaid an céill ann an Sion obair an Tighearn' ar Dia.

11 Geuraichibh na saighdean; eruinnieibh na sgiathan; dhùisg an Tighearn suas spiorad rìghrean Mhedia; oir tha a rùn an aghaidh Bhabiloin, a chum a sgrìos: gu deimhin is e dìoghaltas an Tighearna, dìoghaltas a theampuil.

12 Fa chomhair bhallachan Bhabiloin cuiribh suas a' bhratach, deanaibh am friceadan làidir; suidhieibh fir-fhaire, deasaieibh luchd feall-fholach; oir mar a dhealbh an Tighearn, mar an eudna rinn

c, na nithean sin a labhair e an aghaidh luchd-àiteachaidh Bhabiloin.

13 O thusa' tha 'chòmhnuidh air mòran uisgeachaidh, saoi bhir ann an ionmhasaibh, thàinig do chrìoch, tomhas do shannta.

14 Thug Tighearn nan sluagh miannan air fèin, *ag ràdh*, Gu deimhin lìonaidh mi thu le daoineibh, mar gu'm b' ann le locuist, agus togaidh iad suas iolach ann ad aghaidh.

15 Rinn esan an talamh le 'chumhachd, shoeruidh e 'n saoghal le 'ghliocas, agus le 'thuigse sgaoil e uach na nèamhan.

16 'N uair a chuireas e mach a ghuth, tha toirm uisgeachan anns na nèamhan, agus bheir e air a' ched dol suas o iomallaibh na talmhainn; ni e dealanach le frasaibh, agus bheir e mach a' ghaoth as 'ionadaibh-tasgaidh.

17 Dh'fhàs gach duine mar bhrùid 'n a eòlas; uàraicheadh gach òr-cheard le iomhaigh leaghta; oir is ni breugach an dealbhan leaghta, agus cha-u'eil anail anna.

18 Is ni faoin iad, obair mhearachd: ann an àm an smachdachaidh thèid iad 'am mugha.

19 Cha chosmhuil riu so Cuibhrionn Iacoib, oir is esan Fear-cumaidh an domhain uile; agus is c *Israel* slat 'oighreachd; Tighearn nan sluagh is e 'ainm.

20 Is tu mo thuagh-chatha, agus m' acfhuinn-chogaidh; agus leatsa brisidh mi cinnich 'n am bloighdibh; agus leatsa millidh mi rioghachdan;

21 Iad leatsa brisidh mi 'n am bloighdibh an t-cach agus a mharcach; agus leatsa brisidh mi 'n a bhloighdibh an carbad, agus esan a shuidheas air;

22 Agus leatsa brisidh mi 'n am bloighdibh an fear agus a' bhean; agus leatsa brisidh mi 'n am bloighdibh an seann duine agus an leanabh; agus leatsa brisidh mi 'n am bloighdibh an t-òganach agus a' ghruagach;

23 Agus leatsa brisidh mi 'n am bloighdibh am buachaill agus a threud; agus leatsa brisidh mi 'n am bloighdibh an treabhaiche agus a chuing; agus leatsa brisidh mi 'n am bloighdibh cinn-fheadhna agus luchd-riaghlaidh.

24 Agus dìolaidh mi ri Babilon, agus ri uile luchd-àiteachaidh Chaldéa, an uile olc a rinn iad ann an Sion, 'n ur sealladh-se, deir an Tighearn.

25 Feuch, tha mise ann ad aghaidh, O a shlèibh sgrìosaich, deir an Tighearn, a tha 'sgrìos na talmhainn uile; agus sìnidh mi mo làmh a mach ort, agus iomaidh mi thu sìos o na creagaibh, agus ni mi beinn loisgte dhìot.

26 Agus cha ghabh iad dhìot clach air son oisne, no clach air son bhunaitean; ach ann ad charnaibh lèir-sgrìos bithidh tu gu sìorruidh, deir an Tighearn.

27 Cuiribh suas bratach anns an fhearann,

séidibh an trompaid ann measg nan cinn-each, deasaichibh 'n a h-aghaidh cinnich gairmibh 'an ceann a chéile 'n a h-aghaidh rioghachdan, Ararat, Mini, agus Aschenas; sonraichibh ceannfeadhna 'n a h-aghaidh; thugaibh air na h-eachaibh teachd a nìos mar na locuist fhriodhanach.

28 Deasaichibh 'n a h-aghaidh cinnich, rìghrean Mhedia, a cinn-fheadhna, agus a h-uile luchd-riaghlaidh, agus uile fhearann a tighearnais.

29 Agus bithidh crith air an fhearann, agus doilghios; oir seasaidh comhairle an Tighearn an aghaidh Bhabiloin gu daingean, a dheanann tìre Bhabiloin 'n a fàsach, gun neach 'g a h-àiteachadh.

30 Leig laich Bhabiloin dhiubh cogadh, dh'fhan iad ann an daingnichibh; dh'fhàilnich an treise; dh'fhàs iad mar mhnathan; loisgeadh a h-ionadan-còmhnuidh; bhris-eadh a croinn-dhruididh.

31 Greasaidh fear-ruith gu luath 'an còdhail fir-ruith, agus teachdair 'an còdhail teachdaire, a dh'innseadh do rìgh Bhabiloin gu'n do ghlacadh a bhaile aig *gach* ceann;

32 Agus tha na slighean air an glacadh, agus a' chuile loisg iad le teine, agus tha na fir-chogaidh air am bualadh le h-uamhunn.

33 Oir mar so tha Tighearn nan sluagh, Dia Israeil, ag ràdh, Tha nighean Bhabiloin mar uriar-bualaidh; fathasd tiota beag, agus thig am a bualaidh, agus am a buain.

34 Dh'ith Nebuchadnesar rìgh Bhabiloin suas sinn, chaith e sinn, rinn e sinn 'n ar soitheach falamh; shluig e suas sinn mar dhràgon; fion e a bhrù le ar nithibh blasda, thilg e mach sinn.

35 Gu'n robh an t-ainneart a rinneadh ormsa, agus air m' fheoil air Babilon, their fear-àiteachaidh Shioin; agus, Gu'n robh m' fhuil-sa air luchd-àiteachaidh Chaldéa, their Ierusalem.

36 Air an aobhar sin, mar so tha an Tighearn ag ràdh, Fench, tagraidh mise do chùis, agus ni mi dìoghaltas air do shon; agus tiormaichidh mi suas a fairge, agus ni mi a màthair-uisge tìorann.

37 Agus bithidh Babilon 'n a carnaibh, 'n a h-ionad-còmhnuidh dhràgon, 'n a h-uamhas, agus 'n a ball-sgeic, gun aon 'g a h-àiteachadh.

38 Beucaidh iad le 'chéile mar leòmhanaibh; sgalaidd iad mar chuileanaibh leòmhann.

39 'N an teas cuiridh mise cuirm rompa, agus cuiridh mi air mhisg iad, a chum gu'n dean iad aighir, agus gu'n coidil iad codal sìorruidh, agus nach dùisg iad, ars' an Tighearn.

40 Bheir mi nuas iad mar uain a chum am marbhadh, mar reitheachan maille ris na gabhraibh fìrionn.

41 Cionnus a ghlacadh Sesac! agus cionnus

a rinneadh greim air clùt an domhain uile !
cionnus a dh'fhàs Babilon 'n a h-uamhas
am measg nan cinncaich !

42 Thàinig an fhaireg mios air Babilon :
tha i air a còmhachadh le lìonmhoireachd
a tonnan.

43 Tha a bailtean 'n am fasach, 'n am
fearann tioram, agus 'n àirach sgaoilte ;
talamh anns nach 'eil duine a chòmhluaidh,
nì mò thèid mac duine trompe.

44 Agus bheir mise breitheanas air Bel ann
am Babilon, agus bheir mi mach as a bheul
an nì sin a shluig e ; agus cha chruinnich
na cinnich 'an ceann a chèile thuige nì's
mò ; thuit fòs balla Bhabailoin.

45 Rachaibh-se mach as a meadhon, O mo
shluagh-sa, agus tèarnaibh gach aon 'anam
o chorruich ghaireg an Tighearna.

46 Agus a chum nach bi 'ur cridhe meata,
nì mò 'bhitheas eagail oirbh roimh an iom-
radh a chluinnear anns an fhearann : oir thig
an t-iomradh air bliadhna, agus air an ath-
bhliadhna 'n a dhéigh sin thig iomradh,
agus ainneart anns an fhearann, uachdaran
an aghaidh uachdarain ;

47 Air an aobhar sin, feuch, tha na làith-
can a' teachd anns an dean mise breith-
canas air dealbhan snaidhte Bhabailoin ;
agus cuirear gu h-amhladh a fearann uile,
agus tuitidh a mairbh gu léir 'n a meadhon.

48 Agus togaidh na nàmhnan agus an
talamh iolach os ceann Bhabailoin, agus na
h-uile 'tha anna : an uair a thig a luchd-
creachaidh 'n a h-aghaidh o'n àirde tuath,
deir an Tighearna.

49 Oir mar thug Babilon air muinntir
chlaoidhte Israeil tuiteam ; mar sin aig
Babilon thuit muinntir chlaoidhte an domh-
ain uile.

50 Sibhse a chaidh as o'n chlaoidheamh,
imichibh roimhibh, na fanaibh 'n 'ur seas-
amh : cuimhnicibh an Tighearna o chéin,
agus thigeadh Ierusalem 'n 'ur n-aire.

51 Bha sinn fo amhladh, a chionn gu'n
cuala sinn mi-chluin, chòmhdaich nàire ar
n-aghaidh ; oir thàinig coimhich a steach
do ionadaibh naomha tighe an Tighearna.

52 Uime sin feuch, tha na làithcan a'
teachd, deir an Tighearna, anns an dean
mise breitheanas air a dealbhan snaidhte ;
agus feadh a fearann uile bithidh acain nan
daoine leònta.

53 Ged éireadh Babilon suas gu ruig na
nàmhnan, agus ged dhaingnichadh i gu
h-àrd a neart, uamsa thig luchd-creachaidh
d'a h-ionnsuidh, deir an Tighearna.

54 Fuaim éighich o Bhabailon, agus léir-
sgrios mòr o thìr nan Caldeach.

55 Oir mhìll an Tighearna Babilon, agus
bhàsaich a mòr-fharum 'n a meadhon ; ged
bha a fuaim mar thoirm uisgeachan mòra,
ge b 'àrd a dh'èirich a farum.

56 A chionn gu'n d'fhàinig fear-millidh
'n a h-aghaidh, an aghaidh Bhabailoin ; agus

ghlacadh a laoiach, agus bhriscadh gach aon
d' am boghachan ; oir bheir an Tighearna,
Dia na luighcachd, gu cinnteach luigh-
eachd dh'ise.

57 Agus cuiridh mise air mhìsg a prionn-
sachan, agus a daoine glìce, a cinn-fheadhna,
agus a h-uachdarain, agus a daoine cumh-
achdach ; agus còididh iad codal bith-
bhuan, agus cha d'èig iad tuilleadh, deir
an Rìgh d'anaim leobhabh *Dian* nansluagh.

58 Mar so tha Tighearna nan sluagh ag
ràdh, Brisear gu tur ballachan leathan
Bhabailoin, agus loisgear a geatachan àrda
le teine ; agus saothairichidh na slòigh gu
diomhain, agus na cinnich anns an teine,
agus an toir iad thairis le sgios.

59 Am focal a dh'àithn Ieremiah am fàidh
do Sheraiah mac Neriah, mhic Mhaaseiah,
'n uair a chaidh e le Sedeciah rìgh Iudha
gu Babilon, anns a' cheathramh bliadhna
d'a linn : agus b'e Seraiah an t-àrd chaillt-
eanach.

60 Agus sgrìobh Ieremiah na h-uile ole a
bha ri teachd air Babilon ann an aon
leabhar, na briathran so uile 'tha air an
sgrìobhadh mu thimcheall Bhabailoin.

61 Agus thubhairt Ieremiah ri Sraiah,
'N uair a thig thu gu Babilon, agus a chi,
agus a leughas tu na briathran so uile,

62 An sin their thu ; O Thighearna, labh-
air thu an aghaidh an àite so gu 'ghcarradh
as, air chor as nach bi neach a chòmhnuidh
ann, aon chuid duine no ainmhidh, ach gu'm
bi e fàs gu sìorruidh.

63 Agus tarlaidh, 'n uair a sguireas tu de
leughadh an leabhair so, gu'n ceangail thu
clach ris, agus tilgidh tu e ann am meadhon
Euphrateis.

64 Agus their thu, Mar so thèid Babilon
fodha, agus cha-n éirich i nì's mò, a thaobh
an uile a bheir mise oirre ; agus cìdsnaich-
ear iad.

An fhad so briathran Ieremiah.

CAIB, LIII.

1 *Rioghachadh aingidh Shedeciah agus a cheann-
aire an aghaidh Nebuchadnesair. 4 Ghlac
Nebuchadnesar Ierusalem. 8 Mharbh e mic
Shedeciah, agus chuir e mach a shùilean. 12
Chreac Nebusar adan am baile, agus loisg se
e. 24 Cuir rìgh Bhabailoin àrd uaislean nan
Iudhach gu bàs ann an Riblah.*

BHA Sedeciah bliadhna thar fhichead a
dh'aois an uair a thòisich e air riogh-
achadh, agus rìghich e aon bhliadhna deug
ann an Ierusalem ; agus b'e ainm a mhàthar
Hamutal, nighean Ieremiah o Libnah.

2 Agus rinn e an nì sin a bha ole ann an
sùilibh an Tighearna, a rèir gach nì a rinn
Iehoiachim.

3 Oir troimh fheirg an Tighearna tharladh
ann an Ierusalem agus ann an Iudha, agus
an do thlig e iad a mach as 'Fhianuis, gu'n
d' rinn Sedeciah ar-a-mach an aghaidh rìgh
Bhabailoin.

4 Agus tharladh anns an naothamh bliadhna d'a linn, anns an deicheamh mìos, air an deicheamh là de'n mhìos, gu'n d'fhàinig Nebuchadnesar rìgh Bhabiloìn, e fèin agus 'uile fheachd, an aghaidh Ierusalem, agus shuidhich iad *camp* 'n a h-aghaidh, agus thog iad daingnichean 'n a h-aghaidh air gach taobh.

5 Mar sin bha am baile air a theamachadh agus an aon bhliadhna deug de linn rìgh Shedeceiah.

6 Agus anns a' cheathramh mìos, air an naothamh là de'n mhìos, bha a' ghorta trom anns a' bhaile, agus eha robh aran air bith aig muinntir na tìre.

7 An sin bha a' chaithir air a briscadh sìos, agus theich na fir-chogaidh uile, agus chaidh iad a mach as a' chaithir feadh na h-oidhche, air slighe a' gheata, cadar an dà bhalla a bha aig lios an rìgh, (an uair a bha na Caldéich agus a' chaithir timehioll mu'n cuairt,) agus dh'imich iad air slighe a' chòmhlaireid.

8 Ach lean feachd nan Caldéach air tòir an rìgh, agus rug iad air Sedeceiah ann an còmhlar-daibh Iericho; agus bha 'fheachd uile air an sgapadh uafais.

9 Agus ghlac iad an rìgh, agus thug iad suas e gu rìgh Bhabiloìn, aig Riblah, ann an fearann Hamait, far an d'fhug e breith-eanas air.

10 Agus mharbh rìgh Bhabiloìn mic Shedeceiah fa chomhair a shùl: mharbh e mar an ceudna uile cheannardan Iudah ann an Riblah.

11 Agus chuir e mach sùilean Shedeceiah, agus cheangail e le slabhruidhean e; agus thug rìgh Bhabiloìn leis e gu Babilon, agus chuir e ann am prìosan e gu là a bhàis.

12 Agus anns a' chùigeamh mìos, air an deicheamh là de'n mhìos, (b'i sin an naothamh bliadhna deug de linn Nebuchadnesar rìgh Bhabiloìn,) thàinig Nebusar-adan ceannard an fhreiceadain, a fhrithheil do rìgh Bhabiloìn, gu Ierusalem,

13 Agus loisg e tigh an Tighearn', agus tigh an rìgh; agus uile thighean Ierusalem, eadhon a h-uile tigh mòr loisg e le teine.

14 Agus bhris uile fheachd nan Caldéach, a bha le ceannard an fhreiceadain, ballachan Ierusalem sìos air gach taobh.

15 Agus *cuid* de bhochdaibh an t-sluaigh, agus fuigheall an t-sluaigh a dh'fhan anns a' bhaile, agus iadsan a chaidh thairis gu rìgh Bhabiloìn, agus a' chuid eile de'n t-sluaigh, thug Nebusar-adan ceannard an fhreiceadain air falbh 'n am braigheadh.

16 Ach *cuid* de bhochdaibh an fhearainn dh'fhàg Nebusar-adan ceannard an fhreiceadain gu *bhi* 'n an luchd-deasachaidh fhìonaimean, agus 'n an treabhaichibh.

17 Agus na puist umha a bha ann an tigh an Tighearn', agus na buinn, agus an fhairege umha a bha 'n tigh an Tighearna, bhris na

Caldéich, agus thug iad an umha uile gu Babilon.

18 Na coireachan fòs, agus na sluasaidean, agus na smàladairean, agus na euachan, agus na liadhan, agus na h-uile shoithichean umha, leis an do fhrithheil iad, thug iad air falbh.

19 Agus na soithichean ionnlaid, agus na h-aighnean-teine, agus na euachan, agus na coireachan, agus na coinneirean, agus na liadhan, agus na copain, *a' chuid a bha dh'òr 'n a òr*; agus *a' chuid a bha dh'airgid 'n a airgid*, thug ceannard an fhreiceadain air falbh.

20 An dà phost', an aon f'hairege, agus an dà tharbhadh dheug umha, a bha fo na bonnaibh a rinn rìgh Solamh air son tighe an Tighearna; cha robh tomhas air umha nan soithichean so uile.

21 A thaobh nam post, b'e àirde gach aoin phuist oehd làmh-choille deug; agus dheanadh sreang dà làmh-choille dheug a thomhas mu'n cuairt; agus b'e 'thiughhead ceithir òirlich, fàs an taobh a stigh.

22 Agus bha coron umha air; agus b'e cùig làmh-choille àirde gach aoin choroin, le lìon-obair agus pomgranataibh air na coronaibh mu'n cuairt, an t-ìomlan a dh'umha; air a' phost cile mar an ceudna bha pomgranatan cosmhuil ri u so.

23 Agus bha sè-deug agus ceithir fichead pomgranat air aon taobh, ceud pomgranat air an lìon-obair uile mu'n cuairt.

24 Agus thug ceannard an fhreiceadain leis Seraiah an t-àrd-shagart, agus Saphaniah an dara sagart, agus na trì dorsairean.

25 Thug e fòs as a' bhaile caillteanach air an robh eòran nam fear-eogaidh, agus seachd fir dhiubhsan a bha dlùth do phearsa an rìgh, a fhuaradh anns a' bhaile, agus àrd-sgrìobhaiche an t-sluaigh, a ghabh àireamh muinntir an fhearainn, agus trì fichead fear de mhuinntir an fhearainn, a fhuaradh ann am meadhan a' bhaile;

26 Ghabh eadhon Nebusar-adan ceannard an fhreiceadain iad, agus thug e iad a chum rìgh Bhabiloìn gu Riblah.

27 Agus bhuail rìgh Bhabiloìn iad, agus chuir e gu bàs iad ann an Riblah, ann am fearann Hamait: mar sin thugadh Iudah air falbh ann am braigheadhas as 'fhearann fèin.

28 So an sluagh a thug Nebuchadnesar air falbh ann am braigheadhas; anns an t-seachdamh bliadhna, trì mìle Iudhach agus trì thar fhichead.

29 Ann an oehdamh bliadhna deug Nebuchadnesar, thug e air falbh ann am braigheadhas o Ierusalem, oehd ceud anam, agus a dhà dheug thar fhichead.

30 Ann an treas bliadhna fichead Nebuchadnesar, thug Nebusar-adan ceannard an fhreiceadain air falbh ann am braigheadhas

TUIREADH IEREMIAH, I.

deanas de na h-Iudhaich seachd ceud, dà fhichead agus cùig anam: b' iad na h-anaman uile ceithir mìle agus sè ceud.

31 Agus tharladh anns an t-seachdamh bliadhna deug thar fhichead de bhraigh-deanas Iehoiacim rìgh Iudah, anns an dara mìos deug, air a' chuigeamh là fichead de'n mhìos, gu'n do thog Ebhìl-merodach rìgh Bhabiloin, anns a' cheud bhliadhna d'a linn, suas ceann Iehoiacim rìgh Iudah, agus thug e mach á prìosan e,

32 Agus labhair e gu caomhail ris, agus chuir e a chaithir os ceann chaithrich-ean nan rìghrean a bha leis ann am Babilon.

33 Agus dh'atharraich e 'eideadh-prìosain: agus dh'ith e aran 'n a fhianuis do ghnàth, fad uile làithean a bheatha.

34 Agus air son a lòn lathail, thugadh dha o rìgh Bhabiloin, gach aon là cuibh-rionn, gu là a bhàis, fad uile làithean a bheatha.

TUIREADH

I E R E M I A H.

CAIB. I.

1 *Staid mhuladach Ierusalem.* 12 *Tha i ri caoidh a chionn gu'n robh a trioblaidean mòr thar tomhas, 18 agus ag aideachadh gu'n robh breitheanais Dhé ceart, &c.*

CIA uaigneach a tha i 'n a suidhe, a' chaithir a bha làn de dhaoine! cionnus a dh'fhàs i mar bhantraich! Ise 'bha mòr am measg nan cinneach, agus 'n a ban-uachdaran am measg nan dùthchan, cionnus a tha i air teachd fo chìs!

2 Tha i ri gul gu gear anns an oidheche, agus a deoir air a gruaidhean; fear comh-fhurtachd air bith cha-n'èil aice am measg a h-uile luchd-gaoil; bhuin a cairdean uile gu fealltach rithe, dh'fhàs iad 'n an naimhdean di.

3 Dhrìmhich Iudah air falbh ann am braigh-deanas; ann an an-shocair, agus ann an daorsa mhòir tha i 'chòmhnuidh am measg nan cinneach; cha-n'èil i 'faotainn suaimhneis air bith; rug a luchd-ruagaidh uile oirre eadar na cunglaichean.

4 Tha ròidean Shìoin ri bròn, a chionn nach 'èil aon neach a' teachd a chum na h-àrd-fhéille; tha a geatachan uile fàs; tha a sagartan ri acaìn; tha a h-òighean fo leòn, agus tha i féin ann an searbhadas.

5 Is iad a h-eascairdean a tha 'n uachdar, tha a naimhdean a' soirbheachadh; oir leòn an Tighearn i air son Ìomhoireachd a lochdan; dh'fhalbh a clann 'am braigh-deanas fa chomhair an nàmhaid.

6 Agus dhealaich a sgeimh uile ri nighinn Shìoin; tha a prìonsachan air fàs mar fhéidh nach 'èil a' faotainn ionaltraidh; agus dh'imich iad gun neart roimh an fhear-ruagaidh.

7 Chuimhnich Ierusalem ann an là a h-àmhghair, agus a truaighe, air a h-uile nithibh sòlasach a bha aice anns na làithibh o shean; an trà thuit a daoine ann an làimh an nàmhaid, agus nach d'rinn neach a cuid-

eachadh; chunnaic na naimhdean, agus rinn iad fànoid air a sàbaidibh.

8 Pheacaich Ierusalem gu trom; air an aobhar sin tha i air a h-atharrachadh; iad-san uile 'thug urram dhi, tha iad ri tàir oirre, a chionn gu'm fac' iad a lomnochd-uidh; seadh, tha ise ri caoidh, agus a' tionndadh air a h-ais.

9 Bha a salchar 'n a h-iomail; cha robh i cuimhneach air a crìch dheireannaich; uime sin thugadh i nuas gu h-iongantach; cha-n'èil fear-comhfhurtachd aice: amhaire, O Thighearn', air m' àmhghar, oir mheudaich an nàmhaid e féin.

10 Shìn an nàmhaid a mach a làmh air a h-uile nithibh taitneach; gu deimhin chunnaic i cinneach a' dol a steach d'a h-ionad naomh, do'n d'athin thusa nach rachadh iad a steach do d' choimhthional.

11 Tha a shuagh uile ag osnaich; tha iad ag iarraidh arain; thug iad an nithean luachmhor air son lòn, a chunnail beò an anama: feuch, O Thighearn', agus thoir faineair, mar a tha mi air fas suarach.

12 O sibhse uile' tha 'gabhail an rathaid, amhaireibh agus faicibh am bheil bròn sam bith cosmhuil ri mo bhròn-sa a thugadh orm, o'n uair an d'rinn an Tighearn mo smachdachadh ann an là a dhian fheirge.

13 Chuir e teine a nuas, agus thug e air dol a steach do m' chmànan; sgaoil e lion air son mo chos; phill e mi air m' ais: rinn e fàs mi, fad an là ri caoidh.

14 Tha a' chuing air a ceangal; tha mo lochdan air an suimh le a làmh, tha iad air an caradh mu m' mhuineal; thug e air mo threise tuiteam, thug an Tighearn thairis mi d' an làmh, cha-n urram mi éirigh suas.

15 Shaltair an Tighearn fo chois m' uile dhaoine cumhachdach ann am mheadhon: ghairn e coimhthional a' m' aghaidh a bhruthadh mo dhaoine òga; mar ann an

amar-bruthaidh fiona, bhrnht an Tighearn òigh-nighean-Iudah.

16 Air son nan nithean so guileam, tha mo shùil, mo shùil a' sìlcadh sìos le h-uisge; chionn gu bheil am fear-comhfhurtachd, a bheireadh fuasgladh do m'anam, fada uam: tha mo chlam uaigneach, a chionn gu'n d'thng an nàmhaid buaidh.

17 Tha Sion a' sgaoileadh a mach a làmh, cha-nèil neach ann a thoirt di comhfhurtachd; dh'àithn an Tighearn a thaobh Iacoib, a naimhdean a bhi air gach taobh mu'n cuairt da; tha Iersaleim n'am measg mar aon a chuireadh air leth air son neoghloine.

18 Is ceart an Tighearn, oir chathaich mise an aghaidh àitheantan; éisdibh, guidheam oirbh, a shlòigh gu léir, agus faicibh mo bhròn: m'òighean agus m'òganaich dh'fhalbh ann am braighdeanas.

19 Ghairm mi air mo leannain, ach mheall iad mi; thug mo shagartan agus mo shean-airean suas an deò anns a' bhaile, am feadh a dh'iarr iad am biadh gu cabhair air an anam.

20 Fench, O Thighearna, mar a tha mi ann an teinn; tha mo chom fo thrioblaid; tha mo chridhe air tionndadh an taobh a stigh dhìom; oir chiontach mi gu trom: a mnaigh tha 'n claidheamh a' sgrios, a stigh tha mar am bàs.

21 Chual' iad mara rinn mi acain, ach cha-n 'èilneachann a thoirt dhomh comhfhurtachd; chuala mo naimhdean uile m' àmhghar; rinn iad gairdeachas a chionn gu'n d'riun thusa sin: bheir thusa gu crìch an là a ghairm thu, agus bithidh iadsan cosmhuil riumsa.

22 Thigeadh an aingidheachd uile fa d' chomhair; agus dean riu, mar a rinn thu riumsa air son m' uile lochdan: oir tha m' osnaidhean lionmhor, agus mo chridhe lag.

CAIB. II.

1 *Tha Jeremiah a' deanamh gearain do bhrìgh gu'n do thilg Dia sìos àiteachan-còmhnuidh nighinn Iudah, 5 agus gu'n do mheudaich e a bròn agus a doilghios. 15 Tha a naimhdean ri sgeigh fliacal agus a' crathadh an cinn ri nighinn Iersaleim.*

CIONNUS a tharruing an Tighearn 'n a chorruch neul air nighinn Shioin! agus a thilg e sìos o nèamh gu talamh maise Israeil! agus cha do chumhnicil e stòl a choisie ann an là 'fheirge!

2 Shluig an Tighearn suas uile àiteachan-còmhnuidh Iacoib, agus cha do ghabh e trnas: thilg e sìos 'n a chorruch daingnìcean làidir nighinn Iudah: thug e suas gu làr iad; thruaill e an rìoghachd agus a daoine urramach.

3 Ghearr e as 'n a dhian-fheirg adharc Israeil uile: tharruing e air a h-ais a làmh dheas o aghaidh an nàmhaid; agus loisg e an aghaidh Iacoib mar theine lasarach a loisgeas air gach taobh.

4 Lùb e a bhogha mar nàmhaid; thog e 'n àird a làmh dheas mar eas-caraid, agus mharbh e na h-uile òganach a bha taitneach do'n t-sùil; ann am pàillium nighinn Shioin thaom e mach a chorruch mar theine.

5 Bha an Tighearn mar nàmhaid: shluig e suas Israel, shluig e suas 'àrois uile; sgrios e a dhaingnìcean làidir, agus mheudaich e ann an nighinn Iudah bròn agus caoidh.

6 Agus sgaoil e as a chéile a phàillium mar challaid; sgrios e a choimhthional féin: leig an Tighearn as 'aire ann an Sion an àrd-fhéill agus an t-sàbaid; agus rinn e tàir, ann an teas a chorruch, air an rìgh agus air an t-sagart.

7 Chuir an Tighearn air cùl 'altair, ghabh e gràin d' a naomh-ionad; thug e suas ballachan a h-àrois do làmh an eas-caraid; rinn iad gàir ann an tigh an Tighearna, mar ann an là àrd-fhéille.

8 Tha an Tighearn fa rùn ballachan nighinn Shioin a mhilleadh; shìn e mach sreang, cha do chum e a làmh o mhilleadh: ach thug e air an daingneach agus air a' bhalla caoidh; shearg iad as le chéile.

9 Tha a geatachan air dol sìos anns an talamh; mhill agus bhris e a croinn-dhruididh; tha a rìghrean agus a h-uachdarain ann measg nan cinneach; an lagh cha-n'èil ann; aig a fàidhean fòs cha-n'èil scalladh air bith o'n Tighearn.

10 Tha seanairean nighinn Shioin 'n an suidhe air an làr, tha iad 'n an tosd; chnir iad duslach air an ceann: chrìoslaich iad iad féin le sac-éididh: tha òighean Iersaleim a' cromadh sìos an cinn gu làr.

11 Tha mo shùilean air fàineachadh le deuraibh; tha mo chom fo thrioblaid; dhòirteadh mo sgamhan air an talamh air son léir-sgrios nighinn mo shluaigh; a chionn gu bheil a' chlam bheag agus na naoidheanan a' fannachadh ann an sràidibh a' bhaile.

12 Ri 'm màithrichibh tha iad ag ràdh, C'ait am bheil arbarh agus fion? an trà tha iad a' fàineachadh mar dhaoine leònta ann an sràidibh a' bhaile, trà tha an anam air a dhòrtadh a mach ann an uchd am màthar.

13 Cìod a thairngeas mi mar fhiannis a'd' aghaidh? cìod an ni a shàmhluicheas m' rìnt, O nighnean Iersaleim? cìod a choimceas mi ruit, a chum gu'n tuguinn comhfhurtachd dhuit, O òigh-nighean Shioin? oir tha do bhriseadh mòr mar an fhairge; cò 'dh'fheudas do leigheas.

14 Chumnaic d' fhàidhean nithean dìomhaigh agus amaideach air do shon, agus cha do leig iad ris d' enccart, a chum do bhraighdeanas a philleadh air ais; ach chumnaic iad air do shon faistneachd neo-fhìrinneach, agus aobhar fògraidh.

15 Tha 'mheud as a tha 'gabhail seachad a' bualadh am bas rint: tha iad ri sgeig-

fhiaicail, agus a' erathadh an einn ri nighinn Ierusalem, *ag ràdh*, An e so am baile ri 'n goirear Foirfeachd maise, Aoibhneas an domhain uile?

16 Dh'fhosgail do naimhdean uile am beul a'd' aghaidh: rinn iad sgeig is giosgan fhiaicail; thubhairt iad, Shluig sinn suas e; gu cinnteach is e so an là ri 'n robh ar sùil: fhuair sinn e, chumnaic sinn e.

17 Rinn an Tighearn an ni sin a dh'cailbh e; choimhlion e 'fhocal, a dh'èithn e anns na làithibh o shean: thilg e sìos, agus cha do ghabh e truas; ach thug e air nàmhaid gairdeachas a dheanamh os do cheann, dh'ardaich e adhare do naimhdean.

18 Dh'èigh an eridhe, Ann an làthair an Tighearn', O a nighean Shioin, silcadh deoir sìos mar shruth a là agus a dh'oidhche: na toir dhuit fèin suaimhneas air bith; na gabhadh cloch do shùil fois.

19 Eirich, glaoth gu h-àrd anns an oidhche: ann an tùs na faire dòirt a mach do chridhe mar uisge fa chomhair gnùise Iehobhab: tog suas do lamhan d'a ionnsuidh air son anama do chloinne òige, a tha 'fàilneachadh le h-ocras aig ceann gach aoin sràide.

20 Feuch, O Tighearn', agus thoir fàinear cò ris a bhuin thu mar so: an ith na mnathan toradh na bronn, naoidheanan maotha? an marbhar an sagart agus an fàidh ann an ionad naomh an Tighearna?

21 Luidh an t-òg agus an sean air an làr anns na sràidibh; tha m' òighean agus m' òganaich air tuiteam leis a' chlaidheamh; mharbh thu iad ann an là do chorrach; mharbh thu, agus cha do ghabh thu truas.

22 Ghairm thu, mar air là sùidhichte, m' namhasan air gach taobh, air chor as, air là feirge an Tighearna, nach robh neach ann a chaidh as, no 'mhair beò: a' mhuinntir a dh'oil agus a dh'araich mi, chuir mo nàmhaid as doibh.

CAIB. III.

1 *Tha am fàidh ri caoidh air son a thrioblaid-ean fèin.* 22 *Mòr-thròcair an Tighearna dhoibhsan uile a dh'fheitheas air.* 37 *Cha chòir do neach gearan a dheanamh 'n uair a smachdaichear e air son a pheacaidhean.* 55 *Ghuidh am fàidh gu'n tugadh Dia luigh-eachd d'a naimhidibh.*

IS mise an duine a chumnaic àmhghar le slait a chorrach.

2 Stiùir e mi, agus thug e orm gluasad ann an dorchadas, agus ni h-ann 'an solus.

3 Gu cinnteach a'm' aghaidh-sa phill e; tha e 'pilleadh a làimhe air a h-ainn *ann am aghaidh* feadh an là gu h-ìomlan.

4 M' fheoil agus mo chraicinn rinn e sean; bhris e mo chnàmhan.

5 Thog e ann am aghaidh, agus chuairtich e mi le domblas agus le saothair.

6 Chuir e mi 'chòmhnuidh ann an ionadaibh dorchda, mar iadsan a tha cian marbh.

7 Chuairtich e mi le gèradh air gach taobh;

air chor as nach feud mi teachd a mach; rinn e mo shlabhruidh trom.

8 Mar an e cudna, trà ghlaodhas agus a dh'èigheas mi, tha e 'druideadh a mach m' urnuigh.

9 Dhruid e suas mo shlighe le clachaibh snaidhte; rinn e cam mo cheuman.

10 Mar mhath-ghamhainn a' luidhe 'am folach bha e dhomh, *mar leòmhann* ann an ionadaibh uaigneach.

11 Rinn e mo shlighe fiar, agus reub e mi 'am bhoighdibh: rinn e mi a'm' aonaran.

12 Lùb e a bhogha, agus chuir e mise mar chomhara air son na saighde.

13 Thug e air saighdibh a dhòrlaich dol a steach ann am àirmibh.

14 Bha mi ann am chùis-mhagaidd do mo shluagh uile, ann am òran doibh fad an là.

15 Lion e mi le searbhadas, chuir e air mhisg mi le searbh-luibhean.

16 Bhris e m' fhiaclan fòs le clachan gainmhiche, chòmhdaich e mi le luathre.

17 Agus dh'atharraich thu m' anam am fad o shith; dhù-chuimhnich mi soirbheachadh.

18 Agus thubhairt mi, Tha mo spionnadh agus mo dhòchas air bàsachadh o 'n Tighearn.

19 Tha cuimhneachadh air m' àmhghair agus mo thruaighe, 'n a shearbhadas agus 'n a dhomblas.

20 Tha m' anam fathasd 'g an cuimhneachadh, agus air 'frioslachadh an taobh a stigh dhòim.

21 Tha mi 'gairm so a rìs gu m' aire; uime sin tha dòchas agam.

22 Is ann de thròcairibh an Tighearna nach 'eil sean air a' caitheadh, a chionn nach 'eil fàilinn air a thròcairibh.

23 Tha iad nuadh gach aon mhaduinn, is mòr do dh'iseachd!

24 Is e an Tighearn mo chuibrionn, tha m' anam ag ràdh; uime sin cuiridh mi mo dhòchas ann.

25 Is maith an Tighearn dhoibhsan a dh'fheitheas air, do'n anam a dh'iarraas e.

26 Is maith 'bhi ann an dòchas, agus feith-eamh gu fòil ri slàinte an Tighearna.

27 Is maith do dhuine a' chuig a ghiùlan 'n a òige;

28 Suidhidh e 'n a aonar, agus bithidh e 'n a thòsd, a chionn gu'n d'rinn e a giùlan.

29 Cuiridh e 'bheul anns an duslach, ma's teaganh gu'm bi dòchas ann.

30 Bheir e a ghial do'n ti a bhuaileas e; bithidh e air a lìonadh làn de mhasladh.

31 Oir cha tilg an Tighearn uaith gu bràth;

32 Ach ged bheir e aobhar bròim, gidh-eadh ni e iochd a réir lionmhoireachd a thròcairean.

33 Oir cha chlaoidh e d' a dheòin, ni mò 'chràidheas e clann nan daoine.

34 Priosanaich na talmhainn uile a bhruthadh f'a chosaibh,

TUIREADH IEREMIAH, IV.

35 Còir duine 'thionndadh a leth-taobh, fa chomhair gnùise an Ti a's àirde,

36 Eucoir a dheanamh air duine 'n a chèis, cha taitneach leis an Tighearn.

37 Cò esan a their, agus gu'n tig e gu crìch, an uair nach àithn an Tighearn?

38 Nach ann o ordugh an Ti a's ro àirde a thigh olc agus maith?

39 Cuine an dean duine beò gearan, duine air son smachdachaidh a pheacaidh.

40 Ramnaicheamaid agus dearbhamaid ar slighean, agus pilleamaid a ris a dh'ionnsuidh an Tighearna.

41 Togamaid suas ar cridhe maille ri ar làmban ri Dia anns na nèamhan.

42 Pheacaich sinne agus rinn sinn ar-a-mach, agus cha do mhaith thusa.

43 Chuairtich thu le feirg, agus gheur-lean thu sinn; mharbh thu, cha do ghabh thu truas.

44 Chòmhdaich thu thu féin le neul, ionnus nach rachadh urnaigh troimhe.

45 Rinn thu sinn 'n ar salchar agus 'n ar dià am measg an t-sluaigh.

46 Dh'fhosgail ar naimhdean uile am beul 'n ar n-aghaidh.

47 Thàinig eagal agus rib oirnn, fàsalachd agus milleadh.

48 Tha mo shùil a' sìleadh sìos le sruthaibh uisge air son léir-sgrìos nìghinn mo shluaigh.

49 Tha mo shùil a' sìleadh sìos gun chasg agus gun sgar,

50 Gus an seall an Tighearn a nuas, agus gus an aubhaire e o nèamh.

51 Tha mo shùil a' cur doilgheis air mo chridhe, air son uile nigheanan mo bhaile.

52 Ruaig mo naimhdean mi gu geur mar eun, gun aobhar.

53 Ghearr iad as m'anam anns a' phrìosan, agus chuir iad clach orm.

54 Chaidh uisgeachan thar mo cheann mar thuil; thubhairt mi, Tha mi air mo ghearradh as.

55 Ghairm mi air d' ainm-sa, O Thighearn', as an t-slochd iochdarach.

56 Chuala tu mo ghuth; na cum do chluas o m' athcheuinge agus o mo ghlaodh.

57 Tharruing thu 'm fagus anns an là's an do ghairm mi ort: thubhairt thu, Na bith-eadhagal ort.

58 Thagair thusa, O Thighearna, cùisean m'anama; shaor thu mo bheatha.

59 Chunnac thusa, O Thighearna, m' àmhghar; cum thusa còir rium.

60 Chunnac thu an uile dhioghaltas, an uile inleachdan ann am aghaidh;

61 Chuala tu am masladh, O Thighearna, an uile inleachdan ann am aghaidh;

62 Bile na muinntir a dh'érich suas a'm aghaidh, agus am borbhanaich ann am aghaidh fad an là.

63 Feuch an suidhe sìos, agus an éirigh suas; is mise an ceòl.

64 Bheir thusa luigheachd dhoibh, O Thighearn', a réir oibre an làmh.

65 Bheir thu doilghios cridhe dhoibh, ni thu am mallachadh.

66 Ruaigidh tu ann am feirg, agus sgrìosaidh tu iad o bhi fo nèamhan an Tighearna.

CAIB. IV.

1 *Tha am fàidh ri caoidh air son thrioblaiden Shìoin. 21 Bhagraidh Edom. 22 Fhuair Sion comhfhuartachd.*

CIONNUS a thàinig smal air an òr! a chaochail an t-òr fo fhinealta! tha clachan an naomh-ionaid air an tilgeadh a mach air mullach gach aoin sràide!

2 Mic luachmhor Shìoin, a dh'fheudtadh a choimeas ri òr finealta, cionnus a mheasar iad mar shoithichean creadh, obair a' chreadhadair!

3 Tairngidh eadhon na dràgoin a mach am brollach, bheir iad a' chìoch d' an àlach: tha nighean mo shluaigh-sa an-ìochdmhor, mar na struthan 's an fhàsach.

4 Tha teangadh naoidhein na cìche a' leantuinn r'a ghial le tart: tha 'chlann òg ag iarraidh arain; cha-n'eil aon 'g a bhriseadh dhoibh.

5 Tha iadsan aig an robh biadh sòghail 'n an aonarain anns na sràidibh; iadsan a thogadh suas ann an scarlaid, tha iad a' sgaoileadh an làmh mu'n òtrach.

6 Seadh, tha peanas aingidheachd nìghinn mo shluaigh-sa nì's mò na peanas peacaidh Shodoim, a thilgeadh bun os ceann ri tiota, agus air nach d'thàinig laigse làmh.

7 Bha a Nasaraich nì bu ghloine na sneachd; bu ghile iad na bainne; bu deirge iad 's a' chorp na ruiteachain; bha an dreach mar shaphir.

8 Is duibhe an gnùis na gual; cha-n aithnìcheair iad anns na sràidibh; tha an eraicinn a' leantuinn ri 'n cnàmhan; tha o air tìormachadh; tha e air fàs mar mhaide.

9 Is fearr dhoibhsan a mharbhar leis a' chlaideamh na dhoibhsan a mharbhar le gort; oir tha iad sin a' seargadh as, air an lotadh dh'uireasbhuidh toraidh na macharach.

10 Bhruich làmban nam ban iochdmhor an clann féin; b' iad am biadh, ann an léir-sgrìos nìghinn mo shluaigh.

11 Choinbhion an Tighearn a chorruich; thaom e mach a dhian-fhearg, agus las e teine ann an Sion, agus loisg e sin a bunaitcan.

12 Cha chreideadh rìghrean na talmhainn, no uile luchd-àiteachaidh an domhain, gu'n rachadh an t-eas-caraid agus an nàmhaid a steach air geatachan Ierusalem.

13 Air son pheacaidhean a fàidhean, agus aingidheachdan a sagart, a dhòirt fuil nam fircan 'n a meadhon;

14 Chaidh iad air seacharan mar dhaoine dall anns na sràidibh, shalaich iad iad féin

le fuil air chor as nach feudadh daoine tuintainn ri 'n eudach.

15 Imichibh, tha sibh neòghlan, thubhairt daoine riu; imichibh, imichibh, na bean-aibh: seadh, theich iad, dh'fhalbh iad; thubhairt iad am measg nan cinneach, Cha ghabh iad còmhnuidh an so nì's mò.

16 Rinn fearg an Tighearn' an sgaoileadh; cha chuir e nì's mò 'an suim iad: cha robh meas aca air pearsaibh nan sagart; ris na seanairibh cha do chum iad bàigh.

17 Am feadh a bha sinn ann, dh'fhàinich ar sùilean ag amharc ri cobhair dhìomhain: am feadh a rinn sinn faire, bha ar sùil ri cinneach nach b' urrainn tèarnadh.

18 Lorgaich iad ar ceuman, air chor as nach feudamaid imeachd 'n air sràidibh: tha ar crìoch dlùth, tha ar làithean air an còimhlionadh; seadh, thàinig ar crìoch.

19 Bu luaithe ar Inched-leannhuinn na iol-aircan nèimh; ruaig iad sinn air na sléibh-tibh, huidh iad am folach air ar son anns an fhàsach.

20 Ghlacadh 'n an slochdaibh anail ar cuinnean, ti ungta an Tighearna, mu'n d' thubhairt sinn, Fo a sgaile mairidh sinn beò am measg nan cinneach.

21 Dean gairdeachas, agns bi ait, O nighean Edoim, aig am bheil do chòmhnuidh ann am fearann Uis; théid an cupan thairis fòs thugadsa; bithidh tn air mhisg, agus leigidh tn ris do lomnochdnidh.

22 Tha peanas d' euccirt air a choimhlionadh, O nighean Shioin; cha toir e nì's mò air falbh ann am bruid thu: smachdaicidh e d' euccart-sa, O nighean Edoim, leigidh e ris do lochdan.

CAIB. V.

1 *Tha Sion a' gearan a maslaidh agus a' cur an cèill na h-uile a thàinig oirre.*

CUIMHNICH, O Thighearna, ciod a thàinig oirnn: thoir fàinear, agns faic ar maslaidh.

2 Thugadh thairis ar n-oighreachd do choimhich, ar tighcan do choigrich.

3 Tha sinn 'n ar dilleachdain, agus gun athair, ar màthraichean mar bhantraichibh.

4 Dh'òl sinn ar n-uisge air son airgid; tha ar connadh air a reic rinn.

5 Le cuing ar muineal tha sinn air ar sìor-leòn; tha sinn a' saothreachadh, agns gun fhois againn.

6 Thug sinn an làmh do na h-Eiphitich, agus do na h-Asirianaich, a chum 'bhi air ar sàsachadh le h-aran.

7 Pheacaich ar n-aithrichean, agus cha n'cil iad ann, agus ghiùlain sinn an euccartan.

8 Bha seirbhiseich 'n an uachdarain oirnn; cha n'cil daine sam bith ann a shaoras o'n làmhnan.

9 Fhuair sinn ar n-aran le cunnart ar n-anama, do bhrìgh claidheimh an fhàsaich.

10 Bha ar croicinn dubh mar àmhuinn, do bhrìgh na gorta uamhasaich.

11 Dh'éignich iad na mnathan ann an Sion, na maighdeanan ann an caithrichibh Iudali.

12 Bha prionnsachan air an crochadh suas le 'n làimh: cha d' thug iad urram do aghaidh nan aosda.

13 Ghabh iad na h-òganaich gu meileadh, agus thuit a' chlànn fo 'n chonnadh.

14 Thréig na seanairean an geata, na h-òganaich an ceòl.

15 Sguir aoibhneas ar cridhe; chaochail ar dannsadh gu bròn.

16 Thuit an coron bhàrr ar cinn: mo thruaighe sinne, a chionn gu'n do pheacaich sinn.

17 Air son so tha ar cridhe lag; air son nan nithean so tha ar sùilean air an dorchachadh.

18 Air son sléibh Shioin a tha fàs; tha na sìonnaich a' coiseachd air.

19 Ach tha thusa, O Thighearna, maireanach gu sìormidh; do chaitheir rioghail o linn gu linn.

20 C'uime an dean thu dearmad oirnn gu bràth, agus am bheil thu 'g ar tréigsinn ùine co fhada?

21 Pill sinne thugad, O Thighearn', agus bithidh sinn air ar pilleadh: ath-nuadhaich ar làithean mar o shean.

22 Oir thilg thu sinn cian fada uait; bha thu ro fheargach 'n ar n-aghaidh.

ESECIEL.

CAIB. I.

1 *An t-àm 's an d'rinn Eseciel fàidheadaireachd aig amhainn Chebair. 4 Coslas nan ceithir cheruban a chunnaic am fàidh 'n uair a bha làmh an Tighearn' air. 26 Sàmhladh glòire Dhé.*

AGUS tharladh, anns an deicheamh bliadhna fichead, anns a' cheathramh mìos, air a' chùigeamh là de'n mhìos, (air

dhomhsa 'bhi measg nam bairighdean aig amhainn Chebair,) gu'n d' fhosgladh na nèanhan, agus chunnaic mi taisbeanan Dhé.

2 Air a' chùigeamh là de'n mhìos, (b'i sin an cùigeamh bliadhna de bhrìgh rìgh Iehoiacin.)

3 Thàinig focal an Tighearna gu Eseciel an sagart, mac Bhusi, ann an tìr nan Cald-

each, aig nise Chebair; agus bha làmh an Tighearn air anns an àite sin.

4 Agus dh'amhair mi, agus, feuch, ghiùlain ioma-ghaoth o'n àirde-tuath, neul mòr a bha air a chuairteachadh le filltean teine, agus dealradh air gach taobh dheth; agus 'n a mheadhon bha amhuil dreach òmbair, eadhon ann am meadhon an teine.

5 Agus mach as a mheadhon mar an ceudna *thàinig* coslas cheithir bheò-chreutairean, agus b' e so an aogus; Bha iad ann am meudachd duine,

6 Agus bha ceithir aghaidhean aig gach aon diubh, agus ceithir sgiathan aig gach aon diubh.

7 Agus bha an cosan dìreach; agus bha bonn an cos mar bhonn coise laigh, agus dhealraich iad mar dhath praise Ìomhta.

8 Agus bha làmh duine fo an sgiathaibh, air an ceithir taobhan; agus bha aig a' cheithir an aghaidhean agus an sgiathan.

9 Bha an sgiathan dlùthaichte, gach aon r' a chéile; cha do thionndaidh iad 'n uair a ghluais iad; chaidh iad air an aghaidh, gach aon dìreach roimhe.

10 Air son coslais an aghaidhean, bha aca 'n an ceathrar aghaidh duine, agus aghaidh leòmhain air an taobh deas; agus bha aca 'n an ceathrar aghaidh dainb air an làmh chlì: bha fòs aca 'n an ceathrar aghaidh iolaire.

11 B' amhuil so an aghaidhean: agus an sgiathan sgaoilte gu h-àrd; dithis aig gach aon, dlùthaichte r' a chéile, agus dithis a' folach an cuirp.

12 Agus dh'imich iad, gach aon dìreach air aghaidh: far an robh an spiorad air tì dol, dh'imich iad: cha do thionndaidh iad 'n uair a dh'imich iad.

13 A thaobh coslais nam beò-chreutairean, bha an aogus mar éibhlean dearga teine, cosmhui ri lòchran, a chaidh air ais agus air aghaidh am measg nam beò-chreutairean: agus bha 'n teine dealrach; agus as an teine thàinig a mach dealanach.

14 Agus ruith na beò-chreutairean, agus phill iad, mar phlath dealanaich.

15 A nis am feadh a bha mi 'sealltuinn air na beò-chreutairibh, feuch, aon roth air an talamh, làimh ris na beò-chreutairibh, aig an ceithir aghaidhean.

16 Bha dreach nan rothan agus an obair mar dhreach criostail; agus bha an aon choslas aig a' cheithir, agus bha an aogus agus an obair mar gu'm bitheadh ann roth ann am meadhon rotha.

17 'N an imeachd dh'imich iad air an ceithir taobhan: cha do thionndaidh iad 'n uair a dh'imich iad.

18 A thaobh an cearcal, bha iad co àrd as gu'm b' uamhasach iad; agus bha an cearcal làn de shùilbhu mu'n cuairt doibh 'n an ceathrar.

19 Agus an uair a ghluais na beò-chreut-

airean, ghluais na rothan làimh rin: agus an uair a thogadh na beò-chreutairean suas o'n talamh, thogadh na rothan.

20 C'ait air bith a bha'n spiorad air tì dol, dh'imich iadsan an taobh a bha'n spiorad air tì dol, agus thogadh suas na rothan fa'n comhair; oir bha spiorad a' bheò-chreutair anns na rothaibh.

21 'N uair a ghluais iad sin, ghluais [iad so;] agus 'n uair a sheas iad sin, sheas [iad so;] agus 'n uair a thogadh iad sin suas o'n talamh, thogadh na rothan suas fa'n comhair: oir bha spiorad a' bheò-chreutair anns na rothaibh.

22 Agus bha aogus an spur a bha thar cinn a' bheò-chreutair mar dhreach criostail uamhasach, air a sgaoileadh thar an cinn gu h-àrd.

23 Agus fo an spur bha an sgiathan gu dìreach, gach aon fa chomhair a chéile; aig gach aon bha dithis, a dh'fholuich air an taobh so, agus aig gach aon bha dithis a dh'fholuich air an taobh sin, an cuirp.

24 Agus chuala mi fuaim an sgiathan, mar thoirm mhòran uisgeachan, mar ghuth an Uile-chumhachdaich; an uair a ghluais iad, ehluinnteadh fuaim mar thorman sluagh; tràth 'sheas iad, leig iad sìos an sgiathan.

25 Agus bha guth o'n spur, a bha thar an cinn, tràth 'sheas iad, agus a leig iad sìos an sgiathan.

26 Agus os ceann an spur, a bha thar an cinn, bha sàmhladh rìgh-chaithreach, mar choslas cloiche sapheir; agus air sàmhladh na rìgh-chaithreach, bha taisbeanadh mar gu'm bitheadh coslas duine 'n a shuidhe air.

27 Agus chunnaic mi mar dhreach òmbair, mar choslas teine air gach taobh a stigh ann: o thaisbeanadh a leasraidh, agus os a cheann, agus o thaisbeanadh a leasraidh agus foidhe, chunnaic mi mar gu'm bitheadh ann coslas teine, agus e dealrach mu'n cuairt.

28 Mar choslas a' bhogha a tha 's an neul ann an là na froise, b' amhuil dreach an dealraidh mu'n cuairt. B' e so foillseachadh sàmhlaidh glòire an Tighearna; agus 'n uair a chunnaic mise, thuit mi air m' aghaidh, agus chuala mi guth aoin a' labhairt.

CAIB. II.

1 *Dreuchd Eseciel. 6 An àithne a thug Dia dha. 9 Chaidh rola leabhair a sgaoileadh fa 'choinneamh anns an robh sgrìobhta tuireadh agus bròn.*

A GUS thubhairt e rium, A mhic an duine, seas air do chosaibh, agus labhraidh mise ruit.

2 Agus chaidh an spiorad a steach annam an uair a labhair e rium, agus chuir e air mo chosaibh mi, ionnus gu'n cuala mi an tì a labhair rium.

3 Agus thubhairt e rium, A mhic an duine, tha mise ga d' chur gu cloinn Isracil,

gu cinneach ceannairecach a rinn ar-a-mach a'm aghaidh; chiontaich iad fén agus an aithrichean a'm aghaidh, agus an là an diugh.

4 Oir is clann mhi-nàrach agus chruaidh-chridheach iad: tha mise ga d' chur d'an ionnsuidh, agus their thu riu, Mar so deir an Tighearn Dia.

5 Agus iadsan, ma dh'éisdeas iad, no ma dhearmaideas iad, (oir is tigh ceannairecach iad,) gidheadh bithidh fios aca gu'n robh fàidh 'n am measg.

6 Agus thusa, a mhic an duine, na bith-eadh eagal ort rompa, agus na bitheadh fiamh ort roimh ann briathraibh, ged a tha drisean agus droighionn mu'n cuairt duit, agus do chòmhnuidh ann measg nathraichean nime: na bitheadh eagal ort roimh ann briathraibh, ni mò 'bhitheas geilt ort roimh ann gnùis, ged is tigh ceannairecach iad.

7 Agus labhraidh tu mo bhriathra-sa riu, co ac a dh'éisdeas iad, no 'dhearmaideas iad; oir tha iad ro cheannairecach.

8 Ach thusa a mhic an duine, cluinn ciod a tha mise ag ràdh riut; Na bi thusa eas-unhal, cosmhail ris an tigh eas-unhal sin: fosgail do bheul, agus ith an ni a bheir mise dhuit.

9 Agus 'n uair a dh'annsaire mi, feuch, bha làmh air a' cur a m' ionnsuidh, agus, feuch, bha ròla leabhair innte;

10 Agus sgaoil e fam' choinneamh e; agus bha e sgrìobhta stigh agus a mach: agus bha sgrìobhta ann tuireadh, agus bròn, agus truaghe.

CAIB. III.

1 *Dh'ith Eseciel ròla an leabhair: 4 thug Dia misneach dha: 15 fhuair e fios air a dhleas-danas mar fhear-faire, 25 agus air an dòigh airam buineadh na h-Iudhaich ris.*

OS bàrr thubhairt e rium, A mhic an duine, ith an ni a gheibh thu; ith an ròla so, agus falbh, labhair ri tigh Isracil.

2 Mar sin dh'fhosgail mi mo bheul, agus thug e orm an ròla sin itheadh.

3 Agus thubhairt e rium, A mhic an duine, thoir air do bhroinn itheadh, agus lion do chom leis an ròla so a bheiream-sa dhuit. An sin dh'ith mi, agus bha e ann am bheul mar mhill air mhillsead.

4 Agus thubhairt e rium, A mhic an duine, falbh, imich gu tigh Isracil, agus labhair le m' bhriathraibh-sa riu.

5 Oir cha-n'eil thu air do chur gu sluagh aig ann bheil teagadh choimheach, agus cainnt chruaidh, ach gu tigh Isracil.

6 Cha-n ann gu mòran sluaigh, aig ann bheil teagadh choimheach, agus cainnt chruaidh, nach urrainn thu 'm briathran a thuigsinn: gu cinnteach na 'n cuirium do'n ionnsuidh-san thu, dh'éisdeadh iad riut.

7 Ach cha-n éisd tigh Isracil riut, oir cha-n éisd iad riumsa; oir tha tigh Isracil uile mi-nàrach agus cruaidh-chridheach.

8 Feuch, rinn mi do ghnùis làidir an

aghaidh an gnùise-san, agus d' cudan làidir an aghaidh an eudain-san.

9 Mar adamant, ni's cruaidhe na clach theine, rinn mise d' eudan: na bitheadh eagal ort rompa, agus na bitheadh sgàth ort roimh an gnùis, ged tha iad 'n an tigh ceannairecach.

10 Os bàrr, thubhairt e rium, A mhic an duine, gabh ann ad chridhe m' uile bhriathra-sa a labhras mi riut, agus éisd le d' chluasaibh.

11 Agus falbh, imich dh'ionnsuidh na muinntir a tha ann am bruid, gu cloinn do shluaigh, agus labhair riu, agus innis doibh, Mar so tha an Tighearn Dia ag ràdh, co ac a dh'éisdeas iad no nach éisd.

12 An sin thog an spiorad suas mi, agus chuala mi air mo dhéigh guth tormain mhòir, *ag ràdh*, Beannaichte gu robh glòir an Tighearn' o 'aite féin.

13 *Chuala mi* fòs fuaim sgiath nan beò-chreutairean a bhean ri 'chéile, agus fuaim nan roth thall mu'n coinneamh, agus fuaim luasgaidh mhòir.

14 An sin thog an spiorad suas mi, agus thug e leis mi, agus dh'imich mi ann seirbhe, ann an teas mo spioraid, ach bha làmh an Tighearna trem orm.

15 An sin thàinig mi chum na muinntir a bha 'n am braighdibh aig Tel-abib, a bha 'chòmhnuidh làmh ri ambainn Chebair, agus shuidh mi far an do shuidh iadsan, agus dh'fhan mi 'n sin seachd làithean làn uamhais 'n am meadhon.

16 Agus tharladh 'an ceann sheachd làithean, gu'n d' thàinig focal an Tighearn' a m' ionnsuidh, ag ràdh,

17 A mhic an duine, rinn mise fear-faire dhìot do thigh Isracil: uime sin, éisd am focal o m' bheul agus thoir rabhadh dhoibh uamsa.

18 'N uair a their mise ris an aingidh, Gheibh thu gu cinnteach bàs; agus nach toir thusa rabhadh dha, agus nach labhair thu a thoirt rabhadh do'n chiontach o 'dhroch shlighe, chum 'anam a thèarnadh; bàsaichidh an droch dhuine sin 'n a aingidheachd, ach iarraidh mise 'fhuil air do làmh-sa.

19 Gidheadh ma bheir thu rabhadh do'n aingidh, agus nach pill e o 'aingidheachd, no o 'dhroch shlighe, bàsaichidh esan 'n a aingidheachd; ach shaor thusa d' anam féin.

20 A ris, an uair a philleas firean o 'fhìreantachd, agus a chuireas e 'n gnìomh peacadh, agus a chuireas mise ceap-tuislidh fa' chomhair, gheibh e bàs; a chionn nach d' thug thusa dha rabhadh, 'n a pheacadh gheibh e bàs, agus cha chuimhnichear fhìreantachd a rinn e; ach iarraidh mise 'fhuil air do làmh-sa.

21 Gidheadh ma bheir thu rabhadh do'n fùirean, air chor as nach ciontaich am firean, agus nach dean e peacadh; nairidh e gu cinnteach beò, do bhrìgh gu'n d'

fhuir e rabhadh; mar an ceudna shaoir thusa d' anam féin.

22 Agus bhla lánh an Tighearn' orm an sin, agus thubhairt e rium; Eirich, siubhail a mach do'n chòmhuard, agus au sin labhairaidh mise riut.

23 An sin dh'éirich mi, agus chaidh mi mach a chum a' chòmhuard, agus, feuch, sheas glòir an Tighearna's an àite sin, mar a' ghlòir a chumaim mi aig amhainn Chebair; agus thuit mi air m' aghaidh.

24 An sin chaidh an spiorad aunnam, agus chuir e air mo chosaibh mi, agus labhair e rium, agus thubhairt e rium, Falbh, druid thu féin a stigh ann ad thigh.

25 Ach thusa, O mhic an duine, feuch, cuiridh iad boinn ort, agus ceanglaidh iad thu leo, agus cha téid thu mach 'n am measg.

26 Agus bheir mise air do theangaidh leantainn ri d' ghial, air chor as gu'm bi thu balbh, agus nach bi thu dhoibh a'd' fhear-cronachaidh; oir tha iad 'n an tigh ceann-airceach.

27 Ach an uair a labhras mise riut, fosglaidh mi do bheul, agus their thu riu, Mar so tha an Tighearn Dia ag ràdh, Esan a dh'éisdeas, éisdeadh e; agus esan a dhearmaideas, dearmaideadh e: oir tha iad 'n an tigh ceann-airceach.

CAIB. IV.

1 Dh'orduicheadh do'n fhàidh baile Ierusalem a tharruing air lic-shuaine agus a chuirteachadh le feachd, mar chomharadh do thigh Israèl. 9 Leis an tòn a chaidh a shonrachadh dha chuirteadh 'an cèill an teanntachd a bha gu teachd air na h-Iudhaich.

THUSA mar an ceudna, a mhic an duine, gabh thugad leac-shuaine, agus cuir fa d' chomhair i, agus tarruing oirre am baile, Ierusalem:

2 Agus cuartich e le feachd, agus tog 'n a aghaidh daingneach, agus tilg suas tòrr 'n a aghaidh; suidhich fòs camp 'n a aghaidh, agus cuir reitheachan-cogaidh 'n a aghaidh air gach taobh mu'n cuart.

3 A thuilleadh air so, gabh thugad aghanu iarum, agus suidhich e mar bhalla iarum, eadar thu agus am baile, agus enir do ghnuis 'n a aghaidh, agus bithidh e air a theanuachadh, agus cniridh tu camp 'n a aghaidh: bithidh so 'u a chomharadh do thigh Israèl.

4 Luidh thusa fòs air do thaobh clì, agus leig eucart tighe Israèl air: a réir àireimh nan làithean a luidheas tu air, giùlainidh tu an enceart.

5 Oir leig mise ortsa bliadhmachan an eucartan, a réir àireimh nan làithean, trì cheud deich agus ceithir fichead là: mar sin giùlainidh tu eucart tighe Israèl.

6 Agus 'n uair a choimhlionas tu iad, luidh a ris air do thaobh deas, agus giùlainidh tu eucart tighe Iudah dà

fhichead là: dh'orduich mise dhuit là air son bliadhna.

7 Uime sin cniridh tu d' aghaidh ri séisdeadh Ierusalem, agus bithidh do ghairdean air a rùsgadh, agus ni thu fàistneachd 'n a aghaidh.

8 Agus, feuch, cniridh mise cuibhrichean ort, agus cha tionndaidh thu thu féin o'n aon taobh gus an taobh eile, gus an crìoch-naich thu làithean do shéisdidh.

9 Gabh thugad fòs cruithneachd, agus eorna, agus pònair, agus peasair, agus meanbh-phesair, agus peasair fhìdhain, agus cuir iad ann an aon soitheach, agus deau duit féin aran diubh, a réir àireimh nan làithean a luidheas tu air do thaobh; trì cheud ceithir fichead agus deich làithean ithidh tu dheth.

10 Agus bithidh am biadh a dh'itheas tu air a chothromachadh, fichead secel anns an là: o àm gu h-àm ithidh tu e.

11 Olaidh tu mar an ceudna uisge le tomhas; an seathamh cuid de hin: o àm gu h-àm olaidh tu.

12 Agus ithidh tu e mar bhreacagan eorua, agus le aolach a thigh a mach á duine deasaichidh tu e 'n an sealladh.

13 Agus thubhairt an Tighearn, Eadhon mar so ithidh clann Israèl an aran truailte measg nan cinneach, dh'ionnsuidh an ioma'n mise iad.

14 An sin thubhairt mise, Ah a Thighearna Dhia! feuch, cha do thruaillcadh m' anam-sa: oir o m' òige nòs gus a nis cha d' ith mi dheth sin a bhàsaicheas leis féin, no 'bha 'n a chonabhlach; ni mò 'thàinig feoil ghràineil ann am bheul.

15 An sin thubhairt e rium, Feuch, thug mi dhuit buachar bhò an àite aolach duine, agus deasaichidh tu d' aran leis.

16 Os bàrr thubhairt e rium, A mhic an duine, feuch, brisidh mise lorg an arain ann an Ierusalem; agus ithidh iad aran air chothrom agus le cùram; agus olaidh iad uisge le tomhas agus le h-uamhas.

17 A chum gu'm bi uircasbhuidh arain agus uisge orra, agus gu'm bi uamhas orra gach aon ri 'chéile, agus gu'n leagh iad air falbh air son an eucert.

CAIB. V.

1 Le sàmhladh caltuinn barradair nochdadh breitheana's Dhé an aghaidh Ierusalem, 12 le plàigh, le gorta, le claidheamh, agus le sgapadh.

AGUS thusa, a mhic an duine, gabh thugad sgian gheur, gabh thugad caltuinn barradair, agus thoir oirre siubhal air do cheann, agus air d' fheusaig; an sin gabh meigh thomhais, agus roinn am folt.

2 Trian loisgidh tu le teine ann am meadhon a' bhaile, tràth bhithcas làithean an t-séisdidh air an coimhlionadh; agus gabhaidh tu trian, agus buailidh tu m'a thimchioll le sgein; agus sgapaidh tu trian leis

a' ghaoith, agus tairngidh mise mach claidheamh 'n an déigh.

3 Gabhaidh tu mar an ceudna dhiubh beagan ann an àireamh, agus ceanglaidh tu iad ann ad sgìortuibh.

4 An sin gabh dhiubh a ris, agus tilg iad ann am meadhon an teine, agus loisg iad anns an teine; as a sin thig teine mach gu tigh Israeil uile.

5 Mar so tha an Tighearn Dia ag ràdh, Is i so Ierusalem; chuir mise i 'am meadhon nan cinneach, agus nan dùthchan mu'n cuairt di.

6 Agus dh'atharraich i mo bheithceanais gu aingidheachd nì's mò na na cinnich; agus mo reachdan nì's mò na na dùthchan mu'n cuairt di: oir dhiùlt iad mo bheithceanais; agus mo reachdan, cha do ghluais iad anna.

7 Uime sin, mar so tha an Tighearn Dia ag ràdh, A chionn gu'n d' fhàs sibh ìon-mhor seach na cinnich mu'n cuairt duibh, agus uach do ghluais sibh ann am reachdaibh-sa, ni mò choimhid sibh mo bheithceanais, nì mò 'rinn sibh eadhon a réir breithceanais nan cinneach mu'n cuairt duibh;

8 Uime sin, mar so tha an Tighearn Dia ag ràdh, Feuch, tha mise, eadhon mise a'd aghaidh, agus ni mi breithceanais ann ad mheadhon, ann an sealladh nan cinneach.

9 Agus ni mi annad an ni sin nach d' rinn mi, agus nach deau mi nì's mò ni cosmhail ris, air son d' uile ghràineileachdau.

10 Uime sin ithidh na h-aithrichean ann mic ann ad mheadhon, agus ithidh na mic ann aithrichean; agus ni mise breithceanais annad, agus sgapaich mi an t-ionlaid de d' fhuigheall anns gach uile ghaoith.

11 Air an aobhar sin, mar is beò mise, deir an Tighearn Dia, Gu deimhin, a chionn gu'n do thruaill thu m' ionad naomh le d' uile nithibh fuathach, agus le d' uile ghràineileachdaibh, uime sin lughdaichidh mise thu mar an ceudna; agus cha chaomhain mo shùil, ni mò bhitheas truas air bith agam.

12 Bàsaichidh trian diot leis a' phlàigh, agus le gorta caithear iad ann ad mheadhon: agus tuitidh trian leis a' chladheamh mu'n cuairt duit; agus sgapaich mise trian anns na h-uile ghaothaibh, agus tairngidh mi mach claidheamh 'n an déigh.

13 Mar so coimhlionar mo chorruih, agus bheir mi air mo dhian fheirg luidhe orra, agus bheir mi dhomh féin fois: agus bithidh fios aca gur mise an Tighearn a labhair ann am eud, an tràth 'choimhlionas mi orra mo dhian chorruih.

14 A thuilleadh air so, ni mi dhìot fasach agus masladh ann meag nan cinneach mu'n cuairt duit, ann an sealladh nan uile a théid seachad.

15 Agus bithidh tu ann ad mhasladh, agus ann ad mhadadh, ann ad theagag, agus ann ad uamhas, do na cinnich mu'n cuairt duit,

an tràth ni mise breithceanais annad, ann am feirg, agus ann am corruich, agus ann am gargachmhasanaibh: mise Iehobhab labhair.

16 An tràth 'chuireas mi orra droch shaighdean na gorta, a bhitheas air son sgrios, a chuireas mise g'ur sgrios: meudaichidh mi fòs a' ghort oirbh, agus brisidh mi lorg 'ur n-arain.

17 Mar sin cuiridh mi oirbh gort, agus droch bheathaichean, agus ni iad uirces-bhuidheach thu: agus sìubhlaidh plàigh agus fuil tromhad, agus bheir mi ort an claidheamh; mise Iehobhab labhair.

CAIB. VI.

1 *Breithceanas Israeil air son an iòdholan.* 8 *Tèarnar fuigheall dhiubh.* 11 *D'òrduich eadhon do'n fhàidh caoidh a dheanamh air son ghràineileachdan tìghe Israeil.*

A GUS thàinig focal an Tighearn a' m' ionnsuidh, ag ràdh,

2 A m'he au duine, cuir d' aghaidh ri sléibhtibh Israeil, agus deau faisteachd 'n au aghaidh,

3 Agus abair, A sléibhtean Israeil, cluinnibh focal an Tighearna Dia, mar so tha an Tighearn Dia ag ràdh ris na sléibhtibh, agus ris na cnocaibh, ris na sruthaibh, agus ris na gleanntaibh, Feuch, bheir mise, mise féin, claidheamh oirbh, agus sgriosaidh mi 'ur n-ionadan àrda.

4 Agus bithidh 'ur n-altairean fas, agus 'ur dealbhan air am briseadh: agus tilgidh mise sìos 'ur daoine marbhtha fa chomhair 'ur n-ìodholan.

5 Agus leagaidh mi cuirp mharbha chloiuu Israeil fa chomhair an iòdholan; agus sgapaich mi 'ur cnàmhnan nu thimchioll 'ur n-altairean.

6 Ann 'ur n-uile àiteachaibh còmhnuidh, nithcar na bailtean fas, agus bithidh 'ur n-ionadan àrda faondrach, air chor as gu'm bi 'ur n-altairean fas agus uaigneach, agus gu'n tig briseadh agus cosgadh air 'ur n-ìodholaibh, agus gu'n dubhar as 'ur n-oibre.

7 Agus tuitidh iadsan a bhitheas lèonta 'n 'ur meadhon; agus bithidh fios agaibh gur mise an Tighearn.

8 Gidheadh fagaidh mi fuigheall, air chor as gu'm bi agaibh cuid a théid as o'n chladheamh am measg nau cinneach, an tràth 'bhitheas sibh air 'ur sgapadh am measg nan dùthchan.

9 Agus cuimhnichidh a mhead dhiubh is a théid as mise, am measg nan cinneach gus an toirear iad 'n am braighdibh, an tràth 'chìosnaicheas mise an cridhe stripachail a dhealaich rium, agus an sùilean a tha 'dol air stripachas an déigh an iòdholan; agus bithidh gràin aca dhiubh féin air son nan ole a chuir iad 'an gnìomh 'u an uile ghràineileachdaibh.

10 Agus aithnichidh iad gur mise an Tighearn, agus nach ann gu diomhain a thubhairt mi gu'n deanainn an t-ole so orra.

11 Mar so tha an Tighearn Dia ag ràdh, Buail le d' làimh, agus breab le d' chois, agus abair, Mo thruaighe! air son uile dhroch ghràineileachdan tighe Israeil; oir tuitidh iad leis a' chlaidheamh, leis a' ghort, agus leis a' phlàigh.

12 Esau a tha fad as bàsaichidh leis a' phlàigh; agus esan a tha dlùth tuitidh leis a' chlaidheamh; agus esan a mhaireas, agus a tha air a shéisdeadh, bàsaichidh leis a' ghort: mar so coimhlionaidh mise mo chorruih orra.

13 An siu bithidh fios agaibh gur mise an Tighearn, an tràth 'bhitheas an daoine marbhta, measg an iòdholan, mu'n cuairt air an altairibh, air gach aon chnoc àrd, air uile mhallachaibh nan sliabh, agus fo gach uile chran uaine, agus fo gach daraig gheugaich; an t-àite 's an d' thug iad boltrach cùbhraidh do'n uile iòdholaibh.

14 Mar siu sìnidh mise mach mo làmh orra, agus ni mi am fearann fàs, seadh, ni's uaigniche 'n a fasach Dhiblaid, 'n an uile ionadaibh-còmhnuidh; agus bithidh fios aca gur mi an Tighearn.

CAIB. VII.

1 *Léir-sgrìos Israeil.* 16 *Ni am fuigheall a théid as caoidh air son an aingidheachd.* 20 *Cheadaich Dia do naimhdean Israeil an-ìonad naomh a thruaillleadh a chionn gu'n do pheacaidh iad 'n a aghaidh.* 23 *Le sàmhladh slabhruidh chuir an fàidh an cèll braigh-deanas a shluagh.*

OS bàrr, thàinig focal an Tighearn a' m' ionnsuidh, ag ràdh,

2 Fòs a m'leic an duine, *abair*, Mar so tha an Tighearn Dia ag ràdh ri fearann Israeil: Thàinig crìoch, *thàinig* crìoch air cèithir chearnaibh na tìre.

3 A nis *thàinig* crìoch ort, agus cuiridh mise mo chorruih ort, agus bheir mi breth ort a réir do shlighe, agus diolaidh mi riut d' uile ghràineileachdan.

4 Agus cha chaomhau mo shùil thu, ni mò bhithcas truas agam, ach diolaidh mi riut do shlighe, agus bithidh do ghràineileachdan ann ad mheadhon; agus bithidh fios agaibh gur mise an Tighearn.

5 Mar so tha an Tighearn Dia ag ràdh; Feuch, tha olc, aou olc eile a' teachd.

6 Tha crìoch air teachd, thàinig a' chrìoch; tha i ri faire air do shou, feuch thàinig i.

7 Dh'èirich a' mhaduinn ort, O thusa a tha ag àiteachadh na tìre: thàinig an t-àm, tha là an àmhghair dlùth, agus cha-n e ath-fhreagradh nan sliabh.

8 A nis gu h-aithghearr dòirtidh mi mach m' fhearg, agus coimhlionaidh mi mo chorruih ort: agus bheir mi breth ort a réir do shlighe, agus diolaidh mi riut d' uile ghràineileachdan.

9 Agus cha chaomhain mo shùil, ni mò bhithcas truas agam: diolaidh mi riut a réir do shlighe, agus do ghràineileachdan

ann ad mheadhon; agus bithidh fios agaibh gur mise an Tighearn a tha 'bualadh.

10 Feuch an là, feuch, thàinig e; chaidh a' mhaduinn a mach, thàinig blàth air an t-slaic, ùr-fhàs air an uabhar.

11 Dh'fhàs ainneart suas gu slait aingidh-eachd: cha m'hair aon diubh, no de'n sluagh, no aon a bhuineas doibh, ni mò bhithcas cumha sam bith air an son.

12 Thàinig an t-àm, tha an là a' teachd ad fagus; na deanadh am fear-reice gairdeachas, no am fear-ceannaich bròn: oir *thuit* fearg air a mòr-chuideachd uile.

13 Oir cha phill am fear-reice ris an ni sin a reiceadh, ged robh iad am measg nam beò; oir tha an taisbeanadh mu thimchioll a mòr-chuideachd uile; cha phill iad, ni mò 'neartaicheas aou duine e féin ann an aingidheachd a bheatha.

14 Shéid iad an tronpaid, eadhon a chum na h-uile a dheanamh deas; ach cha-n'èil neach air bith a' dol a chum a' chatha: oir tha m' fhearg-sa air a mòr-chuideachd uile.

15 Tha an claidheamh a muigh, agus a' phlàigh, agus a' ghort a stigh: esan a tha 's a' m'achair bàsaichidh e leis a' chlaidheamh; agus esan a tha 's a' bhaile ni gort agus plàigh 'ithcadh suas.

16 Ach iadsan a théid as diubh, théid as, agus bithidh iad air na sléibhtibh mar cholumain nan gleann, iad uile a' caoidh, gach aon diubh air son 'aingidheachd féin.

17 Bithidh na làmhnan uile lag, agus bithidh na gluinean uile annhunn mar uisge.

18 Crìoslaichidh iad fòs *iad féin* le eudachsaic, agus ni uamhas an còmhladhadh, agus bithidh nàire air na h-uile aghaidh, agus air an cinn uile-bithidh maoile.

19 Tilgidh iad an aigriod anns na sràidibh, agus atharraichear an òr: cha bhi an aigriod agus an òr comasach air an saoradh aon an là feirge an Tighearna: cha sàsuich iad an anaman, ni mò bonas iad an cou: a chionn gu'n toir an aingidheachd tuisleadh orra.

20 A chionn gu'n d' rinn iad dheth éididh àillidh agus sgiamhach, leis an do sgeudaich iad dealbhan gràineil an nithean fuataich, uime siu bheir mise faicear gu'm buinear e uatha.

21 Agus bheir mi e do làmhnan uan coimheach mar chobhartach, agus do dhroch dhaoineibh na talmhainn mar chreich, agus ui iadsan a thruaillleadh.

22 Pillidh mi fòs m' aghaidh uatha, agus bithidh m' ionad dìomhair air a thruaillleadh; oir théid an luchd-spùinidh a steach ann, agus truaillich iad e.

23 Dean slabhruidh; oir tha an fearann làn de chiontaibh fuilteach, agus tha a' chaithir làn de ainneart.

24 Uime sin, bheir mise a' chuid a's miosa de na cinnich, agus scalbhaichidh iad an tighean: cuiridh mi fòs cosgadh air uabhar

nan neartmhor, agus truaillear au ionadan naomha.

25 Tha léir-sgrìos a' teachd, agus iarraidh iad sìth, ach cha bhi i ann.

26 Thig urchuid air euhuid, agus tuairisgeul air thuairisgeul; an sin iarraidh iad sealladh o'n fhàidh: ach eugaiddh au lagh o'u t-sugart, agus comhairle o na seauairibh.

27 Nì an rìgh caoidh, agus bithidh am prionnsa air 'èideadh le léir-sgrìos, agus bithidh làmhnan sluagh na tìre fo gheilt: nì mise riu a réir an slighe, agus a réir an toillteanais bheir mi breth orra, agus bithidh fìos aca gur mi an Tighearn.

CAIB. VIII.

1 *Thugadh am fàidh ann am foillseachaidh Dhé gu Ierusalem, 5 agus nochaidh dha ìomhaigh an eud, 7 chùirt nan cosamhlachd, 13 luchd-caoidh Thamuis, 16 agus luchd-aoraidh na gréine. 17 Corruich Dhé an aghaidh luchd an òdhol-aoraidh.*

A GUS tharladh ann an t-sèathamh bliadhna, anns an t-sèathamh mìos, anns a' chùigeamh ùd de'u mhìos, 'n uair a shuidh mi ann am thigh, agus seanairean Iudah 'n an suidhe mu'm chomhair, gu'n do thuit orm an sin làmh an Tighearna Dia.

2 An sin dh'amhaire mi, agus, feuch, cosamhlachd mar shàmhbladh duine: o thaisbeanadh a leasraibh agus foidhe mar theuc: agus o 'leasraibh agus os a cheann, mar thaisbeanadh dealanaich, mar dhath òmbair.

3 Agus chuir e mach cumachd làimhe, agus ghlac e mi air dual de m' cheann, agus thog an spiorad suas mi eadar talamh agus nèamh, agus thug e mi ann am foillseachaidh Dhé gu Ierusalem, gu dorus a' gheata a's faide steach, a tha 'g amharc ris an àirde tuath, far an robh àite òmhaigh an eudaich, a bhrosnuicheas gu eudach.

4 Agus, feuch, bha glòir Dhé Israeil an sin, a réir an t-seallaidh a chunnaic mi anns a' chòmhnard.

5 An sin thubhairt e rium, A mhic an duine, tog suas do shùilean a nis ri slighe na h-àirde tuath: agus thog mi suas mo shùilean ri slighe na h-àirde tuath, agus, feuch, nu thuath, aig geata na h-altarach, òmhaigh so an eudaich anns an dol a steach.

6 Agus thubhairt e rium, A mhic an duine, am faic thu ciod a tha iad a' deanamh a na gràineileachdan udrà 'tha tigh Israeil a' cur 'an gnìomh an so, a chum gu'n rachainn-sa am fad o m' naomh-ionad? ach pill fathasd, chi thu gràineileachdan a's mò.

7 Agus thug e mi gu dorus na cùirte; agus an uair a dh'amhaire mi, feuch toil anns a' bhalla.

8 An sin thubhairt e rium, A mhic an duine, cladhaidh a nis anns a' bhalla: agus 'n uair a chladhaich mi anns a' bhalla, feuch dorus.

9 Agus thubhairt e rium, Imich a steach, agus feuch gràineileachdan a' iugaidh a tha iad a' deanamh an so.

10 Mar sin chaidh mi steach agus chuanaic mi, agus, feuch, uile chosamhlachdan gach nì a shnàigcas, agus gach beathaich ghràineil, agus uile òdholan tìghe Israeil air an tarraing air a' bhalla, gach taobh mu'n cuairt.

11 Agus sheas 'n an làthair deich agus trì fichead fear de sheauairibh tìghe Israeil, agus 'n am meadhon sheas Iasaniah mac Shaphain, gach fear le 'thùiseir 'n a làimh, agus neul tiugh tùise a' dol suas.

12 An sin thubhairt e rium, A mhic an duine, am faca tu ciod a tha seanairean tìghe Israeil a' deanamh anns an dorchas, gach fear ann an sèdmraichibh 'òmhaigh-eachd féiu? oir tha iad ag ràdh, Cha-n'eil an Tighearn 'g ar faicinn; thréig an Tighearn an talamh.

13 Thubhairt e rium mar an ceudna, Pill fòs a ris, chi thu gràineileachdan a's mò a tha iad a' deanamh.

14 An sin thug e mi gu dorus geata tìghe an 'Tighearn', a bha ris an àirde tuath, agus, feuch, an sin shuidh munathan a' gul air son Thamuis.

15 An sin thubhairt e rium, Am faca tu so, a mhic an duine? pill fòs a ris, chi thu gràineileachdan nì's mò na iad so.

16 Agus thug e mi do'n chùirt a's faide steach de thigh an 'Tighearn', agus, feuch, aig dorus teampull an 'Tighearn', eadar an sgàth-thigh agus an altair, tuaiream cùig fir fhichead, le 'n cùlaobh ri teampull an 'Tighearn', agus an aghaidh ris an àird an ear, agus iad ag aoradh do'u ghréiu ris an àird an ear.

17 An sin thubhairt e rium, Am faca tu, O mhic an duine? An nì faoin do thigh Iudah a bhi 'deanamh nan gràineileachdan a tha iad a' deanamh an so? oir lion iad an tìr le ainneart, agus phill iad gu m' bhrosnachadh-sa chum feirge; agus, feuch, chuir iad am mcanglan ri au sròin.

18 Uime sin buinidh mise *riu-san* fòs ann am feirg: cha chaomhain mo shùil, nì mò blithreas tras agam: agus ged èigh iad ann am chluasaibh le guth àrd, gidheadh cha-n' èisd mi riu.

CAIB. IX.

1 *Ann an taisbeanadh chunnaic am fàidh seisear fhèar, agus air gach ann diubh inneal-sgrìos.*

4 *Dh'òrdhich eadh dh'òibh iadsan a bha 'g osnaich air son an gràineileachdan a chomh-arachadh, 5 agus càch a sgrìos.*

G HLAODH e fòs ann am chluasaibh le guth àrd, ag ràdh, Thoir air uachdar-ain a' bhaile teachd am fagus, eadhon gach duine le 'arm-sgrìos 'n a làimh.

2 Agus, feuch, thàinig seisear fhèar o shlighe a' gheata a's àirde, 'tha 'g amharc ris an àirde tuath, agus aig gach fear 'inn-

cal-sgrìos féin 'n a làimh: agus bha aon fhear 'n am measg air 'éideadh le lion-eudach, agus aefhuinn-sgrìobhaidh cléirich air a léis: agus chaidh iad a steach, agus sheas iad ri taobh na h-altarach unia.

3 Agus dh'éirich glòir Dhé Israeil suas bhàrr a' cheruib air an robh e, gu stairs-neach an tighe; agus ghlaodh e ris an duine 'bha air 'éideadh leis an lion-eudach, aig an robh an aefhuinn-sgrìobhaidh cléirich r'a thaobh;

4 Agus thubhairt an Tighearn ris, Imich troimh mheadhon a' bhaile, troimh mheadhon Ierusalem, agus cuir comharadh air eudanaibh na muinntir a tha 'g osnaich agus a' glodhaich air son nan uile ghràin-eileachdan a tha air an deanamh 'u a meadhan.

5 Agus ri càch thubhairt e ann am éisdeachd, Rachaibhse 'n a dhéigh-san troimh 'n bhaile, agus bnaibh: na caomhaineadh 'ur shìl, ni mò bhithcas truas agaibh.

6 Marbhaidh gu tur an sean, agus an t-òg, an òigh, agus an leanabh, agus na mnathan; ach na beanaibh ri aon duine air am bheil an comharadh; agus tòisichibh aig mo naomh-ionad-sa. An sin thòisich iad aig na seann daoine 'bha fa chomhair an tighe.

7 Agus thubhairt e riu, Truaillibh an tigh, agus lonaibh na chirtan leis na mairbh; rachaibh a mach: agus chaidh iad a mach, agus mharbh iad anns a' bhaile.

8 Agus tharladh trà bha iad 'gam marbhadh, agus a bha mise air m' fhàgail, gu'n do thuit mi air m' aghaidh, agus ghlaodh mi, ag ràdh, Ah! a Thighearna Dhia, an sgrìos thu iarmad Israeil nìle, ann an dòrtadh a mach do dhian chorroich air Ierusalem?

9 An sin thubhairt e rium, Tha aingidheachd tighe Israeil agus Iudah anns an robh, agus tha am fearann làn de fhìil, agus am baile làn de cheannaire: oir tha iad ag ràdh, Thèig an Tighearn an talamh, agus cha-n'eil an Tighearn a' faicinn.

10 Agus air mo shon-sa mar an ceudna, cha chaomhain mo shùil, ni mò bhithcas truas agam; dìolaidh mi an slighe air an ceann.

11 Agus, feuch, dh'innis am fear a bha sgeudaichte leis an lion-eudach, agus aig an robh an aefhuinn-sgrìobhaidh r'a thaobh, a' chùis, ag ràdh, Rinn mi amhuil mar a dh'àithn thu dhomh.

CAIB. X.

1 Taisbeanadh nan éibhlean teine a bha air an sgapadh thar a' bhaile. 5 Taisbeanadh nan cheruban. 10 Dreach agus coslas nan cheruban.

AN sin dh'amhaire mi, agus, feuch, anns an speur a bha thar cinn nan cheruban, thaisbeanadh os an ceann mar gu'm bitheadh ann ciach shaphir, mar thaisbeanadh coslais rìgh-chaitheach.

2 Agus labhair e ris an duine 'bha sgend-

aichte leis an lion-eudach, agus thubhairt e, Imich a steach eadar na rothan, fo an chernb, agus lion do làmh le éibhlibh teine eadar na cheruban, agus sgap iad thar a' bhaile. Agus chaidh e steach ann am shealladh.

3 A nis sheas na cheruban air taobh deas an tighe, 'n uair a chaidh an duine steach; agus lion an neul a' chùirt a' b'fhaide stigh.

4 An sin chaidh glòir an Tighearna suas bhàrr a' cheruib, agus sheas i os ceann stairs-nich an tighe; agus lionadh an tigh leis an neul, agus bha a' chùirt làn de dhealradh glòire an Tighearna.

5 Agus chualas fuaim sgiath nan cheruban gu a' chùirt a' b'fhaide mach, mar ghuth an Dé uile-chumhachdaich an uair a labhras e.

6 Agus tharladh, an trà 'thug e àithne do'n duine 'bha sgeudaichte leis an lion-eudach, ag ràdh, Glac teine o eadar na rothan, o eadar na cheruban, gu'n deachaidh e 'n sin a steach, agus sheas e làimh ris na rothaibh.

7 Agus shìn cherub a mach a làmh o eadar na cheruban, chum an teine a bha eadar na cheruban, agus ghabh e dheth; agus chuir e ann an làmh an ti 'bha sgeudaichte leis an lion-eudach e; neach a ghlac e agus a ehaidh a mach.

8 Agus chunnacas anns na cheruban cnuachd làimhe duine fo an sgiathaibh.

9 Agus 'n uair a dh'amhaire mise, feuch na ceithir rothan aig taobh nan cheruban, aon roth aig aon cherub, agus roth eile aig cherub eile: agus bha dreach nan rothan air dhath cloiche criostail.

10 Agus air son an aoguis, bha 'n aon choslas aca 'n an ceathrar, mar gu'm bith-eadh roth ann am meadhan rotha.

11 'N uair a ghluais iad, dh'imich iad air an ceithir taobhan; cha do thionndaidh iad 'n an imeachd, ach ris an àite gus an robh an ceann ag amharc, lean iadsan e; cha do thionndaidh iad 'n uair a dh'imich iad.

12 Agus bha an corp gu h-ionmhan, agus an dromannan, agus an sgiathan, agus na rothan, làn de shùilibh mu'n euairt air gach taobh, eadhon na rothan a bha aca 'n an ceathrar.

13 Agus ris na rothaibh ghlaodhadh ann am éisdeachd-sa, Ruithibh.

14 Agus bha ceithir eudanan aig gach aon: aghaidh cheruib a' cheud eudan, agus aghaidh duine an dara eudan, agus aghaidh leomhain an treas, agus aghaidh iolaire an ceathramh.

15 Agus thogadh suas na cheruban. So am beò-chréutair a chunnaic mise aig sruth Chebair.

16 Agus an uair a ghluais na cheruban, dh'imich na rothan làimh riu: agus 'n uair a thog na cheruban snas an sgiathan, a

chum éiridh suas o'n talamh, cha do thionndaidh na rothan ceudna sin o bhi 'nam foch-air.

17 'N uair a sheas iad sin, sheas *iad so*; agus 'n uair a dh'éirich iad sin suas, dh'éirich *iad so*; oir bha spiorad a' bheò-chreutair annta.

18 An sin dh'imich glòir an Tighearn' o stairsnich an tighe, agus sheas i thar na cheruban.

19 Agus thog na cheruban suas an sgiathan, agus chaidh iad suas o'n talamh ann am shealladh: an uair a chaidh iad a mach, bha na rothan mar an ceudna làimh riu; agus sheas iad aig dorus geata shòir tighe an Tighearn', agus bha glòir Dhé Israeil tharta os an ceann.

20 So am beò-chreutair a chunnaic mi fo Dhia Israeil, làimh ri sruth Chebair; agus dh'aithnich mi gu'm b' iad na cheruban.

21 Bha ceithir eudanan aig gach aon fa leth, agus aig gach aon bha ceithir sgiathan; agus bha coslas làmhan duine fo an sgiathaibh.

22 Agus b'e coslas an aghaidhean na h-aghaidhean ceudna a chunnaic mi aig sruth Chebair, an aogus agus iad féin: dh'imich iad gach aon dìreach air aghaidh.

CAIB. XI.

1 *Thaisbeanadh do Eseciel dànachd mhaithean Iudah: 4 dìolaidh Dia am peacaidhean air an ceann. 13 Bàs Phelath. 17 Cruinnichidh Dia a shluagh féin as na dùthchannaibh anns an robh iad air an sgapadh. 22 Chaidh glòir an Tighearn' suas a meadhon a' bhaile.*

AGUS thog an spiorad suas mi, agus thug e mi gu geata 'n ear tighe an Tighearna, 'tha 'g amharc ris an àird an ear: agus, feuch, aig dorus a' gheata, cùig fir fhichead: agus chunnaic mi 'n am measg Iaasaniah mac Asuir, agus Pelathia mac Bhenaiah, uachdarain an t-sluaigh.

2 An sin thubhairt e rium, A mhic an duine, so na daoine 'tha 'dealbh uile, agus a' toirt droch chomhairle 's a' bhaile so;

3 A tha 'g ràdh, Cha-n'eil e dlùth; togamaid tighean: is e *am baile* so an coire, agus sinne an fheoil.

4 Air an aobhar sin, dean fàistneachd 'n an aghaidh, dean fàistneachd a mhic an duine.

5 Agus thuit orm spiorad an Tighearn', agus thubhairt e rium, Abair, Mar so tha an Tighearn ag ràdh, Mar so thubhairt sibh, O thigh Israeil: oir is aithne dhomhsa na nithean 'tha 'teachd 'n ur n-imtinn, *gach uile ni dhiubh*.

6 Mheudaich sibh 'ur mairbh anns a' bhaile so, agus lion sibh a shràidean leosan a mharbhadh.

7 Air an aobhar sin mar so tha an Tighearn Dia ag ràdh, 'Ur mairbh a chuir sibh 'n a mheadhon, is iadsan an fheoil, agus is e 'm

baile so an coire; ach bheir mise sibh a mach as a mheadhon.

8 Bha cagal oirbh roimh an chlaidheamh; agus bheir mise claidheamh oirbh, deir an Tighearn Dia.

9 Agus bheir mi sibh a mach as a mheadhon, agus bheir mi thairis sibh do làmhan choimheach, agus ni mi breitheanais 'n 'ur measg.

10 Tuitidh sibh leis a' chlaidheamh: bheir mise breitheanas oirbh ann an iomall Israeil, agus bithidh fios agaibh gur mi an Tighearn.

11 Cha-n i a' *chaithir* so a bhitheas 'n a coire dhiubh, ni mò bhitheas sibhse 'n a meadhon mar fheoil: ann an iomall Israeil bheir mise breth oirbh.

12 Agus bithidh fios agaibh gur mise an Tighearn: oir cha do ghluais sibh ann am reachdaibh, ni mò 'rinn sibh mo bhreitheanais, ach rinn sibh a réir nòis nan cinneach a tha air gach taobh mu'n cuairt duihbh.

13 Agus tharladh an trà 'rinn mise fàistneachd, gu'n d'eug Pelathia mac Bhenaiah: an sin thuit mi sìos air m' aghaidh, agus ghlaodh mi le guth àrd, agus thubhairt mi, Ah! a Thighearna Dhia, an dean thu làn chrìoch air iarmaid Israeil?

14 A ris thàinig focal an Tighearn' a m' ionnsuidh, ag ràdh,

15 A mhic an duine, is iad do bhràithrean, do bhràithrean, fir do dhùlseachd, agus uile thigh Israeil gu h-iomlan, ris an dubhairt luchd-àiteachaidh Ierusalem, Imichibh am fad o'n Tighearn: dhuinne thugadh am fearann so mar sheilbh.

16 Air an aobhar sin abair, Mar so tha an Tighearn Dia ag ràdh, Ged 'thug mi fada uam iad am measg nan cinneach, agus ged 'sgap mi iad am measg nan dùthchan, gidheadh bithidh mi dhoibh ann am naomh-ionad beag anns na dùthchannaibh gus an tig iad.

17 Uime sin abair, Mar so tha an Tighearn Dia ag ràdh, Ni mi eadhon 'ur tional o na cinnich, agus 'ur cruinneachadh as na dùthchaibh anns an robh sibh air 'ur sgapadh, agus bheir mi dhuibh fearann Israeil.

18 Agus thig iad d'a ionnsuidh, agus bheir iad 'uile nithean fuathach, agus 'uile ghràine-eileachdan air falbh as.

19 Agus bheir mi dhoibh aon chridhe, agus cuiridh mi spiorad nuadh an taobh a stigh dhiubh; agus bheir mi an cridhe cloiche as am feoil, agus bheir mi dhoibh cridhe feòla;

20 A chum gu'n gluais iad ann am reachdaibh, agus gu'n coimhid iad m' orduighean, agus gu'n dean siad iad: agus bithidh iad 'n am pobull dhomh-sa, agus bithidh mise a'm' Dhia dhoibhsan.

21 Ach *do'n taobh-san* a thionndas an cridhe a réir cridhe an nithean fuathach agus an gràineileachdan, diolaidh mise an

slighe air an ceann féin, deir an Tighearn Dia.

22 An sin thog na cheruban suas an sgiathan, agus na rothan làimh riu; agus bha glòir Dhé Israeil tharta os an ceann.

23 Águs chaidh glòir an Tighearna suas o mheadhon a' bhaile, agus sheas i air an t-slabh a tha air an taobh an ear de'n bhaile.

24 'N a dhéigh sin ghlac an spiorad suas mi, agus thug e mi ann an taisbeanadh le spiorad Dhé gu Caldéa, chum nam braighdean. Mar sin chaidh an sealladh a chunnaic mi snas uam.

25 An sin labhair mi riu-san a bh'anns an daorsa, na h-uile nithean a thaisbean an Tighearn dhomh.

CAIB. XII.

1 *Le atharrachadh Eseciel nochdadh braighdeanas Shedeiah. 17 Ball-chrith agus uamhunn nan Iudhach. 21 Chronuich am fàidh iad air son an gnàth-fhocail.*

THAINIG focal an Tighearna fòs a m' ionnsuidh, ag ràdh,

2 A mhic an dnuine, tha thu 'chòrnuidh ann am meadhan tìghe cheannaircigh, aig am bheil sùilean gu faicinn, ach cha-n'eil iad a' faicinn; tha cluasan aca gu cluinntinn, ach cha-n'eil iad a' cluinntinn: oir is tìgh ceannairceach iad.

3 Uime sin, a mhic an duine, deasaich dhuit féin airneis air son dol air imrich, agus atharraich anns an là 'n an sealladh; agus atharraichidh tu o d' àite, gu àit eile 'n an sealladh; theagamh gu'n toir iad fainear, ged is tìgh ceannairceach iad.

4 An sin bheir thu mach d' airneis anns an là 'n an sealladh, mar airneis air son imrich: agus théid thu mach 's an annmoch 'n an sealladh, mar iadsan a théid a mach ann am braighdeanas.

5 Cladhaich troimh 'n bhalla 'n an sealladh, agus thoir a mach troimhe sin.

6 'N an sealladh giùlainidh tu air do ghuaillibh, bheir thu mach anns an dubhannmoch: còmhdaichidh tu d' aghaidh air chor as nach faic thu an làr: oir chuir mi thu mar chomharadh do thigh Israeil.

7 Agus rinn mi ceart mar a dh' àithneadh dhomh: thug mi mach m' airneis anns an là, mar airneis air son braighdeanas, agus anns an annmoch chladhaich mi troimh 'n bhalla le m' làimh; thug mi mach i's an dubhannmoch, agus giùlain mi air mo ghuaillibh i 'n an sealladh.

8 Agus air maduinn thàinig focal an Tighearn a m' ionnsuidh, ag ràdh,

9 A mhic an duine, nach dubhairt tìgh Israeil, an tìgh ceannairceach, riut, Ciod a tha thu 'deanamh?

10 Abair thusa riu, Mar so tha an Tighearn Dia ag ràdh, Do'n phrionnsa ann an Ierusalem *buinidh* an t-uallach so, agus do thigh Israeil a tha 'n am measg.

11 Abair, Tha mise ann am chomharadh dhuibh; amhuil a rinn mise, mar sin nith-eir riu-san: atharraichidh iad, agus théid iad air falbh ann am braighdeanas.

12 Agus am prionnsa a tha 'n am measg giùlainidh e air a ghuaillibh anns an dubhannmoch, agus théid e mach: cladhaichidh iad troimh 'n bhalla, chum giùlain a mach d'a thrid: còmhdaichidh e 'aghaidh, air chor as nach faic e 'n làr le 'shùilibh.

13 Sgaoidh mise fòs mo lìon air, agus glacar ann am rib e; agus bheir mi e gu Babilon, gu tìr nan Caldéach; gidheadh cha-n fhaic e i, ged fhaigh e bàs an sin.

14 Agus sgapaidh mi ris gach aon ghaoith na h-uile 'tha m' a thimchioll g' a chòmh-nadh, agus 'uile bhuidhnean; agus tairgidh mi mach an claidheamh 'n an déigh.

15 Agus aithnichidh iad gur mise an Tighearn, 'n uair a sgapas mi iad am measg nan cinneach, agus a sgaoileas mi iad feadh nan dùthchean.

16 Agus fàgaidh mi beagan fhear dhuibh o 'n chlaidheamh, o 'n ghort, agus o 'n phlàigh, a chum gu'n cuir iad 'an céill an uile ghràineileachdan am measg nan cinneach gus an tig iad; agus aithnichidh iad gur mise an Tighearn.

17 Os bàrr, thàinig focal an Tighearn a m' ionnsuidh, ag ràdh,

18 A mhic an duine, ith d' aran le crith, agus òl d' uisge le ball-chrith agus le cùram;

19 Agus abair ri sluagh na tìre, Mar so tha an Tighearn Dia ag ràdh mu thimchioll luchd-àiteachaidh Ierusalem, agus dùthcha Israeil, Ithidh iad an aran le cùram, agus òlaidh iad an uisge le uamhas, air chor as gu'm bi am fearann fàs o 'n iomlan a tha ann, air son fòirneirt na muinntir sin uile 'tha 'chòmhnuidh ann.

20 Agus nithear na bailtean a tha air an àiteachadh fàs, agus bithidh am fearann falamh; agus aithnichidh sibh gur mise an Tighearn.

21 Agus thàinig focal an Tighearn a m' ionnsuidh, ag ràdh,

22 A mhic an duine, Ciod e an gnàth-fhocal sin a th' agaibh ann am fearann Israeil, ag ràdh, Tha na làithean air an sìneadh, agns dh'fhàilnich gach nìle fhoillsachadh.

23 Innis doibh uime sin, Mar so tha an Tighearn Dia ag ràdh, Bheir mise air a' ghnàth-fhocal so sgur, agus cha labhair iad e ni's faide mar ghnàth-fhocal ann an Israeil: ach abair riu, Tha na làithean aig làimh, agus buil gach aoin taisbeanadh.

24 Oir cha bhi ni's mò aon taisbeanadh faoin, no fàistneachd mhìodalach an taobh a stigh de thigh Israeil.

25 Oir mise Iehobhah, labhraidh mi, agus am focal a labhras mi thig gu crìch: cha dean e ni's faide moille; oir ann 'nr làith-

ibhse, O thigh cheannairchieh, labhraidh mise am focal, agus ni mi e, deir an Tighearn Dia.

26 A rìs thàinig focal an Tighearn' a' m' ionnsuidh, ag ràdh,

27 A mhic an duine, feuch tha tigh Isracil, ag ràdh, Tha 'n taisbeanadh a tha e 'faicinn air son mhòran làithean, agus tha e ri faistneachd mu na h-aimsiribh fad as.

28 Air an aobhar sin abair riu, Mar so tha an Tighearn Dia ag ràdh, Cha bhi aon de mo bhrìathraibh-sa air a shìneadh ni's faide; ach am focal a labhras mi, coimhlionar e, deir an Tighearn Dia.

CAIB. XIII.

1 *Chronaicheadh na fàidhean brèige a chionn gu'n d' rinn iad fiosachd 'n uair nach do chuir an Tighearn a mach iad.* 17 *Mu thimcheall nam ban fhàidhean brèige.*

A GUS thàinig focal an Tighearn' a' m' ionnsuidh, ag ràdh,

2 A mhic an duine, dean faistneachd an aghaidh fhàidhean Isracil, a tha ri faistneachd, agus abair thusa riu-san a tha ri faistneachd as an cridhe féin, Eisdibhse focal an Tighearna.

3 Mar so tha an Tighearn Dia ag ràdh, Is deacair do na fàidhibh amaideach, a tha 'leantuin an spioraid féin, agus nach faca ni sam bith.

4 O Isracil, is cosmhail d' fhàidhean ris na slouaich anns na rásaichibh.

5 Cha deachaidh sibh suas a chum nam bearnan, ni mò 'rinn sibh snas a' ehallaid do thigh Isracil, gu seasamh anns a' eath ann an là an Tighearna.

6 Chumaid iad dìomhanas, agus rinn iad fiosachd bhrèige, ag ràdh, Deir an Tighearn; 'n uair nach do ehuir an Tighearn a mach iad: agus thug iad air daoibh earbsadh gu'n daingnicheadh iad am focal.

7 Nach faca sibh sealladh faoin, agus nach do labhair sibh fiosachd bhrèige, le bhi 'g ràdh, Thubhairt an Tighearn, ged nach do labhair mise?

8 Air an aobhar sin, Mar so tha an Tighearn Dia ag ràdh, A chionn gu'n do labhair sibh dìomhanas, agus gu'm faca sibh breugan, uime sin feuch, tha mise 'n 'ur n-aghaidh, deir an Tighearn Dia.

9 Agus bithidh mo làmh air na fàidhibh a ehi dìomhanas, agus a tha 'faistneachd bhreug: cha bhi iad ann an coimhlthional mo shluaigh, ni mò 'bhitheas iad air an sgrìobhadh ann an sgrìobhadh tìghe Isracil, ni mò 'théid iad a steach do fhearnan Isracil; agus aithnichidh sibh gur mise an Tighearn Dia.

10 A chionn, eadhon a chionn gu'n d' thug iad air mo shluagh dol air seacharan, ag ràdh, Sith, agus gun sith a bhi ann: agus thug aon nas balla, agus, feuch, thilg caeh thairis e le *criadh* gun oibreachadh.

11 Abair riu-san a tha 'g a thilgeadh

thairis le *criadh* gun oibreachadh, gu'n tuit e: bithidh fras thuilteach ann, agus tuirlingidh sibhse, O chlachan-meallain mòra; agus ni gaoh dhoionnach a bhriseadh.

12 Feuch, 'n uair a thuiteas am balla, naeh abrar ruibh, C'ait am bheil a' ehriadh leis an do thilg sibh thairis e?

13 Uime sin, mar so tha an Tighearn Dia ag ràdh, Ni mise fòs a bhriseadh le gaoh dhoionnach ann am fheing: agus bithidh fras thuilteach ann am chorrueh-sa ann, agus clachan-meallain mòra ann am dhian-fheing g'a mhilleadh.

14 Mar sin brisidh mi sìos am balla a thilg sibh thairis le *criadh* gun oibreachadh, agus bheir mi nuas gu làr e, air ehor as gun leigear ris a bhunaitean; agus tuitidh e, agus bithidh sibhse air 'ur mill-eadh 'n a mheadhon; agus aithnichidh sibh gur mise an Tighearn.

15 Mar so coimhlionaidh mi mo ehorueh air a' bhalla, agus orra-san a thilg thairis e le *criadh* gun oibreachadh, agus their mi ruibh, Cha-n'eil am balla ann, ni mò tha iadsan a thilg thairis e;

16 Eadhon fàidhean Isracil, a tha ri faistneachd mu thimcheall Ierusalem, agus a tha 'faicinn seallaidh sith-thaimh dhi, agus gun sith idir ann, deir an Tighearn Dia.

17 Mar an eudna, thusa, a mhic an duine, cuir d' eudan an aghaidh nigheanan do shluaigh, a tha ri faistneachd as an cridhe féin, agus deansa faistneachd 'n an aghaidh.

18 Agus abair, Mar so tha an Tighearn Dia ag ràdh, Is truagh do na mnathan a tha 'fuaigheal ehluasag ris na h-uile asgailtibh, agus a' cur bhrèidean air ceann gach aoise, a dheanamh seilg air anamaibh. An dean sibh sealg air anamaibh mo shluaigh-sa, agus an coimhid sibh beò anama na muinntir' a tha teachd thuagibh?

19 Agus an truail sibh mise measg mo shluaigh air son ghlaicèan còrna, agus air son mhirean arain, a mharbhadh nan anaman nach bu chòir bàsachadh, agus a choinhead beò nan anaman nach bu chòir a bhi beò, le 'ur breugaibh do m' shluagh-sa, 'tha 'g éisdeachd 'ur breug?

20 Air an aobhar sin, mar so tha an Tighearn Dia ag ràdh, Feuch, tha mise an aghaidh 'ur eluasag, leis am bheil sibh an sin a' sealg air na h-anamaibh, a chum an glacadh; agus spionaidh mise iad o 'ur gairdeinibh, agus leigidh mi air falbh na h-anaman na h-anaman sin air am bheil sibh a' sealg a chum an glacadh.

21 Reubaidh mi fòs 'ur brèidean, agus saoraidh mi mo shluagh a mach as 'ur làmh, agus cha bhi iad ni's mò 'n 'ur làmh gu bhi air an sealg: agus aithnichidh sibh gur mise an Tighearn.

22 A chionn le breugaibh gu'n d' rinn sibh cridhe an ionracain dubhach, agus nach d'

rinn mise dubhach e; agus gu'n do neartaich sibh làmh an aingidh, chum nach pilleadh e o 'dhròch shlighe, le bhi 'gcallt-uinn beatha dha.

23 Uime sin cha-n fhaic sibh dìomhanas nì's mò, agus cha dean sibh faistneachd tuilleadh; oir saoraidh mise mo shluagh as 'ur làmh, agus bithidh fios agaibh gur mi an Tighearn.

CAIB. XIV.

1 *Thug Dia aelmhasan do'n t-sluagh a chuir suas iòdholan 'n an cridhe.* 3 *Chomhairlicheadh dhoibh aithreachas a ghabhail.* 12 *Cha saor cadar-ghuidhe air bith iad o'n ghorta,* 15 *o bheathaichibh cronail,* 17 *o'n chlaidheamh,* 19 *agus o'n phlàigh.* 22 *Fàgar iarmad de'n t-sluagh.*

AN sin thàinig cuid de sheanairibh Israeil a' m' ionnsuidh, agus shuidh iad mun m' choinneamh.

2 Agus thàinig focal an Tighearn 'a' m' ionnsuidh, ag ràdh,

3 A mhic an duine, chuir na daoine so suas an iòdholan 'n an cridhe, agus chuir iad ceap-tuislidh an aingidheachd fa 'n comhair: an leig mise dhoibh air aon chor m' iarraidh?

4 Uime sin labhair riu, agus abair riu, Mar so tha an Tighearn Dia ag ràdh, Gach duine de thigh Israeil a chuireas suas iòdholan 'n a chridhe, agus a chuireas ceap-tuislidh a' aingidheachd fa chomhair, agus a thig chum an fhàidh, bheir mise Iehobhah freagradh dhàsan a thig, a réir Ìomhoir-eachd iòdholan.

5 A chum gu'n glac mi tigh Israeil 'n an cridhe féin, a chionn gu bheil iad uile air dol air seacharan uamsa tre an iòdholan.

6 Air an aobhar sin, abair ri tigh Israeil, Mar so tha an Tighearn Dia ag ràdh, Gabhaibh aithreachas, agus pillibh o 'ur n-iòdholaibh; agus tionndaibh 'ur n-aghaidh air falbh o 'ur n-uile ghràineilcachdaibh.

7 Oir gach aon de thigh Israeil, no de na coigrich a tha air chuairt ann an Israel, a tha 'g a sgaradh féin uamsa, agus a' cur suas iòdholan 'n a chridhe, agus a' cur ceap-tuislidh a' aingidheachd fa chomhair, agus a' teachd a chum fàidh, a dh'fhiosrachadh dheth mu m' thimcholl-sa; bheir mise Iehobhah freagradh dha mi féin.

8 Agus cuiridh mi mo ghnùis an aghaidh an duine sin, agus ni mi e 'n a chomharadh agus 'n a ghnath-fhocal, agus gearraidh mi as e o mheadhon mo shluagh; agus aithnichidh sibh gur mise an Tighearn.

9 Agus ma bhitheas am fàidh air a mhealladh an trà labhair e ni, is mise an Tighearn a mheall am fàidh sin; agus sinidh mi mo làmh a mach air, agus sgriosaidh mi e o mheadhon mo phobull Israel.

10 Agus giùlainidh iad peanas an euceartan: bithidh peanas an fhàidh anhuil peanas an ti a dh'iarraas *thuge*;

11 A chum nach téid tigh Israeil nì's mò air seacharan uamsa, agus nach bi iad air an truailleadh nì's mò le 'n uile chiontaibh; ach a chum gu'm bi iad dhomh-sa 'n am pobull, agus mise dhoibh-san ann am Dhia, deir an Tighearn Dia.

12 Thàinig a ris focal an Tighearn 'a' m' ionnsuidh, ag ràdh,

13 A mhic an duine, trà pheacaicheas an tìr ann am aghaidh-sa le ciontachadh gu h-annhor, an sin sinidh mi a mach mo làmh oirre, agus brisidh mi long a h-arain, agus cuiridh mi gort oirre, agus gearraidh mi uaipe duine agus ainmhidh.

14 Ged bhitheadh an triuir fhear so, Noah, Daniel, agus Iob innte, *cha* saoradh iad *ach* an anaman féin le 'm fireantachd, deir an Tighearn Dia.

15 Ma bheir mise air beathaichibh cronail dol troimh an fhearann, agus gu mill iad e, air chor as gu'm bi e fàs, ionnus nach feud neach air bith dol troimhe air son a' bheathaich:

16 Ged bhitheadh an triuir dhaoine so ann, mar is beò mise, tha an Tighearn Dia ag ràdh, cha saoradh iad aon chuid mic no nigheanan; shaoirteadh iad féin a mhàin, ach bhitheadh am fearann fàs.

17 No ma bheir mise claidheamh air an fhearann so, agus gu'n abair mi, A chlaidheamh, imich troimh an fhearann; air chor as gu'n gearr mi duine agus ainmhidh a mach as:

18 Ged bhitheadh an triuir dhaoine so ann, mar is beò mise, tha an Tighearn Dia ag ràdh, cha saoradh iad aon chuid mic no nigheanan, ach bhitheadh a mhàin iad féin air an saoradh.

19 No ma chuireas mi plàigh do'n fhearann sin, agus gu'n dòirt mi mo chorruich a mach air ann am fuil, a chum duine agus ainmhidh a gearradh a mach as:

20 Ged bhitheadh Noah, Daniel, agus Iob ann, mar is beò mise, tha an Tighearn Dia ag ràdh, cha saoradh iad aon chuid mac no nighean: cha saoradh iad ach an anaman féin le 'm fireantachd.

21 Oir mar so tha an Tighearn Dia ag ràdh, Cia mò gu mòr trà chuireas mi mo cheithir breitheanais ghoirt air Ierusalem, an claidheamh, agus a' ghort, agus am beathach cronail, agus a' phlàigh, a chum duine agus ainmhidh a ghearradh a mach as?

22 Gidheadh feuch, fàgar iarmad ann, a bheir a mach, mic agus nigheanan; feuch, thig iad a mach thugaibh, agus chi sibh an slighe, agus an gnìomharan: agus gheibh sibh comhfhurtachd a thaobh an uile a thug mise air Ierusalem, a thaobh gach ni a thug mi air.

23 Agus bheir iad comhfhurtachd dhuibh, an uair a chi sibh an slighe, agus an gnìomharan: agus aithnichidh sibh nach ann **gun**

aobhar a rinn mise gach ui a rinn mi ann,
deir an Tighearn Dia.

CAIB. XV.

1 *Le cosamhlachd an fhìon-chroinn, 6 nochd Dia do Eseciel gu'n tilgeadh e clann Israeil uaithe gu tur.*

AGUS thàinig focal an Tighearn' a' m' ionnsuidh, ag ràdh,

2 A mhic an duine, Cìod e am fìon-chrann thar crann air bith eile, *ma bhitheas e mar ghéig a tha measg chraobhan na coille?*

3 An gabhar fiodh dheth gu obair air bith a dhcanamh? no an gabhar cnag dheth a chrochadh soithich air bith air?

4 Feuch, tilgear e's an teine mar chonnadh; loisgidh an teine a dhà cheann, agus loisgear a mheadhon: am bheil e iomchuidh air son cungaidd?

5 Feuch, 'n uair a bha e slàn cha robh e iomchuidh air son cungaidd sam bith: cia mò gu mòr is lugha 'bhitheas e iomchuidh air son oibre, 'n uair a chaitheas an teine e, agus a bhitheas e loisgte?

6 Air an aobhar sin, mar so tha an Tighearn Dia ag ràdh, Mar am fìon-chrann am measg chrann na coille, a thug mise do'n teine mar chonnadh, is amhluidh a bheil mi luchd-àiteachaidh Ierusalem.

7 Agus cuiridh mi mo ghnàis 'n an aghaidh, théid iad a mach o theine, agus ni tein' eile an caitheamh: agus aithnichidh sibh gur mise an Tighearn, trà chuireas mi mo ghnàis 'n an aghaidh.

8 Agus ui mi am fearann fàs, a chiomn gu'n do chuir iad 'an gnìomh euceart, deir an Tighearn Dia.

CAIB. XVI.

1 *Le cosamhlachd leinibh mhaoth nochdadh ceud staid Ierusalem. 9 Gràdh Dhé d'a taobh. 15 A striopachas gràineil. 35 Bhagair Dia Ierusalem le breitheanas ramhasach. 44 Threavill sluagh Israeil iad féin nì's mò na na cinnich a bha mu'n cuairt doibh.*

ARIS thàinig focal an Tighearn' a' m' ionnsuidh, ag ràdh,

2 A mhic an duine, thoir air Ierusalem a gràineileachdan aithneachadh,

3 Agus abair, Mar so tha an Tighearn Dia ag ràdh ri Ierusalem, Tha do bhreth agus do dhùchas o thìr Chanaan; b' Amorach d' athair, agus bu bhan-Hiteach do mhàthair.

4 Agus air son do dhùchais, anns an là 's an d' rugadh thu, cha do ghearradh d' imleag, ni mò bha thu air do nigheadh ann an uisge, gu do mhaothachadh: cha do chrathadh salann ort, ni mò bha thu air do phasgadh.

5 Cha do ghabh sùil air bith truas diot, a chum aon ni dhiubh so a dbeauamh dhuit, a dhcanamh iochd ort; ach bha thu air do thilgeadh a mach anns a' mhachair sgaoilte, le gràin do d' anam, air an là 's an d' rugadh thu.

6 Agus an trà ghabh mise seachad dlùth dhuit, agus a chunnaic mi thu salach ann ad fhuil féin, thubhairt mi riut, *agus thu ann ad fhuil, Mair beò; seadh, thubhairt mi riut, agus thu ann ad fhuil, Mair beò.*

7 Thug mi ort fàs lionnhor mar chinnceas na faiche, agus dh'fhàs thu lionnhor agus mòr; agus thàinig thu gu sgeudachadh maiseach: tha do chìochan air an cumadh, agus do ghruag air fàs, 'an àite dhuit a bhi ruisgte agus lom.

8 Agus 'n uair a ghabh mise seachad dlùth dhuit, agus a dh'amhaire mi ort, feuch, bha d'aimsir 'n a h-aimsir gràidh, agus sgaoil mise mo sgiobull os do cheann, agus dh'fhol-uich mi do Ìomnochduidh: seadh mhionnaich mi dhuit, agus thionnsgain mi ann an coimheangal riut, deir an Tighearn Dia, agus bu leamsa thu.

9 An sin nigh mi thu le h-uisge, seadh, nigh mi d' fhuil gu glan air falbh uait, agus dh'ung mi thu le h-olaidh.

10 Sgeudaich mi thu fòs le h-obair-ghréise, agus chuir mi brògan de chraicinn bruic ort, agus chrìoslaich mi mu'n cuairt thu le h-anart grinn, agus chòmhdaich mi thu le sìoda.

11 Rinn mi sgiamhach thu mar an ceudna le seudan, agus chuir mi lamh-fhailean air do lamhan, agus slabhruidh mu d' mhuineal.

12 Agus chuir mi seud rìomhach air d' endan, agus chas-fhàinneachan ann ad chluasaibh, agus crùn maiseach air do cheann.

13 Mar so bha thu air do sgeudachadh le h-òr agus le h-airgiod; agus bha do thrusgan a dh'anart grinn, agus de shìoda, agus de obair ghréise; dh'ith thu mìn-chruithneachd, agus mil, agus oladh, agus bha thu ro mhaiseach, agus dh'fhàs thu suas gu bhì a'd rìoghachd.

14 Agus chaidh d' iomradh a mach am measg nan cinncach air son do mhaise: oir bha sin iomlan tre mo sgèimh-sa a chuir mi ort, deir an Tighearn Dia.

15 Ach chuir thu do dhòigh ann ad mhaise féin, agus rinn thu striopachas an aghaidh do chlu, agus dhòirt thu mach do striopachas air gach neach a ghabh seachad; bu leis-san thu.

16 Agus ghabh thu de d' chulaidhean, agus rinn thu maiseach d' ionadan àrda le dathan cag-samhuil, agus rinn thu striopachas orra, mar nach robh, agus mar nach bì.

17 Ghabh thu fòs do sheudan rìomhach de m' òr-sa, agus de m' airgiod, a thug mi dhuit; agus rinn thu dhuit féin dealbhan dhaoine, agus chuir thu striopachas 'an gnìomh leo.

18 Agus ghabh thu do chulaidhean gréise, agus chòmhdaich thu iad: agus chuir thu m' oladh-sa, agus mo thùis mu'n comhair.

19 Mo bhiadh fòs a thug mi dhuit, min-
chruithneachd, agus oladh, agus mil, a thug
mi dhuit r' an itheadh, chuir thu eadhon
'n an làthair iad mar fhàile cùbhraidh.

20 Seadh cuideachd, tha an Tighearn Dia
ag ràdh, ghabh thu do mhic agus do nigh-
eanan a rug thu dhomhsa, agus iad so
dhìobair thu dhoibhsan, gu bhì air an
slugadh suas.

21 An nì suarach dhuit, le d' strìopachas,
gu'n do mharbh thu mo chlànn, agus gu'n
d' thug thu iad seachad gu dol troimh *an*
teine air an son-san?

22 Agus ann ad uile ghràineileachdaibh
agus strìopachais, cha do chuimhnich thu
làithean d' òige, trà bha thu lomnochd agus
rùisgte, air do thruaillleadh ann ad fhuil fèin.

23 Agus tharladh, an dèigh d' aingidh-
eachd uile, (Mo thruaighe, mo thruaighe
thu! deir an Tighearn Dia.)

24 Gu'n do thog thu dhuit fèin fòs ionad
àrd, agus gu'n d' rinn thu dhuit fèin àite
àrd anns gach aon sràid.

25 Thog thu ionad àrd air gach aon cheann
de'n t-slighe, agus thug thu air do mhaise
bhì air a fuathachadh, agus rinn thu
coitichionn thu fèin do gach aon a ghabh
seachad, agus rinn thu do strìopachais
lìonmhor.

26 Rinn thu fòs strìopachas leis na h-Eiph-
itich, do choimhearsuaich, a tha mòr ann
am feoil; agus mheudaich thu do strìopach-
ais, a chum mise a bhrosnachadh gu feirg.

27 Feuch uime sin, shìn mise mo làmh a
mach os do cheann, agus lughdaich mi do
lòn, agus thug mi dhairis thu do thoil na
muinntir leis am fuathach thu, nigheanan
nam Philisteach, air am bheil nàire do d'
shlighe mhì-chiataich.

28 Rinn thu mar an ceudna strìopachas
leis na h-Asirianaich, a chionn gu'n robh thu
do-shàsachaidh; seadh, rinn thu strìopachas
leo, agus gidheadh cha-n fheadadh tu 'bhi
air do shàsachadh.

29 Mheudaich thu os bàrr do strìopachas
ann am fearann Chanaain gu ruig Caldéa,
agus gidheadh cha robh thu sàsaichte le sin.

30 Chionn a ghlanas mise do chrìche, tha
an Tighearn Dia ag ràdh, 'n uair a tha thu
'deanamh nan nìthan so uile, obair mna
neo-ghcamnuidh ladarna?

31 'N uair a tha thu 'togail d' ionaid àird
'an ceann gach slighe, agus a' deanamh d'
àite àird anns gach aon sràid; agus nach
robh thu cosmhuil ri strìopaich, (a chionn
nach b' fhiù leat tuarsadal?)

32 Ach ri mnaoi a nì adhaltranas, a
ghabbas coigrich 'an àit a fir fèin.

33 Do na h-uile strìopaich bheir iad duais;
ach tha thusa a' toirt duaise do d' leannan-
aibh uile, agus 'g an tuarsadalachadh, a
chum gu'n tigeadh iad thugad gach aon
taobh air son do strìopachais.

34 Agus tha thusa dìreach an aghaidh

nòis mhnathan eile ann ad strìopachas, am
feadh nach 'eil aon neach a' dol air do
dhéigh a dheanamh strìopachais: is ann a
tha thu a' toirt duaise seachad, agus gun
duais air bith 'g a toirt duit: uime sin tha
thu 'n an aghaidh ann ad *nòs*.

35 Air an aobhar sin, O a strìopach, cluinn
focal an Tighearna:

36 Mar so tha an Tighearn Dia ag ràdh,
A chionn gu'n robh do shalachar air a dhòrt-
adh a mach, agus do lomnochduidh air a
leigeadh ris troimh do strìopachais le d'
leannanaibh, agus le uile iòdholaibh do
ghràineileachdan, agus le fuil do chloinne,
a thug thu dhoibh;

37 Feuch uime sin cruinnichidh mise d'
uile leannain, leis an do ghabh thu sòlas,
agus na h-uile do'n d'thug thu gràdh, leis
na h-uile do'n d'thug thu fuath: nì mi
eadhon an cruinneachadh mu'n cuairt ann
ad aghaidh, agus leigidh mi ris doibh do
lomnochduidh, a chum gu'm faic iad do
lomnochduidh uile.

38 Agus bheir mi breth ort mar a bheir
breth air mnàibh a bhriseas an ceangal-
pòsaidh, agus a dhòirteas fuil, agus bheir
mi peanas ort ann an corruich agus ann an
eud.

39 Agus bheir mi thu fòs d' an làmh, agus
tilgidh iad sìos d' àite cnocach, agus brisidh
iad sìos d' ionadan àrda; buinidh iad dhìot
mar an ceudna d' eudach, agus glacadh iad
do sheudan rìomhach, agus fàgaidh iad thu
lomnochd agus rùisgte.

40 Bheir iad mar an ceudna buidheann a
nìos a'd' aghaidh, agus clachaidh iad thu le
clachaibh, agus sàthaidh iad tromhad an
claidhean.

41 Agus loisgidh iad do thighean le teine,
agus nì iad breitheanas ort ann an sealladh
mhòran bhan: agus bheir mise ort sgur de
strìopachas, agus cha toir thu tuarsadal
seachad nìs mò.

42 Mar sin bheir mi air mo chorruch riut
fois a ghabhail, agus imichidh m' eud uait,
agus gabhaidh mi fois, agus cha bli fearg
orm nìs mò.

43 A chionn nach do chuimhnich thu làith-
can d' òige, agus gu'n do chuir thu corruich
ormsa anns na nithibh so uile; feuch uime
sin, diolaidh mise fòs do shlighe air do
cheann, tha an Tighearn Dia ag ràdh; agus
cha chuir thu 'an gnìomh an neòghloine so
thar d' uile ghràineileachdaibh.

44 Feuch gach aon a ghnàthaicheas sean-
fhocail, gnàthaichidh an sean-fhocal so a'd'
aghaidh, ag ràdh, Mar a' mhàthair is aml-
huidh an nighean.

45 Is tusa nighean do mhàthar, leis am
fuathach a fear agus a clann: agus is tu
piuthar do pheathraichean, leis am b'
fhuathach am fir agus an clann: bu bhan-
Hiteach 'ur màthair, agus b' Amorach 'ur
n-athair.

46 Agus is i do phiuthar a 's sine Samaria, i fèin agus a nigheanan a tha 'chòmhnuidh aig do làimh chli: agus do phiuthar a 's òige, a tha 'chòmhnuidh aig do làimh dheis, Sodom agus a nigheanan.

47 Gidheadh 'n an slighe-san cha do ghluais thu, ni mò 'rinn thu a réir an gràineileachd-an: ach mar gu'm bu ni ro bheag sin, bha thu air do thruailleadh ni's mò na iadsan a'd uile shlighibh.

48 Mar is beò mise, tha an Tighearn Dia ag ràdh, eha d' rinn do phiuthar Sodom, i fèin no a nigheanan, mar a rinn thusa, thu fèin agus do nigheanan.

49 Feuch b' i so aingidheachd do pheathar Sodom; uabhar, sàth arain, agus pailteas dìomhanais, bha innte fèin agus 'n a nigheanaibh; ni mò a neartaich i làmh a' bhoched agus an fheumaich.

50 Agus bha iad àrdanach, agus chuir iad gràineileachd 'an gnòmh ann am fhianuis-sa; uime sin thug mi air falbh iad mar a chummacas ceart domh.

51 Ni mò 'chuir Samaria 'an gnòmh leth do lochdan-sa; ach mheudaich thu do ghràineileachdan ni's mò na iadsan, agus dh'fhirceanich thu do pheathraichean ann ad uile ghràineileachdaibh a rinn thu.

52 Thusa fòs a thug breth air do pheathraichibh, giùlain do nàire fèin, air son do lochdan a chuir thu 'n gnòmh ni's gràineile na iadsan: tha iadsan ni's ionraice na thusa: seadh, bi thusa air do mhaslachadh fòs, agus giùlain do nàire, a chionn gu'n d' fhir-eanaich thu do pheathraichean.

53 An uair a philleas mi air a h-ais am braighdeanas, bruid Shodoim agus a cuid nighean, agus bruid Shamaria agus a cuid nighean, an sin *bheir mi air a h-ais* bruid do bhraghdean-sa 'n am meadhan;

54 A chum gu'n giùlain thu do nàire fèin, agus gu'm bi thu air do mhaslachadh anns gach ni a rinn thu, a chionn gu'n robh thu 'toirt doibh comhfhurtachd.

55 'N uair a philleas do pheathraichean, Sodom agus a cuid nighean, gus an ceud staid, agus a philleas Samaria agus a cuid nighean gus an ceud staid, an sin pillidh tusa agus do nigheanan gu'r ceud staid.

56 Oir cha robh luaidh air do phiuthair Sodom ann ad bheul ann an là d' uabhair.

57 Mu'n robh d' aingidheachd air a leig-cadh ris, agus àm do mhaslaidh, mar nigheanan Shiria, agus na h-uile 'bha dlùth dhi, agus mar nigheanan nam Philisteach a bha mu'n cuairt duit.

58 Giùlainidh tu do neòghloine agus do ghràineileachdan, deir an Tighearn.

59 Oir mar so tha an Tighearn Dia ag ràdh, Buinidh mise riutsa annuill mar a rinn thu fèin, a rinn tàir air na miannan, ann am briseadh a' choimhcheangail.

60 Gidheadh cuimhnichidh mi mo choimhcheangal riut ann an làithibh d' òige, agus

daingnichidh mi riut coimhcheangal sìorruidh.

61 An sin cuimhnichidh tu do shlighe, agus bithidh nàire ort, 'n uair a ghabhas tu do pheathraichean, do phiuthar a's sine agus do phiuthar a's òige: agus bheir mise dhuit iad mar nigheanan, ach cha-n ann air son do choimhcheangail-sa.

62 Agus daingnichidh mi mo choimhcheangal riutsa, agus bithidh fios agad gur mi an Tighearn:

63 A chum gu'n cuimhnich thu, agus gu'm bi nàire ort, agus nach fhiosgail thu do bheul gu bràth ni's mò, do bhrìgh do nàire, 'n uair a bhitheas mise réidh riut air son gach uile ni a rinn thu, deir an Tighearn Iehobhab.

CAIB. XVII.

1 *Chuir am fàidh 'an cèll am brèitheanas a bha gu teachd air Sedeciah, a chionn gu'n d' rinn e ceannair an aghaidh rìgh Bhabiloìn, 22 Fàisteachd mu thimchioll rìoghachd Chrìosd.*

A GUS thàinig focal an Tighearn 'a' m' ionnsuidh, ag ràdh,

2 A mhic an duine, cuir a mach toimh-sachan, agus labhair cosamhlachd ri tigh Israeil;

3 Agus abair, Mar so tha an Tighearn Dia ag ràdh, Thàinig fir-eun mòr, le sgiathaibh mòra, agus le altaibh làidir, làn de chlùmhach, air an robh dathan eug-samhluidh, gu Lebanon, agus ghabh e am meangan a b' àirde de'n t-seudair.

4 Ghearr e dheth bàrr a mheanganan òga, agus thug e leis e gu tìr malairt; shuidhich e ann am baile cheannaichean e.

5 Ghabh e fòs de shìol an fhearainn, agus chuir e ann am machair thorraich e; shuidhich e ri taobh uisgeachan mòra e, 'g a chur mar chrann seilich:

6 Agus dh'fhàs e, agus thàinig e gu bhì 'n a fhìonain leathain, air bheag àirde, aig an robh a gheugan air an tionndadh ris [an fhìr-eun], agus aig an robh a fhreumhan foidhe: mar sin dh'fhàs e 'n a fhìonain, agus thug e mach geugan, agus chuir e uaithe meangain.

7 Bha fòs ann fir-eun mòr eile, le sgiathaibh mòra, agus mòran clùmhach; agus, feuch, chlaon an fhìonain so a freumhan d'a ionnsuidh, agus thug i mach a geugan thuige, chum a bhì air a h-uisgeachadh le claisibh a ghàraidh.

8 Bha i air a suidheachadh ann am fear-ann maith, ri taobh uisgeachan mòra, chum gu'n tugadh i mach geugan, agus gu'n giùlaineadh i toradh, agus gu'n bitheadh i 'n a deadh fhìonain.

9 Abair thusa, Mar so tha an Tighearn Dia ag ràdh, Am bi piseach oirre? nach spìon e nìos a freumhan, agus nach gearr e dhi a toradh, air chor as gu'n searg e? crìonaidh i ann an uile dhuilleach a ceud-fhàis, cadhon gun chumhachd mòr, no

mòran sluaigh, g'a spionadh a nìos as a freumhan.

10 Seadh, feuch, an déigh a suidheachadh, am bi piseach oirre? nach searg i gn tur an uair a bheanas a' ghaoth an ear rithe? crìonaidh i anns na claisibh anns an d' fhàs i.

11 Os bàrr, thàinig focal an Tighearn' a m' ionnsuidh, ag ràdh,

12 Abair a nis ris an tigh cheannairceach, Nach 'eil fios agaibh cìod a's ciall do na nithibh so? Innis doibh, Feuch, tha rìgh Bhabiloin air teachd gu Ierusalem, agus ghìac e a rìgh, agns a prionnsachan, agus thng e leis iad gu Babilon:

13 Agus ghabh e de shìochd an rìgh, agus rinn e coimhcheangal ris, agns ghabh e mionnan deth: ghìac e fòs daoine enmhachdach na tìre:

14 A chum gu'm bitheadh an dùthaich snarach, ionnus nach togadh i suas i fèin; ach le 'choimhcheangal a choimhead gu'm feudadh i scasamh.

15 Ach rinn e ar-a-mach 'n a aghaidh-san le 'theachdairean a chur do'n Eiplit, a chnm gn'n tngadh iad dha eich agus mòran sluaigh: an èirich gu maith dha? an téid esan a ni na nithean so as? no am bris e an coimhcheangal agus an saor a?

16 Mar is beò mise, deir an Tighearn Dia, gu deimhin anns an àit *am bheil còmhnuidh* an rìgh a rinn rìgh dheth-san, neach a rinn e tair air a mhionnan, agns a bhris e a chumhant, eadhon leis-san, ann am meadhan Bhabiloin, gheibh e bàs.

17 Nì mò 'n Pharaoh feum dha, le 'fheachd cumhachdach, agus le 'bhuidheinn mhòir, anns a' chogadh, le tòrr a thilgeadh snas, agus le daingichean a thogail, a ghearradh as mhòran anaman.

18 A chionn gn'n d' rinn e tàir air na mionnan, leis a' choimhcheangal a bhris-eadh, (an uair a thug e, feuch, a làmh,) agus a rinn e na nithean so uile, cha téid e as.

19 Uime sin, mar so tha an Tighearn Dia ag ràdh, Mar is beò mise, mo mhionnan air an d' rinn e tàir, agns mo choimhcheangal a bhris e, eadhon sin dìolaidh mise air a cheann fèin.

20 Agus sgaoilidh mi mo lìon air, agus glacar ann am rib e; agus bheir mi e gu Babilon, agus tagraidh mi ris an sin air son a chionta, leis an do chiontaich e a'm' aghaidh.

21 Agns tuitidh na theich thuige, le 'uile f'heachd, leis a' chlàidheamh; agus bithidh iadsan a dh'fhàgar air an sgapadh ris na h-nìle ghaoith: agus aithnichidh sibh gur mise Ichobhah a labhair e.

22 Mar so tha an Tighearn Dia ag ràdh, Gabhaidh mise mi fèin de'n ghéig a's àirde de'n t-seudair àrd, agus snidhichidh mi e; gearraidh mi o bhàrr a mheanganau òga,

geng mhaoth, agus snidhichidh mi air sliabh uachdarach agus àrd i.

23 Air sliabh àrd Israeil suidhichidh mi i: agns togaidh i snas a geug, agns bheir i mach toradh, agns fasaidd i 'n a sendar rìoghail: agus foipe gabhaidh na h-uile eunlaith de gach aon iteig còmhndh: fo dhubhar a geug ni iad còmhnuidh.

24 Agus aithnichidh nìle chraobhan na macharach gu'n d' thug mise Ichobhah nnas an crann àrd, gu'n d' àrdaich mi an crann iosal, gu'n d' rinn mi an crann uaine tioram, agus gu'n d' thng mi air a' chrann thioram a bhi fo bhàth: mise Ichobhah labhair, agus ni mi e.

CAIB. XVIII.

1 *An dòigh air am buin Dia ri duine ionraic, 10 ri mac aingidh an duine ionraic. 14 agus ri mac ionraic an duine aingidh. 19 Ciall aingidh gach neach aingidheachd fèin. 21 Gheibh an t-aingidh maithneas 'n a aingidheachd ma ghabhas e aithreachas.*

THAINIG focal an Tighearn' a m' ionnsuidh a ris, ag ràdh,

2 Cìod a's ciall d'nibh, gu bheil sibh a' gnàthachadh an t-sean-fhocal so a thaobh dùthcha Israeil, ag ràdh, Dh'ith na h-aithrichean dearcen searbh, agus tha déisinn air fìaclaibh na cloinne?

3 Mar is beò mise, tha an Tighearn Dia ag ràdh, cha bhi aobhar agaibh an sean-fhocal so a ghnàthachadh nìs mò ann an Israeil.

4 Feuch is leamsa na h-uile anam; mar is leam anam an athar, is amhluidh is leam anam a' mhic: an t-anam a chiontaicheas gheibh e sin bàs.

5 Ach ma bhitheas duine ionraic, agus gu'n dean e an nì a bhitheas dligheach agns ceart,

6 Mnr d'ith e air na sléibhtibh, ni mò 'thog e suas a shùilean ri ìodholaibh tigho Israeil, no 'thruaill e bean a choimhearsnaich, no 'thàinig e dlùth do mhuaoi a chuireadh air leth,

7 Agus mur do shàraich e aon neach, *ach* gu'n d' thug e 'gheall air ais do'n fheumach; mur do chreach e neach air bith le fòirneart, *ach* gn'n d' thng e aran do'n ocrach, agus gn'n do chòmhdach e 'n leannochd le cudach;

8 Esan nach d' thng seachad air ocar, ni mò 'ghabh aon riadh, a chum air a h-ais a làmh o euceart, a rinn breitheanas fìor eadar duine agus duine,

9 A ghluais ann am reachdaibh, agus a choimhid mo bhreitheanas, gu fìrinn a chur 'an gnìomh; so an duine ionraic, mairidh esan gu deimhin beò, deir an Tighearn Dia.

10 Ma ghineas e mac a bhitheas 'n a shlàid-ea, agus 'n a fhear-dòrtaidh fola, a ni samhail aoin ni dhiubh so,

11 Agus nach dean aon de na *dleasdana's*

sin, ach a dh'ith cadnon air na sléibhtibh, agus a thruaill bean a choimhearsnaich,

12 A shàruich am bochd agus am feumach, a chreach le fòirneart, nach d' thug air ais an geall, agus a thog suas a shùilean ri iodholaibh, a chuir 'an gnìomh gràineil-eachd,

13 A thug seachd air ocar, agus a ghabh riadh: an mair e 'n sin beò? cha mhair e beò: rinn e na gràineileachdan so uile; gheibh e gu cinnteach bàs, bithidh 'fhuil air fèin.

14 Agus, fench, ma ghineas esan mac a chi na h-uile lochdan a rinn 'athair, agus gu'n toir e faineir, agus nach dean e an leithid;

15 Nach d'ith air na sléibhtibh, ni mò 'thog e suas a shùilean ri iodholaibh tìghe Israeil, nach do thruaill bean a choimhearsnaich,

16 Nach do shàruich aon neach, nach do ghléidh an geall, ni mò 'chreach le h-ainneart, ach a thug 'aran do'n ocrach, agus a chòmhdaich an lònnochd le eudach;

17 A thog a làmh o na bochdaibh, nach do ghabh ocar no riadh, a rinn mo bhreith-cànais, a ghluais ann am reachdaibh; cha-n fhaigh esan bàs air son aingidheachd 'athair, mairidh e gu cinnteach beò.

18 'Athair, a chionn gu'n do shàruich e gu h-an-ìochdmhor, gu'n do chreach e a bhrathair le fòirneart, agus gu'n d' rinn e an ni sin nach robh ceart am measg a shluaigh, feuch, bàsaichidh eachdon esan 'n a aingidheachd.

19 Gidheadh tha sibhse ag ràdh, C'ar son? nach 'eil am mac a' giùlan aingidheachd an athair? An uair a rinn am mac an ni sin a tha dligeach agus ceart, a ghléidh e mo reachdan-sa uile, agus a rinn e iad, mairidh e gu cinnteach beò.

20 An t-anam a chiontaicheas, gheibh esan bàs: cha ghiùlain am mac aingidheachd an athair, ni mò ghiùlaineas an t-athair aingidheachd a' mhic: bithidh fireantachd an fhìrcin air fèin, agus aingidheachd an aingidh air fèin.

21 Ach ma philleas an t-aingidh o 'uile aingidheachd a rinn e, agus gu'n coimhid e mo reachdan-sa, agus gu'n dean e an ni sin a tha dligeach agus ceart, mairidh e beò, cha-n fhaigh e bàs.

22 'Uile lochdan a chuir e 'n gnìomh cha bhí iad air an cuimhneachadh dha: 'n a fhìreantachd a chuir e 'n gnìomh mairidh e beò.

23 Am bheil tlachd air bith agam-sa ann am bàs an aingidh? tha an Tighearn Dia ag ràdh: nach ann a tha mo tlachd 'n a philleadh o 'shlighe, agus gu'm bitheadh e beò?

24 Ach an uair a philleas am firean air falbh o 'fhìreantachd, agus a chuireas e 'n gnìomh aingidheachd, a' deanamh a réir nan uile ghràineileachdan a ni an t-aingidh, am mair e beò? air 'uile fhìreantachd a

rinn e cha bhí iomradh: 'n a chionta a chiontaich e, agus 'n a pheacadh a pheacaich e, amta-san gheibh e bàs.

25 Gidheadh tha sibhse ag ràdh, Cha-n'eil slighe an Tighearna cothromach. Eisdibh a nis, O thigh Israeil, nach 'eil mo shlighean-sa cothromach? nach 'eil 'ur slighean-se nco-chothromach?

26 'N uair a chlaonas am firean o 'fhìreantachd, agus a chuireas e 'n gnìomh aingidheachd, agus a bhàsaicheas e innte; air son 'aingidheachd a rinn e gheibh e bàs.

27 A ris, an uair a philleas an t-aingidh air falbh o 'aingidheachd a chuir e 'n gnìomh, agus a ni e an ni a tha dligeach agus ceart, ghléidhidh e 'anam beò.

28 A chionn gu bheil e 'toirt faineir, agus a' pilleadh o 'uile lochdaibh a chuir e 'n gnìomh, mairidh e gu cinnteach beò, cha-n fhaigh e bàs.

29 Gidheadh tha thigh Israeil ag ràdh, Cha-n'eil slighe an Tighearna cothromach. O thigh Israeil, Nach 'eil mo shlighean-sa cothromach? nach 'eil 'ur slighean-se nco-chothromach?

30 Uime sin bheir mise breth oirbh, O thigh Israeil, gach aon a réir a shlighe, tha an Tighearn Dia ag ràdh: Gabhaibh aithreachas, agus pillibh o 'ur n-uile chiontaibh; mar sin cha dean aingidheachd 'ur millcadh.

31 Tilgibh naibh 'ur n-uile chionta leis an do chiontaich sibh, agus deanaibh dhuibh fèin cridhe nuadh, agus spiorad nuadh; oir c'ar son a bhàsaicheas sibh, O thigh Israeil?

32 Oir cha-n'eil tlachd agam-sa ann am bàs an ti a bhàsaicheas, tha an Tighearn Dia ag ràdh: uime sin, pillibhse, agus mairibh beò.

CAIB. XIX.

1 Tuireadh air son uachdaran Israeil. 10 Le cosamhlachd fionain air a suidheachadh ann an fhàsach nochdadh staid aonaranach Ierusalem.

OS bàrr, tog thusa suas tuireadh air son uachdaran Israeil,

2 Agus abair, Ciod i do mhàthair? leòmh-an boirionn: luidh i sìos ann measg leòmh-an, dh'altruim i a cuileanan am measg leòmh-an òga.

3 Agus thog i suas aon d'a cuileanaibh: dh'fhas e 'n a leòmh-an òg, agus dh'fhoghlaim e breth air a' chreich; shluig e daoine.

4 Chuala na cinnich fòs iomradh air, ghlacadh e 'n an slochd, agus thug iad e le slabhruidhibh gu tìr na h-Eiphit.

5 A nis, 'n uair a chunnaic i gu'n d' fhàs i lag, agus gu'n do chaill i a dòchas, an sin ghabh i aon cile d'a cuileanaibh, agus rinn i leòmh-an òg d'hech.

6 Agus dh'imich e sìos agus suas am measg nan leòmh-an, dh'fhas e 'n a leòmh-an òg, agus dh'fhoghlaim e breth air a' chreich; shluig e daoine.

7 Agus thug e fairean an àrois, agus chuir e às an bailtean; agus bha 'n dùthaich fo uamhas, agus an làn a bha innte, le fuaim a bheucaich.

8 An sin chrùinnich na cinnich 'n a aghaidh air gach taobh, o na mòr-roinnibh, agus sgaol iad an lìon thairis air: ghlacadh e 'n an slochd.

9 Agus chuir iad e 'n sàs ann an slabh-ruidhean, agus thug iad e gu rìgh Bhabiloin; thug iad e gu daingnichean, a chum nach chumnteadh tuilleadh a ghuth air sléibh-tìbh Israeil.

10 Tha do mhàthair cosmhuil ri fionain, suidhichte ri taobh nan uisgeachan: bha i torrach, agus làn de gheugaibh, a thaobh mhòran uisgeachan.

11 Agus bha slatan làidir aice, air son slatan-riaghlaidh nan uachdaran; agus bha a h-àirde togta suas am measg nan tigh-gheugan, agus chunnacas i 'n a h-àirde féin am measg ìonmhòireachd a meanglan.

12 Ach spionadh a nìos i ann an corrùich, thilgeadh i sìos gu làr, agus thiormaich a' ghaoth an ear suas a meas: bhriseadh agus sheargadh a slatan làidir, loisg an teine iad.

13 Agus a nis, tha i air a suidheachadh anns an fhàsach, ann am fearann tioram tartmhor.

14 Agus tha teine air dol a mach o shlaith d'a geugaibh, a loisg a meas, air chor as nach 'eil slat làidir air bith aice gu bhith 'n a slait gu riaghladh. Is tuireadh so, agus bithidh e 'n a thruaidh.

CAIB. XX.

1 *Dhiùlt Dia' bliù air fhiosrachadh le seanairibh Israeil: 4 Dliùthris e an ceannairc 'n a aghaidh 's an Eiphit. 13 's an fhàsach, 27 agus ann an tìr a' gheallaidh. 33 Bhagair e iad le 'chorrùich. 34 ach gheall e an tìonal as na dùthchaibh anns an robh iad air an sgapadh.*

AGUS tharladh anns an t-seachdamh bhliadhna, 's a' chùigeamh mìos, air an deicheamh là de'n mhìos, gu'n d'fhàinig cuid àraid de sheanairibh Israeil a dli'fhiosrachadh o'n Tighearn, agus shuidh iad ann am làthair-sa.

2 An sin thàinig focal an Tighearn a' m' ionnsuidh, ag ràdh,

3 A mhic an duine, labhair ri seanairibh Israeil, agus abair riu, Mar so tha an Tighearn Dia ag ràdh, An d'fhàinig sibh a dli'fhiosrachadh dhiom-sa? mar is beò mise, deir an Tighearn Dia, cha bhi mi air m' fhiosrachadh leibh.

4 An tagair thusa as an leth, a mhic an duine, an tagair thu! thoir orra gu'n aithnich iad gràineileachdan an aithrichean:

5 Agus abair riu, Mar so tha an Tighearn Dia ag ràdh, Anns an là 's an do ròghnaich mise Israeil, agus anns an do thog mi suas mo làmh air son slochd tìghe Iacoib, agus anns an d'rinn mi mi féin aithnichte dhoibh

ann an tìr na h-Eiphit, 'n uair a thog mi suas mo làmh air an son, ag ràdh, Is mi Iehobhah 'ur Dia:

6 Anns an là 's an do thog mi suas mo làmh air an son, gu'n toirt a mach á tìr na h-Eiphit, a chum fearainn a rannsaich mi mach dhoibh, a' sruthadh le bainne agus le mìl. a's e glòir nan uile fhearann.

7 An sin thubhairt mi riu, Tilgibh uaibh, gach aon neach gràineileachdan a shùl, agus na truaillibh sibh féin le ìodholaibh na h-Eiphit: is mise Iehobhah 'ur Dia.

8 Ach chathaich iad a'm' aghaidh, agus cha-n éisdeadh iad rium: cha do thilg iad uatha, gach aon gràineileachdan an sùl, ni mò 'thréig iad ìodholan na h-Eiphit: an sin thubhairt mi, Dòirtidh mi mo chorrùich orra, a chum gu'n coimhlion mi m' fhearg 'n an aghaidh ann am meadhon tìre na h-Eiphit.

9 Ach dh'oibrich mi air sgàth m' ainme féin, a chum nach truaillteadh e an làthair nan cinneach am measg an robh iad, agus an d' rinn mi mi féin aithnichte dhoibh 'n an sealladh, le 'n toirt a mach á tìr na h-Eiphit.

10 Air an aobhar sin thug mi orra dol a mach á tìr na h-Eiphit, agus thug mi iad a chum an fhàisich:

11 Agus thug mi dhoibh mo reachdan, agus dh'fhoillsich mi dhoibh mo bhreitheanais, iad sin ma choimhlionas duine sam bith, mairidh e beò anna.

12 A thuilleadh air so fòs, thug mi dhoibh mo shàbaidean, gu bhith 'n an comharadh eadar mise agus iadsan, a chum gu'n aithnichteadh iad gur mi an Tighearn a tha 'g an naomhachadh.

13 Ach rinn tìgh Israeil ceannairc a'm' aghaidh anns an fhàsach: cna de ghluais iad ann am reachdaibh, agus rinn iad tàir air mo bhreitheanais, nithean ma ni duine, mairidh e beò anna; agus mo shàbaidean thruaill iad gu mòr: an sin thubhairt mi gu'n dòirtinn mo chorrùich a mach orra 's an fhàsach, a chum an caitheamh.

14 Ach dh'oibrich mi air sgàth m' ainme féin, a chum nach bitheadh e air a thruaill-eadh am measg nan cinneach, a thug mi iad a mach 'n an sealladh.

15 Ach fòs thog mi suas mo làmh dhoibh anns an fhàsach, nach tugainn iad do'n fhearann a thug mi dhoibh, a' sruthadh le bainne agus le mìl, a's e glòir nan uile fhearann:

16 A chionn gu'n d'rinn iad tàir air mo bhreitheanais, agus nach do ghluais iad ann am reachdaibh, ach gu'n do thruaill iad mo shàbaidean: oir chaidh an cridhe an dèigh an ìodholan.

17 Gidheadh chaomhain mo shùil iad o'n sgrìos, ni mò 'rinn mi crìoch a thoirt orra 's an fhàsach.

18 Ach thubhairt mi r'an cloinn anns an

fhàsach, Na ghuaisibhse ann an reachdaibh 'ur n-aithrichean, ni mò glhèidheas sibh am breitheanais, no thruailleas sibh sibh féin le 'n iodholaibh.

19 Is mise an Tighearn 'ur Dia; ghuaisibh ann am reachdaibh, agus coimhidibh mo bhreitheanais, agus deanaibh iad:

20 Agus naomhaichibh mo shàbaidean; agus bitheadh iad 'n an comharadh eadar mise agus sibhse, a chum gu'm bi fios agaibh gur mise an Tighearn bhuir Dia.

21 Gidheadh, rinn an clann ar-a-mach ann am aghaidh: cha do ghluais iad ann am reachdaibh, ni mò 'choimhid iad mo bhreitheanais gu'n deanamh, nithean ma ni duine, mairidh e beò anna; thruaill iad mo shàbaidean: an sin thubhairt mi gu'n dòirtinn a mach mo chorruich orra, chum gu'n coimhlionainn m' fhearg 'n an aghaidh anns an fhàsach.

22 Gidheadh, phill mi air a h-ais mo làmh, agus rinn mi air sgàth m' ainne féin, a chum nach bitheadh e air a thruailladh ann am fianuis nan cinneach, a thug mi iad a mach 'n an sealladh.

23 Thog mi suas mo làmh dhoibh fòs anns an fhàsach, gu'n sgapainn iad am measg nan cinneach, agus gu'n sgaoilinn iad feadh nan dùthchan;

24 A chionn mach do chuir iad 'an gnìomh mo bhreitheanais, ach gu'n d'rinn iad tàir air mo reachdaibh, agus gu'n do thruaill iad mo shàbaidean, agus gu'n robh an sùilean an déigh iodholan an aithrichean.

25 Uime sin thug mi dhoibh fòs reachdan nach robh maith, agus breitheanais leis nach bitheadh iad beò.

26 Agus thruaill mi iad 'n an tiodhlacaibh féin, le iad a bhi 'toirt air gach ni a dh'fhosglaas a' bhrù dol troimh an teine, ionnus gu'n deanainn-sa fàs iad, a chum gu'n aithnichidh iad gur mi an Tighearn.

27 Uime sin, a mhic an duine, labhair ri tigh Israeil, agus abair riu, Mar so tha an Tighearn Dia ag ràdh, Ann an so fòs mhasluich 'ur n-aithrichean mise, le ciontachadh gu trom a'm' aghaidh.

28 'N uair a thug mi iad do'n fhearann, mu'n do thog mi suas mo làmh gu'n tugainn doibh e, an sin chunnac iad gach cnoc àrd, agus na croinn thiugha vile, agus dh'ìobair iad an sin an ìobairtean, agus an sin thug iad seachad an tabhartasan ruathach: an sin fòs rinn iad am faile cùbraidh, agus dhòirt iad a mach an ìobairtean-dibhe.

29 An sin thubhairt mi riu, Ciod an t-ionad àrd gus am bheil sibh a' dol? agus goircear Bamaib mar ainm air gus an là an diugh.

30 Uime sin, abair ri tigh Israeil, Mar so tha an Tighearn Dia ag ràdh, Am bheil sibh air 'ur thruailladh a réir nòis bhuir n-aithrichean? agus am bheil sibh a' cur striopachais 'an gnìomh a réir an gràineil-eachdan-san?

31 Oir an uair a tha sibh a' toirt seachad 'ur tiodhlacan, 'n uair a tha sibh a' toirt air 'ur mic dol troimh an teine, tha sibh 'g' ur truailleadh féin le 'ur n-uile iodholaibh, eadhon gus an là an diugh: agus an toir mise freagrachd dhuibh, O thigh Israeil? Mar is beò mi, tha an Tighearn Dia ag ràdh, cha toir mi dhuibh freagrachd.

32 Agus an ni sin a tha 'teachd 'n ur n-aire cha tachair air chor air bith, ann am bheil sibh ag ràdh, Bitheadh sinn mar na cinnich, mar mhuinntir nan dùthchan, ann an seirbhis a thoirt do chrann agus do chloich.

33 Mar is beò mise, tha an Tighearn Dia ag ràdh, gu cinnteach le làimh chumhachdach, agus le gairdean sìnte mach, agus le corruich air a dòrtadh a mach, riaghlaidh mise os 'ur ceann:

34 Agus bheir mi mach sibh as na slòigh, agus tionaidh mi sibh as na dùthchan anns am bheil sibh air 'ur sgapadh, le làimh thréin, agus le gairdean sìnte mach, agus le corruich air a dòrtadh a mach.

35 Agus bheir mi sibh gu fàsach nam fineachan, agus an sin tagraidh mi ruibh aghaidh ri h-aghaidh.

36 Amhuil a thagair mi ri 'ur n-aithrichean ann am fàsach tìre na h-Eiphit, is amhuil a thagras mi ruibhse, deir an Tighearn Dia.

37 Agus bheir mi oirbh imeachd fo 'n t-slaith, agus bheir mi sibh fo cheangal a' chùmhnaimt.

38 Agus glanaidh mi mach as 'ur measg na ceannaireich, agus an dream a tha 'cìontachadh a'm' aghaidh; bheir mi iad a mach as an dùthaich anns am bheil iad air chuairt, agus cha téid iad a seach do fhearann Israeil; agus aithnichidh sibh gur mise an Tighearn.

39 Air 'ur son-se, O thigh Israeil, mar so tha an Tighearn Dia ag ràdh, Imichibh, deanaibh seirbhis, gach aon duine d'a iodholaibh a nis 'n a dhéigh so, mur éisd sibh riumsa: ach na truailibh m' ainm naomh-sa ni's mò le 'ur tabhartasaibh agus le 'ur n-iodholaibh.

40 Oir ann am shliabh naomh-sa, ann an sliabh àirde Israeil, tha an Tighearn Dia ag ràdh, ann an sin ni uile thigh Israeil, na bhitheas air thalamh uile dhiubh, seirbhis dhomh-sa: an sin gabhaidh mi riu, agus an sin iarraidh mi 'ur tabhartais, agus ceud thoraidd 'ur n-ìobairtean le 'ur n-uile nithibh naomha.

41 Gabhaidh mi ruibh le 'ur boltrach cùbraidh an uair a bheir mi mach sibh o na fineachan, agus a thionailas mi sibh o na dùthchan anns an robh sibh air 'ur sgapadh; agus bitheadh mi air mo naomhachadh annaibh ann am fianuis nan cinneach.

42 Agus aithnichidh sibh gur mise an Tighearn, 'n uair a bheir mi sibh gu fearann Israeil, gus an dùthaich mu'n do thog

mi suas mo làmh gu'n tugainn i do 'ur n-aithrichibh.

43 Agus ann an sin cuimhnichidh sibh 'ur slighe, agus 'nr n-uile dheanadais, anns an robh sibh air 'ur truailleadh; agus bithidh sibh gràineil ann 'ur sealladh fèin air son 'ur n'uile lochdan a rinn sibh.

44 Agus aithnichidh sibh gur mise an Tighearn, 'n uair a dh'òibrichas mi leibh air son m' ainme fèin, cha-n ann a réir 'ur droch shlighe, no a réir 'ur deanadais aingidh, O thigh Israeil, deir an Tighearn Dia.

45 Os barr thàinig focal an Tighearn' a m' ionnsuidh, ag ràdh,

46 A mhic an duine, cuir d' aghaidh ris an àirde deas, agus leig sìleadh *de d' fhocal* ri deas, agus dean faistneachd an aghaidh frìdhe na macharach mu dheas;

47 Agus abair ri frìdh na h-àirde deas, Eisd focal an Tighearna; Mar so tha an Tighearn Dia ag ràdh, Feuch, fadaidh mise teine annad, agus loisgidh e gach uile chrann uaine annad, agus gach uile chrann seargta; cha mhùchar an teine lasarach, agus loisgear ann na h-uile aghaidh o dheas gu ruige tuath.

48 Agus chi na h-uile fheoil gur mise an Tighearn a las e: cha bhi e air a-mhùchadh.

49 An sin thubhairt misc, Ah! a Thighearna Dhia, tha iad ag ràdh do m' thaobhsa, Nach 'eil e 'labhairt chosamhlachd d'orcha?

CAIB. XXI.

- 1 *Faistneachd an aghaidh fearainn Israeil.*
18 *Stiùireadh claidheamh rìgh Bhabiloin an aghaidh Ierusalem.* 28 *Lèir-sgrìos nan Amonach.*

A GUS thàinig focal an Tighearn' a m' ionnsuidh, ag ràdh,

2 A mhic an duine, cuir d' aghaidh ri Ierusalem, agus leig sìleadh *de d' fhocal* ris na h-ionadaibh naomha, agus dean faistneachd an aghaidh fearainn Israeil,

3 Agus abair ri fearann Israeil, Mar so tha an Tighearn ag ràdh, Feuch, tha mise ann ad aghaidh, agus tairngidh mi mach mo chlaidheamh as a thruaill, agus buinidh mi mach asad am firean agus an t-aingidh.

4 A chionn gu'n gearr mi as uait am firean agus an t-aingidh, uime sin thèid mo chlaidheamh a mach as a thruaill an aghaidh gach uile fheada, o dheas gu tuath:

5 A chum gu'n aithnich gach uile fheoil gu'n do tharruing mise Iehobhah mo chlaidheamh a mach as a thruaill; cha phill e air ais ni's mò.

6 Dean acain uime sin, a mhic an duine, a dhochainneas do leasraidh; agus le searbh deas osnaich fa chomhair an sùl.

7 Agus tarlaidh, 'n nair a their iad riut, C'ar son a tha thu 'g osnaich? gu'm freagair thusa, Air son an sgeoil, a chionn gu bheil e 'teachd: agus leaghaidh gach aon chridhe, agus bithidh na làmhnan uile lag,

agus gach aon spiorad fann, agus na glhìnean uile annmhnin mar uisge: teuch tha e 'teachd, agus bheirear e gu crìch, deir an Tighearn Dia.

8 A ris thàinig focal an Tighearn' a m' ionnsuidh, ag ràdh,

9 A mhic an duine, dean faistneachd, agus abair, Mar so tha an Tighearn ag ràdh, Abair, Tha claidheamh, tha claidheamh air a gheurachadh, agus fòs air a lìomhadh.

10 Tha e air a gheurachadh a dheanamh àir ghoirt; tha e air a lìomhadh a chum gu'n dealradh e; a chum gu'n tilgeadh e sìos slat rìoghail mo mhic, gun chrann air bith a chaomhnadh.

11 Agus thug e gu bhi air a lìomhadh e, chum gu'm bitheadh e air a ghlacadh: tha an claidheamh air a gheurachadh, agus tha e air a lìomhadh, gu 'thoirt do làmh a' mharbhaiche.

12 Eigh agus dean nuallan, a mhic an duine, oir bithidh e air mo shluagh-sa, air uile mhòr-naislibh Israeil: bithidh uamhasan, do thaobh a' chlaidheimh, air mo shluagh: buail, uime sin, air do lèis.

13 Oir tha e dearbhta; agus an t-slat rìoghail an uair nach caomhain e i, cha bhi ann ni's mò, deir an Tighearn Dia.

14 Dean thusa, uime sin, a mhic an duine, faistneachd, agus buail do làmhnan air a chéile, agus bitheadh an claidheamh an treas uair air a dhùblachadh, claidheamh nandaoin marbhta, claidheamh a' ghaigich a mharbhadh, a théid a steach d' an seomraichibh uaigneach.

15 Chuir mi roinn a' chlaidheimh an aghaidh an geatachan uile, a chum gu meathadh an cridhe, agus gu meudaichear am mill-eadh: ah! rinneadh lònneach e, gheuraicheadh air son an àir e.

16 Imich thusa taobh no taobh éigin, air do làmh dheis, no air do làmh chli, ciod air bith taobh a tha d' aghaidh.

17 Buailidh mise fòs mo làmhnan air a chéile, agus bheir mi air mo chorruidh gu'n gabh i fois: mise Iehobhah thubhairt e.

18 Thàinig focal an Tighearn' a m' ionnsuidh a ris, ag ràdh,

19 Mar an ceudna, a mhic an duine, sònraich dà shlighe dhuit fèin, a chum gu'n tigeadh claidheamh rìgh Bhabiloin: thig araoan an dithis a mach as an aon tìr; agus tagh thusa àite, tagh e aig ceann na slighe chum a' bhaile.

20 Sònraich slighe, chum gu'n tigeadh an claidheamh gu Rabat nan Amonach, agus gu Iudah ann an Ierusalem, a' chaithir dhaingnichte.

21 Oir sheas rìgh Bhabiloin aig dealachadh na slighe, aig ceann an dà shlighe, a dheanamh fiosachd: lìomh e a shaighdean; chnir e a chomhairle ri dealbhan, sheall e anns an sgamhan.

22 Aig a làmh dheis bha'n fhàistneachd

air son Ierusalem, a dh'orduchadh cheanna-feadhna, a dh'fhosgadh a' bheoil anns an àr, a thogail suas a' ghutha le h-iolaich, a dh'orduchadh reithcheachan-cogaidh an aghaidh nan geatachan, a thilgeadh suas tòrr, a thogail daingnich.

23 Agus bithidh e dhoibhsan mar neach ri fàistneachd bhrèige 'n an sealladh, dhoibhsan a thug mionnan: ach gairmuidh e gu cuimhne an aingidheachd, a chum gu'm bi iad air an glacadh.

24 Air an aobhar sin mar so tha an Tighearn Dia ag ràdh, a chionn gu'n d'thug sibh air 'ur n-aingidheachd a bhi air a cuimhneachadh, le 'ur n-eusaontas a bhi air a leigeadh ris, air chor agus gu bheil 'ur lochdan follaiseach 'n 'ur n-uile dheanadas: a chionn gu bheil sibh air 'ur toirt gu cuimhne glacer 'an làimh sibh.

25 Agus thusa, a phrionnsa mhi-dhiadhaidh, aingidh Israeil, aig am bheil do là air teachd, anns am bi crìoch air aingidheachd.

26 Mar so tha an Tighearn Dia ag ràdh, Atharraich an coron rioghail, agus thoir dhìot an crùn: cha-n e an aon ceudna 'bhitheas ann: àrdaich an t-ìosal, agus islich an t-àrd.

27 Tilgidh mi e bun os ceann, bun os ceann, bun os ceann, agus cha bhi e ann, agus an tig ean aig am bheil còir air, agus dhàsan bheir mi e.

28 Agus thusa, a mhic an duine, dean fàistneachd, agus abair, Mar so tha an Tighearn Dia ag ràdh a thaoibh nan Amonach, agus a thaoibh am maslaidh: eadhon abair thusa, Tha an claidheamh tàirgte: air son an àir tha e lìomhta; air son sgrios tha e mar dhealanach.

29 (Am feadh a tha thu 'faicim dhuit féin diomhanais, am feadh a tha thu 'fàistneachd dhuit féin bréige.) a chum do thoirt air mhuinealaibh na muinntir a leònadh, nan aingidh aig am bheil an là air teachd, anns am bi crìoch aig an euceart.

30 An toir mi air pilleadh air ais g' a thruaill? Anns an àite 's an do chruthaich-cadh thu, ann am fearann do dhùthchais, bheir mise breth ort.

31 Agus dòrtidh mi mach ort mo dhian chorruih; séididh mi ort ann an teine n' fheirge, agus bheir mi thairis thu do làimh dhaoine brùideil, cleachda ri milleadh.

32 Bithidh tu mar chomnadh do'n teime: bithidh d'fhuil ann am meadhon an fhearainn; cha bhi thu n' mò air chuimhne: oir mise Ichobhah labhair e.

CAIB. XXII.

1 Gràineileachdan Ierusalem. 17 Loisgidh Dia clann Israeil mar shal 'am meadhon na fuirneis. 23 Thruaillidheachd gach uile shluaigh, air son an do dhòirteadh dian chorruih Dhè orra.

OS bàrr thàinig focal an Tighearn' a m'ionnsuidh, ag ràdh,

2 A nis, a mhic an duine, an tagair thu, an tagair thu a' leth na caitheach fhuileachdaich? seadh, feuchaidh tu dhi a h-uile ghràineileachdan.

3 An sin abair thusa, mar so tha an Tighearn Dia ag ràdh, Tha a' chaithir a' dòrtadh fola 'n a meadhon, a chum gu'n tigeadh a h-àm, agus a' deanamh iodholan 'n a h-aghaidh féin, gu i féin a thruaillleadh.

4 Tha thu air fas cioutach ann ad fhuil a dhòirt thu, agus thruaill thu thu féin ann ad iodholaibh a rinn thu; agus thug thu air do làithean teachd dlùth, agus thàinig thu chum do bhliadhnachan; uime sin rinn mise dhìot maslaidh do na cinnich, agus ball-magaidh do na h-uile dhùthchlaibh.

5 Iadsan a tha dlùth, agus iadsan a tha fada uait, ni iad fàinoid ortsa 'tha mi-chlùit-each, a tha ri mòran sàrcheaidh.

6 Feuch tha nachdarain Israeil annad, gach aon a réir a chumhachd a dhòrtadh fola.

7 Annadsa rinn iad dìmeas air athair agus màthair: ann ad mheadhon bhuin iad le h-ainneart ris a' choigreach: annadsa shàruich iad an dilleadh agus a' bhant-rach.

8 Rinn thu tàir air mo nithibh naomha-sa, agus thruaill thu mo shàbaidean.

9 Annadsa tha luchd aithris sgeoil a dhòrtadh fola: agus annad tha iad ag itheadh air na sléibhtibh: ann ad mheadhon tha iad a' cur 'an gnìomh neòghloine.

10 Annadsa leig iad ris lomnochuidh an athar; dh'islich iad annad ise a chuireadh a thaoibh air son neòghloine.

11 Agus rinn aon gràineileachd le mnaoi a choimhearsnaich; agus thruaill aon eile gu gràineil nighean a mhnà; agus dh'islich neach eile annad a phiuthar, nighean 'athar.

12 Annadsa ghabh iad duais gu fuil a dhòrtadh: ghabh thu ocar agus riadh, agus bhuannaich thu gu sanntach o d' choimhearsnaich le h-ana-cothrom, agus dhì-chuimhnich thu mise, deir an Tighearn Dia.

13 Feuch uime sin bhuaill mise mo làmh air do bhuannachd neo-ionraic a rinn thu, agus air d'fhuil, a bha ann ad mheadhon.

14 An urrainn do chridhe fulang, no'n urrainn do làmhnan a bhi làidir anns na làithibh anns am buin mise riut? Mise Iehobhah labhair, agus ni mi.

15 Agus sgapaidh mi thu measg nan cinn-each, agus sgànraidh mi thu measg nan dùthchan, agus caithidh mi do neòghloine asad.

16 Agus bithidh tu air do thruaillleadh ann an sealladh nan cinneach, agus aithnichidh tu gur mise an Tighearn.

17 Agus thàinig focal an Tighearn' a m'ionnsuidh, ag ràdh,

18 A mhic an duine, tha tigh Israeil air fas dhomhsa mar shal; tha iad uile 'n an umha, agus 'n an stàn, agus 'n an iarunn,

agus 'n an luaith, ann am meadhon na fùirneis: cha-n'èil anna ach sal airgid.

19 Air an aobhar sin, mar so tha an Tighearn Dia ag ràdh, A chionn gu'n d'fhàs sibh uile 'n 'ur sal, feuch, uime sin, cruinnichidh mise sibh gu meadhon Ierusalem.

20 Mar a chruinnicheas iad airgid, agus umha, agus iarunn, agus luaith, agus stàn gu meadhon na fùirneis, a chum an teine a sheideadh air, gus a leaghadh; is amhuil a chruinnicheas mise sibhse ann am chorruih, agus ann am fheirg, agus f'agaidh mi sibh an sin, agus leaghadh mi sibh.

21 Seadh, cruinnichidh mi sibh, agus séididh mi oirbh ann an teine mo chorruih, agus bithidh sibh air 'ur leaghadh 'n a mheadhon.

22 Mar a leaghar airgid ann am meadhon na fùirneis, is amhluidh a leaghar sibhse 'n a mheadhon-sin; agus aithnichidh sibh gu'n do dhòirt mise Iehobhah mach mo chorruih oirbh.

23 Agus thàinig focal an Tighearn 'a m' ionnsuidh, ag ràdh,

24 A mhic an duine, abair ris an fhearann, Is tusa am fearann nach 'eil air d' uisgeachadh, air nach do thuit frasachd ann an là na dian fheirge.

25 Tha co-bhoinn fhàidhean 'n a mheadhon; mar leòmhnan beucach, 'an tòir air a' chreich: shlu'g iad anaman: ghlac iad an t-ionmhas agus na nithean luachmhor: rinn iad a bhantraichean ònmhor 'n a mheadhon.

26 Bhriis a shagartan mo reachd, agus mhi-naomhaich iad mo nithean naomha: cha do chuir iad dealachadh sam bith eadar an naomh agus am mi-naomh, ni mò dh'fheuch iad ciod a tha neòghlan, agus ciod glan: agus dh'fholuich iad an sùilean o m' shàbaidean, agus tha mi air mo mhi-naomhachadh 'n am measg.

27 Tha 'nachdairinn 'n a mheadhon mar mhadraibh-alluidh, cìocrach a chum creiche, a dhòrtadh fola, a sgrios anaman, a dh'fhaotainn buannachd neo-ionraic.

28 Agus chòmhdaich 'fhàidhean iad le criadh gun oibreachadh, a' faicinn dìomhanais, agus a' faistneachd bhreug dhoibh, ag ràdh, Mar so tha an Tighearn Dia ag ràdh, 'n uair nach do labhair an Tighearn.

29 Ghnàthaich sluagh an fhearainn ainneart, agus chuir iad an gnìomh reubainn, agus shàruich iad am bochd agus an feumach: seadh, rinn iad fòirneart air a' choigreach gu h-eucorach.

30 Agus dh'ìarr mise air son duine 'n am measg a dheanadh suas a' challaid, agus a sheasadh anns a' bhriseadh fa m' chomhair air son an fhearainn, a chum nach sgriosaim e; ach cha d'fhuair mi aon neach.

31 Uime sin dhòirt mi mach orra mo dhian chorruih; chaith mi iad le teine m' fheirge: an slighe féin dhìol mi air an cinn, deir an Tighearn Dia.

1 Strìopachas Aholah agus Aholibah. 22 Smachdaichidh an luchd-gaoil iad. 36 Thugadh achmhasan dhoibh air son an strìopachais, 45 agus dh'fhoillsicheadh na breitheanais a bha gu teachd orra.

THA INIG focal an Tighearn 'a m' ionnsuidh a ris, ag ràdh,

2 A mhic an duine, bha dithis bhan ann, nigheanan na h-aoin mhàthar;

3 Agus rinn iad strìopachas anns an Eiphit, rinn iad strìopachas 'n an òige; an sin bha an uchd air a bhruthadh, agus an sin bhruthadh cìochan am maighdeanais.

4 Agus b' iad an ainmean, Aholah ise 'bu shine, agus Aholibah a' piuthar: agus bu leamsa iad, agus rug iad mic agus nigheanan: mar so an ainmean; is i Aholah Samaria, agus is i Aholibah Ierusalem.

5 Agus rinn Aholah strìopachas an uair bu leamsa i; agus bha i 'n dèigh air a leannain, air na h-Asirianaich, a coimhearsnaich.

6 Sgeudaichte le gorm, 'n an cinn-fheadhna, agus 'n an luchd-riaghlaidh, iad uile 'n an òganaich àillidh, marc-shluagh, a' marcachd air eachaibh.

7 Mar so rinn i strìopachas leo, leis a mheadh as a bha dh' fhearaibh taghta 'n Asiria, agus leis na h-uile air an robh a cion; le 'n iodholaibh uile shalaich si i féin.

8 Ni mò a sguir i d' a strìopachas leis an Eiphit: oir 'n a h-òige luidh iad leatha, agus bhruth iad cìochan a maighdeanais, agus dhòirt iad oirre an strìopachas.

9 Air an aobhar sin thug mise thairis i do làimh a leannan, do làimh nan Asirianach air an robh a cion.

10 Leig iad so ris a lomnochduidh; ghabh iad a mic agus a nigheanan, agus mharbh iad i leis a' chlàidheamh: agus dh'fhàs i iomraiteach an measg bhan, oir thug iad breitheanas oirre.

11 Agus an uair a chunnaic a' piuthar Aholibah so, bha i ni bu truaillidh 'n a gràdh neo-mheasarra na ise; agus 'n a strìopachas ni bu mhò na a' piuthar 'n a strìopachas.

12 Bha a cion air na h-Asirianaich a coimhearsnaich, cinn-fheadhna, agus luchd-riaghlaidh, sgeudaichte gu ro sgiamhach, marc-shluagh, a' marcachd air eachaibh, iad uile 'n an òganaich àillidh.

13 An sin chunnaic mi gu'n robh i air a truaillidh, gu'm b' ionann slighe dhoibh araon;

14 Ach gu'n deachaidh ise ni b' fhaide 'n a strìopachas: oir an uair a chunnaic daoine air an dealbh air a' bhalla, tomhaighean nan Caldéach, air an tarruing le coreur,

15 Crìoslaichte le crìosaibh air an leasraibh, sgeudaichte le ceann-éididh daithto air an cinn, iad uile mar chinn-fheadhna ri 'm faicinn, cosmhuil ri mic Bhabiloin, a dh'araich tìr Chaldéa.

16 Agus co luath as a chunnaic i iad le a

èuilibh, ghabh i cion orra, agus chuir i teachdairean d'an ionnsuidh, gu Caldéa.

17 Agus thàinig na Babilonaich d'a h-ionnsuidh gus an leabadh-ghaol, agus thruaill iad i le 'n striopachas; ach an déigh 'bhi air a truailleadh leo, bha a h-inntinn air a claonadh air falbh uatha.

18 Mar sin leig i ris a striopachas, agus leig i ris a lomnochduidh; an sin phill m' inntinn-sa uaipe, amhuil a phill m' inntinn o a piuthair.

19 Gidleadh mhéudaich i a striopachais, le làithean a h-òige 'ghairm gu cuimhne, anns an d' rinn i striopachais ann an tìr na h-Eiphit.

20 Oir mhiannaich i a cò-chéilidhean, aig am bheil am feoil mar fheoil asal agus an sìol mar sìol each.

21 Mar so ghairm thu gu cuimhne neòghloine d'òige, ann am bruthadh do bhrollaich leis na h-Eiphitich, ann am bruthadh cìochan d'òige.

22 Air an aobhar sin, O Aholibah, mar so tha an Tighearn Dia ag ràdh, Feuch, dùisgidh mise suas do leannain ann ad aghaidh, o'm bheil d' inntinn air claonadh, agus bheir mi iad ann ad aghaidh air gach taobh;

23 Na Babilonaich, agus na Caldéich uile, Peced agus Soa, agus Coa, na h-Asirianaich uile maille riu: iad uile 'n an daoine àillidh, cinn-fheadhna, agus lomhd-riaghlaidh, tigh-eannan mòra agus iomraiteach, iad uile a' marcachd air cachaibh.

24 Agus thig iad ann ad aghaidh le carbad-aibh, le cairtean, agus le rothan, agus le còimhthional sluagh, a chuireas ann ad aghaidh targaid, agus sgiath, agus clogaid, air gach aon taobh: agus cuiridh mise breitheanas fa'n comhair, agus bheir iad breth ort a réir am breitheanas.

25 Agus cuiridh mise m' eud a'd' aghaidh, agus buinidh iad gu ro gharg rint: bheir iad air falbh do shròn, agus do chluasan, agus tuitidh d' fhuigheall leis a' chlaidheamh: bheir iad leo do mhic, agus do nigheanan, agus loisgear na dh'fhàgar dhìot ann an teine.

26 Bheir iad dhìot mar an ceudna d' eudach, agus bheir iad air falbh do sheudan maiseach.

27 Mar so bheir mise air do neòghloine sgar annad, agus air do striopachas le tìr na h-Eiphit: air chor as nach tog thu suas do shùilean riu, agus nach cuimhnich thu an Eiphit nì's mò.

28 Oir mar so tha an Tighearn Dia ag ràdh, Feuch, bheir mise thairis thu do làimh na muinntir leis am fuathach thu, do làimh na muinntir o'm bheil do chridhe air claonadh.

29 Agus buinidh iad rint gu fuathach, agus bheir iad air falbh d' uile shaothair, agus fàgaidh iad thu lom agus rùisgte; agus bithidh lomnochduidh do striopachais air a

leigeadh ris, araon do ghràineileachd agus do striopachas.

30 Nì mise na nithean so riut, a chionn gu'n deachaidh tu le striopachas an déigh nan cinneach, a chionn gu bheil thu air do thruailleadh le'n iodholaibh.

31 Ghluais thu ann an slighe do pheathar, uime sin bheir mise a cupan-sa ann ad làimh.

32 Mar so tha an Tighearn Dia ag ràdh, Olaidh tu de chupan do pheathar, domhain agus farsuinn; nìhear gaire fanoid riut, agus bithidh tu a'd' bhall-magaidd; is mòr na bheil ann.

33 Lìonar thu le misg agus le doilghios, le cupan uamhais agus léir-sgrìos, le cupan do pheathar Shamaria.

34 Nì thu fòs 'òl agus a shùghadh as, agus brisidh tu a bhloighdean, agus spionaidh tu do chiochan fèin asad: oir mise labhair e, deir an Tighearn Dia.

35 Uime sin mar so tha an Tighearn Dia ag ràdh, A chionn gu'n do dhù-chuimhnich thu mise, agus gu'n do thig thu mi air do chùlaobh, air an aobharsin, giùlain thusa fòs do ghràineileachd agus do striopachais.

36 Thubhairt an Tighearn rium os bàrr, A mhic an duine, an toir thu breth air Aholah, agus air Aholibah? seadh, foillsich dhoibh an gràineileachdan;

37 Gu'n do chuir iad 'n gnìomh adhaltranas, agus gu bheil fuil 'n an làmban, agus le 'n iodholaibh gu'n d'rinn iad adhaltranas, agus gu'n d'fhug iad fòs air am mic, a rug iad dhomhsa, siubhal air an son-san troimh an teine g' an losgadh.

38 Os bàrr rinn iad so riumsa: thruaill iad m' ionad naomh air an là sin fèin, agus mhi-naomhaich iad mo shàbaidean.

39 Oir an uair a mharbh iad an clann d' an iodholaibh, an sin thàinig iad air an là sin fèin do m' ionad naomh-sa, 'g a thruaill-eadh; agus, fench, mar so rinn iad ann am meadhan mo thighe.

40 Agus a thuilleadh air so, gu'n do chuir iad fios air daoine gu teachd o chéin, chum an do chuireadh teachdair; agus, fench, thàinig iad, air son an d'rinn thu thu fèin a nigheadh, do shùilean a dhath, agus thu fèin a sgeudachadh le seudaibh.

41 Agus shuidh thu air leabaidh urram-aich, agus bord ullnichte f'a comhair, air an do chuir thu mo bholtrach-sa, agus m'oladh.

42 Agus bha guth na muinntir a bha aig suaimhneas maille riu, agus mòr chuid-eachd nam fear o Shaba, o'n fhàsach, a chuir làmh-fhailean air an làmban, agus coroin mhaiscach air an cinn.

43 An sin thubhairt mise rithe-sa 'bha sean ann an adhaltranas, An dean iad a nìs striopachas leatha, agus ise *leo-san*?

44 Gidheadh chaidh iad a steach d'a h-ionnsuidh, mar a thèid iad a steach gu

strìopaich: mar sin cnaidh iad a steach gu Aholah agus gu Aholibah, na mnathan neòghlan.

45 Agus bheir na daoine cothromach breth orra, a réir breith bhan adhaltranach, agus a réir breith bhan a dhòirteas fuil; a chionn gur ban-adhaltranaich iad, agus gu bheil fuil 'n an làmhlan.

46 Oir mar so tha an Tighearn Dia ag ràdh, Bheir mise nìos cuideachd orra, agus bheir mi iad gu bhì air an atharrachadh, agus air an creachadh.

47 Agus clachaidh a' chuideachd iad le clachaibh, agus gearraidh iad sìos iad le 'n claidhibh; marbhaidh iad am mic agus an nigheanan, agus loisgidh iad an tighean le teine.

48 Mar so cuiridh mise cosg air gràineil-eachd anns an fhearann, a chum gu'n foghlum na h-uile mhnathan gun deanamh a réir 'ur gràineileachd-sa.

49 Agus dìolaidh iad ruibh 'ur gràineil-eachd, agus giùlainidh sibh lochdan 'ur n-ìodholan, agus aithnichidh sibh gur mise an Tighearn Dia.

CAIB. XXIV.

1 *Le cosamhlachd coire air ghoil nochdadh léir-sgrìos Ierusalem. 15 Thoirmisgeadh do Eseciel bròn a dheanamh air son bàis a mhà, 19 chum gu'n cuireadh e 'an cèill do na h-Iudhaich gu'n tig trioblaidhean orra a thèid os ceann bròin.*

ARIS, anns an naothamh bliadhna, anns an deicheamh mìos, air an deicheamh là de'n mhìos, thàinig focal an Tighearn 'a m' ionnsuidh, ag ràdh,

2 A mhic an duine, sgrìobh dhuìt ainm an là, a' cheart là so: chuir rìgh Bhabiloin e féinan aghaidh Ierusalem air a' cheart là so.

3 Agus labhair cosamhlachd ris an tigh cheannairceach, agus abair ris, Mar so tha an Tighearn Dia ag ràdh, Cuir air coire; cuir air e, agus fòs dòirt ann uisge:

4 Cruinnich a mhìrean ann, gach aon mhìr maith, an t-sliasaid agus an slinnean; lion e le roghadh nan cuàmh.

5 Gabh roghadh an treud, agus loisg fòs na cuàmhan foidhe, thoir goil bhras air, agus bitheadh a chnàmhan air am bruich ann.

6 Uime sin, mar so tha an Tighearn Dia ag ràdh, Is an-aobhain do'n chaithir fhuiltich, do'n choire aig am bheil a shal ann, agus o nach deachaidh a shal a mach uaithe; thoir a mach e, mìr air mhìr, na tuiteadh crannchur air bith air.

7 Oir tha a fuil 'n a meadhon, chuir i air mullach creige i, cha do dhòirt i air an talamh i, chum a folach le duslach:

8 A chum gu'n tugadh i air feirg teachd a nìos a dheanamh dioghaltais: chuir mise a fuil air mullach creige, chum nach bith-eadh i air a folach.

9 Air an aobhar sin, Mar so tha an Tigh-

earn Dia ag ràdh, Is an-aobhain do'n chaithir fhuiltich; nì mise fòs a' chruach-theine mòr.

10 Carnaibh connadh, fadaibh an teine, caithibh an fheoil, cuiribh oirre spìosraidh gu leòr, agus loisgear na cnàmhan.

11 An sin cuir falamh e air 'éibhlibh, a chum gu'n teasaich a' phràis, agus gu'n loisg i, agus gu'm bi a salchar air a leaghadh innte, air chor as gu'm bi a sal air a chaith-eamh.

12 Lean a sal rithe gu teann, agus cha do dhealaich e rithe; tha a salchar mòr, tha a salchar breun.

13 Ann ad shalchar tha neòghloine, do bhrìgh gu'n do ghlan mi thu, agus nach robh thu glan; cha bhi thu air do ghlanadh o d' thruaillidheachd nì's mò, gus an toir mise air mo chorruich gu'n gabh i tamh ort.

14 Mise Iehobhah labhair, thig e gu crìch, agus coimhionaidh mise e, cha téid mi air m'ais, nì mò chaomhaimeas mi, no ghabhas mi aithreachas; a réir do shlighe, agus a réir do dheanadais bheir iad breth ort, deir an Tighearn Dia.

15 Mar an ceudna thàinig focal an Tigh-earn 'a m' ionnsuidh, ag ràdh,

16 A mhic an duine, feuch, bheiream-sa air falbh uait mianu do shùl le buille: gidh-eadh cha dean thu bròn no gul, nì mò shìleas do dhèoir.

17 Leig dhìot glaothaich, na dean caoidh air son nam marbh, ceangail culaidh do chinn ort, agus cuir do bhrògan air de chosaibh, agus na foluich do ghluais, agus na h-ith aran luchd-bròin.

18 Mar sin labhair mi ris na daoineibh auns a' mhaduinn, agus dh'eug mo bhean mu an-moch; agus rinn mi 's a' mhaduinn mar dh'aithneadh dhonh.

19 Agus thubhairt an sluagh rium, Nach innis thu dhuinn ciod ar gnothuch-ne ris na uithibh so a tha thu 'deanamh?

20 An sin fhreagair mi iad, Thàinig focal an Tighearn 'a m' ionnsuidh, ag ràdh,

21 Labhair ri tigh Israeil, Mar so tha an Tighearn Dia ag ràdh, Feuch, truaillidh mise'm ionad naomh, òirdheirceas 'ur treise, mian 'ur sùl, agus an nì a 's caomh le 'ur n-anam: agus 'ur mic agus 'ur nigheanan a dh'fhagadh, tuitidh iad leis a' chlaidheamh.

22 Agus nì sibh mar a rinn mise: cha-n fholuich sibh 'ur n-aghaidh, agus cha-n ith sibh aran luchd-bròin.

23 Agus bithidh 'ur n-èididh air 'ur cinn, agus 'ur brògan air 'ur cosaibh: cha dean sibh bròn no gul, ach seargaidh sibh as air son 'ur n-euceartan, agus uì sibh bròn, gach aon r'a chéile.

24 Mar so tha Eseciel dhuibh 'n a chomh-aradh: a réir gach nì a rinn esan, nì sibhse: agus an uair a thig so, aithnichidh sibh gur mise an Tighearn Dia.

25 Mar an ceudna, a mhic an duine, nach *schair* e anns an là 's am buin mise uatha an neart, aobhneas an glòire, miann an sùl, agus an nì sin air an suidhich iad an inntinn, am mic, agus an nigheanan;

26 Gu'n tig esan a theid as air an là sin do d' ionnsuidh, a thoirt ort a chluinntinn le d' chluasaibh?

27 Anns an là sin fosgailear do bheul do'n tì 'theid as, agus labhraidh tu, agus cha bhi thu nì's mò balbh, agus bithidh tu dhoibh mar chomharadh, agus aithnichidh iad gur mise an Tighearn.

CAIB. XXV.

1 *Nithear dioghaltas air na h-Amonaich, 8 air Moab agus air Seir, &c. air son an naimh-deas a nochd iad do na h-Iudhaich.*

THAINIG focal an Tighearn' a ris a m' ionnsuidh, ag ràdh,

2 A mhic an duine, cuir do glùnais an aghaidh nan Amonach, agus dean fàistneachd 'n an aghaidh;

3 Agus abair ris na h-Amonaich, Chluinnibh focal an Tighearna Dia, Mar so tha an Tighearn ag ràdh, a chionn gu'n d' thubhairt thu, Aha, an aghaidh m' ionaid naoinn, 'n uair a thruailladh e, agus an aghaidh fearainn Israeil, an uair a bha e fàs, agus an aghaidh tìghe Iudah, an uair a dh'fhalbh iad ann am braighdeanas;

4 Feuch, uime sin, bheir mise thairis thu do mhuinntir na h-àirde 'n ear mar sheilbh, agus suidhichidh iad annad an àrois, agus nì iad an àite-còmhnuidh annad: itheidh iad do mheas, agus òlaidh iad do bhainne.

5 Agus nì mi Rabah 'n a crò air son chàmhail, agus clann Amon 'n a àite-luidhe do theudaibh: agus aithnichidh sibh gur mise an Tighearn.

6 Oir mar so tha an Tighearn Dia ag ràdh, A chionn gu'n do bhuail thu do làmhnan, agus gu'n do bhreab thu le do chosaibh, agus gu'n d'rinn thu gairdeachas ann ad chridhe, le d' uile tharcuis an aghaidh fearainn Israeil;

7 Feuch, uime sin, sinidh mise mach mo làmh ort, agus bheir mi seachad thu mar cheirich do na cinnich, agus gearraidh mi as thu o na sìògh, agus caithidh mi thu a mach as na dùthchaibh: sgriosaidh mi thu, agus aithnichidh tu gur mi an Tighearn.

8 Mar so tha an Tighearn Dia ag ràdh, A chionn gu bheil Moab agus Seir ag ràdh, Feuch, tha tìgh Iudah cosmhuil ris na h-uile cinnich;

9 Air an aobhar sin, feuch, fosglaidh mise taobh Mhoab, a leigeadh ris nam bailtean a tha air 'iomall, maise na dùthcha, Betiesimot, Baal-meon, agus Ciriataim.

10 Do fhearaibh na h-àirde 'n ear, maille ri cloinn Amon, agus bheir mi iad mar sheilbh, a chum nach bi cuimhne air cloinn Amon am measg nan cinnich.

11 Agus bheir mi breitheanas air Moab, agus aithnichidh iad gur mi an Tighearn.

12 Mar so tha an Tighearn Dia ag ràdh, A chionn gu'n do ghlàthaich Edom dìoghaltas trom an aghaidh Iudah, agus gu'n d'thug e oibheum mòr anns an dìoghaltas a rinn e orra:

13 Uime sin, mar so tha an Tighearn Dia ag ràdh, Sinidh mise fòs a mach mo làmh air Edom, agus gearraidh mi as duine agus ainmhidh uaithe, agus nì mi fàs e o Them-an, agus tuitidh muinntir Dhedain leis a' chlaidheamh.

14 Agus leagaidh mi mo dhìoghaltas air Edom le làmh mo shluaigh Israeil, agus nì iad ann an Edom a réir mo chorruih, agus a réir mo dhian-fheirge; agus bithidh fios mo dhìoghaltais aca, deir an Tighearn Dia.

15 Mar so tha an Tighearn Dia ag ràdh, A chionn gu'n do bhuin na Philistich gu dìoghaltach, agus gu'n d'rinn iad dìoghaltas le cridhe aingidh gu milleadh, air son an t-sean naimhdeis;

16 Uime sin, mar so tha an Tighearn Dia ag ràdh, Feuch, sinidh mise mach mo làmh air na Philistich, agus gearraidh mi as na Ceretich, agus millidh mi fuigheall sìos na fairge.

17 Agus nì mi dìoghaltas mòr orra le ach-mhasain gharga, agus aithnichidh iad gur mise an Tighearn, 'n uair a leagas mi orra mo dhìoghaltas.

CAIB. XXVI.

1 *Sgriosar Tirus a chionn gu'n d'rinn i tair air Ierusalem. 7 Mòr-chumhachd Nebuchadnesair an aghaidh Thirus. 15 Crioth-naichidh prionnsachan na fairge, agus bithidh uamhas orra ri fuaim a leagaidh.*

AGUS tharladh anns an aon bhliadhna deug, air a' cheud là de'n mhìos, gu'n d' thainig focal an Tighearn' a m' ionnsuidh, ag ràdh,

2 A mhic an duine, a chionn gu n d' thubhairt Tirus an aghaidh Ierusalem, Aha, tha ise 'bha 'n a dorsaibh do'n t-sluagh briste: phill i thugam-sa; leasaichear mise nis, o chuircaidh ise fàs;

3 Air an aobhar sin, mar so tha an Tighearn Dia ag ràdh, Feuch, tha mise a'd' aghaidh, O Thirus, agus bheir mi air mòran chinneach teachd a mios a'd' aghaidh, mar a bheir an fhairge air a tonnaibh teachd a nìos.

4 Agus sgriosaidh iad ballachan Thirus, agus brisidh iad sìos a daingnich: tairgidh mise fòs a duslach uaipe, agus nì mi i mar mhullach creige.

5 Bithidh i 'n a h-ionad-sgaoidh lìon ann am meadhon na fairge: oir labhair mise, tha an Tighearn Dia ag ràdh, agus bithidh i 'n a creich do na cinnich.

6 Agus marbhar a nigheanan a tha 's a' mhaichair leis a' chlaidheamh, agus aithnichidh iad gur mise an Tighearn.

7 Oir mar so tha an Tighearn Dia ag ràdh,

Feuch, bheir mise air Tirus Nebuchadnesar rìgh Bhabiloìn, rìgh rìghrean, o'n àirde tuath, le eachaibh, agus le carbadaibh, agus le marcaich, agus le cuideachdaibh, agus le mòran sluagh.

8 Marbhaidh e leis a' chlàidheamh do nigheanan anns a' mhachair; agus nìc daingneach ann ad aghaidh, agus tilgidh e suas tòrr a'd' aghaidh, agus togaidh e suas a'd' aghaidh an sgiath.

9 Agus cuiridh e innil-cogaidh an aghaidh do bhallachan, agus le 'thuaghan brisidh e sìos do dhaingnich.

10 Le lìonmhoireachd a chuid each, fol-aichidh an duslach thu; criothnaichidh do bhalla le toirm a' mharc-shluaigh, agus nan rothan, agus nan carbadan, an uair thèid e steach air do gheatachaibh, mar a thèid daoine steach air baile 's an d' rinneadh briseadh.

11 Le iongannaibh a chuid each saltraidh e sìos do shràidean uile: marbhaidh e do shluaigh leis a' chlàidheamh, agus thèid do dhaingnich làidir sìos gu làr.

12 Agus nì iad creach de d' shaoibhreas, agus nì iad cobhartach de d' cheannachd; agus brisidh iad sìos do bhallachan, agus millidh iad do thighean taitneach; agus leagaidh iad do chlachan, agus d' fhìodh, agus do dhùslach ann am meadhon an uisge.

13 Agus bheir mise air fuaim d' òran sgar, agus cha chluinnear fonn do chlàrsach nìs mò.

14 Agus nì mi thu mar mhullach creige: bithidh tu ann ad ionad sgaoilidh lion: cha bhi thu air do thogail nìs mò: oir mise Iehobhab labhair, deir an Tighearn Dia.

15 Mar so tha an Tighearn Dia ag ràdh ri Tirus, Nach criothnaich na h-eileanan ri fuaim do leagaidh, 'n uair a dh'èigheas a' mhuinntir leònta, 'n uair a nithear an sgrìos ann ad mheadhilen?

16 An sin thig uile phrionnsachan na fairge nuas o'n rìgh-chaitrichibh, agus cuiridh iad am falluinnear a thaoibh, agus cuiridh iad dhiubh an culaidhean-grèise: éididh iad iad fèin le ball-clrith, suidhidh iad air an làr, agus criothnaichidh iad gach tiota, agus bithidh uamhas orra de d' thaobh-sa.

17 Agus togaidh iad tuireadh air do shon, agus their iad riut, Cionnas a sgrìosadh thusa 'bha air d' àiteachadh le luchd-fairge, a' chaithir ionraiteach a bha làidir anns an fairge, i fèin agus a luchd-àiteachaidh, a tha 'eur an eagail air na h-uile 'tha 'g a tathaich?

18 A nis criothnaichidh na h-eileanan ann an là do leagaidh; seadh, bithidh na h-eileanan a tha 's an fhairge fo bhuaireadh air son do shiubhail.

19 Oir mar so tha an Tighearn Dia ag ràdh, An uair a nì mise dhiot caithir fhàs, mar na caithrichean nach 'eil air an àiteachadh, an uair a bheir mi nìos ort an

doimhne, agus a thig na tuitlean mòra os do cheann;

20 An uair a bheir mi ort dol sìos leo-san a thèid sìos do'n t-slochd, le muinntir na h-aimsir o shean, agus a chuireas mi thu 'an ionadaibh iochdarach na talmhainn, ann an ionadaibh fàs o shean, leo-san a thèid sìos do'n t-slochd, air chor as nach bi thu air d' àiteachadh, agus nach seas thu nìs mò ann an tìr nam bèd:

21 Nì mi uamhas dhiot, agus cha bhi thu ann: ged iarrar thu, gidheadh cha-n fhaigh-eur thu nìs mò gu bràth, deir an Tighearn Dia.

CAIB. XXVII.

1 *Margaidhean Thùris: 26 Ann an là a sgrìos tuitidh a beartas ann am buisgean na fairge. 29 Nì maraichean agus luchd-àiteachaidh nan eileanan caoidh air a son.*

THAINIG focal an Tighearn a m'ionn-
A suidh a ris, ag ràdh,

2 A nis a mhic an duine, tog suas tuireadh air son Thùris;

3 Agus abair ri Tirus, O thusa 'tha air do shuidheachadh aig dol a steach na fairge, a tha 'd' cheannache do'n t-sluaigh air son mhòran eileanan, Mar so tha an Tighearn Dia ag ràdh, O Thùris, thubhairt thu, Tha mi ro sgiamhach.

4 Tha d'iomall ann am meadhon na fairge, rinn do luchd-togail do mhaise foirfe.

5 Rinn iad d' uile chlàir de chrannaibh giubhais Shehir: thug iad seudair o Lebanon a dheanamh chrann-siùil duit.

6 De dharagaibh Bhàsan rinn iad do ràmhan: rinn cuideachd nan Asurach do thotachan de chnàmhan-deuda o eileanaibh Cùitim.

7 B'e anart grinn, le obair-ghrèise o'n Eipht a sgaoil thu mach gu bhi 'n a sheòl duit: b'e gorm agus purpur o eileanaibh Elisah an nì sin a sgeudaich thu.

8 B' iad luchd-àiteachaidh Shìdoìn agus Arbhaid do mharaichean: b' iad do dhaoine glìce 'bha annad, O Thùris, luchd-stiùiridh do loingeis.

9 B' iad seanairean Ghebail, agus a dhaoine glìce, 'bha agad 'n an luchd-calcaidh: bha loingeis na fairge gu léir, le 'm maraichean annad, a chum do mhalairt a mheadachadh.

10 B' iad muinntir Persia, agus Luid, agus Phuit, d' fhir-chogaidh ann ad fheachd: chroch iad suas an sgiath agus a' cheann-bheart annad; chuir iad 'an cèill do mhaise.

11 Bha fir Arbhaid le d' fheachd air do bhallaichaibh mu'n cuairt, agus bha na Gamadaich ann ad tùraibh: chroch iad an sgiathan air do bhallaichaibh mu'n cuairt: rinn iad do mhaise foirfe.

12 B' i Tarsis do cheannaiche, do blùrlh pailteas an uile stòrais; le airgid, iarunn, stàn, agus luaith, rinn iad malairt ann ad mhargaidhean.

13 Iabhan, Tubal, agus Mesech, b' iadsan

do cheannaichean: reic iad pearsannan dhaoine, agus soithichean umha ann ad mhargadh.

14 Rinn muinntir Thogarmah malairt ann ad mhargaidhean, le eachaibh, agus le mare-shluagh, agus le muileidibh.

15 B' iad fir Dhedain do cheannaichean, mòran eileanan malairt do làimhe: thug iad a d' ionnsuidh mar thiodhlac, adharcan cleud-chnàmh, agus eboni.

16 B' i Siria do cheannaiche air son lìon-mhoireachd nan oibre a rinn thu: rinn iad malairt ann ad mhargaidhean le emerald, purpur, agus obair-ghréise, agus anart grunn, agus coral, agus agat.

17 B' iad Iudah agus tìr Israeil do cheannaichean: reic iad ann ad mhargadh cruithneachd Mhinnt, agus Pannag, agus mil, agus oladh, agus loc-shlainte.

18 B' e Damascus do cheannaiche ann an lìon-mhoireachd nan oibre a rinn thu, air son pailteis an uile shaoibhreis: ann am fìon Helboin, agus ann an olaime ghil.

19 Rinn Dan fòs, agus Iabhan, a' dol air an ais agus air an aghaidh, malairt ann ad mhargaidhean: bha iarann oibrichte, casia agus calamus ann ad mhargadh.

20 B' e Dedan do cheannaiche ann an eudaichibh luachmhor air son charbad.

21 Rinn Arabia, agus uile phrionnsachan Chedair malairt riut ann an uain, agus ann an reitheachan, agus ann an gabhraibh: anns na nithibh so b' iad do luchd-malairt.

22 Ceannaichean Sheba agus Raamah, biadsan do cheannaichean: rinn iad malairt ann ad mhargadh le taghadh nan uile spiosradh, agus leis na h-uile chlachaidh luachmhor, agus le h-òr.

23 B' iad Haran agus Carmeh, agus Eden, ceannaichean Sheba, Asuir, agus Chilmaid, do cheannaichean-sa.

24 B' iad so do luchd-malairt anns na h-uile nithibh, ann an eudaichibh gorma, agus ann an obair-ghréise, agus ann an cisteachan de chulaidhean rìomhach, air an ceangal le cordaibh, agus air an deanamh de sheudar, ann measg do mhalairt.

25 Sheinn longan Tharsis mu d' thimchioll ann ad mhargadh; agus bha thu air do lìonadh, agus air do dheanamh ro ghlòrmhor ann am meadhan nan cuaintean.

26 Thug do luchd-ionraimh thu gu uisgeachan mòra: bhris a' ghaoth an ear thu ann am meadhan na fairge.

27 Do shaoibhreas, agus do mhargadh, do mhalairt, do mharaichean, agus d'fhir-stiùiridh, do luchd-calcaidh, agus do luchd-malairt, agus d' uile luchd-cogaidh a tha annad, agus ann ad uile chuideachd a tha ann ad mheadhon, tuitidh ann am builsgan na fairge, ann an là do sgrios.

28 Rìfuaim gaoire luchd-stiùiridh do loingcis, crìothnaichidh na bailtean mu'n cuairt duit.

29 Agus thig na h-uile a ghlaças an rànna, na maraichean, uile stiùreadairean na fairge, nuas o'n longaibh, seasaidh iad air an tìr.

30 Agus bheir iad air an guth gu'n eluinn-ear e os do cheann, agus glaothaidh iad gu goirt, agus tilgidh iad suas duslach air an cinn, ni iad iad fèin aornagain anns an luathre.

31 Agus ni iad iad fèin uile maol air do shon, agus crioslaichidh iad iad fèin ann an eudach-saic, agus guilidh iad air do shon le goirteas cridhe, le tuireadh geur.

32 Agus 'n an caoidh togaidh iad cumha air do shon, agus ni iad bròn os do cheann; *ag ràdh*, Cò 'bu chosmhuil ri Tirus, a bu chosmhuil rìthe-sa 'tha millte ann am meadhan na fairge?

33 'N uair chaidh d' oibre a mach anns na fairgibh, shàsuich thu iomadh sluagh; rinn thu beartach rìghrean na talmhainn le mòr-phailteas do shaoibhreis agus do mhalairt.

34 'S an àm anns am breisear thu leis an fhairge ann an doimhneachd nan uisgeachan, tuitidh do cheannachd agus do chuideachd gu h-ionnan ann ad mheadhon.

35 Bithidh uamhas, do d' thaobh, air uile luchd-àiteachaidh nan eileanan, bithidh eagal annhòr air an rìghrean, bithidh an gnùis fo ghruaimcan.

36 Ni na ceannaichean am measg nan cinn-each sgeig ort; bithidh tu ann ad uamhas, agus cha bhith thu ann nì's mò gu bràth.

CAIB. XXVIII.

1 *Breucanas an aghaidh prionnsa Thirus a chionn gu'n robh e uibhreach 'n a chridhe.* 11 *Cuoidh os ceann ri Thirus.* 20 *Breith-eanas Shidoim.* 24 *Tionailcar slugh Israeil o na cinnich am measg am bheil iad air an sgapadh.*

THAINIG focal an Tighearn 'a m' ionn suidh a ris, ag ràdh,

2 A mhie an duine, abair ri prionnsa Thirus, Mar so tha an Tighearn Dia ag ràdh, a chionn gu bheil do chridhe air a thogail suas, agus gu'n d' thubhairt thu, Is dia mi, tha mi 'm shuidhe ann an caithir Dhé, ann am meadhan nan cuanta; gidheadh is duine thu, agus cha Dia, ged a chuir thu do chridhe mar chridhe Dhé.

3 Feuch, is glice thu na Daniel; cha-n'eil dìomhaireachd sam bith foluichte uait:

4 Le d' ghliocas, agus le d' thuigse, fluair thu dhuit fèin maoin, agus fluair thu òr agus airgid ann ad thaisgeachaibh.

5 Le d' ghliocas mòr, agus le d' mhalairt, mheadaich thu do shaoibhreas, agus tha do chridhe air a thogail suas le d' bheartas.

6 Air an aobhar sin, mar so tha an Tighearn Dia ag ràdh, A chionn gu'n do chuir thu do chridhe mar chridhe Dhé;

7 Feuch, uime sin, bheir mise coigrieh ort, fir uamhasach nan cinn-each; agus tairngidh

iad an claidhean an aghaidh maise do ghliocais, agus truailidh iad do dhealradh.

8 Cuiridh iad sìos do'n t-slochd thu, agus bàsaichidh tu le bàs na muinntir' a mharbhar ann am meadhon na fairge.

9 An abair thu fathasd an làthair an ti a mharbhas thu, Is dia mi? ach bithidh tu a'd' dhuine, agus ni h-ann a'd' dhia ann an làimh an ti a mharbhas thu.

10 Bàsaichidh tu le bàs nan neo-thimchioll-ghearrta, le làimh nan coimheach: oir mise labhair e, deir an Tighearn Dia.

11 Os bàrr, thàinig focal an Tighearn' a m' ionnsuidh, ag ràdh,

12 A mhic an duine, tog suas caoidh os ceann rìgh Thiruis, agus abair ris, Mar so tha an Tighearn Dia ag ràdh, Tha thu 'cur seuladh air do chuid stòrais, làn de ghliocas, agus foirfe ann am maise.

13 Bha thu ann an Eden, gàradh Dhé; b'e do chòmhdach na h-uile clach luachmhor, an sardius, an topas, agus an daincan, an beril, an t-onics, agus an iasper, an saphir, an t-emerald, agus an carbuncle, agus an t-òr: ghleusadh obair do thionnpan, agus do phìoban annad anns an là 's an do chruthaicheadh thu.

14 Is tu an cherub m'gta a chòmhdhaicheas: agus shuidhich mise thu; bha thu air slabh naomh Dhé; shìubhail thu ann am meadhon nan clachan dealrach.

15 Bha thu foirfe ann ad shligheibh, o'n là 's an do chruthaicheadh thu, gus an d' fhuaradh annad aingidheachd.

16 Le lìonmhoireachd do mhalairt lìon iad do mheadhon le h-ainneart, agus pheacaich thu: uime sin, tilgidh mise thu, mar ni mi-naomh, a mach o shliabh Dhé: agus sgriosaidh mi thu, O a cheruib a chòmhdhaicheas! á meadhon nan clachan dealrach.

17 Bha do chridhe air a thogail suas le d' mhaise; thruaill thu do ghliocas le d' dhealradh: tilgidh mise gu làr thu, cuiridh mi thu an làthair rìghrean, gu bhli a' d' bhallamhaire dhoibh.

18 Le lìonmhoireachd d' euceartan thruaill thu d' ionadan naomha, le euceart do mhalairt: uime sin bheir mise mach teine as do mheadhon, caithidh e thu, agus ni mise luath dhìot air an talamh, ann an sealladh nan uile a chì thu.

19 Iadsan uile d' an aithne thu measg an t-sluaigh, bithidh uamhas orra do d' thaobh: bithidh tu ann ad uamhunn, agus cha bhith ann ni's mò gu bràth.

20 A ris thàinig focal an Tighearn' a m' ionnsuidh, ag ràdh,

21 A mhic an duine, cuir do ghnùis an aghaidh Shidoin, agus dean fàistneachd 'n a h-aghaidh.

22 Agus abair, Mar so tha an Tighearn Dia ag ràdh, Feuch, tha mise ann ad aghaidh, O Shidoin, agus bithidh mi air wo ghòrachadh ann ad mheadhon: agus

aithnichidh iad gur mi an Tighearn n uair a ni mi inne breitheamais, agus a bhithcas mi air mo naomhachadh inne.

23 Oir cuiridh mi inne plàigh, agus fuil 'n a sràidibh, agus bheir car breitheanas air an leònta 'n a meadhon, leis a' chlaideamh a bhithcas oirre air gach taobh; agus aithnichidh iad gur mi an Tighearn.

24 Agus cha bhì dris dhealgach ann ni's mò do thigh Israeil, no dris a bheir doilghios, dhiubhsan uile mu'n cuairt a tha ri tàir orra; agus aithnichidh iad gur mise an Tighearn Dia.

25 Mar so tha an Tighearn Dia ag ràdh, 'n uair a thionnaileas mise tigh Israeil o na cinnich am measg ann bheil iad air an sgapadh, agus a bhithcas mi air mo naomhachadh anna, 'an sealladh nan cinneach, an sin gabhaidh iad còmhuidh 'n am fearann a thug mise do m' òglach Iacob.

26 Agus gabhaidh iad còmhuidh ann gu tèaruinte, agus togaidh iad tighen, agus suidhichidh iad fion-liosan: seadh, gabhaidh iad còmhuidh le dèanachd, an uair a ni mise breitheanas orra-san uile 'tha deanamh tàir orra gach taobh mu'n cuairt doibh; agus aithnichidh iad gur mise Iehobhah an Dia.

CAIB. XXIX

1 *Breitheanas an aghaidh Pharaoh do bhrìgh gu'n do bhuin e gu cealgach ri Israeil. 8 Cuir-eur tir na h-Eiphit fàs, ach cruinnichear a sluagh a ris d'an dàthaich féin an ceann dà fhichead bliadhna. 17 Gheibh Nebuchadnezar an Eiphit mar thuarasdal air son a sheirbhís an aghaidh Thiruis.*

A NNS an deicheamh bliadhna, anns an deicheamh mìos, air an dara là deug de'n mhìos, thàinig focal an Tighearn' a m' ionnsuidh, ag ràdh,

2 A mhic an duine, cuir do ghnùis an aghaidh Pharaoh rìgh na h-Eiphit, agus dean fàistneachd 'n a aghaidh-san, agus an aghaidh na h-Eiphit uile.

3 Labhair agus abair, Mar so tha an Tighearn Dia ag ràdh, Feuch, tha mise a'd' aghaidh, O Pharaoh, a rìgh na h-Eiphit, an uabheist mhòr a tha 'n a luidhe ann am meadhon 'aimhnicean féin, a thubhairt, Is lean féin m' amhainn, rinn mi air mo shon féin i.

4 Ach cuiridh mise dubhain ann ad ghialaibh, agus bheir mi air iasg d' aimhnicean leantuinn ri d' lannaibh, agus bheir mi mìos thu á meadhon d' aimhnicean, agus leanaidh uile iasg d' aimhnicean ri d' lannaibh.

5 Agus tréigidh mise thu 's an fhàsach, tlin féin agus uile iasg d' aimhnicean: tuitidh tu air na machraichibh loma; cha bhith thu air do thional, no air do chruinn-eachadh ri 'chéile: thug mise thu mar bhìadh do bheathaichibh na macharach, agus do eunlaith an athair.

6 Agus aithnichidh uile luchd-àiteachaidh na h-Eiphit gur mise an Tighearn, a chionn gu'n robh iad 'n an luirg chuilce do thigh Israel.

7 'N uair a ghlac iad thu, bhris thu 'n an àimh, agus reub thu an gualainn uile: agus an uair a leig iad an taice riut, bhris thu, agus dh'fhàg thu an leasraidh uile gun taice.

8 Air an aobhar sin, mar so tha an Tighearn Dia ag ràdh, Feuch, bheir mise claidheamh ort, agus gearraidh mi mach asad duine agus ainmhidh.

9 Agus bithidh tìr na h-Eiphit fala mh agus fàs; agus aithnichidh iad gur mise an Tighearn: a chionn gu'n d' thubhairt e, Is leamsa an amhainn, agus is mi a rinn i.

10 Feuch, uime sin, tha mise ann ad aghaidh, agus an aghaidh d' ainmnichean; agus ni mi tìr na h-Eiphit gu tur fàs agus fala mh, o thùr Shiene, eadhon gu iomall Etiopia.

11 Cha-n imich cos duine sam bith trompe, agus cha-n imich cos ainmhidh troimpe, ni mò bhitheas i air a h-àiteachadh ré dà fhichead bliadhna.

12 Agus ni mi tìr na h-Eiphit fàs ann am meadhon nan dùthchan a tha fàs, agus bithidh a caithrichean, ann am meadhon nan caithrichean a tha fala mh, air an deanamh 'n ann fàsach ré dà fhichead bliadhna: agus sgapaidh mi na h-Eiphitich am measg nan cinneach, agus sgaoilidh mi iad feadh nan dùthchan.

13 Gidheadh mar so tha an Tighearn Dia ag ràdh, An ceann dà fhichead bliadhna cruinnichidh mise na h-Eiphitich o na cinnich anns an robh iad air an sgaoileadh.

14 Agus bheir mi air a h-ais bruid nan Eiphiteach, agus bheir mi orra pilleadh gu fearann Phatrois, gu dàthaich an còmh-nuidh, agus bithidh iad an sin 'n an rìoghachd shuaraich.

15 Bithidh i suarach seach gach rìoghachd, agus cha-n àrdaich si i fèin ni's mò am measg nan cinneach: oir lughdaichidh mise iad, air chor as nach riaghlaich iad ni's mò os ceann nan cinneach.

16 Agus cha bhì i ni's faide 'n a dòchas aig tigh Israel, a bheir an eusaontas gu cuimhne, 'n uair a sheallas iad 'n an déigh: ach aithnichidh iad gur mise an Tighearn Dia.

17 Agus tharladh anns an t-seachdamh bliadhna fichead, anns a' cheud mhìos, air a' cheud là de'n mhìos, gu'n d'fhàinig focal an Tighearn a' m' ionnsuidh, ag ràdh,

18 A mhic an duine, thug Nebuchadnesar rìgh Bhabiloin air a shluagh seirbhis mhòr a dheanamh an aghaidh Thiruis: rinneadh gach ceann maol, agus gach gualann lom; gidheadh cha robh tuarasdail air bith aige fèin, no aig a shluagh, air son Thiruis, air son na seirbhis a rinn e 'n a h-aghaidh.

19 Air an aobhar sin, mar so tha an Tighearn Dia ag ràdh, Feuch, bheir mise tìr na h-Eiphit do Nebuchadnesar rìgh Bhabiloin, agus glacadh e a shluagh, agus glacadh e a creach, agus glacadh e a cobhartach, agus bithidh sin 'n a thuarasdal aig a shluagh.

20 Thug mise dha tìr na h-Eiphit air son a shaoithreach leis an do shaoithrich e 'n a h-aghaidh; a chionn gu'n d' oibrich iad air mo shonsa, deir an Tighearn Dia.

21 Anns an là sin bheir mi air adhare tigh Israel briseadh a mach, agus bheir mi dhuith-sa fosgladh a' bheoil 'n am meadhon; agus aithnichidh iad gur mise an Tighearn.

CAIB. XXX.

1 *Tuitidh an Eiphit leis a' chlaidheamh, agus thig uabhar a cumhachd a nuas.* 20 *Nearc aichear gairdean rìgh Bhabiloin chum gu'm bris e gairdean rìgh na h-Eiphit.*

THAINIG focal an Tighearn a' m' ionnsuidh a ris, ag ràdh,

2 A mhic an duine, dean faistneachd agus abair, Mar so tha an Tighearn Dia ag ràdh, Deanaibh ulartaich; Och, an là!

3 Oir tha an là dlùth, eadhon là an Tighearn dlùth, là neulach, àm nan cinneach a bhitheas ann.

4 Agus thig an claidheamh air an Eiphit, agus bithidh cràdh mòr ann an Etiopia, 'n uair a thuiteas iadsan a mharbhar anns an Eiphit, agus bheir iad a shluagh air falbh, agus brisear sìos a bunaitan.

5 Etiopia, agus Libia, agus Lidia, agus an shluagh coimeasgta gu léir, agus Chub, agus muinntir na tìre 'tha 'n co-bhoinn, tuitidh leosan leis a' chlaidheamh.

6 Mar so tha an Tighearn ag ràdh; Tuitidh iadsan fòs a tha 'cumail suas na h-Eiphit, agus thig uabhar a cumhachd a nuas: o thùr Shiene tuitidh iad innte leis a' chlaidheamh, deir an Tighearn Dia.

7 Agus bithidh iad fàs ann am meadhon nan dùthchan fàsail, agus bithidh a bailtean ann am meadhon nam bailtean a tha air am fàsachadh.

8 Agus aithnichidh iad gur mise an Tighearn, 'n uair a chuireas mi teine's an Eiphit, agus a sgriosar a h-uile luchd-cuideachaidh.

9 Anns an là sin théid teachdairean a mach uamsa ann an longaibh, a chur eagail air na h-Etiopaich air nach 'eil cùram, agus thig cràdh mòr orra, mar ann an là na h-Eiphit: oir feuch, tha e 'teachd.

10 Mar so tha an Tighearn Dia ag ràdh, Cuiridh mise fòs cosgadh air mòr-shluagh na h-Eiphit, le àimh Nebuchadnesar rìgh Bhabiloin.

11 Bheircar e fèin agus a shluagh maille ris, a' chuid a 's uamhasaiche de na cinnich, a sgrios na tìre: agus tairngidh iad an claidheamh an aghaidh na h-Eiphit, agus ìonaidh iad an talamh le maibh.

12 Agus ni mise na h-ainmnichean tioram,

agus reicidh mi am fearann ri làimh nan aingidh; agus ni mi an tìr fàs, agus na h-uile 'tha innte, le làimh nan coimheach: mise Iehobhah labhair.

13 Mar so tha an Tighearn Dia ag ràdh, Sgrìosaidd mi fòs na h-iodholan, agus dìth-ichidh mi ìomhaighean a mach à Noph: agus cha bhì nìs mò prionnsa air tìr na h-Eiphit; agus cuiridh mi eagal ann am fear-ann na h-Eiphit.

14 Agus ni mi Patros 'u a fhàsach, agus cuiridh mi teinè ann an Soan, agus ni mi breitheanais ann an No.

15 Agus dòirtidh mi mo chorruih air Sin, neart na h-Eiphit, agus gearraidh mi as muinntir No.

16 Agus cuiridh mi teine anns an Eiphit, bithidh cràdh mòr air Sin, agus reubar No as a chèile, agus bithidh Noph gach là ann an airc.

17 Tuitidh òganaich Abhein agus Phibescit leis a' chlàidheamh, agus imichidh na *bailtean* so gu daorsa.

18 Ann an Tahapanes fòs bithidh an là dorch, 'u uair a bhriseas mise an sin cuing na h-Eiphit: agus sgrìoridh mòr-chuis a neirt innte: seadh, folaichidh neul i, agus thèid a nighean air falbh 'am braigheanas.

19 Mar so ni mise breitheanais auns an Eiphit; agus aithnichidh iad gur mi an Tighearn.

20 Agus tharladh, anns an aon bhliadhna deug, anns a' cheud *mhìos*, air an t-seachdamh là de'u mhìos, gu'n d'fhàinig focal an Tighearn a' m' ionnsuidh, ag ràdh,

21 A mhic an duine, bhris mise gairdean Pharaoh rìgh na h-Eiphit; agus, feuch, cha cheanglar e suas gu bhì air a leigheas, a chur crios air g' a cheangal, g' a dheanamh làidir, a chumail a' chlàidheimh.

22 Uime sin, mar so tha an Tighearn Dia ag ràdh, Feuch, tha mise an aghaidh Pharaoh rìgh na h-Eiphit, agus brisidh mi a ghairdeanan, *e sin a tha làidir*, agus *e sin* a bhriseadh; agus bheir mi air a' chlàidheamh tuiteam as a làimh.

23 Agus sgapaidh mi na h-Eiphitich am measg nan cinneach, agus sgaoilidh mi iad feadh nan dùthchan.

24 Agus neartaichidh mi gairdeanan rìgh Bhabiloin, agus cuiridh mi mo chlàidheamh 'n a làimh: ach brisidh mi gairdeanan Pharaoh, agus ni e caoirean 'n a fhianuis, mar dhuiue a tha leòta gu bàs.

25 Ach neartaichidh mi gairdeanan rìgh Bhabiloin, agus tuitidh gairdean Pharaoh sìos; agus aithnichidh iad gur mise an Tighearn, 'n uair a chuireas mi mo chlàidheamh ann an làimh rìgh Bhabiloin, agus a shìneas e mach e air tìr na h-Eiphit.

26 Agus sgapaidh mi na h-Eiphitich am measg nan cinneach, agus sgaoilidh mi iad feadh nan dùthchan; agus aithnichidh iad gur mi an Tighearn.

CAIB. XXXI.

1 *Chuir am fàidh an cèll mòrachd an Asirian- aich, agus a léir-sgrìos a chionn gu'n robh a chridhe air a thogail suas; 18 nochd e gu'm buineadh Dia air an dòigh cheudna ri Pharaoh rìgh na h-Eiphit.*

AGUS tharladh, anns an aon bhliadhna deug, anns an treas *mìos*, air a' cheud là de'n mhìos, gu'u d'fhàinig focal an Tighearn a' m' ionnsuidh, ag ràdh,

2 A mhic an duine, labhair ri Pharaoh rìgh na h-Eiphit, agus r'a mhòr-chuideachd, Co ris a's cosmhuil thu ann ad mhòrachd?

3 Feuch, bu chrann seudair ann an Leb-anon an t-Asiriaich, le geugaibh maiseach, agus le sgàile dhorch, agus le àirde mhòir; agus bha a bhàrr am measg nam meanganan tiugha.

4 Thug na h-uisgeachan air fàs, dh'àraich an doimhne suas e, ruith a sruthau mu thimchioll a mheanglan, agus chuir i mach a sruthan beaga chum uile chraobhan na macharach.

5 Uime sin dh'éirich àirde suas os ceann uile chraobhan na macharach, agus bha a mheanganan lionmhor, agus dh'fhàs a gheugan fada, le lionmhoireachd uan uisgeachan, an uair a sgaoil e mach.

6 Rinn uile eunlaith nan speur an nid 'n a gheugaibh, agus fo a gheugaibh rug uile bheathaichean na macharach an àlach, agus fo a sgàile ghabh cruinneachadh mhòran chinneach còimluidh.

7 Mar so bha e maiseach 'n a mhòrachd, ann am fad a gheugan: oir bha a fhreumh ri taobh nan uisgeachan mòra.

8 Cha b' urrainn na seudair ann an gàradh Dhé 'fholach: cha robh ua craobhan giuthais cosmhuil r'a uheanganabhl, no na craobhan geann-chnòd cosmhuil r'a gheugaibh: cha robh crann air bith ann an gàradh Dhé cosmhuil ris 'n a mhaise.

9 Rinn mi maiseach e le lionmhoireachd a gheugan; ionnsu gu'n do ghabh uile chraobhan Edein, a bha ann an gàradh Dhé, farmad ris.

10 Air an aobhar sin, mar so tha an Tighearn Dia ag ràdh, A chionn gu'n d'rinn e uaill as àirde, agus gu'n do chuir e suas a bhàrr ann am meadhan uan neul, agus gu bheil a chridhe air a thogail suas 'n a àirde;

11 Uime sin thug mi thairis e do làimh aoin chumhachdaich nan cinneach: buinidh esan gu làidir ris, dh'fhuadaich mise a mach e air son a chionta.

12 Agus ghearr coimhich, a' chuid a's uamhasaiche de ua cinnich, a mach e, agus dh'fhàg iad e: air na sléibhtibh, agus auns na gleanntaibh uile thuit a gheugan, agus tha a mheangan air am brisadh auns gach uile chearnaidh de'n talamh; agus dh'imich uile shluagh an domhain sìos o a sgàile, agus thréig iad e.

13 Air a bhallachaidh briste gabhaidh uile

eunlaith an athair còmhuidh, agus bithidh uile bhcataichean na macharach air a gheugaibh:

14 A chum nach àrdaicheadh craan air bith de chrannaibh nan uisgeachan, iad féin air son an àirde, agus nach cuircadh iad suas am bàrr am measg nan tiugh gheugan, ni mò sheasadh na croinn suas 'n an àirde, gach aon ag òl suas nan uisgeachan: oir tha iad uile air an toirt thairis gu bàs, do ionadaibh iochdarach na talmhainn, ann am meadhon chloinn nan daoine, maille riu-san a théid sìos do'n t-slochd.

15 Mar so tha an Tighearn Dia ag ràdh, Anns an là air an deachaidh e sìos do'n uaigh, thug mise faincar caoidh a dheanamh; còmhdaich mi air a shon an doimhne, agus choisg mi a tuiltean, agus bhacadh na h-uisgeachan mòra; thug mi fòs air Lebanon caoidh air a shon, agus dh'fhannaich air a shon uile chraobhan na macharach.

16 Thug mi air na cinnich criothnachadh ri fuaim a leagaidh, 'n uair a thilg mi e sìos do'n ionad iochdarach, leosar a théid sìos do'n t-slochd: agus bithidh an comhfhurtachd ann an ionadaibh iochdarach na talmhainn aig uile chraobhan Edein, rogha agus tagha Lebanon, na h-uile 'tha 'g òl suas an uisge.

17 Chaidh iadsan mar an ceudna sìos do'n ionad iochdarach maille ris, a chum na dream a mharbhadh leis a' chlaidheamh; agus iadsan 'bu ghairdean da, a ghabh còmhnuidh fo a sgaile ann am meadhon nan cinnich.

18 Cò na ta ris an cosmhuil thusa mar so ann an glòir, agus ann am mòrachd am measg chraobhan Edein? gidheadh, bheir ear sìos thu maille ri craobhan Edein gu àiteachan iochdarach na talmhainn: luidhidh tu ann am meadhon na muinntir neo-thimchioll-gheartta, maille riu-san a mharbhadh leis a' chlaidheamh: so Pharaoh agus a mhòr-chuideachd uile, deir an Tighearn Dia.

CAIB. XXXII.

1 *Tuireadh air son thrioblaidhean uamhasach na h-Eiphit: 11 Sgrìosaidd claidheamh rìgh Babilon & 17 Bheir ear luchd-àiteachaidh na h-Eiphit sìos gu ionadan iochdarach na talmhainn.*

AGUS tharladh, anns an dara bliadhna deug, anns an dara mìos deug, air a' cheud là de'n mhìos, gu'n d'thàinig focal an Tighearn a' m' ionnsuidh, ag ràdh,

2 A mhic an duine, tog suas tuireadh air son Pharaoh rìgh na h-Eiphit, agus abair ris, Is cosmhuil thu ri leòmhann òg de na cinnich, agus tha thu mar uabheist anns na cuantaibh; agus thàinig thu mach le d' shruthaibh, agus chuir thu troinn 'chàile na h-uisgeachan le d' chosaibh, agus shaluich thu an aimhnicean.

3 Mar so tha an Tighearn Dia ag ràdh, Sgaoididh mise uime sin mo lìon os do cheann, le cuideachd mhòran chinneach, agus bheir iad a nìos thu ann am lìon.

4 An sin fagaidh mi air an talamh thu, tilgidh mi mach air an fhaiche luim thu, agus bheir mi air uile eunlaith an athair luidhe ort, agus bheir mi do uile bheathaichibh na talmhainn an sàth dhìot.

5 Agus cuiridh mi d' fhoil air na sléibhtibh, agus lìonaidh mi na glinn le do thulaichibh.

6 Uisgichidh mi fòs le d' fhuil am fearann anns am bheil thu a' snàmh, gu ruig na sléibhteagan; agus bithidh na h-aimhnicean làn dìot.

7 Agus an uair a chuireas mi as thu, folaicheadh mi na nèamhan, agus ni mi an reultan dorchas: còmhdaichidh mi a' ghrian le neul, agus cha toir a' ghealach seachad a solus.

8 Uile sholuis dealrach nèimh ni mi dorchas os do cheann, agus cuiridh mi dorchadas air d' fhearann, deir an Tighearn Dia.

9 Cuiridh mi fòs doilghios air cridheach-aibh mhòran dhaoine, 'n uair a bheir mi do léir-sgrìos am measg nan cinneach, gus na dùthchan nach b' aithne dhuit.

10 Seadh, cuiridh mi air mòran dhaoine uamhas do d' thaobh, agus bithidh eagal ro mhòr air an rìghribh air do shon, 'n uair thogas mise mo chlaidheamh 'n an làthair; agus criothnaichidh iad ann an tiota; gach aon air son a bheatha féin, ann an là do leagaidh-sa.

11 Oir mar so tha an Tighearn Dia ag ràdh Thig claidheamh rìgh Babiloin ort.

12 Le claidhibh nan cumhachdach bheir mise air do mhòr-chuideachd tuiteam, leosan uile a's uamhasaiche de na cinnich; agus millidh iad mòr-chuis na h-Eiphit, agus bithidh a mòr-shluagh gu léir air an sgrìos.

13 Sgrìosaiddh mi fòs a h-aimhnidhean uile o thaobh nan uisgeachan mòra, agus cha chuir cos duine dragh orra tuilcadh, ni mò ghluaisear iad le ionga ainmhidh.

14 An sin ni mise an uisgeachan domhain, agus bheir mi air an aimhnicean ruith mar oladh, deir an Tighearn Dia.

15 'N uair a ni mi tir na h-Eiphit 'n a fàsach, agus a bhitheas an dùthaich falamh de'n sin de'n robh i làn, 'n uair a bhuaileas mi na h-uile 'tha 'chòmhnuidh innte, an sin aithnichidh iad gur mise an Tighearn.

16 So an tuireadh leis an tuir iad os a ceann: ni nigheanan nan cinneach caoidh air a son: ni iad caoidh air a son, air son na h-Eiphit, agus air son a mòr-shluaigh uile, deir an Tighearn Dia.

17 Tharladh mar an ceudna, 's an dara bliadhna deug, air a' chùigeamh là deug de'n mhìos, gu'n d'thàinig focal an Tighearn a' m' ionnsuidh, ag ràdh,

18 A mhic an duine, dean cumha air son

mòr-shluaigh na h-Eiphit, agus tilg sios i, i féin agus nigheanan nan cinneach iomrait-each, gu ionadan iochdarach na talmhainn, maille riu-san a théid sios do'n t-slochd.

19 Cò air am bheil thu 'toirt barrachd ann am maise? imich sios, agus luidh leis na neo-thimchioll-ghearrta.

20 Tuitidh iad 'n am meadhon-san a mharbhadh leis a' chlaidheamh: thugadh thairis do'n chlaidheamh i: tairngibh a mach i féin agus a sluagh gu h-ìomlan.

21 Labhraidh cinn-fheadhna nan cumhachdach ris o mheadhon an ionaid iochdaraich, maille riu-san a chuidich leis: chaidh iad sios, tha iad 'n an luidhe leis na neo-thimchioll-ghearrta a mharbhadh leis a' chlaidheamh.

22 Tha Asur an sin agus a chuideachd uile: tha 'uaighean-san m' a thimchioll: tha iad uile marbh, air tuiteam leis a' chlaidheamh.

23 Tha an uaighean air an suidheachadh air gach taobh de'n t-slochd, agus tha a chuideachd mu thimchioll 'uaighe: iad uile air am marbhadh, air tuiteam leis a' chlaidheamh, a dhùisg uamhas ann an tìr nam beò.

24 An sin tha Elam agus a shluagh uile mu thimchioll 'uaighe, iad uile air am marbhadh, air tuiteam leis a' chlaidheamh; chaidh iadsan sios neo-thimchioll-ghearrta gu ionadan iochdarach na talmhainn, a dhùisg uamhas ann an tìr nam beò; gidheadh ghiùlain iad an nàire leo-san a chaidh sios do'n t-slochd.

25 Ann am meadhon nam marbh shuidhich iad leabhadh dha maille r'a uile shluagh: tha an uaighean m' a thimchioll, iad uile neo-thimchioll-ghearrta, air am marbhadh leis a' chlaidheamh: ge do dhùisgadh an uamhas ann an tìr nam beò, gidheadh ghiùlain iad an nàire leo-san a chaidh sios do'n t-slochd: chuireadh e ann am meadhon na muinntir a mharbhadh.

26 An sin tha Mesech, Tubal, agus a shluagh uile; tha an uaighean m' a thimchioll: iad uile neo-thimchioll-ghearrta, air am marbhadh leis a' chlaidheamh, ge do sgaol iad an uamhas ann an tìr nam beò.

27 Agus cha luidh iad leis na cumhachdaich, a thuit de na neo-thimchioll-ghearrta, a chaidh sios do ifrinn le 'n armaibh cogaidh: agus chuir iad an claidhean fo 'n cinn, ach bithidh an aingidheachd air an cnàmhan, ge b' iad uamhas nan cumhachdach ann an tìr nam beò.

28 Seadh, brisear thu ann am meadhon nan neo-thimchioll-ghearrta, agus luidhidh tu leo-san a mharbhadh leis a' chlaidheamh.

29 An sin tha Edom, a rìghrean, agus a phrionnsachan uile, a tha le 'n ncart 'n an luidheann am fochair na muinntir a mharbhadh leis a' chlaidheamh: luidhidh iad leis na neo-thimchioll-ghearrta, agus leo-san a théid sios do'n t-slochd

30 An sin tha prionnsachan na h-àirde tuath, an t-ìomlan diubh, agus na Sidonaich uile, a chaidh sios leis na mairbh, le 'n uamhas tha nàir'orra d'an cumhachd; agus tha iad 'n an luidhe neo-thimchioll-ghearrta leo-san a mharbhadh leis a' chlaidheamh, agus a' giùlan an nàire leo-san a théid sios do'n t-slochd.

31 Chi Pharaoh iad, agus bithidh comhfhurtachd aige os ceann a mhòr-chuideachd uile, eadhon Pharaoh agus 'fheachd gu léir air am marbhadh leis a' chlaidheamh, deir an Tighearn Dia.

32 Oir dhùisg mise m' uamhas ann an tìr nam beò: agus suidhichear esan ann am meadhon nan neo-thimchioll-ghearrta, leo-san a mharbhadh leis a' chlaidheamh, Pharaoh agus a shluagh gu léir, deir an Tighearn Dia.

CAIB. XXXIII.

1 Nochdadh do Eseciel a dhleasdanas mar fhear-faire do thigh Israeil. 10 Cha-n'èitlachd air bith aig Dia ann am bàs an aingidh. 21 'N uair a ghlacadh Ierusalem rinn Eseciel fàidheadaireachd gu'm bithheadh am fearann air a chur fàs. 30 Cealgaireachd an t-shuaigh.

A RUIS thàinig focal an Tighearn' a m' ionnsuidh, ag ràdh,

2 A mhic an duine, labhair ri cloinn do shluaigh, agus abair riu, 'N uair a bheir mise an claidheamh air dùthaich, ma ghabhas muinntir na dùthcha duine de'n crìochaibh féin, agus gu'n cuir iad e gu bli 'n a fhear-faire dhoibh;

3 Ma shéideas e 'n trompaid 'n uair a chi e an claidheamh a' teachd air an fhearann, agus ma bheir e rabhadh do'n t-sluagh;

4 An sin, cò air bith a chluinneas fuaim na trompaid, agus nach gabh rabhadh; ma thig an claidheamh, agus gu'n toir e air falbh e, bithidh 'fhuil air a cheann féin.

5 Chual e fuaim na trompaid, agus cha do ghabh e rabhadh, bithidh 'fhuil air féin: ach esan a ghabhas rabhadh tèarnaidh e 'anam.

6 Ach ma chi am fear-faire an claidheamh a' teachd, agus nach séid e 'n trompaid, agus nach faigh an sluagh rabhadh; ma thig an claidheamh, agus gu'n toir e aon neach air falbh uatha, tha e air a thoirt air falbh 'n a aingidheachd: ach iarraidh mise 'fhuil air làimh an fhir-fhaire.

7 Mar sin thusa, a mhic an duine, chuir mi thu mar fhear-faire chum tighe Israeil: uime sin éisdidh tu am focal o m' bheul-sa, agus bheir thu dhoibh rabhadh uam-sa.

8 'N uair a their mise ris an aingidh, O dhuine aingidh, gheibh thu gu deimhin bàs; mur labhair thusa chum an t-aingidh a thoirmeasg o 'shlighe, gheibh an duine aingidh sin bàs 'n a aingidheachd: ach air do làimh-sa iarraidh mise 'fhuil.

9 Gidheadh, ma bheir thusa rabhadh do'n

aingidh mu thimchioll a shlighe, gu pilleadh uaipe: mur pill e o 'shlighe, gheibh e bàs 'n a aingidheachd, ach thèaruinn thusa d' anam.

10 Uime sin, a mhic an duine, labhair thusa ri tigh Israeil, Mar so deir sibh, ag ràdh, Ma bhitheas ar cionta agus ar lochd-an oirnn, agus gu'n searg sinn anna, cionnus a dh'fhèudas sinn mar sin a bhi beò?

11 Abair riu, Mar is beò mise, deir an Tighearn Dia, cha-n'eil tlachd air bith agam-sa ann am bàs an aingidh; ach gu'm pilleadh an t-aingidh o 'shlighe, agus gu'm bitheadh e beò: pillibh, pillibh, o 'ur droch shlighibh, c'ar son a bhàsaicheas sibh, O thigh Israeil?

12 Uime sin, a mhic an duine, abair thusa ri cloinn do shluaigh, Cha dean fireantachd an fhìrean a shaoradh ann an là a chionta: agus 'n a aingidheachd cha tuit an t-aingidh anns an là 's am pill e o 'chionta; ni mò dh'fhèudas am firean a bhi beò air son 'fhìreantachd anns an là 's am peacach e.

13 'N uair a their mise ris an fhìrean gu mair e gu deimhin beò: mu ni e bun á 'fhìreantachd fèin, agus gu'n dean e aingidheachd, cha chuimhnichear 'uile fhìreantachd; ach air son 'aingidheachd a rinn e, air son sin gheibh e bàs.

14 A ris, an uair a their mise ris an aingidh, Gheibh thu gu deimhin bàs: ma philleas e o 'pheacadh, agus gu'n dean e an ni sin a tha dligheach agus ceart;

15 Ma bheir an t-aingidh air ais an geall, agus gu'n aig e a ris an ni a ghoid e, gu'n gluais e ann an reachdaibh na beatha, gun aingidheachd a chur 'an gnìomh; mairidh e gu deimhin beò, cha-n fhaigh e bàs.

16 Cha chuimhnichear dha lochd air bith a rinn e: rinn e an ni a tha dleasdànach agus ceart: mairidh e gu cinnteach beò.

17 Gidheadh tha clann do shluaigh-sa ag ràdh, Cha-n'eil slighe an Tighearna cothromach. Ach air an son-san, cha-n'eil an slighe cothromach.

18 'N uair a philleas am firean air ais o 'fhìreantachd, agus a chuireas e 'n gnìomh aingidheachd, gheibh e bàs d' a chionn.

19 Ach ma philleas an t-aingidh air falbh o 'aingidheachd, agus gu'n dean e an ni sin a tha dleasdànach agus ceart, mairidh e beò d' a chionn.

20 Gidheadh tha sibh ag ràdh, Cha-n'eil slighe an Tighearna cothromach: O thigh Israeil, bheir mise breth oirbh, air gach aon a réir a shlighe.

21 Agus tharladh anns an aon bhliadhna deug d' ar bruid, anns an deicheadh mìos, air a' chùigeamh là de'n mhìos, gu'n d' thàinig aon a theich o Ierusalem a m' ionnsuidh-sa, ag ràdh, Bhuailleadh am baile.

22 Agus bha làmh an Tighearn' orm anns

an annoch, mu'n d' thàinig esan a theich, agus dh'fhosgail i mo bheul, gus an d' thàinig e thugam anns a' mhaduinn; agus dh'fhosgadh mo bheul, agus cha robh mi ni bu mhò balbh.

23 An sin thàinig focal an Tighearn' a m' ionnsuidh, ag ràdh,

24 A mhic an duine, tha iadsan a tha 'g àiteachadh nan ionadan fàsa sin de fhearam Israeil a' labhairt, ag ràdh, Bha Abraham 'n a aonar, agus shealbhaich e am fearann: ach tha sinne lionmhor, thugadh am fearann dhuinn mar sheilbh.

25 Air an aobhar sin, abair riu, Mar so tha an Tighearn Dia ag ràdh, Tha sibh ag ith-eadh maille ris an fhuil, agus a' togail 'ur sùl suas ri 'ur n-iodholaibh, agus a' dòrtadh fola; agus an sealbhaich sibh am fearann?

26 Tha sibh a' seasamh air 'ur cluidheamh, tha sibh a' deanamh gràineileachd, agus a' truaillleadh, gach aon *agaibh*, mnà a chòimh-carsnaich; agus an sealbhaich sibh am fearann?

27 Abair thusa riu mar so, Mar so tha an Tighearn Dia ag ràdh, Mar is beò mise, gu deimhin tuitidh iadsan a tha anns na h-ion-adaibh fàsa leis a' chluaidheamh; agus esan a tha 's a' mhachair luim, bheir mise do na beathaichibh r'a itheadh; agus bàsaichidh iadsan a bhitheas anns na daingnichibh agus anns na h-uamhaibh leis a' phlàigh.

28 Oir fàgaidh mise am fearann ro fhàsail, agus sguiridh mòrachd a threise: agus bithidh sléibhtean Israeil fàs, air chor as nach téid aon neach trompa.

29 An sin aithnichidh iad gur mise an Tighearn, 'n uair a ni mi am fearann ro fhàsail, air son an uile ghràineileachdan a chuir iad 'an gnìomh.

30 Agus thusa, a mhic an duine, tha clann do shluaigh an còmhnuidh a' labhairt umad ri taobh nam ballachan, agus ann an dorsaibh nan tighen, agus a' labhairt aon r'a chéile, gach aon r'a bhràthair, ag ràdh, Thigibh, guidheam oirbh, agus éisdibh ciod am focal a tha 'teachd a mach o'n Tighearn.

31 Agus tha iad a' teachd a d' ionnsuidh mar chruinneachadh sluaigh, agus tha iad a' snidhe ann ad làthair mar mo phobull-sa, agus tha iad ag éisdeachd do bhriathran, ach cha-n'eil iad 'g an deanamh: oir tha iad a' taisbeanadh mòran gràidh le 'm beul, ach tha an cridhe a' dol an déigh an sannt.

32 Agus, feuch, tha thusa dhoibh mar òran ro thaitneach duine aig am bheil guth binn, agus a chluicheas gu maith air inneal-ciuil: oir tha iad ag éisdeachd do bhriathran, ach cha-n'eil iad 'g an deanamh.

33 Agus 'n uair a thig so gu crìch, (feuch tha e 'teachd,) an sin aithnichidh iad gu'n robh fàidh 'n am measg.

CAIB. XXXIV.

1 *Achmhasan do aodhairibh Israeil. 7 Breith-eanas Dhé 'n an aghaidh: 11 A fhreasdal mu thimcholl a shluaigh. 20 Beannachdan rìoghachd Chrìosd.*

AGUS thàinig focal an Tighearn' a m' ionnsuidh, ag ràdh,

2 A mhic an duine, dean faisteachd an aghaidh aodhairean Israeil, deau faisteachd, agus abair riu, O aodhairean, mar so tha an Tighearn Dia ag ràdh, Mo thruaighe aodhairean Israeil, a tha 'g am beathachadh féin; uach bu choir do na h-aodhairibh an treuda bheathachadh.

3 Tha sibh ag itheadh na saill, agus 'g 'ur n-éideadh féin leis an olainn, tha sibh a' marbhadh nan ainmhidhean biadhla: cha-n'eil sibh a' beathachadh an treud.

4 Cha do neartaich sibh an lag, ni mò leighis sibh an tìnn, ui mò 'cheangail sibh suas e sin a bha briste, ni mò thug sibh air ais a' chuid a sgapadh, ni mò dh'iarr sibh a' chuid a chailleadh; ach le h-ainneart riaghlaidh sibh iad, agus le h-an-ìochd.

5 Agus sgapadh iad le dìth aodhairean: agus bha iad 'n am biadh do uile bheathaichibh na macharach, an uair a bha iad air an sgapadh.

6 Chaidh mo chaoraich-sa air seacharan air feadh nan uile bheann, agus air gach sliaibh àrd: seadh, bha mo threud air a sgapadh air aghaidh na taluinn uile, agus cha robh aon neach 'g an sìreachd no 'g an iarraidh.

7 Uime sin, O aodhairean, éisdibhse focal an Tighearna.

8 Mar is beò mise, tha an Tighearn Dia ag ràdh, gu deimhin a chionn gu'n robh mo threud 'n an creich, agus gu'n d'rinn-eadh mo threud 'n am biadh do uile bheathaichibh na macharach, a chionn nach robh aodhair sau bith ann, ni mò dh'iarr m' aodhairean mo threud, ach bheathaich na h-aodhairean iad féin, agus cha do bhiath iad mo threud-sa:

9 Uime sin, O aodhairean, éisdibh focal an Tighearna.

10 Mar so tha an Tighearn Dia ag ràdh, Feuch, tha mise an aghaidh nan aodhairean, agus iarraidh mi mo threud air an làimh, agus bheir mi orra sgar de bhiathadh an treud; ni mò bheathaicheas ua h-aodhaircan iad féin tuilleadh; oir saoraidh mise mo threud as am beul, a chum nach bi iad dhoibh 'u am biadh.

11 Oir mar so tha an Tighearn Dia ag ràdh, Feuch, lorgaichidh mise, nise féin, mo chaoraich, agus iarraidh mi mach iad.

12 Anhuil a lorgaicheas aodhair a mach a threud, anns an là 'bhithcas e 'measg a chaorach a chaidh a sgapadh; mar sin iarraidh mise mo chaoraich féin, agus saoraidh mi iad as na h-uile àite gus an robh iad air an sgapadh, anns an là neulach agus dhorecha.

13 Agus bheir mi mach iad o mheasg nan cinneach, agus cruinnichidh mi iad o na dùthchaibh, agus bheir mi iad gu'm fearann féin, agus ionaltraidh mi iad air sléibhtibh Israeil, 'an cois nan ainmhnichcan, agus ann an uile ionadaibh àitichte na tìre.

14 Ionlaidh mi iad ann an innis mbaith, agus bithidh am buaile air sléibhtibh àrda Israeil: an sin luidhidh iad ann an cinain mhaith, agus ionaltraidh iad ann an innis reamhair air sléibhtibh Israeil.

15 Beathaichidh mise mo threud, agus bheir mi orra luidhe sìos, deir an Tighearn Dia.

16 Iarraidh mi a' chuid a chailleadh, agus bheir mi air ais a' chuid a dh'fhuadaicheadh air falbh, agus ceanglaidh mi suas a' chuid a bhriseadh, agus neartaichidh mi a' chuid a bha tinn: ach sgriosaidh mi an reamhar agus an làidir; beathaichidh mi iad sin le breitheanas.

17 Agus air 'ur son-sa, O mo threud; mar so tha an Tighearn Dia ag ràdh, Feuch, bheir mise breth eadar spréidh agus spréidh, eadar na reitheachan agus na gabhair fhìrionn.

18 An ni suarach leibhse an innis mhaith itheadh suas, ach gu'n saltair sibh fòs a' chuid eile de'n ionaltradh sìos fo 'ur cosaibh? agus òl de na h-uisgeachan domhain, ach an éigin duibh a' chuid eile a shalachadh le 'ur cosaibh.

19 Agus air son mo threud-sa, tha iad ag itheadh an ni sin a shaltair sibh fo 'ur cosaibh, agus ag òl an ni sin a rinn 'ur cosan a thruailladh.

20 Air an aobhar sin, mar so tha an Tighearn Dia ag ràdh riu, Feuch, bheir mise, mise féin, breth eadar an spréidh reamhar agus an spréidh chaol.

21 A chionn gu'n do thulg sibh le taobh agus le slinnein, agus gu'n d'rinn sibh an t-euslan uile a phurradh le 'ur n-adharcabih, gus an do sgap sibh iad o chéile:

22 Uime sin tèrnaidh mise mo threud, agus cha bhi iad uis' nuò 'n an creich; agus bheir mi breth eadar spréidh agus spréidh.

23 Agus cuiridh mi suas aon aodhair os an ceann, agus beathaichidh esan iad, eadhon mo sheirbhiseach Daibhidh; beathaichidh esan iad, agus bithidh e dhoibh 'n a aodhair.

24 Agus bithidh mise Iehobhah 'n am Dhia dhoibh, agus mo sheirbhiseach Daibhidh 'n a phrionnsa 'n am measg; labhair mise Iehobhah e.

25 Agus ni mise coimhcheangal sìthe riu, agus cuiridh mi cosgadh air na droch bheathaichibh anns an fhearann; agus gabhaidh iad còmhuidh gu tèarainte 's an fhàsach, agus coidlidh iad anns na coilltibh.

26 Agus ni mi iadsan, agus na h-ionadan timchioll mo shléibh 'n am beannachadh; agus bheir mi air an fhras teachd a nuas 'n a h-am: bithidh frasan de bheannach-daibh ann.

27 Agus bheir eraobh na macharach scachad a toradh, agus bheir an talamh scachad a chinneas, agus bithidh iad tearuinte 'n an dùthaich, agus aithnichidh iad gur mise an Tighearn, 'n uair a bhriseas mi cuibhrichean an cuinge, agus a shaoras mi iad à làimh na muinntir a ghabh seirbhis diubh.

28 Agus cha bhi iad ni's mò 'n an cobhart-aich do na cinnich, ni mò ni beathaichean an fhearainn an slugadh suas: ach gabhaidh iad còmhnuidh gu tearuinte, agus cha chuir aon neach cagal orra.

29 Agus togaidh mi suas doibh mcangan cliùiteach, agus cha bhi iad air an claoidh ni's mò le gort anns an fhearann, ni mò ghiùlainneas iad masladh nan cinneach ni's faide.

30 Mar so aithnichidh iad gu bheil mise an Tighearn Dia maille riu, agus gur iadsan, tigh Israeil, mo shluagh, deir an Tighearn Dia.

31 Agus sibhse, mo threud, treud m' ionaltraidh, is daoine sibh, agus is mise bhur Dia, deir an Tighearn Dia.

CAIB. XXXV.

1 *Nithear breitheanas air sliabh Sheir, 4 agus cuirear a bhailean fàs do thrìgh gu'n do dhòirt e fuil cloinne Israeil.*

OS bàrr, thàinig focal an Tighearn' a m' ionnsuidh, ag ràdh,

2 A mhic an duine, cuir d'aghaidh ri sliabh Sheir, agus dean faisteachd 'n a ghaidh,

3 Agus abair ris, Mar so tha an Tighearn Dia ag ràdh, Fench, O shléibh Sheir, tha mise a'd' aghaidh, agus sinidh mi mo làmh a mach a'd' aghaidh, agus ni mi sgrios agus léir-sgrios ort.

4 Ni mi do bhailean 'n am fasach, agus bithidh tu a'd' nochd-làraich, agus bithidh fios agad gur mise an Tighearn.

5 A chionn gu'n robh fuath bith-bhuan agad, agus gu'n do dhòirt thu *fuil* cloinne Israeil le neart a' chlàidheimh, ann an àm an airce, anns an àm 's an robh deireadh aig an aingidheachd.

6 Air an aobhar sin, mar is beò mise, tha an Tighearn Dia ag ràdh, ulluichidh mi thusa air son fola, agus ni fuil do dhian-ruagadh: a chionn nach d' fhuathaich thu fuil, ni fuil do dhian-ruagadh.

7 Mar so ni mi léir-sgrios air sliabh Sheir, agus gearraidh mi uaithe an ti 'théid a mach, agus an ti a philleas air ais.

8 Agus ionaidh mi a shléibhtean le 'dhaoine marbhata: air do ehnocaibh, agus ann ad ghleanntaibh, agus ann ad uile aithnichte an tuitidh iadsan a mharbhar leis a' chlàidheamh.

9 Ni mise fàsaichean sìorruidh dhìot, agus cha togar a ris do bhailean; agus aithnichidh sibh gur mise an Tighearn;

10 A chionn gu'n d' thubhairt thu, Bithidh an dà chinneach so, agus an dà dhùth-aich so agam-sa, agus scalbhaichidh sinn iad: ged bha an Tighearn an sin:

11 Uime sin, mar is beò mise, tha an Tighearn Dia ag ràdh, ni mi cadhòn a réir d'fheirge, agus a réir d'fharmaid a nochd thu, le d'fhuath 'n an aghaidh; agus ni mi mi féin aithnichte 'n am measg, an uair a bheir mi breth ortsa.

12 Agus aithnichidh tusa gur mi an Tighearn, agus gu'n cuala mi d' uile thoibheunn an aghaidh shléibhtean Israeil, ag ràdh, Dh'fhàgadh fàs iad, agus thugadh iad dhuinne g' an slugadh.

13 Mar so le 'ur beul rinn sibh uail ann am aghaidh-sa, agus mhèudaich sibh 'ur briathran ann am aghaidh; chuala mise.

14 Mar so tha an Tighearn Dia ag ràdh, An uair a ni an talamh uile gairdeachas, ni mise fàs thusa.

15 Mar a rinn thusa gairdeachas os ceann oighreachd tìghe Israeil, a chionn gu'n robh i fàs, mar sin ni mise riutsa: bithidh tu fàs, O shléibh Sheir, agus Idumea uile, an t-iomlan deth; agus aithnichidh iad gur mise an Tighearn.

CAIB. XXXVI.

1 *Sgyrosar fuigheall nan cinneach a chionn gu'n d' rinn iad gairdeachas thar léir-sgrios Iudea, 7 agus àrdaichear sléibhtean Israeil. 20 Thig Dia sluagh Israeil uaithe air son am peacaidhean, ach cruinnichidh e iad a ris le mòr-thrócair.*

MAR an ceudna, a mhic an duine, dean faisteachd do shléibhtibh Israeil, agus abair, A shléibhtean Israeil, cluimibh focal an Tighearna.

2 Mar so tha an Tighearn Dia ag ràdh, A chionn gu'n d' thubhairt an nàmhaid 'n 'ur n-aghaidh, Aha, is leinne fòs na seann ionadan àrda mar sheilbh:

3 Uime sin, dean faisteachd agus abair, Mar so tha an Tighearn Dia ag ràdh, A chionn gu'n d' rinn iad fàs sibh, agus gu'n do shluig iad suas sibh air gach taobh, gu bhi 'n 'ur seilbh do fhuigheall nan cinneach, agus gu bheil sibh air 'ur gabhail ann am beul luchd seanachais, agus 'n 'ur mi-chliu am measg dhaoine:

4 Air an aobhar sin, a shléibhtean Israeil, éisdibh focal an Tighearna, Mar so tha an Tighearn Dia ag ràdh ris na sléibhtibh agus ris na enocaibh, ris na sruthaibh, agus ris na gleanntaibh, ris na fasaichibh uaigneach, agus ris na bailtibh a thréigeadh, a dh'fhàs 'n an cobhartaich agus 'n am ball-fanoid do fhuigheall nan cinneach mu'n cuairt:

5 Air an aobhar sin mar so tha an Tighearn Dia ag ràdh, Gu deimhin ann an tèine m'cud labhair mi 'n aghaidh fuighill nan

cinneach, agus an aghaidh Idumea uile, a ghabh mo dhùthaich-sa gu bli 'n a seilbh dhoibh, le gairdeachas an uile chridhe, le intinn aingidh, g'a toirt thairis mar chreich.

6 Dean fàistneachd nime sin mu thim-chioll fearainn Israeil, agus abair ris na slèibhtibh agus ris na enocaibh, ris na sruthaibh agus ris na gleantaibh. Mar so tha an Tighearn Dia ag ràdh, Fench, labhair mise ann am end agus ann am chornich, a chionn gn'n do ghiùlain sibh tàmailt nan cinneach.

7 Air an aobhar sin, mar so tha an Tighearn Dia ag ràdh, Thog mise suas mo lamh; Gn deimhin na einnich mu'n cuairt dnibh giùlainidh iad féin am masladh.

8 Ach sibhse, O shlèibhtean Israeil, eniridh sibh a mach 'nr gengan, agus bheir sibh 'nr toradh do m' shlagh-sa Israel, oir tha iad am fagus a chum teachd.

9 Oir fench, tha mise leibh, agus pillidh mi ruibh, agus bithidh sibh air 'nr treabh-adh agus air 'ur cur.

10 Agus ni mi daoine lionmhor oirbh, nile thigh Israeil gu h-ionlan, agus bithidh na bailtean air an aiteachadh, agus bithidh na h-ionadan fàs' air an togail.

11 Agns ni mi lionmhor oirbh dnine agns ainmhidh, agus fàsaidh iad lionmhor, agus bheir iad toradh; agns suidhichidh mi sibh mar a bha sibh o shean, agus ni mi *ruibh* nì's fearr na ann 'nr cend chor; agus aithnichidh sibh gur mise an Tighearn.

12 Seadh, bheir mi air daoine coiseachd oirbh, *eadhon* mo phobhl Israel, agus scalbhaichidh iadsan thu, agus bithidh tu dhoibha'd' oighreachd, agus cha dean thu iad nì's mò uireasbhuidheach.

13 Mar so tha an Tighearn Dia ag ràdh, A chionn gu'n abair iad rint, Thnsa a sluig suas daoine, agus a dh'fhàg gnn sliochd do chinnich:

14 Uime sin cha sluig thu daoine nì's mò, agns cha-n fhàg thu do chinnich nì's mò gun sliochd, deir an Tighearn Dia.

15 Ni mò dh'fhuilingeas mise gu'n cluinnear tàmailt nan cinneach annad tuilleadh, ui mò ghiùlaineas tn masladh an t-sluaigh nì's faide, ni mò bheir thu air do chinnich tuiteam tuilleadh, deir an Tighearn Dia.

16 Os bàrr, thàinig focal an Tighearn' a m' ionnsuidh, ag ràdh,

17 A mhic an duine, 'n uair bha tigh Israeil a' chòmhuidh 'n an dùthaich féin, thraill iad i le an slighe féin, agus le an deanadas: bha an slighe ann am lathair-sa mar neòghloine mnà a chuireadh air leth.

18 Air an aobhar sin dhòirt mi orra mo chorruich, air son na fola a dhòirt iad air an fhearann, agus air son an iodholan leis an d'rim iad a thruaillidh:

19 Agus sgap mi iad am measg nan einneach, agus bha iad air an sgaoileadh air

feadh nan dùthchannan. A réir an slighe, agns a réir an deanadais thug mise breth orra.

20 Agns 'n nair a chaidh iad a steach a chum nan cinneach gus an deachaidh iad, thruaill iad sin m' ainm naomh-sa, 'n uair a thubhairt iad rim, Is iad so sluagh an Tigh-earna, gidheadh chaidh iad a mach as 'fhearann.

21 Ach ghabh mise truas dinnh air son m' ainme naoimh féin, a thruaill tigh Israeil ann measg nan cinneach gus an deachaidh iad.

22 Air an aobhar sin, abair ri tigh Israeil, Mar so tha an Tighearn Dia ag ràdh, Cha-n'eil mi 'deanamh so air 'ur son-se, O thigh Israeil, ach air son m' ainme naoimh féin, a thruaill sibhse am measg nan einneach gus an deachaidh sibh.

23 Ach naomhaichidh mi m' ainm mòr féin, a bha air a thruaillidh am measg nan einneach, a thruaill sibhse 'n am meadhon; agus aithnichidh na einnich gur mise an Tighearn, tha an Tighearn Dia ag ràdh, 'n uair a bhitheas mi air mo naomhachadh annaibhse fa chomhair an sùl.

24 Oir bheir mi sibh o mheasg nan cinneach, agus tionailidh mi sibh as na h-uile dhùthchaibh, agus bheir mi sibh gu 'ur fearann féin:

25 An sin crathaidh mi nisge glan oirbh, agns bithidh sibh glan: o 'nr n-nile shalchar, agus o 'nr n-uile iodholaibh glanaidh mi sibh.

26 Bheir mi fòs dhuibh cridhe nuadh, agus cuiridh mi spiorad nuadh an taobh a stigh dhuibh; agus bnnidh mi air falbh an cridhe cloiche as 'ur feòil, agus bheir mi dhuibh cridhe feòla.

27 Agus eniridh mi mo spiorad an taobh a stigh dhuibh, agus bheir mi oirbh ghasad ann am reachdaibh, agus còmhuididh sibh mo bhreitheanais, agus ni sibh iad.

28 Agus gabhaidh sibh còmhuidh anns an fhearann a thug mise do 'nr n-aithrichibh, agus bithidh sibh 'n 'ur sluagh dhomh-sa, agus bithidh mise ann am Dhia dhuibhse.

29 Saoraidh mi sibh fòs o 'ur n-uile neòghloine; agus gairmidh mi air an arbar, agus mendaichidh mi e, agus cha ehur mi gort air bith oirbh.

30 Agus meudaichidh mi meas na craoibhe, agus cinneas na macharach, air chor as nach faigh sibh nì's mò masladh gorta measg nan cinneach.

31 An sin euimhnichidh sibh 'ur droch shlighe féin, agns 'ur deanadais nach robh maith, agus fuathaichidh sibh sibh féin ann 'ur sealladh féin, air son 'ur n-euceartan, agus air son 'nr gràncileachdan.

32 Cha-n ann air 'ur son-se 'tha mise a' deanamh so, tha an Tighearn Dia ag ràdh, bitheadh fios agaibh: bitheadh nàire agus amhladh oirbh air son 'ur slighean féin, O thigh Israeil.

33 Mar so tha an Tighearn Dia ag ràdh, Anns an là 's an glan mi sibh o 'ur n-uile aingidheachd, bheir mi fòs fairear gu'n gabh sibh còmhnuidh anns na bailtibh, agus bithidh na h-ionadan fas' air an togail.

34 Agus bithidh am fearann fas air a thearbhadh, 'an àit e bli'n a luidhe fàs 'an sealladh gach aoin a ghabh seachad.

35 Agus their iad, Tha an tìr so a bha uaigneach, air fàs mar ghàradh Edein; agus na bailtean falamh, fas', agus millte, tha iad air an daingneachadh, agus air an àit-eachadh.

36 An sin aithnichidh na cinnich a dh'fhàgadh air gach taobh dhìbh gur mise an Tighearn a thogas na h-àitean sgrìosta, a shuidheas an t-ionad fàsil: mise Iehobhah labhair, agus ni mi.

37 Mar so tha an Tighearn Dia ag ràdh, Bithidh mise fathasd air m' iarraidh 's an ni so le tigh Isracil, a chum a dheanamh air an son; ni mi lìonmhor iad le daoineibh mar threud.

38 Mar an treud naomh, mar threud Ierusalem 'n a fèillibh àrda: mar sin bithidh na bailtean fas' air an lìonadh le treudaibh dhaoine; agus aithnichidh iad gur mise an Tighearn.

CAIB. XXXVII.

1 *Le ais-eirigh nan cnàmhan tiorma nochd Dia do'n fhàidh gu'n ath-bheòthaicheadh e a shluagh le a spiorad.* 15 *Nithear Israel agus Iudah 'n an aon shluagh.* 21 *Na beannachdan a shruilhas d'an ionnsuidh o Chrìosd an rìgh.*

BHA làmh an Tighearn' orm, agus thug e mach mi ann an spiorad an Tighearn', agus chuir e sìos mi ann am meadhon a' ghlinne a bha làn de chnàmhan.

2 Agus thug e orm gabhail seachad orra mu'n cuairt, air gach taobh: agus, feuch, bha iad ro lìonmhor anns a' mhachair sgaoilte; agus, feuch, bha iad ro thioram.

3 Agus thubhairt e rium, A mhic an duine, am feud na cnàmhan so teachd beò? agus fhreagar mise, O Thighearna Dhia, agad-sa tha fios.

4 An sin thubhairt e rium, A mhic an duine, dean faistneachd do na cnàmhan so, agus abair riu, O chnàmha tiorma, èisdibh-se focal an Tighearna.

5 Mar so tha an Tighearn Iehobhah ag ràdh ris na cnàmhan so, Feuch, cuiridh mise anail annaibh, agus bithidh sibh beò.

6 Agus cuiridh mi fèithean oirbh, agus bheir mi air feoil fàs oirbh, agus còmhdaichidh mi sibh le craicìonn, agus cuiridh mi anail annaibh: agus bithidh sibh beò, agus aithnichidh sibh gur mi an Tighearn.

7 Mar sin rinn mise faistneachd mar a dh'èithneadh dhomh: agus am feadh a bha mi ri faistneachd, bha toirm ann, agus, feuch, crith-ghluasad, agus thàinig na cnàmhan chum a chéile, cnàmha a chum a chnàmha.

8 Agus an uair a dh'amhairc mi, feuch, dh'fhàs fèithean agus feoil orra, agus còmhdaich an craicìonn iad; ach cha robh anail anna.

9 An sin thubhairt e rium, Dean faistneachd do'n anail, dean faistneachd, a mhic an duine, agus abair ris an anail, Mar so tha an Tighearn Iehobhah ag ràdh, Thig o na ceithir ghaothaibh, O anail, agus séid air na mairbh so, chum gu'm bi iad beò.

10 Is anhuil a rinn mise faistneachd mar a dh'èithneadh dhomh, agus thàinig an anail do'n ionnsuidh, agus dh'fhàs iad beò, agus sheas iad air an cosaibh, armaill anbharr mòr.

11 An sin thubhairt e rium, A mhic an duine, is iad na cnàmhan so an t-ionlan de thigh Isracil; feuch tha iad ag ràdh, tha ar cnàmhan air tiormachadh, agus ar dòchas air a chall, is ann a tha sinn air ar gearradh as.

12 Air an aobhar sin dean faistneachd, agus abair riu, Mar so tha an Tighearn Iehobhah ag ràdh, Feuch, O mo shluagh, fosglaidh mise bhur n-uaignean, agus bheir mi oirbh teachd a nìos as 'ur n-uaignibh, agus bheir mi sibh gu fearann Isracil.

13 Agus aithnichidh sibh gur mise an Tighearn an uair a dh'fhosgla mi 'ur n-uaignean, O mo shluagh, agus a bheir mi sibh a nìos as 'ur n-uaignibh,

14 Agus a chuireas mi mo spiorad annaibh, agus a bhitheas sibh beò, agus a shuidhicheas mi sibh 'n 'ur fearann féin: an sin aithnichidh sibh gur mise Iehobhah a labhair, agus gu'n d'rinn mi, deir an Tighearn.

15 Thàinig focal an Tighearn' a m' ionnsuidh a ris, ag ràdh,

16 A bhàrr air so, a mhic an duine, gabh thusa dhuit féin aon mhaide, agus sgrìobh air, Air son Iudah, agus air son cloinne Isracil a chompanaich: an sin gabh maide eile, agus sgrìobh air, Air son Ioseph, maide Ephraim, agus uile thighe Isracil a chompanaich.

17 Agus ceangail iad aon r'a chéile 'n an aon mhaide; agus fàsaidh iad 'n an aon ann ad làimh.

18 Agus an uair a labhras clann do shluaigh riut, ag ràdh, Nach feuch thu dhuinn cìod a's ciall duit leis na nithibh so?

19 Abair riu, Mar so tha an Tighearn Iehobhah ag ràdh, Feuch, gabhaidh mise maide Ioseph a tha 'n làimh Ephraim, agus fin-eachan Isracil, a chompanaich, agus cuiridh mi iad maille ris, maille ri maide Iudah, agus ni mi aon mhaide dhiubh, agus bithidh iad 'n an aon am ad làimh.

20 Agus bithidh na maidean air an sgrìobh thu ann ad làimh fa chomhair an sùl.

21 Agus abair riu, Mar so tha an Tighearn Iehobhah ag ràdh, Feuch, bheir mise clann Isracil o mheasg nan cinneach gus am bbeil

iad air imeachd, agus cruinnichidh mi iad air gach taobh, agus bheir mi iad gu'n dùthaich fein.

22 Agus ni mi aon chinneach dhiubh anns an fhearann, air sléibhtibh Israeil, agus bithidh aon rìgh 'n a rìgh dhoibh uile: agus cha bli iad nì's mò 'n an dà chinneach, ni mò bhitheas iad air an roinn 'n an dà rìoghachd tuillcadh air aon chor.

23 Ni mò thruaillcas siad iad féin tuilleadh le 'u ìodholaibh, no le 'n nithibh fhathach, no le aon air bith de'n einceartaibh: ach saoraidh mise iad o'n uile cheannaireibh anns an robh iad ciontach, agns glanaidh mi iad: mar sin bithidh iadsan 'n an sluagh dhomh-sa, agus bithidh mise ann am Dhaia dhoibh-san.

24 Agus bithidh m' òglach Daibhidh 'n a rìgh os an ceann: agus bithidh aon bhuachaill ac' uile: glanaisidh iad fòs ann am reachdaibh, agus bheir iad faineas m' ordughcan, agus ni siad iad.

25 Agus gabhaidh iad còmhnuidh 's an fhearann a thug mise do m' òglach Iacob, anns an do ghabh 'ur n-aithrichean còmhnuidh: agus gabhaidh iadsan còmhnuidh ann, iad féin, agus an clann, agus clann an cloinne gu bràth; agus bithidh m' òglach Daibhidh 'n a rìgh dhoibh gu sìorruidh.

26 A thuilleadh air so, ui mise còmhcheangal sìthe riu; bithidh e 'u a choimhcheangal sìorruidh riu, agus suidhichidh mi iad, agus ni mi ìomhor iad, agns cuiridh mi mo naomh-ionad 'n am meadhon gu bràth.

27 Bithidh mo phàillium mar an ceudna maille riu: seadh, bithidh mise dhoibhsan ann am Dhaia, agus bithidh iadsan dhomhsa 'u an sluagh.

28 Agus aithnichidh na cinnich gur mise Iehobhab a naomhaicheas Israel, an uair a bhitheas mo naomh-ionad 'n am meadhon gu sìorruidh.

CAIB. XXXVIII.

1 *Fàistneachd an aghaidh Ghog: 10 a dh'roch smuaintean 's na bliadhnaibh deireannach.*
14 *Sgrìosar e féin agus a mhòr-shluagh le breitheanas uamhasach.*

AGUS thàinig focal an Tighearn' a m' ionnsuidh-sa, ag ràdh,

2 A mhic an duine, cuir do ghnùis an aghaidh Ghog, tìr Mhagog, àrd phrionnsa Mheseich agns Thubail, agus dean fàistneachd 'n a ghaidh,

3 Agus abair ris, Mar so tha an Tighearn Dia ag ràdh, Feuch, tha mise a'd' aghaidh, O Ghog, àrd phrionnsa Mheseich agus Thubail;

4 Agus pillidh mi air d' ais thu, agus cuiridh mi dubhain ann ad ghialaibh, agus bheir mi mach thu féin, agus d' fheachd uile, eich agus maraich, iad uile air an éideadh leis gach uile ghnè *armachd*; eirideachd mhòr le targaidibh agus le sgiath-

aibh, an t-iomlan diubh ag iomairt chlaidhean.

5 Persia, Etiopia, agus Libia maille riu; an t-iomlan diubh le sgéith agus ceann-bheart:

6 Gomer agus a chuideachdan uile, tìgh Thogarmah o na cèarnaibh tuatha, agus 'uile bhuidhnean; mòran sluagh maille riut.

7 Bi thusa deas, agus ulluich air do shon féin, thu fein agus d' uile chuideachd a tha air an cruinneachadh thugad, agus bi dhoibh a'd' dhèid.

8 An déigh mhòran làithean thigear g'ad amharc: anns na bliadhnaibh deireannach thig thu do'n fhearann a thugadh air ais o'n chlaidheamh, a chruinnicheadh á mòran chimeach, an aghaidh sléibhteann Israeil, a bha fada fàs: ach thugadh a mach as na cinnich e, agus gabhaidh iadsan uile còmhnuidh ann an tèaruinteachd.

9 Eiridh tu suas, agus thig thu mar dhoiminn, bithidh tu còmhul ri neul a dh'fhòlach an fhearainn, thu féin agus d' nìle bhuidhnean, agus mòran sluagh maille riut.

10 Mar so tha an Tighearn Dia ag ràdh, Tarlaidh anns an là sin gu'n tìg nithean ann ad aire, agus gu'n smuinich thu droch smuaintean.

11 Agus their thu, Théid mi suas gu tìr nam bailtean gun bhallaichean, thig mi air a' mhuinutir a tha aig fois, a tha 'gabhail còmhnuidh ann an tèaruinteachd, iad uile 'gabhail còmhnuidh gun bhallaichean, agus gun chroinn no dorsan aca,

12 A ghlacadh creiche, agus a ghlacadh cobhartaich; a thiomnadh do làimhe air na h-ionadan fàsa a tha *nis* air an àiteachadh, agus air an t-sluagh a chruinnicheadh a mach as na cinnich, a fhuair seilbh agus maoin, a tha 'chòmhnuidh ann am meadhon na tìre.

13 Their Seba, agus Dedan, agus ceann-achann Tharsis, agus a chuid bailtean, riut, Am bheil thu air teachd a ghlacadh cobhartaich? an do chruinnich thu do chuideachd a ghlacadh creiche? a thoirt leat òir agus airgid; a thoirt air falbh sprèidhe agus maoin; a ghlacadh creiche mòire?

14 Uime sin, a mhic an duine, dean fàistneachd, agns abair ri Gog, Mar so tha an Tighearn Iehobhab ag ràdh, Anns an là 's an gabh mo shluagh-sa Israeil còmhnuidh gu tèaruinte, nach bi fios agad?

15 Agus thig thu á d' àite, mach as na cèarnaibh tuatha, thu féin agus mòran sluagh maille riut, iad uile a' maracadh air eachaibh, baidheann mhòr, agus feachd cumhachdach:

16 Agus thig thu nìos an aghaidh mo shluagh-sa Israeil, mar neul a dh'fhòlach an fhearainn, tarlaidh e 's na làithibh deireannach, agus bheir mise thu an agh-

aìdh m' fhearainn, a chum gu'n aithnich na cinnich mi, 'n uair a bhitheas mi air mo naomhachadh annad-sa, O Ghog, fa chomhair air an sùl.

17 Mar so tha an Tighearn Dia ag ràdh, An tusa an ti mu'n do labhair mi o shean le m' sheirbhiseich, fàidhean Israeil, a rinn faistneachd anns na làithibh sin, ré bhliadhnachan, gu'n tugainn-sa tlu' 'n an aghaidh!

18 Agus tarlaìdh anns an àm chendna, 'n uair a thig Gog an aghaidh fearainn Israeil, tha an Tighearn Dia ag ràdh, gu'n tig mo chorrnich-sa nìos ann an eudan.

19 Oir ann am end, ann an teine mo chorrnich, labhair mi: Gu cinnteach anns an là sin bithidh crith mhòr air fearann Israeil:

20 Air chor as gu'n crìothnadh ann am làthair-sa iasgan na fairge, agus cunlaith an athair, agus beathaichean na macharach, agus na h-uile nìthean snàgach a shnàgas air uachdar na talmhainn, agus na h-uile dhaoine a tha air aghaidh na talmhainn; agus tilgear na sléibhteann sìos, agus tuitidh na h-ionadan arda, agus tuitidh na h-uile balla gu talamh.

21 Agus gairmidh mise air son claidheimh 'n a aghaidh air feadh m' nìle shléibhteann, tha an Tighearn Iehobhah ag ràdh; bithidh claidheamh gach aoin duine an aghaidh a bhràthar.

22 Agus tagraidh mi 'n a aghaidh le plàigh agus le fuil, agus frasaìdh mi air fèin, agus air a bhuidhnean, agus air a' mhòr-shluagh a tha maille ris, frasan tuitteach, agus clachan-meallain mòra, teine agus prunnas.

23 Mar so ni mi mòr mi fèin, agus naomhaichidh mi mi fèin; agus aithnìchear mi ann an sùilibh mhòran chinneach, agus bithidh fios aca gur mi an Tighearn.

CAIB. XXXIX.

1 Breitheanas Dhè an aghaidh Ghog. 8 Bheir Israel buaidh air a shluagh. 11 Adhlacair Gog ann an gleann Hamon-Gog. 17 Ithidh eoin an athair feoil nan cumhachdach, agus òlaidh iad fuil phrionnsachan na talmhainn air sléibhtibh Israeil. 25 Bheirear air ais braidheanas Iacob.

TIME sin, dean thusa, a mhic an duine, faistneachd an aghaidh Ghog, agus abair, Mar so tha an Tighearn Dia ag ràdh, Fench, tha mise ann ad aghaidh, O Ghog, àrd-phrionnsa Mheseich agus Thubail:

2 Agus pillidh mi air d' ais thu, agus cha-n fhàg mi ach an seathamh cnid dhìot, agus bheir mi ort teachd a nìos o na cèarn-aibh tuatha, agus bheir mi thu gu sléibhteann Israeil:

3 Agus buailidh mi do bhogha á do làimh ehlì, agus bheir mi air do shaighdean tuit-eam á do làimh dheis.

4 Tuitidh tu air sléibhtibh Israeil, thu fèin agus do bhuidhnean uile, agus an sluagh a

tha maille rint: bheir mi tlu' do'n ennlaithe fhuileachdach de gach seòrsa, agus do bheathaichibh na talmhainn, a chum a bhi air do shlugadh snas.

5 Tuitidh tu air a' mhachair sgaoilte; oir labhair mise, deir an Tighearn Iehobhah.

6 Agus cuiridh mi teine air Magog, agus am measg na muinntir a tha 'chòmhnamh gn neo-nmhaileach anns na h-eileanaibh; agus aithnìchidh iad gur mi an Tighearn.

7 Mar so ni mi m' ainm naomh aithnichte ann am meadhon mo phobuill Israeil, agus cha leig mi m' ainm naomh a thruaillleadh nì's mò; agus bithidh fios aig na cinnich gur mi an Tighearn, aon naomh Israeil.

8 Fench thàinig e gu crìch, agus rinneadh e, tha an Tighearn Iehobhah ag ràdh: is e so an là mu'n do labhair mise.

9 Agus thèid iadsan a tha 'chòmhnamh ann am bailtibh Israeil a mach, agus cuiridh iad ri theine, agus loisgidh iad na h-airm, an targaid, agus fòs an sgiath, am bogha, agus na saighdean, agus an gath, agus an t-sleagh, agus loisgidh iad le teine iad seachd bliadhna:

10 Air chor as nach toir iad connadh air bith as a' mhachair, ni mò ghearras iad a' bheag de na coilltibh: oir loisgidh iad na h-airm anns an teine, agus creachaidh iad an dream le 'n do chreachadh iad, agus spùinnidh iad an dream le 'n do spùinneadh iad, deir an Tighearn Iehobhah.

11 Agus tarlaìdh air an là sin gu'n toir mise do Ghog an sin àite air son taighean ann an Israel, gleann an luchd-siubhail air taobh an ear na fairge; agus bacadh e 'n luchd-siubhail: agus an sin adhlacaidh iad Gog, agus a shluagh uile; agus goiridh iad ris, Gleann sluagh Ghog.

12 Agus bithidh tigh Israeil 'g an adhlacadh, a chum am fearann a ghlanadh, seachd mìosan.

13 Seadh, bithidh uile shluagh an fhearainn 'g an adhlacadh, agus bithidh là mo ghloire-sa iomraiteach 'n am measg, deir an Tighearn Iehobhah.

14 Agus cuiridh iad air leth daoine dean-adach, a shiubhlas feadh an fhearainn, a dh'adhlacadh, leis an luchd-siubhail, na muinntir a tha fathasd air aghaidh na talmhainn, a chum a ghlanadh; 'n ceann sheachd mìosan bithidh iad 'g an iarraidh.

15 Agus an luchd-siubhail a tha 'g imeachd troimh an fhearainn, 'n uair a chi aon neach cnàimh duine, an sin cuiridh e comharadh snas làimh ris, agus an adhlacaidh an luchd-adhlacaidh e ann an Gleann Hamon-Gog.

16 Agus fòs bithidh Hamonah mar ainm air a' bhaile: mar so glanadh iad am fearann.

17 Agus thusa, a mhic an duine, mar so tha an Tighearn Iehobhah ag ràdh, Labhair ris gach enn iteagach, agus ri uile bheathaichibh na macharach, Cruinnichibh sibh

éin, agus thigibh; cruinnichibh sibh féin o gach taobh, gu m' iobairt-sa 'tha mi 'dean-
amh air 'ur son, *eadhon* àr mòr air sléibht-
ibh Israeil, a chum gu'n ith sibh feoil, agus
gu'n òl sibh fuil.

18 Ithidh sibh feoil nan cumhachdach,
agus òlaidh sibh fuil phrionnsachan na
talmhainn, *fuil* reitheachan, uan, agus
ghabhar, agus tharbh; iad uile air an
biathadh ann am Bàsan.

19 Agus ithidh sibh saill gus am bi sibh
sàthach, agus òlaidh sibh fuil gus am bi sibh
air mhisg, de m' iobairt-sa a mharbh mi air
ur son.

20 Mar so lìonar sibh air mo bhòrd-sa le
h-eachaibh, agus le carbadaibh, le daoine
cumhachdach, agus leis na h-uile fhear-
cogaidh, deir an Tighearn Iehobhah.

21 Agus cuiridh mi mo ghloir air mo measg
nan cinneach, agus chì na cinnich mo bheith-
eanas a rinn ui, agus mo làmh a leag mi orra.

22 Mar sin aithnichidh tigh Israeil gur
mise an Tighearn an Dia o'n là siu, agus
uaithe siu a mach.

23 Agus aithnichidh na cinnich gu'n deach-
aidh tigh Israeil gu daorsa air son an ain-
gidheachd; a chionn gu'n do pheacaich iad
a' m' aghaidh-sa, uime sin dh'fholuich mi
mo ghnuis uatha, agus thug mi iad do
làmh an naimhdean; mar sin thuit iad uile
leis a' chladheamh.

24 A réir an neoghloine, agus a réir an
cionta rinn mise riu, agus dh'fholuich mi
mo ghnuis uatha.

25 Air an aobhar sin, mar so tha an Tigh-
earn Iehobhah ag ràdh, A nis bheir mi
air ais braigheanas Iacob, agus ni mi
tròcair air uile thigh Israeil, agus bithidh
mi eudmhor air son m' ainme naoimh:

26 An déigh dhòibh an nàire a ghiùlan,
agus an uile chionta leis an do chiontaich
iad a'm' aghaidh-sa, 'n uair a ghabhas iad
còmhuidh gu tèarainte 'n an dùthaich féin,
agus nach cuir aon neach eagal orra.

27 An uair a bheir mise air an ais iad o na
cinnich, agus a chruinnicheas mi iad o dhùth-
chaibh an naimhdean, agus a naomhaichear
mi anna ann an sealladh mhòran chinneach.

28 An sin aithnichidh iad gur mise Iehob-
hah an Dia, a thug fainear iad a bli air an
toirt aun an daorsa an measg uan cinneach:
ach chruinnich mi iad chum an dùthaich féin,
agus cha d'fàg mi aon diubh uis' mòd an sin.

29 Ni mò dh'fholuicheas mi truilleadh mo
ghnuis uatha: oir dhòirt mi mach mo
spiorad air tigh Israeil, deir an Tighearn
Iehobhah.

CAIB. XL.

1 Taisbeanadh mu thimchiall cumadh na càith-
reach. 9 Tomhas geatachan an sgàth-thighe.
27 Geatachan na càithe stigh. 39 Na h-ochd
clàir air an do mharbhadh na h-ìobairtean.

A NNS a' chùigeanh bliadhna fichead
d' ar braigheanas, ann an toiseach na

bliadhna, air an deicheamh là de'n mhìos,
(b' i sin an ceathramh bliadhna deug an
déigh do'n bhaile 'bhi air a bhualadh,) air
a' cheart là sin bha làmh an Tighearn' orm,
agus thug e chum an àite sin mi.

2 Ann an taisbeauidh Dhé thug e mi gu
tìr Israeil, agus chuir e mi air shlabh ro àrd,
làmh ris an robh samhladh cumadh baile
thall fa chomhair.

3 Agus thug e 'n sin mi, agus feuch, duine,
agus a dhreach mar dhreach umha, le sreing
lin 'n a làmh, agus le slait-thomhais; agus
sheas e anns a' gheata.

4 Agus thubhairt an duine rium, A mhic
an duine, faic le d' shùilibh, agus chluin le
d' chluasaibh, agus socrnich do chridhe air
na h-uile ni a dh'fheuchas mise dhuit; oir
is ann a chum gu'm feuchainu duit iad a
thugadh an so thu; foillsich gach ni a chi
thu do thigh Israeil.

5 Agus, feuch, bha balla air taobh a mach
an tigh na'n cuairt, agus ann an làmh an
duine bha slat-thomhais sè làmh-an-coille
air fad, le leud boise ris gach aon làmh-
choille: mar sin thomhais e leud a' bhalla,
aon slat; agus 'àirde, aon slat.

6 An sin thàinig e gus an geata 'tha 'g
amharc ris an àird' an ear, agus chaidh e
suas air a cheumaibh, agus thomhais e
stairsneach a' gheata, aon slat air leud, agus
an t-àrd-dhorus cuideachd, aon slat air leud.

7 Agus bha gach seòmar beag aon slat air
fad, agus aon slat air leud, agus eadar na
seòmraichean beaga bha cùig làmh-an-coille,
agus bha stairsneach a' gheata, aig sgàth-
thigh a' gheata an taobh a stigh, aon slat.

8 Thomhais e mar an ceudna sgàth-thigh
a' gheata an taobh a stigh, aon slat.

9 An sin thomhais e sgàth-thigh a' gheata,
ochd làmh-an-coille, agus a phuist, dà làmh-
choille; agus bha sgàth-thigh a' gheata an
taobh a stigh.

10 Agus bha trì de sheòmraichibh beaga
gata na h-àird' an ear, air an taobh so,
agus trì air an taobh ud; bha iad 'n an trì
'dh' aon tomhas, agus bha na puist a dh'
aon tomhas, air an taobh so agus air an
taobh ud.

11 Agus thomhais e leud dol a steach a'
gheata, deich làmh-an-coille, agus fad a'
gheata trì deng làmh-choille.

12 B'e an dealachadh fòs fa chomhair nan
seòmraichean beaga aon làmh-choille *air*
an taobh so, agus aon làmh-choille an deal-
achadh air an taobh ud; agus bha na
seòmraichean beaga sè làmh-an-coille air an
taobh so, agus sè làmh-an-coille air an taobh
ud.

13 Thomhais e 'n sin an geata o mhullach
aoin seòmair bhig gu mullach aoin eile: b' e
an leud cùig làmh-an-coille thar fhichead,
dorus fa chomhair doruis.

14 Thomhais e mar an ceudna puist trì
fichead làmh-choille, eadhon gu bhì 'n an

puist do'n gheata, air gach taobh de'n chùirt.

15 Agus o aghaidh geata an dol a steach, gu aghaidh sgàth-thighe na 'gheata-stigh, bha deich agus dà fhichead làmh-choille.

16 Agus bha uinneagan cumhann ris na seòmraichean beaga, agus ri 'n aghaidh an taobh a stigh de'n gheata mu'n cuairt, agus mar an ceudna ris na sgàth-thighean; agus bha uinneagan mu'n cuairt air an taobh a stigh: agus air gach post bha croinn-phailme.

17 An sin thug e mi do'n chùirt a stigh, agus, feuch, seòmraichean agus urlar deanta air son na cùirte timchioll air gach taobh: bha deich seòmraichean fichead agus an urlar.

18 Agus an t-urlar ri taobh nan geatachan, thall fa chomhair leud nan geatachan, b' e sin an t-urlar a b' isle.

19 An sin thomhais e 'n leud o aghaidh a' gheata a b' isle, gu aghaidh a mach na cùirte a b' fhaide steach, ceud làmh-choille ris an àird' an ear.

20 An sin thug e mi gus an taobh mu thuath, agus thomhais e fad geata na cùirte mach a tha 'g amharc ris an àirde tuath, agus a leud.

21 Agus b' iad a sheòmraichean beaga, trì air an taobh so, agus trì air an taobh ud, agus bha a phuist agus a sgàth-thighean a réir tomhais a' cheud gheata; b' e deich agus dà fhichead làmh-choille 'fhad; agus cùig làmhan-coille thar fhichead àirde.

22 Agus bha an uinneagan, agus an sgàth-thighean, agus an croinn-phailme a réir tomhais a' gheata 'tha 'g amharc ris an àirde 'n ear; agus chaidh iad suas d'a ionnsuidh le seachd ceumaibh; agus bha a sgàth-thighean fa 'n comhair.

23 Agus bha geata na cùirte stigh fa chomhair a' gheata 'tha 'g amharc ris an àirde tuath, mar e sin ris an àirde 'n ear; agus thomhais e o gheata gu geata ceud làmh-choille.

24 An déigh sin thug e mi air slighe na h-àirde deas, agus, feuch, geata ris an àirde deas; agus thomhais e a phuist, agus a sgàth-thighean, a réir nan tomhas ceudna.

25 Agus bha uinneagan ann, agus 'n a sgàth-thighean mu'n cuairt air gach taobh, cosmhail ris na h-uinneagaibh sin; b' e 'fhad deich agus dà fhichead làmh-choille, agus a leud cùig làmhan-coille thar fhichead.

26 Agus bha seachd ceuma gu dol suas thuige, agus bha a sgàth-thighean fa chomhair; agus bha croinn-phailme air, aon air an taobh so, agus aon eile air an taobh ud, air a phuist.

27 Agus bha geata's a' chùirt a stigh ri deas, agus thomhais e o gheata gu geata ri deas, ceud làmh-choille.

28 Agus thug e mi do'n chùirt a stigh troimh 'n gheata mu dheas, agus thomhais

e an geata mu dheas a réir nan tomhas ceudna.

29 Agus a sheòmraichean beaga, agus a phuist, agus a sgàth-thighean, a réir nan tomhas ceudna; agus bha uinneagan ann, agus 'n a sgàth-thighean air gach taobh mu'n cuairt: b' e deich agus dà fhichead làmh-choille 'fhad, agus cùig làmhan-coille thar fhichead a leud.

30 Agus bha na sgàth-thighean air gach taobh mu'n cuairt, cùig làmhan-coille thar fhichead air fad, agus cùig làmhan-coille air leud.

31 Agus bha a sgàth-thighean ris a' chùirt a mach, agus croinn-phailme air a phuist: agus bha ochd ceuman 'n a dhol suas.

32 Agus thug e mi gus a' chùirt a stigh leth ris an àirde 'n ear, agus thomhais e an geata a réir an tomhais so.

33 Agus bha a sheòmraichean beaga, agus a phuist, agus a sgàth-thighean a réir nan tomhas so; agus bha uinneagan ann, agus 'n a sgàth-thighean air gach taobh mu'n cuairt; deich agus dà fhichead làmh-choille 'fhad, agus cùig làmhan-coille thar fhichead a leud.

34 Agus bha a sgàth-thighean ris a' chùirt a mach, agus croinn-phailme air a phuist air an taobh so, agus air an taobh sin; agus bha ochd ceuman 'n a dhol suas.

35 Agus thug e mi gus an geata tuath, agus thomhais e a réir nan tomhas so:

36 A sheòmraichean beaga, a phuist, agus a sgàth-thighean, agus 'uinneagan air gach taobh mu'n cuairt: deich agus dà fhichead làmh-choille 'fhad, agus cùig làmhan-coille thar fhichead a leud.

37 Agus bha a phuist ris a' chùirt a mach, agus croinn-phailme air a phuist air an taobh so, agus air an taobh ud, agus 'n a dhol suas bha ochd ceuman.

38 Agus bha na seòmraichean agus an dol a steach làmh ri puist nan geatachan, far an do nigh iad na tabhartais-loisgte.

39 Agus ann an sgàth-thigh a' gheata bha dà chlàr air an taobh so, agus dà chlàr air an taobh ud, a chum an iobairt-loisgte, agus an iobairt-pheacaidh, agus an iobairt-eus-aontais a mharbhadh orra.

40 Agus air an taobh a mach, mar théid aon suas gu fosgladh a' gheata thuath, bha dà chlàr; agus air an taobh eile, aig sgàth-thigh a' gheata bha dà chlàr.

41 Bha ceithir clàir air an taobh so, agus ceithir clàir air an taobh ud, ri taobh a' gheata; ochd clàir, air an do mharbh iad an iobairtean.

42 Agus bha na ceithir clàir de chloich shnaighte air son na h-iobairt-loisgte, làmh-choille gu leth air fad, agus làmh-choille gu leth air leud, agus aon làmh-choille air àirde; air an do leag iad mar an ceudna an acfluinn leis an do mharbh iad an tabhartais-loisgte agus an iobairt.

43 Agus bha dubhain iaruin de leud boise an taobh a stigh, air an daingneachadh mu'n cuairt air gach taobh; agus air na clàraibh bha feoil na h-ìobairt.

44 Agus thug e mi chum a' gheata stigh; agus, feuch, an sin bha dà sheòmar anns a' chùirt a stigh; aon air taobh tuath a' gheata, ag amharc ris an àirde deas, agus an t-aon eile air taobh deas a' gheata, ag amharc ris an àirde tuath.

45 Agus thubhairt e rium, Tha an seòmar so 'tha 'g amharc ri deas, air son nan sagart a tha 'frithealadh air coimhead an tìghe.

46 Agus tha an seòmar a tha 'g amharc ri tuath air son nan sagart a tha 'frithealadh air coimhead na h-altarach: is iad so mic Shadoic am measg mhac Lebhi, a tha 'teachd dlùth do'n Tighearn chum frithealadh dha.

47 Mar sin thomhais e a' chùirt, ceud làmh-choille air fad, agus ceud làmh-choille air leud, ceithir-chearnach; agus an altair ri aghaidh an teampull.

48 Agus thug e mi gu sgàth-thigh an teampull, agus thomhais e gach post de'n sgàth-thigh, cùig làmhan-coille air an taobh so, agus cùig làmhan-coille air an taobh sin; agus b' e leud a' gheata trì làmhan-coille air an taobh so, agus trì làmhan-coille air an taobh sin.

49 B' e fad an sgàth-thighe fichead làmh-choille, agus a leud aon làmh-choille deug, agus anns an dol suas d'a ionnsuidh *bha deich ceuman*: agus bha prùip aig na puist, aon air an taobh so, agus aon air an taobh sin.

CAIB. XLI.

1 *Tomhas, 6 seòmraichean, 18 ceruban, 23 agus dorsan an teampull.*

'N A dhéigh sin thug e mi do'n teampull, agus thomhais e na puist, sè làmhan-coille air leud air an aon taobh, agus sè làmhan-coille air leud air an taobh eile, b' e so leud gach puist.

2 Agus b' e leud an doruis deich làmhan-coille; agus bha ursannan an doruis cùig làmhan-coille air an aon taobh, agus cùig làmhan-coille air an taobh eile: agus thomhais e 'fhad, dà fhichead làmh-choille, agus a leud fichead làmh-choille.

3 An sin chaidh e gus an taobh a stigh, agus thomhais e post an doruis dà làmh-choille, agus an doruis féin sè làmhan-coille air leud, agus air gach taobh de'n doruis seachd làmhan-coille.

4 Mar sin thomhais e 'fhad fichead làmh-choille, agus an leud fichead làmh-choille, fa chomhair aghaidh an teampull; agus thubhairt e rium, Is e so an t-ionad ro naomh.

5 'N a dhéigh sin thomhais e balla an teampull sè làmhan-coille; agus leud gach seòmair-thaobh ceithir làmhan-coille, timchioll an teampull air gach taobh.

6 Agus bha na seòmraichean-taobh aon an déigh aoin, trì deug thar fhichead 'an àireamh, agus bhuineadh iad do'n bhalla sin a bha mu'n cuairt air an teampull air chùl nan seòmraichean-taobh, bha greim aca dlieth, ach cha robh greim aca ann am balla an teampull.

7 Agus bha farsuinneachd agus sìor dhol mu'n cuairt an àird chum nan seòmraichean-taobh, oir chaidh cuairteachadh an tìghe do ghnàth suas mu thimchioll an tìghe: agus mar sin bha leud an tìghe shuas, agus air an dòigh sin bha e 'dol 'am meud o'n t-seòmar iochdarach gus an aon a b' àirde aig a' mheadhon.

8 Chunnaic mi fòs mu'n cuairt air an tìgh, o iochdar stéidh nan seòmraichean-taobh, gu'm b' e àirde gach aoin diubh slat iomlan shè làmhan-coille mòra.

9 B' e leud a' bhalla, a bha eadar na seòmair-thaobh a mach cùig làmhan-coille; b' e sin fhad as a bha eadar na seòmraichean-taobh a bha ri taobh an tìghe.

10 Agus eadar na seòmraichean eile bha fichead làmh-choille air gach taobh, mu'n cuairt do'n tìgh.

11 Agus bha dorsan nan seòmraichean-taobh ris an ionad a dh'fhàgadh, aon doruis ris an àirde tuath, agus doruis eile ris an àirde deas; agus b' e leud an ionaid a dh'fhàgadh cùig làmhan-coille air gach taobh mu'n cuairt.

12 A nis bha an aitreabh a bha fa chomhair air an àite air leth, ris an àird an iar, deich agus trì fichead làmh-choille air leud; agus bha balla na h-aitreibh cùig làmhan-coille air timighead gach taobh mu'n cuairt: agus b'e 'fhad deich agus ceithir fichead làmh-choille.

13 Mar sin thomhais e an tìgh ceud làmh-choille air fad, agus an t-àit air leth, agus an aitreabh le a ballachaibh, ceud làmh-choille air fad.

14 Mar an ceudna leud aghaidh an tìghe, agus an ionaid air leth ris an àird an ear, ceud làmh-choille.

15 Agus thomhais e fad na h-aitreibh fa chomhair an àit air leth, agus a bha air a chùlaobh, agus a sheòmraichean air an taobh so agus air an taobh eile, ceud làmh-choille, maille ris an teampull a stigh, agus ri sgàth-thighibh na cùirte.

16 Bha puist an doruis agus na h-uinneagan cumhann, agus na seòmraichean mu'n cuairt air an trì urlair, thall fa chomhair an doruis, foluichte le fiodh timchioll mu'n cuairt, agus o'n làr suas gu ruig na h-uinneagan; agus bha na h-uinneagan air an còmhachadh.

17 Ach os ceann an doruis, agus anns an teampull a mach, gu c sin a b' fhaide stach, agus air a' bhalla uile mu'n cuairt do'n teampull a stigh agus a muigh,

18 Bha ceruban air an deanamh, agus

croinn-phailme, air chor as gu'n robh crann-phailme eadar cerub agus cerub; agus aig gach cerub bha dà aghaidh:

19 Air chor as gu'n robh aghaidh duine ris a' chrann-phailme air an aon taobh, agus aghaidh lèomhain òig ris a' chrann-phailme air an taobh eile: bha so deanta feadh an tighe uile mu'n cuairt.

20 O'n làr gu os ceann an dorais bha ceruban air an deanamh, agus croinn-phailme, agus air balla an teampuill.

21 Bha puist an teampuill ceithir-chearnach, agus aghaidh an ionaid naoimh air a' chumachd cheudna.

22 Bha an altair de fhiodh tri làmh-choille air àirde, agus dà làmh-choille air fad; air a deanamh cearnach le oisnibh agus clàraibh fiodha: agus thubhairt e rium, So am bord a tha fa chomhair an Tighearna.

23 Agus bha dà dhorus aig an teampull, agus aig an ionaid naomh.

24 Agus bha dà dhuilleig aig gach doras, dà dhuilleig a' tionndadh; dà dhuilleig air son an aoin doruis, agus dà dhuilleig air son an doruis eile.

25 Agus bha ceruban agus croinn-phailme deanta orra, air dorsaibh an teampuill, nar a bha deanta air na ballachan, agus bha déileachan tiugha air aghaidh an sgàth-thighe a mach.

26 Agus bha uinneagan cumhamn agus croinn-phailme air an aon taobh agus air an taobh eile, air taobhan an sgàth-thighe, agus air seòmraichean-taobh an tighe, agus air na déileachan tiugha.

CAIB. XLII.

1 Seòmraichean nan sagart. 13 Naomhaichear iad do'n Tighearn. 15 Tomhas na cùirte mach.

A N sin thug e mach mi gus a' chùirt a mach, air slighe na h-àirde tuath, agus thug e mi do'n t-seòmar a bha os ceann an ionaid air leth, agus a bha fa chomhair na h-aitreibh ris an àirde tuath.

2 Fa chomhair fad cheud làmh-choille bha an doras tuath; agus b' e an leud leth-cheud làmh-choille.

3 Fa chomhair dhorsan na cùirte steach, agus fa ekomhair an urlair a bha air son na cùirte mach, bha seòmar air aghaidh seòmair air tri urlair.

4 Agus fa chomhair nan seòmraichean bha àite spaisdearachd deich làmh-choille air leud a stigh, agus ceud làmh-choille air fad; agus bha na dorsan ri tuath.

5 Agus bha na seòmraichean nachdarach cumkann: oir aca so chrìochnaich na seòmraichean beaga, a dh'èirich gus a' cheud agus an dara urlair de'n aitreibh.

6 Oir bha iad 'n an tri urlair, ach cha robh prùip aca mar phrùip nan cùirtean: uinne sin bha an tigh ni bu chumhainne na 'chuid

a b'òchdaraiche agus a bu mheadhonaiche o'n làr.

7 Agus bha am balla 'bha mach fa chomhair nan seòmraichean, leth ris a' chùirt a b' fhaide mach air beulaobh nan seòmraichean, leth-cheud làmh-choille air fad.

8 Oir b' e fad nan seòmraichean a bha 's a' chùirt a mach leth-cheud làmh-choille: agus, feuch, fa chomhair an teampuill bha ceud làmh-choille.

9 Agus fo na seòmraichean so bha 'n dol a steach air an taobh an ear, mar théid aon a steach anna o'n chùirt a muigh.

10 Bha na seòmraichean ann an tiughead balla na cùirte ris an àird an ear, thall fa chomhair an ionaid air leth, agus thall fa chomhair an tighe.

11 Agus bha an t-àite spaisdearachd aig an aghaidh cosmhail ri sin a bha aig seòmraichean na h-àirde tuath; ionnan ann am fad, agus ionnan ann an leud; agus bha an uile dhol a mach araon air an aon dreach, agus fòs an dorsan.

12 Agus a réir dorsan nan seòmraichean a bha ris an àirde deas, bha doras ann an ceann na slighe, na sighe dìreach fa chomhair a' bhalla, ris an àird an ear, mar a théid aon a steach orra.

13 An sin thubhairt e rium, Na seòmraichean mu thuath, agus na seòmraichean mu dheas, a tha fa chomhair an ionaid air leth, is seòmraichean naomha iad, far an ith na sagartan a thig dlùth do'n Tighearn na nithean a's ro naoimhe: an sin cuiridh iad na nithean a's ro naomha, agus an tabhartas-bidh, agus an tabhartas-peacaidh, agus an tabhartas-eusaontais; oir tha an t-ionaid naomh.

14 'N uair a théid na sagartan a steach ann, an sin cha téid iad a mach as an ionaid naomh gus 'a chùirt a mach, ach an sin cuiridh iad an eudaichean, far am bheil iad a' frithealadh; oir tha iad naomha: agus cuiridh iad orra cudaichean eile, agus thig iad dlùth do na nithibh sin a tha air son a' phobuill.

15 A nis 'n uair a chuir e crìoch air tomhas an tighe stigh, thug e mach mi chum a' gheata a tha 'g amharc ris an àird an ear, agus thomhais e mu'n cuairt e.

16 Thomhais e an taobh an ear leis an t-slaith-thomhais, cùig agus ceud slat, leis an t-slaith-thomhais timchioll mu'n cuairt.

17 Thomhais e an taobh mu thuath, cùig agus ceud slat, leis an t-slaith-thomhais timchioll mu'n cuairt.

18 Thomhais e an taobh deas, cùig agus ceud slat, leis an t-slaith-thomhais.

19 Thionndaidh e mu'n cuairt gus an taobh an iar, agus thomhais e cùig agus ceud slat, leis an t-slaith-thomhais.

20 Thomhais e air na ceithir taobhan e: bha balla aige mu'n cuairt, cùig agus ceud slat air fad, agus cùig agus ceud air leud,

8 dheanamh dealachaidh eadar an t-ionad naomh agus an t-àite mi-naomh.

CAIB. XLIII.

1 Thàinig glòir an Tighearna chum an teampull. 7 Gheall Dia còmhuidh a ghabhail ann, nan trèigeadh an sluagh am peacaidhean. 10 Chum gu'n gabhadh iad nàire de'n euceartaibh dh'fheuch ann fàidh dhoibh samh-ladh agus dreach an teampull. 13 Tomhas na h-altarach.

NA dhéigh sin thug e mi chum a' gheata, an geata 'tha 'g amharc ris an àird an ear:

2 Agus, feuch, thàinig glòir Dhé Israeil o shlighe na h-àirde 'n ear: agus bha a ghuth mar thoirm mhòran uisgeachan, agus dhealraich an talamh le 'ghlòir.

3 Agus bha an sealladh so a chunnaic mi cosmhail ris an t-sealladh sin a chunnaic mi, 'n uair thàinig e chum am baile a sgrìos: agus bha a' choslas mar an coslas a chunnaic mi aig sruth Chebair: agus thuit mi air m' aghaidh.

4 Agus thàinig glòir an Tighearna chum an teampull, air slighe a' gheata 'tha 'g amharc ris an àird an ear.

5 An sin thog an spiorad snas mi, agus thug e mi gus a' chùirt a stigh, agus, feuch, lion glòir an Tighearn 'an teampull.

6 Agus chuala mi e 'labhairt rium a mach as an teampull; agus sheas an duine làmh rium.

7 Agus thubhairt e rium, A mhic an duine, tha thu 'faicinn àite mo rìgh-chaitheach, agus ionad bhonn mo chos, far an gabh mi còmhuidh ann am meadhon cloinne Israeil gu sìorruidh, agus m' ainm naomh-sa cha trèidigh tigh Israeil nì's mò, iad fèin no'n rìghrean, le 'n strìopachas, no le ciosaichibh an rìghrean 'n an ionadaibh àrda.

8 Le snidheachadh an stairsneich aig mo stairsneich-sa, agus am puist aig mo phuist-sa, agus am balla eadar mise agus iadsan, rinn iad eadhon m' ainm naomh a thruaill-eadh le 'n gràineileachdaibh a chuir iad 'an gnìomh: uime sin chaith mise iad ann am chorruich.

9 A nì cnircadh iad air falbh an strìopachas, agus ciosaichean an rìghrean fada nam, agus gabhaidh mi còmhuidh 'n am meadhon gu sìorruidh.

10 A mhic an duine, feuch an teampull so do thigh Israeil, a chum gu'n gabh iad nàire de'n euceartaibh; agus tomhaiseadh iad an samhladh.

11 Agus ma bhitheas nàire orra de gach nì a rinn iad, feuch dhoibh dreach an tighe, agus a chumachd, agus a dhol a mach, agus a theacad a stigh, agus 'uile choslas, agus 'uile orduighean, agus 'uile dheilbh, agus 'uile reachdan; agus sgrìobh e 'n an sealladh, a chum gu'n coimhid iad 'uile dhreach, agus 'uile orduighean, agus gu'n dean siad iad.

12 Is e so reachd an tighe; Air mullach an t-sléibh bithidh a chrìoch uile mu'n cuairt ro naomh; feuch is e so reachd an tighe.

13 Agus is iad so toimhsean na h-altarach ann an làmh-choille, le leud boise ris gach aon làmh-choille; bithidh eadhon làmh-choille 'n a bonn, agus làmh-choille 'n a leud, agus réis 'n a h-ionall air an oir mu'n cuairt; agus bithidh so 'n a chuairteachadh do'n altair.

14 Agus o'n bhonn air an làr gu ruig an suidheachadh iochdarach bithidh dà làmh-choille, agus aon làmh-choille an leud; agus o'n t-suidheachadh a's lugha gus an suidheachadh a's mò, bithidh ceithir làmh-choille, agus an leud aon làmh-choille.

15 Mar sin bithidh an altair ceithir làmh-choille; agus o'n altair an àird bithidh ceithir adhaircean.

16 Agus bithidh an altair dà làmh-choille dheug air fad, a dhà-dheug air leud, ceithir-chearnach 'n a ceithir chearnaibh.

17 Agus bithidh am bonn ceithir làmh-choille deug air fad, agus ceithir-deug air leud, 'n a cheithir chearnaibh; agus bithidh an oir mu'n cuairt oirre leth làmh-choille; agus bithidh a bonn làmh-choille mu'n cnairt, agus amhaircidh a ceuman ris an àird an ear.

18 Agus thubhairt e rium, A mhic an duine, mar so tha an Tighearn Dia ag ràdh, Is iad so orduighean na h-altarach anns an là 's an dean iad i, chum tabhartasan-loisgte iobradh oirre, agus a chum fuil a chrathadh oirre.

19 Agus bheir thu do na sagartaibh na Lebhitich a tha de shliochd Shadoic, a thig dhùth dhomh-sa, chum frithealadh dhomh, tha an Tighearn Dia ag ràdh, tarbh òg mar thabhartas-peacaidh.

20 Agus gabhaidh tu d' a fhuil, agus cuiridh tu i air a ceithir adhaircibh, agus air ceithir chearnaibh a bunna, agus air an oir mu'n cuairt: mar so glanaidh agus nighidh tu i.

21 Gabhaidh tu fòs tarbh na h-ìobairt-pheacaidh, agus loisgidh esan e ann an ionad orduichte an tighe, an taobh a mach de'n naomh-ionad.

22 Agus air an dara là iobraidh tu meann de na gabhraibh gun ghaoid, air son tabhartais-pheacaidh; agus glanaidh iad an altair, mar a ghlan iad i leis an tarbh.

23 'N uair a sguireas tu d' a glanadh, iobraidh tu tarbh òg gun ghaoid, agus reithe as an treud gun ghaoid.

24 Agus iobraidh tu iad an làthair an Tighearna; agus tilgidh na sagartan salann orra, agus iobraidh iad snas iad mar iobairt-loisgte do'n Tighearn.

25 Seachd làithean deasaichidh tu, gach aon là, gabhar air son iobairt-pheacaidh: deasaichidh iad fòs tarbh òg agus reithe as an trend gun ghaoid.

26 Seachd làithean glanaidh iad an altair, agus nighidh iad i, agus naomhaichidh siad iad féin.

27 Agus an uair a bhitheas na làithean so air an crìochnachadh, tarlaidh air an ochd-amh là, agus mar sin sìos, gu'n dean na sagartan 'ur n-iobairtean-loisgte air an altair, agus 'ur n-iobairtean-sìth, agus gabhaidh mise ruibh, deiran Tighearn Iehobhah.

CAIB. XLIV.

1 *Chaidh an geata 'tha' g amharc ris an àird an ear a shonrachadh do'n phrionnsa. 4 Thugadh geur-achmhasan do'n t-sluagh do bhrìgh gu'n do leig iad le coigrich an t-ionad naomh a thruaillleadh. 9 Giùlainidh na Lebhitheach, a dh'fhalbh air seacharan an dèigh an iodhol-an, an aingidheachd. 17 Orduighean mu thimchioll nan sagart.*

AN sin thug e mi air m' ais air slighe geata an ionaid naomh a muigh, a tha 'g amharc ris an àird an ear, agus bha e dùinte.

2 An sin thubhairt an Tighearn rium, Bithidh an geata so dùinte, cha-n fhosgail-ear e, agus cha téid neach air bith a steach air, a chionn gu'n deachaidh an Tighearn Dia Israeil a steach air.

3 Uime sin bithidh e dùinte air a' phrionnsa; am prionnsa féin suidhidh ann a dh'ith-cadh arain an làthair an Tighearna; théid e steach air slighe cuirte a' gheata, agus thig e mach air an t-slighe cheudna.

4 An sin thug e mi air slighe a' gheata thuath, fa chomhair an teampuil, agus dh'amhairc mi, agus, feuch, lion glòir an Tighearna teampull an Tighearna; agus thuit mise air m' aghaidh.

5 Agus thubhairt an Tighearn rium, A mhic an duine, thoir geur-aire, agus feuch le d' shùilibh, agus cluinn le d' chluasaibh, gach ni a their mise riut mu thimchioll uile orduighean tighe an Tighearn, agus 'uile reachdan, agus thoir aire mhaith do dhol a steach an tighe, le uile dhol a mach an ionaid naomh.

6 Agus thoir thu ris an tigh cheannaire-cach, ri tigh Israeil, Mar so tha an Tighearn Dia ag ràdh, O thigh Israeil, gu ma leòr leibh d' ur n-uile ghràineilachdaibh,

7 Gu'n d'thug sibh coigrich neo-thimchioll-ghearrta 'n am cridhe, agus neo-thimchioll-ghearrta 'n am feoil, gu bhì ann am naomh-ionad-sa, a thruaillleadh mo thighe, am feadh a tha sibh a' tiodhlacadh dhomhsa an arain, na saill, agus na fola; agus bhris sibh mo choimhcheangal le 'ur n-uile ghràineileachdaibh.

8 Agus cha do ghléidh sibh cùram mo nithean naomha; ach chuir sibh luchd-coimhid mo chùraim ann am ionad naomh air 'ur son féin.

9 Mar so tha an Tighearn Dia ag ràdh, Cha téid aon choigreach neo-thimchioll-ghearrta 'n a chridhe, na neo-thimchioll-

ghearrta 'n a fheoil a steach do m' ionad naomh-sa, de choigreach air bith a tha 'meas cloinne Israeil.

10 Agus na Lebhitheach a dh'imich am fad uamsa, 'n uair a chaidh Israeil air seacharan, a dh'fhalbh air seacharan uamsa an dèigh an iodhol, giùlainidh eadhon iadsan an aingidheachd.

11 Gidheadh bithidh iad 'n an luchd-frith-ealaidh ann am ionad naomh, air am bi cùram gheatachan an teampuil, agus a bhitheas a' frithealadh do'n teampull: marbhadh iad an tabhartas-loisgte agus an iobairt air son an t-sluaigh, agus seasaidh iad 'n an làthair gu frithealadh dhoibh:

12 A chionn gu'n d'rinn iad frithealadh dhoibh ann an làthair an iodhol, agus gu'n d'thug iad air tigh Israeil tuiteam gu aingidheachd; uime sin thog mise suas mo làmh 'n an aghaidh, tha an Tighearn Iehobhah ag ràdh, agus giùlainidh iad an aingidheachd.

13 Agus cha tig iad am fagus domh-sa, a dheanamh dleasdanas sagairt domh, no 'theachd dlùth do bheag air bith de m' nithibh naomha 's an ionad a's ro naoinhe: ach giùlainidh iad an nàire, agus an gràineileachdan a chuir iad 'an gnìomh.

14 Ach ni mi iad 'n an luchd-coimhid cùraim an tighe, air son 'uile sheirbhis, agus air son gach uile ni 'bhitheas ri dheanamh ann.

15 Ach na sagartan na Lebhitheach, mic Shadoic, a choimhid cùram m' ionaid naomh, 'n uair a chaidh clann Israeil air seacharan uam, thig iadsan dlùth dhomh, chum frithealadh dhomh, agus seasaidh iad ann am fhianuis a dh'ìobradh dhomh na saill agus na fola, deir an Tighearn Iehobhah:

16 Théid iad a steach do m' ionad naomh, agus thig iad dlùth do m' bhord, a chum frithealadh dhomh, agus coimhididh iad mo chùram.

17 Agus tarlaidh, 'n uair a théid iad a steach air geatachaibh na cùirte stigh, gu'm bi iad air an éicadh le eudach lìn; agus cha tig olainn air bith orra, am feadh a tha iad a' frithealadh ann an geatachaibh na cùirte steach, agus an taobh a stigh.

18 Bithidh curraichean lìn air an cùm, agus bithidh triughais lìn air an leasraibh: cha chrìoslaich siad iad féin le aon ni a thogas fallus.

19 Agus 'n uair a théid iad a mach do'n chùirt a muigh, a chum an t-sluaigh, cuiridh iad dhiubh an eudaichean anns an d'rinn iad frithealadh, agus cuiridh iad anns na seòmraichibh naomha iad, agus cuiridh iad orra eudaichean eile, agus cha naomhaich iad am pobull 'n an eudaichibh.

20 Ni mò a lomas iad an cinn, no dh'fhuil-ingear iad do'n ciabhan fas fada; cha dean iad ach a mhàin an cinn a bharradh.

21 Nì mò dh'òlas sagart air bith fion, 'n uair théid iad a steach do'n chùirt a stigh.

22 Nì mò ghabhas iad dhoibh fein mar mhnaoi bantrach, no bean a chuireadh air falbh: ach gabhaidh iad maighdeanas de shliochd tighe Israeil, no bantrach aig an robh sagart roimhe.

23 Agus teagaisgidh iad do m' shluagh-sa an dealachadh cadar naomh agus mì-naomh, agus bheir iad orra dealachadh a chur cadar an glan agus an neòghlan.

24 Agus ann an comhstri seasaidh iad ann am breitheanas; bheir iad breth air a réir mo reachdan-sa; agus coimhididh iad mo lagh agus mo reachdan, ann am uile choimhthionalaibh, agus naomhaichidh iad mo shábaidean.

25 Agus cha tig iad dlùth do dhuine marbh gu iad féin a thruaileadh: ach air son athar, no air son màthar, no air son mic, no air son nighinn, air son bràthar, no air son peathar aig nach robh fear, feudaiddh siad iad féin a thruaileadh.

26 Agus an déigh dha bhi air a ghlanadh, àirmhidh iad dha seachd làithean.

27 Agus air an là 's an téid e steach do'n ionad naomh, do'n chùirt a stigh gu frith-ealadh anns an ionad naomh, bheir e seachad tabhartas-peacaidh, deir an Tighearn Dia.

28 Agus cha bhi oighreachd air bith aca; is mise an oighreachd-san: agus cha toir sibh dhoibh sealbh air bith ann an Israel; is mise an sealbh.

29 Ithidh iad an tabhartas-bidh, agus an tabhartas-peacaidh, agus an tabhartas-eusaontais; agus aca-san bithidh gach uile ni coisrigte ann an Israel.

30 Agus bithidh toiseach ceud thoraidh nan uile nithean, agus gach uile thabhartas de gach seòrsa de 'ur tabhartais aig na sagartaibh, bheir sibh mar an ceudna do'n t-sagart toiseach 'ur taoise, chum gu'n toir e air a bheannachadh còmhnuidh a ghabhail ann ad thigh.

31 Cha-n ith an sagart de ni air bith a dh'eugas leis féin, no 'bhitheas reubta, ma's eun no ainmhidh e.

CAIB. XLV.

1 An earrann de'n fhearann air son an ionaid naomh, 6 air son a' bhaile, 7 agus air son a' phrionnsa. 9 Orduighean mu thimcheall a' phrionnsa.

MAR an ceudna 'n uair a roinneas sibh le crannchur am fearann mar oighreachd, bheir sibh tabhartas do'n Tighearn, earrann naomh de'n fhearann: is e 'fhad cùig mìle fichead làmh-choille, agus a leud deich mìle: bithidh so naomh 'n a uile chrìochaibh mu'n cuairt.

2 Dheth so bithidh air son an ionaid naomh cùig ceud *air fad*, le cùig ceud *air leud*, ceithir-chearnach mu'n cuairt; agus

leth-cheud làmh-choille mu'n cuairt, air son a dhlùth-bhailtean.

3 An déigh an tomhas so toimhsidh tu ann am fad cùig mìle fichead, agus ann an leud deich mìle; agus an sin bithidh an t-ionad naomh, an t-àite ro naomh.

4 Bithidh a' chuid so de'n fhearann naomh do na sagartaibh, luchd-frithealaidh an ionaid naomh, a thig dlùth chum frith-ealadh do'n Tighearn; agus bithidh e 'n a ionad air son an tighean, agus 'n a àite naomh air son an naomh-ionaid.

5 Agus fòs cùig mìle fichead air fad, agus deich mìle air leud bithidh aig na Lebhithich, luchd-frithealaidh an tighe, air an son féin, mar sheilbh air son fichead seòmar.

6 Agus orduichidh sibh mar sheilbh na caithreach cùig mìle *làmh-choille* air leud, agus cùig mìle fichead air fad, thall fa chomhair aite an ionaid naomh: bithidh e aig uile thigh Israeil.

7 Agus bithidh aig an uachdaran air an aon taobh, agus air an taobh eile de chuibhrionn an ionaid naomh, agus de sheilbh na caithreach, fa chomhair cuibhrionn an ionaid naomh, agus fa chomhair seilbh na caithreach, o'n taobh an iar, ris an iar; agus o'n taobh an ear, ris an ear; agus bithidh am fad thall fa chomhair aoin de na h-earrannaibh, o'n iomall an iar gus an iomall an ear.

8 Anns an fhearann bithidh a shealbh ann an Israel; agus cha sàruich m' uachdaran-sa nì's mò mo shluagh: agus an fearann bheir iad do thigh Israeil a réir an fìncachan.

9 Mar so tha an Tighearn Dia ag ràdh, Gu ma leòr leibh, O uachdaran Israeil: cuiribh uaibh ainneart agus crach, agus deanaibh breitheanas agus ceartas, togaibh leibh 'ur n-aintighearnas o m' shluagh-sa, deir an Tighearn Iehobhah.

10 Bithidh agaibh meighean cothromach, agus ephah chothromach, agus bat cothromach.

11 Bithidh an ephah agus am bat de aon tomhas, air chor as gu'n eun am bat an deicheamh cuid de homer, agus an ephah an deicheamh cuid de homer: bithidh a thomhas a réir an homeir:

12 Agus bithidh ann an secel fichead gerah: fichead secel, cùig secel thar fhìchead, cùig secel deug, bithidh sin 'n a mhàneah agaibh.

13 So an tabhartas a bheir sibh uaibh; an seathamh cuid de ephah á homer cruithneachd, agus bheir sibh an seathamh cuid de ephah á homer corna.

14 A thaobh reachd na h-òlaidh am bat olaidh, bheir sibh uaibh an deicheamh cuid de bhat as a' chòr, is e sin homer dheich bhat; oir is deich bait a tha ann an homer:

15 Agus aon uan as an treud, á dà cheud, á h-ionaltradh reamhar Israeil, air son

tabhartais-bhìdh, agus air son ìobairt-loisgte, agus air son thabhartas-sìth, chum rèite 'dheanamh air an son, deir an Tighearn Dia.

16 Bheir uile shìlnagh an fhearainn an tabhartas so air son an uachdarain ann an Israel.

17 Agus buinidh e do'n phrionnsa tabhartais-loisgte, agus tabhartais-bìdh, agus tabhartasan-dìbhe thoirt naithe airna làithibh féill, agus air na gealaichibh nuadh, agus air na sàbaidibh, agus air uile àrd-fhéillibh tighe Israeil: deasaichidh e 'n tabhartas-peacaidh, agus an tabhartas-bìdh, agus an tabhartas-loisgte, agus na tabhartasan-sìth, a dheanamh rèite air son tighe Israeil.

18 Mar so tha an Tighearn Dia ag ràdh, Anns a' cheud mhìos, air a' chend là de'n mhìos, gabhaidh tu tarbh òg gun ghaoid, agus glanaidh tu an naomh-ionad.

19 Agus gabhaidh an sagart de fhuil na h-ìobairt-pheacaidh, agus cuiridh e i air puist an tighe, agus air ceithir chearnaibh buinn na h-altarach, agus air puist geata na cùirte stigh.

20 Agus mar sin ni thu air an t-seachdamh là de'n mhìos, air son gach aoine a thèid air seacharan, agus a ni gu h-amaideach: mar sin ni sibh rèite air son an teampuill.

21 Anns a' chend mhìos, air a' cheathramh là deug de'n mhìos, bithidh a' chàisg agaibh, féill sheachd làithean; ithcar aran gun ghòirteachadh.

22 Agus air an là sin deasaichidh am prionnsa air a shon féin, agus air son nìle shluaigh an fhearainn, tarbh air son ìobairt-pheacaidh.

23 Agus air seachd làithean na féille deasaichidh e ìobairt-loisgte do'n Tighearn, seachd tairbh, agus seachd reitheachan gun ghaoid, gach là, fad nan seachd làithean, agus mearn de na gabhraibh gach là air son ìobairt-pheacaidh.

24 Agus deasaichidh e tabhartas-bìdh, eadhon ephah air son tairbh, agus ephah air son reithe, agus hin olaidh air son ephah.

25 Anns an t-seachdamh mhìos, air a' chùig-eamh là deug de'n mhìos, ni e a réir sin air féill nan seachd làithean, a réir an tabhartais-pheacaidh, a réir na h-ofrail-loisgte, agus a réir an tabhartais-bhìdh, agus a réir na h-olaidh.

CAIB. XLVI.

1 Rìaghailean mu thimchioll a' phrionnsa, 9 agus mu thimchioll an t-sluaigh: 16 mu thimchioll thiodhlacan a' phrionnsa d' a mhacaibh, agus d'a sheirbhiseich. 21 Ant-àit's am bruich an sagairt an ìobairt-eusaontais agus an ìobairt-pheacaidh.

MAR so tha an Tighearn Dia ag ràdh, Bithidh geata na cùirte stigh, a tha 'g amhare ris an àird an ear, druidte air na

sè làithean oibre: ach air an t-sàbaid bithidh e fosgailte, agus air là na ré nuaidh bithidh e fosgailte.

2 Agus thèid an t-uachdaran a steach air slighe sgàth-thighe a' gheata an taobh a mach, agus seasaidh e aig ursam a' gheata, agus deasaichidh an sagart a thabhartas-loisgte, agus a thabhartais-shìth, agus ni e aoradh aig stairsnich a' gheata: an sin thèid e mach, ach cha druidear an geata gu amnoch.

3 Mar an eudna ni sluagh an fhearainn aoradh aig dorus a' gheata so an làthair an Tighearna, air na sàbaidibh, agus air na gealaichibh nuadha.

4 Agus is i an ìobairt-loisgte a bheir an t-uachdaran do'n Tighearn air là na sàbaid, sè uain gun ghaoid, agus reithe gun ghaoid.

5 Agus is e an tabhartas-bìdh ephah air son reithe, agus an tabhartas-bìdh air son nan nan mar a bhitheas 'n a chomas a thoirt uaithe, agus hin olaidh air son ephah.

6 Agus air là na gealaiche nuaidh bheir e tarbh òg gun ghaoid, agus sè uain, agus reithe: bithidh iad gun ghaoid.

7 Agus deasaichidh e tabhartas-bìdh, ephah air son tairbh, agus ephah air son reithe: agus air son nan nan a réir mar a bhitheas 'n a chomas, agus hin olaidh air son ephah.

8 Agus 'n nair a thèid an t-uachdaran a steach, thèid e stigh air slighe sgàth-thighe a' gheata, agus thèid e mach air a shlighe sin.

9 Ach 'n uair a thig nuinntir an fhearainn an làthair an Tighearna, anns na h-àrd-fhéillibh, esan a thèid a steach air slighe a' gheata thuath gu aoradh, thèid a mach air slighe a' gheata dheas; agus esan a thèid a steach air slighe a' gheata dheas, thèid e mach air slighe a' gheata thuath: cha phill e air slighe a' gheata air an deachaidh e steach, ach thèid e mach thall fa chomhair.

10 Agus thèid an t-uachdaran a steach 'n am meadhon 'n nair thèid iad a steach; agus 'n uair thèid iadsan a mach, thèid esan a mach.

11 Agus air na féillibh, agus air na h-àrd-fhéillibh, is e an tabhartas-bìdh ephah air son tairbh, agus ephah air son reithe, agus air son nan nan a réir a chomais, agus hin olaidh air son ephah.

12 A nis 'n nair a dheasaicheas an t-uachdaran o 'thoil féin ìobairt-loisgte, no tabhartais-shìth, gu toileach do'n Tighearn, fosgailtear dha an sin an geata 'tha 'g amhare ris an àird an ear, agus ulluichidh e ìobairt-loisgte, agus a thabhartasan-sìth mar a rinn e air là na sàbaid: an sin thèid e mach, agus an déigh dha dol a mach, druidear an dorus.

13 Ulluichidh tu gach là tabhartas-loisgte do'n Tighearn, nan de'n ehend bhliadhna gun ghaoid; ulluichidh tu e gach aon mhaduim.

14 Agus ulluichidh tu tabhartas-bidh air a shon gach aon mhadninn, an sèathamh cuid de ephrah, agus an treas cuid de hin olaidh, chum a mheasgadh leis a' mhìn-chruithneachd; tabhartas-bidh do ghnàth, le ordugh sìorruidh do'n Tighearn.

15 Mar so ulluichidh iad an t-nan, agus an tabhartas-bidh, agus an oladh gach aon mhadninn, mar ìobairt-loisgte ghnàth-aichte.

16 Mar so tha an Tighearn Dia ag ràdh, Ma bheir au t-nachdaran tìodhlac do aon air bith d'a mhìe, bithidh a shealbh sin aig a mhìe; bithidh a shealbh aca mar oighreachd.

17 Ach ma bheir e tìodhlac do aon d'a sheirbhisich, an sin bithidh e aige-san gu bliadhna na saorsa: 'n a dhéigh sin pillidh e chum an nachdaran; ach bithidh 'oighreachd aig a mhìe dhoibh féin.

18 A thuilleadh air so cha ghabh an t-nachdaran de oighreachd an t-sluaigh le h-aim-eart, a chum an tilgeadh a mach as an seilbh: ach bheir e d' a mhìe oighreachd as a sheilbh féin: a chum nach bi mo shluagh-sa air an sgapadh gach aon o' sheilbh.

19 'N a dhéigh sin thug e mi troimh an fhosgladh, a bha aig taobh a' gheata, gu seòmraichean naomha nan sagart, a bha 'g amhare ri tuath; agus, feuch, bha àite an sin aig oisinn na h-àird' an iar.

20 An sin thubhairt e rium, So au t-àite 's am brìch na sagartan an ìobairt-eus-aontais, agus an ìobairt-pheacaidh, far am fuin iad an tabhartas-bidh: a chum nach toir iad a mach iad gus a' chùirt a mach, gus an snagh a naomhachadh.

21 An sin thug e mach mi gus a' chùirt a mach, agus thug e orm gabhail seachad air ceithir oisinnibh na cùirte; agus, feuch, bha cùirt anns gach aon oisinn de'n chùirt.

22 Ann an ceithir oisinnibh na cùirte bha cùirtean ceangailte ri the, dà fhichead làmh-choille air fad, agus deich thar fhichead air leud: bha na ceithir oisinnean so de aon tomas.

23 Agns bha aca balla mu'n enairt doibh 'n an ceithir, agus ionadan-bruichidh deanta fo 'n bhalla, mu'n enairt.

24 An sin thubhairt e rium, Is iad so àiteachan na mninntir a bhrìcheas, far am bruch luchd-frithealaidh an teampuill ìobairtean an t-sluaigh.

CAIB. XLVII.

1 Taisbean nan uisgeachan naomha; 6 Leighidh iad gach beathach a tha 'ghlasad. 13 Crichean an fhearrainn. 22 Thèid am fearann a roinn le crannchur.

'N A dhéigh sin thug e mi ris gu dorus an teampuill, agus, feuch, bhrùchd uisgeachan a mach o iochdar stairsnich an tighe ris an àird an ear: oir bha aghaidh an tighe ris an àird an ear, agus thàinig na

h-uisgeachan a nuas foidhe, o thaobh deas an tighe, air taobh nùn dheas na h-altarach.

2 An sin thug e mach mi air slighe a' gheata mu thuath, agus thug e orm siubhal mu'n enairt air an t-slighe muigh gns an geata mach, air an t-slighe 'tha 'g amhare ris an àird an ear, agus, feuch, rnith uisgeachan a mach air an taobh deas.

3 Agus 'n uair a chaidh an duine aig an robh an t-sreang 'n a làimh, a mach air slighe na h-àird' an ear, thomhais e mìle làmh-choille, agus thug e mi troimh na h-uisgeachan: bha na h-uisgeachan gu rnig na h-aobranan.

4 A ris thomhais e mìle, agns thug e mi troimh na h-uisgeachan; bha na h-uisgeachan gu rnig na glùinean: a ris thomhais e mìle, agns thug e mi troimh na h-uisgeachan: bha na h-uisgeachan gu rnig na leasraidh.

5 'N a dhéigh sin thomhais e mìle; agus bha e 'n a shruth nach b'urrainn mi dol thairis air: oir bha na h-uisgeachan air éirigh, uisgeachan air son snamh amta, amhainn nach fendtadh dol troimpe.

6 Agns thubhairt e rium, Nach faca tu, a mhìe an dnuine? an sin thug e leis mi, agns thug e orm pilleadh gn brnaich na h-aimhne.

7 A nis an uair a phill mi, feuch, air brnaich na h-aimhne bha ro-mhòran chraobh, air an taobh so, agus air an taobh eile.

8 An sin thubhairt e rium, Tha na h-uisgeachan so ag imeachd a mach rathad tìre na h-àirde 'n ear, agns a' dol sìos do'n fhàsach, agns a' dol a steach do'n fhaighe; 'n uair bheirear iad a mach a chum na fairge, leighisear na h-uisgeachan.

9 Agus tarlaidh, gach aon bheathach beò, a tha 'ghlasad, taobh air bith gus an tig na h-aimhnichean, mairidh e beò: agns bithidh ro-mhòran éisg ann, a chionn gu'n tig na h-uisgeachan so thuige: oir leighisear iad, agus mairidh gach ni beò far an tig an amhainn.

10 Agus tarlaidh, gu'n seas na h-iasgairean oirre, o Engedi gu rnig Eneglaim; bithidh iad 'n an ionad a sgaioleadh a mach lìon, bithidh an iasg a rèir an seòrsa, mar iasg na fairge mòire, ro hommhor.

11 Ach a làthach, agus a h-àiteachan fìneha cha bhì air an leigheas, bheirear iad thairis gu salann.

12 Agus air taobh na h-aimhne, air a brnaich, air an taobh so, agus air an taobh sin, fàsaidh na h-uile chraobhan air son bidh, aig nach bi an duilleach air scargadh, no an toradh air a chaitheamh: bheir e mach toradh nuadh a rèir a mhòsan, do bhrìgh gu'n do shruth 'uisgeachan a mach o 'n ionad naomh; agns bithidh a thoradh air son bidh, agus a dhuilleach air son leighis.

13 Mar so tha an Tighearn Dia ag ràdh, So a' chrìoch leis an scalbhaich sibh am

fearann, a réir dà threubh dheug Israeil: bithidh dà roinn aig Ioseph.

14 Agus seallbhaichidh sibh e, aon co maith r'a chéile: oir am fearann so mu'n do thog mise suas mo làmh, gu'n tugainn e do 'ur n-aithrichibh, tuitidh oirbhe mar oighreachd.

15 Agus so crìoch an fhearainn air an taobh mu thuath, o'n fhaighe mhòir, slighe Hetloin, mar a théid daoine gu Sedad:

16 Hamat, Berotah, Sibraim, a tha eadar crìoch Dhamascuis agus crìoch Hamait; Hasar-haticon, a tha làmh ri ionall Haurain.

17 Agus o'n fhaighe bithidh a' ehrioch aig Hasar-enan, crìoch Dhamascuis, agus an àirde tuath air an taobh mu thuath, agus crìoch Hamait: agus so an taobh mu thuath.

18 Agus an taobh an ear toimhsidh sibh c Hauran, agus o Dhamascuis, agus o Ghilead, agus o fhearann Israeil làmh ri Iordan, o'n chrìch gu ruig an fhaighe 'n ear: agus so an taobh an ear.

19 Agus an taobh deas mu dheas o Thamar, gu uisgeachan na strì ann an Cadcs, an sruth gus an fhaighe mhòr: agus so an taobh deas mu dheas.

20 An taobh an iar mar an ceudna bithidh aig an fhaighe mhòir o'n ionall, gus an tig duine nall fa chomhair Hamait: so an taobh an iar.

21 Mar so roinnidh sibh am fearann so dhuibh, a réir threuhan Israeil.

22 Agus tarlaidh gu'n roinn sibh e le crannchur air son oighreachd dhuibh féin, agus do na coigriche a bhios air chuairt 'n 'ur measg, a ghineas clann 'n 'ur measg: agus bithidh iad dhuibh mar gu'm bitheadh iad air am breth 's an dùthaich am measg cloinne Israeil; bithidh oighreachd aca maille rubh, am measg threubhan Israeil.

23 Agus tarlaidh, anns an treubh anns am bi an coigreach air chuairt, an sin gu'n toir sibh dha 'oighreachd, deir an Tighearn Dia.

CAIB. XLVIII.

1 Crìochan an dà threubh dheug, 8 an ionaid naomh, 15 a' bhaile agus nan dlùth-bhailtean, 21 agus an uachdarain. 30 Tomhas agus geala a' bhaile.

ANIS is iad so ainmean nan treubh, o'n cheann mu thuath gu ionall slighe Hetloin, mar a théid neach gu Hamat, Hasarenan, crìoch Dhamascuis mu thuath, gu ionall Hamait, (oir is iad so a thaobhan an ear agus an iar,) bithidh aon roinn aig Dan.

2 Agus làmh ri crìch Dhain, o'n taobh an ear gus an taobh an iar, aon aig Aser.

3 Agus làmh ri crìch Aseir, o'n taobh an ear gus an taobh an iar, aon aig Naphtali.

4 Agus làmh ri crìch Naphtali, o'n taobh an ear gus an taobh an iar, aon aig Manasch.

5 Agus làmh ri crìch Mhanasch, o'n taobh an ear gus an taobh an iar, aon aig Ephraim.

6 Agus làmh ri crìch Ephraim, o'n taobh an ear gus an taobh an iar, aon aig Reuben.

7 Agus làmh ri crìch Reubein, o'n taobh an ear gus an taobh an iar, aon aig Iudah.

8 Agus làmh ri crìch Iudah, o'n taobh an ear gus an taobh an iar, bithidh tabhartas a bheir sibh seachad, cùig mìle fichead làmh-choille air leud, agus air fad mar aon de na h-earrannaibh eile, o'n taobh an ear gus an taobh an iar, agus bithidh an t-ionad naomh 'n a mheadhon.

9 An tabhartas a bheir sibh seachad do'n Tighearn, bithidh e cùig mìle fichead làmh-choille air fad, agus deich mìle làmh-choille air leud.

10 Agus air an son-san, air son nan sagart, bithidh an tabhartas naomh so, ris an àirde tuath, cùig mìle fichead làmh-choille air fad, agus ris an àird an iar, deich mìle làmh-choille air leud, agus ris an àird an ear, deich mìle làmh-choille air leud, agus ris an àirde deas, cùig mìle fichead làmh-choille air fad; agus bithidh ionad naomh an Tighearn 'n a mheadhon.

11 Bithidh e air son nan sagart a tha naomhaichte, de mhacaibh Shadoic, a choimhid an ni a dh'earb mise riu, nach deachaidh air seacharan an uair a chaidh clann Israeil air seacharan, mar a chaidh na Lebhitheach air seacharan.

12 Agus is ro naomh dhoibh-san tabhartas so an fhearainn, làmh ri crìch nan Lebhitheach.

13 Agus thall fa ehomhair crìche nan sagart, bithidh aig na Lebhitheach cùig mìle fichead làmh-choille air fad, agus deich mìle làmh-choille air leud; is e am fad uile cùig mìle fichead làmh-choille, agus an leud deich mìle.

14 Agus cha reic iad deth, ni mò ni iad a mhalairt, no bheir iad uatha ceud thoradh an fhearainn: oir tha e naomh do'n Tighearn.

15 Agus bithidh na cùig mìle làmh-choille a tha air am fagail anns an leud, thall fa chomhair nan cùig mìle fichead, 'n a ionad nach bi naomh, air son a' bhaile, air son còmhnuidh, agus air son dlùth-bhailtean; agus bithidh am baile 'n a mheadhon.

16 Agus so a thoimhsan; an taobh mu thuath ceithir mìle agus cùig ceud, agus an taobh mu dheas ceithir mìle agus cùig ceud, agus air an taobh an ear ceithir mìle agus cùig ceud, agus an taobh an iar ceithir mìle agus cùig ceud.

17 Agus bithidh dlùth-bhailtean na caithreach ris an àirde tuath dà cheud agus leth-cheud, agus ris an àirde deas dà cheud agus leth-cheud, agus ris an àird an ear dà cheud agus leth-cheud, agus ris an àird an iar dà cheud agus leth-cheud.

18 Agus bithidh a' chuid eile air leud, thall

faehomhair tabhartais a' ehuibhrinn naoimh, deich mìle ris an taobh an ear, agus deich mìle ris an taobh an iar: agus bithidh e thall fa chomhair tabhartais a' chuibhrinn naoimh; agus bithidh a chinneas mar lòn do luchd-frithcalaidh na caithreach.

19 Agus ni a' mhuinntir a fhrithéalas do'n bhaile frithcaladh dha á uile threubhan Israeil.

20 Is e an tabhartas uile cùig mìle fichead, le cùig mìle fichead: bheir sibh seachad an tabhartas naomh ceithir-chearnach, maille ri seilbh na caithreach.

21 Agus bithidh a' chuid eile air son an uachdarain, air an taobh so, agus air an taobh eile de'n tabhartas naomh, agus de sheilbh na caithreach, thall fa chomhair nan cùig mìle fichead de'n tabhartas leth ris a' chrìch an ear, agus an taobh an iar thall fa chomhair nan cùig mìle fichead leth ris a' chrìch an iar, thall fa chomhair nan cuibhrionn air son an uachdarain; agus bithidh e so 'n a thabhartas naomh, agus bithidh naomh-ionad an teampuill 'n a mheadhon.

22 An déigh seilbh nan Lebhitheach, agus seilbh na caithreach, bithidh sin anns a' mheadhon aig an uachdaran, cadar crìoch Iudah agus crìoch Bheniamin, bithidh so aig an uachdaran.

23 A thaobh na cuid eile de na treubhan, o'n taobh an ear gus an taobh an iar, bithidh aon roinn aig Bheniamin.

24 Agus làimh ri crìch Bheniamin, o'n taobh an ear gus an taobh an iar, aon aig Simeon.

25 Agus làimh ri crìch Shimeoin o'n taobh an ear gus an taobh an iar, aon aig Isachar.

26 Agus làimh ri crìch Isachair, o'n taobh an ear gus an taobh an iar, aon aig Sebulun.

27 Agus làimh ri crìch Shebuluin, o'n taobh an ear gus an taobh an iar, aon aig Gad.

28 Agus làimh ri crìch Ghaid, aig an taobh deas mu dheas, bithidh a' chrìoch o Thamar, eadhon gu uisgeachan na strì ann an Cades, gus an ambainn leth ris an fhainge mhoir.

29 So am fearann a roinneas sibh le crann-chur do threubhan Israeil air son oighreachd, agus so na cuibhrionnan aca, deir an Tighearn Dia.

30 Agus so dol a mach na caithreach air an taobh mu thuath, ceithir mìle agus cùig ceud tomhas.

31 Agus bithidh geatachan na caithreach a réir ainmean threubhan Israeil, trì geatachan ris an àirde tuath; aon gheata do Reuben, aon gheata do Iudah, aon gheata do Lebhi.

32 Agus air an taobh an ear ceithir mìle agus cùig ceud: agus trì geatachan; aon gheata do Ioseph, aon gheata do Bheniamin, aon gheata do Dhan.

33 Agus air an taobh mu dheas ceithir mìle agus cùig ceud tomhas: agus trì geatachan; aon gheata do Shimeon, aon gheata do Isachar, aon gheata do Shebulun.

34 Air an taobh an iar ceithir mìle agus cùig ceud, le 'n trì gheatachaibh; aon gheata do Ghad, aon gheata do Ascr, aon gheata do Naphtali.

35 Bha e mu'n cuairt ochd mìle deug tomhas; agus bithidh mar ainm air a chaithir o'n là sin, Tha an Tighearn an sin.

DANIEL.

CAIB. I.

1 *Braighdeanas Iehoiacim. 3 Fhuair Aspenas ordugh foghlum agus teangadh nan Caldéach a theagas do Dhanieil, Hananiah, Mhisael, agus Asariah. 8 Dhiùlt siad iad féin a thruaileadh le biadh an rìgh; 16 uime sin fhuair iad peasaí r'a h-àiteudh, agus uisge r'a ol. 17 Dh'fhàs iad ann an glìocas agus ann an tuigse.*

ANNS an treas bliadhna de linn Iehoiacim rìgh Iudah, thàinig Nebuchadnesar rìgh Bhabilon gu Ierusalem, agus ehuairtich e le feachd e.

2 Agus thug an Tighearn Iehoiacim rìgh Iudah d'a làimh, le cuid de shoitichean tighe Dhé, a thug e gu tìr Shìnair, gu tìgh a dhé; seadh, thug e na soitichean gu tìgh-tasgaidh a dhé.

3 Agus labhair an rìgh ri Aspenas uachdaran a chailteanach, gu'n tugadh e leis

cuid de chloinn Israeil, agus de shliochd an rìgh, agus de na prionnsachaibh.

4 Clann air nach robh ciurram air bith, ach a bha màiseach, agus foghlumte anns na h-uile ghliocas, agus fiosrach ann an eòlas, agus seòlta air ealaidhean, agus a bha comasach air seasamh ann an luchairt an rìgh, agus d' am feudadh iad foghlum agus teangadh nan Caldéach a theagasg.

5 Agus dh'orduich an rìgh dhoibh lòn lathail de bhìadh an rìgh, agus de'n fhìon a bha e ag òl: mar sin 'g an àrach trì bliadhna, a chum gu'n seasadh iad 'an ceann na h-ainnsir' sin an làthair an rìgh.

6 A nis am measg na muinntir' so bha, de chloinn Iudah, Daniel, Hananiah, Misacl, agus Asariah:

7 D'an d'thug uachdaran nan caillteanach ainmean: oir thug e air Daniel *mar ainm*

Beltesasar; agus air Hananiah Sadrach; agus air Misael Mesach; agus air Asariah Abednego.

8 Ach ghabh Daniel rùn 'n a chridhe nach truailleadh se e féin leis a' chuibhrionn de bhiadh an rìgh, no leis an fhìon d' an d' òl e: uime sin ghuidh e air uachdaran nan caillteanach, nach bitheadh e air a shalachadh.

9 A nis thug Dia do Dhaniel deadh-ghean agus caoimhneas gràdhach o uachdaran nan caillteanach.

10 Agus thubhairt uachdaran nan caillteanach ri Daniel, Tha eagal orm roimh mo thighearn an rìgh, a dh'òrduich 'ur biadh agus 'ur deoch: oir ciod uime am faicadh e 'ur n-aghaidhean ni's miosa coslas na chlànn eile d'ur seòrsa? an sin cuiridh sibh mise ann an cunnart mo chinn o'n rìgh.

11 An sin thubhairt Daniel ri Melsar, a chuir uachdaran nan caillteanach os ceann Dhaniel, Hananiah, Mhisael agus Asariah,

12 Dearbh do sheirbhiseich, guidheam ort, deich làithean, agus thugar dhuinn peasair ri h-ithleadh, agus uisge a' òl.

13 An sin amhaircear air ar n-aghaidhean ann ad làthair-sa, agus air aghaidh na cloinne 'tha 'g itheadh de chuibhrionn bìdh an rìgh: agus mar a chithear ceart duit, buin ri d'sheirbhiseich.

14 Is amhuil a dh'aontaich e leo anns a' chùis so, agus dhearbhadh e iad deich làithean.

15 Agus 'an ceann dheich làithean bha dreach an aghaidhean ni bu mhaiseiche agus ni bu shultmhoire na an uile chlànn a dh'ith an cuibhrionn de bhiadh an rìgh.

16 Mar so thug Melsar air falbh cuibhrionn am bìdh, agus am fion a bu chòir dhoibh òl: agus thug e dhoibh peasair.

17 A thaobh na ceathrar chloinne so, thug Dia dhoibh còlas agus tuisge anns na h-uile fhuoghlum agus ghliocas: agus bha tuisge aig Daniel anns na h-uile sheallanaibh agus bhrudaraibh.

18 A nis aig ceann nan làithean, anns an d' thubhairt an rìgh gu'n tugadh e steach iad, an sin thug uachdaran nan caillteanach a steach iad an làthair Nebuchadnesair.

19 Agus rinn an rìgh còmhraidh riu; agus 'n am measg uile cha d' fhuaradh aon cosmhuil ri Daniel, Hananiah, Misael, agus Asariah: air an aobhar sin sheas iad fa chomhair an rìgh.

20 Agus anns na h-uile ghnòthuichibh gliocais agus tuisge a dh'fhiosraich an rìgh dhiubh, fhuair e iad deich uairean ni b'fhearr na na h-uile dhruidhean agus speuradairean a bha 'n a rioghachd uile.

21 Agus mhair Daniel gu ceud bhliadhna rìgh Chiruis.

1 *Ghairm Nebuchadnesair druidhean agus luchd-fiosachd nan Caldéach 'n a làthair, 5 agus dh'iarra e gu'n tugadh iad fios da air a bhrudar a bha air dol as aire. 10 'N uair a dh'aidich iad nach 'burrainn doibh an ghnòthuch fhoillseachadh do'n rìgh, dh'òrduich e an cur gu bàs. 18 Chaidh am brudar fhoillseachadh do Dhaniel ann an sealadh na h-oidhche. 31 Am brudar agus a bhrìgh.*

AGUS anns an dara bliadhna de linn Nebuchadnesair, bhrudair Nebuchadnesair brudar, leis an robh 'inntinn air a buaireadh, agus dhealaich a chodal ris.

2 An sin dh'àithn an rìgh na druidhean, agus na speuradairean, agus an luchd-fiosachd, agus na Caldéich a ghairm, a dh'fheuchainn do'n rìgh a bhrudair: mar sin thàinig iad, agus sheas iad an làthair an rìgh.

3 Agus thubhairt an rìgh riu, Bhrudair mi brudar, agus bha m' inntinn air a buaireadh a dh'fhaotainn fios a' bhrudair.

4 An sin labhair na Caldéich ris an rìgh anns a' chànan Shirianaich, O a rìgh, mair beò gu bràth: innis do d' sheirbhiseich am brudar, agus feuchaidh sinne a bhrìgh.

5 Fhreagair an rìgh agus thubhairt e ris na Caldéich, Tha an ni air dol as m' aire; mur toir sibhse fios dhomh air a' bhrudar le 'bhrìgh, gearrar sibh 'n 'ur bhoigdibh, agus nìthear 'ur tighean 'n an dùn aolaich.

6 Ach ma dh'fheuchas sibh am brudar agus a bhrìgh, gheibh sibh nam-sa tìodhlacan agus duais, agus onoir mhòr: uime sin feuchaidh dhomh am brudar agus a bhrìgh.

7 Fhreagair iadsan a ris, agus thubhairt iad, Innseadh an rìgh d'a sheirbhiseich am brudar, agus feuchaidh sinne a bhrìgh.

8 Fhreagair an rìgh agus thubhairt e, Tha fios agam gu deimhin gu'm 'b' àill leibh ùine fhaotainn, a chionn gu bheil sibh a' faicinn gu bheil an ni air dol as m' aire.

9 Ach mur toir sibh fios domh air a' bhrudar, *cha-n'èil ach an aon bhreth dhuibh*: oir dh'ulluich sibh briathran breugach agus truailleadh gu labhairt am Ràthair-sa, gu atharrachadh na h-aimsir: uime sin innisibh dhomh am brudar, agus aithnichidh mi gur urrainn sibh a bhrìgh fheuchainn dhomh.

10 Fhreagair na Caldéich ann am fianuis an rìgh, agus thubhairt iad, Cha-n'èil duine air an talamh a's urrainn ghnòthuch an rìgh fhoillseachadh: air an aobhar sin cha-n'èil rìgh, no tighearn, no fear-riaghlaidh dh'iarra an leithid so de nithibh air aon druidh, no speuradair, no Caldéach.

11 Agus is ni deacair a tha an rìgh ag iarraidh, agus cha-n'èil aon air bith eile a's urrainn 'fheuchainn fa chomhair an rìgh, ach na diathan aig nach 'èil an còmhnuidh maille ri feoil.

DANIEL, II.

12 Air an aobhar so bha 'n rìgh ann am feirg, agus ann an teas-chorrugh, agus dh'athn e uile dhaoine glìce Bhabiloìn a mhilleadh.

13 Agus chaidh an t-ordugh a mach gu'm bithcadh na daoine glìce air am marbhadh; agus dh'iarr iad Daniel agus a chompanaich gu bhì air am marbhadh.

14 An sin fhreagair Daniel, le comhairle agus le gliocas, Arioeh, ceann-feadhna freiceadain au rìgh, a chaidh a mach a marbhadh dhaoine glìce Bhabiloìn.

15 Fhreagair e agus thubhairt e ri Arioeh, ceann-feadhna an rìgh, C'ar sou a tha 'u t-ordugh cho dian o'n rìgh? An sin dh'innis Arioeh a' chùis do Dhaniel.

16 An sin chaidh Daniel a steach, agus ghuidh e air an rìgh gu'n tugadh e dha ùine, agus gu'm feuchadh e do'n rìgh a' bhrìgh.

17 An sin chaidh Daniel g'a thigh, agus dh'innis e a' chùis do Hananiah, Mhisael, agus Asariah, a chompanaich;

18 A chum gu'n iarradh iad trècail air Dia nèimh mu thimcheall na dìomhaireachd so; a chum nach bàsaichadh Daniel agus a chompanaich leis a' chuid eile de dhaoine glìce Bhabiloìn.

19 Au sin bha an dìomhaireachd air a foillsachadh do Dhaniel ann an sealladh 's an oidheche: an sin bheannaich Daniel Dia nèimh.

20 Fhreagair Daniel agus thubhairt e, Beannaicht gu'n robh ainm Dhé gu saoghal nan saoghal; oir is leis-san gliocas agus cumhachd.

21 Agus atharraichidh e na h-amannan, agus na h-aimsirean: atharraichidh e rìgh-reann, agus cuiridh e suas rìghrean: bheir e gliocas do'n ghlic, agus eòlas dhoibhsau d'an aithne tuigse.

22 Foillsichidh e na nithean domhain agus dìomhair: is aithne dha ciod a tha 's an dorchadas, agus tha an solus a chòmhnuidh maille ris.

23 Tha mi 'toirt buidheachais agus cliù dhuit, O thusa, a Dhia m' aithrichean, a thug domh gliocas agus cumhachd, agus a thug fios duinn a nis air an ni a dh'iarr sinn ort: oir thug thu fios duinn a nis air gnothuch an rìgh.

24 Uime sin chaidh Daniel a steach gu Arioeh, a shonraich an rìgh gu daoine glìce Bhabiloìn a mhilleadh: chaidh e agus labhair e mar so ris, Na sgrìos daoine glìce Bhabiloìn: thoir mise teachd ann am fianuis an rìgh, agus fenechaidh mi do'n rìgh an seadh.

25 Au sin thug Arioeh a stigh Daniel ann am fianuis an rìgh gu luath, agus thubhairt e mar so ris, Fhuair mi duine de bhraghaidh Iudah, a bheir fios do'n rìgh air an t-seadh.

26 Fhreagair an rìgh, agus thubhairt e ri Daniel, d' am b' ainm Beltesasar, An urrainn thusa fios a thoirt domh air a' bhruadar a chunnaic mi, agus air a bhrìgh?

27 Fhreagair Daniel ann am fianuis an rìgh, agus thubhairt e, An dìomhaireachd a dh'iarr an rìgh cha-n urrainn na daoine glìce, na speuradaircan, na druidhean, no an luchd-fiosachd fheneachain do'n rìgh;

28 Ach tha Dia ann an nèamh a dh'fhoillsicheas nithean dìomhair, agus a tha 'toirt fios do Nebuchadnezar ciod a thachras anns na làitheibh deireannach. Do bhruadar, agus aisingean do chinn air do leabaidh, is iad so iad:

29 (Do d' thaobh-sa, O a rìgh, thàinig do smuaintean ann ad aire air do leabaidh, ua uithean a bha ri tachairt 'n a dhéigh so; agus tha esan a dh'fhoillsicheas nithean dìomhair a' toirt fios duit ciod a thig gu crìch.

30 Ach do m' thaobh-sa, cha-u'eil an dìomhaireachd so air a leigeadh ris domh air sou gliocais air bith a tha agam thar aon *duine* beò, ach air an son-san a ni a' bhrìgh aithnichte do'n rìgh; agus a chum gu'm bith-eadh fios agad-sa air smuaintean do chridhe.)

31 Chunnaic thusa, O a rìgh, agus feuch iomhaigh mhòr: sheas an iomhaigh mhòr so, aig an robh dealradh oirdheire, fa d' chomhair, agus bha a dreach uamhasach.

32 Bha ceann na h-iomhaigh so dh' òr fìnealta, a h-uchd agus a làmhnan a dh' airgiod, a brù agus a sléisdean a dh' umha,

33 A luirgcan de iarunn, a cosan, cuid de iarunn, agus cuid de chriadh.

34 Chunnaic thu gus an robh clach air a gearradh a mach gun làmhnan, a bhuail an iomhaigh air a cosan a bha de iarunn agus de chriadh, agus a bbris 'n am bloighdibh iad.

35 An sin bha an t-iarunn, a' chriadh, an umha, an t-airgiod agus an t-òr, air am bris-eadh 'n am bloighdibh le 'chéile, agus dh'fhàs iad cosmhuil ri moll nan urlar-bualaidh anns an t-samhradh, agus thug a' ghaoth air falbh iad, air chor as nach d'fhuaradh àite sam bith dhoibh: agus dh'fhàs a' chlach a bhuail an iomhaigh 'n a sliabh mòr, agus lìon i an talamh uile.

36 So am bruadar; agus innsidh sinn a bhrìgh an làthair an rìgh.

37 O a rìgh, is rìgh os ceann rìghrean thusa: oir thug Dia nèimh dhuit rìoghachd, cumhachd, agus neart, agus glòir.

38 Agus c'ait air bith am bheil clann nan daoine a' gabhail còmhnuidh, beathaichean na macharach, agus eunlaith an athair, thug e do d' làimh-sa, agus rinn e uachdaran diot os an ceann uile: is tusa an ceann so a dh' òr.

39 Agus ann ad dhéigh-sa éiridh rìoghachd eile, ni's lugha na thusa, agus treas rìoghachd eile a dh' umha, aig am bi uachdaranachd os ceann an domhain uile.

40 Agus bithidh an ceathramh rìoghachd làidir mar iarunn: amhuil a bhriseas iarunn ann am bloighdibh, agus a chlaoidheas e na h-uile nithean: agus amhuil iarunn a bhris-

eas iad so uile, brisidh i ann am bloighdibh, agus bruthaidh.

41 Agus mar a chunnaic thu na cosan agus na meoir, cuid de chriadh a' chriadh-air, agus cuid de iarunn, bithidh an rìoghachd air a roinn; ach bithidh innte de neart an iarunn, ann a' mheud as a chunnaic thu an t-iarunn air a mheasgadh le criadh-lathaich.

42 Agus mar a bha meoir nan cos, cuid a dh' iarunn, agus cuid de chriadh; bithidh euid d' an rìoghachd laidir, agus euid briste.

43 Agus mar a chunnaic thu iarunn air a mheasgadh le criadh-lathaich, measgaidh iadsan iad fèin le siol dhaoine: ach cha ghreimich iad r'a chéile, amhuil mar nach gabh iarunn tàthadh ri criadh.

44 Agus ann an làithibh nan rìghrean so, cuiridh Dia nèimh suas rìoghachd nach téid gu sìorruidh a sgrìos: agus cha bhi an rìoghachd air a fàgail aig sluagh cile, ach brisidh i 'n am bloighdibh, agus caithidh i na rìoghachdan so uile, agus seasaidh i gu sìorruidh.

45 Ann a' mheud as gu'm facadh tu gu'n robh a' chlach air a gearradh a mach as an t-slabh as eugmhais làmhnan, agus gu'n do bhris i 'n am bloighdibh an t-iarunn, an umha, a' chriadh, an t-airgid agus an t-òr; thug an Dia mòr fios do'n rìgh ciod a thig gu crìch 'n a dhéigh so: agus thà am brudair cinnteach, agus a bhrìgh dearbhta.

46 An sin thuit an rìgh Nebuchadnesar air 'aghaidh, agus thug e urram do Dhaniel, agus dh'àithn e gu'n tugadh iad dha tabhartas agus boltrach cùbhraidh.

47 Freagair an rìgh Daniel, agus thubhairt e, Gu fìrinneach is e blur Dia-sa Dia nan diathan, agus Tighearn nan rìghrean, agus fear-foilseachaidh nìthean dìomhair, air dhuitse bhi comasach an dìomhaireachd so fhoillseachadh.

48 An sin rinn an rìgh duine mòr de Dhaniel, agus thug e dha mòran thìodhlacan luachmhor, agus rinn e fear-riaghlaidh dheth os ceann mhòr-roinn Bhabiloin uile, agus ceannard air na h-uachdarain os ceann uile dhaoine glìce Bhabiloin.

49 An sin dh'iarr Daniel air an rìgh, agus chuir e Sadrach, Mesach, agus Abednego os ceann ghnothuichean mhòr-roinn Bhabiloin: ach shuidh Daniel ann an geata an rìgh.

CAIB. III.

1 *Chuir Nebuchadnesar suas ìomhaigh òir, agus dh'òrdugh e do gach sluagh aoradh a thoirt di.* 8 *Dh'iarr Sadrach, Mesach, agus Abednego so a dèanamh.* 13 *Bhagair an rìgh orra:* 16 *Am freagradh:* 19 *Thilgeadh iad 'am meadhan na h-àmhainn theinntich:* 24 *Chuir Dia aingeal maille riu, agus cha robh cumhachd air bith aig an teine air an cuirp.* 26 *Thug Nebuchadnesar a mach as an àmhainn iad.*

RINN Nebuchadnesar an rìgh ìomhaigh òir, a bha trì fichead làmh-choille air

àirde, agus sè làmhnan-coille air leud; chuir e suas i ann am machair Dhura, ann am mòr-roinn Bhabiloin.

2 An sin chuir Nebuchadnesar an rìgh fios a chum gu'n cruinnichteadh ri 'chéile na prionnsachan, na fir-riaghlaidh, agus na cinn-fheadhna, na breitheamhan, luchd-coimhid an ìomhais, na comhairlich, na fir-lagha, agus uile luchd-riaghlaidh nam mòr-roinn, gu teachd a chum coisreagaidh na h-ìomhaigh a chuir Nebuchadnesar an rìgh suas.

3 An sin bha na prionnsachan, na fir-riaghlaidh, na cinn-fheadhna, na breitheamhan, luchd-coimhid an ìomhais, na comhairlich, na fir-lagha, agus uile luchd-riaghlaidh nam mòr-roinn air an cruinneachadh ri 'chéile, chum coisreagadh na h-ìomhaigh a chuir Nebuchadnesar an rìgh suas; agus sheas iad fa chomhair na h-ìomhaigh a chuir Nebuchadnesar suas.

4 An sin ghlaoth fear-éighich gu h-àrd, Dhuibhse tha e air 'aithneadh, O shluagh, fhineachan, agus a theangan,

5 Cìod air bith àm 's an chluinn sibh fuaim na trompaid, an fheadain, na clàrsaich, sacbuit, saltair, dulsimeir, agus na h-uile seòrsa ciùil, gu'n tuit sibh sìos, agus gu'n toir sibh aoradh do'n ìomhaigh òir a chuir an rìgh Nebuchadnesar suas.

6 Agus cò air bith nach strìochd sìos, agus nach dean aoradh, tilgear e 's an uair sin fèin ann am builsgéan àmhainn theinntich dhian-loisgich.

7 Uime sin anns an àm sin, an uair a chuala an sluagh uile fuaim na trompaid, an fheadain, na clàrsaich, sacbuit, saltair, agus na h-uile seòrsa ciùil, thuit an sluagh uile, na fineachan, agus na teangan, sìos, agus thug iad aoradh do'n ìomhaigh òir a chuir an rìgh Nebuchadnesar suas.

8 Air an aobhar sin, anns an àm sin thàinig Caldeàich àraidh ann agus rinn iad casaid air na h-Iudhaich.

9 Labhair iad, agus thubhairt iad ris an rìgh Nebuchadnesar, O a rìgh, mair beò gu bràth.

10 Thug thusa, O a rìgh, ordugh gu'n deanadh gach aon a chluinnceadh fuaim na trompaid, an fheadain, na clàrsaich, sacbuit, saltair, agus dulsimeir, agus na h-uile seòrsa ciùil, strìochdadh agus aoradh, do'n ìomhaigh òir:

11 Agus cò air bith nach strìochd sìos, agus nach dean aoradh, gu'm bitheadh e air a thilgeadh ann am builsgéan àmhainn theinntich dhian-loisgich.

12 Tha Iudhaich àraidh, a chuir thu os ceann ghnothuichean mhòr-roinn Bhabiloin, Sadrach, Mesach, agus Abednego; cha d'thug na daoine so, O a rìgh, meas ortsa, cha-nèil iad a' dèanamh seirbhis do d' dhiathan, no 'toirt aoradh do'n ìomhaigh òir a chuir thu suas.

13 An sin dh'àithn Nebuchadnesar, 'n a fheirg, agus 'u a chorruich, Sadrach, Mesach, agus Abednego, a thoirt d'a ionn-suidh: an siu thug iad na daoine so an làth-air an rìgh.

14 Labhair Nebuchadnesar, agus thubhairt e riu, Am bheil so fìor, O Shadraich, a Mhesaich, agus Abednego? nach 'eil sibhse 'toirt seirbhis do m' dhiathan-sa, no 'toirt aoraidh do'n ìomhaigh òir a chuir mi suas?

15 A nis ma bhitheas sibh deas, ge b'e air bith àm anns an cluinn sibh fuaim na trompaid, an fheadaiu, na clàrsaich, sacbuit, saltair, agus dulsimeir, agus ua h-uile seòrsa ciùil, gu strìochdadh sìos, agus aoradh a dheauamh do'n ìomhaigh a rinn mise, is *maith*: ach mur dean sibh aoradh, tilgear sibh anns a' cheart uair sin ann am builsgan àmhuinn theinntich dhian-loisgich; agus cò an Dia sin a's urrainn 'ur tèarnadh as mo làmh-an-sa?

16 Fhreagair Sadrach, Mesach, agus Abednego, agus thubhairt iad ris an rìgh, O Nebuchadnesar, cha-u'eil suim againne freagradh a thoirt duit anns a' chùis so.

17 Ma's ann mar sin a bhitheas, tha ar Dia-ne, d'am bheil sinn a' toirt seirbhis, comasach air ar saoradh o'n àmhuinn theinntich dhian-loisgich, agus ni e ar saoradh as do làmh-sa, O a rìgh.

18 Ach mur dean, bitheadh fios agad, O a rìgh, nach toir sin seirbhis do d' dhiathan, no aoradh do'n ìomhaigh òir a chuir thu suas.

19 An sin bha Nebuchadnesar làn corr-uich, agus bha drcach a ghnùise air caochladh an aghaidh Shadraich, Mhesaich, agus Abednego: labhair agus dh'àithn e gu'n teasaicheadh iad an àmhuinn seachd uairean ni bu mhò na bu ghnàth leo a teasachadh.

20 Agus dh'àithn e do na daoineibh a bu teise 'n a fheadh, Sadrach, Mesach, agus Abednego a cheangal, agus a thilgeadh do'n àmhuinn theinntich dhian-loisgich.

21 An sin cheangladh na daoine so 'n an còtaichibh, 'n an trighasaibh, agus 'n an ceann-eudaichibh, agus 'n an eudaichibh eile, agus thilgeadh iad ann am meadhon na h-àmhuinn theinntich dhian-loisgich.

22 Air an aobhar sin, a chionn gu'n robh àithne an rìgh ro theann, agus an àmhuinn ro theith, mharbh lasair an teine na daoine sin a thog suas Sadrach, Mesach, agus Abednego.

23 Agus thuit an triuir dhaoine so, Sadrach, Mesach, agus Abednego sìos ceangailte ann am builsgan na h-àmhuinn theinntich dhian-loisgich.

24 An sin bha an rìgh Nebuchadnesar làn uamhuinn, agus dh'éirich e suas ann an deifir, agus labhair e, agus thubhairt e r'a luchd-comhairle, Nach do thilg sinu triuir dhaoine ceangailte do mheadhon an teine?

Fhreagair iadsan agus thubhairt iad ris an rìgh, Is fìor, O a rìgh.

25 Fhreagair esan agus thubhairt e, Feuch, chi mi ceathrar dhaoine fuasgailte, a' coiscachd ann am meadhon an teine, agus cha-n'eil dochann sam bith orra, agus tha coslas a' cheathramh mar mhac Dhè.

26 An sin thàinig Nebuchadnesar dlùth do bheul na h-àmhuinn theinntich dhian-loisgich, agus labhair e, ag ràdh, A Shadraich, Mhesaich, agus Abednego, òglacha an Dé a's àirde, thigibh a mach, agus thigibh an so. An sin thàinig Sadrach, Mesach, agus Abednego a mach á meadhon an teine.

27 Agus chunnaic na prionnsachan, na h-uachdarain, agus na ciun-fheadhna, agus luchd-comhairle an rìgh, a bha cruinn 'au ceann a chéile, na daoine so, nach robh cumhachd air bith aig an teine air an cuirp, ni mò bha fuiltean d' an ceann dàithe, no an còtaichean air an caochladh, no fàile an teine dhiubh.

28 An sin labhair Nebuchadnesar, agus thubhairt e, Gu ma beannaichte gu'n robh Dia Shadraich, Mhesaich, agus Abednego, a chuir a nuas 'aingeal, agus a shaor 'òglach a chuir an dòchas ann, agus a chuir an aghaidh fòcail an rìgh, agus a thug seachd an cuirp a chum nach tugadh iad seirbhis no aoradh do dhia air bith, ach an Dia féin.

29 Uime sin tha mise a' toirt teann-ord-uigh, gu'm bi gach sluagh, cinueach, agus teangadh, a labhras ni sam bith air dhochair an aghaidh Dhé Shadraich, Mhesaich, agus Abednego, air an gearradh 'n am bloighdibh, agus an tighean air an deanamh 'u an dùn aolach, a chionn nach 'eil Dia air bith eile ann a's urrainn tèarnadh air an dòigh so.

30 Au sin dh'àrdaich an rìgh Sadrach, Mesach, agus Abednego ann am mòr-roinn Bhabailoin.

CAIB. IV.

1 *Chuir Nebuchadnesar 'an céill, gu'n robh uachdaranachd an Tighearna o linn gu linn. 4 Dh'àithris e an aising a chunnaic e. 8 Dh'innis Daniel dha ciod a bu bhrìgh dhi. 28 Chomhlionadh an aising.*

NEBUCHADNESAR an rìgh chum nan uile shluagh, fhincachan agus theangan a tha chomhnuidh air an talamh uile: Gu meudaichear sìth dhiubh.

2 Chunnacas ceart dhomh-sa gu'n cuirinn 'an céill na comharan agus na mìorbhuilean a dh'oibrich an t-àrd Dhia do m' thaobh:

3 Cia mòr a chomharan! agus cia cumhachdach a mìorbhuilean! a rìoghachd-san is rìoghachd shiorruidh i, agus tha 'uachdaranachd o linn gu linn.

4 Bha mise Nebuchadnesar gu suaimhneach ann am thigh, agus gu h-àluinn ann am lùchairt:

DANIEL, IV.

5 Chunnaic mi brúadar a chuir cagal orm, agus rinn mo smuaintean air mo leabaidh, agus aislingean mo chinn mo bhuairleadh.

6 Uime sin thug mi teann-ordugh uile dhaoine glíce Bhabiloín a thoirt a steach a' m' fhianuis, a chum gu'n tugadh iad fios domh air bhrìgh a' bhrúadair.

7 An sin thàinig a steach na druidhean, na speuradairéan, na Caldéich, agus na fiosaichean; agus dh'innis mi am brúadar 'n an làthair; ach cha d'thug iad fios domh air a bhrìgh.

8 Ach mu dheireadh thàinig Daniel a steach a' m' làthair, (d' am b' ainm Beltesasar, a réir ainme mo dhé-sa, agus anns am bheil spiorad nan diathan naomha,) agus 'n a làthair-san dh'innis mi am brúadar, *ag ràdh*,

9 O Bheltesasar, thusa a's àirde de na druidhibh, a chionn gu bheil fios agam gu bheil spiorad nan diathan naomha annad-sa, agus nach cuir dìomhaireachd air bith dragh ort, innis domh sealladh mo bhrúadair a chunnaic mi, eadhon a bhrìgh.

10 Mar so bha aisling mo chinn air mo leabaidh; Chunnaic mi, agus, feuch, craobh ann am meadhon na talmhainn, agus bha a h-àirde mòr.

11 Dh'fhàs a' chraobh, agus bha i làidir, agus ràinig a h-àirde gu nèamh, agus a sealladh gu crìch na talmhainn uile:

12 Bha a duilleach maiseach, agus a toradh pailt, agus imte bha biadh air son na h-uile: bha aig beathaichean na macharach còmhuidh, agus ghabh eunlaith an athair còmhuidh 'n a geugaibh, agus bheathaicheadh na h-uile fheoil uaipe.

13 Chunnaic mi ann an aislingibh mo chinn air mo leabaidh, agus, feuch, thàinig fear-faire, eadhon aon naomh a nuas o nèamh:

14 Ghlaodh e gu h-àrd, agus thubhairt e mar so, Gearr sìos an crann, agus sgath dìeth a gheugan, crath dheòl a duilleach, agus sgap a thoradh; inicheadh na beathaichean o bhi foidhe, agus na h-eunlaith o 'gheugaibh.

15 Gidheadh, fag bun a fhreumh anns an talamh, eadhon le bannaibh iarunn agus umha, ann am fear maoth na faiche; agus bitheadh e fiuch le dealt nèimh, agus a chuibhrionn leis na beathaichibh ann am fear na talmhainn.

16 Bitheadh a chridhe air atharrachadh o bhi 'n a chridhe duine, agus thugar dha cridhe ainmhidh; agus gabhadh seachd aimsirean thairis air.

17 Tha a' chiùis so le teann-ordugh nam fear-faire, agus an t-iarrtas air focal nan naomh: a chum gu'm bitheadh fios aig na bheil beò gu bheil an Tì a's àirde a' riaghladh ann an rìoghachd dhaoine, agus 'g a tabhairt do neach air bith a's àill leis, agus a' cur suas os a ceann an tì a's suarraiche de dhaoine.

18 Am brúadar so chunnaic mise Nebu-

chadnesar an rìgh: a nis, O Bheltesasar, foillsich thusa a bhrìgh, a chionn nach 'cìl uile dhaoine glíce mo rìoghachd comasach air fios a thoirt domh air a bhrìgh: ach tha thusa comasach, oir tha spiorad nan diathan naomha annad.

19 An sin bha Daniel, (d' am b' ainm Beltesasar,) air a lìonadh le h-uamhann car aon uaire, agus rinn a smuaintean a bhuairleadh: labhair an rìgh, agus thubhairt e, A Bheltesasar, na deanadh am brúadar no a bhrìgh do bhuairleadh. Fhreagair Beltesasar, agus thubhairt e, Mo thighearna, bitheadh am brúadar dhoibhsan le am fuathach thu, agus a bhrìgh do d' naimhidibh.

20 An crann a chunnaic thu, a dh'fhàs, agus a bha làidir, a ràinig 'àirde gu nèamh, agus a shealladh gus an talamh uile;

21 Aig an robh a dhuilleach maiseach, agus a thoradh pailt, agus anns an robh biadh do na h-uile; foidh an do ghabh beathaichean na macharach còmhuidh, agus aig an robh air a' gheugaibh àite-tàimh do eunlaith an athair:

22 Is tusa sin, O a rìgh, a tha air fàs agus air cìinntinn làidir: oir tha do mhead air fàs agus a' ruigheadh gu nèamh, agus d' uachdaranachd gu crìch na talmhainn.

23 Agus mar a chunnaic an rìgh fear-faire, agus aon naomh a' teachd a nuas o nèamh, agus ag ràdh, Gearr an crann sìos, agus sgriose; gidheadh fag bonn a fhreumh anns an talamh, eadhon le bannaibh iarunn agus umha ann am fear maoth na faiche; agus bitheadh e fiuch le dealt nèimh, agus a chuibhrionn le beathaichibh na macharach, gus an gabh seachd aimsirean thairis air:

24 So a' bhrìgh, O a rìgh, agus so ordugh an Tì a's àirde, a tha air teachd air mo thighearn an rìgh:

25 Gu'm fogair iad thu o dhaoineibh, agus gu'm bi do chòmhuidh le beathaichibh na macharach, agus bheir iad ort fear itheadh mar dhaimh, agus fiuchaidh iad thu le dealt nèimh, agus thèid seachd aimsirean thairis ort, gus am bi fios agad gu bheil an Tì a's àirde a' riaghladh ann an rìoghachd dhaoine, agus 'g a tabhairt do neach air bith a's àill leis.

26 Agus mar a dh'àithn iad bun freumh a' chroinn fhàgail, bitidh do rìoghachd cìinnteach dhuit, an dèigh dhuit fios a bhi agad gu bheil na nèamhan a' riaghladh.

27 Uime sin, O a rìgh, bitheadh mo chomhairle-sa taitneach leat, agus bris air falbh do pheacaidhean le fireantachd, agus d' euceartan le tròcair a nochdadh do na bochdaibh, a dh'fheuchainn am buanaichear do shìochaint.

28 Thàinig so uile air rìgh Nebuchadnesar. 29 An ceann dà mhìos deug bha e spaid-searachd ann an lùchairt rìoghachd Bhabiloín.

30 Labhair an rìgh agns thnhairet e, Nach i so Babilon mhòr, a thog mise mar thigh na rìoghachd, le neart mo chumhachd, agns air son onoir mo mhòrachd?

31 Am feadh a bha am focal ann am beul an rìgh, thnit guth o nèamh, ag ràdh, O a rìgh Nebuchadnesair, rìntsa tha e air a labhairt, Tha an rìoghachd air dealachadh riut.

32 Agus fògraidh iad thu o dhaoineibh, agns bithidh do chòmhnuidh le beathaicheibh na macharach: bheir iad ort feur itheadh mar dhainn, agns théid seachd aimsirean thairis ort, gns am bi fios agad gu'm bheil an Ti a's àirde a' riaghladh ann an rìoghachd dhaoine, agns 'g a tabhairt do neach air bith a 's àill leis.

33 Air an uair sin féin choimhlionadh an nì sin air Nebuchadnesair; agus bha e air fhògradh o dhaoineibh, agns dh'ith e fear mar dhaimh, agus bha a chollann fhinc le dealt nèimh, gus an d'fhàs 'fhionna mar choimh na h-ìolaire, agns 'iongannan mar *spuirean* enn.

34 Agus an ceann nan làithean thog mise Nebuchadnesair snas mo shùilean ri nèamh, agus phill mo thuigse a m' ionnsuidh, agns bheannaich mi an Ti a's àirde, agus chliùthaich mi, agus thug mi onoir dhà-san a tha beò gu sìornidh, aig am bheil 'uachdaranachd 'n a h-uachdaranachd shìorruidh, agus a rìoghachd o linn gu linn.

35 Agus tha uile luchd-àiteachaidh na talunnainn air am meas mar neo-nì: agns nì ean mar is àill leis ann am feachd nèimh, agus am measg luchd-àiteachaidh na talunnainn: agus cha'n urrainn aon neach a lann a bhacadh, no ràdh ris, Ciod a tha thu 'deanamh?

36 Anns an àm sin féin phill mo thuigse thugam; agus a thaobh glòir mo rìoghachd, phill m' onoir agus mo mhòrachd thugam; agus dh'iarr mo luchd-comhairle agus mo thighearnan a m' ionnsuidh; agus bha mi air mo dhaingneachadh ann am rìoghachd, agus thugadh tuilleadh dhomh de mhòrachd òirdheire.

37 A nis tha mise Nebuchadnesair a' cliùthachadh agus ag àrdachadh, agns a' toirt onoir do Rìgh nèimh, aig am bheil 'uile oibre 'n am fìrinn, agus a shlighean 'n am breitheanas; agus a mhnintir a shiùbhlas ann am uabhar, tha ean comasach air an isleachadh.

CAIB. V.

1 *Cuirm aingidh Belsasar: 5 Rinn a smuaintean a bhuaireadh 'n uair a chunnaic e an lann-sgrìobhaidh air a' bhall. 25 Dh'innis Daniel do'n rìgh brègh an sgrìobhaidh.*

RINN Belsasar an rìgh enirm mhòr do mhìle d'a thighearnaibh, agus dh'òl e fìon ann an làthair a' mhìle.

2 Dh'èithn Belsasar, 'n uair a bhlaic e am fìon, na soithichean òir agus airgid a thug

'athair Nebuchadnesair as an teampull a bha ann an Iernsalem a thoirt d'a ionnsuidh, a chum gu'n òladh an rìgh agus a mhòr-uaislean, a mhnathan agus a choimhlcabaich asda.

3 An sin thug iad thuige na soithichean òir a thugadh à teampull tighe Dhé, a bha ann an Iernsalem; agus dh'òl an rìgh agus a mhòr-uaislean, a mhnathan agus a choimhlcabaich asda.

4 Dh'òl iad fìon, agus chliùthaich iad na diathan òir agus airgid, umha, iarnninn, fiodha, agus cloiche.

5 Anns an uair sin féin thàinig a mach meoir làimhe duine, agns sgrìobh iad thall fa chomhair a' choimhleir, air aghaidh balla làchair an rìgh; agus chunnaic an rìgh a' chuid de'n làmh a sgrìobh.

6 An sin chaochail gnùis an rìgh, agus rinn a smuaintean a bhuaireadh, air chor as gu'n robh uilt a leasraidh air am fuasgladh, agus bhuail a ghlùinean an aghaidh a chéile.

7 Ghlaoth an rìgh gn h-àrd na speuradair-ean, na Caldéich, agus na fiosaichean a thoirt a stigh: agus labhair an rìgh, agus thubhairt e ri daoine glìce Bhabiloìn, Co air bith a leughas an sgrìobhadh so, agus a dh'fhoillsicheas domh-sa a bhrìgh, sgeudaichear e le sgaraid, agus cuirear slabhruidh òir m'a mhuineal, agns is e an treas fear-riaghlaidh a bhitheas anns an rìoghachd.

8 An sin thàinig uile dhaoine glìce an rìgh a steach; ach cha b'urraim iad an sgrìobhadh a leughadh, no fios a thoirt do'n rìgh air a bhrìgh.

9 An sin bha an rìgh Belsasar gu mòr air a bhuaireadh, agus bha a ghnùis air a h-atharrachadh, agus bha uamhas air a thigh-earnaibh.

10 A nis thàinig a' bhan-rìghinn air son bhriathran an rìgh agus a thighearnan, a stigh gu tigh na enirme; agus labhair a' bhan-rìghinn, ag ràdh, O a rìgh mair beò gu bràth: na deanadh do smuaintean do bhuaireadh, agus na bitheadh do ghnùis air a caochladh.

11 Tha duine ann ad rìoghachd anns am bheil spiorad nan dia naomha, agus ann an làithibh d'athar, bha solus, agns tuigse, agus gliocas, mar ghliocas nan dia, air am faotainn ann; neach a rinn an rìgh Nebuchadnesair d'athair, d'athair-sa, O a rìgh, 'n a uachdaran airna druidhibh, speuradairibh, Caldéich, agus fiosaichibh;

12 Do bhrìgh gu'n d'fhuair eadh spiorad òirdheire, agus eòlas, agns tuigse, mineachadh bhradar, agus taisbeanadh cheistein ernaidhe, agus fuasgladh inneistein, anns an Daniel so féin, air an d'thug an rìgh mar ainm Beltesasar: a nis gairmear Daniel, agus foillsichidh ean a bhrìgh.

13 An sin thugadh Daniel a steach an làthair an rìgh; agus labhair an rìgh, agus

thubhairt e ri Daniel, An tusa an Daniel sin a tha de chloinn bhraighdeanais Iudah, a thug an rìgh, m' athair á tir nan Iudhach?

14 Chuala mise iomradh ort, gu bheil spiorad nan dia annad, agus gu bheil solus, agus tuigse, agus gliocas òirdheire air 'fhaotainn annad.

15 Agus a nis thugadh na daoine glice, na speuradairean a steach a'm' fhianuis, a chum gu'n leughadh iad an sgrìobhadh so, agus gu'n tugadh iad dhomh-sa fios air a bhrìgh: ach cha b'urrainn iad brìgh na cùise fhoills-eachadh.

16 Agus chuala mi do d' thaobh-sa, gur urrainn thu brìgh a thoirt á ni, agus ceist-ein fhuasgladh; a nis ma's urrainn thu an sgrìobhadh a leughadh, agus a bhrìgh fhoillseachadh dhomh-sa, éidichear thu le sgarlaid, agus cuirear slabhruidh òir mu d' mhuineal, agus is tu an treas fear-riaghlaidh a bhitheas anns an rìoghachd.

17 An sin fìreagair Daniel, agus thubhairt e an làthair an rìgh, Bitheadh do thiodh-lacan agad féin, agus thoir do dhuaisean do neach eile, gidheadh leughaidh mise an sgrìobhadh do'n rìgh, agus leigidh mi ris a bhrìgh dha.

18 Ó thusa a rìgh, thug an Dia a's àirde do Nebuchadnesar d'athair rioghachd, agus mòrachd, agus glòir, agus onoir.

19 Agus air son na mòrachd a thug e dha, bha crith agus eagal air na h-uile shloigh, fhìneachaibh, agus theangannaibh roimhe: mharbhadh e an tì a b'àill leis, agus an neach a b'àill leis chumadh e beò, agus an neach a b'àill leis chuireadh e suas, agus an neach a b'àill leis chuireadh e sìos.

20 Ach an uair a bha a chridhe air a thogail suas, agus 'inntinn air a cruadhachadh ann an uabhar, chuireadh sìos o' chaithir rìoghail e, agus thug iad a ghlòir uaith.

21 Agus dh'fhògradh e o chloinn nan daoine, agus bha a chridhe mar na h-ainmhidhean, agus a chòmhnuidh leis na h-asal-aibh fadhaich: bhiadh iad e le feur mar dhaimh, agus bha a chorp fliuch le drùchd nèimh, gus an d'aithnich e gu'm b'e an Dia a's àirde 'bha' riaghladh ann an rìoghachd dhaoine, agus gu bheil e 'g orduchadh os a ceann an tì a's àill leis.

22 Agus thusa a mhac, O Belsasair, cha d'islich thu do chridhe, ged bha fios agad air so uile:

23 Ach thog thu suas thu féin an aghaidh Tighearna nèimh, agus thug iad soithichean a thighe ann ad làthair, agus dh'òl thu féin, agus do thighearnan, do mhnathan, agus do iannain, fion asda, agus chliùthaich thu na diathan airgid, agus òir, umha, iarunn, fiodha, agus cloiche, aig nach 'eil léirsinn no clasteachd, no aithne: agus an Dia aig am bheil d'anail 'n a làimh, agus do' m buin d'uile shlighe, cha do ghlòraich thu.

24 An sin chuireadh a' chuid de'n làimh uaith, agus bha an sgrìobhadh so air a sgrìobhadh.

25 Agus so an sgrìobhadh a bha air a sgrìobhadh, MENE, MENE, TECEL, UPHARSIN.

26 So brìgh na cùise; MENE, rinn Dia do rìoghachd àireamh, agus chrìochnaich e i.

27 TECEL, tha thu air do thomhas air a mheigh, agus fhuaircadh easbhuidheach thu.

28 PERES, roinneadh do rìoghachd, agus thugadh i do na Medich agus do na Persich.

29 An sin dh'èithn Belsasar gu'n èideadh iad Daniel le sgarlaid, agus gu'n cuireadh iad slabhruidh òir m'a mhuineal, agus gu'n glaothadh iad m'a thimchioll gu'm b'e an treas fear-riaghlaidh a bhitheadh anns an rìoghachd.

30 Air an oidheche sin chaidh Belsasar rìgh nan Caldéach a mharbhadh.

31 Agus ghlac Darius am Medach an rìoghachd, agus e mu thimchioll trì fichead agus dà bhliadhna dh'aois.

CAIB. VI.

1 *Chuireadh Daniel os ceann nan uachdaran: 4 rinn iadsan ceannairc 'n a aghaidh, agus thug iad air Darius a thilgeadh do gharaidh nan leòmhnan. 18 Theasairg Dia e air dòigh ro iongantach. 24 Thilgeadh a naimhdean do'n gharaidh, agus mharbh na leòmhnan iad. 25 Chluithaich Darius Dia.*

B'i toil Dhariuis ceud agus fichead uachdaran a chur os ceann na rìoghachd, muinntir a bhitheadh os ceann na rìoghachd uile;

2 Agus os an ceann so trì àrd-uachdarain, (de'm b'e Daniel an ceud aon), a chum gu'n tugadh na h-uachdarain an cunntais doibh, agus nach bitheadh calltach air bith aig an rìgh.

3 An sin bha Daniel so air 'àrdachadh os ceann nan uachdaran, agus nam prionnsachan, a chionn gu'n robh spiorad òirdheire ann; agus bha e'n aire an rìgh a chur os ceann na rìoghachd uile.

4 An sin dh'iarr na h-uachdarain agus na prionnsachan cùis fhaotainn an aghaidh Dhaniail a thaobh na rìoghachd, ach cha b'urrainn iad cùis air bith fhaotainn no coire: do bhrìgh gu'n robh e dileas, ni mò 'fhuaircadh mearachd no coire sam bith ann.

5 An sin thubhairt a' mhuinntir so, Cha'n fhaigh sinn cùis air bith an aghaidh an Daniail so, mur faigh sinn i 'n a aghaidh a thaobh reachd a Dhé.

6 An sin chruinnich na h-uachdarain agus na prionnsachan so ri 'chéile chum an rìgh, agus thubhairt iad ris mar so, A rìgh Dhariuis mair beò gu bràth.

7 Ghabh uile uachdarain na rìoghachd, an luchd-riaghlaidh, agus na prionnsachan, na comhairleach agus na cinn-fheadhna, comhairle le 'chéile gu reachd rìoghail a dhaing-

neachadh, agus ordugh làidir a dheanamh, ge b'è 'dh'iarrais athcheuinge air bith air aon dia no duine ré deich làithean fichead, ach ortsa, O a rìgh, gu'n tilgear e ann an garaidh nan leòmhann.

8 A nis, O a rìgh, daingnich an t-ordugh, agus sheulaich an sgrìobhadh, a chum nach caochlaidhear e, a réir reachd nam Médach agus nam Persach, nach fheadar atharrachadh.

9 Uime sin sheulaich rìgh Darius an sgrìobhadh agus an t-ordugh.

10 A nis 'n uair a thuig Daniel gu'n deachaidh an sgrìobhadh a sheulachadh, chaidh e chum a thighe, agus air da 'uimheagan a bhi fosgailte 'n a sheòmar ri Ierusalem, thuit e sìos air a ghhlàinibh trì uairean anns an là, agus rinn e urnuigh, agus thug e buidheachas an làthair a Dhé, mar a rinn e's an aimsir roimhe.

11 An sin chruinnich na daoine so, agus fhuair iad Daniel ri urnuigh, agus a' deanamh athcheuinge ann an làthair a Dhé.

12 An sin thàinig iad ann fagus, agus labhair iad ann am fianuis an rìgh mu thimchioll orduigh an rìgh, Nach do sheulaich thusa reachd, gach duine sam bith a ni athcheuinge ri aon dia no duine, an taobh a stigh de dheich làithean fichead, ach riutsa, O a rìgh, gu'n tilgear ann an garaidh nan leòmhann e? Fhreagair an rìgh, agus thubhairt e, Tha an ni fìor a réir reachd nam Médach agus nam Persach, nach atharraichear.

13 An sin fhreagair iadsan, agus thubhairt iad ann an làthair an rìgh, Daniel sin a tha de chloinn bhruid Iudah, cha-n'èil suim aige dhìot-sa, O a rìgh, no d'ò'n reachd a sheulaich thu, ach tha e ri athcheuinge trì uairean anns an là.

14 An sin bha 'n rìgh, 'n uair a chual e na briathran, ro dhiombach dheth féin, agus shuidhich e a chridhe air Daniel g'a shaoradh: agus shaothraich e gu dol fodha na gréine chum a thèarnadh.

15 An sin chruinnich na daoine so chum an rìgh, agus thubhairt iad ris an rìgh, Bitheadh fios agad, O a rìgh, gur e lagh nam Médach agus nam Persach, nach feudar ordugh no reachd air bith a dhaingnich an rìgh a chaochladh.

16 An sin dh'àithn an rìgh, agus thug iad leo Daniel, agus thilg iad e do gharaidh nan leòmhann: agus labhair an rìgh ri Daniel, ag ràdh, Do Dhia, d'am bheil thu a' deanamh seirbhis a ghnàth, ni esan do thèarnadh.

17 Agus thugadh clach, agus leagadh air beul na garaidh i; agus sheulaich an rìgh le 'sheula féin i, agus le seula a thighearnan; a chum nach bitheadh a' chomhairle air a h-atharrachadh mu thimchioll Dhanieil.

18 An sin chaidh an rìgh d'a làchair, agus chaith e an oidheche ri trasg: ni mò 'thugadh

innil ciùil 'n a làthair; agus dh'imich a chodal uaith.

19 An sin dh'éirich an rìgh gu ro mhoch anns a' mhaduinn, agus chaidh e gu luath gu garaidh nan leòmhann.

20 Agus an uair a thàinig e chum na garaidh, ghlaodh e le guth muladach ri Daniel; *seadh* labhair an rìgh, ag ràdh ri Daniel, O Dhanieil, òglaich an Dé bhèd, am bheil do Dhia, d'am bheil thu a' deanamh seirbhis an còmhnuidh, comasach air do thèarnadh o na leòmhanaibh?

21 An sin thubhairt Daniel, O a rìgh mair beò gu bràth.

22 Chuir mo Dhia-sa nuas 'aingeal, agus dhruid e beoil nan leòmhann, air chor as nach d'rinn iad mo dhochann: do bhrìgh 'n a fhianuis gu'n d'fhuairleadh neo-chiontach mi; agus fòs a'd' fhianuis-sa, O a rìgh, cha d'rinn mi cron sam bith.

23 An sin bha an rìgh ro aoibhneach air a shon, agus dh'àithn e gu'n tugadh iad Daniel a mìos as a' gharaidh: mar sin thugadh Daniel a mìos as a' gharaidh, agus cha d'fhuairleadh gnè air bith dochain air, a chionn gu'n do chreid e 'n a Dhia.

24 Agus dh'àithn an rìgh, agus thug iad leo na daoine sin a rinn casaid air Daniel, agus thilg siad iad do gharaidh nan leòmhann, iad féin, an clann, agus ann mnathan; agus thug na leòmhain buaidh orra, agus bhris iad an cnàmhan uile 'n am bloighdibh, mu'n d' ràinig iad ìochdar na garaidh.

25 An sin sgrìobh Darius a chum nan uile shluagh, chinncach agus chàin a tha còmhnuidh air an talamh uile, Gu robh sìth air a meudachadh dhuibh.

26 Tha mise a' toirt orduigh, anns gach uile thighearnas de m' rìoghachd, gu'm bi crith agus eagal air daoine roimh Dhia Dhanieil: oir is esan an Dia beò, agus bunaitheach gu bràth, agus a rìoghachd-san cha sgrìosar a chaidh, agus 'uachdaranachd tha gus a' chrìoch.

27 Saoraidh esan, agus tèarnaidh e, agus oibrichidh e comharan agus mìorbhuilean air nèamh agus air talamh, neach a shaor Daniel o chumhachd nan leòmhann.

28 Mar so shoirbhich Daniel so ann an linn Dhariuis, agus ann an linn Chiruis a Phearsach.

CAIB. VII.

1 *Aisling mu thimchioll nan ceithir beathaichean mòra a thàinig a mìos as an fhuairge, 8 agus mu thimchioll caithir-rìoghail an Tigh-earna. 15 Brìgh nan aisling.*

ANN an ceud bhliadhna Bhelsasair rìgh Bhabiloìn, chunnaic Daniel brùadar, agus aisling a chum air a leabaidh: an sin sgrìobh e am brùadar, agus dh'innis e suim nan nithean.

2 Labhair Daniel agus thubhairt e, Chunn-
aic mi ann am aisling anns an oidheche, agus,

feuch, ghlèachd ceithir ghaothan nèimh air an fhainge mhòir.

3 Agus thàinig ceithir beathaichean mòra nìos as an fhainge, eag-samhuil aon o'chèile.

4 Bha a' cheud aon cosmhuil ri leòmhann, agus bha sgiathan iolair aige: agus dh'amhairc mi gus an do spionadh a sgiathan, agus thogadh suas o'n talamh e, agus thugadh air seasadh air a chosaibh mar dhuine, agus thugadh dha cridhe duine.

5 Agus feuch beathach eile, an dara aon, cosmhuil ri math-ghamhunn, agus thog e suas e fèin air aon taobh, agus bha aige trì ghalau 'n a bheul, an taobh a stigh d'a fhaiclaibh: agus thubhairt iad ris mar so, Eirich, sluaigh mòran feòla.

6 'N a dhéigh so dh'amhairc mi, agus, feuch, aon eile amhuil liopard, aig an robh air a dhruim ceithir sgiathan eoin; bha aig a' bheathach mar an ceudna ceithir chinn; agus thugadh dha uachdaranachd.

7 'N a dhéigh so chunnaic mi ann an aisingibh na h-oidheche, agus feuch ceathramh beathach; eagalach agus uamhasach, agus ro làidir; agus bha fhaclan mòra iarumh aige: shlaig e suas agus bhris e ann am bloighdibh, agus shaltair e 'm fuigheall le 'chosaibh; agus bha e cu-somhuil ris na h-uile bhèathaichean a bha roimhe; agus bha deich adhaircean air.

8 Thug mi fainear na h-adhaircean, agus, feuch, thàinig a nìos 'n am measg adhare bhèag eile, roimh an robh trì de na ceud adhaircibh air an spionadh a nìos as am freumhan: agus, feuch, anns an adhairc so bha stùilean mar shùilean duine, agus beul a' labhairt nithean mòra.

9 Dh'amhairc mi gus an robh na rìgh-chaithean air an suidheachadh, agus shuidh Aosda nan làithean, aig an robh a thrusgan geal mar shneachdadh, agus folt a chinn mar olainn ghloin; a chaithir-rìgh-aill mar lasair theine, a rothan mar theime-loisgeach.

10 Bhrùchd sruth teinnteach, agus thàinig e mach o a làthair: bha mìle de mhiltibh a' frithéaladh dha, agus sheas deich mìle uair deich mìle 'n a fhianuis: shuidhicheadh am breitheanas, agus dh'fhosgadh na leabhraichean.

11 Dh'amhairc mi an sin, do bhrìgh guth nam briathran mòra a labhair an adhairc: dh'amhairc mi gus an do mharbhadh am beathach, agus gus an robh a chorp air a sgrios, agus air a thoirt do'n lasair loisgich.

12 A thaobh na cuid eile de na beathaicheibh, thugadh an uachdaranachd air falbh: ghlèadh shùicadh am beatha, ré tamuill agus aimsir.

13 Chunnaic mi ann an aisingibh na h-oidheche, agus, feuch, thàinig neach cosmhuil ri mac an duine le neulaibh nèimh, agus thàinig e chum Aosda nan làithean, agus thug iad e dlùth 'n a làthair

14 Agus thugadh dha uachdaranachd, agus glòir, agus rìoghachd, a chum gu'n tugadh na h-uile shluagh, chinneach, agus theangaidh, seirbhis dha: 'uachdaranachd is uachdaranachd shìorruidh i, nach sìubhail thairis, agus a rìoghachd cha sgriosar i.

15 Bha mise Daniel muladach ann am spiorad, ann am meadhan mo chuirp, agus rinn aisingean uo chinn mo bhuairleadh.

16 Thàinig mi am fagus do aon dhiubhsan a sheas dlùth, agus dh'fheòraich mi dheth brìgh an iomlain deth so: an sin dh'innis e dhomh, agus thug e fios domh air brìgh nam nithean.

17 Na ceithir beathaichean mòra so, is ceithir rìghrean iad, a dh'èireas a mach as an talamh.

18 Ach glacadh naoimh an Ti a's àirde an rìoghachd, agus sealbhaichidh iad an rìoghachd gu sìorruidh, cadhion gu saoghal nan saoghal.

19 An sin b'àill leam fios fhaotainn air seadh a' bheathramh beathaich, a bha eug-samhuil ri càch uile, anbharr uamhasach, aig an robh 'fhaiclan de iarum, agus 'iongannan de phrais; a shluig suas, a bhris ann am bloighdibh, agus a shaltair am fuigheall le 'chosaibh;

20 Fòs air seadh nan deich adhare a bha 'n a cheann, agus na h-uile eile a thàinig a nìos, agus roimh an do thuit trì, cadhion na h-adhairc sin aig an robh stùilean, agus beul a labhair nithean ro mhòr, aig an robh sealladh ni bu chruadalaiche na càch.

21 Dh'amhairc mi, agus rinn an adhairc cheudna cogadh ris na naoimh, agus bhuadh-aich i 'n an aghaidh;

22 Gus an d'thàinig Aosda nan làithean, agus an d'thugadh breitheanas do naoimh an Ti a's àirde; oir thàinig an t-àm anns an do shealbhaich na naoimh an rìoghachd.

23 Mar so thubhairt e, Is e an ceathramh beathach an ceathramh rìoghachd a bhitheas air an talamh, a bhitheas eug-samhuil o na h-uile rìoghachd, agus a shluigcas suas an talamh uile, agus a shaltras sìos e, agus a bhriscas e 'n a bhoighdibh.

24 Agus na deich adhaircean as an rìoghachd so, is deich rìghrean iad a dh'èireas suas: agus éiridh aon eile 'n an déigh; agus bithidh e eug-samhuil o 'n cheud aon, agus ceannsaiehidh e trì rìghrean.

25 Agus labhairidh e briathran an aghaidh an Ti a's àirde, agus claidhidh e naoimh an Ti a's àirde, agus bithidh dùil aige aimsirean agus reachdan a chaochladh: agus bheirear iad d'a làimh gu aimsir, agus aimsirean, agus roinn aimsir.

26 Agus suidhidh am breitheanas, agus bheir iad air falbh a thighearnas, gu 'chaitheamh, agus gu a sgrios gu ruig a' chrìoch.

27 Agus bheirear an rìoghachd agus an uachdaranachd agus mòrachd na rìoghachd

fo nèamh uile, do mhuinntir naomh an Ti a's ro àirde, aig am bheil a rìoghachd 'n a rìoghachd shìormuidh, agus bheir na h-uile thighearnaid umhlachd agus géill da.

28 An so bha crìoch na cuise. Air mo shonsa Daniel, rinn mo smuaintean gu robh mòr mo bhuairleadh, agus dh'atharraich mo ghnèis annam; ach ghléidh mi a' chùis ann am chridhe.

CAIB. VIII.

1 *Taisbeanadh Dhanièl mu thimchioll an reithe agus a' bhuic-ghaibhre.* 15 *Thug Gabriel comhfhurtachd do Dhanièl, 19 agus dh'inns e dha brìgh an taisbeinidh.*

ANNS an treas bliadhna de linn rìgh Bhehsasair, chunnacas aisling leanisa, leamsa Daniel, an deigh na h-aisling sin a chunnacas leam an toiseach.

2 Agus chunnaic mi ann an aisling, (agus tharladh 'n uair a chunnaic mi, gu'n robh mi ann an Susan, anns an àros, a tha ann am mòr-roinn Elaim,) agus chunnaic mi ann an aisling, agus bha mi aig amhainn Ulai.

3 An sin thog mi suas mo shùilean, agus chunnaic mi, agus, feuch, sheas fa chomhair na h-aimhne reithe, aig an robh dà adhaire; agus bha an dà adhaireard; ach aon ni b' àirde na 'n aon cile; agus thàinig an aon a b' àirde nìos mu dheireadh.

4 Chunnaic mi an reithe a' purradh le 'adhaireibh an iar, agus mu thuath, agus mu dheas; air chor as nach feudadh beathach air bith seasamh fa' chomhair, ni mò bha neach ann a b'urrainn saoradh as a làimh, ach rionn e a réir a thoile, agus dh'fhàs e mòr.

5 Agus am feadh a bha mi a' beachdachadh, feuch, thàinig boc-gaibhre o'n àird an iar, air aghaidh na talmhainn uile, agus cha do bhean e do'n làr: agus bha adhare shònraichte aig a' bhoc eadar a shùilean.

6 Agus thàinig e clum an reithe aig an robh dà adhaire, a chunnaic mi 'n a sheasamh fa chomhair na h-aimhne, agus ruith e d'a ionnsuidh ann an eutach a threise.

7 Agus chunnaic mi e 'teachd teann air an reithe, agus dhùisg 'fhearg 'n a aghaidh, agus bhuail e 'n reithe, agus bhris e a dhà adhaire; agus cha robh cumhachd air bith aig an reithe gu seasamh roimhe, ach thilg e sìos clum an làir e, agus shaltair e air: agus cha robh neach air bith a b'urrainn an reithe a thèarnadh as a làimh.

8 Air an aobhar sin dh'fhàs am boc-gaibhre ro mhòr: agus 'n uair a bha e làidir, chaidh an adhare mhòr a bhriseadh; agus 'n a h-àite thàinig a nìos ceithir adhaircean sònraichte, ri ceithir ghaothaibh nèimh.

9 Agus a mach as aon diubh thàinig adhare bheag, a dh'fhàs anbharr mòr, ris an àirde deas, agus ris an àird an ear, agus ris an tìr thaitnich.

10 Agus dh'fhàs i mòr gu ruig feachd

nèimh, agus thilg i sìos cuid de'n fheachd, agus de na reultaibh a chum an làir, agus shaltair i orra.

11 Seadh, rionn i uail aisde féin an aghaidh prionnsa an fheachd, agus leatha thugadh air falbh an iobairt lathail, agus bha àite a naomh-ionaid air a thilgeadh sìos.

12 Agus thugadh feachd dhi an aghaidh na h-iobairt lathail, do bhrìgh euceirt, agus thilg i sìos an fhìrinn a chum an làir; agus dhealbh i innleachdan, agus shoirbhich i.

13 An sin chuala mi aon naomh a' labhairt, agus thubhairt naomh eile ris an naomh àraidh sin a labhair, Cia fhad a bhitheas an aising mu thimchioll na h-iobairt lathail, agus a bheirair thairis euceart gu milleadh, agus a bhitheas an naomh-ionad agus am feachd air an saltair fo chois?

14 Agus thubhairt e rium, Gu dà mhìle agus trì cheud là: an sin glanar an naomh-ionad.

15 Agus tharladh an uair a chunnaic mise, mise Daniel, an sealladh, agus a dh'iarr mi air son na brìgh, an sin feuch, sheas fa m' chomhair amhuil coslas duine.

16 Agus chuala mi guth duine eadar bhruachan Ulai, a ghlaodh, agus a thubhairt, A Ghabriel, thoir air an fhear so an sealladh a thuigsinn.

17 Agus thàinig e dlùth do'n àite 's an do sheas mi: agus 'n uair a thàinig e, bha eagal orm, agus thuit mi air m' aghaidh: ach thubhairt e rium, Tuig, O mhic an duine, oir anns an aimsir dheireannaich bithidh an sealladh.

18 A nis, am feadh a bha e 'labhairt rium, bha mi ann an codal trom, air m' aghaidh ris an talamh: ach bhean e dhomh, agus chuir e suas gu dìreach mi.

19 Agus thubhairt e, Feuch, bheir mise fios duit ciod a thachras ann an crìch dheireannaich na dian-fheirge: oir anns an àm a shònraicheadh thig a' chrìoch.

20 An reithe a chunnaic thu, aig an robh dà adhare, is iad sin rìghrean Mhedia agus Phersia.

21 Agus a' ghabhar rìbeach is e sin rìgh na Grèige; agus an adhare mhòr a tha eadar a shùilean, is e sin an ceud rìgh.

22 A nis, air dha sin briseadh, mar a sheas ceithir suas 'n a àite, seasaidh ceithir rìoghachdan suas as a' chinneach, ach cha-n ann 'n a neart-san.

23 Agus ann an aimsir dheireannaich na rìoghachd, 'n uair a bhitheas luchd an eusaontais air an coimhlionadh, seasaidh suas rìgh aig am bi aghaidh bhorb, agus a thuigeas briathran dorcha.

24 Agus bithidh a neart cumhachdach, ach cha-n ann le 'threise féin: agus sgriosaidh e gu h-iongantach, agus soirbhichidh leis, agus bheir e gu crìch, agus millidh e na cumhachdaich agus an sluagh naomh.

25 Agus le a sheòltachd fòs bheir e air ceilg soirbheachadh 'n a làimh; agus nì e naill as féin 'n a chridhe, agus le foill sgrìosaidh e mòran: seasaidh e fòs suas an aghaidh prionnsa nam prionnsachan, ach brisear e as eugmhais làimhe.

26 Agus tha aising nan làithean, a chaidh innseadh, fìor: air an aobhar sin druid thusa suas an sealladh, oir *bithidh* e an ceann mhòran làithean.

27 Agus ormsa Daniel thàinig fàilinn, agus bha mi tinn car làithean *àraidh*; 'n a dhéigh sin, dh'éirich mi suas, agus rinn mi gnothuichean an rìgh; agus bha uamhas orm mu'n aising, ged nach d'thug aon neach sin fainear.

CAIB. IX.

1 *Dh'aicidh Daniel peacaidhean an t-shuaigh an làthair an Tighearna. 16 Ghuidh e air son Ierusalem. 24 Tha deich agus trì fichead seachdain air an orduchadh a chrìochnachadh lochdan agus euceirt.*

ANN an ceud bhliadhna Dhariuis mhic Ahasuerus, de shìol nan Mèdach, a rinneadh 'n a rìgh os ceann rìoghachd nan Caldéach.

2 Anns a' cheud bhliadhna d'a linn-san, thug mise Daniel, le leabhraichean, àireamh nam bliadhnanachan, mu'n d'thàinig focal an Tighearna gu Ieremias am fàidh, gu'n coimhlionadh e deich agus trì fichead bliadhna 's am bitheadh Ierusalem 'n a làraichibh.

3 Agus chuir mi m' aghaidh ris an Tighearn Dia, g'a iarraidh le urnuigh agus le athchuinge, le trasg, agus le cudach-saic, agus le luathre:

4 Agus rinn mi urnuigh ris an Tighearn mo Dhia, agus rinn mi m' aidmheil, agus thubhairt mi, O Thighearn', an Dia mòr, agus uamhasach, a tha 'cumail coimhcheangail agus trècar rìusan a ghlàdhaicheas e, agus do'n dream a choimhdeas 'aithcantan:

5 Pheacaich sinne, agus chuir sinn 'an gnìomh euceart, agus rinn sinn gu h-aingidh, agus bha sinn ceannairceach, eadhon le dealachadh ri d' àitheantaibh agus ri d' breitheanais.

6 Nì mò dh'éisid sinn ri d' sheirbhisich na fàidhean, a labhair ann ad ainm-sa ri ar rìghribh, ri ar n-uachdaranaisibh, agus ri ar n-aithrichibh, agus ri uile shluagh an fhèar-ainn.

7 O Thighearna, *buinidh* fireantachd dhuit-sa, ach dhuinne nàire gnùise, mar air an là an diugh: do mhuinntir Iudh, agus do luchd-àiteachaidh Ierusalem, agus do uile Israel, am fagus agus am fad as, feadh nan uile dhùthchan gus an d'fhògair thusa iad, air son am peacaidhean a pheacaich iad ann ad aghaidh-sa.

8 O Thighearna, dhuinne *buinidh* nàire gnùise, do ar rìghribh, do ar prionnsach-

aibh, agus do ar n-aithrichibh, a chionn gu'n do phcacaich sinn a'd' aghaidh.

9 Do'n Tighearn ar Dia *buinidh* trècairean agus maithceanais, ge do rinn sinne àramach 'n a aghaidh.

10 Nì mò thug sinn géill do ghuth an Tighearn' ar Dia, a chum gluasad 'n a reachdaibh a chuir e romhainn le 'sheirbhisich na fàidhean.

11 Seadh, bhris Israel uile do reachd, eadhon le dol a thaoibh, a chum nach tugadh iad géill do d' ghuth; air an aobhar sin tha am mallachd air a dhòrtadh oirnn, agus an truaighe a tha sgrìobhta ann an lagh Mhaois òglaich Dhé, a chionn gu'n do phcacaich sinn 'n a aghaidh.

12 Agus dhaingnich e a bhriathran a labhair e 'n ar n-aghaidh, agus an aghaidh ar breitheamhan a thug breth oirnn, le dòrainn mhòr a thoirt oirnn; oir fo nèamh uile cha d'rinneadh mar a rinneadh air Ierusalem.

13 Mar tha e sgrìobhta ann an lagh Mhaois, tha an t-òle so uile air teachd oirnn; gidheadh cha d'rinne sinn ar n-urnuigh an làthair an Tighearn' ar Dia, a chum gu'n bitheadh air ar pilleadh o'r n-cuceartaibh, agus gu'n tuigeadh d'fhèrrinn.

14 Uime sin rinn Dia faire air an òle, agus thug e oirnn e: oir tha an Tighearn ar Dia ceart 'n a uile oibribh a tha e 'deanamh: oir cha d'thug sinn géill d'a ghuth.

15 Agus a nis, O Thighearn' ar Dia, a thug do shluagh a mach á tìr na h-Eiphit le làimh chumhachdaich, agus a fhuair dhuit féin clù, mar air an là an diugh, pheacaich sinne, rinn sinn gu h-aingidh.

16 O Thighearn', a réir d' uile fhìreantachd, guidheam ort, leig le d' chorruich agus le d' fheirg pilleadh air falbh o d' chaithir Ierusalem, do shliabh naomh: a chionn, air son ar lochdan, agus air son aingidheachdan ar n-aithrichéan, gu bhicil Ierusalem agus do shluagh 'n am masladh do na h-rùle mu'n cuairt duinn.

17 A nis, uime sin, O ar Dia, éisd urnuigh d'òglaich, agus 'athchuinge, agus thoir air do ghnùis deachradh air d' ionad naomh a tha 'n a làraich air sgàth an Tighearna.

18 So mo Thighearna, crom do chluas agus chuinn; fosgail do shùilean, agus faic ar sgaoileadh, agus a' chaithir a tha air a gairm ar ainm: oir cha-n'eil sinn a' taisbeanadh ar n-athchuingean a'd' làthair air son ar n-ionracais, ach air son do mhòr-thrècar féin.

19 O Thighearn', éisd; O Thighearna, maith; O Thighearna, cluinn agus dean; na dean moille, air do shon féin, O mo Dhia: oir tha do chaithir agus do shluagh air an gairm air d' ainm.

20 Agus am feadh a bha mi a' labhairt, agus ri urnuigh, agus ag aideachadh mo lochd, agus lochd mo shluaigh Isracil, agus

a' taisbeanadh m' athchuinge an làthair an Tighearna mo Dhia, air son sléibh naoimh mo Dhé :

21 Seadh, am feadh a bha mi a' labhairt ann an urnuigh, an neach ceudna, a chunnaic mi anns an aisling air tùs, Gabriel air an d' thugadh itealaich gu luath, bhean rium mu àm na h-ìobairt fheasgair.

22 Agus thug e fios dhomh, agus labhair e rium, agus thubhairt e, O Dhanieil, tha mise nis air teachd a mach a thoirt duit gliocais agus tuigse.

23 Aig toiseach d'athchuinge thàinig an àithne a mach, agus thàinig mise a dh'fheuchainn duit: oir tha thu air do ghràdhachadh gu ro mhòr: uime sin, tuig a' chùis, agus thoir faicear an aisling.

24 Tha deich agus trì fichead seachduin air an orduchadh air do shluagh, agus air a' chaithir naoimh, a chrìochnachadh euceirt, agus a chur crìch air lochdan, agus a dheanamh réite air son aingidheachd, agus a thoirt a steach fireautachd shìorruidh, agus a sheulachadh suas na h-aisling agus ua fàisteachd, agus a dh'ungadh an Tì a's ro naoimhe.

25 Aithuich uime sin agus tuig, o dhol a mach na h-àithne, gu Ierusalem aiseag agus a thogail suas, gu Mesia am Prionnsa, gu'm bi seachd seachduinean, agus trì fichead agus dà sheachduin: togar an t-sràid a ris agus am balla, eadhon ann an aimsiribh carraideach.

26 Agus an ceauan nan trì fichead agus dà sheachduin, gearrar Mesia as, ach cha-n ann air a shou féin: agus sgriosaidh sluagh a' phrionnsa a thig am baile, agus an naomh-ionad; agus bithidh a chrìoch sin le tuil, agus gu deireadh a' chogaidh tha léir-sgrìos air 'orduchadh.

27 Agus daingnichidhesanan coimhcheangal ri mòrau car aon seachduin: agus ann am meadhon na seachduin bheir e air an ìobairt agus air an tabhartas sgar; agus anns an teampull bithidh gràineileachd an léir-sgrìos, gus an coimhlonar an sgrìos a dh'orduicheadh, air a làraich fhàisail.

CAIB. X.

1 'N uair a dh'ìroslaich Daniel e féin chunnaic e taisbeanadh glòrmhor, agus bha e fo eagail.
10 Thug aingeal misneach dha, 19 agus neartach se e.

ANN an treas bliadhna Chiruis rìgh Phersia, dh'fhoillsicheadh nì do Dhanieil, (do 'm b' ainm Beltesasar,) agus bha an nì fìor, agus mu thimchioll feachd mhòir: agus thuig e a' chùis, oir bha e eòlach ann an sealladh.

2 Anns na làithibh sin bha mise Daniel ri bròn trì seachduinean iomlan.

3 Cha d'ìth mi aran taitneach air bith, nì mòd thàinig feoil no fìon ann am bheul, nì mòd dh'ung mi mi féin idir, gus an robh trì seachduinean iomlan air an coimhlionadh.

4 Agus air a' cheathramh là fichead de'n cheud mhìos, an uair a bha mi ri taobh na h-aimhne mòire, Hìdecel;

5 An sin thog mi suas mo shùilean, agus dh'ambhairc mi, agus, feuch, duine àraidh ann an eudach lù, aig an robh a leasraidh crìoslaichte le òr grinn Uphais:

6 Bha a chorp fòs cosmhuil ri beril, agus a ghùis mar dhreach dealanaich, agus a shùilean mar lòchran teine, agus a ghairdeanan agus a chosan cosmhuil ann an dath ri umha lìomhta, agus fuaim a bhriathran cosmhuil ri guth sluaigh mhòir.

7 Agus chunnaic mise Daniel a mhàin an sealladh: oir cha-n fhaca na daoine 'bha maille rium an sealladh: ach thuit crith mhòr orra, ionnus gu'n do theich iad gu iad féiu fhòlach.

8 Air an aobhar sin dh'fhàgadh mise ann am aonar, agus chunnaic mi an sealladh mòr so, agus cha d'fhan cumhachd air bith annam: oir dh'atharraicheadh amam mo mhaise gu duachueachd, agus cha do mhair neart annam.

9 Gidheadh chuala mi fuaim a bhriathran: agus an uair a chuala mi fuaim a bhriathran, an sin bha mi ann an codal trom air m' aghaidh, agus m' aghaidh ris an làr.

10 Agus, feuch, bhean làmh rium, a chuir mi air mo ghluinibh, agus air basaibh mo làmh.

11 Agus thubhairt e rium, O Dhanieil, a dhuine ro ionmhuinn, tuig na briathran a tha mise a' labhairt riut, agus éirich ann ad sheasamh: oir a d' ionnsuidh-sa tha mi nis air mo chur. Agus an uair a labhair e am focal so rium, sheas mi air chrith.

12 An sin thubhairt e rium, Na bitheadh cagal ort, a Dhanieil; oir o'n cheud là's an do shuidhich thu do chridhe chum tuigsinn, agus chum thu féin ìroslachadh ann an làthair do Dhé, bha do bhriathran air an cluinntinn, agus tha mise air teachd air son do bhriathran.

13 Ach sheas prionnsa rìoghachd Phersia ann am aghaidh là thar fhichead: ach feuch, thàinig Michael, aon de na h-àrd phrionnsachan gu m' chòmhnadh; agus dh'fhan mi an sin le rìghribh Phersia.

14 A nis tha mi air teachd a thoirt ort a thuigsinn ciod a thachras do d' shluagh anns na làithibh deircennach: oir tha an sealladh fathasd ré mhòran làithean.

15 Agus an uair a labhair e an leithid so de bhriathraibh rium, chuir mi m' aghaidh ris an làr, agus bha mi ann am thosd.

16 Agus, feuch, bhean neach cosmhuil ri samhladh mhac dhaoine ri m' bhililbh; an sin dh'fhosgail mi mo bheul, agus labhair mi, agus thubhairt mi ris-san a sheas fa m' chomhair, O mo thighearna, leis an t-sealladh, tha m' àmhgar air pìiltinn orm, agus thréig mo neart mi.

17 Oir cionnus a dh'fheudas òglach an tì

so mo thighearna labhairt ris an ti so mo thighearn? oir air mo shon-sa, air ball cha d'fhan neart air bith annam, ni mò a dh'fhàgadh anail annam.

18 An sin thàinig a ris agus bhean rium, neach cosmhuil ri samhladh duine, agus neartaich e mi.

19 Agus thubhairt e, O dhuine ro ion-mhuinn, na bitheadh eagal ort; sìth dhuit, bi làidir, seadh bi làidir. Agus an uair a labhair e rium, neartaicheadh mi, agus thubhairt mi, Labhradh mo thighearn; oir rinn thu mo neartachadh.

20 An sin thubhairt e, Am bheil fios agad c'ar son a thàinig mi a d' ionnsuidh? agus a nis pillidh mi gu cogadh ri prionnsa Phersia: agus an uair a thèid mise a mach, feuch, thig prionnsa na Gréige.

21 Ach nochdaidh mi dhuit an ni sin a tha comharaichte ann an sgrìobtuir na fìrinn; agus cha-n'eil aon a chuireas leam-sa anns na nithibh so ach Michael 'ur prionnsa-sa.

CAIB. XI.

1 *Sgrìosar Persia le rìgh na Gréige. 5 Coimh-cheangal cadar rìgh na h-àirde deas agus rìgh na h-àirde tuath. 14 Co-bhoinn an aghaidh rìgh na h-àirde deas.*

AGUS ann an ceud bhliadhna Dhariuis a' Mhéidich, sheas mise gu 'dhaingneachadh agus gu 'neartachadh.

2 Agus a nis foillsichidh mi dhuit an fhùirinn; Feuch, seasaidh suas fathasd tri rìghrean ann am Persia; agus bithidh an ceathramh nì's beartaiche gu mòr na iad uile: agus le 'chumhachd, trid a bheartais, dhùisgidh e suas na h-uile an aghaidh rìoghachd na Gréige.

3 Agus seasaidh rìgh cumhachdach suas a riaghlas le tighearnas mòr, agus a ni a réir a thoile féin.

4 Agus an uair a sheasas e suas, brisear a rìoghachd, agus roinnear i ri ceithir ghaothan nèimh; agus cha-n ann d' a shliochd, no a réir a thighearnais, leis an do riaghail e: oir bithidh a rìoghachd air a spìonadh a nìos, eadhon air son muinntir eile a bharrachd orra so.

5 Agus bithidh rìgh na h-àirde deas làidir, ach bithidh aon de na prionnsaich eadhon nì's làidire na esan; agus bithidh aige tighearnas nì's mò na 'thighearnas-sa.

6 Agus 'an ceann bhliadhnan ceanglaidh siad iad féin r'a chéile; oir thig nìghean rìgh na h-àirde deas a chum rìgh na h-àirde tuath a dheanamh réite eatorra: ach cha ghléidh i cumhachd a' ghairdein, ni mò 'sheasas i féin no a shliochd: ach bheirear ise seachad, agus iadsan a thug leo i, agus esan a ghlin i, agus esan a neartaich i anns na h-aimsiribh so.

7 Ach a mach á mcangan d'a freumh seasaidh aon suas 'n a inbhe, a thig le feachd,

agus a thèid a steach gu daingneach rìgh na h-àirde tuath, agus cuiridh e 'nan aghaidh, agus bheir e buaidh.

8 Agus bheir e fòs 'n am braidhibh do'n Eiphit, an diathan, maille ri'm prionnsachan, agus ri an soithichibh luachmhor airgid agus òir; agus mairidh e tuilleadh bhliadhnachan na rìgh na h-àirde tuath.

9 Mar sin thig rìgh na h-àirde deas d'a rìoghachd-san, agus pillidh e g'a dhùthaich féin.

10 Ach bithidh a mliic air an dùsgadh suas, agus cruinnichidh iad sluagh a dh' fheachdan mòra: agus thig aon gu deimhin, agus sgaoilidh e thairis, agus imichidh e troimh: an sin pillidh e, agus dhùisgear suas e, gu ruig a dhaingnich.

11 Agus lionar rìgh na h-àirde deas le feirg, agus thig e mach, agus cogaidh e ris, eadhon ri rìgh na h-àirde tuath: agus cuiridh e mach sluagh mòr; ach bheirear am mòr-shluagh thairis d'a làimh-san.

12 Agus 'n uair a bheir e air falbh am mòr-shluagh, bithidh a chridhe air a thogail suas, agus tilgidh e sìos deich mìltean; gidheadh cha neartaichear e.

13 Oir pillidh rìgh na h-àirde tuath, agus cuiridh e sluagh mòr a mach, a's mò na 'cheud sluagh, agus thig e gu cinnteach, (an dèigh bhliadhnachan àraidh,) le feachd mòr, agus le pailteas saobhbheis.

14 Agus anns na h-aimsiribh sin seasaidh mòran suas an aghaidh rìgh na h-àirde deas: mar an ceudna ni luchd-creachaidh mo shluaigh-sa, iad féin àrdachadh a chum an sealladh a dhaingneachadh, ach tuitidh iad.

15 Mar sin thig rìgh na h-àirde tuath, agus tilgidh e suas tòrr, agus glacadh e na bailtean a's làidire; agus cha seas gairdeanan na h-àirde deas 'n a aghaidh, no a shluagh taghta, ni mò bhitheas neart air bith a chuireas 'n a aghaidh.

16 Ach ni esan a thig 'n a aghaidh a réir a thoile féin, agus cha seas neach air bith roimhe: agus seasaidh e 's an tìr ghlòrmhoir, a bhitheas air a sgrìos le a làimh.

17 Suidhichidh e fòs 'aghaidh gu dol a steach le neart a rìoghachd uile, agus daoine ionraic maille ris: mar so ni e; agus bheir e dha nighean nam ban g'a truailleadh: ach cha seas i air a thaobh-san, ni mò bhitheas i air a shon.

18 'N a dhéigh so tionndaidhidh e 'aghaidh ris na h-eileanaibh, agus glacadh e mòran: ach bheir prionnsa air a shon féin faineas gu'n sguir am masladh a thug e uaidh: gun mhasladh dha féin bheir e air pilleadh air-san.

19 An sin tionndaidhidh e 'aghaidh ri daingneach a thìre féin: ach gheibh e tuisleadh agus leagadh, agus cha bhi e ri 'fhaotainn.

20 An sin seasaidh suas 'n a àite aon a

chuireas fear-togail chisean thar an rìogh-achd ghloirmhor; ach 'an ceann bheagan làithean sgriosar e, cha-n ann 'an corruich no 'an cath.

21 Agus 'n a àite-san seasaidh suas neach snarrach, do nach toir iad onoir na rìogh-achd: ach thig e steach gu sìochail, agus gheibh e'n rìoghachd le mìodal.

22 Agus le gairdeanan na tuile bàthar iad as a làthair, agus brisear iad; seadh, fòs prionnsachan a' choimhcheangail.

23 Agus an dèigh na rèite ris, buinidh e gu cealgach; agus thig e mìos, agus fàsaidh e làidir le shnagh beag.

24 Théid e steach gu sìochail eadhon air na h-ionadan a's fearr de'n mhòr-roinn, agus ni e an ni nach d'rinn 'aithrichean, no aithrichean 'aithrichean; sgapaidh e 'n am measg a' chreach, agus a' chobhartach, agus an saoihbheas: agus dealbhaidh e 'innleachdan an aghaidh nan daingnichean làidir, eadhon ré seal.

25 Agus dùisgidh e suas a chumhachd agus a chruadal, an aghaidh rìgh na h-àirde deas le feachd mòr; agus bithidh rìgh na h-àirde deas air a dhùsgadh suas gu cath, le feachd ro mhòr agus cumhachdach; ach cha seas e: oir dealbhaidh iad innleachdan 'n a aghaidh.

26 Seadh, marbhaidh iadsan a dh'itheas cuibhrionn d'a bhìadh e, agus sgaoilidh 'fheachd a mach mar thuil: agus tuitidh mòran sìos marbh.

27 Agus bithidh cridheachan nan rìghrean so arann air aimhleas d'heanamh, agus labhraidh iad breugan air aon bhòrd; ach cha soirbhich sin: oir fathasd bithidh a' chrìoch anns an àm a shonraicheadh.

28 An sin pillidh esan gu 'dhùthaich le saoihbheas mòr; agus bithidh a chridhe an aghaidh a' choimhcheangail naoimh: agus an dèigh so a dheanamh, pillidh e gu 'thìr fèin.

29 Anns an àm a shonraicheadh pillidh e, agus thig e ris an àirde deas; ach cha bhi na nithean ma dheireadh mar na ceud nithean.

30 Oir thig longan Chitim 'n a aghaidh: air an aobhar sin bithidh doilghios air, agus pillidh e, agus bithidh fearg air an aghaidh a' choimhcheangail naoimh: mar sin ni e; eadhon pillidh e, agus cumaidh e bàigh riu-san a' thréigeas an coimhcheangal naomh.

31 Agus seasaidh làmhnan air a thaobh, agus trannailidh iad naomh-ionad an neirt, agus bheir iad air falbh an iobairt lathail, agus suidhichidh iad a' ghràincilcachd a chuireas fas.

32 Agus a' mhuinntir a ni gu h-òle an aghaidh a' choimhcheangail trannailidh e le mìodal: ach an sluagh aig am bheil eòlas air an Dia, bithidh iadsan làidir, agus ni iad gu treun.

33 Agus iadsan aig am bheil tuigse am measg an t-sluagh, teagaisgidh iad mòran: gidheadh tuitidh iad leis a' chlàidheamh, agus leis an lasair, le daorsa, agus le creich, ré mòran làithean.

34 A nis 'n uair a thuiteas iad, cnidichear iad le beagan cnideachaidh: ach leanaidh mòran riu le mìodal.

35 Agus tuitidh cuid dhiubhsan aig am bheil tuigse, chum an dearbhadh, agus an glanadh, agus an dcanamh geal, eadhon gu am na crìche; a chionn gu bheil e fathasd air son na' a shonraicheadh.

36 Agus ni an rìgh a réir a thoile fèin; agus àrdaichidh se e fèin, agus togar e 'n a mhòr-chuis os ceann gach dé, agus labhraidh e nithean iongantach an aghaidh Dhé nan dia, agus soirbhichidh leis gus an coimh-ionar a' chorrnich: oir nithear an ni sin a dh'orduicheadh.

37 Ni mò bhitheas snim aige de dhia 'aithrichean, no de thoil bhan, no suim de dhia air bith: oir mendaichidh se e fèin os ceann nan uile.

38 Ach 'n a àite bheir e onoir do'n dia Mahusim: agus do dhia nach b'aithne d'a aithrichean bheir e onoir le h-òr agus airgiod, agus le clachaibh rìomhach, agus nithibh taitneach.

39 Mar so ni e; do luchd-coimhid Mhahusim, dhé choimhich, a tha esan ag aideachadh, bheir e onoir mhòr; agus bheir e orra riaghladh thar mòran; agus roinnidh e am fearann air son duaise.

40 Agus 'an àm na crìche ni rìgh na h-àirde deas a phurradh, agus thig rìgh na h-àirde tuath 'n a aghaidh mar chuairt-ghaoith, le carbadaibh, agus le marcaich-aibh, agus le mòran longan; agus théid e steach do na dùtcheaibh, agus sgaoilidh e mar thuil, agus siùbhlaidh e thairis.

41 Théid e fòs a steach do'n tìr ghlòrmhor, agus bithidh mòran dhùtchean air an tilgeadh bun os ceann; ach théid iad so as o 'laimh, Edom, agus Moab, agus rogha cloinne Amoin.

42 Sinidh e fòs a mach a làmh air na dùtcheaibh; agus cha téid tìr na h-Eiphit as.

43 Ach bithidh cumhachd aige os ceann nan ionmhasan òir agus airgid, agus os ceann uile nithean rìomhach na h-Eiphit: agus bithidh na Libianaich agus na h-Etiopaich air a lorg.

44 Ach ni sgeul o'n àird an car, agus o'n àirde tuath a bhuaireadh: air an aobhar sin théid e mach le cornich mhòr gu sgrios, agus gu mòran a mhilleadh gu tìr.

45 Agus suidhichidh e pàillianan a lùch-airtean eadar na cnaintean, anns an t-shlabh ghloirmhor naomh; gidheadh thig e gu 'chric, agus cha chuidich neach air bith leis.

CAIB. XII.

1 *Saoraidh Michael Israel ann an aimsir an carraid.* 2 *An aiseirigh choitichionn.* 5 *Fluair Daniel eòlas mu thimchioll nan aimsirean.*

Agus anns an àm sin seasaidh Michael suas, am prionnsa mòr a tha 'seasamh air son cloinne do shluaigh-sa; agus bithidh aimsir carraid ann, mar nach robh riamh o bha cinneach ann, gus an uair sin féin: agus anns an àm sin saorar do shluaigh-sa, gach aon a gheibhear sgrìobhta 's an leabhar.

2 Agus dùisgidh mòran dhiubhsan a tha 'n an codal ann an duslach na talmhainn, cuid gu beatha shìorruidh, agus cuid gu nàire agus masladh bith-bhuan.

3 Agus dealraidh iadsan a tha glic mar shoilleireachd nan spur; agus iadsan a thionndaidheas mòran gu fircantachd mar na reultan fad saoghail nan saoghal.

4 Ach thusa, O Dhaucil, druid suas na briathran, agus seulaich an leabhar, gu àm na crìche: ruithidh mòran sìos agus suas, agus bithidh eòlas air a mheudachadh.

5 An sin dh'amhairc mise Daniel, agus, feuch, sheas dithis eile, aon air an taobh so de bhruaich na h-aimhne, agus aon air an taobh eile de bhruaich na h-aimhne.

6 Agus thubhairt neach ris an duine 'bha sgeudaichte le lion-eudach, a bha air uisgeachan na h-aimhne, Cia fhad a bhitheas gu crìch nan iongantais so?

7 Agus chuala mi an duine 'bha sgeudaichte le lion-eudach, a bha air uisgeachan na h-aimhne, 'n uair a thog e suas a làmh dheas agus a làmh chli gu nèamh, agus a mhionnaich e airsan a tha beò gu sìorruidh, gu 'm bi e gu aimsir, agus aimsirean, agus leth aimsir: agus 'n uair a sguireas e de sgapadh feachd an t-sluaigh naoimh, crìochnaichear na nithean so uile.

8 Agus chuala mi, ach cha do thuig mi: an sin thubhairt mi, O mo Thighearn, ciod a' chrìoch a bhitheas aig na nithean so?

9 Agus thubhairt e, Imich romhad, a Dha-mieil: oir tha na briathran air an druidealh suas, agus air an seulachadh gu àm na crìche.

10 Bithidh mòran air an glanadh, agus air an deanamh geal, agus air an dearbhadh: ach nì na h-aingidh gu h-olc; agus cha tuig aon neach de na h-aingidh; ach tuigidh na daoine glìce.

11 Agus o'n àm 's an toirear air falbh an *ìobairt* lathail, agus 's an cuirear suas a' ghràineileachd a nì léir-sgrìos, bithidh mìle, dà cheud, ceithir fichead agus deich làithean.

12 Is beannaichte esan a dh'fheitheas, agus a thig gus am mìle, an trì cheud agus an cùigeamh la deug thar fhichead.

13 Ach imich thusa romhad gus an tig a' chrìoch: oir gabhaidh tu fois, agus sèasaidh tu ann ad chrannchur aig crìch nan làithean.

H O S E A.

CAIB. I.

1 *An t-am 's an d' rinn Hosea fàidheadair-eachd.* 2 *Chum gu'n nochdadh e strìopachas na tìre ghabh Hosea d'a ionnsuidh bean strìopachais,* 4 *agus rug i Iesreel, Loruhamah,* agus *Lo-ammi dha.*

FOCAL an Tighearn' a thàinig gu Hosea, mac Bheeri, ann an làithibh Usiah, Iotaim, Ahais, agus Hesechia, rìghrean Iudah; agus ann an làithibh Ieroboaim, mhic Iohais, rìgh Israeil.

2 Toiseach focail an Tighearna le Hosea. Agus thubhairt an Tighearn ri Hosea, Imich, gabh a d' ionnsuidh bean strìopachais: agus clann strìopachais: oir rinn am fearann strìopachas mòr ann an dealachadh ris an Tighearn.

3 Agus dh'imich e, agus ghabh e Gomer nigean Dhiblain; agus dh'fhàs i torrach, agus rug i mac dha.

4 Agus thubhairt an Tighearn ris, Goir Iesreel mar ainm air; oir fòs tamull beag, agus diolaidh mise fuil Iesreel air tigh

Iehu, agus cuiridh mi cosgadh air rìoghachd tìghe Israeil.

5 Agus tarlaidh air an là sin, gu'm bris mise bogha Israeil ann an gleann Iesreel.

6 Agus dh'fhàs i torrach a ris, agus rug i nighean; agus thubhairt *Dia* ris, Goir Loruhamah, *Cha d'fhuair eas tràcair*, mar ainm oirre; oir cha deau mise tràcair nìs mò air tigh Israeil, ach bheir mi gu tur air falbh iad.

7 Ach air tigh Iudah nì mi tràcair, agus tèarnaidh mi iad leis an Tighearn an *Dia*, agus cha-n ann le bogha no le claidheamh a thèarnas mi iad, no le cath, no le h-each-aibh, no le maraich.

8 Agus chuir i o'n chich Loruhamah, agus dh'fhàs i torrach, agus rug i mac.

9 An sin thubhairt *Dia*, Goir *Lo-ammi*, *Sluagh nach leamsa*, mar ainm air: oir cha sibhse mo shluaigh-sa, agus cha bhi mise ann am *Dhia* dhuibhse.

10 Gidheadh bithidh àireamh cloinne Israeil mar ghaineamh na fairge, nach gabh

tomhas no àireamh; agus tarlaidh, anns an àite 's an dubhradh riu, Cha sibh mo shluagh-sa, gu'u abrar riu, Is sibh mic an Dé bhead.

11 Agus bithidh clann Iudah agus clann Israeil air an cruinneachadh ri 'chèile, agus gabhaidh iad dhoibh féin aon cheann, agus thig iad a nìos as au tìr: oir is mòr a bhith-eas là Iesreeil.

CAIB. II.

1 *Chomhairlicheadh do'n t-sluagh an droch ghluimharan a thèigsinn. 14 Bhrosnuich Dia iad gu pillinn d'a ionnsuidh féin le geallannaibh tròcaireach.*

A BRAIBHISE ri 'ur bràithribh, Ammi, Mo shluagh-sa, agus ri 'ur peath-raichibh, Rnhamah, *Fhuairreas tròcair.*

2 Tagraibh ri 'ur màthair, tagraibh: oir cha-n i mo bhean-sa, ni mò is mise a fear-sa: cuireadh i air falbh nime sin a strìopachais as a sealladh, agus a h-adhaltranais o 'h-uchd:

3 Air eagal gu'n rùisg mise i lomnochd, agus gu'n cuir mi i mar anns an là 's an d'rugadh i, agus gu'n dean mi i mar fhàsach, agus gu'n fag mi i mar fhearam tioram, agus gu marbh mi i le tart:

4 Agus nach gabh mi truas d'a cloim, oir is clann strìopachais iad.

5 Oir rinn am màthair strìopachas: rinn ise a ghabh 'n a broinn iad gu beag-uarach: oir thubhairt i, thèid mi an déigh mo luchd-gaoil, a tha 'toirt dhomh m' arain agus m' uisge, m' olainn agus mo lin, m' olaidh agus mo dhibhe.

6 Uime sin feuch, druididh mise suas a slighe le droighionn, agus dùinidh mi a callaid, air chor as nach amais i air a ceum-aibh.

7 Agus leauaidh i an déigh a luchd-gaoil, ach cha bheir i orra; agus iarraidh i iad, ach cha-n amais i orra: an sin thèir i, Siùbhlaidh mi agus pillidh mi gu m' cheud fhear, oir bha mi ni b'fhearr dheth an sin na an nis.

8 Agus cha robh fios aice gu'n d'thug mise dhi arbhar, agus fion, agus oladh, agus au t-airgid a rinn mi pailt dhi, agus an t-òr a thug iad mar thabhartas do Bharl.

9 Uime sin pillidh mise, agus bheir mi m' arbhar leam 'n a àm, agus m' fhion 'n a àm, agus bheir mi leam m' olaun agus mo lion, a *thugadh* a chòmhachadh a lomnochduidh.

10 Agus a nis leigidh mi ris a neòghloine ann an sealladh a luchd-gaoil, agus cha saor duine sam bith as mo làmh i.

11 Bheir mi fòs air a h-aighear uile sgur; a ré uuadh, agus a sàbaid, agus a h-ard-fhèillean uile.

12 Agus millidh mi a fìonain agus a crann-fige, mu'n d'thubhairt i, Is iad so mo dhuais a fhuair mi o m' luchd-gaoil: agus ni mi fàsach dhiubh, agus ithidh beath-aichean ua macharach iad.

13 Agus agraiddh mi oirre làithean Bhaalim, anns an do loisg i tùis doibh, agus anns an do sgeudaich si i féin le a cluas-fhàinnibh agus le a seudaibh, agus anns an deachaidh i au déigh a leamau, agus anns an do dhù-chuimhnich i mise, deir an Tighearn.

14 Gidheadh feuch, bheir mise oirre mo leantuinn, agus bheir mi i do 'n fhàsach, agus labhairidh mi rithe gu cairdeil.

15 Agus a sin bheir mi dhi a fion-liosan, agus gleann Achoir mar dhorus dòchais; agus seinnidh i au sin, mar ann an làithibh a h-òige, agus mar auns an là 's an d'thàinig i nìos à tìr na h-Eiphit.

16 Agus tarlaidh air an là sin, tha an Tighearn ag ràdh, gu'u goir thu dhìom-sa, M'fhear, agus nach goir thu rium nì's mò, Mo Bhaal.

17 Oir bheir mi aiumean Bhaalim a mach as a beul, agus cha-n ainmichear nì's mò, iad air au ainm.

18 Agus auns an là sin ni mise coimhcheangal air an son, ri beathaichibh na macharach, agus ri eunlaith nèimh, agus ri nithibh snàgach na talmhainn: agus am bogha, agus an claidheamh, agus an cath, brisidh mi a mach as an fhearam, agus bheir mi orra gu'n luidh iad sìos anu an tèaru-teachd.

19 Agus pòsaidh mi thu rium féin gu bràth; seadh, pòsaidh mi rium féin thu ann am fireantachd, agus ann an ceartas, agus ann an caoinneas, agus ann an caomh-glhràdh;

20 Seadh, ni mi ceangal-pòsaidh riut aun am firinn, agus gabhaidh tu eòlas air au Tighearn.

21 Agus tarlaidh air an là sin, chuinnidh mise, tha an Tighearn ag ràdh, chuinnidh mise na uèamhan; agus chuinnidh iadsan an talamh;

22 Agus chuinnidh an talamh an t-arbhar, agus am fion, agus an oladh; agus chuinnidh iadsan Iesreeil.

23 Agus suidhichidh mi dhomh féin i anns an fhearam, agus ni mi tròcair oirre-sa nach d'fhuair tròcair; agus their mi riu-san nach robh 'n an sluagh dhomh, Is tu mo shluagh; agus their iadsan, *Is tu mo Dhia.*

CAIB. III.

1 *Le ban-adhaltranach a ghabhail, 4 chuir an fàilth 'an cèill trioblaiden Israeil, 5 agus an aithreachas ams na làithibh deireannach.*

OS bàrr thubhairt an Tighearn rium, Imich a rìs, gràdhaich bean, (ion-mhuinnle a caraid, ged tha i 'n a ban-adhalt-ranaich,) a réir gràidh an Tighearna do chloinn Israeil, ged 'tha iadsan ag amharc ri diathan eile, agus a' gràdhachadh chopan fìona.

2 Mar sin cheannaich mi dhomh féin i air chùig buinn deug airgid, agus bomeir eorna, agus leth homeir eorna.

3 Agus thubhairt mi rithe, Fanaidh tu leam-sa mòran làithean; cha dean thu strìopachas, ni mò bhitheas tu aig fear *eile*; mar sin bithidh mise mar an ceudna agadsa.

4 Oir fanaidh clann Israeil mòran làithean gun rìgh, agus gun phrionnsa, agus gun iobairt, agus gun ìomhaigh, agus gun ephod, agus gun teraphim:

5 'N a dhéigh sin pillidh clann Israeil, agus iarraidh iad an Tighearn an Dia, agus Daibhidh an rìgh; agus bithidh eagal an Tighearn' agus a mhaithis orra, anns na làithibh deireannach.

CAIB. IV.

1 *Bha comhstri aig Dia ri clòinn Israeil, 6 agus r'an sagartaibh air son am peacaidhean. 15 Thugadh rabhadh do Iudaah le léir-sgrìos Israeil.*

EISDIBHSE focal an Tighearn', O chlann Israeil: oir tha comhstri aig an Tighearn ri luchd-àiteachaidh na tìre; a chionn nach 'eil fìrinn, no trèdair, no eòlas Dhé anns an fhcarann.

2 Le mionnaibh, agus breugaibh, agus marbhadh, agus goid, agus deanamh adhart-ranais, bhris iad a mach; agus tha fuil a' ruigheachd gu fuil.

3 Uime sin ni am fearann caoidh, agus seargaidh gach aon a tha 'chòmhnuidh ann, maille ri beathaichibh na macharach, agus ri eunlaith an athair; seadh, bheirear éisg na fairge fòs air falbh.

4 Gidheadh cha-n'eil duine sam bith a' tagradh, agus cha-n'eil duine sam bith a' cronuchadh: oir tha mo shluagh mar dhream a ni strì ris an t-sagart.

5 Uime sin tuitidh tu 's an là, agus tuitidh am faidh fòs leat anns an oidhche; agus sgriosaidh mise do mhàthair.

6 Tha mo shluagh-sa air an sgrìos le dìth eòlais. A chionn gu'n do chuir thu cùl ri eòlas, cuiridh mise fòs cùl riutsa, air chor as nach bi thu agam a'd' shagart: a chionn gu'n do dhearmaid thu lagh do Dhé, dearmaididh mise fòs do chlann-sa.

7 Amhluidh mar chaidh iad ann am meud, mar sin chiontaich iad a'm' aghaidh-sa: caochlaidh mise an glòir gu nàire.

8 Tha iad ag itheadh suas peacaidh mo shluagh-sa, agus a' socruchadh an cridhe air an euceart.

9 Agus amhuil a bhitheas an sluagh, mar sin bithidh an sagart; agus smachdaichidh mise iad air son an slighean, agus diolaidh mi orra an deanadas.

10 Agus ithidh iad, ach cha bli iad sàs-ùichte; ni iad strìopachas, agus cha-n fhàs iad ìomhor: oir leig iad dhiubh a bhi 'toirt aire do'n Tighearn.

11 Bheir strìopachas, agus fion, agus fion nuadh air falbh an cridhe.

12 Tha mo shluagh-sa ag iarraidh comhairle air an crannaibh, agus tha an lorg a' deanamh foillseachaidh dhoibh: oir thug

spiorad an strìopachais orra 'dol air seacharan, agus chaidh iad le strìopachas air falbh o'n Dia.

13 Air mullaichibh nan sliaibh tha iad ag ìobradh, agus air na sléibhtibh tha iad a' losgadh tùise; fo chrannaibh daraich, agus crithinn, agus cuilinn, a chionn gu bheil an sgàile taitneach: air an aobhar sin tha 'ur nigheanan ri strìopachas, agus 'ur mnathan ri adhartanas.

14 Nach smachdaich mise bhur nigheanan, a chionn gu bheil iad ri strìopachas? agus 'ur mnathan a chionn gu bheil iad ri adhartanas? a chionn gu bheil iad 'g an cur féin air leth le strìopachean, agus ag ìobradh le luchd neòghloine; uime sin, an sluagh aig nach 'eil tuigse, tuitidh iad.

15 Ged dheanadh tusa strìopachas, O Israeil, *gidheadh* na ciontaicheadh Indah; agus na tigibhse gu Gilgal, ni mò théid sibh suas gu Bet-abhen; ni mò a mhionnaicheas sibh, Mar is bed an Tighearn.

16 Oir tha Israel a' clàonadh air ais, mar agh cùl-sleamhnach: a nis biadhaidh an Tighearn iad mar uan ann an àite farsuinn.

17 Tha Ephraim air a dhlùth-cheangal ri ìodholaibh, leig leis:

18 Tha an deoch searbh: rinn a h-uachdarain strìopachas gun chlos; ghràdhaich iad ni nàrach:

19 Cheangail a' ghaoth suas i 'n a sgiath-aibh; agus bithidh nàire orra a thaobh an iobairtean.

CAIB V.

1 *Breitheanas an aghaidh nan sagart, an t-sluagh, agus phrionnsachan Israeil air son am peacaidhean agus an ceannaire.*

CLUINNIBHSE so, a shagartan; agus thugaibhse aire, O thigh Israeil; agus thugaibhse faineair, O thigh an rìgh; oir tha breitheanas dlàth dhuibh; a chionn gu'n robh sibh mar rib air Mispah, agus mar lion sgaoilte air Tabor.

2 Agus rinn na ceannaireich marbhadh domhain; uime sin bheir mise smachdachadh air an ìomlan diubh.

3 Is aithne dhomhsa Ephraim, agus Israel cha-n'eil 'am folach orm: oir a nis rinn Ephraim strìopachas; tha Israel air a thruaill-eadh.

4 Cha dealbh iad an deanadas gu pilleadh chum an Dé: oir tha spiorad strìopachais 'n am meadhon, agus air an Tighearn cha do ghabh iad eòlas.

5 Air an aobhar sin islichear uabhar Israeil fa chomhair a shùl; agus Israel, agus Ephraim tuisleaidh 'n an aingidheachd: tuisleaidh fòs Indah maille riu.

6 Le 'n treudaibh agus le 'm buar, théid iad a dh'iarraidh an Tighearn: ach cha-n fhaigh iad e; tharruing se e féin uatha.

7 Bhuin iad gu fealltach an aghaidh an Tighearn'; oir ghin iad clann choimheach:

a nis sluigidh mìos iad maille r' an cuibhrionnaibh.

8 Séidibhse an trompaid ann an Gibeah, am buabhall ann an Ramah: éighibh caismeachd chatha ann am Bet-abhen: *an nàmhaid* air do thòir, O Bheniamin.

9 Bithidh Ephraim 'n a fhàsach ann an là an achumhasain: am measg threubhan Israeil rinn mise aithnichte an ni sin a thig gu crìch gu deimhin.

10 Bha prionnsachan Iudah cosmhail riusan a dh'atharraicheas an comharadh-fearainn: dòrtidh mise mo chorruich a mach orra mar uisge.

11 Tha Ephraim sàruichte, briste ann am breitheanas; a chionn gu'n do ghluais e gu toileach an déigh na h-àithne.

12 Uime sin bithidh mise mar leòman do Ephraim: agus mar lobhadh do thigh Iudah.

13 'N uair a chunnaic Ephraim a thinneas, agus Iudah a chreuchd, an sin chaidh Ephraim a chum an Asirianaich, agus chuir e fios gu rìgh Iareb: gidheadh cha b'urrainn e 'ur leigheas, ni mò 'shlànuich e 'ur creuchd.

14 Gu deimhin bithidh mise mar leòman do Ephraim, agus mar leòman òg do thigh Iudah: reubaidh mise, eadhon mise féin, agus imichidh mi romhan; bheir mi leam, agus cha bhi aon neach ann a thèarnas:

15 Imichidh mi, agus pillidh mi gu m' àite, gus an aicidh iad an cionta, agus an iarr iad m' aghaidh: 'n an àmhghar iarraidh iad mi gu moch.

CAIB. VI.

1 *Earail gu aithreachas. 4 Rinn am fàidh gearan an aghaidh Israeil agus Iudah a chionn gu'n do bhuaic iad 'n an striopachas.*

THIGIBH, agus pilleamaid ris an Tighearn: oir is esan a reub, agus is e a ui ar leigheas; is e a bhuail, agus ccanglaidh e suas sinn.

2 An ceann dà là ni e ar n-ath-bheothachadh, air an treas là dùisgidh e suas sinn, agus a' bithidh sinn beò 'n a shealladh.

3 Agus bithidh eòlas againn; thèid sinn air ar n-aghaidh a ghabhail eòlais air an Tighearn: tha a dhol a mach air 'ulluchadh mar a' mhaduinn; agus thig e d' ar n-ionnsuidh mar an t-uisge; mar an t-uisge deireannach, agus an ceud uisge air an talamh.

4 Ciod a ni mi riut, O Ephraim? Ciod a ni mi riutsa, O Iudah? oir tha 'ur maithneas mar neul inaidne, agus mar an drùchd moch, a shìubhlas air falbh.

5 Uime sin sgath mi sìos iad leis na fàidhibh: mharbh mi iad le briathraibh mo bheoil; agus bha do bhreitheanais mar an selus 'n a dhol a mach.

6 Oir dh'iarr mise tròcair agus ni h-e

ìobairt; agus eòlas Dhé nì's mò na ìobairtean-loisgte.

7 Ach bhris iadsan an coimheangal mar Adhamh: an sin bhuin iad gu fealltach a'm' aghaidh-sa.

8 Is caithir luchd-deanamh eucorach Gil-ead; air a truailleadh le fuil.

9 Agus àmhail a dh'fheitheas buidheann air son duine, tha cuideachd nan sagart a' marbhadh anns an t-slighe gu Sechem a dh'aon-bheachd; oir rinn iad gu dàna aingidheachd.

10 Ann an tigh Israeil chunnaic mi nì ro ghràineil: an sin tha Ephraim ri striopachas; tha Israel air a thruailleadh.

11 Air do shon-sa, mar an ceudna, O Iudah, tha fogharadh air a shònrachadh, an uair a philleas mise air ais braigheanas mo shluaigh.

CAIB. VII.

1 *Chronaicheadh sluagh Israeil air son am peacaidhean. 11 Bha fearg air Dia 'n an aghaidh air son an cealgairachd.*

AN uair a b'àill leamsa Israel a leigheas, an sin leigeadh ris aingidheachd Ephraim, agus euceart Shamaria: oir tha iad a' cur 'an gnìomh ceige: seadh, tha an gaduiche a' dol a steach; tha a' cheathairne ri creach a muigh.

2 Agus cha-n'èil iad a' toirt faincar 'n an cridhe gur cuimhne leamsa an uile aingidheachd: a nis chuairtich an gnìomharan féin iad air gach taobh; tha iad fa chomhair m' aghaidh-sa.

3 Le'n aingidheachd tha iad a' deanamh an rìgh aith; agus nan uachdaran le 'm breugaibh.

4 Is adhaltranaich iad uile; mar àmhuinn air a teasachadh leis an fhuineadair, an uair a sguireas fear-oibreachaidh na taoise d'a fuineadh gus am bi i air a gortachadh.

5 Air là *féille* ar rìgh, 'n uair a bha na prionnsachan air an teasachadh le fion, shìn esan a mach a làmh le luchd-fanoid.

6 Oir dh'ulluich iad an cridhe mar àmhuinn, am feadh a tha iad ri feall-fholach: fad na h-oidheche tha am fuineadair a' codal; anns a' mhaduinn tha i 'lòsgadh mar theine lasarach.

7 Theasaich iad uile iad féin mar àmhuinn, agus shluig iad am breitheamhnan; tha an rìghrean uile air tuiteam; cha-n'èil aon 'n am measg a tha 'gairm orm-sa.

8 Ephraim, mheasg esan e féin leis na cinnich; is aran nach deachaidh a thionndadh Ephraim.

9 Shluig coigrich suas a neart, agus cha-n'èil fios aig air: seadh, tha fuilteanais liatha air an sud agus an so, gidheadh cha-n'èil fios aig air.

10 Agus tha uabhar Israeil a' tabhairt fianuis fa chomhair a shùl: gidheadh cha-n'èil iad a' pilleadh ris an Tighearn an Dia, no 'g a iarraidh air son so uile.

11 Tha Ephraim fòs mar choluman amaid-each, gun còlas: tha iad a' glaothaich ris an Eiphit, tha iad a' triall gu Asiria.

12 An uair a thriallas iad, sgaoilidh mise mo lion thairis orra; mar eunlaith an athair bheir mi nuas iad: smachdaichidh mi iad an uair a dh'èisdeas iad ri 'n coimhthional.

13 Mo thruaighe iad! oir theich iad uamsa: léir-sgrìos dhoibh, oir chiontaich iad a'm' aghaidh-sa: ged shaor mi iad, gidheadh labhair iad breugan a'm' aghaidh.

14 Agus cha do ghlaodh iad riumsa le 'n cridhe; ged rinn iad donnalaich air an leapaichibh air son arbhair agus fìona: tha iad a' cruinneachadh 'an ceann a chèile, tha iad ag èirigh suas a'm' aghaidh-sa.

15 Seadh, smachdaich mi iad; neartaich mi fòs an gairdean; gidheadh tha iad a' dealbh aimhleis a'm' aghaidh.

16 Tha iad a' tionndadh an déigh ni gun bhuannachd: tha iad mar bhogha cealgach: tuitidh an uachdarain leis a' chlaideamh, air son nimhe an teangaidh: so cùis am maslaidh ann an tìr na h-Eiphit.

CAIB. VIII.

i Bhagrachd Israel agus Iudah le léir-sgrìos air son am mi-dhiadhachd agus an ìodhol-aoraidh.

A N trompaid ri d' bheul! mar iolair an aghaidh tìghe an Tighearna *thig e*: a chionn gu'n do bhris iad mo choinn-cheangal-sa, agus gu'n do chiontaich iad an aghaidh mo reachd.

2 Rium-sa glaothaidh iad, O Dhia Israeil, is aithne dhuinne thu.

3 Chuir Israel uaith 'am fad an ni 'tha maith: ni nàmhaid a ruagadh.

4 Chuir iad suas rìghrean, ach cha-n ann uamsa: rinn iad uachdarain, agus cha robh agamsa fìos air: d' an airgiod agus d' an òr rinn iad dhoibh fèin ìodholan, a chum gu'n gearrar as iad.

5 Cuir 'am fad uait do laogh, O Shamaria; tha mo chorruidh-sa air lasadh 'n an aghaidh: cia fhad a bhitheas iad gun ruigheachd air neo-chionta?

6 Oir bha so fòs o Israel: dhealbh am fear-oibre e; agus cha Dia 'tha ann: oir brisear 'n a bhloighdibh laogh Shamaria.

7 Oir chuir iad a' ghaoth, agus buainidh iad a' chuairt-ghaoth: cha-n'èil toradh air an déis; cha toir i uaipe min; no ma bheir, sluigidh coigrich suas i.

8 Tha Israel air a shlugadh suas: a nis tha iad am measg nan cinneach, mar shoith-each anns nach 'èil tlachd air bith.

9 Oir chaidh iad suas gu Asiria: is asal fhiadhaich 's an aonach Ephraim; thuarsdalaich iad leannain.

10 Seadh, ged thuarsdalaich iad am measg nan cinneach, a nis tionailidh mise iad ri 'chèile; agus bithidh iad gu goirid air an cràdh le uallach an rìgh agus 'uachd-aran.

11 A chionn gu'n d'rinn Ephraim mòran altairean gu peacachadh, altairean gu peacachadh tha aige.

12 Sgrìobh mise d'a ionnsuidh nithean mòra mo reachd; ach mheasadh iad mar ni nach buineadh dhoibh.

13 Tha iad ag ìobradh feòla mar thabh-artas dhomhsa, agus 'g a h-ithheadh; ach cha ghabh an Tighearn riu: a nis cuimhnichidh e an aingidheachd, agus smachdaichidh e an lochdan: pillidh iad air an ais do'n Eiphit.

14 Oir dhì-chuimhnich Israel a Chruith-fhear, agus thog e teampull: agus chuir Iudah 'an lìonmhoireachd bailtean daingean: ach cuiridh mise teine air a bhailtibh, agus loisgidh e a lùchairtean.

CAIB. IX.

1 Teanntachd agus braighdeanas Israeil air son am peacaidhean, gu h-àraidh air son an ìodhol-aoraidh.

N A dean aoibhneas, O Israeil, na dean gairdeachas mar na cinnich: oir chaidh thu air strìopachas o d' Dhia; ghràdhaich thu duais air gach uile urlar arbhair.

2 An t-urlar arbhair agus an dabhach-fhìona cha dean am beathachadh, agus meallaidh am fìon nuadh an dòchas.

3 Cha ghabh iad còmhuidh ann am fear-ann an Tighearn: ach pillidh Ephraim do'n Eiphit; agus ann an Asiria ithidh iad nith-ean neòghlan.

4 Cha-n ìobair iad *tabhartais*-fhìona do'n Tighearn, ni mò bhitheas iad taitneach dha: bithidh an ìobairtean doibh mar aran luchd-bròin; bithidh iadsan uile a dh'itheas deth air an salachadh; gu dearbh cha tig an aran air son an anama gu tigh an Tighearna.

5 Ciod a ni sibh ann an là na h-àrd-fhéille, agus ann an là féille an Tighearna?

6 Oir feuch, dh'imich iad air falbh o làth-air an fhir-mhillidh: tionailidh an Eiphit iad, adhlaidh Memphis iad: na *h-ionadan* taitneach a cheannaich iad le 'n airgiod, seallbaichidh an eanntagach iad: 'n am pàillunaibh *fàsaidh* an droighiom.

7 Thàinig làithean an smachdachaidh, thàinig làithean na luigheachd: aithnichidh Israel gu'm b' amadan am fàidh, gu'n robh fear an spioraid air bhoile; air son romheud d' aingidheachd, agus air son d' fhuath mhòir.

8 Tha fear-faire Ephraim le m' Dhia-sa: tha am fàidh mar lìon an eunadair 'n a uile shlighibh-san: *neartaich iad* am fuath an aghaidh tìghe mo Dhé.

9 Thruaill siad iad fèin, mar ann an làithibh Ghibeah: cuimhnichidh esan an aingidheachd, smachdaichidh e an lochdan.

10 Mar dhearcan-fìona 's an fhàsach, fhuair mise Israel; mar am meas luath air a chrann-fhùge 'n a cheud àm, chunnaic mi

'ur n-aithrichean. *Ach* chaidh iad gu Baal-peor, agus dhealaich siad iad féin a chum an nì naraich sin; agus dh'fhàs iad gràineil, mar *chuspair* an gràidh.

11 Air son Ephraim, itealaichidh an glòir air falbh mar eun; o'n bhreth, agus o'n bhroinn, agus o'n ghineamhuinn.

12 Seadh, ged dh'aràicheas iad an clann, sgriosaidh mise iad o mheasg dhaoine; seadh, is an-aoibhinn doibh, an uair a dh'imicheas mise uatha.

13 Tha Ephraim, mar a chunuaic mi Tirus, air a shuidheachadh ann an ionad taitneach: ach bheir Ephraim a mach a chlann do'n fhear-mhillidh.

14 Thoir, O Thighearna. Ciod a bheir thu? thoir dhoibh brù chailteach, agus cìochan seasa.

15 Tha au cionta gu léir ann an Gilgal *fu m' chomhair*: oir an sin thug mise fuath dhoibh: air son aingidheachd au deanadais iomainidh mi as mo thigh iad; cha toir mi nì's faide gràdh dhoibh; tha am maithean uile cùl-sleamhach.

16 Tha Ephraim buailte; thormaiceadh suas am freumh; cha ghiùlain iad a' bhacag de thoradh: seadh, ged bheireadh iad, gidheadh marbhaidh mise *toradh* gràdhach am broun.

17 Tilgidh mo Dhia air falbh iad, a chionn uach d'èisd iad ris: agus bithidh iad 'n an fògaraich am measg nan cinneach.

CAIB. X.

1 *Bhagràdh clann Israeil air son am m' dhìadhadh agus an òdhot-aoraidh, 12 agus thugadh earail dhoibh aithreachas a ghabhail.*

B' FHIONAIN thorrach Israel: thug e mach toradh dha féin: a réir pailteis a thoraidh chuir e altairean 'an lioumhoireachd; a réir maitheis 'fhearainn rinn e dealbhan àluinn.

2 Tha an cridhe air a roinn; a nis gheibhear ciontach iad: brisidh esan sìos an altair-ean: sgriosaidh e an dealbhan.

3 Oir a nis tha iad ag ràdh, Cha-n'èil rìgh air bith againn, a chionn nach robh eagal an Tighearn oirnn: ciod uime sin a dheanadh rìgh dhuinn?

4 Labhair iad briathran *fuoinne*, 'n uair a mbhionnaich iad; breugan an uair a rinn iad eòimhcheangal: mar so tha breitheanas a' fàs a nìos, mar an iteotha ann an claisibh na macharach.

5 Air son laogh Bhet-abhein bithidh eagal air luchd-àiteachaidh Shamaria; oir nì a shluagh caoidh os a cheann, agus a shagartan acain air a shon; air son a ghildire, oir dhealaich i ris.

6 Os bàrr bheirear e féu gu Asiria, mar thabhartas do rìgh Iareb: nì masladh greim air Ephraim, agus gabhaidh Israel nàire d'a chomhairle féin.

7 Air son Shamaria, ghearradh a rìgh as mar an cobhar air uachdar an nìsge.

8 Sgriosar fòs ionadan àrda Abhein, cionta Israeil: thig an droighionn agus am foghannan a nìos air an altairean; agus their iad ris na sléibhtibh, Folaichibh sinn, agus ris na beanuataibh, Tuitibh oirnn.

9 O Israeil, chiontaich thu nì's mò na ann an làithibh Ghibeah: an sin sheas iad: nach drug an cath orra ann an Gibeah?

10 An aghaidh cloinne na h-aingidheachd thàinig mise, agus smachdaich mi iad. Agus cruinnichear na slòigh 'n an aghaidh-san 'n uair a smachdaichear iad air sou an dà chionta.

11 Agus bithidh Ephraim 'n a agh foghluinte, le 'm mian a bbi 'saltairt a mach an arbhair; ach chaidh misc thairis air a muineal sgiamhach. Bheir mi air Ephraim marcachd; treabhaidh Iudah, brisidh Iacob 'fhoideau.

12 Cuiribh dhuibh féin annam fireantachd, buainibh ann an toradh na tròcair: brisibh suas 'ur fearann neo-threabhata: oir is mithich Iehobhah iarraidh, gus an tig e; agus am fras e oirbh fireantachd.

13 Threabh sibh aingidheachd, bhuaibh sibh euceart; dh'ith sibh toradh bhreugan: a chionn gu'n d'earb thu as do shlighe, à mòr-chuideachd do dhaoine treuna;

14 Uime sin éiridh buaireas am measg do shluaigh, agus bithidh d' uile dhaingnìchean air am milleadh, amhuil a mhill Salmon Bet-arbel anu an là a' chatha; ghearradh 'n an bloighidibh a' mhàthair agus a' chlann le 'chéile.

15 Is amhuil a nithear ruibhse, O Bhetel, air son ro-mheud bhuir n-aingidheachd: ann am maduinn gearrar as gu cinnteach rìgh Israeil.

CAIB. XI.

1 *Bha sluagh Israeil m' thàinigil do'n Tighearn air son a thròcairean, 5 Breitheanas Dhé 'n an aghaidh, 8 A thròcair d'an taobh, 12 Cealgairachd Ephraim.*

N UAIR a bha Israel 'n a leanabh, an sin thug mise gràdh dha; agus a mach as an Eiphit ghairm mi mo uhae.

2 'N uair a ghairm iad orra, an sin dh'imich iadsan uatha: dh'ìobair iad do Bhaalim, agus loisg iad tùis do dhealbhan snaighte.

3 Theagaisg mise fòs do Ephraim cois-eachd, 'g an togail anu am ghairdeanaibh; ach cha robh fios aca gu'n do leighis mi iad.

4 Tharruing ui iad le cordaibh duine, le ceanglaichibh gràidh; agus bha mi dhoibh mar neach a thogas dhiubh a' chuing air an giallaibh a gus chuir mi sìos biadh dhoibh.

5 Cha phill e gu tìr na h-Eiphit, ach bithidh an t-Asirianach 'n a rìgh air, a chionn gu'n do dhiùlt iad pilleadh *riumsa*.

6 Agus tuitidh au claidheamh gu trom air a bhaitibh, agus caithidh e a gheugan; agus sluigidh e, air son an comhairle.

7 Agus tha mo shluagh-sa 'an tì air cùl-sleamhnachadh uam; ged ghlaodh iad ris

an Ti a's àirde, cha-n àrdaichadh aon neach e.

8 Cionnus a bheir mi thairis thu, O Ephraim! cionnus a bheir mi seachad thu, O Israeil! cionnus a ni mi thu mar Admah! a chuireas mi thu mar Sheboim! tha mo chridhe na taobh a stigh dhiom air tionndadh; tha m' aithreachais air lasadh le 'chéile.

9 Cha ehur mi 'n guìomh mo dhian-eherruieh, cha phill mi a mhilleadh Ephraim; oir is Dia mise, agus cha duine; an Ti naomh ann ad mheadhon; gidheadh nach 'eil a' tathaich bhailean.

10 Sìubhlaidh iad an déigh an Tighearna: beucaidh e mar leòmhán: an uair a bheucas e, an sin criothnaichidh na mic o'n àird an iar.

11 Itealaichidh iad mar eun as an Eiphit, agus mar choluman á tìr Asiria; agus suidhichidh mise 'n an tighibh iad, deir an Tighearn.

12 Tha Ephraim 'g am ehuairteachadh le breugaibh, agus tigh Israeil, le ceilg: ach fathast tha Iudah a' riaghladh maille ri Dia; agus tha e dileas maille ris na naoimh.

CAIB. XII.

1 *A' ingidheadh Ephraim agus Iudah. 8 Chomhairlicheadh dhoibh aithreachas a ghabhail. 7 Chuir peacaidhean Ephraim campar air an Tighearn.*

THA Ephraim ag ionaltradh air gaoith, agus ag imeachd an déigh na gaoithe an ear: gach aon là tha e 'cur bhreug agus reubainn 'an Ìomhoireachd; rinn iad fòs coimhcheangal ri Asiria, agus tha oladh 'g a giùlan do'n Eiphit.

2 Tha connsachadh fòs aig an Tighearn ri Iudah, agus ni e peanas air Iacob a réir a shlighean; a réir a dheanadais bheir e dha luigheachd.

3 Anns a' bhroinn ghlae e a bhràthair air shàil; agus le a neart bha cumhachd aige maille ri Dia.

4 Seadh, bha cumhachd aige maille ris an aingeal; agus thug e buaidh: ghuil e, agus rinn e guidhe ris: fhuair e ann am Betel e, agus an sin labhair e ris.

5 Eadhon Iehobhah Dia nan sluagh, is e Iehobhah a chuimhneachan.

6 Uime sin pill thusa ri d' Dhia: coimhid tròcair agus breitheanas; agus feith air do Dhia a ghnàth.

7 Is fear-malairt e: 'n a làimh tha meigh na mcaltaireachd; is toigh leis a bhi ri ainneart.

8 Agus thubhairt Ephraim, Gu deimhin tha mi air fàs saoi bhir, fhuair mi dhomh féin stòras: ann am shaothairibh uile eha-n fhaigh iad euceart air bith annam; bhlith-eadh sin 'n a chionta.

9 Agus mise Iehobhah do Dhia, *a thug a nìos thu* o thìr na h-Eiphit, bheir mi ort

fòs còmhnuidh 'ghabhail ann am pàisliun-aibh, mar ann an làithibh na h-àrd-fhéille.

10 Labhair mi fòs leis na fàidhean, agus rinn mi lionmhor seallannan; agus le frith-ealadh nam fàidhean ghnàthaich mi eos-amhlachdan.

11 Gu dearbh ann an Gilead tha euceart; gu cinnteach is dìomhanas iad; tha iad ag ìobradh tharbh ann an Giltal; seadh, tha an altairean mar ehuirn ann an elaisibh na macharach.

12 Ach theich Iacob gu dùthaich Shiria; agus rinn Israel seirbhis air son mnà; agus air son mnà ghléidh e *caoraich*.

13 Agus le fàidh thug an Tighearn Israel a mach as an Eiphit; agus le fàidh thearn-adh e.

14 Bhrosnuich Ephraim e ehum feirge gu ro shearbh: uime sin fàgaidh a Thighearn 'fhuil air féin; agus pillidh e thuige féin a mhasladh.

CAIB. XIII.

1 *Dh'fhalbh glòir Ephraim mar mholh air fhuadachadh le cuairt-ghaoith. 4 Sgrìosaidd Dia iad do bhrìgh gu'n do mhi-ghnàthaich iad a thròcairean. 15 Breitheanas Shamaria air son a ceannaire.*

AN uair a labhair Ephraim le erith, ach an uair a chiontaich e ann am Baal, bhàsaich e.

2 Agus a nis tha iad a' ciontachadh ni's mò agus ni's mò, agus rinn iad dhoibh féin dealbh leaghta d'an airgiod: ìodholan a réir an seòtachd féin; an t-ionlan deth obair nam fear-ceirde: tha iad ag ràdh do'n taobh, Deanadh a' mhuintir a tha 'g ìobradh na laoigh a phògadh.

3 Air an aobhar sin bithidh iad mar neul na maidne; agus mar an drùchd moch a shiùbhlas air falbh: mar am moll air fhuadachadh le cuairt-ghaoith o'n urlar-bhualaidh; agus mar dheathach a mach as an luidheir.

4 Gidheadh is mise an Tighearn do Dhia, *a thug a nìos thu* o thìr na h-Eiphit, agus cha bhi aithne agad air dia air bith ach mise; oir cha-n'eil slànuidhear ann ach mi.

5 B'aithne dhomh-sa thu's an fhàsach, ann am fearann an tarta mòir:

6 'N an ionaltradh bha iad air an lìonadh: bha iad air an lìonadh, agus dh'àrdaichheadh an eridhe: air an aobhar sinn dhì-chuimhnich iad mise.

7 Uime sin bithidh mise dhoibh mar leòmhán: mar liopard anns an t-slighe bheir mi fàinear iad.

8 Coimichidh mi iad mar mhath-ghamhuin o'n do bhuineadh a *cuileanan*, agus reubaidh mi sgairt an eridhe; agus an sin sluigidh mi iad mar leòmhán boirionn: ni fiadh-bheathach na macharach an reubadh.

9 O Israeil, sgrìos thu thu féin, ach annam-sa tha do eabhair.

10 Bithidh mise ann am rìgh dhuit: c'ait am bheil aon neach eile a thearnas thu ann ad chaitrichibh uile! agus do bhreith-eamhan uile ris an d' thubhairt thu, Thoir dhomh rìgh agus prionnsachan.

11 Thug mise rìgh dhuit ann am fheirg, agus thug mi air falbh e ann am chorroich.

12 Tha aingidheachd Ephraim air a carnadh suas: tha a chiorta air a thasgadh.

13 Thig ioghannan mnà ri saothair air: is mac nach 'eil glic e so; no cha-n fhanadh e fada ann an àite briseadh a mach na cloinne.

14 Fuasglaidh mise iad o chumhachd na h-uaghe: saoraidh mi iad o'n bhàs: O bhàis, bithidh mise a'm' phlàigh dhuit; O uaghe, bithidh mise a'm' sgrìos duit; bithidh aithreachas air 'fhòlach o m' shùilibh.

15 Ged bha e torrach am measg a bhràithrean, thig gaoth an ear, thig gaoth an Tighearna nìos o'n fhàsach, agus fàsaidh 'fhuaran tioram, agus tiormaichear suas a thobar: bithidh ionnhas uile shoithichean taitneach air a chreachadh.

16 Bithidh Samaria 'n a fàsach, oir rinn i ceannaire an aghaidh a Dé: tuitidh iad leis a' chlaidheamh, brisear an naoidheanan 'n aine bhoighdibh; agus reubar suas an mnathan torraeh.

CAIB. XIV.

1 *Earail chum aithreachais.* 4 *Leighisidh Dia cùl-sleamhnachadh a shluaghe.*

PILL, O Isracil, ris an Tighearn do Dhia, oir thuit thu le d' aingidheachd.

2 Thugaibh leibh briathran, agus pillibh ris an Tighearn; abraibh ris, Thoir air falbh ar n-uile chiorta, agus gabh ruinn gu gràsmhor: mar sin bheir sinn seachd laoghb ar bilean.

3 Cha dean Asur ar tèarnadh; air each-aibh cha dean sinn marcachd; ni mò their sinn tuilleadh ri obair ar làmhnan féin, Is sibhse ar diathan: oir annad-sa gheibh an dilleachdan tròcair.

4 Leighisidh mise an cùl-sleamhnachadh, gràdhachidh mi iad gu saor: oir phill mo chorroich air falbh uaith.

5 Bithidh mi mar an drùchd do Isracil: fàsaidh e mar an lile, agus cuiridh e mach a fheumhan mar Lebanon.

6 Sgaoidh a gheugan, agus bithidh a mhaise mar an crann-oladh, agus 'fhàile mar Lebanon.

7 Pillidh iadsan a tha 'chòmhnuidh fo a sgàile: mar an t-arbhar bithidh iad air an ath-bheothachadh; agus fàsaidh iad mar an fhionain: bithidh 'fhàile mar fhion Leban-oin.

8 *Their Ephraim*, Ciod mo ghmothuch-sa tuilleadh ri iodholaibh? Chuala mise e; agus thug mi fainear e; is cosmhuil mi ri crann uaine giuthais; uamsa tha do thoradh r'a fhaotainn.

9 Oè a tha glic, agus tuigidh esan na nith-ean so? crionna, agus aithnichidh e iad? oir tha slighean an Tighearna ceart, agus ghluaisidh na fireanan annta: ach gheibh na ciontaich tuisleadh annta.

IOEL.

CAIB. I.

1 *Chuir Ioel 'an cèill léir-sgrìos na talmhain leis an locust, a' chnàmh-bheist, agus a' bhurruis.* 8 *Chomhairlich e do'n t-sluagh trasg a ghairm, agus iad féin irioslachadh an lathair an Tighearna chum gu'm pillleadh e air falbh a bhreith-eanais.*

FOCAL an Tighearn a' thàinig a chum Ioel, mhic Phetueil.

2 Cluinnibh-sa so, a sheann daoine; agus thugaibh-sa fainear, uile luchd-àiteachaidh na tìre: an robh so 'n 'ur làithibh-sa; no 'n làithibh blur n-aithrichean?

3 Innsibh-sa do 'ur cloinn e, agus inn-seadh 'ur clann do 'ur cloinn-san, agus an clann-san do ghinealach eile.

4 An ni sin a dh'fhlàg a' phailm-chnuimh, dh'ith an locust; agus an ni a dh'fhàg an locust, dh'ith a' chnàmh-bheist; agus an ni sin a dh'fhlàg a' chnàmh-bheist, dh'ith am burruis.

5 Dùisgibh, a mhisgearan, agus guilibh; agus deanaibh-sa caoidh, uile phòitearan

fiona, air son an fhìon-nuadha, oir tha e air a ghearradh air falbh o 'ur beul.

6 Oir tha cinneach air teachd a nìos air m' fhearann-sa, treun, agus thar àireamh; is faclan leòmhain am faclan; agus tha faclan cùil leòmhain bhoirinn aca.

7 Dh'fhlàg iad m' fhionain-sa 'n a fàsach, agus rùisg iad mo chrann-fige: rùisg iad e gu buileach, agus thilg iad air falbh e; tha a gheugan air an deanamh geal.

8 Dean caoidh mar òighe criosluichte le eudach-saic air son céile a h-òighe.

9 Tha an tabhartas-bidh air a ghearradh air falbh, agus an tabhartas-dibhe o thigh an Tighearna: deanaibh-sa bròn, O shag-art, a' òiglacha an Tighearna.

10 Tha a' mhachair 'n a fàsach, tha an talamh ri caoidh; oir tha an t-arbhar air a mhilleadh; tha am fìon nuadh air seargadh, dh'fhàilich an oladh.

11 Gabhaibh nàire, O threabhaichean deanaibh-sa caoidh, O luchd-deasaichidh na fionain, air son a' chruithneachd, agus

air son an corna: a chionn gu'n do mheath fogharadh na macharach.

12 Tha an fhionain air tìormachadh suas, agus an crann-fìge air seargadh; tha am pomgranat, an crann-pailme fòs, agus an crann-ubhall, *eadhon* uile chraobhan na macharach, air seargadh: gu deimhin shearg aoibhneas air falbh o chloinn nan daoine.

13 Criosluichibh sibh féin *le eudach-saic*, agus tuiribh, O shagarta: deanaibh ulart-aich, a luchd-frithealaidh na h-altarach: thigibh, luidhibh fad na h-oidhche ann an eudach-saic, òglacha mo Dhé: oir tha an tabhartas-bìdh agus an tabhartas-dìbhe air a chumail air ais o thigh ar Dé.

14 Naomhaichibh-sa trasg, gairmibh là toirmisg, cruinnichibh na seanairean, uile luchd-àiteachaidh na tìre, gu tigh an Tighearna 'ur Dé, agus glaothaibh ris an Tighearna,

15 Òch air son an là! oir tha là an Tighearna dlùth, agus mar léir-sgrìos o'n Uile-chumhachdach thig e.

16 Nach 'eil ar lòn air a ghearradh as fa chomhair ar sùl? aoibhneas agus luaghair o thigh ar Dé?

17 Lòb an sìol fa fhòidibh: dh'fhàgadh fàs na h-ionadan-tasgaidh; bhriseadh sìos na saibhlean: a chionn gu'n do shearg an t-arbhar.

18 Cionnus a tha na beathaichean ag osnaich? tha na buailean spréidhe ann an aire, a chionn nach 'eil ionaltradh aca: tha na treudan chaoarach fòs air am milleadh.

19 Riutsa, O Thighearna, glaothaibh mise; oir chaith an teine chuaintean an fhàsaich, agus loisg an lasair uile chraobhan na macharach.

20 Tha beathaichean na macharach fòs a' glaothaich riutsa: oir thiormaicheadh suas na h-aìmhnichean uisge, agus chaith an teine chuaintean an fhàsaich.

CAIB. II.

1 *Chuir am fàidh 'an cèill meudachd armaill Dhé; 12 chomhairlich e do'n t-sluagh aithreachas a ghabhail, 13 dh'ordugh e trasg, 18 agus gheall e tràcar dhoibh o Dhia. 21 Thug e comhfhurtachd do Shìon.*

S EIDIBHSE an trompaid ann an Sion, agus éighibh caismeachd catha ann am shliabh naomh-sa: crìochnaichadh uile luchd-àiteachaidh na tìre: oir tha là an Tighearn' a' teachd, oir tha e am fàgus.

2 Là dorchadais agus ogluidheachd: là neul agus tiugh-dhorchadais; mar an doilleireachd air a sgaoiladh air na sléibhtibh, *thig* sluagh ìomhhor agus làidir; an leithid cha robh ann o shean, agus cha bhi nì's mò 'n an déigh, eadhon gu bhàdhnachan mhòran ghinealach.

3 Romba tha teine ri sgrìos, agus 'n an déigh tha lasair a' losgadh: tha am fearann mar ghàradh Edein rompa, agus 'n an déigh

'n a fhàsach uaigneach; seadh, cha bhi dol as aig aon nì uatha.

4 Bithidh an coslas mar choslas each; agus mar mharcaichean is amhluidh a ruith-eas iad.

5 Mar fharum charbad air mhullach nam beann leumaidh iad; mar thoirm lasair theine a loisgeas an asbhuain: mar shluagh làidir air an cur 'an ordugh catha.

6 Roimh an gnùis bithidh geur-ghoimh air an t-sluagh: tionailidh na h-uile aghaidh dubhachas.

7 Ruithidh iad air an aghaidh mar dhaoine cumhachdach; streapaidh iad am balla mar luchd-cogaidh; agus siùbhlaidh iad gach aon air a shlighe, agus cha bhris iad an ordugh.

8 Nì mò theannaicheas aon air aon eile; coisichidh iad gach aon 'n a cheum féin: agus ma thuiteas iad air a' chlàidheamh, cha bhi iad air an leònachd.

9 Ruithidh iad air an ais agus air an aghaidh anns a' bhaile: ruithidh iad air a' bhalla: streapaidh iad suas do na tighean: thèid iad a steach air na h-uinneagaibh mar mheirleach.

10 Bithidh ball-chrith air antalamh rompa, crìochnaichidh na nèamhan: bithidh a' ghrian agus a' ghealach dorchach, agus cumaidh na reultan air ais an deachd.

11 Agus cuiridh an Tighearna a mach a ghuth fa chomhair 'fheachd: oir tha a champ ro mhòr; oir is treun esan a thoirt gu buil 'fhocail; oir tha là an Tighearna mòr agus ro uambasach, agus cò 'dh'fheudas 'fhulang?

12 Uime sin a nis mar an ceudna, tha an Tighearna ag ràdh, pillibh a m' ionnsuidh-sa le 'ur n-uile chridhe, agus le trasg, agus le gul, agus le caoidh.

13 Agus reubaibh bhur cridhe, agus nì h-e 'ur n-eudach; agus pillibh ris an Tighearna bhur Dia: oir tha e tràcaireach agus iochdmhor, mall a chum feirge, agus làn de chaomhalachd, agus gabhaidh e aithreachas mu'n òle.

14 Cò aig am bheil fios nach pill, agus nach gabh e aithreachas, agus nach fàg e beannachd 'n a dhéigh, tabhartas-bìdh agus tabhartas-dìbhe, do'n Tighearna bhur Dia.

15 Sèidibh an trompaid ann an Sion, naomhaichibh trasg, gairmibh là toirmisg.

16 Cruinnichibh an sluagh, naomhaichibh an coimhthional; gairmibh na seanairean; tionailibh a' chlan, agus iadsan a tha 'deòthail na cìche: rachadh am fear nuadh-phòda mach as a sheòmar, agus a' bhean nuadh-phòda mach as a seòmar uaigneach.

17 Deanaidh na sagartan, seirblisich an Tighearna, gul eadar an sgàth-thigh agus an altair, agus abradh iad, Caomhain, O Thighearna, do shluagh, agus na toir d'òighreachd thairis gu masladh: a chum gu'n riaghladh na cinnich os an ceann: c' uim' an

2 Bradh iad am measg nan cinneach, C'ait am bheil an Dia?

18 Ansin bithidh an Tighearn eudmhor m'a fhearann, agus gabhaidh e truas d'asluagh.

19 Seadh, freagraidh an Tighearn, agus their e r'a shluagh; Feuch, cuiridh mi d'ur n-ionnsuidh arbhar, agus fion, agus oladh, agus bithidh sibh air 'ur sàsachadh leo; agus cha dean mi sibh ni's mò 'n 'ur masladh am measg nan cinneach.

20 Ach atharraichidh mi 'am fad uaibh feachd na h-àirde tuath, agus fograidh mi e gu fearann falamh fasail, a thoiseach gus an fhairge 'n ear, agus a dheireadh gus an fhairge 'n iar; agus thig a bhréine nìos, agus éiridh a dhroch fhàile, a chionn gu'n do mhaoidh e nithean mòra.

21 Na bitheadh eagail ort, O fhearainn; bi luaghaireach agus ait: oir ni an Tighearn nithean mòra.

22 Na bitheadh eagail oirbh a bheathaiche na macharach: oir tha cluaintean an fhàsaich a' briseadh a nìos; oir tha a' chraobh a' giùlan a toraidh; tha an crann-fige agus an fhìonain a' toirt seachad an neirt.

23 Bithibh ait na ta, O chlann Shìoin, agus deanaibh gairdeachas anns an Tighearn bhur Dia; oir thug e dhuibh an t-uisge a's tràithe ann an ceart-thomhas; agus bheir e air frasaibh teachd a nuas d'ur n-ionnsuidh, an ceud uisge, agus an t-uisge deireannach amhuil roimhe so.

24 Agus bithidh na h-ur-lair-bhualaidh làn de chruithneachd, agus cuiridh na dabhachan thairis le fion agus le h-oladh.

25 Agus aisgidh mise dhuibh na bliadhnachan a dh'ith an locust, a' chnàmh-bheist, am burrus, a' phailm-chnuimh, m' fheachd mòr, a chuir mi 'n 'ur measg.

26 Agus ithidh sibh ann am pailteas, agus bithidh sibh sàthach, agus cliùthaichidh sibh ainm an Tighearna bhur Dia, a bhuin ruibh gu h-iongantach: agus cha nàraichear am feasd mo shluagh-sa.

27 Agus aithnichidh sibh gu bheil mise ann am meadhon Israeil, agus gur mi an Tighearn 'ur Dia, agus nach aon air bith eile: agus cha nàraichear am feasd mo shluagh.

28 Agus tarlaidh 'n a dhéigh sin, gu'n dòirt mise mach mo spiorad air gach uile fheoil, agus ni bhuir mic agus bhuir nigh-eanan faistneachd, brudairidh 'ur seann daoine brudair, agus chi 'ur n-òganaich seallannan:

29 Agus fòs air na h-òglachaibh agus air na banoglaichibh, anns na làithibh sin, dòirtidh mi mach mo spiorad.

30 Agus nochdaidh mi iongantais anns na nèamhan, agus air an talamh; fuil, agus teine, agus smùidrich dheathaich.

31 Iompaichear a' ghrian gu dorchadas, agus a' ghealach gu fuil, mu'n tig là mòr agus ramhasach an Tighearna.

32 Agus tarlaidh, ge b'e air bith a ghairmeas air ainm an Tighearna, tèarnar e: oir ann an sliabh Shìoin agus ann an Ierusalem bithidh tèarnadh, mar a thubhairt an Tighearn; eadhon am measg an iarmaid a ghairmeas an Tighearn.

CAIB. III.

1 *Tagraidh Dia ris na cinnich air son a shluagh Israeil, 4 agus dìolaidh e dhoibh a réir an gnìomharan. 18 Beannachdan na h-eaglais.*

OIR feuch, anns na làithibh sin, agus anns an àm sin, 'n uair a bheir mise air a h-ais bruid Iudah, agus Ierusalem, tarlaidh,

2 Gu'n cruinnich mi na h-uile chinnich, agus bheir mi sìos iad gu gleann Iehosaphait, agus tagraidh mi riu an sin air son mo shluagh, agus air son m' oighreachd Israeil, a sgap iad am measg nan cinneach; agus roinn iad mo dhùthaich.

3 Agus thilg iad croinn air son mo shluagh; agus thug iad macan air son strìopaich, agus reic iad nigheanag air son fìona, chum gu'n dladh iad.

4 Seadh, agus ciod 'ur gnothuch-sa riumsa, O Thuiris, agus a Shìdoim, agus uile chrìochan Phalestin? an dìol sibh dhomh luigheachd? a nis ma bheir sibh dhomh luigheachd, gu luath, gu grad dìolaidh mi 'ur luigheachd air 'ur ceann féin;

5 A chionn gu'n do ghabh sibh m' airgiod agus m' òr, agus gu'n do ghiùlain sibh gu bhur teampuill mo nithean luachmhor taitneach.

6 Clann Iudah fòs, agus clann Ierusalem reic sibh ris na Greugaich, a chum gu'n atharraicheadh sibh iad am fad o'n crìch féin.

7 Feuch, togaidh mise iad as an àite gus an do reic sibh iad; agus pillidh mi bhuir luigheachd air bhuir ceann féin.

8 Agus reicidh mi 'ur mic agus 'ur nigh-eanan gu làmh cloinne Iudah; agus reicidh iadsan iad ris na Sabéich, ri sluagh fad as; oir labhair an Tighearn e.

9 Eighibh-sa so am measg nan cinneach; ulluichibh cogadh, dùisgibh suas na cumhachdaich; thigeadh na fir-chogaidh uile am fagus, thigeadh iad a nìos.

10 Deanaibh claidhean de 'ur coltraibh, agus sleaghan de 'ur corraibh-sgathaidh; abradh an lag, Tha mi làidir.

11 Cruinnichibh sibh féin, agus thigibh, a chinneacha gu léir, agus tionailibh o gach taobh mu'n cuairt: an sin bheir thusa air na cumhachdaich teachd a nuas, O Thighearna.

12 Dùisgeadh na cinnich, agus thigeadh iad a nìos gu gleann Iehosaphait: oir an sin suidhidh mise gu breth a thoirt air na cinnich uile mu'n cuairt.

13 Sàthaibh an corran, oir tha am fogharadh abuich; thigibh, gabhaibh sìos, oir

tha an t-amar-fiona làn, tha na dabhachan a' cur thairis : oir tha an aingidheachd mòr.

14 Mòr-chuideachdan, mòr-chuideachdan, ann an gleann a' ghearraidh ; oir tha là an Tighearna dlùth ann an gleann a' ghearraidh.

15 Dorchaichear a' ghrian agus a' ghealach, agus cumaidh na reultan air ais an dealradh.

16 Agus beueaidh an Tighearna a mach à Sion, agus o Ierusalem cuiridh e mach a ghuth, agus bithidh crith air na nèamhan, agus air an talamh : ach bithidh an Tighearna 'n a ionad-dèidein d'a shluagh ; agus 'n a dhaingneach làidir do chloinn Israeil.

17 Mar sin aithnichidh sibh gur mise an Tighearna 'ur Dia, a tha 'chòmhnuidh ann an Sion, mo shliabh naomh : an sin bithidh

Ierusalem naomh, agus cha téid coigrich troimhe nì's mò.

18 Agus tarlaidh anns an là sin, gu'n sil na sléibhteana a nuas fion nuadh, agus sruthaidh na beanntan le bainne ; agus sruthaidh uile aimhnichean Iudah le h-uisgeachaibh ; agus thig tobar a mach o thigh an Tighearna, agus uisgichidh e gleann Shitim.

19 Bithidh an Eiphit 'n a nochd-làraich, agus bithidh Edom 'n a fhàsach uaigheach ; air son an ainneirt an aghaidh cloinne Iudah ; a chionn gu'n do dhòirt iad fuil nan neò-chiontach 'n am fearann.

20 Ach gabhaidh Iudah còmhnuidh gu sìorruidh, agus Ierusalem o linn gu linn.

21 Agus glanaidh mise an fuil-san, nach do ghlan mi ; agus gabhaidh an Tighearna còmhnuidh ann an Sion.

A M O S.

CAIB. I.

1 *Ant-àn 's an d' rinn Amos fàidheadaireachd.*
3 *Nochd e na breitheanaid a bha gu teachd air Siria,* 6 *air na Philistich,* 9 *air Tirus,* 11 *air Edom,* 13 *agus air Moab.*

BRIATHRAN Amois, a bha am measg bhuachaillean Thecoa, a fhuair e mu thimcheall Israeil, ann an làithibh Usialu rìgh Iudah, agus anu an làithibh Ieroboaim mhic Iohais, rìgh Israeil, dà bhliadhna roimh an chrith-thalmhainn.

2 Agus thubhairt e : Beucaidh Iehobhah o Shion, agus o Ierusalem cuiridh e mach a ghuth ; agus ni ionadan-còmhnuidh nam buachaillean bròn, agus seargaidh mullach Charmeil.

3 Mar so tha an Tighearna ag ràdh : Air sou thri lochdan Dhamascuis, agus air son cheithir, cha phill mi air falbh a *pheanas* ; a chionn gu'n do bhuail iad Gilcad le inn-ealaibh-bualaidh iaruin.

4 Ach cuiridh mise teine air tigh Hasaail, a loisgeas lùchairtean Bhenhadaid.

5 Brisidh mi fòs crann-druididh Dhamascuis, agus gearraidh mi as am fear-àiteachaidh o chòmharnard Abhein, agus esan a ghlacas an t-slat-rioghail o thigh Edein : agus siùhlaidh sluagh Shiria ann am bruid gu Cir, deir an Tighearna.

6 Mar so tha an Tighearna ag ràdh : Air son thri lochdan Ghasa, agus air son cheithir, cha phill mi air falbh a *pheanas* ; a chionn gu'n d'fhug iad a' bhruid uile air falbh 'am braighdeanas, a chum an toirt seachad do Edom :

7 Ach cuiridh mi teine air balla Ghasa, a sgriosas a lùchairtean.

8 Agus gearraidh mi am fear-àiteachaidh air falbh o Asdod, agus esan a ghlacas an t-slat-rioghail o Ascelon ; agus tionndaidhidh mi mo làmh an aghaidh Ecrain : agus bàsaichidh fuigheall nam Philisteach, deir an Tighearna Iehobhah.

9 Mar so tha an Tighearna ag ràdh : Air son thri lochdan Thiruis, agus air son cheithir, cha phill mi air falbh a *pheanas* ; a chionn gu'n d'fhug iad suas a' bhruid uile do Edom, agus nach do chuimhnich iad an coimheachal bràthaireil.

10 Ach cuiridh mi teine air balla Thiruis, a loisgeas àros rioghail.

11 Mar so tha an Tighearna ag ràdh : Air son thri lochdan Edoim, agus air son cheithir, cha phill mi air falbh a *pheanas* ; a chionn gu'n do ruaig e a bhràthair leis a' chlàidheamh, agus gu'n do thilg e uaith na h-uile iochd, agus gu'n do reub 'fhearg a ghnàth, agus gu'n do ghléidh e a chorroich an còmhnuidh.

12 Ach cuiridh mi teine air Teman, a loisgeas lùchairtean Bhosrah.

13 Mar so tha an Tighearna ag ràdh : Air son thri lochdan chloinne Amoin, agus air son cheithir, cha phill mi air falbh a *pheanas* ; a chionn gu'n do reub iad suas mnathan torrach Ghileaid, a chum an crìochan féin a chur 'am farsuinneachd.

14 Aeh fadaidh mise teine air balla Rabah, agus loisgidh e sìos a lùchairtean, le iolaich ann an là a' chatha, le cuairt-ghaoith ann an là na doiminn.

15 Agus imichidh an rìgh aun am braighdeanas, e féin agus a mhòr-uaislean le 'chéile, deir an Tighearna.

CAIB. II.

1 Na breitheanais a bha gu teachd air Moab, 4 air Iudah, 6 agus air Israel. 9 Bhagair 'an Tighearn shluagh Israeil air son am peacaidhean.

MAR so tha an Tighearn ag ràdh; Air son thri lochdan Mhoib, agus air son cheithir, cha phill mi air falbh a *pheanas*; achionn gu'n do loisge e nàmhàn rìgh Edoim gu h-aol.

2 Ach cuiridh mi teine air Moab, agus loisgidh e luchairtean Chirioit, agus bàs-aichidh Moab le co-ghaoir, le iolaich, le fuaim na trompaid.

3 Agus gearraidh mi as am breitheamh á 'mheadhon, agus marhaidh mi 'uile pbrionnsachan maille ris, deir an Tigh-earn.

4 Mar so tha an Tighearn ag ràdh; Air son thri lochdan Iudah, agus airson cheithir, cha phill mi air falbh a *pheanas*; a chionn gu'n d'rinn iad dìmeas air reachd an Tigh-earna, agus nach do choimhid iad 'àith-eantan; agus thug an *diathan* bréige orra dol air seacharan, iad sin a chaidh an aith-richean air an déigh.

5 Ach cuiridh mi teine air Iudah, agus loisgidh e luchairtean Ierusalem.

6 Mar so tha an Tighearn ag ràdh; Air son thri lochdan Israeil, agus airson cheithir, cha phill mi air falbh a *pheanas*; a chionn gu'n do reic iad am fìrean air son airgid, agus am bochd air son bhròg.

7 Tha iad a' saltairt sìos cheann nam bochd ann an duslach na talmhainn, agus a' fiaradh slighe nan daoine eùine: agus tha duine agus 'athair a' dol a steach a chum na h-aoin ghruagaich, a thruaillleadh m'ainme naoimh-sa.

8 Agus tha iad 'g an sìneadh féin air eud-aichibh a ghabhadh 'an geall, aig taobh gach altarach; agus tha iad ag òl fìona na muintir a dlùtheadh ann an tigh an dé.

9 Gidheadh sgrios mise an t-Amorach rompa, a bha àrd mar àirde nan seudar; agus làidir mar na daragaibh: gidheadh sgrios mise a thoradh os a cheann, agus a fhreumhan foidhe.

10 Fòs thug mi sibhse a nìs o thir na h-Eiphit, agus stiùir mi sibh troimh an fhàsach dà fhichead bliadhna; a chum gu'n sealbhaicheadh sibh fearann nan Amorach.

11 Agus thog mi suas *cuid* de 'ur macaibh air son fhàidhean, agus de 'ur n-òganaich air son Nàsarach. Nach ann mar so a tha e, O chlann Israeil? deir an Tighearn.

12 Ach thug sibh do na Nàsaraich fìon r'a òl; agus dh'àithn sibh do no fàidhean, ag ràdh, na deanaibh, fàistneachd.

13 Feuch bruthaidh mise bhuir n-àite, mara bhruthas carbad luchdaichte le arbhar a sguaban.

14 Agus tréigidh a luathas an duine luath, agus cha bhi 'n duine làidir treun 'n a neart,

ni mò nì 'n duine cumhachdach e féin a shaoradh.

15 Cha seas esan fòs a laimhsicheas am bogha, agus cha saor an luath-chosach e féin; ni mò thèarnas an tì a mharcaicheas an t-each e féin.

16 Agus esan a tha 'daingneachadh a chridhe am measg nan cumhachdach, teichidh e air falbh rùisgte 's an là sin, deir an Tighearn.

CAIB. III.

1 Aobhar nam breitheanas a thug Dia air cloinn Israeil. 13 'S an lù anns an agair Dia lochdan Israeil air, 's an lù anns an agair Bhaail.

CLUINNIBH am focal so a labhair an Tighearn 'n 'ur n-aghaidh, O chlann Israeil, an aghaidh an uile theaghlach a thug mi nìs o thir na h-Eiphit, ag ràdh.

2 Is sibhse mhàin air an do ghabh mi eòlas de uile theaghlachibh na talmhainn: uime sin smachdaichidh mi sibh air son 'ur n-uile lochdan.

3 Am feud dithis imeachd le 'chéile, mur bi iad réidh?

4 Am beuc an leòmhann anns a' choille, an uair nach 'eil creach air bith aige? an èigh an leòmhann òg as a' gharaidh, mur do ghlac e aon nì?

5 Am feud eun tuiteam ann an lìon aise an talamh, far nach 'eil aon rib air a shon? an tog *neach* eangach suas o'n talamh, agus gun nì air bith a glacadh?

6 An séidear an trompaid ann am baile, agus gun eagal a bhi air an t-sluagh: am bi dòrainn ann am baile, agus nach e an Tigh-earn a chuir ann e?

7 Gu deimhin cha dean an Tighearn Iehobhah aon nì gun a rùn-diomhair fhoillseachadh d'a sheirbhishich na fàidhean.

8 Bheuc an leòmhann; cò air nach bi eagal? labhair an Tighearn Iehobhah, cò nach deanadh fàistneachd?

9 Cuiribh 'an eéil anns na luchairtibh 'an Asdod, agus anns na tallachaibh 'an tìr na h-Eiphit, agus abraiibh, Cruinnichibh sibh féin air sléihthibh Shamaria; agus feuchaibh an t-ioma-luasgadh mòr a tha 'n a meadhon, agus iadsan a tha air an sàrachadh innte.

10 Oir cha-n aithne dhoibh a' chòir a dheanadh, tha an Tighearn ag ràdh; tha iad a' tasgadh suas fòirneirt agus creich 'n an luchairtibh.

11 Air an aobhar sin, mar so tha an Tigh-earn Iehobhah ag ràdh, *Bithidh* eascaraid fòs mu'n cuairt air an fhearann; agus bheir e nuas do neart uait, agus creachar do luch-airtean.

12 Mar so tha an Tighearn ag ràdh, Amhuil a spionas ann buachaill a mach á beul an leòmhain dà chois, no mìr de chluais; mar sin bheirear a mach clann Israeil, a tha 'chòmhnuidh ann an Samaria, ann an eùil leapach; agus ann an Damascus, air uirigh.

13 Eisdibh-sa agus togaibh fianuis do thigh Iacob, tha an Tighearn Iehobhah, Dia nan sluagh, ag ràdh,

14 Anns an là 's an agair mise lochdan Israeil ag, gu'n agair mi fòs air altairean Bheteil; agus gearrar adhaircean na h-altarach dhi, agus tuitidh iad chum an làir.

15 Agus buailidh mi an tigh-geamhraidh maille ris an tigh-shamhraidh; agus sgriosar na tighean deud-chnàmh, agus thig crìoch air na tighean mòra, deir an Tighearn.

CAIB. IV.

1 *Chronaicheadh Israeil air son am fòirneirt, 4 an òdhol-aoraidh, 6 agus an ceannairc an aghaidh an Tighearna.*

CLUINNIBHSE am focal so, O a spréidh Bhàsain, a tha air sliabh Shamaria; a tha 'sàruchadh nam bochd, a tha 'bruthadh nam feumach; a tha 'g ràdh ri am maighstiribh, Thugaibh d'ar n-ionnsuidh agus òlamaid.

2 Mhionnaich an Tighearn Iehobhah air a naomhachd, Feuch, gu'n tig oirbh na làithean anns an toir e sibh air falbh le dubhanaibh, agus bhur sliochd le dubhanaibh-iasgaich.

3 Agus théid sibh a mach air na bealaich, gach bò air a' bhealach m'a coinneamh; agus tìgear sibh anns an tigh-chasgairt, deir an Tighearn.

4 Rachaidh gu Betel agus ciontaichibh; aig Gilgal deanaibh 'ur lochdan lìonmhor; agus thugaibh leibh bhur n-ìobairtean gach maduinn, 'ur deachamh gach trì bliadhna;

5 Agus ìobraibh ìobairt-bhuidheachais le taois ghoirt, agus éiglibh, cuiribh 'an céill na saor-thabhartais; oir tha so taitneach dhuibh, O chlann Israeil, deir an Tighearn Iehobhah.

6 Agus thug mi fòs dhuibh gloine fhiacal 'n'ur n-uile bhaitibh, agus gainne arain ann 'ur n-uile bùchairtibh: gidheadh cha do phill sibh riumsa, deir an Tighearn.

7 Agus chum mi uaibh mar an ceudna an t-uisge, 'n uair a bha fathasd trì mìosan gu fogharadh; agus thug mi air frasadh air aon bhaile, agus gun fhrasadh air baile cile; air aon chuid thàinig an t-uisge; agus a' chuid eile air nach d'thàinig an t-uisge, shearg e.

8 Agus shiubhail dà no trì de bhaitean gu aon bhaile, a dh'òl uisge; ach cha robh iad air an sàsachadh: gidheadh cha do phill sibh riumsa, deir an Tighearn.

9 Bhail mi sibh le seargadh agus le crith-reothadh; 'n uair a dh'fhàs 'ur gàraidhean agus 'ur fion-lìosan, 'ur croinn-fhige, agus 'ur croinn-oladh, dh'ith a' phailm-chnuimh iad: gidheadh cha do phill sibh riumsa, deir an Tighearn.

10 Chuir mi 'n'ur measg a' phlàigh, a réir nòis na h-Eiphit mharbh mi 'ur n-òganaich leis a' chlaidheamh, agus thug mi air falbh 'ur n-eich, agus thug mi air droch fhàile bhur caimp teachd a mìos gu'r cuineimibh:

gidheadh cha do phill sibh riumsa, deir an Tighearn.

11 Sgrios mi *cuid* dibh, mar a sgrios Dia Sodom agus Gomorah, agus bha sibh mar àithinne air a spionadh as an losgadh: gidheadh cha do phill sibh riumsa, deir an Tighearn.

12 Air an aobhar sin mar so ni mi riut, O Israeil; agus a chionn gu'n dean mi so riut, ulluich thu féin gu còdhail a chumail ri d' Dhia, O Israeil.

13 Oir feuch, esan a dhealbhas na sléibhean, agus a chruthaicheas a' ghaoth, agus a dh'fhoillsicheas do dhuine ciod a's smuaintean dha; esan a ni a' mhaduinn 'n a dorchadas, agus a shaltras air ionadaibh arda na talmhainn, Iehobhah, Dia nan sluagh, is e 'ainm.

CAIB. V.

1 *Tuireadh air son Israeil. 4 Earail chum aithreachais. 21 Chuir Dia cùl ri seirbhis chealgach an t-sluaigh.*

EISDIBHSE am focal so a tha mise 'cur 'an céill 'n'ur n-aghaidh, *eadhon* tuir-eadh, O thigh Israeil.

2 Thuit, agus cha-n éirich nì's mò, òigh Israeil: tha i sìnte mach air a fearann féin; cha-n'éil neach ann g'a togail suas.

3 Oir mar so tha an Tighearn Iehobhah ag ràdh; A' chaithir a chaidh a mach 'n a mìle, fàgaidh i ceud; agus i sin a chaidh a mach 'n a ceud, fàgaidh i deichnear aig thigh Israeil.

4 Uime sin, mar so tha an Tighearn ag ràdh ri thigh Israeil; Iarraibh-sa mise, agus mairidh sibh beò:

5 Ach na h-iarraibh Betel, agus na rachaidh a steach gu Gilgal, agus na siùbhlaidh thairis gu Beer-seba: oir théid Gilgal gu deimhin 'am braighdeanas, agus thig Betel gu neo-ni.

6 Iarraibh an Tighearn agus mairidh sibh beò; air eagal gu'm bris e mar theine air thigh Ioseiph, agus gu'n loisg e thigh Israeil, agus nach bi aon neach ann gu 'mhùchadh.

7 Sibhse a tha 'tionndadh breitheanais gu scarbhadas, agus a' leigeadh dhibh fireant-achd air an talamh,

8 *Iarraibh esan* a tha 'deanamh nan seachd reultan agus Orion; agus a' tionndadh sgàile a' bhàis gu maduinn, agus a ni an là dorch mar an oidheche: a tha 'gairm air uisgeachan na faire, agus 'g an dòrtadh a mach air aghaidh na talmhainn; is e Iehobhah 'ainm:

9 A ncartaicheas an *duine* creachta an aghaidh an tréim-fhir; air chor as gu'n tig an *duine* creachta an aghaidh an daingnich.

10 Is fuath leo esan a bheir achmhasan anns a' gheata; agus is gràin leo esan a labhras gu h-ionraic.

11 Air an aobhar sin, a chionn gu bheil sibh a' saltairt air a' bhochd, agus a' gabhail uaith duaise de chruithneachd; *ge do*

thog sibh tighean de chlachan snaighte, gidheadh cha-n àitich sibh iad; *ge do shuidhich sibh fion-liosan taitneach, gidheadh cha-n òl sibh fion diubh.*

12 Oir is aithne dhomh-sa bhur lochdan lion-mhor, agus bhur peacaidhean mòra; sibhse a tha 'claididh an fhìrean, a tha 'gabhail duaise, agus a' cur a' bhochd a leth-taobh anns a' gheata.

13 Air an aobhar sin fanaidh an duine glic 'n a thosd anns an àm sin; oir is aimsir òle i.

14 Iarraibh-sa maith, agus ni h-e òle, a chum gu mair sibh beò: agus mar sin bithidh an Tighearn Dia nan sluagh leibh, mar a labhair thu fèin.

15 Fuathaichibh an t-òle, agus gràdhachibh am maith, agus daingnichibh breitheanas anns a' gheata; theagamh gu'm bi an Tighearn Dia nan sluagh gràsmhor do iarmad Ioseph.

16 Oir mar so tha Iehobhah Dia nan sluagh, an Tighearn, ag ràdh; *Bithidh caoidh anns na h-uile shràidibh; agus their iad anns na h-uile rathaidibh mòra, Mo thruaighe, mo thruaighe! agus gairmidh iad an treabhaiche gu bròn, agus iadsan a tha eòlach air caoidh gu tuireadh.*

17 Agus anns na h-uile fion-lios bithidh coineadh: oir gabhaidh mise troimh do mheadhon, deir an Tighearn.

18 Is truagh dhuibh-sa 'tha 'g iarraidh là an Tighearna. Ciod e sin duibh-sa là an Tighearna? dorchadas agus cha-n e solus.

19 Ceart mar gu'n teicheadh duine o leòmhann, agus gu'n coinnicheadh math-ghamhuinn e; no gu'n rachadh e steach d'a thigh, agus a làmh a leigeadh air a' bhalla, agus gu'n deanadh nathair a theumadh.

20 Nach bi là an Tighearna 'n a dhorchadas, agus ni h-ann 'n a sholus? eadhon ro dhorchda, agus gun soilleireachd air bith ann? 21 Is fuath leam, is beag orm 'ur làithean-féille, agus cha gabh mi tlachd ann am fàile 'ur n-àrd-fhéillean.

22 Ged iobair sibh dhomh iobairtean-loisgte, agus tabhartais-bhìdh, cha ghabh mi iad: ni mò bheir mi fainear tabhartais-shìth 'ur beathaichean reamhra.

23 Buin uam fuaim d'òran; agus ceòl do chlàrsach cha-n éisd mi.

24 Ach ruitheadh breitheanas sios mar uisgeachan, agus fireantachd mar shruth làidir,

25 An do thairg sibh dhomh-sa iobairtean agus tabhartais anns an fhàsach ré dà fhichead bhliadhna, O thigh Israeil?

26 *Ni h-eadh, ach ghiùlain sibh pàillium 'ur dé Moloich, reul bhur dé Chiùin, bhur dealbhan, a rinn sibh dhuibh fèin.*

27 Uime sin bheir mise oirbh imeachd 'am bruid taobh thall Dhamascuis, tha an Tighearn, do'n ainm Dia nan sluagh, ag ràdh.

1 Smachdaichear Israel air son an neo-gheam-nuidheadh, 12 agus air son am peacaidhean.

IS truagh dhoibhsan a tha gu suaimhneach ann an Sion, agus ag earbsadh a sliabh Shamaria; a tha 'g an ainmeachadh fèin air tùs nan cinneach, gus am bheil imeachd tighe Israeil.

2 Siubhlaidh thairis gu Calneh, agus faicibh; agus rachaibh as a sin gu Hamat mòr: an sin rachaibh sìos gu Gat nam Philisteach: am fearr iadsan na na rìoghachdan so? no am bheil an crìochan nì's mò na 'ur crìoch-sa?

3 *Is truagh dhoibh-san a tha 'cur an droch là fada uatha, agus a' toirt am fagus àite-suidhe an fhòirneirt:*

4 A tha 'luidhe air leapaichibh deud-chnàmh, agus 'g an sineadh fèin air an uirigh-ean; a tha ag itheadh uan an treud, agus nan laogh á meadhan an tigh-bhiadhaidh:

5 A tha 'seinn do fhuaim na clàrsaich; a tha cosmhus ri Daibhidh, a' dealbh dhoibh fèin innealan-ciùil:

6 A tha 'g òl fiona ann an cuachaibh, agus 'g an ungadh fèin le rogha gach olaidh: ach nach 'eil doilich air son àmhghair Ioseph.

7 Air an aobhar sin a nis thèid iad 'am bruid leis a' cheud chuid a dh'fhalbhas ann am braigheanas; agus bheirear air falbh cuirm na muinntir a bha 'g an sineadh fèin.

8 Mhionnaich an Tighearn Iehobhah air fèin, tha Iehobhah Dia nan sluagh ag ràdh; Is gràin leam òirdheircas Iacob, agus is fuath leam a lùchairtean: uime sin bheir mi seachad am baile, agus gach nì a tha ann.

9 Agus tarlaidh ma dh'fhanas deichnear fhear ann an aon tigh, gu'm faigh iad bàs.

10 Agus togaidh caraid duine suas e, agus esan a loisgeas e, chum na cnàmhan a thoirt a mach as an tigh; agus their e ris-san a tha steach 's an tigh, *am bheil aon neach fathasd leat?* Agus their esan, Cha-n'eil: An sin their e, Bi a'd' thosd. A chionn nach 'eil iad a' toirt luaidh air ainm Iehobhah.

11 Oir feuch, àithnidh an Tighearn, agus buailidh e an tigh mòr le bearnaibh, agus an tigh beag le sgoltaidhean.

12 An ruith eich air carraig? an treabhar i le daimh? oir thionndaidh sibh breitheanas gu domblas, agus toradh an ionracais gu iteodha.

13 Sibhse a tha ri gairdeachas ann an nì a's neo-nì; a tha ag ràdh, Nach do ghabh sinn do ar n-ionnsuidh uachdaranachd le ar neart fèin?

14 Agus, feuch, dùsgidh mise suas cinneach 'n 'ur n-aghaidh, O thigh Israeil, tha Iehobhah Dia nan sluagh ag ràdh; agus sàruichidh iad sibh o dhòl a steach Hamait, gu ruig amhainn an fhàsaich.

CAIB. VII.

1 *Rinn Amos urnuigh agus ghabh Dia aithreachas a thaobh an uile a bha e gu thoirt air Israel.* 7 *Le balla agus sreing-riaghailt nochdadh léir-sgrìos Israel.* 10 *Rinn Amasiah gearan an aghaidh Amois.* 14 *Chuir Amos an cèill a dhreuchd.*

MAR so thaisbein an Tighearn Iehobhah dhomh-sa, agus, feuch, dhealbh c locuist ann an toiseach teachd a nìos an fhàis mu dheireadh; agus, feuch, b'e sin am fas deireannach, an deigh buain an rìgh.

2 Agus tharladh 'n uair a chuir iad crìoch air itheadh luibhean na tìre, gu'n d' thubhairt mise, O Thighearna Iehobhah, maith, guidheam ort; cò a thogas suas Jacob? oir tha e ro bheag.

3 Ghabh an Tighearn aithreachas dheth so: Cha tachair so, deir an Tighearn.

4 Mar so thaisbein an Tighearn Iehobhah dhomh-sa; agus, feuch, ghairm an Tighearn Iehobhah gu breitheanas le teine, agus loisg e an doimhne mhòr: agus shluig e suas earrann.

5 An sin thubhairt mise, O Thighearna Iehobhah, aguir, guidheam ort: cò a thogas suas Jacob? oir tha e ro bheag.

6 Ghabh an Tighearn aithreachas dheth so: Cha tachair so fòs, deir an Tighearn Iehobhah.

7 Mar so thaisbein e dhomh; agus, feuch, sheas an Tighearn air balla *togta* le sreing-riaghailt, agus srang-riaghailt 'n a lùmh.

8 Agus thubhairt an Tighearn rium; Cìod a tha thu 'faicinn, Amois? Agus thubhairt mise, Sreang-riaghailt. An sin thubhairt an Tighearn, feuch, cuiridh mise sreang-riaghailt ann am meadhan mo shluagh Israel; cha ghabh mi nì's mò seachad orra tuilleadh.

9 Agus cuirear ionadan àrda Israel fas; agus nìthear naomh-ionaid Israel 'n an àr-aich sgaoilte, agus éiridh mise an aghaidh tighe Ieroboam leis a' chlàidheamh.

10 An sin chuir Amasiah sagart Bheteil fios gu Ieroboam rìgh Israel, ag ràdh, Dhealbh Amos foill a'd' aghaidh ann am meadhan tighe Israel: cha-n urrainn am fearann a bhriathran uile a ghiùlan.

11 Oir mar so tha Amos ag ràdh, Gheibh Ieroboam bàs leis a' chlàidheamh; agus bheirear Israel gu deimhin air falbh ann am braighdeanas as an tìr féin.

12 Thubhairt Amasiah mar an ceudna ri Amos; O fhiosaiche, falbh, teich thusa gu tìr Iudah, agus ith aran an sin, agus an sin dean faistneachd:

13 Ach na dean faistneachd nì's mò ann am Betel: oir is e sin naomh-ionad an rìgh, agus is e sin tigh na rìoghachd.

14 An sin fhreagair Amos, agus thubhairt e ri Amasiah, Cha b'fhàidh mise, nì mò bu mhac fàidh mi; ach bu bhuachaill sprèidhe mi agus fear-tìonail meas sicamoir:

15 Agus thug an Tighearn mi o bhi 'leant-uinn an treud; agus thubhairt an Tighearn rium, Falbh, dean faistneachd do m' phobull Israel.

16 A nis uime sin, chuinn thusa focal an Tighearna: tha thu ag ràdh, Na dean faistneachd an aghaidh Israel, agus na sil-cadh d'fhocal an aghaidh tighe Isaia.

17 Air an aobhar sin, mar so tha an Tighearn ag ràdh, Bithidh do bhean 'n a striop-aich anns a' bhaile, agus tuitidh do mhic agus do nigheanan leis a' chlàidheamh; agus bithidh d'fhearnam air a roinn leis an t-sreing: agus gheibh thu bàs ann am fear-ann truailte, agus thèid Israel gu deimhin air falbh ann am braighdeanas, a mach à dhùthaich féin.

CAIB. VIII.

1 *Le cliabh de mheas samhraidh nochdadh gu'n robh crìoch Israel ann fogus.* 4 *Thugadh achmhasan dhoibh do bhrìgh gu'n robh iad a' toirt air bochdan an fhearainn fàilneachadh.* 11 *Bhagrath an sluagh le dìth fhocal an Tighearna.*

MAR so thaisbein an Tighearn Iehobhah dhomh-sa; agus, feuch, cliabh de mheas samhraidh.

2 Agus thubhairt e, Cìod a tha thu 'faicinn, Amois? Agus thubhairt mise, Cliabh de mheas samhraidh. An sin thubhairt an Tighearn rium, Tha a' chrìoch air teachd air mo shluagh-sa Israel; cha ghabh mise seachad orra nì's mò.

3 Agus bithidh dràin an teampuill 'n an ulartaich anns an là sin, tha an Tighearn Iehobhah ag ràdh: *bithidh* mòran de chuirp mharbha anns gach ionad: tilgidh iad gu tosdach a mach iad.

4 Cluinnibh so, O sibhse a tha 'slugadh suas an ainmis, eadhon a thoirt air bochdan an fhearainn fàilneachadh,

5 Ag ràdh, C'uin a thèid a' ghealach 'ur seachad, a chum gu'n reicamaid sìol? agus an t-sàbaid, a chum gu'n tugamaid a mach cruithneachd? a' deanamh an ephah beag, agus an t-seceil mòr; agus a' deanamh na meighe mearachdach le ceilg;

6 A' ceannach nam bochd air son airgid, agus an fheumaich air son bhròg; a' reic fòs deireadh a' chruithneachd.

7 Mhionnaich an Tighearn air òirdheirecas Iacòb, Gu deimhin cha di-chuimhnich mi gu bràth an uile oibre

8 Nach crìohtnuich am fearann air son so? agus nach dean gach duine a tha 'chòmh-nuidh ann caoidh? agus nach éirich amhuil tuil thar an iomlan deth? nach tilgear a mach, agus nach bàthar e, mar gu'm b'ann le amhaian na h-Eiphit.

9 Agus tarlaidh air an là sin, tha an Tighearn Iehobhah ag ràdh, gu'n toir mise air a' ghréin dol fodha air mheadhon-là, agus nì mi an talamh dorcha 'n a shoilleir.

10 Agus tionndaidhidh mi 'ur féillean gu bròn, agus 'ur n-drain uile gu tuircadh; agus bheir mi eudach-saic air na h-uile leasraibh, agus maoile air gach aon cheann, agus ni mi e mar chumha air son aoin mhic, agus a chrìoch mar là searbh.

11 Feuch tha na làithean a' teachd, tha an Tighearn Iehobhah ag ràdh, 's an cuir mise gort anns an fhearann; cha-n i gort a dh'ith arain, no tart a dh'ith uisge, ach a dh'ith éisdeachd fhocal an Tighearna.

12 Agus sìubhlaidh iad o fhairge gu fairge, agus o'n àirde tuath, eadhon gus an àird an ear; ruithidh iad air an ais agus air an aghaidh, a dh'iarraidh focail an Tighearna, agus cha-n fhaigh iad e.

13 Anns an là sin fannaichidh na h-òighean maiseach, agus na h-òganaich le tart.

14 Iadsan a tha 'mionnachadh air peacadh Shamaria, agus ag ràdh, Tha do dhia-sa beò, O Dhain, agus tha cùis-aoraidh Bheerseba beò; tuitidh eadhon iadsan, agus cha-n éirich iad suas gu bràth tuilleadh.

CAIB. IX.

1 Làn-dearbhadh léir-sgrìos Israeil. 11 Togaidh Dia suas pàilliun Dhaibhidh, 14 agus bheir e air a h-ais bruid a shluaigh.

CHUNNAIC mi an Tighearn 'n a sheasamh air an altair; agus thubhairt e, Buail an t-àrd-dhorus, air chor as gu'n crìochnuich na h-ursamman: oir gearraidh mise 's a' cheann iad, an t-ionlan diubh; agus an sliochd marbhaidh mi leis a' chhlaidheamh: an ti a theicheas dhiubh cha téid e as; agus an ti a ghabhas an ruaig dhiubh cha tèarnar e.

2 Ged chladhaich iad gu ruig an t-ionad ìochdarach, as a sin bheir mo làmh-sa nìos iad; ged thèid iad suas gu nèamh, as a sin bheir mise nuas iad:

3 Agus ged fholuicheadh siad iad féin ann am mullach Charmeil, rannsaichidh mise, agus bheir mi mach as a sin iad; agus ged bhitheadh iad air am folach o m' shealladh ann an ìochdar na fairge, an sin bheir mi àithne do'n nathair, agus ni i an teumadh.

4 Agus ged rachadh iad gu daorsa roimh an naimhdean, an sin bheir mise àithne do'n chhlaidheamh, agus marbhaidh e iad: agus leagaidh mi mo shùilean orra chum uile, agus ni h-ann a chum maith.

5 Oir is e an Tighearn Iehobhah Dia nan sluagh a bheanas ris an fhearann, agus

leagaidh e: agus ni na h-uile a tha chòmhnuidh ann caoidh: agus éiridh e suas gu h-ionlan mar thuil, agus bàthar e, mar gu'm b' ann le amhainn na h-Eiphit.

6 Is esan a thogas àrd-shcòmrachcan anns na nèamhan, agus a shuidhicheas a thigh-tasgaidh air an talamh; an ti a ghairmeas iad nisgeachan na fairge, agus a dhòirteas iad a mach air aghaidh na talmhainn: is o Iehobhah 'ainm.

7 Nach 'eil sibh mar chloinn nan Etiopach dhomb-sa, O chlann Israeil? tha an Tighearn ag ràdh. Nach d'thug mise Israeil á tìr na h-Eiphit: agus na Philistich á Caphor, agus na Sìrianaich á Cir?

8 Feuch, tha shùilean an Tighearn' Iehobhah air an rìoghachd chiontaich, agus sgriosaidh mise bhàrr aghaidh na talmhainn i: a mhàin cha mhill mi gu tur tigh Iacob, deir an Tighearn.

9 Oir feuch, bheir mise àithne, agus criathraidh mi tigh Israeil am mcasg nan uile chinneach, mar a chriathrar sìol ann an criathar, gidheadh cha tuit an sìlean a's lugha dheth air an talamh.

10 Bàsaichidh uile pheacaich mo shluaigh-sa leis a' chhlaidheamh, a tha 'g ràdh, Cha bheir an t-òlc oirn, agus cha ghlac e sinn gu h-obann.

11 Anns an là sin togaidh mise suas pàilliun Dhaibhidh a tha air tuiteam, agus dùinidh mi suas a bhearnan; agus togaidh mi suas a làraichean, agus cuiridh mi suas e mar anns na làithibh o shean:

12 A chum gu'n scalbhaich iad na mhaireas de Edom, agus na h-uile chinnich a dh'ainmichear air m' ainm-sa, deir an Tighearn a nì so.

13 Feuch tha na làithean a' teachd, tha an Tighearn ag ràdh, anns am beir an treabhaiche air a' bhunaiche, agus fear-bruthaidh nam fion-dhearc air fear cur an t-sìl; agus silidh na sléibhtean fion milis, agus leagaidh na h-uile chnuic.

14 Agus bheir mise air a h-ais a ris bruid mo shluaigh Israeil, agus togaidh iad na bailtean fasa, agus ni iad an àiteachadh; agus suidhichidh iad fion-liosan, agus òlaidh iad am fion; ni iad fòs liosan, agus ithidh iad an toradh.

15 Agus suidhichidh mise iad 'n am fearann, agus cha bhi iad nìs mò air an spionadh a nos as an fhearann a thug mise dhoibh, deir an Tighearn do Dhia-sa.

O B A D I A H.

1 *Léir-sgríos Edoim, 3 air son uabhair a chridhe, 10 agus a ghiùlain a thaobh sluagh Israeil 'n an teanntachd. 17 Saorsa agus buaidh Iacoib.*

SEALLADH Obadiah. Mar so tha an Tighearn Iehobhah ag ràdh a thaobh Edoim: Chuala sinn aithris o'n Tighearn, agus chuireadh teachdair am measg nan cinneach, *ag ràdh*, Eiribh-sa, agus éiream-aid-ne suas 'n a h-aghaidh ann an cath.

2 Feuch, rinn mise beag thu measg nan cinneach: tha thu gu mòr air do chur fo dhimeas.

3 Mheall uabhar do chridhe thu, O thusa a tha chòmhnuidh ann an sgorraibh nan creag, ann ad chòmhnuidh àrd; a tha 'g ràdh ann ad chridhe, Cò a bheir a nuas mi chum an làir?

4 Ged àrdaich thu thu féin mar an iolair, agus ged shuidhich thu do nead am measg nan reultan, as a sin bheir mise nuas thu, deir an Tighearn.

5 Ma thig meirlich a d'ionnsuidh, ma thig gaduichean anns an oidhche, (cionnus a ghearradh as thu!) nach goideadh iad gus am bitheadh gu leòr aca? nan tigcadh luchd-tional nam fion-dhearc a d'ionnsuidh, nach fàgadh iad dìoghlam de na dearcan?

6 Cionnus a tha Esau air iarraidh a mach! a nithean foluichte air an ramdachadh!

7 Thug uile dhaoine do chomuinn a chum na crìche thu; na daoine a bha 'n sìth riut, a dh'ith aran leat, mheall iad thu, agus bhuaich iad ann ad aghaidh: leag iad rib fodhad: cha-n'èil tuigse sam bith annad.

8 Nach sgríos mise 's an là sin, tha an Tighearn ag ràdh, araon na daoine glìce mach à Edom, agus tuigse à sliabh Esau?

9 Agus claoidhear do dhaoine treuna-sa, O Themain; a chum gu'n gearrar as gach duine de shliabh Esau le h-àr.

10 Air son d' ainncirt an aghaidh do bhràthar Iacoib, nì nàire do chòmhachadh, agus bithidh tu air do ghearradh as gu bràth.

11 Anns an là 's an do sheas thu air an taobh eile, anns an là 's an d'thug na coimhich a shluagh 'am braigheanas, anns an deachaidh coigrich a steach air a gheat-achan, agus anns an do thilg iad crannchur

air Ierusalem, *bha* cadhon thusa mar aon diubh.

12 Ach cha bu chòir dhuit amharc *le sòlas* air là do bhràthar, anns an là 's an d'rinn-cadh coigreach dheth: nì mò bu chòir dhuit gairdeachas a dheanamh os ceann cloinne Iudah ann an là an léir sgríos: nì mò bu chòir dhuit labhairt gu h-uabhlreach ann an là an àmhghair.

13 Cha bu chòir dhuit dol a steach air geata mo shluaigh-sa ann an là an àmhghair; seadh, cha bu chòir dhuit amharc *le sòlas* air an teinn ann an là an airec; no làmh a chur air am maoin ann an là an àmhghair.

14 Nì mò bu chòir dhuit scasamh anns an t-slighe tharsuinn, a ghearradh as na dream a chaidh as d'a mhuinntir; nì mò bu chòir dhuit iadsan a mhair d'a chuideachd a thoirt suas ann an là na dòrainn.

15 Oir tha là an Tighearna dlùth air na h-uile chinnich: mar a rinn thusa, nithear riut: pillidh do luigheachd air do cheann féin.

16 Oir amluil a dh'òl sibhse air mo shliabh naomh-sa, òlaidh na h-uile chinnich mu'n cuairt; seadh òlaidh, agus sluigidh iad sìos; agus bithidh iad mar nach bitheadh iad idir ann.

17 Ach air sliabh Shioin bithidh saorsa, agus bithidh naomhachd; agus sealbhaichidh tigh Iacoib an sealbh féin.

18 Agus bithidh tigh Iacoib 'n a theine, agus tigh Ioseiph 'n a lasair; agus tigh Esau 'n a asbhuaig; agus lasaidh, agus loisgidh iadsan iad; agus cha-n fhàgar a h-aon beò de thigh Esau; oir labhair an Tighearn.

19 Agus gabhaidh iadsan o dheas sealbh air sliabh Esau; agus iadsan o'n chòmhuard air na Philistich; agus sealbhaichidh iad machair Ephraim, agus machair Shamaria; agus *sealbhaichidh* Benjamin Gilead.

20 Agus *sealbhaichidh* braighean an t-sluaigh so chloinne Isracil, fearann nan Canaanach, eadhon gu Sarephat; agus sealbhaichidh braighean Ierusalem, a tha ann an Sepharad, bailtean na h-àirde deas.

21 Agus thig fir-shaoraidh nìos air sliabh Shioin, a thoirt breith air sliabh Esau; agus bithidh an rioghachd leis an Tighearn.

I O N A H.

CAIB. I.

1 *Dh'ordurch Dia do Ionah dol gu Nìnebheh, 3 ach theich e gu Tarsis. 4 Bhac Dia e air an t-slighe le doimhne ro mhòir. 11 Thilgeadh d'ion fhaire e leis na maraichean, 17 agus shluig iasg mòr suas e.*

A NIS thàinig focal an Tighearna gu Ionah mac Amitai, ag ràdh,

2 Eirich, imich gu Nìnebheh, am baile mòr sin, agus tog do ghuth 'n a aghaidh; oir tha an aingidheachd air teachd a nìos a'm' làthair-sa.

3 Ach dh'éirich Ionah suas gu teicheadh do Tharsis o fhianuis an Tighearna; agus chaidh e sìos gu Iopa; agus fhuair e long a' dol gu Tarsis, agus phàigh e 'n t-airgid-aisig, agus chaidh e sìos innte, gu dol leo gu Tarsis, o làthair an Tighearna.

4 Ach chuir an Tighearna a mach gaoth mhòr air an fhaire, agus bha onfha ro mhòr air an fhaire; ionnus gu'n do shaoil iad gu'm biodh an long air a briseadh.

5 An sin bha eagal air na maraichean, agus ghlaodh iad gach duine r'a dhia; agus thilg iad a mach am bathara bha 's an luing do'n fhaire, chum a h-eutromachadh: ach chaidh Ionah sìos gu taobhan na luinge; agus luidh e, agus bha e 'n a shuain chodail.

6 An sin thàinig maighstir na luinge d'a ionnsuidh, agus thubhairt e ris, Ciod a's ciall duit, O thusa a tha a'd chodal? éirich, gairm air do Dhia; theagamh gu'n smuainich Dia oirnn, a chum nach bàsaich sinn.

7 Agus thubhairt iad, gach aon r'a chompanach, Thigibh, agus tilgeamaid croinn, a chum gu'n aithnicheamaid cò air son a tha an t-ole so air teachd oirnn. Mar sin thilg iad croinn, agus thuit an crannach air Ionah.

8 An sin thubhairt iad ris, Innis duinn, guidheamaid ort, ciod a b' aobhar do'n ole so teachd oirnn; ciod a's dreuchd dhuit? agus cia as a thàinig thu? ciod a's dùthaich dhuit? agus cò na daoine de 'm bheil thu?

9 Agus thubhairt e riu, Is Eabhruidheach mi, agus tha eagal an Tighearna Dia nèimh orm, an Ti a rinn an cuan agus an talamh tioram.

10 An sin bha na daoine fo anbharr eagain, agus thubhairt iad ris, C'ar son a rinn thu so? (oir thuig na daoine gu'n do theich e o làthair an Tighearna; oir dh'innis e dhoibh.)

11 An sin thubhairt iad ris, Ciod a ni sinn riut, a chum gu'm bi an fhaire ciùin dhuinn? (oir bha onfha na faire a' fàs ni bu mhò agus ni bu mhò.)

12 Agus thubhairt e riu, Togaibh suas mi, agus tilgibh a mach mi anns an fhaire;

mar sin bithidh an fhaire ciùin dhuibh-sa: oir tha fios agam gur ann air mo shon-sa tha 'n doimhne mhòr so oirbh.

13 Gidheadh dh'iomair na daoine gu cruaidh, a chum pilleadh gu tìr, ach cha b'urrainn iad; oir dh'fhàs onfha na faire ni bu mhò agus ni bu mhò 'n an aghaidh.

14 Air an aobhar sin, ghlaodh iad ris an Tighearna, agus thubhairt iad, Guidheamaid ort, O Thighearna, na leig dhuinne bàsachadh air son anama an duine so, agus na leig oirnn fuil neò-chiontach: oir rinn thusa, O Thighearna, mar a b'ail leat féin.

15 An sin ghlac iad Ionah, agus thilg iad a mach e anns an fhaire; agus sguir an fhaire d'a boile.

16 An sin bha eagal an Tighearna gu ro mhòr air na doimibh, agus dh'ìobair iad ìobair do'n Tighearna, agus thug iad bòidean.

17 A nis dh'ulluich an Tighearna iasg mòr chum Ionah a shlugadh suas; agus bha Ionah ann am broinn an éisg trì làithean agus trì oidhean.

CAIB II.

1 *Urnuigh agus breth-buidheachais Ionah.*

10 *Thilg an t-iasg Ionah a mach air talamh tioram.*

A N sin rinn Ionah urnuigh ris an Tighearna a Dhia, á broinn an éisg,

2 Agus thubhairt e; Ghlaodh mi a thaobh m' àmhghair ris an Tighearna, agus dh'éisd e rium; á broinn na h-uaigne ghlaodh mi; chuala tusa mo ghuth.

3 Oir thilg thu mi 's an doimhne, ann am meadhon na faire; agus dh'ìadh na tuiltean mu 'm thimchioll; chaidh do shumainnean agus do thonnan-sa uile thairis orm.

4 An sin thubhairt mi, Tha mi air mo thilgeadh a mach á fradharc do shùl; gidheadh seallaidh mi a ris ri do theampull naomh.

5 Dh'ìadh na h-uisgeachan mu 'm thimchioll, eadhon gu ruig an t-anam: chòmhdaich an doimhne mi mu'n cuairt; bha mo cheann air a ribeadh anns an fheamainn.

6 Chaidh mi sìos gu h-ìochdar nan sléibhteann; dhruid an talamh a croinn gu bràth orm: gidheadh thug thusa a nìos as an t-slochd mo bheatha, O Thighearna mo Dhia.

7 'N uair a dh'fhannaich m'anam an taobh a stigh dhìom, chuimhnich mi air an Tighearna; agus thàinig m' urnuigh a d'ionnsuidh, gu d' theampull naomh.

8 Iadsan a tha 'leantuin air dìomhanasan breugach, tha iad a' tréigsinn an trècàir féin.

9 Ach ìobraidh mise dhuitse le guth

buidheachais; iecaidh mi an nì sin a bhoid-ich mi; is ann do'n Tighearn a blhuineas slàinte.

10 Agus labhair an Tighearn ris an iasg, agus thilg e mach Ionah air an talamh thioram.

CAIB. III.

1 *Chuireadh Ionah a ris a dh'ionnsuidh Ninebheh, agus labhair e ri anns na briathraibh a dh'athlha Dia dha.* 5 *Ghabh muinntir Ninebheh aithreachas, 10 agus phill Dia o' dhian-chorruich 'n an aghaidh.*

AGUS thàinig focal an Tighearna gu Ionah an dara uair, ag ràdh,

2 Eirich, imich gu Ninebheh, am baile mòr sin, agus labhair ris anns na briathraibh a dh'athlha mise dhuit.

3 Agus dh'éirich Ionah, agus chaidh e gu Ninebheh, a réir focail an Tighearna. (A nis bu bhaile ro mhòr Ninebheh, astar thlri làithean.)

4 Agus thòisich Ionah air dol troimh an bhaile, astar aoin là; agus ghlaodh e, agus thubhairt e, Fathasd dà fhichead là, agus sgriosar Ninebheh.

5 Agus chreid muinntir Ninebheh Dia, agus dh'éigh iad trasg, agus chuir iad umpa eudach-saie, o'n aon a bu mhò dhiubh gus an aon a bu lugha.

6 Oir thàinig an sgeul gu rìgh Ninebheh; agus dh'éirich e o a rìgh-claithir, agus chuir e 'fhalluinn uaith, agus chòmhdaich se e féin le eudach-saie, agus shuidh e ann an luathre.

7 Agus thug e fainear a ghlaodhach agus a chur 'an céill feadh Ninebheh, (le ordugh an rìgh agus 'uaislean,) ag ràdh; Na blais-eadh duine no beathach, buar no treud, aon nì; na h-ionaltradh iad, agus na h-òladh iad uisge.

8 Ach bitheadh duine agus ainmhidh air an còmhdachadh le eudach-saie, agus glaodhadh iad gu treun ri Dia: seadh, pill-eadh iad gach aon o 'dhroch shlighe, agus o'n fhòirneart a tha 'n an làmhlan.

9 Cò aig am bheil fios nach pill Dia, agus nach gabh e aithreachas, agus nach pill e o 'dhian-chorruich; air chor as nach bàsaich sinn?

10 Agus clumnaic Dia an oibre, gu'n do phill iad o'n droch shlighe; agus ghabh Dia aithreachas mu'n ole a thubhairt e gu'n deanadh e orra, agus cha d'rinn se e.

CAIB. IV.

1 *Bha fearg mhòr air Ionah do bhrìgh gu'n do nochd Dia tròcair do Ninebheh.* 4 *Chronaicheadh e le samhladh luibh-sgàile.*

AGUS mhi-thaitim sin ri Ionah gu ro mhòr, agus bha fearg mhòr air.

2 Agus ghuidh e ris an Tighearn, agus thubhairt e, Guidheam ort, O Thighearna, nach dubhairt mise so, 'n uair a bha mi fathasd ann am dhùthaich féin? Uime sin theich mi roimhe so gu Tarsis; oir bha fios agam gur Dia gràsmhor thusa, agus tròcaireach, mall a chum feirge, agus pailt ann an iochd, agus gu'n gabh thu aithreachas mu ole.

3 Uime sin a nis, O Thighearna, buin, guidheam ort, m'anam uam; oir is fearr dhomh bhì marbh na beò.

4 An sin thubhairt an Tighearn, Am maith a thig dhuit fearg a bhì ort?

5 A nis bha Ionah air dol a mach as a' bhaile, agus shuidh e air an taobh an ear de'n bhaile, agus an sin rinn e dha féin bothan, agus shuidh e foidhe 's an dubhar, gus am faiceadh e ciod a thachradh do'n bhaile.

6 Agus dh'ulluich an Tighearn Dia luibh-sgàile, agus dh'fhàs i suas os ceann Ionah, a chum gu'm bitheadh i mar sgàile thar a cheann, g'a shaoradh o 'dhoilghios. Agus bha Ionah ro àit air son na luibh-sgàile.

7 Ach dh'ulluich Dia enuimh an uair a dh'éirich a' mhaduinn air an ath là, agus bhuail i an luibh-sgàile, agus shearg i.

8 Agus tharladh 'n uair a dh'éirich a ghrian, gu'n do dheasaich Dia gaoth theath o'n ear; agus bhuail a' ghrian air ceann Ionah, ionnus gu'n d' fhamnuich e, agus ghuidh e ann féin bàs fhaotainn, agus thubhairt e, Is fearr dhomh bhì marbh na beò.

9 Agus thubhairt Dia ri Ionah, An ceart dhuit do chorruich a bhì air lasadh air son na luibh-sgàile? Agus thubhairt esan, Is ceart domh a bhì ann an corruich gu bàs.

10 An sin thubhairt an Tighearn, chaomh-aicheadh tusa an luibh-sgàile, air son nach do shaothraich thu, nì mò 'thug thu oirre fàs, a dh'fhàs suas ann an oidheche, agus a chaidh seachad ann an oidheche.

11 Agus nach caomhanaim-sa Ninebheh, am baile mòr sin, anns am bheil tuilleadh agus sè fichead mìle pearsa, do nach aithne an làmh dheas seach an làmh chlì; agus mòran spréidhe?

M I C A H.

CAIB. I.

- 1 *An t-àm's an d'rinn Micah fàidheadaireachd.*
 2 *Nochd e fearg Dhè an aghaidh Israeil agus Iudah air son an òdhol-aoraidh.* 10 *Caoidh an fhàidh.*

FOCAL an Tighearn', a thàinig gu Micah am Morastach, ann an làithibh Iotaim, Ahais, agus Heseciah, rìghrean Iudah; a chunnaic e a thaobh Shamaria agus Ierusalem.

2 Eisdibh, O shlàigh, an t-ìomlan dibh: thoir faineas, O thalamh, agus na h-uile a tha ann; agus biodh an Tighearn Iehobhah 'n a fhianuis 'n ur n-aghaidh, an Tighearn á 'theampull naomh.

3 Oir feuch, thig an Tighearn a mach as àite; agus thig e nuas, agus saltraidh e air ionadaibh àrda na talmhainn.

4 Agus leaghar na sléibhteas foidhe, agus sgoiltear na glinn: mar chéir fa chomhair an teine, mar uisgeachan a dhòirtear thar bruaich chorrach.

5 Air son eusaontais Iacoib tha so uile, agus air son lochdan tighe Israeil. Ciod e eusaontas Iacob? Nach e Samaria? agus ciod iad ionadan àrda Iudah? nach iad sin a tha 'an Ierusalem?

6 Uime sin ni mise Samaria 'n a carn 's a' mhachair, 'n a h-àit air son suidheachaidh fhìon-lios; agus taomaidh mi sìos a clachan do'n ghleann, agus leigidh mi ris a bunaitcan.

7 Agus briseas a dealbhan snaighte gu léir 'n am bloighdibh, agus loisgear a tuar-asdal gu léir le teine, agus an t-ìomlan d'a h-ìodhlaibh leigidh mise sìos 'n an làraich: oir de thuarasdal strìopaich chruinnich i a h-ionmhais; agus do thuarasdal strìopaich pillidh iad.

8 Air an aobhar sin ni mise caoidh agus àrd-ghul; sìubhlaidh mi rùisgte agus lom-nochd: ni mi caoidh mar na dragoin, agus cumha mar nigheanan na caillich-oidhe.

9 Oir tha a creuchd do-leigheas, oir thàinig i gu Iudah; thàinig i gu geata mo shluaighsa, gu Ierusalem.

10 Na cuiribh 'an céill e ann an Gat; na guilibh air aon chor; ann an tigh Aphrah dean thu féin aornagain 's an luathre.

11 Imich air falbh, a bhean-àiteachaidh Shaphir, le d' nàire air a leigeadh ris: cha deachaidh luchd-àiteachaidh Shanain a mach gu tuireadh: O Bhetesel, gheibh e uabhsa 'àite-seasaimh.

12 Gu dearbh tha bean-àiteachaidh' Mharoit a' feitheamh air son maith; gu dearth thàinig ole a nuas o'n Tighearn gu geata Ierusalem.

13 Ceangail an carbad ris an each luath,

O thusa 'tha 'g àiteachadh Lacheis. B' ise 'bu toiseach peacaidh do nighean Shioin: oir annad-sa fhuair eadh eusaontais Israeil.

14 Uime sin bheir thu tiodhlacan do Mhor-eset-Gat: bithidh tighean Achsib 'n am mealladh do rìghribh Israeil.

15 Agus bheir mise oighre a d' ionnsuidhsa, O bhean-àiteachaidh Mhareas; thig e gu Adulam, glòir Israeil.

16 Dean thu féin maol, agus dean do bhearradh air son do chloinne àillidh; sgaoil, mar an iolair, do mhaoile; oir dh'fhalbh iad uait 'am braighdeanas.

CAIB. II.

- 1 *Breitheanas an Tighearn' an aghaidh luchd-fòirneir.* 4 *Tuireadh air son atharrachaidh an t-sluaigh.* 7 *Thugadh achmhasan doibh air son an aingidheachd.*

IS truagh dhoibhsan a tha 'dealbh aingidheachd, agus a' cur 'an gnìomh uile air an leapaichibh; an uair a shoillsicheas a' mhaduinn tha iad 'g a dhcanamh, a chionn gu bheil e 'n comas an làimhe.

2 Agus tha iad a'sanntachadh mhachraichean, agus 'g an glacadh le fòirneart, agus thighean, agus tha iad 'g an toirt air falbh: mar sin tha iad a' sàruchadh duine agus a thighc; duine mhòir agus 'oighreachd.

3 Air an aobhar sin, mar so tha an Tighearn ag ràdh; Feuch, an aghaidh an Teaghlach so tha mise a' dealbh uile, o nach buin sibh air falbh bhur muineil, ni mò dh'imicheas sibh gu h-uabhbheach: oir is aimsir ole so.

4 Anns an là sin togar cosamhlachd 'n 'ur n-aghaidh, agus nithear tuireadh le cumha brònach, ag ràdh; Tha sinn gu tur air ar creachadh; dh'atharraich e cuibhrionn mo shluaigh: cionnus a dh'atharraich e uam e? roinn e ar machraichean, a shaoil sinn a bhitheadh air an aiseag dhuinn féin.

5 Gu dearbh cha bhi aon neach agad a shìneas a mac sreang le crannchur ann an coimhthional an Tighearna.

6 Na deanaibh-sa faistneachd, O sibhse 'tha ri faistneachd: cha dean iad faistneachd dhoibh; cha toir esan air falbh am nasladh.

7 Am bheil tigh Iacoib ag ràdh, Am bheil Spiorad an Tighearn' air a chumhannachadh? an iad so a glnìomharan? nach 'eil mc bhriathran-sa a' deanamh maith do'n neach a ghluaiseas gu h-ionraic?

8 Ach e chian fada dh'èirich mo shluagh suas mar nàmhaid: tha sibh a' spionaidh na falluinn, maille ris an trusgan, o'n mhuinntir a tha 'g imicheadh seachad gu tèaruinte, mar dhaoine gun spéis de chogadh.

9 Mnathan mo phobuill thilg sibh a mach o'n tighibh taitneach; o'n cloinn thug sibh air falbh mo ghàird gu bràth.

10 Eiribh, agus imichibh, oir cha-n i so b'bur còmhnuidh: a chionn gu bheil e air a shalachadh, sgriosar e; agus bithidh an sgrios mòr.

11 Ma ni duine sam bith, ag imeachd ann an spiorad bréige agus ceig, faistneachd dhuit air son fiona agus air son dibhe làidir, bithidh eadhon esan 'n a fhàidh do'n t-sluagh so.

12 Cruinnichidh mi gu cinnteach, O Iacoib, an t-ìomlan diotsa: cruinnichidh mi gu cinnteach iarmad Israeil; cuiridh mi iad ri chèile mar chaoraich Bhosrah, mar threud ann an meadhon an crò: ni iad farum mòr le lionnhoireachd dhaoine.

13 Thàinig am fear-brisidh a nìos rompa: bhris iad an geata, agus chaidh iad troimhe; agus chaidh iad a mach d'a thrìd; agus sìubhlaidh an rìgh air an toiseach, eadhon an Tighearn air an ceann.

CAIB. III.

1 *Chronaicheadh na prìonsachan air son an fòirneir, 5 agus na fàidhean air son an cealgair eachd. 11 Aingidheachd nan ceannardan, nan sagart, agus nam fàidhean.*

AGUS thubhairt mi, Eisdibh, guidheam a oirbh, O cheannarda Iacoib, agus a phrionnsacha tighe Israeil; nach buin duibhse fios a bhi agaibh ciod a tha ceart?

2 Sibhse 'tha 'fuathachadh a' mhaith, agus a' gràdhachadh an uile; a tha 'spionadh dhuibh an croicinn, agus am feòla bhàrr an cnàmh:

3 A tha fòs ag itheadh feòla mo shluaighsa, agus a' fionnadh dhuibh au croicinn, agus a' briseadh an cnàmh, agus 'g an gearradh 'n am bloighdibh, mar fheoil air son na poite, agus mar bhiadh ann am meadhon a' choire.

4 An singlaothaidh iad ris an Tighearn, ach cha chluinn e iad: folaichidh e fòs a ghuùis uatha 's an àm sin, mar a ghiùlain iad iad fèin gu h-olc 'n au gnìomharaibh.

5 Mar so tha an Tighearn ag ràdh mu thimcheall nam fàidhean a tha 'toirt air mo shluagh-sa dol air seacharan, a tha 'teumadh le 'm fiacilaibh, agus a' glaothach, Sith: ach air son an ti nach cuir 'n am beul, tha iad ag ullachadh cogaidh 'n a aghaidh.

6 Air an aobhar sin thig oidliche oirbh, air chor as nach faic sibh sealladh; agus thig dorchadas oirbh, air chor as nach dean sibh faistneachd; agus thèid a' ghrian sìos air na fàidhean, agus b'ithidh an là os an ceann dorchas.

7 An sin bithidh nàire air na fiosaichean, agus anhluaadh air na fàidhean; seadh, còmhdaichidh iad uile am beul, oir cha-n'èil freagradh air bith o Dhia.

8 Ach gu deimhin tha mise làn de chumhachd, de spiorad an Tighearn', agus de

bhreitheanas, agus de neart; a leigcadh ris 'eusaontais do Iacob, agus a pheacaidh do Israeil.

9 Cluinnibh so, guidheam oirbh, a cheannarda tighe Iacoib, agus a luchd-stiùraidh tighe Israeil; sibhse aig am bheil fuath do bhreitheanas, agus a tha 'fiaradh gach uile cheartaibh:

10 A tha a' togail Shìoin suas le fuil, agus Ierusalem le dò-bheart.

11 Tha an ceannardan a' toirt breth air son duaise, agus an sagartan a' teagasg air son tuarasdail, agus am fàidhean a' faistneachd air son airgid; gidheadh leigidh iad au taic air an Tighearn, ag ràdh, Nach 'eil an Tighearn 'n ar meadhon? cha tig aon olc oirnn.

12 Uime sin, air b'bur son-sa bithidh Sion air a treabhadh mar mhachair, agus bithidh Ierusalem 'n a carnaibh; agus sliabh an tighe mar ionadaibh àrda na frithe.

CAIB. IV.

1 *Daingneachadh rioghachd Chrìosd; 3 bìthidh a rioghachd sìochail. 6 Buaidh na h-Eaglais.*

ACH tarlaidh anns na làithibh deireannach gu'm bi sliabh tighe an Tighearn' air a dhaingneachadh air mullach nan sliabh, agus àrdaichear e os ceann nam beanu; agus sruthaidh na slòigh d'a ionnsuidh.

2 Agus thèid mòran chinneach, agus their iad, Thigibh, agus rachamaid suas gu sliabh an Tighearna, agus gu tigh Dhè Iacoib; agus teagaisgidh e dhuinn m'a shlighibh, agus ghuaisidh sinne 'n a cheumaibh: oir à Sion thèid an lagh a mach, agus focal au Tighearn' à Ierusalem.

3 Agus bheir e breth am measg mhòran shluagh, agus bheir e achmhasan do chinneach làidir fad as; agus buailidh iad an claidhean gu coltair, agus an sleaghan gu corranaibh-sgathaidh: cha tog cinneach claidheamh an aghaidh cinnich, agus cha-n fhòghluim iad cogadh ni's mò.

4 Ach suidhidh iad, gach duine fo 'fhionain, agus fo 'chrann-fige féin, agus cha chuir aon neach eagal orra: oir beul Iehobhah Dhia nan sluagh labhair e.

5 Oir ghuaisidh na h-uile shluagh, gach aon ann an ainm a dhé féin; ach ghuaisidh sinne ann an ainm Iehobhah ar Dé-ne, gu saoghal nan saoghal.

6 Anns an là sin, tha an Tighearn ag ràdh, cruinnichidh mi ise 'tha bacach 'n a tiu-ailidh mi ise 'tha air a fògradh a mach, agus isc a chuir mi fo àmhghar.

7 Agus ni mi ise 'bha bacach 'n a h-iarmad, agus ise 'bha air a tilgadh air falbh, 'u a cinneach làidir; agus riaghlaidh an Tighearn os an ceann ann an sliabh Shìoin, o so a mach, eadhon gu sìorruidh.

8 Agus thusa, O thùir an treud, a dhaingnich làidir nighinn Shìoin, thig d' àm-sa; agus pillidh an t-sean uachdaranachd, an rioghachd, gu nighinn Ierusalem.

9 A nis c'ar sou a tha thu 'gladhaich gu h-àrd? am bheil rìgh air bith annad? au do bhàsaich d'fhear-comhairle? oir ghilac ioghannan thu, mar mhnaoi ri saothair.

10 Bi ann an saothair, agus beir, O nigh-eau Shìoin, mar mhnaoi ri saothair: oir a nis thèid thu mach as a' chaithir, agus gabhaidh tu còmhnuidh anns a' mhachair, agus thèid thu *eadhon* gu Babilon; an sin saorar thu; an siu fuasglaidh an Tighearn thu á làmh do naimhdean.

11 A nis fòs tha mòran chinneach air cruinneachadh a'd' aghaidh, a tha 'g ràdh, Bitheadh i air a truailleadh, agus faiceadh ar sùil *ar miann* air Sion.

12 Ach cha-n aithnè dhoibh so smuaintean au Tighearna, ni mò thuigeas iad a chomhairle: oir ni e an cruinneachadh mar na sguabau a chum an urlair.

13 Eirich agus buail an t-àrbbhar, O nigh-eau Shìoin; oir ni mise d' adharc 'n a h-iarunn, agus d'iongannan 'n an umha; agus buailidh tu 'n am bloighdibh mòran chinneach; agus coisrigidh tu an ionmhas do'n Tighearn; agus am maoin do Thriath na talmhainn uile.

CAIB. V.

1 *Fàidheadhaireachd mu thimchioll Chrìosd; air a rìoghachd ghlòrmhor: 8 Bheir e buaidh air a naimh-dibh.*

A NIS cruinnich thu féu ann am buidh-nibh, O nighean bhuidhnean: chuairtich iad le feachd sinn; bhuail iad le slait air a' ghial breitheamh Israeil.

2 Agus thusa, a Bhetlehem-Ephratah, *ged* tha thu beag am measg mhilteau Iudah; *gidheadh* asad thig a mach a m' ionnsuidh-sa neach a bhitheas 'n a uachdaran air Israel; aig an robh a dhol a mach o shean, o làithibh na sìorruidheadh.

3 Air an aobhar sin bheir e thairis iad, gus an t-àm anns an toir ise, a tha gu lean-abh a bhreth, dhachaidh clann; agus gus an iompaichcar fuigheall am bràithrean, maille ri macaibh Israeil.

4 Agus seasaidh e, agus ionaltraidh e a *threud* ann an neart an Tighearna; ann am mòrachd ainme an Tighearn 'a Dhia; agus bithidh iadsan air an iompachadh: oir a nis bithidh esan mòr gu ruig crìochan na talmhainn.

5 Agus bithidh esan 'n a shìth. 'N uair a thig an t-Asiriauch d'ar tìr, agus a shaltras e 'n ar luchairtibh, an sin togaidh sinn 'n a aghaidh seachd buachaillean, agus ochd cinn-fheadhna sluagh.

6 Agus cuiridh iad fearann Asiria fàs leis a' chlaidheamh, eadhon fearann Ninroid 'n a dhol a seach: mar so saoraidh iad sin o'n Asirianach 'n uair a thig e chum ar fearainn, agus 'n uair a shaltras e an taobh a stigh d'ar crìochan.

7 Agus bithidh fuigheall Iacoib am measg mhòran shluagh, mar an drùchd o'n Tighearn,

mar na frasan air an fheur nach feith ri duine, agus nach fan ri macaibh dhaoine.

8 Agus bithidh fuigheall Iacoib am measg nan cinneach, 'am meadhan mhòran shluagh, mar leòmhain am measg bheathaichean na frithe, mar chuilean leòmhain 'am measg nau treud chaorach: e siu, ma thèid e roimhe, araou saltraidh sìos, agus reubaidh, agus cha tèaruinu acn neach.

9 Togar do làmh suas os ceann do naimh-dean, agus bithidh d' eascairdean gu léir air an gearradh as.

10 Agus tarlaidh anns an là sin, tha an Tighearn ag ràdh, gu'n gearr mise do chuid each a mach as do mheadhon, agus sgriosaidh mi do charbaid.

11 Agus gearraidh mi as bailtean d'fhear-ainn, agus tilgidh mi sìos d' uile dhaingnich-can.

12 Agus gearraidh mi na druidhean a mach as do mheadhon; agus cha bhi fiosaichean air bith agad.

13 Do dhealbhan snaighte mar an eudna gearraidh mi as, agus do dhealbhan seas-mhach a mach as do mheadhon; agus cha toir thu nìs mò aoradh do obair do làmh.

14 Agus spìonaidh mi nìos do dhoireachan as do mheadhon: sgriosaidh mi fòs do naimhdean:

15 Agus nì mi dìoghaltas, ann am feirg agus ann an corruich, air ua cinnich, ionnus uach cual iad a *leithid*.

CAIB. VI.

1 *Bha comhstri aig an Tighearn r'a shluagh air son am mì-thaingeadh. 13 Thug e achmhasan dhoibh air son an aingidheachd, 16 agus air son an ìodhol-aoraidh.*

EISIDIBHSE nis cìod a tha an Tighearn ag ràdh; Eirich, tagair fa chomhair nam beann, agus cluinneadh ua cuic do ghuth.

2 Eisidibh-sa, O shléibhte, còmhstri an Tighearna; agus sibhse, a bhunaite làidir na talmhainn: oir tha còmhstri aig an Tighearn r'a shluagh, agus tagraidh e ri Israel.

3 O mo shluagh, cìod a rinn mise ort? agus cìod anns an do sgèithich mi thu? tog fianuis a'm' aghaidh.

4 Oir thug mi nìos tha á tìr na h-Eiphit, agus á tigh nan tràillean shaor mi thu; agus chuir mi romhad Maois, Aaron, agus Miriam.

5 O mo shluagh, cuimhnich a nis cìod a' chomhairle a ghabh Balac rìgh Mhoab; agus cìod am freagradh a thug Balaam mac Bheoir dha, o Shitim gu Gilgal; a chum gu'n aithnich sibh fireantachd an Tighearna.

6 Cìod leis an tig mi ann am fianuis an Tighearna; leis an strìochd mi mi féin an làthair an Dia a's àirde? an tig mi 'n a fhianuis le ìobairtibh-loisgte; le laoiigh a bhitheas bliadhna dh'aois?

7 Am bi an Tighearn toilichte le mìtibh de reitheachaibh, le deich mìtibh de shruthaibh olaidh? an toir mi mo cheud-giùin *air son* mo chionta; toradh mo chuirp *air son* cionta m'anama?

8 Dh'fheuch e dhuit, O dhuine, ciod a tha maith; agus ciod a tha an Tighearn ag iarraidh ort, ach ceartas a dheanamh. trècair a ghràdhachadh, agus gluasad gu h-iriosal maille ri d' Dhia.

9 Tha guth an Tighearna 'glaodhach ris a' bhaile, agus bheir an duine glie fàinear d'ainm: éisdibh-sa an t-slat, agus an Ti a dh'orduich i.

10 Am bheil fathasd ionmhasan na h-aingidheachd ann an tigh an droch dhuine; agus an tomhas gann a tha gràineil?

11 Am meas mise glan i leis na meighibh eucorach, agus le màla nan cothrom cealgach?

12 Aig am bheil a daoine beartach làn ainneirt: agus labhair a luchd-àiteachaidh breugan; agus tha an teachadh cealgach 'n am beul.

13 Uime sin tionsgnaidh mise air do bhualadh, air do dheanamh fàs air son do lochdan.

14 Ithidh tu, ach cha sàsuehear thu; agus bithidh do leagadh ann ad mheadhon; agus gabhaidh tu greim, ach cha ghléidh thu; agus an ni sin a ghléidheas tu, bheir mise do'n chlaidheamh.

15 Cuiridh tu, ach cha bhuain thu: bruthaidh tu *meas* a' chroinn-olaidh, ach cha-n ung thu fèin le h-olaidh; agus dearc an fhion-ruaidh, ach cha-n òl thu fion.

16 Oir choimhid thu reachdan Omri, agus uile oibre tighe Ahaib; agus tha sibh ag imeachd 'n an comhairlibh; a chum gu'n deanaim-sa 'n a h-ionad fàs i, agus a luchd-àiteachaidh 'n an sgeig; agus gu'n giùlain sibhse masladh mo shluaigh-sa.

CAIB. VII.

1 *Chuir an Eaglais a muinghin ann an Dia.*

8 *Rinn i gairdeachas 'n a dòchas ri soorsa.*

11 *Thug Dia misneach dhi le bhith 'gealltuinn gu'n smachdaicheadh e a naimhdean.* 18 *Trècairean Dhé do thaobh a shluaigh.*

MO thruaighe mise! oir dh'fhàs mi mar luchd-tionail a' mhcas shamhraidh; mar luchd-dioghlum an fhion-thogharaidh: cha-n'eil aon bhagaide r'a h-iththeadh: tha m'anam ag iarraidh a' cheud thoraidh.

2 Bhàsaich an t-ionracan as an fhearann, agus cha-n'eil neach treibhdhreach am measg dhaoine: tha iad uile a' gabhail fath air son fola: tha iad, gach aon, a' scalg a bhràthar le lion.

3 A chum gu'n dean iad ole le uile dhè-chioll an làmh; tha am prionnsa agus am breitheamh ag iarraidh duaise: agus tha an duine mòr a' foillseachadh a dhroch thograidh: mar sin tha iad 'g a phasgadh suas.

4 Tha an ti a's fearr dhiubh mar dhris; tha an ti a's ionraice 'n am measg mar phris dhuighinn: *is e so là do luchd-faire*; tha do smachdachadh air teachd; a nis bithidh iad ann an imcheist.

5 Na h-carbaibh á caraid; na cuiribh muinighin ann am fear-iùil: o'n té a luidheas ann ad uched gléidh dorsan do bheoil.

6 Oir tha am mac a' toirt eas-onoir do'n athair; tha an nighean ag éirigh suas an aghaidh a màthar, bean a' mhic an aghaidh a màthar-chéile: is iad naimhdean duine muinntir a thighe féin.

7 Ach seallaidh mise ris an Tighearn: bithidh modhòchas ann an Dia mo shlàinte: éisdidh mo Dhia rium.

8 Na dean gairdeachas a'm' aghaidh, O mo nàmhaid; ged thuit mi, éiridh mi; ged shuidh mi ann an dorchedas, bithidh an Tighearn 'n a sholas dhomh.

9 Giùlainidh mi corruich an Tighearn, a chionn gu'n do pheacaich mi 'n a aghaidh; gus an tagair e mo chùis, agus an toir e breth air mo shon: bheir e mach mi chum an t-soluis; chi mi 'fhìreantachd.

10 Agus chi mo nàmhaid sin, agus còmh-daichidh nàire ise 'thubhairt rium, C' àit am bheil an Tighearn do Dhia? chi do shùilean *am miann* oirre; a nis saltrar sìos i mar chlàbar nan sràid.

11 Anns an là 's am bi do bhallachan air an togail, anns an là sin cuir car 'am fad uait an t-ordugh.

12 Anns an là sin fòs thig iad a d'ionnsuidh o Asiria, agus o na bailtibh daingnichte; agus o'n daingneach cadhon gusan an hainn; agus o fhainge gu faire, agus o shliabh gu shliabh.

13 Gidheadh bithidh an talamh 'n a fhàsach, air son a luchd-àiteachaidh, air son toraidh an deanadais.

14 Beathaich do shluagh le d' huirg, treud d' oighreachd, a tha 'gabhail còmhuidh gu h-uaigneach 's an fhrith; ann am meadhan Charneil ionaltradh iad, ann am Bàsan agus 'an Gilead, mar anns na làithibh o shean.

15 Mar anns na làithibh 's an d' thàinig iad a mach á tìr na h-Eiphit, nochdaidh mise doibh nithean mìorbhuileach.

16 Chi na cinnich, agus bithidh iad fo amhladh air son an uile chumbachd: cuiridh iad an làmh air am beul, bithidh an cluasan bodhar.

17 Inleicidh iad an duslach mar nathair; gluaisidh iad a mach as an tuill mar chnuimhean na talachainn: bithidh cagal orra roimh an Tighearn ar Dia-ne, agus bithidh iad fo gheilt air do shon-sa.

18 Cò a's Dia ann cosmhuil riutsa, a mhaithas aingidheachd, agus a ghabhas seachad air eusaontas iarmaid 'oighreachd? cha ghléidh e a chorruich gu sìorruidh a chionn gur toigh leis trècair.

19 Pillidh e a rìs, gabhaidh e truas diun: cumhdaichidh e ar n-eusaontais: seadh, tilgidh tu an uile luchdan ann au doimhneachdaibh na fairge.

20 Coimhlionaidh tu an fhàirinn do Iacob agus an tròcair do Abraham, a mhìonnaich thu do ar n-aithrichibh o na làithibh o shean.

N A H U M.

CAIB. I.

Mòrachd an Tighearna. 7 Bithidh e 'n a dhàingneach làidir dhoibh-san a chuireas an dòchas ann; 8 ach bheir e crìoch iomlan air a naimhdean.

AN fhàistneachd mu thimchioll Ninebheh. Leabhar seallaidh Nahuim an Ecosich.

2 Tha Dia eudmhor, agus nì an Tighearn dìoghaltas; nì an Tighearn dìoghaltas, agus tha e ann am feirg; nì an Tighearn dìoghaltas air 'eascairdibh; agus taisgidh e *corruich* air sou a naimhdean.

3 Tha 'u Tighearn mall a chum feirge, agus mòr ann an cumhachd, agus cha saor an Tighearn air chor air bith *an t-aingidh*. Anns a' chuairt-ghaoith agus anns au doinnn tha a shlighe, agus is iad na neoil luathrae a chos.

4 Bheir e achunhasan do'n fhaire, agus nì e tioram i; agus tiormaichidh e suas na h-aimhnichean uile: shearg Bàsan agus Carmel; agus tha blàth Lebanoin air crìonadh.

5 Crìothuaichidh ua sléibhtean roimhe-san, agus leagaidh na cnùic; agus tha an talamh air a losgadh suas 'n a làthair; an saoghal, agus 'uile luchd-àiteachaidh.

6 Cò a's urrainn seasamh roimh 'fhearg-san? agus cò 'dh'fheudas fuireach ann an dian-theas a chorruih? tha a chorruih air a dòrtadh a mach mar theine, agus tha na creagan air an tilgeadh sìos leis.

7 Is maith an Tighearn, is daingneach làidir e ann an là na h-àirce, agus is aithne dha iadsan a tha 'cur an dòchais ann.

8 Ach le tuil a' ruith thairis bheir e crìoch iomlan air an dream a dh'èireas 'n a aghaidh; agus ruaigidh dorchadas a naimhdean.

9 Cìod a tha sibh a' smuaineachadh an aghaidh an Tighearna? nì e crìoch iomlan; cha-n èirich àmhghar suas an dara uair.

10 Oir am feadh a tha iad air am filleadh 's a' chéile mar sgitheach; agus mar gu'm b' ann air mhisg le 'm fiou, caithear iad mar asbhuaim làu thioram.

11 Asad-sa chaidh aon a mach a dhealbh ole an aghaidh au Tighearna; droch fhear-comhairle.

12 Mar so tha an Tighearn ag ràdh, Ged tha iad sàmhach, agus fòs lìonmhor, gidheadh gearrar as iad, agus sìubhlaidh iad air

falbh. Ge do rinn mi thusa chlaoidh, eha chlaoidh mi thu nì's mò.

13 Oir a uis brisidh mi a chuing-san dhìot, agus sgaoilidh mi as a chéile do chuibhricean.

14 Agus thug au Tighearn àithne mu d' thimchioll, nach froisear a mach d' ainm nì's mò. A mach á tigh do dhiathan gearraidh mise an iouhaigh shnaighte, agus an iomhaigh leaghta; orduichidh mi d' uaigh, oir dh'fhàs thu gràineil.

15 Fench air na sléibhtibh cosan an ti a tha 'toirt deadh sgeol leis, a tha 'craobh-sgaoileadh sìthe: O Iudah, gléidh d' àrd-fhéillea; coimhlion do bhòidean: oir cha sìubhail au t-aingidh nì's mò tromhad; tha e gu tur air a ghearradh as.

CAIB. II.

1 *Aisigidh Dia òirdheircas Iacob a rìs; 8 agus bheir e armailean mòra an aghaidh Ninebheh chum a fàsachadh gu tur.*

THA esan a phronnas ann am bloighdibh air teachd a mìos fa d' chomhair; gléidh an daingneach, cuir faire air an t-slighe, dean do leasraidh làidir, neartaich gu treun do chumhachd.

2 Oir aisigidh an Tighearn a rìs òirdheircas Iacob, mar òirdheircas Israeil: oir mhill an luchd-millidh iad, agus sgrios iad an geugan.

3 Rinneadh sgiath a dhaoine cumhachdach dearg, tha na gaisgich ann an sgarlaid: bithidh na carbadan mar leusaibh lasarach ann an là 'ulluchaidh; agus crathar gu h-uamhasach na *sleaghan* giubhais.

4 Bithidh na carbadan air bhoile anns na sràidibh, buailidh iad an aghaidh a chéile anns na h-ionadaibh farsuinn: bithidh an dream mar leusaibh, ruithidh iad mar dhealanaich.

5 Nì e àireamh air a dhaoine treuna a rìs: leagaidh iad a sìos 'n an imeachd: nì iad deifir a chum a bhàlla, agus ulluichear an didein.

6 Fosgailear gcatachan na h-aimhne, agus bithidh an lùchairt air a sgaoileadh.

7 Agus bheirear Husab air falbh 'am bruid, bheirear suas i; agus a gruagaichean 'n a co-imeachd mar le guth cholumaa, a' bualadh air an uchd.

8 Ach tha sruthan Ninebheh mar linne uisge; agus tha iadsan a' teicheadh. Seas-

sìbh, seasaidh; ach cha seall aon neach 'n a dhéigh.

9 Glacaibh-sa a' chreach airgid, glacaibh a' chreach òir; oir cha-n'eil crìoch air an ionmhas ghlòrmhor, leis gach uile sheòrsa de shoitlichibh rìomhach.

10 Tha i falamh, agus faoin, agus fàs, agus tha an cridhe a' leaghadh, agus na glùinean a' bualadh air a chéile; agus tha mòran cràidh anns na h-uile leasraibh; agus tha an aghaidhean gu léir a' tionail dorchadais.

11 C'ait am bheil còmhnuidh nan leòmhán, agus àite-beathachaidh nan leòmhán òga? far an do ghluais an leòmhán, au seann leòmhán, agus euilean an leòmhain, gun aon air bith a chur geilt orra.

12 Reub an leòmhán gu leòr air son a chuideanan, agus mharbh e air son a leòmh-an-boirionn, agus lìon e a thuill le cobh-artach, agus 'uainn le creich.

13 Feuch tha mise ann ad aghaidh, tha Tighearn nan sluagh ag ràdh, agus loisgidh mi do charbadan 's an teine; agus ithidh an claidheamh do leòmhain òga; agus gearraidh mise do chreach o'n talamh, agus cha chluinnear uis mò guth do theachd-aireau.

CAIB. III.

1 *Fàisteachd mu thimchioll léir-sgrìos Ninebheh.*
9 *Cha-n'urrainn a luchd-cuideachaidh a' tearnadh.*

IS truagh do'n chaithir fhuilich! tha i uile 'n a ceilg, làn de reubainn; cha-n'eil sgar air a' chreich.

2 Fuaim slait-sgiùrsaidh, agus torman farum uan rothan, agus nan each meam-nach, agus nan carbad leunnach!

3 Togaidh am marcach suas araon an claidheamh loimreach, agus an t-sleagh lìomhaidh; agus tha mòran de mhairbh ann, agus àireamhmhòrde chorpaidh: cha-n'eil erioch air an ciosaichibh; tha iad a' tuis-leachadh air an corpaibh:

4 Air son lìomhoireachd strìopachais na strìopaich maisich, ban-mhaighstir nau druidheachdan; a tha 'reic chinneach le a strìopachas, agus theaghlachan le a druidheachdan.

5 Feuch, tha mise a'd' aghaidh, tha Tighearn nan sluagh ag ràdh, agus leigidh mi ris do sgiortan air d' aghaidh, agus foillsichidh mi do ua cinnich do lònnochduidh, agus do na rìoghachdaibh do uhasladh.

6 Agus tilgidh mi salchar gràineil ort, agus ni mi suarach thu, agus cuiridh mi thu mar bhall-an-laire.

7 Agus tarlaidh, iadsan uile a dh'amh-

airceas ort, gu'n teich iad uait, agus their iad, Rinneadh Ninebheh 'n a fàsach, cò 'chaidheas i? cia as a dh'iarras mi luchd-còmhfhurtachd air do shon?

8 Am fearr thusa na No sluaghmhor a bha air a suidheachadh am measg nan aimh-uichean; aig an robh na h-uisgeachan mu'n cuairt di, aig an robh an fhainge mar dhid-ein, agus a' mhuir mar bhalla.

9 B'e Etiopia agus an Eiphit a neart, agus bha sin anbharrach: b' iad Put agus Lubim a luchd-cuideachaidh.

10 Gidheadh thugadh air falbh i, dh'imich i ann am braigheanas: bha a clann òg fòs air am pronnadh 'n am bloighdibh aig ceann nan uile shràidean: agus thilg iad croinn air son a daoine urramach, agus bha a daoine mòra gu léir air an ceangal ann an slabhruidhean.

11 Bithidh tusa fòs air mhìsg; folaichidh tu thu féin; iarraidh tu dèidin o'n nàmhaid.

12 Bithidh d'uile dhaingnichean làidir mar chroinn-fhìge leis na ceud fhigibh abuich: ma chrathar iad, tuitidh iad ann am beul an ti a dh'itheas iad.

13 Feuch, tha do dhaoine mar mhnathan ann ad mheadhon: sgaoilear gu farsuinn do d' naimhdebh geatachan do thìre; caithidh an teine do chroinn-dhruididh.

14 Tarruing uisge dhuith féin air son an fheachd, neartaich do dhaingnichean làidir: rach a steach do'n chriadh, agus post an làthach; daingnich an àth-chriadha.

15 An sin ni an teine do chaitheamh; gearraidh an claidheamh as thu, ithidh e suas thu mar a' chnàmh-chnuimh: dean thu féin lìomhmar mar a' chnàmh-chnuimh, dean thu féin lìomhmar mar an locust:

16 Rinn thu do luchd-malairt lìomhmar thar reultan nèimh: millidh a' ehnàmh-chnuimh, agus siùbhlaidh i air falbh.

17 Tha iadsan a chrùnadh annad mar na locust, agus do chinn-fheadhna mar na fionnain-fheoir, a chòmhnucas anns na barranaibh 's an là fhuar; ach 'n uair a dh'éireas a' ghrian teichidh iad air falbh, agus cha-n'eil fios cia an t-àit'am bheil iad.

18 Tha do bhuachailleas ri clò-chodal. O rìgh Asiria: tha d' uaislean 'n an tàmh; tha do shluagh air an sgapadh air na sléibhlean, agus cha-n'eil aon neach ann g' an cruinn-eachadh.

19 Cha-n'eil leigheas air do bhruthadh: tha do lot nìmhneach: na h-uile a chluinn-eas iomradh ort, buailidh iad am basan os do cheann; oir cò air nach do shìubhail d' oile an còmhnuidh?

H A B A C U C.

CAIB. I.

1 *Rinn Habacuc gearan a bhrìgh fòirneirt agus aingidheachd a shluaigh.* 5 *Nochdadh dha dìoghallas eagalach an Tighearna le làimh nan Caldéach.*

AN fhàistneachd a chunnaic Habacuc am fàidh.

2 Cia fhad, O Thighearn', a ghlaodhas mi, agus nach éisd thu? a ghlaodhas mi riut air son fòirneirt, agus nach saor thu?

3 C'ar son a tha thu 'nochdadh dhomh aingidheachd, agus a' toirt orm sealltuinn air doilghios? oir tha creach agus fòirneart fa m' chomhair; agus luchd-dùsgaidh strì agus aìmhreite.

4 Air an aobhar sin tha an reachd air failneachadh, agus cha-n'eil breitheanas uair air bith a' dol a mach: oir tha an ciontach ag iadhadh mu thimchioll an fhèin: uime sin tha breitheanas eucorach a' dol air aghaidh.

5 Faicibh am measg nan cinneach, agus amhaireibh, agus gabhaibh iongantas gu mòr: oir ni mise obair 'n 'ur làithibh, nach creid sibh ged innsear i dñibh.

6 Oir feuch, dùsgidh mi suas na Caldéich, an cinneach searbh agus èasgaidh sin, a dh'imicheas troimh leud an fhearainn, a ghabhail seilbh air na h-àiteachaibh-còmh-nuidh nach leo féin.

7 Tha iad uamhasach agus eagalach: thig am breitheanas agus an òirdheirceas a mach uatha féin.

8 Tha 'n eich fòs nì's luaithe na liopaird, agus tha iad nì's buirbe na madaidh-alluidh an anmoich: agus sgaoilidh am marcaichean iad féin, agus thig am marc-shluagh o ioma-chéin: itealaichidh iad mar an iolair a dheifrìcheas gu itheadh.

9 Thig iad uile air son ainneirt: sgriosaidh iad rompa mar a' ghaoth an ear; agus cruinnichidh iad braighdean mar a' ghain-eamh.

10 Agus ni iad sgeig air rìghribh, agus bithidh prionnsachan 'n an cuis-mhagaidh dhoibh: ni iad fanoid air gach daingneach làidir; agus crunachaidh iad suas talamh, agus glacadh iad e.

11 An sin caochlaidh an inntinn, agus siùhlaidh iad air falbh, agus measar iad ciontach. Tha an neart so aca o an dia.

12 Nach 'eil thusa o shìorruidheachd, O Thighearna, mo Dhia-sa, m' Aon naomh? cha bhàsaich sinn. O Thighearna, dh'òrduich thu iadsan air son breitheanas; agus O Dhé chumhachdaich, dhaingnich thu iad air son smachdachaidh.

13 Tha do shùilean nì's gloine na gu'n seall thu air olc, agus cha-n fheud thu amharc air aingidheachd: c' nim' am bheil thu 'g

amharc air luchd-ceannaire, agus a' fantuinn a'd' thosd an uair tha 'n t-aingidh a' slugadh suas an duine a's ionraice na e féin?

14 Agus c'uim' am bheil thu 'deanamh dhaoine mar iasg na fairge, mar na nithibh snàgach aig nach 'eil aon fhear-riaghlaidh os an ceann?

15 Tha iad 'g an togail suas uile leis an dubhan; tha iad 'g an glacadh 'n an lion, agus 'g an cruinneachadh 'n an eangaich; uime sin tha iad aobhneach agus ait.

16 Air an aobhar sin tha iad ag iobradh d'an lion, agus a' losgadh tùise d' an eangaich: a chionn leo sin gu bheil an cuibh-rionn reamhar, agus an lòn pailt.

17 An dean iad air an aobhar sin an lion falamh, agus nach caomhain iad a bhi sìormharbhadh nan cinneach?

CAIB. II.

1 *Dh'òrduicheadh do Habacuc an fhàistneachd a sgrìobhadh.* 6 *Nithear breitheanas air an t-sluagh a mheudaicheas an nì nach leo féin.* 9 *orra-san a shanntaicheas droch shannt.* 12 *agus orra-san a dhaingnicheas an caithir le aingidheachd.*

SEASAIH mi air m'fhaire, agus cuiridh mi mi féin air an tùr, agus feuchaidh mi cìod a theire e rium, agus cìod a fhreagras mi 'n uair a chrònuicair mi.

2 Agus fhreagair an Tighearn mi, ag ràdh; Sgrìobh an fhàistneachd, agus dean soillcìr i air clàraibh, air chor as gu'm feud esan ruith a leughas i.

3 Oir tha 'n fhàistneachd fathasd air son aimsir shònraichte, ach air a' cheann mu dheireadh labhraidh i, agus cha dean i breug: ged a ni i moille, feith rithe; oir gu deimhin thig i, cha bhi i air dheireadh.

4 Feuch, cha-n'eil 'anam-san, a tha air a fhogail suas, ceart an taobh a stigh dheth: ach mairidh am fìrean beò le a chreidinibh.

5 Seadh fòs, mar dhuine 'tléid as an ratliad le fìon, tha e uaibhreach, agus cha-n'eil e 'gabhail fois; a' meudachadh a chìocras mar an uaigh; agus mar am bàs cha-n fheudar a shàsachadh; agus tha e 'cruinneachadh d'a ionnsuidh nan uile chinneach, agus a' tional dha féin nan uile shluaigh.

6 Nach tog iad so uile suas cosamhlachd 'n a aghaidh, agus gnàth-fhocal tamailteach m'a thimchioll, ag ràdh, Is truagh dha-san a mheudaicheas an nì nach leis féin! cia fhad? agus dha-san a luchdaicheas e féin le criadh thugh.

7 Nach éirich iadsan suas gu grad a theumas thu; agus nach dùisg iadsan a chuireas dragh ort? agus nach bi thusa dhoibh mar chobhartach?

8 A chionn gu'n do chreach thu mòran

chinneach, creachaidh uile iarmad nan cinn-
each thusa; air son fola dhaoine, agus
sàruchaidh an fhearainn, na caithreach,
agus a h-uile luchd-àiteachaidh.

9 Mo thruaighe esan a tha 'santachadh
le droch shannt d'a thigh; a chum a nead
a shuidheachadh gu h-àrd; gu e féin a
shaoradh o chumhachd àmhghair.

10 Dhealbh thu nàire do d' thigh, le
mòran shluagh a ghearradh as; agus pheae-
aich thu an aghaidh d' anama féin.

11 Oir glaothaidh a' chlach a mach as a'
bhalla; agus freagraidh an t-sail as an
fhiodh i.

12 Is an-aobhin dha-san a thogas baile le
fuil, agus a dhaingnicheas caithir le aing-
idheachd.

13 Feuch, nach ann o Thighearn nan
sluagh a tha so, gu'n saothraicheadh daoine
anns an teine, agus gu'n sgàitheachd slòigh
iad féin air son nì faoin?

14 Gu eimnteach lìonar an talamh le eòlas
glòire an Tighearna, mar tha na h-uisgeach-
an a' còmhachadh na fairge.

15 Is an-aobhin dha-san a tha 'toirt air a
choimhearsnach òl, a tha 'cur ris a' chopain,
agus 'g a chur air mhìsg mar an ceudna, chum
gu'n amhairceadh e air a lònnochduidh.

16 Tha thu air do lìonadh le nàire 'an àite
glòire; òl thusa fòs, agus bitheadh do roimh-
chraicinn air a leigeadh ris: riutsa pillear
cupan làinhe deise an Tighearn'; agus
bithidh sgeith nàrach air do ghloir.

17 Oir nì ainneart Lebanoin do chòm-
hachadh, agus cuiridh sgrìos ainmhidhean
eagal ort; air son fola dhaoine, agus air son
sàruchaidh an fhearainn, na caithreach,
agus a h-uile luchd-àiteachaidh.

18 Cìod an tairbhe 'tha 's an ìomhaigh
shnaighte, gu'n d'rinn an fear a dh'albh i
a snaigheadh: anns an ìomhaigh leaghta,
agus ann am fear-teagasg nam breug, gu'n
earbadh fear-deanamh na h-oibre so aisde,
a dheanamh iodholan balbha?

19 Is truagh dha-san a tha ag ràdh ris an
fhiodh, Dùisg: ris a' chloich bhailbh, Eirich.
An teagaisg i? Feuch, tha i air a cur thairis
le h-òr agus airgiod; agus eha-n'eil anail
air bith an taobh a stigh dhi.

20 Ach tha an Tighearn 'n a theampull
naomh: bi a' d' thosd 'n a fhianuis, O tha-
lainh uile.

CAIB. III.

1 *Urnuigh Habacuc. 3 Mòrachd an Tighearna.*

17 *Nochd ann fàidh gu'n robh a chreidimh
làidir ann an Dia a shùinte.*

URNUIGH Habacuc an fhàidh air
Sigionot.

2 O Thighearna, chuala mi do chainnt; bha
eagal orm: 'O Thighearn', ath-bhòthaich d'
obair ann am meadhon nam bliadhnachan,
ann am meadhon nam bliadhnachan dean
aithnichte; ann an corruich euimhnich
tròcair.

3 Thàinig Dia o Theman, agus an Ti naomh
o shliabh Pharain. Selah. Chòmhdaich a
ghloir na nàmhàn, agus bha an talamh làn
d'a chliù.

4 Agus bha a shòilleireachd mar a' ghrian;
o a lùmh *shruth* dearsannan soluis; agus
an sin bha àite fòluich a mhòrachd.

5 Roimh a ghnùis chaidh a' phlàigh; agus
chaidh éibhlean teine mach o 'chosaidh.

6 Sheas e, agus thònlais e an talamh;
dh'amhaire e, agus sgap e na cinnich as a
chéile; agus bha na sléibhteann sìorruidh
air am briseadh; chrom na cruic bhith-
bhuan; tha a shlighe maireannach.

7 Chummaic mi pàillìunan Chusain ann an
àmghar: chrìothnuich brat-sgàile fearainn
Mhidiain.

8 An robh corruich air an Tighearn ris na
tuilteibh? an robh d'fhearg an aghaidh nan
ainmhnichan? an robh do chorruich an
aghaidh na fairge, gu'n do mharcaich thu
air d' eachaibh, agus air do charbadaibh-
slàinte?

9 Rinneadh do bhogha glan-rùisgte, a réir
nam mìonn do na treubhan, *eadhon* d'fho-
cail. Selah. Sgoilt thu an talamh le sruth-
aibh.

10 Chummaic na sléibhteann thu agus
chrìothnuich iad: ghabh tuil nan uisgeachan
seachad: chuir an t-aigean a mach a ghuth,
thog an doimhne suas a lùmhàn.

11 Sheas a' ghrian agus a' ghealach 'n an
àite: 'n an solus shiubhail do shàighdean;
'n an dealradh do shleaghan òmhaidh.

12 Dh'imich thu troinn an fhearann ann
am feirg, bhuail thu na cinnich ann an
corruich.

13 Chaidh thu mach air son tèarnaidh do
shluaigh, air son tèarnaidh do mhuinntir
ungta: bhuail thu 'n ceann o thigh an
aingidh; leig thu ris na bunaitean gu ruig
a' mhuineil. Selah.

14 Bhuail thu le d' shlaic ceann a bhail-
tean. Ruith iad a mach mar chùairt-
ghaoith gu ar sgapadh; bha an gairdeachas
mar gu'n sluigeadh iad am bochd gu
h-uaigneach.

15 Choisich thusa troimh an fhairge le
d'eachaibh: troimh chruinneachadh nan uisg-
eachan mòra.

16 'N uair a chuala mi, chrìothnuich mo
chom: bha mo bhile air chrith roimh do
ghuth: chaidh lobhadh a steach ann am
chnàmhan, agus chrìothnuich mi ann am
àite; a chum gu'm biodh fois agam ann an
là an àmhghair: 'n uair a thèid e suas an
aghaidh an t-sluaigh, agus a chlaoidheas e
iad le 'bhuidhneibh.

17 Ged nach toir an crann-fìge uaith blàth,
agus ged nach fàs air an fhionain cinneas;
ged fàilnich meas a' chroimn-olaidh, agus
ged nach toir na machraichean uatha lòn;
ged ghearrar an treud as o'n mhaoinnir, agus
ged nach bi buar air bith anns na buailteibh;

18 Gidheadh mi mise gairdeachas anns an Tighearn, 'n mi aoibhneas ann an Dia mo shlàinte.

19 Is e an Tighearn Iehobhah mo neart,

agus mi e mo chosan mar *chosaibh* éilde, agus bheir e orm coisachd air m' ionadaibh àrda. Do'n àrd-fhear-chiùil air m' inneal-
aibh teudach.

SEPHANIAH.

CAIB. I.

1 *An t-àm 's an ùrinn Sèphaniah fàidhe d'air-
eachd.* 2 Smachdaichidh Dia sluagh Iudah
air son an peacaidhean.

FOCAL an Tighearn' a thàinig gu Sèphaniah mac Chusi, mhic Ghedaliah, mhic Amariah, mhic Hisciah, ann an làith-ean Iosiah, mhic Amoin, rìgh Iudah.

2 Sgrìosaidd mise gu tur na h-uile nithean bhàrr aghaidh an fhearainn, deir an Tighearn.

3 Sgrìosaidd mi duine agus ainmhidh, sgrìosaidd mi cunlaith an athair, agus iasgan na fairge, agus na cip-thuislidh maille ris na h-àinigidh : agus gearraidd mi as an duine bhàrr aghaidh an fhearainn, deir an Tighearn.

4 Sìnidh mi fòs a mach mo làmh air Iudah, agus air uile luchd-àiteachaidh Ierusalem ; agus gearraidd mi as fuigheall Bhaail o'n àite so ; ainm an luchd-ìobraidh maille ris na sagartan ;

5 Agus iadsan a tha 'g aoradh do fheachd nèimh air mhullach nan tighean ; agus iadsan a tha 'g aoradh, agus a' mionnachadh air an Tighearn, agus fòs a' mionnachadh air Malcham ;

6 Agus iadsan a phill air an ais o'n Tighearn ; agus iadsan nach d'iarr an Tighearn, agus nach d'fhiosraich dheth.

7 Bithibh tosdach an làthair an Tighearn' Iehobhah, oir tha là an Tighearna dlùth ; oir dh'ulluich an Tighearn tobairt, ghairm e 'aoidhean.

8 Agus tarlaidh ann an là ìobairt an Tighearna gu'n smachdaich mise na prìon-sachan, agus clann nan rìghrean, agus na h-uile a tha air an éideadh le culaidh choimhich.

9 Agus air an là cheudna smachdaichidh mi iadsan uile a tha 'leum air a' stairsnich, a tha 'lìonadh tighean ann maighstirean le ainneart agus le ceilg.

10 Agus tarlaidh air an là sin, tha an Tighearn ag ràdh, gu'm bi fuaim éighich o gheata an éisg, agus ulartaich o'n dara baile, agus bruanadh mòr o na enocaihbh.

11 Àrd-ghuilibh, a luchd-àiteachaidh Mhacteis, oir tha 'n luchd-malairt gu h-ion-lan air an gearradh as ; tha uile luchd-giùlain an airgid air am milleadh.

12 Agus tarlaidh anns an àm sin, gu'n rannsaich mise Ierusalem le coinnibh, agus

smachdaichidh mi na daoine a tha socair air an deasgainibh ; a tha 'g ràdh 'n an eridhe, Cha dean an Tighearn maith, ni mò ni e ole.

13 Air an aobhar sin bithidh am maoin 'n a chobhartach, agus an tighean 'n am fasach : agus togaidh iad tighean, ach cha-n àitich iad ; agus suidhichidh iad fion-liosan ach cha-n òl iad am fion.

14 Tha là mòr an Tighearna dlùth, *tha e* dlùth, agus a' greasadh gu mòr : tha guth là an Tighearna searbh : guilidh an sin an cumhachdach.

15 Is là feirge an là sin, là trioblaid agus teanntachd ; là fàsalachd agus léir-sgrìos ; là dorchadais agus ogluidheachd ; là neul agus tiugh-dhorchadais ;

16 Là trompaid agus òlaich an aghaidh nam bailtean daingnichte, agus an aghaidh nan tur àrda.

17 Agus bheir mise airc air daoine, ionnus gu'n siubhail iad mar dhoill, a chionn gu'n do pheacachd iad an aghaidh an Tighearn' : agus dòirtear a mach am fuil mar dhuslach, agus am feoil mar aolach.

18 Ni mò dh'fheudas an airgid no 'n òr an saoradh ann an là feirge an Tighearna ; ach le teine 'eud-san loisgear am fearann uile : oir bheir e gu deimhin léir-sgrìos obann air uile luchd-àiteachaidh na tìre.

CAIB. II.

1 *Earrail chum aithreachais.* 4 *Breitheanas an aghaidh nam Philisteach,* 8 *Mhoarib agus Amoin.* 12 *Etiopia,* 13 agus *Ninebheh.*

CRUINNICHIBH sibh fèin ri 'chéile, seadh cruinnichibh ri 'chéile, O fhuineadh gu'n iarraidh :

2 Mu'n tig an t-òrdugh gu buil, mu'n siubhail 'ur là seachad mar mholl ; mu'n tig corruich gharag an Tighearn' oirbh, mu'n tig là feirge an Tighearn' oirbh.

3 Iarraibh-sa an Tighearn, uile dhaoine ciùine na talnhaime, a dh'oibrich a bhreith-canas ; iarraibh fireantachd, iarraibh mac-antachd : feudaidd e bhith gu'n tearnar sibhse ann an là feirge an Tighearna.

4 Gu dearbh tréigear Gasa, agus cuirear fas Ascelon : fograidd iad a mach Asdod air mheadhon-là ; agus bithidh Eeron air a spionadh á freumh.

5 Mo thruaighe luchd-àiteachaidh sliosa na fairge, cinneach nan Cereteach : tha focal an Tighearna 'n 'ur n-aghaidh. O

Chanaain, a thir nam Philisteach, sgriosaidh mise thu, ionnus nach bi aon g' ad àiteachadh.

6 Agus bithidh taobh na fairge 'n a bhothan aig buachaillibh, agus 'n a mhainneiran aig treudaibh.

7 Agus bithidh an slios aig iarmad tighe Iudah; ionaltraidh iad air: ann an tighibh Asceloin luidhidh iad sìos anns an annmoch: oir thig an Tighearn an Dia g' an amhare, agus bheir e air an ais am braighdean.

8 Chuala mise masladh Mhoibh, agus anacainnt cloinne Amoin, leis an d'rinn iad mo shluagh-sa mhaslachadh, agus iad fèin a mheudachadh an aghaidh an crìochan.

9 Air an aobhar sin mar is beò mise, tha Tighearn nan sluagh, Dia Israeil, ag ràdh; gu deimhin bithidh Moab mar Shodom, agus clann Amoin mar Ghomora, 'n a fhàsach eanntagaich, agus 'n a phuill shalainn, agus 'n a léir-sgrìos sìorruidh; ni fuigheall mo shluaigh-sa an creachadh, agus iarmad mo chinnich an scalbhachadh.

10 So gheibh iad air son an uabhair, a chionn gu'n d'ting iad masladh, agus gu'n do mheudaich siad iad fèin an aghaidh cinnich Tighearna nan sluagh.

11 Bithidh an Tighearn uamhasach 'n an aghaidh: oir bheir e gort air uile dhiathan an talmhainn; agus bheir iad aoradh dha-san, gach aon o' àite fèin, eadhon uile eileanan nan cinneach.

12 Sibhse, mhuinntir Etiopia, mar an ceudna, marbhar sibh fèin leis a' chlaidheamh,

13 Agus sìnidh e mach a làmh an aghaidh na h-àrde tuath, agus sgriosaidh e Asiria; agus ni e Nìneveh 'n a làraich luim, tioran mar an fhàsach.

14 Agus luidhidh treudan sìos 'n a meadhon, uile bheathaichean an talmhainn: gabhaidh am pelican agus a' ghràineag tamlh 'n a h-àrd-dhoruis: bithidh am fuaim 'n a h-uinneagaibh; bithidh fasalachd anns an sgàth-thigh: oir leigidh e ris a h-obair sheudair.

15 So a' chaithir luathghaireach a' ghabh còmhnuidh gu tèaruinte; a thubhairt 'n a cridhe, Tha mi, agus cha-nèil ann ach mi. Cionnus a dh'fhàs i 'n a fasach, 'n a h-àite air son bheathaichean gu luidhe sìos ann! ni gach aon a théid seachad oirre sgeig, agus crathaidh e a làmh.

CAIB. III.

1 Thugadh geur-achmhàsan do na h-Iudhaich air son am peacaidhean. 8 Earail gu feith-eamh air an Tighearn, 14 agus gu gairdeachas a dheanamh 'n a shlàinte.

IS an-aobhlin dh'ise a tha ceannairceach agus truailte, do'n chaithir a tha ri sàruachadh.

2 Cha d'thug i géill do'n ghuth; cha do ghabh i cronachadh: cha d'earb i as an

Tighearn: cha do tharruinn i dlùth d'a Dia.

3 Tha a prionnsachan an taobh a stigh dhi 'n an leòmhain bheucach; is madaidh-alluidh an anmoich am breitheamhnan cha-n fheith iad gus a' mhaduinn gun na cnàmhan ithcadh.

4 Is daoine eutrom fealltach a fàidhean: thruaill a sagartan an t-ionad naomh: bhris iad an reachd.

5 Tha an Tighearn cothromach 'n a meadhon: cha dean esan euceart: gach maduinn bheir e breitheanas gu solus, cha-n fhàilnich e: ach cha-n'èil eòlas aig an eucorach air nàire.

6 Ghearr mi as na cinnich: tha an tùir uaigneach; rinn mi fàs an sràidean, air chor as nach 'eil aon g' an imeachd: tha am bailtean air an sgrios, gun duine sam bith anna, gun aon neach 'gan àiteachadh.

7 Thubhairt mi, Gu deimhin bithidh m' eagal ort, gabhaidh tu teagasg: mar sin cha bhitheadh an àite-còmhnuidh air a ghearradh as, cionnus air bith a smachdaichim iad: ach dh'éirich iad gu moch, agus thruaill iad an uile dheanadas.

8 Uime sin feithibh-sa riumsa, tha an Tighearn ag ràdh, gus an là 's an éirich mi suas a chum na creicic: oir is e mo rùn na cinnich a chruinneachadh, na rioghachdan a tharruing ri 'chéile; a dhòrtadh orra mo chorruich, uile theas m' fheirge: oir loisgear an talamh gu h-iomlan le teine m' eud-sa.

9 Gu deimhin pillidh mi 'n sin air na slòigh teangadh ghlan, gu gairn gu léir air ainm an Tighearna, gu scribhis a dheanamh dha le aon rùn.

10 O thaobh thall aimhnichean Etiopia, bheir mo luchd-athechuinge, am measg mo mhuinntir sgapta, tabhartas a m' ionnsuidh.

11 Anns an là sin cha nàraichear thu air son d' uile dheanadas, leis an de chiontaich thu ann am aghaidh-sa: oir an sin bheir mi air falbh as do mheadhon iadsan a tha ri gairdeachas ann ad uabhar; agus cha-n àrdaich thu nì's mò thu fèin ann am shliabh naomh-sa.

12 Fagaidh mi fòs ann ad mheadhon sluagh anshoerach agus diblidh; agus cuiridh iad an dòchas ann an ainm an Tighearna.

13 Cha dean iarmad Israeil aingidheachd, ni mò labhras iad breugan: ni mò gheibhear teangadh chealgach 'n am beul. Oir ionaltraidh agus luidhidh iad sìos, agus cha chuir aon neach eagal orra.

14 Seinn, O nighean Shioin; tog iolach, O Israeil; bi ait, agus dean gairdeachas le d' uile chridhe, O nighean Ierusalem.

15 Thug an Tighearn air falbh do bhreith-eanaid; phill Rìgh Israeil air falbh do naimhdean: tha 'n Tighearn ann ad mheadhion; cha-n fhaic thu oile nì's mò.

16 Auns an là siu theirear ri Ierusalem, Na bitheadh eagail ort; agus ri Sion, Na bitheadh do làmhlan lag.

17 Tha 'n Tighearn Dia ann ad mheadhou cumhachdach; ui e do thèarnadh; ni e gairdeachas os do cheann le luathghair; gabhaidh e fois 'u a ghràdh; ui e gairdeachas os do cheann le seinn.

18 Cruinnichidh mi iadsan a'd mheasg a tha ri còidh air son an àrd-choimh-thionail, do'n robh a mhasladh 'u a callaich.

19 Feuch, millidh mise d' uile luchd-

sàruchaidh agus an àm sin; agus leighisidh mi ise a tha bacach, agus cruinnichidh mi ise a bha sgaoilte; agus gheibh mi dhoibh cliù agus deadh iomradh auns gach aou tìr auns an d' fhuair iad nàire.

20 Auns an àm sin bheir mi air blur n-ais sibh; agus anns au àm 's an cruinnich mi sibh, bheir mi gun amharus dhuibh ainm agus cliù am measg uile chiumeach na talmhainn, an uair a philleas mi air ais 'ur braighdeanas fa chomhair an sùl-san, deir an Tighearn.

H A G A I.

CAIB. I.

1 *Chronich am fàidh an sluagh do bhrìgh gu'n do ghabh iad còmhnuidh ann an tighean mais-each, 'n uair bha tigh Dhè 'n a fhàsach; 8 agus bhrosnach e iad gus an teampull a thogail.*

A NN an dara bliadhna Dhariuis an rìgh, auns an t-sèathamh mìos, air a' cheud là de'n mìos, thàinig focal au Tighearna le Hagai am fàidh gu Serubabel mac Shealtieil, uachdaran Iudah, agus gu Iosuah mac Iose-deich, au t-àrd shagart, ag ràdh;

2 Mar so labhair Tighearn nan sluagh, ag ràdh, Thubhairt an sluagh so, Cha d' thàinig au t-ànu gu tigh an Tighearn' a thogail.

3 An sin thàinig focal an Tighearna le Hagai am fàidh, ag ràdh,

4 An àm dhuibh-se, O sibhse, còmhnuidh a ghabhail 'n ur tighean maiseach, agus an tigh so 'n a fhàsach?

5 A uis ma ta mar so tha Tighearn nan sluagh ag ràdh, Thugaibh faicear bhur slighean.

6 Chuir sibh mòrau, agus is beag a thug sibh a steach; tha sibh ag itheadh, ach cha-n'eil gu leòr agaibh; tha sibh ag òl, ach cha-n'eil sibh sàthach: tha sibh 'g ur n-éideadh, ach cha-n'eil aon neach blàth: agus esan a tha 'cosnadh tuarasdail, tha e 'g a chosnadh gu 'chur ann an spòran tolltach.

7 Mar so tha Tighearn nan sluagh ag ràdh, Thugaibh fainear bhur slighean.

8 Rachaibh suas a chum an t-sleibh, agus thugaibh leibh fiodh, agus togaibh an tigh; agus gabhaidh mise tlachd ann, agus bithidh ui air mo ghlorachadh, deir au Tighearn.

9 Bha sùil agaibh ri mòran, agus, feuch, thàinig e gu beagan; agus an uair a thug sibh dhachaidh e, shéid mise air. C'ar son? tha Tighearn nau sluagh ag ràdh. Air son mo thughe a tha fas, agus sibhse a' ruith gach duine g'a thigh féin.

10 Air an aobhar sin chuim na nèamhan os

'ur ceann air ais an drùchd, agus ghléidh an talmh a thoradh.

11 Agus ghairm mise tart air an fhearam, agus air na sléibhteann, agus air an arbhar, agus air an fhion nuadh, agus air an olaidh; agus air gach ui a bheir an talmh a mach; agus air duine, agus air ainmhidh; agus air uile shaothair nan làmh.

12 An sin thug Serubabel mac Shealtieil, agus Iosuah mac Iosedech, an t-àrd-shagart, leis a' chuid eile de'n t-sluagh uile, géill do ghuth an Tighearn' an Dia, agus do bhrithraibh Hagai an fhàidh, (mar a chuir an Tighearn an Dia fios leis,) agus bha eagail air an t-sluagh roimh an Tighearn.

13 An sin labhair Hagai teachdair an Tighearna, ann an teachdaireachd au Tighearna, ris an t-sluagh, ag ràdh, Tha mise leibh, deir an Tighearn.

14 Agus dhùisg an Tighearn spiorad Sherubabel mliic Shealtieil, uachdaran Iudah, agus spiorad Iosuah mliic Iosedech, an àrd-shagairt, agus spiorad na cuid eile de'n t-sluagh uile; agus thàinig iad, agus rinn iad obair ann an tigh Tighearna nan sluagh, an Dia,

15 Air a' cheathramh là fichead de'n t-seathamh mìos, ann au dara bliadhna Dhariuis an rìgh.

CAIB. II.

1 *Dh'innis Hagai gu'm bitheadh glòir an dara teampull n's mò na glòir a' cheud teampull.*

10 *Chuir peacadhean an t-sluaigh mòile air an obair.*

A NNS an t-seachdamh mìos, air an aon là fichead de'n mìos, thàinig focal an Tighearna leis an fhàidh Hagai, ag ràdh;

2 Labhair a nis ri Serubabel mac Shealtieil, uachdaran Iudah, agus ri Iosuah mac Iosedech an t-àrd-shagart; agus ris a' chuid eile de'n t-sluagh, ag ràdh,

3 Cò a tha air fhàgail 'n ur measg a chumnaic an tigh so 'n a cheud ghloir? agus cionnus a tha sibh 'g a fhaicim a nis?

nach 'eil e 'n 'ur sùilb, làimh ri sin, mar neo-ni?

4 Gidheadh a nis bi làidir, O Sherubabeil, tha an Tighearn ag ràdh; agus bi làidir, O Iosuah, mhic Iosedeich, àrd-shagairt; agus bithibh-sa làidir, uile shluagh an fhearainn, tha an Tighearn ag ràdh; agus deanaibh obair: oir tha mise leibh, deir Tighearn nan sluagh.

5 *A réir* an fhocail a dhaingnich mi ruibh 'n uair a thàinig sibh a mach as an Eiphit, mar sin tha mo spiorad a' fantuinn 'n 'ur meag: na bithcadh cagal oirbh.

6 Oir mar so tha Tighearn nan sluagh ag ràdh; Fathasd aon uair, ann an ùine bhig, crathaidh mise na nèamhan, agus an talamh, agus an fhaireg, agus am *feàrrann* tioram:

7 Agus crathaidh mi na h-uile chinnich, agus thig miann nan uile chinneach; agus lìonaidh mi an tigh so le glòir, deir Tighearn nan sluagh.

8 Is leamsa an t-airgiod, agus is leamsa an t-òr, deir Tighearn nan sluagh.

9 Bithidh glòir an tìghe dheircanaich so nìs mò na glòir a' cheud thighe, tha Tighearn nan sluagh ag ràdh; agus anns an àite so bheir mise sìth, deir Tighearn nan sluagh.

10 Air a' cheathramh là fìchead de'n naothamh *mios*, ann an dara bliadhna Dhariuis, thàinig focal an Tighearna, le Hagai am fàidh, ag ràdh;

11 Mar so tha Tighearn nan sluagh ag ràdh, Feòraich a nis de na sagartaibh mu'n reachd, ag ràdh,

12 Ma ghiùlainneas aon feoil naomh ann an sgiobul a thrusgain, agus gu'm bean a thrusgan ri aran, no brochan, no fìon, no olaidh, no biadh sam bith, am bi sin naomh? Agus fhreagair na sagartan, agus thubhairt iad, Cha bhi.

13 An sin thubhairt Hagai, Ma bheanas aon a tha neòghlan le corp marbh ri aon air bith de na nithean so, am bi sin neòghlan? Agus fhreagair na sagartan, agus thubhairt iad, Bithidh e neòghlan.

14 An sin fhreagair Hagai agus thubhairt

e, Is amhuil a bha an sluagh so, agus is amhuil a bha an cinneach so ann am làthair-sa, tha an Tighearn ag ràdh; agus is amhuil a bha uile obair an làmh; agus an tabhartas a thug iad seachad an sin bha e neòghlan.

15 Agus a nis guidheam oirbh, thugaibh fainear; o'n là 'n diugh, agus o sin suas, mu'n do leagadh clach air cloich ann an teampull an Tighearna:

16 'N uair a thàinig aon gu cruaich fhìchead *tomhas*, cha robh ann ach deich: 'n uair a thàinig aon gu amar-bruthaidh an fhìona, gu leth-cheud *soithreach* a tharruing a mach as an amar, cha robh ann ach fìchead.

17 Bhual mi sibh le seargadh, agus le fuar-dhealt, agus le cloich-mheallainn, ann an uile shaothair bhur làmh; gidheadh cha do phill sibh riumsa, deir an Tighearn.

18 Thugaibh fainear a nis o'n là 'n diugh, agus o sin suas, o'n cheathramh là fìchead de'n naothamh *mios*, agus o'n là 's an do leagadh bunaitean teampull an Tighearna: thugaibh fainear.

19 Am bheil sìol fathasd anns an t-sabhal? seadh gu ruige so, cha d'thug an fhìonain, no a' chraobh-fhìge, no a' phomgranat, no an crann-olaidh, seachad toradh. *Ach* o'n là so mach beannaichidh mise.

20 Agus thàinig focal an Tighearna a rìs gu Hagai, air a' cheathramh là fìchead de'n mhìos, ag ràdh;

21 Labhair ri Serubabel uachdaran Iudah, ag ràdh, Crathaidh mise na nèamhan, agus an talamh;

22 Agus tilgidh mi caithir rìoghachdan bun os ceann, agus sgriosaidh mi neart rìoghachdan nan cinneach; agus tilgidh mi bun os ceann na carbaid, agus iadsan a tha 'marcaich orra, agus tuitidh na h-eich agus am marcaichean sìos, gach aon le claidheamh a bhràthar.

23 Anns an là sin, tha Tighearn nan sluagh ag ràdh, gabhaidh mi thusa, O Sherubabeil, a mhic Shealtieil, m' òglaich, tha an Tighearn ag ràdh, agus ni mi thu mar sheula: oir ròghnaich mise thu, deir Tighearn nan sluagh.

SECHARIAH.

CAIB. I.

1 *D'earalaich Sechariah an sluagh gu aithreachas a ghabhail.* 7 *Taisbeanadh nan each ruadh, bhreaca, agus bhàna.* 12 *Geallanna trèaireach a thaobh Ierusalem.* 18 *Taisbeanadh nan ceithir adhaircean.* 20 *Na ceithir fìr-cheirde.*

ANNS an ochdamh mìos, ann an dara bliadhna Dhariuis, thàinig focal an

Tighearna gu Sechariah mac Bharachiah, mhic Ido, ann am fàidh, ag ràdh,

2 Bha corruich ro mhòr air an Tighearn ri bhur n-aithrichibh:

3 Agus abair thusa riu, Mar so tha Tighearn nan sluagh ag ràdh, Pillibh-sa riumsa, tha Tighearn nan sluagh ag ràdh; agus pillidh mise ruibhse, deir Tighearn nan sluagh.

4 Na bithibh mar bhur n-aithrichean, ris an do ghlaodh na fàidhean a bh'ann roinne so, ag ràdh; Mar so tha Tighearn nan sluagh ag ràdh; Pillibh-sa nis o bhur droch shlighibh, agus o bhur droch dheanadais. Ach cha d' èisd iad, ni mò 'thug iad aire dhomh-sa, deir an Tighearn.

5 'Ur n-aithrichean, c'ait am bheil iad? agus na fàidhean, am mair iad beò am feasg?

6 Ach mo bhriathran-sa, agus mo reachdan, a dh'aithn mi do m' òglaich na fàidhean, nach d'rinn iad greim air bhur n-aithrichean? agus nach d' thubhairt iad, Amhuil mar a shaoil Tighearn nan sluagh a dheanamh ruinne, a réir ar slighean, agus a réir ar deanadais, mar sin rinn e ruinn.

7 Air a' cheathramh là fichead de'n aon mhios deng, (sin am mìos Sebat,) ann an dara bliadhna Dhariuis, thàinig focal an Tighearna gu Sechariah, mac Bharachiah, mhic Ido, am fàidh, ag ràdh;

8 Chunnaic mi 's an oidheche, agus feuch duine a' maracadh air each ruadh, agus sheas e measg nan craobhan-miortail a bhia 's a' gheann, agus air a chùlaobh bha eich ruadha, bhreaca, agus bhàna.

9 An sin thubhairt mi, Ciod iad so, O mo Thighearn? Agus thubhairt an t-aingéal a labhair rium, Feuchaidh mise dhuit ciod iad so.

10 Agus fhreagair am fear a bha 'n a sheasamh am measg nan craobhan-miortail, agus thubhairt e, So iadsan a chuir an Tighearn gu siubhal sìos agus suas air feadh na talmhainn.

11 Agus fhreagair iad aingéal an Tighearn', a sheas am measg nan craobhan-miortail, agus thubhairt iad, Shiubhail sinne nìos agus sìos air feadh na talmhainn; agus, feuch, tha an talamh uile 'n a thàmh, agus a' gabhail fois.

12 An sin fhreagair aingéal an Tighearn', agus thubhairt e; O Thighearna nan sluagh, cia fhad a bhios tu gun trèc air a dheanamh air Ierusalem, agus air bailtibh Iudah, ris am bheil thu ann an corruich a nis deich agus trì fichead bliadhna?

13 Agus fhreagair an Tighearn an t-aingéal a labhair riumsa, le briathraibh maithe, le briathraibh sòlasach.

14 Mar sin thubhairt an t-aingéal a bha 'labhairt rium, Glaodh thusa, ag ràdh, Mar so tha Tighearn nan sluagh ag ràdh, Tha mise eudmhor air son Ierusalem, agus air son Shìoin le eud mòr:

15 Agus tha mi ann an corruich ro mhòir ris na cinnich a tha suaimhneach; oir cha robh ormsa ach corruich bheag, agus chuidich iadsan air a h-aghaidh an dòrainn.

16 Air an aobhar sin mar so tha an Tighearn ag ràdh; Phill mi ri Ierusalem le trècairibh: bithidh mo thigh air a thogail

ann, tha Tighearn nan sluagh ag ràdh, agus bithidh sreang-thomhais air a sgaoileadh a mach le Ierusalem.

17 Glaodh fathasd, ag ràdh, Mar so tha Tighearn nan sluagh ag ràdh, Bithidh mo bhailtean-sa fathasd air an sgaoileadh a mach le soirbheachadh, agus bheir an Tighearn fathasd comhfhurtachd do Shìoin, agus ròghnaichidh e fathasd Ierusalem.

18 An sin thog mi suas mo shùilean, agus chunnaic mi; agus feuch ceithir adhaircean.

19 Agus thubhairt mi ris an aingéal a bha 'labhairt rium, Ciod iad so? Agus fhreagair esan mi, Is iad so na h-adhaircean a sgap Iudah, Israel, agus Ierusalem.

20 Agus dh'fheuch an Tighearn dhomh ceithir fir-cheirde.

21 An sin thubhairt mi, Ciod a thàinig iad so gu dheanamh? Agus labhair esan, ag ràdh; Is iad so na h-adhaircean a sgap Iudah, ionnus nach do thog aon duine suas a cheann: ach thàinig iad so chum cagal a chur orra, a thilgeadh a mach adhaircean nan cinneach a thog suas an adhare an aghaidh fearainn Iudah, chum a sgapadh.

CAIB. II.

1 *Chuireadh aingéal a thomhas Ierusalem. 6 Thugadh rabhadh do'n t-sluagh Babilon a thrèigsim. 10 Gheall Dia còmhnuidh a ghabhail am meadhon a shluagh.*

THOG mi suas mo shùilean a ris, agus dh'amhaire mi; agus, feuch, fear le sreing-thomhais 'n a làmh.

2 An sin thubhairt mise, C'ait am bheil thu 'dol? Agus thubhairt e rium, A thomhas Ierusalem, a dh'fheuchainn ciod e a leud, agus ciod e a fad.

3 Agus, feuch, chaidh an t-aingéal a labhair rium a mach, agus chaidh aingéal eile mach 'n a chòdhail.

4 Agus thubhairt e ris, Ruith, labhair ris an òganach sin, ag ràdh; Bithidh Ierusalem air a h-àiteachadh mar bhailtean gun bhallachan, le Ìonmhoireachd nan daoine agus na spréidhe 'bhitheas innte.

5 Oir bithidh mise, tha an Tighearn ag ràdh, am am bhalla teine dhi mu'n cuairt, agus bithidh mi ann am ghàrr 'n a meadhon.

6 Ho! ho! *thigibh* agus teichibh o'n tìr mu thuath, tha an Tighearn ag ràdh; oir ri ceithir ghaothan an athair sgaoil mise sibh a mach, deir an Tighearn.

7 Ho! a Shìoin, tàr as, O thusa a tha 'chòmhnuidh maille ri n'ghim Bhabìoin.

8 Oir mar so tha Tighearn nan sluagh ag ràdh; An dèigh na glòire so chuir e mise chum nan cinneach a chreach sibhse; oir an tì 'bheanas ruibhse, beanaidh e ri cloich a shùla-san.

9 Oir feuch, crathaidh mise mo làmh orra, agus bithidh iad 'n an cobhartaich d' an traillibh: agus aithmichibh sibhse gu'n do chuir Tighearn nan sluagh fios leamsa.

10 Seinn, agus dean gairdeachas, O nigh-
ean Shioin; oir feuch, tha mise a' teachd,
agus gabhaidh mi còmhnuidh ann ad
mheadhon, deir an Tighearn.

11 Agus bithidh mòran chinneach air an
cur ris an Tighearn's an là sin, agus bithidh
iad 'n an sluagh dhomh-sa: agus gabhaidh
mise còmhnuidh ann ad mheadhon; agus
bithidh fios agad gu'n do chuir Tighearn
nan sluagh mise a d' ionnsuidh.

12 Agus sealbhaichidh an Tighearn Iudah,
a chuibhrionn, anns an feharann naomh;
agus ròghnaichidh e Ierusalem a ris.

13 Bi tosdach, O uile fheoil, an làthair an
Tighearna: oir tha e air a thogail suas o
ionad-còmhnuidh naomh.

CAIB. III.

1 *Le samhladh culaidh mhaisich leis an d'
éidicheadh Iosuah an t-àrd-shagart, 8 chuir-
eadh 'an cèill teachd Chrìosd a thoirt air falbh
aingidheachd.*

A GUS thaisbein e dhomh Iosuah an
t-àrd-shagart, 'n a sheasamh an làthair
aingeil an Tighearna; agus Sàtan 'n a shea-
samh aig a làimh dheis, gu cur 'n a aghaidh.

2 Agus thubhairt an Tighearn ri Sàtan,
Gu'n deanadh an Tighearn do chronachadh,
O Shàtan; gu'n deanadheadhon an Tighearn
a ròghnaich Ierusalem, do chronachadh;
nachàithinne e so, air a spionadhas an teine?

3 A nis bha Iosuah air 'éideadh le eudach
salach, agus sheas e an làthair an aingeil.

4 Agus fhreagair esan, agus labhair e ri-
san a sheas 'n a làthair, ag ràdh, Thugaibh
dheth an t-eudach salach. Agus ris-san
thubhairt e, Feuch, thug mi air d' aingidh-
eachd imeachd uait, agus éididh mi thu le
culaidh mhaisich.

5 Agus thubhairt e, Cuireadh iad ceann-
eudach maiseach air a cheann: agus chuir
iad ceann-eudach maiseach air a cheann,
agus dh'éid iad e le falluinnibh; agus sheas
aingear an Tighearna leo.

6 Agus dhearbha aingear an Tighearna do
Iosuah, ag ràdh,

7 Mar so tha Tighearn nan sluagh ag ràdh,
Ma ghluaiseas tu ann am shligheibh-sa, agus
ma choimhideas tu mo reachd; an sin bheir
thu mar an ceudna breth air mo thigh, agus
gléidhidh tu fòs mo chùirtean; agus bheir
mi dhuit àiteachan coiseachd am measg na
muinntir so 'n an seasamh leat.

8 Eisd a nis, O Iosuah, àrd-shagairt, thu
féin agus do chompanaich a tha 'n an suidhe
a d' làthair: oir is daoine a tha 'n an ion-
gantas iad: oir feuch, bheir mise mach m'
òglach, AM MEANGAN.

9 Oir feuch, a' chlach a leag mise fa chomh-
air Iosuah: air aon chloich tha seachd
shùilean. Feuch gearraidh mise a gearradh,
tha Tighearn nan sluagh ag ràdh, agus ath-
arraichidh mi aingidheachd an thearainn
so ann an aon là.

10 Anns an là sin, tha Tighearn nan sluagh
ag ràdh, gairmidh sibh gach fear a choimh-
earnach fo'n fhìonain, agus fo'n chrann-
fhìge.

CAIB. IV.

1 *Leis a' choinnleir a bha uile de òr, nochdadh
soirbheachadh stéidh an teampuill; 14 agus le
dà chrann-olaidh shamhlucheadh an dithis
ungta a sheas làimh ris an Tighearna.*

A GUS thainig an t-aingear a labhair
rium a ris, agus dhùisg e mi, mar
dhuine air a dhùsgadh sa a chodal.

2 Agus thubhairt e rium, Ciod a tha thu
'faicinn? Agus thubhairt mise, Dh'amhairc
mi, agus, feuch, coinnleir uile dh' òr, le
'chopan air a mhullach, agus a sheachd
lòchrair air, agus seachd feadain gus na
seachd lòchrair a tha air a mhullach.

3 Agus dà chrann-oladh làimh ris, 'aon air
taobh deas a' chopain, agus aon air a thaobh
clìth.

4 An sin fhreagair mi, agus labhair mi ris
an aingear a bha ri còmhradh rium, ag ràdh,
Ciod iad so, mo thighearna.

5 Agus fhreagair an t-aingear a bha 'labh-
airt rium, agus thubhairt e rium, Nach 'eil
fios agad ciod iad so? Agus thubhairt mise,
Cha-'eil, mo thighearna?

6 An sin fhreagair e agus labhair e rium,
ag ràdh, Is e so focal an Tighearna ri Seru-
babel, ag ràdh, Cha-n ann le neart, no le
cumhachd, ach le m' spiorad-sa, deir Tigh-
earn nan sluagh.

7 Cò thusa, Oshlèibh mhòir? Roimh Sheru-
babel *fàsaidh tu a d'* chòmhnard; agus
bheir e mach a' chlach-chinn le h-ìolach, a'
glaothaich, Gràs, gràs gu'n robh dhi.

8 Os bàrr, thainig focal an Tighearn' a m'
ionnsuidh-sa, ag ràdh;

9 Leag làmhnan Sherubabeil stéidh an tighe
so; ni a làmhnan fòs a chrìochnachadh: agus
bithidh fios agaibh gu'n do chuir Tighearn
nan sluagh mise do bhur n-ionnsuidh.

10 Oir cò 'rinn dimeas air là nan nithean
beaga? ni eadhon iadsan gairdeachas, agus
chì iad an t-sreang-thomhais an làimh
Sherubabeil. Is aid an t-seachdnar so sùil-
ean an Tighearna; tha iad a 'ruith sìos agus
suas air feadh na talmhainn uile.

11 An sin fhreagair mise, agus thubhairt
mi ris, Ciod iad an dà chrann-olaidh so air
taobh deas a' choinnleir, agus air a thaobh
clì?

12 Agus fhreagair mi a ris, agus thubhairt
mi ris, Ciod iad dà ghé g nan crann-oladh,
a tha làimh ris an dà fheadan òir a 'taomadh
na h-olaidh asda féin?

13 Agus fhreagair e mi, agus thubhairt e,
Nach 'eil fios agad ciod iad so? Agus thubh-
airt mise, Cha-'eil, mo thighearna.

14 An sin thubhairt esan, Is iad so an
dithis ungta 'tha 'n an seasamh làimh ri
Tighearn na talmhainn uile.

CAIB. V.

- 1 *Le samhladh ròla ag itealaich nochdadh mallachd an t-sluaigh a ghoideas, agus a mhionnaicheas gu breugach air ainm an Tighearna.*
 5 *Le samhladh mnà 'n a suidhe ann an ephah chuireadh 'an céill aingidheachd na tìre.*

AGUS thog mi suas mo shùilean a ris agus dh'amhairc mi, agus, feuch, ròla ag itealaich.

2 Agus thubhairt esan rium, Ciod a tha thu 'faicinn? Agus fhreagair mise, tha mi 'faicinn ròla ag itealaich, fichead lann-chaille air fad, agus deich lannan-coille air leud.

3 An sin thubhairt e rium, Is e so am mallachd a tha 'dol a mach air aghaidh an fhearainn uile: agus gearrar as gach aon a ghoidcas, mar air an taobh so dheth: agus gearrar as gach aon a mhionnaicheas, mar air an taobh sin deth.

4 Thug mise mach e, tha Tighearn nan sluagh ag ràdh, agus theid e steach do thigh a' mhèirlich, agus do thigh an ti a tha 'mionnachadh gu breugach air m' ainm-sa; agus fanaidh e ann am meadhon a thighe, agus sgriosaidh e, eadar fhiodh agus chloich e.

5 An sin chaidh an t-aingal a labhair rium a mach, agus thubhairt e rium, Tog suas a nis do shùilean, agus faic ciod so a tha 'dol a mach.

6 Agus thubhairt mise, Ciod e? Agus thubhairt esan, So Ephah a tha 'dol a mach. Agus thubhairt e, Is i so an samhladh anns an fhearann uile.

7 Agus, feuch, bha tàlann luaidhe air a thogail suas: agus, feuch, bean 'n a suidhe ann am meadhon na h-ephah.

8 Agus thubhairt e, Is i so Aingidheachd: agus thig e i ann am meadhon na h-ephah; agus chuir e'n cothrom luaidhe air a beul.

9 An sin thog mi suas mo shùilean, agus dh'amhairc mi; agus, feuch, thàinig a mach dà mhnai, agus a' ghaoth 'n an sgiathaibh; (oir bha sgiathan aca mar sgiathan corra-glaise;) agus thog iad an ephah suas eadar an talamh agus na nèanhan.

10 An sin thubhairt mise ris an aingal a labhair rium, C'ait am bheil iad so a' giùlan na h-ephah?

11 Agus thubhairt e rium, A thogail tighe dhi ann an tìr Shìnai; agus bithidh i air a daingneachadh, agus air a suidheachadh an sin air a bonn.

CAIB. VI.

- 1 *Taisbean nan ceithir charbad a thàinig a mach o eadar dhà shliabh.* 9 *Le samhladh crùn òir a chuireadh air ceann Iosuah nochdadh òirdheircas rioghachd Chrìosd.*

AGUS a ris thog mi suas mo shùilean, agus dh'amhairc mi; agus, feuch, thàinig ceithir charbadan a mach o eadar dhà shliabh; agus bu shléibhtean umha na sléibhtean.

2 Ris a' cheud charbad bha eich ruadhla, agus ris an dara carbad eich dhubha,

3 Agus ris an treas carbad eich gheala, agus ris a' cheathranth carbad eich bhalla-dhearg.

4 An sin fhreagair mi, agus thubhairt mi ris an aingal a bha 'labhairt rium, Ciod iad so, mo thighearna?

5 Agus fhreagair an t-aingal, agus thubhairt e rium, Is iad so ceithir spioradan nan nèanhan, a tha 'dol a mach o bhi 'n an seasamh an làthair Tighearna na talmhainn uile.

6 Theid na h-eich dhubha a tha ann a mach do'n tìr mu thuath, agus theid na h-eich gheala mach 'n an deigh; agus theid na h-eich bhalla-dhearg a mach ris an tìr mu dheas.

7 Agus chaidh na h-eich bhalla-dhearg a mach, agus thairg iad imeachd a chum gu'n sìubhladh iad sìos agus suas air feadh na talmhainn: Agus thubhairt e, Falbhaibh, imichibh sìos agus suas air feadh na talmhainn. Is amhuil a dh'imich iad sìos agus suas air feadh na talmhainn.

8 An singhaim e orm, agus labhair e rium, ag ràdh; Feuch, iad so ad tha 'g imeachd gus an tìr mu thuath, chiùinich iad mo spiorad anns an tìr mu thuath.

9 Agus thàinig focal an Tighearn' a m' ionnsuidh, ag ràdh;

10 Gabh dhiubhsan a tha de'n bhruid, de theaghlach Heldai, agus Thobiah, agus Iedaiah; agus falbaidh tu air an là cheudna, agus theid thu steach do thigh Iosiah mhic Shephaniah, a phill o Bhabilon.

11 Agus gabhaidh tu aingid agus òr, agus mi thu crùn, agus cuiridh tu e air ceann Iosuah, mhic Iosedeich, an àrd-shagairt:

12 Agus labhairidh tu ris, ag ràdh; Mar so labhair Tighearn nan sluagh, agràdh; Feuch an duine do'n ainm AM MEANGAN; agus fasaidd e nìos as àite, agus togaidh e teampull an Tighearna.

13 Togaidh cadhon esan teampull an Tighearn', agus gheibh e glòir, agus suidhidh e, agus riaghlaidhidh e air a righ-chaitheir; agus bithidh e 'n a shagart air a righ-chaitheir; agus bithidh comhairle na sìthe eatorra aron.

14 Agus bithidh crùn aig Helem, agus aig Tobiah, agus aig Iedaiah, agus aig Hen mac Shephaniah, mar chuimhneachan ann an teampull an Tighearna.

15 Agus thig iadsan a tha fad as, agus togaidh iad ann an teampull an Tighearna; agus bithidh fios agaibh gu'n do chuir Tighearn nan sluagh mise do bhr n-ionnsuidh. Gus thig so gu crìch, na bheir sibh géill gu cùramach do ghuth an Tighearn' ur Dia.

CAIB. VII.

- 1 *Nochd Dia do'n t-sluaigh gu'n do thraisg iad gu dìomhain do bhrìgh nach do thraisg iad air a shon-san.* 4 *Chronnich Sechariah iad air son an cealgairachd, 6 agus chomhairlich e dhoibh aithreachas a ghabhail.*

AGUS tharladh ann an ceathramh bliadhna Dhariuis, gu'n d'thàinig focal

SECHARIAH, VIII.

an Tighearna gu Sechariah, air a' cheathramh le do'n naothamh mìos, *eadhon* Chisleu.

2 (N uair a chuir iad gu tigh Dhé, Seresar agus Regemelech, agus an daoine, a dh'fhios-rachadh an làthair an Tighearna;

3 A labhair ris na sagartaibh a bha 'an tigh Tighearna nan sluagh, agus ris na fàidhean, ag ràdh; An dean mi gu lannas a' chùigeamh mìos, 'g am d'healachadh fèin, mar a rinn mi an iomadh bliadhna so?)

4 An sin thàinig focal Tighearna nan sluagh a m' ionnsuidh-sa, ag ràdh;

5 Labhair ri uile shluagh an fhearainn, agus ris na sagartaibh, ag ràdh; 'N uair a thraisg agus a ghluaisibh annsa' chùigeamh agus anns an t-seachdamh mìos, cadhion na deich agus trì fichead bliadhna so, an do thraisg sibh idir air mo shon-sa, *eadhon* air mo shon-sa?

6 Agus an uair a dh'ith sibh, agus 'n uair a dh'òl sibh, nach d'ith sibh *air bhuir son fèin*, agus nach d'òl sibh *air bhuir son fèin*?

7 Nach iad so na briathran a dh'èigh an Tighearn leis na ceud fhàidhean, 'n uair bha Ierusalem air a h-àiteachadh, agus a' soirbheachadh, agus a bailtean mu'n cuairt di; agus an taobh deas agus an còmharnad air an àiteachadh?

8 An sin thàinig focal an Tighearna gu Sechariah, ag ràdh;

9 Mar so labhair Tighearn nan sluagh, ag ràdh; Cuiribh 'an gnìomh ceart-bhreitheanas, agus nochdaibh trècair agus iochd gach duine d'a bhràthair:

10 Agus na sàruichibh a' bhantrach, no an dilleachdan, an coigreach, no am bochd; agus na smuainicheadh neach air bith agaibh 'n 'ur cridhe, olc an aghaidh a bhràthair.

11 Ach dh'iùlt iadsan éisdeachd, agus tharruing iad a' ghualadh *o'n chuing*, agus dhruid iad an cluasan, a chum nach cluinneadh iad.

12 Seadh, rinn iad an cridheachan mar chloich adamaint, mu'n cluinneadh iad an lagh, agus na briathran a chuir Tighearn nan sluagh le a Spiorad, leis na fàidhean roimhe so: air an aobhar sin, thàinig corruich mhòr o Thighearn nan sluagh.

13 Agus thachair, amhuil a ghlaodh mise, agus nach d'éisd iadsan; mar sin ghlaodh iadsan, agus cha d'éisd mise, deir Tighearn nan sluagh.

14 Ach sgap mi iad le cuairt-ghaoith, am measg nan uile chinneach nach b'aithne dhoibh; agus bha am fearann fas 'n an déigh, air chor as nach do shiubhail neach air bith troimhe, air ais no air aghaidh: agus rinn iad an tìr thaitneach 'n a fàsach.

CAIB. VIII.

1 Soirbheachadh Ierusalem. 9 Thugadh misneach do'n t-sluagh an teampull a thogail. 16 Dh'ìarr Dia ceartas agus freamachd uapa. 18 Ghealladh aobhneas agus soirbheachadh do'n Eaglais.

A GUS thàinig focal Tighearna nan sluagh a m' ionnsuidh, ag ràdh;

2 Mar so tha Tighearn nan sluagh ag ràdh; Bha mise eudmhor air son Shìoin le eud mòr, agus bha mi eudmhor air a son le mòr-chorruich.

3 Mar so tha Tighearn nan sluagh ag ràdh; Phill mise gu Sion, agus gabhaidh mi còmhnuidh ann an Ierusalem; agus goirear ri Ierusalem, Baile fìrinn, agus ri sliaibh Tighearna nan sluagh, Sliaibh naomh.

4 Mar so tha Tighearn nan sluagh ag ràdh, Gabhaidh seann daoine, agus seana mhnanthan còmhnuidh fathasd ann an sràidibh Ierusalem, agus gach duine le a luirg 'n a làimh le ro-aos.

5 Agus bithidh sràidean a' bhaile làn de mhacanaibh agus de nigheanagaibh, a' cluicheadh 'n a sràidibh.

6 Mar so tha Tighearn nan sluagh ag ràdh, Ma bhitheas e iongantach ann an sùilibh iarmaid an t-sluaigh so anns na làithibh sin, am bi e iongantach ann am shùilibh-sa fòs, deir Tighearn nan sluagh?

7 Mar so tha Tighearn nan sluagh ag ràdh, Feuch, saoraidh mise mo shluagh o'n tìr an ear, agus o'n tìr an iar:

8 Agus bheir mi air an ais iad, agus gabhaidh iad còmhnuidh ann an Ierusalem, agus bithidh iad 'n an sluagh dhomh-sa, agus bithidh mise 'am Dhia dhoibh-san, ann am fìrinn, agus ann an ceartas.

9 Mar so tha Tighearn nan sluagh ag ràdh; Bitheadh bhuir lannan làidir, sibhse 'tha cluinntinn anns na làithibh so nam briathran so a' bheil nam fàidhean, a tha 's an là 's am bheil stéidh tighe Tighearna nan sluagh 'g a shuidheachadh, eadhon an teampull, a chum gu'm bitheadh e air a thogail.

10 Oir roimh na làithean so, cha robh luach saothaireach air bith aig duine, no luach saothaireach air bith aig ainmhidh; ni mò bha sìth aig an tìr a rachadh a mach, no 'thigeadh a steach, leis an tìnn; oir chuir mise na h-uile dhaoine, gach aon an aghaidh a chòimhearsnach.

11 Ach a nis cha bhi mi do iarmaid an t-sluaigh so mar anns na làithibh roimhe so, deir Tighearn nan sluagh.

12 Oir soirbheichidh an sìol; bheir an fhionain seachad a meas, agus bheir an talamh seachad an thoradh, agus bheir na nàmhain seachad an chrùdh; agus bheir mise air iarmaid an t-sluaigh so na nithean so gu léir a sheallbhadh.

13 Agus tarlaidh, mar a bha sibh 'n 'ur mallachadh am measg nan cinneach, O thigh Iudah, agus a thigh Israel, is amhuil a shaoras mise sibh, agus bithidh sibh 'n 'ur beannachadh. Na bitheadh eagal oirbh, bitheadh 'ur lannan làidir.

14 Oir mar so tha Tighearn nan sluagh ag ràdh, Mar a chuir mi romhan olc a dheanadh oirbh, an uair a bhrosnuich bhuir aithrichean mi gu feirg, tha Tighearn nan

sluagh ag ràdh, agus nach do ghabh mi aithreachas;

15 Mar sin smuainich mi a rìs, anns na làithibh so, maith a dheanamh do Ierusalem, agus do thigh Iudah. Na bitheadh eagal oirbhse.

16 So na nithean a ni sibh, Labhraibh, gach neach an fhìrinn r'a choimhearsnach: deanaibh breitheanas na fìrinn agus na sìthe 'n ur geatachaibh:

17 Agus na dealbaibh 'n ur cridhe, gach aon neach ole an aghaidh a choimhearsnaich, agus na gràdhachibh miannan bréige sam bith: oir na nithean so uile is fuathach leamsa, deir an Tighearnu.

18 Agus thàining focal Tighearna nan sluagh a m' ionnsuidh, ag ràdh;

19 Mar so tha Tighearn ann sluagh ag ràdh, Trasg a' cheathramh mòsa, agus trasg a' chùigeamh, agus trasg an t-scachdamh, agus trasg an deichcamb, bithidh do thigh Iudah 'u an aoibhneas agus 'n an gairdeachas, agus 'n am fèillean subhach; a mhàin gràdhachibh-sa fìrinn agus sìochaimnt.

20 Mar so tha Tighearn nan sluagh ag ràdh, Fathasd *tarlaidh* gu'n tig mòran dhaoine, agus luchd-àiteachaidh mhòran bhailean:

21 Agus théid luchd-àiteachaidh aoin *bhaile* gu aon eile, ag ràdh, Rachamaid da rìreadh a dheanamh urnuigh 'an làthair an Tighearn', agus a dh'iarraidh Tighearn' nan sluagh: théid mise mar an ceudua.

22 Seadh, thig mòran shluagh, agus cinnich chumhachdach a dh'iarraidh Tighearn nan sluagh ann an Ierusalem, agus a ghuidhe an làthair an Tighearna.

23 Mar so tha Tighearn nan sluagh ag ràdh, Anns na làithibh sin *tarlaidh* gu'n dean deichnear greim, 'a uilo chàinainibh nan cinneach, eadhon gu'n dean iad greim air sgiort an ti a bhitheas 'n a Iudhach, ag ràdh, Théid sinne leat, oir chuala sinn gu bheil Dia leibh.

CAIB. IX.

1 Ann am meadhan a bhrèitheanas air na cinnich teasairgidh Dia an Eaglais. 9 Chomh-àirlicheadh do Shìon gairdeachas a dheanamh air son teachd Chrìosd. 12 Gheall Dia saorsa agus buaidh d'a phòbail.

FAISTNEACHD focail an Tighearna. Airfearann Hadraich, agus air Damascus gabhaidh i tàmh: (oir tha suil gach duine, agus uile theubhan Isracil, air an Tighearn.)

2 Agus fòs air Hamat a tha làmh ris; air Tirus agus air Sidon, ged tha i ro ghlic.

3 Ge do thog Tirus dhi féin daingeach làidir, agus ge do charrn i suas airgidh mar an duslach, agus òr fìor-ghlan mar pholl uan sràidean;

4 Feuch, tilgidh an Tighearn mach i, agus buailidh e 's an fhaige a ncart; agus sgriosar i le teine.

5 Chi Ascelon, agus bithidh eagal oirre; Gasa fòs, agus bithidh i ro bhrònach; is

amhuil a bhitheas Eron, oir nàraieheadh a dòchas; agus bàsaichidh an rìgh o Ghasa, agus cha-n àitichear Ascelon.

6 Agus gabhaidh clanu diòlan còmhnuidh ann an Asdod; agus gearraidh mise as uabhar nam Philisteach.

7 Agus bheir mi air falbh 'fhuil as a bheul, agus a ghràineileachdan o eadar 'fhiacian: ach an ti a mhaireas, bithidh esan air son ar Dé-ne, agus bithidh e mar uachdaran ann an Iudah, agus Eron mar an Iebusach.

8 Agus campaichidh mise timchioll mo thighe, 'g a dh'ionaidh o'n fheadh a bhitheas 'dol seachad, no a bhitheas a' pilltinn; ni mò théid am fear-sàruchaidh trompa ni's mò: oir a nis chunnaic mi le m' shùilibh.

9 Dean gairdeachas gu mòr, O nighean Shìoin; tog iolach, O nighean Ierusalem: feuch, tha do rìgh a' teachd a d' ionnsuidh: is firean, agus is Slanuidhear e; iriosal, agus a' marcachd air asail, agus air searrach, mac na h-asail.

10 Agus gearraidh mi as an carbad o Ephraim, agus an t-each o Ierusalem; agus gearrar as am bogha-cogaidh; agus labhairaidh esan sìth ris na cinnich: agus bithidh 'uachdaranachd o mhuir gu muir, agus o'n amhaing gu iomallaibh na tìre.

11 Air do shon-sa fòs, le fuil do choimh-cheangail chuir mi mach do phrìosanaich as an t-slochd anns nach robh uisge sam bith.

12 Pillibh a chum an daingnich, O phrìosanacha an dòchais; cadhion air an là an diugh tha mi 'g innseadh gu'n diòl mi dhuibh *beannachdan* dùbailte.

13 Oir lùb mi dhomh féin Iudah, lion mi am bogha le Ephraim; agus togaidh mi suas do mhic-sa, O Shìoin, an aghaidh do mhae-sa, O Ghréig, agus ni mi thu mar chlaidheamh duine chumhachdach.

14 Agus chithear an Tighearn os an ceann, agus théid a shaghead a mach mar an dealanach: agus séididh an Tighearn Iehobhah an trompaid, agus théid e mach le iomaghaothaibh na h-àirde deas.

15 Ni Tighearn nan sluagh au dìon: agus ithidh iad, agus ceannsaichidh iad le clach-aibh-tabhuill; agus òlaidh iad, agus ni iad iolach mar le fìon; agus lionar iad mar chopain, mar oisinnibh na h-altarach.

16 Agus tèarnaidh an Tighearn an Dia iad anns an là sin, mar threud a shluaigh; oir togar suas clachan-buaidh an cruin air feadh am fearainn.

17 Oir cia mòr an soirbheachadh, agus cia mòr am maise! ni an t-arbhar na h-òganach, agus am fìon-nuadh na h-òighean, subhach.

CAIB. X.

1 Is còir iarraidh a dh'ionnsuidh Dhé, 2 agus cha-n ann a dh'ionnsuidh iòdhola. 3 Cruinnichidh Dia a shluagh, agus saoraidh e iad.

IARRAIBHSE air an Tighearn uisge ann an àm an uisge dheircannaich; ni

an Tighearn dealanach, agus bheir e dhuibh pailteas uisge; do gach aon fear anns an fhaiche.

2 Oir labhair na h-iodholan dìomhanas, agus chunnaic na fiosaichean breug, agus dh'innis iad aislingean faoine; is dìomhain an comhfhurtachd: uime sin dh'imich iad air falbh mar threud; bha iad air an claidh, a chionn nach robh buachaill air bith ann.

3 An aghaidh nam buachaillean las mo chorruih-sa, agus na gabhair smachdaichidh mi. Ach dh'amhaire Tighearn nan sluagh air a threud, tigh Iudah; agus ni e iad mar each maiseach anns a' chath.

4 Uaith-san thig a mach a' chlach-oisne, uaith-san an tarann, uaith-san am bogha-catha, uaith-san gach uile uachdaran le chéile.

5 Agus bithidh iad ann an cath cosmhuil ri gaisgich a shaltras air clàbar nan sràid; agus cogaidh iad, a chionn gu bheil an Tighearn maille riu; agus cuirear marc-aichean nan each gu nàire.

6 Agus neartaichidh mise tigh Iudah, agus tèarnaidh mi tigh Ioseiph; agus suidhichidh mi iad a ris; oir tha truas agam dhiubh: agus bithidh iad mar nach tilginn fada uam iad: oir is mise Iehobhah an Dia, agus éisdidh mi riu.

7 Agus bithidh Ephraim mar ghaisgeach; agus ni an cridhe gairdeachas, mar le fion: seadh, chi an clann, agus bithidh iad ait; ni an cridhe gairdeachas anns an Tighearn.

8 Gairmidh mise iad, agus cruinnichidh mi iad, oir shaor mi iad: agus meudaichidh iad, *eadhon* mar a mheudaich iad.

9 Agus cuiridh mi iad mar shìol am measg nan cinneach; agus cruinnichidh iad ormsa ann an dùthchannaibh fad as; agus mairidh iad beò le 'n cloinn, agus pillidh iad a ris.

10 Agus bheir mi air an ais iad o thìr na h-Eiphit, agus cruinnichidh mi iad a mach à Asiria; agus bheir mi iad air an ais gu tìr Ghileaid agus Lebanoin; agus cha bhi àite nì's leòr r'a fhaotainn doibh.

11 Agus théid e troimh an fhairge, le dòrainn: agus buailidh e na tonnan anns an fhairge; agus tiormaichidh uile dhoimhneachdan na h-aimhne suas: agus bheirear a nuas uabhar Asiria, agus imichidh slat-rioghail na h-Eiphit seachad.

12 Agus neartaichidh mi iad anns an Tighearn; agus n'a ainm-san gluaisidh iad, deir an Tighearn.

CAIB. XI.

1 *Léir-sgrìos Ierusalem.* 4 *Cùram Chrìosd d'a threud.* 15 *Samhladh agus mallachd buachail amaidich.*

FOSGAIL do dhorsan, O Lebanoin, a chum gu'n loig an teine do sheudair.

2 Guil gu h-àrd, O chraobh ghiuthais, oir thuit an seudar; oir tha iadsan a b' àirde

air am milleadh: deanaibh gul, O dharaga Bhàsain, oir ghearradh frith na callaid.

3 Guth ulartaich nam buachaillean! a chionn gu bheil an glòir air a milleadh: guth beucaich nan leòmhnan òga! oir tha uabhar Iordain air a chrcachadh.

4 Mar so thubhairt an Tighearn mo Dhia, Beathaich thusa treud a' chasgraidh.

5 A tha an sealbhadairean a' marbhadh, agus 'g am meas féin neò-chiontach: agus tha iadsan a tha 'g an reic ag ràdh, Beannaichte gu'n robh an Tighearn, oir tha mi saoihair: agus cha-n'eil truas aig an aodhairibh féin diubh.

6 Oir cha glabh mise nì's mò truas de luchd-àiteachaidh na tìre, ~~tha~~ an Tighearn ag ràdh: ach feuch, bheir mi thairis daoine, gach aon do làimh a choimhearsnaich, agus do làimh a rìgh; agus buailidh iad am fearann, agus cha saor mi as an làimh.

7 Agus beathaichidh mi treud a' chasgraidh, *eadhon* sibhse, 'bhochdan an treud. Agus ghabh mi a m' ionnsuidh dà luirc: air aon diubh thug mi mar ainm Maise, agus air an aon eile thug mi mar ainm Cuibhrichean; agus bhacathach mi an treud.

8 Tri aodhairean fòs ghearr mi as ann an aon mhios; agus bha gràin aig m' anam-sa dhiubh-sa, agus bha fuath aig an anam-san dhomh-sa.

9 An sin thubhairt mi, Cha bheathaich mi sibh: an ni sin a bhàsaicheas, bàsaicheadh e; agus an ni sin a tha gu bhì air a ghearradh as, gearrar as e: agus itheadh a' chuid eile, gach aon feoil a chéile.

10 Agus ghabh mi mo lorg, *eadhon* Maise, agus ghearr mi 'n a bloighdibh i, chum gu'm brisinn mo choimheangal a rinn mi ris na slòigh uile.

11 Agus bhriseadh e 's an là sin: agus mar sin dh'aithnich bochdan an treud a thug an aire dhomh, gu'm b'e sin focal an Tighearna.

12 Agus thubhairt mi riu, Ma chithear ceart duibh, thugaibh *dhomh* mo luach: agus mur faicear, leigibh leis: mar sin thomhais iad air son mo luach, deich *buinn* fhichead airgid.

13 Agus thubhairt an Tighearn rium, Tilg a chum a' chriadhaidair e: luach ciatach leis an robh mise air mo mheas leo-san. Agus ghabh mi na deich *buinn* fhichead airgid, agus thilg mi iad ann an tigh an Tighearn, a chum a' chriadhaidair.

14 Agus ghearr mi as a chéile mo lorg eile, *eadhon* Cuibhrichean; a chum gu'm brisinn am bràithreachas eadar Iudah agus Israel.

15 Agus thubhairt an Tighearn rium a ris, Gabh a d' ionnsuidh fathasd innealan buachail amaidich:

16 Oir feuch, togaidh mise suas buachaill 's an fhearann, nach seall an déigh an ni sin

a ghearrar as; nach iarr a' chuid a tha òg; agus nach leighis a' chuid a fhuair dochann; ni mò bheathaicheas e a' chuid a sheas: ach ithidh e feoil na codach a tha reamhar, agus reubaidh e an crodhau 'n am bloighdibh.

17 Is truagh do'n droch bhuachaill a dh'fhàgas an treud: *thig* sgrìos air a ghairean, agus air a shùil dheis: seargaidh a ghairean gu tur, agus dorchaidhear a shùil dheas gu h-ionmlau.

CAIB. XII.

1 *Nithear Ierusalem 'n a copan ball-chrìth, agus 'n a doich chudthromaich do na slòigh uile.*
6 *Buaidh uachdaran Iudah.* 10 *Aithwet chas Ierusalem.*

FAISTNEACHD focail an Tighearna, A thaobh Israeil, tha an Tighearn ag ràdh, a tha 'sgaoileadh a mach nan nèamh, agus a' suidheachadh stéidh na talmhainn, agus a' cruthachadh spioraid duine 'an taobh a stigh dhethi.

2 Feuch, ni mise Ierusalem 'n a copan ball-chrìth do na slòigh uile mu'n cuairt: air son Iudah mar an ceudna bi' b' b' e 's an fheachd an aghaidh Ierusalem.

3 Agus anns an là sin ni mi Ierusalem 'n a cloich thruim do na slòigh uile; na h-uile a ghabhas i mar uallach orra féin, gearrar iad 'n am bloighdibh: agus 'n a h-aghaidh bithidh uile chinnich an domhain air an cruinneachadh ri 'chéile.

4 Anns an là sin, tha an Tighearn ag ràdh, buailidh mise gach each le uamhas, agus a mharcach le cuthach; agus fosglaidh mi mo shùilean air tigh Iudah, agus gach aon each aig na slòigh buailidh mi le doille.

5 Agus their uachdarain Iudah 'n an cridhe, Is iad luchd-àiteachaidh Ierusalem mo neart ann an Tighearn nan sluagh au Dia.

6 Anns an là sin ni mise uachdarain Iudah mar theallach teine ann measg connaidh, agus mar leus teine ann an sguaid; agus loisgidh iad air an làmh dheis, agus air an làmh chlì, na slòigh uile mu'n cuairt: agus àitichear Ierusalem a ris, 'n a h-ionad féin, ann an Ierusalem.

7 Saoraidh an Tighearn fòs pàilliunan Iudah, mar o shean; mu'n dean glòir tìghe Dhaibhidh, no glòir luchd-àiteachaidh Ierusalem, iad féin àrdachadh an aghaidh Iudah.

8 Anus an là sin dìonaidh an Tighearn luchd-àiteachaidh Ierusalem; agus bithidh esan a tha lag 'n am measg anns an là sin mar Dhaibhidh; agus tigh Dhaibhidh near Dhia, mar aingeal an Tighearna 'n an làthair.

9 Agus tarlaidh anns an là sin, gu'n iarr mise na h-uile chinnich a thig an aghaidh Ierusalem a mhilleadh.

10 Agus dòirtidh mi air tigh Dhaibhidh, agus air luchd-àiteachaidh Ierusalem,

spiorad nan gras agus nan athcheuingean: agus amhaircidh iad airsan a lot iad, agus ni iad caoidh air a shon, mar a chaoitheas duine air son aoin mhic: agus bithidh an doilghios air a shon mar dhoilghios air son ceud-ghin.

11 Anns an là sin bithidh cumha mhòr ann an Ierusalem, cosuail ri cumha Hadadrimoin, anu an gleann Mhegidoin.

12 Agus ni am fearann caoidh, gach aon teaghlach air leth: teaghlach tìghe Dhaibhidh air leth, agus am mnathan air leth: teaghlach tìghe Naitain air leth, agus am mnathan air leth:

13 Teaghlach tìghe Lebhi air leth, agus am mnathan air leth: teaghlach Shimeir air leth, agus am mnathan air leth:

14 Na h-uile theaghlach eile, gach teaghlach air leth, agus am mnathan air leth.

CAIB. XIII.

1 *An tobar a dh'fhosgail ear do luchd-àiteachaidh Ierusalem air son peacaidh, agus air son neòghloine.* 7 *Bàs Chrìosd, agus tèaraint-eachd trian de'n t-sluagh.*

ANNS an là sin bithidh tobar air 'fhosgladh do thìgh Dhaibhidh, agus do luchd-àiteachaidh Ierusalem, air son peacaidh agus air son neòghloine.

2 Agus tarlaidh air an là sin, tha Tighearn nan sluagh ag ràdh, gu'n gearr mise mach ainmean nan ìodhol as an fhearann, agus cha chuimhnichear iad ni's mò: agus fòs bheir mi air na fiosaichean, agus air na spioradaibh neòghlan siubhal a mach as an fhearann.

3 Agus tarlaidh, 'n uair a ni duine sam bith faistneachd, an sin gu'n abair 'athair agus a mhàthair a ghin e ris, Cha mhair thu beò; oir labhair thu breugan ann an ainm an Tighearna: agus ni 'athair agus a mhàthair a ghin e, a bhualadh troimhe an uair a ni e faistneachd.

4 Agus tarlaidh anns an là sin, gu'm bi nàire air na fàidhibh, gach aon d'a shealladh, 'n uair a ni e faistneachd: ni mò chuircas iad umpa falluinnean molach gu mealladh.

5 Ach their *gach aon*, Cha-n fhàidh mise, is treabhaiche mi; oir tha còir aig duine eile orm o m' òige.

6 Agus their *aon ris*, Ciod iad na lotan sin ann ad làmhnan? An sin freagraidh esan, Iad sin leis an do lotadh mi ann an tigh mo chairdean.

7 Dùisg, O chaidheimh, an aghaidh mo bhuachaill, agus an aghaidh an duine 'tha 'n a dhlùth-chompanach dbomh-sa, tha Tighearn nan sluagh ag ràdh. Buailidh mise am buachaill, agus bithidh an treud air a sgapadh; agus tionndaidhidh mi mo làmh air a' mhuinntir bhig.

8 Agus tarlaidh anns an fhearann uile, tha an Tighearn ag ràdh, gu'n gearrar as dè thrìan ann, agus gu'm bàsaich iad; ach bithidh an treas trian air 'fhàgail ann.

SECHARIAH, XIV.

9 Agus bheir mise an treas trian troimh an teine, agus glanaidh mi iad mar a ghlannar an t-airgid, agus dearbhaidh mi iad mar a dhearbhar an t-òr: gairmidh iad air m' ainm-sa, agus éisdidh mise riu; their mi, Is iad mo shluagh; agus their iadsan, Is e an Tighearn mo Dhia.

CAIB. XIV.

1 Léir-sgrìos Ierusalem. 3 Teachd Chrìosd. 12 Buaidh Dia naimhdean Ierusalem le plàigh. 16 Pìlaidh am fuigheall ris an Tighearn.

TEUCH, tha là an Tighearn a' teachd, agus roinnear do chreach ann ad mheadhon.

2 Oir cruinnichidh mise na h-uile chinnich an aghaidh Ierusalem gu cogadh; agus glacar am baile, agus creachar na tighean, agus éignichear na mnathan; agus théid leth a' bhaile air falbh 'am bruid; agus cha ghearrar a' chuid eile de'n t-sluagh as o'n bhaile.

3 Agus théid an Tighearn a mach, agus cògaidh e an aghaidh nan cinneach sin, mar a chog e ann an là a' chatha.

4 Agus seasaidh a chosan air an là sin air sliabh nan Oladh, a tha fa chomhair Ierusalem air an taobh an ear: agus sgoiltidh sliabh nan Oladh 'n a mheadhon, ris an àird an ear, agus ris an àird an iar, *air chor as gu'm bi* gleann ro mhòr ann: agus ghluaisidh leth an t-sléibh ri tuath, agus an leth eile ri deas.

5 Agus teichidh sibhse *rathad* glinn nan sliabh: oir ruigidh gleann nan sliabh gu h-Asal: seadh, teichidh sibh mar a theich sibh roimh an chrith-thalmhainn, ann an làithibh Usiah rìgh Iudah: agus thig an Tighearn mo Dhia-sa, agus a naoimh uile maille ris.

6 Agus tarlaidh anns an là sin, nach bi solus soilleir agus dorchadas ann;

7 Ach bithidh e 'n a aon là, a bhitheas aithnichte do'n Tighearn: cha là, agus cha-n oidhe' bhitheas ann: ach tarlaidh air trà feasgair gu'm bi solus ann.

8 Agus tarlaidh air an là sin, gu'n téid uisgeachan beò a mach á Ierusalem; leth dhiubh ris an fhaighe 'n ear, agus leth dhiubh ris an fhaighe 'n iar: anns an t-samhradh agus anns a' gheamhradh bithidh e.

9 Agus bithidh an Tighearn 'n a rìgh os ceann na talmhainn uile: anns an là sin bithidh aon Tighearn ann, agus 'ainm 'n a aon.

10 Agus cuairtichidh e am fearann uile mar chòmhnard, o Gheba gu Rimón, nu dheas de Ierusalem: agus togar suas i, agus

àitichear i 'n a h-ionad, o gheata Bheniamin gu àit a' cheud gheata, agus gu geata na h-òisne, agus o thùr Hananeil gu fion-amair an rìgh.

11 Agus nì daoine còmhnuidh innte, agus cha bhì léir-sgrìos ann nì's mò; ach bithidh Ierusalem air a h-àiteachadh ann an tèaruinteachd.

12 Agus so a' phlàigh leis am buail an Tighearn na slòigh uile a chog an aghaidh Ierusalem: leaghaidh am feoil air falbh am feadh a tha iad 'n an seasamh air an cos-aibh, agus leaghaidh an sùilean air falbh 'n an sluichd, agus leaghaidh an teangadh air falbh 'n am beul.

13 (Agus tarlaidh anns an là sin gu'm bi buaireas mòr o'n Tighearn 'n am measg: agus glacadh iad greim, gach aon de làmh suas a choimhearsnaich; agus éiridh a làmh suas an aghaidh làmh a choimhearsnaich.)

14 Agus cògaidh Iudah fòs aig Ierusalem; agus cruinnichear ri 'chéile maoin nan uile chinneach mu'n cuairt, òr, agus airgid, agus earradh, ann am pailteas mòr.)

15 Agus bithidh plàigh an eich, na muil-eid, a' chàmhail, agus na h-asail, agus nan uile bheathaichean a bhitheas anns na camp-aibh so, mar a' phlàigh so.

16 Agus tarlaidh gu'n téid gach aon a dh'fhàgar, de na h-uile chinnich a thàinig an aghaidh Ierusalem, suas o bhliadhna gu bliadhna gu aoradh a dheanamh do'n Rìgh, Tighearn nan sluagh, agus a choimhead féille nam pàillìunan.

17 Agus tarlaidh, cò sam bith de uile theaghlachibh na talmhainn nach téid suas gu Ierusalem, a dheanamh aoraidh do'n Rìgh, Tighearn nan sluagh, cadhon orra sin cha tig usge sam bith.

18 Agus mur téid teaghlach na h-Eiphit suas, agus mur tig iad 'orran bithidh a' phlàigh sin leis am buail an Tighearn na cinnich nach téid suas a choimhead féille nam pàillìunan.

19 So peanas na h-Eiphit, agus peanas nan uile chinneach nach téid suas a choimhead féille nam pàillìunan.

20 Anns an là sin, bithidh air cluig nan each, NAOMHACHD DO'N TIGHEARN: agus bithidh na coireachan ann an tigh an Tighearna mar na cuachan fa chomhair na h-altarach.

21 Seadh, bithidh gach poit ann an Ierusalem, agus ann an Iudah, 'n an naomhachd do Thighearn nan sluagh: agus thig iadsan uile a dh'ìobras, agus gabhaidh iad dhiubh, agus bruidhidh iad aunta: agus cha bhì nì's mò an Canaanach ann an tigh Iehobhal Dhia nan sluagh, 's an là sin.

M A L A C H I

CAIB. I.

1 *Rinn Malachi gearan an aghaidh ant-stuaigh air son an aingidheachd. 6 Chuir e 'an cèill doibh an neò-chùram nu thimchioll seirbhis an Tighearna.*

FAISTNEACHD focail an Tighearna chum Israeil, le Malachi.

2 Ghràdhaich mise sibh, tha an Tighearn agràdh: Gidheadh tha sibhse ag ràdh, Ciod 's an do ghràdhaich tìnn sinn? Nach b'e Esau bràthair Iacoib, tha an Tighearn ag ràdh? gidheadh ghràdhaich mise Iacob,

3 Agus dh'fhuathaich mi Esau; agus chuir mi a shlèibhtean fas, agus tha 'oighreachd aig nathraichibh an fhàsaich.

4 Mar tha Edom agràdh, Rinneadh bochd sinn, ach pillidh sinn agus togaidh sinn na h-ionadan sgaoilte; mar so tha Tighearn nan sluagh ag ràdh, Togaidh iadsan, ach tilgidh mise sìos; agus goirear riu, Crìoch na h-aingidheachd, agus an sluagh ris am bheil corruich aig an Tighearn gu sìorruidh.

5 Agus chi bhuir sùilean-sa, agus their sibh, Bithidh an Tighearn air àrdachadh thar crìochan Israeil.

6 Bheir mac onoir d'a athair, agus seirbhisich d'a mhaighstir; ma 's athair mise ma ta, c'ait am bheil m' onoir? agus ma 's maighstir mi, c'ait am bheil m' eagal? tha Tighearn nan sluagh ag ràdh ruibhse, O shagartan a tha 'deanamh tàire air m' ainm-sa; agus tha sibh ag ràdh, Ciod anns an d'rinn sinne tàir air d' ainm?

7 Tha sibh a' toirt seachad arain thruaillte air m' altair; agus tha sibh ag ràdh, Ciod anns an d'rinn sinne do thruaillleadh? Le sibh a bhi 'g ràdh, Tha bord an Tighearna suarrach.

8 A nis ma thairgeas sibh an ni 'tha dall mar iobairt, nach ole sin? agus ma thairgeas sibh an ni 'tha bacach agus tinn, nach ole sin? tairg e nis do d' nachdaran, am bi e toilichte leat, no 'n gabh e riut, deir Tighearn nan sluagh?

9 Agus a nis, gnidheam oirbh, iarraibh aghaidh an Tighearna gu'm bi e tròcaireach dhuinn. Is ann o bhuir làimh-sa thàinig so; an gabh mise ri aon agaibh gu taitneach? deir Tighearn nan sluagh.

10 Gu cinnteach druidear na dorsan 'n 'ur n-aghaidh; agus cha-n fhadaidh sibh teine air m' altair-sa gu dìomhain. Cha-n'eil tlachd air bith agam annaibh, tha Tighearn nan sluagh ag ràdh, ni mò ghabhas mi tabhartas air bith o bhuir làimh.

11 Oir, o éirigh na gréine gu ruig a dol fodha bithidh m' ainm-sa mòr am measg nan cinneach; agus anns gach àite tairgear thùis do m' ainm-sa, agus tabhartas fìor-ghlan:

oir bithidh m' ainm mòr am measg nan cinneach, deir Tighearn nan sluagh.

12 Ach thruaill sibhse e, le sibh a bhi 'g ràdh, Tha bord an Tighearna truailhte; agus an tabhartas air, eudhon a bhiaidh, tha e snarrach.

13 Thabhairt sibh fòs, Cia mòr an sgìos e? agus shéid sibh uaibh e, tha Tighearn nan sluagh ag ràdh! agus thug sibh a m' ionnsuidh an ni a tha renbta, agus bacach, agus tinn; mar so thug sibh tabhartas: an gabh mise sin o bhuir làimh, deir Tighearn nan sluagh?

14 Ach malluichte gu robh am mealltair, aig am bheil fìrionn 'n a threud, agus a bhòidhecas agus a dh'ìobras ni truailleadh do'n Tighearn: oir is Rìgh mòr mise, tha Tighearn nan sluagh ag ràdh, agus tha m' ainm uamhasach am measg nan cinneach.

CAIB. II.

1 *Chronuicheadh na sagartan do bhrìgh nach do chuir iad 'an suim an àithne; 10 agus an sluagh a chionn gu'n do phòs iad mnathan coimheach, 13 gu'n d'rinn iad ceannaire, 17 agus gu'n do chuir iad 'an gnìomh aingidheachd.*

A GUS a nis dhuibh-sa tha 'n àithne so, O shagartan.

2 Mur éisd sibh, agus mur cuir sibh 'an snim i, chum glòir a thoirt do m' ainm-sa, tha Tighearn nan sluagh ag ràdh, eniridh mise eadhon mallachd oirbh; agus mallaidh mi bhuir beannachdan: seadh mhallaidh mi iad cheana, a chionn nach 'eil sibh 'g a chur 'an snim.

3 Feuch, bheir mi air an t-sìol nach fàs e, agus tilgidh mi aolach 'n 'ur n-aghaidh, aolach bhuir n-àrd-fhéilleann; agus giùlainear sibh féin maille ris.

4 Agus aithnichidh sibh gu'n do chuir mise do 'ur n-ionnsuidh an àithne so, chum gu maireadh mo choimheangal le Lebhi, deir Tighearn nan sluagh.

5 Bha mo choimheangal ris-san, nu thimchioll beatha agus sìthe, agus thug mi dha iad, air son an eagail leis an robh eagail air romham, agus leis an robh geilt air roimh m' ainm.

6 Bha lagh na fìrinn 'n a bheul, agus cha d'fhnaireadh aingidheachd 'n a bhilibh; ghluais e leamsa ann an sìth agus ann an ionracas, agus phill e mòran air falbh o eu-ceart.

7 Oir bu chòir do bhilibh an t-sagairt eòlas a choinhead, agus bu chòir an reachd iarraidh as a bheul: oir is esan teachdair Tighearna nan sluagh.

8 Ach chaidh sibh air seacharan o'n t-slighe; thug sibh air mòran tuisleachadh

air an reachd: thruaill sibh coimhcheangal Lebhi, deir Tighearn nan sluagh.

9 Uime sin rinn mise fòs sibhse suarrach agus tàireil ann an sealladh an uile shluaigh, a réir mar nach do choimhid sibh mo shlighean, ach gu'n robh sibh leth-bhreith-each anns an lagh.

10 Nach 'eil aon athair againn uile? nach aon Dia a chruthaich sinn? c'uime ann bheil sinn a' buntainn gu fealltach, gach duine an aghaidh a bhràthar, le bhi 'briseadh coimhcheangail ar n-aithrichean?

11 Bhuih Iudah gu fealltach, agus chuir-eadh gràinneleachd 'an gnìomh ann an Israel agus ann an Ierusalem: oir thruaill Iudah naomhachd Dhé a's ionnmhuinn leis, agus phòs e nighean dhé choimhich.

12 Gearraidh an Tighearn as an duine a ni so; am fear-faire, agus am fear-freagraidh, a mach á pàillionaibh Iacoib; agus esan a bheir tabhartas do Thighearn nan sluagh.

13 Agus so fòs rinn sibh; chòmhdaich sibh le deuraibh altair an Tighearna, le gul, agus le h-éigheach; ionnus nach 'eil suim aige do thabhartas nì's mò, agus cha ghabh e le deadh-ghean o bhuir làimh e.

14 Gidheadh tha sibh ag ràdh, C'ar son? A chionn gu'n robh an Tighearn 'n a fhianuis eadar thu agus bean d' òige, ris an do bhuin thu gu fealltach: gidheadh b' i do bhana-chompanach i, agus bean do choimhcheangail.

15 Agus nach d'rinn e aon *fhèoil diubh?* agus tha fuigheall an spioraid aige. Agus ciod a tha esan ag iarraidh? slioched diadhaidh. Uime sin biodh faicill agaibh air bhuir spiorad, agus na buineadh neach air bith gu fealltach an aghaidh mnà 'òige.

16 Oir is fuath leam-sa esan a chuireas air falbh, tha an Tighearn Dia Israeil ag ràdh: agus esan a dh'fhòlaicheas ainneart le 'thrusgan, tha Tighearn nan sluagh ag ràdh. Uime sin biodh faicill agaibh air bhuir spiorad, nach buin sibh gu fealltach.

17 Sgithich sibh an Tighearn le bhuir briathraibh: gidheadh tha sibh ag ràdh, Ciod ann an do sgithich sinne e? Le sibh a bhi 'g ràdh, Tha gach aon a tha 'deanamh uile taitneach ann an sealladh an Tighearna; agus tha tlachd aig annta: no, C'ait am bheil Dia a' bhreitheanais?

CAIB. III.

1 *Thig Mesiah a ghlanadh na h-Eaglais, agus a thoirt breth air na h-aingidh. 7 Thugadh rabhadh do'n t-sluagh aithreachas a ghabhail. 8 An cionta uamhasach.*

FEUCH, cuiridh mise mach mo theachd-air, agus ulluicidh e'n t-slighean romham; agus thig an Tighearn a tha sibh ag iarraidh, a'g a theampull gu grad; eadhon teachdair a' choimhcheangail, anns am bheil bhuirtlachd; feuch thig esan, deir Tighearn nan sluagh.

2 Ach cò dh'fheudas là a theachd a ghiùlan? agus cò a sheasas an uair a

dh'fhoillsichear e? oir is cosmhul e ri teine an fhir-leaghaidh, agus ri acfhuinn-ghlanaidh an fhir a nìgeas eudach:

3 Agus suidhidh e mar fhear-leaghaidh agus glanaidh airgid: agus glanaidh e mic Lebhi, agus saoraidh e o shal iad, mar òr agus mar airgid, chum gu'm bi iad 'n an òglaich do'n Tighearn, a' tairgseadh dha tabhartais ann am fireantachd.

4 An sin bithidh tabhartas Iudah agus Ierusalem taitneach do'n Tighearn, mar anns na làithibh o shean, agus anns na bliadhnaibh roimhe so.

5 Agus thig mise dlùth dhuibh gu breitheanas, agus bithidh mi a'm' fhianuis luath an aghaidh fhiosaichean, agus an aghaidh adhartannach, agus an aghaidh na muinntir a bheir mionnan-cithich, agus an aghaidh na muinntir a tha 'cunmail air ais a thuarasdail o'n t-seirbhiseach, a' sàruchadh na bantraich agus an dilleachdain, agus a' cur a' choigreach a thaoibh, agus air nach 'eil eagal romham-sa, deir Tighearn nan sluagh.

6 Oir is mise Iehobhah, cha chaochail mi: air an aobhar sin cha-n'eil sibhse, O chlann Iacoib, air 'ur sgrios.

7 Eadhon o làithibh 'ur n-aithrichean chlaon sibh o m' reachdaibh-sa, agus cha do choimhid sibh iad: pillibh riumsa, agus pillidh mise ruibh-sa, tha Tighearn nan sluagh ag ràdh: Ach thubhairt sibhse, Ciod anns am pill sinn?

8 An creach duine Dia? gidheadh chreach sibhse mise: ach tha sibh ag ràdh, Ciod anns an do chreach sinn thu? Ann an deachamh agus ann an tabhartasaibh.

9 Tha sibh malluichte le mallachd: oir spùinn sibh mise; eadhon an cinneach soile.

10 Thugaibh an deachamh uile chum an tigh-thasgaidh, air chor as gu'm bi biadh ann am thigh-sa; agus dearbhaibh mi nis leis an ni so, tha Tighearn nan sluagh ag ràdh, mur fosgail mi dhuibh uinneagan nan nàmh, a dhòrtadh a mach beannachd oirbh, agus nach bi àit ann g'a chumail.

11 Agus cronuichidh mi am milltear air 'ur sgàth-sa, agus cha mhill e toradh bhuir fearainn, ni mò thilgeas bhuir fionain a meas an-abuich 's an fhaiche, deir Tighearn nan sluagh.

12 Agus goiridh na h-uile chinnich beannaichte sibh: oir bithidh sibh 'n ur dùthaich thaitnich, deir Tighearn nan sluagh.

13 Bha bhuir briathran dalma ann am aghaidh-sa, tha an Tighearn ag ràdh; gidheadh tha sibh ag ràdh, Ciod a labhair sinn a'd' aghaidh.

14 Thubhairt sibh, Is diomhain seirbhis a thoirt do'n Tighearn; agus ciod a' bhuannaich dhuinn gu'n do choimhid sinn 'ordugh, agus gu'n do ghluais sinn gu brònach an làthair Tighearna nan sluagh?

15 Agus a nis tha sinn a' meas nan uaibhreach sona: seadh tha iadsan a tha 'cur

'an gnìomh aingidheachd air an àrdachadh : seadh, tha iadsan a tha 'buaireadh Dhé, eadhon air an saoradh.

16 An sin labhair iadsan air an robh eagal an Tighearna, gach aon gu tric ri 'chéile ; agus dh'éisd an Tighearna, agus chual' e, agus bha leabhair-cuimhne air a sgrìobhadh 'n a 'Athair air son na muinntir air an robh eagal an Tighearna', agus a smuainich air 'ainm.

17 Bithidh iad agam-sa, tha Tighearna nan sluagh ag ràdh, anns an là sin anns an dean mi suas mo sheudan ; agus caomhainidh mi iad, mar a chaomhaineas duine a mhac réin a tha 'deanamh seirbhis da.

18 An sin pillidh sibhse, agus chi sibh an dealachadh eadar am firean agus an t-aingidh ; eadar an ti a tha 'deanamh seirbhis do Dhuia, agus an ti nach 'eil ri seirbhis da idir.

CAIB. IV.

1 *Breitheanas Dhé air na h-aingidh, agus a mhaitheas dhoibhsan aig am bheil eagal roimhe.* 4 *Chomhairlicheadh do'n t-sluagh lagh an Tighearna' a chuimhneachadh.* 5 *Dreuchd an fhàidh Eliah.*

OIR feuch, tha 'n là a' teachd, a loisgeas mar àmhuinn ; agus bithidh na h-uabhbh-

reich uile, seadh, gach neach a tha ri aingidheachd, mar asbhuain ; agus loisgidh an là 'tha 'teachd suas iad, tha Tighearna nan sluagh ag ràdh ; oir cha-n fhàg e bun no barr dhiubh.


2 Ach dhuibh-sa air am bheil eagal m' ainme-sa éiridh Grian na fireantachd le slàinte 'n a sgiathan ; agus théid sibh a mach, agus fasaidd sibh suas mar laoigh bhiadhta.

3 Agus saltraidh sibh sìos na h-aingidh : oir bithidh iad mar luaithre fo bhonnaibh 'ur cos, anns an là 's an dean mise *so*, deir Tighearna nan sluagh.

4 Cuimhnichibh-sa lagh Mhaois m' òglaich, a dh'àithn mise dha ann an Horeb, air son Isracil uile, *eadhon* na reachdan agus na breitheanais.

5 Feuch, cuiridh mise do bhur n-ionnsuidh Eliah am fàidh, roimh theachd là mhòir agus uamhasaich an Tighearna.

6 Agus tionndaidhidh esan cridhe nan aithrichean a chum na cloinne, agus cridhe na cloinne chum an aithrichean, air eagal gu'n tig mise, agus gu'm buail mi am fear-ann le léir-sgrìos.



TIOMNADH NUADH

AS

TIGHEARN' AGUS AR SLANUIDHIR

IOSA CRIOSD.

AIR A THARRUING

O'N GHREIGIS

CHUM GAELIG ALBANNAICH;

AGUS

AIR A CHEUR A MACH LE H-UGHDARRAS ARD-SHEANAIDH EAGLAIS
NA H-ALBA.

THE NATIONAL BIBLE SOCIETY OF SCOTLAND:

HEAD OFFICES: 5 ST. ANDREW SQUARE, EDINBURGH;

AND 224 WEST GEORGE STREET, GLASGOW.

THE HISTORY OF THE

REIGN OF

CHARLES THE FIRST

BY

JOHN BURNET

OF THE UNIVERSITY OF OXFORD

IN TWO VOLUMES

LONDON

Printed by J. Streater, at the Sign of the Gun, in St. Dunstons Church-yard, near St. Dunstons Church

1679

AN SOISGEUL

A REIR

M H A T A.

CAIB. I.

an cleas 1 Sinnsearachd, 18 gineamhunn, 21 breith, 23 agus gineachadh ainm Chrìosd.

LEABHAR ginealaich Iosa Crìosd, mhic Dhaibhidh, mhic Abraham.

2 Ghin Abraham Isaac, agus ghiu Isaac Iacob, agus ghin Iacob Iudas agus a bhràithrean.

3 Agus ghin Iudas Phares agus Sara o Thamar, agus ghin Phares Esrom, agus ghin Esrom Aram.

4 Agus ghin Aram Aminadab, agus ghin Aminadab Naasou, agus ghin Naason Salmon.

5 Agus ghiu Salmon Boos o Rachab, agus ghin Boos Obed o Rut, agus ghin Obed Iese.

6 Agus ghin Iese Daibhidh an rìgh, agus ghin Daibhidh an rìgh Solamh o'n ughnaoi a bha aig Urias.

7 Agus ghin Solamh Roboam, agus ghin Roboam Abia, agus ghin Abia Asa.

8 Agus ghin Asa Iosaphat, agus ghin Iosaphat Ioram, agus ghiu Ioram Osias.

9 Agus ghin Osias Iotam, agus ghin Iotam Ahas, agus ghin Ahas Esecias.

10 Agus ghin Esecias Manases, agus ghin Manases Amon, agus ghin Amon Iosias.

11 Agus ghin Iosias Iechonias agus a bhràithrean, mu àm an giùlain do Bhabilon.

12 Agus an dèigh an toirt do Bhabilon, ghin Iechonias Salatiel, agus ghin Salatiel Serobabel.

13 Agus ghin Serobabel Abiud, agus ghin Abiud Eliacim, agus ghin Eliacim Asor.

14 Agus ghin Asor Sadoc, agus ghin Sadoc Achim, agus ghin Achim Eliud.

15 Agus ghin Eliud Eleasar, agus ghin Eleasar Matan, agus ghin Matan Iacob.

16 Agus ghin Iacob Ioseph fear-pòsda Mhuire, o'n drugadh Iosa, d'an goirear Crìosd.

17 Uime siu na h-uile ghinealaich o Abraham gu Daibhidh, is ceithir ginealaich deug iad; agus o Dhaibhidh gu brùid Bhabilon, ceithir ginealaich deug; agus o bhrùid Bhabilon gu Crìosd, ceithir ginealaich deug.

18 Agus mar so bha breith Iosa Crìosd: oir an dèigh do cheangal-pòsaidh bhi air a dheanamh cadar a mhiathair Muire agus

Ioseph, roimh dhoibh teachd cuidcachd, fhuaradh torrach i o'n Spiorad Naomh.

19 Ach air bhi do Ioseph a fear'n a dhuine cothromach, agus gun toil aige ball-samp-uill a dheanamh dhi, bu mhiann leis a cur uaith os ìosal.

20 Ach ag smuaineachadh nan nithean sin dha, feuch, dh'fhoillsich aingeal an Tigh-earn e féin da ann am brúadar, ag ràdh, A Ioseph, a mhic Dhaibhidh, na bitheadh eagal ort do bhean Muire a ghabhail a d'ionnsuidh: oir an ni a tha air a ghineamh-uin innte, is ann o'n Spiorad Naomh e.

21 Agus beiridh i mac, agus bheir thu Iosa mar ainm air; oir saoraidh e a shluagh féin o'm peacaidhean.

22 (Agus rinneadh so uile chum gu'n coimhliontadh an ni a thubhairt an Tigh-earn leis an fhàidh, ag ràdh,

23 Feuch, bithidh maighdean torrach, agus beiridh i mac, agus bheir iad Emanuel mar ainm air, is ionnain sin r'a ràdh, air eadar-theangachadh, Dia maille ruinn.)

24 Agus air mosgladh do Ioseph as a chodal, rinn e mar a dh'iarr aingeal an Tighearn air, agus ghabh e d'a ionnsuidh a bhean:

25 Agus cha d'aithnich e i gus an d'rug i a ceud-ghin mic; agus thug e Iosa mar ainm air.

CAIB. II.

1 Thug na druidhean urram do Chrìosd: 14 Theich Ioseph leis do'n Eiphit, 16 agus mharbh Herod na leanabain.

AGUS an uair a rugadh Iosa ann am Betlehem Iudca, ann an laithibh Heroid an rìgh, feuch, thàinig druidhean o'n àird an ear gu Ierusalem,

2 Ag ràdh, C'ait am bheil rìgh sin nan Iudhach a tha air a bhreith? oir chunnaic sinne a reult 's an àird an ear, agus tha sinn air teachd a thabhairt aoraidh dha.

3 Au uair a chuala Herod an rìgh sin, bha e fo thrioblaid, agus Ierusalem uile maille ris.

4 Agus air cruinneachadh nan àrd-shagart uile dha, agus sgrìobhaichean an t-sluaigh, dh'fheoraich e dhiubh c'ait au robh Crìosd gu bhi air a bhreith.

5 Agus thubhairt iad ris, Ann am Betlehem Iudca: oir mar so sgrìobhadh leis an fhàidh,

6 Agus thusa Bhetlehem ann an tìr Iudah, cha tu idir a's lugha am measg cheannard Iuda: oir asadsa thig Uachdaran a stiùras mo shluagh Israel.

7 An sin air do Herod na druidhean a ghairm os iosal d'a ionnsuidh, gheur-fhiosraich e dhiubh cia an t-àm anns an d'fhoillsicheadh an reult.

8 Agus chuir e iad gu Betlehem, agus thubhairt e, Imichibh, agus iarraidh gu dìchiollach an naoidhean; agus an dèigh dhuibh fhaotainn, innsibh dhomhsa e, chum gu'n rachainn-sa féin, agus gu'n deanainn aoradh dha.

9 Agus an uair a chual' iad an rìgh, dh'imich iad; agus, feuch, chaidh an reult a chunnaic iad 's an àird an ear rompa, gus an d'fhàinig i agus gu'n do stad i os ceann an ionaid an robh an naoidhean.

10 Agus an uair a chunnaic iad an reult, rinn iad gairdeachas le h-aòibhneas ro mhòr.

11 Agus air dol a steach dhoibh do'n tigh, fhuair iad an naoidhean maille r'a mhàthair Muire, agus thuit iad sìos, agus rinn iad aoradh dha: agus air fosgladh an ionmhas dhoibh, thug iad dha tiodhlacan; òr, agus bàis, agus mirr.

12 Agus air faotainn rabhaidh o *Dhia* ann am brúadar, gum iad a philltinn a dh'ionnsuidh Heroid, chaidh iad d'an dùthaich féin air slighe eile.

13 Agus an uair a dh'imich iad air an ais, feuch, nochdadh aingcal an Tighearna do Ioseph ann am brúadar, ag ràdh, Eirich, agus gabh an naoidhean agus a mhàthair, agus teich do'n Eiphit, agus bi an sin gus an labhair mise riut: oir iarraidh Herod an naoidhean g'a mhilleadh.

14 Agus dh'éirich e, agus ghabh e d'a ionnsuidh an naoidhean agus a mhàthair 's an oidheche, agus dh'imich e do'n Eiphit:

15 Agus bha e an sin gu bàs Heroid: a chum gu'n coimhlionadh an nì a labhair an Tighearna leis an fhàidh, ag ràdh, A mach as an Eiphit ghoir mi mò Mhac.

16 An sin an uair a chunnaic Herod gu'n d'rinn na druidhean fànoid air, las e le feirg ro mhòir, agus chuir e *luchd-marbhaidh* uaithe, agus mharb e na bha de leanabaibh mac ann am Betlehem, agus 'n a crìochaibh uile, o aois dhà bhliadhna agus foidhe, a réir na h-aisir a dh'fhòghluim e gu dìchiollach o na druidhean.

17 An sin choimhlionadh an nì a labhradh le Ieremias ann fàidh, ag ràdh,

18 Chualas gumh ann an Rama, caoidh, agus gul, agus bròn ro mhòr, Rachel a' caoin-cadh a cloinne, agus cha bàill leatha sòlas a ghabhail, a chionn nach 'eil iad beò.

19 Ach an uair a dh'èug Herod, feuch, nochdadh aingcal an Tighearna ann am brúadar do Ioseph 's an Eiphit,

20 Ag ràdh, Eirich, agus gabh an naoidhean agus a mhàthair, agus imich gu talamh

Israeil: oir fhuair an dream a bha 'g iarraidh anama an leinibh bàs.

21 Agus dh'éirich esan, agus ghabh e an leanabh agus a mhàthair d'a ionnsuidh, agus thàinig e gu talamh Israeil.

22 Ach an uair a chual e gu'n robh Archelaus 'n a rìgh an tìr Iudea an àite Heroid 'athair, bha eagal air dol an sin: ach, air faotainn rabhaidh dha o *Dhia* ann am brúadar, thionndaidh e gu crìochaibh Ghallile:

23 Agus thàinig e agus ghabh e còmhnuidh ann am baile d'an goirear Nasaret, a chum gu'n coimhlionadh an nì a labhradh leis na fàidhean, Gu'n goirear Nasarach dheth.

CAIB. III.

1 *Teagasg, dreuchd, agus caitheamh-beatha Eoin Baistidh.* 7 *Thug e a chmhasan do na Phairisich.* 13 *Bhaist e Crìosd ann an uisge Iordain.*

A GUS anns na fàithibh sin thàinig Eoin Baistidh, a' scarmonachadh ann am fàsach Iudea,

2 Agus ag ràdh, Gabhaibh aithreachas: oir tha rìoghachd nèimh am fagus.

3 Oir is e so an ti ud mu'n do labhair Esais am fàidh, ag ràdh, Guth an ti a ghlaodhas anns an fhàsach, Ulluichibh slighe an Tighearna, deanaibh a cheum air dìreach.

4 Agus bha a chulaidh aig Eoin de fhionna chamhal, agus crìos leathair aige timchioll a leasaidh; agus is e 'bu bhiaidh dha locuist agus mìl fhiadaich.

5 Chaidh Ierusalem a mach d'a ionnsuidh an sin agus Iudea uile, agus luchd-aiteachaidh na dùthcha timchioll Iordain uile.

6 Agus bhaisteadh iad leis-san ann an Iordan, ag aicheadh ann peacaidhean.

7 Ach an uair a chunnaic e mòran de na Phairisich, agus de na Sadusaich a' teachd a chum a bhaistidh-san, thubhairt e ri u, A shìol nan nathraichean nìmh, cò a thug rabhadh dhuibh-sa teicheadh o'n fheirg a tha ri teachd?

8 Air an aobhar sin thugaibh a mach toradh ionchuidh do'n aithreachas.

9 Agus na smuainichibh a ràdh annaibh féin, Tha Abraham 'n a athair againn: oir tha mi ag ràdh ribh, gur comasach Dia air clann a thogail suas do Abraham de na clachaibh sin.

10 Agus a nis tha na tuadh air a cur ri freunh nan crann: air an aobhar sin, ge b'e crann nach toir a mach toradh maith, gearrar sìos e, agus tilgear 's an teine e.

11 Gu deimhin tha mise 'g'ur baisteadh le h-uisge chum aithreachais; ach an ti a thig a'm' dhéigh, is cumhachdaiche e na mi, agus cha-n airidh mise air a bhàrnan a ghiulan: baistidh esan sibh leis an Spiorad Naomh, agus le teine:

12 Aig ann bheil a ghruit 'n a làimh, agus glanaidh e gu ro bhaileach 'bhlàr-bualaidh, agus cruinnichidh e a chruithneachd d'a

thigh-tasgaidh; ach loisgidh e an moll le teine nach feudar a mhùchadh.

13 An sin thàinig Iosa o Ghalile gu Iordan a dh'ionnsuidh Eoin, chum gu'm bitheadh e air a bhaisteadh leis.

14 Ach bhac Eoin e, ag ràdh, Tha feum agamsa bhi air mo bhaisteadh leatsa, agus am bheil thusa a' teachd do m' ionnsuidh-sa?

15 Agus fhreagair Iosa agus thubhairt e ris, Leig do'n chùis a bhi mar so a nis: oir mar so is ionnsuidh dhuinn gach uile fhìreantachd a choimhlionadh. An sin dh'fhulaing e dha.

16 Agus an uair a bhaisteadh Iosa, chaidh e air ball suas as an uisge; agus, feuch, dh'fhosgadh nàmh dha, agus chunnaic e Spiorad Dhé a' tuirling mar choluman, agus a' teachd air-san:

17 Agus, feuch, guth o nàmh, ag ràdh, Is e so mo Mhac gràdhach, anns am bheil mo mhòr-thlachd.

CAIB. IV.

1 Bhuair an diabhul Chrìod. 17 An dèigh do Iosa buadhachadh air, thòisich e air searmonachadh 24 Shlànuich e sluagh a bha euslan.

AN sin thòraicheadh Iosa leis an Spiorad do'n fhàsach, chum gu'm bith-eadh e air a bhuaireadh leis an diabhul.

2 Agus an uair a thàinig e dà fhichead là agus dà fhichead oidheche, an dèigh sin bha ocras air.

3 Agus air teachd do'n bhuaireadair d'a ionnsuidh, thubhairt e, Ma's tu Mac Dhé, thoir àithne do na clachaibh so a bhi 'n an aran.

4 Ach fhreagair esan agus thubhairt e, Tha e sgrìobhta, Cha-n ann le h-aran a mhàin a bheathaichear duine, ach leis gach uile fhocal a thig o bheil Dhé.

5 An sin thug an diabhul e do'n bhaile naomh, agus chuir e air binnein an teampuill e,

6 Agus thubhairt e ris, Ma's tu Mac Dhé, tilg thu féin sìos: oir tha e sgrìobhta, gu'n toir e àithne d'a ainglibh mu d' thimchioll, agus togaiddh iad suas thu 'n an làmhàn, chum nach buail thu uair air bith do chos air cloich.

7 Thubhairt Iosa ris a ris, Tha e sgrìobhta, Cha bhuair thu an Tighearn do Dhia.

8 Thug an diabhul e a ris chum beinne ro àrd, agus nochd e dha uile rìoghachdan an domhain, agus an glòir;

9 Agus thubhairt e ris, Iad so uile bheir mise dhuit, ma thuiteas tu sìos agus ma ni thu aoradh dhomhsa.

10 An sin thubhairt Iosa ris, Imich uam, a Shàtain: oir tha e sgrìobhta, Bheir thu aoradh do'n Tighearn do Dhia, agus dhasan 'n a aonar ni thu seirbhis.

11 An sin dh'fhàg an diabhul e; agus, feuch, thàinig ainglean agus fliritheil iad da.

12 Ach an uair a chual Iosa gu'n do chuir-eadh Eoin 'an làmh, dh'imich e do Ghalile.

13 Agus air fàgail Nasaret da, thàinig e agus ghabh e coimhuidh ann an Capernaum, a tha ri taobh na fairge, ann an leth-ionnall Shabuloin agus Nephtalim:

14 A chum gu'n coimhlionadh an ni a labhradh le Esaiaas am fàidh, ag ràdh,

15 Talamh Shabuloin, agus talamh Nephtalim, slighe na fairge air an taobh thall de Iordan, Galile nan Cinneach:

16 Am pobull a bha 'n an suidhe 'an dorchadas, chunnaic iad solus mòr; agus tha solus air éirigh do na daoineibh a bha 'n an suidhe 'an tìr agus 'an sgàil a' bhàis.

17 O sin a mach thòisich Iosa air searmoin a dheanamh, agus a ràdh, Gabhaibh aithreachas, oir tha rìoghachd nèimh ann fagus.

18 Agus ag imeachd do Iosa ri taobh fairge Ghalile, chunnaic e dithis bhràithrean, Simon d'an goirear Peadar, agus Andreas a bhràthair, a' tilgeadh lin 's an fhainge: (oir b'iasgairean iad.)

19 Agus thubhairt e riu, Leanaibh mise, agus mi mi iasgairean air daoineibh dhibh.

20 Agus air ball dh'fhàg iad na liontan, agus lean iad esan.

21 Agus air triall da as a sin, chunnaic e dithis eile bhràithrean, Seumas mac Shebede, agus Eoin a bhràthair, ann an luing maille r'an athair Sebede, a' càradh an lion: agus ghairm e iad.

22 Agus air ball dh'fhàg iad an long agus an athair, agus lean iad e.

23 Agus dh'imich Iosa timchioll Ghalile uile, a' teagasg 'n an sionagogaibh, agus a' searmonachadh soisgeil na rìoghachd, agus a' slànuchadh gach gnè thinnis, agus gach gnè eucail an measg an t-sluaigh.

24 Agus chaidh a chliu feadh Shiria uile: agus thug iad d'a ionnsuidh iadsan uile a bha euslan, agus a bha air an cuibhreachadh le galaraibh, agus iomadh gnè phian, agus iadsan aig an robh deamhain amta, agus air an robh an tuiteamach, agus luchd pairilis; agus shlànuich e iad.

25 Agus lean cuideachd mhòr e o Ghalile, agus o Dhecapolis, agus o Ierusalem, agus o Iudea, agus o na crìochaibh a tha an taobh thall de Iordan.

CAIB. V.

1 Searmoin Chrìod air a' bheinn, anns an bheil na h-ochd beannachdan, 17 agus min-eachadh an lagha.

AGUS an uair a chunnaic Iosa an sluagh, a chaidh e suas air beinn; agus air suidhe dha, thàinig a dheisciobuil d'a ionnsuidh.

2 Agus dh'fhosgail e a bheul, agus theagaisg e iad, ag ràdh,

3 Is beannaichte iadsan a tha bochd 'n an spiorad: oir is leo rìoghachd nèimh.

4 Is beannaichte iadsan a tha ri bròn: oir gheibh iad solas.

5 *Is* beannaichte na daoine macanta: oir sealbhaichidh iad an talamh mar oighreachd. *neach*

6 *Is* beannaichte an dream air am bheil ocras agus tart na còrach: oir sasùichear iad. *neach*

7 *Is* beannaichte na daoine tròcaireach: oir gheibh iad tròcair. *neach*

8 *Is* beannaichte na daoine a tha glan 'n an cridhe: oir cli iad Dia. *neach*

9 *Is* beannaichte luchd-deanamh na sìthe: oir goirear clann Dhé dhiubh. *neach*

10 *Is* beannaichte an dream a tha fulang geur-leanmhuinn air son na còrach: oir is leo-san rioghachd nèimh. *neach*

11 *Is* beannaichte bhithas sibh an uair a bheir daoine ancaimint dhiubh, agus a ni iad geur-leanmhuinn *oirbh*, agus a labhras iad gach uile dhroch fhocal ribh gu breugach, air mo sgàth-sa. *neach*

12 Deanaibh gairdeachas, agus bithibh ro shubhach: oir is mòr bhuir duais air nèamh: oir mar sin rinn iad geur-leanmhuinn air na fàidhibh a bhla roimhibh. *neach*

13 Is sibhse salann na talmhainn: gidheadh ma chailleas an salann a bhlas, ciod leis an saillear e? cha-n'èil feum ann o sin suas, ach a thilgeadh mach, agus a shaltairt fo chosaibh dhaoine. *neach*

14 Is sibhse solus an t-saoghail. Cha-n fheudar baile a tha air a shuidheachadh air sliabh fholach. *neach*

15 Agus cha las daoine coinneal, chum gu'n cuir iad i fo shoitheach, ach ann an coimheir, agus ni i solus do na bheil a stigh. *neach*

16 Gu ma h-ann mar sin a dhealraicheas bhuir solus an làthair dhaoine, chum gu faic iad bhuir deach oibre, agus gu'n toir iad glòir do bhuir n-Athair a tha air nèamh. *neach*

17 Na measaibh gu'n d'fhàinig mise a bhriseadh an lagha no nam fàidhean; cha-n ann a bhriseadh a fhàinig mi, ach a choimhionadh. *neach*

18 Oir tha mi ag ràdh ribh gu fìrinneach, Gus an téid nèamh agus talamh thairis, cha téid aon lide no aon plànc de'n lagh thairis, agus an coimhlionar gach aon ni. *neach*

19 Air an aobhar sin ge b'e neach a bhriseas aon de na h-àitheantaibh so a's lugha, agus a theagaisgeas daoine mar sin, goirear an duine a's lugha dheth ann an rioghachd nèimh: ach ge b'e neach a ni, agus a theagaisgeas iad goirear duine mèr d'ath ann an rioghachd nèimh. *neach*

20 Oir tha mi ag ràdh ribh, Mar toir bhuir fireantachd-sa barrachd air fireantachd nan sgrìobhaichean agus nam Phàiriseach, nach téid sibh air chor air bith a steach do rioghachd nèimh. *neach*

21 Chuala sibh, gu'n dubhradh ris na sinn-siribh, Na dean mortadh; agus ge b'e neach a ni mortadh, bithidh e 'an cunnart a' bhreitheanais. *neach*

22 Ach tha mise ag ràdh ribh, Ge b'e neach aig am bi fearg r'a bhràthair gun aobhar, gu'm bi e 'an cunnart a' bhreitheanais: agus ge b'e neach a their r'a bhràthair, Ràca, gu'm bi e 'an cunnart na comhairle: ach ge b'e neach a their, Amadain, gu'm bi e 'an cunnart teine ifrinn. *neach*

23 Uime sin ma bheir thu do thabhartas chum na h-altarach, agus gu'n cuimhnich thu an sin gu bheil ni air bith aig do bhràthair a'd' aghaidh; *neach*

24 Fàg do thabhartas an sin an làthair na h-altarach, agus imich, agus dean rèite air tùs ri d' bhràthair, agus an dèigh sin thig agus tabhair uait do thiodhlac. *neach*

25 Bi réidh ri d' eascaraid gu luath, an fèadh a bhlitheas tu maille ris 's an t-slighe; air eagail gu'n toir an t-eascaraid thairis thu do'n bhreitheanail, agus gu'n toir am breitheamh thu do'n mhaor, agus gu'n tilgear 'am prìosan thu. *neach*

26 Tha mi ag ràdh riut gu fìrinneach nach téid thu mach as a sin, gus an ioc thu an fheoirling dheireannach. *neach*

27 Chuala sibh gu'n dubhradh ris na sinn-siribh, Na dean adhaltrannas. *neach*

28 Ach tha mise ag ràdh ribh, Ge b'e neach a dh'amhairceas air mnaoi chum a miannachadh, gu'n d'rinn e adhaltrannas leatha cheana 'n a chridhe. *neach*

29 Agus ma bheir do shùil dheas aobhar tuilidh dhuit, spion a mach i, agus tilg uait i: oir is fearr dhuit gu'n sgrìosar aon de d' bhallaibh, na do chorp uile bhi air a thilgeadh do ifrinn. *neach*

30 Agus ma bheir do làmh dheas oil-bheum dhuit, gearr dhòt i, agus tilg uait i: oir is fearr dhuit gu'n sgrìosar aon de d' bhallaibh, na do chorp uile bhi air a thilgeadh do ifrinn. *neach*

31 Agus a dubhradh, Ge b'e 'chuireas a bhean-phòda air falbh, thugadh e litir-dhealachaidh dhi. *neach*

32 Ach tha mise ag ràdh ribh, Ge b'e neach a chuireas air falbh a bhean-phòda féin, ach a mhaoin air son strìopachais, gu bheil e toirt oirre adhaltrannas a dheanamh: agus an ti a phòsas a' bhean sin a chuireadh air falbh, tha e a' deanamh adhaltrannais. *neach*

33 Mar an ceudna, chuala sibh gu'n dubhradh ris na sinn-siribh, Na tabhair miomnan eitheich, ach coimhion do mhionnan do'n Tighearn. *neach*

34 Ach tha mise ag ràdh ribh, Na tugaibh miomnan idir: na tugaibh air nèamh, oir is e rìgh-chaitheir Dhé e. *neach*

35 Na tugaibh air an talamh, oir is e stòl a chos e: na tugaibh air Ierusalem, oir is e baile a' rìgh mhòir e. *neach*

36 Na tabhair miomnan air do cheann, oir cha-n urrainn thu aonfhuiltein a dheanamh geal no dubh. *neach*

37 Ach gu ma h-e is comhradh dhuibh, *neach*

Seadh, seadh: Ni h-eadh, ni h-eadh; oir ge b'e ni a bhitheas os ceann so, is ann o'n ole s tha e.

38 Chuala sibh gu'n dubhradh, Stùil air son sùla, agus fiacail air son fiacila.

39 Ach tha mise ag ràdh ribh, Na cuiribh an aghaidh an uile: ach ge b'e neach a bhualcas tu air do ghial deas, tionndaidh thuige an gial eile mar an ceudna.

40 Agus an ti le'm b'àill thusa a thagradh 's an lagh, agus do chòta a bhuntainn dìot, leig leis d'fhalluinn mar an ceudna.

41 Agus ge b'e bheir leis mìle a dh'aindeoin thu, imich leis dà mhìle.

42 Tabhair do'n ti a dh'iarras ort; agus uathsan le'm bu mhianam iasachd fhaotainn uait, na pill air falbh.

43 Chuala sibh gu'n dubhradh, Gràdhaichidh tu do choimhreachnach, agus bithidh fuath agad do d' nàmhaid.

44 Ach tha mise ag ràdh ribh, Bitheadh gràdh agaibh do bhur naimhdibh, beannaichibh an dream a mhallaichas sibh, deanaibh maith do na daoineibh air am beag sibh, agus deanaibh urnuigh air son na muinntir a tha 'buntuinn ribh gu naimhdeil, agus a tha 'g'ur geur-leanmhuinn:

45 A chum gu'm bi sibh 'n'ur cloinn aig bhur n-Athair a tha air nèamh: oir tha esan a' tabhairt air a ghréin féin éirigh air na droch dhaoineibh, agus air na daoineibh maith, agus a' cur uisge air na fireanaibh agus air na neo-fhìreanaibh.

46 Oir na bhitheas gràdh agaibh do'n mhuinntir aig am bheil gràdh dhuibh, ciod an duais a gheibh sibh? nach 'eil eadhon na cìs-mhaoir a' deanamh an ni ceudna?

47 Agus na chuireas sibh fàilte air bhur bràithribh féin a mhàin, ciod a tha sibh a' deanamh thar chàic? nach 'eil na cìs-mhaoir féin a' deanamh an ni ceudna?

48 Air an aobhar sin bithibh-sa coimhlionta mar tha bhur n-Athair a tha air nèamh coimhlionta.

CAIB. VI.

1 Tha Crìosd a' labhairt mu dhéire, 5 mu urnuigh, 14 mu mhaithneas d'ar bràithribh, 16 mu trasgadh, 25 agus mu ro-chàram 'thaobh an t-saoghail so.

THUGAIBH an aire nach toir sibh bhur déire am fianuis dhaoine, chum gu'm faicear leo sibh; no cha-n fhaigh sibh tuarasadal o bhur n-Athair a tha air nèamh.

2 Uime sin, an uair a bheir thu do dhéire, na toir fainear galltomp a shéideadh romhad, mar a ni na cealgairean, anns na sionagogaibh, agus anns na sràidibh, chum gu faigh iad glòir o dhaoineibh. Gu fìrinneach tha mise ag ràdh ribh, gu bheil an tuarasadal aca.

3 Ach an uair a bheir thusa déire, na bith-eadh fios aig do làmh chli ciod a tha do làmh dheas a' deanamh:

4 Chum gu'm bi do dhéire 'an uaignidheas:

agus bheir d'Athair a chi 'an uaignidheas duais dhuitse gu follaiseach.

5 Agus an uair a ni thu urnuigh, na bi mar luchd an fhuar-chràbhaidh: oir is ionmhuinn leo urnuigh a dheanamh anns na sionagogaibh, agus ann an coinneachadh nan sràid 'n an seasamh, chum gu'm faicear le daoineibh iad. Gu deimhin tha mise ag ràdh ribh, gu bheil an tuarasadal aca.

6 Ach thusa, an uair a ni thu urnuigh, imich a steach do d' sheòmar, agus air dìnadh do dhoruis duit, dean urnuigh ri d'Athair a tha 'an uaignidheas, agus bheir d'Athair a chi 'an uaignidheas, duais dhuit gu follaiseach.

7 Ach an uair a ni sibh urnuigh na gnàth-aichibh ath-iarrtais dhionmhain, mar na Cinnich: oir saoilidh iadsan gu'n éisdear riu air son lìonmhoireachd am briathar.

8 Uime sin na bithibh-sa cosmhail riu: oir tha fios aig bhur n-Athair cia iad na nithean a tha dh'uircasbhuidh oirbh, mu'n iarr sibh air iad.

9 Air an aobhar sin deanaibh-sa urnuigh air a' mhodh so: Ar n-Athair a tha air nèamh, Gu naomhaichear d'ainm.

10 Thigeadh do rìoghachd. Deanar do thoil air an talamh, mar a nithear air nèamh.

11 Tabhair dhuinn an diugh ar n-aran laitheil.

12 Agus maith dhuinn ar fiachan, amhuil mar a mhaithes sinne d'ar luchd-fiach.

13 Agus na leig 'am buaireadh sinn; ach saor sinn o ole: oir is leatsa an rìoghachd, agus an cumhachd, agus a' ghloir, gu sìorruidh. Amen.

14 Oir na mhaithes sibh an cionta do dhaoineibh, maithidh bhur n-Athair nèamhaidh dhuibh-sa mar an ceudna.

15 Ach mur maith sibh an cionta do dhaoineibh, cha mhò a mhaithes bhur n-Athair dhuibh-sa bhur cionta.

16 Agus an uair a ni sibh trasgadh, na bitheadh gruaim air bhur gnùis, mar luchd an fhuar-chràbhaidh: oir cuiridh iadsan mi-dhreac air an aghaidh chum gu faicear le daoineibh iad a bhi 'trasgadh. Tha mi ag ràdh ribh gu fìrinneach, gu bheil an tuarasadal aca.

17 Ach thusa, an uair a ni thu trasgadh, cuir oladh air do cheann, agus ionnail d'aghaidh:

18 Chum nach faicear le daoineibh gu bheil thu a' deanamh trasgaidh, ach le d'Athair a tha 'an uaignidheas: agus bheir d'Athair a chi 'an uaignidheas, duais dhuit gu follaiseach.

19 Na taisgibh dhuibh féin ionmhais air an talamh, far an truail an leòmann agus a' mheirge, agus far an cladhaich na meirlich a stigh agus an goid iad.

20 Ach taisgibh ionmhais dhuibh féin air nèamh, far nach truail an leòmann no a'

nheirg, agus nach cladhach, agus nach goid na meirlich.

21 Oir ge b'e àit 's ann bheil bhur n-ionmhas, is ann an sin a bhitheas bhur cridhe mar an ceudna.

22 Is i au t-sùil solus a' chuirp: uime sin ma bhitheas do shùil glan, bithidh do chorp uile làn soluis.

23 Ach ma bhitheas do shùil gu h-olc, bithidh do chorp uile dorcha. Air an aobhar sin ma tha an solus a tha annad 'n a dhorchadas, cia mòr an dorchadas sin?

24 Cha-n urrainn neach air bith seirbhis a dheanamh do dhà Thighearn: oir an dara cuid bithidh fuath aige do neach aca, agus gràdh do 'n neach eile; no gabhaidh e le neach aca, agus ni e tàir air an neach eile. Cha-n urrainn sibh seirbhis a dheanamh do Dhia agus do Mhamon.

25 Uime sin tha mise ag ràdh ribh, Na bitheadh ro-chùram oirbh mu thimchioll bhur beatha, ciod a dh'itheas no dh'òlas sibh; no mu thimchioll bhur cuirp, ciod a chuireas sibh umaibh. Nach mò a' bheatha na 'm biadh, agus an corp na'n t-eudach?

26 Amhaircibh air eunlaith an athair: oir cha chuir iad siol, agus cha bhuan iad, agus cha chruinnich iad ann an saibhligh: gidheadh tha bhur n-Athair nèamhaidh-sa 'g am beathachadh. Nach fearr sibhse gu mòr na iadsan?

27 Agus cò agaibh le mòr-chùram a dh'fheadas aon làmh-choille a chur r'a àirde féin.

28 Agus c'ar son tha sibh ro chùramach mu thimchioll bhur culaidh? foghlumaibh cionnus tha na lilighcan a' fàs 's a' mhach-air; cha saothraich iad, agus cha snìomh iad.

29 Gidheadh tha mise ag ràdh ribh, Nach robh Solamh féin 'n a uile ghlòir, air eudachadh mar aon diubh so.

30 Air an aobhar sin, ma tha Dia mar sin a' sgeadachadh feoir na macharach, a tha an diugh ann, agus am màireach air a thilgeadh 's an àmhuinn, nach mò na sin a sgeadaicheas e sibhse, a dhaoine air bheag creidimh?

31 Uime sin na bithibh làn de chùram, ag ràdh, Ciod a dh'itheas sinn? no ciod a dh'òlas sinn? no ciod a chuireas sinn umainn?

32 (Oir iad so uile iarraidh na Cinnich) oir tha fios aig bhur n-Athair nèamhaidh gu bheil feum agaibh-sa air na nithibh so uile.

33 Ach iarraidh air tùs rioghachd Dhé, agus 'fhìreantachd-san, agus cuirear na nithean so uile ribh.

34 Uime sin na bitheadh ro-chùram oirbh mu thimchioll an là màireach: oir bithidh a làn de chùram air an là màireach mu thimchioll a nithean féin: is leòr do'n là 'ole féin.

1 Tha ar Slànuidhear a' cronachadh breth ghrad, 6 a' toirmeasg nithean naomha 'chur 'an neo-shuim, 7 agus ag ordachadh urnaigh a dheanamh. 13 Chomhairliche e do gach neach dol a steach air an dorus clumhann.

NA tugaibh breth, chum nach toirear breth oirbh:

2 Oir a réir na breth a bheir sibh, bheirear breth oirbh: agus leis an tomhas le'n tomhais sibh, tomhaisear dhuibh a rìs.

3 Agus c'ar son tha thu a' faicinn an smùirnein a tha 'an sùil do bhràthar, ach nach 'eil thu 'toirt fairear an t-sail a tha ann do shùil féin?

4 Na cionnus a their thu ri d'bhàthair, Fulaing dhomh an smùirnein a spionadh as do shùil; agus, feuch, an t-sail aun do shùil féin?

5 A chealgair, buin air tùs an t-sail as do shùil féin; agus an sin is léir dhuit gu maith an smùirnein a bhuntuim a sùil do bhràthar.

6 Na toiribh an ni naomh do na madraibh, agus na tilgibh bhur nèamhnuidean 'am fianais nam muc, air eagal gu'n saltair iad orra le'n cosaibh, agus air pilltinn doibh gu'n reub iad sibh féin as a chéile.

7 Iarraibh, agus bheirear dhuibh: siribh, agus gheibh sibh: buailibh an dorus, agus fosgailear dhuibh:

8 Oir gach uile neach a dh'iarras, glacaidh e: agus ge b'e a shireas, gheibh e: agus do'n ti a bhuaileas an dorus, fosgailear.

9 Oir cò an duine agaibh-sa, ma's e's gu'n iarr a mhac aran, a bheir clach dha?

10 Agus ma's iasg a dh'iarras e, an tabhair e nathair dha?

11 Air an aobhar sin ma's aithne dhuibh-sa 'tha olc, fiodhlàcan maithes a thabhairt do bhur cloinn, nach mò na sin a bheir bhur n-Athair a tha air nèamh nithean maithes dhoibhsan a dh'iarras air iad?

12 Uime sin gach uile ni 'bu mhaoin leibh daoine a dheanamh dhuibh-sa, deanaibh-sa a leithid dhoibhsan mar au ceudna: oir is e so an lagh agus na fàidhean.

13 Imichibh a steach air an dorus chumhann: oir is farsuinn an dorus, agus is leathan an t-slighe a tha 'treòrachadh chum sgrios, agus is lìonmhor iad a tha 'dol a steach oirre:

14 Ach is cumhann an dorus, agus is aimh-leathan an t-slighe a tha 'treòrachadh chum na beatha, agus is teare iad a tha 'g amas oirre.

15 Coimhidibh sibh féin o na fàidhibh bréige, a thig d'ur n-ionnsuidh ann an culaidhibh chaorach, ach a tha o'n leth a stigh 'n am madaibh-alluidh.

16 Air au toraibh aithuichidh sibh iad: an tionail daoine dearcann-fiona de dhrisibh, no figisean de na foghannanaibh?

17 Agus mar sin bheir gach uile chrann

maith toradh maith: ach bheir an droch chrann droch thoradh.

18 Cha-n fheud a' chraobh mhaith droch thoradh a ghiulan, no an droch chraobh toradh maith a thabhairt.

19 Gach uile chrann nach giulain toradh maith, gearrar sìos e, agus tilgear 's an teine e.

20 Air an aobhar sin is ann air an toraibh a dh'aithnìcheas sibh iad.

21 Cha-n e gach uile neach a their riumsa, A Thighearn', a Thighearn', a théid a steach do rìoghachd nèimh; ach an ti a ni toil m' Atharsa a tha air nèamh.

22 Is iomadh iad a their riumsa 's an là ud, A Thighearn', a Thighearn', nach d'rinn sinn fàidheadaireachd a' d'ainm-sa? agus a' d'ainm-sa nach do thilg sinn a mach deamhain? agus a' d'ainm-sa nach d'rinn sinn iomadh miorbhuil?

23 Agus an sin a' d'icheadh mise gu follais-each dhoibh, Cha b'aithne dhomh riamh sibh: imichibh uam, a luchd-deanamh na h-eucorach.

24 Air an aobhar sin, gach uile neach a chluinneas na briathran so agamsa, agus a ni iad, samhluichidh mi e ri duine glie, a thog a thigh air carraig:

25 Agus thuirling an t-uise, agus thàinig na tuitèan, agus shéid na gaothan, agus bhuaill iad air an tigh sin: agus cha do thuit e, oir bha a bhunadh suidhichte air carraig.

26 Agus gach uile neach a chluinneas na briathran so agamsa, agus nach coimhlion iad, samhluichear e ri duine amaideach a thog a thigh air a' ghaineamh:

27 Agus thuirling an t-uise, agus thàinig na tuitèan, agus shéid na gaothan, agus bhuaill iad air an tigh sin: agus thuit e; agus bu mhòr a thuiteam.

28 Agus tharladh an uair a chrìochnaich Iosa na briathran so, gu'n do ghabh am pobull iongantais r'a theagasg-san:

29 Oir theagaisg e iad mar neach aig an robh cumhachd, agus cha-n ann mar na sgrìobhaichean.

CAIB. VIII.

1 *Ghlan Crìosd an lobhar: 5 shlànuich e seirbheiseach a' Chaiptein-ceud; 14 agus màthair-chèile Pheadair: 23 Chluinnich e an fhainge, 28 agus thilg e mach deamhain a dithis dhaoine.*

AGUS air teachd a nuas o'n bheinn dha, lean cuideachd mhòr e.

2 Agus, feuch, thàinig lobhar, agus rinn e aoradh dha, ag ràdh, A Thighearna, ma's àill leat, is comasach thu air mise a ghlanadh.

3 Agus shìn Iosa mach a làmh, agus bhean e ris, ag ràdh. Is àill leam; bi thusa glan. Agus air ball bha a luibhre air a glanadh.

4 Agus thubhairt Iosa ris, Feuch nach innis thu do dhuine sam bith, ach imich,

taisbein thu féin do'n t-sagart, agus thoir d'a ionnsuidh an tìodhlac a dh'àithn Maois, mar fhianuis dhoibh.

5 Agus air dol do Iosa a steach do Chaper-naum, thàinig d'a ionnsuidh Caiptein-ceud, a' guidhe air,

6 Agus ag ràdh, A Thighearna, tha m'òglach 'n a luidhe a stigh le pairilis, agus air a phianadh gu h-anabarrach.

7 Agus thubhairt Iosa ris, Théid mise, agus leighisidh mi e.

8 Agus air freagairt do'n Chaiptein-ceud, thubhairt e, A Thighearna, cha-n araidh mise air thusa a theachd a steach fo m' chléith: ach a mhàin abair am focal, agus slànuichear m'òglach.

9 Oir is duine mise féin a tha fo ùghdarras, aig am bheil saighdearan fodham: agus their mi ris an fhear so, Imich, agus imichidh e: agus ris an fhear so eile, Thig, agus thig e: agus ri m' sheirbhiseach, Dean so, agus ni se e.

10 'N uair a chual' Iosa so, ghabh e iongantas, agus thubhairt e ris a' mhuinntir a lean e, Gu fìrinneach tha mi ag ràdh ribh, ann an Israel féin nach d'fhuair mi creidimh co mòr as so.

11 Agus tha mi ag ràdh ribh, gu'n tig mòr-an o'n àird an ear, agus o'n àird an iar, agus gu'n suidh iad maille ri Abraham, agus Isaac, agus Jacob, ann an rìoghachd nèimh:

12 Ach gu'n tilgear clann na rìoghachd ann an dòrchadas a tha 'n leth a muigh; bithidh an sin gu lèis giosgan fhìacial.

13 Agus thubhairt Iosa ris a' Chaiptein-ceud, Imich romhad, agus bitheadh dhuit a réir mar a chreid thu. Agus shlànuich-eachd 'òglach air an uair sin féin.

14 Agus an uair a thàinig Iosa gu tigh Pheadair, chunnaic e màthair a mhnà 'n a luidhe, agus i ann am fiabhras.

15 Agus bhean e r'a làmh, agus dh'fhàg am fiabhras i: agus dh'éirich i, agus rinn i frithealadh dha.

16 Agus an uair a bha am feasgar air teachd, thug iad d'a ionnsuidh mòran anns an robh deamhain; agus thilg e na spioraid a mach le 'Thocal, agus shlànuich e iad uile a bha eusan:

17 A chum gu'n coimhlionadh an nì a labhradh le Easias am fàidh, ag ràdh, Ghabh esan ar n-annmhuineachdan air féin, agus ghiùlain e ar n-euslantean.

18 Agus an uair a chunnaic Iosa sluagh mòr m'a thimchioll, dh'àithn e dol a sin do'n taobh eile.

19 Agus thàinig sgrìobhaiche àraidh, agus thubhairt e ris, A mhaighstir, leanaidh mise thu, ge b'e taobh a théid thu.

20 Agus thubhairt Iosa ris, Tha tuill aig na sìonnaich, agus nìd aig eumlaith an ath-air; ach cha-n'eil aig mac an duine ionad anns an cuir e a cheann foidh.

21 Agus thubhairt fear eile d'a dheisciobluibh ris, A Thighearna, leig dhomh-sa imeachd air tùs agus m' athair adhlacadh.

22 Ach thubhairt Iosa ris, Lean mise, agus leig leis na mairbh am mairbh féin adhlacadh.

23 Agus air dol dhàsan a steach do luing, lean a dheisciobuil e.

24 Agus, feuch, dh'éirich doimionn mhòr air an fhairge, ionnus gu'n d'fholaich na tuinn an long: ach bha esan 'n a chodal.

25 Agus thàinig a dheisciobuil d'a ionnsuidh, agus dh'uisg iad e, ag ràdh, A Thighearna, teasaig sinn: tha sinn caillte.

26 Agus thubhairt e riu, C'ar son a tha sibh fo eagal, sibhse air bheag creidimh? An sin dh'éirich e, agus chronaich e na gaothan agus an fhairge; agus bha eùine mhòr ann.

27 Ach ghabh na daoine iongantas, ag ràdh, Ciod e 'ghnè dhuine so, gu bheil na gaothan féin agus an fhairge ùmhail dha?

28 Agus air teachd dha do'n taobh eile, gu tìr nan Gergeseneach, thachair dithis dhaoine air, amsan robh deamhain, a' teachd a mach as na h-àitibh-adhlac, agus iad ro gharg, ionnus nach feudadh duine sam bith an t-slighe sin a ghabhail.

29 Agus, feuch, ghlaodh iad, ag ràdh, Ciod e ar gnothuch-ne riut, Iosa a Mhic Dhé? An d'thàinig thu an so g'ar pianadh roimh an àm?

30 Agus bha treud mhòr mhuc 'am fad uatha, ag ionaltadh.

31 Agus dh'iarr na deamhain a dh'ath-chuinge airsan, ag ràdh, Ma thilgeas tu mach sinn, leig duinn dol 's an treud mhuc ud.

32 Agus thubhairt e riu, Imichibh. Agus air dol a mach dhoibh, chaidh iad anns an treud mhuc: agus, feuch, ruith an treud mhuc uile gu dian sìos air ionad cerrach, do'n chuan; agus chailleadh 's na h-uisgeachaidh iad.

33 Agus theich na buachaillean, agus chaidh iad do'n bhaile, agus dh'innis iad na nithean so uile, agus na thachair dhoibh-san anns an robh na deamhain.

34 Agus, feuch, chaidh am baile uile a mach a choinneachadh Iosa; agus an uair a chunnaic iad e, ghuidh iad air imeachd as an crìochaibh-san.

CAIB. IX.

1 An dèigh do Chrìosd neach air an robh am pairilis a leigheas, 9 ghairm e Mata o bhòrd na cise; 10 dh'ith e maille ri cis-mhaor agus ri peacach; 20 shlànuich e bean air an robh dortaadh fola; 32 agus duine balbh anns an robh deamhan.

A GUS air dol 'an luing dha, chaidh e thar an uisge, agus thàinig e d'abhaile féin.

2 Agus, feuch, thug iad d'a ionnsuidh duine air an robh am pairilis, 'n a luidhe air leabaidh: agus an uair a chunnaic Iosa

an ereidimh, thubhairt e ri fear na pairilis, Bitheadh dèadh mhisneach agad, a mhic, tha do pheacaidhean air am maitheadh dhuit.

3 Agus, feuch, thubhairt dream àraidh de na sgrìobhaichibh anna féin, Tha am fear so a' labhairt toibheim.

4 Agus air do Iosa an smuaintean fhaicinn, thubhairt e, C'ar son tha sibh a' smuain-eachadh uile ann bhuir cridheachaidh?

5 Oir eia a's usadh a ràdh, Tha do pheacaidhean air am maitheadh dhuit? no a ràdh, Eirich agus imich?

6 Ach a chum gu'm bi fios agaibh gu bheil cumhachd aig Mac an duine peacaidhean a maitheadh air an talamh, (thubhairt e an sin ri fear na pairilis,) Eirich, tog do leabaidh, agus imich do d' thigh.

7 Agus dh'éirich e, agus chaidh e d'a thigh féin.

8 Ach an uair a chunnaic am pobull so, ghabh iad iongantas, agus thug iad glòir do D'ha, a thug a leithid so a chumhachd do dhaoineibh.

9 Agus ag dol do Iosa as an àite sin, chunnaic e duine 'n a shuidhe aig bòrd na cise, d'am b'ainm Mata; agus thubhairt e ris, Lean mise. Agus dh'éirich e, agus lean se e.

10 Agus tharladh, air suidhe do Iosa aig biadh 's an tigh, feuch, thàinig mòran chis-mhaor agus pheacach, agus shuidh iad sìos maille ris-san agus r'a dheisciobluibh.

11 Agus an uair a chunnaic na Phairisich so, thubhairt iad r'a dheisciobluibh, C'ar son a dh'itheas bhuir maighstir-sa maille ri cis-mhaor agus ri peacach?

12 Ach an uair a chual' Iosa so, thubhairt e riu, Cha-n ann aig a' mhuinntir a tha slàn tha feum air an léigh, ach aig a' mhuinntir a tha euslan.

13 Ach imichibh agus foghlumaibh ciod a's ciall, da so, Trècair is aill leam, agus cha-n iobairt: oir cha d'thàinig mise a ghairm nam fireanach, ach nam peacach chum aithreachais.

14 An sin thàinig deisciobuil Eoin d'a ionnsuidh, ag ràdh, C'ar son a tha sinne agus na Phairisich a' trasgadh gu minic, ach ni'm bheil do dheisciobuil-sa a' trasgadh?

15 Agus thubhairt Iosa riu, Am feud clann seòmair an fhir-nuadh-phòsda 'bhi brònach, am feadh a bhitheas am fear-nuadh-phòsda maille riu? Ach thig na làithean anns an toirear am fear nuadh-phòsda uatha, agus an sin ni iad trasgadh.

16 Cha chuir duine sam bith mùir de eudach nuadh air seann eudach: oir buinidh an ni a chuireadh g'a lìonadh suas as an eudach, agus nithear an reubadh ni's mìosa.

17 Cha mhò a chuireas daoine fion nuadh ann an seann searragaibh: no brisear na searragan, agus dèirtear am fion, agus caill-eas na searragan: ach euiridh iad fion nuadh

ann an scarragaibh nuadha, agus bithidh iad araon tèarainte.

18 'N uair a bha e a' labhairt nan nithean so riu, feuch, thàinig uachdaran àraidh, agus thug e aoradh dha, ag ràdh, Fhuair mo nighean bàs air ball: ach thig-sa agus cuir do làmh oirre, agus bithidh i beò.

19 Agus dh'èirich Iosa, agus lean e féin agus a dheisciobuil e.

20 (Agus, feuch, thàinig bean, air an robh dòrtadh fola ré dhà bhliadhna dheug, air a chùlaobh, agus bhean i ri iomall 'eudaich:

21 Oir thubhairt i innte féin, Ma bheanas mi ach ri 'eudach, bithidh mi slàn.

22 Ach air tionndadh do Iosa mu'n cuairt, chunnaic e i, agus thubhairt e, A nighean, bithidh deadh mhiseach agad: shlànuich do chreidimh thu. Agus bha a' bhean slàn o'n uair sin.)

23 Agus an uair a thàinig Iosa gu tigh an uachdaran, agus a chunnaic e an luchd-cùil, agus a' chuideachd a' deanamh toirm bhròin,

24 Thubhairt e riu, Imichibh roimhibh, oir cha-n'eil an nigheanag marbh ach 'n a codal. Agus rinn iad gàire fochaid ris.

25 Ach an uair a chuireadh a' chuideachd a mach, chaidh e a steach, agus rug e air làmh oirre, agus dh'èirich an nigheanag.

26 Agus chaidh iomradh sin a mach air feadh na tìre sin uile.

27 Agus an uair a dh'imich Iosa as a sin, lean dithis dhall e, ag éigheach, agus ag ràdh, A Mhic Dhaibhidh, dean trècarr oirne.

28 Agus an uair a thàinig e steach do'n tigh, thàinig na doill d'a ionnsuidh: agus thubhairt Iosa riu, An bheil sibh a' creidsinn gur comasach mise so a dheanamh? Thubhairt iad ris, Tha, a Thighearna.

29 An sin bhean e r'an sùileibh, ag ràdh, Bitheadh e dhuibh a réir bhur creidimh.

30 Agus dh'fhosgladh an sùilean, agus bhagair Iosa gu geur orra, ag ràdh, Faicibh nach faigh neach air bith fios air so:

31 Ach an uair a dh'imich iad a mach, sgaoil iad a chliù air feadh na dùthcha sin uile.

32 Agus ag dol dhoibhsan a mach feuch, thug iad d'a ionnsuidh duine balbh anns an robh deamhan.

33 Agus an déigh do'n deamhan a bhi air a thilgeadh a mach, labhair am balbhan: agus ghabh an sluagh iongantais, ag ràdh, Cha-n'fhacas a leithid so ann an Israel riamh.

34 Ach thubhairt na Phairisich, Troimh phrionnsa nan deamhan tha e a' tilgeadh a mach dheamhan.

35 Agus ghabh Iosa mu chuairt nan uile chaithrichean agus bhailtean, a' teagasg 'n an sionagogaibh, agus a' searmonachadh soisgeil na rioghachd, agus a' slànuchadh

gach uile cuslaint agus eucail am measg a' phobuill.

36 Ach an uair a chunnaic e an sluagh, ghabh e truas diubh, air son gu'n robh iad air fannachadh, agus air an sgàpadh o' chéile, mar chaoraich aig nach 'eil buach-aill.

37 An sin thubhairt e r'a dheisciobluibh, Gu deimhin is mòr am fogharadh, ach is teare an luchd-oibre.

38 Uime sin guidhibh-sa air Tighearn an fhogharaidh, luchd-oibre 'chur a mach chum 'fhogharaidh féin.

CAIB. X.

1 Chuir Crìosd a mach a dhà Abstol deug, agus thug e cumhachd dhoibh nìorbhuilean a dheanamh: 5 theagaisg e iad: 16 thug e misneach dhoibh an aghaidh gear-teannhuinn, 40 agus gheall e beannachadh do'n dream a ghabhadh riu.

AGUS air gairm a dhà dheisciobul deug d'a ionnsuidh, thug e cumhachd dhoibh an aghaidh nan spiorad neòghlan, gu'n tilgeadh a mach, agus a shlànuchadh gach gnè cuslaint, agus gach gnè eucail.

2 Agus is iad so ainmean an dà Abstol deug; an ceud fhear, Simon d'an goircear Peadar, agus Andreas a bhràthair, Seumas mac Shebèd, agus Eoin a bhràthair;

3 Philip agus Bartolomeu, Tomas, agus Mata an cìs-mhaor, Seumas mac Alpheuis, agus Lebeus d'an co-ainm Tadeus;

4 Simon an Canaanach, agus Iudas Iscariot, an neach fòs a bhrath esan.

5 Chuir Iosa an dà fhear dheug so a mach, a' tabhairt àithne dhoibh, ag ràdh, Na gabhaibh gu slighe nan Cinneach, agus na rachaibh a steach do an bhaile a bhuineas do na Samaritanaich:

6 Ach gu ma fearr leibh dol a dh'ionnsuidh chaorach chailte tighe Israeil.

7 Agus air imeachd dhuibh, searmonaichibh, ag ràdh, Tha rioghachd nèimh ann fagus.

8 Leighisibh an dream a tha tinn, glanaibh na lobhair, dùisgibh na mairbh, tilgibh a mach na deamhan: a nasgaidh fhuair sibh; a nasgaidh thugaibh seachad.

9 Na solairibh òr, no airgiod, no umha ann bhur sporanaibh;

10 No màla chum bhur turuis, no dà chòta, no brògan, no bataichean: (oir is airidh ann fear-oibre air a lòn.)

11 Agus ge b'e air bith caithir no baile d'an tèid sibh a steach, feòraichibh cò a tha 'n a dhèadh airidh innte; agus fanaibh an sin gus am fag sibh an t-àite sin.

12 Agus an uair a thig sibh steach do thigh, beannaichibh dha.

13 Agus ma's airidh an tigh sin, thigeadh bhur sìth air; ach mur airidh, pillleadh bhur sìth do bhur n-ionnsuidh féin a ris.

14 Agus ge b'e neach nach gabh ribh, agus nach èisd ri 'ur briathraibh; air dol a mach

as an tigh, no as a' bhaile sin dhuibh, crath-aibh dhibh duslach bhur cos.

15 Gu deimhin tha mi ag ràdh ribh, gur so-ionchaire a bhitheas staid fearainn Shodoim agus Ghomora ann an là a' bhreitheana, na staid a' bhaile sin.

16 Feuch, cuiream-sa sibhse mach mar chaoraich ann measg mhadadh-alluidh: air an aobhar sin bithibh-sa glie mar na nathraichean, agus neo-chronaib mar na columain.

17 Ach bithibh air bhur faicill o dhaoineibh; oir bheir iad 'an làimh sibh do chomh-airibh, agus sgiùrsaidh iad sibh 'n an sion-agogaibh:

18 Agus bheirear sibh an lathair uachdaran agus rìghrean air mo sgàth-sa, mar fhianuis dhoibh-san agus do na Cinnich.

19 Ach an uair a bheir iad 'an làimh sibh, na biodh e 'n a ro-chàs oirbh cionnus no ciod a labhras sibh; oir bheirear dhuibh 's an uair sin féin an ni a labhras sibh.

20 Oir cha sibhse a labhras, ach Spiorad bhur n-Athar féin a labhras annaibh.

21 Agus bheir am bràthair a bhràthair féin suas chum bàis, agus an t-athair am mac; agus éiridh 'a' chlann an aghaidh am pàrantan, agus bheir iad fainear gu'n cuir-eas gu bàs iad.

22 Agus bithidh fuath aig na h-uile dhaoineibh dhuibh air son m'ainme-sa: ach ge b'e 'bhuanacheas gus a' chrìoch, is e so a thèarnar.

23 Agus an uair a ni iad geur-leannuim oirbh 's a' bhaile so, teichibh gu baile eile; oir gu deimhin tha mi ag ràdh ribh, Nach imich sibh air feadh: bhaitean Isracil mu'n tig Mac an duine.

24 Cha-n'eil an deisciobul os ceann a mhaighstir, no an seirbhiseach os ceann a thighearna.

25 Is leòr do'n deisciobul a bli mar a mhaighstir, agus do'n t-seirbhiseach a bli mar a thighearn: ma ghoir iad Beelsebub de fhear an tighe, nach mò na sin a ghoir-eas iad e d'a mhuinntir?

26 Uime sin na bitheadh eagal oirbh rompa: oir cha-n'eil ni sam bith folaichte, nach foillsichear; agus 'an cleith, nach deanar aithneichte.

27 An ni a dh'inneas mise dhuibh 's an dorchadas, labhraibh e 's an t-solus; agus an ni a chluinneas sibh 's a' chluais, scar-monaichibh e air mullach nan tighean.

28 Agus na bitheadh eagal na muinntir sin oirbh a mharbhas an corp, ach aig nach 'eil comas an t-anam a mharbhadh: ach gu na mò bhitheas eagal an Ti sin oirbh, a's urrainn an corp agus an t-anam a mhillcadh araon ann an ifrinn.

29 Nach 'eil dà ghealbhonn air an reic air fheoirigh? agus cha tuit a h-aon duibh air an talamh as eugmhais freasdaibh bhur n-Athar-sa.

30 Ach tha eadhon fuilteinean bhur cinn uile air an àireamh.

31 Air an aobhar sin na bitheadh eagal oirbh, is fearr sibhse na mòran ghealbhonn.

32 Uime sin ge b'e 'dh'aidicheas mise 'am fianuis dhaoine, aidichidh mise esan mar an ceudna 'am fianuis m' Athar a tha air nèamh.

33 Ach ge b'e 'dh'aidheadhas mise 'am fianuis dhaoine, àicheadhaidh mise esan 'am fianuis m' Athar a tha air nèamh.

34 Na measaibh gu'n d'fhàinig mise a chur sìthe air an talamh: cha-n ann a chur sìthe a thàinig mi, ach a chur claidheimh;

35 Oir thàinig mi a chur duine an aghaidh 'athar, agus na nighinn an aghaidh a màthar, agus bean a' mhic an aghaidh a màthar-chéile.

36 Agus is iad muinntir a theaghlach féin a bhitheas 'n an naimhdean do dhuihe.

37 An ti a ghràdhaicheas athair no màthair ni's mò na mise, cha-n airidh orm e: agus an ti a ghràdhaicheas mac no nighean os mo cheann-sa, cha-n airidh orm e.

38 Agus an ti nach giac a chranm-ceusaidh, agus nach lean mise, cha-n airidh orm e.

39 An ti a gheibh 'anam, caillidh se e: ach an ti a chailleas 'anam air mo shonsa, gheibh se e.

40 An ti a ghabhas ribhse, gabhaidh e riumsa; agus an ti a ghabhas riumsa, gabhaidh e ris an ti a chuir uaith mi.

41 An ti a ghabhas ri fàidh ann an ainm fàidh, gheibh e duais fàidh; agus an ti a ghabhas ri firean ann an ainm firein, gheibh e duais firein.

42 Agus ge b'e 'bheir cupan a dh'uisge fuar a mha'n 'a òl do aon neach de 'n fheadhain bheaga so, ann an ainm deisciobuil, gu deimhin tha mi ag ràdh ribh, nach caill e air chor sam bith a dhuais.

CAIB. XI.

1 Chuir Eoin a dheisciobuil a dh'ionnsuidh Chrìosd. 7 Fianuis Chrìosd mu thimchioll Eoin. 18 Barail an t-sluaigh mu thimchioll Eoin agus mu thimchioll Chrìosd. 20 Chron-uich Chrìosd muinntir Bhetsaida, &c. 28 A ghairm thròcaireach do'n t-sluaigh a tha fo throm uallach.

AGUS tharladh, an uair a chrìochnaich Iosa àitecantan a thabhairt d'a dhà dheisciobul deug, gu'n d'imich e as a sin a theagasg agus a shearmonachadh 'n am bailtibh.

2 A nis an uair a chual' Eoin 's a phrìosan gnìomharan Chrìosd, chuir e dìthis d'a dheisciobluibh d'a ionnsuidh,

3 Agus thubhairt e ris, An tusa an ti ud a bha ri teachd, no am bi sùil againn ri neach eile.

4 Fhreagair Iosa agus thubhairt e riu, Imichibh agus innisibh do Eoin na nithean a tha sibh a' cluinntinn agus a' faicinn:

5 Tha na doill a' faotainn an radhaire,

agus na bacaich ag imeachd, tha na lobhair air an glanadh, agus na bothair a' cluinn-tinn, tha na mairbh air an dùsgadh, agus an soisgeul air a shearmonachadh do na bochdan.

6 Agus is beannaichte an ti nach faigh oibheum annam-sa.

7 Agus air imeachd dhoibhsan air falbh, thòisich Iosa air labhairt ris an t-sluagh mu thimchioll Eoin, *ag ràdh*, Ciod e an ni a chaidh sibh a mach do'n fhàsach a dh'fhaicinn? an i cuile air a crathadh le gaoith?

8 Ach ciod e an ni a chaidh sibh a mach a dh'fhaicinn? *an e* duine air a sgèdachadh ann an eudach mìn? feuch, a' mhuinntir a chaitheas eudach mìn, is ann an tighibh nan rìghrean a tha iad.

9 Ach ciod e an ni a chaidh sibh a mach a dh'fhaicinn? *An e* fàidh? seadh, tha mi ag ràdh ribh, agus nìs mò na fàidh.

10 Oir is e so an ti mu'm bheil e sgrìobhta, Feuch, cuiream-sa mo theachdair roimh do ghnùis, a dh'ulluicheas do shlighe romhad.

11 Gu deimhin tha mi ag ràdh ribh, 'n am measg-san a rugadh le mnaibh, nach d'éirich neach a's mò na Eoin Baistidh: gidheadh, an ti sin a's lugha ann an rìoghachd nèimh, is mò e na esan.

12 Agus o làithibh Eoin Baistidh gus a nis, tha rìoghachd nèimh a' fulang ainneirt, agus luchd na h-ainneirt 'g a glacadh le lumbachas-làidir.

13 Oir rinn na fàidhean uile, agus an lagh fàidheadaireachd gu àm Eoin.

14 Agus ma's toil leibh a ghabhail, is e so Elias a bha ri teachd.

15 Ge b'e aig am bheil cluasan chum éisdeachd, éisdeadh e.

16 Ach co ris a shamhluicheas mise an ginealach so? Is comhuil e ri cloinn a shuidheas anns a' mhargadh, agus ag éigh-each r'an companaich,

17 Agus ag ràdh, Rinn sinne pìobair-eachd dhuibhse, ach cha d'rinn sibhse damsa; rinn sinne tuireadh dhuibhse, ach cha d'rinn sibhse gul.

18 Oir thàinig Eoin cha-n ann ag itheadh na ag òl, agus tha iad ag ràdh, Tha deamhan aige.

19 Thàinig Mac an duine ag itheadh agus ag òl, agus tha iad ag ràdh, Feuch, duine geòcach agus pòiteir fionn, caraid chis-mhaor agus pheacach: ach tha gliocas air a fireanachadh le a cloinn.

20 An sin thòisich e air achmhasan a thabhairt do na bailtibh anns am mò a rinn-eadh d'a oibribh cumhachdach, air son nach d'rinn iad aithreachas.

21 Is an-aobhinn duit, a Chorasin; is an-aobhinn duit, a Bhetsaida: oir nam bitheadh na h-oibre cumhachdach a rinnadh ann-aibh-sa, air an deanamh ann an Tirus agus ann an Sidon, is fada o'n a dheanadh iad

aithreachas ann an sac-eudach agus 'an luathre.

22 Ach tha mi ag ràdh ribh, Gu'm bi staid Thuiris agus Shidoin nìs so-ìomchaire ann an là a' bhreitheanais, na bhitheas bhur staid-sa.

23 Agus thusa, a Chapernaum, a tha air do thogail suas gu nèamh, tilgear sìos gu h-ìfrinn thu: oir nam bitheadh na h-oibre cumhachdach a rinneadh annad-sa, air an deanamh ann an Sodom, dh'fhanadh e gun a sgrìos gus an diugh.

24 Ach tha mi ag ràdh ribh, gur so-ìomchaire a bhitheas e do fhearam Shiodaim ann an là a' bhreitheanais, na dhuitse.

25 Anns an àm sin fhreagair Iosa agus thubhairt e, Tha mi a' toirt buidheachais dhuit, O Athair, Thighearna nèimh agus na talmhainn, air son gu 'n d'fholuich thu na nithean so o dhaoineibh eagnùidh agus tuigseach, agus gu'n d'fhoillsich thu iad do leanabaibh.

26 Seadh, Athair, do bhrìgh gu'm b'ann mar sin a bha do dheadh thoil-sa.

27 Tha na h-uile nithean air an tabhairt thairis dhiomhsa o M'Athair: agus cha-n aithne do neach air bith am Mac, ach do'n Athair: ni mò is aithne do neach air bith an t-Athair, ach do'n Mhac, agus do gach aon d'an àill leis a' Mhac 'fhoillsichadh.

28 Thigibh a m'ionnsuidh-sa, sibhse uile a tha ri saothair, agus fo throm uallach, agus bheir mise suaimhneas dhuibh.

29 Gabhaibh mo chuing oirbh, agus fògh-lumaibh uam, oir tha mise macanta agus iriosal ann an cridhe: agus gheibh sibh fois do bhur n-anamaibh.

30 Oir tha mo chuing-sa so-ìomchar, agus tha m'uallach cutrom.

CAIB. XII.

1 *Chronuich Criosd doille nam Phairiseach mu thimchioll brisidh na sàbaid, 3 le sgrìobtuir-ibh, 11 le reuson, 13 agus le mìorbhuil. 22 Shlànuich e an duine dall agus balbh anns an robh deamhan. 31 Cha mhaithear toibheum an aghaidh an Spioraid naoinh.*

CHÀIDH Iosa's an àm sin air là na sàbaid troimh na h-achaibh arbhair, agus bha ocras air a dheisciobuil, agus thòisich iad air diasan arbhair a bhuaìn, agus itheadh.

2 Ach an uair a chunnaic na Phairisich so, thubhairt iad ris, Feuch, tha do dheisciobuil a' deanamh an ni nach còir a dheanamh air là na sàbaid.

3 Agus thubhairt esan riu, Nach do leugh sibh ciod a rinn Daibhidh an uair a bha ocras air féin, agus air a' mhuinntir a bha maille ris;

4 Cionnus a chaidh e steach do thigh Dhé, agus a dh'ith e aran na fianuis, nach robh ceaduichte dha féin itheadh, no dhoibhsan a bha maille ris, ach do na sagartaibh a mhaìin?

5 No nach do leugh sibh 's an lagh, gu bheil na sagartan anns an teampull air làithibh na sàbaid a' brisacadh na sàbaid, agus iad neo-chiontach?

6 Ach tha mise ag ràdh ribh, gu'm bheil 's an ionad so neach a's mò na'n teampull.

7 Agus nam bitheadh fhios agaibh ciod a's ciall da so, Tròcair is àill leam agus cha-n iobairt, cha ditedh sibh an dream a tha neo-chiontach.

8 Oir is e Mac an duine Tighearn na sàbaid.

9 Agus air dha imeachd as a sin, chaidh e teachd d'an sionagag;

10 Agus, feuch, bha duine ann, aig an robh làmh sheargta: agus dh'fhèdraidh iad dheth, ag ràdh, Am bheil e ceaduichte leigheas a dheanamh air làithibh na sàbaid? chum gu'm bitheadh cùis dh'itidh aca 'n aghaidh.

11 Agus thubhairt esan rin, Cò an duine dh'ibh-se, aig am bi aon chaora, agus ma thuiteas i ann an slochd air là na sàbaid, nach beir e oirre, agus nach tog e mios i?

12 Nach mòr ma ta is fearr duine na caora? Uime sin tha e ceaduichte maith a dheanamh air làithibh na sàbaid.

13 An sin thubhairt e ris an duine, Sin a mach do làmh: agus shìn e mach i; agus bha i air a h-aiseag slàn, mar an làmh eile.

14 Ach chaidh na Phairisich a mach, agus chum iad comhairle 'n a aghaidh, cionnus a dh'fheudadh iad a mhilleadh.

15 Ach an uair a thuig Iosa so, dh'imich e as a sin: agus lean sìobh mhòr 'e, agus leighis e iad uile.

16 Agus thug e sparradh dhoibh chum nach deanadh iad aithnichte e:

17 A chum gu'n coimhliontadh an ni a labhradh le Esaia ann fàidh, ag ràdh,

18 Feuch, mo sheirbhiseach féin a thagh mi; m'aon gràdhach anns am bheil tlachd aig m'anam: cuiridh mi mo Spiorad féin air, agus nochdaidh e breitheanas do na Cinnich.

19 Cha dean e strì, agus cha ghlaodh e; ni mò a chluinneas neach air bith a ghuth air na sràidibh.

20 Cha bhris e a' chuire bhrùite, agus cha mhùch e an lion as am bi deatach, gus an tabhair e mach breitheanas chum buaidh.

21 Agus is ann á ainn-san a bhitheas muinighinn aig na Cinnich.

22 An sin thugadh d'a ionnsuidh duine anns an robh deamhan, dall agus balbh: agus shlànuich se e, ionnus gu'n do labhair am balbhan agus gu'n robh an dall a' faicinn.

23 Agus ghabh am pobull uile iongantas, agus thubhairt iad, An e so Mac Dhaibhidh?

24 Ach an uair a chuala na Phairisich so, thubhairt iad, Cha-n'eil am fear so a' tilgeadh a mach dheamhan, ach troimh Bheelsebub prionnsa nan deamhan.

25 Agus thuig Iosa an smuaintean, agus thubhairt e riu, Gach rìoghachd a tha roinnte 'n a h-aghaidh féin, nithear 'n a fàsach i; agus gach uile bhaile no tigh a tha roinnte 'n a aghaidh féin, cha seas e.

26 Agus ma thilgeas Sàtan a mach Sàtan, tha e roinnte 'n a aghaidh féin; air an aobhar sin cionnus a sheasas a rìoghachd?

27 Agus ma tha mise troimh Bheelsebub a' tilgeadh a mach dheamhan cò troimh am bheil bhuir clann-sa 'g an tilgeadh a mach? Uime sin bithidh iad 'n am breith-eamhnan oirbh:

28 Ach ma's ann le Spiorad Dhé a tha mise a' tilgeadh a mach dheamhan, thàinig rìoghachd Dhé do bhuir n-ionnsuidh-sa.

29 No cionnus is urrainn neach dol do thigh duine laidir, agus airneis a thighe a chreachadh, mur ceangail e air tùs an duine laidir? agus an sin creachaidh e a thigh.

30 An ti nach 'eil leam, tha e a' m' aghaidh; agus an ti nach cruinnich leam, sgapaidh e.

31 Air an aobhar sin tha mi ag ràdh ribh, Gu'm maithear gach peacadh agus gach toibheum do dhaoineibh: gidheadh cha mhaithhear toibheum an aghaidh nan Spioraid Naoimh do dhaoineibh.

32 Agus ge b'e neach a labhras focal an aghaidh Mhic an duine, maithear dha e: ach ge b'e neach a labhras an aghaidh an Spioraid Naoimh, cha mhaithhear dha e, anns an t-saoghal so, no anns an t-saoghal a tha ri teachd.

33 An dara cuid deanaibh a' chraobh maith, agus a toradh maith; no deanaibh a' chraobh truailidh, agus a toradh truailidh: oir is ann air a toradh a dh'aithnichear a' chraobh.

34 A shliochd nan nathraichean nimhe, cionnus a dh'fheudas sibh nithean maith a labhairt, o tha sibh féin olc? oir is ann á pailteas a' chridhe a labhras am beul.

35 Bheir duine maith a mach nithean maith e deadh ionmhas a chridhe: agus bheir an droch duine mach droch nithean as a dhroch ionmhas.

36 Ach tha mi ag ràdh ribh, Gu'n toir daoine cumtas ann an là a' bhreitheanas air son gach focail dhiomhain a labhras iad.

37 Oir is ann le d'fhoclaibh a shaorar thu, agus is ann le d'fhoclaibh a dh'èit thu.

38 An sin fhreagair dream àraidh de na sgrìobhaichean agus de na Phairisich, ag ràdh, A mhaighstir, bu mhiann leinn comhara fhaicinn uait.

39 Ach fhreagair esan agus thubhairt e riu, Tha ginealach olc agus adhaltrannach ag iarraidh comhara, agus cha toirear comhara dhoibh, ach comhar 'a fhaidh Ionais.

40 Oir mar a bha Ionas 'am broinn na muice-mara trì làithean agus trì oidheachan; is ann mar sin a bhitheas Mac an duine ann

an cridhe na talmhainn trì làithean agus trì oidhechean.

41 Eiridh muinntir Nìuebheh 's a' bhreitheanas maille ris a' ghinealach so, agus dìtidh iad e; oir rinn iad aithreachas aig searmoiu Iouais; agus, feuch, *tha* uis mò na Ionas an so.

42 Eiridh bau-righinn na h-àirde deas 's a' bhreitheanas maille ris a' ghinealach so, agus dìtidh i e: oir thàinig i o na h-àitibh a's iomallaiche de'n talamh a dh'éisdeachd gliocais Sholaimh; agus, feuch, *tha* nìs mò na Solanah an so.

43 Au déigh do'n spiorad neòghlan dol a mach á duine, imichidh e troimh ionadaibh tiorma, ag iarraidh fois, agus cha-n fhaigh e.

44 An sin their e, Pillidh mi do m' thigh as an d'thàinig mi; agus air teachd dha, gheibh e falamh, sguabta, agus deadh-mhaiseach e.

45 Imichidh e an sin, agus bheir e leis seachd spioraid eile a's miosa ua e féin, agus théid iad a steach agus gabhadh iad còmh-uidd an sin: agus bithidh cor deireannach an duine sin nìs miosa na a cheud chor. Is ann eadhon mar sin a thachairas do'n ghinealach aingidh so.

46 Agus air dha bhi fathast a' labhairt ris a' phobull, feuch, sheas a mhàthair agus a bhràithrean a muigh, ag iarraidh labhairt ris.

47 An sin thubhairt neach éigin ris, Feuch, tha do mhàthair, agus do bhràithrean 'n an seasamh a muigh, ag iarraidh labhairt riut.

48 Ach fhreagair esan agus thubhairt e ris an ti a dh'innsis so dha, Cò i mo mhàthair? agus cò iad mo bhràithrean?

49 Agus air sineadh a làimhe chum a dheisciobul, thubhairt e, Feuch mo mhàthair, agus mo bhràithrean!

50 Oir ge b'e neach a ni toil m' Athar-sa a tha air nèamh, is e sin féin mo bhràthair, agus mo phiuthar, agus mo mhàthair.

CAIB. XIII.

1 Cosamhlachd an t-sìoladair agus an t-sìl, 18 air eadar-mhìneachadh. 24 Cosamhlachd a' chogaill; 31 an t-sìl mhustard; 33 na làibhin; 44 an ionnhaire fhlaichte; 45 agus na nèamh-nuid. 54 Rinn muinntir a dhùthcha tàir air Crìosd.

AIR an là sin féin chaidh Iosa mach as an tigh, agus shuidh e ri taobh na fairge.

2 Agus chruinnich sluagh mòr d'a ionn-suidh, air chor as air dol a steach do luing dha, gu'n do shuidh e; agus sheas an sluagh uile air au tràigh.

3 Agus labhair e mòran de nithean ri ann an cosamhlachdaibh, ag ràdh, Feuch, chaidh sìoladair a mach a chur sìl.

4 Agus ag cur an t-sìl da, thuit cuid dheth ri taobh an rathaid; agus thàinig na h-eun-laithe agus dh'ith iad e.

5 Thuit cuid air ionadaibh creagach, far nach robh mòran talmhainn aige; agus air ball dh'fhàs e suas, a chionn nach robh doimhneachd talmhainn aige.

6 Ach air éirigh do'n ghréin dhothadh e; agus a chionn nach robh freumh aige, shearg e as.

7 Agus thuit cuid ann measg droighinn: agus dh'fhàs an droighionn suas, agus mhùch se e,

8 Ach thuit cuid eile ann am fearann maith, agus thug e toradh a mach, cuid a cheud uiread, cuid a thri fichead, cuid a dheich thar fhichead uiread 's a chuir-eadh.

9 Ge b'e neach aig am bheil cluasan chum éisdeachd, éisdeadh e.

10 Agus thàinig na deisciobuil, agus thubhairt iad ris, C'ar son a tha thu a labhairt riu ann an cosamhlachdaibh?

11 Fhreagair esan agus thubhairt e riu, Do bhrìgh gu'n d'thugadh dhuibh-sa còlas a bhi agaibh air rùn dìomhair rioghachd nèimh, ach dhoibhsan cha-n'eil so air a thoirt.

12 Oir ge b'e neach aig am bheil, dhàsan bheir, agus bithidh aige an tuilleadh pailteis: ach ge b'e neach aig uach 'eil, uaithean bheir eadhon an ni a tha aige.

13 Uime sin tha mise a' labhairt riu ann an cosamhlachdaibh, do bhrìgh air dhoibh sealltuinn nach faic iad, agus éisdeachd nach cluinn iad, agus nach tuig iad.

14 Agus aunta-sau tha faidheadaireachd Esaiais air a coimhlionadh, a tha 'g ràdh, Le h-éisdeachd cluinidh sibh, agus cha tuig sibh; agus le h-amharc chi sibh, agus cha-n aithnich sibh.

15 Oir tha cridhe a' phobuill so air fas reamhar, agus au cluasan mall chum éisdeachd, agus dhruid iad an sùilean; air eagal uair air bith gu'm faicheadh iad le'n sùilibh, agus gu'n cluinneadh iad le'n clusaibh, agus gu'n tuigeadh iad le'n cridhe, agus gu'm biodh iad air an iompachadh, agus gu'n slànuichinn-sa iad.

16 Ach is beannaichte bhur sùileau-sa, oir tha iad a' faicinn; agus bhur cluasan, oir tha iad a' cluinntinn.

17 Oir tha mi ag ràdh ribh gu fìrinneach, Gu'm b'iomadh faidh, agus firean leis am bu mhiann na nithean so fhaicinn a tha sibhse a' faicinn, agus nach fac' iad: agus na nithean so chluinntinn a tha sibhse a' chluinntinn, agus nach eual iad.

18 Eisdibh air an aobhar sin ri cosamhlachd an t-sìoladair.

19 An uair a chluinneas neach air bith focal na rioghachd, agus nach toir e faincar e, thig au droch spiorad, agus bheir e air falbh an ni a chuireadh 'n a chridhe: is e so esan anns au do chuireadh an sìol ri taobh an rathaid.

20 Ach esan a fhuair sìol ann an àitibh

creagach, is e so an ti a chluinneas am focal, agus a ghabhas e air ball le gairdeachas;

21 Gidheadh cha-n'èil freumh aigeann féin, ach fanaidh e ré tamuill: agus an uair a thig trioblaid no geur-leannhuinn air son an fhocail, air ball gheibh e oibheum.

22 E san mar an ceudna a ghabh siol am measg an droighinn, is e so an ti a tha 'cluinntinn an fhocail; agus tha ro-chùram an t-saoghail so, agus mealltaireachd beartais a' mùchadh an fhocail, agus bithidh e gun toradh.

23 Ach an ti ud a ghabh siol ann an deadh fhearann, is e sin an neach a tha 'cluinntinn an fhocail, agus 'g a thoirt fainear; neach mar an ceudna 'tha 'gùlan toraidh, agus a tha 'toirt a mach cuid a cheud uiread, cuid a thri fichead, agus cuid eile a dheich thar fhichead uiread *s a chuireadh*.

24 Chuir e cosamhlachd eile mach dhoibh, ag ràdh, Is cosmhuil rioghachd nèimh ri duine a chuir siol maith 'n a fhearann:

25 Agus an uair a bha daoine 'n an codal, thàinig a nàmhaid agus chuir e cogal am measg a' chruithneachd, agus dh'imich e roimhe.

26 Ach an uair a thàinig an t-arbhar fo dhéis, agus a thug e mach a thoradh, dh'fhoillsich an cogal e féin mar an ceudna.

27 Agus air teachd do sheirbhisich fhir-an-tighe thubhairt iad ris, A Thighearna, nach do chuir thusa siol maith ann ad fhearann? c'aite ma seadh as an d'fhuair e an cogal?

28 Thubhairt esan riu, Rinn nàmhaid éigin so. Agus thubhairt na seirbhisich ris, An àill leat uime sin gu'n téid sinne agus gu'n cruinnich sinn ri 'chéile iad?

29 Ach thubhairt esan Cha-n àill; air eagal 'n uair a chruinnicheas sibh an cogal, gu'm spion sibh an cruithneachd maille ris.

30 Leigibh leo fàs araon gus an tig am fogharadh: agus ann an àm an fhogharaidh their mise ris an luchd-buain, Cruinnichibh air tùs an cogal, agus ceanglaibh e 'na cheanglachain chum a losgaidh: ach cruinnichibh an cruithneachd do m' shabhal.

31 Chuir e mach cosamhlachd eile dhoibh, ag ràdh, Tha rioghachd nèimh cosmhuil ri gràinne de shìol mustaird, a ghabh neach agus a chuir e 'n a fhearann.

32 Ni gun amharas a's hugh a de gach uile phòr: gidheadh air fàs da, is e a's mò de na luibhean, agus fàsaidh e 'n a chrann: ionnus gu'n tig eunlaith an athair, agus gu'n dean iad nid 'n a gheugaibh.

33 Cosamhlachd eile labhair e riu; Is cosmhuil rioghachd nèimh ri taois ghoirt, a ghabh bean agus a dh'fholaich i ann an tri tomhasaibh mine, gus an do ghoirticheadh an t-iomlan.

34 Na nithean sin uile labhair Iosa ris a' phobull ann an cosamhlachdaibh; agus gun chosamhlachd cha do labhair e riu:

35 A chum gu'n coimhliontadh an nì a labhradh leis an fhàidh, ag ràdh, Fosglaidh mi mo bheil ann an cosamhlachdaibh, cuiridh mi'n céill nithean a bha folaichte o thoiseach an t-saoghail.

36 An sin chuir Iosa am pobull air falbh, agus chaidh e steach do'n tigh: agus thàinig a dheisciobuil d'a ionnsuidh, ag ràdh, Mìnich dhuine cosamhlachd cogail an fhearainn.

37 Agus fhreagair esan agus thubhairt e riu, An ti a chuireas an siol maith is e Mac an duine e:

38 'S e 'm fearann an domhan: agus is e an siol maith clann na rioghachd: ach is e an cogal clann an droch *spioraid*:

39 'S e an nàmhaid a chuir iad an diabhal: 's e am fogharadh deireadh an t-saoghail: agus is iad na buanaichean na h-aingil.

40 Agus àmhuil mar a chruinnichear an cogal, agus a loisgear le teine e, is ann mar sin a bhitheas ann an deireadh an t-saoghail so.

41 Cuiridh Mac an duine 'aingil uaith, agus tionailidh iad as a rioghachd na h-uile nithean a bheil oibheum, agus jadsan a tha 'deanamh aingidheachd;

42 Agus tilgidh siad iad anns an àmhuinn air dearg-lasadh: an sin bithidh gul agus giosgan fhiacal.

43 An sin dealraichidh na fireanan mar a' ghrian ann an rioghachd an Athar féin. Ge b'e aig am bheil cluasan chum éisdeachd, éisdeadh e.

44 A ris, tha rioghachd nèimh cosmhuil ri ionnhas air 'fholach ann am fearann; ni an déigh fhaotainn, a dh'fholaich duine, agus air sgàth a ghairdeachais air a shion, dh'imich e agus reic e na bha aige uile, agus cheannaich e am fearann sin.

45 A ris, is cosmhuil rioghachd nèimh ri ceannaiche àraidh ag iarraidh nèamhnuid-eann maiseach:

46 Agus air amas da air aon nèamhnuid ro luachmhoir, dh'imich e agus reic e na bha aige, agus cheannaich e i.

47 A ris, tha rioghachd nèimh cosmhuil ri lion air a thilgeadh 's an fhaireg, agus a chruinnich de gach uile sheorsa *éisg*:

48 Agus air dha bhi làn, tharruing na h-iasgairean e chum na tràighe, agus air suidhe dhoibh, chruinnich iad na h-éisg mhaith e ann an soithichean, ach thilg iad na droch *éisg* a mach.

49 Is ann mar sin a bhitheas ann an deireadh an t-saoghail: théid na h-aingil a mach, agus dealaichidh iad na droch dhaoine a measg nam fireanach;

50 Agus tilgidh siad iad 's an àmhuinn theinntich: an sin bithidh gul agus giosgan fhiacal.

51 Thubhairt Iosa riu, An do thuig sibh na nithean so uile? thubhairt iad ris, Thug, a Thighearna.

52 Agus thubhairt esan riu, Air an aobhar sin gach uile sgrìobhaiche a tha fòghluimte chum rioghachd nèimh, is cosmhail e ri fear-tighe, a bheir a mach as ìomhas nith-ean nuadh agus sean.

53 Agus thachair an uair a chrìochnaich Iosa ua cosamlachdan so, gu'n d'ìnich e as a sin.

54 Agus an uair a thàinig e d'a dhùthaich fèin, theagaisg e iad 'n an sionagog, ionnus gu'n do ghabh iad iongantas, agus gu'n dubhairt iad, C'ait an d'fhuair am fear so an gliocas so, agus na feartan ud?

55 Nach e so mac au t-saor? nach e ainm a mhàthar Muire? uach iad a bhràithrean, Seumas, agus Ioses, agus Simon, agus Iudas?

56 Agus a pheathraichean, nach 'eil iad uile uaille ruinn? c'ait uime sin an d'fhuair an duine so na nith-ean ud uile?

57 Agus fhuair iad oilbheum ann. Ach thubhairt Iosa riu, Cha-n'eil fàidh gun urram, ach 'n a dhùthaich fèin, agus 'n a thigh fèin.

58 Agus cha d'rinn e mòran oibre cumhachdach an sin, air sou am mì-chreidinnh.

CAIB. XIV.

1 Barail Heroid mu thimchioll Chrìosd. 3 Chaidh an ceann a bluntainn a dh'Eoin Baistidh. 13 Chaidh Iosa gu ionad fàisail. 15 far an do bheathaich e cùig mìle fear le cùig builleanaibh, agus dà iasg. 22 Dh'ìnich e air an fhairge a dh'ionnsuidh a dheisciobul. 34 Shlànuich e sluagh a bha cuslan.

S AN àm sin chuala Herod an Tetrach cliu Iosa,

2 Agus thubhairt e r'a sheirbhisich, Is e so Eoin Baistidh; dh'èirich e o na marbha, agus uime sin tha feartan air an oibreachadh leis.

3 Oir an uair a ghlac Herod Eoin, cheangail se e, agus thilg e anu am prìosan e air sou Herodiais, mnà Philip a bhràthar fèin.

4 Oir thubhairt Eoin ris, Cha-n'eil e dlìgh-each dluit i bli agad.

5 Agus an uair bu mhiann leis a chur gu bàs, bha eagal a' phobuill air, oir bha meas fàidh aca air.

6 Ach an uair a bha co-ainm là-breithe Heroid air a chumail, rinn nighean Herodiais dannsa 'n an làthair, agus thaitinn i ri Herod:

7 Ionnus gu'n do gheall e le mionnaibh, gu'n tugadh e dhi ge b'e air bith ni a dh'iarradh i.

8 Agus air dhise bhi air a teagasg le a màthar roimh làmh, thubhairt i, Thoir dhomh an so ceann Eoin Baistidh air mèis.

9 Agus bha 'n rìgh doilich: ach air sou a mhiannan, agus na muinntir a bha 'n an suidhe aig biadh maille ris, dh'àithn e a thubhairt di.

10 Agus air cur *jir-marbhaidh* uaith,

bhuin e a cheann de Foin anns a' phrìosan.

11 Agus thogadh a cheann air mèis, agus thugadh do'n chailin e: agus thug ise d'a màthair e.

12 Agus thàinig a dheisciobuil, agus thug iad an corp leo, agus dh'adhlac iad e, agus thàinig iad agus dh'innis iad *sin* do Iosa.

13 An uair a chual Iosa so, chaidh e as a sin air luing gu ionad fàisail air leth: agus an uair a chual am pobull *sin*, lean iad d'an cois e as na bailtibh.

14 Agus air dol a mach do Iosa, chunnaic e coinneachd mòr, agus ghabh e truas mòr dhiubh, agus shlànuich e an dream aca 'bha cuslan.

15 Agus an uair a b'fheasgar e, thàinig a dheisciobuil d'a ionnsuidh, ag ràdh, Is àite fàisail so, agus tha an t-àm a nis air dol seachad; cuir an sluagh air falbh, chum gu'n téid iad do na bailtibh, agus gu'n ceanaich iad biadh dhoibh fèin.

16 Ach thubhairt Iosa riu, Cha ruig iad a leas falbh; thugaibh-sa dhoibh r'a itheadh.

17 Agus thubhairt iad ris, Cha-n'eil againn an so ach cùig buillean, agus dà iasg.

18 Thubhairt esan riu, Thugaibh an so iad a m' ionnsuidh-sa.

19 Agus dh'àithn e do'n t-sluagh suidhe sìos air an fheur, agus ghlac e na cùig buillean, agus an dà iasg, agus air amhar dha suas gu nèamh, bheannaich agus bhris e, agus thug e na buillean d'a dheisciobuibh, agus thug na deisciobuil do'n t-sluagh iad.

20 Agus dh'ith iad uile, agus shàsuicheadh iad: agus thog iad làn dà chlàbh dheug de'n bhiadh bhriste, a bha dh'fhuigheall aca.

21 Agus bha iadsan a dh'ith mu thimchioll cùig mìle fear, thuilleadh air mnathan agus air cloinn.

22 Agus air ball cho-èignich Iosa a dheisciobuil gu dol am an luing, agus dol roinne chuman taoibh eile, gus an cuireadh esan an sluagh air falbh.

23 Agus an uair a leig e an sluagh uaith, chaidh e suas air beinn 'n a aonar a dheanadh urruigh: agus an uair a bha am feasgar air teachd, bha e an siu 'n a aonar.

24 Ach bha an long 's an àm sin anu am meadhon na fairge, air a tilgeadh a uall agus a nall leis na tonnaibh: oir bha a' ghaoth 'u an aghaidh.

25 Agus anns a' cheathramh faire de'n oidheche, chaidh Iosa d'an ionnsuidh, ag imeachd air an fhairge.

26 Agus an uair a chunnaic na deisciobuil e ag imeachd air an fhairge, bha iad fo bhuairesas, ag ràdh, Is spiorad a tha anu; agus ghlaodh iad a mach le h-eagal.

27 Ach labhair Iosa riu air ball, ag ràdh, Bìodh misneach mhaith agaibh; is mise a tha ann, na bitheadh eagal oirbh.

28 Agus fàgcair Peadar e agus thubhairt e, A Thighearna, na's tu a tha ann, iarr

ormsa teachd a d'ionnsuidh air na h-uisgeachaidh.

29 Agus thubhairt esan, Thig. Agus an uair a bha Peadar air teachd a nuas as an luing, dh'fhic e air na h-uisgeachaidh, chum teachd gu h-Iosa.

30 Ach an uair a chunnaic e a' ghaoth làidir, ghabh e eagal: agus an uair a thòisich e air dol fodha, ghlaodh e, ag ràdh, A Thighearna, fòir orm.

31 Agus air ball shìn Iosa mach a làmh, agus rug e air, agus thubhairt e ris, O thusa air bhacag creidimh, c'ar son a bha thu fo amharus?

32 Agus an uair a chaidh iad a steach do'n luing, fuich a' ghaoth.

33 An sin thàinig iadsan a bha's an luing, agus rinn iad aoradh dha, ag ràdh, Gu fìrinneach is tu Mac Dhé.

34 Agus an uair a chaidh iad chum an taoibh eile, thàinig iad gu talamh Ghenesaret.

35 Agus au uair a fhuair luchd an àite sin fiosrachadh uime, chuir iad fios air feadh na tìre sin uile air gach taobh dhiubh, agus thug iad d'a ionnsuidh an dream sin uile a bha eusan.

36 Agus ghuidh iad air, gu'm feudadh iad beantuinn ri iomall 'eudaich a mhàin; agus a mheud dhiubh as a bhean, shlànuceadh gu h-ionnlan iad.

CAIB. XV.

1 *Chronnich Crìosd na sgrìobhaichean agus na Phairisich air son àitheantan Dhé a bhriseadh 'En gnàthachadh-san; 11 tha e a' teagasg nach e an nì a thèid a steach do'n bheul a thruaill-eas an duine. 21 Shlànuich e nighean na mnà de mhuinntir Chanaain. 32 Shànuich e ceithir mìle fear, &c. le seachd buillean, agus le beagan tasga meanbha.*

AN sin thàinig sgrìobhaichean agus Phairisich o Ierusalem gu Iosa, ag ràdh,

2 C'ar son tha do dheisciobuil a' dol an aghaidh gnàthachaidh nan sinnsear? oir cha-n ionnlaid iad an làmh an uair a dh'itheas iad aran.

3 Ach fhreagair esan agus thubhairt e riu, C'ar son tha sibhse a' briseadh àithne Dhé le bhur gnàthachadh féin?

4 Oir thug Dia àithne, ag ràdh, Thoir urram do d'athair agus do d' mhàthair: agus ge b'e 'mhallaicheas athair no 'mhàthair, cuirear gu bàs e.

5 Ach their sibhse, Ge b'e neach a thoir r'a athair no r'a mhàthair, Bitheadh e 'n a thìodhlac do'n teampull gach nì leis an feudadh tu buannach a fhàin annas a;

6 Nach feum e urram a thabhairt d'a athair no d'a mhàthair. Mar sin chuir sibhse 'an neò-bhrìgh àithne Dhé le bhur gnàthachadh féin.

7 A chealgairean, is maith a rinn Esaias fàidheadaireachd m'ur timchioll, ag ràdh,

8 Tha an sluagh so a' dlùthachadh riumsa le'm beul, agus a' toirt urraim dhomh le'm bìlibh: ach tha an cridhe fada uam.

9 Ach is ann an òmhanas tha iad a' deanamh aoraidh dhomh, a' teagasg àith-eantan dhaoine mar theagasg.

10 Agus air gairm an t-sluaigh dha, thubhairt e riu, Eisdibh agus tuigibh:

11 Cha-n e an nì a thèid a steach 's a' bheul a shalaicheas an duine; ach an nì a thig a mach as a' bheul, is e so a shalaicheas an duine.

12 An sin thàinig a dheisciobuil, agus thubhairt iad ris, Am bheil fhios agad gu'n do ghabh na Phairisich oibheum, an déigh dhoibh na briathran ud a chluinntinn?

13 Ach fhreagair esan agus thubhairt e, Gach uile luibh nach do shuidhich m'athair nàmhaidh-sa, spionar á 'bhun e.

14 Leigibh leo: is cinn-iùil dhall nan dall iad. Agus ma threoraicheas dall dall eile, tuitidh iad araon anns a' chlais.

15 Agus fhreagair Peadar agus thubhairt e ris, Mìnich dhuinn a' chosamhlachd sin.

16 Agus thubhairt Iosa, Am bheil sibhse fathast mar an ceudna gun tuigse?

17 Nach 'eil sibh a' tuigsinn fathast ge b'e nì a thèid a steach 's a' bheul, gu'n téid e 's a' bhroinn, agus gu'n tilgear a mach do'n t-slochd shalachair e?

18 Ach na nithean sin a thig a mach as a' bheul, tha iad a' teachd o'n chridhe, agus is iad sin a shalaicheas an duine.

19 Oir is ann as a' chridhe thig droch-smuaintean, mortadh, adhaltrannas, strìopachas, gadachd, fianuis bhréige, toibheum:

20 Is iad so na nithean a shalaicheas an duine: ach itheadh le làmhau gun ionnlaid, cha salaich sin an duine.

21 Agus air dol do Iosa as a sin, chaidh e gu crìochaibh Thìruis agus Shìdoim.

22 Agus, feuch, thàinig bean de mhuinntir Chanaain o na crìochaibh sin, agus ghlaodh i ris, ag ràdh, Dean trèc air orm, a Thighearna, a Mhic Dhaibhidh; tha mo nighean air a buaireadh gu truagh le deamhan.

23 Ach cha d'thug esau freagradh sam bith dhi. Agus thàinig a dheisciobuil d'a ionnsuidh, agus dh'iarr iad air, ag ràdh, Cuir air falbh i, oir tha i a' glaochaich 'n ar déigh.

24 Ach fhreagair esan agus thubhairt e, Cha do cluireadh mise ach a chum chaorach chailte thighe Israeil.

25 An sin thàinig ise agus rinn i aoradh dha, ag ràdh, A Thighearna, cuidich leam.

26 Ach fhreagair esan agus thubhairt e, Cha chòir aran na cloinne a ghlacadh, agus a thilgeadh chum nan con.

27 Agus thubhairt ise, Is fìor, a Thighearna: ach ithidh na coin de'n sbruileach thuiteas o bhord am maighstirean.

28 An sin fhreagair Iosa agus thubhairt

e rithe, O bhean, is mòr do chreidimh: bitheadh e dhuit mar is toil leat. Agus rinneadh a nighean slàn o'n uair sin a mach.

29 Agus air imeachd do Iosa as a sin thàinig e làimh ri fairege Ghalile; agus an uair a chaidh e suas air beinn, shuidh e sìos an sin.

30 Agus thàinig mòr-sluagh d'a ionnsuidh, agus aca maille riu bacadh, doill, bailbhain, daoine ciurramach, agus mòran eile, agus thilg iad sìos aig cosaibh Iosa iad, agus shlànuich e iad:

31 Ionnsu gu'n do ghabh an sluagh iongant-as 'n uair a chunnaic iad na bailbhain a' labhairt, na daoine ciurramach slàn, na bacadh ag imeachd, agus na doill a' faiciun: agus thug iad glòir do Dhia Isracil.

32 An sin ghairm Iosa a dheisciobuil d'a ionnsuidh, agus thubhairt e, Tha mi a' gabhail truais de'n t-sluagh, oir dh'fhan iad maille rium a nis ré fhàithean, agus cha-n'èil ni air bith aca r'a itheadh: agus cha chuir mi uam 'n an trasg iad, air eagal gu'm fannaich iad air an t-slighe.

33 Agus thubhairt a dheisciobuil ris, Cia as a gheibhcamaid na h-uiread a dh'aran 's an fhàsach, 's a bu leòir a shàsachadh sluaigh co mhòr?

34 Agus thubhairt Iosa riu, Cia lìon buil-ionn a tha agaibh? agus thubhairt iadsan, Seachd, agus beagan a dh'iasgaibh beaga.

35 Agus dh'àithn e do'n t-sluagh suidhe sìos air an làr.

36 Agus air glacadh nan seachd buil-ionn agus nan iasg dha, agus air tabhairt buidh-eachais, bhris e iad, agus thug e d'a dheisciobuibh, agus thug na deisciobuil do'n t-sluagh iad.

37 Agus dh'ith iad uile, agus shàsuicheadh iad: agus thog iad de'n bhìadh bhriste a dh'fhàgadh làn sheachd bascaid.

38 Agus b'iad a' mhuinntir a dh'ith, ceithir mìle fear, thuilleadh air mnàibh agus air cloinn.

39 Agus air dha an sluagh a leigeadh uath, chaidh e air luing, agus thàinig e gu eriochaibh Mhagdala.

CAIB. XVI.

1 Dh'iarr na Phairisich comharadh. 6 Thug Iosa rabhadh d'a dheisciobuibh mu thimchioll droch theagaisg nam Phairisich agus nan Sadusach. 13 Barail an t-sluagh mu thimchioll Chrìosd. 21 Roimh-innis e a bhàs; 23 chronuich e Peadar; 24 agus chuir e mar fhiachaibh orra-san lè'm b' àill a leantainn, an crann-ceusaidh a ghriùlan.

AGUS air teachd do na Phairisich agus do na Sadusaich 'g a dhearbhadh, dh'iarr iad air comharadha nochdadh dhoibh o nèamh.

2 Ach fhreagair esan agus thubhairt e riu, An uair isfeasgar e, their sibh, *Bithidh* deadh aimsir ann; oir tha an t-athar dearg:

3 Agus air maduinn, *Bithidh* droch aimsir ann an diugh; oir tha an t-athar dearg agus dorecha. A chealgairean, is aithne dhuibh breth a thoirt air guais an athair, agus nach 'eil n'èil comas duibh comharau nan aimsir a thuigsinn?

4 Tha ginealach aingidh agus adhaltranu-ach ag iarraidh comharaidh, agus cha toirear comharadh dhoibh, ach comharadh an fhàidh Ionais. Agus air dha am fàgail, dh'imich e as a sin.

5 Ionnsu an uair a thàinig a dheisciobuil a dh'ionnsuidh, an taoibh eile dhì-chuimhnich iad aran a thabhairt leo.

6 Agus thubhairt Iosa riu, Thugaibh an aire, agus gleidhibh sibh féin o thaois ghoirt nam Phairisich, agus nan Sadusach.

7 Agus bha iad a' reusonachadh eatorra féin, ag ràdh, *Is ann* air son nach d'thug sinn aran leinn.

8 Agus 'n uair a thuig Iosa sin, thubhairt e riu, O sibhse air bheag creidimh, c'ar son a tha sibh a' reusonachadh eadaraibh féin, gur ann a chionn nach d'thug sibh aran leibh?

9 Nach 'eil sibh fathast a' tuigsium, no a' cuimhneachadh cuig buil-ionn nan cuig mìle, agus cia lìon cliabh a thog sibh?

10 No seachd buil-ionn nan ceithir mìle, agus cia lìon bascaid a thog sibh?

11 Cionnus nach 'eil sibh a' tuigsinn, nach ann mu aran a thubhairt mi ribh, sibh a bhi air bhrur faicill o thaois ghoirt nam Phairisich, agus nan Sadusach?

12 An sin thuig iad cionnus nach d'iarr e *erra* 'bhi air am faicill o thaois ghoirt an araiu, ach o theagasg nam Phairisich, agus nan Sadusach.

13 Agus air teachd do Iosa gu eriochaibh Chesarea Philipi, dh'fheòraich e d'a dheisciobuibh, ag ràdh, Cò 'tha daoine ag ràdh is e Mac an duine?

14 Agus thubhairt iadsan, *Tha* cuid ag ràdh Eoin Baistidh, cuid Elias, agus cuid eile Ieremias, no aon de na fàidhibh.

15 Thubhairt esan riu, Ach cò 'tha sibhse ag ràdh is mi?

16 Agus fhreagair Simon Peadar agus thubhairt e, Is tusa Chrìosd, Mac an Dé bhed.

17 Agus fhreagair Iosa agus thubhairt e ris, Is beannaichte thusa, a Shìmoin Bhar-Iona; oir cha d'fhoillsich fuil agus feoil sin duitse, ach m'Àthair-sa a tha air nèamh.

18 Agus tha mise ag ràdh riut, Gur tusa Peadar, agus air a' charraig so togaidh mise m' eaglais: agus cha toir geatachan ifrion buaidh oirre.

19 Agus bheir mi dluit iuchraichean rìogh-achd nèimh: agus ge b'e ni a cheanglas tusa air talamh, bithidh e ceangailte air nèamh; agus ge b'e ni a dh'fhuasglas tusa air talamh, bithidh e fuasgailte air nèamh.

20 An sin dh'àithn e d'a dheisciobuibh

gun iad a dh'innseadh do neach air bith, gu'm b'esan Iosa an Crìosd.

21 O'n àm sin a mach thòisich Iosa air a nochdadh d'a dheisciobluibh, gur éigin dhàsan dol suas gu Ierusalem, agus mòran de nithibh fhulang o na seanairibh, agus na h-àrd-shagartaibh, agus na sgrìobhaicheibh, agus a bhi air a chur gu bàs, agus a bhi air a thogail suas air an treas là.

22 Agus ghabh Peadar e, agus thòisich e air achmhasan a thabhairt dha, ag ràdh, Gu ma fada sin uaitse, a Thighearna; cha tachair sin duitse.

23 Ach air tionndadh dhàsan, thubhairt e ri Peadar, Imich air mo chùl, a Shàtain; is oibheum dhomh thu: oir cha-n'eil spéis agad denithibh Dhé, ach denithibh dhaoine.

24 An sin thubhairt Iosa r'a dheisciobluibh, Ma's àill le neach air bith teachd a'm dhéigh-sa, àicheadh se e féin, agus togadh e air a chrann-ceusaidh, agus leanadh e mise.

25 Oir ge b'e neach lè'm b'àill 'anam a ghleidheadh, caillidh se e; agus ge b'e neach a chailleas 'anam air mo sgath-sa, gheibh se e.

26 Oir ciod an tairbhe a th' ann do dhuine, ged chosnadh e an saoghal uile, agus 'anam féin a chall? no ciod i a' mhalairt a bheir duine air son 'anama?

27 Oir thig Mac an duine ann an glòir 'Athar, maille r'a ainglibh; agus an sin bheir e do gach neach a réir a ghnìomharan.

28 Gu deimhin tha mi ag ràdh ribh, Gu bheil cuid de'n dream a tha 'n an seasamh an so, nach blais bàs, gus am faic iad Mac an duine a teachd 'n a rìoghachd féin.

CAIB. XVII.

1 Atharrachadh agus dealrachadh crutha Iosa.

14 Shlànuich e an leanabh air an robh an tuiteamach. 22 Dh'innis e fhulangas roimh-laimh, 24 agus dh'òc e a' chùs.

AGUS an déigh shè làithean, ghabh Iosa Peadar, agus Seumas, agus Eoin a bhràthair, agus thròraich e iad air leth gu beinn àrd.

2 Agus dh'atharraicheadh a chruth 'n an làthair; agus dhealraich 'aghaidh mar a' ghrian, agus rinneadh 'endach geal mar an solus.

3 Agus, feuch, chunnacas leo Maois agus Elias a' combradh ris.

4 An sin fhreagair Peadar, agus thubhairt e ri Iosa, A Thighearn', is maith dhuinne bhà an so: ma's àill leatsa, deanamaid trì pulliunan an so: aon duitse, aon do Mhaois, agus aon do Elias.

5 Air dha bhi fathast a' labhairt, feuch, thig neul soillsach sgàile orra: agus, feuch, guth as an neul, ag ràdh, Is e so mo Mhac gràdhach-sa, anns am bheil mo mhòr-thlachd, éisdibh ris.

6 Agus an uair a chuala na deisciobuil so,

thuit iad air an aghaidh, agus ghabh iad eagal ro mhòr.

7 Agus thàinig Iosa agus bhean e riu, agus thubhairt e, Eiribh, agus na bitheadh eagal oirbh.

8 Agus an uair a thog iad suas an sùilean, cha-n fhac iad neach air bith, ach Iosa 'n a aonar.

9 Agus 'an àm dhoibh teachd a nuas o'n bheinn, thug Iosa àithne dhoibh, ag ràdh, Na innisibh do neach air bith an nì a chunn-aic sibh, gus an éirich Mac an duine o na marbhaibh.

10 Agus dh'fhèoraich a dheisciobuil dheth, ag ràdh, C'ar son ma seadh a their na sgrìobhaichean, gur éigin Elias a theachd air tùs?

11 Agus fhreagair Iosa agus thubhairt e riu, Thig Elias gu firineach air tùs, agus aisgidh e na h-uile nithean:

12 Ach tha mise ag ràdh ribh, Gu'n d'fhàinig Elias cheana, agus cha d'aithnich iad e, ach rinn iad gach nì a bu toil leo ris: is ann mar sin mar an ceudna a dh'fhulaingear Mac an duine uatha.

13 An sin thuig na deisciobuil gu'm b'ann mu Eoin Baistidh a labhair e riu.

14 Agus an uair a thàinig iad chum an t-sluaigh, thàinig duine òraidh d'a ionnsuidh, a' tuiteam air a ghlùinibh dha, agus ag ràdh,

15 A Thighearna, dean tròcair air mo mhac, oir tha e gu tinn leis an tuiteamach, agus is mòr an cràdh a tha e a' fulang: oir tha e gu minic a' tuiteam 's an teine, agus gu tric 's an uisge.

16 Agus thug mi e dh'ionnsuidh do dheisciobul, agus cha b'urrainn iad a leigheas.

17 Agus fhreagair Iosa agus thubhairt e, A ghinealach neo-chreidich, agus choirbhe, cia fhad a bhitheas mi maille riùbh? cia fhad a dh'fhulaingear mi sibh? thugaibh a m' ionnsuidh-sa an so e.

18 Agus chronuich Iosa an deamhan, agus dh'imich e as: agus shlànuicheadh an leanabh o'n uair sin a mach.

19 An sin uair a thàinig na deisciobuil chum Iosa fa leth, thubhairt iad, C'ar son nach b'urrainn sinne a thilgeadh a mach?

20 Agus thubhairt Iosa riu, Air son blur mi-chreidimh: oir gu firinneach tha mi ag ràdh ribh, Nam bitheadh agaibh creidimh mar ghràinne mustaird, theireadh sibh ris a' bheinn so, Atharraich á so an sud, agus dh'atharraicheadh i; agus cha bhitheadh nì air bith eu-comasach dhuibh.

21 Gidheadh, cha téid a' ghnè so mach, ach le h-urnuigh agus le trasgadh.

22 Agus am feadh a bha iad a' fantuinn ann an Galile, thubhairt Iosa riu, Bitheadh Mac an duine air a bhrath thairis do làmh-an dhaoine:

23 Agus marbhaidh iad e, ach an treas là éiridh e. Agus bha iadsan ro bhrònach.

24 Agus air teachd dhoibh do Chaper-naum, thàinig luchd-togail na cise gu Peadar, agus thubhairt iad ris, Nach 'eil bhuir maighstir-sa ag iocadh na cise?

25 Thubhairt esan, Tha. Agus an uair a chaidh e steach do'n tigh, labhair Iosa ris air tùs, ag ràdh, Ciod i do bharail-sa, a Shimon? co uaith tha rìghrean na talmhainn a' togail càine no cise? An ann o'n cloinn fèin, no o choigrich?

26 Thubhairt Peadar ris, O choigrich. Thubhairt Iosa ris-san, Air an aobhar sin tha a' chlamn saor.

27 Gidheadh, chum nach tugamaid oilbheum dhoibh, imich thusa chum na fairge, agus tilg dubhan *innse*, agus tog an ceud iasg a thig a mios: agus air fosgladh a bheòil duit, gheibh thu bonn airgid; sin gabh, agus tabhair dhoibh air mo shon-sa, agus air do shon fèin.

CAIB. XVIII.

1 Thug Crìosd òithne d'a dheisciobluibh 'bhi ìmhail agus neo-chronail, 7 oilbheum a sheach-nadh, agus gun iad a dheanamh tàir air cloinn bhlìg. 15 Labhair Crìosd mu thimchioll maith-eannais. 23 Cosamhlachd an rìgh a ghabh cunnas d'a sheirbhìsich.

A NNS an àm sin fèin thàinig na deiseiobuil chum Iosa, ag ràdh, Cò a's mò ann an rìoghachd nheimh?

2 Agus air do Iosa leanabh beag a ghairm d'a ionnsuidh, chuir e 'n am meadhon e,

3 Agus thubhairt e, Gu fìrinn each tha mi ag ràdh ribh, Mur iompach fear sibh, agus mur bi sibh mar leanabanaibh nach tèid sibh a steach do rìoghachd nheimh.

4 Air an aobhar sin ge b'e dh'ìsticheas e fèin mar an leanaban so, 's e sin fèin a's mò ann an rìoghachd nheimh.

5 Agus ge b'e ghabhas aon leanaban d'a leithid so ann am ainm-sa, gabhaidh e mise.

6 Ach ge b'e neach a bheir oilbheum do aon neach de'n mhuinntir bhlìg so a tha 'creidsinn annam-sa, b'fhearr dha gu'm bitheadh clach-mhuilinn air a crochadh r'a mhuineal, agus gu'm bitheadh e air a bhàthadh ann an doimhne na fairge.

7 Is an aobhar sin do'n t-saoghal air son oilbheuman: oir is èigin do oilbheumaibh teachd; ach is an aobhinn do'n duine sin troimh an tig an t-oilbheum.

8 Uime sin ma bheir do làmh no do chos aobhar oilbheim dhuit, gearr dhìot iad, agus tilg uait iad: is fearr dhuit dol a steach do'n bbeatha air leth-chois no air leth-làimh, na dà làimh no dà chois a bhi agad, agus thu 'bhi air do thilgeadh anns an teine shiorruidh.

9 Agus ma bheir do shùil aobhar oilbheim dhuit, spion asad i, agus tilg uait i: is fearr dhuit dol a steach chum na beatha air leth-shùil, na dà shùil a bhi agad agus thu 'bhi air do thilgeadh ann an teine ifrinn.

10 Thugaibh an aire nach dean sibh tarcais

air aon neach de'n mhuinntir bhlìg so; oir tha mise ag ràdh ribh, gu bheil an aingil-san air nèamh a' faicinn a ghuàth gnùis m' Athar-sa, a tha air nèamh.

11 Oir thàinig Mac an duine a shaoradh an ni sin a bha caillte.

12 Ciod a's barail dhiubhse? ma bhlitheas aig duine ceud caora, agus gu'n tèid aon diubh air seacharan, nach fag e na naoi caoraich dheug agus ceithir fichead air na beamtaibh, agus nach tèid e dh'iarraidh na caorach a chaidh air seacharan.

13 Agus ma tharlas da gu'm faigh e i, gu deimhin tha mi ag ràdh ribh, Gu'n dean e tuilleadh gairdeachais air son na caorach sin, na air son nan naoi caorach dheug agus ceithir fichead, nach deachaidh air seacharan.

14 Mar so cha-n e toil 'bhuir n-Athar-sa a tha air nèamh, gu'n rachadh aon neach de'n mhuinntir bhlìg so a chall.

15 Uime sin ma pheacaicheas do bhràthair a'd aghaidh, imich agus innis a lochd dha eadar thu fèin agus esan a mhàin: ma dh'èisdeas e riut, choisinn thu do bhràthair.

16 Ach mur èisd e riut, thoir leat aon no dithis eile, chum gu'm bi gach ni air a dheanamh seasnach 'am beul dithis no triuir de fhiannuisibh.

17 Agus ma dhiultas e iadsan èisdeachd, innis do'n eaglais e: ach ma dhiultas e 'n eaglais èisdeachd, bitheadh e dhuit mar Gheintileach agus mar chis-mhaor.

18 Gu deimhin tha mi ag ràdh ribh, Ge b'e air bith nithean a cheanglas sibhse air thalamh, bithidh iad ceangailte air nèamh: agus ge b'e air bith nithean a dh'fhuasglas sibhse air thalamh, bithidh iad fuasgailte air nèamh.

19 A ris tha mi ag ràdh ribh, Ma chòrdeas dithis agaibh air thalamh mu thimchioll aoin ni a dh'iarrais iad, nithean so dhoibh le n'Athair-sa a tha air nèamh.

20 Oir ge b'e àit ann bheil dithis no triuir air an cruinnachadh an ceann a chèile a'm ainm-sa, tha mise an sin 'n am meadhon.

21 Air dol do Pheadar d'a ionnsuidh 's an àm sin, thubhairt e, A Thighearna, cia minic a pheacaicheas mo bhràthair a'm aghaidh, agus a mhaithcas mi dha? An ann gu ruig an seachdamh uair?

22 Thubhairt Iosa ris, Cha-n abair mi riut, gus an seachdamh uair, ach gu deich agus trì fichead seachd uairean.

23 Air an aobhar sin is cosmhuil rìoghachd nheimh ri rìgh àraidh le'm b'ail cunnas a dheanamh r'a sheirbhìsich.

24 Agus an uair a thòisich e air cunnas a dheanamh, thugadh aon d'a ionnsuidh air an robh aige deich mìle tàlann:

25 Ach do bhligh nach robh aige ni leis an dioladh e, dh'àithn a thighearna e fèin, agus a bhean, agus a chlann, agus na h-uile nithean a bha aige a reic, agus dioladh a dheanamh.

26 Air an aobhar sin thuit an seirbhiseach sin sìos agus rinn e umhlachd dha, ag ràdh, A Thighearna, dean foighidinn rium, agus iocaidh mi dhuit an t-ionlan.

27 An sin air do thighearna an òglaich sin truas mòr a ghabhail dheth, leig e a chead da, agus mhaith e na fiachan dha.

28 Ach an uair a chaidh an seirbhiseach sin féin a mach, fluair e aon d'a chomh-sheirbhisich air an robh aige ceud peghinn: agus chuir e làmh ann, agus rug e air sgornan air, ag ràdh, Ioc dhomh na bheil agam ort.

29 Agus thuit a chomh-sheirbhiseach sìos aig a chosaibh, agus ghuidh e air, ag ràdh, Dean foighidinn rium, agus iocaidh mi dhuit an t-ionlan.

30 Agus cha b' àill leis-san sin: ach dh'imich e agus thilg e 'am prìosan e, gus an iocadh e na fiachan.

31 Agus an uair a chunnaic a chomh-sheirbhisich na nithean a rinneadh, bha iad ro dhoilich, agus thàinig iad, agus dh'fhoillsich iad d'an tighearna gach ni a rinneadh.

32 An sin ghairn a thighearna air, agus thubhairt e ris, A dhroch sheirbhisich, mhaith mi dhuit na fiachan ud uile, do bhrìgh gu'n do chuir thu impidh orm:

33 Nach bu chòir dhuitse mar an ceudna tròcair a dheanamh air do chomh-sheirbhisich féin, amhuil mar a rinn mise tròcair ortsa?

34 Agus ghabh a thighearn fearg, agus thug e do na ceusadairibh e, gus an iocadh e 'fhiachan uile dha.

35 Agus mar sin ni m'athair nèamhaidh ribhse, mur maith gach aon agaibh o blur cridheachaibh d'a bhràthair an cionta.

CAIB. XIX.

1 Shlànuich Criosd a' mhuinntir a bha tinn: 3 fhreagair e na Phatrisich mu thimchioll dealachaidh: 10 nochd e cùin a tha am pòsadh feumail; 13 agus ghabh e ri doinn bhag. 23 Dh'imich e d'a dheisciobluibh cho cruaidh is a tha e air duine saobhair dol a steach do rìoghachd nèimh.

A GUS tharladh, an uair a chrìochnaich Iosa na briathran sin, gu'n d'imich e o Ghalile, agus thàinig e gu crìochaibh Iudea, air an taobh thall de Iordan:

2 Agus lean sluagh mòr e, agus shlànuich e iad an sin.

3 Thàinig na Phatrisich mar an ceudna d'a ionnsuidh 'g a dhearbhadh, agus ag ràdh ris, Am bheil e ceaduichte do dhuine a bhean a chur uaith air gach uile aobhar?

4 Agus fhreagair esan agus thubhairt e riu, Nach do leugh sibh, An ti a rinn air tùs iad, gu'n d'rinn e iad fear agus bean?

5 Agus thubhairt e, Air an aobhar so fàgaidh duine 'athair agus a mhàthair, agus dlùth-leanaidh e r'a mhnaoi: agus bithidh iad araon 'n an aon fheoil.

6 Air an aobhar sin cha dithis iad ni's mò,

ach aon fheoil. Uime sin an ni a cheangail Dia, na sgaioleadh duine.

7 Thubhairt iad ris, C'ar son ma seadh a dh'àithn Maois litir-dhealachaidh a thabhairt dhi, agus a cur air falbh?

8 Thubhairt esan riu, Dh'fhulaing Maois dhuibh-sa air son cruais bhur cridhe, bhur mnathan a chur uaibh: ach cha robh e mar sin o thùs.

9 Agus tha mise ag ràdh ribh, Ge b'e 'chuir-eas uaith a bhean, ach air son striopachais, agus a phòsas bean eile, tha e a' deanamh adhaltrannais: agus ge b'e neach a phòsas ise a chuireadh air falbh, tha e a' deanamh adhaltrannais.

10 Thubhairt a dheisciobuil ris, Ma's e sin cor an fhuir r'a mhnaoi, cha-n'eil am pòsadh maith r'a dheanamh.

11 Ach thubhairt esan riu, Cha-n'eil na h-uile dhaoine comasach air a' chaint so a ghabhail, ach iadsan d'an d'fhugadh e.

12 Oir tha cuid 'n an caillteanaich, a rugadh mar sin o bhroinn am màthar; agus tha cuid de chaillteanaich ann, a rinneadh 'n an caillteanaich le daoineibh; agus tha caillteanaich ann, a rinn iad féin 'n an caillteanaich air son rìoghachd nèimh. Ge b'e neach a tha comasach air a ghabhail d'a ionnsuidh, gabhadh se e.

13 An sin thugadh clann bheag d'a ionnsuidh, chum gu'n cuiradh e a làmhnan orra, agus gu'n deanadh e urnuigh: agus chronuich na deisciobuil iad.

14 Ach thubhairt Iosa, Fulaingibh do na leanabaibh, agus na bacaibh dhoibh teachd a m' ionnsuidh: oir is ann d'an leithidibh sin tha rìoghachd nèimh.

15 Agus an déigh dha a làmhnan a chur orra, dh'imich e as a sin.

16 Agus, feuch, thàinig neach agus thubhairt e ris, A mhaighstir mhaith, ciod am maith a ni mi chum gu'm faigh mi a' bheatha mhaireannach?

17 Agus thubhairt esan ris, C'ar son a ghoireadh tu maith dhìom-sa? cha-n'eil neach maith ach a h-aon, cadhón Dia: ach ma's àill leat dol a steach chum na beatha, coimhid na h-àitheantan.

18 Thubhairt esan ris, Cia iad? agus thubhairt Iosa, Na dean mortadh. Na dean adhaltrannas. Na goid. Na toir fianuis bhréige.

19 Thoir urram do d'athair, agus do d' mhàthair: agus, Gràdhaidh do choimhearsnach mar thu féin.

20 Thubhairt an t-òganach ris, Choimhid mi iad sin uile o m'òige: ciod a tha dh'uir-easbhuidh orm fathast?

21 Thubhairt Iosa ris, Ma's àill leat a bhi coimhlionta, imich, reic na bheil agad, agus tabhair do na bochdaibh, agus gheibh thu ionnhas air nèamh; agus thig, agus lean mise.

22 Ach an uair a chual an t-òganach na

briathran sin, dh'fhalbh e brònach: oir bha mòr-shaoibhreas aige.

23 An siu thubhairt Iosa r'a dheisciobluibh, Gu fìrinneach tha mi ag ràdh ribh, gu bheil e cruaidh air duine saoi bhir dol a steach do rìoghachd nèimh.

24 Agus a ris tha mi ag ràdh ribh, Gur usadh do chàmhail dol troimh chrò snàthaid, na do dhuine saoi bhir dol a steach do rìoghachd Dhé.

25 Agus 'n uair a ehual a dheisciobuil so, ghabh iad iongantas mòr, ag ràdh, Cò ma seadh an neach a dh'fheudas a bhi air a shaoradh?

26 Ach air amharc do Iosa orra, thubhairt e riu, Do dhaoibh tha so eu-comasach, ach do Dhia tha na h-uile nithean comasach.

27 An sin fhreagair Peadar, agus thubhairt e ris, Feuch, thréig sinne na h-uile nithean, agus lean sinn thusa; air an aobhar sin ciod a gheibh sinn?

28 Agus thubhairt Iosa riu, Gu deimhin tha mi ag ràdh ribh, Sibhs e lean mise, anns an ath-glèicamhuin, an uair a shuidheas Mac an duine air caithir a ghloire féin, gu'n suidh sibhs mar an ceudna air dà chaithir dheug, a' toirt breth air dà thrèibh dheug Israeil.

29 Agus ge b'e neach a thréig tighean, no bràithrean, no peathraichean, no athair, no màthair, no bean-phòda, no clann, no fear-anu air sgàth m'ainme-sa, gheibh e a' cheud uiread, agus a' bheatha mhaireannach mar oighreachd.

30 Ach tha mòran air thoiseach a bhithcas air dheireadh; agus air dheireadh a bhithcas air thoiseach.

CAIB. XX.

1 Dhearbh Crìosd, le cosamhlachd air a ghabhail o luchd saoi bhir ann an gearradh fìona, nach 'eil Dia fo fhìachaibh do dhuine air bith; 17 roimh-nìis e a bhàs; 20 theagarig e d'a dheisciobluibh a bhi umhal; 30 agus thug e an rudhare do dhùithis dhaoine dolle.

OR is cosmhuil rìoghachd nèimh ri fear-tighe, a chaidh a mach moch air mhaduinn a thuarasdalachadh luchd-oibre d'a ghàradh fìona.

2 Agus an dèigh dha còrdadh ris an luchd-oibre air pheghinn *Romhanaich* 's an là, ehuir e d'a ghàradh fìona iad.

3 Agus an uair a chaidh e mach timchioll na treas uaire, chunnaic e dream eile 'n an seasamh dìomhanach 's a' mhargadh.

4 Agus thubhairt e riu, Imichibh-sa mar an ceudna do'n ghàradh fhìona, agus ge b'e ni a bhithcas ceart, bheir mi dhuibh e. Agus dh'imich iad.

5 An uair a chaidh e mach a rìs timchioll na seathamh agus na naothamh uaire, rinn e mar au ceudna.

6 Agus an uair a chaidh e mach mu thimchioll na h-aoin uaire deug, fhuair e dream eile 'n an seasamh dìomhanach, agus thubh-

airt e riu, C'ar son tha sibh 'n 'ur seasamh an so feadh an là dìomhanach?

7 Thubhairt iad ris, A chionn nach do thuarasdalaich duine air bith sinn. Thubhairt esan riu, Imichibh-sa mar an ceudna do'n ghàradh fhìona, agus ge b'e ni a tha ceart, gheibh sibh e.

8 Agus 'n uair thàinig an feasgar, thubhairt tighearn a' ghàraidh fhìona sin r'a stiùbhard, Gairm an luchd-oibre, agus thoir dhoibh an tuarasdal, a' tòiseachadh o'n dream a thàinig mu dheireadh gu ruig na ceud daoine.

9 Agus an uair a thàinig iadsan a thuarasdalaich mu thimchioll na h-aoin uaire deug, fhuair gach duine dhiubh peghinn.

10 Ach an uair a thàinig an ceud dream, shaoil iadsan gu'm faigheadh iad ni bu mhò; ach fhuair gach aon diubh mar an ceudna peghinn.

11 Agus air dhoibh 'fhaotaiun, rinn iad gearan an aghaidh fhìr-an-tighe,

12 Ag ràdh, Au dream sin a thàinig mu dheireadh, cha d'rinn iad obair ach aon uair, agus rinn thu iad ionann ruinne, a ghlèidh nallach agus teas an là.

13 Ach fhreagair esan agus thubhairt e ri fear dhiubh, A charaid, cha-n'eil mi a' dean-aulh eucoir ort: nach do choird thu rium air pheghinn?

14 Tog leat do chuid féin, agus imich romhad: is i mo thoil-sa a thabhairt do'n ti so a thàinig mu dheireadh, mar a thug mi dhuit-sa.

15 Nach 'eil e cendaichte dhomh-sa au ni a's toil leam a dheanamh ri mo chuid féin? an bheil do shùil-sa ole, air son gu bheil mise maith?

16 Mar sin bithidh an dream dheireannach air thoiseach, agus an dream a tha air thoiseach air dheireadh: oir tha mòran air an gairm, ach beagan air an taghadh.

17 Agus aig dol do Iosa suas gu Ierusalem, thug e an dà dheisciobul deug leis a leth taobh anns an t-slighe, agus thubhairt e riu,

18 Feuch, tha sinn a' dol suas gu Ierusalem; agus bithidh Mac au duine air a bhrath thairis do na h-àrd-shagartaibh, agus do na sgrìobhaichibh, agus dithidh iad chum bàis e.

19 Agus bheir iad thairis e do na Cìnuich chum fainoid a dheanamh air, agus chum a sgiùrsadh, agus a cheusadh: ach air an treas là éiridh e a rìs.

20 An sin thàinig d'a ionnsuidh màthair cloinne Shebede, màille r'a mic, a' toirt aoraidh dha, agus ag iarraidh ni araidh air.

21 Agus thubhairt esan rithe, Ciod a b'àill leat? Thubhairt i ris, Abair gu'n suidh iad so mo dhùithis mhae, fear aca air do làimh dheis, agus fear eile air do làimh chlì, a'd' rìoghachd.

22 Ach fhreagair Iosa agus thubhairt e,

Cha-n'eil fhios agaibh cìod a tha sibh ag iarraidh. Am bheil sibh comasach air a' chupan sin òl a dh'òlas mise, agus a bhi air bhuir baisteadh leis a' bhaisteadh leis am baistear mise? Thubhairt iad ris, Tha sinn comasach.

23 Agus thubhairt esan riu, Olaidh sibh gu deimhin de m' chupan-sa, agus baistear sibh leis a' bhaisteadh leis am baistear mise: ach suidhe air mo làimh dheis agus chli, cha leamsa sin a thabhairt, ach dhoibhsan d' am bheil e air ullachadh le m' Athair-sa.

24 Agus 'n uair a chual an deichnear so, bha iad dìombach air an dithis bhràithrean.

25 Ach ghairm Iosa iad d'a ionnsuidh, agus thubhairt e, Tha fhios agaibh gu bheil aig nachdaranaibh nan Cinneach tighearnas orra, agus gu bheil aig an daoinibh mòra smachd orra.

26 Ach mar sin cha bhi e 'n 'ur measg-sa: ach ge b'e neach le'm b'àill a bhi mòr 'n 'ur measg, bitheadh e dhuibh 'n a fhear-frithcalaidh.

27 Agus ge air bith le'm b'àill toiseach a bhi aige 'n 'ur measg, bitheadh esan 'n a sheirbhisach dhuibh:

28 Amhuil mar nach d' thàinig Mac an duine chum gu'n deantadh frithcaladh dha, ach a dheanamh frithcalaidh, agus a thabhairt 'anama féin mar éric air son mhòran.

29 Agus ag dol a mach dhoibh à Iericho, lean sluagh mòr e:

30 Agus, feuch, dithis dhaoine dalla, a bha 'n an suidhe ri taobh na slighe, 'n uair a chual iad gu'n robh Iosa a' dol seachad, ghlaodh iad, ag ràdh, Dean tròcair oirne, a Thighearn', a Mhic Dhaibhidh.

31 Agus chronuich an sluagh iad, chum gu'm bitheadh iad 'n an tosd: ach is mòid a ghlaodh iadsan, ag ràdh, Dean tròcair oirne, a Thighearn', a Mhic Dhaibhidh.

32 Agus sheas Iosa, agus ghairm e iad, agus thubhairt e, Cìod a's àill leibh mise a dheanamh dhuibh?

33 Thubhairt iadsan ris, a Thighearn, ar sùilean a bhi air am fosgladh.

34 Agus ghabh Iosa trasas dhuibh, agus bhean e r'an sùilibh: agus air ball thàinig radhare d'an sùilibh, agus lean iad e.

CAIB. XXI.

1 Mharcaich Iosa gu Ierusalem air asail; 12 thug e mach an luchd-reicidh agus ceannach as an teampull; 17 mhalaidh e an crann-fige, 23 chuir e na sagartan 'n an tosd; 28 agus chronuich e iad le cosamhlachd.

A GUS an uair a dhruid iad ri Ierusalem, agus a thàinig iad gu Betphage, gu sliabh nan crann-olaidh, an sin chuir Iosa dithis d'a dheisciobluibh uath,

2 Ag ràdh riu, Rachaidh do'n bhaile a tha thall fa'ur comhair, agus air ball gheibh sibh asal ceangailte ann, agus loth maille

rithe: fuasglaibh, agus thugaibh a m' ionnsuidh-sa iad.

3 Agus ma labhras aon duine ni air bith ribh, abraidh, Gu bheil feum aig an Tighearn orra; agus cuiridh e uath air ball iad.

4 Rinneadh na nithean so uile, chum gu'n coimhliontadh an ni a labhradh leis an fhàidh ag ràdh,

5 Innsibh do nighean Shioin, Feuch, tha do Rìgh a' teachd a d' ionnsuidh gu ciùin, agus e 'n a shuidhe air asail, agus air loth mac na h-asail.

6 Agus dl'imich na deisciobuil, agus rinn iad mar a dl'àithn Iosa dhoibh;

7 Agus thug iad an asal agus an loth leo, agus chuir iad an falluimean orra, agus chuir iad esan 'n a shuidhe air am muin.

8 Agus sgaoil mòr-shluagh an falluimean air an t-slighe; agus ghearr dream eile geugan de na crannaibh, agus leag iad air an t-slighe iad.

9 Agus thog an sluagh a bha roinne agus 'n a dheigh iolach, ag ràdh, Hosanna do Mhac Dhaibhidh: beannaichte gu robh an Tì a thig ann an ainm an Tighearna; Hosanna annas na h-ardaibh.

10 Agus 'n uair thàinig e steach do Ierusalem, ghluais eadha am baile uile, ag ràdh, Cò e so?

11 Agus thubhairt an sluagh, Is e so Iosa am fàidh o Nasaret Ghalile.

12 Agus chaidh Iosa a steach do theampull Dhé, agus thig e mach iadsan uile a bha 'reic agus a' ceannach annas an teampull, agus thig e buird luchd-malairt an airgid thairis, agus caithrichean luchd-reicidh nan columan.

13 Agus thubhairt e riu, Tha e sgrìobhta, Goircear tigh urnuigh de m' thigh-sa; ach rinn sibhse 'n a gharaidh luchd-reubain e.

14 Agus thàinig na doill agus na bacaich d'a ionnsuidh annas an teampull, agus shàn-uich e iad.

15 Agus an uair a chunnaic na h-àrd-shagartan agus na sgrìobhaichean na gnìomh-aran iongantach a rinn e, agus a' chlànn a' glaochaidh 's an teampull, agus ag ràdh, Hosanna do Mhac Dhaibhidh, bha corrach nàdur orra.

16 Agus thubhairt iad ris, An cluinn thu cìod a tha a' malumtair sin ag ràdh? Agus thubhairt Iosa riu, Tha mi 'cluimntinn; nach do leugh sibhse riamh, A beul naoidhean agus chloichran chloimhlion thu moladh?

17 Agus an uair a dh'fhàg e iad, chaidh e mach as a' bhaile gu Betani, agus dh'fhan e an sin.

18 Agus an uair a phill e chum a' bhaile air mhàduinn, bha ocras air.

19 Agus air dha crann-fige fhaicinn air an t-slighe, thàinig e d'a ionnsuidh, agus cha d'fhuair e ni air bith air, ach duilleach a mhaigh; agus thubhairt e ris, Na fasadh

toradh o so suas gu bràth ort. Agus chrìon an cranu-fige air ball.

20 Agus an uair a chunnaic na deisciobuil e, ghabh iad iongantas, ag ràdh, Cia luath a shearg an cranu-fige as?

21 Agus fhreagair Iosa agus thubhairt e riu, Gu deimhin tha mi ag ràdh ribh, ma bhitheas creidimh agaibh, agus nach bi sibh fo amharas, cha-n e mhaìnn gu'u dean sibh an ni a rinneadh do'n chrann-fhìge, ach mar an ceudna ma their sibh ris a' bheimn so, Togar thu, agus tilgear 's an fhainge thu, bithidh e deanta:

22 Agus ge b'e air bith nithean a dh'iarraas sibh ann bhur n-urruigh, ma chreideas sibh, gheibh sibh iad.

23 Agus an uair a thàinig e do'n teampull, thàinig na h-àrd-shagartan agus seanaircan a' phobuill d'a ionusuidh, agus e a' teagasg, ag ràdh ris, Ciod e an t-ùghdarras leis am bheil thusa a' deanamh nan nithean so? agus co 'thug an cumhachd so dhuit?

24 Agus fhreagair Iosa agus thubhairt e riu, Feòrachidh mise mar an ceudna aon ui dhìbhse, agus ma dh'innseas sibh dhomh e, innsidh mise dhuibhse air mhodh ceudna cia an t-ùghdarras leis am bheil mi 'deanamh nan nithean so.

25 Baisteadh Eoin, cia as a thàinig e? O nèamh, no o dhaoimibh? Ach reasonaich iadsan 'n am measg féin, ag ràdh, Ma their sinn, O nèamh, their esan ruinu, C'ar son ma seadh uach do chreid sibh e?

26 Ach ma their sinn, O dhaoimibh, tha eagal a' phobuill oirnn; oir tha meas fàidh aig gach uile *dhuine* air Eoin.

27 Agus fhreagair iad Iosa, agus thubhairt iad, Cha-n'eil fhios againn. Agus thubhairt esan riu, Ni mò dh'innseas mise dhuibhse cia an t-ùghdarras leis am bheil mi 'deanamh nan nithean so.

28 Ach ciod i bhur barail-sa? Bha aig *dhuine* àraidh dìthis mhac, agus thàinig e dh'ionnsuidh a' cheud *mhic*, agus thubhairt e, A mhic, inich, dean obair an diugh a'm' ghàradh fìoua.

29 Agus fhreagair esan agus thubhairt e, Cha deau: ach 'u a dhéigh sin, ghabh e aithreachas agus dh'imich e.

30 Agus thàinig e gus an dara *mac*, agus thubhairt e mar an ceudna. Agus fhreagair esau agus thubhairt e, *Théid*, a Thighearna; gidheadh cha deachaidh e.

31 Cò de'n dìthis a rinn toil 'athar? Thubhairt iadsan ris, An ceud fhear. Thubhairt Iosa riu, Gu fìrinneach tha mise ag ràdh ribh, gu'n téid na cis-mhaoir agus na striopaichean do rìoghachd Dhé roimh-bh-sa.

32 Oir thàinig Eoin do 'ur ionusuidh 'an slighe na fireantachd, agus cha do chreid sibh e: ach chreid na cis-mhaoir agus na striopaichean e. Agus ged chunnaic sibhse so, cha do ghabh sibh aithreachas 'n a dhéigh sin, a chum gu'n creideadh sibh e.

33 Eisdibh ri cosamhlachd eile: Bha fear-tighe àraidh ann, a phlannaidh fion-lios, agus chuir e gàradh m'a thimchioll, agus chladhaich e ionad-bruthaidh fìona ann, agus thog e tìr, agus shuidhich e air tuath e; agus chaidh e féin air choigrich.

34 Agus an uair a dhruid *riu* àn an toraidh, chuir e a sheirbhisich a dh'ionnsuidh na tuatha, a dh'fhaotainn a thoraidh.

35 Agus rug an tuath air a sheirbhisich, agus ghabh iad air fear dhiubh, agus mharbh iad fear eile, agus chlach iad fear eile.

36 A ris, chuir e seirbhisich eile naith, tuilleadh na 's a' cheud *chuideachd*; agus rinn iad orra-san mar an ceudna.

37 Ach mu dheireadh, chuir e a mhac féin d'an ionnsuidh, ag ràdh, Bheir iad urrau do mo mhac.

38 Ach an uair a chunnaic an tuath am mac, thubhairt iad catorra féin, 'S e so an t-Oighre, thigibh, marbhamaid e, agus glacamaid 'oighreachd-san *dhuinn féin*.

39 Agus rug iad air, agus thilg iad a mach as an fhion-lios e, agus mharbh iad e.

40 Airan aobhar sin an uair a thig Tighearna an fhiou-lios *sin*, ciod a ni e ris an tuath sin?

41 Thubhairt iad ris, Sgrìosaidd e gu truagh na droch dhaoine sin, agus suidhichidh e am fion-lios air tuath eile, a bheir a thoraidhean dha 'n an aimsiribh féin.

42 Thubhairt Iosa riu, Nach do leugh sibh riamh anns na sgrìobtaibh, A' chlach a dhiult na clachairean, rinneadh i 'u a cloich-chinn na h-oisne: 's e an Tighearna a rinn so, agus tha e iongantach 'n ar sùilbhe.

43 Uime sin tha mi ag ràdh ribh, Gu'n toirear rìoghachd Dhé naibhse, agus gu'u toirear do chinneach *eile* i, a bheir a toraidhean uatha.

44 Agus ge b'e neach a thuiteas air a' chloich so, brisear e; ach ge b'e air an tuit i, ni i mùn-luaithe dheth.

45 Agus an uair a chuala na h-àrd-shagartan agus na Phairisich a chosamhlachdadan, thuig iad gu'n b'ann mu'u timchioll féin a labhair e.

46 Ach an uair bu mhiann leo breith air, bha eagal a' phobuill orra, oir bha meas fàidh ac' aisans.

CAIB. XXII.

1 Cosamhlachd bainnse mhic an Rìgh. 9 Gairm nan Cìneach: 12 peanas an fìir a bha dh'uir-easbuidh trusgair na bainnse. 15 Is còir cìs ròcadh do Cheasar. 23 Barail mhearachdach nan Sadusach mu thimchioll aiseirigh nam marbh.

AGUS fhreagair Iosa, agus labhair e riu a ris ann an cosamhlachdaibh, ag ràdh,

2 Is cosmhuil rìoghachd ùèimh ri rìgh àraidh, a rinn cuirm-pòsaidh d'a mhac féin;

3 Agus chuir e a sheirbhisich a ghairm na

muintirafhnair cuireadh chum na bainnse: ach cha b'ail leo-san teachd.

4 A ris, chuir e *d'an ionnsuidh* seirbhisich eile, ag ràdh, Abraibh-sa ris a' mhuinntir d'an d'thugadh cuireadh, Feuch, dheasaich mi mo dhinneir: *tha* mo dhaimh agus mo sprèidh bhiadhtha air am marbhadh, agus *tha* na h-uile nithean ullamh; thigibh chum na bainnse.

5 Ach chuir iadsan 'an snarachas e, agus dh'imich iad rompa, fear dhiubh chum 'fhearainn, agus fear eile chum a cheannachd:

6 Agus rug a' chuid eile *dhiubh* air a sheirbhisich, agus thug iad masladh *dhoibh*, agus mharbh siad iad.

7 Ach an uair a chual' an rìgh so ghabh e fearg; agus chuir e 'armailtean uaithe, agus sgrios e an luchd-mortaich sin, agus loisg e am baile-san.

8 An sin thubhairt e r'a sheirbhisich, Gu firinneach tha a' bhanais ullamh, gidheadh an dream a fhuair cuireadh cha b'araidh iad air.

9 Air an aobhar sin imichibh-sa gus na rathaidibh mòra, agus a lion daoine 's a gheibh sibh, cuiribh iad chum na bainnse.

10 Agus chaidh na seirbhisich sin a mach air na rathaidibh, agus chruinnich iad gach uile neach a fhuair iad, eadar oile agus mhaith: agus lionadh tigh na bainnse le muinntir a shuidh chum bidh.

11 Agus air dol a steach do'n rìgh a dh'fhaicinn nan aoidhean, chunnaic e an sin duine aig nach robh trusgan na bainnse uime:

12 Agus thubhairt e ris, A charaid, cionnus a thàinig thusa steach an so, gun trusgan na bainnse umad? Ach dh'fhan esan 'n a thosd.

13 An sin thubhairt an rìgh ris na seirbhisich, Air a cheangal duibh eadar chosan agus làmhnan, togaibh leibh e, agus tilgibh e anns an dorchadas iomallach: an siu bithidh gul agus giosgan fhaical.

14 Oir tha mòran air an gairm, ach beagan air an taghadh.

15 An sin dh'imich na Phairisich, agus ghabh iad comhairle cionnus a dh'fhendadh iad esan a ribcadh 'n a chainnt.

16 Agus chuir iad d'a ionnsuidh an deisciobail féin, maille ri luchd-leamhuinn Heroid, ag ràdh, A mhaighstir tha fhios againn gu bheil thusa fìor, agus gu bheil thu 'teagasg slighe Dhé ann am fìrinn, agus nach 'eil suim agad do dhuine sam bith: oir cha-n'eil thu ag anhar air pearsaibh dhaoine.

17 Uime sin innis dhuinne do bharail, Am bheil e ceadnichte cìs a thabhairt do Cheasar, no nach 'eil?

18 Ach air tuigsinn am mì-ruin a dh'Iosa, thubhairt e, C'ar son a tha sibh ga m'bhuaireadh, a chealgairean?

19 Nochdaibh dhomhsa airgid na cìse. Agus thug iad d'a ionnsuidh peghinn.

20 Agus thubhairt e riu, Co dha a bhuineas an dealbh so, agus an sgrìobhadh a tha m'a thimchioll?

21 Thubhairt iadsan ris, Do Cheasar. An sin thubhairt esan riu, Thugaibh uime sin do Cheasar na nithean a's le Ceasar; agus do Dhia, na nithean a's le Dia.

22 Agus an uair a chual' iad so, ghabh iad iongantas, agus dh'fhàg iad e, agus dh'imich iad rompa.

23 Air an là sin féin thàinig d'a ionnsuidh na Sadusaich, a their nach 'eil aiseirigh ann, agus chuir iad ceisd air.

24 Ag ràdh, A mhaighstir, thubhairt Maois, Ma gheibh duine bàs gun chlan aige, gur còir d'a bhràthair a bhean-san a phòsadh a dhlighe daimhe, agus sliochd a thogail d'a bhràthair.

25 A nis bha seachdnar bhràithrean 'n ar measg-ne; agus air do' chend fhear dhiubh bean a phòsadh, fhuair e bàs, agus a chionn nach robh sliochd aige, dh'fhàg e a bhean d'a bhràthair.

26 Agus thachair mar an ceudna do'n dara, agus do'n treas bràthair, gu ruig an seachdamh.

27 Agus 'n an déigh nìle fhuair a' bhean bàs mar an ceudna.

28 Air an aobhar sin anns an aiseirigh, cò den t-seachdnar d'am bean i? Oir bha i aca uile.

29 Agus fhreagair Iosa agus thubhairt e riu, Tha sibh air seacharan, gun eòlas agaibh air na sgrìobtuiribh, no air cumhachd Dhé:

30 Oir anns an aiseirigh cha dean iad pòsadh, ni mò a bheirear am pòsadh iad; ach tha iad mar aingil Dhé air nèamh.

31 Ach muthimchioll aiseirigh nam marbh, nach do leugh sibh an ni sin a labhradh ribh le Dia, ag ràdh,

32 Is mise Dia Abraham, agus Dia Isaac, agus Dia Iacob? cha-n e Dia Dia nam marbh, ach nam beò.

33 Agus an uair a chual' am pobhl so, ghabh iad iongantas r'a theagasg-san.

34 Ach an uair a chual na Phairisich gu'n do chuir e na Sadusaich 'n an tosd, chruinnicheadh iad 'an ceann a chèile.

35 An sin chuir neach àraidh dhiubh, a b'fhear teagaisg an lagha, ceisd air, 'g a dhearbhadh, agus ag ràdh, *tempan*

36 A mhaighstir, cia i an àithne a's mò 's an lagh?

37 Thubhairt Iosa ris, Gràdhaidhidh tu an Tighearn do Dhia le d'uile chridhe, agus le d'uile anam, agus le d'uile intinn.

38 Is i so a' cheud àithne agus an àithne mhòr.

39 Agus is cosmhuil an dara rithe so Gràdhaidhidh tu do choimhearsnach mar thu féin

40 Air an dà àithne so tha'n lagh uile, agus na faidhean 'an crochadh.

41 Ach air do na Phairisich a bhi cruinn 'an ceann a chèile, dh'fhèdraich Iosa dhiubh, 42 Ag ràdh, Ciod i bhur barail-sa mu thimchioll Chrìosd? cò d'am mac e? thubhairt iadsan ris, Do Dhaibhidh.

43 Thubhairtesan ri, Cionnas ma seadh a ghoireas Daibhidh 's an spiorad a Thighearn dheth, ag ràdh,

44 Thubhairt an Tighearn ri m' Thighearn, Snidh air mo làimh dheis, gus an cuir mi do naimhdean 'n an stòl fo d' chosaibh?

45 Air an aobhar sin ma ghoireas Daibhidh a Thighearn dheth, cionnas is mac dha e?

46 Agus cha b'urrainn aon neach freagradh sam bith a thabhairt air; ni mò a bha eiridhe aig aon neach o'n là sin suas ni air bith fhèdraich dheth.

CAIB. XXIII.

1 Chomhairlich Crìosd do'n t-sluagh èiseuchd ri deadh theagasg nan sgrìobhaichean, agus nam Phairiseach; ach gun an drocheiseamplair a teantunn; 5 is còir d'a dheiscioblaibh a bhi air am faicill an aghaidh an uabhair; 13 tha e a' cronachadh nam Phairiseach air son an cealgairachd. 34 agus ag innseadh roimh-làimh sgrìos Ierusalem.

A N sin labhair Iosa ris an t-sluagh, agus r'a dheiscioblaibh fèin,

2 Ag ràdh, Tha na sgrìobhaichean agus na Phairisich 'n an suidhe ann an caithir Mhaois:

3 Air an aobhar sin na h-uile nithean a dh'iarras iad oirbh-sa a choimhead, coimhidibh agus deanaibh iad; ach na deanaibh a rèir an oibre: oir their iad, agus cha dean iad.

4 Oir ceanglaidh iad uallaichean troma, agus do-ìomhar, agus cuiridh siad iad air gnailnibh dhaoine; gidheadh cha charuich iad fèin iad le h-aon d'am menraibh.

5 Ach an oibre uile tha iad a' deanamh chum a bhi air am faicim le daoimibh: ni iad an philacteridh leathan, agus iomall an eudaich mòr;

6 Agus is ionnmhuinn leo na ceud ionadan-suidhe anns na fèillibh, agus na ceud chaithirichean anns na coimhthionalaibh,

7 Agus fàilte fhaghail air na margaidh-ibh, agus daoine a ghairm Rabbi, Rabbi dhiubh.

8 Ach na goirear Rabbi dhibhse: oir is aon àrd-mhaighstir a tha agaibh, Crìosd; agus is bràithrean sibh fèin uile.

9 Agus na goiribh bhur n-athair de dhuine sam bith air thalamh: oir is aon Athair a tha agaibh, a tha air nèamh.

10 Cha mhò a ghoirear àrd-mhaighstirean dhibh: oir is aon àrd-mhaighstir a tha agaibh, Crìosd.

11 Ach an ti a's mò 'n' ur measg, bithidh e 'n a òglach agaibh.

12 Agus ge b'e neach a dh'àrdaicheas e

fèin, islichear e; agus ge b'e neach a dh'islicheas e fèin, àrdaichear e.

13 Ach is an-aobhinn dhuibhse, a sgrìobhaichean agus Phairiseacha, a chealgairean, a chionn gu bheil sibh a' druidealh rioghachd nèimh an aghaidh dhaoine: oir cha tèid sibh fèin a steach, agus cha-n fhluàing sibh do'n dream a tha 'dol a stigh dol ann.

14 Is an-aobhinn dhuibh, a sgrìobhaichean agus Phairiseacha, a chealgairean; oir tha sibh ag itheadh suas tighean bhantrach, agus air sgàth deadh choslais a' deanamh urnuighean fada; uime sin gheibh sibh an dammadh a's mò.

15 Is an-aobhinn dhuibh, a sgrìobhaichean agus Phairiseacha, a chealgairean; oir cuairt-ichidh sibh muir agus tìr chum aon duine a dheanamh de bhur creidimh fèin; agus an uair a nithear e, ni sibh mac ifrinn dheth dà uair ni's mò na sibh fèin.

16 Is an-aobhinn dhuibh, a chinn-iùil dhalla, a their, Ge b'e duine a bheir miannan air an teampull, cha ni air bith sin: ach ge b'e 'bheir miannan air òr an teampull, tha e ceangailte.

17 Amadana, agus a dhaoine dalla! oir cò aca a's mò an t-òr, no an teampull a tha 'naomhachadh an òir?

18 Agus, Ge b'e 'bheir miannan air an altair, cha-n eil suim ann: ach ge b'e 'bheir miannan air an tìodhlac a tha oirre, tha e ceangailte.

19 Amadana, agus a dhaoine dalla! oir cò aca a's mò an tìodhlac, no'n altair a tha 'naomhachadh an tìodhlaic?

20 Air an aobhar sin ge b'e 'mhionnaicheas air an altair, tha e a' mionnachadh oirre fèin, agus air gach ni a tha oirre.

21 Agus ge b'e 'mhionnaicheas air an teampull, tha e a' mionnachadh airsan, agus air an Tì a tha 'n a chòmhnuidh ann.

22 Agus ge b'e neach a' mhionnaicheas air nèamh, tha e a' mionnachadh air rìgh-chaitheir Dhé, agus airsan a tha 'n a shuidhe oirre.

23 Is an-aobhinn dhuibh, a sgrìobhaichean agus Phairiseacha, a chealgairean: oir tha sibh a' toirt an deachainmh as a' mhiomnt, agus an anise, agus a' chuiminn, agus dhiòb-air sibh nithean cudthromach an lagha, ceartas, tròcair, agus fìrinn: bu clòir dhuibh iad so a dheanamh, agus gun iad sud fhàgail gun deanamh.

24 A chinn-iùil dhalla, a shìolaidheas a' mheanbh-chuileag, agus a shluigeas an càmhal.

25 Is an-aobhinn dhuibh, a sgrìobhaichean agus Phairiseacha, a chealgairean; oir glanaidh sibh an taobh a muigh de'n chupan, agus de'n mhèis, ach tha iad an taobh a stigh làn reubainn, agus eucòir.

26 Phairisich dhoill, glan air tùs an taobh a stigh de'n chupan agus de'n mhèis, chum gu'm bi an taobh a muigh dhiubh glan mar an ceudna.

27 Is an-aobhinn dhuibh, a sgrìobhaichean agus Phairiseacha, a chealgairean: oir is cosmluail sibh ri uaighibh gealaichte, a tha deadh-mhaiseach air an taobh a muigh, ach air an taobh a stigh a tha làn de chnàmhan dhaoine marbha, agus de'n uile shalachar.

28 Mar an ceudna tha sibhse an leth a muigh 'am fianuis dhaoine ann an coslas fhìreanan, ach 's an taobh a stigh làn ceilg, agus eusaontais.

29 Is an-aobhinn dhuibh, a sgrìobhaichean agus Phairiseacha, a chealgairean; oir tha sibh a' togail àitean-adhlacaidh nam fàidhean, agus a' deanamh leac-lithidh nam firean deadh-mhaiseach,

30 Agus ag ràdh, Nam bitheamaid ann an làithibh ar n-aithrichean, cha bhitheadh comhairt againn riu ann am fuil nam fàidhean.

31 Mar sin tha sibh 'n'ur fianuisibh 'n'ur n-aghaidh féin, gur sibh clann na muinntir a mharbh na fàidhean.

32 Mar sin lìonaibhse suas tomhas bhur n-aithrichean.

33 A nathraichean, a shìol nan nathraichean nimhe, cionnus a dh'fheadar leibh dol as o dhannadh ifrinn?

34 Air an aobhar sin feuch, cuiream-sa d'ur ionnsuidh fàidhean, agus daoine glìce, agus sgrìobhaichean; agus cuid dhuibh marbhaidh agus cèusaidd sibh, agus cuid dhuibh sgiùrsaidh sibh ann bhur sionagogaibh, agus ni sibh gear-leannbhuiunn orra o bhaile gu baile:

35 Chum gu'n tig oirbh gach uile fhuil fhìreanta a dhòirteadh air an talamh, o fhuil Abeil fhìreanta, gu fuil Shachariais, mhic Bharachiais, a mharbh sibh eadar an teampull agus an altair.

36 Gu fìrinneach tha mi ag ràdh ribh, Gu'n tig na nithean so uile air a' ghinealach so.

37 A Ierusalem, a Ierusalem, a mharbhas na fàidhean, agus a chlachas an dream a chuirear a d'ionnsuidh, cia minic a b'aillean do chlann a chruinneachadh r'a chèile, mar a chruinnicheas cearc a h-eoin fo a sgiathaibh, agus cha b'ail leibh!

38 Feuch, fagar bhur tigh agaibh 'n a fhàsach.

39 Oir tha mise ag ràdh ribh, nach faic sibh mise o so suas, gus an abair sibh, Is beannaichte an Ti a thig ann an ainm an Tighearna.

CAIB. XXIV.

1 Dh'innis Crìosd roimh-làimh sgrìos Ierusalem: 3 ciod iad agus cia mòr na trioblaidhean a bhitheas roimhe sin: 29 conharan a theachd gu breitheanas. 36 Do bhrìgh gu bheil là a' chrìocheanais fothuichte, is còir do gach neach faire a dheanamh.

A GUS chaidh Iosa mach, agus dh'imich e o'n teampull; agus thàinig a dheisciobail

buil d'a ionnsuidh, a nochdadh dha aitreabh an teampull.

2 Agus thubhairt Iosa riu, Nach faic sibh iad so uile? gu fìrinneach tha mi ag ràdh ribh, Nach fagar clach air muin cloiche an so, nach tilgear sìos.

3 Agus air suidhe dha air sliabh nan crann-olaidh, thàinig a dheisciobuil d'a ionnsuidh 'an uaignidheas, ag ràdh, Innis dhuinne, c'uin a thig na nithean sin gu crìch? agus ciod e conhara do theachd-sa, agus deiridh an t-saoghail?

4 Agus fhreagair Iosa agus thubhairt e riu, Thugaibh an aire nach meall aon neach sibh:

5 Oir thig mòran a'm' ainm-sa, ag ràdh, Is mise Crìosd; agus meallaidh iad mòran.

6 Agus cluinidh sibh cogannan, agus tairisgeul chogannan: thugaibh an aire nach bi sibh fo amhladh: oir is éigin do na nithibh sin uile teachd gu crìch, ach cha-nèil a' chrìoch ann fathast.

7 Oir éiridh cinneach an aghaidh cinnich, agus rioghachd an aghaidh rioghachd: agus bithidh gorta, agus plàighcan, agus crìothannan-talmhainn ann am mòran àitean.

8 Agus cha-nèil aunta so uile ach toiseach thruaghean.

9 An sin bheir iad thairis sibh chum amhlachair, agus marbhaidh iad sibh: agus bithidh fuath aig gach uile chinneach dhuibh air sgàth m'ainme-sa.

10 Agus an sin gabhaidh mòran oibbheum, agus brathaidh iad a chèile, agus bithidh fuath aca d'a chèile.

11 Agus éiridh mòran fhàidhean bréige, agus meallaidh iad mòran.

12 Agus do bhrìgh gu'm bi an eucòir air a meudachadh, fuaraichidh gràdh mhòran.

13 Ach ge b'e 'bhitheas seasmhach chum na crìche, 's e so a thiarnar.

14 Agus bithidh soisgeul so na rioghachd air a shearmonachadh air feadh an domhain uile, mar fhianuis do na h-uile cinnich: agus an sin thig a' chrìoch.

15 Air an aobhar sin an uair a chi sibhse gràmheachaid an léir-sgrìos, air an do labh air Daniel am fàidh, 'n a seasamh anns an ionad naomh, (tuigeadh an ti a leughas.)

16 An sin teicheadh iadsan a tha ann an Iudea, chum nam beann:

17 An ti a tha air mullach an tighe, na tigeachd e nuas a thabhairt ni sam bith leis as a thigh:

18 Agus an ti a tha 's a' mhachair, na pill-eachd e air ais a thogail fhalluin leis.

19 Agus is an-aobhinn do na mnàibh torrach, agus dhoibh-san a bheir cìoch uatha 's na làithibh sin.

20 Ach guidhibh-sa gun bhur teicheadh a bhi 's a' gheamhradh, no air an t-sàbaid.

21 Oir anns an àm sin bithidh amhlachair mòr ann, anithidh nach robh ann o thùs an domhain gus a nis, agus nach mò a phitheas a chaoidh.

22 Agus mur bitheadh na làithean sin air an giorrachadh, cha bhitheadh feoil sam bith air a tèaradh; ach air son nan daoine taghta bithidh na làithean sin air an giorrachadh.

23 An sin ma their aon duine ribh, Feuch, tha Crìosd an so, no an sud; na creidibh e:

24 Oir éiridh Crìosdan bréige, agus fàidhean bréige, agus nì iad comharan agus mìorbhuilean mòra, ionnus gu mealladh iad, nam feudadh e 'bhi, na daoine taghta féin.

25 Feuch, dh'innis mi dhuibh e roimh-làimh.

26 Uime sin ma their iad ribh, Feuch, tha e 's an fhàsach, na rachaibh a mach; feuch, tha e 's na seòmraichibh uaigneach, na creidibh sin.

27 Oir a réir mar a thig an dealanach o'n àird an car, agus a dhealraicheas i gus an àird an iar; mar sin mar an ceudna bithidh teachd Mhic an duine.

28 Oir ge b'e àit 's am bi a' chairbh, is ann an sin a chruinnichear na h-ìolaircan.

29 Air ball an déigh trioblaid nan làithean ud, dorchalachear a' ghrian, agus cha tabhla air a' ghealach a solus, agus tuitidh na reultan o nèamh, agus bithidh cumhachdan nan nèamh air an crathadh.

30 Agus an sin foillsichear comhara Mhic an duine ann an nèamh: agus an sin nì uile thruathan na talmhainn bròn, agus chi iad Mac an duine a' teachd air neulaibh nèimh, le cumhachd agus glòir ro mhòr.

31 Agus cuiridh e mach 'aingil le fuaim mhòir na galltruimp, agus cruinnichidh iad a shlugh taghta o na ceithir gaothaibh, o leth-iomall nèimh gus an leth-iomall eile.

32 Ach fòghlumaibh cosamhlachd o'n chrann-fhìge: an uair a bhithcas a gheug a nis maolh, agus a dh'fhàsas an duilleach, aithnichidh sibh gur fagus an samhraidh:

33 Agus mar an ceudna, an uair a chi sibh na nithean sin uile, bitheadh fios agaibh gu bheil e am fagus, eadhon aig na dorsaibh.

34 Gu deimhin tha mi ag ràdh ribh, Nach téid an ginealach so féin thairis, gus an tachair na nithean so uile.

35 Théid nèamh agus talamh thairis, ach cha téid mo bhriathran-sa thairis a chaidh.

36 Ach cha-n'èil fios an là no na h-uaire sin aig duine air bith, no fos aig ainglibh nèimh, ach aig m'Athair-sa a mhàin.

37 Ach amhail a bha làithean Noe, mar sin mar an ceudna bithidh teachd Mhic an duine.

38 Oir mar a bha iad anns na làithibh roimh an tuil ag itheadh agus ag òl, a' pòsadh agus a' toirt an pòsadh, gus an là 's an deachaidh Noe a steach 's an àire,

39 Agus nach robh fhios aca gus an d'fhàinig an tuil, agus an do thog i leatha iad uile; mar sin mar an ceudna bithidh teachd Mhic an duine.

40 An sin bithidh dithis air a' mhachair: gabhar fear dhiubh, agus fàgar am fear eile.

41 Bithidh dithis bhan a' meicheadh anns a' mhuilean; gabhar a h-aon diubh, agus fàgar an aon eile.

42 Uime sin deanaibhse faire, oir cha-n'èil fhios agaibh cia an uair 's an tig bhuir Tigh-earn.

43 Ach tha fhios so agaibh, nam b'fhiosrach fear an tighe cia an uair 's an tigeadh an gaduiche, gu'n deanadh e faire, agus nach fulaingeadh e gu'm bitheadh a thigh air a bhristeadh troimhe.

44 Uime sin bithibh-sa ullamh mar an ceudna: oir is ann an uair nach saoil sibh, a thig Mac an duine.

45 Cò e ma scadh a tha 'n a òglach firinn-cach agus glic, a chuir a Thighearn os ceann a mhuinntir, a thabhairt bidh dhoibh 'n a àm féin?

46 Is beannaichte an t-òglach sin, a gheibh a Thighearn, ri àm dha teachd, a' deanamh mar sin.

47 Gu deimhin tha mi ag ràdh ribh, gu'n cuir se e os ceann a mhaoin gu h-iomlan.

48 Ach ma their an droch sheirbhiseach ud 'n a chridhe, Tha mo Thighearn a' cur dàil 'n a theachd;

49 Agus ma thòisicheas e air a chomh-sheirbhisich a bhualadh, agus air itheadh agus òl maille ri luchd-misge:

50 Thig Tighearn an òglach sin ann an là nach 'èil suil aige ris, agus ann an uair nach fios da,

51 Agus gearraidh e 'u a bhloighidh e, agus bheir e a chuibhrionn da maille ris na cealgairibh: an sin bithidh gul agus giosgan fhiacal.

CAIB. XXV.

1 Cosamhlachd nan deich òighean, 14 agus nan talann: 31 mar an ceudna mion-inneadh mu'n bhreitheanas dheireanach.

A N sin samhlachear rioghachd nèimh ri deich òigheibh, a thug leo an lòchrain, agus a chaidh a mach 'an còdhail an fhuir nuadh-phòsda.

2 Agus bha cùignear dhiubh glic, agus cùignear amaideach.

3 Thug iadsan a bha amaideach an lòchrain leo, ach cha d'thug iad oladh leo.

4 Ach iadsan a bha glic, thug iad oladh leo 'n an soithichibh maille r'an lòchran-aibh.

5 Agus air deanamh moillo do'n fhear nuadh-phòsda, thuit eò codail orra uile, agus suain.

6 Ach anns a' mhacadhon-oidliche rimcadh glaoth, Feuch, tha am fear nuadh-phòsda a' teachd; rachaibh a mach g'a choinn-eachadh.

7 An sin dh'éirich na h-òighean ud uile, agus dheasaich iad an lòchrain.

8 Agus thabhairt na h-òighean amaideach

riusan a bha glic, Thoiribh dhuime cuid de bhur n-oladh; oir tha ar lèchraim a' dol as.

9 Ach fhreagair iadsan a bha glic, ag ràdh, Air eagal nach bi ua 's leoir ann dhuinn féin agus dhuibhse gu ma fearr leibh dol a chum an luchd-reicidh, agus ceannaichibh dhuibh féin.

10 Agus am feadh a bha iad a' dol a cheannach, thàinig am fear nuadh-pòsda; agus chaidh iadsan a bha ullamh a steach leis chum a' phòsaidh, agus dhruicadh an dorus.

11 'N a dhéigh sin thàinig mar an ceudna na h-òighean eile, ag ràdh, A Thighearn', a Thighearna, fosgail dhuinne.

12 Ach fhrèagair esan agus thubhairt e, Gu deimhin tha mi ag ràdh ribh, nach aithne dhomh sibh.

13 Deanaibh faire air an aobhar sin, do blàirigh nach aithne dhuibh an là no an uair, air an tig Mac an duine.

14 Oir is cosmhuil e ri duine a' dol air choigrich, a ghairm a sheirbhisich, agus a thug dhoibh a mhaoin:

15 Agus do h-aou diubh thug e cùig tàlannan, agus do neach eile a dhà, agus do neach eile a h-aon; do gach aon fa leth a réir a chomais; agus air ball ghabh e a thurus.

16 Agus dh'imich esan a fhuair na cùig tàlannan, agus rinn e ceannachd leo, agus bhuannaich e cùig tàlannan eile.

17 Agus mar an ceudna esan a fhuair a dhà, bhuannaich e dithis eile.

18 Ach an ti a fhuair a h-aon, dh'imich e agus chladhaich e 's an talamh, agus dh'fholaich e aigiod a mhaighistir.

19 An déigh aimsir fhada thàinig Tigh-earn nan seirbhiseach sin, agus rinn e cunn-tas riu.

20 Agus thàinig esan a fhuair na cùig tàlannan, agus thug e leis cùig tàlannan eile, ag ràdh, A Thighearna, thug thu dhomh-sa cùig tàlannan: feuch, bhuannaich mi cùig tàlannan eile thuilleadh orra.

21 Agus thubhairt a Thighearnu ris, Is maith, a dheadh sheirbhisich fhìrinnich; bha thusa fìrinnich ann am beagan, cuiridh mise os ceann mhòran thu: imich a steach do aoibhneas do Thighearn'.

22 Agus thàinig esan a fhuair an dà thàlann, agus thubhairt e, A Thighearna, thug thu dhomh-sa dà thàlann: feuch, bhuannaich mi dà thàlann eile thuilleadh orra.

23 Thubhairt a Thighearnu ris, Is maith, a dheadh sheirbhisich fhìrinnich; bha thusa fìrinnich ann am beagan *nithibh*, cuiridh mise os ceann mhòran *nithean* thu: inaich a steach do aoibhneas do Thighearn'.

24 Ach an uair a thàinig esan a fhuair an t-aon tàlann, thubhairt e, A Thighearna, bha fhios agam gur duine cruaidh thu, a bhuaineas 's an àite 's nach do chuir thu,

agus a thionaileas 's an ionad anns nach do sgaoil thu;

25 Agus air dhomh' bhi fo eagal, chaidh mi agus dh'fholaich mi do thàlann 's an talamh: feuch, sin agad do chuid féin.

26 Fhreagair a Thighearn agus thubhairt e ris, A sheirbhisich uile agus leisg, bha fhios agad gu'm buainim-sa 's an àit anns nach do chuir mi, agus gu'n tionalam as an ionad anns nach do sgaoil mi;

27 Bu chòir dhuit uime sin m'airgiod a thubhairt do'n luchd-malairt, agus air dhomh teachd gheibhinn mo chuid féin maille r'a riadh.

28 Buinibh uaith uime sin an tàlann, agus thugaibh dhàsan e, aig am bheil na deich tàlannan.

29 (Oir do gach neach aig am bheil bheir-eir, agus bithidh aige gu pailt: ach uaith-san aig nach 'eil, bheir-eir cadhion an ni sin a tha aige.)

30 Agus tilgibh an seirbhiseach mi-tharbhaich so do dhorchadas iomallach; an sin bithidh gul agus giosgan fhiacal.

31 An uair a thig Mac an duine 'n a ghloir, agus na h-aingil naomha uile maille ris, an sin suidhidh e air caithir rìoghail a ghloire.

32 Agus cruinnichear 'n a lathair-nah-uile chinnich; agus sgaraidh e iad o 'chéile, amhuil a sgaras buachaill na caoraich o na gabhraibh:

33 Agus cuiridh e na caoraich air a làimh dheis, ach na gabhair air a làimh chlì.

34 An sin their an Rìgh riu-san air a dheis, Thigibh, a dhaoine beannaichte m'Àthar-sa, sealbaichibh mar bheir-eir an rìoghachd a tha air a deasachadh dhuibh o leagadh bunaitean an domhain:

35 Oir bha mi ocrach, agus thug sibh dhomh biadh: bha mi tartmhor, agus thug sibh dhomh deoch: bha mi a'm' choigreach, agus thug sibh aoidheachd dhomh:

36 Lomnochd, agus dh'èid sibh mi: bha mi euslan, agus thàinig sibh g'am amhare: bha mi 'am prìosan, agus thàinig sibh a m' ionnsuidh.

37 An sin freagraidh na fireanan e, ag ràdh, A Thighearna, c'uin a chunnaic sinn ocrach thu, agus a bheathaich sinn thu? no tartmhor, agus a thug sinn deoch dhuit?

38 No c'uin a chunnaic sinn a'd' choigreach thu, agus a thug sinn aoidheachd dhuit? no lomnochd, agus a dh'èid sinn thu?

39 No c'uin a chunnaic sinn euslan thu, no 'am prìosan, agus a thàinig sinu a d'ionnsuidh?

40 Agus freagraidh an Rìgh, agus their e riu, Gu deimhin tha mi ag ràdh ribh, a mheud 's gu'n do rinn sibh e do aon de na bràithribh a's lugha agam-sa, rinu sibh dhomh-sa e.

41 An sin their e mar an ceudna riu-san air an làimh chlì, Imichibh uam, a shluagh

malluichte, dh'ìouusuidh an teine shìorruidh, a dh'ulluicheadh do'n diabhul agus d'a ainglibh:

42 Oir bha mi ocrach, agus cha d'thug sibh dhomh biadh: bha mi tartmhor, agus cha d'thug sibh dhomh deoch:

43 Bha mi a'm choigreach, agus cha d'thug sibh aoidheachd dhomh: lomnochd, agus cha d'aid sibh mi: euslan, agus 'am prìosan, agus cha d'thàinig sibh gam amhare.

44 An sin freagraidh iadsan mar an eudna e, ag ràdh, A Thighearna, c'uin a chunnaic sinne thu ocrach, no tartmhor, no d' choigreach, no lomnochd, no euslan, no 'am prìosan, agus nach do fhritheil sinn dhuit?

45 An sin freagraidh esan iad, ag ràdh, Gu deimhin tha mi ag ràdh ribh, a mheud 's nach d'rinn sibh e do'n neach a's lugha dhiubh so, cha d'rinn sibh dhomh-sa e.

46 Agus innichidh iadsan chum peanaiss shìorruidh; ach ua fireauan chum na beatha maireannaich.

CAIB. XXVI.

1 *Ghabh na h-uachdarain comhairle chum Iosa a ghlacadh, agus a chur gu bàs. 6 Dh'ung bean àraich a cheannleòraidh luachmhoir. 14 Reic Iudas e ris na h-àrd-shagartaibh. 17 Dh'ith Crìosd a' chàisg maille r'a dheisciobluibh. 26 agus dh'orduich e an t-suipeir naomh. 47 Bhrath Iudas Iosa, agus thugadh e an làthair Chaìaphais an àrd-shagairt. 69 Dh'èich-eadh Peadar e.*

A GUS tharladh, 'n uair a chrìochnaich Iosa na briathran so uile, gu'n dubhairt e r'a dheisciobluibh,

2 Tha fhios agaibh gu bheil a' chàisg au deigh dà là, agus tha Mac an duine air a bhrath gu bhì air a chèusadh.

3 Au sin cluinnich uachdarain nan sagart, agus na sgrìobhaichean, agus seanairean a' phobuill, gu talla an àrd-shagairt, d'an goirear Caiaphas,

4 Agus ghabh iad comhairle le 'chéile chum Iosa a ghlacadh le feall, agus a chur gu bàs.

5 Ach thubhairt iad, Na *deanamaid* e 's an fhéill, air eagal gu'm bi buaireas am measg a' phobuill.

6 Agus air do Iosa a bhì ann am Betani, ann an tigh Shimoin an lobhair, *le*

7 Thàinig bean d'a ionnsuidh aig an robh bocsa alabastair làn olaidh ro luachmhoir, agus dhòirt i air a cheann e, agus e 'n a shuidhe aig *biadh*.

8 Ach anuair a chunnaic a dheiseiobuil *sin*, bha fearg orra, ag ràdh, Ciod a's eiall do'n ana-caitheadh so?

9 Oir dh'fheudadh an oladh so 'bhi air a reic air mhòran, agus a bhì air a toirt do na bochdaibh.

10 Ach air athnucadh so do Iosa, thubhairt e riu, C'ar son a tha sibh a' cur dragha air a' mhnaoi? oir rinn i deadh obair dhomh-sa.

11 Oir tha na bochdan agaibh a ghnàth

maille ribh, ach cha-n'eil mise agaibh a ghnàth.

12 Oir air dòrtadh na h-olaidh so dhi air mo chorp-sa, is auu fa chomhair m'adhaice a rinn i e.

13 Gu deimhin tha mi ag ràdh ribh, Ge b'e àit 'am bi an soisgeul so air a shearmonachadh air feadh au t-saoghail gu h-ionmhan, aithrisear an mi a rinn a' bheau so, mar chuimhne oirre.

14 An sin dh'imich aon de'n dà fhear dheug, d'am b'ainm Iudas Iscariot, chum nan àrd-shagart.

15 Agus thubhairt e, Ciod a bheir sibh dhomh-sa, agus brathaidh mi dhuibh e? Agus choird iad ris air dheich buinn fhìchead airgid.

16 Agus o'n àm sin a mach dh'iarr e fàth air esan a bhràth.

17 Agus air a' cheud là *de fhéill* an arain neo-ghoirtichte, thàinig na deiseiobuil chum Iosa, ag ràdh ris, C'àit an àill leat sinne a dh'ulluchadh dhuit, chum gu'n ith thu a' chàisg?

18 Agus thubhairt esan, Rachaidh do'n bhaile gu leithid so de dhuine, agus abraibh ris, Tha am maighstir ag ràdh, Tha m'am am fagus, cumaidh mi a' chàisg aig do thigh-sa maille ri m' dheisciobluibh.

19 Agus rinn na deiseiobuil mar a dh'orduich Iosa dhoibh, agus dheasaich iad a' chàisg.

20 Agus an uair a thàinig am feasgar, shuidh e maille ris an dà fhear dheug.

21 Agus ag itheadh dhoibh, thubhairt e, Gu deimhin tha mi ag ràdh ribh, gu'm brath fear dhihb mise.

22 Agus bha iad ro bhrònach, agus thòisich gach aon aca fa leth air a ràdh ris, Am mise e, a Thighearna?

23 Agus fhreagair esau agus thubhairt e, An ti a thumas a làmh 's a' mhèis maille rium-sa, brathaidh esan mi.

24 Gu deimhin tha Mac an duine ag imeachd, a réir mar tha e sgrìobhta m'a thimchioll: ach is an-aobhian do'u duine sin le'm brathar Mac an duine: bu mhaith do'n duine sin mur beirtadh riamh e.

25 An sin fhreagair Iudas a bhrath e, agus thubhairt e, A mhaighstir, am mise e? Thubhairt esan ris, Thubhairt thu.

26 Agus ag itheadh dhoibh, ghlac Iosa aran, agus air tabhairt buidheachais, bhris se e, agus thug e do na deiseiobluibh e, agus thubhairt e, Gabhaibh, ithibh; is e so mo chorp-sa.

27 Agus air glacadh a' chupain, agus air tabhairt buidheachais, thug e dhoibh e, ag ràdh, Olaidh uile deth:

28 Oir is i so m'fhuil-sa an tiomnaidh nuaidh, a dhòirtear air son mhòran chum maithenais pheacaidhean.

29 Ach tha mi ag ràdh ribh, Nach òl mi á so suas de thoradh so na fionain, gus an là

sin anns an òl mi e nuadh maille ribh ann an riochachd m'Àthair.

30 Agus air dhoibh laoidh a sheinn, chaidh iad a mach gu sliabh nan crann-olaidh.

31 An sin thubhairt Iosa riu, Gheibh sibh uile oibheum annam-sa an uochd; oir tha e sgriobhta, Buailidh mi am buachail, agus sgapar caoraich an treuda.

32 Ach an dèigh dhomh-sa èirigh a rìs, thèid mi roimh bh do Ghalile.

33 Agus fhreagair Peadar agus thubhairt e ris, Ged gheibh na h-uile dhaoine oibheum annad, cha-n fhaigh mise oibheum gu bràth.

34 Thubhairt Iosa ris, Gu deimhin tha mi ag ràdh riut, air an oidheche so fèin mu'n goir an coileach, gu'n àicheadh thu mi trì uairean.

35 Thubhairt Peadar ris, Ged a b'èigin dhomh bàsachadh maille riut, cha-n àicheadh mi thu. Agus thubhairt na deisciobuil uile mar an ceudna.

36 An sin thàinig Iosa maille riu gu ionad d'an goirear Getsemane, agus thubhairt e ris na deisciobuibh, Suidhibh-sa an so, gus an-téid mise a dheanamh urnuigh an sud.

37 Agus thug e Peadar leis, agus dithis mhac Shebede, agus thòisich e air a bhi brònach, agus ro dhoilgheasach.

38 An sin thubhairt e riu, Tha m'anam ro bhrònach, eadhon gu bàs: fanaibh-sa an so, agus deanaibh faire maille riumsa.

39 Agus dh'imich e beagan air adhart, agus thuit e air 'aghaidh, a' deanamh urnuigh, agus ag ràdh, O m' Àthair, ma dh'fheudas e bhi, rachadh an cupan so seachad orm: gidheadh, na bithעדh e mar is àill leamsa, ach mar *is toil* leatsa.

40 Agus thàinig e chum nan deisciobul, agus fhuair e 'n an codal iad, agus thubhairt e ri Peadar, An ann mar sin, nach b' urrainn sibh faire a dheanamh aon uair a *mhàin* maille rium-sa?

41 Deanaibh faire agus urnuigh, chum nach tuit sibh 'am buaireadh: *tha* gun amharus an spiorad togarach; ach *tha* 'n fheoil annamh.

42 A rìs an dara uair, dh'imich e agus rinn e urnuigh, ag ràdh, O m' Àthair, mur feudar gu'n téid an cupan so seachad orm, gun mi 'g a òl, do thoil-sa gu robh deanta.

43 Agus thàinig e agus fhuair e iad a rìs 'n an codal: oir bha an sùilean trom.

44 Agus dh'fhàg e iad, agus dh'imich e a rìs, agus rinn e urnuigh an treas uair, ag ràdh nam briathran ceudna.

45 An sin thàinig e chum a dheisciobul, agus thubhairt e riu, Coidhibh roimhibh a nis, agus gabhaibh fois; feuch, tha an uair air druidealh, agus tha Mac an duine air a bhrath thairis do làmhnan pheacach.

46 Èiribh, inicheamaid: feuch, tha an ti a bhrathas mise an fagus.

47 Agus air dha bhi fathast a' labhairt,

feuch, thàinig Iudas, aon de'n dà fhear dheug, agus maille ris cuideachd mhòr le claidhibh agus bataibh o na h-àrd-shagart-aibh agus o sheanairibh a' phobuill.

48 A uis bha an ti a bhrath esan air tabhairt comharaidh dhoibh, ag ràdh, Ge b'e neach a phògas mise, is e sin e; deanaibh greim air.

49 Agus air ball thàinig e chum Iosa, agus thubhairt e, Fàilte dhuit, a mhaighstir; agus phòg se e.

50 Ach thubhairt Iosa ris, A charaid, c'ar son a thàinig thu? An sin thàinig iad, agus chuir iad làmh ann an Iosa, agus ghlac iad e.

51 Agus, feuch, shìn a h-aon diubhsan a bha maille ri Iosa a làmh, agus tharruing e a chlaidheamh, agus air dha seirbhiseach an àrd-shagairt a bhualadh, ghearr e a chluas dheith.

52 An sin thubhairt Iosa ris, Cuir a rìs do chlaidheamh air ais 'n a ionad fèin: oir iad-san uile a ghlacas an claidheamh, tuitidh iad leis a' chlaidheamh.

53 An saoil thusa nach feud mise a nis m'Àthair a ghuidhe, agus bheir e dhomh tuilleadh is dà legion deug de ainglibh?

54 Ach cionnus an sin bhitheadh na sgriobtuirean air an comhlionadh, *a tha 'g ràdh* gur ann mar so is èigin tachairt?

55 Anns an uair sin fèin thubhairt Iosa ris an t-sluagh, An d'thàinig sibh a mach mar gu'm b'ann an aghaidh gaduiche, le claidhibh agus bataibh chum mise a ghlacadh? Bha mi gach là a'm' shuidhe maille ribh 's an teampull a' teagasg, agus cha do chuir sibh làmh annam.

56 Ach thachair so uile, chum gu'm bith-eadh sgriobtuirean nam fàidhean air an comhlionadh. An sin thréig na deisciobuil uile e, agus fhàicich iad.

57 Agus air dhoibh-san Iosa a ghlacadh, thug iad leo e gu Caiaphas an t-àrd-shagart, far an robh na sgriobhaichean agus na sean-airean air cruinneachadh.

58 Ach lean Peadar e fada uatha, eadhon gu talla an àrd-shagairt, agus chaidh e steach, agus shuidh e maille ris na seirbhiseich, a dh'fhaicinn na criche.

59 Agus d'fàrr na h-àrd-shagartan agus na sean-airean, agus a' chomhairle uile, fianuis bhréige an aghaidh Iosa, chum a chur gu bàs.

60 Ach cha d'fhuair iad: seadh, ged a thàinig mòran de fhianuisibh bréige, cha d'fhuair iad. Fa dhèidh thàinig dà fhianuis bhréige.

61 Agus thubhairt iad, Thubhairt am fear so, Is urrainn mise teampull Dhé a leagadh, agus a thogail a rìs an trì làithibh.

62 Agus air d'òrd-shagart èirigh, thubhairt e ris, Nach freagair thu 'bheag? Ciod e a tha iad sin a' toirt fianuis a' d' aghaidh?

63 Ach dh'fhan Iosa 'n a thosd. Agus fhreagair an t-àrd-shagart agus thubhairt

e ris, Tha mi 'g a d' mhionnachadh air an Dia bheò, gu'n innseadh tu dhuinn, an tu Criosd Mac Dhé.

64 Thubhairt Iosa ris, Thubhairt thu : gidheadh tha mi ag ràdh ribh, 'N a dhéigh so chì sibh Mac an duine 'n a shuidhe air deas làimh cumhachd *Dhé*, agus a' teachd air neulaibh nèimh.

65 An sin reub an t-àrd-shagart 'eudach, ag ràdh, gu'n do labhair e toibheum; Ciod am feum tuilleadh a tha againn air fianuisibh? feuch, a nis chuala sibh a thoibheum.

66 Ciod i bhur barail-sa? Fhrecagair iad-san agus thubhairt iad, Tha e toillteanach air a' bhàs.

67 An sin thilg iad smugaid 'n a eudan, agus bhuail iad le 'm basaibh e; agus ghabh cuid eile air le slataibh,

68 Ag ràdh, Dean fàidheadaireachd dhuinn, a Chriosd, Cò e a bhuail thu?

69 Agus shuidh Peadar a mach anns an talla: agus thàinig cailin àraidh d'a ionnsuidh, ag ràdh, Bha thusa mar an ceudna maille ri Iosa o Ghalile.

70 Ach dh'àicheadh esan 'n an làthair uile, ag ràdh, Cha-n'eil fhios agam ciod a tha thu ag ràdh.

71 Agus air dol a mach dha do'n fhòrdhorus, chunnaic *cailin* eile e, agus thubhairt i rianan a bha 'n sin, Bha 'n fear so mar an ceudna maille ri Iosa o Nasaret.

72 Agus dh'àicheadh e a ris le mionnaibh, ag ràdh, Cha-n aithne dhomh an duine.

73 Agus tamull beag 'n a dhéigh sin thàinig an dream a bha 'n an seasamh a làthair, agus thubhairt iad ri Peadar, Gu frinneach is ann diubh sud féin a tha thusa;oir tha do chainnt ga d' bhrath.

74 An sin thòisich e ri mallachadh agus mionnachadh, ag ràdh, Cha-n aithne dhomh an duine. Agus air ball ghoir an coileach.

75 Agus chuimhnic Peadar briathran Iosa, a thubhairt ris, Mu'n goir an coileach, àicheadhaidh tu mi tri uairean. Agus air dol a mach dha, ghuil e gu goirt

CAIB. XXVII

1 *Cheangail na h-uachdaran agus na seanaircan Criosd, agus thug iad thairis e do Philat. 3 Chroch Iudas e féin. 19 Fhuair Pilat rabhadh o 'mhnaoi mu thimchioll Criosd; 20 dh'ionnlaid e a làmh an: 26 agus leig e Barabas fa sgaoil. 29 Chruadh Criosd le droighinn; 34 agus cheusadh e. 50 A bhàs agus 'adhlac. 60 Chuir na h-uachdaran faire air 'uaigh.*

AIR teachd do'n mhaduinn, ghabh uachdaran nan sagart uile, agus seanaircan a' phobuill, comhairle le 'chéile an aghaidh Iosa, chum a chur gu bàs.

2 Agus air dhoibh esan a cheangal, thug iad leo e, agus thug iad thairis e do Phon-tius Pilat an t-uachdaran.

3 An sin an uair a chunnaic Iudas a bhrath e, gu'n do dh'iteadh e, ghabh e aithre-zhas,

agus thug e air an ais na deich buinn fhichead airgid do na h-àrd-shagartaibh, agus do na seanairibh,

4 Ag ràdh, Pheacaich mi, ann am brath na fola neò-chiontaich. Ach thubhairt iad-san, Ciod e *sin* duinne? amhaire thusa *air sin*.

5 Agus airtilgeadh uaith nam bonn airgid anns an teampull, dh'imich e roimhe, agus chaidh e agus chroch se e féin.

6 Agus ghlac na h-àrd-shagartan na buinn airgid, agus thubhairt iad, Cha chòir an cur 's an ionmhas, oir is luach fola iad.

7 Agus air gabhail comhairle dhoibh, cheannaich iad leo fearann a' chriadhadair, chum a bhi 'n a àit-adhlac do choigric.

8 Air an aobhar sin goirear de'n fhearann sin, Fearann na fola, gus an là'n diugh.

9 (An sin choimhlionadh an ni a labhradh le Ieremias am fàidh, ag ràdh, Agus ghabh iad na deich buinn fhichead airgid, luach an ti a mheasadh, neach a mheas iadsan a bha de chloinn Isracil,

10 Agus thug siad iad air son fearainn a' chriadhadair, mar a dh'orduich an Tighearn dhomh-sa.)

11 Agus sheas Iosa an làthair an uachdaran: agus dh'fhiosraich an t-uachdaran dheth, ag ràdh, An tusa Rìgh nan Iudhach? Agus thubhairt Iosa ris, Thubhairt thu.

12 Agus an uair a chuir na h-àrd-shagartan agus na seanairean cionta as a leth, cha do fhrèagair e ni sam bith.

13 An sin thubhairt Pilat ris, Nach cluinn thu cia hèn nithean air am bheil iad a' toirt fianuis a'd' aghaidh?

14 Agus cha d'thug e freagradh dha air aon fhocal; ionnus gu'n do ghabh an t-uachdaran iongantas ro mhòr.

15 A nis ri àm na fèille chleachd an t-uachdaran aon phrìosanach a b'ail leo 'chur fa sgaoil do'n phobull.

16 Agus bha aca 's an àm sin prìosanach ro chomharraichte, d'am b'ainm Barabas.

17 Air an aobhar sin an uair a bha iad cruinn an ceann a chéile, thubhairt Pilat ri, Cò a's àill leibh mise a chur fa sgaoil duibh? Barabas, no Iosa, d'an goirear Criosd?

18 Oir bha fhios aige gu'm b'ann o fharmaid a thug iad thairis e.

19 Agus an uair a bha e 'n a shuidhe air caithir a' bhreithcanais, chuir a bhean teachdaireachd d'a ionnsuidh, ag ràdh, Na bitheadh agad-sa gnothuch sam bith ris an fhìrean sin: oir is mòr a dh'fhulaing mise an diugh ann am brudair, air a shon-san.

20 Ach chuir na h-àrd-shagartan agus na seanairean impidh air a' phobull gu'n iarradh iad Barabas, agus gu'm milleadh iad Iosa.

21 Agus fhrèagair an t-uachdaran agus thubhairt e ri, Cò de'n dithis a's àill leibh mise a chur fa sgaoil duibh? Thubhairt iadsan, Barabas.

22 Thubhairt Pilat riu, Ciod ma scadh a ni mi ri Iosa, d'an goirear Criosd? Thubhairt iad ris uile, Ceusar e.

23 Agus thubhairt an t-uachdaran, C'ar son? ciod an t-olc a rinn e? ach is mò gu mòr a ghlaodh iadsan, ag ràdh, Ceusar e.

24 Agus an uair a chunnaic Pilat nach do bhuadhaich e 'bheag sam bith, ach gu'n d'éirich an tuillcadh buaireis, ghabh e uisge, agus dh'ionnlaid e a làmh an fiauuis an t-shuaigh, ag ràdh, Tha mise neò-chiontach de fhuil an fhreinn so; faicibh-sa sin.

25 Agus fhreagair am pobull uile, agus thubhairt iad, Bitheadh 'fhuil oirne, agus air ar cloinn.

26 An sin leig e fa sgaoil Barabas dhoibh: ach air dha Iosa a sgiùrsadh, thug e thairis e chum a cheusadh.

27 An sin thug saighdearan an uachdarain leo Iosa do thalla a' bhreitheanaise, agus chruinnich iad a' bhuidheann uile m'a thinnchioll.

28 Agus air dhoibh a rùsgadh, chuir iad uime falluinn scarlaid.

29 Agus air dhoibh crùn droighinn fhigheadh, chuir iad m'a cheann e, agus slat chuilce 'n a làimh dheis: agus lùb iad an glùn 'n a làthair, agus rinn iad fanoid air, ag ràdh, Gu'm beannaichear thu, a Rìgh nan Iudhach.

30 Agus thilg iad smugaid air, agus ghilac iad an t-slat chuilce, agus bhual iad 's a' cheann e.

31 Agus an dèigh dhoibh fanoid a dhean-amh air, thug iad an fhalluinn dheth, agus chuir iad 'eudach féin uime, agus thug iad leo e chum a cheusadh.

32 Agus an uair a chaidh iad a mach, fhuair iad duine o Chirene, d'am b'ainm Simon: esan dh'éignich iad gu a chrann-cheusaidh-san a ghìulan.

33 Agus an uair a thàinig iad gu ionad d'an ainm Golgota, sin r'a ràdh, àite-cloig-inn,

34 Thug iad dha r'a òl fion geur, measgta le domblas: agus air dha a bhlasad, cha-nòladh se e.

35 Agus an uair a cheus iad e, roinn iad a thrusgan eatorra, a' tilgeadh crannchuir: chum gu'n coimhliontadh an ni a labhradh leis an fhàidh, Roinn iad m'eudach eatorra, agus chuir iad crannchur air mo bhrat.

36 Agus shuidh iad, agus rinn iad faire air an sin:

37 Agus chuir iad a chùis-dhìtidh sgrìobhta os a cheann, IS E SO IOSA RÌGH NAN IUDHACH.

38 An sin cheusadh maille ris dà ghad-uide; fear air a làimh dheis, agus fear eile air a làimh chlì.

39 Agus thug iadsan a bha 'dol seachad toibheum dha, a' crathadh an ceann,

40 Agus ag ràdh, Thusa a leagas an team-pull agus a chuireas suas 'an trì làithibh e,

fòir ort féin: ma's tu Mac Dhé, thig a nuas o'n chrann-cheusaidh.

41 Mar an ceudna thubhairt na h-àrd-shagartan maille ris na sgrìobhaichibh, agus na seanairibh, a' fanoid air,

42 Shaor e daoine eile, e féin a shaoradh cha-n'eil e comasach: ma's e Rìgh Israeil, thigeadh e nis a nuas o'n chrann-cheusaidh, agus creididh sinn e.

43 Chuir e a dhòigh ann an Dia; saoradh e a nis e, ma tha toil aige dha: oir thubhairt e, Is mise Mac Dhé.

44 Agus thug na gaduichean, a cheusadh maille ris, am beum ceudna dha.

45 A nis o'n t-seathamh uair bha dorch-adas air an tir uile gus an naothamh uair.

46 Agus mu thinnchioll na naothamh uaire dh'éigh Iosa le guth àrd, ag ràdh, Eli, eli, lama sabachtani? is e sin r'a ràdh, Mo Dhia, mo Dhia, c'ar son a thréig thu mi?

47 Agus air chluinntinn sin do chuid diubhsan a bha 'n an seasamh an sin, thubhairt iad, Tha am fear so a' glaochaich air Elias.

48 Agus air ball ruith a h-aon diubh, agus ghabh e sponge, agus lion e de fhion geur i, agus air dha a cur air slait chuilce, thug e dha r'a òl.

49 Ach thubhairt càch, Leig dha, faiceam-aid an tig Elias g'a thèarnadh.

50 Agus an uair a dh'éigh Iosa a ris le glaoch mòr, thug e suas a spiorad.

51 Agus, feuch, reubadh brat-roinn an teampull 'n a dhà chuid, o mhullach gu ìochdar; agus chrìochnuich an talamh, agus sgòltheadh na creagan:

52 Agus dh'fhosglaidh na h-uaignean, agus dh'éirich mòran de chorpaidh nan naomh, a bha 'n an codal,

53 Agus chaidh iad a mach as na h-uaignibh an dèigh 'aiseirigh-san, agus chaidh iad a steach do'n bhaile naomh, agus nochdadh iad do mhòran.

54 A nis an uair a chunnaic an ceannard-ceud, agus iadsan a bha maille ris a' coimhead Iosa, a' chrith-thalnhainn, agus na nithean eile a rinnadh, ghabh iad eagal mòr, ag ràdh, Gu fìrinneach b'e so Mac Dhé.

55 Agus bha an sin mòran bhan (ag amhare am fad), a lean Iosa o Ghalile, a' frithealadh dha:

56 Am measg an robh Muire Magdalen, agus Muire mathair Sheumais agus Ioseis, agus mathair cloinne Shebede.

57 Agus air teachd do'n fheasgar, thàinig duine saoiibliir o Arimatea, d'am b'ainm Ioseph, a bha e féin 'n a dheisciobul aig Iosa mar an ceudna.

58 Chaidh esan gu Pilat, agus dh'iarr e corp Iosa: an sin dh'àithn Pilat an corp a thubhairt da.

59 Agus ghilac Ioseph an corp, agus phaisg e ann an fion-eudach fìor-ghlan e,

60 Agus chuir se e 'n a uaign nuaidh féin,

a chladhaich e ann an carraig: Agus char-uich e clach mhòr gu doras na h-uaghe, agus dh'imich e roimhe.

61 Agus bha Muire Magdalen, agus a' Mhuire eile 'n an suidhe fa chomhair na h-uaghe.

62 A nis air an là maireach, an là'n déigh an ulluchaidh, chruinnicheadh na h-àrd-shagartan agus na Phairisich gu Pilat,

63 Ag ràdh, A thighearna, is cuimhne leinn an uair a bha am mealltair ud fathast beò, gu'n dubhaid e, Eiridh mi an déigh thri làithean.

64 Orduich uime sin an uaghe a bhi air a coimhead gu cinnteach gus an treas là, air eagal gu'n tig a dheisciobuil 's an oidhche, agus gu'n goid iad leo e, agus gu'n abair iad ris an t-sluagh, Dh'éirich e o na marbhaibh: agus mar sin bithidh am mearachd deireannach nì's miosa na'n ceud mhearachd.

65 Thubhairt Pilat riu, Tha faire agaibh: imichibh, deanaibh an uaghe cho tèaruinte 's is aithne dhuibh.

66 Agus dh'imich iad agus rinn iad an uaghe cinnteach a' cur seula air a' chloich, maille ri faire.

CAIB. XXVIII.

1 *Tha aiseirigh Chrìosd air a' cur an cèill do na mnàibh: 9 nochd Chrìosd e féin doibh. 11 Thug na h-àrd-shagartan airgid do na saighdear-aibh chum gu'n abraadh iad gu'n do ghoideadh as 'uaghe e.*

AN déigh na sàbaid, aig briseadh na faire air a' cheud là den t-scachduin, thàinig Muire Magdalen, agus a' Mhuire eile, a dh'fhaicinn na h-uaghe.

2 Agus, feuch, bha crith-thalmhainn mhòr ann; oir thàinig aingeal an Tighearna nuas o nèamh, agus air teachd dha charuich e a' chlach o'n doras, agus shuidh e oirre.

3 Agus bha a ghnùis mar dhealanach, agus 'eudach geal mar shneachd.

4 Agus air eagal roimhe chriothluich an luchd-coimhid, agus chaidh iad 'an riochd mairbh.

5 Ach fhreagair an t-aingeal agus thubhairt e ris na mnàibh, Na bitheadh eagal oirbhise: oir tha fhios again gu bheil sibh ag iarraidh Iosa, a chaidh a cheusadh.

6 Cha-n'eil e 'n so; oir dh'éirich e, mar a thubhairt e: thigibh, faicibh an t-àit 's an robh an Tighearna 'n a luidhe.

7 Agus imichibh gu luath, agus innsibh d'a dheisciobluibh gu'n d'éirich e o na marbhaibh: agus, feuch, tha e 'dol roimhibh do Ghalile; an sin chi sibh e; feuch, thubhairt mise ribh e.

8 Agus dh'imich iad gu luath o'n uaghe, le h-eagal agus mòr-ghairdeachas, agus ruith iad a dh'innseadh d'a dheisciobluibh.

9 Agus ag imeachd dhoibhsan a dh'innseadh d'a dheisciobluibh, feuch, thachair Iosa féin orra, ag ràdh, Fàilte dhuibh. Agus thàinig iad am fagus da, agus rug iad air a chosaibh, agus rinn iad aoradh dha.

10 An sin thubhairt Iosa riu, Na bitheadh eagal oirbh: imichibh, abraibh ri n' bhràithribh iadsan a dhol do Ghalile, agus an sin chi iad mi.

11 Agus an uair a bha iadsan ag imeachd, feuch, thàinig cuid de'n luchd-faire do'n bhaile, agus nochd iad do na h-àrd-shagart-aibh gach nì a thachair.

12 Agus air cruinneachadh dhoibh-san'an ceann a chèile maille ris na scanairibh, agus air gabhail comhairle dhoibh, thug iad mòran airgid do na saighdear-aibh.

13 Ag ràdh, Abraibh-sa gu'n d'thàinig a dheisciobuil anns an oidhche, agus gu'n do ghoid iad e, an uair a bha sinne 'n ar codal.

14 Agus ma chluinneas an t-uachdaran so, cuiridh sinne impidh air, agus nì sinn sibhse tèaruinte.

15 Agus ghabh iad an t-airgid, agus rinn iad mar a theagaisgcadh dhoibh: agus tha a' chainnt so air a h-aithris am measg nan Iudhach gus an là'n diugh.

16 An sin chaidh an t-aon deisciobul deug do Ghalile, do'n bheinn far an d'orduich Iosa dhoibh.

17 Agus an uair a chunnaic iad e, rinn iad aoradh dha: ach bha cuid aca fo amharus.

18 Agus thàinig Iosa, agus labhair e riu, ag ràdh, Thugadh dhomh-sa gach uile chumhachd air nèamh agus air talamh.

19 Uime sin imichibh-sa, agus deanaibh deisciobuil de gach uile chinneach, 'g an baisteadh ann an ainm an Athar, agus a' Mhìc, agus an Spioraid naomh;

20 A' teagasg dhoibh gach uile nì a dh'àithn mise dhuibh a coimhead: Agus, feuch, tha mise maille ribh a ghnàth, gu deireadh an t-saoghail. Amen.

AN SOISGEUL

A REIR

M H A R C U I S.

CAIB. I.

1 *Dreuchd Eoin Bhaistidh. 9 Bhaisteadh Iosa. 14 Shearmonaich e soisgeul rioghachd Dhé. 16 Ghairm e Peadar, Aindreas, Seumas agus Eoin. 23 Leighis e aon anns an robh deamhan, 32 agus mòrar de mhuinntir a bha eusan.*

TOISEACH Soisgeil Iosa Criosd, Mhic Dhé:

2 A réir mar tha e sgrìobhta anns na fàidhibh, Feuch, cuiream mo theachdair roimh do ghnuis, a dh'ulluicheas do shlighe romhad.

3 Guth an ti a' dhéigheas anns an fhàsach, Ulbhichibh slighe an Tighearna, deanaibh a cheumnan dìreach.

4 Bha Eoin a' baisteadh anns an fhàsach, agus a' searmonachadh baistidh an aithreachais, chum maithceanais pheacaidhean.

5 Agus chaidh a mach d'a ionnsuidh tìr Iudea uile, agus luchd-àiteachaidh Ierusalem, agus bhaisteadh leis iad uile ann an amhainn Iordain, ag aideachadh an peacaidhean.

6 Agus bha Eoin air' eudachadh le fionna chàmhail, agus crios leathair m'a leasaidh; agus bu bhiadh dha locuist agus mil fhiadhach.

7 Agus shearmonaich e, ag ràdh, Tha neach a' teachd a'm' dhéigh a's cumhachdaiche na mise, neach nach airidh mise air cromadh sìos agus barr-iall a bhàròg fhuasgladh.

8 Bhaist mise gu dearbh sibh le h-nisge: ach baistidh esan sibh leis an Spiorad Naomh.

9 Agus tharladh anns na làithibh sin, gu'n d'fhàinig Iosa o Nasaret Ghalile, agus bhaisteadh e le h-Eoin ann an Iordan.

10 Agus air ball an uair a chaidh e suas as an uisge, chunnaic e na nèamhan air an fosgladh, agus an Spiorad mar choluman a' teachd a muas air.

11 Agus thàinig guth o nèamh, *ag ràdh*, Is tusa mo Mhac gràdhach, anns am bheil mo mhòr-thlachd.

12 Agus air ball tharruing an Spiorad e don fhàsach.

13 Agus bha e'n sin 's an fhàsach dà fhichead là air a bhuaireadh le Satan, agus bha e maille ris na fiadh-bheathaichibh, agus fhrithheil na h-aingean da.

14 Agus an déigh Eoin a chur 'am prìosan, thàinig Iosa do Ghailie, a' searmonachadh soisgeil rioghachd Dhé,

15 Agus ag ràdh, Choimhlionadh an aim-sir, agus tha rioghachd Dhé am fagus;

deanaibh-sa aithreachas, agus creidibh an soisgeul.

16 Agus air dha bhi 'g imeachd ri taobh fairge Ghalile, chunnaic e Simon, agus Aindreas a bhràthair, a' tilgeadh lin 's an fhairege: (oir b'iasgairan iad.)

17 Agus thubhairt Iosa riu, Thigibh a'm' dhéigh-sa, agus ni mi 'n 'ur iasgairibh air daoineibh sibh.

18 Agus air ball dh'fhàg iad an lìontan, agus lean iad esan.

19 Agus an uair a chaidh e beagan air aghaidh as a sin, chunnaic e Seumas mac Shebede, agus Eoin a bhràthair, agus iad 's an luing a' càradh an lìontan.

20 Agus air ball ghairm e iad; agus dh'fhàg iad Sebede an athair 's an luing maille ris an luchd-tuasadail, agus lean iad esan.

21 Agus chaidh iad a steach do Chaper-naum; agus air ball air dha dol a stigh do'n t-sionagag air an t-sàbaid, theagasg e.

22 Agus ghabh iad iongantas r'a theagasg: oir bha e 'g an teagasg mar neach aig an robh ùghdarras, agus cha b'ann mar na sgrìobhaichean.

23 Agus bha 'n an sionagag-san neach anns an robh spiorad neòghlan, agus ghlaodh e,

24 Ag ràdh, Leig leinn; ciod ar gnothuch-ne riut, Iosa o Nasaret? an d'fhàinig thu g'ar sgrìos-ne? Is aithne dhomh cò thu, aon naomh Dhé.

25 Agus chronaich Iosa e, ag ràdh, Bì a' d'fhosd, agus thig a mach as.

26 Agus an uair a reub an spiorad neòghlan e, agus a ghlaodh e le guth àrd, thàinig e mach as.

27 Agus ghabh iad mòr-iongantas uile, ionnus gu'n robh iad a' cur na ceisde so r'a chéile, ag ràdh, Ciod e so? Ciod e an teagasg nuadh so? oir le h-ùghdarras tha e 'toirt orduigh cadhon do na spioradaibh neòghlan, agus tha iad ùmhail dha.

28 Agus chaidh a chliù air ball a mach air feadh na tìre uile timchill Ghalile.

29 Agus gun dàil, air dhoibh dol a mach as an t-sionagag, chaidh iad a steach do thigh Shimoin agus Aindreas, maille ri Seumas agus Eoin.

30 Ach bha màthair-chéile Shimoin 'n a luidhe ann am fiabhrus; agus ghrad labhair iad ris uimpe.

31 Agus thàinig esan agus thog e i, a breith air làimh oirre; agus air ball dh'fhàg am fiabhrus i, agus fhrithheil i dhoibh.

32 Agus an uair a bha 'm feasgar ann, air

do'n ghréin dol fodha, thug iad d'a ionnsuidh iadsan uile a bha euslan, agus iadsan anns an robh deamhain.

33 Agus bha 'm baile uile air a chruinnicheadh chum an doruis.

34 Agus leighis e mòran air an robh iomadh gnè eucail, agus thilg e mach mòran dheamhan, agus cha d'fhulaing e do na deamhaibh labhairt, air son gu'm b'aithne dhoibh e.

35 Agus air dha éirigh 's a' mhaduinn, fada roimh là, chaidh e mach, agus dh'imich e gu àite fàsail, agus rinn e urnuigh an sin.

36 Agus lean Simon, agus an dream a bha maille ris e.

37 Agus air 'fhaotainn dhoibh thubhairt iad ris, Tha gach uile neach ga d'iarraidh.

38 Agus thubhairt esan ri, Rachamaid a dh'ionnsuidh nam bailtean eile làimh ruinn, chum gu'n scarmonaich mi an sin mar an ceudna: oir is ann a chum na crìche so thàinig mise mach.

39 Agus shearmonaich e 'n an sionagogaibh air feadh Ghalile uile, agus thilg e mach na deamhain.

40 Agus thàinig lobhar d'a ionnsuidh, a' guidhe air, agus a' lùbadh a ghluin da, agus ag ràdh ris, Ma's àill leat, tha thu comasach air mise a dheanamh glan.

41 Agus ghabh Iosa truas mòr dheth, agus air sìneadh a mach a làimhe, bhean e ris, agus thubhairt e ris, Is àill leam; bi-sa glan.

42 Agus co luath as a labhair e, air ball dh'fhalbh an luibhre naith, agus rinneadh glan e.

43 Agus thug e geur-ordugh dha, agus air bail chuir e air falbh e;

44 Agus thubhairt e ris, Feuch nach innis thu bheag do neach air bith: ach innich, nochd thu féin do'n t-sagart, agus tabhair mar labhairt air son do ghlanaidh na nithean a dh'aithn Maois, mar fliannais dhoibh.

45 Agus air dhàsan dol a mach, thòisich e air innseadh gu ro fhollaiscach, agus air a' chùis a sgaoileadh mu'n cuairt, air chor as nach feudadh Iosa dol tuilleadh gu follaiscach a steach do'n bhaile; ach bha e mach ann an àitibh uaigneach: agus thàinig iad d'a ionnsuidh as gach àird.

CAIB. II.

Leighis Crìosd neach air an robh am pairilis: 14 ghairm e Mata o àite togail na cìse: 16 dh'ùrl e maille ri cìs mhaoir agus ri peacach: 18 ghabh e leith-sgeul a dheisciobul air son nach robh iad a' trasgadh; 23 agus a chionn gu'n do spion iad diasan arblair air là na sàbaid.

AGUS an déigh làithean àraidh, chaidh e a ris a steach do Chapernaum; agus chualas esan a bhli's an tigh.

2 Agus air ball chruinnicheadh mòran an ceann a chéile, air chor as nach robh àit a

chumadh iad, eadhon timcheoll an doruis agus labhair e am focal riu.

3 Agus thàinig iad, a' toirt d'a ionnsuidh neach air an robh am pairilis, air a ghiùlan le ceathrar.

4 Agus a chionn nach b'urrainn iad teachd am fagus da leis an t-sluagh, rùisg iad mullach an tighe anns an robh e: agus air dhoibh a tholladh, leig iad sìos an leabadh air an robh an neach a bha tinn leis a' phairilis 'n a luidhe.

5 'N nair a chunnaic Iosa an creidimh-san, thubhairt e ris an neach air an robh am pairilis, A mhic, tha do pheacaidhean air am maitheadh dhuit.

6 Ach bha dream àraidh de na sgrìobhaicheibh 'n an suidhe an sin, agus iad a' reusonachadh 'n an cridheachaibh féin,

7 C'ar son tha am fear so a' labhairt toibheim mar so? Cò 'dh'fheadas peacaidhean a mhaithheadh ach Dia a mhàin?

8 Agus air ball air aithneachadh do Iosa 'n a spiorad féin gu'n robh iadsan a' reusonachadh mar sin anna féin, thubhairt e riu, C'ar son a tha sibh a' reusonachadh nan nithean sin ann bhur cridheachaibh?

9 Cò aca a's usadh a ràdh ris an neach air am bheil am pairilis, Tha do pheacaidhean air am maitheadh dhuit, no a ràdh, Eirich, agus tog do leabadh, agus innich?

10 Ach chum gu'm bi fios agaibh gu bheil ùghdarras aig Mac an duine peacaidhean a mhaithheadh air thalamh, (thubhairt e ris an fhear air an robh am pairilis.)

11 Tha mi ag ràdh riut, Eirich, agus tog do leabadh, agus innich do d' thigh.

12 Agus dh'éirich esan air ball, agus thog e an leabadh, agus chaidh e mach 'n an fliannais uile, ionns gu'n robh mòr-iongantas orra uile, agus gu'n do ghlòraich iad Dia, ag ràdh, Cha-n' fhaic sinnne rianh a leithid so.

13 Agus chaidh e mach a ris ri taobh na mara; agus thàinig an sluagh uile d'a ionnsuidh, agus theagaisg e iad.

14 Agus ag dol seachad da, chunnaic e Lebhi mac Alpheus 'n a shuidhe aig àite togail na cìse, agus thubhairt e ris, Lean mise. Agus dh'éirich e, agus lean se e.

15 Agus tharladh, 'n uair a shuidh Iosa chum bidh 'n a thigh-san, gu'n do shuidh mòran chis-mhaor agus pheacach maille ri Iosa, agus r'a dheisciobluibh: oir bha mòran ann, agus lean iad e.

16 Agus an uair a chunnaic na sgrìobhaichean agus na Phairisich esan ag itheadh maille ri chis-mhaor agus ri peacach, thubhairt iad r'a dheisciobluibh, C'ar son tha e ag itheadh agus ag òl maille ri chis-mhaor agus ri peacach?

17 Agus an uair a chual' Iosa so, thubhairt e riu, Cha-n'eil feum acasan a tha slàn air an léigh, ach acasan a tha tinn: cha d'thàinig mise a ghairm nam fircan, ach nam peacach chum aithreachais.

18 Agus bu ghnàth le deiscioblubh Eoin, agus nam Phairiseach a bhi trasgadh: agus thàinig iad. agus thubhairt iad ris, C'ar son tha deisciobuil Eoin, agus nam Phairiseach ri trasgadh, agus nach 'eil do dheisciobuil-sa a' trasgadh.

19 Agus thubhairt Iosa riu, Am bheil clann seòmair an fhir nuadh-phòsda comasach air trasgadh a dheanamh, am feadh a bhithas am fear nuadh-pòsda maille riu? am feadh a tha am fear nuadh-pòsda aca maille riu, cha-n fheud iad trasgadh a dheanamh.

20 Ach thig na làithean anns an toirear am fear nuadh-pòsda uatha; agus an sin nì iad trasgadh 's na làithibh sin.

21 Agus cha-n'èil duine sam bith a dh'fhuagheas mìr de eudach nuadh air sean eudach; no, *ma dh'fhuagheas*, buinidh am mìr nuadh, a chuireadh g'a lìonadh suas, as an t-scan eudach, agus nìthear an reubadh nì's miosa.

22 Agus cha chuir duine air bith fion ùr ann an seann scarragaibh; no brisidh am fion nuadh na scarragan, agus dòirtear am fion, agus caillear na scarragan: ach is còir fion nuadh a chur ann an scarragaibh nuadha.

23 Agus tharladh gu'n deachaidh e troimh na h-achaidh arbhair air là na sàbaid agus thòisich a dheisciobuil, ag imeachd dhoibh, ris na diasan arbhair a spionadh.

24 Agus thubhairt na Phairisich ris, Feuch, c'ar son a tha iad a' deanamh an nì nach 'eil ceaduichte air là na sàbaid?

25 Agus thubhairt esan riu, Nach do leugh sibhse riamh ciod a rinn Daibhidh 'n uair a bha uireasbluidh air, agus ocras air fèin agus orrasan a bha maille ris?

26 Cionnus a chaidh e steach do thigh Dhé ann an làithibh Abiatair an àrd-shagairt, agus a dh'ith e aran na fianuis, nach 'eil ceaduichte do neach air bith itheadh, ach do na sagartaibh, agus a thug e mar an ceudna do'n dream a bha maille ris?

27 Agus thubhairt e riu, Dh'orduicheadh an t-sàbaid air son an duine, cha-n e an duine air son na sàbaid?

28 Air an aobhar sin is Tighearn Mac an duine air an t-sàbaid fèin.

CAIB. III.

1 *Leighis Criosd an duine aig an robh an làmh sheargta.* 11 *Chronnich e na spioradan neòghlan;* 13 *agus thagh e dà abstol deug.* 22 *Dhearbhaig e aingidheachd an t-sluaigh a bha 'g ràdh gu'n robh e a' tilgeadh dheamhan a mach le Beelseub;* 31 *agus nochd e cò iad a chairdean.*

AGUS chaidh e ris a steach do'n t-sion-agog; agus bha an sin duine aig an robh làmh sheargta.

2 Agus rinn iad faire air, a dh'fheuchainn an leighisidh se e air là na sàbaid, chum gu'm bitheadh cùis-dhàidh aca 'n a aghaidh.

3 Agus thubhairt e ris an duine aig an robh an làmh sheargta, Eirich 's a' mheadh-on.

4 Agus thubhairt e riu, Am bheil e ceaduichte maith a dheanamh air làithibh na sàbaid, no olc? anam a thèarnadh, no a sgrios? ach dh'fhan iadsan 'n an tosd.

5 Agus an uair a dh'amhairc e mu'n cuairt orra le feirg, air dha bhi doilich air son cruais an cridhe, thubhairt e ris an duine, Sìn a mach do làmh. Agus shìn e mach i: agus rinneadh slàn i mar an làmh eile.

6 Agus chaidh na Phairisich a mach, agus ghabh iad comhairle air ball maille ri luchd-leannmhuinn Heroid 'n a aghaidh-san, cionnus a dh'fheudadh iad a sgrios.

7 Ach chaidh Iosa maille r'a dheiscioblubh a leth chum na mara: agus lean sluagh mòr e o Ghalile, agus o Iudea,

8 Agus o Ierusalem, agus o Idumea, agus o thaobh thall Iordain; agus iadsan a bha timchioll Thiruis agus Shidoim, thàinig cuideachd mhòr dhiubh d'a ionnsuidh, 'n uair a chual' iad cia mòr na nìthcan a rinn e.

9 Agus thubhairt e r'a dheiscioblubh, long bheag a bhi 'feitheamh air, air son an t-sluaigh, chum nach dòmhluicheadh iad e:

10 Oir leighis e mòran; ionnus gu'n do dh'lùth-theann iad ris, a mhead 's air an robh plàighean, chum gu'm beanadh iad ris.

11 Agus na spioradan neòghlan, an uair a chunnaic iad e, shleuchd iad da, agus ghlaodh iad, ag ràdh, Is tusa Mac Dhé.

12 Agus thug e sparradh teann dhoibh nach deanadh iad aithnichte e.

13 Agus chaidh e suas gu beinn, agus ghairn e iadsan a b'àill leis: agus thàinig iad d'a ionnsuidh.

14 Agus dh'orduich e dà fhear dheug, chum gu'm biodh iad maille ris, agus gu'n cuireadh e mach iad a shearmonachadh;

15 Agus gu'm biodh aca cumhachd a leigh-eas euslaintean, agus a thilgeadh a mach dheamhan.

16 Agus air Simon thug e Peadar mar cho-ainm:

17 Agus Seumas *mac* Shebede, agus Eoin bràthair Sheumais, (agus orra-san thug e Boanerges mar cho-ainm, is e sin ri ràdh, Clann an tairneanaich.)

18 Agus Andreas, agus Philip, agus Bartolomeus, agus Mata, agus Tomas, agus Seumas *mac* Alphcuis, agus Tadeus, agus Simon an Canaanach,

19 Agus Iudas Iscariot, an neach sin a bhrath e: agus chaidh iad do thigh.

20 Agus chruinnicheadh an sluagh a ris, ionnus nach robh e 'n comas doibh uiread as aran itheadh.

21 Agus an uair a chual' a chairdean so, thàinig iad a mach a bhreith air: oir thubhairt iad, Tha e air mhi-chéill.

22 Agus thubhairt na sgrìobhaichean a

thàinig a nuas o Iernsalem, Tha Beelsebub aige, agns is ann troimh phrionnsa nan deamhan a tha o 'tilgeadh a mach dheamhan.

23 Agns ghairm e iad d'a ionnsuidh, agus thubhairt e riu ann an cosamhlachdaibh, Cionnus a dh'fhendas Sàtan Sàtan a thilgeadh a mach?

24 Agus ma bhitheas rioghachd roimnte 'n a h-aghaidh féin, cha-n urrainn an rìoghachd sin seasamh.

25 Agus ma bhitheas tigh air a roinn 'n a aghaidh féin, cha-n urrainn an tigh sin seasamh.

26 Agns ma dh'èireas Sàtan 'n a aghaidh féin, agus gu'm bi e roimnte, cha-n urrainn e seasamh, ach tha crìoch air.

27 Cha-n urrainn neach air bith dol a steach do thigh duine làidir, agus 'airneis a thogail leis, mur ceangail e 'n duine làidir an toiseach; agus an sin creachaidh e a thigh.

28 Gn deimhin tha mi ag ràdh ribh, Gn maithear na h-uile pheacaidhean do chloinn nan daoine, agus gach toibheum a labhras iad.

29 Ach ge b'e 'labhras toibheum an aghaidh an Spioraid Naoimh, cha-n fhaigh e maitheanas a chaoidh, ach tha e 'an cumart peanais shìorruidh;

30 Air son gn'n dnbhairt iad, Tha spiorad neòghlan aige.

31 An sin thàinig a bhràithrean agns a mhàthair, agus air dhoibh seasamh a muigh, chuir iad fios d'a ionnsuidh, a' gairm air.

32 Agns bha 'n sluagh 'n an suidhe m'a thimchioll; agus thubhairt iad ris, Feuch, tha do mhàthair agus do bhràithrean a muigh ga d' iarraidh.

33 Agns fhreagair e iad, ag ràdh, Cò i mo mhàthair, no mo bhràithrean?

34 Agns sheall e mu'n cuairt orra-san a bha 'n an suidhe m'a thimchioll, agus thubhairt e, Feuch mo mhàthair agus mo bhràithrean.

35 Oir ge b'e neach a ni toil Dhé, is esan mo bhràthair, agus mo phiuthar, agus mo mhàthair.

CAIB. IV.

1 *Cosamhlachd an t-sìoladair, agus a bhrìgh.*

21 *Is còir dhuinn solas ar n-eòlais a phàirt-eachadh ri muinntir eile.* 26 *Cosamhlachd an t-sìl a tha 'fàs 'an uaignidheas,* 30 *agus a ghràine mhustaird.* 39 *Chruinnich Crìost onfha na fairge.*

AGUS thòisich e air teagasg a ris làimh ris a' mhuir; agns chruinnicheadh sluagh mòr d'a ionnsuidh, ionnus gu'n deachaidh e steach do luing, agus gu'n do shnidh e air a' mhuir; agus bha'n sluagh uile ri taobh na mara air tìr.

2 Agus theagaisg e dhoibh mòran nithean ann an cosamhlachdaibh, agus thubhairt e riu 'n a theagasg,

3 Eisdibh; Feuch, chaidh fear-cuir a mach a chnr sìl:

4 Agus tharladh 'n uair a chuir e an sìol, gu'n do thuit cuid deth ri taobh an rathaid, agus thàinig eunlaibh an athair, agus dh'ith iad suas e.

5 Agus thuit cuid eile dheth air fearann creagach, far nach robh mòr thalamh aige; agus air ball dh'fhàs e snas, a chionn nach robh doimhne talmhainn aige:

6 Ach air do'n ghréin éirigh, loisgeadh e; agns a chionn nach robh freumh aige, shearg e as.

7 Agus thuit cuid eile am measg droighinn, agus dh'fhàs an droighinn suas, agus thachd se e, agus cha d'fhug e toradh uath.

8 Agus thuit cuid eile air talamh maith, agus thug e toradh uath a' fàs suas agus a' meudachadh; agus thug e mach, cuid a dheich thar fhichead uiread, agus cuid a thri fichead uiread, agus cuid a cheud uiread 's a chuireadh.

9 Agus thubhairt e riu, An ti aig am bheil chuasan chum éisdeachd, éisdeadh e.

10 Agns an uair a bha e 'n a aonar, dh'fhiosraich iadsan, a bha mu'n cuairt da, maille ris an dà fhear dheug, an cosamhlachd deth.

11 Agus thubhairt e riu, Dhuibhse thug-adh colas a ghabhail air nithibh dìomhair rioghachd Dhé: ach dhoibh-san a tha 'an leth muigh nithear gach ni ann an cosamhlachdaibh:

12 Chum as ag faicinn doibh gu'm faic iad, agus nach aithnich iad, agns ag cluinntinn dhoibh gu'n chum iad, agus nach tuig iad; air eagal aig àm air bith gn'm pillcadh iad, agus gu'm biodh am peacaidhean air am maitheadh dhoibh.

13 Agus thubhairt e riu, Nach aithne dhuibh an cosamhlachd so? agus cionnus ma ta a thuigeadh sibh gach uile chosamhlachd?

14 Tha 'm fear-cuir a' cur an fhocail.

15 Agus is iad so iadsan ri taobh an rathaid, anns an cuirear am focal, an déigh dhoibh a chluinntinn, air ball tha Sàtan a' teachd, agus a' togail leis an fhocail, a shìolchuireadh 'n an eridheachaibh.

16 Agus is iad so iadsan mar an ceudna a chuireadh air fearann creagach; muinntir, an uair a chluinneas iad am focal, a ghabhas e air ball le gairdeachas:

17 Agus cha-n'eil freumh aca amta féin, ach mairidh iad ré scalain; 'n a dhéigh sin 'n uair a dh'èireas àmhghar, no geur-leam-mhuinn air son an fhocail, air ball tha iad a' gabhail oibheim.

18 Agus is iad so iadsan a chuireadh am measg an droighinn, an dream a dh'èisdeas ris an fhocail;

19 Agus tha ro-chùram an t-saoghail so, agus mcalltaireachd saoihbheis, agus ana-mianna nithean eile 'teachd a steach, agus

a' tachdadh an fhocail, agus nithear neo-thorach e.

20 Agus is iad so iadsan a chuireadh ann an talamh maith; an dream a chluinneas am focal, agus a ghabhas e, agus a bheir a mach toradh, cuid a dheich thar fhichead uiread, cuid a thri fichead uiread, agus cuid a cheud uiread *as a chuireadh*.

21 Agus thubhairt e riu, An toirear coinn-cal chum gu'n cuirear i fo bheul soithich, no fo leabaidh? nach ann a chum a cur ann an coinnleir?

22 Oir cha-n'eil ni air bith foluichte, nach foillsichear; agus cha robh ni air bith 'an cleith, nach tig 'am follais.

23 Ma tha cluasan chum éisdeachd aig neach air bith, éisdeadh e.

24 Agus thubhairt e riu, Thugaibh fainear ziod a chluinneas sibh: leis an tomhas a thomhaiseas sibh, tomhaisear dhuibh féin; agus bheirear tuilleadh dhuibh-sa 'tha 'g éisdeachd.

25 Oir ge b'e neach aig am bheil, bheirear dha: agus ge b'e neach aig nach 'eil, bheir-car uait an ni sin féin a tha aige.

26 Agus thubhairt e, Is amhuil rioghachd Dhé, mar gu'n cuireadh duine siol anns an talamh,

27 Agus gu'n coidleadh e, agus gu'n éir-eadh e a dh'oidhche agus a là, agus gu'n gineadh an siol, agus gu'm fasadh c suas, air dhòigh nach fhios da.

28 Oir bheir an talamh a mach toradh uait féin, air tùs am fochann, a ris an dias, an déigh sin an làn-arbhar anns an deis.

29 Ach an uair a tha 'n toradh abaich, air ball cuiridh e an corran an, a chionn gu bheil am fogharadh air teachd.

30 Agus thubhairt e, Ciod *an ni* ri 'n samhluich sinn rioghachd Dhé? no ciod e an cosamhlachd leis an coimhmeas sinn i?

31 Is cosmhuid i ri gràinne mustaid, ni, 'n uair a chuirear 's an talamh e, a's lugha de na h-uile phòraibh a tha air thalamh.

32 Ach an déigh a chur, fasaidd e suas, agus cinnidh e nì's mò na luibh sam bith eile, agus fasaidd geugan mòra air; ionnus gu'n feud cunlaith an athair nid a dheanamh fo a sgàile.

33 Agus le iomadh d'a leithidibh sin de chosamhlachdaibh labhair e am focal riu, a réir mar a b'urrainn iad a chluinntinn.

34 Ach gun chosamhlachd cha do labhair e riu: Agus mhinich e na h-uile nithean d'a dheisciobluibh féin air leth.

35 Agus thubhairt e riu air an là sin féin, air teachd do'n fheasgar, Rachamaid thairis do'n taobh eile.

36 Agus an uair a sgaoil iad an coimh-thional, thug iad leo esan anns an luing mar a bha e; agus bha longan beaga eile maille ris mar an ceudna.

37 Agus dh'éirich doiniom mhòr ghaoithe,

agus leum na tonnan a steach do'n luing air chor as gu'n robh i nis làn.

38 Agus bha esan ann an deireadh na luinge, 'n a chodal air cluasag: agus dhùisg iad e, agus thubhairt iad ris, A mhaighstir, nach 'eil suim agad gu'n caillear sinn?

39 Agus dh'éirich e, agus chronuich e a' ghaoth, agus thubhairt e ris an fhainge, Tosd, bi samhach. An sin luidh a' ghaoth, agus bha fèath mòr ann.

40 Agus thubhairt e riu, C'ar son a tha sibh co eagalach? cionnus nach 'eil creidimh agaibh.

41 Agus ghabh iad eagal ro mhòr, agus thubhairt iad r'a chéile, Ciod e an duine so, gu bheil a' ghaoth, agus an fhainge féin umhal da?

CAIB. V.

1 *Air do Chrìosd na deamhain a chur a mach as an duine anns an robh légion diubh, 13 chaidh iad a stigh anns na mucaibh. 25 Leighis e a' bhean air an robh dòrtadh fola, 35 agus thog e o na mairbh nighean Iairuis.*

AGUS thàinig iad gu taobh eile na mara. gu dùthaich nan Gadarach.

2 Agus an uair a chaidh e mach as an luing, air ball thachair air as na h-àitibh-adhlaic, duine anns an robh spiorad neòghlan,

3 Aig an robh a chòmhnuidh 's na h-àitibh-adhlaic; agus cha b'urrainn neach air bith a cheangal, eadhon le slabhraidhibh:

4 Oir chaidh a cheangal gu tric le geimh-libh agus le slabhraidhibh, agus tharruing e na slabhraidhean as a chéile, agus mhion-bhris e na geimhleas: Agus cha b'urrainn duine sam bith a cheannsachadh.

5 Agus bha e ghnàth, a là agus a dh'oidh-che, 's na beanntaibh, agus 's na h-ionadaibh-adhlaic, a' glaochaich, agus 'g a ghearradh féin le clachaibh.

6 Ach an uair a chunnaic e Iosa fada uait, ruith e agus shleuchd e dha,

7 Agus ghlaodh e le guth mòr, agus thubhairt e, Ciod mo ghnòthach-sa riut, Iosa, a Mhic an Dé a's ro àirde? tha mi a' cur ort á h-uchd Dhé, gun mo phianadh.

8 (Oir thubhairt e ris, Thig a mach as an duine, a spioraid neòghloin.)

9 Agus dh'fhiosraich e dheth, Ciod a's ainm dhuit? Agus fhreagair esan, ag ràdh, Légion is ainm dhomh: oir tha sinn mòran ann.

10 Agus ghuidh e gu ro gheur air, gun e g'an cur a mach as an dùthaich sin.

11 Agus bha treud mòr mhuc an sin, ag ionaltradh am fasas do'n bheinn.

12 Agus ghuidh na deamhain uile air, ag ràdh, Cuir sinne dh'ionnsuidh nam muc, chum gu'n rachamaid a steach anna.

13 Agus air ball thug Iosa cead doibh; agus air dol a mach do na spioradaibh neòghlan, chaidh iad a stigh anns na muc-aibh, agus ruith an treud sìos gu dian air

àite cas do'n fhainge, (bha iad mu thim-
chioll dà mhìle,) agus thachdadh iad 's an
fhainge.

14 Agus theich iadsan a bha 'g ionaltradh
nam muc, agus dh'innis iad sin, araon anns
a' bhaile, agus anns an tìr. Agus chaidh
iad a mach a dh'fhaicinn ciod e an ni ud a
thachair.

15 Agus thàinig iad ehum Iosa, agus
chunnaic iad an ti anns an robh an deamhan,
an, agus aig an robh an légion, 'n a shuidhe,
agus 'eudach uime, agus a chiall aige; agus
ghabh iad eagal.

16 Agus dh'innis iadsan a chunnaic e
dhoibh, eionnus a thachair do'n ti anns an
robh an deamhan, agus mu thimchioll nam
muc.

17 Agus thòisich iad ri guidhe air imeachd
a mach as an crìochaibh.

18 Agus air dha dol a stigh 's an luing,
ghuidh an ti anns an robh an deamhan air,
gu'm feudadh e bhi maille ris.

19 Gidheadh eha do leig Iosa leis, ach
thubhairt e ris, Imich dhachaidh dh'ionn-
suidh do mhuinntir, agus innis dhoibh
meud nan nithean a rinn an Tighearn dhuìt,
agus gu'n d'rinn e tròcair ort.

20 Agus dh'imich esan, agus thòisich e ri
chur 'an cèill ann an Decapolis meud nan
nithean a rinn Iosa dha: agus ghabh iad
iongantas uile.

21 Agus 'n uair a chaidh Iosa a ris thairis
anns an luing gus an taobh eile, chruinn-
icheadh sluagh mòr d'a ionnsuidh; agus
bha e làimh ris a' mhuir.

22 Agus, feuch, thàinig aon de uachdaran-
aibh nan sionagag, d'am b'ainm Iairus; agus
an uair a chunnaic e esan, leig se e féin sìos
aig a chosaibh.

23 Agus ghuidh e gu dùrachdach air, ag
ràdh, Tha mo nighean bheag ann an cunn-
art grad-bhàis; thig, *tha mi & guidhe ort*,
agus leag do làmh an oirre chum gu'n slàn-
uichear i, agus mairidh i beò.

24 Agus dh'imich Iosa maille ris; agus
lean sluagh mòr e, agus dhòmhluich iad e.

25 Agus bha bean àraidh an sin, air an
robh dòrtadh fola ré dhà bhliadhna dheug.

26 Agus dh'fhulaing i mòran o iomadh
lèigh, agus chaith i na bha aice, agus cha
b'fheaird i 'bheag e, ach gu'm bu mhisde;

27 'N uair a chual i ionradh air Iosa,
thàinig i am measg an t-sluaigh o' chùlaobh,
agus bhean i r'a eudach:

28 Oir thubhairt i, Ma dh'fheadas mi
beantuinn ach r'a eudach, slànuihear mi.

29 Agus air ball thiormaicheadh tobar a
fola; agus dh'aithnich i air a corp féin, gu'n
do leighisadh i o'n phlàigh sin.

30 Agus dh'aithnich Iosa air ball ann féin
gu'n deachaidh cumhachd a mach as, agus
air dha tionndadh 's an t-sluaigh, thubhairt
e, Cò a bhean ri m' eudach?

31 Agus thubhairt a dheisciobuil ris, Tha

thu 'faicinn gu bheil an sluagh ga d' dhòmh-
lachadh, agus an abair thu, Cò a bhean
rium?

32 Agus dh'amhaire e mu'n euairt g'a faic-
inn-sa a rinn so.

33 Ach air do'n mhnaoi a bhi fo eagal
agus air chrith, air aithneachadh an nì a
rinneadh imte, thàinig i, agus leig si i féin
sìos 'n a làthair, agus dh'innis i an fhìrinn
uile dha.

34 Agus thubhairt e rithe, A nighean,
slànuiuch do chreidimh thu; imich ann an
sith, agus bi slàn o d' phlàigh.

35 An feadh a bha e fathast a' labhairt,
thàinig dream o thigh uachdaran na sion-
agag, ag ràdh, Fluair do nighean bàs; e'ar
son a chuireadh tu tuilleadh dragha air a'
mhaighistir?

36 Cò luath is a chual Iosa an còmhradh
so a labhradh, thubhairt e ri uachdaran na
sionagag, Na bitheadh eagal ort, a mhàin
creid.

37 Agus cha d'fhulaing e do neach air bith
a leantuinn, ach Peadar, agus Seumas, agus
Eoin bràthair Sheumais.

38 Agus thàinig e gu tigh uachdaran na
sionagag, agus chunnaic e an iomairt agus
iadsan a bha 'gul, agus a' caoineadh gu
mòr.

39 Agus 'n uair thàinig e a steach, thubh-
airt e ri, C'ar son a tha sibh ris an iomairt
so, agus ri bròn? cha-n'eil an nigheanag
marbh, ach 'n a codal.

40 Agus rinn iadsan gàire fanoid ris: ach
air dhàsan an cur uile mach, thug e leis
athair agus màthair na nighinn, agus iadsan
a bha maille ris, agus chaidh e steach far
an robh an nìonag 'n a huidhe.

41 Agus rug e air an nìonaig air làimh,
agus thubhairt e rithe, Talitha-cumi; 's e
sin, air cadar-mhineachadh, A chailinn, (tha
mise ag ràdh riut,) éirich.

42 Agus air ball dh'éirich an nìonag, agus
dh'imich i; oir bha i dà bhliadhna dheug
a dh'aois: agus ghabh iad iongantas ana-
barrach.

43 Agus thug e ordugh teann doibh, nach
faighcadh duine air bith fios air so; agus
dh'aithn e càileigin a thoirt di r'a itheadh.

CAIB. VI.

1 Rinnadh tàir air Crìosd le muinntir a dhùth-
cha. 7 Thug e cumhachd do'n dà fhear dheug os
ceann spioradan neòghlan. 14 Iomadh barail
mu Crìosd. 16 Chuireadh an ceann de Eòin
Baistidh. 34 Mòrbhail nan càig buillinn
agus an dà éisg. 48 Dh'imich Crìosd air a'
mhuir, &c.

AGUS chaidh e mach as a sin, agus
thàinig e d'a dhùthaich féin; agus lean
a dheisciobuil e.

2 Agus an uair a thàinig an t-sàbaid, thòis-
ich e air teagasg anns an t-sionagag: agus
air do mhòran a chluinntinn, ghabh iad
iongantas, ag ràdh, Cia uaith tha na nithean

sin aig an fhear so? Agus ciod e an gliocas do 'thugadh dha, gu bheil a leithid so a dh' fheartaibh air an deanamh le a làmh-an-sa?

3 Nach e so an saor, mac Mhuire, bràthair Sheumais, agus Ioseis, agus Iudais, agus Shimois? Agus nach 'eil a pheathraichean an so maille ruinn? Agus fhuaire iad oil-bheum ann.

4 Ach thubhairt Iosa riu, Cha-n'eil fàidh gun urram, ach 'n a dhùthaich féin, agus am measg a chairdean, agus 'n a thigh féin.

5 Agus cha robh e 'n comas da mìorbhuil air bith a dheanamh an sin, saor o gu'n do chuir e a làmhnan air beagan de mhuinntir a bha tinn, agus gu'n do leighis e iad.

6 Agus bha iongantais air air son am mì-chreidimh. Agus chaidh e timchioll nam bailtean, a' teagasg.

7 Agus ghairm e d'a ionnsuidh an dà fhear dheug, agus thòisich e air an cur a mach dithis agus dithis; agus thug e dhoibh cumhachd air spioradaibh neòghlan;

8 Agus dh'aithe e dhoibh gun ni air bith a thoirt leo air son na slighe, ach lorg a mhàin; gun mhàla, gun aran, gun aingiod 'n an sporan:

9 Ach bonn-bhrògan a bhi air an cosaibh, agus gun dà chòta bhi umpa.

10 Agus thubhairt e riu, Ge b'e ionad air bith anns an téid sibh a steach do thigh, an sin fanaibh gus am falbh sibh as an àite sin.

11 Agus cò air bith iad nach gabh ribh, agus nach éisd ribh, air dhuibh imeachd as an àite sin, crathaibh an duslach a bhith-eas fo 'ur cosaibh, mar fhianuis 'n an aghaidh. Gu deimhin tha mi ag ràdh ribh, Gur so-iomhaire a bhith-eas e do Shodom agus do Ghomorah ann an là a' bhreith-eanais, na do'n bhaile sin.

12 Agus chaidh iad a mach, agus shearmon-aich iad daoine a dheanamh aithreachais.

13 Agus thig iad a mach mòran dheamhan, agus dh'ung iad le h-olaidh mòran a bha tinn, agus leighis siad iad.

14 Agus chuala Herod an rìgh uime, (oir chaidh 'ainm 'am follais:) agus thubhairt e, Tha Eoin Baistidh air éirigh o na mairbh, agus uime sin tha feartan air an oibreachadh leis.

15 Thubhairt cuid eile, Gur e Elias a th'ann. Agus thubhairt cuid eile, Gur fàidh a th'ann, no mar aon de na fàidhean.

16 Ach an uair a chuala Herod so, thubhairt e, Is e Eoin d'an do chuir mise an ceann, a th'ann; dh'éirich e o na mairbh.

17 Oir chuir Herod féin a mach agus ghlac e Eoin, agus cheangail e ann am prìosan e, air son Herodiais bean phòsda Philip, a bhràthar féin, do bhrìgh gu'n do phòs e i.

18 Oir thubhairt Eoin ri Herod, Cha-n'eil e ceadaichte dhuit bean do bhràthar a bhi agad.

19 Uime sin bha diomb mòr aig Herodias ris, agus bu mhiann leatha a chur gu bàs; ach cha b'urrainn i.

20 Oir bha eagal Eoin air Herod, air dha fios a bhi aige gu'm bu duine ceart agus naomh e, agus thug e fainear e; agus 'n uair a chuala se e, rinn e mòran de nìibh *air a chomhairle*, agus dh'éisd e ris gu toileach.

21 Agus air teachd do là ionchuidh, b'inn Herod, air co-ainm an là 's an d'rugadh e, suipeir d'a uaislibh, agus d'a àrd-cheannardaibh, agus do mhaithibh Ghalile:

22 Agus an uair a chaidh nighean Herodiais so steach, agus a rinn i damsa, thaitinn i ri Herod agus riu-san a shuidh maille ris, agus thubhairt an rìgh ris a' chailinn, Iarr ormsa ge b'e ni a's àill leat, agus bheir mi dhuit e.

23 Agus thug e mionnan di, Ge b'e ni a dh'iarras tu orm, bheir mi dhuit e, gu leth mo rìoghachd.

24 Agus an uair a chaidh i mach thubhairt i ri a màthair, Ciod a dh'iarras mi? Agus thubhairt ise, Ceann Eoin Baistidh.

25 Agus chaidh i air ball le cabhaig a steach a dh'ionnsuidh an rìgh, agus dh'iarr i, ag ràdh, Is àill leam gu'n tugadh tu dhomh gun dàil ceann Eoin Baistidh air mèis.

26 Agus bha 'n rìgh ro dhoilich; *gidheadh* air son a mhionnan, agus an dream a bha 'n an suidhe maille ris, cha robh toil aige a diultadh.

27 Agus air ball chuir an rìgh a mach fear-millidh, agus dh'aithe an a cheann a thoirt a steach: agus dh'imich esan agus thug e an ceann deth anns a' phrìosan:

28 Agus thug e a cheann leis air mèis, agus thug e do'n chailinn e: agus thug a' chailinn d'a màthair e.

29 Agus an uair a chual a dheisciobuil *sin*, thàinig iad agus thog iad a chorp, agus chuir iad ann an uaigh e.

30 Agus chruinnicheadh na h-Abstoil chum Iosa, agus dh'innis iad da na h-uile nithean, aràon gach ni a rinn iad, agus gach ni a theagaisg iad.

31 Agus thubhairt e riu, Thigibh-sa air leth do àit uaigneach, agus gabhaibh fois car tamuill bhig: Oir bha mòran a' teachd agus a' dol, agus cha robh ùine aca uiread as biadh itheadh.

32 Agus chaidh iad gu àite fàsail ann an luìng air leth.

33 Agus chunnaic an sluagh iadsan a' falbh, agus dh'aithean mòran e, agus ruith iad d'an cois as na bailtibh uile an sin, agus bha iad rompa, agus chruinnicheadh iad d'a ionnsuidh.

34 Agus an uair a chaidh Iosa mach, chunnaic e sluagh mòr, agus ghabh e truas mòr dhiubh, a chionn gu'n robh iad mar chaoraich gun bhuachaill aca: agus thòisich e air mòran nithean a theagasg dhoibh.

35 Agus an uair a bha nis mòran de'n là air dol seachad, thàinig a dheisciobuil d'a ionnsuidh, ag ràdh, Tha 'n t-àite so fàs, agus tha nis mòran de'n là *air dol thairis*:

36 Leig air falbh iad, chum gu'n tèid iad do'n tìr mu'n cuairt, agus do na bailtibh, agus gu'n ceannaich iad biadh dhoibh fèin: oir cha-n'eil ni air bith aca r'a itheadh.

37 Ach fhreagair esan, agus thubhairt e riu, Thugaibh-sa dhoibh r'a itheadh. Agus thubhairt iadsan ris, An tèid sinn agus an ceannaich sinn luach dhà cheud peghinn a dh'aran, chum gu'n tugamaid dhoibh ni r'a itheadh?

38 Ach thubhairt esan riu, Cia lìon buill-ionn a tha agaibh? rachaibh agus faicibh. Agus air faotainn fios doibh, thubhairt iad, Cùig, agus dà iasg.

39 Agus dh'aitn e dhoibh a thoirt orra uile suidhe sìos 'n an cuideachdaibh air an fheur uaine.

40 Agus shuidh iad sìos 'n am buidhneibh fa leth, 'n an ceudaibh, agus 'n an leth-cheudaibh.

41 Agus air dha na cùig buill-ionn agus an dà iasg a ghabhail, agus amharc suas gu nèamh, bheannaich, agus bhris e na buill-ionn, agus thug e d'a dheisciobuibh *iad*, chum gu'n cuireadh iad fa'n comhair iad; agus roinn e an dà iasg orra uile.

42 Agus dh'ith iad uile, agus shàsuicheadh iad.

43 Agus thog iad dà chliabhl dheug làn de'n bliadh bhriste, agus de na h-iasgaibh.

44 Agus b'iad an dream a dh'ith de na buill-ionnaibh cùig mìle fear.

45 Agus air ball cho-éignich e a dheisciobuil gu dol anns an luing, agus dol roimhe dh'ionnsuidh an taoibh thall gu Betsaida, agus an cuireadh e an sluagh air falbh.

46 Agus an uair a chuir e air falbh iad, chaidh e gu beinn a dheanamh urnuigh.

47 Agus an uair a bha 'n t-annoch ann, bha an long 'am meadhan na mara, agus esan 'n a aonar air tìr.

48 Agus chunnaic e iadsan air am pianadh ag ionnramh; oir bha a' ghaoth 'n an aghaidh: agus thàinig e d'an ionnsuidh nu thimchioll na ceathramh faire de'n oidheche, ag imeachd air a' mhuir, agus b'àill leis dol seachad orra.

49 Ach an uair a chunnaic iadsan e ag imeachd air a' mhuir, shaoil iad gu'm bu tannas a bh'ann; agus ghlaodh iad.

50 (Oir chunnaic iad uile e, agus bha iad fo bhuaires:) Agus air ball labhair e riu, agus thubhairt e riu, Biodh misneach mhaith agaibh; is mise 'tha ann, na bitheadh eagal orbh.

51 Agus chaidh e suas d'an ionnsuidh do'n luing; agus luidh a' ghaoth: agus bha uamhas mòr thar tomhas orra, agus ghabh iad iongantas.

52 Oir cha d'thug iad fainear *mòrbhuil*

nam buill-ionnan; oir bha'n cridhe air a chruadhachadh.

53 Agus an uair a chaidh iad thairis, thàinig iad gu talamh Ghenesaret, agus tharruing iad gu tìr.

54 Agus an uair a thàinig iad a mach as an luing, air ball dh'aitnich iad e,

55 Agus ruith iad air feadh na tìre sin uile mu'n cuairt, agus thòisich iad air an dream a bha tinn a ghiùlan mu'n cuairt air leapaichibh, ge b'e àit an cual' iad esan a bhi.

56 Agus ge b'e air bith bailtean, no caithrichean, no dithreach 'an deachaidh e steach, chuir iad na daoine tinn air na sràidibh, agus ghuidh iad air gu'm feudadh iad beantuinn a mhàin ri iomall 'eudaich: agus a mhead is a bhean ris, leighiseadh iad.

CAIB. VII.

1 *Fhuair na Phairisich coire do na deisciobuibh do bhrìgh gu'n d'ith iad le làmhnan salach: 6 air an làmh eile fhuair Crìost coire dhoibh-san do bhrìgh gu'n do bhris iad àitheantan Dhé le teagasg agus gnàthachadh dhaoine. 14 Cha salaich biadh an duine. 24 Leighis Crìost nighean aig an robh spiorad neòghlan, 31 agus duine a bha bodhar.*

AGUS chruinnicheadh na Phairisich d'a ionnsuidh, agus dream àraidh de na sgrìobhaichibh a thàinig o Ierusalem.

2 Agus an uair a chunnaic iad cuid d'a dheisciobuibh ag itheadh arain le làmhnan salach, (sin r'a radh gun ionnlad,) fhuair iad coire *dhoibh*.

3 Oir cha-n ith na Phairisich, agus na h-Iudhaich uile, biadh, mur ionnlaid iad an làmhnan gu minic, a' coimhead beul-aithris nan seanairean.

4 Agus *air dhoibh teachd* o'n mhargadh, mur tui siad iad, cha-n ith iad. Agus tha mòran de nithibh eile a ghabh iad orra a choimhead, *mar tha* nigheadh chupan, agus phoitean, agus shoithichean umha, agus leapaichean.

5 An sin dh'fhedraich na Phairisich agus na sgrìobhaichean dheth, C'a son nach 'eil do dheisciobuil ag imeachd a réir beul-aithris nan seanairean, ach a tha iad ag itheadh arain le làmhnan gun ionnlad?

6 Ach fhreagair esan agus thubhairt e riu, Is maith a rinn Easias fàidheadaireachd mu bhuir timchioll-sa, a chealgairean, a réir mar tha e sgrìobhta, Tha am pobull so 'toirt urraim dhomh-sa le 'm bìlibh, ach tha an cridhe fada uam.

7 Ach is ann gu dìomhain a tha iad a' toirt aoraidh dhomh-sa, a' teagasg àitheantan dhaoine mar theagasg.

8 Oir air dhuibh àithne Dhé a thréigsinn, tha sibh a' cumail orduchaidh dhaoine, *mar tha* nigheadh phoitean agus chupan: agus mòran eile d'an leithidibh sin tha sibh a' deanamh.

9 Agus thubhairt e riu, Is maith a tha

sibh a' cur air cùl àithne Dhé, chum gu'n coimhid sibh bhur n-orduchadh féin.

10 Oir thubhairt Maois, Thoir urram do d'athair, agus do d' mhàthair: agus, Ge b'e neach a mhallaicheas athair no màthair, cuirear gu cinnteach gu bàs e.

11 Ach their sibhse, Ma their neach r'a athair, no r'a mhàthair, Biodh e'n a Chorban, sin r'a ràdh, 'n a thìodhlac *do'n teampull*, ge b'e ni leis am faigheadh tu tairbhe uamsa;

12 Nach leig sibh dha á sin suas ni sam bith a dheanamh air son 'athar, no a mhàthar;

13 A' cur focail Dhé 'an neò-bhrìgh le bhur beul-aithris féin, a dh'aithris sibh: agus mòran d'an leithidibh sin de nithibh tha sibh a' deanamh.

14 Agus 'n uair a ghairm e an sluagh uile d'a ionnsuidh, thubhairt e riu, Eisidibh riumsa uile, agus tuigibh:

15 Cha-n'eil ni sam bith o'n taobh a muigh de'n duine, a théid a steach ann, d'am bheil e 'n comas a shalachadh; ach na nithean a tha teachd a mach as, is iad sin a tha 'salachadh an duine.

16 Ge b'e aig an bheil cluasan chum éisd-eachd, éisdeadh e.

17 Agus an uair a chaidh e steach do'n tigh o'n t-sluagh, chuir a dheisciobuil ceisid air mu thimcheall a' chosamlachd.

18 Agus thubhairt e riu, Am bheil sibhse mar so fathast gun tuigse? Nach 'eil fhios agaibh, ge b'e ni air bith a théid a steach 's an duine o'n leth a muigh, nach 'eil e 'n comas da esan a shalachadh?

19 Do bhrìgh nach téid e steach d'a chridhe, ach do'n bhroinn, agus théid e mach do'n t-slochd shalachair, a' glanadh gach uile bhìdh.

20 Agus thubhairt e, Is e an ni a thig a mach as an duine, a shalacheas an duine.

21 Oir is ann o'n taobh a stigh, á cridhe dhaoine, a thig a mach droch smuaintean, adhaltrannas, strìopachas, mortadh,

22 Goid, sannt, aingidheachd, mealltair-eachd, macnus, droch shùil, toibheum, uabhar, amaideachd:

23 Tha na h-uile so uile a' teachd a mach o'n taobh a stigh, agus a' salachadh an duine.

24 Agus air dha éirigh as a sin, chaidh e gu crìochaibh Thiruis agus Shidoin: agus an uair a chaidh e steach do thigh, cha b'àill leis fios a bhi aig neach sam bith air; gidheadh chan fheadadh e bhli'm folach.

25 Oir chuala bean uime, aig an robh nighean bheag, anns an robh spiorad neò-ghlan, agus thàinig i agus thuit i aig a chos-aibh:

26 (Agus bu Bhan-Ghrecgach a' bhean, Ban-shiropheenisach a thaobh cinnich;) agus ghuidh i air gu'n tilgeadh e an deamhan a mach as a nighinn.

27 Ach thubhairt Iosa rithe, Fulaing do'n chloinn air tùs a bhi air an sàsachadh: oir cha-n'eil e ionmhuidh aran na cloinne a ghabhail, agus a thilgeadh chum nan con.

28 Agus fhreagair ise agus thubhairt i ris, Is fìor sin, a Thighearna: gidheadh ithidh na coin fo 'n bhord de sbrùileach na cloinne.

29 Agus thubhairt esan rithe, Air son na cainnte so féin, imich romhad; tha an deamhan air dol a mach á d' nighinn.

30 Agus an uair a bha ise air teachd a dh'ionnsuidh a tìghe, fhuair i an deamhan air dol a mach, agus a nighean air a cur 'n a luidhe air an leabaidh.

31 Agus a ris 'n uair a dh'imich e o chrìoch-aibh Thiruis agus Shidoin, thàinig e gu muir Ghalile, troimh mheadhon chrìoch Dhecapolis.

32 Agus thug iad d'a ionnsuidh duine bodhar, aig an robh staduih 'n a chainnt: agus ghuidh iad air gu'n cuireadh e a làmh air.

33 Agus thug e a leth o'n t-sluagh e, agus chuir e a mheoir 'n a chluasaibh, agus shìl e, agus bhean e r'a theangaidh.

34 Agus air dha amharc suas gu nèamh, rinn e osna, agus thubhairt e ris, Ephphata, is e sin r'a ràdh, Bi fosgailte.

35 Agus air ball dh'fhosglaidh a chluasan, agus dh'fhuasgladh ccangal a theangaidh, agus labhair e gu ceart.

36 Agus dh'aithn e dhoibh gun iad a dh'innseadh sin do neach air bith: ach mar is mò a thoirmisg esan doibh, bu mhòid gu ro mhòr a chuir iadsan an gnòmh 'am follais;

37 Agus bha iad gu ro mhòr air an lionadh le h-iongantas, ag ràdh, Rinn e na h-uile nithean gu maith: tha e araon a' tabhairt air na bodhair gu'n cluinn iad, agus air na bailbh gu'n labhair iad.

CAIB. VIII.

1 Bheathaich Crìosd an sluagh gu mìorbhuileach.

11 Dhiùlt e comharadh a thoirt do na Phairisich; 14 Dh'iarr e air a dheisciobuil a bhi air am faicill an aghaidh taobis ghoirt nam Phairisach agus Heroid; 22 Thug e a radharc do dhuine dall; 27 Dh'innis e d'a dheisciobuil gu'n robh e gu bàs fhaolainn, agus gu éirigh a ris o na maibh.

ANNS na làithibh sin air do shluagh ro mhòr a bhi ann, agus gun ni air bith aca r'a itheadh, ghairm Iosa a dheisciobuil d'a ionnsuidh, agus thubhairt e riu,

2 Tha truas mòr agam de'n t-sluagh, do bhrìgh gu'n d'fhan iad a nis tri làithean maille rium, agus nach 'eil ni air bith aca r'a itheadh;

3 Agus ma leigcas mi d'an tighibh féin 'n an trasg iad, fannuichidh iad air an t-slighe: oir thàinig cuid aca 'am fad.

4 Agus fhreagair a dheisciobuil e, Cia as a

dh'fheadas neach iad so a shàsachadh le h-aran an so 's an fhàsach?

5 Agus dh'fhiosraich e dhiubh, Cia lìon buillonn a tha agaibh? Agus thubhairt iadsan, Seachd.

6 Agus thug e ordugh do'n t-sluagh suidhe sìos air au làr: agus ghlae e na seachd buillonnan, agus air foirt buidheachais, bhris e, agus thug e iad d'a dheiscioblubh, chum gu'n cuirradh iad 'n an làthair iad; agus chuir iad sìos au làthair an t-sluaigh iad.

7 Agus bha aca beagan a dh'iasgaibh beaga: agus bheannaich e iad, agus dh'aithean e an cur sìos 'n au làthair mar an ceudna.

8 Agus dh'ith iad, agus shànuicheadh iad: agus thog iad làn sheachd bascaidean de'n bhiadh bhriste, a bha dh'fhugheall aca.

9 Agus bha iadsan a dh'ith mu thimchioll cheithir mìle: agus leig e air falbh iad.

10 Agus air ball chaidh e steach 'an luing maille r'a dheiscioblubh, agus thàinig e gu crìochaibh Dhalmanuta.

11 Agus thàinig na Phairisich a mach; agus thòisich iad ri ceisdean a chur air, ag iarraidh comharaidh uaith o nèamh, 'g a dhearbhadh.

12 Agus air deanamh osna dhàsan 'n a spiorad, thubhairt e, C'ar son a tha an ginealach so ag iarraidh comharaidh? gu deimhin tha mise ag ràdh ribh nach toirear comharadh do'n ghinealach so.

13 Agus dh'fhàg e iad, agus air dha dol a steach do'n luing a ris, chaidh e chum an taoibh eile.

14 Agus dhì-chuimhnich na deisciobuil aran a thoirt leo; agus cha robh aca ach aon bhuillion maille riu 's au luing.

15 Agus dh'aithean e dhoibh, ag ràdh, Thugaibh an aire, bithibh air bhur faicill an aghaidh taois ghoirt nam Phairiseach, agus taois ghoirt Heroid.

16 Agus bha iadsan a' reusonachadh 'n am measg féin, ag ràdh, Is ann air son nach 'eil aran againn a tha e.

17 Agus air aithneachadh sin do Iosa, thubhairt e riu, C'ar son a tha sibh a' reusonachadh a chionn nach 'eil aran agaibh? Nach 'eil fhios agaibh fathast, agus nach 'eil sibh a' tuigsinn? am bheil bhur cridhe fathast air a chruadhachadh?

18 Air dhuibh sìlealan a bhi agaibh, nach faic sibh? agus air dhuibh cluasan a bhi agaibh, nach cluinn sibh? agus nach 'eil sibh a' cuimhneachadh?

19 An uair a bhris mi na cùig buillonn an measg nan cùig mìle, cia lìon cliabh làn de bhiadh briste a thog sibh? Thubhairt iadsan ris, A dhà dheug.

20 Agus an uair a bhris mi na seachd an measg nan ceithir mìle, cia lìon bascaid làn de bhiadh briste a thog sibh? Agus thubhairt iadsan, Seachd.

21 Agus thubhairt e riu, Cionnus nach 'eil sibh a' tuigsinn?

22 Agus thàinig e gu Betsaida; agus thug iad d'a ionusuidh duine dall, agus ghuidh iad air gu'm beanadh e ris.

23 Agus rug e air làmh an doill agus threòraich e mach as a' bhaile e; agus air dha a sheileadh a chur air a shùilb, agus a làmh an a chur air, dh'fheòraich e dheth an robh e 'faicinn ni air bith.

24 Agus dh'amhaire esan suas, agus thubhairt e, Tha mi 'faicinn dhaoine mar chraobhan ag imeachd.

25 'N a dhéigh sin, chuir e a làmh an ris air a shùilb, agus thug e cair amhare suas: agus dh'aisgeadh a radharc dha, agus chunnaic e gach uile dhuine gu soilleir.

26 Agus chuir e dh'ionnsuidh a thighe féin e, ag ràdh, Na rach a steach do'n bhaile, agus na innis do neach air bith anns a' bhaile e.

27 Agus chaidh Iosa agus a dheisciobuil a mach gu bailtibh Chesarea Philipi: agus air an t-slighe chuir e ceisd air a dheiscioblubh, ag ràdh riu, Cò a tha daoine ag ràdh is mise?

28 Agus fhreagair iadsan, Eoin Baistidh; agus cuid eile, Elías; agus cuid eile, Aon de na fàidhibh.

29 Agus thubhairt esan riu, Ach cò a tha sibhse ag ràdh is mi? Fhreagair Peadar agus thubhairt e ris, Is tu Crìosd.

30 Agus thug e sparradh dhoibh gun iad a dh'innseadh so uime do neach sam bith.

31 Agus thòisich e r'an teagasg, gur éigin do Mhac an duine mòran de nithibh fhulang, agus a bhi air a dhiultadh leis na seanairibh, agus na h-àrd-shagartaibh, agus na sgrìobhaichibh, agus a bhi air a chur gu bàs, agus éirigh a ris an déigh thri làithean.

32 Agus labhair e a' chainnt so gu follaiseach. Agus rug Peadar air, agus thòisich e r'a chronuchadh.

33 Ach air dhàsan tionndadh mu'n cnairt, agus amhare air a dheiscioblubh, chronuich e Peadar, ag ràdh, Imich air mo chùlaobh, a Shatain: oir cha-n'èil spéis agad do nithibh Dhé, ach do nithibh dhaoine.

34 Agus air gairm an t-sluaigh, agus a dheisciobul d'a ionnsuidh, thubhairt e riu, Ge b'e neach leis an àill teachd a'm' dhéighsa, àicheadhadh se e féin, agus togadh e a chrann-ceusaidh, agus leanadh e mise.

35 Oir ge b'e neach leis an àill 'anam féin a choimhead, caillidh se e; ach ge b'e neach a chailleas 'anam air mo shon-sa, agus air son an t-soisgeil, coimhididh esan e.

36 Oir ciod e an tairbhe do dhuine, ged chosnadh e an saoghal gu h-ìomlan, agus 'anam a chall?

37 No ciod a bheir duine ann an éiric 'anama?

38 Oir ge b'e neach a ghabhas nàire dhiom-

sa, agus de m' fhoclaidh, anns a' ghinealach adhaltrannach agus ole so, dheth-san gabhaidh Mac an duine nàire, 'n uair a thig e 'an glòir 'Athar, maille ris na h-ainglibh naomha.

CAIB. IX.

1 *Dh'atharraicheadh cruth Iosa.* 11 *Theagaisg e a dheisciobuil mu thimchioll teachd Elais:* 14 *Thig e mach Spiorad balbh agus bodhar:* 30 *Roimh-innis e m' a bhàs agus 'aiseirigh.* 33 *Chomhairlich e d'a dheisciobuibh a bhi iriosal.*

AGUS thubhairt e riu, Gu deimhin tha mi ag ràdh ribh, gu bheil cuid dhiubhsan a tha 'n an seasamh an so, nach blais bàs, gus am faic iad rioghachd Dhé a' teachd le cumhachd.

2 Agus an ceann shè làithean, thug Iosa Peadar, agus Seumas, agus Eoin leis, agus threuirich e iad leo féin air leth gu beinn àird: agus dh'atharraicheadh a chruth 'n am fianuis.

3 Agus rinneadh 'eudach dealrach, ro gheal mar an *sneachd*; air mhodh nach robh e 'n comas do ghlanadair-eudaich sam bith air talamh a ghealachadh.

4 Agus dh'fhoillsicheadh dhoibh Elias maille ri Maois agus bha iad a' còmhradh ri Iosa.

5 Agus fhreagair Peadar, agus thubhairt e ri Iosa, A mhaighstir, is maith dhuinne bhi an so: air an aobhar sin deanamaid trì pàillianan; aon duitse, agus aon do Mhaois, agus aon do Elias.

6 Oir cha robh fhios aige ciod a theireadh e: oir bha iad fo eagal ro mhòr.

7 Agus thàinig neul a chuir sgàile orra, agus thàinig guh as an neul, ag ràdh, Is e so mo Mhac gràdhach-sa, éisidibh ris.

8 Agus air ball, an uair a dh'amhaire iad mu'n timchioll, cha-n fhac iad neach air bith á sin suas, ach Iosa 'n a aonar maille riu.

9 Agus ag teachd dhoibh a nuas o'n bheinn, dh'athn e dhoibh gun na nithean a chunnaic iad innseadh do neach sam bith, gus an éireadh Mac an duine a ris o na mairbh.

10 Agus ghléidh iad a' chainnt so aca féin, a' fiosrachadh d'a chéile ciod a bu chiall do'n aiseirigh o na mairbh.

11 Agus dh'fheòraich iad deth, ag ràdh, C'ar son a tha na sgrìobhaichean ag ràdh, gur éigin do Elias teachd air tùs?

12 Agus fhreagair esan agus thubhairt e riu, Thig Elias gu deimhin air tùs, agus aisgidh e na h-uile nithean, agus mar a tha e sgrìobhta mu Mhac an duine, gu bheil e gu mòran de nithibh fhulang, agus a bhi air a chur 'an dimeas.

13 Ach tha mi ag ràdh ribh, gu bheil Elias da rìreadh air teachd, agus rinn iad ris gach ni a thogair iad, a réir mar tha e sgrìobhta uime.

14 Agus 'n uair a thàinig e chum a dheisciobul, chunnaic e sluagh mòr mu'n timchioll, agus na sgrìobhaichean a' deasboireachd riu.

15 Agus air ball bha 'n sluagh uile, 'n uair a chunnaic iad e, fo uamhas mòr, agus air dhoibh ruith d'a ionnsuidh, chuir iad fàilte air.

16 Agus dh'fhiosraich e de na sgrìobhaicheibh, Ciod e mu 'm bheil sibh a' deasboireachd riu?

17 Agus air freagairt do neach d'èin t-sluagh, thubhairt e, A mhaighstir, thug mi a d' ionnsuidh mo mhac anns am bheil spiorad balbh:

18 Agus ge b'è ionad sam bith 's an glac se e, tha e 'g a tharruing as a chéile; agus tha e 'cur cobhair as a bheul, agus a' giosgarnaich le 'fhiacalbh, agus tha e a' scargadh as: agus thubhairt mi ri d' dheisciobuibh, iad g'a chur a mach, agus cha b' urrainn iad.

19 Ach fhreagair esan, agus thubhairt e ris, O chinnich gun chreidimh, cia fhad a bhitheas mi maille ribh? cia fhad a dh'fhuilgeas mi sibh? thugaibh e a m' ionnsuidh.

20 Agus thug iad d'a ionnsuidh e: agus an uair a chunnaic se e, reub an spiorad air ball e; agus thuit e air an talamh, agus bha e 'g a aoirneagan féin, agus a' cur cobhair as a bheul.

21 Agus dh'fhiosraich e d'a athair, Cia fhad an aimsir o thàinig so air? agus thubhairt e, O bha e 'n a leanabh.

22 Agus gu minic thig e 's an teine e, agus anns an uisge, chum gu milleadh se e: ach ma tha thusa comasach air ni sam bith a dheanamh, gabh truas dinn, agus cuidich leinn.

23 Ach thubhairt Iosa ris, Ma 's urrainn thusa creidsinn, tha gach aon ni comasach do'n neach a chreideas.

24 Agus ghlaodh athair an leinibh a mach air ball, agus thubhairt e le deuraibh, Tha mi a' creidsinn, a Thighearna; cuidich thusa le mo mhi-chreidimh.

25 Agus an uair a chunnaic Iosa an sluagh a' ruith cuideachd, chronuich e an spiorad neòghan, ag ràdh ris, A spioraid bhaibh agus bhodhair, tha mi 'g orduchadh dhuit, Thig a mach as, agus na rach a steach ann ni's mò.

26 Agus ghlaodh an spiorad, agus reub e gu ro chràiteach e, agus chaidh e mach as: agus bha e 'n riochd mairbh, ionnus gu'n dubhairt mòran, Tha e marbh.

27 Ach air do Iosa a ghlacadh air làimh thog e suas e, agus dh'èirich e.

28 Agus an uair a chaidh e steach do'n tigh, dh'fhiosraich a dheisciobuil deth 'an uaignidheas, C'ar son nach b' urrainn sinne a thilgeadh mach?

29 Agus thubhairt esan riu, Cha-n'èil e

comasach gu'n téid a' ghnè so mach le ni air bith, ach le h-urnuigh agus trasgadh.

30 Agus dh'imich iad as a sin, agus chaidh iad troimh Ghàlile; agus cha b'áill leis fhios so bhi aig aon neach.

31 Oir theagaisg e a dheisciobuil féin, agus thubhairt e riu, Tha Mac an duine air a thubhairt thairis do làmhnan dhaoine, agus cuiridh iad gu bàs e; agus an dèigh a chur gu bàs, éiridh e a ris an treas là.

32 Ach cha do thuig iad a' chainnt so, agus bha eagal orra fheadhach dheth.

33 Agus thàinig e gu Capernaum; agus air dha 'bhi 's an tigh, dh'fhiosraich e dhiubh, Ciod e mu'n robh sibh a' deasboir-eachd eadaraibh féin, air an t-slighe?

34 Ach dh'fhan iadsan 'n an tosd: oir air an t-slighe bha iad a' reusonachadh eatorra féin, co aca bu mhad a b'hiheadh.

35 Agus air suidhe dha, ghairm e'n dà fhear dheug d'a ionnsuidh, agus thubhairt e riu, Ge b'e neach leis am miann a bhi air thoiseach, bithidh esan air dheireadh air chàch uile, agus 'n a sheirbhiseach do na h-uile.

36 Agus ghabh e leanabh, agus chuir e 'n am meadhon e: agus an uair a thog e suas 'n a uchd e, thubhairt e riu,

37 Ge b'e neach a ghabhas ri h-aon d'an leithidibh so de leanabaibh a'm ainm-sa, tha e a' gabhail riumsa; agus ge b'e neach a ghabhas riumsa, cha mhiise ris am bheil e a' gabhail, ach an 'Ti a chuir uaith mi.

38 Agus fhreagair Eoin e, ag ràdh, A mhaighstir, chumnaic sinne neach nach 'eil 'g ar leantuinn a' tilgeadh a mach dheamh-an a'd ainm-sa; agus bhac sinn e, a chionn nach 'eil e 'g ar leantuinn féin.

39 Ach thubhairt Iosa, Na bacaibh e: oir cha-n'eil neach sam bith a ni miorbhuil a'm ainm-sa, d'am bheil e'n comas olc a labhairt gu h-ealamh umam.

40 Oir ge b'e neach nach 'eil 'n ar n-aghaidh, tha e leinn.

41 Oir ge b'e neach a bheir cupan uisge dhuibh-sa r'a òl a'm ainm-sa, a chionn gur le Crìosd sibh, gu deimhin tha mi ag ràdh ribh, nach caill e a dhuais.

42 Agus ge b'e b'heir aobhar oilbheim do aon neach de 'n fheadhain bheaga so, a tha 'creidsinn annam-sa, b' fhearr dha gu'm bitheadh clach-mhuilinn air a crochadh n'a mhuineal, agus gu'm bitheadh e air a thilgeadh 's an fhainge.

43 Agus ma bheir do làmh aobhar oilbheim dhuith, gearr dhìot i: is fearr dhuith dol a steach do'n bheatha air leth-làimh, na dà làimh a bhi agad, agus dol gu n-ifrinn, do'n teine nach mùchar a chaoidh;

44 Far nach bàsaich an enuimh, agus nach téid an teine as.

45 Agus ma bheir do chos aobhar oilbheim dhuith, gearr dhìot i: is fearr dhuith dol a steach do'n bheatha air leth-chois, na dà

chois a bhi agad, agus a bhi air do thilgeadh ann an ifrinn, do'n teine nach mùchar a chaoidh;

46 Far nach bàsaich an enuimh, agus nach téid an teine as.

47 Agus ma bheir do shùil aobhar oilbheim dhuith, spion asad i: is fearr dhuith dol a steach do rìoghachd Dhé air aon sùil, na dà shùil a bhi agad, agus a bhi air do thilgeadh ann an teine ifrinn;

48 Far nach bàsaich an enuimh, agus nach téid an teine as.

49 Oir sailleair gach aon neach le teine, agus sailleair gach aon iobairt le salann.

50 Is maith an salann: ach ma chailleas an salann a shailhteachd, ciod e leis an deau sibh deadh-bhlada e? Bitheadh agaibh salann annaibh féin, agus bithibh sìochail r'a chéile.

CAIB. X.

1 Tha Crìosd a' reusonachadh ris na Phairisich mu thimchioll dealachaidh fir agus mnà pòda: 13 bheannaich e clann a thugadh d'a ionnsuidh: 17 dh'innis e do dhuine saobhair cionnus a dh'fheadas e a' bheatha shuthain a shealbhadh. 32 Roimh-innis e a bhàs agus 'aiseirigh. 46 Dh'aisig e a radharc do Bhar-taiseir.

A GUS air éirigh dha as a sin, thàinig e gu crìochaibh Iudea troimh an dùth-aich a tha air an taobh thall de Iordan: agus thàinig slòigh d'a ionnsuidh a ris; agus mar bu ghnàth leis, theagaisg e iad a ris.

2 Agus thàinig na Phairisich d'a ionnsuidh, agus dh'fhiosraich iad deth, Am bheil e ceaduichte do dhuine a bhcan a chur air falbh? 'g a dhearbhadh.

3 Ach fhreagair esan agus thubhairt e riu, Ciod a dh'athn Maois dhuibh?

4 Agus thubhairt iadsan, Thug Maois cead duinn litir-dhealachaidh a sgrìobhadh, agus a cur air falbh.

5 Agus fhreagair Iosa agus thubhairt e riu, Air son cruais bhur cridhe, sgrìobh e an àithne so dhuibh.

6 Gidheadh o thoiseach na cruithachd, rinn Dia iad fear agus bean.

7 Air an aobhar so fagaidh duine 'athair agus a mhàthair, agus dlùth-leanaidh e r'a mhnai-pòda:

8 Agus bithidh iad araon 'n an aon fheoil: ionnus uach dithis iad o sin suas, ach aon fheoil.

9 Air an aobhar sin an ni a chuir Dia cuid-eachd, na cuireadh duine o 'chéile.

10 Agus anns an tigh dh'fheòraich a dheisciobuil deth a ris mu thimchioll an ni cheudna.

11 Agus thubhairt e riu, Ge b'e neach a chuircas air falbh a bhcan féin, agus a phòsas bean cile, tha e a' deanamh adhart-rannais 'n a h-aghaidh.

12 Agus ma chuircas bean air falbh a fear féin, agus ma bhlitheas i air a pòsadh ri fear cile, tha i a' deanamh adhart-rannais.

13 Agus thug iad leanabain d'a ionnsuidh, chum gu'm beanadh e riu; agus chronuich a dheisciobuil a' mhuinntir a thug leo iad.

14 Ach an uair a chummaic Iosa sin, bha e ro dhionbach, agus thubhairt e riu, Leigibh do na leanabanaibh teachd a m' ionnsuidh, agus na bacaibh iad: oir is ann d'an leithidibh a tha rioghaich Dhé.

15 Gu deimhin tha mi ag ràdh ribh, Ge b'e neach nach gabh rioghaich Dhé mar leanabh beag, nach téid e gu bràth a steach innte.

16 Agus ghlac e 'n a uchd iad, agus chuir e a làmhnan orra, agus bheannaich e iad.

17 Agus an uair a chaidh e mach air an t-slighe, thàinig neach 'n a ruith, agus leig se e féin air a ghluinibh dha, agus dh'fheòraich e dheth, A mhaighstir mhaith, ciod a ni mi chum gu'n sealbhaich mi a' bheatha mhaireannach?

18 Agus thubhairt Iosa ris, C'ar son a ghloireas tu maith dhìomsa? cha-n'eil neach sam bith maith, ach a h-aon, *is e sin Dia*.

19 Is aithne dhuit na h-àitheantan, Na dean adhaltramas, Na dean mortadh, Na goid, Na toir fianuis bhréige, Na dean eucòir, Thoir urram do d'athair, agus do d' mhàthair.

20 Ach fhreagair esan agus thubhairt e ris, A mhaighstir, choimhid mi iad so uile o m'òige.

21 Agus air amharc do Iosa air, ghràdhach se e, agus thubhairt e ris, Tha aon ni dh'uireasbhuidh ort: imich, reic na bheil agad, agus tabhair do na bochdaibh, agus bithidh agad ionnhas air nèamh; agus thig, tog an crann-ceusaidh, agus lean mise.

22 Agus bha doilghios air-san air son nam briathran sin, agus dh'fhalbh e gu tùirs-each; oir bha mòran saoihbheis aige.

23 Agus air amharc do Iosa mu'n cuairt, thubhairt e r'a dheisciobuibh, Cia deacair do'n mhuinntir sin aig am bheil mòr-shaoibhreas dol a steach do rioghaich Dhé!

24 Agus bha mòr-uamhas air na deisciobuibh air son a bhriathran. Ach fhreagair Iosa a ris, agus thubhairt e riu, A chlann, cia deacair dhoibh-san a chuireas an dòigh ann an saoihbheas, dol a steach do rioghaich Dhé!

25 Is usadh do chàmhail dol troimh chrò na snàthaid, na do dhuine saoihbhir dol a steach do rioghaich Dhé.

26 Ach bha uamhas orra-san thar tomhas, ag ràdh eatorra féin, Cò ma scadh a dh'fheudas a bhi air a shaoradh?

27 Agus air do Iosa amharc orra, thubhairt e, Do dhaoimibh tha so eu-comasach, ach cha-n'èile e do Dhia: oir do Dhia tha na h-uile nithean comasach.

28 Agus thòisich Peadar air a ràdh ris, Feuch, thréig sinne na h-uile nithean, agus lean sinn thusa.

29 Ach fhreagair Iosa, agus thubhairt e,

Gu deimhin tha mi ag ràdh ribh, nach 'eil neach sam bith a dh'fhàg tigh, no bràithrean, no peathraichean, no athair, no màthair, no bean-phòsda, no clann, no fearann, air mo shonsa agus air son an t-soisgeil,

30 Nach faigh a chend uread 's an aimsir so féin, tighean, agus bràithrean, agus peathraichean, agus màthraichean, agus clann, agus fearann, maille ri geur-lean-mhuim; agus anns an t-saoghal a tha ri teachd, a' bheatha mhaireannach.

31 Ach tha mòran air thoiseach, a bhitheas air dheireadh; agus air dheireadh, *a bhitheas* air thoiseach.

32 Agus bha iad air an t-slighe a' dol suas gu Ierusalem: agus bha Iosa ag imeachd rompa; agus ghlac uamhas iad, agus ag dhoibh *esan* a leantuim, bha eagal orra. Agus thug e an dà fhear dheug air leth a ris, agus thòisich e air na nithean a bha gu tachairt da imseadh dhoibh,

33 *Ag ràdh*, Feuch, tha sinn a' dol suas gu Ierusalem; agus bithidh Mac an duine air a thoirt thairis do na h-àrd-shagartaibh, agus do na sgrìobhaichibh: agus ditidh iad chum bàis e, agus bheir iad thairis e do na Cinnich;

34 Agus ni iad fanoid air, agus sgiùrsaidh iad e, agus tilgidh iad smugaid air, agus cuiridh iad gu bàs e: agus air an treas là éiridh e a ris.

35 Agus thàinig d'a ionnsuidh Seumas agus Eoin, mic Shebede, ag ràdh, A mhaighstir, is àill leinn gu'n dean thu dhuinne ge b'e ni a dh'iarraas sinn.

36 Agus thubhairt esan riu, Ciod a's àill leibh mise a dheanamh dhuibh?

37 Agus thubhairt iadsan ris, Deònuich dhuinne gu'n suidhcamaid, fear air do làimh dheis, agus am fear eile air do làimh chlì, ann ad ghlòir.

38 Ach thubhairt Iosa riu, Cha-n aithne dhuibh ciod a tha sibh ag iarraidh: am bheil sibh comasach air a' chupan òl a dh'òlas mise? agus a bhi air bhuir baisteadh leis a' bhaisteadh leis am baistear mise?

39 Thubhairt iadsan ris, Tha sinn comasach. Ach thubhairt Iosa riu, Olaidh sibhse gu deimhin an cupan a dh'òlas mise; agus baistear sibh leis a' bhaisteadh leis am baistear mise:

40 Ach suidhe air mo làimh dheis, agus air mo làimh chlì, cha leamsa sin r'a thabhairt, ach dhoibh-san d'an d'ulluicheadh e.

41 Agus air cluinntinn so do'n deichnear, thòisich iad air mòr-chorruich a ghabhail ri Seumas agus Eoin.

42 Ach ghairm Iosa iad d'a ionnsuidh, agus thubhairt e riu, Tha fhios agaibh gu bheil acasan a tha air am meas mar uachdaran air na Cinnich, àrd-thighearnas orra; agus gu bheil aig an daoimibh mòra làn ùghdarras orra.

43 Ach cha bhi e mar sin 'n ur measg-sa:

sach ge b'e neach le'n àill a bhi mòr 'n 'ur measg, bithidh e 'n a òglach agaibh :

44 Agus ge b'e neach agaibh le'n àill toiseach a bhi aige, bithidh e 'n a sheirbhis each do na h-uile.

45 Oir cha d'fhàinig eadhon Mac an duine chum gu'n deantadh frithealadh dha, ach a dheanamh frithealaidh, agus a thoirt 'anama féin mar éiric air son mhóran.

46 Agus thàinig iad gu Iericho : agus air imeachd dhàsan agus d'a dheisciobluibh, agus do shluagh mòr, a mach á Iericho, bha Bartimeus an dall, mac Thimeuis, 'n a shuidhe ri taobh na slighe, ag iarraidh déirce.

47 Agus an uair a chual e gu'm b'e Iosa o Nasaret a bh'ann, thòisich e ri glaochaich, agus ri ràdh, Iosa, Mhic Dhaibhidh, dean tròcair orm.

48 Agus chronuich mòran e, chum gu'm bithheadh e 'n a thosd: ach bu ro mhòid a ghlaodh esan, A Mhic Dhaibhidh, dean tròcair orm.

49 Agus sheas Iosa, agus dh'àithn e esan a ghairm *d'a ionnsuidh* : agus ghairm iad an dall, ag ràdh ris, Bitheadh misneach agad, éirich : tha e ga d'ghairm.

50 Agus air dhàsan 'fhalluinn a thilgeadh uaith, dh'éirich e, agus thàinig e gu Iosa.

51 Agus fhreagair Iosa, agus thubhairt e ris, Cìod a's àill leat mise a dheanamh dhuit? Thubhairt an dall ris, A Thighearna, mi dh'fhaotainn mo radhaire.

52 Agus thubhairt Iosa ris, Imich : shlànuich de chreidimh thu. Agus air ball fhuaire a radharc, agus lean e Iosa 's an t-slighe.

CAIB. XI.

1 *Mharcaich Iosa gu buadhach do Ierusalem : 12 mhalluich e a' chraobh air an robh duilleach gun mheas ; 15 ghlan e an teampull ; 20 dh'earlaich e a dheisciobuil iad a bhi seas-mhach 's a' chreidimh, &c.*

AGUS an uair a thàinig iad am fagus do Ierusalem, gu Betphage agus Betani, aig shìabh nan crann-olaidh, chuir e uaith dithis d'a dheisciobluibh,

2 Agus thubhairt e riu, Rachaibh do'n bhaile ud thall fa bhur comhair : agus air ball an uair a théid sibh a steach ann, gheibh sibh searrach ceangailte, air nach do shuidh aon duine riamh ; fuasglaidh e, agus thugaibh leibh e.

3 Agus ma their neach air bith ruibh, C'ar son a tha sibh a' deanamh so? abraibh, Gu bheil feum aig an Tighearna air ; agus air ball cuiridh e'n so e.

4 Agus dh'imich iad, agus fhuaire iad an searrach ceangailte a nuigh aig an doras, aig coinneachadh dà shlighe ; agus dh'fuasgail iad e.

5 Agus thubhairt cuid dhiubh-san, a bha 'n an seasamh an sin, riu, C'ar son a tha sibh a' fuasgladh an t-searraich?

6 Agus thubhairt iadsan riu mar a dh'àithn Iosa dhoibh : agus leig iad uatha iad.

7 Agus thug iad an searrach chum Iosa, agus chuir iad am falluinnean air ; agus shuidh esan air.

8 Agus sgaoil mòran am falluinnean féin air an t-slighe : agus ghearr cuid eile geugan de na craobhan, agus sgaoil iad air an t-slighe iad.

9 Agus ghlaodh iadsan a bha 'g imeachd roimhe, agus iadsan a bha 'g a leantuinn, ag ràdh, Hosanna, is beannaichte an ti a tha 'teachd ann an ainm an Tighearna.

10 Is beannaichte rioghachd ar n-Athar Daibhidh, a tha 'teachd [ann an ainm an Tighearna] Hosanna anns na h-àrdaibh.

11 Agus chaidh Iosa a steach do Ierusalem, agus do'n teampull ; agus an uair a dh'amhairc e air gach ni mu'n cuairt, agus a bha 'm feasgar a nis air teachd, chaidh e mach gu Betani maille ris an dà fhear dheug.

12 Agus air an là màireach, 'n uair a chaidh iad a mach á Betani, dh'fhàs e ocrach.

13 Agus air faicinn craoibh-fhùge fada uaith, air an robh duilleach, thàinig e, dh'fheuchainn an faigheadh e ni sam bith oirre : agus air dha teachd d'a h-ionnsuidh, cha d'fhuair e ni sam bith ach duilleach ; oir cha robh àm *tionail* nam fige fathast ann.

14 Agus fhreagair Iosa agus thubhairt e rithe, Nar itheadh neach sam bith toradh dhìot-sa o so suas a chaoidh. Agus chual a dheisciobuil e.

15 Agus thàinig iad gu Ierusalem : agus chaidh Iosa a steach do'n teampull, agus thòisich e air an dream a bha a' reic agus a' ceannach 's an teampull a chur a mach, agus thilg e thairis buird luchd-malairt an àirgid, agus caithrichean na muinntir a bha 'reic choluman :

16 Agus cha-n fhuilgeadh e gu'n giulain-eadh neach sam bith soitheach troimh an teampull.

17 Agus theagaisg e, ag ràdh riu, Nach 'eil e sgrìobhta, Goirear tigh urnuigh den' thigh-sa leis na h-uile chinneich? Ach rinn sibhse 'n a ghairidh luchd-reubainn e.

18 Agus chuala na sgrìobhaichean agus na h-àrd-shagartan so, agus dh'iarr iad cionnus a dh'fheadadh iad esan a mhilleadh : oir bha 'eagal-san orra, do bhrìgh gu'n robh an sluagh uile fo iongantais mòr r'a theagasg.

19 Agus an uair a bha am feasgar air teachd, chaidh e mach as a' bhaile.

20 Agus air mhaduinn, ag gabhail seachad dhoibh, chunnaic iad an crann-fige air crìonadh o 'fhreumhan.

21 Agus air cuimhneachadh do Pheadar, thubhairt e ris, A mhaighstir, feuch, tha a' chraobh-fhùge, a mhalluich thu, air crìonadh.

22 Agus fhreagair Iosa, agus thubhairt e riu, Bitheadh creidimh agaibh 'an Dia.

23 Oir gu deimhin tha mi ag ràdh ribh, ge b'e neach a their ris a' bheinn so, Bi air do thogail, agus air do thilgeadh 's an fhainge, agus nach bi fo amharus 'n a chridhe, ach a chreideas gu'n tachair na nithean a their e, thig gach ni a their e gu crìch dha.

24 Air an aobhar sin tha mi ag ràdh ribh, Ge b'e nithean air bith a dh'iarras sibh ann an urnuigh, creidibh gu'm faigh sibh, agus gheibh sibh.

25 Agus an uair a sheasas sibh a' deanamh urnuigh, maithibh, na tha mi air bith agaibh an aghaidh aoin duine; chum gu maith bhur n-Athair a tha air nèamh bhur peacaidhean féin duibhse.

26 Ach mur maith sibhse, cha mhò a mhaithreas bhur n-Athair a tha air nèamh bhur peacaidhean féin duibhse.

27 Agus thàinig iad a ris gu Ierusalem: agus air dhàsan bhi a' spaisdeireachd anns an teampull, thàinig d'a ionnsuidh na h-àrd-shagartan, agus na sgrìobhaichean, agus na seanairean.

28 Agus thubhairt iad ris, Ciod e an t-ùghdarras leis am bheil thu a' deanamh nan nithean so? Agus cò 'thug dhuit an t-ùghdarras so chum na nithean so a dheanamh?

29 Agus fhreagair Iosa agus thubhairt e riu, Feòraichidh mise mar an ceudna aon ni dhìbhse, agus freagraibh mi, agus innsidh mise dhuibh-sa ciod e an t-ùghdarras leis am bheil mi a' deanamh nan nithean so.

30 An ann o nèamh, no o dhaoineibh a thàinig baisteadh Eoin? freagraibh mi.

31 Agus bha iad a' reusonachadh eatorra féin, ag ràdh, Ma their sinn, O nèamh; their esan ruinn, C'ar son ma seadh nach do chreid sibh e?

32 Ach ma their sinn, O dhaoineibh; bha eagal an t-sluaigh orra; oir b'e meas gach uile air Eoin gu'm b'fhàidh e gu firinneach.

33 Agus air freagairt dhoibh, thubhairt iad ri Iosa, Cha-n'èil fhios againn. Agus fhreagair Iosa agus thubhairt e riu, Cha mhò a dh'innseas mise dhuibhse ciod e an t-ùghdarras leis am bheil mi a' deanamh nan nithean so.

CAIB. XII.

1 *Ann an cosamhlachd an fhìon-lios a shuidhicheadh air tuath mhi-thaingeil, dh'innis Crìosd roimh-laimh dìuitadh nan Iudhach, agus gairm nan Cinneach. 13 Sheachainn e an rìbe a chuir na Phairisich, agus na Herodianaich roimhe, mu thimchioll iocaidh cise do Cheasar; 18 nochd e mearachd nan Sadusach mu thimchioll aiseirigh nam marbhbh. 41 Mhol e a' bhantrach bhoichd.*

AGUS thòisich e air labhairt riu ann an cosamhlachdaibh. Shuidhich duine àraidh fìon-lios, agus chuir e gàradh mu'n cuairt air, agus chladhaich e ionad-bruthaidh nam fìon-dhearc, agus thog e tùr,

agus shuidhich e air tuath e, agus ghabh e a thurus as a dhùthaich.

2 Agus 's an àm dhligheach chuir e seirbhiseach a dh'ionnsuidh na tuatha, chum gu'm faigheadh e de thoradh an fhìon-lios o'n tuath.

3 Ach air dhoibh-san esan a ghlacadh, bhuail iad e, agus chuir iad uatha falamh e.

4 Agus a ris chuir e seirbhiseach eile d'an ionnsuidh; agus chlach iad e, agus reub iad a cheann, agus chuir iad uatha e le h-eas-urram.

5 Agus a ris chuir e neach eile d'an ionnsuidh; agus esan mharbh iad: agus mòran eile, a' bualadh cuid diubh, agus a' marbhadh cuid eile.

6 Fathast uime sin, air dha aon Mhac a bhi aige, a b' ionmhuinn leis, chuir e esan mar an ceudna fa dheoidh d'an ionnsuidh, ag ràdh, Bheir iad urram do m' Mhac.

7 Ach thubhairt an tuath sin 'n am measg féin, Is e so an t-oighre; thigibh, marbhamaid e, agus bithidh an oighreachd againn féin.

8 Agus rug iad air, agus mharbh iad e, agus thilg iad a mach as an fhìon-lios e.

9 Ciod e uime sin a ni Tighearn an fhìon-lios? Thig e agus sgriosaidh e 'n tuath sin, agus bheir e am fìon-lios do dhaoineibh eile.

10 Nach do leugh sibh an sgrìobtuir so? A' chlach a dhiùlt na clachairean, rinneadh ceann na h-oisinne dith.

11 Rinneadh so leis an Tighearn, agus is iongantach e 'n ar sùilbh-ne.

12 Agus dh'iarr iad breith air, ach bha eagal an t-sluaigh orra; oir thug iad gu'm b'ann 'n an aghaidh féin a labhair e an cosamhlachd: agus air 'fhàgail doibh, dh'imich iad rompa.

13 Agus chuir iad d'a ionnsuidh dream àraidh de na Phairisich, agus de luchd-leanmhuinn Heroid, chum gu'n glacadh iad e 'n a chainnt.

14 Agus air dhoibh-san teachd, thubhairt iad ris, A mhaighstir, tha fhios againn gu bheil thusa firinneach, agus nach 'eil suim agad do neach air bith: oir cha-n'èil thu ag amharc air gnùis dhaoine, ach a' teagasg slighe Dhé ann am firinn. Am bheil e ceaduichte cìs a thoirt do Cheasar, no nach 'eil? an tabhair, no nach tabkair sinn i?

15 Ach air dhàsan an cealg a thuigsinn, thubhairt e riu, C'ar son a tha sibh ga m' bhuairleadh? thugaibh peghinn a m' ionnsuidh, chum gu'm faic mi i?

16 Agus thug iad d'a ionnsuidh i, agus thubhairt e riu, Cò d'an ionmhaigh so, agus cò d' am buin an sgrìobhadh so? Agus thubhairt iadsan ris, Do Cheasar.

17 Agus fhreagair Iosa, agus thubhairt e riu, Thugaibh do Cheasar na nithean a's le Ceasar, agus do Dhia na nithean a's le Dia. Agus ghabh iad iongantas ris.

18 An sin thàinig na Sadusaich d'a ionnsuidh, a tha 'g ràdh nach 'eil aiseirigh ann; agus dh'fheòraich iad deth, ag ràdh,

19 A mhaighstir, sgrìobh Maois dhuinne, Nam faigheadh bràthair duine air bith bàs, agus gu'm fàgadh e bean, agus nach fàgadh e clann, gu'n gabhadh a bhràthair a bhean d'a ionnsuidh, agus gu'n togadh e sliochd d'a bhràthair.

20 A nis bha seachdnar bhràithrean ann: agus ghabh an ceud fhear dhiubh bean, agus an uair a dh'eug e, cha d'fhag e sliochd.

21 Agus ghabh an dara fear i, agus fluair esan bàs, agus cha mhò a dh'fhàg esan sliochd: agus an treas fear mar an ceudna.

22 Agus ghabh an t-seachdnar i, agus cha d'fhàg iad sliochd: 'n an dèigh uile, chaochail a' bhean mar an ceudna.

23 Anns an aiseirigh uime sin, an uair a dh'èireas iad, cò dhiubh d'am bean i? oir bha i aig an t-seachdnar 'n a mnaoi.

24 Agus fhreagair Iosa agus thubhairt e riu, Nach 'eil sibh uime sin ann am mearachd, do bhrìgh nach 'eil eòlas agaibh air na sgrìobtuiribh, no air cumhachd Dhé?

25 Oir an uair a dh'èireas iad o na mairbh, cha phòs iad, ni mò a bheirear 'am pòsadh iad; ach tha iad mar na h-ainglibh a tha air nèamh.

26 Ach mu thimchioll nam marbh, gu'n èirich iad, nach doleugh sibh ann am leabhar Mhaois, cionnus a labhair Dia ris anns a' phreas, ag ràdh, Is mise Dia Abraham, agus Dia Isaac, agus Dia Iacob?

27 Cha-n e Dia nam marbh e, ach Dia nam beò: tha sibhse uime sin ann am mearachd mòr.

28 Agus thàinig neach de na sgrìobhaicheibh, agus an uair a chual e iadsan a' deasboir-eachd r'a chèile, agus a thuig e gu'n do fhreagair e gu maith iad, chuir e ceisd air, Cia i a' cheud àithne de na h-àithcantaibh uile?

29 Agus fhreagair Iosa e, 'S i so a' cheud àithne de na h-àithcantaibh uile, Eisd, O Israel, an Tighearn ar Dia-ne, is aon Tighearn e;

30 Agus gràdhachidh tu an Tighearn do Dhia le d'uile chridhe, agus le d'uile anam, agus le d'uile inntinn, agus le d'uile neart: is i so a' cheud àithne:

31 Agus is cosmhuil an dara àithne rithe so, Gràdhachidh tu do choimhearsnach mar thu féin: cha-n'èil àithne eile ann a's mò na iad so.

32 Agus thubhairt an sgrìobhaiche ris, Is maith, gu firinneach, a Mhaighstir, a thubhairt thu: oir tha aon Dia ann, agus cha-n'èil atharrach ann ach e féin.

33 Agus esan a ghràdhachadh leis an uile chridhe, agus leis an uile thuigse, agus leis an uile anam, agus leis an uile neart, agus neach a ghràdhachadh a choimhearsnach

mar e féin, is mò sin na na h-uile làn ìobairt-ean-loisgte, agus thabhartasan.

34 Agus an uair a chunnaic Iosa gu'n do fhreagair e gu tuigseach, thubhairt e ris, Cha-n'èil thu fada o rìoghachd Dhé. Agus cha robh de mhìnisich aig neach air bith o sin suas ceisd a chur air.

35 Agus fhreagair Iosa agus thubhairt e, a' teagasg anns an teampull, Cionnus a tha na sgrìobhaichean ag ràdh gur e Crìosd Mac Dhaibhidh?

36 Oir thubhairt Daibhidh féin troimh an Spiorad naomh, Thubhairt an Tighearn ri mi 'Thighearn-sa, Suidh air mò làimh dheis, gus an cuir mi do naimhdean 'n an stòl fo d' chosaibh;

37 Air an aobhar sin tha Daibhidh féin a' gairm a Thighearn dheth; cionnusma seadh is e a mhac e? Agus dh'èisd am mòr-shluagh ris gu toilichte.

38 Agus thubhairt e riu 'n a theagasg, Bithibh air bhur faicill ona sgrìobhaicheibh, leis an ionmhuinn imeachd ann an culaidhibh fada, agus fàilte *fhàotainn* air na margaibh,

39 Agus na ceud chaithrichean anns na sionagogaibh, agus na ceud àiteachan-suidhe aig na féilibh:

40 A dh'itheas suas tighean bhantrach, agus air sgàth deadh choslais a ni urnuighean fada: gheibh iad sin an dìteadh a's mò.

41 Agus air do Iosa suidhe fa chomhair àite-coimhid an ionmhais, thug e fainear cionnus a bha 'm pobull a' cur an airgid anns an ionmhas: agus chuir mòran de dhaoineibh saobhir mòran ann.

42 Agus air teachd do bhantraich bho chd, thilg i dà bhonn bheag ann, a dheanadh feoilring.

43 Agus air dha a dheisciobull a ghairm d'a ionnsuidh, thubhairt e riu, Gu deimhin tha mi ag ràdh ribh, gu'n do chuir a' bhantrach bho chd so tuilleadh 's an ionmhas, na iadsan uile a thilg ann.

44 Oir thilg iadsan uile ann d'am mòr-phailteas; ach thilg ise as a gainne na bha aice uile, cadhon a beathachadh gu h-ìomlan.

CAIB. XIII.

1 *Dh'innis Crìosd roimh làimh sgrìos an teampull, 9 gear-leannmhuinn air son an t-soisgeil, 10 gur éigin an soisgeul a bhi air a shear-monachadh do gach uile chinnreach; 14 agus gu'n tig àmhgharan mòra air na h-Iudhaich: 24 Dòigh a theachd-san chum breitheanais, &c.*

AGUS an uair a bha e 'dol a mach as an teampull, thubhairt neach d'a dheisciobuibh ris, A Mhaighstir, fench, ciod e a' ghnè chlach so, agus ciod e a' ghnè aitreibh so!

2 Agus fhreagair Iosa agus thubhairt e ris, Am faic thu an aitreabh mhòr so? cha-n

fhàgar clach air muin cloiche, nach sgarar o' chéile.

3 Agus 'n uair a shuidh e air sliabh nan crann-olaidh, fa chomhair an teampuill, dh'fheòraich Peadar, agus Seumas, agus Eoin, agus Aindreas 'an uaighidheas deth,

4 Innis duinne c'uin a bhitheas na nithean sin, agus ciod e 'n comharadh 'n uair a bhitheas na nithean sin gu léir air an coimhleanadh.

5 Agus fhreagair Iosa iad, agus thòisich e air a ràdh, Thugaibh an aire nach meall aon neach sibh:

6 Oir thig mòran ann am ainm-sa, ag ràdh, Is mise e: agus meallaidh iad mòran.

7 Agus an uair a chluinneas sibh cogannan, agus tuairisgeul chogannan, na bithheadh buaireas oirbh: oir is éigin iad so teachd; ach cha-n'eil a chrìoch ann fathast.

8 Oir éiridh cinneach an aghaidh cinnich, agus rioghachd an aghaidh rioghachd: agus bithidh crithcannan talmhainn ann an iomadh àit, agus bithidh gorta agus trioblaidan ann: is iad sin toiseach dhòruimean.

9 Ach thugaibh an aire dhuibh féin: oir bheir iad thairis sibh do chomhairlibh: agus anns na sionagogaibh sgiùrsar sibh, agus cuirear sibh an làthair uachdaran agus rìghrean air mo shonsa, mar fhianuis dhoibh-san.

10 Agus is éigin air tùs an soisgeul a bhi air a shearmonachadh do na h-uile chinnich.

11 Ach an uair a bheir iad leo sibh, 'g 'ur tabhairt thairis, na bithheadh e 'n a ro-chùran oirbh ciod e a labhras sibh, agus na smuainichibh roimh-laimh air: ach ge b'e ni a bheirar dhuibh 's an uair sin féin, abraibh e: oir cha sibhse a tha 'labhairt, ach an Spiorad naomh.

12 Agus bheir am bràthair a bhràthair thairis chum bàis, agus an t-athair a mhac: agus éiridh a' chlànn suas an aghaidh am parantan, agus bheir iad fainear an cur gu bàs.

13 Agus bithidh sibh air bhuir fuathachadh leis na h-uile dhaoineibh air sgàth m'ainme-sa: ach an ti a bhuanachas chum na crìche, is e so a shaorar.

14 Ach an uair a chi sibh gràineileachd an léir-sgrìos, air an do labhair Daniel am fàidh, 'n a seasamh anns an ionad 's nach bu chòir dhi, (tuigeadh an ti a leughas,) an sin teicheadh iadsan, a tha ann an ùir Iudea, chum nam beann:

15 Agus na tigeadh esan a tha air mullach an tighe, a nuas do'n tigh, agus na rachadh e steach, a thoirt ni air bith as a thigh.

16 Agus an ti a tha 's a' mhachair, na pillcadh e air ais a thogail 'fhalluin leis.

17 Ach mo thruaigh iad na mnathan sin a tha torrach, agus iadsan a tha 'toirt cìche 's na làithibh sin!

18 Agus guidhibh-sa gun bhuir teicheadh a bhi 's a' gheamhradh.

19 Oir bithidh àmhghar anns na làithibh sin, amhuil nach robh a leithid ann o thois-each na cruitheachd a chruthaich Dia, gus a nis, agus nach mò a bhitheas.

20 Agus mur giorraicheadh an Tighearn na làithean ud, cha rachadh feoil air bith as: ach air son an t-sluaigh taghta, a thagh e féin, ghiorraich e na làithean ud.

21 Agus an sin na thair neach air bith ribh, Feuch, tha Crìosd an so, no, Feuch, tha e 'n sin, na creidibh e:

22 Oir éiridh Crìosdan bréige, agus fàidhean bréige, agus ni iad comharan, agus miorb huilean, chum, nam bu chomasach e, na daoine taghta féin a mhealladh.

23 Agus thugaibh-sa an aire: feuch, roimhinis mi dhuibh na h-uile nithean.

24 Ach anns na làithibh sin, an déigh an àmhghair ud, bithidh a' ghrian air a dorchachadh, agus cha toir a' ghealach a solus uaipe;

25 Agus tuitidh reultan nheimh, agus bithidh na cumhachdan a tha 's na nèamhan air an crathadh.

26 Agus an sin chi iad Mac an duine a' teachd anns na neulaibh, maille ri mòr-chumhachd, agus glòir.

27 Agus an sin cuiridh e 'aingil a mach, agus cruinnichidh e 'r a chéile a dhaoine taghta féin o na ceithir gaothaibh, o leth-iomall na talmhainn gu leth-iomall nheimh.

28 A nis fòghumaibh cosamhlachd o 'n chraoibh-fhìge: An uair a bhitheas a geug a nis maoth, agus a chuireas i mach a duilleach, tha fhios agaibh gu bheil an samhradh am fagus:

29 Agus mar an ceudna sibhse, an uair a chi sibh na nithean sin a' tachairt, biodh fhios agaibh gu bheil e 'm fagus, eadhon aig na dorsaibh.

30 Gu deimhin tha mi ag ràdh ribh, nach téid an ginealach so thairis, gus an coimhleanar na nithean sin uile.

31 Théid nèamh agus talamh seachad; ach cha téid m' fhocail-sa seachad a chaoidh.

32 Ach cha-n'eil fios an là no na h-uair sin aig neach air bith, cha-n'eil aig na h-aingilbh a tha air nèamh, no aig a' Mhac, ach aig an Athair.

33 Thugaibh fainear, deanaibh faire agus urnuigh: oir cha-n'eil fhios agaibh c'uin a thig an t-am.

34 Oir tha Mac an duine mar dhuine a chaidh air thurus, agus a dh'fhàg a thigh féin, agus a thug d'a sheirbhisich cumhachd, agus 'obair féin do gach neach, agus a thug aithne do'n dorsair faire a dheanamh.

35 Uime sin deanaibh-sa faire, (oir cha-n'eil fhios agaibh c'uin a thig maighstir an tighe; an ann air feasgar, no air mheadhon-oidheche, no aig gairm-choileach, no anns a' mhaduinn);

36 Air cagal air teachd dha gu h-obann, gu'n faigh e sibh 'n 'ur codal.

37 Agus na nithean a tha mi ag ràdh ribhse, tha mi ag ràdh ris ua h-uile dhaoiuibh, Deauaibh faire.

CAIB. XIV.

1 *Comhairle an aghaidh Chrìosd.* 3 *Dhòirteadh oladh phrìseil air a cheann.* 10 *Reic Iudas a Mhaighstir air son airgid.* 12 *Tha Crìosd fèin ag innseadh roimh-làimh cionnus a bha e gu bhith air a bhrath le h-aon d'a dheiscioblubh.* 22 *Dh'òrduich e an t-suiper naomh, &c.*

AGUS bha a' chàisg, agus fèill an arain neo-ghoirtichte an dèigh dà là: agus dh'iarr na h-àrd-shagartan agus na sgrìobhaichean, cionnus a ghlacadh iad esan le foill, agus a chuireadh iad gu bàs e.

2 Ach thubhairt iad, Cha-n aon air an fhèill, air eagal gu'n éirich buaireas aon measg an t-sluaigh.

3 Agus air dha bhith ann am Betani, ann an tigh Shimoin au lobhair, an uair a bha e 'n a shuidhe air bòrd, thàinig bean, aig an robh bocsa alabastair de olaidh spìcnaid, ro luachmhoir; agus bhris i am bocsa, agus dhòirt i air a cheann e.

4 Agus bha cuid diubh diombach annta fèin, agus ag ràdh, C'ar son a rinneadh an t-ana-caitheadh os air an olaidh?

5 Oir dh'fheudadh i bhith air a reic air son tuilleadh na trì cheud peghinn, agus air a toirt do na bochdaibh. Agus rinn iad gearan 'n a h-aghaidh.

6 Ach thubhairt Iosa, Leigibh leatha; e'ar son a tha sibh a' cur dragha oirre? riun i obair mhaith ormsa.

7 Oir tha na bochdan a ghnàth màille ribh, agus ge b'e uair is àill leibh, feudaidd sibh maith a dheanamh dhoibh: ach cha-n'eil uise a ghnàth agaibh.

8 Rinn i na dh'fheudadh i: thàinig i roimh-làimh a dh'ungadh mo chuirp chum adhlaic.

9 Gu deimhin tha mi ag ràdh ribh, Ge b'e earrann air bith air feadh an domhain uile am bi an soisgeul so air a shearunachadh, bithidh mar an ceudna an ni so a rinn i air innseadh. mar chuinne oirre.

10 Agus dh'imich Iudas Iscariot, aon de'n dà fhear dheug, chum nan àrd-shagart, gu esan a bhrath dhoibh.

11 Agus 'n uair a chual iadsan so, bha iad aoibhneach, agus gheall iad airgid a thoirt da. Agus dh'iarr e cionnus a dh'fheudadh e gu h-ìomchuidh esan a bhrath.

12 Agus air a' cheud là de fhèill au arain neo-ghoirtichte, an uair bu ghnàth leo au t-uan càise a mharbhadh, thubhairt a dheisciobuil ris, C'ait au toil leat sinne dhol a dh'ulluchadh, chum gu'n itheadh tu a' chàisg?

13 Agus chuir e dithis d'a dheiscioblubh, agus thubhairt e riu, Rachaidh a steach do'n bhaile, agus coinnichidh duine sibh a' giulan soithich uisge: leanaidh e.

14 Agus ge b'e àit an téid e stigh, abraidh-

sa ri fear-an-tighe, Tha am Maighstir ag ràdh, C'ait am bheil an seòmar aoidheachd, anns an ith mi a' chàisg maille ri m' dheiscioblubh?

15 Agus nochdaidh esan dhuibh seòmar àrd, farsuinn, 'u a làn uidheam agus deas-aichte: an sin ulluchibh dhuinn.

16 Agus chaidh a dheisciobuil a mach, agus thàinig iad do'u bhaile, agus fluair iad mar thubhairt e riu: agus dh'ulluich iad a' chàisg.

17 Agus air teachd do'n fheasgar, thàinig esan maille ris an dà fhear dheug.

18 Agus an uair a bha iad 'n an suidhe, agus ag itheadh, thubhairt Iosa, Gu deimhin tha mi ag ràdh ribh, gu'm brath aon agaibhsa, a tha 'g itheadh maille rium, mise.

19 Agus thòisich iad air a bhith dubhach, agus air a ràdh ris an dèigh a chèile, Am mise? agus fear eile, Am mise e?

20 Agus air freagairt dhàsan thubhairt e riu, Is fear de'n dà fhear dheug e, a tha 'tunadh maille riumsa 's a' mhèis.

21 Tha mac an duine gu deimhin ag im-eachd, mar tha e sgrìobhta uime, ach is au-aoibhinn do'n fhear sin le'm brathar Mac an duine: bu mhaith do'n duine sin mur beirteadh riamh e.

22 Agus ag itheadh dhoibh, ghlac Iosa aran, agus an dèigh a bheannachadh, bhris e, agus thug e dhoibhsan e, agus thubhairt e, Gabhaibh, ithibh: is e so mo chorp-sa.

23 Agus air glacadh a' chupain, agus air tabhairt buidheachais, thug e dhoibhsan e: agus dh'òl iad uile as.

24 Agus thubhairt e riu, Is i so m'fhuil-sa an Tiomnaidh-nuaidh, a dhòirtear air son mhòran.

25 Gu deimhin tha mi ag ràdh ribh, Nach òl mi ni's uò de thoradh na fionain, gus an là sin 's an òl mi nuadhe ann an rìoghachd Dhé.

26 Agus air dhoibh laoidh a sheinn, chaidh iad a mach gu sliabh nan cranu-olaidh.

27 Agus thubhairt Iosa riu, Gheibh sibh uile oilbheum annam-sa an nochd: oir tha e sgrìobhta, Buailidh mi am buachaill, agus sgapar na caoraich.

28 Ach an dèigh dhomh éirigh, théid mi roimhibh do Ghalile.

29 Ach thubhairt Peadar ris, Ged fhaigh iadsan uile oilbheum annad, gidheadh cha-n fhaigh mise e.

30 Agus thubhairt Iosa ris, Gu deimhin tha mi ag ràdh riut, An diugh, air an oidheche so fèiu, nu'n goir an coileach dà uair, gu'n àicheadh thusa mi trì uairean.

31 Ach is ro mhòid a thubhairt esan, Ged is éigin domh au bàs fhulang maille riut, cha-n àicheadh mi chaidh thu. Agus mar sin thubhairt càch uile mar au ceudna.

32 Agus thàinig iad gu ionad d'am b'ainm Getseuane; agus thubhairt e r'a dheiscioblubh, Suidhibh-sa an so, gus an dean mise urnuigh.

33 Agus thug e leis Peadar, agus Seumas, agus Eòin, agus thòisich e air a bhi fo uamhunn, agus fo anabarra bròin.

34 Agus thubhairt e riu, Tha m'anam ro bhrònach, eadhon gu bàs : fanaibh-sa an so, agus deanaibh faire.

35 Agus chaidh e bcagan air aghaidh, agus thuit e air an talamh, agus rinn e urnuigh, nam bu chomasach e, gu'n rachadh an uair thairis air.

36 Agus thubhairt e, Abba, Athair, tha gach ni so-dheanta dhuitse; cuir an cupan so seachad orm : gidheadh, na b'e an mi a b'ail leamsa, ach an ni a's toil leatsa.

37 Agus thàinig e, agus fhuair e iadsan 'n an codal, agus thubhairt e ri Peadar, A Shimoin, am bheil thu a'd chodal? nach b'urrainn thu faire a dheanamh aon uair?

38 Deanaibh faire agus urnuigh, chum nach tuit sibh ann am buaireadh: *tha* an spiorad gu deimhin togarrach, ach *tha* an fheoil anmhuinn.

39 Agus air dha imeachd a ris, rinn e urnuigh, ag ràdh nam briathran ceadna.

40 Agus an uair a phill e, fhuair e iad a ris 'n an codal, (oir bha'n suilean trom,) agus cha robh fhios aca cionnus a bheirtheadh iad freagradh air.

41 Agus thàinig e an treas uair, agus thubhairt e riu, Coidlibh roimhibh a nis, agus gabhaibh fois: is leoir e, thàinig an uair; feuch, tha Mac an duine air a bhrath thairis do lamhan nam peacach.

42 Eiribh, imicheamaid; feuch, tha an ti a bhrathas mise an fagus.

43 Agus air ball, air dha bhi fathast a' labhairt, thàinig Iudas, aon de'n dà fhear dheug, agus sluagh mòr maille ris le claidhibh agus bataichibh, o na h-àrd-shagartaibh, agus na sgrìobhaichibh, agus na seanairibh.

44 Agus bha an ti a bhrath esan air toirt comharaidh dhoibh, ag ràdh, Ge b'e neach d'an toir mise pòg, is e sin e; glacaibh e, agus thugaibh leibh e gu tèarainte.

45 Agus air teachd dha, chaidh e air ball d'a ionnsuidh-san, agus thubhairt e, Fàilte dhuit, a mhaighstir; agus phòg se e.

46 Agus chuir iadsan làmh ann, agus ghlac iad e.

47 Agus air tarruing claidheimh do fhear de na bha làthair, bhual e òglach an àrd-shagairt, agus ghearr e a chluas deth.

48 Agus fhreagair Iosa agus thubhairt e riu, An d'thàinig sibh a mach gu mo ghlacadh-sa, mar gu'm b'ann an aghaidh fir-reubainn le claidhibh agus le bataichibh?

49 Bha mi gach là maille ribh 's an teampull, a' teagasg, agus cha do ghlac sibh mi: ach *tha* so chum gu'm bitheadh na sgrìobtuircan air an coimhlionadh.

50 Agus air do na h-uile a thréigsinn, theich iad.

51 Agus lean òganach àraidh e, aig an

robh lìon-eudach air a chur m'a chorp lomnochd; agus rug na h-òganaich air.

52 Ach air dhàsan an lìon-eudach fhàgail, theich e lomnochd uatha.

53 Agus thug iad leo Iosa chum an àrd-shagairt: agus chruinnicheadh maille ris na h-àrd-shagartan uile, agus na seanairean, agus na sgrìobhaichean.

54 Agus lean Peadar e fada uatha, gus an deachaidh e steach do thalla an àrd-shagairt: agus bha e 'n a shuidhe maille ris na seirbhisich, agus 'g a gharadh ris an teine.

55 Agus dh'iarr na h-àrd-shagartan, agus a' chomhairle uile fianuis an aghaidh Iosa, chum a chur gu bàs; agus cha d'fhuair iad.

56 Oir rinn mòran dhaoine fianuis bhréige 'n a aghaidh, ach cha do chòird an fianuis r'a chéile.

57 Agus dh'éirich dream àraidh, agus thug iad fianuis bhréige 'n a aghaidh, ag ràdh,

58 Chuala sinne e ag ràdh, Leagaidh mi sìos an teampull so, a rinneadh le lamhan, agus ann an trì làithibh, togaidh mi teampull eile neo-dheanta le lamhan.

59 Agus mar sin féin cha robh am fianuis a' teachd air a chéile.

60 Agus a' éirigh suas do'n àrd-shagart 's a' mheadhon, chuir e ceisd air Iosa, ag ràdh, Nach toir thu freagradh air bith uait? ciod sin ma bheil iad so a' toirt fianuis a'd' aghaidh?

61 Ach dh'fhan esan 'n a thosd, agus cha do fhreagair e ni sam bith. A ris dh'fheòraich an t-àrd-shagart deth, agus thubhairt e ris, An tu Criosd, Mac an ti bheannaichte?

62 Agus thubhairt Iosa, Is mi: agus chi sibh Mac an duine 'n a shuidhe air deas làmh cumhachd *Dhé*, agus a' teachd le neulaibh nèimh.

63 An sin reub an t-àrd-shagart 'eudach, agus thubhairt e, Ciod am feum a tha againn tuilleadh air fianuisibh?

64 Chuala sibh an toibheum: ciod i bhur barail-sa? Agus thug iad uile breth 'n a aghaidh gu'n do thoill e am bàs.

65 Agus thòisich cuid diubh air smugaid a thilgeadh air, agus a'ghaidh fhòlach, agus a bhualadh le'n dornaibh, agus a radh ris, Dean fàidheadaireachd: agus ghabh na seirbhisich le 'm basaibh air.

66 Agus air do Pheadar a bhi shìos anns an talla, thàinig aon de bhanoglaich an àrd-shagairt:

67 Agus an uair a chunnaic i Peadar 'g a gharadh, agus air dhi beachdachadh air, thubhairt i ris, Bha thusa cuideachd maille ri Iosa o Nasaret.

68 Ach dh'àicheadh esan, ag ràdh, Cha-n aithne dhomh, agus cha-n'eil mi 'tuigsinn ciod a tha thu 'g ràdh. Agus chaidh esan a mach do'n fhor-dhorus; agus ghoir an coileach.

69 Agus air do bhanoglaich fhaicinn a ris, thòisich i air a ràdh riu-san a bha 'n an seasamh a làthair, Is ann diubh a tha 'm fear so.

70 Agus dh'àicheadh e ris. Agus an eann beagan ùine 'n a dhéigh sin, thubhairt iadsan a bha 'n an seasamh a làthair a ris ri Peadar, Gu firinneach is ann diubh sud thu: oir is Galiléach thu, agus is cosmhuil do chainnt riu.

71 Ach thòisich esan air mallachadh agus air mionnachadh, *ag ràdh*, Cha-n aithne dhomh an duine so mu 'm bheil sibh a' labhairt.

72 Agus ghoir an coileach an dara uair. Agus chuimhnich Peadar am focal a thubhairt Iosa ris. Mu'n goir an coileach dà uair, àicheadhaidh tu mi tri uairean. Agus an uair a smuainich e air, ghuil e.

CAIB. XV.

1 *Thugadh Iosa ceangailte an làthair Philat, 15 Air son glaothaich an t-sluaigh chaidh mortair, eadhon Barabas, a leigeil as, agus Iosa a thoirt thairis gu bhà air a cheusadh: 17 Chuireadh coron sgrìthich air, 19 chaidh smugaid a thilgeadh air, 20 agus fanoid a dheanamh air. 21 Chuir iad Simon a ghiulan a chroinn-cheusaidh; 27 chrochadh e eadar dà ghaduiche, &c.*

AGUS air ball 's a' mhaduim chum na h-àrd-shagartan maille ris na sean-airibh, agus na sgrìobhaichibh, agus a' chomhairle gu h-ìomlan, comhairle, agus air dhoibh Iosa a cheangal. thug iad leo e, agus thug iad thairis e do Philat.

2 Agus dh'fhiosraich Pilat deth, An tusa rìgh nan Iudhach? Agus air freagairt dha, thubhairt e ris, Thubhairt thu e.

3 Agus chuir na h-àrd-shagartan mòran de nithean as a leth: ach cha do fhreagair esan aon ni.

4 Agus chuir Pilat a ris ceisd air, ag ràdh, Nach freagair thu ni sam bith? feuch cia lìon ni air am bheil iad sin a' toirt fianuis a'd' aghaidh.

5 Ach cha do fhreagair Iosa ni sam bith tuilleadh; air chor as gu'n do ghabh Pilat iongantas.

6 A nis air an fhéill bu ghnàth leis aon phrìosanach, ge 'b'e air bith a dh'iarraidh iad, a leigeadh as doibh.

7 Agus bha *neach àraidh* d'am b'ainm Barabas, ceangailte maille r'a chompanaich-ceannairce, muinntir a bha air deanamh mortaidh anns a' cheannairce.

8 Agus air glaothaich gu h-àrd do'n t-sluaigh, thòisich iad air iarraidh air, a dheanamh dhoibh mar a rinn e 'an còmh-nuidh.

9 Ach fhreagair Pilat iad, ag ràdh, An àill leibh gu'n cuir mi Rìgh nan Iudhach fa sgaoil duibh?

10 (Oir bha fhios aige gu'm b'ann troimh fharmaid a thug na h-àrd-shagartan thairis e.)

11 Ach bhrosnuich na h-àrd-shagartan, an sluagh, chum gu'm b'fhearr leis Barabas a chur fa sgaoil doibh.

12 Agus fireagair Pilat, agus thubhairt e riu a ris, Ciod ma seadh a's àill leibh mi a dheanamh ris an duine sin, d' an goir sibh Rìgh nan Iudhach?

13 Agus ghlaodh iad a ris, Ceus e.

14 An sin thubhairt Pilat riu, C'ar son, ciod e 'n t-olc a rinn e? Ach bu ro mhòid a ghlaodh iadsan, Ceus e.

15 Agus air do Philat a bhi toileach gnìomh taitneach a dheanamh do'n t-sluaigh, dh'fhuasgail e Barabas dhoibh, agus thug e thairis Iosa, an déigh dha a sgiùrsadh, chum a cheusadh.

16 Agus thug na saighdearan leo e steach do'n talla, eadhon eùirt an uachdarain: agus ghairm iad a' chuideachd uile an ceann a chèile.

17 Agus chuir iad uime eudach purpur, agus air dhoibh coron droighinn fhigheadh, chuir iad air e.

18 Agus thòisich iad air beannachadh dha, *ag ràdh*, Fàilte dhuit, a Rìgh nan Iudhach!

19 Agus bhuail iad 's a' cheann e le slait chuilec, agus thilg iad smugaid air, agus a' lùbadh an glùn, rinn iad aoradh dha.

20 Agus an déigh dhoibh fanoid a dheanamh air, thug iad deth an *t-eudach* purpur, agus chuir iad 'eudach féin uime, agus thug iad a mach e chum gu'n ceusadh iad e.

21 Agus dh'éignich iad duine àraidh a bha 'dol seachad, Simon o Chirene, (athair Alecsandair agus Rufuis, a bha 'teachd as a' mhachair,) chum a chrann-ceusaidh a ghiulan.

22 Agus thug iad e gu ionad *d'am b'ainm* Golgota, is e sin air eadar-theangachadh, àite cloiginn.

23 Agus thug iad da r'a òl, fìon air a mheasgadh le mirr: ach cha do ghabh esan e.

24 Agus an uair a cheus iad e, roimh iad a thrusgan, a' tilgeadh croinn air, ciod a' chuid a bhiodh aig gach duine dheth.

25 Agus bha 'n treas uair ann; agus cheus iad e.

26 Agus bha sgrìobhadh a chùise-ditidh air a sgrìobhadh os a cheann, RÌGH NAN IUDHACH.

27 Agus cheus iad maille ris dà ghaduiche; fear air a làmh dheis, agus fear air a làmh chlì.

28 An sin choimhlionadh an sgrìobtuir, a thubhairt, Agus bha e air àireamh am meas nan ciontach.

29 Agus thug iadsan a bha 'dol seachad anacainnt da, a' crathadh an ceann, agus ag ràdh, O thusa a leagas an teampull, agus a thogas e ann an tri làithibh,

30 Fòir ort féin, agus thig a nuas o'n chrann-cheusaidh.

31 Agus mar an ceudna thubhairt na h-àrd-shagartan agus na sgrìobhaichean r'a chéile, a' fanoid air, Shaor e daoine eile; cha-n'eil e comasach air e féin a shaoradh.

32 Thigeadh a nis Crìosd Rìgh Israeil a nuas o'n chram-cheusaidh, chum gu'm faic agus gu'n creid sinn. Agus thug iadsan a chaidh a cheusadh maille ris, anacainnt da.

33 Agus an uair a thàinig an seathamh uair, bha dorchadas air an talamh uile, gu ruig an naothamh uair.

34 Agus air an naothamh uair dh'éigh Iosa le guth àrd, ag ràdh, Eloi, Eloi, lama sabachtani? is e sin, air eadar-theangachadh, Mo Dhia, mo Dhia, c'ar son a thréig thu mi?

35 Agus air cluinntinn sin do chuid diubhsan a bha 'n an seasamh a làthair, thubhairt iad, Feuch, tha e a' gairm Eliais.

36 Agus ruith fear dhìubh, agus air dha spòg a lìonadh de fhòn geur agus a cur air slait chuilce, thug e deoch dha, ag ràdh, Leigibh leis; faiceamaid an tig Elias g'a thoirt a nuas.

37 Agus air do Iosa éigheach le guth àrd, thug e suas an deò.

38 Agus bha brat-roinn an teampuill air a reubadh 'n a dhà chuid o mhullach gu ìochdar.

39 Agus an uair a chunnaic an ceannard-ceud, a bha 'n a sheasamh fa chomhair, gu'n d'thug e suas an deò, a' glaoibhail mar sin, thubhairt e, Gu firinneach b'e 'u duine so Mac Dhé.

40 Agus bha mar an ceudna mnathan 'am fad uatha ag amharc: 'n am measg sin bha Muire Magdalen, agus Muire màthair Sheumais a bu lugh, agus Ioseis, agus Salome;

41 Muinntir a lean e mar an ceudna, an uair a bha e ann an Galile, agus a bha 'frithcaladh dha; agus mòran eile de mhnàibh a chaidh suas maille ris gu Ierusalem.

42 Agus a nis air teachd do'n fheasgar, (a chionn gu'm b'e là an ullachaidh e, eadhon an là roimh an t-sàbaid.)

43 Thàinig Ioseph o Arimatea, comhairleach urramach, aig an robh mar an ceudna sùil ri riogachd Dhé, agus chaidh e steach gu dàna dh'ionnsuidh Philat, agus dh'iarr e corp Iosa.

44 Agus b'ìoghnadh le Pilat ma bha e cheana marbh: Agus air dha an ceannard-ceud a ghairm, dh'fhiosraich e dheth, An robh fad' o fluair e bàs.

45 Agus air dha fios fhaotainn o'n cheannard-ceud, thug e 'n corp do Ioseph.

46 Agus cheannaich esan lìon-eudach grinn, agus thug e nuas e, agus phaisg e 's an lìon-eudach e, agus chuir se e ann an uaigh a chladhaicheadh á carraig, agus charuich e clach gu doras na h-uaighe.

47 Agus dh'amhaire Muire Magdalen, agus

Muire màthair Ioseis, air an àite 's an do chuireadh e.

CAIB. XVI.

1 Chuir aingeal 'an cèll aiseirigh Crìosd do trì mnàibh. 9 Dh'fhoillsicheadh Crìosd do Mhuire Magdalen: 12 Chunnacas e le dèilhis a bhà 'dol do'n dùthaich; 14 an déigh sin leis na h-Abstòit: 15 chuir e mach iad a shearmonachadh an t-soisgeil; 19 agus chaidh e féin suas gu nèamh.

A GUS air dol do'n t-sàbaid seachad, cheannaich Muire Magdalen, agus Muire màthair Sheumais, agus Salome, spìosraidh deadh fhàile, chum air dhoibh teachd gu'n ungadh iad e.

2 Agus thàinig iad gu ro mhoch air mad-uinn a' cheud là de'n t-seachdain chum na h-uaighe, aig éirigh na gréine.

3 Agus thubhairt iad eatorra féin, Cò a charuicheas dhuinn a' chlach o dhorus na h-uaighe?

4 (Agus air dhoibh amharc, chunnaic iad gu'n robh a' chlach air a h-atharrachadh air falbh,) oir bha i ro mhòr.

5 Agus air dhoibh dol a stigh do'n àit-adhlacaidh, chunnaic iad òganach 'n a shuidhe air an làimh dheis, mu 'n robh trusgan fada geal; agus bha eagal orra.

6 Agus thubhairt esan riu, Na bitheadh eagal oirbh: tha sibh ag iarraidh Iosa o Nasaret, a cheusadh: dh'éirich e, cha-n'eil e 'n so: faicibh an t-àit anns an do chuir iad e:

7 Ach imichibh, innsibh d'a dheisciobuibh agus do Phèadar, gu bheil e dol roimhibh do Ghalile: chì sibh an sin e, mar thubhairt e ribh.

8 Agus air dol a mach dhoibh, theich iad o'n uaigh; oir bha ball-clhrich agus uamhuun orra: agus cha dubhairt iad ni sam bith ri neach air bith; oir bha eagal orra.

9 Agus air éirigh do Iosa 's a' mhaduinn air a' cheud là de'n t-seachdain, nochdadh e air tùs do Mhuire Magdalen, as an do thilg e seachd deamhain.

10 Agus air imeachd dhise, dh'innis i sin dhoibh-san a bha maille ris, agus iad ri bròn agus gul.

11 Agus iadsan, an uair a chual' iad gu'n robh e beò, agus gu'm facadh leatha-sa e, cha do chreid iad.

12 'N a dhéigh sin, nochdadh e do dhithis diubh ann an cruth eile, ag imeachd dhoibh, agus iad a' dol do'n dùthaich.

13 Agus dh'imich iadsan agus dh'innis iad e do chàch: agus cha mhò a chreid iad iadsan.

14 An déigh sin nochdadh e do'n aon fhear deug, agus iad 'n an suidhe aig biadh, agus thilg e orra ann mi-chreidimh, agus an cruas-eridhe, a chionn nach do chreid iad iadsan a chunnaic e an déigh dha éirigh.

15 Agus thubhairt e riu, Imichibh air

feadh an t-saoghail uile, agus searmonaich-ibh an soisgeul do gach dùil.

16 Ge b'e 'chreideas agus a bhaistear, saorair e, ach ge b'e nach croid, dìtear e.

17 Agus leanaidh na comharan so an dream a chreideas: Ann am ainm-sa tilgidh iad a mach deamhain; labhraidh iad le teangaibh nuadha;

18 Togaidh iad nathraichean nimhe; agus nua dh'òlas iad ni air bith marbhtach, cha

chiùrr e iad; cuiridh iad an làmh air daoinibh tinne, agus bithidh iad slàn.

19 Mar sin an déigh do'n Tighearn labhairt riu, ghabhadh suas gu nàmh e, agus shuidh e air deas làmh Dhé.

20 Agus air dhoibh-san dol a mach, shearmonaich iad anns gach àit, air bhì do'n Tighearn a' co-oibreachadh leo, agus a' daingneachadh an fhocail leis na comhar-aibh a lean e. Amen.

AN SOISGEUL

A REIR

L U C A I S.

CAIB. I.

1 *Roimh-radh Lucais d'a shoisgeul gu h-iomlan.*
5 *Ghabhadh Eoin Baistidh 'am broinn Elisabet.* 26 *agus Crìosd 'am broinn Mhuire.* 39 *Fàidheadaireachd Elisabet, agus Mhuire nu thàinig Chriosd.* 57 *Breith Eoin Baistidh.*

DO bhrìgh gu'n do ghabh mòran os làmh eachdraidh a sgrìobhadh ann an ordugh air na nithibh sin a tha air an eòimhlionadh 'n ar measg-ne,

2 A réir mar a dh'aithris na daoine sin dhuinne iad, a chunnaic iad o thùs le 'n sùilibh, agus a bha 'n an luchd-frithealaidh an fhocail:

3 Chunnacas iomchuidh dhomh-sa mar an ceudna, a Theophilus ro oirdheirc, air faotainn dearbh fhios nan uile nithean dhomh o'n fhìor thoiscach, sgrìobhadh a d' iomsuidh-sa 'an ordugh,

4 Chum gu'm bitheadh fios agad air cinnteachd nan nithean anns an deachaidh do theagasg.

5 **B**HA ann an làithibh Heroid rìgh Iudea, sagart àraidh d'am b'ainm Sacharias, de sheal Abia: agus bha a bhean de nigheanaibh Aaroin, agus b'ainm dhi Elisabet.

6 Agus bha iad le 'chéile ionraic 'am fianuis Dhé, ag imeachd ann an uile àitheantaibh agus orduighibh an Tighearna, gu neo-lochdach.

7 Agus cha robh duine cloinne aca, do bhrìgh gu'n robh Elisabet neo-thorrach, agus bha iad le 'chéile aosmhor.

8 Agus tharladh, am feadh a bha esan a' frithcaladh mar shagart an làthair Dhé ann an ordugh a sheala,

9 A réir gnàtha na sagartachd, b'e a chrannchur tùis a losgadh, air dha dol a steach do theampull an Tighearna.

10 Agus bha eòimhlionalan an t-saigh uile a' deanamh urrnuigh a muigh, ri àm na tùise.

11 Agus chunnacas leis-san aingeal an Tighearna 'n a sheasamh air taobh deas altarach na tùise.

12 Agus an uair a chunnaic Sacharias e, bha e fo thrìoblaid, agus thuit eagal air.

13 Ach thubhairt an t-aingeal ris, Na gabh eagal, a Shacharias; oir fhuair d'urnuigh éisdeachd, agus beiridh do bhean Elisabet mae dhuìt, agus bheir thu Eoin mar ainm air.

14 Agus bithidh aoibhneas agus subhachas ort; agus ni mòran gairdeachas r'a bhrèith.

15 Oir bithidh e mòr an làthair an Tighearn', agus cha-n òl e fion no deoch làidir: agus bithidh e air a lìonadh leis an Spiorad naomh, eadhon o bhroinn a mhàthar.

16 Agus pillidh e mòran de chloinn Israeil chum an Tighearn an Dé.

17 Agus thèid e roimhe-san ann an spiorad agus ann an cumhachd Eliais, a thionndadh cridhe nan aithrichean chum na cloinne, agus nan eas-unhal gu gliocas nam firean, a dh'ulluchadh pobull deas do'n Tighearn.

18 Agus thubhairt Sacharias ris an aingeal, Cionnus a bhitheas fhios so agam? oir is seann duine mise, agus tha mo bhean aosmhor.

19 Agus fhreagair an t-aingeal agus thubhairt e ris, Is mise Gabriel a sheas an làthair Dhé; agus chuireadh mi a labhairt riut-sa, agus a dh'innseadh an naidheachd mhaith so dhuìt.

20 Agus, feuch, bithidh tu balbh agus gun chomas labhairt, gus an là anns an tig na nithean so gu crìch, a chiomn nach do chreid thu mo bhrìathran-sa, a bhitheas air an eòimhlionadh 'n an àm féin.

21 Agus bha am pobull a' feitheamh ri Sacharias, agus b'iongantach leo a' mhoille a rinn e 's an teampull.

22 Agus an uair a thàinig e mach, cha b'urramh e labhairt riu: agus thuig iad

gu'm fac e sealladh *nèamhaidh* 's an team-pull: oir bha e 'smèideadh orra, agus dh'fhan e 'n a thosd.

23 Agus tharladh, an uair a choimhlionadh làithean a fhlirthealaidh, gu'n deachaidh e d'a thigh féin.

24 Agus anna d'éigh nan làithean sin dh'fhàs a bhean Elisabet torrach, agus dh'fholaidh si i féin rè chùig mìosan, ag ràdh,

25 Is ann mar so a rinn an Tighearn dhomh anns na làithibh air an d'amhaire e orm, a thogail diom mo mhaslaidh am measg dhaoine.

26 Agus anns an t-seathamh mìos, chuir-eadh an t-aingeal Gabriel o Dhia, gu caithir de Ghàile, d'am b'ainm Nasaret,

27 Dh'ionnsuidh òigh a bha fo cheangal pòsaidh aig fear d'am b'ainm Ioseph, de thigh Dhaibhidh; agus *b'e* ainm na h-òigh Muire.

28 Agus air dol a steach do'n aingeal d'a h-ionnsuidh, thubhairt e, Fàilte dhuit, o thusa d'an do nochdadh mòr dheadh-ghean, *tha* an Tighearn maille riut: *is* beannaichte thu am measg bhan.

29 Agus an uair a chuannaic i e, bha i fo thrioblaid inntinn air son a chainnte, agus a' reusanachadh ciod a' ghnè altachadh-beatha 'dh'fheadadh a bhi 'n so.

30 Agus thubhairt an t-aingeal rithe, Na bitheadhagal ort, a Mhuire: oir fhuair thu deadh-ghean o Dhia.

31 Agus, feuch, gabhaidh tu a'd bhròinn, agus beiridh tu mac, agus bheir thu Iosa mar ainm air.

32 Bithidh e mòr, agus goirear Mac an Ti a's ro àirde dheth; agus bheir an Tighearn Dia dha rìgh-chaithir 'athar féin Dhaibhidh.

33 Agus bithidh e 'n a Rìgh air tigh Iacob gu bràth, agus cha bhi crìoch air a rìghlachd.

34 Agus thubhairt Muire ris an aingeal, Cionnus a blitheas so, do bhrìgh nach 'eil aithne agam-sa air duine?

35 Agus fhreagair an t-aingeal agus thubhairt e rithe, Thig an Spiorad naomh ort, agus cuiridh cumhachd an Ti a's àirde sgùil ort: uime sin an nì naomh sin a bheir leat, goirear Mac Dhé dheth.

36 Agus, feuch, do bhan-charaid Elisabet, tha ise féin torrach air mac 'n a sean aois; agus is e so an seathamh mìos dhise d'an goirteadh bean neo-thorrach;

37 Oir cha-n'eil ni sam bith do-dheanta do Dhia.

38 Agus thubhairt Muire, Feuch banog-lachan Tighearna; bitheadh e dhomh-sa réir d'fhocail. Agus dh'fhalbhan t-aingeal uaipe.

39 Agus air éirigh do Mhuire 's na làithibh sin, chaidh i le cabhaig do dhùthaich nam beanm, gu baile de Iuda,

40 Agus chaidh i steach do thigh Shachar-iais, agus chuir i fàilte air Elisabet.

41 Agus tharladh, an uair a chual' Elisabet beannachadh Mhuire, gu'n do leum an naoidhean 'n a broinn: agus lionadh Elisabet leis an Spiorad naomh.

42 Agus ghlaodh i mach le guth àrd, agus thubhairt i, *Is* beannaichte thu am measg bhan, agus *is* beannaichte toradh do bhrònn.

43 Agus cionnus a dh'èirich so dhomh-sa, gu'n tigeadh màthair mo Thighearn' a m' ionnsuidh?

44 Oir feuch, co luath as a thàinig fuaim do bheannachaidh a'm' chluasaibh, bhriosgan naoidhean le h-aobhneas ann am bhròinn.

45 Agus is beannaichte ise a chreid: oir coimhlionar na nithean a labhradh rithe leis an Tighearn.

46 Agus thubhairt Muire, Tha m'anam ag àrd-mholadh an Tighearna,

47 Agus tha mo spiorad a' deanamh gairdeachais ann an Dia mo Shlànuidhear:

48 A chionn gu'n d'amhaire e air staid ìosal a bhanoglaich: oir feuch, o so suas goiridh gach linn beannaichte dhìom.

49 Do bhrìgh gu'n d'rinn an Ti a tha cumhachdach nithean mòra dhomh; agus *is* naomh 'ainm.

50 Agus *tha* a thròcair-san o linn gu linn, do'n dream d'an eagal e.

51 Nochd e neart le 'ghairdean, sgap e na h-uabhrich ann an smuaintibh an cridhe féin.

52 Thug e nuas na daoine cumhachdach o'n caithrichibh rìoghail, agus dh'àrdaich e iadsan a bha ìosal.

53 Lion e 'n dream a bha ocrach le nithibh maithe; agus chuir e uaith na daoine saoi bhir falamh.

54 Rinn e còmlinadh ri Israel 'òglach féin, ann an cuimhneachadh a thròcair,

55 Mar a labhair e r'ar n-aithrichibh, do Abraham agus d'a shliochd gu bràth.

56 Agus dh'fhan Muire maille rithe mu thimchioll thri mìosan, agus phill i d'a thigh féin.

57 A nis thàinig làn inbhe Elisabet, gu'm bitheadh i air a h-aisead; agus rug i mac.

58 Agus chual' a coinhearsnaich agus a càirdean mar a nochd an Tighearn mòr-thròcair dhi: agus rinn iad gairdeachas maille rithe.

59 Agus tharladh air an ochdamh là gu'n d'thàinig iad a thimchioll-ghearradh an naoidhein; agus ghairm iad Sacharias deth, a réir ainme 'athar.

60 Agus fhreagair a mhàthair, agus thubhairt i, Nì h-eadh; ach goirear Eoin deth.

61 Agus thubhairt iad rithe, Cha-n'eil aon neach de d' chàirdibh d' an gairmear an t-ainm so.

62 Agus smèid iad air 'athair, ciod an t-ainm a b'ail leis a thoirt air.

63 Agus air iarraidh clàir-sgrìobhaidh dhàsan, sgrìobh e, ag ràdh, Is e Eoin a's

ainm dha. Agus ghabh iad iongantais uile.

64 Agus air ball dh'fhosgladh a bheul, agus dh'fhuasgladh a theangadh, agus labhair e, a' moladh Dhé.

65 Agus thàinig eagail air an coimhears-naich uile: agus dh'aithriscaidh na nithean sin gu léir feadh dhùthaich àrd Iudea uile.

66 Agus iadsan uile a chuala na nithean sin, thaisg iad 'n an cridhe iad, ag ràdh, Ciod a' ghnè leinibh a bhitheas an so? Agus bha làmh an Tighearna maille ris.

67 Agus bha Sacharias 'athair air a lionadh leis an Spiorad naomh, agus rinn e fàidheadaireachd, ag ràdh,

68 Gu na beannaichte an Tighearna Dia Israeil, air son gu'n d'fhiosraich e, agus gu'n d'fhug e saorsa d'a phobull,

69 Agus gu'n do thog e suas dhuimeadharc slàinte, ann an tigh Dhaibhidh 'òglaich féin;

70 A réir mar a labhair e le beul 'fhàidh-eann naomha féin, a bha ann o thoiseach an t-saoghail;

71 A thoirt saorsa dhninn o ar naimh-dibh, agus o làmh na muinntir sin uile le'm fuathach sinn;

72 A choimhlionadh na tròcair a gheall e d'ar n-aithrichibh, agus a chuimhneachadh a choimheangail naomh féin;

73 Na miannan a mhiomaich e d'ar n-athair Abraham,

74 Gu'n tugadh e dhuinn, air dhuinn a bhi air ar saoradh o làmh ar naimhdean, gu'n deanamaid seirbhis dha as eugnais eagail.

75 Ann an naomhachd agus ann am fircantachd 'n a làthair féin, uile làithean ar beatha.

76 Agus thusa, a leinibh, goirear dhiot Fàidh an Ti a's àirde: oir théid thu roimh aghaidh an Tighearna, a dh'ullnachadh a shlighe;

77 A thoirt eòlais na slàinte d'a phobull, ann am maithneas am peacaidhean

78 Troimh thròcair ro mhòir ar Dé-ne, leis an dh'fhiosraich an ùr-mhaduinn o'n ionad a's àirde sinn,

79 A thoirt soluis dhoibhsan a tha 'n an snidhe ann an dorchadas agus ann an sgàil a' bhàis, a thredrachadh ar cos air slighe na sìthe.

80 Agus dh'fhàs an leanabh, agus neartaicheadh 'an spiorad e, agus bha e's an fhàsach gu là 'fhoillsachaidh do Israel.

CAIB. II.

1 Mheas Augustus Impireachd nan Romanach uile. 6 Breith Chrìosd: 8 Chuir aingeal so 'an cèill do na buachaillibh: 13 thug mòran dìubh chid do Dhia air a shon. 21 Tha Crìosd air a thimchioll-ghearradh. 25 Rinn Simeon agus Anna fàidheadaireachd mu thimchioll Chrìosd, &c.

AGUS tharladh 's na làithibh sin, gu'n deachaidh ordugh a mach o Cheasar Augustus, an domhan uile a mheas.

2 (Agus rinneadh an ceud mheas so 'n nàir a bha Cìrceniùs 'n a uachdaran air Siria.)

3 Agus chaidh iad uile chum a bhi air am meas, gach aon fa leth d'a bhaile féin.

4 Agus chaidh Ioseph mar an ceudna suas o Ghalile, á baile Nasaret, do Indea, gu baile Dhaibhidh, d'an gairmear Betlehem, (do bhrìgh gu'n robh e de thigh agus de shliochd Dhaibhidh.)

5 Chum gu'm bitheadh e air a mheas maille ri Muire a bha fo cheangal pòsaidh dha, agus i mòr-thorrach.

6 Agus tharladh, am feadh a bha iad an sin, gu'n do choimhlionadh làithean a h-inbhe, chum i bhi air a h-aiscad.

7 Agus rug i a ceud-ghin mic, agus phaisg i e ann am brat-speilidh, agus chuir i 'n a luidhe 'am prasaich e; do bhrìgh nach robh àit aca 's an tigh-òsda.

8 Agus bha anns an dùthaich sin buachaillean a' fantuinn a muigh, agus a' deanamh faire-oidheche air an treud.

9 Agus, feuch, thàinig aingeal an Tighearna orra, agus dhealraich glòir an Tighearna mu'n timchioll; agus ghabh iad eagail mòr.

10 Agus thubhairt an t-aingeal riu, Na bitheadh eagail oirbh: oir feuch, tha mi ag innseadh dhuibh deadh sgeòil mhòr-aobh-neis, a bhitheas do'n uile shluagh:

11 Oir rugadh dhuibh an diugh Slànuidhear, ann am baile Dhaibhidh, neach a's e Crìosd an Tighearna.

12 Agus bithidh so 'n a chomharadh dhuibh: Gheibh sibh an naoidhean paisgte ann am brat-speilidh 'na luidhe 'am prasaich.

13 Agus air ball bha maille ris an aingeal cuideachd mhòr de armaitibh nheimh, a' moladh Dhé, agus ag ràdh,

14 Glòir do Dhia anns na h-àrdaibh, agus air talamh sìth, deadh-ghean do dhaoimibh.

15 Agus tharladh, 'n uair a dh'fhalbh na h-ainglean uatha do nàmh, gu'n dubhairt na buachaillean r'a chèile, Rachamaid a nis cadhòn do Bhethlehem, agus faiceamaid an ni so a rinneadh, a dh'fhoillsich an Tighearna dhuinne.

16 Agus thàinig iad gu grad, agus fhuair iad Muire agus Ioseph, agus an leanabh 'n a luidhe 's a' phrasaich.

17 Agus an uair a chunnaic iad sin, dh'aithris iad an ni a dh'innseadh dhoibh mu thimchioll an leinibh so.

18 Agus ghabh gach neach a chuala so, iongantais ris na nithibh sin a dh'innseadh dhoibh leis na buachaillibh.

19 Ach glhèidh Muire na nithean sin uile, a' beachd-smuaineachadh orra 'n a cridhe.

20 Agus phill na buachaillean, a' tabhairt glòire agus molaidh do Dhia air son nan nithean sin uile a chual agus a chunnaic iad, a réir mar a labhradh riu.

21 Agus an uair a choimhlionadh ochd làithean chum an leanabh a thimchioll-

ghearradh, thugadh IOSA mar ainm air, eadhon an t-ainm a ghairm an t-aingeal deth mu'n do ghabhadh 's a' bhroinn e.

22 Agus an uair a choimhlionadh làithean a glanaidh, a réir lagha Mhaois, thug iad esan gu Ierusalem, chum a thaisbeanadh do'n Tighearn;

23 (Mar tha e sgrìobhta ann an lagh an Tighearna, Gach ceud-ghiu maic a dh'fhosglaas a' bhrù, gairmear naomh do'n Tighearn e;)

24 Agus a thoirt iobairt a réir mar a theirear ann an lagh an Tighearna, dà thurtur, no dà choluman òg.

25 Agus, feuch, bha duine ann an Ierusalem d'am b'ainm Simeon; agus bha 'n duine so ionraic agus diadhaidh, agus bha dùil aige ri solas Israeil: agus bha'n Spiorad naomh air.

26 Agus dh'fhoillsicheadh dha leis an Spiorad naomh, nach faicheadh e bàs, gus an faicheadh e Crìosd an Tighearn.

27 Agus thàinig e le treòrachadh an Spioraid do'n teampull: Agus an uair a thug na pàrantan an leanabh Iosa a stigh, chum gu'n deanadh iad air a shon a réir guathachaidh an lagha,

28 An sin ghlac esan 'n a uchd e, agus bheannaich e Dia, agus thubhairt e,

29 A nis, a Thighearna, tha thu 'leigeadh do d' sheirbhiseach siubhal 'an sìth, a réir d'fhocail;

30 Oir chunnaic mo shùilean do shlàinte, 31 A dh'ulluich thu roimh ghnùis nan uile shluagh:

32 Solus a shoillseachadh nan Cinneach, agus glòir do phobuill Israeil.

33 Agus ghabh Ioseph agus a mhàthair iongantas mu na nithibh a labhradh uime.

34 Agus bheannaich Simeon iad, agus thubhairt e ri Muiric a mhàthair, Feuch, chuireadh an leanabh so chum tuiteam agus aiseirigh mhòran ann an Israel, agus 'n a ehomharadh an aghaidh an labhrar:

35 (Agus thèid claidheamh troimh d' anam-sa féin,) chum gu'm foillsichear smuaintean cridheachan mhòrain.

36 Agus bha Anna, ban-fhàidh, nighean Phanueil, de thrèibh Aseir; bha i ro aosmhor, agus chaith i seachd bliadhna maille r'a fear o àm dhi bhi 'n a h-òigh:

37 Agus bu bhantrach i mu thimchioll ceithir bliadhna agus ceithir fichead a dh'aois, nach deachaidh o'n teampull, a' deanamh seirbhis do *Dhia* a là agus a dh'oidhele le trasgadh agus le h-urnnigh.

38 Agus air teachd dhìce a stigh 's an uair sin féin, thug i moladh do'n Tighearn, agus labhair i n'a thimchioll rìusan uile aig an robh sùil ri saorsa ann an Ierusalem.

39 Agus an uair a choimhlion iad na h-nìle nithean a réir lagha an Tighearna, phill iad de Ghalile, d'am baile féin Nasaret.

40 Agus dh'fhàs an leanabh, agus uairt-

aicheadh 'an spiorad e, air a lìonadh le glìocas; agus bha gràs Dhé air.

41 Agus chaidh a phàrantan gach bliadhna gu Ierusalem, aig féill na càisge.

42 Agus 'n uair a bha e dà bhliadhna dheug a dh'aois, chaidh iad suas gu Ierusalem, a réir gnàtha na féille.

43 Agus air coimhlionadh nan làithean sin doibh, 'n uair a phill iadsan, dh'fhan an leanabh Iosa 'n an deigh ann an Ierusalem; agus cha robh fios aig Ioseph no aig a mhàthair air sin.

44 Ach air dhoibh a shaoilsinn gu'n robh e 's a' chuideachd, dh'imich iad astar là; agus dh'iarr iad e 'measg an càirdcan, agus an luchd-eòlais.

45 Agus an uair nach d'fhuair iad e, phill iad gu Ierusalem, 'g a iarraidh.

46 Agus tharladh an deigh thri làithean, gu'n d'fhuair iad e 's an teampull, 'n a shuidhe 'am meadhon an luchd-teagaisg, araon 'g an éisdeachd, agus a' cur cheisd orra.

47 Agus ghabh a' mhuinntir uile a chual e iongantas r'a thuigse agus r'a fhreagraibh.

48 Agus an uair a chunnaic iad e, ghlac uamhas iad: agus thubhairt a mhàthair ris, A mhic, c'ar son a rinn thu mar so oirn? feuch, bha d'athair agus mise gu brònach ga d'iarraidh.

49 Agus thubhairt esan riu, C'ar son a bha sibh ga m' iarraidh? nach robh fhios agaibh gu'm bu chòir dhomh-sa bhi ann an tigh m' Athar?

50 Agus cha do thuig iadsan an ni a labhair e riu.

51 Agus chaidh e sìos maille riu, agus thàinig e gu Nasaret, agus bha e ùmhail doibh: ach ghléidh a mhàthair na nithean sin uile 'n a cridhe.

52 Agus thàinig Iosa air aghaidh ann an gliocas agus 'am meudachd, agus ann an deadh-ghcan aig Dia, agus aig daoineibh.

CATB. III.

1 *Searmonachadh Eoin Baistidh.* 15 *'Fhianuis mu thimchioll Chrìosd.* 20 *Chuir Herod Eoin ann am pìosan.* 21 *Bhaisteadh Crìosd, agus fhuair e fianuis o nèamh.* 23 *Aois agus sinn-sireachd Chrìosd.*

ANIS anns a' chùigeamh bliadhna deug de inspireachd Thiberiuis Cheasair, air bhi do Phontius Pilat 'n a uachdaran air Iudea, agus Herod 'n a Thetrarc air Galile, agus Philip a bhràthair 'n a Thetrarc air Iurea agus dùthaich Thrachonitis, agus Lisanias 'n a Thetrarc air Abilene.

2 An uair a bha Annas agus Caiaphas 'n an àrd-shagartaibh, thàinig focal Dhé chum Eoin, mhic Shachariais, anns an fhàsach.

3 Agus thàinig e do'n dùthaich uile timchioll Iordain, a' searmonachadh baistidh an aithreachais, eum maithheanais pheacaidhean;

4 Mar tha e sgrìobhta ann an leabhar

LUCAS, IV.

bhriathran an fhàidh Esaiais, ag ràdh, Guth an tì a dh'èigheas anns an fhàsach, Ull-uichibh slighe an Tighearna, deanaibh a cheuman dìreach.

5 Bithidh gach gleann air a lìonadh, agus gach beinn agus cnoc air an isleachadh; agus bithidh na nithean cama air an deanamh dìreach, agus na slighean garbha air an deanamh rèidh;

6 Agus chì gach uile fheoil slàinte Dhé.

7 Uime sin thubhairt e ris an t-sluagh a thàinig a mach chum bhi air am baisteadh leis, A shìl nan nathraichean nìmh, cò a thug rabhadh dhuibh-sa teicheadh o'n sheir a tha ri teachd?

8 Air an aobhar sin thugaibh a mach toradh ionchuidh an aithreachais, agus na tòisichibh air a ràdh annaibh féin, Tha Abraham 'n a Athair againn: oir tha mi ag ràdh ribh, gur comasach Dia, de na clach-aibh so, air clann a thogail suas do Abraham.

9 Agus a nis féin tha 'n tuagh air a' cur ri bun nan craobh: air an aobhar sin gach craobh nach toir a mach toradh maith, gearrar sìos i, agus tilgear 's an teine i.

10 Agus dh'fhiosraich an sluagh dheth ag ràdh, Ciod uime sin a nì sinne?

11 Agus fhreagair esan agus thubhairt e riu, An tì aig am bheil dà chòta, roinneadh e ris an tì aig nach 'eil; agus an tì aig am bheil biadh, deanadh e mar an eudna.

12 Agus thàinig mar an ceudna eis-mhaoir gu bhi air am baisteadh, agus thubhairt iad ris, A mhaighstir, ciod a nì sinne?

13 Agus thubhairt esan riu, Na deanaibh nì air bith os ceann na dh'orduicheadh dhuibh.

14 Agus dh'fhiosraich na saighdearan mar an ceudna dheth, ag ràdh, Agus ciod a nì sinne? Agus thubhairt e riu, Na deanaibh foirmeart air neach sam bith, no casaid-bhréige, agus bithibh toilichte le 'ur tuar-asdal.

15 Agus air bhi do'n phobull a' feitheamh, agus na h-uile dhaoine a' reusonachadh 'n an cridheachaibh féin mu thimchioll Eoin, am b'e Crìosd a bh'ann;

16 Fhreagair Eoin, ag ràdh riu uile, Tha mise gu dearbh 'g'ur baisteadh le h-uisge; ach tha neach a' teachd a's cumhachdaiche na mise, agus cha-n airidh mise air barr-iall a bhàrr fhuasgladh: baistidh esan sibh leis an Spiorad naomh, agus le teine.

17 Aig am bheil a ghuit 'n a làimh, agus ro-ghlanaidh e 'ùrlar, agus cruinnichidh e an cruthnachd d'a thigh-tasgaidh; ach loisgidh e am moll le teine nach fheudar a mhàchadh.

18 Agus ag earalachadh mòran nithean eile, shearmonaich e do'n t-sluagh.

19 Ach air do Herod an Tetrarc a bhi air a chronachadh leis air son Herodiais bean a bhràthar (Philip), agus air son garbha oile a rinn Herod,

20 Chuir e so ris gach oile eile, gu'n do dhruid e Eoin 'am prìosan.

21 Agus tharladh, 'n uair a bha 'n sluagh uile air am baisteadh, air do Iosa mar an ceudna 'bhi air a bhaisteadh, agus e ri urnuigh, gu'n d'fhosgladh nèamh,

22 Agus gu'n d'thàinig an Spiorad naomh a nuas air 'an coslas corporra, mar cholumh, agus gu'n d'thàinig guth o nèamh, ag ràdh, Is tusa mo Mhac gràdhach, anns am bheil mo mhòr-thlachd.

23 Agus thòisich Iosa féin air a bhi mu thimchioll deich bliadhna fichead a dh'aois, air dha bhi, (a réir barail *dhaoine*), 'n a mhaic do Joseph, *mac Heli*,

24 *Mhic Mhatait, mhic Lebhi, mhic Mhel-chi, mhic Ianna, mhic Ioseph*,

25 *Mhic Mhatatais, mhic Amois, mhic Nauim, mhic Esli, mhic Nage*,

26 *Mhic Mhaait, mhic Mhatatais, mhic Shemci, mhic Ioseph, mhic Iudah*,

27 *Mhic Ioanna, mhic Rhesa, mhic Sher-obabel, mhic Shalatieil, mhic Neri*,

28 *Mhic Mhelchi, mhic Adi, mhic Chosaim, mhic Elmodaim, mhic Eir*,

29 *Mhic Iose, mhic Elieseir, mhic Ioreim, mhic Mhatait, mhic Lebhi*,

30 *Mhic Shimeoin, mhic Iudah, mhic Ioseph, mhic Ionain, mhic Eliacim*,

31 *Mhic Mhelea, mhic Mhainain, mhic Mhatata, mhic Natain, mhic Dhaibhidh*,

32 *Mhic Iese, mhic Obeid, mhic Bhoois, mhic Shalmoin, mhic Naasoin*,

33 *Mhic Aminadaib, mhic Araim, mhic Esroim, mhic Pharcis, mhic Iudah*,

34 *Mhic Iacoib, mhic Isaic, mhic Abraham, mhic Thara, mhic Nachoir*,

35 *Mhic Sharuch, mhic Ragau, mhic Phaleic, mhic Ebeir, mhic Shala*,

36 *Mhic Chainain, mhic Arphacsaid, mhic Shem, mhic Noe, mhic Lameich*,

37 *Mhic Mhatusala, mhic Enoich, mhic Iareid, mhic Mhaleleil, mhic Chainain*,

38 *Mhic Enois, mhic Shet, mhic Adhaimh, mhic Dhé*.

CAIB. IV.

1 Buavreadh agus trasgadh Chrìosd: 13 Thug e buaidh air an diabhul; 14 thòisich e ri searmonachadh: 16 Ghabh pobull Nasaret iongantais r'a fhoclaibh gràsmhor. 33 Leighis e an duine 's an robh deamhan, 38 agus màthair-chùile Pheadair, &c.

A GUS air do Iosa bhi làn de'n Spiorad naomh, phill e air ais o Iordan, agus threòraicheadh e leis an Spiorad do'n fhàsach,

2 Agus bha e air a bhavreadh ré dhà fhichead là leis an diabhul; agus cha d'ith e nì sam bith anns na làitheibh sin: agus air dhoibh bhi air an crìochnachadh, an sin dh'fhàs e ocrach.

3 Agus thubhairt an diabhul ris, Ma's tu Mac Dhé, abair ris a' chloich so 'bhi 'n a h-aran.

4 Agus fhreagair Iosa e, ag ràdh, Tha e sgrìobhta, nach ann le h-aran a mhàin a thig duine beò, ach le gach uile fhocal Dhé.

5 Agus air do'n diabhul a thoirt gu beinn àrd, nochd e dha uile rìoghachdan an domhain ann am mionaid aimsir.

6 Agus thubhairt an diabhul ris, Bheir mise an cumhachd so uile dhuìt, agus an glòir; oir thugadh dhomh-sa sin; agus bheir mi e do neach air bith a's toil leam.

7 Uime sin ma ni thu aoradh dhomh-sa, is leat iad uile.

8 Agus fhreagair Iosa agus thubhairt e ris, Tar air mo chùlaobh, a Shatain; oir tha e sgrìobhta, Ni thu aoradh do'n Tigh-carn do Dhia, agus dhàsan 'n a aonar ni thu seirbhis.

9 Agus thug se e gu Ierusalem, agus chuir e air binnein an teampuill e, agus thubhairt e ris, Ma's tu Mac Dhé, tilg thu féin sìos á so.

10 Oir tha e sgrìobhta, Bheir e àithne d'a ainglibh mu d' thimchioll, thusa a choimhead.

11 Agus togaidh iad suas thu 'n an làmh-an, air cagal gu'm buail thu uair air bith do chos air cloich.

12 Agus air freagart do Iosa thubhairt e ris, A dubhradh, Na buair thusa an Tigh-earn do Dhia.

13 Agus an uair a chrìochnaich an diabhul am buaireadh uile, dh'imich e uaith ré tamuill.

14 Agus phill Iosa ann an cumhachd an Spioraid chum Ghalile; agus chaidh 'iomradh-san air feadh na dùthcha mu'n cuairt gu h-ìomlan.

15 Agus theagaisg e 'n an sionagogaibh, a' faotainn glòire o na h-uile dhaoimibh.

16 Agus thàinig e gu Nasaret, far an d'ar-aicheadh e: agus chaidh e steach, mar bu ghnàth leis, air là na sàbaid do'n t-sionagag, agus dh'éirich e 'n a sheasamh chum leughaidh.

17 Agus thugadh dha leabhar an fhàidh Esaia; agus air fosgladh an leabhair dha, fhuair e 'n t-àit anns an robh e sgrìobhta,

18 Tha Spiorad an Tighearn 'orm, do bhrìgh gu'n d'ung e mi a shearmonachadh an t-soisgeil do na bochdaibh; chuir e mi a shlànachadh na muinntir aig am bheil an cridhe briste, a ghairm fuaiglaidh do na braighdibh, agus aiseag an radhaire do na doill, a thoirt saorsa do'n mhuinntir a tha brùite,

19 A shearmonachadh bliadhna thaitnich an Tighearna.

20 Agus air dùnadh an leabhair dha, thug e do'n fhear-frithealaidh e, agus shuidh e: agus bha sùilean na bha 's an t-sionagag uile a' geur-amharc airsan.

21 Agus thòisich e air a ràdh riu, An dùgh tha'n sgrìobtuir so air a choimhlionadh ann bhur chusaibh-sa.

22 Agus thug iad uile fianuis da, agus ghabh iad iongantas ris na briathraibh gràs-mhora thàinig a mach as a bheul. Agus thubhairt iad, Nach e so mac Ioseph?

23 Agus thubhairt e riu, Gun amharus thubhairt sibh rium an gnàth-fhocal so, A léigh, leighis thu féin: ge b'e air bith iad na nithean a chuala sinn a rinneadh leat 'an Capernaum, dean mar an ceudna iad an so a'd' dhùthaich féin.

24 Agus thubhairt e, Gu deimhin tha mi ag ràdh ribh, nach 'eil fàidh air bith tait-neach 'n a dhùthaich féin.

25 Ach gu fìrinneach tha mise ag ràdh ribh, gu'n robh mòran bhantrach ann an Israel 'an làithibh Eliais, an uair a dhruid-eadh nèamh ré thri bliadhna agus shè miosan, agus a bha gorta mhòr air feadh na tìre uile:

26 Ach cha do chuireadh Elias dh'ionnsuidh aoin diubh, ach gu Sarepta Shidoìn, chum mnà a bha 'n a bantraich.

27 Agus bha mòran lobhar ann an Israel ri linn Eliseus an fhàidh; agus cha do ghlanadh a h-aon aca, ach Naaman an Siri-anach.

28 Agus lìonadh iadsan uile a bha 's an t-sionagag le feirg, an uair a chual iad na nithean sin;

29 Agus dh'éirich iad suas, agus thilg iad a mach as a' bhaile e, agus thug iad leo e gu malaidh a' chnoic, air an robh am baile togt, chum a thilgeadh sìos 'an coinneamh a chinn.

30 Ach air gabhail dhàsan troimh am mheadhon, dh'fhalbh e,

31 Agus chaidh e sìos gu Capernaum, baile de Ghalile, agus bha e 'g an teagasg air làithibh na sàbaid:

32 Agus ghabh iad iongantas r'a theagasg; do bhrìgh gu'n robh 'fhocal le cumhachd.

33 Agus bha anns an t-sionagag duine anns an robh spiorad deamhain neòghloin, agus ghlaodh e le guth mòr.

34 Ag ràdh, Leig leinn; cìod e ar gnoth-uch-ne riut, Iosa o Nasaret? an d'thàinig thu g'ar sgrìos? tha fhios agam cò thu, Aon naomh Dhé.

35 Agus chronuich Iosa e, ag ràdh, Bi a' d' thosd, agus thig a mach as. Agus air do'n deamhan esan a thilgeadh sìos 'n am meadhon, thàinig e mach as, gun chiurradh sam bith a dheanamh air.

36 Agus thàinig namhas orra uile, agus labhair iad r'a chèile, ag ràdh, Cìod a' ghnè cainte so? oir le h-ùghdarras agus cumhachd tha e 'toirt orduigh do na spioradaibh neòghlan, agus tha iad a' teachd a mach.

37 Agus chaidh iomradh airsan a mach feadh gach àite de'n dùthaich mu'n cuairt.

38 Agus dh'éirich e as an t-sionagag, agus chaidh e steach do thigh Shimoin: agus bha fiabhras mòr air màthair-chéile Shimoin; agus ghuidh iad air as a leth.

39 Agus air dha seasamh os a ceann, chron- uich e am fiabhrus, agus dh'fhàg e i. Agus dh'éirich ise air ball, agus rinn i frithealadh dhoibh.

40 Agus ag dol fodha na gréine, thug iad- san uile aig an robh daoine euslan le ionadh gnè tinnis d'a ionnsuidh iad: agus chuir esan a làmhan air gach aon diubh, agus leighis e iad.

41 Agus chaidh mar an ceudna deamhain a mach á mòran, a' glaothaich agus ag ràdh, Is tu Criosd Mac Dhé. Agus chronuich e iad, agus cha d'fhlaing e dhoibh labhairt: oir bha fhios aca gu'm b'esan Criosd.

42 Agus air teachd do'n là, chaidh e mach, agus dh'imich e gu àite fasail: agus bha 'n sluagh 'g a iarraidh, agus thàinig iad d'a ionnsuidh, agus b'àill leo a chumail, chum nach rachadh e uatha.

43 Ach thubhairt esan riu, Is éigin dhomh- sa rioghachd Dhé a shearmonachadh do bhailtibh eile mar an ceudna; oir is ann chum so a chuireadh mi.

44 Agus shearmonaich e ann an sionagog- aibh Ghalile.

CAIB. V.

1 *Théagaisg Criosd an sluagh á luing Pheadair; 4 le tarruing mhiorbhuiteach éisg, nochd e cionnus a bha e gu Peadar agus a chompan- aich a dheanamh 'n an iasgairibh air daoine- ibh: 12 ghlac e neach a bha 'n a lobhar, 16 rinn e urnuigh anns an fhàsach, 18 shlànuich e neach a bha tinn leis a' phairilis, &c.*

AGUS tharladh, 'n uair a bha am pobull a' dlùth-theannadh air, chum focal Dhé éisdeachd, gu'n do sheas e làmh ri loch Genesaret,

2 Agus chunnaic e dà luing 'n an seasamh ri taobh an locha: ach bha na h-iasgairean air dol a mach asda, agus a' nigheadh an lìontan.

3 Agus chaidh e steach do aon de na long- aibh a bu le Simon, agus dh'iarr e air dol a mach beagan o thìr: agus air suidhe dha, theagaisg e an sluagh as an luing.

4 A nis an uair a sguir e de labhairt, thubh- airt e ri Simon, Cuir a mach chum na doimh- ne, agus leigibh sìos bhuir lìontan chum tarruing.

5 Agus fhreagair Simon, agus thubhairt e ris, A mhaighstir, shaothraich sinn fad na h-oidhe uile, agus cha do ghlac sinn ni sam bith: ach air d'fhocal-sa leigidh mi sìos an lìon.

6 Agus an uair a rinn iad so, chuairtich iad tachdar mòr éisg; ionnus gu'n do bhriseadh an lìon.

7 Agus sméid iad air an companaich, a bha 's an luing eile, teachd agus còmhnaidh a dheanamh leo. Agus thàinig iad, agus lìon iad an dà luing, ionnus gu'n robh iad 'an inbhe dol fodha.

8 'N uair a chunnaic Simon Peadar so, thuit e sìos aig glùinibh Iosa, ag ràdh,

Imich uamsa, a 'Thighearna, oir is duine peacach mi.

9 Oir ghlac uamhas e féin agus iadsan uile 'bha maille ris, air son an tarruing éisg a ghlac iad:

10 Agus mar an ceudna Seumas agus Eoin, mic Shebede, a bha 'n an companaich aig Simon. Agus thubhairt Iosa ri Simon, Na bitheadh eagail ort; á so suas glacadh tu daoine.

11 Agus an uair a thug iad an longan gu tìr, dh'fhàg iad na h-uile ni, agus lean iad esan.

12 Agus an uair a bha esan ann am baile àraidh, feuch duine làn de luibhre: agus air dha Iosa fhaicinn, thuit e sìos air 'agha- aidh, agus ghuidh e air, ag ràdh, A Thigh- earna, ma's toil leat, tha thu comasach air mise a ghlanadh.

13 Agus shìn e a làmh, agus bhean e ris, ag ràdh, Is toil leam; bí glan. Agus air ball dh'fhàg an luibhre e.

14 Agus dh'àitlm e dha, gun innseadh do neach air bith: Ach imich, agus nochd thu féin do'n t-sagart, agus thoir seachad air son do ghlanaidh, mar a dh'àitlm Maois, mar fhianus doibh.

15 Ach bu mhòd a sgaoileadh 'iomradh- san: agus thàinig sluagh mòr an ceann a chèile chum éisdeachd, agus chum a bhi air an slànuchadh leis o'n eucailibh.

16 Agus chaidh e air leth chum an fhàsach, agus rinn e urnuigh.

17 Agus tharladh air là àraidh, 'n uair a bha e a' teagasg, gu'n robh 'n an suidhe an sin Phairisich agus luchd-teagaisg an lagha, a thàinig as gach uile bhaile de Ghalile, agus de Iudea, agus o Ierusalem: agus bha cumhachd an Tighearna a làthair chum an slànuchadh.

18 Agus, feuch, ghiulain daoine air leab- aidh duine air an robh ann pairilis: agus dh'iarr iad a thoirt a steach, agus a chur 'n a làthair-san.

19 Agus an uair nach d'fhuair iad seòl air am feudadh iad a thoirt a steach, le meud na cuideachd, chaidh iad suas air an tigh, agus leig iad sìos troimh mhullach an tìghe e féin agus a leabadh, anns a' mheadhon 'an làthair Iosa.

20 Agus an uair a chunnaic e an creidimh, thubhairt e ris, A dhuine, tha do pheacaidh- ean air am maithheadh dhuit.

21 Agus thòisich na sgrìobhaichean agus na Phairisich air reusonachadh, ag ràdh, Cò e so a tha 'labhairt toibheim? cò 'dh'- fheudas peacaidhean a mhaithheadh ach Dia a mhàin?

22 Ach air aithneachadh an smuaintean do Iosa, fhreagair e agus thubhairt e riu, Ciod e a tha sibh a' reusonachadh 'n ur cridheachaibh?

23 Co aca a's usadh a ràdh, Tha do pheac- aidhean air am maithheadh dhuit, no 'ràdh, Eirich agus imich?

24 Ach a chum gu'm bi fios agaibh gu bheil cumhachd aig Mac an duine peacaidhean a mhaitheadh air thalamh, (thubhairt e ri fear a phairilis,) Tha mi ag ràdh riut, éirich, agus tog do leabadh, agus imich do d' thigh.

25 Agus dh'éirich e air ball 'n an làthair, agus thog e an leabadh air an robh e 'n a luidhe, agus chaidh e d'a thigh féin, a' toirt glòire do Dhia.

26 Agus ghlac uamhas iad uile, agus thug iad glòir do Dhia, agus lionadh le h-eagal iad, ag ràdh, Chumnaic sinne nithean dochreidsinn an diugh.

27 Agus an déigh nan nithean sin, chaidh e mach, agus chunnaic e cis-mhaor d'am b'ainm Lebhi, 'n a shuidhe aig àite togail na cise; agus thubhairt e ris, Leau mise.

28 Agus air fagail nan uile nithean dha, dh'éirich e, agus lean se e.

29 Agus rinn Lebhi cuirm mhòr dha 'n a thigh féin: agus bha cuideachd mhòr de chis-mhaoir, agus de mhuinntireile a shuidh maille ri.

30 Agus rinn an sgrìobhaichean agus am Phairisich gearan an aghaidh a dheisciobul-san, ag ràdh, 'Car son tha sibh ag itheadh, agus ag òl maille ri cis-mhaoir agus ri peacaich?

31 Agus fhreagair Iosa agus thubhairt e ri, Cha-n'eil feum aca-san a tha slàn air an leigh, ach aca-san a tha tinn.

32 Cha d'thàinig mise a ghairm nam firean, ach nam peacach chum aithreachais.

33 Agus thubhairt iadsan ris, 'Car son a tha deisciobuil Eoin gu tric ri trasgadh, agus a' deanamh urnuigh, agus mar an ceudna deisciobuil nan Phairisich; ach tha do dheisciobuil-sa ag itheadh agus ag òl?

34 Agus thubhairt esan ri, Am feud sibh a thoirt air cloinn seòmair an fhir nuadh-phòda trasgadh a dheanamh, am feadh 's a tha am fear nuadh-phòda maille ri?

35 Ach thig na làithean an uair a bheirear am fear nuadh-phòda uatha; an sin ni iad trasgadh anns na làithibh sin.

36 Agus labhair e mar an ceudna cosamlachd ri; Cha chuir neach air bith mìr a dh'eudach nuadh air seann eudach: no, reubaidh an t-eudach nuadh e, agus cha tig am mìr de'n eudach nuadh ris an t-seann eudach.

37 Agus cha chuir duine sam bith fion nuadh ann an seann searragaibh; no, brisidh am fion nuadh na searragan, agus dòirtear e féin, agus caillear na searragan.

38 Ach is còir fion nuadh a chur ann an searragaibh nuadha; agus bithidh iad le 'chéile tèarunte.

39 Agus cha-n'eil duine sam bith, air dha seann fhion òl, a dh'iarraas air ball fion nuadh oir their e, Is e an seann fhion a's fearr.

1 *Chronuich Criosd doille nam Phairiseach mu thimchioll coimhead na sàbaid, le sgrìobtuir, le reuson, agus le mìorbhuil; 13 thagh e dà abstol deug; 17 shlànuich e muinntir a bha tinn; 20 shearmonaiche d'a dheisciobuibh mu bheannachdaibh agus mu mhallachdaibh, &c.*

AGUS tharladh air a' cheud là sàbaid na càisge, gu'n deachaidh e troimh na h-achaidh arbhair; agus spìon a dheisciobuil na diasan arbhair, agus dh'ith iad, an déigh am bruthadh le'n làmh.

2 Agus thubhairt cuid de na Phairisich ri, 'Car son a tha sibh a' deanamh an ni nach 'eil ceaduichte r'a dheanamh air làithibh na sàbaid?

3 Agus fhreagair Iosa iad, agus thubhairt e, Nach do leugh sibhse an ni so 'rinn Daibhidh, 'n uair a bha ocras air féin, agus orra-san a bha maille ris;

4 Cionnus a chaidh e steach do thigh Dhé, agus a ghabh e aran na fianuis, agus a dh'ith e féin, agus a thug e mar an ceudna dhoibh-san a bha maille ris; ni nach 'eil ceaduichte itheadh ach do na sagartaibh a mhàin?

5 Agus thubhairt e ri, Is Tighearn Mac an duine air an t-sàbaid féin.

6 Tharladh mar an ceudna air sàbaid eile, gu'n deachaidh e steach do'n t-sionagag, agus gu'n do theagaisg e; agus bha an sin duine, aig an robh a làmh dheas air seargadh.

7 Agus rinn na sgrìobhaichean agus na Phairisich faire, a dh'fheuchainn an leighiscadh e air an t-sàbaid; chum gu'm faigh-cadh iad cùis-dhàidh 'n a aghaidh.

8 Ach thuig esan an smuaintean, agus thubhairt e ris an duine aig an robh an làmh sheargta, Éirich, agus seas a mach 's a' mheadhon. Agus dh'éirich esan, agus sheas e.

9 An sin thubhairt Iosa ri, Feòraichidh mise aon ni dhìbh; Am bheil e ceaduichte air làithibh na sàbaid maith a dheanamh, no olc? anam a shaoradh, no a sgrìos?

10 Agus air dha amharc mu'n euhair orra uile, thubhairt e ris an duine, Sin a mach do làmh. Agus rinn e sin: agus dh'aisig-cadh a làmh slàn da mar an làmh eile.

11 Agus lionadh iadsan le euhach; agus labhair iad r'a chéile, cìod a dheanadh iad ri Iosa.

12 Agus anns na làithibh sin chaidh esan gu beinn a dheanamh urnuigh, agus bhuan-aich e ré na h-oidheche ann an urnuigh ri Dia.

13 Agus air teachd do'n là, ghairm e d'a ionnsuidh a dheisciobuil; agus thagh e dà fhear dheug asda, d'an do ghoir e Abstoil:

14 Simon, (air an tug e mar an ceudna Peadar mar ainm,) agus Andreas a bhràthair, Seumas agus Eoin, Philip agus Bartolomeus,

15 Mata agus Tomas, Seumas *mac* Alpheuis, agns Simon d'an goirear Selotes,

16 Iudas *bràthair* Sheumais, agus Iudas Iscariot, esan a bha 'n a fhear-brathaidh.

17 Agus thàinig e nuas leo, agus sheas e air ionad còmharnad, agns coimhthional a dheiseicubul, agus buidheann mhòr-shluaigh o Iudea uile agus o Ierusalem, agus o chois fairge Thiruis agns Shidoin, muinntir a thàinig g'a éisdeachd, agns gu bhi air an leighas o'n euslaintibh;

18 Agus iadsan a bha air an pianadh le spioradaibh neòghlan: agus leighiseadh iad.

19 Agns dh'iarr an slagh uile beantuinn ris: oir chaidh cunhachd a mach as, agns shìlannich e iad uile.

20 Agus thog e suas a shùilean air a dheiseicubul, agus thubhairt e, *Is beannaichte sibhse* 'tha bochd: oir is leibh rìoghachd Dhé.

21 *Is beannaichte sibhse* 'tha ocrach a nis: oir sàsuichear sibh. *Is beannaichte sibhse* 'tha 'caoidh a nis: oir ni sibh gaire.

22 *Is beannaichte sibh*, 'n uair a bheir daoine fuath dhuibh, agns a chuiras iad as an cuideachd sibh, agns a bheir iad cainnt mhaslach dhuibh, agus a thilgeas iad a mach bhur n-aimm mar ni ole, air son Mhic an duine.

23 Deanaibh-sa gairdeachas 's an là sin, agus leumaibh le h-aoibhneas: oir feuch, is mòr bhur dnais air nèamh: oir is ann mar sin a rinn an aithrichean air na fàidhibh.

24 Ach is an-aoibhinn duibhse a tha saobhair: oir fhuair sibh bhur sòlas.

25 Is an-aoibhinn duibhse a tha sàthach: oir bithidh ocras oirbh. Is an-aoibhinn duibhse a tha 'gàireachdaich a nis: oir ni sibh bròn agus gul.

26 Is an-aoibhinn duibhse 'n uair a labhras daoine maith umailb: oir is ann mar sin a rinn an aithrichean ris na fàidhibh bréige.

27 Ach tha mi ag ràdh ribhse 'tha 'g éisdeachd, Gràdhaichibh bhur naimhdean, deanaibh maith dhoibh-san le'n fnathach sibh;

28 Beannaichibh iadsan a tha 'g 'ur mallachadh, agus deanaibh urnaigh air son na muinntir a tha 'buntuinn gn naimhdeil ribh.

29 Ris an ti a bhuaileas thu air aon ghial, cum an gial eile; agns do'n ti a bheir d'fhalluinn dhìot, na bac do chòta mar an ceudna.

30 Thoir do gach neach a dh'iarras ort; agns o'n neach a bheir uait do mhaoin, na h-iarr air ais i.

31 Agus mar a b'ail leibh daoine 'dhean-amh ribh, deanaibh-sa mar an ceudna riu-san.

32 Oir ma gràdhaicheas sibh iadsan aig am bheil gràdh dhuibh, ciod am buidheachas a th' agaibh? oir gràdhaichidh peacaich féin an dream aig am bheil gràdh dhoibh.

33 Agus ma ni sibh maith do'n mhuinntir a ni maith dhuibh, ciod am buidheachas a th' agaibh? oir ni peacaich an ni so féin mar an ceudna.

34 Agus ma bheir sibh iasachd dhoibhsan o'm bheil dùil agaibh r'a fhaotainn a ris, ciod am buidheachas a th' agaibh? oir bheir peacaich féin iasachd do pheacaich, chum gu'm faigh iad uiread a ris.

35 Ach gràdhaichibh-sa bhur naimhdean, agus deanaibh maith, agus thugaibh iasachd, gnn dùil a bhi agaibh ri ni sam bith 'n a éiric: agns bithidh bhur duais mòr agns bithidh sibh 'n 'ur cloinn do'n Tì a's àirde: oir tha esan tabhartach dhoibhsan a tha mi-thaingil agns ole.

36 Bithibh-sa uime sin tròcaireach, mar a tha bhur n-Athair tròcaireach.

37 Agus na tugaibh breth, agns cha toirear breth oirbh: na dìtibh, agus cha dìtear sibh: thugaibh maithneas, agus bheirear maithneas dhuibh.

38 Thugaibh uaibh, agns bheirear dhuibh; deadh thomhas, air a dhinneadh, agns air a chrathadh ri 'chéile, agus a' enn thairis, bheir daoine ann bhur n-uehd; oir leis an tomhas le'n tomhais sibh, tomhaisear dhuibh a ris.

39 Agus labhair e cosamhlachd rin, Am feud an dall dall a threòrachadh? nach tuit iad le 'chéile ann an slochd?

40 Cha-n'eil an deiseicubul os ceann a mhaighstir: ach ge b'e neach a tha coimhlionta, bithidh e mar a mhaighstir.

41 Agns c'ar son a tha thu 'faicinn an smùirnein a tha 'an sùil do bhràthar, agns nach 'eil thu 'toirt faineas an t-sail a tha ann ad shùil féin?

42 No cionnus a dh'fheudas tu ràdh ri do bhràthair, A bhràthair, leig dhomh an smùirnein a thoirt a d' shùil, agns nach 'eil thu 'toirt faineas an t-sail a tha ann ad shùil féin? A chealgair, tilg a mach air tùs an t-sail as do shùil féin, agns an sin is léir dhuibh gu soilleir an smùirnein a tha ann an sùil do bhràthar a thoirt aise.

43 Oir cha deadh chraobh a bheir a mach droch thoradh: agus cha droch chraobh a bheir a mach deadh thoradh.

44 Oir aithneichear gach craobh air a toradh: oir cha tionail daoine figean de dhroighionn, no caoran fìona de'n fhearr-dhris.

45 Bheir duine maith ni maith a mach a deadh ionmhas a chridhe; agns bheir droch dhuine ni ole a mach a droch ionmhas a chridhe: oir is ann a pailteas a' chridhe a labhras a bheul.

46 Agus c'ar son a ghoireas sibh, a Thigh-carn', a Thighearn', dhiom-sa, agus nach dean sibh na nithean a tha mi ag ràdh?

47 Gach neach a thig a m' ionnsnidh-sa, agus a chluinneas mo bhriathran, agns a ni iad, feuchaidh mi dhuibh co ris tha e cosmhail:

48 Is cosmhail e ri duine a thog tigh, agus a chladhaich domhain, agus a chuir a' bhunait air carraig: agus an uair a thàinig an tuil, bhunait an sruth gu dian air an tigh sin, agus cha b'urrainn e charach dh'oir bha e air a shuidheachadh air carraig.

49 Ach an ti a chluinneas, agus nach dean, is cosmhail e ri duine a thog tigh air an talamh gun bhunait, air an do bh aill an sruth gu dian, agus air ball thuit e; agus bu mhòr tuiteam an tighe sin.

CAIB. VII.

1 *Leighis Criosd seirbhiseach ceannaird-ceud*
11 *Thog e mac na bantraich ann an Nain*
12 *nn bhàs; 19 dhearbh e do theachdairibh*
13 *Eoin, le oibribh mìorbhuileach a rinn e'n an*
14 *tàthair, u'm b'e fèin an Criosd a bha ri*
15 *teachd; 24 nochd e do'n t-sluagh ciod i a bhar-*
16 *aill mu Eoin, &c.*

ANIS an uair a chrìochnaich e a bhriath-ran uile ann an èisdeachd an t-sluagh, chaidh e steach do Chapernaum.

2 Agus bha seirbhiseach ceannaird-ceud àraidh, a b'ionmhuinn leis, gu tinn, agus ri h-uchd bàis.

3 Agus an uair a chual' e mu Iosa, chuir e seanairean nan Iudhach d'a ionnsuidh, a' cur impidh air gu'n tigeadh e, agus gu'n leighiscadh e a sheirbhiseach.

4 Agus an uair a thàinig iad gu Iosa, ghuidh iad air gu dùrachdach, ag ràdh, Gu'm b'airidh e gu'n deanadh esan so dha:

5 Oir is toigh leis ar cinneach-ne, agus thog e dhuinn sionagag.

6 Agus chaidh Iosa maille riu. Ach air dha bhi nis fagus do'n tigh, chuir an ceannaird-ceud càirdean d'a ionnsuidh, ag ràdh ris, A Tighearna, na cuir dragh ort fèin; oir cha-n airidh mise gu'n rachadh tu steach fo m' chléith:

7 Uime sin cha mhò a mheas mi gu'm b'airidh mi fèin air teachd a d' ionnsuidh: ach a mhàin abair am focal, agus slànuichear m' òglach.

8 Oir is duine misc fèin air mo chur fo ùghdarras, aig am bheil saighdearan fodh-am; agus their mi ris an fhear so, Imich, agus imichidh e; agus ri fear eile, Thig, agus thig e; agus ri m' sheirbhiseach, Dean so, agus ni se e.

9 Agus an uair a chual' Iosa na nithean so, ghabh e iongantas ris, agus air tionndadh dha, thubhairt e ris an t-sluagh a lean e, Tha mi ag ràdh ribh, nach d'fhuair mi creidimh co mòr as so, ann an Israel fèin.

10 Agus air pillinn air an ais do'n tigh do na teachdairibh a chuireadh d'a ionnsuidh, fhuair iad an seirbhiseach a bha tinn, slàn.

11 Agus tharladh an là 'n a dhéigh sin, gu'n deachaidh e chum baile d'an goirear Nain; agus chaidh a dheisciobuil maille ris, agus shuagh mòr.

12 A nis an uair a thàinig e am fagus do ghenta a' bhaile, feuch, ghiùlaineadh a mach

duine marbh, aon mhac a mhàthar, agus bu bhantrach i: agus bha suagh mòr de mhuinntir a' bhaile maille rithe.

13 Agus an uair a chunnaic an Tighearna i, ghabh e truas dith, agus thubhairt e rithe. Na guil.

14 Agus thàinig e agus bhcan e ris a' ghiùl-an; (agus sheas iadsan a bha 'g a' iomchar;) agus thubhairt e, Oganach, tha mi ag ràdh riut, éirich.

15 Agus dh'éirich an duine 'bha marbh 'n a shuidhe, agus thòisich e air labhairt: agus thug e d'a mhàthair e.

16 Agus ghlac eagal iad uile: agus thug iad glòir do Dhia, ag ràdh, Dh'éirich fàidh mòr 'n ar measg-ne; agus, Dh'amhaire Dia air a shluagh fèin.

17 Agus chaidh an t-ionradh so mach airsan air feadh Iudea uile, agus na dùthcha mu'n cuairt uile.

18 Agus dh'innis a dheisciobuil do Eoin mu thimchioll nan nithean sin uile.

19 Agus ghairm Eoin d'a ionnsuidh dithis àraidh d'a dheisciobuibh, agus chuir e iad gu Iosa, ag ràdh, An tusa esan a bha ri teachd, no 'm bi sùil againn ri neach eile?

20 Agus àir teachd do na daoineibh d'a ionnsuidh, thubhairt iad, Chuir Eoin Baistidh sinne a d' ionnsuidh, ag ràdh, An tusa an ti a bha ri teachd, no 'm bi sùil againn ri neach eile?

21 Agus anns an uair sin fèin leighis e mòran o'n euskaintibh agus o'm plàighibh, agus o' dlroch spioradaibh; agus thug e 'n radharc do mhòran a bha dall.

22 Agus fhreagair Iosa, agus thubhairt e riu, Imichibh-sa agus innsibh do Eoin na nithean a chunnaic agus a chuala sibh, gu bheil na doill a' faicinn, na bacadh ag im-eachd, na lobhair air an glanadh, na bodh-air a' chluinntinn, na mairbh air an dùsgadh, an soisgeal air a sheermonachadh do na bochdaibh.

23 Agus is beannaicate esan nach faigh oillbheum annam-sa.

24 Agus an uair a dh'fhalbh teachdairean Eoin, thòisich e air labhairt ris an t-sluagh mu thimchioll Eoin, Ciod an ni a chaidh sibh a mach do'n fhàsach a dh'fhaicinn? an i cuile air a crathadh le gaoith?

25 Ach ciod e an ni a chaidh sibh a mach a dh'fhaicinn? an e duine air a sgeadachadh ann an eudach min? feuch, iadsan a tha sgeadaichte le eudach rionmhach, agus a' caitheadh am beatha gu sòghail, is ann 'an cuirteibh nan rìghrean a tha iad.

26 Ach ciod e an ni a chaidh sibh a mach a dh'fhaicinn? an e fàidh? seadh, tha mi ag ràdh ribh, agus ni's mò na fàidh.

27 Is e so an ti mu'm bheil e sgrìobhta, Feuch, cuiridh mi mo theachdair roimh do ghùis, a dh'ulluicheas do shlighe romhad.

28 Oir tha mi ag ràdh ribh, 'N am measg-an a rugadh le mnàibh, cha-n'eil fàidh a's

mò na Eoin Baistidh: gítheadh an tì a's lugha ann an rìoghachd Dhé, is mò e na esan.

29 Agus dh'fhreanaich am pobull uile a chual' e, agus na cìs-mhaor Dia, air dhoibh bhì air am baisteadh le baisteadh Eoin.

30 Ach chuir na Phairisich agus an luchd-lagha cùl ri comhairle Dhé d'an taobh féin, am feadh nach do bhaisteadh iad leis.

31 Agus thubhairt an Tighearn, Cò ris uime sin a shamhlacheas mi daoine a' ghine-ealaich so? agus cò ris a tha iad cosmhuil?

32 Tha iad cosmhuil ri cloinn a tha 'n an suidhe 's a' mhargadh, agus a dh'éigheas r'a chéile, ag ràdh, Rinn sinnne pìobaireachd dhuibh-sa, agus cha d'rinn sibhse dannta: rinn sinnne tuireadh dhuibh-sa, agus cha d'rinn sibhse gul.

33 Oir thàinig Eoin Baistidh, cha-n ann ag itheadh arain, no ag òl fìona; agus their sibh, Tha deamhan aige.

34 Thàinig Mac an duine ag itheadh agus ag òl; agus their sibh, Feuch duine geòcach, agus pòitear-fìona, caraid chis-mhaor agus pheacach.

35 Ach tha gliocas air a fireanachadh le a cloinn uile.

36 Agus dh'iarr duine àraidh de na Phairisich air, gu'n itheadh e biadh maille ris. Agus chaidh e steach do thigh an Phairisich, agus shuidh e sìos chum bìdh.

37 Agus, feuch, an uair a fhuair bean anns a' bhaile, a bha 'n a peacach, fios gu'n robh e 'n a shuidhe aig biadh ann an tigh an Phairisich, thug i leatha bocsa alabastair làn de olaidh chùbhraidh,

38 Agus sheas i aig a chosaibh air a chùl-aobh a gul, agus thòisich i air a chosan a fhliuchadh le a deuraibh, agus thiormaich i iad le folt a cinn, agus phòg i a chosan, agus dh'ung i leis an olaidh iad.

39 Agus an uair a chunnaic am Phairis-each, a thug cuireadh dha, so, labhair e ann féin, ag ràdh, Nam b'fhàidh an duine so, bhiodh fhios aige cò i a' bhean so a tha 'beantuinn ris, agus ciod is gnè dhi; oir is peacach i.

40 Agus fhreagair Iosa, agus thubhairt e ris, A Shìmoin, tha ni agam ri ràdh riut. Agus thubhairt esan, A mhaighstir, abair e.

41 Bha aig fear-fìacha àraidh dìthis luchd-fhiach: bha aige air an fhear chig ceud peghinn, agus air an fhear eile leth-cheud.

42 Agus do bhrìgh nach robh aca ni leis an dioladh iad, mhaith e gu saor dhoibh araon. Innis dhomh-sa uime sin, cò dhiubh is mò a ghràdhacheas e?

43 Agus fhreagair Simon agus thubhairt e, Is i mo bharail gur e an neach is mò d'an do mhaith e. Agus thubhairt e ris, Is ceart a thug thu breth.

44 Agus thionndaidh e ris a' mhnaoi, agus thubhairt e ri Simon, Am faic thu a' bhean so? thàinig mi steach do d' thigh, cha d'thug thu dhomh uisge chum mo chos; ach

dh'ionnlaid ise mo chosan le deuraibh, agus thiormaich i iad le folt a cinn.

45 Cha d'thug thusa dhomh pòg: ach o thàinig ise stigh, cha do sguir i a phògadh mo chos.

46 Cha d'ung thusa mo cheann le h-olaidh: ach dh'ung ise mo chosan le h-olaidh chùbhraidh.

47 Uime sin tha mi ag ràdh riut, Gu bheil a peacaidhean a tha lionmhor, air am maith-eadh; air an aobhar sin ghràdhaich i gu mòr: ach ge b'e neach d'am maithear beagan, bitheadh a ghràdh beag.

48 Agus thubhairt e rithe, Tha do pheacaidhean air am maithheadh.

49 Agus thòisich iadsan a bha 'n an suidhe aig biadh maille ris, air a ràdh anuta féin, Cò e so a tha eadhon a' maitheadh pheacaidhean?

50 Agus thubhairt e ris a' mhnaoi, Shìl-nuich do chreidimh thu; imich ann an sìth.

CAIB. VIII.

1 *Fluritheil mnathan do Chrìosd le am maoin.*

4 *An dèigh do Chrìosd searmoin a dheanamh o àit gu h-àit, agus e air a leantuinn le abstol-aibh, labhair e cosamhlachd an t-sìoladair.* 16 *agus na coinne;* 21 *chuir e 'an cèill cò iad a mhaithair, agus a bhràithrean,* 22 *chronuich e a' ghaioth,* 26 *agus thilg e mach a duine lèion de dheamhnaibh, &c.*

AGUS tharladh an dèigh sin, gu'n d'imich esan troimh gach caithir agus baile, a' searmonachadh, agus a' cur 'an cèill soisgeil rìoghachd Dhé, agus an dà fhear dheug maille ris;

2 Agus mnathan àraidh a leighiseadh o dhroch spioradaibh agus o euslaintibh, Muire d'an goirear Magdalen, as an deachaidh seachd deamhain,

3 Agus Ioanna bean Chusa stiùbhaird Heroid, agus Susanna, agus mòran eile, a bha 'frithealadh dha le am maoin.

4 Agus an uair a chruinnich sluagh mòr, agus a thàinig iad as gach baile d'a ionnsuidh, labhair e ann an cosamhlachd:

5 Chaidh fear-cuir a mach a chur a shìl: agus ag cur da, thuit cuid ri taobh an rathaid; agus shaltradh sìos e, agus dh'ith eunlaith an athair suas e.

6 Agus thuit cuid eile air carraig, agus air fas da, shearg e, do bhrìgh nach robh sìgh aige.

7 Agus thuit cuid eile am measg droighinn, agus dh'fhàs an droighioun maille ris, agus thachd se e.

8 Agus thuit cuid eile air talamh maith, agus dh'fhàs e suas, agus thug e toradh uaithe a cheud uiread *as a chuireadh.* Agus air dha na nithean sin a ràdh, ghlaodh e, Ge b'e aig am bheil cluasan chum éisdeachd, éisdeadh e.

9 Agus dh'fhiosraich a dheisciobuil deth, ag ràdh, Ciod e an cosamhlachd so?

10 Agus thubhairt esan, Thugadh dhuibh-

sa eòlas fhaotainn air rùn dìomhair rioghachd Dhé; ach do chàch ann an cosamhlachdaibh, ionnus ag faicinn doibh nach faicheadh iad, agus ag chuinntinn doibh nach tuigeadh iad.

11 Ach is e so an cosamhlachd: Is e an siol focal Dhé.

12 Iadsan ri taobh an rathaid, is iad sin a dh'éisdeas: 'n a dh'éigh sin tha an diabhl a' teachd, agus a' togail air falbh an fhocail as an cridheachaibh, air eagal gu'n creideadh iad agus gu'm bitheadh iad air an saoradh.

13 An dream air a' charraig, is iad sin iadsan, an uair a dh'éisdeas iad, a ghabhas am focal d'an ionnsuidh le gairdeachas; ach cha-n'eil aca so freumh, muinntir a' chreideas ré tamuill, agus 'an àm buairidh a tha 'tuiteam air falbh.

14 Agus an ni a thuit am measg droighinn, is iad sin an dream a dh'éisdeas, agus air dhoibh dol a mach, tha iad air an tachdadh le cùram, agus le saoihbheas, agus le sàimh na beatha so, agus cha-n'eil iad a' toirt toraidh uatha chum foirfeachd.

15 Ach an ni a thuit 's an talamh mhaith, is iad sin iadsan, air dhoibh am focal éisd-eachd, a tha 'g a choinhead ann an cridhe treibh-dhireach agus maith, agus a' toirt toraidh uatha le foighidinn.

16 Cha-n'eil neach air bith, air dha coinn-eal a lasadh, a dh'fholaicheas fo shoitheach i, no 'chuireas fo leabaidh i: ach cuiridh e ann an coinnleir i, chum gu'm faic iadsan a thig a stigh an solus.

17 Oir cha-n'eil ni sam bith folaichte, nach deannar follaiseach; no uaigneach, nach aith-niear, agus nach tig 'am follais.

18 Air an aobhar sin thugaibh fainear cionnus a dh'éisdeas sibh: oir ge b'e neach aig am bheil, bheirear dha; agus ge b'e neach aig nach 'eil, bheirear uaith eadhon an ni sin a shaoiladh a bhi aige.

19 An sin thàinig d'a ionnsuidh a mhàth-air agus a bhràithrean, agus cha 'burrainn iad teachd 'am fagus da leis an dòmbhas.

20 Agus dh'innseadh dha le dream àraidh, a thubhairt, Tha do mhàthair agus do bhràithrean 'n an seasamh a muigh, ag iarraidh d'fhaicinn.

21 Agus fhreagair esan agus thubhairt e riu, Is iad mo mhàthair agus mo bhràithrean iadsan a dh'éisdeas ri focal Dhé, agus a ni e.

22 Agus tharladh air là àraidh, gu'n deachaidh e féin agus a dheiseobuil a stigh do luing: agus thubhairt e riu, Rachamaid thairis gu taobh thall an locha. Agus chuir iad a mach o thèr.

23 Ach ag seòladh dhoibh, thuit codal air-san: agus thàinig ànradh gaoithe a nuas air an loch, agus lìonadh iad le h-uisge, agus bha iad ann an gàbhadh.

24 Agus thàinig iad d'a ionnsuidh, agus

dhùisg iad e, ag ràdh, A mhaighstir, a mhaighstir, tha sinn caillte! An sin dh'éirich esan, agus chronuich e a' ghaoth, agus ònfha an uisge: agus sguir iad, agus thàinig feath ann:

25 Agus thubhairt e riu, C'ait am bheil bhuir creidimh? agus air dhoibh a bhi fo eagal, ghabh iad iongantas, ag ràdh r'a chéile, Ciod a' ghnè dhuine so? oir tha e 'toirt àithne do na gaothaibh, agus do'n uisge féin, agus tha iad ùnhal dha.

26 Agus thàinig iad air tìr aig dùthaich nan Gadareneach, a tha thall fa chomhair Ghailé.

27 Agus an uair a chaidh e mach air tìr, choimnich duine àraidh as a' bhaile e, anns an robh deamhain ré aimsir fhada, agus aig nach biodh eudach uime, agus nach fanadh ann an tigh, ach anns na h-àitbhadhlaic.

28 An uair a chunnaic e Iosa, ghlaodh e mach, agus thuit e sìos 'n a làthair, agus thubhairt e le guth àrd, Ciod e mo ghnòthueh-sa riut, Iosa, a Mhic an Dé a's ro àirde? guidheam ort, na pian mi.

29 (Oir bha e air toirt àithne do'n spiorad neòghlan dol a mach as an duine. Oir bu trice a rug e gu naimhdeil air: agus cheang-ladh e le slabhruidhibh, agus choimhheadh 'an geimhlibh e; agus air briseadh a chuibh-reachan dha, dh'iomaineadh e leis an deamhan do'n fhàsach.)

30 Agus dh'fhiosraich Iosa dheth, ag ràdh, Ciod a's ainm dhuit? agus thubhairt esan, Legion: a chionn gu'n deachaidh mòran dheamhan a steach ann.

31 Agus ghuidh iad air, gun àithne thoirt doibh dol sìos do'n doimhneachd.

32 Agus bha treud lionmhor mhue an sin, ag ionaltradh air an t-slabh: agus ghuidh iad air cead a thoirt doibh dol a steach anna. Agus thug e cead doibh.

33 An sin air dol do na deamhaibh a mach as an duine, chaidh iad anns na mucaibh: agus ruith an treud mhue gu dian sìos le bruthach do'n loch, agus thachdadh iad.

34 Agus an uair a chunnaic an dream a bha 'g am biadhadh an ni a rinneadh, theich iad, agus dh'innis iad e anns a' bhaile, agus anns an dùthaich.

35 Agus chaidh iadsan a mach a dh'fhaicinn an ni a rinneadh; agus thàinig iad gu Iosa, agus fhuair iad an duine as an deachaidh na deamhain, 'n a shuidhe aig cosaibh Iosa, air 'eudachadh, agus e 'n a chéill: agus ghabh iad eagal.

36 Agus dh'innis an dream a chunnaic e dhoibh, cionnus a shlànuicheadh an duine 's an robh na deamhain.

37 An sin dh'farr muinntir dùthcha nan Gadareneach uile airsan imeachd uatha; oir ghlacadh le h-eagal mòr iad: agus chaidh e 's an luing, agus phill e air ais a ris.

38 A nis ghuidh an duine as an deachaidh

na deamhain air, e fèin a bhi maille ris: ach chuir Iosa uaith e, ag ràdh,

39 Pill do d' thigh fèin, agus cuir 'an cèill mend nan nithean a rinn Dia dhuit. Agus dh'imich e roimhe, ag innseadh gn follais-each air feadh a' bhaile uile, mend nan nithean a rinn Iosa dha.

40 Agus tharladh, an uair a phill Iosa air ais, gn'n do ghabh an slagh gu toileach ris: oir bha iad uile 'g a fheitheamh.

41 Agus, fench, thàinig duine d'am b'ainm Iairus, a bha 'n a uachdaran air an t-sionag; agus thuit e aig cosaibh Iosa, agus ghuidh e air gu'n tigeadh e d'a thigh:

42 Do bhrìgh gu'n robh aon-ghin nighinn aige, mu thimchioll dà bhliadhna dheug, agus i' faotain a bhàis. (Ach air dha bhi 'g imeachd, bha'n sluagh 'g a theannadh.

43 Agus thàinig bean air an robh dòrtadh fola dà bhliadhna dheug, agus a chaith a beathachadh uile ri lighichibh, agus nach b'urrainn 'bhi air a leigheas le neach air bith,

44 Thàinig ise air a chùlaobh, agus bhean i ri iomall 'endaich: agus sguir a dòrtadh fola air ball.

45 Agns thubhairt Iosa, Cò 'bhean rium? Air àicheadh do na h-uile, thubhairt Peadar ris, agus iadsan a bha maille ris, A mhaighstir, tha 'n sluagh ga d' dhòmhlachadh, agus ga d' theannadh, agus an abair thn, Cò 'bhean rium?

46 Agus thubhairt Iosa, Bhean neach éigin rium: oir mhothaich mi cumhachd a' dol asam.

47 Agns an uair a chunnaic a' bhean nach robh i 'an ain-fhuos, thàinig i air chrith, agus a' sleuchdadh dha, chuir i'n cèill da, an làthair an t-sluaigh uile, e'ar son a bhean i ris, agns mar a shlànuicheadh i gu grad.

48 Agus thubhairt esan rithe, A nighean, biodh misneach agad: shlànuich do chreidinn thn; imich ann an sìth.

49 An feadh a bha e fathast a' labhairt, thàinig neach o thigh Uachdarain na sion-agoig, ag ràdh ris, Tha do nighean marbh; na cuir dragh air a' mhaighstir.

50 Ach an uair a chual Iosa so, fhreagair se e, ag ràdh, Na bitheadh eagal ort: a mhàin creid, agus bithidh i air a slànachadh.

51 Agus an uair a chaidh e do'n tigh, cha do leig e le neach air bith dol a stigh, ach Peadar, agus Eoin, agus Senmas, agus ath-air agns màthair na nighinn.

52 Agus bha iad uile a' gul, agus a' deanamh caoidh air a son: ach thubhairt esan, Na gnìlbh; cha-n'èil i marbh, ach 'n a codal.

53 Agns rinn iad gàire fanoid ris, a chionn gu'n robh fhios aca gu'n robh i marbh.

54 Agns air dha an cnr a mach nìle, ghlac e air làmh i, agus ghladh e, ag ràdh, A nighean, éirich.

55 Agus thàinig a spiorad air ais, agus

dh'éirich i air ball: agus dh'àithn e biadh a thoirt di.

56 Agns ghlac uamhas mòr a pàrantan: ach thug esan àithne dhoibh gun an ni a rinneadh innseadh do neach air bith.

CAIB. IX.

1 Chuir Crìosd a mach 'abstòil a dh'oibreachadh mhiorbhuilean, agus a shearmonachadh. 7 Tha togradh aig Herod Crìosd fhaicinn. 17 Thug Crìosd lòn do chàig mìle gu mhòrbhuileach, 22 dh'innis e 'fhuilangus roimh-laimh, 23 is éigin do na h-uile, lè'm b'àill a bhi 'n an deisciobuil da, eisiomplair-san a leanuinn. 28 Atharrachadh a chrutha. 37 Shlànuich e leanabh air an robh an tuileamach.

AGUS ghairm e an dà fhear dheug an ceann a chéile, agus thug e cumhachd agns ùghdarras doibh air na h-uile dheamhnaibh, agus a chum: enslaintean a leigheas.

2 Agus chair e mach iad a shearmonachadh rioghachd Dhé, agus a shlànuicheadh nan euslan.

3 Agus thubhairt e riu, Na tngaibh ni air bith leibh chum na slighe, bataichean, no màla, no aran, no airgid; ni mò bhios dà chòta aig gach fear agaibh.

4 Agns ge b'e air bith tigh d'an téid sibh a steach, fanaibh an sin, agus á sin rachaibh a mach.

5 Agus cò air bith iad nach gabh ribh, air dhnibh dol a mach as a' bhaile sin, crathaibh dhibh eadhon an duslach o bhror cosaibh mar fhianuis 'n an aghaidh.

6 Agns chaidh iadsan a mach, agus ghabh iad troimh na bailtibh, a' searmonachadh an t-soisgeil, agus a' leigheas anns gach àit.

7 Agus chuala Herod an Tetrare na h-uile nithean a rinneadh leis: agus bha e ann an imcheist, do bhrìgh gu'n dubhradh le cuid, gn'n robh Eoin air éirigh o na marbhaibh;

8 Agus le cnid, gn'n d'fhoillsicheadh Elias; agus le cnid eile, gn'n robh aon de na seann fhàidhibh air éirigh a ris.

9 Agns thubhairt Herod, Thug mise an ceann de Eoin: ach cò e an fear so mn 'm bheil mi 'cluinnintim a leithid so de nithibh? Agus dh'iarr e 'fhaicinn.

10 Agus air pilltim do na h-abstolaibh, dh'innis iad dha gach ni a rinn iad. Agus thug e leis iad, agus chaidh e fa leth gn àite fàsail, a bhineadh do'n bhaile d'an goirear Betsaida.

11 Agus an uair a fhuair an sluagh fios air lean iad e: agus ghabh e d'a ionnsuidh iad, agus labhair e riu mu thimchioll rioghachd Dhé, agus leighis e iadsan aig an robh feum air leigheas.

12 Agus an uair a thòisich an là air teir-eachdainn, thàinig an dà fhear dheug, agus thubhairt iad ris, Cuir air faibh an slagh, chum gu'n téid iad do na bailtibh agus do'n tìr mu'n cuairt, agus gu'n gabh iad tann agns gu'm faigh iad biadh; oir tha sinn an so ann an àite fàsail.

13 Ach thubhairt esan riu, Thugaibh-sa dhoibh nì r'a theadadh. Agus thubhairt iadsan, Cha-rèil againn tuilleadh na cùig buillionnan agus dà iasg: mur téid sinn agus biadh a cheannach do'n t-sluagh so uile.

14 Oir bha iad mu thimchioll cùig mìle fear. Agus thubhairt e r'a dheisciobluibh, Cuiribh n an suidhe iad, leth-cheud anns gach cuideachd.

15 Agus rinn iad mar sin, agus chuir iad n an suidhe iad uile.

16 Agus ghabh e na cùig buillionnan agus an dà iasg, agus air amharc suas gu nèamh, bhcanach e iad, agus bhris e, agus thug e d'a dheisciobluibh iad gu'n cur an làthair an t-sluaigh.

17 Agus dh'ith iad, agus shàsuicheadh iad uile: agus thogadh dà chliabh dheng de bhìadh briste, a bha dh'fhuigheall aca.

18 Agus tharladh, air dha bli ri urnuigh fa leth, gu'n robh a dheisciobuil maille ris: agus dh'fheadraich e dhiubh, ag ràdh, Cò a tha an slugh ag ràdh is mise?

19 Fhreagair iadsan agus thubhairt iad, Eoin Baistidh: ach *tha cuid ag ràdh* Elias: agus cuid eile, gu bheil aon de na sean fhàidhibh air èirigh a ris.

20 Thubhairt e riu, Ach cò a tha sibhse ag ràdh is mi? Agus fhreagair Peadar, agus thubhairt e, Crìosd Dhé.

21 Agus air dha sparradh teann a thoirt doibh, dh'èithn e guu iad a dh'innseadh so do neach sam bith;

22 Ag ràdh, Gur éigin do Mhac an duine mòran fhulang, agus a bli air a dhiultadh leis na seanairibh, agus na h-àrd-shagart-aibh, agus na sgrìobhaichibh, agus a bli air a chur gu bàs, agus air a thogail suas air an troas là.

23 Agus thubhairt e riu uile, Ma's àill le neach air bith teachd a'm' dhèigh-sa, àicheadhadh se e féin, agus togadh e a chrann-ceusaidh gach là, agus leanadh e mise.

24 Oir ge b'e neach lè'm b'àill 'anam a thèarnadh, caillidh se e: ach ge b'e neach a chailleas 'anam air mo sgàth-sa, saoraidh esan e.

25 Oir ciod e an tairbhe do dhuine, ged chosnadh e an saoghal gu h-iomlan, agus e féin a chall, no a bli air a sgrios?

26 Oir ge b'e neach a ghabhas nàire dhiom-sa agus do m' bhriathraibh, gabhaidh Mac an duine nàire d'heath-san, an uair a thig e 'n a ghloir féin, agus 'an glòir' Athar, agus nan aingeal naomha.

27 Ach tha mise ag ràdh ribh gu firinn-each, gu bheil cuid 'n an seasamh an so, nach blais bàs, gus am faie iad rioghachd Dhé.

28 Agus tharladh, mu thimchioll oich làithean an déigh nam briathran so, gu'n d'thug e leis Peadar, agus Eoin, agus Seumas, agus gu'n deachaidh e suas gu beinn a dheanamh urnuigh.

29 Agus an uair a bha e ri urnuigh, bha dreach a ghnùise air atharrachadh, agus rinneadh 'eudach geal agus dealrach.

30 Agus, feuch, bha dithis fhear a' còmh-radh ris, eadhon Maois agus Elias,

31 A nochdadh ann an glòir, agus a bha 'labhairt m'a bhàs, a bha esan gu choimhlionadh ann an Ierusalem.

32 Ach bha Peadar, agus iadsan a bha maille ris, trom 'n an codal: agus an uair a dhùisg iad, chunnaic iad a ghloir, agus an dithis fhear a bha 'n an seasamh maille ris.

33 Agus an uair a bha iadsan a' dealachadh ris, thubhairt Peadar ri Iosa, A mhaighstir, is maith dhuinne bli an so; agus deanamaid trì pàillunan, aon duitse, agus aon do Mhaois, agus aon do Elias; gun fhios aigo ciod a bha e ag ràdh.

34 Am feadh a bha e ag ràdh so, thàinig neul, agus chuir e sgàile orra: agus ghabh iad eagal an uair a bha iad a' dol a stigh 's an neul.

35 Agus thàinig guth as an neul, ag ràdh, Is e so mo Mhac gràdhach-sa; éisdibh ris.

36 Agus an uair a rinneadh an guth so, fhuaradh Iosa 'n a aonar: agus dh'fhan iadsan 'n an tosd, agus cha d'innis iad do neach air bith anns na làitheibh sin aon ni de na chunnaic iad.

37 Agus tharladh, an là 'n a dhéigh sin, an uair a thàinig iad a nuas o'n bheinn, gu'n do thachair slugh mòr air.

38 Agus, feuch, ghlaodh duine àraidh de'n t-sluagh, ag ràdh, A mhaighstir, tha mi a' guidhe ort, amhaire air mo mhac, oir is e m' aon duine cloinne e.

39 Agus, feuch, tha spiorad a' breith air, agus tha e gu h-obann ag éigheach; agus tha e 'g a tharruing as a chéile, air chor as gu bheil e 'cur cobhair a mach, agus an déigh a chomh-bhruthadh is gann a dh'fhàgas se e.

40 Agus ghuidh mi air do dheisciobluibh gu'n cuireadh iad a mach e, agus cha b'urr-ainn iad.

41 Agus fhreagair Iosa agus thubhairt e, O ghinealaich mhi-chreidich agus fhiair, cia fhad a bhitheas mi maille ribh, agus a dh'fhuilgeas mi sibh? Thoir an so do mhac.

42 Agus am feadh a bha e fathast a' teachd, thilg an deamhan sìos e, agus reub se e: agus chronuich Iosa an spiorad neòghlan, agus shlànuich e an leanabh, agus thug e d'a athair e.

43 Agus ghabh iad uamhas uile ri mòr-chumhachd Dhé. Ach air dhoibh uile 'bhi gabhail iongantais ris na h-uile nithibh a rinn Iosa, thubhairt e r'a dheisciobluibh.

44 Taisgibh na briathran so ann bhur cluas-aibh: oir tha Mac an duine gu bli air a thoirt thairis do làmhnan dhaoine.

45 Ach cha do thuig iadsan an còmhradh so, agus bha e folaichte uatha, air chor as

nach b'aithne dhoibh e: agus bha cagal orraceisd a chur air mu thimchioll a' chòmhraidh so.

46 An sin dh'èirich deasboireachd eatorra, cò aca 'bu mhò a bhitheadh.

47 Agus air do Iosa smuaintean an cridhe fhaicinn, ghabh e leanabh, agus chuir c làmh ris féin e,

48 Agus thubhairt e riu, Ge b'e 'ghabhas ris an leanabh so ann am ainm-sa, tha e a' gabhail riumsa: agus ge b'e neach a ghabhas riumsa, tha e 'gabhail ris an ti a chuir uaith mi: oir an neach a's lugha 'n ur measg-sa uile, bithidh esan mòr.

49 Agus fhreagair Eoin, agus thubhairt e, A mhaighstir, chunnaic sinne duine àraidh a' tilgeadh mach dheamhan a' d'ainm-sa; agus bhac sinn e, a chionn nach 'eil e 'g ar leantuinn-ne.

50 Agus thubhairt Iosa ris, Na bacadh e: oir ge b'e nach 'eil 'n ar n-aghaidh, tha e leinn.

51 A nis an uair a choimhlionadh làithean a ghabhail suas, shuidhich e a ghnùis chum dol gu Ierusalem;

52 Agus chuir e teachdairean roimh a ghnùis: agus dh'imich iad, agus chaidh iad a steach do bhaile leis na Samaritanaich, a dh'ulluchadh air a shon-san.

53 Agus cha do ghabh iadsan ris, a chionn gu'n robh 'aghaidh mar gu'm bithheadh e dol gu Ierusalem.

54 Agus an uair a chunnaic a dheisciobuil Seumas agus Eoin so, thubhairt iad, A Thighearn, an àill leat gu'n abramaid teine a theachd a nuas o nèamh, agus an losgadh, eadhon mar a rinn Elias?

55 Ach thionndaidh esan agus chronuich e iad, agus thubhairt e, Cha-n'èil fhios agaibh ciod a' ghnè spioraid d'am bheil sibh:

56 Oir cha d'thàinig Mac an duine a sgrios anaman dhaoine, ach g'an saoradh. Agus chaidh iad gu baile eile.

57 Agus tharladh, an uair a bha iad ag imeachd air an t-slighe, gu'n dubhairt duine àraidh ris, A Thighearna, leanaidh mise thu ge b'e àit an téid thu.

58 Agus thubhairt Iosa ris, Tha tuill aig na sionnaich, agus nid aig eunlaith an athair; ach cha-n'èil àit aig Mac an duine anns an cuir e a cheann foidhe.

59 Agus thubhairt e ri duine eile, Lean mise: ach thubhairt esan, A Thighearna, leig dhomh dol air tùs agus m'athair adhlac.

60 Ach thubhairt Iosa ris, Leig leis na mairbh am mairbh féin adhlac; ach imich thusa agus searmonaich rioghachd Dhé.

61 Agus thubhairt neach eile mar an ceudna, A Thighearna, leanaidh mise thu: ach leig dhomh air tùs mo chead a ghabhail diubhsan a tha aig mo thigh.

62 Ach thubhairt Iosa ris, Cha-n'èil neach

air bith, a chuireas a làmh ris a' chrann-araidh, agus a sheallas 'n a dhéigh, ionchuidh air son rioghachd Dhé.

CAIB. X.

1 *Chuir Crìosd a mach a dh'aon uair deich agus trì fichead deisciobul a shearmonachadh; 17 dh'ìorr e orra bhì ìrosal, agus dh'innis e dhoibh ciod e an n'anns am buineadh dhoibh gairdeachas a dheanamh; 21 thug e buidheachas d'a Athair air son a ghràis; 23 agus chuir e 'an cèill staid shona a dheisciobul. 41 Chronuich e Martha.*

AN déigh nan nithean sin, dh'orduich an Tighearn mar an ceudna deichnear agus trì fichead eile, agus chuir e lion dithis agus dithis roimh a ghnùis iad, do gach baile, agus àit, anns an robh e féin gu teachd.

2 Air an aobhar sin thubhairt e riu, *Tha* am fogharadh gu fìrinneach mòr, ach *tha* an luchd-oibre tearc: guidhibh uime sin air Tighearn an fhogharaidh, luchd-oibre chur a mach chum 'fhogharaidh féin.

3 Imichibh: feuch, tha mise 'g ur cur a mach mar uain an measg mhadadh-alluidh.

4 Na giùlainibh sporan, no màla, no brògan; agus na beannaichibh do neach air bith 's an t-slighe.

5 Agus ge b'e tigh d'an téid sibh a steach, abraibh air tùs, Sìth do'n tigh so.

6 Agus ma bhitheas mac na sìthe an sin gabhaidh bhur sìth còmhuidh air: ach mur bi, pillidh *bhur sìth* do bhur n-ionnsuidh féin a ris.

7 Agus fanaibh anns an tigh sin, ag ith-cadh agus ag òl nan nithean a bheirar dhuibh: oir is airdh an t-oibrich air a thuasdal. Na rachaibh o thigh gu tigh.

8 Agus ge b'e baile d'an téid sibh a steach, agus 's an gabh iad ribh, ithibh na nithean sin a chuireas iad 'n ur làthair.

9 Agus leighisibh a' mhuinntir a tha euslan ann, agus abraibh riu, Tha rioghachd Dhé air teachd am fagus duibh.

10 Ach ge b'e baile d'an téid sibh a steach, agus nach gabh iad ribh, air dhuibh dol a mach air a shràidibh, abraibh,

11 Eadhon duslach bhur baile a lean ruinn, tha sinne a' glanadh dhinn 'n ur n-aghaidh-sa: gidheadh, bithheadh fhios so agaibh gu'n do dhruid rioghachd Dhé ribh.

12 Ach tha mise ag ràdh ribh, gur so-iomchair e a bhitheas e do Shodom 's an lùud, na do'n bhaile sin.

13 Is an-aoibhinn duit, a Chorasin! is an-aoibhinn duit, a Bhetsaida! oir nam bith-cadh na h-oibre cumhachdach a rinncadh annaibh-sa air an deanamh ann an Tirus agus ann an Sidon, is fad o'n a dheanadh iad aithreachas, 'n an suidhe ann an saic-eudach agus ann an luathre.

14 Ach bithidh e n'is so-iomchaire do Thirus agus do Shidon anns a' bhreitheanas, na dhuibh-sa.

15 Agus thusa, a Chapernaum, a tha air d'ardachadh gu nèamh, tilgear sìos gu h-ìfrinn thu.

16 Esana dh'éisdeas ribhse, éisdidh e riumsa: agus esan a dhiultas sibhse, tha e ga mo dhiultadh-sa: agus an aonach a dhiultas mise, tha e a' diultadh an ti a chuir uaith mi.

17 Agus phill an deichnear agus an tri fichead le gairdeachas, ag ràdh, a Thigh-carna, tha na deamhain féin fo smachd againne troimh d'ainm-sa.

18 Agus thubhairt e riu, Chunnaic mi Satan, mar dhealanach, a' tuiteam o nèamh.

19 Feuch, tha mi 'toirt dhuibh cumhachd saltairt air nathraichibh, agus air scorpion-aibh, agus air uile neart an nàmhaid; agus cha ghoirtich ni air bith air aon dòigh sibh.

20 Gidheadh na deanaibh gairdeachas air son gu bheil na spioraid fo bhuir smachd; ach deanaibh gairdeachas air son gu bheil bhuir an-ainmean sgrìobhta ann na nèamhan.

21 Anns an uair sin féin rinn Iosa gairdeachas 'n a spiorad, agus thubhairt e, Tha mi 'toirt buidheachais duit, O Athair, a Thighearna nèimh agus talmhainn, air son gu'n d'fhòlaich thu na nithean sin o dhaoineibh gliee agus tuigseach, agus gu'n d'fhoillsich thu iad do naoidheanaibh: seadh, Athair, oir is ann mar sin bu toil leatsa.

22 Tha na h-uile nithean air an tabhairt domh-sa le m' Athair: agus cha-n aithne do neach air bith cò e am Mac, ach do'n Athair; no cò e an t-Athair ach do'n Mhac, agus an neach d'an àill leis a' Mhac 'fhoillsachadh.

23 Agus air tionndadh r'a dheisciobluibh, thubhairt e riu ann an uaighidheas, Is beannaichte na sùilean a chi na nithean 'tha sibhse a' faicinn:

24 Oir tha mi ag ràdh ribh, Gu'm b'iomadh fàidh agus rìgh, le'm bu mhiann na nithean fhaicinn a tha sibhse a' faicinn, agus nach fac iad; agus na nithean a chluinntinn, a tha sibhse a' chluinntinn, agus nach cual iad.

25 Agus, feuch, sheas fear-lagha àraidh suas, 'g a dhearbhadh, agus ag ràdh, A mhaighstir, ciod a ni mi chum gu'n sealbhaich mi a' bheatha mhaireannach?

26 Agus thubhairt e ris, Ciod a tha sgrìobhta 's an lagh? cionnus a leughas tu?

27 Agus ag freagairt dhasan, thubhairt e, Gràdhaidhidh tu an Tighearna do Dhia le d'uile chridhe, agus d'uile anam, agus le d'uile neart, agus le d'uile inntinn; agus do choimhearsnach mar thu féin.

28 Agus thubhairt esan ris, Is ceart a fhreagair thu: dean-sa so, agus bithidh tu beò.

29 Ach air dhàsan toil a bhi aige e féin fhìreanachadh, thubhairt o ri Iosa, Agus cò e mo choimhearsnach?

30 Agus fhreagair Iosa, agus thubhairt e, Chaidh duine àraidh sìos o Ierusalem gu Iericho, agus thuit e am measg luchd-reubainn, agus air dhoibh a rùsgadh, agus a lotadh, dh'imich iad rompa, air 'fhagail-san doibh leth-mharbh.

31 Agus tharladh, gu'n d'imich sagart àraidh sìos air an t-slighe sin: agus an uair a chunnaic se e, ghabh e seachad air an taobh eile.

32 Agus mar an ceudna air do Leblith-each bhi dlùth do'n ionad sin, thàinig o agus dh'amhairc e air, agus ghabh e seachad air an taobh eile.

33 Ach air do Shamaritanach àraidh bhi 'gabhair an rathaidh, thàinig e far an robh esan: agus an uair a chunnaic se e, ghabh e truas mòr dheth,

34 Agus thàinig e d'a ionnsuidh, agus cheangail e suas a chreuchdan, a' dortadh olaidh agus fìona annta, agus chuir e air 'ainmhidh féin e, agus thug e gu tigh-dsda e, agus ghabh e cùram dheth.

35 Agus air an là màireach, 'n uair a dh'fhalbh e, thug e mach dà pheghinn *Romanach*, agus thug e do fhear an tigh-dsda iad, agus thubhairt e ris, Gabh cùram dheth; agus ge b'e ni tuilleadh a chaitheas tu, an uair a philleas mise air m'ais, diolaidh mi dhuit e.

36 Cò a nis de'n triuir so, a shaoileas tu, a bu choimhearsnach dhàsan a thuit 'am measg an luchd-reubainn?

37 Agus thubhairt esan, An ti a rinn tràc-air air. An sin thubhairt Iosa ris, Imich thusa, agus dean mar an ceudna.

38 Agus ag imeachd dhoibh, chaidh o steach do bhaile àraidh; agus ghabh bean àraidh, d'am b'ainm Marta, d'a tigh féin e.

39 Agus bha piuthar aice d'an goirteadh Muire, a shuidh aig cosaibh Iosa, agus a bha 'g éisdeachd 'fhocail.

40 Ach bha Marta fo chùram le mòran frithealaidh, agus air seasamh dhi 'n a làth-air, thubhairt i, A Thighearna, nach 'eil suim agad gu'n d'fhag mo phiuthar mise a'm' aonar ri frithealadh? uime sin abair rithe cuideachadh leam.

41 Agus fhreagair Iosa, agus thubhairt e rithe, a Mharta, a Mharta, tha thusa làn cùrainn, agus trioblaid mu thimchioll mòrain de nithibh:

42 Ach tha aon ni feumail. Agus rinn Muire roghainn de'n chuid nìhaith sin, nach toirear uaipe.

CAIB. XI.

1 Theagaisg Crìosd d'a dheisciobluibh *urruigh* a dheanamh gu bithdheanta. 14 Thilg e mach deamhan a bha ballbh, agus chronich e na Phairisich air son an toibheim. 28 Nochd e cò iad a tha beannaichte, 37 agus chronich e na Phairisich agus na sgrìobhaichean.

A GUS tharladh air dha bhi ann an ionad àraidh ri h-urruigh, 'n uair a sguir

e, gu'n dubhairt neach àraidh d'a dheisciobluibh ris, A Thighearna, teagaisg dhuinne urnuigh a dheanamh, mar a theagaisg Eoin d'a dheisciobluibh féin.

2 Agus thubhairt e riu, 'N uair a ni sibh urnuigh, abraibh, Ar n-Athair a ta air nèamh, Gu naomhaichear d'ainm. Thigeadh do rìoghachd. Deanar do thoil, mar air nèamh, gu ma h-amhluidh sin air thalamh.

3 Thoir dhuinn o là gu là ar n-aran lathail.

4 Agus maith dhuinn ar peacaidhean: oir tha sinne féin a' maitheadh do gach aon air ain bheil fiachan againn. Agus na leig ann am buaireadh sinn, ach saor sinn o'n ole.

5 Agus thubhairt e riu. Cò agaibh-sa aig am bi caraid, agus a théid d'a ionnsuidh air mheadhon-oidhche, agus a their ris, A charaid, thoir dhomh tri buillean air isachd;

6 Oir thàinig caraid dhomh a m' ionnsuidh as a shlighe, agus cha-n'eil ni agam a chuir eas mi na làthair:

7 Agus gu'm freagair esan o'n taobh a stigh agus gu'n abair e, Na cuir drag orm: tha 'n dorus a nis air a dhùnadh, agus tha mo chlan maille rium 's an leabaidh; cha-n fhaigh mi éirigh agus an toirt duit.

8 Tha mi ag ràdh ribh, Ged nach éirich e agus nach toir e dha, air son gur e a charaid e; gidheadh air son a liòdachd, éiridh e agus bheir e dha mhead as a tha dh'uir-casbhuidh air.

9 Agus tha mise ag ràdh ribh, Iarraibh, agus bheir car dhuibh: siribh, agus gheibh sibh; buailibh an dorus, agus fosgailear dhuibh.

10 Oir gach neach a dh'iarras, glacadh e: agus an ti a shireas, gheibh e: agus do'n ti a bhuaileas, fosgailear.

11 Ma dh'iarras mac aran air aon neach agaibh-sa 'tha 'n a athair, an toir e dha clach? no ma dh'iarras e iasg, an toir e nathair dha 'an àit éisg?

12 No ma dh'iarras e ubh, an toir e scor-pion da?

13 Air an aobhar sin ma's aithne dhuibh-sa a tha ole, tìodhlacàn maithe a thoirt do 'ur cloinn, nach mòr is mò na sin a bheir bhur n-Athair nàmhaidhan Spiorad naomh dhoibh-san a dh'iarras air e?

14 Agus bha e 'tilgeadh a mach deamhain, agus bha e balbh. Agus air dol do'n deamhan a mach, labhair am balbhan; agus ghabh an sluagh iongantas.

15 Ach thubhairt cuid dhuibh, Is ann troimh Bheelsebub ceannard nan deamhan a tha e 'tilgeadh mach dheamhan.

16 Agus dh'iarr dream eile dhuibh, 'g a dhearbhadh, comharadh air o nèamh.

17 Ach air dhàsan an snuaintean a thuig-sinn, thubhairt e riu, Gach rìoghachd a tha roinnte 'n a h-aghaidh féin, fasaichear i; agus gach tigh a tha roinnte 'n a h-aghaidh féin, tuitidh e.

18 Agus ma tha Sàtan mar an ceudna air

a roinn 'n a h-aghaidh féin, cionnus a sheasas a rìoghachd? oir tha sibhse ag ràdh, gu bheil mise troimh Bheelsebub a' tilgeadh a mach dheamhan.

19 Agus ma 's ann troimh Bheelsebub a tha mise a' tilgeadh mach dheamhan, cò e troimh am bheil bhur clann-sa 'g an tilgeadh mach? uime sin bithidh iadsan 'n ann breitheamhaibh oirbh.

20 Ach ma 's ann le mèur Dhé a tha mise a' tilgeadh mach dheamhan, tha rìoghachd Dhé, gun teagamh, air teachd oirbhse.

21 'N uair a ghlèidheas duine àird fo armaibh a thalla féin, tha na bhineas da ann an sìth.

22 Ach an uair a thig duine a's treise na e, agus a bheir e buaidh air, bheir e uaith 'armachd uile anns an robh a dhùigh, agus roinnidh e a chreach.

23 An neach nach 'eil leam-sa, tha e a'm' aghaidh; agus an neach nach 'eil a' cruinn-eachadh leam-sa, sgapaidh e.

24 'N uair a théid an spiorad neòghlan a mach á duine, imichidh e troimh ionadaibh tiorma, ag iarraidh foise; agus an uair nach faigh e sin, their e, Pìlidh mi dh'ionnsuidh mo thighe as an d'thàinig mi.

25 Agus air dha teachd, gheibh se e air a sguabadh agus air a dheanamh maiscach.

26 An sin imichidh e, agus bheir e leis seachd spioradan eile a's miosa na e féin; agus air dhoibh dol a steach, gabhaidh iad còmhuidh an sin: agus bithidh cor deir-cannach an duine sin nì's miosa na a cheud chor.

27 Agus an uair a bha e 'labhairt nan nithean so, thog bean àraidh de'n t-sluagh a guth, agus thubhairt i ris, Is beannaichte a' bhrù a ghiùlain thu, agus na cìochan a dheoghail thu.

28 Ach thubhairt esan, Is mò gur beannaichte iadsan a dh'éisdeas ri focal Dhé, agus a choinhideas e.

29 Agus an uair a chruinnich an sluagh gu tiugh d'a ionnsuidh, thòisich e air a ràdh, Is droch ghinealach so: tha iad ag iarraidh comharaidh; agus cha toirear comharadh dhoibh, ach comharadh Ionais an fhàidh.

30 Oir mar a bha Ionas 'n a chomharadh do mhuinntir Ninebheh, is ann mar sin mar an ceudna bhitheas Mac an duine do'n ghinealach so.

31 Eiridh ban-rìghinn na h-àirde deas suas anns a' bhreitheanas maille ri daoinibh a' ghinealach so, agus ditudh i ad: oir thàinig ise o iomallaibh na talmhainn, a dh'éisdeachd ri ghucas Sholaimh; agus, feuch, tha nì's mò na Solaimh an so.

32 Eiridh muinntir Ninebheh suas anns a' bhreitheanas maille ris a' ghinealach so, agus ditudh iad e: oir rinn iadsan aithreachas le searmoin Ionais; agus, feuch, tha nì's mò na Ionas an so.

33 Cha-n'eil neach sam bith air dha coinn-

eal a lasadh, a chuireas 'am folach i, no fo shoitheach; ach ann an coinnleir, chum gu'm faic an dream a thig a stigh an solus.

34 Is i an t-shùil solus a' chuirp: uime sin an uair a bhitheas do shùil glan, bithidh do chorp uile làn soluis: ach an uair a bhitheas do shùil olc, bithidh do chorp mar an ceudna dorch.

35 Uime sin thoir an aire, nach bi an solus a tha annad 'n a dhorchadas.

36 Air an aobhar sin ma bhitheas do chorp uile soillsach, gun chuid sam bith dheth dorch, bithidh e soillsach gu h-iomlan, mar an uair a shoillsicheas coinneal thu le dealradh.

37 Agus a' labhairt dhàsan, dh'iarr Phairiseach àraidh air a dhinneir a ghabhail maille ris: agus chaidh e stigh, agus shuidh e chum bidh.

38 Agus an uair a chunnaic am Phairiseach sin, b'ìoghnadh leis nach d'ionnlaid se e féin roimh a dhinneir.

39 Agus thubhairt an Tighearn ris, A nis, Phairiseacha, glanaidh sibhse an taobh a m'igh de'n chupan agus de'n mhèis: ach tha 'n taobh a stigh dhihbh làn de reubainn agus de aingidheachd.

40 Amadana, an ti a rinn an ni a tha 'n taobh a muigh, nach do rinn e an ni a tha 'n taobh a stigh mar an ceudna?

41 Ach thugaibh uaibh déire de na nithibh a th' agaibh: agus, feuch, tha na h-uile ni glan duibh.

42 Ach is an-aobhinn duibh, Phairiseacha: oir tha sibh a' toirt deachaimh á mionnt, agus á rù, agus as gach uile ghnè luibhean, agus a' deanamh dearmad air breitheanas agus air gràdh Dhé: bu chòir dhuibh iad so a dheanamh, agus gun iad sud fhàgail gun deanamh.

43 Is an-aobhinn duibh, Phairiseacha: oir is ionmhunn leibh na ceud àiteachan-suidhe anns na sionagogaibh, agus fàilte fhatainn air na margaidh.

44 Is an-aobhinn duibh, a sgrìobhaichean agus Phairiseacha, a chealgair: oir tha sibh mar uaighean nach faicear, agus do nach toir na daoine a tha 'g imeachd thairis orra, an aire.

45 Agus fhreagair duine àraidh de'n luchd-lagha, agus thubhairt e ris, A mhaighstir, le so a labhairt, tha thu 'toirt maslaidh dhuinne mar an ceudna.

46 Agus thubhairt esan, Is an-aobhinn dhuibh-sa mar an ceudna, a luchd-lagha: oir tha sibh a' cur uallachan tromda do-ghhulan air daoineibh, agus cha bhean sibh féin ris na h-uallaichibh le h-aon de bhuir mèur-aibh.

47 Is an-aobhinn duibh: oir tha sibh a' togail àitean-adhlaic nam fàidhean, agus is iad bhuir n-aithrichean a mharbh iad.

48 Gu deimhin tha sibh a' toirt fianuis gu bheil sibh ag aontachadh le gnìomharaibh

bhuir n-aithrichean: oir mharbh iadsan gu deimhin iad, agus tha sibhse a' togail an àitean-adhlaic.

49 Air an aobhair sin thubhairt gliocas Dhé, Cuiridh mise fàidhean, agus abstoil d'an ionmsuidh, agus cuid diubh marbhadh iad, agus cuid eile geur-leanaidh iad.

50 Chum gu'n agrar air a' ghinealach so fuil nam fàidhean uile a dhòirteadh o thoiseach an domhain;

51 O fhuil Abeil gu fuil Shachariais, a chaidh mharbhadh eadar an altair agus an teampull: gu deimhin tha mi ag ràdh ribh, gu'n agrar i air a' ghinealach so.

52 Is an-aobhinn duibh, a luchd-lagha: oir thug sibh air falbh iuchair an eòlais: cha deachaidh sibh féin a steach, agus an dream a bha 'dol a steach, bhac sibh iad.

53 Agus an uair a bha e 'labhairt nan nithean so riu, thòisich na sgrìobhaichean agus na Phairisich air a chur thuige gu dian, agus a tharruing gu labhairt air mòran de nithibh:

54 A' deanamh feall-aire air, agus ag iarraidh ni éigin a ghlacadh as a bheil, chum gu'm bitheadh cùis-dhithidh aca 'n a aghaidh.

CAIB. XII.

i Shearmonaich Crìosd d'a dheisciobluibh iad a sheachnadh cèilg, agus geill ann an cur a theagaisg 'an cèilg. 13 Rabinadh do'n t-sluagh a bhi air am faicill an aghaidh sannta. 22 Cha'n fhead sinn a bhi ro chàramach mu nithibh talmhaidh; 31 ach is còir dhuinn rioghachd Dhé iarraidh, 33 déire a thoirt uainn, 36 agus a bhi ullamh gus an doras fhosgladh do'r Tighearn, ge b'e am 's an tìg, &c.

ANNS an am sin, an uair a bha sluagh gun àireamh air cruinneachadh, ionnus gu'n robh iad a' saltairt air a chéile, thòisich e air a ràdh r'a dheisciobluibh féin, Roimh gach ni bithibh air bhuir faicill o thaois ghoirt nam Phairiseach, eadhon cealgairachd.

2 Oir cha'n eil ni air bith foluichte, nach foillsichear; no uaigheach, air nach faighear fios.

3 Air an aobhar sin ge b'e ni a labhair sibh 's an dorchadas, chuinnear e 's an t-solus: agus an ni a labhair sibh 's a' chluais ann an seòmraichilth uaigheach éighear e air mullach nan tighcan.

4 Agus tha mi ag ràdh ribhse, mo chàird-eagan, Na bithcadh eagal oirbh roimh 'n mhuinntir sin a mharbhas an corp, agus 'n a dhéigh sin aig nach 'eil ni tuilleadh 'dh'fheadas iad a dheanamh: *mar sin*

5 Ach nochdaidh mi dhuibh cò e roimh an còir dhuibh eagal a bhi oirbh: Bithcadh eagal an Ti ud oirbh, aig am bheil cumhachd, an déigh neach a mharbhadh, a thilg-cadh do ifrinn: seadh, tha mi ag ràdh ribh, Bitheadh eagal an Ti so oirbh.

6 Nach 'eil cùig gealbhoim air an reic air

dà fheoirling, agus cha-n'eil aon diubh air dhearmad 'am fianuis Dhé?

7 Ach tha ceadhoin fuilteuinean bhur cinn uile air an àireamh. Uime sin ua bitheadh eagail oirbh: is fearr sibhse na mòrau gheallbhom.

8 Agus tha mise ag ràdh ribh, Ge b'è neach a dh'aidicheas mise 'am fianuis dhaoine, aidichidh Mac an duine esan mar an ceudna 'an làthair ainglean Dhé:

9 Ach ge b'è neach a dh'aidheadhas mise 'am fianuis dhaoine, àicheadhar esan 'am fianuis ainglean Dhé.

10 Agus ge b'è neach a labhras focal an aghaidh Mhic an duine, maithear dha e: ach do'n ti a labhras toibheum an aghaidh an Spioraid naomh, cha toirear maith-eanas.

11 Agus an uair a bheir iad sibh chum nan sionagog, agus nan uachdaran, agus nan daoine cumhachdach, na bitheadh e 'u a ro-chùram oirbh cionnus no ciod a fhreagras sibh, no ciod a their sibh:

12 Oir teagaisgidh an Spiorad naomh dhuibh anns an uair sin féin na uithean a's còir dhuibh a ràdh.

13 Agus thubhairt neach àraidh de'n t-sluagh ris, A mhaighstir, abair ri m' bhràthair an oighreachd a roinn riun.

14 Agus thubhairt e ris, A dhuine, cò a chuir mise a'm' bhreitheamh, no a'm' fhear-roinn os bhur ceann?

15 Agus thubhairt e riu, Thugaibh an aire, agus gleidhibh sibh féin o shannt: oir cha-n ann am mòr phailteas nan nithean a tha e seallbhachadh tha beatha an duine.

16 Agus labhair e cosamhlachd riu, ag ràdh, Thug fearann duine shaoibhir àraidh bàrr pailt uath:

17 Agus smuainich e ann féin, ag ràdh, Ciod a ni mi, a chiom nach 'eil agam àit anus an cruinnich mi mo thoraidh?

18 Agus thubhairt e, Ni mi so: leagaidh mi mo shuibhlean, agus togaidh mi saibhlean a's mò: agus cruinnichidh mi anna sin mo thoraidh uile, agus mo mhaoin.

19 Agus their mi ri m' anam, Anam, tha agad mòran de nithibh maithe air an tasgadh fa chomhair mòran bhliadhnachan; gabh fois, ìd, ò, agus bi subhach.

20 Ach thubhairt Dia ris, Amadain, air an oidheche so féin iarrar d'anam uait: an sin cò dha a bhuineas na nithean sin a dh'ulluich thu?

21 Is ann mar sin a tha an ti a thaisgeas ionnhas dha féin, agus nach 'eil saobhair a thaobh Dhé.

22 Agus thubhairt e r'a dheisciobluibh, Uime sin tha mise ag ràdh ribh, na bitheadh ro-chùram oirbh mu thimchioll bhur beatha, ciod a dh'itheas sibh; no mu thimchioll bhur cuirp, ciod a chuireas sibh umaibh.

23 Is mò a' bheatha na 'm biadh, agus an corp na 'n t-eudach.

24 Thugaibh fainear na fithich: oir cha-n'eil iadsau a' cur no a buain; cha-n'eil aca tigh-tasgaidh no sabhal; agus tha Dia 'g am beathachadh: Cia mòr is fearr sibhse na 'n eunlaith?

25 Agus cò agaibh-sa, le ro-chùram, is urrainn aon lamh-choille a chur r'a àirde féin?

26 Mur 'eil sibh uime sin comasach air an ni a's lugha a dheanamh, c'ar son a tha sibh ro-chùramach mu nithibh eile?

27 Thugaibh fainear na hlighean, cionnus a tha iad a' fàs: cha-n'eil iad a' saothreachadh, no a' sniomh: gidheadh tha mi ag ràdh ribh, nach robh Solamh féin 'n a ghloir uile, air a sgeadachadh mar aon diubh so.

28 Agus ma tha Dia mar sin a' sgeadachadh an fheoir, a tha 'n diugh 's a' mhachair, agus am màireach air a thilgeadh 's an àmhuinn; nach mòr is mò a sgeadaicheas e sibhse, O dhaoine air bheag creidinnh?

29 Uime sin na iarraibh-sa ciod a dh'itheas sibh, no ciod a dh'òlas sibh, agus na bithibh amharusach.

30 Oir ua uithean so uile tha Cinuich an t-saoghail ag iarraidh: ach tha fhios aig bhur n-Athair-sa gu bheil feum agaibh air ua nithibh sin.

31 Ach iarraibh-sa rìoghachd Dhé, agus cuirear na nithean so uile ribh.

32 Na bitheadh eagail ort, a threud bhig; oir is e deadh thoil bhur n-Athar an rìoghachd a theirt dhuibh.

33 Reicibh na bheil agaibh, agus thugaibh déire uaisibh: deauaibh dhuibh féin sporain nach fàs sean, ionnhas nach teirg anna na nèamhan, far nach tig gaduiche am fagus, agus nach truail an leomann.

34 Oirge b'è àit am bheil bhur n-ionnhas, an sin bithidh bhur eridhe mar an ceudna.

35 Bitheadh bhur leasraidh crioslaichte mu'n cuairt, agus bhur lòchrain air an lasadh;

36 Agus sibh féin cosmhuil ri daoibh a tha 'feithcamh an Tighearn, 'an uair a philleas e o'n phòsadh; chum air dha teachd agus bualadh, gu'n grad-fhogail iad dha.

37 Is beannaichte na seirbhiseich sin, a gheibh an Tighearn, 'an uair a thig e, ri faire: gu deimhin tha mi ag ràdh ribh, gu'n crioslaich se e féin mu'n cuairt, agus gu'n cuire 'n an suidhe iad chum bidh, agus gu'n tig e mach agus gu'n dean e frithealadh dhoibh.

38 Agus ma thig e 's an dara faire, no ma thig e 's an treas faire, agus gu'm faigh e iad mar sin, is beannaichte na seirbhiseich sin.

39 Agus bitheadh ciunt agaibh air so, nam bitheadh fhios aig fear an tìge cia an uair anns an tìgeadh an gaduiche, gu'n deanadh e faire, agus nach fuilgeadh e a thig a bhi air a bhriseadh troimh.

40 Bithibh-sa uime sin acas mar an

ceudna: oir thig Mac an duine 'n uair nach saoil sibh.

41 Agus thubhairt Peadar ris, A Thighearn, 'an ann ruinne tha thu 'labhairt a' chosamlachd so, no ris gach uile?

42 Agus thubhairt an Tighearn, Cò e uime sin an stiùbhard firinneach agus glic sin, a chuireas a Thighearn os ceann a theaghlach, a thoirt *doilh* an euibhrinn bìdh 'n a àm fèin?

43 *Is* beannaichte an seirbhisich sin, a gheibh a Thighearn, an uair a thig e, a' deanamh mar sin.

44 Gu firinneach tha mi ag ràdh ribh, gu'n cuir se e os ceann na bheil aige.

45 Ach ma their an seirbhisich sin 'n a chridhe, Tha mo Thighearn a' eur dàile 'n a theachd; agus ma thòisicheas e air na h-òglaich agus na banoglaich a bhualadh, agus ithcadh, agus òl, agus a bhi air mhisg:

46 Thig Tighearn an t-seirbhisich sin ann an là nach 'eil sùil aige ris, agus ann an uair nach fios da, agus gearraidh e 'n a bhloighdibh e, agus bheir e a chuibhrionn da maille ris na mi-chreidich.

47 Agus an seirbhisich sin d'am b'aithne toil a mhaighstir, agus nach d'ulluich *efèin*, agus nach d'rinn a réir a thoile, buailcar e le mòran bhuillean.

48 Ach an ti do nach b'aithne, agus a rinn nithean a b'airidh air buillibh, buailcar esan le beagan de *bhuillean*. Oir gach neach d'an d'thugadh mòran, iarrar mòran uaith: agus ge b'e ri 'n d'earbadh mòran, iarrar an tuillcadh air.

49 Thàinig mise a chur teine air an talamh, agus ciod a's àill leam, na tha e eheana air fhadadh.

50 Ach tha baisteadh agam ri bhi air mo bhaisteadh leis, agus cionnus a tha mi air mo theanadh gus an coimhlionar e!

51 Am bheil sibh a' saoilinn gu'n d'thàinig mise a thoirt sìthe air an talamh? ni h-eadh, tha mi ag ràdh ribh, ach aimbreit.

52 Oir bithidh á so suas cùighear ann an aon tigh air an roinn, triuir an aghaidh dìthis, agus dìthis an aghaidh triuir.

53 Bithidh an t-athair air a roinn an aghaidh a' mhic, agus am mac an aghaidh an athar; a' mhàthair an aghaidh na nighean, agus an nighean an aghaidh na màthar; a' mhàthair-chéile an aghaidh mnà a mic, agus bean a' mhic an aghaidh a màthar-chéile.

54 Agus thubhairt e mar an ceudna ris an t-sluagh, 'N uair a chi sibh neul ag éirigh 's an àird an iar, air ball their sibh, Tha fras a' teachd; agus tha e mar sin.

55 Agus an uair a chi sibh a' ghaoth á deas a' séideadh, their sibh, Bithidh teas ann; agus tha e 'tachairt.

56 A chealgair, is aithne dhuibh breth a thoirt air aghaidh nan speur, agus na tal-

mhainn; ach cionnus nach 'eil sibh a' toirt breth air an aimsir so?

57 Agus e'ar son nach 'eil sibh eadhon uaibh fèin a' breithneachadh an nì sin a tha ceart?

58 'N uair a thèid thu maille ri d' eascaid chum an uachdarain, dean dìchioll 's an t-slighe air a bhi air do shaoradh uaith; air eagal gu'n tarruing e chum a' bhreitheinn thu, agus gu'n toir am breitheamh thairis do'n mhaor thu, agus gu'n tilg am maor 'am prìosan thu.

59 Tha mi ag ràdh riut, nach téid thu mach as a sin, gus an òc thu eadhon a' pheghinn dheireannach.

CAIB. XIII.

1 *Shearmonaich* Crìosd aithreachas o'n sgrios a thàinig air na Galilèaich, agus air muinntir eile. 6 Cosamlachd na craoibhe-fhlige gun toradh. 11 Shlànuaich Crìosd bean a bha air a cromadh le h-eucail phiantaich ré ochd bliadhna deug; 18 agus nochd e oibreachadh cumhachdach an fhocail le cosamlachd a' ghràinne mhustaird agus na taoise.

A GUS bha lathair 's an àm sin daoine àraidh a dh'innis dha mu thimchioll nan Galilèach, muinntir aig an do mheasg Pilat am fuil maille r'an iobairtibh.

2 Agus fhreagair Iosa agus thubhairt e riu, Am bheil sibh a' saoilinn gu'n robh na Galilèaich sin 'n am peacaich nì's mò na na Galilèaich uile, air son gu'n d'fhulaing iad a leithid so?

3 Ni h-eadh, tha mi ag ràdh ribh: ach mur dean sibhse aithreachas, sgriosar sibh uile mar an ceudna.

4 No na h-ochd fir dheug sin air an do thuit an tùr ann an Siloan, agus a mharbhadh leis, an saoil sibh gu'n robh iadsan 'n am peacaich os ceann nan uile dhaoine a bha 'n an còmhnuidh ann an Ierusalem?

5 Ni h-eadh, tha mi ag ràdh ribh: ach mur dean sibhse aithreachas, sgriosar sibh uile mar an ceudna.

6 Labhair e mar an ceudna an eosamlachd so: Bha aig duine àraidh crann-fìge suidichte 'n a ghàradh-fìona: agus thàinig e ag iarraidh toraidh air, agus cha d'fhuair e.

7 An sin thubhairt e ris a' ghàradair, Feuch, tha mi ré thri bliadhna a' teachd a dh'iarraidh toraidh air a' chrann-fhlige so, agus cha-n'èil mi 'faotainn a' bheag: gearr sìos e, c'ar son a tha e 'fàsachadh na tal-mhainn?

8 Agus fhreagair esan agus thubhairt e ris, A Thighearna, leig leis air a' bhliadhna so mar an ceudna, gus an cladaich mi m'a thimchioll, agus gu'n cuir mi aolach m'a bhuin:

9 Agus ma ghiulainear e toradh, is maith sin: ach mur giùlain, 'n a dhéigh sin gearraidh tu sìos e.

10 Agus bha e a' teagasg ann an aon de na sionagogaibh air an t-sàbaid.

11 Agus, feuch, bha bean àraidh a lathair aig an robh spiorad annhuinneachd rè ochd bliadhna deug, agus bha i air a cromadh ri 'chéile, agus gun chomas aice air chor sam bith i féin a dhìreachadh.

12 Agus an uair a chunnaic Iosa i, ghairm e d'a ionnsuidh i, agus thubhairt e rithe, A bhean, tha thu air d' fhuasgladh o d' annhuinneachd.

13 Agus chuir e a làmhnan oirre; agus air ball rinneadh dìreach i, agus thug i glòir do Dhia.

14 Agus fhreagair uachdaran na sionagoig, agus e làn feirg' air son gu'n d'rinn Iosa leigheas air là na sàbaid, agus thubhairt e ris an t-sluagh, Tha sè laithean anns an còir obair a dheanamh: orra so air an aobhar sin thigibh, agus bithibh air bhur leigheas, agus na b'ann air là na sàbaid.

15 An sin fhreagair an Tighearn e, agus thubhairt e, A chealgair, nach fuasgail gach aon agaibh a dhamh no 'asal o'n phrasaich, agus nach toir e gu uisge e air là na sàbaid?

16 Agus nach bu chòir a' bhean so, a tha 'n a nighinn do Abraham, a bha air a ceangal le Satan a nis ré ochd bliadhna deug, a bhi air a fuasgladh o'n chuibhreach so air là na sàbaid?

17 Agus an uair a thubhairt e na nithean sin, chuireadh a naimhdean uile gu nàire: ach rinn an sluagh uile gairdeachas, air son nan uile nithean glòrmhor a rinneadh leis.

18 An sin thubhairt e, Co ris a tha rìoghachd Dhé cosmhuil? agus co ris a shamhlaicheas mi i?

19 Tha i cosmhuil ri gràinne de shìol mustaid, a ghabh duine, agus a chuir e 'n a ghàradh: agus dh'fhàs e, agus rinneadh craobh mhòr dhieth; agus rinn eunlaith an athair nid 'n a geugaibh.

20 Agus thubhairt e a ris, Co ris a shamhlaicheas mi rìoghachd Dhé?

21 Tha i cosmhuil ri taois ghoirt, a ghabh bean agus a dh'fholaich i ann an trì tomh-asaibh mine, gus an do ghoirticheadh an t-ionmhan.

22 Agus chaidh e troimh gach caithir agus baile beag, a' teagasg, agus a' gabhail na slighe gu Ierusalem.

23 An sin thubhairt neach àraidh ris, A Thighearna, an tearc iad a shaorar? Agus thubhairt esan riu,

24 Deanaibh spairn chruaidh gu dol a stigh air a' gheata chumhamn: oir tha mi ag ràdh ribh, gu'n iarr mòran dol a stigh, agus nach urrainn iad.

25 O'n uair a dh'èireas fear an tighe, agus a dhùineas e 'n dorus, agus a thòisicheas sibhe air seasamh a muigh, agus an dorus a bhualadh, ag ràdh, A Thighearna, a Thighearna, fosgail duinn; agus air dhàsan freagairt their e ribh, Cha-n aithne dhomh sibh, cia a tha sibh:

26 An sin tòisichidh sibh air a ràdh, Dh'ith sinn agus dh'òl sinn a' d' lathair, agus theagaisg thu 'n ar sràidibh.

27 Ach their esan, Tha mi ag ràdh ribh, cha-n aithne dhomh sibh, cia a tha sibh: imichibh uam uile, a luchd-deanamh na h-eucorach.

28 An sin bithidh gul agus giosgan fhìcal, an uair a chì sibh Abraham, agus Isaac, agus Iacob, agus na fàidhean uile ann an rìoghachd Dhé, agus sibh féin air bhur tilgeadh a mach.

29 Agus thig iad o'n àird an ear, agus o'n àird an iar, agus o'n àirde tuath agus deas, agus suidhidh iad ann an rìoghachd Dhé.

30 Agus, feuch, tha daoine air dheireadh a bhitheas air thoiseach, agus air thoiseach a bhitheas air dheireadh.

31 Air an là sin féin thàinig Phairisich àraidh d'a ionnsuidh, ag ràdh ris, Gabh a mach agus imich á so: oir tha toil aig Herod do mharbhadh.

32 Agus thubhairt e riu, Imichibh agus ionnsibh do'n t-sionnach sin, Feuch, tha mi a' tilgeadh mach dheamhan, agus tha mi a' deanamh leigheas an dingh, agus an màir-each, agus air an treas là bithidh mi air mo dheanamh foirfe.

33 Gidheadh, is éigin domh inneachd an dingh agus am màireach, agus an là 'n a dhéigh sin: oir cha-n fhéud e bhi gu'n cuir-eas faidh gu bàs a mach á Ierusalem.

34 A Ierusalem, a Ierusalem, a mharbhas na fàidhean, agus a chlachas an dream a chuirear a d' ionnsuidh: cia minic a b'àill leam do chlann a chruinneachadh, mar a chruinnicheas ceare a h-àlach fo a sgiath-aibh, agus cha b'àill leibh!

35 Feuch, dh'fhàgadh bhur tigh fàs agaibh: agus gu deimhin tha mi ag ràdh ribh, nach faic sibh mise, gus an tig an t-àm, anns an abair sibh, Is beannaichte an ti a thig ann an ainm an Tighearna.

CAIB. XIV.

1 Shlànuich Crìosd neach air an robh a' mheud-bhronn, 7 theagaisg e irioslachd. 16 Le cosamhlachd na suipeir mòire, nochd e cionnus a bhitheas daoine suoghaltia, a ni tair air focal Dhé, air an druidealha a mach á rìoghachd nèimh. 25 Is còir do'n dream le'm b'àill a bhi 'n an deisciobuil da an crann-ceusaidh a ghluan.

A GUS tharladh, an tràth chaidh e gu tigh uachdaran àraidh de na Phairisich a dh'itheadh bìdh air là na sàbaid, gu'n robh iad a' deanamh geur-fhaire air.

2 Agus, feuch, bha duine àraidh 'n a lath-air air an robh a' mheud-bhronn.

3 Agus fhreagair Iosa, agus labhair e ris an luchd-fagha, agus ris na Phairisich, ag ràdh, Am bheil e ceadnichte leigheas a dhanamh air là na sàbaid?

4 Ach dh'fhan iadsan 'n an tosl. Agus

air dha breith *air*, leighis se e, agus leig e uaith e:

5 Agus fhreagair e iadsan, ag ràdh, Cò ag-aibh-sa, ma thuiteas 'asal no a dhamh ann an slochd, nach tarring a mach gu grad e air là na sàbaid?

6 Agus cha b'urrainn iad a fhreagairt a ris anns na nithibh sin.

7 Agus labhair e cosamlachd riu-san a fhuair cuireadh, 'n uair a thug e faineamh mar a thagh iad na ceud àiteachan-suidhe, ag ràdh riu,

8 'N uair a gheibh thu cuireadh o neach air bith chum bainnse, na suidh anns a' cheud àit; air eagal gu'n d'fhuair duine a's urramaiche na thusa cuireadh uaith;

9 Agus gu'n tig an ti a thug cuireadh dhuitse agus dhàsan, agus gu'n abair e riut, Thoir àit do'n duine so; agus gu'n tòisich thusa an sin le nàire air suidhe anns an àit a's isle.

10 Ach an uair a gheibh thu cuireadh, imich agus suidh anns an àit a's isle; chum, 'n uair a thig esan a thug cuireadh dhuit, gu'n abair e riut, A charaid, suidh suas ni's àirde: an sin gheibh thu urram an lathair na muinntir a tha 'n an suidhe air bord maille riut.

11 Oir ge b'e neach a dh'àrdaicheas e féin, isliclear e; agus ge b'e neach a dh'islicheas e féin, àrdaichear e.

12 Au sin thubhairt e ris an ti mar an ceudna a thug cuireadh dha, 'N uair a ni thu dinneir no suipeir, na gairm do chàird-ean, no do bhràithrean, no do luchd-dàimh, no do choimhearsnaich shaoibhir; air eagal gu'n toir iadsan mar an ceudna cuireadh dhuitse a ris, agus gu'm faigh thu a' chomain cheudna.

13 Ach an uair a ni thu cuirm, gairm na bochdan, na daoine ciurramach, na bacadh, na doill:

14 Agus bithidh tu beannaichte, a chionn nach urrainn iad a' chomain cheudna 'thoirt duit: oir gheibh thu comain ann an aiseirigh nam firean.

15 Agus an uair a chual aon de na shuidh maille ris air bord na nithean sin, thubhairt e ris, Is beannaichte an ti sin a dh'itheas aran ann an ròghachd Dhé.

16 Ach thubhairt esan ris, Rinn duine àrdaigh suipeir mhòr, agus thug e cuireadh do mhòran:

17 Agus chuir e a sheirbhiseach uaith 'an àm na suipeir a ràdh ris a' mhuinntir a fhuair cuireadh, Thigibh, oir tha ua h-uile ni a nis ullamh.

18 Agus thòisich iad uile a dh'aon *ghuth* air an leithsgeul a ghabhail. Thubhairt an ceud fhear ris, Cheannaich mi fearann, agus is éigin domh dol a mach agus 'fhaicim: tha mi ag guidhe ort, gabh mo leithsgeul.

19 Agus thubhairt fear eile, Cheannaich mi cùig cuing dhamh, agus tha mi 'dol g'an

dearbhadh: tha mi ag guidhe ort, gabh mo leithsgeul.

20 Agus thubhairt fear eile, Phòs mi bean, agus air an aobhar sin cha-n'eil e 'n comas domh teachd.

21 Agus thàinig an seirbhiseach sin, agus dh'imis e na nithean sin d'a thighearn. An sin air gabhail feirge do fhear au tighe, thubhairt e r'a sheirbhiseach, Gabh a mach gu grad gu sràidibh agus gu caol-sràidibh a' bhaile, agus thoir a stigh an so na bochdan agus na daoine ciurramach, agus na bacadh, agus na doill.

22 Agus thubhairt an seirbhiseach, A Thighearna, rinneadh mar a dh'òrduich thu, gidheadh tha àite *fulamh* ann fathast.

23 Agus thubhairt an Tighearn ris an t-seirbhiseach, Gabh a mach gus na rathaidibh mòra agus na garaidibh, agus co-éignich iad gu teachd a steach, chum gu'm bi mo thigh air a lionadh.

24 Oir tha mi ag ràdh ribh, nach blais aon de na daoineibh ud a fhuair cuireadh, de m' shuiper-sa.

25 Agus bha sluagh mòr ag imeachd maille ris; agus air dha tionndadh, thubhairt e riu,

26 Ma thig neach air bith a m' ionnsuidh-sa, agus nach fuathaich e 'athair, agus a mhàthair, agus a bhean-phòsda, agus a chlann, agus a bhràithrean, agus a pheathraichean, seadh, agus a bheatha mar an ceudna, cha-n'eil e 'n comas da bhi 'n a dheisciobul dhomh-sa.

27 Agus ge b'e neach nach giùlain a chrann-ceusaidh, agus nach lean mise, cha-n'eil e 'n comas da bhi 'n a dheisciobul dhomh-sa.

28 Oir cò am fear agaibh-sa leis am miann tìr a thogail, nach suidh sìos air tùs, agus nach meas an costas, a dh'fheuchainn am bheil aige na chuireas crìoch air?

29 Air eagal an dèigh dha a bhunadh a leagadh, agus gun bhi comasach air crìoch a chur *air*, gu'n tòisich na h-uile a chi e ri fanoid air,

30 Ag ràdh, Thòisich an duine so air *tigh* a thogail, agus cha b'urrainn e a chrìoch-nachadh.

31 No cò an rìgh, ag dol a mach dha gu cogadh au aghaidh rìgh eile, nach suidh sìos air tùs, agus nach gabh comhairle, a dh'fheuchainn an urrainn e le deich mìle coinneamh a thoirt d'asan a tha 'teachd le fichead mìle 'n a aghaidh?

32 No air bhi dhàsan fathast fada uaith, cuiridh e teachdaireachd a dh'iarraidh cumhachan sìthe.

33 Mar sin mar an ceudna, gach neach agaibh-sa, nach trèig na h-uile ni a th' aige, cha-n'eil e 'n comas da bhi 'n a dheisciobul dhomh-sa.

34 Tha 'n salann maith: ach ma chailleas an salann a bhlas, ciod e leis an deanar deadh-bhlasd a e?

35 Cha-n'èil e iomchuidh ehum na tal-mhainn, no ehum an dùnain; *ach* tilgidh daoine mach e. An ti aig am bheil chuasan ehum éisdeadh, éisdeadh e.

CAIB. XV.

1 *Cosamhlachd na caorach caillte, 8 a' mhìr airgid, 11 agus a' mhic struidheil.*

AN sin thàinig na cis-mhaoir uile agus na peacaich am fagus da, ehum éisdeachd ris.

2 Agus rinn na Phairisich agus na sgrìobhaichean gearan, ag ràdh, Tha am fear so 'gabhaill pheacach d'a ionnsuidh, agus ag itheadh maille riu.

3 Agus labhair esan an cosamhlachd so riu, ag ràdh,

4 Cò an duine dhibhse aig am bheil ceud eaora, ma chailleas e aon diubh, nach fàg an naoi deug agus an ceithir fichead anns an fhàsach, agus nach téid an déigh na caorach a ehaillleadh, gus am faigh e i?

5 Agus air dha a faotainn, cuiridh e air a ghuaillibh i le gairdeachas.

6 Agus an uair a thig e dhachaidh, gairmidh e a chàirdean agus a choimhearsnaich 'an ceann a chéile, ag ràdh riu, Deanaibh gairdeachas maille rium-sa, a chionn gu'n d'fhuair mi mo chaora 'bha caillte.

7 Mar sin, tha mi ag ràdh ribh, gu'm bi aoibhneas air nèamh air son aoin pheacaich a ni aithreachas, ni's mò na air son naoi deug agus ceithir fichead firean, aig nach 'eil feum air aithreachas.

8 No cò a' bhean aig am bheil deich buinn airgid, ma chailleas i aon bhonn diubh, nach las coimneal, agus nach sguab an tigh, agus nach iarr gu dìchiollach gus am faigh i e?

9 Agus air dhi 'fhaotainn, gairmidh i a ban-chairdean agus a ban-choimhearsnaich an ceann a chéile, ag ràdh, Deanaibh gairdeachas maille riumsa, oir fhuair mi am bonn a chail mi.

10 Mar an ceudna tha mi ag ràdh ribh, Tha gairdeachas an làthair ainglean Dhé, air son aoin pheacaich a ni aithreachas.

11 Agus thubhairt e, Bha aig duine àraidh dithis mhac:

12 Agus thubhairt am *mac* a b'èige dhiubh r'a athair, Athair, thoir dhomh-sa a' chnuid-roinn a thig *orm* de d' mhaoin. Agus roinn e eatorra a bheathlachadh.

13 Agus an déigh beagain làithean chruinnich am mac a b'èige a chuid uile, agus ghabh e a thurus do dhùthaich fad' air astar, agus an sin ehaith e a mhaoin le beatha struidheasaich.

14 Agus an uair a chait e a *chuid* uile, dh'éirich gorta ro mhòr 's an tìr sin; agus thòisich e ri bhi ann an nìreasbhuidh.

15 Agus chaidh e agus cheangail se e féin ri aon de shaor-dhaoineibh na dùthcha sin; agus chuir e d'a fhearrann e, a bhiadhadh mhuc.

16 Agus bu mhiann leis a bhrà a lìonadh de na plaosgaibh a bha na mucan ag itheadh; ach cha d'thug neach air bith dha.

17 Agus an uair a thàinig e d'a ionnsuidh féin, thubhairt e, Cia lìon de luchd-tuairasdail m'athar-sa aig am bheil aran gu leoir agus r'a sheachnadh, 'n uair a tha mise a' basachadh le gorta?

18 Eiridh mi, agus théid mi dh'ionnsuidh m'athar, agus their mi ris, Athair, pheacaich mi an aghaidh fhlaithceanais, agus a'd' làthair-sa.

19 Agus cha-n airidh mi tuilleadh gu'n goirteadh do mhac-sa dhìom; dean mi mar aon de d' luchd-tuairasdail.

20 Agus dh'éirich e, agus chaidh e dh'ionnsuidh 'athar. Ach air dha bhi fathast fada uaith, chunnaic 'athair e, agus ghabh e truas mòr *dheith*, agus ruith e, agus thuit e air a mhuineal, agus phòg se e.

21 Agus thubhairt am mac ris, Athair, pheacaich mi an aghaidh fhlaithceanais, agus a'd' làthair-sa, agus cha-n airidh mi tuilleadh gu'n goirteadh do mhac dhìom.

22 Ach thubhairt an t-athair r'a sheirbhisich, Thugaibh a mach a' chulaidh a's fearr, agus cuiribh uime i; agus cuiribh fainne air a làimh, agus brògan air a chosaibh.

23 Agus thugaibh an so an laogh biadhtha, agus marbhaibh e; agus itheamaid agus bitheamaid subhach:

24 Oir bha mo mhac so marbh, agus tha e beò a rìs; bha e caillte, agus fhuaradh e. Agus thòisich iad air a bhi subhach.

25 A nis bha a mhac a bu shìne mach 's an fhearrann: agus an uair a thàinig e, agus a tharuing e am fagus do'n tigh, chual e an còl agus an dannsa.

26 Agus ghairm e d'a ionnsuidh aon de na h-òghaich, agus dh'fheorach e ciod a bu chiall do na nithibh sin?

27 Agus thubhairt esan ris, Thàinig do bhràthair; agus mharbh d'athair an laogh biadhtha, a ehionn gu'n d'fhuair e ris slàn fallain e.

28 Agus ghabh esan fearg, agus cha b'àill leis dol a stigh: air an aobhar sin thàinig 'athair a mach, agus chuir e impidh air.

29 Ach fhreagair esan agus thubhairt e r'a athair, Feuch, tha mise a' deanamh seirbhis duit an uiread so de bhliadhnaibh, agus nair air bith cha do bhris mi d'àithne, gidheadh cha d'thug thu meann riamh dhomh, chum gu'm bithinn subhach maille ri m' chàirdibh.

30 Ach an uair a thàinig do mhac so, a dh'ith suas do bheathlachadh maille ri strìopaichibh, mharbh thu an laogh biadhtha dha.

31 Agus thubhairt e ris, A mhic, tha thusa a ghnàth maille rium, agus na h-uile nìthean a's leamsa, is leatsa iad.

32 Bu chòir dhuinn a bhi subhach, agus aoibhneach, oir bha do bhràthair so marbh,

agus tha e beò a ris; agus bha e cailte, agus fhuaradh e.

CAIB. XVI.

1 *Cosamhlachd an stiùbhairt eucorach.* 14 *Chronuich Crìosd cealg nam Phairiseach sanntach.* 19 *Cosamhlachd an duinешaoibhir, agus an duine bhoichd Lasarus.*

A GUS thubhairt e mar an ceudna r'a dheisciobluibh, Bha duine saoi bhir àraidh ann aig an robh stiùbhard; agus chasaideadh ris e, mar ueach a bha 'deau-amh ana-caithidh air a mhaoin.

2 Agus ghairm se e, agus thubhairt e ris, Cìod e so a tha mi 'cluinntinn mu d' thim-chioll? thoir cunntas air do stiùbhardachd; oir cha-n fheud thu bhì nì's faide a'd stiùbhard.

3 An sin thubhairt an stiùbhard ann féin, Cìod a nì mi? oir tha mo mhaighstir a' toirt na stiùbhardachd uam: cha-n urrainn mi ruamhar a dheanamh, is uàr leam deìre iarraidh.

4 Tha fios agam cìod a nì mi, chum an uair a chuirear as an stiùbhardachd mi, gu'n gabh iad a steach d'an tighibh mi.

5 Agus air dha gach aon duibhsan air an robh fiachan aig a Thighearn a ghairm d'a ionnsuidh, thubhairt e ris a' cheud fhear, Cia meud a tha aig mo Thighearn orts a?

6 Agus thubhairt esan, Ceud tomhas olaidh. Agus thubhairt e ris, Gabh do sgrìobhadh, agus suidh sìos gu h-ealamh, agus sgrìobh leth-cheud.

7 An sin thubhairt e ri fear eile, Agus cia meud a tha aig orts a? Agus thubhairt esan, Ceud tomhas cruithneachd. Agus thubhairt e ris, Gabh do sgrìobhadh, agus sgrìobh ceithir fichead.

8 Agus mhol an Tighearn an stiùbhard eucorach, a chionn gu'n d'rinn e gu glic: oir tha clann an t-saoghail so 'n an ginealach féin nì's glìce na clann an t-soluis.

9 Agus tha mise ag ràdh ribh, Deanaibh dhuibh féin càirdean le Mamòn na h-eucorach; chum an uair a shiubhlas sibh, gu'n gabhar sibh do àitibh-còmhnuidh sìorruidh.

10 An ti a tha fìrinneach anns au nì a's lugha, tha e fìrinneach war an ceudna ann am mòran; agus an ti a tha eucorach anns au nì a's lugha, tha e eucorach ann am mòran mar au ceudna.

11 Air an aobhar sin mur robh sibh fìrinneach anns au t-saobhreas eucorach, cò a dh'earbas ribh an saobhreas fìor?

12 Agus mur robh sibh fìrinneach ann an cuid duine eile, cò a bheir dhuibh an nì a's leibh féin?

13 Cha-n'eil seirbhiseach sam bith comasach air seirbhis a dheanamh do dhà thighearn; oir au dara cuid fuathaichidh e aon duibh, agus bheir e gràdh do'n fhear eile; no gabhaidh e le aon duibh agus nì e tàir air an fhear eile. Cha-n'eil sibh comasach

air seirbhis a dheanamh do Dhia agus do Mhamou.

14 Agus chuala na Phairisich, a bha sanntach, na nithean sin uile: agus rinu iad fanoid air.

15 Agus thubhairt e riu, Is sibhse an dream a tha 'g ur fireanachadh féin 'am fianuis dhaoine; ach is aithne do Dhia bhuir crìdheachan: oir an nì sin a tha ro mheasail aig daoineibh, is gràineileachd e 'am fianuis Dhé.

16 Bha an lagh agus na fàidhean aun gu teachd Eoin: o siu tha rioghachd Dhé air a searmonachadh, agus tha gach duine a' dol le dian strì a steach inute.

17 Agus is usadh do nèamh agus do'n talamh dol thairis, ua do aon lide de'n lagh tuiteam.

18 Gach neach a chuireas uaith a bhean, agus a phòsas bean eile, tha e 'deanamh adhaltrannais: agus ge b'e neach a phòsas a' bhean a chuireadh air falbh o a fear, tha e 'deanamh adhaltrannais.

19 Bha duine saoi bhir àraidh aun, a bha air a sgeadachadh le purpur agus lìon-eudach grunn, agus bha e 'caitheadh a bheatha gach là gu sòghail le mòr-ghreadh-nachas:

20 Agus bha duine boichd àraidh ann, d'am b'ainm Lasarus, a chuireadh 'n a luidhe aig a dhorus, làn chreuchd,

21 Agus bu mhiann leis a bhì air a shàsachadh leis au sbruilcach a bha 'tuitcam o bhord an duine shaoibhir: seadh, agus thàinig na madraidh agus dh'imlich iad a chreuchdan.

22 Agus tharladh gu'n d'fhuair an duine boichd bàs, agus gu'n do ghiùlaineadh leis na h-ainglibh e gu uchd Abraham: fhuair au duine saoi bhir bàs mar an ceudna, agus dh'adhlaiseadh e.

23 Agus auu an ifrinn thog e suas a shùileau, air dha bhì anu am piantaibh, agus chunnaic e Abraham fada uaith, agus Lasarus 'n a uchd.

24 Agus ghlaodh e, agus thubhairt e, Athair Abraham, dean tràcair orm, agus cuir Lasarus, chum gu'n tum e bàrr a mheoir anu an uisge, agus gu'm fuaraich e mo theangadh; oir tha mi air mo ro-phianadh 's an lasair so.

25 Ach thubhairt Abraham, A mhic, cuimhnich gu'n d'fhuair thusa do uithean maith e ri am dhuit a bhì beò, agus Lasarus mar an ceudna droch nitheau: ach a nìs tha esan a' faotainn sòlais, agus tha thusa air do phianadh.

26 Agus a bhàrr air so uile, tha doimhno mhòr air a cur eadar sinne agus sibhse, air chor agus iadsan le am b'aill dol á so do 'ur n-ionnsuidh-sa, nach 'eil e 'n comas doibh; agus nach mòr tha e 'n comas do aon neach teachd as siu d' ar n-ionnsuidh-ue.

27 An sin thubhairt e, Uime sin tha mi a'

guidhe ort, athair, gu'n cuireadh tu e gu tigh m'athar:

28 Oir tha cùignear bhràithrean agam; chum gu'n toir e fianuis doibh, air eagal gu'n tig iadsan mar an ceudna do'n ionad ro phiantach so.

29 Thubhairt Abraham ris, Tha Maois agus na fàidhean aca, éisdeadh iad riu-san.

30 Agus thubhairt esan, Nì h-eadh, Athair Abraham: ach ma thèid neach d'an ionnsuidh o na mairbh, nì iad aithreachas.

31 Agus thubhairt e ris, Mur éisd iad ri Maois agus ris na fàidhibh, cha mhò a chreideas iad, ged éireadh neach o na mairbh.

CAIB. XVII.

1 *Theagaisg Crìosd gur còir dhuinn aobhar oilbheim a sheachnadh, 3 agus maithneas a thoirt d'a chèile; 6 nochd e mòr-chumhachd brè-chreidimh, 7 gu'm bheil sinne fo cheangal do Dhia, agus nach 'eil esan mar sin dhuinne.* 11 *Shlànuich e deichnear tobar.* 22 *Labhair e mu rìoghachd Dhé, agus mu theacht Mhic an duine.*

AN sin thubhairt e r'a dheisciobluibh, Cha-n fheadar nach tig oilbheuman: ach is an-aobhinn dèsan troimh an tig iad.

2 B'fhearr dha gu'm bithedh clach-mhuilinn air a crochadh m'a mhuineal, agus gu'm bithedh e air a thilgeadh 's an fhairege, na gu'n tugadh e oilbheum do aon neach de'n mhuinntir bhig so.

3 Thugaibh an aire dhuibh féin: ma pheacaicheas do bhràthair a'd' aghaidh, cronuich e; agus ma ghabhas e aithreachas, thoir maithneas da.

4 Agus ma pheacaicheas e a'd' aghaidh seachd uairean 's an là, agus gu'm pill e riut seachd uairean 's an là, ag ràdh, Tha aithreachas orm; thoir maithneas da.

5 Agus thubhairt na h-abstoil ris an Tighearn, Meudaich ar creidimh.

6 Agus thubhairt an Tighearn, Nam bith-eadh agaibh creidimh mar ghràinne de shìol mustaird, theireadh sibh ris a' chràibh Shicamin so, Bì air do spionadh as do fhreumhan, agus bì air do shuidheachadh 's a' chuan; agus bhithedh i ùmhál duibh.

7 Ach cò agaibh-sa aig am bheil seirbhis-each a' treabhadh, no ri buachailleachd, a their ris, an déigh dha teachd a steach o'n fhearann, Thig air ball, agus suidh sìos chum bidh?

8 Agus nach dòchadh e ràdh ris, Ulluich nì a ghabhas mise gu m' shuipeir, agus crìoslaich thu féin, agus fritheil domh, gus an ith agus an òl mi; agus 'n a dhéigh sin ithidh agus òlaidh tusa?

9 An toir e buidheachas do'n t-seirbhis-each sin do bhrìgh gu'n d'riinn e na nithean a dh'orduicheadh dha? cha saoil mi gu'n toir.

10 Mar sin sibhse, 'n uair a nì sibh na h-uile nì a dh'aithneadh dhuibh, abraibh, Is seirbhisich neo-tharbhadh sinn: oir rium

sinn a mhàin an nì 'bu dlìgheach dhuinn a dheanamh.

11 A nis, ag dol suas da gu Ierusalem, chaidh e troimh mheadhon Shamaria agus Galìile.

12 Agus an uair a bha e 'dol a stigh do bhaile àraidh, thachair deichnear dhaoine air a bha 'n an lobhair, a sheas fada uath: 13 Agus thog iad suas an guth, ag ràdh, Iosa, a mhaighstir, dean tràceair oirnn.

14 Agus an uair a chunnaic e iad, thubhairt e ri, Imichibh, nochdaibh sibh féin do na sagartaibh. Agus ag imeachd dhoibh, ghlanadh iad.

15 Agus an uair a chunnaic aon diùbh gu'n do leighiseadh e, phill e air ais, a' toirt glòire do Dhia le guth àrd,

16 Agus thuit e air 'aghaidh aig a chos-aibh-san, a' toirt buidheachais da: agus bu Shamaritanach e.

17 Agus fhreagair Iosa agus thubhairt e, Nach do ghlanadh deichnear? ach an naoinear, cùit am bheil iad?

18 Cha d'fhuaradh a phill a thoirt glòire do Dhia, ach an coigreach so.

19 Agus thubhairt e ris, Eirich, imich; shlànuich do chreidimh thu.

20 Agus an uair a dh'fhèdraich na Phairisich dheth, c'uin a thigeadh rìoghachd Dhé, fhreagair e iad agus thubhairt e, Cha tig rìoghachd Dhé air chor 's gu mothaichear i.

21 Cha mhò a their iad, Feuch an so, no, Feuch an sin: oir feuch, tha rìoghachd Dhé an taobh a stigh dhihbh.

22 Agus thubhairt e ris na deisciobluibh, Thig na làithean anns am miamnach leibh aon de làithibh Mhic an duine fhaicim, agus cha-n fhaic sibh e.

23 Agus their iad ribh, Feuch an so, no, Feuch an sud: na rachaibh, agus na leanaibh iad.

24 Oir mar tha an dealanach a dhealraicheas o aon ìonad fo nèamh, a' soillseachadh gus an ìonad eile fo nèamh, is ann mar sin bhithas Mac an duine mar an ceudna 'n a là féin.

25 Ach is éigin da air tùs mòran nithean fhulang, agus a bhì air a dhiultadh leis a' ghinealach so.

26 Agus mar a bha e ann an làithibh Noe, mar sin mar an ceudna bithidh e ann an làithibh Mhic an duine:

27 Bha iad ag itheadh agus ag òl, a' pòsadh agus air an toirt ann am pòsadh, gus an là 's an deachaidh Noe a steach do'n àire: agus thàinig an dèile, agus sgrios iad uile.

28 Amhuil fòs mar a thachair ann an làithibh Lot; bha iad ag itheadh agus ag òl, a' ceannach agus a' reic, a' planndachadh agus a' togail aitreabh:

29 Ach air an là sin féin anns an deachaidh Lot a mach á Sodom, fhrasadh teine agus pronnuse o nèamh agus sgrios e iad uile.

30 Is ann mar sin a bhitheas anns an là 's am foillsichear Mac an duine.

31 Anns an là sin, an ti a bhitheas air mullach an tighe, agus 'airreis anns an tigh, na tigeadh e nuas gu a toirt leis: agus an ti a tha 's a' mhachair, na pilleadh esan air ais ni's mo.

32 Cuimhnichibh bean Lot.

33 Ge b'e neach a dh'iarras a bheatha féin a thèarnadh, caillidh e i; agus ge b'e neach a chailleas a bheatha, gleadhidh e i.

34 Tha mi ag ràdh ribh, anns an oidhche sin bithidh dithis dhaoine 's an aon leabaidh; gabhar aon diubh, agus fàgar am fear eile.

35 Bithidh dithis bhan a' bleith cuideachd; gabhar té dhiubh agus fàgar an té eile.

36 Bithidh dithis dhaoine anns a' mhachair; gabhar fear dhiubh agus fàgar am fear eile.

37 Agus fhreagair iadsan agus thubhairt iad ris, C'ait, a Thighearna? agus thubhairt esan riu, Ge b'e àite 's am bi an corp, an sin cruinnichear na h-iolairean.

CAIB. XVIII.

1 *Mu thimchioll na bantraich liosda.* 9 *Mu'n Phairiseach agus mu'n chis-mhaor.* 15 *Tha clann air an tabhairt gu Crìosd.* 18 *B'àill le uachdaran àraidh Crìosd a leanuinn, ach tha e air a bhacadh le a shaoibhreas.* 31 *Roimh-innis Crìosd a bhàs: 35 Dhàisig e a radharc do dhuine dall.*

A GUS labhair e cosamhlachd riu, a' nochdadh gur còir urnuigh a dheanamh a ghnàth, agus gun fhammachadh.

2 Ag ràdh, Bha breitheamh ann am baile àraidh, air nach robh eagal Dhé, agus aig nach robh urram do dhuine:

3 Agus bha bantrach àraidh 's a' bhaile sin, agus thàinig i d'a ionnsuidh, ag ràdh, Cum còir rium an aghaidh mo nàmhaid.

4 Agus cha b'àill leis ré tàmull: ach 'n a dhéigh sin thubhairt e ann féin, Ged nach 'eil eagal Dhé orm, no urram agam do dhuine;

5 Gidheadh air son gu bheil a' bhantrach so 'cur dragha orm, cumaidh mi còir rithe, air eagal le a sìor-theachd gu'n sgithich i mi.

6 Agus thubhairt an Tighearna, Eisidibh ciod a tha am breitheamh eucorach ag ràdh.

7 Agus nach dean Dia dìoghaltas air son a dhaoine taghta féin, a tha 'g éigheach ris a là agus a dh'oidhche, ged tha e fad-flulagach mu'n timchioll?

8 Tha mi ag ràdh ribh gu'n dean e dìoghaltas air an son gu luath. Gidheadh, an uair a thig Mac an duine, am faigh e creidimh air an talamh?

9 Agus labhair e an cosamhlachd so ri dream àraidh a bha 'g earbsadh asda féin gu'n robh iad 'n am fireanaibh, agus a bha 'deanamh tàir air dream eile:

10 Chaidh dithis dhaoine suas do'n team-

pull a dheanamh urnuigh; fear dhiubh 'n a Phairiseach, agus am fear eile 'n a chis-mhaor.

11 Sheas am Phairiseach leis féin, agus rinn e urnuigh mar so, A Dhé, tha mi 'toirt buidheachais duit nach 'eil mi mar tha daoine eile, 'n an luchd-foireigin, eucorach, adhaltrannach, no eadhon mar an cis-mhaor so.

12 Tha mi a' trasgadh dà uair 's an t-seachdain, tha mi 'toirt deachaimh as na h-uile nithibh a tha mi 'sealbhadh.

13 Agus air seasamh do'n chis-mhaor fad' air ais, cha b'àill leis fiù a shùl a thogail suas gu nèamh, ach bhuail e 'uchd, ag ràdh, A Dhia, dean tròcair ormsa a tha 'am pheacach.

14 Tha mi ag ràdh ribh, gu'n deachaidh am fear so sìos d'a thigh air fhèarnachadh *ni's mò* na'm fear ud eile: oir ge b'e neach a dh'àrdaicheas e féin, islichear e; agus ge b'e a dh'islicheas e féin, àrdaichear e.

15 Agus thug iad d'a ionnsuidh mar an ceudna naoidheanan, chum gu'm beanadh e riu: agus an uair a chunnaic na deisciobuil so, chronuich siad iad.

16 Ach air do-Iosa an gairm d'a ionnsuidh, thubhairt e, Fuilgibh do na leanabaibh teachd a m' ionnsuidh-sa, agus na bacaibh iad; oir is ann d'an leithidibh so a tha rioghachd Dhé.

17 Gu deimhin tha mi ag ràdh ribh, ge b'e nach gabh rioghachd Dhé mar leanabh beag, nach téid e air chor sam bith a steach innte.

18 Agus dh'fhèdraich uachdaran àraidh dheth, ag ràdh, A mhaighstir maith, ciod a ni mi chum gu'n sealtbaich mi a' bheatha mhaireannach?

19 Agus thubhairt Iosa ris, C'ar son a ghoireas tu maith dhìomsa? cha-n'eil neach sam bith maith ach a h-aon, eadhon Dia.

20 Is aithne dhuìt na h-àitheantan, Na dean adhaltramas, Na dean mortadh, Na goid, Na toir fianuis bhréige, Thoir urram do d'athair agus do d' mhàthair.

21 Agus thubhairt esan, Choinhid mi iad sin uile o m' dège.

22 Agus an uair a chual Iosa so, thubhairt e ris, Tha aon ni fathast a dh'uireas-bhuidh ort: reic na h-uile nìthan a tha agad, agus roim air na bochdaibh, agus bithidh agad ionmhas air nèamh; agus thig, agus lean mise.

23 Agus an uair a chual e so, bha e ro dhoilich: oir bha mòr-bheartas aige.

24 Agus an uair a chunnaic Iosa gu'n robh e làn tuirse, thubhairt e, Cia decair dhoibh-san aig am bheil saoihbreas, dol a steach do rioghachd Dhé!

25 Oir is usadh do chàmhail dol troimh chrò snàthaid, na do dhuine saoihbhir dol a steach do rioghachd Dhé.

26 Agus thubhairt iadsan a chuala so, Cò

ma seadh a dh'fhucdas a bhi air a shaoradh?

27 Ach thubhairt esan, Na nithean a tha eucomasach do dhaoimibh, tha iad comasach do Dhia.

28 An sin thubhairt Peadar, Feuch, thréig sinne na h-uile nithean, agus lean sinn thusa.

29 Agus thubhairt esan riu, Gu deimhin tha mi ag ràdh ribh, nach 'eil aon neach a thréig tigh, no pàrantan, no bràithrean, no bean-phòsda, no clann air son rìoghachd Dhé.

30 Nach faigh mòran nìs mò anns an aim-sir so a tha làthair, agus anns an t-saoghal a tha ri teachd a' bheatha mhaireannach.

31 Agus ghabh e an dà fhear dheng d'a ionnsuidh, agus thubhairt e riu, Feuch, tha sinn a' dol suas gu Ierusalem, agus bithidh na h-uile nithean a tha sgrìobhta leis na faidhibh mu Mhac an duine, air an coimhlionadh.

32 Oir bheirear thairis e do na Cinnich, agus thèid fanoid a dheanamh air, agus masluichear e, agus tilgear smugaid air;

33 Agus sgiùrsaidh agus marbhaidh iad e: agus air an treas là éiridh e a ris.

34 Agus cha do thuig iadsan aon nì dhiubh so: agus bha na briathran so foluichte orra, agus cha b'aithne dhoibh na nithean a chaidh a labhairt.

35 Agus tharladh, an uair a dhruid e ri Iericho, gu'n robh dall àraidh 'n a shuidhe ri taobh na slighe, ag iarraidh déirec;

36 Agus air cluinntinn an t-sluaigh a' dol seachad, dh'fhiosraich e cìod e so.

37 Agus dh'innis iad da, gu'm b'e Iosa o Nasaret a bha 'gabhail seachad.

38 Agus ghlaodh e, ag ràdh, Iosa, Mhic Dhaibhidh, dean tròcair orm.

39 Agus chronuich iadsan a bha air thoiseach e, chum gu'm biodh e 'n a thòsd: ach bu mhòid gu mòr a ghlaodh esan, A Mhic Dhaibhidh, dean tròcair orm.

40 Agus air seasamh do Iosa, dh'àithn e a thoirt d'a ionnsuidh: agus an uair a thàinig e am fagus da, dh'fhiosraich e dheth,

41 Ag ràdh, Cìod a's àill leat mise a dheanamh dhuit? agus thubhairt esan, a Thighearna, mi dh'fhaotainn mo radhaire.

42 Agus thubhairt Iosa ris, Gabh do radhaire: shlànuich do chreidimh thu.

43 Agus air ball fhuair e a radharc, agus lean se e, a' toirt glòire do Dhia: agus thug an sluaigh uile cliù do Dhia, 'n uair a chunn-aic iad so.

CAIB. XIX.

1 *Mu thimchioll Shachenis a' chis-mhaoir.* 11 *Na deich puind airgid.* 28 *Mharcaich Crìosd do Ierusalem le greadlmachas;* 41 *rinn e caoidh air a son;* 45 *thig e mach an luchd ceannaich agus reic as na teampull:* 47 *B'àill leis na h-uachdarain a mharbhadh.*

A GUS air do Iosa dol a steach, chaidh e troimh Iericho.

2 Agus, feuch, *bha* duine ann d'am b'ainm Sacheus, agus bàrd chis-mhaor esan, agus bha e saoi-bhir:

3 Agus bha déidh aige air Iosa fhaicinn, cò e; agus cha b'urrainn e air son an t-sluaigh, a chionn gu'n robh e ìosal 'n a phearsa.

4 Agus ruith e roimhe, agus streap e suas ann an craoibh Shicamoir, chum gu'm faicadh se e; oir bha e gus an t-slighe sin a ghabhail.

5 Agus an uair a thàinig Iosa chum an àite sin, air dha amharc suas, chunnaic se e, agus thubhairt e ris, A Shacheuis, thig a nuas gu grad; oir is éigin domh-sa stad an diugh aig do thigh.

6 Agus thàinig e nuas le cabhaig, agus ghabh e ris gu fubhach.

7 Agus an uair a chunnaic iad so, rinn iad uile gearan, ag ràdh, Gu'n deachaidh e steach air aoidheachd gu duine a tha 'n a pheacach.

8 Agus sheas Sacheus agus thubhairt e ris an Tighearn, Feuch, a Thighearna, tha mi 'toirt leth mo mhaoin do na bochdaibh: agus ma thug mi aon nì o neach air bith le casaid bhréige, tha mi 'toirt dha a cheithir uiread.

9 Agus thubhairt Iosa ris, Thàinig slàinte an diugh a dh'ionnsuidh an tighe so, do bhrìgh gur mac do Abraham esan mar an ceudna.

10 Oir thàinig Mac an duine a shireadh agus a thèarnadh an nì sin a bha caillte.

11 Agus ag cluinntinn nan nithean sin dhoibh, chuir e ris, agus labhair e cosamhlachd, do bhrìgh gu'n robh e am fagus do Ierusalem, agus gu'n do shaoil iadsan gu'm bitheadh rìoghachd Dhé air a grad-fhoill-seachadh.

12 Air an aobhar sin thubhairt e, Chaidh duine usal àraidh do dhùthaich fad as a dh'fhaotainn rìoghachd dha féin, agus a philltinn air ais.

13 Ach ghairm e a dheich seirbhisich, agus thuge dhoibh deich puinn, agus thubhairt e riu, Cuiribh gu buil iad, gus an tig mise.

14 Ach bha fuath aig muinntir a dhùthcha dha, agus chuir iad teachdaireachd a dhéigh, ag ràdh, Cha-n àill leinn an duine so bhi 'n a rìgh oirn.

15 A nis an uair a phill e air ais, an déigh dha an rìoghachd fhaotainn, an sin dh'ord-uich e na seirbhisich ud a bhi air an gairm d'a ionnsuidh d'an d'thug e 'n t-airgid, chum gu'm bitheadh fios aige cìod a bhuannaich gach aon diubh leis a' bhuileachadh.

16 An sin thàinig an ceud fhear, ag ràdh, A Thighearna, bhuidhinn do phund deich puind.

17 Agus thubhairt e ris, Is maith, a dheadh sheirbhisich: a chionn gu'n robh thusa firinneach ann an ro-bheagan, bitheadh agad-sa uachdaranachd air deich bailtibh.

18 Agus thàinig an dara fear, ag ràdh, A Thighearna, rinn do phund cùig puind.

19 Agus thubhairt e ris-san, Bi-sa mar an ceudna os ceann chùig bailtean.

20 Agus thàinig fear eile, ag ràdh, a Thighearna, feuch do phund, a bha agam-sa taisgte ann an nèapaicin :

21 Oir bha eagal orm romhad, do bhrìgh gur duine geur-theann thu: tha thu a' togail an ni nach do leag thu, agus a' buaiu au ni nach do chuir thu.

22 Agus thubhairt e ris, As do bheul féin bheir mi breth ort, a dhroch sheirbhisich. Bha fhios agad gu'm bu duine geur-theann mi, a' togail an ni nach do leag mi, agus a' buain an ni nach do chuir mi:

23 Air au aobhar sin c'ar son nach d'thug thu m' airgid do'n luchd-malairt, agus air teachd dhomh-sa thogainn e le riadh?

24 Agus thubhairt e rianan a bha 'n an seasamh a làthair, Thugaibh uaith am p'und, agus thugaibh dhàsan e aig an bheil na deich puind.

25 (Agus thubhairt iad ris, A Thighearna, tha deich puind aige;)

26 Oir tha mi ag ràdh ribh, Gu'n toirear do gach neach aig an bheil: ach uaithsan aig uach 'eil, bheirear eadhon an ni sin a tha aige.

27 Ach thugaibh an so na naimhdean ud agam-sa, leis nach b'ail mise 'bhi 'am rìgh os an ceann, agus marbhaibh a'm' fhianuis iad.

28 Agus air dha so a ràdh, dh'imich e rompa, a' dol suas gu Ierusalem.

29 A nis an uair a dhruid e ri Betphage agus Betani, làimh ris an t-slabh d'au goirear *sliabh* nan crann-olaidh, chuir e dìthis d'a dheisciobuibh uaith,

30 Ag ràdh, Imichibh do'u bhaile 'tha fa 'ur comhair; auns am faigh sibh, air dhuibh dol a steach, searrach ceangailte, air nach do shuidh aon duine riamh: fuasglaidh, agus thugaibh an so e.

31 Agus ma dh'fhiosraicheas neach air bith dhibh, C'ar son a tha sibh 'g a' fuasgladh? mar so their sibh ris, Tha feum aig an Tighearn air.

32 Agus air imeachd dhoibhsan a chuir-eadh air falbh, fhuair iad mar thubhairt e riu.

33 Agus an uair a bha iad a' fuasgladh an t-searraich, thubhairt a shealbhaidrean riu, C'ar son a tha sibh a' fuasgladh an t-searraich?

34 Agus thubhairt iadsan, Tha feum aig an Tighearn air.

35 Agus thug iad gu Iosa e: agus thilg iad am falluinnean air an t-searrach, agus chuir iad Iosa air.

36 Agus ag imeachd dhàsan, sgaol iad am falluinnean foidhe air an t-slighe.

37 Agus an uair a thàinig e am fagus, eadhon gu dol sìos sléibh nan crann-olaidh,

thòisich mòr-chuideachd nan deisciobul uile ri gairdeachas a dheanamh, agus moladh a thoirt do Dhia le guth àrd, air son nan uile oibre cumhachdach a chunnaic iad.

38 Ag ràdh, Gu ma beannaichte an rìgh a tha 'teachd ann an ainm an Tighearna: sìth air nèamh, agus glòir anns na h-àrd-aibh.

39 Agus thubhairt cuid de na Phairisich o mheasg an t-sluaigh ris, A mhaighstir, crounich do dheisciobuil.

40 Agus fhreagair esan, agus thubhairt e riu, Tha mi ag ràdh ribh, nam fanadh iad sin 'n an tosd, gu'u glaothadh na clachan féin.

41 Agus an uair a thàinig e am fagus, chunnaic e am baile, agus ghuil e air a shou.

42 Ag ràdh, Nam b'aithne dhuit, eadhon dhuitse, air bheag sam bith ann ad là so féin, na nithean a bhuineas do d' shìth! ach a nis tha iad folaichte o d' shùilibh.

43 Oir thig na làithean ort, anns an tilg do naimhdean d'ig mu d' thimchioll, agus an iadh iad umad mu'n cuairt, agus an druid iad a stigh air gach taobh thu,

44 Agus an leag iad co iosal ris an làr thu, agus do chlànn annad, agus nach fag iad annad clach air muin cloiche; do bhrìgh nach b'aithne dhuit aimsir d'fhiosrachaidh.

45 Agus chaidh e steach do'n teampull, agus thòisich e air an dream a bha 'reic, agus a' ceannach ann a thilgeadh a mach.

46 Ag ràdh riu, Tha e sgrìobhta, Is tigh urnuigh mo thigh-sa; ach rinu sibhse 'n a gharaidh luchd-reubainn e.

47 Agus bha e gach là a' teagasg 's an teampull. Ach dh'iarr na h-àrd shagartan agus na sgrìobhaichean, agus ceannardau a' phobuill esan a mharbhadh,

48 Gidheadh cha robh fhios aca ciod a dheanadh iad: oir bha am pobull uile ag éisdeachd ris le ro-aire.

CAIB. XX.

1 Dhearbh Crìosd gu'n robh agutarras aige, le ceisd mu bhaisteadh Eoin. 9 Cosmhlachd an fhion-lìos. 19 Mu thimchioll cìs a thoirt do Cheasar. 27 Dhearbh e mearachd nan Sadasach, a bha 'g àicheudh aiseirigh nam marbh. 45 Thug e rabhadh d'a dheisciobuibh, &c.

AGUS tharladh air aon de na làithibh sin, an uair a bha e 'teagasg a' phobuill 's an teampull, agus a' searmonachadh an t-soigheil, gu'n d'thàinig na h-àrd-shagartan agus na sgrìobhaichean air, maille ris na seanairibh.

2 Agus labhair iad ris, ag ràdh, Innis duinn ciod e an t-ùghdarras leis am bheil thu a' deanamh nan nithean so? no cò esan a thug an t-ùghdarras so dhuit?

3 Agus fhreagair esan agus thubhairt e riu, Feòraichidh mise mar an ceudna aon ni dhibhse; agus freagraibh mi:

4 Baisteadh Eoin, an ann o nèamh a bha e, no o dhaoimibh?

5 Agus reusonaich iad eatorra féin, ag ràdh, Ma their sinn, O nèamh; their esan, C'ar son ma ta nach do chreid sibh e?

6 Ach ma their sinn, O dhaoimibh, clachaidh an sluagh uile sinn; oir is deimhin leo gu'n b'fhaidh Eoin.

7 Agus fhreagair iadsan, Nach robh fhios aca cia uaith a bha e.

8 Agus thubhairt Iosa riu, Ni mòd dh'innseas mise dhuibh-sa ciod e an t-ùgdarras leis am oheil mi a' deanamh nan nithean so.

9 An sin thòisich e air a' chosamhlachd so a labhairt ris an t-sluagh; Phlannduich duine àraidh fion-lios, agus shuidhich e air tuath e; agus chaidh e air choigrich ré aimsir fhada.

10 Agus anns an àm dh'hlighcach chuir e seirbhiseach dh'ionnsuidh na tuatha, chum gu'n tugadh iad da de thoradh an fhìon-lios; ach ghabh an tuath air, agus chuir iad uatha falamh e.

11 Agus a ris chuir e seirbhiseach eile uaith; agus ghabh iad a'rsan mar an ceudna, agus mhaslaich iad e, agus chuir iad uatha falamh e.

12 Agus a thuilleadh air sin chuir e an treas seirbhiseach uaith; agus lot iad esan mar an ceudna, agus thilg iad a mach e.

13 An siu thubhairt Tighearn an fhìon-lios, Ciod a ni mi? cuiridh mi mo Mhac gràdhach d'an ionnsuidh: feudaidh e bhith, 'n uair a chli iad e, gu'n toir iad urram dha.

14 Ach an uair a chunnaic an tuath e, reusonaich iad eatorra féin, ag ràdh, Is e so an t-oighre: thigibh, marbhamaid e, chum gu'n bi an oighreachd againn féin.

15 Agus thilg iad a mach as an fhìon-lios e, agus mharbh iad e. Ciod uime sin a ni Tighearn an fhìon-lios riu?

16 Thig e agus sgriosaidh e an tuath ud, agus bheir e an fhìon-lios do dhaoimibh eile. Agus an uair a chual iad so, thubhairt iad, Nar leigeadh Dia.

17 Agus air dhàsan amharc orra, thubhairt e, Ciod e so ma seadh a tha sgrìobhta, A' chlach a dhiult na clachairean, rinneadh ceann na h-òisne dhith?

18 Ge b'e neach a thuiteas air a' chloich sin, brisear e: ach ge b'e neach air an tuit i, pronnaidh i gu luathre e.

19 Agus anns an uair sin féin dh'iarr na h-àrd-shagartan agus na sgrìobhaichean lamh a chur ann; ach bha eagal an t-sluaigh orra; oir thug iad gu'm b'ann 'n au aghaidh féin a labhair e'n cosamhlachd so.

20 Agus rinn iad geur-fhaire air, agus chuir iad a mach luchd-foill, a leigeadh orra féin a bhi 'n am fireanaibh, chum gu'n deanadh iad greim air 'fhoclaibh, air chor's gu'n tugadh iad thairis e do chumhlachd agus do ùghdarras an uachdarain.

21 Agus dh'fhiosraich iad deth, ag ràdh, A mhaighstir, tha fhios againn gu bheil thu a' labhairt agus a' teagasg gu ceart, agus nach 'eil suim agad do phearsa duine sam bith, ach gu bheil thu teagasg slighe Dhé a rèir na firinn.

22 Am bheil e ceaduichte dhuinn eis a thoirt do Cheasar, no nach 'eil?

23 Ach thuig esan an cuilbheartachd, agus thubhairt e riu, C'ar son a tha sibh ga m' bhuaircadh?

24 Nochdaibh dhomh peghinn: co leis an dealbh agus an sgrìobhadh a tha oirre? Fhreagair iadsan agus thubhairt iad, Le Ceasar.

25 Agus thubhairt esan riu, Thugaibh-sa air an aobhar sin do Cheasar na nithean a's le Ceasar, agus do Dhia na nithean a's le Dia.

26 Agus cha b'urrainn iad greim a dheanamh air 'fhoclaibh 'am fianuis an t-sluaigh: agus ghabh iad iongantas r'a fhreagairt, agus dh'fhan iad 'n an tosd.

27 An sin thàinig d'a ionnsuidh dream àraidh de uadusaich, a tha 'g àicheadh gu bheil aiseirigh anu, agus dh'fheoraich iad deth,

28 Ag ràdh, A mhaighstir, sgrìobh Maois dhuinn, Nam faigheadh bràthair duine air bith bàs, agus bean-phòda aige, agus gu'm faigheadh e bàs gun chlann, gu'n gabhadh a bhràthair a bhean, agus gu'n togadh e suas sliochd d'a bhràthair.

29 Air an aobhar sin, bha seachdnar bhràithrean ann: agus ghabh an ceud fhear bean, agus fhuair e bàs gun chlann.

30 Agus ghabh an dara fear i mar mhnaoi, agus fhuair esan bàs gun chlann.

31 Agus ghabh an treas fear i; agus mar an ceudna an t-seachdnar. Agus cha d'fhàg iad clann, agus fhuair iad bàs.

32 Ma dheireadh uile fhuair a' bhean bàs mar an ceudna.

33 Anns an aiseirigh uime sin, cò dhiubh d' am bean i? oir bha i aig an t-seachdnar 'n a mnaoi.

34 Agus fhreagair Iosa, agus thubhairt e riu, Tha clann an t-saoghail so a' pòsadh, agus air an toirt ann am pòsadh:

35 Ach an dream sin a mheasar gur àiridh iad air an t-saoghal ud fhaghail, agus an aiseirigh o na mairbh, cha-n'eil iad a' pòsadh, no air an toirt ann am pòsadh.

36 Agus cha-n'urrainn iad bàs fhaghail ni's mò; oir tha iad 'an co-inbhe ris na h-ainglibh; agus is iad clann Dhé iad, air bhi dhoibh 'n an cloim do'n aiseirigh.

37 Ach gu'n éirich na mairbh, nochd Maois féin aig a' phreas, an uair a tha e a' gairm de'n Tighearn, Dia Abraham, agus Dia Isaac, agus Dia Iacob.

38 A nis cha-n e Dia nam marbh e, ach nam beò: oir tha iad uile beò dhàsan.

39 An sin fhreagair dream àraidh de

na sgrìobhaichibh, agus thubhairt iad, A mhaighstir, is maith a labhair thu.

40 Agus cha robh chridhe aca tuilleadh ni sam bith fheòraich dheth.

41 Agus thubhairt e ri, Cionnus a their iad gur e Crìosd mae Dhaibhidh?

42 Agus tha Daibhidh féin ag ràdh ann an leabhar nan Salm, Thubhairt an Tighearn ri mo Thighearn, Suidh air mo làimh dheis,

43 Gus an cuir mi do naimhdean 'n an stòl fo do chosaibh.

44 Tha Daibhidh air an aobhar sin a' gairma Thighearna dheth, cionnus ma seadh is e a mhac e?

45 An sin thubhairt e r'a dheisciobluibh, ann an éisdeachd an t-sluaigh uile,

46 Thugaibh an aire dhuibh féin o na sgrìobhaichibh, leis am miann imeachd ann an culaidh fada, agus leis an ionmhuinn failte *phaoilinn* air na margaidh, agus na caithrichean a's àirde anns na sionagogaibh, agus na ceud àiteachan-suidhe aig féilibh;

47 A shluigeas suas tighean bhantrach, agus air sgàth deadh choslais a ni urnuighcan fada: gheibh iad sin an dìteadh a's mò.

CAIB. XXI.

1 *Mhol Crìosd a' bhantrach bhochd: 4 roimh-innis e sgrìos an teampull, agus bhaile Ierusalem; 25 mar an ceudna na comharan a bhitheas ann roimh an là dheireannach. 34 Earail chum faire a dheanamh.*

AGUS air dha amhare suas, chunnaic e na daoine saoi bhir a' tilgeadh an tìodhlacan ann an àite-coimhead an ionmhais.

2 Agus chunnaic e mar an ceudna bantrach bhochd àraidh a' tilgeadh dà leth-fheoirling an sin.

3 Agus thubhairt e, Gu firinneach tha mi ag ràdh sibh, gu'n do chuir a' bhantrach bhochd so ni's mò ann na iad uile.

4 Oir thilg iad so uile d'am pailteasa steach do thìodhlacaibh Dhé: ach thilg ise d'a h-uircasbhuidh féin am beathlachadh uile a bha aice.

5 Agus air do chuid 'diubh 'bhi 'labhairt mu'n teampull, mar a bha e air a dheanamh maiseach le clachaibh sgiamhaeh, agus le tìodhlacaibh, thubhairt e,

6 *A thaobh* nan nithean so a chi sibh, thig na làithean, anns nach fàgar clach air muin eloiche *dhiubh*, nach tilgear sios.

7 Agus dh'fhuosraich iadsan deth, ag ràdh, A mhaighstir, c'uin ma ta 'bhitheas na nithean so? agus ciod e an comharadh 'n uair a bhitheas na nithean so gu teachd gu erich?

8 Agus thubhairt esan, Feuchaibh nach meallar sibh; oir thig mòran ann am ainm-sa, ag ràdh, Is mise *Crìosd*; agus tha an t-am an fagus; uime sin na leanaibh iad.

9 Ach an uair a chluinneas sibh mu chog-

annaibh, agus mu cheannaireibh, na bith-eadh mòr-gheilt oirbh: oir is éigin do na nithibh so tachairt air tùs; ach cha-n'eil a' chrìoch air ball.

10 An sin thubhairt e ri, Eiridh cinneach an aghaidh cinnich, agus rìoghachd an aghaidh rìoghachd:

11 Agus bithidh critheanna mòra tal-mhainn ann 'an iomadh àit, agus gortan, agus plàighean; agus nithean uamhasach, agus comharan mòra o nèamh.

12 Ach rompa so uile cuiridh iad làmh annaibhse, agus geur-leanaidh iad sibh, 'g'ur tabhairt thairis do choimhthionalaibh, agus do phrìosanaibh, 'g'ur tabhairt chum rìghrean agus uachdaran air sgàth m'ainme-sa.

13 Agus tacharaidh so dhuibhse mar fhianuis.

14 Air an aobhar sin daingnichibh ann bhur cridheachaibh, gun smuaineachadh roimh làimh, ciod a fhreagras sibh air bhur son féin:

15 Oir bheir mise dhuibh beul agus gliocas, nach bi bhur naimhdean uile comasach air labhairt no cur 'n a aghaidh.

16 Agus brathar sibh le 'ur pàrantaibh, agus le 'ur bràithribh, agus le 'ur luchd-dàimhe, agus le 'ur cairdibh; agus bheir iad fainear *cuid* dhibh a chur gu bàs.

17 Agus bithidh fuath aig na h-uile dhaoineibh dhuibh air son m'ainme-sa.

18 Ach cha chaillear fuiltein de ghruaig bhur cinn.

19 Ann bhur foighidinn sealbhaichibh bhur n-anam féin.

20 Agus an uair a chi sibh Ierusalem air a cuairteachadh le armaitibh, an sin bitheadh fhios agaibh gu bheil a fàsachadh am fagus.

21 (An sin teicheadh iadsan a tha ann an Iudea chum nam beann,) agus imicheadh iadsan a tha 'n a meadhon-sa mach aise; agus na rachadh iadsan a tha 's a' mhachair, a steach innte.

22 Oir is iad sin làithean an dioghaltais, chum gu'n coimhlionar na h-uile ni a tha sgrìobhta.

23 Ach mo thruaigh na mnathan a bhitheas torrach, agus iadsan a bhitheas a' toirt cìche anns na làitheibh sin! oir bithidh teanntachd mhòr 's an dùthaich, agus fearg ris a' phobull so.

24 Agus tuitidh iad le faobhar a' chlaidheimh, agus bheirear iad 'am braighdéanas chum nan uile chinneach: agus bithidh Ierusalem air a saltair sios fo na Cinnich, agus an coimhlionar aimsrean nan Cinnich.

25 Agus bithidh comharan anns a' ghréin, agus anns a' ghealaich, agus anns na reultaibh; agus air an talamh aice nan cinneach, ann an ioma-chomhairle; an cuan agus na tonnan a' beuchdaich;

26 Cridhe dhaoine 'g an tréigsinn troimh eagal, agus fheithcamh nan nithean sin a

tha teachd air an domhan: oir bithidh cumhachdan nan nèamh air an crathadh.

27 Agus an sin chì iad Mac an duine a' teachd ann an neul, le cumhachd agus mòr-ghlòir.

28 Agus an uair a thòisicheas na nithean so air tachairt, an sin amhaircibh suas, agus togaibh bhur cinn; oir tha bhur saorsa am fagus.

29 Agus labhair e cosamhlachd riu, Amhaircibh air a' chraoibh-flhège, agus na craobh-an uile;

30 'N uair a bhitheas iad cheana a' cur a mach an *duillich*, tha sibh a' faicinn, agus ag aithneachadh naibh féin, gu bheil an samhradh a nis am fagus.

31 Agus mar an ceudna sibhse, 'n uair a chì sibh na nithean so a' tachairt, bitheadh fhios agaibh gu bheil rioghachd Dhé fagus do làimh.

32 Gu deimhin tha mi ag ràdh ribh, nach téid an ginealach so thairis, gus an coimhlionar na nithean so uile.

33 Théid nèamh agus talamh thairis: ach cha téid mo bhriathran-sa thairis a chaoidh.

34 Agus thugaibh an aire dhuibh féin, air eagal uair air bith gu'm bi bhur cridhe fo ullalach le geòdeaircachd, agus le misg, agus le ro-chùram mu nithibh na beatha so, agus gu'n tig an là sin oirbh gu h-obann.

35 Oir mar ribe thig e air na h-uile dhaoineibh, a tha 'g àiteachadh aghaidh na talamhainn uile.

36 Deanaibhse air an aobhar sin faire, a' deanamh urnaigh gach àm, chum gu measar gur àiridh sibh air dol as o na nithibh sin uile a tha gu teachd, agus seasamh an làthair Mhic an duine.

37 Agus bha e's an là a' teagasg 's an teampull, agus 's an oidheche chaidh e mach, agus dh'fhan e air an t-slabh, d'an goirear *sìabh* nan crann-olaidh.

38 Agus thàinig an sluagh uile gu moch d'a ionnsuidh 's an teampull, a dh'éisdeachd ris.

CAIB. XXII.

1 *Ghabh na h-Iudaich comhairle an aghaidh Iosa. 3 Dh'aom Sàtan Iudas gu esan a bhrath. 7 Dh'ullach na h-abstol a' chàisg. 19 Dh'ordich Crìosd an t-suipeir naomh. 32 Dh'innis e do Pheadar nach dìobradh a chreidimh e; 34 ach gu'n àicheadhadh e esan trì uairean; 39 rinn e urnaigh. 47 bhrathadh e le pòig. 54 Dh'àicheadh Peadar e.*

A NIS dhruid *riu* féill an arain neo-ghoirtichte, d'an goirear a' chàisg.

2 Agus bha na h-àrd-shagartan agus na sgrìobhaichean ag iarraidh cionnus a dh'fheudadh iad esan a chur gu bàs; oir bha eagal an t-sluaigh orra.

3 An sin chaidh Satan ann an Iudas d'an co-aonnm Iscariot, a bha de àireamh an dà fhir dheug.

4 Agus dh'innich e, agus labhair e ris na

h-àrd-shagartaibh agus ri ecannardaibh *an teampull*, cionnus a bhrathadh se esan doibh.

5 Agus bha iad toilichte, agus rinn iad coimhcheangal airgid a thoirt da.

6 Agus gheall esan, agus dh'iarr e àm iomchuidh air a bhrath dhoibh gun an sluagh a bhì làthair.

7 An sin thàinig là an arain neo-ghoirtichte, anns am b'éigin an t-uain-càisge a mharbhadh.

8 Agus chuir e uaith Peadar agus Eoin, ag ràdh, Imichibh, agus ulluichibh dhuinn a' chàisg, chum gu'n ith sinn i.

9 Agus thubhairt iadsan ris, C'àit an àill leat sinn a dh'ullachadh?

10 Agus thubhairt e riu, Feuch, air dhuibh dol a steach do'n bhaile, tacharaidh oirbh duine, a' giùlan soithich uisge; leanaibh e do'n tigh anns an téid e steach.

11 Agus abraibh ri fear an tìghe, Tha am maighstir ag ràdh riut, C'àit am bheil an seòmar aoidheachd anns an ith mi a' chàisg maille ri mo dheisciobuibh?

12 Agus feuchaidh e dhuibh àrd-sheòmar farsuinn uidhimichte: ulluichibh an sin.

13 Agus dh'innich iad agus fhuair iad mar thubhairt e riu: agus dh'ulluich iad a' chàisg.

14 Agus an tràth thàinig an uair, shuidh e sìos; agus an dà abstol deug maille ris.

15 Agus thubhairt e riu, Le mòr-thogradh mhiannaich mi a' chàisg so itheadh maille ribh roimh dhomh fulang.

16 Oir tha mi ag ràdh ribh, nach ith mi dhith tuilleadh, gus an coimhlionar i ann an rioghachd Dhé.

17 Agus ghlac e cupan, agus air dha buidheachas a thabhairt, thubhairt e, Gabhaibh so, agus roinnibh eadaraibh féin e.

18 Oir tha mi ag ràdh ribh, nach òl mi de thoradh na fionain, gus an tig rioghachd Dhé.

19 Agus ghlac e aran, agus an déigh buidheachas a thabhairt, bhris e, agus thug e dhoibh-san e, ag ràdh, Is e so mo chorp-sa 'tha air a thoirt air bhur son-se: deanaibh so mar chuimhneachan ormsa.

20 Agus mar an ceudna an cupan, an déigh na suipeir, ag ràdh, Is e an cupan so an tiomnadh nuadh ann am fluil-sa, a dhòirtheadh air bhur son-sc.

21 Ach feuch, làmh an tì a bhrathas mise maille rium air a' bhòrd.

22 Agus gu fìrinncach tha Mac an duine ag imeachd, a réir mar a dh'orduicheadh: ach is an-aobhinn do'n duine sin leis am brathar e.

23 Agus thòisich iadsan air fiosrachadh eatorra féin, cò aca 'bha gus an ni so a dheanamh.

24 Agus bha mar an cendna comhstri eatorra, cò aca bu mhò a bhitheadh.

25 Ach thubhairt esan riu, Tha aig rìgh-

ribh nan Cinneach tighearnas orra; agus gearcar daoine fiala dhiubh-san, aig am bheil ughdarras orra.

26 Ach na bithibhse mar sin: ach an neach a's mò 'n 'ur measg, bitheadh e mar an neach a's òige; agus an ti a's àirde, mar esan a tha ri frithcaladh.

27 Oir co aca a's mò, an ti a shuidheas air bòrd, no esan a fhrithcheas? nach e 'n ti a shuidheas; ach tha mise 'n 'ur measg-se mar fhear-frithcalaidh.

28 Is sibhse iadsan a dh'fhan maille rium-sa ann am dheuchainnibh; *an d'fhan sibhse*

29 Agus tha mise ag orduchadh dhuibh rìoghachd, mar a dh'orduich m'Àthair dhomh-sa;

30 Chum gu'n ith agus gu'n òl sibh air mo bhòrd-sa ann am rìoghachd, agus gu'n suidh sibh air caithrichibh rìoghail, a' toirt breth air dà thrèibh dheug Israeil.

31 Agus thubhairt an Tighearn, A Shimoìn, a Shimoìn, feuch, dh'iarr Satan sibhse, chum *bhur* criaradh mar chruithneachd.

32 Ach ghuidh mise air do shonsa, nach dìobradh do chreidimh thu: agus an uair a dh'ionpaichear thu, neartaich do bhràithrean.

33 Agus thubhairt esan ris, A Thighearn, tha mise ullamh gu dol maille riut araon chum prìosain, agus a chum bàis.

34 Agus thubhairt esan, Tha mi ag ràdh riut, a Pheadair, nach goir an coileach an diugh, gus an àicheadhaidh thu trì uairean gur aithne dhuit mi.

35 Agus thubhairt e riut, 'N uair a chuir mi uam sibh gun sporan, agus gun mhàla, agus gun bhrògan, an robh uireasbhuidh ni sam bith oirbh? Agus thubhairt iad, Cha robh.

36 An sin thubhairt e riut, Ach a nis ge b'e aig an bheil sporan, togadh se e, agus mar an ceudna a mhàla: agus an ti aig nach eil claidheamh, reiceadh e 'fhalluin, agus ceannachadh e aon.

37 Oir tha mi ag ràdh ribh, gur éigin fathast an ni so a tha sgrìobhta a choimhlionadh annamsa, Agus bha e air àireamh ann measg nan ciontach: oir tha crìoch aig na mìthibh ud, a tha mu m' thimchioll-sa.

38 Agus thubhairt iadsan, A Thighearna, feuch, tha dà chlaidheamh an so. Agus thubhairt esan riut, Is leoir e.

39 Agus air dha dol a mach, chaidh e, mar bu ghnàth leis, gu sliabh nan erann-olaidh; agus lean a dheisciobuil e.

40 Agus an uair a thàinig e do'n àit, thubhairt e riut, Deanaibh urnuigh, chum nach tuit sibh ann am buaireadh.

41 Agus thairngeadh esan uatha mu thimchioll urchuir eloiche, agus leig se e féin air a ghulmibh, agus rinn e urnuigh.

42 Ag ràdh, Àthair, ma's toil leat, cuir an eupan so seachad orm: gidheadh, na b'i mo thoil-sa, ach do thoil-sa gu robh deanta.

43 Agus dh'fhoillsicheadh dha aingeal o neamh, 'g a neartachadh. *an d'fhoillsicheadh*

44 Agus air dha 'bhi ann an cruaidh-ghleachd anama, rinn e urnuigh ni bu dùrachdaiche: agus bha 'fhallus mar bhraon-aibh mòra fola a' tuiteam sìos air an talamh.

45 Agus air dha éirigh o urnuigh, thàinig e chum a dheisciobul, agus fhuair e 'n an codal iad troimh thuirse.

46 Agus thubhairt e riut, C'ar son a tha sibh 'n 'ur codal? éiribh, agus deanaibh urnuigh, chum nach tuit sibh ann am buaireadh.

47 Agus an uair a bha e fathast a' labhairt, feuch sluagh, agus dh'imich esan d'am b'ainm Iudas, aon de'n dà fhear dheug, rompa, agus dhruid e ri Iosa, chum a phògadh.

48 Ach thubhairt Iosa ris, A Iudais, am bheil thu le pòig a' brath Mhic a' duine?

49 Agus an uair a chuir iadsan a bha mu thimchioll-san an ni a bha gu tachairt, thubhairt iad ris, A Thighearna, am buail sinn leis a' chlaidheamh?

50 Agus bhuail aon diubh seirbhiseach an àrd-shagairt, agus ghearr e dheth a chluas dheas.

51 Agus fhreagair Iosa agus thubhairt e, Fulaingibh gu e. Agus bhean e'r a chluais, agus shlanuich e i.

52 An sin thubhairt Iosa ris na h-àrd-shagartaibh agus ri ceannardaibh an teampull, agus ris na seanairibh, a thàinig d'a ionnsuidh, An d'thàinig sibh a mach le claidhibh agus le bataichibh, mar gu'n b'ann an aghaidh fir-reubainn?

53 'N uair a bha mi gach là maille ribh 's an teampull, cha do shìn sibh a mach *bhur* lànhan a'm' aghaidh: ach is i so bhur n-uairse, agus cumhachd an dorchadais. *Ann*

54 An sin rug iad air, agus thug iad leo e do thigh an àrd-shagairt. Agus lean Peadar ann fad uaith e.

55 Agus air dhoibh teine fhadadh ann am meadhon an talla, agus suidhe sìos maille ri 'chèile, shuidh Peadar 'n an meadhon.

56 Ach chunnaic cailin àraidh c'n a shuidhe aig an teine, agus air dhi amharc gu geur air, thubhairt i, Bha'm fear so mar an ceudna maille ris.

57 Agus dh'àicheadh esan e, ag ràdh, A bhean, cha-n aithne dhomh e.

58 Agus beagan 'n a dhéigh sin chunnaic neach eile e, agus thubhairt e, Is ann diubh thusa mar an ceudna. Agus thubhairt Peadar, A dhuine, cha-n ann.

59 Agus mu thimchioll ùine aoin uaire 'n a dhéigh sin, chomhdaich neach eile air, ag ràdh, Gu fìrinneach bha am fear so mar an ceudna maille ris; oir is Galiléach e.

60 Agus thubhairt Peadar, A dhuine, cha-n aithne dhomh ciod a tha thu 'g ràdh. Agus

air ball, am feadh a bha e fathast a' labhair, ghoir an coileach.

61 Agus air tionndadh do'n Tighearn, dh'amhaire e air Peadar; agus ehuinnmich Peadar focal an Tighearna, mar thubhairt e ris, Mun goir an coileach, a'cheadhaidh tu mi tri uairean.

62 Agus chaidh Peadar a mach, agus ghluil e gu goirt.

63 Agus rinn na daoine, a chum Iosa, fanoid air, 'g a bhuailadh.

64 Agus an uair a dh'fholuich iad a shùil-ean, bhuail iad e 's an aghaidh, agus dh'fheoraich iad deth, ag ràdh, Dean fàidh-eadaireachd cò e a bhuail thu?

65 Agus labhair iad mòran de nithibh eile gu toibheumach 'n a aghaidh.

66 Agus an uair a bha an là air teachd, chruinnich seanadh an t-sluaigh, agus na h-àrd-shagartan, agus na sgrìobhaichean an ceann a chéile, agus thug iad esan chum an comhairle,

67 Ag ràdh, An tusa Crìosd? innis dhuinn. Agus thubhairt e riu, Ma dh'innseas mi dhuibh, cha chreid sibh:

68 Agus ma dh'fhiosraicheas mi *ni air bith*, cha toir sibh freagradh dhomh, agus cha leig sibh as *mi*.

69 O'n àm so bithaidh Mac an duine 'n a shuidhe air deas làimh cumhachd Dhé.

70 An sin thubhairt iad uile, An tusa ma seadh Mac Dhé? Agus thubhairt e riu, Tha sibhse ag ràdh gur mi.

71 Agus thubhairt iad, Ciod tuilleadh am feum a tha againn air fianuis? oir chuala sinn fèin *i* as a bheul fèin.

CAIB. XXIII.

1 Chasaid na h-Iudhaich air Crìosd an làthair Philat. 8 Rinn Herod janoid air. 12 Rinneadh Herod agus Pilat 'n an cairdibh. 18 Dh'iarraidh Barabas leis an t-sluaigh, agus air 'fhuasgladh le Pilat, thug e Iosa thairis gu bhàir air a cheusadh: 34 Ghluidh Crìosd air son a naimhdean. 46 A bhàs, 59 agus 'adhlac.

AGUS air éirigh d'an cuideachd uile, thug iad e gu Pilat.

2 Agus thòisich iad air a chasaid, ag ràdh, Fhuair sinn am fear so a' claochadh a' chinnich, agus a' bacadh eis a thoirt do Cheasar, ag ràdh, Gur e fèin Crìosd an rìgh.

3 Agus dh'fheoraich Pilat deth, ag ràdh, An tusa rìgh nan Iudhach? agus fhreagair esan agus thubhairt e, Tha thu 'g a ràdh.

4 An sin thubhairt Pilat ris na h-àrd-shagartaibh agus ris an t-sluaigh, Cha-n'eil mi 'faotain coire air bith 's an duine so.

5 Agus bha iadsan ni bu ro dhéine, ag ràdh, Tha e' buaireadh an t-sluaigh, a' teagasg troimh Iudea uile, a' tòiseachadh o Ghalile agus an àit so.

6 'N uair a chuala Pilat mu Ghalile, dh'fhiosraich e am bu Ghaliléach an duine.

7 Agus an uair a chual e gu'm b'ann fo uachdaranachd Heroid a bha e, chuir se e

gu Herod, a bha e fèin ann an Ierusalem 's na làithibh sin.

8 Agus an uair a chunnaic Herod Iosa, bha aoibhneas mòr air: oir bha déidh aige ré ùine fhada air esan fhaicinn, do bhrìgh gu'n eual e mòran uime; agus bha dùil aige gu'm faicheadh e mìorbhuil éigin air a dhean amh leis.

9 An sin dh'fheòraich e mòran de cheisdean dheth; ach cha d'fhug e freagradh sam bith dha.

10 Agus sheas na h-àrd-shagartan, agus na sgrìobhaichean 'g a chasaid gu dian.

11 Ach chuir Herod agus a luchd-cogaidh 'an neo-mheàs e, agus rinn iad fanoid air, agus an déigh a sgeadachadh 'an eudach dealrach chuir e air ais gu Pilat e.

12 Agus rinneadh Pilat agus Herod 'n an cairdibh d'a chéile 's an là sin: oir bha iad roimhe sin 'an naimhdeas r'a chéile.

13 Agus an uair a ghairm Pilat an ceann a chéile na h-àrd-shagartan, agus na h-uachdarain, agus an sluagh,

14 Thubhairt e riu, Thug sibh a m' ionnsuidh-sa an duine so, mar neach a tha 'tionndadh an t-sluaigh a thaobh: agus, feuch, air dhomh a cheasnachadh ann buur làthair, eha d'fhuair mi coire air bith 's an duine so 'thaobh nan nithean sin mu 'm bheil sibh a' deanamh casaid air;

15 No mar an ceudna Herod: oir chuir mi d'a ionnsuidh sibh, agus, feuch, cha d'rinneadh ni air bith leis toilltimeach air bàs.

16 Uime sin, air dhomh-sa a smachdachadh, leigidh mi as e.

17 (Oir b'éigin da aon a leigeadh as doibh air an fhéill.)

18 Agus ghlaodh iad a mach dh'aon ghuth, ag ràdh, Beir uainn am fear so, agus leig air a chomas duinn Barabas:

19 (Neach air son ceannaire àraidh a rinneadh anns a' bhaile, agus air son mortaidh, a thilgeadh 'am prìosan.)

20 Air an aobhar sin labhair Pilat riu a ris, air dha 'bhi toileach Iosa a chur fa sgaoil.

21 Ach ghlaodh iadsan, ag ràdh, Ceus e, ceus e.

22 Agus thubhairt e riu an treas uair, C'ar son? ciod an cron a rinn e? cha d'fhuair mise cùis bhàis air bith ann: uime sin, an déigh dhomh a smachdachadh, leigidh mi as e.

23 Agus luidh iadsan air le guthaibh mòra, ag iarraidh esan a cheusadh: agus bhuadh-aich an guthan-san, agus guthan nan àrd-shagart.

24 Agus thug Pilat breth gu'n deantadh na dh'iarr iad.

25 Agus leig e mach dhoibh esan a thilgeadh 'am prìosan air son ceannaire agus mortaidh, an neach a dh'iarr iad; ach thug e thairis Iosa d'an toil.

26 Agus an tràth 'thug iad leo e, rug iad air Simon, duine àraidh o Chirene, a bha 'teachd o'n dùthaich, agus chuir iad an crann-ceusaidh air, g'a ghiùlan an déigh Iosa.

27 Agus lean cuidcachd mhòr e de'n t-sluagh, agus de mhnàibh, a bha mar an ceudna ri bròn, agus 'g a chaoineadh-san.

28 Ach air tionndadh do Iosa riu, thubhairt e, A nigheana Ierusalem, na guilibh air mo shonsa, ach guilibh air bhur son féin, agus air son bhur cloinne:

29 Oir feuch, tha na làithean a' teachd, anns an abair iad, Is beannaichte na *mnathan* neo-thorrach, agus na bronnach nach do ghiùlain *clann*, agus na cìochan nach d'thug bainne.

30 An sin tòisichidh iad air a ràdh ris na beanntaibh, Tuitibh oirne; agus ris na cnocaibh, Fèlaichibh sinn.

31 Oir ma nì iad na nithean so ris a' chrann ùr, ciod a nì iad ris a' chrionaich?

32 Agus thugadh mar an ceudna dithis eile, a bha 'n an luchd droch-bheirt, chum bli air an ceusadh maille ris.

33 Agus an uair a thàinig iad do'n àit d'an goirear Calbhari, an sin cheus iad e féin, agus na droch dhaoine; fear dhiubh air a làimh dheis, agus an fear eile air a làimh chlì.

34 An sin thubhairt Iosa, Athair, maith dhoibh; oir cha-n'èil fhios aca ciod a tha iad a' deanamh. Agus roinn iad 'eudach, agus thlig iad crannchur *air*.

35 Agus sheas an sluagh ag amharc: agus rinn na h-uachdarain fanoid *air* maille riusan, ag ràdh, Shaor e daoine eile; saoradh se e féin, ma's e so Criosd, aon taghta Dhé.

36 Agus rinn na saighdearan mar an ceudna fanoid air, a' teachd d'a ionnsuidh, agus a' tairgseadh fìon geur dha,

37 Agus ag ràdh, Ma's tu Rìgh nan Iudhaich, teasairg thu féin.

38 Agus bha sgrìobhadh mar an ceudna air a sgrìobhadh os a cheann, ann an litricheibh Gréigis, agus Laidin, agus Eabhra, IS E SO RÌGH NAN IUdhACH.

39 Agus thug aon de na droch dhaoineibh, a chrochadh, toibheum dha, ag ràdh, Ma's tu Criosd, saor thu féin agus sinne.

40 Ach fhreagair am fear eile, agus chronuich se e, ag ràdh, Nach 'eil eagal Dhé ort, agus gu bheil thu fo'n aon dìteadh ris?

41 Agus sinne da rìreadh 'an ceartas; oir tha sinn a' faotainn nan nithean sin a thoill ar gnìomharan: ach cha d'rinn an duine so cron air bitlì.

42 Agus thubhairt e ri Iosa, A Thighcarna, cùmhnich ormsa 'n uair a thig thu do d' rioghachd.

43 Agus thubhairt Iosa ris, Gu deimhin tha mi ag ràdh riut, gu'm bi tì maille riunsa an diugh ann am pàrras.

44 Agus bha e mu thimcheòl na seathamh uaire, agus bha dorchadas air an t-àramh nìe gus an naothamh uair.

45 Agus dhorchaicheadh a' ghrian, agus reubadh brat-roinn an teampuill 'n a mheadhon.

46 Agus an uair a ghlaodh Iosa le guth mòr, thubhairt e, Athair, tha mi 'tionnadh mo spioraid a'd làmhnan-sa: agus an uair a thubhairt e so, thug e suas an deò.

47 A nis an uair a chunnaic an ceannard-ceud an nì a rinnadh, thug e glòir do Dhia, ag ràdh, Gu fìrinneach b'ionracan an duine so.

48 Agus an sluagh uile a chruinnich dh'ionnsuidh an t-seallaidh sin, an uair a chunnaic iad na nithean a rinnadh, phill iad air an ais, a' bualadh an uchd.

49 Agus sheas a luchd-eòlais uile, agus na mnathan a lean e o Ghalile, am fad uaith, ag amharc air na nithibh sin.

50 Agus, feuch, duine àraidh d'am b'ainm Ioseph, combhairleach, a bha 'n a dhuine maith, agus 'n a fhìrean;

51 (Cha d'aontaich an duine so r'an combhairle no r'an gnìomh); O Arimatea, baile leis na h-Iudhaich; neach mar an ceudna aig an robh suil ri rioghachd Dhé.

52 Chaidh esan gu Pilat, agus dh'iar e corp Iosa.

53 Agus air dha a thoirt a nuas, phaisg e ann an lìon-eudach e, agus chuir e ann an uaigh e a chladhaicheadh á carraig, anns nach do chuireadh aon duine riamh roimhe.

54 Agus b'e sin là an ulluchaidh, agus bha an t-sàbaid am fagus.

55 Agus lean na mnathan a thàinig maille ris o Ghalile, agus chunnaic iad an uaigh, agus cionnus a chuireadh a chorp.

56 Agus phill iad, agus dh'ulluich iad spìosraidh, agus oladh deadh fhàile; agus ghabh iad tamh air là na sàbaid, a réir na b-àitlne.

CAIB. XXIV.

1 Chuireadh aiseirigh Chriosd 'an cèill le dà aingeal do na mnàibh a thàinig a d'amharc na h-uaighe: 13 Dh'fhoillsicheadh Criosd féin do'n dithis dheisciobul a chaidh gu h-Emaus: 36 'n a d'èigh sin dh'fhoillsicheadh e do na h-abstolaibh, agus chronuich e iad air son am mì-chreidimh: 47 thug e àitlne dhoibh; 48 gheall e an Spìorad naomh, 51 agus chaidh e suas do nèamh.

A NIS air a' cheud là de'n t-seachdain, gu ro mhoch air mhaduinn, thàinig iad chum na h-uaighe, a' toirt leo nan spìosraidh a dh'ulluich iad, agus mnathan àraidh eile maille rin.

2 Agus fhuair iad a' chlach air a caruchadh o'n uaigh.

3 Agus air dhoibh dol a steach, cha d'fhuair iad corp an Tighearn' Iosa.

4 Agus am feadh a bha iad 'an ioma-cheis

mu'n ni so, feuch, sheas dithis dhaoine làimh riu ann an eudaichibh dealrach.

5 Agus air dhoibh a bhi fo eagal, agus a' cromadh an aghaidh chum na talmhainn, thubhairt iad riu, C'ar son a tha sibh ag iarraidh an ti a tha beò am measg nam marbh?

6 Cha-n'eil e 'n so, ach dh'éirich e; cuimhnichibh mar a labhair e ribh air dha 'bhi fathast ann an Galile,

7 Ag ràdh, Is éigin do Mhac an duine 'bhi air a thoirt thairis do làmhnan dhaoine peacach, agus a bhi air a cheusadh, agus éirigh a ris an treas là.

8 Agus chumhnich iad a bhriathran.

9 Agus air dhoibh pilltinn o'n uagh, dh'innis iad na nithean so uile do'n aon fhear deug, agus do chàch uile.

10 Agus b'i Muire Magdalen, agus Ioanna, agus Muire màthair Sheumais, agus mnathan eile maille riu, a dh'innis na nith-ean so do na h-abstolaibh.

11 Agus mheasadh am briathran leo-san mar sgeula faoine, agus cha do chreid siad iad.

12 An sin air éirigh do Pheadar, ruith e chum na h-uaghe; agus air dha cromadh sìos, chunnaic e'n lìon-eudach 'n a luidhe leis féin, agus dh'fhalbh e, a' gabhail iong-antais leis féin mu'n ni so a rinneadh.

13 Agus, feuch, bha dithis diubh a' dol air an là sin féin gu baile d'am b'ainm Emaus, a bha trì fichead stàid o Ierusalem.

14 Agus bha iad a' labhairt eatorra féin mu thùchail nan nithean ud uile a thachair.

15 Agus an uair a bha iad a' còmhradh, agus a' co-reusonachadh, thàinig Iosa e féin am fagus, agus dh'innich e maille riu.

16 Ach bha'n sùilean air an cumail, air chor as nach d'aithnich iad e.

17 Agus thubhairt e riu, Ciod e an còmh-radh so air am bheil sibh a' teachd cadar-aibh féin, ag imeachd dhuibh, agus sibh dubhach?

18 Agus fhreagair fear dinbh d'am b'ainm Cleopas, agus thubhairt e ris, Am bheil thusa a mhàin a'd choigreach ann an Ierusalem, agus gun fhios agad air na nithibh a rinneadh innte anns na làithibh so?

19 Agus thubhairt e riu, Ciod na nithean? Agus thubhairt iadsan ris, Na nithean a thachair Iosa o Nasaret, a bha 'n a fhàidh còmhachdach ann an guìomh agus ann am ìosal 'am fianuis Dhé, agus an t-sluaigh uile:

20 Agus cionnus a thng na h-àrd-shagartan agus ar n-nachdarain thairis chum dithidh bails e, agus a cheus iad e.

21 Ach bha dùil againne gu'm b'esan an ti a bha gu Israel a shaoradh; agus a thuill-eadh air so uile, is e 'n diugh an treas là o rinneadh na nithean so.

22 Agus mar an ceudna, chuir mnathan

àraidh dhinn féin, a chaidh gu mòch a dh'ionnsuidh na h-uaghe, mòr-ìoghnadh oirnn:

23 Agus an uair nach d'fhuair iad a chorp, thàinig iad, ag ràdh, gu'm fac iad sealladh de aingibh, a thubhairt gu bheil e beò.

24 Agus chaidh dream àraidh dhiubhsan a bha maille ruinn féin, chum na h-uaghe, agus fhair iad eadhon mar a thubhairt na mnathan; ach cha-n fhac iad esan.

25 An sin thubhairt e riu, O dhaoine amaideach, agus mall-chridheach a chreid-sinn nan nithean sin uile a labhair na fàidhean!

26 Nach b'éigin do Chrìosd na nithean so fhulang, agus dol a steach d'a ghloir?

27 Agus air dha tòiseachadh o Mhaois, agus o na fàidhibh uile, dh'eadar-mhìnich e dhoibh anns na sgrìobtuiribh uile na nith-ean n'a thùchail féin.

28 Agus dhruid iad ris a' bhaile, d'an robh iad a' dol: agus leig esan air gu'n rachadh e ni b'fhaide.

29 Ach cho-éignich iadsan e, ag ràdh, Fan maille ruinne, oir tha e dlùth do'n fheasgar agus tha deireadh an là ann. Agus chaidh e steach a dh'fhuireach maille riu.

30 Agus an uair a shuidh e gu biadh maille riu, air dha aran a ghlacadh, bheannaich se e, agus bhris se e, agus thug e dhoibh e.

31 Agus dh'fhosgadh an sùilean, agus dh'aithnich iad e; agus chaidh e as an t-sealladh.

32 Agus thubhairt iad r'a chèile, nach robh ar cridhe a' lasadh annainn, am feadh a bha e a' labhairt ruinn air an t-slighe, agus an uair a dh'fhosgail e dhuinn na sgrìobtuir-ean?

33 Agus dh'éirich iad air an nair sin féin, agus phill iad gu Ierusalem, agus fhair iad an t-aon fhear deug cruinn 'an ceann a chèile, agus an dream a bha maille riu,

34 Ag ràdh, Dh'éirich an Tighearn da rir-eadh, agus chunnacas le Simon e.

35 Agus dh'innis iad na nithean a rinneadh air an t-slighe, agus mar a dh'aithnich-eadh leo e ann am briseadh an arain.

36 Agus ag labhairt nan nithean so dhoibh, sheas Iosa féin 'n am meadhon, agus thubhairt e riu, Sìth maille ribh.

37 Ach bha iadsan fo gheilt-chrith agus fo eagal, agus shaoil iad gur spiorad a chunn-aic iad.

38 Agus thubhairt e riu, C'ar son a tha sibh fo bhuairesas, agus c'ar son a tha smuaintean ag éirigh suas ann bhur cridh-eachaibh?

39 Feucaibh mo làmhnan agus mo chosan, gur mi féin a th'ann: laimhsichibh mi, agus faicibh; oir cha-n'eil aig spiorad feoil agus cnàmhan, mar a chi sibh agam-sa.

40 Agus an uair a thubhairt e so, nochd e dhoibh a làmhnan agus a chosan.

41 Agus air dhoibh 'bhi fathast ni-chreid-

each troimh aoibhneas, agus iad fo iongant-
as, thubhairt e riu, Am bheil biadh sam
bith agaibh an so?

42 Agus thug iad da mìr de iasg ròiste,
agus de eilur-mheala.

43 Agus ghlac se e, agus db'ith e 'n am
fianuis.

44 Agus thubhairt e riu, 'S iad so na
briathran a labhair mi ribh, 'n uair a bha
mi fathast maille ribh, gur éigin do na h-uile
nithibh a tha sgrìobhta ann an lagh Mhaois,
agus anns na fàidhibh, agus anns na salm-
aibh mu m' thimcheall-sa, 'bhi air an coimh-
lionadh.

45 An sin dh'fhosgail e an tuigse, chum
gu'n tuigeadh iad na sgrìobtuirean.

46 Agus thubhairt e riu, Mar so tha e
sgrìobhta, agus mar so b'èigin do Chrìosd
fulang, agus éirigh o na mairbh an treas là:

47 Agus aithreachas agus maithneas peac-

aids 'bhi air an searmonachadh 'n a ainm-
san, do na h-uile chinnich, a' tòiseachadh aig
Ierusalem.

48 Agus is fianuisean sibhse air na nith-
ibh so.

49 Agus, feuch, euiridh mise gealladh m'
Athar oirbh: ach fanaibhse ann am baile
Ierusalem, gus an sgeadaichear le cumh-
achd o na h-àrdaibh sibh.

50 Agus thug e mach iad eo fhad ri Betani;
agus thog e suas a làmhnan, agus bheannaich
e iad.

51 Agus am feadh a bha e 'g am beann-
achadh, dhealaicheadh riu e, agus thogadh
suas gu nìamh e.

52 Agus rinn iad aoradh dha, agus phill
iad gu Ierusalem le gairdeachas mòr:

53 Agus bha iad a ghnàth anns an team-
pull, a' moladh agus a' beannachadh Dhé.
Amen.

AN SOISGEUL

A REIR

EOIN.

CAIB. I.

1 Diadhachd, daoineachd, agus drenchd Iosa
Crìosd. 15 Fianuis Eoin. 39 Gairm Aind-
reais, Pheadair, 43 Philip, 45 agus Nàta-
naeil.

AN toiseach bha am Focal, agus bha
am Focal maille ri Dia, agus b'e am
Focal Dia.

2 Bha e so air tùs maille ri Dia.

3 Rinneadh na h-uile nithean leis; agus as
'eugmhais eha d'rinneadh aon ni a rinneadh.

4 Am-san bha beatha, agus b'i a' bheatha
solus dhaoine.

5 Agus tha 'n solus a' soillseachadh anns
an dorehadas, agus eha do ghabh an doreh-
adas e.

6 Chuireadh duine o Dhia, d'am b'ainm
Eoin.

7 Thàinig esan mar fhianuis, chum fianuis
a thoirt mu'n t-solus, ehum gu'n creideadh
na h-uile dhaoine trid-san.

8 Cha b'esan an solus sin, ach chuireadh e
chum gu'n tugadh e fianuis mu'n t-solus.

9 B'e so an solus fìor a tha 'soillseachadh
gach nìle dhuine 'tha 'teachd ehum an
t-saoghail.

10 Bha e anns an t-saoghal, agus rinneadh
an saoghal leis, agus cha d'aithnich an
saoghal e.

11 Thàinig e dh'ionnsuidh a dhùthcha féin,
agus cha do ghabh a mhuinntir féin ris.

12 Ach a mhead as a ghabh ris, thug e
dhoibh cumhachd a bhi 'n an eloinn do

Dhia, eadhon dhoibh-san a tha 'creidsinn
'n a ainm:

13 A bha air an gineamhuin, eha-n ann o
fluil, no o thoil na feòla, no o thoil duine,
ach o Dhia.

14 Agus rinneadh am Focal 'n a fheoil,
agus ghabh e còmhnuidh 'n ar measg-ne,
(agus chunnaie sinn a ghloir, mar ghloir
aoin-ghin Mhie an Athar,) làn gràs agus
fìrinn.

15 (Thug Eoin fianuis uime, agus ghlaodh
e, ag ràdh, Is e so an ti mu'n do labhair
mi, An ti a tha 'teachd a'm dhéigh, tha
toiseach aig orm; oir bha e romhan.)

16 Agus as a lànachd-san fhuair sinne uile,
agus gràs air son gràs.

17 Oir thugadh an lagh le Maois, ach
thàinig an gràs agus an fhìrinn le Iosa
Crìosd.

18 Cha-n fhaca neach air bith Dia riamh;
an t-aon-ghin Mie, a tha ann an uchd an
Athar, is esan a dh'fhoillsich e.

19 Agus is i so fianuis Eoin: An uair a
chuir na h-Iudhaich sagartan agus Leb-
ithich o Ierusalem, ehum gu'm fiosraich-
eadh iad deth, Cò thusa?

20 Dh'aidich esan, agus eha d'aicheadh e;
ach dh'aidich e, Cha mhi Crìosd.

21 Agus dh'fiosraich iad deth, Ciod na
seadh? An tu Elias? Agus thubhairt e,
Cha mhi. An tu am fàidh? Agus fhreag-
air e, Cha mhi.

22 An sin thubhairt iad ris, Cò thu? chum

gu'n toir sinn freagradh dhoibh-san a chuir uatha sinn: eiod a tha thu 'g ràdh mu do thimchioll féin?

23 Thubhairt e, *Is mise guth an ti a ghlaodhas anns an fhàsach, Deanaibh d'each slighe an Tighearna, mar 'thubhairt am fàidh Esaias.*

24 Agus au dream a chuireadh leis an teachdaireachd, b'ann de na Phairisich iad.

25 Agus dh'fhiosraich iad deth, agus thubhairt iad ris, C'ar son ma seadh a tha thu a' baisteadh, mur tu Crìosd, no Elias, no am fàidh?

26 Fhreagair Eoin iad, ag ràdh, Tha mise a' baisteadh le h-uisge; ach tha neach 'n a shecasamh 'n 'ur measg, nach aithne dhuibh;

27 Is e so an ti, a tha 'teachd a'm' dhéighsa, aig am bheil toiseach orm, neach nach airidh mise air barr-iall a bhròige fhuasgladh.

28 Rinneadh na uithean so ann am Betani air an taobh thall de Iordan, far an robh Eoin a' baisteadh.

29 Air an là màireach chunnaic Eoin Iosa a' teachd d'a ionnsuidh, agus thubhairt e, Feuch Uau Dhé, a tha 'toirt air falbh peacaidh an t-saoghail!

30 Is e so au ti mu'u dubhairt mi, Tha fear a' teachd a'm' dhéigh, aig am bheil barrachd orm; oir bha e romham.

31 Agus cha robh aithne agam-sa air: ach a chum gu'm bithceadh e air fhoillsachadh do Israel, uime sin thàinig mi a' baisteadh le h-uisge.

32 Agus thug Eoin fianuis, ag ràdh, Chunnaic mi au Spiorad a' teachd a nuas mar choluman o nèamh, agus ghabh e còmhnuidh air.

33 Agus cha b'aithne dhomh-sa e: ach an ti a chuir mi a bhaisteadh le h-uisge, thubhairt esan rium, Ge b'e air am faic thu an Spiorad a' teachd a nuas agus a' gabhail còmhnuidh air, is e sin an ti a bhaistean leis an Spiorad naomh.

34 Agus chunnaic mi, agus rinu mi fianuis, gur e so Mae Dhé.

35 Air an là màireach a ris shìcas Eoin, agus dithis d'a dheisciobuibh;

36 Agus air dha amharc air Iosa agus e ag imcadh, thubhairt e, Feuch Uau Dhé!

37 Agus chual an dithis dheisciobul e a' labhairt, agus lean iad Iosa.

38 Agus air tionndadh do Iosa, chunnaic e iad 'g a leantuin, agus thubhairt e riu, Ciod a tha sibh ag iarraidh? Thubhairt iad-san ris, Rabbi, (is e sin r'a ràdh, air eadar-theangachadh, a mhaighistir,) c'àit am bheil thu 'gabhail còmhnuidh?

39 Thubhairt e riu, Thigibh agus faicibh. Thàinig iad agus chunnaic iad c'àit an robh e 'gabhail còmhnuidh, agus dh'fhan iad maille ris au là sin: oir bha e mu thimchioll na deicheamh uaire.

40 B'e Aindreas, bràthair Shimoin Pheadair, aon de'n dithis a chual Eoin a' labhairt, agus a lean esan.

41 Fhuair esan air tùs a bhràthair féin Simon, agus thubhairt e ris, Fhuair sinne am Mesias, is e sin, air eadar-theangachadh, Crìosd.

42 Agus thug e chum Iosa e; Agus an uair a dh'amhaire Iosa air, thubhairt e, Is tusa Simon mac Iona: gairmear Cephas dhìot, is e sin air eadar-theangachadh, Peadar.

43 Air an là 'n a dhéigh sin, bu toil le Iosa dol a mach do Ghalile, agus fhuair e Philip, agus thubhairt e ris, Lean mise.

44 A nis bha Philip o Bhetsaida, baile Aindreas agus Pheadair.

45 Fhuair Philip Natanael, agus thubhairt e ris, Fhuair sinne au ti mu'n do sgriobh Maois anns an lagh, agus na fàidhean, Iosa o Nasaret, mac Iosiph.

46 Agus thubhairt Natanael ris, Am feud ni maith air bith teachd á Nasaret? Thubhairt Philip ris, Thig agus faic.

47 Chunnaic Iosa Natanael a' teachd d'a ionnsuidh, agus thubhairt e uime, Feuch Israelach da rìreadh, anns nach 'eil cealg!

48 Thubhairt Natanael ris, Cionnus is aithne dhuit mi? Fhreagair Iosa agus thubhairt e ris, Mun do gha'n Philip thu, 'n uair a bha thu fo 'u chrann-flìge, chunnaic mise thu.

49 Fhreagair Natanael agus thubhairt e ris, Rabbi, is tusa Mac Dhé; is tu Rìgh Israel.

50 Fhreagair Iosa agus thubhairt e ris, A chionn gu'n dubhairt mi riut, Chunnaic mi thu fo 'n chrann-flìge, am bheil thu 'creidsinn? cbi thu nithean a' mò na iad so.

51 Agus thubhairt e ris, Gu deimhin deimhin tha mi ag ràdh ribh, 'N a dhéigh so chi sibh nèamh fogailte, agus ainglean Dhé a' dol suas agus a' teachd a nuas air Mac an duine.

CAIB. II.

1 Rinn Crìosd fion de'n uisge: 12 chaidh e do Chapernaum, agus do Ierusalem, 14 far an do ghlan e an teampull o luchd reic agus ceannaich: 19 roimh-imis e a bhàs agus 'ais-eirigh. 23 Chreid mòran ann air son a mlior-bhuilean, ach cha d'earb se e féin riu.

AGUS air an treas là bha pòsadh ann an Caua Ghalile; agus bha màthair Iosa an sin.

2 Agus fhuair Iosa mar an ceudna agus a dheisciobuil cuirceadh chum a' phòsaidh,

3 Agus air teirceachdainn do'n fhion, thubhairt màthair Iosa ris, Cha-n'eil fion aca.

4 Thubhairt Iosa rithe, Ciod e mo ghnòthach-sa riut, a bhean? cha d'thàinig m' nair-sa fathast.

5 Thubhairt a màthair ris an luchd-

frithéalaidh, Ge b'e ni a their e ribh, dean-aibh e.

6 Agus bha sè soithichean uisge de chloich air an cur an sin, a réir gnàtha glanaidh nan Iudhach, a ghabhadh dà fheircin no trì gach aon diubh.

7 Thubhairt Iosa riu, Lìonaibh na soithichean le uisge. Agus hion siad iad gus am beul.

8 Agus thubhairt e riu, Tairngibh a nis, agus thugaibh ehum uachdarain na cuirme. Agus thug iad ann e.

9 'N uair a bhlaibh uachdaran na cuirme an t-uisge a rinnadh 'n a fhìon, (agus cha robh fhios aige cia as a thàinig e; ach bha fhios aig an luchd-frithéalaidh a tharruing an t-uisge,) ghairm uachdaran na cuirme am fear nuadh-pòda.

10 Agus thubhairt e ris, Cuiridh gach duine fion maith a làthair air tùs; agus an uair a dh'òlas daoine gu leoir, an sin am fion a's miosa: ach ghléidh thusa am fion maith gus a nis.

11 An toiseach so de mhìorbhuilbh rinn Iosa ann an Càna Ghalile, agus dh'fhoillsich e a ghlòir; agus chreid a dheisciobuil ann.

12 An dèigh so chaidh e sìos do Chaper-naum, e fèin, agus a mhàthair, agus a bhràithrean, agus a dheisciobuil; agus eha d'fhan iad ann mòran làithean.

13 Agus bha cùisg nan Iudhach am fagus; agus chaidh Iosa suas gu Ierusalem.

14 Agus fhuair e 'n an suidhe anns an teampull luchd reicidh cruaidh, agus ehaor-ach, agus choluman, agus luchd-malairt an airgid:

15 Agus air deanamh sgiùrsair dha de chòrdaibh caola, dh'fhuadaich e mach as an teampull iad uile, agus na caoraich agus an crodh; agus dhòirt e mach airgid an luchd-malairt, agus thilg e na buird thairis;

16 Agus thubhairt e rìusan a bha 'reiceadh choluman, Togaibh iad sin á so; na deanaibh tigh m'Àthar-sa 'n a thigh marsandaich.

17 Agus chuimhnich a dheisciobuil gu'n robh e sgriobhta, Dh'ith eud do thighe suas mi.

18 An sin fhreagair na h-Iudhaich, agus thubhairt iad ris, Ciod an còmhraidh a nochdas tu dhuinne, a thaobh gu bheil thu 'deanamh nan nithean sin?

19 Freagair Iosa agus thubhairt e riu, Leagaibh sìos an teampull so, agus ann an trì làitheibh cuiridh mise suas e.

20 An sin thubhairt na h-Iudhaich, Sè bliadhna agus dà fhichead bha an teampull so 'g a thogail, agus an euir thusa suas ann an trì làitheibh e?

21 Ach labhair esan mu theampull a chuirp.

22 Uime sin an uair a bha e air éirigh o na maibh, ehuimhnich a dheisciobuil gu'n dubhairt e so: agus chreid iad an sgriobtuir, agus an focal a thubhairt Iosa.

23 A nis an uair a bha e ann an Ierusalem aig a' chàisg, air an fheill, chreid mòran 'n a ainm, an uair a chunnaic iad na mìorbhuillean a rinn e.

24 Ach cha d'earb Iosa e fèin riu, do bhrìgh gu'm b'aithne dha na h-uile dhaoine,

25 Agus nach robh feum aige neach air bith a dheanamh fianuis air duine: oir bha fhios aige ciod a bha anns an duine.

CAIB. III.

1 *Theagaisg Criosd do Nicodemus feum na h-ath-glhineamhuin.* 14 *Mu chreidinn 'n a bhàs.* 16 *Mòr-ghràdh Dhé do'n chinne-daoine.* 23 *Baisteadh, fianais, agus teagaisg Eoin.*

A GUS bha duine de na Phairisich, d'am b'ainm Nicodemus, a bha 'n a uachdaran air na h-Iudhaich:

2 Thàinig esan ehum Iosa 's an oidheche, agus thubhairt e ris, A mhaighstir, tha fhios againn gur fear-teagaisg thu a thàinig o Dhia: oir cha-n urrainn duine air bith na mìorbhuillean so 'dheanamh a tha thusa a' deanamh, mur bi Dia maille ris.

3 Freagair Iosa agus thubhairt e ris, Gu deimhin deimhin tha mi ag ràdh riut, mur beirear duine a ris, nach h-urrainn e rioghachd Dhé fhaicinn.

4 Thubhairt Nicodemus ris, Cionnus is urrainn duine bhi air a bhreith 'n uair tha e aosta? am bheil e comasach air dol a stigh an dara uair do bhroinn a mhàthar, agus a bhi air a bhreith?

5 Freagair Iosa, Gu deimhin deimhin tha mi ag ràdh riut, mur bi duine air a bhreith o uisge, agus o'n Spiorad, cha-n urrainn e dol a steach do rioghachd Dhé.

6 An ni sin a tha air a bhreith o'n fheoil, is feoil e; agus an ni sin a tha air a bhreith o'n Spiorad, is spiorad e.

7 Na gabh iongantas gu'n dubhairt mi riut, Is éigin duibh bhi air bhuir breith a ris.

8 Tha a' ghaoth a' séideadh far an àill leatha, agus tha thu a' cuinntinn a fuaim, ach cha-nèil fhios agad cia as a tha i 'teachd, no c'ait a tha i 'dol: is ann mar sin a tha gach neach a tha air a bhreith o'n Spiorad.

9 Freagair Nicodemus agus thubhairt e ris, Cionnus is urrainn na nithean so bhi?

10 Freagair Iosa agus thubhairt e ris, Am bheil thusa a'd' fhear-teagaisg Israel, agus nach aithne dhuit na nithean so?

11 Gu deimhin deimhin tha mi ag ràdh riut, gu bheil sinne a' labhairt an ni a's fios duim, agus a' toirt fianuis air an ni sin a chunnaic sinn; agus cha ghabh sibhse ar fianuis.

12 Ma dh'innis mi dhuibh nithean tal-mhaidh, agus nach creid sibh, eionnus a chreideas sibh na dh'inneas mi dhuibh nithean nèamhaidh?

13 Agus cha deachaidh aon neach suas do nèamh, ach an ti a thàinig a nuas o nèamh, Mac an duine a tha air nèamh.

EOIN, IV.

14 Agus mar a thog Maois suas an nath-air 's an fhàsach, is ann mar sin is éigin do Mhac an duine bhí air a thogail suas:

15 Chum as ge b'e neach a chreideas ann, nach sgríosar e, ach gu'm bi a' bheatha mhaireannach aige.

16 Oir is ann mar sin a ghràdhach Dia an saoghal, gu'n d'thug e 'aon-ghin Mhic féin. chum as ge b'e neach a chreideas ann, nach sgríosar e, ach gu'm bi a' bheatha shìorruidh aige.

17 Oir cha do chuir Dia a Mhac do'n t-saoghal, chum gu'n d'iteadh e an saoghal, ach a chum gu'm bitheadh an saoghal air a shaoradh tríd-san.

18 An ti a chreideas ann, cha d'itear e: ach an ti nach creid, tha e air a dhìteadh eheana, a chionn nach do chreid e amman ainm aoine-ghin Mhic Dhé.

19 Agus is e so an d'iteadh, gu'n d'thàinig an solus do'n t-saoghal, agus gu'n do ghràdhach daoine an dorchadas nì's mò na'n solus, a chionn gu'n robh an gnìomharan ole.

20 Oir gach neach a tha 'deanann uile, tha e 'toirt fuatha do'n t-solus, agus cha-n'eil e 'teachd chum an t-soluis, air eagal gu'm bitheadh 'oibre air an cronachadh.

21 Ach an ti a nì an fhìrinn, thig e chum an t-soluis, chum gu'm bi 'oibre follaiseach, gur ann 'an Dia a rinneadh iad.

22 An deigh sin thàinig Iosa agus a dheisciobuil do thìr Iudea; agus dh'fhan e an sin maille rin, agus bhaist e.

23 Agus bha Eoin mar an ceudna a' baisteadh ann an Enon, làimh ri Salim, a chionn gu'n robh mòran uisgeachan an sin; agus thàinig iad, agus bhaisteadh iad.

24 Oir cha robh Eoin fathast air a thilgeadh 'am prìosan.

25 An sin dh'éirich ceisd eadar deisciobuil Eoin agus na h-Iudhaich, mu thimchioll glanaidh.

26 Agus thàinig iad chum Eoin, agus thubhairt iad ris, A mhaighstir, an ti a bha maille riut an taobh thall de Iordan, d'an d'thug thu fianuis, feuch, tha esan a' baisteadh, agus tha na h-uile dhàoine a' teachd d'a ionnsuidh.

27 Fhreagair Eoin agus thubhairt e, Cha-n'eil duine comasach air nì sam bith a ghabhail, mur bi e air a thoirt da o nèamh.

28 Tha sibhse féin a' toirt fianuis dhomh-sa, gu'n dubhairt mi, Cha mhi Crìosd, ach gu'n do chuireadh roimhe mi.

29 An ti aig am bheil a' bhean nuadh-phòsda, is e am fear nuadh-phòsda e: ach caraid an fhir nuadh-phòsda, a tha 'n a sheasamh agus ag éisdeachd ris, tha e a' deanamh gairdeachais mhòir air son gutha an fhir nuadh-phòsda: uime sin tha mo ghairdeachas so air a choimhlionadh.

30 Is éigin dèasan fas, ach dhomh-sa bhi air mo lughdachadh.

31 An ti a thig a nuas, tha e os ceann nan

uile: an ti a tha o'n talamh, tha e tal-mhaidh, agus labhraidh e air mhodh tal-mhaidh: an ti a thig o nèamh, tha e os ceann nan uile.

32 Agus an ni a chunnaic agus a chual e, air sin tha e 'toirt fianuis; agus cha-n'eil aon duine a' gabhail r'a fhianuis.

33 An ti a ghabh r'a fhianuis-san, chuir e a sheula ris, gu bheil Dia fìor.

34 An ti a chuir Dia uafth, tha e a' labhairt bhriathran Dhé: oir cha-n ann a réir tomhais a tha Dia a' toirt an Spioraid da.

35 Is toigh leis an Athair am Mac, agus thug e na h-uile nithean 'n a làimh.

36 An ti a chreideas anns a' Mhac, tha a' bheatha mhaireannach aige; ach an ti nach 'eil a' creidsim anns a' Mhac, cha-n fhaic e beatha; ach tha fearg Dhé a' gabhail còmh-nuidh air.

CAIB. IV.

1 *Rinn Crìosd còmhraidh ris a' Bhan-samaritanaich, agus dh'fhoillsich se e féin di.* 27 Tha 'dheisciobuil fo iongantais. 31 Chuir e 'an céill doibh 'eud féin air son glòire Dhé. 39 Chreid mòran de na Samaritanaich ann. 43 Chaidh e do Ghallile, agus shlànuich e mac an uochdarain a bha 'n a luidhe gu tinn ann an Capernaum.

AIR an aobhar sin an uair a thàinig Iosa gu'n cuala na Phairisich gu'n robh e a' deanamh agus a' baisteadh tuilleadh dheisciobul na Eoin,

2 (Ged nach do bhaist Iosa féin iad; ach a dheisciobuil)

3 Dh'fhàg e Iudea, agus chaidh e a ris do Ghallile.

4 Agus b'éigin da dol troimh Shamaria.

5 An sin thàinig e gu baile a bhuineadh do Shamaria, ris an abrar Sichar, fagus do'n fhearann a thug Iacob d'a mhac Ioseph.

6 A nis bha tobar Iacob an sin. Uime sin air do Iosa bhi sgith le a thurus, shuidh e mar sin làimh ris an tobar; agus bha e mu thimchioll na seathamh uaire.

7 Thàinig bean o Shamaria a tharruing uisge: thubhairt Iosa rithe, Thoir dhomh-sa deoch.

8 Oir bha a dheisciobuil air dol do'n bhaile a cheannach bidh.

9 An sin thubhairt a' bhean o Shamaria ris, Cionnas tha thusa agus gur Iudhach thu, ag iarraidh deoch nam-sa, a tha 'am Bhan-samaritanaich? oir cha-n'eil comunn aig na h-Iudhaich ris na Samaritanaich.

10 Fhreagair Iosa agus thubhairt e rithe, Nam b'athne dhuit tiodhlac Dhé, agus cò e a tha 'g ràdh riut, Thoir dhomh deoch, dh'iarraidh tu airtan, agus bheireadh e uisge beò dhuit.

11 Thubhairt a' bhean ris, A Thighearna, cha-n'eil inneal tarruing agad, agus tha'n tobar domhain: uime sin cia as a tha an t-uisge beò sin agad?

12 Am mòd thusa na ar n-athair Iacob, a

thug dhuinne an tobar so, agus a dh'òl as e féin, agus a chlànn, agus a spréidh?

13 Fhreagair Iosa agus thubhairt e rithe, Ge b'e uach a dh'òlas de'n uisge so, bithidh tart air a ris:

14 Ach ge b'e neach a dh'òlas de'n uisge a bheir mise dha, cha bhi tart gu bràth air: ach an t-uisge a bheir mise dha, bithidh e 'n a thobar uisge ann, a' sruthadh suas chum na beatha maireannaich.

15 Thubhairt a' bhean ris, A Thighearna, thoir dhomh-sa an t-uisge so, chum nach bi tart orm, agus nach tig mi an so a tharuing.

16 Thubhairt Iosa rithe, Imich, gairm d'fhear *pòda*, agus thig an so.

17 Fhreagair a' bhean agus thubhairt i, Cha-n'eil fear agam. Thubhairt Iosa rithe, Is maith a thubhairt thu, Cha-n'eil fear agam:

18 Oir bha cùgnear fhear agad, agus esau a tha agad a nis, cha-n e d'fhear féin e: thubhairt thu so gu fìor.

19 Thubhairt a' bhean ris, A Thighearna, tha mi 'faicinn gur fàidh thu.

20 Rinn ar n-aithrichean aoradh 's an t-slabh so; agus tha sibhse ag ràdh, gur ann 'an Ierusalem a tha an t-ionad anns an còir aoradh a dheanamh.

21 Thubhairt Iosa rithe, A bhean, creid mise, gu bheil an uair a' teachd, anns nach dean sibh aoradh do'n Athair aon chuid 's an t-slabh so, no ann an Ierusalem.

22 Tha sibhse a' deanamh aoraidh do'u ni nach aithne dhuibh: tha sinne a' deanamh aoraidh do'n ni a's aithne dhuinn: oir is ann o na h-Iudhaich a tha slàinte.

23 Ach tha an uair a' teachd, agus tha i nis ann, anns an dean am fìor luchd-aoraidh aoradh do'n Athair ann an spiorad agus ann am fìrinn: oir tha an t-Athair ag iarraidh an leithidean so de luchd-aoraidh.

24 Is Spiorad Dia, agus is éigin d'a luchd-aoraidh, aoradh a dheanamh *dha* ann an spiorad agus ann am fìrinn.

25 Thubhairt a' bhean ris, Tha fhios agam gu bheil am Mesias a' teachd, ris an abrar Crìosd: 'n uair a thig esan, innsidh e na h-uile nithean dhuinn.

26 Thubhairt Iosa rithe, Is mise e, a tha 'labhairt riut.

27 Agus air a so thàinig a dheisciobuil, agus b'iongantach leo gu'n robh e 'labhairt ris a' mhnaoi: ach cha dubhairt aon neach, Ciod a tha thu 'g iarraidh? no, C'ar son a tha thu 'labhairt rithe?

28 An sin dh'fhàg a' bhean a soitheach uisge, agus dh'fhalbh i do'n bhaile, agus thubhairt i ris na daoineibh,

29 Thigibh, faicibh duine a dh'innsidh dhomh-sa na h-uile nithean a rinn mi riamh: Nach e so Crìosd?

30 An sin chaidh iad a mach as a' bhaile, agus thàinig iad d'a ionnsuidh-san.

31 'S an am sin féu ghuidh a dheisciobuil air, ag ràdh, A uhaighstir, ith.

32 Ach thubhairt esan riu, Tha agam-sa biadh r'a itheadh air nacl' eil fhios agaibh-sa.

33 Uime sin thubhairt na deisciobuil r'a chéile, An d'thug neach air bith *ni* d'a ionnsuidh r'a itheadh?

34 Thubhairt Iosa riu, Is e mo bhiadh-sa toil an ti a chuir uaith ni a dheanamh, agus 'obair a chriochnachadh.

35 Nach abair sibhse, Tha *ùine* cheithir mìosan ann fathast, agus an *sìn* thig am fogharadh? feuch, tha mi ag ràdh ribh, Togaibh suas bhur sùilean, agus seallaibh air na *teachdaibh*; oir tha iad cheana geal chum an fhogharaidh.

36 Agus an ti a bluaineas tha e 'factainn tuarasdail, agus a' cruineachadh toraidh chum na beatha maireannaich; chum gu'n deau an ti a chuireas, agus an ti a bhuaineas, gairdeachas le 'chéile.

37 Agus au so tha an ràdh ud fìor, Gu bheil neach a' cur, agus neach eile a' buain.

38 Chuir mise sibhse a bhuain an ni sin nach do shaothraich sibh: shaothraich daoine eile, agus chaidh sibhse steach 'n an saothair.

39 Agus chreid mòran de Samaritanaich a' bhaile sin ann, air son cainte ua mnà, a thug fianuis, *ag ràdh*, Dh'innsidh e dhomh na h-uile nithean a rinn mi riamh.

40 Uime sin an uair a thàinig na Samaritanaich d'a ionnsuidh, ghuidh iad air fantuinn maille riu: agus dh'fhuirich e an sin dà là.

41 Agus chreid mòran tuilleadh air sou 'fhocail féin:

42 Agus thubhairt iad ris a' mhuaoi, Tha sinn a' creidsinn, cha-n ann a' so suas air son do chòmhlaraidh-sa: oir chuala sinn féin e, agus tha fhios againn gur e so da rìreadh Crìosd, Slànuidhear an t-saoghail.

43 Agus an déigh dà là dh'fhalbh e as a sin, agus chaidh e do Ghalile:

44 Oir thug Iosa féin fianuis, nach 'eil urram aig fàidh 'n a thìr féin.

45 Uime sin, an uair a thàinig e do Ghalile, ghabh na Galiléaich ris, air dhoibh na nith-eau sin uile fhaicinn a riuu e aum an Ierusalem air na fhéill: oir chaidh iadsan mar an ceudua chum na féille.

46 An sin thàinig Iosa a ris do Chana Ghalile, far an d'rinn e fìon de'n uisge. Agus bha duine cumhachdach àraidh, aig an robh a mhac gu tinn ann an Capernaum.

47 'N uair a chual esau gu'n robh Iosa air teachd à Iudea do Ghalile, chaidh e d'a ionnsuidh, agus ghuidh e air gu'n rachadh e sìos, agus gu'n slànuicheadh e a mhac: oir bha e ri h-uchd bàis.

48 An sin thubhairt Iosa ris, Mur faic sibh comharan agus mìorbhuilean, cha chreid sibh.

49 Thubhairt an duine cunhachdach ris, A Thighearna, rach sìos mu'm faigh mo leanaban bàs.

50 Thubhairt Iosa ris, Imich; tha do mhac beò. Agns chreid an duine am focal a labhair Iosa ris, agus dh'imich e.

51 Agns an feadh a bha e fathast a' dol sìos, choinnich a sheirbhiseich e, agus dh'innis iad *da*, ag ràdh, Tha do mhac beò.

52 An sin dh'fhiosraich e dhiubh an nair auns an deachaidh e 'am feabhas: agus thubhairt iad ris, An dé air an t-seachdamh nair dh'fhàg am fiabhras e.

53 An sin dh'aithnich an t-athair gu'm *vi* an nair sin féin, anns an dhubhairt Iosa ris, Tha do mhac beò; agus chreid e féin, agus a theaghlach uile.

54 'Se so a ris an dara mìorbhuil a rinn Iosa, 'u uair a thàinig e á Iudea do Ghàile.

CAIB. V.

1 *Leighis Iosa air là na sàbaid an duine a bha fo leòn rè ochd bliadhna deug thar fhìchead: 10 Rinn na h-Iudhaich uime sin conn-sachadh ris, agus geur-leanmhuinn air. 17 Fhreagair e air a shon féin, agus nochd e dhoibh cò e, le teistean 'athar, agus as na sgrìobtuiribh.*

NA dhéigh so bha féill nau Iudhach ann; agns chaidh Iosa suas gu Ierusalem.

2 A nis tha ann an Ierusalem làimh ri *geata* nan caorach lochan, ris au abrar 's a' chaint Eabhruidhich, Betesda, aig am bheil cùig tighean-fasgaidh. *John*

3 Annta sin bha 'n au luidhe mòr-bhuidheann de dhaoibh euslan, dalla, bacach, seargta, a' feitheamh ri caruchadh an uisge.

4 Oir chaidh aingeal sìos 'an àm àraidh do'n lochan, agus chuir e an t-uisge troimh 'chéile: uime sin an cend neach a rachadh sìos ann, an déigh cur troimh 'chéile an uisge, rinneadh slàn e a dh'aon tinneas a bha air.

5 Agus bha duine àraidh an sin, a bha ochd bliadhna deug thar fhìchead ann an euslaint.

6 'N uair a chunnaic Iosa esan 'u a luidhe, agus fios aige gu'n robh e nis ìine fhada *mar sin*, thubhairt e ris, Am miam leat a bhi air do dheanamh slàn?

7 Fhreagair an duine euslan e, A Thighearna, cha-n'eil duine agam, an uair a chuir-e ar an t-uisge troimh a chéile, a chuireas anns an lochan mi: ach am feadh a tha mise 'teachd, tha neach eile a' dol sìos romham.

8 Thubhairt Iosa ris, Eirich, tog do leabadh, agus imich.

9 Agus air ball rinneadh an duine slàn, agus thog e a leabadh, agus dh'imich e: agus bha'n t-sàbaid ann air an là sin.

10 Uime sin thubhairt na h-Iudhaich ris an ti a shlànuicheadh, Is i an t-sàbaid a tha

ann; cha-n'eil e dligheach dhuit do leabadh a ghiùlan.

11 Fhreagair e iad, An ti a rinn slàn mi, thubhairt esan rium, Tog do leabadh agus imich?

12 An sin dh'fhiosraich iad deth, Cò an duine a thubhairt riut, Tog do leabadh agus imich?

13 Agus cha robh fhios aig an ti a shlànuicheadh, cò e: oir chaidh Iosa as a shealladh, air do mhòr-shluagh bli anns an àite.

14 'N a dhéigh so fhuair Iosa e anns an teampull, agus thubhairt e ris, Feuch, rinneadh slàn thu: na peacaich nì's mò, air eagal gu'n tachair nì's mìosa dhuit.

15 Dh'imich an duine, agus dh'innis e do na h-Iudhaich gu'm b'e Iosa a rinn slàn e.

16 Agus air a shon so rinn na h-Iudhaich geur-leanmhuinn air Iosa, agus dh'iar iad a mharbhadh, do bhrìgh gu'n d'rinn e na nithean so air an t-sàbaid.

17 Ach fhreagair Iosa iad, Tha m'Àthair ag oibreachadh gns a nis, agus tha mise ag oibreachadh. *John*

18 Uime sin bu mhòd a dh'iarr na h-Iudhaich a mharbhadh, a chionn nach e mìos gu'n do bhris e 'n t-sàbaid, ach gu'n dubhairt e mar an ceudna gu'm b'e Dia 'Àthair-san, 'g a dheanamh féin co-ionann ri Dia.

19 Air an aobhar sin fhreagair Iosa, agus thubhairt e riu, Gu deimhin deimhin tha mi ag ràdh ribh, nach 'eil am Mac comasach air nì sam bith a dheanamh uaith féin, ach an nì a chi e an t-Àthair a' deanamh: oir ge b'e nithean a nì esan, na nithean sin féin nì am Mac mar an ceudna. *John*

20 Oir is iomhuinn leis an Àthair am Mac, agus tha e a' foillseachadh dha nan uile nithean a tha e féin a' deanamh: agns foillsichidh e dha oibre a's mò na iad so, air chor as gu'm bi iougantas oirbhe.

21 Oir mar tha an t-Àthair a' dùsgadh, agus a' beothachadh nam marbh, is annuill sin a tha am Mac a' beothachadh an dream a's àill leis.

22 Oir cha-n'eil an t-Àthair a' toirt breth air duine sam bith; ach tling e gach uile bhreitheanas do'n Mhac:

23 Chum gu'n tugadh na h-uile dhaoine urram do'n Mhac, annuill mar a tha iad a' toirt urram do'n Àthair. An ti nach 'eil a' toirt urram do'n Mhac, cha-n'eil e 'toirt urram do'n Àthair a chuir uaith e.

24 Gu deimhin deimhin tha mi ag ràdh ribh, An ti a dh'éisdeas ri m' fhocal-sa, agus a tha 'creidsinn anns an ti a chuir uaith mi, tha a' bheatha mhaireannach aige, agus cha tig e chum dìtidh: ach chaidh e thairis o bhas gu beatha. *John*

25 Gu deimhin deimhin tha mi ag ràdh ribh, Gu bheil au nair a' teachd, agus gu bheil i nis ann, ann an cluinn na marbh guth Mhic Dhé: agus an dream a chluinn-eas, bithidh iad beò.

26 Oir mar tha aig an Athair beatha ann féin, is amhuil sin a thug e do'n Mhac beatha a bhi aig ann féin;

27 Agus thug e mar au ceudna dha ùghdarras eòim breth a tabhairt, do bhrìgh gur e Mac an duine.

28 Na gabhaibh iongantais deth so; oir tha an uair a' teachd, anns an chuinn iadsan uile a tha 's na h-uaighibh a ghuth-san:

29 Agus thèid iad a mach; iadsan a rinu maith, chum aiseirigh na beatha; agus iadsan a rinn olc, chum aiseirigh an damnaidh.

30 Cha-n'èil mise comasach air ni sam bith a dheanamh uam féin: mar a chluinneas mi beir mi breth: agus tha mo bhrèith-eanas ceart; do bhrìgh nach 'èil mi ag iarraidh mo thoile féin, ach toil an Athar a chuir uaith mi.

31 Ma bheir mise fianais mu m' thimchioll féin, cha-n'èil m' fhianais fìor.

32 Tha neach eile a' toirt fianais mu m' thimchioll, agus tha fhios agam gur fìor an fhianais a tha e 'deanamh mu m' thimchioll.

33 Chuir sibhse chum Eoin, agus thug e fianais do'n fhìrinn.

34 Ach cha-n'èil mise a' gabhail fianais o dhuine: ach tha mi ag ràdh nan nìthean so, chum gu'm bi sibhse air bhur tèarnadh.

35 B'èisau an òbhran lasarach agus dealrach: agus bha sibhse toilcach air tamuill gairdeachas a dheanamh 'n a sholas.

36 Ach tha agam-sa fianais a's mò na fianais Eoin: oir na h-oibre a thug an t-Athair dhomh-sa chum gu'n crìochnaichinn iad, tha na h-oibre sin féin a tha mise a' deanamh, a' toirt fianais mu m' thimchioll, gu'n do chuir an t-Athair uaith mi.

37 Agus an t-Athair féin a chuir uaith mi, thug e fianais mu m' thimchioll. Cha chuala sibh riamh a ghuth, ni mò a chuunaic sibh a choslas.

38 Agus cha-n'èil 'fhocal-san agaibh a' gabhail còmhnuidh annaibh: oir an ti sin a chuir esan uaith, cha-n'èil sibh 'g a chreidsinn.

39 Ramnaichibh na sgrìobtuirean, oir tha sibh a' saòilsin gu bheil a' bheatha mhaircannach agaibh anna-san; agus is iad sin a tha 'toirt fianais mu m' thimchioll-sa.

40 Gidheadh cha-n' àill leibh teachd a m' ionnsuidh-sa, chum gu'm faigheadh sibh beatha.

41 Cha-n'èil mise a' gabhail urrainn o dhaoibh.

42 Ach is aithne dhomh sibhse, nach 'èil gràdh Dhé agaibh annaibh.

43 Thàinig mise 'an ainm m' Athar, agus cha-n'èil sibh a' gabhail rium: na thig neach eile 'n a ainm féin, gabhaidh sibh ris-san.

44 Cionnus a dh'fheudas sibh creidsinn, a tha 'gabhail urrainn o 'chéile, agus nach 'èil ag iarraidh au urrainn a thig o Dhia a mhàin?

45 Na saoilibh gu'n dean mise bhur casaid ris an Athair: tha aon a tha 'deanamh casaid oirbh, Maois, anns am bheil sibh a' our bhur dòchais.

46 Oir nan creideadh sibh Maois, chreideadh sibh mise: oir sgrìobh esan mu m' thimchioll.

47 Ach mur creid sibh a sgrìobhadh-san, cionnus a chreideas sibh mo bhriathraus-sa.

CAIB. VI.

1 *Bheathaich Crìosd cùig mìle fear le cùig buil-ionnaibh arain agus dà iasg: 15 Air an aobhar sin b' àill leis an t-sluagh esan a dheanamh 'n a rìgh: 16 Ach air dhasan e féin a sgaradh uatha, chaidh e suas gu beinn, agus dh'èimich e air a' mhuir a dh'ionnsuidh a dheisciobul. 66 Dh'fhàg mòran d'a dheisciobuibh e, &c.*

NA dhéigh sin chaidh Iosa thar muir Ghailile, no Thiberiais.

2 Agus lean sluagh mòr e, a chionn gu'm fac iad a mhiorbhuilean a rinn e air an dream a bha enslan.

3 Agus chaidh Iosa suas air beinn, agus shuidh e an sin maille r'a dheisciobuibh.

4 Agus bha a' chàisg, féill nan Indhach, am fagus.

5 An sin an uair a thog Iosa suas a shùil-ean, agus a chunnaic e gu'n d'thàinig buidheam mhòr shluaigh d'a ionnsuidh, thubhairt e ri Philip, Cia an t-àit as an ceannaich sinn aran chum gu'n ith iad so?

6 (Ach thubhairt e so 'g a dhearbhadh-san; oir bha fhios aige féin ciod a dheanadh e.)

7 Fhreagair Philip e, Cha leoir dhoibh luach dhà cheud peghin a dh'aran, chum gu'n gabhadh gach aon diubh beagan.

8 Thubhairt aon d'a dheisciobuibh, Aindreas, bràthair Shìmoin Pheadair, ris,

9 Tha òganach an so, aig am bheil cùig builìonnan còrna, agus dà iasg bheag: ach ciod iad so am measg na h-uiread?

10 Agus thubhairt Iosa, Thugaibh air na daoineibh suidhe sìos. A nis bha mòran feoir anns an àit. Air an aobhar sin shuidh na daoine sìos, 'an àireamh timchioll chùig mìle.

11 Agus ghlac Iosa na builìonnan, agus air tabhairt buidheachais da, roinn e air na deisciobuibh iad, agus na deisciobuil orrasan a shuidh: agus mar an ceudna de na h-iasgaibh beaga, 'mhead as a' bàill leo.

12 'N uair a shànuicheadh iad, thubhairt e r'a dheisciobuibh, Cruinnichibh am biadh briste a tha thuilleadh ann, chum nach caillear a bheag.

13 Air an aobhar sin chruinnich iad e r'a chéile, agus lion iad dà chliabh dheug de sbruileach nan cùig builìonnan còrna, a bha dh'fhuigheall aig a' mhuinntir a dh'ith.

14 An sin an uair a chunnaic na daoine sin am miorbhuil a rinn Iosa, thubhairt iad, Gu

fìrinneach is e so am fàidh a bha gu teachd chum an t-saoghail.

15 Uime sin an uair a thuig Iosa gu'n robh iad air tì teachd agus breith air le làimh làidir, chum gu'n deanadh iad rìgh dheth, dh'imich e ris do'n bheinn 'n a aonar.

16 Agus an uair a thàinig am feasgar, chaidh a dheisciobuil sìos chum na mara.

17 Agus air dol 'an luing dhoibh, chaidh iad thar a' mhuir gu Capernaum: agus bha an dorchadas a nis ann, agus cha robh Iosa air teachd d'an ionnsuidh.

18 Agus ag sèideadh do ghaoith mhòir, dh'èirich a' mhuir.

19 Uime sin an uair a rinn iad iomramh timchioll eigh no deich thar fhichead stàid, chunnaic iad Iosa ag imeachd air a' mhuir, agus a' druideadh ris an luing; agus ghabh iad eagal.

20 Ach thubhairt esan ri, Is mise 'tha ann; na bitheadh eagal oirbh.

21 Uime sin ghabh iad gu toileach a steach do'n luing e: agus air ball ràinig an long an tìr gus an robh iad a' dol.

22 Air an là 'n a dhéig sin, an uair a chunnaic an sluagh a sheas air taobh eile na mara, nach robh long eile an sin, ach an long sin anns an deachaidh a dheisciobuil a steach, agus nach deachaidh Iosa 's an luing maille r'a dheisciobuibh, ach gu'n d'fhalbh a dheisciobuil 'n a aonar;

23 (Gidheadh thàinig longan beaga eile o Thiberias, làimh ris an àite 's an d'ith iad an t-aran, an déigh do'n Tighearn buidheachas a thoirt);

24 Uime sin an uair a chunnaic an sluagh nach robh Iosa an sin, no a dheisciobuil, chaidh iad féin mar an ceudna ann an long-aibh, agus thàinig iad gu Capernaum, ag iarraidh Iosa.

25 Agus air dhoibh 'fhaotainn air an taobh thall de'n mhuir, thubhairt iad ris, A mhaighstir, c'uin a thàinig thu an so?

26 Fhreagair Iosa iad agus thubhairt e, Gu deimhin deimhin tha mi ag ràdh ribh, Tha sibh ga m' iarraidh, cha-n ann a chionn gu'm faca sibh na mìorbhuilean, ach a chionn gu'n d'ith sibh de na builleanaibh, gus gu'n do shàsuicheadh sibh.

27 Deanaibh saothair cha-n ann air son a' bhìdh a theigeas, ach air son a' bhìdh a mhaireas chum na beatha shìorruidh, a bheir Mac an duine dhuibh: oir esan sheulaich Dia an t-Athair.

28 An sin thubhairt iad ris, Ciod a ni sinn, chum as gu'n oibrich sinn oibre Dhé?

29 Fhreagair Iosa agus thubhairt e ri, Is i so obair Dhé, gu'n creid sibh anns an ti a chuir e uaith.

30 Uime sin thubhairt iad ris, Ciod an còmharradh a ni thusa ma ta, chum gu'm faic sinn, agus gu'n creid sinn thu? ciod an obair a ni thu?

31 Dh'ith ar n-aithrichean mana 's an fàis-

ach; a réir mar tha e sgrìobhta, Thug a dhoibh aran o nèamh r'a itheadh.

32 An sin thubhairt Iosa ri, Gu deimhin deimhin tha mi ag ràdh ribh, nach d'thug Maois dhuibh an t-aran o nèamh; ach tha m' Athair-sa a' toirt dhuibh an arain fhìor o nèamh.

33 Oir is e sin aran Dhé a tha 'teachd a nuas o nèamh, agus a tha 'tabhairt beatha do'n t-saoghal.

34 An sin thubhairt iad ris, A Thighearna, thoir dhuinne an t-aran so an còmhuidh.

35 Agus thubhairt Iosa ri, Is mise aran na beatha: an ti a thig do 'm ionnsuidh-sa, cha bhi ocras gu bràth air; agus an ti a chreideas annam-sa, chi bhi tart gu bràth air.

36 Ach mar a thubhairt mi ribh, ged chunnaic sibh mi, cha-n'èil sibh a' creidsinn.

37 Gach ni a bheir an t-Athair dhomh-sa, thig e a m' ionnsuidh; agus an ti a thig a m' ionnsuidh, cha tilg mi air chor sam bith a mach e.

38 Oir thàinig mi nuas o nèamh, cha-n ann chum gu'n deanainn mo thoil féin, ach toil an ti a chuir uaith mi.

39 Agus is i so toil an Athar a chuir uaith mi, nach caillinn a bheag sam bith de'n uile a thug e dhomh, ach gu'n togainn suas e ris air an là dheireannach.

40 Agus is i so toil an ti a chuir uaith mi, gu'm bitheadh a' bheatha mhaireannach aig gach neach a chi am Mac, agus a chreideas ann: agus togaidh mise suas e air an là dheireannach.

41 An sin rinn na h-Iudhaich gearan uime, a chionn gu'n dubhairt e, Is mise an t-aran a thàinig a nuas o nèamh.

42 Agus thubhairt iad, Nach e so Iosa mae Ioseph, neach aig an aithne dhuinn 'athair agus a mhàthair? cionnus na seadh a tha e ag ràdh, Thàinig mi nuas o nèamh.

43 Air an aobhar sin fhreagair Iosa agus thubhairt e ri, Na dèanaibh gearan 'n ur measg féin.

44 Cha-n urrainn neach air bith teachd a m' ionnsuidh-sa, mur tarraing an t-Athair a chuir uaith mise e: agus togaidh mise suas e air an là dheireannach.

45 Tha e sgrìobhta 's na fàidhibh, Agus bitheadh iad uile air an teagasg o Dhia. Uime sin gach neach a chuaidh, agus a dh'fhoghlaim o'n Athair, thig e a m' ionnsuidh-sa.

46 Cha-n e gu'm faca neach sam bith an t-Athair, ach an ti a tha o Dhia; chunnaic esan an t-Athair.

47 Gu deimhin deimhin tha mi ag ràdh ribh, An ti a tha 'creidsinn annam-sa, tha a' bheatha mhaireannach aige.

48 Is mise aran na beatha.

49 Dh'ith blur n-aithrichean mana 's an fhàsach, agus fhuairead bàs.

50 Is e so an t-aran a tha 'teachd a nuas o nèamh, chum as gun ith neach dheth, agus nach faigh e bàs.

51 Is mise an t-aran beò, a thàinig a suas o nèamh: ma dh'itheas neach air bith de'n aran so, bithidh e beò gu sìorruidh: agus an t-aran a bheir mise uam, is e m'fheoil e, a bheir mi air son beatha an t-saoghail.

52 Air an aobhar sin bha coimsachadh aig na h-Iudhaich r'a chèile, ag ràdh, Cionnus a dh'fheadas an duine so 'fheoil a thoirt duinn r'a itheadh.

53 An sin thubhairt Iosa riu, Gu deimhin deimhin tha mi ag ràdh ribh, mur ith sibh feoil Mhic an duine, agus mur òl sibh 'fhuil, cha-n'èil beatha agaibh annaibh.

54 Esan a dh'itheas m' fheoil-sa, agus a dh'òlas m' fhuil-sa, tha a' bheatha shìorruidh aige; agus togaidh mise suas e air an là dheireannach.

55 Oir is biadh gu fìrinneach m'fheoil, agus is deoch gu fìrinneach m' fhuil.

56 Esan a dh'itheas m' fheoil-sa, agus a dh'òlas m' fhuil-sa, tha e 'gabhail còmluidh amam-sa, agus mise annsan.

57 Mar a tha 'n t-Athair beò a chuir uaith mise, agus a tha mise beò troimh an Athair; is amhuil sin esan a dh'itheas mise, bithidh e mar an ceudna beò tronham-sa.

58 Is e so an t-aran sin a thàinig a suas o nèamh; cha-n ann mar a dh'ith bhuir n-aithrichean mana, agus a fhuair iad bàs: esan a dh'itheas an t-aran so, bithidh e beò am feasd.

59 Thubhairt e na nithean so anns an t-sionagag, an uair a bha e a' teagasg ann an Capernaum.

60 Uime sin 'n uair a chuala mòran d'a dheisciobuibh so, thubhairt iad, Is cruaidh a' chaimt so; cò a dh'fheadas èisdeachd rihe.

61 'N uair a thuig Iosa ann fèin gu'n robh a dheisciobuil ri gearan uime so, thubhairt e riu, Am bheil so a' toirt oilbheim dhuibhse?

62 Agus *ciod* nam faiceadh sibh Mac an duine a' dol suas do'n àit anns an robh e roimhe?

63 Is e an Spiorad a bheothaicheas; cha-n'èil tairbhe air bith 's an fheoil: na briathran a tha mise a' labhairt ribh, is spiorad agus is beatha *iad*.

64 Ach tha cuid dibhse nach 'eil a' creidsinn. (Oir b'aithne do Iosa o thùs, cò iad nach robh a' creidsinn, agus cò an ti a bhrathadh e.)

65 Agus thubhairt e, Air an aobhar sin thubhairt mi ribh, nach urrainn neach air bith teachd a m'ionnsuidh, mur bi e air a thoirt da o m' Athair.

66 O'n àm sin chaidh mòran d'a dheisciobuibh air au ais, agus cha d'imich iad ni's mò maille ris.

67 An sin thubhairt Iosa ris an dà fhear dheug, An àill leibhse falbh cuideachd?

68 An sin fhreagair Simon Peadar e, A Thighearna, co dh'ionnsuidh an téid sinn?

agadsa tha briathran na beatha maircann-aich.

69 Agus tha sinne a' creidsinn, agus tha fhios againn gur tusa Crìosd Mac an Dé bheò.

70 Fhreagair Iosa iad, Nach do thagh mise sibhse dà fhear dheug, agus tha fear agaibh 'n a dhiabhul?

71 Ach labhair e mu Iudas Iscariot, *mac Shimoin*: oir is e so an ti a bha gu esan a bhrath, air dha 'bhi 'n a aon de'n dà fhear dheug.

CAIB. VII.

1 *Chronuich Iosa àrd-intinn agus dànadas a chairdean: 10 chaidh e suas o Ghalile gu fèill nam pàillinn; 14 agus theagaisg e anns an teampull. 40 Iomadh gnè bharail mu thimchioll Iosa an measg an t-sluaigh. 45 Tha na Phairisich 'an corruich ris na maor do bhrìgh nach 'do ghlac iad Iosa: 50 Thug iad achmhasan do Nicodemus.*

A GUS an déigh nan nithean sin, bha Iosa ag imeachd mu'n cuairt ann an Galile: oir cha b'àill leis a bhi ag imeachd ann an Iudea, a chionn gu'n robh na h-Iudhaich ag iarraidh a mharbhadh.

2 Agus bha fèill nan Iudhach, *eadhon* fèi nam pàillinn, am fagus.

3 Uime sin thubhairt a bhràithrean ris Imich á so agus rach do Iudea, chum gu'm faic do dheisciobuil mar an ceudna d'oibre a tha thu a' deanamh.

4 Oir cha dean neach air bith aon ni 'am folach, a dh'iarras e fèin a bhi 'am follais: ma tha thu a' deanamh nan nithean so, uochd thu fèin do'n t-saoghail.

5 Oir cha do chreid a bhràithrean fèin ann.

6 An sin thubhairt Iosa riu, Cha d'thàinig m' àm-sa fathast; ach tha bhuir n-àmsa a ghnàth deas.

7 Cha-n'èil e'n comas do'n t-saoghal sibhse fuathachadh; ach fuathaichidh e mise, do bhrìgh gu bheil mi 'toirt fianuis m'a thimchioll gu bheil 'oibre ole.

8 Rachaibhse suas chum na fèille so: cha téid mise suas fathast chum na fèille so, do bhrìgh nach 'eil m' àm fathast air a choimh-ionadh.

9 'N uair 'thubhairt e na nithean so riu, dh'fhan e ann an Galile.

10 Ach an uair a chaidh a bhràithrean suas, an sin chaidh esau suas mar an ceudna chum na fèille, cha-n ann 'am follais, ach mar gu'm b'ann 'an uaignidheas.

11 An sin dh'iarr na h-Iudhaich e air an fheill, agus thubhairt iad, C'ait am bheil e?

12 Agus bha borbhan mòr am measg an t-sluaigh m'a thimchioll: oir thubhairt cuid eile, Cha-n eadh; ach tha e 'mealladh an t-sluaigh.

13 Gidheadh cha do labhair neach sam bith gu follaiseach uime, air eagal nan Iudhach.

14 A nis mu mheadhion na féille, chaidh fiosa suas do'n teampull, agus theagaisg e.

15 Agus ghabh na h-Iudhaich iongantas, ag ràdh, Cionnus is aithne do'n duine so litrichean, agus nach d'fhoghuim e?

16 Fhreagair Iosa iad, agus thubhairt e, Cha leam féin mo theagasg, ach leis-san a chuir uaith mi.

17 Ma's àill le neach sam bith a thoil-san a dheanamh, bitheadh fios aige mu'n teagasg, an ann o Dhia a tha e, no 'm bheil mise a' labhairt uam féin.

18 An ti a labhras uaith féin, tha e 'g iarraidh a ghloire féin: ach ge b'e d'liarras gloir an ti a chuir uaith e, tha e san fìrinn-each, agus cha-n'eil cucoir air bith ann.

19 Nach d'thug Maois an lagh dhuibh, agus gidheadh cha-n'eil aon neach agaibh a' coimhionadh an lagha? C'ar son a tha sibh ag iarraidh mise a mharbhadh?

20 Fhreagair an sluagh agus thubhairt iad, Tha deamhan agad: cò' tha ag iarraidh do mharbhadh?

21 Fhreagair Iosa agus thubhairt e riu, Rinn mise aon obair, agus tha iongantas oirbh uile air an aobhar sin.

22 Thug Maois dhuibh an timchioll-ghearradh, (cha-n' e gur ann o Mhaois a tha e, ach o na h-aithrichibh), agus timchioll-ghearradh sibhse duine air an t-sàbaid.

23 Ma tha duine air an t-sàbaid a' gabhail timchioll-ghearradh, chum nach bi lagh Mhaois air a bhriseadh; am bheil fearg agaibh riumsa, a chionn gu'n d'rinn mi duine uile slàn air an t-sàbaid?

24 Na tugaibh breth a réir coslais, ach thugaibh breth cheart.

25 An sin thubhairt cuid de mhuinntir Ierusalem, Nach e so esan a tha iad ag iarraidh a mharbhadh?

26 Agus, feuch, tha e 'labhairt gu follaiseach, agus cha-n'eil iad ag ràdh mi sam bith ris: an bheil dearbh-fhios aig na h-uachdarain gur e so da rìreadh Crìosd?

27 Gidheadh is aithne dhuinn an duine so cia as da: ach an uair a thig Crìosd, cha-n' aithne do neach air bith cia as da.

28 An sin ghlaodh Iosa 's an teampull, agus e a' teagasg, ag ràdh, Is aithne dhuibh araon mise, agus cia as domh: agus cha d'thàinig mi uam féin, ach tha esan fìor a chuir uaith mi, air nach 'eil eòlas agaibhse.

29 Ach tha eòlas agam-sa air; oir is ann uaith a tha mi, agus chuir esan uaith mi.

30 An sin d'fàrr iad a ghlaodh: ach cha do chuir neach air bith lamh ann, a chionn nach robh 'uair-san fathast air teachd.

31 Agus chreid mòran de'n t-sluagh air, agus thubhairt iad, 'N uair a thig Crìosd, an dean e nì's mò de mhiorbhuilibh na iad sin a rinn an duine so?

32 Chuala na Phairisich gu'n robh an sluagh a' borbhanaich mu na nithibh so

ma thimchioll: agus chuir na Phairisich agus na h-àrd-shagartan maoir g'a ghlaodh.

33 An sin thubhairt Iosa, Fathast tamull beag tha mise maille ribh, agus an sin tha mi 'dol chum an ti a chuir uaith mi.

34 Iarraidh sibh mi, agus cha-n' fhaigh sibh mi: agus do'n àite 's am bi mi, cha-n' urrainn sibhse teachd.

35 An sin thubhairt na-Iudhaich eatorra féin, C'ait an téid am fear so, nach faigh sinn e? an téid e chum na muinntir a tha air an sgapadh 'am measg nan Greugach, agus an teagaisg e na Greugaich?

36 Ciod i a' chainnt so a thubhairt e, Iarraidh sibh mi, agus cha-n' fhaigh sibh mi: agus do'n àit 's am bheil mise, cha-n' urrainn sibhse teachd?

37 Air an là dheireannach, là mòr sin na féille, sheas Iosa agus ghlaodh e, ag ràdh, Ma tha tart air neach sam bith, thigeadh e 'm'ionnsuidh-sa, agus òladh e.

38 An ti a chreideas annam-sa, mar tha an sgrìobtur ag ràdh, sruthaidh as a bhroinn aimhnichean de uisge beò.

39 (Ach labhair e so mu'n Spiorad, a bha iadsan a chreideadh annsan gu fhaighinn: oir cha robh an Spiorad fathast air a thubhairt, do bhrìgh nach robh Iosa fathast air a ghloirachadh.)

40 Uime sin, an uair a chuala mòran de'n t-sluagh a' chainnt so, thubhairt iad, Gu fìrinn-each is e so am fàidh.

41 Thubhairt cuid eile, Is e so Crìosd. Ach thubhairt dream eile, An ann o Ghalilo a thig Crìosd?

42 Nach dubhairt an sgrìobtur, Gu'n tig Crìosd de shìol Dhaibhidh, agus a' Betelehem, am baile 's an robh Daibhidh?

43 Air an aobhar sin d'èirich eas-aonachd am measg an t-sluaigh air a shon-san.

44 Agus b'àill le cuid diubh a ghlaodh; ach cha do chuir duine air bith lamh ann.

45 An sin thàinig na maoir chum nan àrd-shagart agus nam Phairiseach; agus thubhairt iadsan riu, C'ar son nach d'thug sibh leibh e?

46 Fhreagair na maoir, Cha do labhair duine riamh mar an duine so.

47 An sin fhreagair na Phairisich iad, Am bheil sibhse mar an ceudna air bhuir mealladh?

48 An do chreid aon air bith de na h-uachdarain ann, no de na Phairisich?

49 Ach an sluagh so a'g nach 'eil eòlas an lagha, tha iad malhuichte.

50 Thubhairt Nicodemus riu, (esan a thàinig d'a ionnsuidh 's an oidhche, air dha bhì 'n a aon diubh),

51 Am bheil ar lagh-ne 'toirt breth air duine sam bith gus an chunn o uaith féin an toiseach, agus gus am bi fhios aige ciod a tha e a' deanamh?

52 Fhreagair iadsan agus thubhairt iad

ris, Am bheil thusa mar an ceudna o Ghalile? Rannsaich, agus faic : oir á Galile cha d'éirich faidh.

53 Agus dh'imich gach aon d'a thigh féin.

CAIB. VIII.

1 *Dhion Criosd a' bhean a ghlacadh 'an adhalt-ranas o pheanas: 12 shearmonaich e gur e féin solus an t-saoghail, agus dhearbha e gu bheil a theagasg ceart. 33 Fhreagair e na h-Iudhaich a bha 'deanamh bōsd á Abrahām: 39 agus thug se e féin as o'n an-íochd.*

A CH chaidh Iosa chum sléibh nan crann-olaidh:

2 Agus gu moch air mhaduinn thàinig e ris do'n teampull, agus thàinig an sluagh uile d'a ionnsuidh; agus air suidhe dha, theagaisg e iad.

3 Agus thug na sgrìobhaichean agus na Phairisich bean d'a ionnsuidh a ghlacadh 'an adhalt-ranas; agus air dhoibh a cur anns a' mheadhon,

4 Thubhairt iad ris, A mhaighstir, ghlacadh a' bhean so anns a' ghnìomh féin, a' deanamh adhalt-ranas.

5 A nis dh'àithn Maois dhuinn 's an lagh, an leithid so a chlachadh: ciod ma seadli tha thusa ag ràdh?

6 Thubhairt iad so 'g a dhearbhadh, chum gu'm bitheadh aca cuis-chasaid 'n a aghaidh. Ach chom Iosa sìos, agus sgrìobh e le 'mheur air an làr, (mar nach bitheadh e 'g an cluinntinn.)

7 Mar sin air dhoibh buanachadh a' feòrach dheth, thog se e féin suas agus thubhairt e riu, An neach agaibhse, a tha gun pheacadh tilgeadh e a' cheud chlach oirre.

8 Agus chom e sìos a ris, agus sgrìobh e air an làr.

9 Agus an uair a chual iadsan so, (air dhoibh 'bhi air an agairt le'n coguis féin,) chaidh iad a mach an dèigh a chéile, a' tois-eachadh o'n dream 'bu shine, gus an dream mu dheireadh: agus dh'fhàgadh 'n a aonar Iosa, agus a' bhean 'n a seasamh 's a' mheadhon.

10 Agus 'n uair a dh'éirich Iosa suas, agus nach fac e aon air bith ach a' bhean, thubhairt e rithe, A bhean, c'ait am bheil iad sud do luchd-casaid? an do dhìt duine air bith thu?

11 Thubhairt ise, Cha do dhìt aon duine, a Thighearna. Agus thubhairt Iosa rithe, Cha mhò a tha mise ga d' dhìteadh: imich romhad, agus na peacaich n'is mò.

12 An sin labhair Iosa riu a ris, ag ràdh, Is mise solus an t-saoghail: an ti a leanas mise, cha siubhail e 'an dorchadas, ach bithidh solus na beatha aige.

13 Uime sin thubhairt na Phairisich ris, Tha thu 'toirt fianuis mu d' thimchioll féin; cha-n'eil d'fianuis fìor.

14 Fhreagair Iosa, agus thubhairt e riu, Ged tha mi 'toirt fianuis mu m' thimchioll féin, gidheadh tha m' fianuis fìor: oir tha

fhios agam cia as a thàinig mi, agus c'ait am bheil mi 'dol; ach cha-n'eil fhios agaibhse cia as a thàinig mi, no c'ait am bheil mi 'dol.

15 Tha sibhse a' toirt breth a réir na feòla; cha-n'eil mise a' toirt breth air aon duine.

16 Agus gidheadh ma bheir mise breth, tha mo bhreth fìrinneach: oir cha-n'eil mi 'm' aonar, ach mise agus an t-Athair a chuir uaith mi.

17 Agus tha e sgrìobhta ann bhur lagh féin, gu bheil fianuis dithis dhaoine fìor.

18 Is aon mise a tha 'deanamh fianuis mu m' thimchioll féin, agus tha an t-Athair a chuir uaith mi, a' deanamh fianuis mu m' thimchioll.

19 An sin thubhairt iad ris, C'ait am bheil d' Athair? Fhreagair Iosa, Cha-n aithne dhuibhse aon chuid mise no m' Athair: nam bitheadh eòlas agaibh ormsa, bhitheadh eòlas agaibh air m' Athair mar an ceudna.

20 Labhair Iosa na briathran so 'an tigh-coimhead an ionmhais, ag teagasg dha 's an teampull: agus cha do chuir duine air bith lamh ann; oir cha robh 'uair fathast air teachd.

21 An sin thubhairt Iosa riu a ris, Tha mise a' falbh, agus iarraidh sibh mi, agus bàsaichidh sibh ann bhur peacadh: cha-n urraim sibhse teachd do'n àit gus am bheil mise a' dol.

22 An sin thubhairt na h-Iudhaich, Am marbh se e féin? do bhrìgh gu bheil e 'g ràdh, Far am bheil mise a' dol, cha-n urraim sibhse teachd.

23 Agus thubhairt e riu, Tha sibhse o shìos, tha mise o shuas: tha sibhse de'n t-saoghal so, cha-n'eil mise de'n t-saoghal so.

24 Uime sin thubhairt mi ribh, Gu'm bàsaich sibh ann bhur peacaibh: oir mur creid sibh gur mise e, gheibh sibh bàs ann bhur peacaibh.

25 An sin thubhairt iad ris, Cò thusa? Agus thubhairt Iosa riu, An neach sin féin a thubhairt mi ribh o thùs.

26 Tha mòran agam ri ràdh, agus r'a bhrèitheachadh m'ur timchioll-se: ach tha an ti a chuir uaith mi fìrinneach; agus tha mise a' labhairt ris an t-saoghal nan nith-ean a chuala mi uaith-san.

27 Cha do thuig iad gu'm b'ann mu thimchioll an Athar a labhair e riu.

28 An sin thubhairt Iosa riu, 'N uair a thogas sibh suas Mac an duine, an sin bithidh fios agaibh gur mise e, agus nach 'eil mi 'deanamh ni sam bith uam féin; ach mar a theagaisg m' Athair mi, gu bheil mi 'labhairt nan nithean so.

29 Agus tha 'n ti a chuir uaith mi maille rium: cha d'fhàg an t-Athair a'm' aonar mi, do bhrìgh gu bheil mi 'deanamh a ghnàth nan nithean sin a's taitneach leis.

30 An uair a bha e 'labhairt nan nithean so, chreid mòran ann.

31 An sin thubhairt Iosa ris na h-Iudhaich a chreid ann, Ma bhuanaicheas sibh ann am fhocal-sa, bithidh sibh da rìreadh 'n 'ur deisciobuil agam;

32 Agus bithidh eòlas agaibh air an fhìrinn, agus nì an fhìrinn saor sibh.

33 Fhreagair iad e, Is sinne sliochd Abraham, agus cha robh sinn riamh fo dhaorsa aig duine sam bith: cionnus tha thusa ag ràdh, Bithidh sibh saor?

34 Fhreagair Iosa iad, Gu deimhin deimhin tha mi ag ràdh ribh, ge b'e nì peacadh, is seirbhiseach do'n pheacadh e.

35 Agus cha-nfhan an seirbhiseach's an tigh gu bràth: ach fanaidh am mac gu bràth.

36 Uime sin ma nì am Mac saor sibh, bithidh sibh saor da rìreadh.

37 Tha fhios agam gur sibh sliochd Abraham; ach tha sibh ag iarraidh mise a mharbhadh, do bhrìgh nach 'eil àit aig m' fhocal annaibh.

38 Tha mise a' labhairt an nì sin a chunnaic mi aig m' Athair; agus tha sibhse a' deanamh an nì a chunnaic sibh aig bhur n-athair féin.

39 Fhreagair iadsan agus thubhairt iad ris, Is e Abraham ar n-athair-ne. Thubhairt Iosa riu, Nam bu chlann do Abraham sibh, dheanadh sibh oibre Abraham.

40 Ach a nis tha sibh ag iarraidh mise a mharbhadh, duine a dh'innis duihb an fhìrinn, a chuala mi o Dhia: cha d'rinn Abraham so.

41 Tha sibhse a' deanamh oibre bhur n-athair féin. An sin thubhairt iad ris, Cha d'rugadh 'an strìopachas sinne; tha aon Athair againu, eadhon Dia.

42 An sin thubhairt Iosa riu, Nam b'e Dia bhur n-Athair, ghràdhaicheadh sibh mise: oir chaidh mise mach, agus thàinig mi o Dhia; agus cha d'fhàinig mi uam féin, ach chuir esan uaith mi.

43 C'ar son nach 'eil sibh a' tuigsinn mo chòmhairidh? do bhrìgh nach urrainn sibh éisdeachd ri m' fhocal.

44 Tha sibhse o bhur n-athair an diabhul, agus is iad ana-miannan bhur n-athair a's toil leibh a dheanamh; bha esan 'n amhort-
air a thùs, agus cha d'fhan e 's an fhìrinn, a chionn nach 'eil firinn ann. 'N uair a labhras e breug, is ann uaith féin tha e 'labhairt: oir is breugaire e, agus is e athair na bréige.

45 Agus do bhrìgh gu bheil mise ag innseadh na firinn, cha-n'eil sibh ga m' chreidsinn.

46 Cò agaibhse 'chuireas peacadh as mo leth-sa? agus ma tha mi ag innseadh na firinn, c'ar son nach 'eil sibh ga m' chreidsinn?

47 An ti tha o Dhia, éisdidh e ri briathraibh Dhé: uime sin cha-n'eil sibhse ag éisdeachd, a chionn nach ann o Dhia e tha sibh.

48 An sin fhreagair na h-Iudhaich, agus thubhairt iad ris, Nach nuith a thubhairt sinn gur Samaritanach thu, agus gu bheil deamhan agad?

49 Fhreagair Iosa, Cha-n'eil deamhan agam; ach tha mi 'toirt urrainn do m' Athair, agus tha sibhse 'toirt cas-urraim dhomh-sa.

50 Agus cha-n'eil mi 'g iarraidh mo ghloire féin: tha neach a tha 'g iarraidh agus a' toirt breith.

51 Gu deimhin deimhin tha mi ag ràdh ribh, Ma choimhideas neach m' fhocal-sa, cha-n fhaic e bàs am feasd.

52 An sin thubhairt na h-Iudhaich ris, A nis tha fhios againu gu bheil deamhan agad. Fluair Abraham bàs, agus na fàidhean; gidheadh tha thusa ag ràdh, Ma choimhideas duine m'fhocal-sa, cha bhlais e bàs am feasd.

53 Am mò thusa na ar n-athair Abraham, a fluair bàs? agus fluair na fàidhean bàs: cò a tha tèu 'deanamh dhìot féin?

54 Fhreagair Iosa, Ma tha mi 'toirt glòire dhomh féin, cha-n'eil ach neo-nì a'm' ghloir: is e m' Athair a tha 'toirt glòire dhomh, neach a tha sibhse ag ràdh gur e bhur Dia e:

55 Gidheadh cha do ghabh sibh eòlas air; ach tha eòlas agam-sa air: agus nan abrainn, Nach aithne dhomh e, bhithium cosmhuil ribhse a'm' bhreugaire: ach is aithne dhomh e, agus tha mi 'coimhead' fhocail.

56 Bha déidh mhòr aig Abraham bhur n-athairse air mo là-sa fhaicinn: agus chunnaic se e, agus riun e gairdeachas.

57 An sin thubhairt na h-Iudhaich ris, Cha-n'eil thu fathast leth-cheud bliadhna dh'aois, agus am faca tu Abraham?

58 Thubhairt Iosa riu, Gu deimhin deimhin tha mi ag ràdh ribh, Mun robh Abraham ann, THA MISE.

59 An sin thog iadsan clachan chum an tilgeadh air: ach dh'fhòlaich Iosa e féin, agus chaidh e mach as an teampull, a' dol troimh am meadhon, [agus mar sin chaidh e seachad.]

CAIB. IX.

1 Dh'aisigeadh a radharc do dhuine a rugadh dall: 13 Thugadh e chum nam Phairiseach: 15 ghabh iad corruich ris, agus thig iad a mach as an t-sionagag e; 35 ach tha Criosd a' gabhail ris. 39 Cò iadsan a tha Criosd a' soilseachadh.

AGUS an uair a ghabh Iosa seachad, chunnaic e duine a bha dall o rugadh e.

2 Agus dl'fhèdraich a dheisciobuil deth, ag ràdh, A mhaighstir, cò a pheacaich, an duine so, no a phàrantan, gu'n d'rugadh dall e?

3 Fhreagair Iosa, Cha do pheacaich an chuid an duine so, no a phàrantan: ach a chum gu'm foillsichteadh oibre Dhé ann.

4 Is éigin domh-sa oibre an ti a chuir uath m' a dheanamh, am feadh is là e: tha'n oidhche a' teachd, anns nach urrainn aon duine obair a dheanamh.

5 Am feadh a tha mise 's an t-saoghal, is mi solus an t-saoghail.

6 'N uair a thubhairt e na nithean so, chuir e sìle air an talamh, agus rinn e criadh de'n t-sìle, agus sgaoil e a' chriadh air sùilbhan an doill.

7 Agus thubhairt e ris, Imich, ionnlaid ann an lochan Shilòaim, (is e sin air cadart-thiangachadh, Air a chur.) Uime sin dh'imich e, agus dh'ionnlaid e, agus thàinig e a' faicinn.

8 Uime sin thubhairt na coimhearsnaich, agus iadsan a chunnaic dall e roimhe sin, Nach e so esan a bha 'n à shuidhe ag iarraidh na déirce?

9 Thubhairt cuid, Is e so e: cuid eile, Tha e cosmhuil ris: thubhairt e féin, Is mise e.

10 Air an aobhar sin thubhairt iad ris, Cionnus a dh'fhosgladh do shùilean?

11 Fhreagair esan agus thubhairt e, Rinn duine d'an ainm Iosa criadh, agus sgaoil e air mo shùilbhan i, agus thubhairt e rium, Imich gu lochan Shilòaim, agus ionnlaid: agus dh'imich mi agus dh'ionnlaid mi, agus fhuair mi mo radharc.

12 An sin thubhairt iad ris, C'ait am bheil e? Thubhairt esan, Cha-n aithne dhomh.

13 Thug iad chum nam Phairiseach esan a bha roimhe dall.

14 Agus b' an t-sàbaid a bha ann an uair a rinn Iosa a' chriadh, agus a dh'fhosgail e 'shùilean.

15 An sin a ris dh'fheòraich na Phairisich dheth mar an ceudna cionnus a fhuair e a radharc. Agus thubhairt esan riu, Chuir e criadh air mo shùilbhan, agus dh'ionnlaid mi, agus tha mi a' faicinn.

16 Uime sin thubhairt cuid de na Phairisich, Cha-n'eil an duine so o Dhia, do bhrìgh nach 'eil e 'gleidheadh na sàbaid. Thubhairt cuid eile, Cionnus a dh'fheudas duine a tha 'n a pheacach, an leithid so de mhìorbhuilbhan a dheanamh? Agus bha eas-aonachd 'n am measg.

17 Thubhairt iad a ris ris an duine dhall, Ciod e a tha thusa ag ràdh uime, a thaobh gu'n d'fhosgail e do shùilean? Agus thubhairt esan, Is faidh e.

18 Ach cha do chreid na h-Iudhaich m'a thimchioll, gu'n robh e dall, agus gu'n d'fhuair e a radharc, gus an do ghairm iad pàrantan an ti a fhuair a radharc.

19 Agus dh'fheòraich iad dhiubh, ag ràdh, An e so bhuir mac-se, a tha sibh ag ràdh a rugadh dall? cionnus ma seadh tha enis a' faicinn?

20 Fhreagair a phàrantan iad agus thubhairt iad, Tha fhios againn gur e so ar mac, agus gu'n do rugadh dall e:

21 Ach cionnus tha e nis a' faicinn, cha-n'eil fhios againn; no cò a dh'fhosgail a shùilean, cha-n aithne dhuinn: tha e féin air teachd gu aois, feòraichibh dheth, labhairaidh e air a shon féin.

22 Thubhairt a phàrantan na briathran so, a chionn gu robh eagal nan Iudhach orra: oir shuidhibh na h-Iudhaich cheana eatorra féin, Nan aidheacadh duine sam bith gu'm b'esan Crìosd, gu'n rachadh a chur as an t-sionagag.

23 Air an aobhar sin thubhairt a phàrantan, Tha e air teachd gu aois, feòraichibh dheth féin.

24 Air an aobhar sin ghairm iad an dara uair an duine a bha dall, agus thubhairt iad ris, Thoir glòir do Dhia: tha fhios againn gur peacach an duine so.

25 An sin fhreagair esan agus thubhairt e, Am peacach e cha-n aithne dhomh: air aon ni tha fhios againn, air dhomh 'bhi dall, gu bheil mi nis a' faicinn.

26 Ach thubhairt iad ris a ris, Ciod a rinn e dhuit? cionnus a dh'fhosgail e do shùilean?

27 Fhreagair e iad, Dh'innis mi dhuibh cheana, agus cha d'éisid sibh: e'ar son a b'ail leibh a chluinntinn a ris? am bheil a' mhian oirbhe 'bhi 'n ur deisciobuil aige mar an ceudna?

28 An sin chàin iad e, agus thubhairt iad, Is tusa a dheisciobul; ach is sinne deisciobuil Mhaois.

29 Tha fhios againn gu'n do labhair Dia ri Maois: ach mu thimchioll an fhir so, cha-n'eil fhios againn cia as da.

30 Fhreagair an duine agus thubhairt e riu, An so tha mi iongantach, nach 'eil fhios agaibh cia as da, agus gu'n d'fhosgail e mo shùilean;

31 Ach tha fhios againn nach éisd Dia ri peacaich: ach ma tha neach air bith 'n a fhear-aoraidh do Dhia, agus a' deanamh a thoile, ris-san éisdidh e.

32 O thoiseach an t-saoghail cha chualas gu'n d'fhosgail aon neach sùilean duine a rugadh dall.

33 Mur bitheadh an duine so o Dhia, cha b'urrainn e ni sam bith a dheanamh.

34 Fhreagair iadsan agus thubhairt iad ris, Rugadh thusa gu h-uile ann am peacaibh, agus am bheil thu 'g ar teagasg-ne? agus thilg iad a mach e.

35 Chual Iosa gu'n do thilg iad a mach e; agus air dha 'fhaotainn, thubhairt e ris, Am bheil thu 'creidsinn ann am Mac Dhé?

36 Fhreagair esan agus thubhairt e, Cò e, a Thighearna, chum gu'n creid mi ann?

37 Agus thubhairt Iosa ris, Chunnaic thu araon e, agus an ti a tha 'labhairt riut, is esan e.

38 Agus thubhairt esan, Tha mi 'creidsinn, a Thighearna. Agus rinn e aoradh dha.

39 Agus thubhairt Iosa, Is ann chum breitheanais a thàinig mise chum ant-saoghail so, chum iadsan nach 'eil a' faicinn, gu'n faicheadh iad; agus gu'n bitheadh iadsan a tha 'faicinn, air an deanamh dall.

40 Agus ehuala cuid de na Phairisich, a bha maille ris na nithean so, agus thubhairt iad ris, Am bheil sinne dall mar an ceudna?

41 Thubhairt Iosa riu, Nam bitheadh sibh dall, cha bhitheadh peacadh agaibh: ach a nis tha sibh ag ràdh, Is léir dhuinn; uime sin tha bhuir peacadh a' fantuinn.

CAIB. X.

1 *Is e Criosd an dorus agus an deadh bhuachail.* 19 *Iomadh gnè bharaill m'a thimchioll.* 24 *Dhearbh le 'oibribh gur e féin Criosd Mac Dhé;* 39 *chaidh e as o na h-Iudhaich;* 40 *agus ràinig e taobh thall Iordain, far an do chreid mòran ann.*

GU deimhin deimhin tha mi ag ràdh ribh, An ti nach téid a stigh troimh an dorus do chrò nan caorach, ach a théid suas air sheòl eile, is gaduiche agus fear-reubainn esan.

2 Ach an ti a théid a steach air an dorus, is esan bhuachail nan caorach.

3 Dhàsan fosglaidh an dorsair; agus éisdidh na caoraich r'a ghuth: agus gairmidh e a chaoraich féin air an ainm, agus treòraichidh e mach iad.

4 Agus an uair a chuireas e mach a chaoraich féin, imichidh e rompa, agus leanaidh na caoraich e: oir is aithne dhoibh a ghuth.

5 Agus cha lean iad coigreach, ach teichidh iad uaithe, do bhrìgh nach aithne dhoibh guth choigreach.

6 An cosamhlachd so labhair Iosa riu: ach cha do thuig iadsan ciod iad na nithean a labhair e riu.

7 An sin thubhairt Iosa riu a ris, Gu deimhin deimhin tha mi ag ràdh ribh, gur mise dorus nan caorach.

8 Iadsan uile a thàinig romham-sa, is gaduichean agus luchd-reubainn iad: ach cha d'éisd na caoraich riu.

9 Is mise an dorus: ma théid neach air bith steach tromham-sa, tèarnar e, agus théid e steach agus a mach, agus gheibh e ionaltradh.

10 Cha tig an gaduiche ach a ghoid, agus a mharbhadh, agus a mhilleadh: thàinig mise chum gu'm bitheadh beatha aca, agus gu'm bitheadh i aca n'a pailte.

11 Is mise am buachaill maith: leigidh am buachaill maith 'anam sìos air son nan caorach.

12 Ach am fear-tuasdail, agus an ti nach e am buachaill, agus nach leis féin na caoraich, chi e am madadh-alluidh a' teachd, agus fagaidh e na caoraich, agus teichidh e: agus glacadh am madadh-alluidh iad, agus sgapaich e na caoraich.

13 Ach teichidh am fear-tuasdail, achiomh

gur fear-tuasdail e, agus nach 'eil suim aige do na caoraich.

14 Is mise am buachaill maith, agus is aithne dhomh mo chaoraich féin, agus aithnichear le m' chaoraich féin mi.

15 Mar is aithne do'n Athair mise, mar sin is aithne dhomh-sa an t-Athair: agus tha mi 'leigeadh m'anama sìos air son nan caorach.

16 Agus tha caoraich eile agam, nach 'eil de'n chrò so: is éigin domh iad sin mar an ceudna 'thoir a stigh, agus éisdidh iad ri m' ghuth; agus bithidh aon treud ann, agus aon bhuachaill.

17 Air an aobhar so is ionmhuinn leis an Athair mise, air son gu'n leigmi sìos m'anam, chum gu'n glac mi e a ris.

18 Cha-n'eil neach air bith 'g a thoirt uam. ach tha mi 'g a leigeadh sìos uam féin: tha cumbhachd agam a leigeadh sìos, agus tha cumbhachd agam a ghacadh a ris. An aithne so fhuair mi o m' Athair.

19 Air an aobhar sin dh'éirich eas-aomachd a ris am measg nan Iudhach air son nan briathran so.

20 Agus thubhairt mòran dinbh, Tha deamhan aige, agus tha e air bhoile; c'ar son a tha sibh ag éisdeachd ris?

21 Thubhairt cuid eile, Cha-n iad so briathran duine anns am bheil deamhan; am bheil deamhan comasach air sùilean nan dall fhosgladh?

22 Agus bha féill-chuimhne an ath-choisreagaidh ann an Ierusalem, agus b'e an geamhradh a bha ann.

23 Agus bha Iosa a' sràid-meachd's an teampull ann an sgàth-thigh Sholaimh.

24 An sin chruinnich na h-Iudhaich m'a thimchioll, agus thubhairt iad ris, Cia fhad a chumas tu ar n-anaman 'an amharus? ma's tu Criosd, innis dhuinn gu follaiseach.

25 Fhreagair Iosa iad, Dh'innis mi dhuibh, agus cha do chreid sibh: na h-oibre a tha mi 'deanamh ann am ainm m' Athair, tha iad sin a' toirt fianuis mu m' thimchioll.

26 Ach cha-n'eil sibhse a' creidsinn; oir cha-n ann de'm chaoraich sibh, mar thubhairt mi ribh.

27 Tha mo chaoraich-sa ag éisdeachd ri m' ghuth, agus is aithne dhomh iad, agus leanaidh iad mi:

28 Agus bheir mi a' bheatha mhairinnach dhoibh; agus cha sgriosar iad am feàid, m' mò a spionas neach air bith as mo làimh iad.

29 M' Athair a thug dhomh-sa iad, is mò e na na h-uile; agus cha-n urrainn neach air bith an spionadh a làimh m' Athair.

30 Mise agus an t-Athair, is aon sinn.

31 Uime sin thog na h-Iudhaich clachan a ris chum a ehlachadh.

32 Fhreagair Iosa iad, Nochd mi dhuibh ràdan de oibribh maith o m' Athair; cia de na h-oibribh sin air son am bheil sibh gam' ehlachadh?

33 Fhreagair na h-Iudhaich e, ag ràdh, Air son oibre maitha cha-n'eil sinn ga d'chlachadh; ach air son toibheim, agus air son, air bhi dhuit-sa a'd' dhuine, gu bheil thu 'deanamh Dé dhìot féin.

34 Fhreagair Iosa iad, Nach 'eil e sgrìobhta ann bhuir lagh-se, Thubhairt mi, Is diathan sibh?

35 Ma thubhairt e diathan rìusan, dh'ionnsuidh an robh focal Dhé, agus nach feudar an sgrìobtuir a bhriseadh;

36 An abair sibh ris-san, a naomhaich an t-Athair, agus a chuir e chum an t-saoghail, Tha thu a' labhairt toibheim; air son gu'n dubhairt mi, Is mi Mac Dhé?

37 Mur dean mi oibre m'Athar, na creidibh mi.

38 Ach ma nì, ged nach creid sibh mise, creidibh na h-oibre, chum gu'm bi fios agaibh, agus gu'n creid sibh gu bheil an t-Athair annam-sa, agus mise annsan.

39 Uime sin dh'iarr iad a ris a ghlacadh: ach chaidh e as an àimh.

40 Agus chaidh e ris gus an taobh thall de Iordan, do'n ionad anns an robh Eoin air tùs ri baisteadh; agus rinn e còmhnuidh an sin.

41 Agus thàinig mòran d'a ionnsuidh, agus thubhairt iad, Cha d' rinn Eoin aon mhìorbhuil: ach bha na h-uile nithean a thubhairt Eoin mu'n duine so fìor.

42 Agus chreid mòran 's an àite sin air.

CAIB. XI.

1 *Thog Criosd suas Lasarus an dèigh dha bhi ceithir làithean 's an uagh* 45 *Chreid mòran de na h-Iudhaich.* 47 *Chum na h-àrd-shay-artan agus na Phairisich comhairle an aghaidh Criosd.* 49 *Rinn Caiaphas fàidhead-àireachd.* 55 *Aig a' chàisg dh'iarr an sluagh Criosd;* 57 *dhealbha na h-uachdarain innleachdan gu eusan a ghlacadh.*

ANIS bha duine àraidh gu tinn, d'am b'ainm Lasarus o Bhetani, baile Mhuire agus Mharta a peathar.

2 (B'i Mhuire sin a dh'ung an Tighearn le olaidh luachmhoir, agus a thiorraich a chosan le a folt, aig an robh a bràthair Lasarus gu tinn.)

3 Uime sin chuir a pheathraichean fios d'a ionnsuidh, ag ràdh, A Thighearna, feuch, tha'n ti a's ionnmhuinn leat tinn.

4 'N uair a chual Iosa so, thubhairt e, Cha-n'eil an tinneas so chum bàis, ach a chum glòire Dhé, chum gu'm bi Mac Dhé air a ghlòrachadh d'a thaobh.

5 A nis b'ionnmhuinn le Iosa Marta, agus a piuthar, agus Lasarus.

6 Uime sin an uair a chual e gu'n robh eusan tinn, dh'fhan e fathast dà là anns an ionad 's an robh e.

7 'N a dhéigh sin thubhairt e r'a dheisciobluibh, Rachamaid a ris do Iudea.

8 Thubhairt a dheisciobuil ris, A Mhaighstir, anis dh'iarrna h-Iudhaich do chlachadh; agus am bheil thu 'dol a ris an sin?

9 Fhreagair Iosa, Nach 'eil dà uair dheug 's an là? Ma dh'imicheas duine anns an là, cha tuislich e, oir tha e 'faicinn soluis an t-saoghail so:

10 Ach ma dh'imicheas duine anns an oidhech, tuislichidh e, do bhrìgh nach 'eil an solus ann.

11 Na nithean so labhair e: agus 'n a dhéigh sin thubhairt e riu, Tha ar caraid Lasarus 'n a chodal; ach tha mise a' dol chum gu'n dèisg mi as a chodal e.

12 An sin thubhairt a dheisciobuil, A Thighearna, ma tha e 'n a chodal, bithidh e slàn.

13 Gidheadh labhair Iosa m'a bhàs: ach shaoil iadsan gu'n do labhair e mu thimchioll fois codail.

14 An sin thubhairt Iosa riu gu soilleir, Fhuair Lasarus bàs:

15 Agus tha mi toilichte air bhuir son-sa nach robh mi an sin, chum gu'n creid sibh; ach rachamaid d'a ionnsuidh.

16 An sin thubhairt Tomas, ris an abrar Didimus, r'a cho-dheisciobluibh, Rachamaid-ne mar an ceudna, chum gu'm faigh sinn bàs maille ris.

17 An sin an uair a thàinig Iosa, fhuair se e an dèigh dha bhi cheana ceithir làithean 's an uagh.

18 (A nis bha Betani fagus do Ierusalem, mu thimchioll cùig stàidean deug uath.)

19 Agus thàinig mòran de na h-Iudhaich chum Mharta agus Mhuire, gu comhlhfurt-achd a thoirt doibh a thaobh am bràthar.

20 An sin an uair a chual Marta gu'n robh Iosa a' teachd, chaidh i 'n a chòdhail: ach shuidh Muire 's an tigh.

21 An sin thubhairt Marta ri Iosa, A Thighearna, nam biodh tusa an so, cha-n fhaigheadh mo bhràthair bàs.

22 Ach tha fios agam a nis féin, ge b'e air bith nithean a dh'iarras tu air Dia gu'n toir Dia dhuit iad.

23 Thubhairt Iosa rithe, Eiridh do bhràthair a ris.

24 Thubhairt Marta ris, Tha fhios agam gu'n éirich e a ris 's an aiseirigh air an là dheireannach.

25 Thubhairt Iosa rithe, Is mise an aiseirigh, agus a' bheatha: an ti a chreideas annam-sa, ged gheibheadh e bàs, bithidh e beò:

26 Agus ge b'e neach a tha beò, agus a' creidsinn annam-sa, cha-n fhaigh e bàs an feasd. Am bheil thu 'creidsinn so?

27 Thubhairt i ris, Tha, a Thighearna: tha mi 'creidsinn gur tusa Criosd, Mac Dhé, a bha gu teachd chum an t-saoghail.

28 Agus air dhi na nithean so a ràdh, dh'fhalbh i, agus ghairm i a piuthar Muire 'an uaignidheas, ag ràdh, Thàinig am Maighstir, agus tha e ga d' ghairm.

29 'N uair a chual ise sin, dh'éirich i gu grad, agus thàinig i d'a ionnsaidh.

30 A nis cha robh Iosa fathast air teachd do'n bhaile, ach bha e anns an àite 's an do choinnich Marta e.

31 An sin na h-Iudhaich a bha maille rithe 's an tigh, agus a' toirt comhfhurtachd dhi, 'n uair a chunnaic iad Muire gu'n d'éirich i gu grad, agus gu'n deachaidh i mach, lean iad i, ag ràdh, Tha i 'dol chum na h-uaghe, a chaoineadh an sin.

32 An sin an uair a thàinig Muire do'n àite 's an robh Iosa, agus a chunnaic i e, thuit i aig a chosaibh, ag ràdh ris, A Thighearna, nam bitheadh tusa an so, cha-n fhaigheadh mo bhràthair bàs.

33 Uime sin an uair a chunnaic Iosa i a' gul, agus na h-Iudhaich a thàinig maille rithe a' gul mar an ceudna, rinn e osna 'na spiorad, agus chuir se e féin fo àmhghar.

34 Agus thubhairt e, C'àit an do chuir sibh c? Thubhairt iad ris, A Thighearna, thig agus faic.

35 Ghuil Iosa.

36 An sin thubhairt na h-Iudhaich, Feuch cionnus a ghràdaich se e!

37 Agus thubhairt cuid diubh, Nach feudadh an duine so a dh'fhosgail sùilean an doill, a thoirt fàinear nach faigheadh eadhon am fear so bàs?

38 Uime sin thàinig Iosa, ag osnaich a ris ann féin, chum na h-uaghe. Agus b'uaimh i, agus bha clach air a cur oirre.

39 Thubhairt Iosa, Togaibh a' chlach. Thubhairt Marta, piuthar an duine mhairbh, ris, A Thighearna, tha nis droch bholadh dheth; oir is e so an ceathramh là.

40 Thubhairt Iosa rithe, Nach dubhairt mi riut, Ma chreideas tu, gu'm faic thu glòir Dhé?

41 An sin thog iad a' chlach (*o'n àit anns an robh an duine marbh air a chur*). Agus thog Iosa suas a shùilean, agus thubhairt e, Athair, tha mi 'toirt buidheachais duit gu'n d'éisd thu rium.

42 Agus bha fhios agam gu bheil thu ag éisdeachd rium a ghnàth: ach thubhairt mi e air son an t-sluaigh a tha 'n an seasamh mu m' thimcheall, chum gu'n creid iad gu'n do chuir thusa uait mi.

43 Agus an uair a labhair e na nithean so, ghlaodh e le guth mòr, A Lasarus, thig a mach.

44 Agus thàinig esan a bha marbh a mach, agus a chosan agus a làmhnan ceangailte leis an eudach-mhairbh: agus bha 'aghaidh ceangailte mu'n cuairt le neapaicin. Thubhairt Iosa riu, Fuasglaibh e, agus leigibh leis imeachd.

45 An sin chreid mòran de na h-Iudhaich ann, a thàinig chum Mhuire, agus a chunnaic na nithean a rinn Iosa.

46 Ach dh'fhalbh cuid diubh chum nam Phairiseach, agus dh'innis iad dhoibh na nithean a rinn Iosa.

47 An sin chruinnich na h-àrd-shagartan

agus na Phairisich comhairle, agus thubhairt iad, Ciod a tha sinn a' deanamh? oir tha an duine so 'deanamh mòrain mhlhor-bhuilean.

48 Ma leigeas sinn leis air an dòigh so, creididh na h-uile dhaoine ann; agus thig na Ròmanaich, agus sgrìosaich iad ar n-àit, agus ar cinneach.

49 An sin thubhairt fear àraidh dhiubh *d' am b'ainm* Caiaphas, air dha bhi 'n a àrd-shagart air a' bhliadlma sin, riu, Cha-n aithne dhuibh ni sam bith,

50 Ni mò 'tha sibh a' toirt fàinear gur ionchuidh dhuinne gu'm faigheadh aon duine bàs air son an t-sluaigh, agus nach bitheadh an cinneach uile air a sgrìos.

51 Ach cha b'ann uath féin a labhair e so: ach air dha bhi 'n a àrd-shagart air a' bhliadlma sin, rinn e fàidheadaireachd gu'm faigheadh Iosa bàs air son a' chinnich sin;

52 Agus cha-n ann air son a' chinnich sin a mhlàn, ach a chum mar an ceudna gu'n cruinnicheadh e an ceann a chéile 'n an aon clann Dhé a bha air an sgapadh.

53 Uime sin o'n là sin a mach, chuir iad an comhairle r'a chéile chum esan a chur gu bàs.

54 Air an aobhar sin cha d'imich Iosa ni's mò gu ìollaiseach am measg nan Iudhach; ach chaidh e as a sin do dhùthaich làimh ris an fhàsach, gu baile ris an abrar Ephraim, agus an sin ghabh e còmhnuidh maille r'a dheiscioblaibh.

55 Agus bha càisg nan Iudhach am fagus: agus chaidh mòran suas as an dùthaich do Ierusalem roimh an chàisg, chum iad féin a ghlanadh.

56 An sin dh'iarr iad Iosa, agus labhair iad r'a chéile 'n an seasamh 's an teampull, Ciod bhur barail-sa? an e nach tig e chum na féille?

57 A nis bha araon na h-àrd-shagartan, agus na Phairisich air toirt àithne, nam bitheadh fhios aig neach air bith c'àit an robh e, gu'n innseadh se e, chum gu'n glacadh iad e.

CAIB. XII.

1 *Ghabh Iosa leithsgul Mhuire air son gu'n d'ung i a chosan.* 9 *Thàinig an sluagh 'n am buidhnibh a dh'fhaicinn Lasarus.* 10 *Ghabh na h-àrd-shagartan comhairle chum Lasarus a mharbhadh.* 12 *Mharcaich Crìosd gu Ierusalem.* 23 *Roimh-innis e a bhàs.* 37 *Tha na h-Iudhaich air an dalladh.*

AN sin thàinig Iosa, sè làithean roimh an chàisg, gu Betani, far an robh Lasarus a bha marbh, neach a thog esan o na mairbh.

2 Uime sin rinn iad suipeir dha an sin; agus bha Marta a' frithealadh: ach bha Lasarus 'n a aon diubh-san a shuidh air bord maille ris.

3 An sin ghabh Muire pund de olaidh spicnaird ro luachmhoir, agus dh'ung i cosan

Iosa, agus thiomhaich i a chosan le a folt: agus lionadh an tigh le fàile cùbhraidh na h-olaidh.

4 An sin thubhairt aon d'a dheisciobluibh, Iudas Iscariot, *mac Shimoin*, a bha gu esan a bhrath,

5 C'ar son nach do reiceadh an oladh so air son trì cheud peghinn, agus nach d'fhugadh do na bochdaibh e?

6 Thubhairt e so, cha b'ann a chionn gu'n robh suim aige do na bochdaibh; ach a chionn gu'm bu ghaduiche e, agus gu'n robh an sporan aige, agus gu'n do ghiùlain e na nithean a chuireadh ann.

7 An sin thubhairt Iosa, *Leig leatha*: fa chomhair là m' adhlaidh ghiléidh i so.

8 Oir tha na bochdan a ghnàth agaibh maille ribh, ach cha-n'eil mise agaibh a ghnàth.

9 Agus bha fhlòs aig sluagh mòr de na h-Iudhaich gu'n robh e an sin: agus thàinig iad, cha-n ann a mha'n air son Iosa, ach a chum gu'm faiceadh iad mar an ceudna Lasarus, a thog esan o na mairbh.

10 Ach ghabh na h-àrd-shagartan comhairle, chum Lasarus mar an ceudna a mharbhadh;

11 Do bhrìgh air a shonsan gu'n d'imich mòran de na h-Iudhaich, agus gu'n do chreid iad ann an Iosa.

12 Air an là màireach, air chuimhinn do mhòr-shluagh a thàinig chum na féille, gu'n robh Iosa a' teachd gu Ierusalem,

13 Ghlac iad geugan pailme, agus chaidh iad a mach 'n a chòdhail, agus ghlaodh iad, Hosanna, beannaichte gu robh Rìgh Israeil a tha 'teachd ann an ainm an Tighearna!

14 Agus air do Iosa asal òg fhaotainn, shuidh e air; a réir mar tha e sgrìobhta,

15 Na bitheadh eagal ort, a nighean Shìoin: feuch, tha do Rìgh a' teachd, 'n a shuidhe air loth asail.

16 Cha do thuig a dheisciobuil na nithean so air tùs: ach an uair a ghlòraicheadh Iosa, an sin chuimhnich iad gu'n robh na nithean so sgrìobhta uime, agus gu'n d'rinn iad na nithean so ris.

17 Uime sin rinn an sluagh a bha maille ris fianuis, gu'n do ghairm e Lasarus as an uaigh, agus gu'n do thog e o na mairbh e.

18 Air an aobhar sin mar an ceudna choinnich an sluagh e, a chionn gu'n cual iad gu'n d'rinn e am mìorbhuil so.

19 Thubhairt na Phairisich uime sin eat-orra féin, Am faic sibh nach 'eil sibh a' buadhachadh 'bheag sam bith? feuch, tha'n saoghal air dol 'n a dhéigh.

20 Agus bha Greugaich àraidh am measg na muinntir a chaidh suas chum aoradh a dheanamh aig an fhéill:

21 Air an aobhar sin thàinig iadsan gu Philip, a bha o Bhetsaida Ghalile, agus dh'iarr iad air, ag ràdh, A thighearna, bu mhiann leinn Iosa fhàicinn

22 Thàinig Philip agus dh'innis e do Aindreas: agus a ris dh'innis Aindreas agus Philip do Iosa.

23 Agus fhreagair Iosa iad, ag ràdh, Thàinig an uair, chum gu'm bitheadh Mac an duine air a ghlàrachadh.

24 Gu deimhin deimhin tha mi ag ràdh ribh, Mur faigh an gràinne cruithneachd a thuiteas anns an talamh bàs, fanaidh e 'n a aonar: ach ma gheibh e bàs, bheir e toradh mòr naith.

25 Esan a ghràdhaicheas 'anam, caillidh se e; agus esan a dh'fhuathaicheas 'anam anns an t-saoghal so, gleidhidh se e chum na beatha maireannaich.

26 Ma ni neach air bith seirbhis dhomh-sa, leanadh e mi; agus ge b'e àite 's am bi mise, an sin bithidh mo sheirbhiseach mar an ceudna: ma ni neach seirbhis dhomh-sa bheir m' Athair urram dha.

27 A nis tha m'anam fo àmhghar; agus ciod a their mi? Athair, saor mi o'n uair so: ach is ann air a shon so a thàinig mi chuus na h-uaire so.

28 Athair, glòraich d'ainm. An sin thàinig guth o nèamh, *ag ràdh*, Ghlàraich mi araon e, agus glòraichidh mi ris e.

29 Uime sin thubhairt an sluagh a sheas a làthair, agus a chuala so, Gu'n robh tàir-neanach ann: thubhairt cuid eile, Labhair aingear ris.

30 Fhreagair Iosa agus thubhairt e, Cha-n ann air mo shon-sa thàinig an guth so, ach air bhr son-sa.

31 A nis tha breitheanas an t-saoghail so ann: a nis tilgear uachdaran an t-saoghail so mach.

32 Agus mise, ma thogar suas o'n talamh mi, tairngidh mi na h-uile dhaoine a m' ionnsuidh.

33 (Ach thubhairt e so, a' ciallachadh ciod a' ghnè bàis a gheibheadh e.)

34 Fhreagair an sluagh e, Chuala sinne as an lagh, gu'm fan Crìosd gu sìorruidh: agus cionnus a tha thusa ag ràdh, Gur éigin do Mhac an duine bhith air a thogail suas? cò e Mac so an duine?

35 An sin thubhairt Iosa rin, Fathast ré tamuill bhig tha'n solus maille ribh: gluaisibh am feadh 's a tha an solus agaibh, chum nach beir an dorchadas oirbh: oir an ti a tha ag imeachd 's an dorchadas, cha-n aithne dha c'àit am bheil e 'dol.

36 Am feadh as a tha 'n solus agaibh creidibh 's an t-solus, chum gu'm bi sibh 'n 'ur cloinn do'n t-solus. Labhair Iosa na nithean so, agus dh'fhalbh e, agus dh'fhlòraich se e féin uatha.

37 Ach ged 'rinn e a choinhlion so de mhìorbhuilb 'n an làthair, cha do chreid iad ann:

38 Chum gu'm bitheadh briathran an fhàidh Esaiais air an coimhlionadh, a thubhairt e, A Thighearna, cò a chreid ar n-athris-ne?

agus cò dha a dh'fhoillsicheadh gairdean an Tighearna?

39 Air an aobhar so cha robh e'n comas doibh creidsinn, do bhrìgh gu'n dubhairt Esaias a ris,

40 Dhall e an sùilean, agus chruaidhich e an cridhe, chum nach faicheadh iad le'n stùil-ibh, agus nach tuigeadh iad le'u cridhe, agus nach pilleadh iad, agus gu'n slàn-ùich-inn iad.

41 Thubhairt Esaias na nithean so, 'n uair a chunnaic e a ghlòir-san, agus a labhair e uime.

42 Gidheadh chreid mòran de na h-Uachd-aramaibh féin ann: ach air son nam Phairiseach cha d'aidich iad e, air eagal gu'n cuirteadh mach as an t-sionagag iad.

43 Oir b'annsa leo glòir dhaoine na glòir Dhé.

44 Agus ghlaodh Iosa, agus thubhairt e, An ti a tha 'creidsinn annam-sa, cha-n ann annam-sa tha e 'creidsinn, ach anus an ti a chuir uaith mi.

45 Agus an ti a tha ga m' fhaicinn-sa, tha e 'faicinn au ti a chuir uaith mi.

46 Thàinig mi a'm' sholas chum an t-saoghail, chum ge b'e 'chreideas annam, nach fanadh e ann an dorchadas.

47 Agus ma chluinneas neach air bith mo bhriathran-sa, agus nach creid e, cha-n'eil mise 'g a dhìtheadh: oir cha d'thàinig mi a dhìtheadh an t-saoghail, ach a shaoradh an t-saoghail.

48 An ti a tha 'cur cùil rium-sa, agus uach 'eil a' gabhail ri m' bhriathraibh, tha aige neach a bheir breth air: am focal a labhair mi, bheir e sin breth air's an là dheireann-ach.

49 Oir cha do labhair mi uam féin; ach an t-Athair a chuir uaith mi, thug e aithne dhomh, ciod a theirinn, agus ciod a labhairinn.

50 Agus tha fios agam gur beatha mhair-eannach 'aithne-san: air an aobhar sin na nithean a tha mi a' labhairt, mar thubhairt an t-Athair rium, mar sin tha mi a' labhairt.

CAIB. XIII.

1 *Nìgh Criosd cosan nan deisciobul, 13 dh'earal- aich e orra 'bhi iriosal agus seirceil; 18 dh'inn- is e roimh-laimh, agus dh'fhoillsich e do Eoin le comharadh, gu'm b'e Iudas a bhrathadh e; 31 thug e aithne dhoibh iad a ghràdhachadh a chèile; 36 agus roimh-innis e do Pheadar gu'n robh e gu esan àicheadh.*

ANIS roimh fhéill na càisge, air do Iosa fios a bhi aige gu'n robh 'uair air teachd, anns an rachadh e as an t-saoghal so chum an Athar, air dha a mhuinntir féin a bha anns an t-saoghal a ghràdhachadh, ghràdhaich e gus a' chrìch iad.

2 Agus an uair a bha 'n t-suipeir thairis, (air do'n diabhul a nis a chur 'an cridhe

Iudais Iscarioit, *mhic* Shimoin, esan a bhrath.)

3 Air aithneachadh do Iosa gu'n d'thug an t-Athair na h-uile nithean 'n a làmh-an, agus gur ann o Dhia a thàinig e, agus gur ann a dh'ionnsuidh Dhé a bha e 'dol;

4 Dh'éirich e o 'shuipeir, agus chuir e dheth 'fhalluin, agus ghlac e làmh-anart, agus cheangail e uime e.

5 'N a dhéigh sin, thaom e uisge ann an soitheach-ionnlaid, agus thòisich e air cosan nan deisciobul ionnlad, agus an tiormachadh leis an làmh-anart a bha ceangailte uime.

6 An sin thàinig e gu Simon Peadar: agus thubhairt esan ris, A 'Thighearn', am bheil thusa ag ionnlad mo chosan-sa?

7 Fhrcagair Iosa agus thubhairt e ris, An ni so a tha mi 'deanamh cha-n aithne dhuitse a nis; ach bithidh fios agad air an déigh so.

8 Thubhairt Peadar ris, Cha nìgh thu mo chosan-sa gu bràth. Fhreagair Iosa e, Mur nìgh mi thu, cha-n'eil cuid agad maille rium.

9 Thubhairt Simon Peadar ris, A Thighearna, cha-n iad mo chosan a mhàin, ach mar an ceudna mo làmh-an agus mo cheann.

10 Thubhairt Iosa ris, An ti a tha air ionnlad, cha-n'eil feum aige ach a chosan ionnlad, ach tha e gu h-iomlan glan: agus tha sibhse glan, ach cha-n'eil sibh uile glan.

11 Oir bha fios aige cò a bhrathadh e; uime sin thubhairt e, Cha-n'eil sibh uile glan.

12 An sin, an déigh dha an cosan ionnlad, agus 'fhalluin a ghabhail *d'a ionnsuidh*, shuidh e a ris, agus thubhairt e riu, An bheil fios agaibh ciod a rinn mi dhuibh?

13 Tha sibh a' gairm Maighistir, agus Tighearn dhiom-sa: agus tha sibh ag ràdh gu maith; oir is mi sin.

14 Uime sin ma dh'ionnlaid mise, blur Tighearn agus bhur Maighistir, bhur cosan-sa, is còir dhuibh-sa mar an ceudna cosan a chèile ionnlad.

15 Oir thug mi eisempleir dhuibh, chum mar a rinn mise dhuibh, gu'n deanadh sibhse mar an ceudna.

16 Gu deimhin deimhin tha mi ag ràdh ribh, Cha mhò an t-òglach na 'mhaighistir, agus cha mhò an teachdair na 'n ti a chuir uaith e.

17 Ma's aithne dhuibh na nithean so, is beannaichte sibh ma ni sibh iad.

18 Cha-n'eil mi 'labhairt oirbh uile: is aithne dhomh cò a thagh mi: ach is éigin an sgrìobtuir a choimhionadh, An ti a tha 'g itheadh arain maille rium, thog e a shàil a'm' aghaidh.

19 A nis tha mi ag ràdh so ribh mu'n tig e gu crìch, chum, 'n uair a tharlas e, gu'n creid sibh gur mise e.

20 Gu deimhin deimhin tha mi ag ràdh

ribh, an ti a ghabhas ri neach sam bith a chuireas mise uam, gabhaidh e rium-sa; agus an ti a ghabhas rium-sa, gabhaidh e ris an ti a chuir uaith mi.

21 Air do Iosa na nithean so 'ràdh, bha e fo thrìoblaid 'n a spiorad, agus rinn e fianuis, agus thubhairt e, Gu deimhin deimhin tha mi ag ràdh ribh, gu'm brath aon agaibh mise.

22 An sin dli'amhaire na deisciobuil air a chéile, fo amharus co uime a labhair e.

23 A nis bha aon d'a dheisciobluibh, 'n a luidhe 'an uchd Iosa, neach a b'iomnluim le Iosa.

24 Air an aobhar sin smèid Simon Peadar airsan, gu'm feòraicheadh e co uime a labhair e.

25 An sin air dhàsan aomadh ri uchd Iosa, thubhairt e ris, A Thighearna cò e?

26 Fhreagair Iosa, Is e an ti sin e, d'an toir mise an greim, an déigh dhomh a thumadh. Agus an uair a thum e an greim, thug se e do Iudas Iscariot, *mac Shimoìn*.

27 Agus an sin an déigh a' ghreama, chaidh Sàtan a steach ann-san. An sin thubhairt Iosa ris, An ni a tha thu a' deanamh, dean gu grad e.

28 A nis cha do thuig aon diubh-san a bha 'n an suidhe air a' bhord c'ar son a thubhairt e so ris.

29 Oir shaoil cuid diubh, a chionn gu'n robh an sporan aig Iudas, gu'n dubhairt Iosa ris, Ceannaich na nithean a tha dli'uir-easbluidh oirn chum na féille; no gu'n tugadh e ni-éigin do na bochdaibh.

30 An sin an déigh dhàsan an greim a ghabhail, chaidh e mach air ball; agus bha'n oidheche ann.

31 Uime sin, 'n uair a chaidh esan a mach, thubhairt Iosa, A nis tha Mac an duine air a ghlòrachadh, agus tha Dia air a ghlòrachadh ann.

32 Ma tha Dia air a ghlòrachadh ann, glòraichidh Dia esan mar an ceudna ann féin, agus air ball glòraichidh se e.

33 A chlann bheag, fathast ùine bheag tha mise maille ribh. Iarraidh sibh mi: agus mar a thubhairt mi ris na h-Iudhaich, Do'n àite d'an téid mise, cha-n'eil e 'n comas duihbse teachd; mar sin tha mi ag ràdh ribhse nis.

34 Aithne nuadh tha mi 'toirt dhuibh, Gu'n gràdhaich sibh a chéile; mar a ghràdhaich mise sibhse, gu'n gràdhaich sibh féin a chéile mar an ceudna.

35 Le so aithnichidh na h-uile dhaoine gur sibh mo dheisciobuil-sa, ma bhios gràdh agaibh féin d'a chéile.

36 Thubhairt Simon Peadar ris, A Thighearna, c'ait an téid thu? Fhreagair Iosa e, Do'n àite d'an téid mise, cha-n urrainn thusa nis mo leantuinn; gidheadh leanaidh tu mi 'n a dhéigh so.

37 Thubhairt Peadar ris, a Thighearna,

c'ar son nach urrainn mi do leantuinn a nis Leigidh mi sìos m'anam air do shon.

38 Fhreagair Iosa e, An leig thu d'anam sìos air mo shonsa? Gu deimhin deimhin tha mi ag ràdh riut, Nach goir an coileach, agus an àicheadh thu mi trì uairean.

CAIB. XIV

1 *Thug Crìosd comhshurtachd d'a dheisciobluibh le dòchas fhàilicheanais: 6 dl'innis e gur e féin an t-slighe, an fhìrinn, agus a' bheatha, agus gur aon e féin agus an t-Athair: 13 thug e fios doibh gu'm bi an urnuighean 'n a ainm-san éifeachdach. 16 Gheall e an spiorad naomh dhoibh.*

NA bitheadh bhur cridhe fo thrìoblaid: tha sibh a' creidsinn ann an Dia, creidibh annam-sa mar an ceudna.

2 Ann an tigh m'Athar-sa tha iomadh àite-còmhnuidh: mur bitheadh e mar sin, dh'innisinn-sa dhuibh. Tha mi 'dol a dh'ull-uchadh àite dhuibh.

3 Agus ma théid mi agus gu'n ulluich mi àite dhuibh, thig mi ris, agus gabhaidh mi sibh a m' ionnsuidh féin; chum far am bheil mise, gu'm bi sibhse mar an ceudna.

4 Agus is aithne dhuibh c'ait am bheil mi 'dol, agus is aithne dhuibh an t-slighe.

5 Thubhairt Tomas ris, A Thighearna, cha-n'eil fhios againn c'ait am bheil thu 'dol; agus cionnus a dh'fheadas eòlas na slighe 'bhi againn?

6 Thubhairt Iosa ris, Is mise an t-slighe, agus an fhìrinn, agus a' bheatha: cha tig aon neach chum an Athar ach tromham-sa.

7 Nam b'aithne dhuibh mise, b'aithne dhuibh m'Athair mar an ceudna: agus á so suas is aithne dhuibh e, agus chunnaic sibh e.

8 Thubhairt Philip ris, A Thighearna foillsich an t-Athair dhuinne, agus is leoir leinn e.

9 Thubhairt Iosa ris, Am bheil mise ùine co fhada maille ribh, agus nach aithne dhuit fathast mi, Philip? an ti a chunnaic mise, chunnaic e 'n t-Athair; agus cionnus a tha thu ag ràdh, Foillsich an t-Athair dhuinn?

10 Nach 'eil thu 'creidsinn gu bheil mise anns an Athair, agus an t-Athair annam-sa? na briathran a tha mi 'labhairt ribh, cha-n ann uam féin a tha mi 'g an labhairt: ach an t-Athair, a tha 'gabhail còmhnuidh annam-sa, tha esan a' deanamh nan oibre.

11 Creidibh mise gu bheil mi anns an Athair, agus an t-Athair annam-sa; no, creidibh mi air son nan oibre féin.

12 Gu deimhin deimhin tha mi ag ràdh ribh, An ti a chreideas annam-sa, na h-oibre a tha mise a' deanamh, ni esan mar an ceudna; agus ni e oibre a's mò na iad so, do bhrìgh gu bheil mise 'dol chum m'Athar.

13 Agus ge b'è ni a dh'arras sibh a'm ainm-sa, ni mise sin: chum gu'm bi an t-Athair air a ghlòrachadh anns a' Mhac.

14 Ma dh'iarras sibh ni air bith a'm' ainm-sa, ui mise e.

15 Ma's toigh leibh mise, coimhidibh m'aitheantan:

16 Agus guidhidh mise an t-Athair, agus bheir e dhuibh Comhfhurtair eile, chum gu'm fan e maille ribh gu bràth;

17 Spiorad na firinn; neach nach urrainn an saoghal a ghabhail, do bhrìgh nach 'eil e 'g a fhaicinn, agus nach aithne dha e; ach is aithne dhuibhse e, oir tha e 'fantuinn maille ribh, agus bithidh e annaibh.

18 Cha-n fhàg mi sibh 'n 'ur dìlleachdain; thig mi do 'ur n-ionnsuidh.

19 Tamull beag fathast, agus cha-n fhaic an saoghal mi tuilleadh; ach chi sibhse mi: do bhrìgh gu bheil mise beò, bithidh sibhse beò mar an ceudna.

20 Anns an là sin bithidh fios agaibh gu bheil mise ann am Athair, agus sibhse annam-sa, agus mise annaibh-sa.

21 An ti aig am bheil m'aitheantan-sa, agus a tha 'g an coimhead, is esan aig am bheil gràdh dhomh-sa; agus an ti aig am bheil gràdh dhomh-sa, gràdhaichear le m' Athair e, agus gràdhaichidh mise e, agus foillsichidh mi mi féin da.

22 Thubhairt Iudas, (cha-n e Iscariot,) ris, A Thighearna, c'ar son a dh'fhoillsicheas tu thu féin dhuinne, agus nach dean thu sin do'n t-saoghal?

23 Fhreagair Iosa agus thubhairt e ris, Ma ghràdhaicheas neach mise, coimhididh e m' fhocal: agus gràdhaichidh m' Athair esan, agus thig sinn d'a ionnsuidh, agus ni sinn còmhnuidh maille ris.

24 An ti nach gràdhaich mise, cha choimhid e mo bhriathran: agus am focal a tha sibh a' chuinntinn, cha leam-sa e, ach leis an Athair a chuir uaidh mi.

25 Na nithean so labhair mi ribh, air dhomh bhì m' còmhnuidh maille ribh:

26 Ach an Comhfhurtair, an Spiorad naomh, a chuireas an t-Athair uaidh a'm' ainm-sa, teagaisgidh esan dhuibh na h-uile nithean, agus cuiridh e'n cuimhne dhuibh na h-uile nithean a labhair mise ribh.

27 Tha mi 'fagail sìthe agaibh, mo shìth-sa a tha mi 'toirt duihbh: cha-n ann mar a bheir an saoghal, a tha mise 'toirt duihbh. Na bitheadh bhur cridhe fo thrioblaid, agus na bitheadh eagal air.

28 Chuala sibh mar thubhairt mi ribh, Tha mi 'falbh, agus thig mi ris do 'ur n-ionnsuidh. Nam bitheadh gràdh agaibh dhomh-sa, bhithedh aobhneas oirbh, a chionn gu'n dubhairt mi, Tha mi 'dol chum an Athar: oir is mò m' Athair na mise.

29 Agus a nis dh'innis mi dhuibh so roimh dha teachd gu crìch, chum, 'n uair a thig e gu crìch, gu'n creideadh sibh.

30 A so suas cha labhair mi mòran ribh: oir tha uachdaran an t-saoghail so a' teachd, agus cha-n'oil ni air bith aige annam-sa.

31 Ach a chum gu'm bi fios aig an t-saoghal gur ionmhuinn leam an t-Athair; agus mar a thug an t-Athair àithne dhomh, mar sin tha mi a' deanamh. Eiribh, rachamaid a so.

CAIB. XV.

1 An sòlas a tha aig deisciobuibh Chrìosd; 9 an gràdh agus an coimhcheangal a tha eadar iad agus esan. 18 Comhfhurtachd fo fhuath agus gheur-leannmhuinn an t-saoghail so. 26 Dreuchd an Spioraid naomh, agus nan abstol.

IS mise an fhìonain fhìor, agus is e m' Athair an treabhaiche.

2 Gach uile gheug annam-sa nach 'eil a' giùlan toraidh, bheir e air falbh; agus gach uile gheug a tha 'tabhairt toraidh, glanaidh e i, chum gu'n giùlain i tuilleadh toraidh.

3 A nis tha sibhse glan tre an fhocal a labhair mi ribh.

4 Fanaibh annam-sa, agus mise annaibh sa. Mar nach urrainn a' gheug toradh a thoirt uaipe féin, mur fan i's an fhìonain. cha mhò is urrainn sibhse, mur fan sibh annam-sa.

5 Is mise an fhìonain, sibhse na geugan: an ti a dh'fhanas annam-sa, agus mise annsan, bheir esan mòr-thoradh uaidh; oir as m'cug mhaiss-a eha-n urrainn sibh aon ni a dheanamh.

6 Mur fan neach annam-sa, tha e air a thilgeadh a mach mar gheig, agus air crìo-adh; agus tionaidh daoine iad, agus tilgidh iad 's an teine iad, agus loisgear iad.

7 Ma dh'fhanas sibh annam-sa, agus ma dh'fhanas m'fhocail-sa annaibh-sa, iarraidh sibh gach ni a's àill leibh, agus nithear dhuibh e.

8 An so tha m' Athair-sa air a ghlòrachadh, gu'n toir sibhse mòr-thoradh uaidh; agus bithidh sibh 'n'ur deisciobuil dhomh-sa.

9 Mar a ghràdhaich an t-Athair mise, mar sin ghràdhaich mise sibhse: fanaibh ann am ghràdh-sa.

10 Ma choimhideas sibh m'aitheantan, fanaidh sibh ann am ghràdh; mar a choimhid mise àitheantan m' Athar, agus a tha mi a' fantuinn 'n a ghràdh.

11 Na nithean so labhair mi ribh, chum gu'm fanadh mo ghairdeachas annaibh, agus gu'm bitheadh bhur gairdeachas-sa fàn.

12 Is i so m'aithe-sa, gu'n gràdhaich sibhse a chèile, mar a ghràdhaich mise sibhse.

13 Gràdh a's mò na so cha-n'oil aig neach air bith, gu'n leigeadh duine 'anam sìos air son a chairdean.

14 Is sibhse mo chairdean-sa, ma ni sibh gach ni a tha mi ag àithneadh dhuibh.

15 A so suas cha ghairm mi seirbhiseich dhihbh; oir cha-n aithne do'n t-seirbhiseach ciod a tha a Thighearna a' deanamh: ach ghairm mi càirdean dhihbh; oir na h-uile nithean a chuala mi o m' Athair, thug mi fios duihbse orra.

16 Cha sibhse a thagh mise, ach is mise a thagh sibhse, agus dh'orduich mi sibh, chum gu'n rachadh sibh, agus gu'n tugadh sibh a mach toradh, agus gu maireadh bhur toradh: chum ge b'e ni a dh'iarras sibh air an Athair ann am ainm-sa, gu'n toir e dhuibh e.

17 Tha mi 'g àithneadh nan nithean so dhuibh, chum gu'n gràdhaidh sibh a chèile.

18 Ma tha an saoghal 'g'ur fuathachadh, tha fhios agaibh gu'n d'fhuathaich e mise roimh sibh.

19 Nam b'ann de'n t-saoghal sibh, ghràdh-aidheadh an saoghal a chuid féin: ach do bhrìgh nach ann de'n t-saoghal sibh, ach gu'n do thagh mise sibh as an t-saoghal, uime sin tha fuath aig an t-saoghal duibh.

20 Cuimhuichibh am focal a thubhairt mi ribh, Cha-n'eil an seirbhiseach ni's mò na a Thighearn. Ma rinn iad geur-leannuinn ormsa, ni iad geur-leannuinn oirbhse mar an ceudna: ma choimhid iad m'fhocal-sa, coimhididh iad bhur focal-sa mar an ceudna.

21 Ach na nithean so uile ni iad oirbh air son m'ainme-sa, do bhrìgh nach aithne dhoibh esan a chuir uaith mi.

22 Mur bithinn-sa air teachd, agus air labhairt riu, cha bhitheadh peacadh aca: ach a nis cha-n'eil leithsgeul am peacadh aca.

23 An ti aig am bheil fuath dhomh-sa, tha fuath aige do m' Athair mar an ceudna.

24 Mur bithinn-sa air deanamh nan oibre 'n an measg nach d'rinn aon neach eile, cha bhitheadh peacadh aca: ach a nis chumaid siad iad, agus dh'fhuathaich iad araon mise agus m' Athair.

25 Ach rinneadh so chum gu'n coimhlionadh am focal a tha sgrìobhta 'n an lagh féin, Dh'fhuathaich iad mi gun aobhar.

26 Ach an uair a thig an Comhfhurtair, a chuireas mise do'urn-ionnsuidh o'n Athair, Spiorad na firinn, a tha 'teachd a mach o'n Athair, ni esan fianuis mu m' thimchioll-sa.

27 Agus ni sibhse fianuis mar an ceudna, do bhrìgh gu bheil sibh maille rium o thùs.

CAIR. XVI.

1 *Thug Crìosd comhfhurtachd d'a dheisciobluibh an aghaidh trioblaid le gealladh an Spioraid naomh, agus 'aiseirigh féin agus a dhol suas air nèamh; 23 thug e cìnte dhoibh gu'm bi na h-urnuighean a nìthear 'n a ainm-san taitneach d'a Athair; 33 tha sìth ann an Crìosd, ach anns an t-saoghal, trioblaid.*

NA nithean so labhair mi ribh, chum nach faigheadh sibh oibheum.

2 Cuiridh iad as an t-sionagag sibh: seadh, thig an uair, ge b'e neach a mharbhas sibh, gu'n saoil e gu bheil e 'deanamh seirbhis do Dhia.

3 Agus ni iad na nithean so, do bhrìgh nach aithne dhoibh an t-Athair, no mise.

4 Ach dh'innis mi na nithean so dhuibh, chum 'n uair a thig an t-àm, gu'n cuimhnich sibh gu'n d'innis mi dhuibh iad. Ach cha

dubhairt mi na nithean so ribh o thùs, do bhrìgh gu'n robh mi maille ribh.

5 Ach a nis tha mi 'dol chum an ti a chuir uaith mi; agus cha-n'eil a h-aon agaibh-sa a' feòraich dhìom, C'ait a bheil thu 'dol?

6 Ach a chionn gu'n dubhairt mi na nithean so ribh, lion dubh-blàròn bhur cridhe.

7 Gidheadh tha mi ag innseadh dhuibh na firinn, Is buannachd dhuibh mise a dh'fhalbh: oir mur fhalbh mi, cha tig an Comhfhurtair do 'ur n-ionnsuidh-sa; ach ma dh'fhalbhas mi, cuiridh mi esan do 'ur n-ionnsuidh.

8 Agus an uair a thig esan, bheir e dearbh-shoilleireachd do'n t-saoghal mu pheacadh, agus mu fhìreantachd, agus mu bhreith-eanas:

9 Mu pheacadh, do bhrìgh nach 'eil iad a' creidsinn annam-sa;

10 Mu fhìreantachd, do bhrìgh gu bheil mi 'dol a dh'ionnsuidh m' Athair, agus nach faic sibh ni's mò mi;

11 Mu bhreith-eanas, a chionn gu bheil uachdaran an t-saoghail so air a dh'iteadh.

12 Tha mòran nithean agam fathast ri ràdh ribh, ach cha-n'urrainn sibh an giùlan an tràth so.

13 Ach an uair a thig esan, Spiorad na firinn, trèanaidh e sibh chum gach uile fhìrinn: oir cha labhair e uaith féin: ach labhairidh e na h-uile nithean a chluinnas e; agus foillsichidh e dhuibhse nithean a tha ri teachd.

14 Bheir esan glòir dhomh-sa: oir gheibh e de m' chuid-sa, agus nochdaidh e dhuibhse e.

15 Na h-uile nithean a tha aig an Athair, is leam-sa iad: air an aobhar so thubhairt mi, gu'n faigh e de m' chuid-sa, agus nochdaidh e dhuibhse e.

16 Tamull beag agus cha-n fhaic sibh mi; agus a rìs, tamull beag agus chi sibh mi, do bhrìgh gu bheil mi 'dol chum an Athair.

17 An sin thubhairt cuid d'a dheisciobluibh eatorra féin, Ciod e so a tha e ag ràdh ruinn, Tamull beag agus cha-n fhaic sibh mi: agus a rìs, tamull beag agus chi sibh mi: agus, Do bhrìgh gu bheil mi 'dol chum an Athair?

18 Air an aobhar sin thubhairt iad, Ciod e so a tha e ag ràdh, Tamull beag? Cha-n'eil sinne 'a tuigsinn ciod a tha e ag ràdh.

19 A nis dh'aithnich Iosa gu'n robh toil aca fheòraich dheth, agus thubhairt e riu, Am bheil sibh a' feòraich 'n 'ur measg féin mar a thubhairt mi, Tamull beag agus cha-n fhaic sibh mi: agus a rìs, tamull beag agus chi sibh mi?

20 Gu deimhin deimhin tha mi ag ràdh ribh, gu'n dean sibhse gul agus caoidh, ach ni an saoghal gairdeachas: agus bithidh sibhse do-bhrònach, ach pillcar bhur bròn gu gairdeachas.

21 'N uair a bhitheas bean ri saothair-chloinne, bithidh i fo dhoilgheas, chionn gu

bheil a h-uair air teachd: ach an uair a bheircas i an leanabh, cha chuimhnich i a b-àmhghar ui's mò, tre aoibhneas gu'n d'rugadh duine ehum au t-saoghail.

22 Agus tha uis uime sin doilgheas oirbhe: ach chi mise a ris sibh, agus ni bhuiridhe gairdeachas, agus bhuir gairdeachas cha bhuin ueach air bith uaibh.

23 Agus air an là sin cha-n fhèdraich sibh ni air bith dhìom-sa: Gu deimhin deimhin tha mi ag ràdh ribh, Ge b'è nithean a dh'iarras sibh air au Athair ann am ainm-sa, gu'n toir e dhuibh iad.

24 Gus a so cha d'iarr sibh ni air bith ann am ainm-sa: iarraibh, agus gheibh sibh, chum gu'm bi bhuir u-aoibhneas làn.

25 Na nithean so labhair mi ribh ann am briathraibh dorchas: ach thig an uair auns nach labhair mi ni's mò ribh ann am briathraibh dorchas, ach innsidh mi gu soilleir mu'n Athair dhuibh.

26 Anns an là sin iarraidh sibh a'n' ainm-sa: agus cha-n'èil mi ag ràdh ribh, gu'n guidh mi an t-Athair air bhuir sou:

2. Oir is toigh leis an Athair féin sibh, air son gu'n d'thug sibh gràdh dhomh-sa, ag s gu'n do chreid sibh gur ann o Dhia a thàinig mi.

28 Thàinig mi mach o'n Athair, agus tha mi air teachd chum an t-saoghail: a ris, tha mi 'fagail an t-saoghail, agus a' dol chum au Athar.

29 Thubhairt a dheisciobuil ris, Feuch, a nis tha thu 'labhairt gu soilleir, agus cha-n'èil thu labhairt cosamhlachd air bith.

30 A nis tha fhios againn gur aithne dhuir na h-uile nithean, agus nach feum thu duine air bith a dh'fhèdraich dhìot: air a shon so tha sinn a' creidsinn gur ann o Dhia a thàinig thu.

31 Fhreagair Iosa iad, Am, bheil sibh a nis a' creidsinn?

32 Feuch, thig an t-am, seadh, tha e cheana air teachd, anns an sgapar o' chéile sibh, ga h-aon g'a ionad féin, agus anns am fag sibh mise a'm' aonar: gidheadh cha-n'èil mise a'm' aonar, oir tha an t-Athair maille riu n.

33 Na uithean so labhair mi ribh, chum gu'n bitheadh sibh agaibh annam-sa. Anns an t-saoghal bithidh àmhghar agaibh: ach bitl eadh deadh mhisneach agaibh, thug mise buaidh air an t-saoghal.

CAIB. XVII.

1 Tha Criod a' deanamh urnuigh r'a Athair gu'n glòraicheadh se e, 6 gu'n coimhleadh e a stoil, 11 ann an aonachd, 17 agus anns an fhìrinn; 20 gu'n glòraicheadh e iad, agus na h-uile chreidmich maille ris féin air nàmh.

ABHAIR Iosa na briathran so; agus 1 thog e suas a shùilean gu nàmh, agus thubhairt e, Athair, thàinig an uair; glòraich do Mhac, chum gu'n glòraich do Mhac thusa mar an eudna:

2 Chum mar a thug thu cumhachd dha air gach feoil, na h-uile a thug thu dha, gu'n tugadh esan dhoibh a' bheatha mhaireannach.

3 Agus is i so a' bheatha mhaireannach, eòlas a bhi aca ortsa an t-aou Dia fìor, agus air Iosa Criod a chuir thu uait.

4 Glhòraich mise thusa air thalamh: chrìochnaich mi'n obair a thug thu dhomh r'a dheanamh.

5 Agus a nis, Athair, glòraich thusa mise maille rint féin, leis a' ghldir a bha agam maille riut mu'n robh an saoghal ann.

6 Dh'fhoillsich mise d'ainm do na daoinibh a thug thu dhomh as an t-saoghal: bu leatsa iad, agus thug thu dhomh-sa iad; agus choimhid iad d'fhocal.

7 A nis thuig iad gur ann uait a tha na h-uile nithean, a thug thu dhomh-sa.

8 Oir thug mi dhoibh na briathran a thug thusa dhomh; agus ghabh siad iad, agus thuig iad gu fìrinneach gur ann uait-sa 'thàinig mi, agus chreid iad gu'n do chuir thu uait mi.

9 Air an sonsan tha mi 'guidhe: cha-n'èil mi 'guidhe air son an t-saoghail, ach air son na muinntir sin a thug thu dhomh, oir is leat-sa iad.

10 Agus is leatsa na h-uile nithean a's leamsa, agus is leamsa na nithean a's leatsa; agus tha mi air mo ghlòrachadh anna.

11 Agus a nis cha-n'èil mise ni's mò anns an t-saoghal, ach tha iadsan 's an t-saoghal, agus tha mise a' teachd a d' ionnsuidh-sa. Athair naoinh, coimhid iadsan tre d'ainm, a thug thu dhomh-sa, chum gu'm bi iad 'u an aon, mar a tha sinne.

12 Am feadh 's a bha mise maille riu auns an t-saoghal, choimhid mi iad tre d'ainm-sa: ghleidh mi a' mhuinntir a thug thu dhomh, agus cha do chailleadh a h-aon diubh, ach mac an sgrios; chum gu'm bith-eadh au sgriobtuir air a choimhlionadh.

13 Agus a nis tha mi 'teachd a d'ionnsuidh-sa; agus tha mi 'labhairt nan nithean so anns an t-saoghal, chum gu'm bitheadh mo ghairdeachas aca air a choimhlionadh aunta.

14 Thug mi d'fhocal dhoibh; agus thug an saoghal fuath dhoibh, air son nach ann de'n t-saoghal iad, mar uach 'èil mise de'u t-saoghal.

15 Cha-n'èil mi 'guidhe gu'n tugadh tu as an t-saoghal iad, ach gu'u coimhleadh tu o'n ole iad.

16 Cha-n'èil iadsan de'n t-saoghal, mar nach 'èil mise de'n t-saoghal.

17 Naomhaich iad troimh an fhìrinn: is e d'fhocal-sa an fhìrinn.

18 Mar a chuir thusa mise chum an t-saoghail, mar sin chuir mise iadsan chum an t-saoghail.

19 Agus air au sonsan tha mise ga m' naomhachadh féin, chum gu'm bi iadsan

mar an ceudna air an naombachadh troimh an fhìrinn.

20 Agus cha-n'èil mi 'guidhe air an sonsan a mhàin, ach mar an ceudna air son na muinntir sin a chreideas annam-sa troimh an focal-san:

21 Chum gu'm bi iad uile 'n an aon; chum mar a tha thusa, Athair, annam-sa, agus mise annad-sa, gu'm bi iadsan mar an ceudna 'n an aon annaibh; chum gu'n creid an saoghal gu'n do chuir thusa uait mi.

22 Agus thug mise dhoibh-san a' ghloir a thug thusa dhomh-sa chum gu'm bi iad 'n an aon, mar tha sinne 'n ar n-aon;

23 Mise anna-san, agus thusa annam-sa, chum gu'n deanar coimhlionta iad ann an aon; agus a chum gu'm bi fios aig an t-saoghal gu'n do chuir thusa uait mi, agus gu'n do ghràdhaich thu iadsan, mar a ghràdhaich thu mise.

24 Athair, is àill leam an dream a thug thu dhomh, gu'm bi iad maille riom, far am bheil mi; chum gu'm faic iad mo ghloir a thug thu dhomh: oir ghràdhaich thusa mi mu'n do leagadh bunaitean an domhain.

25 Athair chothromaich, cha b'aithne do'n t-saoghal thusa; ach b'aithne dhomh-sa thu, agus thuig iad so gu'n do chuir thusa uait mi.

26 Agus dh'fhoillsich mise d'ainm dhoibh, agus foillsichidh mi e, chum gu'm bi an gràdh leis an do ghràdhaich thu mise, anna-san, agus mise anna.

CAIB. XVIII.

1 *Bhrath Iudas Iosa.* 6 *Thuit na maor sios air an talamh.* 10 *Ghearr Peadar chas Mhalehuis dheth.* 12 *Ghlac na maor Iosa, agus thug iad gu Annas agus Caiaphas e.* 15 *Aicheadh Pheadair.* 19 *Chaidh Crìosd a cheannachadh an làthair Chaiaphais.* 40 *Dh'iarr na h-Iudhaich Barabas.*

NUAIR a labhair Iosa na briathran so, chaidh e maille r'a dheisciobluibh thairis air sruth Chedroin, far an robh lios, anns an deachaidh e féin agus a dheisciobuil.

2 Agus b'aithne do Iudas, a bhrath esan, an t-àit: oir thàinig Iosa gu tric an sin maille r'a dheisciobluibh.

3 An sin air do Iudas buidheann agus maor fhaotainn o na h-àrd-shagartaibh agus na Phairisich, thàinig e do'n àit sin le leusaibh, agus lòchranaibh, agus arnaibh.

4 Uime sin air do Iosa fios a bhi aige air na h-uile nithibh a bha gu teachd air, chaidh e mach, agus thubhairt e riu, Cò a tha sibh ag iarraidh?

5 Fhreagair iadsan e, Iosa o Nasaret. Thubhairt Iosa riu, Is mise e. Agus sheas mar an ceudna Iudas, a bhrath esan, maille riu.

6 An sin co luath 's a thubhairt e riu, Is mise e, chaidh iad air an ais, agus thuit iad air an làr.

7 An sin dh'fhleòraich e dhiubh a ris, Cò a tha sibh ag iarraidh? Thubhairt iadsan, Iosa o Nasaret.

8 Fhreagair Iosa, Thubhairt mi ribh gur mise e. Uime sin ma's mise 'tha sibh ag iarraidh, leigibh leo sin falbh:

9 Chum gu'n coimhliontadh am focal a labhair e, An dream a thug thu dhomh, cha do chail mi aon diubh.

10 An sin air do Shimon Peadar claidheamh a bhi aige, tharruing se e, agus bhuail e òglach an àrd-shagairt, agus ghearr e a' chluas dheas deth. Agus b'e ainm an òglach Malchus.

11 An sin thubhairt Iosa ri Peadar, Cuir do chladheamh 's an truail: an cupan a thug m' Athair dhomh-sa, nach òl mi e?

12 An sin rug a' bhuidheann, agus an ceannard, agus maor nan Iudhach air Iosa, agus cheangail iad e,

13 Agus thug iad leo e air tùs gu Annas; (oir b'esan athair-céile Chaiaphais, a bha 'n a àrd-shagart air a' bhliadhna sin.)

14 A nis b'e Caiaphas a thug comhairle do na h-Iudhaich, gu'm b'iomchuidh gu'm faightheadh aon duine bas air son an t-sluaigh.

15 Agus lean Simon Peadar agus deisciobul eile Iosa. B'aithne do'n àrd-shagart an deisciobul sin, agus chaidh e steach maille ri Iosa do chùirt an àrd-shagairt.

16 Ach sheas Peadar aig an doras an leth muigh. Uime sin chaidh an deisciobul sin eile a b'aithne do'n àrd-shagart a mach, agus labhair e ris a' bhan-dorsair, agus thug e Peadar a steach.

17 An sin thubhairt a' bhanoglach a bha 'gleidheadh an doruis ri Peadar, Nach ann de dheisciobluibh an duine so thusa mar an ceudna? thubhairt esan, Cha-n ann.

18 Agus bha na seirbbisich agus na maor 'n an seasamh, air dhoibh teine guail a chur suas, oir bha'm fuachd ann, agus bha iad 'g an garadh féin: agus bha Peadar 'n a sheasamh maille riu, agus 'g a gharadh féin.

19 An sin dh'fhiosraich an t-àrd-shagart de Iosa mu thimchioll a dheisciobul, agus mu thimchioll a theagaisg.

20 Fhreagair Iosa e, Labhair mise gu follaiseach ris an t-saoghal; theagaisg mi a ghnàth anns an t-sionagag, agus anns an teampull, far am bheil na h-Iudhaich a' cruinneachadh as gach àit; agus 'am folach cha do labhair mi ni air bith.

21 C'ar son a tha thu a' fiosrachadh dhìomsa? Fiosraich dhiubh-san a chuala, ciod a thubhairt mi riu: feuch, tha fhios aca-san ciod a thubhairt mi.

22 Agus an uair a thubhairt e na nithean so, bhuail aon de na maoraibh, a bha 'n a sheasamh a làthair, a blas air Iosa, ag ràdh, An ann mar so a fheagras tu an t-àrd-shagart?

23 Fhreagair Iosa e, Ma labhair mi gu

h-olc, dean fianuis air an olc: ach ma's ann gu maith, c'ar sonathathu ga m' bhualachd?

24 (A nis chuir Annas e ceangailte gu Caiaphas an t-ard-shagart.)

25 Agus bha Simon Peadar 'n a sheasamh agus 'g a gharadh: Uime sin thubhairt iad ris, Nach aon d'a dheisciobluibh thusa mar an ceudna? Dh'àicheadh e-san, agus thubhairt e, cha mhi.

26 Thubhairt aon de sheirbhisich an àrd-shagairt, (caraid do'n fhear de'n do ghearr Peadar a chluas,) Nach faca mise thu 's an lios maille ris?

27 An sin dh'àicheadh Peadar a ris, agus air ball ghoir an coileach.

28 An sin thug iad Iosa o Chaiaphas gu àit a' bhreitheanais: agus b'i a' mhaduinn a bh'ann, agus cha deachaidh iad féin do àit a' bhreitheanais, chum nach bitheadh iad air an salachadh; ach gu'n itheadh iad a' chàisg.

29 An sin chaidh Pilat a mach d'an ionnsuidh-san, agus thubhairt e, Ciod a' chasaid a tha sibh a' toirt an aghaidh an duine so?

30 Fhreagair iadsan agus thubhairt iad ris, Mur b'fhear droch-bheirt e, cha tuga-maid thairis dhuitse e.

31 An sin thubhairt Pilat riu, Gabhaibhse e, agus thugaibh breth air a réir bhur lagha féin. An sin thubhairt na h-Iudhaich ris, Cha-n'eil e ceaduidhte dhuinne neach air bith a chur gu bàs:

32 Chum gu'm bitheadh focal Iosa air a choimhlionadh, a labhair e, a' ciallachadh ciod a'ghnè bàis a bha e gu fhaotainn.

33 An sin chaidh Pilat a steach a ris do àit a' bhreitheanais, agus ghairm e Iosa, agus thubhairt e ris, An tusa Rìgh nan Iudhach?

34 Fhreagair Iosa e, Am bheil thu ag ràdh so uait féin, no an d'innis daoine eile dhuit e mu m' thimchioll-sa?

35 Fhreagair Pilat, An Iudhach mise? Thug do chinneach féin, agus na h-àrd-shagartan thairis dhomh-sa thu: ciod a rinn thu?

36 Fhreagair Iosa, Cha-n ann de'n t-saoghal so tha mo rioghachd-sa: nam b'ann de'n t-saoghal so bhitheadh mo rioghachd, dheanadh mo sheirbhisich cogadh, chum nach tugtadh thairis do na h-Iudhaich mi: ach a nis cha-n ann o so tha mo rioghachd.

37 Air an aobhar sin thubhairt Pilat ris, An rìgh thu ma scadh? Fhreagair Iosa, Thubhairt thusa gur rìgh mi. 'Sann chum na crìche so a rugadh mi, agus chum na crìche so thàinig mi do'n t-saoghal, chum gu'n deanainn fianuis do'n fhìrinn. Gach neach a tha air taobh na fìrinn, éisdidh e ri m' ghuth-sa.

38 Thubhairt Pilat ris, Ciod i an fhìrinn? Agus air dha so a ràdh, chaidh e mach a

ris chum nan Iudhach, agus thubhairt e riu, Cha-n'eil mise a' faotainn coire air bith ann.

39 Ach tha gnàth agaibhse, gu'n leiginn as duine dhuibh air a' chàisg: uime sin an àill leibh mi a leigeadh rìgh nan Iudhach fa sgaoil duibh?

40 An sin ghlaodh iadsan uile, ag ràdh, Cha-n e an duine so, ach Barabas. A nis b'fhear-reubainn a bha ann am Barabas.

CAIB. XIX.

1 Chaidh Crìosd a sgiùrsadh, a chrànadh le droighinn, agus a bhualachd. 4 Bha Pilat togarrach a leigeadh fa sgaoil, ach air dha 'bhi air aomadh le gairich nan Iudhach, thug e thairis e gu 'bhi air a cheusadh. 23 Thig iad croinn air 'eudach: 26 Dh'earb e-san a mhathair ri Eòin: 28 Fhuair e bàs: 38 Dh'adhlac Ioseph agus Nicodemus e.

A N sin air an aobhar sin ghlac Pilat Iosa, agus sgiùrs se e.

2 Agus dh'fhuigh na saighdearan crùn droighinn, agus chuir iad air a cheann e, agus chuir iad falluinn phurpuir uime,

3 Agus thubhairt iad, Fàilte ort, a rìgh nan Iudhach! agus bhuail iad le'm bas-aibh e.

4 An sin chaidh Pilat a mach a ris, agus thubhairt e riu, Feuch, tha mise 'g a thoirt a mach do 'ur n-ionnsuidh, chum gu'm bi fios agaibh nach 'eil mise 'faotainn coire sam bith ann.

5 An sin thàinig Iosa mach, agus an crùn droighinn air, agus an fhalluinn phurpuir uime. Agus thubhairt Pilat riu, Feuch an duine!

6 Uime sin, an uair a chunnaic na h-àrd-shagartan agus na maoir e, ghlaodh iad, ag ràdh, Ceus e, ceus e. Thubhairt Pilat riu, Gabhaibhse e, agus ceusaibh e: oir cha-n'eil mise a' faotainn coire sam bith ann.

7 Fhreagair na h-Iudhaich e, Tha lagh againne, agus a réir ar lagha-no is coir a chur gu bàs, air son gu'n d'rinn e Mac Dhé dheth féin.

8 Uime sin an uair a chuala Pilat a' chainnt sin, bu mhòid a bha dh'eagal air;

9 Agus chaidh e steach a ris do àit a' bhreitheanais, agus thubhairt e ri Iosa, Cia as duit? ach cha d'thug Iosa freagradh air.

10 An sin thubhairt Pilat ris, Nach labhair thu riumsa? nach 'eil fhios agad gu bheil cumhachd agam-sa do cheusadh, agus gu bheil cumhachd agam do chur fa sgaoil?

11 Fhreagair Iosa, Cha bhitheadh cumhachd air bith agad a'm' aghaidh-sa, mur tugtadh dhuit o'n àird e: air an aobhar sin an ti a thug mise thairis dhuit, tha aige-san am peacadh a's mò.

12 Agus o sin suas dh'iarr Pilat a chur fa sgaoil: ach ghlaodh na h-Iudhaich, àg ràdh, Ma leigas tu am fear so fa sgaoil, cha charaid do Cheasar thu: ge b'e neach a

tha 'g a dheanamh féin 'n a rìgh, tha e labhairt an aghaidh Cheasair.

13 Uime sin an uair a chuala Pilat a' chainnt sin, thug e mach Iosa, agus shuidh e air a' chaithir-bhreitheanais, anns an ionad ris an abrar an Leac-ùrlar, ach anns an Eabhra, Gabata.

14 Agus b'e là-ulluchaidh na càisge e, agus mu thimchioll na seathamh uaire: agus thubhairt e ris na h-Iudhaich, Feuch bhur rìgh!

15 Ach ghlaodh iadsan a mach, Beir uainn, beir uainn, ceus e. Thubhairt Pilat riu, Au ceus mi bhur rìgh? Fhreagair na h-àrd-shagartan, Cha-n'eil rìgh againne ach Ceasar.

16 An sin air an aobhar sin thug e thairis dhoibh e, gu 'bhi air a cheusadh. Agus ghlac iad Iosa, agus thug iad leo e.

17 Agus chaidh e mach, a' giùlan a chroinn-cheusaidh, do'n ionad d'an goirear àit a' chloiginn, d'an ainm 's an Eabhra, Golgota.

18 An sin cheus iad e, agus dithis eile maille ris, fear air gach taobh, agus Iosa 's a' mhèadhon.

19 Agus rinn Pilat mar an ceudna sgrìobhadh, agus chuir e air a' chrann-cheusaidh e. Agus b'e an sgrìobhadh, IOSA O NA-SÀRETH RIGH NAN IUDHACH.

20 Uime sin leugh mòran de na h-Iudhaich an sgrìobhadh so: oir bha-n t-àit anns an do cheusadh Iosa fagus do'n bhaile: agus bha an sgrìobhadh 'an Eabhra, 'an Greugais, agus 'an Laidin.

21 An sin thubhairt àrd-shagartan nan Iudhach ri Pilat, Na sgrìobh, Rìgh nan Iudhach; ach gu'n dubhairt e féin, Is mi rìgh nan Iudhach.

22 Fhreagair Pilat, An ni a sgrìobh mi, sgrìobh mi e.

23 An sin an uair a cheus na saighdearan Iosa, ghlac iad a thrusgan, (agus rinn iad ceithir earraman, earrann do gach saighdear,) agus a chòta mar an ceudna: agus bha'n còta gun fhuaisgheal, air fhigheadh o 'bhràigh sìos gu h-ìomlan.

24 Thubhairt iad uime sin eatorra féin, Na reubamaid e, ach tilgeamaid croinn air, cò aig a bhitheas e: chum gu'n coimhliontadh an sgrìobtuir, a tha 'g ràdh, Roinn iad mo thrusgan eatorra, agus thilg iad croinn air mo bhrat. Air an aobhar sin rinn na saighdearan na nithean so.

25 A nis sheas làimh ri cranu-ceusaidh Iosa, a mhàthair, agus piuthar a mhàthar, Muire bean Chlophais, agus Muire Magdalen.

26 Uime sin an uair a chunnaic Iosa a mhàthair, agus an deisciobul a b'ionnmhuinn leis 'n a sheasamh a làthair, thubhairt e r'a mhàthair, A bhean, feuch do mhac!

27 An sin thubhairt e ris an deisciobul, Feuch do mhàthair! Agus o'n àm sin a

mach thug an deisciobul sin leis i d'a thigh féin.

28 An déigh so air do Iosa fios a b'hi aige gu'n robh na h-uile nithean a nis air an crìochnachadh, chum gu'n coimhliontadh an sgrìobtuir, thubhairt e, Tha tart orm.

29 A nis bha an sròn soitheach làn de fhiona géur: agus air dhoibh-san spong a lionadh leis an fàion gheur, agus a chur air hisop, shìn iad chum a bheoil e.

30 An sin an uair a ghabh Iosa am fion geur, thubhairt e, Tha e crìochnaichte: agus air cromadh a chinn da, thug e suas a spiorad.

31 An sin chum nach fauadh na cuirp air a' chrann-cheusaidh air an t-sàbaid, a chionn gu'm b'e là an ulluchaidh a bha ann, (oir bu là mòr an là sàbaid sin,) dh'iarr na h-Iudhaich air Pilat gu'n rachadh an luirg-neau a bhriseadh, agus gu'n tugtadh air falbh iad.

32 An sin thàinig na saighdearan, agus bhris iad luirgnean a' cheud fhir, agus luirgne an dara fir, a cheusadh maille ris.

33 Ach air dhoibh teachd chum Iosa, an uair a chunnaic iad gu'n robh e cheana marbh, cha do bhris iad a luirgne-san.

34 Ach lot fear de na saighdearaibh a thaobh le sleagh, agus air ball thàinig a mach fuil agus uisge.

35 Agus thug an tì a chunnaic sin fianuis, agus tha 'fianuis firinneach: agus tha fios aige gu bheil e 'labhairt na firinn, chum gu'n creideadh sibhse.

36 Oir rinneadh na nithean so chum gu'n coimhliontadh an sgrìobtuir, Cha bhrisear enàimh d'heith.

37 Agus a ris tha sgrìobtuir eile ag ràdh, Amhairc iad a' sràid a lot iad.

38 'N a dhéigh so, dh'iarr Ioseph o Arimatea, (a bha 'n a dheisciobul aig Iosa, ach 'am folach air eagal nan Iudhach,) air Pilat comas corp Iosa a thoirt leis: agus leig Pilat sin leis. Thàinig e air an aobhar sin, agus thug e leis corp Iosa.

39 Thàinig mar an ceudna Nicodemus, (a thàinig air tùs gu Iosa 's an oidhech,) agus thug e leis mu thimchioll ceud pund de mhirr agus de aloes air am measgadh feadh a chéile.

40 An sin ghabh iad corp Iosa, agus cheangail iad e ann an lìon-eudaichibh, maille ris an spìosraidh, mar is gnàth leis na h-Iudhaich adhlac a dheanamh.

41 A nis bha fios anns an àite 's an do cheusadh e; agus anns an lìos uaigh nuadh, anns nach do chuireadh aon duine riamh.

42 Air an aobhar sin air son ulluchaidh càisge nan Iudhach, do bhrìgh gu'n robh an uaigh am fagus, chuir iad Iosa an sin

CAIB. XX.

1 *Thàinig Muire chum na h-uaigne*; 3 *agus Peadar agus Eoin, agus iad gun fhios aca air aiseirigh Chrìosd.* 14 *Dh'fhoillsicheadh Chrìosd do Mhuire Magdalen, 19 agus d'a dheiscioblubh.* 24 *Mi-chreidimh agus aid-mheil Thomais.* 30 *Tha an sgrìobtuir fogh-aiteach chum slainte.*

A IR a' cheud là de'n t-seachduin thàinig Muire Magdalen gu moch, agus an dorchadas fathast ann, chum na h-uaigne, agus chunnaic i a' chlach air a togail o'n uaigh.

2 Ruith i an sin, agus thàinig i gu Simon Peadar, agus gus an deisciobul eile a b'ion-mhuinn le Iosa, agus thubhairt i riu, Thug iad leo an Tighearn as an uaigh, agus char-eil fhios againn c'àit an do chuir iad e.

3 Uime sin chaidh Peadar a mach, agus an deisciobul sin eile, agus thàinig iad chum na h-uaigne.

4 Agus ruith iad 'n an dithis cuideachd: agus ruith an deisciobul eile ni bu luaithe na Peadar, agus thàinig e air tùs chum na h-uaigne.

5 Agus air cromadh sìos da, chunnaic e'n lion-eudach 'n a luidhe; gidheadh cha deachaidh e steach.

6 An sin thàinig Simon Peadar 'g a leantainn, agus chaidh e steach do'n uaigh, agus chunnaic e'n lion-eudach 'n a luidhe;

7 Agus an neapaicin a bha m'a cheann, cha-n ann 'n a luidhe maille ris an lion-eudach, ach air leth air 'fhilleadh ann an aon àit.

8 An sin chaidh a steach mar an ceudna an deisciobul sin eile a thàinig air tùs chum na h-uaigne, agus chunnaic, agus chreid e.

9 Oir cha do thuig iad fathast an sgrìobtuir, gu'm b'èigin gu'n éireadh esan a rìs o na maibh.

10 An sin dh'imich na deisciobuil a rìs chum an cuideachd féin.

11 Ach sheas Muire aig an uaigh a muigh, a' gul: agus ag gul di chrom i sìos, *ag amharca* a steach do'n uaigh,

12 Agus chunnaic i dà aingal ann an *culaidhibh* geala, 'n an suidhe, fear aig a' cheann, agus fear aig na cosaibh, 's an àite 's an robh corp Iosa 'n a luidhe;

13 Agus thubhairt iadsan rithe, A bhean, c'ar son a tha thu 'gul? Thubhairt i riu, Air son gu'n d'thug iad mo Thighearn leo, agus nach 'eil fhios agam c'àit an do chuir iad e.

14 Agus an uair a thubhairt i so, phill i air a h-ais, agus chunnaic i Iosa 'n a sheasamh, agus cha d'aithnich i gu'm b'e Iosa 'bha ann.

15 Thubhairt Iosa rithe, A bhean, c'ar son a tha thu 'gul? co 'tha thu 'g iarraidh? air saòilsinn d'ise gu'm b'e an garaid a bh'ann, **thubhairt i ris, A thighearna, ma thug**

thusa leat e, innis dhomh-sa c'àit an do chuir thu e, agus bheir mise leam e.

16 Thubhairt Iosa rithe, A Mhuire. Air tionndadh dh'ise, thubhairt i ris, Rabboni, 's e sin r'a ràdh, A Mhaighstir.

17 Thubhairt Iosa rithe, Na bean rium; oir cha deachaidh mi fathast suas chum m'Àthar: ach inich chum mo bhràithrean, agus abair riu, Tha mise 'dol suas chum m'Àthar féin agus bhur n-Àthar-se, agus chum mo Dhé féin agus bhur Dé-se.

18 Thàinig Muire Magdalen agus dh'innis i do na deiscioblubh, gu'm fac i an Tigh-earn, agus gu'n dubhairt e na nithean so rithe.

19 Agus air teachd do'n fheasgar an là sin féin, air a' cheud là de'n t-seachduin, agus na dorsan dùinte far an robh na deisciobuil cruinn air eagal nan Iudhach, thàinig Iosa agus sheas e 's a' mheadhon, agus thubhairt e riu, Sìth dhuibh.

20 Agus air dha so a ràdh, nochd e dhoibh a làmhnan agus a thaobh. An sin bha aoibhneas air na deiscioblubh an uair a chunnaic iad an Tighearn.

21 An sin thubhairt Iosa riu a rìs, Sìth dhuibh: mar a chuir an t-Àthair uaith mise, mar sin tha mise 'g 'ur cur-se uam.

22 Agus air dha so a ràdh, shéid e orra, agus thubhairt e riu, Gabhaibh-se an Spiorad naomh.

23 Cò air bith iad d'am maith sibh am peacaidhean, tha iad maithte dhoibh; agus cò air bith iad d'an cum sibh am *peacaidhean gun am maitheadh*, tha iad air an cumail.

24 Ach cha robh Tomas, aon de'n dà fhear dheug, d'an goirear Didimus, maille riu, 'n uair a thàinig Iosa.

25 Uime sin thubhairt na deisciobuil eile ris, Chunnaic sinne an Tighearn. Ach thubhairt esan riu, Mur faic mise aileadh nan tairngean 'n a làmhnan, agus mur cuir mi mo mheur ann an aileadh nan tairngean, agus mur cuir mi mo làmh 'n a thaobh, cha chreid mi.

26 Agus 'an ceann ochd làithean 'n a dhéigh sin, bha a dheisciobuil a rìs a stigh, agus Tomas maille riu: thàinig Iosa, agus na dorsan dùinte, agus sheas e 's a' mheadhon, agus thubhairt e, Sìth dhuibh.

27 'N a dhéigh sin thubhairt e ri Tomas, Cuir an so do mheur, agus feuch mo làmhnan; agus sin an so do làmh, agus cuir a'm' thaobh i: agus na bi ni-chreidmheach, ach creidmheach.

28 Agus fhreagair Tomas, agus thubhairt e ris, Mo Thighearn' agus mo Dhia.

29 Thubhairt Iosa ris, Air son gu faca tu mi, a Thomais, chreid thu: is beannaichte iadsan nach faca, agus a chreid.

30 Agus rinn Iosa gu fìrinneach mòran de mhòrbhrùilbh eile 'am fianais a dheisciobul nach 'eil sgrìobhta 's an leabhar so.

31 Ach tha iad so sgriobhta, chum gu'n creideadh sibh gur e Iosa an Crìosd Mac Dhé, agus ag creidsinn duibh, gu'm bith-eadh agaibh beatha troimh 'ainm-san.

CAIB. XXI.

1 *Dh'fhoillsich Crìosd e féin a ris d'a dheiscioblubh, agus dh'aithnìceadh leo e leis an tarruing mhòr éisg: 12 Ghabh e a dhinneir maille riu: 15 thug e sparradh do Pheadar 'uain agus a chaoraich a bhìadhadh; 18 roimh-innis e a bhàs dha, 22 chromich se e air son a thograidh air fios fhaotainn mu bhàs Eoin. 25 Comhdhùadh an leabhair.*

AN déigh nan nithean sin dh'fhoillsich Iosa e féin a ris d'a dheiscioblubh aig muir Thiberiais; agus air an dòigh so nochd se e féin.

2 Bha maille r'a chéile Simon Peadar, agus Tomas d'an goirear Didimus, agus Natanael o Chàna Ghalile, agus *mìc* Shebede, agus dithis eile d'a dheiscioblubh.

3 Thubhairt Simon Peadar riu, Tha mi 'dol a dh'iasgach. Thubhairt iadsan ris, Tha sinne a' dol maille riu. Dh'imich iad a mach, agus chaidh iad a steach do luìng air ball; agus cha do ghlac iad ni air bith an oidhe sin.

4 Ach an uair a bha a' mhaduinn a nis air teachd, sheas Iosa air an tràigh: gidheadh cha robh fhios aig na deiscioblubh gu'm b'e Iosa 'bha ann.

5 An sin thubhairt Iosa riu, A chlann, am bheil biadh air bith agaibh? Fhreagair iadsan e, Cha-n'eil.

6 Agus thubhairt esan riu, Tilgibh an lìon air an taobh deas d'en luìng, agus gheibh sibh. Thilg iad uime sin, agus a nis cha b'urrainn iad a tharruing air son lìonmhoir-eachd an éisg.

7 Uime sin thubhairt an deisciobul sin, a b'ionmhuinn le Iosa, ri Peadar, Is e'n Tigh-earn a th' ann. A nis an uair a chuala Simon Peadar gur e 'n Tighearn a bh'ann, cheangail e a chòt-uachdair *uime*, (oir bha e lomnochd,) agus thilg se e féin 's a' mhuir.

8 Thàinig na deisciobuil eile ann an luìng bhig; (oir cha robh iad fada o thìr, ach mu thimcheall dà cheud làmh-choille,) a' tarruing an lìon éisg.

9 Uime sin an uair a thàinig iad air tìr, chunnaic iad grìosach an sin, agus iasg air a chur oirre, agus aran.

10 Thubhairt Iosa riu, Thugaibh an so de'n iasg a ghlac sibh a nis.

11 Chaidh Simon Peadar suas, agus tharruing e an lìon gu tìr, làn a dh'iasgaibh mòra, ceud agus leth-cheud agus trì: agus ged bha'n uiread sin ann, cha do bhriseadh an lìon.

12 Thubhairt Iosa riu, Thigibh, gabhaibh bhur dinneir. Agus cha robh a chridhe aig a h-aon de na deiscioblubh fhèoraich dheth, Cò thusa? oir dh'aithnich iad gur e an Tighearn a bha ann.

13 An sin thàinig Iosa, agus ghlac e aran, agus thug e dhoibh e, agus iasg mar an ceudna.

14 Is i so a nis an treas uair a nochd Iosa e féin d'a dheiscioblubh, an déigh dha éirigh o na maibh.

15 An sin an déigh dhoibh an dinneir a ghabhail, thubhairt Iosa ri Simon l'eadar, A Shimoin *mhic* Ionais, am bheil barrachd gràidh agad dhomh-sa orra sin? Thubhairt e ris, Tha, a Thighearna; tha fios agad gur toigh leam thu. Thubhairt e ris, Beathaich m'uain.

16 Thubhairt e ris a ris an dara uair, A Shimoin *mhic* Ionais, an toigh leat mise? Thubhairt e ris, Seadh, a Thighearna; tha fios agad gur toigh leam thu. Thubhairt e ris, Beathaich mo chaoraich.

17 Thubhairt e ris an treas uair, A Shimoin *mhic* Ionais, an toigh leat mise? Bha Peadar doilich a chionn gu'n dubhairt e ris an treas uair, An toigh leat mise? Agus thubhairt e ris, A Thighearna, is aithne dhuit na h-uile nithean; tha fhios agad gur toigh leam thu. Thubhairt Iosa ris, Beathaich mo chaoraich.

18 Gu deimhin deimhin tha mi ag ràdh riu, an uair a bha thu òg, chrioslaich thu thu féin, agus dh'imich thu an taobh 'bu mhiann leat: ach an uair a bhitheas tu aosmhor, sinidh tu mach do làmhnan, agus crioslaichidh neach eile thu, agus kheir e *thu* an taobh nach àill leat.

19 So thubhairt e, a' ciallachadh ciod a' ghnè bàis leis an tugadh e glòir do Dhia. Agus air dha so a ràdh, thubhairt e ris, Lean mise.

20 An sin air do Pheadar tionndadh, chunnaic e an deisciobul a b'ionmhuinn le Iosa, a' leantuinn; an ti mar an ceudna a luidh air uchd Iosa aig a shuipeir, agus a thubhairt ris, A Thighearna, cò e a bhrathas thu?

21 Air do Pheadar esan fhaicinn, thubhairt e ri Iosa, A Thighearna, ciod a ni am fear so?

22 Thubhairt Iosa ris, Ma's àill leam-sa e 'dh'fhantuinn gus an tig mi, ciod e *sin* duitse? Lean thusa mise.

23 Uime sin chaidh an ràdh so mach am measg nam bràithrean nach faigheadh an deisciobul sin bàs: gidheadh cha dubhairt Iosa ris, nach faigheadh e bàs: ach, Ma's i mo thoil-sa e 'dh'fhantuinn gus an tig mi, ciod e *sin* duitse?

24 Is e so an deisciobul a tha 'deanamh fianuis air na nitheibh so, agus a sgriobh na nithean so: agus tha fhios againne gu bheil 'fhiannais fìor.

25 Agus tha mar an ceudna mòran de nithibh eile a rinn Iosa, agus nam bitheadh iad uile sgriobhta, is i mo bharrail nach cumadh an saoghal féin na rachadh a sgriobhadh de leabhairichibh. Amen.

A B S T O L.

CAIB. I.

1 *Dol suas Iosa gu nèamh, 10 an déigh a dhol suas thug dà aingeal rabhadh do na h-abstol-airbh iad a dh'imeachd rompa, agus a shocradh an inntinn air 'ath-theachd-san: 12 a réir sin phill iad, agus rinn iad urnuigh, agus thagh iad Matias gu bhí 'n a Abstol 'an áit Iudais.*

RINN mi an cend leabhar, a Theophil-uis, mn thimchioll nan nile nithean a thòisich Iosa air a dheanamh agus a theag-
asg.

2 Gus an là 's an do thogadh suas e, an déigh dha, troimh an Spiorad Naomh, àith-eantan a thoirt do na h-abstolairbh a thagh e:

3 D'an d'rinn e mar an cendna e féin a nochdadh beò an déigh 'fhlanguais, le mòran de chomharaibh fírinneach, air dha 'bhi air 'fhaicinn leo feadh dhà fhichead là, agus e 'labhairt mu na nithibh sin a bhuin-eadh do rìoghachd Dhé:

4 Agus air dha 'bhi maille rin, dh'àithn e dhoibh gun iad a dhol o Ierusalem, ach feitheamh ri gealladh an Athar, *ars' esan*, a chuala sibh uam-sa.

5 Oir bhaist Eoin gu deimhin le nìsge: ach baistear sibhse leis an Spiorad naomh, air bheag de làithibh an déigh so.

6 Uime sin an uair a chruinnich iad 'an ceann a chéile, dh'fheòraich iad deth, ag ràdh, A Thighearn', an aigis t'm 's an àm so an rìoghachd do Israel?

7 Ach thubhairt esan rin, Cha bhuin e dhuibhse fios nan aimsir no nan àm fhàot-ainn, a chuir an t-Athair 'n a chumhachd féin.

8 Ach gheibh sibhse cumhachd an nair a thig an Spiorad naomh oirbh: agus bithidh sibh 'n ur fiamhsibh dhomh-sa, araon ann an Ierusalem, agus ann an Indea nìle, agus ann an Samaria, agus gu iomall na tal-
mhainn.

9 Agus an nair a thubhairt e na nithean so, thogadh suas e, agus iadsan 'g a fhaicinn; agus thug neul as na sealladh e.

10 Agus am feadh a bha iadsan a' genr-amharc gu nèamh, agus esan a' dol suas, feuch, sheas dithis fhear làimh rin ann an endach gear:

11 Agus thubhairt iad, Fheara Ghalile, c'ar son a tha sibh 'n ur seasamh ag amharc gu nèamh? An t-Iosa so a thogadh suas uaibh gu nèamh, is amhail sin a thig e, mar a chumnaic sibh e a' dol gu nèamh.

12 An sin phill iad gu Ierusalem, o'n t-sliabh ris an abrar *stiabh* nan crann-oladh, a tha'm fagus do Ierusalem, astar là sàb-aid as.

13 Agus an uair a thàinig iad a stigh, chaidh iad suas do sheòmar uachdarach, far an robh a' fantuinn Peadar, agus Senmas, agus Eoin, agus Aindreas, Philip agus Tomas, Bartolomens, agus Mata, Senmas mac Alphaeus, agus Simon Selotes, agus Indas bràthair Sheumais.

14 Bhnanaich iad so nìle a dh'aon inntinn ann an urnuigh, [agus 'an guidhe,] maille ris na muàibh, agus Muire màthair Iosa, agus maille r'a bhràithribh.

15 Agus anns na làithibh sin dh'éirich Peadar ann am meadhon nan deisciobul, agus thubhairt e, (b'e àireamh nan ainm a bha làthair, mn thimchioll ceud agus fichead.)

16 Fheara agus a bhràithre, b'éigin an sgriobhtair so bhi air a choimhlonadh, a roimh-labhair an Spiorad naomh le beul Dhaibhidh timchioll Indais, a bha 'n a cheann-tail aca-san a ghlac Iosa.

17 Oir bha e air àireamh maille ruinne, agus fhair e cuibhlirion de'n fhrithealadh so.

18 A nìs cheannaich am fear so fearann le dnais na h-encorach; agus air dha tuiteam sìos air 'aghaidh, sgàin e 's a' mheadhon, agus bhrùchd a mhìonach nìle mach.

19 Agus rinneadh so aithnichte do luchd-àiteachaidh Ierusalem nìle; air chor as gu'n abrar ris an fhearann sin 'n an cainnt féin, Aceldama, sin ri ràdh, Fearann fola.

20 Oir tha e sgrìobhta ann an leabhar nan Salm, Bithiadh 'àite-còmhmidh 'n a fhàs-ach, agus na gabhadh neach sam bith tamh ann: agus, Glacadh neach eile a dhrenchd.

21 Air an aobhar sin is còir aon de na daoinibh sin a bha maille ruinne, ré na h-aimsir sin nìle anns an deachaidh an Tighearn Iosa steach agus a mach 'n ar measg-ne,

22 A 'tòiseachadh o bhaisteadh Eoin, gus an là 's an do thogadh suas nainn e, 'bhi air a dheanamh 'n a fhiannais air 'aiseirigh-san maille ruinne.

23 Agus shonraich iad dithis, Ioseph ris an abrar Barsabas, d'am bu cho-ainm Iustus agus Matias.

24 Agus rinn iad urnuigh, agus thubhairt iad, Thusa a Thighearna d'an aithne cridh-

eachan nan uile dhaoine, foillsich cò de'n dithis so a thagh thu,

25 A ghabhail cuibharrinn de'n flurithealadh agus de'n abstolachd so, o'n do thuit Iudas le seacharan, gu dol d'a àite féin.

26 Agus thuilg iad an crannchur; agus thuit an crannchur air Matias; agus bha e air àireamh maille ris an aon abstol deug.

CAIB. II.

1 Lìonadh na h-abstoil leis an Spiorad naomh, agus labhair iad iomadh gnè cainnte; 7 ghabh cuid iongantais riu, agus rinn cuid eile fanoid orra: 14 Nochd Peadar gu'n do labhair na h-abstoil le cumhachd an Spioraid naomh, gu'n d'éirich Crìosd o na marbhaibh, agus gu'n deachaidh e suas air nèamh, &c.

A GUS an uair a thàinig là na cuingis, bha iad gu léir a dh'aon inntinn ann an aon àit.

2 Agus thàinig gu h-obann toirn o nèamh, mar shéideadh gaoithe ro thréin, agus lion i an tigh uile far an robh iad 'n an suidhe.

3 Agus dh'fhoillsicheadh dhoibh teangan sgoilte, mar de theine, agus shuidh e air gach aon diubh fa leth:

4 Agus lìonadh iad uile leis an Spiorad naomh, agus thòisich iad air labhairt le teangaibh eile, a réir mar a thug an Spiorad comas labhairt dhoibh.

5 Agus bha a' gabhail còmhnuidh ann an Ierusalem, Iudhaich, daoine cràbhach, de gach uile chinneach fo nèamh.

6 A nis an uair a sgaoleadh an t-ìomradh so, thàinig an sluagh an ceann a chéile, agus bha iad fo amhladh, do bhrìgh gu'n cuala gach aon iad a' labhairt 'n a chàinain féin.

7 Agus bha iad uile fo uamhas agus ghabh iad iongantais, ag ràdh r'a chéile, Feuch, nach Galiléich iad sin uile a tha 'labhairt?

8 Agus cionnus a tha sinne 'g an cluinntinn gach aon 'n ar càinain féin, anns an d'rugadh sinn?

9 Partaich, agus Medich, agus Elamaich, agus luchd-àiteachaidh Mhesopotamia, Iudea, agus Chapadocia, Phontuis, agus Asia,

10 Phrìgia, agus Phamphilia, na h-Eiphit, agus ùr-roch na Libia timchioll Chirene, agus coigreach o'n Ròimh, Iudhaich agus Proselitich,

11 Muinntir Chrete, agus Arabia, tha sinn 'g an cluinntinn a' labhairt 'n ar teangaibh féin gnìomharan mòralach Dhé.

12 Agus bha iad uile fo uamhas, agus ann an ioma-chomhairle, ag ràdh gach aon r'a chéile, Ciod a's ciall da so?

13 Ach thubhairt dream eile a' fanoid, Tha na daoine so làn de fhìon ùr.

14 Ach air seasamh do Pheadar maille ris an aon fhear deug, thog e a ghuth, agus thubhairt e riu, Fheara Iudea, agus sibhse uile a luchd-àiteachaidh Ierusalem, bith-

eadh fios so agaibh, agus éisdibh ri m' bhriathraibh-sa:

15 Oir cha-n'eil iad so air mhisg, mar tha sibhse a' meas, oir is i an treas uair de'n là a tha ann.

16 Ach is e so an ni a chaidh a labhairt leis an fhàidh Ioel:

17 Agus tarlaidh anns na làithibh deireannach, (arsa Dia,) dòirtidh mise de m' Spiorad air gach uile fheoil; agus ni bhur mic agus bhur nigheanan fàidheadaireachd, agus chi bhur n-òganaich seallannan, agus brudardaidh bhur seann daoine brudaran:

18 Agus dòirtidh mise air m'òglaich, agus air mo bhanoglaich de m' Spiorad anns na làithibh sin; agus ni iad fàidheadaireachd:

19 Agus nochdaidh mise iongantais anns na nèamhan shuas, agus comharan air an talamh a bhos; fuil, agus teine, agus duibhneul deataich.

20 Iompaichear a' ghrian gu dorchadas, agus a' ghealach gu fuil, mu 'n tig là mòr agus comharaichte sin an Tighearna:

21 Agus tarlaidh, ge b'e neach a ghairmeas air ainm an Tighearna, gu'n tèarnar e.

22 Fheara Israeil, éisdibh ris na briathraibh so: Iosa o Nasaret, duine a dhearbhadh le Dia 'n ur measg-sa, le cumhachdaibh agus le mìorbhuilbhaibh agus le comharaibh, a rinn Dia leis-san 'n ur meadhon-sa, mar tha fhios agaibh féin;

23 An duine so, a thugadh thairis le comhairle chimtich agus roimh-eòlas Dhé, ghlac sibhse, agus le làmhnan dhroch dhaoine cheus agus mharbh sibh e:

24 Neach a thog Dia suas, air dha piantan a' bhàis fhuasgladh; do bhrìgh nach robh e'n comas gu'n cumtadh esan leis:

25 Oir thubhairt Daibhidh m'a thimchioll, Chunnaic mi an Tighearna romham a ghnàth; oir tha e aig mo dheas làimh, chum nach gluaitheadh mi.

26 Air an aobhar so rinn mo chridhe gairdeachas, agus rinn mo theangadh aoibhneas: tuilleadh fòs, gabhaidh m'fheoil còmhnuidh fhoisneach ann an dòchas:

27 Do bhrìgh nach fàg thu m'anam shìos 's an uaigh, ni mò a dh'fhuilingeas tu do d' naomh Aon féin gu'm faic e truaillidheachd.

28 Dh'fhoillsich thu dhomh-sa slighean na beatha; ònaidh tu mi de shubhachas le d' ghnàis.

29 Fheara agus a bhràithre, leigibh leam-sa labhairt gu dana ribh mu'n phrìomh-athair Daibhidh, araon gu'n d'fhuair e bàs, agus gu'n d'adhlaicheadh e, agus gu bheil 'uaigh maille ruinne gus an là 'n diugh:

30 Air an aobhar sin air dha bhì 'n a fhàidh, agus fiosrach gu'n do mhionnaich Dia le mionnaibh dha, de thoradh a leasraidh, [a réir na feòla, gu'n togadh o suas Crìosd,] gu suidhe air a rìgh-chaitheirsan.

31 Air dhàsan so a roinnh-fhaicinn, labhair

e mu aiseirigh Chríod, nach d'fhágadh
triam ann an ifrin, agus nach fac 'fheoil
tuairilidheachd.

32 An t-Iosa so thog Dia suas, air an
bheil sinne uile 'n ar fiauisibh.

33 Uime siu air dha bhi air árdachadh le
deas láimh Dhé, agus gealladh an Spioraid
naoimh fhaotainn o'n Athair, dhóirt é mach
an ní so, a tha sibhse nis a' faicinn agus a'
cluinnintu.

34 Oir cha deachaidh Daibhidh suas chum
nan nعام: ach tha e féin ag ràdh, Thubhairt
air an Tighearn ri u' Thighearn, Suidh
air mo làimh dheis,

35 Gus an cuir ui do uaimhdean 'n an stòl
fo d' chosaibh.

36 Uime sin bitheadh fios gu cinnteach aig
tigh Israeil uile, gu'n d'rinu Dia 'n a Thigh-
earn agus 'u a Chríod an t-Iosa so féin, a
cheus sibhse.

37 A nis an uair a chual iad so, bha iad
air am bioradh 'n an eridhe, agus thubhairt
iad ri Peadar, agus ris a' chuid eile de na
h-abstolaibh, Fheara agus a bhràithre, ciod
a ni sinn?

38 An sin thubhairt Peadar riu, Deanaibh
aithreachas, agus bithibh air bhur baist-
eadh gach aon agaibh anu an ainm Iosa
Críod, chum maithenais pheacaidhean,
agus gheibh sibh tìodhlac an Spioraid
naoimh.

39 Oir tha an gealladh dhuibh-sa, agus
do'ur cloinn, agus do na h-uile a tha fad' o
làimh, cadhion a mhead as a ghairmeas an
Tighearn ar Dia.

40 Agus le mòran de bhriathraibh eile
rinu e fianuis agus dh'earalaich e iad, ag
ràdh, Saoraibh sibh féin o'u ghinealach
fhiar so.

41 An sin bhaisteadh iadsan a ghabh r'a
fhocal gu toileach: agus air an là sin féin
chuireadh riu timcheall trì mìle anam.

42 Agus bhuanaich iad gu seasmhach ann
an teagasg nan abstol, agus ann an co-
chomunn, agus ann am briseadh arain, agus
aun an urnuighibh.

43 Agus thàinig cagal air gach anam: agus
rinu eadh mòran de uhlòrbhuibh agus de
chomharaibh leis na h-abstolaibh.

44 Agus bha iadsan uile a chreid ann an
aon àit, agus bha na h-uile nithean aca
coitchionn; agus reic iad an seilbh agus am maoin,
agus roinn iad air na h-uile iad, a réir mar
a bha feum gach neach.

46 Agus ag buanachadh dhoibh gach là a
dh'aon inntinn anns an teampull, agus a'
briseadh arain o thigh gu tigh, chaith iad
am biadh le gairdeachas agus le aon-fhill-
teachd cridhe,

47 A' moladh Dhé, agus deadh-ghean aca
o'n t-sluagh uile. Agus ehuir an Tighearn
gach là ris an caglais an dream a thearuin-
ear.

1 Leighis Peadar agus Eoin duine bacach; 12
dh'innis iad do'n t-sluagh a bha air cruinn-
eachadh nach d'rinneadh am miorbhuil so le
naomhachd nan Abstol, ach le cumhachd
diadhaidh Chríod; 13 chronuich siad iad air
son esan a chur gu bàs; 19 thug iad earail
doibh aithreachas a ghabhail, &c.

A' Gus chaidh Peadar agus Eoin le
'chéile suas do'n teampull, aig uair
na h-urnuigh, cadhion an naothamh uair.

2 Agus bha duine àraidh a bha 'n a bhac-
ach o bhroinn a mhàthar air a ghiùlan,
neach a chuireadh gach là aig dorus sin an
teampull ris an abrar Sgiamhach, a dh'iarr-
aidh déirce orra-sau a bha 'dol a steach do'n
teampull:

3 Neach, an uair a chunnaic e Peadar agus
Eoin air tì dol a steach do'n teampull, a
dh'iarr déire.

4 Agus air do Pheadar sealltuinn gu geur
air, maille ri Eoin, thubhairt e, Amhaire
oirne.

5 Agus thug esan aire dhoibh 'an dòchas
gu'm faigheadh e ni-éigin uatha.

6 Au sin thubhairt Peadar, Airgiod no òr
cha-n'eil agam; ach an ni a tha agam, so
bheir mi dhait: 'An ainm Iosa Críod o
Nasarct, éirich agus imich.

7 Agus air dha breith air a làimh dheis,
thog e suas e; agus air ball neartaicheadh
'aobrunnan agus a throidhean.

8 Agus leum e suas, agus sheas, agus
dh'imich e, agus chaidh e steach maille riu
do'u teampull, ag imeachd, agus a' leum-
naich, agus a' toirt cliu do Dhia.

9 Agus chunnaic an sluagh uile e ag im-
eachd, agus a' toirt cliu do Dhia.

10 Agus dh'aithuich iad esan gu'm b'e a
bha 'n a shuidhe aig geata Sgiamhach an
teampull ag iarraidh déirce: agus lionadh
iad le h-iongantais agus le h-uamhas air son
au ui sin a thachair dha.

11 Agus ag cumail Pheadair agus Eoin,
[do'n bhacach a chaidh a leigheas,] ruith an
sluagh uile d'an ionnsuidh anns an sgàth-
thigh ris an abrar sgàth-thigh Sholaimh,
làn iongantais.

12 Agus an uair a chunnaic Peadar so,
fhreagair e an sluagh, Fheara Israeil, c'ar
son a tha iongantais oirbh mu'n ni so? no
c'ar son a tha sibh a' geur-amharc oirne,
mar gu'm b'ann le ar cumhachd no ar
naomhachd féin a thug sinn air an duiuc so
imeachd?

13 Ghlòraich Dia Abraham, agus Isaac,
agus Iacoib, Dia ar n-aithrichean a Mhac
Iosa; a thug sibhse thairis, agus a dh'aich
eadh sibh an làthair Philait, an uair a b'ia
bhreth a chur fa sgaol.

14 Ach dh'aichheadh sibhse an t-Aon
naomh, agus am Firean, agus dh'iarr sibh
mortair a thiodhlacadh dhuibh;

15 Agus mharbh sibh Prionusa na beatha,

a thog Dia o na marbhaibh; air an bheil sinne 'n ar fianuisibh.

16 Agus tre chreidimh 'n a ainm neartaich e an ti so, a tha sibhse a' faicinn, agus a's aithne dhuibh: seadh, thug 'ainm-san agus an creidimh a tha trid-san, dhàsau an t-slainge iomlan so 'n 'ur làthair-sa uile.

17 Agus a nis, a bhràithre, tha fhios againn gur ann troimh aineolas a rinn sibh e, mar a rinn mar an ceudna bhur n-uachdairain.

18 Ach choimhlion Dia air an dòigh so na nithean sin a roimh-fhoillsich e le beul 'fhàidhean uile, gu'm fuilingeadh Criosd.

19 Air an aobhar sin deanaibh-sa aithreachas agus bithibh air bhur n-iompachadh, chum gu'm bi bhur pacaaidhean air an glanadh as, an uair a thig amannan fionnuairreachd o làthair an Tighearna,

20 Agus a chuireas e Iosa Criosd d'ur n-ionnsuidh, a chaidh a roimh-orduchadh:

21 Neach is éigin do nèamh a ghabhail gu amsiribh aig nan uile nithean, air an do labhair Dia le beul 'fhàidhean naomha uile, o thoiseach an t-saoghail.

22 Oir gu firinneach thubhairt Maois ris na h-aithrichibh, Togaidh an Tighearna bhur Dia suas fàidh dhuibh, de 'ur bràithribh, cosmhui riunsa; ris-san éisdidh sibh anns na h-uile nithibh a labhras e ribh.

23 Agus tarlaidh, gach anam nach éisd ris an fhàidh sin, gu'n sgriosar a mach as an t-sluagh c.

24 Seadh, dh'fhoillsich na fàidhean uile o Shamuel, agus iadsan a lean o sin, a mhèud diubh as a labhair, roimh-làimh mu na làithibh so.

25 Is sibhse clann nam fàidhean, agus a' choimhcheangail a rinn Dia r'ar n-aithrichibh, ag ràdh ri Abraham, Agus ann ad shìochd-sa bithidh uile theaghlachan na talmhainn air am beannachadh.

26 Air do Dhia a Mhac Iosa 'thogail suas, chuir e do 'ur n-ionnsuidh-sa e air tùs, chum gu'm beannaicheadh e sibh, leis gach aon agaibh iompachadh o bhur lochdaibh.

CAIB. IV.

1 Chuir uachdarain nan Iudhach Peadar agus Eoin 'am prìosan, air son iad a bhi 'searmonachadh Iosa do'n t-sluagh: 5 an déigh an ceasnachadh chuir Peadar 'an cèll gu'n do leighiseadh am bacach le cumhadh diadhaidh Iosa a mhàin, agus gur ann trid-san 'n a aonar a tha slainte shìorruidh r'a faghail. 13 Thugadh sparradh teonn doibh gun iad a shearmonachadh ni's mò ann an ainm Iosa.

AGUS am feadh 's a bha iad a' labhairt ris an t-sluagh, thàinig orra na sagartan, agus ceannard an teampuill, agus na Sadusaich;

2 Agus bha iad fo dhoilgheas gu'n robh nadsan a' teagasg an t-sluagh, agus a' searmonachadh tre Iosa aiseirigh nam marbh.

3 Agus chuir iad làmh annta, agus chuir

iad 'am prìosan iad gus an là maireach: oir b'e nis am feasgar a bh'ann.

4 Gidheadh, chreid mòran diubh-san a chual am focal; agus b'e àireamh nan daoine timchioll chùig mìle.

5 Agus tharladh air an là maireach, gu'n do chruinnicheadh an ceann a chéile an uachdarain, agus an seanairean, agus an sgrìobhaichean, ann an Ierusalem,

6 Agus Annas an t-àrd-shagart, agus Caiaphas, agus Eoin, agus Alecsander, agus a mheud as a bha de chinneach an àrd-shagairt.

7 Agus air dhoibh iadsan a chur anns a' mhacadh, dh'fhiosraich iad, Ciod e an cumhadh, no ciod e an t-ainm anns an d'rinn sibh so?

8 An sin air do Pheadar a bhi air a lìonadh leis au Spiorad naomh, thubhairt e riu, Uachdarana a' phobuill, agus a sheanairean Israeil,

9 Ma tha sinne an diugh air ar ceasnachadh mu'n deadh ghnìomh a rinneadh do'n duine euslan, cionnus a shlànucheadh e;

10 Biodh e aithnichte dhuibh-sa uile, agus do phobuill Israeil uile, gur ann tre ainm Iosa Criosd o Nasaret, a cheus sibhse, a thog Dia o na mairbh, cadhonn trid-san a tha 'n duine so 'n a sheasamh an so 'n 'ur làthair-sa slàn.

11 Is i so a' chlach sin a dhiultadh leibhse, a luchd togail, a rinneadh 'n a ceann na h-òisne.

12 Agus cha-n'eil slàinte ann an neach air bith eile: oir cha-n'eil ainm air bith eile fo nèamh air a thoirt am measg dhaoine, tre am feud sinn a bhi air ar teardadh.

13 A nis an uair a chunnaic iad dànachd Pheadair agus Eoin, agus a thuig iad gu'm bu daoine gun fhòghlum agus cumanta iad, ghabh iad iongantais; agus dh'aithnich siad iad gu'n robh iad maille ri Iosa.

14 Agus air faicinn an duine a leighiseadh 'n a sheasamh maille riu, cha robh ni air bith aca ri ràdh 'n a aghaidh.

15 Agus an déigh dhoibh orduchadh dhoibh-san dol a mach as a' chomhairle, chuir iad an comhairle ri 'cheile,

16 Ag ràdh, Ciod a ni sinn ris na daoineibh so? Oir gu'n deachaidh mìorbhuil aithnichte 'dheanamh leo, tha e follaiseach do luchd-àiteachaidh Ierusalem uile, agus cha-n urrainn sinne àicheadh.

17 Ach a chum nach sgaoilear e ni's mò air feadh an t-sluagh, bagramaid orra gu geur, gun iad a labhairt ni's mò ri neach air bith anns an ainm so.

18 Agus air dhoibh an gairm, dh'àitlin iad dhoibh gun iad a labhairt air chor sam bith, no a theagasg ann an ainm Iosa.

19 Ach fhreagair Peadar agus Eoin agus thubhairt iad riu, Am bheil e ceart 'am fianuis Dhé, éisdeachd ribhse roimh Dhia, thugaibh fèin breth.

20 Oir cha-n'èil e'n comas duinne gun na nithean a chunnaic agus a chuala sinn a labhairt.

21 Ach air dhoibh-san tuilleadh bagraidh a dheanamh orra, leig iad as iad, gun dòigh air bith fhaotainn air am feudadh iad peanas a dheanamh orra, air son an t-sluaigh: oir bha na h-uile a' toirt glòire do Dhia air son an nì a rinneadh.

22 Oir bha an duine air an d'rinneadh am mìorbhuil-leighis so tuilleadh as dà fhichead bliadhna dh'aois.

23 Agus an uair a leigeadh as iad, thàinig iad dh'ionnsuidh am muinntir féin, agus dh'innis iad na h-uile nithean a thubhairt na h-àrd-shagartan, agus na seauairean riu.

24 Agus an uair a chual iadsan so, thog iad suas a dh'aon inntinn an guth ri Dia, agus thubhairt iad, A Thighearn', is tusa an Dia a rinn nàmh agus talamh, agus an fhaire, agus na h-uile nithean a tha anna:

25 A thubhairt le beul Dhaibhidh do sheirbhìsich, 'Car son a ghabh na Cinnich boil, agus a smuainich an sluagh nithean dìomha-

ain? 26 Sheas rìghrean na talmhainn suas, agus chruinnicheadh na h-uachdarain an ceann a chèile, an aghaidh an Tighearn', agus an aghaidh a Chrìosd.

27 Oir gu firinneach chruinnicheadh an ceann a chèile, an aghaidh do Leinibh naoimh Iosa, a dh'ung thu, aràon Herod agus Pontius Pilat, maille ris na Cinnich, agus sluagh Israeil,

28 A dheanamh gach nì a roimh-orduich do làmh agus do chomhairle a bhi deanta.

29 Agus a nis, a Thighearn', amhaire air am bagraidhibh: agus dcònaich do d' sheirbhìsich féin, d'fhocal a labhairt leis gach uile dhànachd.

30 Le d' làmh a shìneadh a mach chum leighis: agus gu'm bi comharan agus mìorbhuilean air an deanamh tre ainm do Leinibh naoimh Iosa.

31 Agus air dhoibh urnuigh a dheanamh, chrathadh an t-àit anns an robh iad cruinn; agus lìonadh iad uile leis an Spiorad naomh, agus labhair iad focal Dhé le dànachd.

32 Agus bha aig a' chuideachd a chreid an chridhe, agus aon anam: agus nì mòr thubhairt neach air bith dhiubh, gu'm bu leis féin aon nì a shealbhach e; ach bha na h-uile nì coitcheionn aca.

33 Agus le mòr-chumhachd thug na h-abstòil fianuis air aiseirigh an Tighearna Iosa: agus bha mòr-ghràs orra uile.

34 Agus nì mòr a bha aon neach uireas-bhùthach nì ann measg: oir a' mhicud as a bha nì ann sealbhadairibh fearainn, no thighean, air dhoibh an reic, thug iad luach nan nithean a chaidh a reic leo;

35 Agus chuir iad aig cosaibh nan abstol

e: agus roinneadh e air gach neach a réir Theuma.

36 Agus air do fhearann a bhi aig Ioses d'an do ghoireadh leis na h-abstòlaibh Barnabas, (is e sin, air eadar-theangachadh, Mac na comhlhurtachd,) Lebhitheach, d'am bu dùthaich Ciprus,

37 Reic se e, agus thug e'n t-airgid, agus chuir e aig cosaibh nan abstol e.

CAIB. V.

1 Air son an céilge thuit Ananias agus Saphira sìos marbh le cronachadh Pheadair. 12 Mòran mìorbhuilean air an oibreachadh; 17 chuireadh na h-abstòla a ris ann am prìosan, 19 ach tha iad air an leigeadh as le aingeal, a thug ordugh doibh searmonachadh gu follaiseach, &c.

A CH reic fear àraidh d'am b'ainm Ananias, maille r'a mhnaoi Saphira, seallbh fearainn,

2 Agus cheil e cuid de'n luach, le fios a mhna, agus air dha cuid-éigin a thoirt leis, chuir e aig cosaibh nan abstol e.

3 Ach thubhairt Peadar, Ananias, 'car son a lìon Satan do chridhe a dheanamh bréige do'n Spiorad naomh, agus a cheiltinn cuid de luach an fhearainn?

4 Am feadh 's a dh'fhuirich e gun reic, nach bu leat féin e? agus an déigh a reic nach robh e a'd' chomas féin? 'car son a smuainich thu ann ad chridhe an gnìomh so? cha d'rinn thu breug do dhaoibh, ach do Dhia.

5 Agus an uair a chual Ananias na briathran so, thuit e sìos, agus chaidh an deò as: agus thàinig eagal mòr air na h-uile a chuala na nithean so.

6 Agus air éirigh do na h-òganaich, phaisg iad ann an eudach-mairbh e, agus air dhoibh a giùlan a mach, dh'adhlac iad e.

7 Agus tharladh mu thimcheall trì uairean 'n a dhéigh sin, gu'n d'thàinig a bhean a steach, gun fhios aice air an nì a rinneadh.

8 Agus fhreagair Peadar i, Innis dhonh-sa an ann air an uiread so a reic sibh an fearann? Agus thubhairt ise, Is ann, air son an uiread sin.

9 An sin thubhairt Peadar rithe, 'Car son a cho-aontaich sibh gu Spiorad an Tighearna a dhearbhadh? feuch, tha cosan na muinntir a dh'adhlac d'fhear aig an doras, agus giùlainidh iad thusa mach.

10 An sin thuit i air ball aig a chosaibh, agus chaidh an deò aise: agus air do na h-òganaich teachd a steach, fhuair iad i marbh, agus air dhoibh a giùlan a mach, dh'adhlac iad làmh r'a fear i.

11 Agus thàinig eagal mòr air an eaglais uile, agus air na h-uile a chuala na nithean so.

12 Agus rinneadh mòran chomharan agus mìorbhuilean ann measg a' phobuill le làmhnan nan abstol; (agus bha iad uile

dh'aon inntinn ann an sgàth-thigh Sholaimh:

13 Agus cha robh chridhe aig aon de chach e féin a cheangal riu;) ach bha mòr-mheas aig a' phobull orra.

14 Agus is mòid a chuireadh creidich ris an Tighearn, buidheann mhòr aracan de fhearaibh agus de mhuibh:

15 Air chor as gu'n d'thug iad a mach a' mhuinntir cuslan air na sràidibh, agus gu'n do chuir iad air leapaichibh agus air uirighibh iad, chum ag teachd do Pheadar gu'n cuireadh fhaileas, mar bu lugha, sgàile air neach éigin aca.

16 Agus thàinig mar an ceudna mòr-shluagh as na bailtibh mu'n cuairt air Ierusalem, a' toirt le muinntir cuslain, agus dream a bha air am buaireadh le spiorad-aihbh neòghlan: agus leighiseadh iad uile.

17 An sin dh'éirich an t-àrd-shagart, agus iadsan uile a bha maille ris, (eadhon luchd-bharail nan Sadusach,) agus lìonadh iad le tnuith,

18 Agus chuir iad làmh anns na h-abstol-aihbh, agus chuir iad 's a' phrìosan chum-anta iad.

19 Ach dh'fhosgail aingeal an Tighearna dorsan a' phrìosain 's an oidheche, agus thug e iadsan a mach, agus thubhairt e,

20 Imichibh, agus ag seasamh dhuibh labhraibh 's an teampull ris an t-sluagh, uile bhriathran na bentha so.

21 Agus an uair a chual iad so, chaidh iad gu moch a steach do'n teampull, agus theagaisg iad. Ach thàinig an t-àrd-shagart agus iadsan a bha maille ris, agus ghairn iad a' comhairle, agus seanadh chloinn Israeil uile an ceann a chèile, agus chuir iad do'n phrìosan chum gu'n tugadh iadsan d' an ionnsuidh.

22 Ach an uair a thàinig na maoir, cha d'fhuair iad 's a' phrìosan iad, agus air pilltinn dhoibh, dh'innis iad,

23 Ag ràdh, Fhuair sinne gu fìrinneach am prìosan dùinte gu ro thearuinte, agus an luchd-coimhead 'n an seasamh a mach fa chomhair nan dorsan; ach an uair a dh'fhosgail sinn, cha d'fhuair sinn aon duine a stigh.

24 A nis an uair a chual an t-àrd-shagart, agus ceannard an teampull, agus nachdar-ain nan sagart na briathran so, bha iad fo amharus mu'n timchioll ciod gu an tig-cadh so.

25 An sin thàinig neach àraidh agus dh'innis e dhoibh, ag ràdh, Feuch, tha na daoine a chuir sibh 's a' phrìosan, 'n an seasamh 's an teampull, agus a' teagasg a' phobuill.

26 An sin dh'imich an ceannard maille ris na maoiraibh, agus thug e leis iad gun ainneart: (oir bha eagal orra roimh an t-sluagh, gu'm bitheadh iad air an clach-adh leo.)

27 Agus an uair a thug iad leo iad, chuir iad ann am fianuis na comhairle iad: agus dh'fheoraich an t-àrd-shagart diubh,

28 Ag ràdh, Nach d'thug sinne geur-ordugh dhuibh gun teagasg a dheanamh 's an ainm so? agus, feuch, hion sibh Ierusalem le 'ur teagasg, agus is àill leibh fuil an duine so a tharruing oirne.

29 An sin fhlèagair Peadar agus na h-abstol eile, agus thubhairt iad, Is còir gèill a thoirt do Dhia nì's mò na do dhaoimibh.

30 Thog Dia ar n-aithrichean Iosa, a mharbh sibhse agus a chroch sibh air crann.

31 Easn dh'ardaich Dia le a dheas làimh 'n a Cheannard agus 'n a Shlànuidhear, a thoirt aithreachais agus maithcanais pheacaidhean do Israeil.

32 Agus tha sinne 'n ar fianuisibh dha air na nithibh so; agus mar an ceudna an Spiorad naomh, a thug Dia dhoibh-san a tha ùmhla dha.

33 Agus an uair a chual iadsan so, bha iad air an gonadh, agus ghabh iad comhairle an cur gu bàs.

34 An sin dh'éirich Phairiseach àraidh anns a' chomhairle, d'am b'ainm Gamaliel, fear-teagaisg an lagha, air an robh meas aig an t-sluagh uile, agus dh'orduich e na h-abstol a chur a mach ré tamuill;

35 Agus thubhairt e riu, Fheara Israeil, thugaibh aire dhuibh féin, ciod a tha roimh-ibh a dheanamh mu thimchioll nan daoine sin.

36 Oir roimh na làithibh so dh'éirich Teudas suas, ag ràdh, gu'm bu neach éigin mòr e féin, agus cheangail àireamh dhaoine, timchioll ceithir cheud, iad féin ris: mharbhadh esan, agus a mhead 's a dh'aontaich leis, sgaoileadh iad uile as a chèile, agus chaidh iad gu neo-ni.

37 An dèigh an fhìr so dh'éirich Iudas an Galiléach suas, ann an làithibh na cismheasaidh, agus tharruing e mòran sluagh 'n a dhéigh: sgrìosadh esan mar an ceudna, agus a mhead 's a ghéill da, sgapadh iad uile.

38 Agus a nis tha mi ag ràdh ribh, Fuaibh o na daoineibh so, agus leigibh leo: oir ma's ann o dhaoimibh a tha a' comhairle so, no an obair so, thig i gu neo-bhrìgh.

39 Ach ma's ann o Dhia a tha i, cha-n urrainn sibhse a cur gu neo-bhrìgh: air eagal gu'n tarladh gu'm faighear sibh eadhon a' cogadh an aghaidh Dhé.

40 Agus dh'aontaich iad leis-san: agus an uair a ghairn iad na h-abstol, agus a ghabh iad orra, dh'orduich iad dhoibh gun labhairt ann an ainm Iosa, agus leig iad as iad.

41 Agus dh'imich iadsan o làthair na comhairle, le gairdeachas a chionn gu'n do mheasadh gu'm b'airidh iad air eas-urram fhulang air son 'ainme-san.

42 Agus gach là anns an teampull, agus o thigh gu tigh, cha do sguir iad a bhi teagasg, agus a' searmonachadh Iosa Crìosd.

CAIB VI.

1 *Thagh na h-abstoil seachdnar gu frithealadh do wireasbhuidh nam bochl: 5 b'aon diubh so Stephen, neach a bha làn de chreidimh, agus de'n Spiorad naomh: 12 Ghlacadh esan agus chaidh a'airt gu h-eucorach an làthair na comhairle, leis an dream a chuir e 'n an tosd le reusonachadh.*

A GUS anns na làithibh sin, an uair a bha àireamh nau deiseibul a' meudachadh, dh'èirich gearan am measg nan Greugach an aghaidh nan Eabhrach, a chionn gu'n do dhearmaideadh am bant-raichean 's an fhrithealadh laitheil.

2 An sin ghairm an dà fhear dheug mòr-chuideachd nau deiseibul d'an ionnsuidh, agus thubhairt iad, Cha-n'eil e iomchuidh sinne dh'fhàgail focail Dhé, agus a fhrith-ealadh do bhordaibh.

3 Uime sin, a bhràithrean, iarraibh a mach 'n ur measg seachdnar dhaoine fo dheadh iomradh, làn de'n Spiorad naomh agus de ghliocas, a ehuireas sinne os ceann an drenchd so.

4 Ach buanaichidh sinne a ghnàth ann an urnuigh, agus ann am ministreileachd an fhocail.

5 Agus bha 'chainnt so taitneach an làthair na mòr-chuideachd uile: agus thagh iad Stephen, duine làn de chreidimh, agus de'n Spiorad naomh, agus Philip, agus Prochorus, agus Nicanor, agus Timon, agus Parmenas, agus Nicolas proseliteach de mhuinntir Antioch:

6 Chuir iad iadsan an làthair nan abstol: agus air deanamh urnuigh dhoibh, chuir iad an làmh an orra.

7 Agus dh'fhàs focal Dhé; agus mhènd-aicheadh àireamh nan deiseibul gu ro mhòr ann an Ierusalem; agus bha euid-eachd mhòr de na sagartaibh ùmhal do'n chreidimh.

8 Agus rinn Stephen, làn de ehreidimh agus de chumhachd, mòrbhuilean agus comharan mòra am measg an t-sluaigh.

9 An sin dh'èirich dream àraidh de'n t-sionagag, ris an abrar *sionagag* nan Libertineach, agus nan Cirenianach, agus mhuinntir Alesandria, agus na dream o Chilleia, agus o'n Asia, a' deasboireachd ri Stephen.

10 Agus cha b'urrainn iad eur an aghaidh a' ghliocais agus an spioraid leis an do labh-air e.

11 An sin thug iad a steach 'n uaignidheas daoine a thubhairt, Chuala sinne e 'labhairt bhriathran toibheumach an aghaidh Mhaois, agus Dhé.

12 Agus dhùisg iad suas an sluagh, agus na seanairean, agus na sgrìobhaichean, agus thàinig iad air, agus ghlae iad e, agus thug iad an làthair na comhairle e.

13 Agus ehuir iad suas fianuisan bréige, a thubhairt, Cha-n'eil an duine so a' sgur de labhairt bhriathran toibheumach an

aghaidh an ionaid naoimh so, agus an lagha.

14 Oir ehuala sinn e ag ràdh, gu'n sgrìos an t-Iosa so o Nasaret an t-àite so, agus gu'n caochail e na gnàthannan a thug Maois dhuinne.

15 Agus air dhoibh-san uile a bha 'n an suidhe 's a' chomhairle amhare gu geur air, ehunnaie iad 'aghaidh mar aghaidh aingil.

CAIB. VII.

1 *Air do Stephen comas fhaghail freagart air a shon féin, 2 nochd e gu'n d'rinn Abraham aoradh do Dhia gu taitneach; 37 gu'n d'thug Maois féin fianuis mu Chrìosd; 51 ehronuich e iad air son an ceannaire, agus morta Chrìosd; 54 air a' chlach iad gu bàs e. 59 Tha e 'tiomnadh anama do Iosa, agus a' guidhe Dhé air an sonsan.*

A N sin thubhairt an t-àrd-shagart, Am bheil ma ta na nithean so mar so?

2 Agus thubhairt esan, Fheara, a bhràithrean, agus aithriehean, èisdibh; Dh'fhoillsicheadh Dia na gèidre d'ar n-athair Abraham, 'n uair a bha e ann am Mesopotamia, mu'n do ghabh e còmhnuidh ann an Charan.

3 Agus thubhairt e ris, Rach a mach á d' thir féin, agus o d' chinneach, agus thig eum na tìre a nochdas mise dhuit.

4 An sin ehaidh esan a mach á tìr nan Caldéach, agus ghabh e còmhnuidh ann an Charan: agus as a sin, an déigh bàis 'athair, dh'atharraich se e do'n fhearann so anns am bheil sibhe nis 'n ur còmhnuidh.

5 Agus cha d'thug e dha oighreachd sam bith ann, cha d'thug leud troidhe: gidheachd gheall e gu'n tugadh e mar sheilbh e dha féin agus d'a shliochd 'n a dhéigh, ged naeh robh fathast duine cloinne aige.

6 Agus labhair Dia air an dòigh so, Gu'm bitheadh a shliochd air chuart ann an dùth-aich ehogrìch, agus gu'n deanadh iad tràille-an diubh, agus gu'm buineadh iad gu h-ole *real-* *riu* ré ehcithir cheud bliadhna.

7 Agus air a' chinneach sin d'am bi iadsan fo dhaorsa, bheir mise breth, arsa Dia: agus an déigh nan nithean sin thig iad a mach, agus ni iad seirbhis dhomh-sa anns an àite so.

8 Agus thug e dha coimheicangal an timcheill-ghearraidh: agus mar sin ghin Abraham Isaac, agus thimcheill-ghearr se e air an ochdamh là: agus ghin Isaac Jacob, agus Jacob an dà phrìomh-athair dheug.

9 Agus a' gabhail farmaidh reic na prìomh-aithrichean Ioseph do'n Eiphit: aeh bha Dia maille ris,

10 Agus shaor se e as a thrioblaidibh uile, agus thug e deadh-ghèan agus gliocas da an làthair Pharaoh rìgh na h-Eiphit; agus ehuir se e 'n a uachdaran air an Eiphit, agus air a thicaghlach féin uile.

11 Nis thàinig gorta agus àmhghar mòr air an Eiphit uile, agus air talamh Chana-

ain; agus cha d'fhuair ar n-aithrichean teachd-an-tìr.

12 Ach an uair a chuala Jacob gu'n robh arbhar 's an Eiphit, chuir e mach ar n-aithrichean air tìs.

13 Agus air an dara uair rinneadh Ioseph aithnichte d'a bhràithribh; agus rinneadh cinneach Ioseph follaiseach do Pharaoh.

14 An sin chuir Ioseph fios uath, agus ghairm e d'a ionnsuidh Jacob 'athair, agus a luchd-dàinnhe uile, cùig anaman deug agus trì fichead.

15 Agus chaidh Jacob sìos do'n Eiphit, agus fhuair e bàs, e fèin agus ar n-aithrichean.

16 Agus ghiùlaineadh thairis iad gu Sichem, agus chuireadh iad anns an àit-adhlaic a cheannaich Abraham air suim airgid o mhic Enoir, athar Shicheim.

17 Ach an uair a dhruid àm a' gheallaidh, a mhionnaich Dia do Abraham, dh'fhàs an sluagh agus rinneadh iad lionmhor 's an Eiphit,

18 Gus an d'éirich rìgh eile, do nach b'aithne Ioseph.

19 Bluin esan gu cuilbheirteach r'ar cinneach, agus rinn e ole air ar n-aithrichibh, air chor as gu'n d'thug e orra an naoidheanan a thilgeadh a mach, chum nach siol-aicheadh iad.

20 Anns an àm sin rugadh Maois, agus bha e ro sgiamhach, agus dh'altrumadh e trì mìosan ann an tigh 'athar:

21 Agus an uair a thilgeadh a mach e, thog nighean Pharaoh leatha e, agus dh'altrum i e mar mhac dhi fèin.

22 Agus theagaisgeadh Maois ann an uile ghliocas nan Eiphiteach, agus bha e cumhachdach ann am briathraibh agus 'an gnìomharaibh.

23 Agus an uair a bha e dà fhichead bliadhna iomlan a dh'aois, thàinig e 'n a chridhe a bhràithrean clann Israeil fhiosrachadh.

24 Agus air dha duine àraidh dhiubh 'fhaicinn a' fulang eucoir, theasaig se e, agus air bualadh an Eiphitich dha, rinn e dioghaltas air son an fhir air an d'rinneadh an eucoir:

25 Oir shaoil e gu'n tuigeadh a bhràithrean, gu'n tugadh Dia le a làimh-san saorsa dhoibh; ach cha do thuig iadsan.

26 Agus air an là 'n a dhéigh sin nochd se e fèin doibh agus iad a' comhstri, agus b'àill leis sìth a dheanamh catorra, ag ràdh, A dhaoine, is bràithrean sibh fèin; c'ar son a tha sibh a' deanamh eucoir air a chéile?

27 Ach chuir am fear a rinn an eucoir air a choinhearsnach uath e, ag ràdh, Cò a rinn thusa a'd' uachdaran agus a'd' bhreith-eamh oirne?

28 Am miann leat mise a mharbhadh, mar a mharbh thu an t-Eiphiteach an dé?

29 An sin theich Maois air son an fhocail

so, agus bha e 'n a choigreach ann an dùth-aich Mhidiain, far an do ghin e dìthis mhac.

30 Agus an uair a choimhlionadh dhà fhichead bliadhna, dh'fhoillsicheadh dha ann am fasach beinne Shina, aingeal an Tighearna ann an lasair theine ann am preas.

31 Agus an uair a chunnaic Maois so, ghabh e iongantas mu'n t-sealladh; agus air dha teachd am fagus gu beachdachadh air, thàinig guth an Tighearna d'a ionnsuidh,

32 Ag ràdh, Is mise Dia d'aithrichean, Dia Abraham, agus Dia Isaac, agus Dia Iacob. An sin chrìochnuic Maois, agus cha robh a chridhe aige amharc.

33 An sin thubhairt an Tighearna ris, Fuasgail do bhrògan o d' chosaibh: oir is talamh naomh an t-àit air am bheil thu a'd' sheasamh.

34 Chunnaic mi gu cinnteach àmhghar mo phobuill a tha 's an Eiphit, agus chuala mi an osnaidh, agus thàinig mi nuas g'an saoradh. Agus a nis thig, cuiridh mi do'n Eiphit thu.

35 Am Maois so fèin a dhiùlt iadsan, ag ràdh, Cò 'rinn uachdaran agus breitheamh dhiot-sa? esan chuir Dia gu bh' 'n a uachdaran agus 'n a fhear-saoraidh le làimh an aingil a dh'fhoillsicheadh dha 's a' phears.

36 Thug esan a mach iad an déigh dha mìorbhuilean, agus comharan a dheanamh ann an tìr na h-Eiphit, agus anns a' mhuir ruaidh, agus anns an fhàsach ré dhà fhichead bliadhna.

37 Is e so am Maois ud a thubhairt ri cloinn Israeil, Togaidh an Tighearna bhar Dia suas fàidh dhuibh de 'ur bràithribh, cosmhuil riunsa; ris-san éisdidh sibh.

38 So esan a bha 's an eaglais anns an fhàsach, maille ris an aingeal a labhair ris ann am beinne Shina, agus maille r'ar n-aithrichibh-ne: neach a fhuair briathran na beatha chum an toirt dhuinne:

39 Do nach b'àill le ar n-aithrichibh a bhi ùmhal, ach chuir iad uatha e, agus 'n an cridhe phill iad air an ais do'n Eiphit,

40 Ag ràdh ri Aaron, Dean dhuinne diathan a thèid romhainn: oir mu thimechioll a' Mhaois so, a thug a mach sin a tìr na h-Eiphit, cha-n'èil fhios againn ciod a dh'éirich dha.

41 Agus rinn iad laogh 's na làithibh sin, agus thug iad ìobairt do'n dealbh, agus rinn iad gairdeachas ann an oibribh an làmhan fèin.

42 An sin phill Dia, agus thug e thairis iad chum aoradh a dheanamh do armait nèimh, a réir mar a tha e sgrìobhta ann an leabhar nam fàidhean, An d'thug sibh dhomh-sa beathaichean marbhla, agus ìobairtean ré dhà fhichead bliadhna anns an fhàsach, O a thigh Israeil?

43 Seadh, thog sibh suas pàillium Mholoich, agus reult bhar dé Remphain, dealbhan a rinn sibh chum aoraidh dhoibh: uime sin

atharraichidh mi sibh dh'ionnsuidh an taobh-thall de Bhabilon.

44 Bha paillinn na fianuis aig ar n-aithrichibh 's an fhàsach, a rèir mar a dh'aithn an tì a labhair ri Maois, gu'n deanadh se e a rèir an t-samhlaidh a chunn-aic e.

45 An nì a thug mar an ceudna ar n-aithrichean a bha 'n an dèigh, a steach maille ri Iosa do sheilbh nan Cinneach, a thilg Dia a mach roimh ghnùis ar n-aithrichean, gu làithibh Dhaibhidh:

46 Neach a fhuair deadh-ghcan 'am fianuis Dhé, agus a dh'iarr pàillinn fhaotainn do Dhia Iacoib.

47 Ach thog Solamh tigh dha.

48 Gidheadh cha-nèil an tì a's àirde a' gabhail còmhnuidh ann an teampluibh làmh-dheanta; mar a tha am fàidh ag ràdh,

49 *Is e* nèamh mo rìgh-chaithir, agus an talamh stòl mo chos: cìod an tigh a thogas sibh dhomh? tha an Tighearn ag ràdh: no cìod e ionad mo thàimh?

50 Nach do rinn mo làmh na nithean so uile?

51 A dhaoine crnaidh-mhuinealach, agus neo-thimchioll-ghearra ann an cridhe agns ann an cluasaibh, tha sibh a' ghnàth a' cur an aghaidh an Spioraid naomh: mar a rinn bhur n-aithrichean, mar sin tha sibhse a' deanamh.

52 Cò de na fàidhibh air nach d'rinn bhur n-aithrichean geur-leamhuinn? agus marbhb siad iadsan a roimh-fhoillsich teachd an Fhìrein ud; air an robh sibhse a nis 'n ur lnead-brathaidh, agus 'n ur mort-airibh:

53 Sibhse a fhuair an lagh le frithealadh nan aingeal, agus nach do choimlid e.

54 'N uair a chual' iad na nithean sin, bha iad air an gònadh 'n an cridhe, agus chas iad am fiacian ris.

55 Ach air dhàsan a bhi làn de'n Spiorad naomh, dh'amhaire e gn geur suas gu nèamh, agus chunnaic e glòir Dhé, agus Iosa 'n a sheasamh air deas làmh Dhé;

56 Agus thubhairt e, Feuch, tha mi' faicinn nan nèamhan fosgailte, agus Mac an duine 'n a sheasamh air deas làmh Dhé.

57 An sin ghlaodh iadsan le guth mòr, agus dhruid iad an cluasan, agns leum iad air a dh'aon inntinn,

58 Agus air dhoibh a thilgeadh a mach as a' bhaile, chlach iad e: agus thilg na fianuisean an eudach sìos aig cosaibh òganaich, d'am b'ainm Saul.

59 Agus chlach iad Stephen, agus e a' gairm air Crìosd, agus ag ràdh, A Thigh-earna' Iosa, gabh ri mo spiorad.

60 Agns air dha e fèin a leigeadh air a ghluinibh, ghlaodh e le guth mòr, A Thigh-earna, na cuir am peacadh so as an leth. Agus air dha so a ràdh, choidil e.

CAIB. VIII.

1 Shearmonaicheadh an soisgeul ann an Samaria le Philip, a bhaist mòran, agus am measg chàich Simon an Druidh. 14 Thàinig Peadar agus Eoin a dhaingneachadh na h-eaglais: 17 le cur an làmh air an dream a chreid, bha an Spiorad naomh air a thiodhlacadh: 18 'n uair a b'ail le Simon an tiodhlac ceudna 'cheannach uatha le h-airgiod, 20 chronuic-eadh gu geur e le Peadar, &c.

A GUS bha Saul ag aontachadh le a bhàs-san. Agus dh'éirich anns an àm sin geur-leamhuinn mhòr an aghaidh na h-eaglais a bha ann an Ierusalem; agus bha iad uile air an sgapadh air feadh tire Iudea agns Shamaria, ach na h-abstoil a mhàin.

2 Agns ghiùlain daoine diadhaidh Stephen *chum 'adhlaid*, agus rinn iad caoidh mhòr air a shon.

3 Ach bha Saul a' fàsachadh na h-eaglais, a' dol a steach do gach tigh; agns ag tarruing a mach fhear agus bhan, chuir e 'am prìosan iad.

4 Uime sin dh'imich an dream a sgapadh, feadh gach àite, a' searmonachadh an fhocail.

5 An sin chaidh Philip sìos do bhaile Shamaria, agus shearmonaich e Crìosd doibh.

6 Agus thug an sluagh a dh'aon toil aire do na nitibh a labhradh le Philip, ag èisd-eachd ris, agus a' faicinn nam mìorbhuilean a rinn e.

7 Oir chaidh spioradan neòghlan a mach à mòran anns an robh iad, a' glaothaich le guth mòr: agus chaidh mòran air an robh an pairilis, agus a bha 'n am bacaich, a shlanuchadh.

8 Agus bha gairdeachas mòr 's a' bhaile sin.

9 Ach bha roimhe sin duine àraidh 's a' bhaile sin d'am b'ainm Simon, a ghnàthaich druidheadh, agus a mheall muinntir Shamaria, ag ràdh gu'm bn neach mòr éigin o fèin.

10 Dhàsan thug iad uile aire o'n bheag gus a' mhòr, ag ràdh, Is e an duine so cumhachd mòr Dhé.

11 Agus thug iad an aire dha, a chionn gu'n do mheall e iad ré uime fhada le a dhruidheachd.

12 Ach an uair a chreid iad Philip, a' searmonachadh nan nithean a bhnèas do rìoghachd Dhé, agus do ainm Iosa Crìosd, bhaisteadh iad eadar fheara agus mhnathan.

13 An sin chreid Simon fèin mar an ceudna: agns an uair a bhaisteadh e, dh'fhan e maille ri Philip, agus a' faicinn nan comharadh agus nam feart a rinn-eadh, ghabh e iongantas ro mhòr.

14 Agus an uair a chuala na h-abstoil a bha ann an Ierusalem, gu'n do ghabh Samaria focal Dhé, chuir iad d'an ionnsuidh Peadar agus Eoin:

15 Agus an uair a chaidh iad sìos, ghuidh

iad air an son gu'm faigheadh iad an Spiorad naomh.

16 (Oir cha d'fhàinig e fathast a nuas air aon aca: ach a mhàin bhaisteadh iad ann an ainm an Tighearna Iosa.)

17 An sin chuir iad an làmhnan orra, agus fhuair iad an Spiorad naomh.

18 Agus an uair a chunnaic Simon gu'n robh an Spiorad naomh air a thoirt tre làmhnan nan abstol a chur orra, thairg e airgid dhoibh.

19 Ag ràdh, Thugaibh dhomh-sa mar an ceudna an cumhachd so, b'e neach air an cuir mi mo làmhnan, gu'm faigh e an Spiorad naomh.

20 Ach thubhairt Pèadar ris, Gu rachadh d'airgid 'am mugha maille riut féin, a chionn gu'n do mheas thu gu'm feudadh tìodhlac Dhé a cheannach le h-airgid.

21 Cha-n'eil agad cuid no crannchur 's a' chùis so: oir cha-n'eil do chridhe dìreach 'am fianuis Dhé.

22 Gabh aithreachas uime sin de d'òle so, agus guidh air Dia, ma dh'fheudar gu maith-eàr dhuit smuaine do chridhe.

23 Oir tha mi'g ad fhàicinn ann an domblas na seirbhe, agus fù chuibhrèach na h-eucorach.

24 An sin fhreagair Simon, agus thubhairt e, Guidhibh-se an Tighearn air mo shon, nach tig aon de na nithibh sin a thubhairt sibh orm.

25 An sin air dhoibh-san fianuis a dhean-amh agus focal an Tighearn a labhairt, phill iad gu Ierusalem, agus shearmonaich iad an soisgeul ann am mòran de bhàiltibh nan Samaritanach.

26 Agus labhair aingeal an Tighearna ri Philip, ag ràdh, Eirich agus imich chum na h-àirde deas, chum na slighe a tha 'dol sìos o Ierusalem gu Gasa, a tha 'n a fhàsach.

27 Agus dh'éirich e, agus dh'imich e: agus, fèuch, duine àraidh, caillteanach o Etiopia, aig an robh mòr-ùghdarras fo Chandace ban-rìghinn na h-Etiopia, agus a bha os ceann a h-ìomhais uile, agus a bha air teachd gu Ierusalem chum aoradh a dhean-amh,

28 Bha e a' pilltinn air ais, agus 'n a shuidhe 'n a charbad, agus bha e a' leughadh an fhàidh Esaiais,

29 An sin thubhairt an Spiorad ri Philip, Imich am fagus, agus druid ris a' charbad so.

30 Agus ruith Philip d'a ionnsuidh, agus chuala se e a' leughadh an fhàidh Esaiais, agus thubhairt e, Am bheil thu a' tuigsinn nan nithean a tha thu a' leughadh?

31 Agus thubhairt esan, Cionnus is urrainn mi, mur seòl neach éigin mi? Agus dh'iarr e air Philip teachd a nìos, agus suidhe maille ris.

32 A' chuibhrionn de'n sgrìobtuir a bha e leughadh, b'i so i, Thugadh e mar chaora

chum marbhaidh; agus mar uan a tha 'n a thosd 'am fianuis an fhir-lomairt, mar sin cha d'fhosgail e a bheul:

33 'N a isleachadh thugadh a bhreitheanas air falbh: agus cò a nochdas a ghinealach? oir thogadh a bheatha o'n talamh.

34 Agus fhreagair an caillteanach, agus thubhairt e ri Philip, Guidheam ort, co uime tha am fàidh ag ràdh so? uime féin, no mu neach éigin eile?

35 An sin dh'fhosgail Philip a bheul, agus a' toiseachadh o'n sgrìobtuir sin, shearmonaich e Iosa dha.

36 Agus an uair a dh'imich iad air an t-slighe, thàinig iad gu h-uisge àraidh: agus thubhairt an caillteanach, Fèuch, uisge; ciod a tha 'bacadh mise 'bhi air mo bhaisteadh?

37 Agus thubhairt Philip, Ma tha thu a' creidsinn le d' uile chridhe, feudaidd tu. Agus fhreagair e agus thubhairt e, Tha mi a' creidsinn gur e Iosa Crìosd Mac Dhé.

38 Agus dh'àithn e 'n carbad a sheasamh: agus chaidh iad sìos le 'chéile do'n uisge, araon Philip agus an caillteanach; agus bhaist se e.

39 Agus an uair a thàinig iad a nìos as an uisge, thug Spiorad an Tighearna Philip leis, agus cha-n'fhac an caillteanach tuilleadh e: agus dh'imich e air 'aghaidh le gairdeachas.

40 Ach fhuaradh Philip ann an Asotos: agus shearmonaich e anns na bàiltibh uile, a' dol troimh ar dùthaich, gus an d'fhàinig e gu Cesarea.

CAIB. IX.

1 Tha Saul, air dha 'bhi 'g imeachd gu Damascus, air a leagadh sìos gu talamh le dealradh, agus guth o nèamh: 10 ghairmeadh e chum na h-abstolachd, 18 agus bhaisteadh e le Ananias: 20 shearmonaich e Crìosd gu dàna. 23 Chuir na h-Iudhaich, agus mar an ceudna na Greugaich, an comhairle ri 'chéile chum a mharbhadh. 31 Leigheas Pèadar Eneas de'n phairilis; 35 thug e Tabita beò.

A GUS air do Shaul bhi fathast a' seid-eadh bagairdh, agus sgrìos an aghaidh dheisciobul an Tighearna, chaidh e chum an àrd-shagairt,

2 Agus dh'iarr e litrichean uaith gu Damascus chum nan sionagag, chum nam faigheadh e aon neach de'n t-slighe so, co aca b'fhir no mnathan iad, gu'n tugadh e leis ceangailte gu Ierusalem iad.

3 Agus ag imeachd dha, tharladh gu'n do dhruid e ri Damascus: agus dhealraich gu h-obann mu'n cuairt air solus o nèamh.

4 Agus air tuiteam dha air an talamh, chual e guth ag ràdh ris, A Shaul, A Shaul, c'ar son a tha thu 'g am gheur-leanmhuinn-sa?

5 Agus thubhairt esan, Cò thu, a Thighearna? Agus thubhairt an Tighearn, Is mise Iosa a tha thusa a' geur-leanmhuinn.

is cruaidh dhuit-sa breabadh au aghaidh nan dealg.

6 Agus air dhàsan a bhi air chrith agus làn uamhainn, thubhairt e, A Thighearna, ciod a's àill leat mise a dheanamh? Agus thubhairt an Tighearna ris, Eirich, agus rach a steach do'n bhaile, agus innsear dhuit ciod a's còir dhuit a dheanamh.

7 Agus sheas uia daoine, bha 'g imeachd maille ris, 'n an tosd, a' chuimhtiu a' ghutha, ach gun neach air bith fhaicinn.

8 Agus dh'èirich Saul o'u talamh, agus air fosgladh a shùil dha, cha-u fhac e neach air bith: ach air dhoibh breith air a làimh, thèoraich iad e gu Damascus.

9 Agus bha e tri làithean gun radhare, agus cha d'ith agus cha d'òl e ni air bith.

10 Agus bha deisciobul àraidh ann an Damascus, d'am b'ainm Ananias; agus thubhairt an Tighearna ris ann am foills-eachadh, Ananias. Agus thubhairt esan, Feuch tha mi an so, a Thighearna.

11 Agus thubhairt an Tighearna ris, Eirich, agus imich do'n t-sràid, ris an abrar Dìreach, agus iarr ann an tigh Iudais, duine o Tharsus d'an goirear Saul: oir feuch, tha e ri uruigh.

12 Agus chunnaic e anu am foillseachadh duine d'an ainm Ananias, a' teachd a steach, agus a' cur a làimhe air, chum gu'm faigh-eadh e a radhare.

13 An sin fhreagair Ananias, A Thighearna, chuala mi o mhòran mu'n duine so, cia lion òle a riun e do d' naoimh auu au Ierusalem:

14 Agus tha an so ùghdarras aige o uachd-aranaibh nan sagart, iadsan uile a cheangal a tha 'gairm air d'ainm-sa.

15 Ach thubhairt an Tighearna ris, Imich; oir is soitheach taghta dhomh-sa e, chum m'ainm a ghiùlan 'am fianuis an Cinneach, agus rìghrean, agus chloinn Israeil.

16 Oir nochdaidh mise dha cia mòr na nithean a's éigin da fhulang air sgàth m'ainme-sa.

17 Agus dh'imich Ananias, agus chaidh e steach do'n tigh; agus chuir e a làmh an air, agus thubhairt e, A Shaul, a bhràthair, chuir an Tighearna, (eadhon Iosa a dh'fhoills-icheadh dhuit-sa anns an t-slighe air au d'thàinig thu,) mise chum gu'm faigh-eadh tu do radhare, agus gu'm bitheadh tu air do bonadh leis an Spiorad naomh.

18 Agus air ball thuit o'shùilibh mar gu'm bitheadh lannau; agus dh'aisigeadh a radhare dha gun dàil, agus air dha éiridh, bhaisteadh e.

19 Agus an uair a ghabh e biadh, neartaich-eadh e. An sin bha Saul làithean àraidh maille ris na deisciobluibh a bha ann an Damascus.

20 Agus air ball shearmonaich e Iosa anns na sionagogaibh, gur esan Mac Dhé.

21 Ach bha na h-uile a chual e fo uamhas,

agus thubhairt iad, Nach e so esan a bha 'sgrios ann au Ierusalem na muinntir a bha 'gairm air au ainm so, agus a thàinig an sc chum na crìche so, gu'n tugadh e ceangailte iad dh'ionnsuidh uachdaran nan sagart?

22 Ach bu mhòid a ncartaicheadh Saul, agus chuir e gu h-amhladh na h-Iudhaich a bha chòmhnuidh ann an Damascus, a' dearbhadh gur e so an Crìosd.

23 Agus air dol do mhòran làithean seachad, rinn uia h-Iudhaich comhairle r'a chèile esan a mharbhadh:

24 Ach thugadh fios do Shaul air am foill: agus bha faire aca air na geatachaibh a là agus a dl'oidheche chum a mharbhadh.

25 An sin ghabh na deisciobail e 's an oidheche, agus chuir iad a mach thar a' bhalla e, agus leig iad sìos ann an cliabh e.

26 Agus an uair a thàinig Saul gu Ierusalem, dh'fheuch e ri e féin a cheangal ris na deisciobluibh: ach bha eagal orra uile roimhe, agus cha do chreid iad gu'm bu deisciobul e.

27 Ach ghabh Barnabas d'a ionnsuidh e, agus thug e chum uan abstol e, agus chuir e'n céill doibh cionnus a chuanaic e'n Tighearna anns au t-slighe, agus gu'n do labhair e ris, agus cionnus a shearmonaich e gu dana ann an Damascus ann an ainm Iosa.

28 Agus bha e maille ri u' teachd a steach, agus a' dol a mach ann au Ierusalem.

29 Agus labhair e gu dana ann an ainm an Tighearna Iosa, agus rinn e reusonachadh an aghaidh nan Greugach: ach chuir iadsan rompa esan a mharbhadh.

30 Ach an uair a thuing na bràithrean so, thug iad sìos e gu Cesarea, agus chuir iad air falbh gu Tarsus e.

31 An siu bha fois aig na h-eaglaisibh troimh Iudca uile, agus Ghalile, agus Shamaria, agus air dhoibh a bhi air an togail suas, agus a' siubhal ann an eagal an Tighearna, agus ann an comhfhurtachd an Spioraid naoimh, mheudaicheadh gu mòr iad.

32 Agus tharladh, air do Pheadar imeachd troimh gach àite, gu'n deachaidh e sìos mar an ceudna chum nan naomh a bha 'ga làil còmhnuidh ann an Lida.

33 Agus fhuair e an sin duine àraidh d'am b'ainm Eneas, a bha ré oclh biadhna air a leabaidh, agus e gu tinn leis a' phairilis.

34 Agus thubhairt Peadar ris, Eneais, tha Iosa Crìosd ga d' leigheas: éirich agus dean do leabhadh. Agus air ball dh'èirich e.

35 Agus chunnaic iadsan uile e, a bha' chòmhnuidh ann an Lida, agus ann an Saron, agus phill iad chum an Tighearna.

36 A nis bha ban-deisciobul àraidh ann an Iopa d'am b'ainm Tabita, 's e sin, air eadar-theangachadh, Dorcas: bha a' bhean so làn de dhcadh oibribh, agus de dhéircibh a rinn i.

37 Agus tharladh anns na làithibh sin, air

dhi 'bhi gu tinn gu'n d'fhuair i bàs: Agus air dhoibh a h-ionnlad, chuir iad ann an seòmar uachdarach i.

38 Agus air do Lida 'bhi fagus do Iopa, agus air cluinntinn do na deiscioblaibh gu'n robh Peadar an sin, chuir iad dithis dhaoine d'a ionnsuidh, a' guidhe air e' theachd d'an ionnsuidh gun dàil.

39 An sin dh'éirich Peadar, agus chaidh e maille riu. Agus an uair a bha e air teachd, thredaich iad suas e do'n t-seòmar uachdarach: agus sheas na bantraichean uile làimh ris a' caoineadh, agus a' nochdadh nan còta agus nan trùsgan a rinn Dorcas am feadh a bha i maille riu.

40 Ach air do Pheadar an cur a mach uile, leig se e fèin air a ghlùinibh agus rinn e urnuigh; agus air dha tionndadh ris a' chorp, thubhairt e, A Thabita, éirich. Agus dh'fhosgail ise a sùilean: Agus air dhi Peadar fhaicinn, dh'éirich i 'n a suidhe.

41 Agus thug e a làmh dhi, agus thog e 'n a seasamh i; agus an uair a ghairm e na naoimh agus na bantraichean, chuir e 'n an làthair beò i.

42 Agus fhuaradh fios air so tre Iopa uile; agus chreid mòran anns an Tighearn.

43 Agus tharladh gu'n d'fhan e mòran de làithean ann an Iopa maille ri Simon àraidh fear-deasachaidh leathair.

CAIB. X.

1 *Air do Chornelius, duine cràbhach, àithne fhaotainn o aingeal, chuir e fios air Peadar, 11 a bha air a theagas ann an taisbeanadh gun e dheanamh tòir air na Cinnich: 34 Am feadh a bha e 'searmonachadh Chriost do Chornelius agus d'a chuideachd, thàinig an Spiorad naomh a nuas orra, agus bhaisteadh iad.*

A GUS bha duine àraidh ann an Cesarea, d'am b'ainm Cornelius, ceannard-ceud de'n chuideachd ris an abrar a' chuideachd Eadailteach, *duine*

2 Duine cràbhach, agus air an robh eagal Dhé maille r'a thigh uile, a bha 'toirt mòran ìdeice do'n t-sluagh, agus a' deanamh urnuigh ri Dia a ghnàth. *agus*

3 Chunnaic e ann an sealladh gu soilleir, mu thimcheòll na naothamh uaire de'n là, aingeal Dhé a' teachd a stigh d'a ionnsuidh, agus ag ràdh, A Chornelius.

4 Agus air dhàsan amharc gu geur air, ghabh e eagal, agus thubhairt e, Cìod e, a Thighearna? Agus thubhairt e ris, Chaidh d'urnuighean agus do dhéirecan suas mar chuimhneachan ann am fianuis Dhé.

5 Agus a nis cuir daoine gu Iopa, agus cuir fios air Simon, d'an co-ainm Peadar:

6 Tha e air aoidheachd maille ri Simon àraidh fear-deasachaidh leathair, aig am bheil a thigh làimh ris an fhainge: innsidh esan duit cìod is còir dhuit a dheanamh.

7 Agus an uair a dh'fhalbh an t-aingeal a labhair ri Cornelius, ghairm e d'a ionnsuidh dithis de mhuintir a thighe, agus saighdear

cràbhach de'n dream a bha ghnàth a' feith eamh air;

8 Agus an uair a chuir e an t-ionlan an céill doibh, chuir e iad gu Iopa. *mu*

9 Agus air an là màireach, 'n uair a bha iadsan air an turus, agus a' teachd 'am fagus do'n bhaile, chaidh Peadar suas air mullach an tighe a dheanamh urnuigh, mu thimcheòll na seathamh uaire.

10 Agus dh'fhàs e ro ocrach, agus bu mhiann leis *biadh* itheadh: ach am feadh a bha iadsan ag ulluchadh, thuit e ann an neul, *torne*

11 Agus chunnaic e neamh fosgailte, agus soitheach àraidh a' teachd a nuas d'a ionnsuidh, mar bhràith-fìn mhòir, ceangailte air a ceithir oisnibh, agus air a leigeadh sìos air an talamh;

12 Anns an robh gach uile ghnè bheathaichean ceithir-chosach na talmhainn, agus bheathaichean fiadhaich, agus bhiasdasnaig-each, agus eunlaith an athair.

13 Agus thàinig guth d'a ionnsuidh, Eirich, a Pheadair; marbh agus ith.

14 Ach thubhairt Peadar, Ni h-eadh, a Thighearna; oir cha d'ith mi riamh aon ni coitichionn no neòghlan. *comunn*

15 Agus thubhairt an guth ris a ris an dara uair, Na nithean sin a ghlan Dia, na gairm thusa coitichionn.

16 Agus rinneadh so tri uairean: agus thogadh an soitheach a ris suas gu nèamh.

17 A nis an uair a bha Peadar fo amharas ann fèin cìod a bu chiall do'n t-sealladh a chunnaic e, feuch, bha na daoine a chuir-eadh o Chornelius, an déigh dhoibh tigh Shimoin iarraidh, 'n an seasamh aig an doras.

18 Agus air gairm dhoibh, dh'fheòrach iad an robh Simon d'an co-ainm Peadar, air aoidheachd an sin.

19 Am feadh a bha Peadar a' smuaineachadh air an t-sealladh, thubhairt an Spiorad ris, Feuch, tha triuir dhaoine ga d' iarraidh.

20 Uime sin éirich, agus gabh sìos, agus imich maille riu, gun amharas air bith a bhi ort: oir is mise a chuir nam iad.

21 Agus chaidh Peadar sìos chum nan daoine, [a chuireadh d'a ionnsuidh o Chornelius,] agus thubhairt e, Feuch, is mise an ti a tha sibh ag iarraidh: cìod e an t-aobhar mu'n d'thàinig sibh?

22 Agus thubhairt iadsan, Fhuair Cornelius an ceannard-ceud, duine cothromach, air am bheil eagal Dhé, agus fo dheadh ainm aig cinneach nan Iudhaich uile, rabhadh o Dhia le aingeal naomh, fios a chur ortsa d'a thigh, agus briathran a chluinntinn uait.

23 An sin ghairm e steach iad, agus thug e aoidheachd dhoibh. Agus air an là màireach dh'imich Peadar maille riu, agus chaidh dream àraidh de na bràithribh o Iopa maille ris.

24 Agus 'air an là màireach chaidh iad a steach do Chesarea: agus bha Cornelius a' feitheamh riu, agus air gairm a luchd-dàimh agus a chàirdean dileas an ceann a chèile.

25 Agus an uair a bha Peadar a' dol a steach, choinnich Cornelius e, agus thuit e sìos aig a chosaibh, agus rinn e aoradh dha.

26 Ach thog Peadar suas e, ag ràdh, Seas suas; is duine mise mar an ceudna *leat*.

27 Agus ag còmhradh ris, chaidh e steach, agus fhuair e mòr-mhuinntir cruinn.

28 Agus thubhairt e riu, Tha fios agaibh gu bheil e mi-dhìghreach do dhuine a tha 'n a Iudhach, còmhluadar a chumail ri neach a tha de chinneach eile, no teachd am fagus da; ach nochd Dia dhomh-sa, gun duine air bith a ghairm coitcheinn no neòghlan.

29 Uime sin thàinig mise 'n uair a chuir-eadh fios orm, gun aon ni a ràdh 'n a aghaidh: air an aobhar sin tha mi 'fèdraich c'ar son a chuir sibh fios orm?

30 Agus thubhairt Cornelius, O'n cheathramh là gus an uair so bha mi a' deanamh trasgaidh; agus air an naothamh uair bha mi 'deanamh nruigh ann am thigh, agus, feuch, sheas duine a'm làthair ann an end-ach dealrach,

31 Agus thubhairt e, A Chorneliuis, fhuair d'urnuigh éisdeachd, agus tha do dhércean air an cuimhneachadh 'am fianuis Dhé.

32 Uime sin cuir gu Iopa, agus cuir fios air Simon, d'an co-aime Peadar; tha e air aoidheachd ann an tigh Shimoin fear-deasachaidh leathair, làmh ris a' mhuir; neach, 'n uair a thig e, a labhras rint.

33 Uime sin chuir mi air ball fios ort; agus is maith a rinn thu teachd. Air an aobhar sin tha sinne uile an so a làthair 'am fianuis Dhé, a dh'éisdeachd nan uile nithean a tha air an àithneadh dhuit-sa le Dia.

34 An sin dh'fhosgail Peadar a bheul, agus thubhairt e, Gu fìrinneach tha mi 'g aithneachadh nach 'eil Dia ag amharc air pearsaibh seach a chéile:

35 Ach anns gach uile chinneach tha an neach air am bheil 'cagal-san, agus a tha 'g oibreachadh fireantachd, taitneach aige.

36 Am focal a chuir Dia gu cloinn Israeil a' searmonachadh sìth tre Iosa Crìosd, (neach a's e Tighearn nan uile.)

37 Am focal sin a's aithne dhuibh, a sgaoileadh air feadh tìre Indea nìle, agus a thòisich o Ghàile, an déigh a' bhaistidh a shearmonaich Eoin:

38 Cionnus a dh'ùng Dia Iosa o Nasaret leis an Spiorad naomh, agus le cumhachd; neach a chaidh mu'n cuairt a' deanamh maith, agus a' slànachadh nan uile a bha air am foireigneachadh leis an diabhl: oir bha Dia maille ris.

39 Agus tha sinne 'n ar fianuisibh air na h-uile nithibh a rinn e, 'raon ann an tìr

nan Iudhach, agus ann an Ierusalem; neach a mharbh iad, 'g a chrochadh air crann:

40 Eisan thog Dia suas air an treas là, agus nochd se e gu follaiseach;

41 Cha-n ann do'n t-sluagh uile, ach do fhiannisibh, a thaghadh le Dia roimh-làimh, eadhon dhuinne, a dh'ith agus a dh'òl maille ris an déigh dha éiridh o na marbhaibh.

42 Agus dh'àithn e dhuinne searmonachadh do'n t-sluagh, agus fianuis a dheanamh gur esan a dh'orduicheadh le Dia 'n a bhreitheamh air bheòthaibh agus air mhairbh.

43 Dhàsan tha na fàidhean uile a' toirt fianuis, gu'm faigh gach neach a chreideas ann maithneas 'n am peacaibh tre 'aime-san.

44 Am feadh a bha Peadar fathast a' labhairt nam briathar sin, thuirling an Spiorad naomh orra-san uile a chual am focal.

45 Agus ghabh na creidich de'n timchioll-ghearradh, a mbeud diubh 's a thàinig maille ri Peadar, iongantas mòr, do bhrìgh gu'n do dhòirteadh air na Cinnich mar an ceudna tiòdhlaic an Spioraid naomh.

46 Oir chuala siad iad a' labhairt le teangaibh, agus ag àrd-mholadh Dhé. An sin fhreagair Peadar,

47 Am feud neach sam bith uisge a thoirmeasg, chum nach rachadh iad so a bhaisteadh, a fhuair an Spiorad naomh, co maith ruinne?

48 Agus dh'orduich e iad a bhi air ana baisteadh ann an aime an Tighearna. An sin ghuidh iad air fantuinn maille riu làith-ean àraidh.

CAIB. XI.

1 *Fhuaradh cron do Pheadar air son còmhluadar a ghleidheadh ris na Cinnich: 4 dh'imis e a reuson, agus thàinig sin r'a luchd-dìidh. 19 Sgaoileadh an soisgeul feadh Phenice, agus Chipruis, agus Antioch. 26 Thugadh nar aime oir na deisciobuibh Crìosduidhean air tàs ann an Antioch, &c.*

AGUS chual na h-abstoil agus na bràithrean a bha ann an Iudea, gu'n do ghabh na Cinnich mar an ceudna ri focal Dhé.

2 Agus an uair a chaidh Peadar suas gu Ierusalem, rinn iadsan a bha de'n timchioll-ghearradh, connspoid ris,

3 Ag ràdh, Chaidh thu steach a dh'ionnsuidh dhaoine nach robh air an timchioll-ghearradh, agus dh'ith thu maille riu.

4 Agus thòisich Peadar, agus chuir e'n t-ìomlan 'an cèill doibh ann an ordugh, ag ràdh,

5 Bha mi ann am baile Iopa ri urnuigh; agus ann an neul chunnaic mi sealladh, Soitheach àraidh a' teachd a suas, mar bhraith-lìn mhòir, air a leigeadh a suas o nàmh air a ceithir oisnibh; agus thàinig i a m' ionnsuidh-sa.

6 Agus air dhonn bhacadhachd gu geur

oirre, thug mi fainear, agus chunnaic mi beathaichean, ceithir-chosach na talmhainn, agus na fiadh-bheathaichean, agus na biadan snáigeach, agus eunlaith an athair.

7 Agus chuala mi guth ag ràdh rium, Eirich, a Pheadair; marbh agus ith.

8 Ach thubhairt mise, Nì h-cadh, a Thigh-earna: oir cha deachaidh riamh aon nì coitichionn no neòghlan a steach do m' bheul.

9 Ach fhuicair an guth mi an dara uair o nèamh, Na nithean a ghlan Dia na meas thusa neòghlan.

10 Agus rinneadh so trì uairean: agus thogadh an t-ìomlan a ris suas gu nèamh.

11 Agus, feuch, air ball bha triuir dhaoine air teachd chum an tìge anns an robh mi, a chuiricadh o Chesaarea a m' ionnsuidh.

12 Agus thubhairt an Spiorad rium dol maille riu, gun amharus air bìth a bhi orm. Agus chaidh mar an ceudna an t-seathnar bhriathrean so maille rium, agus chaidh sinn a steach do thigh an duine:

13 Agus nochd e dhuinn cionnus a chunnaic e aingeal 'n a sheasamh 'n a thigh, a thubhairt ris, Cuir daoine gu Iopa, agus cuir fios air Simon, d'an co-aime Peadar;

14 Neach a labhras briathran riut, leis an tearnar thu féin agus do thigh uile.

15 Agus an uair a thòisich mi air labhairt, thuirling an Spiorad naomh orra-san, mar oirne air tùs.

16 An sin chuimhnich mise focal an Tigh-earna, mar a thubhairt e, Bhaist Eoin gun amharus le h-uisge; ach baistear sibhse leis an Spiorad naomh.

17 Uime sin ma thug Dia dhoibh-san tiodhlacan co-ionann ruinne, a chreid anns an Tighearn Iosa Crìosd, cò mise gu'm bithinn comasach bacadh a chur air Dia?

18 Agus an uair a chual iad na nithean so, thosd iad, agus thug iad glòir do Dhia, ag ràdh, Thug Dia ma seadh mar an ceudna do na Cinnich aithreachas eum beatha.

19 A nis chaidh iadsan a sgapadh a mach leis an àmhghar a dh'éirich air son Stephein, gu ruig Phenice, agus Ciprus, agus Antioch, gun am focal a labhairt ri aon neach ach ris na h-Iudhaich a mhàin.

20 Agus bha cuid diubh o Chiprus, agus o Chirene, dream air dhoibh dol a steach do Antioch, a labhair ris na Greugaich, a' sear-monachadh an Tighearna Iosa.

21 Agus bha làmh an Tighearna maille riu: agus chreid àireamh mhòr, agus phill iad chum an Tighearna.

22 Agus thàinig sgeul air na nithibh sin gu cluasaibh na h-eaglais a bha ann an Ierusalem; agus chuir iad Barnabas uatha, chum gu'n rachadh e gu Antioch:

23 Neach an uair a thàinig e, agus a chunnaic e gràs Dhé, a rinn gairdeachas, agus a dh'earailich orra uile, gu'n dlùth-leanadh iad ris an Tighearn le rùn cridhe.

24 Oir bha e 'n a dhuine maith, agus làn de'n Spiorad naomh, agus de chreidimh. Agus chuiricadh sluagh mòr ris an Tigh-earn.

25 An sin chaidh Barnabas gu Tarsus, a dh'iarraidh Shaul.

26 Agus air dha 'fhaotainn, thug e leis e gu Antioch. Agus tharladh, gu'n robh iad ré bliadhna iomlain air an cruinneachadh maille ris an eaglais, agus gu'n do theagaisg iad sluagh mòr; agus gu'n do ghoireadh Crìosduidhean de na deisciobluibh air tùs ann an Antioch.

27 Agus anns na làitheibh sin thàinig faidhean o Ierusalem gu Antioch.

28 Agus air seasamh suas do aon diubh d'am b'aime Agabus, dh'fhoillsich e troimh an Spiorad, gu'm bitheadh gorta mhòr air feadh an domhain uile: nì mar an ceudna a thachair ri linn Chlaudius Chasair.

29 An sin chuir gach aon de na deisciobluibh roinne, a rèir a chomais, còmhnaidh a chur chum nam bràithrean, a bha' chòmh-nuidh ann an Iudea.

30 Nì mar an ceudna a rinn iad, agus chuir iad e chum nan seanaircan le làimh Barnabais agus Shaul.

CAIB. XII.

1 *Rinn Herod gear-leanmhuinn air na Crìosduidhibh, 2 mharbh e Seumas, 3 agus chuir e Peadar ann am prìosan, neach a thugadh a mach le aingeal tre urnuighibh na h-eaglais: 23 Bhuail eadair Herod le aingeal, agus bhàsaich e gu truagh: 24 Shoirbhich le focal Dhé an deigh bàis Heroid.*

A NIS mu'n àm sin, shùin Herod an rìgh a làmh, a dheanamh uile air dream àraidh de'n eaglais.

2 Agus mharbh e Seumas bràthair Eoin leis a' chlaidheamh.

3 Agus an uair a chunnaic e gu'n do thaitinn sin ris na h-Iudhaich, chaidh e air aghaidh a ghlacadh Pheadair mar an ceudna. (Agus b'iad làithean an arain neo-ghoirtichte a bh'ann.)

4 Agus ghlac e agus chuir e'm prìosan e, agus thug se e r'a ghleidheadh do cheithir cheathrar shaidhearan, fa rùn a thoirt a mach do'n t-sluagh an déigh na cèisge.

5 Air an aobhar sin gleidheadh Peadar anns a' phrìosan: ach bha gnàth-urnuigh air a deanamh leis an eaglais ri Dia air a shon.

6 Agus an uair a b'aill le Herod a thoirt a mach, 's an oidheche sin féin bha Peadar 'n a chodal eadar dithis shaidhearan, ceangailte le dà shlabhruidh: agus bha'n luchd-faire fa chomhair an doruis a' coimhead a' phrìosain.

7 Agus, feuch, thàinig aingeal an Tigh-earn' air, agus dhealaich solus anns a' phrìosan: agus bhuail e taobh Pheadair, agus dhuisg se e, ag ràdh, Eirich gu grad. Agus thuit a cheanglaichean d'a làmh.

8 Agus thubhairt an t-aingeal ris, Crìos- laich thu féin, agus ceangail ort do bhonn-

bhrògan : agus rinn e mar sin. Agus thubhairt e ris, Tilg d'fhalluinm umad, agus lean mise.

9 Agus chaidh e mach, agus lean se e; agus cha robh fhios aige gu'n robh e fìor an nì a rinneadh leis an aingeal: ach shaoil e gu'm bu taisbeanadh a chluannaic e.

10 Agus air dhoibh dol troimh 'n cheud agus an dara faire, thàinig iad chum a' gheata iarunn a tha 'treorachadh do'n bhaile, a dh'fhosgail doibh leis féin: agus air dol a mach dhoibh, chaidh iad air an aghaidh troimh aon sràid, agus air ball dh'fhalbh an t-aingeal uath.

11 Agus an uair a thàinig Peadar d'a ionnsuidh féin, thubhairt e, A nis tha fhios agam gu fìrinneach gu'n do chuir an Tighearn 'aingeal uath, agus gu'n do shaor e mi o làimh Heroid, agus o uile dhùil pobuill nan Iudhach.

12 Agus an uair a smuainich e air a' chàis, thàinig e gu tigh Mhuire màthar Eoin, d'an co-aime Marcus, far an robh mòran muinntir cruinn, agus iad ri urn-uigh.

13 Agus an uair a bha Peadar a' bualadh doruis a' gheata, thàinig gruagach d'am b'ainm Roda a dh'éisdeachd.

14 Agus an uair a dh'aithnich i guth Pheadair, tre aobhneas cha d'fhosgail i an geata, ach ruith i stigh, agus dh'innis i gu'n robh Peadar 'n a sheasamh aig a' gheata.

15 Ach thubhairt iad rihe, Tha thu air mhi-chéill. Ach bha ise 'toirt dearb-chinnt gu'n robh e mar sin. An sin thubhairt iad, Is e 'aingeal a tha ann.

16 Ach bhunaich Peadar a' bualadh an doruis: agus an uair a dh'fhosgail iad, agus a chluannaic iad e, bha iad làn namhais.

17 Ach air dhàsan smeideadh orra le a làimh iad a bhì 'n an tosd, chuir e'n céill doibh cionnus a thug an Tighearn as a' phrìosan e. Agus thubhairt e, Innsibh na nìthean so do Sheumas agus do na bràithribh. Agus air dol a mach dha, chaidh e gu àit eile.

18 Agus air teachd do'n là bha iomairt nach bu bheag an measg nan saighdearan, eod a thachair do Pheadar.

19 Agus an uair a dh'iarr Herod e, agus nach d'fhuair se e, rannsaich e an luchd-coimhead, agus dh'orduich e an toirt air falbh chum peanaise. Agus chaidh e sìos o Iudea gu Cèsarea, agus rinn e còmhluaidh an sin.

20 Agus bha fearg mhòr aig Herod ri muinntir Thiruis agus Shìdoin: ach thàinig iadsan a dh'aon iuntinn d'a ionnsuidh, agus air dhoibh Blastus seomradair an rìgh a thoirt air an t-èran, dh'iarr iad sìth; do bhrìgh gu'n robh an tìr air a beathachadh le tìr an rìgh.

21 Agus air là orduichte, air do Herod a bhì air a sgeadachadh le eudach rìoghail,

agus 'n a shuidhe air a rìgh-chaitheir, labhair e gu deasbhriathrach riu.

22 Agus rinn an sluagh iolach, ag ràdh, Is guth Dé so, agus cha ghuth duine.

23 Agus air ball bhuail aingeal an Tighearn e, do bhrìgh nach d'fhuig e a' ghloir do Dhia: agus dh'itheadh le ennuimhibh e, agus chaidh an deò as.

24 Ach dh'fhàs focal an Tighearn agus mheudaichadh e.

25 Agus phill Barnabas agus Saul o Ierusalem, air dhoibh am ministrealachd a choimhlionadh, a' toirt leo mar an ceudna Eoin, d'an co-aime Marcus.

CAIB. XIII.

1 Thaghadh Pòl agus Barnabas gu dol chum nan Cìneach. 7 Mu thimchioll Shergius Pauluis, agus Elimas an druith. 14 Shearmonaich Pòl aig Antioch, gur e Iosa an Crìosd. 42 Chreid na Cìnnich, ach labhair na h-Iudhaich an aghaidh na fìrinn.

ANIS bha anns an eaglais a bha aig Antioch, fàidhean, agus luchd-teagaisg àraidh; mar tha Barnabas, agus Simeon ris an abrar Niger, agus Lucius o Chirene, agus Manaen comh-alta Heroid an Tetràire, agus Saul.

2 Agus air dhoibh bhì ri ministrealachd do'n Tighearn, agus a' trasgadh, thubhairt an Spìrad naomh, Cuiribh air leth dhomh-sa Barnabas agus Saul, chum na h-oibre agus an do ghairm mi iad.

3 An sin air dhoibh trasgadh agus urn-uigh a dheanamh, agus an làmh an chur orra, leig iad uatha iad.

4 Mar sin air dhoibh-san a bhì air an cur a mach leis an Spìrad naomh, chaidh iad sìos gu Seleucia; agus o sin sheòl iad gu Cìpris.

5 Agus air dhoibh a bhì ann an Salamis, shearmonaich iad focal Dhé ann an sionagogaibh nan Iudhach: agus bha mar an ceudna Eoin aca mar fhear-frithealaidh.

6 Agus an uair a chaidh iad troimh an eilean gu Paphos, fhuair iad druith àraidh, fàidh bréige, Iudhach, d'am b'ainm Bariesus:

7 Neach a bha maille ri Sergius Paulus an t-uachdaran, duine tuigseach; air dhàsan Barnabas agus Saul a ghairm d'a ionnsuidh, dh'iarr e focal Dhé a chluinntinn.

8 Ach chuir Elimas an druith, (oir is ann mar so a dh'eadar-theangaichear 'ainm.) 'n an aghaidh, ag iarraidh an t-uachdaran a thionndadh o'n chreidimh.

9 An sin air bhì do Shaul, (d'an goirear Pòl) làn de'n Spìrad naomh, agus ag amharc gu geur air,

10 Thubhairt e, O thusa a tha làn de'n uile cheilg, agus de'n uile dhroch-bheirt, a mhic an diabhuil, a nàmhaid na h-uile fhìreantachd, nach sguir thu a dhì' fhiaradh shlighean dìreach an Tighearna?

11 Agus fèuch a nis, tha làmh an Tighearn' ort, agus bithidh tu dall gun a'

ghrian fhaicinn ré tamuill. Agus air ball thuit cèd agus dorchadas air; agus a' tionndadh mu'n cuairt, dh'iarr e dream a threòraicheadh air làimh e.

12 An sin an uair a chunnaic an t-uachdaran an nì a rinneadh, chreid e, air dha bhì làn iongantais mu theagasg an Tigh-earna.

13 Agus air gabhail luinge do Phòl agus d'a chuideachd o Phaphos, thàinig iad gu Perga na Pamphilia: agus air do Eoin am fagail, phill e gu Ierusalem.

14 Ach air dhoibh-san imeachd o Pherga, thàinig iad gu Antioch na Pisidia, agus chaidh iad a steach do'n t-sionagag air là na sàbaid, agus shuidh iad.

15 Agus an dèigh leughadh an lagha agus nam Faidhean, chuir uachdaran na sionagag d'an ionnsuidh, ag ràdh, Fheara agus a bhràithre, ma tha focal earail agaibh do'n t-sluagh, abraibh e.

16 An sin an uair a sheas Pòl suas agus a smèid e orra le 'làimh, thubhairt e, Fheara Israeil, agus sibhsic air am bheil eagal Dhé, éisdibh.

17 Thagh Dia a' phobull so Israeil ar n-aithrichean, agus dh'ardaich e'm pobull 'n uair a bha iad air choigrich ann an tìr na h-Eiphit, agus le làimh àird thug e iad a mach aisd.

18 Agus mu thimcheall ùine dhà fhichead bliadhna ghiùlain e le 'm beusaibh anns an fhàsach.

19 Agus an uair a sgrios e seachd cinnich ann an tìr Chanaan, roimh e am fearann orrasan le crannchur.

20 Agus 'n a dhéigh sin mu thimcheall ceithir cheud agus leth-cheud bliadhna, thug e dhoibh breitheamhnan, gu Samuel ann fàidh.

21 Agus 'n a dhéigh sin dh'iarr iad rìgh: agus thug Dia dhoibh Saul mac Chis, duine de threibh Bheniamin, ré dhà fhichead bliadhna.

22 Agus air dha esan atharrachadh, thog e suas Daibhidh gu bhì 'n a rìgh dhoibh; d'an d'thug e mar an ceudna fianuis, ag ràdh, Fhuair mi Daibhidh mac Iese, duine a réir mo chridhe féin, a nì m' uile thoil.

23 De shliochd an duine so thug Dia suas do Israel a réir a gheallaidh, Slánuidhear, eadhon Iosa:

24 Air do Eoin roimh a theachd-san, baisteadh an aithreachais air tùs a shearmonachadh do phobull Israeil uile.

25 Agus mar a choimhlion Eoin a thrìall, thubhairt e, An ti a tha sibh a' saoilinn is mise, cha mhi e. Ach feuch, tha neach a' teachd a'm' dhéigh, nach airidh mi air brògan a chos fhuasgladh.

26 Fheara agus a bhràithre, a chlann fine Abraham, agus a mheud agaibh 's air am bheil eagal Dhé, is ann do 'ur n-ionnsuidh-sa a chuireadh focal na slàinte so.

27 Oir iadsan a tha 'chòmhnuidh ann an

Ierusalem, agus an uachdaran, air dhoibh 'bhi aineolach aisan, agus air foclaibh nam Faidhean a tha air an leughadh gach sàbaid, le esan a dhiteadh choimhlion siad iad.

28 Agus ged nach d'fhuair iad coire bàis air bith ann, dh'iarr iad air Pilat gu'n cuirteadh esan gu bàs.

29 Agus an uair a choimhlion iad na h-uile nithean 'bhasgriobhta mu 'thimcheall, thug iad a nuas o'n chrann e, agus chuir iad ann an uaigh e.

30 Ach thog Dia suas o na mairbh e: 31 Agus chunnacas e ré mòrain làithean leosan a chaidh suas maille ris o Ghalile gu Ierusalem, dream a tha 'n am fianuisibh aisan do'n t-sluagh.

32 Agus tha sinne a' soisgeulachadh dhuibh-se a' gheallaidh, a rinneadh do na h-aithrichibh,

33 Gu'n do choimhlion Dia so dhuinne an clann, air dha Iosa 'thogail suas; mar tha e sgriobhta mar an ceudna 's an dara Salm, Is tu mo Mhac-sa, an diugh ghin mi thu.

34 Agus mar dhearbhadh gu'n do thog e suas e o na marbhaibh, gun e a philltinn air ais tuilleadh chum truaillidheachd, thubhairt e mar so, Bheir mise dhuibh trèairean cinnteach Dhaibhidh.

35 Uime sin thubhairt e mar an ceudna ann an Salm eile, Cha-n fhuiling thu do 'Aon naomh gu'm faic e truaillidheachd:

36 Oir an dèigh do Dhaibhidh a ghinealach féin a riarachadh a réirtoile Dhé, chodil e, agus chuireadh e chum 'aithrichean, agus chunnaic e truaillidheachd:

37 Ach an ti a thog Dia suas, cha-n fhac e truaillidheachd.

38 Uime sin bitheadh fhios agaibh-sa, fheara agus a bhràithre, gur ann trè'n duine so tha maiteanas pheacaidhean air a shearmonachadh dhuibh:

39 Agus trid-san tha gach neach a chreid-cas air a shaoradh o na h-uile nithibh, o nach robh e'n comas duibh a bhì air bhur saoradh le lagh Mhaois.

40 Thugaibh aire uime sin, nach tig oirbh ann nì a tha air a ràdh anns na Faidhibh:

41 Fenehaibh, a luchd-tàrcuis, agus gabhaibh iongantais, agus rachadh as duibh: oir oibrichidh mise obair ann bhur làithibh-sa, obair nach creid sibh idir, ged 'chuireadh duine 'an céill duibh e.

42 Agus an uair a chaidh na h-Iudhaich a mach as an t-sionagag, ghuidh na Cinnich gu'n rachadh na briathran so a labhairt riu féin air an t-sàbaid 'n a dhéigh sin.

43 A nis an uair a sgaoil an coimhthional, lean mòran de na h-Iudhaich agus de na proselitich chràbhach Pòl agus Barnabas: agus labhair iadsan riu, agus chuir iad impidh orra buanachadh ann an gràs Dhé.

44 Agus air an là sàbaid a b'fhaigse, is

beag nach do chruinnich am baile gu h-ìomlan a dh'éisdeachd ri focal Dhé.

45 Ach an uair a chunnaic na h-Iudhaich na slòigh, lìonadh iad le h-éud, agus labhair iad an aghaidh nan nithean sin a labhradh le Pòl, a' labhairt 'n an aghaidh agus a' tabhairt toibheim.

46 An sin dh'fhàs Pòl agus Barnabas dàna, agus thubhairt iad, B'éigin focal Dhé 'bhi air a labhairt ribhse air tùs: ach do bhrìgh gu'n do chuir sibh cùl ris, agus gur i bhur breth oirbh féin nach airidh sibh air a' bheatha mhaireannaich, feuch, tha sinne a' pilltinn chum nan Cinneach.

47 Oir is ann mar sin a dh'àithn an Tighearn dhuinn, *ag ràdh*, Chuir mi thu mar sholas do na Cinnich, chum gu'm bitheadh tu mar shlàinte gu ìomall na talmhainn.

48 Agus an uair a chuala na Cinnich so, rinn iad gairdeachas, agus ghlòraich iad focal an Tighearna: agus chreid a mheud 's a bha air an orduchadh chum na beatha maireannaich.

49 Agus sgaoileadh focal an Tighearna feadh na tìre uile.

50 Ach bhrosnuich na h-Iudhaich na mnathan cràbhach agus urramach, agus daoine uaisle na caithreach, agus thog iad geur-leamhuinn air Pòl agus Barnabas, agus thilg iad a mach as an crìochaibh iad.

51 Ach chrath iadsan duslach an cos dhiubh 'n an aghaidh, agus thàinig iad gu Iconium.

52 Agus bha na deisciobuil air an lìonadh le h-aoibhneas, agus leis an Spiorad naomh.

CAIB. XIV.

1 *Dhian-ruagadh Pòl agus Barnabas o Iconium.*

8 *Aig Lìstra leigheis Pòl crioplach: uime sin mheasadh iad 'n an diathan.* 19 *Chlachadh Pòl: 21 chaidh iad troimh iomadh eaglais, a' dainneachadh nan deisciobul ann an creidimh agus ann am foighidinn: 26 agus an uair a phill iad gu Antioch, dh'aitheis iad na nithean a rinn Dia leo.*

A GUS tharladh ann an Iconium, gu'n deachaidh iad araon a steach do shionagor nan Iudhach, agus gu'n do labhair iad air chor as gu'n do chreid cuidcachd mhòr de na h-Iudhaich, agus mar an ceudna de na Greugaich.

2 Ach bhrosnuich na h-Iudhaich mhi-chreidcach, agus lìon iad de dhroch rùn inntinn nan Cinneach an aghaidh nam bràithrean.

3 Uime sin dh'fhan iad aimsir fhada a' labhairt gu dàna nu thimchioll an Tighearn, a rinn fianuis do fhocal a ghràis, agus a thug fainear comharan agus mìorbhuilean a bhi air an deanamh le'n làn-lìon an-san.

4 Ach bha sluagh a' bhaile air an ròinn: agus bha cuid diubh leis na h-Iudhaich, agus cuid eile leis na h-abstolaibh.

5 Agus an uair a thugadh ionnsuidh araon

leis na Cinnich, agus mar an ceudna leis na h-Iudhaich, maille r'an uachdaranaibh, chum iadsan a mhaslachadh agus a chlachadh.

6 'N uair a thug iadsan so, theich iad gu Lìstra agus Derbe, bailtean de Licaonia, agus chum na dàthcha mu'n cuairt:

7 Agus bha iad a' searmonachadh an t-soisgeil an sin.

8 Agus bha ann an Lìstra duine àraidh gun lùth 'n a chosaibh ann a shuidhe, a bha bacach o bhroinn a mhàthar, neach nach d'imich riamh:

9 Chual' esan Pòl a' labhairt: neach air dha anhare gu geur air, agus a thuigsinn gu robh creidimh aige chum a leigheas,

10 Thubhairt e le guth àrd, Seas suas gu dìreach air do chosaibh. Agus leum esan agus dh'imich e.

11 Agus an uair a chunnaic an sluagh an nì a rinn Pòl, thog iad an guth, ag ràdh ann an cànan Licaonia, Tha na diathan air teachd a nuas 'an coslas dhaoine d'ar n-ionnsuidh-ne.

12 Agus ghoir iad de Bharnabas, Iupiter; agus de Phòl, Mercurius, do bhrìgh gu'm b'e am prìomh fhear-labhairt e.

13 An sin thug sagart Iupiteir, a bha fa chomhair an caithreach-san, tairbh agus lus-chrùnan chum nan geata, agus b'ail leis ìobairt a dheanamh maille ris an t-sluagh.

14 Ach an uair a chuala na h-abstoil Barnabas agus Pòl so, reub iad an eudach, agus ruith iad a steach am measg an t-sluaigh, ag éigheach,

15 Agus ag ràdh, A dhaoine, c'ar son a tha sibh a' deanamh nan nithean so? oir is daoine sinne cosmhuil ribh féin thaobh fulangais, a' searmonachadh dhuibhse, pilltinn o na nithibh dìomhain sin chum an Dé bheò, a rinn nèamh, agus an talamh, agus an cuan, agus na h-uile nithean a tha ann: a

16 Neach anns na linnibh a chaidh seachad, a dh'fhuiling do na h-uile Chinnich imeachd 'n an slighibh féin.

17 Gidheadh, cha d'fhàg se e féin gun fhianuis, a' deanamh maith, agus a' toirt dhuinn uisge o nèamh, agus aimsirean tarbhach, a' lìonadh ar eridheachan le biadh agus le subhachas.

18 Agus ag ràdh nan nithean so dhoibh, is gann a chum iad an sluagh gun ìobairt a dheanamh dhoibh.

19 Agus thàinig Iudhaich o Antioch agus o Iconium, agus chomhairlich iad an sluagh, agus air dhoibh Pòl a chlachadh, tharruing iad a mach as a' bhaile e, a' saòilsinn gu robh e marbh.

20 Ach air seasamh do na deisciobuibh m'a thimchioll, dh'éirich e, agus chaidh e steach do'n bhaile; agus air an là maireach dh'imich e maille ri Barnabas gu Derbe.

21 Agus an uair a shearmonaich iad an soisgeul do'n bhaile sin, agus a rinn iad

mòran dheisciobul, phill iad gu Lистра, agus Ieonium, agus Antioch,

22 A' neartachadh anaman nan deisciobul, agus ag earalachadh orra buanachadh 's a' chreidimh, agus a' teagasg gur am tre iomadh àmhghar is éigin duinu dol a steach do rìoghachd Dhé.

23 Agus an uair a dh'orduich iad seanaircan dhoibh anns gach eaglais, agus a rinn iad urnuigh maille ri trasgadh, dh'carb siad iad ris an Tighearn, anns an do chreid iad.

24 Agus an déigh dhoibh dol troimh Phisidia, thàinig iad gu Pamphilia.

25 Agus air dhoibh am focal a labhairt ann am Perga, chaidh iad sìos gu Atalia:

26 Agus sheòl iad as a sin gu Antioch, an t-àit o'n d'earbhadh iad ri gràs Dhé, chum na h-oibre a ehoimhlion iad.

27 Agus an uair a thàinig iad, agus a chruinnich iad an eaglais an ceann a chèile, dh'aithris iad meud nan nithean a rinn Dia leo, agus gu'n d'fhosgail e dorus creidimh do na Cinnich.

28 Agus dh'fhan iad an sin aimsir nach bu bhicag maille ris na deisciobluibh.

CAIB. XV.

1 Dh'éirich connsachadh mòr mu thimchioll an timchioll-ghearraidh: 6 chum na h-abstol comhairle mu'n chùis sin, 22 agus chuir iad orduigh na comhairle ann an litricheibh chum nan eaglaisean. 36 Air do Phòl agus do Bharnabas a bhi 'smuaineachadh air dol araon a dh'amharc am bràithrean, chuir iad a mach air a chèile, agus dhealaich iad.

AGUS theagaisg dream àraidh, a thàinig a nuas o Iudea, na bràithrean, ag ràdh, Mur timchioll-ghearradh sibh a réir gnàtha Mhaois, cha'n eil e'n comas duibh a bhi air bhuir tèarnadh.

2 Uime sin air do Phòl, agus do Bharnabas connsachadh agus deasboireachd nach bu bhicag a bhi aca ri, dh'orduich iad Pòl agus Barnabas, agus dream àraidh eile dhiubh féin, a dhol suas chum nan abstol agus nan seanaircan gu Ierusalem mu thimchioll na ceisde so.

3 Agus air dhoibh a bhi air an toirt air an aghaidh leis an eaglais, chaidh iad troimh Phenice, agus Shamaria, a' cur an cèill iompachadh nan Cinnic: agus thug iad aoiubhneas mòr do na bràithribh uile.

4 Agus an uair a thàinig iad gu Ierusalem, ghabhadh riu leis an eaglais, agus na h-abstolaibh, agus na seanairibh, agus dh'innis iad meud nan nithean a rinn Dia leo-san.

5 Ach dh'éirich dream àraidh de bharaill nam Phairiseach a bha 'n an creidimhich, ag ràdh, Gurbòir an timchioll-ghearradh, agus àithneadh dhoibh lagh Mhaois a choinhead.

6 Agus thàinig na h-abstol agus na seanaircan an ceann a chèile a dh'fheuchainn mu'n chùis so.

7 Agus an déigh mòrain deasboireachd, dh'éirich Peadar agus thubhairt e riu, Fheara agus a bhràithre, tha fhios agaibh o cheann fhada gu'n do ròghnaich Dia 'n ar measg-ne, o'm bheul-sa gu'n cluinneadh na Cinnich focal an t-soisgeil, agus gu'n creideadh iad:

8 Agus rinn an Dia d'an aithne an cridhe, fianais dhoibh, a' tabhairt an Spioraid naoinh dhoibh, mar a thug e dhuinne;

9 Agus cha d'rinn e eadar-dhealachadh eadar sinne agus iadsan, a' glanadh an cridhe le creidimh.

10 C'ar son uime sin a nis a tha sibh a' brosnachadh Dhé, le cuing a chur air muineal nan deisciobul, nach robh ann chuid air n-aithrichean no sinne comasach air a ghiùlan?

11 Gidheadh tha sinn a' creidsinn, tre ghràs an Tighearna Iosa Criosd, gu'n saorar sinn amhuil mar iadsan.

12 An sin dh'fhan a' chuideachd uile 'n an tosd, agus thug iad éisdeachd do Bharnabas agus do Phòl, ag innseadh meud nan coniharan agus nam mìorbhuilean a rinn Dia leo-san an measg nan Cinnic.

13 Agus an déigh dhoibh a bhi 'n an tosd, fireagair Seumas, ag ràdh, Fheara agus a bhràithre, éisdiubh riumsa:

14 Chuir Simeon an cèill cionnus a dh'fhiosraich Dia na Cinnich air tùs, le pobull a ghabhail as am measg d'a ainm féin.

15 Agus do so tha briathran nam fàidhcan a' co-fhreagairt; a réir mar tha e sgrìobhta,

16 An déigh so pillidh mi, agus togaidh mi suas a ris pàillun Dhaibhidh, a tha air tuiteam; agus togaidh mi a ris an mi, a thuit deth, agus cuiridh mi suas e.

17 Chum gu'n iarr fuigheall nan daoine an Tighearn, agus na h-uile Chinnich, air an goirear m'ainm-sa, tha an Tighearn ag ràdh, a tha'deanamh nan nithean sin uile.

18 Aithnichte do Dhia tha 'oibre fein uile o thoiseach an t-saoghail.

19 Uime sin is i mo bhrèth-sa, nach cuir sinn mi-shuaimhneas orra-san de na Cinnich, a tha air pilltinn chum Dhé:

20 Ach gu'n sgrìobh sinn d'an ionnsuidh, iad a sheachnadh truaillicheachd iodholan, agus striopachais, agus ni tachdta, agus fòla.

21 Oir tha aig Maois o na lùibh cian anns gach baile daoine a tha 'g a shearmonachadh, air dha bhi air a leughadh gach là sàbaid anns na sionagogaibh.

22 An sin chunnacas iomchuidh do na h-abstolaibh, agus do na seanairibh, maille ris an eaglais uile, daoine taghta dhiubh féin a chur gu Antioch, maille ri Pòl agus Barnabas; eadhon, Iudas d'an co-ainm Barsabas, agus Silas, daoine inbheach an measg nam bràithrean:

23 Agus sgrìobh iad litrichean leo air an àdigh so, Tha na h-abstòil, agus na sean-airean, agus na bràithrean a' cur beannachd chum nam bràithrean de na Cinnich a tha ann an Antioch, agus ann an Siria, agus ann an Cilicia :

24 Do bhrìgh gn'n cuala sinne, gu'n do chuir dream àraidh a chaidh uainne misuaimhneas oirbh le briathraibh, ag atharrachadh bhuir n-inntinn, ag ràdh, *Gur còir dhuibh* a bhi air bhuir timchioll-ghearradh, agus an lagh a choinheadh; do nach d'thug sinne *a leithid sin a dh'àithne* :

25 Chunnacas iomchuidh dhuinne, air dhuinn a bhi cruinn a dh'aon toil, daoine taghta a chur do 'nr n-ionnsuidh-sa, maille ri ar bràithribh gràdhach Barnabas agus Pòl;

26 Daoine a thug an anaman féin air son ainme ar Tighearna Iosa Criosd.

27 Chuir sinn uime sin Iudas agus Silas uainn, a dh'innseas *dhuibh* na nithean cendna le cainnt bheoil.

28 Oir chunnacas iomchuidh do'n Spiorad naomh, agus dhuinne, gun ni air bith tnull-eadh a chur oirbh a dh'uallaich ach na nithean fenmail so;

29 Sibh a sheachnadh nithean a chaidh iobradh do ìodholaibh, agus fola, agus ni tachdta, agus striopachais: uatha so ma choimhideas sibh sibh féin, ni sibh gu mailh. Slàn leibh.

30 Uime sin an uair a leigeadh natha iad, thàinig iad gu Antioch: agus air cruinneachadh an t-sluaigh dhoibh, thug iad seachad an litir.

31 Agus an uair a leugh iad *sin*, rinn iad gairdeachas air son na comhfhurtachd.

32 Agus air bhi do Indas agus do Silas 'n an fàidhibh iad féin, le mòran bhriathraibh dh'earaillich, agus neartaich iad na bràithrean.

33 Agus air fuirach ré òine dhoibh, leigeadh air falbh 'an sìth iad o na bràithribh chum nan abstol.

34 Gidheadh chunnacas iomchuidh do Silas còmhuidh a dheanamh an sin.

35 Dh'fhan Pòl mar an ceudna agus Barnabas ann an Antioch, a' teagasg agus a' searmonachadh maille ri mòran eile mar an ceudna, fòcail an Tighearna.

36 Agus an deigh làithean àraidh, thubhairt Pòl ri Barnabas, Pilleamaid agus faiceamaid ar bràithrean, anns gach baile anns an do shearmonaich sinn focal an Tighearna, cionnns a tha iad.

37 Agus b'aill le Barnabas iad a thoirt Eoin d'an co-ainm Marcus leo.

38 Ach cha do mheas Pòl gu'm bu chòir dhoibh esan, a dh'fhalbh uatha o Phamphilia, agus nach deachaidh maille ri chum na h-oibre, a thoirt leo.

39 Dh'éirich uime sin connspoid eatorra cho dian, as gu'n do sgaradh o 'chéile iad :

agus mar sin thug Barnabas leis Marcen, agus chaidh e air luing gu Ciprus;

40 Ach thagh Pòl Silas, agus dh'imich e, air dha bhi air earbsadh ri gràs Dhé leis na bràithribh.

41 Agus shiubhail e troimh Shiria agus Chìlicia, a' daingneachadh nan eaglaisean.

CAIB. XVI.

1 *Thimchioll-ghearr Pòl Timoteus: 7 ghairmeadh e leis an Spiorad o dhàithaich gu dàithaich; 14 dh'iompaicheadh Lidia: 16 thug e a mach spiorad fìosachd: 19 uime sin bha e féin agus Silas air an sgàrsadh, agus air an cur 'am prìosan. 26 Dh'fhosgadh dorsan a' phrìosain, agus dh'iompaicheadh an dorsair. 35 Chuireadh iadsan ja sgaoil.*

AN sin thàinig e gu Derbe agus Lистра: agus, feuch, bha deisciobail àraidh an sin, d'am b'ainm Timoteus, mac mnà àraidh de'n chinneach Indhach, a bha 'n a bann-chreidimhich; ach bu Ghreugach a b'ath-air dha:

2 A bha fo dheadh ainm aig na bràithribh a bha ann an Lистра agus ann an Iconium.

3 Bha toil aig Pòl an fear so a dhol a mach maille ris; agus ghabh e agus thimchioll-ghearr se e, air son nan Iudhach a bha anns na h-àitibh sin: oir bha fios aca uile gu'm bu Ghreugach 'athair.

4 Agus mar a shìnbhail iad troimh na bailtibh, thug iad doibh na h-orduighean r'an coimhead, a dh'orduicheadh leis na h-abstolaibh agus na seanairibh a bha ann an Ierusalem.

5 Agus mar sin bha na h-eaglaisean air an daingneachadh anns a' chreidimh, agus mheandaicheadh iad gach là ann an àir-camh.

6 A nis an uair a chaidh iad troimh Phrìgia, agus tìr Ghalatia, agus a bhacadh dhoibh leis an Spiorad naomh an focal a labhairt 's an Asia,

7 An deigh dhoibh teachd gu Misia, dh'fhench iad ri dol gu Bitinia: ach cha do leig an Spiorad leo.

8 Agus air dhoibh gabhail seachad air Misia, chaidh iad sìos gu Troas.

9 Agus chunnacas sealladh le Pòl 's an oidheche: Sheas dnine àraidh o Mhacedonia, agus ghnidh e air, ag ràdh, Thig thairis gu Macedonia, agus cuidich leime.

10 Agus an uair a chunnaic e an sealladh, air ball dh'iarr sinn dol thairis gu Macedonia, a' dearbhadh-thuigsinn gu'n do ghairm an Tighearna sinn chum an soisgent a shearmonachadh dhoibh.

11 Uime sin air dhuinn long a ghabhail o Throas, thàinig sinn gu dìreach gu Samotracia, agus air an là 'n a dhéigh sinn gu Neapolis;

12 Agus o sin gu Philipi, ceud bhaile na cnid sin de Mhacedonia, agus b'ur-threabh-achas e: agus bha sinn a chòmhnuidh anns a' bhaile sin làithean àraidh.

13 Agus air là na sàbaid chaidh sinn a mach as a' bhaile ri taobh aimhne, far am b'abhaist urnuigh a dheanamh; agus air dhuinn suidhe, labhair sium ris na mnàibh a chruinnicheadh *an sin*.

14 Agus dh'èisd beaù àraidh ruinn d'am b'ainm Lidia, bean-reicidh purpur, o bhaile Thiatira, a bha 'deanamh aoraidh do Dhia; aig an d'fhosgail an Tighearn a cridhe, ionnus gu'n d'thug i aire do na nithibh a labhradh le Pòl.

15 Agus au uair a bhaisteadh i, agus a teaghlach, ghuidh i *oirnn*, ag ràdh, Ma mheas sibh mise 'bhi dìleas do'n Tighearn, thigibh a steach do m' thigh, agus deau-aibh còmhuidh *ann*. Agus cho-èignich i sinn.

16 Agus tharladh, ag dol dhuinne chum urnuigh, gu'n do thachair oirnn banoglach àraidh aig an robh spiorad fiosachd, a thug mòr-bhuannachd d'a maighstiribh le fiosachd a dheanamh:

17 Lean ise Pòl agus sinne, agus ghlaodh i, ag ràdh, Is iad na daoine so seirbhisich an Dé a's ro-àirde, a tha'nochdadh dhuinne slighe na slàinte.

18 Agus rinu i so ré mòraiu làithean. Ach air do Phòl a bhi doilich, thionndaidh e agus thubhairt e ris an Spiorad, Tha mi 'toirt orduigh dhuit ann an ainm Iosa Crìosd dol a mach aise. Agus chaidh e mach air an uair sin féin.

19 Agus an uair a chunnaic a maighstir-ea gu'n d'fhalbh dòchas am buannachd, rug iad air Pòl agus air Silas, agus tharruing iad do'n mhargadh *iad*, chum nan uachdaran;

20 Agus air dhoibh an toirt chum luchd-riaghlaidh *a' bhaile*, thubhairt iad, Tha na daoine so a' buaireadh ar baile gu ro mhòr, air dhoibh a bhi 'n an Iudhaich,

21 Agus tha iad a' teagasg ghnàthannan nach 'eil ceaduichte dhuinne a ghabhail no 'leantuinn, do bhrìgh gur Ròmanaich sinn.

22 Agus dh'èirich an sluagh dh'aon-fheachd 'n an aghaidh: agus reub na h-uachdaran an eudach diubh, agus dh'aithn iad *an* sgiùrsadh le slataibh.

23 Agus an déigh dhoibh iomadh buille a leagadh orra, thilg iad 'am prìosan *iad*, a' toirt sparraidh do fhear-coimhead a' phrìosan an gleidheadh gu tèaruinte.

24 Neach air dha an àithne sin fhaotainn, a thilg iad do'n phrìosan a b'fhaide a stigh, agus a dhaingnich an cosan 's a' cheap.

25 Agus mu mheadhon-oidliche air do Phòl agus do Shilas urnuigh a dheanamh, sheinn iad laoidh-mholaidh do Dhia; agus chuala na prìosanaich iad.

26 Agus gu h-obann bha crith-thalmhainn mhòr ann, air chor as gu'n do chrathadh bunaitean a' phrìosain: agus air ball dh'fhosgladh na dorsau uile, agus dh'fhuasgladh cuibreachan gach neach *aca*.

27 Agus air do fhear-coimhead a' phrìosain dèsgadh á codal, agus air faicinn dorsan a' phrìosain fosgailte, tharruing e a chlaidheamh, air ti e féin a mharbhadh, a' saoilisinn gu robh na prìosanaich air teicheadh.

28 Ach ghlaodh Pòl le guth àrd, ag ràdh, Na dean cron sam bith ort féin; oir tha sinn uile an so.

29 Agus air gairm soluis d'àsan, leum e steach, agus thàinig e air chrith, agus thuit e sìos an làthair Phòil agus Shilais;

30 Agus air dha an toirt a mach, thubhairt e, A mhaighstirean, ciod a dh'fheumas mi a dheanamh chum 's gu'n tèarnar mi?

31 Agus thubhairt iadsan, Creid anns an Tighearn Iosa Crìosd, agus tèarnar thu féin, agus do thigh.

32 Agus labhair iad focal an Tighearna ris, agus rìusan uile a bha 'n a thigh.

33 Agus air dha an toirt leis air an uair sin féin do'n oidhe, nigh e *an* creuchdan; agus bhaisteadh e féin, agus a mhuinntir uile, gun dàil.

34 Agus an uair a thug e d'a thigh iad, chuir e bord rompa, agus rium e gairdeachas maille r'a theaghlach uile, a' creidsinn ann an Dia.

35 Agus air teachd do'n là, chuir an luchd-riaghlaidh na maoir uatha, ag ràdh, Leig air an comas na daoine sin.

36 Agus dh'innis fear-coimhead a' phrìosain na briathran so do Phòl, Gu'n do chuir an luchd-riaghlaidh fios uatha sibhse a leigeadh as: uime sin rachaibh a mach, agus imichibh ann an sìth.

37 Ach thubhairt Pòl ri u, an déigh dhoibh ar sgiùrsadh gu follaiseach gun ar dteadh, agus gur Ròmanaich sinn, thilg iad 'am prìosan sinn; agus a nis an b'ail leo ar cur a mach 'an uaignidheas? cha-n eadh gu deimhin; ach thigeadh iad féin agus thugadh iad a mach sinn.

38 Agus dh'iùnis na maoir na briathran sin do na h-uachdaranais: agus ghabh iad eagal an uair a chual' iad gu'm bu Ròmanaich iad.

39 Agus thàinig iad agus chuir iad impidh orra, agus air dhoibh *an* toirt a mach, ghuidh iad *orra* imeachd a mach as a' bhaile.

40 Agus air dol a mach as a' phrìosan doibh, chaidh iad a steach do thigh Lidia: agus an uair a chunnaic iad na bràithrean, thug iad comhfhurtachd dhoibh, agus dh'imich iad rompa.

CAIB. XVII.

1 Shearmonaich Pòl aig Tesalonica, 4 far an do chreid cuid agus an d'inn cuid eile geur-leannmhuinn air. 10 Chuireadh e gu Berea, agus shearmonaich e an sin. 13 Rinneadh geur-leannmhuinn air; 15 thàinig e gu baile na h-Aithne, agus shearmonaich e dhoibh an Dia bed: 34 tha cuid air an iompachadh gu Crìosd.

A NIS air dhoibh imeachd troimh Amphipolis, agus Apolonia, thàinig iad gu

Iosalonica, far an robh sionagag aig na h-Iudhaich:

2 Agus mar bu ghnàth le Pòl, chaidh e steach d'an ionnsuidh, agus air trì làitheibh sàbaid reusonaich e riu as na sgrìobtuiribh, 3 'G am fosgladh agus a' dearbhadh gu'm b'èigin do Chrìosd fulang, agus éiridh a ris o na uairbh: agus gur e an t-Iosa so a tha mise a' searmonachadh dhuibh, Crìosd.

4 Agus chreid cuid diubh, agus lean iad ri Pòl agus ri Silas: agus de na Greugaich chràbhach buidheann mhòr, agus de na màibh indheach àireamh nach bu bheag.

5 Ach air do na h-Iudhaich mi-chreid-mheach a bhi a' searmonachadh le fàrann, ghabh iad d'an ionnsuidh droch dhaoine àraidh de na corraibh margaidh, agus air tionail cuideachd mòire dhiubh, chuir iad an baile uile thar a chèile, agus chuairtich iad tigh Iason, agus dh'iarr iad an toirt a mach chum an t-sluaigh.

6 Agus an uair nach d'fhuair siad iad, tharruing iad Iason, agus bràithrean àraidh chum uachdaran a' bhaile, ag éigheach, Tha na daoine so a chuir an saoghal bun os ceann, air teachd an so mar an ceudna; 7 D'an d'thug Iason aoidheachd: agus tha iad so uile a' cur an aghaidh orduigh Cheasair, ag ràdh, Gu bheil rìgh eile ann, *eadhon* Iosa.

8 Agus chuir iad buaireas fo'n t-sluaigh, agus fo uachdaran a' bhaile, 'n uair a chual' iad na nithean so.

9 Agus an uair a ghabh iad urras o Iason, agus o chàch, leig iad uatha iad.

10 Agus air ball chuir na bràithrean Pòl agus Silas 's an oidheche gu Berea: agus air teachd dhoibh-sau *an sin*, chaidh iad a steach do shionagag nan Iudhach.

11 Bha iad sin ni b'uaisle na muinntir Thesalonica, oir ghabh iad am focal d'an ionnsuidh leis an uile thogradh, 'n rannsachadh nan sgrìobtuirean gach aon là, a dh'fheuchainn an robh na nithean sin mar so.

12 Uime sin chreid mòran diubh: agus mar an ceudna de mhàibh uaisle de na Greugaich, agus de fhearaibh àireamh nach bu bheag.

13 Ach an uair a thuig na h-Iudhaich o Thesalonica gu'n do shearmonaicheadh focal Dhé le Pòl 'am Berea, thàinig iad an sin mar an ceudna, a' brosnuchadh an t-sluaigh.

14 An sin air ball chuir na bràithrean uatha Pòl, chum gu'n rachadh e mar gu'm b'ann chum na mara: ach dh'fhan Silas agus Timoteus an sin fathast.

15 Agus threòraich Iuchd-còimheadachd Phòil e gu baile na h-Aithne; agus air faghail aithne dhoibh gu Silas agus Timoteus, iad a theachd d'a ionnsuidh-san mar bu luaithe, dh'imich iad rompa.

16 A nis am feadh a bha Pòl a' feitheamh

riu 's an Aithne, bha a spiorad air a bhros-nuchadh ann, do bhrìgh gu'm fac e am baile làn iodhol-aoraidh.

17 Air an aobhar sin rinn e deasboireachd ris na h-Iudhaich, agus ris na daoineibh cràbhach anns an t-sionagag, agus air a mhargadh gach là riu-san a thachair air.

18 An sin thug feallsanaich àraidh de na h-Epicurach, agus de na Stoicich, aghaidh air; agus thubhairt cuid, Ciod a b'ail leis an fhear bhith-bhriathrach so a ràdh? thubhairt cuid eile, Is cosmhuil gu bheil e a' searmonachadh dhiathan coimheach; do bhrìgh gu'n do shearmonaich e dhoibh Iosa, agus an aiseirigh.

19 Agus rug iad air, agus thug iad leo e gu Areopagus, ag ràdh, Am feud sinn fios fhaotainn ciod e an teagasg nuadh so, a labhrar leat?

20 Oir tha thu 'toirt nithean àraidh neo-ghnàthach chum ar cluasan: b'ail leinn uime sin fios fhaotainn ciod a's ciall doibh sin.

21 (Oir cha do chaith muinntir na h-Aithne uile agus a' choigrich a bha air chuairt 'n am measg, an uime ri ni air bith eile, ach ri innseadh, no ri cluinntinn ni éigin uadha.)

22 An sin air seasamh do Phòl 'am meadhan Areopagus, thubhairt e, A muinntir na h-Aithne, tha mi 'faicinn gu bheil sibh anns na h-uile nithibh cràbhach thar tomhas:

23 Oir air dhomh 'bhi 'dol seachad, agus ag amharc air bhur nithibh naomha, fhuair mi altair air an robh an sgrìobhadh so, DO'N DIA NEO-AITHNICHTE. Uime sin esan d'am bheil sibh a' deanamh aoraidh gun eòlas agaibh air, is e a tha mise a' searmonachadh dhuibh.

24 An Dia a rinn an saoghal, agus na h-uile nithean a tha ann, do bhrìgh gur e féin Tighearn nheimh agus na talmhainn, cha-n'eil e 'gabhail còmhnuidh ann an teampluibh làmh-dheanta:

25 Ni mò a bheirear aoradh dha le làmhnan dhaoine, mar gu'm bitheadh uireasbhuidh ni sam bith air; oir is e féin a tha 'toirt do na h-uile beatha, agus anail, agus nan uile nithean:

26 Agus rinn e dh'aon fhuil uile chinnich dhaoine, chum iad a ghabhail còmhnuidh air aghaidh na talmhainn uile, agus shonraich e na h-amannan roimh-oruichte, agus crìochan an àite-còmhnuidh;

27 Chum gu'n iarradh iad an Tighearn, a dh'fheuchainn an tarladh dhoibh, le mion-rannsachadh, gu'm faigheadh iad e, ged nach 'eil e fada o gach aon againn:

28 Oir annsan tha sinn beò, agus a' gluasad, agus tha ar bith againn; mar a thubhairt mar an ceudna dream àraidh de ur bàrdaibh féin, Oir is sinne fòs a ghineal-san.

29 Uime sin do bhrìgh gur sinn gineal Dhé, cha chòir dhuinn a shaoilsinn gu bheil an Diadhachd cosmhuil ri h-òr, no ri h-air-

gíod, na rí cloich, nithean a ghearradh le h-ealadhain agus innleádh dhaoine.

30 A nis air do Dhia amhair thairis air aimsiribh an aineolaís so, tha e nis ag àithneadh do na h-uile anns gach àit aithreachas a dheanamh:

31 Do bhrìgh gu'n do shuidhich e là anns an toir e breth air an t-saoghal ann am fìrèantachd, tre'n duine *sin* a dh'orduich e; agus air so thug e deàrbhadh do na h-uile dhaoineibh, le ean a thogail suas o na nàrbhaibh.

32 Agus an uair a chual iad mu aiseirigh nam marbh, rinn cuid diubh fanoid; ach thubhairt cuid eile, Eisdidh sinn riut a rìs mu'n nì so.

33 Agus mar sin chaidh Pòl a mach as am meadhan.

34 Gidheadh, lean cuid de dhaoineibh ris, agus cheird iad. 'N am measg so bha Dionisius an t-Areopagach, agus bean d'am b'ainm Damaris, agus dream eile maille riu.

CAIB. XVIII.

1 Rinn Pòl obair le a làmhnan fèin agus shearmonaich e do na Cinnich ann an Corintus: 9 Thug an Tighearn misneach dha ann an taisbeanadh: 12 chaidh a chasail an làthair an uachdaran Galio, ach teigeadh as e: 18 'n a dhèigh sin, chaidh e o bhaile gubaile, agus neartaich e na deisciobuil, &c.

A N dèigh nan nithean so, dh'fhàg Pòl baile na h-Aithne, agus thàinig e gu Corintus;

2 Agus fhuair e Iudhach àraidh d'am b'ainm Acuila, a rugadh ann am Pontus, air ùr-theachd as an Eadailt, maille r'a mhnaoi Priscila, (a chionn gu'n d'orduich Claudius do na h-Iudhaich uile an Ròimh fhàgail), agus thàinig e d'an ionnsuidh.

3 Agus a chionn gu'n robh e dh'aon cheird riu, dh'fhan e maille riu, agus bha e ag obair, (oir bu cheird doibh a bhi 'deanami phàillium.)

4 Agus thagair e anns an t-sionagog gach aon là sàbaid, agus chuir e impidh air Iudhaich agus Greugaich.

5 Agus an uair a thàinig Silas agus Timoteus o Mhacedonia, bha Pòl air a theannadh 'n a spiorad, agus rinn e fianuis do na h-Iudhaich, gu'm b'e Iosa an Crìosd.

6 Agus an uair a chuir iad 'n a aghaidh, agus a labhair iad toibheum, chrath e 'eudach, agus thubhairt e riu, *Bitheadh* bhur fuil air bhur ceann fèin; *tha* mise glan: a so suas thèid mi chum nan Cinnach.

7 Agus chaidh e as a sin, agus thàinig e gu tigh duine àraidh, d'am b'ainm Iustus, a bha 'deanamh aoraidh do Dhia, agus aig an robh a thigh làmh ris an t-sionagog.

8 Agus cheird Crispus, prìomh uachdaran na sionagoig anns an Tighearn, maille r'a theaghlach uile: agus cheird mòran de na

Corintianaich, air dhoibh éisdeachd ris, agus bhaisteadh iad.

9 An sin thubhairt an Tighearn ri Pòl ann an scalladh 's an oidhche, Na bitheadh eagail ort, ach labhair, agus na bi a'd'fhosd:

10 Oir tha mise maille riut, agus cha toir duinesam bith ionnsuidh ort, chum do chruin a dheanamh: oir tha mòr-shluagh agam-sa anns a' bhaile so.

11 Agus dh'fhan e bliadhna agus sè mìosan an *sin*, a' teagasg focail Dhé 'n am measg.

12 Agus an uair a bha Galio 'n a uachdaran air Achaia, dh'èirich na h-Iudhaich a dh'aon inntinn an aghaidh Phòil, agus thug iad e gu caithir a' bhreitheanaich,

13 Ag ràdh, Tha'n duine so a' comhairleachadh dhaoine aoradh a dheanamh do Dhia an aghaidh an lagha.

14 Agus an uair a bha Pòl a' dol a dh'fhosgladh a bheoil, thubhairt Galio ris na h-Iudhaich, Nam beucor (no droch ghnìomh a bhitheadh ann, O Iudhacha, bu reusonta gu'n giùlainn leibh:

15 Ach ma's ceisd a th' ann timchioll fhocal, agus ainmean, agus bhur lagha fèin, amhaircibh fèin air sin; oir cha-n àill leam-sa 'bhi 'm' bhreitheamh air an leithidibh sin de nithibh.

16 Agus dh'fhuadaich e iad o chaithir a' bhreitheanaich.

17 An sin rug na Greugaich uile air Sostenes, uachdaran na sionagoig, agus ghabh iad air an làthair caithir a' bhreitheanaich: agus cha do ghabh Galio suim do nì sam bith dhiubh sin.

18 Agus dh'fhan Pòl fathast ùine mhaith 's a' bhaile *sin*, agus an sin an dèigh a chead a ghabhail de na bràithribh, chaidh e air luing o sin gu Siria, agus maille ris-san Priscila agus Acuila; an dèigh a cheann a bhearradh ann an Cenchrea: oir bha bòid air.

19 Agus thàinig e gu h-Ephesus, agus dh'fhàg e iadsan an sin: ach chaidh e fèin a steach do'n t-sionagog, agus reusonaich e ris na h-Iudhaich.

20 Agus an uair a dh'iarr iad air fuireach maille riu nì b'fhaide, cha d'aontaich e:

21 Ach ghabh e a chead diubh, ag ràdh, Is éigin domh air gach aon chior an fhéil so a tha 'teachd a choinhead ann an Ierusalem: ach pillidh mi a ris do 'ur n-ionnsuidh-se, ma's toil le Dia. Agus sheòl e o Ephesus.

22 Agus thàinig e gu tìr aig Cesarea, agus air dha dol suas agus fàilt a chur air an eaglais, chaidh e sìos gu Antioch.

23 Agus an uair a dh'fhan e ré tamuill an *sin*, dh'imich e, agus chaidh e 'an ordugh troimh thìr Galatia uile agus Phrigia, a' neartachadh nan deisciobul uile.

24 Agus thàinig gu h-Ephesus Iudhach àraidh d'am b'ainm Apollos, a rugadh ann

an Alecsandria, duine deas-bhriathrach, agus cumhachdach anns na sgrìobtuiribh.

25 Bha'n duine so air a theagasg ann an slighe an Tighearna; agus air dha 'bhi dian 'n a spiorad, labhair agus theagaisg e gu dìchiollach na nithean abhuineadh do'n Tighearna, agus gun còlas aige ach air baisteadh Eoin.

26 Agus thòisich e air labhairt gu dàna 's an t-sionagag. Agus air do Acula agus do Phrisila a chluinntinn, ghabh iad d'an ionnsuidh e, agus mhìnich iad dha slighe Dhé ni bu choimhlionta.

27 Agus an uair bu mhian leis dol gu Achaia, an déigh a chomhairleachadh, sgrìobh na bràithrean chum nan deisciobul iad a ghabhail ris: neach, air dha teachd, a rinn còmhnaidh mòr riu-san a chreid tre ghràs:

28 Oir le mòr-dhìchioll reusonaich e ris na h-Iudhaich gu follaiseach, a' dearbhadh leis na sgrìobtuiribh, gur e Iosa an Crìosd.

CAIB. XIX.

1 *Tha an Spiorad naomh air a' tnuairt le làmhnan Phòil.* 9 *Thug na h-Iudhaich toibheum d'a theagasg, a bha air a' dhuinneachadh le mìorbhuilb.* 13 *Bhuailteadh na h-Iudhaich a bha 'cur spiorad fo gheasaibh leis an Diabhul.* 19 *Loisgeadh leabhraichean Druidheachd.* 24 *Air ghaol buannachd d'a fèin bhuair Demetrius am pobull an aghaidh Phòil.*

A GUS tharladh, 'n uair a bha Apollo annan Corintus, air do Phòil dol troimh na crìochaibh uachdarach, gu'n d'fhàinig e gu Ephesus. Agus air faotainn dheisciobul àraidh,

2 Thubhairt e riu, An d'fhuair sibh an Spiorad naomh o chreid sibh? Agus thubhairt iadsan ris, Cha chuala sinn uiread as gu bheil Spiorad naomh ann.

3 Agus thubhairt e riu, Ciod ma seadh anns an do bhaisteadh sibh? Agus thubhairt iadsan, Ann am baisteadh Eoin.

4 An sin thubhairt Phòil, Bhaist Eoin gu deimhin le baisteadh an aithreachais, ag ràdh ris an t-sluagh, iadsan a chreidsinn anns an neach a bha gu teachd 'n a dhéigh-san, sin r'a ràdh, ann an Iosa Crìosd.

5 Agus an uair a chual iad so, bhaisteadh iad ann an ainm an Tighearna Iosa.

6 Agus air do Phòil a làmhnan a chur orra, thàinig an Spiorad naomh orra; agus labhair iad le teangaibh, agus rinn iad fàidh-eadaireachd.

7 Agus bha ann uile mu dhà shear dheug.

8 Agus chaidh e san a steach do'n t-sionagag, agus labhair e gu dàna ré thri miosan, a' reusonachadh agus a' comhairleachadh nan nithean a bhuineas do rìoghachd Dhé.

9 Ach an uair a chruadhaicheadh cuid, agus nach do chreid iad, ach a labhair iad oir mu'n t-slighe sin an làthair an t-sluaigh,

dh'fhàg e iad, agus sgar e na deisciobul uatha, agus bha e gach là a' reusonachadh ann an sgoil neach àraidh d'am b'ainm Tiranus.

10 Agus rinneadh so ré dhà bhliadhna; air chor as gu'n cuala luchd-dèiteachaidh na h-Asia uile, eadar Iudhaich agus Ghreugaich, focal an Tighearna Iosa.

11 Agus rinn Dia mìorbhuilean nach bu bheag le làmhnan Phòil:

12 Air chor as gu'n d'fhugadh o 'chorp-san chum nan daoine tinne, neapaisean no aprain, agus gu'n d'fhalbh an euslaintean uatha, agus gu'n deachaidh na droch spioraid a mach asda.

13 Agus ghabh dream àraidh de na h-Iudhaich, a bha 'g imeachd o àit gu h-ait, a' cur spioradan fo gheasaibh, os làimh ainm an Tighearna Iosa ainmceachadh os ceann na muinntir sin anns an robh droch spioraid, ag ràdh, Cuireamaid fo gheasaibh sibh tre Iosa a tha Pòl a' searmonachadh.

14 Agus bha aig Seebha Iudhach àraidh, aon de na h-àrd-shagartaibh, seachdnar mhac a bha 'deanamh so.

15 Agus fllreagair an droch spiorad, agus thubhairt e, Tha còlas agam air Iosa, agus is aithne dhomh Pòl: ach cò sibhse?

16 Agus leum an duine anns an robh an droch spiorad orra, agus air dha làmh an uachdar fhaotainn orra, thug e buaidh orra, air chor as gu'n do theich iad a mach as an tigh sin lomnochd agus reubta.

17 Agus fhuair na h-Iudhaich uile agus mar an ceudna na Greugaich a bha 'tàmh ann an Ephesus fios air so; agus thuit eagal orra uile, agus bha ainm an Tighearna Iosa air àrdachadh.

18 Agus thàinig mòran diubh-san a chreid, ag aideachadh, agus ag innseadh an gnìomh-aran.

19 Agus thug mòran diubh-san a bha 'gnàthachadh dhroch innleachdan, an leabh raichean leo, agus loisg siad iad 'an fiamuis nan uile: agus rinn iad an luchd àireamh, agus fhuair iad e 'n a leth-cheud mìle bonn airgid.

20 Mar sin le cumhachd dh'fhàs agus bhuadhaich focal an Tighearna.

21 Agus an uair a choimhlionadh na nith-ean so, chuir Phòil roimhe 'n a spiorad, an déigh dha imeachd troimh Mhacedonia, agus Achaia, dol gu Ierusalem, ag ràdh, An déigh dhomh 'bhi an sin, is éigin domh an Ròimh fhaicinn mar an ceudna.

22 Agus air dha dìthiis dhiubh-san a bha 'frithealachadh dha, Timoteus, agus Erastus, a chur do Mhacedonia, dh'fan e fèin ré tam-uill 's an Asia.

23 Agus dh'éirich mu'n àm sin iomairt nach bu bheag mu thimechioll na slighe sin.

24 Oir bha ceard-airgid àraidh d'am b'ainm Demetrius ann, a bha 'deanamh theampull airgid do Dhiana, agus a thug buannachd nach bu bheag do'n luchd-ceirde;

25 Agus air dha iadsan a chruinneachadh an ceann a chèile, agus a' mhuinntir eile a bha dh'aon cheird riu, thubhairt e, Fheara, tha fhios agaibh gur ann o'n cheird so tha ar beartas againne:

26 Os bàrr, tha sibh a' faicinn agus a' cluinntinn gu bheil am Pòl so le 'chomhairle air tionndadh air falbh sluaigh mhòir, cha-n ann a mha'n ann an Ephesus, ach cha mhòr 's an Asia uile, ag ràdh, Nach diathan iad a nìhear le Ìmhan:

27 Air chor as nach e mha'n gu bheil e'n cunnart gu'n deanar tàir air ar ceird; ach mar an cendna gu'n cuirear teampull na ban-dé mòire Diana 'an neo-phlris, agus gu'n claoidhear a mòrachd-sa, d'am bheil an Asia uile, agus an domhan a' deanamh aoraidh.

28 Agus an uair a chual iadsan so, lionadh le feirg iad, agus ghlaodh iad, ag ràdh, Is mòr Diana nan Ephesianach.

29 Agus bha am baile uile air a lionadh le mi-riaghailt: Agus ruith iad a dh'aon toil chum àite-crùinneachaidh an t-sluaigh, a' tarruing leò Ghainis agus Aristarchus Macedonaich, luchd comh-thuruis Phòil.

30 Agus an uair a b'ail le Pòl dol a steach chum an t-sluaigh, cha do leig na deisciobuil leis.

31 Agus mar an ceudna chuir cuid de nachdaranaibh na h-Asia, a bha 'n an càirdibh dha, fios d'a ionnsuidh, a' guidhe air nach rachadh e gu àite-crùinneachaidh an t-sluaigh.

32 Ghlaodh uime sin cuid diubh aon ni, agus cuid ni eile: oir bha an coimhthional troimh a chèile, agus cha robh fios aig a' chuid a bu mhòd car son a thàinig iad cuid-eachd.

33 Agus tharruing iad a mach Alecsander as an t-sluaigh, air bhi do na h-Iudhaich 'ga iomain rompa. Agus smèid Alecsander le 'laimh, agus b'ail leis a leithseul a ghabhail ris an t-sluaigh.

34 Ach an uair a thnig iad gu'm b' Iudhaich e, rinneadh àrd-iolach leo uile mn thim-chioill uime dhà nair, a' glaochaidh Is mòr Diana nan Ephesianach.

35 Agus an uair a chùinich an clèireach an slugh, thubhairt e, Fheara Ephesus, cò an duine aig nach 'eil fios gu bheil baile nan Ephesianach a' deanamh aoraidh do'n bhandha mhòir Diana, agus do'n dealbh a thuit a nuas o Iupiter?

36 Air an aobhar sin do bhrìgh nach fheadar cur an aghaidh nan nithean so, is còir dhuibhse 'bhi ciùin, agus gun ni sam bith a dheanamh gu h-obann.

37 Oir thug sibh an so na daoine so, ged nach 'eil iad a' creachadh teampull, no a' toirt tobheim d'ar ban-dia.

38 Uime sin ma tha aig Demetrius agus aig an luchd-ceird a tha maille ris, cùis an aghaidh neach air bith, tha'n lagh réidh

dhoibh, agus tha nachdarain ann; agradh iad a chèile.

39 Ach ma tha ceisd sam bith agaibh mu nithibh eile, réitichear sin ann an coimhthional dligeach.

40 Oir tha sinn 'an cunnart a bhi air ar n-agaairt air son ceannaire air an là'n diugh, do bhrìgh nach 'eil cùis sam bith againn a dh'fheadas sinn a thoirt seachad mar aobhar a' chruinneachaidh so.

41 Agus air dha so a ràdh, sgaoil e an coimhthional.

CAIB. XX.

1 Chaidh Pòl do Mhacedonia: 7 fhrithheil e suipeir an Tighearna. agus shearmonaich e: 9 air do Eutichus tuiteam sìos 'an riochd mairbh, thogadh suas beò e. 17 Aig Miletus ghairm Pòl seanairean na h-eaglais an ceann a chèile, agus dh'inns e dhoibh ciod a bha gu tachairt dha fèin, &c.

A GUS an dèigh do'n chomh-ghair sgar, ghairm Pòl na deisciobuil d'a ionnsuidh, agus air dha a chead a ghabhail diubh, thriall e gu dol do Mhacedonia.

2 Agus air dha dol troimh na crìochaibh sin, agus mòr-earail a thoirt dhoibh, thàinig e do'n Ghréig;

3 Agus dh'fhan e an sin trì mìosan: agus an uair a bha na h-Iudhaich ri feall-fholach air a shon, agus a rùn air dol air luing do Shiria, chuir e roimhe piltinn troimh Mhacedonia.

4 Agus chaidh 'n a chuideachd gu h-Asia, Sopater o Bherca; agus de mhuinntir Thesalonica, Aristarchus agus Secundus; agus Gaius o Dherbe, agus Timoteus; agus de mhuinntir na h-Asia, Tichicus agus Trophimus.

5 Air dhoibh so imeachd romhainne, dh'fheith iad ruinn ann an Troas.

6 Agus sheòl sinn o Philipi, an dèigh làithean an arain neo-ghoirtichte, agus thàinig sinn d'an ionnsuidh-san gu Troas ann an cùig làithibh, far an d'fhan sinn seachduin.

7 Agus air a' cheud là de'n t-seachduin, air do na deisciobluibh cruinneachadh an ceann a chèile a bhriseadh arain, shearmonaich Pòl doibh, agus a rùn air imeachd uatha air an là maireach, agus leap e air labhairt gu meadhan-oidhche.

8 Agus bha mòran lòchran anns an t-seòmar uachdarach, far an robh iad cruinn.

9 Agus bha òganach àraidh d'am b'ainm Eutichus 'n a shuidhe ann an ninneig, air tuiteam ann an trom chodhal: agus air do Phòl a bhi ré fad a' searmonachadh, shàr-uicheadh leis a' chodhal e, agus thuit e sìos o'n treas lobhta, agus thogadh marbh e.

10 Agus chaidh Pòl sìos, agus thuit e air, agus air dha a ghlaodh 'n a uchd, thubhairt e, Na bitheadh trioblaid oirbh; oir tha 'anam ann.

11 Agus air dol suas da a ris, bhris e aran

agus dh'ith e, agus labhair e riu ré ùine fhada, cadhon gu teachd na maidne, agus mar sin dh'fhalbh e.

12 Agus thug iad leo an t-òganach agus e beò, agus rinn iad gairdeachas nach bu bheag.

13 Agus air dhuinne imeachd air thois-each chum na luinge, sheòl sinn gu Asos, fa rùn Pòl a ghabhail a steach an sin: oir is ann mar sin a dh'orduich e, a' cur roimhe gu'n imicheadh e féin d'a chois.

14 Agus an uair a choinnich e sinn aig Asos, ghabh sinn a steach e, agus thàinig sinn gu Mitilene.

15 Agus air seòladh dhuinn as a sin, thàinig sinn air an là maireach fa chomhair Chiois; agus air an là 'n a dhéigh sin thàinig sinn gu Samos, agus dh'fhan sinn aig Trogillum; agus air an là b'fhaisge thàinig sinn gu Miletus.

16 Oir chuir Pòl roimhe seòladh seach Ephesus, chum nach tarladh dha moille a dheanamh anns an Asia: oir rinn e cabhag chum, nam feudadh e, 'bhi ann an Ierusalem air là na Cuingeis.

17 Agus chuir e fios o Miletus gu h-Ephesus, agus ghairm e d'a ionnsuidh seanairean na h-eaglais.

18 Agus an uair a thàinig iad d'a ionnsuidh, thubhairt e riu, Tha fhios agaith, cionnus a bha mi 'n ur measg anns an uile àimsir, o'n cheud là a thàinig mi do'n Asia.

19 A' deanamh seirbhis do'n Tighearn le's gach uile ìrìoslachd inntinn, agus maille ri mòran dheur, agus dheuchainnean, a thach-air dhomh le ceilg nan Iudhach.

20 Agus cionnus nach do ghléidh mi ni sam bith 'am folach a bha feumail dhuibhse, gun a nochdadh dhuibh, agus gun sibhse a theagasg 'am follais, agus o thigh gu tigh,

21 A' deanamh fianuis araon do na h-Iudhach, agus do na Greugaich, mu aithreachas a thaobh Dhé, agus mu chreidimh a thaobh ar Tighearna Iosa Crìosd.

22 Agus a nis feuch, tha mi 'dol gu Ierusalem ceangailte 's an Spiorad, gun fhios agam ciod iad na nithean a tharlas dhomh an sin;

23 Ach a mhàin gu bheil an Spiorad naomh a' deanamh fianuis anns gach baile, ag ràdh, Gu bheil geimhlichean agus trioblaidean a' feitheamh orn.

24 Ach cha-n'eil suim agam do ni air bith, ni mò 'tha mi a' meas m'anama féin luachmhor dhomh, chum gu'n crìochnaich mi mo thurus le h-aobhneas, agus gu'n coimhlion mi a' mhinistireachd a fhuair mi o'n Tighearn Iosa, a dheanamh fianuis do shoisgeul gràis Dhé.

25 Agus a nis feuch, tha fhios agam nach faic sibhse uile, measg an d'imich mise a' searmonachadh rìoghachd Dhé, mo ghnùis ni's mo.

26 Uime sin tha mi a' deanamh fianuis

dhuibh air an là'n diugh, gu bheil mise glan o fhuil nan uile.

27 Oir cha do sheachainn mi uile chomhairle Dhé fhoillseachadh dhuibh.

28 Air an aobhar sin thugaibh aire dhuibh féin, agus do'n treud uile, air an d'rinn an Spiorad naomh luchd-coimhead dhibh, a bheathachadh eaglais Dhé, a cheannaich o le 'fhuil féin.

29 Oir tha fhios agam-sa air so, an déigh m' imeachd-sa gu'n tig madaidh-allaidh gharga 'n ur measg, nach caomhain an treud.

30 Agus éiridh daoine dhibh féin, a labhras nithean fiara, chum deisciobuil a tharruing 'n an déigh féin.

31 Uime sin deanaibh faire, a' cuimhneachadh nach do sguir mise ré thri bliadhna, a chomhairleachadh gach aon agaibh a là agus a dh'oidheche le deuraibh.

32 Agus a nis, a bhràithre, earbam sibh ri Dia, agus ri focal a ghràis, a tha comasach air bhur togail suas, agus oighreachd a thoirt dhuibh an measg na muinntir sin uile a tha air an naomhachadh.

33 Cha do shanntaich mi airgid, no òr, no eudach duine sam bith.

34 Seadh, is aithne dhuibh féin, gu'n do fhrithheil na lamhan so do m' uireasbhuidh féin, agus do'n mhuinntir sin a bha maille rium.

35 Nochd mi na h-uile nithean dhuibh, gur ann le saothreachadh mar so is còir dhuibh còmhnaidh a dheanamh riu-san a tha ann-mhun; agus fòail an Tighearna Iosa a chuimhneachadh, mar a thubhairt e, Tha e ni's beannaichte ni a thoirt na 'ghabhail.

36 Agus air dha na briathran so a ràdh, leig se e féin air a ghlùinibh, agus rinn e urnuigh maille riu uile.

37 Agus ghuid iad uile gu goirt, agus thuit iad air muineal Phòil, agus phòg iad e,

38 Air dhoibh a bhi gu h-àraidh brònach air son nam briathar so a thubhairt e, Nach faiceadh iad a ghnùis-san ni's mò. Agus thug iad coimheadachd dha chum na luinge.

CAIB. XXI.

1 Cha ghabhadh Pòl comhairleachadh o dhol gu Ierusalem. 8 Mu Philip an soisgeulaiche agus a cheathrar nighean a bha 'n am ban-fhàidhibh. 17 Thàinig Pòl gu Ierusalem, 27 far an robh e air a ghlacadh agus ann an cunnart mòr. 31 Theasairgadh e leis an àrd-chairtin.

A GUS air dhuinn dealachadh riu-san, sheòl sinn romhainn, agus thàinig sinn gu dìreach gu Coos, agus air an là maireach gu Rodos, agus as a sin gu Patara:

2 Agus air dhuinn long fhaotainn a bha a' gabhail thairis gu Phenicia, chaidh sinn air bord, agus sheòl sinn romhainn.

3 Agus air dhuinn teachd 'an sealladh

Chipruis, agus fhàgail air an làimh chli, sheòl sinn gu Siria, agus thàinig sinn gu tìr aig Tirus: oir is ann an sin a bha an long agus a luchd a chur a mach.

4 Agus air dhuinn deisciobuil fhaotainn, dh'fhan sinn an sin seachd làithean: muinntir a thubhairt ri Pòl tre'n Spiorad, gun e dhol suas gu Ierusalem.

5 Agus an uair a chrìochnaiceadh na làithean sin, chaidh sinn a mach, agus thrial sinn romhainn; agus thàinig iadsan uile maille ri mnàibh agus ri cloinn 'n 'ur cuideachd, a mach as a' bhaile: agus chaidh sinn air ar glùinibh air an tràigh, agus rinn sinn urnuigh.

6 Agus an dèigh dhuinn ar cead a ghabhail d'a chéile, chaidh sinn do'n luing; agus phill iadsan d'an tighibh féin.

7 Agus an uair a chrìochnaich sinn ar turas o Thirus, thàinig sinn gu Ptolemais, agus chuir sinn fàilte air na bràithribh, agus dh'fhan sinn aon là maille ri u.

8 Agus air an là maireach, air dhuinne, a bha de chuideachd Phòil, imeachd, thàinig sinn gu Cesarea; agus chaidh sinn a steach do thigh Philip an t-soisgeulaiche, (a bha de'n t-seachdnar,) agus dh'fhan sinn aige.

9 Agus bha ceathrar nighean aige-san, òighean, a bha ri fàidheadaireachd.

10 Agus ag fantuinn duinn mòran làithean an sin, thàinig a nuas o Iudca fàidh àraidh, d'am b'ainm Agabus.

11 Agus an uair a thàinig e d'ar n-ionnsuidh-ne, ghabh e crios Phòil, agus cheangail e a làmhann agus a chosan féin, agus thubhairt e, Mar so tha an Spiorad naomh ag ràdh, Is ann mar so a cheanglas na h-Iudhaich ann an Ierusalem an duine d'am buin an crios so, agus bheir iad thairis e do làmhann nan Cinneach.

12 Agus an uair a chuala sinn na nithean so, ghuidh sinn féin agus muinntir an àite air, gun e dhol suas gu Ierusalem.

13 An sin fhreagair Pòl, Ciod a's ciall duibh a' gul, agus a' briseadh mo chridhe? oir tha mise ullamh cha-n e a mhàin gu bhì air mo cheangal, ach eadhon gu bàsachadh ann an Ierusalem air son ainme an Tigh-earna Iosa.

14 Agus an uair nach gabhadh e comhairle, sguir sinne, ag ràdh, Deanar toil an Tighearna.

15 Agus an dèigh nan làithean so, air dhuinn a bhì ullamh, chaidh sinn suas gu Ierusalem.

16 Agus chaidh mar an cèudna maille ruinn cuid de na deisciobluibh o Chesarea, a' toirt leo Mhnasoin o Chiprus, seann deisciobul àraidh, aig an robh sinn gu 'bhi air aoidheachd.

17 Agus an uair a thàinig sinn gu Ierusalem, ghabh na bràithrean ruinn gu subhach.

18 Agus air an ath là, chaidh Pòl maille

ruinne dh'ionnsuidh Sheumais; agus bha na seanairean uile a làthair.

19 Agus air dhàsan fàilte 'chur orra, chuir e'n céill doibh fa leth na nithean a rinn Dia le 'ndhinistreibheachd-san am measg nan Cinneach.

20 Agus an uair a chual iadsan so, thug iad glòir do'n Tighearna, agus thubhairt iad ris-san, Tha thu 'faicinn, a bhràthair, cia lìon mìle de na h-Iudhaich a tha 'creidsinn; agus tha iad uile ro eudmhor mu'n lagh.

21 Agus chual iad umad-sa, gu bheil thu 'teagasg do na h-Iudhaich uile a tha 'measg nan Cinneach, Maois a threigsinn, ag ràdh riu, Nach còir dhoibh an clann a thimechioll-ghearradh, no gluasad a réir nan gnàth.

22 Ciod uime sin a nìthear? Gun teagamh, is éigin do'n t-sluagh cruinneachadh: oir cluinidh iad gu'n d'thàinig thu.

23 Uime sin dean an nì so a tha sinne ag ràdh riut: Tha ceathrar fhear maille ruinne, air am bheil bòid;

24 Thoir iadsan leat, agus bi air do ghlanadh maille riu, agus dean costus leo, chum gu'm bearr iad an cinn: agus gu'm bi fhios aig na h-uile nach 'eil ach neo-nì anns na chual iad mu d' thimechioll-sa, ach gu bheil thu féin mar an cèudna ag imeachd gu riaghailteach, agus a' coimhead an lagha.

25 Ach mu thimechioll nan Cinneach a chreid, sgrìobh sinne agus b'ì ar breth, gun iad a ghleidheadh a h-aon de na nìthibh sin, ach a mhàin iad féin a choimhead o nìthibh a chaidh iobradh do iodholaibh, agus o fhuil, agus o nì tachdta, agus o striopachas.

26 An sin ghabh Pòl na daoine; agus air an là maireach air dha 'bhi air a ghlanadh maille riu, chaidh e steach do'n teampull, a' foillseachadh coimhlionaidh làithean a' ghlanaidh, agus an tugadh tabhartas air son gach aon aca.

27 Agus an uair a bha na seachd làithean ach beag air an coimhlionadh, air do na h-Iudhaich o'n Asia ean fhaicinn's an teampull, bhrosnuich iad am pobull uile, agus chuir iad làmh ann.

28 Ag éigheach, Fheara Israeil, cuidichibh: is e so an duine a tha 'teagasg nan uile dhaoine anns gach àit an aghaidh a' phobuill, agus an lagha, agus an àite so: agus os barr, thug e steach Greugaich do'n teampull, agus shalaich e'n t-ionad naomh so.

29 (Oir chunnaic iad Trophimus an t-Ephe-sianach roimhe sin anns a' bhaile maille ris, agus shaoil iad gu'n d'thug Pòl a steach do'n teampull e.)

30 Agus ghluaiseadh am baile gu h-ion-lan, agus ruith an sluagh cuideachd: agus air dhoibh breith air Pòl, tharruing iad a mach as an teampull e: agus air ball dhùin-cadh na dorsan.

31 Agus an uair a b'ail leo a mharbhadh, chaidh sgeula dh'ionnsuidh àrd-cheannaird

na cuideachd, gu'n robh Ierusalem uile thar a chéile:

32 Neach air ball a thug leis saighdearan, agus ceannardan-cheud, agus a ruith sìos d'an ionnsuidh: Agus an uair a chunnaic iadsan an t-àrd-cheannard agus na saighdearan, sguir iad de bhualadh Phòil.

33 An sin thàinig an t-àrd-cheannard am fàgas agus rug e air, agus dh'àithn e a cheangal le dà shlabhraidh; agus dh'fhiosraich e, Cò e, agus ciod a rinn e.

34 Agus ghlaodh aon chuid am measg an t-sluaigh aon ni, agus cuid eile ni eile: agus an uair nach robh e 'an comas da cinnteachd na cùise a thuigsinn air son na h-àrd-bhruidhne, dh'orduich e esan a thoirt do'n chaisteal.

35 Agus an uair a thàinig e chum na staidhreach, tharladh gu'n do ghiùlaineadh e leis na saighdearaibh, air son foireigin an t-sluaigh.

36 Oir lean am mòr-shluagh e, a' glaoth-aich, Beir uainn e.

37 Agus an uair a bha Pòl gu bhi air a thoirt a steach do'n chaisteal, thubhairt e ris an àrd-cheannard, An cead domh-sa ni a labhairt riut? agus thubhairt esan, An labhair thu Gréigis?

38 Nach tusa an t-Eiphiteach sin a thog ceannaire roimh na làithibh so, agus a thug leat do'n fhàsach ceithir mìle fear a bha 'an luchd-mortaich?

39 Ach thubhairt Pòl, Is duine mise a tha a'm' Iudhach gun amharus o Tharsus, saor-dhuine de bhaile ro inbheach ann an Cilicia: agus guidheam ort, thoir cead domh labhairt ris an t-sluagh.

40 Agus an uair a thug e cead da, Air do Phòl seasamh air an staidhir, smèid e le làimh air an t-sluagh, ag iarraidh éisdachd: agus air fantuinn ro thosdach dhoibh-san, labhair e ri u's a' chànan Eabhruidhich, ag ràdh,

CAIB. XXII.

1 *Chuir Pòl gu pail an cèll cinntus a dh'iompaicheadh e chum a' chreidimh, 17 agus a' ghairmeadh e chum na h-abstolachd. 22 'N uair a dh'ainmich e na Cinnich, thog am pobull aon ghàir ris: 24 Bha e gu 'bhi air a sgiùradh; 25 ach air dha a' chòir-shaorsa mar Romanach agairt, leigeadh as e.*

THEBARA, a bhràithre, agus aithriche, éisdibh-se ri m' dhòn-chainnt ribh a nis:

2 (Agus an uair a chual iadsan gu'n do labhair e ri u's a' chànan Eabhruidhich, bu mhòid a thosd iad: agus thubhairt esan.)

3 Is Iudhach mise da rìreadh, a rugadh ann an Tarsus na Cilicia, ach a thogadh suas 's a' bhaile so, aig cosaibh Ghamalieil, agus a thecagaisgeadh gu coimhionta a réir gnàtha lagha nan aithrichean, agus bha mi eudmhor a thaobh Dhé, mar a tha sibhse uile an diugh.

4 Agus rinn mi geur-leanmhuinn gu bàs air an t-slighe so, a' ceangal fhear agus bhan, agus 'g an tarring gu prìosan:

5 Mar a ni an t-àrd-shagart mar an ceudna fianuis domh, agus comhairle nan sean-airean uile; o'n d'fhuair mise mar an ceudna litrichean chum nam bràithrean, agus chaidh mi gu Damascus, chum an dream a bha'n sin a thoirt ceangailte gu Ierusalem, chum gu'n deantadh peanas orra.

6 Agus tharladh, air dhomh 'bhi 'g imeachd, agus a' druicheadh ri Damascus mu mheadhon-là, gu'n do dhealraich gu h-obann o nèamh solus mòr mu'n cuairt orm.

7 Agus thuit mi air an talamh, agus chuala mi guth ag ràdh, A Shaul, a Shaul, c'ar son a tha thu 'g am gheur-leanmhuinn-sa?

8 Agus fhreagair mise, Cò thu, a Thigh-carna? Agus thubhairt e rium, is mise Iosa o Nasaret, air an bheil thusa a' deanamh geur-leanmhuinn.

9 Agus chunnaic na daoine a bha maille rium an solus gu deimhin, agus ghabh iad eagal; ach cha chual iad guth an ti a labhair rium-sa.

10 Agus thubhairt mise, Ciod a ni mi, a Thighearna? Agus thubhairt an Tighearn rium, Eirich, agus imich gu Damascus, agus an sin labhar riut mu thimcheall nan nith-ean sin uile a dh'orduicheadh dhuit-sa a dheanamh.

11 Agus an uair nach bu léir dhomh tre ghloir an t-soluis sin, air dhomh 'bhi air mo thèòrachadh air làimh leo-san a bha maille rium, thàinig mi gu Damascus.

12 Agus air do dhuine àraidh *d'am b'ainm* Ananias, a bha cràbhach a réir an lagha, agus air an robh deadh theistean aig na h-Iudhaich uile a bha 'chòmhnuidh *an sin*,

13 Teachd a m' ionnsuidh, agus seasamh làimh rium, thubhairt e rium, A Shaul a bhràthair, faigh do radharc. Agus air an uair sin féin dh'amhaire mi suas air.

14 Agus thubhairt esan, Thagh Dia ar n-aithrichean roimh-làimh thusa, chum gu'n gabhadh tu eòlas air a thoil, agus gu'm faiceadh tu an t-Aon cothromach sin, agus gu'n cluinnadh tu guth as a bheul.

15 Oir bithidh tu a'd' fianuis aige chum nan uile dhaoine, air na nithibh a chunnaic agus a chuala tu.

16 Agus a nis c'ar son a tha thu a' deanamh moile? Eirich, agus bi air do bhaisteadh, agus ionnlaid uait do pheacaidhean, a' gairm air ainm an Tighearna.

17 Agus tharladh, 'n uair a phill mise gu Ierusalem, agus a bha mi a' deanamh urnuigh 's an teampull, gu'n deachaidh mi ann an neul,

18 Agus gu'm faca mi esan ag ràdh rium, Dean deifir, agus imich gu grad á Ierusalem; oir cha ghabh iad ri d' theistean mu m' thimcheall-sa.

19 Agus thubhairt mise, A Thighoarna,

tha fhios aca gu'n robh mise a' tilgeadh ann am prìosan, agus a' sgiùrsadh anns gach sionagag iadsan a chreid annad-sa:

20 Agus an uair a dhòirteadh fuil do mhairtrich Stephin, bha mise mar an ceudna a'm sheasamh a làthair, agus ag aontachadh leis a nharbhadh, agus a' coimhead eudaich na muinntir a nharbh e.

21 Agus thubhairt e rium, Imich: oir cuiridh mise thu 'am fad chum nan Cinn-each.

22 Agus dh'éisd iad ris gus an fhocal so, agus thog iad an sin an guth gu h-àrd, ag ràdh, Beir o'n talamh a leithid so de dhuine; oir cha chòir c' bhli beò.

23 Agus an uair a bha iadsan ag éigheach, agus a' tilgeadh dhiubh an eudaich, agus a' tilgeadh luathre 's an athar,

24 Dh'àithn an t-àrd-cheannard esan a thoirt do'n chaisteal, ag orduchadh a cheasnachadh le a sgiùrsadh; chum gu'm faigheadh e fios ciod i a' choire mu'n robh iad a' glaodhaich mar sin 'n a aghaidh.

25 Agus an uair a bha iad 'g a cheangal le iallaibh, thubhairt Pòl ris a' cheannard-cud a sheas a làthair, Am bheil e cead-uite dhuibhse duine a tha 'n a Romanach a sgiùrsadh, agus gum e air a dhùteadh?

26 Agus an uair a chual an ceannard-cud so, dh'imich e agus dh'innis e do'n àrd-cheannard, ag ràdh, Thoir fainear ciod a ni thu; oir is Romanach an duine so.

27 An sin thàinig an t-àrd-cheannard d'a ionnsuidh, agus thubhairt e ris, Innis domhsa, an Romanach thu? Agus thubhairt esan, Is seadh.

28 Agus fhreagair an t-àrd-cheannard, Is mòr an t-suim air an do cheannaich mise an t-saorsa so. Agus thubhairt Pòl, Ach rugadh mise saor.

29 An sin dh'imich iadsan uaith air ball a bha gus a cheasnachadh: agus ghabh an t-àrd-cheannard mar an ceudna eagal 'n uair a thuig e gu'm bu Romanach e, agus a chionn gu'n do cheangail se e.

30 Agus air an là màireach, air dha 'bhi togarrach air fios cinnteach fhaotainn ciod i a' choire a bha na h-Iudhaich a' cur as a leth, dh'fhuasgail se e o a chuibhreachaibh, agus dh'àithn e do na h-àrd-shagartaibh agus d'an comhairle uile teachd a làthair, agus air dha Pòl a thoirt sìos, chuir e 'n am fianuis e.

CAIB. XXIII.

1 Thagair Pòl a chèis. 2 Dh'orduich Ananias a bhualadh. 7 Comsachadh am measg a luchd-casaid. 11 Thug Dia misneach dha. 14 Nochdadh feall nan Iudhach an aghaidh Phòil do'n àrd-cheannard. 23 Chuir se e gu Felies an t-uachdaran.

AGUS air dearcadh do Phòl air a' chomhairle, thubhairt e, Fheara agus

a bhràithre, anns an uile dhcadh chognis chaith mise mo bheatha a thaobh Dhé gus an là'n diugh.

2 Agus dh'àithn an t-àrd-shagart Ananias dhoibh-san a bha 'n an seasamh làimh ris, a bhualadh air a bheil.

3 An sin thubhairt Pòl ris, Buailidh Dia thusa, a bhalla ghcalaichte: oir am bheil thusa a'd' shuidhe a thoirt breth ormsa a réir an lagha, agus an aghaidh an lagha ag orduchadh mo bhualadh?

4 Agus thubhairt iadsan a sheas làimh ris, Am bheil thusa a' toirt ana-cainnt do àrd-shagart Dhé?

5 An sin thubhairt Pòl, Cha robh fhios agam, a bhràithre, gu'm b'e an t-àrd-shagart e: oir tha e sgriobhta, Na labhair olc mu uachdaran do phobuill.

6 Ach an uair a thuig Pòl, gu robh cuid diubh 'n an Sadusaich, agus a' chuid eile 'n am Phairisich, ghlaodh e anns a' chomhairle, Fheara agus a bhràithre, is Phairis-each mise, mac Phairisich: is ann a leth dòchais agus aiseirigh nam marbh, a tha mi air mo thoirt 'am breitheanas.

7 Agus air dhàsan so a labhairt, dh'éirich comhstri eadar na Phairisich agus na Sadusaich: agus roinneadh an coimhthional an aghaidh a chéile.

8 Oir tha na Sadusaich ag ràdh nach 'eil aiseirigh, no aingeal, no spiorad ann; ach tha na Phairisich ag aideachadh gach aon diubh.

9 Agus dh'éirich gair mhòr: agus air seasamh suas do na sgrìobhaichibh a bha air taobh nam Phairiseach, chathaich iad 'n an aghaidh, ag ràdh, Cha-n'eil sinne 'faotainn cron air bith 's an duine so: ach ma labhair spiorad no aingeal ris, na cogamaid an aghaidh Dhé.

10 Agus an uair a dh'éirich comsachadh mòr eatorra, air do'n àrd-cheannard a bhi fo eagal gu'n rachadh Pòl a tharruing as a chéile leo, dh'àithn e do na saighdearaibh dol sìos, agus esan a thogail leis an làimh làidir as am meadhon, agus a thoirt do'n chaisteal.

11 Agus air an oidhe 'n a dhèigh sin, sheas an Tighearn làimh ris, agus thubhairt e, Bitheadh misneach mhaith agad, a Phòil; oir mar a rinn thu fianuis mu m' thimchioll-sa ann an Ierusalem, is amhuil sin is éigin duit fianuis a dheanamh anns an Ròimh.

12 Agus air teachd do'n là, chruinnich dream àraidh de na h-Iudhaich 'an ceann a chéile, agus chuir siad iad féin fo mhallachadh, ag ràdh, nach itheadh agus nach dlàdh iad gus am marbhadh iad Pòl.

13 Agus bha iad os ceann dà fhichead fear a rinn an co-mhionnachadh so.

14 Agus thàinig iad chum nan àrd-shagart, agus nan seanairean, agus thubhairt iad, Chuir sinne sinn féin fo àrd-mhallachadh,

nach blais sinn ni sam bith gus am marbh sinn Pòl.

15 A nis uime sin iarraibh-sa maille ris a' chomhairle air an àrd-cheannard, gu'n tugadh e do 'ur n-ionnsuidh-sa e am màireach, mar gu'm bitheadh a rùn oirbh fios fhaotainn ni bu choimhlionta air ni éigin m'a thimchioll; agus tha sinne deas chum esan a mharbhadh, mu'n tig e'm fagus duibh.

16 Agus an uair a chuala mac peathar Phòil am feall-fholach so, thàinig e, agus air dha dol a steach do'n chaisteal, dh'innis e sin do Phòil.

17 An sin ghairm Pòl d'a ionnsuidh aon de na ceannardaibh-cheud, agus thubhairt e, Thoir an t-òganach so chum an àrd-cheannard; oir tha ni àraidh aige r'a innseadh dha.

18 An sin thug e leis e, agus thredraich se e chum an àrd-cheannard, agus thubhairt e, Ghairm Pòl am prìosunach mise d'a ionnsuidh, agus ghuidh e orm an t-òganach so thoirt a d' ionnsuidh-sa, aig am bheil ni-éigin r'a innseadh dhuit.

19 An sin rug an t-àrd-cheannard air a làimh, agus chaidh e a leth-taobh 'an àrigh-nidheas *maille ris*, agus dh'fhiosraich e *dheth*, Ciod a tha agad r'a innseadh dhomh-sa?

20 Agus thubhairt esan, Rinn na h-Iudhaich comhairle iarraidh ortsa, gu'n tugadh tu Pòl am màireach do'n chomhairle, mar gu'm bitheadh iad gu ramsachadh n's géire a dheanamh air ni-éigin m'a thimchioll.

21 Ach na coataich thusa leo: oir tha os ceann dà fhichead fear dhiubh ri feall-fholach 'n a aghaidh, a chuir iad féin fo mhallachadh, nach ith agus nach òl iad gus am marbh iad e: agus a nis tha iad ullamh, a' feitheamh ri gealladh uaitse.

22 An sin leig an t-àrd-cheannard uaith an t-òganach, agus dh'aithean e dha, *ag ràdh*, *Feuch* nach innis thu do neach sam bith, gu'n d'fhoillsich thu na nithean so dhomh-sa.

23 Agus ghairm e d'a ionnsuidh dà cheannard-ceud, agus thubhairt e, Ulluchibh dà cheud saighdear a thèid gu Cesarea, agus deich agus trì fichead marcach, agus dà cheud fear-sleagha, air an treas uair de'n oidhehe.

24 Agus ulluchibh eich, chum air dhoibh Pòl a chur orra, gu'n toir iad e gu tearuinte chum an uachdarain Felices.

25 Agus sgrìobh e litir air a' mhodh so: 26 Beatha agus slàinte o Chlaudius Lìsias, chum an uachdarain ro òirdheire Felices.

27 Ghlacadh an duine so leis na h-Iudhaich, agus an uair a bha iad air tì a mharbhadh, thàinig mise orra le saighdearaibh, agus thug mi dhiubh e, a' tuigsinn gu'm bu Romanach e.

28 Agus air dhomh 'bhi toileach air fios an

aobhair fhaotainn air son an d'agair iad e. thug mi sìos e chum an comhairle-san:

29 Agus thug mi gu'n robh e air agairt mu cheisidh d'an lagh féin, gun ni sam bith air a chur as a leth a b'airidh air bàs no air ceanglaichibh.

30 Ach an uair a dh'innseadh dhomh gu'n robh na h-Iudhaich gu feall a chaitheadh air an duine, air ball chuir mi a d' ionnsuidh-sa e, agus thug mi àithne mar an ceudna d'a luchd-casaid, gach eus a bha aca 'n a aghaidh a chur 'an céill a'd làthair-sa. Slàn leat.

31 An sin air do na saighdearaibh Pòl a ghabhail, a réir mar dh'aitheadh dhoibh, thug iad 's an oidliche e gu Antipatris.

32 Agus air an là màireach leig iad do'n mharc-shluagh dol leis, agus phill iad féin do'n chaisteal.

33 Agus an uair a chaidh iad a stigh do Chesarea, agus a thug iad an litir do'n uachdarain, chuir iad mar an ceudna Pòl 'n a fhianuis.

34 Agus an uair a leugh an t-uachdarain an litir, dh'fhiosraich e cò an dùthaich o'n robh e. Agus an uair a thug e gur ann o Chìlicia bha e,

35 Thubhairt e, Eisdidh mi riut, 'n uair a thig do luchd-casaid mar an ceudna. Agus dh'aithean e esan a choimhead ann an talla-breitheanais Heroid.

CAIB. XXIV.

1 Air do Phòl a bhì air a chasaid le Tertullus an teang-fhear, 10 fhearagair e air a shon féin thaobh a chaithe-beatha agus a theagaisg: shearmonaich e Crìosd do'n uachdarain agus d'a mnaoi. 26 Bha sùil aige-san ri airgid fhaotainn uaith, ach 'an dòmhain: 27 fa dheireadh, 'n uair a chuireadh as a dhreuchd e, dh'fhàg e Pòl 'an prìosan.

A GUS an ceann chùig làithean 'n a dhéigh sin, chaidh Ananias an t-àrd-shagart sìos maille ris na scanairibh, agus ri Tertullus fear-tagraidh àraidh, muinntir a nochd iad féin an làthair an uachdarain an aghaidh Phòil.

2 Agus an uair a ghairmeadh a mach e thòisich Tertullus air a chasaid, a' ràdh, Do bhrìgh gu bheil sinn tromhadh-sa a' mealtuinn mòr-shlith, agus gu'n d'rinneadh iomadh deadh ghmìomh do'n chinneach so tre do ghliocas-sa,

3 Tha sinne 'gabhair ri so, anns gach àm agus anns gach àit, Fhelics ro òirdheire, maille ris gach uile bhuidheachas.

4 Ach, chum nach cuirinn mòr-mhoille ort, guidheam ort, de d' shuairceas gu'n éisd thu ruinn gu h-ath-ghoirid.

5 Oir fhuair sinn am fear so 'n a phlàigh, agus a' dùsgadh nan Iudhach uile gu ceannaire air feadh an domhain, agus 'n a cheann-feadhna do luchd saobh-chreidimh nan Nasarenach.

6 Neach mar an ceudna a thogair an team-

pull a shalachadh; agus a ghlac sinne, agus b'áil leinn breth a thoirt air a réir ar lagha féin:

7 Ach air teachd do Lisias an t-árd-cheannard oirim, thug e le mòr-ainneart as ar lámhan e.

8 Ag áithneadh d'a luchd-casaid teachd a d' ionnsuidh-sa; neach o'm feud thu le a cheannachadh, fíos fhaotainn air na h-uile m'ithibh a tha sinne a' cur as a leth.

9 Agus dh'aontaich na h-Iudhaich mar an ceudna, ag ràdh, Gu'n robh na nithean sin mar sin.

10 An sin air do'n uachdaran smèideadh air Pòl e a labhairt, fhreagair esan, Is mòid mo mhisneach gu freagairt air mo shon féin, gu bheil fhios agam gu'n robh thusa ré mòrain bhliadhna a'd' bhreith-eamh air a' chinneach so:

11 Oir feudaidh tu fíos fhaotainn, nach mò na dà là dheug o chaidh mi suas gu Ierusalem a dheanamh aoraidh.

12 Agus cha d'fhuair iad mi a' deasboir-eachd ri aon neach 's an teampull, no a' brosnuchadh an t-sluaigh gu ceannaire, aon chuid 's na siouagogaibh, no anns a' bhaile.

13 Nì mò is urrainn iad na nithean sin a dh'earbhadh a tha iad a' cur as mo leth.

14 Ach tha mi ag a' deachadh so dhuitse, gur ann a réir na slighe sin ris an abair iadsan saobh-chreidimh, a tha mise a' deanamh aoraidh do Dhia m'aithrichean, a' creidsinn nan uile nithean a tha sgrìobhta 's an lagh agus anns na faidhribh:

15 Agus tha dòchas agam 'an Dia, ris am bheil siul mar an ceudna aca féin, gu'n tig aiseirigh nam marbh, nam firean araon agus nan neo-fhirean.

16 Agus an so tha mi a' saothreachadh a ghnàth coguis neo-lochdach a bhi agam a thaobh Dhé, agus a thaobh dhaoine.

17 A nis an deigh mòrain bliadhnamhan, thàinig mi a thoirt dèirce chum mo chinn-ich, agus thabhartas.

18 Air a so fhuair Iudhaich àraidh o'n Asia mi air mo ghlanadh 's an teampull, gun sluagh, agus gun bhuaircas.

19 Muinntir d'am bu chòir a bhì'n so a'd' làthair-sa, agus m'agairt, nam bitheadh ni sam bith aca a'm' aghaidh.

20 No abradh iad so féin, na fhuair iad cucoir sam bith annam-sa, 'n uair a sheas mi an làthair na comhairle;

21 Mur ann a m'bhàin air son an oin fhocail so, a ghlaodh mi a'm' sheasamh 'n am measg, Gur ann air son aiseirigh nam marbh, a tha mi air mo thoirt gu breith-eanas leibhse an diugh.

22 Agus an uair a chuala Felicsna nithean so, air dha eòlas ni bu dìomhaltha bhi aige air an t-slighe sin, chuir e air dàil iad, ag ràdh, 'N uair a thig Lisias an t-árd-cheannard a nuas, làn-rannsaichidh mi bhur cuis.

23 Agus dh'àithn e do cheannard-ceud Pòl

a ghleidheadh, agus e bhi fuasgailte aige agus gun neach d'a mhuinntir féin a bhacadh o fhrithealadh dha, no teachd d'a ionnsuidh.

24 Agus an deigh làithean àraidh, 'n uair a thàinig Felics maille r'a mhnai Drusilla, a bha 'n a Ban-Iudhach, chuir e fíos air Pòl, agus dh'éisd e ris mu thimchioll a' chreidimh ann an Crìosd.

25 Agus air dhàsan a bhi a' reusonachadh mu fhìreantachd, stuaim, agus breitheanas ri teachd, ghabh Felics cagal mòr, agus fhreagair e, Imich romhad an tràth so; 'n uair a bhitheas ùine agam, cuiridh mi fìos ort.

26 Bha dùil aige mar an ceudna gu'n rachadh airgid a thoirt da le Pòl, chum gu'm fuasgladh se e: uime sin chuir e fìos air ni bu trice, agus labhair e ris.

27 Ach air do dhà bhliadhna 'bhi air an coimhlionadh, thàinig Porcius Festus 'an àit Felics: agus air do Felics a bhi toil-each comain a chur air na h-Iudhaich, dh'fhàg e Pòl ceangailte.

CAIB. XXV.

1 Chasaid na h-Iudhaich. Pòl an làthair Fhestus: 8 fhreagair Pòl air a shon féin, 11 agus thog e a chàis gu Ceasar. 14 Dh'fhosgail Festus cùis Phòil do Agrippa, agus dh'innis e nach d'fhuairadh còire air bith ann a b'airidh air bàs.

A NIS 'n uair a thàinig Festus do'n mhòr-roim, 'an ceann trì làithean chaidh e suas o Chesarea gu Ierusalem.

2 Agus nochd an t-árd-shagart agus maith-ean nan Iudhach iad féin 'n a làthair an aghaidh Phòil, agus chuir iad impidh air.

3 Ag iarraidh fabhair 'n a aghaidh, gu'n cuireadh e fìos air gu Ierusalem, agus iad a dheanamh feall-fholach chum esan a mharbhadh air an t-slighe.

4 Ach fhreagair Festus, Gu'm bu chòir Pòl a ghleidheadh ann an Cesarea, agus gu'n rachadh e féin an sin gu h-aithighearr.

5 Uime sin, ars' esan, rachadh iadsan 'n 'ur measg a dh'fheadas, sìos maille riun-sa, agus ma tha coire air bith 's an duine so, cuireadh iad sin as a leth.

6 Agus air dha fantuim 'n am measg os ceann deich làithean, chaidh e sìos do Chesarea; agus air an là màireach shuidh e air a' chaitlir-bhreitheanis, agus dh'àithn e Pòl a thoirt a làthair.

7 Agus an uair a thàinig esan, sheas na h-Iudhaich a thàinig a nuas o Ierusalem m'a thimchioll, a' cur choireannan lionmhor agus mòra á leth Phòil, nach b'urraim iad a dh'earbhadh:

8 'N uair a fhreagair esan 'g a shaoradh féin, Cha d'rinn mi cionta sam bith an aghaidh lagha nan Iudhach, no 'n aghaidh an teampull, no 'n aghaidh Cheasair.

9 Ach air bhi do Fhestus togarrach air toileachas-inntinn a thoirt do na h-Iudh-

aich, fhreagair e Pòl, agus thubhairt e, An àill leatsa dol suas gu Ierusalem, agus an siu dol fo bhreitheanas thaobh nan nithean sin ann am làthair-sa?

10 An sin thubhairt Pòl, Tha mi 'm' sheasamhaig caithir-breitheanais Cheasair, far an còir breth a thoirt orm: air na h-Iudhaich cha d'riun mi eucoir sam bith, mar is maith tha fios agadsa.

11 Oir ma tha mi 'deanamh eucoir, agus ma riuu mi ni sam bith a thoill bàs, cha-n eil mi 'diultadh bàs fhulang: ach mur 'eil ni sam bith dhiubh sin *fior* a tha iad so a' cur as mo leth, cha-n fheud duine sam bith mo thoirt thairis doibh. Tha mi 'togail mo chùis gu Ceasar.

12 An sin an dèigh do Fhestus labhairt ris a' chomhairle, fhreagair e, An do thog thu do chùis gu Ceasar? gu Ceasar théid thu.

13 Air dol do làithibh àraidh seachad, thàinig Agripa an rìgh agus Bernice gu Cesarea a chur faillte air Festus.

14 Agus air dhoibh mòran làithean a chaitheadh an sin, chuir Festus cùis Phòil 'an cèill do'n rìgh, ag ràdh, Dh'fhàgadh duine àraidh le Fèlics 'n a phrìosanach.

15 Air-san, an uair a bha mise ann an Ierusalem, rinn na h-àrd-shagartan agus seanairean nan Iudhach casaid *rium*, ag iarraidh binùe 'n a aghaidh.

16 D'an d'thug mise am freagradh so, Cha-n e gnàth nan Romanach duine sam bith a thoirt thairis chum bàis, gus am bi aig an neach a tha air agairt, a luchd-casaid aghaidh ri h-aghaidh, agus gu'm bi cothrom aige air e fèin a shaoradh o'n choire a chuireadh as a leth.

17 Uime sin an uair a thàinig iad arao an so, gu mhoille sam bith shuidh mi air an là màireach 's a' chaithir-bhreitheanais, agus dh'àithn mi'n duine a thoirt a làthair.

18 Agus an uair a sheas a luchd-casaid m'a thimchioll, cha do chuir iad coire air bith as a leth de na nithibh a shaoil mise:

19 Ach thug iad ceisdean àraidh 'n a aghaidh mu thimchioll an creidimh fèin, agus mu thimchioll Iosa àraidh, a fhuair bàs, neach a thubhairt Pòl a bha beò.

20 Agus a chionn gu robh mise amharasach mu thimchioll an teinne sin de cheisidibh, dh'fheòraich mi dheth am b'àill leis dol suas gu Ierusalem, agus an siu dol fo bhreitheanas mu na nithibh so.

21 Ach an uair a dh'iarr Pòl a choimhead gus am fiosraichteadh a chùis-san le Augustus, dh'àithn mi e 'bhi air a ghleidheadh gus an cuirinn gu Ceasar e.

22 An sin thubhairt Agripa ri Festus, B'àill leamsa fèin an duine so 'chluinntinn. Am màireach, thubhairt esan, cluinidh tu e.

23 Uime sin air an là màireach, 'n uair a thàinig Agripa, agus Bernice, le mòr-ghreadhnachas, agus a chaidh iad a steach

maille ris na h-àrd-cheannardaibh agus prìomh-dhaoinibh na caithreach do'n ionad-èisdeachd, air do Fhestus àithne a thoirt, thugadh Pòl a làthair.

24 Agus thubhairt Festus, A rìgh Agripa, agus sibhse a dhaoine uile a tha làthair an so maille ruim, tha sibh a' faicinn an duine so, mu'n do chuir sluagh nan Iudhach uile ionpaidh ormsa, arao an ann an Ierusalem, agus an so, a' glaochaidh nach bu chòir e bhi ni b'fhaide beò.

25 Ach an uair a thuig mise nach d'rinn e ni sam bith a thoill bàs, agus a chionn gu'n do thog e fèin a chùis gu Augustus, shonraich mi a chur d'a ionnsuidh.

26 Mu nach 'eil ni sam bith cinnteach agam r'a sgrìobhadh chum mo Thighearna. Uime sin thug mi mach e do 'ur n-ionnsuidh-sa, agus gu h-àraidh a d' ionnsuidh-sa, a rìgh Agripa, chum an dèigh rannsachadh a dheanamh, gu'm bitheadh agam ni éigin r'a sgrìobhadh.

27 Oir is mi-reusanta a'u' bhacadh-sa prìosanach a chur *uam*, agus gu'n na cùisean a tha 'n a aghaidh ainmeachadh.

CAIB. XXVI.

1 An làthair Agripa, chuir Pòl 'an cèill a chaithe-beatha o 'dige, 12 agus cionnus a dh-ionpaicheadh e gu mìorbhuileach, agus a ghairmeadh e gu bhì 'n a abstol. 24 Chuir Festus as a leth gun robh e air a chuthach, ach fhreagair esan gu sèimh. 31 Mheas a' chuid-eachd gu h-ionmhan neo chiontach e.

AN sin thubhairt Agripa ri Pòl, Tha cead agad labhairt air do shon fèin. An sin shìn Pòl a mach a làmh, agus fhreagair e air a shon fèin,

2 Tha mi 'g am mheas fèin sona, a rìgh Agripa, do bhrìgh gu bheil mi gu freagairt air mo shon fèin an diugh a'd làthair-sa, thaobh nan nithean sin uile a tha air an cur as mo leth leis na h-Iudhaich.

3 Gu h-àraidh, a chionn gu bheil thusa eòlach air gach gnàth agus ceisd a tha am measg nan Iudhach: uime sin guidheam ort, éisd rium gu foighidneach.

4 Tha mo bheatha-sa o m'dige, a chaith-eadh air tùs am measg mo chinnich fèin ann an Ierusalem, aithnichte do na h-Iudhaich uile;

5 D'am b'àithne mi o thùs, (nam b'àill leo fianais a dheanamh,) gu'n do chaith mi mo bheatha a'm Phairiseach, a réir an luchd comh-bharail a's teinne d'ar creidimh-ne.

6 Agus a nis tha mi 'm' sheasamh fo bhreitheanas air son dòchais a' gheallaidh a riuneadh le Dia d'ar n-aithrichibh:

7 Chum am bheil dùil aig ar dà thréibh dheug-ne teachd, a' deanamh seirbhìs do *Dhia* a là agus a dh'oidhech do ghnàth; agus air son an dòchais so tha mise, a rìgh Agripa, air m'agairt leis na h-Iudhaich.

8 C'ar son a mheasar leibhse mar ni do-chreidsinn, gu'n dùisgeadh Dia na mairbh?

9 Gu deimhin mheas mise annam féin, gu'm bu chòir dhomh mòran nithean a dheanamh an aghaidh ainme Iosa o Nasaret.

10 Ni mar an ceudna a rinn mi ann an Ierusalem: agus air faotainn ùghdarrais o na h-àrd-shagartaibh, dhruid mi mòran de na naomh ann am prìosanaibh; agus an nair a chuireadh gu bàs iad, thug mi mo ghuth 'n an aghaidh.

11 Agus a' deanamh peanaidh orra gu minic anns gach sionagag, cho-èignich mi iad gu toibheum a labhairt; agus air dhomh 'bhi gu ro mhòr air bhoile 'n an aghaidh, rinn mi geur-leanmhuinn orra, eadhon gu bailtibh coigreach.

12 Air a so 'n uair a bha mi 'dol gu Damascus, le cumhachd agus barantas o na h-àrd-shagartaibh;

13 Mu mhacadh-là, O a rìgh, chunnaic mi air an t-slighe solus o nèamh, a bu shoilleire na solus na grèine, a' dealrachadh mu'n cuairt orm, agus orra-san a bha 'g imeachd maille rium.

14 Agus an uair a thuit sinn uile air an talamh, chuala mi guth a' labhairt rium, agus ag ràdh anns a' chainnt Eabhruidhich, A Shaul, a Shaul, c'ar son a tha thu ga m' gheur-leanmhuinn? Is cruaidh dhuitse 'bhi 'breabadh an aghaidh nan dealg.

15 Agus thubhairt mise, Cò thu, a Thigh-earn? Agus thubhairt esan, Is mise Iosa a tha thusa a' geur-leanmhuinn.

16 Ach éirich, agus seas air do chosaibh; oir dh'fhoillsich mi mi féin duit chum na crìche so, gu'n orduichinn thu a'd' nìhnistear agus a'd' fhianuis araon air na nithibh sin a chunnaic thu, agus air na nithibh anns am foillsich mi mi féin duit;

17 Ga d' shaoradh o'n t-sluagh, agus o na Cinnich, chum am bheil mi nis ga d' chur.

18 A dh'fhosgadh an sùil, chum gu'n tionndaidh iad o dhorchadas gu solus, agus o chumhachd Shàtain gu Dia, chum gu faigh iad maithanas pheacaidhean, agus oighreachd maille ris a' mhuinntir sin a tha air an naomhachadh tre'n chreidimh a tha annam-sa.

19 Uime sin, a rìgh Agripa, cha robh mi eas-ùmhail do'n taisbeanadh nèamhaidh:

20 Ach shearmonaich mi air tùs dhoibh-san ann an Damascus, agus ann an Ierusalem, agus air feadh tìre Iudea uile, agus an sin do na Cinnich, iad a dheanamh aithreachais agus pilltinn ri Dia, a' deanamh oibre ionmhuinn an aithreachais.

21 Air son nan nithean so ghlac na h-Iudhaich mi 's an teampull, agus b'ail leo mo mharbhadh.

22 Uime sin air dhomh còmhnaidh fhaotainn o Dhia, bhunaich mi gus an là'n diugh, a' deanamh fianuis do'n bheag agus do'n mhòr, gun ni air bith a' labhairt ach na nithean sin a thubhairt na fàidhean agus Maois a bha gu teachd;

23 Gu'n robh Criosd gu fulang, agus gu'n robh e gu éirigh an ceud neach o na marbhaibh, agus gu'm foillsicheadh e solus do'n phobull, agus do na Cinnich.

24 Agus air dha 'bhi 'labhairt nan nithean so air a shon féin, thubhairt Festus le guth àrd, Tha thu air mhi-chéill a Phòil: tha mòr-fhòghlum ga d' chur air bhoile.

25 Ach thubhairt esan, Cha-nèil mi air bhoile, Fhestuis ro òirdheirc; ach tha mi a' labhairt bhriathran na firinn agus na céille.

26 Oir tha fhios aig an rìgh roimh am bheil mise a' labhairt gu saor, air na nithibh so: oir tha cinnt agam nach 'eil a h-aon de na nithibh so 'an ain-fhios da; oir cha-n ann 'an cùil a rinneadh so.

27 Am bheil thu 'creidsinn nam fàidhean, a rìgh Agripa? tha fhios agam gu'm bheil thu 'g an creidsinn.

28 An sin thubhairt Agripa ri Pòl, Is beag nach 'eil thu 'g am aomadh gu bhì 'am Chriosduidh.

29 Agus thubhairt Pòl, B'e mo ghuidhe air Dia, gu'm bitheadh cha-n e mhàin thusa, ach mar an ceudna iadsan uile a tha 'g éisdeachd rium an diugh, ann am beag agus 'am mòr, mar tha mise, saor o na geimhlidh so.

30 Agus air dha na briathran so a labhairt, dh'éirich an rìgh, agus an t-uachdaran, agus Bernice, agus an dream a shuidh maille ri u:

31 Agus an uair a chaidh iada leth-taobh, labhair iad r'a chéile, ag ràdh, Cha-n'èil an duine so a' deanamh ni air bith toilleach air bàs, no air geimhlidh.

32 An sin thubhairt Agripa ri Festus, Dh'fheudtadh an duine so a leigeadh as, mur bhitheadh gu'n do thog e a chùis gu Ceasar.

CAIB. XXVII.

1 Ghabh Pòl long do'n Ròimh; 9 dh'innis e roimh-làimh cunnart an turais, ach cha d' thugadh creideas da. 14 Luaisgeadh iad a null agus a null le stoirm, agus dh'fhuiling iad long-bhriseadh; 44 gideadh thàinig iad air tìr gu Tèaraint.

AGUS an uair a thugadh breth sinne a sheòladh do'n Eadailt, thug iad Pòl thairis maille ri prìosanaich àraidh eile, do cheannard-ceud d'am b'ainm Iulius, de chuideachd Augustus.

2 Adamaitium, thog sinn ar siùil, a' cur romhainn seòladh seachad air crìochaibh na h-Asia, air do Aristarchus Macedonach o Thesalonica 'bhi maille ruinn.

3 Agus air an là màireach, thàinig sinn gu Sidon. Agus air do Iulius buntuin gu suairce ri Pòl, leig e dha dol a dh'ionnsuidh a chàirdan chum comhlurtachd fhaotainn.

4 Agus air dhuinn stiùradh as a sin, sheòl

sinn fo Chiprus, a chionn gu robh na gaothan 'n ar n-aghaidh.

5 Agus an uair a sheòl sinn troimh'n fhainge 'tha làimh ri Cilicia agus Pamphilia, thàinig sinn gu Mira baile de Licia.

6 Agus fhuair an ceannard-ceud long an sin o' Alecsandria, a bha 'seòladh do'n Eadailt, agus chuir e sinn a steach innte.

7 Agus an uair a sheòl sinn gu mall ré mòrain làithean, agus a thàinig sinn air éigin fa chomhair Chniduis, a chionn nach do leig a' ghaoth leinn, sheòl sìuir fo Chrethe, fa chomhair Shalmone; *Shalmone*

8 Agus air dhuinn seòladh air éigin seachad air, thàinig sinn gu ionad àraidh ris an abrar, Na calaidhean sgiamhach, am fagus d'an robh baile Lasea. *Lasea*

9 Agus air do mhòran ùine dol seachad, 'n uair a bha seòladaireachd a nis cunnart-ach, a chionn gu'n deachaidh an trasgadh cheana seachad, chomhairlich Pòl iad. *Pòl*

10 Ag ràdh riu, Fheara, tha mi 'faicinn gu'm bi an t-seòladaircachd so le dochann agus call mòr, cha-n e mhàin do'n luchd agus do'n luing, ach d'ar n-anamaibh féin.

11 Gidheadh, is mò 'chreid an ceannard-ceud an seòladair agus maighstir na luinge, na na nithean a labhradh le Pòl. *Pòl*

12 Agus a chionn gu'n robh an caladh neomchuidh gus an geamhradh a chaitheadh ann, b'i comhairle na cuid a bu mhò seòladh as a sin mar an ceudna, agus nam feudadh iad air chor sam bith teachd gu Phenice, caladh de Chrethe a tha 'g amharc chum an iar-dheas, agus an iar-thuath, agus fantuinn ré a' gheamhradh an sin.

13 Agus an uair a sheòl a' ghaoth á deas gu cùim, shaoil iad gu'n d'fhuair iad an rùn, agus ag togail an seòl doibh, stiuir iad ri taobh Chrethe. *Chrethe*

14 Ach an ceann beagain ùine, 'n a dhéigh sin, sheòl gaoth àrrathach 'n a h-aghaidh, ris an abrar Euroclidon. *Euroclidon*

15 Agus air bhi do'n luing air a fuadachadh, agus gun chomas di dol an aghaidh na gaoithe, leig sinn ruith dhi.

16 Agus air dhuinn ruith a stigh fo cilean beag àraidh d'am b'ainm Claudia, is ann le éigin a ràinig sinn air a' bhàta :

17 Agus air dhoibh a togail suas, ghnàth-aich iad gach gleus còmhaidh, a' criosadh na luinge foipe; agus air dhoibh a bhi fo eagal gu'n tuiteadh iad 's a' bheò-ghaineimh, leig iad an seòl a sìos, agus mar sin dh'iomhaicheadh iad. *iomhaicheadh*

18 Agus air dhuinne 'bhi gu ro mhòr air ar luasgadh leis an doininn, air an là 'n a dhéigh sin thilg iad a mach an luchd;

19 Agus air an treas là thilg sinn le ar làmhnan féin a mach aefhuinn na luinge.

20 Agus an uair nach robh a' ghrian nona reultan r'am faicinn ré mòrain làithean, agus a luidh doininn nach bu bheag oirnn,

thugadh an sin uainn gach uile dhòchas gu'n teasairgteadh sinn.

21 Ach air dhuinn a bhi fada 'n ar trasg, an sin air seasamh do Phòl 'n am meadhon, thubhairt e, Fheara, bu chòir dhuibh mo chomhairle-sa 'ghabhail, agus gun fhuasgladh o Chrethe, agus an dochann agus an call so a sheachnadh.

22 Agus a nis guidheam oirbh, bitheadh misneach mhaith agaibh: oir cha bhi call anama sam bith 'n 'ur measg, ach a mhàin na luinge.

23 Oir air an oidhche nochd sheas làimh rium-sa aingeal an Dé sin, d'am buin mi, agus d'am bheil mi 'deanamh seirbhis,

24 Ag ràdh, A Phòl, na bitheadh eagail ort; is éigin duit a bhi air do thoirt an làthair Cheasair: agus, feuch, thiodhlaic Dia dhuith iadsan uile a tha 'seòladh maille riut. *Phòl*

25 Uime sin, fheara, bitheadh agaibh deadh mhisneach: oir tha mi 'creidsinn Dhé, gu'n tachair ceart mar a labhradh rium.

26 Ach is éigin duinn a bhi air ar tilgeadh air cilean àraidh.

27 Agus an uair a bha an ceathramh oidhche deug air teachd, air dhuinne 'bhi air ar séideadh a null agus a nall ann an cuan Adria, mu mheadhon-oidhche b'i barail nam maraichean gu'n robh iad am fagus do thìr éigin:

28 Agus air leigeadh na luaidhe sìos doibh, fhuair iad an doimhne fichead aitheamh; agus an uair a chaidh iad beagan air an aghaidh, leig iad sìos an luaidh a ris, agus fhuair iad 'n a cùig aitheamh deug. *cuig*

29 An sin air dhoibh a bhi fo eagal gu'm buaileadh iad air ionadaibh garbha, thilg iad ceithir acraichean á deireadh na luinge, agus ghuidh iad an là a thachd.

30 Agus an uair a bha na maraichean air tì teicheadh a mach as an luing, agus a leig iad sìos am bàta do'n fhainge, a' gabhail orra 'bhi tilgeadh a mach acraichean á toiseach na luinge,

31 Thubhairt Pòl ris a' cheannard-ceud, agus ris na saighdearaibh, Mur fan iad sin 's an luing, cha-n'eil e'n comas duibh a bhi air blur teasairginn.

32 An sin ghearr na saighdearan cuird a' bhàta, agus leig iad leatha tuiteam sìos.

33 Agus am feadh a bha an là a' teachd, thug Pòl a chomhairle orra uile biadh a' ghabhail, ag ràdh, Is e so an ceathramh là deug dhuibh a' feitheamh, agus a' fantuinn 'n 'ur trasg, gun bhiadh sam bith a' ghabhail.

34 Uime sin guidheam oirbh biadh a' ghabhail; oir tha so chum blur slàinte: oir cha chaillear fuiltean á ceann a' h-ainn agaibh.

35 Agus air dha na nithean so a labhairt,

agus aran a ghlacadh, thug e buidheachas do Dhia 'n an làthair uile; agus air dha a bhriseadh, thòisich e ri itheadh.

36 An sin ghlac iad uile deadh mhiseach, agus ghabh iad biadh mar an ceudna.

37 Agus bha sinn a dh'anamaibh uile anns an luing, dà cheud agus sè deug agus trì fichead.

38 Agus an uair a shàsuicheadh iad le biadh, dh'eutromaich iad an long, agus thilg iad a mach an cruithneachd 's an fhaerge.

39 Agus an uair a bha'n là air teachd, cha d'aithnich iad am fearann: ach thug iad an aire do lùib àraidh aig an robh tràigh, anns an robh 'mhianm orra, nam b'urraim iad, an long a chur gu tìr.

40 Agus air togail nan acraichean doibh, leig iad ris an fhaerge i, agus an uair a dh'fhuasgail iad ceanglaichean na stiùire, agus a thog iad am prìomh sheòl ris a' ghaoith, sheòl iad chum na tràighe.

41 Agus air tuiteam dhoibh ann an ionad àraidh far an do choimnich dà fhaerge a chèile, bhuail iad an long air grunn; agus air sàthadh d'a toiseach 's a' ghrunn, dh'fhan e gun charachadh, ach bhriseadh a deireadh le ainneart nan tonn.

42 Agus b'i comhairle nan saighdearan gu marbhadh iad na prìosanach, air eagal gu'n snàmhadh neach sam bith dhiubh a mach, agus gu'n rachadh iad as.

43 Ach air do'n cheannard-ceud a bhi toilcach Pòl a theasairgim, chum e air ais o'n comhairle iad, agus dh'àithn e dhoibh-san d'am b'aithne snàmh iad fèin a thilgeadh 's a' chuan air tùs, agus dol a mach air tìr:

44 Agus do chàch dh'àithn e, cuid diubh 'dhol air clàraibh, agus cuid eile air mìrribh briste de'n luing: agus mar sin tharladh gu'n deachaidh iad uile tèaruine gu tìr.

CAIB. XXVIII.

1 An dèigh an long-bhrisidh thug an sluagh borb aoidheachd gu suairce do Phòl. 5 Cha do chiùrradh a làmh le nathair nimhe a lean rithe. 8 Shlànuich e mòran cucailean 's an eilean. 11 Ghabh iad an turas chum na Ròimhe. 17 Chuir Pòl 'an cèill do na h-Iudhaich aobhar a theachd do'n Ròimh.

AGUS an uair a thearnadh iad, thuig iad an sin gu'm b'e Melita ainm an eilein.

2 Agus nochd an sluagh borb caoimhneas nach bu bheag dhuinn: oir air fadadh teine dhoibh, ghabh iad ruinn uile, air son an uisge a bha ann, agus air son an fhuachd.

3 Agus air do Phòl dèrlach bhioran a thional, agus an cur air an teine, thàinig nathair nimhe mach as an teas, agus shàs i 'n a làimh.

4 Agus an uair a ehunnaic an sluagh borb a' bheisd 'an crochadh r'a làimh, thubhairt iad r'a chèile, Gu cinnteach is mort-fhear an

duine so, do nach fuiling dioghaltas a bhi beò, ged 'theasairgeadh o'n fhaerge e.

5 Agus air dhàsan a' bheisd a chrathadh dheth anns an teine, cha d'fhulaing e dochann sam bith.

6 Ach bha iadsan a' feitheamh e'uin a dh'atadh e, no a thuitcadh e sìos marbh gu l-obann: ach an uair a dh'fheith iad ùine fhada, agus nach fac iad dochann sam bith a' teachd air, dh'atharraich iad an inntinn, agus thubhairt iad gur dia e.

7 Agus bha mu thimchioll an àite sin fearann aig prìomh dhuine an eilein, d'am b'ainm Publius, a ghabh ruinne agus a thug ré thri làithean aoidheachd dhuinn gu càirdail.

8 Agus tharladh gu robh athair Publiuis 'n a luidhe gu tinn le fiabhras, agus gearr-thach fola: air do Phòl dol a steach d'a ionnsuidh, rinn e urnuigh, agus air dha a làmh-an a chur air, leigheas se e.

9 Agus an uair a rinncadh so, thàinig mar an ceudna muinntir eile a bha cuslan 's an eilean d'a ionnsuidh, agus leighiseadh iad:

10 Muinntir mar an ceudna a thug mòr-urram dhuinn; agus an uair a dh'fhalbh sinn, chuir iad na nithean sin leinn a bha feumail duinn.

11 Agus an dèigh thri mìosan sheòl sinn ann an luing o Alecsandria, a ehaith an geamlradh 's an eilean, d'am bu shuaicheantas Castor agus Pollus.

12 Agus an uair a chaidh sinn air tìr aig Siracuse, dh'fhan sinn an sin trì làithean.

13 Agus air seòladh dhuinn timchioll as a sin, thàinig sinn gu Regium: agus an ceann là 'n a dèigh sin shéid a' ghaoth á deas, agus thàinig sinn an t-ath là gu Putcoli:

14 Air dhuinn bràithrean fhaoitinn an sin, chuireadh iompaidd oirm leò fantuinn seachd làithean maille ri: agus mar sin thrial sinn chum na Ròimhe.

15 Agus as a sin, air faotainn ar sgeòil do na bràithribh, thàinig iad 'n ar coinneamh gu Apì-forum, agus na Tri tighibh-òsda; agus an uair a chunnaic Pòl iad, thug e buidheachas do Dhia, agus ghabh e miseach.

16 Agus an uair a thàinig sinn do'n Ròimh, thug an ceannard-ceud thairis na prìosanach do cheannard an fhreiceadain: ach thugadh comas do Phòl a bhi leis fèin, maille ri aon saighdear a bha 'g a ghleidhcadh.

17 Agus tharladh, an dèigh thri làithean, gu'n do ghairm Pòl maithéan nan Iudhach an ceann a chèile. Agus an uair a chruinnicheadh iad, thubhairt e ri, Fheara agus a bràithre, ged nach d'rim mise nì sam bith an aghaidh a' phobuill no ghnàthan nan aithrichean, thugadh thairis mi a'm phrìosanach o Ierusalem do làmhnan nan Romanach.

18 Muinntir an dèigh dhoibh mo cheasnachadh, leis am bu mhianm mo leigeadh as,

⁊ chionn nach robh coire bàis sam bith annam.

19 Ach an uair a bha na h-Iudhaich a' labhairt an aghaidh so, b'éigin domh mo chùis a thogail gu Ceasar; cha-n e gu bheil coire sam bith agam r'a chur á leth mo chinnich.

20 Air an aobhar so uime sin chuir mi fios oirbhe, chum gu'm faicinn sibh, agus gu'n labhrainn ribh: oir is ann air son dòchais Israeil a tha mi ceangailte leis an t-slabhraidh so.

21 Agus thubhairt iadsan ris, Cha d'fhuair sinne litrichean sam bith á Iudea mu d' thimchioll, cha mhò dh'fhoillsich no dh'innis aon de na bràithribh a thàinig, olc sam bith umad.

22 Ach bu mhaith leinn a chluinntinn uaitse ciod i do bharail: oir mu thimchioll na gnè-chreidimh so, tha fhios againn gu'n labhrar sgach àit 'n a h-aghaidh.

23 Agus air suidheachadh là ris, thàinig mòran d'a ionnsuidh chum 'ionad-comhlunnidh; d'an do mhinich e rìoghachd Dhé, a' deanamh fianuis uimpe, agus a' cur iompaidh orra thaobh nan nithean a bhuineas do Iosa, araon á lagh Mhaois, agus as na fàidhibh, o mhoch-thrath gu feasgar.

24 Agus chreid cuid na nithean a labhradh, agus cha do chreid cuid cile dhiubh.

25 Agus air dhoibh a bhi an aghaidh a chéile, sgaoil iad, air do Phòl aon fhocal a ràdh, Is maith a labhair an Spiorad naomh tre'n fhàidh Esaias, r'ar n-aithrichibh,

26 Ag ràdh, Imich chum a' phobuill so, agus abair, Le éisdeachd cluinidh sibh, agus cha tuig sibh; agus le sealltuim chli sibh, agus cha-n aithnich sibh.

27 Oir tha cridhe a' phobuill so air fas reamhar, agus tha iad a' chumtinn gu mall le'n cluasaibh, agus chaog iad an sùilean; air eagal gu'm faiceadh iad le'n sùilibh, agus gu'n cluinneadh iad le'n cluasaibh, agus gu'n tuigeadh iad le'n cridhe, agus gu'm pilleadh iad, agus gu'n slànuchinn-sa iad.

28 Uime sin bitheadh fhios agaibh-sa, gu'n do chuireadh slàinte Dhé chum nan Cinneach, agus éisdidh iadsan.

29 Agus an uair a thubhairt e na briathran so, dh'imich na h-Iudhaich rompa, agus bha mòr-reusonachadh aca catorra féin.

30 Agus dh'fhan Pòl dà bhliadhna iomlan 'n a thigh-màil féin, agus ghabh e ris na h-uile dhaoinibh a thàinig d'a ionnsuidh,

31 A' searmonachadh rìoghachd Dhé, agus a' teagasg nan nithean a bhuineas do'n Tighearn Iosa Crìosd, leis an uile dhànachd, gun toirmeasg.

LITIR AN ABSTOIL PHOIL

CHUM NAN

ROMANACH.

CAIB. I.

1 Mhol Pòl a dhreuchd do na Romanach, agus dh'innis e a thogradh gu teachd d'ionnsuidh. 16 Crod e soisgeul Chrìosd, agus an fhèireantachd a tha e a' foillseachadh. 18 Tha fearg aig Dia ris gach uile ghnè peacaidh. 21 Ciod iad peacaidhean nan Cinneach.

POL, scrìbhiseach Iosa Crìosd, a ghairm-eadh gu bhi 'n a abstol, a chuireadh air leth chum Soisgeil Dhé, *Romach*
2 A roimh-gheall e le 'fhàidhibh féin anns na sgrìobtuiribh naomha.)

3 Mu thimchioll a Mhic Iosa Crìosd ar Tighearn, a rinneadh de shìol Dhaibhidh, a rèir na feòla; *Martha*

4 A dhearbhadh a bhi 'n a Mhac do Dhia le cumhachd, a rèir Spioraid na naomhachd, tre 'aiseirigh o na mairbh:

5 Tre an d'fhuair sinne gràs agus abstolachd chum umhlachd a' chreidimh 'am measg nan uile chinneach air sgàth 'ainmeasan:

6 Am measg am bheil sibhse mar an ceudna air bhuir gairm le Iosa Crìosd:

7 Chum nan uile a tha 's an Ròimh, air an gràdhachadh le Dia, air an gairm gu bhi 'n an naoimh: Gràs gu robh dhuibhse, agus sìth o Dhia ar n-Athair, agus o'n Tighearn Iosa Crìosd.

8 Air tùs, tha mi 'toirt buidheachais do m' Dhia tre Iosa Crìosd, air bhuir son-se uile, do bhrìgh gu bheil bhuir creidimh iomraidheach air feadh an domhain gu léir. *Epistol*

9 Oir is e Dia m'fianuis, d'am bheil mi a' deanamh scrìbhlis le m' spiorad ann an soisgeul a Mhic, gu bheil mi gun sgur a' deanamh luaidh oirbh, *Reye*

10 A ghnàth a' guidhe ann am urnuighibh, (nam feudainn a nis fa-dheoidh air aon chor le toil Dhéturus soirbheasach fhaotainn,) ri teachd do 'ur n-ionnsuidh-sa.

11 Oir tha deidh agam air sibhse fhaicinn, chum is gu'm pàirtich mi tìodhlac àraidh spioradail ribh, chum bhuir neartachadh;

12 Sin ri ràdh, chum gu'm faigh mi cumh-

fhurtachd annaibh-se, tre chreidimh a chèile, bhuir creidimh-se, agus mo chreidimh-sa.

13 Agus cha-n àill leam, a bhràithre, e bhì'n ain-fhios duibhse gu'n do chuir mi romham gu minic teachd do'ur n-ionnsuidh, (ach blàcadh mi gus a so,) chum gu'm faighinn toradh éigin 'n' ur measg-se fòs, mar'am measg nan Cinneach eile.

14 Oir tha mi fo fhiachaibh araoon do na Greugaich, agus do na daoineibh borba, araoon dhoibh-san a tha glie, agus dhoibh-san a tha neo-ghlic.

15 Uime sin, mheud 's a tha 'an comas domh, tha mi ullamh chum an soisgeul a shearnonachadh dhuibhse mar an ceudna a tha 's an Ròimh.

16 Oir cha nàr leam-sa soisgeul Chrìosd: oir is e cumhachd Dhé e chum slàinte do gach neach a chreideas, do'n Iudhach air tùs, agus mar an ceudna do'n Ghreugach.

17 Oir tha fireantachd Dhé air a' foillseachadh ann tre chreidimh gu creidimh: mar a tha e sgrìobhta, Bithidh am firean beò tre chreidimh.

18 Oir tha fearg Dhé air a foillseachadh o nàmh an aghaidh gach uile mhi-dhiadhaidheachd, agus eucoir dhaoine, a tha 'bacadh na firinn ann an neo-fhircantachd:

19 Do bhrìgh gu bheil an ni air am feudar fios fhaotainn a thaobh Dhé follaiseach anna-san; oir rinn Dia follaiseach dhoibh e.

20 Oir *riamh* o chruthachadh an t-saoghail tha a nithean-sa nach feudar fhaicinn, eadhon a chumhachd sìorruidh agus a Dhiadhachd, air am faicinn gu soilleir, air dhoibh a bhi so-thuigsinn o na nithibh a rinneadh; chum gu'm bitheadh iad gun leithsgeul aca:

21 Do bhrìgh 'n uair a b'aithne dhoibh Dia, nach d'thug iad glòir dha mar Dhia, agus nach robh iad taingeil, ach gu'n d'fhàs iad diomhain 'n an reusanachadh féin, agus gu'n do dhorchaicheadh an cridhe amaid-each.

22 Ag ràdh gur daoine glie iad féin, rinneadh amadain diubh:

23 Agus chaochail iad glòir an Dé neo-thruaillidh gu dealbh a rinneadh cosmhuil ri duine truailidh, agus ri eunlaith, agus ainmhidhibh ceithir-chosach, agus béisidibh snàigeach.

24 Uime sin thug Dia thairis iad mar an ceudna, tre ana-miannaibh an cridhe féin, eum neoghloine, a thoirt eas-urraim d'an eorpaibh féin eatorra féin:

25 Muinntir a chaochail firinn Dhé gu bréig, agus a thug aoradh agus a rinn seirbhìs do'n chreutair nì's mò na do'n Chruithear, a tha beannaichte gu sìorruidh. Amen.

26 Air a shon so thug Dia thairis iad do ana-miannaibh gràineil: oir chaochail eadhon

am mnathan an gnàthachadh nàdurra chum a' ghnàtha a tha an aghaidh nàduir:

27 Agus mar an ceudna na fir, air tréig-sinn doibh gnàthachadh nàdurra na mnà, loisgeadh iad le'n togradh d'a chèile, fìrionnaich ri fìrionnaich ag oibreachadh gràineil-eachd agus iad a' faotainn dìol-thuarasdail an seacharain anna féin, mar bu chòir.

28 Agus amhuil mar nach bu toil leo eòlas Dhé a chunail, thug Dia thairis iad do inn-tinn mhi-chéillidh, a dheanamh nithean nach robh iomchuidh:

29 Air dhoibh a bhi air an lìonadh leis an uile eucoir, strìopachas, ole, shannt, mhirun: làn farmaid, mortaidh, connsachaidh, ceilg, droch-bheusan; 'n an luchd-cogars-aich,

30 'N an luchd-anacaint, 'n an luchd-fuath air Dia, 'n an luchd-tarcuis, uaibhreach, 'n an luchd-ràiteachais, 'n an luchd-cumadh uile, easumhal do phàrantaibh.

31 Eu-céillidh, 'n an luchd-brisidh coimh-cheangail, gun ghràdh nàdurra, do-réit-eachaidh, neo-thruacanta:

32 Muinntir d'an aithne ceartas Dhé, (gu bheil iadsan a ni an leithid sin de nithibh toillteannach air bàs,) *gidheadh* cha-n e mhaìn gu'm bheil iad féin 'g an deanamh, ach tha mar an ceudna tlachd aca d'én mhuinntir a ni iad.

CAIB. II.

1 *Iadsan a tha 'peacachadh, ged tha iad a' cronachadh so 'an daoineibh eile, cha-n urrainn iad an leithsgeul féin a ghabhail, 6 agus is lugha gu mòr na sin a dh'fheudas iad dol as o cheart-bhreitheanas Dhé, ma's Iudhaich no Cinnich iad. 14 Cha-n'eil na Cinnich comasach air dol as, 17 no idir na h-Iudhaich, 25 do nach 'eil feum 's an timchioll-ghearradh, mar coimhid iad an lagh.*

UIME sin tha thu gun leithsgeul, O a dhuine, co air bith thu a tha 'toirt breth: oir an uair a tha thu 'toirt breth air neach eile, tha thu ga d' dhiteadh féin; oir thusa a tha 'toirt breth, tha thu 'deanamh nan nithean sin féin.

2 Ach tha fios againne gu bheil breitheanas Dhé a réir firinn, an aghaidh na muinntir a tha 'deanamh an leithid sin.

3 Agus an saoil thusa so, O a dhuine, a tha toirt breth orra-san a ni an leithid sin, agus a tha 'g an deanamh thu féin, gu'n téid thu as o bhreitheanas Dhé?

4 No 'n dean thu tarcuis air saobhras a mhaithcis, agus 'fhoighidh, agus 'fhad-fhulangais, gun fhios a bhi agad gu bheil maithneas Dhé ga d' threòrachadh chum aithreachais?

5 Ach a réir do chruais agus do chridhe neo-aithreachail, tha thu 'càrnadh suas feirge dhuit féin fa chomhair là na feirge, agus foillseachaidh ecart-bhreitheanasais Dhé;

6 A bheir do gach aon a réir a ghnìomh-aran;

ROMANACH, III.

7 Dhoibh-san a tha le buanachadh gu foighidneach ann an deadh obair, ag iarraidh glòire, agus urram, agus neo-bhàsmhorachd, a' bheatha mhaireamach :

8 Ach dhoibh-san a tha comspoidreach, agus nach 'eil ùmhail do'n fhàirinn, ach a tha ùmhail do'n eucoir, diom agus fearg ;

9 Amhghar agus teanntachd air gach anam duine a tha 'deanamh uile, do'n Iudhach air tùs, agus mar an ceudna do'n Ghreugach :

10 Ach glòir, agus urram, agus sìth, do gach duine a ni maith, do'n Iudhach air tùs, agus do'n Ghreugach mar an ceudna :

11 Oir cha-n'eil spéis aig Dia do phearsa seach a chéile.

12 Oir a mheud as a pheacaich gun an lagh, sgriosar iad gun an lagh ; agus a mheud as a pheacaich fo an lagh, dìtear iad leis an lagh :

13 Oir cha-n iad luchd-éisdeachd an lagha a tha 'n am fireanaibh 'am fianuis Dhé, ach bithidh luchd-deanamh an lagha air am fireanachadh.

14 Oir an uair a tha na Cinnich aig nach 'eil lagh, a thaobh nàduir a' deanamh nan nithean a tha 's an lagh, air dhoibh-san a bhì gun lagh tha iad 'n an lagh dhoibh féin :

15 Muinntir a tha 'nochdadh obair an lagha sgrìobhta 'n an cridheachaibh, air bhì d'an coguis a' deanamh fianuis leo, agus an smuaintean eatorra féin 'g an agairt, no a' gabhail an leithsgail :

16 'S an là anns an toir Dia breth air nithibh uaigneach dhaoine, a réir mo shoisgeil-sa, tre Iosa Crìosd.

17 Feuch, goirear Iudhach dhìot-sa, agus tha thu 'cur dòigh 's an lagh, agus a' deanamh uail é Dia ;

18 Agus is aithne dhuit a thoil, agus tha thu a' dearbhadh nan nithean a's fearr, air dhuit a bhì air do theagasg as an lagh,

19 Agus tha thu dòchasach gur ceann-iuil thu féin do na doill, solus dhoibhsan a tha ann an doreadas,

20 Fear-fòghluim do dhaoineibh neo-eagnaidh, fear-teagaisg do leanabaibh, aig am bheil samhlaidh an eòlais agus na firinn a tha 's an lagh.

21 Thusa uime sin a tha 'teagasg neach eile, nach 'eil thu ga d' theagasg féin ? thusa a tha 'searmnachadh gun ghoid a dheanamh, am bheil thu ri goid ?

22 Thusa tha 'g ràdh gun adhaltranas a dheanamh, am bheil thu 'deanamh adhaltranais ? thusa le'n gràin iodholan, am bheil thu ri naomh-ghoid ?

23 Thusa a tha 'deanamh uail as an lagh, an tabhair thu, le briseadh an lagha, cas-urram do Dhia ?

24 Oir tha ainm Dhé a' faotainn toibheim do 'ur taobh-se am measg nan Cinnich, mar a tha e sgrìobhta.

25 Oir tha tairbhe gu firinneach anns an

timchioll-ghearradh, ma ghleidheas tu an lagh : ach ma's fear-brisidh an lagha thu, tha do thimchioll-ghearradh 'n a neo-thimchioll-ghearradh dhuit.

26 Uime sin, ma ghleidheas an neo-thimchioll-ghearradh fireantachd an lagha, nàch measar a neo-thimchioll-ghearradh-san mar thimchioll-ghearradh ?

27 Agus nach d'it an neo-thimchioll ghearradh thaobh nàduir, a tha a' coimhlionadh an lagha, thusa a tha tre'n litir agus tre'n timchioll-ghearradh a'd' fhear-brisidh an lagha ?

28 Oir cha-n Iudhach esan, a tha mar sin o'n leth muigh ; agus cha-n e sin an timchioll-ghearradh, a tha gu follaiseach 's an fheoil :

29 Ach is Iudhach esan, a tha mar sin 's an taobh a stigh ; agus is e sin an timchioll-ghearradh a tha 's a' chridhe, agus 's an spiorad, cha-n ann 's an litir, aig am bheil a chliu cha-n ann o dhaoineibh, ach o Dhia.

CAIB. III.

1 Sochair nan Iudhaich ; 3 nach do chaill iad : 9 gidheadh dh'fhàg an lagh shìos iad mar an ceudna thaobh peacaidh. 20 Uime sin cha-n'eil feòil air bhì air a saoradh tre'n lagh, 28 ach tha na h-uile air an saoradh tre chreidimh a mhàin, 31 gidheadh cha-n'eil an lagh air a chur gu neo-bhrìgh.

CÌOD e uime sin barrachd an Iudhaich ? no cìod e tairbhe an timchioll-ghearraidh ?

2 Is mòr sin air gach dòigh : air tùs, do bhrìgh gur ann riu-san a dh'earbadh briathraun Dhé.

3 Oir cìod e sin ged nach do chreid cuid ? an dean am mi-chreidimh-san firinn Dhé gun éifeachd ?

4 Nar leigeadh Dia : ach bitheadh Dia fìor, agus gach duine 'n a bhreugaire ; a réir mar tha e sgrìobhta, Chum gu'm bi thu ceart ann ad bhriathraibh, agus gu'n toir thu buaidh 'n uair a bheirear breth ort.

5 Ach ma mholas ar n-eucoir-ne fireantachd Dhé, cìod a their sinn ? am bheil Dia eucorach a tha 'deanamh dioghaltais ? (tha mi a' labhairt mar dhuine.)

6 Nar leigeadh Dia : no cionnus a bheir Dia breth air an t-saoghal ?

7 Oir ma tha firinn Dhé tre mo bhréig-sa air a meudachadh chum a ghloire-san ; e'ar son a tha mise air mo dhìteadh mar pheacach ?

8 Agus e'ar son nach dean sinn ole, chum gu'n tig maith as ? (mar a labhrar gu toibheumach umainne, agus mar a thubhairt cuid gu bheil sinn ag ràdh,) muinntir d' am bheil an dìteadh a réir ceartais.

9 Cìod uime sin ? am bheil barrachd againne ? cha-n'eil air aon chor : oir dhearbhsinn roinne gu bheil arann na h-Iudhaich agus na Cinnich uile fo pheacadh ;

10 Mar tha e sgrìobhta, Cha-n'eil ionracan ann, cha-n'eil fu a h-aon :

11 Cha-n'eil neach ann a thuigeas, cha-n'eil neach ann a tha 'g iarraidh Dhé.

12 Chlaon iad uile as an t-slighe, tha iad uile mi-tharbhach; cha-n'eil neach a tha deanamh maith, cha-n'eil fu a h-aon.

13 Is uaigh fhosgailte an scòran; labhair iad cealg le'n teangaibh; tha nimh nan nathraichean nimhe fo 'm bilibh:

14 Aig am bheil am beul làn mallachaidh agus seirbhe:

15 Tha an cosan luath a dhòrtadh fola:

16 Tha léir-sgrìob agus truaighe 'n an slighibh:

17 Agus slighe na sìthe cha b'aithne dhoibh:

18 Cha-n'eil eagal Dhé fa comhair an sùl.

19 A nis tha fhios againn ge b'e nithean a tha'n lagh a' labhairt, gur ann riu-san a tha fo 'n lagh a tha e 'g an labhairt: chum gu'n druidear gach uile bheul, agus gu'm bi an saoghal uile air fhaotainn cìogach 'am fianuis Dhé.

20 Uime sin cha bhi feòil air bith air a fireanachadh, 'n a fhianuis-san, tre oibrìbh an lagha: oir is ann tre an lagh a tha còlas peacaidh.

21 Ach a nis tha fireantachd Dhé air a foillseachadh as eugnhaìs an lagha, a' faotainn fianuis o'n lagh agus o na fàidhibh;

22 Eadhon fireantachd Dhé tre chreidimh Iosa Crìosd, do na h-uile, agus air na h-uile a chreideas; oir cha-n'eil eadar-dhealachadh ann:

23 Oir pheacaich na h-uile, agus tha iad air teachd gearr air glòir Dhé;

24 Air dhoibh a bhì air am fireanachadh gu saor le a ghràs, tre an t-saorsa a tha ann an Iosa Crìosd:

25 Neach a shònraich Dia 'n a iobairt-èitich, tre chreidimh 'n a fhuil, chum 'fhìreantachd fhoillseachadh le maithneas nam peacaidhean a chaidh seachad, tre fhad-fhulangas Dhé:

26 A dh'fhoillseachadh, tha mi ag ràdh, 'fhìreantachd-san's an àm a tha lùthair; chum gu'm bitheadh e cothromach, agus gu'm fireanaicheadh e an ti a chreideas ann an Iosa.

27 C'ait uime sin am bheil uail? Dhruideadh a mach i. Cìod e an lagh leis an do dhruideadh a mach i? an e lagh nan oibre? Cha-n e; ach tre lagh a' chreidimh.

28 Tha sinn uime sin a' meas gu bheil duine air fhìreanachadh tre chreidimh as eugnhaìs oibre an lagha.

29 An e Dia nan Iudhach a mhàin e? Nach e mar an ceudna Dia nan Cinneach? Gu deimhin nan Cinneach mar an ceudna:

30 Do bhrìgh gur aon Dia, a dh'fhìrean-sicheas an timchioll-ghearradh o chreidimh, agus an neo-thimchioll-ghearradh tre chreidimh.

31 Am bheil sinn uime sin a' cur an lagha 'an neo-bhrìgh tre'n chreidimh? Nar leig-eadh Dia: ach tha sinne a' daingneachadh an lagha.

CAIB. IV.

1 Mheasadh creidimh Abraham dha mar fhìreantachd, 10 mu'n do thimchioll-ghearradh e. 13 Tre chreidimh a mhàin sheabhaich e fèin agus a shìochd an gealladh. 16 Is e Abraham athair nan uile dhaoine a tha 'creidsim. 24 Bithidh ar creidimh-ne mar an ceudna air a mheas dhuinn mar fhìreantachd.

CÌOD ma ta a their sinn a fhuair ar n-athair Abraham a réir na feòla?

2 Oir ma dh'fhìreanaicheadh Abraham le oibrìbh, tha aobhar uail aige, ach cha-n ann a thaobh Dhé.

3 Oir cìod a tha an sgrìobtuir ag ràdh? Chreid Abraham Dia, agus mheasadh sin da mar fhìreantachd.

4 A nis do'n ti a ni obair cha-n ann mar ghean-maith a mheasar an tuarasdail, ach mar fhiachaibh.

5 Ach do'n ti nach dean obair, ach a tha 'creidsim anns an ti a dh'fhìreanaicheadh an duine mi-dhiadhaidh, measar a chreidimh mar fhìreantachd.

6 Amhuil mar a tha Daibhidh a' cur 'an cèill beannachadh an duine sin d'am meas Dia fireantachd as eugnhaìs oibre, ag ràdh,

7 Is beannaichte iadsan a fhuair maith-eanas 'n an euceirtibh, agus aig am bheil am peacaidhean air am fòlach.

8 Is beannaichte an ti nach cuir an Tigh-earn peacadh as a leth.

9 Am bheil ma ta am beannachadh so 'teachd air an timchioll-ghearradh a mhàin, no mar an ceudna air an neo-thimchioll-ghearradh? Oir tha sinn ag ràdh gu'n do mheasadh creidimh do Abraham mar fhìreantachd.

10 Cionnus ma ta a mheasadh dha e? An ann an uair a bha e's an timchioll-ghearradh, no 's an neo-thimchioll-ghearradh? Cha'n ann 's an timchioll-ghearradh, ach 's an neo-thimchioll-ghearradh.

11 Agus fhuair e comharadh an timchioll-ghearraidh, seula fireantachd a' chreidimh a bha aige 's an neo-thimchioll-ghearradh, chum gu'm bitheadh e 'n a athair aca-san uile a tha 'creidsim 's an neo-thimchioll-ghearradh, chum gu'm meastadh fìreantachd dhoibh-san mar an ceudna:

12 Agus 'n a athair an timchioll-ghearraidh dhoibh-san nach 'eil a mhàin de'n timchioll-ghearradh, ach mar an ceudna a tha 'g imeachd ann an ceumaibh creidimh sin ar n-Athar Abraham, a bha aige 's an neo-thimchioll-ghearradh.

13 Oir cha b'ann tre'n lagh a thugadh an gealladh do Abraham no d'a shìol, Gu'm bitheadh e 'n a oighre air an t-saoghal, ach tre fhìreantachd a' chreidimh.

14 Oir ma tha iadsan a bhuineas do'n lagh

'n an oighreachaibh, tha creidimh air a dheanamh dìomha, agus an gealladh gun bhrìgh:

15 A chionn gu bheil an lagh ag oibreachadh feirge: oir far nach 'eil lagh, cha-n'èil an sin briseadh lagha.

16 Uime sin is ann o chreidimh tha an oighreachd, ionnus gu'm bitheadh i tre ghràs: chum gu'm bitheadh an gealladh daingean do'n t-sìol uile, cha-n ann a mhàin dhoibh-san a bhuineas do'n lagh, ach mar an ceudna dhoibh-san a bhuineas do chreidimh Abraham, neach is e ar n-ath-air-ne nìle,

17 (A réir mar tha e sgrìobhta, Dh'ord- uich mi thu a'd' athair mhòran chinneach,) 'n a làthair-san anns an do chreid e, eadhon Dia, a tha 'beothachadh nam marbh, agus a tha 'gairm nan nithean sin nach 'eil idir ann mar gu'm bitheadh iad ann:

18 Neach an aghaidh dòchais a chreid 'an dòchas, chum gu'm bitheadh e 'n a athair mhòran chinneach; a réir mar a dùbhradh, Mar so bithidh do shliochd.

19 Agus air dha gun bhi ann ann an creidimh, cha do chuir e 'an suim gu'n robh a chorp féin a nis marbh, air dha 'bhi timchioll ceud bliadhna dh'aois, no mairbhe bronn Shara:

20 Agus cha do chuir e 'an amharus gealladh Dhé le mi-chreidimh; ach bha e laidir ann an creidimh, a' toirt glòire do Dhia:

21 Agus bha làn-chinnt aige, an ti a thug an gealladh, gu'm bu chomasach esan air a choimhlionadh.

22 Agus uime sin mheasadh so dhàsan mar fhreantachd.

23 A nis cha b'ann air a shonsan a mhàin a sgrìobhadh, gu'n do mheasadh so dha;

24 Ach air ar son-ne mar an ceudna, d'am measar e, ma chreideas sinn ann-san a thog suas Iosa ar Tighearn o na mairbh,

25 A thugadh thairis air son ar cionta, agus a thogadh suas a ris air son ar fireanachadh.

CAIB. V.

1 Air dhuinn a bhi air ar saoradh o chionta peacaidh tre chreidimh, tha sìth againn ri Dia, agus gairdeachas ann an dòchas: 8 do bhrìgh gu'n d'fhuair sinn réite fhuidh Criosd, 'n uair bu naimhdean sinn, is mò gu mòr na sin a shaorar sinn a nis air dhuinn an réite fhaotainn. 12 Mar a thàinig peacadh agus bàs tre Adhamh, is mò gu mòr na sin a tha fireantachd agus beatha tre Iosa Criosd. 20 Far an robh peacadh mòr thug gràs barrachd.

UIME sin air dhuinne 'bhi air ar fireanachadh tre chreidimh, tha sìth againn ri Dia, tre ar Tighearn Iosa Criosd:

2 Tre'm bheil againn mar an ceudna slighe gu dol a steach tre chreidimh chum

a' ghràis so anns am bheil sinn n ar seas- amh, agus tha sinn a' deanamh gairdeachais ann an dòchas glòire Dhé.

3 Agus cha-n e so a mhàin, ach tha sinn mar an ceudna a deanamh uail ann an trioblaidibh, do bhrìgh gu bheil fios againn gu'n oibrich trioblaid foighidin;

4 Agns foighidin, dearbhadh; agus dearbhadh, dòchas:

5 Agus cha nàraich an dòchas, do bhrìgh gu bheil gràdh Dhé air a dhòrtadh a mach ann ar cridheachaibh, tre'n Spiorad naomh a thugadh dhuinne.

6 Oir air dhuinne 'bhi fathast gun neart, ann an àm iomchuidh bhàsaich Criosd air son nan daoine neo-dhiadhaidh.

7 Oir is gann a dh'fhuilingeas duine bàs air son duine chothromaich; ach theagamh gu'm bitheadh aig neach éigin de mhisnich eadhon bàs fhulang air son duine mhaith.

8 Ach tha Dia a' moladh a ghràdh féin duinne, do bhrìgh an uair a bha sinn fathast 'n ar peacaich gu'n d'fhuiling Criosd bàs air ar son.

9 Is mò gu mòr uime sin, air dhuinn a nis a bhi air ar fireanachadh tre 'fhuil, a shaorar tridsan o fheirg sinn.

10 Oir ma 's e is air dhuinn 'bhi 'n ar naimhdeibh, gu'n d'rinneadh réidh ri Dia sinn tre bhàs a Mhic; is mò gu mòr, air dhuinn a bhi air ar deanamh réidh, a shaorar tre a bheatha sinn.

11 Agus cha-n e mhàin sin, ach tha sinn a' deanamh gairdeachais ann an Dia, tre ar Tighearn Iosa Criosd, tre an d'fhuair sinn a nis an réite.

12 Uime sin mar a thàinig peacadh a steach do'n t-saoghal tre aon duine, agns bàs tre'n peacadh; mar sin mar an ceudna thàinig bàs air na h-uile dhaoineibh, do bhrìgh gu'n do pheacaich iad uile.

13 Oir gus an lagh, bha peacadh anns an t-saoghal: ach cha chuirear peacadh á leth dhaoine far nach 'eil lagh.

14 Gidheadh, rioghaich am bàs o Adhamh gu Maois, eadhon air an dream nach do pheacaich a réir coslais eas-nmhlachd Adhamh, neacha's e samhladh an ti uil a bha ri teachd:

15 Ach cha-n ann mar an cionta, a tha'n saor-thiodhlac. Oir ma fhuair mòran bàs tre chionta agus, is mò gu mòr na sin a tha gràs Dhé, agus an tiodhlac troimh ghràs a tha tre aon duine, Iosa Criosd, pailte do mhòran.

16 Agus cha-n ann mar tre aon duine a pheacaich, mar sin a tha'n tabhartas: oir bha ann breitheanas tre aon chionta, chum dididh: ach tha'n saor-thabhartas o mhòran chiontaibh chum fireanachaidh.

17 Oir ma's e as tre chionta aoin duine, gu'n do rioghaich am bàs tre aon, is mò gu mòr na sin a rioghaicheas iadsan, a gheibh pailteas gràis, agus tabhartais na fireant-

achd, ann am beatha tre aon, *eadhon* Iosa Criosd.

18 Uime sin mar tre chionta aoin *duine a thàinig breitheanas* air na h-uile dhaoineibh chum dìtidh, is amhuil sin mar an ceudna tre fhìreantachd aoin, *thàinig an saor-thròdhlaic* air na h-uile dhaoineibh chum fìreanachaidh na beatha.

19 Oir mar tre cas-ùmhlaich aoin duine a rinnadh mòran 'n am peacaidh, is amhuil sin tre ùmhlaich aoin *duine* a nithear mòran 'n am fìreanaibh.

20 Ach thàinig an lagh a steach, chum gu meudaichteadh an cionta: ach far an do mheudaichteadh am peacadh, bu ro-mhò a mheudaichteadh gràs: *Thèid*

21 Chum as mar a riogaich am peacadh chum bàis, mar sin gu'n rioghaicheadh gràs tre fhìreantachd chum na beatha maireannaich, tre Iosa Criosd ar Tighearn.

CAIB. VI.

1 *Cha-n fheud sinn ar beatha a chaitheadh 'am peacadh; oir tha sinn marbh dha mar tha'n baisteadh a' dearbhadh.* 12 *Na bitheadh tighearnas aig a' pheacadh n's mò,* 18 *do bhrìgh gu'n d'thug sinn fèin thairis do sheirbhis na fìreantachd.* 23 *agus a chionn gur e am bàs tuarasdail a' pheacadh.*

CIOD ma ta a their sinn? Am buanaich sinn ann am peacadh, chum gu meudaichear gràs?

2 Nar leigeadh Dia: cionnus a dh'fheudas sinne a tha marbh do'n peacadh, ar beatha a chaitheadh n's faide ann?

3 Nach 'eil fhios agaibh, a mheud againn as a bhaisteadh ann an Iosa Criosd, gu'n do bhaisteadh chum a bhàis sinn?

4 Air an aobhar sin dh'adhlacaidh sinn maille ris tre'n bhaisteadh chum bàis: ionnus mar a thogadh Criosd suas o na mairbh le glòir an Athar, mar sin gu'n gluaiseamaid-ne mar an ceudna ann an nuadhachd beatha.

5 Oir ma chaidh ar suidheachadh mar aon ann an coslas a bhàis, bithidh sinn mar an ceudna *air ar suidheachadh ann an coslas* 'aiseirigh.

6 Air fhios so a bhì againn, gu bheil ar seann duine air a cheusadh maille ris, ionnus gu'm bitheadh corp a' pheacaidh air a sgrios, chum á so suas nach deanamaid seirbhis do'n peacadh.

7 Oir an ti a fhuair bàs, rinneadh saor e o'n peacadh.

8 A nis ma fhuair sinn bàs maille ri Criosd, tha sinn a' creidsinn gu'm bi sinn beò maille ris mar an ceudna:

9 Air dhuinn fios a bhì againn air do Chriosd éirigh o na mairbh, nach bàsaich e n's mò; cha-n'eil tighearnas aig a' bhàs n's mò air.

10 Oir a mheud 's gu'n d'fhuair e bàs, is ann do'n peacadh a fhuair e bàs aon uair a *mhàin*: ach a mheud 's gu bheil e beò, is ann do Dhia tha e beò.

11 Mar sin mar an ceudna measaibh-es gu bheil sibh fèin gu deimhin marbh do'n pheacadh, ach beò do Dhia tre Iosa Criosd ar Tighearn.

12 Air an aobhar sin na rioghaicheadh am peacadh ann bhur corp bàsmhor, air chor as gu'n tugadh sibh ùmhlaich dha 'n a anamiannaibh.

13 Agus na tugaibh bhur buill 'n an armaibh euceirt do'n peacadh; ach thug-aibh sibh fèin do Dhia, mar dhream a tha beò o na mairbh, agus bhur buill 'n an armaibh fìreantachd do Dhia.

14 Oir cha bhì aig a' pheacadh tighearnas oirbh: oir cha-n'eil sibh fo 'n lagh, ach fo ghràs.

15 Ciod uime sin? am peacaidh sinn, do bhrìgh nach 'eil sinn fo 'n lagh, ach fo ghràs? Nar leigeadh Dia.

16 Nach 'eil fhios agaibh, an ti d'an toir sibh sibh fèin mar sheirbhisich chum ùmh-lachd, gur seirbhisich sibh do'n ti d'an dean sibh ùmhlaich; ma's ann do'n pheacadh chum bàis, no do ùmhlaich chum fìreantachd.

17 Ach buidheachas do Dhia, an dèigh dhuibh a bhì 'n 'ur seirbhisich do'n peac-adh, gu'n d'thug sibh o bhur eridhe ùmh-lachd do'n chumadh teagaisg sin d'an d'thugadh sibh thairis.

18 Air dhuibh ma ta 'bhi air bhur dean-amh saor o'n peacadh, rinn sibh seirbhis do'n fhìreantachd.

19 Tha nì a' labhairt mar dhuine, air son annhuimeachd bhur feòla-se: oir mar a thug sibh bhur buill mar sheirbhisich do neòghloine, agus do euceart chum euceirt, amhuil sin a nis thugaibh bhur buill mar sheirbhisich do'n fhìreantachd, chum naomhachd.

20 Oir an uair a bha sibh 'n 'ur seirbhisich do'n peacadh, bha sibh saor o'n fhìreantachd.

21 Air an aobhar sin ciod an toradh a bha agaibh an sin anns na nithibh sin, a tha nis a' cur nàire oirbh? oir is e crìoch nan nith-can sin am bàs.

22 Ach a nis air dhuibh a bhì saor o'n peacadh, agus 'n 'ur seirbhisich do Dhia, tha bhur toradh agaibh chum naomhachd, agus a' chrìoch a' bheatha mhaireannach.

23 Oir is e tuarasdail a' pheacaidh am bàs: ach is e saor-thòdhlaic Dhé a' bheatha mhaireannach, tre Iosa Criosd ar Tighearn.

CAIB. VII.

1 *Cha-n'eil aig an lagh cumhachd os ceann duine n's faide na's beò e.* 4 *Ach tha sinne marbh do'n lagh;* 7 *gidheadh cha-n'eil an lagh 'n a pheacadh,* 12 *ach naomh, ceart, agus mailh, &c.*

NACH eil fhios agaibh, a bhràithre, (oir is ann riansan d'an aithne an lagh a tha

mi a' labhairt,) gu bheil tighearnas aig an lagh air duine, am fad 's is beò e?

2 Oir a' bhean a tha pòsda ri fear, tha i ceangailte leis an lagh r'a fear am fad 's is beò e: ach ma gheibh a fear bàs, tha i fuasgailte o lagh a fir.

3 Uime sin am feadh 's is beò a fear, ma phòsar i ri fear eile, goirear ban-adhaltanach dhi: ach ma gheibh a fear bàs, tha i saor o'n lagh sin, air chor as nach ban-adhaltanach i, ged robh i aig fear eile.

4 Air an aobhar sin, mo bhràithre, tha sibhse mar an ceudna marbh do'n lagh tre chorp Chrìosd: ionnus gu'm bitheadh sibh pòsda ri fear eile, *eadhon* ris-san a thogadh o na marbhl, chum gu'n tuganaid toradh a mach do Dhia.

5 Oir an uair a bha sinn 's an fheòil, bha miannan nam peacaidhean, tre'n lagh, ag oibreachadh ann ar buill, chum toradh a thoirt a mach gu bàs.

6 Ach a nis tha sinn air ar deanamh saor o'n lagh, air dha sin a bhi marbh leis an do chumadh sinn; chum gu'n deanamaid seirbhis ann an nuadhachd spioraid, agus cha-n ann 'an seanachd na litreach.

7 Ciod uime sin a their sinn? am bheil an lagh 'n a pheacadh? Nar leigeadh Dia. Ni h-eadh, cha b'aithe dhomh peacadh, ach tre'n lagh: oir cha bhitheadh còlas agam air samt, mur abradh an lagh, Na sanntaich.

8 Ach air do'n pheacadh fàth a ghlacadh tre'n àithne, dh'oibrich e annam gach uile ghmè an-tograidh: oir as eugmhais an lagha bha 'm peacadh marbh.

9 Oir bha mise beò as eugmhais an lagha uair-èigin: ach air teachd do'n àithne, dh'ath-bheothaich am peacadh, agus fhuair mise bàs.

10 Agus an àithne a dh'ordhuicheadh chum beatha, fhuaradh dhomh-sa chum bàis i.

11 Oir air do'n pheacadh fàth a ghlacadh tre'n àithne, mheall emi, agus lesin mharbhbh c mi.

12 Air an aobhar sin tha 'n lagh naomh; agus tha 'n àithne naomh, agus cothromach, agus maith.

13 Uime sin an d'rinneadh an ni sin a bha maith, 'n a bhàs domhsa? Nar leigeadh Dia. Ach am peacadh, chum gu'm faicheadh gur peacadh e, ag oibreachadh bàis annam-sa, leis an ni sin a tha maith; chum tre'n àithne gu'm fàsadh am peacadh ro pheacadh.

14 Oir tha fhios againne gu bheil an lagh spioradail: ach tha mise feòlmhor, air mo reiceadh fo 'n pheacadh.

15 Oir an ni a tha mi 'deanamh, cha taitneach leam e: oir an ni a b'ail leam, cha-n e a tha mi a' deanamh; ach an ni a's fuathach leam, is e sin a tha mise a' deanamh.

16 Uime sin ma tha mi 'deanamh an ni

nach b'ail leam, tha mi 'g aontachadh leis an lagh, gu bheil e maith.

17 A nis ma ta cha mhise ni's mò a tha 'deanamh so, ach am peacadh a tha 'gabhail còmhnuidh annam.

18 Oir tha fhios agam, annam-sa, (sin ri ràdh, ann am fheòil,) nach 'eil maith sam bith a' gabhail còmhnuidh: oir tha'n toil a lathair maille rium, ach *dòigh sam bith* chum maith a dhcanamh cha-n'eil mi a' faotainn?

19 Oir cha-n'eil mi 'deanamh am maith 'bu mhiann leam: ach an t-ole nach b'ail leam, is e sin a tha mi a' deanamh.

20 A nis ma tha mi a' deanamh an ni nach b'ail leam, cha mhise ni's mò a tha 'deanamh so, ach am peacadh a tha 'gabhail còmhnuidh annam.

21 Uime sin tha mi 'faotainn lagha, 'n uair a b'ail leam am maith a dhcanamh, gu bheil an t-ole a lathair agam.

22 Oir tha tlachd agam ann an lagh Dhé, a réir an duine 's an taobh a stigh;

23 Ach tha mi 'faicinn lagha eile a'm' bhnuill a' cogadh an aghaidh lagha m'inntinn, agus ga m' thoirt ann am buid do lagh a' pheacaidh, a tha ann am bhruill.

24 Och is duine truagh mi! cò a shaoras mi o chorp a' bhàis so?

25 Tha mi 'toirt buidheachais do Dhia, tre Iosa Chrìosd ar Tighearn. Uime sin, tha mise féin leis an inntinn a' deanamh seirbhis do lagh Dhé; ach leis an fheòil do lagh a' pheacaidh.

CAIB. VIII.

1 Tha iadsan a tha ann an Crìosd, agus a' caitheadh am beatha a réir an Spioraid, saor o dhiteadh. 5 Ciod an cron a thig o'n fheòil, 14 agus ciod am maith a thig o'n Spioraid; 17 agus ciod e a bhi 'n ar coimh do Dhia: 19 dream aig am bheil, roimh na h-uile ni, déidh air an saorsa, &c.

AIR an aobhar sin cha-n'eil a nis dìteadh sam bith do'n dream sin a tha ann an Iosa Crìosd, a tha 'gluasad cha-n ann a réir na feòla, ach a réir an Spioraid.

2 Oir shaor lagh Spioraid na beatha, ann an Iosa Crìosd, mise o lagh a' pheacaidh agus a' bhàis.

3 Oir an ni nach robh 'an comas do'n lagh a dhcanamh, do bhrìgh gu'n robh e annhunn tre'n fheòil, ag cur a Mhic féin do Dhia ann an coslas feòla peacaidh, agus 'n a 'bòairt air son peacaidh, dhìt e am peacadh 's an fheòil:

4 Chum gu'm bitheadh fireantachd an lagha air a coimhlionadh annainne, a tha 'gluasad cha-n ann a réir na feòla, ach a réir an Spioraid.

5 Oir an dream a tha a réir na feòla, tha an aire air na nithibh sin a bhuineas do'n fheòil; ach an dream a tha a réir an Spioraid, air na nithibh sin a bhuineas do'n Spioraid.

6 Oir an inntinn fheòlmhor is bàs i; ach an inntinn spioradail is beatha agus sìth i:

7 Do bhrìgh gur naimhdeas an inntinn fheòlmhor an aghaidh Dhé; oir cha-n'eil i ùmhail do lagh Dhé, agus cha mhò a tha'n comas di 'bhi.

8 Uime sin cha-n urrainn iadsan a tha 's an fheòil Dia a thoileachadh.

9 Ach cha-n'eil sibhse 's an fheòil, ach 's an Spiorad, ma tha Spiorad Dhé a' gabhail còmhnuidh annaibh. A nis mur 'eil Spiorad Chrìosd aig neach, cha bhuin e dha.

10 Agus ma tha Crìosd annaibh, tha'n corp marbh gu deimhin a thaobh peacaidh; ach is beatha an spiorad a thaobh fireantachd.

11 Ach ma tha Spiorad an ti a thog Iosa o na mairbh a' gabhail còmhnuidh annaibh, an ti a thog Crìosd o na mairbh, beothaichidh e mar an ceudna blur cuirp bhàsmhor-se, tre a Spiorad-san a tha 'chòmhnuidh annaibh.

12 Uime sin, a bhràithre, tha sinn fo fhiachaibh, cha-n ann do'n fheòil, chum ar beatha a chaitheadh a réir na feòla.

13 Oir ma chaitheas sibh bhur beatha a réir na feòla, gheibh sibh bàs: ach ma mharbhas sibh tre'n Spiorad gnìomharan na colla, bithidh sibh beò.

14 Oir a mhead 's a tha air an treòrachadh le Spiorad Dhé, is iad mic Dhé.

15 Oir cha d'fhuair sibh Spiorad na daorsa a ris chum eagail; ach fhuair sibh Spiorad na h-uchd-mhacachd, tre an glaoth sinn, Abba, Athair.

16 Tha an Spiorad féin a' deanamh fianuis maille r'ar spiorad-ne, gur sinn clann Dhe:

17 Agus ma's clann, is oighreachan; oighreachan air Dia, agus comh-oighreachan maille ri Crìosd: ma 's e is gu'm fuiling sinn maille ris, chum gu'n glòraichear sinn maille ris mar an ceudna.

18 Oir tha mi a' meas nach airidh fulangais na h-aimsir a tha làthair a bhi air an coimhneas ris a' ghloir a dh'fhoillsichear annainn.

19 Oir tha dùil dhùrachdach a' chruthachaidh a' feitheamh ri foillseachadh cloinne Dhé.

20 Oir chuireadh an cruthachadh fo dhìomhanas, cha-n ann le 'thoil, ach tridsan a chuir fo dhìomhanas e;

21 'An dòchas gu'n saor an cruthachadh féin fòs o dhaorsa na truailidheachd, gu saorsa ghloirmhor cloinne Dhé.

22 Oir tha fhios againne gu bheil an cruthachadh uile ag osnaich, agus ann am péin gu léir, mar mhaoi ri saothair, gus an am so:

23 Agus cha-n e so a mhaoin, ach sinn féin mar an ceudna, aig am bheil ceud thoradh an Spioraid, tha eadhon sinne ag osnaich

annainn féin, a' feitheamh ris an uchd-mhacachd, eadhon saorsa ar cuirp.

24 Oir is ann le dòchas a snaorar sinn: ach dòchas a chithear, cha dòchas e: oir an ni a tha an duine 'faicinn, c'ar son a bhitheas dòchas aige ris?

25 Ach ma tha dòchas againn ris an ni nach 'eil sinn a' faicinn, feithidh sinn gu foighidheach ris.

26 Tha an Spiorad féin mar an ceudna a' deanamh còmhnaidh le ar n-anmhuinn-eachd: oir cha-n aithne dhuinn ciod a ghuidheamaid mar bu chòir dhuinn; acli tha an Spiorad féin a' deanamh eadar-ghuidhe air ar son le osnaibh do-labhairt.

27 Agus is aithne dhàsan a tha 'rannsachadh nan cridheachan ciod i inntinn an Spioraid, do bhrìgh gu bheil e a' deanamh eadar-ghuidhe air son nan naomh a réir toile Dhé.

28 Agus tha fhios againn gu'n comh-oibrich na h-uile nithean chum maith, do'n dream aig am bheil gràdh do Dhia, eadhon dhoibh-san a ghairmeadh a réir a rùin.

29 Oir an dream a roimh-aithnich e, roimh-orduich e iad mar an ceudna chum a bhi comh-chosmhui ri ìomhaigh a Mhic, chum gu'm bitheadh esan 'n a cheud-ghin am measg mòrain bhràithrean.

30 Agus an dream a roimh-orduich e, ghairm e iad mar an ceudna: agus an dream a ghairm e, dh'fhìreanaich e mar an ceudna: agus an dream a dh'fhìreanaich e, ghlòraich e mar an ceudna.

31 Ciod uime sin a their sinn ris na nithibh sin? Ma tha Dia leinn, co 'dh'fheudas a bhi 'n ar n-aghaidh?

32 An ti nach do chaomhain a Mhac féin, ach a thug thairis e air ar son-ne uile, cionnus maille ris-san uach toir e mar an ceudna dhuinn gu saor na h-uile nithean?

33 Cò a chuireas coire sam bith á leth dacinne taghta Dhé? Is e Dia a dh'fhìreanaicheas.

34 Cò a dhìteas? Is e Crìosd a fhuair bàs, seadh tuilleadh fòs, a dh'èirich a ris, agus a tha air deas làimh Dhé, neach a tha mar an ceudna a' deanamh eadar-ghuidhe air ar son-ne.

35 Cò a sgaras sinn o ghràdh Chrìosd? an dean trioblaid, no àmhghar, no geur-leannmhunn, no gorta, no lomanochuidh, no cunnart, no claidheamh?

36 (A réir mar tha e sgrìobhta, Air do shon-sa mharbhadh sinn ré an là; mheasadh sinn mar chaoraich chum marbhaidh.)

37 Nì h-eachd, ach anns na nithibh sin nìo tha sinn a' toirt tuilleadh agus buaidh, tridsan a ghràdhaich sinn.

38 Oir tha dearbh-bheachd agam, nach bi bàs, no beatha, no aingil, no uachdaranachd-an, no cumhachdan, no nithean a tha làthair, no nithean a tha ri teachd,

39 No àirde, no dòimhne, no creutair sam

bith eile, comasach air sinne a sgaradh o ghràdh Dhé a tha ann an Iosa Crìosd ar Tighearn.

CAIB. IX.

1 *Tha Pòl doilich air son nan Iudhach, 7 Cha biad sliochd Abraham uile clann a' gheallaidh. 18 Tha Dia a' deanamh tròcair air an dream a's toil leis. 21 Feudaidh an cumadair an nì a's àill leis a dheanamh ris a' chriadh. 25 Tha gairm nan Cinnich, agus cur-air-cul nan Iudhach air an roimh-innsadh, &c.*

THA mi a' labhairt ua firinn ann an Crìosd, cha dean mi breug, (air bhi do m' choguis a' deanamh fianuis domh 's an Spiorad naorh :)

2 Gu bheil doilgheas mòr orm, agus cràdh air mo chridhe an còmhuidh.

3 Oir ghuidhim mi fèin a bhi dealaichte o Crìosd, air son mo bhràithrean, mo luchd-dàimh a thaobh ua feòla :

4 A tha 'n an Israclìch ; d'am buin an uchd-mhacachd, agus a' ghloir, agus na coimhcheangail, agus tabhairt an lagha, agus seirbhis Dhé, agus na geallannan ;

5 D'am buin ua h-aithrichean, agus o'm bheil Crìosd a thaobh na feòla, neach is e Dia os ceann naon uile, beannaichte gu sìorruidh. Amen.

6 Cha-n e gu bheil focal Dhé gun éifeachd. Oir cha-u Israclìch iadsan uile a tha o Israel :

7 Agus ni mò do bhrìgh gur sliochd a' Abraham iad, a tha iad uile 'n an clòinn : ach, Ann an Isaac ainmichear do shìol.

8 Is e sin ri ràdh, Cha-n iad clann na feòla clann Dhé : ach is iad clann a' gheallaidh a mheasar mar shìol.

9 Oir is e so focal a' gheallaidh, A réir an ànu so thig mi, agus bithidh mac aig Sara.

10 Agus cha-u e mhàin so, ach Rebecca mar an ceudna 'n uair a rinneadh torrach i o aon, ceadhon Isaac ar n-athair-ne ;

11 (Oir mu'n dorugadh na naoidheanan, agus mu'n d'rinn iad maith no ole, chum gu'm bitheadh rùn Dhé a réir an taghaidh seasnach, cha-n ann o oibribh, ach o'n ti a ghairmeas :)

12 A dubhradh rithe, Ni an neach a's seime seirbhis do'n neach a's òige.

13 A réir mar tha e sgrìobhta, Ghràdh-aidh mi Jacob, ach dh'fhuathaich mi Esau.

14 Ciod a their sinn ua ta ? am bheil cucoir maille ri Dia ? Nar leigeadh Dia.

15 Oir tha e ag ràdh ri Maois, Ni mi tròc-air air an neach air an dean mi tròcair, agus gabhaidh mi truas de'n neach d'an gabh mi truas.

16 Uime sin cha-n aun o'n ti leis an àill, no o'n ti a ruitheas, ach o Dhia a nì tròc-air.

17 Oir tha an sgrìobhtair ag ràdh ri Pharaon, Is ann chum na crìche so fèin a thog mi suas thu, chum gu'm foillsichinn mo chumhachd annad, agus chum gu'm

bitheadh m'ainm iomraideach air feadh na talmhainn uile.

18 Uime sin ni e tròcair air an ti a's àill leis, agus an ti a's àill leis cruaidh-ichidh e.

19 Their thu ma ta rium, C'ar son a tha e ma seadh a' faghail croin ? oir cò a chuir an aghaidh a thoile ?

20 Nì h-eadh, ach O a dhuine, cò thusa a tha 'tagradh an aghaidh Dhé ? An abair an ni a chumadh ris an ti a chum e, C'ar son a rinn thu mi mar so ?

21 Nach 'eil cumhachd aig a' chriadh-dair air a' chriadh, ionnus gu'n deanadh e de'n aon mheall aon soithcach chum urrainn, agus soithcach eile chum eas-urraim.

22 Ciod ma's e, air bhi do Dhia toileach 'fhearg a nochdadh, agus a chumhachd a dheanamh aithnichte, gu'n d'fhuiling e le mòr fhad-fhulangas soithichean na feirge air an ulluchadh chum sgrios :

23 Agus chum gu'n deanadh e aithnichte saobhbheas a ghloire air soithichibh na tròcair, a dh'ulluich e roimh-làimh chum glòire,

24 Eadhon sinne a ghairm e, cha-n e mhàin de na h-Iudhaich, ach mar an ceudna de na Cinnich.

25 Mar tha e ag ràdh mar an ceudna ann an Hosea, Goiridh mi mo phobull diubhsan nach robh 'n am pobull domh ; agus bean ghràdhach dh'ise, nach robh gràdhach.

26 Agus tarlaidh, anns an ionad 's an dubhradh riu, Cha sibh mo phobull-sa ; an sin gu'n goirear Clann an Dé bheò dhiubh.

27 Tha Esaias mar an ceudna ag éigheach mu thimchioll Israclì, Ged tha àireamh chloinn Israclì mar ghaineamh na fairge, is fuigheall a thearnar.

28 Oir crìochnaichidh e an obair, agus gearraidh e goirid i 'an ceartas : do bhrìgh gu'n dean an Tighearn obair ghoirid air an talamh.

29 Agus mar a thubhairt Esaias roimhe, Mur fagadh Tighearn nan sluagh sìol againe, dheantadh sinn mar Shodom, agus bhithamaid cosmhuil ri Gomorrah.

30 Ciod a their sinn ua seadh ? Gu'n d'ràinig na Cinnich, nach robh a' leantuin fireantachd, air fireantachd, ceadhon an fhìreantachd a tha o chreidimh :

31 Ach cha do ràinig Isracl, a bha 'lean-tuim lagha na fireantachd, air lagh na fireantachd.

32 C'ar son ? A chionn nach ann o chreidimh, ach mar gu'm b'ann o oibribh an lagha a dh'iarr iad i : oir thuislich iad air a' chloich-thuislidh sin ;

33 Mar tha e sgrìobhta, Feuch, cuircam ann an Sion clach-thuislidh, agus carraig oilbheim : agus gach neach a chreideas annsan, cha chuirear gu nàire e.

CAIB. X.

1 *Tha an sgrìobhtair a' nochdadh an eadar-dhealachaidh a tha eadar fireantachd an lagha, agus a' chreidimh; 11 agus nach cuirear a h-aon de na h-Iudhaich, no de na Cinnich sin uile a chreideas, fo amhhuadh; 18 agus gu'n gabh na Cinnich ris an fhocal, agus gu'n creid iad. 19 Cha robh Israel aineolach air na nithibh sin.*

A BHRAITHREAN, is e dùrachd mo chridhe, agus m' urnuigh ri Dia air son Isracil, gu'm bitheadh iad air an tearnadh.

2 Oir tha mi 'deanamh fianuis doibh, gu bheil eud aca thaobh Dhé, ach cha-n ann a réir èòlais.

3 Oir air dhoibh 'bhi aineolach air fireantachd Dhé, agus ag iarraidh am fireantachd féin a chur air chois, cha do strìochd iad do fhìreantachd Dhé.

4 Oir is e Crìosd crìoch an lagha, chum fireantachd do gach neach a chreideas.

5 Oir tha Maois a' cur 'an cèill na fireantachd a tha o'n lagh, *eadhon*, An duine a ni na nithean sin, gu'm bi e beò leo.

6 Ach mar so tha an fhìreantachd a tha o chreidimh ag ràdh, Na h-abair ann ad chridhe, Cò 'théid suas air nèamh? (sin r'a ràdh, a thoirt Chrìosd a nuas;)

7 No, Cò a 'théid sìos do'n doimhne? (sin r'a ràdh, a thoirt Chrìosd a ris air ais o na mairbh;)

8 Ach ciod a tha i ag ràdh? Tha'm focal am fagus duit, ann ad bheul, agus ann ad chridhe: 's e sin focal a' chreidimh a tha sinne a' searmonachadh,

9 Ma dh'aideachas tu le d' bheul an Tighearn Iosa, agus ma chreideas tu ann ad chridhe, gu'n do thog Dia o na mairbh e, gu'n saorar thu.

10 Oir is ann leis a' chridhe a chreidear chum fireantachd, agus leis a' bheul a dh'aideichar chum slàinte.

11 Oir tha an sgrìobhtair ag ràdh, Ge b'e neach a chreideas ann-san, cha nàraichear e.

12 Oir cha-n'eil eadar-dhealachadh eadar an t-Iudhaich agus an Greugach: oir an t-aon Tighearn a tha os ceann nan uile, tha e saobhair do na h-uile a ghairmeas air.

13 Oir ge b'e neach a ghairmeas air ainm an Tighearna, tearnar e.

14 Ach cionnus a ghairmeas iad airsan anns nach do chreid iad? agus cionnus a chreideas iad anns an ti air nach cual' iad *iomradh*? agus cionnus a chluinneas iad gun searmonaiche?

15 Agus cionnus a ni iad searmoin, mur cuirear iad? mar tha e sgrìobhta, Cìa sgiamhach cosan na muinntir sin a tha 'searmonachadh soisgeil na sìthe, a tha 'toirt sgeòil aoibhneich air nithibh maithes!

16 Ach cha robh iad uile ùmhal do'n t-soisgeul. Oir tha Èsaia ag ràdh, A Thighearna, eò a chreid ar n-aithris-ne?

17 Uime sin, is ann o éisdeachd a thig creidimh, agus éisdeachd tre fhocal Dhé.

18 Ach tha mi ag ràdh, Nach cual' iad? Chuala gu deimhin, chaidh am fuaim air feadh gach tìre a mach, agus am briathran gu iomallaibh an domhain.

19 Ach tha mi ag ràdh, Nach robh fios aig Israel? Air tùs, tha Maois ag ràdh, Cuiridh mi eud oirbh le *Cinneach* nach 'eil 'n an Cinneach, agus le Cinneach neo-thuigseach cuiridh mi fearg oirbh.

20 Ach tha Èsaia ro dhàn, agus tha e ag ràdh, Fhuaradh mi leo-san nach d'iarr mi; dh'fhoillsicheadh mi dhoibh-san nach d'fhiosraich air mo shon.

21 Ach ri Israel tha e ag ràdh, Shìn mi mach mo làmhnan ré an là gu h-ìomlan ri pobull eas-ùmhail agus a labhras a'm' aghaidh.

CAIB. XI.

1 *Cha do thilg Dia Israel uile uaith. 7 Thaghadh cuid, ged 'chruaidhicheadh a' chuid eile. 16 Tha dòchas na'n ath-philleadh. 18 Cha-n fheudna Cinnich uaill-thàir a dheanamh orra; 26 oir tha gealladh gu'n tearnar iad. 33 Tha brèitheanaidh Dhé do-rainsachaidh.*

THA mi ag ràdh ma seadh, An do thilg Dia a phobull uaith? Nar leigeadh Dia. Oir is Israeleach mise féin mar an ceudna, de shìochd Abraham, de thrèibh Bheniamin.

2 Cha do thilg Dia uaith a phobull a roimh-aithnìch e. Nach 'eil fhios agaibh ciod e a tha an sgrìobhtair ag ràdh mu Elias? cionnus a tha e a' deanamh eadar-ghuidhe ri Dia an aghaidh Isracil, ag ràdh,

3 A Thighearna, mharbh iad d'fhaidhean, agus leag iad sìos d'altairean; agus dh'fhagadh mise a'm' aonar, agus tha iad ag iarraidh m'anama.

4 Ach ciod a tha freagrach Dhé ag ràdh ris? Dh'fhàg mi dhomh féin seachd mìle fear, nach do lùb an glùn do *dheallbh* Bhaail.

5 Agus mar sin mar an ceudna tha 's an àm so a lathair fuigheall a réir taghaidh a' ghràis.

6 Agus ma's ann tre ghràs, cha-n ann o oibribh nì's mò: no cha ghràs gràs nì's mò. Ach ma's ann o oibribh, cha-n ann o ghràs à sin suas: no cha-n obair à sin suas obair.

7 Ciod ma seadh? An nì sin a tha Israel ag iarraidh, cha do ràinig e air; ach ràinig an taghadh air, agus chaidh a' chuid eile a dhalladh:

8 Mar tha e sgrìobhta, Thug Dia dhoibh spiorad na suaine, sùilean chum nach faic-eadh iad, agus chluasan chum nach cluinn-eadh iad, gus an là an diugh.

9 Agus tha Daibhidh ag ràdh, Bitheadh am bord mar ribe, agus mar inneal-glacaidh, agus mar cheap-tuislidh, agus mar dhiol-thuarasdail dhoibh:

10 Bitheadh an sùilean air an dorchachadh,

chum nach faic iad ; agus crom-sa an druim an còmhuidh.

11 Tha mi ag ràdh uime sin, An do thuislich iad ionnus gu'n tuiteadh iad? Nar leigeadh Dia: ach tre an tuiteam-san tha slàinte *air teachd* chum nan Cinneach, chum iadsan a bhrosnachadh gu h-eud.

12 Ma's e an tuiteam-san saoihbreas an domhain, agus an lughdachadh saoihbreas nan Cinneach; cia's mò na sin a *bhitheas* an lànachd?

13 Oir is ann ribhse tha mi a' labhairt, a Chinneacha; do bhrìgh gur mi abstol nan Cinneach, tha mi 'toirt urrainn do m' dhreuchd:

14 Ma dh'fheudas mi air chor sam bith mo chomh-fheòil a bhrosnachadh gu h-eud, agus gu'n tearuinn mi dream àraidh dhiubh.

15 Oir ma's e an tilgadh-san air falbh réteachadh an domhain; cìod e an ath-ghabhail, ach beatha o na marbhaibh?

16 Oir ma tha an ceud-thoradh naomh, tha am meall *naomh* mar an ceudna: agus ma tha an fhreumh naomh, *tha* na geugan *mar sin* mar an ceudna.

17 Agus ma tha cuid de na geugaibh air am brisadh dheth, agus gu bheil thusa, a bha a'd' chrann-olaidh fiadhaich, air do shuidheachadh 'n am measg, agus maille ri u' faotainn comhpairt de fhèimh agus de reamhrachd a' chroinn-olaidh;

18 Na dean uail an aghaidh nan geng: ach ma ni thu uail 'n an aghaidh, cha tusa a dh'iomchairs an fhreumh, ach an fhreumh thusa.

19 Their thu uime sin, Bhrieadh dheth na geugan, chum gu'n suidhichteadh mise 'n an àite.

20 Ro mhaith; air son am mi-chreidimh bhrieadh iadsan dheth, agus tha thusa a' seasamh tre chreidimh. Na bi àrd-innt-inneach, ach fo eagal.

21 Oir mur do chaomhain Dia na geugan nàdurra, *bitheadh eagal ort* nach caomhain e thusa mar an ceudna.

22 Feuch uime sin maitheas agus geur-cheartas Dhé: geur-cheartas d'an taobh-sa a thuit; ach do d' thaobh-sa, maitheas, ma bhunaicheas tu 'n a mhaitheas; agus mur buanaich, gearradh dheth thusa mar an ceudna.

23 Agus suidhichear iadsan mar an ceudna, mur buanaich iad 'n am mi-chreidimh; oir tha Dia comasach air an suidheachadh a ris.

24 Oir ma ghearradh thusa as a' chrann-olaidh a bha fiadhaich a thaobh nàdur, agus gu'n do shuidhicheadh ann an deadh chrann olaidh thu an aghaidh nàdur; cia mòr a's mò na sin a shuidhichear na *geugan* nàdurra 'n an crann-olaidh féin?

25 Oir cha b'ail leam, a bhràithrean,

sibhse 'bhi aineolach air an rùn-dìomhair so, (chum nach bitheadh sibh glie 'n 'ur barail féin,) gu'n do tharladh doille ann an cuid do Israel, gus an tig iomlanachd nan Cinneach a steach.

26 Agus mar sin bithidh Israel uile air an tearnachd: mar tha e sgrìobhta, Thig am Fear-saoraidh o Shìon, agus tionndaidhidh e mi-dhiadhachd o Iacob:

27 Oir is e so mo choinncheangal riu, 'n uair a bheir mi air falbh am peacaidh-ean.

28 Thaobh an t-soisgeil, *is* naimhdean iad air blur sonsa: ach a thaobh an taghaidh, *tha iad* gràdhachte air son nan aithrich-ean.

29 Oir tha tìodhlacan agus gairm Dhé gun aithreachas.

30 Oir mar a bha sibhse roimhe so eas-ùmhail do Dhia, ach a nis a fhuair sibh tròcair tre am mi-chreidimh-san:

31 Anhuil sin tha iadsan 's an àm so eas-ùmhail, chum tre bhuir tròcair-sa gu'm faigh iad tròcair mar an ceudna.

32 Oir dhruid Dia iad uile ann am mi-chreidimh, chum tròcair a dheanamh air na h-uile.

33 O doimhne saoihbheis araon gliocais agus còlais Dhé! Cia do-rannsachaidh a bhreitheanaidh, agus do-lorgachaidh a shligh-ean!

34 Oir cò aig an robh fios inntinn an Tigh-earna, no cò a b'fhear-comhairle dha?

35 No cò 'thug dha air tùs, agus a làn-diòlar a ris dha e?

36 Oir is ann uathc-san, agus trid-san, agus air a shonsan a *tha* na h-uile nith-ean: dhàsan *gu robh* glòir gu sìorruidh. Amen.

CAIB. XII.

1 *Is còir do thròcair Dhé sinne aomadh gu Dia a thoileachadh: 3 cha chòir do dhuine sam bith meas tuilleadh is maith 'bhi aige air féin: 6 ach is còir do gach aon feitheamh air an dreuchd sin, a dh'earbadh ris. 9 Tha gràdh, agus mòran dhleasdanas eile air an iarraidh uainn. 19 Tha dòghaltas gu sonruichte air a thoirmeasg dhuinn.*

AIR an aobhar sin guidheam oirbh, a bhràithre tre thròcairibh Dhé, bhuir cuirp a thoirt 'n am beo-iobairt, naomh, thaitnich do Dhia, *ni a's e* bhuir seirbhis reusonta.

2 Agus na bithibh air blur cumadh ris an t-saoghal so: ach bithibh air bhuir cruth-atharrachadh tre ath-nuadhachadh bhuir n-inntinn, chum gu'n dearbh sibh cìod i toil mhaith, thaitneach, agus dhiongmhalta sin Dhé.

3 Oir tha mi ag ràdh, troimh a' ghràs a thugadh dhomh-sa, ris gach neach 'n 'ur measg, gun smuaineachadh *uime féin* ni's àirde na 's còir dha smuaineachadh; ach smuaineachadh 'am measarrachd, a rèir

mar a roinn Dia ris gach neach tomhas a' chreidimh.

4 Oir mar tha mòran bhall againn ann an aon chorp, agus nach e'n t-aon ghniomh a tha'ig gach ball;

5 Anhuil sin ged tha sinne'n ar mòran, is aon chorp ann an Criesd sinn, agus is buill sinn gach aon fa leth d'a chéile.

6 Uime sin air bhi do thìodhlacaibh againn, eadar-dhealaichte a réir a' ghràis a thugadh dhuinn, ma's fàidheadaireachd, *deanamaid fàidheadaireachd* a réir tomhais a' chreidimh;

7 No ma's frithealadh, *thugamaid aire d'ar frithealadh*; no an ti a theagaisgeas, *thugadh se e le d'urachd*;

8 No an ti a bheir earail, *thugadh e aire d'a earail*: an ti a roinneas an deire, *roinneadh e i 'an treibhdhreas*; an ti a riaghlas, *deanadh se e le d'urachd*; an ti a ni tròcair, *deanadh se e gu suilbhir*.

9 *Bitheadh bhuir* gràdh gun cheig. Bith-eadh gràin agaibh de'n ole, dluth-leanaibh ris an ni a tha maith.

10 *Bithibh* teo-chridheach r'a chéile le gràdh bràthaireil, ann an urram a' toirt toisich gach aon d'a chéile:

11 Gun bhi leasg ann an gnothuichibh: d'urachdach 'n 'ur spiorad; a' deanamh seirbhis do'n Tighearn:

12 A' deanamh gairdeachais ann an dòchas: foighidheach ann an trioblaid; maireamh a' ann an urnuigh:

13 A' comh-roinn ri uireasbhuidh nan naomh; a' gnàthachadh aoidheachd.

14 Beannaichibh an dream a tha 'deanamh geur-leamhuinn oirbh: beannaichibh, agus na mallaichibh.

15 Deanaibh gairdeachas maille ruisan a tha ri gairdeachas, agus caoidh maille ruisan a tha ri caoidh.

16 Bithibh a dh'aon rùn d'a chéile. Na bith-eadh bhuir cìou air nithibh àrda, ach euiribh sibh féin 'an comh-inbhe ri-usan a tha ìosal. Na bithibh glie 'n 'ur barail féin.

17 Na h-ìocaibh ole air son uile do dhuine sam bith. Ultaichibh nithean ciatach 'am fianuis nan uile dhaoine.

18 Ma dh'fheudas e bhi, mheud 's a tha e'n comas duibh, bithibh 'an sìth ris na h-uile dhaoineibh.

19 A chàirdean gràdhach, na deanaibh dìoghaltas air bhuir son féin, ach thugaibh àite do'n fheirg: oir tha e sgriobhta, is leam-sa dìoghaltas; ìocaidh mi, tha an Tighearn ag ràdh.

20 Uime sin ma bhitheas do nàmhaid oerach, thoir biadh dha; ma bhitheas e tartmhor, thoir deoch dha: oir le so a dheanamh càrnaidh tu sìbhlèau teine air a cheanu.

21 Na toirear buaidh ort leis an ole, ach thoir-sabaidh air an ole leis a' mhaith.

1 *Umhlachd, agus dleasdanas eile c'a eòir dhuinn a chur 'an gnìomh do uachdaranaibh.* 8 'S e gràdh coimhlionadh an lagha. 11 *Tha geacaireachd, agus misg, agus oibre an dorchadais ro neo-chubhaidh do àm an t-òiseigil.*

BITHEADH gach anam ùmhal do na bhàrd-chumhachdaibh. Oir cha-n'eil eumhachd ann ach o Dhia: agus na cumhachdan a tha ann, is ann le Dia a dh'ord-uicheadh iad.

2 Air an aobhar sin ge b'e air bith a chuir-eas an aghaidh a' chumhachd, tha e 'cur an aghaidh orduigh Dhé: agus iadsan a chuir-eas 'n a aghaidh, gheibh iad breitheanas dhoibh féin.

3 Oir cha-n'eil uachdarain 'n an aobhar eagail do dheadh oibribh, ach do dhroch oibribh. Uime sin am miann leat a bhi gun eagal an uachdarain ort? deam am maith, agus gheibh thu cliu uath.

4 Oir is esan seirbhisach Dhé eum maith dhuit. Ach ma ni thu an t-ole, bith-eadh eagal ort; oir cha-n ann gu dìomhain a tha e 'gìulan a' chlaidheimh; oir is e seirbhisach Dhé e, 'n a dhìoghaltair feirge air an ti a ni ole.

5 Uime sin is éigin a bhi ùmhal, cha-n ann a mhàin air son feirge, ach mar an ceudna air son coguis.

6 Oir air an aobhar so tha sibh mar an ceudna a' toirt eise dhoibh: oir is iad seirbhisich Dhé iad, a' sìor-fheitheamh air an ni so féin.

7 Air an aobhar sin thugaibh do na h-uile an dlìghe féin: càin dhàsan d'an *dlìghear* càin, eis dhàsan d'an *dlìghear* eis, eagal dhàsan d'an *dlìghear* eagal, agus urram dhàsan d'an *dlìghear* urram.

8 Na bith-eadh fiachan sam bith aig aon neach oirbh, ach a mhàin a chéile a ghràdhachadh: oir an ti aig am bheil gràdh do neach eile, choimhlion e an lagh.

9 Oir an ni so, Na dean adhartannas, Na dean mortadh, Na goid, Na dean fianuis bhréige, Na sanntaich; agus ma tha àithne sam bith eile ann, tha i air a cur sìos gu h-aithghearr fo 'n fhocal so, Gràdhaidh do choimhearsnach mar thu féin.

10 Cha dean gràdh leohd do choimhearsnach: air an aobhar sin is e an gràdh coimhlionadh an lagha.

11 Agus so, air dhuibh fios na h-aimsir a bhi agaibh, gur mithich dhuinn a nis mosgladh o chodal: oir tha ar skàinte nis nì's faigse na 'n uair a chreid sinn.

12 Tha cuid mhòr de'n oidheche air dol seachad, tha an là ann fagus: uime sin cuir-eamaid dhinn oibre an dorchadais, agus cuir-eamaid umain armachd au t-soluis.

13 Ghuaiseamaid gu cubhaidh mar anns an là; eha-n ann 'an ruidhteireachd agus 'am misg, no 'an seomradairachd agus 'am mænus, no 'an aisith agus 'am farinad.

14 Ach cuiribh umaibh an Tighearn Iosa Críod, agus na deanaibh ulluchadh air son na feòla, chum a h-anam-miannam a choimh-ionadh.

CAIB. XIV.

1 *Cha-n fheud daoine tair a dheanamh, no chéile a dhéadh air son nithean coimh-dheas: 13 ach a bhi faicilich gun oilbheum a thoirt seachad; 15 oir dhearbh an t-abstol, le iomadh reuson, gu bheil sin mi-cheadichte.*

GABHAIBH ris an neach a tha annamh *Gu's a' chreidimh, ach cha-n ann chum deasboireachd amharusach.*

2 Oir tha aon a' creidsinn gu'm feud e na h-uile nithean itheadh: ach tha esan a tha annamh ag itheadh luibhean.

3 Na deanadh esan a tha 'g itheadh, tair airsan nach 'eil ag itheadh; agus na tugadh esan nach 'eil ag itheadh, breth air an ti a dh'itheas: oir ghabh Dia ris.

4 Cò thusa a tha 'toirt breth air seirbhis-each duine eile? d'a mhaighstir féin seasaidh, no tuitidh e: seadh, cumar suas e; oir is comasach Dia air a chumail 'n a sheasamh.

5 Tha meas aig neach air là thar là: agus tha meas aig neach eile air gach là *mar a chéile.* Bitheadh làn-dearbhadh aig gach duine 'n a inntinn féin.

6 An ti aig am bheil suim do'n là, is ann do'n Tighearn a tha suim aige *dha;* agus an ti aig nach 'eil suim do'n là, is ann do'n Tighearn nach 'eil suim aige *dha.* An ti a tha 'g itheadh, is ann do'n Tighearn a tha e 'g itheadh, oir tha e 'toirt buidheachais do Dhia; agus an ti nach 'eil ag itheadh, is ann do'n Tighearn nach ith e, agus bheir e buidheachas do Dhia.

7 Oir cha-n'eil a h-aon againn beò dha féin, agus cha-n'eil a h-aon againn a' bàsachadh dha féin.

8 Oir ma's beò dhuinn, is ann do'n Tighearn a tha sinn beò: agus ma's bàs duinn, is ann do'n Tighearn a tha sinn a' bàsachadh: uime sin ma's beatha no bàs dhuinn, is leis an Tighearn sinn.

9 Oir is ann chum so a fhuair Críod bàs, agus a dh'éirich e, agus a tha e beò a ris, chum gu'm bitheadh e 'n a Thigh-carn air na beothaibh agus air na marbhaibh.

10 Ach c'ar son a tha thusa a' toirt breth air do bhràthair? no c'ar son a tha thusa a' deanamh tarcuais air do bhràthair? oir seasaidh sinn gu léir 'am fianuis caitheir-breitheanais Críod.

11 Oir tha e sgrìobhta, *Mar* is beò mise, tha an Tighearn ag ràdh, lùbaidh gach glùn dhèmh-sa, agus aoidichidh gach teangadh do Dhia.

12 Air an aobhar sin bheir gach aon againn cunntas uime féin do Dhia.

13 Uime sin na tugamaid breth air a chéile nì's mò: ach gu ma fearr leibh a' bhreth so

'thoirt, gun aobhar-tuiteam no oilbheim a thoirt do bhràthair.

14 Oir tha fhios agam, agus is dearbh leam anns an Tighearn Iosa, nach 'eil ni sam bith neòghlan dheth féin: ach do'n ti a mheasas ni sam bith neòghlan, dhàsan *tha e* neòghlan.

15 Ach ma bhitheas doilgeas air do bhràthair air son bidh, a nis cha-n'eil thu a' ghlasad a réir a' ghràidh. Na sgrìos le d' bhiadh esan air son an d'fhuiling Críod bàs

16 Air an aobhar sin na labhrar ole mu bhrur maith.

17 Oir cha bhiadh agus deoch rioghachd Dhé, ach fireantachd, agus sìth, agus aoibhneas anns an Spiorad naomh.

18 Oir ge b'e ni seirbhis do Chríod anns na nithibh so, tha e taitneach do Dhia, agus tha e dearbhata do dhaoineibh.

19 Uime sin leanamaid na nithean a bhitheas chum sìthe, agus na nithean a bhitheas chum togail suas a chéile.

20 Na sgrìos obair Dhé air son bidh. Gu deimhin tha na h-uile nithean glan; ach is ole do'n duine sin a dh'itheas le h-oilbheum.

21 Is maith an ni gun fheòil itheadh, no fion òl, no *ni air bith a dheanamh* leis am faigh do bhràthair tuisleadh no oilbheum, no leis an deantar lag e.

22 Am bheil creidimh agad? Bitheadh e agad dhuit féin 'am fianuis Dhé: Is beannaichte an duine sin nach dìt e féin anns an nì sin a mheasas e ceaduichte.

23 Ach esan a ni eadar-dhealachadh tha e air a dhéadh ma dh'itheas e, a chionn nach ann o chreidimh a *tha e 'g itheadh:* oir gach ni nach 'eil o chreidimh, is peacadh e.

CAIB. XV.

1 *Is còir dhoibh-san a tha làidir giùlan leo-san a tha annamh. 2 Cha-n fheud sinn sinn féin a thoileachadh, 3 oir cha d'rinn Críod sin, 7 ach gabhail r'a chéile, mar a rinn Críod ruinn uile, 9 arcaon ris na h-Iudhaich agus ris na Cinnich. 15 Ghabh Pòl a leith-seul féin.*

UIME sin is còir dhuinne a tha làidir, giùlan le annamhneachd na muinntir sin a tha lag, agus gun sinn féin a thoileachadh.

2 Toilleadh gach aon againn a eòimhearsnach g'a mlaith chum a thogail suas.

3 Oir cha do thoilich eadhon Críod e féin; ach a réir mar tha e sgrìobhta, Thuit toibheum na muinntir sin a thug toibheum dhuit ormsa.

4 Oir ge b' iad nithean air bith a sgrìobhadh roimh so, is ann chum ar teagaisg-ne a sgrìobhadh iad; chum tre fhoighidin agus comhfhurtachd nan sgrìobtuir gu'm bith-eadh dòchas againne.

5 A nis gu'n tugadh Dia na foighidin agus na comhfhurtachd dhoibh-se 'bhi d'raon inntinn a thaobh a chéile, a réir Iosa Críod:

6 Chum gu'm feud sibh a dh'aon inntinn, agus le aon bheul glòir a thoirt do Dhia, cadhon Athair ar Tighearna Iosa Crìosd.

7 Uime sin gabhaibh-sa r'a chèile, cadhon mar a ghabh Crìosd ruinne, chum glòire Dhé.

8 A nis tha mi ag ràdh, Gu robh Iosa Crìosd 'n a mhinisteir an timchioll-ghcarraidh air son firinn Dhé, chum geallaman nan aithrichean a dhaingneachadh:

9 Agus chum gu'n thagadh glòir do Dhia air son a thròcair; a réir mar tha e sgrìobhta, Air an aobhar so aicfheidh mi thu am measg nan Cinneach, agus scinnidh mi còrl do d' ainm.

10 Agus a ris tha e ag ràdh, Deanaibh gairdeachas, a Chinneacha, maille r'a phobhl-san.

11 Agus a ris, Molaibh an Tighearn, a Chinneacha uile, agus thugaibh cliu dha, a shluigh uile.

12 Agus a ris tha Esaias ag ràdh, Bithidh freumh Iese ann, agus an ti a dh'éireas suas chum uachdaranachd a bhi aige air na Cinnich, annsan cuiridh na Cinnich an dòchas.

13 A nis gu'n lìonadh Dia an dòchais sibhsce de'n uile aoibhneas agus shith ann an creidsinn, chum gu'm bi sibh pailt ann an dòchas, tre chumhachd an Spioraid naomh.

14 Agus tha cinnt agam-sa féin do 'ur taobh-sa, mo bhràithrean, gu'm bheil sibhsce làn de mhaithreas, air bhuir lìonadh leis an uile eòlas, agus comasach mar an ceudna air a chèile a chomhairleachadh.

15 Gidheadh, a bhràithre, sgrìobh mi do 'ur n-ionnsuidh leis an tuilleadh dànadais, 'an càileigin, mar gu'n cuirinn 'an cuimhne sibh, air son a' ghràis a thugadh dhomh-sa o Dhia,

16 Ionns gu'm bithinn a'm' mhinisteir aig Iosa Crìosd do na Cinnich, a' frithéaladh soisgeil Dhé, chum gu'm bithcadh tabhartas nan Cinneach taitneach, air a naomhachadh leis an Spiorad naomh.

17 Uime sin tha aobhar uail agam tre Iosa Crìosd, anns na nithibh sin a bhuineas do Dhia.

18 Oir cha bhi dànachd agam labhairt air a' bheag do na nithibh sin, nach d'oibrich Crìosd leam, chum na Cinnich a dheanamh ùmhál ann am focal agus 'an gnòmh.

19 Le cumhachd chomharan agus mhiòr-bhuilean, le cumhachd Spioraid Dhé; ionns o Ierusalem agus mu'n cuairt gu Iliricum, gu'n do làn-shearmonaich mi soisgeul Crìosd.

20 Scadh, mar sin bha ro-dhéidh agam air an t-soisgeul a shearmonachadh, cha-n ann a' ionad 's an robh Crìosd air 'ainmeachadh, chum nach togainn air bunait neach eile:

21 Ach a réir mar tha e sgrìobhta, Chi iadsan ris nach do labhradh uime; agus tuigidh iadsan nach cuala.

22 Uime sin mar an ceudna chuireadh gu minic bacadh orm o theachd do 'ur n-ionnsuidh-sa.

23 Ach a nis do bhrìgh nach 'eil agam ionad n'is mò anns na crìochaibh so, agus gu bheil mòr-thogradh agam o chcam mòrain bhliadhnachan teachd do 'ur n-ionnsuidh-sa;

24 Ge b'e uair a thrìallas mi do'n Spàinn, thig mi do 'ur n-ionnsuidh-sa: oir tha dhùil agam sibhsce fhaicinn 's an dol scachad, agus a bhi air mo thoirt air m' aghaidh leibhsce chum an ionaid sin, ma bhithleas mi air tùs 'an càil-eigin air mo lìonadh le 'ur comhludair-sa.

25 Ach a nis tha mi 'dol gu Ierusalem, a' fhrithéaladh do na naomh.

26 Oir bu toil leo-san ann am Macedonia, agus ann an Achaia, comh-fòinn àraidh a dheanamh ris na naomh bhochda 'tha ann an Ierusalem.

27 Bu toil leo gu deimhin, agus tha iad fo fhiachaidh dhoibh. Oir ma rinneadh na Cinnich 'n an luchd comhairt d'an nithibh spioradail-san, is còir dhoibh ministrealachd a dheanamh dhoibh-san 's na nithibh a bhuineas do'n choluinn.

28 Uime sin air dhomh so a chrìochnachadh, agus an uair a sheulaicheas mi an toradh so dhoibh, gabhaidh mi 'ur rathad-sa do'n Spàinn.

29 Agus tha fhios agam, air dhomh teachd do 'ur n-ionnsuidh-sa, gu'n tig mi ann an lànachd beannachaidh soisgeil Crìosd.

30 A nis guidham oirbh, a bhràithrean, air sgàth an Tighearna Iosa Crìosd, agus air son gràidh an Spioraid, gu'n dean sibh gleachda maille rium-sa ann an urnuighibh air mo shon ri Dia;

31 Chum gu'n saorar mi uatha-san nach 'eil a' creidsinn ann an Iudea; agus chum gu'm bi mo sheirbhis air son Ierusalem, taitneach do na naomh:

32 Chum gu'n tig mi do 'ur n-ionnsuidh-sa le h-aoibhneas tre thoil Dhé, agus gu'm tagh mi suaimhneas maille ribh.

33 A nis gu robh Dia na sìthe maille ribh uile. Amen.

CAIB. XVI.

1 Thug Pòl ordugh do na bràithribh fàilte 'chur air mòran; 17 agus chomhairlich e dhoibh aire a thoirt do'n mhuintir a tha 'togaill comsachaidh agus a' thoirt oibheim: 21 agus an dèigh iomadh beannachd chrìochmaich e le breith-buidheachas do Dhia.

THA mi ag earbadh ribh Phebe ar piuthar, a tha 'n a scarbhanta do'n eaglais a tha ann an Cenchrea:

2 Chum gu'n gabh sibh rihte anns an Tighearn, bha e cubhaidh do naomh, agus gu'n dean sibh còmhnaidh rithe anns gach gnothuch anns am bi feum aice oirbh: oir rinn i féin còmhnaidh ri mòran, agus rium-sa mar an ceudna.

3 Cuiribh fàilte air Priscila agus Acuala mo chomh-oibrichean ann an Iosa Crìosd :

4 (Muintir a leag sìos an muineal féin air son m'anama-sa : d'am bheil cha-u e mhàin misc, ach mar an ceudna eaglaisean nan Cinneach uile, a' toirt buidheachais.

5 Mar an ceudna cuiribh fàilte air an eaglais a tha 'u an tigh-san. Cuiribh fàilte air Epenetus a's ionmhuinn leam-sa, neacha's ceud thoradh Achaia do Chrìosd.

6 Cuiribh fàilte air Mùire, a-rinn saothair mhòr air ar son-ne.

7 Cuiribh fàilte air Andronicus agus Iunia mo luchd-dàimh agus mo chomh-phrìosanach, a tha cliutach am neasg nan abstol, agus a bha ann an Crìosd romham-sa.

8 Cuiribh fàilte air Amplias a's ionmhuinn leam-sa 's an Tighearn.

9 Cuiribh fàilte air Urbannus ar comh-oibriche ann an Crìosd, agus air Stachis fear mo ghràidh-sa.

10 Cuiribh fàilte air Apelles a tha dearbhata ann an Crìosd. Cuiribh fàilte orra-san a tha de *theaghlach* Aristobulus.

11 Cuiribh fàilte air Herodion mo charaid. Cuiribh fàilte orra-san de *theaghlach* Narcisuis, a tha 's an Tighearn.

12 Cuiribh fàilte air Triphéna agus Triphòsa, *mnathan* a tha 'saoithreachadh 's an Tighearn. Cuiribh fàilte air Persis a's ionmhuinn leam, bean a shaothraich gu mòr anns an Tighearn.

13 Cuiribh fàilte air Rufus a tha taghta 's an Tighearn, agus air a mhàthair agus mo mhàthair-sa.

14 Cuiribh fàilte air Asineritus, Phlegon, Hermas, Patrobas, Hermes, agus air na bràthribh a tha maille riu.

15 Cuiribh fàilte air Philologus, agus Iulia, air Nereus, agus a phluthar, agus Olimpas, agus ua naoimh uile a tha maille riu.

16 Cuiribh fàilte air a chèile le pòig naoimh. Tha eaglaisean Chrìosd a' cur fàilte oirbh.

17 A nis guidheam oirbh, a bhràithre, comharaichibh iadsan a tha 'togail roinnean agus a' toirt oibhceim, an aghaidh an teagaisg a dh'fhòghluim sibh ; agus seach-naibh iad.

18 Oir cha-n'eil an leithid so a' deanamh seirbhis do 'ur Tighearn Iosa Crìosd, ach d'am b'ionn féin ; agus tha iad le briathraibh mìse agus le mìodail a' mealladh eridheachan na muintir sin a tha neo-lachdach.

19 Oir tha blur n-ùmhlaichd-se air teachd chum nan uile *dhaoiné*. Uime sin tha mise a' deanamh gairdeachais do 'ur taobh-se : gidheadh b'ail leam sibhse 'bhi glic chum a' mhaith, ach aon-fhillte thaobh an uile.

20 Agus bruthaidh Dia na sìthe Sàtan fo 'ur cosaibh gu h-aithghearr. Gràs ar Tighearna Iosa Crìosd *gu robh* maille ribh. Amen.

21 Tha Timoteus mo chomh-oibriche a' cur fàilte oirbh, agus Lucius agus Iason agus Sosipater, mo luchd-dàimhe.

22 Tha mise Tertius, a sgrìobh au litir so, a' cur fàilte oirbh 's an Tighearn.

23 Tha Gaius, a tha 'toirt aoidheachd dhomh-sa agus do'n eaglais uile, a' cur fàilte oirbh. Tha Erastus stiùbhard a' bhaile a' cur fàilte oirbh, agus Cuartus bràthair.

24 Gràs ar Tighearna Iosa Crìosd *gu robh* maille ribh uile. Amen.

25 A nis dhàsan a tha comasach air sibhse a dhaingneachadh a réir mo shoisgeil-sa, agus searmonachaidh Iosa Crìosd, (a réir foillseachaidh an rùn-dìonhair, a bha 'am folach o thoiseach an domhain,

26 Ach a dh'fhoillsicheadh a nis, agus tre sgrìobtuiribh nam fàidhean, a réir aithne an Dé bhith-bhuain, a tha air a dheanamh aithuichte do na h-uile chinnich chum ùmh-lachd a' chreidimh.)

27 Do Dhia a tha mhàin glic, *gu robh* glòir tre Iosa Crìosd gu sìorruidh. Amen.

CEUD LITIR AN ABSTOIL PHOIL

CHUM NAN

CORINTIANACH.

CAIB. I.

1 An déigh fàilte agus breith-buidheachais, 12 dh'earlaich an t-abstol na Corintianach, agus chronuich e iad air son an aithrèite. 18 Sgrìosaidh Dia gliocas nan daoine eagnuidh le amaideachd searmonachaidh, &c.

POL a ghairmeadh *gu 'bhi* 'n a abstol do Iosa Crìosd, tre thoil Dhé, agus Sostenes ar bràthair,

2 Chum eaglais Dhé, a tha ann an Corinthus, chum an dream a tha air an naomhachadh ann an Iosa Crìosd, air an gairm *gu 'bhi* 'n an naoimh, maille rusan uile a tha 'gairm air ainm ar Tighearna Iosa Crìosd anns gach àit, an *Tighearna-san*, agus ar *Tighearna-ne*;

3 Gràs dhùibh-se, agus sìth o Dhia ar n-Athair, agus o 'n Tighearn Iosa Crìosd.

4 Tha mi 'toirt buidheachais do m' Dhia a ghnàth do 'ur taobh-se, air son gràs Dhé a thugadh dhuibhse ann an Iosa Crìosd;

5 Air son gunn d'rinneadh saobhair leis-san sibh anns gach uile ni, anns gach ùr-labhradh, agus anns gach eòlas;

6 A réir mar a dhaingnicheadh fianuis Chrìosd annaibh:

7 Ionns nach 'eil sibh 'an déidh-làimh ann an tiodhlac sam bith; a' feitheamh ri foillseachadh ar Tighearna Iosa Crìosd,

8 Nèach mar an ceudna a dhaingnicheas sibh gus a' chrìoch, *chum gu'm bi sibh neo-lochdach ann an là ar Tighearna Iosa Crìosd.*

9 Tha Dia firinneach, leis an do ghairmeadh sibh chum comh-chomuinn a mhic Iosa Crìosd ar Tighearna.

10 A nis guidheam oirbh, a bhràithre, tre ainm ar Tighearna Iosa Crìosd, gu'n labhair sibh uile an t-aon ni, agus nach bi roinnean 'n 'ur measg; ach gu'm bi sibh ceangailte r'a chèile gu dìongmhalta ann an aon imtinn, agus ann an aon bharail.

11 Oir nochdadh dhomh-sa, a bhràithre, m'ur timchioll-se, leo-san a tha de theaghlach Chloce, gu bheil comhstri 'n 'ur measg.

12 A nis tha mi ag ràdh so, gu'n abair gach aon agaibh, Is le Pòl mise; agus is le Apollos mise; agus is le Cephas mise; agus is le Crìosd mise.

13 Am bheil Crìosd air a roinn? an e Pòl a cheusadh air bhuir son? no an ann 'an ainm Phòil a bhaisteadh sibh?

14 Tha mi 'toirt buidheachais do Dhia, nach do bhaist mi aon agaibh, ach Crispus agus Gaius:

15 Air eagal gu'n abradh neach, gu'n do bhaist mi a'm ainm féin.

16 Agus bhaist mi mar an ceudna teaghlach Stephanais: a thuilleadh air so, cha-n fhios domh an do bhaist mi aon neache eile.

17 Oir cha do chuir Crìosd mi a bhaisteadh, ach a shearmonachadh an t-soisgeil; cha-n ann 'an gliocas focail, chum nach cuirteadh crann-ceusaidh Chrìosd 'an neo-blhrih.

18 Oir tha searmonachadh a' chroinn-cheusaidh 'n a amaideachd dhoibh-san a chaillear; ach dhuinne a shaorar, is e cumhachd Dhé e.

19 Oir tha e sgrìobhta. Sgrìosaidd mi gliocas nan daoine glìce, agus cuiridh mi air cùl tuigse nan daoine tuigseach.

20 C'ait am bheil an duine glìc? c'ait am bheil an sgrìobhaiche? c'ait am bheil dèas-boir an t-saoghail so? Nach do rinn Dia gliocas an t-saoghail so amaideach?

21 Oir an uair, ann an gliocas Dhé, nach fàithne do'n t-saoghal, tre ghliocas, Dia, bu toil le Dia le amaideachd an t-searmonachaidh iadsan a thearnadh a tha 'creidsinn.

22 Oir tha na h-Iudhaich ag iarraidh

comharaidd, agus tha na Greugaich a' sir-cadh gliocais:

23 Ach tha sinne a' searmonachadh Chrìosd air a cheusadh, 'n a cheap-tuislidh do na h-Iudhaich, agus do na Greugaich, 'n a amaideachd.

24 Ach dhoibh-san a tha air an gairm, araon Iudhaich agus Greugaich, Crìosd cumhachd Dhé, agus gliocas Dhé:

25 Do bhrìgh gur glìce amaideachd Dhé na daoine, agus gur treise annhuinneachd Dhé na daoine.

26 Oir chi sibh féin bhuir gairm, a bhràithre, nach iomadh iad a tha glìc a thaobh na feòla, nach iomadh cumhachdach, nach iomadh uasal a tha air an gairm:

27 Ach ròghnuich Dia nithean amaideach an t-saoghail so, chum gu'n cuireadh e nàire air na daoineibh glìce; agus ròghnuich Dia nithean annhunn an t-saoghail, chum gu'n cuireadh e gu nàire na nithean cumhachdach;

28 Agus nithean an-nàsal an t-saoghail, agus nithean tar-cuiseach ròghnuich Dia, agus na nithean nach 'eil ann, chum gu'n cuireadh e na nithean a tha ann, 'an neo-blhrih.

29 Ionns nach deanadh feòil sam bith uail 'n a fhianuis.

30 Ach uaithe-san tha sibhse ann an Iosa Crìosd, neach a rinneadh dhuinne le Dia 'n a ghliocas, 'n a fhìreantachd, 'n a naomhachd, agus 'n a shaorsa:

31 Ionns, a réir mar a tha e sgrìobhta, An ti a ni uail, deanadh e uail anns an Tighearn.

CAIB. II.

1 Chuir Pòl an cèill ged nach 'eil a shearmonachadh ann an oirdheircas cainnte, 4 no ann an gliocas dhaoine; 5 gidheadh gu bheil e a' co-sheasamh ann an cumhachd Dhé, agus a' toirt barrachd air gliocas an t-saoghail agus air cumhachd dhaoine.

A GUS an uair a thàinig mise do 'ur n-ionnsuidh-sa, a bhràithre, cha b'ann le oirdheircas cainnte, no gliocais a thàinig mi, a' cur 'an cèill duibh teisteis Dhé.

2 Oir chuir mi romham gun eòlas a ghabhail air ni sam bith 'n 'ur measg, ach air Iosa Crìosd, agus esan air a cheusadh.

3 Agus bha mi 'n 'ur measg ann an annhuinneachd, agus ann an eagal, agus 'am mòr-chrith.

4 Agus cha robh m'fhocal agus mo shearmonachadh ann am briathraibh mìlse gliocais dhaoine, ach ann an làn-dearbhadh an Spioraid, agus a' chumhachd: *Ambrus*

5 Chum gu'm bitheadh bhuir creidimh-sa cha-n ann 'an gliocas dhaoine, ach 'an cumhachd Dhé.

6 Ach gidheadh tha sinn a' labhairt gliocais ann measg nan daoine iomlan: ach cha-n e gliocas an t-saoghail so, no uachdaranan an t-saoghail so, a théid 'an neo-blhrih:

1 CORINTIANACH, III.

^{impair}
7 Ach tha sinn a' labhairt gliocais Dhé ann an rùn-dìomhair, a' *ghliocais* sin a bha folaichte, a dh'orduich Dia roimh an t-saoghal chum ar glòir-ne:

8 An gliocas nach b'aithne do aon neach de nachdaranailbh an t-saoghail so: oir nam b'aithne dhoibh e, cha cheusadh iad Tighearn na glòire.

9 Ach a réir mar a tha e sgrìobhta, Cha-n fhaca sùil, agus cha chuala cluas, agus cha d'fhàinig ann an cridhe duine, na nithean a dh'ulluich Dia dhoibh-san aig am bheil gràdh dha.

10 Ach dh'fhoillsich Dia dhuinne iad le a Spiorad féin: oir tha an Spiorad a' rann-sachadh nan uile nithean, eachdon, nithean doimhne Dhé.

11 Oir cò an duine d'an aithne nithean duine, ach do spiorad an duine a tha ann? mar sin cha-n'eil fios aig neach sam bith air nithibh Dhé, ach aig Spiorad Dhé.

12 A nis fhuair sinne, cha-n e spiorad an t-saoghail, ach an Spiorad a tha o Dhia; ehum gu'm bitheadh aithne againn air na nithibh sin a thugadh dhuinn gu saor o Dhia.

13 Nithean mar an ceudna a tha sinn a' labhairt, cha-n ann 'am briathraibh a theagaisgeas gliocas dhaoine, ach 'am *briathraibh* a theagaisgeas an Spiorad naomh; a' coimheas nithean spioradail ri nithibh spioradail.

14 Ach cha ghabh an duine nàdurra ri nithibh Spioraid Dhé: oir is amaideachd leis iad; agus cha-n'eil e'n eomas da eòlas a ghabhail orra, do bhrìgh gur ann air mhodh spioradail a thuingear iad.

15 Ach bheir an duine spioradail breth air na h-uile nithibh, gidheadh cha-n'eil e féin fo bhreth duine sam bith.

16 Oir cò d'am b'aithne inntinn an Tighearna, agus a theagaisgeas e? ach tha inntinn Chrìosd againne.

CAIB. III.

1 Tha bainne iomchuidh air son doinne. 3 Tha strì agus ainchréite 'n an comharadh cinnteach air inntinn fheòlmhor. 7 Cha-n'eil anns an ti a shuidhicheas, agus anns an ti a dh'uisgicheas, ach neo-ni. 9 Is comh-obrich-eann ministirean an t-sòisgeil le Dia. 11 'S e Crìosd an t-aon bhunait. 16 Is iad daoine teampuill Dhé, bh' a's còir a choimhead naomh. 19 Is amaideachd aig Dia gliocas an t-saoghail so.

A GUS, a bhràithre, cha-n fheudainn-sa labhairt ribhse mar ri daoineibh spioradail, ach mar ri daoineibh feòlmhor, amhuil ri naoidheanaibh ann an Crìosd.

2 Bheathaich mi le bainne sibh, agus cha-n ann le biadh: oir fathast cha b'urrainn sibh a ghabhail, agus a nis féin cha-n urrainn sibh.

3 Oir tha sibh fathast feòlmhor: oir a thaobh gu bheil farmad 'n 'ur measg, agus

stri, agus ainchréite, nach 'eil sibh feòlmhor, agus ag imeachd mar dhaoine?

4 Oir an uair a tha neach ag ràdh, Is le Pòl mise; agus neach eile, Is le Apollos mise: nach 'eil sibh feòlmhor?

5 Cò e ma seadh Pòl, agus cò e Apollos, ach ministirean tre'n do chreid sibh, cadhon mar a thug an Tighearn do gach aon?

6 Shuidhich mise, dh'uisgich Apollos: ach 's e Dia a thug am fas.

7 Uime sin ma seadh, cha-n'eil anns an ti a shuidhicheas no anns an ti a dh'uisgicheas, brìgh sam bith; ach ann an Dia a tha 'toirt an fhàis.

8 An ti a shuidhicheas, agus an ti a dh'uisgicheas, is aon iad: agus gheibh gach aon a dhuais féin, a réir a shaothair féin.

9 Oir is comh-luchd-oibre do Dhia sinne: is sibhse treabhachas Dhé, is sibh aitreabh Dhé.

10 A réir gràis Dhé a thugadh dhomh-sa, mar fhear-togail aitreabh glic leag mi am bunait, agus tha neach eile a' togail air, ach thugadh gach neach an aire cionnus a thogas e air.

11 Oir bunait eile cha-n urrainn duine sam bith a leagadh, ach am bunait a leagadh cheana, eachdon Iosa Crìosd.

12 A nis ma thogas neach air a' bhunait so, òr, airgiod, clachan luachmhor, fiodh, fear, connlach

13 Nithear obair gach aoin duine follais-each: oir nochdaidh an là i, do bhrìgh gu'm foillsichair i le teine; agus dearbhaidh an teine obair gach aoin, cioda'sgnè dhith.

14 Ma dh'fhanas obair neach sam bith a thog e air, gheibh e duais.

15 Ma loisgear obair neach sam bith, fuilgidh e call: ach saorar e féin; gidheadh mar tre theine.

16 Nach 'eil fhios agaibh gur sibh teampull Dhé, agus gu bheil Spiorad Dhé, 'n a chòmhnuidh annaibh?

17 Ma thruaillteas neach air bith teampull Dhé, sgriosaidh Dia an ti sin: oir tha teampull Dhé naomh, agus is sibhse e.

18 Na mealladh neach air bith e féin: ma shaoileas neach air bith 'n 'ur measg e féin a bhi glic 's an t-saoghal so, bitheadh e 'n a amadan, chum gu'm bi e glic.

19 Oir is amaideachd le Dia gliocas an t-saoghail so: oir tha e sgrìobhta, Glacaidh e na daoine glice 'n an inleachdaibh féin.

20 Agus a rìs, Is aithne do'n Tighearn smuaintean nan daoine glice, gur dìomhair iad.

21 Uime sin na deanadh neach air bith uail a' daoineibh. oir is leibhse na h-uile nithean:

22 Ma 's e Pòl, no Apollos, no Cephas, no an saoghal, no beatha, no bàs, no nithean a tha làthair, no nithean a tha ri teachd; is leibhse iad uile;

23 Agus is le Crìosd sibhse; agus is le Dia Crìosd.

CAIB. IV.

1 *Cìod e am meas a bhuineadh do dhaoineibh 'blà aca air mìnisteiribh. 7 Cha-n'eil againn nì air bith ach na fhuair sinn. 9 Na h-ab-stoil 'n am ball-amhairc do'n t-saoghal, do ainglibh, agus do dhaoineibh, 13 mar shal agus anabas an t-saoghail; 15 gidheadh is iad ar n-aithrichean ann an Crìosd, 16 agus bu chòir dhuinn an leanuinn.*

BITHEADH a shamhuil so de mheas B aig duine oirne, mar mhinisteiribh Chrìosd, agus mar stiùbhardaibh rùna-diomhair Dhé.

2 Os bàrr iarrar ann an stiùbhardaibh, gu faighear neach dileas.

3 Ach agam-sa is ro bheag an nì gu'n tug-tadh breth orm leibhse, no le breitheanas duine: seadh, cha-n'eil mi 'toirt breth orm féin.

4 Oir cha-n fhios domh nì sam bith do m' thaobh féin; gidheadh cha-n'eil mi le so air m'fhreanachadh: ach is e an Tighearn an ti a bheir breth orm.

5 Uime sin na tugaibh breth air nì sam bith roimh an àm, gus an tig an Tighearn, neach faraon a bheir gu soilleireachd nith-ean folaichte an dorchadais, agus a dh'fhoillsicheas comhairlean nan cridheachan: agus an sin gheibh gach neach cliù o Dhia.

6 Agus, a bhràithre, ghabh mi na nithean so a m' ionnsuidh féin, agus a dh'ionnsuidh Apollois ann an samhladh, air bhur son-se; chum gu'm fòglumadh sibh uainne, gun bharrail a bhi agaibh air daoineibh os ceann na bheil sgrìobhta, chum nach bitheadh a h-aon agaibh air a shéideadh suas air son aoin duine an aghaidh duine eile.

7 Oir cò a tha 'deanamh eadar-dhealachaidh ortsa o neach eile? Agus cìod e 'tha agad nach d'fhuair thu? a nìs ma fhuair thu e, c'ar son a tha thu 'deanamh uail mar nach faigheadh tu e?

8 A nìs tha sibh sàthach, a nìs rinneadh saoi bhir sibh, rioghaich sibh as ar n-eug-mhais-ne: Agus bu mhiann leam gu'm bu rìghrean sibh, chum gu'm bitheadh maid-ne 'n ar rìghribh maille ribh.

9 Oir is i mo bharrail gu'n do chuir Dia sinne na h-abstoil a mach mu dheireadh, mar dhream a tha air an orduchadh chum bàis. Oir rinneadh sinn 'n ar ball-amhairc do'n t-saoghal, agus do ainglibh, agus do dhaoineibh.

10 Is amadain sinne air son Chrìosd, ach tha sibhse glic ann an Crìosd: tha sinne lag, ach tha sibhse làidir: tha sibhse ann an urram, ach sinne ann an eas-urram.

11 Gus an uair so féin, tha sinn araon ocrach, agus iotmhor, agus lomnochd, agus air ar bualadh le dornai b, agus gun aon àite-còmhnuidh seasmhach againn;

12 Agus ri saothair, ag oibreachadh le ar làmhnan féin: Air fulang anacaint dhuinn, tha sinn a' beannachadh: 'n uair a gheur-leanar sinn tha sinn 'g a ghiulan:

13 Air faghail toibheim dhuinn, tha sinn a' guidhe: rinneadh sinn mar shalachar an t-saoghail, mar anabas nan nìe nithean gus an là n diugh:

14 Cha-n'eil mi a' sgrìobhadh nan nithean so a chum nàire a chur oirbh, ach mar mo chloinn ghràdhaich tha mi 'g'ur comhairleachadh.

15 Oir ged bhitheadh deich mìle luchd teagaisg agaibh ann an Crìosd, gidheadh cha-n'eil agaibh mòran aithrichean: oir ann an Iosa Crìosd, ghin mise sibh troimh an t-òiseul.

16 Uime sin guidheam oirbh, bithibh 'n'ur luchd-leanmhuinn ormsa.

17 Chum na crìche so chuir mi Timoteus do 'ur n-ionnsuidh, neach a tha 'n a mhac gràdhach dhomh, agus dileas 's an Tighearn, neach a chuireas 'an cuimhne dhuibh mo shlighean-sa a tha ann an Crìosd, a réir mar a tha mi 'teagasc anns gach àit 's gach eaglais.

18 A nìs tha cuid air an séideadh suas mar nach tiginn do 'ur n-ionnsuidh.

19 Gidheadh thig mi do 'ur n-ionnsuidh gu h-aithghearr, ma's toil leis an Tighearn, agus bithidh fios agam, cha-n ann air caint na muinntir a tha air an séideadh suas, ach air an cumhachd.

20 Oir cha-n ann 'am focal a tha rioghachd Dhé, ach ann an cumhachd.

21 Cìod a's àill leibh? An tig mi do 'ur n-ionnsuidh le slait, no ann an gràdh, agus ann an spiorad na macantachd?

CAIB. V.

1 *Tha an duine neòglan nì's mò 'n a chàis-nàire dhoibh, na 'n a aobhar gairdeachais. 7 Is còir an t-seann gheur-thaob a ghlanadh a mach. 10 Is còir peacach ghràineil a sheachnadh.*

THA e air aithris gu coitcheinn gu bheil neò-ghloine 'n'ur measg, agus a leithid sin de neòghloine, nach 'eil uiread as air ainmeachadh am measg nan Cinneach, gu'm bitheadh aig neach bean 'athar.

2 Agus tha sibh air bhur séideadh suas, agus cha d'rim sibh bròn mar bu chòir, chum gu'n tugtadh air falbh uaibh am fear a rinn an gnìomh so.

3 Oir gu deimhin air dhomh-sa 'bhi uaibh ann an corp, ach a lathair agaibh ann an spiorad, thug mi breth cheana, mar gu'm bithinn a lathair, air an neach a rinn so mar so;

4 Ann an ainm ar Tighearna Iosa Crìosd, air dhuibhse, agus do m' spiorad-sa 'bhi cruinn 'an ceann a chèile, maille ri cumhachd ar Tighearna Iosa Crìosd,

5 A shamhuil so de dhuine a thoirt thairis do Shàtan chum sgrios na feòla, chum gu'm bi an spiorad air a shaoradh ann an là an Tighearna Iosa.

6 Cha-n'eil bhur n-uail maith: nach 'eif

fhios agaibh gu'n goirtich beagan taois ghoirt am meall uile?

7 Glanaibh a mach uime sin an t-seann taois ghoirt, chum gu'm bi sibh 'n ur meall nuadh, mar a tha sibh neo-ghoirtichte. Oir tha eadhon Crìosd ar n-uain chaise air iobradh air ar son.

8 Uime sin cumamaid a' chuir, na b'ann le seann thaois ghoirt, no le taois ghoirt a' bhi-ruin agus an uile; ach le aran neo-ghoirtichte an treibidhreis agus na firinn. 9 Sgrìobh mi do 'ur n-ionnsuidh ann an litir, gun chomhludair a bhi agaibh ri luchd neòghloine.

10 Gidheadh cha-n ann gu h-uile ri luchd-neòghloine an t-saoghail so, no ri luchd-sannt, no luchd-foireigne, no luchd iodhol-aoraidh; oir an sin b'èigin duibh dol a mach as an t-saoghal.

11 Ach a nis sgrìobh mi do 'ur n-ionnsuidh, gun chomhludair a ghléidheadh, ma tha neach air bith ris an abrar bràthair 'na a fhear-neòghloine, no sanntach, no 'n a fhear iodhol-aoraidh, no 'n a fhear-anacaint, no 'n a mhisgeir, no 'n a fhear-foireigne, maille r'a leithid so de dhuine gun uiread as biadh ithcadh.

12 Oir ciod e mo ghnòthuch-sa breth a thoirt orra-san a tha muigh? nach 'eil sibhse a' toirt breth air an dream a tha stigh?

13 Ach tha Dia a' toirt breth orra-san a tha an leth muigh. Uime sin cuiribh air falbh an droch dhuine sin as bhur meadhon féin.

CAIB. VI.

1 Cha-n fheadh na Corintianach dragh a chur air am bràithribh le'n agairt chum lagha, 6 gu h-àraidh an lathair nan ana-creideach. 9 Cha sealbhaich na neo-fhireanaich rioghachd Dhé. 15 'S iad ar corp buill Chrìosd, 19 agus teampull an Spioraid naomh: 16 Uime sin cha-n fheadh ar truailleadh.

AM bheil a chridhe aig aon neach agaibh, a' aig am bheil cùis an aghaidh duine eile, dol fo bhrèitheanas nan daoine eucorach, agus cha-n ann fo bhrèitheanas nan naomh?

2 Nach 'eil fhios agaibh gu'n toir na naomh breth air an t-saoghal? agus ma bheirear breth air an t-saoghal leibhse, an e nach fiu sibh a bhi 'n ur breitheamhnaibh air na cùisibh a's lugha?

3 Nach 'eil fhios agaibh gu'n toir sinne breth air aingibh? cia mò na sin air nithibh a bhuineas do'n bheatha so?

4 Uime sin ma tha breitheanais agaibh mu thimcheall nan nithean sin a bhuineas do'n bheatha so, cuiribh 'n n suidhe chum breitheanais an dream a's 'ugha meas anns an eaglais.

5 Chum bhur nàire tha mi a' labhairt. An ann mar sin nach 'eil aon duine glic 'n ur measg? nach 'eil fiu a h-aon a's urrainn breth a thoirt eadar a bràithrean?

6 Ach tha bràthair a' dol gu lagh le bràthair, agus so an lathair nan ana-creideach.

7 A nis uime sin tha gu cinnteach luchd

'n ur measg, do bhrìgh gu bheil sibh a' dol gu lagh r'a chéile: c'ar son nach fearr leibh eucor fhulang? c'ar son nach fearr leibh calldach a ghabhail?

8 Gidheadh tha sibh a' deanamh eucor agus diubhlail, agus sin air bhur bràithribh?

9 Nach 'eil fhios agaibh nach sealbhaich luchd deanamh na h-eucorach rioghachd Dhé? Na meallar sibh: cha sealbhaich luchd-striopachais, no luchd iodhol-aoraidh, no luchd-adhaltrannais, no luchd-macnuis, no na daoine a tha ciontach de neòghloine mhi-nadurra.

10 No gaduichean, no daoine sanntach, no misgeirean, no luchd-anacaint, no luchd-foireigne, rioghachd Dhé.

11 Agus mar so bha cuid dibhse: ach tha sibh air bhur n-ionnlaid, ach tha sibh air bhur naomhachadh; ach tha sibh air bhur fireanachadh ann an ainm an Tighearna Iosa, agus tre Spiorad ar Dé-ne.

12 Tha na h-uile ni ceaduichte dhomh-sa, ach cha-n'eil na h-uile ni iomchuidh; tha na h-uile ni ceaduichte dhomh, ach cha chuirear mi fo chumbhachd ni sam bith.

13 Tha am biadh air son na brom, agus a' bhrù air son a' bhìdh: ach sgriosaidh Dia maraon so agus sud. A nis cha-n ann air son neòghloine a tha an corp, ach air son an Tighearna: agus an Tighearn air son a' chuirp.

14 Agus thog Dia maraon an Tighearn suas, agus togaidh e sinne suas tre a chumbhachd féin mar an ceudna.

15 Nach 'eil fhios agaibh, gur iad bhur cuirp buill Chrìosd? uime sin an gabh mise buill Chrìosd, agus an dean mi buill striopach dhiubh? Nar leigeadh Dia.

16 An e nach 'eil fios agaibh, an ti sin a tha ceangailte ri striopaich, gur aon chorp rithe o? Oir (tha e ag ràdh,) bithidh dithis 'n an aon fheadh.

17 Ach an ti a tha ceangailte ris an Tighearn, is aon Spiorad ris e.

18 Teichibh o striopachas. Tha gach aon pheacadh a ni duine an leth muigh de'n chorp: ach an ti a ni striopachas, tha e 'peacadhach an aghaidh a chuirp féin.

19 An e nach 'eil fhios agaibh gur e bhur corp teampull an Spioraid naomh a tha annaibh, a tha agaibh o Dhia, agus cha leibh féin sibh?

20 Oir cheannaicheadh le luach sibh: uime sin thugaibh glòir do Dhia le bhur corp, agus le bhur spiorad, a's le Dia.

CAIB. VII.

1 Mu phòsadh. 10 Cha chòir do bhannaibh-pòsadh a bhi air am fuasgladh air bheag aobhair. 18 Is còir do gach duine bhi toilichte le a ghairm. 25 C'ar son is còir d'igheachd a ròghnachadh: 35 na reusoin air son am bu chòir pòsadh, no gun phòsadh.

ANIS a thaobh nan nithean mu'n do sgrìobh sibh a m' ionnsuidh: Is maith do fhear gun bheantuinn ri muaoi.

2 Gidheadh, chum strìopachas a *sheach-nadh*, bitheadh a bhean féin aig gach fear, agus aig gach mnaoi a fear féin.

3 Thugadh am fear an deadh-ghean dlìgheach do'n mhnaoi; agus a' bhean mar an ceudna do'n fhear.

4 Cha-n'eil comas a cuirp féin aig a' mhnaoi, ach aig an fhear: agus mar an ceudna cha-n'eil comas a chuirp féin aig an fhear, ach aig a' mhnaoi.

5 Na cumaibh bhuir dlìghe o' chéile, ach le toil a chéile ré tamuill, chum sibh féin a thoirt do thrasgadh agus do urnuigh; agus thigibh eideachd a ris, chum nach buair Sàtan sibh air son bhuir neo-gheamnuidh-eachd.

6 Ach tha mi a' labhairt so mar ni cead-nichte, agus cha-n ann mar àithne.

7 Oir bu mhiann leam gu'm bitheadh na h-uile dhaoine mar mi féin: gidheadh tha a thìodhlac féin aig gach duine o' Dhia, aig aon neach mar so, agus aig neach eile mar sud.

8 Uime sin tha mi ag ràdh ris an dream nach 'eil pòsda, agus ris na bantrachaibh, Is maith dhoibh ma dh'fhanas iad eadhon mar a tha mise.

9 Gidheadh mur urrainn iad iad féin a ghleidheadh *geamnuidh*, pòsadh iad: oir is fearr pòsadh na losgadh.

10 Agus dhoibh-san a tha pòsda tha mi ag àithneadh, *gidheadh* cha maise, ach an Tighearn, gun a' bhean a dhealachadh r'a fear:

11 Ach ma dhealaicheas i, fanadh i gun phòsadh, no bitheadh i réidh r'a fear: agus na cuireadh am fear uath a bhean.

12 Ach ris a' chuid eile tha mise ag ràdh, cha-n e an Tighearn, Ma bhitheas aig bràthair sam bith bean ana-creidmheach, agus gu bheil i toileach còmhnuidh a ghabhail maille ris, na cuireadh e uath i.

13 Agns a' bhean aig am bheil fear ana-creidmheach, agus gu bheil esan toileach còmhnuidh a ghabhail maille rithe, na cuir-eadh i uaipe e.

14 Oir tha am fear ana-creidmheach air a naomhachadh leis a' mhnaoi, agus tha a' bhean ana-creidmheach air a naomhachadh leis an fhear: no bhitheadh bhuir clann ncòghlan; ach a nis tha iad naomha.

15 Ach ma dh'fhalbhas am fear ana-creidmheach, falbbadh e. Cha-n'eil bràthair no piuthar fo dhaorsa 'n an leithidibh sin a *chàsaibh*: ach ghairm Dia sinne chum sìthe.

16 Oir ciod am fios a tha agad-sa, O bhean, nach saor thu d'fhear? no ciod am fios a tha agad-sa, O fhir, nach saor thu do bhean?

17 Ach a réir mar a roinn Dia ris gach duine, mar a ghairm an Tighearn gach aon, mar sin gluaisceadh e: agus mar sin tha mise 'g ordnachadh anns na h-eaglaisibh uile.

18 An do ghairmeadh neach sam bith agus e timchioll-ghearrta? na deanar e neo-thimchioll-ghearrta: an do ghairmeadh neach sam bith gun e 'bhi timchioll-ghearrta? na timchioll-ghearrar e.

19 Cha-n'eil éifeachd 's an timchioll-ghearradh, agus cha-n'eil éifeachd 's an neo-thimchioll-ghearradh, ach ann an coimhead àitheantan Dhé.

20 Fanadh gach aon anns a' ghairm anns an do ghairmeadh e.

21 An do ghairmeadh thu a'd' sheirbhiseach? na bitheadh suim agad dheth; ach ma dh'fheudas tu 'bhi saor, gu ma h-e sin do roghainn.

22 Oir an ti a ghairmeadh 's an Tighearn 'n a sheirbhiseach, is duine saor an Tighearn' e: mar an ceudna an ti a ghairmeadh agus e saor, is e seirbhiseach Chrìosd e.

23 Cheannaicheadh air luach sibh; na bithibh 'n 'ur seirbhiseich do dhaoineibh.

24 A bhràithre, 's an staid anns an do ghairmeadh gach neach, an sin fanadh e maille ri Dia.

25 A nis thaobh òighean, cha-n'eil àithne agam o'n Tighearn: gidheadh tha mi 'toirt breth, mar neach a fhuair tròcàir o'n Tighearn gu bhi dileas.

26 Tha mi a' meas uime sin gu bheil so maith air son na teanntachd a tha làthair, *tha mi ag ràdh*, gu bheil e maith do dhuine 'bhi mar sin.

27 Am bheil thu ceangailte ri mnaoi? na iarr fuasgladh. Am bheil thu fuasgailte o' mhnaoi? na iarr bean.

28 Ach ma phòsas tu, cha do pheacaich thu; agus ma phòsas òigh, cha do pheacaich i: gidheadh, bithidh aig an leithidibh so trioblaid 's an fheadh; ach tha mi 'g'ur caomhnadh.

29 Ach tha mi ag ràdh so, a bhràithre, gu bheil an aimsir goirid 's na bheil ri teachd: ionnus araon gu'm bi iadsan aig am bheil mnathan, mar nach bitheadh mnathan aca;

30 Agus iadsan a tha ri caoidh, mar nach bitheadh iad ri caoidh; agus iadsan a tha ri gairdeachas, mar mhuinntir nach 'eil ri gairdeachas; agns iadsan a tha ri ecannachd, mar *dhaoine* nach 'eil a' sealbhachadh:

31 Agus iadsan a tha 'gnàthachadh an t-saoghail so, mar dhream nach 'eil 'g a mhi-ghnàthachadh; oir théid cumadh an t-saoghail so seachad.

32 Ach b'aill leam sibhse 'bhi gun ro-chùram. An ti nach 'eil pòsda, bithidh cùram nan nithean sin a bhuineas do'n Tighearn air, cionnus a thoilicheas e an Tighearn:

33 Ach an ti a tha pòsda, bithidh cùram nithean an t-saoghail air, cionnus a dh'fheudas e a bhean a thoileachadh.

34 Tha mar an ceudna cadar-dhealach-

1 CORINTIANACH, VIII, IX.

adh eadar bean agus òigh: tha cùram oirre-sa nach 'eil pòsda mu nithibh an Tighearna, chum gu'm bi i naomh, maraon 'n a corp agus 'n a spiorad; ach bithidh cùram air a' mhnaoi a tha pòsda mu nithibh an t-saoghail, cionnus a dh'fheudas i toil a fir a dheanamh.

35 Agus so tha mi a' labhairt chum bhur tairbhe féin; cha-n ann chum gu'n cuirinn ribe oirbh, ach a chum an ni sin a tha ciatach, agus gu'm feitheadh sibh air an Tighearn gun bhuairleadh.

36 Ach ma shaoileas duine sam bith gu bheil e 'g a ghiùlan féin gu mi-chiatach thaobh a mhaighdinn, ma chaidh blàth a h-aimsir thairis, agus gur còir a dheanamh mar sin, deanadh e na's àill leis, cha-n'eil e a' peacachadh: pòsadh iad.

37 Gidheadh, an ti sin a tha suidhichte gu daingean 'n a chridhe, agus gun éigin sam bith air, ach aig am bheil cunachadh air a thoil féin, agus a chuir roimhe 'n a chridhe a mhaighdean a choimhead, tha e a' deanamh gu maith.

38 Uime sin ma seadh, tha an ti a bheir seachad ann am pòsadh i, a' deanamh gu maith; ach tha an ti nach toir ann am pòsadh i, a' deanamh ni's fearr.

39 Tha a' bhean ceangailte leis an lagh ré na h-uine's am beò d'a fear: ach ma gheibh a' fear bàs, tha i saor gu pòsadh ri aon neach a's toil leatha; a mha'n anns an Tighearn.

40 Ach tha i ni's sona, ma dh'fhanas i mar sin, a réir mo bhrèth-sa: agus is i mo bharail-sa gu bheil Spiorad Dhé againn.

CAIB. VIII.

1 Is còir fantuim o bhiadhaibh a dh'ìobradh do ìodholaibh. 8 Cha-n fheud sinn ar saorsa Chrìosduidh a mhi-ghnàthachadh, chum oilbheim d'ar bràithribh; 11 ach is còir dhuinn ar n-eòlas a chiosnachadh le gràdh.

A NIS a thaobh nithean a dh'ìobradh do ìodholaibh, tha fhios againn gu bheil eòlas againn uile. Aithidh an t-eòlas suas, ach bheir gràdh fòghlum.

2 Agus ma tha aon duine a' saòilsinn gu bheil eòlas ni sam bith aige, cha-n aithne dha aon ni fathast mar bu chòir dha aithneachadh.

3 Ach ma tha gràdh aig duine sam bith do Dhia, tha esan air 'aithneachadh leis.

4 Uime sin, mu thimchioll itheadh nan nithean sin a dh'ìobradh do ìodholaibh, tha fhios againne nach ni air domhan ìodhol, agus nach 'eil Dia sam bith eile ann ach a h-aon.

5 Oir ged tha iad ann ris an abrar diathan, ma's ann air nàmh no air talamh, (amhuil mar a tha iomadh dia, agus iomadh tighearn ann.)

6 Gidheadh cha-n'eil dhuinne ach aon Dia, an t-Athair, o'm bheil na h-uile nithean, agus sinne air a shòsan; agus aon Tighearn

Iosa Crìosd, tre am bheil na h-uile nithean, agus sinne trid-san.

7 Gidheadh cha-n'eil an t-eòlas so anns na h-uile dhaoibh: oir tha cuid le coguis thaobh an ìodhoil gus an àm so, ag itheadh a' bhìdh mar ni a dh'ìobradh do ìodhol; agus air d'an coguis a bhi annhunn, tha i air a salachadh.

8 Ach cha mhol biadh sinn do Dhia: oir ma dh'itheas sinn, cha'n fheairrd sinn e; ni mò mur ith sinn, is misd sinn e.

9 Ach thugaibh an aire nach bi an comas so a tha againh air aon dòigh 'n a aobhar oilbheim do'n dream a tha lag.

10 Oir ma chi neach thusa aig am bheil eòlas a' suidhe chum bidh ann an teampull ìodhoil, nach neartaichear coguis an ti sin a tha lag chum na nithean sin a dh'ìobradh do ìodholaibh itheadh:

11 Agus tre d'eòlas-sa an téid do bhràithair lag 'am mugha, air son an d'fhuair Crìosd bàs?

12 Ach le peacachadh dhuibh mar sin an aghaidh nam bràithrean, agus le an coguis annhunn a lotadh, tha sibh a' peacachadh an aghaidh Chrìosd.

13 Uime sin ma bheir biadh aobhar oilbheim do m' bhràithair, cha-n ith mi feòil a chaoidh, chum nach toir mi aobhar oilbheim do m' bhràithair.

CAIB. IX.

1 Nochd an t-abstol a shaoorsa, 7 agus gu'm buineadh do'n mhinistear a bhi air a bheathachadh leis an t-saigheal: 15 gidheadh d'a dheadh-ghean maith féin gu'n d'fhan esan o' bhi costail dhoibh, 22 agus o oilbheum a thoirt do neach sam bith 'an càisibh coimh-dheas. 24 Tha ar beatha cosmhuil ri réis.

NACH abstol mise? nach 'eil mi saor? Nach fhaca mi Iosa Crìosd ar Tighearn? nach sibhs m'obair 's an Tighearn? 2 Mur 'eil mi a'm abstol do dhaoibh eile, gidheadh gu cinnteach tha mi dhuibhse: oir is sibhs seula m' abstolachd anns an Tighearn.

3 Is e so mo fhreagradh do'n dream a chuireas ceisid orm.

4 Nach 'eil againne comas itheadh agus òigh?

5 Nach 'eil againne comas piuthar, bean-phòsda a thoirt leinn mu'n cuairt, amhuil mar na h-abstoil eile, agus bràithrean an Tighearna, agus Cephas?

6 No am bheil mise agus Barnabas a mha'n, gun chomas againn a bhi saor o obair?

7 Cò a théid chum cogaidh uair air bith air a chostus féin? cò a shuidhicheas fion-lios, agus nach ith d'a thoradh? no cò a bheathachas treud, agus nach blais de bhainne an treud?

8 An ann mar dhuine a tha mi a' labhairt nan nithean so? no nach abair an lagh na nithean so mar an ceudna?

9 Oir tha e sgrìobhta ann an lagh Mhaois,

Na cuir ceangal air beul an daimh a tha 'sàltairt an arbhair. Am bheil Dia a' gabhail cùraim de na daimh?

10 No nach ann gu h-àraidh air ar son-ne a tha e ag ràdh so? gu deimhin *is ann* air ar son-ne 'tha e sgriobhta: chum gur ann 'an dòchas is còir do'n treabhaiche treabh-adh; agus a chum an neach a bhuailneas ann an dòchas, gu'm bi e 'n a fhear comhairt d'a dhòchas.

11 Ma chuir sinne nithean spioradail dhuibhse, an ni mòr c ma bhuaineas sinn bhur nithean feòlmhor-se?

12 Ma tha muinntir eile 'u an luchd-comhairt de'n chumhachd so thairis oirbh, nach mò is còir dhuime *bhi?* Gidheadh, cha do chuir sinn an cumhachd so 'an cleachda; ach tha sinn a' fulang nan uile nithean, chum nach cuircaid bacadh air soisgeul Chrìosd.

13 Nach 'eil fhios agaibh gu'm bheil iadsan a tha 'saoithreachadh mu thimchioll nithean naomha, air am beathachadh o'n teampull? agus iadsan a tha 'frithealadh do'n altair, gu'm bheil comh-roinn aca ris an altair?

14 Agus mar sin dh'orduich an Tighearn mar an ceudna dhoibh-san a tha 'searmonachadh an t-soisgeil, an teachd-an-tìr fhaotainn o'n t-soisgeul.

15 Ach cha do ghnàthaich mise a h-aon diubh so, agus cha do sgriobh mi na nithean so, chum gu'n deantadh mar sin dhomh: oir b'fhearr dhomh am bàs fhagail, na gu'n cuireadh neach air bith mu'aill 'an neo-bhrìgh.

16 Oir ged shearmonaich mi an soisgeul, cha-n'eil aobhar uail agam: oir tha èigin air a cur orm; seadh, is an-aobhinn domh, mur searmonaich mi an soisgeul.

17 Oir ma's ann gu toilcach a tha mi 'dean-amh so, tha duais agam: ach ma's ann an aghaidh mo thoile a tha ministrealachd air a h-earbsadh rium,

18 Ciod i mo dhuais ma seadh? *eadhon so*, chum 'u uair a tha mi 'searmonachadh an t-soisgeil, gu'n suidhichinn soisgeul Chrìosd gun chostus, chum nach mi-ghnàthaichinn mo chumhachd 's an t-soisgeul.

19 Oir ged tha mi saor o na h-uile dhaoineibh, gidheadh rinn mi mi féin a'm' sheirbhis-each do na h-uile, chum gu'n cosnainn an tuilleadh.

20 Agus rinneadh mi do na h-Iudhaich mar Iudhaich, chum gu'n cosnainn na h-Iudhaich; dhoibh-san a tha fo 'n lagh, mar *dhuine* fo 'n lagh, chum gu'n cosnainn iadsan a tha fo an lagh;

21 Dhoibh-san a tha gun lagh, mar *dhuine* gun lagh, (ged nach 'eil mi gun lagh do Dhia, ach fo lagh do Chrìosd,) chum gu'n cosnainn iadsan a tha gun lagh.

22 Rinneadh mi dhoibh-san a tha an-mhunn mar *dhuine* an-mhunn, chum gu'n cosnainn an dream a tha an-mhunn: Bha

mi 's an uile cruth do na h-uile, chum air gach uile dhòigh gu'n saorainn cuid èigin.

23 Agus so tha mi a' deanamh air son an t-soisgeil, chum gu'm bi mi a'm' fhear comh-roinne dheth.

24 Nach 'eil fhios agaibh iadsan a tha 'ruith anns a' bhàr-rèise, gu'n ruith iad uile, ach is aon duine a gheibh an duais? gu ma h-amhuil a ruitheas sibhse, ionnus gu'n glac sibh *an duais*.

25 Agus tha gach uile ghleachdair measarra anns na h-uile nithibh: a nis tha iadsan a' *deanamh sin* chum gu'm faigh iad crùn truailidh; ach sinne *air son crùn* neo-truailidh.

26 Uime sin is amhuil a tha mise a' ruith, cha-n ann mar gu neo-chinnteach: is amhuil a tha mi a' cur catha, cha-n ann mar neach a bhuailneas an t-athar:

27 Ach tha mi a' trom-bhualadh mo chuirp, agus 'g a chur fo smachd: air eagal air chor sam bith an déigh dhomh searmonachadh do dhream eile, gu'n cuircar mi féin a'r cùl.

CAIB. X.

1 *Tha sacramaintean nan Iudhach 'n an samh-ladh air ar sacramaintibh-ne*, 14 agus am peanas-san mar rabhadh dhuinn ìodhol-aoradh a sheachnadh. 21 *Cha-n fheud sinn a bhi 'n ar luchd-comhairt de bhòrd an Tighearna, agus dhiabhadh araon, &c*

OS bàrr, a bhràithrean, cha b'ail leam sibhse a bhi aineolach, gu'n robh ar n-aithrichean uile fo 'n neul, agus gu'n deachaidh iad uile troimh 'n mhuir;

2 Agus gu'n do bhaisteadh iad uile do Mhaois 's an neul, agus anns a' mhuir;

3 Agus gu'n d'ith iad uile an t-aon bhiadh spioradail;

4 Agus gu'n d'òl iad uile an t-aon deoch spioradail (oir dh'òl iad de'n charraig spioradail sin a lean iad: agus b'i a' charraig sin Crìosd.)

5 Ach le mòran diubh cha robh Dia toilichte: oir sgriosadh 's an fhàsach iad.

6 A nis bha na nithean sin 'n an saimpeleiribh dhuinne, chum nach miannaicheamaid droch nithean, eadhon mar a mhiannaich iadsan.

7 Agus na bithibh-sa 'u ar luchd-ìodhol-aoraidh, mar a *bha* cuid diubh-san; a réir mar tha e sgriobhta, Shuidh am pobull sìos a dh'itheadh agus a dh'òl, agus dh'éirich iad a chluicheadh.

8 Agus na deanamaid strìopachas, mar a rinn cuid diubh-san, agus a thuit *diubh* ann an aon là trì mìle fichead.

9 Agus na dearbhamaid Crìosd, mar a dhearbhadh cuid diubh-san, agus a sgriosadh iad le nathraichibh nimhe.

10 Agus na deanaihbh-sa gearan, mar a rinn cuid diubh-san gearan, agus a sgriosadh iad leis an sgriosadair.

11 A nis thachair na nithean so uile

dhoibh-san mar eisempleiribh: agus sgrìobhadh iad chum teagaisg duinne, air am bheil deircadh an domhain air teachd.

12 Uime sin an ti a shaoileas a bhi 'n a sheasamh, thugadh e aire nach tuit e.

13 Cha do thachair deuchainn air bith ribh, ach ni a tha coitcheionn do dhaoineibh: ach tha Dia dileas, nach leig dhuibh a bhi air bhuir feuchainn thar bhuir comas; ach a ni maille ris an deuchainn slighe dol as mar an ceudna, chum gu'm bi sibh comasach air a giùlan.

14 Air an aobhar sin, a mhuinntir mo ghràidh, teichibh o ìodhol-aoradh.

15 Tha mi a' labhairt mar ri daoineibh tuigseach: thugaibh-sa breth air an ni a tha mi ag ràdh.

16 Cupan a' bheannachaidh a tha sinne a' beannachadh, nach e common fola Chrìosd e? An t-aran a tha sinn a' briseadh, nach e common cuipr Chrìosd e?

17 Oir ged tha sinne 'n ar mòran, is aon aran, agus aon chorp sinn: oir tha againn uile comhairt de'n aon aran.

18 Thugaibh fainear Israel a réir na feòla: nach 'eil aca-san a tha 'g itheadh nan òbairt comh-roinn ris an altair?

19 Ciod a their mi uime sin? gu bheil brìgh air bith anns an ìodhol, no gu bheil brìgh air bith 's an ni a dh'ìobradh do ìodholaibh?

20 Ach *tha mi ag ràdh*, na nithean a tha na Cinnich ag ìobradh, gur ann do dheamhnaibh a tha iad l'gan ìobradh, agus nach ann do Dhia: agus cha b'ail leam common a bhi agaibh-se ri deamhnaibh.

21 Cha-n'eil e 'an comas duibh cupan an Tighearn' òl, agus cupan dheamhan. Cha-n'eil e 'an comas duibh comh-roinn a bhi agaibh de bhòrd an Tighearn', agus de bhòrd dheamhan.

22 Am brosnuich sinn an Tighearn gu feirg? an treise sinn na esan?

23 Tha na h-uile nithean ceaduichte dhomh-sa, ach cha-n'eil na h-uile nithean ìomchuidh: tha na h-uile nithean ceaduichte dhomh-sa, ach cha toir na h-uile nithean fòghlum.

24 Na h-ìarradh neach air bith an ni sin a bhuineas dha féin; ach *iarradh* gach aon an ni sin a thig ri maith neach eile.

25 Ithibh gach ni a reicear ann am margadh na feòla, gun cheisd air bith fheòraich air son coguis.

26 Oir is leis an Tighearn an talamh, agus a làn.

27 Ma bheir aon neach dhiubh-san nach 'eil 'n an creidich cuireadh dhuibh, agus gur toil leibh dol maille ris; ithibh gach ni a chuirear roimhibh, gun ni sam bith fheòraich air son coguis.

28 Ach ma their duine sam bith ribh, Dh'ìobradh an ni so do ìodholaibh, na h-ithibh, air a shon-san a nochd dhuibh e, agus

air son coguis. Oir is leis an Tighearn an talamh, agus a làn.

29 *Air son coguis*, tha mi ag ràdh, cha-n i do *choguis* féin, ach *coguis* an neach ud eile: oir e'ar son a bheirair breth air mo shaorsa-sa le coguis duine eile?

30 Oir, ma tha comhairt *bìdh* agam-sa tre ghràs, e'ar son a labhrar òle umam a thaobh an ni sin air son am bheil mi a' toirt buidheachais?

31 Uime sin cò aca dh'itheas no dh'òlas sibh, no ge b'eni a ni sibh, deanaibh na h-uile nithean chum glòire Dhé.

32 Na tugaibh aobhar oilbheim do na h-Iudhaich, no do na Greugaich, no do eaglais Dhé:

33 A réir mar tha mise a' deanamh toile nan uile *dhaoine* anns na h-uile *nithibh*, gun a bhi 'g iarraidh mo bhuannachd féin, ach *buannachd* mhòrain chum gu'n tèarnar iad.

CAIB. XI.

1 *Fhuair Pòl coire do na Corintianaich, gu robh 'n an coimhionail am fir a' deanamh urnuigh, agus an cinn air an comhdachadh, agus an mnathan gun chomhdachadh air an cinn: 17 agus do bhrìgh gu robh gu coitcheionn an cruinneachadh cha-n ann chum maith, ach chum uile; 20 gu sonruichte, air son gu robh iad l'en cuirribh féin a' mi-naomhachadh suipeir an Tighearna, &c.*

BITHIBH-SA 'n ur luchd-leannmhùine ormsa, amhuil mar tha mise air Crìosd.

2 A nis tham i'g ur moladh, a bhràithrean, do bhrìgh gu bheil cuimhne agaibh ormsa anns na h-uile nithibh, agus gu bheil sibh a' coimhead nan orduighean, mar a thug mise dhuibh iad.

3 Ach bu mhiann leam fios a bhi agaibh, gur e Crìosd ceann gach fir, agus gur e am fear ceann na mnà, agus gur e Dia ceann Chrìosd.

4 Gach fear a tha 'deanamh urnuigh no fàidheadaireachd, agus folach air a cheann, tha e 'toirt eas-urram d'a cheann.

5 Ach gach bean a tha 'deanamh urnuigh no fàidheadaireachd gun fholach air a ceann, tha i 'toirt eas-urram d'a ceann: oir is ionnan sin agus ged bhitheadh i air a bearradh.

6 Oir mur bi folach air ceann na mnà, bearrar i mar an ceudna: ach ma's grannda do mhnai i 'bhi air a bearradh no air a lomadh, cuireadh i folach oirre.

7 Oir gun amharus cha chòir do fhear a cheann a chomhdachadh, do bhrìgh gur e ìomhaigh agus glòir Dhé: ach is i a' bhean glòir an fhir.

8 Oir cha-n'eil am fear o'n mhnai, ach a' bhean o'n fhear.

9 Agus cha do chruthaichheadh am fear air son na mnà, ach a' bhean air son an fhir.

10 Uime sin is còir do'n mhnai cumhachd a bhi aice air a ceann, air son nan aingeal.

11 Gidheadh, cha-n'eil am fear as eug-

mhais na mà, no a' bhean as eugmhais an fhlir anns an Tighearn.

12 Oir mar tha a' bhean o'n fhear, is amh-uil sin *tha* 'm fear tre'n mhnai mar an ceudna; ach is ann o Dhia a tha na h-uile nithean.

13 Measaibh annaibh féin; am bheil e ciatach do mhnai urnuigh a dheanamh ri Dia gun fholach *air a ceann*.

14 Nach 'eil nàdur féin a' teagasg dhuibh, ma bhitheas gruag fhada air fear, gur nàr dha e?

15 Ach ma bhitheas gruag fhada air mnai, is glòir dhi e: oir thugadh a gruag dhi air son còmhdaich.

16 Ach ma bhitheas neach air bith conn-spoideach, cha-n'eil a leithid sin de ghnàth-achadh againne, no aig eaglaisibh Dhé.

17 A nis anns an ni so a tha mi 'cur 'an céill *duibh*, cha mhol mi *sibh*, do bhrìgh gu bheil sibh a' teachd 'an ceann a chéile, cha-n ann chum an ni a's fearr, ach an ni a's miosa.

18 Oir air tùs, 'n uair a tha sibh a' cruinn-cachadh 'an ceann a chéile's an eaglais, tha mi 'cluinntinn gu bheil roinnean 'n ur measg; agus tha mi an cuid 'g a chreidsinn.

19 Oir is éigin saobh-chreidimh a bhì eadaraibh, chum gu'n deantar follaiscach an dream a tha dearbhta 'n ur measg.

20 Uime sin an uair a thig sibh 'an ceann a chéile do aon àite, cha-n e sin suipeir an Tighearn' itheadh.

21 Oir ithidh gach aon air tùs a shuipeir féin, agus tha neach oerach, agus neach eile air mhiusg.

22 An e nach 'eil tighean agaibh chum itheadh agus òl anna? no am bheil sibh a' deanamh tàire air eaglais Dhé, agus a' nàrachadh na muinntir aig nach 'eil? Cìod a their mi ribh? Am mol mi sibh anns a' *chùis* so? cha mhol.

23 Oir fhuair mise o'n Tighearn an ni mar an ceudna a thug mi dhuibhse, Gu'n do ghlac an Tighearn Iosa aran, anns an oidhche 's an do bhrathadh e:

24 Agus air tabhairt buidheachais, bhris se e, agus thubhairt e, Gabhaibh, ithibh; is e so mo chorp-sa, a tha air a bhriseadh air bhur son-se: deanaibh so mar ehuimneachan ormsa.

25 Agus air a' mhodh cheudna an cupan, an déigh na suipeir, ag ràdh, Is e an cupan so an coimhcheangal nuadh ann am fhuil-sa: deanaibhse so, cia minic as a dh'òlas sibh e, mar chuimhneachan ormsa.

26 Oir cia minic as a dh'itheas sibh an t-aran so, agus a dh'òlas sibh an cupan so, tha sibh a' foillseachadh bàis an Tighearna gu an tig e.

27 Uime sin, ge b'e neach a dh'itheas an t-aran so, agus a dh'òlas cupan so an Tighearna gu neo-iomchuidh, bithidh e ciontach de chorp agus de fhuil an Tighearna.

28 Ach ceasnuicheadh duine e féin, agus

mar sin itheadh e de'n aran so, agus òladh e de'n chupan so:

29 Oir ge b'e dh'itheas agus a dh'òlas gu neo-iomchuidh, tha e 'g itheadh agus ag òl breitheanais dha féin, do bhrìgh nach 'eil e a' deanamh aithne air corp an Tighearna.

30 Air a shon so *tha mòran* 'n ur measg lag agus tinn, agus tha mòran 'n an codal.

31 Oir nan tugamaid breth oirm féin, cha tugtadh breth oirm.

32 Ach an uair a bheirear breth oirm tha sinn air ar smachdachadh leis an Tighearn, chum nach bitheamaid air ar dìteadh maille ris an t-saoghal.

33 Uime sin, mo bhràithrean, 'n uair a thig sibh 'an ceann a chéile chum itheadh, fauaibh r'a chéile.

34 Agus ma bhitheas oeras air aon neach, itheadh e aig an tigh; chum nach tig sibh 'an ceann a chéile gu breitheanas. Agus cuiridh mise gach ni eile 'an ordugh 'n uair a thig mi.

CAIB. XII.

1 *Tha tiòdhlaean spioradail tomadach a thaobh gnè, 7 gidheadh tha iad uile gu taìrbhe, 8 agus chum na crìche so air an toirt air caochladh dòigh: 12 chum a réir mar a tha buill a' chuirp nàdurra uile chum maise, 22 agus seirbhis an aoin chuirp; 27 mar sin gu'm bitheamaid-ne d'a chéile, a dheanamh suas chuirp dlàomhair Chrìosd.*

A NIS a thaobh *thìodhlacan* spioradail, a bhràithrean, cha-n àill leam sibh a bhì aineolach.

2 Tha fios agaibh gu'n robh sibh 'n ur Cinnich, air bhur tarruing gu ìodholaibh balbha, a réir mar a threòraichadh sibh.

3 Uime sin tha mi 'toirt fios duibh, nach abair duine sam bith a tha 'labhairt o Spiorad Dhé, gu bheil Iosa malluichte; agus nach urrainn duine sam bith a ràdh gur e Iosa an Tighearn, ach tre an Spiorad naomh.

4 A nis tha eadar-dhealachadh *thìodhlacan* ann, ach *cha-n'eil ach* aon Spiorad ann.

5 Agus tha eadar-dhealachadh frith-ealaidh ann, gidheadh *cha-n'eil ach* aon Tighearn ann.

6 Agus tha eadar-dhealachadh oibreachaidh ann, ach is e an t-aon Dia, a tha ag oibreachadh nan uile *nithean* anns na h-uile.

7 Ach tha foillseachadh an Spioraid air a thoirt do gach neach, chum taìrbhe.

8 Oir do aon duine tha focal a' ghliocais air a thoirt leis an Spiorad; agus do dhuine eile focal an eòlais leis an Spiorad cheudna;

9 Do neach eile creidimh leis an Spiorad sin féin; do dhuine eile tabhartas leighis tre an Spiorad cheudna;

10 Do neach eile oibreachadh mhòrbhuilean; do neach eile fàidheadaireachd; do neach eile aithneachadh spiorad; do neach eile *iomadh* gnè theangadh; agus do neach eile eadar-mhìneachadh theangadh.

11 Ach na nithean sin uile tha an t-aon Spiorad ceudna ag oibreachadh, a' roinn ris gach aon fa leth a rèir mar is àill leis.

12 Oir mar is aon an corp, agus mòran de bhuill aige, agus a tha uile bhuill an aoin chuirp sin, ge h-iomadh iad, 'n an aon chorp; mar sin tha Crìosd.

13 Oir tre aon Spiorad bhaisteadh sinn uile do aon chorp, ma's Iudhaich sinn no Greug-aich, ma's daor no saor sinn; agus thugadh deoch r'a h-òl duinn uile chum aoin Spioraid.

14 Oir cha-n aon bhall an corp, ach mòran.

15 Ma their a' chas, Do bhrìgh nach mi an làmh, cha-n ann de'n chorp mi; nach 'eil i de'n chorp air a shon sin?

16 Agus ma their a' chluas, Do bhrìgh nach mi an t-sùil, cha-n ann de'n chorp mi; nach ann de'n chorp i air a shon sin?

17 Nam *bitheadh* an corp uile 'n a shùil, c'ait am *bitheadh* a' chlaisteachd? Nam *bitheadh* e uile 'n a chlaisteachd, C'ait am *bitheadh* an fhàile?

18 Ach a nìs shuidhich Dia na buill gach aon diubh 's a' chorp, mar bu toil leis.

19 Agus nam bitheadh iad uile 'n an aon bhall, c'ait am *bitheadh* an corp?

20 Ach a nìs tha iad 'n am mòran bhall, ged nach 'eil ann ach aon chorp.

21 Agus cha-n urrainn an t-sùil a ràdh ris an làimh, Cha-n'eil feum agam ort: no a ris, an ceann ris na cosaibh, Cha-n'eil feum agam oirbhe.

22 Ach gu ro mhòr nìs mòr tha na buill sin de'n chorp, a's annhuinne a thaobh coslais, feumail.

23 Agus air na buill sin de'n chorp a's lugha urram 'n ar measg-ne, tha sinn a' cur an tuilleadh urrain; agus na buill sin dhinn a's lugha maise, tha aca sin gu ro mhòr an tuilleadh maise.

24 Oir air na buill mhaiseach againn cha-n'eil uircasbhuidh: ach rinn Dia an corp a chomh-chumadh r'a chèile, air dha an tuilleadh urrain gu mòr a thoirt do'n *chuid* air au robh uircasbhuidh:

25 Chum nach bitheadh eas-aonachd air bith 's a' chorp; ach gu'm bitheadh an t-aon chùram aig na buill d'a chèile.

26 Agus ma dh'fhuilgeas aon bhall, comh-fhuilgidh na buill uile: no ma gheibh aon bhall urram, ui na buill uile gairdeachas maille ris.

27 A nìs is sibhse corp Chrìosd, agus is buill sibh fa leth.

28 Agus chuir Dia dream àraidh 's an eag-lais, air tùs abstolan, 's an dara àite fàidhcan, 's an treas àite luchd-teagaisg, a ris nìorbhuilean, 'n a dhéigh sin tabhartais-leighis, luchd-cuideachaidh, uachdaran-achdan, iomadh gnè theangadh.

29 Am bheil na h-uile 'n an abstolaibh? Am bheil na h-uile 'n an fàidhibh? Am bheil na h-uile 'n an luchd-teagaisg? Am

bheil na h-uile 'n an luchd-deanamh mhior-bhuilean?

30 Am bheil aig na h-uile tabhartais leighis? An labhair na h-uile le teangaibh? An dean na h-uile eadar-theangachadh?

31 Ach bitheadh miann dùrachdach nan tìodhlacan a's fearr oirbh: agus gidheadh tha mise a' nochdadh dhuibh slighe a's ro-fhearr.

CAIB. XIII.

1 *Cha-n'eil brìgh sam bith anns na tìodhlacaibh uile d'am feabhas, as eugmhais a' ghràidh: 4 clia a' ghràidh, 13 agus a bharrachd air dòchas agus creidimh.*

GED labhrainn le teangaibh dhaoine, agus aingeal, agus gun ghràdh agam, tha mi a'm' umha a ni fuaim, no a'm' chiombal a ni gleangarsaich.

2 Agus ged bhitheadh agam fàidheadair-eachd, agus ged tluiginn na h-uile rùna-diombair, agus gach uile eòlas; agus ged bhitheadh agam gach uile *ghnè* creidimh, ionnas gu'n atharraichinn sléibhtean, agus mi gun ghràdh agam, cha-n'eil annam ach neo-ni.

3 Agus ged chaithinn mo mhaoin uile chum na bochdan a bheathachadh, agus ged bheirinn mo chorp chum a losgadh, agus gun gràdh agam, Cha-n'eil tairbhe sam bith dhomh ann.

4 Tha an gràdh fad-fhulangach, agus caoimhneil; cha ghabh au gràdh farnad; cha dean an gràdh ràiteachas, cha-n'eil e air a shéideadh suas,

5 Cha giùlain se e féin gu nì-chiatach, cha-n iarr e na nithean sin a bhuineas da féin, cha-n'eil e so-bhrosnachaidh *chum feirge*, cha smuainich e ole sam bith,

6 Cha dean e gairdeachas 's an eucuir, ach nì e gairdeachas 's an fhirinn:

7 Fuilgidh e na h-uile nithean, creididh e na h-uile nithean, bithidh sùil aige ris na h-uile nìthibh, giùlainidh e na h-uile nìth-ean.

8 Cha téid an gràdh air cùl a chaoidh: ach ma's fàidheadaireachdan a *th' ann*, théid iad air cùl; ma's teangaidhean, sguiridh iad; ma's eòlas, cuirear air cùl e.

9 Oir tha eòlas againn ann au tomhas, agus tha sinn ri fàidheadaireachd ann an tomhas.

10 Ach an uair a thig an nì a tha iomlan, cuirear air cùl an nì sin nach 'eil aeh ann an cuid.

11 'N uair a bha mi a'm' leanaban, labhair mi mar leanaban, thuig mi mar leanaban, reusonaich mi mar leanaban: ach air fàs domh a'm' dhuine, chuir mi na nithean lean-abaidh air cùl.

12 Oir tha sinn a' faicinn 's an àm so gu dorchla tre ghloine; ach an sin *chi sinn* aghaidh ri h-aghaidh: 's an àm so is aithne dhomh ann an tomhas; ach an sin aithnichidh mi eadhon mar a tha aithne orna.

13 Agus a nis mairidh creidimh, dòchlas, gràdh, na tri *nithean* so; ach *is* e'n gràdh a's mò dhiubh so.

CAIB. XIV.

1 *Mhol Pòl fàidheadaireachd, 2 agus thug e urram dhì roimh labhairt le teangaibh, 6 le cosamhlachd air a thoirt o innealaibh-cìùil; 12 is còir an gnàthachadh fàraon, chum togail suas na h-eaglais, 22 mar a' chrìoch sin gus an d'orduicheadh iad. 26 Tha fìor-fheum gach aoin diubh air a theagasg, agus am mì-ghnàthachadh air a chionnadh.*

LEANAIBH gràdh, agus bitheadh mòr-mhiann *thiodhlacan* spioradail oirbh, ach gu ma mò bbur togradh gu'n deanadh sibh fàidheadaireachd

2 Oir an ti a labhras ann an teangaidh *choimhich*, cha-n ann ri daoineibh a labhras e, ach ri Dia: oir cha-n'eil neach sam bith 'g a thuigsinn; ged tha e anns an Spiorad a' labhairt rùintean-dìomhair.

3 Ach an ti a tha 'deanamh fàidheadaireachd, tha e a' labhairt ri daoineibh chum teagasg, agus *chum* earail, agus *chum* comhfhurtachd.

4 An ti a tha 'labhairt ann an teangaidh *choimhich*, tha e 'g a theagasg fèin: ach an ti a ni fàidheadaireachd, tha e 'teagasg na h-eaglais.

5 Bu mhaith leam gu'n labhradh sibh uile le teangaibh, ach b'fhearr leam sibh a dheanamh fàidheadaireachd, oir *is* mò an ti a ni fàidheadaireachd, na an ti a labhras le teangaibh, mur eadar-theangaich e, chum gu'm faigheadh an eaglais fòghlum.

6 A nis, a bhràithrean, ma thig mi do 'ur n-ionnsuidh a' labhairt le teangaibh, ciod an tairbhe a ni mi dhiubh, mur labhair mi ribh ann am foillseachadh, no 'an eòlas, no 'am fàidheadaireachd, no 'an teagasg?

7 Air an dòigh cheudna na nithean gun bheatha a ni fuaim, ma's pìob no clàrsach, mur dean iad eadar-dhealachadh 'n am fuaimibh, cionnus a thuigear an ni a sheinnear air a' phìob no air a' chlàrsaich?

8 Oir ma bheir a' ghall-tromp fuaim neo-chinnteach uaipe, cò a dh'ulluicheas e fèin chum a' chatha?

9 Is amhuil sin sibhse, mur labhair sibh leis an teangaidh briathran so-thuigsinn, cionnus a dh'aithnìchear an ni a labhrar? Oir is ann ris an athar a labhras sibh.

10 Tha, feudaidh e bhi, an uiread de ghuthan 's an t-saoghal, agus cha-n'eil a h-aon diubh gun bhlagh.

11 Uime sin, mur tuig mi brìgh a' ghutha, bithidh mi do'n ti a labhras, borb; agus *bithidh* an ti a labhras, borb dhomh-sa.

12 Mar sin mar an ceudna sibhse, do bhrìgh gu bheil dèigh agaibh air *tiodhlac-aibh* spioradail, iarraibh sibh fèin a thoirt barrachd chum fòghluim na h-eaglais.

13 Uime sin, an ti a labhras ann an teangaidh *choimhich*, guidheadh e gu'n deanadh e eadar-theangachadh.

14 Oir ma ni mise urnuigh ann an teangaidh *choimhich*, tha mo spiorad a' deanamh urnuigh, ach tha mo thuigse neo-tharbhach.

15 Ciod ma seadh? ni mi urnuigh leis an spiorad, agus ni mi urnuigh leis an tuigse mar an ceudna: seinnidh mi leis an Spiorad, agus seinnidh mi leis an tuigse mar an ceudna.

16 No 'n uair a bheannaicheas tu leis an spiorad, cionnus a their an ti a tha ann an àit an duine gun fhòghlum Amen ri d' bhlreith-buidheachais, o nach aithne dha an ni a tha thu ag ràdh?

17 Oir gu deimhin tha thusa 'toirt buidheachais gu maith, gidheadh cha-n'eil an neach eile air a theagasg.

18 Tha mi 'toirt buidheachais do m' Dhia, gu bheil mi a' labhairt le teangaibh tuilleadh na sibh uile:

19 Ach b'fhearr leam cùig focal a labhairt 's an eaglais le m' thuigse, chum gu'n teagaisginn daoine eile mar an ceudna, na deich mìle focal ann an teangaidh *choimhich*.

20 A bhràithrean, na bithibhse 'n 'ur leanabaibh 'an tuigse: gidheadh, ann am mì-run bithibh 'n 'ur leanabaibh, ach ann an tuigse bithibh 'n 'ur daoine foirfe.

21 Tha e sgriobhta 's an lagh, Labhairidh mi ris a' phobull so ann an teangaibh eile, agus ann am bìlìbh eile: gidheadh an dèigh sin uile cha-n èisd iad rium, tha an Tigh-eàrn ag ràdh.

22 Uime sin tha teangan *coimheach* 'n an comharadh, cha-n ann do'n dream a tha 'creidsinn, ach dhoibh-san a tha mì-chreideach: ach tha fàidheadaireachd cha-n ann air an son-san nach 'eil a' creidsinn, ach air an sonsan a tha 'creidsinn.

23 Uime sin ma chruinnicheas an eaglais uile 's an aon àit, agus ma labhras iad uile le teangaibh *coimheach*, agus gu'n tig dream a tha gun fhòghlum a steach, no daoine mì-chreideach, nach abair iad gu'm bheil sibh air a' chuthach?

24 Ach ma ni iad uile fàidheadaireachd, agus gu'n tig duine gun chreidinn a steach, no *neach* a tha gun fhòghlum, cronuichear e leis na h-uile, agus bheirear breth air leis na h-uile:

25 Agus mar sin tha *nithean* folaichte a chridhe air am foillseachadh; agus mar sin, air dha tuiteam air aghaidh, ni e aoradh do Dhia, ag aithris gu bheil Dia gu fìrinneach annaibhse.

26 Ciod e sin ma ta, a bhràithrean? 'n uair tha sibh a' teachd 'an ceann a chéile, tha salm, tha teagasg, tha teangadh, tha foillseachadh, tha eadar-theangachadh, aig gach aon agaibh. Bitheadh na h-uile nithean air an deanamh chum fòghluim.

27 Ma labhras aon neach ann an teangaidh *choimhich*, labhradh dithis, no air a' chuid a's mò triuir, agus sin an dèigh a

chéile; agus deanadh a h-aon eadar-theangachadh.

28 Ach mur bi eadar-theangair ann, fanadh e 'n a thosd 's an eaglais; no labhradh e ris féin, agus ri Dia.

29 Labhradh dithis no triuir de na fàidhibh, agus thugadh a' chuid eile breth.

30 Ach ma dh'fhoillsichear *ni* do neach eile a tha 'n a shuidhe, titheadh an ceud *dhuine* 'n a thosd.

31 Oir feudaibh sibh uile fàidheadaireachd a dheanamh gach aon an déigh a chéile, chum gu'm faigh na h-uile fòghlum, agus na h-uile comhfhurtachd.

32 Agus tha spioraid nam fàidhean ùmhal do na fàidhibh.

33 Oir cha-n e Dia *ughdàr* na mi-riaghailt, ach na sìthe, mar ann an eaglaisibh nan naomh uile.

34 Biodh bhuir mnathan 'n an tosd 's na h-eaglaisibh; oir cha-n'eil e ceaduichte dhoibh labhairt; ach *is còir dhoibh* 'bhi ùmhal, mar tha an lagh mar an ceudna ag ràdh.

35 Agus ma's miann leo ni sam bith fhòghlum, feoraicheadh iad d'am fearaibh féin aig an tigh e: oir is mi-chiatach do mhàibh labhairt 's an eaglais.

36 An ann uaibhse 'thàinig focal Dhé a mach? no an ann do 'ur n-ionnsuidhse a mhàin a 'thàinig e.

37 Ma shaoileas duine sam bith gur fàidh, no gur duine spioradail e féin, aidichheadh e na nithean a tha mise a' sgrìobhadh do 'ur n-ionnsuidh, gur iad àitheantan an Tighearna.

38 Ach ma tha neach sam bith aineolach, bitheadh e aineolach.

39 Uime sin, a bhràithrean, bitheadh ro-thogradh agaibh air fàidheadaireachd a dheanamh, agus na bacaibh labhairt le teangaibh.

40 Deanar na h-uile nithean gu deadh-mhaiseach, agus a réir orduigh.

CAIB. XV.

1 O aiseirigh Chrìosd, 12 dhearbhadh an t-abstol gu'n éirich sinne, an aghaidh na muinntir sin a tha 'g dèheadh aiseirigh na colla: 21 Toradh. 35 agus dòigh na h-aiseirigh, 51 agus caochladh na muinntir sin a gheibhear beò, air an là dheireannach.

OS bàrr, a bhràithrean, tha mi 'cur 'an 'cèill duibh an soigheal a shearmonaich m. dhuibh, ris an do ghabh sibhse mar an ceudna, agus anns am bheil sibh 'n 'ur seasamh;

2 Troimh mar an ceudna am bheil sibh air bhuir tearnadh, ma chumas sibh gu daingean an ni a shearmonaich mi dhuibh, mur do chreid sibhse gu dìomhain.

3 Oir thug mi dhuibh air tùs an ni a fhuair mi mar an ceudna, Gu'n d'fhuair Chrìosd bàs air son ar peacaidhean a réir nan sgrìobtuir:

4 Agus gu'n d'adhlacadh e, agus gu'n d'éirich e a ris air an treas là a réir nan sgrìobtuir:

5 Agus gu'm facas e le Cephas, 'n a dhéigh sin leis an dà fhear dheug.

6 'N a dhéigh sin, chunnacas e le tuilleadh as cùig ceud bràthair air aon àm; d'am bheil a' chuid a's mò beò gus a nis, ach tha cuid *dhiubh* 'n an codal.

7 'N a dhéigh sin, chunnacas e le Seumas; agus a ris leis na h-abstolaibh uile.

8 'N an déigh uile chunnacas lean-sa e mar an ceudna, mar neach a rugadh ann an an-àm.

9 Oir is mi a's lugha de na h-abstolaibh, neach nach fhu abstol a ghairm dhìom, do bhrìgh gu'n robh mi a' geur-leannmhuinn eaglais Dhé.

10 Ach tre ghràs Dhé is mi an ni a's mi: agus cha robh a ghràs, a *bhuilicheadh* orm, gun bhrìgh; ach shaothraich mi uis pailte na iad uile; gidheadh cha mhise, ach gràs Dhé a bha maille rium.

11 Uime sin cò air bith iad *dhinne*, mise no iadsan, is ann mar so a tha sinne a' searmonachadh, agus is ann mar so a chreid sibhse.

12 A nis ma shearmonaichear Chrìosd gu'n d'éirich e o na marbhaibh, cionnus a tha feadhain 'n 'ur measg-sa ag ràdh, Nach 'eil aiseirigh nam marbh ann?

13 Ach mur 'eil aiseirigh nam marbh ann, ni mò a dh'éirich Chrìosd.

14 Agus mur d'éirich Chrìosd, gu deimhin is dìomhain ar searmoin-ne, agus is dìomhain bhuir creidimhse mar an ceudna.

15 Scadh fhuaradh sinne 'n ar fianuisibh bréige air Dia; do bhrìgh gu'n d'rim sinn fianuis a thaobh Dhé, gu'n do thog e suas Chrìosd: neach nach do thog e suas, mur éirich na marbh.

16 Oir mur éirich na marbh, ni mò a dh'éirich Chrìosd:

17 Agus mur d'éirich Chrìosd, tha bhuir creidimhse dìomhain; tha sibh fathast ann bhuir peacaibh.

18 Mar sin mar an ceudna tha an dream a chòidil ann an Chrìosd, cailte.

19 Ma's anns a' bheatha so a mhàin a tha dòchas againn ann an Chrìosd, is sinn a's truaighe de na h-uile dhaoinibh.

20 Ach a nis tha Chrìosd air éirigh o na marbhaibh, agus rinnadh dheth an ceud thoraadh dhiubh-san a chòidil.

21 Oir mar is ann tre dhuine *thàinig* am bàs, is ann tre dhuine *thig* aiseirigh nam marbh mar an ceudna.

22 Oir mar, ann an Adhamh, a tha na h-uile a' faghail a' bhàis, is amhuil sin mar an ceudna a nithear na h-uile beò ann an Chrìosd.

23 Ach gach uile dhuine 'n a ordugh féin: Chrìosd an ceud thoradh, 'n a dhéigh sin iadsan a's le Chrìosd aig a theachd

24 An sin *bithidh* a' chrìoch dhèireannach, 'n uair a bheir e suas an rìoghachd do Dhia, eadhon an t-Athair; 'n uair a chuireas e as do gach uile uachdaranachd, agus gach uile ùghdarras, agus chumhachd.

25 Oir is éigin gu'n rìoghaich e, agus an cuir e a naimhdean uile fo a chosaibh.

26 Sgrìosar an nàmhaid deireannach, am bàs.

27 Oir chuir e na h-uile nithean fo a chosaibh. Ach an uair a tha e agràdh gun do chuir e na h-uile nithean fodha, is ui follaiseach gu bheil esan a chuir na h-uile nithean fodha, 'an leth muigh *dheth so*.

28 Agus an uair a chuirear na h-uile nithean fodha, an sin bithidh an Mac féin fo 'n ti a chuir na h-uile nithean fodha-san, chum gu'm bi Dia 'n a uile anns na h-uile.

29 No cìod a ni iadsan a bhaistear air son nam marbh, mur éirich na mairbh air aon dòigh? c'ar son ma seadh a bhaistear iad air son nam marbh?

30 Agus c'ar son a tha sinne 'an gàbhadh gach uair?

31 Air bhur gàirdeachas-se a tha agam ann an Iosa Crìosd an Tighearn, tha mi 'faghail a' bhàis gach là.

32 Ma chòmhraig mi mar dhuine ri fiadh-bheathaicheibh ann an Ephesus, cìod i mo thairbhe, mur éirich na mairbh? itheamaid agus òlaimaid, oir am màireach gheibh sinn bàs.

33 Na meallar sibh: truailidh droch chomhluaдар deadh bheusan.

34 Dùisgibh chum fireantachd, agus na deanaibh peacadh, oir cha-n'eil eòlas air Dia aig cuid: chum bhur nàire tha mi a' labhairt so.

35 Ach their neach éigin, Cionnus a dh'éireas na mairbh? agus cìod a' ghnè cuirp leis an tig iad?

36 Amadain, an ni sin a chuireas tu, cha bheothaichear e, mur bàsaich c'air tùs:

37 Agus an ni a chuireas tu, cha-n e an corp a bhitheas a tha thu 'eur, ach gràinne om, feudaidd e bli de chruithneachd, no de *sheòrsa* éigin eile:

38 Ach tha Dia a' toirt cuirp dha mar bu toil leis, agus do gach uile shìol a chorp féin.

39 Cha-n aon fheadhail gach uile fheadhail: ach tha feòil air leth aig daoinibh, agus feòil eile aig ainmhidhibh, *feòil* eile aig iasgaibh, *agus feòil* eile aig eunlaith.

40 Agus tha cuirp nàmhaidh ann, agus cuirp talmhaidh: gidheadh tha glòir air leth aig na *corpaibh* nàmhaidh, agus *glòir* eile aig na *corpaibh* talmhaidh.

41 Tha aon ghloir aig a' ghréin, agus glòir eile aig a' ghealaich, agus glòir eile aig na reultaibh; oir tha dealachadh cadar reult agus reult thaobh glòire.

42 Agus is ann mar sin a bhitheas aiseirigh nam marbh. Cuirear an na truailidheachd e; togar ann an neo-truailidheachd e.

43 Cuirear e ann an eas-urrain, togar ann an glòir e: cuirear ann an amhhuimeachd e, éiridh e ann an eumhachd:

44 Cuirear e 'n a chorp nàdurra, éirigh e 'n a chorp spioradail. Tha corp nàdurra ann, agus corp spioradail.

45 Agus mar so tha e sgrìobhta, Rinneadh an ceud dhuine Adhamh 'n a anam beò, an t-Adhamh deireannach 'n a Spiorad a bheothaicheas.

46 Gidheadh cha-n e an ni spioradail a bha ann air tùs, ach an ni nàdurra; agus 'n a dhéigh sin an ni spioradail.

47 An ceud duine o'n talamh, talmhaidh: an dara duine, an Tighearn o nàmh.

48 Mar an duine talmhaidh, is am buil sin iadsan a tha talmhaidh: agus mar a tha an duine nàmhaidh, is ann mar sin iadsan a tha nàmhaidh.

49 Agus mar a ghiùlain sinn òmhachd an duine talmhaidh, ghiùlainidh sinn mar an ceudna òmhachd an duine nàmhaidh.

50 A nis so tha mi ag ràdh, a bhràithre, nach urrainn feòil agus fuil rìoghachd Dhé a shealbhadh: ni mò a shealbhaicheas truailidheachd neo-truailidheachd.

51 Feuch, tha mi a' labhairt ni dìomhair ribh; Cha chòidil sinn uile, ach caochlaidhear sinn uile,

52 Ann an tiota, 'am priobadh na sùl, ri guth na trompaid deireannaich, (oir séididh an trompaid,) agus éiridh na mairbh neo-truailidh, agus caochlaidhear sinne.

53 Oir is éigin do'n chorp truailidh so neo-truailidheachd a chur uime, agus do'n chorp bhàsmhor so neo-bhàsmhorachd a chur uime.

54 Agus an uair a chuireas an corp truailidh so neo-truailidheachd uime, agus a chuireas an corp bàsmhor so neo-bhàsmhorachd uime, an sin coimhlionar am focal a tha sgrìobhta, Shluigeadh suas am bàs le buaidh.

55 O 'bhàis, c'ait am bheil do ghath? O uaigh, c'ait am bheil do bhuidh?

56 Is e am peacadh gath a' bhàis; agus is e neart a' pheacaidh an lagh:

57 Ach buidheachas do Dhia, a tha 'toirt dhuinne na buadha, tre ar Tighearn Iosa Crìosd.

58 Uime sin, mo bhràithre gràdhach, bithibh-se daingean, neo-ghluasadach, a' sìor-mheudachadh ann an obair an Tigh-earna, air dhuibh fios a bhi agaibh nach 'eil bhur saothair dìomhain anns an Tigh-earn.

CAIB. XVI.

1 *Ghuidh Pòl air na Corintianaich fuasgladh air uircasbuidh nam bràithrean bochda ann an Ierusalem; 10 mhol e Timoteus; 13 agus an dèigh chomhairlean càrdeil, 19 chrìochnaich e an litir le òmhachd fàille.*

A NIS a thaobh an tionail air son nan naomh, mara dh'orduich mi do eaglais-

ibh Ghalatia, mar sin deanaibh-se mar an ceudna.

2 Air ceud là gach seachduin, cuireadh gach aon agaibh ni seachad anns an ionmhas, a réir mar a shoirbhich leis, chum nach bi tionail r'an deanamh 'n uair a thig mise.

3 Agus an uair a thig mi, cò air bith iad a mholas sibh le 'ur litricibh, cuiridh mi iadsan a ghiùlan bhur tabhartais gu Ierusalem.

4 Agus ma's iomchuidh mise a dhol mar an ceudna, théid iadsan a'm' chuideachd.

5 Agus thig mi do 'ur n-ionnsuidh-se, 'n uair a théid mi troimh Mhacedonia : (oir tha mi 'dol troimh Mhacedonia :)

6 Agus feudaidd e bli gu'm fan mi, no eadhon gu'n caith mi an geambradh maille ribh, chum gu'n toir sibh air m'aghaidh mi, ge b'e àit d'an téid mi.

7 Oir cha-n àill leam bhur faicinn a nis 's an dol seachad; ach tha dùil agam fanuinn ré tamuill maille ribh, ma leigean an Tighearn dhomh.

8 Ach fanaidh mi ann au Ephesus gu Cuingeais.

9 Oir dh'fhosgladh dorus mòr agus éifeachdach dhomh-sa, agus tha mòran eascairdean ann.

10 A nis ma thig Timoteus, feuchaibh gu'm bi e gun eagal maille ribh; oir tha e a' saothreachadh ann an obair an Tighearna, mar tha mise.

11 Uime sin na deanadh neach sam bith tàir air: ach thugaibh air aghaidh e 'an sìth, chum gu'n tig e a m' ionnsuidh-sa: oir tha suil agam ris maille ris na bràithribh.

12 Mu thimchioll ar bràthar Apollos, ghuidh mi gu dùrachdach air teachd do 'ur

n-ionnsuidh-se maille ris na bràithribh: ach cha b'i a thoil air chor sam bith teachd 's an àm so; ach thig e 'n uair a gheibh e àm iomchuidh.

13 Deanaibh faire, seasaibh gu daingean 's a' chreidimh, bithibh fearail, bithibh làidir.

14 Bitheadh bhur n-uile nithean air an deanamh le gràdh.

15 Agus guidheam oirbh, a bhràithre, (o's aithne dhuibh teaghlach Stephanais, gur iad ceud thoradh Achaia, agus gu'n d'thug siad iad féin chum frithealaidh do na naoimh;)

16 Gu'm bi sibh àmhail d'an leithidibh sin, agus do gach aon a ni obair agus saothair maille ruine.

17 Tha mi subhach air son teachd Stephanais, agus Fhortunatus, agus Achaicus: oir rinn iad suas an ni sin a bha dh'uir-easbhuidh do 'ur taobh-se.

18 Oir thug iad suaimhneas do m' spiorad-sa, agus do 'ur spiorad-se: uime sin bitheadh mcas agaibh air an leithidibh sin.

19 Tha eaglaisean na h-Asia a' cur fàilte oirbh. Tha Acquila agus Priscila, maille ris an eaglais a tha 'n an tigh, a' cur mòr-fhàilte oirbh anns an Tighearn.

20 Tha na bràithrean uile a' cur fàilte oirbh. Cuiribh-se fàilte air a chéile le pòig naoimh.

21 Fàilte uamsa Pòl le m' làimh féin.

22 Ma tha neach sam bith nach gràdhaich an Tighearn Iosa Criosd, bitheadh e 'n a Anatema Maranata.

23 Gu robh gràs an Tighearna Iosa Criosd maille ribh.

24 Mo ghràdh-sa maille ribh uile ann an Criosd. Amen.

DARA LITIR AN ABSTOIL PHOIL

CHUM NAN

CORINTIANACH.

CAIB. I.

1 Thug an t-abstol Pòl misneach do na Corintianaich an aghaidh thrioblaid thaobh na comhfhurtachd agus an fhuasglaidh a thug Dia dhàsan 'n a uile thrioblaidibh féin, 8 gu sonruichte 'n a chumart 's an Asia: 12 agus ghairm e an coguis-san, agus a choguis féin chum fianuis gu'n do shearmonaich e an soir-seul gu tréibh dhreach, &c.

POL, abstol Iosa Criosd tre thoil Dhé, agus Timoteus ar bràthair, chum eaglais Dhé a tha ann an Corintus, maille ris na h-uile naoimh a tha ann an Achaia uile: 2 Gràs dhuibhse, agus sìth o Dhia ar n-Athair, agus o'n Tighearn Iosa Criosd.

3 Beannaichte gu robh Dia, eadhon Athair

ar Tighearna Iosa Criosd, Athair nan tròcair, agus Dia na h-uile comhfhurtachd:

4 A tha 'toirt comhfhurtachd dhuinne 'n ar n-uile àmhghar, chum sinne 'bhi comasach air comhfhurtachd a thoirt dhoibhsan a tha ann an àmhghar sam bith, tre a' chomhfhurtachd leis an bheil sinn féin a' faotainn comhfhurtachd o Dhia.

5 Oir mar tha fulangais Chriosd pailt annainne, is amhuil sin tha ar comhfhurtachd-ne mar an ceudna pailt tre Chriosd.

6 Agus ma tha sinn fo àmhghar, is ann air son bhur comhfhurtachd agus bhur slàinte-se, a tha air a h-oibreachadh le sibh a dh'fhulang nam fulangas ceudna, a tha

zinne a' fulang: no ma's comhfhurtachd dhuinn, *is ann* chum bhur comhfhurtachd agus bhuir slàinte-se.

7 Agus *tha* ar dòchas daingean do 'ur taobh-se, do bhrìgh gu bheil fios againn, mar tha sibh 'n 'ur luchd-comhpairt de na fulangasaibh, gu'm *bì sibh* mar an ceudna de'n chomhfhurtachd.

8 Oir cha b'àill leinn, a bhràithre, sibhse 'bhi ain-fhiosrach mu thimchioll ar n-àmh-ghair a thachair dhuinne's an Asia, gu'n do bhruthadh sinn gu ro mhòr thar ar neart, ionnus gu'n robh sinn fo amharas eadhon mu'r beatha:

9 Ach bha againn binn ar bàis annainn féin, chum nach bitheadh againn dòigh annainn féin, ach ann an Dia a dhùisgeas na mairbh:

10 Neach a shaor sinne o bhàs co mòr, agus a tha 'g ar saoradh; annis am bheil ar dòchas gu'n saor e *sinn* fathast:

11 Air dhuibhse 'bhi a' co-oibreachadh le 'chéile ann an urnuigh air ar son-ne, chum gu'n tugar buidheachas le mòran air ar son-ne, a leth an tiodhlaic a thugadh dhuinn, tre mhòran.

12 Oir is e so ar gairdeachas-ne, fianuis ar coguis, gur ann 'an aon-fhillteachd agus 'an tréibhdhreas diadhaidh, agus cha-n ann 'an gliocas feòmhlor, ach ann an gràs Dhé, a chaith sinn ar beatha's an t-saoghal, agus gu h-àraidh do 'ur taobh-se.

13 Oir cha-n'eil sinn a' sgrìobhadh nithean sam bith eile do 'ur n-ionnsuidh-se, ach nan nithean a tha sibh a' leughadh, no a tha sibh ag aideachadh, agus a tha dùil agam a dh'aideicheadh sibh gus a' chrìoch;

14 Amhuil mar a dh'aideich sibh 'an cuid, gur sinne bhur gairdeachas, mar *is* sibhse mar an ceudna ar *gairdeachas-ne* ann an là an Tighearna Iosa.

15 Agus anns a' mhuighin so b'àill leam-sa teachd do 'ur n-ionnsuidh air tùs, ionnus gu'm faigheadh sibhse ath-ghràs.

16 Agus gabhail uaibhse gu Macedonia, agus teachd o Mhacedonia a rìs do 'ur n-ionnsuidh-se, agus a bhi air mo thoirt air n'aghaidh leibhse's an t-slighe gu Iudea.

17 Uime sin an uair a chuir mi so romham, an do ghnàthach mi eutruimeachd? no au ann a réir na feòla tha mi 'cur romham, na nithean a tha mi a' cur romham, ionnus gu'm bitheadh agam seadh, seadh, agus cha-n eadh, cha-n eadh?

18 Ach *mar tha* Dia firinneach, cha b'e ar còmhraidh rìbhse scadh, agus cha-n eadh?

19 Oir Mac Dhé Iosa Crìosd, a shearmon-aicheadh 'n 'ur measg-se leinne, *eadhon* leam-sa, agus *le* Silvanus, agus *le* Timoteus, cha robh e 'n a sheadh agus 'n a cha-n eadh, ach ann-san bha seadh.

20 Oir gcallaidhean Dhé uile, ann-san *is*

seadh iad, agus ann-san *is* Amen iad, chum glòire Dhé do ar taobh-ne.

21 A nis an ti a dhaingnicheadh sinne maille rìbhse ann an Crìosd, agus a dh'ung sinn, *is e* Dia:

22 Neach mar an ceudna a chuir seula oirme, agus a thug dhuinn geall-daingnich an Spioraid ann ar cridheachaibh.

23 Ach tha mi a' gairm Dhé mar fhianuis air m'anam, gur ann chum sibhse a chaomhnadh nach d'thàinig mi fathast gu Corintus.

24 Cha-n e gu bheil againne tighearnas air bhur creidimh-se, ach is luchd-cuid-eachaidh sinn do 'ur n-aobhneas: oir is ann tre chreidimh a sheasas sibh.

CAIB. II.

1 *Air do Phòl an reusan a chur 'an cèill air son nach d'thàinig e dh' ionnsuidh nan Corintianach, 6 dl'iarr e orra maitheanas agus comhfhurtachd a thoirt do'n duine a dhruid-adh a mach leo as an eaglais, 10 eadhon mar a thug e féin mar an ceudna maitheanas da, air son 'fhiar aithreachais. 12 Chuir e 'an cèill c'ar son a chaidh e o Throas gu Macedonia, 14 agus mar a shoirbhich Dia gu pàirt leis.*

A CH chuir mi so romham annam féin, gun teachd a rìs fo dhoilgheas do 'ur n-ionnsuidh.

2 Oir na ni mise doilich sibhse, cò e ma ta 'ni subhach mise, ach an ti air an do chuireadh doilgheas leam?

3 Agus sgrìobh mi an ni so féin do 'ur n-ionnsuidh, chum air dhomh teachd, nach cuirteadh doilgheas orm leis a' mhuinntir sin o'm bu chòir dhomh aobhneas fhaotainn, air dhomh 'bhi muinghinneach as aibh uile, gur e m'aobhneas bhur *n-aobhneas* uile.

4 Oir a trìoblaid mhòir agus cràdh cridhe, sgrìobh mi do 'ur n-ionnsuidh le iomadh deur; cha-u ann chum gu'm bitheadh doilgheas oirbh, ach chum gu'm bitheadh fios agaibh air a' ghràdh a tha agam gu ro-phàilt dhuibh.

5 Ach ma thug neach sam bith aobha doilgheis, cha do chuir e doilgheas ormsa, ach 'an cuid: chum nach cuirinn ro-uallach oirbh uile.

6 *Is* leoir d'a leithid sin a dhuine ann peanas so, a *teagadh* air le mòran.

7 Ionnus air an làimh eile, gur mò *is còir* dhuibh maitheanas agus comhfhurtachd a thoirt *da*, air eagal gu'm bitheadh a leithid so a dhuine ar a shlugadh suas le anabarra doilgheis.

8 Uime sin guidheam oirbh, gu'n daing-nicheadh sibh *bhur* gràdh dha.

9 Oir is ann chum na crìche so a sgrìobh mi do 'ur n-ionnsuidh, chum gu'm bitheadh fios bhur dearbhaidh agam, am bheil sibh ùmhal anns na h-uile nìthibh.

10 Ge b'e neach d'an toir sibh maitheanas ann an ni sam bith, bheir mise mar an ceudna: oir ma thug mise maitheanas ann an ni sam bith, cia b'e d'an d'thug mi ann

2 CORINTIANACH, III, IV.

maitheanas, is ann air bhuir son-se a *thug mi e*, 'am fianuis Chrìosd ;

11 Air eagal gu'm faigheadh Satan an cothrom oirnn le 'chuillbheartachd: oir cha-n'eil sinn aineolach air 'inneachdaibh.

12 Os barr, 'n uair a thàinig mi gu Troas chum soisgeul Chrìosd a *shearmonachadh*, agus a dh'fhosglaidh doras dhomh leis an Tighearn,

13 Cha robh fois agam ann am spiorad, do bhrìgh nach d'fhuair mi Titus mo bhràthair: ach air gabhail mo chead diubh, dh'imich mi o sin do Mhacedonia.

14 A nis buidheachas do Dhia, a tha ghnàth a' toirt oirne buadhachadh ann an Crìosd, agus a tha 'foillsachadh *deadh* fhàile 'eòlais féin leinne anns gach àit.

15 Oir tha sinne do Dhia 'n ar faile cùbraidh Chrìosd, anns an dream a thearnar, agus anns an dream a sgrìosar:

16 Do'n aon dream *tha sinn* 'n ar boltrach bàis chum bàis; agus do'n dream eile, 'n ar boltrach beatha chum beatha: agus cò a tha foghainteach chum nan uithcan so?

17 Oir cha-n'eil sinne mar mhòran, a thruaillcas focal Dhé: ach mar o thréibh-dhìreas, ach mar o Dhia, tha sinn a' labhairt 'am fianuis Dhé ann an Crìosd.

CAIB. III.

1 *Air eagal gu'n cuireadh luchd-teagaisg brèige as a leth gu'n robh e 'deanamh uair gu dìomhain, nochd Pòl gu'n robh gràsan nan Corintianach 'n an aobhar molaidd d' a mhinistireilachd.* 6 *Air so chomh-shùn e ministeirean an lagha, agus an t-soisgeul r'a chèile, 12 agus dhearbha e gu'n robh a ministeireilachd-san ro òirdheire.*

AN tòisich sinn a rìs air sinn féin a mholadh? no am bheil feum againn, mar aig dream àraidh, air litricheibh molaidd do 'ur n-ionnsuidh-se, no air *litricheibh* molaidd uaihb?

2 Is sibhse ar litir-ne a tha sgrìobhta 'n ar cridheachaibh, air a h-aithneachadh agus air a leughadh leis na h-uile dhaoineibh:

3 *Air dha 'bhi* follaiscach gur sibh litir Chrìosd, a fhrithealadh leinne, a tha air a sgrìobhadh cha-n ann le dubh, ach le Spiorad an Dé bheò; cha-n ann air clàraibh cloiche, ach air clàraibh feòlmhor a' chridhe.

4 Agus tha a leithid so de dhòchas againne tre Chrìosd a thaobh Dhe:

5 Cha-n e gu bheil sinn foghainteach uainn féin chum ni sam bith a smuaineachadh mar uainn féin: ach is ann o Dhia a *tha* ar foghainteachd ;

6 A rinn sinne mar an ceudna 'n ar ministeiribh foghainteach an tionnaidh nuaidh; cha-n ann de'n litir, ach de'n Spiorad: oir marbhaidh an litir, ach bheir an Spiorad beatha.

7 Ach ma bha ministireilachd a' bhàis, ann an sgrìobhadh air a ghearradh air clàraibh, glòrmhor, ionnus nach b'urrainn

clann Israeil amhare gu geur air gnùis Mhaois, air son glòire a ghnùise, a chuireadh air cùl;

8 Cionnus nach mò na sin a bhitheas ministireilachd an Spioraid glòrmhor?

9 Oir ma bha ministireilachd an dithid glòrmhor, is ro mhò na sin a bheir ministireilachd na fireantachd barrachd ann an glòir.

10 Oir eadhon an ni a rinneadh glòrmhor, cha robh glòir sam bith aige 's a' chàs so, thaobh na glòire a tha 'toirt barrachd.

11 Oir ma bha an ni a chuireadh air cùl glòrmhor, is ro mhò na sin a tha an ni a bhunaicheas glòrmhor.

12 Uime sin a chionn gu bheil againn a shamhuil so de dhòchas, tha sinn a' cleachdadh mòr-dhianachd cainnte.

13 Agus cha-n'eil sinn mar Mhaois, a chuir folach air aghaidh, chum nach amhairceadh clann Israeil gu geur gu crìch an ni a chuireadh air cùl.

14 Ach dhalladh an inntinn: oir gus an là'n diugh ann an leughadh an t-seann-tionnaidh, tha'm folach ceudna a' fantuinn gun atharrachadh, ni a chuireadh air cùl ann an Crìosd.

15 Ach eadhon gus an là 'n diugh 'n uair a leughar Mhaois, tha am folach air an cridhe.

16 Gidheadh 'n uair a philleas e chum an Tighearna, togar am folach dheth.

17 A nis is e an Tighearn an Spiorad sin: agus far am bheil Spiorad an Tighearna, tha saorsa an sin.

18 Ach air bhi dhuinne uile le aghaidh gun fhòlach, ag amhare mar ann an sgàthan air glòir an Tighearna, tha sinn air ar n-atharrachadh chum na h-ìomhaigh ceudna, o ghlòir gu glòir, mar le Spiorad an Tighearna.

CAIB. IV.

1 *Chuir Pòl 'an cèll gu'n do shearmonaich e an soisgeul le dhiòll agus ann an tréibh-dhìreas; 6 agus cionnus a dh'obrich na trioblaidhean agus an geur-leannhuinn a dh'fhuiling e air a shon, chum cùl cumhachd Dhé, 12 chum marth na h-eaglais, 16 agus chum glòir shiorruidh nan abstol féin.*

UIME sin, air do'n ministireilachd so 'bhi againn, a réir mar a fhuair sinn tròcair, cha-n'eil sinn a' fannachadh:

2 Ach chuir sinn cùl ri nithibh folaichte na nàire, gun sinn bhi a' siubhal ann an ceilg, no a' truailleadh focail Dhé, ach le foillseachadh na firinn, 'g ar molaidd féin do choguis nan uile dhaoine ann an sealladh Dhé.

3 Ach ma tha ar soisgeul-ne folaichte, is ann dhoibh-san a tha caillte tha e folaichte:

4 Aims an do dhall dia an t-saoghail so inntinn na dream nach 'eil 'n an creidmhiach, air eagal gu'n dealraicheadh orra solus soisgeil glòrmhor Chrìosd, neach a's e ìomhaigh Dhé.

5 Oir cha-n'eil sinne 'g ar searmonachadh féin, ach Iosa Crìosd an Tighearn; agus sinn féin 'n ar seirbhisich dhuibhse air son Iosa.

6 Oir *is e* Dia a thubhairt ris an t-solus soilleseachadh á dorchadas, a dhealraich ann ar cridhcatchaibh-ne, a *thoir* soluis còlais glòire Dhé, ann an gnùis Iosa Crìosd.

7 Ach tha an t-ionmhas so againn ann an soithichibh creadha, chum gu'm bi òirdheirc-eas a' chumhachd o Dhia, agus cha-n ann uaine.

8 *Tha sinn* fo thrioblaid air gach taobh, gidheadh cha-n'eil sinn ann an teanntachd; *tha sinn* ann an ioma-chomhairle, gidheadh gun sinn ann an eu-dòchas;

9 Air ar geur-leanmhuinn, gidheadh gun *sinn* air ar tréigsinn; air ar tilgeadh sìos, gidheadh gun *sinn* air ar sgrios;

10 A' giùlan a ghnàth bàsachaidh an Tighearna Iosa mu'n cuairt, anns a' chorp, chum gu'm bitheadh beatha Iosa mar an ceudna air a deanamh follaiseach ann ar corp-ne.

11 Oir tha sinne a tha beò, a ghnàth air ar toirt chum bàis air son Iosa, chum gu'm bitheadh mar an ceudna beatha Iosa air a deanamh follaiseach 'n ar feoil bhàsmhoir-ne.

12 Uime sin tha bàs ag oibreachadh ann-ainne, ach beatha annaibh-se.

13 Air dhuinn an spiorad creidimh sin féin a bhi againn, a réir mar tha e sgrìobhta, Chreid mi, agus uime sin labhair mi: tha sinne a' creidsinn mar an ceudna, agus nime sin tha sinn a' labhairt;

14 Air dhuinn fios a bhi againn, an ti a thog suas an Tighearn Iosa, gu'n tog e sinne suas mar an ceudna tre Iosa, agus gu'n cuir e 'n a làthair *sinn* maille ribhse.

15 Oir tha na h-uile *nithean* air bhur son-se, chum gu'm bitheadh an gràs a tha saoiibh, tre bhuidheachas mhòran, ro phailt chum glòire Dhé.

16 Uime sin cha-n'eil sinn a' fannachadh, ach ged thruaillear ar duine o'n leth muigh, gidheadh tha an duine o'n leth stigh air athnuadhachadh o là gu là.

17 Oir tha ar n-àmhghar eutrom, nach 'eil ach ré sealain, ag oibreachadh dhuinne trom-chudthrom glòire a tha nì's ro anabarraiich' agus sìor-mhaireannach;

18 Air dhuinn a bhi ag amharc cha-n ann air na nitheibh a tha r'am faicinn, ach air na nitheibh nach 'eil r'am faicinn: oir tha na nithean a chithear, aimsireil; ach tha na nithean nach faicear, sìorruidh.

CAIB. V.

1 *Chuir Pòl 'an cèill gu'n robh e 'an dòchas glòire sìorruidh, agus le sàil rithe, agus ris a' bhreth dheireannaich, a' deanamh dìchill air deadh choguis a choimhead;* 12 *cha-n ann chum gu'n deanadh e bòsd as féin a thaobh so,* 14 *ach mar neach a fhuair beatha o Chrìosd, tha e dìchiollach chum a bheatha a chaitheadh do Chrìosd a mhàin,* 16 *agus chum muinntir eile a dheanamh rèidh ri Dia tre Chrìosd mar an ceudna.*

OIR tha fios againn, nan sgaoilteadh o chéile ar tigh talmhaidh a' phàilliuin

so, gu bheil againn aitreabh o Dhia, tigh nach do thogadh le làmhnan, sìorruidh anns na néamhan.

2 Oir tha sinn ri osnaich an so, a' miannachadh 'bhi air ar n-éideadh le ar tigh o néamh:

3 O air dhuinn bhi air ar n-éideadh, nach faighear lomnochd sinn.

4 Oir tha sinne a tha anns a' phàilliuin so ri osnaich, air dhuinn a bhi fo uallaich: cha-n e air son gu'm bu mhiann leinn bhi air ar rùsgadh, ach air ar n-eudachadh, chum gu'm bi bàsmhorachd air a slugadh suas le beatha.

5 A nis an ti a dh'oibrich sinne chum so féin, *is e* Dia e, a thug dhuinne mar an ceudna geall-daingnich an Spioraid.

6 Uime sin *tha sinn* a ghnàth deadhmhisneachail, air dhuinn fios a bhi againn am feadh a tha sinn aig an tigh 's a' choluinn, gu bheil sinn air choigrich o'n Tighearn:

7 (Oir tha sinn a' gluasad a réir creidimh, agus cha-n ann a réir seallaidh.)

8 Tha deadh mhisneach againn, agus bu ròghnuiche leinn gu mòr a bhi air choigrich as a' choluinn, agus a bhi làthair maille ris an Tighearn.

9 Uime sin tha sinn a' deanamh ar dìchill, chum cò aca bhithcas sinn a làthair no air choigrich, gu'm bi sinn taitneach dhàsan.

10 Oir is éigin duinn uile 'bhi air ar nochdadh an làthair caithir-breitheanais Chrìosd; chum gu faigh gach neach na nithean a *rinn e* 's a' choluinn, a réir an nì a rinn e, ma's maith no olc e.

11 Uime sin air dhuinn fios a bhi againn air uamhas an Tighearna, tha sinn a' cur impidh air daoineibh; ach tha sinn follaiseach do Dhia, agus tha dòchas agam mar an ceudna gu bheil sinn air ar deanamh follaiseach ann bhur coguisibh-se.

12 Oir cha-n'eil sinn 'g ar moladh féin a ris dhuibhse, ach tha sinn a' toirt fath uail dhuibh do ar taobh, chum gu'm bi *freagradh* agaibh dhoibh-san a tha 'deanamh uail ann an gnùis, agus cha-n ann 'an eridhe.

13 Oir ma tha sinn a dh'easbhuidh céille, *is ann* do Dhia: agus ma tha ar ciall againn, *is ann* duibh-se.

14 Oir tha gràdh Chrìosd 'g ar co-éig-neachadh, air dhuinn breithneachadh mar so, ma fhuair a h-aon bàs air son nan uile, gu'n robh na h-uile marbh.

15 Agus gu'n d'fhuair e bàs air son nan uile, chum iadsan a tha beò, nach bitheadh iad 's a suas beò dhoibh féin, ach dhàsan a dh'fhuiling am bàs air an son, agus a dh'èirich a ris.

16 Uime sin, cha-n aithne dhuinne á so suas aon duine a réir na feòla: seadh, ged

b'aithne dhuinn Criosd a réir na feòla, gidheadh a nis cha-n aithne dhuinn e ni's mò.

17 Uime sin ma *tha* neach sam bith ann an Criosd, *is* creutair nuadh *e*: chaidh na seann nithean seachad, feuch, rinneadh na h-uile nithean nuadh.

18 Agus is ann o Dhia *tha* na h-uile nithean, neach a rinn sinne réidh ris féin tre Iosa Criosd, agus a thug dhinn ministreileachd na réite;

19 Eadhon, gu'n robh Dia ann an Criosd, a' deanamh an t-saoghail réidh ris féin, gun a bhi a' meas an cionta dhoibh; agus dh'earb e ruinne focal na réite.

20 Uime sin is teachdairean sinn air son Criosd, mar gu'n cuireadh Dia impidh leinne: *tha* sinne a' guidhe *oirbh* as ùchd Criosd, bithibh réidh ri Dia.

21 Oir rinn e esan do nach b'aithne peacadh, 'n a ìobairt-pheacaidh air ar son-ne; chum gu'm bitheanaid air ar deanamh 'n ar fireantachd Dhé annsan.

CAIB. VI.

1 Gu'n do dhearbh Pòl e féin 'n a mhinisteir fìrinneach do Criosd, *arson le carailibh*, 3 agus le ionracas a bheatha, 4 agus leis gach gnè trioblaid agus maslaidh fhulang gu foighidneach air son an t-soisgeil; 10 umpa so labhair e gu dàna riu, a chionn gu'n robh a chridhe fosgailte dhoibh; 13 agus gu'n robh dàil aige ris an aigne cheudna uatha, &c.

UIME sin tha sinn mar chomh-oibrich-ean leis-san, a' guidhe *oirbh*, gun sibh a ghabhail gràis Dhé an diomhain.

2 (Oir *tha* e ag ràdh, Ann an àm taitneach dh'éisid mi riut, agus ann an là slàinte rinn mi còmhnaidh leat: feuch, a nis an t-àm taitneach; feuch, a nis là na slàinte.)

3 Gun a bhi 'toirt aobhair oibheim air bith ann an aon ni, chum nach faigheadh a' mhinisteireachd mi-chliu:

4 Ach anns gach ni 'g ar dearbhadh féin mar mhinisteiribh Dhé, ann am mòr-fhoighidin, ann an àmhlgharaibh, ann an uireasbhuidh, ann an teanntachdaibh,

5 Ann am buillibh, ann am prìosanaiibh, ann an luasgadh o àit gu h-àit, ann an saothair, ann am faire, ann an trasgaibh,

6 Ann am fìor-ghloine, ann an eòlas, ann am fad-fhulangas, ann an caoinhneas, anns an spiorad naomh, ann an gràdh gun cheilg,

7 Ann am focal na fìrinn, ann an cumhachd Dhé, le àirnn na fireantachd air an làimh dheis agus chli,

8 Tre urram agus eas-urram, tre mhi-chliu agus dheadh-chliu: mar mhealltairibh, gidheadh fìrinneach;

9 Mar dhream nach aithnichear, gidheadh air am bheil deadh aithne; mar dhream a *tha* 'faghail' a' bhàis, gidheadh feuch, tha sinn beò; mar dhream a smachdaichear, agus gun am marbhadh;

10 Mar dhream a tha brònach, gidheadh a

ghnàth a' deanamh gairdeachais; mar *dhaoine* bochda, gidheadh a *tha* 'deanamh mòrain saobhair; mar *dhaoine* aig nach 'eil ni sam bith, gidheadh a' sealbhachadh nan uile nithean.

11 Tha ar beul-ne fosgailte dhuibhse, O a Chorintianacha, *tha* ar cridhe air a dheanamh farsuinn.

12 Cha-n'eil sibh ann an cumhannachd annainne, ach *tha* sibh ann an cumhannachd ann bhur n-innibh féin.

13 A nis mar ath-dhìoladh 's an ni sin féin, (tha mi a' labhairt mar ri m' chloinn,) bithibh-se farsuinn mar an ceudna.

14 Na cuing-cheanglar gu neo-chothromach sibh maille ri mì-chreidmlich: oir ciod e caidreamh na fireantachd ri neo-fhìr-cantachd? agus ciod e comunn an t-soluis ris an dorchadas?

15 Agus ciod an réite a *tha* cadar Criosd agus Belial? no ciod i cuid a' chreidmlich, maille ri ana-creidmheach?

16 Agus ciod a' cho-réite a *tha* aig teampull Dhé ri h-ìodholaibh? oir is sibhse teampull an Dé bheò; a réir mar a thubhairt Dia, Gabhaidh mise còmhuidh anna, agus ghluaisidh mi 'n am meas; agus bithidh mise a'm' Dhia acasan, agus bithidh iadsan 'n an slugh agam-sa.

17 Uime sin thigibh a mach as am meadhan, agus dealaichibh *riu*, *tha* an Tighearn ag ràdh, agus na beanaibh ris an ni neòghlan; agus gabhaidh mise a m' ionnsuidh sibh,

18 Agus bithidh mi a'm' Athair dhuibh, agus bithidh sibhse 'n 'ur mic agus 'n 'ur nigheanaibh dhomh-sa, *tha* an Tighearn uile-chumhachdach ag ràdh.

CAIB. VII.

1 *Dh'earailich Pòl na Corintianaich chum gloyne beatha*, 2 agus chum an inninn a bhi aca dhàsan a *tha* aige dhoibh: 3 air eagal gu'n saoilteadh gu'n robh e 'cur so 'an amharus, chuir e 'an cèill doibh meul na chomhfhurtachd a fhuair e 'n a thrioblaidibh, o'n seul a thug Titus dha air am bròn diadhaidh, 13 agus air an caoinhneas agus an àmhlachd do *Thitus*.

UIME sin, a mhuinntir mo ghràidh, air dhuinn na gcallaidhean so 'bhi againn, glanamaid sinn féin o gach uile shalachar feòla agus spioraid, a' coimhlionadh naomhachd ann an eagal Dhé.

2 Gabhaidh ruinne: cha d'rinn sinn eucoir air aon duine, cha do thruaill sinn aon duine, cha do mheall sinn aon duine.

3 Cha-n ann chum bhur dìtidh *tha* mi a' labhairt so: oir thubhairt mi roimh, gu bheil sibh ann ar cridheachaibh-ne chum bàsachadh maille *ribh*, agus a bhi beò maille *ribh*.

4 *Is* mòr mo dhànachd cainnte do 'ur taobh-se, *is* mòr m'uail as bhur leth: Ìon-adh le comhfhurtachd mi, *tha* mi *thar*

tonhas aoibhneach ann ar n-uile àmhghar-ne.

5 Oir au uair a thàinig sinn gu Macedonia, cha d'fhuair ar feòil fois sam bith, ach bha sinu fo àmhghar air gach taobh; an leth am muigh *bha* còmhraig, an leth a stigh *bha* eagal:

6 Ach Dia a bheir comhfhurtachd dhoibh-san a tha air an leagadh sìos, thug e comhfhurtachd dhuinne le teachd Thituis:

7 Agus cha-n e le a theachd-san a mhàin, ach mar an ceudna leis a' chomhfhurtachd a fhuair esan uaibhse, 'n uair a chuir e 'an cèill duinn bhur dian-thogradh, bhur caoidh, bhur teas-ghràdh dhomh-sa; air chor as gur mòid a rinn mi gairdeachas.

8 Oir ge do ehuir mi doilgheas oirbh leis an litir, cha-n'eil aithreachas orm, ged 'bha aithreachas orm: oir tha mi 'faicinn gu'n do chuir an litir sin doilgheas oirbh, ged nach *d' rinn i so* ach ré tamuill.

9 A nis tha gairdeachas orm, cha-n anu air son sibh a bhi doilich, ach gu robh sibh doilich chum aithreachais: oir bha doilgheas oirbh air uhodh diadhaidh, chum nach tigeadh call oirbh ann an aou ni do ar taobh-ne.

10 Oir oibrichidh am bròn diadhaidh aithreachas chum slàinte de nach gabhar aithreachas: ach oibrichidh doilgheas au t-saoghail bàs.

11 Oir feuch, an ni so féin doilgheas diadhaidh a bhi oirbh, ciod e meud an dùrachd a dh'oibrich e annaibh, seadh, *ciod* an glanadh oirbh féin, seadh, *ciod* an ro-dhiom, seadh, *ciod* an t-eagal, seadh, *ciod* an dian-thogradh, seadh, *ciod* an t-eud, seadh, *ciod* an togradh dioghaltais? anns gach ni dhearbhb sibh sibh féin a bhi glan 's a' chùis so.

12 Uime sin ge do sgrìobh mi do 'ur n-ionnsuidh, cha 'bann air a shon-san a rinn an eucoir, no air a shon-san air an d'rinn-eadh an eucoir, ach a chum gu foillsichte-eadh dhuibh ar cùram-ne mu'r timchiollse 'am fianuis Dhé.

13 Uime sin fhuair sinn comhfhurtachd air son bhur comhfhurtachd-se: seadh, bu ro mhòd a rinn sinn gairdeachas, air son gairdeachais Thituis, do bhrìgh gu'n d'fhuair a spiorad suaimhneas uaibhse uile.

14 Oir ma rinn mi bòsd sam bith ris-san asaibhse, cha-n'eil nàire orm; ach mar a labhair sinn na h-uile nithean ann am firinn ribhse, is amhuil sin a fhuaradh firinneach ar bòsd asaibhse ri Titus.

15 Agus tha dùrachd a ehiridhe-san n'is pailte do 'ur taobh-se, air dha 'bhi a' cuimhneachadh bhur n-ùmhlaichd uile, mar a ghabh sibh ris le h-eagal agus ball-chrith.

16 Uime sin tha gairdeachas orm gu bheil danachd agam asabh anns gach ni.

1 *Bhrosnuich Pòl na Corintianach gu tionai seirceil a dheanamh air son nan namh bochda ann an Ierusalem, le eisempleir nam Macedonach, 7 le moladh an dian-thograidh a bha aca féin roimh, 9 le eisempleir Chriod, 14 agus leis an tairbhe spioradail a thigeadh dhoibh féin o'n tabhartas sin. 16 Mhol e dhoibh deadh-thoil Thituis, agus nam bràthrean eile.*

A NIS, a bhràithre, tha sinn a' toirt fios duibh air gràs Dhé, a thugadh do eaglaisibh Mhacedonia:

2 Eadhon gu'n robh, ann am mòr-dhearbhadh àmhghair, pailteas an aoibhneis, agus doimhne am bochdainn, ro phailt chum aoibhneis am fialaidheadh.

3 Oir (tha mi 'toirt fianuis,) *gu'n robh* iad uatha féiu toilcacha a réir an comais, seadh, thar an comas:

4 A' guidhe oirne gu dùrachdach, gu'n gabhamaid an tiodhlac, agus comh-roimn an fhrith-ealaidh do na naoimh.

5 Agus cha-n ann mar a shaoil sinne, ach thug siad iad féin air tùs do'n Tighearn, agus 'n a *dhèigh sin* dhuinne a réir toil Dhé:

6 Air chor as gu'n do chuir sinn impidh air Titus, a réir mar a thòisich e roimh, mar sin gu'n crìochnaicheadh e annaibh-se au gràs sin féin mar an ceudna.

7 Uime sin mar tha sibh pailt anns gach uile ni, ann an creidimh, ann an ùr-labhairadh, agus aun an eòlas, agus ann an uile dhèilicill, agus ann bhur gràdh dhuinne, bithibh pailt anns a' ghràs so mar an ceudna.

8 Cha-n'eil mi a' labhairt so mar àithne, ach a thaobh dùrachd dhaoine eile, agus a dhearbhadh trèibhdhìreais bhur gràidh-sc.

9 Oir is aithne dhuibh gràs ar Tighearna Iosa Crìod, ged bha e saobhair, gidheadh gu'n d'rinneadh bochd e air bhur son-se, ehum gu'm bitheadh sibhse saobhair tre a bhochdainn-san.

10 Agus anns *an ni* so tha mi 'toirt mo chomhairle: oir tha so tarbhach dhuibhse, a thòisich roimh, cha-n e mhàin air deanamh, ach air a bhi togarrach o cheann bliadhna.

11 A nis air an aoibhar sin coimhlionaibh an gnìomh; ionnus mar a *bha sibh* ullamh chum na toile, mar sin gu'm *bi sibh* ullamh chum coimhlionaidh as na bheil agaibh.

12 Oir ma bhitheas air tùs inntinn thoileach ann gabhar ris a réir mar a *tha* aig neach, agus cha-n ann a réir nan nithean nach 'eil aige.

13 Cha-n ann chum gu'm bitheadh socair aig daoine eile, agus àmhghar agaibh-se.

14 Ach a thaobh co-cheartais, chum 's an àm so nis *gu'm bi* bhur pailteas-se 'u a *choimhleasachadh* air an uircasbhuidh-san, agus mar an ceudna chum gu'm bi am pailteas-san 'u a *choimhleasachadh* air bhur

n-uireasbhuidh-se, air chor as gu'm bi co-cheartas eadaraibh ;

15 A réir mar a tha e sgrìobhta, An ti a *thionail* mòran, cha robh anabarr aige ; agus an ti a *thionail* beagan, cha robh easbhuidh air.

16 Ach buidheachas do Dhia, a chuir an cùram dùrachdach sin féin do 'ur taobh-se am an cridhe Thituis.

17 Oir gu deimhiu ghabh e ris an impidh ; ach air dha 'bhi ni bu togarraiche, chaidh e d'a thoil féin do 'ur n-ionnsuidh.

18 Agus chnir sinne maille ris am bràthair, aig am bheil a chliu 's an t-soisgeul, feadh nan eaglaisean uile :

19 (Agus cha-n e so a mhaìn, ach thaghadh e leis na h-eaglaisibh mar an ceudna mar chompanach turuis dhuinne, leis an tìodhlac so a fhrithealadh leinne chum glòire an Tighearna sin féin, agus *chum foillseachaidh* bhur n-imtinn ullamh-se.)

20 A' seachnadh so, nach tugadh neach air bith mi-chliu dhuinne thaobh a' phailteis so a fhrithealadh leinne :

21 Air dhuinn a bhi ag ulluchadh nithean ciatach, cha-n e mhaìn 'am fianuis an Tighearna, ach mar an ceudna 'am fianuis dhaoine.

22 Agus chuir sinn maille ri u ar bràthair, a dhearbhadh sinn gu minic dùrachdach 'am mòran nithean, ach a nis n'is ro dhùrachdaiche, a thaobh an ro-carbsa 'tha aige as aibhse.

23 Ma dh'fhiosraichear ni sam bith mu Thitus, *is e* mo chompanach-sa e, agus mo chomh-oibriche do 'ur taobh-sa : no *mu thimchioll* nam bràithrean, *is iad* teachdair-ean nan eaglaisean, agus glòir Chrìosd.

24 Uime sin nochdaibh dhoibh-san, agus 'am fianuis nan eaglaisean, dearbhadh bhur gràidh-se, agus ar n-uailh-ne do 'ur taobh.

CAIB. IX.

1 *Dh'innis Pòl an reuson air son, ged a b aithne dha mòr-thogradh nan Corintianach, an do chuir e Titus agus na bràithrean roimh-làimh d'an ionnsuidh g'am brosnachadh gu déire a thoirt gu pailt, do bhrìgh gur gnè shìol-chuir iad, 10 a bheir bàrr pailt dhoibh féin, 13 agus aobhar iobairt mòr-mholaidh do Dhia.*

OIR a thaobh frithealaidh do na naoimh, is neo-fheumail dhomh-sa sgrìobhadh do 'ur n-ionnsuidh.

2 Oir is aithne dhuinn togarrachd bhur n-imtinn, as leth am bheil mi 'deanamh uail as aibhse ris na Macedonaich, *ag ràdh*, Gu robh Achaia ullamh o cheann bhaidhna ; agus throsnuich bhur n-eud-se ro-mhòran.

3 Gidheadh chuir mi na bràithrean do 'ur n-ionnsuidh, air eagal gu'm bitheadh ar n-uailh-ne as aibh dìomhain 's a' chùis so ; chum, mar a thubhairt mi, gu'm bitheadh sibh ullamh :

4 Air eagal ma thig na Macedonaich maille riun, agus gu'm faigh iad sibhse neo-

ullamh, gu'm bi nàire oirne, (gun a ràdh oirbhe,) a dànaas na h-uail so.

5 Uime sin bhreithnich mi gu'm b'fheumail iompaidh a chur air ua bràithribh, iad a dhol air tus do 'ur n-ionnsuidh-se, agus bhur tabhartas, air an do labhradh ribh roimh, a dheanamh deas, chum gu'm bitheadh sin ullamh, mar thìodhlac, agus cha-n ann mar ni a dh'aideoin.

6 Ach so *tha mi ag ràdh*, An ti a chuireas gu gann, buainidh e gu gann mar an ceudna ; agus an ti a chuireas gu pailt, buainidh e gu pailt mar au ceudna.

7 *Thugadh* gach duine seachad a réir rùn a chridhe ; ua b'ann 'an doilgheas, no le h-éigiu : oir is toigh le Dia an neach a bheir seachad gu suilbhir.

8 Agus *is* comasach Dia air gach gràs a dheanamh ro phailt dhuibhse, chum air dhuibh anns gach uile ni làn leoir a bhi agaibh a ghnàth, gu'm bitheadh sibh pailt chum gach deadh oibre.

9 (A réir mar tha e sgrìobhta, Sgaoil e a *chuid* ; thug e do na bochdaibh : mairidh 'fhireantachd a chaidh.)

10 A nis an ti a bheir sìol do'n fhear-chuir, agus aran chum bìdh, gu'n tugadh e agus gu meudaicheadh e bhur eirachd-se, agus gu'n tugadh e do thoradh bhur fireantachd fas.)

11 Air dhuibh a bhi air bhur deanamh saoi bhir anns gach uile ni chum gach uile thabhartais, ni a dh'oibricheas leinne breith-buidheachais do Dhia.

12 Oir tha frithealadh na seirbhis so, cha-n e mhaìn a' leasachadh uireasbhuidh nau naomh, ach tha e mar an ceudna pailt tre mhòran breith-buidheachais do Dhia ;

13 (Air dhoibh a bhi tre dhearbhadh an fhrithealaidh so a' toirt glòire do Dhia air son bhur n-ùmhachd do shòisgeul Chrìosd a réir bhur n-aidmheil, agus air son bhur tabhartais fhialuidh dhoibh-san, agus do na h-uile dhaoineibh :

14 Agus tre an urnuigh air bhur son-se, aig am bheil mòr-dhéidh oirbh air son gràis Dhé a tha ro phailt annaibh.

15 Buidheachas do Dhia air son a thìodhlac do-labhairt.

CAIB. X.

1 *An aghaidh nan abstol bréige, a bha 'deanamh tàir air annhuinneachd a phearsa agus air a làthaireachd chorporra. chuir Pòl 'an cèll an neart agus an t-ùghdarras spioradail sin leis an d'armaicheadh e an aghaidh cumhachdan a naimhdean uile ; 7 thug e cinnte dhoibh, air dha teachd, gu'm faigheadh iad e co chumhachdach ann am focal agus a tha e nis ann an sgrìobhadh, 'n uair tha e as an làthair, &c.*

ANIS tha mise féin Pòl a' guidhe oirbh, tre mhacantais agus shèimheachd Chrìosd, neach air dhomh a bhi làthair a tha iosal 'n ur measg, ach air dhomh a bhi naibh a tha dàna oirbh :

2 Ach tha mi ag iarraidh oirbh a dh'ath-chuinge, gun sibh a thoirt orm, an uair a bhitheas mi lathair, a bli dàna, leis a' mhuinghin leis an saoilair mi 'bhi dàna an aghaidh dream àraidh a tha 'toirt meas oirne, mar gu'm bitheamaid ag imeachd a réir na feòla.

3 Oir ged tha sinn ag imeachd anns an fheadh, cha-nann a réir na feòla tha sinn a' cogadh :

4 (Oir ar n-airm-chogaidh cha-n'eil iad feòlmhor, ach eumhachdach o Dhia chum daingnichean a leagadh :)

5 A' tilgadh sìos reusonachaidh, agus gach ni àrd a dh'ardaicheas e féin an aghaidh eòlais Dhé, agus a' toirt 'am braighdeanas gach smuain chum ùmhhlachd Chrìosd :

6 Agus dìoghaltas ullamh againn r'a dheanamh air gach uile eas-ùmhhlachd, 'n uair a choimhlionar bhur n-ùmhhlachd-se.

7 An amhaire sibh air nithibh a réir an coslais ? ma tha dòchas aig aon neach as féin, gur le Crìosd e, smuainicheadh e so a ris uaith féin, mar is le Crìosd esan, gur le Crìosd sinne mar an ceudna.

8 Oir ged dheanaim càileigin nì's mò dh'uaill as ar eumhachd-ne, (a thug an Tighearn dhuinn chum foghlaim, agus cha-n ann chum bhur sgrìos-se), cha bhitheadh nàire orm :

9 Chum nach measar mi mar gu'm bithinn a' cur eagal oirbh le litricheibh.

10 Oir tha a litrichean, (tha iadsan ag ràdh,) eudthromach agus làidir, ach tha a làthaireachd chorporra annhunn, agus a chaimt tàireil.

11 Smuainicheadh a leithid sin de dh'ine so, mar a tha sinne ann am focal tre litricheibh, agus sinn as an lathair, mar sin gu'm bi sinn ann an gnìomh air dhuinn a bli lathair.

12 Oir cha-n'eil a dhànadas againne sinn féin a chur 'an àireamh, no a choimeas ri dream àraidh a mholas iad féin : ach air dhoibh-san a bli 'g an tomhas féin eatorra féin, agus 'g an coimeas féin ri u féin, cha-n'eil iad glie.

13 Ach cha dean sinne uaill á nithibh a tha thar ar tomhas, ach a réir tomhais na riaghailt a roinn Dia dhuinne, eadhon tomhas a ruigeas oirbhse.

14 Oir cha-n'eil sinne 'g ar sìneadh féin thar ar tomhas, mar nach ruigeamaid sibhse ; oir thàinig sinn eadhon do 'ur n-ionnsuidhe, le soisgeul Chrìosd :

15 Gun sinn a bli 'deanamh uaill á nithibh a tha thar ar tomhas, eadhon á saothairibh dhaoine eile ; ach tha dòchas againn, 'n uair a mheudaichear bhur creidimh-se, gu'm faigh sinn farsuinneachd gu pailt annaibh a réir ar riaghailt-ne,

16 Chum an soisgeul a shearmonachadh anns na h-ionadaibh an taobh thall duibh, agus cha-n ann chum uaill a dheanamh

ann an riaghailt duine eile, á nithibh a tha ullamh cheana.

17 Ach an ti a ni uaill, deanadh e uaill anns an Tighearn.

18 Oir cha-n e an ti a mholas e féin a tha ionmholta, ach an ti a mholar leis an Tighearn.

CAIB. XI.

1 Tre ro-mheadh càraim Phòil de na Corintianach, thòisich e dh'aideoin ri e féin a mholadh ; 5 dh'innis e nach robh e a bheag goirid air na h-abstòil a bu mhò, 7 gu'n do shearmonaich e an soisgeul dhoibh gu saor, 13 agus nochd e nach robh e a bheag a dheithl-làimh air an luchd-oibre chealgach sin, thaobh aon sochair a bhuineadh do'n lagh, &c.

P'FHEARR leam gu'n giùlaineadh sibh beagan le m'amaideachd ; agus da rìreadh giùlainibh leam.

2 Oir tha mi cudunhor umaibh le h-eud diadhaidh ; oir rinni mi ceangal-pòsaidh eadar sibh agus aon fhear, chum bhur cur mar òigh fhìor-ghloin an làthair Chrìosd.

3 Ach tha eagal orm, mar a mheall an nathair Eubha le a cuilbheartachd, mar sin air dògh sam bith, gu'n truaillear bhur n-inntiunse o'n aon-fhillteachd a tha ann an Crìosd.

4 Oir nan deanadh an neach a thig, Iosa eile a shearmonachadh nach do shearmonaich sinne, no nam faigheadh sibhse spiorad eile, nach d'fhuair sibh, no soisgeul eile ris nach do ghabh sibh, dh'fheadadh sibh gu maith giùlan leis.

5 Oir is i mo bharail-sa nach robh mi a bheag goirid air na h-abstòlaibh a b'airde.

6 Ach ged tha mi neo-fhòghluimte ann an cainnt, gidheadh cha-n'eil mi mar sin ann an eòlas ; ach rinneadh sinn làn-fhollaiseach anns na h-uile nithibh 'n 'ur measg-se.

7 An d'rinni mi cionta le mi féin isleachadh chum gu'm bithheadh sibhse air bhur n-àrdachadh, no a chionn gu'n do shearmonaich mi soisgeul Dhé a nàsgaidh dhuibh ?

8 Chreach mi eaglaisean eile, a' gabhail tuarasdail uatha, chum seirbhis a dheanamh dhuibhse.

9 Agus an uair a bha mi lathair maille ribhse agus uireasbhuidh orm, cha do leig mi mo throm air duine sam bith : oir leasaich na bràithrean, a thàinig o Mhaedonia m'uireasbhuidh : Agus anns na h-uile nithibh choimhid mi mi féin o m' throm a leigeadh oirbhe, agus còmhaididh.

10 Mar tha frinn Chrìosd annam, cha chumar an uaill so uam ann an crìochaibh na h-Achaia.

11 C'ar sou ? An ann a ehionn nach 'eil gràdh agam dhuibh ? Tha fios aig Dia.

12 Ach an ni a tha mi 'deanamh, ni mi fathast e, chum gu'n toir mi air falbh cion-fàth uathasan le'm bu mhiann cion-fàth fhaotainn, chum anns an ni as am bheil iad

2 CORINTIANACH, XII.

a' deanamh uail, gu'm faighear iad eadhon mar sinne.

13 Oir is ann d'an leithidibh sin a tha abstolan bréige, luchd-oibre cealgach, 'g an cur féin ann an cosamhlachd abstola Chríod.

14 Agus cha-n iongantach sin: oir cuirear Satan féin 'an cruth aingil soille.

15 Uinne sin cha ni mòr e ged chuirear ann an cruth mhinisteirean na fireantachd a mhinisteirean mar an ceudna; aig am bi an crìoch dheireannach a réir an oibre.

16 Tha mi ag ràdh a ris, Na measadh aon neach gur amadan mi; no fòs, gabhaibh rium mar amadan féin, chum gu'n dean mi beagan uail asam féin.

17 An ni a tha mi a' labhairt, cha-n ann a réir an Tighearna a tha mi 'g a labhairt, ach mar gu'm b'ann gu h-amaideach anns an dànadus uaille so.

18 Do bhrìgh gu bheil mòran a' deanamh uail a réir na feòla, ni mise uail mar an ceudna.

19 Oir giùlainidh sibh gu toileach le amadanaibh, do bhrìgh gu bheil sibh féin glic.

20 Oir fuilgidh sibh ma bheir neach ann an daorsa sibh, ma dh'itheas neach sibh, ma bheir neach bhur cuid dh'ibh, ma dh'àrdaicheas neach e féin, ma bhuaileas neach air an aghaidh sibh.

21 Tha mi a' labhairt a thaobh eas-urram, mar gu'm bitheamaid annhunn: ach, ge b'e ni anns am bheil neach air bith d'ana, (tha mi a' labhairt gu h-amaideach,) tha mise d'ana ann mar an ceudna.

22 An Eabhruidhich iad? *mar sin tha* mise mar an ceudna: An Isralich iad? *mar sin tha* mise mar an ceudna: An sliochd do Abraham iad? *mar sin tha* mise mar an ceudna:

23 Am ministeirean do Chríod iad? (tha mi a' labhairt mar dhuine mi-chéillidh,) tha mise os an ceann 's an ni so: ann an saoth-airibh ni's pailte, ann am buillibh ni's ro mhò, ann am prìosanaibh ni's trice, ann am bàsaibh gu minic.

24 Fhuair mi o na h-Iudhaich cùig uairean dà fhichead buille ach a h-aon.

25 Glabhadh le slataibh orm trì uairean, chlachadh mi aon uair, dh'fhuiling mi long-bhriseadh trì uairean; là agus oidhche bha mi 's an doimhne:

26 Ann an turusaibh gu minic, ann an gabhadh aimhnichean, ann an cunnartaibh fhear-reubainn, ann an cunnartaibh o m' chinneach féin, ann an cunnartaibh o na Cinnich, ann an cunnartaibh 's a' bhaile, ann an cunnartaibh 's an fhàsach, ann an cunnartaibh 's an fhainge, ann an cunnartaibh ann measg bhràithrean breugach;

27 Ann an saothair agus sgìos, ann am fairibh gu minic, ann an ocras agus tart,

'an trasgaibh gu minic, 'am fuachd agus 'an lomnochduidh.

28 A bhàrr air na nithibh a tha an leth nuigh, an ni a tha teachd orm gu lathail, ro-chùram nan eaglaisean uile.

29 Cò a tha lag, agus nach 'eil mise lag? cò a tha 'faotainn oilbheim, agus nach 'eil mise a' losgadh?

30 Ma's éigin domh uail a dheanamh, is ann as na nithibh a bhuineas do m' annhunnachd a ni mi uail.

31 Tha fios aig Dia, eadhon Athair ar Tighearna Iosa Chríod, a tha beannaichte gu sìorruidh, nach 'eil mi 'deanamh bréige.

32 Ann an Damascus chuir uachdaran a' phobuill fo Arctas an rìgh, freiceadan air baile nan Damasceneach, 'an rùn mise a ghlacadh:

33 Ach tre uinneig leigeadh sìos ris a' bhalla mi ann an cliaibh, agus chaidh mi as a làmban.

CAIB. XII.

1 Chum abstolachd a mholadh, ged fheadhadh Pòl uail a dheanamh as a thaisbeinibh iongantach, 9gidheadh is fearr leis uail a dheanamh as 'annhunnachd; 11 fhuair e cron doibh a chionn gu'n d'èignich iad e chum na h-uaille dìomhain so: 14 gheall e teachd a ris d'an ionnsuidh, 15 ach gu tur le aignibh athaireil.

GU deimhin cha-neil e iomchuidh dhomh-sa uail a dheanamh: ach thig mi chum seallaidhean agus taisbeanan an Tighearna.

2 B'aithne dhomh duine ann an Críod ceithir bliadhna deug roimhe so, (ma's anns a' choluinn, cha-n fhios domh; aig Dia tha fios;) a leithid sin de dhuine thogadh chum an treas nèamh.

3 Agus b'aithne dhomh a leithid sin de dhuine, (ma's anns a' choluinn, no as a' choluinn, cha-n fhios domh; aig Dia tha fios;)

4 Gu'n do thogadh suas e gu pàrras, agus gu'n cuail e briathran do-labhairt, nach feud duine a labhairt.

5 Ma leithid sin de dhuine ni mi uail: ach asam féin cha dean mi uail, mur dean mi é m' annhunnachdaibh.

6 Oir ged a b'aill leam uail a dheanamh, cha bhi mi a'm amadan; oir labhraidh mi an fhirinn: gidheadh tha mi a' cumail orm féin, air eagal gu'm bi meas aig duine dhionthar mar tha e'g am fhaicinn, no a' cluinntinn umam.

7 Agus air cagal gu'm bithinn air m'àrdachadh thar tomhas, tre ro-mheud nan taisbean, thugadh dhomh sgolb's an fheoil, teachdair Shàtain chum gu'm buaileadh e mi, air cagal gu'm bithinn air m'àrdachadh thar tomhas.

8 Air a shon so ghuidh mi an Tighearn trì uairean, gu'n itaichadh so uam.

9 Agus thubhairt e riom, Is leoir mo ghràs-sa dhuit: oir tha mo chumhachd air a dheanamh foirce ann an anluinneachd. Uime sin is ro thoiliche a ni mi uailh á mi annhuinneachdaibh, chum gu'n gabh cumhachd Chrìosd còmhuidh orm.

10 Uime sin tha mi 'gabhair tlachd ann an annhuinneachdaibh, ann 'an maslaibh, ann an uireasbhuidh, ann an geur-leann-mhuinnibh, ann an teamtachdaibh air son Chrìosd: oir an uair a tha mi lag, an sin tha mi làidir.

11 Rinneadh a'm amadan mi le uailh a dheanamh; dh'èignich sibhse mi: oir bu chòir dhomh 'bhi air mo mholadh leibhse: oir cha robh mi 'bheag sam bith fo na h-abstolaibh a's àirde, ged nach 'eil annam ach neo-ni.

12 Gu deimhin dh'oibricheadh comharan abstoil ann bhur measg-se anns gach uile fhoighidin, ann an comharaibh agus 'an iongantasaibh, agus 'an cumhachdaibh.

13 Oir ciod an ni anns au robh sibh ni bu lugha na cagliaisan eile, mur e nach do leig mi féin mo throm oirbh? thugaibh maithneas dhomh 's an eucoir so.

14 Feuch, tha mi ullamh a nis an treas uair gu teachd do 'ur n-ionnsuidh; agus cha chuir mi mo throm oirbh; oir cha-n e bhur cuid a tha mi 'g iarraidh, ach sibh féin: oir cha-n'eil e mar fhiachaibh air a' chloim ionnhas a chruimeachadh fa chomhair nam pàrantan, ach air na pàrant-aibh fa chomhair na cloinne.

15 Agus is ro thogarrach a ni mise caith-cadh agus a chaithear mi air son bhur n-anama-sa, ged mar is ro phlaite a tha gràdh agam dhuibh, gur ann is lugha bhur gràdh-sa dhomh.

16 Ach bitheadh e mar sin, nach do chuir mi trom oirbh: gidheadh air dhomh 'bhi innleachdach, ghlac mi le seòtachd sibh.

17 An d'rinn mise tre aon neach dhiubh-sa a chuir mi do 'ur n-ionnsuidh buannachd dhibh?

18 Ghuidh mi air Titus *do* do 'ur n-ionnsuidh, agus chuir mi bràthair maille ris: an d'rinn Titus buannachd dhibh? nach do ghluais sinu 's an aon spiorad? agus anns na h-aon cheumaibh?

19 A ris, ann bheil sibh a' saoilsiun gu bheil sinne 'gabhair air leithsgeil ribh? tha sinn a' labhairt 'am fianuis Dhé ann an Crìosd: ach *tha* an t-ionlan, a chàirdeau, chum bhur fòghluim-se.

20 Oir is eagal leam, air dhomh teachd, nach faigh mi sibh mar is miann leam, agus gu'm faighear mise dhuibhse mar uach bu mhiann leibh: air eagal gu'm bi cunnasachadh, farmad, fearg, comhstri, cùl-chàineadh, cogarsaich, àrdain, ceanaire *n' ur measg*:

21 Air eagal an uair a thig mi a ris, gu'n islich mo Dhia mi 'n ur measg, agus gu'n

dean mi caoidh air son mòrain de'n dream a pheacaich cheana, agus nach do ghabh aithreachas de'n ncòghloine, agus striop-achas, agus mhacnus a rinn iad.

CAIB. XIII.

1 *Bhagair Pòl cumhachd 'abstolachd an aghaidh pheacach cruaidh-mluinealach: 5 agus chomh-aìrlìch e dhoibh an creidimh a dhearbhadh, 7 agus am beatha a leasachadh mu 'n tìyeadh e: 11 chomh-dhàin e an tìir le carail choit-ionn agus le h-arnuigh.*

IS i so an treas uair a tha mi a' teachd do 'ur n-ionnsuidh: ann au beul dithis no triuir fhianuisèan bithidh gach focal seasmhach.

2 Dh'innis mi cheana, agus tha mi roimh-làimh ag innsadh dhuibh, mar gu'm bithinn a làthair an dara uair; agus a nis air dhomh 'bhi as bhur làthair, tha mi a' sgrìobhadh chum na dream a pheacaich roimh so, agus chum chàich uile, na thig mi a ris, nach caomhain mi:

3 O tha sibh ag iarraidh dearbhaidh air Crìosd a' labhairt annam-sa, neach do 'ur taobh-se nach 'eil annhunn, ach a tha cumhachdach annaibh.

4 Oir ged a cheusadh e tre annhuinneachd, gidheadh tha e beò tre chumhachd Dhé: oir tha sinne mar an ceudna annhunn ann-san, gidheadh bithidh sinn beò maille ris tre chumhachd Dhé do 'ur taobh-se.

5 Ceasnaichibh sibh féin, am bheil sibh 's a' chreidimh: dearbhaibh sibh féin: nach aithne dhuibh sibh féin, gu bheil Iosa Crìosd annaibh, mur daoine a chuireadh air cùl sibh?

6 Ach tha dòchas agam gu'm bi fhios agaibh nach daoine a chuireadh air cùl sinne.

7 A uis tha mi 'guidhe air Dia gun sibhse a dheanamh uile air bith; cha-n ann chum gu'm faicear sinne 'bhi dearbhata, ach chum gu'n deanadh sibhse an ni sin a tha maith, ged robh sinne mar dhaoine a chuireadh air cùl.

8 Oir cha-n urraian sinn ni air bith a dheanamh an aghaidh na firinn, ach air son na firinn.

9 Oir tha sinn subhach an uair a tha sinn *féin* annhunn, agus sibhse làidir: agus tha sinn a' guidhe so mar an ceudna, sibhse 'bhi coimhlionta.

10 Is ann uime so a sgrìobh mi na nithean so do 'ur n-ionnsuidh air dhomh 'bhi as bhur làthair, chum air dhomh a bhi làthair nach bithinn garg, a réir a' chumhachd a thug an Tighearn dhomh chum fòghluim, agus cha-n ann chum sgrios.

11 Fa dhèidh, a bhraithrean, slàn leibh: bithibh dìongmhalta, bithibh subhach, bithibh a dh'aon inntiun, bithibh sìochail; agus bithidh Dia a' ghràidh agus na sìthe maille ribh.

12 Cuiribh fàilte air a chéile le pòig naoinh.

13 Tha na naoinh uile a' cur beannachd do 'ur n-ionusuidh.

14 Gràs an Tighearna Iosa Crìosd, agus gràdh Dhé, agus comh-chomunn an Spioraid naoinh, *gu'n robh* maille ribh uile Amen.

LITIR AN ABSTOIL PHOIL

CHUM NAN

GALATIANACH.

CAIB. I.

1 *Tha iongantas air Pòl gu'n do thréig na Galatianach esan agus an soisgeul co luath: 8 agus mhalluich e an dream sin a shearmonaicheas aon soisgeul eile ach na shearmonaich e féin; 11 dh'fhòghluim e'n soisgeul cha b'ann o dhaoibh, ach o Dhia, 13 agus nochd e cìod a ghnè dhuine bha ann mu'n no ghairmeadh e.*

POL abstol, (cha-n ann o dhaoibh, no tre dhuine, ach tre Iosa Crìosd, agus tre Dhia an t-Athair, a thog suas e o na marbhaibh.)

2 Agus na bràithrean uile a tha maille rium, chum eaglaisean Ghalatia:

3 Gràs duibh, agus sìth o Dhia an t-Athair, agus o ar Tighearn Iosa Crìosd,

4 A thug e féin airson ar peacaidhean, chum gu'n saoradh e sinn o'n droch shaothail a tha làthair, a réir toile Dhé agus an t-Athair-ne:

5 Dhàsan *gu robh* glòir gu saoghal nan saoghal. Amen.

6 Is ionghnadh leam gu'n d'atharraicheadh sibh co luath uathl-san a ghairm sibh tre ghràs Chrìosd, gu soisgeul eile:

7 Nì nach *soisgeul* eile; ach tha dream àrd-aidh 'g 'ur buaireadh, le'n àill soisgeul Chrìosd a thilgeadh bun os ceann.

8 Ach nan deanamaid-ne, no aingeal o nèamh, soisgeul eile a shearmonachadh dhuibh, ach *an soisgeul* a shearmonaich sinne dhuibh, bitheadh e malluichte.

9 Anhuil mar a thubhairt sinn roimh, tha mise ag ràdh a nis a ris mar an ceudna, Ma shearmonaicheas neach sam bith soisgeul eile dhuibh, ach *an soisgeul* a ghabh sibh, bitheadh e malluichte.

10 Oir am bheil mi nis a' cur impidh air daoibh, no air Dia? no am bheil mi 'g iarraidh daoine a thoileachadh? oir nam bithinn fathast a' toileachadh dhaoine, cha bhithinn a'm sheirbhiseach aig Crìosd.

11 Ach tha mi 'toirt fios duibh, a bhràithrean, an soisgeul a shearmonaich leam-sa, nach ann a réir duine a tha e.

12 Oir cha b'ann o dhuine a fhuair mi e, nì mò a theagaisgeadh dhomh e, ach tre fhoillseachadh Iosa Crìosd.

13 Oir chuala sibh mo chaithe-beatha-sa 's an aimsir a chaidh seachad, ann an creidimh nan Iudhaich, gu'n d'rim mi thar

tomhas geur-leamhuinn air eaglais Dne, agus gu'n d'fhàsaich mi i:

14 Agus gu'n d'fhàinig mi air m'aghaidh ann an creidimh nan Iudhaich thar mòran de m' chomh-aoisibh am measg mo chinnich féin, air dhomh 'bhi ni bu ro eudmhoire mu ghnàthannaibh mo shìnsireachd.

15 Ach an uair a b'i deadh thoil Dhé, a sgar o bhroim mo mhlàthar mi, agus a ghairm mi tre a ghràs,

16 A Mhac féin fhoillseachadh annam, chum gu'n searmonaichinn e am measg nan Cinneach; air ball cha do chuir mi comhairle ri feòil agus fuil:

17 Nì mò 'chaidh mi suas gu Ierusalem, chum na muinntir sin a bha 'n an abstolaibh romham; ach chaidh mi gu Arabia, agus a ris thàinig mi air m'aisgu Damascus.

18 An dèigh sin 'an ceann trì bliadhna, chaidh mi suas gu Ierusalem, a dh'fhaicinn Pheadair, agus dh'fhan mi maille ris cùig làithean deng.

19 Ach neach air bith eile de na h-abstolaibh cha-n fhaca mi, ach Seumas bràthair an Tighearna.

20 A nis *anns* na nithibh a tha mi a' sgrìobhadh dhuibh, feuch, an làthair Dhé, cha-n'eil mi 'deanamh bréige.

21 'N a dhéigh sin thàinig mi gu crìoch-aibh Shiria agus Chìlicia;

22 Agus cha robh còlas orm a thaobh m' fhaicinn aig eaglaisibh Iudea, a bha ann an Crìosd:

23 Ach a mhàin chual' iad, An ti *anns* an àm a chaidh seachad a bha 'g ar geur-leamhuinn, gu bheil e nis a' searmonachadh a' chreidimh a bha e a' sgrìos roimhe so:

24 Agus thug iad glòir do Dhia air mo shou-sa.

CAIB. II.

1 *Chuir an t-abstol 'an cèill c'uin a chaidh e suas gu Ierusalem, agus c'ar son nach do thimchioll-ghearradh Titus. 11 Chuir e'n aghaidh Pheadair, agus dh'innis e dha a reusan, 14 c'ar son a tha e féin, agus muinntir eile, a tha 'n an Iudhaich, a' creidsinn gu'm bi iad air am fireamachadh tre chreidimh ann an Crìosd, agus cha-n ann tre oibribh. 20 Cha chaith an dream a tha air am fireamachadh tre chreidimh an beatha ann am peacaidh.*

AN sin 'an ceann cheithir bliadhna deng chaidh mi a ris suas gu Ierusalem,

maille ri Barnabas, a' toirt Thituis leam mar an ceudna.

2 Agus chaidh mi suas a réir foillseachaidh, agus chuir mi 'an céill dhoibh an soisgeul a tha mi a' searmonachadh am measg nan Cinneach, ach ann an uaignidheas dhoibh-san d'an robh meas, air eagal air chor sam bith gu'n ruithinn, no gu'n do ruith mi an diomhain.

3 Ach cha b'éigin do Thitus féin a bha a'm' chuideachd, a bhi air a timchioll-ghearradh, ged bu Ghreugach e:

4 Agus sin air son bhràithrean bréige, a ghoid a steach 'n ar measg, a thàinig a steach 'an uaignidheas a dh'fhaicinn ar saorsa, a tha againn ann an Iosa Criosd, chum ar toirt fo dhaorsa.

5 Do nach do ghéill sinn eadhon ré uaire; chum gu'm buanaicheadh firinn an t-soisgeil maille ribhse.

6 Ach o'n dream sin, a mheasadh gu'm bu ni éigin iad, (ge b'e air bith 'bh'annta roimh, cha-n'éil suim ann domh-sa: cha-n'éil meas aig Dia do phearsa duine,) oir iadsan a mheasadh *gu'm bu ni éigin iad*, cha do phàirtich iad le'n còmhraidh 'bheag sam bith rium-sa.

7 Ach air an làmh eile, 'n uair a chunnaic iad gu'n d'earbadh soisgeul an neo-timchioll-ghearraidh rium-sa, mar a *dh'earbadh soisgeul an timchioll-ghearraidh* ri Peadar;

8 (Oir an ti a dh'oibrich gu h-éifeachdach ann am Peadar chum abstolachd an timchioll-ghearraidh, dh'oibrich e gu cumhachdach annam-sa mar an ceudna chum nan Cinneach:

9 Agus an uair a thuig Seumas, agus Cephas, agus Eoin, a tha air am meas 'n am puist, an gràs a thugadh dhomh, thug iad dhomh-sa agus do Bharnabas deas làmh a' chomuinn; ionnus *gu'n rachamaid* chum nan Cinneach, agus iad féin chum an timchioll-ghearraidh.

10 A mhàin *b' àill leo* gu'm bitheamaid cuimhneachail air na bochdaibh; ni mar an ceudna a bha ro-thoil againn féin a dheanamh.

11 Ach an uair a thàinig Peadar gu Antioch, sheas mi 'n a aghaidh as an eudan, a chionn gu'n robh e r'a chuireachadh.

12 Oir roimh do dhream àraidh teachd o Sheumas, dh'ith e biadh maille ris na Cinnich: ach an uair a thàinig iadsan, chaidh e a thaobh agus thearbaidh se e féin, air eagal na muinntir a bha de'n timchioll-ghearradh.

13 Agus rinn na h-Iudhaich eile gnùis-mhealladh maille ris mar an ceudna; ionnus gu'n d'thugadh Barnabas mar an ceudna a thaobh le'n eluain.

14 Ach an uair a chunnaic mise nach do ghluais iad gu trèibhdhreach, a réir firinn an t-soisgeil, thubhairt mi ri Peadar 'n am fianuis uile, Ma tha thusa, a tha a'd Iudhach, a' caitheadh do bheatha a réir nan

Cinneach, agus cha-n ann a réir nan Iudhach, e'ar son a ta thu 'g éigineachadh nan Cinneach am beatha 'chaitheadh mar na h-Iudhaich?

15 Air dhuinne a tha 'n ar n-Iudhaich a thaobh nàduir, agus cha-n ann 'n ar peacaidh de na Cinnich,

16 Fios a bhi againn nach 'eil duine air fhìreanachadh o oibribh an lagha, ach tre chreidimh Iosa Criosd, chreid sinne féin ann an Iosa Criosd; chum gu'm bitheamaid air ar fireanachadh o chreidimh Chriosd, agus cha-n ann o oibribh an lagha: oir o oibribh an lagha cha bhi fèil sam bith air a fireanachadh.

17 Ach air dhuinne 'bhi 'g iarraidh a bhi air ar fireanachadh tre Chriosd, ma gheibhear 'n ar peacaidh sinn féin, *am bheil*, uime sin, Criosd 'n a mhinistear peacaidh? Nar leigeadh Dia.

18 Oir ma thogas mi a ris suas na nithean a leag mi, tha mi 'deanamh ciontaich dhìom féin.

19 Oir tha mise tre'n lagh marbh do'n lagh, chum gu'm bithinn beò do Dhia.

20 Tha mi air mo cheusadh maille ri Criosd: gidheadh tha mi beò; ach cha mhise, ach Criosd a tha beò annam: agus a' bheatha a tha mi nis a' caitheadh 's an fheadh, tha mi 'g a caitheadh tre chreidimh Mhìe Dhé, a ghràdhach mi, agus a thug e féin air mo shon.

21 Cha-n'éil mi a' cur gràis Dhé 'an neo-bhrìgh: oir ma tha fireantachd tre'n lagh, is ann gun aobhar a fluair Criosd bàs.

CAIB. III.

1 *Dh'fheadraich an t-abstol ciod a dh'aom na Galatianaich gus an creidimh a thrèigsinn, agus dòigh a chur 's an lagh. 6 Tha'n dream a tha 'creidsinn air am fireanachadh, 9 agus air am beannachadh maille ri Abraham: 10 dhearbha Pòl so le iomadh reuson.*

O A Ghalatianaich amaideach, eò a chuir druidheadh oirbh, ionnus nach bitheadh sibh ùmhal do'n fhùirinn, d'an robh Criosd air a nochdadh gu soilleir fa chomhair bhur sùl, air a cheusadh 'n 'ur measg?

2 So a mhàin b'àill leam fhòghlum uaibh, An ann o oibribh an lagha a fluair sibh an Spiorad, no o éisdeachd a' chreidimh?

3 Am bheil sibh coamaideach *as sin?* air dhuibh tòiseachadh 's an Spiorad, am bheil sibh a nis air bhur deanamh foirfe leis an fheadh?

4 An d'fhuiling sibh na h-uiread sin de nithibh gu diomhain? ma's ann da rìreadh gu diomhain.

5 An ti uime sin a tha 'frithealadh dhuibh an Spioraid, agus ag oibreachadh mhìorbhuilean 'n 'ur measg, an ann tre oibribh an lagha, no tre éisdeachd a' chreidimh *a ni e so?*

6 Anhuil mar a chreid Abraham Dia, agus a mheasadh sin dhia mar fhìreantachd.

7 Uime sin bitheadh fhios agaibh, au dream a *tha* de'n chreidimh, gur iad sin clann Abraham.

8 Oir air fhaicinu roimh do'n sgrìobtuir gu'm fireanaichcadh Dia na Cinnich tre chreidimh, shearmonaich e an soisgeul roimh-làimh do Abraham, *ag ràdh*, Beannaichear ua h-uile Chinnich annad-sa.

9 Uime sin tha an dream a *tha* de'n chreidimh, air am beannachadh maille ri Abraham, fìor-chreidimheach.

10 Oir a mheud 's a *tha* de oibribh an lagha, *tha* iad fo 'n mhallachadh: oir *tha* e sgrìobhta, *Is* malluichte gach neach nach buanaich anns na h-uile nìthibh a *tha* sgrìobhta ann an leabhar an lagha chum an deanamh.

11 Ach *is* nì follaiseach, nach fircanaichear neach sam bith tre'n lagh 'am fianus Dhé: oir, Bithidh am firean beò tre chreidimh.

12 Agus cha-n'eil an lagh o chreidimh: ach, An duine a nì iad gheibh e beatha annta.

13 Shaor Criosd sinne o mhallachadh an lagha, air dha 'bhi air a dheanamh 'n a mhallachadh air ar son: oir *tha* e sgrìobhta, *Is* malluichte gach aon a chrochar air crann:

14 Chum gu'n tigeadh beannachadh Abraham air na Cinnich tre Iosa Criosd; ionnus gu faigheamaid gealladh an Spioraid tre chreidimh.

15 A bhràithrean, *tha* mi a' labhairt mar dhuine; ged nach bi ann ach coimhcheangal duine, ma *tha* e air a dhaingneachadh, cha chuir neach air bith air cùl e, agus clia chuirear nì sam bith ris.

16 A nis is ann do Abraham a thugadh na geallaidhean agus d'a shìol. Cha-n abair e, Agus do shìolaibh, mar gu'm bitheadh e *labhairt* mu mhòran; ach mar mu aon, Agus do d' shìol-sa, neach a's e Criosd.

17 Agus *tha* mi ag ràdh so, nach fheudar gu'n cuir an lagh, a thugadh 'an ceann cheithir cheud agus dheich bliadhna fìchead 'n a dhéigh, an coimhcheangal 'an neobhrigh, a dhaingnicheadh roimh le Dia ann an Criosd, ionnus gu'n cuireadh e an gealladh air cùl.

18 Oir ma's ann o'n lagh a *tha* an oighreachd, cha-n'eil i nì's mò o'n ghealladh: ach thug Dia gu saor i do Abraham tre ghealladh.

19 Car son uime sin a *thugadh* an lagh? thugadh e air son eusaontais, gus an tigeadh an sìol, d'an d'rinncadh an gealladh; air 'orduchadh le ainglibh 'an làimh eadar-mheadhonair.

20 A nis an t-eadar-mheadhonair, cha-n ann air son aoin a *tha* e'n aeadar-mheadhonair; ach is aon Dia.

21 Uime sin am *bheil* an lagh an aghaidh gheallaidhean Dhé? Nar leigeadh Dia: oir nam bitheadh lagh air a thabhairt a bhith-

cadh comasach air beatha 'thoirt uaithe, gu deimhin is ann o'n lagh a bhitheadh fircantachd.

22 Ach dh'fhàg an sgrìobtuir na h-uile *dhaoiné* dùinte 's a' pheacadh, chum gu'm bitheadh an gealladh tre chreidimh Iosa Criosd air a thoirt dhoibh-san a *tha* 'creidsinn.

23 Ach mu'n d'fhàinig an creidimh, choimh-ideadh sinn fo 'n lagh, air ar druideadh a steach chum a' chreidimh, a bha gu bhi air 'fhoillseachadh.

24 Uime sin b'e an lagh, ar n-oide-fògh luim *gar treòrachadh* gu Criosd, chum gu'm bitheadhaid air ar fireanachadh tre chreidimh.

25 Ach air teachd do'n chreidimh, cha-n'eil sinn nì's mò fo oide-fòghluim.

26 Oir is sibhse uile mic Dhé tre chreidimh ann an Iosa Criosd.

27 Oir a mheud agaibh 's a' bhaisteadh do Chriosd, chuir sibh umaibh Criosd.

28 Cha-n'eil Iudhach no Greugach, cha-n'eil saor no daor, cha-n'eil fìrionn no boirionn ann: oir is aon sibh uile ann an Iosa Criosd.

29 Agus ma's le Criosd sibh, is sibh sìol Abraham gun amharus, agus is oighreach-an sibh a rèir a' gheallaidh.

CAIB. IV.

1 *Bha* sinn fo 'n lagh, gus an d'fhàinig Criosd, mar a *tha* an t-oighre fo 'oide-fòghluim gus an tig e gu h-aois. 5 Ach shaor Criosd sinn o'n lagh: 7 uime sin cha-n'eil sinn 'n ar seirbhiseich nì's faide dha. 14 Chuir Pòl 'an cuimhne dhoibh an deadh-ghean d'asan, agus a dheadh-rùn fèin dhoibh-san; 22 agus nochd e gur sinne clann Abraham thaobh na mnà saoire.

A NIS *tha* mi ag ràdh, am feadh a bhith-eas an t-oighre 'n a leanabh, nach 'eil eadar-dhealachadh sam bith eadar e agus seirbhiseach, ged is e Tighearn nan uile;

2 Ach *tha* e fo luchd-coimhid, agus fo luchd-riaghlaidh gu teachd na h-aimsir a dh'orduich an t-athair.

3 Agus mar an ceudna sinne, 'n nair a bha sinn 'n ar leanabaibh, bha sinn 'an daorsa fo cheud fhòghlum an t-saoghail:

4 Ach an uair a thàinig coimhlionadh na h-aimsir, chuir Dia a Mhac fèin uaithe, a ghineadh o mnaoi, a rinneadh fo 'n lagh,

5 Chum gu'n saoradh e iadsan a bha fo 'n lagh, ionnus gu faigheamaid-ne uchd-mhacachd na cloinne.

6 Agus do bhrìgh gur mic sibh, chuir Dia Spiorad a Mhac fèin ann bhuir cridheach-aibh, ag éigheach, Abba, Athair.

7 Uime sin cha seirbhiseach thu nì's mò, ach mac; agus ma's mac, is oighre mar an ceudna air Dia tre Chriosd.

8 Gidheadh, an uair nach b'athne dhuibh Dia, rinn sibh seirbhis dhoibh-san nach 'eil 'n an diathan thaobh nadur.

9 Ach a nis air dhuibh Dia aithneachadh,

no mar is fearr a dh'fheudar a ràdh, a bhi air bhur n-athineachadh le Dia, cionnus tha sibh ag ath-philleadh chum nan ceud-thois-each annhunn agus bochda, d'am miann leibh a bhi a ris fo dhaorsa?

10 Tha sibh a' coimhead làithean, agus mhiosan, agus aimsirean, agus bhliadhnan.

11 Tha eagal orm do 'ur taobh gu'n do chaith mi gu dìomhain mo shaothair oirbh.

12 Guidheam oirbh, a bhràithre, bithibh mar tha mise; oir *tha* mise mar sibhse: cha d'rinn sibh eucor sam bith orm.

13 Tha fhios agaibh gu'm *b'ann* tre an-mhuinneachd na feòla, a shearmonaich mi dhuibh an soisgeul air tùs.

14 Agus air mo bhuairleadh a bha ann am fheòil, cha d'rinn sibh tarcuis, agus cha do ghabh sibh gràin diom; ach ghabh sibh rium mar aingeal Dhé, mar Iosa Crìosd.

15 Cìod ema seadh an sonas sin a bha agaibh? oir tha mi 'deanamh fianuis duibh, nam bu chomasach e, gu'n spìonadh sibh a mach bhur sùilean fèin, agus gu'n tugadh sibh dhomh-sa iad.

16 Uime sin an d'rinneadh nàmhaid duibh dhìom, air son mi dh'inneadh na fìrinn duibh?

17 Tha iadsan eudmhor umaibh, *ach* cha-n ann gu maith; ach b'àill leo sinne dhruid-eadh a mach, chum gu'm bitheadh sibhse eudmhor umpa fèin.

18 Ach *is* maith a bhi eadmhor ann an *ni* maith a ghnàth, agus cha-n e mhàin an uair tha mise a làthair maille ribh.

19 Mo chlann bheag, air am bheil mi a rìs ri saothair, gus an dealbhar Crìosd annaibh.

20 B'àill leam a bhi nis a làthair maille ribh, agus mo ghuth a chaochladh, oir tha mi fo anharus umaibh.

21 Innsibh dhomh, sibhse le'm miann a bhi fo 'n lagh, nach cluinn sibh an lagh?

22 Oir tha e sgrìobhta, gu'n robh aig Abraham dìthis mhac; aon ri banoglaich, agus am *mac* eile ri mnaoi shaoir.

23 Agus esan a *bh'aige* ris a' bhanoglaich, ghineadh a réir na feòla e; ach esan a *bh'aige* ris a' mnaoi shaoir, tre ghealladh.

24 Na nithean so is samhladh iad; oir is iad so an dà choimheangal; aon dìubh o bheimh Shinai, a tha a' breith chum daorsa, a's i Agar.

25 Oir is i Agar beinn Shinai ann an Arabia, agus tha i a' comh-fhreagradh do Ierusalem a tha nis ann, agus tha i fo dhaorsa maille r'a cloinn.

26 Ach tha an Ierusalem a tha shuas saor, agus is nàthair dhuinn uile i.

27 Oir tha e sgrìobhta, Dean gairdeachas, a bhean neo-thorrach nach 'eil a' breith *cloinne*; bris a mach agus glaoth, thusa nach 'eil ri saothair: oir is lìonmhoire clann na mnà aonaranaich, na na mnà aig am bheil fear.

28 A nis, a bhràithre, is sinne, mar 'a bha Isaac, clann a' gheallaidh.

29 Ach mar a rinn esan a rugadh a réir na feòla, 's an àm sin geur-leamhuinn airsan a rugadh a réir an Spioraid, is amhuil sin a tha nis mar an ceudna.

30 Ach cìod tha an sgrìobtuir ag ràdh? Tilg a mach a' bhanoglaich agus a mac: oir cha bhi mac na banoglaich 'n a oighre maille ri mac na mnà saoire.

31 Uime sin, a bhràithre, cha sinne clann na banoglaich, ach na mnà saoire.

CAIB. V.

1 *Bhrosnuich an t-abstol na Galatianaich gu seasamh 'n an saorsa, 3 agus gun an timchioll-ghearradh a ghnàthachadh: 13 ach roghuinn a dheanamh de ghràdh, ni a's e coimhlionadh an lagha: 19 chuir e sìos oibre na feòla, 22 agus dh'ainmich e toradh an Spioraid; 25 agus dh'earlaiche chum gluasad 's an Spiorad.*

UIME sin seasaidh gu daingean anns an t-saorsa leis an d'rinn Crìosd saor sinn, agus na bithibh a ris air bhur cuibhreacadh le cuing na daorsa.

2 Feuch, tha mise Pòl ag ràdh ribh, ma thimchioll-ghearrar sibh, nach bi tairbhe air bith dhuibh ann an Crìosd.

3 Oir tha mi a ris a' deanamh fianuis do gach uile dhuine a thimchioll-ghearrar, gu bheil e mar fhiachaibh air an lagh gu h-ìomlan a choimhlionadh.

4 Cha-n'eil tairbhe sam bith ann an Crìosd dhuibhse a tha air bhur fireanachadh tre'n lagh; thuit sibh o ghràs.

5 Oir tha sinne tre'n Spiorad a' feitheamh ri dòchas fireantachd o chreidimh.

6 Oir ann an Iosa Crìosd, cha-n'eil éifeachd sam bith ann an timchioll-ghearradh, no ann an neo-thimchioll-ghearradh, ach ann an creidimh a dh'oibriceas tre ghràdh.

7 Is maith a ruith sibh; cò a bhac sibh o 'bhi àmhlaid do'n fhìrinn?

8 Cha d'thàinig an impidh so o'n ti a ghairm sibh.

9 Goirtichidh beagan de thaos ghoirt am meall uile.

10 Tha muinghin agam asaibh 's an Tigh-earn, nach bi sibh dh'aon dòigh air atharrachadh intinn: ach an ti a tha 'cur dragha oirbh, giùlainidh e a bhreitheanas, cò air bith e.

11 Agus mise, a bhràithre, ma shearmonaicheas mi fathast an timchioll-ghearradh, c'ar son a nithear fathast geur-leamhuinn orm? an sin bhitheadh oibh cum a' chroinne-chusaidh air a chur air cùl.

12 B'fhearr leam gu'm bitheadh iadsan a tha 'cur mi-shuainhnais oirbh eadhon air an gearradh uaibh.

13 Oir, a bhràithre, ghairmeadh chum saorsa sibh; a mhàin na *deanaibh* an t-saorsa 'n a cionfath do'n fheòil, ach le gràdh deanaibh seirbhis d'a chéile.

14 Oir tha an lagh uile air a choimh-

lionadh ann an aon fhocal, *eadhon* an so, Gràdhaidhidh tu do choimhearsnach mar thu féin.

15 Ach ma bhitheas sibh a' teumadh agus ag itheadh a chéile, thugaibh aire nach claididh le a chéile sibh.

16 Tha mi ag ràdh ma scadh, Gluaisibh 's an Spiorad, agus cha choimhlion sibh anamian na feòla.

17 Oir tha an fheòil a miannachadh an aghaidh an Spioraid, agus an Spiorad an aghaidh na feòla: agus tha iad sin an aghaidh a chéile; ionnus nach faigh sibh na nithean a bu mhiann leibh a dhcanamh.

18 Ach ma threòraichear leis an Spiorad sibh, cha-n'eil sibh fo 'n lagh.

19 A nis tha oibre na feòla follaiseach, a's iad *so*, Adhaltrannas, striopachas, neo-ghloine, macnus,

20 Iodhol-aoradh, druidheachd, naimhdeas, connsachadh, co-fharpuis, fearg, comhstri, aimhreite, saobh-chreidimh,

21 Farnad, mortadh, misg, ruidhteireachd, agus an leithid sin: mu bheil mi ag innseadh dhuibh roimh-làimh, mar a dh'innis mi dhuibh cheana mar an ceudna, nach sealbh-aich iadsan a ni an leithid sin rioghachd Dhé.

22 Ach is e toradh an Spioraid gràdh, aoibhneas, sìth, fad-fhulangas, caomhalachd, maithneas, creidimh,

23 Macantas, stuain: an aghaidh an samhail sin cha-n'eil lagh.

24 Agus iadsan a's le Crìosd, cheus iad an fheòil, maille r'a h-an-tograibh agus a h-anamianabha.

25 Ma's beò dhuinn 's an Spiorad, gluais-eamaid 's an Spiorad mar an ceudna.

26 Nabitheamaid déidheil air glòir dhuinn sin, a' brosnachadh a chéile, a' gabhail farmaid r'a chéile.

CAIB. VI.

1 *Dh'iarr Pòl air na Galatianaich buntainn gu sèimh ri bràthair a thuistich, 2 agus uallach a chéile a ghiùlan, 6 a bhi tabhartach d'an luchd-teagasg, 9 agus gun sgitheachadh de mhaith a dheanamh: 12 nochd e cìod a tha iadsan a tha 'searmonachadh an timchioll-ghearraidh ag iarraidh: 14 cha dean e féin uall a' ni sam bith ach á crann-ceusaidh Chrìosd.*

A BHRAITHRE, ma ghlacar neach ann an coire air bith gu h-obann, sibhse a tha spioradail, togaibh suas a shamhuil sin de dhuine ann an spiorad na macantachd; a' toirt aire dhuit féin, nach buairear thu mar an ceudna.

2 Giùlainibh uallaichean a chéile, agus mar sin coimhlionaibh lagh Chrìosd.

3 Oir ma shaoileas duine gur ni éigin e féin, gun a bhi ann ach neo-ni, tha e 'g a mhealladh féin.

4 Ach dearbhadh gach neach 'obair féin, agus an sin bithidh aobhar gairdeachais aige d'a thaobh féin a mhàin, agus cha-n ann a thaobh neach eile.

5 Oir giùlainidh gach neach 'uallach féin.

6 Comh-roinneadh an neach a tha air a theagasg 's an fhocal, ris an neach a tha 'g a theagasg, anns na h-uile nithibh maith.

7 Na meallar sibh; cha deanar fanoird air Dia: oir ge b'e ni a shìol-chuireas duine an ni ceudna buainidh e.

8 Oir an ti a chuireas d'a fheòil féin, buainidh e o'n fheòil truaillidheachd; ach an ti a chuireas do'n Spiorad, buainidh e o'n Spiorad a' bheatha shuthaimn.

9 Agus na fasamaid sgìth de mhaith a dheanamh: oir ann an am iomchuidh buainidh sinn, mur fannaich sinn.

10 Uime sin a réir mar tha cothrom againn, deanamaid maith do na h-uile dhaoibh, ach gu h-àraidh dhoibh-san a tha de theaghlach a' chreidimh.

11 Tha sibh a' faicinn meud na litreach a sgrìobh mi dhuibh le mo làimh féin.

12 A mheud 's le'm miann iad féin a thaisbeanadh gu sgiamhach 's an fheòil, tha iad 'g ur n-éigneachadh gu bhi air bhur timchioll-ghearradh; a mhàin chum nach deantadh geur-leannmuinn orra air son crann-ceusaidh Chrìosd.

13 Oir cha-n'eil iadsan féin a tha air an timchioll-ghearradh a' coimhead an lagha: ach is àill leo sibhse 'bhi air bhur timchioll-ghearradh, chum as gu'n dean iad uail ann bhur feòil.

14 Ach nar leigeadh Dia gu'n deanainn-sa uail ach ann an crann-ceusaidh ar Tighearna Iosa Crìosd, tre'm bheil an saoghal air a cheusadh dhomh-sa, agus mise do'n t-saoghal.

15 Oir ann an Iosa Crìosd cha-n'eil éifeachd air bith ann an timchioll-ghearradh, no ann an neo-thimchioll-ghearradh, ach ann an cruthachadh nuadh.

16 Agus a mheud 's a shìubhlas a réir na riaghailt so, sìth orra, agus tròcair, agus air Israel Dhé.

17 O so a mach na cuireadh neach sam bith dragh orm; oir tha mi 'giùlan chomh-aran an Tighearna Iosa ann am chorp.

18 A bhràithre, *gu robh* gràs ar Tighearna Iosa Crìosd maille ri bhur spiorad Amen.

EPHESIANACH.

CAIB. I.

1 *An déigh fàille, 3 agus breith-buidheachais air son nan Ephesianach, 4 labhair Pòl mu thaghadh, 6 agus uchd-mhacachd a thaobh gràis, 11 nì a's e am fìor thobar o'm bheil slàinte a' chinne-daoine a' sruthadh, &c.*

POL, abstol Iosa Criosd tre thoil Dhé, chum nan naomh a tha ann an Ephesus, agus nan creidmheach ann an Iosa Criosd :

2 Gràs dhuibh, agus sìth o Dhia ar n-Athair, agus o'n Tighearn Iosa Criosd.

3 Beannaichte *gu robh* Dia, eadhon Athair ar Tighearn Iosa Criosd, a bheannaich sinne leis gach uile bheannaich spioradail ann an *ionadaibh* nèamhaidh ann an Criosd :

4 A réir mar a thagh e sinne ann-san, mu'n do leagadh bunait an domhain, chum gu'm bitheamaid naomha, agus neo-choireach 'n a làthair-san ann an gràdh :

5 A roimh-orduich sinne chum uchd-mhacachd na cloinne tre Iosa Criosd dha féin, a réir deadh-ghean a thoile.

6 Chum cliu glòire a ghràis, tre an d'rinn e sinne taitneach ann a *Mhac* gràdhach :

7 Anns am bheil againne saorsa tre 'Thuil-san, maithanas nam peacadh, a réir saoihbheis a ghràis ;

8 Anns an robh e ro phailt dhuinne 's an uile ghliocas, agus thuigse :

9 A dh'fhoillsich dhuinn rùn-dìomhair a thoile, a réir a dheadh-ghean féin, a rùnaich e ann féin :

10 Chum ann am frithealadh coimhlionaidh nan aimsir, gu'n cruinnicheadh e ann an aon na h-uile nithean ann an Criosd, araon *na nithean* a tha air nèamh, agus *na nithean* a tha air thalamh, eadhon ann-san :

11 Anns an d'fhuair sinne mar an ceudna oighreachd, air dhuinn a bhi air ar roimh-oruchadh a réir rùin an tì a tha 'g oibreachadh nan uile nithean a réir comhairle a thoile féin ;

12 Ionns gu'm bitheamaid-ne, a chuir air tùs dòchas ann an Criosd, chum cliu a ghloire-san.

13 Anns an do *chuir* sibhse mar an ceudna *dòchas*, air dhuibh focal na firinn a chluinntinn, eadhon soisgeul bhur slàinte : neach an déigh dhuibh creidsinn ann, chuireadh seula oirbh le Spiorad naomh sin a' gheallaidh,

14 Neach a's e geall-daingnich air n-oighreachd-ne, gu teachd saorsa na seilbhe a cheannaicheadh, chum cliu a ghloire.

15 Uime sin air chluinntinn domh-sa mar an ceudna bhur creidinn-se anns an Tighearn Iosa, agus bhur gràidh do na naomh uile,

16 Cha-n'èil mi a' sgur de bhi'toirt buidheachais air bhur son, a' luaidh oirbh ann am urnuighibh ;

17 Gu'n tugadh Dia ar Tighearn Iosa Criosd, Athair na glòire, spiorad gliocais agus foillseachaidh dhuibh, ann an eòlas airsan ;

18 Sùilean 'ur n-inntinn a bhi air an soillseachadh, chum fios a bhi agaibh ciod e dòchas a ghairme-san, agus ciod e saoihbheas glòire oighreachd-san anns na naomh,

19 Agus ciod e ro-mheud a chumhachd do ar taobh-ne a tha 'creidsinn, a réir oibreachaidh a thrèun neirt ;

20 A dh'oibrich e ann an Criosd, 'n uair a thog e o na maireibh e, agus a chuir e 'n a shuidhe air a dheas-làin fhéin e anns na *h-ionadaibh* nèamhaidh,

21 Gu ro àrd os ceann gach uile uachdar-anachd, agus cumhachd, agus neirt, agus tighearnais, agus gach ainme a dh'ainmichear, cha-n e mhàin 's an t-saoghail so, ach 's an *t-saoghail* ri teachd mar an ceudna :

22 Agus chuir e na h-uile nithean fo a ehosaibh, agus thug se e gu *bhi* 'n a cheann os ceann nan uile nithean do'n eaglais,

23 A tha 'n a corp aige, lànachd an tì a tha 'lionadh nan uile nithean anns na h-uile.

CAIB. II.

1 *Le bhi 'coimheas r'a chèile ar cor a thaobh nàduir, 5 agus ciod e ar cor a thaobh gràis, 10 chuir Pòl 'an cèill gu'n do chruthaicheadh sinn air son dheadh oibre; agus air dhuinn a bhi air ar toirt am fagas tre Chriosd, 11 nach còir dhuinn ar beatha a chaitheadh mar Chinnich, 12 agus mar choigrich, amhail anns an àm a chaidh seachad, 19 ach mar buidh do'n bhaile ris na naomh, agus mar theaghlach Dhé.*

AGUS sibhse *bheothaich* e, a bha marbh ann an euceartaibh agus ann am peacaidhibh ;

2 Anns an do ghluais sibh 's na h-amaibh a chaidh seachad, a réir gnàtha an t-saoghail so, a réir uachdarain cumhachd an athair, an spioraid a tha nis ag oibreachadh ann an cloinn na h-eas-umhlachd :

3 Am measg an robh againn uile mar an ceudna ar caithe-beatha roimh so, ann an ana-miannaibh ar feòla, a' deanamh toil na feòla, agus nan smuain ; agus bha sinn a

thaobh nàduir 'n ar cloinn feirge, eadhon mar chàch.

4 Aeh Dia, a tha saoi bhir ann an tràcarr, air son a mhòr-ghràidh leis an do ghràdh-aich e sinn,

5 Eadhon air dhuinn a bhi marbh ann an peacaidhibh, chomh-bheothaich e sinn maille ri Crìosd; (le gràs tha sibh air bhur tearnadh.)

6 Agus chomh-thog, agus chomh-shuidhich e sinn ann an *ionadaibh* nèamhaidh ann an Iosa Crìosd:

7 Chum gu'm foillsicheadh e anns na linnibh ri teachd saoi bhras ro phailt a ghràis, ann an caoinhneas d'ar taobh-ne tre Iosa Crìosd.

8 Oir is ann le gràs a tha sibh air bhur tearnadh, tre chreidimh; agus *sìn* cha-n ann uaibh féin: *is e* tìodhlac Dhé e:

9 Cha-n ann o oibribh, chum nach deanadh neach air bith uall:

10 Oir is sinne 'obair-san, air ar cruthachadh ann an Iosa Crìosd chum dheadh oibre, air son an d'ulluich Dia roimh-làimh *sìn*, chum gu'n gluaisemaid amta.

11 Uime sin cuimhnichibh, air dhuibh a bhi 's an aimsir a chaidh thairis 'n 'ur Cinnich 's an fheadh, ris an abrar an neo-thimchioll-ghearradh leo-san d'an goirear an timchioll-ghearradh làmh-dheanta 's an fheadh:

12 Gu'n robh sibh 's an àm sin as eugmhais Chrìosd, 'n 'ur coimhich do chomh-fhlaitheachd Israeil, agus 'n 'ur coigrich do choimhcheanglaibh a' gheallaidh, as eugmhais dòchais, agus gu'n Dia anns an t-saoghal:

13 Ach a nis ann an Iosa Crìosd, tha sibhse a bha roimh so fad o làmh, air bhur toirt am fagus tre fhuil Chrìosd.

14 Oir is esan ar sìth-ne, a rinn aon *dhiinn* araon, agus a bhris sìos balla meadhonach an eadar-dhealachaidh;

15 Air dha an naimhdeas a char air cùl tre 'fheadh féin, *eadhon* lagh nan àitheantan, a *chuireadh sìos* ann an orduighibh, chum gu'n deanadh e ann féin de dhithis aon duine nuadh, *mar sìn* a' deanamh sìthe:

16 Agus gu'n deanadh e rèidh faraon iad ri Dia ann an aon chorp tre a' chrann-cheusaidh, air dha an naimhdeas a mharbhadh le sin:

17 Agus thàinig e agus shearmonaich e sìth dhuibhse a bha 'am fad, agus dhoibh-san a bha 'am fagus.

18 Oir trid-san tha araon slighe againn gu dol a steach tre aon Spiorad chum an Athar.

19 A nis uime sin cha-n'eil sibh ni's mò 'n 'ur coigrich agus 'n 'ur coimhich, ach 'n 'ur luchd aon bhaile ris na naoimh, agus 'n 'ur muinntir-teaghlach Dhé;

20 Agus tha sibh air bhur togail suas air buaidh nan abstol agus nam fàidhean air

bhi do Iosa Crìosd féin 'n a *chloich*-chinn na h-oisinn;

21 Anns am bheil an aitreabh uile, ceangailte gu ceart r'a chéile, a' fas suas chum a bhi 'n a teampull naomh 's an Tighearn:

22 Anns am bheil sibhse mar an ceudna air bhur comh-thogail suas chum a bhi 'n 'ur tigh-còmhnuidh do Dhia tre an Spiorad.

CAIB. III.

1 *Rinneadh an rùn-dìomhair, gu'm bitheadh na Cinnich air an saoradh, fhoillsicheadh do Phòl; 8 agus thugadh an gràs dhàsan sin a shearmonachadh: 13 dh'iarr e air na Ephesianach gun iad a dh'fhannachadh air son a thrioblaid-san, 14 agus ghuidh e gu'n tuigeadh iadsan mòr-ghràdh Chrìosd d'an taobh.*

AIR an aobhar so, tha mise Pòl a'm phriosanach Iosa Crìosd, air bhur son-se, a Chinneacha:

2 O chuala sibh mu fhrithealadh gràis Dhé, a thugadh dhomh-sa air bhur son-se:

3 Gu'n d'rinn e aithnichte dhomh tre fhoillsicheadh an rùn-dìomhair, (mar a sgrìobh mi roimh gu h-aithghearr,

4 Leis an feud sibh, air dhuibh a leughadh, m'èolas ann an rùn-dìomhair Chrìosd a thuigsinn.)

5 Ni, ann an linnibh eile, air nach d'thugadh fios do chloinn nan daoine, mar tha e nis air fhoillsicheadh d'a abstolaibh naomha agus d'a fhàidhibh tre an Spiorad;

6 Gu'm bitheadh na Cinnich 'n an comh-oghreachaibh, agus 'n an comh-chorp, agus 'n an luchd-comhairt d'a ghealladh-san ann an Crìosd, tre an t-soisgail:

7 Air an d'rinnadh mise a'm mhinistear, a rèir tìodhlaic gràis Dhé a thugadh dhomh, a rèir oibreachaidh éifeachdaich a chumhachd-san.

8 Dhomh-sa, a's lugha na'n ti a's lugha de na naoimh uile, thugadh an gràs so, saoi bhras Chrìosd, nach feudar a rammsachadh, a shearmonachadh am measg nan Cinnich;

9 Agus gu'n deanainn soilleir do na h-uile *dhaoinibh*, ciod e comunn an rùn-dìomhair sin, a bha folaichte ann an Dia o thoiseach an t-saoghail, a chruthaich na h-uile nithean tre Iosa Crìosd:

10 Chum gu'n deantadh aithnichte nis do na h-uachdaranachdaibh, agus do na cumhachdaibh ann an *ionadaibh* nèamhaidh, leis an eaglais, gliocas eagsamhuil Dhé,

11 A rèir an rùn shiorruidh a rùnaich e ann an Iosa Crìosd ar Tighearn:

12 Anns am bheil againn dànachd agus slighe gu dol a steach ann am muinghin tre a' chreidimh-san.

13 Uime sin tha mi ag iarraidh nach laghach sibh á leth mo thrioblaidhean-sa air bhur son, ni a's e bhur glòir-sa.

14 Air an aobhar so tha mi a' lùbadh mo ghluine do Athair ar Tighearna Iosa Crìosd,

15 Air an ainmichear an teaghlach uile air nàmh agus air talamh,

16 Gu'n deònaicheadh e dhuibh a réir saoihbheis a ghlòire, 'bhi air bhur neartachadh gu treun, tre a Spiorad-san anns an duine au leth stigh;

17 Ionnnus gu'n gabh Criosd còmhnuidh ann bhur cridhe tre chreidimh; chum air dhuibh 'bhi air bhur freumhachadh, agus air bhur stéidhachadh ann an gràdh,

18 Gu'm bi sibh comasach maille ris na naoimh uile, air a thuigsinn cìod e leud, agus fad, agus doimhne, agus àirde;

19 Agus air gràdh Chriosd aithneachadh, a chaidh thar gach uile eòlas, chum gu'm bi sibh air bhur lìonadh le uile lànachd Dhé.

20 A nis dhàsan d'an comas na h-uile nìthean a dheanamh gu h-anabarrach ro phait, thar gach ni a's urrainn sinne iarraidh no smuaineachadh, a réir a' chumhachd a tha 'g oibreachadh gu h-éifeachdach annainn,

21 Dhàsan *gu robh* glòir anns an eaglais tre Iosa Criosd, air feadh gach uile linn, gu saoghal nan saoghal. Amen.

CAIB. IV.

1 *Dh'earalaich an t-abstol na h-Ephesianach chum aonachd; 7 agus chuir e 'an cèill gu'n d'thug Dia chum na cridhe so tiodhlacan eagsamhuil do dhaoimibh, 13 ionnnus gu'm bheilheadh 'eaglais air a togail, 16 agus gu'm fàsadh i suas ann an Criosd; 18 ghairm e iad o neòghloine nan Cinneach, 24 chum an nuadh-dhuine a chur umpa.*

UIME sin, tha mise prìosanach an Tighearna, a' guidhe oirbh gu'n ghuais sibh gu cubhaidh do'n ghairm leis an do ghairm-eadh sibh;

2 Leis gach uile irioslachd inntinn agus mhacantas, le fad-flulangas, a' giùlan le 'chéile ann an gràdh;

3 A' deanamh dìchill air aonachd an Spioraid a choimhead ann an ceangal na sìthe.

4 *Is* aon chorp agus aon Spiorad *a tha ann*, amhuil mar an ceudna a ghairmeadh sibh ann an aon mhuighin bhur gairme;

5 Aon Tighearn, aon chreidimh, aon bhaisteadh,

6 Aon Dia agus Athair nan uile, a *tha* os ceann nan uile, agus tre na h-uile, agus annaibh-se uile.

7 Ach thugadh gràs do gach aon againn, a réir tomhais tiodhlaic Chriosd.

8 Uime sin tha e ag ràdh, Air dol suas da an àird, thug e bruid 'am braigheanas, agus thug e tiodhlacan do dhaoimibh.

9 (A nis gu'n deachaidh e suas, cìod e ach gu'n deachaidh e air tùs sìos gu ionadaibh iochdarach na talmhainn?)

10 An ti a chaidh sìos, is e sin féin e a chaidh suas mar an ceudna gu ro àrd os ceann nan uile nàmh, chum gu'n lìonadh e na h-uile nìthean.

11 Agus thug e dream àraidh gu 'bhi 'n an

abstolaibh; dream eile, gu 'bhi 'n an faidhibh; agus dream eile, gu 'bhi 'n an soisgeul-aichibh; agus dream eile, gu 'bhi 'n an aodhairibh, agus 'n an luchd-teagaisg;

12 Chum na naoimh a dheasachadh, chum oibre na ministreileachd, chum togail suas cuirp Chriosd:

13 Gus an tig sinn uile ann an aonachd a' chreidimh, agus eòlais Mhic Dhé, chum duine iomlain, chum tomhais àirde lànachd Chriosd:

14 Chum as nach bi sinn á so suas 'n ar leanabaibh, air ar tonn-luasgadh, agus air ar giùlan mu'n cuairt leis gach uile ghaoith teagaisg, le cleasachd dhaoine, agus seòltachd chealgach, leis am bheil iad gu h-innleachdach ri feall-fholach chum meallaidh:

15 Ach a' labhairt na fìrinn ann an gràdh, gu 'm fàs sinn suas anns na h-uile nìthibh chuirp-san, a's e an ceann, *eadhon* Chriosd:

16 O'm bheil an corp uile, air a cheangal gu ceart, agus air a dhlùthachadh tre an ni sin a tha gach alt a' toirt uaith, a réir oibreachaidh éifeachdach ann an tomhas gach buill, a' faghail fàs cuirp, chum a thogail féin suas ann an gràdh.

17 So uime sin tha mi ag ràdh, agus ag guidhe 'an fìamuis an Tighearna, gum sibh a dh'imachd á so suas mar a tha na Cinnich eile ag imeachd, ann an dìomhanas an inntinn féin;

18 Aig am bheil an tuigse air a dorchachadh, air dhoibh a bhi 'n an coimhich do bheatha Dhé, thaobh an aineolais a tha anna, tre chruas an cridhe:

19 Muinntir, air dhoibh am mothachadh a chall, a thug iad féin thairis do mhi-nàire, chum gach uile neòghloine 'chur 'an gnìomh le cìocras.

20 Ach cha d'fhòghluim sibhse Criosd mar so;

21 O chuala sibh e, agus o theagaisgeadh leis sibh, mar tha an fìrinn ann an Iosa:

22 Gu'n cuir sibh dhiubh, thaobh a' cheud chaithe-beatha, an seann duine, a tha truailidh a réir nan ana-miann cealgach;

23 Agus gu'm bi sibh air bhur n-athnuadhachadh ann an spiorad bhur n-inntinn;

24 Agus gu'n cuir sibh umaidh an nuadh-dhuine, a tha air a chruthachadh a réir Dhe ann am fireantachd agus ann am fìor-naomhachd.

25 Uime sin air dhuibh a' bhreug a chur uaibh, labhraibh an fìrinn gach neach r'a choimhearsnach: oir is buill sin d'a chéile.

26 Bitheadh fearg oirbh, agus na peacaichibh: na luidheadh a' ghrian air bhur corr-uich:

27 Agus na tugaibh àite do'n diabhal.

28 An ti a ghoid, na goideadh e nì's mò: ach gu na fearr leis saothair a dheanamh, ag oibreachadh an ni a tha maith le a lannan, chum gu'm bi aige ni r'a phàir-

teachadh ris an neach air am bheil uireas-bhuidh.

29 Na tigeadh cainnt thruaillidh air bith a mach as blur beul, ach an nì sin a tha maith chum deadh-flhòghluim, ionnus gu'n toir e gràs do'n luchd-éisdeachd.

30 Agus na cuiribh doilgheas air Spiorad naomh Dhé, leis an do chuireadh seula oirbh gu là na saorsa.

31 Bitheadh gach uile sheirbhe, agus corr-uich, agus fearg, agus gàrrthaich, agus toibleadh air an togail uaibh, maille ris gach uile mhirun.

32 Agus bithibh caoinhneil teo-chridheach d'a chéile; a' toirt maitheanas d'a chéile, eadhon mar a thug Dia maitheanas dhuibhse ann an Crìosd.

CAIB. V.

1 *An dèigh earailean coitichionn chum gràidh, 3 chum s'riopachas a sheachnadh, 4 agus na h-uile neòghloine, 7 gun chomhludair a chumail ri daoineibh aingidh, 15 imeachd gu faicilleach, 18 agus a bhi air an lìonadh leis an Spiorad, 22 labhair Pòl mu dhleasdanasairbh fa leth, cionnus is còir do mhnàibh' bhi ùmhal d'am fearaibh-pòsda, 25 agus is còir do na fir am mnathan a ghràdhachadh.*

UIME sin bithibh-se 'n 'ur luchd-leannhuinn air Dia, mar chloinn ghràdhach;

2 Agus gluaisibh ann an gràdh, eadhon mar a ghràdhach Crìosd sinne, agus a thug se e fèin air ar son, 'n a thabhartas agus 'n a lùbairt deadh-flhàile do Dhia.

3 Ach na bitheadh striopachas, agus gach uile neòghloine, no sannt, uiread as air an ainmeachadh 'n 'ur measg, mar is eubhaidh do naoimh:

4 No draosdachd, no còmhradh amaid-each, no bao-shùgradh, nithean nach 'eil iomchuidh: ach gu ma fearr leibh breith-buidheachais.

5 Oir tha fios agaibh air so, nach 'eil aig fear-striopachais air bith, no aig neach neòghlan, no aig duine sauntach, (a tha 'n a fhear-iodhol-aoraidh,) oighreachd ann an rioghachd Crìosd agus Dhé.

6 Na mealladh neach air bith sibh le briathraibh dìomhain: oir air son nan nithean sin tha fearg Dhé a' teachd air cloinn na h-eas-ùmhachd.

7 Na bithibh-se uime sin 'n 'ur luchd-comh-pairt riu.

8 Oir bha sibh uair-éigin 'n 'ur dorchadas, ach a nis tha sibh 'n 'ur solus 's an Tighearn: gluaisibh mar chloinn an t-soluis;

9 (Oir tha toradh an Spioraid anns an uile mhaithreas, agus ionracas, agus fhir-inn);

10 A' dearbhadh ciod an nì a tha tait-cheach do'n Tighearn.

11 Agus na bitheadh comh-chomunn agaibh ri oiribh neo-tharbhach an dorchadais, ach gu ma fearr leibh an cronachadh.

12 Oir is gràineil eadhon r'an innseadh na

nithean a tha air an deanamh leo, ann an uaignidheas.

13 Ach tha na h-uile nithean a tha air an cronachadh, air an deanamh follaiseach leis an t-solus: oir gach uile nì a nì soilleir, is solus e.

14 Uime sin tha e ag ràdh, Mosgail, thusa a tha a'd' chodal, agus éirich o na mairbh, agus bheir Crìosd solus duit.

15 Feneachibh uime sin gu'n gluais sibh gu faicilleach, cha-n ann mar amadain, ach mar dhaoine glie,

16 Ag ath-cheannach na h-aimsir, do bhrìgh gu bheil na làithean ole.

17 Air an aobhar sin na bithibh-se neo-ghlic, ach a' tuigsinn ciod i toil an Tighearna.

18 Agus na bithibh air mhisg le fion, anns am bheil anabarr; ach bithibh air blur lìonadh leis an Spiorad:

19 A' labhairt ribh fèin ann an salmaibh, ann an laoidhibh, agus ann an dànaibh spioradail, a' seinn agus a' deanamh ciuil 'n 'ur eridhe do'n Tighearn:

20 A' toirt buidheachais a ghnàth air son nan uile nithean do Dhia, eadhon an t-Athair, ann an ainm ar Tighearna Iosa Crìosd;

21 Air dhuibh a bhi ùmhal d'a chéile ann an eagal Dhé.

22 A mhnathan, bithibh ùmhal do 'ur fearaibh fèin, mar do'n Tighearn.

23 Oir is e am fear ceann na mnà, eadhon mar is e Crìosd ceann na h-eaglais: agus is esan Slànuidhear a' chuirp.

24 Uime sin mar a tha'n eaglais ùmhal do Chrìosd, mar sin bitheadh na mnathan d'am fearaibh fèin mar an ceudna anns gach nì:

25 Fheara, gràdhachibh blur mnathan fèin, eadhon mar a ghràdhach Crìosd an eaglais, agus a thug se e fèin air a son;

26 Chum gu naomhaicheadh, agus gu'n glanadh e i le ionnlad an uisge tre an fhocal.

27 Chum gu'n cuireadh e 'n a làthair fèin i 'n a h-eaglais ghlòrmhoir, gun smal, gun phreasadh, no nì air bith d'an leithidibh sin; ach chum gu'm bitheadh i naomh, agus neo-lochdach.

28 Is amhluidh sin is còir do na fearaibh am mnathan fèin a ghràdhachadh, mar an cuirp fèin: an ti a ghràdhachas a bhean, tha e 'g a ghràdhachadh fèin.

29 Oir cha d'thug duine air bith riamh fuath d'a fheadh fèin; ach altrumaidh agus eiridhid e i, eadhon mar a tha an Tighearn a' deanamh do'n eaglais:

30 Oir is buill sinn d'a chorp, d'a fheadh, agus d'a cinàmhnan-san.

31 Air an aobhar so fàgaidh duine 'athair agus a mhàthair, agus dlùth-leanaidh e 'a mhnai, agus bithidh an dithis 'n an aon fheadh.

32 Is dìomhaireachd mhòr so: ach tha mi a' labhairt mu Chrìosd agus an eaglais.

33 Gidheadh, thugadh gach aon agaibh-se fa leth gràdh d'a mhnaoi amhuil mar dha féin, agus *feuchadh* a' bhean gu'n toir i urram d'a fear.

CAIB. VI.

1 *Dleasdanas cloinne d'am pàrantaibh*, 5 agus *sheirbhiseach d'am maighstiribh*. 10 *Is cogadh ar beatha*, 12 *cha-n ann a mhàin an aghaidh fòla agus feòla, ach mar an ceudna an aghaidh namhdean spioradail*. 13 *Airm a' Chrìosdaidh*, 18 agus *cionnus is còir an gnàthachadh*. 21 *Tha Tichicus air a mholadh*.

ACHLANN, bithibh ùmhal do 'ur pàrantaibh féin 's an Tighearn: oir tha so ceart.

2 Thoir urram do d' athair agus do d' mhàthair, (is i so a' cheud àithne le gealladh.)

3 Chum gu'n éirich gu maith dhuit, agus gu'm bi thu fad-shaoghalach air an talamh.

4 Agus aithriche, na brosnuichibh bhur clann chum feirge: ach togaibh iad ann an oilean agus ann an teagasg an Tighearna.

5 A sheirbhiseacha, bithibh ùmhal do 'ur maighstiribh a réir na feòla, le h-eagal agus crith, ann au treibhdhireas bhm cridhe, mar do Chrìosd:

6 Cha-n ann le sùil-sheirbhìs, mar dhream a ni toil dhaoine, ach mar sheirbhiseich Chrìosd, a' deanamh toil Dhé o'n chridhe;

7 Le deadh thoil a' deanamh seirbhìs, mar do 'ur Tighearn, agus cha-n ann do dhaoineibh:

8 Air dhuibh fios a bhi agaibh, ge b'e maith air bith a ni aon neach, gu'm faigh e an ni so féin o'n Tighearn, ma's saor no daor e.

9 Agus a mhaighstircan, deanaibh-se na nithean ceudna dhoibh-san, a' leigeadh dhibh bagraidh: air dhuibh fios a bhi agaibh gu bheil bhur maighstir féin air neamh mar an ceudna, agus nach 'eil gnàis-bhreth maille ris.

10 Fadheoidh, mo bhràithre, bithibh làidir 's an Tighearn, agus ann an neart a chumhachd-san.

11 Cuiribh umaibh uile armachd Dhe, chum gu'm bi sibh comasach air seasamh an aghaidh cuilbheartan an diabhail.

200

12 Oircha-n'eil sinn a' gleachdadh *amhàin* ri fuil agus feòil, ach ri uachdaranachdaibh, ri cumhachdaibh, ri riaghlairibh dorchadais an t-saoghail so, ri aingidheachd spioradail ann an *ionadaibh* àrda.

13 Uime sin glacaibh do 'ur n-ionnsuidh uile armachd Dhé, chum gu'm bi sibh comasach air seasamh an aghaidh *a' bhuairidh* 's an droch là, agus air dhuibh na h-uile ni a dheanamh, chum scasamh.

14 Seasaibh uime sin, air bhi do 'ur leasraidh air an criolachadh le firinn, agus uchd-éididh na fireantachd umaibh;

15 Agus ulluchadh soisgeil na sìthe mar bhrògan agaibh air bhur cosaibh;

16 Thar gach uile ni, a' glacadh do 'ur n-ionnsuidh sgéithe a' chreidimh, leis an bi sibh comasach air uile shaighdean teinnteach an droch *Spioraid* a mhùchadh.

17 Agus glacaibh clogaid na slàinte, agus claidheamh an Spioraid, ni a's e focal Dhé:

18 A' deanamh urnuigh a ghnàth leis gach uile ghnè urnuigh agus asluchaidh 's an Spiorad, agus a' deanamh faire chum an ni so féin maille ris gach uile bhuanaichadh, agus ghuidheadh air son nan naomh uile;

19 Agus air mo shonsa, chum gu'n toirear dhomh comas labhairt, le fosgladh mo bheòil ann an dànachd, chum gu foillsich mi rùn-dìomhair an t-soisgeil;

20 Air son am bheil mi a'm' theachdair ann an geimhlibh: chum gu'n labhair mi gu dana uime, mar is còir dhomh labhairt.

21 Ach a chum gu'm bi fhios agaibh-se mar an ceudna air na nithibh a bhuineas dhomh-sa, agus ciod a tha mi a' deanamh, foillsichidh Tichicus, bràthair gràdhach agus ministèir firinneach 's an Tighearn, na h-uile ni dhuibh:

22 Neach a chuir mi do 'ur n-ionnsuidh air son an aobhair so féin, chum gu'm bith-eadh fios nan nithean a bhuineas duinne agaibh, agus gu'n tugadh e comhfhurtachd do 'ur cridhe.

23 Sith *gu robh* do na bràithribh, agus gràdh maille ri creidimh, o Dhia an t-Athair, agus an Tighearn Iosa Chrìosd.

24 *Gu robh* gràs maille rianan uile a tha 'gràdhachadh ar Tighearn Iosa Chrìosd ann an treibhdhireas. Amen.

PHILIPIANACH.

CAIB. I.

1 *Chuir an t-abstol 'an cèill a thaingealachd do Dhia, agus a ghràdh do na Philipianaich, air son toraidh an creidimh, agus an comhairt 'n a fhulangas; 9 rinn e urnuigh a ghnàth ri Dia gu'm fàsadh iad ann an gràs: 12 nochd e an tairbhe a fhuair creidimh Chrìosd o 'fhulangas-san anns an Ròimh, 21 agus co toil-each 's a tha e air Crìosd a ghlòrachadh, le a bheatha no le 'bhàs. 27 Dh'earlaich e iad chum aonachd inntinn;*

POL agus Timoteus, scrìbhisich Iosa Crìosd, chum nan naomh uile ann an Iosa Crìosd, a tha ann am Philipi, maille ris na h-easbuigibh agus ris na deaconaibh:

2 Gràs duibh agus sìth o Dhia ar n-Athair, agus o'n Tighearn Iosa Crìosd.

3 Tha mi 'toirt buidheachais do m' Dhia gach uair a chuimhnichas mi oirbh,

4 A ghnàth ann am uile urnuighibh air bhuir son-se uile, le gairdeachas a' deananh guidhe,

5 Air son bhuir comh-roinn de'n t-soisgeul, o'n cheud là gus a nis;

6 Air dhomh 'bhi dearbhta as an ni so féin, eadhon an ti a thòisich air deadh obair annaibh, gu'n coimhlion e i gu là Iosa Crìosd:

7 Eadhon mar is còir dhomh so a smuain-eachadh umaibh uile, do bhrìgh gu bheil sibh agam ann am chridhe, agus gu bheil sibh uile 'n ur luchd comh-roinn de m' ghràs-sa, araon ann am gheimhlibh, agus ann an seasamh air son, agus ann an daingneachadh an t-soisgeil.

8 Oir is e Dia m'fhianais, cia mòr mo dhéidh oirbh uile, ann an innibh Iosa Crìosd.

9 Agus tha mi a' guidhe so, gu'm bitheadh bhuir gràdh-se air a mheudachadh nì's mò agus nì's mò ann an eòlas, agus ann an uile thuigse:

10 Chum gu'n dearbh sibh na nithean a's fèarr; chum gu'm bi sibh tràibhdhireach, agus gun tuisleadh gu là Chrìosd;

11 Air bhuir lìonadh le toraibh na fireantachd, a tha tre Iosa Crìosd chum glòir agus cliù Dhé.

12 Ach is àill leam, a bhràithrean, fios a bhì agaibh, na nithean a thachair dhomh-sa, gur mò a dh'éirich leo an soisgeul a chur air 'aghaidh:

13 Ionnsu gu bheil mo gheimhlean-sa ann an Crìosd iouraideach anns an lùchairt uile, agus anns gach àit eile;

14 Agus gu bheil mòran de na bràith-

ribh 's an Tighearn a' gabhail misnich o m' gheimhlibh, leis an tuileadh mòr-dhànachd a' labhairt an fhocail gun cagal.

15 Tha cuid gu dearbh a' searmonachadh Chrìosd tre fharmad agus strì, agus cuid eile tre dheadh thoil.

16 Tha aon dream a' searmonachadh Chrìosd tre chonnspoid, cha-n ann gu tràibhdhireach, a' saòlsinn àmhlghar a chur ri m' gheimhlibh-sa:

17 Ach an dream eile o ghràdh, air dhoibh fios a bhì aca gu'n do chuireadh mise gu seasamh air son an t-soisgeil.

18 Cìod ma ta! gidheadh air gach aon chor, co aca is ann 'an coslas a mhàin, no da rìreadh, tha Crìosd air a shearmonachadh; agus air a shon so tha mise a' deanamh gairdeachais, seadh, agus ni mi gairdeachas.

19 Oir tha fhios agam gu'n tig so chum slàinte dhomh-sa tre bhuir n-urnuighse, agus tre fhrithealachd Spioraid Iosa Crìosd,

20 A réir mo ro-dhùil, agus mo dhòchais, nach cuir car nàire orm ann an ni air bith, ach leis an uile dhànachd labhairt, mar a ghnàth, gu'm bi Crìosd a nis mar an ceudna air 'ardachadh a'm' chorp-sa, ma's ann tre bheatha no tre bhàs.

21 Oir dhomh-sa 'bhi beò is e sin Crìosd, agus bàs fhaotainn is buannachd dhomh so.

22 Ach ma's beò dhomh 's an fheòil, 's e so toradh m'òibre: ach cìod d'an deanaim roghainn, cha-n fhios domh.

23 Oir tha mi air mo theannachadh eadar dhà ni, air dhomh 'bhi togarrach air siubhal, agus a bhì maille ri Crìosd; oir is e so a's ro fhèarr:

24 Gidheadh, 's e mi dh'fhantuinn 's an fheòil a's fèumail dhuibhse.

25 Agus air dhomh 'bhi cinnteach á so, tha fhios agam gu'm fuirich mi agus gu'm còmhluich mi maille ribh uile, chum bhuir cur-se air bhuir n-aghaidh, agus chum gairdeachais a' chreidimh:

26 Chum gu'm bi bhuir gairdeachas nì's pailte ann an Iosa Crìosd do m' thaobh-sa, air son mi 'bhi a ris a làthair maille ribh.

27 A mhàin caithibh bhuir beatha gu cubhaidh do shoisgeul Chrìosd: chum cò aca a thig mi agus a chì mi sibh, no a bhitheas mi as 'ur làthair, gu'n cluinn mi mu 'ur timchioll, gu bheil sibh a' seasamh gu daingean ann an aon spiorad, le aon inntinn, a' gleacadh le 'chéile air son creidimh an t-soisgeil;

28 Guu gheilt ann an ni sam bith oirbh o bhur naimhaidibh : ni a tha dhoibh-san 'n a chomhara cinuteach air sgrìos, ach dhuibhse air slàinte, agus sin o Dhia.

29 Oir thiodhlaiccadh dhuibhse air son Chrìosd, cha-n o mhàin creidsinn ann, ach mar an ceudna fulang air a shon ;

30 Air dhuibh an còmhrag ceudna 'bhi agaibh a chunnaic sibh annam-sa, agus a tha sibh a uis a' chuinntinn a bhi annam.

CAIB. II.

i *Dhearalaich Pòl na Philìpianaich clum aonachd agus irioslachd inntinn, le eisempeir isleachaidh agus àrdachaidh Chrìosd ; 12 chum iad a dhol air an aghaidh gu cìramach ann an slighe na slàinte, ionnus gu'n bitheadh iad 'n an solus do'n t-saoghal aingidh, 16 agus 'n an comhfhurtachd dhàsan an abstol-san, neach a tha ullamh eadhon chum a bhi air ìobradh suas do Dhia air an son.*

UIME sin ma tha comhfhurtachd air bith ann an Crìosd, ma tha sòlas air bith gràidh, ma tha comh-chomunn air bith an Spioraid, ma tha truas air bith agus trèc-airean ;

2 Coimhlionaibh mo ghairdeachas, gu'm bi sibh a dh'aon inntinn, a dh'aon ghràdh, a dh'aon toil, a dh'aon bhlreithneachadh.

3 Na deanar aon ni tre chonnspoid, no tre ghloir dhìomhain, ach ann an irioslachd inntinn measadh gach aon gur fearr neach eile na e féin.

4 Na seallaibh gach aon air na nithibh sin a bhuineas da féin, ach gach aon air na nithibh a bhuineas do dhaoimibh eile mar an ceudna.

5 Uime sin bitheadh an inntinn cheudna annaibhse, a bha ann an Iosa Crìosd :

6 Neach air bhi dha ann an cruth Dhé, nach do mheas e 'n a reubainn e féin a bhi comh-ionann ri Dia :

7 Ach chuir se e féin ann an dìmeas, a' gabhail air féin cruth seirbhisich, air a dheanamh ann an coslas dhaoine :

8 Agus air dha 'bhi air 'fhagail ann an cruth mar dhuine, dh'irioslaich se e féin, agus bha e ùmhal gu bàs, eadhon bàs a' chroim-cheusaidh.

9 Air an aobhar sin dh'àrdaich Dia e gu ro àrd mar an ceudna, agus thug e dha ainm os ceann gach uile ainm :

10 Chum do ainm Iosa gu'n lùbadh gach glùn, de *nithibh a tha* air nèamh, agus de *nithibh a tha* air thalamh, agus de *nithibh a tha* fo 'n talamh ;

11 Agus gu'n aidicheadh gach teangadh gur e Iosa Crìosd an Tighearn, chum glòire Dhé an Athar.

12 Uime sin, a mhuinntir mo ghràidh, mar a bha sibh ùmhal a ghràdh, cha-n e a mhàin a'm lathair-sa, ach m's ro mhò as mo lath-air, lan-oibrichibh bhur slàinte féin le h-eagal agus ball-chrith.

13 Oir is e Dia a dh'oibriceas annaibh,

araon an toil agus an gnìomh a réir a dheadh-ghean féin.

14 Deanaibh na h-uile nithcan gunghearan, agus gun dcasboirachd :

15 Chum gu'm bi sibh neo-choireach, agus neo-chronail, 'n 'ur cloinn do Dhia, neo-lochdach, 'am meadhan ginealach fhiair agus chrosda, 'measg am bheil sibhse a' dealrachadh mar lòchrain sholtuis 's an t-saoghal ;

16 A' cumail amach focail na beatha ; chum gu'n dean mise uail ann an là Chrìosd, do bhrìgh nach do ruith mi gu dìomhain, agus nach do shaothraich mi gu dìomhain.

17 Seadh agus ma dh'ìobrar mi air ìobairt agus seirbhis fhollaiseach bhur creidimhse, tha aoibhneas orm, agus tha mi a' deanamh gairdeachais maille ribhse uile.

18 Air an dòigh cheudna bitheadh aoibhneas oirbhse, agus deanaibh gairdeachas maille riumsa.

19 Ach tha dòchas agam anns an Tighearn Iosa, Timoteus a chur gu goirid do 'ur n-ionnsuidh, chum gu'm bi mise mar an ceudna ann an deadh mhisnich, air dhomh fios fhaotainn cìod a's cor dhuibhse.

20 Oir cha-n'eil duine air bith agam comh-ionann inntinn *ris-san*, air am bi cùram nan nithcan a bhuineas dhuibhse gu dùrachdach.

21 Oir tha na h-uile ag iarraidh nan nithcan a bhuineas doibh féin, cha-n iad na nithcan a bhuineas do Iosa Crìosd.

22 Ach is aithne dhuibh a dhearbhadh-san, mar mhac d'a athair, gu'n d'rim e seirbhis maille riumsa anns an t-soisgeul.

23 Uime sin tha dùil agam esan a chur do 'ur n-ionnsuidh air ball, co luath as a chi mi eod a's cor dhomh féin.

24 Ach tha earbsa agam anns an Tighearn, gu'n tig mi féin do 'ur n-ionnsuidh gu h-aithghearr mar an ceudna.

25 Gidheadh mheas mi gu'm b'fheumail Epaphroditus mo bhràthair, agus mo chomh-oibriche, agus mo chomh-shaighdear, ach bhur teachdair-se, agus an ti a fhrithcìd do m' uireasbhuidh, a chur do 'ur n-ionnsuidh.

26 Oir bha dèidh mhòr aig oirbh uile, agus bha e làn tuirse, do bhrìgh gu'n cuala sibhse gu'n robh e tinn.

27 Agus gu deimhin bha e tinn fagus do'n bhàs : gidheadh rinn Dia trèc-aire air ; agus cha b'ann airsan a mhàin, ach ormsa mar an ceudna, chum nach bitheadh doilgheas air muin doilgheis orm.

28 Uime sin bu togarraiche a chuir mi do 'ur n-ionnsuidh e, chum air dhuibh 'fhaicinn a ris, gu'm bitheadh aoibhneas oirbh, agus gu'm bu lughaid mo dhoilgheas-sa.

29 Air an aobhar sin gabhaibh ris 's an Tighearn leis an uile aoibhneas, agus bithcadh meas mòr agaibh air an leithidibh sin :

30 Do bhrìgh air son oibre Chrìosd gu

robh e dlùth do'n bhàs, agus nach robh suim aige d'a bhathas féin, chum gu'n deanaidhe suas uireasbhuidh bhuir seirbhis-se do m' thaobh-sa.

CAIB. III.

1 *Thug Pòl rabhadh do na Philipianaich iad a bhi air am faicill o luchd-teagaisg brèige an timchioll-ghearraidh; 4 nochd e gu bheil aige féin tuilleadh aobhair na aca-san, earbsadh a fireantachd an lagha; 7 nì gidheadh a mheas e mar aolach agus mar chall chum Iosa Crìosd agus fhìreantachd-san a chosnadh: 12 dh'aicidh e a neo-fhoirfeachd féin anns an nì so, &c.*

OS bàrr, mo bhràithre, deanaibh gairdeachas 's an Tighearn. Gu deimhin cha leasg leam-sa na nithean ceudna a sgrìobhadh do bhuir n-ionnsuidh, ach dhuibhse tha so tearuinte.

2 Bithibh air bhuir faicill o mhadraibh, bithibh air bhuir faicill o dhroch luchd-oibre, coimhidibh sibh féin o'n chomh-ghearradh.

3 Oir is sinne an timchioll-ghearradh, a tha 'deanamh aoraidh do Dhia 's an Spiorad, agus a' deanamh gairdeachais ann an Iosa Crìosd, agus nach 'eil a' cur muinghin 's an fheòil:

4 Ged dh'fheudainn-sa mar an ceudna muinghin a bhi agam 's an fheòil. Ma shaoileas aon neach eile gu'm feud e muinghin a chur 's an fheòil, is mò na sin a dh'fheudas nise:

5 Air mo thimchioll-ghearradh air an ochdamh là, de chinneach Israeil, de thléibh Bheniamin, a'm' Eabhruidheach de na h-Eabhruidhich; a réir an lagha, 2'm' Phairiseach;

6 A thaobh eud, a' deanamh geur-leamhuinn air an eaglais; a réir na fireantachd a tha 's an lagh, neo-choireach.

7 Ach na nithean a bha 'n am buannachd dhomh, mheas mi iad sin 'n an call air son Chrìosd.

8 Seadh gun amharus, agus tha mi a' meas nan uile nithean 'n an call, air son ro-òirdheirceis eòlais Iosa Crìosd mo Thighearna: air son an d'fhuiling mi call nan uile nith-ean, agus tha mi a' meas gur aolach iad chum gu'n cosnainn Chrìosd,

9 Agus gu'm faighear ann-san mi, gun m'fhìreantachd féin agam, a tha o'n lagh, ach an fhìreantachd sin a tha tre chreidimh Chrìosd, an fhìreantachd a tha o Dhia tre chreidimh:

10 Chum eòlas a bhi agam airsan, agus air cumhachd 'aiseirigh-san, agus air comh-chomunn 'fhulangais, air bhi dhomh air mo chur ann an coslas crutha r'a bhàs;

11 Dh'fheuchainn am feudainn air aon chor teachd chum aiseirigh nam marbh.

12 Cha-n e gu'n d'rainig mi cheana, no gu bheil mi cheana foirfe: ach tha mi a' leantuin, dh'fheuchainn am faigh mi greim de'n nì sin féin air son an do ghabhadh greim dhìom le Iosa Crìosd.

13 A bhràithrean, cha-n'eil mi a' meas gu'n do ghlac mi greim: ach aon nì tha mi a' deanamh, air dhomh na nithean, a tha air mo chùl a dhì-chuinnheachadh, agus a bhi 'g am shìneadh féin chum nan nithean a tha romham,

14 Tha mi a' dian-ruith dh'ionnsuidh a' chomharaidh, chum duaise àrd-ghairme Dhé ann an Iosa Crìosd.

15 Uime sin a' mheud dhinne 's a tha dìongmhailta, bithheadh an inntinn so againn: agus ma tha sibh ann an nì sam bith air atharrachadh inntinn, foillsichidh Dia an nì so féin duibh.

16 Gidheadh, an nì air an d'rainig sinn cheana, gluaiseamaid a réir aoin riaghailt, bithamaid a dh'aon inntinn.

17 A bhràithrean, bithibhse le'chéile 'n ur luchd-leamhuinn ormsa, agus thugaibh an aire dhoibh-sa a tha 'gluasad air an dòigh sin, mar tha sinne 'n ar n-eisimpleir againh.

18 (Oir tha mòran a' gluasad, mu'n àbhairt mi gu minic ribh, agus mu'm bheil mi nis, cadhon a' gul, ag ràdh ribh, gur naimhdean iad do chram-ceusaidh Chrìosd:

19 D'an crìoch a bhi air an sgrìos, d'an dia am brù; agus aig am bheil an glòir 'n an nàire, aig am bheil an aire air nithibh talmhaidh.)

20 Oir tha ar caithe-beatha-ne air nèamh, an t-ionad as am bheil dùil againn fòs ris an t-Slànuidhear, an Tighearn Iosa Crìosd;

21 A chruth-atharraicheas ar corp diblidh, chum gu'n deanar e comh-chosmhail r'a chorp glòrmhor féin, a réir an oibreachaidh leis am bheil e comasach air na h-uile nith-ean a chur fo cheannsal féin.

CAIB. IV.

1 *O chomhairlibh mionaideach. 4 chaidh an t-abstol air aghaidh chum earrailean coitcheinn; 10 nochd e cionnus a rinn e gairdeachas air son an tabhartais dha, agus e 'n a luidhe 'am prìosan; 19 agus chrìochnaich e le h-urnuigh agus beannachdaibh.*

UIME sin, mo bhràithrean gràdhach agus air am bheil mo dhéidh, m'aoibhneas agus mo chrùn, seasaibh mar so gu daingean 's an Tighearn, a mhuinntir mo ghraidh.

2 Tha mi a' guidhe air Euodias, agus tha mi a' guidhe air Sintiche, iad a bhi dh'aon inntinn 's an Tighearn.

3 Agus tha mi ag iarraidh ortsa mar an ceudna, a chompanaich dhileis, dean comhnadh ris na mnàibh sin a rinn saothair maille rium-sa 's an t-soisgeul, maille ri Clemens, agus a' chuid eile de m' chomhoibricibh, aig am bheil an ainmean ann an leabhar na beatha.

4 Deanaibh gairdeachas 's an Tighearn a ghnàth: a ris tha mi ag ràdh, Deanaibh gairdeachas.

5 Bithheadh bhuir measarrachd follaiseach

do na h-uile dhaoibh. *Tha'n Tighearn am fagus.*

6 Na bitheadh ro-chùram ni sam bith oirbh: ach anns gach uile ni le h-urnuigh agus asluchadh maille ri breith-buidheachais, bitheadh bhur n-iarrtuis air an doanamh aithnichte do Dhia.

7 Agus coimhididh sìth Dhé, a tha thar gach uile thuigse, bhur cridhe agus bhur n-iantinn ann an Iosa Crìosd.

8 Fa dhcoidh, a bhràithrean, ge b'e nith-ean a tha fìor, ge b'e nithean a tha urramach, ge b'e nithean a tha ceart, ge b'e nithean a tha fìor-ghlan, ge b'e nithean a tha ion-ghràidh, ge b'e nithean a tha ion-mholta; ma tha deadh-bheus air bith ann, ma tha moladh air bith ann, smuainichibh air na nithibh sin.

9 Na nithean sin araon a dh'fhòghluim, agus a ghabh sibh, agus a chual' agus a chunnaic sibh annam-sa, deanaibh: agus bithidh Dia na sìthe maille ribh.

10 Ach rinn mi gairdeachas gu mòr 's an Tighearn do bhrìgh gu'n d'ath-ùraicheadh a nis fa dheireadh bhur cùram umam-sa; ni mar an ceudna anns an robh sibh cùramach, ach cha robh cothrom agaibh.

11 Cha-n e gu bheil mi a' labhairt a thaobh uireasbhuidh: oir dh'fhòghluim mi, ge b'e staid 's am bheil mi, a bhi toilichte.

12 Is aithne dhomh a bhi ìosal, agus is aithne dhomh mar an ceudna pailteas a mhealtuinn: anns gach àit, agus anns na h-uile nithibh theagaisgeadh mi, araon a bhi sàthach agus ocrach, araon pailteas a shealbhadh agus uireasbhuidh fhulang.

13 Is urrainn mi na h-uile nithean a dheanamh tre Chrìosd, a ncartaicheas mi.

14 Gidheadh, is maith a rinn sibh gu'n de chomh-phàirtich sibh ri m' thrioblaid.

15 Agus a nis bitheadh fhios agaibhse, 'Philipianacha, ann an toiseach an t-soisgeil, 'n uair a dh'fhàg mi Macedonia, nach do rinn eaglais air bith rium-sa, thaobh tabhairt agus gabhail, ach sibhse a mhaìn.

16 Oir cadhon ann an Tesalonica chuir sibh aon uair agus a ris a m' ionnsuidh leasachadh do m' uireasbhuidh.

17 Cha-n e gu bheil mi ag iarraidh tabhairtais: ach tha mi ag iarraidh toraidh a bhitheas pailt chum bhur cunntais-se.

18 Ach tha mi 'sealbhadh nan uile nithean, agus tha pailteas agam: lionadh mi, air dhomh na nithean fhaotainn o Epaphroditus a chuireadh uaibhse, faile deadh-chùbhraidh, iobairt thaitneach, anns am bheil tlachd aig Dia.

19 Ach leasaidh mo Dhia-sa bhur n-uir-easbhuidh uile, a réir a shaoibhreis ann an glòir, tre Iosa Crìosd.

20 A nis do Dhia agus ar n-Athair-ne gu robh glòir gu saoghal nan saoghal. Amen.

21 Cuiribh fàilte air gach uile naomh ann an Iosa Crìosd. Tha na bràithrean a tha maille rium, a' cur fàilte oirbh.

22 Tha na naoimh uile a' cur fàilte oirbh, gu h-àraidh iadsan a tha de theaghlach Cheasair.

23 Gràs ar Tighearna Iosa Crìosd gu robh maille ribh uile. Amen.

LITIR AN ABSTOIL PHOIL

CHUM NAN

COLOSIANACH.

CAIB. I.

1 An déigh fàilte 'chur air na Colosianaich, thug Pol buidheachas do Dhia air son an creidimh. 7 dhainnich e teagasg Epaphras, 9 ghuidh e gu'm bitheadh an gràs air a mheidachadh, 14 chuir e 'an céill cò e am fìor Chrìosd, 21 thug e misneach dhoibh gu gabhail ri Crìosd; 25 agus mhol e a mhinistireachd féin.

1 **P**OLL abstol Iosa Crìosd tre thoil Dhé, agus Timoteus ar bràthair,

2 Chum nan naomh agus nam bràthar dileas ann an Crìosd, a tha ann an Colose: Gràs gu robh dhuibh, agus sìth o Dhia ar n-Athair, agus o'n Tighearn Iosa Crìosd.

3 Tha sinn a' toirt buidheachais do Dhia, agus Athair ar Tighearna Iosa Crìosd, a' sìor-dheanamh urnuigh air bhur son-se;

4 O chuala sinn ionradh bhur creidimh

ann an Iosa Crìosd, agus bhur gràidh do na naoimh uile;

5 Air son an dòchais a tha air a thasgadh fa'ur comhair air nèamh, air an cuala sibh ionradh roimh ann am focal firinn an t-soisgeil:

6 A thàinig do'ur n-ionnsuidhse, mar anns an t-saoghal uile; agus a tha 'toirt toraidh uaith, mar tha e 'deanamh mar an ceudna 'n ur measg-se, o'n là anns an cuala sibh e, agus 's an d'fhuair sibh eòlas air gràs Dhé ann am firinn.

7 A réir fòs mar a dh'fhòghluim sibh o Epaphras ar comh-sheirbhiseach gràdhach-ne, a tha air bhur son-se 'n a mhinistear dileas do Chrìosd;

8 A chuir 'an céill dhuinne mar an ceudna bhur gràdh-se anns an Spìorad.

9 Air an aobhar so, cha-n'eil sinn mar an ceudna a' sgur, o'n là a chuala sinn e, a dheanadh nuair a bhuir son-se, agus a ghluideh gu'm bitheadh sibh air bhuir lionadh le eòlas a thoile. 's an uile ghliocas agus thuigse spioradail;

10 Chum gu'n gluaisheadh sibh gu eubhaidh do'n Tighearn chum gach uile thoileachaidh, a' toirt toraidh uaidh 's an uile dleadh obair, agus a' fas ann an eòlas Dhé;

11 Air bhuir neartachadh leis an uile neart a réir a chumhachd ghlòrmhoir-san, chum an uile fhoighidinn agus fhad-flulangais maille ri gairdeachas;

12 A' tabhairt buidheachais do'n Athair, a rinn sinn iomchuidh chum a bhi 'n ar luchd comh-pairt a dh' oighreachd nan naomh 's an t-solus;

13 A shaor sinn o chumhachd an dorchadais, agus a dh'atharraich sinn eum rioghachd Mic a ghràidh-san;

14 Anns am bheil againn saorsa tre'fhuil-san, eadhon maithneas nam peacadh;

15 Neach a's e iomhaigh an Dé neo-fhaicinnich, ceud-ghin a' chruthachaidh uile;

16 Oir is ann leis-san a chruthaichheadh na h-uile nithean a tha air nèamh, agus a tha air talamh, faicsinneach agus neo-fhaicsinneach, ma's àrd-claithrichean iad, no tigh-carnais, no uachdaranachdan, no cumhachdan; is ann leis-san agus air a shon-san a chruthaichheadh na h-uile nithean;

17 Agus tha esan roimh na h-uile nithibh, agus trid-san tha na h-uile nithean a' comh-sheasamh.

18 Agus is e ceann a' chuirp, eadhon na h-eaglais: neach a's e an toiseach, an ceud-ghin o na mairbh; chum gu'm bitheadh eige àrd-cheannas anns na h-uile.

19 Oir b'e deadh thoil an Athar, gu'n còmhinnichheadh gach uile iomlanachd annsan;

20 Agus gu'm bitheadh na h-uile air an deanamh réidh ris féin trid-san, air dha sìth a dheanamh tre fhuil a chroinn-cheusaidh-san; trid-san, *tha mi ag ràdh*, ma's nithean iad a tha air talamh, no nithean a tha air nèamh.

21 Agus sibhse a bha uair-éigin 'n 'ur còmhich, agus 'n 'ur naimhidh ann *bhuir* n-intinn thaobh dhroch oibre, nis rinn e réidh ris féin.

22 Ann an corp 'fheadh féin tre'n bhàs, chum sibhse a chur naomha, agus neo-lochdach, agus neo-choireach, 'n a làthair-san;

23 Ma dh'fhanas sibh anns a' chreidimh bunaiteach agus daingean, gun a bhi air bhuir n-atharrachadh o dhòchas an t-soigheil, a chuala sibh, agus a shearmonaichheadh do gach uile chreutair a tha fo nèamh; air an d'rinneadh mise Pòl a'm' mhinisteir.

24 Tha mi nis a' deanamh gairdeachais ann am fhulangasaibh air bhuir son-se, agus

a' còmhillionadh a mheud 's a tha dhéidh-làimh de àmhlgharaibh Chrìosd ann am fheadh, air son a chuirp-san, eadhon na h-eaglais;

25 D'an d'rinneadh mise a'm' mhinisteir, a réir stiubhardachd Dhé a thugadh dhomh air bhuir son-se, a choimhlionadh focail Dhé;

26 Eadhon an rùn-dìomhair a bha fol-aichte o na linnibh, agus o na ginealachaidh a chaidh seachad, ach a nis a tha air fhoill-seachadh d'a naoimh-san;

27 D'am bu toil le Dia fhoillseachadh ciod e saoihbheas glòire an rùn-dìomhair so am measg nan Cinneach; neach a's e Crìosd annaibhse, dòchas na glòire;

28 Neach a tha sinne a' searmonachadh, a' toirt rabhaidh do gach duine, agus a' teagasg gach uile dhuine anns an uile ghliocas; chum gu nochd sinn gach uile dhuine 'n a làthair-san iomlan ann an Iosa Crìosd;

29 An nì chum am bheil mise mar an ceudna a' saoihbheachadh, a' deanamh sbàirn a réir 'oibreachaidh-san, a tha 'g oibreachadh annam gu cumhachdach.

CAIB. II.

1 *D'earlaich Pòl na Colosianaich a bhi bunaiteach ann an Crìosd, 8 agus a bhi air am faicill o bheulathrisibh dìomhain, 18 o aoradh do ainglibh: 20 agus o dheas-ghnàth-aibh an lagha, nithean a chrìochnaichheadh ann an Crìosd.*

OIR b'aill leam fios a bhi agaibh ciod e meud mo chòmhraig air bhuir son-se, agus air son na dream a tha ann an Laodicea, agus air son a mheud 's nach faca m'aghaidh anns an fheadh;

2 Ionns gu'm faigheadh an eridhe sòlas, air dhoibh a bhi air an dlùth-cheangal r'a chèile ann an gràdh, agus eum uile shaoibh-reis an làn dearbh-bheachd thuigse, chum eòlais rùn-dìomhair Dhé, eadhon an Athar, agus Chrìosd;

3 Anns am bheil uile ionmhais a' ghliocas agus an eòlais fol-aichte.

4 Agus so tha mi ag ràdh, air eagal gu mealladh neach air bith sibh le briathraibh seòlta.

5 Oir ged tha mi uaidh 's an fheadh, gidh-cadh tha mi maille ribh 's an Spòrad, a' deanamh gairdeachais agus a' faicinn bhuir n-orduigh, agus seasmhachd bhuir creidimh ann an Crìosd.

6 Uime sin mar a ghabh sibh do 'ur n-ionnsuidh an Tighearn Iosa Crìosd, gluaisibh ann;

7 Air dhuibh a bhi air bhuir freumhachadh agus air bhuir togail suas annsan, agus air bhuir daingneachadh 's a' chreidimh, a réir mar a theagaisgeadh sibh, a' meudachadh ann le breith buidheachais.

8 Thuigibh an aire nach dean neach air bith foirneart oirbh tre fheallsanachd agus mealltaireachd dìomhain, a réir beul-aithris dhaoine, a réir ceud - thoiseach an t-saoghail, agus ead-n ann a réir Chrìosd:

COLOSIANACH, III.

9 Oir annsan tha uile iomlanachd na diadhachd a' gabhail còmhnuidh gu corporra.

10 Agus tha sibhse coimhlionta annsan, neach a's e ceann gach uile uachdaranachd agus chumhachd ;

11 Anns am bheil sibh mar an ceudna air bhur timchioll-ghearradh leis an timchioll-ghearradh nach d'rinneadh le làmhian, ann an cùr dhibh cuirp pheacaidhean na feòla, le timchioll-ghearradh Chrìosd :

12 Air dhuibh a bhi adhlaithe maille ris ann am baisteadh, anns am bheil sibh mar an ceudna air bhur togail suas maille ris tre chreidimh air 'oibreachadh le Dia, a thog suas esan o na maibh.

13 Agus sibhse a bha marbh 'n'ur n-euceartaibh agus *ann an* neo-thimchioll-ghearradh bhur feòla, bheothaich e maille ris, a' maitheadh dhuibh nan uile enceart ;

14 A' dubhadh a mach làmh-sgrìobhaidh nan orduighean do ar taobh-ne, a bha 'n ar n-aghaidh, agus thug e as an t-slighe i, air dha a sparradh ri a chrann-ceusaidh-san :

15 Air dha uachdaranachdan agus cumhachdan a chreachadh, rinn e ball-sampuill diubh gu follaiseach, a' deanamh buaidh-chaitheamh os an ceann tre 'n *chrann* ud féin.

16 Uime sin na tugadh aon neach breth oirbh air son bith, no dibhe, no thaobh là féille, no gealaich nuaidh, no shàbaidean :

17 Tha 'n an sgàile air na nithibh a tha ri teachd ; ach *is* le Crìosd an corp.

18 Na mealladh aon neach bhur duais uaibh le irioslachd féin-thoile, agus aoradh do ainglibh, a' foirneadh a steach *gu d'èna* chum nan nithean nach fac e, gu d'iomhain air a shéideadh suas le 'inntinn fhèdhnoir féin ;

19 Agus gun an ceann a chumail, o'm bheil an corp uile, air dha 'bhi air a bheathachadh tre altaibh agus bhannaibh, agus air a dhìth-cheangal r'a chéile, a' fàs le fàs Dhé.

20 Uime sin ma fhuair sibh bàs maille ri Crìosd o cheud thoiseachaibh an t-saoghail, c'ar son, mar dhaoine a tha beò 's an t-saoghal, a tha sibh fo orduighibh,

21 (Na bean, na blais, na làimhsich ;

22 Nithean a théid uile gu neo-ni le'n gnàthachadh,) a réir àitheantan agus teagsgan dhaoine ?

23 Nithean gun amharus aig am bheil samhhladh gliocais ann an aoradh féin-thoile agus irioslachd, agus mì-chomhnadh a' chuirp, cha-n ann 'an urram sam bith chum sasachadh na feòla.

CAIB. III.

1 *Nochd Pòl do na Colosianach c'àit an còir dhuinn Crìosd iarraidh : 5 Chomhairliche dhoibh an ana-miannan fèdmhor a chlaoidh, 10 an seann duine 'chur dhuibh, agus Crìosd a chur umpa ; 12 dh'earalaich e iad chum seirce, irioslachd, agus iomadh dleasdanas eile.*

UIME sin ma dh'éirich sibh maille ri Crìosd iarraidh na nithean a tha

shuas, far am bheil Crìosd 'n a shuidhe aig deas làimh Dhé.

2 Suidhichibh bhur n-aighe air na nithibh a tha shuas, agus cha-n ann air na nithibh a tha air an talamh.

3 Oir tha sibh marbh, agus tha bhur beatha folaichte maille ri Crìosd ann an Dia.

4 'N uair a dh'fhoillsichear Crìosd, neach a's e ar beatha-ne, an sin bithidh sibhse mar an ceudna air bhur foillseachadh maille ris ann an glòir.

5 Uime sin claidhibh bhur buill a tha air an talamh, striopachas, neòghloine, fonn-collaidh, ana-miannan, agus sannt, ni a's iodhol-aoradh :

6 Nithean air son am bheil fearg Dhé a' teachd air cloinn na h-eas-ùmhachd.

7 Anns an robh sibhse mar an ceudna a' ghluasad uair-éigin, 'n uair a bha sibh a' caitheamh bhur beatha 'n am measg.

8 Ach a nis cuiribhse uaibh na nithean so uile ; fearg, corruich, mì-run, toibheum, cainnt shalach as bhur beul.

9 Na deanaibh breug d'a chéile, do bhrìgh gu'n do chuir sibh dhibh an seann duine maille r'a ghnìomharaibh,

10 Agus gu'n do chuir sibh umaibh an *duine* nuadh, a tha air ath-nuadhachadh ann an eòlas, a réir iomhaigh an tì a chruthaich e.

11 Far nach 'eil Greugach no Iudhach, timchioll-ghearradh, no neo-thimchioll-ghearradh, *duine* borb, Sìtianach, daor no saor : ach *is* e Crìosd na h-uile, agus anns na h-uile.

12 Uime sin cuiribhse umaibh, (mar dhaoine taghta Dhé, naomha agus ion-niùinn,) innigh thròcairean, caomhalachd, irioslachd inntinn, macantas, fad-fhulngas ;

13 A' giùlan le 'chéile, agus a' maitheadh d'a chéile, ma tha cùis ghearrain aig neach an aghaidh neach : mar a thug Crìosd maitheanas dhuibhse, mar sin deanaibhse mar an ceudna.

14 Agus thar na nithibh so uile, *cuiribh umaibh* gràdh, ni a's e coimheangal na foirfeachd.

15 Agus bitheadh sìth Dhé a' riaghladh ann bhur cridhe, chum am bheil sibh mar an ceudna air bhur gairm ann an aon chorp ; agus bithibh taingeil.

16 Gabhadh focal Chrìosd còmhnuidh ann-aibh gu saobhir 's an uile ghliocas, a' teagasg agus a' comhairleachadh a chéile le salmaibh, agus laoidhibh, agus dànaibh spioradail, a' deanamh ciuil do'n Tighearn le gràs ann bhur cridhe.

17 Agus gach ni air bith a ni sibh ann am focal no ann an gnìomh, deanaibh *iad* uile ann an ainm an Tighearna Iosa, a' toirt buidheachais do Dhia, cadhion an t-Athair trid-san.

18 A mhnathan, bithibh ùmhail do 'ur

fearaibh féin, mar is cubhaidh, anns an Tighearn.

19 Fheara-pòsda, gràdhaichibh *bhur* mnathan, agus na bithibh scarbh 'n an aghaidh.

20 A chlann, bithibh ùmhail do 'ur pàrant-aibh anns na h-uile nithibh: oir tha so taitneach do'n Tighearn.

21 Aithrichean, na brosnuichibh *bhur* clann *chum feirge*, air eagal gu'n caill iad an misneach.

22 A sheirbhisceach, bithibh ùmhail do 'ur maighstiribh a réir na feòla, anns na h-uile nithibh; cha-n ann le seirbhis-sùil, mar dhream a tha 'toilcachadh dhaoine, ach ann an tréibhdhreas cridhe, ann an eagal Dhé:

23 Agus ge b'e air bith ni a ni sibh, dean-aibh o *bhur* cridhe e, mar do'n Tighearn, agus cha-n ann do dhaoineibh;

24 Air dhuibh fios a bhi agaibh, gu'm faigh sibh o'n Tighearn duais na h-oighreachd: oir is ann do'n Tighearn Crìosd a tha sibh a' deanamh seirbhis.

25 Ach an ti a ni eucoir, gheibh e toillteanas na h-cucorach a rinu e: agus cha-n'eil leth-bhreth ann.

CAIB. IV.

1 *Chuir Pòl impiadh air na Colosianaich a bhi dùrachdach ann an urnuigh, 5 agus ghluasad gu glic thaobh na muinntir sin nach 'eil fathast air teachd chum fìor còlais Chrìosd. 10 Chuir e fàilte orra, agus ghuidh e gach uile glèis soirbheachaidh doibh.*

A MHAIGHSTIREAN, thugaibh do 'ur seirbhisich an ni sin a tha ceart agus cothromach, air dhuibh fios a bhi agaibh gu bheil agaibh féin maighstir mar an ceudna air nèamh.

2 Buanaichibh ann an urnuigh, a' deanamh faire innte le breith-buidheachais;

3 Ag urnuigh mar an ceudna air ar son-ne, chum gu'm fosgladh Dia dhuinn dorus na h-ùr-labhaird, a chur 'an céill ruìn-dìomh-air Chrìosd, air son am bheil mise ann an cuibhreacheaibh:

4 Chum gu'm foillsich mi e, mar is còir dhomh labhairt.

5 Gluaisibh ann an gliocas thaobh na dream sin a tha an leth muigh, ag ath-cheannach na h-aimsir.

6 Bithheadh *bhur* còmhraidh a gl'nàth ann an gràs, air a dheanamh blasda le salann, chum gu'm bi fhios agaibh cionnus is còir dhuibh gach neach a fhreagairt.

7 Foillsichidh Tichicus, bràthair gràdhach, agus ministear dileas, agus comh-sheirbhis-each 's an Tighearn, gach ni dhuibh mu m' thimchioll-sa:

8 A chuir mi do 'ur n-ionnsuidh chum na crìche so féin, gu'm bithheadh fios *bhur* staidse aige, agus gu'n tugadh e comhfhurtachd do 'ur cridheachaibh.

9 Maille ri Onesimus, bràthair dileas agus gràdhach, a tha dhihbh féin: Ni iad aithneichte dhuibh na h-uile nithean a tha an so.

10 Tha Aristarchus mo chomh-phrìosanach a' cur fàilte oirbh, agus Marcus, mac peathar do Bharnabas, (mu'n d'fhuair sibh aitheantan; ma thig e do 'ur n-ionnsuidh, gabhaibh ris;)

11 Agus Iosa, ris an abrar Iustus, muinntir a tha de'n timchioll-ghearradh. 'S iad sin a mhàin mo chomh-oibrichcan chum rioghachd Dhé, a bha 'n an comhfhurtachd dhomh.

12 Tha Epaphras, a tha dhihbh féin, seirbhis-each Chrìosd, a' cur fàilte oirbh, a ghnàth a' deanamh sbàirn dhùrachdaich air *bhur* son ann an urnuighibh, chum gu'n seas sibh foirfe, agus coimhlionta ann an uile thoil Dhé.

13 Oir tha mi 'deanamh fianuis dha, gu bheil mòr theas-ghràdh aige dhuibhse, agus dhoibh-san a tha ann an Laodicea, agus do'n mhuinntir a tha ann an Hierapolis.

14 Tha Lucas an léigh gràdhach, agus Demas a' cur fàilte oirbh.

15 Cuiribh fàilte air na bràithribh a tha ann an Laodicea, agus air Nymphas, agus air an eaglais a tha 'n a thigh.

16 Agus an uair a leughar an litir so 'n 'ur measg-se, thugaibh fainear gu'n leughar i ann an eaglais nan Laodiceanach mar an ceudna; agus gu'n leugh sibhse cuideachd an litir o Laodicea.

17 Agus abraibh ri Archipus, Thoir an aire do'n mhinistireilachd a fhuair thu 's an Tighearn, gu'n coimhlion thu i.

18 Fàilte uam-sa Pòl le m' làimh féin. Cuimnichibh mo chuibhreachan. Gràs gu robh maille ribh. Amen.

TESALONIANACH.

CAIB. I.

1 *Thug Pòl fios do na Tesalonianach co chuinn-neachail as a bha e orra anns gach ùm, ann am breith-buidheachais agus urnuigh air an son; 5 agus mar an ceudna cho dearbhta 's a bha e de fhìrinn, agus de thrèibhdhìreas an creidimh, agus an iompachaidh gu Dia.*

P**O**L, agus Siluanus, agus Timoteus chum eaglais nan Tesalonianach, a tha ann an Dia an t-Athair, agus anns an Tighearn Iosa Crìosd: gràs duibh, agus sìth o Dhia ar n-Athair, agus o'n Tighearn Iosa Crìosd.

2 Tha sinn a' toirt buidheachais do Dhia a ghnàth air blur son-se uile, a' toirt iomraidh oirbh ann ar n-urnuighibh-ne;

3 A' cuimhneachadh gu sgar obair blur creidimh, agus saothair *blur* gràidh, agus foighidinn bhur dòchais 'n ar Tighearn Iosa Crìosd, 'am fianuis Dhé, agus ar n-Athair-ne:

4 Air dhuinn fios a bhi againn, a bhràithre gràdhachta le Dia, air blur taghadh-sa.

5 Oir cha d'fhàinig ar soisgeul-ne do 'ur n-ionnsuidh-se ann am focal a m'hàin, ach mar an ceudna ann an cumhachd, agus anns an Spiorad naomh, agus ann am mòr làn-dearbhadh; mar is aithne dhuibh ciod a' ghnè dhaoine 'bha annaibh 'n 'ur measg air blur son-se.

6 Agus rinneadh sibh 'n 'ur luchd-leanmhuinn oirme, agus air an Tighearn, 'n uair a ghabh sibh ris an fhocal ann am mòr-àmhghar, le h-aobhneas an Spioraid naoinh:

7 Ionns gu robh sibh 'n 'ur n-eisempleiribh dhoibh-san uile a tha 'creidsinn ann am Macedonia, agus ann an Achaia.

8 Oir uaibhse chaidh fuaim focail an Tighearna mach, cha-n ann a m'hàin ann am Macedonia agus ann an Achaia, ach mar an ceudna anns gach àit, tha blur creidimh ann an Dia air a sgaoileadh a mach, ionns nach 'eil feum air sinne a labhairt ui air bith.

9 Oir tha iad féin a' foillsachadh mu ar timchioll-ne, ciod a' ghnè dhol a steach a bha againn do 'ur n-ionnsuidh-se, agus cionns a phill sibh chum Dhé o òdholaidh, a dheanadh seirbhis do'n Dia bheò agus fhior,

10 Agus gu feitheamh r'a Mhac o nàmh, a thog e suas o na maibh, *eadhon* Iosa a shaor sinne o'n fheirg a tha ri teachd.

CAIB. II.

1 *Chuir Pòl 'an ceill cionns a chaidh an soisgeul a shearmonachadh do na Tesalonianach, agus ciod an dòigh air an do ghabh iad ris. 17 Thug e reuson seachad 'ar son a bha e co fhada uatha, agus mar an ceudna 'ar son a tha nis a thogradh co mòr r'am faicinn.*

O**I**R is aithne dhuibh féin, a bhràithre, ar dol-ne a steach do 'ur n-ionnsuidh, nach robh e ann an dìomhain:

2 Ach fòs air dhuinn fulang roimh, agus an déigh ar maslachaidh ann am Philìpi, mar is aithne dhuibh, bha dànachd againn ann ar Dia-ne soisgeul Dhé a labhairt ribhse ann am mòr-ghleachd.

3 Oir cha robh ar n-earail-ne o mhealltair-eachd, no o nòdghloine, no ann an ceilg:

4 Ach mar a mheasadh sinn le Dia iom-chuidh gu'm bitheadh an soisgeul air earbsadh ruinn, is anhuil sin a labhramaid, cha-n ann mar dhream a tha 'toileachadh dhaoine, ach Dhé, a tha 'dearbhadh ar cridheachan.

5 Oir cha do ghnàthaich sinn nair air bith briathran mìodalach, mar is aithne dhuibh, no leithsgeul saunta; 's e Dia ar fianuis:

6 Ni mò dh'iarr sinn urram o dhaoineibh, no uaibhse, no o *dhaoineibh* eile, ged fheadamaid ar trom a leagadh oirthe, mar abstolaibh Chrìosd.

7 Ach bha sinn eomh 'n 'ur measg-se, anhuil a dh'altrumas banastrum a clann féin:

8 Mar sin, air bhi dhuinne ro dhéidheil oirbhe, bu toileach leinn cha-n e m'hàin soisgeul Dhé a phàirtachadh ribh, ach mar an ceudna ar n-aman féin, do bhrìgh gu'n robh sibh ro ionmhuinn leinn.

9 Oir is cuimhne leibh, a bhràithre, ar saothair, agus ar sgòs-ne: oir air dhuinn a bhi ri h-obair a dh'òidhe agus a lì, chum nach cuireamaid trom air neach sam bith agaibh, shearmonaich sinn duibh soisgeul Dhé.

10 *Is* fianuisean sibhse, agus Dia, cia naomh, agus cia cothromach, agus neo-lochdach a ghlùlain sinne sinn féin 'n 'ur measg-sa a tha 'creidsinn:

11 Mar is aithne dhuibh, cionns a dh'earailich sinn, agus a thug sinn comhfhurtachd, agus a chuir sinn impidh air gach aon agaibh fa leth, (mar a ni Athair d'a chloinn.)

12 Gu'n ghluaisadh sibh gu eubhaidh do Dhia, a ghairm sibh chum a rìoghachd agus a ghloire féin.

13 Uime sin tha sinne mar an ceudna a' toirt buidheachais do Dhia gun sgar, do bhrìgh 'n uair a ghabh sibh ri focal Dhé a chuala sibh uainne, gu'n do ghabh sibh ris cha-n ann *mar* fhocal dhaoine, ach, (mar is e gu' rinneach,) focal Dhé, a tha 'g oibreachadh gu h-éifeachdach annaibh-sa a tha 'creidsinn.

14 Oir rinneadh sibhse, a bhràithre, 'n 'ur luchd-leannhuinn air eaglaisibh Dhé, ann an Iudea, a tha ann an Iosa Crìosd: oir dh'fhuiling sibhse na nithean ceudna o bhur luchd-dùthcha féin, mar a dh'fhuiling iadsan o na h-Iudhaich:

15 A chuir araon an Tighearn Iosa, agus am faidhean féin gu bàs, agus a rinn geur-leannhuinn oirne; agus nach 'eil a' toileachadh Dhé, agus a tha'n aghaidh nan uile dhaoine:

16 A tha 'bacadh dhuinne labhairt ris na Cinnich, chum gu'm bitheadh iad air an tearnadh, chum sir-lìonaidh suas am peacaidhean: oir thàinig an fhearg orra mu dheireadh.

17 Ach air dhuinne, a bhràithre, 'bhi air ar dealachadh uaihbse rè tamuil bhig 'am pearsa, ach cha-n ann 'an cridhe, is ro mhòid a rinn sinn dìchioll air bhur n-aghaidh fhaicinn le mòr-thogradh.

18 Uime sin bu mhiann leinn teachd do 'ur n-ionnsuidh, (eadhon leam-sa Pòl,) uair no dhà: ach bhac Satan sinn.

19 Oir ciod e ar dòchas-ne, no ar n-aoibhneas, no ar crùn-uaille? nach sibhse féin e 'am fianuis ar Tighearna Iosa Crìosd aig a cheachd?

20 Oir is sibhse ar glòir-ne agus ar n-aoibhneas.

CAIB. III.

1 *Dhearbh Pòl a mhòr-ghràdh do na Tesalonianaich, le Timoteus a chur d'an ionnsuidh chum an neartachadh agus comhfhurtachd a thoirt doibh, agus le a ghairdeachas 'n an deadh ghiùlan, 18 agus le urnuigh a dheanamh air an son, agus le a mhòr-thogradh air teachd gu tèarainte d'an ionnsuidh.*

AIR an aobhar sin, an uair nach b'urr-ainn sinn cumail oirn féin ni b'fhaide, bu taitneach leinn a bhi air ar fagail 'n ar n-aonar 'am baile na h-Aithne:

2 Agus chuir sinn Timoteus ar bràthair agus ministèir Dhé, agus ar comh-oibriche ann an soisgeul Chrìosd, chum sibhse a dhaingneachadh, agus comhfhurtachd a thoirt duibh mu thimchioll bhur creidimh;

3 Chum nach gluisteadh neach air bith agaibh leis na trioblaidibh so; oir tha fhios agaibh féin gu'n d'orduicheadh sinn a dh'ionnsuidh so.

4 Oir gu deimhin, an uair a bha sinn maille ribh, dh'innis sinn duibh roimh-làimh, gu robh sinn gu àmhghar fhulang; eadhon mar a thachair, agus is aithne dhuibh.

5 Air an aobhar so, 'n uair nach robh mise comasach air cumail orm féin ni b'fhaide, chuir mi a dh'fhaghail fios mu 'ur creidimh, air eagal air chor sam bith gu'n do bhuair am buaireadair sibh, agus gu'm bitheadh ar saothair-ne dìomhain.

6 Ach a nis an uair a thàinig Timoteus uaihbse do ar n-ionnsuidh-ne, agus a thug e deadh sgeul duinn mu 'ur creidimh agus bhur gràdh, agus gu bheil cuimhne mhaith agaibh oirne a ghnàth, a' miannachadh gu mòr sinne fhaicinn, anhuil a tha sinne nar an ceudna sibhse fhaicinn.

7 Uime so, a bhràithre, fhuair sinne comhfhurtachd do 'ur taobh ann ar n-uile àmhghar agus theinn tre bhur creidimh-se:

8 Oir tha sinne beò a nis, ma sheasas sibhse gu bunaiteach 's an Tighearn.

9 Oir ciod am buidheachas a dh'fheudas sinn iocadh do Dhia as bhur leth-se, air son an aoibhneis sin uile leis am bheil sinn ri gairdeachas do 'ur taobh 'am fianuis ar Dé-ne,

10 A dh'oidhche agus a là a' guidhe gu ro dhùrachdach gu'm faiceamaid bhur n-aghaidh-se, agus gu'n leasaicheadh uireas-bhuidh bhur creidimh?

11 A nis gu'n deanadh Dia féin, eadhon ar n-Athair, agus ar Tighearn Iosa Crìosd ar slighe-ne a thredrachadh do 'ur n-ionnsuidh-se.

12 Agus gu'n tugadh an Tighearn oirbh fas agus a bhi ro phailt ann an gràdh da chèile, agus do na h-uile dhaoinibh, mar a tha sinne dhuibhse;

13 Chum gu'n daingnich e bhur cridheachan neo-choireach ann an naomhachd 'am fianuis Dhé, eadhon ar n-Athar-ne, aig teachd ar Tighearna Iosa Crìosd maille r'a naoinh uile.

CAIB. IV.

1 *Chuir Pòl impidh air na Tesalonianaich dol air an aghaidh anns gach uile ghnè dhàidhachd, 6 am beatha a chaitheadh gu naomh agus gu cothromach, 9 a chèile a ghràdhachadh, 11 an gnothuichean féin a leantainn gu sàmhach; 13 agus fa dheireadh bròn ionchuidh a dheanamh air son nam marbh.*

OS bàrr na ta, a bhràithre, cuireamaid a dh'impidh agus a dh'athchuinge oirbh tre'n Tighearn Iosa, mar a fhuair sibh uainne cionnus is còir dhuibh imeachd, agus Dia a thoileachadh, gu meudaicheadh sibh mar sin nì's mò agus nì's mò.

2 Oir tha fhios agaibh ciod iad na h-àith-eantan a thug sinne dhuibh tre'n Tighearn Iosa.

3 Oir is i so toil Dhé, eadhon bhur naomhachadh-se, sibh a sheachnadh striopachais:

4 Gu'm b'aithe do gach aon agaibh a shoitheadh féin a shealbhadh ann an naomhachd, agus ann an urram;

5 Cha-n ann ann ann fonn ana-miannach.

mar a nì na Cinnich aig nach 'eil eòlas air Dia :

6 Gun neach air bith a dheanamh eucoir no mealltaireachd 's a' chùis air a bhràthair; do bhrìgh gur e'n Tighearna a nì dìoghaltas air an uile leithidibh sin, a réir mar a dh'innis sinne mar an ceudna duibh roimh, agus a rinn sinn fianuis.

7 Oir cha do ghairm Dia sinne gu neòghloine, ach gu naomhachd.

8 Uime sin an neach a nì tàir, cha-n ann air duine tha e 'deanamh tàir, ach air Dia, a thug dhuinne a Spiorad naomh féin.

9 Ach a thaobh gràidh bhràthaireil, cha-n'eil feum agaibh mise a sgrìobhadh do 'ur n-ionnsuidh: oir tha sibh féin air bhur teagasg o Dhia gràdh a thoirt d'a chèile.

10 Agus gu deimhin tha sibh a' deanamh so thaobh nam bràthar uile, a tha ann am Macedonia gu h-iomlan: ach guidheamaid oirbh, a bhràithre, sibh a mheudachadh nì's mò agus nì's mò;

11 Agus gu'n dean sibh bhur dìchioll a bhi cìùin, agus bhur gnothuichean féin a dheanamh, agus saothreachadh le 'ur làmhnan féin, (amhuil a dh'àithn sinne dhuibh);

12 Chum gu'n gluais sibh gu cubhaidh thaobh na muinntir sin a tha'n leth muigh, agus nach bi uireasbhuidh nì sam bith oirbh.

13 Ach cha b'àill leam, a bhràithre, sibh a bhi aineolach thaobh na muinntir sin a tha 'n an codal, chum nach dean sibh bròn, eadhon mar dhaoine eile aig nach 'eil dòchas.

14 Oir ma chreideas sinn gu'n d'fhuair Iosa bàs, agus gu'n d'éirich e ris, amhuil sin mar an ceudna an dream a chòidil ann an Iosa, bheir Dia maille ris.

15 Oir so tha sinn ag ràdh ribh ann am focal an Tighearna, nach bi againne a tha beò agus a dh'fhàgar gu teachd an Tighearna, toiseach orra-san a tha 'n an codal.

16 Oir thig an Tighearna féin a nuas o nèamh le àrd-iolaich, le guth an àrd-aingil, agus le trompaid Dhé: agus éiridh na maribh ann an Criosd air tùs:

17 An dèigh sin sinne a bhlitheas beò agus a dh'fhàgar, togar suas sinn maille ri-u-san anns na neulaibh, 'an còdhail an Tighearna 's an athar: agus mar sin bithidh sinn gu sìorruidh maille ris an Tighearna.

18 Uime sin thugaibh comhfhurtachd d'a chèile leis na brathairibh so.

CAIB. V.

1 *Chaidh an t-abstol air aghaidh ann an labhairt nu theachd Criosd gu breitheanas, 16 thug e iomadh comhairle seachad, 23 agus chomh-dhùin e an litir.*

A CH mu thimchioll nan aimsirean agus nan àm cha-n'eil feum agaibh-se, a bhràithre, naise a sgrìobhadh do 'ur n-ionnsuidh.

2 Oir tha sàr fhios agaibh féin gu'n tig là an Tighearna mar ghaduiche 's an oidhche.

3 Oir an uair a their iad, Sìth agus tearuinteach, an sin thig sgrios obann orra, mar shaothair air mnaoi thorraich; agus cha téid iad as.

4 Ach cha-n'eil sibhse, a bhràithre, 's an dorchadas, ionnus gu'm beireadh an là sin oirbh mar ghaduiche.

5 Is sibhse uile clann an t-soluis, agus clann an là: cha-n ann de'n oidhche, no de'n dorchadas sinn.

6 Uime sin na coidleamaid mar dhaoine eile; ach deanamaid faire agus bitheamaid stuama.

7 Oir an dream a choidleas, is anns an oidhche a choidleas iad: agus an dream a tha air mhisg, is anns an oidhche 'tha iad air mhisg.

8 Ach bitheamaid-ne a tha de'n là stuama, a' cur oirnn uchd-éididh a' chreidimh agus a' ghràidh, agus mar chlogaid, dòchas na slàinte.

9 Oir cha d'orduich Dia sinn chum feirge; ach chum slàinte fhaotainn tre ar Tighearna Iosa Criosd,

10 A fhuair bàs air ar son, chum co aca is faire no codal dhuinn, gu'm bitheamaid beò maille ris.

11 Uime sin thugaibh comhfurtachd d'a chèile, agus togaibh suas gach aon a chèile, eadhon mar tha sibh a' deanamh.

12 Agus guidheamaid oirbh, a bhràithre, aithne 'bhi agaibh air an dream a tha 'saoithreachadh 'n 'ur measg, agus a tha os bhur ceann 's an Tighearna, agus a tha 'g 'ur comhairleachadh;

13 Agus meas mòr a bhi agaibh dhiubh ann an gràdh air son an oibre. Bithibh sìochail 'n 'ur measg féin.

14 A nis guidheamaid oirbh, a bhràithre, thugaibh rabhadh dhoibh-san a tha mi-riaghailteach, thugaibh comhfurtachd dhoibh-san a tha lag-chridheach, cumaibh suas iadsan a tha annhunn, bithibh foighidneach a thaobh nan uile dhaoine.

15 Feuchaibh nach òc neach olc air son uile do dhuine sam bith; ach leanaibh-se a ghnàth an nì a tha maith, araon do 'ur taobh féin, agus a thaobh nan uile dhaoine.

16 Deanaibh gairdeachas a ghnàth.

17 Deanaibh urnuigh gun sgur.

18 Anns gach uile nì thugaibh buidheachas; oir is i so toil Dhé ann an Iosa Criosd do 'ur taobh.

19 Na mùchaibh an Spiorad.

20 Na deanaibh tàir air fàidheadair-eachd.

21 Dearbhaibh na h-uile nithean: cumaibh gu daingean an nì sin a tha maith.

22 Seachnaibh gach uile choslas uile.

23 Agus gu'n deanaidh Dia na sìthe féin naomha sibh gu h-iomlan; agus gu'n deònaicheadh Dia gu'm bi bhur n-uile spiorad,

agus anam, agus chorp air an gleidheadh gu neo-choireach, gu teachd ar Tighearna Iosa Crìosd.

24 Is fìrinneach an Ti a tha 'g'ur gairm, neach mar an ceudna a ni e.

25 A bhràithre, deanaibh urnuigh air ar son-ne.

26 Cuiribh fàilte air na bràithribh uile le pòig naoimh.

27 Tha mi a' sparradh oirbh á h-uchd an Tighearna, gu'n leughar an litir so do na bràithribh naomha uile.

28 Gu'n robh gràs ar Tighearna Iosa Crìosd maille ribh. Amen.

DARA LITIR AN ABSTOIL PHOIL

CHUM NAN

TESALONIANACH.

CAIB. I.

1 *Thug Pòl fios do na Tesalonianaich air an deadh bhàrail a tha aige mu'n creidimh, an gràdh, agus an foighidín; 5 agus ghnàthaich e reusonnan chum comhfhurtachd a thoirt doibh fo'n geur-leamhuinn, gu h-àraidh o cheart-bhreitheanas Dhé.*

POL, agus Siluanas, agus Timoteus, chum eaglais nan Tesalonianach, ann an Dia ar n-Athair, agus anns an Tighearna Iosa Crìosd:

2 Gràs gu robh dhuibh, agus sìth o Dhia ar n-Athair, agus o'n Tighearna Iosa Crìosd.

3 Tha e mar fhiachaibh oirne buidheachas a thoirt do Dhia a ghnàth air blur son-se, a bhràithre, mar is cubhaidh, do bhrìgh gu bheil blur creidimh a' fas gu ro mhòr, agus gu bheil gràdh gach aoin agaibh uile a' meudachadh d'a chèile:

4 Ionnsu gu bheil sinne fèin a' deanamh uaille asaibh-se ann an eaglaisibh Dhé, air son bhuir foighidín agus blur creidimh ann bhuir n-uile gheur-leamhuinnibh agus àmhgharaibh a tha sibh a' fulang:

5 *Ni a tha 'n a chomharadh follaiseach air ceart-bhreitheanas Dhé, chum gu measar gur h-airidh sibhse air rìoghachd Dhé, air son am bheil sibh a' fulang:*

6 Do bhrìgh gur ceart an ni do Dhia, àmhghar iocadh dhoibh-san a tha 'cur àmhghair oirbh;

7 Agus dhuibhse a tha fo àmhghar, fois maille ruinne, 'n uair a dh'fhoillsichear an Tighearna Iosa o nàmh, maille r'a ainglibh cumhachdach,

8 Ann an teine lasarach, a' deanamh dìoghaltais air an dream aig nach 'eil còlas air Dia, agus nach 'eil ùmhail do shoisgeul ar Tighearna Iosa Crìosd.

9 Muinntir air an deanar peanas le sgrios sìorruidh o lathair an Tighearna, agus o ghlòir a chumhachd;

10 'N uair a thig e gu bhi air a ghlòrachadh 'n a naoimh, agus chum gu'n deanar iongantach e anna-san uile a tha 'creidsinn 's an là sin, (do bhrìgh gu'n do chreideadh ar fianuis-ne 'n ur measg-se.)

211

11 Air an aobhar so tha sinne mar an ceudna a' deanamh sìor-urnuigh air blur son-se, chum gu meas ar Dia-ne gur airidh sibhse air a' ghairm so, agus gu'n coimhlion c uile dheadh-ghean a mhaithais, agus obair a' chreidimh le cumhachd:

12 Chum gu'm bi ainm ar Tighearna Iosa Crìosd air a ghlòrachadh annaibh-se, agus sibh-se ann-san, a réir gràis ar Dé-ne, agus an Tighearna Iosa Crìosd.

CAIB. II.

1 *Is àill le Pòl gu'm buanaicheadh na Tesalonianaich 's an fhìrinn ris an do ghabh iad: 3 nochd e gu'm bi clonadh o'n chreidimh ann. 9 agus gu'm foillsichear an t-ana-Crìosd roimh theachd là an Tighearna; 15 agus 'an lorg so dh'athris e a ris a cheud earail, agus rinn e urnuigh air an son.*

ANIS guidheamaid oirbh, a bhràithre, thaobh teachd ar Tighearna Iosa Crìosd, agus ar comhehrinneachaidh-ne d'a ionnsuidh,

2 Gun sibh a bhi gu h-ealamh air bhuir crathadh 'n ur n-intinn, no fo bhuairesas, le spiorad, no le focal, no le litir, mar uainne, mar gu'm bitheadh là Chriosd am fagus.

3 Na mealladh neach sam bith sibh air aon chor: oir cha tig an là sin mur tig air tùs tréigeadh-creidimh, agus mur foillsichear duine sin a' pheacaidh, mac an sgrios;

4 A tha 'cur an aghaidh agus 'g a àrdachadh fèin os ceann gach ni ris an abrar Dia, no d'an deanar aoradh; ionnsu mar Dhia gu'm bheil e 'n a shuidhe ann an teampull Dhé, 'g a nochdadh fèin gur Dia e.

5 Nach cumhne leibh, air dhomh 'bhi fathast maille ribh, gu'n d'innis mi na nith-ean so dhuibh?

6 Agus is aithne dhuibh ciod a tha 'bacadh nis e 'bhi air fhoillseachadh 'n a àm fèin.

7 Oir tha rùn-dìomhair na h-ain-diadhachd ag oibreachadh cheana, a mhàin agus an toirear air falbh an ti a tha nis a' bacadh.

8 Agus an sin foillsichear an t-aingidh sin, a chlaoidheas an Tighearna le h-anail a bheoil

2 I 2

féin, agus d'an cur e as le dealradh a theachd :

9 *Eadhon esan*, aig am bheil a theachd a réir oibreachaidh Shàtain, maille ris an uile chumbachd, agus chomharaibh, agus iongantasaibh breugach,

10 Agus maille ri uile mhealltaireachd na h-eucorach anntasan a chaillear; a chionn nach do ghabh iad gràdh na firinn, chum gu'n tearuineadh iad.

11 Agus air a shon so cuiridh Dia treun-oibreachadh meallaidh d'an ionnsuidh, ionnus gu'n creid iad a' bhreug :

12 Chum gu'm bi iad uile air an dìteadh, nach do chreid an fhìrinn, ach aig an robh tlachd anns an eucoir.

13 Ach tha e mar fhiachaibh oirme buidheachas a thoirt do Dhia a ghnàth air bhuirson-se, a bhràithre, ionnluinn do'n Tighearn, do bhrìgh gu'n do thagh Dia sibh o thùs chum slàinte, tre naomhachadh an Spioraid, agus creidsinn na firinn :

14 Chum an do ghairm e sibh tre ar soisgeul-ne, chum sibh a dh'fhaotainn glòire ar Tighearna Iosa Crìosd.

15 Uime sin, a bhràithre, seasaidh gu daingean, agus cumaidh na teagasgan a thugadh dhuibh, co dhiubh is ann le focal, no le ar litir-ne.

16 A nis gu'n tugadh ar Tighearn Iosa Crìosd e féin, agus Dia, eadhon ar n-Athair-ne, a ghràdhach sinn, agus a thug *dhuinn* sòlas sìorruidh, agus dòchas maith tre ghràs,

17 Comhfhurtachd do 'ur cridhe-sa, agus gu'n daingnichheadh e sibh anns gach uile dheadh fhocal agus ghnìomh.

CAIB. III.

1 *Dh'iarr Pòl urnuigh nan Tesalonianach air a shon féin; 3 chuir e 'an céill meud an carbsa a tha aige asda; 5 ghuidh e Dia as an leth; 6 thug e òmradh comhairle orra, gu h-àraidh iad a sheachnadh dìomhanais, agus droch cuideachd; 16 agus fa dheireadh chrìochnaich e le òmradh beannachd d'an ionnsuidh, agus le urnuigh air an son.*

FA dheoidh, a bhràithre, deanaibh urnuigh air ar son-ne, chum gu'n ruith focal an Tighearna, agus gu'm bi e air a ghlorachadh mar ann bhuir measg-se;

2 Agus chum gu'n saorar sinne o dhaoineibh mì-reusonta agus olca: oir cha-n ann aig na h-uile a tha creidimh.

3 Ach tha an Tighearn dìleas, a dhaingicheas agus a ehoimhidcas o'n olc sibh.

4 Agus tha carbsa againn 's an Tighearn

do 'ur taobh-se, gu bheil sibh araon a' deanamh, agus gu'n dean sibh, na nithean a tha sinn ag àithneadh dhuibh.

5 Agus gu'n seòladh an Tighearn bhuir cridheachan chum gràidh Dhè, agus chum foighidinn Chrìosd.

6 A nis àithneamaid dhuibh, a bhràithre, ann an aium ar Tighearna Iosa Crìosd, sibh féin a dhìalachadh ris gach uile bhràthair a tha 'g imeachd gu mì-riaghailteach, agus cha-n ann a réir an teagaisg a fhuair e uainne.

7 Oir tha fhios agaibh féin cionnus is còir dhuibh ar lorg-ne 'leantuinn: oir cha do ghiùlain sinne sinn féin gu mì-riaghailteach 'n ur measg;

8 Ni mò a dh'ith sinn aran duine sam bith a nasgaidh; ach le saothair agus an-shocair, a dh'oidhche agus a là ri h-obair, chum nach cuireamaid ar trom air aon agaibh:

9 Cha-n e nach 'eil comas againn, ach a chum gu'n deanaibh sinn féin 'n ar n-eis-impleir dhuibhse, gu ar leantuinn.

10 Oir an uair a bha sinn maille ribh, thug sinn an àithne so dhuibh, mur àill le neach obair a dheanamh, gu'n e dh'itheadh *bìdh*.

11 Oir tha sinn a' clumtinn gu bheil daoine àraidh ag imeachd gu mì-riaghailteach 'n ur measg, nach 'eil a' deanamh oibre sam bith, ach a' gabhail gnothuich ri nithibh nach buin doibh.

12 A nis tha sinn a' toirt àithne d'an leithidibh sin, agus ag earlachadh orra tre ar Tighearn Iosa Crìosd, le saothreachadh gu ciùin, gu'n ith iad an aran féin.

13 Agus sibhse, a bhràithre, na sgàthichibh a dheanamh maith.

14 Agus ma tha neach sam bith nach toir ùmhlachd do ar focal-ne tre an litir so, comharaibh esan, agus na bitheadh comhludar agaibh ris, chum gu'm bi nàire air.

15 Gidheadh na measaidh e mar nàmhaid, ach thugaibh comhairle air mar bhràthair.

16 A nis gu'n tugadh Tighearn na sìthe e féin sìth dhuibhse a ghnàth, air gach aon chor. *Gu'n robh* an Tighearn maille ribh uile.

17 Fàilte uamsa Pòl le m' àimh féin, ni a's e an comharadh anns gach uile litir: mar so tha mi a' sgrìobhadh.

18 Gràs ar Tighearna Iosa Crìosd *gu robh* maille ribh uile. Amen.

THIMOTEUIS.

CAIB. I.

¹ *Tha ar t-ordugh a thugadh do Thimoteus 'n uair a chaidh Pòl do Mhacedonia, air a chur 'an cuimhne dha. 5 Mu thimchioll feum dligeach an lagha, 11 agus gairm Phoil gu 'bhi 'n a abstol; 28 agus mu thimchioll Himeneus agus Alecsander.*

POL abstol Iosa Criosd, a réir àithne Dhé ar Slànuidhir, agus an Tighearna Iosa Criosd, *neach a's e ar dòchas;*

² Chum Thimoteus m'fhiar mhic anns a' chreidimh: Gràs, tròcair, agus sìth o Dhia ar n-Athair, agus o Iosa Criosd ar Tighearn.

³ Mar a dh'iarr mi ort fantuinn ann an Ephesus, 'n uair a chaidh mi do Mhacedonia, chum gu'n tugadh tu ordugh do dhream àraidh gun atharrachadh teagaisg a thoirt natha;

⁴ Agus gun aire a thoirt do sgenlachdaibh, agus do shloinntearachd neo-chrìochnaich, a bheir aobhar do cheisdibh, nìs mò na dh' fhòghlum diadhaidh, a tha tre chreidimh: *dean mar sin.*

⁵ A nis is e a's crìoch do'n àithne gràdh á cridhe glan, agus á coguis mhaith, agus á creidimh neo-chealgach;

⁶ Nithean air do dhream àraidh clonadh natha, chaidh iad a thaobh chum dìomh-anais cainnte;

⁷ A' miannachadh 'bhi 'n an luchd-teagaisg an lagha, agus gun iad a' tuigsinn ciod a tha iad ag ràdh, no ciod iad na nithean mu'm bheil iad a' toirt cinnte.

⁸ Ach tha fhios againn gu bheil an lagh maith, na ghnàthaicheas neach gu dlìgh-each e:

⁹ Air do fhios air so a bhi aige, nach ann do dhuine fireanach a dh'orduicheadh an lagh, ach do dhaoineibh neo-dhlìgheach agus eas-ùmhail, dhoibh-san a tha mi-dhiadhaidh agus do pheacaich, do dhaoineibh mi-naomha agus neo-chràbhach, do luchd-marbhaidh a thrìchean agus do luchd-marbhaidh mhàithrichean, do luchd-mortaich,

¹⁰ Do luchd-striopachais, do luchd-anamiana mi-nàdurra, do luchd-goid dhaoine, do bhreugairibh, do luchd-eithich, agus ma tha mi sam bith eile a tha'n aghaidh teagaisg fhallain,

¹¹ A réir soisgeil ghlàrmhoir an Dé bheannaichte, a dh'earbadh rium-sa.

¹² Agus tha mi a' toirt buidheachais do Iosa Criosd ar Tighearn, a neartaich mi, do bhrìgh gu'n do mbeas e mi dìleas, 'g am chur 's a' mhinistireachd;

¹³ A bha roimh 'am fhear-labhairt toibheim, agus 'am fhear-geur-leannhuinn, agus 'am dhuine eucorach. Ach fhuair mi tròcair, do bhrìgh gu'n d'rim mi so tre ain-eolas, ann am mi-chreidimh:

¹⁴ Agus bha gràs ar Tighearna thar tomhas ro phailt *dhomh*, maille ri creidimh, agus ri gràdh a tha ann an Iosa Criosd.

¹⁵ Is fìor an ràdh so, agus is airidh e air gach aon chor air gabhail ris, gu'n d'thàinig Iosa Criosd do'n t-saoghal a thearnadh pheacach, d'am mise an ceud-fhear.

¹⁶ Gidheadh, air a shon so fhuair mi tròcair, chum gu'm foillsicheadh Criosd annam-sa air tùs, an uile fhad-fhulangas, mar shaimpleir dhoibh-san a chreideadh ann, an dèigh so, chum na beatha maireannaich.

¹⁷ A nis do'n Bheith shiorruidh, neo-thruaillidh, neo-fhaicsinneach, do Dhia a tha mhàin glie, *gu robh* urram agus glòir, gu saoghal nan saoghal. Amen.

¹⁸ An àithne so tha mi ag earbsadh riut, Thimoteus a mhic, a réir nam fàidheadair-eachd a rinneadh umad roimh so, chum tridsan gu'n cogadh tu deadh chogadh;

¹⁹ A' coimhead creidimh agus deadh choguis; ni air do chuid *de dhaoineibh* a chur natha, rinn iad long-bhriseadh thaobh a' chreidimh.

²⁰ D'am bheil Himeneus agus Alecsander; muinntir a thug mise thairis do Shètan, chum le'n smachdachadh gu'm foghlumadh iad gun toibheum a labhairt.

CAIB. II.

¹ *Nochd Pòl gur còir urnuigh agus breith-buidheachais a ghnàthachadh air son nan uile dhaoine. 9 Cionnus is còir do mhnàibh a bhi air an sgeudachadh; 12 cha-n'eil e ceadachd dhoibh teagasg a thoirt natha; 15 saorar iad ann am breith cloinne ma bhuanaicheas iad 's a' chreidimh.*

THA mi ag iarraidh uime sin, roimh na h-uile nithibh, gu'n deanar athcluinge, urnuighean, eadar-ghuidhe, agus breith-buidheachais air son nan uile dhaoine:

² Air son rìghrean, agus air son nan uile a tha ann an ùghdarras: chum gu'n caith sinn ar beatha gu foisneach agus gu sìochail, anns an uile dhiadhachd agus ghiatachd.

³ Oir tha so maith agus taitneach 'am fianuis Dhé ar Slànuidhir:

⁴ Neach leis an àill na h-uile dhaoine 'bhi air an tearnadh, agus iad a theachd chum eòlas na fìrinn.

5 Oir is aon Dia a tha ann, agus aon eadar-mheadhonnair eadar Dia agus daoine, an duine Iosa Crìosd ;

6 A thug e fèin 'n a éiridh air son nan uile, mar fhianuis ann an àm iomhuidh ;

7 Chum an d'ordùicheadh mise a'm' shearmonaiche, agus a'm' abstol, (tha mi a' labhairt na firinn ann an Crìosd, cha-n'èil mi a' deanamh breige,) 'am fhear-teagaisg nan Cinnceach ann an ereidimh agus ann an firinn.

8 Uime sin is àill lean na fir a dheanamh urnuigh 's gach àit, a' togail suas làmban naomha, gun fheirg, gun amharus :

9 Air an dòigh eheudna, na mnathan a ehur eudaich iomhuidh umpa, 'g an sgèadachadh fèin le nàiseachd agus stuaim : cha-n ann le casadh an gruaige, no le h-òr, no le neamhuidibh, no le culaidhibh luachmhor ;

10 Ach, (mar is eubhaidh do mhnathan a tha 'g aideachadh diadhachd,) le deadh oibrìbh.

11 Fòghlumadh a' bhean ann an eùineas leis an nìle ùmhlaehd.

12 Ach cha-n'èil mi a' ceadachadh do mhnai teagasg a thoirt uaipe, no ceannas a ghlaeadh air an fhear, aeh i 'bhi 'n a tosd.

13 Oir is e Adhamh a chruthaicheadh air tùs, agus 'n a dhéigh sin Eubha.

14 Agus cha b'e Adhamh a mhealladh, aeh air do'n mhnai 'bhi air a mealladh, bha i 's a' chionta.

15 Gidheadh tèarnar i tre bhreith cloinne, ma bhuaicheas iad ann an ereidimh, agus ann an gràdh, agus ann an naomhachd, maille ri stuaim.

CAIB. III.

1 Cìod iad na buaidhean a's còir a bhi air na h-easbuigibh, agus air na deaconaibh, agus air an mnathan ; 14 agus c'ar son a sgrìobh Pòl na nìlean so gu Timoteus. 15 Mu thèmh-chioll na h-eaglais, agus na firinn beannaichte a tha air a teagasg agus air a h-aideachadh innne.

I S ràdh fìor so, Ma tha togradh aig aon duine eum dreuchd easbuig, tha e 'miannachadh deadh oibre.

2 Uime sin is còir do easbuig a bhi neo-lochdach, 'n a fhear aoin mhnatha, faireil, eiallach, deadh-bheusach, fialuidh, ealamh gu teagasg ;

3 Gun a bhi 'n a phòitear, gun a bhi tuas-aideach, gun a bhi dèidheil air buannachd shalaich ; ach macanta, neo-thusaideach, neo-shanntach ;

4 'N a dhuine a riaghlas a thigh fèin gu maith, aig am bheil a chlann fo smaehd maille ris an uile shuidheachadh-inntinn ;

5 (Oir mur aithne do dhuine a thigh fèin a riaghladh, eionnus a ghabhas e eùram de eaglais Dhé ?)

6 Gun a bhi 'n a nuadh-chreideach, air eagal, air dha 'bhi air at le h-uabhar, gu'n tuit e ann an dìteadh an diabhail.

7 Is còir dha mar an ceudna deadh theist-eas a bhi aige uatha-san a tha'n leth muigh ; air eagal gu'n tuit e ann an seannil, agus ann an rìbe an diabhail.

8 Mar an ceudna is còir do na deaconaibh a bhi suidhichte, gun an teagadh 'bhi leam, leat, gun a bhi cionail air mòran fiona, gun a bhi dèidheil air buannachd shalaich ;

9 A' cumail rùn-dìomhair a' ehreidimh ann an eoguis ghloin.

10 Agus bitheadh iadsan mar an ceudna air an dearbhadh an toiseach ; agus an sin gnàthaicheadh iad dreuchd deacoin, air dhoibh a bhi air am faghail neo-choireach.

11 Is amhuil sin is còir do na mnathan a bhi suidhichte, gun a bhi 'n an luchd-tuail-eis ; aeh a bhi measarra, ionraic 's na h-uile nithibh.

12 Bitheadh na deacoin 'n am fir aoin mhnatha, a' riaghladh an cloinne, agus an tighe fèin gu maith.

13 Oir an dream a ghnàthaich dreuchd deacoin gu maith, tha iad a' cosnadh deadh cheum dhoibh fèin, agus dànachd mhòr 's a' ehreidimh, a tha ann an Iosa Crìosd.

14 Tha mi a' sgrìobhadh nan nithean so a d' ionnsuidh, 'an dòchas teachd gu grad a d'ionnsuidh :

15 Aeh ma ni mi moille, eum gu'm bi fhios agad cionnus is còir dhuit thu fèin a ghiùlan ann an tigh Dhé, ni a's e eaglais an Dé bheò, post agus stéidh-dhangneachaidh na firinn.

16 Agus gun amharus is mòr rùn-dìomhair na diadhachd : dh'fhoillsiehadh Dia 's an fheòil, dh'fhlhireanaicheadh e 's an spiorad, chunnacas le ainglibh e, shearmonaicheadh e do na Cinnich, ehreidheadh ann air an t-saoghal, ghabhadh suas e eum glòire.

CAIB. IV.

1 Roimh-innis Pòl gu'n tèid daoine anns na h-aimsiribh deireannach air seacharan o'n ehreidimh : 6 agus chum nach bitheadh Timoteus a dhèidh-lainn 'n a dhleasdanas, thug e comhairlean eag-samhuil air.

A NIS tha an Spiorad ag ràdh gu soilleir, anns na h-aimsiribh deireannach gu'n tréig dream àraidh an ereidimh, a' toirt aire do spioradaibh mealltach, agus do theagasgaibh dheamhan ;

2 Tre cheilg bhreugairean, air bhi d'an eognisibh air an losgadh le iarunn dearg ;

3 A' toirmcasg pòsaidh, agus ag iarraidh bidheannan a sheachnadh, a chruthaich Dia eum an gabhail maille ri breith-buidheachais leosan a tha 'ercidsinn, agus aig am bheil eòlas na firinn.

4 Oir is maith gach ni a chruthaich Dia, agus cha-n ion ni sam bith a dhiùltadh, a ghabhar le breith-buidheachais :

5 Oir tha e air a naomhachadh le focal Dhé agus le h-urnuigh.

6 Ma chuireas tu na nithean so 'an eumhne

do na bràithribh, bithidh tu a'd' dheadh mhinisteir do Iosa Crìosd, air d'altrum suas ann am briathraibh a' chreidimh, agus an deadh theagaisg, air an do ghabh thu eòlas :

7 Ach diùlt sgeulachdan mì-dhiadhaidh shean bhan, agus cleachd thu féin chum diadhachd.

8 Oir tha an cleachdadh corporra tarbhach chum beag nithean ; ach tha'n diadhachd tarbhach chum nan uile nithean, aig am bheil gealladh na beatha 'tha làthair, agus a chum teachd.

9 Is ràdh fìrinneach so, agus is airidh e air gach aon chor air gabhail ris.

10 Oir is ann uime so a tha sinn an dà chuid ri saothair, agus a' fulang maslaidh, do bhrìgh gu bheil dòchas againn 's an Dia bhed, neach a's e Slànuidhear nan uile dhaoine, gu h-àraidh nan creidimheach.

11 Aithn agus teagaisg na nithean so.

12 Na deanadh duine sam bith tarcuais air d'òige; ach bi thusa a'd' eisempleir do na creidimhich, ann am focal, ann an caithe-beatha, ann an gràdh, ann an spiorad, ann an creidimh, ann am fìor-ghloine.

13 Gus an tig mi, thoir an aire do leughadh, do carail, do theagasg.

14 Na dearmad an tiodhlac a tha annad, a thugadh dhuit tre fhàidheadaireachd, maille ri leagadh làmh na seanaireachd ort.

15 Smuainich air na nithibh sin; thoir thu féin gu tur dhoibh, chum gu'm bi do theachd air d'aghaidh follaiseach do na h-uile.

16 Thoir aire dhuit féin, agus do d' theagasg; buanaich anna: oir le so a dheanamh, saoraidh tu arann thu féin, agus iadsan a tha 'g éisdeachd riut.

CAIB. V.

1 *Riaghailtean a's còir a leantuinn ann an cronachadh.* 3 *Mu bhantraichibh.* 17 *Mu shean-airibh.* 23 *Comhairle do Thimoteus mu thimchioll a shlàinte, &c.*

NA garg-chronaich seanair, ach cuir impidh air mar athair, agus air na h-òig-fhir mar bhràithribh;

2 Na mnathan aosda mar mhàithrichibh, na mnathan òga mar pheathraichibh, maille ris an uile fhìor-ghloine.

3 Thoir urram do bhantraichibh a tha 'n am bantraichibh da rìradh.

4 Ach ma tha bantrach air bith aig am bheil clann no oghachan, fòghlumadh iad air tùs a bhli dleasdànach 'n an tighibh féin, agus ath-dhìol a thoirt d'am pàrantairibh: oir tha so maith agus taitneach 'am fianuis Dhé.

5 A nis cuiridh ise a tha 'n a bantraich da rìreadh, agus air a fàgail 'n a h-aonar, a dòchas ann an Dia, agus buanaichidh i a là agus a dh'oidhech ann an athchuingibh, agus ann an urnaighibh.

6 Ach ise a tha 'caitheadh a beatha 'am macnus, air dhi 'bhi beò, tha i marbh.

7 Uime sin aithn na nithean so dhoibh chum gu'm bi iad neo-lochdach.

8 Ach mur dean duine solar air son a chuideachd féin, agus gu h-àraidh air son muinntir a theaghlach, dh'àicheadh e'n creidimh, agus is mìosa e na ana-creideachd.

9 Na gabhar bantrach 's an àireamh a bhitheas fo thri fhead biadhna dh'aois, a bha 'n a mnaoi aoin duine,

10 Air am bheil teistean a thaobh dheadh oibre; ma thog i clann, ma thug i aoidh eachd seachad, ma dh'ionnlaid i cosan nan naomh, ma dh'fhòir i air luchd-àmghair, ma lean i gu dìchiollach gach deadh obair.

11 Ach diùlt na bantrachan òga: oir an uair a dh'fhàsas iad mear an aghaidh Chrìosd, is miann leo pòsadh;

12 Muinntir a tha fo dh'iteadh, a chionn gu'n do thréig iad an ceud chreidimh.

13 Agus os bàrr, fòghlumaidh iad a bhli dìomhanach, a' dol mu'n cuairt o thigh gu tigh; agus cha-n e mhàin dìomhanach, ach mar an ceudna gabhannach, agus a' gabhail gnothuich ris na nithibh nach buin doibh, a' labhairt nithean nach bu chòir dhoibh.

14 Is àill leam uime sin na *mnathan* òga a phòsadh, iad a bhrèith cloinne, a stiùradh an tighe, agus gun chion-fàth air bith a thoirt do'n cascaraid labhairt gu toibh-cumach.

15 Oir tha cuid cheana air dol a thaobh an déigh Shàtain.

16 Ma tha aig creidimheach no aig ban-chreidimheach bantrachan, fòireadh iad orra, agus na bitheadh an trom air an eaglais; chum gu'n dean i cabhair orra-san a tha 'n am bantraichibh da rìreadh.

17 Measar gur airidh na seanairean a riaghlas gu maith air urram dùbailte, gu h-àraidh iadsan a tha 'saoithreachadh 's an fhocal agus ann an teagasg.

18 Oir tha an sgrìobtur ag ràdh, Na ceangail beul an daimh a tha 'sairt an arbhair: agus. Is airidh an t-oibriche air a thuarasdal.

19 Na gabh casaid an aghaidh seanair, ach le dithis no triuir a dh' fhanuisibh.

20 Iadsan a tha 'peacachadh cronaich an làthair nan uile, chum gu'n gabh càch eagal mar an ceudna.

21 Tha mi a' sparradh ort 'am fianuis Dhé, agus an Tighearna Iosa Crìosd, agus nan aingeal taghta, gu'n coimhid thu na nith-ean so, gun aon a chur roimh neach eile, gun ni air bith a dheanamh le claon-bhreith.

22 Na leag do làmh gu h-obann air duine sam bith, agus na bitheadh comhpairtagad de pheacairibh dhaoine eile: coimhid thu féin glan.

23 Na h-òl uisge ni's mò, ach cleachd beagan fiona air son do ghoie, agus d'ann-mhuinneachd mhinic.

24 Tha peacaidhan cuid de dhaoineibh follaiscach roimh-làimh, a' dol rompa chum

breitheanais; agus tha *peacaidhean* dhream àraidh 'g an leantuin.

25 Mar an ceudna tha deadh oibre *cuid* follaiseach roimh-làimh; agus na *h-oibre* a tha de ghné eile, cha-n fheudar am folach.

CAIB. VI.

1 *Mu dhleasdanas sheirbhisich*: 3 *Cha chòir* *comunn a bhì againn ri droch luchd-teagaisg*. 6 *Is buannachd mhòr an diadhachd*. 10 *'S e gaol an airgid freumh gach uile*. 11 *Ciod is còir do Thimoteus a sheachnadh, agus a lean-tuinn*; 17 *agus ciod mu'n còir dha rabhadh a thoirt do'n dream a tha saoi-bhir*.

MEASADH a' mhead 's a tha fo 'n chuing 'n an seirbhisich, gur airidh am maighstirean féin air an uile urram; chum nach faigh ainm Dhé, agus a theag-asg toibheum.

2 Agus iadsan aig am bheil maighstirean creidmheach, na deanadh iad tarcuis orra, air son gur bràithrean iad: ach gu ma fearr leo seirbhis a dheanamh *dhoibh*, do bhrìgh gu bheil iad creidmheach agus ionmhuinn, 'n an luchd-comhpairt de thìodhlac a *ghràis*. Na nithean so teagaisg agus earailich.

3 Ma bheir aon neach atharrachadh teagaisg uait, agus nach aontaich e do bhriathraibh fallain, eadhon do bhriathraibh ar Tighearna Iosa Crìosd, agus do'n teagasg, a tha réir na diadhachd:

4 Tha e uaibhreach, gun eòlas aige air nì sam bith, ach e as a chèill mu thimchioll cheisdean, agus bhriathar-connsachaidh, o'n tig farmad, comhstri, anacainnt, droch amharusan,

5 Fiar-dheasboireachd dhaoine aig am bheil inntinn thruaillidh, agus as eugmhais na firinn, a' meas gur buannachd an diadhachd: dealaich ri an leithidibh sin.

6 Ach is buannachd mhòr an diadhachd maille ri inntinn thoilichte.

7 Oir cha d'thug sinn nì air bith *leinn* do'n t-saoghal so, agus is soilleir nach urrainn sinn nì sam bith a thoirt as.

8 Uime sin air dhuinn biadh agus eudach a bhi againn, bitheamaid toilichte leo sin.

9 Ach an dream le'n àill a bhi beartach, tuitidh iad ann am buaireadh, agus ann an ribe, agus ann an iomadh ana-miann amaid-each agus ciùrrail, a bhàthas daoine ann am milleadh agus ann an sgrios.

10 Oir is e gaol an airgid freumh gach uile: nì am feadh a mhiannaich dream àraidh, chaidh iad air seacharan o'n chreidimh, agus throimh-lotsiad iad féin le iomadh cràdh.

11 Ach thusa, O òglaich Dhé, teich o na nithibh sin: agus lean fireantachd, diadhachd, creidimh, gràdh, foighidin, ceannsaichd.

12 Còmhraig deadh chòmhrag a' chreidimh, gabh greim de'n bheatha mhaireannach, chum mar an ceudna an do ghairmeadh thu, agus dh'aidich thu deadh aidmheil an làthair mhòran fhianuisèan.

13 Tha mi a' sparradh ort ann am fianuis Dhé, a bheothaicheas na h-uile nithean, agus 'am fianuis Iosa Crìosd, a rinn fianuis air deadh aidmheil an làthair Phontius Philait;

14 Thu 'choimhead na h-àithne so gun smal, gun lochd, gu teachd ar Tighearna Iosa Crìosd:

15 Nì, 'n a àmaibh féin, a dh'fhoillsicheas an tì a tha beannaichte, agus a mhaìin cumbachdach, Rìgh nan rìgh agus Tighearn nan tighearn;

16 Neach 'n a aonar aig am bheil neo-bhàsmhorachd, a tha 'n a chòmhnuidh 's an t-solus dh'ionnsuidh nach feudar teachd; neach nach faca duine sam bith, agus nach mò 'dh'fheadas e 'thaicinn: dhàsan *gu'n robh* urram agus cumbachd sìorruidh. Amen.

17 Thoir àithne do na daoineibh a tha saoi-bhir 's an t-saoghal so, gun iad a bhi àrd-inntinneach, agus gun dòchas a chur ann an saoi-bhreas neo-chinnteach, ach anns an Dia bhed, a tha 'toirt duinn nan uile nithean gu saoi-bhir r'am mealtuinn:

18 Iad a dheanamh maith, iad a bhi saoi-bhir ann an deadh oibribh, calamh gu roinn, comh-pàirteach;

19 A' tasgadh suas doibh féin deadh bhunait fa chomhair an àm ri teachd, chum gu'n dean iad greim air a' bheatha mhaireannach.

20 O Thimoteus, coimhid an nì sin a dh'earbadh riut, a' seachnadh faoin-chòmhairidhean mhi-naomha, agus comh-chogadh còlais d'an toirear gu breugach an t-ainm sin.

21 Nì air bhi do dhream àraidh ag aidmheil, chaidh iad air seacharan thaobh a' chreidimh. Gràs *gu robh* maille riut. Amen.

T H I M O T E U I S.

CAIB. I.

1 *Gràdh ì-phòil do Thimoteus: 5 an creidimh irèibh-dhireach a bha ann an Timoteus féin, agus 'n a mhàthair agus 'n a shean-mhàthair. 6 Chuir e ìmpidh air tiodhlac Dhé a bha ann a dhùsgadh suas, 8 e bhi seasmhach agus foighidneach fo gheur-leamhuinn, 13 agus e a bhuannachadh ann an earail agus ann am fìrinn an teagaisg a dh'fhòghluim e naith-san, &c.*

POL abstol Iosa Crìosd tre thoil Dhé, a réir geallaidh na beatha, a tha ann an Iosa Crìosd.

2 Gu Timoteus mo mhac gràdhach: Gràs, tròcair, agus sìth o Dhia an t-Athair, agus o Iosa Crìosd ar Tighearn.

3 Tha mi 'toirt huidheachais do Dhia, do'm bheil mi a' deanamh seirbhis o m' shìnnisribh le coguis ghloin, gu bheil agam cuimhne ortsa a ghnàth a là agus a dh'oidhche ann am urnuighibh;

4 Air dhomh 'bhi ro thogarrach air thusa fhaicinn, a' cuimhneachadh do dheur, ehum gu'm bi mi air mo lìonadh le gairdeachas; 5 'N uair a ehuimhnichas mi an ereidimh neo-chealgach a tha annad-sa, a chòmhnuiehl air tùs a'd shean-mhàthair Lois, agus a'd mhàthair Eunice: agus is deimhin leam a tha annad-sa mar an ceudna.

6 Air an aobhar so tha mi 'eur 'an cuimhne dhuit, thu dh'ath-bheothachadh tiodhlac Dhé, a tha annad tre chur mo làmh-sa ort.

7 Oir cha d'thug Dia dhuinne spiorad na geilt; ach *spiorad* a' eumhaehd, agus a' ghràidh, agus na h-inntinn fhallain.

8 Uime sin na gabh-sa nàire de fhianuis ar Tighearna, no dhiom-sa a phrìosanach: ach bithheadh do ehuid agad a dh' àmhgarh an t-soisgeil, a réir eumhaehd Dhé;

9 A shaor sinne agus a ghairm *sinn* le gairm naomh, cha-n ann a réir ar n-oibre, ach a réir a ruin féin, agus a ghràs a thugadh dhuinne ann an Iosa Crìosd, roimh thoiseach an t-saoghail;

10 Ach a dh'fhoillsieheadh a nis troimh theachd ar Slànuighir Iosa Crìosd, a chuir as do'n bhàs, agus a thug heatlia agus neobhàsmhorachd chum soluis, tre an t-soisgeul;

11 Chum an d'orduicheadh mise a'm' shearmonaiche, agus a'm' abstol, agus a'm' fhear-teagaisg nan Cinnceach:

12 An t-aobhar air son am bheil mi mar an ceudna a' fulang nan nithean so: gidheadh cha-n'eil nàire orm: oir tha fhios agam eo

ann a chreid mi, agus is dearbh leam gu bheil esan comasach air an ni sin a dh'earb mi ris a choimhead fa chomhair an là sin.

13 Cum gu daingean samhladh fìrinneach nam briathar fallain, a ehuala tu nam-sa, ann an ereidimh agus ann an gràdh a tha ann an Iosa Crìosd.

14 Coimhid an taisgeach maith sin a dh'earbadh riut, tre an Spiorad naomh, a tha 'ehòmhuidh annainn.

15 Tha fhios so agad, gu'n do phill iadsan uile a tha 's an Asia uam-sa; d'am bheil Phigellus agus Hermogenes.

16 Gu'n tugadh an Tighearn tròcair do theaghlach Onesiphorus; oir is minic a thug e sòlas dhomh-sa, agus cha do ghabh e nàire de m' shlabhraidh.

17 Ach an uair a bha e 's an Ròimh dli'farr e mach mi gu dièbiollaeh, agus fluar e *mi*.

18 Gu'n dedaicheadh an Tighearn dhàsan gu'm faigh e tròcair o'n Tighearn 's an là sin: agus tha sàr-fhios agad, eia lìon ni anns an d'rinn e frithealadh dhomh-sa ann an Ephesus.

CAIB. II.

1 *Chuir Pòl ìmpidh air Timoteus a ris a bhi seasmhach agus buan-mhaireannach, agus dleasdanas fìor-òglach an Tighearna 'chur 'an gnìomh, leis an fhocal a roinn gu ceart, agus faoin-chaimt mhi-dhiadhaidh a sheachnadh. 17 Mu Himeueus agus Philetus. 19 Tha bunait an Tighearna cinnteach. 22 Cionnus is còir do sheirbhiseach an Tighearn 'e féin a ghiùlan.*

UIME sin bi-sa, a mhie, làidir anns a' ghràs a tha ann an Iosa Crìosd.

2 Agus na nithean a chuala tu uam-sa am measg mhòrain fhianuisean, earb thusa na nithean sin féin ri daoimibh fìrinneach, a bhitheas iomehuidh gu daoine eile a theagasg mar an ceudna.

3 Fuiling thusa uime sin eruaidh-chàs, mar dheadh sheighdear Iosa Crìosd.

4 Cha dean neach sam bith a leanas an eogadh e féin a ribeadh ann an gnothuchibh na beatha so: chum gu'n toilleh e an ti a thagh e gu bhi 'n a shaighdear.

5 Agus mar an ceudna ged a ni fear air bith sbàirn, cha echrùnar e mur dean e sbàirn gu dligeach.

6 Is còir do'n treabhaiche a shaoithricheas air tùs, comh-roinn fhaotainn de'n toradh.

7 Smaoinieh air na nitheibh a tha mi ag ràdh; agus gu'n tugadh an Tighearn dhuit tuigse anns na h-uile nitheibh.

2 THIMOTEUIS, III.

8 Cuimhnich gu'n do thogadh o na maìrbh Iosa Criosd, de shìol Dhaibhidh, a réir mo shoisgeil-sa;

9 Air son am bheil mise a' fulang mar fhear droch-bheirt, *eadhon* gu geimhlìbh; ach cha-n'eil focal Dhé ceangailte.

10 Uime sin tha mi ag iomchar nan uile nithean air son nan daoine taghta, chum gu'm faigh iadsan mar an ceudna an t-slaìnte a tha ann an Iosa Criosd, maille ri glòir shìorruidh.

11 Is ràdh fìor so, Ma bhàsaicheas sinn maille ris, gu'm bi sinn beò mar an ceudna maille ris:

12 Ma dh'fhuilingeas sinn, rìghichidh sinn mar an ceudna maille ris: ma dh'àicheadhas sinn e, àicheadhaidh esan sinne mar an ceudna.

13 Mur creid sinne, gidheadh tha esan a' fantuinn fìrinneach; cha-n'eil e'n comas da e fèin àicheadh.

14 Cuir na nithean siu 'an cuimhne dhoibh, a' cur sparraidh orra 'am fianuis an Tighearna, gun iad a bli 'connsachadh mu fhoclaidh anns nach 'eil tairbhe sam bith, *ach* a thilgeas bun os ceann an luchd-èisd-eachd.

15 Dean dìchioll air thu fèin a nochdadh dearbhta do Dhia, a'd' shaothraiche, nach ruig a leas nàire a ghabhail a' roinn focail na fìrinn gu ceart.

16 Ach seachainn faoin-chainnt mhi-naomha; oir thèid iad air aghaidh chum an tuilleadh mi-dhiadhachd.

17 Agus ithidh am focal mar chnàmhuinn; *d'am* bheil Himeneus agus Philetus;

18 Muinntir thaobh na fìrinn a chaidh air seacharan, ag ràdh gu'n deachaidh an ais-eirigh cheana seachad; agus a tha 'tilgeadh creidimh dream àraidh bun os ceann.

19 Gidheadh, tha bunait Dhé a' seasamh daingean, aig am bheil an seula so, Isaitlne do'n Tighearna an dream sin a's leis. Agus, Gach neach a tha 'g ainmeachadh ainm Chriosd, tréigeadh e eucoir.

20 Ach ann an tigh mòr cha-n e mhàin gu bheil soithichean òir, agus airgid, ach mar an ceudna *soithichean* fiodha, agus creadha; agus cuid diubh chum urraim, agus cuid eile chum eas-urraim.

21 Uime sin ma ghlanas neach e fèin uatha so, bithidh e 'n a shoitheach chum urraim, air a naonhachadh, agus iomchuidh chum feum a' mhaighstir, deas chum gach uile dheadh oibre.

22 Teich uime sin o ana-miannaibh na h-òige: ach lean fireantachd, creidimh, gràdh, sìth, maille riut-san a tha 'gairm air an Tighearna o chridhe glan.

23 Ach seachainn ceisdean amaideach agus neo-fhòghluimte, air dhuit fios a bhi agad gu'n tog iad consaichidhean.

24 Agus cha-n fheadh òglach an Tighearna 'bhi connsoidheach; ach ciùin ris na h-uile

dhaoinibh, ealamh chum teagaisg, foighidneach,

25 Ann an ceannsachd a' teagasg na dream a sheasas 'n a aghaidh; dh'fheuchainn an toir Dia uair air bith aithreachas dhoibh, chum aìdmheil na fìrinn.

26 Agus air mosgladh dhoibh gu'n téid iad as o ribe an diabhuil, aig am bheil iad air am beò-ghlacadh chum a thoile.

CAIB. III.

1 *Thug Pòl rabhadh do Thimoteus mu thimchioll nan aman ri teachd; 6 dh'innis e cò iad naìmhdean na fìrinn; 10 chuir e 'eiseimpleir fèin roimhe, 16 agus inhol e na sgrìobhtairean naomha.*

ACH bitheadh fhios so agad, gu'n tig anns na làithibh deireannach aimsirean cunnartach.

2 Oir bithidh daoine fèin-speiseil, sann-tach, ràiteachail, uaibhrach, toibhceumach, eas-ùmhla do phàrantaibh, mi-thaingeil, mi-naomha,

3 Gun ghràdh nàdurra, 'n an luchd brisidh coimhcheangail, tuailcasach, neo-gheam-nuidh, borb, gun ghaol do'n mhaith,

4 Fealltach, ceann-laidir, àrdanach, aig am bheil bàrr gràidh do shàimh na tha aca do Dhia;

5 Aig am bheil coslas diadhachd, ach a tha 'g àicheadh a cumhachd: o'n leithidibh sin tionndaidh-sa air falbh.

6 Oir is ann diubh so a tha 'n dream sin a dh'èalaidheas a stigh do thighean, agus a bheir leo 'am braighdeanas mnathan suarach air an uallachadh le peacaidhibh, air an iomain le iomadh gnè ana-mianna,

7 A'sior-fhòghlum, agus gun chomas doibh gu bràth teachd chum eòlais na fìrinn.

8 Agus mar a chuir Iannes agus Iambres an aghaidh Mhaois, mar sin tha iadsan a' cur an aghaidh na fìrinn: daoine aig am bheil iuntinn thruaillidh, gun tuigse thaobh a' chreidimh.

9 Ach cha téid iad nì's faide air an aghaidh; oir bithidh am mi-chiall follaiseach do na h-uile *dhaoinibh*, mar a bha am *mi-chiall-san* mar an ceudna.

10 Ach tha làn-fhios agad air mo theag-asg-sa, *mo* ghnè beatha, *mo* rùn, *mo* chreidimh, *m'fhad-fhulangas*, *mo* sheire *m'fhoighidinn*,

11 *Mo* gheur-leannmhuinnibh, *m'fhulangais* a thàinig orm ann an Antioch, ann an Iconium, ann an Listra; ciod e meud nan geur-leannmhuinn a ghiùlain mi: ach asda uile shaor an Tighearna mi.

12 Seadh, fuilingidh iadsan uile leis an àill am beatha a chaitheadh gu diadhaidh ann an Iosa Criosd, geur-leannmhuinn.

13 Ach fàsaidh droch dhaoine agus meallt-airean nì's miosa agus nì's miosa, a' mealladh, agus air am mealladh.

14 Ach buanaich thusa anns na nithibh a dh'fòghluim thu, agus air an d'rinnceadh

thu dearbh-fhiosrach, air dhuit fios a bhi agad cia uaidh a dh'fhòghluim thu iad;

15 Agus o bha thu 'a d' leanabh gu'm b' aithne dhuit na sgrìobtuirean naomha, a tha comasach air do dheanamh glie chum slàinte, tre 'n chreidimh a tha ann an Iosa Crìosd.

16 Tha an sgrìobtuir uile air a dheachdadh le Spiorad Dhé, agus tha e tarbhach chum teagasg, chum spreige, chum leasachaidh, chum oilein ann am fireantachd:

17 Chum gu'm bi òglach Dhé coimhlionta, làn deas chum gach uile dhèadh oibre.

CAIB. IV.

1 Chuir Pòl impidh air Timoteus a dhleasdanas a dheanamh leis an uile chàram agus dhìchioll; 6 thug e cinnte dha gu bheil a bhàs fèin am fagus; 9 is àill leis e 'theachd gu grad d'a ionnsuidh, agus Marcus a thoirt leis, agus nithean àraidh eile mu'n do sgrìobh e d'a ionnsuidh; 14 thug e rabhadh dha 'bhi air fhaicill o Alecsander an ceard-umha, &c.

THA mi a' sparradh ort uime sin 'am fianuis Dhé, agus an Tighearna Iosa Crìosd, a bheir breth air na beothaibh agus air na marbhaibh, aig a theachd dhealrach, agus ann a rìoghachd:

2 Searmonaich am focal, bi dùrachdach ann an àm agus ann an an-àm; spreig, cron-aich, earailich leis an uile fhad-fhulangas agus theagasg.

3 Oir thig an t-àm ams nach bi fulang aca air teagasg fallain: ach air do chluasaibh tachasach a bhi aca, carnaidh iad suas dhoibh fèin luchd-teagaisg a réir an ana-miannan;

4 Agus tionndaidh iad an cluasan o'n fhirinn, agus iompaichear iad chum sgeulachdan faoince.

5 Ach dean thusa faire anns na h-uile nithibh, fuiling cruaidh-chàs, dean obair soisgeulaiche, coimhion do mhinistrealachd.

6 Oir tha mise nis gu 'bhi air m'òbradh, agus tha àm mo shiubhail am fagus.

7 Chòmhraig mi an deadh chòmhrag, chrìochnaich mi mo thurus, ghlaidh mi an creidimh.

8 O so mach taisgear fa m' chomhair crùn

fireantachd, a bheir an Tighearna, am breith-eamh cothromach, dhomh 's an là ud: agus cha-n ann dhomh-sa a mhàin, ach dhoibh-san uile mar an ceudna, leis an ionmhuim a theachd-san.

9 Dean do dhìchioll air teachd a m' ionnsuidh gu luath:

10 Oir thréig Demas mi, air dha an saoghal so a tha làthair a ghràdhachadh, agus chaidh e do Thesalonica; Crescens do Ghalatia, Titus do Dhalmatia.

11 Tha Lucas 'n a aonar maille rium. Gabh Marcus agus thoir leat e: oir tha e feumail dhomh-sa chum na ministrealachd. 12 Ach chuir mi Tichicus gu h-Ephesus.

13 An fhalluing a dh'fhàg mi ann an Troas aig Carpus, 'n uair a thig thu, thoir leat, agus na leabhraichean, ach gu h-àraidh na meambranan.

14 Rinn Alecsander an ceard-umha iomadh òc orm: gu'n tugadh an Tighearna dha a réir a ghnìomharan:

15 Bi thusa mar an ceudna air d'fhaicill uaidh, oir chuir e gu mòr an aghaidh ar briathar-ne.

16 Aig mo cheud fhreagradh cha robh aon neach leam, ach thréig na h-uile mi: nìor agrar orra e.

17 Gidheadh, sheas an Tighearna làmh rium, agus neartaich e mi; chum tromham-sa gu'm bithheadh an searmonachadh air a làn-fhoills-eachadh, agus gu'n cluinneadh na Cinnich uile e: agus shaoradh mi á beul an leòmhain.

18 Agus saoraidh an Tighearna mi o gach uile dhroch obair, agus gleidhidh e mi chum a rìoghachd nàmhaidh fèin: dhà-san gu'n robh glòir gu saoghal nan saoghal. Amen.

19 Guir fàilte air Prisca, agus air Acaila, agus air teaghlach Onesiphorus.

20 Dh'fhan Erastus ann an Corintus: ach dh'fhàg mi Trophimus gu tinn ann am Miletum.

21 Dean dìchioll air teachd roimh'n gheamhradh. Tha Eubulus, agus Pudens, agus Linus, agus Claudia, agus na bràithrean uile a' cur fàilte ort.

22 Gu'n robh an Tighearna Iosa Crìosd maille ri d'spiorad. Gràs maille ribh. Amen.

LITIR AN ABSTOIL PHOIL

CHUM

THITUIS.

CAIB. I.

1 'Car son a dh'fhàgadh Titus ann an Crete. 6 Cìod na buaidhean is còir 'bhi aca-san a thaghar 'n am ministearibh. 11 Is éigin beòil droch luchd-teagaisg a dhruideadh: 12 cìod a' ghnè dhaoine a tha anna.

POL seirbhiseach Dhé, agus abstol Iosa Crìosd, a réir creidimh dhaoine taghta

Dhé, agus aidmheil na firinn a tha réir diadhachd:

2 Ann an dòchas na beatha maireannaich, a gheall Dia, do nach comasach breug a dheanamh, roimh chruthachadh an t-saoghail:

3 Ach dh'fhoillsich e 'focal fèin, ann an àm iomchuidh tre shearmonachadh, a dh'-

earbadh rium-sa, a réir áithne Dhé ar Slánuidhir :

4 Chum Thituis *mo* dhearbhb mhic féin a réir a' chreidimh choitchionn: Gràs, tròcair, agus sith o Dhia an t-Athair, agus o'n Tigh-earn Iosa Crìosd ar Slánuidhear.

5 Air a shon so dh'fhàg mi thu ann an Crete, chum gu'n cuireadh tu 'n ordugh na nithean a dh'fhàgadh gun deanaimh, agus gu'n suidhicheadh tu seanairean anns gach baile, a réir mar a dh'áithn mise dhuit.

6 Ma tha neach sam bith neo-lochdach, 'n a fhear aoin mhnatha, aig am bheil a chlam creidimheach, nach 'eil fo mhi-chliu thaobh ana-caitheimh, no eas-ùmhail :

7 Oir is còir do easbuig a bhi neo-choir-each, mar stiùbhard Dhé; gun a bhi féin-thoileil, no feargach, no òimhor, no tuasuid-each, no déidheil air buannachd neòghloin ;

8 Ach aoidheil, déidheil air daoinibh maith, ciallach, cothromach, naomh, measarra ;

9 A' cumail an fhocail fhìor gu daingean a réir teagasg, chum gu'm bi e comasach le teagasg fallain, araon air earail a thabhairt, agus an dream a sheasas 'n a aghaidh a chur as am barail.

10 Oir tha mòran ann a tha mi-riaghailt-each, a labhras gu dìomhain, agus a tha 'n am mealltairibh, gu h-àraidh iadsan a tha de'n timchioll-ghearradh :

11 Muinntir a's còir am beul a dhruideadh, dream a tha 'tionndadh thighean iomlan bun os ceann, a' teagasg nan nithean nach còir a theagasg, air ghaol buannachd shal-aich.

12 Thubhairt neach àraidh dhiubh féin, eadhon faidh dhiubh féin, *Is breugairean a ghnàth na Cretich*, droch fhiadh-bheath-aichean, builg mhall.

13 Tha an fuainis so fìor: air an aobhar sin cronach gu geur iad, chum gu'm bi iad fallain 's a' chreidimh ;

14 Gun 'bhi' toirt aire do fhaoin-sgeulachd-aibh Iudhach, agus do àitheantaibh dhaoine, a thionndaidheas o'n fhìrinn

15 Oir gu deimhin tha na h-uile nithean glan do'n dream a tha glan: ach dhoibh-san a tha salach, agus mi-chreidimheach, *cha-n'èil* aon ni glan; ach tha an inntinn agus an coguis féin air an salachadh.

16 Tha iad a' gabhail orra eòlas a bhi aca air Dia; ach ann an oibribh tha iad 'g a àicheadh, air dhoibh a bhi gràineil, agus eas-ùmhail, agus a thaobh gach deadh oibre as eugmhais tuigse.

CAIB. II.

1 *Comhairlean air an tabhairt do Thitus araon mu thimchioll a theagasg agus a claithe-beatha. 9 Mu dhèasdanas sheirbhiseach, agus mar an ceudna mu dhèasdanas nan uile Chrìosudhean.*

A CH labhair thusa na nithean a thig ri teagasg fallain :

2 *Eadhon* na daoine aosda 'bhi aireil, suidhichte, measarra, fallain 's a' chreidimh, ann an gràdh, ann am foighidin :

3 Mar an ceudna na mnathan aosda 'bhi 'n an giùlan mar is cubhaidh do naomhachd, gun a bhi 'n an luchd-tuaileis, gun a bhi trona air fion, a bhi 'n an luchd-teagaisg air nithibh maith ;

4 Chum gu'n teagaisg iad na mnathan òga 'bhi ciallach, gràdhach air am fearaibh, gràdhach air an eloimn,

5 'Bhi eagnuidh, geamnuidh, fantuinn aig an tigh, a bhi maith, ùmhail d'am fearaibh chum nach faigh focal Dhé mi-chliu.

6 Cuir impidh air na daoineibh òga mar an ceudna, iad a bhi ciallach.

7 Anns na h-uile nithibh 'g ad nochdadh féin ann ad eiseimpleir dheadh oibre: ann an teagasg *a' nochdadh* neo-thruaillidh-eachd, suidheachadh inntinn, tréibhdhireis,

8 Càinnt fhallain nach fheadar a dhit-eadh; chum gu'm bi nàire air an neach a tha 'n 'nr n-aghaidh, a chionn nach 'eil droch ni sam bith aige 'r a labhairt umaibh.

9 *Earrailich* seirbhisich a bhi ùmhail d'am maighistiribh féin, agus an deadh-thoileachadh anns na h-uile nithibh: gun 'bhi a' labhairt 'n an aghaidh ;

10 Gun a bhi 'ceileachadh aon ni d'an cuid, ach a' nochdadh gach uile dheadh thairisneachd; chum gu'n dean iad teagasg Dhé ar Slánuidhir maiseach anns na h-uile nithibh.

11 Oir dh'fhoillsicheadh gràs slàinteil Dhé do na h-uile dhaoineibh,

12 A' teagasg dhuinn gach mi-dhiadhachd agus ana-miann saoghailta àicheadh, agus ar beatha a chaitheadh gu stuama, gu cothromach, agus gu diadhaidh anns an t-saogh-al so lathair ;

13 Air dhuinn sùil a bhi againn ris an dòchas bheannaichte sin, eadhon foillseachadh glòire an Dé mhòir, agus ar Slánuidhir Iosa Crìosd:

14 A thug e féin air ar son, chum gu'n saoradh e sinn o gach aingidheachd, agus gu'n glanadh e dha féin slugh sornichte, eudmhor mu dheadh oibribh.

15 Na nithean so labhair, agus earailich, agus cronach leis an uile ùghdarras. Na deanadh duine sam bith tàir ort.

CAIB. III.

1 *Tha Titus air a sheòladh le Pòl, araon mu thimchioll nan nithean a bhuicadh dha 'theagasg, agus nach buicadh; 10 is àill leis e 'chur cùl ri luchd saobh-chreidimh: 12 an dèigh so, dh'innis e dha an t-àm, agus an t-àit anns am b' àill leis e theachd d'a ionnsuidh; agus mar sin chrìochnaich e.*

CUIR 'an cuimhne dhoibh a bhi ùmhail do nuachdaranachdaibh agus do chumh-aichdaibh, gill a thoirt do luchd-riaghlaidh, 'bhi ullamh chum gach uile dheadh oibre.

2 Gun ole a labhairt mu neach air bith,

a bhi nec-thuasaideach, ciùin, a' taisbeanadh an uile cheannsaich do na h-uile dhaoibh.

3 Oir bha sinne féin uair-éigin eu-céillidh, eas-ùmhail, air seacharan, a' deanamh seirbhìs do ionadhlach guè ana-miann agus an-toil, a' caitheamh ar beatha ann am mì-rùn agus 'am farmad, fuath-thoillteannach, agus 'a toirt fuath d'a chèile.

4 Ach an uair a dh'fhoillsicheadh caoinheanas agus gràdh Dhé ar Slànuidhir do dhaoibh,

5 Cha-n ann o oibribh fireantachd a rinn sinne, ach a réir a thròcair féin shaor e sinn, tre ionnlad na h-ath-ghineamhuinn, agus ath-nuadhachadh an Spioraid naoinh :

6 A dhòirt e oirne gu saoi-bhìr, tre Iosa Criosd ar Slànuidhear :

7 Chum air dhuinn a bhi air ar fireanachadh tre a ghràs-san, gu'm bitheamaid air ar deanamh 'n ar n-oighreachaibh a réir dòchais na beatha maireannaich.

8 Is fìor an ràdh so, agus is àill leam thu 'thoirt dearbh-chinntè air na nithibh sin, chum gu'm bitheadh iadsan a chreid ann an Dia, cùramach air toiseach a bhi aca ann an deadh oibribh : oir tha na nithean so maith agus tarbhach do dhaoibh.

9 Ach seachainn ceisdear amaideach, agus

sloinntaireachd, agus connspoidean, agus connusachadh mu'n lagh ; oir tha iad gun tairbhe agus dìomhain.

10 Duine a tha 'n a shaobh-chreidmheach, an déigh na ceud agus na dara comhairle diult :

11 Air do fhios a bhi agad gu bheil a leithid sin a *dhuine* air a chur bun os ceann, agus gu bheil e a' peacachadh, air dha 'bhi ar fhein-dhiteadh.

12 'N uair a chuireas mi Artemas a d' ionnsuidh, no Tichicus, dean dìchioll air teachd a m' ionnsuidh gu Nicopolis : oir is ann an sin a chuir mi romham an geamhradh a chaitheadh.

13 Thoir Senas am fear-lagha agus Apollos air an aghaidh 's an t-slighe gu dùrachdach, chum nach bi ni air bith dh'uireas-bhaidh orra.

14 Agus fòghlumadh air muinntir-ne mar an ceudna deadh oibre a dheanamh gu dùrachdach fa chomhair ghnàthachadh feumail, chum nach bi iad neo-tharbhach.

15 Tha'n dream a tha maille rium uile a' cur fàilte ort. Cuir fàilte orra-san le'n ionmhuinn sinne 's a' chreidimh. Gràs maille ribh uile. Amen.

LITIR AN ABSTOIL PHOIL

CHUM

P H I L E M O I N .

1 *Is taitneach le Pòl a bhi 'cluinntinn mu chreidimh agus ghràdh Philemoin : 9 air am bheil e'g iarraidh maitheanas a thabhairt do Onesimus a sheirbhiseach, agus gabhail ris a ris gu càirdeil.*

POL, prìosanach Iosa Criosd, agus Timoteus ar bràthair, chum Philemoin a's ionmhuinn leinn, agus ar eomh-shaothraiche,

2 Agus ehum Aphia ionmhuinn, agus Archipuis ar comh-shaighdear, agus ehum na h-eaglais a tha ann ad thigh :

3 Gràs gu robh dhuibh, agus sìth o Dhia ar n-Athair, agus o'n Tighearn Iosa Criosd.

4 Tha mi a' toirt buidheachais do m' Dhia, a' sìor-thoirt luaidh ort-sa ann am urnuighibh,

5 Air dhomh 'bhi 'cluinntinn mu d' ghràdh, agus chreidimh, a tha agad a thaobh an Tighearna Iosa, agus a thaobh nan uile naomh ;

6 Chum gu'm bi eomh-chomunn do chreidimh éifeachdach ann an aidmheil an uile mhaith a tha annaibh ann an Iosa Criosd.

7 Oir tha subhachas ro mhòr agus comh-fhurtachd againne ann do ghràdh-sa, da bhrìgh gu bheil innigh nan naomh air faotainn suaimhnis tromhad-sa, a bhràthair.

8 Uime sin ged fheudainn a bhi ro dhàna ann an Criosd, chum an ni a tha iomchuidh àithneadh dhuitse,

9 Gidheadh is fearr leam air son gràidh impidh a chur ort, air 'bhi dhomh mar Phòl an t-aosda, agus a nis mar an ceudna a'm phrìosanach air son Iosa Criosd.

10 Guidheam ort air son mo mhie Onesimus, a ghin mi ann am gheimhlibh :

11 Neach a bha uair-éigin neo-tharbhach dhuitse, ach a nis a tha tarbhach dhuitse agus dhomh-sa :

12 Neach a chuir mi air ais : uime sin gabh-sa ris mar ri m' innigh féin.

13 Neach a bu mhiann leam a chumail maille rium féin, chum gu'n deanadh e frithealadh dhomh ann ad àite-sa, ann an geimhlibh an t-soigheil :

14 Ach as eugmhais d'inntinn-sa cha bu toil leam ni sam bith a dheanamh ; chum

nach bitheadh do mhaith-sa mar gu b'ann a dh'aindeoin, ach o d' thoil féin.

15 Oir theagamh gur ann air a shon so a dh'fhàg e thu ré tamnill, chum gu'm faigh-eadh tu e gu sìorruidh;

16 Cha-n ann á so suas mar sheirbhiscach, ach os ceann seirbhisich, 'n a bhràthair gràdhach, gu h-àraidh dhomh-sa, agus nach mò na sin dhuitse, arao anns an fheòil, agus anns an Tighearn?

17 Uime sin na mheasas tu mise mar fhear comh-roinne, gabh ris-san mar rium féin.

18 Agus ma rinn e eucoir ort, no ma thae ann am fiachaibh sam bith dhuit, cuir sin as mo leth-sa.

19 Sgrìobh mise Pòl le m' làimh féin e, agus dìolaidh mi e: ged nach 'eil mi ag

ràdh riut, gu'n dlighear leat thu féin os bàrr dhomh.

20 Seadh, a bhràthair, faigheam gaird-cachas do d' thaobh 's an Tighearn: dean suaimhneach mo chridhe 's an Tighearn.

21 Air dhomh 'bhi carbsach á d'ùmhlaichd sgrìobh mi a d'ionnsuidh, oir tha fhios agam gu'n dean thusa mar an ceudna nì's mò na a tha mi ag ràdh.

22 Ach maille ri so ulluich mar an ceudna fardoch air mo shon: oir tha dòchas agam, tre bhurn-urnuighibh-se, gu'n toirear mi dhuibh.

23 Tha Eaphras mo chomh-phrìosanach ann an Iosa Crìosd,

24 Marcen, Aristarchus, Demas, Lucas, mo chomh-luchd-oibre, a' cur fàilte ort.

25 Gràs ar Tighearna Iosa Crìosd gu robh maille ri 'ur spiorad-se. Amen.

LITIR AN ABSTOIL PHOIL

CHUM NAN

EABHRUIDHEACH.

CAIB. I.

1 *Tha Crìosd a thàinig o'n Athair anns na h-am-aibh deireannach so, 4 nì's mò na na h-ainglean, arao thaobh a phearsa agus a dhreuchd.*

DIA, a labhair o shean gu minic, agus air iomadh dòigh ris na h-aithrichibh leis na fàidhibh,

2 Labhair e anns na làithibh deireannach so ruinne tre a Mhac, a dh'orduich e 'n a oighre air na h-uile nithean, tre'n do chru-thaich e fòs na saoghal.

3 Neach air 'bhi dha 'n a dhealradh a ghlòire-san, agus 'n a fhòr ìomhaigh a phearsa, agus a' cumail suas nan uile nith-ean le focal a chumhachd, 'n uair a ghlan e ar peacaidhean troimh féin, shuidh e air deas làimh na mòrachd anns na h-àrdaibh:

4 Air dha 'bhi air a dheanamh nì's ro òir-dheirce na na h-ainglean, mheud 's gu'n d'fhuair e mar oighreachd ainm a bu ro fhearr na iadsan.

5 Oir cò de na h-ainglean ris an dubhairt e uair air bith, Is tu mo Mhac-sa, an diugh ghin mi thu? agus a ris, Bithidh mise a'm' Athair dhà-san, agus bithidh esan 'n a Mhac dhomh-sa.

6 Agus a ris, 'n uair a tha e a' tabhairt a' cheud-ghin a steach do'n t-saoghal, tha e ag ràdh, Agus deanadh nìle ainglean Dhé aoradh dha.

7 Agus a thaobh nan aingeal tha e ag ràdh, Neach a tha 'deanamh' ainglean 'n an spioradaibh, agus a mhinisteirean 'n an lasair theine.

8 Ach ris a' Mhac *tha e ag ràdh, Tha do*

righ-chaitir, a Dhé, gu saoghal nan saoghal; is slat-rioghail ro chothromach slat do riogh-achd-sa:

9 Ghràdhaich thu fireantachd, agus thug thu fuath do aingidheachd; uime sin dh'ung Dia, do Dhia-sa, thu le oladh aoibhneis os ceann do chompanach.

10 Agus, Leag thusa, a Thighearna, bun-aitean na talmhainn air tùs; agus is iad na nèamhan oibre do làmh:

11 Teirgidh iadsan, ach mairidh tusa: agus fàsaidh iad uile sean mar eudach;

12 Agus fillidh tu iad mar bhrat, agus caochlaidhear iad: ach is tusa an ti ceudna, agus cha-n fhàinich do bhliadhnachan.

13 Ach cò de na h-ainglibh ris an dubhairt e uair air bith, Suidh air mo dheas-làimh, gus an cuir mi do naimhdean 'n an stòl-chos fo d'chosaibh?

14 Nach spioradan frithealaidh iad uile, air an cur a mach chum frithealadh dhoibh-san a bhithcas 'n an oighreachaibh air slàinte?

CAIB. II.

1 *Is còir dhuinn a bhli àmhail do Chriosd, 5 agus sin do bhrìgh gu'n d'aontaich e ar nàdur-ne a ghabhail air féin, 14 mar a bha sin feumail.*

UIME sin is còir dhuinn an ro thuill-cadh aire a thoirt do na nithibh a chuala sinn, air cagal uair sam bith gu'n leigcamaid ruith leo.

2 Oir ma bha am focal a labhradh le h-ainglibh seasmhach, agus gu'n d'fhuair gach uile bhriscadh agus eas-ùmhlaichd dìol-thuarasdal dlìgheach;

3 Cionnus a théid sinne as, ma ní sinn dì-meas air slàinte co mòr, a thòisich air tùs air 'bhi air a labhairt leis an Tighearn, agus a rinneadh dearbhtha dhuinne leo-san a chual e;

4 Air bhi do Dhia a' deanamh comh-fhianuis leo, araon le comharaibh agus le h-iongantasaibh, agus le feartaibh eagsamhla, agus le tiodhlacaibh an Spioraid naoimh, a réir a thoile féin?

5 Oir cha do chuir e fo cheannsal nan aingeal an saoghal ri teachd, mu'm bheil sinn a' labhairt.

6 Ach rinn neach fianuis ann an ionad àraidh, ag ràdh, Ciod e an duine gu'n cuimhnichheadh tu air? no uac au duine gu'm fiosraicheadh tu e?

7 Rinn thu e ré tamuill bhig nì's isle na na h-ainglean; chrùn thu e le glòir agus le h-urram, agus chuir thu e os ceann oibre do làmh:

8 Chuir thu na h-uile nithean sìos fo a chosaibh. Oir ann an cur nan uile nithean fodha dha, cha d'fhàg e nì air bith gun chur foidhe. Ach a nis cha-n'èil sinn a' faicinn uan uile nithean fathast air an cur fa cheannsal.

9 Ach chì sinn Iosa, a rinneadh ré ùine bhig nì b'isle na na h-ainglean, chum tre ghràs Dhé gu'm blaiseadh e bàs air son gach uile dhuine, tre fhulang a' bhàis air a chrùnadh le glòir agus le h-urram.

10 Oir b'iomchuidh dhàsan, air son *am bheil* na h-uile nithean, agus tre'm *bheil* na h-uile nithean, ann an tabhairt mhòran mhac chum glòire, ceannard an slàinte a dheanamh foirfe tre fhulangasaibh.

11 Oir *tha* araon an ti a naomhaicheas, agus iadsan a naomhaichear, uile o aon: air an aobhar sin cha nàr leis bràithrean a ghairm diubh.

12 Ag ràdh, Cuiridh mi d'ainm 'an céill do m' bhràithribh, ann am meadhon na h-eaglais seinnidh mi clu dhuit.

13 Agus a ris, Cuiridh mi mo dhòchas ann. Agus a ris, Feuch mise, agus a' chlann a thug Dia dhomh.

14 Uime sin, mheud 's gu bheil aig a' chloinn comh-roim a dh' fheòil agus a dh' fhuil, ghabh esan mar an ceudna roinn diubh sin; chum tre'n bhàs gu'n claidheadh e esan, aig am bheil cumhachd a' bhàis, 's e sin, an diabhul;

15 Agus gu'n saoradh e iadsan a bha tre eagal a' bhàis ré am beatha uile fo dhaorsa.

16 Oir gu deimhin cha do ghabh e *nàdur* nan aingeal air; ach ghabh e sìol Abraham air.

17 Uime sin b'fhèumail da anns na h-uile nithibh a bhi air a dheanamh cosmhuil r'a bhràithribh; chum gu'm bitheadh e 'n a àrd-shagart tràcaireach agus dìleas ann an nithibh a thaobh Dhé, chum réite a dheanamh air son pheacaidhean an t-sluaigh:

18 Oir a mheud 's gu'n d'fhuiling e féin, air dha 'bhi air a bhuaireadh, is comasach e air cabhair a dheanamh orra-san a tha air am buaireadh.

CAIB. III.

1 *Is mò Criosd na Maois: 7 uime sin mur creid sinn annsan, bithidh sinn nì's toilleanaiche air dìoghabas na Israel cruaidh-chridheach.*

UIME sin, a bhràithre naomha, a *tha* 'n 'ur luchd-comhairt de'n ghairm nèamhaidh, thugaibh fainear Iosa Criosd, abstol agus àrd-shagart ar n-aidmheil;

2 A bha dìleas dhàsan a dh'orduich e, amhuil a bha Maois mar an ceudna 'n a thigh-san uile.

3 Oir mheasadh gu'm b'airidh an *Ti* so air glòir a bu mhò na Maois, mheud 's gu bheil tuilleadh urrain aig an neach a thog an tigh, na aig an tigh féin.

4 Oir *tha* gach uile thigh air a thogail le aon éigin; ach an ti a thog na h-uile nithean, is e Dia.

5 Agus gu deimhin *bha* Maois dìleas 'n a thigh-san uile mar sheirbhiseach, chum fianuis air na nithibh sin a bha gu bhi air an labhairt an dèigh sin;

6 Ach Criosd mar Mhac os ceann a thighe féin: agus is sinne a thigh-san, ma chumas sinn dànachd, agus gairdeachas an dòchais, gu daingean gus a' chrìoch.

7 Uime sin, mar *tha* an Spiorad naomh ag ràdh, An diugh, ma chluinneas sibh a ghuth,

8 Na cruaidhichibh blur eridhe, mar anns a' bhrosnachadh, ann an là a' bhuaireadh 's an fhàsach:

9 Far an do bhuaire blur n-aithrichean mi, agus a dhearbha iad mi, agus a chunnaic iad m'oire ré dhà fhichead bliadhna.

10 Uime sin bha diomb orm ris a' ghinealach sin, agus thubhairt mi, Tha iad a ghnàth air seacharan 'n an eridhe; agus cha do ghabh iad eòlas air mo shligheibh-sa.

11 Ionnsu gu'n d'thug mi mo mhionnan a'm' fheirg, Nach téid iad a steach do m' shuaimhneas.

12 Thugaibh an airc, a bhràithre, air eagal gu'm bi ann an aon neach agaibh droch eridhe mi-chreidimh, ann an tréigsinn an Dé bheò.

13 Ach earaillichibh a chéile gach aon là, am feadh a ghoirear An là 'n diugh dheth; air eagal gu'n cruaidhichear neach air bith agaibh tre mhealltaireachd a' pheacaidh.

14 Oir rinneadh sinne 'n ar luchd-comhairt de Chriosd, ma chumas sinn toiseach ar muinghin gu daingean gus a' chrìoch;

15 Am feadh a theirear, An diugh, ma chluinneas sibh a ghuth, na cruaidhichibh blur eridhe, mar anns a' bhrosnachadh.

16 Oir air do dhream àraidh chluinntinn, bhrosnuich iad: ach cha b'iadsan uile a thàinig a mach as an Eiphit le Maois.

17 Ach cò ris a bha diomb air ré dhà fhichead bliadhna? *nach ann* rusan a pheacaich, muinntir aig an do thuit an coluimnean anns an fhàsach?

18 Agus cò iad d'an d'thug e a mhìoman nach rachadh iad a steach d'a shuaimhneas, ach dhoibh-san nach do chreid?

19 Mar so chi sinn nach b'urraim iad dol a steach air son mi-chreidimh.

CAIB. IV.

1 *Tha fois nan Criosluidhean air a faghail tre chreidimh.* 12 *Cumhachd focail Dhé.* 14 *Tre ar n-àrd-shagart Iosa Mac Dhé, a bha fo thrìoblaidibh, ach saor o pheacadh,* 16 *is còir dhuinn, agus feuldaidh sinn dol gu dàna chum caithir nan gràs.*

UIME sin bitheadh faitheas oirm, air cagal air bhi do ghealladh dol a steach d'a shuaimhneas air fhàgail againn, gu'n tigeadh aon neach agaibh a dhéidh-làimh air.

2 Oir shearmonaicheadh an soisgeul dhuinne, amhuil a rinneadh dhoibh-san: ach cha robh tairbhe dhoibh anns an fhocal a chaidh a shearmonachadh, do bhrìgh nach robh e air a mheasgadh le creidimh anns an dream a chual e.

3 Oir tha sinne a chreid a' dol a steach do shuaimhneas, amhuil a thubhairt e, Mar a thug mi mo mhìoman a'm f'heing, Nach téid iad a steach do m'shuaimhneas: ged bha na h-oibre crìochmaichte o thoiseach an t-saoghail.

4 Oir labhair e ann an ionad àraidh mu'n t-seachdamh là air an dòigh so, Agus ghabh Dia fois air an t-seachdamh là o 'oibrìbh uile.

5 Agus anns an ionad so a ris, Cha téid iad a steach do m' shuaimhneas.

6 Do bhrìgh uime sin gu'n tuigear naith so gu'n téid dream àraidh a steach ann, agus nach deachaidh an dream, d'an do shearmonaicheadh e air tùs, a steach air son am mi-chreidimh;

7 A ris, tha e 'suidheachadh là àraidh, ag ràdh ann an Daibhidh, An diugh, an déigh aimsir co fhada; mar a theirear, An diugh, ma chluinneas sibh a ghuth, na cruaidhichibh bhuir cridhe.

8 Oir nam bitheadh Iosua air toirt suaimhneis dhoibh, cha labhradh e an déigh sin mu là eile.

9 Uime sin dh'fhàgadh fois *fu chomhair* sluaigh Dhé.

10 Oir an ti a chaidh steach d'a shuaimhneas-san, ghabh esan tàmh o 'oibrìbh-san, amhuil a ghabh Dia o 'oibrìbh féin.

11 Deanamaid dìchioll uime sin air dol a steach do'n t-suaimhneas sin, air cagal gu'n tuit aon neach a réir eisempleir chendna a' mhi-chreidimh.

12 Oir tha focal Dhe beò agus cumhachdach, agus n's géire na claidheamh dà fhaobhair air bith, a' ruigheachd eadhon

chum eadar-sgaraidh an anama agus an spioraid, agus nan alt agus nan smear, agus a' toirt breth air smuaintibh agus rùnaibh a' chridhe.

13 Agus cha-n'eil creutair sam bith nach 'eil follaiseach 'n a làthair-san: ach *tha* na h-uile nithean lomnochd, agus fosgailte do shùilibh an ti d'am feum sinn cunntas a thabhairt.

14 Do bhrìgh uime sin gu bheil againn àrd-shagart mòr, a chaidh a steach do na nàman, Iosa Mac Dhé, cumamaid gu daingean ar n-aidmheil.

15 Oir cha-n'eil àrd-shagart againn nach 'eil comasach air comhfhulangas a bhi aige r'ar n-anluinneachdaibh; ach a bhuaireadh 's na h-uile nithibh air an dòigh chendna ruinne, *ach* as eugmhais peacaidh.

16 Thigeanaidh uime sin le danachd gu rìgh-chaitheir nan gràs, chum gu faigh sinn trocair, agus gu'n annais sinn air gràs chum cabhair ann an àm feuma.

CAIB. V.

1 *Ughdarras agus urram sagartachd ar Slànuidhir:* 11 *màirneutachd 'n an eòlas air a chionnachadh.*

OIR tha gach uile àrd-shagart, air a thoirt o mheasg dhaoine, air orduchadh air son dhaoine ann an nithibh a thaobh Dhé, chum gu'n toir e suas araon tiodhlacan agus iobairtean air son pheacaidhean:

2 Neach a tha comasach air truas a ghabhail ris an dream a tha aineolach, agus air seacharan; do bhrìgh gu bheil e féin mar an ceudna air a chuairteachadh le h-anluinneachd:

3 Agus air a shon so, is còir dha iobradh air son pheacaidhean, mar as leth an t-sluaigh, is amhuil sin as a leth féin mar an ceudna.

4 Agus cha ghabh aon duine an t-urram so dha féin, ach an ti a tha air a ghairm o Dhia, mar bha Aaron:

5 Is amhuil sin, cha do ghlòraich Criosd e féin, gu 'bhi air a dheanamh 'n a àrd-shagart; ach an ti a thubhairt ris, Is tu mo Mhac, an diugh ghin mi thu.

6 A réir mar tha e ag ràdh mar an ceudna ann an ionad eile, *Is* sagart *thu* gu sìorruidh a réir orduigh Mhelchisedeic.

7 Neach ann an làithibh 'fheada, an déigh dha urnuigean agus athcheuingean, maille ri h-àrd-éighieag agus deuraibh, iobradh suas do'n ti a bha comasach air a shaoradh o'n bhàs, agus dh'éisdeadh ris thaobh an nì roimh an robh eagal air.

8 Ged bu Mhac e, dh'fhòghluim e ùmhachd o na nithibh a dh'fhuiling e:

9 Agus air dha 'bhi air a dheanamh foirfe, riuncadh e 'n a ùghdar slàinte sìorruidh dhoibh-san uile a bhithcas ùmhachd dha;

10 Air a ghairm le Dia 'n a àrd-shagart a réir orduigh Mhelchisedeic.

11 Mu'n bheil mòran againn r'a labhairt, agus cruaidh r'am mìneachadh ; do bhrìgh gu bheil sibh mall 'n ur n-éiseachd.

12 Oir ged bu chòir dhuibh a réir na h-aim-sir' bhi 'n ur luchd-teagaisg, tha feum agaibh gu'n teagaisgeadh neach dhuibh a ris cìod iad ceud-thoiseachan bhriathar Dhé ; agus tha sibh air teachd chum na *h-inbhe* sin, gur mò a tha bainne dh'uireasbhuidh oirbh na biadh làidir.

13 Oir gach neach a tha 'gnàthachadh bainne, tha e neo-theòma air focal na fir-eantachd; oir is naoidheam e.

14 Ach is ann do dhaoineibh foirfe a bhuinneas biadh làidir, aig am bheil an ceudfaidh, tre ghnàthachadh fada, air an cleachdadh ri eadar-dhealachadh a chur eadar maith agus ole.

CAIB. VI.

1 *Chuir Pòl impidhair na h-Eabhruidhich, gun iad a thuiteam air an àis o'n chreidimh; 11 ach a bhi seasmhach, 12 dìchìollach, agus feitheamh gu foighidneach ri Dia, 13 do bhrìgh gu bheil e san fìor agus cinnteach 'n a ghealladh.*

UIME sin air fàgail duinn ceud-thoiseachan teagaisg Chrìosd, rachamaid air ar n-agaidh chum foirfeachd ; gun a bhi ris a' suidheachadh bunaitean aithreachais o oibribh marbha, agus creidimh thaobh Dhé,

2 *Bunaitean teagaisg nam baidse, agus leagaidh nan lànùh, agus aiseirigh nam marbh, agus breitheanais shìorruidh.*

3 Agus ni sinn so, ma cheadaicheas Dia.

4 Oir is eu-comasach an dream sin a chaidh aon uair a shoillscachadh, agus a bhlais an tìodhlac nèamhaidh, agus a rinnadh 'n an luchd-comhairt de'n Spìorad naomh,

5 Agus a bhlais deadh fhocal Dhé, agus cumhachdan an t-saoghail ri teachd,

6 Agus a thuit air falbh, ath-nuadhachadh chum aithreachais; do bhrìgh gu bheil iad a' ceusadh Mhic Dhé a ris dhoibh féin, agus 'g a chur gu nàire fhollaisich.

7 Oir an talamh a dh'òlas a steach an t-uisge a tha 'teachd gu minic air, agus a bheir naith luibhean iomchuidh do'n dream leis an saothraichear e, gheibh e beannachadh o Dhia :

8 Ach an talamh sin a bheir naith droigh-ionn agus driscan, *tha* e air a chur air cùl, agus fagus do mhallachadh; d'an deireadh 'bhi air a losgadh.

9 Ach is dearbh leinn nithean a's fearr mu'r timchioll-se, a mhuinntir ionmhuinn, agus nithean a tha dlùth do shlàinte, ged tha sinn a' labhairt mar so.

10 Oir cha-n'eil Dia mì-chothromach, gu'n dì-chuimhnichadh e obair agus saothair bhuir gràidh, a nochd sibh a thaobh 'ainm-san, am feadh gu'n d'rinn sibh frithealachd do na naoimh, agus gu bheil sibh a' frith-ealachadh.

11 Agus is miann leinne gu'n dean gach aon agaibh an dùrachd ceudna a nochdadh, chum làn-dearbhaidh an dòchais gus a' chrìoch :

12 Chum nach bi sibh leasg, ach 'n ur luchd-leanmhuinn orra-san, a tha tre chreidimh agus foighidinn a' sealbhachadh nan geallaidhean.

13 Oir an uair a thug Dia gealladh do Abraham, do bhrìgh nach feudadh e mionnau a thoirt air neach 'bu mhò, thug e mionnan air féin.

14 Ag ràdh, Gu fìrinneach, beannaichidh mi gu mòr thu, agus ni mi ro ionmhor thu.

15 Agus mar sin an deigh dhàsan feitheamh gu foighidneach, fhuair e sealbh air a' ghealladh.

16 Oir gu deimhin bheir daoine mionnan air an neach a's mò: agus dhoibh-san is crìoch air gach uile chommsachadh miennan chum daingneachaidh.

17 Uime sin air bhi do Dhia toileach air neo-chaochluidheachd a chomhairle fheuchainn nì's pailte do oighreachaibh a' gheallaidh, dhaingnich e le mionnaibh e :

18 Chum tre dhà ni neo-chaochluidheach, anns an *robh* e eu-comasach gu'n deanadh Dia breng, gu'm bitheadh agaiune comh-fhurtachd làidir, a theich chum dèidm gu greim a dheanamh air an dòchas a chuireadh romhainn :

19 Ni a tha againn mar acair an anama, araon cinnteach agus daingean, agus a théid a steach do'n ionad sin a tha'n taobh stigh de'n bhrat-roinn,

20 Far an deachaidh an roinn-ruith-fhear a steach air ar son-ne, *eadhon* Iosa, a rinn-eadh 'n a àrd-shagart gu sìorruidh a réir orduigh Mhelchisedec.

CAIB. VII.

1 *Is sagart Iosa Chrìosd a réir orduigh Mhelchisedec; 11 agus mar sin n's ro àirdheirce na na sagartan a tha de orduigh Aaroin.*

OIR b'e am Melchisedec so rìgh Shaleim, sagart an Dé a's ro àirde, neach a choinnich Abraham a' pìlltim o uharbhadh nan rìghrean, agus a bheannaich e ;

2 D'an d'thug Abraham eadhon deachamh de'n uile: neach a's e air tùs, air 'eadar-theangachadh, rìgh na fireantachd, agus 'n a dhéigh sin mar an ceudna, rìgh Shaleim, 's e sin, rìgh na sìthe ;

3 Gun athair, gun mhàthair, gun sinnsir-eachd, gun toiseach làithean, gu deireadh beatha aige; ach air a dheanamh cosmhuil ri Mac Dhé, tha e 'fantuinn 'n a shagart gu sìorruidh.

4 A nis thugaibh an aire cia mòr an duine so, d'an d'thug eadhon am prìomh-athair Abraham an deachamh de'n chreich.

5 Agus gu deimhin iadsan de chloinn Lebhi, a tha 'factainn na sagartachd, tha àithne aca deachamh a thogail o'n t-shlagh a réir an lagha, sin r'a ràdh, o'm bràithribh

féin, ged thàinig iad a mach á leasraidh Abraham :

6 Ach an ti nach 'eil air a shloinneadh uatha-san, fhuair a deachamh o Abraham, agus bheannaich e csan aig an robh na geallaidhean.

7 Agus gun agadh sam bith, beannaichear an ti a's lugha leis an ti a's fearr.

8 Agus an so tha daoine a gheibh bàs a' faotainn deachaimh : ach an sin au ti aig am bheil fianuis gu bheil e beò.

9 Agus mar a dh'fhendas mi 'ràdh, fhuaradh ann au Abraham deachamh o Lebhi féin, a thogas an deachamh :

10 Oir bha e fathast ann an leasraidh 'athar, an uair a choinnich Melchisedec e.

11 A nis nan tigeadh foirfeachd tre shagartachd nan Lebhitheach, (oir is ann r'a linn a thugadh an lagh do'n t-sluagh,) ciod am feum a bha air sagart eile éirigh a réir orduigh Mhelchisedec, agus nach bitheadh e air a ghairm a réir orduigh Aaron?

12 Oir air do'n t-sagartachd a bhi air a h-atharrachadh, is éigin an lagh a bhi air atharrachadh mar an ceudna.

13 Oir an ti air an labhrar na nithean sin, buinidh e do thréibh eile, de nach d'rinn aon neach frithealadh aig an altair.

14 Oir *is* soilleir gur ann o Iudah dh'éirich ar Tighearn, treubh air nach do labhair Maois ui air bithi thaobh sagartachd.

15 Agus tha e fathast ni's ro shoilleire, am fèadh gu'n d'éirich sagart eile a réir coslais Mhelchisedec,

16 A rinneadh 'n a shagart, cha-n ann a réir lagha àithne fhicòmhòir, ach a réir cumhachd beatha gun chrìch.

17 Oir tha e 'deanamh fianuis, Gur sagart thu gach linn a réir orduigh Mhelchisedec.

18 Oir gu deimhin tha an àithne rointhe air a cur air cùl, air son i 'bhi annhunn agus neo-tharbhach.

19 Oir cha d'rinn an lagh ui sam bith foirfe, ach *rinn* toirt a steach dòchais a's fearr e; tre'm theit sinn a' teachd am fagus do Dhia.

20 Agus a mhead 's nach d'rinneadh sagart deth gun mhionnaibh;

21 (Oir rinneadh sagartan dhiubh-san as eugmhais mhionnan: ach dheth-san le mionnaibh, tre'n ti a thubhairt ris, Mhionnaich an Tighearn, agus cha ghabh e aithreachas, *Is* sagart thu gu sìorruidh, a réir orduigh Mhelchisedec;)

22 Is co mòr as sin a rinneadh Iosa 'n a urras air coimhcheangal a's fearr.

23 Agus bha gu deimhin mòran diubh-san 'n an sagartaibh, do bhrìgh gu'n do bhacadh dhoibh leis a' bhàs a' bhì maireann:

24 Ach an *duine* so, do bhrìgh gu mair e gu sìorruidh, tha sagartachd neo-chaoch-luidheach aige.

25 Air an aobhar sin tha e mar an ceudna comasach air an dream a thig a dh'ionn-

suidh Dhé trid-san a thèarnadh gu h-ionlan, do bhrìgh gu bheil e beò gu sìorruidh gu eadar-ghuidhe a dheanamh air au son.

26 Oir bha' shamhuil sin de àrd-shagart iomchuidh dhuinne, *a bha* naomh, neo-lochdach, neo-thruaillidh, air a dhealachadh o pheacaich, agus a rinneadh ni's àirde na na nèamhan;

27 Nach feum gach là mar na h-àrd-shagairt ud iobairtean a thoirt suas, air tùs air son a phacaidhean féin, agus an déigh sin air son *phacaidhean* an t-sluaigh: oir rinn e so aon uair, 's an àm 's an tug se e féin mar iobairt.

28 Oir tha an lagh a' deauamh àrd-shagartan de dhaoimibh aig am bheil annhuimeachd; ach focal nan mionnan a bha an déigh an lagha, *a' deanamh àrd-shagairt* de'n Mhac, a tha air a dheanamh ionlan gu sìorruidh.

CAIB. VIII.

1 *Le sagartachd sìorruidh Chrìosd tha sagartachd Lebhitheach Aaron air a cur air cùl: 7 agus an coimhcheangal aimsireil a rinneadh ris na sinnsiribh, le coimhcheangal sìorruidh an t-soisgeil.*

A NIS *is e so*, suim nan nithean a labhair sinn: Tha' shamhuil sin de àrd-shagart againn, a tha air suidhe air deis rìgh-chaitheach nan mòrachd anns na nèamhan;

2 Ministear nan ionad naomha, agus an fhìor phàilliuin, a shuidhich an Tighearn, agus cha bu duine.

3 Oir tha gach uile àrd-shagart air 'orduchadh chum tìodhlacan agus iobairtean a thoirt suas: nìmc sin b'éigin gu'm bitheadh aig an duine so mar an ceudna ni-éigin r'a tabhairt suas.

4 Oir nam bitheadh e air thalamh, cha bhithiadh e 'n a shagart, do bhrìgh gu bheil sagartan ann a tha 'tabhairt suas tìodhlac a réir an lagha:

5 Muinntir a tha 'deanamh scirbhis le samhladh agus sgùile nan nithean nèamhaidh, a réir mar a dh'orduicheadh do Mhaois le Dia 'n uair a bha e air tì am pàilliuin a chur suas. Oir feuch, (tha e ag ràdh,) gu'n dean thu na h-uile nithean réir an t-saìmplair a nochdadh dbuit 's an t-sliabh.

6 Ach a nis fhuair e ministreileachd a's ro fhcarr, a mhead 's gu bheil e mar an ceudna 'n a eadar mheadhonair air coimhcheangal a's fearr, a chaidh a dhaingneachadh air geallaidhnihb a's fearr.

7 Oir nam bitheadh au ceud choimhcheangal sin gun uireasbhuidh; cha-n iarrtadh àit do'n dara coimhcheangal.

8 Oir, a' faotainn croin dhoibh, tha e ag ràdh, Feuch thig na làithean, (tha an Tighearn ag ràdh,) anns an dean mi coimhcheangal nuadh ri tigh Israeil, agus ri tigh Iudah:

9 Cha-n ann a réir a' choimhcheangail a rinn mi r'an aithrichibh, anns an là a rug

mi air làmh orra chum an trèorachadh a mach á talamh na h-Eiphit; do bhrìgh nach d'fhan iad ann am choimhcheangal, agus chuir mise suarach iadsan, tha an Tighearn ag ràdh.

10 Oir is e so an coimhcheangal a ni mi ri tigh Israeil an dèigh uan làithean ud, tha an Tighearn ag ràdh; Cuiridh mi mo reachdan 'n an intuition, agus sgrìobhaidh mi iad air an cridheachaibh: agus bithidh mi a'm Dhia dhoibh, agus bithidh iadsan 'n an sluagh dhomh-sa.

11 Agus cha teagaisg iad gach aon a choimhearsnach, agus gach aon a bhràthair, ag ràdh, Gabh eòlas air an Tighearn: oir bithidh eòlas aca uile orm, o'n ueach a's lugha gur an neach a's mò dhiubh.

12 Oir bithidh mise trèaireach r'an euceartaibh, agus am peacaidhean agus an aingidheachd cha chuimhich mi ni's mò.

13 Am feadh a tha e ag ràdh, *Coimhcheangal* nuadh, rinn e'n ceud *choimhcheangal* sean. A nis an ni a tha aosda agus air fas sean, tha e fagus do dhol as an t-sealladh.

CAIB. IX.

1 *Tha Pòl a' mìneachadh nan iobairt fo'n lagh, agus gach gnàthachaidh a bha 'n an cuideachd; iad tha iad gu mòr thaobh feobhaiss goirid air fuil agus iobairt Chrìosd.*

BHA ma seadh gu dearbha aig a' cheud phàillium orduighean a thaobh seirbhis Dhé, agus naomh-ionad saoghalta.

2 Oir dheasaicheadh an ceud phàillium, agus an robh an coimleir, agus am bòrd, agus aran na fianuis, ris an abrar an t-ionad naomh.

3 Agus an taobh a stigh de'n dara roim-bhrat, am pàillium ris an abrar an t-ionad a's ro naomhe;

4 Anns an robh an tùiseir òir, agus àire a' choimhcheangail air a còmhdaichadh mu'n cuairt le h-òr, anns an robh a' phoit òir 's an robh am mana, agus slat Aaron a bha fo bhlàth, agus clàir a' choimhcheangail;

5 Agus os a ceann, cheruban ua glòire, a' cur sgàile air caithir ua trècair; mu nach nrrainn sinn a nis labhairt fa leth.

6 A nis an uair a bha na nithean so air an cur 'au ordugh mar so, chaidh na sagartan a ghnàth a steach do'u cheud phàillium, a' coimhionadh seirbhis *Dhé*;

7 Ach do'n dara pàillium chaidh an t-àrd-shagart 'n a aonar a steach aon uair 's a' bhliadhna, cha b'au as eugmhais fola, a thug e suas air a shon féin, agus air son seacharain an t-sluaigh;

8 Air bli do'n Spiorad naomh a' nochdadh so, nach robh fathast an t-slighe chum an ionaid a bu ro naomhe air a foillseachadh, am feadh 's a bha an ceud phàillium fathast 'n a sheasamh;

9 Na bha 'n a shamhladh do'n aimsir a tha làthair, anns an robh araon tiodhlacan agus iobairtean air an toirt suas, nach robh

comasach air an ti a bha 'deanamh na seirbhis sin a dheanamh coimhionta, thaobh a choguis,

10 *An t-seirbhis* a bha mhàin ann am biadhaidh agus ann an deochaidh, agus ann an iomadh gnè ionnlaid, agus deas-ghnàth-achaibh a thaobh na feòla, a chuireadh mar uallaich orra gu àm an leasachaidh.

11 Ach air teachd do Chrìosd 'n a àrd-shagart nan nithean maith a bha ri teachd, tre phàillium a bu mhò agus a bu dìong-mhalta, nach d'rinneadh le làmban, sin r'a ràdh, nach robh de'n togail so;

12 Agus cha b'ann tre fhuil ghabhar agus laogh, ach tre fhuil féin a chaidh e steach aon uair do'n ionad naomh, air dha saorsa shìorruidh fhaotainn *dhuinne*.

13 Oir ma ni fuil tharbh, agus ghabhar agus luathre aighe air a crathadh air an dream a bha neòghlan, an naomhachadh chum glanaidh na feòla;

14 Cia mòr a's mò 'ni fuil Chrìosd, a thug e féin suas tre'n Spiorad shìorruidh gun lochd do Dhia, bhuir coguis-se 'ghlanadh o oibribh marbha chum seirbhis a dheanamh do'n Dia bheò?

15 Agus air a shou so is esan cadarmheadhonaire an tiomnadh-nuaidh, ionnus tre fhulangas a' bhàis, chum saorsa nan euceart a bha fo 'n cheud tiomnadh a chosnadh, gu'm faighthead iadsan a tha air an gairn gealladh na h-oighreachd shìorruidh.

16 Oir far am bheil tiomnadh, is éigin bàs an tiomnadh-fhàir a bhi ann mar an ceudna.

17 Oir tha tiomnadh daingean an dèigh bàis dhaoine: ach cha-n'eil brìgh sam bith ann am feadh a tha'n tiomnadh-fhear beò.

18 A réir sin, ni mò 'bha'n ceud *tiomnadh* air a choisreagadh as eugmhais fola.

19 Oir an uair a labhradh gach uile àithne réir an lagha ris an t-sluagh uile le Maois, air dha fuil laogh agus ghabhar a ghabhail, maille ri h-uisge, agus oluinn scarlaid, agus hìosop, chrath e iad araon air an leabhar agus air an t-sluagh uile,

20 Ag ràdh, 'S i so fuil an tiomnadh a dh'àithn Dia dhuibh.

21 Os bàrr, chrath e mar an ceudna an fuil air a' phàillium, agus air soithichibh na naomh-sheirbhis uile.

22 Agus is beag nach 'eil na h-uile nithean air an glanadh le fuil a réir an lagha; agus as eugmhais dòrtadh fola cha-n'eil maith-canas r'a fhaotainn.

23 B'fheumail uime sin gu'm bitheadh samhlaidh nan nithean a tha 's na nèamhan air an glanadh leo so; ach na nithean nèamhaidh féin le iobairtibh a b'fhearr na iad so;

24 Oir cha deachaidh Crìosd a steach do na h-ionadaibh naomha làmh-dheanta, nithcan a tha 'n an samhachas air an fhìor *ionad*; ach do nèamh féin, chum a nis o

fèin a nochdadh ann am fianuis Dhé air ar son-ne :

25 No fòs chum e fèin iobradh gu minic, mar a thèid an t-àrd-shagart gach bliadhna steach do'n ionad naomh, le fuil nach leis fèin.

26 (Oir mar sin b'éigin gu'm fulaingeadh e gu minic o thoiseach an t-saoghail ;) ach a nis dh'fhoillsicheadh e aon uair ann an deir-eadh an t-saoghail, chum peacadh a chur air càl tre e fèin iobradh.

27 Agus amhuil a tha e air orduchadh do dhaoibh bàs fhaotainn aon uair, ach 'n a dhéigh so breitheanas :

28 Mar sin thugadh Crìosd suas aon uair a thoirt air falbh peacaidhean mhòrain, ach an dara uair as eugmhais peacaidh foillsich-ear e dhoibh-san aig am bheil sùil ris, chum slàinte.

CAIB. X.

1 *Amhhuineachd iobairtean an lagha.* 10 *Thug iobairt cuirp Chrìosd, a thugadh suas aon uair, peacadh gu sìorruidh air falbh.* 19 *Earrail chum an creidimh a ghealladh gu daingean, le foighidinn agus buidheachas.*

UIME sin air bhì aig an lagh sgàile nithean maithre ri teachd, agus cha-n e fìor-choslas nan nithean fèin, cha-n'eil e comasach dha an dream a thig d'a ionnsuidh a chaoidh a dheanamh coimhlionta leis na h-iobairtibh sin, a bha iad a' toirt suas o bliadhna gu bliadhna a ghnàth.

2 Oir an sin nach sguireadh iad de bhì 'g an toirt suas? do bhrìgh nach bitheadh aig luchd deanamh na naomh-sheirbhis tuilleadh coguis air bith peacadh, air dhoibh a bhì aon uair air an glanadh.

3 Ach anns na h-iobairtibh sin nithear ath-chuimhneachadh air na peacaidh gach bliadhna.

4 Oir cha-n'eil e'n eomas gu'n tugadh fuil tharbh agus ghabhar peacaidhean air falbh.

5 Uime sin ag teachd dha do'n t-saoghal, tha e ag ràdh, iobairt agus tabhartas eha b'ail leat, ach dh'ulluich thu corp dhomh-sa:

6 Ann an iobairtibh-loisgte, agus ann an iobairtibh air son peacaidh cha robh tlachd agad:

7 An sin thubhairt mise, Feuch, tha mi a' teachd, (ann an ròla an leabhair tha sud sgrìobhta orm,) chum do thoil-sa a dheanamh, O Dhé.

8 Air dha a ràdh roimh sin, iobairt, agus tabhartas, agus iobairtean-loisgte, agus iobairt air son peacaidh cha b'ail leat, agus cha robh do thlachd anna, (a tha air an toirt suas a réir an lagha:)

9 An sin thubhairt e, Feuch, tha mi a' teachd a dheanamh do thoil-sa, O Dhé. Tha e'eur air càl a' cheud ni, chum gu'n daingnich e an dara ni.

10 Leis an toil so tha sinne air ar naomhachadh, tre toirt suas cuirp fiosa Crìosd aon uair.

11 Agus tha gach uile shagart a' seasamh gach là, a' frithealadh agus a' toirt suas nan iobairt cheudna gu minic, nithean do nach 'eil e'n comas a chaoidh peacaidhean a thoirt air falbh:

12 Ach an duine so, an déigh dha aon iobairt a thoirt suas air son peacaidh, sluidh e a chaoidh tuilleadh air deas làimh Dhé;

13 A' feitheamh o sin suas gus an cuirear a naimhdean 'n an stòl-chos fo 'ehosaibh.

14 Oir le aon iobairt rinn e chaoidh foirfe iadsan a tha air an naomhachadh.

15 Agus tha an Spiorad naomh mar an ceudna a' deanamh fianuis duinne *air na nitheibh so*: oir an déigh dha 'ràdh roimh,

16 Is e so an coimheicangal a ni mi ri an déigh nan làithean ud, tha an Tighearn ag ràdh, Cuiridh mi mo reachdan 'n an cridhe, agus sgrìobhaidh mi iad air an inntinn:

17 Agus am peacaidhean agus an eu-ceartan cha chuimhnich mi ni's mò.

18 A nis, far am bheil maithanas nan nithean so, cha-n'eil tabhartas air son peacaidh ann ni's mò.

19 Uime sin, a bhràithrean, do bhrìgh gu bheil dànachd againn chum dol a steach do'n ionad a's naomhe tre fhuil Iosa,

20 Air slighe nuaidh agus bheò a choisrig e dhuinne, tre'n roinn-bhrat, sin r'a ràdh, tre 'fheòil fèin:

21 Agus do bhrìgh gu bheil againn àrd-shagart os ceann tighe Dhé,

22 Thigeamaid am fagus le cridhe fìor, ann an làn dearbh-bheachd a' chreidimh, le ar cridheachaibh air an crath-ghlanaidh o dhroch coguis, agus le ar cuirp air an nigh-eadh le h-uisge glan.

23 Cumamaid gu daingean aidmheil ar dòchais gun ehlaothadh, (oir is fìrinneach an ti a gheall:)

24 Agus thugamaid an aire d'a chèile chum ar brosnachadh gu gràdh, agus gu deadh oibribh:

25 Gun bhì 'leigeadh dhinn sinn fèin a chruinneachadh 'an ceann a ehéile, mar is gnàth le dream àraidh; ach a' conhairleachadh a *chéile*: agus gu ma mòd a *ni sinn* so, gu bheil sibh a' faicinn an là a' tarruing an fagus.

26 Oir na pheacicheas sinn de ar toil fèin an déigh dhuinn eòlas na fìrinn fhaotainn, cha-n fhàgar tuilleadh dhuinn iobairt air son peacaidh,

27 Aeh dùil eagalach ri breitheanas, agus fearg theinnteach, a sgrìosas na h-eascaird-ean.

28 An neach a rinn tàir air lagh Mhaois, bhàsaich e gun trècarr, fo dhithis no thrìuir a dh'fhianuisibh:

29 Cia mòr is mò na sin am peanas a shaoileas sibh air am measar esan toillteanach, a shaltair fo 'ehosaibh Mac Dhé, agus a mheas mar ni mi-naomh fuil a'

choimhcheangail, leis an do naomhaicheadh e, agus a rinn tarcais air Spiorad nan gràs?

30 Oir is aithne dhuinn an Ti a thubhairt, *Is leam-sa an dioghaltas, agus bheir mi dioladh uam, tha an Tighearn ag ràdh: agus a ris, Bheir an Tighearn breth air a shluagh.*

31 *Is ni eagalach tuiteam ann an làmban an Dé bhed.*

32 Ach bitheadh ath-chuimhne agaibh air na làithibh a chaidh seachad, anns an d'fhuiling sibh, an déigh dhuibh a bhi air blur soillseachadh, gleachda mòr fulangais:

33 Ann an cuid am feadh a rinneadh sibh 'n 'ur ball-amhaire, araon tre mhaslaibh agus thrioblaidibh; agus ann an cuid, am feadh a rinneadh sibh 'n 'ur companaich dhoibh-san ris an do bhuineadh mar sin.

34 Oir bha comh-fhulangas agaibh rium-sa ann am gheimhlibh, agus ghabh sibh le luathghair ri creachadh bhur maoin, air dhuibh fios a bhi agaibh annaibh féin gu bheil agaibh air nèamh maoina's fearr, agus a tha maireannach.

35 Uime sin na filgibh uaibh bhur muin-ghin, sig am bheil mòr dhiol-thuarasdal.

36 Oir tha feum agaibh air foighidin; chum an déigh dhuibh toil Dhé a dheanamh, gu'm faigh sibh an gealladh.

37 Oir fathast sealan beag, agus an ti a tha ri teachd thug e, agus cha dean e moille.

38 A nis bithidh am firean beò tre chreidimh: ach ma philleas *neach sam bith* air ais, cha bhi aig m'anam-sa tlachd ann.

39 Ach cha-nèil sinne de'n dream sin a philleas air an ais chum sgrìos; ach de'n dream a chreideas, chum tearnaidh an anama.

CAIB. XI.

1 *Cìod e creidimh. 6 As eugmhais creidimh cha-nèil e'n comas duinn toil Dhé a dheanamh; 7 deadh thoradh a' ghràis sin anns na h-aithrichibh o shean.*

A NIS is e creidimh brìgh nan nithean ri'm bheil dòchas, dearbh-chinute nan nithean nach faicear.

2 Oir is ann tre so a fhuair na sinnsirean deadh theistean.

3 Tre chreidimh tha sinn a' tuigsinn gu'n do chruthaicheadh na saoghail tre fhocal Dhé, air chor as nach d'rinneadh na nithean a chithear de nithibh a bha r'am faicinn.

4 Tre chreidimh thug Abel suas do Dhia iobairt ni b'fhearr na 'thug Cain, tre an d'thugadh teistean dha gu'n robh e 'n a fhìrean, air bhi do Dhia a' deanamh fianuis d'a thodhlacaibh: agus tre sin, air dha 'bhi marbh, tha e fathast a' labhairt.

5 Tre chreidimh dh'atharraicheadh Enoch chum nach faiceadh e bàs; agus cha d'fhuaradh e, do bhrìgh gu'n d'atharraich Dia e: oir roimh 'atharrachadh thugadh fianuis da, Gu'n do thaitinn e ri Dia.

6 Ach as eugmhais creidimh cha-nèil e'n comas a thoileachadh: oir is éigin do'n ti a thig a dh'ionnsuidh Dhé a chreidsinn gu bheil e ann, agus gur e an Ti e a bheir duais do'n dream a dh'iarras e gu dìchìollach.

7 Tre chreidimh air do Noah rabhadh fhaotainn o Dhia mu thimchioll nithean nach robh idir r'am faicinn, agus eagal a ghabhail, dh'ulluich e àire chum tearnadh a theaghlach; tre'n do dhìt e an saoghal agus rinneadh e 'n a oighre air an fhìreantachd a tha thaobh chreidimh.

8 Tre chreidimh, 'n uair a ghairmeadh Abraham gu dol a mach do ionad a bha e gu fhaotainn an déigh sin mar oighreachd, fhreagair e; agus dh'fhaic e mach gu fhios a bhi aige c'ait an robh e 'dol.

9 Tre chreidimh bha e air chuairt ann an tìr a' gheallaidh, mar ann an tìr choimhich, a' gabhail còmhnuidh ann am pàillionaibh maille ri h-Isaac agus Jacob, comh-oighreachan a' gheallaidh cheudna.

10 Oir bha sùil aige ri baile aig am bheil bunaitean, air am *bheil* Dia 'n a fhear-dealbhaidh agus 'n a fhear-togail.

11 Tre chreidimh mar an ceudna fhuair Sarah féin neart gu sliochd a ghabhail 'n a broinn, agus rug i leanabh an déigh dhi dol thar aois *doinne* do bhrìgh gu'n do mheas i gu'n robh esan firinneach a thug an gealladh.

12 Uime sin ghineadh o aon a mhàin, agus esan ionann agus marbh, sliochd mar reultan nèimh thaobh lionmhoireachd, agus mar a' ghaineamh air tràigh na fairge do-àireamh.

13 Fhuair iad so uile bàs ann an creidimh, gun na geallaidhean fhaotainn, ach air dhoibh am faicinn fad o làimh, (agus an làn-chreidsinn,) ghabh iad riu, agus dh'aidich iad gu'm bu chiofgrich agus luchd-cuairt air an talamh iad féin.

14 Oir an dream a tha ag ràdh nan nithean sin, tha iad a' nochdadh gu soilleir gu bheil iad ag iarraidh dùthicha.

15 Agus gu firinneach nam bitheadh iad cuimhneachail air an *dùthaich* sin, as an d'thàinig iad a mach, dh'fheudadh iad àn iomchuidh fhagail air pillcadh:

16 Ach a nis tha déidh aca air *dùthaich* a's fearr, eadhon *dùthaich* nèamhaidh: uime sin cha nàr le Dia, gu'n goirear an Dia-san d'heath: oir dh'ulluich e dhoibh baile.

17 Tre chreidimh dh'ìobair Abraham, air dha 'bhi air a dhearbhadh, a *mhaic* Isaac; agus thug an ti a fhuair na geallaidhean suas 'aon-ghin *mhic*;

18 Ris an dubhradh, Ann an Isaac goirear do shliochd:

19 A' meas gu'm bu chomasach Dia air a thogail eadhon o na marbhaibh; o'n d'fhuair se e eadhon ann an cosamhlachd.

20 Tre chreidimh bheannaich Isaac Iacob agus Esau mu thimchioll nithean a bha ri teachd.

21 Tre chreidimh bheannaich Iacob, ag faghail bàis da, dithis mhac Ioseph; agus rinn e aoradh, *a' leigeadh a chudhtrom* air bàrr a bhata.

22 Tre chreidimh rinn Ioseph, ri àm faghail a' bhàis da, iomradh air dól a mach chloinn Israeil; agus thug e àithne mu thimchioll a chnàmh.

23 Tre chreidimh an uair a rugadh Maois, dh'fholaicheadh e trì mìosan le 'phàrant-aibh, do bhrìgh gu'm fac iad gu'm bu lean-abh tlachdmhor e; agus cha robh eagal orra roimh àithne an rìgh.

24 Tre chreidimh air teachd gu h-aois do Mhaois, dhùilt e 'bhi air a ghairm 'n a mhac do nighinn Pharaoh;

25 A' ròginnachadh àmhghar fhulang maille ri sluagh Dhé, roimh shòlas a' pheacaidh a mhealtuinn ré seal;

26 A' meas gu'm bu mhò an saoihbreas masladh Chrìosd na ionnhais na h-Eiphit: oir bha sùil aige ris an luach-saoithreach.

27 Tre chreidimh thréig e'n Eiphit, gun eagal a bhì air roimh chorruih an rìgh: oir bha e làidir 'n a inntinn, mar neach a bha 'faicinn an tì a tha neo-fhaicsinneach.

28 Tre chreidimh ghléidh e a' chàisg agus an dòrtadh fola, chum nach beanadh an tì a sgrios na ceud-ghlin rìusan.

29 Tre chreidimh chaidh iad tre na mhuir ruaidh, mar tre thalamh tioram: nì 'n uair a thug na h-Eiphitich ionnsuidh air a dheanamh, bhàthadh iad.

30 Tre chreidimh thuit ballachan Iericho, an déigh a bhì air an cuairteachadh ré sheachd làithean.

31 Is ann tre chreidimh nach do sgriosadh Rahab an striopach maille rìusan nach do chreid, 'n uair a ghabh i ris an luchd-brathaidh ann an sìth.

32 Agus ciod tuilleadh a their mi? oir theirgeadh an ùine dhomh ann an labhairt mu Ghideon, Bharac agus Shampson, agus Iephtah, Dhaibhidh mar an ceudna, agus Shamuel, agus na fàidhibh:

33 Muinntir, tre chreidimh, a cheannsaich rìoghachdan, a dh'oibrich fireantachd, a fhuair geallaidhean, a dhruid beoil leòmanh,

34 A mhùch neart teine, a chaidh as o fhaobhar a' chlaidheimh, o anmhuinneachd a rinneadh neartmhor, a dh'fhàs treun ann an cath, a chuir air theicheadh armailtean nan coimheach.

35 Fhuair mnathan am mairbh air an togail a ris gu beatha: agus chlàidh-phianadh dream eile, gun iad a ghabhail ri saorsa; ehum gu faightheadh iad aiseirigh a b'fhearr.

36 Fhuair dream eile denchainn a dh'fhanoidibh, agus de sgiùrsaibh, seadh fòs, de gheimhlibh agus de phrìosan.

37 Chlachadh iad, shàbhadh as a chéile

iad, bhuaireadh iad, chuireadh gu bàs leis a' chlaidheamh iad: chaidh iad mu'n cuairt 'n am *fògaraich* ann an croicinnibh chaorach agus ghabhar, ann an uircasbhuidh, ann an trioblaidibh, ann an cràdh;

38 (Dream air nach b'airidh an saoghal;) a' dol air seacharan ann am fasaichibh, agus air sléibhtibh, agus ann an uamhaibh agus ann an slochdaibh na talmhainn.

39 Agus air dhoibh so uile deadh theisteachas fhaotainn tre chreidimh, cha d'fhuair iad an gealladh:

40 Air do Dhia nì éigin a's fearr a sholar dhuinne, ionns nach bitheadh iadsan air an deanamh foirfe as ar n-eugmhais-ne.

CAIB. XII.

1 *Earail chum a bhì bunaitheach ann an creidimh, foighidin, agus diadhachd.* 22 *Moladh an Tiomnadh-nuaidh os ceann an t-seann-Tiomnaidh.*

UIME sin, air dhuinne 'bhi air ar cuairteachadh le neul co mòr a dh' fhianaisibh, cuireamaid dhinn gach lethtrom, agus am peacadh a tha gu furas ag iadhadh umainn, agus ruitheamaid le foighidin an réis a chuireadh romhainn.

2 Ag amharc air Iosa, ceannard agus fear-crìochnachaidh ar creidimh, neach air sonan aoibhneis a chuireadh roimhe, a dh'fhuiling an crann-ceusaidh, a' cur na nàire 'an neo-shuim, agus a shuidh air deis rìgh-chathrach Dhé.

3 Uime sin thugaibh fainear esan a dh'fhuiling a shamhuil sin de ana-cainnt o pheacach 'n a aghaidh féin, air eagal gu'm bì sibh sgìth agus lag ann bhur n-intinnibh.

4 Cha do sheas sibh fathast gu fuil, a' cathachadh an aghaidh peacaidh.

5 Agus dhì-chuimhnich sibh an earail a tha 'labhairt ribh mar ri cloinn: a mhic, na cuir suarach smachdachadh an Tighearn', agus na fannaich 'n uair a chrònaichear leis thu:

6 Oir an tì a's ionnmhuinn leis an Tighearn, smachdaichidh se e, agus sgiùrsaidh e gach mac ris an gabh e.

7 Ma ghlùlaincas sibh smachdachadh, tha Dia a' buntuinm ribh mar ri cloinn: oir cò am mac nach smachdaich an t-Athair?

8 Ach ma tha sibh as eugmhais smachdaichidh, d'am bheil na h-uile 'n an luchd-comhpairt, an sin is clann diolain sibh, agus cha ehlann *dligheach*.

9 Os bàrr, bha againn aithrichean thaobh na feòla, a smachdaich sinn, agus thug sinn urram dhoibh: nach mò gu mòr *is còir dhuinn* a bhì ùmhal do Athair nan spiorad, agus a bhì beò?

10 Oir gu deimhin smachdaich iadsan sinn ré beagain làithean a réir an toile féin; ach esan chum ar leas, ionns gu'm bithcamaid 'n ar luchd-comhpairt d'a naomhachd.

11 Ach cha mheasar smachdachadh air

bith am feadh a tha e làthair sòlasach, ach doilgheasach : gidheadh, 'n a dhéigh sin bheir e uath toradh sìochail na fireantachd, do'n dream a tha gu dligheach air an cleachdadh ris.

12 Uime sin, togaibh suas na làmhnan a tha air tuiteam sìos, agus *neartaichibh* na glùinean laga ;

13 Agus deanaibh cos-cheuman dìreach do 'ur cosaibh, air eagal gu'm bi an ni sin a tha bacach air a thionndadh as an t-slighe ; ach gu ma niò 'bhitheadh e air a shlànuchadh.

14 Leanaibh sìth maille ris na h-uile dhaoibh, agus naomhachd, ni as eugmhais nach faic nach air bith an Tighearn :

15 A' toirt an ro-aire, air eagal gu'n tig nach sam bith a dhéidh-làimh air gràs Dhé : air eagal air fas suas do fhreimh seirbhe sam bith, gu'n cuir e dragh oirbh, agus le so gu'm bi mòran air an salachadh :

16 Air eagal gu'm bi fear striopachais ann, no neach mi-naomh sam bith, mar Èsau, a reic air son aoin ghreim bìdh còir a cheudbheirthe.

17 Oir tha fhios agaibh 'n uair a b'ail leis an déigh sin am beannachadh a shealbhachadh, gu'n do dhiùltadh e : oir cha d'fhuair e àit aithreachais, ged dh'iarr se e gu dùrachdach le deuraibh.

18 Oir cha d'fhàinig sibh chum an t-sléibh ris am feudtadh beantuinn, agus a bha 'lòsgadh le teine, no chum duibhre, agus dorchadais, agus doinnn,

19 Agus fuaim na trompaid, agus guth nam briathar, ionnus gu'n do ghuidh an dream a chual' e nach labhairteadh am focal riu tuilleadh :

20 (Oir cha b'urrainn iad an ni sin a chaidh àithneadh dhoibh iomchar, Agus ma bheanas fiu ainmhidh ris an t-sliabh, clachar e, no cuirear sleagh a mach troimhe.

21 Agus bu co uamhasach an sealladh, as gu'n dubhairt Maois, Tha eagal ro mhòr agus crith orm :)

22 Ach tha sibh air teachd gu sliabh Shioin, agus gu caithir an Dé bheò, an Ierusalem neamhaidh, agus cuideachd do-àireamh a dh' ainglibh,

23 Gu làn-choimhthional agus eaglais nan ceud-ghin, a tha sgrìobhta 's na nèamhan, agus gu Dia breitheamh nan uile, agus gu spioradaibh nam firean air an deanamh foirfe,

24 Agus gu Iosa eadar-mheadhonair a' choimheangail nuaidh, agus chum fola a' chrathaidh, a tha 'labhairt nithean a's fearr na *fuil* Abeil.

25 Thugaibh an aire nach diùlt sibh esan a tha 'labhairt : oir mur deachaidh iadsan as a dhiùlt an ti a labhair *o Dhia riu* air talamh, is lugha gu mòr na sin a *théid* sinne as, ma thionndaidheas sinn air falbh uaithe-san a tha 'labhairt *o* nèamh :

26 Neach aig an do chrath a ghuth an talamh an sin : ach a nis gheall e, ag ràdh, Aon uair eile fathast crathaidh mi cha-n e an talamh a mhàin, ach nèamh mar an ceudna.

27 Agus tha *am focal* so, Aon uair eile, a' ciallachadh atharrachaidh nan nithean sin a ghabhas crathadh, mar nithean a rinn-eadh, chum gu'm fanadh na nithean nach gabh crathadh.

28 Uime sin air dhuinne rioghachd fhaotainn nach feudar a ghluasad, bithheadh againn gràs, leis an dean sinn seirbhis gu taitneach do Dhia, le h-urram agus eagal diadhaidh :

29 Oir tha ar Dia-ne 'n a theine dian-loisgeach.

CAIB. XIII.

1 *Comhairlean eagsamhuil chum seirc, 4 chum caithe-beatha ciatach, 5 chum sannt a sheachnadh, 7 chum a bhi dleasdach do luchd-searmonachaidh an t-soisgeil, 9 a bhi air faicill o theagasgaibh coimheach, 16 déirce 'thoirt seachad, 17 a bhi àmhhal do uachdaranaibh, 18 urnaigh a dheanamh air son an abstoil, 19 An comh-dhùradh.*

FANADH gràdh bràthaireil *agaibh*.

2 Na dearmadaibh aoidheachd a thoirt do choirich ; oir le so thug dream àrdailh aoidheachd do ainglibh gun fhios doibh.

3 Bithibh cuimhneachail orra-san a tha ceangailte, mar gu'm bithheadh sibh ceangailte maille riu ; agus air an dream a tha 'fulang anshocair, mar mhuinntir a tha sibh féin mar an ceudna anns a' choluinn.

4 *Tha'm* pòsadh urramach anns na h-uile, agus an leabaidh neo-shalach : ach air luchd-striopachais agus adhaltranais bheir Dia breth.

5 *Bithheadh bhur* caithe-beatha gun sannt ; agus bithibh toilichte leis na nithibh a tha làthair agaibh : oir thubhairt e, Cha-n fhàg, agus cha tréig mi am feasd thu.

6 Ionnus gu'm feud sinn a ràdh gu dàna, Is e'n Tighearn m'fhear-cuideachaidh, agus cha-n eagal leam aon ni a dh'fheudas duine 'dheanamh orm.

7 Bithibh cuimhneachail air bhur cinn-iùil, a labhair ribh focal Dhé : leanaibh an creidimh-san, a' beachdachadh air crìch an caithe-beatha :

8 Iosa Crìosd an dé, agus an diugh, agus gu sìorruidh an ti ceudna.

9 Na bithibh air bhur giùlan mu'n cuairt le teagasgaibh eugsamhuil coimheach : oir is maith an ni an cridhe 'bhi air a dhaingneachadh le gràs, cha-n ann le biadhaibh, nithean nach d'thug tairbhe do'n dream a ghnàth-aich iad.

10 Tha altair againne, do nach 'eil còir aca-san a bheag ithcadh, a tha 'deanamh seirbhis do'n phàillinn.

11 Oir tha cuirp nan ainmhidhean sin, aig am bheil an fuil air a toirt a steach air sou

SHEUMAIS, I.

peacaidh do'n ionad naomh leis an àrd-shagart, air an losgadh an leth muigh de'n champ.

12 Uime sin chum gu'n deanadh Iosa an sluagh a naomhachadh le 'fhuil féin, dh'fhuiling e mar an ceudna an taobh a muigh de'n gheata.

13 Air an aobhar sin rachamaid a mach d'a ionnsuidh-san an taobh a muigh de'n champ, a' giùlan a mhaslaidh-san.

14 Oir an so cha-n'eil againn baile a mhair-eas, ach tha sinn ag iarraidh aoin a tha ri teachd.

15 Uime sin trid-san thugamaid suas iob-airt buidheachais do Dhia a ghuàth, 's e sin, toradh ar bilean, a' toirt molaidh d'a ainm.

16 Ach na dì-chuimhnichibh maith a dhean-amh, agus comh-roinn a thoirt uaibh: oir tha an leithidean sin a dh' iobairtibh tait-neach do Dhia.

17 Bithibh ùmhal do 'ur cinn-ùil, agus thugaibh géill doibh: oir tha iad ri faire air bhur n-anamaibh, mar mhuinntir d'an éigin cuantas a thoirt uatha: chum gu'n dean iad e le gairdeachas, agus cha-n ann le doilgheas: oir tha so neo-tharbhach dhuibhse.

18 Deanaibh urnuigh air ar son-ne: oir is

dòigh leinn gu bheil deadh choguis againn, air dhuinn a bhi toileach ar beatha a chaith-cadh gu cubhaidh anns na h-uile nithibh.

19 Ach is mòid a ghuidheam oirbh so a dheanamh, chum gur luathaidd a dh'aisigear mise dhuibh.

20 A nis gu'n deanadh Dia na sìthe, a thug air ais o na marbhaibh ar Tighearn Iosa, àrd-bhuachaill nan caorach, tre fhuil a' choimhcheangail shiorruidh,

21 Sibhse coimhlionta anns gach uile dheadh obair, chum sibh a dheanamh a thoile-san, ag oibreachadh annaibh an nia tha taitneach 'n a lathair-san, tre Iosa Crìosd, dhàsan *gu robh* glòir gu saoghal nan saoghal. Amen.

22 Agus guidheam oirbh, a bhràithrean, sibh a ghiulan focal na h-earalach; oir sgrìobh mi gu h-aithghearr do 'ur n-ionnsuidh.

23 Bithiadh fhios agaibh gu'n do chuir-eadh ar bràthair Timoteus air a chomas; maille ris-san, ma thig e gu h-aithghearr, chi mi sibh.

24 Cuiribh failtte orra-san uile a tha 'n an cinn-ùil duibh, agus air na naoimh uile. Tha muinntir na h-Eadailt a' cur failtte oirbh.

25 Gràs *gu robh* maille ribh uile. Amen.

LITIR CHOITCHIONN AN ABSTOIL

SHEUMAIS.

CAIB. I.

1 *Is còir dhuinn gairdeachas a dheanamh fo thrioblaid, 5 gliocas iarraidh o Dhia, 13 agus ann ar deuchainnibh gun sinn a chur ar n-annluinneachd no ar peacaidhean as a leth-san, 19 ach gu'm bu fearr leinn a bhi ùmhal d'a fhocal.*

THA Seumas seirbhiseach Dhé, agns an Tighearn Iosa Crìosd, a' cur beannachd chum an dà thrèibh dheug a tha air au sgapadh o 'chéile.

2 Mo bhràithrean, measaibh mar an uile ghairdeachas 'n uair a thuiteas sibh ann an iomadh gnè dheuchainnean;

3 Air dhuibh fios so bhi agaibh, gu'n oibrich dearbhadh bhur creidimh foighidin.

4 Ach bithcadh aig an fhoighidin a h-obair choimhlionta féin, chum gu'm bi sibh dìong-mhalta agus iomlan, gunuireasbhuidh ui sam bith.

5 Ma tha aon neach agaibh a dh'uireas-bhuidh gliocais, iarradh e o Dhia, a bheir do gach neach gu pailt, agus nach dean maoidh-camh; agus bheirear dha e.

6 Ach iarradh e le creidimh, gun a bhi fo amharus sam bith: oir an ti a tha fo amh-

arus, is cosmhail e ri tonn na faire, a shéid-ear le gaoith, agus a tha air a luasgadh a null agus a nall.

7 Oir na saoiladh an duine sin gu'm faigh e ni air bith o'n Tighearn.

8 Tha fear na h-inntinn dhùbailte neo-sheasmhach 'n a uile shlighibh.

9 Deanadh am bràthair a tha ìosal gaird-eachas 'n a àrdachadh:

10 Ach an duine saoi-bhir, 'n a ìsleachadh: do bhrìgh mar bhlàth an fheoir gu'n téid e seachad:

11 Oir air éirigh do'n ghréin le dian-theas, bheir i crìonadh air an fheur, agus tuitidh a bhlàth, agus théid maise a dhreach am muga: is amhuil sin mar an ceudna a sheargas an duine saoi-bhir 'n a shlighibh.

12 Is beannaichte an duine a ghiulaineas buaireadh: oir 'n uair a dhearbhar e, gheibh e crùn na beatha, a gheall an Tighearn do'n dream a ghràdhaicheas e.

13 Na h-abradh neach sam bith 'n uair a bhuairear e, Tha mi air mo bhuaireadh le Dia: oir cha chomasach Dia a bhuaireadh le h-oil, ni mò a bhuaireas e neach sam bith.

14 Aeh tha gach duine air a bhuaireadh, 'n uair a thairngear, agus a thàlaidhear e le 'ana-miann féin.

15 An sin air bhi do'n ana-miann torrach, beiridh e peacadh: agus air do'n pheacadh a bhi air a chrìochnachadh, beiridh e bàs.

16 Na bithibh air bhuir mealladh, mo bhràithrean gràdhach.

17 Tha gach uile dheadh thabhartas, agus gach uile thìodblac iomlan o'n àirde, a' teachd a nuas o Athair na soillse, maille ris nach 'eil atharrachadh, no sgàile tionndaidh.

18 O 'thoil féin ghin e sinn le focal na firinn, chum gu'm bitheamaid 'n ar gnè cheud-toraidh d'a chreutairibh.

19 Uime sin, mo bhràithrean gràdhach, bitheadh gach duine ealamh chum éisd-eachd, mall eum labhairt, mall eum feirge:

20 Oir eha-n oibrich fearg duine fireant-achd Dhé.

21 Uime sin cuiribh uaibh gach uile shalachar, agus anabharr mì-ruin, agus gabhaibh do bhuir n-ionnsuidh le macantas am focal a tha air a shuidheachadh annaibh, a tha comasach air bhuir n-anaman a thearnadh.

22 Aeh bithibhse 'n 'ur luchd-cur-an gnìomh an fhocail, agus na b'ann 'n 'ur lùghd-éisdeachd a mhàin, 'g 'ur mealladh féin.

23 Oir ma tha neach air bith 'n a fhear-éisdeachd an fhocail, agus eha-n ann 'n a fhear-deanaimh d'a réir, is eomhuil e ri duine a tha 'g amharc air 'aghaidh nàdurra féin ann an sgàthan:

24 Oir bheachdaich e air féin, agus dh'imich e roimhe, agus dhì-chuimhnich e air ball cìod an coslas duine a bh'ann féin.

25 Ach ge b'e 'bheachdaicheas gu dùrachdach air lagh coimhlionta na saorsa, agus a bhunaicheas ann, gun e bhi 'n a fhear-éisdeachd dearmadaeh, ach 'n a fhear-deanaimh na h-oibre, bithidh an duine so beannaichte 'n a dheanadas.

26 Ma shaoileas neach air bith 'n 'ur measg gu bheil e diadhaidh, gun a bhi 'cur srèin r'a theangaidh, aeh a' mealladh a ehridhe féin, is dìomhain diadhachd an duine so.

27 Si so an diadhachd fhìor-ghlan agus neo-shalach 'am fianuis Dhé agus an Athar, dilleachdain agus bantrachan fhiosrachadh 'n an trioblaid, agus neach 'g a choimhead féin gun smal o'n t-saoghal.

CAIB. II.

1 Cha-n'eil e 'comh-fhreagradh d'ar n-aidmheil Chrìosdaidh suim a bhi againn de dhaoineibh saoiibhir agus tair a dheanamh air ar bràithreibh bochda; 13 is mò 'bu chòir dhuinn a bhi seirceil agus tròcùireach; 14 agus gun uail a dheanamh a creidimh far nach 'eil oibre, &c.

M O bhràithrean, na bitheadh agaibh creidimh ar Tighearna Iosa Crìosd,

Tighearna na glòire, maille ri gnùis-bhreth.

2 Oir ma thig a steach do 'ur coimhthional duine air am bheil fainne òir, ann an eudach dealrach, agus gu'n tig a steach mar an ceudna duine bochd ann an eudach suarach.

3 Agus gu'n amhaire sibh le meas air an duine sin air am bheil an deadh thrusgan, agus gu'n abair sibh ris, Suidh thusa an so ann an àit iubheach; agus gu'n abair sibh ris an duine bhochd, Seas thusa an sin, no suidh an so fo stòl mo chos:

4 Nach 'eil sibh mar sin leth-bhrethach annaibh féin, agus naeh d'rinneadh sibh 'n 'ur breitheamhaibh dhroch smuaintean?

5 Eisdibh, mo bhràithrean gràdhach, nach do thagh Dia bochdan an t-saoghail so, saoiibhir ann an creidimh, agus 'n an oighreachaibh air an rìoghachd, a gheall e dhoibh-san a ghràdhacheas e?

6 Ach thug sibhse masladh do'n bhochd. Nach 'eil na daoine saoiibhir ri ain-tigh-earnas oirbh, agus 'g 'ur tarruing gu caithreihibh-breitheanais?

7 Nach 'eil iad a' toirt toibheim do'n ainm òirdheire, a dh'ainmichear oirbh?

8 Ma choimhlionas sibh an lagh rìoghail a réir an sgrìobhtuir, Gràdhach do choimhearsnach mar thu féin, is maith a ni sibh:

9 Ach ma ni sibh leth-bhreth air daoineibh, tha sibh a' deanamh peacaidh, agus tha sibh air bhuir fàgail shìos leis an lagh mar a luchd-brisidh.

10 Oir ge b'e neach a choimhideas an lagh uile, agus a thuislicheas ann an aon àithne, tha e ciontach de'n iomlan.

11 Oir an ti a thubhairt, Na dean adhart-ranas, thubhairt e mar an ceudna, Na dean mortadh. A nis ged nach dean thu adhart-ranas, gidheadh ma ni thu mortadh, rinn-eadh fear-brisidh an lagha dhìot.

12 Gu ma h-ambluidh sin a labhras sibhse, agus gu ma h-amhluidh a ni sibh, mar iad-san air an téid breth a thoirt le lagh na saorsa.

13 Oir gheibh esan breitheanas gun tròc- air, nach d'rinnt tròc air; agus ni tròc air gairdeachas an aghaidh breitheanais.

14 Cìod an tairbhe, mo bhràithrean, ged their aon neach gu bheil creidimh aige, agus gun oibre 'bhi aige? an urrainn ereidimh a thearnadh?

15 Ma bhitheas bràthair no piuthar lom-nochd, agus a dh'uireasbhuidh teachd-a-tìr lathail;

16 Agus gu'n abair neach agaibhse riu, Imichibh 'an sìth, bithibh air bhuir garadh, agus bithibh air bhuir sàsuehadh: gidheadh nach toir sibh dhoibh na nithean sin a tha feumail do'n ehorp; cìod an tairbhe 'tha ann?

17 Is amhuil sin ereidimh mar an ceudna, mur bi oibre aige, tha e marbh, air dha 'bhi leis féin.

18 Ach tha neach àraidh ag ràdh, Tha creidimh agad-sa, agus tha oibre agam-sa: nochd dhomh-sa do chreidimh as eugmhais d'oibre, agus nochdaidh mise dhuitse mo chreidimh le m' oibrìbh.

19 Tha thu 'creidsinn gu bheil aon Dia ann; is marth a-ni thu: tha na deamhain a' creidsinn mar an ceudna, agus tha iad a' crìothnachadh.

20 Ach, O dhuine dhìomhain, an àill leat fios fhaotainn, gu bheil creidimh as eugmhais oibre marbh?

21 Nach deachaidh ar n-athair Abraham fhìreanachadh le oibrìbh, 'n uair a thug e suas a mhac Isaac air an altair?

22 Nach léir dhuit gu'n do chomh-oibrich creidimh le 'ghnìomhairibh, agus gu'n d'rinneadh creidimh ionlan le oibrìbh?

23 Agus choimhlionadh an sgriobtuir a tha ag ràdh, Chreid Abraham Dia, agus mheasadh sin da mar fhìreantachd: agus ghoir-cadh caraid Dhé dheth.

24 Chi sibh uime sin gu'm fireanaichear duine le oibrìbh, agus cha-n ann le creidimh a mhàin.

25 Anhuil sin mar an ceudna, nach robh Rahab an strìopach air a fireanachadh le oibrìbh, 'n uair a ghabh i ris na teachdairibh, agus a chuir i mach air slighe eile iad?

26 Oir mar a tha an corp marbh as eugmhais an spioraid, mar sin mar an ceudna tha creidimh marbh as eugmhais oibre.

CAIB. III.

1 *Cha chòir grad-bhreth a thoirt air daoine eile, no an cronachadh gu ladurna; 5 ach is mò is còir dhuinn srian a chur r'ar eugaidh, ball beag, ach a tha 'n a h-inneal cumhachdach chum mòr mhaith no ole a dheanamh: 13 tha'n dream sin a tha fìor-ghlic ciùin agus sìochail, gun trè, gun strì.*

MO bhràithrean, na bithibh 'n 'ur mòran mhaighstirean, air dhuibh fios a bhi agaibh gu'm faigh sinn an tuilleadh breitheanais.

2 Oir ann am mòran nithibh tha sinn uile ciontach. Mur 'eil duine ciontach ann am focal, is duine ionlan an ti sin, comasach mar an ceudna air srian a chur ris a' chorp uile.

3 Feuch, tha sinn a' cur srian an beul nan each, chum gu'm bi iad ùmhal dhuinn; agus tionndaidh sinn an corp uile mu'n cuairt.

4 Feuch mar an ceudna na longan, ged a tha iad co mòr, agus ged a shéidear iad le garbh-ghaothaibh, gidheadh tionndaidhear mu'n cuairt iad le stiùir ro bhligh, ge b'e taobh gus am miann leis an stiùradair.

5 Is anhuil sin is ball beag an teagadh, agus ni mòr-uaill. Feuch, cia mòr an connadh a lasas teine beag!

6 Agus is teine an teagadh, saoghal a dh' aingidheachd: mar sin tha an teagadh air a suidheachadh am measg ar ball, ionnus gu'n salaich i an corp gu h-ionlan, agus

gu'n las i cùrsa an nàduir; agus i féin air a lasadh o ifrinn.

7 Oir tha gach uile ghnè fhiadhlach-bheathaichean, agus eunlaith, agus nithean snàig-each, agus nithean 's an fhairege, air an ceannsaichadh; agus cheannsaichadh iad leis a' chinne-daoine:

8 Ach cha chomasach do dhuine air bith an teagadh 'cheannsaichadh: is ole dochasgaidh i, làn de nimh marbhtach.

9 Leatha-sa tha sinn a' beannachadh Dhé, eadhon an Athar; agus leatha-sa tha sinn a' mallachadh dhaoine, a rinneadh a réir iomhaigh Dhé.

10 As an aon bheul tha beannachadh agus mallachadh a' teachd a mach. Mo bhràithrean, cha chòir do na nithibh so 'bhi mar so.

11 An cuir tobar a mach as an aon sùil uisge milis agus searbh.

12 An urrainn craobh-fhìge, mo bhràithrean, dearcann olaidh a thoirt uaipe? no a' chraobh-fhìona, figean? mar sin cha-n urrainn tobar sam bith sàile agus uisge milis a thoirt naith araon.

13 Cò a tha 'n a dhuine glic agus aig an bheil eòlas 'n 'ur measg? nochdadh e á deadh chaithe-beatha 'oibre féin le ceannsaichd gliocais.

14 Ach ma tha eud searbh agus comhstri agaibh 'n 'ur cridhe, na deanaibh uail, agus na deanaibh breug an aghaidh na fìrinn.

15 Cha-n ann o'n àirde tha 'n gliocas so a' teachd a nuas, ach tha e talmhaidh, collaidh, diabhluidh.

16 Oir far am bheil farmad agus comhstri, an sin tha buaireas, agus gach uile dhroch ghmìomh.

17 Ach tha an gliocas a tha o'n àirde air tùs glan, an déigh sin sìochail, ciùin, agus so-chomhairleachaidh, làn de thròcair agus de dheadh thoraibh, gun leth-bhreth agus gun cheilg.

18 Agus tha toradh na fìreantachd air a chur ann an sìth do luchd-deanamh na sìthe.

CAIB. IV.

1 *Is còir dhuinn cathachadh an aghaidh samta, 4 neo-mheasarrachd, 5 uabhair, 11 cùl-chàineadh, agus breth ghrad mu dhaoimibh eile; 13 agus gun a bhi ro earbsach d'soirbheachadh ann ar gnothaicheibh saoghailta, &c.*

CIA as tha cogaidhean agus còmhragan a' teachd 'n 'ur measg? nach ann as a so, eadhon o bhur n-ana-miannaibh, a tha 'cogadh ann bhur ballaibh?

2 Tha sibh a' miannachadh, agus cha-n'eil agaibh: tha sibh a' marbhadh, agus a' dian-shamntachadh, agus cha-n'eil e'n comas duibh ni fhaotainn: tha sibh a' cathachadh agus a' cogadh, gidheadh cha-n'eil agaibh, do bhrìgh nach 'eil sibh ag iarraidh.

3 Tha sibh ag iarraidh, agus cha-n'eil sibh a' faotainn, do bhrìgh gu bheil sibh ag iarraidh gu h-ole, chum gu'n caith sibh e air bhur n-ana-miannaibh.

4 Adhaltrumacha, agus a bhan-adhalt-rannacha, nach 'eil fhios agaibh gur naimh-deas an aghaidh Dhé càirdeas an t-saoghail? ge b'e air bith neach uime sin leis an àill a bhi 'n a charaid do'n t-saoghal, tha e 'n a nàmhaid do Dhia.

5 Am bheil sibh a' smuaineachadh gu bheil an sgrìobtuir gu dìomhain a' labhairt? Tha an spiorad a tha 'chòmhnuidh annainn a' togradh gu farmad.

6 Ach bheir e gràs a's mò uaith: uime sin tha e ag ràdh, Tha Dia a' cur an aghaidh nan uaibhrean, ach a' toirt gràis dhoibhsan a tha iriosal.

7 Uime sin ùmhlaichibh sibh féin do Dhia; cuiribh an aghaidh an diabhail, agus teichidh e uaibh:

8 Dlùthaichibh ri Dia, agus dlùthaichidh e ribh: glanaibh *bhur* làmhnan, a pheacacha, agus glanaibh *bhur* cridhe, sibhse aig am bheil an inntinn dhùbailte.

9 Bithibh ann an àmhghar, agus deanaibh caoidh, agus gul: bithiadh *bhur* gàire air a thionndadh gu bròn, agus *bhur* n-aoibhneas gu tùirse.

10 Irioslaichibh sibh féin 'am fianuis an Tighearn', agus àrdaichidh e sibh.

11 Na labhraibh olc mu 'chéile, a bhràithre. An ti a tha 'labhairt uile m'a bhràthair, agus a' toirt breth air a bhràthair, tha e 'labhairt uile mu'n lagh, agus a' toirt breth air an lagh: ach ma tha thu 'toirt breth air an lagh, cha-n fhear-coimhlionaidh an lagha thu, ach breitheamh.

12 Tha aon fhear-tabhairt lagha ann, a's urrainn saoradh agus sgrios: co thusa a tha 'toirt breth air neach eile?

13 Imichibh a nis, sibhse a tha ag ràdh, Théid sinn an diugh no màireach gus a' leithid so de bhaile, agus fanaidh sinn an sin ré bliadhna, agus ni sinn ceannachd, agus gheibh sinn buannachd:

14 'N uair nach 'eil fhios agaibh ciod a *tharlas* air an là màireach: oir ciod i bhur beatha? is deatach i a chithear ré ùine bhig, agus an déigh sin a théid as an t-sealladh.

15 'An àite *gu'm bu chòir* dhuibh a ràdh, Ma's toil leis an Tighearn, bithidh sinu beò, agus ni sinn so, no sud.

16 Ach a nis tha sibh a' deanamh uaille as bhur ràiteachas féin: is olc gach uile shamhlail sin a dh' uail.

17 Uime sin dhàsan d'an aithne maith a dheanamh, agus nach dean e, is peacadh e dha.

CAIB. V.

1 Tha aobhar aig daoibh aingidh saobhir eagal a bhi orra roimh dhìoghaltas Dhé. 7 Bu chòir dhuinn a bhi foighidneach a réir eisempleir nam fàidhean, agus Iob; 12 mionnann a sheachnadh; 13 urnuigh a ghnàthachadh ann an anshochair, agus sailm a sheinn ann an socair, &c.

IMICHIBH a nis, a dhaoine saobhir, deanaibh gul agus caoidh air son bhur n-àmghar a tha 'teachd oirbh.

2 Tha bhur saobhreas air truailleadh, agus bhur n-eudach air itheadh leis an leomann.

3 Tha bhur n-òr agus bhur n-airgiod air meirgeadh; agus bithidh am meirg-san 'n a fianuis 'n 'ur n-aghaidh, agus ithidh i bhur feòil mar theine: thaig sibh ionmhas fa chomhair nan làithean deireannach.

4 Feuch, tha tuarasadal an luchd-oibre, a bhuain sìos bhur n-achaidh, ni a chumadh uatha leibhse le foill, ag éigheach; agus tha glaothaich na muinntir a bhuain, air dol a stigh chum cluasan Tighearna nan sluagh.

5 Chaith sibh bhur beatha ann an sògh air thalamh, agus bha sibh mear; dh'altrum sibh bhur cridheachan, mar ann an là a' mharbaidh.

6 Dhìt agus mharbh sibh am firean, *agus* cha-n'eil e 'cur 'n 'ur n-aghaidh.

7 Uime sin, a bhràithre, bithibh foighidneach gu teachd an Tighearna. Feuch, feithidh an treabhaiche ri toradh luachmhor na talmhainn, agus fanaidh e gu foighidneach ris, gus am faigh e an ceud uisge agus an t-uisge deireannach.

8 Bithibh-se foighidneach mar an ceudna; socraichibh bhur cridheachan: oir tha teachd an Tighearna am fagus.

9 Na deanaibh gearan an aghaidh a chéile, a bhràithre, chum nach dìtear sibh: feuch, tha am Breitheamh 'n a sheasamh aig an dorus.

10 Gabhaibh, mo bhràithre, na fàidhean, a labhair ann an ainm an Tighearna, 'n an eisempleir air anshochair fhulang, agus air foighidin.

11 Feuch, measar sona leinn iadsau a dh'fhuilingeas. Chuala sibh iomradh air foighidin Iob, agus chunnaic sibh crìoch au Tighearna; gu bheil an Tighearn ro iochdmhor agus tròcaireach.

12 Ach roimh na h-uile nithean, mo bhràithre, na tugaibh mionnan, aon chuid air nàmh, no air an talamh, no air aon mhionnan eile: ach gu'm b'e bhur *còmh-radh* Seadh, seadh, agus Cha-n eadh, cha-n eadh; air eagal gu'n tuit sibh ann an dìteadh.

13 Am bheil neach sam bith fo thrioblaid 'n 'ur measg? deanadh e urnuigh. Am bheil neach sam bith subhach? seinneadh e sailm.

14 Am bheil neach sam bith tinn 'n 'ur measg? cuireadh e fios air seanairibh na h-eaglais; agus deanadh iad urnuigh os a cheann, 'g a ungadh le h-olaidh ann an ainm an Tighearna:

15 Agus slànuchidh urnuigh a' chreidimh an t-euslan, agus togaidh an Tighearn suas e; agus ma rinn e peacaidhean, maithear dha iad.

16 Aidichibh *bhur* lochdan d'a chéile, agus deanaibh urnuigh air son a chéile,

chum gu'n tearnar sibh : tha mòr-éifeachd ann an urnuigh dhùrachdaich an fhàir-ein.

17 Bu duine Elias aig an robh comh-aighe ruinne, agus ghuidh e gu dùrachdach gun uisge 'bhi ann : agus cha d'fhàinig uisge air an talamh ré thri bliadhna agus shè mhosan.

18 Agus rinn e urnuigh a rìs, agus thug

nèamh uisge uath, agus thug an talamh a mach a thoradh.

19 A bhràithre, ma théid aon neach agaibh-se air seacharan o'n fhàirinn, agus gu'n iompaich neach e ;

20 Bitheadh fhios aige, an duine a dh'iompaicheas peacach o sheacharan a shlighe, gu'n saor e anam o bhàs, agus gu'm folaich e mòran pheacaidhean.

CEUD LITIR CHOITCHIONN AN ABSTOIL

PHEADAIR.

CAIB. 1.

1 *Bheannaich Peadar Dia air son a ghràs an iomareach spioradail : 10 nochd e nach naidheadh ur slàinte tre Chrìosd, ach nì mu'n robh fàidheadaireachd o shean : 13 agus a réir sin chuir e ìmpidh orra ann beatha a chaitheadh gu diadhaidh, do bhrìgh gu bheil iad a nis air an nuadh-bhreth le focal Dhé.*

PEADAR abstol Iosa Crìosd, chum nan coigreach a tha air an sgapadh tre Phontus, Ghalatia, Chapadocia, Asia, agus Bhitinia,

2 A thaghadh a réir roimh-eòlais Dhé an Athair, tre naomhachadh an Spioraid, chum ùmhlachd, agus crathadh fola Iosa Crìosd : Gràs agus sìth gu robh air am meudachadh dhuibhse.

3 Gu ma beannaichte gu robh Dia agus Athair air Tighearna Iosa Crìosd, neach a réir a mhòr-thròcair, a dh'ath-ghin sinne gu beò-dhèchas, tre aiseirigh Iosa Crìosd o na mairbh,

4 Chum oighreachd neo-thruaillidh, agus neo-shalaich, agus nach searg as, a tha air a tasgadh 's na nèamhan dhuibhse,

5 A tha air bhur coimhead le cumhachd Dhé tre chreidimh chum slàinte, a tha ullamh r'a foillseachadh 's an aimsir dheireannaich :

6 Nì anns am bheil sibh a' deanamh mòr-ghairdeachais, ged tha sibh a nis ré ùine bhig, (ma's feumail e) fo thùir-se tre iomadach buaireadh.

7 Chum gu faighear dearbhadh bhur creidimh, nì's luachmhoire gu mòr na òr a théid ann mugha, ged dhearbhar le teine e, chum clin, agus urraid, agus glòir aig foillseachadh Iosa Crìosd ;

8 D'am bheil sibh a' toirt gràidh, ged nach faca sibh e ; agus ged nach 'eil sibh a nis 'g a fhaicinn, air dhuibh 'bhi 'creidsinn ann, tha sibh a' deanamh mòr-ghairdeachais le h-aobhneas air dol thar labhairt, agus làn de ghlòir :

9 A' faotainn crìche bhur creidimh, *eadhon* slàinte *thur* n-anama :

10 Slàinte mu'n d'fhiosraich na fàidhean, agus mu'n d'rinn iad gcur-rannsachadh, muinntir a rinn fàidheadaireachd mu'n ghràs a bha gu teachd do 'ur n-ionnsuidh-se ;

11 A' rannsachadh cìod i, no cìod a' ghnè aimsir a bha Spiorad Chrìosd annta-san a' foillseachadh, 'n uair a riun e fianuis roimhlaimh air fulangasaibh Chrìosd, agus a' ghlòir a bha gu'n leantainn.

12 Muinntir d'an d'fhoillsicheadh, nach b'ann doibh féin, ach dhuinne a fhritheil iad na nithean a tha nis air an cur 'an cèill duibh leo-san a shearmonaich an soisgeul duibh, leis an Spiorad naomh a chuirceadh a nuas o nèamh ; nithean air am miann leis na h-ainglibh beachdachadh.

13 Ùine siu crìslaichibh leasraidh bhur n-inntinn, bithibh measarra, agus bitheadh dòchas dìongmhalta agaibh as a' ghràs a bheirear dhuibh aig foillseachadh Iosa Crìosd ;

14 Mar chloinn ùmhal, gun a bhi 'g 'ur comh-chumadh féin ris na h-ana-miannaibh, a bha agaibh roimh ann an àm bhur n-aìneolais :

15 Ach a réir mar tha esan a ghairm sibh naomh, bithibh-se naomha mar an ceudna 'n 'ur n-uile chaithe-beatha :

16 Do bhrìgh gu bheil e sgrìobhta, Bithibh-se naomha, oir tha mise naomh.

17 Agus na ghairmeas sibh air an Athair, a bheir breth a réir oibre gach neach, gun chlaon-bhàigh ri neach seach a chéile, caithibh aimsir bhur cuairt an so le h-eagal :

18 Air dhuibh fios a bhi agaibh nach do shaoardh sibh le nithibh truallidh, *mar tha* airgid agus òr, o bhur caithe-beatha dìomhain, a thugadh dhuibh o bhur sinnsir-eachd ;

19 Ach le fuil luachmhoir Chrìosd, mar *fhuil* Uain gun chron, gun smal :

20 Neach gu deimhin a roimh-orduicheadh roimh chruthachadh an t-saoghail, ach a dh'fhoillsicheadh anns na h-aimsiribh deireannach air bhur son-se ;

21 Muinntir trid-san a tha 'creidsinn ann

an Dia a thog esan o na maibh, agus a thug glòir dha, chum gu'm bitheadh bhur creidimh agus bhur muinghin ann an Dia.

22 Do bhrìgh gu'n do ghlan sibh bhur n-anaman le ùmhachd a thoirt do'n fhìrinn tre 'n Spioraid, chum gràidh neo-chealgaich do bhràithribh; *feuchaidh gu'n toir sibh gràdh d'a chéile á cridhe glan gu dùrachdach* :

23 Air dhuibh 'bhi air bhur n-ath-ghin-camhuin, cha-n ann o shìol truaillidh, ach neo-thruaillidh, le focal an Dé bheò, agus a mhaireas gu sìorruidh.

24 *Oir tha gach uile fhèil mar fleur, agus uile ghlòir dhaoine mar bhlàth an fheoir.* Seargaidh am fear, agus tuitidh a bhlàth dheth :

25 Ach fanaidh focal an Tighearna gu sìorruidh. Agus is e so am focal a shearmonaicheadh dhuibhse anns an t-soisgeul.

CAIB. II.

1 *Chomhairlich Peadar luchd-aidmheil a' chreidimh an aghaidh mì-sheircealachd; a nochd e gur e Crìosd am bunadh air am d'heil iad air an togail; 11 ghluidh e orra fantuim o an-miannaibh feòlmhor, 13 agus a bhi ùmhail do uachdaranaihb; 18 is còir do sheirbhiseich a bhi ùmhail d'am maighstiribh, 20 agus fulang gu foighidneach air son maith a dheanamh a réir eisempleir Chrìosd.*

UIME sin a' cur uaibh gach uile mhì-ruin, agus gach uile mhicalltaireachd, agus chealg, agus fharmadan, agus gach uile ana-cainnt,

2 Mar maoidheanan air an ùr-bhreith, iarraibh bainne fìor-ghlan an fhocail, chum as gu'm fàs sibh leis;

3 Ma's e as gu'n do bhlais sibh gu *bheil* an Tighearn gràsmhor.

4 A' teachd d'a ionnsuidh-san, *mar gu* cloich bheò, a dhiùltadh gu deimhin le daoineibh, ach air a taghadh e *Dhia agus* luachmhor;

5 Tha sibhse mar an ceudna mar chlach-aibh beò, air bhur togail suas 'u 'ur tigh spioradail, 'n 'ur sagartachd naomh, chum iobairtean spioradail a thoirt suas, taitneach do Dhia tre Iosa Crìosd.

6 Uime sin tha so mar an ceudna air a chur sìos anns an sgrìobtuir, Feuch, cuiridh mi ann an Sion prìomh chlach-oisne thaghta, luachmhor: agus an ti a chreideas ann, cha chuirear gu nàire e.

7 Dhuibhse uime sin a chreideas, *tha e* luachmhor: ach dhoibh-san a tha cas-ùmhail, a' clalach a dhiùlt na clachairean, riuneadh ceann na h-oisne dith,

8 Agus clach-thuislidh, agus carraig oilbhein, *dhoibh-san* a thuislicheas air an fhocal, air dhoibh 'bhi eas-ùmhail, chum mar an ceudna an d'orduicheadh iad.

9 Ach is ginealach taghta sibhse, sagartachd rìoghail, cinneach naomh, sluagh son-

raichte; chum gu'n cuireadh sibh 'an céill feartan an ti a ghairm á dorchadas sibh chum a sholuis iongantach féin:

10 Nach *robh* uair-éigin 'n 'ur sluagh, ach a nis *is* sibh sluagh Dhé: dream nach d'fhuair tròcair, ach a nis a tha air faotainn tròcair.

11 A mhuinntir mo ghràidh, guidheam oirbh, mar choigrich agus luchd-cuairt, sibh a sheachnadh aua-miannan feòlmhor, a tha 'cogadh an aghaidh an anama;

12 Air dhuibh deadh chaithe-beatha 'bhi agaibh am measg nan Ciuneach; chum 'an àit ole a labhairt umaibh mar luchd mighnìomh, gu'n dean iad o bhur deadh oirribh a chi iad, Dia a ghlòrachadh ann an là an fhiosrachaidh.

13 Uime siu bithibh-se ùmhail do gach uile riaghailt dhaoine air son au Tighearna: ma's ann do'n rìgh, mar an ti a's àirde inbhe;

14 No do uachdранаibh, mar do'n mhuinntir a chuireadh uaith chum dìoghaltais air luchd-deanamh an uile, ach chum clia dhoibh-san a ni maith.

15 Oir is i toil Dhé gu'n cuireadh sibhse le deadh dhcanadas tosd air aineolas dhaoine amaidheach:

16 Mar dhaoine saor, agus gun *bhur* saorsa a ghnàthachadh mar bhrat-folaich do'n ole, ach mar sheirbhiseich Dhé.

17 Thugaibh urram do na h-uile dhaoine. Gràdhachibh na bràithrean. Bitheadh eagal Dhé oirbh. Thugaibh urram do'n rìgh.

18 A sheirbhiseacha, *bithibh* ùmhail do 'ur maighstiribh maille ris an uile eagal, cha-n e mhàin dhoibh-san a tha maith agus ciùin, ach mar an ceudna dhoibh-san a tha borb.

19 Oir *tha* so cliu-thoillteannach, ma dh'iomchaireas neach sam bith doilgheas air son coiguis a thaobh Dhé, a' fulang gu h-eucorach.

20 Oir cìod an t-aobhar molaidh a *tha ann*, ma's e an uair a ghabhar oirbh air son bbur cionta, gu'n giùlain sibh gu foighidneach e? ach ma's e 'n uair a tha sibh a' deanamh maith, agus a' fulang air a *shon*, gu'n giùlain sibh e gu foighidneach, *tha* so taitneach do Dhia.

21 Oir is ann a dh'ionnsuidh so a ghairm-eadh sibh: do bhrìgh gu'n d'fhuiling Crìosd mar an ceudna air bhur son, a' fàgail eisempleir agaibh, chum gu-n leanadh sibh a cheuman:

22 Neach nach d'rinn peacadh, ni mò a fhuaradh cealg 'n a bhicul:

23 Neach, 'n uair a chàineadh e, nach do chàin a ris; 'n uair a dh'fhuiling e, nach do bhagair; ach a dh'earb e *féin* ris-san a bheir broth cheart:

24 Neach a ghiùlain ar peacaidhean e féin 'n a chorp féin air a' chrann. chum air

I PHEADAIR, III, IV

dhuinn a bhi marbh do'n pheacadh, gu'm bithcanaid beò do fhìreantachd: neach le a bhuillibh-san a tha air sibhse a thearnadh.

25 Oir bha sibh mar chaoraich a' dol air seacharan; ach philleadh sibh a nis chum Buachaill agus Easbuig bhuir n-anama.

CAIB. III.

1 *Theagaisg Peadar dleasdanas bhàn agus shear-pòda d'a chèile, 8 dh'earalaich e na h-uile dhaoine claim, aonachd agus gràidh, 14 agus geur-leanmhuinn fhulang: 19 Chuir e mar an ceudna 'an cèill sochaircan Chrìosd do'n t-seannt saoghal.*

MAR an ceudna, a mhnathan, *bithibh* ùmhal do 'ur fearaibh féin, chum ma tha dream air bith eas-ùmhail do'n fhocal, gu'm bi iadsan mar an ceudna, as eugmhais an fhocail, air an cosnadh le deadh chaithe-beatha nam ban.

2 'N uair a bheachdaicheas iad air bhuir caithe-beatha geamnuidh mailleir h-eagal.

3 Na b'i bhuir breaghachd, figheadh an fhuil agus a' cur òir oirbh, agus dheadh thrusgan umaibh, a' *bhreaghachd sin* o'n leth muigh:

4 Ach duine folaichte a' chridhe, ann an neo-thruaillidheachd spioraid mhacanta agus chiùin, ni a tha ro luachmhor ann an sealladh Dhé.

5 Oir b'ann mar so a rinn na mnathan naomha o shean, aig an robh am muinghin ann an Dia, iad féin breagha, air dhoibh 'bhi ùmhail d'am fearaibh féin;

6 Amhuil a thug Sarah ùmhlachd do Abraham, a' gairn tighearna dheth: d'an nigheanan sibhse am feadh 's a ni sibh gu maith, agus gun gheilt oirbh le h-uamhas sam bith.

7 Mar an ceudna, fheara, gabhaibh-se còmhnuidh maille riù a réir eòlais, a' tabhairt urraim do'n mhnaoi mar do 'n t-soith-each a's anmhuinne, agus mar mhuinntir a tha 'n an comh-oighreachaibh air gràs na beatha; chum nach cuirear bacadh air bhuir n-urnuighibh.

8 Fa dhèidh, *bithibh* uile a dh'aon inn-tinn, bitheadh comh-fhulangas agaibh r'a chèile, gràdhachibh a chèile mar bhràithribh, *bithibh* truacanta, càirdeil:

9 Na h-ìocaibh olc air son uile, no càineadh air son càinidh: ach 'n a ghaidh sin, beannaichibh; air dhuibh fios a bhi agaibh gur ann a dh'ionnsuidh so a ghairmeadh sibh, chum gu'n sealbhaicheadh sibh beannaichadh mar oighreachd:

10 Oir ge b'e l'e'm b'àill beatha a ghràdhachadh, agus làithean maithhe fhaicinn, cumadh c a theangadh o olc, agus a bhilean o labhairt ceilg.

11 Seachnadh e olc, agus deanadh e maith; iarradh e sìth, agus leanadh e i.

12 Oir *tha* sùilean an Tighearn' air na fir-

eanaibh, agus a chluasan fosgailte r'an urnuigh: ach *tha* gnùis an Tighearna an aghaidh na muinntir a ni olc.

13 Agus cò e a ni olc oirbh, ma bhitheas sibh 'n 'ur luchd-leanmhuinn air an ni sin a tha maith?

14 Ach eadhon ma d'fhuilingeas sibh air sgàth fireantachd, *is* sona sibh: agus na bitheadh fianh an eagail-san oirbh, agus na bithibh mi-shuaimhneach;

15 Ach naomhaichibh an Tighearn Dia ann bhuir cridheachaibh: agus *bithibh* ullamh r' *gnàth* chum freagradh a thoirt, maille r' *jeannasachd* agus eagal, do gach uile dhuine a dh'iarras oirbh reuson an dòchais a tha annaibh:

16 Air dhuibh deadh choguis a bhi agaibh; chum, 'n uair a tha iad a' labhairt uile 'n 'ur n-aghaidh mar luchd mi-ghnìomh, gu'n gabh iadsan nàire, a tha 'toirt toibheim do 'ur deadh chaithe-beatha ann an Crìosd.

17 Oir *is* fearr, ma's e sin toil Dhé, sibh a dh'fhulang air son maith a dheanamh, na air son olc a dheanamh.

18 Oir dh'fhuiling Crìosd féin aon uair air son pheacaidhean, am firean air son nan neo-fhìrean, (chum gu'n tugadh e sinne gu Dia,) air dha 'bhi air a chur gu bàs 's an fheòil, ach air a bheothachadh tre an Spiorad:

19 Leis an deachaidh e mar an ceudna, agus an do shearmonaich e do na spioradaibh ann am prìosan;

20 A bha o shean eas-ùmhail, 'n uair a dh'fheith fad-fhulangas Dhé aon uair ann an làithibh Noah, ann feadh a bha àire 'g a h-ullachadh, anns an robh beagan, sin r'a ràdh, ochd anaman, air an tearnadh tre uisge.

21 Tha am baisteadh, mar shamhlachas a tha 'comh-fhreagradh dha so, (cha-n e cur dhinn sal na feòla, ach freagradh deadh choguis thaobh Dhé,) nis 'g ar tearnadh-ne, tre aiscirigh Iosa Crìosd.

22 Neach air dha dol gu nèamh, a tha air deas làimh Dhé, air do ainglibh, agus do uachdranachdaibh, agus do chumhachdaibh 'bhi air an cur fo 'cheannsal-san.

CAIB. IV.

1 *Dh'earalaich Peadar luchd-aidmheil a' chreidinn gu sgar de pheacadh o eisempleir Chrìosd, agus do bhrìgh gu theil a' chrìoch dheireannach a' dlùth-theannadh oirnn: 12 agus thug e comhfhurtachd dhoibh an aghaidh geur-leanmhuinn.*

TIME sin, o dh'fhuiling Crìosd air ar son-ne 's an fheòil, armaichibh-se mar an ceudna sibh féin leis an inn-tinn cheudna: oir an ti a dh'fhuiling anns an fheòil, sguir e de pheacadh;

2 Chum nach caitheadh e fuighcall 'aimsir anns an fheòil, a réir ana-miannan dhaoine, ach a réir toile Dhé

3 Oir is leoir dhuinn a' chuid a chaidh seachad de aimsir ar beatha gu toil nan Cinneach a dheanamh, 'n uair a shiubhail sinn ann am macnus, ann an ana-miann-aibh, ann an anabharr fiona, ann an geòc-aireachd, ann am pòiteireachd, agus ann an iodhol-aoradh an-dligheach:

4 Ni anns am bheil iad a' gabhail iongantais, a chionn nach 'eil sibhse a' ruith maille ri anns an neo-mheasarrachd chendua gun tomhas, a' labhairt uile *umaibh*:

5 Muinntir a bheir cuimantas dhàsan, a tha ullamh gn breth a thoirt air na beothaibh agus air na mairbh.

6 Oir is ann chum na crìche so a shearmonaicheadh an soisgeul dhoibh-san a tha marbh mar an ceudna, chum gu'n tugtadh breth orra a réir dhaoine 's an fheadh, ach gu'm bitheadh iad beò a réir Dhé 's an Spiorad.

7 Ach tha crìoch nan uile nithean am fagns: nime sin bithibh measarra, agus deanaibh faire chum urnuigh.

8 Agus roimh na h-uile nithibh bitheadh agaibh teas-ghràdh d'a chéile; oir cuiridh gràdh folach air mòran pheacaidhean.

9 Thngaibh aoidheachd d'a chéile gnn ghearan.

10 A réir mar a fhuair gach aon an tìodhlac, *mar sin* deanaibh frithealadh d'a chéile, mar theadh stiùbhardaibh air gràs eag-samhuil Dhé.

11 Ma labhras neach sam bith, *labhradh e* mar bhriathraibh Dhé; ma tha neach sam bith ri frithealadh, *deanadh se e* mar o'n chomas a bheir Dia *dha*; chum gu'm bi Dia air a ghlòrachadh anns na h-uile nithibh tre Iosa Crìosd: dhàsan gn robh glòir agus cumhachd gu saoghal nan saoghal. Amen.

12 A mhuinntir mo ghràidh, na bitheadh iongantais oirbh thaobh na deuchainn theinntich, a thig oirbh chum bhur dearbhadh, mar gu'n tarladh ui-éigin neo-ghnàth-ach dhuibh:

13 Ach do bhrìgh gu bheil sibh 'n 'ur luchd-comhairle de fhulangasaibh Chrìosd, deanaibh gairdeachas; chum mar an ceudna, ann an àm foillseachaidh a ghlòire, gu'n dean sibh gairdeachas le h-aoibhneas ro mhòr.

14 Ma mhaslaichear sibh air son ainme Chrìosd, *is* sona *sibh*; oir tha Spiorad na glòire, agus Dhé a' gabhail còmhuidh oirbh; d'an taobh-san gu deimhin tha e 'faotainn toibheim, ach do 'ur taobh-se tha e air a ghlòrachadh.

15 Ach na fnìlgeadh aon agaibh mar mhòrtair, no *mar* ghadniche, no *mar* fhear droch-bheirt, no mar neach a ghabhas gnothach ri nithibh nach buin da.

16 Gidheadh ma *dhi'fhuilingeas duine* mar Chrìosduidh, na bitheadh nàire air; ach thugadh e glòir do Dhia a leth so.

17 Oir *thàinig* an t-àm anns an tòisich

breitheanas aig tigh Dhé: agns ma thòisich-eas e againne, cìod *a's* crìoch dhoibh-san a tha eas-ùmhail do shoisgeul Dhé?

18 Agns ma's ann air éigin a thearnar am firean, c'àit an taisbein an duine mi-dhiadhaidh agus am peacach e féin?

19 Uime sin, an dream a dh'fhuilingeas a réir toile Dhé, earbadh iad an anaman *ris-san* ann an deanaibh maith, mar ri Crnith-ear dileas.

CAIB. V.

1 *Chuir Peadar impidh air na seanairibh treud Dhé a bheathrachadh; 5 air an òigridh 'bhi ùmhail, 8 agus orra uile 'bhi stuama, faireil, agus daingean 's a' chreidimh; 9 agus cur an aghaidh ar nàmhaid an-ìochd-inhoir an dia-bhui.*

NA seanairean a tha 'n 'ur measg tha mi ag earalachadh, air bhi dhonnh féin a' m' sheanair mar an ceudna, agus a' m' fliamuis air fulangasaibh Chrìosd, agus mar an ceudna a' m' fhear comhairle de'n ghlòir sin, a tha gn bhi air a foillseachadh:

2 Beathaichibh treud Dhé a tha 'n 'ur measg, a' gabhail cùram *dhethe*, cha-n ann a dh'aindeoin, ach gn deònach; cha-n ann air son buannachd shalaich, ach le h-inntinn ealamh;

3 Ni mò mar thighearnaibh os ceann oighreachd *Dhé*, ach mar dhream a tha 'n an eisempleiribh do'n trend.

4 Agus an uair a dh'fhoillsichear an t-àrd-bhuachaill, gheibh sibh crùn na glòire nach searg as.

5 Mar an ceudna, a dhaoine òga, bithibh ùmhail do na seanairibh: seadh, bithibh uile ùmhail d'a chéile, agns bithibh air bhur sgeadachadh le h-irioslachd: oir tha Dia a' cur an aghaidh nan naibhreach, ach a' toirt gràis dhoibh-san a tha iriosal.

6 Uime sin irioslaichibh sibh féin fo làimh chmhuachaidh Dhé, chum as gu'n àrdaich e sibh ann an àm iomchuidh:

7 A' tilgeadh bhur n-nìle chùram airsan; oir tha cùram aige dhihbh.

8 Bithibh stuama, deanaibh faire; do bhrìgh gu bheil bhur nàmhaid an diabhul, mar leòmhnan beuchdach, ag imeachd mu'n cnairt, a' sìreadh cò a dh'fheudas e 'shlugadh suas.

9 Oniribh-sa 'n a aghaidh, air dhuibh 'bhi daingean 's a' chreidimh, agus fhios a bhi agaibh gu bheil na fulangais cheudna air an còimhlionadh ann bhur bràithribh, a tha 's an t-saoghal.

10 Ach gu'n deanadh Dia féin nan uile ghràs, a ghairm sinne chum a ghlòire shìorruidh tre Iosa Crìosd, an déigh dh'nibh fulang ré ùine bhligh, iomlan sibh; gu'n daingnich-eadh, gu'n neartaicheadh, gu'n socraicheadh e sibh.

11 Dhàsan *gu robh* glòir agus cumhachd, gu saoghal nan saoghal. Amen.

12 Le Sìlmanus bràthair dileas, (a réir mo

bharail-sa.) sgrìobh mi do 'ur n-ionnsuidh gu h-aithghearr, a' teagasg, agus a' deanamh fianuis, gur e so fìor-ghràs Dhé, anns am bheil sibh 'n 'ur seasamh.

13 Tha an eaglais ann am Babilon, a thagh-

adh maille ribhse, a' cur fàilte oirbh, agus Marcus mo mhaic.

14 Cuiribh fàilte air a chéile le pòig ghràidh. Sìth *gu robh* maille ribh uile a tha ann an Iosa Crìosd. Amen.

DARA LITIR CHOITCHIONN AN ABSTOIL

PHEADAIR.

CAIR. I.

1 *Thum luchd-aidmheil a' chreidimh a dhaingneachadh 'an dòchas meudachaidh gràis Dhé, 5 chuir Peadar impidh orra le creidimh agus deadh oiribh, an gairm a dheanamh cinnteach: 12 bha e càramach mu so 'chur 'an cuimhne dhoibh, do bhrìgh gu robh fios aige a bhàs 'bhi 'm fagus: 16 agus thug e rabhadh dhoibh 'bhrunaitheach ann an creidimh Chrìosd, &c.*

SIMON Peadar, seirbhiiseach agus abstol 's Iosa Crìosd, dhoibh-sana fhuairean creidimh luachmhor ceudna ruinne, tre fhàreantachd ar Dé agus ar Slànuidhir Iosa Crìosd:

2 Gu'n robh gràs agus sìth air am neudachadh dhuibh, tre eòlas Dhé, agus Iosa ar Tighearna,

3 A réir mar a dhednuich a chumhachd diadhaidh-san dhuinne na nithean sin uile a *bhuineas* do bheatha agus do dhiadhachd, tre eòlas an ti sin a ghairm sinn chum glòire, agus deadh-bheus:

4 Tre an d'fhugadh dhuinn geallaidhean ro mhòr agus luachmhor, chum d'an trid-san gu'm bitheadh sibhse air bhur deanamh 'n 'ur luchd-comhairt de nàdur na diadhachd, air dhuibh dol as o'n truaillidheachd a tha anns an t-saoghal tre ana-miann.

5 Agus a thuilleadh air so, air deanamh an uile dhìcheall duibhse, cuiribh ri 'ur creidimh, deadh-bheus; agus ri deadh-bheus, eòlas;

6 Agus ri h-eòlas, stuaim; agus ri stuaim, foighidin; agus ri foighidin, diadhachd;

7 Agus ri diadhachd, gràdh bràthaireil; agus ri gràdh bràthaireil, seirce.

8 Oir ma bhitheas na nithean so annaibh, agus pailte, bheir iad *oirbh* gun bhi leasg, no mi-thorrach ann an eòlas ar Tighearna Iosa Crìosd.

9 Ach an ti aig nach 'eil na nithean sin, tha e dall, agus gearr-sheallach, a' dìochuimhneachadh gu'n do ghlanadh 'e o a sheann pheacàibh.

10 Uime sin, a bhràithre, deanaibh tuilleadh dìcheall chum bhur gairm agus bhur taghadh a dheanamh cinnteach: oir ma ni sibh na nithean so, cha tuit sibh a chaoidh:

11 Oir mar sin frithealar gu pailt dhuibh slighe a steach do rìoghachd shiorruidh ar Tighearna agus ar Slànuidhir Iosa Crìosd.

12 Uime sin cha dearmad mi na nithean

so ghnàth-chur 'an cuimhne dhuibh, ged is aithne dhuibh *iad*, agus ged tha sibh air bhur daingneachadh 's an fhuirinn a làthair.

13 Ach tha mi a' meas gur còir, am feadh 's a tha mi 's a' phàillium so, sibhse a bhròsnachadh le 'ur cur 'an cuimhne:

14 Air dhomh fios a bhi agam gur fagus dhomh àm cur dhìom mo phàillium so, amhuil a dh'fhoillsich ar Tighearna Iosa Crìosd dhomh.

15 Ach ni mise dìchioll, chum an déigh dhomh siubhal, gu'm bi agaibh-sa gnàth-chuimhne air na nithibh so.

16 Oir cha do lean sinne faoin-sgeulachdan a dhealbhadh gu h-innleachdach, 'n uair a chuir sinn 'an céill duibh cumhachd agus teachd ar Tighearna Iosa Crìosd, ach rinn-eadh sinn 'n ar sùil-fhianuisibh air a mhòr-achd-san.

17 Oir fhuair e o Dhia an t-Athair urram agus glòir, 'n uair a thàinig a' shamhuil so de ghuth d'a ionnsuidh o'n ghlòir dirdheire, Is e so mo Mhaic gràdhach-sa, anns am bheil mo mhòr-thlachd.

18 Agus chuala sinne an guth so a thàinig o nàmh, 'n uair a bha sinn maille ris air an t-sliabh naomh.

19 Tha againn mar an ceudna focal fàidheadaireachd a's cinntiche; d'am maith a ni sibh aire a thoirt, mar do lòchran a tha toirt soluis uaidh ann an ionad dorcha, gus an soillsich an là, agus an éirich an reult-mhaidne 'n 'ur cridheachaibh:

20 Air dhuibh fhios so a bhi agaibh air tùs, nach 'eil fàidheadaireachd air bith de'n sgrìobtur o thogradh *dhaoiné* féin.

21 Oir cha d'fhàinig an fhàidheadaireachd a réir toil duine o shean: ach labhair daoine naomha Dhé, mar a sheòladh iad leis an Spiorad naomh.

CAIR. II.

1 *Roimh-innis Peadar mu thimchioll luchd-teagaisg brèige, a' nochdadh am mì-dhiadhachd, agus an sgrìobh a thig araon orra fèin agus air an luchd-leanmhunn; 7 o'n saorar daoine diadhaidh, mar a shaoradh Lot à Sodom; 10 agus chuir e an céill gu'llan nam meallairean mì-dhiadhaidh sin chum gu'm feudtadh an aithneachadh agus an seachnadh.*

ACH bha fàidhean brèige mar an ceudna am measg an t-sluaigh, amhuil a bhàit-

2 PHEADAIR, III.

eas luchd-teagaisg bréige 'n 'ur measg-sa, dream a bheir a steach 'an uaignidheas saobh-chreidimh millteach, eadhon ag àich-eadh an Tighearn a' cheannaich iad, agus a bheir sgrios obann orra féin.

2 Agus leanaidh mòran an slighean millteach tre am faigh slighe na firinn-mì-chliu.

3 Agus tre shannt nì iad ceannachd oirbh le briathraibh mealltach: dream nach 'eil am breitheanas a nis o chian a' deanamh moille, agus cha-n'èil an sgrios a' tur-chodal.

4 Oir mur do chaomhain Dia na h-ainglean a pheacaich, ach air dha an tilgeadh sìos do ifrinn, gu'n d'thug e thairis iad gu 'bhi air an coimhead ann an slabhraidhibh dorchadais, fa chomhair breitheanais.

5 Agus nach do chaomhain e an seam saoghal, ach gu'n do shaor e Noah an t-ochd-amh *pearsa*, searmonaiche fireantachd, air dha an dèile a thoirt air saoghal nan daoine mì-dhiadhaidh;

6 Agus a' tionndadh bailtean Shodoim agus Ghomorrah gu luathire, gu'n do dhìt e le léir-sgrios iad, 'g an deanamh 'n an ball-sampuill dhoibh-san, a bhitheadh mì-dhiadhaidh an dèigh sin;

7 Agus gu'n do shaor e Lot am firean, a bha fo champar le caithe-beatha neòghlan nan aingidh:

8 (Oir chràidh an t-ionracan sin, agus e 'gabhaill còmhuidh 'n am measg, 'anam fireanta o là ga là, le 'bhi 'faicinn agus a' chuinntinn an gnìomharan an-dligheach:)

9 Is aithne do'n Tighearn na daoine diadhaidh a shaoradh o bhuaireadh, agus na daoine eucorach a choimhead gu là a' bhreitheanais chum peanas a dheanamh orra:

10 Ach gu h-àraidh iadsan a leanas an fheòil ann an ana-miann na neòghloine, agus a nì tàir air uachdaranachd: Air dhoibh a bhi an-dàna, féin-thoileil, cha-n eagal leo ana-cainnt a thoirt dhoibh-san a tha ann an àrd-inbhe:

11 An uair nach toir ainglean a's mò ann an neart agus ann an cumhachd, casaid thobheumach 'n an aghaidh 'am fianuis an Tighearna.

12 Ach iadsan, mar ainmhidhean nàdurra eu-cèillidh, a rinneadh gu 'bhi air an glacadh agus air an sgrios, air dhoibh a bhi 'labhairt gu toibheumach mu na nithibh nach tuig iad, sgriosar iad 'n an truailidh-eachd féin;

13 Agus gheibh iad tuarasdal na h-euceirt, mar dhream a mheasas mar shubhachas sògh 's an là: is smala iad agus aobhar-maslaidh, a' gabhail toileachas-inntinn 'n am mealltaireachd féin, am feadh a tha iad air cuirmibh maille ribh;

14 Aig am bheil an sùilean làn adhalt-ranais, agus do nach 'eil e'n comas sgur de pheacadh; a' mealladh anaman neo-shuidh-

ichte; aig am bheil an cridhe air a chleachdadh ri gnìomharaibh sanntach; clann nam mallachd:

15 A thréig an t-slighe dhìreach, agus a chaidh air seacharan, a' leantuinn slighe Bhalaaim *mhic* Bhosoir, a ghràdhach duais na h-eucorach;

16 Ach a fhuair achmhasan air son 'aingidheachd: oir labhair an asal bhalbh le cainnt duine, agus thoir misg i mì-chèill an fhàidh.

17 Is tobraichean gun uisge iad so, neoii air an iomain le ion-ghaoith; fa chomhair am bheil duibhre an dorchadais air a thasgadh gu sìorruidh.

18 Oir an uair a labhras iad *briathran* atmhòr dìomhanais, meallaidh iad tre anamiannaibh na feòla, tre mhacnus, iadsan a chaidh gu glan as uatha-san a tha 'caitheadh am beatha ann an seacharan:

19 A' gealltuinn saorsa dhoibh, agus gunannta féin ach tràillean na truailidheachd: oir ge b'e nì le'm buadhaichear air duine, do'n nì sin féin tha e air a chur fo dhaoresa.

20 Oir an dèigh dhoibh dol as o shalchraibh an t-saoghail tre eòlas an Tighearn' agus an t-Slànuidhir Iosa Crìosd, ma bhitheas iad a ris air an ribeadh anna, agus air an cur fo ghéill, tha an crìoch nì's miosa na an toiseach.

21 Oir b'fhearr dhoibh gun eòlas a bhi aca air slighe na fireantachd, na, an dèigh a h-eòlas fhaotainn, pillcadh o'n àithne naomha a thugadh dhoibh.

22 Ach thachair dhoibh a réir an t-seanfhocail fhìrinnich, Phill am madadh air ais chum a sgeith féin; agus, A' mhuc a chaidh a nigheadh, chum a h-aoirneagan 's an làthaich.

CAIB. III.

1 *Thug Peadar cinnte do luchd-aidmheil a chreidimh mu theachd Chrìosd chum breitheanais, an aghaidh luchd-janoid; 8 thug e rabhadh do dhaoine mì-dhiadhaidh o fhad-fhoighidín Dhè, iad a ghreasadh an aithreachais: 12 chuir e mar an ceudna 'an cèill am modh air an sgriosar an saoghal so: 17 dì'earalaich e iad o sin chum an uile naomhachd beatha, &c.*

A N dara litir so, a mhuinntir mo ghràidh, tha mi a' sgrìobhadh do 'ur n-ionnsuidh a nis; anna le *'chéile* tha mi a' brosnachadh bhur n-inntinn fhìor-ghloin le 'ur cur 'an cuimhne:

2 Chum gu'm bi sibh cuimhneachail air na briathraibh a labhradh roimhe leis na fàidhibh naomha, agus air ar n-àithne-ne, abstolan an Tighearn' agus an t-Slànuidhir:

3 Air dhuibh fhios so bhi agaibh air tùs, gu'n tig anns na làithibh deireannach luchd-fochaid, ag imeachd a réir an ana-miann féin,

4 Agus ag ràdh, C'ait am bheil gealladh a theachd? oir o chòidil na h-aithrichean, tha na h-uile nithèan a' fàntuinn mar a *bha iad* o thoiseach a' chruthachaidh.

5 Oir tha iad aineolach air so d'an deoin, gu'n robh na nèamhan ann o chian, agus an talamh 'n a sheasamh as an uisge, agus anns an uisge, tre fhocal Dhé :

6 Tre'n deachaidh an saoghal a bha'n sin ann a sgrios, air teachd do'n dìle air.

7 Ach tha na nèamhan agus an talamh a tha nis ann, leis an fhocal sin féin air an tasgadh suas, agus air an gleidheadh fa chomhair teine air cheann là a' bhreitheanais, agus sgrios dhaoine ain-diadhaidh.

8 Ach, a mhuinntir mo ghràidh, na bithibhse aineolach air an aon ni so, Gu *bheil* aon là aig an Tighearn mar mhìle bliadhna, agus mìle bliadhna mar aon là.

9 Cha-n'eil an Tighearn mall a thaobh a gheallaidh, (mar a mheasas dream àraidh moille,) ach tha e fad-fhulangach do ar taobh-ne, gun toil aige dream sam bith a tha air, air an losgadh suas.

10 Ach thig là an Tighearna mar ghaduiche 's an oidhche; anns an téid na nèamhan thairis le toirm mhòir, agus anns an leagh na dùilean le dian-theas; agus bithidh an talamh mar an ceudna, agus na h-oibre a tha air, air an losgadh suas.

11 Uime sin do bhrìgh gu'm bi na nithean so uile air an sgaoilcadh as a chéile, ciod a' ghlùe dhaoine 'bu chòir a bhi annaibh, ann an caithe-beatha naomh, agus diadhachd,

12 Le sùil a bhi agaibh ris, agus luathach-

adh enim teachd là Dhé, anns am bi na nèamhan air dhoibh a bhi ri theine, air an sgaoileadh o' chéile, agus anns an leaghar na dùile le dian-theas?

13 Gidheadh tha dùil againne ri nèamhan nuadha agus talamh nuadh, a réir a gheallaidh, anns an còmhluich fireantachd.

14 Uime sin, a mhuinntir ionmhuinn, o tha dùil agaibh ris na nithibh sin, deanaibh bhur dìchioll chum gu faighear leis-san ann an sìth sibh, gun smal agus neo-lochdach :

15 Agus measaibh gur slàinte fad-fhulangas ar Tighearna; amhuil a sgrìobh ar bràthair gràdhach Pòl mar an ceudna do 'ur n-ionnsuidh, a réir a' ghliocais a thugadh dha ;

16 Amhuil mar 'n a litricibh uile, a' labhairt anna mu na nithibh so: anns am bheil cuid de nithibh do-thuigsinn, a tha an dream a tha neo-fhòghlumta agus neo-sheasmhach a' fiaradh, amhuil mar na sgrìobtuirean eile, chum an sgrios féin.

17 Ach sibhse, a mhuinntir mo ghràidh, o's aithne dhuibh na nithean so roimhlàimh, thugaibh aire air eagal air dhuibhse mar an ceudna 'bhi air bhur tarruing air falbh le seacharan nan daoine ain-diadhaidh, gu'n tuit sibh o bhur seasmhachd féin.

18 Ach fasaibh ann an gràs, agus ann an eòlas ar Tighearn' agus ar Slanuidhir Iosa Crìosd. Dhàsan *gu robh* glòir a nis agus gu sìorruidh. Amen.

CEUD LITIR CHOITCHIONN AN ABSTOIL

E O I N.

CAIB. I.

1 *Labhair Eoin mu phearsa Chrìosd, anns am bheil againn beatha mhaireamach, thaobh comh-chomuinn ri Dia; 5 ris an èigin duinn naomhachd beatha a chur, a dhearbhadh firinn a' comh-chomuinn sin, chum gu'm faigheamaid cinnte air maitheanas tre dhàs Chrìosd.*

AN ni a bha ann o thùs, an ni a chuala sinne, a chunnaic sinn le ar sùilibh, air an d'amhairc sinn, agus a lèimhsich ar lèimh' thaobh focail na beatha ;

2 (Oir dh'fhoillsicheadh a' bheatha, agus chunnaic sinn *i*, agus tha sinn a' deanamh fianuis, agus a' cur 'an cèill dhuibhse na beatha maireannaich ud a bha maille ris an Athair, agus a dh'fhoillsicheadh dhuinne ;)

3 An ni a chunnaic agus a chuala sinn, tha sinn a' cur 'an cèill dhuibhse, chum gu'm bi agaibhse mar an ceudna comunn ruinne : agus gu firinneach tha ar comunn-ne ris an Athair, agus r'a Mhac Iosa Crìosd.

4 Agus tha sinn a' sgrìobhadh nan nith-

ean so do 'ur n-ionnsuidh, chum gu'm bi bhur gairdeachas coimhlionta.

5 Agus is i so an teachdaireachd a chuala sinn uaith-san, agus a tha sinn a' cur 'an cèill dhuibhse, Gur solus Dia, agus uach 'eil dorchadas air bith annsan.

6 Ma their sinn gu bheil comunn againn ris, agus sinn a' gluasad ann an dorchadas, tha sinn a' deanamh bréige, agus cha-n'eil sinn a' deanamh na firinn :

7 Ach ma ghluaiseas sinn anns an t-solus, mar a tha esan 's an t-solus, tha comunn againn r'a chéile, agus glanaidh fuil Iosa Crìosd a Mhic sinn o gach uile pheacadh.

8 Ma their sinn nach 'eil peacadh againn, tha sinn 'g ar mealladh féin, agus cha-n'eil an fhìrinn annainn.

9 Ma dh'aidicheas sinn ar peacaidhean, tha esan firinneach agus ceart, chum ar peacaidhean a mhaithheadh dhuinn, agus ar glanadh o gach uile neo-fhireantachd.

10 Ma their sinn nach do pheacaich sinn,

tha sinn a' deanamh breugaire dheth-san, agus cha-n'eil fhocal annainn.

CAIB. II.

1 *Thug Eoin comhfharachd do luchd-aidmheil a chreidimh an aghaidh peacaidh annhuinn-eachd.* 3 'S e fìor-còlas Dhé 'àitheantan a choimhead, 9 ar bràithreana ghràdhachadh, 15 agus gun ghràdh a thoirt don t-saoghal. 18 *Is éigin duinn a bhàir ar faicill an aghaidh luchd-meallaidh, &c.*

MO chlann bheag, na nithean so tha mi a' sgrìobhadh do 'ur n-ionnsuidh, chum nach peacaidh sibh. Agus na pheacaidheas neach air bith, tha fear-tagraidh againn maille ris an Athair Iosa Crìosd am fìrean:

2 Agus is esan an òbairt-réitich air sou ar peacaidhean; agus cha-n e air son ar peacaidhean a mhàin, ach mar an ceudna air son *peacaidhean* an t-saoghail uile.

3 Agus le so tha fhios againn gur aithne dhuinn e, ma choimhideas sinn 'àitheantan.

4 An ti a their, Is aithne dhomh e, agus uach 'eil a' coimhead 'àitheantan, is breugaire e, agus cha-n'eil an fhìrinn ann.

5 Ach ge b'e choimhideas fhocal, ann-san gu deimhin tha gràdh Dhé air a choimhlionadh: le so is aithne dhuinn gu bheil sinn ann-san.

6 An ti a their gu bheil e 'fautuinn ann-san, is còir dhàsan mar an ceudna ghasad, eadhon mar a ghluais esan.

7 A bhràithrean, cha-n'eil mi a' sgrìobhadh àithne nuaidh do 'ur n-ionnsuidh, ach seann àithne, a bha agaibh o thoisich: is i an t-seann àithne am focal a chuala sibh o thùs.

8 A ris tha mi a' sgrìobhadh àithne nuaidh do 'ur n-ionnsuidh, ni a tha fìor ann-san agus annaibhse: do bhrìgh gu'n d'imich an dorchadas thairis, agus gu bheil a nis an solus fìor a' dealrachadh.

9 An ti a their gu bheil e 's an t-solus, agus a tha fuathachadh a bhràthar, tha e 's an dorchadas gu s a nis.

10 Au ti aig am bheil gràdh d'a bhràthair, tha e 'n a chòmhnuidh 's an t-solus, agus cha-n'eil aobhar oibheim air bith ann.

11 Ach an ti a tha fuathachadh a bhràthar, tha e anns an dorchadas, agus ag imeachd anns an dorchadas, agus cha-n aithne dha c'àit am bheil e 'dol, do bhrìgh gu'n do dhall an dorchadas a shùilean.

12 Tha mi a' sgrìobhadh do 'ur n-ionnsuidh, a chlann bheag, do bhrìgh gu bheil blur peacaidhean air am maithcadh dhuibh air sgàth 'ainme-san.

13 Tha mi a' sgrìobhadh do 'ur n-ionnsuidh, aithrichean, do bhrìgh gu'm b'aithne dhuibh esan a tha o thùs. Tha mi a' sgrìobhadh do 'ur n-ionnsuidh, òganacha, do bhrìgh gu'n d'fhug sibh buaidh air an droch aon. Tha mi a' sgrìobhadh do 'ur n-ionnsuidh, a

chlann bheag, do bhrìgh gu'm b'aithne dhuibh an t-Athair.

14 Sgrìobh mi do 'ur n-ionnsuidh, aithrichean, do bhrìgh gu'm b'aithne dhuibh an ti a tha ann o thùs. Sgrìobh mi do 'ur n-ionnsuidh, òganacha, do bhrìgh gu bheil sibh làidir, agus gu bheil focal Dhé 'n a chòmhnuidh annaibh, agus gu'n d'fhug sibh buaidh air an droch aon.

15 Na gràdhachibh an saoghal, no na nithean a tha 's an t-saoghal. Ma glràdh-aicheas neach air bith an saoghal, cha-n'eil gràdh an Athar ann.

16 Oir na h-uile a tha anns an t-saoghal, ana-miann na feola, agus ana-miann nan sùil, agus uabhar na beatla, cha-n ann o'n Athair a tha iad, ach o'n t-saoghal.

17 Agus siubhlaidh an saoghal seachad, agus 'ana-miann: ach an ti a ni toil Dhé, mairidh e chaoidh.

18 A chlann bheag, is i an aimsir dheireannach a tha ann: agus mar a chuala sibh gu'n tig an t-ana-Crìosd, is ann mar sin a tha nis iomadh ana-Crìosd ann; o'm bheil sinn a' tuigsinn gur h-i'n aimsir dheireannach a tha ann.

19 Chaidh iad a mach uainne, ach cha robh iad dhinn: oir nam bitheadh iad dhinn, gu deimhin dh'fhanadh iad maille ruinn: ach *chaidh iad a mach*, chum gun deantadh follaiseach iad, nach robh iad uile dhinn.

20 Ach tha agaibhse ungadh o'n ti naomh, agus is aithne dhuibh na h-uile nithean.

21 Cha d'sgrìobh mi do 'ur n-ionnsuidh, do bhrìgh nach aithne dhuibh an fhìrinn; ach do bhrìgh gur aithne dhuibh i, agus nach 'eil breug air bith o'n fhìrinn.

22 Cò a tha 'n a bhreugaire, ach esan a dh'aicheadhas gur e Iosa an Crìosd? Is e so an t-ana-Crìosd, a tha 'g aicheadh an Athar agus a' Mhic.

23 Ge b'e neach a dh'aicheadhas am Mac, cha-n'eil an t-Athair aige: [ach an ti a dh'aicheadhas am Mac, tha an t-Athair aige mar an ceudna.]

24 Uime sin fanadh an ni sin annaibhse a chuala sibh o thùs. Ma dh'fhanas an ni a chuala sibh o thùs annaibh, fanaidh sibhse mar an ceudna anns a' Mhac, agus anns an Athair.

25 Agus is e so an gcalladh a gheall e dhuinn, *eadhon* a' bheatha mhaireannach.

26 Sgrìobh mi na nithean so do 'ur n-ionnsuidh, mu thimchioll na dream a tha 'g 'ur mealladh.

27 Ach tha an t-ungadh a fhuair sibh uaith-san, a' fantuinn annaibh: agus cha-n'eil feum agaibh gu'n teagaisgcadh aon neach sibh: Ach, mar a tha an t-ungadh so fèin 'g 'ur teagasg mu thimchioll nan uile nithean, agus a tha e fìor, agus nach breug e, eadhon mar a theagaisg e sibh, fanaibh ann.

28 Agus a nis, a chlann bheag, fanaibh ann-san : chum 'n uair a dh'fhoillsichear e, gu'm bi dànachd againn, agus nach bi nàire oirnn 'n a làthair aig a theachd.

29 Ma tha fhios agaibh gu bheil esan fireanta, tha fhios agaibh gu bheil gach neach a ni fireantachd, air a bhreith uaith-san.

CAIB. III.

1 *Chuir an t-abstol 'an céill gràdh iongantach Dhé dhuinne, le ar deanamh 'n ar cloinn dha féin: 3 is còir dhuinn uime sin 'aitheantan a choimhead le h-urram, 11 agus mar an ceudna gràdh bràthaireil a bhí againn d'a chéile.*

FEUCHAIBH, ciod a' ghné ghràidh a thug an t-Athair dhuinne, gu'n goirt-eadh clann Dhé dhinn! uime sin cha-n aithne do'n t-saoghal sinn, do bhrìgh nach b'aithe dha esan.

2 A mhuinntir mo ghràidh, a nis is sinne mic Dhé; agus cha-n'eil e soilleir fathast ciod a bhitheas sinn : ach tha fhios againn, 'n uair a dh'fhoillsichear esan, gu'm bi sinn cosmhuil ris; oir chi sinn e mar a tha e.

3 Agus gach neach aig am bheil an dòch-as so ann, glanaidh se e féin, mar a tha esan glan.

4 Ge b'e neach a ni peacadh, tha e mar an ceudna a' briseadh an lagha: oir is e am peacadh briseadh an lagha.

5 Agus tha fhios agaibh gu'n d'fhoillsich-eadh esan chum ar peacaidhean a thoirt air falbh; agus cha-n'eil peacadh sam bith ann-san.

6 Gach neach a dh'fhanas ann-san, cha dean e peacadh: ge b'e air bith a pheacaicheas, cha-n fhac e esan, agus cha robh eòlas aige air.

7 A chlann bheag, na mealladh neach air bith sibh: an ti a ni fireantachd is firean e, mar is firean esan:

8 An ti a ni peacadh, is ann o'n diabhul a tha e: oir tha an diabhul a' peacachadh o thùs. Is ann chum na crìche so a dh'fhoillsich-eadh Mac Dhé, gu'n sgriosadh e oibre an diabhul.

9 Ge b'e neach a ghineadh o Dhia, cha dean e peacadh: oir tha a shìol-san a' fantuinn ann: agus cha-n'eil e 'n comas da peacadh a dheanamh, do bhrìgh gu'n do ghineadh o Dhia e.

10 An so tha clann Dhé, agus clann an diabhul follaiseach: Ge b'e neach nach dean fireantachd, cha-n ann o Dhia a tha e, no an ti nach gràdhaich a bhràthair.

11 Oir is i so an teachdairachd a chuala sibh o thùs, sinn a thoirt gràidh d'a chéile.

12 Cha-n ann mar Chàin, a bha o'n droch aon, agus a mharb a bhràthair: Agus e'ar son a mharbh se e? A chionn gu'n robh 'oibre féin olc, agus oibre a bhràthar fireanta.

13 Na bitheadhioghnadh oirbh, mo bhràithrean, ged dh'fhuathaicheas an saoghal sibh.

14 Tha fhios againn gu'n deachaidh sinn thairis o bhàs gu beatha, a chionn gu bheil gràdh againn do na bràithribh: an ti nach gràdhaich a bhràthair, fanaidh e ann am bàs.

15 Gach neach a dh'fhuathaicheas a bhràthair, is mort-fhear e; agus tha fhios agaibh nach 'eil aig mort-fhear sam bith a' bheatha mhaireannach a' fantuinn ann.

16 Le so is aithne dhuinn gràdh Dhé, do bhrìgh gu'n do leig esan a sios 'anam féin air ar son-ne: agus is còir dhuinne ar n-anama féin a leigeil a sios air son nam bràithrean.

17 Agus ge b'e neach aig am bheil maoin an t-saoghail so, agus a chli a bhràthair ann an uircasbhuidh, agus a dhruideas a chridhe 'n a aghaidh, cionnus a tha gràdh Dhé a' gabhail còmhnuidh ann-san?

18 Mo chlann bheag, na gràdhaicheamaid ann am focal, no ann an teagaidh; ach ann an gnìomh agus ann am firinn.

19 Agus le so is aithne dhuinn gu bheil sinn de'n fhìrinn, agus bheir sinn dearbh-bheachd do 'ur cridheachaibh 'n a làthair.

20 Oir ma dhiteas ar cridhe sinn, is mò Dia na ar cridhe, agus is aithne dha na h-uile nithean.

21 A mhuinntir mo ghràidh, mur dìt ar cridhe sinn, tha dànachd againn a thaobh Dhé.

22 Agus ge b'e ni a dh'iarraas sinn, gheibh sinn uaith e, a chionn gu bheil sinn a' coimhead 'aitheantan, agus a' deanamh nan nithean a tha taitneach 'n a fhianuis-san.

23 Agus is i so 'aithne-san, gu'n creideamaid ann an ainm a Mhic Iosa Crìosd, agus gu'n gràdhaicheamaid a chéile, mar a thug esan aithne dhuinn.

24 Agus an ti a choimhidcas 'aitheantasan, tha e' gabhail còmhnuidh ann, agus esan ann-san: agus le so is aithne dhuinn gu bheil esan a' fuireach annainn, o'n Spiorad a thug e dhuinn.

CAIB. IV.

1 *Thug an t-abstol rabhadh dhoibh gun iad a chreidsinn gach uile luchd-teagaisg a ni bòsd as an Spiorad, ach an dearbhadh le riaghailtibh a' chreidimh choilchionn: 7 bhrosnuich e iad le h-ìomadh reuson gu gràdh bràthaireil.*

AMHUINNTIR ionmhuinn, na creidibh gach uile spiorad, ach dearbhaibh na spioradan, an ann o Dhia a tha iad: do bhrìgh gu bheil mòran fhàidhean bréige air dol a mach do'n t-saoghal.

2 Le so aithnichibh Spiorad Dhé: gach uile spiorad a dh'aidicheas gu'n d'fhàinig Iosa Crìosd 's an fheadail, is ann o Dhia a tha e.

3 Agus gach uile spiorad nach aidich gu bheil Iosa Crìosd air teachd 's an fheadail, cha-n ann o Dhia a tha e: agus is e so spiorad sin an ana-criosd, neach a chuala

sibh e 'bhi 'teachd, agus a nis tha e cheana anns an t-saoghal.

4 A chlann bheag, tha sibhse o Dhia, agus thug sibh buaidh orra-san; do bhrìgh gur mò esan a tha annaibhse, na esan a tha anns an t-saoghal.

5 Tha iadsan o'n t-saoghal: uime sin tha iad a' labhairt mu'n t-saoghal, agus tha'n saoghal ag èisdeachd riu.

6 Tha sinne o Dhia: an ti aig am bheil eòlas air Dia, èisdidh e ruinne; an ti nach 'eil o Dhia, cha-n èisd e ruinn. O so aithnichidh sinn spiorad na firinn, agus spiorad an t-seacharain.

7 A mhuinntir ionmhuinn, gràdhacheam-aid a chèile: oir is ann o Dhia 'tha'n gràdh; agus gach neach a ghràdhachas, ghineadh o Dhia e, agus is aithne dha Dia.

8 An ti nach gràdhach, cha-n aithne dha Dia; oir is gràdh Dia.

9 An so dh'fhoillsicheadh gràdh Dhé dhuinne, anns gu'n do chuir Dia aon-ghnì Mhic do'n t-saoghal, chum gu'm bitheamaid beò trid-san.

10 An so tha gràdh, cha-n e gu'n do ghràdhach sinne Dia, ach gu'n do ghràdhach esan sinne, agus gu'n do chuir e a Mhac féin *gu bhi* 'n a iobairt-réitich air son ar peacaidhean.

11 A mhuinntir ionmhuinn, ma ghràdhach Dia sinne mar sin, tha e mar fhuach-aibh oirne a chèile a ghràdhachadh mar an ceudna.

12 Cha-n fhaca neach air bith Dia riamh. Ma ghràdhachas sinn a chèile, tha Dia 'n a chòmhnuidh annain, agus tha a ghràdh air a choimhlionadh annain.

13 O so is aithne dhuinn gu bheil sinne 'n ar còmhnuidh ann-san, agus esan annainne, do bhrìgh gu'n d'thug e dhuinn d'a Spiorad.

14 Agus chunnaic sinn agus tha sinn a' deanamh fianuis, gu'n do chuir an t-Athair am Mac uaith nìar Shlànuidhear an domhain.

15 Ge b'e neach a dh'aideichas gur e Iosa Mac Dhé, tha Dia 'n a chòmhnuidh ann-san, agus esan ann an Dia.

16 Agus fluair sinn aithne air agus chreid sinn an gràdh a tha aig Dia dhuinn. Is gràdh Dia; agus an ti a tha 'fantuinn ann an gràdh, tha e 'n a chòmhnuidh ann an Dia, agus Dia ann-san.

17 An so tha ar gràdh-ne air a dheanamh coimhlionta, chum gu'm bi againn dànachd ann an là a' bhreitheanais: a chionn mar a tha esan, gur amhuil sin a tha sinne anns an t-saoghal so.

18 Cha-n'eil eagal ann an gràdh; ach tilgidh gràdh dìongmhalta an t-eagal a mach; do bhrìgh gu bheil pian 's an eagal; an ti a tha eagalach, cha d'rinneadh coimhlionta ann an gràdh e.

19 Tha gràdh againne dhàsan, do bhrìgh gu'n do ghràdhach esan sinne an toiscach.

20 Ma their neach, Tha gràdh agam do Dhia, agus fuath aige d'a bhràthair, is breugaire e: oir an ti nach gràdhach a bhràthair chunnaic e, cionnus a dh'fheudas e Dia nach fac e a ghràdhachadh?

21 Agus an aithne so tha againn uaith-san, An ti a ghràdhachas Dia, gu'n gràdhach e a bhràthair mar an ceudna.

CAIB. V.

1 *An ti leis an ionmhuinn Dia, is ionmhuinn leis a chiann, agus coimhèidh e 'a'itaeantan, a tha eutrom, so-choimhead do na creidmhuich.*
9 *'S e Iosa Mac Dhé, agus tha e comasach air sinne a thearnadh, 14 agus air ar n-urruighean, a ni sinn air ar son féin, agus air son muinntir eile, a fheugairt.*

Criosd, b'e neach a chreideas gur e Iosa an Criosd, ghineadh o Dhia e; agus cia b'e 'ghràdhachas an ti a ghin, gràdhachidh e mar an ceudna an ti a ghineadh leis.

2 O so is aithne dhuinn gu bheil gràdh againn do chloinn Dhé, 'n uair a ghràdhachas sinn Dia, agus a choimhideas sinn 'a'itheantan.

3 Oir is e so gràdh Dhé, sinn a choimhead 'a'itheantan: agus cha-n'eil 'a'itheanta-san trom.

4 Oir gach uile ni a ghinear o Dhia, bheir e buaidh air an t-saoghal: agus is i so a' bhuaidh a bhuadhaicheas air an t-saoghal, eadhon ar creidimh-ne.

5 Cò an ti a bhuadhaicheas air an t-saoghal, ach esan a tha 'creidsinn gur e Iosa Mac Dhé.

6 Is e so esan a thàinig tre uisge agus tre fluil, Iosa Criosd; cha-n e tre uisge a mha'n, ach tre uisge agus fuil: agus is e an Spiorad a ni fianuis, do bhrìgh gur firinn an Spiorad.

7 Oir tha triuir a tha 'deanamh fianuis air nìamh, an t-Athair, am Focal, agus an Spiorad naomh: agus an triuir sin is aon iad.

8 Agus tha triuir a tha 'deanamh fianuis air an talamh, an Spiorad, agus an t-uisge, agus an fluil: agus thig an triuir sin r'a chèile ann an aon.

9 Ma ghabhas sinn ri fianuis dhaoine, 's i fianuis Dhé a's mò: oir is i so fianuis Dhé, a thug e mu thimchioll a Mhic.

10 An ti a chreideas ann am Mac Dhé, tha'n fianuis aige ann féin: an ti nach creid Dia, rinn e breugaire dheth, do bhrìgh nach do chreid e an fianuis a rinn Dia mu thimchioll a Mhic.

11 Agus is i so an fianuis, gu'n d'thug Dia dhuinn beatha mhaireannach: agus tha a' bheatha so 'n a Mhac.

12 An ti aig am bheil am Mac, tha beatha aige: an ti aig nach 'eil Mac Dhé, cha-n'eil beatha aige.

13 Na nithean so sgrìobh mi do 'ur n-ionnsuidh, a tha 'creidsinn ann an ainm Mhic Dhé; chum gu'm bi fios agaibh gu bheil a'

blicatha mhaireannach agaibh, agus chum gu'n creid sibh ann an ainm Mhic Dhé.

14 Agus is e so an dòchas a tha againn ann-san, ma dh'iarraas sinn ni sam bith a réir a thoile, gu'n éisd e ruinn.

15 Agus ma tha fhios againn gu'n éisd e ruinn, ciab'e ni a dh'iarraas sinn, tha fhios againn gu bheil ar n-iarrtuis a dh'iarr sinn air againn.

16 Ma chi neach sam bith a bhràthair a' peacachadh peacaidh nach 'eil a chum bàis, iarraidh e, agus bheir e beatha dha, dhoibh-san nach 'eil a' peacachadh chum bàis. Tha peacadh chum bàis ann : a thaobh sin, cha-n'eil mi ag ràdh gur còir dha guidhe.

17 Is peacadh gach uile eucoir : agus

tha peacadh ann nach 'eil a chum bàis.

18 Tha fhios againn ciab'eneach a ghineadh le Dia, nach peacaich e ; ach an ti a ghineadh o Dhia, coimhididh se e féir, agus cha bhean an droch aon ris.

19 Tha fhios againn gur ann o Dhia a tha sinne, agus tha'n saoghal uile 'n a luidhe 's an ole.

20 Agus tha fhios againn gu'n d'fhàinig Mac Dhé, agus gu'n d'fhug e tuigse dhuinn, chum gu'm bitheadh aithne againn air-san a tha fìor : agus tha sinne ann-san a tha fìor, ann a Mhac Iosa Crìosd. Is e so an Dia fìor, agus a' bheatha mhaireannach.

21 A chlànn bheag, coimhididh sibh féin o ìodholaibh. Amen.

DARA LITIR AN ABSTOIL

E O I N.

1 *Chomhairlich Eoin do mhnaoi òirdheirc draoidh agus d'a cloinn buanachadh anns a' chreidimh agus ann an gràdh Crìosdaidh, 8 air eagal gu'n cailleadh iad duais na h-aid-mheil a rinn iad roimh ; 10 agus gu'n ghnòthuch a bhi aca ris na mealltairibh sin nach toir fìor-theagasg Iosa Crìosd leo d'an ionnsuidh.*

AN seanair chum na bantighearna taghta, agus chum a cloinne, a's ion-mhuinn leam-sa anns an fhìrinn ; agus cha-n ann leam-sa mhàin, ach leo-san uile mar an ceudna a ghabh eòlas air an fhìrinn ;

2 Air son na fìrinn a tha 'n a còmhnuidh annainne, agus a bhitheas maille ruinn gu bràth :

3 Gràs, tràdair, agus sìth gu robh maille ribh o Dhia an t-Athair, agus o'n Tighearn Iosa Crìosd Mac an Athar, ann am fìrinn agus ann an gràdh.

4 Bha gairdeachas mòr orm, a chionn gu'n d'fhuair mi de d' chloinn-sa ag ìncachd anns an fhìrinn, a réir mar a fhuair sinne aithne o'n Athair.

5 Agus a nis guidheam ort, a bhan-tighearna, cha-n e mar gu'n sgrìobhainn aithne nuadh a d'ionnsuidh, ach *an aithne* a bha againn o thùs, gu'n gràdhaicheamaid a chèile.

6 Agus is e so an gràdh, gu'n imicheamaid

a réir 'aithneanta-san. 'S i so an aithne, mar a chuala sibh o thùs, gu'n imicheadh sibh innte.

7 Oir tha mòran mhealltairean air teachd a steach do'n t-saoghal, nach 'eil ag aideachadh gu bheil Crìosd air teachd 's an fheòil. Is mealltair so agus ana-crìosd.

8 Thugaibh aire dhuibh féin, nach cail sinn na nitean sin a shaothraich sinn, ach gu faigh sinn làn-duais.

9 Ge b'e neach a bhriseas *an lagh*, agus nach fan ann an teagasg Chrìosd, cha-n'eil Dia aige : an ti a dh'fhanas ann an teagasg Chrìosd, tha araon an t-Athair agus am Mac aige.

10 Ma thig neach air bith do 'ur n-ionn suidh, agus nach toir e an teagasg so leis, na gabhaibh e steach do 'ur tigh, agus na h-abraibh ris, Gu'n soirbhich leat.

11 Oir ge b'e neach a their ris, Gu'n soirbhich leat, tha comhairt aige d'a dhroch oibribh.

12 Air dhomh mòran a bhi agam r'a sgrìobhadh do 'ur n-ionnsuidh, cha b'ail leam *sgrìobhadh* le paiper agus dubh, ach tha dòchas agam teachd do 'ur n-ionnsuidh, agus labhairt beul ri beul, chum gu'm bi ar gairdeachas coimhlionta.

13 Tha clann do pheathar taghta a' cur fàilte ort. Amen.

E O I N.

1 *Mhol an t-abstol Gaius air son a dhiadhachd, 5 agus 'aoidheachd do'n fhìor luchd-teagaisg; 9 agus air an làimh eile rinn e gearan air gnàthachadh mi-chàirdeil Dhiotrepheis uaibhreach; 11 dh'innis e nach còir 'eiseimpleir-san a leanuinn; 12 agus thug e teisteanas sonraichte do'n deadh iomradh a bha aig Demetrius.*

A N seannair chum Ghaiuis ghràdhaich, a's ionmhuinn leam 's an fhìrinn.

2 A bhràthair ghràdhaich, 's e mo ghuidhe thaobh gach uile ni gu'n soirbhicheadh leat agus gu'm bitheadh tu slàn, mar tha soirbheachadh le d' anam.

3 Oir rinn mi gairdeachas gu mòr 'n uair a thàinig na bràithrean, agus a rinn iad fianuis do'n fhìrinn a tha annad-sa, mar a tha thusa ag imeachd 's an fhìrinn.

4 Cha-n'eil gairdeachas agam a's mò na 'bhi' cluaintinn gu bheil mo chlànn ag imeachd 's an fhìrinn.

5 A bhràthair ghràdhaich, is dìleas a ni thu gach ni a tha thu 'deanamh do na bràithribh, agus do choigrich;

6 Muinntir a rinn fianuis air do ghràdh an làthair na h-eaglais; ma bheir thu air an aghaidh iad 'n an slighe mar is cubhaidh do Dhia, is maith a ni thu;

7 Oir chaidh iad a mach air sgàth 'ainme-san, gun ni air bith a ghabhail o na Cinnich.

8 Uime sin tha e mar fhiachaibh oirne

gabhail r'an leithidibh sin, chum gu'm bith-eamaid 'n ar comb-shaothraichibh do'n fhìrinn.

9 Sgrìobh mi chum na h-eaglais: ach cha ghabh Diotrepheis, leis am miann àrd-cheannas a bhi aige 'n am measg, ruinne.

10 Uime sin ma thig mi, cuiridh mi 'an cinnbhe 'oibre a tha e 'deanamh, a' bith-labhairt 'n ar n-aghaidh le briathraibh aingidh: agus cha leoir leis sin, ach ni mò a tha e fèin a' gabhail ris na bràithribh, agus tha e a' bacadh na dream leis am b'aill, agus 'g an tilgeadh mach as an eaglais.

11 A bhràthair ghràdhaich, na lean an ni a tha ole, ach an ni a tha maith. An ti a ni maith, is ann o Dhia a tha e; ach an ti a vi ole, cha-n fhac e Dia.

12 Tha deadh theisteanas air Demetrius o na h-uile, agus o'n fhìrinn fèin: agus tha sinne mar an ceudna a' deanamh fianuis; agus tha fios agaibh gu bheil ar fianuis - ne fìor.

13 Bha mòran agam r'a sgrìobhadh, ach cha-n àill leam sgrìobhadh le dubh agus peann a d'ionnsuidh:

14 Ach tha dòchas agam d'fhaicinn gun dàil, agus labhraidh sinn beul ri beul. Sìth maille riut. Tha na càirdean a' cnr fàilte ort. Cuir fàilte air na càirdibh air an ainm.

LITIR CHOITCHIONN AN ABSTOIL

I U D A I S.

1 *Bhrosnuich an t-abstol luchd-aidmheil a chreidimh gu 'bhi bunaitich: 4 Tha luchd-teagaisg brèige air teachd a steach 'n am measg chum am mealladh; agus tha peanas ro eagalach air uluchadh fa chomhair na muinntir sin, air son an droch theagaisg agus an caithe-beatha mhì-naomha, &c.*

I UDAS seirbhiseach Iosa Crìosd, agus bràthair Sheumais, chum na dream a tha air an naombachadh le Dia an t-Athair, agus air an coimhead le Iosa Crìosd, air an gairm:

2 Gu robh tròcair, agus sìth, agus gràdh air an meudachadh dhuibhse.

3 A mhuinntir ionmhuinn, air dhomh an uile dhìchioll a dheanamh chum sgrìobhadh do 'ur n-ionnsuidh mu thimchioll na slàinte cnortchionn, b'fheumail domh sgrìobhadh

do bhuir n-ionnsuidh, 'g 'ur n-caralachadh sibh a chathachadh gu dìchiollach air son a chreidimh a thugadh aon uair do na naomh.

4 Oir ghoid daoine àraidh a steach, a dh'orduicheadh roimh e shean chum an dìidh so, daoine mi-dhiadhaidh, a' tionndadh gràis ar Dé-ne gu macnus, agus ag àicheadh Dhé, a's aon Uachdaran ann, agus ar Tigh-carn Iosa Crìosd.

5 Uime sin is àill leam bhuir cur 'an cuinbhe, ged bha fhios agaibh aon nair air so, cionnus an déigh do'n Tighearn am pobull a shaoradh á tir na h-Eiphit, a sgrìos e an déigh sin an dream nach do chreid.

6 Agus na h-aingean nach do ghléidh an ceud mbhe, ach a dh'fhàg an àite-còmhmuidh fèin, choimhid e ann an geimhlibh sìorruidh

fo dhorchadas, fa chomhair breitheanais an là mhòir.

7 Amhuil a tha Sodom agus Gomorrah, agus na bailtean mu'n cuairt orra, a thug iad fèin thairis do strìopachas air a' mhodh rheudna, agus a bha 'leantuinn feòla coimhich, air an cur suas 'n am ball-sampuill, a' fulang dìoghaltais teine shiorruidh.

8 Mar an ceudna fòs tha an luchd-bruad-air sin a' salachadh na feòla, a' deanamh tàir air uachdaranachd, agus a' labhairt gu toibheumach air àrd-inbhibh.

9 Gidheadh cha do ghabh Michael an t-àrd-aingeal, 'n uair a chathaich e an aghaidh an diabhuil, agus a rinn e deasboir-eachd mu chorp Mhaois, dèanadas air casaid thoibheumach a thoirt 'n a aghaidh, ach thubhairt e, Gu'n cronuicheadh an Tighearn thu.

10 Ach tha'n dream sin a' labhairt gu toibheumach air na nithibh nach aithne dhoibh: ach na nithean sin a's aithne dhoibh air mhodh nàdurra, mar ainmhidh-ibh gun reuson, tha iad 'g an truailleadh fèin anna.

11 Is an-aoibhin doibh! oir dh'imich iad ann an slighe Chàin, agus ruith iad gu togarrach ann an seacharan Bhaluaim air ghaol tuarasdail, agus sgriosadh iad ann an anacainnt cheannaircich Chore.

12 Is smal iad sin ann bhur cuirmibh gràidh, 'n uair a tha iad air cuirmibh maille ribh, 'g am beathachadh fèin gun eagal: is neòil iad gun uisge, air an giùlan mu'n cuairt le gaothaibh; craobhan searg-mheasach, gun toradh; dà uair marbh, air an spionadh as am freumhan;

13 Garbh thonn an na faire, a sgeitheas an nàire fèin mar chobhar; reultan seachranach, d'am bheil duibhre an dorchadas gu sìorruidh air a thasgadh.

14 Agus rinn Enoch mar an ceudna, an seachdamh *pearsa* o Adhamh, fàidheadair-eachd umpa sin, ag ràdh, Feuch, tha'n

Tighearn a' teachd le deich mìle d'a naomh.

15 A dheanamh breitheanais air na h-uile, agus chum iadsan uile a tha mi-dhiadhaidh 'n am measg fhàgail ris, a thaobh an uile ghnìomharan mi-dhiadhaidh a rinn iad gu mi-dhiadhaidh, agus a thaobh an uile *bhriathar* cruaidhe, a labhair peacaich mi-dhiadhaidh 'n a aghaidh.

16 Is luchd càrnain agus gearain an dream so, a tha 'g imeachd a rèir an ana-miann fèin; agus tha'm beul a' labhairt *bhriathar* atnìhor, agus iad a' toirt meas do phearsaibh dhaoine air sgàth buannachd.

17 Ach cuimhnichibh-se, a mhuinntir mo ghràidh, na fòcal a labhradh roimh le abstolaibh ar Tighearna Iosa Crìosd;

18 Mar a thubhairt iad ribh, gu'm bith-eachd anns an aimsir dheireannaich luchd-fanoid, a ghluaisheadh a rèir an ana-miannan mi-dhiadhaidh fèin.

19 'S iad sin an dream a sgaras iad fèin o *chàch*, collaidh, gun an Spiorad aca.

20 Ach air bhi dhuibhse, a mhuinntir ion-mhuinn, 'g 'ur togail fèin suas ann bhur creidimh ro naomh, a' deanamh urnuigh 's an Spiorad naomh,

21 Coimhidibh sibh fèin ann an gràdh Dhé, le sùil ri trècair ar Tighearna Iosa Crìosd chum na beatha maireannaich.

22 Agus gabhaibh truas do dhream àraidh, a' deanamh eadar-dhealachaidh:

23 Agus tearnaibh dream eile le h-eagal, 'g an spionadh as an teine; a' fuathachadh cadhon an eudaich air am bheil smal na feòla.

24 A nis dhàsan a tha comasach air bhur gleidheadh o thuisleadh, agus *bhur* cur gu neo-lochdach an làthair a ghloire le h-aoibhneas ro mhòr,

25 Do'n Dia a tha mhàin glic, ar Slànuidhear, *gu robh* glòir agus mòralachd, neart agus cumbachd, a nis agus air feadh nan uile linn. Amen.

TAISBEANADH EOIN

AN DIADHAIR.

CAIB. I.

1 *Syriobh Eoin a thaisbeanadh chum seachd caplaicean na h-Asia, a tha air an ciallachadh leis na seachd coinnleiribh òir. 7 Teachd Chrìosd: 14 A' chumhachd glòrmhor, agus a mhòralachd.*

TAISBEANADH Iosa Crìosd, a thug Dia dha, a dh'fhoillseachadh d'a sheirbhisich nithean a's éigin teachd gu crìch ann an ùine ghearr; agus chuir e

teachdaireachd naith, agus le 'aingeal fèin dh'fhoillsich e iad d'a sheirbhisich Eoin:

2 A rinn fianuis air focal Dhe, agus air teistean Iosa Crìosd, agus air gach ni a chunnaic e.

3 Is beannaichte an ti a leughas, agus iadsan a dh'éisdeas ri briathraibh na fàidh eadaireachd so, agus a chòidhicas na nithean a tha sgrìobhta innte: oir tha'n t-àm am fagus.

4 **E** OIN chum nan seachd eaglaisean a tha 's an Asia: Gràs dhuibh, agus sìth o'n Tì a tha, agus a bha, agus a tha ri teachd; agus o na seachd spioradaibh a tha 'm fianuis a rìgh-chaithreach-san;

5 Agus o Iosa Crìosd, an fhianuis fhìor, an ceud-ghin o na mairbh, agus uachdaran rìghrean na talmhainn: Dhàsan a ghràdh-aich sinn, agus a dh'ionnlaid sinn o ar peacaidhibh 'n a fhuil féin,

6 Agus a rinn rìghrean dhinn agus sagartan do Dhia agus d'a Athair-san; dhàsan gu robh glòir agus cumhachd gu saoghal nan saoghal. Amen.

7 Feuch, tha e 'teachd le neulaibh; agus chi gach sùil e, agus iadsan *mar an ceudna* a lot e: agus ni uile thruubhan na talmhainn caoidh air a shon-san: gu ma h-amhluidh a bhitheas. Amen.

8 Is mise Alpha agus Omega, an toiseach agus a' chrìoch, tha an Tighearn ag ràdh, a tha, agus a bha, agus a tha ri teachd, an t-Uile-chumhachdach.

9 Bha mise Eoin, bhuir dearbh-bhràthair, agus bhuir companach ann an àmhghar, agus ann an rìoghachd agus 'am foighidin Iosa Crìosd, anns an eilean ris an abrar Patmos, air son focail Dhé, agus air son fianuis Iosa Crìosd.

10 Bha mi 's an Spìrad air là an Tighearn, agus chuala mi air mo chùlaobh guth mòr, mar *ghruth* trompaid,

11 Ag ràdh, Is mise Alpha agus Omega, an ceud neach agus an neach deireannach: agus Sgrìobh-sa ann an leabhar an nì a chi thu, agus cuir e chum nan seachd eaglaisean a tha 's an Asia; chum Ephesus, agus chum Smirna, agus chum Phergamois, agus chum Thiatira, agus chum Shards, agus chum Philadelphia, agus chum Laodicea.

12 Agus thionndaidh mi a dh'fhaiceinn a ghutha a labhair rium. Agus air tionndadh dhomh, chunnaic mi seachd coimhleirean òir;

13 Agus ann am meadhon nan seachd coimhleirean, *neach* cosmhuil ri Mac an duine, air an robh eudach a ràinig sìos gu 'shàiltibh, agus crìoslaichte le crìos òir mu 'chìochaibh.

14 *Bha* a cheann agus 'fholt geal mar oluinn ghil, mar shneachda; agus a shùilean mar lasair theine;

15 Agus a chosan cosmhuil ri umha fìor-ghlan, mar gu'm bitheadh iad a' dearg-losgadh ann an àmhuinn; agus a ghuth mar thoirm mhòran uisgeachan.

16 Agus bha aige 'n a làimh dheis seachd reultan: agus claidheamh gcur dà-fhaobh-air a' teachd a mach as a bheul: agus *bha* a ghnùis mar a' ghrian a' dealrachadh 'n a làn neart.

17 Agus an uair a chunnaic mi e, thuit mi sìos aig a chosaibh 'an riochd mairbh: agus chuir e a làmh dheas orm, ag ràdh rium,

Na bitheadh eagal ort: is mise an ceud neach agus an neach deireannach.

18 *Is mise* an ti a tha beò, agus a bha marbh; agus, feuch, tha mi beò gu saoghal nan saoghal, Amen; agus tha iuchraichean ifrinn agus a' bhàis agam.

19 Sgrìobh na nithean a chunnaic thu, agus na nithean a tha ann, agus na nithean a bhitheas an deigh so:

20 Rùn-dìomhair nan seachd reultan a chunnaic thu ann am làimh dheis, agus nan seachd coimhleirean òir. Is iad na seachd reultan, ainglean nan seachd eaglaisean: agus is iad na seachd coimhleirean a chunnaic thu, na seachd eaglaisean.

CAIB. II.

1 *Cìod a dh'athheadh do Eoin a sgrìobhadh chum ainglean, (is iad sin, mìnistèirean.) nan eaglaisean, 1 Ephesus, 8 Smirna, 12 Phergamois, 18 Thiatira: agus cìod a tha air a mholadh, no a fhuaradh uireasbhuidheach anna-san.*

CHUM aingil eaglais Ephesus, Sgrìobh; Is iad so na nithean a tha an ti a tha 'cumail nan seachd reultan 'n a làimh dheis, a tha 'g imeachd ann am meadhon nan seachd coimhleirean òir, ag ràdh;

2 Is aithne dhomh d'òibre, agus do shaoth-air, agus d'fhoighidin, agus nach urrainn thu giùlan leo-san a tha òc; agus gu'n do dhearbhu thu iadsan a their gur abstoil iad féin, agus nach eadh, agus gu'n d'fhuair thu iad breugach;

3 Agus gu'n do ghiùlain thu, agus gu bheil foighidin agad, agus air sgàth m'ainme-sa gu'n d'rinn thu saothair, agus nach d'thug thu thairis.

4 Gidheadh, tha *ni-éigin* agam a d' aghaidh, do bhrìgh gu'n do thréig thu do cheud glràdh.

5 Cuimhnich uime sin cia uaidh a thuit thu, agus gabh aithreachas, agus dean na ceud òibre; no thig mi ort gu grad, agus atharrachidh mi do choimhleir as 'àite, mur gabh thu aithreachas.

6 Ach tha so agad, gur fuathach leat òibre nan Nicolaiteach, nithean mar an ceudna a's fuathach leam-sa.

7 An ti aig am bheil cluas, éisdeadh e cìod a tha an Spìrad ag ràdh ris na h-eaglaiseibh; Do'n ti a bhuadhaicheas bheir mise r'a itheadh de chraoibh na beatha, a tha ann am meadhon phàrrais Dhé.

8 Agus chum aingil eaglais Smirna, sgrìobh, Na nithean so tha esan ag ràdh, an ti a's e'n ceud neach agus an neach deireannach, a bha marbh, agus a tha beò;

9 Is aithne dhomh d'òibre, agus d'àmhghar, agus do bhochdainn, (gidheadh tha thu beartach), agus *is aithne dhomh* toibheum na muinntir a their gur Iudhaich iad féin, agus nach eadh, ach sionagag Shàtain.

10 Na bitheadh eagal ort roimh aon de na nithibh sin a dh'fhuilingeas tu: feuch, tilg-

idh an diabhul cuid dhìbh ann am prìosan, chum gu'n dearbhar sibh; agus bithidh àmhghar agaibh ré dheich làithean: bi-sa firinneach gu bàs, agus bheir mise dhuit crùn na beatha.

11 An ti aig am bheil cluas, éisdeadh e cìod a tha an Spiorad ag ràdh ris na h-eaglaisibh: An ti a bheir buaidh, cha chiurrar leis an dara bàs e.

12 Agus chum aingil na h-eaglais a tha ann am Pergamos, sgrìobh; Na nithean so tha esan, aig am bheil an claidheamh geur dà-fhaobhair, ag ràdh:

13 Is aithne dhomh d'oibre, agus c'àit am bheil thu a'd chòmhnuidh, eadhon far am bheil caithir Shàtain: agus tha thu a' cumail m'ainme-sa gu daingean, agus cha d'aicheadhu mo chreidimh, eadhon anns na làithibh sin anns an robh Antipas 'n a fhianuis fhirinneach dhomh, a mharbhadh 'n 'ur measg, faram bheil Satan 'n a chòmhnuidh.

14 Gidheadh, tha beagan agam a' d' aghaidh, do bhrìgh gu bheil agad an sin an dream a tha 'cumail teagaisg Bhalaam, a theagaisg do Bhalac ceap-tuislidh a chur roimh chloinn Israeil, chum nithean a dh'òbradh do ìdholaidh itheadh, agus strìopachas a dheanamh.

15 Is amhuil sin tha agad mar an ceudna an dream a tha 'cumail teagaisg nan Nicolaitheach, ni a's fuathach leam-sa.

16 Dean aithreachas, no thig mi a d'ionnsuidh gu grad, agus cogaidh mi 'n an aghaidh le claidheamh mo bheòil.

17 An ti aig am bheil cluas, éisdeadh e cìod a tha an Spiorad ag ràdh ris na h-eaglaisibh: Do'n ti a bhuadhaicheas bheir mi r'a itheadh de'n mhana fhoiluichte, agus bheir mi dha clach gheal, agus air a' chloich ainm nuadh sgrìobhta, nach aithne do neach air bith, ach do'n ti a gheibh i.

18 Agus chum aingil na h-eaglais a tha ann an Tiatira, sgrìobh; Na nithean so tha Mac Dhé, aig am bheil a shùilean mar lasair theine, agus a chosan mar umha fìor-ghlan, ag ràdh;

19 Is aithne dhomh d'oibre, agus do ghràdh, agus do sheirbhis, agus do chreidimh, agus d'fhoighidin, agus d'oibre deircannach; gu bheil iad ni's mò na do cheud oibre.

20 Gidheadh, tha agam beagan de nithibh a' d' aghaidh, gu bheil thu a' fulang do'n mhnaoi sin Isebel, a tha 'g ràdh gur ban-fhàidh i féin, mo sheirbhisich a theagasg agus a mhealladh chum strìopachas a dheanamh, agus nithean a dh'òbradh do ìdholaidh itheadh.

21 Agus thug mi dhi ùine gu aithreachas a ghabhail d'a strìopachas; agus cha do ghabh i aithreachas.

22 Feuch, tilgidh mi i ann an leabaidh, agus iadsan a tha 'deanamh adhaltrannais rithe ann an àmhghar mòr, mur gabh iad aithreachas d'an gnìomharaibh.

23 Agus marbhaidh mi a clann leis a' bhàs agus bithidh fhios aig na h-caglaisibh uile gur mise an ti sin a sgrùdas na h-àirnean agus na cridheachan: agus bheir mi do gach aon agaibh-se a réir bhuir n-oibre.

24 Ach ribhse tha mi ag ràdh, agus ris a' chuid eile ann an Tiatira, Mheud aig nach 'eil an teagasg so, agus do nach b'aithne doimhneachdan Shàtain, mar a their iad, cha chuir mi uallach eile oirbh;

25 Ach cumaibh gu daingean an ni a tha agaibh, gus an tig mi.

26 Agus an ti a bhuadhaicheas, agus a ghleidheas m'oibre gus a' chrìoch, dhàsan bheir mi cumhachd os ceann nan Cinn-each.

27 (Agus riaghlaidh e iad le slait iarunn: mar shoithichibh creadha brisear 'n am bloighdibh iad :) amhuil a fhuair mise o m' Athair.

28 Agus bheir mi dha reult na maidne.

29 An ti aig am bheil cluas, éisdeadh e cìod a tha an Spiorad ag ràdh ris na h-eaglaisibh.

CAIB. III.

1 Tha aingel eaglais Shardis air a chronachadh, 3 air earalachadh gu h-aithreachas, agus air a bhagairt mur dean e aithreachas. 8 Tha aingel eaglais Philadelpia air a mholadh air son a dhìchill agus d'fhoighidin. 15 Tha aingel eaglais Laodicea air a chronachadh a chionn nach robh e fuar no teth. 20 Tha Crìosd 'n a sheasamh aig an doras, agus 'g a bhuiladh.

AGUS chum aingil na h-eaglais a tha ann an Sardis, sgrìobh; Na nithean so tha an ti aig am bheil seachd spioradan Dhé, agus na seachd reultan, ag ràdh; Is aithne dhomh d'oibre, gu bheil ainm agad, gu bheil thu beò, gidheadh tha thu marbh.

2 Bi faireil, agus neartaich na nithean a tha làthair, agus a tha ullamh gu bàsachadh: oir cha d'fhuair mi d'oibre coimhlionta 'an fianuis Dhé.

3 Cuimhnich uime sin cionnus a fhuair agus a chuala tu, agus gléidh, agus gabh aithreachas. Uime sin mur dean thu faire, thig mi ort mar ghaduiche, agus cha bhì fios agad cìod i an uair anns an tig mi ort.

4 Tha beagan ainmean agad eadhon ann an Sardis, nach do shalaidh an eudach; agus imichidh iad maille rium-sa ann an *culaidh* geala: oir is airidh iad.

5 An ti a bheir buaidh, sgeadaichear e ann an eudach geal; agus cha dubh mi mach 'aimm a leabhar na beatha, ach aidichidh mi 'ainm-san 'am fianuis m' Athar, agus 'am fianuis 'aingle-san.

6 An ti aig am bheil cluas, éisdeadh e cìod a tha an Spiorad ag ràdh ris na h-eaglaisibh.

7 Agus chum aingil na h-eaglais ann am Philadelpia, sgrìobh; Na nithean so tha an ti naomh ag ràdh, an ti fìor, an ti aig am bheil inchair Dhaibhidh, an ti a dh'fhosgla,

agus cha dhùin neach air bith; agus a dhùineas, agus cha-n fhosgail neach air bith:

8 Is aithne dhomh d'òibre: feuch, chuir mi dorus fosgailte romhad, agus cha-n urrainn neach air bith a dhùnadh: oir tha neart beag agad, agus ghléidh thu m'fhocal, agus cha d'àicheadh thu m'ainm.

9 Feuch, bheir mise orra-san de shionagor Shàtain, (a tha 'g ràdh gur h-Iudhaich iad féin, agus nach eadh, ach a tha 'deanamh bréige,) feuch, bheir mise orra gu'n tig iad agus gu'n dean iad aoradh aig do chosaibh, agus gu'n bi fios aca gu'n do ghràdhaich mise thu.

10 A chioun gu'n do ghléidh thu focal m'fhoighidin-sa, gleidhidh mise thusa mar an ceudna o uair a' bhuaireadh, a thig air an t-saoghal uile, a dhearbhadh na muinntir sin a tha 'n an còmhuidh air an talamh.

11 Feuch, tha mi a' teachd gu grad: dean greim daingean air na bheil agad, chum nach glac neach air bith do chrù.

12 An ti a bheir buaidh, ni mi e'n a phost ann an teampull mo Dhé, agus cha téid e ni's mò a mach as: agus sgrìobhaidh mi ainm mo Dhé air, agus ainm caithreach mo Dhé, *a's i* Ierusalem nuadh, a thig a nuas o nèamh o m' Dhia: agus *sgrìobhaidh* mi m'ainm nuadh féin air.

13 An ti aig am bheil cluas, éisdeadh e cìod a tha an Spiorad ag ràdh ris na h-eaglaisibh.

14 Agus chum aingil na h-eaglais ann an Laodicea, sgrìobh; Na nithean so a tha an Amen, an fhianuis dhìleas agus fliùrinneach, toiseach cruthachaidh Dhé, ag ràdh;

15 Is aithne dhomh d'òibre, nach 'eil thu aon chuid fuar no teth: b'fhearr leam gu'm bitheadh tu fuar no teth.

16 Uime sin do bhrìgh gu bheil thu meaghabhlàth, agus nach 'eil thu aon chuid fuar no teth, sgeithidh mi thu mach as mo bheil.

17 Do bhrìgh gu bheil thu ag ràdh, Tha mi beartach, agus air fàs ann an saoihbheas, agus gun fheum agam air ni sam bith; agus gun fhios agad gu bheil thu dòruinneach, agus truagh, agus bochd, agus dall, agus lomnochd:

18 Comhairlicheam dhuit òr a cheannach uamsa, air a dhearbhadh 's an teine, chum gu'm bi thu saoihbhir; agus eudach geal, chum gu'n còmhdaichear thu, agus nach bi nàire do lomnochduidh follaiscach; agus ung do shùilean le sàbh-shùl, chum gur léir dhuit.

19 Mheud agus is ionmhuinn leam, tha mi a' cronachadh agus a' smachdachadh; uime sin bitheadh agad-sa teas-ghràdh, agus dean aithreachas.

20 Feuch, tha mi a'm' sheasamh aig an dorus, agus a' bualadh: na dh'éisdeas neach sam bith ri m' ghuth, agus gu'm fhosgail e'n dorus, thig mi a steach d'a ionnsuidh, agus

gràbhadh mi mo shuipair maille ris, agus esan maille rium-sa.

21 Do'n ti a bhuaidhaicheas bheir iai comas suidhe maille rium-sa air mo rìgh-chaithir, anhuil fòs a bhuaidhaich mise, agus a shuidh mi maille ri m' Athair air a rìgh-chaithir-san.

22 An ti aig am bheil cluas, éisdeadh e cìod a tha an Spiorad ag ràdh ris na h-eaglaisibh.

CAIB. IV.

1 *Chunnaic Eoin rìgh-chaithir Dhé ann am fàitheadanas.* 4 *Na ceithir seanairean fichcad.* 6 *Na ceithir beò-chreutairean làn de shùilibh air am beulaobh agus air an cùlaobh.* 10 *Thig na seanairean sìos an crùintean, agus rinn iad aoradh do'n ti a bha 'n a shuidhe air an rìgh-chaithir.*

AN déigh so dh'amhaire mi, agus, feuch, *bha* dorus fosgailte air nèamh; agus *bha* an ceud ghuth a chuala mi, mar *fhuaim* trompaid a' labhairt rium, ag ràdh, Thig a nìos an so, agus nochdaidh mise dhuit nithcan a's éigin tachairt an déigh so.

2 Agus air ball bha mi 's an Spiorad: agus, feuch, *bha* rìgh-chaithir air a suidheachadh air nèamh, agus *bha* neach 'n a shuidhe air an rìgh-chaithir.

3 Agus *bha* an ti a shuidh, ri amharc air, cosmhuil ri cloich Iasper, agus Shardis: agus *bha* bogha-frois timchioll na rìgh chaithreach mu'n cuairt, cosmhuil, r'a fhaicinn, ri Emerald.

4 Agus timchioll na rìgh-chaithreach mu'n cuairt *bha* ceithir chaithrichean fichcad; agus air na caithrichibh chunnaic mi ceithir seanairean fichcad 'n an suidhe, air an sgeadachadh ann an culaidhibh geala; agus *bha* aca air an ciun crùn òir.

5 Agus chaidh a mach as an rìgh-chaithir dealanaich, agus tairnanaich, agus guthan: agus *bha* seachd lòchrain theine a' dcarg-lasadh 'am fianuis na rìgh-chaithreach, a's iad seachd spioradan Dhé.

6 Agus roimh an rìgh-chaithir *bha* fairge ghloine cosmhuil ri crìostal: agus ann am meadhon na rìgh-chaithreach, agus mu'n cuairt do'n rìgh-chaithir, *bha* ceithir beò-chreutairean làn de shùilibh air am beulaobh agus air an cùlaobh.

7 Agus *bha* an ceud beò-chreutair cosmhuil ri leòmhann, agus an dara beò-chreutair cosmhuil ri laogh, agus *bha* aig an treas beò-chreutair aghaidh mar dhuine, agus *bha* an ceathramh beò-chreutair cosmhuil ri iolain ag itealaich.

8 Agus aig na ceithir beò-chreutairibh, aig gach aon diubh fa leth, *bha* sè sgiathan mu'n cuairt da, agus *bha* iad làn de shùilibh an taobh a stigh; agus cha do ghuir iad a là no dh'oidheic, ag ràdh, Naomh, naomh, naomh, an Tighearn Dia uile-chumhachdach, a bha, agus a tha, agus a bhitheas.

9 Agus an uair a thug na beò-chreutairean sin glòir, agus urram, agus buidheachas

do'n ti a bha 'n a shuidhe air an rìgh-chaithir, a tha beò gu saoghal nan saoghal,

10 Thuit na ceithir seanairean fichead sìos an làthair an ti a bha 'n a shuidhe air an rìgh-chaithir, agus rinn iad aoradh dhàsan a tha beò gu saoghal nan saoghal, agus thilg iad sìos an crùintean an làthair na rìgh-chaithreach, ag ràdh,

11 Is airidh thusa, a Tighearna, air glòir, agus urram, agus cumhachd fhaotainn; oir chruthaich thu na h-uile nithean, agus air son do thoile-sa tha iad ann, agus chruthaicheadh iad.

CAIB. V.

1 *An leabhar air a sheulachadh le seachd seulaibh. 9 a b'airidh a mheadhan an t-Uan a chaidh mharbhadh air fhosgladh: 12 uime sin thug na seanairean cliù dha, agus dh'aicidh iad gu'n do shaor e iad le 'fhuil féin.*

AGUS chunnaic mi ann an làimh dheis an ti a shuidh air an rìgh-chaithir, leabhar sgrìobhta 's an taobh a stigh dheth agus air a chùlaobh, air a sheulachadh le seachd seulaibh.

2 Agus chunnaic mi aingeal treun a' gairm le guth àrd, Cò a's airidh air an leabhar fhosgladh, agus air a sheulachan fhuasgladh?

3 Agus cha robh aon neach air nàmh, no air thalamh, no fo 'n talamh comasach air an leabhar fhosgladh, no sealltuinn air.

4 Agus ghuil mi gu mòr, do bhrìgh nach d'fhuaradh aon neach a b'airidh air an leabhar fhosgladh, agus a leughadh, no sealltuinn air.

5 Agus thubhairt aon de na seanaireibh rium, Na guil: feuch, bhuaidhaich an Leòmhnaich a tha de thréibh Iudah, Freumh Dhaibhidh, air an leabhar fhosgladh, agus a sheachd seulachan fhuasgladh.

6 Agus dh'amhaire mi, agus, feuch, ann am meadhan na rìgh-chaithreach, agus nan ceithir bheò-chreutair, agus ann am meadhan nan seanaireau, Uan 'n a sheas ann mar gu'm bitheadh e air a mharbhadh, aig an robh seachd adhaircean, agus seachd suilean, a's iad seachd spioradan Dhé, a chuireadh a mach chum na talmhainn uile.

7 Agus thàinig e, agus ghlae e an leabhar à deas làimh an ti a bha 'n a shuidhe air an rìgh-chaithir.

8 Agus an uair a ghlac e'n leabhar, thuit na ceithir beò-chreutairean, agus na ceithir seanairean fichead sìos an làthair an Uain, agus aig gach aon diubh clàrsaichean, agus tuis-shoithichean òir làn de nìthibh deadh-fhàile, nithean a's iad urnuighean nan naomh.

9 Agus sheinn iad òran nuadh, ag ràdh, Is airidh thusa air an leabhar a ghlacadh, agus a sheulachan fhosgladh, do bhrìgh gu'n do mharbhadh thu, agus gu'n do shaor thu sinne do Dhia le d'fhuil féin, as gach uile

thréibh, agus theangaidh, agus shluagh agus chinnreach;

10 Agus gu'n d'rinn thu rìghrean dhinn agus sagartan do ar Dia: agus rìghichidh sinn air an talamh.

11 Agus dh'amhaire mi, agus chuala mi guth mhòrau aingeal timchioll na rìgh-chaithreach, agus nam beathaichean, agus nan seanairean; agus b'e an àireamh deich mìle uair deich mìle, agus mìltean de mhìltibh;

12 Ag ràdh le guth àrd, Is airidh an t-Uan a chaidh a mharbhadh, air cumhachd, agus saoihracas, agus gliocas, agus neart, agus urram, agus glòir, agus moladh fhaotainn.

13 Agus chuala mi gach uile chreutair a tha air nàmh, agus air an talamh, agus fo 'n talamh, agus a tha air a' chuan, agus na h-uile ni a tha ann, ag ràdh, Moladh, agus urram, agus glòir, agus cumhachd, *gu robh dhàsan a tha 'n a shuidhe air an rìgh-chaithir*, agus do'n Uan gu saoghal nan saoghal.

14 Agus thubhairt na ceithir beò-chreutairean, Amen. Agus thuit na ceithir seanairean fichead sìos, agus rinn iad aoradh dhàsan a tha beò gu saoghal nan saoghal.

CAIB. VI.

1 *Fosgladh nan seil 'an ordugh, far am bheil fàidheadaireachd air a cur sìos mu thimchioll nithean gu deireadh an t-saoghail.*

AGUS chunnaic mi, 'n uair a dh'fhosgail an t-Uan aon de na seulaibh, agus chuala mi aon de na ceithir bheò-chreutaireibh ag ràdh, mar le fuaim tairneanaich, Thig agus faic.

2 Agus chunnaic mi, agus, feuch, each geal; agus bha aig an ti a shuidh air, bogha: agus thugadh dha crùn, agus chaidh e mach a' buadhachadh, agus chum gu'm buadhaicheadh e.

3 Agus an uair a dh'fhosgail e'n dara seula, chuala mi an dara beò-chreutair ag ràdh, Thig, agus faic.

4 Agus chaidh each eile mach, a bha dearg; agus thugadh cumhachd dhàsan a shuidh air, chum sìth a thoirt o'n talamh, ionns gu marbhadh iad a chèile: agus thugadh claidheamh mòr dha.

5 Agus an uair a dh'fhosgail e an treas seula, chuala mi an treas beò-chreutair ag ràdh, Thig, agus faic. Agus dh'amhaire mi, agus, feuch, each dubh, agus bha aig an ti a shuidh air, meidh 'n a làimh.

6 Agus chuala mi guth ann am meadhan nan ceithir bheò-chreutairean ag ràdh, Tomhas cruithneachd air sou pèghinn, agus trì tomhasan eòrna air pèghinn; agus na dean cron air an olaidh, no air an fhìon.

7 Agus an uair a dh'fhosgail e'n ceathramh seula, chuala mi guth a' cheathramh beò-chreutair ag ràdh, Thig, agus faic.

8 Agus dh'amhaire mi, agus feuch each glas ; agus b'e ainm an tì a shuidh air, am Bàs, agus lean ifrinn 'n a chuideachd : agus thugadh dhoibh-san cumhachd air a' cheathramh cuid de'n talamh, a mharbhadh le claidheamh, agus le gorta, agus le bàs, agus le fiadh-bheathaichibh na talmhainn.

9 Agus an uair a dh'fhosgail e an cùig-eamh seula, chunnaic mi fo 'n altair, anaman na muinntir sin a mharbhadh air son focail Dhé, agus air son na fianuis a chum iad :

10 Agus ghlaodh iad le guth mòr, ag ràdh, Cia fhad a bhitheas, O Thighearna naomh agus fhirinnich, gus an dean thu breitheanas, agus an dìol thu ar fuil-ne orra-san a tha 'n an còmhnuidh air an talamh ?

11 Agus thugadh do gach aon diubh trusganan fada geala, agus chaidh a ràdh riu, iad a ghabhail fois fathast rè ùine bhligh, gus am bitheadh an comh-sheirbhiseich mar an ceudna, agus am bràithrean a rachadh a mharbhadh mar a chaidh iadsan, air an còimblionadh.

12 Agus dh'amhaire mi 'n uair a dh'fhosgail e an seathamh seula, agus, feuch, bha crith mhòr thalmhainn ann ; agus dh'fhàs a' ghrian dubh mar shaic-eudach de fhionnadh, agus dh'fhàs a' ghealach mar fhuil.

13 Agus thuit reultan nèimh air an talamh, mar a thilgeas craobh-fhùge a figean an-abaich, 'n uair a chrathar i le gaoith mhòir.

14 Agus chaidh nèamh thairis mar rola leabhair air fhilleadh air a chéile ; agus dh'atharraicheadh gach beinn agus cilean as an ionadaibh féin :

15 Agus dh'fholaich rìghrean na talmhainn, agus na daoine mòra, agus na daoine saobhair, agus na h-àrd-cheannardan, agus na daoine cumhachdach, agus gach tràill, agus gach duine saor, iad féin ann an uamhaibh agus ann an creagaibh nam beann :

16 Agus thubhairt iad ris na sléibhtibh agus ris na creagaibh, Tuitibh oirne, agus folaichibh sinn o ghnèis an tì a tha 'n a shuidhe air an rìgh-chaitheir, agus o fheirg an Uain :

17 Oir thàinig là mòr 'fheirge-san ; agus cò a dh'fheudas seasamh ?

CAIB. VII.

1 *Chuir aingeal seula air seirbhiseich Dhé 'n an eudanaibh.* 4 *Aireamh na muinntir a sheulaicheadh :* 5 *de threubhan Israeil fa leth àireamh shonruichte,* 9 *de gach cinneach eile cuideachd mhòr gun àireamh, a tha 'n an seasamh an làthair na rìgh-chaitheir, air an sgèdachadh ann an trusganaibh geala :* 14 *Chaidh an eudach a nigheadh ann am fuil an Uain.*

AGUS an dèigh nan nithean sin, chunnaic mi ceithir ainglean 'n an seasamh air ceithir oisinnibh na talmhainn a' cum-

ail ceithir ghaothan na talmhainn, chum nach seideadh a' ghaoth air an talamh, no air an fhainge, no air aon chraoibh.

2 Agus chunnaic mi aingeal eile ag éirigh o'n àird an ear, aig an robh seula an Dé bheò : agus ghlaodh e le guth mòr ris na ceithir ainglibh, d'an d'fhugadh *cumhachd* cron a dheanamh air an talamh agus air an fhainge,

3 Ag ràdh, na deanaibh dochann do'n talamh, no do'n fhainge, no do na craobhan, gus an cuir sinn seula air seirbhiseich ar Dé air clàraibh an cudain.

4 Agus chuala mi àireamh na dream a sheulaicheadh : ceud agus dà fhichead agus ceithir mìle, a sheulaicheadh de uile threubhan chloimn Israeil.

5 De thréibh Iudah sheulaicheadh dà mhìle dheug. De thréibh Reuben sheulaicheadh dà mhìle dheug. De thréibh Gad sheulaicheadh dà mhìle dheug.

6 De thréibh Aseir sheulaicheadh dà mhìle dheug. De thréibh Nephtalim sheulaicheadh dà mhìle dheug. De thréibh Mhan-aseis sheulaicheadh dà mhìle dheug.

7 De thréibh Shimeoin sheulaicheadh dà mhìle dheug. De thréibh Lebhi sheulaicheadh dà mhìle dheug. De thréibh Isachair sheulaicheadh dà mhìle dheug.

8 De thréibh Shabuloin sheulaicheadh dà mhìle dheug. De thréibh Ioseiph sheulaicheadh dà mhìle dheug. De thréibh Bheniamin sheulaicheadh dà mhìle dheug.

9 An dèigh so dh'amhaire mi, agus, feuch, sluagh mòr, nach robh neach sam bith comasach air àireamh, de na h-uile chinnich, agus threubhan, agus shlòigh, agus theangaibh, 'n an seasamh an làthair na rìgh-chaitheir, agus an làthair an Uain, air an sgèdachadh le trusganaibh fada geala, agus pailm aca 'n an làmhian ;

10 Agus ghlaodh iad le guth àrd, ag ràdh, Slàinte do ar Dia-ne a tha 'n a shuidhe air an rìgh-chaitheir, agus do'n Uan.

11 Agus sheas na h-ainglean uile timchioll na rìgh-chaitheir, agus nan sean-airean, agus nan ceithir bheò-chreutairean, agus thuit iad air an aghaidh an làthair na rìgh-chaitheir, agus rinn iad aoradh do Dhia,

12 Ag ràdh, Amen : Moladh, agus glòir, agus glìocas, agus buidheachas, agus urram, agus cumhachd, agus neart *gu robh* do ar Dia-ne gu saoghal nan saoghal. Amen.

13 Agus fhrèagair aon de na seanairibh, ag ràdh rium, Cò iad sin a tha air an sgèdachadh le trusganaibh fada geala ? agus cia as a thàinig iad ?

14 Agus thubhairt mi ris, A Thighearna, tha fhios agad-sa. Agus thubhairt e rium, Is iad so iadsan a thàinig á h-àmhghar mòr ; agus nìgh iad an trusgain, agus rinn iad geal iad ann am fuil an Uain.

15 Uinne sin tha iad an làthair rìgh-

chaithreach Dhé, agus a' deanamh aoraidh dha a là agus a dh'oidhche 'n a theampull : agus gabhaidh an tì a tha 'n a shuidhe air an rìgh-chaithir còmhnuidh 'n am measg.

16 Cha bhi ocras orra tuilleadh, no tart ni's mò ; cha mhò a bhuailas a' ghrian orra, no teas air bith.

17 Oir beathaichidh an t-Uan a tha ann am meadhon na rìgh-chaithreach iad, agus treàrachidh e iad gu beò-thobraichibh uisge : agus tiormaichidh Dia gach deur o'n sùilb.

CAIB. VIII.

1 'N uair a dh'fhosgladh an seachdamh seula, 2 chaidh seachd trompaidean a thoirt do sheachd aingibh : 3 Chuir aingeal eile tùs maille ri urnuighibh nan naomh air an altair òir. 6 Sheid ceithir dhiubh an trompaidean, agus lean plàighean mòra an lorg sin.

A GUS an uair a dh'fhosgail e an seachd-amh seula, bha tosd air nàmh mu thimchioll leth-uaire.

2 Agus chunnaic mi na seachd aingean a sheas 'am fianuis Dhé ; agus thugadh dhoibh-san seachd trompaidean.

3 Agus thàinig aingeal eile, agus sheas e aig an altair, agus tùsear òir aige ; agus thugadh dha mòran tùise, chum gu'n tugadh se e maille ri urnuighibh nan uile naomh air an altair òir, a bha'n làthair na rìgh-chaithreach.

4 Agus chaidh deatach na tùise suas maille ri urnuighibh nan naomh, o làimh an aingil, an làthair Dhé.

5 Agus ghlac an t-aingeal an tùiseir, agus lion se e le teine na h-altarach, agus thilg e air an talamh e : agus bha guthan, agus tairneanach, agus dealanaich, agus crith-thalmhainn ann.

6 Agus dh'ulluich na seachd aingean aig an robh na seachd trompaidean iad féin, chum an séideadh.

7 Agus shéid an ceud aingeal, agus bha clachan-meallain ann, agus teine air am measgadh le fuil, agus thilgeadh air an talamh iad ; agus loisgeadh an treas cuid de na craobhan, agus am fear glas uile.

8 Agus shéid an dara aingeal, agus thilgeadh mar gu'm bu bheinn mhòr a' losgadh le teine anns an fhaighe : agus dl'fhàs an treas cuid de'n fhaighe 'n a fuil :

9 Agus fhuair an treas cuid de na creut-airibh a bha anns an fhaighe, aig an robh anam, bàs, agus mhilleadh an treas cuid de na longaibh.

10 Agus shéid an treas aingeal, agus thuit reult mhòr o nàmh, a' dearg-lasadh mar lèhran, agus thuit i air an treas cuid de na h-aimhnichibh, agus air na tobraichibh uisge ;

11 Agus is e an t-ainm a ghoirear de'n reult Burnaid : agus rinneadh an treas cuid de na h-uisgeachaibh 'n am burnaid ; agus fhuair mòran dhaoine bàs leis na

h-uisgeachaibh, do bhlrigh gu'n d'rinneadh searbh iad.

12 Agus shéid an ceathramh aingeal, agus bhuailleadh an treas cuid de'n ghréin, agus an treas cuid de'n ghealaich, agus an treas cuid de na reultaibh ; ionnus gu'n d'rinneadh an treas cuid diubh dorchas, agus nach do dhealraich an là ré an treas cuid dheth, no an oidhche air a' mhodh cheudna.

13 Agus dl'amhaich mi, agus chuala mi aingeal ag itealaich ann am meadhon nàimh, ag ràdh le guth àrd, Is truagh, truagh, truagh, do luchd-àiteachaidh na talmhainn. air son guthan eile trompaid nan trì aingean a tha fathast gu séideadh !

CAIB. IX.

1 Air séideadh do'n chàigearmh aingeal, thuit reult o nàmh, d'am bheil iuchair sluichd an dubh-aigean air a tabhairt : 2 dh'fhosgail e an slochd, agus thàinig locuist cosmhuil ri scorpionaibh a mach. 12 Tha a' cheud truaghe air dol thairis. 13 Chaidh an seachdamh trompaid a séideadh. 14 Tha ceithir aingil a bha ceangailte, air am fuasgladh.

A GUS shéid an cùigeamh aingeal a' trompaid, agus chunnaic mi reult a' tuiteam o nàmh chum na talmhainn : agus thugadh dha iuchair sluichd an dubh-aigean.

2 Agus dh'fhosgail e slochd an dubh-aigean, agus dh'éirich deatach as an t-slochd, mar dheataich àmhuinn mhòir theintich ; agus rinneadh a' ghrian agus an t-athar dorchas le deataich an t-sluichd.

3 Agus thàinig a mach as an deataich air an talamh locuist ; agus thugadh cumhachd dhoibh, a réir mar a tha cumhachd aig scorpionaibh na talmhainn.

4 Agus chaidh a' radh riu gun iad a dheanamh dochainn air fear na talmhainn, no air ni sam bith glas, no air craoibh sam bith ; ach air na daoineibh sin a mhàin aig nach 'eil seula Dhé air clàr an eudain.

5 Agus thugadh dhoibh, cha-n e gu'm marbhadh siad iad, ach gu'm bitheadh iad air am pianadh ré chùig mìosan : agus bha am pian cosmhuil ri péin scorpion, 'n uair a bhuailas e duine.

6 Agus anns na làithibh sin iarraidh daoine am bàs, agus cha-n fhaigh iad e. agus bithidh déidh aca air bàsachadh, agus teichidh am bàs uatha.

7 Agus bha cruth nan locust cosmhuil ri h-eachaibh air an ulluchadh chum catha ; agus bha air an cinn mar gu'm bitheadh crùn cosmhuil ri h-òr, agus bha an aghaidh-eagan cosmhuil ri h-aghaidhibh dhaoine.

8 Agus bha folt orra cosmhuil ri folt bhan, agus bha am fìaclan mar fhiaclaibh leòmhan.

9 Agus bha aca uchd-éididhean, mar uchd-éididhean iarunn ; agus bha fuaim an sgiathan mar fhuaim charbadan mhòran each a' ruith chum catha.

10 Agus bha earbuill aca cosmhuil ri

scorpionaibh; agus bha gathan 'n an earbuill: agus *b'e* an cumhachd daoine a chiuirradh ré chùig mìosan.

11 Agus bha rìgh aca os an ceann, *eadhon* aingear an dubh-aigein, agus *'s e d's* ainm dha 's an Eabhra, Abadon, ach anns a' Ghréigis 's e a's ainm dha Apolion.

12 Chaidh aon truaighe thairis; feuch, tha dà thruaighe ri teachd fathast an déigh so.

13 Agus shéid an seathamh aingear a thrompaid, agus chuala mi guth o cheithir adharcaibh na h-altair òir, a tha'm fianuis Dhé.

14 Ag ràdh ris an t-seathamh aingear aig an robh an trompaid, Fuasgail na ceithir aingil a tha ceangailte aig an amhainn mhòir Euphrates.

15 Agus dh'fhuasgladh na ceithir aingil, a bha ulluichte fa chomhair uaire, agus là, agus mìosa, agus bliadhna, chum gu'm marbhadh iad an treas cuid de dhaoinibh.

16 Agus *b'e* àireamh armailean a' mharcshluaigh fichead mìle de dheich mìtibh: agus chuala mi an àireamh.

17 Agus mar so chunnaic mi na h-eich anns an taisbeanadh, agus iadsan a shuidh orra, aig an robh uchd-éididhean de theine, agus de hiacint, agus de phronnusc: agus *bha* cinn nan eich mar chinn leòmhann; agus as am beoil thàinig a mach teine, agus deatach, agus pronnusc.

18 Leis na trì *plàighibh* so mharbhadh an treas cuid de dhaoinibh, leis an teine, agus leis an deataich, agus leis a' phronnusc, a chaidh a mach as am beoil.

19 Oir tha an cumhachdan 'n am beul, agus 'n an earbuill: oir *bha* an earbuill cosmhuil ri nathraichibh nimhe, agus bha cinn aca, agus leo sin ni iad dochann.

20 Agus cha do ghabh a' chuid eile de na daoinibh, nach do mharbhadh leis na plàighibh sin, aithreachas de oiribh an làmh, ionnus nach deanadh iad aoradh do dheamhaibh, agus do dhealbhan òir, agus airgid, agus umha, agus cloiche, agus fiodha; nach urraim faicinn, no cluinntinn, no imeachd:

21 Agus cha mhò a ghabh iad aithreachas d'am mortaibh, no d'an druidheadh, no d'an striopachas, no d'an gadachdaibh.

CAIB. X.

1 Chunnaic Eòin aingear treun aig an robh leabhar fosgailte 'n a làmh: 6 neach a thug mìonnan airsan a tha beò gu sìorruidh, nach bi aimsir nì's mò ann. 8 Thugadh àithne do Eòin an leabhar a ghabhail agus itheadh.

AGUS chunnaic mi aingear cumhachdach ach eile a' teachd a nuas o nèamh, air a sgeadachadh le neul, agus bogha-frois air a cheann, agus 'aghaidh mar a' ghrian, agus a chosan mar phuist teine.

2 Agus bha aige 'n a làmh leabhran fosgailte: agus chuir e a chos dheas air an fhaire, agus a chos chlì air an talamh,

3 Agus ghlaodh e le guth àrd, mar a bheuchdas leòmhann: agus an uair a ghlaodh e, labhair seachd tairneanaich an guthan féin,

4 Agus an uair a labhair na seachd tairneanaich an guthan féin, bha mi 'dol a sgriobhadh: agus chuala mi guth o nèamh, ag ràdh rium, Seulaich na nithean a labhair na seachd tairneanaich, agus na sgriobh iad.

5 Agus thog an t-aingear, a chunnaic mi 'n a sheasamh air a' mhuir, agus air an talamh, a làmh gu nèamh,

6 Agus mhionnaich e airsan a tha beò gu saoghal nan saoghal, a chruthaich nèamh agus na nithean a tha ann, agus an talamh agus na nithean a tha ann, agus an fhaire agus na nithean a tha innte, Nach bi aimsir ann nì's mò;

7 Ach ann an làithibh gutha an t-seachdaimh aingil, 'n uair a thòisicheas e air séid-cadh, an sin gu'm bitheadh rùn-dìomhair Dhé air a chrìochnachadh, mar a dh'innis e d'a sheirbhis na fàidhean.

8 Agus labhair an guth a chuala mi o nèamh, rium a ris, agus thubhairt e, Imich, glac an leabhran a tha fosgailte ann an làmh an aingil a tha 'n a sheasamh air an fhaire, agus air an talamh.

9 Agus chaidh mi dh'ionnsuidh an aingil, agus thubhairt mi ris, Thoir dhomh-sa an leabhran: agus thubhairt esan rium Glac, agus ith suas e; agus ni e do bhroinn searbh, ach bithidh e ann ad bheul milis mar mhill.

10 Agus ghlac mi an leabhran á làmh ar aingil, agus dh'ith mi suas e; agus bha e ann am bheul milis mar mhill; agus an uair a dh'ith mi e, rinneadh mo bhrù searbh.

11 Agus thubhairt e rium, Is éigin duit a ris fàidheadaireachd a dheanamh 'am fianuis shlògh, agus chinneach, agus theangan, agus rìghrean lionmhor.

CAIB. XI.

1 Rinn an dà fliannuis fàidheadaireachd: 6 thugadh cumhachd dhoibh nèamh a dhruid-eadh, ionnus nach bi uisge ann: 7 ni am beathach cogadh 'n an aghaidh, agus marbaidh e iad: 8 luidhidh iad gun adhlac, 11 agus an déigh thri làithean agus leth là éiridh iad a ris. 14 Chaidh an dara truaighe thairis. 15 Chaidh an seachdamh trompaid a shéideadh.

AGUS thugadh dhomh cuile cosmhuil ri slait: agus sheas an t-aingear, ag ràdh, Eirich, agus tomhais teampull Dhé, agus an altair, agus iadsan a tha 'deanamh aoraidh ann.

2 Ach fag a mach a' chùirt a tha'n taobh a muih de'n teampull, agus na tomhais i; oir thugadh i do na Cinnich: agus saltraidh iad fo'n cosaibh am baile naomh ré dhà mhìos agus dhà fhichead.

3 Agus bheir mise *cumhachd* do m' dhithis fhianuisean, agus ni iad fàidheadaireachd

ré mìle agus dà cheud agus trì fichead là, eudaichte ann an saic-eudach.

4 Is iad so an dà chrann olaidh, agus an dà choimnicir a tha 'n an seasamh an làth-air Dhé na talmhainn.

5 Agus ma chiùrras neach air bith iad, thèid teine a mach as am beul, agus claidhidh e an naimhdean: agus ma chiùrras neach air bith iad, is éigin da 'bhi air a mharbhadh mar so.

6 Tha cumhachd aca so nèamh a dhùnadh, ionnus nach bi uisge ann, ann an làithibh am fàidheadaireachd-san: agus tha cumhachd aca air uisgeachaibh chum an tionndadh gu fuil, agus an talamh a bhualadh leis an uile phlàigh, co minic 's is toil leo.

7 Agus an uair a chrìochnaicheas iad am fianuis, ni am fiadhl-bheathach a dh'éireas as an t-slochd gun iochdar cogadh 'n an aghaidh, agus bheir e buaidh orra, agus mharbaidh e iad.

8 Agus *bithidh* an cuipr mharbha 'n an *luidhe* ann an sràid a' bhaile mhòir, ris an abrar gu spioradail Sodom agus an Eiphit, far mar an ceudna an do cheusadh ar Tigh-carn.

9 Agus chi *cuid* de na sloigh, agus de threubhan, agus de theangaibh, agus de chinnich, an cuipr mharbha ré thri làithean gu leth, agus cha leig iad an cuipr mharbha a chur ann an uaighibh.

10 Agus ni luchd-àiteachaidh na talmhainn gairdeachas os an ceann, agus bithidh iad subhach, agus cuiridh iad tiodhlacan dh'ionnsuidh a chèile; do bhrìgh gu'n do phian an dà fhàidh so iadsan a bha 'chòmh-nuidh air an talamh.

11 Agus an déigh thri làithean gu leth, chaidh Spiorad na beatha o Dhia a steach anna, agus sheas iad air an cosaibh; agus thuit eagal mòr orra-san a chunnaic iad.

12 Agus chual' iad guth mòr o nèamh, ag ràdh riu, Thigibh a nìos an so. Agus chaidh iad suas do nèamh air neul; agus chunnaic an naimhdean iad.

13 Agus anns an uair sin féin bha crith mhòr thalmhainn ann, agus thuit an deicheamh cuid de'n bhaile, agus mharbhadh seachd mìle pearsa 's a' chrith-thalmhainn: agus ghabh a' chuid eile eagal, agus thug iad glòir do Dhia nèimh.

14 Chaidh an dara truaighe thairis: feuch, thig an treas truaighe gu h-aithghearr.

15 Agus shéid an seachdamh aingeal a thronpaid; agus bha guthan mòra air nèamh, ag ràdh, Rinneadh rìoghachdan an t-saoghail 'n an *rìoghachdaibh* do ar Tigh-carn, agus d'a Chrìosd-san; agus bithidh e 'n a Rìgh gu saoghal nan saoghal.

16 Agus thuit na ceithir seanairean fichead, a bha 'n an suidhe air an caithrichibh 'am fianuis Dhé, sìos air an aghaidh, agus rinn iad aoradh do Dhia,

17 Ag ràdh, Bheireamaid buidheachas

duit-sa, O Thighearna Dhé uile-chumhachdaich, a tha, agus a bha, agus a bhith-eas; air son gu'n do ghabh thu do chumhachd mòr a d'ionnsuidh, agus gu'n do rìghich thu.

18 Agus bha fearg air na cinnich, agus thàinig d'fhearg-sa, agus àm nam marbh gu'n tugadh breth orra, agus gu'n tugadh tusa duais do d' sheirbhisich na fàidhean, agus do na naoimh, agus dhoibh-san air am bheil eagal d'ainme, do na big agus do na mòir, agus gu 'n sgriosadh tu iadsan a sgrìosas an talamh.

19 Agus dh'fhosgadh teampull Dhé air nèamh, agus chunnacas ann a theampull àire a' choimhcheangail: agus bha dealan-aich, agus guthan, agus tairneanaich, agus crith-thalmhainn agus clachan-meallain mòra ann.

CAIB. XII.

1 *Tha bean a bha sgeadaichte leis a' ghréin ri saothair-chloinne: 4 tha'n dragon mòr dearg 'n a sheasamh fa comhair, ullamh gus a lean-abh a shlugadh suas. 6 'N uair a dh'aiseadadh i, theich i do'n fhàsach. 7 Chog Michael agus 'aingil an aghaidh an dragon. 13 Tha an dragon, an déigh a thilgeadh sìos air an talamh, a' dian-ruagadh na mnà.*

A GUS chunnacas iongantas mòr air nèamh, bean air a sgeadachadh leis a' ghréin, agus a' ghealach fo a cosaibh, agus air a ceann crùn de dhà reult dheug.

2 Agus air dhi 'bhi torrach, ghlaodh i, ri saothair-chloinne, agus bha i air a pianadh chum a h-aisead.

3 Agus chunnacas iongantas eile air nèamh, agus, feuch, dragon mòr dearg, aig an robh seachd cinn, agus deich adhaircean, agus air a chinn seachd crùn.

4 Agus tharruing 'earball an treas cuid de reultaibh nèimh, agus thilg e iad chum na talmhainn: agus sheas an dragon fa chomh-air na mnà, a bha ullamh gu 'bhi air a h-aisead, chum a leanabh a shlugadh suas 'n uair a bheireadh i e.

5 Agus ring i leanabh mic, a bha gus na cinnich uile a riaghladh le slait iarunn: agus thogadh a leanabh suas chum Dhé, agus *chum* a rìgh-chaitheach-san.

6 Agus theich a' bhean do'n fhàsach, far am bheil aice ionad air ullachadh le Dia, chum gu'm bitheadh i air a beathachadh an sin ré mìle agus dà cheud agus trì fichead là.

7 Agus bha cogadh air nèamh; rinn Michael agus 'aingil cogadh an aghaidh an dragon; agus chog an dragon agus 'aingil féin;

8 Agus cha d'thug iad buaidh, cha mhò a fhuaradh an àite nì's mò air nèamh.

9 Agus thilgeadh a mach an dragon mòr, an t-seann nathair siù, ris an abrar an diabhul agus Satan, a tha 'mealladh an t-saoghail uile: thilgeadh a mach e chum

na talmhainn, agus thigeadh a mach 'aingil maille ris.

10 Agus chuala mi guth mòr ag ràdh air nèamh, A nis tha slàinte agus neart, agus riochachd ar Dé-ne, agus cumhachd a Chrìosd air teachd; oir thilgeadh sìos fear-casaid ar bràithrean, a bha 'g an casaid an làthair ar Dé-ne a là agus a dh'oidheche.

11 Agus thug iad buaidh air tre fhuil an Uain, agus tre fhocal ann fianuis-sain; agus cha do ghràdhaich iad an anaman féin gu bàs.

12 Uime sin bitheadh gairdeachas oirbh, O a nèamhan, agus oirbhse a tha 'n 'ur còmhnuidh anna. An-aoibhin do luchd-àiteachaidh na talmhainn, agus na fairge! oir thàinig an diabhul a nuas do 'ur n-ionnsuidh, agus fearg ro mhòr air, do bhrìgh gur fìosrach e nach 'eil aige ach ùine ghearr.

13 Agus an uair a chunnaic an dragon gu'n do thilgeadh e chum na talmhainn, rinn e geur-leanmhuinn air a' mhnaoi a rug an leanabh mic.

14 Agus do'n mhnaoi thugadh dà sgéith iolaire mòire, chum gu'n rachadh i air iteal-aich leo do'n fhàsach, chum a h-ionaid féin; far am bheil i air a h-alt'rum ré aimsir, agus aimsirean, agus leth-aimsir, o aghaidh na nathrach.

15 Agus thilg an nathair as a beul uisge mar thuil, an déigh na mnà, chum gu'n tugadh i oirre 'bhi air a giùlan air falbh leis an t-sruth.

16 Agus rinn an talamh còmhnaidh ris a' mhnaoi; agus dh'fhosgail an talamh a bheul, agus shluig e suas an tuil, a thilg an dragon as a bheul.

17 Agus bha fearg air an dragon ris a' mhnaoi, agus chaidh e 'dheanamh cogaidh ris a' chuid eile d'a sìochd, a tha 'coimhead àitheantan Dhé, agus aig am bheil fianuis Iosa Crìosd.

CAIB. XIII.

1 *Dh'èirich fiadh-bheathach as an fhairege le seachd cinn agus deich adhaircean: dh'asan thug an dragon a chumhachd. 11 Thàinig fiadh-bheathach eile a' nìos as an talamh, 14 agus thug e faineir dealbh a bhi air a dheanamh do'n cheud fhiadh-bheathach, 15 agus gu'n deanadh daoine aoradh dha, 16 agus gu'n gabhadh iad a chomharadh.*

AGUS sheas mi air gaincinn na fairge, agus chunnaic mi fiadh-bheathach ag éirigh suas as an fhairege, aig an robh seachd cinn, agus deich adhaircean, agus air 'adhaircibh deich cruin, agus air a' chinn ainm toibheim.

2 Agus bu chosmhail am fiadh-bheathach a chunnaic mi ri liopar, agus bha a chosan mar chosaibh math-ghamhain, agus a bheul mar bheul leòmhain: agus thug an dragon a neart, agus a chaithir, agus cumhachd mòr dha.

3 Agus chunnaic mi aon d'a chinn mar gu'm bitheadh e air a lotadh gu bàs; agus leighiseadh a lot bàsmhor: agus ghabh an talamh uile iongantas an déigh an fhiadh-bheathaich.

4 Agus rinn iad aoradh do'n dragon, a thug a chumhachd do'n fhiadh-bheathach: agus rinn iad aoradh do'n fhiadh-bheathach, ag ràdh, Cò a tha cosmhail ris an fhiadh-bheathach? Cò a tha comasach air cogadh a dheanamh 'n a aghaidh?

5 Agus thugadh dha beul a' labhairt nith-ean mòra, agus thoibheum; agus thugadh cumhachd dha cogadh a dheanamh ré dhà mhìos agus dà fhichead.

6 Agus dh'fhosgail e 'bheul ann an toibheum an aghaidh Dhé, chum toibheum a thoirt d'a ainm, agus d'a phàillion, agus do'n dream a tha 'n an còmhnuidh air nèamh.

7 Agus thugadh dha cogadh a dheanamh an aghaidh nan naomh, agus buaidh a thoirt orra: agus thugadh dha cumhachd os ceann gach uile thrèibh, agus theangaidh, agus chinnich.

8 Agus ni iadsan uile, a tha 'n an còmhnuidh air an talamh, aoradh dha, aig nach 'eil an ainmean sgrìobhta ann an leabhar beatha an Uain, a mharbhadh o thoiseach an t-saoghail.

9 Ma tha cluas aig neach air bith, éisdeadh e.

10 Ma bheir neach air bith ann am braighdeanas, théid e féin 'am braighdeanas: na mharbhas neach air bith leis a' chlaidheamh, is éigin e féin a bhi air a mharbhadh leis a' chlaidheamh. Is ann an so a tha foighidin agus creidimh nan naomh.

11 Agus chunnaic mi fiadh-bheathach eile ag éirigh as an talamh; agus bha aige dà adhairc cosmhail ri uan, agus labhair e mar dhragon.

12 Agus tha e a' cur 'an gnìomh cumhachd a' cheud fhiadh-bheathaich uile 'na fhianuis, agus tha e 'toirt air an talamh, agus orrasan a tha 'n an còmhnuidh ann, aoradh a dheanamh do'n cheud fhiadh-bheathach aig an robh a lot bàsmhor air a leigheas.

13 Agus tha e a' deanamh chomharan mòra, ionnus gu bheil e 'toirt air teine teachd a nuas o nèamh air an talamh, ann am fianuis dhaoine.

14 Agus tha e a' mealladh na dream a tha 'n an còmhnuidh air an talamh, leis na comhar-aibh sin a thugadh dha a dheanamh an làthair an fhiadh-bheathaich, ag ràdh ri luchd-àiteachaidh na talmhainn, Ìomhaigh a dheanamh do'n bheathach aig an robh an lot o 'n chlaidheamh, agus a bha beò.

15 Agus thugadh cumhachd dha beatha a thoirt do Ìomhaigh an fhiadh-bheathaich, ionnus gu'n labhradh Ìomhaigh an fhiadh-bheathaich, agus gu'n tugadh e faineir gu'm bitheadh a mheud as nach deanadh

aoradh do ìomhaigh an fhìadh-bheathaich, air am marbhadh.

16 Agus tha e 'toirt air na h-uile dhaoine, a raon beag agus mòr, saoi bhir agus bochd, saor agus daor, comharadh a ghabhail air an làimh dheis, no air clàr an eudain ;

17 Agus nach feudadh neach sam bith ceannach no reic, ach esan aig am bitheadh an comharadh, no ainm an fhìadh-bheathaich, no àireamh 'ainme.

18 An so tha gliocas. An ti aig am bheil tuigse, àirmheadh e àireamh an fhìadh-bheathaich : oir is àireamh duine e ; agus is e àireamh sè ceud agus trì fichead agus sè.

CAIB. XIV.

1 An t-Uan 'n a sheasamh air stiabh Shìoin maille r'a chuideachd. 6 Tha aingeal a' searmonachadh an t-soisgeil. 8 Tuiteam Bhabail. 15 Foghar an t-saoghail, agus cur a' chorrain ann. 20 Foghar agus preas-fìona feirge Dhé.

AGUS dh'amháire mi, agus, feuch, Uan 'n a sheasamh air stiabh Shìoin, agus maille ris ceud agus dà fhichead agus ceithir mìle, aig an robh ainm 'Athar-san sgriobhta air clàr an eudain.

2 Agus chuala mi guth o fhlaithéauas, mar fhuaim mhòran uisgeachan, agus mar fhuaim tairneanaich mhòir ; agus chuala mi fuaim chlàrsairean, a' deanamh ciùil le'n clàrsaichibh féin ;

3 Agus sheinn iad mar gu'm b'òran uadha e an làthair na rìgh-chaithreach, agus an làthair nan ceithir bheathaichean, agus nan seanairean : agus cha b'urraim neach sam bith an t-òran sin fhòghlum, ach an ceud agus dà fhichead agus na ceithir mìle, a shaoiradh o'n talamh.

4 Is iad so an dream nach do shlaicheadh le boirionnaich ; oir is òighean iad : is iad so an dream a tha 'leantuinm an Uain ge b'e àit an téid e : shaoiradh iad so o mheasg dhaoine, 'n an ceud thoradh do Dhia, agus do'n Uan.

5 Agus 'n am beul cha d'fhuaradh cealg : oir tha iad gun lochd an làthair rìgh-chaithreach Dhé.

6 Agus chunnaic mi aingeal eile ag itealach ann am meadhon nèimh, aig an robh an soisgeul sìorruidh r'a shearmonachadh dhoibh-san a tha 'n au còmlmuidh air an talamh, agus do gach uile chinneach, agus thréibh, agus theangaidh, agus shluagh,

7 Ag ràdh le guth àrd, Bitheadh eagal Dhé oirbh, agus thugaibh glòir dha ; oir thàinig uair a bhreitheanas : agus deanaibh aoradh dhàsan a rinu nèamh, agus talamh, agus an fhairge, agus na tobair uisge.

8 Agus lean aingeal eile, ag ràdh, Thuit, thuit Babilon, am baile mòr sin, do bhrìgh gu'n d'thug i air gach uile chinneach òl de fhìon feirge a striopachais.

9 Agus lean an treas aingeal iad, ag ràdh

le guth àrd, Ma ni neach air bith aoradh do'n fhìadh-bheathach, agus d'a ìomhaigh, agus ma ghabhas e a chomharadh air clàr 'eudain, no air a làimh,

10 Olaidh esan de fhìon feirge Dhé, a tha air a dhòrtadh gun mheasgadh, ann an cupan 'fheirge-san ; agus bithidh e air a phianadh le teine agus pronnusc, 'am fianuis nan aingeal naomha, agus 'am fianuis an Uain.

11 Agus bithidh deatach am péine-san ag éirigh suas gu saoghal nan saoghal : agus cha-n'eil fois sam bith a là no dh'oidhche aca-san a ni aoradh do'n fhìadh-bheathach agus d'a ìomhaigh, no aig neach air bith a ghabhas comharadh 'ainme-san.

12 An so tha foighidin nan naomh : an so tha'n dream a choimhideas àitheantan Dhé, agus creidimh Iosa.

13 Agus chuala mi guth o nèamh, ag ràdh rium, Sgriobh, Is beannaichte na mairbh a gheibh bàs 's an Tighearn, á so a mach : Seadh, tha an Spiorad ag ràdh, chum gu faigh iad fois o'n saothair ; agus leanaidh an oibre iad.

14 Agus dh'amháire mi, agus, feuch, neul geal, agus air an neul *neach* 'n a shuidhe cosmhail ri Mac an duine, aig an robh crùn òir air a cheann, agus corran geur 'n a làimh.

15 Agus thàinig aingeal eile mach as an teampull, a' glaochaich le guth àrd ris an ti a bha 'n a shuidhe air an neul, Sàth a steach do chorrann, agus buain : oir thàinig àm dhuit buain ; oir tha foghar na tal-mhainn abuiach.

16 Agus shàth an ti a bha 'n a shuidhe air an neul, a chorrann 's an talamh ; agus bhuaineadh an talamh.

17 Agus thàinig aingeal eile mach as an teampull a tha air nèamh, agus corran geur aige-san mar an ceudna.

18 Agus thàinig aingeal eile mach o'n altair, aig an robh cumhachd os ceann teine, agus ghlaodh e le glaoch àrd ris an ti aig an robh an corran geur, ag ràdh, Sàth a steach do chorrann geur, agus cnuasaich baguidean fionain na talmhainn : oir tha a fion-dhearcan làn abuiach.

19 Agus shàth an t-aingeal a chorrann 's an talamh, agus cnuasaich e fionain na tal-mhainn, agus thilg e i ann am fion-amar mòr feirge Dhé.

20 Agus shaltradh am fion-amar an taobh a muigh de'n bhaile, agus thàinig fuil a mach as an fhion-amar, gu srianaibh nan each, feadh mhìle agus shè ceud stàid.

CAIB. XV.

1 Na seachd aingil leis na seachd plàighibh deireamach. 3 Oran na muinntir a bhuadaicheas air an fhìadh-bheathach. 7 Na seachd soithichean làn de fheirge Dhé.

AGUS chunnaic mi comharadh eile air nèamh, mòr agus iongantach, seachd

aingil aig an robh na seachd plàighean deireannach; oir annta so tha fearg Dhé air a coimhlionadh.

2 Agus chunnaic mi mar gu'm b'fhaire ghlóine, air a measgadh le teine; agus iadsan a thug buaidh air an fhiadh-bheathach, agus air 'iomhaigh, agus air a chomharadh, agus air àireamh 'ainme, 'n an seasamh air an fhaire ghlóine, agus clàrsaichean Dhé aca.

3 Agus tha iad a' seinn òrain Mhaois òglaich Dhé agus òrain an Uain, ag ràdh, *Is mòr, agus is iongantach d'òibre, a Thighearna Dhé uile-chumhachdaich; is ceart agus is fìor do shlighean-sa, a Rìgh nan naomh.*

4 Cò air nach bitheadh eagal romhad, O Thighearna, agus nach tugadh glòir do d'ainm? oir *is tusa a mhàin a tha naomh*: oir thig na h-uile chinnich, agus ni iad aoradh ann ad làthair; do bhrìgh gu bheil do bhreitheanais air an deanamh follais-each.

5 Agus an déigh so dh'amhaire mi, agus, feuch, dh'fhosgladh teampull pàilliuin na fianuis air nèamh.

6 Agus thàinig a mach as an teampull na seachd aingil, aig an robh na seachd plàighean, air an sgeadachadh le lìon-eudach glan agus dealrach, agus air an crioslachadh mu'n uchd le criosaibh òir.

7 Agus thug aon de na ceithir bheathaichibh do na seachd aingil seachd soithichean òir, làn de fheirg an Dé a tha beò gu saoghal nan saoghal.

8 Agus lìonadh an teampull le deataich o ghlòir Dhé, agus o 'chumhachd-san; agus cha b'urrainn neach sam bith dol a stigh do'n teampull, gus am bitheadh seachd plàighean nan seachd aingeal air an coimhlionadh.

CAIB. XVI.

1 *Dhòirt na h-aingil a mach an soithichean làn de fheirg: 6 Na plàighean a tha 'leantuinne air sin. 15 Thig Crìosd mar ghadaiche; is beannaichte iadsan a ni faire.*

AGUS chuala mi guth mòr as an teampull, ag ràdh ris na seachd aingil, Imichibh, agus taomaibh soithichean feirge Dhé air an talamh.

2 Agus dh'imich an ceud aingeal, agus thaom e a shoitheach air an talamh; agus dh'èirich droch neasgaid nimheach air na daoineibh sin aig an robh comharadh an fhiadh-bheathaich, agus *orra-san* a rinn aoradh d'a ionmhaigh.

3 Agus thaom an dara aingeal a shoitheach 's an fhaire; agus rinneadh i mar fhuil *duine* mhairbh: agus fhuair gach anam beò bàs anns an fhaire.

4 Agus thàom an treas aingeal a shoitheach anns na h-aimhuichibh agus anns na tobraichibh uisge; agus rinneadh iad 'n am fuil.

5 Agus chuala mi aingeal nan uisgeachan ag ràdh, Is cothromach thusa, O Thighearna; a tha, agus a bha, agus a bhithas, do bhrìgh gu'n d'thug thu breth air an dòigh so:

6 Oir dhòirt iadsan fuil naomh agus fhàidh-ean, agus thug thusa dhoibh fuil r'a h-òl; oir is toillteamach iad.

7 Agus chuala mi neach eile o'n altair ag ràdh, Scadh, a Thighearna Dhé uile-chumhachdaich, *is fìor* agus cothromach do bhreitheanais.

8 Agus thaom an ceathramh aingeal a shoitheach air a' ghréin; agus thugadh *cumhachd* dha daoine a phianadh le h-ain-teas teine.

9 Agus bha daoine air an losgadh le teas mòr, agus thug iad toibheum do ainm Dhé, aig am bheil cumhachd air na plàighibh sin: agus cha d'rinn iad aithreachas, chum glòir a thoirt dhàsan.

10 Agus thaom an cùigeamh aingeal a shoitheach air rìgh-chaitheir an fhiadh-bheathaich; agus rinneadh a rìoghachd dorch; agus chagaim *daoine* an teangan tre phéin,

11 Agus thug iad toibheum do Dhia nèimh air son am piantan agus an creuchdan, agus cha do ghabh iad aithreachas d'an gnìomhar-aibh.

12 Agus thaom an seathamh aingeal a shoitheach air an amhainn mhòir Euphrates; agus thiormaicheadh a h-uisge, chum gu'n ulluicheadh slighe rìghrean na h-àirde 'n ear.

13 Agus chunnaic mi 'teachd a mach á beul an dragoin, agus á beul an fhiadh-bheathaich, agus á beul an fhàidh-bhréige, tri spioradan neòghlan, cosmhuil ri losguinn.

14 Oir is iad *sin* spioradan dheamhan, a' deanamh chomharan, a tha 'dol a mach chum rìghrean na talmhainn, agus an domhain uile, gu'n cruinneachadh chum catha là mhòir sin an Dé uile-chumhachdaich.

15 Feuch, tha mi a' teachd mar ghadaiche. *Is beannaichte esan a ni faire, agus a ghleidheas 'eudach, chum nach imich e lònnochd, agus nach faic daoine a nàire.*

16 Agus chruinnich e iad r'a chèile chum ionaid ris an abrar 's an Eabhra, Armagedon.

17 Agus thaom an seachdamh aingeal a shoitheach 's an athar; agus thàinig guth mòr a mach á teampull nèimh, o'n rìgh-chaitheir, ag ràdh, Tha e deanta.

18 Agus bha guthan, agus tairneanaich, agus dealanaich ann; agus bha crith mhòr talmhainn ann, nach robh a leithid ann o bha daoine air an talamh, a samhail de chrith-talmhainn co mhòr.

19 Agus bha am baile mòr air a roinn 'n a thri earrannaibh, agus thuit bailtean nan cinn-each: agus thàinig Babilon mhòr 'an

ciumhne an làthair Dhé, a thoirt di copan fìona fraoich 'fheirge.

20 Agus theich gach uile eilean as, agus cha d'fhuaradh na beanntan.

21 Agus thàinig clachan-meallain mòra a nuas o nèamh air daoineibh, *gach clach* co throm ri tàlann: agus thug daoine toibheum do Dhià, air son plaigh nan clachan-meallain; oir bha am plaigh-san ro mhòr.

CAIB. XVII.

1 *Tha bean air a sgeadachadh le purpur agus scarlaid, agus copan òir 'n a làimh, 'n a suidhe air an fhiadh-bheathach, 5 neach a's i Babilon mhòr, mât hair nan gràineileachd. 9 Eadar-mhineachadh nan seachd ceann, 12 agus nan deich adhaircean. 14 Buaidh an Uain; 16 agus peanas na striopaiche.*

AGUS thàinig aon de na seachd aingil aig an robh na seachd soithichean, agus labhair e rium, ag ràdh rium, Thig an so; nochdaidh mi dhuit breitheanas na striopaiche mòire, a tha 'n a suidhe air mòran uisgeachan:

2 Ris an d'rinn rìghrean na talmhainn striopachas, agus aig an do chuireadh luchd-àiteachaidh na talmhainn air mhìsg le fion a striopachais.

3 Agus thug e leis mi anns an spiorad do'n fhàsach: agus chunnaic mi bean 'n a suidhe air fiadh-bheathach air dhath scarlaid, làn de ainmibh toibheum, air an robh seachd cinn agus deich adhaircean.

4 Agus bha a' bhean air a sgeadachadh ann am purpur, agus ann an scarlaid, agus air a deanamh breagha le h-òr, agus clach-aibh luachmhor, agus neamhnuidibh, agus copan òir aice 'n a làimh, làn de ghràineileachd agus de neò-ghloine a striopachais.

5 Agus air clàr a h-eudain *bha ainm sgrìobhta, RUN-DIOMHAIR, BABILON MHOR, MATHAIR NAN STRIOPACH AGUS GHRÀINEILEACHDAN NA TALMHAINN.*

6 Agus chunnaic mi a' bhean air mhìsg le fuil nan naomh, agus le fuil fhianuisean Iosa: agus an uair a chunnaic mi i, ghabh mi iongantas le h-iongantas mòr.

7 Agus thubhairt an t-aingear rium, C'ar son a ghabh thu iongantas? Innsidh mise dhuit run-diomhair na mnà, agus an fhiadh-bheathaich a tha 'g a giùlan, air am bheil na seachd cinn agus na deich adhaircean.

8 Am fiadh-bheathach a chunnaic thu, bha e, agus cha-n'eil e ann; agus éiridh e suas à slochd an dubh-aigeiu, agus théid e am muga: agus gabhaidh luchd-àiteachaidh na talmhainn, (aig nach 'eil an ainmean sgrìobhta ann an leabhar na beatha o thoiseach an t-saoghail,) iongantas, 'n uair a ohi iad am fiadh-bheathach a bha, agus nach 'eil, agus a bhitheas ann.

9 An so tha an inntinn aig am bheil gliocas. Na seachd cinn is seachd sléibhteann iad, air am bheil a' bhean 'n a suidhe.

10 Is seachd rìghrean iad mar an ceudna: tha cùig *dhiubh* air tuiteam, agus tha h-aon ann: cha d'fhàinig am fear eile fathast; agus an uair a thig e, is éigin da fauininn ré ùine bhlìg.

11 Agus am fiadh-bheathach a bha, agus nach 'eil ann, is esan an t-ochdamh, agus tha e o'n t-seachdnar, agus théid e am muga.

12 Agus na deich adhaircean a chunnaic thu, is deich rìghrean iad, nach d'fhuair rìoghachd fathast, ach a tha 'faotainn cumhachd mar rìghrean ré aon uaire maille ris an fhiadh-bheathach.

13 Tha aca sin aon inntinn, agus bheir iad an neart agus an cumhachd do'n fhiadh-bheathach.

14 Ni iad siu cogadh an aghaidh an Uain, agus bheir an t-Uan buaidh orra: oir is esan Tighearn nan Tighearn, agus Rìgh nan Rìgh; agus *tha* an dream a tha maille ris, air an gairm, agus air an taghadh, agus dileas.

15 Agus tha e ag ràdh rium, Na h-uisgeachan a chunnaic thu, far am bheil an striopach 'n a suidhe, is slòigh, agus coimhthional, agus cinnich, agus teangan iad.

16 Agus na deich adhaircean a chunnaic thu air an fhiadh-bheathach, bheir iad sin fuath do'n striopaich, agus ni iad fàs i, agus lomnochd, agus itihidh iad a feòil, agus loisgidh iad i le teime.

17 Oir chuir Dia 'u an cridhe a thoil a choimhlionadh, agus a bhì dh'aon chomhairle, agus an rìoghachd a thoirt do'n fhiadh-bheathach, agus an coimhlionar briathran Dhé.

18 Agus is i a' bhean a chunnaic thusa, am baile mòr sin, a tha 'rìoghachadh os ceann rìghrean na talmhainn.

CAIB. XVIII.

1 *Thuit Babilon: 4 thugadh àithne do phobull Dhé imeachd aise: 9 rinn rìghrean na talmhainn, 11 maille ris na ceannaichibh agus na maraichibh, bròn air a son: 20 rinn na naoimh gairdeachas air son breitheanais Dhé oirre.*

AGUS an déigh nan nithean so chunnaic mi aingear eil 'teachd a nuas o nèamh, aig an robh cumhachd mòr; agus dhealraich an talamh le 'ghlòir.

2 Agus ghlaodh e gu làidir le guth mòr, ag ràdh, Thuit, thuit Babilon mhòr, agus rinneadh i 'n a h-àite-comhnuidh dheamhan, 'n a prìosan do gach spiorad neòghlan, 'n a h-ionad cumail do gach eun neòghlan agus fuathmhor.

3 Oir dh'òl na h-uile chinnich de fhìon feirge a striopachais, agus rinn rìghrean na talmhainn striopachas rithe, agus rinneadh saoi bhir ceannaichean na talmhainn le paitheas a sògha.

4 Agus chuala mi guth eile o nèamh, ag ràdh, Thigibh a mach aise, mo phobull,

chum nach bi sibh conhpairteach d'a peacaidh, agus uach faigh sibh *cuid* d'a plàigibh;

5 Oir tha a peacaidhean air ruigheachd snas gu nèamh, agus chuimhnich Dia a h-eucartan.

6 Thugaibh ath-dhiol di mar a dhiol ise ribh, agus thugaibh dhi a dhà uiread, a réir a h-oibre: anns a' chupan a lion i, lhouaibh a dhà uiread di.

7 A mheud as a ghlòraich si i féin, agus a chaith i a beatha gu sòghail, co mòr as sin thugaibh dhi de pheanas agus de bhròn: oir tha i ag ràdh 'n a cridhe féin, Tha mi a'm' shuidhe a'm' bhan-righinu, agus cha bhantrach mi, agus cha-n fhaic mi bròn.

8 Uime sin ann au aon là thig a plàighean, bàs, agus bròn, agus gorta; agus loisgear i gu tur le teime: oir is neartmhor an Tighearn Dia a bheir breth oirre.

9 Agus ui rìghrean na talmhainn, a rinn strìopachas agus a chaith am beatha gu sòghail maille rithe, gul agus caoidh air a son, 'n uair a chi iad deatach a losgaidh,

10 A' seasamh fad as, tre eagal a peauais, ag ràdh, Mo thraighe, mo thraighe! a' chaithir mhòr sin Babilon, a' chaithir threun sin! oir ann au aon uair thàinig do bhreith-eanas.

11 Agus ni ceannaichean na talmhainn gul agus caoidh air a son; oir cha cheanu-aidh neach sam bith am bathar ni's mò.

12 Bathar òir, agus airgid, agus chlach luachmhor, agus neamhuideau, agus lhou-eudaich ghriuu, agus phurpuir, agus shìoda, agus scàrlaid, agus gach uile ghnè fhìodha thìue, agus gach uile ghnè shoithichean ibhori, agus gach uile ghnè shoithichean fìodha ro luachmhor, agus umha, agus iar-uinn agus mharmoir,

13 Agus canal, agus nithean deadh-fhàile, agus oladh-ungaidh, agus tùis, agus fion, agus oladh, agus min mhìn, agus cruith-neachd, agus ainmhidhean, agus caoraich, agus eich, agus carbadau, agus tràilleau, agus anaman dhaoine.

14 Agus dh'innich na toraidhean air an robh mòr dhéidh d'anama, uait, agus dh'innich na h-uile ni annasach agus maiseach uait, agus cha-n fhaigh thu iad ui's mò.

15 Seasaidh ceannaichean nan nithean so a rinneadh saoi bhir leatha, 'am fad, air eagal a peauais, a' gul agus a' caoidh,

16 Agus ag ràdh, Is truagh, am baile mòr sin, a bha air a sgeadachadh ro lion-eudach grunn, agus purpur, agus scàrlaid, agus a bha air a dheanamh breagha le h-òr, agus le clachaibh luachmhor, agus le neamhuide-ibh!

17 Oir ann an aon uair thugadh saoi bheas co mòr gu ueo-ni. Agus sheas gach uile long-mhaighstir, agus gach uile chuideachd a thèid air longaibh, agus na seòladairean,

agus a' mheud 's a ni gnothuichean air fàirge, 'am fad,

18 Agus ghlaodh iad, an uair a chunnaic iad deatach a losgaidh, ag ràdh, Cò e am baile a's cosmhuil ris a' bhaile mhòr so?

19 Agus thilg iad duslach air an cinn, agus ghlaodh iad, a' gul agus a' caoidh, ag ràdh, Is truagh, is truagh, am baile mòr sin, anns an d'rinneadh saoi bhir iadsan uile aig an robh longan air an fhaighe, tre a ghreadh-uachas-san! oir ann an aon uair dh'fàsaich-eadh e.

20 Dean gairdeachas os a cheann, o a nèamh, agus sibhse abstola naomha agus fhàidhean; oir dhiol Dia sibhse air.

21 Agus thog aingeal treun clach mar chloich-mhuiliiu mhòir, agus thilg e 's au fhaighe i, ag ràdh, Is ann mar so le neart a thilgear sìos am baile mòr sin Babilon, agus cha-u fhaighear e ni's mò.

22 Agus cha chluinnear annad ni's mò fuaim chlàrsairean, agus luchd-ciùil, agus phiobairean, agus thronpadairean; agus cha-n fhaighear annad ni's mò fear-ceird, de ghuè ceirde sam bith; agus cha chluinnear fuaim cloiche-muillinn annad ni's mò;

23 Agus cha soillsich solus coimne annad ni's mò; agus cha chluinnear annad ui's mò guth fear-bainnse uo bean-bainnse: oir biad do cheannaicheau daoine mòra ua talmhaiun; agus le d' dhruidheachd bha na h-uile chinnich air am mealladh:

24 Agus fhuaradh ann fuil fhàidhean, agus naomh, agus uan uile dhaoine a mharbhadh air an talamh.

CAIB. XIX.

1 Tha Dia air a chliathachadh, air son gu'n d'thug e breth air an strìopaich mhòir, agus gu'n do dhiol e fuil a naomh. 7 Banais an Uain, &c.

AGUS an déigh nan nithean so, chuala mi guth àr' mhòr-shluaigh air nèamh, ag ràdh, Aleluia; Slainte, agus glòir, agus urram, agus cumhachd do'u Tighearn ar Dia-ne:

2 Oir is fìor agus is cothromach a bhreith-eana; oir thug e breth air an strìopaich mhòir, a thruaill an talamh le a strìopachas, agus dhiol e fuil a sheirbhiseach féiu air a làimh.

3 Agus a rìs thubhairt iad, Aleluia. Agus chaidh a deatach suas gu saoghal nan saoghal.

4 Agus thuit ua ceithir seanairean fìhead, agus na ceithir bheò-chreutairean sìos, agus rinn iad aoradh do Dhia, a bha'n a shuidhe air an rìgh-chaithir, ag ràdh, Amen; Aleluia.

5 Agus thàinig guth a mach o'n rìgh-chaithir, ag ràdh, Molaibh ar Dia-ne, sibhse uile a's seirbhìsh dha, agus air am bheil 'eagal-san, eadar bheag agus mhòr.

6 Agus chuala mi mar ghuth mòr-shluaigh, agus mar fhuaim mhòran nisgeachan, agus

mar thoirn tairneanaich chumhachdaich, ag ràdh, Aleluia: oir tha an Tighearn Dia uile-chumhachdach a' rioghachadh.

7 Bitheamaid aoibhinn agus deanamaid gairdeachas, agus thugamaid glòir dhàsan: oir thàinig pòsadh an Uain, agus dh'ulluich a bhean i fèin.

8 Agus thugadh dhi gu'm bitheadh i air a sgeadachadh le lìon-eudach grinn, glan agus dealrach: oir is e an lìon-eudach grinn fireantachd nan naomh.

9 Agus thubhairt e rium, Sgrìobh, *Is* beannaichte iadsan a tha air an cuireadh gu suipeir-bainne an Uain. Agus thubhairt e rium, *Is* iad so briathran firinneach Dhé.

10 Agus thuit mi sìos aig a chosaibh chum aoradh a dheanamh dhia: agus thubhairt e rium, Feuch nach dean thu e: is comh-sheirbhiseach dhuit fèin mise, agus do d' bhràithribh aig am bheil fianuis Iosa: dean aoradh do Dhia: oir is i fianuis Iosa spiorad na fàidheadaireachd.

11 Agus chunnaic mi nèamh air fhosggladh, agus, feuch, each geal; agus ghoireadh de'n tì a shuidh air Dileas, agus Fìor; agus ann am fireantachd tha e 'deanamh breitheanais agus cogaidh.

12 Agus *bha* a shùilean mar lasair theine, agus air a cheann *bha* mòran chrùn; agus bha ainm aige sgrìobhta, nach b'aithne do neach sam bith ach e fèin;

13 Agus bha e air a sgeadachadh le trusgan tumta ann am fuil: agus is e'n t-ainm a ghoirear dheth, FOCAL DHE.

14 Agus lean na h-armailtean a bha air nèamh e air eachaibh geala, air an sgeadachadh le lìon-eudach grinn, geal agus glan.

15 Agus as a bheil tha claidheamh geur a' dol a mach, chum gu'm buailleadh e na cinnich leis; agus riaghlaidh e iad le slait iarunn: agus tha e a' saltradh fion-amair fraoich feirge an Dé uile-chumhachdaich.

16 Agus tha aige air a thrusgan agus air a léis ainm sgrìobhta, RIGH NAN RIGH, AGUS TIGHEARN NAN TIGHEARN.

17 Agus chunnaic mi aingeal àraidh 'n a sheasamh 's a' ghréin; agus ghlaodh e le guth àrd, ag ràdh ris an eunlaith uile, a bha 'g itealaich ann am meadhon nèimh, Thigibh, agus cruinnichibh sibh fèin chum suipeir an Dé mhòir;

18 Chum gu'n ith sibh feòil rìghrean, agus feòil àrd-cheannard, agus feòil dhaoine cumhachdach, agus feòil each agus na muinntir a shuidheas orra, agus feòil nan uile *dhaoine*, araon saor agus daor, araon beag agus mòr.

19 Agus chunnaic mi am fiadh-bheathach, agus rìghrean na talmhainn, agus an armailtean air an cruinneachadh, a dheanamh cogaidh an aghaidh an tì a bha 'n a shuidhe air an each, agus an aghaidh 'armailt-san.

20 Agus ghlacadh am fiadh-bheathach, agus maille ris-san am fàidh-bréige a rinn miorbhuilean 'n a làthair, leis an do mheall e an dream a ghabh orra comharadh an fhiadh-bheathaich, agus iadsan a rinn aoradh d'a ìomhaigh. Thilgeadh iad sin 'n an dithis beò ann an loch teine a' dearg-lasadh le pronnuse.

21 Agus mharbhadh a' chuid eile le claidheamh an tì a bha 'n a shuidhe air an each, a thàinig a mach as a bheil: agus bha an eunlaith uile air an lìonadh le'm feòil.

CAIB. XX.

1 *Sàtan ceangailte ré mhìle bliadhna.* 5 *A' cheud aiseirigh: 6 tha iad beannaichte aig am bheil cuid dhith.* 7 *Sàtan a ris air fhuasgladh.* 8 *Gog agus Magog.* 10 *Thilgeadh an Diabhal do'n loch theine agus phronnuise.* 12 *An aiseirigh dheireannach agus choitichionn.*

AGUS chunnaic mi aingeal a' teachd a nuas o nèamh, agus iuchair sluichd an dubh-aigein aige, agus slabhraidh mhòr 'n a làimh.

2 Agus rug e air an dragon, an t-seann nathair nimhe sin, a's e an diabhal agus Sàtan, agus cheangail se e rémhìle bliadhna;

3 Agus thilg se e do shlochd an dubh-aigein, agus dhùin e stigh e, agus chuir e seula air, chum nach mealladh e na cinnich tuilleadh, gus an crìochnaichteadh am mìle bliadhna: agus an dèigh sin, is èigin gu'm fuasgailear e ré ùine bhig.

4 Agus chunnaic mi rìgh-chaithrichean, agus shuidh iad orra, agus thugadh breitheanas doibh: agus *chunnaic mi* anaman na muinntir de 'n do chuireadh na cinn air son fianuis Iosa, agus focail Dhé, agus nach d'rinn aoradh do'n fhiadh-bheathach, no d'a ìomhaigh, agus nach do ghabh a chomharadh air clàr an eudain, no air an làmhnan; agus bha iad beò, agus rìghich iad maille ri Crìosd ré mhìle bliadhna.

5 Ach cha d'ath-bheothaichheadh a' chuid eile de na nairbh gus an robh na mìle bliadhna air an crìochnachadh. *Is* i so a' cheud aiseirigh.

6 *Is* beannaichte agus *is* naomh an tì aig am bheil cuid anns a' cheud aiseirigh: orra so cha-nèil cumhachd aig an dara bàs; ach bithidh iad 'n an sagartaibh do Dhia, agus do Chrìosd, agus rìghichidh iad maille ris mìle bliadhna.

7 Agus an uair a chrìochnaichear am mìle bliadhna, fuasgailear Sàtan as a phrìosan,

8 Agus thèid e mach a mhealladh nan cinnreach, a tha ann an ceithir chearnaibh na talmhainn, Gog agus Magog, chum an cruinneachadh gu cath; muinntir a *tha* ann an àireamh mar ghaineimh na fairege.

9 Agus chaidh iad suas air leud na talmhainn, agus chuairtich iad camp nan naomh, agus am baile ionmhuinn: agus thàinig teine nuas o Dhia 'a uèamh, agus chuir e as doibh.

10 Agus thilgeadh an diabhul a mheall iad, 's an loch theine agus phronnuise, far *am bheil* am fiadh-bheathach, agus am fàidh-bréige, agus bithidh iad air am pianadh a là agus a dh'oidheche, gu saoghal nan saoghal.

11 Agus chunnaic mi rìgh-chaithir mhòr gheal, agus an ti a shuidh oirre, neach aig an do theich nèamh agus talamh o a ghnùis; agus cha d'fhuaradh àite dhoibh.

12 Agus chunnaic mi na mairbh, beag agus mòr, 'n an seasamh 'am fianuis Dhé; agus dh'fhosgladh na leabhraichean: agus dh'fhosgladh leabhareile, *eadhon leabhar* na beatha: agus thugadh breth air na mairbh as na nithibh sin a bha sgriobhta 's na leabhraicheibh, a réir an gnìomharan.

13 Agus thug an fhainge naipe na mairbh a bha innte; agus thug am bàs agus an uigh uatha na mairbh a bha amta: agus thugadh breth orra gach aon a réir an gnìomharan.

14 Agus thilgeadh am bàs agus ifrinn do'n loch theine: Is e so an dara bàs.

15 Agus ge b'e air bith nach d'fhuaradh sgriobhta ann an leabhar na beatha, thilgeadh e 's an loch theine.

CAIB. XXI.

1 *Nèamh nuadh agus talamh nuadh.* 10 *An Ierusalem nèamhaidh, maille ri lìn-mhìn-eachadh oirre: 23 cha-n'eil feum aice air grèin; oir is i glòir Dhé a solus.* 24 *Tha rìghrean na talmhainn a' toirt an saobhreis d'a h-ionnsuidh.*

AGUS chunnaic mi nèamh nuadh, agus talamh nuadh: oir chaidh an ceud nèamh agus an ceud talamh thairis; agus cha robh fairge ann ni's mò.

2 Agus chunnaic mise Eoin am baile naomh, Ierusalem nuadh, a' teachd a nuas o Dhia à nèamh, air ullachadh mar bhean-bainnse air a sgèadachadh fa chomhair a fir.

3 Agus chuala mi guth mòr à nèamh ag ràdh, Feuch, *tha* pàillinn Dhé maille ri daoineibh, agus ni esan còmhnuidh maille riu, agus bithidh iadsan 'n an sluagh dha, agus bithidh Dia féin maille riu, agus 'n a Dhia dhoibh.

4 Agus tiormaichidh Dia gach deur o'n sùilb; agus cha bhi bàs ann ni's mò, no bròn, no éigheach, agus cha bhi pian ann ni's mò; oir chaidh na ceud nithean thairis.

5 Agus thubhairt an ti a bha 'n a shuidhe air an rìgh-chaithir, Feuch, tha mi a' deanamh nan uile nithean nuadh. Agus thubhairt e rium, Sgriobh, oir tha na briathran so fìrinneach agus dìleas.

6 Agus thubhairt e rium, Tha e deanta. Is mise Alpha agus Omega, an tùs agus a' chrìoch: bheir mi dhàsan air am bheil tart, de thobar uisge na beatha gu saor.

7 Sealbhaichidh an ti a bheir bairidh na h-uile nithean; agus bithidh mise a'm Dhia dhàsan agus bithidh esan 'n am bac dhomh-sa.

8 Ach aig an dream sin a tha gealtach, agus mi-chreidmheach, agus gràineil, agus aig luchd mortaidh, agus striopachais, agus druidheachd, agus iodhol-aoraidh, agus aig na h-uile bhreugairibh, bithidh an cuibh-rionn anns an loch a tha 'dearg-lasadh le teine agus pronnusc; ni a's e an dara bàs.

9 Agus thàinig a m' ionnsuidh aon de na seachd ainglibh, aig an robh na seachd soithichean làn de na seachd plàighibh deireannach, agus labhair e rium, ag ràdh, Thig an so, nochdaidh mise dhuìt a' bhean nuadh-phòsda, bean an Uain.

10 Agus thug e leis mi anns an spiorad gu beinn mhòir agus àird, agus dh'fhuch e dhomh am baile mòr sin, Ierusalem naomh, a' teachd a nuas à nèamh o Dhia,

11 Aig an robh glòir Dhé: agus *bha* a shoillese cosmhuil ri cloich ro luachmhoir, mar chloich Iaspis, soilleir mar chrìostal;

12 Agus bha balla mòr agus àrd aig, air an robh dà gheata dheug, agus aig na gcataibh dà aingeal dheug, agus ainmean sgriobhta orra, eadhon *ainmean* dà thréibh dheug chloinn Israeil.

13 Air an taobh an ear, tri geatachan; air an taobh thuath, tri geatachan; air an taobh deas, tri geatachan; agus air an taobh an iar, tri geatachan.

14 Agus bha aig balla a' bhaile dà bhunaid dheug, agus amta-san ainmean dà abstol deug an Uain.

15 Agus bha aig an ti a labhair rium, cuile-shlat òir, chum gu'n tomhaiseadh e am baile, agus a gheatachan, agus a bhalla.

16 Agus tha am baile 'n a luidhe ceithir-chearnach, agus tha 'fhad co mòr r'a leud: agus thomhais e am baile leis a' chuile-shlat, dà mhìle dheug stàide: is ionann fad, agus leud, agus àirde dha.

17 Agus thomhais e a bhalla, ceud agus dà fhichead agus ceithir lannan-coille, a réir tomhais duine, eadhon an aingil.

18 Agus bha a bhalla air a thogail de chloich Iaspis; agus b'òr fìor-ghlan am baile, cosmhuil ri gloine shoilleir.

19 Agus bha bunaitean balla a' bhaile air an deanamh sgiamhach leis gach uile ghnè chlachan luachmhor. *Bu* iaspis an ceud bunait; *bu* shaphir, an dara; *bu* chalcidon, an treas; *V*emerald, an ceathramh *bunait*;

20 *Bu* shardonics, an cùigeamh; *bu* shardius, an seathamh; *bu* chrisolit, an seachdamh; *bu* bheril, an t-ochdamh; *bu* topas an naothamh; *bu* chrisoprasus, an deichdamh; *bu* hiacint, an t-aon deug; *V*ametist, an dara *bunait* deng.

21 Agus an dà gheata dheug *bu* dà neamhnuid dheug iad; bha gach aon fa leth de na gcataibh *air a dheanamh* de aon neamhnuid: agus b'òr fìor-ghlan sràid a' bhaile, mar ghloine shoilleir.

22 Agus cha-n fhaca mi teampull ann: oir

is e'n Tighearn Dia uile-chumhachdach, agus an t-Uan a's teampull da.

23 Agus cha-n'eil feum aig a' bhaile air a' ghrèin, no air a' ghealaich a dhealrachadh ann : oir shoillsich glòir Dhé e, agus is e an t-Uan a's solus da.

24 Agus gluaisidh cinnich na muinntir sin a shaorar 'n a sholus : agus bheir rìghrean na talmhainn an glòir agus an urram d'a ionnsuidh.

25 Agus cha dhiùear a gheatachan 's an là oir cha bhi oidheche an sin.

26 Agus bheirear glòir agus urram nan cinneach d'a ionnsuidh.

27 Agus cha téid air chor sam bith a steach ann ni air bith a shalaicheas, no a dh'oibricheas gràineileachd, no a ni breug : ach iadsan a mhàin a tha sgrìobhta ann an leabhar beatha an Uain.

CAIB. XXII.

1 *Amhain uisge na beatha, 2 craobh na beatha. 5 'S e Dia féin solus na caithreach. 9 Cha-n fhulaing an t-aingeal aoradh a dheanamh beatha. 18 Cha-n fheadar ni sam bith a chur ri focal Dhé, no 'thoir uath.*

A GUS dh'fheuch e dhomh amhainn fhìor-ghlan de uisge na beatha, soilleir mar chrìostal, a' teachd a mach á rìgh-chaithir Dhé, agus an Uain.

2 Ann am meadhon sràide na *caithreach*, agus air gach taobh de'n amhainn, *bha* craobh na beatha, a' giùlan dà *ghnè* dheug thoraidh, agus a' toirt a toraidh uaipe gach uile mhìos ; agus *bha* duilleadh na craoibhe chum leighis uan cinneach.

3 Agus cha bhi mallachd air bith ann nì's mò : ach bithidh rìgh-chaithir Dhé agus an Uain imte ; agus ni a sheirbhiseich seirbhis da.

4 Agus chi iad 'aghaidh ; agus *bithidh* 'ainm-san air clàr an eudain.

5 Agus cha bhi oidheche an sin, agus cha-n'eil feum aca air coinnil, no air solus na grèine ; oir bheir an Tighearn Dia solus doibh : agus rìghichidh iad gu saoghal uan saoghal.

6 Agus thubhairt e rium, *Tha* na briathran so dìleas agus firinneach. Agus chuir an Tighearn, Dia nam fàidhean uaomha, 'aingel féin a nochdadh d'a sheirbhiseich na nithean sin a's éigin tachairt gu h-aithghearr.

7 Feuch, tha mi a' teachd gu lath : is beannaichte an ti a choimhideas briathran fàidheadaireachd an leabhair so.

8 Agus chunnaic mise Eoin na uithean so, agus chuala mi iad : agus an uair a chuala agus a chunnaic mi iad, thuit mi sìos a'

deanamh aoraidh aig cosaibh an aingil, a nochd na nithean so dhomh.

9 An sin thubhairt e rium, Feuch nach *dean thu e* : oir is comh-sheirbhiseach dhuit mise, agus do d' bhràithribh na fàidhean, agus dhoibh-san a choimhideas briathran an leabhair so : dean aoradh do Dhia.

10 Agus thubhairt e rium, Na seulaich focal fàidheadaireachd an leabhair so : oir tha an t-am am fagus.

11 An ti a ni eucoir, deanadh e encoir a ghnàth : agus an ti a tha salach, bitheadh e salach a ghnàth : agus an ti a tha 'n a fhìrean, bitheadh e 'n a fhìrean a ghnàth : agus an ti a tha naomh, bitheadh e naomh a ghnàth.

12 Agus, feuch, tha mi a' teachd gu h-aithghearr ; agus tha mo luach-saoithreach maille rium, a thoirt do gach aon fa leth, a réir mar a bhitheas a ghlìomharan.

13 Is mise Alpha agus Omega, an toiseach agus a' chrìoch, an ceud *neach* agus an *neach* deireannach.

14 Is beannaichte iadsan a ni 'àitheantas, chum gu'm bi còir aca air craoibh na beatha, agus gu'n téid iad a stigh tre na geataibh do'u bhaile.

15 Oir an taobh a muigh *tha* madraidh, agus luchd-druidheachd, agus luchd-strìopachais, agus luchd-mortaidh, agus luchd-ìodhol-aoraidh, agus gach neach a ghràdh-aicheas agus a ui breug.

16 Chuir mise Iosa m'aingeal a dheanamh fianuis duibhse air na nithibh so anns na h-eaglaisibh. Is mise freumh agus gineal Dhaibhidh, an reult dhealrach agus mhaidne.

17 Agus tha an Spiorad agus a' bhean nuadh-phòsda ag ràdh, Thig. Agus abradh an ti a chluinneas, Thig. Agus an neach air am bheil tart, thigeadh e. Agus ge b'e neach leis an àill, gabhadh e uisge na beatha gu saor.

18 Oir tha mi 'deanamh fianuis do gach uile neach a chluinneas briathran fàidheadaireachd an leabhair so, Ma chuireas neach air bith ris ua nithibh so, cuiridh Dia airsan na plàighean a tha sgrìobhta anns an leabhar so :

19 Agus ma bheir neach air bith o bhriathraibh leabhair na fàidheadaireachd so, bheir Dia a chuibhrionn-san á leabhar na beatha, agus as a' bhaile naomh, agus as na nithibh a tha sgrìobhta anns an leabhar so.

20 Tha an ti a tha 'toirt fianuis air na rithibh so ag ràdh, Gu deimhin tha mi a' teachd 'an aithghearr. Amen. Seadh, thig, a Thighearua Iosa.

21 Gràs ar Tighearna Iosa Crìosd gu robh maille ribh uile. Amen.

SAILM DHAIBHIDH,

ANN AN


DAN GAIDHEALACH.



EDINBURGH:

PRINTED FOR

THE NATIONAL BIBLE SOCIETY OF SCOTLAND.



SALM DHAIBHIDH.

SALM I.

- 1 'S BEANNAICHT' an duine sin nach
'an comhairle nau daoibh, [gluais
'An slighe fhiair nan peacach baoth',
'n a sheasamh fòs uach bi;
'An caithir fanoid luchd an spòrs
nach togair suidh' gu bràth:
2 Ach 'g am bheil toil do naomh-reachd
'g a smuaineach' oidhch' is là. [Dhé,
3 Mar chraoibh is amluaidh bithidh e
'n cois aimhne fàs a ta,
A bheir 'n a h-aimsir toradh trom,
gun duilleach chall no blàth.
Soirbhichidh leis gach ni d'an dean:
4 ni h-amhluidh siu do bhi
Na daoine peacach; ach mar mhol
air fhuadachadh le gaoith.
5 Is uime sin cha seas a suas
na h-aingidh anns a' bhrèth,
No peacaich ann an comunn naomh
nam fireanach air leth.
6 Oir 's fiosrach Dia air slighe ghloin
nam fireanach air fad;
Ach slighe fhiar nam peacach baoth',
Di-mhilltear i gu grad.

SALM II.

- 1 C' ARSON a ghabh na Cinnich boil',
's na slògh le chèile cruinn,
A'smuaineachadh beart dhìomhanaich,
nach feudar chur an suim?
2 Rìghre na talmhainn dh'éirich suas,
's na h-uachdarain gu léir;
'N aghaidh Iehobhah chruinnich iad;
's 'n aghaidh aoin ungta Dé.
3 Nis briseamaid an cuibhreach dhinn,
(sud thubhairt iad air fad.)
Na boinn a b'ail leo iadhadh oirnn,
dhinn tilgeamaid gu grad.
4 An Ti air nèamh 'n a shuidhe ta,
ni esan gàire riu;
Is mar chùis-mhagaidh bithidh iad
do Thighearn àrd nan dùl.
5 'N sin labhraidh e am briathraibh borb
'n a chorruidh riu gu garg;
Is cuiridh e gu cabhaig iad,
le lasan is le feirg.
6 Gidheadh do dh'ungadh leam mo Rìgh
gu fìor air Siou caomh;
Is chuir mi e 'n a uachdaran
suas air mo thulaich naoimh.
7 Cuiridh mi 'n cèill an t-ordugh ud;
thubhairt Iehobhah rium,

- Is tu mo mhacsa; 's ann an àigh
a ghineadh thusa leam.
8 Iarr orm, 's mar oighreachd bheir mi
na fineacha gu léir: [dhuit
'S mar sheilbh ro-dhìleas bheir mi dhuit,
fad iomail crìch' gach tìr'.
9 Nithear le slait de'n iarunn chruaidh,
gu luath am briseadh leat;
'N am bloighdibh beaga pronnar iad,
mar phota crè le d' neart.
10 O rìghrean, uime sin, a nis,
gabhaibh-sa ciall gu léir;
A bhreitheamhna na talmhainn fòs,
grad-fhoghlumaibh deadh bheus.
11 Do'n Tighearna Iehobhah mòr
aoraibh-sa sìos gu ceart,
Le h-eagal deanaibh seirbhis mhaith
do Thighearna nam feart,
'S le ball-chrith deanaibh gairdeachas.
12 Do'n mhac grad-thugaibh pòg,
Air eagal gu las 'fheargsan ruibh,
g'ur milleadh anns an ròd.
An uair a bhitheas corruich air
a' lasadh ach gu beag.
Is beanuaicht' iad, gach uile neach,
an dòchas air a leag.

SALM III.

- 1 NACH lionmhor iad mo naimhde, Dhia
sior-dhol am meud gach là?
Is luchd mo thrioblaid iomadh iad,
ag éiridh rium a ghnàth.
2 Rì m'anam iomadh fear nach 'eil
aon fhurtachd aig an Dia:
3 Ach 's tu fear-togalach mo chinn,
mo ghlòir, is tu mo sgiath.
4 Air Dia do ghairm mi féin le m' ghuth,
dh' éisd as a thulaich naoimh:
5 Luidh, choidil, agus mhosgail mi,
chum Dia mi suas gu caomh.
6 Cha'n eagal leam deich mìle sluagh,
ged chuairticeadh iad mi.
7 Mo Thighearna éirich suas gu luath,
is cuidich leam, a Dhé:
Mo naimhde bhuaill thu air an gial;
bhris fiacla fòs nan daoibh.
8 'S le Dia an fhurtachd: air do shluagh
do bheannachd tha gun dith.

SALM IV.

- 1 O THUSA Dhia ud m'ionracais,
éisd rium tràth éigheam riut;
'S tu dh'fhuasgail orm 's mi ann an teinn;
fòir orm, is éisd mo scread.

SALM V, VI, VII.

- 2 Mo ghlòir cia fhad, a chlann nan daoin',
gu nàire chaochleas sibh ?
A' tabhairt gràidh do dhìomhanas,
is leanas brèugan ruibh ?
- 3 Biodh agaibh fios gu'n d' ròghnuich Dia
dha féin an duine naomh ;
'N uair dh'éigheas mi, bheir e gu beachd
sar-éiseachd do mo ghlaodh.
- 4 Biodh eagál oirbh 's na deanaibh lochd :
labhraibh ri 'ur cridh' féin,
Gu h-uaigneach air 'ur leabaichibh
bibh tosdach mar an ceudn'.
- 5 Deadh iobairt thaitneach thugaibh uaibh,
do'n ionracas a ghnàth ;
'S 'ur dòchas cuiribh ann an Dia,
ag earbsadh as gach là.
- 6 Nì maith co nochdas duinn a nis ?
tha mòran ac' ag ràdh :
Ach dealradh glan do ghnùise, Dhé,
tog oirne suas a ghnàth.
- 7 'S mò chuir thu dh'aoibhneas ann am
no'n uair a's lionmhoir' coire, [chridh'],
No, aca sud, a's saobh're fion
a' cinneachduinn gun aire.
- 8 An sìth-shàimh luidhidh mi faraon,
is coidlidh mi le suain :
Oir's tusa mhàin bheir dhomh, a Dhé,
fo dhàdean, còmhnuidh bhuan.

SALM V.

- 1 **D**O m' bhriathraibh tabhair aire, Dhé,
is beachdaich air mo smuain.
- 2 Eisd guth mo ghlaoidh, mo Rìgh 's mo
oir guidheam ort gu dian. [Dhia.]
- 3 Mo ghuth do chluinnear leat, a Dhé,
air maduim gach aoin là :
Gu moch do dheanam urnuigh riut,
is dearcam ort a ghnàth.
- 4 Cha tus' an Dia le 'n miann an t-olc ;
is lochd cha chaidir thu :
- 5 Cha seas an t-amadan a'd' làth'r ;
's fuath leat luchd-uile nach fìu.
- 6 Do sgriosar leat luchd-labhairt bhreug :
is gràin le Dia faraon
An duine fuileachdach, 's an ti
chum ccalgaireachd a chlaon,
- 7 Ach mise, thig mi chum do theach,
thaobh meud do ghràsa caomh' :
Is ann ad eagal aoraidh mi,
m'aghaidh ri d'theampull naomh.
- 8 Fa chùis mo naimhde, treòraich mi,
a'd' cheartas naomh, a Dhé,
Is deansa romham, air gach ball,
do shlighe dìreach réidh.
- 9 Oir cha-n 'eil cinnt no ceart 'n am beul,
fior-aing'eachd ann ta ;
An sgòrnan fosgailt' tha mar uaigh,
le miodal teangaidh tlàth.
- 10 Lè'n comhairlibh leig tuiteam dhoibh ;
sgrios iad, a Dhé, 'n an lochd :
'N am peacaibh lionmhor fuadaich iad,
oir rinn iad ecannaire ort.

- 11 Ach aoibhneas air gach neach gu robh
ni barrant dhìot 'n an aire :
Is deanadh iad buan ghairdeachas,
oir ni thu dhoibh cùl-taic' :
Biodh annad ait, lè'n ionmhuinn d'ainm,
- 12 oir beannaichidh tu, Dhé,
Am firean : ni thu le do ghràs
a chuairteach', mar le sgéith.

SALM VI.

- 1 **A** THIGHEARN, ann ad chorruich
na cronuich mi gu garg ; [mhòir
Na dean mo smachdachadh gu geur,
an uair a lasas d'fhearg.
- 2 Dean trècair orm, a Dhia nan gràs,
oir lag tha mi gun cheisd :
Dhia, slànùich mi a nis a'm' fheum,
oir tha mo chuamhan brist'.
- 3 Tha m'anam air a chràdh gu geur :
ach thusa, Dhé, cia fhad ?
- 4 Pìll, fuasgail m'anam ; agus fòir
le trècair orm gu grad.
- 5 Oir ort, a Thighearna, 's a' bhàs,
cha chuimhnichear gun cheisd :
Cò bheir dhuit buidheachas 's an uaigh,
no bheir ort luaidh am feasd ?
- 6 Le m' osnaich tha mi sgèth ; 's an oidhch
a' cur mo leab' air snàmh :
Le m'dheuraibh m'uirigh uisgicheam
's an àm bu chòir dhomh tàmh.
- 7 Mo shùil a ta air fàlneachadh
fa chùis mo bhròin gach tràth ;
Is tha i dol gu h-aois, air son
m' uil' eascairde a ghnàth.
- 8 A luchd na h-aingidheachd gu léir,
imichibh uam am fad :
Oir chuala Dia gu trècaireach
àrd-ghuth mo chaoidh gun stad.
- 9 An athcluinge a chuir mi suas,
chuala Iehobhah i ;
Is gabhaidh e gu toileach uam
an urnuigh a ni mi.
- 10 Air m' eascairdibh gu robh air fad
nàir' agus cùradh geur :
Is pilleadh iad air ais gu luath
le masladh mòr gu léir.

SALM VII.

- 1 **O** DHIA, mo Thighearna, earbam riut :
orm furtaich agus fòir,
Is saor mi fòs o shàruchadh
mo nàmh tha orm an tòir.
- 2 Air eagal, mar ni leòmhnan treun,
gu'n reubar m'anam leis :
A' deanamh liodairt air gu mìn,
gun neach ga m' fhuasgladh as.
- 3 Iehobhah Dhé, ma rinn mi so ;
ma tha lochd air mo làimh :
- 4 Ma dh'ìoc mi olc do'n fhear a bha
an sìochant dhomh, 's an dàimh ;
(Ni h-amhluidh sin, ach rinn mi'n ti
a theasairginn gu blàth,

SALM VIII, IX.

- A bha gun aobhar is guu chùis
'n a nàmhaid dhomh gach là.)
- 5 Leanadh an uàmhaid m'anam féin,
glacadh se e, 's gu làr
Saltradh mo bheatha, leagadh fòs
m'urram 's an dus le tàir,
- 6 Eirich, a' d'fheing, tog suas thu féin
fa chorruich m' cascair thréin
Is chum na breth a dh'orduich thu
mosgail fa'm chùis, a Dhé.
- 7 Mar sin ni coimhthional an t-sluaigh
do chuairteachadh gun tàmh ;
Is uime sin fa'n cùis, a Dhé,
pill féin gu ionad àrd.
- 8 Breth air an t-sluaigh gu léir bheir Dia :
réir m'ionracais dean breth,
A réir mo uèdchiut féin, a Dhé,
gu teann cuir as mo leth.
- 9 O thigeadh crìoch air olc nan daoi,
ach daingnich daoine còir' :
'S fear-sgrudaidh cridh', is raunsaich ainm'
Dia cothromach na glòir'.
- 10 'S e Dia mo sgiath, 's e dh'fhurtaicheas
air luchd a' chridhe cheirt.
- 11 Breitheamh luchd-còrach Dia, gach là
am feing ri luchd droch-bheirt.
- 12 Ma 's e 's nach pill an daoi air ais,
a chladheamh homhaidh Dia :
Air lagh a bhogha chuir gu teann,
gu caitheamh ullamh dian.
- 13 Fìor-aeftinn agus innil bàis
sin dheasaich e dha féin ;
'S a shaighde guineach leig e mach
an aghaidh luchd dhroch bheus.
- 14 Mar mhaon ri saoth'r is amhluidh sin,
au daoi ri olc a ta ;
Feuch aimhleas ghabh mar thorachas,
breug rugadh leis gun stà.
- 15 Chladhaich e slochd, is threachail e,
is thuit 's a' chlais a rinn :
- 16 Thig' aimhleas air a chloigionn féin,
is 'fhàirueart air a cheann.
- 17 A réir a cheartais molaidh mi
au Tighearn, air gach àm :
Do ainm Iehobhah seinnidh mi,
oir 's e a's àirde th'ann.

SALM VIII.

- 1 **I**EHOBHAIH Dhia, cia mòr tha d'ainm
air feadh gach uile thìr !
Do ghloir do shocraich thu os ceann
nam fàitheas is nan speur.
- 2 A beul nan naoidh 's uan cìochran maoth'
bhrìgh d'eascair dh'orduich neart,
Au nàmhaid chum gu coisgadh tu,
's au dh'ghaltach mi-cheart.
- 3 Do speuran tràth thug mi fainear,
obair do mheura féin ;
A' ghealach is na reulta glan',
a dh'orduich thu le chéil' :

- 4 Duine cìod e, gu'n cuimhnichteadh ?
no 'mhac gu'm fiosraicht' leat ?
- 5 De'n inbhe, 's beag a chum thu uaith',
air 'n d'fhuair na h-aingil ccart ;
- Oir chuir thu coron àluinn air,
le maise 's glòir thar chàch.
- 6 Air oibribh fòs do làmh thug thu
dha uachdranachd air fad.
Gach dùile chuir fo 'chosaibh dha,
a chruthaich thusa riamh :
- 7 Caoraich, is buar, 's gach ainmhidh fòs,
tha 'g imeachd air an t-slabh.
- 8 An eunlaith tha 's an athar shuas,
an t-iasg a ta 's a' chuan,
'S na shiubhlas fòs air slighe tuinn,
sin thug thu dha gu buan.
- 9 A Dhia, ar Tighearn is ar Dia,
d'ainm-sa cia h-uasal e !
Air feadh gach talmhaian agus tìr
is mòr e sud, a Dhé.

SALM IX.

- 1 **L**E m'uile chridhe bheir mi dhuit,
àrd-mholadh binn, a Dhé ;
Is d'oibre mìorbhuileach air fad
sior chuiridh mi an céill.
- 2 Fòs ni mi annad aoibhneas ait,
is gairdeachas gu mòr :
Do d'ainm-sa seinnidh mise cliu,
O Thi a's àirde glòir.
- 3 A rìs tràth phillear air an ais,
mo naimhde, théid gu làr ;
Oir tuitidh iad is théid doibh as,
a'd'fhianuis féin gun dàil.
- 4 Mo chòir rinn thusa sheasamh dhomh,
gu daingean is gu treun :
A'd' chaithir chothroim shuidh thu shuas,
mar bhrèitheamh ceart am binn.
- 5 Is thug thu air na cinnich smachd,
sgrios thu na daoine daoi :
An ainm do chuir thu as gu glan,
o linn gu linn a chaidh.
- 6 (Air sgrios an nàmh chaidh crìoch am
leag thu am bailte treun' ; [feasd :])
An iomradhsan 's an cuimhne fòs
do theirig sin leo féin.
- 7 Ach mairidh Dia gu bunaiteach :
chuir caithir suas chum breth.
- 8 Bheir air an domhan cothrom ceart,
le còir do'u t-sluaigh fa leth.
- 9 Mar dhaingneach bithidh Dia nam feart
do'n tì a ta fo leòn :
An trioblaid, tearmann dileas e,
ri faicinn ueach fo bhròn.
- 10 Gach neach 'g am bheil air d'ainm-sa
ni dòchas dhiot, is bun : [fios
Oir mheud 's a ta ga d' iarraidh, Dhé,
cha tréig thu iad gu tur.
- 11 Do'n Triath d'an còmhnuidh Sion naonh,
seinuibh-sa cliu gu binu ;

SALM X.

- Aithrisibh fòs am measg an t-sluaigh
na gnìomharan a rinn.
- 12 Tràth ni e rannsachadh air fuil,
'n sin cuimhneach orra ta;
Cha leig air dearmad glaoth nam bochd,
a ghairmeas air a ghnàth.
- 13 Fòir orm, a Dhé, is amhaire air
mo thrioblaid o luchd m'fhuath';
A Dhé, a ta ga m' thogail suas
o dhorsaibh bàis gu luath.
- 14 An dorsaibh nìghinn Shìoin chaoimh
gu sgaoilinn d'uile chliu:
Is nì mi gairdeachas air sgàth
na slàinte dhèdhaich thu.
- 15 Thuit sìos na cinnich anns an t-slochd
a chladhaich iad do chàch;
Is anns an lion a dh'fholuich iad,
tha'n cosa féin an sàs.
- 16 Aithnìchear Dia 's a' bhreth a nì,
'n uair thuiteas dao' 's an drip;
Is ann an gnìomh a lùmhà féin
teann-ghlacar e 's an rib.
- 17 Pillear luchd-uile is aingidhceachd
gu h-ìfrinn sìos gu léir;
'S na fineachan nach cuimhnich Dia,
pillear iad sìos le chéil'.
- 18 An t-ainnis truagh cha téid am feasd,
air dearmad no air dìth;
Air dòchas fòs an duine bhoichd
gu bràth cha-n fhaicear claidh.
- 19 A Thighearn, éirich, 's na leig buaidh
le neach d'an dual am bàs;
Breth thugar air na cinneachaibh
a'd'fhianuis anns gach càs.
- 20 Cuir cagal orrasan gu mòr,
Iehobhah Dhia nam feart;
Gu'n aithnìcheadh na slòigh gu léir
iad féin nan daoine meat'.

SALM X.

- 1 CÌOD uime 'n seas thu fad o làimh,
Iehobhah làidir thréin?
An aimsir teinn is trioblaid mhòir
an dean thu d'fholach féin?
- 2 An droch dhuin' tha na àrdan borb
gu dian air tòir a' bhoichd:
Ach glacar iad 's na h-innleachdaibh
a dhealbh iad féin chum lochd.
- 3 Oir nì an droch dhuin' ràiteachas
á miann a chridhe féin;
'S na daoine sanntach molaidd e,
ge beag air Dia am mèin.
- 4 An droch dhuin' a'm fìor-àrdan gnaidh'
cha ghoir e air an Triath;
'Na chridhe cha-n 'eil uair air bith
gnè smuaineachaidh air Dia.
- 5 Tha 'uile shlighe doilghiosach,
o 'shealladh 's àrd do bhrèth:
A' séideadh pluic gu fanoideach,
mu 'eascairdibh gach leth

- 6 'N a chridhe féin do labhair e,
am feasd cha ghluaisear mi:
Oir cha tig àmhghar orm gu bràth,
no trioblaid fòs g'am chlaoidh.
- 7 Do'n iogan, mhallachadh, 's do ghò,
a bheulsan làn a ta:
Tha aimheas mòr is dìomhanas
fo 'theangaidh-san a ghnàth.
- 8 An dìomhaireachd nam bailte beag'
gnàth-suidhidh e gun fhios;
Tha 'shùil air bochd 's air neòchiontach,
'gam mort an uaignidheas.
- 9 Tha 'shùile nìmhneach mar an ceudn',
ro-ghuineach geur gu lochd,
A' dearcadh ann an dìomhaireachd
chum sgrios an fhìreìn bhoichd.
- 10 Mar leòmhann luidh' am foill a ta,
'n a thàmh an garaidh dìon,
Ghabhail nam bochd: is ghilac e iad
'g an tarruing ann a lion.
- 11 Crùbaidh is cromaidh e gu làr,
chum dha nach mothàich neach:
Le 'laochraibh chum gu'n leagadh e
am bochd a' gabhail seach.
- 12 Is thubhairt e 'n a chridhe féin,
dhìcheallmìnich Dia gun cheisd:
Seadh dh'fholuich e a ghnàis an cèin,
cha léir dha sud am feasd.
- 13 Iehobhah, éirich suas an àird,
a Dhia ta neartmhor treun,
Tog suas do làmh: 's na dearmaid chaoidh
na deòraidh bochd 'n am fèum.
- 14 Na daoine dona c'uim' an dean
iad tarcuais ort, a Dhé?
An neach ud thubhairt 'n a chridh' féin,
cha-n fhiosraichear leat e.
- 15 Chunnaic thu sin, oir dhuit is léir
gach dochair is gach spìd,
A chum le d'làimh gu toir thu dhoibh
comain an uile a n' d:
- 16 'S ann orts a dh'fhàg an duine bechd
e féin a chur fo dhion,
O's tu fear-cuidich agus neart
nan dilleachdan gun mhaoin.
- 17 Gairdean an droch dhuin' is an daoine
leòn thus', is bhris, a Dhé;
Is rannsaich 'uile lochd gu geur,
gu ruig nach faighear e.
- 18 Gu suthain is gu sìorruidh fòs,
Iehobhah ta 'n a Rìgh:
Sgrìosadh na cinnich as gu tur,
is ghlanadh as a thìr.
- 19 Mìam nan daoine 'ùmlach chual tu' Dhé;
an cridhe nì thu gleust;
Is bheir thu air do chluais gu beachd
an gearanasan gu'n éisd:
- 20 A chumail ceirt ri dilleachdain,
's ri daoinibh brùite truagh',
A chum nach tugadh duin' o'n ùir
nì 's mò air fòirneart luaidh.

SAILM XI, XII, XIII, XIV, XV.

SALM XI.

- 1 **M**O dhòchas chuir mi ann an Dia ;
Ri m'anam, chum mo chur air gheilt,
teich as mar eun gu d' shliabh ?
- 2 Feuch chuir na h-aingidh bogh air lagh,
air sreing an saighead ghleus,
Thilgeadh 's an dòrch' an ti ta ceart
'n a chridhe fòs 's 'n a bheus.
- 3 Ma théid na bunaite air dhùth,
ciod ni an duine còir ?
- 4 Tha Dia 'n a theampull naomh, air
tha 'chaithir làn do ghloir : [nèamh,
Is léir d'a shùilibh-san gach dùil,
's an domhan mhòr a ta :
Le 'rosgaibh clann nan daoine' air fad
ramsaichidh e a ghnàth.
- 5 Ramsaichidh Dia na fireanaich ;
ach luchd na h-aingidheachd
Is fuath le 'anam, is gach neach
thug spéis do ragaireachd.
- 6 Air daoimibh droch-mhuinnt' dòirtidh Dia
nuas ribeachan gun dìth ;
Is teine, pronnusc, 's doimionn gharbh,
cuibhrionn an cup' do ni.
- 7 Oir Dia tha cothromach is ceart,
is ionmluinn leis a' chòir :
Ag amharc air na fireanaibh
le deadh ghnùis làn do ghloir.

SALM XII.

- 1 **N**IS fòir, is cuidich leam, a Dhé,
's gun deadh dhuin' idir ann :
Na treibhdhìrich measg chloinn nan daoine'
ri 'm faghail tha ro ghann.
- 2 Labhraidh gach neach r'a choimhear-
a' bhreug le miodal béil ; [snach
Le cridhe dùbailt' làn do cheilg,
sior-labhraidh iad ri chéil'.
- 3 Gach beul tha làn do ghabhann tlàth,
d'an gnàth bhi leam is leat ;
An teagadh bhruidhneach àrdanach
sgathar le Dia nam feart.
- 4 A thubhairt, Orra bheir sinn buaidh
le'r teagaidh féin a mach ;
'S leinn féin ar beul : cò e an Triath
a chuireas sinn fo smachd ?
- 5 Ri sàruchadh nan deoradh truagh',
ri osnaich dhaoine bochd,
Nis éiridh mi, (ars' Dia,) g'an dion,
o'n dream ta bagradh lochd.
- 6 Is fìorghlan focal Dhé gu dearbh ;
amhluidh mar airgiod e,
A leaghadh is a ghlanadh fòs
seachd cuairt an suacan crè.
- 7 Coimhididh tus' iad uile, Dhé,
dionaidh tu iad a ghnàth.
O'n ghinealach so nis a th'ann,
's o sin a mach gu bràth.

- 8 Gluaisidh gach aon taobh luchd an uile,
is togaidh iad an ceann ;
An t-am 's an cuirear suas gu h-àrd
na daoine' a's suaraich' t'ann.

SALM XIII.

- 1 **C**IA fhad a dhearmadar mi leat,
a Dhia, an ann gu bràth ?
Cia fhad a cheileas tu do ghnùis
o m'anam truagh gach tràth ?
- 2 Cia fhad bhios imcheist ann am cloin,
le cridhe trom gach là ?
Cia fhad a chuirear tharum suas
an ti bha dhomh 'n a nàmh ?
- 3 Tabhair fairear, is freagair mi,
a Thighearna mo Dhia ;
Soillsich mo shùile, codal trom
chum bàis nach coidil mi.
- 4 Eagal gu'n abair rium mo nàmh,
chaidh agam air a nis ;
'S gu'n dean mo naimhde gairdeachas,
an uair a dh' aomar mis'.
- 5 Ach dh'earb mi á do ghràs ; is bidd
mo spiorad ait a'd' shlàint :
- 6 Is seinnidh mi gu binn do Dhia
air son a phailteis ghnà'ich'.

SALM XIV.

- 1 **N**A chridhe deir an t-amadan,
cha-n 'eil ann Dia air bith :
Taid truaillidh, 's oillteil, fòs an gnòimh ;
cha-n 'eil ann neach ni maith.
- 2 An Tighearn dh'amhairc e o nèamh,
air cloinn nan daoine nuas ;
A dh'fheuchainn an robh tuigs' aig neach
na dh'iarradh Dia nan gràs.
- 3 Ach chlaon an t-ìomlan diubh a thaobh,
ro-shalach taid gu léir ;
Cha-n 'eil aon neach a' deanamh maith,
cha-n 'eil fiu aon fò'n speur.
- 4 Am bheil aig droch-dhaoine' tuigs' air bith
tha 'g ithcadh suas gu dian
Mo phobuill-sa, mar aran blast',
's nach 'eil a' gairm air Dia.
- 5 An sin do ghabh iad eagal mòr,
air son gu bheil gu fìor
Dia ann an ginealach is linn,
nam fireanach do shior.
- 6 Comhairl' an truaghain nàraich sibh,
chionn Dia 'n a thearmunn da :
- 7 A Sion O gu tigeadh mach
slàint' Isracil gach là !
An uair bheir Dia air ais o bhruid
a phobull féin le chéil',
Air Iacob bithidh aoibhneas mòr,
's aiteas air Israel.

SALM XV.

- 1 **C**O dh'fhanas ann ad phàillinn shuas ?
a Thighearna, cò e ?

Air do chnoc naomh cò 'n ti sin leat
a chòmhnuicheas gach ré?

- 2 An ta a ghluais gu treibhdhireach,
is ionracas a chleachd,
Labhras an fhìrinn sin a mach
a ta 'n a chridhe steach.
- 3 An ti nach dean air neach air bith,
cùl-chàineadh 'm feasd le 'bheul,
Nach dean aon lochd d'a choimhearsnach,
's nach tog air fòs droch sgeul.
- 4 A ni trom-thailceas air an daoì :
ach urram dhoibh a bheir
D'an eagal Dia ; 's nach caochail mionn
ged thigeadh calldach air.
- 5 Airgiod air ocar nach do chuir ;
an aghaidh fòs nan saoi
Duais nach do ghabh : cha ghluaisear e
gu bràth mar sin a ni.

SALM XVI.

- 1 **D**HIA, coimhid mi, oir annad féin
a ta mo dhòigh gu fìor ;
- 2 O m'anam, thubhairt thu ri Dia,
is tu mo Thriath gu sìor.
- 3 Mo mhaithcas ort gu dearbh cha ruig ;
ach air na naoimh a ta
Air thalamh, 's air na flaitibh fìor,
'g am bheil mo ghean 's mo ghràdh.
- 4 Mòr-mheudaichear an doilghios doibh,
a dheifrìcheas gu luath
Air lorg dhée eile choimheach bhréig',
a' cur ri cràbhadh truagh :
An iobairt-dhibhe tha de fhuil
cha-n ofraill mi gun cheisd,
Is air an ainmibh ann am bheul
cha toir mi luaidh am feasd.
- 5 Cuibhrionn mo chup' is m' oighreachd Dia :
's tu sheasas dhomh mo chrann.
- 6 An àitibh aoibhneas thuit mo lìon :
's leam oighreachd bhreagh nach gann.
- 7 Bheir mise buidheachas do Dhia,
thug comhair' orm a'm' fheum :
Tha m'airne fòs an àm na h-oidhch'
ga m' theagasg mar an ceudn'.
- 8 Do chuir mi romham, anns gach cùis,
an Tighearn mòr a ghnàth ;
Chionn air mo dheas làimh gu bheil e,
cha ghluaisear mi gu bràth.
- 9 Mo chridh' ni aoibhneas uime sin,
ni gairdeachas mo ghlòir ;
Ni m'fheoil fòs còmhnuidh fhoistineach
le dìon an dòchas mòr.
- 10 Oir anns an uaigh cha-n fhàgar leat
shìos m'anam, air aon aoidh :
'S cha leig thu fòs do d'sheirecinn naomh
gu'm faic e truailidheachd.
- 11 Dhomh sligh' na beatha nochdaidh tu :
a'd' làthir làn aoibhneas ta,
Is aig do dheas làimh féin a Dhé,
mòr shubhachas gu bràth.

SALM XVII.

- 1 **E**ISD thus', a Thighearn, ris a' choir,
mo ghlaodh thoir aire dha ;
Is cluinn an urnuigh thig a mach
o m' bheul gun bhreug, gun ghò.
- 2 Mo bhreth o d' fhianuis thigeadh i :
le d' shùilibh léirsinneach,
Seall air na nithibh sin, a Dhé,
ta ceart is cothromach.
- 3 Dhearbh thu mo chridh', is dh'fhiosraich
's an oidheche ; dh'fhionn gu geur ; [thu
Cha d'fhuair thu maoin : oir b'e mo rùn
nach peacaichinn le m' bheul.
- 4 Mu thimchioll oibre dhaoine fòs,
ghléidh mi mi féin gu beachd
Le guth do bhéil, o cheumannaibh
luchd-braid is ragaireachd.
- 5 Cum m'imeachd suas, a Dhia nam feart,
a'd' shligibh ceart gu treun :
A' d' ròidibh dìreach cum mi suas,
nach sleamnuich uam mo cheum.
- 6 Oir ghairm mi ort, a Dhé, a chionn
gun éisdear leatsa rium ;
Do chluas a m' ionnsuidh crom a nuas,
is fòs mo ghearan cluinn.
- 7 Taisbein do chaoimhneas iongantach,
tha gràdhach làn de chliu :
O thus' a shaoras le d' dheas-làimh,
an droing d'an dòchas thu,
On dream 'n an aghaidh thogas ceann.
- 8 O coimhid mi gu trenn,
Mar chloich do shùl : dean folach orm,
fo sgàil' do sgiathan féin.
- 9 O'n droch dhuin' tha ri fòirneart orm,
o naimhdibh sgriosach treun,
A ta ga m' chuairteachd gach taobh,
mo choimhead uatha dean.
- 10 'N an sail a ta iad druidte suas,
cainnt uaibhreach tha 'n am beul.
- 11 Chrom iad gu làr, is dheare le'n sùil ;
is chuairtich iad ar ceum.
- 12 Mar leòmhann gionach togarach
chum cobhartaich a ghnàth.
Mar leòmhann òg an diomhaireachd
a' luidh' am plaid a ta.
- 13 Eirich, a Dhé, is caisg mo nàmh,
leag sìos gu talamh e :
O'n droch dhuin, ta 'n a chlaideamh
sacr m'anam uaith', a Dhé. [dhuith,
- 14 O'n dream tha dhuit-sa, Dhé, mar làimh,
o dhaoineibh saoghal' dàn',
'G am bheil an cuibhrionn is an cuid
's a' bheatha so a mhàin.
D'am bheil thu tabhairt làn am broun
á d'ionmhas diomhair fòs :
Tha'n gineil lionmhor, is am maoin
fàgaidh d'an leanbaibh òg'.
- 15 Ach air mo shonsa, dearcam air
do ghnùis am fìreantachd :
Air mosgladh dhomh làn-dhiolar mi,
a Dhé, le d'chosamhlachd.

SALM XVIII.

- 1 **M**O chion ort féin, a Dhia, mo threis.
 2 Mo charraig Dia gu ceart,
 Mo dhaingneach, is mo Shlánuighéar :
 mo Thighearn, is mo neart :
 An ti 's au euir mi dòchas fòs,
 mo thargaid is mo sgiath,
 Adharc mo shlàinte e gu beachd,
 mo bhaideal àrd 's e Dia.
- 3 Nis gaiream air an Tighearna,
 d'an dlighear moladh sìor :
 Mar sin o m'easeairdibh gu léir
 coimhdear mi gu fìor.
- 4 Chuir tuilte dhroeh dhaoin' eagal orm,
 ehaidh unam guin an éig.
- 5 Pian ifrinn agus liontan bàis,
 romham 's gach àite feuch.
- 6 A'm' éigin ghoir mi air mo Thriath.
 dh' éigh mi gu h-àrd le m' ghlaodh :
 Is as a theampull naomha féin
 dh'éisd e mo ghuth gu caomh.
 'N a fhianuis is 'n a éisdeachd féin,
 mo ghlaodh do ràinig suas ;
- 7 An talamh air gach ceum an sin
 do ehriothnuich, eh Rathadh, ghluais .
 Bunaitean nan cnoc 's nam beann,
 do ghluaiscadh sin gu garg,
 Do ehriothnuicheadh is eh Rathadh iad,
 a ehionn gu robh air fearg.
- 8 Chaidh deatach as a shròin a mach,
 is teine loisgeach mòr
 Chaidh as a bheul, is lasadh leis
 de eibhlìbh ni bu leòr.
- 9 Is lùb e fòs na nèamha fuidh',
 's a nuas do thuirling e :
 Fìor-dhorehadas is dubh-aigein
 bha sin fo ehosaibh Dhé.
- 10 Air cherub mhareach e gu h-àrd,
 air iteig fòs do chaidh ;
 Is bha e luath ag itealaich,
 air bharraibh sgiath na gaoith'.
- 11 Dubh-dhorehadas mar dhiomhaireachd
 do chuir e uime féin :
 Bu phàillìun da na h-uisgean dorch',
 is neulta tigh' nan speur.
- 12 Do ehaidh a neulta tigh' le chéil',
 is clacha-meallain fòs,
 Is eibhlean tein' air thoiseach air,
 o'n dealradh bha 'n a ghnùis.
- 13 Rinn Dia sna speuraibh tairneanach,
 is leig an Ti a's àird,
 A ghuth a mach, le eloieh-shneachd
 is eibhlìbh teith 's gach àit. [chrnaidh,
- 14 A shaighde leig e uaith' a mach,
 is sgaol e iad air fad,
 Tein-athair orra thilg gu mòr,
 is ehlaoidheadh iad gu grad.
- 15 Aigein an uisge chunn'eas ris,
 bha steidh an domhain nochdt' ;
 Le séideadh anail t'fheirge, Dhé,
 le d' achmhasan 's do smachd.
- 16 As 'ionad àrd do chuir e nuas,
 is bhuin e mise mach,
 Is rinn mo tharuing mar an ceudn'
 á b-uisgibh iomarcaeh.
- 17 O m'easear thul-chuiseach is threun
 thug e dhomh fuasgladh deas,
 'S o luchd mo mhi-ruin agus m'fhuath,
 bu treis' gu mòr na mis'.
- 18 An là mo thrioblaid is mo theinn,
 thug ionnsuidh orm gun fhios :
 Aeh bha mo Dhia 'n a thaice dhomh,
 eha sleamhuich uam mo ehos.
- 19 Gu ionad farsuinn agus réidh
 thug esán mi a mach :
 Mo theasaigim do rinneadh leis,
 oir' ghabh e annam tlachd.
- 20 Réir m'ionracais, is gloine làmh,
 do ehuitieh Dia maith riun :
- 21 Air seachran uaith' cha deachaidh mi :
 a shlighe ehoinhdeadh leam.
- 22 Oir 'uile bhreth a'm' fhianuis tha :
 a statuin uam nìor chuir.
- 23 Bu treibhdhireach 'n a làthair mi :
 o m' aing'eachd féin do sguir.
- 24 Réir m'ionracais is gloine làmh,
 an sealladh beachd a shùl,
 Do rinneadh mise chuiteachadh
 gu caomh le Dia nan dùl.
- 25 Do'n duine ghràsail, gràsmhor thu,
 dìreach do'n treibhdhireach.
- 26 Glan thu do'n duine ghlan, is fiat'
 do'n duine fhiat' fa seach.
- 27 Na daoine tha fo thrioblaid mhòir,
 làn-shaoraidh tu 's gach àit ;
 Aeh bheir thu nuas a' mhuinntir sin
 'g am bheil an sealladh àrd.
- 28 Oir lasaidh tu mo ehoinneal domh,
 is ni mo Dhia 's mo Rìgh
 Mo dhorchadas a shoillscachadh,
 ehum soilleir glan gu 'm bì.
- 29 Mor bhuidheann sluaigh, le d' threis', a
 do bhriseadh leam air fad : [Dhé,
 Le neart mo Dhia thar balla leum,
 is chaidh mi féin gun stad.
- 30 Aeh Dia, a ta shlighe ceart :
 is dhearbhadh fòcal Dé ;
 Do'n uile dhream a dl'earbas as,
 g'an dìon' is targaid e.
- 31 Oir cò is Dia, aeh thusa Dhé ?
 cò's carraig aeh ar Triath ?
- 32 An neach an ni mo shlighe ceart,
 's a bheir dhomh neart, 'se Dia.
- 33 Mar ehosaibh féidh ta luath ehum ruith
 mo chosa do rinn e,
 Air m'aitibh àrd' ga m'shoerachadh,
 a chum nach ghluisteadh mi.
- 34 Gu eombrag theagaisg e mo làmh,
 ionnus gu d'thug mi buaidh,
 A' briseadh le mo ghairdeimibh
 bogha do'n stàilinn chrnaidh.

SAILM XIX, XX.

- 35 Thug thusa sgiath do shlàinte dhomh,
do dheas làmh chum mi suas ;
Thug orm do chaoimhneas is do ghràdh
gu h-inbhe mhòir gu'n d'fhàs.
- 36 Mo cheuma rinn thu farsuinn fò'm
sin domh mar fhuaradh thus' ;
Iomus gur socrach sheasas mi,
cha sleamhnuich uam mo chos.
- 37 Lean mi mo naimhde anns an ruaig,
is orra rug gu cas :
Is gus 'n do chlaoidheadh iad gu léir,
nìor phill mi féin air m'ais.
- 38 Gun chomas éirigh lot mi iad,
is thuit iad sìos fo m' chois.
- 39 Le neart chum cath' 's tu chrìoslaich mi ;
na dh'éirich rium leag thus'.
- 40 Air mhuineal thug thu dhomh mo nàmh ;
luchd m'fhuath' gu'n claoidh gu léir.
- 41 Ghlaoth iad, 's d'am furtachd cha robh
air Dia, 's cha d'fhreagair e. [neach :
- 42 Amhluidh mar dhus a' dol le gaoith,
gu mìn do phonn mi iad ;
Is thilg mi iad a mach a ris
mar chlabar air an t-sràid.
- 43 O strì nan daoine shaor thu mi ;
rinn ceann nan cinneach dhìom ;
Na daoine riamh nan c'aithe dhomh,
ri seirbhis dhomh do chi m'.
- 44 Air cluinntinn dhoibh-san iomradh orm,
géillidh iad dhomh gun stad ;
Is nì dhomh coigriche mar an eudn'
an islachadh air fad.
- 45 Là'n-sheargaidh is dubh-chrionaidh as,
na coigriche ud gu léir ;
A' teachd le h-cagal 's uamhunn mhòr
a mach o'n garaidh féin.
- 46 Dia beò a ta, beannaicht' gu robh
mo charraig féin gu brath :
Is Dia mo shlàinte bitheadh e
air 'àrdachadh a ghuàth.
- 47 Mo dhioghaltas, 's mo leasachadh,
's e Dia a bheir a mach ;
'S e fòs a chuireas dhomh fo smachd
na slòigh gu h-iomadach.
- 48 'S e dh'fhuasglas mi o m' eascairdibh :
's tu thog mi thar gach neach
A dh'éirich rium ; is thug mi saor
o fhear na h-eucorach.
- 49 Am measg nan cinneach, uime sin,
bheir mise dhuit, a Dhé,
Mòr bhuidheachas ; do d'ainm-sa fòs
àrd-mholadh seinnidh mi.
- 50 Bheir esan fuasgladh mòr d'a rìgh :
le pailteas nì e gràs
Air Daibhidh, neach a dh'ungadh leis,
is air a shìochd gu bràth.

SALM XIX.

- 1 **G**LOIR Dhé là'n-fhoillsichidh na nàmh,
's na speura gnòmh a làmh.
- 2 Tha là a' deanamh sgéil do là,
is oidhche dh'oidhch' gun tàmh

- A' teagasg eòlais, anns gach àit.
- 3 Oir cha-n 'eil ionad ann,
No cainnt, no uirghiol fòs air bith,
nach cual an guth gach àm.
- 4 Chaidh'm fuaim air feadh gach tìre nach,
am focal chaidh an cèin
Gu crìch na cruinne, chuir e annt'
buan-phàillion àrd do'n ghréin :
- 5 Neach tha mar nuadh fhear-pòsda teachd
o 'sheòmar féin a mach,
Ta ait, mar ghaigeach treun a' ruith
a réis' gu togarach.
- 6 A' dol a mach o chrìch nan speur,
mu'n cuairt g'an crìch a ghnàth :
'S cha-n fholuichear o theas na gréin',
aon nì 's a' chruinne ta.
- 7 Is iomlan lagh Iehobhab mhòir ;
an t-anam iomp'chidh e.
Teistean an Tighearna tha dearbh ;
an simplidh glic 's e nì.
- 8 Tha statuin fòs an Tighearna ceart,
'g cur aoibhneis anns a' chridh' ;
Glan-àithnte Dé a' soillseachadh,
nan sùl nach maith a chi.
- 9 Eagal an Tighearna fìor-ghlan e,
buan-mhaireanach a ghuàth :
Fìor agus cothromach air fad,
a bhreitheanais a ta.
- 10 Is fearr r'an iarraidh iad na'n t-òr,
an t-òr a's fearr air bith :
Nì 's mìlse na a' mhill ta iad,
no cìr mheala r'a h-ith.
- 11 A' faotainn rabhaidh fòs a ta
d'òglachsa uath' a ghuàth,
'S 'n an coimhead cùramach gu dearbh
mòr-thuarasdal a ta.
- 12 Cò thuigcas uile sheachrain féin ?
glan o lochd dìomhair mi.
- 13 O pheacaibh d'anadais air ais
cum d'òglach féin, a Dhé ;
Na bitheadh ac' àrd-cheannas orm :
an sin biom treibhdhireach,
Is fòs o'n pheacadh mhòr bidh mi,
fìor-ionraic neòchiontach.
- 14 O Dhia, mo neart, 's mo shlànighcar,
an deadh thoil gabh uam féin,
Na smuainte ta a'm' chridhe stigh,
is briathra glan mo bhéil.

SALM XX.

- 1 **G**U freagradh Dia thu ann an là
do thrioblaid, is do phéin !
Gu deanadh ainm Dhé Iacoib fòs
sior-choimhead ort a'd' fheum :
- 2 Gu'n cuireadh thugad cuideachadh,
tràth, as a theampull naomh :
Is deanadh e do neartachadh
à Sion féin gu caomh.
- 3 Cuimhnichheadh e gu gràsmhor dhuit
d'uil' ofraile gu grad,

SAILM XXI, XXII.

- Is gabhadh e gu taitneach uait
d'ìobairte loisgt' air fad.
- 4 A réir deadh rùin do chridhe féin,
tiùbhradh e dhuit gu maith;
Coimhlionadh e gach comhairle
tha ann ad chridhe stigh.
- 5 Ni sinne aoibhneas ann ad shlàint',
is an ann ainm ar Dia,
Suas togaidd sinn ar brataichean:
Dia dhèanaich' t'uille mhiann!
- 6 Nis 's fiosrach mi gu teasaig e
an ti a dh'ungadh leis:
Is le neart-saoraidh deas làimh' Dhé
o nèamh gu'n éisdear ris.
- 7 Tha cuid ag carbs' á carbadaibh,
is cuid á h-eachaibh àrd':
Ach ainm an Tighearna ar Dia
cuimhnichidh sinn 's gach àit.
- 8 Dh'islicheadh iadsan, 's thuit iad sìos:
ach dh'éirich sinn is sheas.
- 9 Dhia, foir, is éisdeadh ruinn an Rìgh,
tràth ni sinn gearan ris.

SALM XXI.

- 1 **A**M meud do neirt-sa, Dhé nan dùl,
bidh aoibhneas air an Rìgh:
Is ann ad shlàinte thròcairich
sòlas cia mòr do ni?
- 2 Làn mhiann is rùn a chridhe féin
thug thusa dha gu seth:
Aon athchuinge a dh'iarr a bheul
cha d' rinn thu air a cleith.
- 3 Oir beannachadh do mhaithéis mhòir'
sin thug thu dha gu moch:
Is chuir thu coron àrd m'a cheann,
do'n òr a's deirge dreach.
- 4 Do dh'iarr e ortsa beatha bhuan,
sin thug thu dha gu fìor:
Is thug thu sineadh saoghail dha,
a chum bhi beò gu sìor.
- 5 A thaobh na slàinte thug thu dha,
is mòr a ghlòir gach àm:
Ard-urram agus moralachd
chuir thusa air a cheann.
- 6 Oir rinneadh leat ro-bheannaicht' e
air feadh gach rè gu beachd:
Is rinn thu e làn-aoibhneach fòs
le d' ghnùis an tròcaireachd.
- 7 Oir ann an Dia Iehobhah mor
earbaidh an rìgh a ghnàth:
Tre thròcair fòs an Tì a's àird',
cha ghluaisear e gu bràth.
- 8 Aimsidh do ghlaic air d'uile nàmh;
air d'eascar do làmh dheas.
- 9 Mar àmhuinn theinntich ni thu iad,
an aimsir d'fheirg' g'an sgrios:
'N a chorruich mhòr ni Dia gu fìor,
an slugadh sìos air fad.
Is nithear orra milleadh fòs
le teine mòr gu grad.

- 10 An toradh sgriosaidh tu o'n tìr,
's an sìol o dhaoineibh as.
- 11 Oir rinn iad feall a'd' aghaidh: 's dhealbh
do-bheart nach d'fheud' cur leis:
- 12 Bheir thusa orra, uime sin,
gu'n tionndaidh iad an cùl,
Oir saighde gear do bhogh' air sreing
rì'n aghaidh gleusaidh tu.
- 13 Ardaich thu féin, a'd' chumhachdaibh,
a Thighearna nam feart:
Mar sin sìor-ghanaidh sinn do chliù,
is molaidh sinn do neart.

SALM XXII.

- 1 **M**O Dhia, mo Dhia c'uim' thréig thu
le d'fhurtachd uam an céin; [mi?]
O bhriathraibh goirt mo bhùiridh àird,
gun fhuasgladh orm a'm' fheum?
- 2 Mo Dhia, cha d' thug thu freagrachd
's an là'n do ghairm mi ort: [dhomh,
An uair bu chòir dhomh tàmh 'san oidhel',
cha-n 'eil mi féin a'm' thosd.
- 3 Gidheadh tha thusa fìor-ghlan naomh'
a Dhé, os ceann gach sgéil,
A'd' chòmhnuidh anns an àros sin,
's am bheil cliu Isracil.
- 4 Do rinn ar sinnsir dhìotsa bun;
Is shaor thu iad mar dh'earb.
- 5 Do ghlaodh iad riut, is shaoradh iad:
dh'earb riut, gun aghaidh dhearg.
- 6 Ach mise fòs cha duin', ach cnuimh:
gràin dhaoin', is tàir nan slògh.
- 7 Cùis crathaidh cinn, is casaidh bhéil,
spòrs do na clai mo dhòigh.
- 8 Ag ràdh, Do rinn e bun á Dia,
chum fuasgladh air 'na fheum:
Nis deanadh e a theasairginn,
o thug e dha làn-spéis.
- 9 Ach 's tus' an ti a bhuin a mach
á broinn mo mhàthar mi;
Is tu bu bharrant dòchais dhomh,
'nuair bha mi air a' chich.
- 10 O'n bhroinn do thilgeadh ortsa mi,
air bhith dhomh òg is maoth;
O thàinig mi o'n bhroinn a mach,
is tu mo Dhia ro-chaomh.
- 11 A Dhé na bi-sa fada uam,
Oir 's dlùth dhomh trioblaid theann;
'S gun agam neach gu m' chuideachadh
no aon a chuireas leam.
- 12 Do chuairtich umam mòran tharbhbh,
mu m' thimchioll air gach làimh;
Dh'iadh umam tairbh ro-làidir bhorb'
am Basan bha 'n an tàmh.
- 13 Gu farsuinn dh'fhosgail iad am beul,
mar leòmhann allta garg;
A' tabhairt sìthidh reubaidh orm
le bùireadh fiadhaich borb.
- 14 Mar uisge dhòirtedh misc mach,
mo chnàmhan sgàint' o chéil':

Mo chridh' a'm' chom an taobh a stigh,
air leaghadh ta mar chéir.

- 15 Air tiormachadh mar phota crè
a ta mo neart, a Dhé;
Mo theangadh leantuinn tha ri m' ghial,
gu h-ùir-bhais thug thu mi.
- 16 Oir dh'iadh mu'n cuairt orm madraidh
bhuail umam thall 's a bhos [gharg'
Mòr-bhuidheann luchd na h-aingidh-
lot iad mo làmh 's mo chos. [eachd ;
- 17 Mo chnàmhan uile feudaidh mi
an àireamh aon is aon :
Gu geur tha iad ag anhare orm,
a' dearcadh orm gach taobh.
- 18 Mo thrusgan eatorra do roinn,
croinn thilg iad air mo bhrat.
- 19 Ach fad o m' chobhair, Dhia mo neirt,
na fan, ach deifrich ort.
- 20 Do m'anam tabhair fuasgladh deas
o'n chlaidheamh sgaiteach gheur ;
Is m'aon-ghràdh caomh gu saorar leat,
o neart nam madradh treun'.
- 21 O bheul nan leòmhnan làidir borb'
Dhé, fuasgail orm gun stad :
O adharcaibh nam buabhull treun' ;
oir chual thu mi gu grad.
- 22 Do m' bhràithribh cuiream d'ainms' an
's an éireachd molam thu. [céill ;
- 23 Shìl Iacoib, 's a luchd eagail Dé,
glòir thugaibh dha is chiu :
Oirbhs', Iarmad Israeil air fad,
biodh 'eagal-san gu mòr :
- 24 Oir tarcuais riamh cha d'riun air bochd,
's nior ghabh e gràin d' a leòn :
Cha d'fholuich, 's cha do cheil a ghnùis,
g'a thréigsinn ann a theimn ;
'Nuair rinn e glaoth is gearan ris,
thug éisdeachd dha gu binn.
- 25 'S an ortsa bhios mo mholadh àrd
's an éircachdas, a Dhé :
Mo bhòidean iocam fòs an làth'r
na dream d'an eagal e.
- 26 Na daoine sin tha macanta
ithidh, is gheibh an sàth :
Na dh'iarras Dia àrd-mholaidh e ;
bhur cridh' bidh beò gu bràth.
- 27 Pillidh ri Dia gach iomall tìr',
is cuimhnichidh iad air :
Scadh sluagh nam fineacha gu léir
dhuith géill is urram bheir.
- 28 Air son gur le Iehobhah mòr
an rioghachd le còir cheart :
'S am measg nam fineachan air fad
's leis uachdranachd is neart.
- 29 Na daoine reamhar anns gach tìr,
ithidh, is géillidh dha :
Dha cromaidh sìos na théid 's an uaigh,
cha chum neach 'anam beò.
- 30 Thig sliochd is seirbhis ni do Dhia,
dha measar iad mar linn.

- 31 Innsidh a cheart do'n àl ri teachd,
gu'm b'esan sud a rinn.

SALM XXIII.

- 1 **I**S e Dia féin a's buachaill dhomh,
cha bhi mi ann an dith.
- 2 Bheir e fainear gu'n luidhinn sìos
air cluainibh glas' le sìth :
Is fòs ri taobh nan airmhuichean
théid seachad sìos gu mall,
A ta e ga mo thredrachadh,
gu min réidh anns gach ball.
- 3 Tha 'g aigis m'anam' dhomh air ais :
's a' treòrachadh mo cheum
Air slighibh glan' na fireantachd,
air sgàth 'dheadh ainme féin.
- 4 Scadh fòs ged ghluaisinn eadhon trid
ghlìnn dorcha sgàil' a' bhàis,
Aon olc no urehuid a theachd orm
ni h-eagal leam 's ni 'n càs ;
Air son gu bheil thu leam a ghnàth,
do lorg, 's do bhata treun,
Tha iad a' tabhairt comhfhurtachd
is fuasglaidh dhomh a'm' fheum.
- 5 Dhomh dheasaich bord air beul mo nàmh
le h-oladh dh'ung mo cheann ;
Cur thairis tha mo chupan fòs,
aig meud an làin a t'ann.
- 6 Ach leanaidh maith is tròcair rium,
an cian a bhios mi beò ;
Is còmhluicheam an àros Dé,
ri fad mo ré 's mo lò.

SALM XXIV.

- 1 **'S** LE Dia an talamh, is a làr :
an domhan, 's na bheil ann.
- 2 Oir shoeraich e air cuantaibh e,
air sruthaibh leag gu teamn.
- 3 Cò e am fear sin a théid suas
gu tulaich naomha Dhé ?
Is fòs 'n a ionad naomhasan,
cò sheasas ann gu réidh ?
- 4 An ti 'g am bheil na làmhnan glan',
is cridhe neòchiontach ;
'Anam nior thog ri dìomhanas,
's nior lùgh mionn ioganach.
- 5 An ti sin beannachadh o Dhia
gheibh e gu saobhair pailt,
Is ionracas faraon o'n Dia
's bun slàinte dha 'n a aire.
- 6 'S i sin a' ghinealach 's an dream
a dh'iarras e gu mòr ;
Ta 'g iarraidh d'aghaidh is do ghnùis,
O Iacoib, mar is còir.
- 7 Togaibh, O gheatacha, bhur cinn,
is éiribh suas gu h-àrd,
O dhorsa siorruidh ; Rìgh na glòir'
gu'n tigeadh e g'a àit.
- 8 Cò e sin féin Ard-Rìgh na glòir' ?
an Tighearn làidir treun,
Iehobhah neartmhor, cruaidh an cath,
bheir buaidh a mach dha féin.

- 9 Togaibh, O gheatacha, blur cinn,
is éiribh suas gu h-àrd,
O dhorsa siorruidh : Rìgh na glòir'
gu'n tigeadh e g'a àit.
- 10 Cò e sin féin Ard-Rìgh na glòir' ?
Iehobhah mòr nan slògh,
'Se féin a's Rìgh na glòir' a t'ann,
gun choimeas idir dha.

SALM XXV.

- 1 **D**HIA, togam m'anam riutsa suas.
2 Mo Dhia, mo mhuighinn dheas ;
A m' ionnsuidh na leig aobhar nàir' ;
do m'easgar gairdeachas.
- 3 Fo nàir' is mhasladh na leig neach
d'an gnàth bhì feitheamh ort :
Ach nàire gu robh air an dream
a nì gun aobhar lochd.
- 4 Foillsich do shlighe dhomh, a Dhé,
a'd' cheumaibh teagaisg mi :
- 5 Is treòraich mi a' d' fhìrinn ghloin,
's mo theagasg dean, a Dhé :
Oir 's tu a's Tighearn ann gu dearbh,
's tu 's slàinte dhomh a ghnàth,
Is ort a ta mi feitheamh fòs
le foighid mhòir gach là.
- 6 Cuimhnich, a Dhé, do thròcair chaomh,
do chaoimhneas làn de ghràdh :
O chian nan cian a ta iad ann,
's an aimsir fad o'n là.
- 7 Na cuimhnich peacaidh m'òige dhomh :
's na lochdan a rinn mi ;
A réir do thròcair cuimhnich orm,
air sgàth do ghràis, a Dhé.
- 8 Is maith 's is dìreach Dia nan dùl :
is air an aobhar ud
Do nithear leis na peacaich thruagh'
a theagasg anns an ròd.
- 9 Treòraichidh e na daoine ciùin'
am breitheanas gu ceart :
'S na daoine mìne teagaisgidh
'n a shlighe, Dia nam feart.
- 10 An thròcair is an fhìrinn réidh
sud sligh' ar Dé 's gach ball ;
Do'n dream a chumas gealladh ris,
's nach leig a theist air chall.
- 11 Sgàth d'ainme, lagh mo chionta fòs,
oir tha sud mòr, a Dhé.
- 12 Cò 'm fear d'an eagal Dia ? 'S an t-sligh'
's ion-roghnuidh seòlaidh e.
- 13 An seasgairleadh nì 'anam tàmh,
's le 'shliochd le ceart an tìr.
- 14 Tha rùn an Tighearn aig an dream
d'an eagal e gu fìor :
Is nithear leis a chumhnant fòs
fhoillseachadh dhoibh gu ceart.
- 15 A ta mo shùile féin a ghnàth
ri Tighearna nam feart,
Air son gu'n spìonar leis mo chos
gu h-aithghearr as an rib.

- 16 Pìll thugam, is dean tròcair orm :
a'm' aonar taim, 's fo dhrip.
- 17 Tha teinn mo chridh' a' dol am moud ;
saor mi o m'amlghar geur.
- 18 Seall air mo phéin, is m'anshlocair,
's mo pheacaidh lagh gu léir.
- 19 Mo naimhde guineach thoir fainear,
oir tha iad lìomhhor ann ;
Fuath nimhneach agus mì-runach
tha aca dhomh nach gann.
- 20 Dhia, coimhid m'anam, 's furtaich orm.
na leig fo nàire mi ;
Mo dhòchas uile leig mi ort,
air son gur tu mo Rìgh.
- 21 Nis deanadh ionracas is còir
mo dhion ; 's mi feitheamh ort.
- 22 Dhia, fuasgail air cloinn Israeil,
o'n uile àmlghar goirt.

SALM XXVI.

- 1 **T**HOIR ormsa breth, a Dhia nan dùl,
a'm' neòchiont ghluais mi féin,
Oir rinn mi dòchas maith á Dia,
cha sleamhnuich uam mo cheum.
- 2 Dhia, fionn mo chridh', is m'àirne fòs,
fìdir is ceasnuich mi.
- 3 Oir dhearc mi air do chaoimhneas gràidh :
a'd' fhìrinn ghluais mi, Dhé.
- 4 Le cuideachd dhìomhain riamh nìor
cha sìubhlam le luchd-saibh. [shuidh ;
- 5 Is beag orm coimhthional an uile :
's cha suidh mi sìos le bao'ibh.
- 6 An neòchiont glanaidh mi mo làmh,
is cuairt'cheam d'altair, Dhé ;
- 7 Gu foillsichinn le moladh àrd,
do mhiorbhuile gu léir.
- 8 Còmhnuidh do theach is ionmhuinn leam,
a Thighearn is a Dhé,
Gnàth-àite bunaidh d'onorach,
is leam ro ionmhuinn e.
- 9 Le peacaichibh, luchd-deanamh uile,
na cruinnich m'anam bochd,
Na cuir mo bheath' 'n an cuideachd sud
Tha fuileachdach gu lochd.
- 10 'G am bheil an t-aimhneas mòr 'nan glaic
duais-bhratha 'nan làimh dheis,
- 11 Ach ghuaisidh mi a'm' neòchiont féin,
a'd' thròcair saor-sa mis'.
- 12 'N a seasam ta mo chos gu beachd
air ionad còmhuard réidh :
Is ann an coimhthional nan naomh,
Beannaicheam thus' a Dhé.

SALM XXVII.

- 1 **'S**E Dia mo sholus, is mo shlàint',
cò chuireas eagal orm ?
'S e neart mo bhacatha Dia nan dùl,
cò chuireas fait'cheas fo'm ?
- 2 Mo naimhde, m'eascairde, luchd-uile,
ràth thàinig orm gu bras,
Gu gionach dh'itheadh m'fhcòla suas,
fhuair tuisleadh, thuit gu cas.

- 3 Ged chanpaicheadh a'm' aghaidh feachd,
cha-n eagal le mo chridh' :
Ged éireadh cogadh m' aghaidh fòs,
á so mo bhun do nì.
- 4 Aon nì a mhiannaich mi o Dhia,
gu minic iarram e :
A bhi a'm' chòmhuidh feadh mo là
an tigh 's an àros Dé ;
A chum gu faicinn féin gu glan
maise Iehoblah mhòir,
Gu fiosaichinn 's gu faighian sgeul,
'n a theampull mar is còir.
- 5 Oir nì e m'fhòlach 'n àm na h-aire'
'n a phàillinn : dìon do nì
An diomhaireachd a phàilluin dhomh ;
air carraig cuiridh mi.
- 6 Os ceann mo naimhde ta mu m' chuairt,
nìs togar suas mo cheann :
Glan fòbairt aoibhneis uime sin
d'a phàillinn bheirear leam :
Is seinnidh mi gu togarach,
seadh, canaidh mi gu binn,
Ceol agus moladh àrd do Dhia
air feadh mo ré 's mo linn.
- 7 Le guth mo bheoil tràth éigheam riut,
thoir eisdeachd dhomh, a Dhé :
Le iochd dean tròcair orm, is fòir,
gu gràsmhor freagair mi.
- 8 Iarr m'aghaidh, 'n uair thubhairt thu
an sin thuir m'anam leat, [rium,
Do ghmùis, is t'aghaidh féin a Dhé,
sin iarraidh mi gu h-ait.
- 9 Na folaich uam do ghmùis, am feirg
na dibir d'òglach féin :
'S tu chuidich leam : a Dhé mo shlàint'
na fàgsa mi 's na tréig.
- 10 'N uair thréigear m'athair mi gu tur,
's mo mhlàthair fòs faraon,
Do nì an Tighearna an sin
mo thogail suas gu caoin.
- 11 Dhia, teagaisg dhomh do shlighe féin,
is treòraich mise, Dhé,
Fa chùis mo naimhde mì-runach,
air ceumaibh dìreach réidh.
- 12 Do mhi-run m'eascairde ro-gheur
na tabhair thairis mi :
Oir dh'éirich rium luchd-fianuis bhrèig',
is dream a bhrùchdas nìmh.
- 13 Rachadh mo mhisneach uil' air cùl,
mur creidinn maithreas Dé,
Gu faicinn sin an tìr nam beò,
ga m' fhuasgladh ann am fheum.
- 14 Fuirich gu foighidneach ri Dia,
glac thugad misneach mhòr,
Is bheir e spionnadh eridhe dhuit :
fuirich ri Dia na glòir'.
- 2 Guth m' athcheuinge, trath éigheam riut,
éisd thus' an sin, a Dhé :
'N uair thogas mi mo làmhan suas
gu d' theampull naomha féin.
- 3 Le luchd an uile 's na h-eucorach,
na tarraing mi gu bràth ;
R'an comhearsnaich a labhras sìth,
ach olc 'n an cridhe ta.
- 4 A réir an oibre, tabhair dhoibh,
a réir an rùn chum lochd :
Is dìolasa riu droch ghniomh an làmh,
amhluidh mar thoill iad ort.
- 5 Do bhrìgh nach tuig iad oibre Dhé,
no gnìomh a làmh fòs,
Do nì e milleadh orr' is claidh,
's cha dean an togail suas.
- 6 Air son guth m' athcheuinge gu'n d'eisid
mòr-bheannaicht' gu robh Dia.
- 7 Do chuir mo chridh' a dhòchas ann ;
's e Dia mo neart 's mo sgiath.
Tha mi a' faghail cuideach' uaiti',
mar sin le h-aoibhneas ait
Mo chridh' a ta ; 's le m'òran binn
sior-mholam e gu pailt.
- 8 'S e Dia a's neart, 's a's treise dhoibh
oir tha e féin gu deas
'Na neart, 's 'n a spionnadh slàinte dlut'
do'n tì a dh' ungadh leis.
- 9 Dhia, furtaich air do phobull caomh,
is beannaich d'oighreachd féin :
Dhoibh tabhair beath', is teachdantir,
tog iad am feasd, a Dhé.

SALM XXIX.

- 1 THUGAIBH, a laochraidh làidh
do Thighearna nam feart, [threun
Thugaibh do'n Tighearn ud faraon
glòir, urram, agus neart.
- 2 A' ghloir a's cubhaidh fòs d'a ainm,
thugaibh do'n Dia ro-threun :
Sleuchdaibh do'n Tighearna faraon
am mais' a naomhachd féin.
- 3 Tha guth Dhé air na h-uisgeachaibh
is fòs nì Dia na glòir'
Ard-thairnceanach, is suidhidh e
air uisgibh làidir mòr'.
- 4 Tha guth an Tighearna gu beachd
mòr-chumhachdach is treun :
Tha guth an Tighearna faraon
là'n moralachd ann féin.
- 5 Brisidh an Tighearna le 'ghutha
na scudair a ta fas ;
Is brisear scudair Lebanoin
le 'ghuthsan aig a chruas.
- 6 Is bheir e orra leum gu clist',
amhluidh mar ghanluinn bò :
Sliaibh Shiriain is Lebanoin,
mar bhuabhull meargant' òg.
- 7 Sgoiltidh guth Dhé an dealanach ;
am fassach crathaidh e ;

SALM XXVIII.

- 1 A DHIA, mo charraig, éigheam riut,
a'd' thosd na bi-sa uam :
Eagal le d' thosd, gur cosmhuil mi
ri dream théid sìos do'n uaigh.

- 8 Seadh fàsach Chadeis mar an ceudn'
's e Dia a chrathas e.
9 Bheir guth Dhé fòs air aighibh àllt'
grad-sgarachdainn r' an laigh ;
Is lomaidh sùd na coillte dlùth',
'a rùsgadh bhàrr nan craobh :
Is ann a theampull naomhasan,
cuiridh gach neach an céill
Glòir agus urram mòr ar Dia ;
g' a mholadhsan d'a réir.
10 Tha Dia 'n a chòmhnuidh air an tuil ;
's 'n a shuidh' am feasd 'n a Rìgh.
11 Bheir Dia d'a phobull neart ; is bheir
dhoibh beannachadh le sìth.

SALM XXX.

- 1 **D**HIA, molam thu, oir thog thu mi,
gàir' m'eascair cha d'rinn dhòm.
2 A Dhia mo Thighearn, ghlaodh mi riut,
is dh'fhurtaich orm a'm' fheum.
3 Do thogadh m' anam leatsa, Dhé
glan as an naigh a nios ;
Is ghléidh thm mi gu tearuint' beò,
do'n t-slochd nach rachain sìos.
4 Do'n Tighearn àrd gu ceòlmhor binn
seinnibh, a naomh-shluagh féin,
Ri cuimhneach' air a naomhachdsan,
sgaoilibh a chliu an céin.
5 Oir 'fhearg cha mhair ach mionaide bheag,
'n a dheadh ghean beatha ta :
Trath feasgair fòs ged robh ann bròn,
thig aoibhneas leis an là.
6 A'm' shocair thn bhairet mi mar so,
cha ghluaisear mis' am feasd :
7 Le d' thròcair thng thu air mo chnoc
gu daingean suas gn'n sheas :
A Dhé, do cheil thu orm do ghnùis,
chnir sin gu trioblaid mi.
8 Dhia, ruit do ghlaodh : is rinn ri Dia
mo ghearan is mo caoidh :
9 Ciod i an tairbh' a'm' fhnil-sa ta,
an deigh mo chnr 's an naigh ?
Am molar thusa leis an ùir ?
an toir air t'fhìrinn luaidh ?
10 Eisd rium a nis, a Dhia nan dùl,
dean tròcair orm is gràs ;
Is bi-sa, Dhé, d'fhear-cnidich leam,
'n nair tharlas dhomh bhi 'n sàs.
11 Mo bhròn gu dannsadh chaochail thu,
is m'endach saic faraon
Do sgaoil thn dhòm, is chrìoslaich mi
le h-aoibhneas air gach taobh :
12 Mo ghloir gu seinneadh dhuit-sa cliu,
gun idir bhi 'n a tosd :
A Dhia mo Thighearn, bheir mi dhuit
mòr-bhuidheachas am feasd.

SALM XXXI.

- 1 **A**SADSA, Dhé, ni mise bun ;
nàir' orm na leig am feasd :
Dean fuasgladh dhomh a't' ionracas,
o thrioblaid is o cheisd.

- 2 Do chluas a m'ionnsuidh crom a nuas,
is furtaich orm gu dian :
A'd' charraig dhaingean bi-sa dhomh,
tigh-tearmuinn chnm mo dhion.
3 Oir's tn a's carraig dhileas dhomh
's mo dhaingneach làidir treun,
Is uime sin sgàth d'aimne, Dhé,
treòraich, is stùir mo cheum.
4 Saor as an rib a dh'fholaich iad
bun mise mach, a Dhé :
Air son gur tns' an ti a mhàin
a's neart, 's a's treòir dhomh féin.
5 A'd' làimh-sa mhàin, a Dhia nan dùl,
mo spiorad tiomnam suas :
A Dhia na firinn, is mo Thriath,
's tn dh'fhuasgail air mo chruas.
6 Is fuath leam iad a bheir fa'near
na breuga diomhaineach :
Ach dòchas ann an Dia nan gràs
chnir mi gu mninghineach.
7 A'd' thròcair biom gu h-aoibhneach ait :
oir thng thu, Dhé, fa'near
Mo thrioblaid ; 's m'anam ann an teinn
bha thusa fiosrach air.
8 Cha d'rinneadh leat mo dhruideadh suas
an làimh mo nàmhaid thréin :
An àite farsuinn shocrùich thm
mo chosan is mo cheum.
9 O tha mi, Dhé, an trioblaid mhòir,
dean tròcair orm gu cas :
Mo shùile, m'anam, is mo bholg,
le bròn air seargadh as.
10 Oir chlaoidheadh m'anam as le bròn,
's mo bhliadhnacha le caoidh :
Do bhrìgh mo lochd chaidh as do m'
mo chàmhnan air an claidh. [neart,
11 Mar aobhar fanoid tha mi fòs
do m' eascairdibh gu léir,
Gu h-àraidh do mo choimhearsnaich,
mar mhasladh tha mi féin :
Is do lchd m'èolais fòs a taim
a'm' aobhar geilt is fuath' :
Gach neach a chi mi air an t-sràid,
a' teicheadh nam gn luath.
12 Mar dhuine marbh air dol á cuimhn' ;
mar shoitheach briste mi :
13 Oir chnalas toibheum mòran dhaoin' ;
eagal gach taobh do bhi :
A'm' aghaidh 'n uair a chruinnich iad,
dhealbha iad mo bheath' a sgrìos :
14 Ach dhìotsa, Dhé, rinn mise bun ;
is tu mo Dhia, deir mis'.
15 Tha m'aimsirean a'd' làimh-sa Dhé,
orm furtaich agus fòir
O làimh mo naimhdean, is o'n dream
tha leantuinn orm an tòir.
16 Do ghnùis is d'aghaidh dealraicheadh
air t'òglach dìleas féin :
Air sgàth do ghràsa carthannach,
mo shaoirdean dean gn treun.

- 17 Na leig fo nàire mhaslaidh mi,
a Dhia, oir ghairm mi ort :
Ach nàire biodh air luchd an uile ;
san uaigh biodh iad 'nan tosd.
- 18 Cuir bàil nam breug, a Dhé, 'nan tàmh,
labhras gu h-àrdanach,
'N aghaidh nam firean spreigeadh
gu spideil tarcuiseach. [crauidh,
- 19 Cia meud do mhaith a thaisg thu dhoibh,
d'an eagal thu faraon ;
'S a rinn thu do na dh'earbas riut,
am fianuis chloinn nan daoine !
- 20 O àilgheas dhaoine ni thu 'n dìon,
fo dhìomhaireachd do ghnùis ;
'S am pàillion fòs, o stri nan teang',
ni didean dhoibh 'n an eùis.
- 21 Dia gu ma beannaichte gu bràth ;
oir dh'fhoillsich e dhomh féin
A chaoimheas càrdeil iongantach,
an caithir làidir thréin.
- 22 Thuir mi a'm' dheifr, Scaitht' tha mi
o bheachd do shùl a mach :
Ach chual thu 'nuair a ghlaodh mi riut,
guth m'asluich ghearanaich.
- 23 Gràdhaichibh Dia, O naoimh, air fad :
oir Dia do'n treibhdhireach
Do ni sàr-dhion, is dìol gu pailt
do'n uaibhreach àilgheasach.
- 24 S' bhse a chuir an Dia nan gras
bhur dòchas mar is còir,
Bibh misneachail, is cuiridh e
neart ann bhur cridh' is treòir.

SALM XXXII.

- 1 'S BEANNAICHT' an duine sin a
'n a pheacadh maitheanas ; [fhuair
A fhuair le trèair folach air
a chiont' is eusaontas.
- 2 'S beannaicht' an ti nach agair Dia
'n a sheachranaibh ni's mò ;
Is ann a spiorad fòs nach 'eil
claon-chealgairachd no gò.
- 3 A' fantuim dhomh gu fad a'm' thàmh,
Luidh air mo ehnamhaibh aois,
Is b'amluidh sin gach là mo chor,
le dol do m'bhùireadh suas.
- 4 Oir ormsa bha do làmh gu trom,
air feadh gach oidheh' is là :
Mo bhrìgh gu tart an t-saohraidh theith
air ath'rachadh a ta.
- 5 Làn-fhoillsich mi mo pheacadh dhuit,
nìor cheil mi m'aingidheachd :
Aidmheil (thuir mi) do Dhia ni mis',
is mhaith thu cron mo loehd.
- 6 So fath mu'n guidhe riut gach naomh,
's an àm am faighear thu :
Gu dearbhan an tuil nan uisgean mòr',
cha ruig iad air gu dùth.
- 7 Tha thu a' t'ionad fòluich dhomh,
ni coimhead orm o theinn ;
Is nìthear leat mo chuairteachadh
le h-òran saorsa binn.

- 8 Dhuit teagaisgidh is seòlaidh mi
am bealach is an t-ùil,
'S an tigeadh dhuitse triall gu ceart ;
sin seòlam dhuit le m'shùil.
- 9 Na bi mar mhuileid, no mar each,
na h-ainmhidhean gun chéill :
Ri'n cuircar, eum nach tig iad ort,
teann-sparrag sréin 'n am beul.
- 10 Is lionmhor bròn aig luchd an uile :
ach neach d'am barrant Dia,
Tha 'thròcair dol m'a thimchiollsan
g'a dhionadh mar ni sgiath.
- 11 A dhaoine treibhdhireach, an Dia
bibh aoibhneach agus ait :
Is deanaibh gairdeachas, gach neach
'g am bheil an cridhe ceart.

SALM XXXIII.

- 1 O SIBHSE ta 'n ur fireanaibh,
biodh aiteas oirbh an Dia :
Oir 's cubhaidh do na daoineibh còir,
bhi 'tabhairt cliù do'n Triath.
- 2 Air clàrsaich thugaibh moladh dha ;
is air an t-saltair ghrinn,
Air inneal-ciùil nan teuda deich
seinnibh do Dhia gu binn.
- 3 Is canaibh dhasan òran nuadh :
àrd-sheinnibh fonn gun stad.
- 4 Oir's ceart a reachd : am firinn fòs
ta 'oibre deant' air fad.
- 5 Is ionmhuinn leis-san còir is ceart :
lìon maitheas Dé gach tìr.
- 6 Rinn focal Dé na nèamh', 's an sluagh
rinn guth a bheoil gu léir.
- 7 Mar thòrr a ta e carnadh suas,
uisge na fairge mòir :
A' coimhead fòs na doimhne suas,
gu dìleas an tigh-stòir.
- 8 Nis roimh an Tighearna gu mòr
biodh cagal air gach tìr ;
Is air na dh'aiticheas an saogh',
biodh fiamh roimh 'ainm gu léir.
- 9 Oir labhair Dia, is rinneadh e :
dh'orduich, is chuir air chois :
- 10 Chuir comhairle nan sluagh air cùl :
is innleachd dhaoine' air ais.
- 11 Tha comhairle Iehobhah whòir
gu seasmhach buan am feasd :
Smuaintean a chridhe mar an ceudn'
o linn gu linn gun cheisd.
- 12 'S beannaicht' an einneach sin 'g am
mar Dhia Iehobhah treun : [bheil
'S am pobull fòs a ròghnaich e
mar oighreachd bhuan dha féin.
- 13 Air chloinn nan daoine seallaidh Dia,
o nèamh nan speur a nuas.
- 14 'S léir dha gach neach 's a' chruinne-ché,
o 'ionad-comhnuidh shuas.
- 15 An cridh' air aon dòigh chumadh leis ;
thug e fa' near an gnìomh.

- 16 Cha tèarunn rìgh le meud a shluaigh ;
do'n laoch, neart mor cha dìon.
- 17 An t-each an còmlurag 's dìomhain e,
a dheanamh furtachd leis ;
No dheanamh fuasglaidh ri àm féin,
ge mòr a lùth 's a threis'.
- 18 Feuch, sùilean Dé gu furachar
air a luchd eagail féin,
Is air an dream sinn as a ghràs,
ni muinghinn làidir treun :
- 19 An anam chum a dhìon o'n bhàs,
's o'n ghort an cumail beò.
- 20 Ar n-anam feithidh e air Dia ;
ar neart, 's ar sgiath gach lù.
- 21 Oir annsan ni ar eridh' a stigh
ùr-ghairdeachas gun dìth :
Is cuiridh sinn 'n a ainm ro-naomh
ar muinghinn fòs a chaidh.
- 22 Do thròcair gu robh oirnn gu caomh,
a Tighearna, gach là,
A réir mar chuir sinn annad féin
ar dochas treun a ghnàth.

SALM XXXIV.

- 1 **I**EHOBHAH beannaicheam gu h-àrd,
gach àimsir is gach tràth :
A chliu 's a mholadh ann am bheul
gu h-ìomraiteach a ghnàth.
- 2 Is anns an Tighearna ro-threun
ni m'anam uail is glòir :
Na daoine sèimh' tràth chluinneas sud,
ni gairdeachas gu mòr.
- 3 Ardaichibh leamsa Dia nam feart,
molamaid 'ainm le chéil' :
- 4 Dh'iarr mise Dia, chual' e, is bhuin
mi as gach gàbhadh geur.
- 5 Dh'amhaire iad air, is dhealraich iad ;
gun nàire air an gruaidh.
- 6 Do ghlaodh am bochd, is dh'éisd ris Dia,
Is dh'fhuasgail as gach truaigh.
- 7 Tha aingeal Dé a' campachadh
mu'n dream d'an eagail e,
G'am fuasgladh is g'an teasairginn
o'n trioblaidibh gu léir.
- 8 O blaisibh agus faicibh so,
gur maith, 's gur milis Dia :
Am fear sin 's beannaicht' e gu beachd
a dh' earbas as an Triath.
- 9 Fìor cagal Dé, biodh oirbh, a naomh ;
oir uireasgaidh no dìth
Cha bhì air a luchd cagail-san,
fìor-chràbhadh dha a nì.
- 10 Bidh easbhuidh air na leòmbnaibh òg',
is ocras orr' air leth ;
Ach air an dream a dh'iarras Dia
cha cheilear aon ni maith.
- 11 Thigibh a chlann, is éisdibh rium :
dhuibh nochdam eagail Dé.
- 12 Cò'm fear le'm b'àill bhì fada beò,
chum maith gu faiceadh e ?
- 13 Coimhid do theangadh féin o'n ole,
's o labhairt ceilg' do bheul.

- 14 Seachainn an t-ole, is dean am maith :
iarr sìochaint, 's lean gu geur.
- 15 Tha sùile Dhé air fireanaibh,
's a chluas ri'n glaoth gu fìor.
- 16 Tha gnùis Dhé 'n aghaidh daoì, a chum
an cuimhne sgrios a tìr.
- 17 Do ghlaodh na fireana ri Dia,
is dh'éisd e riu gu grad ;
Thug furtachd agus fuasgladh dhoibh
o'n àmhgharaibh air fad.
- 18 Do'n mhuinntir 'g am bheil eridhe brùit'
is dìth dhoibh Dia gun cheisd :
Ni esan furtachd fòs do'n dream
'g am bheil an spiorad brist'.
- 19 Is lìonmhor trioblaid agus teinn
thig air an fhìrean chòir ;
Ach asd' air fad ni Dia nan gràs
a theasairginn fadheoidh.
- 20 A chnàmhan uile coimhdidh e :
cha-n'eil a h-aon diubh brist'.
- 21 Ach marbhaidh ole an duine daoì
is claidhear e gun cheisd :
Is luchd an fharmaid, a bheir fuat
do dhaoineibh còir is ceart,
Mòr-chiontach fàgar iad 'n an lochd,
di-mhilltear iad gu beachd.
- 22 Anam a sheirbhisach gu léir
saor fhuasglaidh Dia gach àm,
Cha mhilltear idir neach diubh sud
chuireas an dòchas ann.

SALM XXXV.

- 1 **T**AGAIR, a Dhia, ri luchd mo strì ;
cuir cath ri luchd mo chath'.
- 2 Glac féin do thargaid, is do sgiath,
éirich, dean còmhaidh maith.
- 3 Glac fòs do shleagh, 's air luchd mo thòir
am bealach druid gu teann :
Ri m'anam abair féin mar so,
Is mi do chòmhaidh ann.
- 4 Trom-nàir' is maslath gu robh dhoibh
ta 'g iarraidh m'anam bhochd :
Is pilleadh iad le h-amhladh geur,
ta smuaineachadh dhomh lochd.
- 5 Biodh iad mar mhuillneim dol le gaoith :
'n an tòir biodh aingeal Dé :
- 6 Biodh aingeal Dé 'g an ruith gu teann
dorch sleamhuinn biodh an ceum.
- 7 Oir lìontan leag iad air mo shon,
gun aobhar no cion-fàth :
Is slochd gun aobhar chladhaich iad,
chum m'anam chur an sàs.
- 8 Gun fhios da, thigeadh doruinn air,
is glacer e 's an lìon
A dh'fhoilich e : 's an dòruinn cheudn'
tuiteadh e féin gu dian.
- 9 Ni m'anam gairdeachas an Dia ;
's 'n a fhurtachd sòlas mòr.
- 10 Is their mo chnàmhan uile Dhé,
cò choimeas riuts' is còir ?

- Ni teasairginn do'n duine bhoichd
o'n neach ta air ro-threun,
An t-ainnis is am boichd o'n ti
le'm b'àill a chlaoidh gu léir.
- 11 Luchd fianuis bhréige dh'éirich rium,
is chuir iad as mo leth
Na nithe sin gu h-eucorach,
nach b' fhiosrach mi am bith.
- 12 Ole dhìol iad rium an eiric maith,
chum m'anam chur fo leòn.
- 13 Ach mis', air bhi dhoibh sud gu tinn,
ghabh umam culaidh bhròin :
- M'anam le trasgadh dh'ùmhlaich mi,
's phill m'urnuigh ann am chrios.
- 14 Mar charaid, bràth'r, no fear-coidh
gu brònach crom ghluais mis'. [màth'r
- 15 Ach chruinnich iad, is bhà iad ait,
air bhi dhomh ann an teinn :
Gun fhios domh, chruinnich cuidcachd
gun tàmh mo reubadh rinn. [thair,
- 16 Le cealgairibh gu fanoideach,
'r am fèisd rinn spòrsa dhìom,
Do chasadh leo am fiacra rium,
rì magadh orm gu dian.
- 17 Cia fhad is léir dhuit so, a Dhé ?
saor m'anam féin gu cas
O'm milleadhsan : mo sheircein fòs,
tèaruinn o leòmhnaibh bras.
- 18 Làn-bhuidheachas do bheir mi dhuit
am measg an tionail mhòir ;
'S am measg an t-sluaigh tràth 's lion-
àrd-mholan thu le glòir. [mhor iad,
- 19 Mo naimhde ta gun aobhar rium,
na biodh ac' aobhneas dhìom :
Do'n dream a thug dhomh fuath gun
a'm' chaogadh sùl na biom. [chùis
- 20 Oir ann an sìth cha-n'eil an tlachd,
ach ann am beartaibh claoìn,
An aghaidh dhaoine ciùin na tìr',
'g am buaireadh air gach taobh.
- 21 Gu farsuinn dh'fhosgail iad am beul,
is rium, ha, ha, a deir,
Chunnaic a nis ar sùil an ni
bu mhiannach leinn teachd air.
- 22 Ach chunnaic thusa so, a Dhia,
na bi a'd' thosd a'm' fheum :
A Thighearn is a Dhia nam feart,
na fuirich uam an cèin.
- 23 Tog ort, is mosgail chum mo cheirt,
fa m' chùis, mo Dhia, 's mo Rìgh.
- 24 Dhia, dean a réir do cheartais breth,
is dhoibh na b'aobhneas mi.
- 25 'N an cridh' na h-abradh iad riu féin,
ha, ha, 's e sud ar miann :
Is fòs na h-abradh iad a chaidh,
do shluig sinn e gu dian.
- 26 Biodh orra nàir', is tairgear iad
gu h-amhladh mòr le chéil',
A ta gu suilbhir is gu h-ait,
rì faicinn m'àmghair ghéir :

- Is biodh iad air an sgeudachadh
le masladh is le nàir',
Tha 'g iarraidh urrainn mhòir dhoibh féin
a'm' aghaidh-sa gun tàmh.
- 27 Biodh aobhneas orra, 's gairdeachas,
a sheasas dhomh mo chòir :
Is abradh iad, Mòr-chliu gu robh
do Thighearna na glòir',
Tha gabhail tlachd do shonas buan
a sheirbhisich a ghnàth.
- 28 Is air do cheartas thig mo bheul,
is air do chliu gach là.

SALM XXXVI.

- 1 **D**EIR eusaontas an droch-dhuin' so,
'n a chridhe stigh 's 'n a chliabh
Fior-eagal Dé am beachd a shùl
cha-n'eil, is cha robh riamh.
- 2 Oir ni e brionnall baoth ris féin
a réir mar thaitneas ris ;
A chionta gus am foillsichear
mar aobhar fuath d'a sgrios.
- 3 Fior-chluaintearachd is encoir mhòr,
sud cainnt a bheoil gu tric :
Is sguir e fòs o dheanamh maith,
is leig e dheth bli glie.
- 4 Ainnheas 'n a leabaidh tha e dealbhl' ;
's an t-slighe nach 'eil ceart
Shuidhich is shoeruch se e féin ;
cha-n oillteil leis droch bheart.
- 5 Do thròcair tha 's na nèamhaibh shuas,
a Thighearn is a Dhé :
Gu ruig na neoil, is àird nan speur,
làn ruigidh d'fhìrinn réidh.
- 6 Do cheartas mar na sléibhtibh àrd',
do bhrèth mar dhòimheachd mhòir ;
Air duine 's ainmhidh ni thu, Dhé,
deadh-choimhead agus fòir.
- 7 O Dhia ! is prìseil urramach
do chaoimhneas gràdhach caoin ;
Fo sgàil do sgéith ni uime sin,
làn dòchas clann nan daoine'.
- 8 Le sàill do theach is t'arois phailt
sàsuichear iad gu mòr ;
A d'amhainn làn do shòlasaibh
deoch bheir thu dhoibh r'a h-òil.
- 9 Tobar na beatha tha gu dearbh
agadsa, Dhia nan dùl ;
Is ann ad sholus dealrach glan,
chi sinne solus iùil.
- 10 Maireadh do chaoimhneas gràidh, a Dhé,
do'n dream chur còlas ort :
Is buanaich d'fhìreantachd faraoìn
do luchd a' chridhe cheirt.
- 11 Na leig do chois an àrdain bhuirb
a'm' aghaidh teachd, a Dhé :
Is làn an droch dhuin' aingidh fòs
gu bràth na gluaiseadh mi.
- 12 An sin do thuit luchd-deanamh uile ;
is leagadh iad a sìos,

Ag diobhail luith cha-n fheudar leo,
gu'n éirich iad a nìos.

SALM XXXVII.

- 1 **L**ASAN no compar na biodh ort
Is na gabh farmad ris an dream
a bhios a' deanamh lochd.
- 2 Oir amhluidh mar is dual do'n fheur,
glan-sgathar iad gu grad,
Is amhluidh mar na lusa maoth'
crion-seargaidh iad air fad.
- 3 Cuir-sa do dhòchas ann an Dia,
is deanar maithreas leat,
Mar sin sior-mhealaidh tu an tìr,
's beathaichear thu gu beachd.
- 4 Gabh tlachd an Dia, is bheir e dhuibh
làn rùn do chridh' a chaoidh.
- 5 Do shlighe tabhair suas do Dhia ;
earb ris, is bheir gu crìch.
- 6 Foillsichidh e do chòir 's do cheart,
mar sholus glan nan tràth ;
Is amhluidh mar àrd-mheadhon-là
do bhreitheanas a ginnèth.
- 7 Gu sàmhach fan ri Dia nan dùl,
is feith le foighid leis ;
An ti 'n a shlighe 's shoirbhicheas,
na gabhsa farmad ris :
- Fa chùis an fhir a bheir gu buil
a dhroch-bheart innleachdach.
- 8 Leig corruich dhìot, tréig fearg : chum
na bi-sa frionasach. [uile]
- 9 Oir droch-dhaoin is luchd-deanamh uile
glan sgathar as gu léir :
Ach lion 'g am bheil an sùil ri Dia,
buan-mhealaidh iad an tìr.
- 10 Oir feith gu foil ré tamuill bhig,
's an droch dhuin' cha bhi ann :
'S 'n a ionad fòs, na bheir fa'near,
cha bhi e féin no 'chlann.
- 11 Ach mealaidh daoine sèimh am feasd
am fearann is an tìr :
Lan-shòlas bheirair dhoibh faraon,
an saobhireachd na sìth'.
- 12 Tha 'n t-aingidh cumadh lochd do'n
's a' casadh' fhiaca ris [t-saoi,
- 13 Nì Dia air fanoid : oir dha 's léir
gur dlùth air là a sgrios.
- 14 Na h-aingidh tharruing iad an lann ;
is chuir am bogh' air ghleus,
A leagadh ainm-beartach is bhochd,
's a mharbhadh luchd deadh bheus.
- 15 An claidheamh théid 'n an cridhe féin,
théid air am bogha claoidh.
- 16 'S fearr beagan aig an duine chòir,
na saobhreas mòr nan daoì.
- 17 Oir gairdeana luchd aingidheachd
min-bhrisear air an cruas ;
Ach daoine còir is fireanach
nì Dia an cumail suas.

- 18 Air aimsiribh nam fireanach
is fìosrach Dia gun cheisd :
An oighreachd is an seilbh faraon,
dhoibh 's maireannach am feasd.
- 19 Cha chuirear iad gu rudhadh gruaidh,
's an aimsir ghàbhaidh olc :
Oir gheibh iad uil' an sàth gu leòr
An làithibh gainne 's gort'.
- 20 Ach sgriosar droch dhaoin' naimhde
bidh iad mar shaill nan uan : [Dhé,
Làn-mhillear iad, is théid dhoibh as,
mar dheataich nach 'eil buan.
- 21 An iasachd gabhaidh daoine daoì,
's cha diol a ris air ais ;
Am firean tha e tròcaireach,
is nìhear pailteas leis.
- 22 Oir meud 's a fhuair a bheannachdsan,
sior-mhealaidh iad an tìr :
'S an dream a gheibh a mhallachdsan,
lom-sgriosar iad gu léir.
- 23 Tha Dia a' stiùireadh cheumannas
an duine naomha chòir :
Is tha e gabhail tlachd is toil'
d'a shlighe-san gu mòr.
- 24 Nan tarladh dha gu'n tuiteadh e,
cha tilgear tur e sìos :
Oir tha an Tighearna le 'làimh
'g a chumail suas a ris.
- 25 Bha mise òg, 's a nìs an aois :
is riamh cha-n fhaca mi
'N a dhiobrachan an duine còir,
No 'shliochd ag iarraidh bìdh.
- 26 Sior-thruacant' e, is coingheallach :
beannaicht' a shliochd a ta.
- 27 Seachaim an t-olc, is dean am maith,
is còmhnuidh gabh gu bràth.
- 28 Is toigh le Dia ceart bhreitheanas,
a naoimh cha tréig e chaoidh ;
Sior-choimhdear iad : ach sgathar sìos.
droch shliochd nan daoine daoì.
- 29 Mealaidh na fireana an tìr ;
buan-chòmhnuidh nì iad innt'.
- 30 Thig beul an t-saoi air gliocas glan,
a theang' air rogha cainnt.
- 31 Tha lagh a Dhé 'n a chridh' a stigh :
cha sleamhnuich uaith a cheum.
- 32 Tha'n droch dhuin' feitheamh air an
g'a mharbhadh is g'a theum. [t-saoi,
- 33 Cha-n fhàg an Tighearn e 'n a làimh,
a dheanamh air droch-bheirt ;
Cha-n fhàgar ris e ann am biun,
tràth chuirear e fo cheirt.
- 34 Feith thus' air Dia, 's 'n a shlighe' gluais
is àrduichear leis thu,
An tìr gu meal thu ; is droch dhaoin'
'g am milleadh chi do shùil.
- 35 An duine malluicht' chunnaic mi
an neart, 's an inbhe mhòir,
'G a sgaoilcadh féin a mach mar chraoibh,
a' fas gu dosrach ùr ;

- 36 Ach chaidh e seach, is feuch cha robh ;
dh'iarr, is cha d'fhuaras e.
- 37 Anhaire is feuch gur sìth is crìoch
do'n duine dhìreach réidh.
- 38 Ach sgriosar luchd an eusaontais,
is thèid dhoibh as faraon :
Di-mhilltear agus sgathar sìos
crìoch dheireannach dhroch dhaoin'.
- 39 Ach furtachd fhior nam firean fòs,
thig sin o Dhia nan dùl :
Is anns an aimsir thrioblaidh,
's e 's barrant air an cùl.
- 40 Thig treis is furtachd thue' o Dhia,
le fuasgladh an deadh àm ;
Saorar iad leis o dhaoineibh olc,
oir chuir iad muinghinn ann.

SALM XXXVIII.

- 1 **A** THIGHEARN, ann ad chorruich
Na dean mo smachdachadh gu geur,
an uair a lasas d'fhearg.
- 2 Oir tha do shaighde guineach geur
sàith' annam féin gu teann :
Is orm a ta do làmh gu trom,
'g am chumail sìos gach àm.
- 3 Cha-n 'eil maoin fhallaineachd a'm' fheòil,
air son do chorruich ghéir ;
A'm' chnàmhaibh cha-n 'eil tàmh no fois,
air son mo pheacaidh féin.
- 4 Oir chaidh mo pheacaidh os mo cheamh ;
taid orm 'n an eire thruim.
- 5 Mo clireuchda ta ro-lobhta, 's breun ;
mo ghòruich 's coireach rium.
- 6 Tha mi gu cràiteach, euslan, crom,
a' triall gach là le bròn.
- 7 Mo leasraidh làn do ghalar breun' :
gun fhallaineachd a'm' fheòil.
- 8 Taim lag is brùit' : a' bùireadh fòs
trid an-shocair mo chridh'.
- 9 A'd' làth'r, a Dhé, tha m'ùile mhiann :
cha-n fholuicht' ort mo chaoidh.
- 10 Mo chridhe ta sior-phloscartaich,
mo neart chaidh uam gu glan ;
An taic ri fradhare geur mo shùl,
sin agam fòs cha d'fhan.
- 11 Tha luchd mo ghaoil 's mo chairde
a' seasamh fad o 'm bheum, [caomh
Mo choimhearsnaich is luchd mo phàirt,
a' teicheadh uam an céin.
- 12 Sealg orm a ta luchd iarraidh m'ann' :
luchd iarraidh m'ùile a ghnàth,
A' labhairt nithe aimheasach,
's a' smuaineach' ceilg' gach là.
- 13 Ach mise fòs mar bhodhar mi,
nach cluinneadh guth no sgeul :
Is cosmhuil mi ri duine balbl,
gun chomas fosglaidh béil.
- 14 Mar sin mar dhuine mi nach cluinn,
gun achmhasan 'n a bheul.

- 15 Oir dh' earb mi riut, a Dhé, mo Thriath :
Dhia, freagraidh tus' a'm' fheum.
- 16 Thubhairt mi, chum nach maoidheadh
thoir freagradh dhomh gu cas ; [iad,
Is chum nach dean iad gairdeachas
'n tràth shleamhnuicheas mo chas.
- 17 Oir 's dlùth chum claoineadh mi, 's mo
a'm' fhianuis tha do ghnàth. [bhron
- 18 Mo lochd do innseam, is fo m' chiont',
mòr aimheal ormsa ta.
- 19 Ach mheud 's a ta'n nan naimhde dhomh,
's ro bheothail iad 's is treun ;
Is luchd mo mhi-rùn eucorach,
taid lionmhor mar an ceudn'.
- 20 'S iad sin a's naimhde dhomh gu fìor,
luchd-dioldaidh maith le h-olc ;
Air son gu bheil mi leantuinn air
an nì tha maith gun lochd.
- 21 Na treig mi, Thighearna : mo Dhia,
na bi-sa uam an céin.
- 22 Dhia, greas a chum mo chuideachaidh,
oir 's tu mo shlàinte féin.

SALM XXXIX.

- 1 **T**HUBHAIRT mi, bheir mi féin fa' near
mo shlighe ; 's nì mi fòs
Mo theangadh choimhead mar le scrìn,
air bhith do'n daoi a'm' chòir.
- 2 Dh'fhan nì gu tosdach balbh a'm' thànhi,
o'n nì sin féin bu mhaith ;
Mhosgail mo thrioblaid is mo bhròn
annam gu mòr a stigh.
- 3 Air bhith dhomh smuaineachadh mar so
do ghabh mo chridhe teas :
Is las an teine : is mar so
le m'theangaidh labhair mis' ;
- 4 Thoir fios, a Dhé, dhomh air mo chrich,
tomhas mo là cìod e :
Gu faighinn eòlas agus fios
cia h-annhlunn gearr mo ré.
- 5 Feuch rinn thu mar leud bois' mo làith',
mar neo-nì agad m'aois :
Gach neach d'a fheabhas, e gu fìor,
's nì dìomhanach gun phrìs.
- 6 An samhladh bréig' a' sìubhal fòs
gach duine ta gu dearbh :
Gun suaimhnas fòs 'g am buaireadh féin,
an dìomhanas gun tairbh' :
- A' torradh nithe, 's cur ri chéil'
mòr bheartais air gach dòigh,
Gun fhios co'n t-oigire chruinnicheas,
no mhealas iad fadheòidh.
- 7 Cìod nis ri'm feitheam féin, a Dhé ?
mo dhòchas dhìot do nì'm'.
- 8 Saor mi o m'ùile lochd ; 's na dean
ball-masladh an-daoin' dhìom.
- 9 Dh'fhan mi a'm' theod, gun fhosgladh béil,
oir leatsa rinneadh e.
- 10 Tog dhìom do bhuille, Dhé : le beum
do làimhe chlaoidheadh mi.
- 11 Tràth chruinichear leatneach m' a lochd,
mar chnuimh thèid as d'a shuad' :

Gu deimhin féin 's fíor-dhíomhanas
gach duin' air bith do'n t-sluagh.

- 12 Dhia éisd ri m'urnuigh, is ri m' ghlaodh ;
ri m' dheòir a'd' thosd na bi ;
Oir coigreach agad, is fear-cuairt,
mar m'aithrichibh tha mi.
- 13 Dhia, coigil agus caomhain mi,
gu faighinn neart ri m' bheò
Mu'n siubhail mi, a' dol do'n eug,
's nach bi mi ann nì's mò.

SALM XL.

- 1 **D**H'FHEITH m'le foighid mhaith ri Dia,
chrom thugam, dh'éisd mo ghuth :
2 Is thug se á slochd uamhuinn mi,
á clábar criadha tiugh :
Air carraig chòn, hnaird chuir mo chos ;
mo cheuman shocrúich e.
- 3 Is òran nuadh chuir e a'm' bheul,
gu b'e sud moladh Dhé :
Chì mòran e, 's fo eagal b'í'd,
is earbaidh iad á Dia.
- 4 'S beannaicht' an duine sin gu dearbh
ní dòchas as an Triath,
Is nach gabh tlachd na toil air bith
do luchd an àrdain mhòir,
No fòs do'n dream a théid a thaobh
gu ceilg, le saobhadh glòir'.
- 5 Is lìonmhor d'òibre iongantach,
a Thighearn is a Dhé,
'S do smuaintean oirnn : cha-n àirnehear
an ordugh dhuit gu réidh : [iad
Na'n cuirinn iad an céill gu mìn,
no fòs na 'n innsinn iad,
An àireamh rachadh thar mo neart,
aig lìonmhoireachd is meud.
- 6 Ofrail no òbairt leat cha mhiann,
dh'fhosgail thu féin mo chluas :
Lochd-òbairt agus òbairt-loisgt'
cha d'iarr thu dhuit chur suas.
- 7 An sin do labhair mise, feuch,
a nis a ta mi 'teachd :
An ròl' an leabhair ormsa fòs
sud sgrìobhta tha gu beachd.
- 8 'S e sud mo thlachd 's mo mhiann, a Dhé,
do thoil gu deantadh leam :
Do reachd gu dearbh a ta gu buan
a'm' chridhe stigh, 's a'm' chom.
- 9 Air t'fhìreantachd 's a' choimneimh mhòir,
a Dhé, rinn mise sgeul :
Oir feuch, a Dhé, mar 's aithne dhuit,
nìor chaisg mi féin mo bheul.
- 10 A'm' chridhe d'fhìreantachd nìor cheil ;
ach d'fhùirinn chuir mi'n céill ;
Do shlàint', 's do chaoimhneas gràdhach
o'n t-sluagh nìor eicil mi féin. [caomh
- 11 Do thròcair chaomh na cumsa uam,
a Thighearna gu bràth ;
Do chaoimhneas gràdhach, d'fhùirinn fòs
gleidheadh iad mi a glimàth.

- 12 Oir is do-àireamh iad na h-uile
ta 'g iadhadh orm mu'n cuairt :
Do ghilac mo pheacaidh mi co teann
's nach feud mi sealltuinn suas :
O's lìonmhoir' iad na folt mo chinn,
is thréig mo chridhe mi.
- 13 Dhia, gu ma toil leat furtachd orm,
grad-chuidich leam, a Dhé.
- 14 Biodh nàir' is amhladh dhoibh faraon
do m'anam dh'iarras claoidh :
Ruairg orr' air ais, is rudhadh gruaidh',
le 'm b'àill mo chur gu dìth.
- 15 Gun àird, gun àiteach' gu robh iad,
mar thuarasdal d'an nàir',
A thubhairt rium gu fanoideach,
aha, aha, le gair.
- 16 Aoibhneas is aidhear do gach neach,
'g a d'iarraidh féin a ta :
Is abradh iad le'n toigh do shlàint'
Dia gu ma mòr a ghnàth.
- 17 Ach mis' ged tha mi ainnis bochd,
smuainichidh orm an Triath :
M'fhear cabhair thu 's mo Shlànuighear ;
moille na dean, a Dhia.

SALM XLI.

- 1 **S** BEANNAICHT' am fear a bheir gu
f'fear an duine bochd : [glic
An uair a thrioblaid is a theinn,
bheir Dia e saor o'n olc.
- 2 Nì Dia a dhìon, 's a chumail beò,
is beannaicht' e 's an tìr :
Gu toil a naimhde mi-ranach
na tabhair e gu sìor.
- 3 Air leabadh 'thinneis iarganaich
bheir Dia dha neart is treòir :
A leabadh nì thu dha air fad
ri h-àm a thinneis mhòir.
- 4 Thubhairt mi, deansa tròcair orm,
a Thighearn is a Dhé ;
Is leighis m'anam euslan bochd,
oir t-aghaidh pheacaich mi.
- 5 Tha'n dream sin a's fìor-naimhde dhomh
a' labhairt orm le beum :
O c'uin a sgrìosar 'ainm-san as,
's a théid e sìos do'n eug ?
- 6 Ma thig c m'amharc, labhraidh e
cainnt dhìomhanach le 'bheul :
Ta 'chridh' a' torradh nìmh a stigh,
's a muigh a' deanamh sgéil.
- 7 Sìor-chogarsaich an cluais a chéil',
luchd m' fhuath' a ta air fad :
A' smuaineachadh 's a' cumadh lochd
a'm' aghaidh féin gum stad.
- 8 Droch thinncas (deir iad) tha gu dlùth
a' leantuinn ris r' a bheò ;
Air blith dha nis 'na luidh' gu tinn,
cha-n éirich e nì's mò.
- 9 Am fear bu eharaid dílcas domh,
rì'n carbainn gach nì b'àill,

- 'S a dh'ith do m'aran air mo bhòrd,
a'm' aghaidh thog e 'shàil.
- 10 Ach thusa, Dhé, dean trècair orm,
is tog mi ris an àird,
A chum gu tugainn luigheachd dhoibh,
is comain cheart gun dàil.
- 11 Tre so is fiosrach mi gu beachd
gur ionmhuinn leatsa mi.
Air son nach d'thug mo naimhde buaidh
's nach d'rinneadh leo mo chlàidh.
- 12 Ach mise, ann am ionracas,
's tu sheasas mi a ghnàth :
Am fianuis fòs do ghnùise, Dhé,
ga m' shoeruchadh gu bràth.
- 13 Iehobhah Dia chloimn Isracil,
beannaicht' gu robh e féin,
O aois gu h-aois suthain sior,
Amen, agus Amen.

SALM XLII.

- 1 **M**AR thogras fiadh na sruthan uisge
le bùireadh àrd gu geur,
Mar sin tha m'anam ploscartaich,
ag éigheach riutsa, Dhé.
- 2 Tha tart air m'anam 'n geall air Dia,
'n geall air an Dia ta beò :
O eùin a thig 's a nochdar mi
am fianuis Dhia na glòir'?
- 3 Gach là is oidheh' is iad mo dhèidh
a's cuibhrionn dhomh 's a's biadh :
An uair a deir iad rium a ghnàth,
c'àit bheil a nis do Dhia ?
- 4 Tha m'anam air a dhòrtadh mach,
a' cuimhneachadh gach ni ;
Oir chaidh mi leis a' chuideachd mhòir,
'dol leo gu teampull Dé ;
- Seadh chaidh mi leo le gairdeachas,
is moladh fòs le chéil',
Seadh leis a' chuideachd sin a bha
a' coimhead làithe féil'.
- 5 O m'anam ! eùim' a leagadh thu
le diobhail misnich sios ?
Is eùim' am bheil thu'n taobh stigh dhìom
fo thrioblaid is fo sgìos ?
- Cuir dòchas daingean ann an Dia,
oir fathast molam e,
Air son na furtachd is na slàint'
thig dhomh o' eudan réidh.
- 6 Thuit m'anam annam sìos, a Dhé,
ghrad-chuimhnich mi 'n sin ort ;
O thalamh Iordain, Hermoin àird,
o Mhitsar fòs nan enoc.
- 7 Le fuaim do shruthan uisge féin,
ta doimhn' air dhoimhne gairm :
Do stuaidhean, is do thonnann àrd'
dol tharum tha le toirm.
- 8 Orduichidh Dia d'a ghràsaibh dhomh,
a chaoimhnecas anns an lò :
'S an oidheche ni mi guidhe 's ceòl
ri Dia a chum mi beò.

- 9 Mo charraig, eùim' a thréig thu mi ?
ri Dia a deir mi féin :
Is eùim' am bheil mi triall fo bhròn,
bhàrrigh fòirneirt m' eascair thréin ?
- 10 Mar lann a'm' chuànhaibh, m' eascairde
toirt toibheim dhomh a ta :
Tràth their iad rium gu fanoideach,
c'àit bheil do Dhia ? gach là.
- 11 O m'anam, eùim' a leagadh thu,
le diobhail misnich sìos ?
'S eùim' am bheil thu'n taobh stigh
fo aimheal is fo sgìos ? [dhìom
Cuir dòchas daingean ann an Dia :
oir molam e a ghnàth,
C' s e a's slàinte do mo ghnùis,
is e mo Dhia gu bràth.

SALM XLIII.

- C**UM cothrom rium, is tagair féin
mo chùis, o'n fhineach òle,
O'n eucorach, 's o fhear na ceilg',
Dhé, saorsa mi o'n lochd.
- 2 C'ar son a thilg thu mise uait ?
's gur tu mo Dhia 's mo threidh ;
C'ar son bhàrrigh fòirneirt m' eascairde,
an siubhlam féin fo bhròn ?
- 3 Dhia, d'fhèirinn is do sholus glan
leig thugam iad a mach :
Ga m' sheòladh chum do thulaich naoimh,
's mo thabhairt chum do theach.
- 4 'N sin racham dh'ionnsuidh altair Dhé,
an Dé sin m' aoibhneis mhòir :
Air clàrsaich bhinn do mholam thu
O Dhia, mo Dhia na glòir'.
- 5 O m'anam, eùim' a leagadh thu,
le diobhail misnich sìos ?
Is eùim' am bheil thu'n taobh stigh dhìom
fo aimheal is fo sgìos ?
Cuir dòchas daingean ann an Dia ;
oir molam e a ghnàth,
O 's e a's slàinte do mo ghnùis,
is e mo Dhia gu bràth.

SALM XLIV.

- 1 **L**ER cluasaibh chuala sinn, a Dhé,
ar sinnsir chuir an céill
Na gnìomhara a rinneadh leat,
'n an aimsir, fad o chéin.
- 2 Le d' àimh mar thig thu mach na slòigh,
is iadsan chuir 'n an àit :
Mar rinn thu air na cinnich claoidh,
ach dhoibhsan thug an sàth.
- 3 Oir seallb' 's an tìr cha d'fhuairleadh leo
le'n claidheamh no le'n loinn'
Ni mò a rinn an gairdean féin
an teasairginn 'n an teinn : [bhuaidh,
Ach do làmh dheas thug dhoibh a'
do ghairdean neartnhoir treun,
Is solus glan do ghnùis', a chionn
gu'n d' thug thu dhoibhsan spéis.
- 4 Oir s' tusa féin, a Dhia nam fear,
mo Thighearn is mo Rìgh :

- Furtachd do Jacob orduich uait,
is fuasgail air gun dìth.
- 5 'S ann tre do neartsa leagar sìos
na h-uile 's naimhde dhuinn :
Tre d'ainm-sa saltraidh sinn gu làr
an dream a dh'èireas ruinn.
- 6 Oir as mo bhoghl' cha dean mi bun,
cha-n fhurtachd dhomh mo lann.
- 7 Ach 's tusa nàirich luchd ar fuath',
o'r naimhdeibh shaor thu sinn.
- 8 Air feadh an là 's ann an Dia,
a ni sinn uail is glòir :
Is d'ainm-sa fòs air feadh gach linn,
àrd-mholaidh sinn gu mòr.
- 9 Ach rinn thu nis ar tilgeadh dhìot,
is nàirich thusa sinn :
'S a mach le'r n-armailtibh 's le'r feachd
cha-n 'eil thu féin dol leinn.
- 10 Gu teicheadh chuir thu sinn air ais,
o'n nàmhaid gheur 's a' chath :
Is luchd ar mi-ruin tha dhoibh féin
a' deanamh creich' is sgath'.
- 11 Mar chaoraich thug thu sinn 'n ar biadh ;
measg chinneach sgaoidladh sinn.
- 12 Reic thu do phobull féin gun fhiach,
's gun mhead air maoin d'an cinn.
- 13 Do rinn thu toibheum dhinn gu trnagh
d'ar coimhearsnaich gu léir ;
Ball-fanoid do na bheil mu'n cuairt,
's ball-magaidh mar an ceudn'.
- 14 Am measg nan Geintileach air fad,
gnàth-fhocal rinn thu dhinn ;
'S am measg a' phobuill anns gach àit
'n ar n-aobhar crathaidh cinn.
- 15 Tha m' amhluidh is mo mhasladh geur
a'm' fhianuis féin a ghnàth,
Rinn uair' is rudhadh fòs mo ghruaidh'
m'fholach gu trnagh gach là.
- 16 'S e sin mo chor thaobh guth an fhir
a chàineas mi gu h-olc,
'S a spreigeas mi ; 's a thaobh an nùmh,
's an dioghaltaich gu lochd.
- 17 Sud uile ge do thàinig oirnn,
nìor dhearmaid sinne thu ;
Cha d'rinn sinn breug no briseadh claon
'n aghaidh do chùmhnaint dhlùth.
- 18 Cha d' aom ar n-aighe uaitse riamh,
ar cridh' cha deach air cùl :
O d' shlighe cha do chlaon ar cos
's cha deach air seachran iùil.
- 19 An ionad dhràgon ge do phroun
thu sinne sìos gu làr,
Is ge do dh'fholuich thusa sinn
le sgàil is dubhar bàis.
- 20 Ma 's e gu'n leig sinn as ar cuimhn'
ainm uasal àrd ar Dia,
No gu dia eile coimheach bréig'
ar làmh ma shìn sinn riamh :
- 21 Nach ramnuich Dia so féin a mach ?
oir aige ta làn-fhios

- Air dìomhaireachd a' chridhe stigh,
gach car a t'ann is cleas.
- 22 Oir, air do shonsa mharbhadh sinn,
air feadh an là gu léir,
'S mar chaoraich tha sinn air ar meas,
a chasgaireadh gu geur.
- 23 Mosgail ; c'ar son a chcidleas tu ?
Dhia, fairich as do shuain ;
Gu bràth na tilg-sa sinn a mach,
na triall-sa fada uainn.
- 24 Cìod uim' am foluich thu do ghnùis ?
cìod uim' an dearmaid thu
Ar n-àmhghar, is ar n-éigin mhòr
tha 'g iadhadh oirnn gu dlùth ?
- 25 Oir chrom ar n-anam sìos do 'n ùir,
ar brè ri talamh theann.
- 26 A'd' thròcair éirich, cuidich leinn,
is furtaich oirnn 's an àm.

SALM XLV.

- 1 **D**EADH aobhar òrain naomh is ciùil
a' deachdadh ta mo chridh' :
Is labhran air na nithibh sin
a rinn mi féin do'n Rìgh :
Mar pheann an làmh fir-sgrìobhaidh
a chuireas sìos gu luath, [dheis
Is amhluidh sin, mo theangadh ta
air t-urram àrd a' luaidh.
- 2 Is maisich' thu na clann nan daoim' ;
gràs dhòirteadh ann ad bheul :
Is air an aobhar sin rinn Dia
do bheannachadh gach ial.
- 3 Deasuich do chlaidheamh air do léis,
O thus' a ghaisgich mhòir :
Le d' chumhachd is le d'mhòralachd,
le greadhnachas is glòir.
- 4 Blurigh firinn, snairceas, agus ceirt,
marcaich gu bnaidhach àrd,
Is nithe uamhor teagaisgidh
do dheas làmh dhuith 's gach àit.
- 5 Rachadh do shaighde geur' gu cridh'
gach eascaraid an Rìgh :
Tre sin am pobull tuitidh fo'd',
is nithear leat an claoidlh.
- 6 Gu suthain is gu sìorruidh ta
do chaitheir àrd, a Dhé :
Slat-shuaicheantais do rìoghachd sa
is slat ro chothrom i.
- 7 O 's ionmhuinn leatsa còir is ceart,
is thug thu fnath do'n olc ;
Os ceann do chompanach chuir Dia,
do Dhia-s' ol' aoibhneis ort.
- 8 Do'n alos, mhirr, is chasia,
o d'eudach faile théid :
Leo sud do chuir iad aoibhneas ort,
o d' lùchairt geal mar dheud.
- 9 Am measg do mhnathan urramach
ta nigheana nan rìgh :
'S an òr na h-Ophir, air do dheis,
do bhan-rìgh seasaidh i.

- 10 A nighcan, éisd is amhaire fòs,
is croma sìos do chluas ;
Tigh t'athar, is do mhuinntir féin
na cuimhnich á so suas.
- 11 Gabhaidh mar sin an Rìgh làn-toil
do d'àille thlachdmhor féin :
Oir 's e do Thighcarn is do Thriath,
thoir urram dha is géill.
- 12 Thig nighcan Thiruis thugad fòs,
le tiodhlacaibh gu tric ;
'S na daoine saoi bhir tha 'n am measg
ag asluich' gràis is iochd.
- 13 Nighean an Rìgh gu dearbha a stigh,
tha uile làn do ghòir :
Tha 'culaidh eudaich uimpe fòs,
air oibreachadh le h-òr.
- 14 Am brat do obair ghréis le snàth'd,
bheirear i gus an rìgh :
Thig thugad luchd a coimheadachd,
's a maighdeana 'n a déigh.
- 15 Théid iad gu cuirt an Rìgh a steach,
ait, aoibhneach bheirear iad.
- 16 Air son do shìnnisir bidh do chlànn,
mar phrionnsaibh anns gach àit.
- 17 D'ainm glòrmhor do gach linn a thig,
air chuimhne cuiridh mi :
Is bheir mar sin am pobull duit
àrd-nìholadh feadh gach ré.

SALM XLVI.

- 1 'S EDia a's tearmunn duinn gu beachd,
's ar spionnadh e 's ar treis :
An aimsir carraid agus teinn,
ar cabhair e ro-dheas.
- 2 Mar sin ged ghluais't an talamh trom,
cha-n aobhar eagal duinn :
Ged thilgeadh fòs na sléibhte mòr
am builsgéin fairg' is tuinn.
- 3 Na h-uisgeacha le beucaich bhuirb,
ged rachadh thar a chéil' :
Le'n ataireachd ged bhiodh air chrith
na beanntan àrd' gu léir.
- 4 Ta amhainn ann, le 'sruthaibh sèimh,
ni caithir Dhé ro-ait ;
Fìor-àite naomh an tìfa's àird',
am bheil sìor-chòmhnuidh aig.
- 5 Tha Dia 'n a meadhon innte stigh ;
mar sin cha ghluaisear i ;
Oir cuideachadh is còmhnaidh leath'
's e Dia gu moch a nì.
- 6 Do ghabh na cinnich boil', is ghluais
na riochachda gu cas :
Air cur do Dhia a gluth a mach,
do leagh an talamh as.
- 7 Tha Dia nan sluagh leinn féin a ghnàth ;
Dia Iacoib 's tearmunn duinn.
- 8 Thigibh, is faicibh oibre Dé,
gach sgrios air talamh rinn.
- 9 Gu h-ìomall fòs an domhain mhòir
an cogadh nì e chosg :
Am bogha bhris, an t-sleagh do ghearr
an carbad-cogaidh loisg.

- 10 Bibh sàmhach, 's tuigibh gur mi Dia :
àrduichear mi gu sìor
Am measg nan sluagh, biodh urram
air feadh gach uile thìr. [dhomh]
- 11 Tha Dia nan sluagh ri còmhnaidh leinn,
's an còmhnuidh air ar crann :
Is e Dia Iacoib 's tearmunn duinn,
d'ar furtachd anns gach àm.

SALM XLVII.

- 1 BUAILIBH 'ur basan, uile shlòigh,
le ta chòmhnuidh anns gach àit ;
Le guil 's le gairdeachas do Dhia,
suas togaibh iolach àrd :
- 2 Oir Dia ro-àrd is uamhunn e ;
Rìgh mòr os ceann gach tìr'.
- 3 Am pobull cuiridh e fo'r smachd,
fo'r cois na slòigh gu léir.
- 4 Mòrachd Iacoib d'an d'thug e gràdh,
mar oighreachd dhuinne thagh :
- 5 Chaidh Dia le caithrean àrd a suas,
le trompaid 's fuaimneach bladh.
- 6 Seinnibh do Dhia, seinn moladh : seinn
d'ar Rìgh, seinn moladh binn :
- 7 Oir's Rìgh Dia mòr os ceann gach tìr',
seinn da gu h-còlach grinn.
- 8 Tha Dia 'n a shuidh' 'n a chaithir naomh
's e 's Rìgh air cinnich ann.
- 9 Prionnsa nan sluagh do chruinnich iad,
pobull Dhé Abraham ;
Air son gur le Iehobhah mhàin
sgiaith dhèin do gach tìr :
'S e féin a's àird' 's a's urramaich,
's dha dlìghear moladh sìor.

SALM XLVIII.

- 1 IS mòr Iehobhah, Dia nam feart,
'an cathair àird ar Dia ;
Is air sliabh àrd a naomhachd féin,
ion-mholta chaidh an Triath.
- 2 Beinn Shìoin 's breagh' a suidheachadh,
aoibhneas gach fearainn i ;
Is dlùth dhi air an taobh mu thuath,
tha caithir an Àrd-Rìgh.
- 3 Aithnìchear Dia 'n a lùchairtibh,
mar thearmunn anns gach airc.
- 4 Oir feuch, tràth bha na rìghre cruinn,
le chéile ghabh iad thart'.
- 5 Chunnaic iad sud, is b'iongnadh leo,
le cabhaig dheifrìch as.
- 6 Ghlac cagal iad an sin, is pian,
mar mhnai ri saoth'r gu cas.
- 7 Cabhlach Tharsuis le gaoith an ear,
mìn-bhrisear leat gu luath.
- 8 Mar chual, is amhluidh chunnaic sinn,
am baile Rìgh nan sluagh,
Am bail' ar Dé ; 's e Dia gu bràth
nì daingean e le neart. [caomh,
- 9 A'd' theampull, air do chaoimhneas
Dhia, smuainich sinn gu ceart.
- 10 Mar d'ainm, is amhluidh sin do chliu,
gu crìch na talmhainn ta :

SALM XLIX, L.

- Do dheas làmh làn de fhìreantachd,
Dhia, anns gach beart a ghnàth.
- 11 Beinn Shìoin gu ma h-aobhinn i,
is Nighean Iudah ait,
Air son do bhreitheanas, a Dhé,
ta cothromach is ceart.
- 12 Siùbhlaibh mu thimchioll Shìoin naoimh,
is cuairt'chibh i maraon :
Airmhibh a baideala gu dlùth,
's a turaite gach aon.
- 13 Thugaibh fa'near a bàbhuin bhreagh',
s a caisteil àrd le beachd :
Chum sin gu cuireadh sibh an céill
do'n àl a ta ri teachd.
- 14 Oir 's e an Dia so féin ar Dia
gu sìorruidh is gu bràth :
'S e fòs a stiùras sinn gu ceart
gu h-uair is àm ar bàis.

SALM XLIX.

- 1 **E**ISDIBHSE so gach uile shluagh
na bheil 's a' chruinne-ché :
2 Is cluinnibh eadar mhòr is bheag,
ma's bochd no beartach e.
3 Air tuisge smuainichidh mo chridh',
air ghlocas thig mo bheul.
4 Aomaidh mo chluas gu samhlaichibh :
nochdam cainnt dhorch air teud.
5 Droch làithean c'uim' am b'eagal leam
gu'n cuirinn iad an suim,
Mòr aingidheachd is lochd mo shal
tràth dh'iadh iad orm gu cruinn ?
6 Na daoine sin 'n an saoihbheas mòr
'ta deanamh dòigh is treis',
Is ann an lìonmhoireachd an stòir
a ta ro-bhòsdail leis.
7 A bhràth'r cha-n fhuasgail neach dhiubh
á gabhadh no á péin, [sud
A thabhairt éiric as do Dhia,
ni fheudar leis 'n a fhenm :
8 (Oir saors' an anama 's prìseil e,
sguiridh e 'm feasd gu beachd :)
9 Gu maireadh e gu sìorruidh beò,
's nach faiccadh truallidheachd.
10 Oir chi e fòs an d'oine glic,
's an dream air dhiobhail céill ;
'S na h-ùmaidh, fagail toic do chàch,
is faghail bàis iad féin.
11 'S e 'n smuaineachadh gu mair an tigh,
's an còmhnuidh feadh gach ré,
A' tabhairt air am fearann ainm,
a réir an ainme féin.
12 Gidheadh, an duin' an urram mòr
cha mhair e ann gu buan :
Ach amhluidh mar an t-ainmhidh truagh
chum bàis a shiùbhlhas uainn.
13 An slighe sud ge gòrach i,
taitnidh an cainnt r'an sìlochd.
14 Mar chaoraich dol san uaigh tha iad,
'n am biadh do'n bhàs gun iochd :

- Na fireanaich gheibh os an ceann
làn-uachdranachd gu moen,
'S 'n an ionad còmhnuidh anns an uaigh,
seargaidh an àill' 's an dreach.
- 15 Bheir Dia do m'anam fuasgladh saor
o chumbachd bàis is uaigh',
Oir gabhaidh e mi thuige féin,
ga m' theasairginn le buaidh.
- 16 An uair a nìthear saoihbhir neach,
na glacadh faitcheas thu ;
'S an t-àm a chinneas glòir a theach,
na cuireadh sud ort tùn.
- 17 Oir 'n uair a shiùbhlhas e do'n eug,
aon ni cha toir e leis :
'S an uair a thèid e sìos do'n uaigh,
a ghloir cha lean i ris.
- 18 Seadh 'anam ge do bheannaich e
am feadh a bha e beò ;
'S thusa, ma ni thu maith dhuit féin,
o dhaoineibh gheibh thu glòir.
- 19 Gu h-àl a shinnsear siùbhlaidh e,
solus cha-n fhaic gu bràth.
- 20 An duin' an urram, 's e gun chéill,
mar ainmhidh gheibh e bàs.

SALM L.

- 1 **L**ABHAIR an Dia Iehobhah treun
an talamh ghairm gu léir,
O'n àird an ear gu h-àird an iar,
o éirigh gu luidh gréin',
2 A Sìon àrd, a's foirfe mais',
do dhealruich Dia nam feart.
3 Oir thig ar Dia 's cha bhi 'n a thosd
ach labhraidh e le neart :
Thèid teine millteach roimh a ghnùis,
a' lasadh suas gu garg :
'S m'a thimchiollsan gu doimionnach,
bidh e 'n a chaoiribh dearg'.
4 Air talamh, is air nèamh nan neul,
àrd-ghairmidh e gu treun,
Gu'n tugadh e ceart bhreitheanas
air 'uile phobull féin.
5 A m'ionnsuidh cruinnichibh mo naoimh,
is tionalaibh an dream
A rinn gu dìlcas is gu dlùth,
le h-iobairt, cùmhnant leam.
6 A cheartas-san ni nèamh nan neul
a chur an céill 'n a àm :
Oir 's e Iehobhah féin gu beachd
a's aon àrd-bhreitheamh ann.
7 Mo phobull Isra'el éisdibh rium,
is labhraidh mi gu ceart ;
A'd' aghaidh togam fianuis fhior,
's mi Dia, do Dhia gu beachd.
8 Mu d'ofrailibh cha-n agram thu,
no fòs mu t'ìobairt-loisgt',
Oir 'm fhianuis thug thu iad a ghnàth,
is fhuaras iad gun fhois.
9 Oir as do thigh cha ghabhainn uait
mar iobairt biorach bò ;

- 'S cha ghabhainn gabhar fhìrionn fòs
mar ofrail as do chrò.
- 10 Gach ainmhidh bò a ta 'an coill
is leamsa sin gu léir,
'S na h-uile sprèidh air mhìle cnoc,
ta 'g ionaltradh air feur.
- 11 An eunlaith 's aithne dhomh air fa
ta 'g itealaich feadh bheann :
'S leam gach fiadh-bheathach uile fòs,
feadh gharbhluich agus ghleann.
- 12 Geur-ocras nam biodh orm, no gort,
cha chuirinn duits' an céill,
Oir 's leam an domhan mu'n iadh grìo
is na bhèil ann gu léir.
- 13 Fuil ghabhar 'n e gu'n òlainn uait?
feòil tharbh an ithim i?
- 14 Ioc ìobairt buidheachais do Dhia,
's do bhòidean do'n Ard-Rìgh.
- 15 An là do thrioblaid is do theimn,
goir orm an sin gu ceart :
Ort fuasglam, is bheir thusa glòir
do m'ainms' a chuidich leat.
- 16 Ach ris an droch dhuin' labhraidh Dis,
mo statuin chur an céill
Am buineadh dhuit, no ghabhail fòs
mo chùmhaint ann ad bheul.
- 17 Do m' achmhasan o thug thu fuath,
's an spéis riamh e nìor chuir ;
Ach thilg mo bhriathran air do chùl,
'g an diùltadh uait gu tìr ?
- 18 Tràth chumnaic thu an gaduich' dàn,
dh'aontaich thu leis 'n a òle :
'S le luchd an adhaltranais a ris.
b'fhèar-comuinn thu 'nan locnd.
- 19 Do theangadh thug thu chumadh brei
chum uile thug thu do bheul.
- 20 Do d' bhràthair shuidh thu thabhai t
's do mhac do mhàthar beum'. [guth ;
- 21 Na nithe so do rinneadh leat,
is dh'fhan mi dhìot a'm' thosd ;
Is shaoil thu mar a ta thu féin,
gu b'amhluidh mi gach achd :
Ach cronaicheam do pheacaidh dh
a' d' amhare cuiream iad ;
A chum gu faiceadh do dhà shùil,
nach fòl'chear ormsa beud.
- 22 O sibhs' a dhream nach cuimhnich
nis tuigibh so 'n a àm ;
Mu'n dean mi liodart oirbh gu cas,
gun neach d'ur furtachd ann.
- 23 An ti bheir ìobairt molaidh uath',
's e sin bheir dhomhsa glòir :
Oir nochdam slàinte Dhé do'n fhear
a ghlhaiseas mar is còir.
- 2 Gu h-ìomlan ionnail mi o m' lochd,
glan mi o m' chiont' a'd' ghràdh :
- 3 Oir tha mi 'g aidmheil m'eusaontais,
's léir dhomh mo lochd a ghnàth.
- 4 A' d'aghaidh, d'aghaidh féin a mhàin ;
do pheacaich mi gu trom,
Is ann ad fhianuis féin, a Dhé,
an t-òle so rinneadh leam :
Do chum air labhairt duit a mach,
gu biodh tu cothromach :
'S gu biodh tu glan tràth bheir thu breth
's ceart neo-eurach.
- 5 Am peacadh, feuch, do dhealbhadh mi,
is ann an cionta fòs
Do ghabh mo mhàthair mi 'n a broinn,
tràth ghineadh mi o thùs.
- 6 An taobh a stigh do'n chridhe, feuch,
an fhìrinn 's ionmhuinn leat :
'S an ionad fhluicht' bheir thu orm
gu'n tuig mi gliocas ceart.
- 7 Le hisop deansa mise glan,
is bitheam glan gu beachd ;
Dean m'ionnlad fòs, mar sin bidh mi
nì's gile dhuit na sneachd.
- 8 Guth subhachais thoir orm gu'n cluinn,
is fonn an aoibhneis ait,
Mar sin nì gairdeachas gu mòr,
na enàmhnan bhriseadh leat.
- 9 O m' pheacaibh is o m'eusaontais
fòluich do ghnùis, a Dhé ;
Mo sheachrain is m'uil' eucoir fòs
glan thusa uam gu réidh.
- 10 Dhia, cruthaich annam cridhe glan ;
ath-nuadhaich spiorad ceart.
- 11 Na tilg o d' shealladh mi ; 's na buin
do spiorad naomha leat.
- 12 Is aisig dhomh ùr-ghairdeachas
do shlàinte chàirdeil féin ;
Is deansa fòs mo chumail suas,
le d' spiorad saor gu treun.
- 13 'N sin teagaisgeam do shlighe, Dhé,
do'n dream a bhris do reachd ;
Is pillear riut le h-aithreachas
na peacaich through gu beachd.
- 14 O chionta fola saorsa mi,
o Dhia, a Dhé mo shlàint :
Seinnidh gu h-àrd air d'fhìreantachd
mo theangadh anns gach àit.
- 15 Mo bhile, ta air druidealh suas,
fosgail, a Dhé nan gràs ;
An sin do mholadh le mo bheul
cuiridh mìn céill gu h-àrd.
- 16 Oir ìobairtean cha-n iarrar leat,
no bheirinn duit gach ré.
An ofrail-loisgte fòs air bith
cha-n 'eil do thlachd, a Dhé.
- 17 An spiorad briste, tuirseach, trom,
sud ìobairt Dhé nan dùl :
Ri cridhe briste brùit', a Dhé,
gu bràth cha chuir thu cùl.

SALM LI.

- 1 **D**EAN trècàir orm, a Dhia nan gràs
gu h-ìochdmhor saorsa mis',
Reir ionmhoireachd do thrècàir chaoimh
glan as m'uil' eusaontas.

- 18 A'd'dheadh-ghean deansa maith, a Dhia,
air Sion do chnoc féin :
Ballan Ierusalem gu luath,
tog suas le d' lánmh gu treun.
- 19 'N siu taitnuidh òbairt cheartais riut,
ofrail, 's làn ofrail loisgt' ;
'N sin bheirear colpaich dhuit-sa suas,
air d'altair naomh gun fhois.

SALM LII.

- 1 C IOD uime 'n dean thu, ghaisgich
uaill as an ole gu mòr ? [thréin,
Mairidh am feasd gun cheann gun chrìch,
deadh mhaithreas Rìgh na glòir'.
2 Do theang' a' dealbh an aìmhleis chlaoin ;
chum ceilg' mar ealtuinn ghéir.
3 Is annsadh leat au t-ole na maith,
is breug na briathra fìor.
4 A theangadh chealgach, 's ionnmhuinn leat
gach focal millteach ole.
5 Nì Dia gu sìorruidh mar an ceudn'
làn-sgrìos a tharruing ort :
Glan-sgathar thu, is as do theach
grad spìonar thu gu tur,
A talamh is á tìr nam beò
buainear do fhreumh á bun.
6 Sud chi am firean, gabhaidh fiamh,
is nì e gàire fòs :
7 Feuch, so am fear nach d'earb á Dia,
mar dhaingneach is mar thrèòir :
Ach aun an òimhoireachd a stòir
a dhòchas chuir gu treun,
'N a shaoibhreas is 'n a aingidheachd,
do neartaich se e féin.
8 Ach mis' mar ùr-chranu olaidh ta
'an àros Dé a ghnàth :
A' cur mo dhòchais ann a ghràs,
ri fad mo ré 's mo là.
9 Gu sìorruidh suthain molam thu,
chionn sud gu'n d' rinneadh leat :
Feitheam air t'ainm, oir tha e maith,
an làth'r do naomh gu beachd.

SALM LIII.

- 1 'N A chridhe deir an t-amadan,
cha-n 'eil ann Dia air bith :
Taid truaillidh, 's gràineil fòs an lochd :
cna-n 'eil ann neach nì maith.
2 Dh'amhairc an Tighearna o nèamh
air cloinn nan daoine nuas,
A dh'fheuchainn au robh tuigs' aig neach,
a dh'iarradh Dia nan gràs.
3 An t-ionlan diubh chaidh air an ais,
ro-shalach iad gu léir :
Cha-n 'eil aon neach a' deanamh maith,
cha-n 'eil fìu aon fo speur.
4 Am bheil aig droch dhaoin' tuigs' air bith
ta 'g ithcadh suas gu dian,
Mo phobuill-sa mar aran blasd',
's nach 'eil a' gairm air Dia.
5 An sin do ghabh iad eagal mòr,
gun aobhar cagal ann :

Sgaoil Dia a chnàmhasan o chéil',
chuir séisdeadh ort gu team ;
Is mar an ceudna chuir thu iad
gu rudhadh gruaidh' is uair',
Do bhrìgh gu 'n d'rinneadh orr' le Dia
trom-tharcuis agus tàir.

- 6 'S e so mo ghuidh' is m' athchuinge,
gu'n tugadh Dia nam fear
Cabhair d'a phobull Israèl,
á Sion féin le neart !
An uair bheir Dia air ais o bhruid
a phobull féin le chéil',
Air Iacob bithidh aoibhneas mòr,
's aiteas air Israèl.

SALM LIV.

- 1 T RE d'ainm-sa teasaig mise, Dhé,
cum cothrom rium le d' neart.
2 Eisd m'urnuigh, thoir fa-near, a Dhé,
briathra mo bhéil gu ceart.
3 Oir dh'éirich coigrich rium-sa suas,
luchd-fòirneirt tha gu dian
An tòir air m'anam ; 's cha do chuir
iad Dia fa'n comhair riamh.
4 Ach feuch, 's e Dia m'fhear-cuideachaidh,
gu m'sheasamh anns gach cruas :
Bithidh Ichobhah leis an dream
a chumas m'anam suas.
5 Aìmhleas do m'naimhdbh diolaidh Dia
a'd' fhìrinn dean an sgathl'.
6 Gu toileach bheir mi òbairt dhuit :
Dhé molam d'ainm, ta maith.
7 Oir rinn e saors' is fuasgladh dhomh
o m'uile theinn gu treun :
Iomus gu faca mi mo mhiam
air m'eascairdibh gu léir.

SALM LV.

- 1 R I m'urnuigh éisd : 's o m' ghuidhe
na foluich thus' thu féin. [Dhé.
2 Thoir aire 's freagradh dhomh, ta caoidh
le bròn 's le bùireadh geur :
3 Air son guth m'eascairde gu léir,
is fòirneart fòs nan daoì :
Oir euceart thilg iad orm, am feirg
dhomh thug iad fuath gun dìth.
4 Mo chridh' a'm' chom tha cràiteach goirt ;
thuit ormsa uamhunn bàis.
5 Crith, oillt, is uamhunn thàinig orm,
ga m' shlugadh is mi 'n sàs.
6 'N sin thubhairt mi, Is truagh nach robh
sgìath colmain agam nìs !
'N sin theichim as ag iteakich,
is gheibhim tàmh is fois.
7 Feuch, shiubhlaim fòs air àradh fad,
chum tàimh am fasach chruaidh ;
8 Is dhcanaim deifir gu dol as
o dhoinnion gharbh ua gaoith'.
9 Dhia, roim is sgrìos an teang' ; 's a bhail'
bha fòirneart agus strì.
10 Taid dol m'a bhallaibh oidhch' is là
tha aìmhleas ann is caoidh.

- 11 Eucoir ro-mhòr is ole a ta
'n a mheadhon sud gun cheisd :
Seadh feall r'a shràidibh agus cealg
cha dealaich sud am feasd.
- 12 Cha b'e mo nàmh thug masladh dhomh
oir dh'fhuilginn sud gu réidh :
Cha b'e fear m'fhuath' a dh'éirich rium,
oir dhionain uaith' mi féin.
- 13 Ach thusa, fear bu choimpr dhomh,
fear m'eòlais, is fear m'iùil ;
- 14 Bu bhlasd' ar comhairl', dol le càch,
gu h-àros Dhé nan dùl.
- 15 Sealbh gabhadh orr' am bàs gu grad,
's gu h-ifrinn théid iad beò : [ghnàth,
Oir aingidheachd 'n 'an comhnuidh
's 'n am builsgan tha gach lò.
- 16 Ach mise, glaothan suas ri Dia,
saoraidh Iehobhah mi.
- 17 Glaoth àrd, is urnuigh ni mi ris,
moch, feasgar, 's meadhon-là ;
Is éisdidh e gu grad ri m' ghlaodh :
- 18 M'anam 's e shaor an sìth,
O'n chath's o'n chòmhraig dh'éirich rium,
is mòran rium ri strì.
- 19 Cluinidh an Dia ta làidir beò,
's bheir dòruinn orra 's pian :
Seadh fòs an Dia air mairionn ta,
's a bha o chian nau cian.
Is air an aobhar fòs nach 'eil
caochladh air bith 'n an staid,
Eagal an Tighearn uime sin
do thilg iad dhuibh air fad.
- 20 A làmh do shìnn 'n an aghaidh sud,
a bha an sìochaint ris :
A chumhant is a nasgadh dlùth,
gu fealltach orra bhris.
- 21 Bu shleamhna briathra 'bhéil na 'n t-im,
ach cogadh cruaidh 'n a rùn :
Bu bhuige 'chaint na oladh thlàth,
's i ghnàth mar chlaidheamh rùisgt'
- 22 Ach tilg-sa d'callach trom air Dia,
's e ni do chumail suas :
Cha leig e 'm feasd do'n fhìrean chòir,
o 'shocair féin gu'n gluais,
- 23 Ach thus', a Thighearna nam fear,
a'd' chorruich cheirt gu geur,
An slochd d'am milleadh tilgidh tu
an aitim ud gu léir :
Na daoine sligheach fuileachdach,
cha mhair iad leth an làith' :
Ach annad cuiridh mis', a Dhé,
mo dhòchas is mo dhòigh.
- 3 An làithibh m'eagail earbam riut :
an Dia, a bhriathar féin
- 4 Ard mholaidh mi, is ann an Dia
chuir mi mo dhòigh gu treun.
Cha ghabh mi gealtachd uime sin,
's am feasd cha-n eagail leam,
Na dh'fheudas feoil a dheanamh orm
do lochd, le ionairt theann.
- 5 Mo bhriathar tha iad 'fìradh fòs,
gach là mar 's toileach leo :
Chum doilgheis agus dochair dhomh
ta 'n smuainte-san gach lò.
- 6 Tha iad le chéil' a' cruinneachadh,
is iad 'g am folach féin,
'A feitheamh m'anam', air bhith dhoibh
ro fhuarachar mu m'cheum.
- 7 Gu saor an téid iad as mar sin,
le'n eucoir mhòir guu tàmh ?
A' d' fheirg-sa leig am pobull sìos,
a Thighearna le d' làimh.
- 8 Mo sheachrain air an àireamh leat
a' d' shearraig taisg mo dhèoir :
Nach 'eil iad ann ad leabhar shìos,
air chuimhne sgrìobht' gach uair
- 9 Mo naimhde pillidh air an ais,
tràth ghairam ort gu teann :
Is aithne dhomhsa so gu beachd,
oir tha Iehobhah leam.
- 10 An Dia, a bhriathar molaidd mi :
molam an Dia a reachd ;
- 11 An Dia do chuireadh leam gu treun
mo dhòchas féin gu beachd.
Is air an aobhar ud, a Dhé,
cha-n eagail idir leam
Na dh'fheudas duin' a dheanamh orm,
nach 'eil d'fheith féin ach fann.
- 12 Do bhòide ta iad ormsa, Dhé :
is iocam dhuit-sa cliu.
- 13 Oir m'anam bochd gu saor o'n bhàs,
gu gràs-mhor dh'fhuasgail thu :
Is choimhead thu mo chosa fòs
o shleamhnachadh ni's mò,
A chum gu'n gluaisinn an ad làth'r
an solus dhaoine beò.

SALM LVII.

- 1 **O**RMSA dean iochd, a Dhé, oir b'àill,
le duin' mo shlugadh suas :
Esan a tha ga m' shàruchadh
gach là le cogadh cruaidh.
- 2 Seadh b'àill le m'eascairidibh gun iochd
mo shlugadh suas gach là :
Oir 's lionmhor iad tha cogadh rium
gun aobhar no ciou-fàth.
- 1 Dean tròcair orm, a Dhia nan gràs,
dean tròcair orm gach ré,
Oir annadsa tha m'anam truagh
a' cur a dhòigh gu léir :
Is gabhaidh mi fo sgàil do sgéith
mo thearmunn is mo neart,
Gu ruig an uair sin anns an téid
na h-uile ud uile thart'.
- 2 Eighidh mi ris an Dia a's àird' ;
ri Dia ta làidir treun,
A chuireas leam gach cùis gu crìch,
mar chi e ormsa feum.
- 3 Cuiridh e neart o nèamh, do m' dhìon
o bheum an fhìr le'm b'àill

SALM LVI.

- Mo shlugadh ; cuiridh Dia a mach
'fhìrinu 's a ghràs gun dàil.
- 4 Tha m'anam bochd an còmhnuidh fòs
am builsgan leòmhann garg',
Am measg na dream a'm' luidh' a taim
air lasadh ta le feirg :
Daoine, 'g am bheil am fiacra fòs
mar shleagh 's mar shaighde geur ;
Mar chlaidheamh guineach, 's amhluidh
an teagadhsau gu léir. [sin]
- 5 Os ceann uan nèamh, Dhia, tog thu féin ;
os ceanu gach tìr' do ghlòir.
- 6 Air son mo cheuma ghleus iad lìon,
chrom u'anam sìos gu làr :
Slochd romham chladhaich iad, is thuit
iad féin 's an t-slochd a rinn.
- 7 'S gleusta mo chridhe, 's gleust', a Dhé,
dhuith canam moladh binn.
- 8 Mosgail mo ghlòir, 's a shaltair fòs,
a chlàrsaich dhùsg an àird :
Air maduinn mosglam féin gu moch,
is seinneam ceòl gu h-àrd.
- 9 Dhia, measg a' phobuill, molam thu ;
dhuith seiuneam measg an t-sluaigh :
- 10 Oir d'fhìrion is do thròcair mhòr,
gu nèamh nan uel chaidh suas.
- 11 Arduichear thus', a Dhia nam feart,
os ceann àrd-nèamh nan speur :
Is togar suas do ghlòir gu h-àrd,
os ceann gach tìr' gu léir.

SALM LVIII.

- 1 **A**N labhair sibhs', a choimhthionail,
an fhìrinn cheart neo-chlaon ?
'S an tabhair sibh gu cothromach,
breth cheart, a chlan nan daoine ?
- 2 Is aun bhur cridh' tha sibh a' 'dealbh'
mòr aingidheachd gun tàmh :
'S air talamh tha sibh tomhas fòs,
fòireigin chruaidh 'ur làmh.
- 3 Luchd-uile, o thig iad as a' bhroinn,
siùbhlaidh air slighe fhiair :
Tràth bheircar iad, air seachran théid,
a' labhairt bhreug gach ial.
- 4 An nìmh mar nìmh na nathrach ta :
mar nathair dhruid a cluas ;
- 5 Rì guth nan druith tha eagnaidh seòlt',
nach éisd, is fòs nach gluais.
- 6 Am fiacra bris, a Dhé, 'n am beul ;
a Thighearn làidir thréin,
Pronn fiacra agus tuisg ro-mhòr
nau leòmhann òg' gu léir.
- 7 Gu'n leaghadh iad, a' sìleadh sìos,
mar uisge ruith le gleann :
'S a shaighde bris, tràth chuireas e
a bhoghl' air lagh gu teann.
- 8 Mar sheilcheig bhios a' leaghadh as,
rachadh iad as gu dian ;
Mar thoraicheas an-abuich mnà
na faiceadh iad a' ghrian.

- 9 Mu'm mothaich seadh 'ur coireachas,
o choille chionaich teas,
Ni Dia, 's iad beò, 'n a chorruich ghéir
le cuairt-ghaoith dhian an sgrios.
- 10 Bidh aobhneas air an fhìrean chòir,
'n uair chi e 'n dioghaltas :
Is anu am fuil luchd-aingidheachd
nighidh e fòs a chos.
- 11 Their duine 'n sin, gu bheil gun cheisd,
deadh dhuais aig daoibh còir :
'S gu bheil air talamh fòs, gu beachd,
'n a bhreitheamh Dia na glòir'.

SALM LIX.

- 1 **T**REASAIRG, is saor mi, o mo Dhia,
o m' naimhaidh dh'èireas rium.
- 2 O luchd an uile ta fuileachdach,
dion mis', is cuidich leam.
- 3 Feuch 'n aghaidh m'anam' luidh am fath
is chruinnich daoine treun :
Cha-n ann, a Dhia, air son mo lochd,
no cron a rinn mi féin.
- 4 A' ruith tha iad, gun chron a'm' thaobh,
's gu h-uillamh dol air ghleus :
Chum teachd do m' fhurtachd mosgail
is thoir fainear am beus. [trath,
- 5 O Dhé nan sluagh, Dhé Israeil,
mosgail 's gu fiosraicht' leat
Na cinnich : 's na dean iochd air neach
gu h-aingidh bhris do reachd.
- 6 Air teachd do'n fheasgar pillidh iad :
a' donnalaich gu h-àrd,
Mar choin, mu'n bhail' a' cuairteachadh,
is amhluidh sin tha iad.
- 7 Feuch, brùchdaidh iad a mach le'm beul ;
'n am bìlibh claidheamh geur ;
Cò chluinneas sin, no bheir fa'hear ?
's e sud a's cainnt dhoibh féin.
- 8 Ach thusa, Dhia Iehobhah mhòir,
ni gàire fanoid riu ;
Is mar bhall-magaidd bithidh fòs
na ciunich ann ad shùil.
- 9 Air son gur mòr 's gur maith do neart,
sìor-fheitheam ort a ghuàth :
Do bhrìgh gu bheil dhomh Dia nan dùl,
'n a dhìdean dlùth gu bràth.
- 10 Bi'dh Dia o'n tig mo thròcair chaomh,
dol romham air gach ceum :
'S e Dia bheir dhomh air m' cascairdibh
mo rùn gu faic mi féin.
- 11 Mu'm bi mo phobull dìchuimhneach,
na marbh an aitim ud :
O Dhia at sgiath, sgaoil iad le d' neart
is leag gu h-ìosal fo'd.
- 12 Fa lochd an teangaidh, 's cainnt am béil,
'n an àrdan glacair iad :
Fa chùis nam mallachd, is nam breug
a labhair iad os àird.
- 13 Sgrios iad a'd' fheirg, sgrios iad gu tur
is théid iad as gu dian :
Is tuigidh 'n sin gach uile thìr,
rìgh Iacoib gur e Dia.

- 14 'S air teachd do'n fheasgar pilleadh iad,
a' donnalaich gu h-àrd,
Mar choin, mu'n bhaill' a' cuairteachadh,
is amhluidh bitheadh iad.
- 15 Ag iarraidh bidh gu seachranach,
's gu luaineach ann an teinn ;
A' deanamh gearain anns an oidheh',
mur bi an sàth 'n am broinn.
- 16 Ach mise molar leam do neart ;
gu moch a' seinn do ghràis,
Air son gur tu mo thearmunn treun,
's mo dhaingneach féin 's gach càs.
- 17 'S tu féin mo neart, dhuit canam fonn,
's e Dia mo dhèidhean treun :
'S e 'n Dia sin féin rinn tròcair orm,
's a chuidich leam a'm' fheum.
- 2 O iomall talmhainn éigheam riut,
's mo chridhe trom fo smal :
Dhia, treòraich chum na carraig mi
a's àirde na mi féin.
- 3 Bu tearmunn thu, 's bu chaisteal dhomh
o m'eascairdibh gu léir.
- 4 A'd' phàillinn naomh ni mise tàmh
gach aimsir is gach tràth :
Mo dhòigh fo dhubhar sgàil, do sgéith,
cuiridh mi féin gu bràth.
- 5 Oir chuala tu mo bhòide naomh',
's an gealladh a thug mi :
Oighreachd na muinntir thug thu dhomh
d'an eagal d'ainm, a Dhé.
- 6 Saogh! maireann agus aimsir chian
bheir thusa, Dhia, do'n Rìgh :
Mar iomadh ginealach is linn,
a bhliadhnacha 's tu ni.
- 7 Mairidh e buan am fianuis Dé,
gu bunaiteach 's gu bràth :
Tròcair is firinn deasaich dha,
g'a choimhead-san gach tràth.
- 8 Mar sin gu siorruidh seinneam cliu
do d'ainm ro uasal àrd,
'S mo bhòide naomha dòlam dhiut,
o là gu là gu bràth.

SALM LX.

- 1 **A** DHE, do thilg thu sinne uait,
dh' fhuadaich thu sinn air fad,
Oir bha thu ruinn an corruich ghéir ;
pill ruinn thu féin gu grad.
- 2 Chuir thus' an talamh trom air chrith ;
is fòs do bhris thu e ;
Slànuaich a bhriseadh, oir gu beachd
air criothmachadh tha e.
- 3 Do thaisbein thusa nithe cruaidh
do'n t-sluagh a's leat le còir :
Fion buaireasach chuir uamhunn oirn,
thug thusa dhuinn r'a òl.
- 4 Ach thug thu bratach àrd, a Dhé,
do'n dream d'an eagal thu :
A chum gu sgaoilteadh sud a mach,
bhrìgh firinn duit le cliu.
- 5 O dhaorsa chum gu saorar leat
do phobull iomhuinn féin :
Eisd rium, is slànuaich mi gu grad
le d' dheas làimh làidir thréin.
- 6 'Na naomhachd labhair Dia nam feart,
bidh aoibhneas orm nach gann :
Air Sechem ni mi roinn gu cearr,
gleann Shucoit toimhshear leam
- 7 'S leam Gilead le dlighe cheirt,
Manaseh 's leam gu beachd ;
'S i treubh Ephraim neart mo chinn,
bheir Iudah mach mo reachd.
- 8 Is soitheach-ionnlaid Moab dhomh ;
tilgeam thar Edom tharuaigh
Mo bhròg ; is ni mi caithream binn
thar Palestin le buaidh.
- 9 Cò bheir do'n chaithir dhaingean mi ?
's gu Edom bheir gu ceart ?
- 10 Nach tusa, Dhia, le'n d' thréigeadh sinn ?
's nach deachaidh mach le r' feachd ?
- 11 O thrioblaid tabhair còmhnaidh dhuinn,
oir 's dìomhain furtachd dhaoin'.
- 12 Tre Dhia ni sinne treubhantas,
's e shaltras naimhde foildh'n.

SALM LXI.

- 1 **R**I glaoth mo ghearrain éisd, a Dhé
is m'urnuigh thoir fainear.

SALM LXII.

- 1 **L**E foighidinn tha m'anam bochd
'Leitheadh air Dia gu beachd :
'S ann naith' tha furtachd agus fòir
orm air gach taobh a' teachd.
- 2 'Se mhàin a's carraig dhèidhean dhomh,
's m'fhurtachd e ro-dheas :
Mo thearmunn dileas e faraon,
gu mòr cha ghluaisear mis'.
- 3 Cia fhad a dhealbhar aimhreas leibh ?
làn-mharbhar sibh gu beachd,
Mar bhall' air chrith, 's mar ghàradh
tha leagadh oirbh a' teachd. [dh'aom,
- 4 O urram àrd ga thilgeadh sìos
tha 'n comhairlean a' ruith :
'Si 's miann leo breug : beannachd 'n am
ach mallachd an taobh stigh. [beul,
- 5 O m'anam feith gu foighidneach
ri Dia a mhàin mar chleachd :
Oir annsan tha mo mhuighinn threun,
's mo dhòchas féin gu beachd.
- 6 'S e mhàin a's carraig dhileas dhomh,
's e mhàin mo shlàinte dheas :
Mo thearmunn daingean e faraon,
mar sin cha ghluaisear mis'.
- 7 Mo shlàinte ta 's mo ghlòir an Dia,
ris earlam féin a ghnàth :
Carraig mo neirt, 's mo thearmunn treun,
's e Dia, gu buan 's gu bràth.
- 8 O phobull, cuiribh ann an Dia
bhur dòchas anns gach àm ;
'N a fhlainuis dòirtibh mach 'ur cridh'
's e Dia ar tearmunn ann.

- 9 'S ni dìomhain daoine beag' gu fìor,
tha daoine mòr 'n am bréig :
Air meidh rì'n tomhas, 's eatruim' iad
na dìomhanas gu lèir.
- 10 Na h-earb a foirmeart, 's na dean uaill
á reubainn no droch-bheart :
Na socrùich fòs do chrìdh' air stòr,
'n tràth chinneas saobhbheas leat.

- 11 Do labhair Dia aon uair a mach :
sud chualas uair no dhà,
Gur leis an Dia ta cumhachdach
treis agus neart gach là.
- 12 Tròcair, a Thighearn, buinidh dhuit,
is grasa mòr faraon :
Oir bheir thu réir a ghuòmhara,
a luigheachd do gach aon.

SALM LXIII.

- 1 **O** DHIA, is tu mo Dhia, gu moch
iarraidh mi thu gach lè :
Ro-thartmhor a ta uranam bochd,
an geall ort féin a ghnàth ;
Tha miann, is ciocras mòr air m'fheoil,
an geall ort féin gach àm,
An tìr ro-thiorain, thartmhoir, theith
gun uisg' air bith bhì ann.
- 2 Do chumhachd chum gu faicim féin,
's do ghlòir a ta ro-chaomh :
A réir mar chumneas roimhe thu,
le cliu a' d'àros uaomh.
- 3 Air son gur fearr na beatha fòs
do chaoimheas gràdhach caoin :
Ard-mholadh dhuit le h-ìomadh cliu
mo bhile bheir faraon.
- 4 Mar sin an cian a bhios mi beò,
beannaicheam thu a ghnàth :
Is anu ad naomh ainm togam suas
mo làmhan riut gach tràth.
- 5 Sàsuichear m'anam mar le snìor,
's le saill ro-reamhar réidh :
Is bheir mo bheul 's mo bhile dhuit
àrd-mholadh ait, a Dhé :
- 6 'N tràth ni mi air mo leabaidh fòs,
do chuimhneachadh le tlachd,
'S an àm ua faire smuaineach' ort,
a' dol do'n oidheche thart'.
- 7 Air son gur tu b'fhear cabhair dhomh
a Thighearn is a Dhé ;
Bidh aoibhneas agus aiteas orm,
fo dhubhar sgail do sgeith.
- 8 Tha m'anam leantuinn riut gu dlùth :
do dheas làmh chum mi suas.
- 9 Luchd iarraidh m'anam' bhochd g'a sgrìos,
théid iadsan sìos do'n uaigh.
- 10 Le faobhar claidheimh agus arm
sìos tuitidh iad gu làr :
Mar chuibhrionn do na sìonnachaibh
do nithear iad le tàir.
- 11 Ach aoibhneach bidh an rìgh an Dia :
na lùghas e gun bheud
Ni iadsan uaill : ach diuidear beul
gach neach a labhras breug.

SALM LXIV.

- 1 **T**RÀTH ni mi urnuigh riut, a Dhé,
thoir éisdeachd dhomh gu luath ;
O cagal nàmhaid coimhid fòs,
gu tèaruint' m'anam truagh.
- 2 O chomhairl' dhìomhair dhaoine daoì,
o ionnsuidh ghairbh faraon,
Luchd deanamh uile is aingidheachd,
cuir folach orm gu caoin.
- 3 An teagadh féin do gheuraich iad,
mar chlaidheamh guineach geur ;
Tha'm bogh' air lagh, 's an saighde deas,
's iad briathra searbh am béil ;
- 4 Gu'n caitheadh iad an dìomhaireachd
an neach siu foirfe ta ;
Gu h-obann taid 'g a chaitheamh fòs,
gun eagal is gun sgàth.
- 5 A' gabhail misneich taid 's an ole,
's a labhairt tric le chéil'
Mu leagadh lìon an uaignidheas,
ag ràdh, Cò 'n ti d'an léir ?
- 6 Gach ole do ramnaich iad a mach ;
seadh rinn iad sgrùdadh geur,
An rùn a stigh 's ro-dhìomhain e,
's an cridhe mar an ceudn'.
- 7 Ach saighead tilgidh orra Dia,
bhios guineach agus geur ;
Grad-bhuaillear agus lotar iad,
'g an gortuchadh gu léir.
- 8 Mar sin bheir iadsan orra féin
toradh an teang' gu grad :
Gach uile neach d'an léir an dòigh
teichidh iad uath' am fad.
- 9 Mòr-eagal bithidh air gach neach
is nochdaidh obair Dhé :
Oir bheirear leo gu glic fa'uear
an gnìomh ud a rinn e.
- 10 Nì 'm firean aoibhneas mòr an Dia,
a' cur a dhòchais ann :
'S gach neach 'g am bheil an cridhe ceart
nì gairdeachas naeh gann.

SALM LXV.

- 1 **T**HA ann an Sion 'feitheamh ort
moladh, a Dhé, gun dìth :
'S anu duit a dhìolar fòs gu pailt
a' bhoid mar gheallair e.
- 2 O thus' a dh'èisdeas urnuigh ghlan,
's ann thugad thig gach aon.
- 3 Mo sheachran tha an uachdar orm :
Glan thus' ar peacaidh uainn.
- 4 'S beannaicht' an duine sin a chaoill
a thaghar leatsa, Dhé,
'S a bheir thu fòs am fagus duit :
còmhnuidh a'd' chùirt gheibh e.
- 5 Sàsuichear sinn le maitheas mòr
do theach, 's do theampuill naoimh.
- 6 Le nithibh uamhasach, bheir dhùinn,
a'd' cheartas, freagradh caomh :
A Dhia ar slàinte, 's tu gu dearbh,
làn dòchas crìch gach tìr ;

- 'S na bheil 's an fhaireg fada uainn,
an dòchas 's tu do shior.
6 Le 'neartsan shocruidh sléibhte mòr,
e crioslaicht' fòs le treis.
7 'S e chaisgeas fuaim gach mara 's tuinn,
is comh-stri dhaoine leis.
8 Na daoine ta an còmhnuidh thall,
's na tìribh fad a mach,
'N a uamhuinn orra ta gu mòr,
do chomhar mìorbhuileach:
Is tusa bheir air dol a mach
na maidne gach aon là,
'S air dol an fheasgair mar an ceudn'
bhi aoibhinn ait a ghnàth.
9 An talamh tha thu fiosrachadh,
's 'g a uisgeachadh gu réidh:
Le amhainn Dhé tha làn de'n uisg',
tròmh beartach ni thu e.
Dhoibh arbhar tha thu deasachadh,
le d'fhreasdal caomha féin;
10 'S ag uisgeachadh le pailteas mòr,
nan iomairean gu mín:
A sgrìoban leagaidh tu a sìos,
le frasaibh ni thu tais;
A chinneas agus 'fhochann fòs,
beannaichidh tu le mais'.
11 Mu'n bhliadhna coron tha thu cur,
le d' mhaithreas féin, a Dhé;
Tha saill a' sìleadh anns gach àit,
o d' cheumannaibh gu réidh.
12 Air chuainibh glas an fhàsaich luim,
nuas sìlidh iad gu mín;
Na tulaich bheag', gach taobh a ta'
làn aoibhneis agus gear.
13 Na chuainean air an sgeudaehadh
le treudaibh anns gach àit;
Na glinn, le h-arbhar folaichte,
a' seinn le h-iolaich àrd.

SALM LXVI.

1. **T**OGAIBH, gach uile thìr gu h-àrd,
iolach do Dhia nan dul.
2 D'a ainm ro-uasal seinnibh glòir,
a' tabhairt dhasan cliù.
3 Abraibh ri Dia, Cia h-uamhasach
gach beart do nìhear leat?
Oir géillidh dhuit do naimhde borb,
air son gur mòr do neart.
4 Sleuchdaidh gach uile talamh dhuit,
ag iomradh ort gu binn:
Do d'ainm ro-uasal iongantach
Nì'd moladh mòr a sheinn.
5 Thigibh an so is amhaireibh
air oibribh Dhé gu gear:
Ta uamhasach 'n a ghnìomharaibh
air chloinn nan daoin' gu léir.
6 Mar thalamh tioram rinn e 'n euan:
is trid nau sruth bu luath
D'an cois chaidh daoine; 'n uair a bha
sinn annsan ait le buaidh.

- 7 Le 'threun-neart riaghlaidh e a chaoidh;
na slòigh d'a shùilb 's léir:
'S na h-àrdaicheadh luchd-eusaontais
gu h-amaidcach iad féin.
8 O dhaoine, beannaichibh ar Dia,
àrd-mholaibh e gun chlos.
9 'S e chum ar n-anam beò, 's e bheir
nach carruichear ar cos.
10 Mar airgoid leaghta ghlan thu sinn:
's tu dh'fhidir sinn, a Dhé:
11 Chuir umainn lion; ar leasraidh chuir
fo dhòrainn is fo phéin.
12 Thug thu air daoineibh marcachd oirn,
tre theine 's uisge chaidh;
A ris gu h-ionad saoihlir réidh,
's tu féin thug sinn le buaidh.
13 Racham do d' thigh le ofrail-loisgt':
dhuit coimhlionam mo bhòid,
14 A ghealladh leam le fosgladh béil,
tràth bha mi 'n éigin mhòir.
15 Do'n fheudail reamhar, iobairt-loisgt'
le tùis is saill nan reith';
Ofrail nam bò, 's nan gabhar fòs
sud bheir mi dhuit fa leth.
16 Thigibh, is éisidibh so, gach neach
air am bheil eagal Dé,
Gach maith do rinn air m'anam bochd,
sud aithriseam gu réidh.
17 Do ghlaodh mi ris gu h-àrd le m'bheul:
le m'theangaidh dh'ardaich' e.
18 A m' chridh' ma bheir mi spéis do'n olc,
cha-n éisd an Tighearn mi.
19 Gu dearbh dh'éisid Dia rium: thug fa'near
guth m'urnuigh Rìgh nan dùl.
20 Moladh do Dhia, nìor cheil a ghràs,
's mo ghuidh' nìor chuir air cùl.

SALM LXVII.

1. **G**U'N deanadh Dia mòr thròcair oirn
's ar beannachadh a ghnàth:
Is togadh e gu gràmhor oirn
dealradh a ghnus' gu bràth.
2 Chum fios do shlighe bhi gu fìor
's gach uile thìr air bith:
Is iomradh air do shlàinte chaoiml
measg fhineacha fa leth.
3 Moladh am pobull thus', a Dhé:
moladh gach pobull thu.
4 Biodh gairdeachas air fheachaibh,
gu h-ait a' seinn do chliù:
Oir ceart-bhreth bheir thu air an t-sluagh,
riaghlaidh air thalamh iad.
5 Moladh gach pobull thus', a Dhé:
moladh iad thu 's gach àit.
6 'N sin bheir gach talamh is gach fonn
deadh thoradh trom gu pailt:
Is cuiridh Dia ar Tighearn oirn
a bheannachadh gun aice.
7 Nì Dia ar beannachadh gun cheisd,
's bidh 'eagalsan gu fìor
Air gach aon neach a dh'àiticheas
fad iomaill crìch gach tìr.

SALM LXVIII.

- 1 **E**IREADH ar Dia, is sgaoilear leis
an dream a's naimhde dha:
'S an aitim sin thug dhasan fuath,
teicheadh o 'ghnùis gu bràth.
- 2 Mar sgapar deatach, fuadaich iad:
mar leaghas teime céir,
Mar sin gu sgriosar droch dhaoin' as
á fianuis Dhé gu léir.
- 3 Ach gairdeachas air daoineibh còir,
is aoibhneas gu'n robh ac'
Am fianuis Dhé, le luathghair mhòir,
's iad suilbhir agus ait.
- 4 Seinnibh do Dhia, sior-mholaibh 'ainn:
àrdaichibh 'n Ti a ta
Marcachd air nèamh, tre'ainm-san IAII,
bibh ait 'n a làth'r a ghnàth.
- 5 Do dhilleachdain is athair Dia;
do bhantraichibh gun near,
An tigh a naombachd tha e ghnàth
'n a bhreitheamh dìreach ceart.
- 6 Suidhichidh Dia 'an teachlaichibh
an dream tha uaigneach truagh:
Is saoraidh e gu tréaireach
na bheil fo chuibhreigh chruaidh;
Ach meud 's a bhios gu h-eucorach
ri ceannaire is ri lochd,
Ni iadsan còmhnuidh blunaiteach
'am fearann tioram bochd.
- 7 Air ceann do shluaigh tràth dh'imich thu
a Dhé, 's an fhàsach chruaidh;
- 8 Chriothnaich an talamh, shil an speur,
an làthair Dhé nan sluagh:
Sliabh Shinaí féin tha daingean àrd,
chriothnaich is luaisg gu mòr,
An làthair Dhé, Dé Israeil,
tha urramach an glòir.
- 9 Shil thusa, Thighearna, gu pailt
frasan a nuas gun dìth;
Is shuidhich agus dh'fhuirteach thu
air d'òighreachd, is i sgith.
- 10 Bha fòs do choimhthional 's do shluagh
'n an còmhnuidh innt', a Dhé,
Do d' mhaithreas rinn thu deasachadh
do d' dhaoineibh bochda féin.
- 11 An Tighearna ta làidir treun,
leig e a ghuth a mach,
'S a' chuideachd sin a dh'fhoillsich e
bu lionmhor iomarcach.
- 12 Rìghrean nan armaite 's nam feachd,
an sin le deifir theich:
'S ise a dh'fhuirich aig an tigh,
bha i a' roinn na creich'.
- 13 Measg phota luidh sibh, ach bidh sibh
mar sgiath nan colman luath,
Foluicht' le h-airgiod, is an cleit'
le h-òr a's deirge snuadh.
- 14 Tràth sgaoil Dia uile-chumhachdach
na rìghrean innt' a steach:
'N sin bha i geal mar Shalmon àrd,
's i uile làn de shnèachd.
- 15 An sliabh ud, Dhé, is cosmhuil e,
ri Basan measg nam beann,
Mar Bhasan mòr is amhluidh e,
gu h-àrd a thog a cheann.
- 16 C'ar son a leum sibh, bheannta àrd?
's e so àrd-thulaich Dhé,
Am miann leis tàmh, is bithidh e
'n a chòmhnuidh ann gach ré.
- 17 Tha carbaid Dhé 'n am fichead mìl';
mìlte de ainglibh treun':
'N a theampull naomh tha Dia 'n am
ionnan 's 'n a Shinaí féin. [measg
- 18 Is chaidh thu suas air ionad àrd,
thug bruid am braidhdeanas,
Do dhaoineibh fhuair thu tiodhlaca,
le'n dean thu toirbheartas:
'S ann cheana fòs do'n mhuinntir ud
ro-cheannairceach a ta,
A chum gu'm biodh Iehobhah Dia
'n a chòmhnuidh ac' a ghnàth.
- 19 Dia gu ma beannaicht' gu robh e,
tha dòrtadh oirn gach lò
A thiodhlaca, 's e Dia ar slàint',
an Dia a chum sin beò.
- 20 Is leinn an Dia ta làidir treun,
nì cabhair anns gach càs:
Do Dhia Iehobhah buinidh fòs
làn-teasairginn o'n bhàs.
- 21 Ach ceann a naimhde brisidh Dia;
is claignn greannach cruaidh
An fhir a dh'imicheas gu dàr
'n a chionta féin gach uair.
- 22 Deir Dia, Bheir mise air an ais
mo shluagh o Bhasan àrd;
'S o dhòimhneachd fairge bheir mi ris,
a nìos iad le mòr blaigh.
- 23 Chun ann am fuil do naimhde dian,
do chos gu'n deanar dearg,
'S gu'n tumar fòs 'n am fuil-san féin
teangadh do mhadradh garg'.
- 24 Do thrialsa chunnaic iad, a Dhé,
a Thighearna ro-chaoimh,
'S e triall mo Thighearn is mo Rìgh
's ann ams an àros naomh.
- 25 Luchd-drain dh'imich iad air tùs,
Luchd-inncil ciùil a ris:
'Nam measg a' bualadh thiompan fòs
na maighdeana gu mìn.
- 26 Deanaibh-sa Dia a bheannachadh,
'n 'ur coimhthional le chéil',
Eadhon Iehobhah Dia nam feart
o thobar Israeil.
- 27 Benjamin beag le'n triath an sud,
bha prionnsan iudah ann,
Le'n comhairl', prionnsan Naphtali,
is prionnsan Shebuluin.
- 28 Do Dhia 's e dh'athn is dh'orduich dh
do near is fòs do thrèòir:
An gnìomh a rinn thu air ar son
neartaich, a Dhé na glòir'.

- 29 Air son do theampuill naoimh, a Dhé,
 ta aig Ierusalem,
 Do bheir na rìghre ta mu'n cuairt
 deadh thiodhlaca dhuit féin.
- 30 Thoir achmhasan do luchd nan sleagh,
 's do chuideachd mhòir nan tarbh,
 Do laoghaibh fòs a' phobuill ud,
 thoir achmhasan gu garbh,
- Le mìribh airgid gus an géill
 iad sud gu léir do d' smachd :
 Sgaoil thus' am pobull ud, a Dhé,
 a ghabh do'n chogadh tlachd.
- 31 Thig priomsan mòr o'n Eiphit mach,
 's ni Etiopia fòs
 A lāmhan shìneadh mach gu luath
 suas ri Ard-Rìgh na glòir'.
- 32 O rìoghachdan an domhain mhòir,
 seinnibh do Dhia gu grinn ;
 Do'n Dia a's Rìgh 's a's Tighearn ann,
 seinnibh-sa moladh binn.
- 33 Do'n mharcach àrd air nēamh nan nēamh,
 ta ann o'n aimsir chéin :
 Feuch, tha e cur a mach a ghuth',
 a ghuth' ta làidir treun.
- 34 Sìor thugaibh neart do Dhia : oir tha
 a glhòir tha Israel,
 'S a threis a ta 's na nēamhaibh àrd,
 's an neulaibh tugh' nan speur.
- 35 O d'naomh-thìgh 's uamhasach thu Dhe :
 Dia Israeil gu beachd,
 D'a phobull bheir sàr-neart is treòir :
 's beannaichte Dia nam feart.

SALM LXIX.

- 1 **O** TEASAIRG mise, Dhé mo neart,
 oir dhòirt na tuitte orm,
 Is thàinig fòs air m'anam bochd
 na h-uisgeacha le toirm.
- 2 An làthaich dhomhain tha m'ìn sàs,
 gun àit an seasainn am ;
 Le h-uisgibh domhain ghilacadh mi,
 is sruth dol thar mo cheann.
- 3 Taim sgàth le m' ghlaodhaich ; agus tha
 mo seòrnan loisgt' le tart :
 Mo shùile ta air fàilneachadh,
 feitheamh air Dia nam feart.
- 4 Is lionmhoire na falt mo chinne
 mo naimhde gun chior-fàth,
 'S an dream ud fòs le'm s'ail mo chlaoidh
 ro ghuineac. làidir ta.
- An sin an ni nach d'thug mi leam,
 dh'aisig ni uam gu beachd.
- 5 Dhia, 's fìosrach thu air m'amaideachd,
 cha-n fholuicht' ort mo lochd.
- 6 Nàir air mo sgàthsa, Dhé, na leig,
 O Thighearna nan sluagh,
 Air neach air bith do'n aitim ud
 tha 'fheitheamh ort gach uair :
- An dream sin, O Dhia Israeil,
 ga d'iarraidh féin a ta,

- Na leig gu bràth fo nàire iad,
 no masladh air mo sgàth.
- 7 Oir masladh dh'fhuiling air do sgàth ;
 bonadh mo ghnùis le nàir'.
- 8 Do m' bhràthraibh is fear coigreach mi,
 coimheach aig cloinn mo mhàtl'r.
- 9 Le eud do theachsa shluigeadh mi ;
 meud 's a bheir masladh dhuit,
 'S ann orms' an toibheum sud gu léir
 gu leth-tromach a thuit.
- 10 M'anam tràth thraisg, 's a rinn mi gul,
 'n sin mhaslach iad mo ghnìomh.
- 11 'S 'n uair chuir mi uman eudach saic,
 ball-magaidh rinn iad dhìom.
- 12 Dhoibhsan a shuidheas anns a' gheat',
 's cùis chòmhraidh mi gach là :
 'S do luchd na misg' ri am am pòit',
 a'm' òran tha mi ghnàth.
- 13 Ach mise, Dhé, nì'm urnuigh riut,
 's an uair a's taitneach leat :
 Eisd rium, a Dhé, réir meud do ghràs
 le d' chabhair fhior thoir neart.
- 14 O'n làthaich saor mi, O mo Dhia !
 chum fuidh nach rachainn sìos :
 O luchd mo mhi-ruin teasaig mi,
 's o dhoimhneachd uisge nìos.
- 15 Na rachadh tharum tuitteach uisg',
 na sligeadh doimhneachd mi,
 An slochd na druideadh orm a bheul
 gu h-iomlan chum mo chlaoidh.
- 16 Eisd rium, O Dhia, oir 's maith do ghràs :
 pill rium a'd' thròcair phailt.
- 17 Do ghnùis na ceil air t'òglach féin,
 éisd rium gu luath, 's m'ìn aire.
- 18 Ri m'anam druid, is fuasgail e :
 o m' nàmhaid dean mo dhìon.
- 19 Mo mhasladh, m'cas-urram, 's mo nàir',
 's mo naimhde, 's léir dhuit féin.
- 20 Le toibheum tha mo chridhe brist',
 is mi gu h-ìarganach :
 Dh'iarr mi luchd truais is comhfhurtachd,
 is dhiubh cha d'fhuaras neach.
- 21 Seadh, thug iad domblas dhomh mar
 's 'am iotadh thug fion geur. [bhìadh,
- 22 Mar eangach dhoibh gu robh am bord ;
 's mar rib an àgh gu léir.
- 23 Gun léirsinn biodh an sùilean dall,
 's an leasraidh ghnàth air chrith.
- 24 Dhòirt orra d'fhearg, 's le d'chorruich ghéir
 glac iad gach uair sam bith.
- 25 Mar fhàsach lom gun àiteachadh
 gu robh an tàmh 's an teach,
 Is anns na pàillìunaibh bu leo
 còmhnuidh na gabbadh neach.
- 26 Oir lean iad le dian-fhoireigineadh
 an ti a bhuailcadh leat ;
 Is labhair iad chum doilgheis mhòir,
 do'n dream a rinn thu lot.
- 27 Cuir ciont' ri 'n aingidheachd, 's na leig
 a'd' cheartas iad a steach :

- 28 A leabhar fòs nam beò gu tur
dubhar iad sud a mach;
Is maille ris na fireanaibh
a bhuineas duit gun cheisd,
Is ann an àireamh dhaoine còir
na sgrìobhar iad am feasd.
29 Ach mise ta gu h-ainnis bochd,
is làn do bhròn faraon:
Togadh do shlàinte mi an àird,
a Dhé, gu gràsahor caoin.
30 Le h-òran binn sior-mholaidh mi
deadh ainm mo Dhé gach là,
'S a chliùsan fòs sior-thogar leam
le buidheachas gu h-àrd.
31 'S fearr leis an Tighearn sud gu mor
na damh ta adharcach,
No iobairt fòs a bheireadh ueach
do bhiorach erobhanach.
32 Na daoine sèimh tràth chi iad so,
bidh aoibhneach ait gu leòr;
Is bidh 'ur cridh'-sa beò gu bràth
ta 'g iarraidh Dhé na glòir'.
33 Ri bochdaibh éisdidh Dia, 's cha dean
tàir air a phrìosanaich.
34 Nèamh, muir, is tìr, gu moladh e,
's gach nì ta gluasadach.
35 Oir bailte Iudah togaidh Dia,
is saorar Sion leis,
A chum gu meal iad i gu buan,
'g a h-àiteachadh am feasd.
36 Do shliochd a sheirbhiseach gu fìor,
is sealbh ro-dhìleas i;
'S an dream a bheir d' ainm-san gràdh,
sior-chòmhnuidh innte ni.

SALM LXX.

- 1 **I**EHOBHAIH Dhia, gu m' theasairgiun
's gu m' chòmhnuadh, deifrich ort.
2 Biodh nàir' is amhladh air an dream
ta 'g iarraidh m'anam' bhoichd:
Pillear an dream ud air an ais,
le m' miann mo lochd a ghnàth,
Mòr amhladh gu robh orra sud,
is rughadh gruaidh gach là.
3 Gum pillear iadsan air an ais,
mar thuarasdal d'an nàir',
An dream a their gu fanoideach,
Aha, aha, le tàir.
4 Aoibhneas is aighear, do gach neach
'g a d' iarraidh féin a ta:
Is abradh iad le 'n toigh do shlàint',
Dia gu ma mòr, a ghuàth.
5 Ach mise ta gu h-ainnis bochd,
a m'ionnsuidh greas, a Dhia:
Mo chabhair thu, 's mo shlànuighear
moille na dean, mo Thriath.

SALM LXXI.

- 1 **'S** ANN ruit a ta mi 'g earbsadh, Dhé;
nàir' orm am feasd na biodh,
2 A'd' cheartas fòir, thoir orm dol as:
aom rium do chluas, saor mi.

- 3 A'd' charraig còmhnuidh bi-sa dhomh,
d'an tàthuicheam do shìor:
Mo chaisteal, is mo dhaingneach thu,
thug àithne chum mo dhìon.
4 A làimh nan aingidh, O mo Dhia,
dean fuasgladh dhomh a'm' chruas,
A làimh na muinntir eucoraich,
a ta gun iochd, gun truas.
5 Oir 's tusa, Thighearna mo Dhia,
mo dhòchas ann am fheum,
O aois is aimsir m'òige nuas,
mo mhuighinn thu ro-threun.
6 'S ann leatsa chumadh mise suas,
O thain'geas as a' bhroinn;
A bolg mo mhàthar bluin thu mi,
sior-mholam thu gu binn.
7 Mar aobhar iongantais, a Dhé,
aig mòran a ta mi;
Ach 's tusa 's tearmuin dèileas dhomh,
's mo spionnadh mòr gun dìth.
8 Lìonar mo bheul le d' mholadhsa,
's le d'urram féiu gach lò.
9 Na tilg mi dhìot a'm' aois; 's na tréig
'n tràth dh'fhàilicheas mo threòir.
10 Oir m'aghaidh mheud 's is naimhde
labhair gu sgaiteach geur: [dhomh
'S an dream ta' brath air m'anam bochd,
ghabh comhairle le chéil',
11 Ag ràdh, Do thréigcadh e le Dia,
leanaibh e nis gu teauu,
Is glacaibh, oir 'g a theasairginn
cha-n 'eil neach idir aun.
12 A Dhé, na bi-sa fada uam;
fòir orm, mo Dhia, gu luath.
13 Biodh nàir' is claoidh air m'eascairdibh,
'g am bheil do m'auam fuath:
Masladh is nàire fol'cheadh iad,
tha 'g iarraidh m'uile gach lò.
14 Sior-earbam riut, is seinnidh mi
do chliu ni 's mò 's ni 's mò.
15 Labhraidh mo bheul air t'fhìreantachd,
's do shlàint' gach là gun sgìos:
An àireamh sud aig lìomhoireachd
cha-n fheadar leam chur sìos.
16 Tre neart an Tighearna mo Dhia,
fòs gluaisidh mi a ghnàth:
Is ni mi sgeul air d'fhìreantachd,
d'fhìreantachd féin a mhàin.
17 O m'òige rinn thu teagasg dhomh,
a Thighearn is a Dhé:
Is chuir mi d'òibre iongantach
gu ruige so an céili.
18 A nis air bhi dhomh aosmhor liath,
na tréig mi, Dhia nam feart:
Gu taisbeanainu do neart 's do threis,
do'n àl a t'ann, 's ri teachd.
19 'S ro-àrd do cheartas féin, a Dhé,
is rinn thu bearta mòr:
O Dhia, cò e a's cosmhul riut,
no choimeas riut is còir?

- 20 Trioblaid ro-mhòr is an-shocair,
's tu thaisbein dhomh, a Dhé;
Ath-bheothaichidh, is bheir thu ris
o dhoimhneachd talmhainn mi.
- 21 Mo mhòrachd cuiridh tus' am meud,
's bheir sòlas air gach taobh.
- 22 Air saltair molam thu, mo Dhia,
scadh d'fhìrinn ta ro-chaomh.
- Is seinneam dhuit air clàrsaich bhinn,
O Aoin naoimh Israeil.
- 23 Mo bhilean nì mòr-ghairdeachas,
tràth sheinneam dhuit le m' bheul:
Bidh subhachas is aoibhneas mòr
air m'anam féin, a Dhé,
A shaoradh leat gu trèaireach
o 'thrioblaidibh gu léir.
- 24 Is bidh mo theang' air d'fhìreantachd
ag iomradh feadh an là:
Oir nàir' is amhludh fhuair an dream
'g iarraidh mo lochd a ta.

SALM LXXII.

- 1 **D**HIA, thoir do bhreitheanas do'n rìgh,
is d'fhìreantachd d'a mhac.
- 2 Bheir esan ceart bhreth air do shluagh,
's do d' bhochdaibh còir 'n an aire.
- 3 Na sleibhtean àrda bheir a mach
sìochaint do'n t-sluagh gu pailt;
Is bheir na tulaich bheaga sìth
le fireantachd gun aire.
- 4 Air daoimibh bochd a' phobuill fòs,
bheir esan breth gu ceart;
Is clann nan ainmhs saoraidh e,
mìn-bhrisidh luchd ain-neart.
- 5 Am feadh bhios grian is gealach ann,
freasdal do'n là 's do'n oidhch',
Bidh d'eagal orrasan gu mòr,
o linn gu linn a chaoidh.
- 6 Mar uisge air an fhaiche bhuaint',
is amhluidh thig e nuas:
Mar fhraasail dh'uisgicheas am fonn,
is ionnan sin a ghràs.
- 7 R'a linn-san bidh na fircanaich
gu h-ùr a' fàs le blàth:
'S am feadh a bhios a' ghealach ann,
bidh sìochaint pailt a ghnàth,
- 8 Bidh uachdranachd aig mar an ceudn'
o thuinn gu tuinn gu sìor,
Is ruigidh sud o'n amhainn mhòir,
gu ionall crìch gach tìr'.
- 9 Luchd-còmhnuidh fòsan fhàsaich chruaidh
sleuchdaidh iad sìos 'n a làth'r;
A nainhdean imlichidh an ùir,
a' tabhairt ùmhlaichd dha.
- 10 Rìgh Tharsis, is nan eileanan,
tìodhlacan bheir iad uath',
Bheir rìghrean Sheba, Seba fòs,
tabhartais dha gu luath.
- 11 Seadh, fòs 'n a fhianuis sleuchdaidh sìos
gach rìgh air thalamh ta:

- 'S gach ginealach air feadh gach tìr,
dha seirbhis ni a ghnàth.
- 12 An t-ainnis bochd gun chuideachadh,
saoraidh tràth dh'èigheas ris.
- 13 'S ni acarachd ri truaghan bochd,
is dìonar 'anam leis.
- 14 'S e theasairgeas an anam fòs
o fhoill 's o fhòirneart gheur:
Is fòs 'n a shùilibh-san gun cheisd,
's prìseil am fuil gu léir.
- 15 Bithidh e beò gu maireannach,
òr Sheba bheir dha:
Gnàth-urnuigh nithear air a shon,
is molar e gach là.
- 16 'S an talamh cuirear dorlach sìl,
air mullach àrd nam beann;
Is bidh a thoradh trom air chrith,
mar Lebanon nan crann.
- An dream a ta 's a' chaithir mhòir,
bidh toradh orr' is blàth
Gu lìonmhor, mar is dual do'n fheur
air thalamh fàs a ta.
- 17 Bidh 'ainm-san buau gu suthain sìor,
co-mhaireann ris a' ghréin;
Is annsan beannaichear gach slògh;
's beannaichear leo e féin.
- 18 Beannaicht' gu robh an Tighearn Dia
Dia Israeil a ghnàth,
An ti a mhaìn nì mìorbhuile
le treis is neart a làimh.
- 19 Beannaicht' gu robh gu sìorruidh buan
ainm glòrmhor uasal féin;
Lìonadh a ghloir gach uile tìr,
Amen, agus Amen!

SALM LXXIII.

- 1 **G**U firinneach tha Dia ro-mhaith
do phobull Israeil,
Do'n dream 'g am bheil an cridhe glan,
tha Dia dhoibh maith d'a réir.
- 2 Ach air mo shonsa, 's beag nach d'aom
mo chosa uam gu grad:
Chia mhòr nach d'riinn mo cheuma fòs
sleamhnachadh uam air fad.
- 3 Ri amadanaibh ghabh mi tòn,
ri faicinn soirbheis daoi.
- 4 Oir cuibhrichean cha-u' eil 'n am bàs;
neart làidir 's leo gun dìth.
- 5 Mar dhaoimibh eile cha-n' eil iad
fo thrioblaid no fo leòn:
'S cha-n' eil iad air an sàruchadh
mar chàch le piantaibh mòr'.
- 6 Ardan mar shlabhraidh, uime sin,
'g an cuairteachadh a ta;
Am foirneart féin 'g an còmhachadh
mar eudach thart' a ghnàth.
- 7 An sùile sultmhor tha le saill:
an tòic chaidh thar am miann.
- 8 Is truailidh iad, 's air fòirneart geur
labhraidh gu h-aingidh, dian.

SALM LXXIV.

- 9 An aghaidh fòs nan nèamh 's nan speur
am beul do thog iad suas ;
Air feadh na talmhainn is na tìr
au teangadhsan do ghluais.
- 10 Fa'n aobhar ud gu ruige so,
a shluagh-san pillidh iad ;
Is faisgear dhoibh do 'n uisge mach,
làn cupain a's leòr meud.
- 11 Is their iad, Cia mar 's léir do Dhia ?
'm bheil tuigs' 's an 'Ti a's àird' ?
- 12 Feuch, sud na daoibh, tha soirbheachadh,
a' fàs 'n an stòr gach là.
- 13 Mo chridh' gu dearbh ghlan mi gun stà,
's 'an neo-chiont' nigh mo làmh ;
- 14 Oir buailt' is smachduichte ta mi
gach maduinn, 's feadh gach là.
- 15 Nan abrainn, Labhraidh mi mar so,
feuch, pheacaichinn gu beachd,
An aghaidh sliochd is ginealaich
na cloinne 's ionmhainn leat.
- 16 Tràth smuainich mi gu'n tuiginn so,
bu chruaidh-cheisd orm an gnìomh.
- 17 Ach chaidh mi steach do naomh-thigh
is thuig mi 'n sin an crìoch. [Dhé,
- 18 Gu deimhin chuir thu iad air fad
an àitibh sleamhuinn lom :
Is thilg thu iad a sìos g' an sgrios
le dìoghaltas gu trom.
- 19 Feuch cionnus thàinig orra claidh,
am mionaid bhig na h-uair' ?
Oir tha iad air an sgrios gu tur
le oillt is eagal mòr.
- 20 Mar aisling 'n uair a dhùisgeas neach,
mar sin, a Dhia nan sluagh,
Ni thusa dimeas air an dealbh,
air mosgladh dhuit á suain.
- 21 Mar so bha air mo chridhe cràdh,
's am airnibh goimh ro-gheur.
- 22 Oir bha mi baòth is aineolach :
mar bhrùid a'd làth'r, a Dhé
- 23 Gidheadh, tha mise maille riut,
O Thighearna, a ghnàth :
Is air mo dheas làmh ghlaic thu mi,
ga m' chumail suas gach là.
- 24 Do nithear leat mo stiùradh fòs
le d' chomhairle a'm' fheum,
Is gabhaidh tu mi steach fadheoidh
a'd àros ghlòrmhor féin.
- 25 Còd th'agam anns na nèamhaibh shuas
ach thusa, Dhia nan dùl ?
Is cha-n 'eil neach air thalamh fòs
ach thus' am bheil mo dhùil.
- 26 Mo chridh' is m' fheadhail faraoan a ta
air fàilneachadh gun cheisd :
Gidheadh 's e neart mo chridhe Dia,
's mo chuibhrionn bhuan am feasd.
- 27 Oir feuch iad sin tha fada uait,
léir-sgrìosar iad gu luath :
Oir ghearr thu as gach uile neach
air strìopachas chaidh uait.

- 28 Ach dhomhsa 's maith teachd dlùth do
dh'earb mi á Dia mo neart, [Dhia ;
A chum gu foillsichinn gu sìor
gach gnìomh a rinneadh leat.

SALM LXXIV.

- 1 C'ARSON a thilg thu sinne uait ?
an ann gu bràth, a Dhé ?
C'arson ri caoraich d'ionaltraidh,
a las do chorruich gheur ?
- 2 Cuimhnich, a Dhé, do choimhthional
a cheannuich thu o chéin ;
Slat d'òighreachd fòs a shaoradh leat,
Sion do chòmhnuidh féin.
- 3 A chum nam fasach sìorruidh buan,
do chosa tog gu grad ;
Is chum gach olc a rinn do nàmh
a'd' theampull naomh air fad.
- 4 Do naimhde rinn iad beucadh borb
measg coimhthionail do shluaigh :
Is chuir iad suas am brataichean
mar chòuhar air am buaidh.
- 5 Bu chliùiteach neach mar dheantadh leis
a thuagh a thogail suas,
Air crannaibh àrda dosrach tiugh,
a chum au leagadh nuas.
- 6 Ach nis an obair shnaidhte ghriinn,
le h-ordaibh 's tuaghaibh bhris ;
- 7 Is chuir iad suas 'n a lasair dheirg
do theampull naomh 'g a sgrios :
Tigh còmhnuidh naomha d'ainme, Dhé
feuch, thruaill iad e le tàir,
'G a mhilleadh is 'g a leagadh sìos
co ìosal ris an làr.
- 8 'N an cridhe labhair iad mar so,
sgriosamaid iad le chéil :
Gach Sinagog th'aig Dia 's an tìr,
loisgeadh iad leo gu léir.
- 9 Ar comhara cha-n fhaicear leinn ;
fàidh cha-n 'eil idir ann,
Ni mòd tha neach 'n ar measg cho gearr
d'an léir cia fad an t-àin.
- 10 Cia fhad a bheir, O Dhé nan dùl,
na naimhde toibheum uath' ?
An toir an uamhaid beum am feasd
do d'ainm-sa, Dhia nan sluagh ?
- 11 C'arson a phillcar leat do làmh,
do dheas làmh air a h-ais ?
O buin a mach o d' bhròlach i,
chum fuasgladh oirnn gu cas.
- 12 Oir Dia na glòir' tha neartmhor àrd,
o chian is e mo Rìgh,
Am builsguin talmhainn le mòr-neart
ag oibreach' slàint' is sìth'.
- 13 An fhaigse sgaoileadh leat le d' neart,
is cinu ro-làidir chruaidh
Nan dràgon bhriseadh leat 's an uisg'
a' tabhairt orra buaidh.
- 14 Cinn Lebhiatain àghoir mhòir
's tu féin a bhris is phronu ;

Is thug thu e mar bhiadh do'n t-sluagh,
a bha 's an fhàsach lom.

- 15 'S tu sgoilt an tobar is an tuil :
's tu thiormaich airmhne mòr'.
- 16 'S tu dheasaich solus agus grian,
is leat an oidhich', 's an lò.
- 17 Criccha na talmhainn shoeruch thu :
rinn thu an samhradh teth,
'S an geamhradh fòs do rinneadh leat,
'n an aimsiribh fa leth.
- 18 Gu'n d'thug na naimhde toibheum uath'
cuir sud air chuimhne, Dhé,
'S gu'n d'thug an pobull amaideach
do d'ainm ro-uasal beum.
- 19 Anam do cholmain na toir suas
do chuideachd mhòir nan daoì :
Is coimhthional do dheòraidh bochd
na dearmaid iad a chaidh.
- 20 Do chumhnant thoir fainear, a Dhé,
oir àitean dorch' na tìr,
Tha uile air an àiteachadh
le luchd an fhòirceirt ghéir :
- 21 Na pillear air an ais le nàir'
na dh'fhuiling fòirneart goirt :
An dream ta ainns aim-beartach,
deanadh iad moladh ort.
- 22 Tog ort is éirich suas, a Dhé ;
tagair do chùis gu treun :
Cumhnich mar tha an t-amadan
gach là 'toirt dhuitse beum'.
- 23 Na dearmaid guth na muinntir sin
'n an naimhdeibh dhuit a ta :
Tha bruidheann dhaoìn' a dh'éirich riut,
sior-dhol am meud a ghnàth.

SALM LXXV.

- 1 **D**HUIT bheir sinn buidheachas, a Dhé,
dhuit buidheachas a ghnàth :
Oir foillsichidh do mhiorbhuile,
gur fagus d'ainm gach là.
- 2 Tràth gheibh mi is a ghleacar leam
coimhthional mòr na tìr,
Do ni mi dhoibh deadh bhreitheanas,
gu cothromach 's gu fìor.
- 3 Sgaioleadh an dùthaich, is an sluagh
'g a h-àiteachadh a ta :
Ach mise cumaidh suas gu treun
posta na tìr' a ghnàth.
- 4 Thubhairt mi ris gach amadan,
na gluais gu h-amaideach :
'S ri luchd an uile, Na togaibh suas
bhuir n-adharc àrdanach.
- 5 Bhuir n-adharc fòs na togaibh suas :
ri cainnt le muineal cruaidh.
- 6 Cha-n ann o'n ear, no 'n iar, no deas,
thig urram mòr no buaidh.
- 7 Ach 's breitheamh Dia : a leagas aon,
's a thogas aon fa seach.
- 8 Oir cup an làimh an Tighearn ta
do 'n fhion a's deirge dreach :

Làn coimeisg tha e, dòirtidh Dia
cuid as a mach gu grad :
A dheasgairn faisgidh daoine daoì,
is òlaidh iad air fad.

- 9 Ach cuiridh mise fòs au céill
gu suthain is gu sìor,
Do Dhia ud Iacoib canar leam
àrd-mholadh binn gu fìor.
- 10 Uil' adharca nan daoine daoì,
sgathaidh mi sìos 's gach àit ;
Ach adharca nan saoi air fad
togar gu grad an àrd.

SALM LXXVI.

- 1 **A**N Iudah aithnìcheas ar Dia ;
's mòr 'ainm an Isra'ì naomh
- 2 An Salem tha a phàillium fòs,
a thàmh an Sìon caomh.
- 3 Saighdean a' bhogha bhris e 'n sin.
an sgiath 's an claidheamh geur
An còmhrag is an cath faraon,
bhriseadh iad leis gu treun.
- 4 Is mò do mhòralachd, a Dhé,
is mò gu mòr do ghloir
Na beannta thog an cinn gu h-àrd,
le cobhartach ro-mhòr.
- 5 Làn-chreachadh luchd a' chridhe chailm,
is choidil iad le suain ;
Na fir a bha 'n an curaidh mhòr',
an làmh fòs cha d'fhuair.
- 6 O thus' a's Dia do Iacob ann,
le d' achmhasan 's le d' neart,
An carbad-cogaidh is an t-each
'n an suain do chuireadh leat.
- 7 'S cùis eagail thu, thu féin, a Dhé :
cia neach a chogas riut ?
No ann ad shealladh sheasas suas
an uair bhios corruich ort ?
- 8 Thug thusa air do bhreitheanas
o nàmh gu'n cualas e :
Bha air an talamh eagail mòr
's na thàmh ghrad dh' fhuirich e.
- 9 Tràth dh'éirich Dia chum breitheanas,
a theasairginn 's an àm,
Gach uile dhuine cùin is sèimh,
air talamh a bha ann.
- 10 Bheir fearg is corruich dhaoìn' an sin
àrd-mholadh dhuit gu beachd ;
Is fuigheall fòs na feirge mòir',
làn choisgidh tu le d' neart.
- 11 Geallaibh 'ur bòid gu togarach
d'ur Dia Iehobhah àrd ;
Is coimhlionaibh gu fìrinneach
na gheallar leibhse dha :
Gach neach a ta m'a thimchiollan
thugadh iad dha 'n a àm,
Deadh-thabhartais is tiodhlaca,
do'n tì 's cùis eagail ann.
- 12 Is e ni spiorad phrionnsan mòr
a sgathadh sìos le neart ;

Do rìghribh fòs a' chruinne-ché
's cùis eagain e gu beachd.

SALM LXXVII.

- 1 **D**H'EIGH mi ri Dia gu h-àrd le m'ghuth,
dh'èigh mi le m'ghuth gu h-àrd,
Is thug e, 'n uair a ghlaodh mi ris,
sàr-èisdeachd dhomh gun dàil.
- 2 An là mo thrioblaid dh'iarr mi Dia :
is shruth mo leòn gun sgrur,
Ré fad na h-oidhch' : is m'anam truagh
sòlas do dhiùlt gu tur.
- 3 Air Dia ghrad-chuimhnich mi an sin,
is mi an trioblaid ghéir :
Ris rinn mi gearan trom gun tàmh,
chlaoidheadh mo spiorad féin.
- 4 Chum thu mo shùil 'n a faireachadh :
tha mi co iarganach,
Nach feud mi focal cainnt no sgéil
labhairt le m' bheul a mach.
- 5 An sin air làithibh fad o chéin
smuainich mi féin le beachd ;
Air bliadhnaibh fòs na h-aimsir céin
am aire féin bha teachd. [oidhch']
- 6 Seadh chuimhnich mi mo cheòl 's an
's rinn cainnt ri m' chridhe féin,
Is rinn mo spiorad fòs gun tàmh,
le dichìoll, sgrudadh geur.
- 7 An tilg an Tighearn uaith gu bràth ?
nach nochd e 'ghràdh ni 's mò ?
- 8 'N do sguir gu tur a ghràs am feasd ?
's a ghealladh fad gach lò ?
- 9 'N do dhearmaid Dia gu firinneach
bhi gràsuhor caoin gu bràth ?
'N do dhruid e suas 'n a chorruich mhòir
a thròcair chaomh 's a ghràdh ?
- 10 An sin ghrad fhreagair mi gu dearbh
is i so m'anmhuinn mhòr ;
Ach bliadhnaidh deas làimh' cuimhnich-
an Ti a's àirde glòir. [eam]
- 11 Gnìomhara Dhé sior-mheòraicheam,
mar rinneadh leis gach beart,
Is d'iongantaís o'n aimsir chéin
sior-chuimhnicheam gu beachd.
- 12 Air d'oibrìbh uile mar an ceudn'
smuainichidh mi gu tric ;
Is air gach gnìomh a rinneadh leat
sior-labhraidh mi gu glic.
- 13 Do shlighe ta 's an ionad naomh,
a Thighearn is a Dhé :
Cò 's coimeas ann am meud ri Dia
a ta 'n a Dhia dhuinn féin ?
- 14 'S tu 'n ti tha 'deanamh iongantaís
a Thighearna nam feart ;
Is ann am measg a' phobuill fòs
do thaisbein thu do neart.
- 5 Do shaoradh leat d'an teasairginn
do phobull dìleas féin,
Clann Iacob agus Ioseiph fòs,
le d' ghairdean neartmhor treun.

- 16 Chunnaic na h-uisgeachan thu, Dhé,
chunnaic iad thu gu beachd ;
Is ghabh iad geilt ; 's air doimhneachd fòs
bha mòran ogluidheadh.
- 17 An uisge dhòirt na neoil a nuas,
bu ro-mhòr fuaim nan speur ;
Is chaidh do shaighde corranach
a mach gu sgaiteach geur.
- 18 Ard-ghuth do thairneanaich 's an speur
chualas, a Dhé, gu tric ;
An saoghal las le d' dhealanaich,
an talamh ghluais is chlisg.
- 19 Do cheuma tha 's an doimhneachd mhòir,
do shlighe tha 's a' chuan :
Ach luig do chos cha-n aithnich sinn,
tha sud am folach uaimn.
- 20 Is amhluidh mar gu'm biodh ann treud,
do phobull stiùireadh leat ;
Le deadh làimh Mhaois is Aaroin fòs,
'g an treòrachadh gu ceart.

SALM LXXVIII.

- 1 **M**O phobull éisdibh ri mo reachd :
is chuinnibh guth mo bhéil.
- 2 Am briathraibh fìlidh cuiridh mi
sean-fhocail dhorch' an céill :
- 3 A chuala sinn o'r sinnsearaibh,
is air am b'fhiosrach sinn,
- 4 Cha-n fhòlaich sinn o'n ginealach,
'S cha cheil sinn iad o'n cloinn ;
A' foillseachadh àrd mholaidh Dhé
do 'n àl a ta ri teachd ;
'S na m'òrbhuilean a rinneadh leis,
a chumhachd is a neart :
- 5 Oir lagh an Iacob dhaingnich e,
Is reachd an Israel,
A dh'orduich e d'ar n-aithrichibh,
d'an cloinn an cur an céill.
- 6 Chum fìos bhi aig an àl ri teachd,
a' chlann a ta gun bhreith :
'S gu'n innseadh iad do'n linn 'n an déigh
na nithe sin fa leth.
- 7 An Dia gu'n cuireadh iad an dòigh
's nach deantadh dichuimhn' leo
Air oibrìbh Dhé, 's gu'n gleidheadh iad
a reachda mar is còir :
- 8 'S nach biodh iad mar an sinnsireachd,
lan ceannaire is droch-bheirt,
Gun spiorad tairis annt' do Dhia,
's an cridhe gun bli ceart.
- 9 Clann Ephraim le armaibh gleust',
air bogh' bu chuimseach beachd,
Ach phill iad air an ais le geilt
an làithibh cath' is feachd.
- 10 Coimhcheangal Dhé nior ghleidheadh
is dhiùlt iad géill d'a reachd ; [leo]
- 11 'S na m'òrbhuilean a nochd e dhoibh
á 'n cuimhne leig gu beachd.
- 12 An sealladh sùl an aithriche,
seadh fòs an tìr na h-Eiph't,
'S air machair Shòain nochdadh leis
a m'òrbhuilean ro threun.

- 13 Sgoilt e an fhaire', 's thug iadsan trid ;
mar thorra na h-uisgean sheas.
- 14 'S an là le neul iad stiùir, 's an oidhche'
le solus tein' gu deas
- 15 Sgoilt creag 's an fhàsach, aise deoch
thug, mar à doimhneachd mhòir ;
- 16 Bhuin sruth á creagaidh, thu air uisg'
ruith sìos mar thuil gu leòr.
- 17 'S an fhàsach pheacaich iad ni 's mò ;
is bhrosnuich an t-Ard Rìgh.
- 18 'N an cridhe chuir iad cathadh air ;
d'am miann ag iarraidh bidh.
- 19 Labhair iad fòs an aghaidh Dhé ;
is thubhairt iad gu dian,
An urrainn Dia 's an fhàsach mhòr
bòrd dheasachadh d'ar miann ?
- 20 Feuch, bhuail e 'chreag, bhrùchd uisge
dh'éirich an tuil gu luath [mach,
Am feud e aran thabhairt fòs ?
an deasaich feòil d'a shluagh ?
- 21 Air cluinntinn so, ghabh corruich Dia ;
ri Iacob teine làs,
Is dh'éirich fearg ro-dhoinionnach
ri Israel gu cas :
- 22 Chionn nach do chreid iad ann an Dia,
's nach d'earb iad as a shlàint' ;
- 23 Ged dh'fhosgail dorsa nàmhla fòs,
's na neòil o'n àird ged dh'àithn.
- 24 Ge d' dhòirt e orra Mana nuas,
ge d' fhuair iad coire nan speur.
- 25 Biadh aingeal dhiùth iad : thug e dhoibh
de lòn an sàth gu léir.
- 26 'S an speur thug e air gaoith an ear
gu'n d'imich i gu treun :
Is thug e fòs le neart a steach
a' ghaoth dheas mar an ceudn'.
- 27 Fòs dhòirt e orra nuas mar dlus,
do fheadh au uile shàth ;
'S coin iteagach bu lìomhoire
na gaineamh air an tràigh.
- 28 Do leig e sud 'n an camp a nuas
mu'n cuairt 'n an àitean-tàimh.
- 29 Seadh dhiùth iad uile 's shàsaicheadh ;
oir thug e dhoibh an sàimh.
- 30 Cha robh iad air an sgarachduinn
o mhiann an cridhe féin ;
Ach air bhith acasan am biadh
'g a chagnadh dian 'n am beul.
- 31 A chuid bu shultmhoir' dhiubh 's bu tréin',
ghlac Dia 'n a fheirg is mharbh :
'S an òigridh thaght' an Israel,
ghrad-bhuailleadh leis gu garbh.
- 32 Gidheadh an déigh gach gnìomh dhiubh
do pheacaich iad gu mòr ; [sud,
Is ge do rinn e miorbhuilean,
nìor chreid iad mar bu chòir.
- 33 An làithean chaith e, uime sin,
an diomhanas air fad ;
'S am bliadhnaidh thairis chaidh gu léir
le carraid ghéir gun stad.
- 34 An uair a mharbhadh leis-san iad,
an sin ghrad-iarr siad e,
Seadh phill iad, agus bha iad fòs
gu moch ag iarraidh Dhé.
- 35 Is chuimhnich iadsan gu'm b'e Dia,
an carraig threun a ghnàth :
Is gu'm b'e fòs an Dia a's àird'
b'fhear-saoraidh dhoibh gach là.
- 36 Ach rinn iad mìodal ris le 'm beul,
le 'n teagaidh breug is gò :
- 37 Cha robh an cridhe ceart ; 's cha robh
'n a chùmhlannt dileas da.
- 38 Ach Dia, gu iochdmhor mhaith an lochd,
's an sgrios cha d'rinn gu geur :
Bu tric a phill e 'chorruich uath',
's nìor dhùisg e 'fhearg gu léir.
- 39 Oir annta chuimhnich e nach robh
ach feoil théid as mar bhlàth,
Is osag ghaoith' a ghabhas seach,
's nach pill a ris gu bràth.
- 40 Cia tric a bhrosnuicheadh e leo
's an fhàsach thartmhor chruaidh ;
's an dithreach chuireadh corruich air
le eusaontas an t-sluaigh ?
- 41 Seadh phill iad uile air an ais,
bhrosnuich iad Dia le chéil' :
Is chuir iad tomhas mar an ceudn'
air Ti naomh Israel.
- 42 Dhìchuimhnich iad, 's cha d'fhàg faineas
a ghairdean treun 's a làmh :
No 'n là 's an d'thug e furtachd dhoibh,
is fuasgladh deas o 'u nàmh :
- 43 No fòs mar rinneadh anns an Eipht',
combara Dhé nam feart :
Air machair Shòain mar an ceudn'
a mhiorbhuile le neart.
- 44 An srutha chaochail e gu fuil :
's na h-uillt nach feudtadh 'n òl.
- 45 Chuir losgairn thug', is cuileagan ;
's leo chlaoidheadh iad gu mòr.
- 46 An toradh thug e is am bàrr
do'n bhurras sgriosach bheag ;
Is saothair fòs an làmh air fad,
fo ailghios locust leag.
- 47 Am fion-chroinn bhris e mar an ceudn'
le cloich-shneachd chruaidh's gach àit ;
Is amhluidh mhill le roodhadh teann
au cranna-figis àrd.
- 48 Am feudail thug e thairis fòs
do'n chloich-shneachd sgataich ghéir ;
'S le saighdibh teine-dealanaich,
ghrad-chuir e as d'an treud.
- 49 Teas feirge, trioblaid, 's corruich mhòr,
sud thilg e orr' gu grad ;
Le ainglibh ole a chur 'n am measg,
g'an claidh gu goirt air fad.
- 50 D'a chorruich rinn e bealach réidh :
'n anam nìor chum o'n bhàs ;
Am beatha thruagh thug thairis fòs
do ghalar-plaigh 's do'n chàs.

- 51 Throm-bhuileadh leis-san anns an Eiph't,
gach ceud-ghin a bha ann :
Toiseach an neirt 's na pàilliu-naibh
a bha aig gineil Ham.
- 52 Ach thug e mach a phobull caomh
mar chaoraich as an tìr :
Is rinn mar threud 's an fhàsach iùhòr,
an treòrachadh gu fìor.
- 53 Leis stiùireadh iad gu tèaruinte,
gun eagal is gun sgàth :
Ach air an naimh-dibh dh'iadh an cuau,
's an sluagh ud uile bhàth.
- 54 Gu crìochaibh ionaid naomha féin
thug e a phobull leis :
Gu ruig an cnoc so choisinn e,
's a bhuadhaich a làmh dheas.
- 55 Thilg e na cinnich rompa mach,
's an oighreachd roim le crann :
Do Isra'ìl thug e'n àite sud
gu còmhuidh ghabhail ann.
- 56 Ach bhrosnuich agus ghrànaich iad,
an Dia a's àirde glòir ;
Is idir cha do choimhid iad
a naomh-reachd mar bu chòir.
- 57 Ach phill iad mar an siunseara,
's gu fealltach ghluais air fad :
Mar bhogha fiar chaidh iad a thaobh,
is chlaon iad uaith gu grad.
- 58 Le 'n dealbhaibh, is le'n àitibh àrd'
chuir iad air fearg is eud :
59 Tràth chuala Dia bha corraich air
is gràin ri Israel.
- 60 Ionnsa a phobull gu'n do thréig,
an Siloh chuir a làmh :
'S am pàilliu fòs a shocrnich e
measg dhaoine ghabhail tàmh.
- 61 Gu bruid thug suas an neart, 's an glòir
gu làmh uan naimhde garg.
- 62 Do'n chlaidheamh thug e suas a shluagh,
ri 'oighreachd ghabh e fearg.
- 63 An teine loisg an òigridh ghleust' ;
pòsadh cha d'fhuair an òigh'n.
- 64 An sagairt thuit le claidheamh geur :
's cha d' rinn an bantraich bròn.
- 65 Ghrad-mhosgail Dia an sin, mar neach
ag éirigh as a shuain ;
Mar churaidh 'n déigh bhi pòit air fion
tràth ni e iolach chruaidh.
- 66 'N an deireadh bhuileadh leis gu geur
a naimhde féin le tàir :
Is chuir e iad o sin a mach
gu masladh buan is nàir'.
- 67 Is pàilliu Ioseph dhiùltadh leis :
nìor thagh treubh Ephraim fòs :
- 68 Ach thagh e Iudah, sliabh Shìoin féin
d'an d'thug e gràdh gu mòr.
- 69 Thog esan 'fhàrdoch naomh an sud,
mar lùchairt àrd ro-dheas :
'S mar ionad àrd air talamh teamn
a dhaingnich e am feasd.

- 70 Is 'òglach Daibhidh thagh, is thug
o chrò nan caorach e :
- 71 'S o leantuinn fòs nan caorach trom
le h-àl am measg an sprèidh ;
Is thug se e a bheathachadh
Iacòb a phobuill uaoimh,
Is gineal Isr'èil mar an ceudn'
a b' oighreachd dha ro-chaomh.
- 72 Réir ionracais a chridhe féin,
bheathaich e iad gu beachd :
A réir deadh sheòltachd fòs a làmh
stiùireadh leis iad gu ceart.

SALM LXXIX.

- 1 **T**HAINIG, a Dhé, na fineachan
a steach do d' oighreachd féin,
'Thruaill iad do theampull naomh, is
'n a tòrr Ierusalem. [dh'fhàg]
- 2 Is thug iad cuirp do sheirbhiseach
mar bhiadh do coin nan speur :
Is feoil do naomh mar chobhachtach,
do bheathaichibh an t-sléibh.
- 3 Mu thimchioll fòs Ierusalem,
dhòirt iad am fuil mar uisg' :
Is cha robh neach g'an adhlacadh
's g'an cur 's an uaign an taisg.
- 4 Ball fanoid agus maslaidh sinn
d'ar coimhearsnachaibh féin :
Cùis spòrs' is mhagaidh do gach neach
a ta m'ar cuairt gu léir.
- 5 Cia fhad a bhitheas corruich ort,
a Dhé, am bi gu bràth ?
Is d'eud am bi a' losgadh ruin
mar lasair theith a ghnàth ?
- 6 Do chorruich air na cinnich dòirt
aig nach 'eil eòlas ort ;
Is air na rioghachdaibh nach gairm
air d'ainm, a Dhia nam feart.
- 7 Oir mhill iad Iacob, 'fhàrdoch fòs
'n a fàsach chuir iad sìos.
- 8 Na peacaidh fòs a rinneadh leimn
an cuimhneach dhuinn a ris ;
Tionndadh gu luath do thruacantas,
ruigeadh e oirnn mu thràth :
Oir 's diblidh bochd a nis ar staid
a' tuiteam sìos gach là.
- 9 Dean comhluadh leimn, O Dhé ar slàint',
air sgàth glòir d'ainme féin ;
Sgàth d'ainme saor sinn, agus glau
ar peacaidh uainn gu léir.
- 10 Cìod uime 'n abradh fìneacha,
c'àit bheil a uis an Dia ?
Measg fhìneacha 'n ar sealladh féin,
aithnicheadh iad an Triath,
Le dioghaltas a ghabhail diubh ;
oir dhòirteadh leo gun iochd
Fuil neòchiontach do sheirbhiseach,
gu saoi-bhir is gu tric.
- 11 Osnaidh a' phrìosanaich a d' làth'r
thigeadh, a Dhné nam feart ;

- 'S an dream a dh'orduicheadh chum
saorsa, réir meud do neirt. [bàis]
- 12 Riusan tha dhuinn 'n an coimhearsnaich
'n am brollach, diol am beum :
Gach masladh le'n do spreig iad thu
seachd uaire pill rin féin.
- 13 Treud d'ionaltraidh, 's do phobull sinn
molaiddh sinn thu a ghnàth ;
Is cuiridh sinn an céill do chliu
o linn gu linn gu bràth.

SALM LXXX.

- 1 **E**ISD, aodhair Israeil, a stiùir
Ioseph mar threud le d'lainmh.
Thusa ta d' thàmh measg cheruban,
dealruich a mach mu thràth.
- 2 An làthair Ephraim 's Bheniamin,
agus Mhanasèh fòs,
Dùisg-sa do chumhachd : agus thig
g'ar saoradh mar is nòs.
- 3 Pill sinn a rìs, a Dhé nam feart :
tog oirnne suas gu h-àrd
Deadh dhealradh glan do ghnùise nis,
is saorar sinn le d' ghràs.
- 4 Cia fhad, a Thighearna nan sluagh,
a leanas corruich riut,
Ri guidhe ghéir na muinntir sin
a's pobull dileas duit ?
- 5 Oir bheathaich thu do shluagh gu léir
le aran deur is bròin :
Is tomhas saobhair thug thu dhoibh
do dheuraibh goirt r'an òl.
- 6 Is rinn thu sinn mar aobhar strì
d'ar coimhearsnachaibh féin :
'N ar n-aobhar spòrs' is abhacais
d'ar n-eascairdibh gu léir.
- 7 Pill sinn a rìs, O Dhé nan slògh ;
tog oirnne suas gu h-àrd
Deadh dhealradh glan go ghnùis a nis,
is saorar sinn le d' ghràs.
- 8 Thug thu fionain as an Eiphit :
na cinnich thilg thu mach,
Is shuidhich thus' an fhionain ud
'n an ionad sud fa seach.
- 9 Réitich thu àite dhi ; is ghabh
i freumh gu daingean teann,
Le d' bheannachadh ; is lionadh leath'
an tìr o cheann gu ceann.
- 10 Na cnuic ro-àrda dh'fholuich i
le sgàil 's le dùbhar féin :
A geugan bha a cinneachduinn
mar sheudair àluinn réidh.
- 11 An dara taobh gu ruig an cuan
chuir i a mach a meòir ;
An taobh ud eil' a geugan shìn
gu ruig an anihainn mhòir.
- 12 A callaid c'uim' a bhriseadh leat !
ionnus gu bheil gach neach
Théid seachad air an rathad mhòr,
'g a spionadh leò fa seach.

- 13 Tha'n torc a thig o'n choille mach
'g a fàsachadh gu léir,
Tha beathaich allt' na machrach fòs
'g a slugadh suas le chéil'.
- 14 Pill, guidh'mid ort, a Dhé nan sluagh,
is seall o nèamh a nuas,
Feuch, agus fiosraich féin a nis
an fhionain so le truas :
- 15 Am fion-lios sin a shuidhich thu,
le neart do làinhe deis' :
'S am meanglan ud a neartaich thu
dhuit féin le lùth is treis.
- 16 Le lasair theine loisgeadh i,
is ghearradh i a nuas :
Làn-mhilleadh agus sgriosadh iad,
le achmhasan do ghnùis.
- 17 Air fear do dheas làimh féin, a Dhé,
gu robh do làmh gu treun :
Air mac an duin' a rinneadh leat
a neartachadh dhuit féin.
- 18 Mar sin cha phill sin uait a rìs ;
ath-bheothaich sinn gach lò,
Is gairmidh sinn air t'ainm an sin,
an cian a bhios sinn beò.
- 19 Pill sinn a rìs, a Dhé nam feart,
is foillsich féin gu h-àrd
Deadh dhealradh glan do ghnùis a nis,
is saorar sinn le d' ghràs.

SALM LXXXI.

- 1 **S**EINNIBH gu h-aith do Dhia ar neart ;
Dhia Iacoib fòs gu binn,
Is glacaibh salm is trompan fòs :
saltair is clàrsach ghrinn.
- 3 An trompaid séidibh 's an ré nuadh :
air làithibh orduicht' féill'.
- 4 Bu lagh sud aig Dia Iacoib fòs ;
's bu reachd do Israel.
- 5 Do Ioseph dh'orduich sud mar theist,
air doì dha trid na h-Eiph't ;
'S an cualas cainnt is uirghioill fòs
nach tuiginn as am beul.
- 6 O'n uallach shaor mi 'ghualasan ;
o obair chrè a làmh.
- 7 Ghair thusa anu ad thrioblaid orm,
is shaor mi thu gun dàil :
An ionad diomhair tairneanaich,
do fhreagair mi do ghlaodh :
Aig uisgibh comhstri Mheribah,
do dhearbh mi thu faraon.
- 8 Eisd, O mo shluagh, is bheir mi dhuit
deadh fhianuis fòs gu ccart,
Ma dh'éisd eas tu ri guth mo bhéil,
O Israeil gu beachd.
- 9 Annad na biodh aon air bith
dia eile coigreach bréig',
Is do dhia coimheach fòs air bith
na cromsa sìos 's na géill.
- 10 'S mise do Dhia Ichobhah treun,
thug thus' o'n Eiph't le neart ;

Gu farsuinn fosgail rium do bheul,
is lionam e gu pailt.

- 11 Gidheadh cha d' thug mo phobull féin
éisdeachd do ghuth mo bhéil,
'S cha ghabhadh rium an aitim ud
a ghin o Israel.
- 12 Mar sin do mhianann an cridhe féin
thug mise thairis iad :
'S ghluais iad 'n an comhairle neo-ghné
a' cur an ciont' am meud.
- 13 O b'fhearr gu'm biodh mo phobull féin
a' tabhairt géill do m' reachd :
Is fòs gu'n gluaiseadh Israel
a'm' shlighibh féin gu ceart !
- 14 An naimhde smachdaichinn gu luath,
le buaidh 'g an leagadh sìos ;
Is phillinn air an eascairdibh
mo làmh, g'an cur fo chis.
- 15 Luchd-fuath' an Tighearna mar sin
bheircadh làn-ùmhachd dha ;
Ach biodh an aimsir-san ro-bhuan
is maireannach gu bràth.
- 16 Is bheireadh e g'am beathachadh,
smior cruithneachd fòs d'a shluagh :
Do làn-dhiol bheirinn duit faraon
do'n mhill o'n charraig chruaidh.

SALM LXXXII.

- 1 **A** N coimhthional nan treun a ta
'n a sheasamh Dia nam feart :
Am measg nan dée bheir esan breth
le cothrom is le ceart.
- 2 Cia fhad a bheir sibh breitheanas
gu h-eucorach 's gach cùis ;
Toirt leth-bhreth air na daoineibh daoí,
'g am meas a réir an gnùis ?
- 3 Do dhaoineibh bochd 's do dhilleachdain
deanaibh-sa dìon le ceart :
Is cumaibh còir riu sud a ghnàth
ta cràiteach bochd gun neart :
- 4 An t-ainnis lag 's an deòradh truagh,
sior-theasairgibh 'n am feum,
Deanaibh o làmh nan aingidh fòs
deadh-fhuasgladh dhoibh gu treun.
- 5 Eòlas no tuisge cha-n 'eil ac',
a' triall 's an dorcha taid ;
Tha bunaite na talmhainn fòs
air gluasad as an àit.
- 6 Is dée sibh (thubhairt mi,) 's is mic
do'n Tì a's àirde t'ann :
- 7 Ach tuitidh, 's gheibh sibh bàs mar dhaoine
's mar aon do phrionnsaibh fann.
- 8 Dhia, éirich, air an talamh dean
deadh bhreitheanas gu grad :
Oir gabhaidh tu mar oighreachd dhuit
na fineachan air fad.

SALM LXXXIII.

- 1 **N** A bi a'd' thosd a nis, na bi
a'd' thàmh, O Dhia ar neart,
Na bi-sa samhach nis 'n ar feum,
Dhia chumhachdaich nam feart.

- 2 Oir feuch, a ta do naimhde treun
ri strì is buaireas àrd ;
'S an dream ud leis am fuathach thu,
an cinn thog suas an àird.
- 3 Oir dhealbh iad olc gu cuilbheartach
'n aghaidh do phobull féin,
'N aghaidh do mhuinntir dhuimhair fòs
ghabh comhairle le chéil'.
- 4 A deir iad, thigibh leinn g'an sgrios
o bhi nì 's mò 'n an sluagh ;
A chum nach biodh air Israel
ionradh gu bràth no luaidh :
- 5 Oir ghabh iad comhairle le chéil' :
a' d'aghaidh ceangal rinn.
- 6 Pàillinn Edoim, 's Ismaelich,
Moab is Hagaren ;
- 7 Gebal, Amon, 's Amalec.
Palestin, 's muinntir Thior ;
- 8 Dhruid Asur leo : 's bu chòmlmadh iad
do ghineil Lot gu fìor.
- 9 Mar rinneadh leat air Midian,
's air Sisera le chéil' ;
Air Iabin aig sruth Chisoin cas
dean orra sud d'a réir :
- 10 Aig Endor mar a chaidh an claidh
mar aolach air an làr.
- 11 Air Oreb mar rinn thu 's air Sceb,
dean air an uaislibh tàir :
Mar Sheba fòs is Shalmuna,
am prionnsan dean gu léir :
- 12 A thubhairt, Glacamaid dhoinn féin
mar oighreachd àrois Dé.
- 13 Dean iad mar asbhuaire, o mo Dhia ;
mar mholh roimh ghaoith nan gleann.
- 14 Mar chlaoidheas teine coillteach chrìon,
's mar loisgeas lasair beann.
- 15 Mar sin le d' dhoinn orra sud,
dean thusa tòrachd dhian ;
Le d'iom-ghaoith is le d' dhoinn mhòir,
cuir orra geilt is fiamh.
- 16 An eudan lion le masladh mòr,
's le rughadh-gruaidh' gach ré,
Gu ruig an uair an iarran leo
d'ainm glòrmhor féin, a Dhé.
- 17 Biodh amhladh orra mar an eudn',
is trioblaid mhòr a chaidh :
Is glacadh nàire mhaslach iad,
'g am milleadh is g'an claidh.
- 18 Gu'n aithnich iad gur tusa mhàin
d'an ainm Iehobhah treun,
Tha d'uachdaran os ceann gach tìr
's an domhan mhòr gu léir.

SALM LXXXIV.

- 1 **C** IA mòr an airidh-ghràidh do theach,
Iehobhah mhòir nan sluagh !
Cia taitneach dhomhsa d'àros naomh,
O Thighearna nam buadh !
- 2 Tha m'anam fann, aig meud a mhiann
air cùirtibh Dhé gach lò :
Mo chridh' is m'fheoil ri scairteachd
'n geall air an Dia ta beò. [chruaidh

- 3 Feuch fluair an sud an gealbhonn beag
tigh còmhnuidh maith 'n a fhicum,
'S an gobhlan-gaoithe mar an ceudn'
do sholair nead dhi féin.
Is taisgidh i an sin a h-coin,
's a h-àlach beag gun chli :
Aig d'altair féin, O Dhia nan sluagh,
mo Thighearn, is mo Rìgh.
- 4 'S beannaicht' an dream an còmhnuidh ta
a'd' àros naomh, a Dhé,
Oir bheir iad, (mar is cubhaidh dhoibh,)
mòr-mholadh dhuit gach ré.
- 5 'S beannaicht' an duine sin 'g am bheil
annads' a neart gach là :
An dream 'g am bheil 'n an cridhe stigh
do shlighe féin a ghnàth.
- 6 An dream sin tre ghleann Baca théid,
ni tobair ann, 'n am feum :
Is lìonaidh 'n t-uisge thig a nuas
na sluic gu ruig am béil.
- 7 Sior-ghluaisidh iad mar sin gun sgìos,
a' dol o neart gu neart :
An Sion nochdar iad fadheadh
an làthair Dhé nam feart.
- 8 O Dhia nan sluagh, chuinn m'urnuigh
Dhé Iacoib, eisd gu grad. [féin,
- 9 O Dhia ar sgiath, feuch 's amhaire air
gnùis d' ungaidh féin gun stad.
- 10 'S fearr là a'd' chùirt na mìle là :
b'fhearr leam bhì 'dorsaireachd
An àros Dé, na m' còmhnuidh fòs
'am pàillinn aingidheachd.
- 11 Oir 's grian, 's is sgiath Iehobhah dia ;
is bheir e gràs is glòir ;
'S cha chum e maith air bith o'n dream
ghluaiseas gu dìreach còir.
- 12 O Thighearn is a Dia nan sluagh
is beannaicht' e gun cheisd,
An duine sin, gu muinghineach,
d'an dòchas thu am feasd.

SALM LXXXV.

- 1 **B**HA thusa gràsmhor fàbharach,
a Dhé, do d' dhùthaich féin ;
Bruid Iacoib thug thu air a h-ais
a ris le d' ghairdean treun.
- 2 Cionta do phobull mhaith thu féin ;
dh'fholuich thu 'n uile lochd.
- 3 Choisg thu do chorroich uile, 's phill
o'n lasan a bha ort.
- 4 Pill sinn a ris, a Dhia ar slàint',
is tog do lasan dhinn.
- 5 Am bhì do chorroich ruinn gu bràth ?
's an sìncar d'fhearg gach linn ?
- 6 Nach deanar leatsa, Dhia nan gràs,
a ris ar tabhairt beò :
Gu'n deanadh annad gairdeachas
do phobull féin gach là ?
- 7 Taisbein do thròcair dhuinn a nis,
a Thighearn is a Dhé :
Is deònuich dhuinn d'fhurtachd fòs,
's do shlàinte féin gach ré.

- 8 Nis éisdeam ris an ni their Dia :
labhraidh e sìth gu beachd
R'a phobull naomh ; 's na pilleadh iad
a ris chum amaideachd.
- 9 Gu dearbh tha' chabhair dlùth do'n dream
d'an eagal e gu fìor ;
Chum glòir a bhì 'n a còmhnuidh fòs,
gu bunaiteach 'n ar tìr.
- 10 Tha tròcair agus fìrinn ghlan
air còmhlachadh a chéil' :
Tha ceartas agus sìochaint mhaith
a' pògadh beul ri beul.
- 11 Is fàsaidh as an talamh fòs
fìrinn a nìos gu pailt :
Is seallaidh ceart is fireantachd
o nèamh a nuas gun airc.
- 12 Is amhluidh bheir Iehobhah dhuinn
ni maith gu toibheartach ;
Is bheir ar fearann is ar fonn
deadh thoradh trom a mach
- 13 Sior-ghluaisidh ceart is fireantachd
'n a fhianuis-san gu réidh :
Is sinn air sligh' a cheumanna
gu dìreach stiùraidh e.

SALM LXXXVI.

- 1 **A** OM rium do chluas is cluinn mi, Dhia
oir tha mi ainns truagh :
- 2 Dean thusa, chionn gu'm buin mi dhuit,
m'anam a dhìon gu luath :
Oir 's tu mo Dhia, saor d'òglach féin
tha 'g earbsadh riut a ghnàth.
- 3 Dean tròcair orm, a Dhia, le iochd :
oir gaiream ort gach là.
- 4 Dean anam d'òglach dhìlcis féin
fìor-aoibhinn agus ait :
Air son gu'n togam riut, a Dhé,
m'anam gu léir a'm' airc.
- 5 Oir tha thu féin ro-mhaith, a Dhé,
là iochd is acarachd :
Is tha thu do na ghairmeas ort,
pailt ann an tròcaireachd.
- 6 Eisd m'urnuigh, Dhia ; is thoir fainear
guth gearanach mo chaoidh.
- 7 An là mo thrioblaid gaiream ort :
oir freagraidh tusa mi.
- 8 Am measg nan dée cha-n 'eil, a Dhia,
aon neach tha cosmhuil riut :
No gnìomh air bith tha cosmhuil ris
gach gnìomh a rinneadh leat.
- 9 Thig iad, gach cinncach rinneadh leat
is sleuchdaidh dhuit, a Dhé,
Is bheir iad glòir is moladh àrd
do d'ainm-sa feadh gach ré.
- 10 Air son, a Dhé, gu bheil thu mòr,
's gu'n deanar oibre leat
Tha mìorbhuileach ; 's tu féin a mhàir
Dia cumhachdach nam feart.
- 11 Do shlighe teagaisg dhomh, a Dhia,
a'd' fhàirinn ghluaisidh mi :

- Chum eagal d'aìume gu'm biodh orm
mo chridhe druid riut féu.
- 12 Le m' uile chridh' àrd mholam thu,
O Thighearna mo Dhia :
Do d'aìum ro-nasal bheir mi fòs,
àrd ghàird air feadh gach ial.
- 13 Oir 's mòr do thròcair dhomhsa, Dhé,
is fòs o ifrion shìos
Thug thusa saors' do m'anam bochd,
is thog thu e a nìos.
- 14 Luchd-àrdain dh'éirich rium, a Dhé,
is cuideachd làidir dhian,
'G iarraidh m'anam', ach thus', a Dhé,
nìor chuir iad rompa rianh.
- 15 Ach tha thu, Dhé, mòr-thròcaireach,
ro-ìochdmhor anns gach càs ;
Chum feirge mall, ach saoi bhir pailt
am firinn is an gràs.
- 16 O pill rium, is dean tròcair orm,
thoir neart do d'òglach féin,
Do mhac do bhanoglaich faraon
dean fuasgladh ann a fheum.
- 17 Comhar air maith nochd dhomhsa, Dhia,
luchd m'fhuath' gu'm faiceadh e,
'S gu'n gabhadh nair', a chionn gur tu
mo neart, is m' fhuirtachd féin.

SALM LXXXVII.

- 1 **T**HA 'bhunaite 's na sléibhtibh naomh' :
2 'S ro-ionmhuineach le Dia
Geatacha Shìoin, thar gach àit
a bha aig Iacob rianh.
- 3 Nìthe ro-ghlòrmhor innsear ort,
a chaithir àluinn Dé.
- 4 Rahab, is Babel cuimhnicheam,
do'n dream d'an aithne mi ;
Gabh beachd air Tirus mar an ceudn',
is dùthaich Phalestin,
Maille ri Etiopia :
am fear so rugadh 'n sin.
- 5 Mu thimchioll Shìoin theirear so,
am fear so rugadh fòs,
'S am fear ud iunt' ; an Tì a's àird
socrachidh i air chòir.
- 6 Tràth sgrìobhas Dia le cuimhne mhaith
na fineacha fa leth,
'N sin àirmhidh e gu'm b'ann an sud
bha 'm fear so air a bhreith.
- 7 Luchd-seinn nan òran bidh an sud,
luchd innill-ciùil d'an réir :
'S ann annad féin, a Dhia nan gràs,
mo thobair tha gu léir.

SALM LXXXVIII.

- 1 **I**EHOBHAH Dhia mo Shlànuighir,
ort ghair mi dh'oidhch' 's a là.
- 2 A'd' fhianuis thigeadh m'urnuigh fòs :
is éisd mo ghlaodh a ghnàth.
- 3 Oir m'anam làu do thrioblaid ta ;
's do'n uaigh mo bheatha dlùth.
- 4 Seadh mheasadh mi mar neach théid sìos
do'n t-slochd, is mi gun lùth.

- 5 Saor tha mi measg nau marbh, is fòs
mar mharbh 's an uaigh gun deò,
A sgathadh sìos le d' làimh gu beachd,
's nach cuimhnichear nì 's mò.
- 6 Chuir thu m'in àite domhain, dorch
's an t-slochd a's isle t'ann.
- 7 Is chlaoidh thu mi le d' thonnaibh àrd',
luidh ormsa d'fhearg gu teann.
- 8 Chuir thu luchd m'èolais fada uam :
's ro-sgreataidh mise leò :
Mar neach am prìosan druidt' a taim,
nach faigh a mach nì's mò.
- 9 Do bhrìgh mo thrioblaid tha mo shùil
ri caoidh is bròu a ghnàth :
Mo làmhnan shìnn mi riut, a Dhé,
is ghairm uir ort gach là.
- 10 Do mhiòrbhuile do'n dream tha marbh,
a Dhé, an taisbein thu ?
An éirich iad a nìos a rìs,
a thabhairt dhuitse clu ?
- 11 Do thròcair is do chaoimhneas caomh,
am foillsichear 's an uaigh ?
Air d'fhèrrion ann au sgrios a' bhàis,
le neach an toirear luaidh ?
- 12 Am bi maoiu èolais anu an dorch'
air d'fheartaibh mhiòrbhuileach ?
No 'm bi an tìr na dìchuimhn' fios,
uo beachd air d'fhìreautaidh ?
- 13 Ach riutsa ghlaodh mi, O mo Dhia :
gu moch theid m'urnuigh suas.
- 14 Dhia' c'uim an tilg thu m'anam uait ?
's an cum thu uam do ghnùis ?
- 15 O m' òige tha mi air mo chràdh,
ro-dhlùth do bhàs is uaigh ;
Air dhomh bhì fulang t'uamhasan,
tha mi an imeist chruaidh :
- 16 Oir dh'imich tharum d'fhearg gu trom ;
chlaoidh d'uamhais mi a ghnàth :
- 17 Mar uisge chaidh iad timchioll orm,
ga m' chuairteachadh gach là.
- 18 Mo charaid chuir thu uam am fad,
's am fear thug dhomhsa gràdh :
Luchd m'èolais mar an ceudna tha
an dorchadas 'n an tàmh.

SALM LXXXIX.

- 1 **A**IR tròcair Dé sìor-sheinidh mi
is nì mi oirre sgeul ;
O àl gu h-àl gu maircannach
air d'fhèrrinn thig mo bheil.
- 2 Oir thubhairt mi, gu'n togar suas
do thròcair mhòr do shìor :
Is d'fhèrrinn cheart 's na nèamhaibh àrd'
socruichear leat gu fìor.
- 3 Coimhcheangal rium mi ri m'Aon naomh
a ròghnaich mi gu sìor :
'S do Dhaibhidh tha 'n a òglach dhomh,
mhionnaich mi fèin gu fìor.
- 4 Socraichidh mi gu daingean buan
do ghinealach 's do shìol,
Do chaithir rioghail togam suas
o linn gu linn gu sìor.

- 5 Molaidh na nèamhan àrd gu binn
do mhòrbhuilean, a Dhé ;
Is d'fhìrinn ann an coimhthional
do chloinne naomha féin.
- 6 Oir cò 's na nèamhaibh choimeas ar
ri Dia Iehobhah mòr ?
Is cò ta measg nau cumhachdach
cosmhuil ri Dia na glòir ?
- 7 An coimhthional nan naomh gu beachd
's cùis cagail Dia guu cheisd :
Ard-urram o gach neach mu'n cuairt
dha 's dheasdanach am feasd.
- 8 O Thighearna 's a Dhia nan sluagh,
cò 'n Triath sin ann an neart
Is cosmhuil riut ? a'd' fhìrinn fòs
ga d' chuarteachadh gu beachd ?
- 9 Ard-onfha cuain is fairge mòir,
's tu chuireas iad fo reachd :
A tonnan àrd' tràth dh'éireas suas,
coisgidh tu iad le smachd.
- 10 Mar dhuine buailte dol do'n eug,
mhìn-phronnadh Rahab leat :
Do naimhde sgaol thu as a chéil'
le d' ghairdean treuu 's le d' neart.
- 11 Is leatsa, Dhé, na flaitheanais,
's an talamh ta fòr bonn :
'S tu dhaingnich fòs an cruinne-cé,
le 'làn do thoradh trom.
- 12 An àirde deas is tuath faraon,
do chruthaicheadh iad leat :
Slabh Thaboir agus Hermoin àird
a'd' ainm bidh aoibhneach ait.
- 13 Tha agad gairdean cumhachdach :
a ta do làmh ro-threun,
A Dhé, a ta do dheas làmh fòs
àrduichte mar an ceudn'.
- 14 Mar àite tàimh do d' chaithir rìgh
tha cothrom agus ceart :
Bidh tròcair agus firinn fòs
dol roimh do ghnùis gu beachd.
- 15 'S beannaicht' an sluagh a thuigear fòs
an fhuaim tha aoibhneach ait :
An solus glan do ghnùis', a Dhé,
sior-ghluaisidh iad gu ceart.
- 16 A'd' ainms' air feadh an là bidh iad
gu h-aoibhneach mar bu chòir :
Is ann ad fhìreantachd faraon,
àrduichear iad gu mòr.
- 17 Oir mais' is glòir an spionnaidh sud
is tus' a mhàin, a Dhé :
Ar n-adharc ann ad chaoimhneas caomh
àrduichear leat gu treun.
- 18 Oir 's e Ichobhah Dia nam feart,
ar targaid is ar sgiath ;
'S e 'n ti ro-naomh sin Isracil
ar n-Ard Rìgh is ar Triath.
- 19 An taisbean, anns an àm sin féin,
labhair thu, Dhé, gu ceart
Ri d' dhuine naomh ; is thubhairt thu,
le firinn, is gu beachd ;
- Leag mise 's chuir mi cuideachadh
air gaisgeach treun nam buadh ;
Is dh'arduich mi gu mòr an neach
a thagh mi as an t-sluagh.
- 20 B'e Daibhidh neach a fhuaradh leam,
mo sheirbhiseach ro chaomh ;
'S e sin an neach a rinneadh leam
ungadh le m'oladh naomh.
- 21 Is socruichear mo làmh do shior
gu dìleas daingean leis ;
Is nì mo ghairdean cumhachdach
a neartachadh le treis.
- 22 Le mac an uile cha chlaoidhear e ;
a nàmh cha tog d'heith cis.
- 23 Buailidh mi 'eascairde 'n a làth'r,
leagaidh mi 'nàmh a sìos.
- 24 Ach bidh mo tròcair maille ris,
is m'fhìrinn mar an ceudn' :
Is 'adharcan a'm' aium-sa fòs
bidh àrdaichte gu treun.
- 25 A làmh-san cuiridh mi 's a' chuan,
's na sruthaibh a làmh dheas.
- 26 Carraig mo shlàinte, their e rium,
m'athair, mo Dhia, 's mo threis.
- 27 Mo cheud-ghin nì mi dheth faraon,
àrduichte thar gach rìgh.
- 28 Mo chùmhant seasaidh daingean leis ;
mo ghràs dha gleidhidh mi.
- 29 Is bheir mi air a shliochd gu mair
iad feadh gach linn gu bràth :
'S a chaithir rioghail uasal àrd
mar làithe nèimh a ghnàth.
- 30 Ma 's e 's gu'n tréig a chlann mo lagh,
's nach gluais iad ann am reachd ;
- 31 Gu'n truail iad m'aitheanta ro-naomh,
m'iarrtuais nach cum gu ceart :
- 32 Fiosraichidh mi an sin gu beachd
le slait, an eucoir chlaon ;
Am peacaidh fiosraicheam 's an lochd,
le sgiùrsadh goirt faraon.
- 33 Gidheadh, gu tur mo chaoimhneas-gràidh
cha bhuin mi uaith gun cheisd :
Cha-n fhuiling mi gu'm breugaichear,
mo ghealladh fìor am feasd.
- 34 Mo choinhcheangal cha bhrisear leam,
no'n cùmhuant rinn mi ris ;
'S am focal a chaidh as mo bheul,
am feasd cha chaochail mis'.
- 35 Oir aon uair mhionuaich mi mar so,
's ann air mo naomhachd féin,
Do Dhaibhidh tha 'n a òglach dhomh,
am feasd uach dean mi breug.
- 36 Bithidh a shliochd 's a ghinealach
sior-mhaireannach gach ial,
'S a chaithir rioghail bithidh i
a'm' fhianuis mar a' ghrian.
- 37 Is bithidh mar a' ghealach ghlan
gu daingean buan do shior :
'S mar fhianuis anns na nèamhaibh àrd
bhios tairis agus fìor.

SALM XC.

- 38 Ach thilg thu uait, is thréig gu tur,
is ghabh thu gràin a nis ;
'S an tì dh'ung thu le d'oladh naomh,
tha thu 'an corruich ris.
- 39 Coimhcheangal d'òglaich dhèileis féin,
sgaoil thusa, Dhé, le tàir :
'S a choron uasal thruaileadh leat,
'g a thilgeadh air an làr.
- 40 A gharadh didein bhrieadh leat ;
's a dhaingeach bidir leag.
- 41 Mar chobhartach e do luchd-ròid .
d'a choimhearsnaich mar sgeig.
- 42 Làmh dheas a nàmhaid thog thu suas :
uil' eascaird' rinn thu ait.
- 43 Is phill thu faobhar 'arm ; 's a' chath
cha d'thug thu dhasan neart.
- 44 Choisg thu a ghlòir, 's a chaithir-rìgh
leag thusa sìos gu làr.
- 45 Is aimsir 'òige ghearradh leat ;
chòmhdaich thu e le nàir'.
- 46 Cia fhàd a dh'fholuicheas tu, Dhé,
thu féin a chaoidh nan cian ?
An loisg do chorruich fòs gu cas,
mar theine lasrach dian ?
- 47 Tabhair fairear is cuimhnich féin
giorrad mo ré 's mo lò :
Carson a rinn thu clann nan daoine
mar dhòmhnanas no ceò ?
- 48 Cò e am fear am measg nam beò,
am bàs nach faicear leis ?
No 'anam féin o làmh na h-uigh'.
an teasairg e le treis ?
- 49 C'ait bheil do chaoimhneas-gràidh, a Dhé,
a thaisbein thu o thùs,
A mhionnaich thu air t'fhàirinn cheirt
do Dhaibhidh 'chumail suas ?
- 50 Cuimhnich, a Thighearn, toibheum trom
do sheirbhisich gu léir :
Is mar a ghiùlain mis' a'm' uchd
masladh a' phobuill thréin,
- 51 Le'n d'thug do naimhde masladh uath'
gun aobhar, Dhé nam feart,
Oir mhasluich iadsan ceumanna
an tì a dh' ungadh leat.
- 52 Mòr-bheannaicht' agus cliùiteach fòs
gu robh Iehobhah treun,
Gu sìorruidh suthain fad gach ré !
Amen agus Amen.

SALM XC.

- 1 'S TU b'ionad còmhnuidh dhuinn gach
a Thighearna na glòir ; [lìnn,
- 2 Cian mu'n do ghineadh fòs na cnuic,
's na sléibhte beag no mòr.
Cian mu'n do dhealbha thu'n talamh trom,
no'n cruinne-cé le d' neart ;
O blith-bhuantachd gu bith-bhuantachd,
is tusa Dia gu beachd.
- 3 Gu neo-ni pillear leatsa rìs
an duine truagh g'a sgrìos ;

- Is their thu fòs, O chlann nan daoine'
grad-phillibh air 'ur n-ais.
- 4 Oir mùle bliadhn' a'd' shealladh féin,
mar an là 'n dé a ta,
'N tràth théid e seach : is amhluidh fòs
mar fhorair' oidhche' a'd' làth'r.
- 5 Dh'fhuadaich thu sìos iad mar le sruth
mar chodal iad no suain :
'S a' mhaduinn bidh iad mar am fear
gu moch a dh'éireas suas.
- 6 Air maduinn brisidh e fo bhlàth,
is fasaidh e gu h-àrd :
Ri am an fheasgair gearrar e,
is seargaidh air an làr.
- 7 Oir chaitheadh sinn le d' chorruich ghéir ;
chlaoidh d'fheargsa sinn gu tur.
- 8 Ar peacaidh dhìomhair, is ar lochd,
an sealladh d'eudain chuir.
- 9 Oir ann ad fheirg ar n-uile làith'
tha teireachduinn fa seach :
Is chaithear leinn ar bliadhnaidh fòs,
mar sgeul a dh'innseadh neach.
- 10 'S iad làith' ar bliadhnna mar an ceudn'
tri fichead bliadhn' 's a deich,
No, feudaidh bith, le tuilleadh neart
ceith'r fichead bliadhn' do neach :
Gidheadh cha-n 'eil 'n an spionnadh sud
ach cràdh is cùradh geur :
Oir sgathar sìos gu h-ealamh e,
is sìubhlaidh sinn gu léir.
- 11 Cò aig am bheil deadh thuigs' is fios
air neart do chorruich féin ?
Is amhluidh fòs mar d'eagal mòr,
tha lasair d'fheirg' d' a réir.
- 12 O teagaisg dhuinn, a Dhé nam fcart,
mar àirmhear leinn ar làith' ;
A chum ar cridh' a shocruchadh
air gliocas ceart gach tràth.
- 13 O Thighearna Iehobhah mhòir,
pill féin a rìs : cia fhàd ?
Mu thimchioll staid do sheirbhisich
gabhl aithreachas gu grad.
- 14 O dean ar sàsachadh gu moch
le d' thròcair chaoimh, a Dhé,
A chum gu'm bi sinn aoibhneach ait,
ri fad ar là 's ar ré.
- 15 Dean subhach sinn a réir nan là
a chràidh thu sinn gu goirt :
A réir nam bliadhnna ud faraon
am faca sinn an t-olc.
- 16 Taisbean do d' sheirbhisich do ghlòimh,
faiceadh an clann do ghilòir.
- 17 Is bitheadh mais' ar Tighearn Dia
a' dealradh oirn gu mòr.
- Na gnòmhara a rinn ar làmh,
socruidh iad dhuinn, a Dhé ;
Na gnòmhara a rinneadh leinn,
dean daingean iad gu léir.

SALM XCI.

- 1 **A** N neach sin tha 'n a thlàmh gach uair
Fo sgàil an ionad uaigneach Dhé,
Fo sgàil an Uile-chumhachdaich
buan-chòmhnuidh ni gach ré.
- 2 Their mi a nis mu thimcheall Dhé,
mo thearmunn e, 's mo neart;
Mo dhaingneach : cuiream dòchas ann :
mo Dhia, 's e Dia nam feart.
- 3 Gu dearbh o rib an eunadair
ni esan fuasgladh ort,
Is ni do shaoradh mar an ceudn'
o'n phlàigh tha gràineil goirt.
- 4 Le 'iteich ni e d'fholach fòs,
bidh t'earbsa fuidh a sgèith ;
Is 'fhirinn bidh 'n a targaid dhuit,
mar sgèith do d' dhìon gach ré.
- 5 Fa chùis an uamhais anns an oidhch'
cha bhi ort geilt no sgàth ;
No fòs fa chùis na saighde bhios
a' ruith air feadh an là :
- 6 Cha bhi maoin eagail ort roimh 'n phlàigh
tha triall an dorchadas :
No fòs fa chùis an uile a bhios
mu mheadhon là ri sgrìos.
- 7 Bidh mìle tuiteam sìos ri d' thaobh,
deich mìle fòs ri d' dheis ;
Ach olc dhiubh sud cha tig a'd' chòir
no 'm fagus duit am feasd.
- 8 A mhàin le d' shùilibh seallaidh tu,
is bheir fa'near le beachd :
Droch-dhiol is tuarasdal nan daoì,
gun cheisd do chithear leat.
- 9 A chionn gu'n d' ròghnaich thusa Dia,
mar chòmhnuidh dhuit gach àm,
An Dia ud tha 'n a thearmunn domh,
's e 'n Ti a's àirde t'ann :
- 10 Aon olc cha-n èirich dhuit ; is plàigh
do d'fhàrdaich cha tig dlùth.
- 11 Oir bheir e àithn' d'a ainglibh, chum
a'd' ròd gu'n dìon iad thu.
- 12 Is togaidh iadsan thusa suas
gu h-àrd air bhàrr am bos ;
Eagal gu'm buailteadh leat air cloich,
aon uair air bith do chos.
- 13 Air leòmhain is air nathair nimh'
gun dòrainn saltrar leat :
Pronnaidh tu 'n dràgon sìos le d' chois.
's an leòmhain òg le d' neart.
- 14 A chionn gur ionmhuinn leis-san mi,
sàr-fluasgladh bheir mi dha ;
Air m'ainm a chionn gur eòlach e,
àrdaiccam e gach là.
- 15 Gairidh e orm, is freagram e :
'n a thrioblaid bithcam leis ;
Onoir is urram bheir mi dha,
is fuasglam air gu deas.
- 16 Le saoghal fad is maireannach
sàsuiccam e gu leòr :

Mo shlàinte dhasan mar an ceudn'
foillsichidh mi gu mòr.

SALM XCII.

- 1 **B**HI 'tabhairt buidheachais do Dhia,
's ni sàr-mhaith maiseach e ;
Bhi tabhairt chiu, O Thi a's àird',
do t'ainm-sa feadh gach ré :
- 2 Do chaoimhneas-gràidh 's a' mhaduinn
gach là bhi' cur an cèil ; [mhoich,
'S air d'fhirinn ta neo-mhearachdach,
gach oidhch' bhi deanamh sgèil,
- 3 Air inneal-ciùil nan teuda deich,
is air an t-saltair ghrinn ;
'S air clàrsaich le guth fonnmhor àrd,
a sheinneas ceòl gu binn.
- 4 Oir tre do ghniomhara, a Dhé,
rinn thu mi aoibhin ait ;
Is ann an oibribh fòs do lànìh
nim' gairdeachas gu pailt.
- 5 D' oibre-sa, Dhé, cia iongantach !
do smuainte cò d'an léir ?
- 6 An t-amadan cha tuig e so,
's cha-n eòl do'n amhlair e.
- 7 Tràth chinneas luchd na h-aingidheachd
a nìs mar chinneas feur,
Tràth bhitheas fòs luchd-deanamh uile
a' fas fo bhlàth gu léir :
- 'S e sud is deireadh dhoibh fadheòidh
gu'n sgrìosar iad am feasd.
- 8 Ach thusa, Dhé, gu sìorruidh ta
àrd-urramach gun cheisd.
- 9 Oir feuch, do naimhde féin, a Dhé,
oir feuch, do naimhde féin,
Làn-sgrìosar iad : iom-sgaoilear fòs
luchd-aingidheachd gu léir :
- 10 Ach m'adharc togaidh tusa suas,
mar adharc buabhuill àird' :
Le h-oladh ghloin neo-thruaillidh àir,
ungar mi féin le d' ghràs.
- 11 Chi mi mo mhiann air n' eascairdibh ;
is cluinnidh fòs mo chluas
A toil air luchd na h-aingidheachd,
a'm' aghaidh dh'éireas suas.
- 12 Bidh piseach air an fhìrean chòir
mar phailm-chrann ùrar glas :
Mar sheudar àrd air Lebanon,
a' fas gu dìreach bras.
- 13 An dream tha air an suidheachadh
an tigh 's an àros Dé
An cùirtibh greadhnach àrd' ar Dia,
sìor-fhàsaidh iad gach ré.
- 14 San àm am bi iad aosmhor liath,
bheir iad mòr mheas a mach ;
Is bithidh sultmhor le deadh bhlàth
dhiubh sud gach uile neach.
- 15 A chum gu feuch iad gu bheil Dia
ro-chothromach is ceart ;
Mo charraig e, 's cha-n 'eil ann féin
aon eucòir no droch bheart.

SALM XCIII.

- 1 **I**S Rìgh Dia, air a sgeudachadh
le mòralachd gach am ;
Ta air a sgeudachadh le neart,
is criosluichte gu teann.
Shocruicheadh leis an cruinne-cé,
nach gluaisear e a chaoidh.
2 Do chaithir daingean ta o chian ,
's tu féin gun tús gun chrìoch.
3 Do thog na tuitlean suas, a Dhé,
na tuitlean thog an guth ;
Seadh thog na tuitlean suas gu h-àrd
an tonna mòr' gu tigh.
4 Is treise Dia ta chòmhnuidh shuas
na fuaim nau uisge garbh' ;
Is treise Dia na sumainnean,
is tonna cuain gu dearbha.
5 A ta do theisteis is do reachd
ro-dhaingean agus fìor :
Tha naomhachd ionchuidh air do thigh,
a Dhé nam fear, gu sìor.

SALM XCIV.

- 1 **O** DHIA, d'am buin ceart-dhioghaltas,
Iehobhah neartmhoir thréin,
D'am buin a mhaigh ceart-dhioghaltas,
gu dealrach nochd thu féin.
2 O Bhreitheimh cheirt na talmhainn dean
thu féin a thogail suas ;
Is ioc do luchd an uaibhreachais
ceart-luigheachd agus duais.
3 Cia fhad a ni luchd aingidheachd,
cia fhad, a Dhia, a ni
Luchd aingidheachd ùr-ghairdeachas,
le aoibhneas mòr gun dìth ?
4 Cia fhad a bhrùchdar briathra leò,
a' teachd air nithibh cruaidh ?
'S a bhitheas luchd na h-aingidheachd,
ri ràiteachas is uail ?
5 Bhreis iad do shluagh gu mìn, a Dhé,
is t'oghreachd chlaoidh gu goirt.
6 Bantracha, coigrich, 's dilleachdain,
'g am marbhadh, is 'g am mort.
7 Their iad gidheadh, cha léir do Dhia,
is fòs ni mò a ni
Dia Iacoib sud a thoirt fa'near,
's cha chuir am feasd am prìs.
8 O dhaoine brùideil measg an t-sluaigh,
nis tuigibh agaibh féin,
Is amadain, cia fhad a bhios
sibh gabhail thugaibh céill' ?
9 An neach a chuir air faillein chuas,
am bi gun chlàisteachd ghéir ?
An Ti a dhealbha an t-sùil faraon,
nach ann da féin is léir ?
10 'N ti smachdaicheas na fineachan,
an e nach cronuich e ?
An ti bheir còlas do gach neach,
an neach gun còlas e ?
11 Air smuaintibh dhaoin' is fiosrach Dia,
gur dìomhan iad gu beachd,

- 12 Dhia, 's beannaicht' iad d'an toir thu
is teagasg as do reachd : [smachd
13 Chum fois gu'n tugadh tusa dhoibh,
o làithibh àmhghair olc,
Gu ruig an uair an cladhaichear
do dhaoineibh daoi an slochd.
14 Oir Dia cha tilg e dìeth an feasd
an sluagh d'an d'thug e spéis :
'S ni mò na sin a thréigear leis
an oighreachd a's leis féin.
15 Ach pillidh breitheanas a ris
ri fireantachd air ais :
Is luchd a' chridhe threibhdhìrich
leanaidh 'n a déigh gu cas.
16 An aghaidh fòs luchd-deanamh uile
cò dh'éireas leam an àird ?
An aghaidh luchd na h-aingidheachd
cò sheasas air mo phàirt ?
17 Mur bitheadh Dia Iehobhah leam
ga m' chuideachadh le buaidh,
'S beag nach robh m'anam bochd an
gu tosdach anns an uaigh. [tànha
18 Tràth thubhairt mi, a ta mo chos
air sleamhnachadh uam sìos ;
Do thròcair chaomhsa 'n sin, a Dhé,
chum suas mi, agus dhòn.
19 Air bhith do m' smuaintean muladach,
is lìomhor ann am chom,
Do chomhfhurtachd sa thug an sin
sòlas do m'anam trom.
20 Aig caithir rioghail luchd an uile
'm bi comunn riut gu beachd,
Tha dealbh gu scòlta ainnheis mhòir,
's 'g a orduchadh le reachd ?
21 An aghaidh an'ma 'n fhèirein chòir
chruinnicheadh leò gu dlùth ;
A dh'fhàgail ris fuil neochiontaich,
le breitheanas nach fiù.
22 Ach Dia mo dhaingneach 's e : mo Dhia
mo charraig dhìou gach là.
23 'S e dhiolas orra sud air ais
gach cucoir rinneadh leo,
An sgathadh sìos do nithear leis
gu ceart 'n an eucoir féin ;
Is ni Iehobhah mòr ar Dia,
an sgathadh sìos gu treun.

SALM XCV.

- 1 **O** THIGIBH, seinneamaid do Dhia :
thigeadh gach neach 'n a làth' r ;
Do charraig thréin ar slàinte fòs,
togamaid iolach àrd.
2 A steach 'n a fhianuis thigcamaid
le buidheachas gach là :
Togamaid còl gu suilbhreach
a' seinn le salmaibh dha :
3 Is Dia ro-mhòr Iehobhah treun ;
rìgh mòr os ceann gach dia.
4 Doimhneachd na talmhainn tha'n a làimh
's leis neart nan cnoc 's nan slabh.

- 5 'S e rinn an cuan tha farsuinn mòr,
tha còir aig air is sealbh ;
'S an talamh tioram le a làimh
's e chruthaich is a dhealbh.
- 6 O thigibh agus sleuchdamaid,
is deanar cromadh leinn ;
Is air ar glùinibh tuiteamaid
do 'n Dia a chruthaich sinn :
- 7 Oir 's e ar Dia, is sinn a shluagh,
a bheathaich e mar threud,
Caoraich a làimh' : ma dh' éisdear leibh
an diugh r' a ghuth gun bhreug.
- 8 Na cruaidhichear 'ur cridhe leibh,
mar anns a' chomh-stri dhian,
Mar rinneadh leibh 's an fhàsach chruaidh
ga m' bhuaireadh le bhuir miann :
- 9 Tràth dh'fhionn 's a dhearb' 'ur sinnsir
's mo ghnìomh tràth chunnaic iad. [ui,
- 10 An t-àl ud ré dà fhichead bliadhn'
chnuir campar orm is eud :
- Thubhairt mi, 'S pobull iad 'g am bheil
droch chridhe seachranach :
Is air mo shligibh nach do ghabh
riamh eòlas firinneach :
- 11 D'an d'thug mi féin mo mhionnan mòr
a'm' fheirg 's a'm' chorruich ghéir,
Nach rachadh iad a chaoidh a 'steach
do m'ionad-suaimhneas féin.

SALM XCVI.

- 1 C ANAIBH do'n Tighearn òran nuadh,
gach aon tìr, canaibh dhia.
- 2 Seinnibh do Dhia : 'ainm beannaichibh,
nochdaibh a shlàint' gach là.
- 3 Am measg nam fineachan gu léir
sìor-thaisbeinibh a ghlòir :
Am measg gach pobull aithrisibh
a mhiorbhuile ro-mhòr.
- 4 Oir 's mòr Iehobhah Dia nam feart,
's ion-mholta feadh gach ré ;
Is aobhar cagail e faraon
os ceann nan uile dhée :
- 5 Oir uile dhée nam fineachan
is iòdhoil iad gu léir :
Ach 's e Iehobhah Cruithfhear àrd
nam flaitheas is nan speur.
- 6 Ard-urram agus mòralachd
'n a fhianuis-san a ta :
Treun-spionnadh agus maisealachd
'n a theampull naomh a ghnàth.
- 7 O fhineacha nan slògh gu léir
thugaibh do Dhia nam feart ;
Thugaibh do'n Thighearna faraon
glòir, urram, agus neart.
- 8 A' ghlòir a's cubhaidh fòs d'a ainm,
do'n Tighearn thugaibh uaibh :
Thigibh d'a chùirtibh naomha steach,
is thugaibh ofrail leibh.
- 9 Do Dhia Iehobhah slenchdaibh sìos
am mais' a naomhachd féin :
Biodh eagal oirbh, gach uile thir,
'n a fhianuis-san gu léir.

- 10 Abraibh measg fhineach, gu bheil Dia
riaghladh mar rìgh gu beachd.
Buan-dhaingnichear an domhan leis ;
air daoineibh bheir breth cheart.
- 11 Biodh aoibhneas air na nèamhaibh àrd'
is biodh an talamh ait ;
Beucadh an cuan gu farumach,
's a lànachdsan gu pailt.
- 12 Biodh aoibhneas air a' mhachair fòs,
is air gach nì a t'ann :
An sin bidh aiteas air gach coill',
is air gach craoibh is crann.
- 13 An làthair Dhé ; oir tha e teachd,
oir tha e teachd gu breth ;
Air talamh chum gu'n deantadh leis
ceart-bhreitheanas fa leth :
- Le ceartas maith bheir e a mach
breth sir a' chruinne-ché ;
Bheir air a' phobull breitheanas
le fìrinn fhìor-ghlòin réidh.

SALM XCVII.

- 1 I EHOBBAH mòr's e tha 'n a Rìgh,
biodh aiteas air gach tìr ;
'S air eileanaibh tha lìonmhor ann,
biodh gairdeachas gu léir.
- 2 Tha neula tiugh' is dorchadas
m'a thimcheall air gach leth :
'S e 's còmhnuidh fòs d'a chaithir-rìgh
deadh chothrom is ceart-bhreth.
- 3 Tha teine millteach roimh a ghnùis
ag imeachd air gach àird,
Le'n loisgear suas gu lasarach
a naimhdean anns gach àit.
- 4 Le solus glan a dhealanaich
dhealruich an cruinne-cé :
Chunnaic an talamh sud gu dearbh,
ghrad-chlìsg is chrìothnuich e.
- 5 Na cnùic, an làtnair Dhia nan dùl,
leagh as air fad mar chéir ;
Roimh ghnùis Ard-Rìgh an domhain
leagh iadsan as gu léir. [mhòir
- 6 a nèamha cuiridh 'n céill a cheart ;
is chi gach sluagh a ghlòir.
- 7 Do dhealbhaidh snaighte meud 's a chrom
gu'n robh dhoibh amhladh mòr,
Tha deanamh uail' is ràiteachais
à iòdholaidh nach fù ;
Gach uile dhée a ta sibh ann,
sleuchdaibh do Dhia nan dùl.
- 8 Rinn Sion aoibhneas nach bu ghamh,
an uair a chual i'n sgeul,
Rinn nighean Iudha gairdeachas
mu d' bhreitheanas, a Dhé.
- 9 Oir tha thu, Dhia Iehobhah, àrd
os ceann gach uile thir :
Tha thu air d'ardachadh gu mòr,
os ceann gach dia gu léir.
- 10 Sibhse le'n ionmhuinn Dia ro-naomh,
fuathaichibh olc a chaoidh ;

Anam a naomh sìor-ghleidhidh e ;
saoraidh o làimh nan daoi.

Cuirear mar phòr gu frasach pailt,
solus do'n fhircanach ;

Is aoibhneas dhoibh-san fòs a ta
'n an cridhe treibhdhireach.

12 Biodh aiteas oirbh an Dia na glòir
O fhireana gu léir :

Is thugaibh buidheachas do Dhia,
ri cuimhn' a naomhachd féin.

SALM XCVIII.

O SEINNIBH òran nuadh do Dhia,
rinn bearta mìorbhuileach :

'S i' d'heas làmh féin's a ghairdean naomh
thug dhasan buaidh a mach.

2 Feuch, thaisbein Dia gu follaiseach
'fhurtachd's a shlàinte mhòr ;

Am fianuis chinneach nochdadh leis
'fhìreantachd féin gu leòr.

3 Chuimhnich e 'fhìrinn is a ghràs
do theaghlach Israeil ;

Is slàint' ar Dia-ne chunnaic fòs
gach iomall tìr gu léir.

4 Do Dhia Iehobhah togaibh suas
àrd-iolach ait, gach tìr :

Togaibh bhur guth : bibh sublach fòs,
is seinnibh moladh fìor.

5 Do Dhia Iehobhah mòr nam feart
seinnibh air clàrsaich ghrinn :

Le clàrsaich (deirim) seinnibh dha.
le guth na sailm gu binn.

6 Le fuaim na h-adhairc seinnibh dha,
's le guth na trompaid àird' :

Do Dhia an t-Ard-Rìgh seinnibh fòs,
le iolach ait's gach àit.

7 Beucadh an fhaighe mhòr gu borb,
's an làn tha innt' le chéil' ;

An domhan, is gach dùil a ta
an còmharridh ann gu léir.

8 Buaileadh na tuitte mòr' am bos' ;
na sléibhte bitheadh ait,

9 An làthair Dhé ; oir tha e teachd
air talamh thabhairt ceirt :

Le ceartas maith bheir e a mach
breth air a' chruinne-ché ;

Bheir air a' phobull breitheanas
le cothrom fìor-ghlan réidh.

SALM XCIX.

1 **T**HA Dia 'n a Rìgh, is criothnaicheadh
gach uile shluagh air bith :

'S e shuidheas eadar cheruban,
biodh air an talamh crith.

2 An Sion tha Iehobhah mòr,
is àrd os ceann gach sluagh.

3 D'ainm mòr ro-uamhor molar leo,
oir tha e naomh r'a luaidh.

4 Is toigh le neart an Rìgh ceart-bhreth
's a tu shocrucheas a' cheart :

An Iacob breitheanas is còir
cuiridh tu 'n gnìomh gu beachd.

5 Ar Dia Iehobhah àrdaichibh,
is sleuchdaibh dha gu caomh,

Aig stòl a chos gu h-urramach ;
oir tha e féin ro-naomh.

6 Am measg a shagart Aaron 's Maois,
bha Samuel de'n dream

A ghair air 'ainm : dh'iarr iadsan Dia,
fhreagair e iad 's an àm.

7 Am baideal neoil gu gràs-mhor caoin
labhair an Tighcarn riu :

Na h-àitheantan a thug e dhoibh,
's a theistear ghleidheadh leo.

8 Iehobhah Dia, thug freagradh dhoibh :
's tu 'n Dia a mlaith an lochd,

Ge d' rinn thu orra dioghaltas
air son an innleachd olc.

9 Ar Dia Iehobhah àrdaichibh
's 'n a thulaich naomh a ghnàth,

Sios sleuchdaibh dha gu h-iriosal ;
oir 's naomh ar Dia gu bràth.

SALM C.

1 **T**OGADH gach tìr àrd-iolach glaoidh
do Dhia Iehobhah mòr.

2 Thigibh, is deanaibh seirbhis ait,
'n a làthair-san le còl.

3 Biodh agaibh fios gur easan Dia,
's e rinn sinn, 's cha sinn féin ;

A phobull sinn, 's a chaoraich fòs
dh'ionaltradh leis gu léir.

4 Thigibh a nis le buidheachas
'n a gheataibh-san a steach,

Is thigibh fòs le moladh mòr
an cùirtibh naomh' a theach :

Is 'thugaibh dha mòr-bhuidheachas,
'ainm beannaichibh gu binn.

5 Oir Dia ta maith, tha thròcair buan,
is 'fhìrinn feadh gach linn.

SALM CI.

1 **B**RETH cheart is tròcair canar leam ;
Dhé, seinneam dhuit le còl.

2 Is iomchaiream mi féin gu glic
air slighe fhoirfe chòir.

O c'uin do m'ionnsuidh-sa a thig
thu féin, a Dhia nam feart ?

A steach a'm' fhàrdaich ghluaisidh mi
le cridhe fìor-ghlan ceart.

3 Fa comhair fòs mo shùile féin
cha chuir mi olc am feasd ;

Obair luchd-ceannairc 's fuathach leam,
's cha lean i rium gun cheisd.

4 An cridhe iargalt ceannairceach
uam triallaidh e an cein :

Eòlas no furan air an daoi
a chaoidh cha chuir mi féin.

5 An ti bheir beum d'a choimhear-nach,
lom-sgrìosaidh mi as 'ait ;

- An eridhe borb cha-n fhuiling mi,
no neach a sheallas àrd.
- 6 Bidh m' air' air fireaunaibh na tìr',
gu'n gabh iad còmluaidh leam :
An ti bhios foirfe glan 'n a bheus,
's e 's òglach dhomh gach àm.
- 7 Fear deanamh ceilg' is mealltaireachd,
a'm' thigh-sa cha-n fhaigh tàmh ;
A'm' làthair, neach a labhras breug
cha-n fhuirich e gu bràth :
- 8 Lom-sgrìosaidd mise fòs gu moch
gach droch dhuin' as an tìr,
Chum luchd an uile a sgathadh as
o chaithir Dhé gu léir.

SALM CII.

- 1 **R**I m' urnuigh éisd, Iehobhah Rìgh ;
is ruigeadh ort mo ghlaodh.
- 2 Na foluich uam do ghnùis 's an là
thig trioblaid orm gach taobh :
'S an là an gairm m' ort gu geur,
crom thugam féin do chluas ;
Is freagair mi gu deifreach,
a' furtachd air mo chruas.
- 3 Do bhrìgh gu bheil mo làith' mar cheò
a' teireachduinn a ghnàth ;
Mar lic an teimtein 's amhluidh sin
nuo chnàmhan loisgte ta.
- 4 Trom-bhuailte tha mo chridhe bochd,
is shearg e mar am feur ;
Ionnu nach cuimhne leam gu beachd
greim arain chur a'm' bheul.
- 5 Le guth mo chaoidh, mo chnàmhan lean
rinn m' chraicinn féin gu teann :
- 6 Mar phelican an fhàsaich mi,
's mar chaillich-oidhel' nam beann.
- 7 Rì faire taim gu furachair,
is cosmhuil mi a ghnàth
Rì geallbhonn beag 'na aonar fòs
air mullach tighe ta.
- 8 Rì fad an là mo naimhde garg'
ga m' mhasluchadh gu geur ;
'S an dream a ta air boile rium
a'm' aghaidh mhionnaich iad.
- 9 Le m' dheuraibh choimhmeasg mi mo
mar aran dh'ith mi luath', [dheoch ;
- 10 Tre lasan d'fheirg' ; oir thog thu mi
is leag thu ris gu truagh.
- 11 Mar sgàile chlaon mo làithean sìos ;
is shearg mi féin mar fheur.
- 12 Ach mairidh tus', am feasd, a Dhé,
's do chuimhne féin gu sìor.
- 13 Nis éiridh tu a dheanamh gràis
air Sion naomh gu dlùth :
Oir àm a cabhair tha air teachd,
seadh, 'n t-àm a dh'orduich thu.
- 14 Oir d'òglaich tha a' gabhail tlachd
'n a clachaibh breagh' gach uair ;
Tha deadh thoil aig do sheirbhisich
d'a luathre is d'a h-ùir.

- 15 Mar sin bidh air na fineachaibh
eagal roimh ainm an Triath :
Is air gach rìgh air thalamh ta
bidh roimh do ghloir-sa fiamh.
- 16 'N uair thogar Sion suas le Dia
taisbeanar e 'n a ghloir.
- 17 Urnuigh nam bochd bheir e fa'near,
's cha diùlt e iad le tàir.
- 18 Do 'n àl a ta ri teachd 'n ar déigh,
sud sgrìobhar dhoibh gu beachd :
'S au dream a ghinear o so suas,
molaidh iad Dia nam feart.
- 19 Oir dh'amhairc e a nuas gu beachd,
o àird a naomhachd féin ;
Is air an talamh dh'amhairc Dia,
a nuas o nèamh nan speur.
- 20 A chluinntinn osnaich ghearanach
a' phriosanaich ta 'n sàs ;
Chum fuasgladh air a' mhuintir sia
a dh'orduicheadh chum bàis.
- 21 An Sion chum a chur an céill
ainm uasal àrd ar Dia,
'S a dh'inuseadh an Ierusalem
moladh is cliù an Triath.
- 22 An t-àm a bhios na fueacha
air cruinneachadh le chéil' ;
'S gu seirbhis Dé tràth thionuilear
na rìoghachda gu léir.
- 23 Air feadh na slighe is an ròid
mo threòir do lagadh leis :
Mo làithe chuir an giorrad fòs.
- 24 'S mar so do labhair mis,
Mo Dhia, na glacar mi le bàs,
mu thimchioll leth mo là :
O aois gu h-aois gu maireannach,
do bhliadhnaidh buan a ta.
- 25 O chian leag thusa bunaite,
na talmhainn so, a Dhé ;
Is iad na nèamha fìor-ghlan àrd'
oibre do làmba féin.
- 26 Teirgidh iadsan 's théid iad as,
ach mairidh tusa, Dhé :
Scadh teirgidh iadsan 's gabhaidh seach
mar eudach sean gu léir :
Feuch caochlaidh tu mar thrusgan iad,
is caoch'ear iad gun cheisd.
- 27 Tha thus' a mhàin gu chaochladh ort,
's do bhliadhnaidh buan am feasd.
- 28 Bidh clann do sheirbhiseach, a Dhé,
maireannach buan a ghnàth :
Is aun ad fhianuis socruchear
an gincalsan gu bràth.

SALM CIII.

- 1 **O**M'ANAM, beannaich thusa nis
au Dia Iehobhah mòr :
Moladh gach ni au taobh stigh dhìom
'aìum naomha mar is còir.
- 2 O m'anam, beannaich féin a nis
Iehobhah mòr do Dhia :

- Na dìchuimhnich na tiodhlacan
a dheònuich dhuit an Triath.
- 3 'S e mhaitheas duit gu gràs-mhor caoin
gach peacadh annad féin :
'S e bheir dhuit slàint', is furtachd fòs,
o d'euslaintibh gu léir.
- 4 D'o bheatha fòs o sgrìos a' bhàis,
's e dh'fhuasglas duit gu pailt :
'S e chrùnas thu le coron gràidh,
's le tròcair chaoimh gun airc.
- 5 Le 'mhaitheas is le 'thìodhlacaibh
sàr-lionaidh e do bheul :
S tha d'òige air a nmadhachadh
mar iolair luath nan speur.
- 6 Air sgàth na muinntir ud, a ta
le fòirneart air an claoidh,
Ceartas is breitheanas faraon,
's e Dia ni dhoibh gun dìth.
- 7 Do Mhaois an neach a b' òglach dha
a shlighe chuir e 'n cèill :
Is mar an ceudna 'ghnìomhara
do chlànaibh Israel.
- 8 Tha'n Tighearn iochdmhor tròcaireach,
's mall 'fhearg, 's is pailt a ghràs.
- 9 Cha bhi e tagradh rinn do shìor
's cha ghléidh e 'fhearg gu bràth.
- 10 A réir ar peacaidh iomarcaich,
dioghaltas oirn cha d'rinn ;
'S a réir ar ciont' is eusaontais
cha d'thug e luigheachd dhuinn.
- 11 Oir mar os ceann na talmhainn ta
na speuran àrd gach ré,
Is amhluidh sin tha 'thròcair mòr
do'n dream d'an eagal e
- 12 Mar tha an àrd an ear 's an iar
a' gabhail fad o chéil' ;
'S co fhad a chuireas Dia nan gràs
ar peacaidh uainn gu léir.
- 13 Amhluidh mar ghabhas athair dàimh
is truas d'a leanbaibh maoth,
Mar sin d'a fhìor luchd-eagail féin
Dia gabhaidh truas gu caomh.
- 14 Oir 's aithne dhasan agus 's léir
ar cruth 's ar dealbh gu ceart ;
Gur duslach talmhainn sinn air fad,
is cuimhne leis gu beachd.
- 15 An duine truagh, a ta a làith'
amhluidh mar fheur a ghnàth ;
Mar bhàrr na luibh' air machair fòs
a ta e fàs fo bhlàth.
- 6 Oir gabhaidh thairis osag ghaoith',
's cha bhi e idir ann ;
'S cha-n fhaicear e san ionad ud
an robh e fàs gu teann.
- 17 Ach mairidh tròcair Dhé gu sìor
do'n dream d'an eagal e,
Is fòs do chloim an cloinne-san
bidh 'fhìreantachd gach ré :
- 13 Do n aitim ud a chumas ris
an cùmhnant rinn e riu :
- 'S a chuimhniceas 'uil' àitheantan,
a chum gu'n deant' iad leo.
- 19 Dia shoeruidh anns na nèamhaibh àrd
a chaithir rioghail féin ;
A rioghachd tha an uachdar fòs
os ceann gach ni fo 'n ghréin.
- 20 Sìor-bheannaichibh Iehobhah mòr,
O 'aingle treun an neart,
Tha 'deanamh iarrtuais mar is còir ;
's a' tabhairt géill d'a reachd.
- 21 Gach uile shluagh a bhuincas da,
beannaichibh Dia a nis ;
A sheirbhisich le 'n coimhlonar
gach ni a's toileach leis.
- 22 'Uil' oibre, feadh a thighearnais,
a rinneadh leis an Triath,
An rìgh Iehobhah beannaichibh :
O m'anam, beannaich Dia.

SALM CIV

- 1 O M'ANAM, beannaich thusa Dia
mo Dhia, 's tu 'n Triath ro-mhòr ;
Tha thusa air do sgeadachadh
le mòralachd is glòir.
- 2 Seadh chuir thu solus dealrach glan,
mar thrusgan nmad féin ;
Is shìn thu mach, is sgaoilcadh leat,
mar chùirtcin nèamh nan speur.
- 3 Sailean a sheòmar leagadh leis
air uisgeachaibh mar stéidh ;
Mar charbad rinn na neula tiugh,
's e ruith air sgiathaibh gaoith'.
- 4 'S e féin a rinn na h-aingil fòs
'n an spioraid làidir threun ;
'S e rinn 'n an teine lasarach
a theachdairean gu léir.
- 5 Is bunaite na talmhainn fòs
shoeruideadh leis 'n an àit
A chum nach gluais' as 'ionad e
a chaidh nan cian gu bràth.
- 6 Is dh'fholuich thu le doimhneachd e,
ceart mar gu'n b'ann le brat :
Os ceann nam beann 's nan sleibhte àrd'
na h-uisgeacha do stad.
- 7 Air chuinntinn doibh guth d'achmhaisain,
theich iad air falbh gu cas :
Is fòs ri guth do thairneanaich,
le deifir chaidh iad as.
- 8 Ri taobh nam beann chaidh iad a suas,
's a sìos air fcaadh nan gleann :
Gu ruig an t-àit' a dh'orduich thu
's a shoeruidh thu gu teann.
- 9 Chuir thusa rompa crìocha buan
nach téid iad tharta null ;
'S nach pill iad air an ais a ris
dh'fholach na tìr' le tuinn.
- 10 Cuiridh e mach na tobraichear
air fcaadh nan glac 's nan gleann
A ta gum tàmh le 'n sruthaibh bras
a' ruith air fcaadh nam beann.

- 11 Do bheathaichibh na macharach
deoch bheir e dhoibh r'a h-òl :
'S na h-asail fhìadhaich coisgidh iad
an tart 's an òta mòr.
- 12 Am fagus doibh ni eoin nan speur,
tigh clùthor tàimh dhoibh féin .
Is cadar gheugan cuirear leo
an ceileir binn an céill.
- 13 Uisgichidh e o 'sheòmraibh àrd'
na beannta mòr' gun tàmh :
An talamh tioram gheibh a dhìol
le toradh gnìomh do làmh.
- 14 Bheir e air feur bhi fàs d'è'n spréidh,
's air luibh bhi fàs gun sgìos
Do dhaoineibh, chum gu'n tugadh iad
o'n talamh biadh a nìos:
- 15 Is fion a chuireas cridhe dhaoine'
air shubhachas 's air ghean,
Is oladh fòs a ni an gnùis
le maise dealrach glan.
'S e bheir dhoibh aran mar an ceudn'
fhreasdal am feum gu leòr,
An cridhe dhaoine' a chuireas neart,
le misneich mhaith is treòir.
- 16 Tha craobhan àrd' an Tighearna
ro làn do bhrìgh gu léir,
Is sendair mhaiseach Lebanoin
a shuidhicheadh leis féin.
- 17 Is bithidh nìd 's an ionad ud
aig eumlaith luath nan speur :
Na craobhan ginmhaiss aig an store
mar ionad tàimh dhì féin.
- 18 An tearmunn féin, am beantaibh àrd',
na gabhair fhìadhaich leag ;
Na coinein bheaga mar an ceudn'
an còsaibh blàth nan creag.
- 19 A' ghealach dh'òrduich esan fòs
a sgarachduinn nan tràth :
Is aig a' ghréin tha eòlas maith
mar luidheas i gach là.
- 20 Do nithcar leatsa dorchadas,
's thig an oidhel' gu grad ;
An sin bidh beathaich allt' na coill
a' dol a mach air fad.
- 21 Ri beucadh bidh na leòmhain òg'
ag iarraidh cobhartaich,
Is bithidh iad ag iarraidh bìdh
air Dia ro-chumhachdach.
- 22 An sin 'n uair dh'éireas suas a' ghrian,
cuinnichidh iad le chéil',
Gu h-uaigneach luidhidh iad a stigh
'n an garaidh dhèin féin.
- 23 Is théid an duine mach an sin
gu 'obair mar is còir,
Is leanaidh e gu dìchiollach
a shaothair gu tràth-nòin'.
- 24 Cia lìonmhor d'òibre mòr', a Dhé !
'an gliocas rinn thu iad :
An talamh fòs le d' shaoibhreas mòr,
tha làn air fad 's air leud.
- 25 Mar sin an cuan tha farsuinn mòr,
's gach ni a shnàgas ann,
Na beathaichean tha beag is mòr,
gun orra cunntas cheann.
- 26 Tha longan siubhal ann gu tiugh ;
's tha'n Lebhiatan mòr,
A chumadh is a dhealbadh leat,
ri sùgradh ann le treòir.
- 27 Na slòigh ud uile tha, a Dhé,
a' feitheamh ort a ghnàth,
A chum dhoibh biadh gu'n tugadh tu
ga'n cumail beò geach tràth.
- 28 Na bheir thu dhoibh a'd' thoirbheartas
'g a thional sud tha iad :
Tràth dh'fhosgla tu do làmh gu pailt,
le maith sàr-lìonar iad.
- 29 Air folach dhuit do ghnùis a rìs,
thig cabhag orr' air fad ;
Eugaidh, tràth bheir thu asd an deò,
pillidh ri 'n ùir gu grad.
- 30 Do spiorad féin g'an cruthachadh,
rìs cuirear leat a mach :
Aghaidh na talmhainn mar an ceudn'
nuadhaichidh tu le dreach.
- 31 Bidh glòir an Triath ro-mhaircannach
air feadh gach linn am feasd ;
Is nì Iehobhah gairdeachas
'n a ghnìombaraibh gun cheisd.
- 32 Air sealltuinn air an talamh dha,
criothnaichidh e gu grad ;
Tràth bheanas e ri sléibhtibh àrd'
bidh deatach dhiubh air fad.
- 33 Do Dhia Iehobhah seinnidh mi
an cian a bhios mi beò ;
Is bheir mi moladh mòr do m' Dhia
ri fad mo ré 's mo lò.
- 34 'S ro-mhillis blast' mo smuaintean air
biom ait an Dia a ghnàth.
- 35 Gu'n tigeadh sgrios air peacaichibh,
mach as an tìr gu bràth,
'S na biodh na h-aingidh ann ni 's mò,
O n'anam, moladh seinn
Do Dhia Iehobhah ; seinneamaid
le h-Allchuia binn.

SALM CV.

- 1 **O** THUGAIBH buidheachas do Dhia ;
air 'ainm-san gairibh féin ;
Is cuiribh fòs a ghnìomhara
am measg nan sluagh an céill.
- 2 Seinnibh do Dhia Iehobhah mòr,
sailm seinnibh dha gu binn ;
Is aithrisibh gu h-ìomlan fòs
na mìorbhuilean a rinn.
- 3 As 'ainm ro-naomhasan faraon
deanaibh deadh-uail is glòir ;
Biodh gairdeachas air cridh' an drcam
dh'iaras Iehobhah mòr.
- 4 Iarraibh Iehobhah mòr nam feart,
iarraibh a neart a ghnàth ;

- A ghnùis ta gràsmhor fàbharach,
sior-iarraibh i gu bràth.
- 5 Cuimhnichibh fòs na mìorbhuile
a rinneadh leis gu treun :
A ghnìomhara ro-iongantach,
is breitheanais a bhéil ;
- 6 O sibhs' a ghineil Abraham,
deadh òglaich dhìleis Dé :
Sibhs' chlann Iacob mar an ceudn',
a ròghnuich e dha féin.
- 7 'S esan ar Tighearn is ar Dia,
Iehobhab mòr gu fìor :
Tha 'bhreitheanais ro-chothromach
air sgaoileadh feadh gach tìr'.
- 8 Oir chuimhnich e gu sìorruidh buan
a choinnheangal gu beachd .
'S am focal fòs a dh'orduich e
do mhìltibh àl ri teachd ;
- 9 An coimhcheangal a rinn e féin
ri Abraham gu caoin,
'S na mìonnan a thug e le 'bheul
do Isaac òglach caomh :
- 10 Is amlhuidh sin do Iacob fòs
dhaingnich se e mar reachd ;
Mar choinnheangal gu sìorruidh buan
do Israel gu beachd :
- 11 Ag ràdh, Tìr Chanaain bheir mi dhuibh,
mar chrann bhuir n-òighreachd féin.
- 12 'N uair bha iad teare, 's 'nam buidhinn
's 'n an coigrich inn' gu léir [bllig,
- 13 Is air bhi dhoibh ag imeachd fòs
o thìr gu tìr gun tàmh ;
A' triall feadh sluaigh is ròghachda,
nach fac' iad rianh roimh làimh :
- 14 Cha d' leig le neach an gortachadh ;
ach smachdaich air an sgàth
Mor-rìghre neartmhor cunhachdach ;
's a riu mar so ag ràdh ;
- 15 'Feuchaibh nach bean sibh ris an dream
a dh' ungadh leam gu caomh :
Is fòs na deanaibh cron air bith
no lochd air m' fhàidhibh naomh.'
- 16 Fòs ghairm e gorta steach do 'n tìr,
is lorg an arain bhris.
- 17 Ach chuir e Ioseph rompa sìos,
reiceadh mar thràill gun fhios.
- 18 Le geimhlìbh dhochainn iad a chos',
luidh e an iarunn teann ;
- 19 Gu 'n uair an d' thàinig focal Dé ;
is dhearbhadh sud e 's an àm.
- 20 An rìgh an sin chuir airsan fios,
is dh'fhuasgail air gu caoin :
Seadh uachdaran nam fineacha
is leig se e fa sgaoil.
- 21 Is air a theaghlach thug e àna
àrd-thighearnas gu léir :
Àrd-uachdranachd a stòrais mhòir,
thug esan dha d'a réir.
- 22 A cheangal mar a chiteadh dha
àrd-cheannardan na tìr' :
- 'S gu'n tugadh e d'a sheanairibh
teagasg air gliocas fìor.
- 23 Do ròghachd na h-Eiphit thàinig fòs
clann Israeil gu léir,
'S bha Iacob is a shliochd air chuairt
an talamh Cham le chéil' :
- 24 Thug esan air a phobull féin
an sin ro-lionmhor fas,
Is ni bu treise rinn e iad
na'n naimhdean anns gach càs.
- 25 Cridhe an dream ud dh'iompaich e
thoirt fuath d'a phobull naomh,
'S gu'n buineadh iad gu cealgach olc
ra sheirbhiseach ro-chaoimh.
- 26 An sin chuir e 'dheadh òglach Maois,
Aaron a thagh e féin.
- 27 Nochd iad a bhearta mìorbhuileach,
an talamh Cham gu treun.
- 28 Chuir orra duibhre, 's dh'orchaicheadh ;
'n sin thug iad géill d'a ghuth.
- 29 Dh'iompaich gu fuil an uisgeachan,
is mharbh e 'n t-iasg 'n an srutli.
- 30 Is losgairn ann an lìonmhoireachd
sin bhrùchd an tìr a mach,
Am fàrdaichibh an rìghre-san,
's nan seòmraichibh a steach.
- 31 Air 'iartus thàinig iomadh gnè
do chuileagaibh gu grad :
Is miala lìonmhor mar an ceudn'
'n an crìochaibh féin air fad.
- 32 Air son an uisge thug e dhoibh
clach-shneachd gu frasach geur,
Is lasair theine-dhealanaich
air feadh na tìr' gu léir.
- 33 Na craobhan fion, is fige fòs
ghrad-bhuailleadh leis gu trom ;
Is bhriseadh agus reubadh leis
gach crann a bha 'n am fonn.
- 34 Thug esan àithne 's thàinig iad,
locuist gu lìonmhor ann,
'S na burruis sgriosach iomarcach,
gun orra cunntas cheann ;
- 35 Gach luibh 's an fhearann dh'itheadh leo ;
is dh'itheadh leo gach meas.
- 36 Bhuail e gach ceud-ghin anns an tìr,
toiseach am brìgh 's an treis'.
- 37 Le h-òr 's le h-airgiod thug e mach
a phobull féin gun dìth ;
'S cha robh 'n an treubhaibh-san air fad
neach euslainteach gun chli.
- 38 Bu shubhach leis na h-Eiphitich
'n uair chaidh iad uath' a mach.
Oir thuit an eagalsan gu mòr
le h-uamhunn air gach neach.
- 39 Neul os an ceann sgaoil esan mach
mar bhrat no cùrtein mòr ;
Le teine mar an ceudn' 's an oidhech'
thug solus dhoibh gu leòr.
- 40 Am pobull dh'iarr, is thug e dhoibh
na gearra-goirt gu pailt ;

- 'S le h-aran nèimh o speuraibh àrd'
thug dhoibh an sàth gun airc.
- 11 A' charraig sgoilt e, bhrùchd a mach
na h-uisgeacha gu leòr ;
Is anns an fhàsach thartmhor theth
ruith iad mar amhainn mhòir.
- 42 Ohionn gu'n do chuimhnich e an sin
'fhocal 's a ghealladh naomh
Is mar an ceudna Abraham
'òglach ro-dhileas caomh.
- 43 Is uime sin thug e a mach
a shluagh le h-aobhneas mòr ;
'S a dhaoine féin a ròghnaich e,
le gairdeachas is ceòl.
- 44 Is fearann fòs nam fineacha
thug esan dhoibh air fad ;
Is mheal iad mar an oighreachd féin
saothair nan cinneach ud.
- 45 A chum gu'n tugadh iad fa'near
a reachda mar is còir,
'S gu'n gleidheadh iad a lagh faraon,
Molaibh Iehobhah mòr.
- SALM CVI.
- 1 **O** THUGAIBH moladh mòr do Dhia,
is buidlicachas faraon,
Oir tha e maith, mairidh gu bràth
a thròcair ghràsmhor chaoin.
- 2 Gnìomhara treun' Iehobhah mhòir,
co dh'fheudas chur an cèill ?
Cò dh'fheudas fòs a chliu ro-mhòr
a thaisbeanadh gu léir ?
- 3 'S beannaicht' an aitim ud gu beachd
a ghleidheas breitheanas,
'S an neach ud fòs a ni gach uair
ceartas is ionracas.
- 4 Dhia, cuimhnich ormsa, leis a' ghràdh
thug thu do d' phobull féin ;
O thig le d' shlàinte shòlasaich
gu m' fhiosrachadh a'n' fheum.
- 5 Gu faic sinn maith do dhaoine taght
's gu'n dean sinn aoibhneas mòr
'N an aoibhneas sud ; 's le t'òighreachd
gu'n dean sinn uail is glòir. [féin]
- 6 Do pheacaich sinn le'r sinnsearaibh ;
is fòs do rinneadh leinn,
Mòr chiont' a' d' aghaidh féin, a Dhé ;
gu h-aingidh pheacaich sinn.
- 7 Ar sinnseara cha d'thug fa'near
do bhearta miorbhuileach,
A rinneadh leat an tìr na h-Eiph't
gu treunmhor cumhachdach ;
Is lìonmhoireachd do thròcair chaoimh'
dhìchuimhnich iad gu truagh ;
'S iad aig a' mhuir ga d' bhrosnachadh,
ri cois na fairge ruaidh'.
- 8 Ach theasairg e gu tèaruint' iad,
air sgàth dheadh ainme féin ;
A chum gu'n nochdadh e mar sin
a chumbachda ro-threun.

- 9 Leig e a mach geur aclmhasan
is thiormaich a' mhuir ruadh ;
Is stiùir e troimh an doimhneachd iad,
Mar troimh an fhàsach chruaidh.
- 10 O làimh an ti thug dhoibhsan fuath,
dh'fhuasgail e 'phobull féin,
- 11 'S o làimh an naimhde mi-runach
shaoradh leis iad gu treun.
Is dh'fholuich uisg' an eascairde :
cha d'fhan fiu aon diubhl beò.
- 12 Chreid iad an sin a bhriathrasan,
's a chliu do sheinneadh leo.
- 13 Air dearmad leigeadh leo gu cas
a ghnìomhara ro-threun ;
Cha d'fhuirich iad gu foighidneach
r'a chomhairl' eagnuidh féin.
- 14 'S an fhàsach ghlac miann cìocrach iad,
'n sin bhuair iad Dia gu luath.
- 15 An iarrtas thug e dhoibh, ach chuir
caoil' air an anam truagh.
- 16 'S a' champa ghabh iad farmad mòr
ri Maois an duine caomh,
'S ri Aaron neach a ròghnaich Dia
dha féin 'n a shagart naomh.
- 17 An talamh dh'fhosgail e a bheil,
shluig Danan sìos gu grad ;
Buidhinn Abiraim mar an ceudn'
dh'fholuich e iad air fad.
- 18 Is fòs am measg an cuideachdsan
ghrad-las an teine teth ;
Is loisg an lasair suas gu léir
na h-aingidh ud fa leth.
- 19 Dheallbh iad an sin is rium iad laogh,
gu truagh aig Horeb àrd,
'S do'n ìomhaigh leaght' a rinneadh leo
aoradh thug iad gun dàil.
- 20 Is amhluidh chaochail iad gu bochd,
an Dia 's an glòir gu léir,
Gu cosamhlachd is ìomhaigh fhaoin
an daimh a dh'itheas fear.
- 21 An Dia thug tèarnadh dhoibh 'n am feum
dhìchuimhnich iad gu grad ;
An neach le 'n d' rinneadh bearta mòr'
an tìr na h-Eiph't air fad :
- 22 Is gnìomhara ro-iongantach
an dùthaich Cham le buaidh,
Mar sin is nithe uamhasach
ri cois na fairge ruaidh' :
- 23 Thubhairt e air an aobhar sin
gu'm millt' iad leis gu léir,
Mur seasadh òglach taghta, Maois,
fa chomhair, anns a' bheum :
- A chum gu'n deant' a chorruih mhòr
a philleadh air a h-ais,
Eagal 'n a fheirg gu'n deanadh e
a phobull féin a sgrios.
- 24 Dhiùlt iad le tàir an tìr ro-mhaith ;
nìor chreid iad focal Dé :
- 25 'N am pailliunaibh rinn monmhor mòr,
's d'a ghuth cha d'thug iad géill.

26 An sin 'n an aghaidh thog e 'làmh,
g'au sgrios 's an fhàsach lom ;
27 A sgrios an sliochd measg fhineacha,
's ga'n sgaioileadh feadh gach fuinn.
28 Ri Baal-peor mar an ceudn',
naisg siad iad féin gu dlùth :
Is dh'ith iad cuid do iobairtibh
nan iodhol marbh' nach fiù.

29 Bhrosnuich iad e mar sin gu feirg,
le'n innleachdaibh gu truagh ;
Is bhris a' phlàigh au sin gu mòr
a steach am measg an t-sluaigh.
30 Sheas Phinehas, is rinu e 'n ceart ;
'n sin sguir a' phlàigh d'an claidh :
31 Sud mheasadh dha mar fhìreantachd
o linn gu linn a chaidh.

32 Aig uisge comh-stri Mheribah
bhrosnuich iad Dia a ris ;
Air chlor, fa chùis a' phobuill ud,
gu'n d' éirich oile do Mhaois.
33 Oir rinneadh leo a spioradsan
a bhrosnachadh gu geur :
Ionnus gu'n d' labhair e an sin
gu cabhagach le 'bheul.

34 Na ciunich cha do sgriosadh leo
mar dh'àithn Iehobhah dhoibh :
35 Ach mheasg iad leis na fineachaibh,
is dh'fhòghluim iad au dòigh.
36 Do iodholaibh nam fineacha
iad seirbhis rinn gu truagh :
Bha sud mar lion 's mar ribe dhoibh,
le'n ghlacadh iad gu luath.
37 Seadh thug iad suas mar iobairtean
do dheamhnaibh 's dhealbhaibh bréig
Am mic 's an nigheana faraon,
an aghaidh naomh-reachd Dhé.
38 Is fuil nan neòchiontach gu truagh
do dhòirteadh leo gun sgàth ;
B'i fuil am mac 'e 'n nighcan féin
a dhòirt iad gun chion-fàth,

Do iodholaibh Chanaain fòs
mar iobairt thug an sliochd ;
Mar sin do thruailleadh leo an tìr,
le fuil gun truas gun iochd.
39 Is amhluidh sin le'n gnìomharaibh
do thruailleadh leo iad féin :
Chaidh iad air strìopachas o Dhia
le 'u innleachdaibh gu léir.

40 Fa 'n aobhar ud las corruidh Dhé
r'a phobull féin gu teth :
Ionnus gu'n ghabh e gràin gu mòr
d'a oighreachd air gach leth.
41 Is amhluidh rinn e 'n tabhairt suas
do làimh nam fineach fiat' ;
Is thug thu dhoibh mar uachdarain,
an dream a dh'fhuathaich iad.

42 Rinneadh gu mòr an sàruchadh
le 'n uaimhdibh làidir treun' ;
Is leagadh iad gu h-ìosal sìos
fo'n làmh sud mar an ceudn'.

43 Gu minic thug e saorsa dhoibh ;
ach bhrosnuich iad e ris
Le'n comhairlibh, is leagadh iad
air son an ceannaire sìos.

44 Ach thug e 'n àmhghar mòr faineaz,
tràth chualadh leis an glaoth ;
45 Is chuimhnich e dhoibh mar an ceudn'
a chùmhnannt gràs-mhor caomh ;
Is ghabh e aithreachas a réir
mòr-shaobhreachd a ghràis :
46 'S 'n an sealladsau rinn bairghde diubh
fluair e dhoibh iochd is truas.

47 Thusa Iehobhah mhòir ar Dia,
dean saoradh dhuinn 'n ar feum,
Is deau, am measg nam fineacha,
ar tional leat gu léir :
Do t'ainm ro-naomh gu'n tugamaid
mòr-bhuidheachas gu pailt :
Do chliu 's do mholadh mòr faraon
gu seinneamaid gu h-ait.

48 'S beannaicht' an Triath, Dia Israeil,
o chian nan cian gu bràth :
Àbradh an sluagh gu léir, Amen !
molaibh-sa Dia a ghnàth.

SALM CVII.

- 1 **O** THUGAIBH moladh mòr do Dhia,
is buidheachas faraon,
Oir tha e maith, 's mairidh gu bràth
a thròcair ghràs-mhor chaoiin.
- 2 Pobull Iehobhah saoradh leis,
labhradh mar so gun tàmh,
A' mhuinntir ud a bhuin e saor
a mach o làimh an nàmh :
- 3 Is as gach fearann is gach tìr
do ehruinnicheadh iad leis,
O 'n àird an ear, 's o'n àird an iar,
o'n àirde tuath, is deas.
- 4 'S an fhàsach iad air seachran chaidh
an ionad falaml fas ;
Is bail' air bith cha d'fhuaradh leo
gu còmhnuidh ann no tàmh.
- 5 Ocrach is iotmhor bha iad fòs ;
chlaoidheadh an anam truagh.
- 6 Ghlaodh iad an sin ri Dia 'n an teinn,
shaor iad o'n àmhghar chruaidh.
- 7 Stiùir esan agus threòruich iad
air bealach ceart fa'n cois,
A chum gu'n rachadh iad fadhcoidh
gu baile tàmh is fois'.
- 8 O b'fhicarr gu'm moladh daoine Dia
air son a mhaithis chaoiu,
'S air son a bhearta iongantach
rinn e do chloinn nan daoine !
- 9 Oir ni e 'n t-anam miannach trom
a shàsachadh guu aire,
'S an t-anam cìocrach lìonaidh e
le 'mhaithis féin gu pailt.
- 10 An dream a shuidh an dorchadas,
is ann an dubhar bàis ;

SALM CVIII.

- Fo chuibhreach ta an àmhghar truagh,
's an iarunn cruaidh an sàs ;
- 11 Air son gu'n robh iad ceannairceach
an aghaidh briathra Dhé,
'S air comhairle an Tì a's àird'
gu'n d'rinn iad tàir gu léir ;
- 12 Air sin an cridhe leag e sìos
le saothair is le péin ;
Thuit iad, is aon neach cha robh ann
g'an cuideachadh 'n am feum ;
- 13 Ghlaodh iad an sin ri Dia 'n an airc,
dh'fhuasgail o'n teinn gu grad.
- 14 O'n dorchà bhuin, 's o dhlubhar bàis,
's an cuibhreach bhris air fad.
- 15 O b'fhearr gu'm moladh daoine Dia
air son a mhaithéis chaoin,
'S air son a bhearta iongantach
rinn e do chloinn nan daoin' !
- 16 Chionn gu'n do bhriseadh leis le 'neart
na geatan prais gu léir ;
Na stapuill iarunn is na croinn
sgaoil esan as a chéil'.
- 17 Bha amadain le 'n cron 's le 'n lochd,
fo àmhghar goirt an sàs.
- 18 Bha 'n anam gabhail gràin do bhiadh,
's iad dlùth do dhorsaibh bàis.
- 19 Ghlaodh iad an sin ri Dia 'n am feum,
dh'fhuasgail o'n teinn gu grad.
- 20 Le 'fhocal rinn e 'n slànuchadh :
is shaor o'n sgrios air fad.
- 21 O b'fhearr gu'm moladh daoine Dia
air son a mhaithéis chaoin,
'S air son a bhearta iongantach
rinn e do chloinn nan daoin' !
- 22 Thugadh iad ìobairt buidheachais
is cliù do Dhia na glòir ;
Aithriseadh iad a ghnìomhara,
le subhachas is ceòl.
- 23 Luchd-loingeis théid air muir, 's a bhios
ri gnìomh an uisgibh buan ;
- 24 Dhoibh sud is léir mòr-oibre Dhé,
's a mhiorbhuilean 's a' chuan.
- 25 Air 'iarrtus, dùisgear leis a' ghaoth
gu h-àrd 's gu doinionnach :
Le 'n togar suas gu h-atmhor borb
a thonna garbh' fa seach.
- 26 Tha iad ag éirigh suas gu nèamh :
's a ris dol domhain sìos :
Ionnus gu'n d' leagh an anam truagh
le trioblaid chruaidh 's le sgios.
- 27 Dol thuig' is uaith, gu tuisleach fòs,
amhluidh mar dhuin' air mhisg ;
Ionnus gu'n d' thréig gu buileach iad
gach gliocas bhà 'n am measg.
- 28 Ghlaodh iad ri Dia 'n an teinn ; is shaor
e iad o'n trioblaid gheir.
- 29 Ghrad-chuireadh leis an stoirm gu fèith,
's na tuinn 'n an tàmh gu léir ;
- 30 An sin the iad ro-ait, air son
gu bheil iad sàmhach beò :
- 'S gu'n d'thug e iad do'n chladh sin,
's do'n phort bu mhiannach leo.
- 31 O b'fhearr gu'm moladh daoine Dia
air son a mhaithéis chaoin,
'S air son a bhearta iongantach
rinn e do chloinn nan daoin' !
- 32 Is fòs an coimhthional an t-sluaigh
àrd-mholar e gu mòr ;
'S an cruinneachadh nan seanair glie'
cliù thugar dha is glòir.
- 33 Aimeiniche nì 'n am fasach lom,
tobair 'n an talamh cruaidh :
- 34 Tìr bheartach nì e fàs, air son
mòr aingidheachd an t-sluaigh.
- 35 Am fasach tioram tionndaidh e
gu uisge tàmh nach gann,
'S gu tobair fìor-uisg' iompaichidh
am fearann tartmhor teann.
- 36 Do dhaoineibh ocrach bheir e sud
mar àite fois' is tàmh ;
A chum gu'n deasuidh' caithir leo
chum còmhaidh ann a ghnàth.
- 37 Chum craobhan fion' a shuidheachadh,
is siol a chur 's an fhonn,
A bheir a mach 's an ainsir cheirt
cinneas is toradh trom.
- 38 Bheannaich e fòs am pobull ud
is dh'fhàs iad bonnhor mòr ;
'S nìor leig e dhoibh dol air an ais
'n am feudail no 'n an stòr.
- 39 Lughdaichear iad gidheadh a ris,
is leigear iad gu bochd,
Le sàruchadh is àmhghar geur,
is doilgheas brònach goirt.
- 40 Air prionnsaibh dòirtear tarcuis leis,
's an fhàsach mar an ceudn',
Cuiridh e iad air seachran fiar,
gun bhealach ann d'an ceum.
- 41 'S o thrioblaid togaidh e am bochd,
's nì teaghlach dha mar thread.
- 42 Sud chì na fireana, 's bidh ait,
is druidear beul nam beud.
- 43 Cò iad tha glie, 's a bheir faincar
na nithe sud gu ceart ?
'S iad sin a thuigear trècàir chaomh
is maitheas Dhé nam feart.

SALM CVIII.

- 1 **M**O chridh' tha ann am fonn, a Lhé,
gu socair mar is còir ;
Is seinnidh mi gu ceòlmhor dhuit,
is molam thu le m' ghloir.
- 2 Mosglaidh, is éiribh grad an àird,
'shaltair 's a chlarsach ghriinn :
Mosglaidh mi féin, is éiridh mi
gu moch chum ceòl a sheinn,
- 3 O Thighearna Iehobhah mhòir,
measg chinneach, molam thu,
'S am measg an t-sluaigh gu h-urramach
àrd-seinnidh mi do chliù.

- 4 Oir tha do thròcair mòr os ceann
nan nèamha shuas gu léir :
Is ruigidh t'fhìrinn mar an ceudn'
gu neultaibh àrd' nan speur.
- 5 Bi thusa, Dhé, os ceann nan nèamh
air t'àrdachadh gu mòr ;
Is fòs os ceann gach uile thìr
togar gu sìor do ghloir.
- 6 A chum gu deanar fuasgladh leat
do d' phobull ionmhuinn féin,
O teasaig mi le d' ghairdean deas,
is freagair mi a'm' fheum.
- 7 'N a naomhachd labhair Dia nan feart :
bidh aoibhneas orm nach gann,
Air Sechem ni mi roinn gu ecart,
gleaun Shucoit toimhshear leam.
- 8 'S leam Gilead le dlighe cheirt,
Manaseh 's leam gu beachd ;
'S i treubh Ephraim neart mo chinn :
bheir Iudah mach mo reachd.
- 9 Is soitheach-ionnlaid Moab dhomh,
tilgeam thar Edom thruaigh
Mo bhròg : is ni mi caithream binn
thar Palestin le buaidh.
- 10 Cò bheir do 'n chaithir dhaingean mi ?
's gu h-Edom bheir gu ecart ?
- 11 Nach tusa, Dhé, le'n d' thréigeadh sinn ?
's nach téid thu mach le'r feachd ?
- 12 O thrioblaid tabhair còmhnaidh dhuinn,
oir 's diomhain furtachd dhaoin'.
- 13 Trid Dhé ni sinne treubhantas :
's e shaltras naimhde fodh'n.

SALM CIX.

- 1 **O** DHIA, ta t'aobhar molaigh dhomh,
gu balbh a'd' thosd na bi.
- 2 Oir beul nan daoí, 's nam fealltach tha
gnàth-fhosgailt' air mo thì :
Le teangaidh bhreugaich labhair iad
a'm' aghaidh-sa a ghnàth.
- 3 Chuairtich iad mi le briathraibh fuath' :
ehuir cath orm gun chion-fàth.
- 4 Air son mo ghaoil taid naimhdeil dhomh,
is mi ri urnuigh ghnàth.
- 5 Ole dhìol iad rium an éric maith,
is fuath air son mo ghràidh.
- 6 Fear droch-bheirt cuir-sa os a cheann ;
biodh Satan aig a dheis.
- 7 Urnuigh gu robh 'n a peacadh dha,
fagar am binn e ris.
- 8 Gearr gu robh 'aois ; is glacadh neach
oifig 's a dhreuchd guu iochd.
- 9 Gu'n robh a bhean 'n a ban-treablaich,
's 'n an dilleachdain a shliochd.
- 10 Air seachran biodh a shliochd a ghnàth
ag iarraidh déire' 'n am feum ;
Is as an àitibh falamh fàs
ag iarraidh bidh dhoibh féin.
- 11 Gu'n glacar fòs le luchd nam fiach
gach ni a bhuineas da :

- 'S a shaothair-sau mar chobhartaich,
gu'n buineadh coigrich leo.
- 12 Na biodh neach aun ni thròcair air ;
na bitheadh fòs a h-aon
A ghabhas truas d'a shliochd, a bhios
'u au dilleachdain guu mhaoin.
- 13 Sgrios gu robh air a ghineil-san,
g'an sgathadh as gu léir ;
Gu'n cuirear as an ainm air fad,
's an àl a thig 'n an déigh.
- 14 Aingidheadh 'aithriche gu'n robh
air chuimhn' aig Dia a ghnàth :
Is eiont' a mhlàthar mar an ceudn'
na cuirear as gu bràth.
- 15 Gu robh iad air an taisbeanadh
am fianuis Dhé do shìor ;
A chum gu'n sgathadh e a mach
an iomradh as an tìr.
- 16 Oir dhearmaid e bhi tròcaireach,
is shàruich e am bochd,
'S an t-ainnis, chum gu marbhadh e
neach 'g an robh cridhe goirt.
- 17 Mar thug e toil do mhallachadh,
mallaicht' biodh e gach là :
Is mar nach b'àill leis beannachadh,
na éircadh beannachd dha.
Amhluidh mar rinneadh leis e féin
a chuairteachadh gach àm.
Le h-eascain is le mallachadh,
eart mar le trusgan teann,
'S amhluidh gu tigeadh sud gu beachd
mar uisge steach 'n a chom,
'S mar oladh drùidheadh sud gu geur
'n a chnàmhaibh féin gu trom.
- 19 Biodh sud mar eudach uimc-san,
'g a 'fholach air gach tràth :
Is amhluidh uar au crios a bhios
'g a chrìoslachadh a ghnàth.
- 20 O'n Tighearna gu'n toirear sud
do m' naimhdibh mar au duais,
'S do'n dreau an aghaidh m'anam' ta
gnàth-labhairt uile gun truas.
- 21 Ach air mo chrann bi thusa, Dhé,
air sgàth d'ainm' usail féin ;
Do bhrìgh gu bheil do thròcair maith,
dean saoradh dhomh a'm' fheum.
- 22 Oir tha mi aim-beartach gu beachd,
is tha mi ainmis lom,
A ta mo chridhe air a lot
an taobh a stigh de m' chom.
- 23 Is amhluidh ta mi gabhail saebh
mar sgàil a' clonadh sìos ;
Air m'fhuadach' mar an locust truagh
thuig' agus uait a ris.
- 24 Mo ghlùine ta air fàilneachadh,
aig meud mo thraisg a ghnàth ;
Is m'fheòil aig diobhail sail' is sult'
air scargadh as a ta.
- 25 A'm' aobhar fochaid tha mi fòs
do'n àitim ud gu léir :

Chrath iad an cinn gu fanoideach,
tràth sheall iad orm gu geur.

- 26 Fòir orm, a Thighearna mò Dhia ;
a'd' thròcair cuidich mi
- 27 Gu'n tuig iad gur i so do làmh,
's gur tu rinn sud, a Dhé.
- 28 'N tràth bhitheas iad ri mallachadh,
beannaich-sa sinn gu pàit ;
Biodh orra nàir', air éirigh dhoibh
ach d'òglachsa biodh ait.
- 29 Gu robh iad air an cuairteachadh
m'uil' cascairde le nàir' ;
'S mar fhalluin air an uachdar biodh
an amhladh féin le tàir.
- 30 Ach mise, ghnàth, ard-mholaidh mi
Iehobhah Dia le m' bheul :
Is fòs, am measg a' choimhthionail,
cuiridh mi 'chliu an céill.
- 31 Oir tha e leis an duine bhochd
'n a sheasamh air a dheis,
G'a theasairginn o'n dream le 'm b'àill
'anamsan fhàgail ris.

SALM CX.

- 1 **T**HUBHAIRT Iehobhah rimò Thriath,
Bi d' shuidhe air mò dheis,
D' uil' cascairde gu'n cuir mi dhuit
'n an stòl fo bhonn do chois'.
- 2 A Sion cuiridh Dia a mach
slat-shuaicheantais do neirt.
'S am builsgéan d'eascairde gu léir
bi féin a'd' uachdran ceart.
- 3 Bithidh do phobull taghta féin
ro-thoileach mar is còir,
'S an là sin anns am foillsich thu
do chumbachda gu mòr :
Am mais' 's an sgéimh na naomhachd
o bholg na maidne moich, [ghrinn,
Mar dhealt a thig a nuas o nèamh,
tha d'òigrìdh iomarcach.
- 4 Do mhionnaich Dia Iehobhah mòr,
's cha-n aithreas leis gu'n d'rinn,
Réir orduigh mhaith Mhetchisedeic,
gur sagart thu gach linn.
- 5 An Tighearna ta air do dheis,
troin-bhuaillear leis gu garg
Mòr rìghbrean làidir cumhachdach,
's an là a lasas 'fhearg.
- 6 Bheir esan breth measg fhíneachan,
lìonaidh gach àit gu fíor
Le corpaibh marbh' : is lotar leis
na h-uachdran thar gach tìr.
- 7 Is anns an t-slighe òlaidh e,
deoch as na sruthaibh luath' ;
Is air an aobhar ud fa-dheòidh
togaidh e 'cheann le buaidh.

SALM CXI.

- 1 **M**OLAIBHSE Dia, sìor-mholams' o
le m'uile chridh' gu h-àrd ;
An coimhthional nam fìrean còir',
's a' chuideachd mhoir' 's gach àit.

- 2 Tha gnìomharan an Tighearna
iomarcach mòr gu léir ;
Is leis an dream le'n tlachdmhor iad,
ramsaichear iad gu geur.
- 3 Tha 'obair-san ro-urramach,
ro-ghlòrmhor i gun cheisd ;
Tha fìreantachd Iehobhah fòs
buan mhaireannach am feasd.
- 4 A ghnìomhara ro-iongantach,
air chuimhne chuir gu beachd :
A ta Iehobhah gràsmhor caoin,
is làn do thruacantachd.
- 5 Thug esan biadh is lòn do'n dream
d' an eagal e a ghnàth,
'S a choimhcheangal a rinn e leo
cuimhnichidh e gu bràth.
- 6 Neart 'oibre iongantach chuir Dia
an céill d'a phobull féin ;
A thabhairt doibh mar sheilbh gu buan
oighreachd nan sluagh gu léir.
- 7 Fìrinn is ceartas gnìomh a làmh ;
'uil' àitheantan tha fìor.
- 8 Deanta le ceartas fìrinneach ;
taid seasamhach buan do shìor.
- 9 Shaoradh le Dia a phobull féin ;
is dh'orduich e am feasd
A choimhcheangal : tha 'ainm-san naomh
is urramach gun cheisd.
- 10 Se tùs a' ghliocais eagal Dé,
tha deadh thuigs' aig an dream
Le'n coimhlìonar a reachdasan :
mairidh a chliu gach àm.

SALM CXII.

- 1 **O** THUGAIBH moladh mòr do Dhia :
's beannaicht' an tì gu beachd
D' an eagal Dia, 's a ghabhas toil
gu mòr d'a lagh 's d'a reachd.
- 2 Bidh 'shliochdan làidir anns an tìr,
's ro-bheannaicht' sìol nan saoi.
- 3 Bidh maoin is saoi bhreas mòr 'n a thigh :
bidh 'cheartas buan a chaidh.
- 4 Tràth blitheas saoi an dorchadas,
'n sin éiridh solus da :
Tha e fìor-ghràsmhor tròcaireach
is cothromach a ghnàth.
- 5 Is truacant' fòs, deadh-choingheallach,
an duine maith a chaidh ;
Is bheircar leis gu seòlta ghic
a ghnòthluiche gu crìch :
- 6 Gu dearbh cha tig aon ni am feasd
le'n gluaisear e gu mòr ;
Ach cuimhn' is iomradh maith a chaidh
bidh air an fhìrean chòir.
- 7 Is airsan cha bhì faiteachas,
air cluinntinn dha droch-sgéil ;
Tha 'chridhe socrach muinghinneach
an Dia Iehobhah treun.
- 8 Tha 'chridhe air a shocrachadh.
cha bhì air geilt no fiamh,

- Gu ruig an uair am faicear leis
air eascairdibh a mhian.
- 9 Sgaol e a chuid, is thug do'n bochd
's buan 'fhèantachd am feasd;
Bìdh 'adharc air a h-àrdachadh
le urram mòr gun cheisd.
- 10 Cràdhar an daoì, tràth chi e so,
casaidh e 'fhiacail genr',
Seargaidh e air: is sgrìosar miann
nan aingidh ud gu léir.

SALM CXIII.

- 1 **M**OLAIBHSE Dia, O molaibh e,
òglacha dileas Dé;
Ard-mholaibh fòs gu h-urramach
dead ainm Iehobhabh thréin.
- 2 Ainm Dhé biodh beannaichte gu mòr,
o'n àm so is gu bràth.
- 3 O éirigh gu ruig luidhe gréin',
ainm Dhé ion-mholta ta.
- 4 'S àrd thar gach tìr Iehobhabh mòr,
's a ghlòir thar nàmhla fòs.
- 5 Co 's coimeas ris an Tighearna
ar Dia, ta chòmhnuidh shuas?
- 6 'S esan an neach a chromas sìos,
's a dh'islicheas e féin,
Dh'amharc gach m' s an talamh ta,
's an nàmhlaibh àrd' nan speur.
- 7 Togaidh e 'n deòradh trnagh o'n dns;
's am bochd o'n òtrach bhreun;
- 8 G'an cur 'n an suidh' le prionnsaibh àrd';
le prionnsaibh 'phobnill féin.
- 9 Bheir e do'n mhnaoi a ta gun sliochd
tigh còmhnuidh teaghlaich mhòir';
Gn bhi 'n a màthair aoibhneach mhac.
Molaibhse Dia na glòir'.

SALM CXIV.

- 1 **A**IR teachd do Isra'ì as an Eiph't,
's do Jacob mach o'n dream
'G'an robh an cainnt ro-chruaidh is dhorch
aig coimhicheas an teang'.
- 2 Bha Iudah dha mar chòmhinnidh naomh,
bu rìoghachd Isra'ì leis.
- 3 Air faicinn sud, ghrad-theich an cuan;
sruth Iordain phill air ais.
- 4 Mar reithe bras leum beannta suas;
lenn cnocan beag' mar uain:
- 5 Iordan, e' arson a phill air d'ais?
e' arson a theich thu, chuain?
- 6 C'arson a leum sibh, shléibhte àrd',
mar reithe meargant bràs?
C'arson, mar uain nan caorach fòs,
a leum sibh, chnoca glas'?
- 7 O thalamh, criothnaich fòs le geilt,
roimh ghnùis Iehobhabh mhòir;
O criothnaich fòs le geilt roimh ghnùis,
Dhé Iacoib mar is còir!
Oir thionndaidh e an aillbhinn theann
gu loch do uisge tàimh,
'S a' charraig chruaidh gu tobar uisg',
le cumhachdaibh a làmh'.

SALM CXV.

- 1 **D**HUINNE cha-n ann, a Thriath, cha-n
ach do d'ainm uasal féin [ann,
Tabhair an cliù 's a' ghlòir, air sgàth
do ghràis is d'fhìrinn réidh.
- 2 C' arson a theireadh fineacha,
càit bheil an Dia a nis?
- 3 Ar Dia a ta air nàmh, is rinn
gach gnìomh bu toileach leis.
- 4 An iodhoil 's airgid iad is òr,
gnìomh làmhha dhaoine féin.
- 5 Tha béil ac' leis nach labhair iad;
is sùilean, leis nach léir;
- 6 Tha cluasan ac', 's cha chlinn iad leo;
is sròin', gun fhàile ann'.
- 7 An làmh gun chli, an cos gun cheum;
an scornan gun smid chainnt'.
- 8 Iadsan a dhealbh 's a ghéilleas doibh,
's ro-chosmhùil iad riu féin.
- 9 O Isra'ì, deansa bun á Dia;
'se 'n sgiath, 's an còmhnaidh treun.
- 10 Thigh Aaroin, O dean bun á Dia;
'se 'n còmhnaidh, is an sgiath.
- 11 Luchd-eagail Dé, làn-earbaibh as:
an sgiath 's an neart 'se Dia.
- 12 Iehobhabh Dia bha cumhneach oirnn;
beannaichidh e sinn féin;
Beannaichear leis tigh Israeil,
's tigh Aaroin mar an cend'.
- 13 Na big' s na mòir d'an eagal Dia,
beannaichidh e gn caoin.
- 14 Cuiridh e sibh an lionmhoireachd,
sibh féin 's 'ur sliochd faraon.
- 15 Is beannaicht' sibh o'n Tighearna,
rinn nàmh is làr gu féin.
- 16 An talamh thug do chloinn nan daoine';
's leis féin àrd nàmh nan speur.
- 17 Na mairbh, no'n dream théid tosdach
do'n uaign, cha mhol iad Dia. [sìos
- 18 Ach molar leinn e nis, 's gu bràth.
Molaibh gu h-àrd an Triath.

SALM CXVI.

- 1 **I**S toigh leam Dia, air son gu'n éisid
ri m' ghuth, 's ri m' urnuigh fòs.
- 2 A chionn gu'n d'aom e rium a chluais
sior-éigheam ris ri m' bhàis.
- 3 Chaidh umam dòrninn genr a' bhàis,
ghlac piantan ifrinn mi:
Theann-ghlacadh mi le trioblaid thruagh,
is àmhghar cruaidh do m' chlaoidh.
- 4 Air ainm Iehobhabh ghair mi 'n sin;
(mar so a' labhairt ris.)
O Dhia mo Thighearn, guidheam ort,
saor m' anam bochd a nis.
- 5 A ta Iehobhabh gràsmhor, ceart;
's is trècaireach ar Dia.
- 6 'S e ghleidheas daoine simplidh eùinn':
lag bha mi, 's dh'fhòir an Triath.
- 7 O m'anam, feuch gu'n pill thu nis,
gn d' shnaimhneas is gu d' thàmh;

- Oir dheònuich Dia gu saobhir dhuit mòr thoirbheartas a làimh'.
- 8 O ghàbhadh is o chunnart bàis shaor thusa m'anam bochd ;
Mo chosan shaor o shleamhnachadh,
's mo shùil o dheuraibh goirt'.
- 9 An sealladh Dhé, an tìr nam beò,
gu dìreach gluaisear leam.
- 10 Do bhrìgh gu 'n chreid mi, labhair mi :
's mi air mo chlaoidh gu trom.
- 11 A'm' dheifir thubhairt mi mar so ;
'S breugach gach duin' air bith.
- 12 Ciod dh' iocas mi do Dhia, air son
na rinn e dhomh do mhàith ?
- 13 Cupan na slàinte glacair leam,
air ainm Dhé gaiream féin.
- 14 Iocam mo bhòid do Dhia, a nis
an làth'r a shluaigh gu léir.
- 15 Aig Dia 's ro-phriseil bàs a naomh.
- 16 Dhé, d'òglach 's mi gu beachd ;
'S mi d'òglach, mac do bhanoglaich ;
mo chuibhreach sgaoileadh leat.
- 17 Bheir mise iobairt-molaidh dhuit ;
air ainm Dhé gaiream féin.
- 18 Iocam mo bhòid do Dhia, a nis
an làth'r a shluaigh gu léir.
- 19 An cùirtibh àluinn arois Dé,
a'd' bhuilsgan féin gu fìor,
O chaithir àrd Ierusalem.
Molaidh an Triath gu sìor.

SALM CXVII.

- 1 **O** THUGAIBH moladh mòr do Dhia,
gach fine 'anu fa leth ;
Seadh molaibh Dia gu fonnhor àrd,
gach uile shluaigh air bith.
- 2 Oir 's mòr a chaoimhneas tròcaireach,
a dheònuich e dhuinn féin ;
Tha fìrinn Dé sìor-mhaireannach.
Molaidh Iehobhah treun.

SALM CXVIII.

- 1 **O** MOLAIBH Dia, oir tha e maith,
sìor-mhairidh tròcair Dhé :
- 2 Abradh clann Israeil a nis,
gur buan a ghràs gach ré.
- 3 Tigh Aaron abradh iad a nis,
sìor-mhairidh tròcair Dhé.
- 4 Abradh an dream d'au cagal Dia,
gur buan a ghràs gach ré
- 5 A'm' éigin ghair mi air an Triath :
fhreagair e mi gu deas,
An ionad farsuinn agus réidh
shocruidh e mi le treis.
- 6 Tha Dia Iehobhah air mo chrann,
cha-n eagal leam a chaoidh,
Aon ni a dh'fheudas clann nan daoine
a dheauamh orm ga m' chlaoidh.
- 7 Measg luchd mo chuideachaidh tha Dia
a' seasamh leam gu beachd :
Air luchd mo mhi-ruin, uime sin,
chi mi mo mhiann a' teachd.

- 8 'S fearr na bhi 'g carbs' á duine beò,
ar dòchas chur an Dia.
- 9 'S fearr na bhi 'g earbs' á prionnsaibh mòr'
ar dòchas chur 's an Triath.
- 10 Do chuairtich umam air gach làimh
na dùthchanna gu léir :
Ach sgatham agus sgriosam iad,
an ainm Iehobhah thréin.
- 11 Do chuairtich iad mi air gach taobh,
chuairtich iad mise fòs ;
Ach sgatham agus sgriosam iad
an ainm Iehobhah mhòir.
- 12 Mar bheachaibh chuairtich iad, ach
iad as mar theine dris ; [chaidh
Oir ann an ainm Iehobhah thréin
ni mi gu léir an sgrios.
- 13 Ga m' leagadh, theann thu orm gu dlùth ;
ach chuidich leansa Dia.
- 14 'Se Dia mo cheòl, 's mo shlàinte fòs,
is e mo threòir an Triath.
- 15 Guth gairdeachais is slàinte ta
am pàillunaibh nan saoi :
Deas làmh Iehobhah uile thréin
fhuaradh gu treubhach i.
- 16 Ta gairdean deas an Tighearna
air 'ardachadh gu mòr ;
Is rinneadh bearta treubhantais
le deas làmh Dhé na glòir'.
- 17 Cha-n fhaigh mi bàs, ach maiream beò,
is innseam oibre Dhé.
- 18 Throm-smachdaich Dia mi, ach gu bàs
cha d'thug e thairis mi.
- 19 O fosglaibh dhomh gu farsuinn réidh
geatan an ionracais :
Is racham orrasan a steach ;
Iehobhah molaidh mis'.
- 20 So dorus Dé, air 'n téid a steach
na daoine còire naomh'.
- 21 Sìor-mholam thu, oir chual' thu mi ;
is tu mo shlàinte chaomh.
- 22 A' chlach a dhiùlt na clachairean,
clach-chinn na h-oisinn i.
- 23 'S e Dia rinn sud, 's ro-iongantach
'n ar sùilbhe-ne an gnìomh.
- 24 So féin an là a dh'orduich Dia,
's am bi sinn suilbhir ait.
- 25 Fòir, guidheam, guidheam ort, a Dhé ;
nis soirbhich leinn gu pailt.
- 26 Beannaicht' gu robh an neach a thig
an ainm Iehobhah thréin :
Thug sinne beannachd oirbhe mach,
& tigh Iehobhah féin.
- 27 'S e Dia Iehobhah dhealraich oirnn
ceanglaibh le cordaibh cruaidh,
Ri adharcaibh na h-altair naomh',
an iobairt bheir sibh uaibh.
- 28 'S tusa mo Dhia, is molam thu :
àrdaicheam thu, mo Dhia.
- 29 O molaibh Dia, oir tha e maith
sìor-mhairidh gràs an Triath.

SALM CXIX.

K. ALEPH.

- 1 'S BEANNAICHT' an dream tha foirfe
's an t-slighe dhùrich cheirt; [glan
An dream a ghluaisas ann an lagh
àrd-Thighearna nam feart.
- 2 'S beannaicht' an aitim ud fàraon
le 'n coimhdear teistean Dé,
'S a dh'iarraas e gu dìchiollach,
le 'n uile chridhe féin.
- 3 'Na shlighibhsan sior-ghluaisear leo,
's cha dean iad aingidheachd.
- 4 Dh'àithn thu dhuinn gu coimheadamaid
gu dìchiollach do reachd.
- 5 O stùir mo cheum, 's gu coimhdear leam
do reachda dìreach féin!
- 6 Cha ghabh mi nàir', tràth bheir mi spéis
do d'àitheantaibh gu léir.
- 7 Le cridhe treibhdhireach gun ghò
mòr-mholam thu gu binn,
Tràth dh'fhòghlumas mi breitheanais
do cheartais naomha ghrinn.
- 8 'S e so mo rùn gu coimhdear leam
do reachda naomh a ghnàth:
O Thighearna, na tréig-sa mi
gu buileach no gu bràth.

L. BETH.

- 9 Ciod leis an glan an t-òganach
a shlighe féin gu ceart?
Trid faicill mhaith is furachrais,
réir d'fhocail is do reachd.
- 10 Le m'uile chridhe féin, a Dhé,
dh' iarradh leam thu gu caomh;
Na leig dhomh dol air seacharan
o d'àitheantaibh ro-naomh.
- 11 Air eagal peacaidh, dh'fholuich mi
a'm' chridhe d'fhocal ceart.
- 12 O teagaisg dhomh do reachda naomh':
's beannaicht' thu, Dhia nam feart.
- 13 Le m' bhlhbh, breitheanais do bhéil
nochd mi air fad 's air leud.
- 14 Slighe do theisteis b'aoibhnich' leam,
na saobhbreas mòr d'a mheud.
- 15 Socraichidh mi mo smuaineachadh
air àitheantaibh do reachd:
Air ceumannaibh do shlighe féin
sior-dhearcaidh mi le beachd.
- 16 Gabhaidh mi tlachd is ciata mhaith
do d' statuisibh gu léir:
Air dearmad fòs cha leig mi chaoidh
deadh fhocal glan do bhéil.

M. GIMEL.

- 17 Riumsa ta mòglach dhuit, a Dhé
dean toirbheartas gach àn;
A chum gu bithinn beò, is fòs
gu'n coimhdear d'fhocal leam.
- 18 Fosgail mo shùilean, 's chi mi 'n sin
mòr-iongantais do reachd.
- 19 'S coigreach air thalamh mi; na ceil
orm d'àitheanta ro-cheart.

- 20 Tha m'anam briste brùite stigh;
is muladach a ghnàth;
Aig meud mo thograidh is mo mhiann
do d'bhreitheanais gach tràth.
- 21 Luchd-uabhair mhallaicht' smachdaich
a chlaon o d'iartrus ceart. [thu,
- 22 Cuir spid is masladh fada uam,
oir choimhleadh leam do reachd.
- 23 A'm' aghaidh labhair prionnsan mòr',
air suidhe dhoibh le chéil:
Ach air do statuisibh ro-naomh
do smuainich d'òglach féin.
- 24 A ta mi 'gabhair tlachd gu mòr
do d'heisteis naomha féin;
Is mar an ceudna tha iad dhomh
'n an comhairlich a'm' fheum.

N. DALETH.

- 25 Tha m'anam leantuinn ris an ùir:
réir d'fhocail beothaich mi.
- 26 Nochd mi mo shligh', is dh'éisd thu rium
seòl dhomh do lagh, a Dhé.
- 27 Air slighe fhior-ghloin d'àitheanta
thoir dhomhsa tuigse gheur;
Mar sin air d'oibribh iongantach
labhram, 'g an cur an céill.
- 28 Tha m'anam leaghadh as le bròn:
réir d'fhocail deònuich neart.
- 29 Cur slighe bhreugach fada uam;
a'd' ghràs thoir dhomh do reachd
- 30 Slighe na firinn foirfe gloid,
is i bu roghainn leam:
Is chuir mi do cheart bhreitheanais
fa m' chomhair féin gach àm.
- 31 Lean mi gu dlùth 's gu faicilleach
ri d' theisteis naomha féin:
Na cuir gu h-amhludh nàire mi,
O Thighearna ro-thréin.
- 32 An slighe fhior-ghloin d'àitheanta
sior-ruithidh mi le tlachd;
Tràth nithear leat mo chridhe teann
a chur am farsuinneachd.

O. HE.

- 33 Slighe do statuin teagaisg dhomh,
O Dhia Iehobhah thréin.
Is coimhdeam i gu dìchiollach,
gu crìch mo shaoghail féin.
- 34 Tuigs' agus eòlas tabhair dhomh,
is coimhdidh mi do reachd;
Is fòs le m'uile chridhe féin
coimhdear leam e gu beachd.
- 35 An ceum do lagh' thoir orm bhi triall
oir leam 's ro-thlachdmhor e.
- 36 Gu d' theisteis naomh', 's cha-n ann gu
mo chridhe lùb, a Dhé. [sanut
- 37 Mo shùile pill mu'n amhaire mi
air dìomhanas gun stà:
Ach ann do shlighibh naomha féin
ath-bheothaich mi a ghnàth.
- 38 O daingnich d'fhocal firinneach
do d'òglach féin gu mòr:

Do'n neach thug suas e féin air fad
do d'eagal mar is còir.

- 39 Pill uam an nàir a's eagal leam ;
oir 's maith do bhreth, a Dhé.
40 Fench, 's miannach leamsa d'aitheanta :
a'd' cheartas beothaich mi.

VAU.

- 41 Thigeadh do thròcair mar an ceann
a m'ionnsuidh féin, a Dhé ;
Do chomhfhurtachd, 's do shlàinte
a réir do gheallaidh féin. [chaomh,
42 Mar sin do'n neach bheir masladh dhomh,
bidh agam freagradh deas :
Oir ann ad fhocal firinneach
mo dhòchas cuiridh mis'.
43 Focal na firinn na buin leat
gu h-iomlan as mo bheul ;
Oir ann ad bhreitheanais ro-cheart
a ta mo dhòchas féin.
44 Mar sin gu suthain is gu sior,
gnàth-choimhdidh mi do reachd :
45 Air son gu'n iarram d'aitheanta,
ghuaiseam am farsuinneachd.
46 Rì rìghribh labhran air do theist,
gun amhluidh orm no sgàth.
47 Is gabham tlachd do d'aitheantaibh,
's ann doibh a thug mi gràdh.
48 Rì d'aitheantaibh d'an d' thug mi toil,
togam mo làmh a féin :
Is ann ad statuisibh ro-naomh
bitheam ri cnuasachd ghéir.

ZAIN.

- 49 Cuimhnich am focal ud, a Dhé,
do d'òglach féin a nis,
Thug thu mar bharrant dòchais dhomh,
's thug orm gu'n d'earb mi ris.
50 'S e so mo chomhfhurtachd ro-mhòr
'a'm' theinn 's a'm' àmhgar geur :
Oir rinn do bhriathar firinneach
m'ath-bheothachadh gu treun.
51 Bha mi mar aobhar fanoid mhòir
aig daoineibh àrdanach ;
Gidheadh cha d' aom mi o do lagh,
le clonadh seachranach.
52 Do bhreitheanais a ta o chian,
cuimhnich mi, Dhia, gu léir :
Is ghlac mi thugam féin an sin
deadh chomhfhurtachd a'm' fhèum.
53 Air son gu'n d' thréig an daoi do lagh,
ghlac uamhunn mi gu mòr.
54 An tigh mo chuart is m'eil-thire,
do statuinn b'iad mo cheòl.
55 Chuimhnich mi d'ainm 's an oidhch', a
is choimhdeadh leam do reachd. [Dhé,
56 B'e so mo chuid, oir choimhid mi
d'iarrtuais, a Dhé, gu beachd.

CHETH.

- 57 Mo chuibhrionn is mo chrannchur thu,
O Thighearn is e Dhé ;

Le gealladh cinnteach thubhairt mi,
gu coimhdinn d'fhocal féin.

- 58 Le m'uile chridhe dh'iarr mi ort
do ghuais 's do ghrasa saor :
A réir do bhriathar fhirinnich,
dean tròcair orm gu caoin.
59 Do chnuasaich mi mo shlighe féin,
's ri d' theistean phill mo chos.
60 Rinn deifir choimhead d'aitheanta
's nior ghabh mi tàmh no fois.
61 Chreach buidhcann aingidh mi ; gidheadh
nior dhearmaid mi do reachd.
62 Eiream mu mheadhon oidhche, chum
gu molam do bhrèth cheart.
63 'S fear-comuinn mi is companach
do n' dream d'au eagal thu ;
'S do 'n aitim ud a choimhdeas fòs
d'fhòr-aitheantan gu dlùth.
64 A Thighearna, tha'n talamh làu
do d' ghràs 's do d' thròcair chaoimh :
'Fuigs' agus eòlas tabhair dhomh
ad' statuisibh ro-naomh.

TETH.

- 65 Do d'òglach rinn thu maith, a Dhé,
a réir do bhriathair cheirt.
66 Deadh thuigs' is eòlas teagaisg dhomh,
oir chreid mi féin do reachd.
67 Mun robh mi 'n teinn, air seachran
ach d'fhocal ghléidh mi nis. [chaidh :
68 'S maith thus', is nithear maithreas leat :
a'd' statuinn teagaisg mis'.
69 A'm' aghaidh luchd an àrdain bhuirb
dhealbh breuga baoth le chéil :
Ach gleidhidh mise d'aitheanta
le m' chridhe féin gu léir.
70 Tha 'n cridhe-san co reamhar fòs,
ri saill aig meud an sògh :
Ach gabhaidh mise tlachd dhomh féin
a'd' laghsa, Dhé, gach lè.
71 'S maith dhoms' a nis gu robh mi féin
an teinn 's an àmhgar geur,
A chum gu fòghlumainn le beachd
do statuinn cheart gu léir.
72 'S fearr dhomh gu mòr an lagh a ta
a' teachd o d' bheul a mach,
Na mìlte mòr do'n airgidh ghlan,
's do'n òr a's deirge dreach.

IOD.

- 73 Do rinn, 's do dhealbh do làmh an mi ;
dean tuigseach mi d'a réir.
A chum gu faighinn eòlas maith
Air d'aitheantaibh gu léir.
74 Tràth chi luchd d'eagail mi, bi'd ait :
oir dh' earb mi as do theist.
75 Dhia, 's ceart do bhreitheanais, 's le còir
leòn thusa mi gun cheisd.
76 Dhé, guidheam, ort, do thròcair chaoimh
bhí dhomh mar chomhfhurtachd :
A réir an fhocail labhair thu
ri d'òglach féin gu beachd.

77 O thigeadh thugam féin a nis
do thrócar chaomh, a Dhé,
Ga m' chumail beò : oir 's e do lagh
mo thlachd 's mo mhiann gach ré.

78 Biodh nàir' air luchd an àrdain mhòir,
bhuin riumsa, gun chion-fàth,
Gu fealltach fiar : ach smuainicheam
air d'àitheantaibh a ghnàth.
79 Pilleadh luchd d' eagail rium, 's an dream
ta eòlach air do theist.
80 Gu robh mo chridhe ceart a'd' reachd,
nach nàraichear mi 'm feasd.

CAPH.

81 Tha m'anam air a chlaoidh gu mòr,
feitheamh do shlàinte, Dhé :
Ach tha mo dhòchas bunaiteach
a' d' fhocal tairis féin.
82 A' feitheamh d' fhocail chaith mo shùil :
furtachd, O c'uin a ni ?
83 Oir taim mar shearraig anns an toit ;
's do reachd nior dh'earmaid mi.
84 Cia lion iad làithean d'òglaich féin ?
is fòs, a Dhé, cia uair
Chuireas tu breitheanas an gnìomh
orra ta orms' an tòir ?
85 An dream ta làn do 'n àrdan bhorb,
chladhaich iad dhomh gu beachd
Sluicidh dhomhain, chum mo ghlacadh
nach robh a réir do reachd. [leo,
86 An tòir gu fealltach tha iad orm ;
Dhé, cuidich leam gu grad :
Oir tairis agus firinneach
tha d'àitheantan air fad.
87 Air talamh chaidh ach beag mo chlaoidh ;
nior thréig mi d'iarrrus naomh.
88 'S gu'n coimhinn teistias fìor do bhéil,
ath-bheothaich mi gu caomh

LAMED.

89 Tha d'fhocail bunaiteach gu bràth,
's na nèamhaibh àrd, a Dhé :
90 Tha d'fhìrinn is do thairisneachd
buan-mhaireannach gach ré :
Do dhaingnicheadh an talamh leat,
's na sheasamh tha d'a réir.
91 Taid buan an diugh réir d'orduigh féin ;
do mhuinntir iad gu léir.
92 Mur bhith gu 'n ghabh mi ciata mhòr
do d'fhocal firinneach,
Ghrad-flàilnichinn is gheibhinn bàs
a'm' àmhghar iomarcach.
93 D'iarrruis cha d'chumhnic mi chaoidh ;
oir bheothaich thu mi leo.
94 'S leat mi, fòir orm ; oir dh'iarr mi féin
d'àitheanta-sa gach lò.
95 Bha luchd an uile gu furachar
ga m' fheitheamh chum mo sgrios ;
Ach air do theistias firinneach
le m' smuaintibh dearcaidh mis'.
96 Chunnaic mi crìoch gach ni a ta
sa' bheatha so d' a mheud :

Ach d'àithne tha gun tomhas fòs
aig farsuinneachd is leud.

MEM.

97 Cia ionmhuinn leam do laghsa, Dhé !
mo smuaineach' e gach là.
98 Thar m'eascar thug thu gliocas dhomh
le d' reachd, ta leam a ghnàth.
99 Is tuigsich' mi n'an aitim ud
thug teagasg dhomh gu léir ;
Bhrìgh gur ann air do theistias naomh
taim smuaineachadh gu geur.
100 Taim tuigseach eagnuidh fòs os ceann
gach seanair anns an tìr :
Air son gun choimhheadh leam gu
iarrruis do reachd gu fìor. [beachd
101 Phill mi mo chos o ròd gach uile,
gu'n coimhinn d'fhocal ceart.
102 Nìor chlaon mi fòs o d' bheitheanas ;
oir theagaisgeadh mi leat.
103 Le m' bhlas cia milis, O mo Dhia,
do bhriathra ceart gu léir !
do m' chàirean 's milse iad gu mór
na mil air feadh mo bhéil.
104 Tre d'àitheanta taim faghail fòs
tuigs' agus eòlais mhaith ;
Is uime sin 's ro-fhuathach leam
gach slighe cham air bith.

NUN.

105 Is lòchran d'fhocal féin do m' chois,
solus do m' cheum gu beachd.
106 Do mhionnaich mi, 's ni mi d'a réir :
gu'n coimhinn féin do reachd.
107 Tha mis' an trioblaid iomarcaich,
O Thighearna nam feart :
A réir an fhocail labhair thu,
ath-bheothaich mi le d' neart.
108 Gabh uam gu taitneach, guidheam ort,
ofrail mo bhéil a nis,
A bheir mi dhuit gu toileach saor ;
stiùir mi a'd' bheitheanas.
109 Tha m'anam bochd a'm' làimh a ghnàth :
ach chuimhnich mi do reachd.
110 Leag droch dhaoine romham lion ; gidh-
nìor chlaon o d'iarrrus ceart. [eadh
111 Do theistis fhìor ghabh mise féin
mar m' oighreachd bhuan an feasd ;
Oir 's iad a bheir do m'chridhe leòint'
mòr-shubhachas gun cheisd.
112 Dh'aom mi mo chridhe fòs a chum
gu deanar leam a ghnàth,
Do statuin cheart a chur an gnìomh,
o so a mach gu bràth.

SAMECH.

113 Is fuath leam smuainte dìomhanach ;
do d' reachd ach thug mi gràdh.
114 'S tu m' ionad-foluich, 's tu mo sgiath :
á d'fhocal m' earbsa ta.
115 O sibhs' a chleachd bhí deanamh uile,
imichibh uam a nis ;

Oir àitheanta mo Thighearna
le cùram coimhridh mis'.

- 116 Réir d'fhocail dean mo chumail suas,
a chum gu mairinn beò ;
'S na leig fo nàire mi, fa chùis
mo dhòchais féin gach lè.
117 Neartaich mi, 's tearnaidh mise slàn ;
sior-dhearcam air do reachd.
118 Shaltair thu air na chlaon o d' lagh ;
oir 's breug am feall gu beachd.
119 Mar shal droch-mhiotail tilgear uait
gach dao air thalamh ta :
Is uime sin 's ro-chaumh leam féis
teisteis do bhéil a ghnàth.
120 Do chrìothnaich m'fheòil fa'n eagal ud
a ghabh mi romhad féin ;
Is lìonadh mi le uamhunn fòs,
fa d' bhreitheanais gu léir.

7. AIN.

- 121 Rinn mi breth chothromach ; na fàg
fo iochd luchd m' fhòirneirt mi.
122 Air d'òglach 'n urras bi chum maith ;
na leig luchd-buirb do m' chlaoidh.
123 Mo shùilean tha air fàilneachadh
feitheamh do shlàinte, Dhé ;
'S a' feitheamh gus an coimhlìonar
deadh bhriathar ceart do bhéil.
124 Rì d'òglach buin a réir do ghràis,
seòl dhomh do lagh gu beachd.
125 'S mi d'òglach, tabhair eòlas domh,
gu'n tuiginn féin do reachd.
126 'S m'ithich dhuit gnìomh a thaisbeanadh,
a Dhé Iehobhah thréin :
Oir sgaoileadh agus bhriseadh leò
d'àitheanta naomh' gu léir.
127 Fa'n aobhar ud, O Thighearna,
gu dearbh is ionmhuinn leam
D'àitheanta féin os ceann an òir,
an òir a's fearr a' t'ann.
128 Measam d'uil'-iartuis, uime sin,
bhi anns gach aon ni ceart ;
Is fuathach fòs le m' chridhe féin
gach slighe bhréig' gu beachd.

8. PE.

- 129 Tha d'fhocal is do theisteis féin,
a Dhé, ro-iongantach :
Is uime sin ni m'anam bochd
'n coimhead gu cùramach.
130 Bheir tionnsgnadh d'fhocail solus maith
ri dol a stigh 'n a phàirt ;
Do dhaoibh simplidh aineolach
do bheir e eòlas àrd.
131 Gu farsuinn dh'fhosgail mi mo bheul,
a' ploscartaich gu mòr :
Fa mheud mo thoil' do d'àitheantaibh
bhiom muladach gu leòr.
132 Seall agus amhaire orm, a Dhia,
dean tròcair orm gu caomh ;
Mar rinneadh leat a ghnàth do'n dream
le'm b'ionmhuinn d'ainm ro-naomh.

- 133 Peacadh na biodh an uachdar orm ;
a'd' fhocal stiùir mo cheum.
134 O fhòirneart dhaoine teasaing mi ;
is coimhdeam t'iartuis féin.
135 Dealradh do ghnùis' air d'òglach tog,
seòl dhomh do statuin cheart.
136 Ruith srutha dheur o m' shùilibh fòs,
air briseadh leo do reachd.

9. TSADDI.

- 137 'S ro-chothromach thu féin, a Dhé,
's is dìreach réidh do bhreth.
138 Do theisteis dh'àithn thu dhuin, a ta
ro thairis ceart gach leth.
139 Do rinn mo ghràdh is m'eud ro-mhòr
mo chaitheadh as gu léir ;
Do bhrìgh gu'n dhearmaid m'eascairde
deadh bhriathra ceart do bhéil.
140 'S ro-fhìorghlan d'fhocal ; uime sin
's ionmhuinn le d'òglach e.
141 Taim suarach beag, gidheadh do reachd
air d'ichuimhn' uoir leig mi.
142 Do cheartas féin is ceartas e
ta sìorruidh buan gu bràth ;
Is amhluidh sin do lagh ro-cheart
'n a fhìrinn ghloin a ta.
143 Ghlac trioblaid mi, is ghabh orm greim
teinn agus àmhghar geur ;
Gidheadh a ta mo thlachd gu mòr
a'd' àitheantaibh gu léir.
44 Ceartas do theisteis féin, a Dhé,
tha sìorruidh buan gun cheisd :
Deadh thuigse tabhair thusa dhomh,
is bitheam beò am feasd.

10. KOPH.

- 145 Ghlaodh mi le m' uile chridh' ; a Dhé
éisd, 's coimhridh mi do reachd.
146 Ghlaodh mise riut, fòir orm ; 's an sin
coimhdeam do theist gu beachd.
147 Do thionnsgain mi roimh 'n chamhan-
is ghlaodh mi riutsa, Dhé ; [aich,
Oir tha mo dhòchais bunaiteach
a'd' fhocal daingean féin.
148 Mo shùilean tha nì's furachair'
na forair' theann na h-oidhech' ;
A chum gu bithinn smuaineachadh
air d'fhocal féin a chaidh.
149 A réir do chaoimhnais thròcairich
éisd féin ri m' ghuth a nis :
A réir do bhreitheanais ro-mhòir,
Iehobhah, beothaich mis'.
150 Luchd leanmhuinn uile tha teannadh
a ta iad fad o d' reachd. [orm :
151 Dhé, tha thu 'm fagus : agus tha
d'uil' iartuis fìor is ceart.
152 Fa thìeachioll fòs do theistean naomh',
o thoiseach b'fhiosrach mi,
Gu'n d'rinneadh leat an socrachadh
a chum bhi buan gach ré.

RESH.

- 153 Amhaire, a Dhé, air m'ámhghar goirt,
is fuasgail orm a'm' fheum;
Fa'n aobhar nach do dhearmaid mi
an reachd a dh'àithn thu féin.
- 154 Tagair mo chùis, is fuasgail orm;
réir d'fhocail cum mi beò.
- 155 'S fad slànt' o luchd an uile. air son
do reachd nach iarrar leo.
- 156 'S ro-lionmhor mòr do thròcair chaomh
a Thighearn is a Dhé:
A réir do bhreitheanais ro-cheirt
dean beothail calamh mi.
- 157 'S lionmhor luchd leannhuinn orm an
is m'easeairde faran; [toir
Ach mis' o d' theistea finneach.
cha deach' air seachran claon.
- 158 Chunnaic mi peacaich, chràidh sud mi,
do reachd oir bhriseadh leo.
- 159 Feuch mar is ionnmuinn leam do lagh;
a'd' chaoimhneas cum mi beò.
- 160 A Thighearna tha d'fhocal féin
o thoiseach daingean fìor;
Is tha do bhreitheanais air fad
ceart agus buan gu sìor.

7. SCHIN.

- 161 Bha prionnsan làidir orm an tòir,
gun aobhar no cion-fàth;
Ach air mo chridh' tha eagal mòr
roimh d'fhocal féin a ghnàth.
- 162 Tha aiteas orm ri d'fhocal maith,
mar neach fhuair creach gun tòir.
- 163 'S oillteil 's is fuath leam breug; ach
mi gràdh do d' lagh gu mòr. [thug
- 164 Tha mi a' tabhairt molaidh dhuit
seachd uairean gach aon là,
Air son do bhreitheanais gu léir
ta ceart, a Dhé, gu bràth.
- 165 'S mòr sìth na muinntir ud a ta
a' tabhairt gràidh do d' reachd;
Cha-u éirich tuisleadh idir dhoibh
no oibheum fòs gu beachd.
- 166 Ri d'shlàinte dh'fheith mi féin, a Dhé;
coimheadam do reachd air chòir.
- 167 Do theisteis choimhid m'auam féin;
's ionnmuinn leam iad gu mòr.
- 168 Do theisteis agus d'aitheanta,
do choimhheadh leam a ghnàth;
Oir tha mo shligheanna gu léir
fa d' chomhair féin gach là.

7. TAU.

- 169 Thigeadh mo ghlaodh am fagus duit,
a'd' fhianuis féin, a Dhé:
Is fòs réir d'fhocail fhuinnich
dean tuisgeach eòlach mi.
- 170 A'd' làthair thigeadh m' athchuinge;
réir d'fhocail ormsa fòir.
- 171 Air teagasg dhuit do statunn dhomh,
mo bheul bheir dhuitse glòir.

- 172 Labhraidh mo theang' air d'fhocal fìor;
oir tha d'uil' iarrtuais ceart.
- 173 Deanadh do làmhsa còmhnaidh leam;
oir ròghnaich mi do reachd.
- 174 A' feitheamh air do shlàinte, Dhé,
bhìom féin gu tuisgeach trom;
Is mar an ceudna tha do reachd
ro-thlachdunhor ciatach leam.
- 175 Deònuich do m'anam bochd bhì beò,
is dhuitse bheir e glòir;
Is deanadh do cheart-bhreitheanais
deadh còmhnaidh dhomh le fòir.
- 176 Do chaidh mi féin air seacharan
mar chaoiraich chailithe thruaigh:
Iarr d'òglach, oir cha d'leig do d' reachd
dol as mo chluimhne uam.

SALM CXX.

- 1 A' M' éigin ghlaodh mi suas ri Dia,
is dh' éisd e rium gach ré.
- 2 O'n teagaidh chealgaich, m'anam saor;
's o bheul nam breug, a Dhé.
- 3 Cìod bheirear dhuit, no nithear ort,
a theangadh làn do ghò?
- 4 Mar shaighdibh laoiach, 's iad geuraichte,
mar eibhlidh aiteil beò.
- 5 Mo thruaighe mi, gu bheil mo chuairt
'am Mesech; is mo thàmh
Am bùthaibh Chedair choigreach bhuirb,
gu muladach gu d'àimh!
- 6 Rinn m'anam còmhnuidh fhada bluan
le neach thug fuath do shìth.
- 7 Gu cogadh tha iad togarach;
air sìth 'n tràth labhras mi.

SALM CXXI.

- 1 M' shùile togam suas a chum
nam beann, o'n tig mo neart.
- 2 O'n Dia rinn talamh agus nèamh,
tha m'fhurtachd uile teachd.
- 3 Cha leig do d' chois air chor air bìth
gu'n sleamhuich i gu bràth;
Tàmh-neul cha tig sin air an neach
's fear-coimhid ort a ghnàth.
- 4 Feuch, air fear-coimhid Israeil,
codal cha-n a'm no stàin:
- 5 'S e Dia d'fhear-coimhid; 'se do sgàil
air do làimh dheis gu buan.
- 6 A' ghrian cha bhual i thu 's au là,
no ghealach fòs 's an oidhch'.
- 7 Nì Dia do choimhead o gach olc;
nì d'anam dhion a chaoidh.
- 8 Do dhol a mach, 's do theachd a steach,
coimhididh Dia a ghnàth;
O'n aimsir so a nis a t'ann,
's o sin a mach gu bràth.

SALM CXXII.

- 1 BHA aoibhneas orm tràth thubhairt iad,
Gu tigh Dhé theid sinn suas.
- 2 A'd' dhorsaibh, O Ierusalem,
ar cosa seasaidh fòs.

- 3 Ierusalem mar chaithir i,
thogadh gu dileas dlùth ;
- 4 D'an tèid na treubhan suas gu léir,
's iad treubhan Dhé nan dùl :
- Gu teistean Israeil, a chum
ainm Dhé gu moladh iad.
- 5 Oir caithrichean chum breth tha'n sir ;
's le teaghlach Dhaibhidh iad.
- 6 Sior-ghuidhibh do Ierusalem
sith-shàimh is sonas mòr :
A' mhuinntir sin le'n ionmhuinn thu
soirbhichidh iad gu leòr.
- 7 An taobh a stigh do d' bhallachaibh,
biodh sith is sonas maith ;
Deadh shoirbheas fòs gu robh gu bràth
a'd' lùchairt àird a stigh.
- 8 Air sgàth mo bhràithrean 's luchd mo
dhuirt guidheam sith a ghnàth. [ghaoil,
- 9 Air sgàth tigh naomh ar Tighearn Dia,
iarram do leas gu bràth.

SALM CXXIII.

- 1 **M**O shùile togam riutsa ta
'n còmhnuidh air nèamh nan speur.
- 2 Feuch, mar tha sùil nan seirbhiseach
air làimh am maighstir féin,
'S mar shùile banoglaich air làimh
a ban-tighearn faraon,
Feithidh ar sùil air Dia, gus 'n dean
e tròcair oirnn gu caoin.
- 3 Dean tròcair oirnn, Iehobhah Dhia,
dean tròcair oirnn gu luath ;
Oir tha sinn air ar lìonadh làn
do tharcuis is do fhuath.
- 4 Le fanoid luchd na seasgaireachd,
lìonadh ar n-anam bochd ;
'S le spid na muinntir ud a ta
làn àrdain is an-ìochd

SALM CXXIV.

- 1 **N**IS abradh Israel gu fìor,
mur biodh Iehobhah leinn :
- 2 Mur biodh Iehobhah as ar leth,
tràth dh'èirich daoine ruinn ;
- 3 'N sin dheantadh leo ar slugadh beò,
'n tràth las an corruich ruinn.
- 4 Is ruitheadh tharuinn tuitse bras,
sruth làidir thar ar ceann.
- 5 'N sin rachadh thar ar n-anam bochd,
na tuitean àrd' gu léir.
- 6 Moladh do Dhia, nach d' thug e sinn
mar chreic d'am fìaclaibh geur'.
- 7 Mar eun á lion an eunadair,
ar n-anam truagh chaidh as :
Bhriseadh an lìon is sgaioleadh e,
is shaoradh sinn gu cas.
- 5 Ar còmhnaidh ta's ar cuideachadh
an ainm Iehobhah thréin :
An neach a rinn an talamh fòs,
's a chruthaich nèamh nan speur.

SALM CXXV.

- 1 **T**HA'N dream nì dòchas ann an Dia
mar shliabh Shìoin a ghmàth,
Nach feudar fòs a charuchadh,
ach mhaireas ann gu bràth.
- 2 Ccart mar a ta na beannta tric
timchioll Ierusalem,
Tha Dia mar sin, a nis 's gu sìor,
timchioll a phobuill féin.
- 3 Oir slat luchd-uile cha ghabh i tàmh
air chrann nan daoine còir :
Eagal gu'n sin na fircanaich
an làmh gu peacadh mòr.
- 4 An aitina ud tha maith, a Dhé,
do mhaithreas pàirtich leò ;
Is leis an dream tha tréibhdhireach
's 'nan cridhe ta gum ghò.
- 5 Ach iadsan uile théid a thaobh
d'an slighibh claon le chéil',
Iomainidh Dia le luchd an uile.
'S bidh sith air Israel

SALM CXXVI.

- 1 **'N** TRATH thug Iehobhah air a h-ais
bruid Shìoin, b' ionnan sinn
Is daoine chunnaic aisling mhòr,
's a mhosgail as an suain.
- 2 Lìonadh ar beul le gàir an sin,
's ar teagadh fòs le ceòl ;
Am measg nan cinneach thubhairt iad,
Rinn Dia dhoibh bearta mòr'.
- 3 Rinn Dia mòr-bhearta air ar son,
chuir oirne gairdeachas.
- 4 Iehobhah, pill ar bruid a ris,
mar shruth 's an àirde deas.
- 5 Iadsan a chuir gu deurach sìol,
gu subhach nì iad buain.
- 6 An neach gu cur a théid a mach
le sìol ro-phriseil caoin,
Air bhith dha gul gu muladach,
'g a iomchar sud gu fonn,
Le h-aiteas pillidh e gu dearbha,
a' giùlan sguaba trom'.

SALM CXXVII

- 1 **M**UR tog Iehobhah féin an tigh,
luchd-togail tha iad faoin ;
Mur gléidh Iehobhah 'm baile fòs,
luchd-faire chaill an saotl'r.
- 2 Dhuibh 's dìomhain bhì ri moch-eirigh,
's an oidhch' ri caithris bhuain,
Bhì 'g itheadh arain bròin ; mar sin
d'a sheircin bheir e suain.
- 3 'Se Dia bheir toradh bronn mar dhuais ;
mar oighreachd bheir e clann.
- 4 Bidh mic na h-òig' mar shaghdibh geur',
'n làimh ghaisgich thréin gach àm.
- 5 Is sona 'm fear 'gam bì dhiubh sud
a ghlac 's a dhìorlach làn ;
Gun rughadh labhraidh iad 's a' gheat'
r' an naimhdibh ole gu dàn.

SALM CXXVIII.

- 1 **S** BEANNAICHT' gach aon neach air eagal Iehobhah mhòir; [am bheil Is ann an slighibh fìorghlan Dé stiùireas a cheum air chòir.
- 2 Oir toradh gnìomh do làmhha féin, ithidh tu e gu h-ait : Beannaichear thu gu mòr mar sin, 's bidh sonas ort gu pailt.
- 3 Mar fhìonain tharbhaich bidh do bhean 'n taobh stigh do d'fhàrdaich féin ; Do chlànn mar òg chroim-laoidh ùir timchioll do bhùird gu léir.
- 4 Feuch, 's amhluidh sin a bheannaichear an neach d'an eagal Dia.
- 5 A Sion gheibh thu beannachadh, is sonas pailt o'n Triath ; Is chi thu maith Ierusalem ré fad do làith' gu léir.
- 6 Seadh, clann do chloinne chi thu fòs, is sìth air Israel.

SALM CXXIX.

- 1 **B**U tric a chràidh iad mi o m' oig', deir Israel gu truagh :
- 2 O m' òige chràidh iad mi gu tric, gidheadh cha d' thug iad buaidh.
- 3 'N luchd-treabhaidh threabh iad air mo tharruing iad chlaisean fad. [dhrum ;
- 4 Ach 's ceart Iehobhah, 's bhriseadh leis còrdan nan daoibh gu grad.
- 5 Air naimhdeibh Shìoin gu robh nàir', 's rachadh air cùl gu luath :
- 6 Mar fheur air mullach tighe ta, a shearg mu'n d'fhàs e suas :
- 7 Ni leis nach lìonar glac an fhir a bhios gu tric a' buain ; Is leis nach lìonar sgiath an tì, a bhios ri ceangal sguab.
- 8 Ni mò their luchd an rathaid riu, Gu robh oirbh beannachd Dhé ; Tha sinne fòs 'gar beamachadh, an ainm Iehobhah thréin.

SALM CXXX.

- 1 **O** 'N doimhne, O Iehobhah Dhé, do ghlaodh mi riutsa suas.
- 2 Dhia, éisd ri m' ghuth gu furachar ; 's ri m'urruigh e rom do chluas.
- 3 Ma chomhraichear leat aingidheachd, a Dhé, cò sheasas riut ?
- 4 Ach agad-sa ta iochd : a chum gu'n strìochdt' a'd' eagal dhuit.
- 5 Ri Dia tha mise feitheamh, fòs tha m'anam feitheamh ris ; Is ann a bhriathar fìrmeach mo dhòchas' cuiridh mis'.
- 6 Tha m'anam bochd ni 's furachair' a' feitheamh Dhé a ghnàth, Na bhios luchd faire maidne fòs ri sgarachdainn nan tràth :

- Ni 's furachair', a deiream fòs, 'g a fheitheamh-san gun ghò, Na bhios luchd-faire anns an oidhch' ri teachd a steach do'n lù.
- 7 Biodh dòchas Israeil an Dia : oir tha a thròcair mòr ; 'S ann aig an Tighearna gu beachd tha fuasgladh pailt gu leòr.
- 8 Is bheir e féin gun cheisd air bith d'a phobull Israel, Làn-shaorsadh agus fuasgladh glan o'n aingidheachd gu léir.

SALM CXXXI.

- 1 **M**O chridhe cha-n 'cil àrdanach, no fòs mo shùil, a Dhé ; Nìor ghluais mi ann an cuisibh mòr', a's àirde na mi féin.
- 2 Gu dearbh, mar naoidhean chaoidh o'n chum mi mi féin a'm' thosd. [chich, Mar naoidhean chaidh o chich a mhàth'r, is amhluidh m'anam bochd.
- 3 Biodh dòchas maith aig Israel an Dia Iehobhah treun, O'n aimsir so a nis a t'ann, 's air feadh gach linn an céin.

SALM CXXXII.

- 1 **A**IR Daibhidh deansa cuimhne, Dhé, 's air uile àmhghar geur :
- 2 Mar thug e mionn' do Dhia, is bòid do Dhia ud Iacoib treun,
- 3 Do m' thigh cha téid mi féin a steach, no air mo leabaidh suas :
- 4 Do m' shùilibh codal fòs cha leig, no do mo rosgaibh suain ;
- 5 Gu ruig an uair am faigh mi àit do Dhia Iehobhah treun, Is ionad-còmhnuidh bunaiteach do Dhia ud Iacoib féin.
- 6 Feuch, ann an crìochaibh Ephrata, do chuala sinn an sgeul ; Air machairibh nan coilltean dlùth, fluair sinn e mar an ceudn'.
- 7 Aig stol a choise sleuchdaidh sinn, an àros Dhé nam feart.
- 8 Eirich, a Dhé, gu d'ionad tàimh ; thu féin is àire do neirt.
- 9 Sgeudaicht' gu robh do shagairt-sa a ghnàth le h-ionracas ; Is deanadh do luchd-muinntir naomh gun tàmh ùr-ghairdeachas.
- 10 Air sgàth do sheirbhiseach ro-chaomh, Daibhidh do'n d' thug thu buaidh, Aghaidh an tì a dh' ungadh leat, na cuir air ais gu truagh.
- 11 Do Dhaibhidh mhìonnaich Dia gu fìor ; 's cha phill e uaith' am feasd, A'd' chaithir-rioghail cuiridh mi d'iarmaid 's do shliochd gun cheisd.

- 12 Ma ni do chlànn mo choimhcheangal
a choimhead, is mo reachd,
An teist a ni mi theagasg dhoibh,
ma chuniar leo gu ceart:
An sliochdsan suidhidh mar an ceudn'
a'd' chaithir-rìgh, gu bràth.
- 13 Oir mhiannaich agus ròghnaich Dia.
Sion mar ionad tàimh;
- 14 'Si so mo thàmh 's mo shuaimhneas fòs,
gu suthain is gu sìor:
An so ni mise fàrdach dhomh,
oir 's i mo mhiann gu sìor.
- 15 Mor-bheannaicheam a stòr gu pailt;
diolam a bochd le lòn.
- 16 Le slàint' a sagairt eudaicheam;
's a naoimh ni iolach mhòr.
- 17 Bheir mi an sin gu h-àr ar glas
air adharc Dhaibhidh fàs;
Is lòchran dh' orduich mi do 'n ti
a dh'ungadh leam tre ghràs.
- 18 Cuairtichidh mi a naimhde-san
le nàir' is rughadh-gruaidh':
Ach air-san bith a choron féin
a' fàs le h-ìomadh buaidh.

SALM CXXXIII.

- 1 **O** FEUCH, cia meud am maith a nis,
cia meud an tlachd faraon,
Bràithrean a bhi 'n an còmhnuidh ghnàth
an sìth 's an ceangal caoin.
- 2 Mar oladh phrìseil air a' cheann,
ruith air an fheusaig sìos,
Air feusaig Aaron, agus shruth
gu iomall 'eudaich ris.
- 3 Mar dhealt air Hermon, 's mar an drùchd
air sléibhtibh Shìoin shuas;
'N sin dh'orduich Dia am beannachadh
a' bheatha shìorruidh bhuan.

SALM CXXXIV.

- 1 **O** OGLACHA Iehobhah mhòir,
beannaichibh Dia a chaoidh;
Sibhse le 'n gnàth bhi 'n àros Dé
'n 'ur seasamh feadh na h-oidhch'.
- 2 'N a theampull togaibh suas 'ur làmh,
beannaichibh Dia nam feart.
- 3 Beannaicheadh Dia á Sion thu,
rinn neàmh is làr le neart.

SALM CXXXV.

- 1 **M**OLAIBHSE Dia, àrd-mhòlaibh fòs
deadh ainm Iehobhah thréin,
Is thugaibh cliù is moladh dha,
òglacha Dhé gu léir.
- 2 O sibhse ta 'n 'ur seasamh fòs
an tigh Iehobhah mhòir,
An cùirtibh àluinn tigh' ar Dia,
molaibh e mar is còir.
- 3 Molaibh an Tighearna, do bhrìgh
gu bheil e maith gach ré:
D'a ainm-san seinnibh moladh ait,
oir 's ni ro-thlachmhor e.

- 4 Oir Iacob fòs do ròghnaich Dia
'n a thròcair mhòir dha féin:
Dha féin mar ionmhas is mar sheilbh,
do thagh e Israel.
- 5 Oir 's fìosrach mi 's is deimhin leam
gu bheil Iehobhah mòr,
Gu bheil ar Tighearna faraon
os ceann gach dia an glòir.
- 6 Gach ni air bith bu mhiannach leis,
rinn Dia an neàmh nan speur,
'S air talamh, 's anns na cuantaibh mòr',
's na doimhneachdaibh gu léir.
- 7 Bheir esan air a' cheò dol suas
o chrich a' chruinne-ché;
Is uisge ni le dealanaich;
gaoth as a stòr bheir e.
- 8 Gach céud-ghin anns an Eiphit bha,
do bhuailleadh leis gu trom;
Do dhùine 's ainmhidh anns gach àit,
ag imeachd bha air fonn.
- 9 O Eiphit! chuir e comhara,
is mìorbhuile le chéil',
A'd' bhuilsgheansa; 's air Pharaoh fòs
's air òglachaibh gu léir.
- 10 Na cinnich lìonmhòr chlaoidheadh leis
mharbh rìghrean cumhachdach.
- 11 Do mharbhadh Og rìgh Bhàsain leis,
Sihou nan Amorach:
- Gach uile rìoghachd mar an ceudn',
cia h-ìomadh ta iad ann,
Lom-sgrìosadh agus mhillleadh leis,
d'an robh an tìr Chanaain:
- 12 Am fonn 's am fearann sud air fad,
mar oighreachd thìodlaic e;
Mar oighreachd do chloinn Israeil,
a phobull dìleas féin.
- 13 Tha d'ainm, a Thighearna nam feart,
buan-mhaireannach a ghnàth;
Tha d'ìomradh buan air chuimhne, Dhé,
o linn gu linn gu bràth.
- 14 Oir air a phobull féin ni Dia
ceart bhreitheanas gu beachd;
Is gabhaidh esan aithreachas
m'a òglachaibh le iochd.
- 15 Iodhoil nan cinncach tha do'n òr,
's do'n airgiod ghlas faraon;
Is cha-n 'eil ann't ach dìomhanas
r' neadh le làmhaidh dhaoin'.
- 16 Tha beul ac', is gun còmhgradh ann;
is sùilean, leis nach léir.
- 17 Tha cluasan ac', 's cha chluinn iad leo;
gun anail fòs 'n am beul.
- 18 A' mhuinntir tha 'g an deanamh sud,
ro-chosmhuil iad riu féin;
'S amhluidh gach neach ta anna fòs
ag earbsa mar an ceudn'.
- 19 O beannaichibh Iehobhah mòr,
a theaghlach Israeil;
'S a theaghlach Aaron, beannaichibh
an Tighearna le chéil'.

- 20 O theaghlach Lebhi, beannaichibh,
is thugaibh cliu do Dhia :
Sibhise d'an eagal Dia faraon,
mòr-bheannaichibh an Triath.
21 A Sion beannaicht' gu robh Dia,
'g am bheil a chòmhnuidh bhuan
An caithir naomh Ierusalem,
Molaibhse Dia gach uair.

SALM CXXXVI.

- 1 **O** THUGAIBH buidheachas do Dhia,
do bhrìgh gur sàr-mhaith e ;
Air son gu mair a thròcair chaomh,
gu sìorruidh feadh gach ré.
2 Thugaibh do Dhia nan uile dhia
mòr bhuidheachas le chéil ;
Air son gu mair a thròcair a chaomh
gu sìorruidh feadh gach ré.
3 Thugaibh do Thriath nan uile thriath
mòr bhuidheachas gu léir ;
Air son gu mair a thròcair chaomh
gu sìorruidh feadh gach ré.
4 Do'n Ti 'n a aonar fòs a rinn
mòr mhiorbhuile gu treun ;
Air son gu mair a thròcair chaomh
gu sìorruidh feadh gach ré.
5 Do'n Ti le gliocas iongantach
a chruthaich nàmh nan speur :
Air son gu mair a thròcair chaomh
gu sìorruidh feadh gach ré.
6 Do'n Ti a shìn air uachdar tuinn
an talamh trom gu léir ;
Air son gu mair a thròcair chaomh
gu sìorruidh feadh gach ré.
7 Do'n Ti a rinn na soluis mhòr'
ta 'soillseachadh nan speur ;
Air son gu mair a thròcair chaomh
gu sìorruidh feadh gach ré.
8 A' ghrian gu h-uachdranachd 's an là,
chum dhuinne gu'm bu léir ;
Air son gu mair a thròcair chaomh
gu sìorruidh feadh gach ré.
9 A' ghealach is na reulta glan'
a' riaghladh oidhech' le chéil'.
Air son gu mair a thròcair chaomh
gu sìorruidh feadh gach ré.
10 Do'n Ti rinn bualadh trom san Eipl't
air ceud-ghin dhaoin' is spreidh ;
Air son gu mair a thròcair chaomh
gu sìorruidh feadh gach ré.
11 Thug as am builsgan-san a mach
a phobull Israel ;
Air son gu mair a thròcair chaomh
gu sìorruidh feadh gach ré.
12 Le neart a ghairdein sìnte mach,
's le làimh a ta ro-threun ;
Air son gu mair a thròcair chaomh
gu sìorruidh feadh gach ré.
13 Do'n Ti a sgòilt an fhaireg ruadh,
'n a roinnibh as a chéil' ;

- Air son gu mair a thròcair chaomh
gu sìorruidh feadh gach ré.
14 Is troimh a meadhon stiùradh leis,
gu tèaruint' Israel ;
Air son gu mair a thròcair chaomh
gu sìorruidh feadh gach ré.
15 'S an fhaireg ruaidh do sgriosadh leis
Pharaoh 's a sluaigh gu léir ;
Air son gu mair a thròcair chaomh
gu sìorruidh feadh gach ré.
16 Do'n Ti sin tre an fhasach mhòr
a stiùir a mhuinntir féin ;
Air son gu mair a thròcair chaomh
gu sìorruidh feadh gach ré.
17 Dhasan a bhuail 's a lot gu trom
na rìghrean làidir treun' ;
Air son gu mair a thròcair chaomh
gu sìorruidh feadh gach ré.
18 Is rìghrean uasal ìomraiteach,
mharbh e le 'ghairdean féin ;
Air son gu mair a thròcair chaomh
gu sìorruidh feadh gach ré.
19 Seadh Sihon rìgh nan Amorach,
bha naimhdeil guineach geur ;
Air son gu mair a thròcair chaomh
gu sìorruidh feadh gach ré :
20 Is Og air Basan bha 'na rìgh,
do mharbh is chasair e ;
Air son gu mair a thròcair chaomh
gu sìorruidh feadh gach ré.
21 Is thug e fòs mar òighreachd bluin
am fearann-san gu léir ;
Air son gu mair a thròcair chaomh
gu sìorruidh feadh gach ré :
22 An òighreachd thug do Israel,
òglach ro dhèileas féin ;
Air son gu mair a thròcair chaomh
gu sìorruidh feadh gach ré.
23 Neach, air bhi dhuinn ro-ìosal truagh,
a chuimhnich oirn 'n ar feum ;
Air son gu mair a thròcair chaomh
gu sìorruidh feadh gach ré.
24 Gu tèaruint' bhuin sinn a mach
o neart ar naimhde treun' ;
Air son gu mair a thròcair chaomh
gu sìorruidh feadh gach ré.
25 Tha tabhairt beatha do gach feòil
is lòn do'n uile chré ;
Air son gu mair a thròcair chaomh
gu sìorruidh feadh gach ré.
26 O thugaibh moladh agus cliu
do Dhia nan nàmh 's nan speur ;
Air son gu mair a thròcair chaomh
gu sìorruidh feadh gach ré.

SALM CXXXVII.

- 1 **A**IG sruthaibh coimheach Bhabiloìn,
shuidh sinn gu brònach bochd ;
An sin air Sion chuimhuich sinn,
is ghuileadh leinn gu goirt.
2 Air gheugaibh seilich chirochadh leinn
ar clàrsaichean an sin.

3 Oir iadsan a rinn braighde dhiun
dh'iarr òran oirun is gean :

Seadh iadsan le'n do chreachadh sinn
dh'iarr luathghair oirun is eòl ;
Seinnibh do laoidhibh Shìoin duinn,
(ars' iadsan) mar bu nòs.

4 'N tìr choigrich cia mar dh'fheudtu leim
oran Iehobhah sheinn ?

5 Mur cuimhn'cheam thu, Ierusalem,
ri m' dheis nìor lean a seirm.

6 Mo theangadh leanadh teann ri m'ghial,
mur cuimhn'hear thu leam ;
Mur fearr leam na m'uil' aoibhneas àrd
caithir Ierusalem.

7 Clann Edoim cuimhnich thusa, Dhé,
oir thubhairt iad le tàir,
An làithibh truagh' Ierusalem,
leag, leag i, sìos gu làr.

8 O nighean uaibhreach Bhabìloin
a dh'fhàsaichear gu léir :

Is sona dha, mar rinn thu oirun
a dhìolas dhuit d'a réir.

9 Is sona dhasan ghlasas fòs
do mhaoth-ehlan bheag is thruagh,
'S a phronnas iad gun aearachd,
ri clachaibh daingean eruaidh'.

SALM CXXXVIII.

1 **L**E m'uile chrìdh' àrd-mholam thu,
àrd-mholam thu gu eamh
2 'N làthair nan dia. Is sleuchdam dhuit,
m'aghaidh ri d'theampull naomh,
Is molam d'ainm, bhrìgh d'fhàirinn cheirt
's do chaoimhneis ghràdaich féin :
Oir d'fhoel fiorglan dh'ardaich thu,
os ceann d'uil' ainm' gu léir.

3 'S an là a ghlaodh mi riut, a Dhé,
fhreagair thu mi gu luath ;
Is thug thu spionnadh dhomh gu leòr,
le treòir, a'm' anam truagh.

4 Bheir rìghre mòr' na eruinne dhuit,
àrd-mholadh binn gu léir,
'S an uair an eluinnear leo, a Dhia,
deadh bhriathra glan do bhéil.

5 An slighibh fòs Iehobhah mhòir,
seinnidh iad eòl gu h-àit ;
Air son gur urramach, 's gur àrd
glòir àluinn Dhé nam feart.

6 Ge h-àrd Iehobhah, seallaidh e
air daoineibh umhal còir ;
Aeh 's léir dha'n dream ud, fad o làimh,
tha làn do'n àrdan mhòr.

7 Ged ghluaisinn ann am builsgan fòs
na trioblaid mòir' do m' ehlaidh,
A ta mi fiosrach dòchasach
gu beothaich thusa mi :
An aghaidh corruich mòir' mo nàmh,
do làmhsa sìnear leat :
Ie ni do dheas làmh ann am fheum
mo theasairginn le neart.

8 Gach ni air bith a bhuineas domh,
coimhlionaidh Dia gu treun ;
Is buan do ghràs, a Dhia, gu bràth
oibre do làmh na tréig.

SALM CXXXIX.

1 **D**O rannsuich thu 's is aithne dhuit
mise, Iehobhah thréin ;
2 Mo shuidh', is m' éirigh 's aithne dhuit ;
's léir dhuit mo smuain an céin.
3 Mo cheuma is mo luidhe sìos,
do ehuairtich thu gu dhùth ;
Is air mo shlighibh féin gu léir,
's geur fhiosrach eòlach thu.
4 Feuch cha 'n 'eil fòcal mòr no beag
no eaint air bith a'm' bheul,
Mu'n labhran sud, a Dhia nam feart,
nach aithne dhuit gu léir.
5 Do ehuairtich thu mi air gach taobh,
romhann faraon 's am dhèigh ;
Do làmh ta neartmhor cumhachdach
leag thusa orm, a Dhé.
6 Tha 'n t-eòlas so ro iongantach,
is ormsa tha e cruaidh ;
Cha ruig' mi air, oir tha e àrd
r' a thuigsinn is r'a luaidh.
7 Cia 'n t-àit air bith am feud mi dol
o d' spiorad glic, a Dhé ?
O d' ghnùis ta uile-léirsinneach
cia 'n taobh a theicheas mi ?
8 Nan rachainn suas air nèamh nan speur,
a ta thu féin an sud ;
Nan luidhinn ann an ifrinn shìos,
tha thu 's an ionad ud.
9 Air bharraibh sgiath na maidne fòs
nan siùbhlainn fad o làimh,
Gu h-ìomallaibh na fairge mòir'
ehum còmhnuidh agùs tàimh ;
10 Stiùraidh tu mi an sin, a Dhé,
le d' làmh ta treun an neart ;
's nìthear leat mo chumail fòs
le d' dheas làimh mhòir gu beachd.
11 Nan abrainn, gu dean dorchadas
air deimhin m'fholach uait ;
Bidh 'n oidhche féin mar sholus glan
ag iadhadh orm mu'n cuairt.
12 Chan fhluich uaitse dorehadas,
's co-shoilleir oidhch' is là ;
'S ceart-ionnan duits' an duibhre dorch
is solus glan nan tràth.
13 Oir feuch ghabh thusa sealbh gu moch
air m'airnibh is mi maoth ;
'S ann leat a rinneadh m'fholach fòs
am broinn mo mhàthar ehaoimh.
14 Àrd-mholam thu, oir 's uamhasach,
's is mìorbhuileach mo dhealb' :
Tha d'oibre iongantach ; 's is léir
do m'anam sin gu dearbh.
15 Tràth rinneadh mi 'an dìomhaireachd
's a dhealbhadh mi gu ceart,
An àitibh iochdrach talmhainn shìos ;
bu léir dhuit brìgh mo neirt.

- 16 Mo cheud-fhàs an-abuich gun dreach,
do d' shùilbha-sa bu léir ;
Mo bhuill gu h-ìomlan chuireadh sìos
sgriobht ann ad leabhar féin ;
Gidheadh ri aimsir is ri ùin,
do dhealbhadh iad 's an àm ;
Air bhi dhoibh roimhe sin gun dreach
's nach robh a h-aon diubh ann.
- 17 'S ro-phrìseil uime sin, a Dhé,
do smuaintean uile leam :
'S ro-lionmhor mòr r'an àireamh iad,
's r'an cur air cunntas cheann.
- 18 Rì 'n àircamh 's mòr gur lionmhor iad
na gaineamh mhìn na tràigh' :
Air mosgladh as mo chodladh domh,
taim maille riut a ghnàth.
- 19 Marbhar an t-aingidh leat gu beachd,
O Thighearna ro-thrèin :
A nis, O dhaoine fuileachdach,
imichibh uam an céin.
- 20 Oir labhair iad a'd' aghaidh, Dhé,
le aingeachd eusantais ;
Is thug do naimhde mi-runach
d'ainm naomh an dìomhanas.
- 21 Nach 'eil mi tabhairt fuath, a Dhia,
do'n dream thug dhuit-sa fuath ?
Nach 'eil mi gabhail gràin do'n dream
a'd' aghaidh dh'éirich suas ?
- 22 Fuath iomlan thug mi dhoibh gu beachd :
mar naimhdibh nim' am meas.
- 23 Rannsaich mi, Dhé, mo chridhe faic ;
mo smuainte feuch, dearbh mis'.
- 24 Feuch agus amhaire féin am bheil
sligh' aingidh ole a'm' chlé ;
Is anns an t-slighe shiorruidh chòir
gu dìreach treòraich mi.

SALM CXL.

- 1 O 'N droch-dhuin' saor is teasaig mi,
O Dhia Iehobhah naoimh :
O'n fhear a ta ri fòireigneachd
dean didean dhomh gu caomh.
- 2 'N an eridh tha iad a' smuaineachadh
air aimhleas mòr gach là ;
Chum cath' is comhraig chruaidh tha iad
air cruinneachadh a ghnàth.
- 3 Mar theangaidh nathrach, rinneadh leò
an teangadh sgaitheach geur :
A ta nimh mhillteach nathrach fòs
am folach ann am beul.
- 4 O làimh nan daoibh, gléidh mise, Dhé,
's o luchd an fhòirneirt, dìon ;
Mo cheuman thilgeadh bun os ceann
se sud an rìth 's am miann.
- 5 Dh'fhòluich na h-uabhrich ribe dhomh,
is corda fòs gu m' sgrios ;
Ri taobh a' bhealaich sgaol iad lion,
is leag iad ceap gun fhios.
- 6 Rì Dia Iehobhah thubhairt mi,
'S tu féin gu beachd mo Dhia ;
Eisd ri guth m' athcheuinge a nis,
O Thighearna is a Thriath.

- 7 Is tu a's spionnadh slàinte dhomh,
Iehobhah Dhia nam flath ;
Cuir dìon is folach air mo cheann
an aimsir teinn is cath'.
- 8 Na deònuich miann an aingidh uile
O Thighearna nam fear :
'Ais-innleachd fòs na soirbhich leis,
mu'n dean iad uail 'n an neart.
- 9 Ach cinn an dream a chuairtich mi
gach taobh le tuaileas bhreug,
Gu robh iad air am folach fòs
le aimhleas mòr am béil.
- 10 Orra gu'n tuiteadh eibhle loisgt' ;
tilg iad 's an teine beò :
An slochdaibh domhain sìos, a chum
nach éirich iad ni 's mò.
- 11 Na daingnichcar air talamh fòs
fear-labhairt uile a chaoidh :
Biodh ole a' sealg fir-fòireignidh,
g'n leagadh is g'a chlaoidh.
- 12 Is aithne dhomhsa gu dean Dia
do'n dream ta 'n àmhghar goirt,
An cùis a sheasamh dhoibh gu treun,
is còir nan daoine bochd.
- 13 Do bheir na fireana gu dearbh
do t'ainm-sa moladh mòr ;
Bith còmhnuidh bhuan a' d'fhiannais féin,
a Dhé, aig daoine còir.

SALM CXLI.

- 1 O DHIA, a ta mi 'g éigheach riut,
dean deifir thugam féin ;
Is tabhair éisdeachd fòs do m' ghuto,
tràth ghlaodham riut a'm' fheum.
- 2 Mar bhoitrach thùis a'd' lathair suas,
mar sin biodh m'urnuigh riut ;
Is togail suas mo làmh gu'n robh
mar 'n iobairt fheasgair dhuit.
- 3 Cuir faire ar mo bheul, a Dhia ;
dorus mo bhéil-sa gléidh.
- 4 Gu droch-bheirt, no gu ole air bith
na aom mo chridh', a Dhé :
Eagal le luchd na h-aingidh eachd,
gu'n cuirinn ole an gnìomh,
Ge milis blasd' an sògh 's an gleus,
cha-n ith mi féin maoin diubh.
- 5 Buailleadh am firean mi le smachd,
gabhaidh mi sin gu caomh :
Gabhaidh mi uaithe an t-achmhasan,
mar oladh phrìseil mhaoth ;
Cha bhris am bualadh ud mo cheann
oir fòs thèid m'urnuigh suas,
Tràth bhios an aitim ud gu truagh
'n an àmhghar cruaidh an sàs.
- 6 Tràth thilgear sìos air clachaibh cruaidh,
am breithcheamhna gu léir ;
'N sin clinnidh iad, oir 's milis binn,
deadh bhriathra grunn mo bhéil.
- 7 Ar enàmhan fòs aig beul na h-uaign'
do sgaoileadh leò le tàir.
Màr ghearrar is mar sgoiltgear fiodh
'n a spealtaibh air an làr.

- 8 Ach tha mo shùilean riutsa suas,
Iehobhah Dhia nam feart :
Na fàgsa m'anam bochd gun treòir,
's tu féin mo dhòigh 's mo neart.
- 9 O teasairg mi o'n rib', a Dhé,
a leag iad chum mo sgrios ;
'S o hiontaibh luchd na h-aingidheachd
a dh'fholuich iad gun fhios.
- 10 Ach tuiteadh luchd na h-aingidheachd
'n an hiontaibh rinneadh leò,
Am feadh bhios mise gabhail thart',
's a' tèarnadh asda beò.

SALM CXLII.

- 1 **G**HLAODH mi ri Dia le m'ghuth ; is
le m'ghuth rinn m'urruigh ris. [fòs
2 Mo chaidh 'n a fhiann dhòirt mi mach,
's mo thrioblaid dh'fhoillsich mis'.
3 Tràth bha mo spiorad bàite stigh,
'n sin b'aithne dhuit mo cheum ;
'S a' bhealach san do shiubhail mi,
gun fhios do leag iad lion.
- 4 Dh'amhairc mi air mo dheis, is dh'fheuch,
's cha robh fear m'èdais ann ;
No neach do m'anam bheireadh spéis
thréig cabhair mi 's an àm.
- 5 O Thighearna, do ghlaodh mi riut,
is thubhairt mi gun ghò,
Gur tu a's tèarmunn dileas domh,
's mo chuid an tìr nam beò.
- 6 Chonn gu 'n do chlaoidheadh mi gu
éisd ri mo ghlaodh 's an àm ; [truagh,
Is saor mi o luchd m'fhòirneirt mhèir,
oir 's treise leo na leam.
- 7 A prìosan m'anam buin a mach,
fàinm-sa gu molar leam :
Is iadhaidh umam fireana,
oir nì thu pailteas rium.

SALM CXLIII.

- 1 **R**i n'urruigh éisd, is aom do chluas
ri m'athchuinge, a Dhé ;
A' d'fhàirinn, is a'd' cheartas àrd,
gu gràs-mhor freagair mi.
- 2 Na tionnsgain ann am breitheanas
le d'òglach dileas féin :
Oir 's dearbh nach saorair duine beò
a' d'fhianuis ann am binn.
- 3 Oir lean an nàmhaid eucdrach
le tòir ghéir m'anam bochd,
Mo bheatha thilg e sìos le tàir,
leag ris an làr gun iochd :
Is chuir e mi an dorchadas
chum còmhnuidh ann gu truagh ;
Is ionnan mi 's an dream gu dearbh
bhiodh fada marbh 's an uaigh.
- 4 Is uime sin tha m'anam bàit'
gu cràitcach ann am chom :
Mo chridh' a'm' chliabh gu muldach,
air fas gu tuirseach trom.
- 5 Na làith' o chian do chuimhnich mi,
tainn enuasachadh gun tàmh

D' oibre gu léir ; 's a' smuaineachadh
air gnìomharaibh do làmh.

- 6 Mo làmhann shìnn mi riutsa suas.
an geall tha m'anam ort,
Amhluidh mar bhitheas fearann cruaidh
air tiormachadh le tart.
- 7 Eisd rium, a Thighearna, gu grad ;
chaidh as do m'anam bochd :
Do ghnùis na ceil, chum nach bì mi
mar dhream theid sìos do'n t-slochd.
- 8 Thoir orm gu'n chluinnear leam, gu moch,
guth binn do chaoimhneis-ghràidh ;
Oir annad chuir mi féin gu mòr
mo dhòchas is mo dhòigh :
Am bealach fòs an gluaiseair leam,
thoir orm gu'n aithnich mi :
Oir riutsa tha mi togail suas
mo spioraid thruaigh, a Dhé.
- 9 O m' naimhdibh guineach teasairg mi,
O Thighearna is a Rìgh :
A d'ionnsuidh theich mi fòs, a chum
gu foluicht' leatsa mi.
- 10 Do thoil a dheanamh teagaisg dhomh,
oir 's tu mo Dhia gu beachd :
O's maith do spiorad ; treòruich mi
gu tìr na fireantachd.
- 11 Sgàth d'ainme beothaich mi gu treun,
a Dhé Iehobhah mhòir :
Sgàth d'fhireantachd, saor m'anam bochd
o thrioblaid ghoirt 's o leòn.
- 12 Cuir as do m' naimhdibh tre do ghràs,
is sgrios iad sin gu léir
A ta cur m'anam' thruaigh fo leòn ;
oir 's mise d'òglach féin.

SALM CXLIV.

- 1 **B**EANNAICHT' gu robh Iehobhah
mo charraig e 's mo threòir ; [treun,
Mo làmh a theagaisgeas gu cath,
's gu comhrag mhaith mo mheòir :
- 2 Mo mhaith, mo dhòn, 's mo bhaideal àrd,
mo shlànuihear, 's mo sgiath ;
'S e cheannsaicheas mo dhaoine fo'm
mo mhuinighinn is e Dia.
- 3 Dhia, ciod e 'n duine, gu bheil thu
a' gabhail eòlais air ?
No ciod e mac an duine fòs
gu'n d'thug thu e fa'near ?
- 4 An duine, 's cosmhuil e gu fìor
ri dìomhanas gun stà ;
'S a làith' mar sgail, 's mar fhaileas fòs
a' gabhail seach a ta.
- 5 O lùb, a Dhia, do fhlaithéis àrd,
thig féin gun dàil a nuas ;
Bean ris na sléibhtibh mòr' le d' neart,
is uath' theid deatach suas.
- 6 Cuir uait a mach do dhealanach,
is sgaoil iad sud air fad :
Is tilg a mach do shaighde geur',
is claidhear iad gu grad.

- 7 Sin uait do làmh á t'ionad árd,
saor mi, is fuasgail orm,
O uisgibh làidir iomarcach,
's o làimh nan coigreach borb'.
- 8 Iadsan 'g am bheil am béil a' teachd
air dìomhanas gach lè.
An deas làmh sud, is deas làmh i
làn iogain agus gò.
- 9 Dhuit seinneam òran nuadh, a Dhé,
's ann air an t-saltair ghriinn;
Air inneal ciùil nan teuda deich,
dhuit seinneam moladh binn.
- 10 'S e Dia a bheir do rìghribh mòr'
slaint' agus buaidh gu treun,
'S e shaoras Daibhidh 'dglach caomh
o'n chlaidheamh mhilleach gheur.
- 11 Saor mi, is fuasgail orm o làimh
nan coimheach, 'g am bheil beul
Làn dìomhanais: 's an deas làmh fòs
'n a deas làimh foill' is brèig'.
- 12 A chum gu'm biodh ar mic a' fàs
mar ùr-chrann suas 'n an òig':
'S ar nigheana mar chlachaihb snaidht'
an oisinn lùchairt mhòir.
- 13 Ar saibhlean làn do'n uile stòr;
ar treudan fòs a' breith
Nam mìltean, seadh deich mìltean fòs
'n ar machairibh gach leth.
- 14 Ar dainn gu h-obair làidir calm,
gun bhriseadh mach no steach,
A chum 'n ar sràidibh fòs nach biodh
guth caoidh' gu gearanach.
- 15 'S beannaicht' am pobull sin a ta
's an inbhe so gu beachd;
'S beannaicht' am pobull fòs, d'an Dia,
Iehobhah Triath nam feart.

SALM CXLV.

- 1 **A** RDUICHEAM thu, mo Dhia, 's mo
t'ainm beannaicheam gu bràth. [Rìgh;
- 2 Do d'ainm am feasd bheir mise cliu;
àrduicheam thu gach là.
- 3 Tha Dia Iehobhah mòr gu dearbh;
ion-mholta Dia gu mòr:
Cha-n fheudar meud a mhòrachdsan
a rannsachadh gu leòr.
- 4 Molaidh gach àl do ghnìomhara
do'n àl a thig 'n an deigh;
Is d'òibre cumhachdach ro mhòr
sior-chuirear leò an céill.
- 5 Urram do mhòrachd ghloirmhoir féin
cuiridh mìn céill gu beachd;
Air d'òibribh iongantach gu léir
labhram, a Dhé nam feart.
- 6 Labhraidh daoine eile fòs air neart
do bhearta uamhasach:
Is mise foillsicheam gu mòr
do mhòrachd iongantach.
- 7 Is cuirear leo an céill gu pailt
iomradh do mhaithes mhòir;
Do cheartas glan, is t'ionracas
molaidh gu binn le ceòl.

- 8 Tha'n Tighearna ro-ghràsmhor caoir,
is làn do thruacantachd;
A ta e mall chum feirg', is fòs
pailt ann an tròcaireachd.
- 9 Is maith Iehobhah do gach dùil;
tha 'thròcair caomh gu beachd
Os ceann gach obair agus gnìomh
a rinneadh leis le neart.
- 10 Dhia, molaidh d'òibre thu air fad;
le d' naomhaibh molar thu;
- 11 Air glòir do rìoghachd labhraidh iad;
innsidh do neart le cliu.
- 12 A chum a bhearta cumhachdach
gu'n tuigeadh clann nan daoine;
Gu bheil a rìoghachd làn do ghlòir,
is mòralachd faraon.
- 13 Do rìoghachd féin, is rìoghachd i
ta siorruidh buan gu beachd;
Is mairidh d'uachdranachd gu bràth
air feadh gach àil ri teachd.
- 14 Cumaidh Iehobhah suas le neart
an dream tha 'tuiteam sìos;
'S an dream tha claonadh chum an làir,
togaidh e 'n àird a ris.
- 15 Tha shùile fòs gach dùil' air bith
a' feitheamh ort, a Rìgh;
Is tha thu anns na tràthaibh ceart
a' tabhairt dhoibh am bith.
- 16 A' ta thu ann ad thoirbheartas
'fòsgladh do làimh' gu mòr,
Is miann gach nìthe beò air bith
sàsuaichear leat gu leòr.
- 17 Tha Dia 'n a uile shligheibh ceart,
is naomh 'n a uile ghnìomh.
- 18 'S dlùth Dia do mheud 's a ghairmeas
seadh ghairmeas air gu fìor. [air
- 19 Deadh mhiann gach neach d'an eagall e,
coimhlonaidd e gu pailt;
Is éisdidh esan fòs r'an glaoth,
saoraidh e iad 'n an airc.
- 20 An dream tha' tabhairt graidh do Dhia
dhoibh nì e tèarmunn deas;
Ach fòs na h-aingidh olc gu léir
do nì e féin an sgrios.
- 21 A' luaidh air cliu Iehobhah thréin,
bithidh mo bheul gun cheisd:
'Ainm naomha beannaicheadh gach feoil
gu siorruidh buan am feasd.

SALM CXLVI.

- 1 **D** IA molaibh; mol, O m'anam, Dia.
- 2 Molaidh mi Dia ri m' bheò:
Ard-seinnidh mise cliu do m' Dhia,
ri fad mo ré 's mo lè.
- 3 Na earbaibh is na deanaibh bun
a prionnsaibh làidir treun';
No fòs á mac aoine duine a t'ann,
's gun fhurtachd ann ri feum.
- 4 Tha 'anail-san' dol as a mach,
théid e g'a ùir air ais,
Théid as d'a smuaintibh faoin gu léir,
's an là sin féin gu cas.

5 'S beannaicht' an duine sin 'g am bheil
Dia Iacoib mar a neart ;
'G am bheil a dhòchas ann a Dhia,
Iehobhah Triath nam feart.

6 'S e chruthaich nèamh, is muir, is tìr,
's gach aon ni ann ta ;
'S e choimhdeas firinn mar an ceud ;
gu sìorruidh is gu bràth.

7 Ri daoineibh ta fo fhòirneart mòr,
cumaidh e còir gu caoin,
Bheir biadh do'n ocrach ; cuiridh Dia
na prìosanaich fo sgaoil.

8 'S e Dia ta fosgladh shùil nan dall ,
togaidh Iehobhah mòr
An dream a ta air cromadh sìos :
is caomh leis daoine còir.

9 Dia seasaidh bantrach 's dilleachdan,
's e 's dìon do 'n choigreach ann :
Ach slighe fhiar nan daoine daoi
tilgidh e bun os ceann.

10 Bidh Dia 'n a Ard-Rìgh mòr gu bràth,
do Dhia-sa, Shìon naomh ;
O linn gu linn gu maireannach.
Molaibhse Dia gu caomh.

SALM CXLVII.

1 **M**OLAIBHSE Dia ; oir 's maith bli
àrd-mholadh binn d'ar Dia, [seinn
Oir 's tlachdmhor e 's is maiseil sud,
bhi 'tabhairt cliu do'n Triath.

2 Suas togaidh Dia Ierusalem ;
cruinnichidh e ri chèil',
An dream d'an d' rinneadh dìobaraich,
de gineal Israeil.

3 Do'n aitim 'g am bheil cridhe brùit' ;
bheir esan slàinte mhòr :
Is ceanglaidh suas gu faicilleach
gach cneadh ta orra 's leòn.

4 Na reulta lìonmhor àirmhear leis ;
'g an ainmeachadh gu léir.

5 Is mòr ar Dia, 's is mòr a neart ;
gun tomhas air a chèil.

6 Togaidh Iehobhah suas gu dearbh
na daoine ciùin a ris,
Is leagar leis na daoibh le tàir,
gu làr, 'g an tilgeadh sìos.

7 Seinnibh do Dhia Iehobhah mòr,
le buidheachas gu binn :
Seinnibh d'ar Dia-ne moladh àrd
air teud na clàrsaich grunn.

8 'Se dh'fho'cheas nèamh le neulaibh tiugh',
dh'ulluicheas uisge fòs
Do'n talamh ; 's e bheir air an fheur
bhi fas air sléibhtibh mòr'.

9 Do'n ainmhidh 's do gach beathac beò
bheir esan lòn gun dìth ;
Is do na fithich òg' faraon
a ghlaodhas 'g iarraidh bìdh.

10 An neart an eich cha bhi a dhùil
ge mòr a lùth 's a theiris ;

Cha ghabh e tlachd an cosaibh fìr
sheasas gu dìreach deas.

11 Tha Dia a' gabhail tlachd gu mòr
do'n dream d'an eagal e,
Chuireas an dòchas is an dòigh
'n a thròcair-san gach ré.

12 Thoir moladh, O Ierusalem,
do Dhia Iehobhah mòr,
Do d' Dhia-sa tabhair moladh fìor,
O Shìon, mar is còir.

13 Croinn-dhruididh fòs do dhorsa mòr'
do neartaich e gu maith ;
Is bheannaich e do shìochd gu léir
a'd' mheadhon féin a stigh.

14 'S e chuireas ann ad chrìochaibh fòs
sìth agus sonas mòr :
'S e ni le smior a' chruithneachd ghloir
do shàsachadh gu leòr.

15 'S e chuireas àithne mach air tìr,
ni 'fhocal ruith gu luath.

16 Bheir sneachd mar olainn ; sgaoilidh e
an liath-reodh mar an luath.

17 Leac-eighe tilgidh e a mach,
mar ghreamanna nach gann ;
Is anns an fhuachd a rinneadh leis,
cò dh'fhèudas seasamh ann ?

18 Cuiridh e 'fhocal mòr a mach,
is leaghar iad a ris :
Air séideadh dha le gaoith an sin,
sruthaidh na tuilte sìos.

19 Do Iacob tha e 'foillseachadh
a bhriathar fìor-ghlan naomh,
A statuìn is a bhreitheanais
do Israel gu caomh.

20 So maithreas nach do dhèanaich e
dh'aon chinneach ta fo 'n ghréin :
A bhreitheanais cha 'b'athne dhoibh.
Molaibh Iehobhah treun.

SALM CXLVIII.

1 **M**OLAIBHSE Dia. Ard-mholaibh
Iehobhah mòr gu bràth, [fòs
O nèamh nan speur ; molaibhse Dia,
's na lìonadaibh a's àird'.

2 Uil' aingle Dhé, mòr-mholaibh e :
molaibh e, 'shluagh gu léir.

3 O ghrian 's a ghealach, molaibh e,
's a reulta glan nan speur.

4 O nèamha àrd' nan uile nèamh,
is uisgeachan a ta
An còmhnuidh shuas os ceann nan speur,
molaibhse Dia a ghnàth.

5 Thugadh iad cliu is moladh binn
do ainm Iehobhah thréin ;
Oir chuir e 'àithne mach le neart,
is rinneadh iad d'a réir.

6 Do rinn e fòs an daingneachadh
a chum bhi buan a ghnàth :
Is chuir e statuìn orra sud
nach téid air chùl gu bràth.

SAILM CXLIX, CL.

- 7 O'n talamh fòs a ta fo nèamh,
molaibh Iehobhah treun ;
Uil' dhràgona ro-namhasach,
's a dhoimhneachda gu léir.
- 8 Tein'-athair agus clach-shneachd chruaidh
an ceò théid suas, 's an sueachd ;
Gaoth dhoiuionnach a' coimhlonadh
a bhriathar-san gu l'cachd.
- 9 Na sléibhte farsuinn atunhor mòr',
's na tulaich fos le chéil' :
Gach craobh bheir toradh agus blàth,
's ua seudair àrd' gu léir.
- 10 Gach beathach, ainmhidh, is gach dùil
a shnàigeas air an làr,
'S gach euulaith sgiathach iteagach,
ta 'g itealaich gu h-àrd.
- 11 Gach rìgh air thalamh, làidir mòr,
's gach pobull fòs air bith ;
Na prionnsan is luchd breitheanais
tha thar gach tìr fa leth.
- 12 Na h-dig-fheara ta calma deas,
's na maighdeana le chéil' ;
Na seanaire ta èlach glic,
's gach leanaibh òg' gu léir.
- 13 Ainm Dhé àrd-mholadh iad, oir tha
'ainm-san a mhàru ro-mhòr :
Os ceann na talmhainn is uan nèanin,
air àrdachadh tha 'ghlòir.
- 14 Adharc a shluaigh leis àrdaichear,
seadh cliu a naomh gu léir,
Sluaigh Israeil, tha dhasan dlùth.
Molaibh Iehobhah treun.

SALM CXLIX.

- 1 **M**OLAIBHSE Dia : is oran nuadh
seinnibh do Dhia gu caomh ;
Seinnibh a mholadh-san gu binn,
an coimhthional uan naomh.
- 2 Biodh Isra'! aoibhneach ann an Dia ;
an Tì a chruthaich e ;
Deanadh clann Shìoin gairdeachas
'n an Rìgh air feadh gach ré.
- 3 Is anns an dannsadh thugadh iad
d'a ainm-san moladh binn :
A chliu le tiompan seinneadh iad,
is leis a' chlàrsaich ghrinn.
- 4 Oir tha Iehobhah 'gabhalh tlachd
'n a phobull dileas féin ;

Ro-sgiamhach fòs le shlàinte ni
na daoine sèimh gu léir.

- 5 Biodh air na daoineibh naomh' an sin
ùr-ghairdeachas an glòir :
Is air an leabaidh seinneadh iad
do Dhia le h-ìolaich mhòir.
- 6 Gu'n robh àrd-chliu an Tighearna
gu dlìgheach ann am beul
Is ann au làimh-san fòs gu robh
claidheamh dà-fhaobhair geur.
- 7 A chum gu deant' air fineachaibh
làn-dioghaltas gu léir :
Is mar au ceudna air na slòigh
làn-smachdachadh gu geur.
- 8 A chum gu'n deant' an rìghrean-san
a chur fo chuibhreigh ghéir ;
Fuidh gheimhlibh teann do'n iarunn
an uaisle mòr' gu léir. [chruaidh]
- 9 Chum dioghaltas a chur an gnìomh,
ta sgriobht' 'n a fhocal ceart :
So cliu nam fireanach gu léir.
Molaibhse Dia nam feart.

SALM CL.

- 1 **M**OLAIBHSE Dia. 'N a theampull
molaibhse Dia gu mòr : [naomh]
'An speuraibh àrd' a chumhachd fòs
molaibh e mar is còir.
- 2 Air son a ghnìomhara ro-threun,
molaibhse Dia 's gach àit ;
A réir a mhòrachd molaibh e,
's a ghlòir a ta ro-àrd.
- 3 Le guth na trompaid mar an ceudn'
molaibhse Dia gu binn :
Air clàrsaich seinnibh moladh dha,
is air an t-saltair ghrinn.
- 4 Le tiompan thugaibh moladh dha,
's an dannsadh mar an ceudn' ;
Le organ togaibh suas a chliu,
's le inneal-ciùil nan teud.
- 5 Air ciombalaibh ta labhar binn
molaibhse Dia gu tàmhl :
Molaibhse Dia air ciombalaibh,
ni toirm is fuaim ro-àrd.
- 6 Gach uile dhùil sam bith ta beò,
'g am bheil an deò 'n an cré,
Ard-mholadh iadsan Dia gu mòr,
Molaibh Iehobhah treun.



LAOIDHEAN

O NA

SGRIOPTUIRIBH NAOMHA.

LAOIDH I. Genesis i.

- O** NEO-NI éireadh talamh 's n-éamh,
so labhair guth an Triath:
O neo-ni dh'éirich talamh 's n-éamh
gu h-umhal mar a dh'iarr.
- 2 Shuidh air an aigein duibhre tiugh,
thuirt Dia, Biodh solus ann;
Ghrad-las an solus dealrach glan,
's an duibhre theich gu teann.
- 3 Do neulaibh dh'aithn e togail suas,
suas thog na neoil d'a réir;
Le'n ionmhas uisg 'sgaoil iad 's gach áit,
a' snámh air feadh nan speur.
- 4 Dh'aithn e do'n uisg' a luídh air fonn
grad-thional gu h-aon áit;
Dhian-ruith an fhairge, tonn air thonn
is feuch an talamh traight'!
- 5 Le lùibhibh gorm is craobhaibh meas,
chòmhdaich e 'n talamh lom;
Mu'n d'thàinig fras no drùchd o'n speur,
's mu 'n d' éirich grian air fonn.
- 6 Sgeadaich e 'n sin na néamhan ard';
gu dealrach las a' ghrian:
A' ghealach is na reulta dhùisg,
a chuntas mhìos is bhliadhn'.
- 7 Do'n uisge dhealbh Iehobhah treun
gach gineal éisg sa' chuan;
Is ghairm o'n doimhne mar an ceudn'
gach eun san ealtainn shuas.
- 8 Gach diùle beò air thalamh ta
dhealbh thu le d' làimh, fa leth;
Do'n leòmhán bhorb 's do'n chnuimheig
thug thu maraon am bith. [fhao in
- 9 An duine chruthaich thu fadheoidh,
a'd choslas glòrmhor féin,
Gu bhí 'na uachdran dligheach fíor
os ceann gach ní fo'n ghréin.
- 10 T'uil' oibre 'n sin a'd' lath'r, a Dhé,
gu ciatach àluinn sheas;
Sheall thu, is thuirt gu robh gach ní
gu fíor-mhaith agus deas.
- 11 Cía glòrmhor t'oibre-sa gu léir!
cía treun thu féin an neart;
Co 'n tí nach tugadh dhuit-sa cliu!
molams' thu. Dhia nam feart!

LAOIDH II. Gen. xxviii. 20-22.

- D**HE Bhéteil! le d'làimh thoirbhear-
's tu bheathaich t'Isra'í féin: [taich
'S a threòraich feadh an turuis sgith,
ar sinnseara gu léir;

- 2 Ar bòid 's ar n-urnuigh nis a ta
aig lath'r do chaithir ghraís;
Bí leinn, O Dhia ar n-aithriche
's na díobair sinn gu bràth.
- 3 Tre cheumaibh dorch' ar beathia 'b so,
O treòraich thusa sinn;
'S o là gu là ar teachd-an-tír,
's ar n-éidibh-cuirp thoir dhuinn.
- 4 Fo sgáil do sgéith, O dean ar díon
gu crích ar seachrain sgith,
Is thoir d'ar n-an'maibh fois fadheoidh
a'd' chòmhnuidh shuas an síth.
- 5 Na tiodhlaca so, Dhé nan gràs,
thoir dhuinn o d'làimh gu fial;
'S a nis, 's o so a mach gu bràth,
is tu a ghnàth ar Dia.

LAOIDH III. Iob i. 21.

- L**OMNOCHD mar thàinig sinna steach
do 'n t-saoghal so air tùs,
Is amhluidh théid sinn lomnochd as,
is taisgear sinn san ùir.
- 2 Gach ní rí 'n canar leinn gu faoin
ar maoin 's ar stòras féin,
Is iasad goirid aoin là e,
's grad-dhiolar e gu léir.
- 3 'Se Dia bheir dhuinn gach comh-
no ghearrasiad air falbh; [fhurtachd,
Ma thug e leis, 'se féin thug uait:
beannaicht' gach uair biodh 'ainm!
- 4 Beannaicht' gu siorruidh gu robh Dia
cha ghearrain sinn ní 's mò;
Docrach no soerach biodh ar cor,
dhuits', Athair, gu robh glòir.

LAOIDH IV. Iob iii. 17-20.

- C**IA samhach ciùin an talla dorch
san gabh sinn uile tàmh;
An tìr na dichuimh' far nach gluais
aon fhuathas sinn no nàmh.
- 2 Cía tosdach seimh an leabadh 'n uaigh,
a ghabhail suain is fois; [innt'
Théid ríoch air dragh luchd-euccirí
's gheibh daoine sgith innt' clos
- 3 Innte cha chaoidh am prìosanach
ní 's mò mar fhuair e chlaoidh;
Cha dochainn smachd an droch rìgh
bhuirb,
's is balbh' guth mhíllt fhir dhaoi,
- 4 Tha lag is láidir, beag is mòr,
co-shìnt san uaigh le chéil';
Tha naimhdean samhach taobh rí
is luchd na comhstri réidh. [taobh,

- 5 Co-ionnan coidlidh iad air fad
fo ghlasaibh teann a' bhàis,
Gu'n uair an gairmear iad le Dia
'na fhianuis là a' bhràth.

LAOIDH V. Iob v. 6-12.

- A MHGHAR o'n duslach ged nach
o'n ùir ged nach tig bròn; [duisg,
Gidheadh is lionmhor iad na h-uile
th' air mac an duine 'n tòir.
- 2 Amhluidh mar dh'éireas srada suas
gu luath air lorg a chéil'.
Mar sin tha'n duine air a bhreth
gu bròn is cuiradh gear.
- 3 Ach earbam-sa ri Dia mo chùis,
is deanam m'urnuigh ris;
Riaghladh an domhain tha 'na làimh,
gu 'làthair teichidh mis'.
- 4 Tha 'oibre lionmhor agus mòr,
cò chuireas iad an céill?
An t-anam brònach ni e ait,
'S an t-anam lag ni treun.

LAOIDH VI. Iob viii. 11-22.

- G UN làthach am fàs luachair ghlas?
no seilisteir gun sruth?
Ged fhàs, is diombuan gearr an cuairt,
scargaidh, gun bhuain, an cruth.
- 2 Is ionnan dòchas baoth an daoi,
nach feud a chaidh bhi buan;
Mar hion an damhain-allaidh fhaoim,
théid leis gach gaath mu'n cuairt.
- 3 Trath leigeas e a thaic r'a thigh,
aomaidh gach clach is crann;
'S luath ghreimicheas e ris, ach 's
luaith'
théid 'fhardoch bun os ceann.
- 4 Ged fhàs 'na ghàradh ris a' ghréin
a gheuga dosrach ùr;
'S ged sgaoil e 'fhreumhan domhain
do-spionta ta car ùin': [teann
- 5 Gidheadh air teachd d'a bhinn o nèamh,
spionar a fhreumh á bun;
'Aite cha 'n aithnich e ni's mò;
caochlaidh a ghlòir gu tur. [daoi,
- 6 Feuch, 's amhluidh gairdeachas nan
ni tair air naomhreachd Dhé;
Grad-thuitidh iad: 's co grad a thig
'nan àite daoine sèimh.
- 7 Ach Dia nan gràs, le cumhachd mòr.
ni daoine còir a dhòn;
An cridhe hionaidh e le gearn,
's am beul le moladh sìor.

LAOIDH VII. Iob ix. 2-10

- A M bi siol Adhainh saor o chiont,
no glan am fianuis Dé?
Ma thagras e réir ceartais ruinn,
fa' smachd théid sinn do'n eug.
- 2 Gu geur-chuiseach ma thoimhsceas e
gach smuain, is guth, is gnìomh;

Leithsgeul, air son mo mhìle ciont'
a dhealbh cha'n urrain mi.

- 3 Is glic a chridh' 's is treun a làmh,
's nach aingidh dàn an sluagh
A thogas ceann an aghaidh Dhia;
cò riamh thug air-san buaidh?
- 4 Roimh 'fheirg, na sléibhte crìoth-
is clisgidh iad o'm bonn; [naichidh,
O 'bhunchar luaisgidh null 's a nall,
le garbh-chrith, 'n talamh trom.
- 5 Ma thoirmisgeas e éirigh gréin',
cha'n éirich griann gu bràth:
Dubh-neulach ni e 'n speur air fad,
's gach reul théid as 'na smàl.
- 6 Coisichidh Dia san fhairege ghairbh
carbaid do ghaothaibh ni;
A shlighe àrd cò lorgaicheas
a cheuma dorch' co chì?

LAOIDH VIII. Iob xiv. 1-15.

- O DHUINE th'air do bhreth le mnaoi,
cia tearc is truagh do làith'!
O'n duslach thàinig thu, is théid
gu d' dhuslach féin gu dàil.
- 2 Mar mhaoth-lus fasaich tu fo bhlàth
is gheibh thu bàs gu beachd:
Mar fhaileas teichidh tu gu luath,
's cha bhuan air thalamh neach.
- 3 Làn ciont' is truagh, an seas aon dùil,
fa chomhair sùilean Dé?
Co chaidh bheir uisge soilleir glan
à tobar salach créidh?
- 4 Ar làithean air an àireamh ta,
's gun tàmh a' gabbail seach;
Is goirid gus an tig an uair
a ni do'n uaigh ar teach.
- 5 Dhé mhòir! na smachdaich aun ad
an tomhas goirid faoin, [fheirg
Do làithibh diombuan an-shocrach
thug thu do chloinn nan daoin'.
- 6 Ged chrionas lus, cha'n fhaigh e bàs,
thig 'fhas ri h-ùine nòs;
'S ged sheargas craobh sa' gheamhradh
ni'n t-carrach nuadh i ris. [fhuar
- 7 Ach aon uair 's gu'm faigh duine bàs,
cha phill a lùth' ni 's mò;
A bheatha cha dean earrach nuadh,
's air 'uaigh cha bhris an lò.
- 8 Amhluidh mar shruth a ruitheas bras,
's nach pill air ais r'a shliabh;
Tha làith' is bliadhnaidh 's linn dol
's cha phill ri neach an triall. [seach,
- 9 San uaigh 'n tràth luidheas duine sìos,
coidlidh e 'n dhion a' bhais;
'S cha duijs e tuilleadh gus an téid
an cruinne-cé 'na smàl.
- 10 O biodh an uaigh 'na leabadh thàimh
dhomh féin, gu là mo Thriath,
San éirich mi gu h-aobhach suas
le naomh-shluag maiseach Dhia!

- 11 San dòchas ait, le foighid inbhòir,
feithidh mi ordugh Nèimh,
A thig san àm a shonruich Dia
an triall mi thuige féin.

LAOIDH IX. Iob xxvi. 6-14.

CO ghleachdas ris a' ghairdean threun
a dhealbh na speuran àrd'?

No c'ait am folaich neach e féin
o'n t-sùil d'an léir gach àit?

- 2 'Na shealladh-san tha ifrinn féin
is léir-sgrìos uile rùisgt':
'S an ceilear lochd air bith no bend
o fhradharc geur a shùl?

- 3 Air neo-ni chroch e'n domhan mòr,
's an àirde tuath do sgaoil
Ar ionad falamh, agus phaisg
uisge sna neulaibh faoin'.

- 4 Tràth chithear cumhachd Dhé's gach
tha sgàil 'ga fholach féin; [ait,
Tha 'chaithir cuairtiche le neòil,
's do dhuine beò cha léir.

- 5 Onfha na fairge pillidh e
le tràigh, air meud a neirt
Is air a' chrich a thug e dhi
cha téid i chaidh a thart.

- 6 Roimh achmhasan Iehobhah thréin,
tha talamh 's nèamh air chrith:
Clisgidh an stéidh ma lasas suas
a chorruich uair air bith.

- 7 Gun doininn luaisgidh e an euan,
's tógaidh e suas a fhuinn;
'S an t-uabhbheach tilgidh e, gun nàmh,
o 'àirde bun os eean.

- 8 'S e lìonas nèamh le cuideachd naomh,
's a ni iad aobhach ait;
Ach sliochd na nathrach tilgidh sìos
gu ionad claidh le smachd.

- 9 D'a oibribh 's beag a chithear leinn,
's cha tuig sinn iad sin féin:
Ach tairneanach a chumhachd mhòir,
cò dh'fheudas chur an céill?

LAOIDH X. Gnath-fhocail i. 20-31.

AN coimhthional nan iomadh slògh,
is anns na ròidibh tiugh',
Ri cloinn nan daoin' tha Gliocas nèimh
a' togail suas a ghuth';

- 2 Cia fhada a ni luchd fanoid tàir
air firinn 's gràsa Dhé?

'S a bheir sibh, amadana, spéis
d'ur toil mhi-chéillidh féin?

- 3 Pillibh air m' earails', air 'ur n-aís,
is bidh sibh sona chaidh:
Pillibh, 's a chum bhuir beannachadh,
mo spiorad bheir mi dhuibh.

- 4 Ach mur toir sibh mo ghuth fa'near,
's mur éisd sibh ri mo ghlaodh:
Tràth ghlaodhas sibh's an là bhuir nairc,
'ur n-atheuinge bidh faoin.

- 5 Tràth ghlaodhas léir-sgrìos sibh 'na cuairt,
mar iom-ghaoth luath nan speur.

Ni mise fanoid air 'ur caoidh,
's 'ur n-urnigh chaidh cha'n éisd.

- 6 O'n ròghnaich sibh roimh bheatha bàs
's éigin gu bràth bhi truagh;
Oir ciod air bith a chuireas neach,
dheth sin ni 'n neach sin buain.

LAOIDH XI. Gnath-fhoc. iii. 13-17.

CIA sona 'n ti do theagasg Dhé!

bheir éisdeachd gach aon uair;
'S ri gliocas nèimh, le mòran tlachd,
philleas gu moch a chluas?

- 2 Is fear a stòr na 'n t-ionmhas faoin
a ta san t-saogh'l gu léir;
'S is luachmhoire a dhuais gu mòr
na òr a' chruinne-ché.

- 3 Tha saoghal fada 'na làimh dheis,
is urram 'na làimh chh;
Iadsan air fad a bheir dha gràdh,
's leo saoihbheas, slàint', is sìth.

- 4 Do 'n òg 'na shlighe fhiorghlan réidht
sòlas bheir e gu pailt,
'S do 'n aosda bheir e coron glòir,
's tròcair o Dhia gun aire.

- 5 An uair tha dìchioll dhaoine mòr,
tha 'dhuais-san mòr d'a réir:
Do shòlasaibh tha 'shlighe làn;
is sìth a ghnàth 's gach ceum.

LAOIDH XII. Gnath-fhoc, vi. 6-12.

EIRICH a lundaire gu grad,
'S thoir ort anseangan beag gun stad,
Oir ged nach d'fhuair e riamh fear-iùil',
No neach g'a ghreasadh air a chùil;

- 2 Fa chomhair geamhraidh ni e deas,
A' cuimhneachadh gun tàmh a leas;
San t-samhradh trusaidh e a lòn,
San fhoghar iomlan tha a stòr.

- 3 Ach c' uin' a dh'éireas tus'o d' shuain?
A lundaire, nach dùisg thu suas?
Cha'n iarr do leisg ach tuilleadh tàimh,
Le clò do'n t-sùil, is pasgadh làmh.

- 4 Ach feuch! tha bochdainn agus bròn,
Ag iadhadh air gach làimh a'd' chòir;
'S mar ghaisgeach armach teachd a'd'
dhàil, [sàil.

Trom-bhruthaidh iad do cheann fo'n

LAOIDH XIII. Gnath-fhoc. viii. 22-33

BIBH tosdach uile, chlann nan daoin
tràth ghlaodhas Gliocas Dé,
A bhriathra thugar leibh fa'near,
's d'a earail thugaibh géill.

- 2 Bu mhise Annsachd Dhé o thùs,
mu'n robh na nèamha ann;

'S mu'n d'fhuair an domhan mòr a
bha mise, feadh gach àm. [bhith,

- 3 Mu'n robh ann sléibhte mòr no beag',
mu'n robh ann muir no tìr.

- No m' air bith sa' chruinne-ché;
aig deas làimh Dhé bha mi.
- 4 Tràth dhealbh e neòil is athar àrd,
an talamh tràight' 's an cuan,
'S tràth ghearr e 'n crìochan doibh fe
bha mise leis san uair. [leth,
- 5 Tràth chroch e 'n talamh cothrom
gun taic ris o aon taobh, [aicht'
Dhearc mi le gàirdeachas an sin
air ionad còmhnuidh dhaoin'.
- 6 Dhealbh smuain mo chridh' o shior-
ruidheachd
làn-tearmunn doibh o'n bhàs;
Neo-chaochlaidheach, uaith sin gu so.
tha m'iochd dhoibh is mo ghràdh.
- 7 Ri m' theagasg éisdibh uime sin,
is gheibh sibh beatha uaith,
Is sona 'n ti bheir géill do m' lagh;
bidh 'n ti nach tabhair truagh.
- 8 Is mise ni gu nèamh an t-ìul,
's an slighe réidh do m' shluagh:
Tha beatha 's càirdeas aig gach neach
a leanas mi gach uair.
- 9 Ach 's naimhde mòr'd'an an'maibh féin
na dhiultas géill do m' reachd;
'S na bheir sior-fhuath do m' theagasg
naomh,
chum ifrinn théid gu beachd.

LAOIDH XIV. Eccles. vii. 2-6.

- O SIBHS' air fad le 'm b' àill bhì glic,
bibh tric an tigh a' bhròin:
Oir luath no mall tha sinn gu léir
ri fulang péin is leòn.
- 2 Is fearr gu mòr bhì giùlan goimh,
o àmhghar tigh na caoidh;
Na 'n cridh' a lot le sòlas baoth,
an cuideachd dhaoine daoil.
- 3 'N tràth bhios an aghaidh tuirseach
's an t-sùil a' sìleadh dheur, [trom,
Gheibh smuainte naomh' san anam
's ni iad ni 's fearr an gné. [tamh,
- 4 An duine crìonna théid gu tric
gu bothan bochd a' bhròin;
Ach leis an dream air bheagan céill'
is aoibhinn talla cheòil.
- 5 Is dìombuan aighear dhaoine daoil,
's is dlùth dhoibh àmhghar truagh:
Mar bhoisge fuaimneach droighinn
fhaoim
ghrad-chaochlaidheas gu luath.

LAOIDH XV. Eccles. ix. 4, 5, 6, 10.

- S E nis an t-àm bhì réidh ri Dia;
'S e nis an t-àm thòirt géill do'n
Triath;
Am feadh a mhaireas là nan gràs;
Feudaidh gach neach dol as o'n bhàs.
- 2 'S i so an uair a sheachnadh truaigh',
'S a thabhairt nèimh a mach le buaidh;

- So cothrom aigh, ta dian-dhol seach,
Deanar deadh bhuil dheth leis gach
neach.
- 3 Is fios do'n bheò gu faigh e bàs,
Air díchuimhn' tha gach marbh an
tràs: [aimn,
An cuimhne dh'fhalbh, is dh'fhalbh an
Cha'n aithnich'r iad, 's cha'n aithne
dhoibh.
- 4 Theirig an gràdh, sguir am fuath,
'S tha'm farmad sìnte leo san uaigh;
Cha'n eòl doibh ni sam bith fo 'n ghréin;
An saothair sguir maraon riu féin.
- 5 Dean dhihioll uime sin 'na thràth,
Crìoch a chur air saothair do làmh:
Oir saothair, seòl, no obair ghlic.
Cha deanar leat gu bràth fo 'n lic.
- 6 San uaigh, do'm bheil sinn uile triall,
Maith'neas cha'n fhaigh, 's cha d'fhu-
aradh riamh;
Gun chaochla' bithidh cor gach neach
Gu àm d'a bhinne teachd a mach.

LAOIDH XVI. Eccles. xii. 1.

- C UIMHNICH do Dhia an làithibh t'òig
làithibh gun bhròin gun chal;
Mu'n tig na bliadhnaidh breòite tinn,
's am fàs air t'inntiun smal.
- 2 Mu'n tig gu àirde cruas do chridh',
grad-sgrìobh air lagh do Dhia;
'S do Chruithfhear cuimhnich fàs an
mu 'm fàs thu aosmhor liath. [tràs,
- 3 Oir, goirid uait tha pian is bròn,
na neòil tha cheana dlùth
Ni t'aoibhness dorch, is t'òige sean,
a' cur do ghean air chùil,
- 4 'S gearr gus an gearain thu gu goirt
fo sprochd is iarguin aois',
'S an cuimhnich thu air aighear t'òig',
nach pill ni 's mò do d'thaobh.

LAOIDH XVII. Isaiah i. 10-19.

- A MHAITHEAN Shodoim! gabhaibh
do fhocal Rìgh nam feachd; [suim
Fheara Ghomorah! thigibh dlùth,
is bithidh ùmh' d'a reachd.
- 2 Mar so a deir e, Ciod is brìgh
d'ur n-lobairtibh gun stà?
Tha m' altair sgìth d'ur tiodhlacaibh,
's ghabh mi d'ur n-aoradh gràin.
- 3 Ged las 'ur n-lobairtean gu nèamh,
's ged dhorchaidh tùis an speur;
Gidheadh bheir mise fuath is gràin
do ghìomh 'ur làmh 's duibh fein.
- 4 Bhur trasg 's 'ur n-urnuigh 's fuathach
's 'ur làithe féill faraon; [leam,
Oir tha 'ur cridhe làn do cheilg,
's 'ur slighe cam is claon.
- 5 Glanaibh 'ur làmhnan o gach ole,
's na deanaibh lochd ni 's mò;

'Nur giùlan uile bithibh ceart,
's 'nur cridhe glan, gun ghò.

- 6 Na tairgibh dhomhsa urram faoin,
ach foghlumaibh mo reachd;
Teann-thagraibh cùis na bantraich
truaigh
's air fann ua deana ibb lochd.

- 7 An sin, dearg mar chorcur ged robh
'ur lochdan, nighear uaibh
An sal, is bidh sibh glan, tre ghràs,
mar shneachd a's àille snuadh.

LAOIDH XVIII. Isaiah ii. 2-6.

- F**EUCH! éiridh san linn dheireannaich
naomh theampull Dhia na glòir',
Os ceann nam beann 's nan sléibhteann
fàth iongantais ro mhòir! [ard];
2 D'a ionnsuidh thig na cinnich aith,
gach teangadh 's treubh le chéil':
Ag ràdh, Suas greasamaid gun dàil
gu teampull àluinn Dé.
3 An solus thig O Shion àrd
dealraidh feadh dhùthcha céin;
'S do 'n Rìgh 'na shuidh' air Salem ta
bheirear 's gach àite géill.
4 Measg chinneach 's eilean iomallach
àrd-shuidhidh e gu breth
Is smachduichear 'na cheartas leis
gach uile shluagh fa leth.
5 Le connspoid is le h-an-ìochd borh
cha bhuairear linn nan gràs;
Gu speal is coltar iompaichear
gach claidheamh 's inneal bàis.
6 Le nàmh ni 's mò cha chasgrar nàmh
's cha bhi san àraich caoidh:
Cha chruinnich trompaid slòigh r'a cheil',
's cha 'n éighear cath a chaoidh.

- 7 O ghineil lacoib, uime sin,
thigibh gu teampull Dé;
'S 'na sholus-san ta dealrach glan,
sior thriallamaid gu néamh.

LAOIDH XIX. Isaiah ix. 2-8.

- F**EUCH! dh'éirich solus air na slòigh
bha chòmhnuidh 'n duibhre bàis;
Is air an t-sluagh a bha fo sgàil,
nis dhealraich Ghrian nan gràs.
2 A d'ionnsuidh-sa, a Ghrian an aigh!
le fàilte thig gach sluagh,
'S iad aoibhinn mar luchd buain o'n
's am foghar taisgte suas. [fhàich,
3 Oir thog thu dhinn ar n-eallach ghoirt,
is lotadh leat ar nàmh, [sìos
Le d'ghairdean treun ghrad-thilg thu
luchd mi-ruin chum an làir.
4 Mar laoch a' ruith feadh fola 's àir,
tha Slanuighear nam buadh;
Mar cheumaibh dhealanaich nan speur
bheir thu fo ghéill gach sluagh.

- 5 Feuch dhuinne rugadh Mac an aigh;
fhuair sinn Slanuighear treun!

Gach treubh air thalamh géillidh dha.
is aingle nèimh gu léir.

- 6 Prionnsa na sìochaint canar ris
's e'n Tì ta glie is treun;
Le ceartas riaghlaidh e gach sluagh,
o 'chaithir shuas air néamh.

LAOIDH XX. Isaiah xxiv. 1-7.

- C**IA glòrmhor àluinn caithir Dhe!
Sion cia breagh a snuadh!
Innte chuir Dia a chaithir-rìgh,
chum marsuinn sìorruidh buan.
2 A balla dìonaidh e le 'ghràs,
gu làr cha tuit i chaoidh;
Ni slàinte téarmunn di gach taobh,
's ifrinn cla 'n fheud a claoidh.
3 A dhorsa sìorruidh, èiribh suas,
fosglaidh gu luath o chéil'; [a steach
'S gu'n rachadh naomh-shluagh Dhé
a thug d'a reachd-san géill.
4 An so gun airceas mealaidd sibh
sith shòlasach gu bràth;
Sibhse le n' iomhuinn àrd-ainm Dhé
's tha deanamh buin a 'ghràs.
5 Earbaibh á Dia, sìor-carbaibh as;
gach eagal fògraibh uaibh;
Aig Dia tha cumhachd chum 'ur dhon,
feadh linn nan linn gu buan.
6 Còmhnuidh nan droch dhaoine', ged is
bheir Dia le 'làimh i nuas; [àrd
'S am mòr-chuis tilgidh esan sìos,
co ìosal ris an uaigh.
7 Saltraidh am bochd an sin le tàir,
àir a'rois àrd' nan daoib':
Tràth bhios iad sìnte air an làr,
gun éirigh 'n àird a chaoidh.

LAOIDH XXI. Isaiah xxxiii. 13-18.

- H**O! gach aon neach fad as no dlùth
do'n chùis so gabhaibh suim;
Bidh àgh is beannachd aig na naoimh,
ach sgriosar daoine daoib'.
2 An ti bhios ionraic treibhdhireach
fa chomhair Dhé gach uair,
Ri gnìomh gun ìochd nach cuir a làmh,
's air bréig gu bràth nach luaidh;
3 An ti nach làimhsich duais an uile,
's gu ceilg nach buair an saogh'l,
Nach seall gun ghràin air lochd air bith,
's nach gluais air slighe chlaoin:
4 An ti sin còmhnuidh gheibh gu bràth
an daingneach làidir Dhé;
Gun easbhuidh gheibh e 'theachd-antir,
is caisgear iota 's fheum.
5 Fadhcòidh bidh Neamh dha fosgailte,
le dorsaibh farsuinn fial,
'Se le Rìgh nan rìghrean bithidh e
gu téaruint' feadh gach ial.

LAOIDH XXII. Isaiah xl. 27-31.

- C**'ARSON a dhòirtear leat a mach
do chaoidh, gun duil ri ìochd?

- Ceart mar nach tugadh Dia fa' ncar
cùis neach air bith d'a shliochd.
- 2 Esan a chruthaich talamh 's nèamh,
am bheil a thearmunn gann?
No 'm feud an lamh a dhealbhadh gach nì
fas sgìth gu bràth no fann?
- 3 Maith, glic, is uile-chumhachdach,
tha 'n Triath a ta' gar dìon;
A shlighe ged nach léir do neach,
is ceart e anns gach gnìomh.
- 4 'S mòr fàth ar misnich, uime sin,
fo cheannsal Dhia na sluagh;
Do 'n fhircan lag bheir esan neart,
's do'n amhunn bheir e buaidh.
- 5 Caillidh na daoine sean an treòir,
's an òigridh fien an lùth;
Ach mheud 's a dh'fheith ri Dia nan
tha slàinte dhoibhsan dlùth. [gràs,
- 6 Le cosaibh lùthar siubhlaibh iad
san t-slighe dh' ionnsuidh glòir';
'S fasaidd an neart mar thrìallas iad,
'nan giùlan diadhaidh còir.
- 7 Air sgiathaibh creidimh éiridh iad,
mar iolar luath nan speur,
Os ceann an t saoghail dhòrcha so,
gu Dia an àirde néimh.

LAOIDH XXIII. Isaiah xlii. 1-13.

- F**EUCH m'òglach! feuch mo sheircinn
's e àrdaicht'ann am neart; [ghràidh
Mo roghainn e do'n t-sluagh gu léir,
dha thug mi spéis gu beachd.
- 2 Airsan gu saoiibhir tuirlingidh
mo Spiorad naomha féin,
Chum anns na dùthchaibh iomallach
mo bhreth gu'n cuir e 'n céill.
- 3 Séimh agus ciùin, gun gheilt no buirb,
bheir esan breth neo-chlaon; [brùit',
Cha bhris e 'm feasd a' chuile tha
's cha mhùch e'n lasair chaol.
- 4 Gu lasair séidear leis an t-srad;
do'n lag bheir e làn-bhuaidh;
Feadh mhòr-thìr 's eileansgaoidh 'eud,
is géillidh dha gach sluagh.
- 5 So deir an Dia ghairm nèamh gu bith,
's a las na lòchraim iùil,
A thug do 'n duine spiorad glic,
's a dhealbhadh gach uile dhùil:
- 6 'S tu m' Fhàidh, a ghairm 's a thog
mi suas!
gach uair is leat mo neart;
O m' uile chumhachd gheibh thu treòir
gu d' chòmhaidh anns gach beairt.
- 7 Annadsa nì mi ris gach tìr
coimhcheangal sìorruidh gràidh,
Thoir saorsa do na braighdibh leòint',
's do chinnich eòlas aigh.
- 8 Na dorsa prais grad-bhrisidh tu,
's na glasa làidir teann.

- Is solus aoibhinn agus saors'
bheir thu do 'n daor 's do'n dall.
- 9 'S mise Iehobhah; 's e sin m' ainm
air feadh gach uile ial; [faoin',
Mo ghlòir cha bhuin do dhealbhaibh
's mi féin a'm' aonar Dia.
- 10 Feuch! choimhionadh a nis gach nì
gheall mi o shean do'n t-saogh'l;
'S na nithe gheallar leam an tràs
coimhionar iad faraon.
- 11 Canaibh do 'n Tighearn òran nuadh:
air 'ainm biodh luadh 's gach àit;
Feadh muir, is tìr, is innse cian,
biodh moladh Dhia gu bràth.
- 12 A chaithir mhòr! is fhàsaich fhaoin!
molaibh aracon ar Dia;
'Sa mhachair thugaibh moladh dha,
's na bheil 'nur tàmh feadh shliabh.
- 13 Seinnidh gach sluagh, gu h-aon-
sgèulach,
glòir ion-mholt' Dhé bhith-bhuain;
'S do'n chaithream aoibhinn agusthrom
co-fhreagradh fonn is cuan!

LAOIDH XXIV. Isaiah xlix. 13-17.

- A** NEAMHA togaibh luathghair ait;
a thalamh, binn-cheol seinn;
A shléibhte, canaibh co-sheirm chiùil,
's gach dùil air feadh gach linn!
- 2 Feuchaibh cia trècaireach ar Dia!
cluinnibh a bhriathra gràis;
Do'n anam thruagh bheir comfhurt-
is saors' o dhochann bàis. [achd,
- 3 Sguiribh, an làithibh goirt 'ur claidh',
d'uir caoidh 's d'ur gearan cruaidh:
An saoil sibh nach toir Dia fa 'near
staid gach aoin neach d'a shluagh?
- 4 An dòbair mathair ciochran maoth
a brollaich, le h-an-ìochd?
Nach maothaich osna 's deòir a cridh'
's nach gabh i truas d'a shliochd?
- 5 Ach, arsa Dia, ged chaochail ìochd
d'a gineil anns gach mnaoi,
Mo ghaol is m'ìochd-sa do mo shluagh,
gun chaochladh mairidh chaoidh.
- 6 Domhain air dearnaibh mo dhà làimh,
ainm Shìoin ghearr mi sìos;
A balla briste càiridh' mi,
's a h-àrois togaidh ris.

LAOIDH XXV. Isaiah liii.

- C**IA tearc an dream, le creidimh bed
a ghabhas còlas uaim;
No mhothaichcas o'm fiosrach féin,
mòr-chumhachd Dhé nan sluagh?
- 2 Tha IOSA teachd! gun ghreacadh nachas,
a dh'fhoillseachadh cia dlùth;
Oir àille thalmhaidh air cha bhì,
no bheag do ioghnadh shùil.
- 3 Mar chinneas ann am fasach fhaoin
luibh mhaoth, gun chùram sluagh,

- Mar sin, san t-saoghal aingidh so,
dh'fhàs Crìosd fo ainneart suas.
- 4 Fo dhimeas is fo thareuis dhaoiñ,
feuch fear an àmhghair thruaigh!
Is bròn a' leautuinn ris gun chlos,
an taobh a bhos do 'n uaigh.
- 5 Ach cha b'e féin, ach sinne thoill
gach cràdh a rinn a leòn;
Oir, neo-chiontach sheas e 'nar riochd
's gu h-ìochdmhorghabh arbròn.
- 6 Gidheadh mar dhroch dhuin' mheas-
's mar fhògarach o ghràs: [adh e,
Tràth dhòirt e 'fhuil air son an t-sluaigh,
fo osnaidh chruaidh a' bhàis.
- 7 Le 'naomh-fhuil nigh e dhinn guglan,
ar truailidheachd 's ar lochd;
Leighis a chreuchdan, 's shaor a bhàs
gu bràth ar n-an'ma bochd.
- 8 Chaidh daoine dall is ceannairceach
air seachran trua', mar threud;
Ach ghiulain Crìosd ar u-eusaontas,
is dhiol ar n-uile bheud.
- 9 Fo bhuillibh trom' ar smachdachaidh,
feuch giulan caomh Mhic Dhé!
Mar uan a' chasgraidh, 's amhluidh sin,
cha d'fhosgail e a bheul.
- 10 A neo-chionta cò dh'fhoillsicheas!
's e'n cuibhreath chruaidh an sàs?
Feuch dlàteadh e le samhhladh reachd,
is thugadh seach gu bàs.
- 11 Le peacaich luidh e sìos sau dus,
na beartaich thug dha uaigh;
Mar chaith e 'bheatha, chriochnaich e,
gun chiont', air meud a thruaigh',
- 12 Mar so ge d' bhruthadh e le Dia,
dh'éirich ar Triath a ris,
Oir 'obairt ionlan aoin Mhic féin
dhiol ceartas Dé gu sìor:
- 13 Oir, arsa Dia, làn-shoirbhichidh
mo thlachd 'ua làimh gun cheisd;
Bidh 'ghineall ionnmhor feadh gach linn,
's bidh inbhe mòr am feasd.
- 14 Bidh 'anam aith tràth dhearcas e
air toradh pailt a phéin;
Is bheir na sloigh a shlànuich e,
cliu sìor d'an Slàn'ear treun.
- 15 Roinnidh e chreach le laochraibh
treun';
's do 'n eug bheir gach aon namh;
Le ciontaich ge d' luidh e san uaigh,
dh'éirich le buaidh an àird.
- 16 Dh'fhuiling e dhiolaidh cionta dhaoiñ
a dh'fhaotainn sìth' d'a shluagh;
'S mar charaid sìor-bheò nis air nèamh,
tagraidh e'n cùis gach uair.

LAOIDH XXVI. Isaiah lv.

O DHAOINE tartmhor! thigibh chum
sruth pailt nau uisge beò;
An uasgaidh gheibh am bochd a dhiol,
gun airgid is gun òr.

- 2 C'ar son a struidheas sibh'ur maoin
air nithibh faoin' nach' biadh;
'S a chailleas sibh'ur saoth'r gach là,
mu ni nach sàsuich miann?
- 3 Gu deònach cromailb riums' 'ur cluas,
ma 's àill leibh suaimhneas fìor;
Le m' theagasg bidh 'ur n-an'ma beò,
is gheibh sibh sòlas sìor.
- 4 Eisdibh, is mairibh beò gu bràth!
mo chùmhnannt gràsmhor 's leibh;
An tròcar a rinn Daibhidh aith,
gun aire bheir mise dhuibh.
- 5 Mar fhianuis ròghnaich 's thog mi e,
mar cheannard treun do m' shluagh;
Gach fine gairmidh e o chéin,
's bheir iad fo 'bhrataich buaidh.
- 6 Feuch crìocha cian nach b'aithne dhuith,
is do nach b'aithne thu, [ichidh,
Ard-fhàidh! a d'ionnsuidh cruair-
's do m' ainm-sa bheir iad cliu.
- 7 Grad-iarraibh Dia am feadh tha 'chluas
'ga cromadh nuas r' ur glaodh;
'S 'nuair tha e tairgseadh dhuibh
gabhaibh ri 'shlàinte shaor. [ghràis
- 8 Tréigeadh an t-aingidh 'shlighe chlaor,
's an droch dhuin' smuain a chridh;
Is pilleadh iad ri Dia gun dàil,
is gheibh iad slàint' is sìth.
- 9 Oir Dia tha saoiibhir ann an iochd,
is laghaidh e gach beud;
Cha'n ionnann nadur dha 's do dhaoiñ',
a thròcar chaoimh cha tréig.
- 10 Oir mar is àrd an speur, deir Dia,
os ceann na talmhainn faoin
'S co-àrd tha m' àird 's mo smuainte-
thar iùl is smuainte dhaoiñ'.
- 11 Nuas silidh frasa sneachd is uisg',
's cha phill a ris an àird,
An talamh gus an taisich iad
a ghiulan lòn 's gach àit.
- 12 Mar so aon ghuth a labhras mis'
cha tig air ais gun bhuil; [dùil,
Mo ghairm gheibh eisdeachd o gach
is bidh iad umh'l do m' thoil.
- 13 N' sin stiùrar dùtchan ionpaichte,
le h-aoibhneas is le fois:
Na sléibhte seinnidh air gach taobh:
buailidh gach craobh a bos.
- 14 An àite droighinn agus dris
bidh ùr-chroinn uaine fàs; [dùil,
Mar so sìor-mhairibh; 's bheir gach
àrd-chliu do Dhia uan gràs.

LAOIDH XXVII. Isaiah lvii. 15, 16.

EISDIBH! gach neach air thalamh t',
guth Dhé ro-àird is naoimh;
'S iad so a bhriathra tròcaireach,
fàth dòchais chloimn nan daoiñ',

2 An àirde nèimh mo chaitheir righ
o shiorruicheadh shear uich mis'

- 'S leam cliu nan aingeal feadh gach
's gach buaidh ta iomlan leis. [linn,
2 Gidheadh o m' ionad còmhnuidh
sealladh ni nuas a ghnàth. [shuas,
Air luchd a' chridhe bhriste bhrùit',
's 'nam bùthan ni mi tàmh :
4 A cheangal suas an spioraid bhrùit'
's g'a thoirt o'n ùir a nìos ;
'S a bheòthachadh nan an'ma truagh'
tha dol do'n uagh a sìos.
5 Na h-an'ma sin a dhealbh mi féin,
gheibh téaruinteachd fo m' ghràs ;
Tagradh cha dean mi riù do shìor,
mun tuit iad sìos a'm' làth'r.

LAOIDH XXVIII. Isaiah lviii. 5-9.

- F**EUCH! cìod an trasg is aill le Dia,
an e bhi cianail trom!
No sgeadaichte le samhladh bròin,
is aghaidh leòinte chrom?
2 An ionmhuinn leamsa éididh bròin,
deir Rìgh na glòir' e féin?
Le ceann air lùbadh, 's gnùis fo smàl,
am faigh sibh uamsa sàrùis?
3 Rì daoine truagh 'gan sàruchadh,
cum baigh is cothrom maith;
'S do dhaoine bochd is an-shocrach
gabh curam, 's biodh ort rath.'
4 Do'n dilleachd ocrach thoir do bhìadh,
's biodh d'fhardach fial gach uair
Do'n choigreach tha gun àite tàimh,
's do'n acrach dhìblidh thruagh.
5 Còmhdaich an lomnochd, dìon am
tog suas an tì fo leòn; [fuar,
'S na druid do chridhe le h-an-ìochd
o neach air bith san fheòil.
6 An sin mar mhaduinn shoilleir chiùin,
bidh t'ùin' air thalamh bhos;
Air t'uile shlighe dealraidh Dia,
's o t' iarguin gheibh thu fois.

LAOIDH XXIX. Tuir iii. 37-40.

- A**M measg nan cumhachdach cò 'n tì
a bheir gu crìch na 's àill?
Nach 'eil gach ni sa' chruinne-ché,
ro ordugh Dhé a mhainn :
2 'S esan a ni ar n-aoibhneas mòr,
no bheir dhuinn bròn fa seach;
'S i lām a dhealbh an solus iùil,
's do dhuibh-neòil thug an dreach.
3 Cìod uim' an gearain duine beò,
'ga leòn fo smachdach' Dhé?
A chum a leas tha Dia 'ga chlaoidh
gu thoirt d'a ionnsuidh féin.
4 O dhaoine! rannsaichibh gu geur,
gach ceum d'ur slighe chlaoin;
'S pillibh o 'r seachranaibh gu Dia,
thaobh meud a thròcair chaoin.

LAOIDH XXX. Hosea vi. 1-4.

- T**HIGIBH, is rachamaid gu Dia,
le chridhe tiamhaibh bròin :
Ge d' pheacaich sinn, ni esan ìochd
air an'maibh briste leòint'.
2 Air 'iartus dùisgidh 'n doinionn
is fasaidd balbh a ris; [gharbh,
Is ged tha 'ghairdean treun gu sgrios,
tha e co treun g'ar dìon.
3 B' fhada 's bu chian ar n-oidhche
bhròin,
bheir teachd an lò dhuinn gean;
Oir thig ar Dia is fograich e
gach dòlas ruinn a lean.
4 'N sin gheibh sinn eòlas air a ghràdh,
ma thig sinn dhasan dlùth;
Bidh 'ghnùis mar ghrein na maidne
's a ghuth mar inneal-ciùil. [gloin',
5 Mar dhùichd air bhàrr nan luibhean
maoth;
's iad air gach taobh fo bhlàth;
No mar na frasan thig a nuas
air fearann cruaidh is fas;
6 Mar sin ni dealradh gnùis ar Dé
ar n an'ma aoibhinn ait:
Fograidh e duibhre 's doilghios uainn.
is ni sinn uaill gun airc.

LAOIDH XXXI. Micah vi. 6-9.

- C**IA leis a thig mi 'm fianuis Dhé,
ard thriath a' chruinne-ché!
No cìod an ìobairt bheir mi dha,
chum e bhi ghnàth rium réidh?
2 An toilich mìle ìobairt-loisgt',
le'm boltrach tuis' an Triath?
Deich mìle sruthan olaidh 'n leòr,
's gach ainmhidh beò san t-sliabh?
3 Mus leòr, an gabh e mo cheud-ghin,
an riochd mo bheatha féin;
Toradh mo chuirp an éiric m' an'm'
chum bhi 's gach àm rium réidh?
4 Cha'n fhoghainn so: is aobhar gràin
le Dia gach cràbhadh saoi;
'N fhocal leig e ris a rùn,
a stiùradh chloinn nan daoin'.
5 O dhuine! so na dh'iarr e ort;
dean ceartas, miannaich ìochd;
Gu h-umhal gluais an làth'r do Dhia,
is dean a riar gu glie.

LAOIDH XXXII. Habac. iii. 17, 18.

- C**HAOIDH ged nach toir crann fige
blàth,
's nach fas air fion-chrann meas;
Saoth'r a' chroinn-olaidh ged a thréig,
's fas deis 'gun bhi air slìos;
2 Gach treud o'n mhainnir ged a bhuail
grad fhuathas 'nuair nach saoil:
Greigh ged nach fag an t-Earrach
no bò air uachdar raoin; [cruaidh,

- 3 Gidheadh san Triath bidh mise ait,
is nì mi uailh 'na ghràdh;
Mòr aoibhneas nì mi ann am Dhia;
's e Dia mo shlaint' gu bràth.
- 4 Bheir Dia dhomh neart chum ruith gu
mar fhiadh air fireach àrd: [dian
Is bheir e mi gu rìogh'chd na glòir',
fa sheola caomh a ghràis.
- 5 'Se Dia mo stòr, mo bheatha 's m'ùil
o'n tig mo lùth 's mo threis;
Gainne no gort', beatha no bàs,
cha sgar o 'ghràdh mi 'm feasd.

LAOIDH XXXIII. Mat. vi. 9-14.

- A**THAIR gach dùil a bhos is shuas!
d'an dual gach cliu is glòir;
A'd' làthair strìochdaidh sinne sìos,
gu h-ìosal mar is còir.
- 2 T'ainm naomhaichear 's na h-uile àit,
is aoradh dha gach slògh;
Craobh-sgaoil do Shoisgeul, 's thoir
dha buaidh,
is luathaich rìogh'chd na glòir'.
- 3 Deanadh gach dùil air thalamh bhos
do thoil mar ainglibh nèimh;
Dhi géilleadh iad le cridhe ait
s' le giulan macant' sèimh.
- 4 Ar u-aran làthail deònuich dhuinn,
is cridhe taingeil leis;
Is ciod air bith a's cuibhrionn duinn,
do bheannachd biodh 'na chois.
- 5 Maith dhuinn ar fiacha trom, a Dhé,
a réir mar mhaithear leinn,
D'ar feichnibh féin an euceartan,
's gach beum a thug iad dhuinn.
- 6 Na leig am buaireadh sinn, a Dhé,
ach gléidh sinn o gach lochd;
Oir rioghachd, cumhachd, agus glòir,
is leat le còir gu beachd.

LAOIDH XXXIV. Mat. xi. 25-30.

- B**UIDHEACHAS follaiseach thug
d'a Athair féin, ar ràdh, [Criosd
Sior-bheannaicht' bi-sa, Dhia nam
o linn gu linn gu bràth! [feart,
- 2 'S tu cheil air daoineibh saogh'lta glie
dearbh-flùirinn shlàinteil nèimh,
Gidheadh a thaisbein soilleir i
do leanbaibh umhal sèimh.
- 5 'Si so do thoil-sa, Athair chaoimh!
's do naomh-reachd seasmhach buan;
Na iarradh aingle naomh' no daoin'
làn-f hios an aobhair uainn.
- 4 Gach uile chumhachd dhomhs' thug
dha mhàin is fios mo ghnè; [Dia;
Is dhomh-sa mhàin a ghnè-san 's eòl,
's do'n dream d'an scol mi e.
- 5 O sibhse ta le uallach trom
an uile 's an eagail leòint',

Thigibh a m'ionnsuidh-sa, is gheibh
bhur n-anama fois is treoir.

- 6 Le cridhe umhal togarach
mo chuing-satogaibh oirbh: [reachd,
Do m' cheannsal géillibh, is do m'
gu beachd cha 'nèil e doirbh.
- 7 Oir caomh tha mise agus sèimh,
's cha dean mo chuing 'ur cràdh;
Foghlumaibh uam, 's 'ur n-an-namh sgith
fois shiorruidh gheibh is àgh.

LAOIDH XXXV. Matt. xxvi. 26-29.

- S**AN oidhche san do bhrathadh Ios',
'S e réidh gu 'bheathaigeachd sìos,
Ghlac e aran, bheannaich e, [nèamh.
Toirt buidheachais do Rìgh nan
- 2 'N sin thubhairt e r'a chàirdibh gaoil,
(S e briscadh 'n t-samhlaidh sin air
'fheòil.)
Glacaibh, ithibh; uaith so gu brath,
Air chuimhne gleidhibh là mo bhàis.
- 3 Ghlac e an cupau fòs 'na làimh,
Is thog e rìs a ghuth an àird,
Trath labhair c le briathraibh sìth',
Is teas-ghràdh lasadh suas 'na chrìdh':
- 4 M'fhuil, amhuil so, bheir mise seach,
Mar éric an'm' air son gach neach;
So seula cùmhnaint slàint' is gràis',
Cruaidh-naisgte leamsa ann am bhàs.
- 5 Làn luchdaichte le gràdh do dhaoine,
Tha'n cupan so, 's an ioc-shlàint' saor;
Gabhaidh dheth uile, 's bithibh beò;
Bibh cuimhneach orms' thug suas an
deò.

LAOIDH XXXV. Air sheòl eile.

- S**AN oidhch' an d' éirich gach aon nàmh,
an aghaidh Slànuighear dhaoine,
Ghlac e, 's e réidh gu dol gu bàs,
aran 'na làmhaibh naomh'.
- 2 'S air toirt da buidheachais do Dhia,
tha riaghlaidh talamh 's nèimh,
An t-aran bhris, mar shamhl' air fheòil,
is thuirt gu foil r'a threud;
- 3 Mo chorp-sa briste, amhuil so,
feuch bheir mi dhuibh gu saor;
Oir air 'ur sonsa bhriseadh e,
's air son a' chiune-daoine'.
- 4 Glacaibh is ithibh, uime sin,
is cuimhnichibh mo bhàs,
Gach uair a nì sibh 'n obair cheudn'
'na dhéigh so, gu là bhrath.
- 5 Ghlac e an sin 'na làimh an cup',
's thug buidheachas faraon,
Bha 'chridhe laiste le teas ghràdh,
shruth slàint' o 'bhilb caoin.
- 6 Feuch amhuil so bheir mise m'fhuil,
gu'r tearn' o ghain a' bhàis; [saor
Gabhaidh gach neach; tha 'n iocshlaint
do gach uil'aon le'n àill.

- 7 Air feadh gach linn sìor-chuimh-
nichibh,
mòr-shaoibhreas m'iochd 's mo ghrais,
So seul a' chùmhnaidh ni mi ruibh,
is cuimhneachan mo bhàis.

LAOIDH XXXVI. Luc i. 46-56.

- N**I m'anam uail is gairdeachas
an Dia mo shlàinte chaoimh;
Oir thog a mhaithreas Inilt suas
o m'inbhe shuaraich fhaoin.
- 2 Canar mi sona leis gach linn,
oir rinn mo Dhia orm lochd,
Is naomha 'ainm, 's is buan a ghràs,
nis is gach tràth gu beachd.
- 3 Feuch, dh'fhoillsich Dia a ghairdean
an t-uabhrach thréig e tur; [treun,
Luchd-ardain thilg o'n caithir-righ,
's an t-ìosal thog o'n dus.
- 4 An t-ocrach shàsuich e le lòn,
an saobhir leòn le goirt',
Ri luchd an àilghios chuir e cùl,
is thug a rùn do'n bhochd.
- 5 Chuimhnich e 'thròcair is a ghràs
do Jacob òglach fèin,
Is thug e cabhair, mar a gheall,
san aimsir fad o chéin.

LAOIDH XXXVII. Luc. ii. 8-15.

- A**IR bhith do bhuachaillibh le chéil'
a' faireadh treud san oidhech',
Thaisbeanadh Aingeal doibh o nèamh,
's am magh lon e le soills'.
- 2 Bu mhòr an oillt', ach thuirt e riu,
na gabhaibh geilt no sgàth,
Oir sgeul ro ait tha agam dhuibh,
is do gach linn gu bràth.
- 3 'N d'ingh rugadh dhuibh am baile 'n Rìgh,
an Slànuighear, seadh Criosd,
Feuch, cluinnibh uamsa comhara,
le 'm mothaich sibh gur fìor: ['n sin
- 4 An naoidhean nèamhaidh ghéibh sibh
follais do rosgaibh dhaoin',
Se paisgt' an trusgan an-uasal,
's na luidh' am prasaich fhaoin.
- 5 Labhair an Seraph so, 's air ball
bha 'm magh do Ainglibh làn,
A' seinn gu binn do Dhia na sìth',
's b' e so bu bhrìgh d'an dàn, [shuas,
- 6 "Gach glòir do Dhia sna nèamhaibh
sìth bhuan air thalamh ta; [daoin'
Nochd Dia 'dheadh-thoil do'n chinne
's cha traogh am feasd a ghràdh.

LAOIDH XXXVIII. Luc. ii. 25-33.

- D**O Shimeon an duine naomh
dh'innseadh le Spiorad Dhia,
Gu faicadh e roimh uair a bhàis,
an Slàn'ear, Criosd an Triath.
- 2 An gealladh sòlasach so dh'fheith
an naomh, o là gu là;

Is cha do mhcalladh e 'na dhùil,
choimhlonadh chùis 'na tràth.

- 3 'Nuair thugadh Iosa réir an lagh
a stigh do 'n teampull naomh,
Do Shimeon dh'fhoillsicheadh cò e,
le Spiorad nèimh gu saor.
- 4 'Na ghairdean aosda ghlac an naomh
an naoidhean, 's thug e cliù
Do Dhia, 's e seinn le aoibhneas àrd,
's le gairdeachas 'na ghnùis.
- 5 "Nis leig do t'òglach triall an sìth
chum sìorruidheachd mar gheall;
O'n chunnaic mi do shlàint', a Thriath
mo thrial na bitheadh mall.
- 6 Na lannan so, a ghlac mo Rìgh,
na glacadh ni 'na dhéigh;
'S na sùilean so a chunnaic Criosd,
na faicadh ni fo'n ghréin.
- 7 Tha'n t-slàinte gheall thu dhuinn
's a cho-gheall thu faraon, [sheàn
A'dearbhadh dhuinn gur fìor do ghràdh
gu bràth do'n chinne-daoin.
- 8 So Grian an aigh le'm fògarar duibhr'
a' Gheintilich gun iùl,
Is anns an cuir do theaghlach taght'
clann Israeil an dùil.

LAOIDH XXXIX. Luc. ix. 18, 19.

- C**LUINNIBH sgeul ait; Tha Ios' air
rì'n robh o shean ar dùil! [teachd
Lìonar gach cridh' le gairdeachas,
seinnear gu bràth a chliù.
- 2 Tha'n Spiorad dhòirteadh air gu pailt,
ri fhaicinn anns gach ni:
Tha gliocas, cumhachd, eud, is gràdh,
dealach 'na uile ghnìomh.
- 3 Le 'theachd, làn shaorar bairghde
truagh'
bh'aig Satan fo chruaidh-ghlairs;
Oir sgaoilidh e gach cuibhreach theann,
is sgèalbaidh dorsa prais.
- 4 Le 'theachd, neul cionta théid air chùl,
's thig fradharc iùil do'n dall;
Clàisteachd do'n bhodhar, 's cainnt do'n
's do'n bhacach lùth nam ball. [bhalbh,
- 5 Le 'theachd, gheibh bochd is uir-eas'ach
làn dìol do shaoibhreas gràis;
An cridhe briste ceanglar suas,
an t-anam truagh bidh slàn.
- 6 Thàinig là-saoraidh ait o'r Dia,
's maithear ar fiacha dhuinn:
Oir choimhlon Dia a ghealladh mòr,
is bidh e 'n còmhnuidh leinn.

- 7 Hosana ait do Rìgh na sìth'!
o so a mach gu bràth;
Co-fhreagradh nèamh, is muir, is th,
le co-sheirm shiorruidh dha.

LAOIDH XL. Luc. xv. 13-25.

- L**E misg is mi-bheus 'nuair a chaith
an struidhear truagh a mhaoin.

'S e 'g iarraidh lòn am measg nam muc,
do phlaosgaibh falamh faoin'.

- 2 Ged bhàsaichinn thuirt e, le gort',
am fearann coigreach céin, [tràill
An teaghlach m'athar gheibh gach
na 's aill le 'chridhe fein.
- 3 Nis pillidh, 's tuitidh mi a sìos
an làthair m' Athar chaoimh;
Och! pheacaich is cha'n airidh mi,
air t'iochd-sa no iochd nèimh.
- 4 Ag ràdh so, gu tigh 'Athar phill,
le inntinn thuirseach throm;
Tràth chunnaic 'athair e fad as,
las tlus is iochd 'na chom.
- 5 Ghrad-ruith 'na chòdhail, 's thug e pòg,
le furan mòr d'a mhac;
Is b'aithreach leis an struidhear thruagh
gu'n d'thug e fuath d'a smachd.
- 6 Och! pheacaich, is cha'n airidh mi,
air t'iochd-sa no iochd nèimh;
Dean mi a'm' sheirbhiseach a mhàin,
O Athair chàirdeil chaoimh!
- 7 Thugaibh a mach, ars' 'Athair ait,
a' chulaidh thaghta dha?
'S gach iochd is urram dìolamaid
do'n iompachan gun dàil:
- 8 Oir bha e marbh, is tha e beò;
caillte, 's fadheòidh air sgeul;
Biodh gairdeachas oirnn uime sin,
's biodh so 'na làtha fèill'.
- 9 Mar sin bidh gairdeachas air nèamh
tràth thearnar peacach baoth;
Le pilleadh dha le h-aithreachas
gu 'Athair iochdmhor caomh.

LAOIDH XLI. Eoin iii. 14-19.

- N**UAIR thogadh suas an nathair phrais
le Maois, san fhàsach chruaidh,
Dhearce oirre 'n dream bha dlùth do'n
is shlànuicheadh an sluagh; [bhàs,
- 2 Mar so tha Criosd air ardachadh,
gu slainte thabhairt duinn;
Seallaidh na slòigh chaidh lot an àird,
is slànuichear gach tinn.
 - 3 Cia an-mhor tròcair Dhia nan gràs:
cia pailt a ghràdh is 'iochd,
A thug a mhac mar iobairt suas,
a dh'fhulang truaigh 'nar riochd!
 - 4 Cha'n ann a dh'iteadh cloinn nan daoine
a thàinig Criosd o nèamh;
Geur-lann gu sgrios cha robh 'na làimh
no bagradh bàis 'na bheul.
 - 5 Le creidimh slainteil géillibh-sa,
a luchd mi-bheus, d'a reachd;
Is bheir e tearuint' sibh an sìth,
g'a rìogh'ehd a ta ri teachd.
 - 6 Ach leanaidh dìoghaltas gu luath
an sluagh nach géill 'na tràth,
An dream ni dìmeas air mac Dhé,
's nach éisd ri tairgs' a ghràis.

LAOIDH XLII. Eoin xiv. 1-7.

- U**AIBH fògraibh eagal's iomgain cridh
's na biodh 'ur dòchas fann;
Earbaidh á freasdal Dé a ghnàth,
's a' m' Ghràdh-sa gach aon àm.
- 2 Gu àros m' Athar pillidh mi,
ann 's honmhor ionad tàimh:
'S is dealrach glòir na rìoghachd sin,
'ga lionadh air gach làimh.
 - 3 Mur biodh na nithe so mar so,
dhuibh dh'innsinn sin o thùs;
Cha mheallainn sibh le dòchas baoth,
no muinghinn fhaoim mu'n chùis.
 - 4 Roimhith théid mise chum, 'nur nainm,
gu'n gabhainn sealbh air nèamh;
'S gu'n ulluichinn a' m' rìoghachd
gu sìorruidh àite tàimh. [dhuibh]
 - 5 Ach pillidh mi air m'ais a rìs,
is bheir mi sibhse leam;
An sin cha dcalaich sinn ni 's mò,
's cha bhi sibh brònach trom.
 - 6 A' bheatha, 'n fhìrinn, is an rod
a threabraicheas gu nèamh,
Is mise sin; 's na leanas mi,
gu sonas bheir mi iad.

LAOIDH XLIII. Eoin xiv. 25-28.

- M**O ghuth cha chluinn sibh tuilleadh
nis,
ghairm m' Athair mi chum nèimh,
O'n tig an comhf hurtair gun dàil,
an Spiorad gràsmhor naomh.
- 2 A'm' ainm-sa cuiridh 'n t-Athair e,
a dheanamh dhuibh an iùil;
A thoirt na chuala sibh 'nur cuimhn',
's a dh'f hoillseachadh gach cùis.
 - 3 Mo shith mar bheannachd dealachaidh,
's mar dhilib gheibh sibh 'n tràs;
Mo shith bheir dhuibh lan-chomhfhurt-
'nur beatha is 'nur bàs. [achd,
 - 4 A réir droch nòis an t-saoghail chlaoin,
cha mheall mi sibh gun cheisd
Is gealladh gun a choimhlionadh
cha toir mi dhuibh am feasd.
 - 5 A'd' ghealladh, Thriath, ni sinne bun,
ré fad ar turuis fhaoim;
'S ar n-earbsa làidir bidh a'd' ghradh,
ri faghail dhuinn an t-saogh'.

LAOIDH XLIV. Eoin xix. 30.

- F**EUCH! Iosa censa a' chrann!
's a cheann a' lùbadh suas;
'Fhuil chraobhach o gach creuchd a' ruith,
is cruithreachd bàis 'na ghruaidh.
- 2 "Tha'n obair crìochnaicht," -- Labhair é,
's e tiomn' a spioraid suas;
Lub e a cheann 's cha d'fhuiling e
gnè tuilleadh péin no truaigh.
 - 3 "Tha'n obair crìochnaicht," -- Bhàsaich
air son a' chinne-daoine; [Criosd

- Làn-fhuasgladh thug e dhuinn o'n bhàs;
o chumhachd Shatain shaor.
- 4 "Tha'n obair crìochnaicht,"—Sguira
le 'bhròn, le 'shaothr' 's le fhuil [leòn:
Làn-cheannsaich e gach uile nàmh,
is chreach e iad gu tur.
- 5 "Tha'n obair crìochnaicht,"—s linn an
do linn an t-Soisgeil ghéill: [Lagh'
Seann nithe chaidh a nis air chùl,
's tha 'n saoghal ùr gu lèir.

LAOIDH XLV. Rom. ii. 4-8.

- O** DHAOINE daoi! an dean sibh tàir
air gràs is foighid Dhia?
'S an dean sibh fanoid air a neart?
an gleachd sibh ris, gun chiall?
- 2 A chionn gu bheil a thròcair pailt,
is' ihoighdinn cho buan,
Am meudaich sibh 'ur seacharain,
's am peacaich sibh gach uair?
- 3 A ghin mhi-thaingeil! nach ro-mhò
bu chòir do mhaithreas Dé,
Do stiùradh dh'ionnsuidh aithreachais,
's do tharruing thuige féin;
- 4 Am fearr leat corruich chur air Dia,
's an Triath bhi dhuit 'na nàmh,
Is ionmhas feirge thasgaidh suas,
ni truagh thu là a' bhràth.
- 5 An là siu 's dluth, le 'dhioghaltas,
's do bhinne ni e teann:
Thig fearg is claoidh ort air gach làimh,
gun neach gu d' thèarnadh ann.
- 6 Ach iadsan uil' thug géill do'n Triath,
's a ghluais gu diadhaidh naomh.
Gheibh crùn na beatha mar an duais
bhith-bhuain, fad saogh' l' nansaogh' l.

LAOIDH XLVI. Rom. iii. 19-22.

- C**IA dhomhain earbsa chloinn nan
á saothr' an làmh féin. [daoin'
O nàdur truaillidh ceannairceach
cha sruth ach ole 's mi-bheus.
- 2 Biodh Iudhaich's Geintilich 'nan tosd,
gun fhocal as am beul; [t-sluagh
'S na deanadh duin' air bith do'n
aon uail am fianuis Dé.
- 3 An gràs a ni dhinn fireana,
cha toill ar gnìomh'ra féin;
Oir dìtidh 'n Lagh gach duine beò
gu bròn bith-bhuain is péin.
- 4 Iosa! tràth dh'earbas sinu à t'ainm,
cia luachmhor dhuinn do ghràs!
Do ghras! a bheir dhuinn fireantachd,
's do'r n-anam dìon gu bràth.

LAOIDH XLVII. Rom. vi. 1-7.

- 'S**AM buanaich sinn gu dàn 'nar ciont',
bhrìgh saoihbreis gràsa Chrìosd?
Nar leigeadh Dia gu faigh gu bràth
an smuain so tàmh 'nar crìdh'.

- 2 Tràth thugadh sinn do Dhia gu moch,
ri droch-bheirt chuir sinn cùl;
Is gheall sin gluasad fad ar làith'
mar chruthach àluinn ùr.
- 3 Do'n pheacadh bhàsaich sinn le Crìosd;
leis dh'éirich sinn o'n uaigh
Gu beatha naoimh, a thredraicheas
gu beatha ghlòrmhoir shuas.
- 4 Seadh, nis cha tràillecan sinn ni 's mo,
do pheacadh no do bhàs:
Oir dh'fhuasgail Crìosd gach cuibhreach
is mhill ar n-uile nàmh. [dhinn,

LAOIDH XLVIII. Rom. viii. 31.

- L**E creidimh 's dochas fògramaid,
geilt, ciont', is dòruinn uainn;
'Se Dia ar caraid, 's mor a threis;
cia 'n t-eascair bheir oirn buaidh?
- 2 An Ti thug 'aou-mhac air ar son,
mar chobhartach do'n bhàs;
Nach toir gach tiodhlac eile dhuinn?
's an ceil e oirn a ghràs?
- 3 Feuch, fhuair sinn anns a ghibht bu mhò
làn-chòir air nithibh 's lugh';
Tha Crìosd air nàmh is talamh fòs,
'na earlas a ir gach àgh.
- 4 Cò nis a chuireas ciont' á leth
sluaigh thaghta Dhé nan gràs?
Cò dhiteas iad? no dhiultas sìth,
o dh' fhuiling Crìosd am bàs?
- 5 Dh' fhuiling e 'm bàs, ach dh' éirich e
gu deas làmh Dhé le buaidh;
'N sin tagraidh e ar cùis do shòir,
is bheir làn dìon d'a shluagh.
- 6 Cò nis ma ta a sgaras sinn
o chaidreamh caomh ar Triath?
An sgaoil aon neach an cuibhreach sin
a cheangail sinn r'ar Dia?
- 7 Ged éirich dragh, 's ged bhagair bàs,
's ged iadh gach namh mu'n cuairt,
Tre Chrìosd bheir sinn gu dùlanach,
orr' uile tuilleadh 's buaidh.
- 8 Ifrinn no talamh, beath' no bàs,
no sàruch ùine buain',
O ghràdh ar Triath cha dealaich sinn,
's cha sgar am feasd sinn uaith.
- 9 Bheir so dhuinn sonas feadh gach linn,
mar rinn e gus au tràs;
O shiorruidheachd gu shiorruidheachd
bheir Crìosd d'ar n-an'maibh gràdh.

LAOIDH XLIX. 1 Cor. xiii.

- L**E briathraibh dhaoin' is aingle nèimh,
ged labhrainn le sgèimh ghrinn;
Impidh ged chuirinn air gach neach
le teangaidh bhlasda bhinn:
- 2 Ard-fhiosachd Faidh ged bu leam,
's ged fhòillsichinn rùn Dé;
Gun ghràdh, is faoin gach ni dhiubh so,
cha dean iad dhomh gnè f heim;

- 3 Ged ath'raichinn le creidimh treun,
na slèibhtean as an ceal,
Is neo-ni m' gun seirce is gràdh,
cha mhair mo ghràs ach seal.
- 4 Ged bheathaichinn le m' mhaoin am
's mo chorp ged loisginn fòs, [bochd,
Air son mo chreidimh, 'smig gun gràdh,
cha dìong e bheag fadheòidh.
- 5 'S fad-fhulangach neo-fharmadach,
's is cairdeil gràdh gun cheisd;
Cha dean e uail 4 bheartaibh féin,
's cha séidear suas e 'm feasd.
- 6 Droch amharus cha bli aig gràdh,
's ni foighid ri droch dhaoin':
'S fath bròin leis iomradh uile is ciont;
's is toigh leis 'n fhirinn chaoìn.
- 7 Giùlan neo-iomchuidh 's fuath I seirce,
's féin-spéis nan cleasa claoìn;
Tha 'eridhe làn le iochd is blàs
do chàch air feadh an t-saòil.
- 8 Giùlainidh gràdh fad ùine mhòir',
le dòchas nithe 's fearr;
'S fuilingidh è gu inacant seimh
iom' eucoir agus tàir.
- 9 Air nèamh is talamh, fèadh gach cian
sior-riaghlaidh caomh-sheirce;
Tràth sgùireas teangadh 's fiosachd
Fàidh,
buan-mhairidh gràdh gun cheisd.
- 10 'S neo-fhoirfe 'n so gach gràs air bith,
ach tionnsgaidh làithe 's fearr,
'S an tig lan-iomlaineachd a steach,
's an teich gach ni tha cearr.
- 11 An tràs 'nar n-òige gluaisidh sinn
mar naoidheana gun iùl:
Chum foir'eachd; ach 'nuair dh'fhàsas
théid leanbaidheachd air chùil. [sinn,
- 12 Air thalamh mar tre dhubh-neul dorch'
is leir dhuinn dealradh Dhé;
Ach gnùis ri gnùis an nèamh na glòir'
gu soillear chì sinn e.
- 13 Tha creidimh, dòchas agus gràdh,
an tràs an so le chéil';
Ach creidimh 's dòchas fàilnichidh,
's buan-mhairidh gràdh gach ré.
- 14 Oir sluigear dòchas le làn-sheilbh,
is creidimh le beachd sìl;
'Siad so na meadhoin, 's i chrìoch gràdh
nach téid gu bràth air chùil.

LAOIDH L. 1 Cor. xv. 52-58.

- L**E fuaim na trompaid deireannaich
criothnaichidh 'm fonn gu garbh:
Fosglaidh gach uaigh is brùchdaidh
nìos
chum siorru'chd cuirp nam marbh.
- 2 Feuch, éiridh cuirp nan saoi an sin
le misnich is mòr sgèimh,
Iad bàsmhor thuit, ach éiridh chum
neo-bhàsmhorachd air nèamh.

- 3 Feuch faistneachd fhòr nam Fàidhean
coimhlionta nìs gu beachd; [naomb'
Gu géilleadh bàs do bheatha shior.
's gu crìochnaicheadh an gleacha.
- 4 Suas togadh creidimh luathgair ait,
is canadh e mar laoidh,
C'ait nìs am bheil do ghath, a Bhàis?
c' ait, Uaigh, am bheil do bhuaidh?
- 5 B'i choguis chiontach gath a bhàis,
teann-shaithte 'n cridhe 'n daoi;
'S b'e 'n Lagh a thug do chiont a neart
gu luchd a' pheacaidh chlaoidh.
- 6 Ach beannaicht' gu robh Dia gu bràth!
a chuir ar nàmh fo chois,
'S a thug dhuinn tríd ar Ceannaird
buaidh shiorruidh agus fois. [Criosd
- 7 Fa 'n aobhar sin, le dùrachd cridh',
d'ar Rìgh bheir sinne geill;
Làn-dearbhta gu faigh sinn fadheòidh,
crun glòir' an rìoghachd nèimh.

LAOIDH LL. 2 Cor. v. 1-11.

- G**RAD-THUITIDH 'n corp sosios dc'n
'na smùr fo chumhachd bàis. [uir
Ach gheibh ar n-an'ma còmhnuidh 's
gu h-àrd le Dia nan gràs: [fearr,
- 2 Gheibh an'ma naomb' an còmhnuidh
san tigh a thog dhoibh Dia; ['n sin
Tràth shaorar iad o'n phrìosan thruagh.
san bheil an cuairt ré cian.
 - 3 D'ar n-uallach talmhaidh sgèith, mar s.o
's tric thairngear osna leinn;
Ach saoraidh 'm bàs gu caomh sinn
is dhachaidh suas théid sinn. [uaith.
 - 4 Oir tha ar n-earbs a tigh a's fearr,
tràth dh'fhàgas sinn a' chriadh;
Cha'n e bhì rùisgt' ach sgeadaichte
ri 'm bheil ar dùil 's ar miann.
 - 5 So dòchas ait nan an'ma naomh'
o 'n Slàn'ear caomh an tràs,
A thug an Spiorad dhoibh maraon,
mar sheul is earlais gràidh.
 - 6 Sior-ghluaisidh sinn le creidimh beò,
an gealladh glòrmhor Dhia;
'S bidh sinn, ré fad ar cuairt' sa' chorp,
ag osnaich 'n déigh ar Triath.
 - 7 Na 's ait le 'r n-an'maibh fhaotainn
's ro-fhada leinn e uainn; ['s fad,
Air imrich b' ait leinn dol o 'n fheòil,
's ar còmhnuidh fhaotainn suas.
 - 8 Ach anns a' chorp, no as a' chorp,
an so no 'n sin 'gam bi,
Sinn féin thoirt suas do sheirbhìs
'se so ar miann gu sìor. [Dhia,
 - 9 Chum caithir-bhrcitheanais Mhic Dhé,
feuch, théid gach uile neach;
A dh'fhaotainn péin no turasdail,
mar thoill iad uaith fa seach.

- 10 Breth chothromach neo-chlaon an sin
gheibh deadh-ghnìomh agus lochd;
'S bidh cor gach neach gu sìorruidh,
a bheus, ma's maith no olc. [réir]

LAOIDH LIII. Philip. ii. 7-12.

- S**IBHSE ta ainmichte air Crìosd,
leanaibh gu sìor a cheum;
'Nur n-inntinn is 'nur coluadar
bibh cosmhuil ris gu léir. [Crìosd,
2 Cruth 's coslas Dhé ged bha air
's uil' iomhaigh Rìgh na glòir'
Ged b'ionnan nàdur 's inbhe dhoibh,
co-ionnan air gach doigh;
3 Gidheadh a mhòrachd chuir e thaobh,
is daoineachd ghabh air féin
Chum sinne shaoradh, chuir e sgàil,
ré seal, air àilleachd nèimh.
4 Seadh chrom ar Slànighear a sìos
gu inbhe ìosal tràill; [ceudn'
Strìochd e do'n bhàs, seadh 's na na
an ro-mhòr péin is nàir.
5 Feuch dh'àrdaich Dia, fa'n aobhar sin
an Triath a shaor a shluagh;
Thug e dha rìoghachd thar gach rìgh,
is ainm thar ainm r'a luadh.
6 A chum do ainm an Tighearn Ios'
gu'n strìochd gach uile ghlu'n,
Sna nèamhaibh shuas, air talamh bhos,
gu h-urramach 's gu h-ùmh'l.
7 Seadh strìochdaidh dhasan mar an
is geillidh ifrinn shìos: [ceudn'
Gach treubh is teangadh 's dùil a t'
aidichidh 'ainm gu sìor. [ann,

LAOIDH LIII. 1 Tesal. iv. 13-18.

- B**IODH misneach aig luchd-muinntn
tràth ch'iad luchd an gaoil [Crìosd,
A' dol gu codal ann an Ios',
cha 'n i so crìoch an sao'il.
2 C'ar son ma ta bhios sibh ri bròn,
mar dhream gun dòchas mòr;
Am bheil sa' bhàs ach teachdair sìth
'gan gairm gu rìogh'chd na glòir'?
3 Mar chaochail Crìosd' 's mar dhùisg
le buaidh o staid a' bhàis: [e suas
Is amluaidh dh'éireas fos a shluagh
le luathghair là a' bhràth.
4 O thig an là san tuirling Crìosd,
le h-iolaich, o na neòil,
Le guth Ard-aingil's fuaim na truimp,
a chluinn gach marbh is beò.
5 'N sin ath'raichear an dream tha beò,
's dhùisgear na slòigh ta marbh;
Liubhraidh gach naigh na fhuair i féin,
's bidh sléibht' air chrith gu garbh.
6 Eiridh na naoimh a suas air tùs,
o'n ùir le h-aobhneas mòr;
Ni aingle D'é an coinneachadh,
's an togail leo gu glòir.

- 7 Le chéile théid iad suas gu h-ait,
gu tigh an Athar chaoimh, [Traith,
Sam faigh iad còmhnuidh shìor le 'n
gun iarguin is gun chlaoidh.
8 Fòs tamull beag, is ruigidh sinn
an caladh ait fadheòidh,
San coinnich sinn na sgartadh uainn,
's cha dealaich sinn ni 's mò.

LAOIDH LIV. 2 Tim. i. 12.

- C**HA 'n aobhar náire leamsa Crìosd,
na 'chùis a dhìon gu beachd:
A crann a cheusaidh ni mi uail;
gèilleam gach uair d'a reachd.
2 IOSA, mo DHIA! is eòl dhomh 'ainm,
is earbam as gu bràth;
Cha nàraich esan m'anam truagh,
's cha chum e uam a ghràs.
3 Daingean is buan, mar chaithir Dhia,
gach cian tha gealladh Chrìosd;
O! 's tèaruint' m'anam-sa 'na làimh,
gu là a theachd a rìs.
4 San là sin fàitichidh e m' ainm,
an làthair 'Athar chaoimh;
Is sealbh san Nuadh Ierusalem
do m'anam bheir le naoimh.

LAOIDH LV. 1 Tim. iv. 5, 7, 8, 18

- C**HRIOCHNAICH mi nis mo chath 'e
mo réis;
is dlùth dhomh eug is uaigh;
M'anam a choisrig mi do Dhia,
triallaidh gu neamh le buaidh.
2 Le armaibh nèamhaidh chuir mi'n cath,
fo bhrataich Chrìosd mo Thriath:
Ruith mi mo réis, mo dhilseachd
dhearbh,
's tha m' earbs' á duais o m' Dhia.
3 Fam' chomhair-sathaisg Dia air nèamh,
gu tèaruint' crùn na glòir';
A chuireas a làmh-san air mo cheann
air teachd do'n là mhòr.
4 Mo Dhia cha d' orduich dhomhsa
an coron so mar dhuais; [mhàin
Ach do gach neach le'n ionmhuinn
a mhic, o nèamh a nuas. [teachd
5 O lochd 's o chunnart dhonaidd Crìosd;
mo choimhead ni gach uair;
'S gu tèaruint' m'anam trebraichidh
gu rìogh'chd na glòire shuas.
6 Bheir mi, le còmhnaidh treun mo
dùlan do ifrinn féin; [Thriath,
Is dhasan gu robh glòir ro-àrd
is cliu gu bràth. Amen!

LAOIDH LVI. Titus iii. 3-9.

- A**IDICHIDH sinn le tuirse cridh'
ro mheud ar ciont', a Dhé,
B' amaidach faoin ar n-uile smuain,
's cha b'fhearr ar giùlan gné.

- 2 Ach thoir. O m'anam, cliu is gràdh
do àrd-ainm Rìgh nan sluagh,
Nach d'fhag thu 'm feasd, gun teasair-
am peacadh, nàire, 's truaigh. [ginn,
- 3 Cha 'n ann tre oibribh fireantachd,
no gnìomh ar làmh faéin,
Ach tre ghràs Dhé, an Iosa Crìosd,
a shaorar sinn o péin.
- 4 Is ann an tròcair Dhé a mhaìin,
a ta ar muinghinn threun;
A thròcair shaor ar n-an'ma truagh',
's ghlan uainn gach ciont' is beud.
- 5 Tha'n Spiorad dhòirteadh oirn tre
a' nigheadh dhinn gach sal, [los',
A' fadadh teas ghràidh feadh ar cridh',
's 'gar deanamh naomha glan.
- 6 Mar so, làn-fhìreanaicht' le gràs;
gach là le beatha nuaidh [leinn,
Sior ghluaisidh sinn, 's an Spiorad
gu ruig ar n-oighreachd shuas.
- 7 Na h-uile 'gam bheil shamhuil so
do chreidinn 's dòchas naomh,
Sior-dhearbhadh iad, le giùlan maith,
nach 'eil an dòchas faoin.

LAOIDH LVII. Eabh. iv 14.

- I**OSA Mac Dhé, leig aon uair sìos
a bheath' air son a shluaigh.
Tha nis a' tagradh 'n cùis air neamh
mar shagart treun bheir buaidh.
- 2 Tre beatha 's bàs sior-leanamaid
ri Crìosd gu daingean dlùth:
O chreidimh 's dòchas gheibh sinn
is théid gach geilt air chùl. [neart
 - 3 Gu borb cha bhuin ri laigse dhaoin'
caomh-Shagart àrd an àigh;
Tha 'chridhe làn do thruacantachd,
tha 'anam làn do ghràdh.
 - 4 Co-fhulangas tha aig an Triath
air iarguin 's laigs' a shluaigh;
Oir dh'fhiosraich e 'na phearsa féin
gach deuchainn agus truaigh'.
 - 5 Dh'fhiosraich e 'na phearsa féin,
gidheadh as eugmhais lochd:
Oir nàdur duine ge do ghabh,
cha b'aithne dha-san ole.
 - 6 Bu tuirseach deurach air ar son,
a chaith e 'làith' fo 'n ghréin;
'S ge h-àrd e nis air deas làmh Dhé,
co-mhothaichidh ar péin.
 - 7 Le dànachd naomha, uime sin,
théid sinn gu 'chaithir-ghràis;
Is fàth gach gearain dòirtidh sinn
'na fhianuis anns gach càs;
 - 9 A chum gu'n còmhnaidh esan leinn
réir saobhireachd a ghràis;
'S gu'n tugadh e d'ar n-an'maibh lag
neart agus fois gu bràth.

LAOIDH LVIII. Air dhòigh eile.

- S**AN teampull am bheil Dia 'na thàmh,
(Tigh nach do thogadh riamb le làimh,
Tha Sagart àrd a' chinne-daoin',
Ar Slànuighear 's ar caraaid caoin.
- 2 Esan a sheas an àit a shluaigh,
Dhoirt 'fhuil 'nan riochd, 's a luidh
san uaigh,
Tha cuimhneach orra fòs air nèamh,
An Slànuighear 's an caraaid sèimh.
 - 3 Ge h-àrd e nis sna nèamhaibh shuas
Tha 'shùil a' dearcadh oirn a nuas
Lan sgèadaichte le nadur dhaoin',
Tha e mìn eòlach air an saoth'r,
 - 4 Co-fhulangas tha aige ghnàth.
'S co-mhothachadh ri 'r n-uile chràd
Tha cuimh' aig air a thrioblaid féin
A dheoir, a ghoimh, is 'osnaich gheur.
 - 5 Gach dòrainn dh'fheudas oirne teachd,
Fo shamhuil sin rinn esan gleachd;
D'ar n-uile bhròn tha 'chuid-san mòr,
Is bheir e cabhair dhuinn gu leòr.
 - 6 Fa 'n aobhair sin théid sinn gu dàn
Le 'r n-uile ghearan gus a làth'r;
Is guidhidh sinn a chòmhnaidh treun
G'ar cuideachadh an uair ar féin.

LAOIDH LIX. Eabh. xii. 1-13.

- F**LEUCH neoil-ro-thiugh do fhianuisibh
ag iadhadh oirn mu 'n cuairt:
An deigh, mar sinne, fulang cian,
thug Dia leis iad a suas.
- 2 Air lorg nan naomh so ruitheamaid,
chum Chrìosd, le foighid bhuaig;
Gach leth-trom 's peacadh leanail-
grad-thilgeamaid fad uainn. [teach
 - 3 Ach riaghailt-stiùraidh 's fearr na so,
's ion thoir fa'near air tùs;
Eisempleir Ios' a stiùras sinn,
tre chreidimh chum ar crùn.
 - 4 Ri 'r Ceannard, suas sior-dhearcamaid,
neach, air son aoibhneis mhòir
Bha roimhe, dh'f huiling ceusadh 's nàir
's an tràs tha riaghladh 'n glòir.
 - 5 Ma ghiulain Crìosd gu foighidneach
droch chainnt is fanoid sluagh,
'N ion duine, 'nuair ar sàruchaidh,
bhi gearan cràidh no truaigh'?
 - 6 Ri deuchainn ghairbhan d'rinn sibh strì
mar Ios', gu fuil is bàs?
Is focal Dè 'n do dhearmad sibh,
tha gealltuinn duibh a ghràis.
 - 7 A mhic, deir e, le foighidinn,
sior-fhuiling mo chaomh-smachd,
Is creid, 'nuair dhearbhas àmhghar
gu bheil aig Dia dhìot tlachd. [thu,
 - 8 Teagaisgidh 'n t-Athair caomh mar so
a naomh-chlann dhileas féin,
G' am fiosrachadh le docair chruaidh,
's le iomadh truaigh is péin.

- 9 Chi sinn mar so gur toigh leis sinn,
tràth smachdaichear sinn leis,
'S nach leig e uaith air seachran sinn,
gun suin air bith d'ar leas.
- 10 Do ghuth ar n-Athar thalmhaidh bhos,
nach tric a thug sinn géill?
'S do thoil ar n-Athar nêamhaidh shuas
nach toir sinn suas sinn féin?
- 11 Bheir Athair talmhaidh smachd gutric,
gun fhios c'ar son d'a chloinn;
Ach Dia a mhàin a chum ar leas,
bheir dochair 's euslaint dhuinn.
- 12 Is deacair leinne achmhasan
is smachdachadh ar De;
Ach toradh sìth, is fireantachd
gu siorruidh thig 'nan déigh.
- 13 A nis ma ta na meathar sinn
le misnich lag ni 's mòr;
Ach earbamaid á trócair Dhé,
's dha géilleamaid r'ar beò.

LAOIDH LX. Eabh. xiii. 20, 21.

- A**THAIR na sìth', 's a Dhé na seire!
do d' neart bheir sinne cliu;
An neart a dhùisg ar n-Aodhair suas,
le buaidh, o ghlais na h-ùir'.
- 2 O'n ùir thog thu ar Triath an àird,
gun spàirn o chuibheich bàis,
Mar sin le 'fhuil is 'aiseirigh,
shìor naisg e 'n cùmhnant gràis.
 - 3 Le d' spiorad seulaich sinn, a Dhé,
is dean sinn ùmh'l do d' thoil;
Chum as o d' naomh-reachd nach bi
air seachran truagh a' dol. [sinn
 - 4 O! sgrìobh do lagh air clàr ar cridh'
'nar gnìomh sìor-dheallradh e?
'N sin ruigidh sinn, fo cheannsal Chriosd,
air seilbh an rìoghachd nèimh.

LAOIDH LXI. 1 Pead. i. 3-4.

- B**EANNAICHT' gu robhar Dia gusior,
caomh Athair Chriosd ar Triath;
Beannaicht' gu robh a thròcair mhòr,
's a mhòrachd feadh gach ial.
- 2 O'n uaigh tràth thog thu ris do Mhac,
's a ghlac thu e gu nèamh,
Làn-chinnteach rinn thu sinne fòs
gu'n toir thu beò sin féin.
 - 3 Ri oighreachd shiorruidh ann an glòir
beò dhòchas thug thu dhuinn;
Oighreachd neo-thruaillidh saor o smal,
a mhaireas feadh gach linn.
 - 4 Gu ruige sin, le d' chumhachd treun,
làn thearuint' bidh gach naomh;
'Tre chreidimh stiùrar sinn gu slàint'
le gràs do Spioraid Naomh.

LAOIDH LXII. 2 Pead. iii. 3-14.

- F**EUCH! anns na làithibh deireannach
suas èiridh gineal ole; [srian
D'am miannaibh peacach bheir iad
's 'nam briathraibh their mar so

- 2 C' àit bheil an gealladh thuirt o shean
gu robh am breitheamh dlùth?
O linn ar sinnsear gus a so,
cha'n fhaic sinn gnè do mhùth.
- 3 Tha bliadhn' air bhliadnaibh ruith gun
mar bha o thùs an t-saol: [tanih,
'Smarthonn air thuinn a' ruith gu traigh,
gu bràth bidh gineal dhaoin'.
- 4 So deir iad, aineolachd d'an deòin
gu'n d' dhòirteadh tuil a nuas,
A sgrios an saoghal ceannairceach
a chaidh air seachran truagh.
- 5 Ach sgrios nach ionnan gheibh an
s' na daoine ole a t'ann; [saogh'l-s
Le teine lasrach millear iad,
's is gearr gu ruig an t-àm.
- 6 Ge fada leis na naoimh an ùin',
's an dùil ri teachd an Triath,
'Na shealladh-san is ionnan là
is linn, no mìle bliadhn'.
- 7 Cha d'chuimhn' geallaidh rugar Chriosd,
ach gaol bhi 'n sìth ri daoine';
A' feitheamh dh'fheuch am pillar leo,
's an iarr iad trócair chaoin.
- 8 Gidheadh mar ghaduich annsan oidhch'
nach cum na croinn a mach,
Grad-thuirlingidh an Triath a nuas,
's thig fuathas air gach neach.
- 9 Le tairneanaich 's le dealan speur,
na nèamha teichidh as;
Na dùilean leaghaidh, 's théid an saogh'l
'na chaoiribh le dian theas.
- 10 O'n théid gach ni mar so a sgrios,
mar fhuair sinn fios o Dhia,
Nach iomchuidh dhuinne deasachadh
fa chomhair teachd ar Triath.
- 11 Cianaomh bu chòir dhuinn bhi gach uair
'narsmuain, 'narcainnt, 's nargnìomh,
'Nuair tha ar siul ri 'crìch an t-saogh'l
's ri caochladh gach aoin ni?

LAOIDH LXIII. 1 Eoin iii. 1-4.

- F**EUCH! saoihbheas 'iongantach a
thug Dia ar slàinte dhuinn, [ghràidh
Peacach is truailidh fòs ged bha,
'clann dha-san rinneadh dhinn.
- 2 Folaicht' tha 'n t-urram so an tràs,
's ro-àrd á sealladh dhaoine;
Mar so air Chriosd e féin san fheòil
neo-eòlach bha an saogh'l.
 - 3 Is àrd ar n-inbhe cheana 'n so,
ach 's àirde bhios sinn shuas;
Gidheadh an inbhe sin cha léir
do neach fo 'n ghréin san uairs'.
 - 4 Ach 's léir dhuinn so, gu faic sinn Dia,
ar Triath, seadh gnùis ri gnùis;
'S gu'n iompaichear gu 'choslas sinn
tràth mhosglas sinn o'n ùir.
 - 5 Gach neach 'gam bheil an dòchas so,
'na chòmhradh is 'na gnìomh,

Biodh déigh aig air bhí naomh is glan,
ceart amhuil a bha Criosd.

LAOIDH LXIV. Taisb. i. 5-9.

- D**HASAN a ghrádhach an 'ma dhaoín',
's a dhóirt gach braon d'a fhuil,
A chum ar cionta ghlanadh uainn,
's ar deanamh naomh gu tur :
- 2 Dhasan rinn sagairt 's righrean dhinn,
air feadh gach linn, do Dhia,
Biodh moladh, urram agus grádh,
gu bráth air feadh gach ial.
- 3 Lìonar gach beul le binn-cheòl da,
's gach cridh' le teas-grádh caomh,
Air talamh canar moladh dha,
's gu b-àrd le ainglibh naomh' !
- 4 Feuch teachd mhic Dé air neulaibh
's ro-ait, le 'shluagh an là; [tiugh',
Ach guilidh a luchd-casgraidh truagh,
le amhghar is le cràdh.
- 5 'S tu'n ceud neach, 's an neach deir-
eannach,
's leat bith gun tùs gun chrìoch ;
Maith, glic, is uile-chumhachdach,
bha, tha thu, 's bithidh chaoidh.

LAOIDH LXV. Taisb. v. 6.

- A**IR caithir rìoghail 'Athar féin,
feuch dealradh glòir an Uain ;
Ur-urram deasaichibh d'a ainm,
is bibh le taing 'ga luadh.
- 2 Feuch, òsal aig a chosaibh strìochdt'
tha'n Eaglais shìorruidh shuas,
Le boltrach cùbhraidh 'òbairt thùis'
's le clàraibh ciùil ri fuaim.
- 3 Is iad so urnuighean nan naomh,
's na laoidhean tha iad seinn ;
Ri'n urnuigh cromaidh Criosda chluas,
dò'n luathghair gabhaidh suim.
- 4 Rùn dìomhair sìorruidh do thoil'
O Athair, cò d'an léir ? [naoimh,
Cò ach do mhac a leughas sin,
's a dh'fhuasgaileas gach seul !
- 5 Cluinn ! armailt nèimh le'n luathghair
timchioll na caithreach-rìgh ; [ait,
Mìlte do mhìltibh 's àireamh dhoibh,
ach 's aon a mhàin an cridh'.
- 6 'S airidh an t-Uan, a dh'òbairleadh,
deir iad, air inbh' ro-ard !
'S airidh, oir b'e ar n-òbairt-ne,
co-fhreagradh daoine 's gach àit !
- 7 Is airidh an t-Uan, a strìochd do'n bhàs,
air àgh is beannachd buan ;
Biodh slàinte, glòir, is aoibhneas àrd
gu bráth air ceann an Uain !
- 8 O'r cionta shaor e sinn le 'fhuil,
's thug braighde truagh 'á péin ;
Rinn sagairt 's righrean dhinn do Dhia,
gu riaghladh shuas leis féin.
- 9 As gach aon teangaibh agus tìr,
thionnal 's thug Criosd a shliochd ;

Gach dùthaich chéin is innis cuain,
fios fhuair air saobhbheas 'iochd.

- 10 'S airidh air géill 's air ceannsal Criosd,
air talamh 's nèamh gu bráth ;
Is cliu nì 's fearr na 's urrainn daom',
thugadh naomh-aingle dha !
- 11 Gach neach tha 'g àiteachadh nan
no chruinne-chè a bhos ; [nèamh,
Gach dùil air bith, do Rìgh nan sluagh,
seinnibh gach uair gun fhois.
- 12 An cruthach' aontaicheadh gu léir,
thoirt géill is cliu do 'n Triath,
Tha riaghladh anns na nèamhaibh shuas,
's do 'n Uan air feadh gach ial.

LAOIDH LXVI. Taisb. vii. 15.

- C**IA dealrach glòir a 'mhaith-shluagh
an trusgain ùr' cia geal ! [ud !
Cionnus a thàinig iad gu soills'
's cò dh'ionnlaid dhiubh gach sal ?
- 2 Feuch, sud an dream a ràinig nèamh,
troimh dheuchainn ghairbh is chru-
'S a nìgh an trusgain ann am fuil, [aidh,
fuil ioc-shlainteach an Uain.
- 3 Nis sleuchdar leo le glùnaibh lùbt
gu h-ùmh' l' aig caithir Dhia ;
'S le an'maibh cràbhach mo laidh iad
a mhòrachd feadh gach ial. [Dhè,
- 4 Gach cridh' bidh ait le làth'reachd
's gach beul am fonn gu semn ;
Co-fhreagraidh 'n teampull naomh
d'an àrd Hosana bhinn. [gach tràth
- 5 Ocras no tart cha chlaoidh an sin,
no boisce loisgeach gréin ;
'S e Dia an grian, 's o dhealradh
sior-sgaoidh là an céin. [caomh,
- 6 Stiùraidh an t-Uan a naomh-threud
gu tobar slàint' nach traigh ; [féin
Is tìormaichidh gu bráth o'n gruaidh
deur truaighe, bròin is cràidh.

LAOIDH LXVII. Taisb. xxi. 1-9.

- N**AACH glòrmhor àrd an sealladh so,
chithear le sùilibh dhaoine' !
Am fonn 's an fhainge gabhail seach,
's na speura sean maraon.
- 2 O nèamh thig Nuadh Ierusalem,
làn ulluichte d'a Rìgh ;
Feuch nis gach nì ath-nuadhaichte ;
is fhuair sinn àgh gu sìor.
- 3 Cliu seinnidh aingle coimheadachd,
is armailt fhathail nèimh.
Feuch, chì gach sùil a' chaithir rìgh
air an suidh Iosa féin. [nuas
- 4 Dh' atharraich Dia chum dhaoine' a
a phàillun uasal naomh :
Le daoine' tha chòmhnuidh ; 's iad a
shluagh ;
's d'a shluagh 's e 'n tearmun caomh.
- 5 Deur mulaid siabaidh e le 'làimh
gu cairdeal bhàrr an gruaidh .

DAN. I. II.

- Is eugaidh eagal, caoidh, is cràdh,
is àmhghar, bàs, is uaigh.
- 6 Feuch, gach ni saoghailt' caochlaidh
so deir an Rìgh sior-bheò; [mi!
An domhan as an amharc théid,
's cha ruith ùin' féin ni 's mò.
- 7 'S mi'n ceud neach, 's an neach deir-
eannach,
gun ath'rachadh, gu bràth;
A'TAIM: so m'ainm 's mo chuimh-
neachan
air feadh gach linn gu bràth;
8 Do dhaoineibh bheir mo ghràsa pailt
ni maith, gun luach, gu saor;
O dhuine thartmhoir, òl do dhiol
do 'n t-òc-shlàint so nach traogh.

- 9 Do'n ti bheir buaidh air eusaontas,
bheir mise oighreachd mic;
Is aidhichidh mi 'n lath'r gach sluaigh,
a ghluasad naomha glic.
- 10 Ach daoine neòghlan 's breugairean
's luchd-muirt thug spéis do bhàs,
Le mheud 's a dhiùlt gu h-amaideach
mo ghràs, le fanoid 's tàir;
- 11 A' m' fhiannais tilgear fada sìos,
an cuibhreigh shiorruidh chruaidh,
Gu builsghean fairge lasaraich,
sam faigh iad peanas buan.
- 12 O bitheam-sa air deas làimh Chrìoad,
tràth dhiobras fonn is cuan;
Is faigheam failte uaith air m' ainm
gu sonas anmhor buan.

DANA SPIORADAIL.

DAN. I.

- A IR t'uile thròcair, O mo Dhis,
tràth dhearcas mi gu dlùth,
A' mosgladh suas tha m'anam blàth,
le h-ìoghnadh, gràdh, is cliu.
- 2 Cha'n urrainn mi le briathraibh beòil,
an taing a chur an céill,
Tha lasadh ann am chridhe stigh,
ach dhuits' an sin is léir.
- 3 Do fhreasdal chum mo bheatha beò,
gun uireasbhuidh, gun dìth,
Riamdhomh bhiasa bhroinna'm'tbosd,
's an crochadh ris a' chich.
- 4 Ri m'ghearan is ri m'osnaich mhaoth,
chrom thu gu caomh do chluas,
'S mu m' b'urraim mi aon urnuigh
dhealbh,
do 'n bhalbh ghabh thusa truas.
- 5 Tiodhlaca lionmhor dheònaich t'ìochd
gu tric do m'anam maoth, [neart,
Mun robh a'm' chridhe leanbaidh
a thoirt fa'near a h-aon.
- 6 Tràth ruith mi dian, gun mhotha chadh,
an ceumaibh sleamhna m' òig';
Do làmh nach facas, dhion is stiùir,
is chum, gu so, mi beò.
- 7 O iomadh slochd do-lèirsinn lòn,
o rib is eangach bàis,
'S o bhuairibh cealgach blasd' an uile,
thug thu mi tèaruint' slàn.
- 8 Tràth shearg mo ghruaidh fo anshocair
rinn thus i nuadh le slàint'; [bròn
'S tràth bha mi bàitlt' an peacadh 's
do m'anam dheònaich gràs.

- 9 Shruth mìle sochair shaoghailt,
o d' làimh ro shaoilidh chaoin;
Is ann an caraid dileas dlùth,
dhùblaich tha m' uile mhaoin.
- 10 Deich mìle mhilte comhar gràidh
fhuair mi gach là o m' Dhis;
Is ni nach lugha, cridhe ait,
a mheal le tlachd iad riamh.
- 11 Am fad is beò mi molaidh mi
àrd-rìgh mo bheatha 's m'ùil;
'S an deigh mo bhàis, an saoghal cèin
cuiridh mi 'n céill a chliu.
- 12 Tràth theirgeas nèamh, is muir, is tir,
's thig crìoch air là is oidhch',
Mo chridhe taingeil seinnidh chliu
do Dhia nan dùl a chaoidh.
- 13 Feadh linnte bith-bhuantachd gu léir
togaidh mi òran binn;
Ach O! 's ro ghoidid bith-bhuantachd,
gu moladh Dhé a sheinn.

DAN. II.

- N A speuran àrd a's aille dreach, [màch,
'S a sgaol an gorm-bhrat cian a
Le 'n reultaibh dealrach maiseach
grinn, [bhinn.
Tha seinn d'an Cruithear co-sheirm
- 2 Tha ghrian gun sgìos o là gu là,
A' sgaoileadh cliu a Dia 's gach àit,
'S a glaoibhaich feadh gach tìr fa leth,
"Cia treun an Dia thug dhomh m
bhith!"

- 8 An-moch, tràth dh'aomas neoil nan speur,
Togaidh a' ghealach ait an sgeul;
'S do'n talamh, chluinn le tosd a guth,
Innsidh i cò thug dhi a cruth.
4 Na mìlte reul tha dh'ise dlùth,
Gach solus eile 's lèchran iùil,
Canaidh an sgeul so fad is cian,
O 'n àird an ear gu ruig an iar.
5 Samhach is ciùin ged tha an triall,
Mu 'n talamh dh'orcha so ag iadh;
Guth ged nach cluinnear fos no fuaim,
Nan imeachd dealrach tosdach shuas;
6 Gidheadh le cluaisibh tuigse glic,
Cluinnear am fonn 's an ceòl gu tric,
A' seinn gun tàmh air feadh gach linn,
"Is tusa, Dhia, a chruthaich sinn."

DAN. III.

- T**RATH dh'èireas mi le ciont' is geilt,
o leabaidh dhoirch a' bhàis,
'S a chi mi m' Breitheamh gnùis ri
cò ghiulaineas a làth'r. [gnùis:
2 Ma 's e 's gu bheil mo chridh' fo gheilt,
seadh cheana leis an smuain
Tràth dh'fheadar trècair fhaotainn
is maitheanas gu saor; [pailt,
3 O cionnus idir sheasas mi,
tràth dh' fhoillsichear thu, Rìgh,
A'd' shuidh' air caithir bhreitheanais,
a thoirt air m'anam binn'.
4 Ach dh'innis thu do luchd a' bhròin,
tha leònt' air son an lochd,
Gu'm faigh an urnuigh is an caoidh
sàr-èisdeachd uait gu beachd.
5 O seall ma ta air bròn mo chridh'
mu 'm bi e tuilleadh 's mall,
'S éisd acain bàis mo Shlànuighir
a ghuidh dhomh slàint' gu teann.
6 Mo dhùil ri maitheanas, a Dhé,
cha chaill mi féin gu bràth;
Oir 's ann a chosnadh maitheannais
a fhuair do Mhac am bàs.

DAN. IV.

- F**AILTE do 'n là san d' éirich Criosd,
le cumhachd nìos o'n uaigh;
'S an d' fhuair e air gach uile namh,
air ifrinn 's bàs làn-bhuaidh.
2 'Na leabaidh thosdaich anns an uir
ghebbh Rìgh nan dùl a thàmh,

Gu ruig an treas là glormhoir sin
& shonraich e-roimh làimh.

- 3 Chuir ifrinn 's uaigh an lamh r'a chéil,
g'a chumail shìos fo ghlaiss;
Ach bhris an gaisgeach dheth gach
is dhàisg e'n àird gu cas. [sàs
4 Do t'ainm ro àrd, a Thriath nam
gach uair bheir sinne cliu; [buadh,
'S le 'r n-ait Hosana fàiltichidh
an là san d' éirich thu.
5 Slainte is cliu gun chrìch d'ar Dia,
an Triath e'n d' shaoradh sinn;
Dha seinneadh nèamh is fonn is cuan
gach uair Hosana bhinn.
6 Do'n Ath'r, do'n Mhac, 's do'n Spiorad
an t-aon Dia beò is fìor, [Naomh,
Biodh glòir mar bha, a ta, 's bhios,
o so a mach gu sior.

DAN. V.

- T**HAINIG an uair: 's tha mis' a' triall;
Chual mi 'n guth ta ga m' ghairm
gu Dia
Sguireadh m' uil' àmhghar nis, a Rìgh,
'S ceadaich do t'òglach triall an sìth.
2 Chrìochnaich mi nis mo chath 's mo
reis [réidh;
Mo dhuais tha cinnteach, 's m'anam
Tha m'fhianuis shuas le Dia nan gràs.
Mo theistean anns na nèamhaibh àrd'.
3 M'earbsa cha'n 'eil a'm' nèachiont féin;
Strìochdam san dus am fianuis Dé;
Tre fuil is fearta Chrìosd a mhàin,
Tha m'earbs a' d'iochd, O Dhia 'sa d'-
shlaint. [t-saogh'l
4 Cha chruaidh leam dealach' ris an
Mur cruaidh bhi fàgail luchd mo
ghaoil;
Leighis am bròn, a Dhia nan gràs,
'S ri call dhoibh caraid, cum riu bàigh.
5 Air t'iarrtus tha mi falbh gun dàil,
Mo spiorad tiomnam suas do d'làimh;
O! sin a mach do ghairdean treun,
'S o ghath a bhàis dìon mi le d' sgéith.
6 Thainig an uair: 's tha mis' a' triall;
Chual mi 'n guth ta ga m' ghairm gu
Dia;
Sguireadh m' uil' àmhghar nis, a Rìgh,
'S ceadaich do t'òglach triall an sìth.



710





